


---

This is a reproduction of a library book that was digitized by Google as part of an ongoing effort to preserve the information in books and make it universally accessible.

Google<sup>TM</sup> books

<https://books.google.com>






---

This is a reproduction of a library book that was digitized by Google as part of an ongoing effort to preserve the information in books and make it universally accessible.

Google<sup>TM</sup> books

<https://books.google.com>





TH 54/10







B

E

S. R.

A D

S A N C T I

TH 54/10

# BONAVENTURAE

EX ORDINE MINORVM.

S. R. E. EPISCOPI CARD. ALBANEN.

EXIMII ECCLESIAE DOCTORIS

Operum

TOMVS SEPTIMVS

Complectens tertiam, & quartam partem Opusculorum.

A D S. D. N. CLEMENTEM VIII.  
PONTIF. MAX.

Opuscula tomi huius indicat. Pag. III.

C V M P R I V I L E G I I S.



R O M Æ

Ex Typographia VATICANA.

M. D. XCVI.

FORM 1

EXHIBIT 1

EXHIBIT 2

EXHIBIT 3

EXHIBIT 4



EXHIBIT 5

EXHIBIT 6

EXHIBIT 7

EXHIBIT 8

EXHIBIT 9

EXHIBIT 10

EXHIBIT 11

EXHIBIT 12

EXHIBIT 13

EXHIBIT 14

EXHIBIT 15

EXHIBIT 16

EXHIBIT 17

EXHIBIT 18

EXHIBIT 19

EXHIBIT 20

EXHIBIT 21

EXHIBIT 22

EXHIBIT 23

EXHIBIT 24

# SERIES OPVSCVLORVM, QVAE HOC TOMO CONTINENTVR.



## *Pars tertia hac habet.*

<b>S</b> ERMONES de decem præceptis.	pag. 1
De regimine animæ.	pag. 18
Formula aurea de gradibus virtutum.	pag. 20
De pugna spirituali contra septem vitia capitalia.	pag. 27
Speculum animæ.	pag. 30
Confessionale.	pag. 48
De præparatione ad Missam.	pag. 70
De instructione sacerdotis ad se præparandum ad celebrandum Missam.	pag. 75
Expositio Missæ.	pag. 78
De sex alis Seraphim.	pag. 89
• Collatio de contemptu sæculi.	pag. 102
De septem gradibus contemplationis.	pag. 104
Exercitia quædam spiritualia.	pag. 105
Fascicularius.	pag. 106
Soliloquium.	pag. 113
Itinerarium mentis in Deum.	pag. 134
De septem itineribus æternitatis.	p. 145
Incendium amoris.	pag. 197
Stimulus amoris.	pag. 205
Amatorium.	pag. 250
De Ecclesiastica Hierarchia.	pag. 264

## *Pars quarta hac habet.*

<b>L</b> egenda S. Francisci.	pag. 295
Expositio in regulam fratrum Minorum.	pag. 331
Determinationes quæstionum circa regulam Sancti Francisci.	pag. 354
Quare fratres Minores prædicent, & confessiones audiant.	pag. 366

Libellus Apologeticus in eos, qui ordini fratrum Minorum aduersantur.	pag. 373
De tribus quæstionibus ad Magistrum innominatum.	pag. 384
De paupertate Christi cõtra Magistrum Gulielmum.	pag. 387
Quòd Christus, & Apostoli, & discipuli eius discalceari inceserunt, siue de Sandalijs Apostolorum.	pag. 409
Apologia pauperum.	pag. 411
Ad quemdam Prouincialem ministrum epistola.	pag. 466
Ad ministros Prouinciales, & custodes epistola de reformandis fratribus sui ordinis.	pag. 467
Biblia pauperum.	pag. 469
Alphabetum Religiosorum.	pag. 564
Item de eodem.	pag. 565
Collationes octo.	ibid.
Speculũ disciplinæ ad Nouitios.	pa. 568
De profectu Religiosorum.	pag. 595
De institutione Nouitiorum.	pag. 652
Regula Nouitiorum.	pag. 662
Remedium defectuum religiosi.	p. 669.
De perfectione vitæ ad sorores.	p. 670

## *Appendix hac habet.*

<b>S</b> umma de essentia, & inuisibilitate, & immensitate Dei.	pag. 681
De sex alis Cherubim.	pag. 684
De modo confitendi, & de puritate conscientiæ.	pag. 687
Mystica Theologia.	pag. 699
Compendium Theologicæ veritatis.	pag. 748
Acta Canonizationis S. Bonauenturæ.	pag. 845

SEQUI.



## SEQVITVR PARS TERTIA

opusculorum S. Bonaventuræ, ea potissimum comprehendens, quæ pertinent ad exercitia spiritualia, quibus actiuorum, & contemplatiuorum vita instruitur. Hæc autem suis locis annotata cernuntur pagina præcedenti.

S. B O-

# S. BONAVENTURAE EX ORDINE MINORVM

S. R. E. EPISCOPI CARDINALIS ALBANENSIS

EXIMII ECCLESIAE DOCTORIS

Opusculum, quod inscribitur,

SERMONES DE DECEM PRAECEPTIS.

*Sermones hi de decem praeceptis doctrinam continent saluberrimam, & omnibus maxime necessariam, ijs praesertim qui vel confessiones audiunt, vel peccata sua integre confiteri desiderant. Nam de observantijs mandatorum nonnulla generatim prae mittens S. hic Doctor, breviter & dilucide explicat, quid singulis decalogi mandatis praeceptum, quidve prohibitum sit: ut inde quisque intelligat, quae praestare debeat ad praeceptorum observationem, & quos quibusve modis eorum incurrat transgressionem. Qui vero de praeceptis decalogi fusius desiderat ab Auctore instrui, legat eundem Centiloq. 3. par. Sect. 33. & Diata Salut. tit. 3. per omnia capita, ubi hac de re itidem disputat.*

De ijs, quae nos mouere debent, ad seruandum mandata Dei, & de praeceptis Decalogi in genere.  
Sermo I.

Matth. 19. c.



**S**I VIS ad vitam ingredi, serua mandata. Verba ista scripta sunt in Matthæo, & sunt verba Saluatoris nostri, in quibus explicatur nobis summa totius nostrae salutis quantum ad duo. Primo quantum ad praeium retributionis diuinæ. Secundo quantum ad meritum operationis humanæ. Primum ibi, Si vis ad vitam ingredi. Secundum ibi, Serua mandata. Ethic rectus ordo tangitur, quia finis mouet agentem, ut se exerceat ad debitum finem. Sequamur ergo formam illius Magni Magistri. Sed antequam de praeceptis aliquid dicamus, dicamus primo de observantijs praeceptorum. Praemittit Dominus primo motiuum, postea subiungit actum, per quem possumus deuenire ad debitum finem. Et notandum, quod sunt quattuor, quæ debent nos mouere ad obseruandum mandata Dei. Primum est auctoritas mandantis. Secundum est obseruationis mandatorum utilitas. Tertium est transgressionis periculum. Quartum est irreprehensibilitas mandatorum. Quando ille qui mandat est magnæ auctoritatis, & obseruatio mandatorum est magnæ utilitatis, & in transgressionem est magnum periculum, & irreprehensibile est mandatum, tunc nullus potest habere excusationem de obseruatione mandatorum.

Quattuor sunt, quæ debent nos mouere ad seruandum mandata Dei.

Primo dico, quod debet nos mouere ad obseruandum mandata Dei, auctoritas mandantis: quia ille, qui mandat, scilicet Deus, magnæ auctoritatis est. quod patet ex tribus. Primo, quia ipse sua magna potentia nos creat. Secundo, quia ipse sua mira sapientia nos gubernat. Tertio, quia ipse sua munifica beneuolentia nos saluat. Primo dico, quod ille, qui mandat obseruari mandata Dei, est magnæ auctoritatis, quia sua magna potentia nos creat. Iob: Manus tuæ fecerunt me. Et in Deuteronomio dicitur: Oculi vestri viderunt omnia opera magna Dei, quæ fecit, ut custodiatis mandata eius. Secundo est magnæ auctoritatis, quia sua mira sapientia nos gubernat. Vnde dicit Isaias: Ego Dominus, docens te vtilia, gubernans S. Bon. Tom. 7. Pars iij.

Iob. 10. b.

Deut. 11. a.

Isa. 48. c.

te in via, qua ambulas. utinam attendisses mandata mea. Et Psalmista: Seruauit mandata tua & testimonia tua: quia omnes viæ meæ in conspectu tuo. Tertio est magnæ auctoritatis, quia sua munifica beneuolentia nos saluat. Vnde in Deuteronomio: Et nunc Israel, quid petit Dominus Deus tuus a te, nisi ut timeas ipsum, & diligas ipsum, & ambules in vijs eius, & custodias mandata eius? Dominus, qui te creauit: Deus, qui te gubernat: tuus qui te saluat. Patet modo, quod dignitas siue auctoritas praeipientis debet nos mouere ad seruandum mandata.

**B** Secundo debet nos mouere ad obseruandum mandata Dei obseruationis utilitas. In seruando enim mandata Dei est multiformis utilitas, quæ ad tres utilitates reducitur. Prima utilitas est impetratio diuinorum charismatum. Secunda est reuelatio sanctorum scripturarum. Tertia est assecutio caelestium praeiorum. Prima, dico, utilitas in seruando mandata Dei, est impetratio diuinorum charismatum. Vnde in Ioanne: Si diligitis me, mandata mea seruare, & ego rogabo patrem meum, & dabit vobis alium paraclitum. Secunda, intelligentia sanctorum scripturarum. Vnde dicitur in Psalmo: Super senes intellexi, quia mandata tua quaesui. Sed quomodo peruenimus ad intelligentiam scripturarum, docet Gregorius. Vnde super illud, quod discipuli quando viderunt Dominum Iesum, ipsum non intellexerunt, sed quando loquebatur tunc ipsum intellexerunt, dicit Gregorius quod audiendo Dei praecepta discipuli illuminati non sunt, sed faciendo ea illuminati sunt. Quare? quia non auditores legis tantum, sed factores iustificabuntur. Propter hoc dicit Iacobus in canonica sua: Estote factores verbi Dei, & non auditores tantum, fallentes vosmetipsos: quia qui est auditor verbi Dei tantum & non factor, comparabitur viro consideranti vultum nativitatæ suæ in speculo. Si videat homo decies vultum suum in speculo, adhuc non sciet ipsum: sed si videt vultum alterius hominis extra speculum, bene recognoscit ipsum. & hoc est propter fortem impressionem speciei super organum visus secundum rectam lineam. sed in speculo non est verus intuitus. Similiter quando homo audit verbum Dei, videtur ei, quod ipsum intelligat, sed statim recedit: sed quando ponit ipsum ad experientiam bene operando, tunc ipsum intelligit. Tertia utilitas in seruando mandata Dei.

Psal. 118. x.

Deut. 10. c.

Triplex utilitas in seruando mandata Dei.

Ioan. 14. b.

Psal. 118. n.

Greg. hom. 23. in Euangelium.

Rom. 2. b.

Iac. 1. d.

*Pron. 7. a.* Dei, est affectio præmiorum cælestium. Vnde dicitur in proverbijs: Serua mandata mea, & viues; & legem meam quasi pupillam oculi. Hæc est ratio, quare homini existenti in paradiso, Deus dedit obseruantiam mandatorum. Patet modo, quod ad obseruandum mandata Dei, debet nos mouere utilitas obseruationis.

*Lem. 26. c.* Tertio debet nos mouere ad obseruantiam mandatorum, periculum transgressionis. homo enim qui transgreditur madata incidit in multa pericula. Primo, quia multa bona perdit: secundo, quia in nefanda flagitia ruit: tertio, quia æterna supplicia meretur. Primo dico, debet nos mouere ad seruandum mandata Dei transgressionis periculum, quando transgressores multa bona perdunt. Vnde dicitur in Leuitico: Si non audieritis vocem meam & non feceritis omnia mandata mea, visitabo vos in egestate & calore: qui conficiet oculos vestros, & consumet animas vestras. Dicit, Visitabo vos in egestate, quæ est priuatio omnium bonorum: & calore, qui conficiet oculos vestros, & consumet animas vestras: quia auferet affectum boni, & intellectum veri. Vnde Psalmista: Dereliquit me virtus mea, & lumen oculorum meorum & ipsum non est mecum. Secundo transgressores in nefanda flagitia ruunt. Vnde dicitur in Baruch: Non obediuius voci Domini, vt ambularem in mandatis eius, & abiuius vnusquisque in sensu cordis sui maligni, & Psalmista: Populus meus non audiuit vocem meam, & Israel non intendit mihi, & dimisit eos secundum desideria cordis eorum. Tales dat Dominus in manus demonum. Vnde dicitur in Daniel: Dixerunt pueri in fornace ignis ardentis: Peccauimus, inique gessimus, & præuicati sumus. Et sequitur eorum ignominia: Et traditi sumus in manibus inimicorum nostrorum iniquorum, & regi iniusto, & pessimo super terram. Tertio, transgressores incidunt in pericula, quia æterna supplicia promerentur. Vnde dicitur in Psalmo: Maledicti qui declinant a mandatis tuis. Maledicti, quia dicitur eis: Ite maledicti in ignem æternum, &c. Ecce modo obseruationis mira utilitas, & transgressionis mira calamitas. Vnde Dominus per Moysen: En, inquit, propono tibi benedictionem & maledictionem. Benedictionem, si mandata mea feceris: maledictionem, si non feceris. Ponit nos Dominus in medio, & mirabiliter operatur nobiscum; quia quando aliquis vult aliquid alij ostendere, vtur duplici ratione scilicet ratione ostensua, & ratione ducente ad impossibile. Sic facit Dominus: Ponit hominem in medio inter cælum & infernum. In cælo est æterna gloria: in inferno sunt æterna supplicia. Et quando Dominus ostendit homini gloriam cæli, quam homo potest promereri, si obseruet eius mandata, tunc inclinat ipsum ad obseruantiam mandatorum per rationem ostensiuam. Quando vero ostendit homini inferni supplicia, quæ promeretur, si transgreditur mandata, tunc inclinat hominem per rationem ducentem ad impossibile. Ecce proponit tibi maledictionem & benedictionem. Dimitte Iudæ maledictionem, & accipe cum Matthia benedictionem. De Iuda dicit Psalmus: Noluit benedictionem, & elongabitur ab eo.

*Psal. 108. c.*

*Mandata Dei irreprehensibilia.*

*1. Ioan. 5. a.*

*August. de*

*ver. Apost.*

*ser. 24. an-*

*te med. to.*

*10.*

Quarto, debet nos mouere ad obseruandum mandata Dei irreprehensibilitas mandatorum. Est enim mandatum irreprehensibile; quia non continet aliquid impossibile, nec aliquid onerosum, nec iniquum. Primo dico, debet mouere ad seruandum mandata Dei irreprehensibilitas mandatorum, quia non continent aliquid impossibile, immo sunt facilia ad seruandum. Vnde dicitur in Ioanne: Hæc est charitas Dei, vt mandata eius custodiamus, & mandata eius graui non sunt. Habenti enim charitatem mandata sunt facilia; sed non habenti charitatem videntur difficilia. Et ponit Augustinus exemplum de aue sine plumis, & de aue cum plumis. Aui habenti plumas faci-

le est volare; sed aui non habenti est difficile. Similiter homini peruersæ voluntatis difficilia videntur mandata; sed habenti charitatem sunt facilia. Vnde dicitur in Deuteronomio: Mandatum hoc, quod ego præcipio tibi hodie, non est super te, nec procul positum, nec in cælo situm, nec trans mare positum, sed iuxta te est valde sermo in ore tuo, vt facias illum. Secundo mandata Dei sunt irreprehensibilia, quia non continent aliquid onerosum, immo sunt suauia. Vnde dicitur in Ecclesiastico: Nihil melius est, quæ timor Dei: & nihil dulcius, quæ respicere in mandatis Domini. Et Psalmus: Desiderabilia super aurum & lapidem pretiosum multum, & dulciora super mel & fauum. Gaudium est iusto seruare iustitiam; sed palato infecto cibus dulcis videtur esse amarus. similiter homini peruersæ voluntatis mandata Dei videntur difficilia, licet sint suauia. Tertio, mandata Dei sunt irreprehensibilia, quia non continent aliquid iniquum. Vnde dicit Apostolus: Lex quidem sancta est, & mandatum sanctum, & iustum & bonum. Propter hoc dicit alibi: Præcipio tibi in Deo, qui viuificat omnia, vt sine macula serues mandatum irreprehensibile. Coniungamus ista quattuor insimul, scilicet quod in illo qui præcipit est summa auctoritas; quia sua magna potentia nos creat, mira sapientia nos gubernat, & munifica beneuolentia nos saluat.

Item videamus utilitatem obseruationis mandatorum: quarum prima est impetratio diuinorum charismatum, secunda est reuelatio sacrarum scripturarum, & tertia est affectio cælestium præmiorum. Item videamus transgressionis periculum, quia transgressores multa bona perdunt, in nefanda flagitia ruunt, & æterna supplicia promerentur. Item videamus irreprehensibilitatem mandatorum, quia mandata non continent aliquid impossibile, nec onerosum, nec iniquum. Et si ista quattuor bene consideremus, non est aliquis, qui possit se excusare de obseruatione mandatorum.

Sed quod est magnum mandatum, & primum in lege? Respondet Dominus in Matthæo: Diliges dominum Deum tuum ex toto corde tuo, & ex tota anima tua, & ex tota mente tua. Secundum simile est huic: Diliges proximum tuum sicut teipsum. Ex his vniuersa lex pendet, & propheta. Augustinus ostendit quod in isto verbo: Mihi autem adhærere Deo bonum est, continetur totum hoc, quod dicitur: Diliges Dominum Deum, &c. Debemus enim diligere Deum, quia hoc est iustum, bonum, sanctum, suauis, & facile. Vnde Augustinus: Domine quis mihi es? & ego quis tibi, vt iubeas me amare te, & si non amate, minaris mihi ingentes miseras? Decalogus facit qui datus est Moysi in monte Sinai, ostendit, quomodo debemus custodire mandata Dei. Volo vobis ostendere, quod sicut octo partes orationis sunt fundamenta omnium eorum, quæ exprimi possunt per sermonem in Grammatica, & decem prædicamenta sunt fundamentum omnium eorum, quæ determinantur in Dialectica; sic decem præcepta sunt fundamentum, & regulæ omnium legum & bonorum quæ sunt in moribus. Nec voluit Dominus quod sine ratione data essent decem præcepta Moysi. Dicam modo ista decem in generali.

Non habebis Deos alienos.  
Non assumes nomen Dei tui in vanum.  
Memento, vt diem sabbati sanctifices.  
Honora patrem tuum & matrem tuam.  
Non occides.  
Non mœchaberis.  
Non furtum facies.  
Non falsum testimonium dices.  
Non concupisces uxorem proximi tui.  
Non agrum, nec aliquam aliam rem. Vt magis clarius sit hoc, quod dicam, nota quod lex omnis non mandat nisi iustitiam. Est enim lex regula iustitiæ. Sed

*Hæc sunt posita in Exo. c. 20. diffusè.*

Sed iustitia est, secundum quam homo habet ordinari ad Deum & ad proximum. Et secundum hoc est duplex iustitia. Vna qua ordinamur ad Deum, & alia qua ordinamur ad proximum. Et secundum hoc fuerunt duæ tabulæ datæ Moyfi, prima, & secunda. In prima continentur mandata ordinantia nos ad Deum: in secunda continentur mandata ordinantia nos ad proximum. In prima dico tabula continentur mandata ordinantia nos ad Deum: Deus autem est Trinitas, Pater & Filius & Spiritus sanctus. Patri attribuitur maiestas, Filio veritas, & Spiritui sancto bonitas. In Patre est summa maiestas humiliter adoranda. In filio est summa veritas fideliter asserenda. In Spiritui sancto est summa bonitas sincere amanda. Sed si ista tria ex æterna ordinatione debemus facere, necesse est in prima tabula esse tria mandata secundum tria appropriata tribus personis diuinis. In primo mandato præcipitur humilis adoratio diuinæ maiestatis, cum dicitur: Non habebis Deos alienos. In secundo mandato præcipitur fidelis assertio diuinæ veritatis, cum dicitur: Non assumes nomen Dei tui in vanum. In tertio præcipitur diuinæ bonitatis sincera dilectio, cum dicitur: Memento ut diem sabbati sanctifices. In secunda tabula, continentur septem mandata ordinantia nos ad proximum, quæ significantur per duo præcepta legis naturæ.

Quo ex lege Moyfi probare Trinitatem possumus.

*Hoc facias alij, quod tibi vis fieri.*

*Non facias alij, quod tibi non vis fieri.* Et secundum hoc est duplex pars iustitiæ ordinantis ad proximum, scilicet innocentia & beneficentia. Mandatum beneficentiæ est, Honora patrem tuum & matrem tuam. Hoc nomen mandatum non est solum reuerentiæ, sed etiam beneficij, & obsequij: & non est in patre solum, sed in omnibus quæ a patre procedunt. Mandatum innocentia necesse est multiplicari, quia hoc mandatum consistit in hoc, ut caueas ab offensa proximi tui. est autem triplex offensa, in animo, in verbo, & in facto. Offensa in facto est tribus modis, secundum quod homo tribus modis potest offendere proximum, scilicet in persona propria, in persona coniuncta, & in possessione terrenorum. Et secundum hoc sunt tria mandata, Non occides, Non mœchaberis, Non furtum facies. De hinc sequitur offensa in verbo, contra quam est vnum mandatum, Non falsum testimonium dices. Per falsum autem testimonium significantur omnia, quæ homo potest dicere contra suum proximum. Offensa autem in animo duas habet radices, secundum duplicem concupiscentiam: quia est concupiscentia carnis, & concupiscentia oculorum. Contra concupiscentiam carnis est vnum mandatum. Non concupisces uxorem proximi tui. Contra concupiscentiam oculorum est aliud mandatum, Non agrum, nec aliquam aliam rem. Patet modo in generali, quæ sunt decem præcepta, & penes quid accipiantur.

*De præambulis ad mandata Dei, deque primo mandato.*  
Sermo II.

Exod. 24. c.

Psal. 118. p.

**A**SCENDE ad me in monte, & dabo tibi duas tabulas lapideas, & legem & mandata quæ scripsi, ut doceas filios Israel. Et Psalmus: Declinate a me maligni, & scrutabor mandata Dei mei. Legitur, quod B. Gregorius qui fuit Papa & doctor Ecclesiæ habuit consuetudinem, quod quando ibat ad studium legis diuinæ, semper dixit ista verba: Declinate &c. Et quæsitum fuit ab eo, quare hoc faceret? respondit Petro, cui consuevit dicere secreta sua, quod experimento didicit, quod quando cogitare voluit in lege Dei, sentiebat dæmones semper sibi aduersantes. In alijs subtilitatibus instigant dæmones, quia in ipsis non vident damnum suum, immo expectant suum emolumentum: sed quando fit mentio de documentis veritatis, per quæ fugantur dæmones, tunc princeps tenebrarum occurrit armatus, modo per occupationes, mo-

S. Bon. Tom. 7. Pars iij.

do per phantasticas illusiones, & nititur reuocare animos hominum a studio veritatis. Sed verum est, quod verba ista, Declinate a me, &c. dixit Gregorius sicut vir sanctus, qui tunc habuit virtutem compescendi dæmones. Sed ego non sum ex illis. Ideo in principio rogemus Dominum, ut imperet dæmonibus, ne nos impedian, & ut det nobis mentes serenas, ad intelligendum verba de mandatis.

*Ascende ad me &c.* Dominus dixit Moyfi verbum istud, & Moyfes audito verbo ascendit in montem, & accepit duas tabulas lapideas, & legem & mandata.

In quo significatur, quod si volumus peruenire ad intelligentiam mandatorum Dei, debemus ascendere in montem, id est in eminentiam mentis: quia secundum impressionem lucis æternæ lex naturæ est nobis data, & secundum illam lucem documenta legis diuinæ suscepimus. Tangebam vobis alias, quod certum est, quod ens per se primo cadit in animam. Ens autem aut est creatum, aut increatum. & secundum hoc est duplex iustitia. Vna per quam ordinamur ad ens increatum, alia per quam ordinamur ad ens creatum. Et secundum hanc duplicem iustitiam est duplex tabula Moyfi data, scilicet prima & secunda. In prima dantur mandata, per quæ ordinamur ad ens increatum. In secunda dantur mandata, per quæ ordinamur ad ens creatum. Ens autem increatum est causa omnium rerum, efficiens, formalis, exemplaris, & finalis. Ens etiam increatum habet potentiam, sapientiam, & beneuolentiam, & producit omnia in esse, & ista tria appropriantur tribus personis diuinis in Trinitate. Maiestas appropriatur Patri, veritas Filio, & bonitas Spiritui sancto. Summa maiestas in Patre humiliter est adoranda, summa veritas in Filio fideliter est asserenda, & diuina bonitas in Spiritui sancto sincere est amanda. Ista dicta fuerunt in generali: sed quia sermones de mandatis in vniuersali sunt inutiles, nisi dicatur in speciali; ideo oportet explicare de mandatis in speciali. In generali dictum est, quod sunt decem mandata, quorum tria sunt in prima tabula.

Dicam vobis generale documentum, quod æterna Dei sapientia quæ scripsit tabulas istas, breuissimo modo, & clarissimo modo, & facillimo modo tradidit. Tradidit autem breuissimo modo, ne oneraretur nostra memoria. Clarissimo modo, ne offusicaretur nostra intelligentia. Facillimo modo, ne reuocaretur nostra voluntas. Hæc est ratio quare per verba quanto breuiora, & quanto clariora & faciliora, & per actus synecdochicos data sunt mandata.

Primo videamus de primo mandato, sicut videmus in alijs rebus, quod primum opus est fundamentum omnium subsequens, sic primum mandatum est fundamentum omnium aliorum mandatorum. Prima verba de mandatis sunt illa: *Ego sum Dominus Deus tuus, qui eduxi te de terra Aegypti, de domo seruitutis. Non habebis Deos alienos coram me. Non facies sculpsile, nec similitudinem eorum, quæ in calis sunt, neque quæ in terris, neque eorum quæ in aquis sunt. Non adorabis neque coles ea. Ego Dominus Deus tuus, fortis zelotes, visitans iniquitatem patrum in filios usque in tertiam, & quartam generationem, & faciens misericordiam in millia, his qui diligunt me.* Ad plenam mandatorum explanationem concurrunt tria, quædam quæ pertinent ad mandati cognitionem, & ista debent præmitti: quædam quæ pertinent ad mandati obseruantiam, & ista debent subiungi: quædam quæ pertinent ad mandati integritatem, & ista debent interponi. Primo dico, quod sunt quædam, quæ pertinent ad mandati cognitionem, & ista debent præmitti, & sunt duo fundamenta fidei. Primum est notitia creatoris; secundum est notitia reparatoris. Isti duo sunt radij siue duo oculi, dirigentes nos semper in viam mandatorum Dei. Homo prius aperit oculos quam ambulet; sic debet homo prius cognoscere mandata per fidem, quam exequatur mandata. Ad cognoscendum autem

Nota tria concurrentia ad plenam mandatorum explanationem.

A 2 creatorem

creatorem dicit: *Ego Dominus Deus tuus. Ego Dominus*, hic insinuat potentiam Dei patris, *Deus*, hic insinuat sapientiam Filij, *Tuus*, hic insinuat bonitatem Spiritus sancti. In hoc autem, quod dicit, *Ego*, notat identitatem essentiae, & in hoc notat Deum trinum & unum creatorem vniuersorum. *Qui eduxi te de terra Aegypti*: hic notat donum reparationis per Verbum incarnatum. Omnibus loquitur Dominus, quibus dedit præceptum, & omnibus præcepta dedit, licet primo daret ipsa Filijs Israel. Vnde quod dicitur: *Qui eduxi te*, &c. dictum est non solum Hebraeis pro ipsis quoad corporalem educationem de Aegypto, sed generaliter pro toto genere humano quoad educationem de Aegypto æternæ damnationis: de peccato primi hominis, ex quo educimur per Verbum incarnatum, quia sicut illi educti sunt de Aegypto post comestionem agni paschalis, & per asperisionem sanguinis eius liberati ab Angelo exterminatore: sic nos educimur de seruitute diabolica per esum carnis verbi incarnati in Sacramento altaris, & per sanguinem eius in baptismo: quia secundum Apostolum: Quicumque baptizati sumus in Christo Iesu, in morte ipsius baptizati sumus. Hæc verba dicit tota Trinitas. Dicit igitur: *Ego sum*, cui debes obedire, & quem debes adorare. Et dicit: *Ego*, scilicet, qui te feci in esse naturæ & in esse gratiæ. Debemus ergo dicere: Domine tu es quem debemus adorare, cui debemus seruire: tu es qui nos creasti, tu es qui nos redemisti. Vnde dicitur:

Rom. 6. a.

Psal. 94. b.

Exo. 3. a.

Mandatorum  
duo genera

Timor &  
amor requi-  
runtur ad ob-  
seruantiam  
præceptorum

Psalms: Quoniam ipse est mare, & ipse fecit illud. Sequitur: Venite adoremus, & ploremus ante Dominum, qui fecit nos, &cetera. Nos populus pascuæ eius, &cetera. Sine istis duobus fundamentis fidei, scilicet sine noticia creatoris & reparatoris, nil intelligere possumus.

Vt autem intelligamus ista, oportet scire administrantia quædam. Scitis, ubi est prima cognitio nobis data de mandatis? Certe Moyses scripsit per Spiritum sanctum. Sed qualiter habuit istam cognitionem? Certe, quando Dominus apparuit ei. Et quomodo apparuit ei? Certe in igne flammæ rubi ardentis. Et tunc dixit Moyses: Quis es tu Domine? Et respondit Dominus: Ego sum qui sum. Et tunc dedit ei Dominus duo, scilicet lumen essentiae æternitatis, & lumen veritatis æternæ. Rubus ardebat. In hoc ostendit nobis mysterium incarnationis humanæ. Ista duo sunt, lumina & principalia fundamenta fidei, scilicet, lumen essentiae æternitatis, & mysterium incarnationis. Et quando facimus crucem in fronte in nomine Patris, & Filij & Spiritus sancti Amē; recognoscimus Trinitatem & Redemptorem. Cum dicit homo, In nomine Patris & Filij & Spiritus sancti, recognoscit Trinitatem: cum facit crucem in fronte, recognoscit Redemptorem. Patet modo, quomodo quædam valent ad mandati cognitionem, quæ debent præmitti, & ista sunt duo fundamenta fidei, scilicet noticia Creatoris & Redemptoris.

Secundo sunt quædam quæ valent ad mandatorum obseruantiam, & ista debent subiungi. Omnia mandata aut sunt affirmatiua, aut negatiua. Affirmatiua sunt, vt homo faciat bonum. Negatiua, vt homo vitet malum. Sed impossibile est, vt homo vitet malum, nisi per timorem, & quod faciat bonum nisi per amorem. Propter hoc, ad obseruantiam mandatorum duo sunt necessaria, scilicet timor & amor. Auis non potest volare sine duabus alis: nec homo potest ambulare sine duobus pedibus. Similiter non est perfectus obseruator mandatorum Dei, nisi sit repletus timore & amore. Sed non replebitur homo timore, nisi ex consideratione seueritatis diuinæ: nec replebitur amore nisi ex consideratione bonitatis diuinæ. Ista igitur duplex consideratio homini est necessaria. Sequitur: *Ego Dominus Deus tuus, fortis zelotes, visitans iniquitatem patrum in filios usque in tertiam & quartam generationem. Fortis zelotes*, idest, fortissimum habens

zelum, scilicet eorum qui oderunt me. Visitans iniquitatem patrum in filios, non quod propter peccata actualia patrum æternaliter puniat filios: sed cum filij fuerint imitatores paternorum scelerum, punit peccata patrum cum peccatis ipsorum, vsque ad tertiam & quartam generationem, scilicet temporaliter. Hoc autem dicit, vt timeamus, & per timorem a malo declinemus. Vnde dicitur in Ecclesiaste: Deum time, & mandata eius obserua; hoc est omnis homo, idest ad hoc est omnis homo. Vis mereri, vt ad summum complementum peruenias? certe time Deum. Sed quomodo timebo? Certe quia Dominus est fortissimus zelator. Item cum hoc etiam oportet amare ipsum, quia ipse dicit de se: *Et faciens misericordiam in millia his, qui diligunt me*. Dicit, quod visitat iniquitatem patrum in filios vsque in tertiam, & quartam generationem, & facit misericordiam in millia his, qui diligunt eum: in hoc ostendit nobis, quod Dei misericordia & benignitas transcendit ultionem iniquitatum. Quando cor hominis dilatur per amorem, tunc homo facilius seruat mandata. Vnde dicit Psalmista: Viam mandatorum tuorum cucurri, cum dilatasti cor meum. Omnis consummationis vidi finem: latum mandatum tuum nimis. Dicit, quod lata est via mandatorum, sed quibusdam videtur arcta. Certe amantibus est lata; sed non amantibus est arcta. Patet modo quomodo scilicet timor & amor valent ad obseruantiam mandatorum.

Eccl. 12. d.

Exo. 20. d.

Psal. 118. d.

Tertio quædam valent ad integritatem mandatorum, & ista debent interponi, idest in medio poni, & hoc tangit cum dicitur: *Non habebis Deos alienos coram me. Non facies sculptile, neque similitudinem eorum, quæ in calis sunt, neque quæ in terris, neque eorum quæ in aquis sunt*. Ibi præcipitur latría, quæ est soli Deo cultus debitus, & ex hoc nulli alij est debitus. Cultum aliorum Deus prohibuit in negatiua, & implicuit cultum Dei in affirmatiua. Sed in nouo testamento explicuit in affirmatiua cultum Dei Christus, quando dixit: Dominum Deum tuum adorabis, & illi soli seruies.

Mat. 4. b.

Sed quare prohibuit Deus cultum aliorum in negatiua, & non explicuit cultum Dei in affirmatiua? Certe quia facillimo modo dare voluit mandata, & reuocare in negatiua ab idololatria, vt implicaret cultum Dei in affirmatiua. Et nota, quod ipse reuocabat ab omni idololatria, quia omne quod adoratur aliud a Deo, aut est creatura intellectualis, vt Angeli & dæmones; aut natura corporalis, vt cælum & terra & aqua & huiusmodi; aut est figmentum humanæ mentis. Numquid ens sufficienter non diuiditur per corporeum & incorporeum? quare ergo posuit figmentum, quod nihil est? Dico, quod idolum nihil est, immo fertur ad illud, quod est in æstimatione. Et videte, quomodo scriptura sacra procedit, creaturam intellectualem ponit in supremo, figmentum in medio, & naturam rei corporalis in imo. Vnde primo prohibet idololatriam respectu creaturæ intellectualis, cum dicit: *Non habebis Deos alienos*. Secundo prohibet idololatriam respectu figmenti humanæ mentis, cum dicit: *Non facies sculptile*. Tertio prohibet idololatriam respectu naturæ corporalis, & hoc respectu cælestium, terrestrium, & infernorum, cum dicit: *Neque facies similitudinem eorum, quæ in calis sunt, neque quæ in terris, neque eorum, quæ in aquis sunt*. Primo prohibet hic idololatriam respectu cælestium, vt habetur in Psalmo: Quoniam omnes Dij gentium, dæmonia, Dominus autem cælos fecit. Secundo prohibet idololatriam respectu terrestrium. Vnde dicitur in eodem Psalmo: Confundantur omnes, qui adorant sculptilia, & qui gloriantur in simulacris suis. Quod homo incuruetur ad adorandum figmentum suum, hoc est peruersio summa. Tertio prohibet idololatriam respectu inferiorum. Vnde dicit Apostolus: Qui commutauerunt gloriam incommutabilis Dei.

Quare Deus dedit primum mandatum negatiuum, de non adorandis dijs alienis, & non dedit affirmatiuum de vero deo adorando.

Psal. 95. b.



**Rom. 1.6.** Dei. *Sequitur*: Et seruierunt creaturæ, potius quam creatori. Ecce quomodo vera adoratio Dei implicatur, & omnis idololatria prohibetur. Habemus modo præambula ad mandata, quæ sunt notitia creatoris & reparatoris, timor & amor, & prohibitio idololatriæ respectu superiorum, mediorum, & inferiorum.

Dico vitrâ, quod nos Christiani ulterius debemus videre, quam nobis patefacta est veritas, & secundum tria quæ prohibentur, magna lux & vera nobis apparuit. Prohibentur autem tria, per quæ auertitur mens humana a reuerentia creatoris sui, & per tria quæ prohibentur nobis, prohibentur nobis omnes profanæ pactiones dæmonum, ibi: *Non habebis Deos alienos*.

Prohibentur etiam omnes falsæ superstitiones, & adinventiones errorum, ibi: *Non facies sculptile*. Prohibentur etiam omnes peruersæ appretiationes mundalium naturarum, ibi: *Neque similitudinem eorum, quæ in calis sunt*, &c. Dico ergo, quod in primo verbo. *Non habebis Deos alienos coram me*, prohibentur omnes profanæ pactiones dæmonum, siue sint per incantationes verborum, siue per inscriptiones characterum, & imaginum, siue per immolationes sacrificiorum. In istis tribus consistunt omnes artes magicæ. Prohibentur igitur omnia, ex quibus oriuntur profanæ pactiones dæmonum, siue sint ad transmutationem naturarum, sicut fecerunt magi Pharaonis: siue sint ad ludificationem sensuum, sicut faciunt incantatores & histriones: siue sint ad inuestigationem futurorum contingentium. Omnia talia

vocat Augustinus pactiones dæmonum. In talibus, attribuitur creaturæ, quod deberet attribui creatori, & tales peccant contra primum verbum mandati, quod est: *Non habebis Deos alienos coram me*. De talibus dicitur in cantico Deuteronomij: Prouocauerunt eum in dijs alienis, & in eo qui non erat Deus, ad iracundiam concitauerunt. Et ideo dicit Apostolus: Tradidit eos Deus in passionem ignominie. Et Deus tradit eos in manus dæmonum.

**Aug. lib. 2.**

**de Doctr.**

**Christia. c.**

**20. & 29.**

**10. & 3.**

**Deut. 32. c.**

**Rom. 1. c.**

**Exemplum**

Habemus exemplum huius. Quidam literatus diu studuerat, qualiter posset effici diues, & fecit linguam suam venalem longo tempore, & tamen semper egebat. Cogitauit, Ex quo non possum ditari per Deum, ditabor per diabolum. Quæsiuit magum inter Iudæos & Christianos, & non inuenit. Cogitauit, Ego ipse experiar, si potero per diabolum effici diues. Iuit in viam quandam vmbrosam & saxosam iuxta torrentem, & dixit: Vbi es dæmon, qui semper quæris decipere homines? ego sum hic, vt dem me tibi. Prima vice non venit, quia fortè Deus adhuc noluit permittere, nec secunda vice, tertia vice venit, & dixit: Quid petis a me? Respondit ille: Vt facias me diuitem. Cui diabolus: Prius adorabis me. Et tunc ille incurauit se, & adorauit illum. Et ludificauit eum diabolus, quia tunc habuit potestatem in eum, fecit, quod omnes illi lapides videbantur ei esse aurum. Et dixit ei diabolus: Accipe saris de auro. Et tunc ille gaudens onerauit se de lapidibus, & cum venit domum, posuit lapides in quendam locum illius domus, & incœperunt ardere lapides, & combusta est domus, & quidquid in ea fuit, ita, quod ipsemet vix euasit. Et cogitauit, Non curo, quia ibo ad locum vbi plurimum aurum dimisi. Accedens inuenit, quod essent ibi lapides, qui prius videbantur ei aurum purissimum, & sic ludificatus est. Patet modo, quomodo in primo verbo prohibentur omnes profanæ pactiones dæmonum.

In secundo verbo: *Non facies sculptile*, prohibentur omnes falsæ superstitiones adinventionis errorum. omnis enim error est fictio mentis. Errorem autem facit phantasia obnubilans rationem, quæ facit, quod illud quod non est, videatur esse. Prohibentur autem omnes superstitiones adinventiones errorum, siue procedant ex improbo ausu inuestigationis philosophicæ, siue ex peruerso intellectu sacræ scripturæ, si-

**A** ue ex inordinato affectu carnalitatis humanæ. Ex improbo ausu inuestigationis philosophicæ procedunt errores in philosophis, sicut ponere mundum æternum. hoc est pervertere totam sacram scripturam, & dicere, quod Filius Dei non fuerit incarnatus. Et ponere, quod vnus sit intellectus in omnibus, hoc est dicere, quod non sit veritas fidei, nec salus animarum, nec obseruantia mandatorum: & hoc est dicere quod bonus homo damnatur, & malus saluatur. Ponere igitur, quod sit vnus intellectus in omnibus, prouenit ex improbo ausu inuestigationis philosophicæ. Et tales ponunt, quod impossibile est mortale deuenire ad immortalitatem. Et qui hæc confingit, tuetur, & imitatur, incedit contra secundum verbum mandati: *Non facies sculptile*, & secundum hoc & fictor, & defensor, & imitator omnes prohibentur.

Item proueniunt in aliquibus errores ex peruerso intellectu sacrarum scripturarum, sicut hæreses hæreticorum, qui male sentiunt de Trinitate & Spiritu sancto. Tales sunt Arriani, Sabelliani, Donatistæ, & Pelagiani, & ceteri. Tertio adinventiones errorum proueniunt ex inordinato affectu carnalitatis humanæ. De numero talium est secta Epicureorum, quæ dicit, nullam aliam vitam esse nisi istam: & secta Nicolaitarum, quæ dicit, quod licet quemlibet facere turpiter cum qualibet. Sarraceni etiam, quod dicunt, non habent ex sacra scriptura, nec ex altitudine sapientiæ diuinæ. Omnes igitur errores vndecumque proueniant, tamquam sculptilia debent abominari, quia peccant contra hoc mandatum: *Non facies sculptile*. Vnde Hieremias: Stultus factus est omnis homo a scientia sua, id est ab inuestigatione propria & nimie philosophiæ, confusus est artifex omnis in sculptili, vana sunt eorum opera & risu digna, & in tempore visitationis suæ peribunt. Standum igitur est super hoc, quod limina fidei dicant, & quidquid huic aduersatur, totum debet abominari. Quando audiui de Aristotele, dum fui scholaris, quod ipse posuit mundum æternum, & audiui rationes & argumenta quæ fiebant ad hoc, incœpit concuti cor meum, & incœpit cogitare, quomodo potest hoc esse? Sed modò sunt ista ita manifesta, quod nullus possit dubitare. Patet modo quomodo in secundo verbo: *Non facies sculptile*, prohibentur omnes falsæ superstitiones adinventionis errorum.

In tertio verbo: *Neque facies similitudinem eorum, quæ in calis sunt*, &c. prohibentur omnes peruersæ appretiationes creaturarum. Omnis autem superflua appretiatione creaturarum procedit, aut ratione sublimitatis, aut ratione sufficientiæ, aut ratione delectationis. Primo modo est idololatria superbiorum. Secundo modo est idololatria auarorum. Tertio modo est idololatria lasciuorum. Contra primos dicitur in Psalmo: Non erit in te Deus recens, neque adorabis Deum alienum. Contra secundos dicit Apostolus: Auaritia est idololorum seruitus. Contra tertios dicit Apostolus: Quorum Deus venter est. Aliàs plenius prosequemur.

Dixi quod decem sunt mandata decalogi, quæ sunt fundamenta omnium legum, quorum tria continentur in prima tabula, quæ sunt ordinantia nos ad Deum trinum, & vnum. & hæc sunt tria secundum appropriata tribus personis diuinis. In diuinis enim est paternitas, filiatio, & processio: & secundum hæc, sunt tria appropriata tribus personis diuinis. Patri appropriatur maiestas, Filio veritas, Spiritui sancto bonitas. Ista tria respiciunt triplex genus causæ, scilicet causam efficientem, exemplarem, & finalem. Patri attribuitur causa efficiens, filio causa exemplaris, quia est imago patris, & Spiritui sancto causa finalis. In patre est summa maiestas humiliter adoranda, in filio summa veritas fideliter asserenda, in Spiritui sancto summa bonitas sincerè amanda. Et secundum hæc tria necesse est, in prima tabula esse tria mandata. Primum est: *Non habebis Deos alienos coram me*. Secundum est: *Non assumens nomen Dei tui in vanum*. Tertium

**Arist. li. 8.**

**phys. a. prf.**

**per multos**

**sex. & li. 1.**

**de calo. 2. c.**

**101. & seq.**

**Auer. li. 3.**

**de ani. c. 5.**

**& 16.**

**Hier. 1. c.**

**Psal. 80. b.**

**Ephe. 5. b.**

**Philip. 3. d.**

**Errores ex quibus proueniunt.**

**S. Bon. Tom. 7. Pars iij.**

**A 3 est:**

est: Memento, ut diem sabbati sanctifices. De primo mandato dictum est, quod quædam præmittuntur ad mandati cognitionem, quædam subiunguntur ad mandati obseruantiam, & quædam interponuntur ad mandati integritatem. Dictum etiam fuit, quod in verbo isto: *Non habebis deos alienos coram me*, prohibetur omnis idololatria respectu creaturæ intellectualis. Secundo prohibetur idololatria respectu figmenti humanæ mentis, cum subdit: *Non facies sculptile*. Tertio prohibetur idololatria respectu naturæ corporalis, & hoc respectu cælestium, terrestrium, & inferiorum, cum dicit, *Neque similitudinem eorum, quæ in calis sunt, & cetera*. Dictum etiam fuit, quod in hoc verbo, *Non habebis deos alienos coram me*, omnes pactio- nes dæmonum prohibentur, siue sint per incantationem verborum, siue per inscriptiones characterum, vel imaginum, siue per immolationem sacrificiorum. In istis tribus consistunt omnes artes magicæ. Dictum etiam fuit, quod in secundo verbo: *Non facies sculptile*, prohibentur omnes falsæ superstitiones adinventionis errorum. Et circa hoc dictum fuit, quod omnis error provenit, aut ex improbo ausu investigationis philosophicæ, aut ex peruerso intellectu factæ scripturæ, aut ex inordinato affectu carnalitatis humanæ. Propter primum proueniunt errores in philosophis, sicut ponere mundum æternum, & huiusmodi. Propter secundum proueniunt errores in hæreticis, qui malè sentiunt de Trinitate & Spiritu sancto. Propter tertium proueniunt errores in Epicureis, qui dicunt, non aliam vitam esse, nisi istam. In tertio verbo: *Neque facies similitudinem eorum, quæ in calis sunt, & cetera*, prohibentur omnes peruersæ appretiationes creaturarum. Et circa hoc dictum fuit, quod omnis peruersa appretiationis creaturarum, aut est ratione sublimitatis, aut ratione sufficientiæ, aut ratione delectationis. Primo modo est idololatria superbiorum, secundo modo auarorum, tertio modo lasciuorum. Ista dicta fuerunt de primo mandato. Modo dicebam, quod est triplex idololatria: Pactio- nes dæmonum, superstitiones adinventiones errorum, & peruersæ appretiationes creaturarum. In pactio- nibus dæmonum est summa omnium vitiorum malitia, & radix omnium malorum. Ex his tribus idololatrijs procedunt omnes falsitates, & peccati deordinationes, quibus misera anima subijcitur dæmonibus. Vnde dicitur in Apocalypsi: Vidi de ore draconis, & de ore bestię, & de ore pseudoprophetę exire spiritus tres immundos in modum ranarum. Per draconem, significantur pactio- nes dæmonum. Per pseudoprophetam, superstitiones adinventiones errorum. Per bestiam, peruersæ appretiationes creaturarum. Et omnia ista prohibentur in primo mandato. Et sicut Deus in prima creatione quodammodo omnia produxit, sic in primo mandato omnia mala prohibet, licet ad maiorem explanationem plura ponat mandata. Omisi dicere, quod Iudæi aliquando insultant nobis, quod non seruemus mandatum illud, & imponunt nobis, quod illud transgredimur. In isto mandato continentur tria verba. *Non habebis deos alienos coram me*. *Non facies sculptile: neque similitudinem eorum, quæ in calis sunt, & cetera*.

Decē nobis obijciūt Iu- dei, quibus nituntur ostendere, q̄ Christiani primū mandatum transgrediātur.

De Primo verbo dicunt, quod dicit Dominus, Audi Israel, Dominus Deus tuus vnus: & vos dicitis Trinitatem, Patrem & Filium & Spiritum sanctum. Item dicunt, quod facimus sculptile: quia ecclesię plenæ sunt imaginibus. De tertio, quod prohibet Deus adorare corporalem naturam, dicunt, quod adoramus frustum panis, & hoc maxime videtur eis absurdum. De primo, quod dicunt, quod adoramus tres deos, dico, quod si adoraremus tres personas, ita quod diceremus, quod ibi essent tres dii, & triplex essentia, oporteret, q̄ adoraremus deos alienos. Sed nos adoramus Patrem, & Filium & Spiritum sanctum, sicut vnum Deum, & vnā essentiam. Vnde sicut vide-

mus, quod in homine est pluralitas naturarum, scilicet intellectualis & humana, & tamen est ibi vna persona; e contra in diuinis est vnitas essentiæ, & pluralitas personarum. Dixit quidam Iudæus: Vos dicitis, quod Deus filium habet, quare non habet uxorem? Isti Iudæi vilissime intelligunt. Deus pater habet Verbum & Spiritum sanctum. Verbum habet per quod omnia fecit: Spiritus sanctus habet per quem omnia conseruat. Verbum manat a dicente, & est Deus de Deo. Similiter Spiritus sanctus spiratur, & est Deus in Deo. Solus Spiritus sanctus est, qui profunda cordium scrutatur, & ille est Deus. Vnde homo qui ista vult intelligere, & de istis loqui, oporteret quod habeat eleuatissimas cogitationes, non pedestres: quia aliter non potest intelligere altissima de Deo. Quando ponimus Trinitatem non ponimus Christum purum, sed Deum cum homine. De secundo quod dicunt. Non facies sculptile, & nos ponimus plures imagines in ecclesijs, dico, quod impossibile est diuinitatem sculpi: sed facimus Christi effigiem, Christi dico, humanitatis. Vnde est in natura propria Deus absque figurā. Cur ideo pictus? quia carne probatur amictus. Et dico quod est duplex adoratio, scilicet dulciæ, & latræ. Adoratione dulciæ possumus adorare illos in quibus est potestas, sapientia, & sanctitas. Et sic adoramus principes, prælatos, sicut in quibus est potestas. Adoramus etiam illos, qui excellentiam habent philosophiæ, sicut illos in quibus est sapientia, & sic quinquagenarius adorauit Heliam. Item adoramus sanctos in patria, sicut illos in quibus est sanctitas. Imaginibus eorum exhibenda est adoratio dulciæ, non in quantum imago vel pictura, sed ratione illius, quod per ipsam signatur. Soli autem Deo exhibenda est adoratio latræ. Et in hoc prohibentur omnes profanæ pactio- nes dæmonum, & omnes falsæ adinventiones superstitionis errorum, & omnes peruersæ appretiationes creaturarum. De tertio quod maxime abhorrent, scilicet de corpore Christi, hoc secretissimum fuit, sed modo est promulgatum. Aliquando dixerūt aliqui, quod non esset Deus ibi nisi in signo. Sed intelligendum est, quod ad prolationem verbi sacerdotis, & intentionem dicentis, substantia panis statim conuertitur in corpus Christi, quod habet vnā animam cum deitate, & hoc est planum. Dicit Iudæus, quomodo potest hoc esse? Dico, quod ille qui potest separare substantiam ab accidente, potest facere, quod non appareat substantia sensibus nostris, quæ est sub accidentibus alienis. Et adoramus verū corpus Christi, & Deum trinum & vnum. Et in hoc virtus Dei, potentia, sapientia, & bonitas manifestantur. Sed Iudæus errat, qui pedestri modo credit sentire. De hoc audiui, quod fuit quidam incantator dæmonum: quadam die cum quidam vellent aliquid imponere a dæmone, fecit ille, quod venit in medio illorum. Et venit quidam sacerdos portans corpus Christi, & cum appropinquauit, inclinauit se ei dæmon, similiter cum redijt inclinauit se. Et dixit incantator: Vnde hoc? prohibuisti mihi ne adorem Christum, & tu adoras? Respondit dæmon: Inuitus feci. Nonne scriptum est: In nomine Iesu omne genu flectatur, cælestium, terrestrium, & inferiorum? Ista dicta sunt de primo mandato.

Adoratio duplex.

4. Reg. 1. c.

Exemplum

Phil. 2. b.

#### De secundo mandato. Sermo III.

NON assumes nomen Dei tui in vanum, neque insontem habebit Dominus eum, qui assumpserit nomen Dei frustra. Vnde dicit Psalmista: Seruus tuus sum ego, da mihi intellectum, ut sciam testimonia tua. Ideo dilexi mandata tua super aurum & topazion. Propterea ad omnia mandata tua dirigebar, omnem viam iniquam odio habui. Dauid Propheta dicit in verbis istis, quæ de causa loqui debemus de mandatis Dei, & ostendit rationem triplicem. Prima est,

Psal. 118.

est, ut inflammemur ad dilectionem mandati. nihil enim ita est necessarium, sicut diligere Dei legem, & mandata eius. Ideo dicit: Ideo dilexi mandata tua, &c. Secundo debemus loqui de mandatis Dei, ut melius cognoscamus ea. quanto enim homo frequentius vadit per viam aliquam, tanto melius cognoscit eam. Vnde Gregorius: Homo cognoscit viam frequentius vadendo. Sed via eundi in patriam est in seruando mandata Dei: sed non cognoscit homo mandata Dei, nisi audiendo loqui de mandatis. Ideo dicit: Da mihi intellectum, &c. Tertio debemus audire mandata, ut odio habeamus iniquitates. Quando homo incipit cognoscere peccatum, & iniquitatem, & peccati deordinationes, quæ sunt contra Deum, tunc incipit detestari peccatum. Debemus igitur loqui de mandatis, ut ipsa diligamus, & per ea in viam ad cælestem patriam dirigamur, & iniquitatem odio habeamus. Et ut hæc tria possimus consequi, ideo in principio &c.

*Non assumes nomen Dei tui in vanum, &c.* Sicut in primo mandato præcipitur humilis adoratio summæ maiestatis, sic in isto mandato secundo præcipitur fidelis confessio summæ veritatis, & prohibetur abnegatio veritatis. In veteri testamento dicitur: Qui iurat, in nomine Dei iuret: & non periuret. Periurare, idem est, quod peierare, & hoc est nomen Dei in vanum assumere. Vnde Hieremias: Iurabis in nomine Domini in veritate, iudicio, & iustitia. Et dicit ibi glossa, quod iuramentum debet habere tres comites, veritatem, iudiciū, & iustitiam. Primo dico quod debet fieri iuramentum in veritate. Vnde dicit: *Non assumes nomen Dei tui in vanum*, hoc est sine veritate.

Iuramentum duplex assertorium, & promissorium, ita quod est in testimonium, & in promissum. Fac iuramentum assertorium sic: Hoc tibi iuro, assero, & testificor per testimonium diuinæ veritatis. Illud autem iuramentum primo debet habere veritatem. Veritas autem est in iuramento, ut homo non neget verum, non asserat falsum, & non asserat scienter dubium: quia sermo est indicatiuus eorum, quæ sunt in corde. Sed scitis quid est, quando homo aliquod falsum testificatur per testimonium falsitatis? hoc est dicere, quod mentitur, & diuina veritas mentitur secum. Et hic est primus modus assumendi nomen Dei in vanum, quando negamus veritatem. Secundo debet fieri iuramentum assertorium cum iustitia. Fit autem cum iustitia, quando non fit contra mandatum diuinæ legis, neque contra præceptum sanctæ matris Ecclesiæ, nec in dispendium salutis propriæ, vel alienæ. Et qui contra ista tria iurat, dupliciter peccat, & quia iurat & quia seruat. Tertio oportet in iuramento assertorio, ut concomitetur iudiciū, quod sit in mente discretio veritatis & iustitiæ, scilicet utrum iuramentum sit verum vel falsum, iustum vel iniustum, fructuosum vel infructuosum. & si iuro absque iudicio, non discernens inter ista tria, temerarie iuro. Isti tres comites debent esse in iuramento assertorio. Sed Manichæi insultant nobis, & dicunt, quod non debemus iurare omnino: quia dicitur in nouo testamento: Ego autem dico vobis, non iurare omnino. Sit autem sermo vester, Est est, Non non. Certe dico, quod ex certis causis bene licet iurare. Hæretici non bene attendunt vim vocabulorum. Differt dicere, non iurare omnino, & omnino non iurare. Sicut differt dicere: Quidam homo non currit, & non quidam homo currit. Omnino non iurare, est nullo modo iurare, & non omnino iurare, est non omnibus modis iurare, sed ex certis causis.

*Sup. ser. 2.*  
*Deut. 6. b.*  
*Leu. 19. c.*  
*Hier. 4. a.*

Manichæorum hæresis.

*Matth. 5. e.*

Iuramentum promissorium fit tribus modis.

Secundo debet nomen Dei assumi non in vanum, in iuramento promissorio. Fit autem iuramentum promissorium tribus modis, scilicet ad promouendum bonum, ad conseruandam fidelitatem, & ad ineundam mutuam pacem. Primo modo iurant inferiores superioribus. Secundo modo pares paribus. Tertio

A modo superiores inferioribus. De primo dicit Apostolus: Testis mihi Deus est. Secundo modo iurauit Laban fidelitatem Iacob. Tertio modo iurant superiores populo. Ex primo iuramento relinquitur triplex utilitas: fides in intellectu, amor in affectu, & pax in effectu. Istis tribus modis fit iuramentum ad promouendum bonum. Secundo modo fit iuramentum ad conseruandam fidelitatem, & hoc fit ad compescendum malitiam, ad sedandum controuersiam, & ad expurgandum infamiam. Primo dico fit ad compescendum malitiam, ut homo non neget veritatem, nec asserimet falsitatem: & hæc est ratio utilitatis iuramenti. Secundo modo fit ad sedandum controuersiam. Vnde Apostolus: Omnis controuersie finis est iuramentum. Tertio modo fit ad expurgandum infamiam. Vnde in Deuteronomio: dicitur, quod maiores debebant se expurgare per iuramentum, quando inueniebatur cadauer mortuum. Istis tribus de causis fit iuramentum ad conseruandam fidelitatem. Tertio modo fit iuramentum ad ineundam mutuam pacem, & in hoc intelligitur cohibitio peccatorum mortaliū, quia omnis iuratio vera est periculosa, falsa est pernicioiosa, nulla autem est secunda. Et propter hoc dicitur in Ecclesiastico: Iurationi non assuescat os tuum. Iste est intellectus literalis.

C Spiritualis vero intellectus hic est: *Non assumes nomen Dei tui in vanum*, &c. Notandum est, quod assumimus nomen Dei non in vanum tribus modis, scilicet ad efficiendum, ad promittendum, & ad exprimendum. Primo dico, quod assumitur nomen Dei non in vanum ad efficiendum, ut in sacramentis, sicut dicitur in baptismo: Ego baptizo te in nomine Patris & Filij, & Spiritus sancti. Secundo modo fit iuramentum ad promittendum, sicut promitto ire ad sanctum Iacobum, vel intrare religionem per iuramentum. Tertio assumimus nomen Dei non in vanum ad exprimendum, sicut quando loquimur cum iuramento. E contra accipimus nomen Dei in vanum per frustrationem sacramenti suscepti, per fractionem voti, & per prolationem sermonis blasphemij. Primo dico assumimus nomen Dei in vanum per frustrationem sacramenti suscepti. Et secundum hoc est triplex modus assumendi nomen Dei in vanum. Primo modo quando quis non credit, sicut hæreticus. Secundo modo quando credit, & se non disponit, sicut usurarius. Tertio modo quando gratiam in sacramento susceptam non custodit, sicut ille qui postea peccat. Audi, quando tu es insignitus in nomine Dei, tunc character tibi imprimitur per virtutem nominis Dei, & quando homo postea peccat, euacuat virtutem sacramenti. De talibus dicit Apostolus ad Titum: Constatentur se nosse Deum, factis autem negant. Et sic conculcas, & pollutum ducis sanguinem Christi.

Secundus modus assumendi nomen Dei in vanum est per fractionem voti emissi. Et hoc fit tribus modis. Primo per dilationem irrationabilem, sicut promitto ire ad sanctum Iacobum, & non assigno mihi certum tempus, & sic semper procrastino. Secundo fit voti fractio per voluntatem contrariam, sicut quando quis promittit aliquid Deo, & postea pœnit. Contra tales dicitur in Deuteronomio: Si quid processerit de labijs tuis, non facies irritum. Tertio fit fractio voti per apostaticam rebellionem, sicut quando homo apostatat a religione. Primus modus est malus, secundus peior, tertius pessimus: quia dicitur: Homo apostata vir inutilis. Vnde dicit Ecclesiastes: Si quid vonisti Deo, non moreris reddere. displicet enim Deo stulta & infidelis promissio. Tempus, dies, & hora interpellabit. Patet modo, quomodo tribus modis in fractione voti assumimus nomen Dei in vanum.

Tertio assumimus nomen Dei in vanum per prolationem sermonis blasphemij, & hoc fit tribus modis. Primo quando aliquis loquens de Deo vitatur locutione maledicta, sicut quando maledicit Deo. Secundus est per locutionem

*Rom. 1. a.*  
*Gen. 31. g.*

*Heb. 6. d.*

*Deut. 21. b.*

*Eccl. 23. a.*

*Tit. 1. d.*

*Deut. 23. d.*

*Prov. 6. b.*  
*Eccl. 5. a.*



locutionem mendacē, sicut quādo quis negat verū, vel A  
affirmat falsum : quia dicit Anselmus, q̄ omnis cōtra-  
dictionis nobilior pars Deo est attribuenda. Tertius  
modus est per locutionem probrosam, sicut quando  
quis loquitur de membris Christi interioribus, bla-  
spemat pessime, etiam si verum dicat, & Christum  
despicit in eo, quod humilis fuit. Et tales diuino iu-  
dicio sunt exterminādi. Narrat enim Gregorius, quod  
quidam puer sex annorum consuetus fuit blasphemare :  
quadam die cum blasphemaret, & esset in sinu pa-  
tris sui, raptus est a dæmonibus, & portatus in infer-  
num. Propter quod dicitur in Leuitico : Quicumque  
blasphemauerit, morte morietur. Pater modo quibus B  
modis assumimus nomen Dei in vanum.

De tertio præcepto. Sermo IIII.

Ps. 102. 6.

**M**emento, vt diem sabbati sanctifices. Psalm ista :  
Misericordia Domini ab æterno, & vsque in  
æternum super timentes eum, & iustitia illius in filios  
filiūm his, qui seruant testamentum eius. Indige-  
mus diuina misericordia condonante offensas nostras,  
& diuina iustitia recompensante merita nostra. Sed ti-  
mor Dei facit inuenire misericordiam, & obseruan-  
tia mandatorum, iustitiam. Consideratio autem ma-  
gnificentie Dei inducit ad timendum : consideratio di-  
uinæ legis inducit ad obseruantiam mandatorum. Et  
propter hæc innuitur nobis, vt semper cogitemus di-  
uinam legem. Vnde Iudæi die sabbati consueuerunt  
semper disputare de lege Dei, quia hoc est opus Dei.  
Et vt perfecte possimus loqui de lege Dei, ideo roge-  
mus Deum in principio, &c.

Sap. 1. 2.

*Memento. &c.* Dicebam vobis, quod in tabula pri-  
ma continentur tria mandata nos ordinātia ad Deum,  
secundum tria appropriata tribus personis diuinis. In  
primo mandato præcipitur humilis adoratio diuinæ  
maiestatis. In secundo fidelis confessio summæ veritat-  
is. In tertio sincera dilectio summæ bonitatis. & hoc  
tertiū præceptum est. Et est summa verborum :

Exo. 20. 6.

*Memento, vt diem sabbati sanctifices.* Sequitur. *Sex  
diebus operaberis, & facies omne opus tuum, septima  
vero die non facies omne opus tuum, tu & filius tuus  
& filia, seruus & ancilla, iumentum, & aduena, qui est  
intra portas tuas. Sex enim diebus fecit Deus calum, &  
terram, mare & omnia, quæ in eis sunt, & septimo die  
requieuit. Ideo benedixit, & sanctificauit illum.* Videte  
quod in his verbis Spiritus sanctus scripsit tabulas; quia  
Spiritus sanctus per digitum Dei intelligitur, qui om-  
nia præcepta scripsit cum summa diligentia. hæc scri-  
psit insinuans mandati integritatem, & consumma-  
tionem. In hoc autem mandato aliquid præcipit, ali-  
quid concedit, & aliquid interdicit. Præcipit sanctifi-  
care diem sabbati, ibi : *Memento, vt diem sabbati san-  
tifices.* Sanctificatio enim est conuertens animam ad  
Deum sanctum, ad Deum verum, & ad Deum sum-  
me diligendum. Aliquid concedit in isto mandato,  
ibi : *Sex diebus operaberis, & facies omne opus tuum.*  
Aliquid vero interdicit, scilicet opus seruile, ibi : *Nul-  
lum opus facies in eo, &c.* Hæc est perfecta vacatio,  
quæ habet adiunctam bonam operationem, & prohibi-  
tam seruilem. Ratio præcepti subiungitur, ibi : *Sex  
diebus fecit Deus calum, & terram, mare, & omnia  
quæ in eis sunt, & septimo die requieuit. Ideo benedi-  
xit, & sanctificauit illum.* Sed quare præcepit vacare?  
Certe, quia benedixit, & sanctificauit illum. Ideo  
& tu creatura, quæ es Christi imitatrix, debes hoc fa-  
cere. Modo Iudæi insultant nobis, & dicunt : Vos te-  
netis decalogum, & decalogus non habuit nisi præ-  
cepta moralia, morale autem necessitatem habuit pro  
omni tempore. Septima autem dies in qua non licet  
operari, a prima die, in qua licet operari, est dies sab-  
bati, quæ dicitur dies Saturni, & vos vacatis die Do-  
minico pro die Saturni. Item dicitur : Omne opus non  
facies in die illa, & vos facitis multa opera, & ita to-

Obijciunt  
nobis Iu-  
dæi, quod  
sabbatū nō  
sanctifice-  
mus.

tum dissipatis. Videte charissimi, intelligendum est  
ita, quod præceptum illud habet aliquid, quod est  
mere morale, & habet aliquid, quod est mere cæri-  
moniale, & habet aliquid mixtum ex morali, & cæri-  
moniali. Quod præcipit Dominus sanctificationem,  
id est vacationem ad amandum, hoc est vere præce-  
ptum. Vnde dicit Beatus Petrus, quod quilibet tene-  
tur Dominum sanctificare in corde suo, id est, ama-  
re. Ille sanctificat siue sabbatismum facit, qui Deum  
super omnia diligit propter se, & non propter aliud.  
Item est in præcepto aliquid figurale, sicut diei septi-  
mæ feriatio. Dies septima significat quietem anima-  
rum, & quietem Domini in sepulchro, & cessatio-  
nem ab opere seruili cum vacatione, & deprecatione.  
Deus enim sex diebus operatus est omnia, non quia  
non potuisset fecisse vna die : sed intelligendum est  
hoc, quod mundus aliquid habet in arte æterna, sci-  
licet esse æternum, quod est æternitas vitæ & posses-  
sio vna, in quo nihil est prius, nec posterius. & hoc  
impressit Deus mentibus angelicis. Item habet mun-  
dus aliquid in intelligentia creata, scilicet prius & po-  
sterius natura simul secundum durationem; non se-  
cundum naturam, secundum quod est in materia; non  
propter defectum operantis, sed propter condescen-  
sionem ipsius vt coaptaret omnia, & omnia in primis  
operibus designaret. Et sicut omnium operationum  
in primis operibus produxit; sic & seminaria omnium  
operum & quietationem plene produxit. Et quia se-  
ptimo die requieuit, & intellectualem ad esse creatu-  
ram reuocauit, & septimo die animas in sepulchro  
reduxit ad quietem paradisi. Significatio igitur diei  
septimæ est figuralis quietis animarum. Sic igitur  
in mandato illo continetur aliquid quod est morale,  
scilicet, vt Deus super omnia diligatur, & aliquid  
quod est cærimoniale, vt figuratio diei septimæ. Item  
continetur aliquid quod est partim morale, & partim  
cærimoniale, vt cessatio ab operibus. Et hoc in quib-  
usdam generaliter est intelligendum, in quibusdam  
specialiter. Si intelligamus sicut Iudæi, qui dicunt,  
quod debet fieri vniuersalis cessatio ab omni opere  
seruili, sic insinuat Christiano, quod debet absti-  
nere ab omni peccato, & sic est figurale. Si intelli-  
gamus, quod ab aliquibus debemus abstinere, sic est  
morale, non sicut in præcepto & sicut in bene esse, &  
remansit sicut in ecclesiastica institutione est præce-  
ptum. Dico opera seruilia opera mechanica, quæ  
sunt septem, scilicet agricultura, quæ comprehendit  
omnem modum colendi terram. Lanificium, quod  
consistit in omni genere vestimentorum. Fabricatio si-  
ue fit in materia ferrea, siue lapidea, siue metallica,  
siue lignea. Venatio, quæ comprehendit equorum,  
& venatorum opus, & omnem modum pistorum, co-  
quorum, & omnem modum præparandi cibos. Me-  
dicina, quæ consistit in arte conficiendi pigmenta vel  
symplos, & huiusmodi. Nauigatio, quæ comprehen-  
dit omne opus nautarum in mari, siue omne opus  
mercationis. Et theatrica, quæ comprehendit omnem  
modum ludi, vel iucunditatis. Modo dico, quod in  
omnibus istis sunt quædam meræ seruilitatis, quædam  
continua necessitatis, quædam meræ iucunditatis. Il-  
la quæ sunt meræ seruilitatis prohibentur ab Ecclesia.  
Illa autem quæ sunt continua necessitatis, sicut illa  
quæ sunt ad conseruationem vitæ, vel sanitatis, con-  
ceduntur in quantum sunt necessitatis, & prohibentur  
in quantum sunt seruilitatis. Illa vero quæ sunt meræ  
iucunditatis sunt permissa, non prohibita : quia pro-  
pter paruitatem nostram permittuntur ab Ecclesia. Et  
sic poterimus respondere.

Sed dices, quare confudit & miscuit moralia, & cæ-  
rimonialia simul? Dico, quod hoc præceptum : *Me-  
mento, vt diem sabbati sanctifices, &c.* est de charitate,  
& quidquid patet & latet in alijs, in isto mandato cō-  
summat. Et ideo miscuit simul moralia & cærimo-  
nialia vt melius ad memoriam reduceremus; ne si spe-  
cialiter

1. Pet. 3. 6.

Lege breui  
loq. 2. p. c. 2  
& Cærilog.  
3. p. scilicet 7.  
10. 6.

Opuscul. de  
Reduct. ar.  
ad Theolo.  
statia prim  
ci. & Hug.  
de S. Viſto.  
Excer. prio  
rum li. 1. c.  
14. & li. 2.  
Didascali-  
ci. c. 21.

cialiter poneret, grauaretur memoria nostra. Sunt autem tria, quæ requiruntur ad perfectam dilectionem. Primum est diuina vacatio conuertens animam in Deum. Secundum, imitatio Christi in bonis operibus. Tertium est cessatio ab omni opere serui, quæ cor reddit purum, & mundum. Conuersio autem in Deum est secundum septem opera, quibus anima conuertitur ad perfectam vacationem in Deum, quorum tria sunt intrinseca, quæ fiunt meditando, orando, & exultando. Ex istis tribus fit contemplatio. Alia sunt extrinseca, quæ fiunt legendo, psallendo, sacrificium offerendo, diuinam legem adimplendo. Et hoc fit siue audiendo, siue docendo, siue cum alijs cõferendo. Hoc est

*Eph. 5. a.* *Luc. 6. e.* *Opera misericordiz.* *Ephe. 5. a.* *Luc. 6. e.* *Opera misericordiz.* *Senef. 1. a.*

quod dicit: *Memento, vt diem sabbati sanctifices*, &c. Mâdat igitur Dominus primo vacatione conuertentem animam in ipsum. Secundo mandat sui imitationem, cû dicit: *Sex diebus operaberis*. De ista imitatione dicit Apostolus: Imitatores Dei estote, sicut filij charissimi. Et in Luca: Estote misericordes, sicut & Pater vester. Pater misericors est. Sex autem sunt opera misericordiz, scilicet pascere esurientes, potare sitientes, vestire nudos, colligere hospites, visitare infirmos, & redimere captiuos. Aliter enim impossibile est esse opus virtutis, nisi creatura in istis conformetur Christo. Ad opus autem virtutis requiruntur sex correspondentia sex operibus virtutis, quæ sunt circumscriptio prouida, intentio recta, affectio pura, electio recta siue iusta, prosecutio vigorosa, & informatio charitativa. Primum intelligitur in opere primæ diei, quando dicitur: *Deus: Fiar lux. Et facta est lux*. Hoc est circumscriptio prouida. Secundo oportet quod homo ponat sibi rectum finem in Deum, & hoc notatur cum dicitur: *Fiat firmamentum in medio aquarum*. Et vocauit Deus firmamentum cælum. Oportet, quod homo agatur sursum, & habeat rectam intentionem ad Deum. Tertio requiritur affectio pura, & hoc intelligitur in tertio opere. Diuisit Deus terram ab aquis, id est affectiones sæculares a diuinis. Quarto requiritur electio iusta siue recta, vt ordinate faciat, quæ debet facere, & hoc notatur in quarto opere, cum dicitur: *Fiant luminaria in firmamento cæli*, id est, sint opera nostra ordinata. Quinto requiritur prosecutio vigorosa, quod notatur in quinto opere, quando Deus produxit animam viuam, in aquis natatilia, in aere volatilia. Sexto fecit Deus integra opera superuestita omnibus circumstantijs, secundum quod exigit lex diuinæ charitatis. Charitas autem est forma perfectiua omnium, & ille qui habet charitatem, habet omnia ista sex. Sextum igitur opus virtutis est informatio charitativa, quod notatur cum dicitur: *Fecit Deus hominem ad imaginem, & similitudinem suam*. Quando hominis opus integratur ex istis sex, tunc dicitur recte viuere. Sed non sufficit facere virtutis opus, nisi homo caueat ab opere vitioso. Et hoc tangitur cum dicitur: *Nullum opus facies in eo*.

Peccatum quinq. modis ab homine committi pot. *Quinque modis potest homo facere peccatum. Primo quando peccatum perpetrat. Secundo quando ad peccandum alium incitat. Tertio quando peccantem defensat. Quarto quando peccantem acceptat. Quinto quando peccantem dissimulat, nec arguit, nec punit, & hoc est maximum periculum, quando quis alium castigare negligit. Primum peccatum tangitur, cum dicitur: Nullum opus facies in eo, id est, tu nullum perpetrabis peccatum. Secundum peccatum tangitur cum dicitur: Nec filius, nec filia, id est non eris pater peccati instigando alium ad peccatum, verbo vel opere, vel exemplo. Tertium peccatum tangitur, cum dicitur: Nec seruus tuus, nec ancilla tua. Ille qui facit peccatum, seruus est peccati: sed ille qui defensat peccatum, Dominus est peccati, illi præbendo patrocinium, qui facit peccatum. Quartum peccatum est, quando aliquis peccantem acceptat, quod notatur ibi: Nec inuentum tuum. Iumentum cum fuit ligatum, non ducebatur ad opus, nisi acceptante Domino, &*

A ista acceptatio est religatio. Quintum peccatum est quando aliquis alium castigare negligit, quod tangitur cum dicitur: *Non aduenia, qui est intra portas tuas*. Adueniam quis reputat hominem, quando dicit ad alium, Quid ad me de peccato tuo? Et sic quando homo non punit peccatum alterius, efficitur particeps peccati illius. Alijs etiam multis modis efficitur homo particeps peccati alterius. Et propter hoc dicit Psal. 18. d. mista: Ab occultis meis munda me Domine, & ab alienis parce seruo tuo.

De quarto præcepto. Sermo V.

H Onora patrem tuum, & matrem tuam, vt sis longauus super terram, quam Dominus Deus datus est tibi. In Ecclesiastico dicitur: Quæ præcepit tibi Deus, cogita illa semper, & in plurimis operibus eius, ne fueris curiosus. Verba vltima specialiter dicuntur literatis: in quibus docet Ecclesiasticus cogitare vtilia, & vitare curiosa. Vtilia autem dirigunt nos in viam salutis: sed curiosa distrahunt nos a via salutis, & dissipant intelligentiam nostram. Magna pars intelligentiæ perditur propter curiositatem, & tamen nihil est pretiosius intelligentia in nobis. Dolemus cum perdimus aurum, multo plus dolere debemus, si amittamus intelligentiam; quia nihil est ita charum sicut actus intelligentiæ. Sumus dicturi de præceptis, & indigemus, quod Dominus illustret intelligentiam nostram: ideo rogemus Deum in principio, &c.

*Honora patrem tuum, &c.* Dicebam, quod sicut anima rationalis ordinari habet ad creatorem, & ad creaturam, secundum hoc est duplex tabula, in qua lex Dei est scripta. In prima tabula continentur tria mandata, secundum tria appropriata tribus personis diuinis, & secundum triplicem operationem animæ. In primo mandato præcipitur humilis adoratio summæ maiestatis, in secundo fidelis confessio summæ veritatis, in tertio sincera dilectio diuinæ bonitatis. Ista tria mandata sunt fundamentum omnium præceptorum legis. Et propter hæc tria omnis timoratus, verax, & Deo deuotus tenetur ista principaliter custodire. Modo dico, quod in secunda tabula continentur septem præcepta, vnum est affirmatiuum, & sex sunt negatiua. Ratio distinctionis est hæc. Quia omnia mandata reducuntur ad duo: Hoc facias alij, quod tibi vis fieri. Non facias alij, quod tibi non vis fieri. Et iuxta hoc accipiuntur duo præcepta. Primum est innocentiz. Secundum est beneficentiz, quæ sunt duæ partes iustitiz. Modò dico vltius, quod præcepta ordinantur secundum ipsorum nobilitatem, & beneficentia melior est, quàm innocentia: ideo mandato innocentiz præponitur mandatum beneficentiz, & est synecdochice traditum Iudæis, sicut, *Honora patrem tuum & matrem tuam, &c.* Et ponitur hic primo forma mandati, cum dicitur: *Honora, &c.* Secundo subditur promissio, cum dicitur: *Vt sis longauus, &c.* Intellige secundum literalem intelligentiam. Pater nominat personam generantis, personam instruētis, & personam educantis: quia pater habens filium generat ipsum, instruit ipsum, & nutrit, & ipsius est, filio legare bona sua. Et sic Pater tenet rationem originis, rationem regiminis, & rationem benefactoris. Et secundum hoc debetur ei triplex honor: honor reuerentiz, honor obedientiz, & honor beneficentiz.

Primo dico, patri, in quantum tenet rationem originis, debetur honor reuerentiz. Vnde in Ecclesiastico: Qui timet Deum, honorabit patrem suum & matrem suam, & quasi dominis seruiet eis, qui se genuerunt. Secundo patri ratione regiminis debetur honor obedientiz. Vnde Paulus: Filij obedite parentibus vestris, hoc enim iustum est. *Honora patrem tuum, & matrem tuam*, quod est mandatum primum in promissione, vt bene sit tibi, & sis longauus super terram. Tertio honor debetur patri, quia ratione benefactoris,

*Ecd. 13. a.* *Patri triplex honor debetur.* *Eph. 6. a.*

*Eccli. 3. b.* benefactoris, honor, scilicet beneficentia. Vnde dicitur in Ecclesiastico: Fili suscipe senectam patris tui, & non contristes eum in vita illius. Præcipitur igitur, quod triplex honor impendatur parentibus, scilicet honor reuerentia, obedientia, & beneficentia. Et hoc est primum mandatum, quod debes custodire, propter promissionem, scilicet, ut bene sit tibi, & sis longeuus super terram. Et tangitur primo mandatum ibi: *Honora patrem tuum & matrem tuam*. Secundo additur promissum ibi: *Ut sis longeuus super terram*, &c.

*Longeuitas honoranti patrem quomodo promissa.* Sed numquid verum est semper, quod diutius uiuant? Videmus hoc falli quandoque, ergo Deus fallax erit in suo promisso. Dico, quod longeuitas non solum attenditur secundum longitudinem dierum currentium, sed secundum valorem. Et secundum quod est triplex honor, qui exhibetur parentibus, sic respondet huic triplici honori triplex primum. Honoranti patrem honore reuerentia, debetur vita gloriosa siue honorifica. Honoranti patrem honore obedientia, debetur vita iucunda. Honoranti patrem honore beneficentia, conceditur vita opulenta. Primo dico, honoranti patrem honore reuerentia, conceditur vita gloriosa siue honorifica. Vnde Ecclesiasticus: Gloria hominis ex honore patris sui. Item ibidem: Ne gloriaberis in contumelia patris tui, non enim est tibi honor, sed confusio. Naturale enim est, quod filius uehementissime diligit patrem, & indignatur quando aliquis iniuriatur patri. Secundo honoranti patrem honore obedientia, conceditur vita iucunda. Vnde Ecclesiasticus: Qui honorat patrem suum iucundabitur in filiis, & in diebus orationis suae exaudietur. Qui honorat patrem suum, vita uiuet longiore, & qui obedit patri suo refrigerat manum suam. Summa iucunditas est, quod homo non sit rebellis superiori suo: quia qui rebellis est superiori, inueniet rebellem inferiorem: & contemptor superiorum potestatum, contemnetur ab inferioribus. Sicut Adam quando fuit, inobediens superiori suo, omnia inferiora sua, quae sibi fuerant subiecta, habuit contraria. Tertio honoranti patrem honore beneficentia, conceditur vita opulenta: Vnde Ecclesiasticus: Honora patrem tuum & matrem tuam, & superueniet tibi benedictio, & benedictio tua in nouissimo manebit. Benedictio ita vocatur multiplicatio bonorum. Ecce præceptum & ecce promissio. Obligamur ad obediendum parentibus, quamdiu utimur ipsorum bonis: & debemus eis obtemperare in exercitatione actuum virtuosorum, siue salubrium, in dispensationibus temporalium & in subministratione obsequiorum. Debemus etiam viuere secundum eorum consilium, & expendere secundum eorum imperium, & quando exegerit necessitas, subministrare eis obsequium. Si tamen parentes aliquid velint, vel dicant, vel imperent nobis, quod sit contra profectum salutis nostrae, non est ipsis in illis pietas exhibenda. Et hoc est, quod dicit Dominus in Euangelio: Qui non odit patrem suum, aut filios propter me, non potest meus esse discipulus. Vult Dominus, quod ex affectu paterno non dimittat homo facere, quod pertinet ad salutem suam. Et hoc est, quod dicit Dominus: Dimitte mortuos sepelire mortuos suos, tu autem vade & annuncia regnum Dei. Et Hieronymus dicit: Si pater in limine iaceat, si mater vbera, quibus te lactauit, ostendat, per calcatum perge patrem, per calcatam perge matrem, & ad vexillum crucis euola. Solum enim genus pietatis est, in hoc esse crudelem. Ecce intellectus verborum secundum sensum literalem. Videte latiore intellectum.

Præcipitur beneficentia ad omne genus hominum. Pater nominat personam, in qua est præcipua ratio auctoritatis, antiquitatis, & amicitiae. Primo dico, in patre est auctoritas: & in isto mandato datur præceptum, quod obediatur patri, qui habet auctoritatem. Auctoritatem autem habet omnis, qui præest reipublicae, vel rei politicae, vel rei monasticae. Pri-

mo dico, quod ille qui præest reipublicae est pater ratione auctoritatis, ut princeps, baro, comes, vel dux. Et dicitur pater tutela, vel defensione, & cum debemus honorare. Vnde Beatus Petrus: Deum time, principes honorifica. Secundo habet auctoritatem ille, qui præest rei politicae siue Ecclesiasticae. Et ipsum debemus honorare, secundum quod exigit dispositio ecclesiastica & debet ei obedire vulgus. Vnde Apostolus ad Hebræos: Obedite praepositis vestris, & subiaceate eis, ipsi enim vigilat, quasi rationem pro animabus vestris reddituri. Tertio auctoritatem habet ille qui præest rei monasticae, & illi debemus honorare & ei obedire, secundum quod regula & promissio facta est. Vnde Hieronymus: Praepositum monasterii diligite ut patrem, time ut dominum audite ut magistrum, credite ut salubre, quidquid ipse vobis dixerit. Modo dico, quod istis debemus obedire, secundum quod exigit ordo vel auctoritas. Secundo in patre intelligitur antiquitas, & ex hoc intelligitur debilitas, fenes enim debilitantur. Et qui patrem honorat ratione antiquitatis & debilitatis, honorat omnem hominem, qui indiget adiutorio, vel qui caret sensu, vel fortitudine, vel infestatur ab alio. Propter hoc debemus alium iuuare per documenta, vel sustentamenta & per patrocinia, & ad hoc specialiter sunt prælati. Si homo caret sensu, debent ipsum iuuare per documenta: si caret fortitudine, debent ipsum iuuare per sustentamenta: si infestatur ab alio, debent ipsum adiuvare per patrocinia. Tertio in patre intelligitur ratio amicitiae, & in hoc intelligimus, quod ratione originis, amabilis & amandus est omnis homo, & tenetur quilibet homo alium honorare. Vnde Apostolus: Honore inuicem praeuenientes. Et iterum: Reddite omnibus debita, cui honorem, honorem. Nemini quidquam debeatis, nisi ut inuicem diligatis.

Debet homo alium diligere, bene volendo cuiuslibet quantum ad effectum, & quantum ad effectum, & quantum ad signum. Habet autem ista dilectio ordinem, quia debemus diligere secundum rationem proximitatis, secundum rationem similitudinis, & secundum rationem obligationis. Primo dico, debemus diligere secundum rationem proximitatis, & secundum hoc maiorem amorem debemus domesticis, quam extraneis, & amicis, plusquam inimicis. Secundo habet dilectio ordinem secundum rationem similitudinis, quia aliquibus debemus ratione similitudinis maiorem dilectionem, quam alijs: sic tenemur ratione similitudinis in forma specifica diligere hominem: secundum similitudinem ratione conuenientiae in fide debemus plus diligere Christianum, quam Iudaeum vel gentilem: & secundum rationem similitudinis in professione maxime debemus diligere, sicut religiosus fratrem suum, & unus canonicus concanonicum suum. Tertio ratione obligationis debemus diligere & tenemur obedire: & sic aliquibus plus tenemur quam alijs. Teneor enim alium diligere, & eum honorare ratione præcepti tantum: teneor plus ratione præcepti & beneficii: & teneor maxime, ratione præcepti, beneficii & promissi, id est, illum de quo est mihi præceptum, & recepi beneficium, & feci promissum, debeo plus diligere, & honorare. Patet modo quod in verbis istis: *Honora*, &c. tangitur præceptum: & quomodo secundo redditur promissum ibi: *Ut sis longeuus*, &c. Deinde dictum est, quomodo intelliguntur secundum intelligentiam literalem, & quomodo secundum spirituales. Et ut melius teneatis in mente, dicam vobis duo exempla, vnum bonum de illo, qui matrem honorauit; & aliud malum & crudele de illo, qui patrem non honorauit. Dicam primum de bono.

Fuit quidam magister magnus & famosus Parisijs, Exemplum & a multis notus & dilectus. Hoc audiens mater sua de filio pauperula, cogitauit ire ad filium suum, accepit baculum & in tunicella de burello venit Parisijs, & quæsiuit rante. a quibusdam

1. Pet. 2. c.

Hebr. 13. c.

Hier. epi. 4. ad Romanos. Sic. post med. ro. 1.

Rom. 12. c. &amp; 13. b.

Homo quomodo est diligendus, &amp; ordo in dilectione.

a quibusdam dominabus pro tali magistro. Dixerunt illi matronæ: Quid vultis ab eo? Respondit: Ego sum mater sua. Tunc illæ matronæ duxerunt eam in domum suam & refocillauerunt eam. Postea cogitarunt, quod ille bonus homo verecundaretur, si videret eam in tali statu, & induerunt ipsam bene, & dederunt ei mantellum, & iuerunt secum ad magistrum. Tunc illa dixit, Ego sum mater tua. Respondit magister: Vere ego non credo, quia mater mea est paupercula, & consuevit habere solum tunicellam de burello. Et cum nullo modo veller acquiescere verbis eius, reduxerunt eam in domum suam, & reddiderunt ei tunicellam eius, & baculum. Tunc illa accessit ad filium suum in congregatione multorum, & cum videret matrem suam in tali habitu venientem, deposuit caputium suum, & amplexatus est eam, & dixit: Modo scio, quod estis mater mea. Hoc fuit diuulgatum per villam, & reputatum est ei pro magno bono. Et postea factus est Episcopus Parisiensis.

Exemplum cuiusdā qui patrem nō honorauit.

Aliud exemplum dicam malum de eo qui non honorauit patrem suum; & vidi illum, qui nouit illum, cui hoc accidit. Fuit quidam homo pauper, qui per industriam suam multa acquisierat, & habebat vnicum filium. Et videntes quidam nobiles, fecerunt quod contraxit filius cum filia cuiusdam nobilis. Et tunc illa quæ fuit pulchra & nobilis incēpit abominari patrem, & fecit tantum cum marito suo, quod odio habuit patrem suum, & quod pater non habebat quid comederet nisi fabas malas, & semper in conuiuio expellebatur a domo. Quadam die fuit famelicus, & venit ad domum filij & petijt cibum, & datæ sunt ei fabæ malæ, & expulsus est a domo. Tunc illa dixit marito suo: Modo possumus comedere in pace. Vade ad arcam & accipe caponem coctum. Et cum aperuit arcam, mutatus est capō in bufonem. Qui subito saliens ad faciem eius, ponebat duos pedes ad mentum & duos ad frontem, & operuit totam faciem eius, & non fuit medicus qui sciret eum amouere. Tandem venit quidam, qui fecit tenellas quasdam, & dixit, quod eum amoueret. Tunc bufo aspexit eum tam horribili vultu, quod ille cecidit in terram, & amplius non audebat aliquid facere, & nullus fuit, qui sciret apponere consilium, sed mala morte mortuus est. Patet modo præceptum, & promissum quod promittitur.

De quinto, sexto, & septimo, Præcepto.  
Sermo VI.

Psal. 118. a  
1ac. 2. b.

**N**on occides. Non mœchaberis. Non furtum facies. Psalmista ait: Tunc non confundar, cum perspexero in omnibus mandatis tuis. Iacobus dicit: Qui totam legem seruauerit, offendit autem in vno, factus est omnium reus. Non quia pro vna transgressione tantum punietur pœna sensus, sicut pro transgressione omnium; sed punietur tantum pœna damni: non tamen ita acriter pro vno, sicut pro omnibus. Ideo si quis vult pertingere ad vitam æternam, oportet quod perspiciat in omnibus mandatis Dei corde & opere. Et ideo dixit Psalmista: Cum perspexero, id est, perfecte inspexero, & considerauero; & iuxta hoc ego non timebo confundi. Non est magnum confundi in præfenti; sed confundi æternaliter, hoc debemus abhorre. Sed tamen non possumus euadere istam confusionem, nisi perspiciamus in omnibus mandatis Dei.

Sup. ser. 2. Ideo Deum rogemus in principio, &c.

Non occides, &c. Dicebam vobis, quod mandata Dei distinguebantur in duas tabulas. In prima continentur mandata secundum legem iustitiæ ordinantia nos ad Trinitatem: qua continentur tria mandata secundum tria appropriata tribus personis. In secunda tabula continentur mandata ordinantia nos ad proximum, & hoc secundum duplicem partem iustitiæ, scilicet innocentie & beneficentie. Reducitur autem to-

ra iustitia ad tria: quia Deo debemus exhibere debitam reuerentiam, per orationem, confessionem, & satisfactionem. Patri debemus exhibere beneficentiam, & omnibus alijs innocentiam. Dictum est de tribus mandatis, quæ nos ordinant ad Deum; dictum est etiam de quarto mandato, quod accipitur penes partem iustitiæ, quæ est beneficentia, in quo præcipitur, quod debemus exhibere honorem patri & matri: sequitur de sex alijs mandatis, quæ pertinent ad innocentiam. Nocet autem quis proximo suo tripliciter, peruersitate operis, falsitate sermonis, & improbitate voluntatis: & propter hoc legislator primo prohibet nocumentum, quod prouenit ex peruersione operis. Peruersitas autem operis, quæ quis iniuriatur alij, est triplex. Aut enim quis iniuriatur alij in propria persona, aut in coniuncta persona, aut in temporali substantia. & secundum hæc sunt tria mandata, quæ pertinent ad innocentiam. In primo prohibetur nocumentum in propria persona, ibi: *Non occides*. In secundo prohibetur nocumentum in persona coniuncta, ibi: *Non mœchaberis*. In tertio prohibetur nocumentum in substantia temporali, ibi: *Non furtum facies*.

Proximo suo tripliciter quis nocet.

Primo dico cum dicitur, *Non occides*, prohibetur ira prorumpens in iniurias peremptiuas vitæ naturalis siue substantialis, & vitæ incolumis, & vitæ honorabilis. natura enim appetit, quod melius est, & ideo non sufficit sibi, quod habeat vitam subsistentem, immo cum hoc vult vitam salubrem & incolumem. Ergo in isto mandato, *Non occides*, legislator prohibet primo iras prorumpentes in iniurias peremptiuas vitæ naturalis. Secundo prohibet iras prorumpentes in iniurias vitæ incolumis, scilicet quando fit iniuria per verbera, vel vulnera. Tertio prohibet iras prorumpentes in iniurias vitæ honorabilis, sicut est iniuria quæ est in contumeliam apertam vel occultam, sicut illa quæ fit per signum. Vnde dictum est in Euangelio: *Manth. 5. c.* Audiistis, quia dictum est antiquis: *Non occides*. Ego autem dico, quod omnis, qui irascitur fratri suo, reus erit iudicio. Qui autem dixerit fratri suo, racha, reus erit concilio. Qui autem dixerit, fatue, reus erit gehennæ ignis. Ergo planum est, quod tribus modis facit homo contra illud mandatum, scilicet quando quis irascitur fratri suo, vel quando dicit, racha, vel quando dicit, fatue. Et quando hoc facit ex deliberatione animi. tunc dicit, quod reus est gehennæ ignis. Et quia vita naturalis fundamētum est respectu aliarum, ideo sub isto modo, *Non occides*, legislator expressit mandatum.

**E** Manichæi autem obijciunt nobis, & dicunt, quod contradicit sibi legislator? Dicit enim: *Non occides*. Et alibi dicit: Maleficos non patieris viuere. Et hoc est contra principes in Christiana lege, qui per sententiam iudicariam alios occidunt. Item obijciunt, quod Dominus dicit: Omnes qui acceperint gladium, gladio peribunt, ergo non licet gladium accipere. Et similiter dicunt, quod non licet sacerdotem esse occisorem. Et hoc est contra Ecclesiam & ecclesiasticas personas, qui exequendo iudicium & imperando accipiunt gladium. Item obijciunt, quod dicitur: Ego autem dico vobis non resistere malo, & hoc est contra legislatorem.

Exo. 20. b.  
Exo. 22. c.

Manth. 26. e

Manth. 5. l.

**I**ntelligere debemus, quod prohibetur hic occisio hominis, non bestiarum vel virgultorum, sicut dicebant antiqui Manichæi, qui nolebant comedere de fructibus arborum. Occisio autem hominis potest esse a lege aut ab homine, in veritate, aut interpretatiue. Occisio autem hominis ab homine sicut ab homine non vta lege, prohibetur; sed Deus qui conditor est naturæ, & conseruator naturæ & legis, potest hominem priuare vita, quando vult. Lex autem occidit hominem, quando minister legis occidit, & hoc seruato iusto ordine, iusta causa, & iusto animo. Oportet, quod assit iustus ordo & iusta causa, id est, quod ex iusta causa occidatur, quia lex dicit: iuste quod iustum est

Dent. 16. b



est exequeris. Item oportet habere animum iustum, A  
ut homo, qui est minister legis, ex lege hominem occi-  
dat, non libidine vindictæ, sed amore iustitiæ. Vnde  
*Rom. 13. b* Apostolus ad Romanos, loquens ad principes, dicit,  
quod princeps non sine causa gladium portat. Dei mi-  
*Matt. 26. e* nister est vindex in iram ei, qui male agit. Quod igitur  
Dominus dicit Petro, Omnes qui acceperint gladi-  
um, gladio peribunt; non refertur nisi ad hoc, quod  
ille, qui non est minister legis, non debet occidere.  
Et quod dicitur: Non licet sacerdotem esse occisorem,  
hoc non refertur ad principes. Tertium quod dicit Do-  
minus: Ego autem dico vobis, non resistere malo, ve-  
rum est ultionis libidine, sed amore iustitiæ, bene li-  
cet resistere malo. Patet modò, quod lex occidit  
hominem.

Tripliciter Item occiditur homo ab homine tripliciter, aut ca-  
sù, aut necessitate, aut voluntate. Si homo occidit ho-  
minem casu, aut adhibet operam rei licitæ, & adhi-  
bet debitam diligentiam, excusatur a tanto & a toto.  
Si autem sit homicidium casuale, & homo adhibet  
operam rei illicitæ, nec adhibet debitam diligentiam,  
nec excusatur a tanto nec a toto. Si autem fuerit homi-  
cida ex necessitate, hoc est dupliciter, aut ex neces-  
sitate inevitabili, aut evitabili. Necessitas evitabilis  
est, si possum effugere, sed dimitto propter verecun-  
diam vel aliam causam, & in isto casu excusatur a tan-  
to & non a toto: quia melius esset, quod fugeret. Si  
autem sit necessitas inevitabilis, ut homo occidat ali-  
um hominem non amore vindictæ, sed amore conserva-  
tionis vitæ & animæ, ut non interficiat ipsum ex cru-  
delitate, sed ut impediatur ipsum, ne perdat suam vitam  
& animam, & fiat hoc cum moderamine inculpate  
tutelæ, hoc concessum est personis etiam perfectis, nò  
solum imperfectis. Et hoc dicit Augustinus de libero  
arbitrio, & excusatur a tanto & a toto. Tertio modo  
fit homicidium ab homine voluntate, & hoc dupli-  
citer: aut libidine vindictæ, sicut quando aliquis in-  
terficit patrem alterius: aut animi crudelitate, sicut  
latrones vel iracundi interficiunt aliquos. & utrum-  
que istorum est prohibitum, & est primum gravius,  
quàm secundum. Item fit homicidium interpretatiue  
in animo. & hoc tripliciter. Primo fit homicidium in-  
interpretatiue omittendo in facto. Vnde dicit Ambro-  
sius: Pisce fame morientem, si non paueris occidisti.  
Secundo modo fit quando aliquis occidit alium con-  
sulendo, vel accusando, vel detrahendo, quando hoc  
facit ex malignitate animi. Tertio modo fit homici-  
dium interpretatiue in animo, odiendo. Vnde cano-  
nica Ioannis: Qui odit fratrem suum, homicida est.

Dico ergo, quod secundum principalem intellectum  
prohibetur hic occisio, non quæ est secundum legem,  
sed quæ est secundum hominem, & illa quæ fit vo-  
luntate, aut interpretatiue. Et hoc est quod dicitur:  
*Non occides.*

VI. Præceptum. Non Mæchaberis. Hic prohibetur, quod  
uxorem proximi tui non violes. Et dicit Augustinus,  
quod hic prohibetur omnis illicitus usus membrorum  
generationis, qui fit ad procurationem libidinis, &  
impugnationem castitatis. Et hoc fit septem modis,  
per adulterium, fornicationem, meretricium, stu-  
prum, sacrilegium, incestum, & peccatum contra na-  
turam. Notandum, quod est pudicitia coniugalis,  
communis, & privilegiata. Secundum hoc dico, quod  
aliquis est impugnator pudicitie coniugalis, secundum  
hoc fit adulterium, & hoc fit cum peccato cum coniuga-  
ta. Aut est impugnator castitatis communis, & hoc  
fit cum peccato cum soluta simpliciter, & vocatur sim-  
plex fornicatio: vel cum peccato cum vagabunda, &  
prostituta, licet sit soluta, tunc vocatur meretricium.  
Si autem sit impugnator pudicitie privilegiatæ, id est  
virginitatis, hoc est dupliciter: aut fit cum conditione  
adiuncta, quæ est defloratio: & sic vocatur stuprum:  
aut fit cum Domino Deo consecrata, & sic dicitur sa-  
crilegium, hoc est quando aliquis Domino consecra-

tam violat. Si autem fit contra fundamentum omnium  
istorum, sic dicitur peccatum contra naturam. Et hoc  
est dupliciter. Aut fit contra dictamen naturalis ratio-  
nis, scilicet contra hoc, quod omnia animalia natura  
docuit, sic dicitur peccatum contra naturam proprie.  
Aut fit contra instinctum naturæ, & hoc modo est in-  
cestus, quando quis peccat cum persona sibi coniun-  
cta. Peccatum contra naturam scelestissimum est, &  
super omnia fugiendum. Et de hoc crimine accusavit  
Ioseph fratres suos apud patrem suum crimine pessimo.  
Dicit igitur: *Non mæchaberis.* Hic prohibetur  
omnis mæchia cum uxore proximi, & secundum Au-  
gustinum, omnis illicitus usus membrorum genera-  
tionis, qui fit ad procurationem libidinis cum impu-  
gnatione castitatis. Patet modo secundum quod acci-  
piuntur transgressionis huius peccati, & peccatum  
contra naturam super omnia est fugiendum. Sed de  
peccato contra naturam narrat Petrus Damianus, &  
erant duo in deserto qui asperrimam faciebant præ-  
nitentiam, & unus fuit idiota, & suis peccatis exigen-  
tibus illusus est a diabolo, qui dixit ei, quod pecca-  
tum pollutionis contra naturam non maius esset pec-  
catum, quàm si homo mucilagines projiceret a naso  
suo. Tunc ille pestifer exercuit se ad illam impudici-  
tiam. In morte autem portavit animam suam diabolus.  
Miratus est alius, quod ille qui fuit tantarum vi-  
giliarum & laborum fuit perditus. Et ait illi Angelus  
Domini, qui dixit illi, quod totum se scdauerat per  
illud peccatum. Omnis igitur actus qui est in expe-  
rientia libidinis qualicumque modo fiat, est prohibi-  
tus, nisi fiat in forma matris Ecclesiæ. In somnis pari-  
tur homo quandoque pollutiones absque causa & abs-  
que culpa. Sed quidam stultus presbyter cuidam con-  
fidenti de pollutione nocturna, dixit: Non potes ha-  
bere denarium ad explendam libidinem tuam? Patet  
modo quomodo prohibetur hic omnis illicitus usus  
corporis & membrorum, procuratus extra formam  
matrimonij, & hoc tangitur, cum dicitur: *Non mæ-  
chaberis.*

Sequitur: *Non furtum facies.* Furtum est attri-  
batio rei alienæ inuito Domino, si fiat ex cupidita-  
te, sed si non fiat ex cupiditate non est furtum. Si-  
cut filij Israel ex Domini præcepto, portauerunt  
secum ex Aegypto vasa argentea & aurea. Vel qui alij  
aufert gladium, ne faciat malum, tunc non dicitur  
furtum.

Furtum autem diuiditur per partes, quia furtum est  
contrectatio alienæ rei inuito Domino, &c. & hoc fit  
aut per meram fraudem, aut per violentiam, aut per  
circumventionem. Primo modo cum fit per meram  
fraudem, & furtiue, sic dicitur furtum. Si fiat per  
violentiam hoc est dupliciter: aut est apertum, & sic  
dicitur rapina: aut est occultum, & sic dicitur latro-  
cinium. Si vero fiat attréctatio rei alienæ per circum-  
ventionem, hoc potest fieri cum pactione adiuncta,  
& hoc tripliciter: aut cum pactione fraudulenta,  
aut iniqua, aut profana. Si fit cum pactione frau-  
dulenta, sic fit in negotiationibus. hoc autem fit tri-  
pliciter, aut in pondere, aut in numero, aut in men-  
sura, & de hoc rarissime euadunt mercatores. Si au-  
tem fiat cum pactione iniqua, sic est usura, in qua  
id, quod venditur, est commune, scilicet tem-  
pus. Si autem fiat cum pactione profana, in qua  
illud, quod venditur, est proprium, sic dicitur  
simonia.

Sed quæritur, si accommo tibi vestem vel equum  
vel domum, & accipio denarios, non est usura, sicut  
de pecunia? Dico, quod in veste vel equo vel domo  
trahitur usus ex re, non ex pecunia, & ideo non dici-  
tur usura. Aliqui credunt, quod usura sit mala, quia  
prohibita, sed certe est prohibita, quia mala. Item in  
mutuo meum fit tuum, & si tu aliquid acquiris per  
industriam tuam ex illo mutuo, & ego aliquid de illo  
repeto, vendo tempus quod est commune, quod non  
est

Gen. 37. a.

Aug. ubi su-  
pra præxi-  
me.VII. Præcep-  
tum. Nò furtum  
facies. Exo. 11. a.Furtum tri-  
pliciter fit.Nota de  
usura.

est licitum vendere : sed in accommodato non transit mea res in tuam . In mutuo pecunia mea fit tua , & non minoratur pecunia nec peioratur : sed in accommodato domus mea , vestis mea , non fit tua , & minoratur , & peioratur domus vel vestis , & tu elicis ex ea utilitatem tuam non sicut ex tuo , sed sicut ex re mea , & diminuitur , & peioratur . Pecuniam autem mutuatam totam , & integrā oportet , quod mihi reddas , & ideo non excusor cum peto aliquid de mutuo . & est ibi peruersio ordinis , & appropriatio communitalis . Et debet quilibet sibi cauere de hoc . & sic si sit circumuentio cum pactione iniqua , dicitur usura . Si autem fiat circumuentio cum pactione profana , sic dicitur simonia : in qua qui vendit , nihil acquirit , & ille qui emit nihil habet , sed solum rem alienā contrectant . & hoc est cum res spiritualis venditur tanquam res vilis . Contra istos dicit Dominus : Nolite domum patris mei facere domum negotiationis . Sed quidam faciunt eam speluncam latronum . Vnde Dominus dicit per Prophetam : Principes eius in muneribus iudicabant , & sacerdotes eius in mercede docebant , & Prophetæ eius in pecunia diuinabant . Rogemus ergo Dominum Iesum Christum , & cetera .

Joan. 1. c.

Michea. 3. d.

De octauo, nono & decimo Præcepto. Sermo VII. C

VIII. Præceptum.

Deut. 30. c.

Sup. ser. 1.

**N**on loquaris contra proximum tuum falsum testimonium . Non concupisces rem proximi tui . Nec desiderabis uxorem eius . Vnde dicitur in Deuteronomio : Considera , quod proposuerim in conspectu tuo vitam & bonum , & e contrario mortem & malum , ut diligas Dominum Deum tuū , & ambules in vijs eius , & custodias mandata illius . In principio rogemus Deum , & cetera .

In Deuteronomio loquitur Moyses de decem mandatis , quæ Deus æternus per ipsius os proposuit , ut non despicerent ea Iudæi : & ostendit , quod in obseruantia mandatorum est vita & bonū , & oportet , quod omnia seruentur ad hoc , quod in illorum obseruantia sit vita , & bonum . Ostendit etiam , quod in ipsorum transgressione est mors , & malum , & quod in transgressione vnius necesse est intelligere transgressionem omnium , quoad damnum nō quoad poenam . Dicebam alias , quod prima distinctio mandatorum est secundum duplicem partem iustitiæ , quæ nos ordinat ad Deum , & ad proximum , & secundum hoc duæ tabulæ datæ sunt Moyse . In prima continentur mandata , quibus ordinamur ad Deum , & sunt tria . In secunda continentur mandata , quibus ordinamur ad proximum , & sunt septem . Dicebam etiam , quod in secunda tabula est vnum mandatum affirmatiuum , & sex negatiua . De affirmatiuo & tribus alijs negatiuis habitum est .

Sequitur modo de alijs , quorum primum est : *Non loquaris contra proximum tuum falsum testimonium* . In isto mandato negatiuo prohibetur mendaciū , quod nocuum est proximo . Et secundum generalem intellectū prohibetur hic omne mendacium perniciosum , & datur intelligi , quod omne mendacium est malum . Augustinus autem distinguit mendaciū & dicit , quod est mendacium officiosum , iocosum , & perniciosum .

Mendacium triplex.

Aug. legendus de hoc 20. 4. lib. de mendacio ad Cōf. a. c. 11. usq. ad 15. & lib. 3. 9. sup. Lōm. 9. 68. 20. 10.

Mendacium officiosum fit tripliciter , aut pro defenda re alicuius temporalis , aut pro tuenda vita , aut pro seruanda castitate . Mendacium iocosum fit duobus modis , aut sola mentiendi libidine , aut causa placendi , & hoc est mediocris culpæ . Mendacium autem

S. Bon. Tom. 7. Pars iij.

pernitiosum tripliciter fit , aliquando in doctrina religionis contra sacram scripturam . aliquando in impositione falsi criminis . & istis duobus modis nulli prodest , sed omnibus obest . Aliquando fit mendacium perniciosum in causa alicuius , & sic alicui prodest & alicui obest . Sicigitur sunt octo genera mendacij . Et dicit Augustinus , quod Deus potest facere , quod furtum non sit peccatum ; sed non potest facere , quod mentiri non sit peccatum . Et hoc est propter nobilitatem veritatis ; quia mendacium est falsa vocis prolatio cum intentione fallendi . & Deus non potest recedere a veritate , quia est ipsa veritas ; sed potest dispensare , quod furtum non sit peccatum . Inter omnia , quæ disponunt hominem , necessarium est , quod seruet fidem , & habeat veritatem in sermone . Vnde Seneca : Qui perdit fidem , non habet amplius quod perdat . Patet modo de isto mandato : *Non loquaris contra proximum tuum falsum testimonium* .

Mendacium quid .

Postea subiungit duo præcepta : *Non concupisces rem proximi tui , nec desiderabis uxorem eius* . In quibus duplicem concupiscentiam , scilicet oculorum , & carnis prohibet , quæ sunt fomenta omnium malorum ; quia vis concupiscibilis infecta & corrupta corrumpit omnes alias animæ vires . Superius prohibetur actus illicitus exterior contra proximum , cum dicitur : *Non occides . Non mœchaberis . Non furtum facies . Non loquaris contra proximum tuum falsum testimonium* . Hic autem prohibetur actus illicitus interior , cum dicitur : *Non concupisces rem proximi tui , nec desiderabis uxorem eius* . Concupiscentia oculorum , siue cupiditas radix est omnium malorum : concupiscentia carnis est fomes omnium peccatorum . Et per istam duplicem concupiscentiam fit transfusio omnium malorum , & peccatorum . Et ideo lex diuina ipsam prohibet , & in hoc omnia mala , & omnia peccata prohibet . Hæc est febris , qua omnes filij Adam febriunt , & generat omnia mala . In hoc igitur , non occides , nō mœchaberis , non furtum facies , non loquaris contra proximum tuum falsum testimonium , præcipitur innocentia in actu exteriori , in alijs non concupisces rem proximi tui , nec desiderabis uxorem eius , præcipitur innocentia in animo . Et sic patet , quæ sunt decem præcepta . In tribus primis præcipitur recta ordinatio ad Deum , in quarto recta ordinatio ad parentes . In sex alijs præcipitur recta ordinatio ad proximum .

Resumamus in summa ista decem præcepta , quæ sunt : *Non habebis deos alienos coram me . Non assumes nomen Dei tui in vanum . Memento , ut diem sabbati sanctifices . Honora patrem tuum & matrem* , & cetera . Intelligere debemus , quod quamquam quædam dicantur præcepta affirmatiua , & quædam negatiua , omnia tamen affirmationem , & negationem in se continent . Quando Deus prohibet aliquid in vno mandato , præcipit contrarium : & econuerso , quando aliquid præcipit , prohibet contrarium eius . In primo enim mandato præcipitur humilis adoratio Diuinæ maiestatis , & prohibetur idolatria . In secundo præcipitur fidelis assertio diuinæ veritatis , & prohibetur periurium . In tertio præcipitur deuota vel sincera dilectio diuinæ bonitatis , & prohibetur indeuotio . In quarto præcipitur pietas ad parētes , & prohibetur inhonoratio . In quinto præcipitur mansuetudo , & prohibetur iracundia . In sexto præcipitur pudicitia , & prohibetur mœchia . In septimo præcipitur largitas , & prohibetur furtum . In octauo præcipitur veritas , & prohibetur mendaciū . In nono præcipitur liberalitas cordis , & prohibetur concupiscentia rei temporalis . In decimo præcipitur castitas mentis , & prohibetur concupiscentia carnis . Vide , quod omnia mandata continent affirmationem & negationem , & in omni præcepto est vita & bonum , mors & malum . Si facitis quæ præcipit Deus , & vitatis quæ prohibet , consequemini vitam & bonum . Sed si non facitis quæ præcipit Deus & non vitatis ,

IX. & X. Præceptū.

B

tatis,

tatis, quæ prohibet, incurreret mortem & malum. Ex legis obseruantia sequitur benedictio. Ex transgressione sequitur maledictio. Ex obseruantia legis efficitur homo reuerens, fidelis, deuotus, pius, mansuetus, pudicus, largus, veridicus, proprijs contentus, siue liberalis, & corde impollutus. Econtra ex transgressione legis efficitur homo idololatra, blasphemus, indeuotus, impius, homicida, mœchus siue adulter, fur, falsidicus, cupidus, & carnalis. Igitur obseruator legis & transgressor plus distant a se, quàm infernus & Paradisus, quia vnus est in centro, alius in circumferentia. Nec Deus cæli aliud facere potest, quia iustus est, & se negare non potest.

Videte modo, quoniam omnes homines non addiscunt sapientiam nisi per flagella, & propter hoc Deus decem flagella, id est plagas, misit super terram Aegypti.

Prima fuit sanguinis, secunda ranarum, tertia multitudo cinifum, quarta multitudo muscarum mordentium, scilicet caninarum, quinta mortis pecorum & iumentorum, sexta vlcera siue vesicæ turgentium, septima destructio bonorum temporalium per grandinem, octaua locustarum, nona tenebrarum palpabilium, decima mortis primogenitorum. Modo videte, quomodo Spiritus sanctus flagellauit Aegyptios & manucebat ad obseruatiam mandatorum; sic & nos proprijsissime manudit. Decem sunt legis transgressiones, & secundum hoc fuerunt decem plagæ.

I. plaga,  
qua percussa  
est Aegyptus.  
Psalm. 105. f.

II. plaga.

III. plaga.

III. plaga.

V. plaga.

VI. plaga.

VII. plaga.

VIII. plaga

Psalm. 5. c.

Prima plaga sanguinis, qua percussi sunt idololatrae, quia de ipsis dicit Psalmus: Effuderunt sanguinem innocentem, sanguinem filiorum suorum, & filiarum suarum, quas sacrificauerunt sculptilibus Chanaan.

Secunda plaga fuit ranarum, qua percussi sunt blasphemii & periuri, qui comparantur ranis. Rana est animal clamofum, & seipsam clamando cõsumit. Similiter facit homo, quando stabilitatem veritatis perdit.

Tertia plaga dicitur cinifum, qua percussi sunt indeuoti, qui non custodierunt diem sabbati, quæ est dies deuotionis. Cinifes sunt muscæ parue, quæ valde inquietant, & vexant homines per omnia loca, & maxime per os & nates, & tantam faciebant vexationem, quod homines nullo modo poterant habere quietem. Similiter inquietantur indeuoti. In isto signo defecerunt Magi Pharaonis, in signum quod inquietudinem cogitationum non possumus effugere nisi per deuotionem. Gregorius vix vnam cogitationem tota die de terrenis habuit.

Quarta plaga est muscarum caninarum, qua percussi sunt impij, qui habent apud se muscas caninas, id est carnales & crudeles affectiones.

Quinta plaga fuit mortis iumentorum, qua percutiuntur homicidæ: quia omnis qui gladio occidit, reus est mortis: & tales moriuntur sicut iumenta, nec sunt digni diuina protectione, nec humana: quia qui alium occidit, seipsum interemit, & brutalitatem suam non sentit.

Sexta plaga fuit vesicæ turgentium, qua percutiuntur adulteri, qui habent vesicæ turgentia, id est carnem infectam. Vesicæ nascuntur ex nimio humore faciente pruritum, & cum sentit homo pruritum scalpisse, sed postea dolet. Similiter qui luxuriatur, primo delectatur, postea dolet.

Septima plaga fuit destructio bonorum temporalium, qua percutiuntur fures: quia dignus est perdere sua, qui aufert aliena. Ista fuit plaga grandinis, quæ omnia destruxit. Mirabile est, quod qui peccant peccato carnis, reconciliantur Deo per confessionem sine illa persona, cum qua peccant; sed qui aliena rapiunt, non reconciliantur Deo sine restitutione ablatorum, si reddere possunt.

Octaua plaga fuit locustarum, quæ comederunt omnem herbam virentem. Ista percussit mendaces, qui dentibus & labijs veritatem conculcat, sicut dicit Psalmista: Cor eorum vanum est, sepulchrum patet est guttur eorum, linguis suis dolose agebant.

A Nona plaga fuit tenebrarum, qua percutiuntur cupidi & auari, quia nihil adeo excæcat hominem sicut cupiditas. Vnde: Xenia & dona excæcant oculos sapientum, & mutant verba iustorum. Cupiditas est sicut fumus foetidus, qui totum excæcat. Iudas cupidus filium Dei vendidit. Salomon: Auaro nihil est sceleratius, animam suam venalem habet, quoniam proiecit intimam suam in vita sua.

Decima plaga fuit mors primogenitorum, qua percutiuntur carnales. Ista percussus est Esau. Ait enim Apostolus: Ne quis inter vos fornicator sicut Esau, perdat primogenita sua. Carnalis concupiscentia abstulit nobis nobilem generationem, qua omnes nasceremur innocentes & heredes Paradisi. Concupiscentia carnalis facit nos nasci in mortem & culpam, & facit nos perdere ius primogenituræ. Quod figuratum est in Genesi: vbi dicitur, quod Ruben primogenitus Iacob perdidit ius primogenituræ, quia concubuit cum concubina patris sui, & maculauit stratum eius. Et Ioseph, qui castissime vixit in Aegypto, meruit esse princeps fratrum suorum. Patet modo, quod omnes transgressores legis percutiuntur plagis istis.

Sed quis liberabit nos a plagis istis? Certe vnus solus qui venit propter istas plagas amouendas, scilicet Christus, qui decem condescensiones fecit nobis contra decem plagas. Quod figuratur in libro Isaia: vbi dicitur, quod sol retrocessit decem gradibus: per quos signantur decem condescensiones filij Dei ad hominem.

Prima condescensio, qua Dominus condescendit homini, est vsque ad carnem, hic est primus gradus quo retrocessit Sol.

Secunda condescensio ad mortalitatem nostram.

Tertia ad necessitatem nostram, quia famem sitim & frigus passus est.

Quarta ad pauperiem nostram, quia egenus factus est, non habens locum ad quem declinaret.

Quinta vsque ad tentationem, quando permisit se tentari, in hoc portauit infirmitatem nostram. Nam ait Apostolus: Non habemus Pontificem, qui non possit compati infirmitatibus nostris. tentatum autem per omnia, & cet.

Sexta ad corporis lassitudinem & laborem.

Septima vsque ad mentis anxietatem. Vnde scriptum est: Cœpit Iesus pauere & tedere & dixit: Tristis est anima mea vsque ad mortem.

Octaua condescensio fuit vsque ad crucem, & hoc fuit mirabile.

Nona fuit vsque ad mortem.

Decima fuit ad carcerem infernalem.

Istæ sunt decem condescensiones, quibus Deus cõdescendit hominibus. Sed quare condescendit ad carcerem infernalem? Certe vt in sanguine testamenti educeret vinclos de carcere, & de tenebris, & de umbra mortis. Christus enim per sanguinem testamenti nos liberauit, & eduxit de morte ad vitam, & de tenebris ad lucem. Debemus igitur modo resurgere ad nouam vitam. Sicut Christus resurrexit a mortuis, sic & nos in nouitate vitæ ambulemus. Christus liberauit nos de manu Pharaonis, & introduxit nos in terram repromissionis, & in signum huius manducatur modo Pascha, quia modo liberati sumus. Et ideo debemus celebrare Pascha, debemus facere transitum & inchoare nouam vitam, & non redire in Aegyptum. Nullus sit falsus proditor. Ita tria sunt necessaria cuiuslibet pœnitenti, scilicet quod displiceat sibi peccatum suum, & paratus sit cauere de peccato cum adiutorio Spiritus sancti, & quod paratus sit satisfacere pro modulo possibilitatis suæ, & proponat numquam peccatum iterare. ideo dicit Psalmista: Multiplicatæ sunt infirmitates eorum, postea accelerauerunt. Et hæc est consummatio verborum, per quæ semper conformari debemus cum Christo, & refici, vt cū Christo perueniamus ad æternam refectionem. Quam nobis, & vobis præstare dignetur Christus filius Dei. Amen.

S. BONA-

IX. plaga.

Eccli. 10. d

Exo. 23

d.

Eccli. 10. b

X. plaga.

Heb. 12. d.

Gen. 49.

4. Reg. 20.

b. & Isa. 38

b.

Decem cõdescensiones

filij Dei, vt

nos libera-

ret a decem

plagis.

Heb. 4. c.

Mar. 14. d.

Ro. 6. 4. 4.

Psalm. 5. 4.

# S. BONAVENTURAE

EXIMII ECCLESIAE DOCTORIS

EPISTOLA CONTINENS.

VIGINTI QVINQUE MEMORIALIA.

*Hac epistola quadam veluti regula, & institutio est omnium, qui veteri homine exuto, mori mundo, & Christo vivere percipiunt. At, ne hoc ipsum desiderium, negligentia, & incuria nostra sepius languescat, viginti quinque memorialia ob oculos ponit S. Bonaventura: ut in his qua fugienda, quae sequenda sint, omnino animo mentis affectu speculantes, tandem in eorundem exercitatione versentur, ut praestante Deo, virtutibus & gratis crescamus, quousque perfectum veniat desiderium collum aeternorum.*

## PROLOGVS.



IN CHRISTO suo dilecto. E.

Bona ventura de balneo regio con-  
frater eius in Domino. Qualicū-  
que, homine veteri iam exuto,  
Christo vivere, & mori mundo.  
Quoniam dilecte mi frater in  
Domino adhuc me in praesentia  
tibi posito mihi instatissime sup-

Rom. 12. d.

plicasti: ut te in posterum aliquibus litteris exhorta-  
tionis visitarem; noui frater, quod haec dicens, arden-  
tes prunas congeris super caput meum. Verum tamen  
affectuose instando, duritiae meae superbiam supplici  
humilitate vicisti: intantum, ut ipse iam promitterem,  
quod optabas. quamuis magis dignum foret, haec me  
a te quidem suscipere, quam me tibi huiusmodi desti-  
nare. Quia tamen instantia tuae deuotionis me com-  
pellit stultum fieri in parte ista, sicut potero qualiter-  
cumque experiar, quod hortaris; non tamen tibi alia  
specialia scribens, nisi ea quae rudia, & simplicia mi-  
hi ipsi colligere proponebam, ex quibus iam plurima  
bene nosti. Sed interim, alloquens dilectionem tuam  
charissime, cum nullus, sicut experientia certa docet,  
perfecte Deo seruire possit, nisi dissoluere omnino se  
procurer a mundo: oportet si sequi volumus Dominum  
Saluatorem; voci nos propheticæ obedire, ut scilicet  
peccatorum colligationibus dissolutis dissoluamus fa-

1sa. 58. b.

1. Tim. 2. a

sciculos deprimentes: quatenus a terrenis actibus dis-  
soluti sequamur liberis gressibus Redemptorem. quia  
iuxta Apostoli testimonium: Nemo militans Deo debet  
se negotiis secularibus implicare. Numquam ergo de  
aliqua te creata, nisi in quantum nostrum excitet diui-  
ni amoris, & dilectionis affectum, cor nostrum esse  
solicitem permittamus: quia multiplex rerum laben-  
tium varietas plus debito ruminata non solum animi  
distrahendo, pacatae mentis gratiam interrumpit quie-  
tem: verum etiam in animo gignendo phantasias, tur-  
bulentae quassationis molestia importune impellit ean-  
dem. Sed potius affectionis omnium terrenorum sar-  
cina onerosa deposita, absque retardationis grauedi-  
ne curramus ad illum, qui nos salubriter inuitat: in-  
quo est animarum opulenta refectio, & pax summa,  
quae exuperat omnem sensum. Venite ad me, inquit,  
omnes qui laboratis & onerati estis, & ego reficiam  
vos. O domine quo indiges? quare vocas? quid tibi  
commune nobiscum? O vere pietatis vox. Venite ad  
me, inquit, & ego reficiam vos. O Dei nostri digna-  
tio admirabilis. O charitas ineffabilis. Quis enim ali-  
quando fecit talia? quis unquam audiuit, quisve con-  
spexit similia? Ecce inuitat inimicos, hortatur reos,  
allicit ingratos. Venite, inquit, ad me omnes. Et disci-  
te a me. Tollite iugum meum super vos, & inuenie-  
tis requiem animabus vestris. O verba dulcia, verba

Philip. 4. b.  
Matr. 11. d

Ibidem.

S. Bon. Tom. 7. Pars iij.

A deifica, & penetrabiliora omni gladio ancipiti, intima  
praecordiorum euiscerantia, nimisque repleta dulce-  
dine usque ad diuisionem animae pertingentia. Ex-

Heb. 4. c.

pergiscere nunc, o anima Christiana, ad tantae beni-  
gnitatis amorem, dulcedinis tantae saporem, & ad tan-  
tae suauitatis odorem. Certe, qui ista non sentit, infir-  
mus est, alienatus est, iam proximat morti. Inardescere,  
quasi o anima mea, pinguesce amore, dulcesce sapo-  
re: nemo te prohibeat intrare, tenere, gustare. Quid  
amplius quaerimus, quid ultra expectamus, quid desi-  
deramus in hac vita? Habemus in Christo omnia bo-

na. Sed heu o infania nostra mirabilis. O infirmitas  
miserabilis, O vesania detestabilis. Nam vocamur ad  
requiem: & sequimur laborem. Inuitamur ad solatiū:  
& quaerimus dolorem. Promittitur gaudium: & ap-  
petimus maerorem. Mirabilis prorsus infirmitas, mi-  
seraque peruersitas. Iam omnes insensibiles facti su-  
mus, & quasi deteriores simulacris, habentes oculos,  
& non videntes, aures, & non audientes, rationem,  
& non discernentes, amarum dulce, & dulce ama-  
rum ponentes. O Deus vnde nobis tantae peruersi-  
tatis correctio? vnde nobis tantae offensionis satisfac-  
tio. Certe nihil tale inuenitur in nobis, nisi tuo mu-  
nere tribuatur. Tu enim solus potes nos corrigere, tu  
solus pro nostris delictis satisfacere, qui solus nostri  
figmentum nostrum, salus & redemptio nostra, qui  
solum illis haec facis, qui se miseros conspicientes in  
imis, a te solum releuari confidunt. Leuemus ergo  
ad Deum mentis nostrae oculos in directum, & videam-  
us, ubi nunc prostrati sumus. Quoniam qui propriū  
suum casum ignorat, surgere minus curat. Cognos-  
centes vero clamemus in fortitudine ad Deum de-  
profundis, ut nobis adiutricem porrigat misericordiae  
suae manum, quae abbreviari numquam poterit ad  
saluandum. Non quasi confidentiam amittamus, ma-  
gnam remunerationem habentem. Adeamus thronū  
gratiae eius cum fiducia, fructum nostrae fidei repor-  
tantes, salutem scilicet animarum nostrarum. Nul-  
la nobis insit cunctatio. Iam enim vita nos vocat, salus  
expectat, tribulatio compellit intrare. Quid ergo fa-  
cimus? quid pigritamus? quid moras contrahimus?

Pf. 113. b.

1sa. 5. c.

Festinemus ingredi in illam requiem iucunditatis eter-  
nae. ubi sunt magna & inscrutabilia: quorum non est  
numerus. Ascendat quasi Hierusalem cor nostrum:  
suspiremus ad patriam nostram: tendamus sursum ad  
matrem nostram. Introeamus in potentiam Domini,  
& intueamur nostrum regem in ea regnantem, & li-  
quescant in miserationibus eius corda nostra. Aga-  
mus illi gratias toto corde, qui defectū nostrae ingratu-  
tudinis non considerans, suae non abstulit a nobis mi-  
sericordiae pietatem: desiderium nobis tribuens ipsius  
viam currere mandatorum, quam sine desiderio nul-  
lus currere potest. Quod quidem munus non est vili-  
pendendum, sed gratiae reputandum: cum hoc pro-

1sa. 59. a.

Heb. 4. d.

Ibidem c.

phetarum

B 2



*Psal. 118. c.* phetarum ille eximius se asserat concupisse, qui ait: Concupivit anima mea desiderare iustificationes tuas in omni tempore. Sed quia hoc ipsum desiderium aliquando nimia tepiditate nostrae incuriae, & negligentiae lassacit: cogitavi quaedam incitationis huius memorialia annotare, in quibus fugienda pateant, & sequenda: quae quidem cum affectu affectuose speculantes pristino vigore resumpto tam diu infatigabiliter virtutibus, & gratijs charitate diuina crescamus, quoadusque perfectum veniat desiderium collium æternorum. Ponantur autem memorialium prædictorum prius quaedam generalia: post modum specialibus subsequētib.

*Memorialia generalia.*

**S**unt ergo hæc quaedam virtutes probatae in iuuenibus, & salutis: per quas sine dubio ad perfectionem virtutum, & culmen gloriæ possunt ascendere fideliter exercitati per eas, videlicet sancta verecundia in cunctis rebus, & actibus suis, tarditas loquendi, promptitudo obediendi, frequentatio orationis, fugere otium, & dissolutiones, pure & frequenter confiteri, libenter seruire, & infructuosum consortium deuitare. Hæc namque sunt Margaritæ fulgentes, quæ possessorem suum Deo, & Angelis faciunt gratiosum. Dum autem ei placuerit, qui te segregavit ex utero matris tuæ, vocavitque per gratiam suam, ut in te reuelet imaginem filij sui, demiserabili seruitute Ægyptiaca transferens te in libertatem filiorum Dei, iamque in viam noui hominis inciperis pedem ponere, quæ inter timorem & amorē humilitatis est semita constituta: tunc per eandem humilitatis viam ad eminētia conscendens, poteris te in altioribus exercere, ex quibus certa memorialia subscribunt.

*Gal. 1. c.*

*De concupiscentijs mortificandis.*

Primum ergo oportet ante omnia te cupiente vitijs sequi Saluatoris, ut spem tuam totam fixam in Domino habeas, de omnibus huius mundi consolationibus penitus desperans.

*De vitijs extirpandis.*

*1. Cor. 5. b.* Secundum est, ut ab omnibus vitijs, & concupiscentijs malis, in quantum sustinet humana conditio, te ipsum studeas penitus emundare, ut fermento veteri totius malitiæ & nequitiae expurgato, ambules in nouitate vitæ post Christum: quia nisi prius huiusmodi catenas iniquitatis confregeris, anima tua, in tenebris aggregata, ad cælestia non poterit eleuari.

*De colligationibus refecandis.*

Tertium est, ut a te ipso dissoluas omnē colligationē extrinsecam, ut sana, & pura mēte possis Deo colligari.

*De tribulationibus cum patientia tolerandis.*

Quartum est, ut amore altissimi & sponsi tui Christi, omnes mundi huius persecutiones æquanimiter feras. immo si possibile est pro voto suscipiens, solum in Christi passionibus delecteris: renuensque omnem temporalem lætitiā, in ipsis tribulationibus hilareris, omnes reputans tibi esse ad purgationem peccaminum, & lucrum animæ tuæ preparatas.

*Ut de nulla re conqueraris.*

Quintum, ut cum creatorem tuum & omnium, te sentias offendisse; rationem tibi fieri non possas ab aliqua creatura.

*De paupertate suscipiend.*

Sextum, ut habeas despectui temetipsum, cupiens ab omnibus despici, zelansque sacratissimam paupertatem, in omnibus quæ ad te spectant. Asperitatem, vilitatem, & parvitatem habeas, quantum potes, non tamen in alijs requiras, sed potius lætus, & gaudens de omni consolatione fraterna, eis sicut oportet obsequendo, & ministrando assistas, omnis consolationis eos reputans esse dignos, nisi quod absit, ita tibi in aliquo pateret diuina offensa, quod omni excusatione careret; de qua compatiendo, & timendo ex intimo corde doceas, quantum potes.

*De honoribus fugiendis.*

Septimum est, ut omni tempore in timore stans

**A** blanditias huius sæculi, honores, glorias, vel fauores, aurasque vanæ gloriæ quasi mortíferas pestes omnino fugias toto posse, stansque continuo in teipso, omni hora habeas te suspectum, quia si tuiusmodi victoriam fueris assecutus, nullus hostis interius, vel exterius tibi nocebit.

*De humilitate vera.*

Octauum est, ut amore illius, qui cum sit Dominus omnium cælestium, terrestrium, & infernorum, pro nobis assumpsit vilissimam serui formam, in ea subiiciens se voluntarie hominum potestati, humiliando te ipsum, omnem hominem reputes tuum dominum, & te verissime reputes seruum omnium; & in omnibus circa hominem te reputes sicut seruum. Sic enim tranquillitatem & pacem cum omnibus perpetuam obtinens, scandalum penitus ignorabis.

*De pace animæ, & quomodo habeatur.*

Nonum, ut nihil eorum tangas, quæ te spirituali utilitate non tangunt. hoc est, de nulla re cures, vel implices te in aliquo exterius vel interius quoquo modo; ubi non inuenis animæ tuæ lucrum, nec in huiusmodi te ab aliquo implicari permittas.

*De custodia sensuum.*

**C** Decimum, ut visui, atque omnibus sensibus corporis omnimodam custodiā ponas ita, ut nihil prorsus velis videre, vel audire, aut tangere, nisi vtilia animæ tuæ. Linguam etiam diligentissime restringas, ut nihil loquaris nisi interrogatus, vel necessitate vel utilitate euidenti coactus, & tunc cum reuerentia animi timoris dulcedine breuiter & submisce si potes, semper deuitans prolixitatem verborum, eorum occasiones iuxta posse præscindens.

*De solitudine & vigilijs.*

**D** Undecimum, ut gratiam sanctamque solitudinem desiderans, omni tempore operationem vigiliarum habeas pretiosam, in ipsis semper offerens Deo orationes tuas cum attentione verborum, deuotionis fervore, & humilitate profunda.

*De diuino officio.*

Duodecimum, ut cum debes diuinum officium celebrare, ita factus in teipso quietus obliuiscaris omnium terrenorum, quatenus fixa mente cælestibus insists mysterijs, cum tanta illud deuotione, reuerentia, gaudio, ac timore persoluas, quasi inter Angelorum agmina constitutus, diuino conspectui laudes præsentialiter offeras cum eisdem.

*Quod super omnia habeas in deuotione Virginem gloriosam.*

**E** Tertiumdecimum, ut gloriosam Reginam Domini nostri matrem benedictam in summo habeas omni tempore venerationis affectu, & in cunctis ad eam necessitatibus, periculis, & pressuris, tamquam ad refugium tutissimum, te conuertas, ipsius tutelæ præsidium flagitando, eamque in tuam suscipiens aduocatam, deuotissime ac secure tuam ei causam committas quia mater est misericordiæ, quotidie studens ei specialem & singularem reuerentiam exhibere. Et, ut tua deuotio sit ei accepta, & reuerentia grata, ipsius puritatem & munditiam omni virtute, mēte, & corpore, illibate in te ipso seruādo, toto conatu nitaris humilitate & māsuetudine eius vestigia imitari.

*Quomodo fugienda sunt consortia mulierum.*

Quartumdecimum, ut ubicumque mulieres, & virgines, & iuuenes quoscumque, præter necessitatis, vel manifestæ utilitatis causam, deuites. Et vñ ubicumque fueris elige tibi patrem, virum quidem sanctum, discretum, & pium, doctum potius experientia operis, quam sublimitate sermonis, qui te verbis, & exemplis efficacibus & probatis, ad diuinum amorem instruat, & inflammet: ad quem in cunctis necessitatibus tuis possis habere recursum, & spirituale solamen.

*De fuga acedia & tristitiæ.*

Quintumdecimum, ut omnem frigiditatem acediæ & tristitiæ, in qua latet via confusionis, quæ ducit ad mortem,

mortem a te ipso summo studio depellens, interius exteriorque serenus semper & tranquillus existas. Nulli villo modo contradicas, vel resistas in aliquo, sed potius omni modo, per omnia omnibus acquiescas, dummodo diuinæ laudi, vel salutis animæ nō obstitat.

*Quod de omnibus habeas bonum exemplum.*

Sextumdecimum, ut omnes affectiones tuas ac voluntates, conformes diuinæ voluntati. Omnia te ædificent, neque te deædificet aliquid in hoc mundo, puritatis & innocentie gratia diuini tibi muneris elargitæ. Nec aliorum plus debito defectibus perturbatus, iniquitati addendo iniquitatem, alienis sordibus polluaris; ne dum cupis alios de pelago liberare, deterius ipse corruas in profundum. Potius igitur, omnia quibus non potes sine detrimento prodesse, operiens charitate benigna, illi summæ sapientie derelinquas, quæ nouit bona de malis elicere quibuscūque, sicq. in bonis operibus pariter atque malis, spirituale, Domino concedente, poteris reperire profectum.

*De custodia cordis.*

Decimumseptimum, ut cor tuum seruans omni custodia, solisque spiritualibus exercitijs deditum, nullæ ibi rerum visibilium imprimantur concupiscentie, ut creaturis omnibus alienū, libere possit vacare omnium creatori.

*De charitate ad proximos.*

Decimumoctauum, ut imaginem ac similitudinem maiestatis diuinæ considerans in cunctis hominibus ita omnes diligas intimæ charitatis affectu, omniumque & maxime infirmorum & quorumcumque indigentium curam geras, dummodo circa spiritualia tibi non fiat nociua distractio; sicut bona mater diligit, atque curat vnicum filium prædilectum.

*De orationibus cum operibus sanctis.*

Decimumnonum, ut continue mentem tuam ita habeas ordinatam cum Deo, quod omne opus tuum atque exercitium tam mentis, quam corporis sit oratio, omniaque seruitia & maxime humiliora cum tanto facias charitatis feruore, ac si ea Christo corporaliter exhiberes. Quod certe debes, & potes veraciter cogitare, quoniam ipse dixit in Euangelio: *Quod vni ex minimis meis fecistis, mihi fecistis.*

*De obedientia sancta.*

Vigésimum, ut honorem & reuerentiam omnibus tam debitam quam deuotam sanctissimæ obedientie normam, non solum magnis verum etiam minimis, quasi pupillam studeas semper seruare illam, obediens quidem non solum maioribus, ut prælatis, verum etiam minoribus omnibus te subiiciens quibuscumque, abnegando teipsum pro Christo. In bonis & indifferentibus semper alterius studeas facere voluntatem, in nullo præbens te alicui onerosum, sed potius in charitate Christi diligēs vniuersos, teipsum communiter omnibus gratum reddens. Affabilitates, amicitias & familiaritates fugias singulares. Summo pere caueas, ne vnumquam verbo, vel facto vel gestu, alicuius rancoris, odij, clamoris, iniuriæ, turbationis, murmurationis, detractionis, scandali, & adulationis, & quorumcumque similium, aliqua ratione vel modo, per te vel alium, causa vel occasio fias.

*Quod consolationes, & tribulationes occulte teneas.*

Vigésimumprimum, ut virtutes vel gratias spirituales quas in te, vel per te, diuina misericordia operari dignatur tribulationes & prælia, virtutisque propositum, vel similia, ab omnibus abscondere studeas quantum potes: his tamen exceptis, quæ proprio sacerdoti in propria debent accusatione detegi, nisi forte alicui tuo speciali ac probato amico ea spiritualis utilitatis gratia reuelares, cuius consilium vel doctrinam in huiusmodi credas tibi posse valere. Sollicitus semper sis furari tempus ubique, ut possis solita orationi, & meditationi sanctæ vacare, ut sedendo solitarius eleuatus sis desiderio ad superna.

S. Bon. Tom. 7. Pars iij.

*Quod Deum semper & ubique habeas in memoria.*

Vigésimumsecundum, ut solutus ab omnibus creaturis, tanto mentis conatu desiderijque feruore circum tuum creatorem intendas; ut quasi omnium inferiorum oblitus, quidquid agas, ubicumque steteris, & quibuscumque negotijs impliceris, die ac nocte & omni momento & hora, Deum semper habeas in memoria, credens & cogitans te esse verissime coram eo, & ipsum cogitans vndique te aspicere. Hæc autem cogita cum magna reuerentia, ac timore pariter & amore, & cum magna discretione; nunc ante pedes imense maiestatis eius prostratus corde amarissimo, peccatorum veniam postulando; nunc sacratissimæ passionis filij Dei gladio compassionis coram eius cruce vulneratus cum eo, lacrymosus, & flebilis apparendo; nunc totius vitæ illius decursum, obliuioni tuæ velut rectitudinis lineam præponendo; nunc inenarrabilia, & immensa Dei beneficia mente pertractans, gratiarum actionibus insitendo; nunc stimulis ipsius amoris ardentissime punctus, ipsum in creaturis omnibus intuendo: nunc potentiam, nunc sapientiam, nunc bonitatem & clementiam eius attendens, eum deuotissime in cunctis operibus suis collaudando: nunc desiderio patriæ celestis attractus, ad ipsum gemitibus suspirijs anhelando: nunc circa nos viscera inextimabilis charitatis eius aspiciens, lætabunda quadam excessiua admiratione, corde ac animo, in ipso deficiendo: nunc te præcipitem, nunc te fugientem, nunc te ruentem, nunc Deum te timentem, subleuantem, retinentem, & attrahentem, nunc Deum te ingratum per omnia concernentem considerans, ineffabilibus diuinæ misericordie visceribus tibi patefactis, nimio in eo charitatis ardore te conferens, totum te fletibus resoluendo: nunc vero occultissima, profundissima, & summe arcana nimiumque stupenda iudicia iustitiæ eius diligenter attendens, eum in omnibus fidelis, & constans cum summo amore, ingenti quoque timore ac tremore, discretus, supplex, & humilis venerando, præ omnibus autem continuam & viuam memoriam ipsius sacratissimæ passionis in animo & corde tuo ferens.

*De soluta custodia suspirijs.*

Vigésimumtertium, ut super custodia tua vigilans, omni tempore ab antiqui hostis fraudibus, qui sæpe se in Angelum lucis transfigurans, omni tempore & in omni via homini laqueum tendit & retia, ut animas nostras valeat captiuare, solitudine te cautissimam tuearis, venantium laqueos fugiens sicut passer. tantæque puritatis humilitate sancta in oculis tuis fias, ut ne subtilissima eius retia te valeant continere. a quibus sane tunc poteris liberari illæsus, cum effectus fueris Israel, continue mentalibus oculis videns Deum: Quia non dormitabit, neque dormiet eius custos.

*De pura confessione peccatorum.*

Vigésimumquartum, ut tenens indefessum instituti sancti rigorem, sacris ardoribus celestium desideriorum succensus, mentis & corporis munditiæ pulchritudinem, innocentie puritatem, conscientieque teneritudinem conseruans, cura diligentissima caueas, ne vnumquam tepedo in aliquo resipiscas. Ad quod quidem diligentius & purius conseruandum, quotidiana discussione septies in die examines vitam tuam. semper ante vel immediate post quamlibet horam canonicam, considerans, & discutiens attentissime, qualiter de hora in horam ambulaueris digne corā Deo sine macula in iustitiæ semita. Et quia nemo est, qui sic disciplinam & iustitiam obseruet, ut nihil penitus negligat, vel omitat; ideo necessarium est, ut ad penitentiam lacrum recurrens cum dolore & gemitu sapissime tuæ accusationi insistas. In qua quidem accusatione seu confessione, integre veraciter, & pure, sine omni velamine excusationis, vel occultationis, seu palliationis, per ordinem omnes tuos retexendo

B 3 defectus,

Matt. 23d

1. Cor. 11. d

Pf. 120. 4.

defectus sacerdoti proprio tamquam Deo debes intima-  
mare, narrando prius omissiones, quas in ijs, quæ sunt  
ad Deum, fecisti, & maxime in oratione quantum ad  
duplicem eius partem, mentalem scilicet & vocalem;  
deinde defectus in obseruatione iustitiæ quoad proxi-  
mum; post, commissiones, quas egisti ex mala custodia  
sensuum, & sensibus adiacentium affectionum & co-  
gitationum. Hanc autem confessionem semper debet  
contritio & satisfactio comitari, vt doleas videlicet  
de omnibus offensis, non solum de magnis, sed etiam  
de modicis, & dolendo caueas iterare culpam. Sem-  
per studens causas, & occasiones peccati præscindere,  
quantumcumque per amorem videatur tibi coniun-  
ctæ: quia tunc iuxta Saluatoris sententiam, eruendus  
est oculus scandalizans, idest occasiones peccati vitan-  
dæ, quæ quidem apparent nobis delectabiles nimium;  
etiam si multum nobis displiceant earum effectus. Vn-  
de fortissimum est in hac pugna bellum. Et ideo oportet  
secundum Dei præceptum esse cæcum, surdum, &  
mutum, & insensibilem ad omnia, in quibus non  
inuenit anima lucrum. Vt autem diuinorum præcep-  
torum, eiusque disciplinæ cælestis obseruantiam in  
supradictis & ceteris alijs sollicitius intendas, ac feruen-  
tius accendaris, studeas hæc quinque semel ad minus  
inter diem & noctem, affectuose & morose omni tē-  
pore sincera mente tractare, quàm scilicet sit brevis  
vita nostra, quàm lubrica via, quàm mors incerta, quæ  
præmia iustis, quæ supplicia parantur iniustis, vt non  
sit seruitium sine timore, nec gaudium sine tremore.

Mar. 9. f.  
Ad obser-  
uantiam mā-  
datorū Dei  
quinque se-  
quēter sin-  
cera mente  
tractanda.

*Quales esse debemus in nostra reputatione,  
quamuis perfecti.*

Vigessimum quintum & vltimum, vt cum diuina  
gratia largiente omnia bene feceris, te seruum inuti-  
lem & peccatorem recognoscens, omni beneficio Dei  
reputes te indignum, semper robustissimam fidem  
tenens, repletus charitate diuina, fiducia magna spe-  
rans, ab ipso misericordissimo Patre misericordiæ tibi  
viscera aperiri: vt dum in fossam profundæ humi-  
litis firmissima ieceris fidei fundamenta, erexeris-  
que lucidissimos parietes continuæ ac feruidæ chari-  
tatis, decoratos omnium virtutum picturis, tectum-  
que desideratæ spei beatissimæ posueris gloriosum,  
tandem omnibus ordinate dispositis; summus ille  
cælestis inhabitator dulcisque hospes fidelium anima-

Luc. 17. c.

rum, cuius delitiæ sunt esse cum filiis hominum, tam-  
diu tecum dignetur inhabitare per gratiam in præsen-  
ti sæculo vel exilio, quousque post terminum vitæ hu-  
ius, in cælestis beatitudinis patria gloriosa stola per-  
petuæ immortalitatis indutus, claritatem vultus eius  
cum omnibus sanctis cernere merearis in iubilo, vbi  
erit summa felicitas, & æterna beatitudo, finis & cō-  
plementum omnium desideriorum nostrorum.

Pron. 8. d.

*Conclusio epistolæ huius.*

Hoc verumtamen adhuc scias, charissime frater,  
indubitanter, quod nisi perfecte abnegaueris temet-  
ipsum, sequi non poteris vestigia Saluatoris: & sine  
solicitudine continua & labore, eius gratiam adipisci  
nequibis. & nisi assidue propulsaueris portas eius,  
ingredi non poteris ad pacem mentis. & nisi te instan-  
ter in timore Dei tenueris, cito domus tua corruet in  
profundum. Et si fideliter, & constanter te tenueris,  
& exercitatus fueris in prædictis, spero in misericor-  
dia Saluatoris, quod te gratia sua dignum faciet in  
præsentem, secumque poteris gloria in futuro. Quod  
ipse tibi concedat, qui est trinus & vnus in sæcula  
sæculorum benedictus. Amen. Hæc autem charissi-  
me non ideo tibi scripsi, quia te crederem talibus in-  
digere, sed quia ante collegeram pro meipso, cernens-  
que meæ inconstantiae pronitatem, seu constantiae  
paruitatem cogitavi, ea tibi tamquam coadiutori fi-  
deli communicare, vt quod mea pusillanimitate ne-  
gligentiaque teporis omittitur; tua magnanimitate,  
feruorisque solitudine restauretur, maxime cum te  
concordem quasi omnibus votis meis, in huiusmo-  
di simplicioribus plurimum delectari cognoscam.  
Quapropter charissime in Christo, hæc ea rogo cha-  
ritate suscipias, qua illa tibi me scio affectione misit-  
te, vt videlicet his omnibus supradictis, quorum qui-  
dem disciplina non videtur esse gaudij sed mæoris,  
ita per cælestium studiorum exercitia studeas te mā-  
cipare, vt pacatissimum iustitiæ fructum afferant in  
futuro, & expectationis eius dulcis memoria, etiam  
in præsentem anima tua gustu deuotionis, adipe, &  
pinguedine repleatur in Christo Iesu Domino no-  
stro, cui me aridum & verbum potius, quàm deuotum,  
deuotis tuis orationibus commendabis. Cui est  
honor, & gloria, decus, & imperium per infinita sæ-  
cula sæculorum. Amen.

## S. BONAVENTURAE EXIMII ECCLESIAE DOCTORIS

Opusculum ad Blancham Hispaniæ Reginam.

### DE REGIMINE ANIMAE

*Blancha, Hispania Regina, hoc Opusculum de regimine animæ Auctor inscribit: in quo documenta salutaria tra-  
dit, quibus ad vitam secundum Deum Reginam instruit. Fuit autem hæc Blancha S. Ludouici Francorum  
regis filia Fernando Alfonsi decimi cognomento sapientis, Hispania regis primogenito filio in uxorem data.  
Sed Fernandus Princeps, procreatus ex ea Alfonso & Fernando, qui de la Cerda vocati sunt, superstitie ad-  
huc Alfonso Patre, antequam ad regni gubernacula manum admoisset apud Villam regiam cessit & vita. Te-  
stantur hæc Alfonsus a Carthagina in Anacephalasi Regum Hispania. c. 84. Michael Reicius de Regibus Hi-  
spania lib. 3. Franciscus Tarafa de Regibus Hispania in Alfonso X. Hoc tempore S. Bonauentura Lutetia floruit.*



**D**IXIMUS omnium necesse habes  
anima mea, altissime, piissime, san-  
ctissime, de optimo Deo sentire,  
videlicet, certa fide credendo, attē-  
tamente considerando, & perspi-  
caci rationis intuitu cum admira-  
tione perspicendo. Altissime qui-  
dem de optimo Deo sentis, si cuncta de nihilo crean-

tis & supportantis immensam potentiam, si cuncta  
gubernantis & ordinantis infinitam sapientiam, si deni-  
que cuncta iudicantis, & retribuētis indetermina-  
tam iustitiam, fideli, pio, & perspicaci contuitu, &  
credis, & admiraris, & perspicis, & extra te exiens;  
& intra te ingrediens, & supra te transcendens, vt il-  
lud veraciter decantes: Exultauerunt filiae Iudæ pro-  
pter iudicia tua Domine, quoniam tu Dominus altis-  
simus

Psal. 96. c.

- simus super omnem terram, nimis exaltatus es super omnes Deos, &c. Pijssimè de optimo Deo sentis si eiusdem misericordiam admiraris, amplexaris, & benedicis, ut summe benignam, in nostræ humanitatis & mortalitatis assumptione, ut summe viscerosam, in crucis & mortis perpeffione, & ut summe liberalem, in Spiritus sancti donatione, & sacramentorum institutione, cum seipsum communicet liberalissime in Sacramento altaris. quatenus illud Psalmi ex animo cantes: Suavis Dominus vniuersis, & c. miserationes eius super omnia opera eius &c. Sanctissime de optimo Deo sentis, si eiusdem inexplicabilem sanctitatem aduertens, miraris, & laudas, atque illi cum sanctis Seraphim, Sanctus, sanctus, sanctus, proclamas. Sanctus primo hoc est in seipso sanctitatem, summe ac purissime habens, ut impossibile sit ipsum aliquid nisi sanctum velle, vel approbare. Sanctus secundo, hoc est sanctitatem ita perfecte in alijs diligens, ut impossibile sit ipsum vere sanctitatem seruantibus, aut gratiæ dona subtrahere, aut gloriæ præmia denegare. Sanctus & tertio, hoc est ita seuerè oppositum sanctitatis abhorrens, ut impossibile sit ipsum peccata nisi abhorre, aut reprobare, aut impunita relinquere. Quod si sic senseris, cum legislatore cantabis: Deus fidelis, & absque vlla iniquitate iustus & rectus.
- Post hoc oculos tuæ mentis ad Dei legē conuertere, quæ te iubet exhibere altissimo cor humile, pijssimo cor deuotum, & sanctissimo cor illibatum. Cor, inquam, humile debes exhibere altissimo, per reuerentiam in animo, per obedientiam in facto, & per honorificentiam in verbo, & signo, quatenus secundum Apostolicam regulam, & doctrinam, Omnia in gloriam Dei facias. Cor autem deuotum exhibere debes pijssimo, per interpellationem feruentium precum, per degustationem spiritualium suauitatum, & per actionem multiplicium gratiarum, ut anima tua iugiter per desertum ascendat in Deum, sicut virgula fumi ex aromatibus myrrhæ, & thuris, ut de sponsa in Canticis dicitur. Cor vero illibatum exhibere debes sanctissimo sponso, ut nullus in te regnet, nec sensus, nec consensu, nec affectu corporeæ voluptatis applausus, nullus terrenæ malignitatis affectus, quatenus omni excluda macula peccati, possis cum Psalmista cantare: Fiat cor meum immaculatum in iustificationibus tuis, ut non confundar. Attende ergo diligenter, & vide, si hæc omnia a iuuentute seruasti. Quod si hæc in conscientia repereris, non tibi hoc attribuas, sed dono Dei, illique gratias agas. Quod si te inuenis semel aut pluries in horum aliquo, vel pluribus, vel forte in omnibus, aut grauiter, aut leuiter deliquisse, siue per infirmitatem, siue per ignorantiam, siue ex certa scientia, inenarrabilibus gemitibus studeas reconciliari Deo. Et ad exhibendam emendam illi, spiritum virtutis assume, ut possis cum pœnitente veraciter cantare ac psallere: Quoniã ego in flagella paratus sum, & dolor meus in cōspectu meo semper.
- Debet autem dolor animi duos habere comites, vt sit purgatiuus animæ, & placatiuus Dei, nimis ræ timorem diuini iudicij, & ardorem interni desiderij, ut recuperes timendo cor humile, desiderando cor deuotum, & dolendo cor illibatum. Time igitur diuina iudicia, quæ sunt abyssus multa. Time, inquam, vehementer, ne forte quamquam sis aliquo qualiter pœnitens, adhuc tamen displiceas. Time vehementius, ne post hoc Deum offendas. Time etiam vehementissime, ne finaliter a Deo discedas, semper carens lumine, semper ardens igne, numquam carens verme, nisi per veram pœnitentiam in gratia finali decedas, ut sic cum Propheta decantes: Confige timore tuo carnes meas, a iudicij enim tuis timui. Dole quoque & satage propter commissã peccata. Dole, inquam, vehementer, propter annihilationem omnis boni diuinitus tibi dati: vehementius, propter impugnationem Christi pro te nati, & pro te cruci affixi:
- A vehementissime, propter vilipensionem Dei, cuius transgrediendo leges, tu inhonorasti maiestatem, denegasti veritatem, & offendisti bonitatem: totumque vniuersum debilitasti, deformasti, & deordinasti, dum diuinis aduersando statutis, imperijs, & iudicijs, omnibus tibi seruientibus propter Deum abusa es naturis, scripturis, iustitijs, misericordijs, donis gratuitis, & præmijs repromissis. Quibus diligenter consideratis luctum vniueriti fac tibi plactum amarum, deduc quasi torrentem lacrymas per diem & noctem, non des requiem tibi, nec somnum oculis tuis. Desidera nihilominus diuina charismata diuini amoris in Deum conscendens, qui te peccantem, tam patienter sustinuit, longanimitè expectauit, & misericorditer ad pœnitentiam reduxit: tibi concedendo veniam, infundendo gratiam, & promittendo coronam. Dum tamen eidem impendas, vel potius ab ipso suscipias eique rependas sacrificium contribulati spiritus, cordique contriti, & humiliati, per compunctionem, amarum, confessionem veridicam, & per satisfactionem condignam. Desidera, inquam, vehementer diuinam complacentiam, per largã immissionem Sancti spiritus: vehementius diuinam conformitatem, per expressam imitationem Christi crucifixi: & vehementissime diuinam comprehensionem, per apertam visionem patris æterni, ut veraciter cum Propheta decantes: Sitiuit anima mea, quando veniam, & apparebo ante faciem Dei?
- Porro, ut hunc spiritum vitæ, timoris, doloris, & ardoris acquiras intrinsecus, exerce te foris ad omnimodam modestiam, iustitiam, & pietatem, quatenus, iuxta documentum Apostoli, abnegans impietatem, & sæcularia desideria sobrie & iuste, & pie viuas in hoc sæculo, Exerce itaque temetipsam ad omnimodam modestiã, ut, iuxta Apostoli doctrinam, modestia tua nota sit omnibus hominibus. Ad modestiam, inquam, parsimoniam, in victu & vestitu, somno & vigilia, otio & labore, ut in nullo excedas. Ad modestiam disciplinæ, per moderamen silentij & loquelæ, per moderamen maioris, & gaudij, aceriã per moderamen mäsuetudinis, & rigoris, iuxta quod opportunitas exigit, & recta ratio dicat. Ad modestiam honestatis, per gloriationem, ordinationem, compositionem, scilicet, actuum, motuum, gestuum, vestimentorum, seu habituum, membrorum, & sensuum, iuxta quod moralis honestas, & regularis obseruantia id exposcit: ut merito sis ex illorũ numero, quibus Apostolus dicit: Omnia honeste, & secundum ordinem fiant in vobis.
- Exerce te quoque ad iustitiam, ut tibi illud propheticum possit veraciter aptari: Propter veritatem, & mansuetudinem, & iustitiam, &c. Ad iustitiam, inquam, integram, per zelum diuini amoris, per obseruantiam diuinæ legis, & per desiderium fraternæ salutis. Ad iustitiam ordinatam, per obedientiam ad superiores, societatem ad pares, & per castigationem ad inferiores. Ad iustitiam perfectam, ut omni veritati consentias, omni bonitati faueas, & omni malitiæ aduerseris, tam mente, quàm verbo, quàm etiam opere, nihil agens alij, quod tibi nolis fieri, nihil negans alij, quod tibi velis impendi. quatenus illorum sis imitatrix perfecta, quibus dicitur: Nisi abundauerit iustitia vestra plus quàm Scribarum, & Phariseorum, non intrabitis in regnum cælorum. Exerce te tandem ad pietatem, quia ut dicit Apostolus: Pietas ad omnia valet, promissionem habens vitæ quæ nunc est pariter & futuræ. Ad pietatem, inquam, diuini cultus attente & deuote ac reuerenter, scilicet, horas persoluendo canonicas, ac quotidiana confitendo peccata & deplorando, sacratissimam, pro tempore Eucharistiam sumendo, & quotidie Missam audiendo. Ad pietatem saluationis animarum, nunc adiuuando per orationum frequentiam, per sermonum informationem, & per exemplorum incitamenta, ut qui audit dicat, Veni. Hoc tamen sic sapienter

Gal. 6.4.

fapienter oportet fieri, vt salutis propriæ dispendium non incurras. Ad pietatem reuelationis corporaliū necessitatum, in supportando patienter, consolando amabiliter, & subministrando humiliter, hilariter, & misericorditer; vt sic diuinam impleas legem. cum dicat Apostolus: Alter alterius one-

ra portate, & sic adimplebitis legem Christi. Ad quæ omnia prosequenda, super omnia credo valere memoriam Crucifixi, vt dilectus tuus tamquam *Cant. 1. c.* fasciculus myrrhæ, inter mentis tuæ vera iugiter commoretur. Quod ipse præstare dignetur, qui est benedictus in sæcula. Amen.

## S. BONAVENTURAE EXIMII ECCLESIAE DOCTORIS

### Opusculum quod inscribitur, Formula aurea

### DE GRADIBVS VIRTVTVM.

In hoc Opusculo, vt titulus præferre videtur, S. Bonaventura, veluti per scala gradus, ascensum aperit ad montem omnium virtutum. Deinde eundem conscendere monet, & hortatur. Ac denique modum præscribit, quo is ascensus facilius nobis sit, vt cuique attente, & deuote legenti omnino patebit.

Psal. 33. 4.

Quid sit ad  
Deum acce-  
dere, & ab  
eo illumina-  
ri.



**A**CCEDITE ad Dominum, & illuminamini, & facies vestrae non confundentur, dicebat Dauid. Ius hominis est ad Deum accedere. Ius Dei accedentem ad ipsum illuminare. Ad Deum spiritualiter accedit, qui affectiones suas ad Deum dirigit, qui sperat Dei laudem, qui timet Dei contumeliam, qui lætatur de omnibus, quæ Deo placet, qui tristatur de omnibus, quæ Deo displicent, qui diligit virtutes, & opera virtutum, qui odit vitia, & opera vitiorum, qui erubescit iniqua, & opera iniquitatum, & occasiones iniquitatum. Deus lux vera illuminat accedentem, ad cognoscendum virtutes, & gradus virtutum, quæ sunt certissima via ad regnum cælorum. Si aliquis calumniatur gradus, qui ponuntur, & scit meliores gradus ponere, quàm hic ponuntur, non est contra me, nec propter hoc volo litem subire. Et sciendum quod gradus in plerisque ordinantur, secundum raritatem vel secundum perfectionem, tamen diuersis respectibus se excedunt.

Gradus charitatis. Cap. I.

CAN. 2. 4.

Graduum  
charitatis  
ordo. I.

Matt. 5. 8.

Ibidem.

**P**RIMUM autem notandum est de gradibus charitatis. Nam dicit sponsa in Canticis: Ordinauit in me charitatem. Infimus gradus charitatis est, diligere amicum a quo homo diligitur, honoratur, fouetur, & in omnibus adiuuatur, qui hoc non curat, facere, contra naturam nititur laborare. Diligere enim amantem, naturæ est, vt dicit Chrysostomus. Altior gradus diligere inimicum ex corde propter Deum, qui eum ad imaginem suam creauit, & corpore suo refecit, & sanguine suo redemit, quia diligere non amantem gratia est, vt dicit Chrysostomus. qui hoc facere non curat, filius Dei esse recusat, qui facit solem suum oriri super bonos, & malos. Altissimus gradus charitatis est inimicos beneficijs ad amorem trahere. Vnde super illud, Vt sitis filij Patris vestri, dicit Glossa: Cumulus perfectionis est inimicos diligere, & pro ipsis diligenter orare, sicut fecit Christus, & alia Glossa super illud: Benefacite, &c. dicit: Non tantum ad amicos, sed etiam ad inimicos extendite opera charitatis, vt amici esse incipiant. In primo gradu stant ethnici, & publicani, qui diligunt eos, qui se diligunt. In secundo stant perfecti Christiani, qui male-

religiosi, immo Christus, qui Iudæ ad amorem suum traxit, benignissime osculando, pedes lauando, sua carne cibando, & in cruce pro persecutoribus orando.

Item altus gradus charitatis est, cum aliquis utilitatem amici sui cum proprio lucro querit. Altior cum aliquis commodum amici sui, cum damno rerum suarum querit. Altissimus cum aliquis bonum amici sui, cum propria morte querit. Vnde dicitur Maiorem charitatem, &c. Ergo maximam charitatem habet, qui animam suam pro amicis ponit. In illo gradu stetit Christus, quando pauper factus est, cum esset diues, vt nos inopia sua diuites essemus, vt dicit Apostolus. Cum per suam contumeliā, nobis obtinuit æternam gloriam. Cum per sua vulnera, nobis exhibuit medicinam. Cum per suam mortem turpissimam, nobis comparauit vitam æternam.

Item altus gradus charitatis est, cum quis diligit auferentem sibi res temporales. Altior cum diligit auferentem sibi honorem. Adhuc altior cum diligit auferentem sibi corpus, vel membra corporis. Altissimus cum diligit auferentem sibi virtutes, & dona spiritualia, siue ipsum Deum, ad peccatum quacumque occasione inducendo, vel a virtuosius operibus retrahendo.

Gradus obedientie. Cap. II.

**O**BEDIENTIAE altus gradus est obedire Creatori, Redemptori, remuneratori nostro, qui vult commune bonum nostrum in presenti, & in futuro, cui obediendum est merito in omnibus præceptis, & prohibitionibus: quia nihil præcipit, nisi ducat nos ad summum bonum: & nihil prohibet, nisi abducatur nos a summo bono. Altior videtur gradus obedientie quodammodo esse, cum obedimus homini in persona Dei, quasi obediremus ipsi Deo: quia Deo tenemur obedire propter prædicta, sed non homini tenemur, nisi propter Deum. Cum obedimus, inquam, homini perfecto, & discreto, qui omnia cum discretionem, & deliberationem imperat. Altissimus autem videtur gradus obedientie, cum obedimus homini indiscreto, & discolor, & despecto, in persona Dei, qui multa imperat cum impetu, & sine discretionem, & deliberationem. Vnde Petrus: Serui obedite Dominis, non tantum bonis, & modestis, sed etiam discoloris. Hæc est enim gratia apud Deum quasi dicat non est meritum magnum bonis, & modestis obedire, tamen caute videatur, ne obediatur contra salutem.

Itē aliquis gradus est obedientie in eo, quod homini

Graduum  
obedientie  
ordo. I.

1. Pet. 2. 6.

ni



ni suave est, & leue. Altior est obedire in eo, quod graue est, & ad breue tempus. Altissimus obedire in eo, quod graue est ad longū tēpus, vel vsque ad mortē. In hoc gradu stetit Christus, cū obediuit Patri suo, vsque ad mortem, a principio vitæ, turpissima sustinendo.

III. Item aliqualis est gradus obedientiæ, obedire propter timorem pœnæ inferendæ propter inobedientiā, sicut sæpe contingit. Altior est obedire propter spem gratiæ in præsentī, & propter amorem gloriæ in futuro, quod etiam sæpe contingit. Altissimus est obedire propter neutrum horum, sed pure propter Deū: quia Deus, Dominus noster est, & nos serui eius.

III. Itē altus gradus est obediētiæ implere verbū prælati, propter Deum. Altior implere nutū. Altissimus implere voluntatem, sicut dixit Christus: Nō veni facere voluntatē &c. Et iterū: Si fieri potest transeat, &c.

Ioan. 6. d.  
Marc. 4. d.

V. Itē aliqualis gradus est cum mandatum differtur, & tamen impletur. Altior cum statim perficitur, sed tamen cum murmure & inuoluntarie. Altissimus cum statim perficitur, sponte, & cum magno desiderio.

*Gradus humilitatis. Cap. III.*

Graduum  
humilitatis  
ordo I.

HUMILITATIS altus gradus est, cum aliquis sponte subijcit se maiori, hæc est debita. Altior cum subijcit se pari, hæc abundans est. Altissimus cum subijcit se minori, hæc superabundans est. In hoc ultimo gradu fuit Christus, cum veniens ad Iordanem subiecit se Ioanni, dicens: Sine modo, sic enim decet nos adimplere omnem iustitiam, id est humilitatem superabundantem, ut dicit Glossa.

Mass. 3. d.

II. Itē altus gradus est, cū aliquis habet humilitatem in verbis. Altior cum in factis. Altissimus cum habet humilitatem in corde. Ibi enim est virtus, sed non in verbis vel factis. Quandoque enim est, qui se nequiter humiliat, verbis, vel factis, vel gestibus, vel vestitu, vel incessu. Christus vero fuit humilis in corde cum diceret: Discite a me, &c. Humilis in verbis, cum diceret: Ego sum vermis, & non homo. Et mea doctrina non est mea, &c. Et, Verba, quæ ego loquor, a meipso non loquor. Humilis in factis, cum se inclinauit ante pedes Apostolorum in lotura.

Mass. 11. d.  
Psal. 23. b.  
Ioan. 7. d.  
Idem 14. b.

III. Itē altus gradus humilitatis est, humiliare se propter magnitudinem, & multitudinē defectuū, iuxta illud prophetæ: Humiliatio tua in medio tui, id est materia humiliationis, sit in corde tuo, scilicet defectus tui. Altior est humiliare se, propter abundantiam virtutum, & donorum spiritualium, sicut arbor nobilis inclinatur ex abundantia fructuum. Vnde dicitur: Quanto maior es, humilia te in omnibus. Altissimus, propter imitationem exempli humilitatis Christi.

Michea. 6. d.

Ecclesi. 3. c.

Ioan. 13.

III. Itē altus gradus est humiliare se de omnibus malis commissis, Altior de omnibus bonis omissis. Adhuc altior de omnibus deturpatis. Altissimus de omnibus bonis in vacuum perceptis. Iste ordo sumitur ex raritate. Quanto enim gradus est rarior, tanto videtur altior. In nullo istorum fuit Christus, quia nihil mali commisit, & nihil boni obmisit, & nihil boni deturpauit, nihil boni in vacuum recepit.

V. Itē altus gradus est tā vilē se reputare, sicut vere est in oculis Dei. Altior, sicut vilis esse potuit corā Deo, si Dominus nō cauisset. Altissimus, sicut vilis adhuc fieri posset, si Dominus a tentationibus non custodierit.

*Gradus castitatis. Cap. IIII.*

Graduum  
castitatis  
ordo I.

CASTITATIS altus gradus est castitas coniugalī. Altior vidualis. Altissimus virginalis. Hoc patet per fructus, qui eis debentur, scilicet tricesimus, sexagesimus, centesimus. In hoc ultimo gradu fuit Christus, & beata Virgo mater eius. Damascenus etiā dicit: A nuptijs abstinencia, est Angelorum imitatio.

Damasc.

II. Item altus gradus est detestari gestus & tactus impudicos. Altior detestari verba impudica. Adhuc altior detestari voluntatem, vel concupiscentiam impudicam, sicut Sara dixit: Numquam concupiui virum, &c. Altissimus, detestari cogitationem impudicam, sicut dicit Iob: Pepigi fœdus cū oculis, &c.

Tob. 3. c.

Iob 31. a.

Item multum quandoque periclitatur castitas ex auditu impudico. Magis quandoque ex visu, ut in Dauid, & in senibus in Daniele. Sed maxime quandoque ex tactu impudico. Item maxime adiunatur castitas si homo vitat locum suspectum. Magis si vitat homines suspectos. Multo amplius si vitat familiaritates suspectas, & ea quæ prouocant familiaritates suspectas, ut sunt dulces litteræ, dulces salutationes, dulces respectus, dulcia verba, & blanda, & crebra munuscula, de quibus Hieronymus dicit, Crebra munuscula, & dulces litteras, & sudariola, & cibos prægustatos, sanctus amor non habet.

2. Reg. 11. a  
Dan. 13. a

Hieron. ep.  
2. ad Nepo-  
tian. ante  
med.

Item altus gradus castitatis est, esse castum per munditiam carnis. Altior per munditiam mentis, quia per impudiciā maculatur corpus & anima, ut dicit Apostolus, Quodcumque peccatum fecerit homo, &c. Altissimus per imitationem exempli castitatis Christi.

*Gradus patientiæ. Cap. V.*

PATIENTIÆ altus gradus est patienter sustinere amissionem rerum, ut Iob. Altior patienter sufferre amissionem honoris, ut Dauid cum improperia Semei sustinuit. Altissimus est patienter sufferre mutilationem membrorum, vel ablationem vitæ corporalis. In hoc gradu fuit Christus, cum sponte pro nobis animam suam posuit.

Graduū pa-  
tientiæ or-  
do I.  
Iob 1.  
2. Reg. 16 b

Item altus gradus est patientiæ, tolerare afflictionē, quam homo pro peccatis meruit. Vnde Petrus: Si peccantes & colaphizati suffertis, &c. Altior patienter sufferre afflictionē, quam innocenter sustinet pro iustitia. Vnde, siquid patimini propter iustitiam, beati. Altissimus est feruenter appetere afflictionem. In hoc gradu fuit Christus, cū dicebat: Improperiū expectauit &c.

1. Pet. 2. d.  
Matt. 5. a.  
Psal. 68.

Item altus gradus patientiæ est non vindicare iniuriam factam. Altior non vindicare verbo. Altissimus est non habere vindictam in desiderio.

III.

Item altam habet patientiam, qui non indicat impatientiam in verbo. Altior qui non indicat vultu. Altissimus qui non portat impatientiam in corde suo.

IIII.

Item altum gradum patientiæ habet, qui non vindicat iniuriam suam, cum vindicare potest, licet non sine damno. Altior, qui non vindicat cum vindicare potest sine damno. Altissimus est, cum gratias agit pro afflictione, ut Tobias, cum dixit: Gratias ago tibi Domine, quia castigasti & sanasti me.

Tob 11. c.

Item altus gradus patientiæ est, cum aliquis patienter sustinet aduersitates, ut a peccatis suis purgetur, iuxta illud: In fornace probatur argentum. Altior ut in calo gloriose remuneretur, iuxta illud Matthæi: Beati eritis cum vos oderint homines &c. Altissimus ut Christo vicem rependat, iuxta illud Hieronymi: Felix est anima quæ pro Christi nomine tanta voluerit sustinere, quanta ille pro nobis passus est.

Prou. 27. c  
Matt. 5. a.

Item altus gradus patientiæ est, de iniuria numquam querimoniam facere. Altior numquam iniuriā propriam excusare. Altissimus est iniuriā propriam, numquam alicui ad vindicandum significare.

VII.

*Gradus misericordiæ. Cap. VI.*

MISERICORDIÆ altus gradus est miseri proximi, iuxta illud: Estote misericordes. Et Iob: Si negaui quod volebant pauperes, &c. Et iterum: Oculi fui cæco & pes claudō. Altior misereri sui, secundum illud: Misereor animæ tuæ placens Deo. Altissimus misereri Dei, sicut ipse petit in Iob: Misere mini mei, misere mini mei, saltem vos, &c.

Graduū mi-  
sericordiæ  
ordo I.  
Luca. 6. c.  
Iob 31. b.

Item altus gradus est misereri consanguineis afflictis. Altior gradus, misereri extraneis afflictis. Altissimus misereri iniuriis afflictis. In hoc ultimo gradu fuit Christus cum dixit: Misereor super turbam. Et iterum: Pater ignosce illis, &c.

Idem 29. c.  
Ecclesi. 20. d.  
Iob 19. c.

Item altus gradus est misereri viuīs in afflictione corporis. Altior misereri viuīs in afflictione spiritus. Altissimus misereri mortuis in purgatorio.

Mar. 8. a.  
Luca. 23. e.

Item altus gradus est misereri sanis in necessitate. Altior misereri infirmis non decumbentibus in necessitate.

IIII.

necessitate. Altissimus misereri infirmis decumbentibus in necessitate.

- V. Item altus gradus misericordiae consistit in dando temporalia, sicut fecit Abraham, qui nulli negavit hospitium. Altior in condonando iniurias, sicut fecit David Sauli, & Semei. Altissimus pro iniuriatibus supplicando fideliter, sicut Christus & Beatus Stephanus.
2. Reg. 24. c. 1. 2. Reg. 16. b. Luc. 23. c. 1. Act. 7. c. 1.
- VI. Item in alto gradu misericordiae consistit, quem ad miserendum inducit natura suadendo. In altiori, quem inducit homo precipiendo, vel admonendo. In altissimo, quem inducit Deus inspirando.

*Gradus veritatis. Cap. VII.*

**V**ERITATIS altus gradus est libenter cogitare veritatem, & libenter cogitare de veritate. Altior est libenter loqui veritatem, & libenter loqui de veritate. Altissimus est libenter vivere secundum veritatem, & alios ad hoc inducere.

- II. Item altus gradus est cognoscere veritatem. Altior amare veritatem. Altissimus seipsum, & alios iudicare secundum veritatem. In omnibus istis gradibus fuit Christus.

- III. Item altus gradus est libere, & absque adulatione, & sine pallio pronunciare veritatem, quando libere pronunciare oportet. Altior libere defendere veritatem, quando defendere conuenit. Sed qui hoc faciunt saepe amaritudinibus replentur, quia veritas res amara est. Dicit Sanctus Bernardus: Melius est tamen pro veritate pati supplicium, quam pro adulatione pati beneficium. Altissimus est libere defendere veritatem coram inimicis.

- III. Item altus gradus est propter veritatem res temporales in periculo ponere. Altior honorem imponere. Altissimus corpus in periculo ponere. Et hoc merito faciendum est, quia Christus veritas est.

*Gradus paupertatis. Cap. VIII.*

**P**AUPERATIS, quae est una de octo beatitudinibus, altus gradus, est relinquere res temporales. Altior relinquere amicos seculares, & spirituales. Altissimus relinquere seipsum, id est singularem sensum, amorem priuatum, propriam voluntatem. In omnibus istis gradibus fuit Christus, qui reliquit seipsum, sua, suos.

- II. Item altus gradus est pro transitorijs non laborare, nec sollicitari. Altior transitoria non appetere. Altissimus oblata respicere. In secundo fuit Apostolus cum dixit: Argentum & aurum, aut vestem nullius concupiui. In ultimo fuit Daniel Propheta, qui contempsit munera Balthasar, quia scriptura reprehendit munuscula dare, & accipere.

- III. Item altus gradus est nolle habere certum hospitium, sicut Christo non fuit locus in diuersorio. Altior non habere certum victum & vestitum tempore sanitatis. Altissimus nolle habere certum victum & vestitum tempore infirmitatis. In hoc ultimo gradu fuit Christus, cum non habuit vbi caput suum reclinaret, nec haustum aquae, nec vestem, sed nudus ante crucem stetit.

- III. Item in alto gradu paupertatis est, qui propter hoc eligit paupertatem, ut a transitorijs solitudinibus eruat. In altiori est, qui propter hoc eligit paupertatem, ut in virtutibus & donis spiritualibus dotetur. In altissimo, qui propter hoc eligit paupertatem, ut in sessione sua apud Christum in iudicio, Deus glorificetur.

- V. In alto gradu est, qui nihil habet proprium in speciali, sicut multi religiosi. In altiori, qui nihil habet proprium in communi ad annum, vel ad longum tempus, sicut pauci religiosi. In altissimo est, qui nihil habet proprium in communi, nec ad septimanam, vel ad diem, ut Fratres minores.

*Gradus prudentiae. Cap. IX.*

**P**RUDENTIAE altus gradus est, cognoscere Deum per creaturas, sicut dicit Apostolus: Inuisibilia Dei, &c. Altior per scripturas. Altissimus per fidem.

- II. Item altus gradus est prudentiae, ordinare mo-

res exteriores secundum voluntatem Dei. Altior ordinare affectiones interiores. Altissimus ordinare vires animae secundum placitum Dei.

Item altus gradus est, ordinare vitam interius & exterius secundum exempla sanctorum. Altior secundum exempla Christi. Altissimus secundum mores Christi.

Item in alto gradu est, qui considerat amaritudinem animae cum separatur a corpore. In altiori, qui considerat amaritudinem animae cum separatur a familiaritate Dei ad breue tempus. Vnde Bernardus: Quae anima semel accepit, &c. In altissimo, qui considerat amaritudinem animae, cum aeternaliter separatur a fruitione Dei.

Item in alto gradu est, qui considerat iucunditatem animae, cum vnitur Deo ad longum tempus. In altissimo est, qui considerat iucunditatem animae cum vnitur Deo aeternaliter.

Item in alto gradu est, qui considerat, quomodo dat se Deus in bonis spiritualibus. In altissimo est, qui considerat, quomodo dat se Deus totum in omni, quod est ipse in diuina, & humana natura.

*Gradus fortitudinis. Cap. X.*

**F**ORTITUDINIS est altus gradus vincere mundum & delicias eius contemnendo, sicut dicit Apostolus: Omnia inquit arbitratus sum ut stercora &c. Altior est vincere carnem, & concupiscentias eius restringere, ut Apostolus: Castigo inquit corpus meum. Altissimus vincere seipsum simpliciter & sponte usque ad mortem obediendo, sicut in omnibus istis fuit Christus.

Item altus gradus est fortiter resistere peccatis corporalibus, ut sunt luxuria, gula, &c. Altior resistere peccatis spiritualibus, ut sunt placentia propria, displicentia aliena, hypocrisis, personarum acceptio, ingratitude. Altissimus est resistere occasionibus, tam corporalium, quam spiritualium peccatorum, ut munuscula, & familiaritates, verba blanda, &c.

Item altus gradus est, non consentire peccatis operationis. Altior non consentire peccatis locutionis. Altissimus non consentire peccatis cogitationis. In his omnibus fuit CHRISTVS.

Item altus gradus est fortiter laborare in hoc mundo pro sancta vita, quae consistit in bona conscientia, & in bonis operibus, & moribus. Altior laborare pro societate angelica. Altissimus laborare pro vniione Dei in vita aeterna.

*Gradus iustitiae. Cap. XI.*

**I**USTITIAE altus gradus est reddere proximo ius suum scilicet congratulationem in prosperitate, & compassionem in aduersitate, iuxta illud: Gaudere cum gaudentibus &c. Et altior reddere sibi ius suum, scilicet dolorem de malis commissis, iuxta illud propheticum: Dole quasi parturiens, & cautelam contra mala committenda, iuxta illud: Non solum a malo, sed ab omni specie mala abstinete vos. Altissimus reddere Deo ius suum, scilicet timorem, quia Dominus iustus est: & amorem, quia Pater bonus est. Vnde Dominus dicit: Si ego Dominus, ubi timor meus? si Pater, ubi amor meus?

Item altus gradus est, reddere unicuique bonum pro bono. Altior reddere bonum pro malo. Altissimus reddere optimum pro pessimo. Hoc fecit Christus, quando dedit corpus suum sanctissimum Iude pessimo traditori.

Item altus gradus est iustificare omnes operationes, ut Deo placeant. Altior iustificare omnes locutiones. Altissimus iustificare omnes voluntates. In istis gradibus fuit Christus cum dicit: Quae placita sunt ei facio semper.

Item altus gradus est, discere iudicare omnia opera sua, qua intentione, & ad quem finem fiant. Altior iudicare verba, utrum sint utilia vel nocua. Altissimus iudicare conscientiam, utrum recta vel erronea sit, & omnes affectiones, utrum ordinatae vel inordinatae sint.

Item altus gradus est, exhibere naturalem iustitiam omnibus viuus, scilicet quod oderis tibi fieri. & quaecumque vultis, ut faciant vobis homines. Altior exhibere iustitiam omnibus mortuis conseruandis.

Graduum veritatis, atque Christianae fortitudinis ordo.

I. 1. Cor. 9. d.

II.

III.

Graduum Christianae iustitiae ordo.

I. Rom. 12. c.

II. Mich. 4. c.

III. 1. Thes. 5.

IV. Malach. 1.

V. Ios. 2. 13. b.

VI. Matt. 7. b.

guineis in eleemosynis, orationibus, & maxime in testamentis eorum distribuendis, secundum ordinationem ipsorum, & in omnibus, quæ ipsis fideliter commiserunt. Altissimus, iustitiam exhibere mortuis extraneis, sicut eis commiserunt, & confidunt.

*Gradus temperantia. Cap. XII.*

Graduum  
Christianæ  
temperantiæ  
ordo. I.

**T**EMPERANTIAE altus gradus est, moderare se in omnibus exterioribus, scilicet in victu, habitu, somno, in incessu, verbis, factis, & moribus, ut omnia ordinate, & modeste fiant secundum Deum. Altior est, temperare se in moribus, & affectionibus interioribus, ne nimis circa transitoria occupetur. Altissimus temperare cogitationes, ne nimis extra Deum euagentur.

II. Itē altus gradus est, restringere se ab illicitis interioribus, & exterioribus. Altior, refrenare se a licitis exterioribus & interioribus ad tempus. Altissimus est abstrahere a licitis exterioribus, & interioribus usque ad mortē, iuxta illud. *Virtus est, licitis abstinnisse bonis*. Ille enim solus ad illicita non cadit, qui se caute restringit a licitis, dicit glossa super Iob. Qui enim non vult detrahare, & mentiri, & similia, restringat se a licitis verbis, quia auctore Salomone, In multiloquio peccatum non deerit.

Glo. in 3. c.  
Iob ex Gre-  
gor. lib. 5.  
Mor. c. 8. an  
se med.  
Prov. 10. c.

III. Item aliquis altus gradus est, moderare loqui de defectibus hominum in præsencia eorum. Altior temperare loqui de defectibus viutorum, & mortuorum in absentia ipsorum, sed tamquam præsentes essent. Altissimus, excessus tam viutorum quam mortuorum absentium excusare fideliter, quia locum excusationis non habent.

III. Item Chrysostomus ponit gradus de temperantie cibi, & potus dicēs: Nihil sic aegritudinem fugat, sicut moderata refectio, ecce altus gradus. Nihil sic sanitatem seruat, ecce altior. Nihil sic acumen sensuum operatur, ecce altissimus.

*Gradus pacis. Cap. XIII.*

Graduum  
Christianæ  
pacis ordo.

I. **P**ACIS altus gradus est, cum caro subijcitur spiritui, siue rationi, difficilem se reddens ad omnia mala perpetranda. Altior, cum subijcitur caro spiritui, promptam se exhibens ad omnia bona facienda. Altissimus est, cum spiritus subijcitur Deo, omnem ordinationem tam in exterioribus, quam in interioribus animæ viribus penitus obseruando. Iste vltimus gradus seruatur in cælo.

II. Item altus gradus est inferioribus parcere, si in aliquo excesserunt, eosque benigne consolari, si in aliquam afflictionem inciderint. Altior est, cū paribus benigne conuersari, ita quod faciat eis bonum, quod sibi iuste vult fieri, nec inferat malum aliquod, quod sibi iuste non vult fieri. Altissimus, voluntatem suam voluntati superiorum in omnibus conformare.

III. Item altus gradus, nullum turbare factis. Altior est, nullum turbare verbis, vel facie, vel in verbis post tergum. Altissimus est, nullam dare occasione iustam aliquisurbationis, signo, nutu. In omnibus istis gradibus fuit CHRISTVS, secundum illud: Nō veni facere voluntatem meam, &c.

Joan. 6. d.

III. In altum gradum pacis ascendit, qui mala proximorum non publicat. In altiore gradum, qui bona proximorum non minuit, nec denigrat, nec inuertit, sed extollit. In altissimum ascendit, qui defectibus eorum compatitur, & profectibus eorum ex corde congratulatur. In isto gradu fuit CHRISTVS.

*Gradus constantia. Cap. XIII.*

Graduum  
Christianæ  
constantia  
ordo. I.

**C**ONSTANTIAE altus gradus est, cum homo tantum vnitur Deo, quod non potest induci ad aliquod malum, quod Deo displicet, nec abduci ab aliquo bono, quod Deo placet, per amissionem

rerum temporalium, sicut Tobias, & Matthatias. Altior cum homo non potest cogi per mutilationem membrorum, sicut illi septem, de quibus legitur in libro Machabæorum. Altissimus, cum nō potest cogi per ablationem vitæ temporalis, sicut Paulus cum dixit: Non solum alligari, sed etiam mori paratus sum, propter nomen Domini Iesu Christi.

2. Mac. 7.

Act. 21. c.

Item in altum constantia gradum ascendit, qui nō recedit a Deo in prosperitate, sicut Dauid. In altiore ascendit, qui non recedit a Deo in aduersitate illata ab inimicis, ut Stephanus. In altissimum, qui non recedit a Deo in aduersitate illata ab amicis, ut Iob, qui dixit amicis: Iustificationem, quam tenere cœpi, non deferam.

Iob 27. b.

Item in alto gradu constantia est, qui non consentit tentationibus peccatorum carnalium, sed tamen suffert. In altiori est, qui nō consentit tentationibus peccatorum spiritualium, sed tamē suffert. Vnde Iacobus dicit: Beatus vir, qui suffert tērationem, &c. In altissimo est, qui extirpat a se etiam occasiones tentationum carnalium, & spiritualium peccatorum. In isto gradu fuit Christus.

Iacob. 1. b.

Item in altū ascendit, qui non mouetur a sancta conuersatione, vel a bono opere, vel proposito bono, irrisione, vel vituperatione, ut Dauid, cui Michol irrisit, & contempsit, & improperauit, quod saltasset, sicut scurra nudus coram ancillis. In altiore, qui non mouetur adulatione, vel laude histrionum, & malorum hominum. In altissimum ascendit, qui non mouetur adulatione, vel laude bonorum hominum.

2. Reg. 6.

*Gradus largitatis. Cap. XV.*

**L**ARGITATIS altus gradus est, hilariter dare temporalia sicut fecit Abraham, qui nulli negauit hospitium. Altior est hilariter dare spiritualia, sicut Apostolus fecit, dicens: Sapientibus, & insipientibus debitor sum. Item: Si vobis spiritualia feminamus, &c. Altissimus est sponte, & hilariter dare corpus suum, sicut fecit Christus, qui dicit per Prophetam: Corpus meum dedi percutientibus. & cum dixit: Comedite ex hoc omnes, hoc est, &c.

Graduum  
Christianæ  
largitatis,  
seu liberali-  
tatis ordo.  
I.

Rom. 1. b.

1. Cor. 9. b.

Isa. 50. c.

Mat. 26. c.

II.

Mar. 6. c.

Item in altū gradū largitatis ascendit, qui dat quidquid ab eo petitur, sicut Herodes fecit, qui filiæ dixit, Quidquid petieris dabo tibi. In altiore ascendit, qui dat plus, quam petitur ab eo, sicut fecit Naaman, Giezi seruo Elisai, petenti vnum talentum, dixit: Melius est, ut duo accipias. In altissimum ascendit, qui arguit non petentes, ut petant, sicut Christus. Vtque modo non petistis, quidquam.

4. Reg. 5. f.

Joan. 16. d.

Item in alto gradu stat, qui dat aliquid habens spem recuperandi, vel recompensationis, sicut fere faciunt omnes homines, iuxta illud Isaia: Omnes diligunt munera, &c. In altiori stat, qui dat aliquid, sine spe recompensationis, sicut Apostolus dedit spiritualia, dicens: Non quero vestra, sed vos. In altissimo stat, qui refert gratias accipientibus dona, sicut Chrysostomus dicit de Christo: Pro omnibus, quæ tribuisti nobis o Christe nihil peris, quam saluari, hoc ipsum tribuens, & accipientibus gratias agens. In omnibus istis gradibus fuit Christus.

III.

Isa. 1. f.

2. Cor. 12. e.

Item in alto gradu stat, qui dat dona consanguineis indigentibus. In altiori stat, qui dat extraneis indigentibus. In altissimo, qui dat inimicis indigentibus, sicut Deus, qui facit solem suū oriri super bonos, & malos.

Matth. 5. g.

*Gradus compassionis. Cap. XVI.*

**C**OMPASSIONIS altus gradus est, medullitus condolare amico afflicto. Altior condolare inimico afflicto. Altissimus condolare Deo de contumelia sibi illata.

Graduum  
compassionis  
Christianæ  
ordo. I.

Item in alto gradu est compassionis, qui condolet sanis in afflictione ipsorum. In altiori est, qui condolet infirmis in infirmitate. In altissimo est, qui condolet purgandis in pœnis eorum in purgatorio.

Item



III. Item altum gradum ascendit, qui afflictis con-  
 2. Cor. 11. f dolet in corde, sicut dicit Apostolus: Quis infirmatur, & ego non infirmor? Quis scandalizatur, aliqua molestia tribulationis, & ego non vror? dicit Glossa. In altiore ascendit, qui ore conqueritur in commodum afflictorum, sicut Dauid, mortem Saulis, & Ionathæ dicens: Quomodo ceciderunt fortes in prælio? In altissimum ascendit, qui plorat super afflictionem, sicut Dauid lugebat Absalonem inimicum suum. & Iob: Flebam, inquit, quondam super eo, qui afflictus erat, & anima mea compatiebatur pauperi. In his gradibus fuit Christus, quando conquerendo fleuit super Hierusalem, dicens: Quia si cognouisses. Quædam Glossa dicit super Marcum: Homo patitur, & ridet; Deus compatitur, & flet.

III. Item, altus gradus condolere omnibus in afflictionibus corporalibus. Altior condolere in afflictionibus spiritualibus. Altissimus condolere in defectibus spiritualibus.

V. Item altus gradus est condolere afflictis ad breue tempus. Altior condolere ad longum tempus. Altissimus condolere semper. In omnibus his gradibus fuit Christus.

#### Gradus congratulationis. Cap. XVII.

Graduum Christianæ congratulationis ordo. I. **C**ONGRATULATIONIS altus gradus est congratulari omnibus hominibus, quod ad imaginem, & similitudinem Dei sunt facti, & congratulari eis in omnibus bonis, quæ a Deo perceperunt. Altior est congratulari omnibus Angelis, quod signaculum Dei sunt, & quod nullam miseriam experti sunt, & semper in fruitione Dei fuerunt. Altissimus est congratulari Deo de æterna, & immensa beatitudine, quam habet a seipso per naturam.

II. Item altus gradus est, congratulari in omni beneplacito suo, quod perficitur in cælo, & in terra ab hominibus. Altior est, congratulari Deo in omni beneplacito suo in cælo, quod perficitur ab Angelis. Altissimus congratulari singulis personis in omni beneplacito, quod perficitur unicuique personæ a duobus personis.

III. Item altus gradus est, congratulari omnibus hominibus de omnibus bonis fortuitis. Altior, congratulari in omnibus donis naturalibus in corpore, & anima. Altissimus, in omnibus donis spiritualibus, & virtutibus in spiritu.

III. Item altus gradus est, congratulari omnibus consanguineis in omnibus bonis, & profectu. Altior est, congratulari omnibus extraneis. Altissimus, congratulari omnibus inimicis.

V. Item altus gradus est, congratulari cum ad congratulandum instigat natura. Altior, cum scriptura. Altissimus, cum inspiratio diuina. In omnibus his fuit Christus.

#### Gradus abstinentie. Cap. XVIII.

Graduum Christianæ abstinentie ordo. I. **A**BSTINENTIAE altus gradus est vitare superflua oblectamenta corporis in victu, & uestitu, & in alijs commoditatibus. Altior vitare oblectamenta spiritus, quæ subito veniunt, & subito terminantur, ut contingit in luxuria, in choreis, & cum aliquis delectabiliter audit, & loquitur mendacia, vel detractioes, & similia. Altissimus vitare delectabilia spiritus, quæ sæpe veniunt, & diu permanent, sicut est in ornatu superfluo, & amicitia carnali, & in gaudio temporali.

II. Item altus gradus est libenter vitare illicita oblectamenta, quæ homo non potest, vel difficulter habere potest. Altior est, sponte vitare delectabilia, quæ habet, vel quæ habere potest. Altissimus, qui potest vitare licita delectabilia, quæ habet, & quæ habere potest, & quibus meritorie uti potest, unde illud: *Virtus est licitis abstinuisse bonis.*

Item altus gradus est, sponte vitare delectabilia in vilibus, & nociuis. Altior, vitare delectabilia in rarioribus, & caris ad tempus, & quæ sunt cum multa diligentia, & magnis sumptibus comparantur. Altissimus, vitare delectabilia in rarioribus, & caris omni tempore.

Item altus gradus est, consolationem transitoriam non admittere in omnibus visibilibus, propter Deum. Altior est, fugere consolationem transitoriam in Angelis, & inuisibilibus propter Deum, sicut Maria Magdalena dixit: Non quero Angelos, sed eum, qui fecit me, & Angelos, &c. Altissimus vitare ad tempus consolationem, quæ potest haberi in ipso Creatore, propter salutem proximorum, sicut dixit Apostolus: Optabam anathema esse pro fratribus. Et: Cupio dissolui, & esse cum Christo. In omnibus his fuit Christus.

#### Gradus concordie. Cap. XIX.

**C**ONCORDIAE altus gradus est, concordare cum sanctis hominibus in sancta conuersatione. Altior, concordare cum sanctis Angelis in continua laude Dei. Altissimus, concordare cum Deo in perfecta voluntate.

C Item altus gradus est, concordare cum subditis, in defectibus compatiendo. Altior, concordare cum paribus, & socijs, profectibus eorum congaudendo. Altissimus, concordare cum prælatis, voluntati eorum obediendo in omnibus.

Item altus gradus est, concordare cum perfectis, præcepta Dei seruando. Altior, concordare cum perfectioribus, consilia Dei in scriptura perficiendo. Altissimus, concordare cum perfectissimis, diuinis moribus se conformando.

Item altus gradus est, concordare cum omnibus hominibus quantum in se est, ut omnis perturbatio caueatur. Altior est, concordare cum omnibus hominibus propter quietem propriam, ne homo in seipso affligatur. Altissimus est, concordare cum omnibus hominibus ne propter inquietudinem cordis Deus ab ipso, vel ipse a Deo ad breue, vel ad longum tempus alienetur. In omnibus his fuit Christus.

#### Gradus gratitudinis. Cap. XX.

**G**RATITUDINIS altus gradus, est digne ponderare naturalia dona corporis. Altior, digne ponderare naturalia dona animæ, scilicet memoriam, intelligentiam, & voluntatem. Altissimus, digne ponderare gratuita dona animæ, scilicet dona Spiritus sancti, & virtutes.

Item altus gradus est, ponderare dona temporalia a Deo collata. Altior, ponderare dona spiritualia a Deo percepta. Altissimus, ponderare dona æterna a Deo percipienda.

Item altus gradus est, gratias agere de scriptura. Altior est, gratias agere de septem Sacramentis. Altissimus est, gratias agere de sanctissimis exemplis Iesu Christi, & moribus diuinis.

Item altus gradus est, gratias agere de præceptis sacre scripturæ. Altior, de consolationibus. Altissimus, de doctrinis Christi in Euangelio.

Item altus gradus est, gratias agere de omnibus creaturis, quas habet homo in terra. Altior est, gratias agere de omnibus Angelis, & sanctis, quos homo habet in cælo. Altissimus est, gratias agere de omnibus bonis, quæ habet in ipso. In omnibus his gradibus fuit Christus, ipso teste: Quæ placita sunt ei facio semper.

#### Gradus religionis. Cap. XXI.

**R**ELIGIONIS altus gradus est cognoscere omnia impedimenta religionis, & ea odire, si cut

Graduum religionis (ut est virtutis studium) ordo. I.

cur est orium, dissolutio, mala societas, curiositas, & nimia libertas. Altior est, cognoscere omnia incitamenta religionis, & ea desiderare, ut est maturitas, solitudo, taciturnitas, bona societas, bona exempla. Altissimus, studiose se exercitare in omnibus, quæ pertinent ad religionem, ut sunt virtutes, & opera virtuosa.

II. Item altus gradus est, diligenter seruare omnia præcepta religionis. Altior, seruare omnia vota religionis, non solum maxima, sed & minima. Qui enim minima negligit paulatim decider. Altissimus imitari optimos in religione, & ipsis se conformare.

III. Item altus gradus est, relinquere res temporales. Altior, relinquere omnes amicos, tam carnales, quam spirituales. Altissimus, relinquere proprium sensum, & propriam voluntatem.

IV. Item altus gradus est, seruare religionem, & amare religionem, propter poenam vitandam, quæ debetur irreligiosis. Altior, propter spem in præcedenti, & gloriam in futuro, quæ debetur religiosis. Altissimus, amare religionem pure, propter Deum.

V. Item altus gradus est, semper niti ad proprios defectus videndos, qui semper pullulant. Altior, niti semper ad crescendo in virtutibus & spiritualibus donis, ad conformandum se diuinis moribus. Altissimus, semper dolere, quod non potest omnes defectus diuincere, nec semper exercere, virtutes. In multis his gradibus fuit Christus.

#### Gradus contritionis. Cap. XXII.

Graduū contritionis ordo I.

**C**ONTRITIONIS altus gradus est, ex corde dolere pro omnibus peccatis mortalibus. Altior, pro omnibus peccatis venialibus magnis. Altissimus, dolere pro omnibus peccatis venialibus minimis.

II. Item altus gradus est, vehementer dolere pro peccatis operum. Altior, dolere pro peccatis verborum. Altissimus, dolere pro peccatis cogitationum, & affectionum.

III. Item altus gradus est, dolere pro commissis, omnium malorum. Altior pro omissis omnium bonorum. Altissimus, pro deturpatione omnium bonorum per tedium, & teporē, & etiam impuram intentionē.

IV. Item altus gradus est, dolere pro omnibus malis, quæ homo commisit personaliter. Altior, pro omnibus, quorum fuit occasio scienter. Altissimus pro omnibus, quorum occasio fuit ignoranter. Vnde illud: Ignorantias, &c.

V. Item altus gradus est, dolere pro peccatis manifestis. Altior pro peccatis occultis, quæ homo solus scit coram Deo. Altissimus dolere pro peccatis, quæ solus Deus scit sine ipso in lumine suo. Vnde Apostolus: Nihil mihi confusus suum, &c.

VI. Item altus gradus est, dolere de damno quod sibi homo per peccatum intulit. Altior, quod communitati intulit. Altissimus, de contumelia, quā Deo intulit.

VII. Item altus gradus est, cum in contritione deletur culpa tantum. Altior, cum deletur culpa, & pars poenæ. Altissimus, cum deletur culpa, & omnis poena.

VIII. Item in alto gradu est, qui dolorem mentis indicat in ore pure confitendo. In altiori, qui dolorem indicat in oculis lacrymando. In altissimo, qui dolorem indicat in opere, ieiunijs, vigilijs, & disciplinis carnem suam affligendo.

#### Gradus confessionis. Cap. XXIII.

Graduum confessionis sacramenta ordo I.

**C**ONFESSIONIS altus gradus est, declarare secundum præceptum Apostolicum, semel in anno omnia peccata illius anni. Altior est, confiteri singulis mensibus. Altissimus, confiteri semel in septimana, cum scriptum sit: Septies in die cadit iustus, & resurgit per confessionem.

II. Item altus gradus est, confiteri tantum vni sacerdoti iuxta illud: Vade ostende te Sacerdotibus. Altior est, confiteri pluribus sacerdotibus secularibus, S. Bon. Tom. 7. Pars iij.

iuxta illud: Ite ostendite vos sacerdotibus. Altissimus, confiteri pluribus Sacerdotibus religiosis, qui diligentes sunt circa confessionem, & confitentes.

Item in alto gradu est, quem ad confitendum mouet horror peccati, & fœtor. In altiori est, quem mouet ad confitendum desiderium regni cælestis. In altissimo, quem mouet ad confitendum amor vniōis Dei.

Item in alto gradu est, qui confitetur, ut a maculis emundetur animæ. In altiori, qui ideo confitetur, ut Deo per munditiam assimiletur. In altissimo est, qui ideo confitetur, ut Deo habitaculū in anima per munditiam præparetur. Sciendum quod de singulis gradibus, de quibus est contritio, de eisdem debet etiam fieri confessio.

#### Gradus satisfactionis. Cap. XXIII.

**S**ATISFACTIONIS altus gradus est, emendare digne peccata propria. Altior, bonorum hominū. Altissimus, emendare peccata malorū hominū.

Item altus gradus est, emendare peccata consanguineorum. Altior, emendare peccata extraneorum. Altissimus emendare peccata inimicorum.

Item altus gradus est, emendare peccata in propria domo. Altior, emendare peccata in eremo. Altissimus, emendare in claustro.

Item altus gradus est, emendare peccata in claustro rigido. Altior, emendare in claustro rigidiori. Altissimus, in rigidissimo claustro.

Item altus gradus est, emendare peccata elemosynis. Altior, emendare bonis operibus corporis, ieiunijs, orationibus, peregrinationibus, & similibus. Altissimus, emendare peccata passionibus corporis, scilicet lacrymis, disciplinis, cilicijs, & similibus. Perfectius est, aduersa tolerare patienter, quam bonis operibus insudare.

#### Gradus contemplationis. Cap. XXV.

**C**ONTEMPLATIONIS altus gradus est, cognoscere Deum in creaturis. Altior, cognoscere Deum in scripturis. Altissimus est, cognoscere Deum in sua potentia, & sapientia, &c.

Item altus gradus est, cognoscere Deum in hominibus, qui ad imaginem eius sunt creati. Altior, cognoscere Deum in Angelis, qui sunt signaculum similitudinis Dei. Altissimus, cognoscere Deum in sua substantia.

Item altus gradus est, cognoscere Deum in suis operibus. Altior cognoscere in suis moribus Deum. Altissimus cognoscere Deum in claritate sua. Vnde in Ioanne: Vt videant claritatem quam dedisti mihi.

Item ad altum gradum contemplationis ascendit, qui abstrahit animā suam ab omnibus transitorijs, & colligit eam ad seipsam. Ad altiorem tendit, qui cognoscit, qualis sit anima in se collecta super corpus, & sine corpore, & secundum quem, imaginata. Ad altissimum tendit, qui cognoscit Deum, ad cuius imaginem factus est, ut pro posse suo se illi conformet. In omnibus his fuit Christus.

#### Gradus discretionis. Cap. XXVI.

**D**ISCRETIONIS altus gradus est, secundum ordinem Dei uti donis temporalibus. Altior, secundum ordinem Dei uti donis naturalibus in corpore, & in anima. Altissimus, uti secundum ordinem Dei donis gratuitis in anima.

Item altus gradus est, seruare præcepta scripturæ. Altior seruare consilia scripturæ. Altissimus, seruare doctrinas Iesu Christi.

Item altus gradus est, regere se secundum exempla sanctorum. Altior, secundum exempla Christi. Altissimus, secundum mores Dei.

C cogitare

IV. Item altus gradus est cogitare varia beneficia Dei. A Altior, de beneficijs collatis gratias agere. Altissimus, laudare diuinam naturam, & bonitatem, quæ coegit dantibus.

V. Item altus gradus est in omnibus cautum esse corā secularibus, ne scandalizentur. Altior, cautum esse coram religiosis, vt ædificentur. Altissimus, coram Deo iudice cautum esse ne offendatur.

*Gradus spei. Cap. XXVII.*

Graduum  
Christianæ  
spei ordo I.  
Ephe. 1. c  
Luca 1. g

S P E I altus gradus est, expectare cælestem hereditatem, quam daturum se Deus nobis per pignus obligauit, scilicet Spiritum sanctum in baptismo, qui est pignus hereditatis nostræ, vt dicit Apostolus. Altior est, expectare beatitudinis eandem hereditatem, quam nobis se daturum iuramento firmavit. Vnde. Iusurandum, &c. Altissimus est, expectare eandem beatitudinem, quam nobis se daturum in lege, & Prophetis promissit. Vnde Apostolus: Quod oculus nō vidit, &c.

II. Item in alto gradu est, qui expectat æternam beatitudinem ex operibus misericordiæ, & iustitiæ, in quibus se diu exercuit. In altiori est, qui expectat eam ex passione Christi, qui nobis eam promeruit. Vnde Bernardus: Peccanti mihi peccatum, &c. In altissimo, qui expectat eam ex mera bonitate, & misericordia Dei, qui nos ad ipsam creauit.

III. Item in alto gradu est, quem certificat de æterna beatitudine bene discussa conscientia. In altiori est, quem certificat veteris, & nouæ legis scriptura. In altissimo est, quem certificat inspiratio diuina.

IV. Item altum gradum tenet, qui expectat æternam beatitudinem ex multiplici intercessione in via, & in patria. Altiolem, qui eandem expectat ex diligenti custodia Angelorum. Altissimum, qui eandem diligentissima custodia diuina expectat. Vnde Augustinus: Perfectioribus adest ipse Deus ad custodiam, imperfectioribus vero ipsi Angeli.

*Gradus timoris. Cap. XXVIII.*

Graduū  
timoris ordo  
I.

T I M O R I S infimus gradus est, timere iudicem facularem. Altior est, timere iudicem spirituales. Altissimus timere iudicem sempiternum.

II. Itē altus gradus est, timere iudicem Deum, quia punire potest corpus in hoc mūdo. Altior, timere eundē, quia punire potest animam. Altissimus, timere eundē, quia punire potest corpus, & animam in inferno.

III. Itē in alto gradu est, quē timor cogit fugere omnia, quæ elongant a familiaritate Dei ad breue tempus. In altiori est, quem cogit timor fugere omnia, quæ separant ab vnione de longo tempore. In altissimo est, quem cogit timor fugere omnia, quæ separant a fruitione Dei omni tempore.

IV. Item in alto gradu est, cui timor semper suadet requirere voluntatem Dei, iuxta illud: Qui timet Dominum, inquit, quæ placita sunt ei. In altiori gradu est, cui timor suadet semper perficere voluntatem Dei iuxta illud: Qui timet Deum nihil negligit, & qui timet Deum faciet bona. In altissimo est, cui timor omnia bona conseruat, iuxta illud: Timor Domini omnibus super ponit quasi signaculum omnia conseruans.

*Gradus doloris. Cap. XXIX.*

Graduū  
doloris, vt ad  
virtutē spe-  
ciat, ordo I.

D O L O R I S altus gradus est, tristari ex corde de omni incommodo proximorum corporali. Altior, tristari de omni incommodo proximorum, spirituali. Altissimus, tristari de omni contumelia Dei.

II. Item altus gradus est, cōtristari quod animæ continue in peccatis venialibus maculantur. Altior est, contristari, quod animæ frequenter peccatis mortalibus vulnerantur, iuxta illud Bernardi: Agnosce, homo, ante med.

quàm aspera peccatorum vulnera, pro quibus oportebat Dominum Christum vulnerari. Altissimus, tristari, quod vulnera Christi quotidie innouantur, cū peccati mortalis vulnere sauciantur.

Item altus gradus, tristari pronitate cadendi in malum. Altior, tristari de tarditate, & raritate surgendi a malo. Altissimus est, tristari de difficultate perseuerandi in bono.

Item altus gradus est, tristari de debilitate persiciendi bonum. Altior, de debilitate desistendi a malo. Altissimus, de fortitudine consummandi malum.

Item altus gradus est, tristari quod tam parum curantur exempla bonorum hominum in terra. Altior, quod tam modicum curantur exempla perfectiora in patria. Altissimus, quod tam parum curantur exempla perfectissima I E S U C H R I S T I, per quatuor Euangelistas nobis testificata.

*Gradus gaudij. Cap. XXX.*

G A U D I I altus gradus est, lætari hic, & in futuro, de æterna societate Angelorum inferiorū, & sanctorum. Altior est, lætari de æterna societate superiorum Angelorum, & sanctorum, & præcipue beatæ virginis Mariæ, quæ est super omnes Angelos, & sanctos. Altissimus, lætari de æterna societate Dei.

Item altus gradus est, lætari de mundissima carne Christi, quam sibi assumpsit de mundissimis sanguinibus beatæ virginis Mariæ, quam homo videbit in æternum carnalibus oculis. Altior, lætari de perfectissima anima sua in omnibus virtutibus, & donis spiritualibus, cuius anima non accepit Spiritum sanctum ad mensuram secundum quod alij sancti. Altissimus est, lætari de diuinitate Christi, quam habet communem cum Patre, & Spiritu sancto æternaliter.

Item altus gradus est, de omnibus voluntatibus meritorijs lætari. Altior, lætari de omnibus meritorijs locutionibus. Altissimus, lætari de omnibus meritorijs operationibus.

Item altus gradus est, lætari hic, & in futuro, de exteriori sancta conuersatione. Altior, lætari de interiorum affectionum ordinatione. Altissimus, lætari de mentis securitate. Vnde illud: Secura meus, quasi iuge conuiuium.

Item altus gradus est, lætari de sanctæ Trinitatis visione, siue æterna cognitione. Altior, lætari de eiusdem æterna visione. Altissimus lætari de eiusdem æterna fruitione.

Propterea nos hortatur Augustinus dicēs: O anima mirabilis creatura, quo te deijcis? terrā amas, melior es: solem miraris, pulchrior es: cælum contemplaris, altior es: solo creatore tuo inferior. Si vis ergo progredi in me, & ego transiens in te: exi totaliter de te, traham te in me, & introduc me, & sic nec in te, nec in vlla creaturarum, quidquid amabis, præter me. Idem: Anima inter Deum, & creaturas media posita est. conuersione ad Deum illuminatur, inelioratur, perficitur: conuersione autem ad creaturas obtenebratur, deterioratur, occiditur. Item: Deus intrabit in animam omni voluptate dulcior, omni luce clarior, omni honore sublimior, omni secreto interior. Gregorius esse quidē sine delectatione anima non potest, aut enim delectatur in sūmis, aut in infimis, Glosa super Ecclesiasticū: Felix anima, quæ quotidie mundat cor suum, vt recipiat habitatorē Deum, cuius possessor nullo eget bono, quia omnium bonorū auctorem in se habet. Augustinus: Magna Dei pietas, & ineffabilis bonitas, qui hominem ad vitam æternam prædestinatum, mori nō permittit, nisi in eo statu quo melior futurus non est. tollit etiam damnandos, cum nōscit eos peiores futuros, vt sic minus puniantur, & iusti eorum exemplo non corrumpantur.

# S. BONAVENTURAE

## EXIMII ECCLESIAE DOCTORIS

### Opusculum

#### DE PUGNA SPIRITUALI,

*Contra septem vitia Capitalia.*

*Breve hoc Opusculum, cui titulus est, De pugna spirituali, contra septem vitia capitalia. Continet documenta salutaria Christianis malis, qui hostem vincere, & in hoc certamine superiores evadere conantur. Nam Auctor, Gregorius, Hieronymus, Climachus, Cassianus, & Isidorus, doctrinis usus singulorum vitiorum naturas explicat; deinde machinas, quibus hominem adoriuntur, detegit; remedia denique tradit, quibus veluti propugnaculis, infidia vitiorum reiciuntur.*

#### CAPITA HVIVS OPVSCVLI.

*De certamine contra gulam, de natura gula & eius remedijs. Cap. I.*  
*De pugna, & natura luxuria, & remedijs eius. Cap. II.*  
*De Philargyria, vel avaritia, & remedio eius. Cap. III.*  
*De ira, & remedijs eius. Cap. IIII.*

*De invidia natura, de eius ortu, atque remedijs. Cap. V.*  
*De acedia & remedijs eius. Cap. VI.*  
*De tristitia natura, & pugna contra eam. Cap. VII.*  
*De vana gloria, & remedijs eius. Cap. VIII.*  
*De superbia, & remedijs eius. Cap. IX.*

*De certamine contra gulam, de natura gula, & eius remedijs. Cap. I.*



**I**A nunc milites Christi bellum spirituale ingressuri, induite vos armatura Dei, arripite gladium & scutum, gladium virilitatis, & strenuitatis, scutum patientiae, ut sitis patientes in sustinendo eorum impetus & dolores. Videtur autem incipiendum certamen primo contra gulam: quia quamdiu gula in nobis dominatur, aliorum vitiorum certamina magis occulta videre non possumus. Item, ut Gregorius dicit, Multi quandoque ardua & magna incipiunt: sed quia gulam non vincunt ea quae fortiter egerunt, rursus perierunt. Qui enim nequit in propria terra, id est naturali carne debellare, quomodo vincet in terra longinqua? Est autem gula inordinatus, & immoderatus appetitus cibi.

Omnia illa quae faciunt animam interius utiliter occupari in viribus animae, & quae eius desiderium internum augent, remedia sunt contra gulam, immo contra omnia vitia carnalia. Hoc est, quod dicit Hieronymus ad Rusticum: Ama scientiam scripturarum, & vitia carnis non amabis. Hinc est quod dicit Ioannes Climachus, etiam in hac materia expertissimus, quod carentia dolorum, & obliuio mortis, est occasio gulae. Breuiter quaelibet vacantia, vel vacuitas a desiderijs bonis, a meditationibus sunt origo, vel augmentum praecipuum vitiorum carnalium. Remedia igitur sunt timor mortis, iudicii, & inferni bene cordi impressus, si homo interius occupatur circa desiderium regni caelorum, desiderium perfectionis, immo quodlibet bonum internum desiderium, ut deuotio, maxime compunctio, lacrymae, oratio. haec

S. Bon. Tom. 7. Pars II.

**A** enim intus cor hominis occupat, & secundum Hieronymum, desiderium desiderio, affectus affectu expellitur.

Sobrietas arcem concupiscibilitatis contra gulam deberet custodire. Est enim virtus, qua corporis alimenta cum moderamine admittuntur. Et debet sobrietas praecipue esse vigil contra gulam. Vide ne excedat in cibi qualitate, sed de quantitate difficile discernitur. Hic tamen in omnibus potest esse continentiae finis, ne quis iuxta mensuram capacitatis suae saturitatis oneretur ingluvie.

Primus gradus sobrietatis est, ut patienter sustineas & feras, cum non poteris habere cibum, vel potum ad libitum.

**B** Secundus est, etiam velle his, quae possunt haberi amore sobrietatis, paupertatis, & boni exempli, carere.

Tertius posse abstinere sine difficultate ab habitis delectabilibus.

*De pugna, & natura luxuria, & eius remedijs. Cap. II.*

**S**I gulam non viceris, sed ipsa te vicerit, statim aduocat sororem suam, id est, luxuriam, cuius aduentus indicia sunt, quae per naturam eius poteris agnoscere. Statim enim in concupiscibili accendit amorem & inclinationem, & affectum ad feminas, aut suscitatur motus in carne: & hoc potes videre per motus carnis, & titillationes. Aliquando magis in anima, per affectionem & inclinationem ad actum illicitum, vel ad personam affectu illicito. Et hunc modum affectus, potes considerare per imagines mulierum in te depictas. Contra illud vitium est certamen longum & durum, immo vero viribus nostris hoc specialiter non possumus perficere.

Vnde radicale remedium secundum Augustinum, pluribus locis libri confessionum de continentia, &

C. alios

*Hiero. ibid. ubi supra prox. in sensu. Virtus sobrietatis & gradus eius.*

alios sanctos, est, ut homo cor suum humiliet, & cognoscat propriam fragilitatem, & recurrat ad misericordiam Dei. Sunt quædam remedia, quæ magis luxuriam remouent ab anima, ut contritio spiritus, frequens oratio, continua meditatio mortis, inferni, & similium præmissorum. Horum remediorum ratio patet ex his, quæ dicta sunt de gula. Item repressio interiorum affectionum, & malarum cogitationum, quod fit maxime per alia deuota, & spiritualia desideria. Item sunt quædam remedia, quæ magis restringunt luxuriam, abstinere a carne, & ieiunium. Maxime autem est tenendum contra hoc vitium æquale moderatumque ieiunium. Item opus manuum instabiles cordis peruagationes coercens. Sunt quædam, quæ directe iuuant contra utraque, id est, luxuriam tam in carne, quam in anima, sicut est custodia diligens sensuum. Hi enim sunt fenestæ, per quas hoc vitium intrat. Item fuga societatis mulierum, nec familiaritatem habere cum eis, nec solus cum sola, maxime in secreto loco, loqui, nec domus earum, secundum Hieronymum frequentare.

Hieron. ep.  
ad Nep.  
circa med.

Primus gradus castitatis est, ut viriliter cum labore abstineas ab actu carnis, cum proposito sic manendi, & neques semper consensum motibus illicitis.

Secundus, ut per remedia prædicta, & alia similia, caro tua spiritui tuo subiugetur, ut rarius teneris, & facilius tentatio cæditur imperando magis, quam reluctando.

Tertius gradus castitatis est, ita domitas habere concupiscentias carnis, ut vix rarissime & tenuissime sentias, & talem te induisse affectum, ut cum nausea & horrore inde audias vel loquaris.

*De philargyria vel auaritia, & remedio eius.*  
Cap. III.

Auaritia.

Post luxuriam sequitur philargyria vel auaritia, quæ passio vexat tepefactos in seruitio Dei. Nam raro impugnat certantes legitime, præsertim si sub alterius degunt cura. Remedium tibi sit, ut sciens aliquam artem, labore manuum victum & vestitum conquirens, illis sis contentus. Ideo Deo confide, qui non relinquit sperantes in se.

Remedia  
contra auaritiam.

Summa remediorum, si vis auaritiam ad plenum vincere, relinque omnia quæ habes, & alterius curæ te committe, cum alijs viuens in communi. Huic autem vitio in principijs obsta, ut non admittas desiderium cuiusque rei. Sicut enim hoc vitium in principio facile vincitur; ita si semel admittitur, potest cunctis difficilius excludi.

Primus gradus quo proficis, contra hoc vitium in contemptu mundi est, nihil habere iniusti, & diuitijs non abuti ad peccatum, & eleemosynam facere.

Secundus est, nihil habere superfluum, sed necessarijs esse contentum. Sed multi necessitatem suam valde amplificanc, sed non est tutum, ut homo in multis sibi confidat, sed potius alteri.

Tertius est, nihil possidere in hoc mundo, sed dumtaxat capere vsum necessarium, & frequenter pati penuriam, cibo, potu, & vestitu.

*De ira, & remedijs eius.* Cap. IIII.

Ira.

Tria prædicta vitia arcem concupiscibilitatis oppugnant. Quartum autem vitium quod est ira, debellat vim irascibilem, & est nociua bestia sibi nocens, & alios scandalizans, virus mortiferum animam interficiens, & Spiritum sanctum expellens. Cum autem ira vim irascibilem obtinuit, statim introducit ibi suam familiam, quæ sunt rixa, tumor mentis, contumelia, clamor, indignatio, & blasphemia.

Remedia  
contra irā.  
Amb. lib. 1.  
off. c. 22.  
20. 4.

Remedia contra iram sunt ista, primo os tacendo comprimere, & accensam flammam in corde suffocare. Nota autem quod secundum Ambrosium in libro de

officijs, verus præliator eo usque per timorem, meditationemque mortis & finitium, & maxime deuotam compunctionem (qua secundum Climachum ita extinguitur ira & indignatio, sicut ignis aqua) motus iræ deberet reprimere & mansuëscere, ut morum tranquillitas, vsu quodam, & affectione, & proposito, in naturam vertatur. Multum iuuat contra iram, si quotiens quis in ira recesserit, iam sopita commotione seipsum dure redarguat, & comprehendat, & humiliter reum se det toto corde, ab illis veniam petens, quos offendit.

Gradus autem quibus contra iram ascenditur, patent ex dictis. Primus est iræ resistere cohibendo linguam, membra, &c. ne excedat foris.

Secundus est cum homo iam per exercitia didicit non turbari ex aduersis, sed est quasi in loco munito, non curans ea quæ sibi fiant contraria.

Tertius est, gaudere & in tribulationibus gloriari, cum adsunt, & desiderare cum defunt.

*De inuidia natura, de ortu eius, & remedijs.*  
Cap. V.

Quintum certamen est contra inuidiam, quæ beatus Gregorius ponit inter vitia capitalia, eo quod ex sui ratione habet, quod alia vitia inde sequantur. Licet Cassianus & Isidorus eam inter capitalia non enumerent, eo forsitan, quod ipsa ex vitio capitali suam ducit originem. Ut autem huius vitij naturam per suum effectum in te comprehendas, scire debes, quod inuidia est dolor de bono alterius. Inuidia enim obiectum est bonum fraternalium inquantum est sibi malum. Hoc autem contingit dupliciter, vel tripliciter. Vno modo inquantum sibi imminet malum, ut si inuidemus quod inimicus noster, vel aliquis qui nobis non placet, sit noster prælatus, timentes ne nos deprimat, & hoc in casu stare sine peccato. Alio modo quando respicimus bonum proximi, non quod sibi inuidemus illud, sed quia dolemus illud, nobis abesse, & hoc est interdum bonus zelus. Tali enim inuidia debemus omnes tendere ad humilitatem, & charitatem, & obedientiam. Alio modo fit istud, inquantum bonum fratris est diminutiuum nostræ præcipue gloriæ. Vnde inuidia est præcipue circa illa, in quibus gloria consistit. Vnde generaliter vanagloriosi, & pusillanimes sunt inuidi, quia isti timent minui gloriam suam, illi timent faciliter superari. Hæc inuidia vbicumque venerit, filias suas secum adducit, quæ sunt odium, susurratio, detractio, exultatio in aduersis proximi, & afflictio in prosperis eius.

Gregor. lib.  
31. Mor. c.  
17.

Inuidia  
quid.

Vanaglorio  
si, & pusillanimes,  
quare sint  
inuidi præ  
ceteris.

Quomodo  
mutua dilectio conseruetur.

Inuidiam vero dilectio proximi expellit, ideo de ipsa dilectione proximi aliqua dicamus. Et primo quibus medijs dilectionem inter nos mutuo seruare possumus. Deinde quomodo quilibet se talem exhibere debeat, ut & ipse diligatur ab alijs, & alios ipse diligat, & ex his sufficientia remedia inuidiæ apparebunt. De primo scias, quod perfecta, vera, & indisrupta dilectio solum inter tales inuolabiliter seruatur, qui sunt vnus propositi, vnus nolle, & velle & quodammodo vitijs omnibus expurgati, ut in 16. collatione Patrum dicitur. Et ita summa dilectio erit in patria, & fuisset vera in Paradiso si non primus homo cecidisset.

Cass. coll.  
16. cap. 2.  
6. 5.

Attamen sunt quædam remedia, quibus dilectio inter nos acquiritur, & seruatur, & si non perfecta.

Primum est, quod etiam inuidiæ est summum remedium, ut vnusquisque toto corde omnia quæ mundi sunt, ex quibus contentio, rixa, vel inuidia oriri potest, cordialiter despiciat & calcet, siue sint diuitiæ siue honores.

Secundum, ne quis sapiens sibi, sequatur propriam suam voluntatem nulli acquiescens, & hoc causat maxime discordiam, & rancorem.

Tertio,



Tertio, vt sciat, quæ vitia sunt, ac necessaria postponenda bono charitatis. Nam si habeam fidem, ita  
1. Cor. 13. a vt montes transferam: si linguis hominum loquar & Angelorum, charitatem autem non habuero; nihil mihi prodest. Ideo super omnia exercitia in omnibus operibus, præ omnibus debemus quærere fraternam charitatem. Nec est aliquid, quod tantum Angeli & Dominus Angelorum in nobis inuenire desiderant, sicut fraternam vnionem & mutuam charitatem.

Quartum vt vnusquisque summopere iracundiam, & alia quibus fratrem offendit, caueat, & deuitet, & si quando contra fratrem excessit, humiliter satisfaciat, B  
Cass. collat. 26. cap. 27. si quando frater contra eum rancorem sine causa concepisset, quantum in ipso est, studeat pacificare. Hæc habentur in collatione patrum. xvj.

De acedia, & remedijs eius. Cap. VI.

SExtum certamen est contra acediam. Cuius natura est, vt tedium boni generet, animi torporem causet, mentem grauet, tristitia, ad somnum & dissolutionem, inclinet, horrorem loci, & cellæ fastidium, fratrum contemptum, & aspersionem gignit, nil operis libet maxime spiritualis. Nam interdum opus manuale arripit, vt possit spiritualia, orationes & similia relinquere. Huius filia sunt malitia, id est voluntas machinandi malum, desperatio, pusillanimitas, rancor, id est odium inueteratum, torpor circa præcepta Dei, euagatio mentis circa illicita.

Remedia Summum remedium contra acediam est, numquam tædere, sed repugnando acedie obuiare & vincere eam laborando. Attamen homo potest opera sua variare, vt nunc oret, nunc legat, nunc meditetur, &c. vt si vnum non sapiat, sapiat saltem aliud, sicut febricitanti habenti gustum infectum, apponuntur multa fercula. Item contra tedium cordis, valet D  
Ioan. Clim. de acedia gradu 13. statim a princ. varietas actionis. Item valet compunctio. Qui enim luget seipsum, non nouit acediam, ait Climachus. Ligetur ergo iste tyrannus memoria offensionum & delictorum, & percutiatur opere manuum, & intenta meditatione futurorum bonorum.

De tristitia natura, & pugna contra tristitiam. Cap. VII.

NOTA, quod tristitia mala est duplex. Nam quandoque tristitia dicitur generaliter, ita quod versetur circa omnes passionem, nam in omni passione est inuenire tristitiam & delectationem, secundum quod suum obiectum adipiscitur, vel ab ea repellitur. Et hanc tristitiam intantum superabis, inquantum singula vitia extirpaueris, si multum, multum, si parum, parum, omnino autem, si omnino ipsam necas. Sed ad hoc quis idoneus? Alia est specialis circa diuinam, tedium, & ista potest comprehendendi sub acedia. Tristitiæ origo difficulter est cognoscibilis, eo quod tam multas habeat origines omniamet vitia & affectiones.

Contra hæc duo vitia acediam, & tristitiam, pugnat charitas Dei, quæ numquam est otiosa contra acediam. Ad quam charitatem triplici gradu perueharis.

Primus sic vt licitis concessis, vt tamen illicita deuities.

Secundus est feruentiori desiderio omnia quæ Dei sunt, studiosè facere in se, & in alijs promouere.

Tertio est tanto affectu æstare ad Deum, quod quasi sine ipso viuere non possit. Valet etiam contra tristitiam deuota confabulatio in bona societate, memoria benignitatis & misericordie Dei. Item deuotus cantus, vt dicit Paulus ad Ephesios.

Eph. 5. d

S. Bon. Tom. 7. Pars iij.

De vana gloria, & remedijs eius. Cap. VIII.

SI omnia prædicta vitia viceris, quod sine maximis laboribus & multis doloribus non fit, si tamen fit, tunc amplius a vana gloria cauere debes. Hæc enim occulte virtutibus se ingerit, ita vt vix a spiritualibus semper valeat comprehendi. Hæc est multiformiter vana, semper & in omnibus vanitatem ingerens in vestitu, in apparatu, in loquela, in taciturnitate. Si veste pretiosa indutus fueris, adest; si humilis fueris, amplius gloriatur; si loqueris gaudet vnde dixeris, si taces, laudat te velut humilem. Ipsa semper suggerit, & magnum desiderium ingerit ad illa, in quibus laus & honor consistit, etiam per magna pericula & labores, & maiorem fortitudinem dat suis amatoribus, quam spes beatitudinis veris præliatoribus. Hæc eadem bestia suggerit gradum clericatus, presbyterij, & diaconatus. Si quis tamen eum vellet cogere, nam per se non vult, ne ipse appetere videatur. Vide super hoc exemplum libro de institutis cenobiorum, Cassiani. Non possunt varietates huius bestie explicari, sed vbicumque eam proieceris, semper stat aculeo recto sicut tribulus. Ipsa est sicut allium quociens vnum regmen remoueris, aliud adhuc intus habet. C  
vbi autem ipsa intrauerit, matrem dolosam sequuntur filia peruersa, quæ sunt inobedientia, contentio, iactantia, hypocrisis, pertinacia, discordia, nouarum præsumptio seu inuentio.

Quam vanam gloriam si vincere desideras caue summo studio, nec quicquam intentione gloriæ incipias facere, cogitans illud Saluatoris: Receperunt mercedem suam. Et illud: Quoniam Deus dissipauit ossa eorum, qui hominibus placent, confusi sunt, quoniam Deus spreuit eos. Item illud: Si adhuc hominibus placerem, Christi seruus non essem. Secundo deberes niti, illud, quod bona intentione incæpisti, simili custodia ab iniquatione gloriæ custodire. Item quidquid singulare est, & vnde laus & gloria posset conquiri, semper vitandum est bellanti contra hanc bestiam. Nam principium priuationis vanæ gloriæ, secundum Climachum, est custodia oris, & amor humilis societatis, ignominia consummata, coram multitudinē miserabiliter adinueniri. Chrysostomus: Vnicum vanæ gloriæ remedium, orare Deum, vt ipse te liberet.

Cassian. de instit. cenobi. lib. 11. c. 14. & 15.

Mat. 6. a. Psal. 52. b.

Gal. 1. b.

Ioan. Climach. gradu 21. de cenodoxia prope fin.

De superbia, & remedijs eius. Cap. IX.

VLTIMO aggredienda est ipsa superbia, vitiorum regina, vitiorum radix, virtutum omnium deuoratrix, quæ tantæ est fortitudinis & seueritatis, vt Luciferum eijceret de celo. Attamen puer David in Domino confidens, per humilitatem, Goliam, quantalibet esset stature enormitate erectus, profstrauit.

1. Reg. 17.

Est autem superbia duplex, vna spiritualis pulsans, scilicet virtuosos de perfectione; alia carnalis, quæ minus perfectos pulsant de aliqua excellentia exteriori. Nam primæ est in corde suo magna merita sibi depingere, spiritualem gratiam attribuere sibi, quatum Deus eum diligat cogitare, mirari, quod non faciat mirabilia, turbari quod Deus non dat sibi nescio quid speciale, & alios velut carnales despicere. Et hæc est multum periculosa, & plusquam vitia carnalia. Nul- lum vitium est, quod ita omnes virtutes exauriat, cunctaq. iustitia, & sanctitate hominem expoliet, quemadmodum huius superbiæ malum.

Superbia duplex.

Qui autem huius nequissimi spiritus laqueos vult euadere, debet in singulis, in quibus se senserit virtutibus profecisse, dicere ex sententia: Gratia Dei sum id quod sum, & cogitare Deum esse, qui operatur in nobis, & velle, & perficere pro bona voluntate. Item diligenter considerare, quia bona nostra non sunt a nobis, sed dona Dei, de quibus districte sumus ratio-

1. Cor. 15. b

C 3 nem

nem reddituri. Item bona nostra quàm multis malis sunt permixta, tepiditate, hypocrisis, &c. Item considerare, quàm multa sint in nobis mala, & vitiosa. Item attendere meliores nobis homines & angelos, ut ita in comparatione vilescamus nobis.

Carnalis autem superbia his indicijis demonstratur. Est clamorosa dum tacet, amara & indignabunda, & indissoluta lætitia, risus irrationabilis & sine causa, in tristitia sua est seuera, dura, reprehendit cum rancore non ex compassione, verba profert passim sine aliqua cordis grauitate, vel ponderatione, expers patientiæ, charitatis, aliena audacter iniuriat, sed pusillanimitate iniuriam patitur, difficulter alijs obedit, exhortationem recipere spernit, in propria voluntate permanens, sed vult propria statuere, numquam alterius diffinitioni acquiescere, non vult consilium ab aliquo recipere, magis sibi credens quàm sapientibus.

Remedia  
Superbiæ.

Huius remedium primum est obedientia simplici corde suscepta, & humiliter exhibita. Secundum, ut intimo cordis affectu fratribus nostris humilitatem exhibeamus, in nullo eos lædere acquiescentes. Item semper niti exercere nos in humilibus operibus, vili-

bus & despectis officijs, puta ministrare in coquina, lauare scutellas, purgare domum, semper vilia officia eligere humili habitu, humilibus gestis incedere. Hec si in consuetudinem venerint cor ad humilitatem inclinant. Item honorem fugere, magis semper eligere ministrare, quàm ministrari, superba vocabula & nomen iactantiæ etiam a propria familia deuitare. Item omnia signa, & quæque facta, iactantiam vel vanitatem prætententia declinare.

Humilitas quæ contra superbiam pugnat tres habet gradus.

Humilitatis gradus tres.

Primus est, ut homo seipsum cognoscat infirmum, inopem boni, vitiosum, & si quos alios habet defectus, & non eleuet se supra se.

Secundus est, cum homo se desiderat ab alijs reputari, qualem seipse noscit in veritate, scilicet vilem, inopem, superbum, &c.

Tertius est, quando homo in magnis virtutibus, & honoribus non extollitur, & nihil sibi ex hoc blanditur, totum in illum refundens a quo totum accepit & ei integrum restituens. Talis fuit humilitas Christi, & talis Angelorum, & Sanctorum in gloria.

# S. BONAVENTURAE

## EXIMII ECCLESIAE DOCTORIS

### Opusculum quod inscribitur

### SPECULUM ANIMAE.

*Apte huic opusculo S. Bonaventura, Speculum animæ, nomen dedit. Sicut enim in speculo obiectarum rerum imagines apparent, & quisque in eo effigiem suam intuetur: ita in hoc tractatu capitalia vitia, eorumque propagines adeo perspicue cernuntur; ut eo sibi ob oculos mentis proposito non mediocriter inuenerit, qui conscientiam suam examinare, & patraia scelera inquirere, eademque in memoriam reuocare studet, ad integram eorum confessionem. Hoc autem opusculum tripartitum est. Primo siquidem Auctor præfationem pramittit, in qua describit arborem, cuius radix cupiditas est, truncus vero voluntatis consensus, rami, affectiones variae; quæ, ut ipse ait, ex voluntate procedunt, & secundum eius conditionem pensantur. Deinde per tria capita tractat de tribus principibus huius arboris ramis, scilicet superbia, concupiscentia diuitiarum, & concupiscentia carnis. Postremo, ut facilius sibi arborem quisque cōfingat, breuiori, quo potest compendio, sem epilogo, hac omnia comprehendit. De hac re legendus est Auctor his præsertim in locis, videlicet 2. Sent. d. 35. & 36. Breuiolog. p. 3. per tot. istidem Centilog. p. 1. Diet. salut. tit. 1. opusc. proximo seq. & plerisque in alijs.*

#### CAPITA HVIVS OPVSCVLI.

De Superbia.	Cap. I.	Epilogus prædictorum, ubi Arbor describitur.	Cap. IIII.
De Concupiscentia diuitiarum.	Cap. II.		
De Concupiscentia carnis.	Cap. III.		

#### P R A E F A T I O.

Matt. 7. 6



Psal. 1. 4

**A**RBOR mala fructus malos facit, dicit Dominus. secundum Glossam interlinealem ibidem, Mala arbor mala voluntas est, ex qua, secundum aliam Glossam, fructus malæ operationis procedit. Huius autem arboris folia, mala verba sunt, secundum Glossam in principio Psalmistæ super illud: Et folium eius non defluet. Per folia enim verba signantur. fo-

lia siquidem vanitatem & fluxibilitatem habent, quod est de natura verborum. Huius arboris rami sunt affectiones diuersæ, quæ ex voluntate procedunt, & secundum eius conditionem pensantur. Si enim voluntas mala est, ramis suis suam corruptionem immittit, secundum illud Apostoli: Si radix sancta, & rami, &c. Truncus autem istius arboris est voluntatis consensus. quoniam sicut radix ramos suos, nisi mediante trunco, non potest expandere; sic nec radix malæ voluntatis, ramos vitiorum non potest emitte-  
re, nisi

Rom. 11. 6

*Greg. in Re- gis. lib. 12. ind. 7. ep. 31. interro- gat. 11. 2. 1. Tim. 6. b.* re, nisi mediante consensu. Siquidem secundum Gregorium, suggestione, delectatione, & consensu peccatum perficitur. Radix autem istius arboris secundum<sup>a</sup> Apostolum est cupiditas. Licet autem radix arbori præstet originem, tamen a fructu incipimus, per folia & ramos & truncum descendentes per ordinem ad radicem, ut iterum incipientes ab ipsa, qualiter procedant ascendendo monstremus.

*Beda in ep. ad Rom. c. 5. in illa verba. Propterea sicut per unum hominem.* Sciendum igitur, quod hæc radix, quæ cupiditas, vel concupiscentia nominatur, secundum Bedam, ex corruptione seminis transfusa per primos parentes ad posteros habet ortum. Sicut autem materialis radix humorem trahit & germinat: sic radix concupiscentiæ, secundum<sup>b</sup> Gregorium, ab imaginatione suggesta, ab extrinseco sumit naturam, qua mediante germinat, cum delectatio ex imaginatione procedat. Tunc autem emittit virus, cum ex delectatione consensus oritur. quia secundum<sup>c</sup> Augustinum, est duplex consensus, scilicet in delectatione & opere. Cum enim ex imaginatione, & delectatione morosa cum aduersione periculi, consensus in delectationem sequitur, etiam si opere non complendum decernat, mortale est. Et propter hoc secundum<sup>d</sup> Augustinum, totus homo damnabitur. licet iste progressus peccati, qui dictus est, potissime in peccato carnali locum habeat, & manifestus ibidem appareat; tamen & in omnibus alijs mortalibus locum habet. Si enim quodcumque peccatum mortale, mente per cogitationem tenueris, & delectationem consensus in ipsum sequatur absque consensu in opus si facultas adesset, nihilominus est mortale.

*Actuū quadruplex differentia.*

*August. de ser. Dom. in mon. lib. 2. cap. 28. 10. 4.*

*Amb. lib. 1. offic. c. 30. ante med. 10. 4.*

*Luc. 13. b*

*Circumstan- tiæ actuum.*

Ut autem de radice ista plenior notitiam habeamus, & quomodo ex ipsa fructus malæ operationis procedat, quadruplicem actuum differentiam assignamus. Sunt enim quidam actus, qui de natura sui bonum dicunt. Sunt alij, qui quantum de natura sui esse, indifferentiam habent, nec boni, nec mali, in genere moris dicuntur, ut leuare festucam, & huiusmodi. Sunt alij, qui de natura sui malum dicunt, & tamen aliqua de causa vel fine, bonitatem moris sortiri possunt: ut occidere hominem, quod quidem existente iustitia bonum fieri potest, licet de sui genere malum dicat. Sunt autem, secundum Augustinum alij, qui ita habent deformitatem annexam, quod nullo bono fine vel intentione possunt fieri, nec facientem excusare: ut fornicari, vel iniustitiam facere, vel adulterium committere, & huiusmodi. Hoc igitur circa istam materiam est sciendum, quod secundum Ambrosium, Affectus nomen operi imponit, & ex intentione opera iudicantur. Quod quidem de duobus primis generibus actuum intelligit Ambrosius, scilicet quando bonum est, vel indifferens. Si enim aliquis intentione inanis gloriæ pascat pauperem, vel ex contemptu festucam erigat, ex mala intentione procedit & rationem radicis sortitur. In alio autem genere actuum, sola iusta intentio opus bonum facere potest. In quarto autem genere actuum, nulla intentio vel finis potest facere bonum actum. quicumque enim intentione quis fornicationem, vel adulterium committat, nullatenus excusatur. Hoc etiam circa istam arborem est sciendum, quod truncus istius arboris, rami & fructus cum folijs, ex quibusdam circumstantijs quantitatem assument, sicut materialis arbor ex sterquilinijs, & corruptionis iniectione in fructibus & alijs recipit incrementum, secundum quod dicit colonus ille in Luca. Hæc autem circumstantiæ hoc versiculo continentur, videlicet.

*Quo, quis, ubi, cu quo, qualiter, cur, quomodo, quando.* Quo, motu supple, utrum ex tentatione graui, vel leui, vel nulla, si malitia vel infortitudine, vel ignorantia. Quis, persona, prælatus, vel ordinatus, clericus, vel alius, vel alij in exemplum positus religiosus, vel huiusmodi, in quibus peccatum aggrauari potest ratione personæ. Vbi, si in loco sacro, vel commu-

**A** ni, ita quod malum possit esse alijs in exemplum. Cum quo, si multos ad simile malum traxit, &c. Quotiens, si habuit in consuetudine. Cur, scilicet quo fine vel intentione. licet enim malum facere bona intentione, non excuset a toto, tamen excusat a tanto. Similiter autem & peruersa intentione, aggrauat peccatum. Quomodo, si forte modum nouum, modum effrenatum peccati inuenit. Quando, ut si forte tempus sacrum, vel orationi deputatum, in peccato expendit. Sunt autem aliæ circumstantiæ, quæ specialem speciem dant peccato, ut cognoscere uxorem alterius, & similia, quæ nullatenus a confitente omitti debent, & plenius in arboris prosecutione patebunt. Quod autem, ut iam supradictum est, secundum Apostolum, rami & fructus ex radice pensantur, satis de facili potest quisque perpendere, si peccatum eius radicem mortalem habet, & ponitur in exemplum. Videre enim mulierem de se non habet rationem peccati, nec tangere, & tamen si de radice luxuriæ procedat directe, cuius malus habitus latet interius, est mortale. Quando autem radix rationem mortalis habeat, in prosecutione, & formatione arboris poterit plenius pertractari. Hoc autem addo, quod illud mortale de suo genere dicitur, quod directe est contra Deum, vel proximum. Directe autem dico, quia sicut in materiali arbore ex trunco vel ramis, quædam pullulationes indirecte procedunt, quas adulterinas vocamus: ita ex radice malæ voluntatis, quam concupiscentiam nominamus, multa semina prodeunt, quæ directe contra Deum vel proximum non faciunt, sed aliquantulum indirecte. & talia venialia nuncupantur. Vnde etiam aduertendum, quod multa talia ponuntur in formatione istius arboris, quæ licet in se, & in suo genere mortalia non dicantur, tamen ad suam radicem relata, & eidem coniuncta, possunt habere rationem mortalis. Licet autem contingat interdum, quod vnum opus, & idem a diuersis trahat originem, ut percutere, ex superbia, inuidia, & ira potest procedere: tamen idem actus in arbore nullatenus iteratur. Sed vere pœnitens, arboris inspector, diligenter aduertat, quibus ex causis & radicibus actus ille inueniatur in ipso. digna etiam deliberatione consideret progressum peccati, quomodo radix concupiscentiæ germinauerit in ipso, & circumstantijs de quibus superius est expressum. Et si de fructu vel folijs, vel ramis arboris se comedisse aduertat, per confessionem euomat, ut animæ recuperet sanitatem. Hæc est enim arbor, de cuius fructu mortifero, protoplasti parètes contra præceptum summi medici gustauerunt, & mortem experti sunt, quam ad posteros transmiserunt. Et hæc est arbor, quæ secundum testimonium Matthæi excidetur, & in ignem mittetur, & ardebit.

**E** His ergo prælibatis, arborem imaginariam describamus, in cuius radice sit illa Apostoli auctoritas: Radix omnium malorum cupiditas. Truncus autem istius arboris taliter describarur, quod ab imaginatione incipiat, & in delectatione morosa cum aduersione periculi sit eius medium, & in consensu triplici ter minetur, scilicet in consensu, in delectatione, & in opere, secundum quod progressus peccati superius est expressus. Quia autem omne peccatum vel cogitatione, vel locutione, vel opere perpetratur, & sicut supra probatum est, in ramo mala voluntas significatur, in verbo autem folium, fructus in opere: ideo omnia peccata, quæ in progressu occurrunt, quæ ad cogitationem pertinent per modum rami, quæ vero ad locutionem per modum foliorum, quæ autem ad opus per modum fructuum in arbore describantur. Sed hos ramos, fructus, & folia, describamus huius arboris. Si quidem secundum Ioannis testimonium, tres rami principales ex radice concupiscentiæ prodeunt. quoniam omne quod est in mundo, aut est concupiscentia carnis, aut concupiscentia

*Gen. 3.*

*Matth. 3. b*

*1. Tim. 6. b*

*2. Io. 2. c*

cupiscentia oculorum, aut superbia vitæ, quæ concupiscentia honoris nominatur. Et de hoc vitio, primo est dicendum, tamquam de grossiori, & a quo plures rami, cuncti fructu, & folijs mortiferis oriuntur. & primo de superbia.

*De primo principali ramo, scilicet Superbia.*  
*Caput I.*



**H**ic igitur ramus, qui superbia nominatur, in genere suo mortale peccatum dicitur, quoniam directe est contra Deum, & eius reuerentiam. cum scilicet creatura ultra quod a factore accepit, extollitur, & quasi usurpare præsumit. Vnde & Gre-

*Gregor. lib. 34. Moralium dicit: Evidentissimum signum reproborum est superbia. Per hoc pater, quod illa superbia est mortalis, qua quis se ultra merita extollere appetit, & se melioribus anteponeat, & hoc si ex deliberatione procedat. Sicut enim alia peccata carnalia motus habent, qui præueniunt rationem, quibus ratio non consentit: sic & superbiæ motus quamplurimi in homine rationem præueniunt, quos ratio aduertens reprimat, vel saltem non consentit. Hic autem ramus superbiæ tres præcipue ramos habet, scilicet præsumptionem, contemptum, & inane gloriam.*

*Præsumptio quid.* Præsumptio in hoc consistit præcipue, quod homo præsumit gratiam se habere, vel ex se, vel pro meritis suis, vel falso, vel plus alijs, vnde versus:

*Ex se pro meritis falso plus omnibus inflat.*

*Gregor. lib. 31. Mor. c. 17. post medium.* Et secundum hoc præsumptio quatuor ramos habet secundum Gregorium in Moralibus. Hi autem rami cum suis fructibus, & folijs habent rationem mortalis, eo modo, quo de superbia est prædictum. Ex hoc autem ultimo ramo, scilicet plus omnibus, duplex ramus oritur. Hoc enim in gratuitis sicut in virtutibus, vel in gratis datis, scilicet in gratijs exterioribus potest intelligi. Ex quorum ramorum medio oritur elatio cordis inordinata, & confidentia de se, & inepta audacia. Ex ramo autem, qui est præsumptio de bonis gratuitis, oritur folium diuinæ tentationis, & fructus discriminis. Appellatur Dei tentatio, quando quis experimentum diuinæ potentiae querit, ut sicut petere absque necessitate. Discrimen autem dicitur, quando quis se exponit periculo, in sola diuina virtute confidens, contempto humano adiutorio, absque necessitate fidei, vel Ecclesiæ, & habet rationem mortalis. Vnde dicitur in Deuteronomio: Non tentabis Dominum Deum tuum. dicitur. Glossa: Deum tentat, qui habens quod faciat sine ratione se committit periculo.

*Deut. 6. c.*

*Contemptus quid.*

Secundus ramus superbiæ est contemptus, eo enim quo quis alios se præsumit supergredi, Deum contemnit & hominem. & secundum hoc hic ramus in duos diuiditur, videlicet in contemptum Dei, & proximi, qui plane habent rationem mortalis: quia contra charitatem Dei & proximi sunt directe. Ex ramorum istorum medio procedit ramus inobediendiæ, per quam a potestate alterius, & subiectione se eximit, nulli volens subesse. Ex primo autem ramo, qui est contemnere proximū, procedunt isti fructus, scilicet se a societate & verbo subtrahere, & gestu indignationis, vel contemptum ostendere. folia etiā ex ipso procedunt, quæ sunt verborū indignatio, irreuerentia in ver-

*\* Hac superbo, \* ironia derisio subsannatio, quæ omnia sunt contra charitatem ad proximum, & mortalia sunt, secundum ex quarto quod ex superbia & contemptu nascuntur. Est autem capite ubi ironia alterius detestatio per contrarium. Derisio continetur autem, & subsannatio differunt: quoniam derisio fit in voce, sed subsannatio fit in gestu, vel trahendo linguam, vel faciendo nutus, & similia, irreuerentia autem in modo loquendi. Cum hoc autem folio est*

irreuerentia in facto, ex quorum medio procedunt isti fructus, scilicet irreuerentia facta parentibus, prælati, principibus, maioribus, senioribus, patribus spiritualibus, & sanctis viris, locis, & rebus sacris, & temporibus, ut in violatione festorum contingit, & præcipue sacramentis, maxime sacramento altaris. Qui enim excommunicatus, vel suspensus, vel interdictus, vel in mortali peccato solemniter in Ecclesia officiat, vel sacramentum administrat, vel recipit in mortali, vel irregularis, vel inconfessus post mortale, cum copia sacerdotis celebrat, vel notorius peccator officium correctionis exercet, vel excommunicato scienter participat in diuinis, & hoc scienter faciat, & ignarus iuris existat, irreuerentiam diuinis exhibet, & mortaliter peccat. Hoc etiam sciendum est, quod excommunicati vel interdicti, qui se ingerunt diuinis, si hoc scienter faciant contra præceptum Ecclesiæ, mortaliter peccant. Alia etiam supra posita rationem mortalis peccati habere possunt, secundum quod ex ramo contemptus procedunt.

*Nota prober, & mortaliter peccat. Hoc etiam sciendum est, quod excommunicati vel interdicti, qui se ingerunt diuinis, si hoc scienter faciant contra præceptum Ecclesiæ, mortaliter peccant.*

Secundus ramus, qui ex contemptu Dei & proximi oritur, est superbia, quæ quidem respectu Dei manifeste mortale est, respectu etiam maiorum quibus obedire debemus, siue parentibus, siue prælati rationem mortalis habet, si præcipiantur licita & honesta. Vnde dicit Apostolus: Qui potestati resistit, Dei ordinationi resistit. Et parentibus non obedire, ab eodem Apostolo inter mortalia computatur.

*Rom. 13. a*

*Rom. 1. d*

Ex medio autem ramorum inobediendiæ respectu Dei & proximi, procedit ramus impatientiæ similiter bipartitus contra Deum, & proximum. & ista quidem impatientia ex inobediencia oriri dicitur: quia cum a superiori aliquid faciendum imponitur, quod peruersæ displicet voluntati, in ipsa impatientia excitatur, quod nihil aliud est, quam immoderata animi perturbatio, ex dicto vel facto alterius, quod personam ipsius tangit, & in quo se reputat grauari. vnde hoc laborat vitio, qui infirmitates, vel infortunium, vel onus impositum non sustinet patienter, & habet rationem mortalis, cum usque ad odium Dei, & proximi se extendit. Et secundum hoc, ex hoc ramo impatientiæ procedit aliud, scilicet odium Dei, qui licet in se odio haberi non possit, tamen in effectibus suis odiri potest. Ex hoc ramo foliū blasphemiarum, & murmuris nascitur, & manifeste rationem habet mortalis.

Ex ramo autem impatientiæ ad prælatum, oritur, & murmuratio, folium scilicet vento superbiæ agitarum. Est autem murmuratio, iniusta querela contra superiores latenter multorum auribus conculcata, & habet rationem mortalis, secundum quod ad alterius diffamationem anhelat. Cum hoc autem folio est fructus obstinationis, & pertinaciæ.

Est autem Pertinacia, perseverantia in malo proposito, contra voluntatem superiorum. Ex qua oritur folium rebellionis apertæ, & fructum transgressionis secum habet, quæ omnia habent rationem mortalis, secundum quod ex inobediencia oriuntur. Cum fructu autem transgressionis sunt excommunicationis, interdicti, & suspensionis sententiæ, quas sustinere procedit ex inobediencia, si debite infligantur. Item ex ramo inobediendiæ ramus infidelitatis procedit, secundum quam aliquis se ab obedientia Romanæ Ecclesiæ alienat. Et quidem hic ramus in hos ramos se diuidit, scilicet in hæsitationem, dubitationem, & errorem. & hos fructus habet, hæresim, schismata, sortilegium, & diuinationis, superstitionisq. folia, quæ etiam fructus apostasiæ, & idololatriæ secum habent. Et de singulis, quid sint per ordinem exprimamus.

Est autem hæsitatio, mentis titillatio contra fidem, hæsitatio cum scilicet intellectus non perfecte consentit his, qui sunt fidei, sed dubitat, quod etiam de suo genere est mortale.

Est autem error, quando iam tenetur contrarium. Error quid. fidei

fidei, siue scienter, siue ignoranter. Sed tamen multum interest: qui enim credenda nouit per fidem Ecclesiæ, & tenet contrarium, peccat mortaliter: qui autem ex simplicitate ignorat, si tamen intentionem, & voluntatem habeat generaliter credendi, quod credit Ecclesiæ, nullatenus iudicandum est mortale. Si quis ex simplicitate veritatem videre oculis corporalibus credat, non propter hoc contemnendus est, cum paratus sit credere, quod credit Ecclesiæ indistincte. Vnde dicit Augustinus: Errare potero, sed hæreticus non ero.

**Hæresis, & schisma.** Est autem hæresis, obstinata affirmatio contra fidem. Schisma autem a scissione dictum est. Vnde ille schismaticus dicitur, qui ab unitate Ecclesiæ se separare intendit, licet eadem sentiat, quæ tenet Ecclesiæ & fides catholica, secundum Augustinum contra Pansum.

**Aug. habet hoc lib. 2. con. Cresc. Gramm. c. 7. to. 7.** Sortilegium est, cum id quod futurum est inquiritur, & habet multas species, quæ per folia in arboribus designantur, scilicet diuinationes per astra, per incantationes, per dæmonum consultationes, per garrum auium, quod dicitur augurium, per ligaturas nominum, temporum obseruationes, & somniorum. quæ omnia prohibentur ab Ecclesiæ tamquam mala, & habent rationem mortalis: quia quod soli Deo competit, attribuitur creaturæ. Hoc tamen circa obseruantiam temporum, & orationes debes aduertere, quod fortuitur sortilegij rationem, quando scilicet creditur, quod magis valeant ad vnum effectum, quam ad alium, vel quando quis confidat in determinato orationum numero, vel effectum optatum, qui sic fecerit, infallibiliter consequi putat.

**Augurium vnde dicitur.** Quid autem sit apostasia, a fide, vel idololatria plane patet.

**Apostasia.** Tertius ramus superbiæ est inanis gloria, quæ appetit suam excellentiam ostendere, quæ habet rationem mortalis, in quantum quis gloriam sibi appetit, quæ soli Deo debetur, quoniam ipse fecit nos, & non ipsi nos. Vnde qui gloriam non refert in Deum, vel sic gloriam affectat acquirere, quod si ex hoc assequatur, offensam Dei non metuit, mortaliter peccat. Vnde Augustinus in libro de ciuitate Dei, dicit: Hoc vitium inimicum est piæ fidei, si maior in corde sit cupiditas gloriæ, quam Dei timor & amor. Si autem in bono proprio, quis inaniter gloriatur, ita tamen quod ibidem non sistat, vel actu vel habitu in Deum referat, nec ut hoc acquireret aliquo modo Deum vellet offendere, nullatenus est iudicandum mortale.

**Inanis gloria quid.** Ex hoc inanis gloriæ ramo quattuor rami oriuntur, scilicet ambitio honoris, & fauoris humani appetitus, confusionis timor, & laudis amor. Ex primo autem ramo inanis gloriæ, qui est ambitio oritur fructus pompæ, qui tres fructus habet, & vnum folium scilicet fastum in superfluo comitatu, & apparatu, & fastuoso gestu, & affatu, quæ licet mortalia non sint ex suo genere, tamen prout oriuntur ex ramo superbiæ mortalia esse possunt.

**Psal. 99. a.** Ex secundo ramo qui est appetitus humani fauoris, est adulationis folium, quæ quandoque mortalis, & quandoque venialis. qui enim ad malum alium incitat, malum factum eius laudando per adulationem, vel alij occasionem præbet ut in peccato remaneat, vel ut ultra merita sua efferat ipsum, scilicet falso laudando, in tali adulatio est mortalis: si autem sola intentione placendi, & ut Dei gratia augeatur, quam in veritate ipse commendat, mortalis nullatenus iudicatur. Et hoc Augustinus in sermone de purgatorio iudicat veniale.

**Aug. lib. 1. de ciu. Dei. c. 14. to. 1.** Secundum igitur hoc, folium adulationis in tria diuiditur, quia aut adulatio est de bono habito, aut non habito, vel de malo.

**Aug. de sch. his. ser. 41. ante med. to. 10.** Item ex ramo appetitus fauoris humani, oritur prodigalitatis fructus. fit enim homo prodigus, vel

humanum fauorem acquirat. Habet autem prodigalitas rationem mortalis, secundum quod bona, quæ vtiliter in pauperes fundi debebāt inutiliter expendantur, & in personis inhonestis non seruando modum, vel tempus. Et quidem hoc vitium, malum est in personis ecclesiasticis, quorum bona ultra sustentationem personæ & status, debent pauperibus erogari. Secundum hoc autem prodigalitas quattuor fructus habet, quia nec personam, cui dat, nec modum, nec tempus considerat, & incuriam secum habet. Est autem incuria, cū quis sic curam de bonis suis abiicit, quod bona eius depereunt, quæ a Deo collata sunt, ut exinde sustententur pauperes Christi. hæc autem incuria non iudicatur mortalis, nisi secundum quod ex aliqua radice mortali procedit. Quandoque enim ex contemptu temporalium procedit, tamen semper ad indiscretionem pertinet, & ex tanta negligentia procedere potest, quod mortalis esse posset, ut si forte indigentiam manifestam pauperum viderit, & bonis quibus eos iuuare posset, deperire permittit.

Incuria quid sit.

Item ex tertio ramo inanis gloriæ, qui est timor confusionis, hi procedunt fructus, mala scilicet verecundia, & falsa humilitas. Verecundia autem hos habet fructus secum, scilicet erubesceniam diuinorum, ut cum quis erubescit vel facere Missam, vel orare. Item verecundiam paupertatis parentum, vel pauperum amicorum. Item in confessione, secundum quod aliquis confessionem dimittit, vel non confitetur veritatem propter confusionis timorem. Falsa autem humilitas est, cum aliquis se ipsum humiliat, ne per superbiam minus reputetur ab alijs. Item ex illo ramo, qui est timor confusionis, hæc folia oriuntur, videlicet veritatis negatio in iudicio, vel extraiudicium, veritatis impugnatio, falsa excusatio, & peccati defensio. Ista autem, quæ ad timorem confusionis pertinent, habent rationem mortalis, non ex genere, sed secundum quod amor fauoris humani, amoris diuino præfertur, & eligit hoc magis contra Deum facere, quam confusionem humanam incurrere. Hoc tamen circa negationem veritatis in iudicio aduertendum est, quod ex suo genere mortale est, & quia superiori in iudicio obedire tenemur, & iustitiæ opponitur. Si tamen aliquid superior interroget, quod secundum iuris ordinem interrogari non debet, potest appellari, sed nullo modo licet mentiri.

Humilitas falsa quid.

Ex quarto ramo inanis gloriæ, qui est amor humanæ laudis oriuntur tres fructus, scilicet hypocrisis, ostentatio, singularitas. & iactantiæ folium quod in quattuor est diuisum. Aut enim est de bono habito, vel non habito, aut de malo facto, vel non facto, & de his per ordinem videamus. Est autem hypocrisis, secundum Isidorum, simulatio boni non existentis. vnde est mendacium in signo. Sicut enim mendacium omne non semper est mortale, sed quando est in detrimentum proximi, vel contra veritatem fidei, vel morum: sic nec hypocrisis semper est mortalis, nisi quando fit intentione decipiendi sub specie bonitatis, sicut illi qui simulant sanctitatem, ut bona Ecclesiæ habeant, quæ habere digni non sunt, & Ecclesiam per suam simulationem decipiunt. Quando autem fit intentione laudis, tunc de ea sicut de inani gloria iudicandum est, sicut superius est expressum.

Hypocrisis. Isid. de summo bono. c. 24. sent. 2.

Ostentatio est, quando bonum quod quis habet, vel habere se putat, exterius ostendere nititur, ut laudem humanam exinde consequatur. nec est mortale ex suo genere, nisi secundum quod inanis gloria iudicatur mortalis. Singularitas est, cum quis vult singulariter apparere. & secum habet fructus diuersos, secundum quod in diuersis materijs inuenitur, cum scilicet communia, quis non dignatur facere, vel docere, vel modum singularem in factis satagit ostendere. & hoc quandoque rationem mortalis habere dicitur.

Ostentatio

Singularitas.



Iactantia.

citur, secundum conditionem radices; eo modo quo inanis gloria, quæ propter hoc intenditur esse mortalis. Iactantia quandoque mortalis, quandoque venialis. Cum enim quis se iactat de bono quod habet, vel se habere putat, ut inanem gloriam consequatur, tunc iudicandum est de tali iactantia, sicut de radice ipsius: Cum de bono quod non habet, tunc est ibi mendacium, & tunc si tale est mendacium, quod sit contra diuinam reuerentiam, vel proximi charitatem, habet rationem mortalis. Contra Dei reuerentiam se iactabat Phariseus. Cum autem quis de peccato mortali quod non fecit, vel quod fecit, se iactat, mortale est, quoniam in peccato facto sibi complacet, & unde confusionem meruit, quærit gloriam, si factum suum in alios extendit.

Luc. 18.

Item nota, quod fructus singularitatis, qui procedit ex inani gloria, ut iam supradiximus, non solum per modum fructus in opere, sed etiam per modum rami, debet describi in arbore, ad significandum voluntatem singularem apparendi. Ex hoc autem ramo procedit ramus inuidiæ. Sic autem ex voluntate singulariter apparendi procedit, quia dum quis videri singulariter appetit, si aliquem videt in gratia præminere qui eius offuscat gratiam, eidem inuidet, & est peccatum mortale.

Inuidia quid.

Damasce. or  
the. fid. lib.  
2. c. 4.

Est autem inuidia tristitia de bono alterius secundum Damascenum. Circa quod notandum, quod hoc quattuor modis potest contingere, vno quidem modo, cum quis bonum alterius sibi esse damnosum aduertit, & cum quis de promotione inimicorum tristatur, & hoc rationem mortalis non habet. Item secundum quod quis bonum videt in alio, in quo defectum patitur, & ex quo dolet, non quidem, quia alius bonum habeat, sed quia ipse non habet, & non habet rationem peccati. Item alio modo dolet quis de bono alterius in quantum ipsum indignum videt bonis, quæ habet, & hoc etiam non habet rationem peccati in bonis temporalibus, quæ homini quandoque proficiunt ad ruinam. Alio modo quis dolet de bono alterius, secundum quod per bonum alterius gloriam suam putat diminui, & hoc est inuidia, quæ iudicatur mortalis, & quia ex ramo procedit superbix, & quia directe opponitur charitati, in qua vitæ animæ conseruatur. Sicut autem de superbia dictum est, quod quidam motus præueniunt rationem, quibus ratio non consentit, nec habent rationem mortalis, ita & de inuidia est dicendum.

De ramis  
fructibus &  
foliis inui-  
diæ.

De ramo autem inuidiæ præcipue exeunt duo rami, scilicet exultatio in aduersis, & dolor in prosperis, qui, sicut dictum est de inuidia, rationem habent mortalis. De primo autem ramo, scilicet de gaudio in aduersis, oriuntur hi fructus, machinatio, scandalum, insidiæ, proditio, suspitio, & iudicium. Inter hæc folia, discordiarum seminario, secretorum & confessionis reuelatio, signo, vel verbo, vel circumstantia, & falsum testimonium. de quibus sigillatim aliquid est dicendum.

Machina-

tio quid.

Scandalum

quid.

\*Hiero. po-

sius in cap.

15. Matth.

in illa ver-

ba: Scis,

quia Phari-

sæi, &amp;c. 10-

mo 6.

Insidiæ qd.

Suspicio

quid.

Iudiciū per-

uersum qd.

Machinatio, est mali occulta, & studiosa procuratio. Scandalum secundum \* Augustinum est dictum vel factum minus rectum, præbens alij occasionem ruinæ, cum scilicet aliquis alium in malum inducit. & est mortalis, cum aliquis per consilium vel exemplum ex intentione inducitur in mortale. Insidiæ sunt, prout hic de insidijs loquimur, inuestigatio & consideratio factorum alterius, ut accusari possit deprehensus in malo. Proditio est, cum aliquis amicitiam ad alium simulat, ut ipsum decipiat, de quo dicit Boetius, quod nulla pestis efficacior est ad nocendum, quam familiaris inimicus. Suspitio est, cum quis facilis est, ut malum de alio suspicetur, unde Tullius: Suspitio est mala opinio, ex leuibus causis, & hoc ex mala affectione inuidiæ procedit, & tunc habet rationem mortalis, alias autem non iudicatur mortalis. Iudicium peruersum est, cum quis ad aliquem male affe-

ctus, non solum malum suspicatur in ipso ex causis leuibus, verum etiam diffinit in corde vel ore sententialiter, peccatum mortale committi ab aliquo. & hoc de suo genere est mortale, ex quacumque radice procedat. Vnde Glossa super illud ad Corinthios: Nolite ante rem pus iudicare, Suspitiones vitare non possumus, quia homines sumus: iudicia tamen, id est sententias diffinitivas cauere debemus. Hoc autem iudicium semper est nimis graue peccatum, & procedit, cum quis ex sola suspitione ex causis leuibus cõdemnatur. Item folia quæ de ramo isto procedunt, sicut dictum est, sunt discordiarum seminario. Cum enim aduersitati quis congaudet alterius, alios concitat contra ipsum, quod est peccatum mortale. Vnde in prouerbijs dicitur: Sex sunt quæ odit Dominus, & ultimum ponitur tamquam peius, Qui seminat inter fratres discordias. Item secretorum reuelatio, tunc est peccatum mortale, cum tale secretum est quod in illius, qui secretum commisit, potest verti detrimentum. tunc autem maximum est peccatum, cum videlicet ad reuelationem confessionis, verbo, vel signo, vel circumstantia aliqua quis procedit.

1. Cor. 4. 6

Prov. 6. 6

Secundus ramus inuidiæ principalis, est dolor in prosperitate proximi, quod, ut supra dictum est de inuidia, habet rationem mortalis. Ex hoc autem ramo procedit detractio folium, quo proximi prosperitas impeditur. Hoc autem folium principaliter in duo diuiditur: quia qui detrahit, aut hoc est, eius bonum diminuendo, aut eidem malum imponendo. Primum folium quattuor folia secum habet, scilicet bonum proximi tacere, diminuere, pervertere, & negare. Ex secundo autem ramo hæc folia procedunt, malum libenter audire, dissimulare, confirmare, aggravare, addere, reuelare, & imponere, de quibus videamus qualiter habeant rationem mortalis. Sciendum igitur quod est denigratio famæ alterius per verba occulta. Vnde Salomon dicit: Simordeat serpens in silentio, nihil habet. eo minus qui occulte detrahit, habet autem ex suo genere rationem mortalis. Cum enim secundum Sapientem, Melius sit nomen bonum, quam diuitiæ mukæ; sicut mortale est rem inuito domino pertrahere, & qui hoc facit, ad restitutionem tenetur: sic etiam alterius famam auferre, mortale est, & qui hoc facit, ad restitutionem tenetur. Hoc tamen circa istam materiam est aduertendum, quod quodlibet breue verbum, quod in derogationem vergit alterius, non est iudicandum mortale, maxime cum ex habitu inuidiæ non procedit. Ad detractioem autem spectat, ut dictum est, bonum proximi tacere, quod quidem mortale est, cum videt aliquis iniuste famam alterius deperire. Sicut enim in arcta necessitate tenemur proximo in rebus temporalibus prouidere, sic etiam & in necessitate famam eius seruare. Diminuere bonum alterius est, cum aliquis commendationem alterius audire non potest, sed eam dimittit. quod charitati opponitur, & si ex ramo inuidiæ procedat, mortale est. quandoque tamē absque mortali contingit, ut cum quis audit commendari indignum, vel ultra merita. & ex hoc potest oriri aliqua deceptio, tunc non habet rationem peccati. Conuerrere bonum alterius, est bonum quod negari non potest, mala intentione factum asserere. Vnde de tali dicitur: Bona in mala conuertens, insidiatur, & in-

Eccli. 10. 6

Prov. 22. 1

electis ponit maculam. Quod manifeste habet rationem mortalis, cum procedit ex inuidia; tamen cum hoc ex falso procedit iudicio, de hoc quandoque iudicari debet, sicut de malo iudicio est dictum. Cum quis bonum peruerit alterius cum mendacio, tale mendacium cum sit perniciosum, rationem mortalis sortitur. Item negare bonum alterius, quod scitur inesse, pertinet ad detractioem mortalem. Item de alio malum libenter audire, vel occasionem detractio- nis præstare, vel dissimulare cum possit corrigere, est mortale. Vnde Apostolus: Detractores Deo odibiles esse

Eccli. 11. 4

Rom. 1. 4

les esse commemorat, dignos morte iudicat, non solum autem facientes, sed consentientes. Tamen circa hoc debemus dicere, quod si aliquis detractionem alterius audiat, & non ex invidia, sed ex verecundia, vel aliquo timore humano ne offendant aliquem, non est iudicandum mortale; nisi sit talis persona, quod ex officio corrigere debeat, cui posset cedere in mortale. Item malum auditum de aliquo confirmare, & additis circumstantiis aggravare, vel dicto alterius addere mendaciter, vel veraciter, ad diffamationem intendendo, est mortale. Multum tamen interest, utrum hoc procedat ex invidia, vel indiscreto zelo iustitiæ. quandoque enim contingit mala aliorum, facta ex quadam indignatione vel leuitate loquendi, nec intentione diffamandi contra aliquem malum recitari, vel etiam aggravari, quod esset durum iudicare mortale. Hoc tamen a plerisque magis dicitur, quod crimen alterius etiam verum extra correctionis ordinem reuelare mortale est. Ordo autem correctionis fraternæ est a Domino institutus, qui ait: Si peccauerit in te frater, in te, id est te sciente, vade & corripe eum, &c. Hic etiam circa istam materiam est notandum, quod crimen alterius detegere, ubi non potest prodesse nisi ad diffamationem, est contra ordinem correctionis fraternæ.

*Matt. 18. b.*

Item ex medio duorum ramorum inuidiæ descriptorum, procedit ramus rancoris. cum enim invidus bonum proximi non potest diminueri, nec eidem malum inferre, prorumpit in cordis rancorem. Est autem Rancor motus cordis grauis ex mala affectione procedens in proximum. & habet rationem mortalis, si ex invidia procedat, vel libera voluntate. Ex libera autem voluntate dico, quia contingit interdum, quod aliquis homo propter suam ineptitudinem, vel illatam iniuriam, sine motu displicentiæ videri non potest: quod quidem in multis magis habet rationem passionis, quam peccati, dum voluntas libera non consentit. Ex hoc autem ramo rancoris procedit ramus odij, qui manifeste habet rationem mortalis: quia rectæ charitati opponitur, in qua vita animæ conseruatur. Hoc etiam aduertendum, quod non solum secundum præceptum tenemur diligere amicos, sed etiam inimicos & malos; vitium tamen in aliquo non tenemur diligere. Vnde & si quis contra alium moueatur propter eius vitium, quandoque non est vitium, sed virtus, licet quādoque zelus indiscretus circa hoc possit contingere, & sic oditur vitium, quod aliquando redundat in personam. Debent autem, secundum Augustinum in speculo, corrigi vitia hominum, cum dilectione personarum, & odio vitiorum.

*Aug. habet*

*hoc ep. 109*

*post mod. 10*

*mo 2.*

*Ira quid.*

*ira, vt hic accipitur,*

*inordinatus animi motus ad nocendum proximo sine causa, & cum sit contra charitatem habet manifeste rationem mortalis. Hoc tamen notandum est, quod quælibet ira non debet iudicari mortalis. secundum enim Gregorium, est ira per zelum, & est ira per vitium. Est autem ira per zelum, cum quis multum intente contra malum mouetur, & in punitionem tendit, quod quidem virtutis est, nisi zeli indiscretio interueniat, sicut de odio immediate est prædictum. Ira autem per vitium est, cum quis contra proximum mouetur iniuste, & ad eius pœnam intendit. Et quandoque, sicut de alijs vitiis est dictum, talis motus præuenit iudiciū rationis ex complexione, vel ex causa alia, & tunc non habet rationem mortalis. Ex hoc autem ramo iræ procedit ramus appetitus vindictæ, & fructus crudelitatis, & folium discordiæ, quæ consistit in verbis.*

*Gregor. lib.*

*3. Mor. cap.*

*21. post modum.*

*Ira duplex.*

Circa appetitum vindictæ intellige, quod aliquis vindictam de aliquo dupliciter potest appetere; aut, in quantum est in proximi nocumentum, & procedit ex odio: aut in quantum per pœnam potest corripere proximus, ne de cetero ad peccatum declinet. & hoc modo vindictam appetere non est malum, licet autem

A vere puniens debet aduerrere, quod quandoque mens sibi met mentitur, & quod facit ex odio; ex bona intentione fieri sibi ipsi simulat, & in hoc conscientiam suam mendaciter informat.

Ex ramo appetitus vindictæ oriuntur hi fructus: Calumnia, vexatio, & damnificatio. Calumnia est falsi criminis impositio, & est manifeste mortale, quia est perniciosum mendacium, & procedit ex odio, & quia iniustitia inuenitur ibidem.

*Calumnia quid.*

Est autem vexatio, cum quis aliud trahit ad iudiciū sine causa, & ipsum in persona sua vexat, & in expensis damnificat, quod fit quandoque per falsas litteras, vel falso impetratas, vel non suas, sed alterius, vel iuris ordine prætermisso, vel ad impossibilia obligando, vt citando coram diuersis iudicibus ad loca distantia, & iniuste, in quibus causis non solum quis peccat mortaliter, verum etiam ad restitutionem omnium damnorum, & expensarum tenetur.

*Vexatio.*

Item, damnificatio est, cum quis in temporalibus bonis damnificat, & est mortale. Hoc etiam potest fieri dupliciter. aut impediendo bonum habitum, vel habendum, aut malum inferendo. quod etiam fit pluribus modis, quæ per modum fructus in arbore describuntur. Vnde circa hoc est notandum, quod

*Damnificatio.*

C quinque modis est quis reus damnificatione proximi, scilicet faciendo, præcipiendo, consulendo, iuuando, & dissimulando, scilicet cum prohiberi potest vel impediri damnum proximi, & voluntarie sustinetur. & quattuor casibus primo dictis, qui sic reus est, ad restitutionem tenetur, & in omnibus istis est peccatum mortale, quoniam hæc omnia directe charitati proximi opponuntur. Hoc tamen circa dissimulationem damni alterius est aduertendum, quod alterius damnum dissimulare non semper iudicandum est mortale, puta cū quis ex timore magis quam ex ira vel odio dissimulat, timens ne forte malefactores contra ipsum moueantur, & in damnum proprium, possit aliquatim redundare, vel in casu ubi probabiliter credit, quod sua correctio non prodesse. Vnde Augustinus primo de Ciuitate Dei: Si propterea quisque obiurgandis, & corripiendis mala agentibus parcat, ne deteriores efficiantur, non videtur esse cupiditatis occasio, sed consilium charitatis.

*Aug. lib. 1. de ciu. Dei cap. 9. ante med. to. 3.*

Secundus ramus iræ est crudelitas, ex qua oriuntur hi fructus, scilicet, incarcerationio, percussio, verberatio, duellum, bellum, mutilatio, & occisio. de quibus aliquid videamus.

E Est autem crudelitas, secundum Senecam, atrocitas animi in exigendis pœnis. Ex hoc etiam ramus feritatis procedit. Est autem feritas, cum quis sæuit in proximum absque aliqua culpa præcedente in ipso, & in hoc a crudelitate differt, quia crudelitas est excessus in infligendo pœnam pro peccato commisso. habet autem utrumque rationem mortalis, quia opponitur charitati. Si tamen excessus in puniendo, ex zelo iustitiæ quandoque contingat, vt alij terreantur, nisi sit excessus notabilis, non esset de facili iudicandum mortale. Punire autem absque omni culpa, & causa, semper habet rationem peccati mortalis. absque autem causa dico, quia sine culpa quandoque quis punitur non tamen sine causa, sicut patet in crimine læsæ maiestatis. Et quandoque etiam illi de terra alicuius in quantum sunt res domini offendentes, absque culpa propria in temporalibus puniuntur.

*Crudelitas Sen. lib. 2. de clem. cap. 4.*

De incarcerationio autem & verberatione, vel percussione, mutilatione, vel occisione proximi, clarum est, quod habent rationem mortalis, nisi fiant, per iustitiæ auctoritatem, iuris ordine, & moderamine obseruato, vim vi repellendo, cum moderamine inculpatæ tutelæ. hæc enim opponuntur charitati proximi, & licet de suo genere mala sunt, tamen multum aggravantur secundum radicem, si ex radice odij oriuntur.

Hoc tamen de percussione notandum, quod parentum

Simplex factum percussio specialius est peccatum, a quo simplex A sacerdos non potest absolvere, & est contra præceptum diuinum de honore parentum. Percussio autem clerici grauior est quam alia; & si grauis est ad solum Papam pertinet absolutio.

De bello autem notare debemus, quod ad iustum bellum tria specialiter requiruntur, sine quibus habet rationem mortalis, videlicet, principis auctoritas. Vnde Augustinus contra Faustum: Suscipiendi belli auctoritas, atque consilium penes principes sit. Item iusta causa. Vnde<sup>a</sup> idem Augustinus: Iusta debent esse bella, quæ vlciscuntur iniurias. Tertio requiritur intentio recta. Vnde<sup>b</sup> idem etiam Augustinus de verbis Domini: Apud veros Dei cultores, bella non crudelitate, aut cupiditate geruntur.

Duellum autem nota, quod secundum iura est prohibitum, & secundum rationem habet rationem mortalis, & in appellatione, & in Domino, cuius auctoritate sit, & procuratoribus, & in pugilibus propter pecuniam. Et hoc patet cum manifeste habeat rationem tentationis diuinæ, & a forti debilis per naturam vincatur. Dicunt tamen quidam, quod consuetudo excusat in hoc facto: cuius contrarium tenetur communiter a theologis, & iuris peritis.

Tertium, quod ex ramo iræ procedit, est discordiæ C folium, secundum quod consistit in verbis. Ex discordia enim animorum, etiam discordia verborum procedit. Hoc autem folium in huiusmodi folia est diuisum, quæ sunt: irritatio, comminatio, contumelia, improprium, maledictio, procacitas, clamor, & irreconciliatio. Circa materiam istam in generali notandum est, quod discordia in verbis contentio dicitur, qua quis verbis alterius procaciter contradicit, vnde contentio duorum dicitur, dicit enim modum inordinatum, & contradictionem. Potest igitur inordinate aliquis contradicere proximo malum & falsum dicenti, & tunc ratione contradictionis, peccatum non habet, sed in modo potest esse excessus, scilicet cum extendit modum negotij vel personæ, & potest esse mortale, cum quis ad confusionem anhelat alterius ex ira forte, vel odio, vel sit tanta contentio, quod ex inde scandalum oriatur. Cum autem quis contendit cum aliquo, & veritati etiam contradicit, vel veritatem impugnatur ex inuidia, vel ira, vel odio, tunc est mortalis contentio, & est contentio, quæ inter opera carnis ab Apostolo numeratur: Qui talia agunt regnum Dei non possidebunt. Huiusmodi autem contentionis species est irritatio, quando aliquis proximo loquitur punitiue, secundum quod quandoque E contingit, quod homo ex odio, quod habet ad alterum, libenter eum verbis stimulat & irritat, sicut de fratribus Ioseph in Genesi dicitur: Oderant eum, nec poterant ei quidquam pacifice loqui. Et sic est mortale peccatum, secundum quod ex odio vel ira mortali procedit. vnde de hoc iudicandum est secundum rationem radices.

**Cominatio** Item cum hoc folio est comminatio, cum scilicet aliquis alicui se malum facturum promittit. Et sicut lædere proximum est mortale, sicut dictum est superius, sic malum comminari, quod si fieret mortalis esset, peccatum mortale est, si sit deliberatio, & proponat facere quod minatur. Vnde scriptum est: Ante sanguinem, maledicta, contumelia & minæ.

**Contumelia** Sequitur videre de contumelia, improprio, & conuitio, & notandum, quod contumelia est obiectio criminis perpetrati. Improprium est, cum quis iniuriose reducit ad memoriam auxilium, quod contulit necessitatem patienti. Vnde ait Sapiens: Pauca dabit, & multa improperebit. Conuitium autem est, cum defectus corporalis, vel aliud quodcumque crimen obijcitur ad confusionem personæ, & de his videamus quomodo habeant rationem peccati. Hoc igitur circa istam materiam est notandum, quod cum secundum<sup>a</sup> Philosophum, voces sint signa intellectuum,

multum considerandum est, quo animo verba dicantur. Contingit autem quandoque talia verba dici ex indiscreto zelo, vel zelo iustitiæ, aut amoris, vel ex quadam surreptione & subito metu iræ, & tunc non esset iudicandum mortale, nisi tantus esset excessus, & verba sic inordinata, quod aliquis per talem contumeliam in diffamationem incurreret manifeste. Tunc enim zelus iustitiæ nullatenus excusaret, quin peccaret mortaliter, sicut si aliquis aliquem ludendo interficeret per cautelam, tamen posset peccare mortaliter. Cum autem quis alteri conuitium vel contumeliam, vel improprium dicit ad proximi confusionem, & dehonorationem intendens, tunc agitur contra charitatem proximi, & peccat mortaliter. & sic intelligitur verbum Domini, dicentis: Qui dixerit fratri suo, *Mass. 5. c* fatue, reus erit gehennæ ignis.

Item folium discordiæ, vt dictum est superius, est maledictio, vt cum aliquis malum alij imprecatur optatiue, & manifeste habet rationem mortalis, quia est contra proximi charitatem, si tamen mente ita teneatur, sicut ore profertur. Et hoc modo loquitur Apostolus cum dicit: Maledici regnum Dei non possidebunt. Contingit tamen verbum maledictionis esse veniale, vel propter paruitatem mali optati, vel quia ludo, vel surreptione, vel zelo iustitiæ, vel non malo affectu verba dicuntur. Et hoc modo Augustinus in sermone de Purgatorio, hoc iudicat veniale.

De clamore autem verborum, & procacitate sciendum, quod quandoque contingit, quod licet intentione verborum conuitia grauiora non dicantur, tamen tantus clamor & procacitas potest esse, quod scandalum sequitur, vel etiam ex intentione proximus prouocatur, & tunc habet rationem mortalis, eo modo, quo dictum est de contentione. Si tamen ex deliberatione procedit, & ex ramo iræ vel odij procedit, aliàs autem non iudicaretur mortale.

Item ad discordiam pertinet, irreconciliatio, cum scilicet quis proximum per contumeliam, vel alio modo læsit, & ipsum pacificare contemnit. Sicut enim rem alterius ablatam, vel famam, tenetur restituere proximo, sic, & pacem, petendo veniam. Vnde conuenienter dicit Augustinus in speculo, quod melior est ille, qui quamuis ira sæpe tentetur, tamen ad impetrandum festinat, vt ei dimittat, cui se fecisse agnoscit iniuriam, quam qui tardius irascitur, & ad impetrandum veniam tardius inclinatur. Vnde non pigeat ex ipso ore proferre medicamenta, vnde facta sunt vulnera. Quod si quis contemnat facere, peccatum committit, sicut patet per verbum veritatis dicentis: Si offers, &c. secundum Glossam, munus nequaquam acceptatur talis offerentis, ante reconciliationem fratris. Et per hoc manifeste probatur, quod est ibi peccatum mortale. non enim nisi per peccatum mortale amittit acceptionem diuinam. hoc tamen sane debet intelligi, cum scilicet talis fuit offensa, quod rationem mortalis habuerit. Qualiter autem contumelia rationem mortalis habeat, iam dictum est.

#### F De concupiscentia diuitiarum. Cap. II.

**S**E C V N D V S ramus, qui ex radice concupiscentiæ, & ex trunco mali consensus procedit, est concupiscentia oculorum, qui alio nomine auaritia nominatur. Dicitur autem auaritia, secundum quod auaritia est auaritia æris, id est, pecuniæ, ita quod per pecuniam omnia temporalia designantur. Vnde auaritia est inordinatio animi circa temporalia habita vel habenda. Quod duobus modis potest contingere, vel inordinate amando vel appetendo, vel iniuste acquirendo. Circa hoc tamen aduertendum est, quod vtroque modo potest esse mortale. cum scilicet aliquis amorem diuitiarum præfert charitati Dei vel proximi, vel

*Mass. 5. c*

*1. Cor. 6. b*

*August. de sanctis ser.*

*41. ant. me diu. 20. 1. 97*

*Mass. 5. d*

*Auaritia quid.*

Rom. 1. d

mi, vel cum iniuste præfertur, vel per rapinam temporalia acquiruntur. & sic auaritia ab Apostolo inter mortalia computatur. Sicut autem de alijs vitijs dictum est, quod sua venialia habent, dum scilicet rationem præueniunt; sic etiam auaritia quælibet non iudicatur mortalis, vt cum quis ad temporalia inordinate afficitur, tamen salua charitate Dei, & proximi, vel proximus in tam modico læditur, quod nullo modo iudicaretur mortale. Secundum hoc igitur, ex primo ramo auaritiæ tres rami principales procedunt, qui dicuntur, inordinatum desiderium habendi, inordinatus habitus amor, & inordinatus dolor amissi. & eo modo, quo dictum est de auaritia, B est iudicandum de ipsis.

Item ex primo ramo, qui est inordinatum desiderium habendi, procedunt hæc, scilicet sollicitudo in mente, & iniustitia in opere. Hæc autem sollicitudo potest habere rationem mortalis, scilicet cum propter sollicitudinem rerum temporalium, dimittuntur necessaria ad salutem. Vnde ex hoc ramo, Sabbati violatio oritur, cum scilicet contra præceptum diuinum vel Ecclesiæ, tempora non seruantur. Per hoc autem sabbatum, in lege nostra, Dominica intelligitur, & festa alia ab Ecclesia instituta. Observatio siquidem diei Dominicæ est de iure diuino, C scilicet præceptum diuinum, vt habetur in Exodo:

Exo. 20. b

Memento, vt diem sabbati sanctifices, ex constitutione Ecclesiæ, & Spiritus sancti familiari consilio, propter solemnitatem resurrectionis Dominicæ, & propter quietem, quæ octauæ ætati responderet, succedit Dominica sabbato, & in ipsa cessare a serui opere debemus, & vacare diuinis. Hoc autem circa istam materiam est notandum, quod observatio ista quantum ad aliquid est moralis, & de iure diuino, quantum autem ad aliquid carimonialis, & ad ius positium pertinet. quod enim homo aliquod tempus habeat ad vacandum diuinis, hoc pertinet ad morale præceptum, sed quod tali vel tali die, vel ab isto opere cessetur, vel ab illo, hoc ad ius positium pertinet. Igitur mandatum diuinum transgreditur, qui sic temporalibus negotijs occupatur, quod numquam vacat diuinis. Præcipue etiam festum vel Dominicam violat, qui peccato operamur, hoc enim est opus seruale, quia qui facit peccatum, seruus est peccati. Vnde Augustinus de decem chordis: Melius faceret Iudæus in agro suo aliquid vile, quam in theatro seditiosus existeret, & melius feminæ eorum, die sabbati lanam facerent, quam tota die in Neomenijs suis impudice saltarent. quod tamen intelligendum est de ludis, qui sunt cum peccato mortali. Non enim intelligo sabbatum violari per peccatum veniale, quia secum compatitur obseruantia mandatorum. De operibus autem mechanicis, quæ seruaia dicuntur, sicut iam dictum est, ad Ecclesiam pertinet iudicare, qualiter sit abstinendum. Vnde Ecclesia pro tempore necessitatis, quæ legem non habet, dispensat. vnde in hoc casu præceptum vniuersalis Ecclesiæ particulariter, vel consuetudo generaliter approbata ab omnibus est obseruanda. Vnde de mercatis, & quadrigatione, & negotiatione, & nundinis, & talibus, quæ quandoque fiunt in multis locis diebus Dominicis, & festiuis, vtrum sit mortale, vel non, a legislatoris interpretatione dependere videtur. si enim hoc Ecclesia prohibeat sub virtute obedientiæ, constat transgredi esse mortale peccatum.

Secundum, quod ex ramo inordinati appetitus temporalium procedit, vt dictum est, est iniustitia in opere, quæ in duos fructus principales distinguitur: quia aut est aperta iniustitia, aut occulta, quæ fraus alio nomine nuncupatur. Iniustitia autem aperta hos fructus secum habet, qui sunt, furtum, vsura, rapina, & iniqua sententia. de quibus aliquid videamus,

S. Bon. Tom. 7. Pars ij.

A Circa furtum nota, quod furtum est occulta rei alienæ contrectatio inuito Domino, & habet rationem mortalis, in quantum est contra iustitiam, & opponitur charitati proximi. Vnde lex diuina dicit: Non facies furtum. Hoc tamen aduertendum, quod tam modica res posset esse, vel tam modici valoris, quod non haberet rationem mortalis, nisi forte adesset voluntas maius accipiendi, si facultas adesset, vel in illo modico esset alterius notabilis dāificatio. plus enim quandoque damnicatur pauper in paruo, quam diues in magno. vel nisi forte esset tāta necessitas, quod accipere rem alterius cogeretur: tunc enim potest aliquis rem alterius pro extrema, vel vrgenti necessitate corporis accipere: quia in necessitate omnia sunt communia. & tunc furtum dici non debet, quia suum est, quod in necessitate accipit, vel etiam pro necessitate alterius. Vnde Ambrosius: Esurientium panis est, quæ tu detines, & loquitur de auaro. Huius autem furti quattuor sunt species, scilicet rei occulta acceptio, rei inuētæ detentio, sacrilegiū, & proprietatis in religiosis.

Circa rei inuentionem nota, quod quædam inueniuntur in littore maris vel aquæ communis, talia enim cedunt in proprietatem inuenientis. Similiter & thesauri, qui inueniuntur in terra, qui non fuerunt a tempore, a quo sit memoria in bonis alicuius, tamen secundum leges, dominus terræ debet habere medietatem. Vnde in Matthæo dicitur de inuentione thesauri absconditi, quod emit eum. Illa autem quæ inueniuntur, quæ probabiliter fuerunt in bonis alterius, retinere, est furtum. Vnde Augustinus: Si quid inuenisti, & non reddidisti, rapuisti. Si autem possessor inueniri non possit, consuetudo terræ est seruanda.

Circa sacrilegium nota, quod sacrilegium est ratione acceptionis sacræ rei, vel in loco sacro. & secundum hoc triplex est species sacrilegij, vt quando aufertur sacrum de sacro, vel non sacrum de sacro, vel sacrum de non sacro.

Quarto circa furtum religiosorum in retentione proprii, notandum est quod dicit Augustinus<sup>b</sup> de religiosis, quod si quis rem sibi collatam celauerit, furti iudicio condemnatur. tunc autem intelligo hoc celari, & habere proprii rationem, quando sic celatur, quod si etiam prælatus in virtute sanctæ obedientiæ præciperet, quod reuelaretur, etiam celaretur. Nec aliter intelligo mortale, nisi quando contra voluntatem prælati præceptoriam detineretur. Hoc etiam notandum de religiosis, & dispensatoribus, & filijsfamilias, & vxoribus, quod furtum possunt committere, si notabiliter dominos rerum in dispensando damnicant, contra voluntatem & intentionem dominorum, cum autem intuitu pietatis etiam commune bonum procurando, nec mala intentione dant aliqua, vel dispensant, non est iudicandum mortale.

Sequitur de rapina. Est autem rapina, cum quis rem alterius manifeste per violentiam accipit iniuste, & habet manifeste rationem mortalis, sicut de furto dictum est. Vnde in Isaia dicitur: Ego Dominus diligens iudicium, & odio habens rapinam. Potest tamen esse veniale, vel etiam nullum, eo modo quo de furto dictum est, vel etiam in bello iusto, quando boni inimicorum rapiuntur. Quid autem requiratur ad bellum iustum, dictum est superius. Cum rapina autem sunt fructus alij, scilicet inductio nouæ talis, vel consuetudinis exactio, extorsio, munerum acceptio, & ludus alearum.

Circa primum notandum, quod nouas talias, vel leges, vel consuetudines constituere, ad extorquendum pecuniam absque iusta causa, habet rationem rapinæ, Item exactio est, cum quis debitum inordinate exigat, & potest habere rationem rapinæ, cum scilicet creditor videt damnum notabile debitoris, nec necessitatem patitur, sed commode potest expe-

D etare

Furtū quid

Exo. 20. a

Ambros. in

Dom. 8. post

Pentec. ser.

64. cir. fin.

10. 5. edit.

Rom.

Mat. 13. f

August. de

verb. Apo-

sto. ser. 21.

post med.

10. 9. &amp; lib.

50. homil. 9

circa med.

Refertur

14. 9. 5. f

quid.

a Triplex sa

crilegij spe

cies.

b Aug. ser.

1. ad frat.

in eremo.

cir. med. 10.

10.

Isa. 61. b

Notabile  
pro Principibus.



care. tunc enim posset lædi charitas, & posset esse necessitas, quod exactio haberet rationem mortalis. Vnde qui a subditis talias & seruitia isto modo exigunt, nec necessitati eorum, quantumcumque sint pauperes, compatiuntur, recte raptores dicuntur. Vnde hæc, quæ de exactione dicta sunt, contra illud præceptum morale sunt, quod ponitur in Exodo: Si pecuniam dederis mutuo populo meo pauperi, non urgebis eum quasi exactor.

Exo. 22. d

Tertius fructus rapinæ est extorsio, quod quidem est cum quis terrendo, vel adulando, vel violentis precibus extorquet ab aliquo seruitium, vel aliquod temporale: & tunc quidem potest habere rationem mortalis, cum tollitur ratio voluntarij arbitrij ab illo, cui infertur talis extorsio, & talis est qui minatur, vel rogat ab eo, qui potest nocere, & cuius offensa probabiliter timetur, nisi habeat quod petat, & hoc modo extorsio violenta est, & sic est contra præceptum in Levitico positum, ubi iubetur, non aliquid extorqueri.

Leuit. 6. a

Quartus fructus rapinæ est munerum acceptio, quæ quandoque non habent rationem peccati, scilicet cum pauper dat diuiti, reus iudici, creditori debitor. Suspecta tamen est talis munerum collatio, & receptio, ex intentione dantis vel recipientis cito posset inueniri ratio mortalis peccati. Vnde cum diues a paupere recipit, ut ipsum secundum iustitiam tueatur, cum alias hoc facere teneatur, & iudex cui datur aliquid, ut peruertat iudicium, vel ut iustitiam consequatur, cum munus recipit, aut iudicium peruertit, aut iustitiam uendit, manifeste habet rationem mortalem. Creditor etiam, qui a debitore munus recipit, in rationem debiti videtur quod accipiat, & si hac ratione non accipit, tunc habet rationem vsuræ. Quandoque tamen non habet rationem peccati, ut cum quis simpliciter recipit munus, absque mala intentione, nec habet rationem quare possit suspicari, quod mala intentione donetur.

Quintus fructus rapinæ est ludus alearum, seu taxillorum, qui prohibitus est tam a iure canonico, quam ciuili. Vnde & de hoc dicunt quidam, quod sit peccatum mortale, eo quod sit contra ius canonicum & ciuile. & quod ex ludo habetur, nullo bono titulo possidet, nec potest retineri, sed debet pauperibus erogari. Quia enim qui in ludo lucratur, iniuste lucratur, & qui amittit, iuste amittit, ideo qui lucratur, eidem a quo lucratur restituere non tenetur, nisi forte induxerit ad ludendum. Cum autem ludus satis videatur ex radice rationem habere mortalis peccati, quia scilicet ex auaritia videtur procedere, & quia ludo multa comunicantur peccata, scilicet fraus, mendacium, periurium, blasphemia, scandalum, amissio temporis, & ira frequenter: ideo hæc causa prohibitionis ludi esse videtur. Cum ludit aliquis causa recreationis, peccatis supradictis exclusis, non videtur habere rationem mortalis.

Vsura quid

Tertius fructus principalis iniustitiæ ad proximum quæ ex ramo auaritiæ procedit, est vsura. Dicitur autem vsura ab usu æris. sunt enim quædam res, quarum usus est rei consumptio, quarum dominium in accipientem transfertur, ut pecunia, & bladum, & vinum. vnde qui talium vsum vendit, vsurarius dicitur, & habet rationem mortalis peccati, & in quantum contra præceptum mortale iustitiæ est, quia vendit alij quod suum non est, cum iam sit translatus dominium. Vnde scriptum est: Qui pecuniam suam non dedit ad vsuram. Vsura enim in has species diuiditur. Est enim vsura in spe, cum quis non expresse contra aliquid vsurarium facit, licet speret pro mutuo se aliquid accepturum, & hac intentione dat mutuum, alias non daturus; constat, quod talis quantum ad Deum, qui cor intuetur, vsurarius iudicatur.

Luc. 6. e

Vnde Dominus: Date mutuum, nihil inde sperantes. Item est vsura non solum intentione, sed &

A opere. cum quis debitorem ad amplius obligat quoquomodo, vel tacite, vel expresse, tacite quidem mutuando speciem pro specie, ut bladum pro bladum, & huiusmodi, ut ea recipiat tempore cariori, vel dando antiquum pro nouo, ut melius recipiat innouatum, in quibus casibus vsura committitur, cum proprium commodum, non necessitas proximi ibidem attendatur. Tunc autem potest manifeste sciri corrupta intentio, cum solummodo præcluditur infra tempus, quo carius venduntur, cum quis autem huiusmodi intendit seruare, vsque ad tempus, quo venduntur carius, licet debitor in se periculum suscipiat, non tamen in creditore iudicatur vsura, si hoc faciat, ut proximo subueniat. Item tacita vsura est, cum quis ratione dilationis plus iusto vendit & accipit, & cum quis ratione mutui seruitium vel munus accipit, ut superius est expressum. Item est vsura tacita, cum quis aliquid commune habet cum aliquo, quidquid sit illud, & periculum vel damnum non sit commune. Item est vsura manifesta, cum promissum ex pacto interuenit accipiendi amplius vel etiam obligatio ex pacto ad simile mutuum faciendum.

Secundus ramus principalis auaritiæ est iniustitia occulta, quæ in contractibus multis modis contingit, scilicet vendendo, emendo, commutando. In iustitia in contractibus.

& hoc potest esse quando circa spiritualia vel temporalia, sit fraus in numero, pondere & mensura, in valore, seu in quantitate, in defectu taciturnitate, cum scilicet notabilis est defectus, & occultus rei venditæ, & tacetur, & ita care venditur, ac si non esset ibi defectus aliquis. Item notabiliter care vendendo, vel propter necessitatem ementis, vel propter solutionis dilationem, vel propter simplicitatem ementis, qui rei valorem non nouit. Item in venditione suspecta locutio, plurima, scilicet rei falsa commendatio, periurium, execratio, verborum duplicitas, seu falsitas, quæ omnino secundum, quod ad nocumentum proximi, vel deceptionem ordinantur, sic contra proximi charitatem sunt. Hoc tamen aduertendum, quod sicut supradictum est de furto, ita posset esse proximi tam modicum nocumentum, quod quantum esset de ratione contractus, non iudicaretur mortale.

Hoc tamen circa mendacium est notandum, Mendaciū. quod sicut habetur super illud Psalmi: Perdes omnes Psal. 5. b qui loquuntur mendacium. triplex est mendacium, scilicet iocosum, officiosum, quod sit propter bonum proprium, vel etiam proximi, & perniciosum, quod sit in nocumentum proximi, vel fidei detrimentum, & hoc vltimum de suo genere est mortale. Vnde cum mendacium sit in proximi nocumentum, in contractibus, patet quod habet rationem mortalis.

Hoc etiam circa periurium, & iuramentum est notandum, quod iuramentum, secundum Hieronymum, tres comites habere debet, scilicet veritatem iudicium & iustitiam. Iudicio caret iuramentum absque discretionem, & deliberationem factum. Iustitia caret iuramentum illicitum, quod est in detrimentum salutis æternæ. Veritate autem caret, cum falsum iuratur.

F Circa iuramentum etiam est sciendum, quod duplex est iuramentum, scilicet assertorium, & promissorium. Iuramentum assertorium est cum falsum iuratur, vel quod creditur esse falsum ex suo genere est mortale, & contra præceptum diuinum, de non assumendo nomen Dei in vanum. hoc autem sic intelligendum videtur, cum quis ex deliberatione peccat, & se peccare aduertit.

Circa iuramentum promissorium notandum, quod cum quis promittit per iuramentum aliquid se facturum, & deliberatiue, tenetur illud adimplere: aliter est transgressor præcepti, nisi forte ad implendum reddatur impotens, vel nisi iuramentum vergat aliquo modo contra Dei vel proximi



*Isid. de con-  
temp. mñ.  
c. de voto.*  
*Isid. de sñ.  
bo. lib. 2. c.  
31. sent. 8.*  
proximi charitatem. Dicit enim Isidorus: In malis promissis rescinde fidem: in turpi voto muta decretum. De verborum autem duplicitate & falsitate, quando fit in proximi deceptionem, & nocumentum, sicut de mendacio iudicandum videtur. Vnde dicit Isidorus: Quacumque arte quis iurauerit, Deus, qui conscientie testis est, illud accipit, sicut ille, cui iuratur.

Circa fraudes, quæ in emendo sunt, notandum, quod quandoque in venditore est simplicitas, vel necessitas: & hoc modo contingit fraus in emptore, scilicet cum res emit vilius, vel ratione simplicitatis illius vendit, vel necessitatis, vel ignorantie.

Item peccata locutionis in emptoribus frequenter inveniuntur, cum scilicet res mendaciter vilipenduntur & rationes, quæ circa venditores sunt dictæ. Et eo modo quo dictum est de venditore, sic etiam de fraude in commutationibus est similiter iudicandum.

Item, ut dictum est, non solum consistit iniustitia & fraus in contractu temporalium rerum, sed etiam circa spiritualia. Et quidem potest fieri, vel circa iudicia, & sic est fructus iniquæ sententiæ: vel circa beneficia, & sic simonia. Est autem simonia, secundum quod communiter diffinitur, studiosa voluntas emendi vel vendendi aliquid spirituale, vel spirituali annexum. & habet rationem mortalis: quia manifeste est ibi iniustitia contra Deum, cum spiritualia non possint cadere sub pretio temporali, & quia non potest quis vendere, vel emere illud, cuius non potest habere dominium, spiritualium autem non sumus Domini, sed ministri. Vnde Apostolus ait: Sic nos existimet homo, &c. Item, quia gratis accipiuntur, gratis conferri debent. Iuxta illud Matthæi: Gratis accepistis, &c. Simonia autem tribus modis committitur, & secundum hoc tres fructus habet in arbore. committitur enim a manu, ut munera corporalia conferendo pro spiritualibus obtinendis. Item munus a lingua, ut per preces carnales & iniustas, spiritualia obtinendo. Item munere ab obsequio, ut cum quis per seruitium humanum iniustum, vel inhonestum, spiritualia obtinet. Item nota alias species simoniæ, quia permutando, transigendo spiritualia beneficia absque superioris auctoritate, contrahitur simonia secundum iura. Appellatur permutatio, cum fit mutatio dignitatum, vel quorumcumque beneficiorum Ecclesiasticorum. Transactio autem est de quacumque re spirituali non gratuita pactio. Hoc autem circa materiam generaliter est aduertendum, quod spirituale dare vel accipere pro temporali, ita quod spirituale cadat sub pretio, est vitiū simoniæ. Licet autem pro labore, & pro sustentatione secundum bonas consuetudines accipere seu dare.

Item, ut dictum est, alius fructus iniustitiæ seu fraudis est ad proximum, scilicet iniusta sententia & multos fructus mortiferos habet, qui sunt, iniustitiæ peruersio siue dilatio, ordinis, iuris mutatio, falsum testimonium, iniusta aduocatio, litterarum abusus, quæ omnia habent rationem mortalis, secundum quod cedunt in proximi nocumentum, & ex radice auaritiæ procedunt, ut pecunia emergatur.

Circa quartum scilicet de iniusta aduocatione nota peccata, quæ ibi inveniuntur frequenter, scilicet iniustum parrocinium, litis prolongatio, & iuris sophistica allegatio, iniustum consilium, scilicet de mendacio, seu periurio in iudicio faciendo, quæ manifeste rationem mortalis habent, cum fiunt in proximi nocumentum.

Circa quintum, scilicet litterarum abusionem, nota etiam multa peccata, quæ committuntur hoc facto, scilicet iniusta impetratio, ut cum veritate tacita vel falsitate suggesta, litteræ ad vexationem proximi impetrantur: iniusta extensio, ut cum quis habet litteram ad aliquas personas specialiter, vel ad certum numerum personarum, vel ad certum negotium, & ultra litteræ virtutem vel tenorem, extenditur ad negotia vel personas. Item additio vel diminutio per rasuram, vel fictio, cum quis bullam subtiliter raserit, vel bullam falsam facit, in quo ultimo casu, ipso iure maiorem excommunicationem incurrit.

Secundus ramus principalis, qui ex auaritia procedit, est inordinatus amor habiti. & ex hoc ramo hi fructus procedunt, iniusta congregatio, immiseriordia, seu incompassio, restitutionis dilatio, irrecompensatio, illiberalitas. de quibus est videndum, quomodo habent rationem peccati.

Circa primum de iniusta congregatione est notandum, quod iniusta congregatio est, cum quis bona sua, seu fructus terræ congregat solo ardore habendi, vel ut carestia procuretur, & res seruata postmodum carius vendantur, & iterum pretium reponatur. Et hoc quidem rationem mortalis habere potest, dum est tibi intentio ita congregandi, nec dispergendi, loco, & tempore, sed solo ardore habendi, & luxuriandi in eis. Et hoc exemplum patet in illo diuite, de quo dicitur, quod dicebat: Anima mea habes, &c. cui responsum est: Stulte hac nocte repetent animam tuam, scilicet demones, &c. ergo manifestum est, quod faciebat peccatum mortale. Secundus fructus est immiseriordia in effectu, cum scilicet proximus in arcta necessitate videtur, & scitur hoc, & non subuenitur ei, cum tamen omnia in necessitate debeant esse communia, & tunc potest esse mortale, & secundum hoc mali iudicabuntur de defectu misericordiæ, sicut patet in Matthæo. Vnde & sic intelligit Ambrosius, ubi dicit: Pisce fame morientem, si non pauperti occidisti. Non solum autem est in præcepto proximum iuuare in datione temporalium, sed etiam in alijs actibus misericordiæ, sicut patet in Matthæo ubi supra. Tertius fructus est restitutionis dilatio. in illis enim casibus, in quibus non transfertur dominium, sicut in furto, rapina, & similibus, semper est detentor in mora, & peccat mortaliter retinendo, licet pœniteat accepisse, si tamen adsit reddendi possibilitas, vel opportunitas. Vnde & Augustinus dicit: Non dimittitur peccatum, nisi restituatur ablatum. In his autem, in quibus dominium transit in accipientem, sicut in mutuo, non est quis in mora, nisi secundum conditiones appositas, & sic posset esse tantæ conditionis transgressio in proximi læsionem, quod posset habere rationem mortalis. Quartus fructus inordinati amoris temporalium est irrecompensatio, cum scilicet quis multa bona accipit ab alijs, & ex inordinato amore temporalium, aliquid recompensare dimittit, quod manifeste est contra ius naturale. De hoc tamen secundum radicem iudicandum est, scilicet, utrum hoc ex auaritia procedat, quæ habeat rationem mortalis: qualis autem auaritia radicem mortalis habeat, dictum est. Sicut autem de irrecompensatione, ita & de illiberalitate dicendum est, cum quis non est liberalis in dando.

*Tertius principalis ramus, est concupiscentia carnis.  
Cap. III.*

Tertius ramus principalis, qui ex radice concupiscentiæ, ex trunco malæ voluntatis procedit, est carnis concupiscentia, secundum Ioannem in canonica sua, scilicet, in querendo delectationem, & vitando molestiam. Et secundum hoc in duos ramos principales iste ramus diuiditur. Primus autem ramus, qui ex questu delectationum consistit, in duos ramos diuiditur, quia quedam est delectatio pertinet ad conseruationem indiuidui per actum refectionis: alia est pertinet ad conseruationem speciei per propagationem feminis.

Quantum autem ad primum, specialiter peccatum gula consistit. Est autem gula, secundum quod habet

D 2 bet

Simonia  
quid.

1. Cor. 4.4

Mat. 10.4

Aduocatio  
iniusta.

Abuso  
litterarum.

Luc. 12.8

Mat. 25.  
Refertur  
ex Amb. d.  
86. c. pasc.

Aug. ep. 54  
ad Maced.  
post med. 20  
mo 2.

2. Ioan. 2.6

Gregor, lib,  
30. Mor. c,  
13. ante  
med.

**Gula incō  
tinentia.**

**Gal. 5. d**

## Ieiunium

*Hieron. ep.  
28. qua est  
ad Lucin.  
prope fin.*

Immode-  
stia.

bet rationem peccati mortalis, inordinatus appetitus A  
vel vsus nutrimenti, rationem subuertens, & auer-  
tens a Deo. & hoc patet in illa gula præcipue, qua  
quis præcepta Dei non timet prætergredi, vt dele-  
ctamenta ciborum sequatur, & illa in qua etiam ra-  
tio subuertitur, cum ex deliberatione, seu aduersio-  
ne rationis procedit, vt cum quis scienter se inebriat,  
vel naturam propriam grauat. Vnde Gregorius trig-  
gesimo Moralium, sic loquitur de gula dicens, quòd  
dominante gulæ vitio, omne quod egerint homines  
fortiter, perdunt. Sicut autem alia vitia sua venialia  
habent, vt supra dictum est, ita etiam gula sua venia-  
lia habet. Vbi circa actum nutritionis & desiderium B  
non est inordinatio contra Deum, nec auersio ratio-  
nis; quia tales actus non sunt quandoque in potestate  
hominis. Ex hoc autem ramo præcipue tres rami  
exeunt principales, scilicet incontinentia gulæ, immo-  
destia, & delectatio.

Circa primum scilicet de incontinentia gulæ notandum est, quòd istos fructus habet secum, anticipationem, frequentationem, & ieiunij fractionem. Anticipatio est, cum quis horam comedendi anticipat, quod potest fieri tempore ieiunij, vel alio tempore. Si autem tempore ieiunij quod est in præcepto, cum hora comedendi secundum iura, & consuetudinem assignetur post meridiem, qui horam notabiliter anticipat sine causa, sola comedendi libidine, fraudem facit, nec tale ieiunium reputatur, vt si quis forte hora tertia comederet, & sic se impleret, quòd postmodum illa die non esurirer. Qui autem fraudem facit legi, committit in legem. Vnde Chalcedonense Concilium: Nullatenus iudicandi sunt ieiunare, qui ante comedunt, quàm vespertinum celebretur officium, quod tempore Quadragesimali dicitur. Aliàs autem post nonam. Item ista anticipatio fit etiam alio tempore, vt multi qui volunt comedere statim quando de lecto exeunt, sicut bruta etiam quandoque absque aliquo appetitu ex praua consuetudine. quod est graue peccatum, & vix potest contingere, quin a radice mortali procedat. Secundus fructus est frequentia cibi vel potus, quod nisi cogat ætas, vel infirmitas, vel iusta necessitas, manifeste contra rationem est peccatum. quam prohibet Apostolus, qui ponit comeestionem inter opera carnis. De quibus dicit: Qui talia agunt, regnum Dei non possidebunt. Per quod pater manifeste, quòd aliqua comeestio habet rationem mortalis, cum scilicet procedit ex gula eo modo quo habet rationem mortalis. Quando autem habeat rationem hanc, dictum est supra. Tertius fructus incontinentiæ gulæ, est fractio ieiunij ab Ecclesia instituti, quod fit in numero, in qualitate. In numero comeestionum, pluries comedendo: in qualitate cibi, cibum vetitum comedendo, vt comedendo carnes, vel lacticiam, & huiusmodi in Quadragesima. Et de hoc ieiunio est sciendum, quòd quicumque hoc ieiunium non obseruat absque dispensatione superioris, iusta necessitate laboris necessarij, vel paupertatis notabilis, vel ætatis, vel infirmitatis, est transgressor præcepti, & sic peccatum mortale committit. Vnde Hieronymus ad Lucinium, loquens de ieiunio dicit: Vnaquæque provincia abundet in suosensu, & præcepta maiorum, leges Apostolicas arbitretur. per quod pater, ieiunium esse in præcepto.

Secundus ramus principalis gulæ, est immodestia, scilicet cum in nutriendo corpus, modus debitus non seruatur: & duos fructus habet, scilicet auiditatem, & nimietatem. Est autem auiditas, inordinata incomedendo gulositas, & est peccatum, cum motus brutales & inordinatos debeat refrenare. & potest quandoque sine peccato esse, vt cum homo non subiacet suæ potestati: & quandoque est veniale, vt cum non ita reprimat sicut decet. & potest esse mortale, si ex radice mortali procedat, sicut de frequentia.

dictum est . Secundus autem fructus immodestiz in cibo est nimietas, vt cum quis comedit in nimia quantitate, vel bibit . Ex hoc fructu nascitur corporis grauitas, & infirmitas, mentis hebetudo & cæcitas, iudicij præcipitatio, incircumspectio, ebrietas, loquacitas, inepta lætitia, & dissolutio . Circa materiam istam notandum in generali, quòd ille nimis dicitur comedere, qui vltra commoditatem naturæ comedit, & bibit, & est contra rationem, & per consequens peccatum : cum actus nutritionis sit ad conseruationem indiuidui, & per talem culpam fiat naturæ subuersio, vnde patet, quòd ibi est abusio & peccatum . Et tantum in grauamen naturæ procedere potest, si ex deliberatione fiat, quòd habebit rationem mortalis . Ex deliberatione autem dico, quia quandoque ex passione famis, vel prætextu æstimate necessitatis hoc potest fieri, quod de facili non esset iudicandum mortale . Ex hoc autem fructu, vt dictum est, est corporis grauitas & infirmitas, quæ ex nimia cibi sumptione procedit, & hebetudo mentis, & cæcitas, quæ licet magis rationem pœnæ, quàm culpæ habeant, tamen causa peccati esse possunt, cum quis ratione infirmitatis vel grauitatis carnis, iam non potest facere, nec implere id, ad quod a natura ex præcepto tenebatur . vel cum ex nimia sumptione cibi vel potus, in talem hebetudinem, vel cæcitatem, mentis incidit, quòd necessaria ad salutem non cogitat, nec diiudicat, & transgreditur, vel sententiam, vel verbum præcipitat in proximi nocumentum . Et tunc manifeste non excusatur, quin talibus possit peccare mortaliter in talium commissione, cum factus sit ineptus ad talia exercenda, dando operam rei illicitæ . Et hæc intelligo, nisi amississet totaliter rationem, vel fortè corporis potestatem, eo modo quo de ebrietate dicitur.

De ebrietate autem notandum, quòd si quis sciens  
vini vel liquoris fortitudinem & aduertens quòd  
ex eius nimia sumptione potest ebrietatem incurre-  
re, nimis fumendo, peccat mortaliter, quia scilicet  
vsu rationis se priuat, & omnium peccatorum peri-  
culis se exponit. Vnde Ambrosius in libro de Pa-  
triarchis: Vitandam discimus ebrietatem, per quam  
crimina vitare non possumus. nam quæ sobrij caue-  
mus, per ebrietatem ignorantes committimus. Et  
Apostolus\* ad Galatas inter opera mortalia ebrietatē  
connumerat. Potest tamen ebrietas contingere abs-  
que mortali, & etiam veniali, vt cum quis liquoris  
fortitudinem non agnoscit, vel liquorem inebrian-  
tem pro alio bibit, vel siti ducitur non aduertens.

Vnde & Augustinus contra Faustum, Loth de ebrietate excusat. Cum autem quis ratione ebrietatis, vel occasione, peccatum mortale ignoranter postmodum committit, si mortalis fuit ebrietas, non totaliter excusatur: tamen secundum quod ratio voluntarij diminuitur, sic peccatum excusatur a tanto, licet non a toto. Si autem ebrieras absque peccato contingit, tunc a peccato mortali excusare potest. Vnde Augustinus, Loth ebrium ab incestu excusat, dicens contra Faustum: Loth culpandus, non quantum incestus, sed quantum ebrieras meruit. *August. lib. 22. contra Faust. cap. 44. 10. 6.*

**F** Tamen cum quis ad se redierit, debet de illo peccato dolere, vt credo, & etiam confiteri: quia ad superiorem pertinet iudicare, & trum talis fuerit ebrietas, quæ peccatum valeat excusare. Item folium istius immodestix est loquacitas, quæ multa folia secum habet, scilicet multiloquium, vaniloquium, stultiloquium, turpiloquium: de quibus cum voces sint signa intellectuum, iudicandum videtur secundum rationem radicis. *Aug. ibid.*

Ultimus fructus nimiae commestionis est inepta  
lætitia & dissolutio, quæ fortiuntur rationem pecca-  
ti secundum radicem, & in aliquibus secundum scan-  
dalum, seu occasionem scandalī, quod tantum esse  
poterit, quòd habebit rationem mortalis.

### Tertius

Tertius ramus principalis, qui ex gula procedit, est A inordinata delectatio, & hos fructus etiam secum habet, scilicet: Solitudinem in quaerendo, studiositatem in præparando, multiplicatam in diuersificando, carentiam in emendo, voracitatem in sumendo, quæ rationem peccati sortiuntur secundum rationem radicis, & personarum & statuum, vel secundum quod in talibus sit ita notabilis superfluitas atque sumptus, quod pauperum indigentia, & necessitas hoc faciat habere rationem mortalis, eo modo, quo superius de prodigalitate est dictum.

Secundus ramus principalis, qui ex radice carnalis concupiscentiæ procedit, est delectatio inordinata circa actum, qui pertinet ad conseruationem speciei, ut dictum est supra, quæ luxuria appellatur, quæ quidem habet rationem peccati, inquantum repugnat rationi vel naturæ, & habet rationem mortalis, sicut patet ad Galatas, ubi inter carnis opera computatur. Hic autem ramus cum præcedenti ramo conuenienter inseritur, quia ex gula procedit, & gula ei materiam administrat, quia semen secundum Philosophum est superfluum alimenti. Sicut autem dictum est de alijs peccatis, quod motus proprii & diuersi, qui præueniunt rationem, nec adhibetur consensus, non habent rationem mortalis, sic etiam de luxuria est dicendum.

Ex hoc autem ramo tres rami speciales procedunt, qui sunt, inhonestas, carnalis affectio, & incontinentia. Inhonestas hos fructus emittit, quia est inuerecunda in verbo, in gestu, in facto, in habitu. Circa inuerecundiam hoc est aduertendum, quod licet sit passio, tamen ex vitio oritur. cum enim inuerecundia sit de turpi proprie, quia qui inuerecundus est, turpia videtur diligere. unde de ipsa iudicandum est, secundum rationem radicis. Neque enim quandoque est in potestate hominis, quando voluerit verecundari, quia huiusmodi passiones, ut frequenter complexionem sequuntur.

Circa inhonestatem in gestu, vel facto, vel verbo, sciendum, quod multum ex affectu pensantur, vel secundum quod ex hoc ratione temporis, vel loci vel personæ potest oriri scandalum, & tunc ex aliqua circumstantia, posset itam præstare occasionem scandalum, quod posset habere rationem mortalis, ut si forte persona religiosa vel posita in exemplum, choreas, vel tripudia duceret, vel si forte quæcunque in Parasceue talia exercerentur. Inhonestas autem in verbo, quæ scurrilas dicitur, de qua dicit Apostolus, Nec nominetur in vobis, ex affectu pensatur vel secundum scandalum ratione personæ, vel secundum quod verba talia alios ad malum incitant, cum & tali intentione dicuntur, & sic posset habere rationem mortalis. Ex sic etiam de choreis, & cantilenis, & lusibus, intelligendum est. Per hæc igitur, quæ dicta sunt, patet quomodo histriones, saltatrices, & tales ioculatores, qui inhonestis verbis & factis, homines faciunt delectari, non pensantes quæ verba vel facta proferant, dum tamen possint pecuniam extorquere, non sunt in statu salutis. Dare etiam talibus est in peccato fouere. Unde Augustinus super Ioannem: Dare res suas histrionibus, vitiosum est. Qui autem talia exercent officia absque inhonestate ad recreationem hominum, cum quandoque talis recreatio sit lætitia & virtus, etiam secundum Philosophum Eutrapelia nominatur, non tales damnandi, nec talibus dare iudicatur peccatum.

Circa inhonestatem habitus, notandum, quod iste fructus quattuor secum habet, scilicet superfluitatem, pretiositatem, curiositatem, & inhonestatem. Superfluitas autem consistit in duobus, numero & mensura, ut cum habentur vestes plures, vel nimis late vel defluentes. Item curiositas in veste duobus modis inuenitur scilicet in colore & modo facturæ. Inhonestas autem est cum modus facturæ, vestium impudi-

S. Bon. Tom. 7. Pars 113.

citiam prætendit, & ad malum prouocat, ut pretiosarum vestium, vel circa collum, & guttur, tale quod. Huius autem inhonestatis sunt fructus, vnctio, lotio, deceptio, compositio, multiplicatio, adinuentio, ut cum fiunt vnctiones, vel lotiones ad acquirendum colorem, vel deceptiones in mutando capillos, vel fucando caput & huiusmodi. Item compositio, ut cum nimis stricti sotulares, vel singularis modus in compositione seruat. Item multiplicatio iocalium, etiam adinuentio noui modi in talibus, quæ omnia, quomodo rationem peccati habeant, videamus.

Circa ergo hanc materiam est notandum, quod ista quattuor possunt habere rationem peccati, vel ratione peruersæ intentionis, vel contrariæ consuetudinis, vel conditionis personæ, vel temporis, vel ratione radicis possunt habere rationem peccati, vel cum ista ex superbia oriuntur, & ad inanem gloriam ordinantur, vel cum ista fiunt intentione placendi, & ad luxuriam prouocandi, & si radix mortalis sit, & ramus mortalis erit. Dicit enim Augustinus, quod non solum appetere, sed etiam appeti velle, criminofum est. Hæc etiam ratione consuetudinis contrariæ possunt habere rationem peccati, ut cum quis quærit habitum, qui consuetudini terræ non congruit, vel vnguentis vititur, vel modo ornat, & incedit in scandalum proximorum, ut si vir veste muliebri vteretur, & econuerso, & huiusmodi. Et ita talibus tanta posset dari occasio scandalum, quod posset iudicari mortale. Vnde Augustinus tertio confessionum: Consuetudo vel lex terræ, nulla cuius vel peregrini libidine violetur. Item ratione conditionis personæ, quia aliud decet clericum, & personas ecclesiasticas, vel prælatum & religiosum; aliud personas laicas, aliud diuitem, aliud pauperem, aliud viduam, aliud coniugatam. In hoc etiam potest contingere ratio peccati, secundum quod quælibet persona suum statum, in aliquo prædictorum excedit, ut si forte tot paria vestium velit habere burgensis aliqua, quot regina, & sic de alijs. Vnde sic potest in talibus excedere statum suum, quod oportet concludi, quod ex aliqua mala radice procedat, & quod vergat in scandalum proximorum. Quarto ratione temporis, ut cum quis vititur talibus, & talia multiplicat tempore necessitatis pauperum, & cum tanta est caristia, quod pauperes arctam indigentiam pariantur, quod deberent pauperibus erogari, quæ in talibus superfluitatibus expenduntur: & tanta posset esse ex vna parte superfluitas, & ex alia tanta indigentia, quod posset habere rationem mortalis eo modo, quo dictum est de prodigalitate.

Secundus ramus principalis luxuriæ est carnalis affectio, quæ duobus modis contingit vel secunum quod aliquis ad carnem suam, seu corpus inordinate afficitur, vel etiam ad alium. Primum autem istorum, cura carnis vocatur, de qua dicit Apostolus: Curam carnis ne feceritis in desiderijs. Huius autem rami sunt multi fructus, secundum diuersa opera, in quibus consistit carnalis delectatio, & secundum hoc est mollietas in vestibus, in culcitrīs, in lineis, in sedilibus, & in lectis quies corporis. Item sollicita cautio aduersitatis, vel frigoris, caloris, famis, & huiusmodi, & ista licet de se non habeant rationem mortalis, tamen circa ista tanta potest esse sollicitudo, quod ista præponuntur amoris diuini, vel aliquod diuinorum præceptorum omittitur, vel aliquid contra Deum fit, ut talia habeantur. Item carnalis affectio quandoque habetur, ut cum quis rationem eorum, quæ ad carnem pertinent, inordinat diligit, potest carnalis affectio nuncupari. In hoc autem potest esse duplex excessus, scilicet in affectu, & effectu. In affectu autem potest esse duplex, vel secundum quod caro sonat in naturā, secundum illud Apostoli: Carnem suam nemo odio habuit,

D 3 vel

Aug. epist. 109. de regul. monach. cir. mo. 10.2.

Aug. lib. 9. confess. c. 8. non longo a princ.

Carnalis affectio.

Rom. 13. d

Eph. 5. g

vel secundum quod sonat vitium, secundum illud: *1. Cor. 15. f* Caro & sanguis, regnum Dei non possidebunt. Primo modo quando est excessus in diligendo filios vel parentes, ut cum amor creatori præferatur, ut si quis Deum offendere magis eligeret, quam amorē talium amittere, vel eorum quodcumque detrimentum videre, quod esset peccatum mortale secundū verbum Domini, dicentis: Qui amat patrem, aut matrem, aut filios plus quam me, non est me dignus. Est autem alius amor carnalis, secundū quod caro sonat in vitium, qui ex corruptione carnis nascitur, ut cū quis ad aliā personā sic quādoque afficitur, quod licet in actu peccati consensus non interueniat, tamen ad actum illum talis affectio aliquāliter ordinatur, quod ex eius fructibus comprobatur, cum scilicet ex mutua colloca-  
*Mat. 10. d* tione, vel societate, vel aspectu vel visu, carnis stimuli oriuntur. Constat autem secundum Apostolum, quod si rami sint mali, & radix etiā mala erit. Hoc etiā patet, quod habet rationem peccati, quia ex tali affectione ratio amittit dominium, & voluntas etiā rationem quandoque sequi non potest, tali affectione ligata, cum scilicet affectus trahatur ad cogitandum de re amata, nec sit in potestate eius cogitationem dimittere. Insuper & ad Dei delectationem eleuari non potest, tali affectione depressa. Insuper & quandoque corporis detrimentum incurrit. Cum igitur aliquis sic scienter inebrians, quia vsum & potestatem rationis voluntarie amittit, & in corpus propriū peccat, quia ex hoc deterioratur in corpore; multo amplius videtur, quod qui in talem affectionis seruitutem se scienter iniicit, cum non ita cito sicut ebrietas transeat, peccat mortaliter. Vnde & hoc videtur dicere Augustinus in Speculo, cum de talibus dicit, secundum concupiscentiam carnis alterutro delectantur ardore, & intactis etiā ab immunda violatione corporibus, fugit castitas ipsa de moribus. Sicut autem supra dictum est, quod quandoque ebrietas rationem mortalis non habet, cum aliquis fortitudine vini, vel condicione decipitur non aduertens: sic & si quis per contubernium personæ alicuius in talem affectionem incidat non aduertens, non iudicet peccatum, immo potius passionem. Si inde aduertens, affectionis periculum sonet, affectionem & nutrit, iam in talem affectionem consentit. Si autem aliquis talem affectionem sentiret & semper displiceret eidem, aut si esset vrgens necessitas, vel magna utilitas conuiuendi, vel colloquendi, vel consolandi personas huiusmodi, non crederem iudicandum mortale, nisi per talem affectionem sentiret in se notabile spiritualium detrimentum. Et si forte talis esset persona, quam oporteret actus spirituales exercere, & per hoc impediretur, ne posset implere officium competenter, tunc licet in societate personæ illius posset sequi utilitas, tamen ex ordine charitatis tenetur occasionem vitare, cum damnum suum magis quam alterius vitare teneatur.

Item ex affectione carnali in effectu oritur acceptio personarū, & peruersio ordinis charitatis, & fauor mali. Circa primum, scilicet de acceptione personarum, notandum, quod acceptio personarum est, cum alicui personæ aliquid utilitatis impenditur, cum tamen illud idem faciendi alteri, maior ratio inueniatur, & hoc quidem ex affectione inordinata oritur & contra legem, iuxta illud: Non accipietis cuiusquam personam. Hæc acceptio personarum quadruplicem fructum habet, quia in beneficijs, electionibus, honoribus, & iudicijs. In beneficijs est dupliciter, ut cum dantur beneficia Ecclesiastica, vel temporalia. Circa collationem beneficiorum Ecclesiasticorum, tunc intelligo acceptionem personarum habere rationem mortalis, cum beneficium Ecclesiasticum alicui indigno confertur, scienter dignis postpositis, siue sit intuitu consanguinitatis, vel etiā beneficij temporalis, vel affectionis spiritualis. Similiter autem

A & diuitem eligere ad dignitatem Ecclesiæ, contempto paupere instructiore. Vnde Augustinus super illud: Nolite in personarum acceptione, &c. Quis, inquit, ferat, si quis diuitem eligat ad sedem honoris Ecclesiæ, contempto paupere instructiore & sanctiore? Si autem sint temporalia beneficia, sic in eis potest esse personarum acceptio mortale peccatum, in necessitatis articulo, quando quis tenetur beneficium cōferre ex præcepto, & cum datur beneficium illi, qui non indiget, ratione particularis amoris, & ille qui est in arcta necessitate contemnitur. In his autem, in quibus non tenetur quis dare, non cadit acceptio personarum secundum illud Matthæi: Aut non licet mihi, quod volo facere?

B Circa tertium, scilicet de acceptione in honoribus est notandum, quod cum quis solum ratione diuitiarum honoratur absque ratione virtutis vel status, peccatum est, secundum illud: Quicumque diuitem propter diuitias honorat, peccat. In hoc autem posset habere rationem mortalis, ut si quis pauperes sanctos contemneret, nec eis ratione sanctitatis honorem præstaret, nec aliquem, nisi diuitem vel potentem honorare vellet, cum secundum Philosophum, honor non sit aliud quam testimonium virtutis.

C Circa quartum hoc notandum videtur, quod qui sic personam in iudicio accipit a vero iudicio deuiando, manifeste facit contra iustitiam, & proximi charitatem, & ita non est dubium, quin peccet mortaliter, vnde & contra legem est, quæ dicit: Non accipies personam, ut a vero iudicio deuias.

D Circa secundum principale, quod ex affectione carnali oritur, scilicet de peruersione ordinis charitatis, hoc primo notandum est, quod charitas ordinata esse debet, secundum illud: Ordinauit in me charitatem. Quattuor autem sunt secundum charitatem diligenda per ordinem, scilicet Deus, nos, proximus, & corpus nostrum. Hic autem ordo est necessarius ad salutem respectu bonorum spiritualium scilicet: quod amor alicuius creaturæ Deo nullatenus præferatur. Item quod non faciat aliquis peccatum propter dilectionem proximi. Item quod corpus proprium non tantum diligat, quod ex hoc aliquo modo peccatum vellet committere. Item quod salutem proximi, proprii corporis dilectioni præponat.

E Tertius fructus affectionis carnalis est fauor mali, & hoc fit multis modis, quandoque enim ex familiari amore contingit, quod peccatum alterius dissimulatur, & secundum hoc est incorrectio, consensus, procuratio seu adiutorium, & communicatio in casu illicito.

Circa primum notandum, quod correctio proximi est omnibus in præcepto, cum tamen scitur vel creditur, quod correctio peccatum impediatur, quod alias fieret. Et licet sit omnibus in præcepto, illis tamen præcipue, quibus incumbit ex officio, ut sunt Domini, Principes, Prælati, & magis in hoc peccare possunt. Quod autem correctio sit omnibus in præcepto, patet per Augustinum de verbis Domini: Si negligis corrigere, peior factus es eo, qui peccauit.

F Item procuratio peccati est consensus in peccatum, & adiutorium quodcumque, & participatio, si sint respectu peccati mortalis, erunt eiusdem generis secundum Apostolum dicentem: Qui talia agunt, digni sunt morte: non solum qui talia agunt, sed etiam qui consentiunt facientibus.

Tertius ramus carnalis concupiscentiæ est, ut dictū est, incontinentia, quæ præcipue circa actus venereos consistit. Ex hoc ramo procedit, turpis imaginatio, motus carnalis, delectatio simplex, & morosa, aduersio periculi, consensus in delectationem, & consensus in opus, & deinde fructus operis malus. Circa materiam istam notandum est, quod in consensu in delectationem primo mortalis ratio inuenitur. Sicut enim

*Jacob. 2. a*

*Mat. 20. b*

*Glossa in  
terlin. in  
Jacob. c. 2.*

*Arist. lib. 10  
Rhet. c. 5.*

*Deut. 16. d*

*Cant. 2. a  
Ordo cha-  
ritatis.*

*Correctio  
proximi.*

*August. de  
ver. Dom.  
ser. 16. an-  
te med. ro-  
mo 20.*

*Rom. 1. b*

*Acceptio  
personarū*

*Deut. 1. c*



*Aug. de gē. cont. Mani ch. lib. 2. c. 14. fo. 1. in sensu.*

enim dicit Augustinus: Si mente delectatio teneatur, & voluntate, cum aduersione periculi, & in delectationem huiusmodi consentit, etiam si in opus extrinsecum non interueniat consensus, nihilominus est mortale peccatum, & propter hoc totus homo damnabitur. De consensu autem in opus mortale, quin habeat rationem mortalis, non est dubium. fructus autem operis per quinque sensus distinguitur scilicet in auditu, visu, odoratu, loquela, & tactu. In auditu autem, multiplex contingit peccatum luxuriæ, prout luxuria in inordinatam delectationem ducit: scilicet in curioso auditu rumorum, instrumentorum musicorum, cantilenarum scurrilium, & verborum inhonestorum: quæ omnia videntur iudicanda secundum habitum, quo quis mouetur ad audiendum talia. scilicet secundum conditionem radicis. Visus etiam inordinatus pestiferos fructus habet. Aspectus pulchritudinum, & visus delectabilium, cum inordinatione delectationis, & curiosus aspectus mulierum. Item aspectus, signa, & nutus. Item aspectus factorum impudicorum, & mortuum, seu carnaliū peccatorum,

*Aug. Regn. la. serm. 5. 22. fo. 1. c. ep. 109. de reg. monach. cir. med. 10 mo 2.*

de quibus dicit Augustinus in Speculo: Nec dicatis vos habere animos pudicos, si habeatis oculos impudicos: quia impudicus oculus, impudici cordis est nunciatus. Et cum sibi mutuo aspectu corda nunciant, impudica, & alterutro delectantur ardore, intactis ab immunda violatione corporibus, fugit castitas ipsa de moribus. Secundum hoc igitur, satis potest patere, quoniam inordinati aspectus possunt habere rationem mortalis, cum scilicet ex malo consensu, periculum graue & probabile peccati mortalis, in se vel in alio aduertitur ex aspectu. Quoniam secundum

*Eccli. 3. d*

Sapientem: Qui amat periculum, in illo peribit. De odoratu autem iudicandum est secundum conditionem radicis. De loquela autem secundum quod ex carnali concupiscentia oriri videtur, multi prodeunt fructus scilicet scurrilitas, de qua iam dictum est, cum de inhonestate verborum fecimus mentionem. Item incitatio, prouocatio ad peccatum, verbo vel scripto, vel nuncio. Item attractio per verba dulcia, quæ affectu pensantur.

*Peccata tactus.*

Circa tactū hoc aduertendū videtur, quod in tactibus multiplex peccatū inuenitur, secundū quod loca circa quæ tactus contingit, habent maiorem inhonestatem, & magis possunt ad luxuriam prouocare. Vnde de hoc circa istam materiam est tenendum, quod libidinosi tactus, & oscula absque etiam consensu in opus carnale, habent rationem peccati mortalis, secundum quod in eis oritur delectatio carnalis voluntarie,

*Ephes. 5. a*

& deliberatiue. Vnde super illud, Fornicatio, & omnis immundicia, &c. dicit Glossa: In oculis & amplexibus, de quibus dicit Apostolus ibidem, quod non habent hereditatem in regno Christi, & Dei. Hic autem tactus distinguitur, quia vel fit in personam propriam vel in aliam, & eodem modo habet rationem peccati. Cum tactu autem ponitur corruptio carnis, quæ pollutio dicitur, quæ duobus modis contingit. aut per actum tactus, seu imaginationem delectationis morosæ, aut per actum carnalem. Si primo modo per tactum vel imaginationem, hoc contingere potest dupliciter. Aut dormiendo, aut vigilando. Circa pollutionem in somno hoc breuiter est notandum, quod talis pollutio secundum se non habet rationem peccati, eo quod tunc liberum arbitrium vinctum sit scilicet per comparisonem. Potest autem contingere ex superfluitate cibi vel potus, vel ex turpi imaginatione in vigilia præcedente. Quod si causa mortalis fuit, puta quia vigilando consensit, vel actum gulæ mortale exercuit, secundum hoc pollutio est signū grauioris, & tunc dicitur circumstantiæ sunt in confessione notandæ vel dicendæ. Cum autem talis pollutio illusionē diaboli, vel debilitate retentiue, vel virtute exclusæ contingit, nec adest complacentia, non habet rationem peccati. De pollutione autem vigilan-

*De pollutione.*

do sic distinguitur, quod si est procurata per tactum, vel imaginationem voluntariam quoquomodo, vel per auditum, vel visum, vel motum: omnis enim talis resolutio si sit procurata, vel si consensus interueniat, est mortalis quocumque modo. Et si semen extravas naturale voluntarie emittatur, habet rationem mortalis peccati, quod etiam contra naturam est. Si autem in tactu sit sexus mutatio, etiam grauissimum est peccatum, & talia peccata nec nominari debent, & ignominiosa dicuntur. Potest etiam huiusmodi pollutio contingere per actum carnalem, & hoc dupliciter, quia vel per actum matrimonialem, vel per actum mœchiæ. In actu autem matrimoniali potest contingere deordinatio in modo, in tempore, & in causa. In modo quidem peccatum est, cum modus, qui naturæ non congruit inuenitur. In tempore autem, cum tempore menstruorum debitum exigitur, quod est contra legem, si scienter fiat est peccatum, mortale. Item cum tempora orationi, honestati, & festiuitatibus sanctorum deputata, non obseruantur, quod tamen mortale non dico. Item in causa, cum in actu huiusmodi non proles, sed carnis delectatio quæritur, quod licet excusetur per matrimonium, tamen posset habere rationem mortalis, si vique ad hoc inordinatio extendatur, quod imaginando alienam mulierem cognoscat propriam, vel si eo affectu cognoscatur, quod etiam si vxor propria non esset, vellet nihilominus delectationem complere. Si autem per actum mœchiæ talis inordinatio compleatur, secundum hoc, huiusmodi peccati sex species distinguuntur. Simplex fornicatio, solutus cum soluta. Adulterium, ligatus cum ligata, vel altero ipsorum ligato. Stuprum in defloratione virginum. Raprus, qui consistit in violenta mulieris cognitione. Item, incestus, qui est cum cognoscitur consanguinea vel affinis. Item sacrilegium, cum scilicet Deo dicatæ virgines vel viduæ cognoscuntur, vel in sacro loco talia exercentur, de quibus omnibus pertranseundum iudico, cum absque hæsitacione habeant rationem mortalis.

Secundus ramus principalis, qui ex carnis corruptione contingit, vt dictum est supra, est inordinatio in euitandis aduersis, & ex hoc ramo procedit vitium capitale, quod acedia nominatur. Est autem acedia secundum actum proprie, vt est vitium capitale & capitale, tristitia quædam aggrauans, quæ ita deprimit animum hominis, vt eidem nihil agere libeat, & maxime bonum aliquod spirituale. Habet autem rationem peccati mortalis, in quantum quis per talem tristitiam bona spiritualia deuitat deliberatiue, nec placent ei: quod frequenter ex carnis corruptione procedit, in quantum scilicet aliquis curam carnis agens, spiritualia refugit, carne contra spiritum dominante. Vnde a beato Gregorio 31. Moralium inter capitalia vitia computatur. Sicut autem de alijs est prædictum, non quælibet acedia, nec quilibet motus acediæ, habet rationem mortalis, sed oportet, quod ex deliberatione procedat. Ex hoc ramo procedunt secundum Isidorum de summo bono, & secundum Gregorium 31. Moralium, alia vitia, quæ sunt pusillanimitas, torpor, euagatio mentis, instabilitas corporis, tristitia cordis, & desperatio.

Circa primum, de pusillanimitate sciendum, quod ille pusillanimis dicitur, qui animum pusillum habet ad exequendum bona opera, quæ facilius operari posset. Vnde sicut præsumptio habet rationem peccati, quia per eam tendit homo ad ea, quæ eius potestatem excedunt: ita & pusillanimitas est peccatum, dum recusat tendere in illud bonum, quod commensuratum est suæ personæ. Et inde est, quod seruus qui accepit pecuniam Domini sui & fodit in terra, nec operatus est ex ea propter quendam pusillanimitatis timorem, punitur a Domino, vt patet in Matthæo & in Luca. Habet autem pusillanimitas rationem mortalis, cum

*Acedia quid.*

*Gregor. lib. 31. Mor. 6. 17.*

*Isid. lib. 22. de sum. bo. c. 37. sct. 2.*

*Pusillanimitas quis.*

*Luc. 19. d. Mat. 25. 6*

*pusil-*



pussillanimitate dimittuntur necessaria ad salutem, ut diuina præcepta. Posset nihilominus habere rationem mortalis in casu, ut si quis detrimentum fidei vel damnum proximi spirituale, vel etiam temporale ex pussillanimitate defensionis, prædicationis, vel correctionis dissimularet. Vnde Gregorius in pastoralis dicit, quod illi, qui prodesse utilitati proximorum refugiunt, si districte indicentur ex tantis rei sunt, quantis, venientibus ad se, prodesse potuerunt.

*Greg. Past.  
ant. par. 1.  
c. 5. prope  
s. in sensu,  
Timor.*

Ex ramo autem pussillanimitatis procedit timor seruilis, humanus, & mundanus, qui eodem modo, sicut de pussillanimitate dictum est, sortiuntur rationem peccati. Est autem timor seruilis, cum quis ut seruus dimittit malum facere, non propter dilectionem, sed propter pœnæ timorem. Timor autem humanus dicitur, cum quis parcens carni suæ, spiritualia bona refugit, quæ carnis delectationibus aduersantur. Est autem timor mundanus, cum quis propter timorem mundi, personæ scilicet alicuius, dimittit bonum facere solummodo. Primus autem timor semper cum mortali peccato est, scilicet cum quis peccatum dimittit facere solummodo ratione pœnæ. Secundus autem timor & tertius habent rationem mortalis, cum propter huiusmodi necessaria saluti dimittunt.

*Torpor.*

Circa secundum de torpore notandum est, quod tunc quis torpere dicitur, cum ad bene operandum inuenitur inefficax, sicut aquam tepere, seu tepida esse dicitur, cum non est efficax caloris. Vnde tibi in Apocalypsi dicitur: Utinam esses calidus, aut frigidus, sed quia tepidus es, incipiam te euomere de ore meo. & talis torpor ex displicentia boni videtur procedere, quæ tanta esse poterit, quod erit cum peccato mortali, ut cum quis palatum animæ sic corruptum habet, quod in nullo bono spirituali complacentiam inuenit, & propter hoc quidquid boni facit, tepide & indeuote facit. Vnde ex hoc ramo procedit negligentia, cum quis negligit facere quod debet, vel si forte illud facit, quod absque diligentia facit. Et secundum hoc dupliciter potest habere rationem mortalis. Vno modo si dimittantur per negligentiam necessaria ad salutem. Alio modo, ut si forte talia fiant, sic cum contemptu fiunt, quod quoquo modo fiant, non curant omnino. & sic intelligitur illud: Qui negligit vitam suam, mortificabitur.

*Præf. 19. c.*

*Omissio.*

Ex hoc autem ramo negligentiae multi fructus oriuntur, scilicet omissio, ignorantia, obliuio. Circa omissionem sciendum, quod multiplex est omissio, quæ multipliciter habet rationem peccati. Est enim omissio boni propositi, voti promissi, iuramenti debiti, utilium salutis. Circa omissionem boni propositi notandum, quod habet rationem peccati, secundum rationem radicis, seu causæ, nec enim de se habet rationem mortalis, nisi fuerit propositum boni necessarij ad salutem.

*Voti quid.*

Circa secundum scilicet de omissione voti sciendum, quod votum est conceptio melioris propositi, animi deliberatione firmata. & talem promissionem absque causa vel dispensatione debita omittere, habet rationem mortalis. Vnde David: Vouete & reddite, ubi dicit Glossa, quod vouere est voluntatis, & reddere est necessitatis.

*Psal. 75. b.*

*Promissio.*

Circa tertium, scilicet de omissione promissi notandum, quod promissum non complere, quando est simplex promissio, nisi compleatur, peccatum est: nisi ad sit impedimentum legitimum, vel iusta causa dimittendi promissum, habet autem rationem peccati eo modo quo & mendacium. Tunc enim impletur mendacium, cum non impletur promissum. Patet igitur, quomodo potest habere rationem mortalis. quoniam sicut mendacium, quod in damnum vergit alterius, habet rationem mortalis: sic & frustrare promissum cum damnificatione alterius, ut si forte aliquis promittat adiutorium alicui, in prosecutione alicuius negotij, & postmodum ille succumbit, vel no-

tabiliter damnificatur in negotio propter defectum promissi. Item circa hoc sciendum est, quod secundum iura est promissio, secundum quam competit actio in iure illi, cui sit promissio, ut cum quis facto vel verbo, vel fide præstita coram bonis, se obligat ad implendum promissum, & tunc secundum iustitiam promissum tenetur implere. Aliter directe faciendo contra iustitiam, peccatum mortale committeret. In promissis autem, quæ vergunt in detrimentum salutis, non obligatur quis. Vnde Isidorus: In malis promissis rescinde fidem: in turpi voto, muta decretum. De omissione iuramenti, hoc idem dicendum, quod sicut qui in iuramento assertorie peierando, peccat mortaliter, si hoc deliberatiue faciat, & se iurare aduertat; ita etiam, qui iuramentum promissorium frangit sine causa, idem genus culpæ incurrit.

*Isid. de con  
somp. mun.  
post med.*

Circa omissionem vero iniuncti notandum est, quod penitentiam iniunctam a discreto confessore, contemnere, & sine causa aliqua dimittere, absque dispensatione, videtur habere rationem mortalis. Vnde Augustinus in epistola: Nihil aliud agit, qui vere penitet, nisi ut id quod male fecerat, impunitum non sinat.

*Pœnitentia  
iniuncta.*

*Aug. ep. 54  
ad Macch.  
longe ante  
med. 10. 22.*

Circa omissionem debiti hoc est notandum, quod homo debet aliqua de iure naturali agere, & facere alij, quod sibi vult fieri. Aliqua de iure diuino, ut præcepta decalogi. Aliqua de iure positiuo ex præcepto, ut semel in anno cõfiteri proprio sacerdoti, id est illi, qui potest absolvere, & semel in anno, scilicet in Pascha communicare, nisi ex causa legitima dimittatur: & ille qui est in sacris ordinibus constitutus, vel beneficium habet Ecclesiasticum, tenetur ad horas canonicas ex præcepto. Circa primum autem & secundum, scilicet de omissione iuris naturalis & diuini, in prosecutione prædictorum dictum est.

*Debitum.*

De transgressionem seu omissionem eorum, quæ ad ius positiuum pertinent, hoc sciendum est, quod qui ius positiuum scienter omittit, si id ius sit præceptorium, inobediens est, & peccat mortaliter. Vnde illa quæ ad ius positiuum pertinent, & habent rationem præcepti, dimittere, peccatum mortale iudicatur. De his vero, quæ ad officium diuinum specialiter pertinent, est notandum, quod in hoc multipliciter peccatur, scilicet dicendo officium inattente, indeuote, extra horam, corrupte, & diminute. Inde tamen non facile est iudicandum mortale, nisi hoc pronentiat ex contemptu. Simpliciter autem dimittere officium in ordinato in sacris, in religioso clerico, & professore, in beneficiato in ecclesia, mortale communiter iudicatur.

*Officium  
diuinum.*

Circa omissionem utilium ad salutem, hoc notare possumus, quod quilibet utilia salutis tenetur quærere, maxime illa sine quibus non potest habere quis cogitationem illorum, quæ sunt necessaria ad salutem. Vnde maximum est, quod ille qui sermones & monitiones, & societatem bonorum euitat hac intentione, ne scilicet hac occasione moueatur ad bonum, vel ut cognitionem eorū non habeat, quæ necessaria sunt salutis vel utilia, resistit Spiritui sancto & gratiæ Dei, & ex hoc mortaliter peccat, utpote qui suam salutem contemnit.

Secundus ramus, qui ex negligentia procedit, ut dictum est, est ignorantia, secundum quod potest habere rationem peccati. Nulla enim ignorantia potest habere rationem peccati, nisi ex negligentia oriatur. Vnde Augustinus de natura & gratia: Non tibi deputatur ad culpam, quod inuitus ignoras; sed quod negligis quærere, quod ignoras. Vnde qui de salute sua diligens est, per ignorantiam damnari non potest: quia si in eo ignorantia esset, inuincibilis esset, quæ excusat omnino. Ignorantia igitur quæ peccatum est, ex negligentia oriatur. quæ multiplex potest esse scilicet ignorantia iuris & facti.

*Ignorantia*

*Aug. de na  
tu. & grat.  
c. 67. cir. f.  
10. 7.*

Circa ignorantiam facti, notandum, quod tunc dicitur esse facti ignorantia, quando aliquis facit factum

*Ignorantia  
multiplex.*

Autum malum ex genere, & ignorat, quod tale factum faciat, de quo tamen nouit, quod peccatum est, ut si quis credat interficere feram, & interficiat hominem, vel credit cognoscere suam, & cognoscit non suam. In hoc casu secundum modum negligentie, potest ibi esse peccatum. Si enim in hoc casu non apponit aliquam diligentiam, quam debet, ita poterit esse crassa negligentia, quod non excusabit a peccato. Vnde Lamech, qui putauit occidere feram, & occidit Cain, non excusatur.

Gen. 4. d

Circa ignorantiam iuris nota, quod est ius naturale, diuinum, & posituum. Circa ignorantiam iuris naturalis nota, quod nullus excusatur, quin peccet, faciendo contra legem naturalem. Hoc autem ius naturale, seu lex naturalis appellat illud, ad cuius cognitionem potest homo per naturalia attingere. Constat enim, quod qui tale quid ignorat, hoc ei ex negligentia contingit.

Circa ignorantiam iuris diuini, scilicet mandatorum decalogi, & articulorum fidei, notandum est, quod hæc ignorantia est mortalis, quia in potestate cuiuslibet est hoc scire, & a lege naturali deriuatur.

Circa ignorantiam iuris positui, notandum, quod quilibet illa, quæ pertinent ad officium suum, & de iure positio sunt, scire tenetur, & talium ignorantia est mortalis. Hic distinguendum videtur. Quædam enim sunt iura præceptoria, quædam monitoria, quædam consultatoria. Vnde de iure præceptorio, hoc intelligo, sicut dictum est supra de iure positio, ubi de omissione diximus. Licet autem, ut dictum est, naturalis iuris ignorantia, seu etiam iuris alterius non excuset: tamen si contingat, aliquem multa peccata per ignorantiam commisisse, quorum non potest in modico tempore habere notitiam; in modico tempore possunt per contritionem generalem dimitti, sicut alibi diffusius tractari habetur.

Conscientia

Item ex ramo ignorantie procedit error conscientie, & eius transgressio & perplexitas & discrimen. Est autem error conscientie, cum conscientia dicat aliquid faciendum, ad quod non tenetur quis, vel quod facere non est peccatum. Qui enim facit contra conscientiam, secundum Gregorium, ædificat ad gehennam: & si sit conscientie iudicium, quod ommissio aliqua, vel transgressio sit mortalis, peccat mortaliter dimittendo. Cum autem conscientia dicat aliquid faciendum necessario, quod tamen peccatum mortale est, mortaliter peccat dimittendo, & nihilominus faciendo, & tunc perplexitas est manente conscientia, quæ tamen dimitti potest & debet. Tunc autem discrimini se quis exponere dicitur, cum aliquid timet & dubitat esse mortale, & tamen id facit, & tunc etiam mortaliter peccat, quia discrimini se exponit. Hæc autem dicta sunt, ut frequenter, ex negligenti discussione conscientie procedunt, quæ negligentia tanta, esse poterit, quod mortalis erit, sicut de ignorantia iam dictum est.

Obliuio.

Tertius ramus, qui ex acedia procedit, est obliuio, quæ in duos ramos diuiditur. Est enim obliuio peccatorum, & beneficiorum Dei, & hominis, ex qua ingratitudo oritur & indeuotio. Circa obliuionem peccatorum est notandum, quod peccata propria obliuisci ex negligentia, est peccatum, cum quis teneatur conteri & confiteri de peccatis suis, quod non potest facere, si obliuioni tradantur. & tanta circa hoc poterit esse negligentia, quod habebit rationem mortalis, sicut de ignorantia est prædictum. Item beneficia Dei obliuisci, nec considerare, & sic Deo esse ingratum, mortale est. Vnde bene in quodam sermone de talibus dicit Bernardus: Quantos videmus quæsi oblitos sui, & peccatorum suorum, Dei quoque & beneficiorum eius immemores, sic non redimere, sed amittere tempus, ut de moribus & affectionibus suis vltima apud ipsos vix mentio fiat?

Ber. serm. contra ingratitudinem circa mod.

Vltimus ramus, qui ex acedia procedit, est om-

nium pessimus, scilicet desperatio. quia quis peccatorum suorum immanitatem considerans, & de Dei misericordia diffidens, laxat frenum peccatis. Et hoc quidem grauissimum est peccatum, quod dicitur in Spiritum sanctum, de quo dicit Dominus: Non remittetur in hoc sæculo, nec in futuro. *Matth. 12. d.*

Peccatum in Spiritum sanctum.

Non quod non possit dimitti, sed quia vix dimitti potest, vel quia ibi non est color excusationis, qui locum præstet diuinæ misericordiæ. Hoc autem peccatum conuenienter ex acedia oriri dicitur, quia ut dictum est, acediosus complacentiam aliquam in bono non inuenit, & ideo a bono opere se subtrahit, spes autem ex merito operis prouenit.

Hic vero circa peccatum in Spiritum sanctum notandum est, quod huius peccati sex species a Sanctis assignantur, scilicet, desperatio, de qua dictum est.

Item præsumptio, cum quis in tantam prorumpit infaniam, quod non cogitat iustitiam in Deo esse, sed quicquid faciat, ad gloriam sui prouenire credit.

Impenitentia, cum quis proponit, quod numquam penitebit de peccatis suis. Et iuxta hunc rationem est alius, qui licet non dicatur peccatum in Spiritum sanctum, tamen peccatum mortale est, scilicet cum quis se cogitat esse in mortali peccato, & in offensa diuina, & non statim penitet, sed adhuc remanere in peccato intendit.

Quarta species peccati in Spiritum sanctum est, obstinatio, cum quis sic malo adhærere intendit, quod nulla persuasione vel timore redire ad bonum intendit.

Quinta est impugnatio veritatis agnitæ, scilicet, cum quis impugnat fidei veritatem, ut licentius peccet.

Sexta est inuidencia fraternæ gratiæ, cum quis in tantam prorumpit malitiam, quod gratiam Dei multiplicari in mundo & fidem crescere, videre non potest. Hæc autem peccata in Spiritum sanctum dicuntur, quoniam licet contra totam Trinitatem sint, tamen sunt præcipue contra bonitatem diuinam, quæ Spiritui sancto appropriatur, sicut potentia Patri, sapientia Filio. Dicitur enim quis peccare in Patrem, cum peccat ex infirmitate. In Filium cum peccat ex ignorantia. In Spiritum sanctum, cum peccat ex malitia, quod habet magis rationem peccati. Soli peccant in Spiritum sanctum, qui impenitentes existunt vsque ad mortem. Spiritus enim sanctus charitas est diuinitatis, est amor genitoris & genitæ veritatis, qui suam gratiam nobis tribuit, sui ipsius harram. Qui igitur peccat, & gratiam suam recuperare non amat, & numquam curat ab eo diligi, qui totus est amor, & charitas, nec ad illud tendit, vnde sumpsit harram in Spiritum sanctum peccat, & numquam post mortem, sicut neque viuens, consequetur veniam. Sicq. nullus peccat in Spiritum sanctum, qui fugit ad ipsum. Ecce radicem arboris malæ, truncum, ramos cum folijs, & fructibus plenis veneno mortifero, secundum intellectus mei paruitatem descripsi. sed sicut Dauid cum dicebat: Delicta quis intelligit, &c. Neque enim peccatorum grauitatem, & conditionem me scire suppono. Vnde & si quid in hoc opusculo scriptum lector inueniat, quod ei scrupulum dubitationis ingerat, peritiores medicos consulat, qui securius sibi arboris fructum, & ipsius periculum valeant indagare. Neque intentionis meæ est, hic aliquid temere asserere, vel alicui præiudicium generare. Ut autem ea quæ dicta sunt planius innotescant, ipsa breuiter recapitulo eo modo, & ordine, quo sunt in arbore describenda.

Peccare in Patrem, Filium, &amp; Spiritum sanctum quid sit.

Epilogus dictorum.

Psal. 18. b

Epilo-

*Epilogus prædictorum, ubi arbor describitur.*  
Cap. IIII.

1. Tim. 6. b

**R**ADIX malæ arboris est cupiditas, secundum Apostolum. Ex qua truncus malæ voluntatis procedit, qui incipit in imaginatione mala, & procedit in mala & morosa delectatione, & consummatur in malo consensu: qui duplex est, scilicet consensus in delectationem, & in opus.

Sunt aliquæ circumstantiæ, quibus aggrauatur peccatum, quæ in hoc versiculo continentur.

*Quid, quis, ubi, cum quo, quotiens, cur, quomodo, quando.*

Superbia.

Ex præmissa radice concupiscentiæ triplex ramus procedit, scilicet concupiscentia honoris, concupiscentia oculorum, & concupiscentia carnis.

Ex primo ramo hi rami procedunt, scilicet præsumptio, inanis gloria, contemptus.

Præsumptio hos habet ramusculos,

*Ex se, pro meritis, falso plus omnibus.*

Et hos ramos habet præeminentia, in gratuitis & gratis datis.

Ex primo ramo procedit folium tentationis diuinæ cum fructu discriminis.

Ex præeminentia ex gratis datis sunt hi rami, elatio mentis, confidentia de se, de qua procedit fructus inordinatæ audaciæ.

Ex ramo contemptus est ramus duplex, contemptus Dei, & contemptus proximi, & horum medius est inobedientia ad Deum & ad proximum.

Ex contemptu Dei procedunt hi fructus, irreuerentia rebus diuinis exhibita, locis, personis, temporibus, sacramentis, sustinere interdictum, suspensionem, excommunicationem, recipere quodcumque sacramentum in mortali peccato, quodcumque sacramentum ministrare, vel Ecclesiam officiare, officium correctionis exercere, inconfessus sacramentum recipere, habita copia sacerdotis, in statu suspensionis, vel interdicti, vel excommunicationis, vel irregularitatis celebrare, item in excommunicatione se diuinis ingerere, vel interesse, item cum excommunicato in diuinis participare.

Ex contemptu proximi hi fructus procedunt, subtractio a verbo, a societate, gestu, vel modo, indignationem ostendere. Hæc sunt folia, indignatio verborum, ironia, derisio, subsannatio, irreuerentia in verbo.

Ex inobedientia procedit ramus impatientiæ, cum fructu murmurationis, blasphemiarum, pertinaciæ, rebellionis, & transgressionis. & hæc possunt esse contra Deum, & contra proximum.

Item ex ramo inobedientiæ, infidelitatis ramus procedit, & hi rami ex ea exeunt, diuinatio, apostasia, idololatria. Item hæc folia prædicta, prout in verbis existunt, scilicet, peruersum dogma, seu prædicatio.

Secundus ramus superbiæ est inanis gloria, ex qua quattuor rami oriuntur, honoris ambitio, fauoris humani appetitus, confusionis timor, & laudis amor.

Ex ramo ambitionis oriuntur hi fructus, scilicet pompa, quæ in tres fructus diuiditur, scilicet fastum in superbo apparatu, & comitatu & gestu ex cordis affectu, & folium fastus in verbo.

Ex appetitu fauoris, procedit folium adulationis, quod tripartitum est, quod aut est de bono habito, aut non habito, vel de malo facto.

Item ex appetitu fauoris oritur fructus prodigalitatis quadripartitus, quia non considerat tempus, nec personam, nec modum, & incuriam secum habet.

Ex ramo timoris confusionis, hi fructus procedunt, mala verecundia, & falsa humilitas in verbo vel in facto.

Verecundia mala diuiditur, quia aut est de bono opere, vel de paupertate parentum, vel de naturali defe-

**A**ctu, vel carentia gratiæ gratis datæ. Item in confessione hæc folia secum habet, nempe excusationem, defensionem, veritatis negationem, in iudicio, vel extra iudicium, veritatis impugnationem.

Ex amore humanæ laudis hi fructus oriuntur, simulatio, seu hypocrisis, ostentatio, singularitas. Item iactantiæ est folium, quod quadripartitum est, quia aut est de bono habito, vel non habito, vel de malo facto, vel non facto.

Ex singularitate procedit ramus inuidiæ, quæ est Inuidia secundum iudicium capitale. Inuidia vero in duos ramos diuiditur principales, qui sunt exultatio in aduersis proximi, & dolor in prosperis.

**B**

De exultatione in aduersis oriuntur hi fructus, machinatio, insidiæ, scandalum, proditio, suspitio, iudicium. Item habet folia, discordiarum seminatio, secretorum reuelatio, & maxime confessionis, verbo, signo, vel circumstantia. Item falsum testimonium.

Ex secundo ramo, scilicet de dolore prosperitatis proximi, procedit detractio folium, & ramus rancoris. Detractio autem diuiditur, quia aut fit bonum alterius diminuendo, vel destruendo, vel malum imponendo.

**C**

Primum folium alia quattuor secum habet, scilicet bonum proximi tacere, diminuere, peruertere, & negare.

Secundum folium hæc etiam secum habet. Malum libenter audire, dissimulare, confirmare, aggrauare, addere, reuelare, imponere.

Ex ramo rancoris procedit odium:

Ex ramo odij procedit ira, quæ est tertium capitale.

Ex ira procedit fructus crudelitatis, & hi fructus, percussio, verberatio, incarceratio, duellum, bellum, mutilatio, occisio.

**D**

Ex folio discordiæ hi filij oriuntur, irritatio, comminatio, contumacia, improprium, conuiuium, maledictio, procacitas, clamor, irreconciliatio.

Ex ramo appetitus vindictæ oriuntur calumnia, vexatio, damnificatio.

Vexatio hos fructus secum habet, quia fit per falsas litteras, vel falso impetratas, tacita veritate, vel suggesta falsitate, vel per non suas, vel non ad hoc impetratas, vel coram diuersis iudicibus ad impossibilia obligando.

Damnificatio in duos fructus diuiditur, quia fit aut bonum impediendo habitum, vel habendum; aut malum inferendo. quod etiam multis modis fit, scilicet faciendo, præcipiendo, consulendo, iuuando, dissimulando.

Secundus ramus principalis, qui ex radice concupiscentiæ procedit, est concupiscentia oculorum, quæ auaritia nominatur, & est quartum vitium capitale.

Ex auaritia autem tres rami principales procedunt, inordinatum desiderium habendi, vel inordinatus amor habiti, & inordinatus dolor amissi.

Ex inordinato desiderio habendi procedunt duo fructus, scilicet sollicitudo, & iniustitia. Ex sollicitudine autem procedit festorum violatio.

Iniustitia autem diuiditur, quia aut est manifesta, aut occulta, quæ fraus nuncupatur. Iniustitia aperta hos fructus habet secum, scilicet furtum, rapinam, vsuram, & iniquam sententiam.

Furtum in quinque diuiditur, qui sunt, occulta rei acceptio, rei inuentæ detentio, sacrilegium, & proprietatis in religiosis, & mala dispensatio.

Rapina hos etiam fructus habet, qui sunt nouæ talis, vel consuetudinis inductio, exactio, extorsio, munerum acceptio, & ludus alearum.

Vsura diuiditur, quia quædam est in spe, quædam in rei contractu.

In contractu autem est multiplex vsura, scilicet in venditio-

ditione, emptione, mutua commutatione, ratione temporis, vel rei, vel periculi, vel obligationis, vel corruptæ intentionis.

Item contingit fraus in contractibus, in emptione, & venditione, in numero, pondere, & mensura, in valore, in qualitate, in taciurnitate defectus.

Item notabiliter care vendendo pro necessitate e-mentis, vel debitorum solutionis, vel pro simpliciter e-mentis.

Item in fraude plurima mala locutionis folia con-tingunt, mendacium, peritium, duplicitas.

Ex ramo autem mali contractus oritur fructus si-monia.

Item ex iniustitia ad proximum, ut dictum est, ori-tur iniqua sententia. & secum habet hos fructus, qui sunt, iustitiæ peruersio, ordinis iuris immutatio, sen-tentiæ dilatio, iniusta aduocatio, litterarum abusus.

Mala autem aduocatio, hæc folia secum habet, iniustum patrocinium, iniustum consilium, litis prolongatio, iuris sophistica allegatio, litterarum abusus.

Fit his modis iniusta impetratio, tacita veritate, vel suggesta falsitate, iniusta extorsio, additio, vel dimi-nutio, siue quæque falsificatio.

Secundus ramus principalis auaritiæ est inordina-tus amor habiti, & ex hoc ramo hi fructus procedunt, iniusta congregatio, ad proximum incompas-sio, restitutionis dilatio, beneficij irrecompensatio.

Concupi-  
scentia car-  
nis. Tercius ramus principalis, qui ex radice cupidita-tis procedit, est concupiscentia carnis, quæ in duos ramos diuiditur. In quærendo inordinate delectatio-nem, & vitando molestiam.

Primus ramus diuiditur, quia aut est circa delecta-tionem, actus qui pertinet ad conseruationem indiui-dui, scilicet circa actum nutritionis, aut est circa ac-tum, qui pertinet ad conseruationem speciei, scilicet circa actum generationis.

Primus igitur ramus, qui ex concupiscentia carnis oritur, est inordinata delectatio circa actum nutritio-nis, & quantum vitium capitale, quod gastrimargia dicitur.

Ex vitio autem gulæ tres rami principales procedunt scilicet incontinentia gulæ, immodestia, & inordina-ta delectatio.

Ex incontinentia gulæ hi fructus procedunt: anti-cipatio horæ, nimia frequentia, fractio ieiunij.

Ex immodestia, hi fructus procedunt, audivas, & nimietas.

Cum fructu autem isto, qui est nimis sumere, sunt hi fructus, corporis grauitas, infirmitas, mentis he-betudo, cæcitas, præcipitatio iudicij, incircumspectio, loquacitas, inepta lætitia, dissolutio, ebrietas.

Loquacitas autem hæc folia secum habet, multilo-quium, vaniloquium, stuliloquium, turpiloquium.

Tercius ramus gulæ est inordinata delectatio circa cibum, & hos fructus secum habet, scilicet sollici-tudinem in procurando, studiositatem in præparan-do, multipliciter in diuersificando, caritiam in- emendo.

Secundus ramus, qui ex carnali concupiscentia pro-cedit, est inordinatio circa actum generatiuum, qui lu-xuria dicitur, & est sextum vitium capitale.

Luxuria. Ex luxuria tres rami principales procedunt: inhonestas, affectio, incontinentia.

Inhonestas hos fructus habet, inuerecundiâ in ver-bo, in gestu, in habitu.

Inhonestas in gestu habet choreas & tripudia, & corporis motus.

Item inhonestas in verbo habet scurrilitatem, & hi-strionatum.

Item inhonestas in habitu, hos fructus secum ha-bet, scilicet superfluitatem, pretiositatem, multipli-citatem, curiositatem.

Superfluitas in duobus consistit, in numero &

A mensura.

Curiositas consistit in colore & modo facturæ, & compositione corporis.

Huius compositionis fructus sunt, adinuentio no-ui modi, nouorum iocalium. Item vnctiones, letio-nes, fucatio, suppletio capillorum ex alienis.

Secundus ramus luxuriæ principalis, est carnalis affectio, & iste est duplex, quia potest esse respectu sui vel proximi.

Si respectu sui sit, hos fructus habet, primo curam carnis, quæ habet hos fructus, molliem in vestibus, inculcitis, & talibus. Item nimiam solitudinem, in euitando pœnam, frigus, calorem, sitim, famem, & huiusmodi.

Carnalis affectio ad proximum duplex potest esse, vel ad parentes, vel ad alios: potest etiam esse in affe-ctu, vel in effectu.

Ex ramo carnalis affectionis oritur acceptio perso-narum, peruersio ordinis charitatis, & fauor mali.

Personarum acceptio est in beneficijs, electionibus, honoribus & iudicijs.

Fauor mali hos fructus secum habet, dissimulatio-nem, incorrectionem, consensum, adiutorium, & communicationem.

Tercius ramus principalis concupiscentiæ carnalis, est incontinentia, quæ per hos ramusculos procedit, qui sunt, turpis imaginatio, morosa delectatio, con-sensus in delectatione, & consensus in opere. Item hos fructus secum habet, id est quinque sensus, in auditu, visu, odoratu, gustu, & tactu.

In auditu curioso, scilicet rumorum, canticorum, instrumentorum, verborum dissolutorum, & scurrilium.

In visu, in aspectu oculorum, pulchritudinum ho-minum, & mulierum, inhonestorum membrorum, gestuum, spectaculorum.

In verbo, scurrilia dicendo, ad malum incitando, verbo, vel in attrahendo:

In tactu multipliciter, in osculis, & tactibus libi-dinosi sui vel alterius, & ex hoc sequitur pollutio dor-miendo per naturalem actum in vase debito, vel con-tra naturam, per actum naturalem matrimonij acti-ue. Item ex hoc per actum matrimonij vel mœchiæ. Per actum matrimonij modo inordinato, vel tempore illicito, vel intentione non recta.

Mœchiæ autem sex fructus ponuntur, fornicatio, adulterium, stuprum, raptus, incestus, & sacrilegium.

Secundus ramus principalis concupiscentiæ carna-lis, est inordinatio in pœnis euitandis, ex qua oritur vltimum vitium capitale, quod acedia nominatur.

Ex acedia procedunt hi fructus, pusillanimitas, tor-por, euagatio mentis, instabilitas corporis, tristitia cordis, & desperatio.

Ex pusillanimitate procedit timor seruilis, huma-nus, mundanus.

Ex torpore procedit negligentia, cuius fructus sunt omisio, ignorantia, & obliuio.

Omisio multiplex est, scilicet boni propositi, voti promissi, iuramenti, iniuncti, debiti, vtilium salutis, pertinentiū ad ius naturale, vel diuinū, vel positium.

Ignorantia est multiplex, scilicet iuris naturalis, di- uini, & positiui. Item facti, item affectata, crassa, & su-pina, & inuincibilis.

Ex ignorantia procedit error conscientię, & eius trans-gressio.

Obliuio est duplex, peccatorum, & beneficiorum, Dei & hominis.

Ex his oritur ingratitude, & indeuotio.

Vltimus fructus est desperatio, peccatum in Spiri-tum sanctum.

Peccati in Spiritum sanctum, sex species distinguuntur, scilicet desperatio, præsumptio, impœnitentia, Spiritum obstinatio, impugnatio agnitę veritatis, & inuidentia fraternę gratiæ. Siquis autem plenius de singulis velit habere notitiam, ad tractatum superiorem recurrat.

S. BONA-

# S. BONAVENTURAE EXIMII ECCLESIAE DOCTORIS

## Opusculum, quod inscribitur,

### C O N F E S S I O N A L E.

*Est hoc Opusculum, quod Confessionale inscribitur, utilitate praeipuum: in quo S. Bonaventura tam Confessorem, quam Confitentem copiose dirigit ad ea, quae confessioni praeuia, quae in confessione agenda, dicenda sunt, & quae ipsam confessionem consequuntur, annexis Canonibus poenitentialibus, quorum cognitio valde est necessaria.*

#### CAPITA HVIVS OPVSCVLI.

*Qualiter sacerdos confessor habere se debeat in confessione. Caput primum, continens particulas VI.*

*De interrogationibus faciendis in confessione.*

*Cap. II. continens particulas XX.*

*De poenitentibus iniungendis secundum canones poenitenciales.*

*Cap. III. continens particulas LIX.*

*De usu clauium. Cap. IIII. continens particulas III.*

*De irregularitatibus & dispensationibus. Cap. V. continens particulas LIIIX.*

#### P R A E F A T I O.



**I**N Dei tabernaculo, id est in sancta Ecclesia positus, & si per doctrinam sapientiam, phialas exuberantis doctrinae ad inebriandum mentes legentium ministrare non potui, in quantum pro diuina largitate suffeci, cyathum paruum, atque angustum, vel, ut verius dicam, pene nullius scientiae, praesens videlicet opusculum de informatione simplicium sacerdotum, in confessionibus audiendis, compulsus per obedientiam, compilavi. Cum secundum beatum Gregorium circa principium, cura pastoralis sit arsatium, regimen animarum. et occultiora sunt vulnera cogitationum, quam viscerum. Horrendum profecto est videre quosdam sacerdotes nostri temporis, qui sacram scripturam, in qua praefati regiminis ars sufficientissime traditur, & iura canonica, & scripta doctorum, in quibus plenissime declaratur, vel per torporem legere negligunt, vel per ignorantiam nesciunt, & tamen cordis medicos in audiendis confessionibus, se profiteri impudenter non metuunt, quando qui pigmentorum vim nesciunt, videri carnis medici erubescunt. Talium ergo Deo odibili ignorantia, per obedientiam, ut dixi compulsus, subscripta informatione simplici studui, sicut potui, quamuis non, ut debui, subuenire. In primo autem huius Opusculi tituli capitulum, & singularum particularum eorumdem continentiae praemittuntur, quibus ad legentis animam, quasi quibusdam passibus facilius gradiatur. Porro particularum quinti capituli continentiae non praenotantur, quia sicut inspicienti patet per se possunt satis faciliter inueniri. Ceterum simplex simplicibus simplicia scribens simpliciter, particulas praesentis Opusculi secundum quod occurrerunt memoriam magis, quam secundum naturalem adinuicem coherentiam ordinavi, omni qua possum humilitate ac deuotione supplicans, quatenus

*Sis mihi corrector refecando superflua lector: Veraque digneris, quae desunt iungere veris. Omnem defectum parum studio breuitatis Scribens tribuas, parum vitio ruditatis.*

**QUALITER SACERDOS**  
confessor habere se debeat in confessione. Cap. I. continens  
Particulas sex.

*De loco confessionis. I. Cap. Particula I.*



**Q**VI facit veritatem venit ad lucem, ut manifestentur eius opera, quia in Deo sunt facta. Ex hoc verbo sacerdos, qui Angelus Domini exercituum dicitur, intelligat ut non tenebrarum, sed lucis Angelum se ostendat, sedens pro confessionibus audiendis in loco manifesto, & omni suspitione carente, ubi videri possit ab omnibus, & non audiri. Querendo enim latibula tenebrarum, male agere se ostenderet dicente Christo: Omnis enim qui male agit, odit lucem. Qui est in intentione mali, & cui placeat malum. Haec Glossa. & non venit ad lucem, ut non arguantur opera eius. Caueto, ait Hieronymus, omnes suspiciones, & quicquid probabiliter fingi potest, ne fingatur ante deum. Apostolus: Ab omni specie mala, id est, non solum ab eo, quod est malum, sed etiam ab omni quod speciem mali praetendit nos admonet abstinere. Et quia secundum Augustinum libro de singularitate clericorum, pene post principium: Peius est quam meretrix, continentiam ducere criminofam, & infamem facere sanctimoniam. Sacerdos audiens confessionem, sedeat, ut dictum est, in loco publico, & honesto, ne, quod absit, adulterum

*Greg. past.  
en. par. l. c.  
1. cir. prin.*

*Mira modestia ac humilitas Auditoris.*

*Ioan. 3. e*

*Malac. 2. b*

*Ioan. 3. e*

*Hieron. ad  
Nepotianum  
ep. 2. ante  
med.*

*1. Thes. 5. d*

*Est inter opera Cypr.  
10. 3.*



*Iob. 24. c* rum se ostendat. Nam dicitur: Oculus adulteri ob-  
*Iob. 3. c* servat caliginem. Veniens igitur ad manifestationis  
lucem faciat veritatem, ut dicitur in Iohanne, ibi Glof-  
sa, id est bona opera, quæ veritas iubet.

*Qualiter sacerdos cauere debeat ab illicita delectatione.*  
*Cap. I. Particula II.*

*Iob. 20. b* **S**OCIITVS etiam sit Sacerdos, ne dum confi-  
tentem foris a sordibus purgat, ipse ex his, quæ  
audit per voluntariam delectationem interius sordi-  
detur. Debet enim esse, ut nobilis manus, quæ alium  
lauans, lauetur, mundans mundatur, non ut lexiua  
vili, quæ alia mundificans inquinatur. Caueat ergo  
ne per voluntariam delectationem caput aspidis su-  
gat, & occidat eum lingua viperæ. Glossa: Aspis est par-  
uus serpens, vipera prolixioris est corporis, & sic nasci-  
tur, ut violenter exeat. Caput itaque aspidis fugit, &  
occidit eum lingua viperæ, quia cum initium sugge-  
stionis occultæ libenter suscipit, violentis postmodum  
se tentationibus deuictus tradit. vel quia venenum  
aspidis concite, viperæ tardius occidit. per aspidem  
violenta, & subita, per viperam tentatio tardior signi-  
ficatur. Hæc Glossa.

*Quod confessor non respiciat faciem penitentis.*  
*Cap. I. Particula III.*

*Abac. 1. c* **D**EBET etiam cauere sacerdos, ne vultum sibi  
*Gen. 3. a* confitentis maxime mulieris respiciat, ne confi-  
*Ex Grego.* tens confundatur, & ne ipse delectatione illicita capiat-  
*li. 21. Mor.* ur, unde debet semper mulier sedere a latere confes-  
*cap. 2. ante* soris, quia ut dicit Abacuc: Facies eius ventus vrës. &  
*med.* Gloria Gregorij super illo verbo Genesis: Vidit igitur  
mulier, &c. Ne lubrica in cogitatione versetur non  
debemus intueri, quod non licet intueri, quod non  
licet concupisci. Ut enim munda mens in cogitatione  
seruetur, a lasciuia voluptatis reprimendi sunt oculi,  
quali quidam raptores ad culpam. Non enim Eualli-  
gnum contigisset, nisi prius incaute respexisset. Pen-  
sandum ergo quantum ab illicitis debeamus visum re-  
stringere, qui mortaliter viuimus, si & mater viuenti-  
um per oculos ad mortem venit. Hæc Glossa.

*Quod confessor peccata penitentium non abhorreat.*  
*Cap. I. Particula IIII.*

*Iob. 8. a* **N**ON debet etiam confessor penitentis horrere  
peccata, quantumcumque enormia, turpia, ma-  
gna, inaudita, vel inusitata sint, quia ut dicit Iohannes:  
Qui sine peccato est vestrum, primus in illam mittat.  
Aut enim confessor fuit, vel est, vel erit, aut esse po-  
tuit, in similibus peccatis, vel maioribus. Vnde præ-  
cipit Deus: Non abominaberis Idumæum, id est pec-  
catorem rubore confusionis dignum, quia frater tuus  
est, vel Ægyptium, id est peccatorem, peccatorum an-  
gustijs tribulatum. Idumæus namque rufus, vel  
rubens interpretatur. Ægyptius angustia, siue tri-  
bulatio.

*Qualiter sacerdos alloqui debeat Penitentem.*  
*Cap. I. Particula V.*

*Deut. 17. b* **E**XINDE debet confessor pio ac suauis alloquio,  
ipsum confitentem ad veram compunctionem,  
& ad nudam, & expressam confessionem inducere,  
non statim ex abrupto, si tempus sufficit, inferre, Dic  
peccata tua, sed dulciter ei proponere aliqua de con-  
fessionis utilitate, quæ valet ad septem. Valet enim  
ad peccati cognitionem propter instructionem sacer-  
dotis Vnde dicitur in Deuteronomio: Si difficile, &  
ambiguum iudicium apud te esse perspexeris inter  
sanguinem, & sanguinem, causam, & causam, le-  
pram, & non lepram, & infra parum: Surge & ascen-  
de ad locum, quem elegerit Dominus Deus tuus, &  
venies ad sacerdotes Leuitici generis, quæresque ab eis.  
Psalnista: Dixi confitebor, &c. Si propositum valet,  
quanto magis ipsa confessio? Ad cogniti, & contriti  
satisfactionem. Vnde dicitur in Ecclesiastico: Est con-  
fusio adducens gloriam, & gratiam. Ad pœnæ dimi-  
nutionem, vi clauium, de hoc Matthæus: Quodcum-  
que solueris super terram, &c. Ad Dei glorificatio-  
nem. Vnde Iosue: Da gloriam Domino Deo Israel, &  
confitere, atque indica mihi quid feceris. Ad inter-  
cessorum multiplicationem, dicente Iacobo: Confi-  
temini alterutrū peccata vestra, & orate pro inuicem  
ut saluemini. Ad conscientia asscurationem. Vnde  
Dauid statim cum dixit: Peccaui, audiuit: Dominus  
quodque transulit peccatum tuum, non morieris. Et  
hoc est magnum bonum, ut dicit Paulus: Gloria no-  
stra hæc est, testimonium conscientia nostra. Pro-  
ponat etiam ei de peccatorum venia, de Dei miseri-  
cordia, & suadeat ei, quod non verecundetur confi-  
teri, sed nude, & expresse omnia confiteatur, quia  
non homini confitetur, sed Deo scienti omnia, qui  
si nude confiteatur pro absoluto habetur, si vero  
scienter aliquid occultauerit, confessio nihil valebit,  
quia qui in hoc vno offendit, factus est omnium reus,  
inquit Iacobus. Si vero non vult confiteri proponat  
ei terrores iudicij, pœnas inferni, & quod multo me-  
lius est, erubescere hoc coram vno homine, quam in  
die iudicij coram Deo, & omnibus Angelis, homini-  
bus, & dæmonibus.

*Psal. 31. b* **A** de ad locum, quem elegerit Dominus Deus tuus, &  
*Eccl. 4 c* venies ad sacerdotes Leuitici generis, quæresque ab eis.  
*Mat. 16. c* Psalnista: Dixi confitebor, &c. Si propositum valet,  
*Iosue 7. c* quanto magis ipsa confessio? Ad cogniti, & contriti  
*Iaco. 5. d* satisfactionem. Vnde dicitur in Ecclesiastico: Est con-  
*2. Reg. 12. c* fusio adducens gloriam, & gratiam. Ad pœnæ dimi-  
*2. Cor. 1. c* nutionem, vi clauium, de hoc Matthæus: Quodcum-  
que solueris super terram, &c. Ad Dei glorificatio-  
nem. Vnde Iosue: Da gloriam Domino Deo Israel, &  
confitere, atque indica mihi quid feceris. Ad inter-  
cessorum multiplicationem, dicente Iacobo: Confi-  
temini alterutrū peccata vestra, & orate pro inuicem  
ut saluemini. Ad conscientia asscurationem. Vnde  
Dauid statim cum dixit: Peccaui, audiuit: Dominus  
quodque transulit peccatum tuum, non morieris. Et  
hoc est magnum bonum, ut dicit Paulus: Gloria no-  
stra hæc est, testimonium conscientia nostra. Pro-  
ponat etiam ei de peccatorum venia, de Dei miseri-  
cordia, & suadeat ei, quod non verecundetur confi-  
teri, sed nude, & expresse omnia confiteatur, quia  
non homini confitetur, sed Deo scienti omnia, qui  
si nude confiteatur pro absoluto habetur, si vero  
scienter aliquid occultauerit, confessio nihil valebit,  
quia qui in hoc vno offendit, factus est omnium reus,  
inquit Iacobus. Si vero non vult confiteri proponat  
ei terrores iudicij, pœnas inferni, & quod multo me-  
lius est, erubescere hoc coram vno homine, quam in  
die iudicij coram Deo, & omnibus Angelis, homini-  
bus, & dæmonibus.

*Quod confessor in iudicio penitentia personam non acci-  
piat. Cap. I. Particula VI.*

**S**TVD EAT etiam confessor cauere ab acceptio-  
ne personarum, quod confessor in iudicio pœ-  
nitentia personam non accipiat, quæ sic describitur  
a magistris. Acceptio personæ est iniustitia, qua  
præfertur persona personæ propter causam inde-  
bitam. Attende diligenter, o iudex pœnitentia-  
lis, quod tibi dicitur: Non facies quod iniquum  
est, nec iniuste iudicabis. Non consideres perso-  
nam pauperis, nec honores vultum potentis. Ne  
videlicet declines a via iustitiæ propter pauperis com-  
passionem, vel propter potentis adulationem. At-  
tende præterea tibi dictum: Non accipias personam,  
nec munera, quia munera excæcant oculos sapien-  
tum, & mutant verba iustorum. Attende nihilomi-  
nus diligenter, & considera vniuersaliter omnibus  
confessoribus esse dictum: Audite illos, & quod ius-  
tum est iudicare, siue ciuis ille, siue peregrinus nul-  
la erit distantia personarum, ita paruum audietis,  
ut magnum, non accipietis cuiusquam personam,  
quia Dei iudicium est. Audite inquam, id est, dili-  
genter intendite peccata, & peccatorum circum-  
stantias examinando: & quod iustum est iudicate,  
iustos videlicet, siue diuites, siue pauperes absol-  
uendo: & impios, quamuis etiam potentes & di-  
uites condemnando: nec accipietis personam  
cuiusquam, pauperes indebite exasperando  
& diuitibus & potentibus adulando.

**F** Non inquam accipias personam,  
ne maledictione prophetica  
feriatis, qua dicitur: Væ  
qui iustificatis im-  
pium pro mu-  
neribus, & iu-  
sticiam iu-  
sti aufer-  
tis ab  
eo.

*Isa. 5. f*

E DE IN.

DE INTERROGATIONIBVS A  
faciendis in confessione. Cap. II.  
continens Particulas XX.

*Qualiter interrogationes sint faciendae in generali.*  
Cap. II. Particula I.



**D**OST hac sacerdos incipiat audire confessionem ipsius. Interrogando si peccator nesciat confiteri, & adiuvando per inquisitionem, discrete tamen, ita quod sollicitus sit visitata peccata singulatim requirere, inusitata vero per circumstantias generales, & valde remotas caute investigare; ne inexpertis detur materia, vel occasio, quod ante nesciuerant perpetrandi, sicut aliquoties contingit ex quorundam insipientium confessorum interrogationibus. Taliter autem indifcrete interrogantes, non sunt vitiorum euulsores, & destructores, sed potius aedificatores, & plantatores. Ideo, ut dictum est, non debent de peccatis inusitatis expresse interrogare sed nec ad circumstantias speciales descendere, sed tantummodo in vniuersalibus stare, & sapienter valde a longe & a remotis generalibus circumstantiis incipere querere, ita ut si fecit, confitens statim cognoscat: si non fecit, nesciat quid confessor dicat. Verbi gratia: Si de incontinentia querat, & velit scire, an in turpi vitio peccauit, dicere potest: Habuisti vmquam pollutionem dormiendo? Si dicat, quod sic; querat, si vigilando, quia omnis pollutionis voluntaria procuratio, excepto foedere matrimoniali, peccatum mortale est. Si adhuc dicat, quod sic, posset querere quomodo. caueat tamen, ne vmquam querat vtrum illo, vel illo modo speciali, sed querendo generaliter modum, expectet ab illo determinationem. In quo casu potest intelligi, quod precipit Dominus confessori sub typo creditoris in Deuteronomio: Cum repetes a proximo tuo rem aliquam, quam debet tibi, non ingredieris domum eius, id est, cor vel conscientiam eius, ut pignus auferas, sed stabis foris, & ille tibi proferet, quod habuerit. si vero dicat, quod non, taceat sacerdos. Cauere enim debet ne lupum excitet dormientem, ne videlicet peccata noua in animo hominis representent. Similiter faciendum est de aliis peccatis in consuetis. Si autem confitens etiam peccata consuetata nesciat confiteri, ut fere communiter omnes rurescunt, potest & debet confessor interrogare, secundum illud Ezechielis: Fili hominis fode parietem. Augustinus de vera, & falsa poenitentia, circa finem: Diligens igitur inquisitor & subtilis inuestigator sapienter, & quasi astute interroget a peccatore, quod forsitan ignorat, vel veracunde velit occultare. Cognito itaque crimine, varietates eius non dubitet inuestigare, & locum & tempus, & cetera, quae supradiximus in exponendo eorum qualitates. quibus cognitis, adsit beneuolus, paratus erigere, & secum onus portare. Habeat dulcedinem in affectione, pietatem in alterius crimine, discretionem in varietate personarum. Et infra: Semper eum iuuat leniendo, spem promittendo, consolando, & cum opus fuerit etiam increpando, haec Augustinus. Et introducit haec auctoritas & multa de ista materia de poenitentia d. 6. per totum.

*Deut. 24. b*

*Ezec. 8. d*

*Tomo 4.*

*Qualiter & de quibus interrogandum sit. & primo de superbia. Cap. II. Particula II.*

**T**ALITER autem Sacerdos potest incedere, interrogando primo de superbia. & primo: Si ex tu more cordis cum deliberatione, superbiuit de bonis naturae alios contemnendo, utpote de ingenij naturalis subtilitate, de corporis fortitudine, pulchritudine, agilitate, & similibus, de omnibus donis, scilicet gratiae gratis datae, sicut de bona voce, de affabilitate, eloquentia, & similibus, appetendo pro his inordi-

nate placere, vel eadem, si non affuerint, culpabiliter affectando. Secundo, de bonis fortunae: Si se extulit de diuitijs, de parentum multitudine, nobilitate, & de propria dignitate, potestate, de acquisita scientia, industria, experientia, de consilij excellentia, & similibus, vel si defuerint, ea culpabiliter affectauit. Queret etiam si de praemissis omnibus, vel aliquibus, aliquando se iactauit, forte etiam mendaciter, & de quattuor speciebus superbiae, quae continentur in hoc versu:

*A se, pro meritis, falso plus omnibus inflat.*

Tercio, de bonis gratiae gratum facientis, utpote de deuotione, oratione, de lacrymis, ieiunio, silentio, obedientia, humilitate, & similibus omnibus exercitijs, quoquomodo ad gratiam gratum facientem pertinentibus. Quarto, si extulit se de peccatis, utpote de luxuria, vel alijs quibuscumque, quia secundum beatum Gregorium: Omni culpa grauius est, quando de commisso vitio superbitur.

*Greg lib. 7.  
mor. c. 12.  
post med.*

*De Inuidia. Cap. II. Particula III.*

**Q**VAERAT etiam de inuidia. Si laetatus est de proximi aduersitate, qui eum laesit, vel contristatus de prosperitate, quod est primus gradus inuidiae: vel qui non laesit, quod est secundus: vel qui bene sibi fecit, quod est tertius. Hic descendere poterit de diuersis aduersitatibus in speciali scilicet infirmitate corporis, labore, & dolore, vel cordis tribulatione, vel confusione, & similibus, secundum quod pro varietate personarum viderit expedire.

*De Ira. Cap. II. Particula IIII.*

**P**OSTEA querat de ira, secundum tres gradus irae. Primus est, quando homo irascitur, & maledicit, vel malefacit conuicianti sibi, vel malefacienti. Secundus gradus est, quando ex amaritudine cordis sibi maledicit, vel malefacit se percutiendo, vel aliquid huiusmodi. Tertius gradus est, quando homo ex nimio furore, in ludo, vel alibi, maledicit Deo benedicto, ubi etiam querat de peccatis, quae proueniunt ex ira, scilicet de bellis, homicidijs, incendijs, & huiusmodi.

*De Accidia. Cap. II. Particula V.*

**D**EINDE querat de accidia. Primo si per tardium boni, ex consuetudine, & prauitate, & desiderio mali, quodcumque malum faciendo laetatur, & bonum quodcumque faciendo tristatur. ubi poterit descendere ad diuersa bona, & mala, secundum quod exigit diuersitas personarum. Secundo quod si non solum in bono tristatur, & malo laetatur, sed etiam aliquos deridendo, a bono retrahit, vel ad malum attrahit, verbis, gestibus, & exemplis. Tertio, si desperando, vel de misericordia Dei nimium praesumendo, omni stultitiae, & impudicitiae se tradidit per otium, a bona cogitatione, locutione, & operatione cessando, concupiscentiae carnis, oculorum, & superbiae vitae insistent: aut amore mali, aut tardio boni, malo per negligentiam non resistendo, in dissolutione spectacula vana videndo, in fractione vocis, in leuitate mentis, in gestibus corporis lasciuiendo inepte, & nimis ridendo, alios ad risum mouendo, fabulosa & vana loquendo, vagus & inconstans existendo, quod modo non vult, modo vult, quod nunc laudat, nunc vituperat, grauis ad bona, leuis ad mala, gratiam Dei repellendo, & si receperit expellendo, tempus, horas, dies, & menses & annos inutiliter expendendo, poenitentias iniunctas indeuote perficiendo, vel imperfectas relinquendo, vel totaliter obmittendo.

*De Auaritia. Cap. II. Particula VI.*

**Q**VAERAT etiam de avaritia, & tribus gradibus. Primus si sua non communicauit ut debuit, ubi querat

rat

DE POENITENTIIS INIV-  
gendis secundum Canones poeniten-  
tiales. Cap. III. continens  
Particulas LIX.

*Quod poenitentia sunt arbitraria, & utrum sacerdos te-  
neatur scire Canones poenitentiales. Cap. III.  
Particula prima.*

De hac ma-  
teria legen-  
dus est Au-  
gustinus in 4. d.  
20. q. 3.



**C**IRCA poenitentias iniungendas hoc te-  
neas, quod omnes poenitentiae arbitra-  
riae sunt, & arbitrio poenitentialis iudi-  
cis relinquuntur. Et hoc probat Leo Pa-  
pa 26. q. 7. Tempora. & Nicolaus Papa  
ead. De his vero. & conciliū Chartag.  
ea. Poenitentibus. & Hieronymus de poen. d. 1. Mensura.  
Et hanc opinionē approbat consuetudo, quia genera-  
liter hoc servatur. Nec obstat quod dicit Greg. de poe-  
nit. dist. 5. Falsas poenitentias dicimus, quae non secun-  
dum auctoritatem sanctorum Patrum, pro qualita-  
te criminis imponuntur: quia hoc verum est, nisi  
ex causa consideratis circumstantiis, poenitentia tem-  
peretur. Nec illud Gregorij: Quod prolixior debeat  
esse poenitentia quam fuerit culpa. de poeniten. dist. 3.  
Productior: quia hoc intelligendum est de interiori poe-  
nitentia: vel potest intelligi de poena, quam patimur  
propter peccatum primi parietis. Quamvis autē poe-  
nitentiae sint arbitrariae, semper tamē pro quolibet mor-  
tali peccato, septennis poenitentia est imponenda. 33. q.  
2. Hoc ipsum. & §. seq. 22. q. 1. Prædicandum, nisi maior  
vel minor inveniatur a canone expressa. In quo quidē  
casu, si crimen publicum sit, publica non minor vel  
maior quam scripta sit, poenitentia est imponenda,  
Extra de poenitent. & remis. Qui sint. Si occultum,  
tunc indistincte arbitrariae imponuntur, sicut probant  
concordantiae iam signatae. Certum est etiam, quod  
maior causa dispensandi in poenitentia requiritur in  
publico, quam in occulto. In utroque tamen, ex  
causa minor poenitentia potest imponi consideratis  
criminis quantitate, & qualitate, & personae digni-  
tate, conditione, sexu, officio, paupertate, debili-  
tate, consuetudine, complexione, societate, contri-  
tione, loci, religionis, & temporis qualitate, causa,  
animo, voluntate, & alijs circumstantiis, quas ponit  
Augustinus in libro de vera & falsa poenitentia, & in-  
troducitur de poenit. dist. 5. cap. 1. Supradictis igitur  
consideratis, alleviabit, vel aggravabit sacerdos di-  
cretus poenas peccantium. de poenitent. distinct. 1. In  
actione. & cap. Iudicet. quia apud Deum plus va-  
let mortificatio vitiō, quam abstinentia ciborum,  
ut in præallegato c. Mensuram. Ut autem sacerdos  
circa poenitentias dispensando cautius arbitretur, no-  
ta casus in quibus per canones certae poenitentiae seu poe-  
nitentiae imponuntur. Nam canones poenitentiales te-  
nentur scire sacerdos. 38. dist. Caelestinus Papa omni-  
bus orthodoxis episcopis: Nulli sacerdoti liceat cano-  
nes ignorare, &c. & c. sequenti, Augustinus: Quae ip-  
sis sacerdotibus necessaria sunt ad discendum, id est sa-  
cramentorum liber, hoc est Missale, lectionarius, an-  
tiphonnarius, baptisterium, computus, canones poe-  
nitentiales, psalterium, homeliae per circulum anni die-  
bus Dominicis & singulis festiuitatibus aptae. Ex qui-  
bus omnibus si vnum defuerit, sacerdotis nomen vix  
in eo constare poterit, quia valde periculosae Euange-  
licae minae sunt, quibus dicitur: Si caecus caeco ducatur  
praestet, ambo in foueam cadunt.

*De poenitentia presbyteri fornicantis. Cap. III. Part. II.*

**P**RI-MVS Canon ex Concilio Gangren. 82. dist.  
Presbyter si fornicationem fecerit quamquam se-  
cundum canones Apostolorum debeat deponi; tamen  
iuxta auctoritatem beati Siluestri Papae, si non in vi-  
S. Bon. Tom. 7. Pars iij.

**A**tio periret, si sua sponte confessus adiecit, ut resurgeret,  
decem annis in hunc modum poeniteat: Tribus quidem  
mensibus priuato loco a ceteris remotus pane, & aqua a  
vespera in vesperam utatur: tantum autem diebus Do-  
minicis & praecipuis festis, modico vino, & pisciculis,  
atque leguminibus recreetur, sine carne, & sagimine,  
& ouis, & caseo, & sacco indutus, humo adhaereat,  
die ac nocte iugiter misericordiam Dei omnipotentis im-  
ploret. Finitis tribus mensibus continuis exeat, tamen  
in publicum non procedat, ne grex fidelis in eo scanda-  
lum patiatur. Nec enim debet sacerdos publice poenite-  
re sicut laicus. Postea aliquantisper resumptis viribus,  
annum vnum & dimidium in pane & aqua expleat,  
exceptis Dominicis diebus, & praecipuis festiuitatibus,  
in quibus vino, & sagimine, ouis, & caseo, iuxta ca-  
nonicam mensuram uti poterit. Finito primo anno, &  
dimidio, corporis & sanguinis Domini nostri, ne indu-  
rescat, particeps fiat, & ad pacem veniat, psalmos cum  
fratribus ultimus in choro canat, ad cornu altaris non  
accedat, iuxta beati Clementis vocem, minora gerat  
officia. Deinde vero usque ad expletionem septimi an-  
ni, omni quidem tempore, exceptis tribus paschalibus  
diebus, tres legitimas ferias in unaquaque hebdoma-  
da, in pane, & aqua ieiunet. Expleto anni septimi  
circulo, si fratres apud quos poenituit eius condignam  
poenitentiam laudauerint, Episcopus in pristinum hono-  
rem, iuxta beati Calixti Papae auctoritatem, eum pote-  
rit renouare. Sane sciendum est, quod secundam fe-  
riam vnum psalterium canendo, aut vnum denarium  
pauperibus dando si opus est, redimere potest. Finitis  
septem annis deinde usque ad finem decimi anni, se-  
xtam feriam nulla interueniente redemptione obseruet,  
in pane & aqua. Eadem quoque poenitentia erit sacer-  
doti de omnibus alijs peccatis, & criminibus, quae eum  
in depositionem adducunt. Neque hoc cuiuslibet videat-  
ur onerosum, si sacerdos post lapsum, digne ut su-  
pra dictum est, poenitens ad pristinos redeat honores.  
Hæc canon. 2. Legitimas, scilicet secunda, quarta, & se-  
xta feria. De secunda feria 11. q. 3. De illis. De quarta,  
& sexta feria, de consec. dist. 3. Ieiuna.

*De poenitentia sacerdotis fornicantis cum filia spirituali.  
III. Cap. Particula III.*

**S**ECVNDVS canon est Caelestini Papae 30. q. 1.  
Si quis sacerdos cum filia spirituali fornicatus fue-  
rit, sciat se graue adulterium commisisse. Idcirco fe-  
mina, si laica est, omnia relinquat, & res suas pau-  
peribus tribuat, & conuersa in monasterio, iugi poe-  
nitentia Deo usque ad mortem seruiat. Sacerdos autem,  
qui malum exemplum dedit hominibus, ab omni offi-  
cio deponatur, & peregrinando quindecim annis poe-  
niteat, postea vero ad monasterium vadat, ibiq. diebus  
omnibus vitae suae Deo seruiat. Hæc canon. Idem:  
Non debet Episcopus, aut presbyter commisceri cum  
mulieribus, quae ei sua confessa fuerint peccata. Si for-  
te, quod absit, hoc contigerit, sic poeniteat, quomodo  
de filia spirituali. Episcopus quindecim annis, presby-  
ter duodecim annis, & deponatur, si tamen in conscien-  
tia populi deuenerit. Hæc canon.

*De poenitentia eius, qui peccauit contra naturam.  
Cap. III. Particula IV.*

**T**ERTIVS canon est Concilij Lateranensis,  
extra de excess. praelator. Clerici. & infra.  
Quicumque illa incontinentia, quae contra naturam  
est, propter quam ira Dei venit in filios dissidentiae, & Ephes. 5. b  
E 3 quinque

quinque ciuitates igne consumpsit, deprehensi fuerint A ti, studeant tribus continuis annis per hebdomadā omni  
laborare, si clerici fuerint, deiciantur a clero, vel ad secūda, quarta, & sexta feria a vino & a carne penitus  
agendam penitentiam in monasterijs detrudantur. Si ieiunare, & ultra lugenda nequaquam committere.  
laici, excommunicationi subdantur, & a cœtu fidelium Hæc canon. <sup>a</sup> saginai Ap. id est, refectioni.  
fint, vel fiant penitus alieni. Hæc canon. Hoc autem vitium maius est, quam si matrem quis cognosceret. 3. q. 7. Adulterium.

De penitentia sacerdotum clandestinas desponsationes non prohibentium, aut eisdem interesse præsumendum.

Cap. III. Particula V.

**Q**UARTVS canon est Innocentij Tertij, in Concilio generali, extra de clandest. despon. Cum inhibitiō copulæ coniugalis sit in vltimis tribus gradibus reuocata, eam in alijs volumus districte seruari. Vnde prædecessorum nostrorum vestigijs inhaerendo clandestina coniugia penitus inhibemus, prohibentes etiam, ne quis sacerdos talibus interesse præsumat. Quare specialem quorundam locorum consuetudinem, <sup>a</sup> ad alia generaliter prorogando statuimus, vt cum matrimonia fuerint contrahenda, in ecclesijs per presbyteros publice proponantur, competenti termino præfinito, vt infra illum qui voluerit, & valuerit legitimum impedimentum opponat, & ipsi presbyteri nihilominus inuestigent, vtrum aliquod impedimentum obstat. Cum autem apparuerit probabilis coniectura contra copulam contrahendam, contractus interdicatur expresse, donec quod fieri debeat super eo manifestis constiterit documentis. Si quis vero huiusmodi clandestina, vel interdicta coniugia inire præsumpserit in gradu prohibito etiam ignoranter, soboles de tali cōiunctione suscepta, prorsus illegitima censetur de parentum ignorantia nullum habitura subsidium, cum illi taliter contrahendo non expertes scientiæ, vel saltem affectatores ignorantia videantur. Pari modo proles illegitima censetur, si ambo parentes impedimentum scientes legitimum, præter omne interdictum, etiam in conspectu Ecclesiæ contrahere præsumpserint. Sane si parochialis sacerdos tales coniunctiones prohibere contempserit, aut quilibet etiam regularis, qui eis præsumpserit interesse, per triennium ab officio suspendatur, grauius puniendus, si culpe qualitas postulauerit. Sed his, qui taliter præsumpserint etiam in gradu concesso copulari, condigna penitentia iniungatur. Si quis autem ad impediendam legitimam copulam, malitiose impedimentum obiecerit, canonicam non effugiet ultionem. Hæc canon. <sup>a</sup> Ad alia, scilicet loca.

De penitentia eius, qui post votum simplex contrahit.

Cap. III. Particula VI.

Theodo. in penitentiali

**Q**UINTVS canon est Theodori 27. distinct. Si vir simplex votum virginitatis habens, adiungitur uxori, postea non dimittat uxorem, sed tribus annis peniteat.

De penitentia sacerdotum in excommunicatione celebrantium. Cap. III. Particula VII.

**S**EXTVS canon est Ioannis octauij 11. quæst. 3. De illis presbyteris, qui tempore sanctiss. prædecessoris nostri, domini Papæ Nicolai, excommunicati sacrum mysterium contingere præsumpserunt, ipsi in se damnationis, sicut sacri canones statuerunt, sententiam intulerunt. tamen quia miseratio Apostolica, veniam solet præstare correctis, ob multitudinem misericordie, illis hanc indulgentiam exhibemus, vt sancta communione <sup>a</sup> sagina-

De penitentia eius, qui accusat alium ad mortem.

Cap. III. Particula VIII.

**S**PTIMVS canon ex Burchardo. lib. 44. ext. de accus. Accusasti aliquem, & per tuam accusationem occisus est, nisi <sup>a</sup> pro pace hoc feceris, quadraginta dies in pane & aqua, quod carina vocatur, cum septem sequentibus annis peniteas. Si autem per tuam delaturam, <sup>b</sup> debilitatus est, per tres debes quadragesimas penitere. Hæc canon. <sup>a</sup> Pro pace, scilicet vt boni quiete viuant. <sup>b</sup> Debilitatus est, id est mutilatus.

De penitentia eius, qui filiam suam spirituales carnali filio tradit. Cap. III. Particula IX.

**O**CTAVVS canon Zachariæ & Deusdedit. 30. q. 3. Non oportet filiam, quam de sacro fonte suscepit, aliquando filio suo in matrimonium tradere, quia in diuina sententia, germani esse inueniuntur. Si quis tali facinore commixtus, minime restrinxerit frena luxuria, ab Ecclesia catholica abhominabitur. Sed si conuersus fuerit, post separationem septem annis penitentiam gerat. Conscijs simul cum auctore sit ista conditio, id est simul cum cooperantibus, & consentientibus peniteat. Hæc canon.

De penitentia eius, qui contrahit cum sponsa alterius.

Cap. III. Particula X.

**N**ONVS canon extra de sponsa duorum. ex Burchardo lib. 30. Accepisti illam in uxorem tibi, quam alter habuerat sibi desponsatam, illam dimitte: quia numquam potest tibi legitima fieri, & quadraginta dies in pane & aqua, quod carinam vocant, cum septem sequentibus annis peniteas. Hæc canon.

De penitentia patris & filij, vel duorum fratrum cum vna muliere concubentium, aut si quis cum matre & filia, aut cum duabus sororibus, aut cum duabus commatribus concubuerit. Cap. III.

Particula XI.

**D**ECIMVS canon est ex concilio Chalcedon. 30. q. 4. Si pater et filius, aut duo fratres cum vna muliere, aut si cum matre & filia, aut cum duabus sororibus, aut cum duabus commatribus aliquis concubuerit, secundum antiquam & humaniorem diffinitionem, octo annis peniteat. Hæc canon.

De penitentia sacerdotis homicidæ. Cap. III.

Particula XII.

**V**NDECIMVS canon. 50. dist. Ioann. VIII. Miror minus doctam scientiam tuam sacerdotem putare, post perpetratum homicidium, posse in sacerdotio ministrare, immo quod est ineptius, nobis suadere velle, vt ipsi tali præsumptioni præberemus assensum. Quis enim tam demens, tamq. peruersi sensus, tale quid existimaret, vel post quantacumque penitentiam concedendum, cum omni sit canonice discipline contrarium? Debet ergo sacerdotio priuatus, lacrymarum fonte, flagitium tam immane diluere, vt talibus saltem remedijs curatus, salutis possit inuenire suffragium. Hæc canon.

De pæ-

*De pœnitentia mulieris, qua occidit ancillam, & de pœnitentia homicidæ voluntarij. Cap. III.*  
*Particula XIII.*

*Eliber. con  
cil. can. 5.*

**D**ODECIMVS canō. 50. d. ex cōcilio Eliberitano. Si qua femina furore zeli accensa, flagellis verberauerit ancillam suam, ita vt infra tertium diem, cum cruciatu animam emittat, eo quod incertum sit an voluntate, an casu occiderit: si voluntate, post septem annos, si casu, post quinque annorum tempora acta pœnitentia legitima, ad communionem placuit admitti. Quod si infra tempora constituta, fuerit infirmata, accipiat communionem. Hæc canon. De eodem capitulo seq. ex capitulis Martini Bracharen. c. 78. Si quis voluntate homicidium commiserit, ad ianuam catholicæ Ecclesiæ semper iaceat, & communionem in exitu vitæ suæ suscipiat. Si autem non voluntate, sed casu aliquo homicidium fecerit, prior canon septem annis pœnitentiam agere iussit, secundus canon quinque mandauit. Hæc canon.

*De pœnitentia pro homicidio necessitatis emittibilis, & de pœnitentia eius, qui occidit latronem, & de pœnitentia iniuriæ disciplina occidentis, vel ligatum latronem interficientis.*  
*Cap. III. Particula XIII.*

*Cōc. Ilerd.  
c. 1.*

**T**EERTIUSDECIMVS canon. 50. dist. ex Ilerdensi cōcil. De his clericis, qui in obsidionis necessitate positi fuerint id statutum est, vt qui altario seruiunt vel ministrant, & Christi corpus & sanguinem tradunt, vel vasa sacro officio deputata cōrectant, ab omni humano sanguine etiam hostili se abstineant. Quod si in hoc inciderint, tam officio quàm communione corporis Domini duobus annis priuētur, ita vt his duobus annis ieiunijs, vigilijs, orationibus, & eleemosynis, pro viribus, quas Dominus donauerit, expientur, & ita demum officio & communioni reddantur: ea tamen ratione, ne ulterius ad officia potiora promoueantur. Quod si indefinito tempore negligentiores circa suam salutem extiterint, protelande ipsius pœnitentiæ tempus, in potestate sacerdotis maneat. Hæc canon. Sed si esset ineuitabilis necessitas, in nullo imputaretur. 50. dist. Quia te. Quod verum est, quo ad peccatum, sed quo ad cautelam, & innocentiam suam Ecclesiæ ostendendam, bonum est pœnitere, Extra de homic. c. 2. ex pœnitentia Rom. Interfecisti furem, aut latronem ubi comprehendi poterat absque occisione, quia ad imaginem Dei creatus est, quadraginta dies non intres ecclesiam, & lanea veste indutus, ab escis & potibus, qui interditi sunt, & a thoro, & gladio, & equitatu, illos supradictos dies abstineas. In tertia autem & quinta feria & sabbato, aliquo genere leguminum, vel oleribus, pomis, & paruis pisciculis, cum mediocri ceruisia, utere temperate. Si autem sine odij meditatione, te, tuaq. liberando, huiusmodi diaboli membra interfecisti, secundum indulgentiam dico, propter imaginem Dei, si aliquid ieiunare potueris, bonum est tibi, & eleemosynam fac largiter. Si presbyter eadem fecerit, non deponatur, tamen quamdiu viuit, pœnitentiam agat. Hæc canon. Interdicti sunt 4. distincti. Denique, id est a carnibus, & ab omnibus, quæ sementinam trahunt originem carnis, lacte videlicet, & caseo, & ouis, quia vt dicit sapiens quidam: Ouum est liquida carnis substantia, lac autem sanguis colore mutato, caseus autem lac coagulatum. Si quis autem per insaniam committit homicidium, non imputatur. 3. q. 9. Indicas. Qui vero etiam intuitu disciplinæ, incau-

A te percutiendō occidit, deponatur. extra de homicidio presbyterorum. Item qui ligatum latronem interfecit, deponatur. extra de homic. Suscepimus.

*De pœnitentia matricide. Cap. III.*  
*Particula XV.*

**Q**UARTUSDECIMVS canon. 33. q. 2. Nicolaus Papa. Latorem præsentium matricidam esse cognouimus, cui præcipimus, vt sub iugo pœnitentiæ permaneat, ita vt per annum integrum Ecclesiam non ingrediatur, sed ante fores basilicæ stans, orans, deprecans Deum, perseueret, qualiter tanto eripiatur piaculo. Completo vero anni circulo, introeundi Ecclesiam licentiam habeat, tamen<sup>a</sup> inter audientes stet, & nondum communicet. Completis autem trium annorum circulis, sacræ communionis illi gratia concedatur. Oblationes vero non offerat, nisi prius aliorum septem annorum curricula expleantur. In his autem omnibus annis, atque temporibus, carnem non manducet, & nec vinum bibere præsumat, exceptis festiuis diebus, atque Dominicis, & a Pascha vsque Pentecosten, & quocumque ire voluerit, nullo vehiculo deducatur, sed pedibus proficiatur, arma non sumat nisi contra paganos. Ieiunet autem tribus diebus per hebdomadam, vsque ad vespem. A propria ac legitima coniuge ne separetur, ne in fornicationis voraginem corruat: quod ne fiat optamus. Si autem ante annorum trium cursum, finis vitæ illius appropinquauerit, corporis & sanguinis Domini nostri Iesu Christi particeps fiat. Sin autem, vt supra statuimus, efficiatur. Tamen si illius conseruationem & lacrymarum fontem, in omnibus videritis floridis actionibus, & bonis operibus pullulare; humanius circa eum sollicitudo peruigil appareat, mitisq. omnibus demonstretur. Hæc canon. Inter audientes, id est inter laicos.

*De pœnitentia vxoricide. Cap. III.*  
*Particula XVI.*

**S**TEPHANVS Papa V. Astulpho. 33. quæst. 2. Admonere te cum lacrymis, & multo gemitu cordis curauimus fili Astulphe, sed non filius dici debes, qui tam crudeliter infelix homicidium perpetrasti. Nam occidisti vxorem tuam, partem corporis tui, legitimo tibi matrimonio sociatam, sine causa mortis, non tibi resistentem, non insidiantem quoquomodo vitæ tuæ. Non inuenisti eam cum alio viro nefariam rem facientem, sed concitatus a diabolo, impio furore inflammatus, more latronum atrocius eam gladio tuo, crudelior omni bestia interemisti, & nunc post mortem eius, addis iniquitatem super iniquitatem filiorum tuorum improbe prado, qui nō pepercisti matri, et filios tuos orphanos fecisti, inducere vis super eā causam mortis post mortē, per vnum hominem homicidam, & reprobū testem incusare vis mortuā. Quoniam nec Euāgelium, nec vlla diuina, & humana lex, vnus testimonio etiam idoneo, quempiam condemnat, vel iustificat: quanto magis per istum flagitiosissimū, & scelestum, nec illa viuā debuit condemnari, nec a te post mortem eius accusari? Prius causa criminis subtiliter inuestiganda erat, & tunc si ita fuisset inuenta, secundum legum tramitem debuit vindictam accipere ultionis. Nam si verum, quod absit, fuisset, sicut adulter mentitus est, post septem annos pœnitentia peracta, dimittere eam per approbatam causam poteras, si voluisses, occidere tamen eam nullatenus debuisti. Non enim vult Deus mortem peccatoris, Exec. 33. sed vt



sed ut conuertatur ad pœnitentiam & uiuat. Idcirco placeat tibi consilium nostrum, & facias hoc, quod melius & leuius uideri tibi potest. Miserere animæ tuæ, ut non sis tu tibi met ipsi homicida. Relinque, quapropter te rogamus, hoc malum seculum, quod te traxit ad tam immanissimum peccati facinus. Ingredere monasterium, humiliare sub manu abbatis, multorum fratrum precibus adiutus, obserua cuncta simplici animo, quæ tibi fuerint imperata, si forte ignoscat infinita Dei bonitas peccatis tuis, & refrigeret animam tuam, priusquam crucieris perpetuis flammis. Hoc melius, & leuius tibi esse certissime scias. Sin autem publicam pœnitentiam permanens in domo tua, vel in hoc mundo vis agere, quod tibi peius, & grauius esse non dubites; ita ut agere debeas exhortamur. Omnibus diebus quibus pœnitere debes, vinum & siceram non bibes, carnem numquam comedas ullo tempore, præterquam in Pascha, & in die Natalis Domini, in pane & aqua & sale pœnitentiam age, in vigilijs, & ieiunijs, orationibus, elemosynis omni tempore perseuera, armis numquam cingere, nec in loco quolibet litigare præsumas; uxorem numquam ducere, concubinam non habere, nec adulterium committere audeas, in balneo numquam laueris, in conuiujs letantium numquam te misceas, in Ecclesia segregatus ab alijs Christianis, post ostium & postes humiliter te repone, ingredientium, & egredientium suppliciter orationibus commenda te, & communionem corporis & sanguinis Domini, cunctis diebus vitæ tuæ indignum te existimes, in ultimo tamen exitus vitæ tuæ die, si merueris, pro viatico, si sit qui tibi tribuat, tantummodo venialiter ut accipias tibi concedimus. Sunt & alia multa quæ tibi nimis durius, & satis acrius erant iuxta magnū pondus peccati, o infelix adijcienda. Sed si hæc omnia, quæ tibi misericorditer supradicta sunt, perfecto corde, Domino auxiliante feceris, & custodieris, confidimus de immensa Dei clementia, remissionem tuorum te habiturum peccatorum, & secundum dictum iusti, boniq. pastoris, resoluet te sancta Ecclesia ab hoc vinculo peccati in terris, ut per ipsius gratiam qui eam sanguine suo acquisiuit, solutus sis in cælis. Si autem aliter feceris. & sanctæ matris Ecclesiæ tam salubrem admonitionem despexeris, ipse sis tibi iudex, & in laqueo diaboli, quo irretitus teneris, permanebis, sanguis tuus super caput tuum. Nos alieni a consortio tuo, pro aliorum Dei filiorum salute, ipsa opitulante, omni sollicitudine nitimur desudare, & Domini misericordiam quotidie attentius implorare. Hæc canon.

De pœnitentia eorum, qui occidunt filios. Cap. III.  
Particula XVII.

**H**VIUS sceleris pœna secundum leges hæc est, ut parricida virgis sanguineis verberatus, in culeo, id est in sacco corij insuatur, cum cane, & gallo gallinaceo, & vipera, & simia, deinde in profundum maris iactetur, vel in amnem, ut & cælum superstiti, & terra mortuo auferatur, sicut in institutis de publicis iudicijs. Alia deinde lex. Sed secundum canones non sic, sed imponitur pœna inclusionis in monasteriū, Extra de ijs qui fil. occiderūt. quod est Alexandri III. Veniens ad nos M. mulier lacrymabili nobis confessione monstrauit, quod cum de quodam filium genuisset, & iste sibi sæpe turgido vultu improperasset, quod filius eius non esset, ipsa iracundiæ calore ducta, eundem filium interfecit. & infra: Mandamus quatenus eam labores inducere, ut ad aliquod monasterium transeat, in quo peccata sua perpetua pœnitentia deploret.

**A** Si autem repugnante carnis suæ fragilitate, ad hoc induci noluerit, ei licentiam in Domino nubendi tribuas: quia tutius nobis videtur, ut in Domino nubat uni soli, quàm inhoneste multos admittat. Hæc canon. Hanc tamen pœnitentiam iniungendam intelligas, si is qui filium occidit, coniugem & filios alios non habet, alias secus, ut in proximo capitulo sequenti. Cum vero in lectis parentum filij inveniuntur oppressi, pœnitentia imponatur, quæ continetur in eodem titulo cap. ult. cuius verba sunt hæc: De infantibus autem, qui mortui reperiuntur, cum patre & matre, & non apparet, utrum a patre, vel matre oppressus sit ipse, vel suffocatus, vel propria morte defunctus, non debent inde securi esse parentes, nec etiam sine pœna: sed tamen consideratio debet esse pietatis, ubi non voluntas sed euentus mortis causa fuerit. Si autem eos non latet ipsos interfectores esse, scire debent se grauiter deliquisse. Quidam autem pœnitentiam trium annorum iudicant esse debere, quorum unum peragant in pane & aqua. Hæc canon.

De pœnitentia periuri. Cap. III.  
Particula XVIII.

**S**EXTA quæstione prima, Fabianus Papa: Quicumque sciens periurauerit quadraginta dies in pane & aqua, & septem sequentes annos pœniteat, & numquam sit sine pœnitentia, & numquam in testimonium recipiatur, communionem tamen post hæc recipiat. Hæc canon.

De pœnitentia eius, qui per capillum Dei iurauerit, vel huiusmodi. Cap. III.  
Particula XIX.

**V**IGESIMA SECUNDA quæst. i. Pius Papa. Si quis per capillum Dei, vel caput iurauerit, vel alio modo blasphemia contra Deum usus fuerit, si in Ecclesiastico ordine est, deponatur, si laicus anathematizetur, & si quis per creaturam iurauerit acerrime castigetur, & iuxta hoc, quod synodus diiudicauerit pœniteat. Si quis autem talem hominem non manifestauerit, non est dubium, quin diuina condemnatione coerceatur. & si Episcopus ista emendare neglexerit acerrime corripiatur. Hæc canon.

De pœnitentia pro falsa mensura. Cap. III.  
Particula XX.

**E**XTRA de empt. & vendit. ex concilio Moguntinen. Ut mensura & pondera iusta fiant: & infra: Si quis iustas mēsuras, et iusta pōdera, causa lucri mutare præsumpserit, triginta dies in pane & aqua pœniteat. Hæc canon. Tales etiam varijs pœnis puniuntur secundum leges. Nam aliquando interdicitur negotiatio, interdum relegantur, & humiliores ad opus publicum dantur, & insuper lege Cornelia de falsis puniri debent, in tit. de ordinarijs criminibus, Annonam, circa finem.

De pœnitentia eius, qui post sollemnem pœnitentiam ad vomitum redit. Cap. III. Particula XXI.

**D**E pœnitentia distinct. 5. ex Nicæno concilio. Concil. Nicæ. ca. 22. Si qui vero per Dei gratiam vocati, primo quidem ostenderunt fidem suam, deposito militiæ cingulo, post hæc autem ad proprium vomitum sunt reuersi, ut & pœcuniis darent, & ambirent redire rursus ad militiā, isti decem annis sint inter pœnitentes, post primū triennium, quo

ne priuatus apud metropolitanum sub pœnitentiâ censu-  
ra maneat corrigendus, quatenus apud illum & præte-  
rita transgressionis culpam lacrymis diluat, & necessa-  
rium officiorum doctrinam studiose addiscat. Sub ista  
ergo regula discipline, non solum metropolitanus to-  
tius prouinciæ suæ pontifex, vel sacerdotes astrin-  
gat, sed etiam ceteri Episcopi subiectos sibi Eccle-  
siarum rectores obtemperare his institutionibus cogant.  
Hæc canon. <sup>a</sup> Publica, Appa. clericorum sæcularium,  
quorum officia publica sunt.

De pœnitentia Episcopi, qui correctionem de simoniaca  
venditione dissimulat. Cap. III.  
Particula XXXV.

**P** R I M A quæst. prima, ex concilio Toletano II.  
Quidquid inuisibilis gratiæ consolatione tribui-  
tur, numquam quæstibus, vel quibuslibet præmijs ve-  
nundari penitus debet, dicente Domino: Quod gratis  
accepistis, gratis date. & ideo quicumque deinceps in  
Ecclesiastico ordine constitutus, aut pro baptizandis, con-  
signandisq. fidelibus, aut collatione chrismatism, vel promo-  
tionibus graduum, præmia quælibet vel pretia, nisi vo-  
luntarie oblata, pro huiusmodi ambitione susceperit,  
equidem si sciente loci Episcopo, tale quodcunque a sub-  
ditis perpetratum fuerit, idem Episcopus duobus mensi-  
bus excommunicationi subiaceat, pro eo quod scita mala  
contexit, & correctionem necessariam non adhibuit. Si  
autem suorum quispiam, eodem ne sciente pro supradictis  
quodcumque capitulis accipiendum sibi esse crediderit,  
si presbyter est, quattuor mensium excommunicatione  
plectatur, si diaconus trium: subdiaconus vero vel cleri-  
cus his cupiditatibus seruienti, competenti pœna, & de-  
bita excommunicatione plectendus est. Hæc canon.

De pœnitentia Episcopi, qui ordinat clericum inuitum.  
Cap. III. Particula XXXVI.

**S** EPTUAGESIMAQUARTA distin. ex concilio Aurelianen-  
Episcopus qui <sup>a</sup> inuitum, aut reclamantem ordinare  
præsumpsit, annuali pœnitentiâ subditus, Missas fa-  
cere non præsumat. Hæc canon. <sup>a</sup> Inuitum, Appa. ali-  
quo indicio alio, quàm voce, voluntatem ostendentem.

De pœnitentia sortilegorum. Cap. III.  
Particula XXXVII.

**E** X T R A de Sortileg. ex pœnitentia Theodori.  
In tabulis vel codicibus, aut alijs, sorte furta, nō sunt  
requirenda, nec diuinationes aliquas in aliquibus re-  
bus quis obseruare præsumat. Qui autem contra fece-  
rit, quadraginta dies pœniteat. Hæc canon.

De pœnitentia eius, qui videt in astrolabio. Cap. III.  
Particula XXXIX.

**E** X T R A de sortileg. Alex. III. Granden. Patriarchæ:  
Ex tuarum tenore litterarum accepimus, quod V.  
presbyter, cum quodam infami ad priuatum locum ac-  
cessit non ea intentione, ut inuocaret demonium, sed ut  
inspektione astrolabij, furtum cuiusdam Ecclesiæ posset  
recuperari. Verum licet hoc ex bono zelo, & simplici-  
tate se fecisse proponat, id tamen grauissimum fuit, &  
non modicam inde peccati maculam contraxit. Et infra:  
Mandamus, quatenus talem ei pro expiatione illius de-  
lictæ pœnitentiâ imponas, quod per annum & amplius  
si tibi visum fuerit, eum ab altaris ministerio precipias  
abstinere, & ex tunc <sup>a</sup> liberum sit ei exercere officium

**A** sacerdotis. Hæc canon. <sup>a</sup> Liberum, Appa. hoc intel-  
lige dictum ex dispensatione, nam de iure communi,  
debit remanere priuatus, & Episcopus iure contra il-  
lum processit. 26. q. 5. Non oportet. Si quis Episcopus.

De pœnitentia eius, cui per negligentiam aliquid de san-  
guine distillauerit. Cap. III.  
Particula XXXIX.

**D** E consecrat. distinct. 2. ex decreto Pij Papæ:  
Si per negligentiam aliquid de sanguine Domini stil-  
lauerit in terram, lingua lambetur, & tabula radetur, si  
fuerit tabula, ut non conculcetur, locus corrodetur, &  
igne consumetur, & cinis intra altare recondetur, & sa-  
cerdos quadraginta diebus <sup>a</sup> pœniteat. Si super altare  
stillauerit calix, sorbeat minister stillam, & tribus diebus  
pœniteat. Si super linteam altaris, & ad aliud stilla,  
peruenerit, tribus diebus pœniteat. Si usque ad tertium,  
nouem diebus. Si usque ad quartum, viginti diebus pœ-  
niteat. & lintamina quæ tetigerit stilla, tribus vicibus  
minister abluat, calice subterposito, & aqua ablutionis  
sumatur, & iuxta altare recondatur. Hæc canon.  
<sup>a</sup> Pœniteat, Appa. hæc pœnitentia erit, ut tot diebus ie-  
iunet, & tot diebus abstineat a perceptione sacramen-  
torum. Arg. 45. dist. Quidam enim de Episcopis.

De pœnitentia eius, qui sacrificium euomit. Cap. III.  
Particula XL.

**D** E consecr. d. 2. Ex pœnitentia Bedæ presbyteri:  
Si per ebrietatē, vel voracitatem Eucharistiā euo-  
muerit, quadraginta diebus pœniteat, si laicus est. Cleri-  
ci vel monachi, seu diaconi, & presbyteri, septuaginta  
diebus pœniteant, Episcopi, nonaginta. Si pro infir-  
mitatis causa euomuerit, septem diebus pœniteat.  
Hæc canon.

De pœnitentia eius, qui presbyterum interfecit. Cap. III.  
Particula XLI.

**E** X T R A de pœn. & remis. ex concil. Moguntino:  
Qui presbyterum occiderit, duodecim annorum  
pœnitentia ei secundum canones imponatur. & infra:  
Conuictus usque ad vltimum tempus vite suæ mili-  
tia cingulo carcat, & absque spe coniugij maneat.  
Hæc canon.

De pœnitentia beneficiati ab Ecclesia, qui rectorem, vel  
clericum alium ipsius Ecclesiæ interfecit. Cap. III.  
Particula XLII.

**E** X T R A de pœnis. Innoc. III. in concilio gene-  
rali. hæc decretalis secundum quosdam incipit ibi:  
In quibusdam. & pro vna computatur. Sacri nihilomi-  
nus concilij approbatione statuimus, quatenus si patro-  
ni, vel aduocati, seu feudatarij, seu vice domini, aut  
aliij beneficiati alicuius Ecclesiæ rectorem, vel clericum  
alium ipsius Ecclesiæ, per se, vel per alios, occide-  
re, vel mutilare ausu nefando præsumpsint, patroni  
ius patronatus, aduocati aduocatiā, feudatarij feudū,  
vice domini viccedominatū, & beneficiati beneficium  
provisus amittant, & ne minus vindictæ quàm excessus  
memoria provogetur, non solum de præmissis nihil per-  
ueniat ad heredes, sed etiam usque ad quartam genera-  
tionem, posteritates talium in clericorum collegium nul-  
latenus admittantur, nec in domibus regularibus, alicui  
ius praelationis assequantur honorem, nisi cum eis fuerit  
misericorditer <sup>a</sup> dispensatum. Hæc canon.

Dispen-

<sup>a</sup> *Dispensatum*, Appar. ab Episcopo, licet honestum. A  
esset quod fieret de licentia Papæ.

De pœnitentia incendiariorum. Cap. III.  
Particula XLIII.

**E**XTRA de iniurijs, ex pœnitentia Romano:  
Si quis domum vel aream cuiusque voluntarie in-  
cenderit, sublata & incensa omnia restituat, & tres an-  
nos pœniteat. Hæc canon.

7.18.

Itē alius canō de eod. 23. q. 8. Inn. II. in vniuersali cōc.  
Pessimam siquidem & depopulatricem, & horrendam  
incendiariorum malitiam, auctoritate Dei & beatorum  
Apostolorum Petri & Pauli omnino detestamur & in-  
terdicimus. Si quis igitur post huius nostræ prohibitio-  
nis promulgationem, malo studio, siue pro odio, siue pro  
vindicta, ignem apposuerit, vel apponi fecerit, aut ap-  
positoribus cōsilium vel auxilium scienter tribuerit, ex-  
communicetur. & si mortuus fuerit incendiarius, Chri-  
stianorum careat sepultura; nec absoluitur, nisi prius  
damno, cui intulerit, secundum facultatem suam re-  
sarcito: & iuret se ignem de cetero non appositurum.  
Pœnitentia autem ei detur, vt Hierosolymis, aut in Hi-  
spania in seruitio Dei, per annum integrum permaneat.  
Si quis autem Archiepiscopus, vel Episcopus hoc rela-  
xauerit, damnum restituat, & per annum ab Episco-  
pali officio absteineat. Sane regibus, & principibus, fa-  
ciendæ iustitiæ facultatem, consultis Archiepiscopis, &  
Episcopis non negamus. Hæc canon.

Hodie postquam publicati sunt, non possunt absol-  
ui citra sedem Apostolicam, extra de sent. excom. Tua  
nos. Appa. quia hæc non distinguitur, de omnibus  
intelligas. Tamen non credo, quod omnes incendia-  
rij generaliter sunt ipso iure excommunicati, nisi de  
incendiarijs Ecclesiarum, cum de alijs non inueniam.  
& per hanc decretalem probatur, quod ipso iure sint  
excommunicati; sed illis primo excommunicatis ab  
Episcopis subsecuta publicatione & denunciatione,  
Papa per hanc decretalem, sibi reseruat eorum absolu-  
tionem ad terrorem. Hæc Appa. Raymundus, &  
Redonen. tantum intelligunt de incendiarijs sacrorum  
locorum. Ganfredus dicit, quod Episcopus potest in-  
cendiarium excommunicare, sed non absolvere post-  
quam fuerit denunciatus, cum quo concordat textus.  
Hæc decretalis & Apparatus, & copiose, & ideo ma-  
gis ei credo.

De pœnitentia communicantis cum hæretico. Cap. III.  
Particula XLIV.

**V**igesimaquarta quæstione prima, Iulius Papa:  
Si quis dederit, vel acceperit communionem de  
manu hæretici, & nescit quod Ecclesia catholica con-  
tradicit, postea intelligens, annum integrum pœniteat.  
Si autem scit, & neglexit; & postea pœnitentiam ege-  
rit, decem annos pœniteat. Alij iudicant septem, &  
quidem humanius, vt quinque annos pœniteat. Si quis  
permiserit hæreticum Missam suam celebrare in Ecclesia  
catholica, & nescit, quadraginta dies pœniteat. Si pro  
reuerentia eius, annum integrum pœniteat. Si pro dam-  
natione Ecclesiæ catholicæ, & consuetudinis Romano-  
rum, projiciatur ab Ecclesia sicut hæreticus, nisi habeat  
pœnitentiam: si habuerit pœnitentiam, decem annis  
pœniteat. Si recesserit ab Ecclesia catholica in congre-  
gatione hæreticorum, & alios persuaferit, & postea pœ-  
nitentiam egerit, duodecim annis pœniteat, tres extra  
Ecclesiam, septem<sup>b</sup> inter audientes, & duos adhuc  
extra communionem. De his ita in canone dicitur, vt  
duodecimo anno, communionem sine oblatione

percipiant. Hæc canon.

<sup>a</sup> Nescit, Appar. ignorantia iuris, vel ignorantia  
facti crassa. <sup>b</sup> inter audientes, Appar. catechumenos,  
qui olim audiebant Missam, vsque ad secretam Mis-  
sæ, & postea expellebantur, de consecr. distin. 1. Epi-  
scopus nullum.

De pœnitentia eius, qui cognoscit duas sorores, vel matrem  
& filiam, amitam, vel neptem. Cap. III.  
Particula XLV.

**T**Rigesimasecunda q. 7. ex Moguntinen. concilio:  
Si quis viduam uxorem duxerit, & postea cum  
filiastra sua fornicatus fuerit, seu cum duabus sororibus,  
aut si qua cum duobus fratribus, seu cum patre & filio,  
si quis relictam fratris, si quis nouercam aut neptem,  
aut nurum, aut consobrinam, aut filiam auunculi, aut  
eius relictam, aut priuignam polluerit, eos disijungi,  
& ulterius numquam coniugio copulari precipimus.  
Hæc canon.

De pœnitentia eius, qui cum brutis coierit, vbi nota ra-  
tionem septennus pœnitentia. Cap. III.  
Particula XLVI.

**T**Rigesimatertia q. 2. Isidorus ad Massonē Episc.  
Hoc ipsum, quod canonum censura, post se-  
ptem annos remeare pœnitentem in statum pristinum  
precipit, non electione proprij arbitrij sancti patres, sed  
potius ex sententia diuini iudicis sanxerunt. Nam le-  
gitur, quod Maria soror Aaron prophetissa, dum detra-  
ctionis aduersum Moysen incurrisset delictum, illico  
stigmatē lepræ percussa est. Cumq. peteret Moyses vt  
emundaretur, præcepit eam Dominus extra castra se-  
ptem diebus egredi, & post emundationem rursus eam  
in castra admitti. Maria vero soror Aaron, caro intel-  
ligitur sacerdotis, quæ dum superbiæ dedita sordidissimis  
cogitationum maculatur contagijs, extra castra septem  
diebus, id est, extra collegium sanctæ Ecclesiæ septem  
annis projicitur, vbi post emendationem vitiorum, loci,  
vel pristinae dignitatis recipiat meritum. Et post pau-  
ca: In fine autem epistolæ hoc adijciendum putauimus, vt  
quotiescumque in gestis conciliorum discors sententia  
inuenitur, illius magis sententia teneatur, cuius an-  
tiquior, & potior extat auctoritas. Hæc canon.

Num. 12.

**E**t hoc quamquā de sacerdotibus videatur specialiter di-  
ctū, generaliter tamen de omnibus pœnitentibus oportet  
intelligi. Ad imitationē namque illius diuinæ sententiæ  
David de adulterio, et homicidio reprobatus, vnius heb-  
domadæ ieiunium in satisfactionē admissi sceleris, Deo  
legitur obtulisse. Hinc etiam ecclesiastica consuetudi-  
ne est usurpatum, vt maiorum criminum pœnitentia,  
septem annorum spatium concludatur, nisi vel officij  
excellencia, vel criminum magnitudo, vulgarem con-  
suetudinem excedens, veluti dum contra naturam hu-  
manæ societatis, parentibus vel liberis, vel alijs eius-  
modi personis impudicē adhæremus: vel dum relicto na-  
turali vsu contra naturam, more Sodomitico, fornicamur,  
vel vsque ad coitum brutorum animalium pro-  
labimur, præmissum spacium transcendere cogat.  
Hæc Gratianus.

Hæc quæ so-  
quuntur,  
sunt verba  
Gratiani.  
2. Reg. 12.

De pœnitentia patroni, qui dilapidat res Ecclesiæ.  
Cap. III. Particula XLVII.

**S**edecima q. 7. Filijs vel nepotibus ac honestiori-  
bus propinquis eius, qui construxit vel ditauit Ec-  
clesiam, licitum sit, hanc habere solertiam, vt si sa-  
cerdo-

Cōc. Tolet.  
9. c. 1.

cerdotem, seu ministrum aliquid ex collatis rebus de-  
fraudare praeuiderint, aut commonitionis honesta con-  
uentione compescant, aut Episcopo vel iudici corrigen-  
da denuncient. Quod si Episcopus talia agere tentet, Me-  
tropolitano eius hac insinuare procurent. Si autem me-  
tropolitano talia gerat, regis hac auribus intimare non  
differant. Ipsi tamen heredibus in eisdem rebus non li-  
ceat quasi proprii iuris potestatem praeferre, non rapi-  
nam non fraudem ingerere, non violentiam quamcum-  
que praesumere, sed hoc solum in salutarem sollicitudi-  
nem adhibere, quod aut nullam noxam operatio nocens  
atingat, aut multam, vel aliquam partem salutaris mer-  
cedis assumat. Si quis vero deinceps hac monita temere  
praesumpserit, et male rapta cum confusione restituet,  
& excommunicationis annuae sententiam sustinebit.  
Hæc canon.

De poenitentia eius, qui domum suam cum magicis &  
incantationibus lustrat. Cap. III.  
Particula XLVII.

6.23.al. 24 V Igesimasexta quaestio. 5. ex Ancirano concilio:  
Qui diuinationes expetunt, etiam morem genti-  
lium subsequuntur, vel in domos suas huiusmodi ho-  
mines introducunt, exquirendi aliquid arte malefica, aut  
expian-<sup>b</sup>di causa, sub regula quinquennij iaceant, se-  
cundum gradus poenitentiae diffinitos. Hæc canon.  
<sup>a</sup> In domos suas, Appa. Secundum leges isti concre-  
mantur, sed ille in cuius domo hæc fiunt, post publica-  
tionem bonorum in exilium mittitur, ut de maleficis.  
Nullus. <sup>b</sup> Expiandi, Appar. Infirmittatis purgandæ.

De poenitentia Episcopi vel clerici magos vel aruspices  
consulentis. Cap. III. Particula XLIX.

V Igesimasexta q. 5. ex concilio Toletano 4. cap. 30.  
Si quis Episcopus, aut presbyter, aut diaconus,  
aut quilibet ex ordine clericorum, magos, aut aruspices,  
aut incantatores, aut ariolos, aut certe augures, vel so-  
tilegos, vel qui profitetur artem magicam, aut aliquos eo-  
rum similia exercentes, consuluisse deprehensus fuerit,  
ab honore dignitatis suae suspensus, monasterij curam su-  
scipiat, ibique poenitentiae perpetuae deditus, scelus ad-  
missum sacrilegij soluat. Hæc canon.

De poenitentia sacerdotis, cuius negligentia sacrificium  
a bruto comeditur. Cap. III.  
Particula I.

D E consecratione dist. 2. ex concilio Aurelianen.  
Qui bene non custodierit sacrificium, & mus vel  
aliud aliquod animal illud comederit, quadraginta dies  
poeniteat. Qui autem perdiderit illud in Ecclesia, aut  
pars eius ceciderit, & non inuenta fuerit, triginta dies  
poeniteat. Hæc canon.

De poenitentia sacerdotis, qui incaute Eucharistiam di-  
misit. Cap. III. Particula LI.

E X T R A de cust. Euchar. Inno. III. in cōc. generali:  
Statuimus ut in cunctis Ecclesiis chrisma, & Eu-  
charistia sub fidei custodia clauibus adhibitis conseruē-  
tur, ne possit ad illa temeraria manus extendi, ad ali-  
qua horribilia, vel nefaria exercenda. Si vero is, ad  
quem spectat custodia, ea incaute reliquerit, tribus men-  
sibus ab officio suspendatur, & si per eius incuriam ali-  
quid nefandi inde contigerit, grauiori subiaceat ultioni.  
Hæc canon.

S. Bon. Tom. 7. Pars iij.

A De poenitentia iurantis non facere pacem cum proximo.  
Cap. III. Particula LII.

V Igesimasecunda quaestio. 4. ex concilio Ilerdensi: <sup>can. 7.</sup>  
Qui sacramento se obligauerit, ut litigans cum quoli-  
bet ad pacem nullo modo redeat, pro periurio, uno anno a  
communione corporis & sanguinis Domini segregatus,  
reatum suum eleemosynis, fletibus, & quantis potuerit  
ieiunijs absoluat, ad charitatem vero, quae operit multi-  
tudinem peccatorum celeriter venire festinet. Hæc  
canon. <sup>1. Pet. 4. c.</sup>

B De poenitentia scienter rebaptizati, & bis confirmati.  
Cap. III. Particula LIII.

E X T R A de apostatis. Alexander Tertius:  
Ex litterarum tuarum tenore perpendimus, quod  
quidam aegritudine longa confectus, insano sortilega-  
rum mulierum credens consilio, ut sanaretur, per itera-  
tionem fecit iniuriam baptismatis sacramento. Et infra:  
Quia ergo nos tua duxit prudentia consulendos, quali-  
ter puniri debeat acolytus, quem minor aetas, & inten-  
tio fraternae salutis excusare videtur, discretioni tuae  
praesentibus litteris respondemus, quod ad superiores or-  
dines promoueri, si publicum est, quod proponitur, non  
ualebit, nisi ad religionem transire voluerit, ut fauore  
religionis ipsius, circa eum valeat dispensari. Si vero  
occultum est, promoueri poterit, & excessum suum di-  
gnis poenitentiae fructibus expiare. Hæc canon.

Itē de eod. de conse. d. 5. ex cōcil. Tarraconen. ca. 6.  
Dictum est nobis, quod quidam de plebe bis, vel ter,  
vel eo amplius Episcopis ignorantibus, tamen ab eis-  
dem Episcopis confirmantur. Unde nobis visum est ean-  
dem confirmationem sicut nec baptismum iterare mini-  
me debere: quia bis, vel ter, vel amplius baptizatos,  
aut confirmatos, non seculo, sed Deo soli, sub habitu re-  
gulari, vel clericali religiosissime famulari decretum  
est. Hæc canon.

De poenitentia raptoris. Cap. III.  
Particula LIV.

E X T R A de raptoribus, Eugenius Tertius:  
Statuimus, ut quicumque ex his, qui violenter  
surrexerint in rapinam, siue in Ecclesiarum violatione ma-  
nifeste deprehensus fuerit, nisi prius ablata restituat, si  
poterit, vel emendandi firmam & plenam securitatem  
fecerit, poenitentiae beneficium ei penitus denegetur. Si  
vero usque ad obitum, in contumacia sua durauerit, & in  
extremis positus remedium poenitentiae humiliter postula-  
uerit, si emendationem, vel emendandi securitatem prae-  
stiterit, ei poenitentia, & Ecclesiastica sepultura con-  
cedantur. Qui autem in sanitate obstinata mente non  
poenituerit, vel emendauerit, & in morte securitatem  
praestare nequiuert, sollemnitas poenitentiae parum pro-  
desse videtur, sicut credimus. Sed de peccato contrito  
viaticum non negetur, ita tamen ut nullus clericorum  
sepultura illius intersit, nec eius eleemosynam accipe-  
re praesumat. Quod si qui presbyterorum, vel clerico-  
rum, contra hoc in vita, vel in morte poenitencias da-  
re, aut sepultura interesse, vel eorum eleemosynas ac-  
cipere attentauerint, seu huiusmodi rapinae participes  
inuenti fuerint, ordinis sui damnum irreuerabili-  
ter patiantur, & Ecclesiastico beneficio careant.  
Hæc canon.

Secundum Raymundum dicere potes, quod hæc  
decretalis, est localis, vel quando illi non poenituerant.  
Videtur enim, quod si aliquis esset etiam pro huius-  
modi

modi criminibus excommunicatus, & dum in extremis ageret pœnitentiam, iuxta formam Ecclesiæ absolutus, non debet ei cœmeterium, vel alia Ecclesiæ suffragia denegari, sed eius heredes, & propinqui, ad quos bona peruenierint ipsius, ut pro eo satisfaciant, sunt censura Ecclesiastica compellendi. Extra de sepulchris Parochianos. s. Parum prodesse. Appa. quantum ad pœnam temporalem.

*De pœnitentia propter necessitatem famis furtum committentis. Cap. III. Particula LV.*

**E**XTRA de furtis. ex pœnitentia Theodori: Si quis propter necessitatem famis, aut nuditatis furatus fuerit cibaria, vestem, vel pecus, pœniteat hebdomadas tres. Et si reddiderit, non cogatur ieiunare. Hæc canon.

*De pœnitentia eius, qui stuprauit virginem. Cap. III. Particula LVI.*

**E**XTRA de adulterijs. Gregorius. Peruenit ad nos quod Felix quandam virginem decepit stupro. Quod si verum est, quamvis esset de lege pœna plectendus, nos aliquatenus legis duritiam mollientes, hoc modo disponimus, ut, aut quàm stuprauit uxorem habeat, aut si renuendum putauerit, corporaliter castigatus, excommunicatusque, in monasterio, in quo agat pœnitentiam, retrudatur, de quo nulla sit ei egrediendi sine præceptione licentia. Hæc canon.

*De pœnitentia adulteri vel adultera. Cap. III. Particula LVII.*

**E**XTRA de adulterijs. Alexander Tertius: Significasti nobis, quendam presbyterum cum alterius coniuge intra Ecclesiam dormiuisse, quæ se & illum cuidam sacerdoti huiusmodi delictum confessos fuisse publice tibi detexit, & hoc ipsum idem sacerdos nomen adulteri celas in tua præsentia dixit. Super quo quid fieri debeat, cum, negante adultero, mulier in confessione persistat, consilium requisisti. Ideoque mandamus, quatenus condignam pœnitentiam præfatæ imponens adultera Ecclesiam per aspersionem aquæ benedictæ reconciliare procures. Prædicto autem sacerdoti, ne contra Apostolum, infirmorum corda, mala fama ipsius percutiantur, & ne vituperetur ministerium nostrum, neque presbyteri securiores existentes, in peccatum licentius prolabantur, cum vicinis presbyteris, quos se peierare nolle cognoueris, iuxta arbitrium tuum, purgationem indicas, quem si purgare se poterit, in officio suo ministrare permittas, alioquin ipsum ab officio suo suspendere non postponas. Hæc canon.

Pœna autem pro adulterio imponitur mortis, quasi pro sacrilegio. Nam sacrilegos nuptiarum gladio puniri oportet, ut C. de adulteriis. l. Quamuis. Femina autem, iure authenticorum, verberata in monasterium retrudatur, quam intra biennium viro recipere licet, biennio transacto, vel viro mortuo, antequam uxorem de monasterio educat, adultera tonsa monastico habitu suscepto, ibi, dum viuit, permaneat, duabus partibus propriæ substantiæ liberis applicandis, tertia monasterio. Si liberos non habeat, parentibus extantibus huiusmodi iniquitati non consentientibus, tertia pars applicatur, duæ monasterio. quibus prædictis non extantibus, tota substantia monasterio quaeritur, pactis dotalium instrumentorum omni casu seruandis, ut in auth. Vt nulli iudicium. Hæc sunt verba Ganfredi.

*A De pœnitentia medicorum corporum, medicos animarum non vocantium. Cap. III. Particula LVIII.*

**E**XTRA de pœnitent. & remis. Innoc. Tertius: Cum infirmitas corporalis nonnumquam proueniat ex peccato, dicente Domino languido, quem sanauerat: Vade et amplius noli peccare, ne deterius aliquid tibi contingat. præsentis decreto statuimus, & districte precipimus medicis corporum, ut cum eos ad infirmos vocari contigerit, ipsos ante omnia moneant, & inducant, ut medicos aduocent animarum, ut postquam fuerit infirmo de spiritali salute prouisum, ad corporalis medicinæ remedium salubrius procedatur, cum causa cessante cesset effectus. Hoc quidem inter alia huic causam dedit edito, quod quidam in ægritudinis lecto iacentes, cum eis a medicis suadet, ut de animarum salute disponant, in desperationis articulum incidunt, unde facilius mortis periculum incurrunt. Si quis autem medicorum huius nostre constitutionis, postquam per prælatos locorum fuerit publicata, transgressor extiterit, tamdiu ab ingressu Ecclesiæ arceatur, donec pro transgressione huiusmodi satisfecerit competenter. Ceterum cum anima sit multo pretiosior corpore, sub interminatione anathematis prohibemus, ne quis medicorum pro corporali salute aliquid ægroto suadeat, quod in periculum animæ conuertatur. Hæc canon.

*De pœnitentia & pœna negligentium confessionem & communionem, & peccata in confessione detecta reuelantium. Cap. III. Particula LIX.*

**E**XTRA de pœnitent. & remis. Innoc. Tertius: Omnis utriusque sexus fidelis, postquam ad annos discretionis peruenierit omnia sua solus peccata, saltem semel in anno fideliter confiteatur, proprio sacerdoti, & iniunctam sibi pœnitentiam, proprijs viribus studeat adimplere, suscipiens reuerenter ad minus in Pascha, Eucharistiæ sacramentum, nisi forte de proprii sacerdotis consilio, ob aliquam rationabilem causam, ad tempus ab huiusmodi perceptione duxerit abstinendum. Alioquin viuens, ab ingressu Ecclesiæ arceatur, & moriens, Christiana careat sepultura. Vnde hoc salutare statutum, frequenter in Ecclesijs publicetur, ne quisquam ex ignorantia cecitate, vel amen excusationis assumat. Si quis autem alieno sacerdoti voluerit iusta de causa sua confiteri peccata, licentiam prius postulet, & obtineat a proprio sacerdote, cum aliter ipse illum non possit absolueri vel ligare. Sacerdos autem sit discretus & cautus, ut more periti medici, superinfundat vinum, & oleum vulneribus sauciati, diligenter inquirens, & peccatoris circumstantias & peccati, quibus prudenter intelligat, quale debeat ei præbere consilium, & cuiusmodi remedium adhibere, diuersis experimentis utendo, ad sanandum ægrotum. Caveat autem omnino, ne verbo, aut signo, aut alio quouis modo aliquatenus prodatur peccatorem. Sed si prudentiori consilio indigerit, illud absque ulla expressione personæ caute requiratur: quoniam qui peccatum in pœnitentia iudicio sibi detectum præsumpsit reuelare, non solum a sacerdotali officio deponendum decernimus, verum etiam quod agendum perpetuam pœnitentiam in arctum monasterium detrudendum. Hæc canon.

DE VSV



## DE VSV CLAVIVM. Cap. IIII. A continens particulas III.

*De quattuor casibus, in quibus sacerdos non potest absol-  
vere, & quod sex modis falsa pœnitentia dicitur,  
& proprius sacerdos sex modis dicitur.  
Cap. IIII. Partic. I.*

Quattuor  
modis dici-  
tur quis nō  
vere contri-  
tus.



**R** I M V S casus, in quo sacerdos non potest confitentem absolvere, est, cum quis non est vere contritus. Talis enim nec a summo Pontifice, posset absolui a peccatis. Quattuor autem modis dicitur & est aliquis non vere contritus, sed falsē, qui

Greg. VII.  
in Syn. Ro-  
ma. celebra-  
sa an. 1078  
a. 6.

notantur de pœnitentia distin. 5. & sunt verba Gre-  
gorij: Falsas pœnitentias dicimus, quæ non secundum  
auctoritatē sanctorum patrum pro qualitate criminū  
imponuntur. Ideoq. quicūque miles, vel negotiator,  
vel alicui officio deditus, quod sine peccato exerceri  
nō possit, si grauioribus culpis irretitus ad pœnitentiā  
venerit, vel qui bona alterius iniuste detinet, vel qui  
odium in corde gerit, recognoscat se veram pœni-  
tentiam non posse peragere, per quam ad vitam æter-  
nam valeat peruenire, nisi negotiationem relinquat,  
vel officium deferat, bona quidem, quæ iniuste abstu-  
lit, restituat, & odium ex corde dimittat, arma depo-  
nat, vltiusq. non ferat, nisi consilio religiosorum E-  
piscoporum, pro defendēda iustitia. Quintus modus, no-  
tatur eadem dist. ex verbis Inno. I. Fratres nostros Epi-  
scopos & presbyteros admonemus, ne falsis pœnitētijs  
laicorum animas decipi, & in infernū pertrahi patian-  
tur. falsam autem pœnitentiam esse constat, cum spre-  
tis pluribus, de vno solo pœnitentia agitur, aut cum  
sic agitur de vno, vt non discedatur ab alio. Vnde scri-  
ptum est: Qui totam legem obseruauerit, offendat au-  
tem in vno, factus est omnium reus, scilicet quan-  
tum ad vitam æternam. Sicut enim si peccatis omni-  
bus esset inuolutus, ita & si in vno tantum maneat,  
vitæ æternæ ianuam non intrabit. Falsa est etiam pœ-  
nitentia, cum pœnitens ab officio vel curiali, vel ne-  
gotiali non recedit, quod sine peccatis agi nullatenus  
præualer, aut si odium in corde gesserit, aut si offen-  
so cuiilibet non satisfacit, aut si offendenti offensum non  
indulgeat, aut si arma quis contra iustitiam ferat.  
Hæc canon.

Pœnitentia  
falsæ sex mo-  
dis dicitur.

Ex his duobus capitulis colligitur, quod quinque  
modis falsa pœnitentia dicitur. Primus est, si confi-  
tens ex contemptu & sine rationabili causa, pœniten-  
tias secundum auctoritatem Patrum taxatas, subire no-  
luerit. Secundus, si officium, de quo viuit, non iustifi-  
cauerit, vel si sine peccato exerceri non possit, non di-  
miserit. Tertius, si odium in corde tenuerit. Quar-  
tus, si ablata non restituerit. Quintus, si in volunta-  
te peccandi remanserit. Sextus addi potest, si de pec-  
catis præteritis sufficienter non doluerit. & hic sextus  
modus tangitur ab Augustino, cuius verba sunt hæc:  
Continue enim dolendum est de peccato, quod de-  
clarat ipsa dictionis virtus. Pœnitere enim est pœnam  
tenere. quapropter pœnitentia talium dicitur attritio,  
non contritio. Secundus casus est, quando tam gra-  
uia quis commisit peccata, quod ad superiorem de-  
beat confitens transmitti, quæ autem sint illa, postea  
disseretur. Tertius, si maiori excommunicatione  
sit confitens innodatus, a qua non potest absolui, nisi  
per proprium sacerdotem. Quartus, si confitens non  
est subditus confessoris, & confessor non sit eius sacer-  
dos proprius. Quia vt dicit canon. 6. quæst. 3. Scri-  
ptū ex Deuteronomio 23. Nemo debet falcē in mes-  
sem alterius mittere. Et 9. q. 2. Nullus Parochianuū  
alterius iudicare præsumat. & de pœn. d. 6. c. si. dicit Vr-  
banus Secundus: Qui contra hæc statuta facere tenta-  
uerit, gradus sui periculo subiacebit. & vt dicit Ca-  
S. Bon. Tom. 7. Pars iij.

Aug. lib. de  
vera & fal-  
sa pœnit. c.  
23. 10. 4.

lixus Papa. 9. quæst. 2. cap. 1. Talis iudicatio nullas ha-  
bet vires, quoniam nullius alterius iudicis nisi sui sen-  
tentia tenebit. Si autem cogitas, quia tota die contra-  
rium fieri videmus. Respondeo, tanto peius. & qui  
hos canones non seruant, grauissime peccant.

Sciendum tamen, quod proprius sacerdos alicuius Sacerdos  
superioris, prout determinantur pastores, vel vicarij proprius  
ab illis, quibus licet habere vicarios ex dispensatione sex modis  
superioris. Secundo modo per priuilegium aliquo- dicitur.  
rum, vt quidam religiosi sunt. Sed talibus confessi,  
nisi legitimū impedimentum habeant, debent ite-  
rum sacerdoti proprio confiteri. Tertio per licen-  
tiam proprii sacerdotis, cum mittit subditos ad ali-  
quos discretos. Illa tamen licentia non debet fieri  
generaliter ad omnes, sed ad illos, vel ad illum, quem  
scit esse discretum & notum. Quarto cum quis est va-  
gabundus, & peruenit ad sacerdotem discretum, &  
notum. Quinto, cum quis est in articulo extremæ  
necessitatis. In illa enim potest quilibet sacerdos, quē-  
libet verum contritum absolvere ab omni excom-  
municatione, & ab omni peccato, quantumcumque  
sit graue. Vnde Iulius Papa. 26. quæst. 6. Si presby-  
ter abnegauerit pœnitentiam morientibus, reus est  
C animarum. Sexto propter nimium defectum sacer-  
dotis.

Quinque autem faciunt nimium defectum in sacer-  
dotibus. Vnum est, si sunt confessionis proditores:  
per hoc enim non solum damnantur æternaliter, sed,  
vt dicitur in canone, etiam in præsentī puniuntur,  
per beatum Gregorium depositione, & perpetua pere-  
grinatione, de pœniten. distin. 6. Sacerdos. Per Innoc.  
III. non solum depositione, sed insuper arcta mona-  
sterij intrusione. Extra de pœniten. & remis. Omnis  
vtriusque sexus. Item alius canon 5. quæst. 6. Delato-  
ri, aut lingua capuletur, aut conuictio caput damnetur,  
vel amputeretur. Hæc canon. Capuletur, idest suspen-  
datur caput, scilicet ciuile, non naturale, quod dicitur  
status hominis. Instit. de capit. deminuit. Secundū  
si sunt notorii iuris, & vt credo facti fornicatores.  
Tertium, si sunt iudicij confessionis peruersores, eo  
quod sint de quibus dicit Isaias: Væ qui iustificatis im-  
pium pro muneribus, & iustitiam iusti aufertis ab  
eo. Quartum, si sunt aliquarum personarum sol-  
licitatores. Quintum, si grauem & cæcam patiun-  
tur ignorantiam, ne si cæcus cæcum ducat &c Nam  
vt dicitur in sentent. lib. 4. dist. 21. cap. vlt. & de pœ-  
niten. distin. 6. Quod autem dicitur: aliud est fauore,  
vel odio, sacerdotem proprium contemnere, quod  
canones prohibent: aliud cæcum vitare, quod Vrba-  
nus facere monet. Ne si cæcus cæcum &c. Et in illis ca-  
sibus tunc efficitur subito alius sacerdos proprius, non  
quilibet tamen, sed discretus, & notus ex ordine, vel  
persona. Dico autem notus, ne detur occasio decli-  
nandi ad hæreticos. Si vero prædictorum quattuor ni-  
hil impediatur, potest confessor confitentem ab omni-  
bus absolvere, cum distinctione prædicta, videlicet  
quod confitens sit bene contritus, quod nō sit grauior-  
ibus criminibus irretitus, quod non maiori excom-  
municatione innodatus, quod confessoris subditus  
vno prædictorum sex modorum.

*Quibus sacerdos possit, vel non possit iniungere pœniten-  
tias viles ad salutem, & de forma pœnitentia  
sollemnis. Cap. IIII. Partic. II.*

**A**TTENDENDVM igitur, cū sint tria genera cōfi-  
tentium, quod secundū omnes doctores primis  
nulla potest iniungi pœnitentia utilis ad salutē, nec per  
maiores videlicet, nec per minores. Horum autem  
sunt sex genera. Primi raptores, secundi vſurarij, ter-  
tij incendiarij, quarti fures, quinti simoniaci, sexti  
dolosi circumuentiones, vt sunt peruersi iudices, ad-  
uocati iniqui, testes falsi, negotiatores fraudulentī,  
& hu-

F 2

& huiusmodi, quibus omnibus, non potest alia a quo-  
cumque iniungi pœnitentia, nisi illa Euāgelica; Red-  
*Matt. 18. d* de quod debes: & illa Apostolica: Reddite omnibus  
*Rom. 13. d* debita: & illud Ecclesiastici: Redde debitum tuum.

*Eccl. 4. 4* Quod si hāc acceptare noluerit cōfitemens, nulla alia iniungi potest, quæ sibi valeat ad salutē. Quia, ut dicit  
*Aug. epist.* Augustinus in Epistola ad Macedonium 14. q. 6. Si  
*34. ad Ma-* res aliena, propter quam peccatum est, possit reddi,  
*sed. 10. 2.* & non redditur, pœnitentia non agitur, sed simulatur. Si vero pœnitentia veraciter agitur, non dimittitur peccatum, nisi restituatur ablatum. Septimi sunt quibus etiam a nullo iniungi potest pœnitentia, quicumque mortale peccatum dimittere nolunt, de quibus tactum est supra, potest tamen eis dari consilium beati Gregorij dicentis de pœnit. dist. 5. Falsas pœnitentias dicimus, &c. Nec tamē desperet, sed faciat interim quidquid boni potest, ut Dominus illuminet, cor eius ad pœnitentiam.

*Greg. VII. in Synod. Rom. celebrata anno 1078, c. 6.* Secundi vero sunt, quibus tantum a maiore iniungi potest pœnitentia, quorum sunt quinque genera. Primi, quibus sollempnis pœnitentia est iniungenda, non dico publica, sed sollempnis, quæ fit in capite Quadragessimæ, cum sollempnitate illa, quæ traditur dist. 50. In capite. & est decretū illud Agathen. cōcilij, cuius verba sunt hæc: In capite Quadragessimæ, omnes pœnitentes, qui publicā suscipiunt aut susceperūt pœnitentiam, ante fores Ecclesiæ se repræsentēt Episcopo ciuitatis, sacco induti, nudis pedibus, vultibus in terrā demissis, reos se esse ipso habitu & vultu protestātes. Ibi adesse debēt decani, id est archipresbyteri parochiarū, & presbyteri pœnitentium, qui eorū conuersationē diligenter inspicere debent, & secundum modum culpæ, pœnitentiam per præfatos gradus iniungere. Post hoc eos in Ecclesiam introducant, & cum omni clero, septem pœnitentiæ Psalmos in terra Pontifex prostratus cum lacrymis pro eorum absolutione decantet. Tunc surgens ab oratione, iuxta quod canones iubēt, manus eis imponat, aquam benedictam super eos spargat, cinerem prius mittat, deinde cilicio capita eorum cooperiat, & cum gemitu & crebris suspirijs denūciat eis, quod sicut Adam proiectus est a Paradiso, ita & ipsi pro peccatis ab Ecclesia abijciuntur. Postea iubeat ministris, quod eos extra ianuam Ecclesiæ expellant, clerus vero prosequatur eos cum responso: In sudore vultus tui, &c. ut videntes sanctam Ecclesiam, pro facinoribus suis tremefactam, atque commotam, non paruipendant pœnitentiam. In sacra autem Domini cena rursus ab eorum decanis, & eorum presbyteris, Ecclesiæ liminibus repræsententur. Hæc canon.

*Gen. 3. d*

Secundi, quando quis est excommunicatus a iure, vel a iudice, qui non debet absolui, nisi a maiore, salua distinctione iuris.

Tertij, quando quis est in quacumque irregularitate, quia propter illam debet pœnitentem mittere ad Episcopum, vel ad alium qui possit dispensare.

Quarti, sunt incendiarij satisfacere volētes, de quibus 23. q. vlt. Eutichianus Papa. c. Si quis & Inno. II. c. seq. Pessimam. Nam talia maioribus reseruantur, propter quorundam sacerdotum simplicitatem, iuxta verbum quod elici potest ex Glossa Bedæ super illud: Confitemini alterutrum, &c. Maiora maioribus, minora minoribus confitenda sunt.

*Jacob, 5. d*

Quintus casus, si sit consuetudo in aliquo Episcopatu, quod aliqua certa, & grauiora crimina ad Episcopum deferantur, quæ sibi singulariter reseruauit, puta in quibusdam Ecclesijs homicidia, sacrilegia, peccata contra naturam notorie facta, peccata falsariorum, & huiusmodi talia, si sit consuetudinis, vt maioribus reseruentur. Pro omnibus alijs potest iniungi pœnitentia vere contrito etiam a minori, cum distinctione prædicta.

*De quattuor regulis obseruandis in pœnitentijs iniungendis. Cap. IIII. Particula III.*

**P**ost hoc, notandæ sunt quattuor regulæ, in iniunctione pœnitentiæ strictissime obseruandæ.

Prima est, vt secundum qualitatem culpæ, imponatur qualitatem pœnitentiæ, videlicet pro occultis peccatis occultam, pro manifestis vero manifestam iniungat pœnitentiam, vt ait super Mar. 6. magna Glossa Bedæ, quæ sic incipit: Christus tres mortuos. Notandum quoque, quod publica noxa publico eget medicamento, leuia autem & secreta, possunt deleri pœnitentia leui & secreta. Hæc Glossa. Augustinus: Qui enim multos offendit peccando, multos oportet placare satisfaciendo. Item in homilia de pœnitentia. 2. q. 1. Si peccauerit. vbi contingit malum, ibi moriatur.

Secunda regula, vt secundum quantitatem peccati, maior vel minor pœnitentia iniungatur, consideratis tamen diuersis statibus personarum, & circumstantijs, de quibus tactum est in c. 3. partic. 1. Sic enim præcipit Dominus: Iuxta mensuram peccati, erit & modus plagarum, ita tamen quod quadragenarium numerum non excedat, id est vires pœnitentis. Status enim pœnitentiæ per quadragenarium numerum figuratur. Item: In mensura contra mensuram, cum abiecta fuerit, iudicauit eam, scilicet culpam. Attendendum tamen, quod si minorem condigno iniungat sacerdos pœnitentiam, non est propter hoc pœnitens a pœna absolutus, sed quidquid purgandum remanserit, si decedit, proculdubio in igne purgatorii purgabitur, quia dicit Gregorius de pœnitentia dist. 1. c. Si peccatum David: Aut Deus punit, aut homo. Et infra: Nequaquam igitur peccatori parcitur, quia nullatenus sine vindicta culpa laxatur. Hæc canon.

Qualiter autem se habere debeat sacerdos circa infirmos, docetur in pœnitentia a Theodoro Episcopo Cantuariensi 26. q. 7. c. 1. s. Ab infirmis. & libro sententiarum 4. dist. 20. cap. Solet quæri. Ab infirmis in periculo mortis positus, pura est peccatorum confessio inquirenda, non tamen illis est imponenda quantitas pœnitentiæ, sed innotescenda, & cum amicorum orationibus, & eleemosynarum studijs, pondus pœnitentiæ subleuandum, si forte migrauerint, ne obligati, & cōmunionem, & cōsortio veniæ fiant alieni. A quo periculo si diuinitus ereptus conualuerit, pœnitentiæ momentum a sacerdote sibi impositum, diligenter obseruet.

Et ideo secundum auctoritatem canonicam, ne illis in noua pietatis clausa videatur, orationibus & cōsolationibus ecclesiasticis, sacra olei inunctione inuncti, secundum statuta sanctorum Patrum cōmunionem vitæ recipiant. Hæc canon.

Tertia regula est, vt iniungatur toto tempore vitæ suæ, de peccatis præteritis pœnitere, & propositum habeat in futuris semper abstinendi. Quia quamuis pœnitentia exterior iniungatur alicui ad tempus, debet tamen vsque ad finem vitæ suæ dolere, secundum quod dicit Augustinus in libro de vera & falsa pœnitentia, & introducit de pœnitentia dist. 3. c. 4. & superius tactum est. Continue dolendum est de peccato, quod declarat etiam ipsa dictionis virtus. Pœnitere enim est pœnam tenere, vt semper puniat in se vliscendo, quod commisit peccando. Ille pœnam tenet, qui semper vindicat, quod commississe se dolet. vbi dolor finitur, deficit & pœnitentia. Hæc canon.

Quarta regula est, vt sibi iniungatur illud quod ait ipse Saluator: Vade, & amplius noli peccare. Vnde Augustinus: Non dixit, Nec pecces, sed nec voluntas peccandi in te oriat. Quod, quomodo seruabitur, nisi dolor in pœnitentia continue custodiatur? Sic igitur semper doleat, & de dolore gaudeat, & non semper doluisse, doleat. Hæc Augustinus. Qui ergo in vno, vel in pluribus offendere vult, nõ debet tali siue sano, siue infir-

*Aug. lib. de vera & falsa pœnit. c. 12. 10. 4.*

*Idem serm. 16. de ver. Dom. 10. 10.*

*Deut. 25. 6*

*Isa. 27. b*

*Greg. lib. 9. Mor. c. 10.*

*c. 10. 10. 4.*

*Ioan. 8. b Aug. de vera & falsa pœnit. c. 13. 10. 4.*

infirmi, siue litterato, siue illitterato, religioso, vel sa-  
culari veniam peccatorum sacerdos promittere, nec  
corpus Domini aliquatenus dare, vel licentiarum, nisi  
semper de cetero desistere voluerit ab omni mortali,  
etiam si sit sacerdos, & instet festum quodcumque, e-  
tiam si vestitus missalibus indumentis, etiam si expe-  
ctaret Papa, & Imperator, & totus mundus sacerdo-  
tem sic indutum, etiam si post annum peccare vellet,  
& tibi confiteretur. Talis enim confessio est istorum,  
qualis erat confessio presbyterorum, de quibus legi-  
tur, quod adinuicem confessi sunt concupiscentiam  
suam de Susanna, & quia tamen desistere noluerunt,  
propter iniquitatem suam perierunt. Similiter & isti  
peribunt in voluntate peccandi permanentes, quia vt

Dan. 13. b

Heb. 10. e

Pf. 68. c

1. Cor. 11. d

Matt. 26. b

Matt. 7. c

Iac. 5. d

Apostolus ait: Voluntarie nobis peccantibus, iam non  
relinquitur hostia pro peccato, Glossa: In voluntate  
peccandi permanentibus. Quotiescumque autem sa-  
cerdos, in voluntate peccandi mortaliter permanenti-  
bus licentiat corpus Christi, peccat mortaliter: quia  
Christum cum Iuda tradit, vt secundo crucifiga-  
tur. Immo dicit Augustinus in glossa super illud  
Psalmi: Et dederunt in escam meam fel, quod gra-  
uius peccat, qui contemnit regnantem in caelo, quam  
qui crucifixerunt ambulantes in terra. Hoc quidam  
pestiferi & idiotae non attendentes, dant largam licen-  
tiam communicandi, luxuriosis, exactoribus, usura-  
rijs, concubinarijs, & huiusmodi monstruosis, ira, &  
odio plenis. O magna & infelix praesumptio, licen-  
tiare alijs tam ingens flagitium, quod sibi nullus homi-  
num licentiarum posset. Magna vero praesumptio sim-  
plicis sacerdotis, licentiarum alijs, quod nec Papa, nec  
Angelus, nec Petrus, nec omnes Angelorum exerci-  
tus possent licentiarum. Cum sententiam iudicis Paulus  
voce praconia proclamauerit: Quicumque manduca-  
uerit panem hunc, vel biberit calicem Domini indi-  
gne, reus est corporis & sanguinis Domini. Glossa: In-  
digne est, qui aliter celebrat mysterium Eucharistiae,  
quam a Christo traditum est, & qui non deuota men-  
te accedit ad Eucharistiam, vel in voluntate peccan-  
di manens, & iste talis est reus corporis & sanguinis  
Domini, id est mortis Christi poenas dabit, id est, ac si  
Christum occiderit, punietur. Hae glossa. continua:  
Tam graue peccatum est, Christum indignis licentian-  
do tradere, vt ipse iudex per se clamet: Vt autem ho-  
mini illi, per quem filius hominis traderetur. Bonum  
erat ei si natus non fuisset homo ille. Glossa: Multo  
melius esset omnino non esse, quam male esse. Ac si  
aperte dicat: Melius esset tali homini, quod Christus  
numquam fuisset incarnatus, numquam natus, num-  
quam passus, numquam a morte resuscitatus, licet  
per hoc multos liberauerit, infernum spoliauerit, cae-  
los ditauerit: quia omnia haec talia non proficiunt ad  
salutem, sed ad acerbiorum damnationem, quia gra-  
uius peccant, qui contemnunt regnantem in caelo, quam  
qui crucifixerunt ambulantes in terra, vt dictum est.  
Vnde in nullo casu, sanis, nec infirmis, nec sacerdo-  
tibus, nec alijs peccare volentibus, debet sacerdos cor-  
pus Christi licentiarum vel indulgere, quia praecipit Do-  
minus: Nolite sanctum dare canibus, id est ad vomitu-  
m peccatorum redire volentibus. Sciat ergo confes-  
sor studiosus, quod si discrete in omnibus praedictis,  
se circa confitentem habuerit, non tantum saluat ip-  
sum confitentem, sed etiam seipsum. Insuper & ope-  
rit multitudinem peccatorum, ac ampliora gaudia vi-  
tae caelestis sibi conquirat. Sicut beatus Iacobus dicit:  
qui cum diseruisset de sacerdotibus, & confessio-  
ne, statim subintulit dicens: Scire debet, quoniam  
qui conuerterit peccatorem ab errore viae suae, salua-  
bit animam suam a morte, & operit multitudinem  
peccatorum.

# A DE IRREGVLARITATIBVS, & dispensationibus. Cap. V. conti- nens Particulas LIIX.

## Particula prima.



VI adultus causa mortis baptizatur, non debet promoueri, vt distin. 57. Si quis. Potest tamen Episcopus dispen-  
sare cum eo, propter raritatem cleri-  
corum, si meruerit eius vita, vt d. c.  
Si quis.

Summa ir-  
regularita-  
tum ipso iu-  
re iniuncta  
rum.

## Particula II.

QVI scienter bis baptizatur. de consec. dist. 4. Qui  
bis. Vel bis confirmatur, de consec. distin. 5. Di-  
ctum. & dist. 50. Presbyteros. Cum his non dispen-  
satur. Si vero ignoranter, Episcopus potest dispensare,  
vt in d. c. Qui bis. & 1. q. 4. Placuit.

## Particula III.

QVI sine baptismo ordinatur, talem potest Epi-  
scopus baptizare, & iterum ordinare, Extra-  
eod. de presbytero non baptizato. Si quis. & cap. Veni-  
ens.

## Particula IIII.

QVI bis ordinatur. 1. quæst. 7. Saluberrimum.  
Cum hoc dispensat Episcopus, si ignoranter,  
vt ibidem Alexander Papa.

## Particula V.

QVI per saltum ascendit ad ordinem praetermis-  
so aliquo, potest ab Episcopo ordinari, inte-  
rim ab executione suspensus, donec praetermissum  
suscipiat. dist. 48. Sicut. & dist. 52. Sollicitudo. Extra  
de clerico per saltum promotio. c. vnico.

## Particula VI.

QVI furtiue ab Episcopo suo ordinem recepit. ex-  
tra eod. Veniens. Cum H. Lator. Si talis intraue-  
rit religionem, Episcopus vel praebatus suus potest cum  
eo dispensare. Hoc intellige, si sententia excommuni-  
cationis lata non fuit, vt in dictis capp. & in App.

## Particula VII.

QVI ab alieno Episcopo, praeter sui Episcopi licen-  
tiam ordinatur. 7. q. 1. Episcopus in dioc. Cum  
hoc potest Episcopus dispensare 9. q. 2. Lugdunensis.

## Particula VIII.

QVI extra tempora statuta ordinatur. Extra de  
temporibus ordin. Cum quidam. Cum hoc  
solus Papa dispensat, vt dicitur ibid.

## Particula IX.

QVI ab Episcopo, qui cessit loco & ordini ordina-  
tur. Extra de ordinatis ab Episcopo, qui resi-  
gnauit Episcopatu, vel excommunicato, Requisiuit.  
Sed si ignoranter ad maiores ordines a tali promoue-  
tur, Episcopus suus cum eo poterit dispensare, nisi  
crassa fuerit ignorantia, vt in dicto. c. Requisiuit. Appa-  
ratus tamen dicit, quod etiam si probabilis sit ignoran-  
tia, necessaria est dispensatio.

## Particula X.

**Q** V I ab excommunicato vel suspenso ordinatur. Extra de ordinatis ab Episcopo, qui resignauit Episcopatu, vel excommunicato. Cum clericis. Sed Episcopus, vel archiepiscopus potest cum eo dispensare, vt ibidem dicitur, si ignorater recepit, quia si scienter, non dispensaretur cum eo. 9. q. 1. Ordinationes.

## Particula XI.

**Q** V I suspensus vel excommunicatus ordinem recipit. Arg. extra de etate & qualitate ordinandorum. Cum bone. Extra de clerico excommunicato ministrante. Postulasti. Cum hoc solus Papa dispensat. Extra eod. Clerici. in Appa.

## Particula XII.

**Q** V I rejicit religionis habitum, & in sæculo in apostasia fuerit ordinatus. Extra eod. Consultationi. Cum hoc solum Papa dispensat, vt ibidem dicitur. Vbi nota quosdam speciales casus, in quibus Papa dispensat in Appar.

## Particula XIII.

**Q** V I in quolibet mortali ordinatur. Arg. extra de cohabitatione clericorum & mulier. Qui sint. dist. 25. Primum. & 9. quæst. 2. Audi. Et licet talis indigeat dispensatione, secundum Raymundum Rodonen. tamen dicit hæc verba: Non credo quod indigeat dispensatione post poenitentiam, si sit occultum. Arg. extra de temp. ord. Qui sint. cui concordat Bernardus in Appar. ibidem. Item Rodonen. dicit, quod talis large dicitur suspensus, non per modum sententiae, sed per modum simplicis prohibitionis, contra quam prohibitionem, qui celebrat non incurrit irregularitatem, sicut incurrit, qui celebrat suspensus per sententiam. De hac materia multa inuenies in summa Raymundi titulo de lapsis, & c. Is. s. contra prædictas tres regulas.

## Particula XIV.

**Q** V I duos sacros ordines, vel minores cum subdiaconatu, aut diaconatu recipit vna die. Extra de temporibus ordin. Litteras. Extra eod. c. Dilectus. Extra de eo, qui furtiue suscepit ordines. Cum H. Lator. Innotuit. Cum huiusmodi potest Episcopus dispensare in minoribus, & maioribus, si intrauerit religionem, vel prælatus suus potest, vt in dicta decretali Innotuit.

## Particula XV.

**Q** V I non habens ordines, diuinum exercet officium, vel habens aliquem ordinem, & alterius ordinis, quem non habet, officium exercet, hic per dispensationem Papæ in ordine, quem habet, toleratur, sed ad alium non promouebitur, vt 14. q. 3. Priuilegiū. 25. q. 2. Sic decet. Extra eo. Si quis. & c. Ex litteris.

## Particula XVI.

**Q** V I excommunicatus, vel suspensus celebrat. vt extra de cleri. excommunic. ministrante. Clerici. & cap. Latores. & cap. sequen. & c. Fraternitati, & Apostolicæ. Si minori.

## Particula XVII.

**Q** V I in loco interdicto celebrauit. Extra de cleri. excomm. min. Postulasti. In hoc casu & in præcedenti dispensat Papa, vt dicitur in capp. dictis. maxime c. Clerici. vbi hoc satis dicitur in Appa.

## A

## Particula XVIII.

**Q** V I in hæresim lapsus, ab ea reuertitur. 1. q. 7. Saluberrimum, & c. Conuenientibus. Hic ad maiores ordines non promouetur, sed in susceptis potest Episcopus dispensare cum eo, vt in dicto cap. Saluberrimum.

## Particula XIX.

**Q** V I hæreticis Ecclesiastica sacramenta distribuerit, vel eos sepultura tradiderit, vel oblationes eorum recepit. Extra eod. Excommunicamus. 1. s. Si vero clericus. Cum his dispensat solus Papa, vt ibidem dicitur.

## Particula XX.

**Q** V I hæreticis credentibus, fautoribus, & defensoribus eorum in aliquo præstiterit auxilium, consilium, & fauorem, & qui eis in causis, vel factis, vel alijs litigationibus, sub eorum examinatione patrocinium præbuerit, & pro eis publica instrumenta, vel scripta fecerit, perpetuo est ab officio suspensus. Extra eod. Si aduersus nos.

## Particula XXI.

**Q** V I duas vxores simul, vel successiue habuit, distinct. 34. Christiano. 30. q. 1. Quomodo. Extra de diuort. Gaudemus.

## Particula XXII.

**Q** V I contrahit cum corrupta, vel vidua. dist. 32. Seriatim, & dist. 34. Curandum. & cap. Præcipimus. & extra de bigamis. c. 1. & 2. Secundum Raymundum non potest Episcopus cum bigamo dispensare. Extra de bigamis. Nuper. Ad idem facit extra de bigam. Super eo. dist. 50. Si quis viduam. Sed hoc non tenet illud. c. dist. 34. Lector, nisi forte quoad minores ordines, in quibus credo, quod Episcopus potest dispensare propter necessitatem, arg. dist. 34. Subdiaconus. & in d. c. Lector. & dist. 50. Placuit. Si tamen clericus in sacris ordinibus constitutus, qui nullam ante susceptionem ordinum habuit vxorem, contraheret de facto matrimonium, & postea transferebat ad religionem, in qua conuersaretur honeste, posset suus Episcopus dispensare. Extra Qui clerici vel vo. hucusque Raymun.

## Particula XXIII.

**Q** V I duxit viduam a primo viro intactam, vel qui duas vxores habuit prima incognita, si mortua fuerit, non est bigamus. Extra eodem. cap. Debitum. & dist. 34. cap. ultimo.

## Particula XXIV.

**Q** V I cum virgine contraxit, sed postea alterum cognouit. 34. dist. Si cuius vxorem, & c. seq.

## Particula XXV.

**Q** V I infra sacros ordines consistens, de facto contraxit. Extra de bigamis, A nobis fuit.

## Particula XXVI.

**Q** V I post vorum castitatis emissum, professione regulari contempta, de facto contraxit matrimonium. 27. quæst. 1. Quotquot. In istis casibus quinque bigamiae, potest Episcopus dispensare in minoribus tantum propter necessitatem. Arg. 34. distinct. Lector.

Lector. & cap. Subdiaconus. & distinct. 50. Placuit. A

Particula XXXVI.

Particula XXVII.

**Q**VI claustra egrediens, physicam vel leges audit. Extra Ne cler. vel mon. Super specula. Cum hoc solus Papa dispensat, ut dicitur ibid.

Particula XXVIII.

**Q**VI duxit leuem personam, ut puta ancillam ioculatricem, licet virginem, a promotione repellitur. 34. dist. Si quis viduam.

Particula XXIX.

**Q**VI in duello pugnavit. Extra eod. Porro. Cum hoc Episcopus dispensat, si mors, vel decisio membrorum non sit secuta, ut in d. c. Porro.

Particula XXX.

**Q**VI sollemnem egit poenitentiam. dist. 50. Ex poenitentibus. 32. dist. Illitteratos. Extra de bigamis. cap. primo. Cum his dispensat Episcopus, tantum in minoribus propter necessitatem Ecclesiae, vel utilitatem distinct. 50. Placuit, Extra de sent. excommunicationis. Nuper.

Particula XXXI.

**Q**VI illegitime natus est. Extra de fil. presbyter. cap. 1. Extra de elect. Innotuit. Extra Qui fil. sint legit. Per venerabilem. Si intraverit religionem, poterit promoueri, quia religio tollit hanc irregularitatem ad omnes ordines. Si remanserit in saeculo potest Episcopus cum eo dispensare ad omnes ordines. Extra eod. Veniens. Solus autem Papa dispensat, ut habeat curam animarum, vel praelationem, habeat. Extra eodem. Nimis in provincia tua ubi de hoc plene dicit in Appar.

Particula XXXII.

**Q**VI contempto ecclesiastico iudicio in casu non licito, vadit ad saecularem iudicem. 3. quaest. 5. Si quis Episcopus. 11. q. 1. Continuum. in auth. Quomodo Apostolus. 5. Non aliter.

Particula XXXIII.

**Q**VI mutilatus est sponte sine causa, vel iusta causa, vel magno, vel paruo membro, repellitur a promotione, & deicitur iam promotus. Extra de corpore vitia. Significavit. & dist. 15. Si quis abscidit partem. & dist. 33. Maritum.

Particula XXXIV.

**Q**VI iusta causa, vel propter lepra periculum, amputare facit virilia, vel aliud paruum membrum, non repellitur, vel rejicitur. Idem intelligitur, si sit casu fortuito mutilatus, vel in infantia secus nisi fuerit magnum membrum, quod deformitatem generet, vel scandalum. distinct. 55. Si quis a medicis. & Si quis per aegritudinem. & Lator. Extra eodem. Ex parte M. & Ex parte B.

Particula XXXV.

**S**I membrum amisit, quod generet deformitatem, vel si amisit oculum, non potest sine dispensatione Papae promoueri.

**D**E B I L I T A T V S si sine baculo stare non poterit, ab altari repellitur. Arg. de consecr. distinct. prima. Nullus. 44. distinct. Disciplina. Si manum aridam habet. Si maculam in oculo, quae generet deformitatem. Extra eod. Quoniam tua. Si leprosus efficitur. Extra de clerico aegrotante. De rectoribus. & cap. Tua nos. Si morbum caducum patitur. 7. quaest. 1. Illud. & quaest. 2. Nuper. & distinct. 33. Maritum. & & cap. Communiter. & cap. Clerici. Idem est de furiosis, ut cap. Maritum. Tales non ad administrationem, vel ordinem admittuntur, & suspensi sunt, sine culpa, sed non sine causa, tamen a beneficio non remouentur. distinctione 55. Si ecclesiastica. 7. quaestione prima. Cum percussio.

Particula XXXVII.

**Q**VI homicidium fecerit sine causa iusta, cum hoc non dispensatur. Si causa iustitiae, cum hoc non dispensatur, ut possit promoueri: sed si sit promotus in ipsis ordinibus, cum ipso potest per Papam dispensari. distinct. 51. Aliquantas. Alias si sponte fecerit homicidium, sine spe recuperationis, & dispensationis deponatur distinct. 50. Clerici. & cap. Si quis viduam. Si necessitate euitabili, similiter ad superiores ordines non potest ascendere, sed in susceptis, cum eo potest dispensari, licet non facile dispensatur, & per Papam. Si inuitabili, datur consilium ut non ministret homicida, etiam in susceptis ordinibus. distinct. 50. De his clericis. non tamen deponitur, sed in suo ordine toleratur, de iure absque dispensatione, secundum L. & Raymundum, extra de homicidio. c. 2. & secundum Bernardum in Appar. super illud cap. extra eod. Sicut dignum. Si casu, cum culpa, & negligentia, ab ordine suscepto perpetuo cessabit. distinct. 50. Hi qui arborem. & extra eod. Presbyterum. Episcopus tamen potest in minoribus, & in subdiaconatu iam suscepto dispensare. Extra eod. Continebatur. Si diaconus vel sacerdos fuerit, ad Papam pertinet, ut in ipsis ordinibus, vel ministret, vel promouetur ad ipsos, ut in dicto cap. Continetur. & cap. Lator praesentium. Secundum Raymundum tamen non potest dispensare Episcopus distinct. 50. Miror, quod intelligunt quidam indistincte, scilicet tam de voluntario, quam de casuali, alij de homicida voluntario. Haec Raymundus. Si sine culpa, & negligentia, in ordine suscepto poterit ministrare, & ad maiores promoueri. Extra eod. Litteris significasti. cap. Dilectus. cap. Ex litteris. Et dicunt quidam, quod non oportet cum eo dispensari, ut in dictis capitulis appareat. Sed securius, & tutius est, ut vel saltem Episcopus cum eo dispense. distinctione 50. Clerico.

Particula XXXVIII.

**S** V N T & alij casus, in quibus tenetur reatu sanguinis, licet non occidat, ut pote qui homini, vel mulieri aliquid fecerit, vel ad potandum dederit, ut non possit generare, vel concipere, vel nasci soboles.

Particula XXXIX.

**Q**VI hominem coeperit, vel capi fecerit, vel consilium dederit, vel in pressionem miserit, si ex pressione, vel captione mors subsequuta fuerit. Extra eodem, Sicut dignum.

Particula XL.

**Q**VI consilium, vel mandatum, vel studium dederit, ut homo occidatur. Extra eod. Significasti. 2. dist. 50. Si quis viduam. de poenit. dist. 1. Periculose. Particula



*Particula XLI.*

**Q**UICVMQVE in causa sanguinis est iudex, assessor, procurator, aduocatus, officialis, testis, notarius scribens sententiam, vel dictans, distinct. 51. Aliquantas, & cap. Clericis.

*Particula XLII.*

**Q**UI chirurgiæ curam adhibuerit, vel potionem dederit, unde mors fuerit secuta, si per cupiditatem fecit, & in arte eadem expertus non exitit, nec diligentiam, quam debuit, adhibuit, tenetur, ut de casuali homicidio, cum culpa, & negligentia. Extra eodem, Tua nos.

*Particula XLIII.*

**Q**UI interest ubi vindicta sanguinis exercetur. Extra Ne clerici, vel monachi. Sententiam sanguinis. Bernardus in Appara. Si tantum interest, propter hoc non videtur irregularis effici, vel debere deponi, sed aliàs debet puniri, quia interfuit contra præceptum dicti canonis.

*Particula XLIV.*

**S**I hi qui retinent beneficium, vel feudum de ecclesia, ipsi ecclesiæ personam occiderint, filij eorum usque in quartam generationem in clericos non debent promoueri. Extra de pœnis, In quibusdam. Bernardus in Appara. dicit secundum Ioannem, quod Episcopus potest cum talibus dispensare, honestum tamen esset, quod nullus Episcopus in hoc casu dispensaret, ut supra dictum est.

*Particula XLV.*

**Q**UI pro ordinatione sua, promissum, vel iuramentum fecerit, ordinatori, vel præsentatori, quod eos super prouisione sua non inquietabit, cum eo non dispensat, nisi Papa. Extra de simonia, Si quis ordinauit.

*Particula XLVI.*

**Q**UI a simoniaci ordinatur Episcopo, siue tunc sciat esse simoniacum, siue non. 1. quæst. 1. Si qui a simoniacis. Sed in primo casu sine misericordia deponitur. 1. quæst. 1. De cetero, nisi violenter attrahatur. 1. q. 1. Constat. In secundo casu dispensatio toleratur, ut in cap. Si qui a simoniacis.

*Particula XLVII.*

**Q**UI ordinem vel beneficium aliquod spirituale aliquo dato, vel promisso, vel retento, vel in pactionem deducto, vel precibus carnalibus, vel alienis receperit. 1. q. 1. Ordinationes. Sunt nonnulli. Statuimus decretum. Si qui a simoniacis.

*Particula XLVIII.*

**N**O T A quod simoniacus in ordine, siue sit occultum, siue manifestum, suspensus est, quo ad se, & quo ad alios. Similiter simoniacus in beneficio dando, vel recipiendo, uel in ordine confirmando, vel conferendo si sit notorium. Extra eod. Tanta. Si occultum, quo ad se tantum. Extra eod. Ex tuæ fraternitatis. De hoc dicitur in Appa. extra eod. supra illud c. Accusatum. Tales sine spe dispensationis oportet renunciare ordini & beneficio sic suscepto. 1. quæst. 1. Erga simoniacos. Extra eod. Ex tuæ fraternitatis. & c. Mattheus. Potest tamen Papa cum eis ex plenitudine po-

A testatis dispensare, quamuis non sit in iure expressum. Episcopus vero dispensare non potest, nisi in casu, scilicet si crimen nescientibus ordinato, & ordinatore commissum sit, & postquam simplicitet renunciauit ordini, vel beneficio sic suscepto. Extra eod. De simoniace ordinatis.

*Particula XLIX.*

**Q**UI Decanatum, vel Archidiaconatum, vel aliquam iurisdictionem ad agendas vices Episcoporum, sub annuo censu receperit, ut simoniacus est suspensus. prima quæst. tertia. Ex multis. extra eodem. Ne prælati vices suas sub annuo censu. c. Quoniam in quibusdam.

*Particula L.*

**S**UNT & alij casus, in quibus suspenditur aliquis ipso iure, sed ipso facto non efficitur irregularis. Monitione competenti non præmissa, prælatus excommunicans aliquem, suspenditur ipso iure per vnum mensem ab introitu Ecclesiæ, extra de sententia excommunicationis. Sacro approbante. & in noua constitutione. Cum medicinalis. Quando dicitur monitio competens, intelligitur trina. 24. quæst. tertia. De illicita.

*Particula LI.*

**R**ECTOR ecclesiæ, qui pro alienis debitis grauat ecclesiam sibi commissam, vel litteras alicui concedit, vel sigilla quibus ecclesia possit obligari, suspenditur ipso iure, donec cum ipso dispensetur, extra de solutionibus. Si quorundam.

*Particula LII.*

**A**DULTER manifestus, fornicator, vel testis falsus, si crimina ipsa sint notoria, suspensi sunt quousque penitentiam egerint: extra de temporibus ordi. & qualitate ordin. Quæsitum est de sacerdotibus: extra de cohabitatione clericorum. Quæsitum.

*Particula LIII.*

**S**I ordinator ab ordinato acceperit iuramentum, vel promissionem, quod super prouisione eum non inquietet a collatione ordinum, per triennium est suspensus, Extra de simoniacis. Si quis ordinauerit.

*Particula LIIII.*

**V**S V A R I V M manifestum, & in hoc decedentem, qui tradiderit sepulturæ Ecclesiasticæ, vel receperit oblationes eius, suspensus est usque ad arbitrium Episcopi. Extra de usuris. Quia in omnibus.

*Particula LV.*

**Q**UI eligunt in Episcopum personam patientem defectum in natalibus, ætate, & scientia, id est illegitime natam, & infra trigessimu annu ætatis, vel non competentis litteraturæ, triennio a beneficijs suspenduntur, Extra de electione.

*Particula LVI.*

**N**O T A quod capitulum quandoque dispensat secundum Raymundum extra de simon. Ex insinuatione. Extra de præben. Cum non ignores. ubi Bernar. in Appar. videtur sentire contrarium.

Parti-

Particula LVII.

**A**D pleniorē autem intelligentiam, omnium in hoc ultimo capitulo prædictorum, nota verba Augustini scribentis ad Bonifacium, quæ introducuntur 50. d. c. Vt constitueretur. & sunt hæc: Vt constitueretur in Ecclesia, ne quisquam post alicuius criminis pœnitentiam, clericatum accipiat, vel ad clericatum redeat, vel in clericatu maneat; non desperatione indulgentiæ, sed rigore factum est disciplinæ. Alioquin contra clauēs Ecclesiæ datas disputabitur, de quibus dictum est: Quæ solueritis in terra, soluta erunt & in cælo. Sed ne forte etiam de criminibus ceteris, spe honoris Ecclesiastici, animus intumescens superbe ageret pœnitentiam, seuerissime placuit, vt post actam pœnitentiam de damnabili crimine, nemo sit clericus, vt desperatione temporalis altitudinis, medicina maior, & verior esset humilitatis. Nam & sanctus David de criminibus mortiferis egit pœnitentiam, & tamen in honore suo perstitit. & beatus Petrus quando amarissimas lacrymas fudit, vtrique Dominum negasse pœnituit, & tamen Apostolus mansit. Sed non ideo putanda est superuacua posteriorū diligentia, qui vbi salutē nihil detrahebatur, humilitati addiderunt aliquid, quo salus tutius muneretur, experti, credo, aliquorum fictas pœnitentias, per affectatas honorum potentias. Cogunt enim multas inuenire medicinas multorum experimenta morborum. Verum in huiusmodi causis vbi per graues dissensionum scissuras non huius, aut illius hominis periculum, sed populorum strages iacent, detrahendum est aliquid seueritati, vt maioribus malis sanandis charitas sincera subueniat. Hæc Augustinus.

Particula LIX.

**E**X his verbis Augustini colliguntur tres regulæ. D  
Prima, qui peccauit post baptismum, non potest promoueri.

Secunda est, promotus qui mortale crimen committit, deiicitur.

Tertia est, qui ab ordine deponitur, non potest restitui, vbi cuique mitius agitur, dispensatio est.

Contra prædictas tres regulas potest Papa dispensare in omni casu ex plenitudine potestatis, licet plures casus sint in quibus nullo modo dispensat, vt in homicidio voluntario. dist. 50. Miror, in quattuor casibus, qui continentur in his versibus:

*Sine bis ordo datur, sine baptismus repetatur,  
Sine, vt enertatur fidei status, ordo petatur,  
Vel si praestetur, vt vtrunque Simon operetur,  
Vt dispensetur spes irrita prorsus habetur.*

*Baptismus repetatur*, siue ignoranter, siue scienter. Secus tamen est, si aliquis ad cautelam sub conditione se faciat baptizari, quia talis non incurrit irregularitatem. *Enertatur*, quando scilicet aliquis cum possit ordinari a catholico Episcopo, se facit ab hæretico ordinari. *Vtrunque Simon*, id est si simonia interueniat ex parte ordinati, & ordinatoris. Sed circa Episcopos inferiores duplex est sollemnis opinio. Vna dicit, quod Episcopus potest dispensare contra duas regulas primas in adulterio, & minoribus criminibus, in maioribus adulterio nequaquam, nisi in casibus a iure expressis, quod in eis possit Episcopus dispensare. Alia opinio dicit, quod potest Episcopus dispensare in omni crimine contra duas regulas primas, nisi expresse sibi prohibeatur a iure. Hoc probatur 82. dist. Presbyter. & de pœnit. dist. 6. c. 1. in fine. ver. Itaque Pontifex iustus atque discretus, nō cogitur sacerdotes suos semper abijcere, nec mox restituere, nisi a Romano Pontifice fuerit statutum. Hanc secundam opinionem tenent Laurentius, Vincentius, Tancred. Ioannes, Raymundus, & Bernardus, vt notatur in Appar. illius c. Extra de iudic. At si clerici, Quibus, consentiendo

**A**dicatur, quod Episcopus contra primas regulas duas, nisi expresse sibi prohibeatur a iure, potest in omni crimine dispensare.

Vnde sciendum, quod Episcopis in viginti quinque casibus dispensare prohibetur.

Primus de homicidio, distinct. 50. Miror, quod intelligunt quidam indistincte, tam de voluntario, quam de casuali, quod etiam generali Ecclesiæ consuetudine roboratur. Alij de homicida voluntario.

Secundus casus de simoniacis, cū distinctionibus, quas require supra c. eod. partic. 48.

**T**ertius casus de eo, qui excommunicatus maiori excommunicatione, vel per iudicium suspensus ab officio, celebrat officiendo. 7. quæst. 1. Si quis presbyter. 11. quæst. 3. Si quis Episcopus, primo. Extra de sententia excommunicationis, Cum illorum absolutio. Quidam dicunt contrarium in hoc casu, scilicet, quod posset Episcopus dispensare. Arg. 2. q. 4. Quæ de causa. Sed non tutum, nec consuetum, nisi in casu, scilicet si eos redderet ignorantia facti probabiliter excusatos Extra de clerico excommunicato missi. Apostolicæ.

**Q**uartus casus est de clerico excommunicato in concilio, qui accedit ad iudicium principis in casu non concessio, contempto iudice ecclesiastico. 26. q. 5. Si quis Episcopus.

Quintus casus est, de bigamo. Extra de bigamis. Super eo. Nuper. & require supra c. eod. de bigamis.

Sextus casus est, de duobus presbyteris, vt præsent vni ecclesiæ æqualiter. 21. q. 2. c. pen.

Septimus casus est de habendis duobus vel pluribus beneficijs curam animarum habentibus, Extra de cler. Dudum.

**O**ctauus casus est, de eo, qui constitutus est infra vigesimum quintum annum, quia non potest cum eo Episcopus dispensare, vt promoueatur ad honores. Extra de elect. Cum in cunctis. Extra de ætate, & qualitate ordin. Eam te. vbi præcipit Papa, quod nullus promoueatur, nisi sit ætatis legitimæ. Extra de elect. Nihil est.

**N**onus casus est de illegitime nato, cum quo non potest Episcopus dispensare, vt promoueatur ad honores. Extra de filijs presbyt. c. pen. & ult. vbi dicit, quod cum illegitime natis solus Papa dispensat. Quod autem tales prohibentur ab honoribus, dicitur in concilio Pictauiens. Extra de filijs presbyteror. cap. 1.

**D**ecimus casus est, de eo, qui recipit ordinem scienter ab Episcopo, qui resignauit episcopatu, cum quo non dispensatur nisi a Papa.

Vndecimus casus est, de eo, qui recipit ordinem scienter ab Episcopo excommunicato. Extra eod. c. 2.

**D**uodecimus casus est, de tertia regula supradicta, contra quam non potest Episcopus, nec aliquis alius a Papa dispensare. dist. 50. cap. 1. & 2. & 2. quæst. 6. Ideo, 1. & 2. Et intelligas hoc de sollemniter degradato. Bernardus in Appar. illius cap. extra de clerico excommunicato ministrante, Clerici, dicit, quod si Episcopus cum alijs Episcopis ipsum sacerdotio tantum deposuit, potest eum recipere in inferioribus ordinibus, & sic de alijs ordinibus. Arg. 15. quæst. 8. Qui admiserit, & cap. Si quis presbyter. Si vero depositus est ab omni ordine, tunc solus Papa restituit. Hæc Appar. & sunt verba hæc: Quidam tamen dicunt, & male, quod Episcopus potest depositum restituere, pro eis est. 11. quæst. 3. Episcopus, presbyter. sed illud potest intelligi, cum constabat depositionem nullam esse. Item pro eis esse videtur distinct. 46. Clericus maledicus. Sed ibi expone, degradetur, id est, suspendatur.

**T**redecimus, & Decimusquartus, Decimusquintus, & Decimussextus, continentur in his versibus:

*Sine bis ordo datur, sine baptismus repetatur,  
Sine, vt enertatur fidei status, ordo petatur,*

*Vel si*

*Vel si praestetur, ut utrinque Simon operetur,  
Ut dispensetur, &c.*  
De primo require huius capituli particulam 4. De secundo require eod. partic. 2. De tertio, habes 1. q. 7. Conuenientibus. §. Item Tharastius patriarcha. vers. Constantinus Episcopus dixit. De quarto require eiusdem cap. partic. 46. & 48.  
Decimus septimus casus est, de eo qui extra tempora statuta ordinatur, de quo require huius c. partic. 8.  
Decimus octauum casum require particula 8.  
Decimus nonum require particula 11.  
Vigesimum require particula 12.  
Vigesimum primum require particula 15.  
Vigesimum secundum require particula 17.  
Vigesimum tertium require particula 19.  
Vigesimum quartum require particula 27.  
Vigesimum quintum require particula 35. Fortassis apparebunt & alij casus, sed de istis dixisse sufficiat, qui ad praesens memoriae occurrerunt. Et quoniam  
*Rebus in humanis, nihil omni parte beatum.  
Quod Deus vnus habet, cui subiacet omne creatum.  
Plura quidem dicta, cum reor, esse relicta.  
Hac quoque cognosco, merito veniam mihi posco.  
Christo reum purga, fac dignum vera Sophia.*

A *Lux, dux, vita, via per opem prece virgo Maria.  
Fac precibus gratum, culpa soluendo reatum.  
Fac cruce damnatum quondam, nunc clarificatum.  
Virgo tuum natum, sine fine videre beatum.  
Quem dilexisti, molli gremio tenuisti.  
Vbere nutriti, cui lac sacrum tribuisti.  
Fac faciem Christi cognoscere, quem genuisti.*  
De qua facie loquitur Apostolus, cum dicit: Vide- 1. Cor. 13. d  
mus nunc per speculum, & in ænigmate, tunc autem  
cognoscam sicut & cognitus sum. Hæc facies summe  
luminosa est finis omnium studiorum, summe  
gratiosa finis omnium desideriorum, summe vir-  
tuosa finis omnium sacramentorum. Sufficientissi-  
me copiosa est finis omnium laborum & dolorum.  
De hac facie Augustinus ait: Facies Dei, manifesta- Aug. lib. 22  
tio eius intelligenda est. Hanc optabat cognoscere de ciu. Dei  
ille mitissimus Moses, dicens: Si inueni gratiam in c. 29. ante  
conspectu tuo, ostende mihi faciem tuam, ut sciam med.  
te. Ad hanc faciem peruenire est finis sine fine. Exo. 23. 6  
Ad quam, finem omnia finientem, nos perducant Beata  
Trinitas vnus Deus. Qui est benedictus in sæcula sæ-  
culorum. Amen.

## S. BONAVENTURAE EXIMII ECCLESIAE DOCTORIS

### Opusculum, quod inscribitur, DE PRÆPARATIONE AD MISSAM.

Argumentum in duo Opuscula, quæ proxime sequuntur.

*Opusculum hoc, & proxime sequens in eodem argumenti genere versantur, ut inscriptiones quoque eorum manifestum faciant. Nam alterum, De præparatione ad Missam, alterum, De instructione sacerdotis ad se præparandum ad celebrandum Missam, inscribitur. Vtrumque dignum sane est, ut a sacerdotibus & iteratur manibus, & animo volutetur. Hi quippe quam singulari pietate, ac religione ad Missæ sacrificium, in quo illa Deo Patri placens hostia Iesus Christus in odorem suauitatis offertur, accedere debeant, ex documentis hic a S. Bonaventura traditis plane intelligent. Documenta vero hac inmittuntur auctoritati Apostoli 1. Cor. 11. dicentis: Probet autem seipsum homo & sic de pane illo edat, & de calice bibat. quam probationem & examinationem iuxta quatuor fieri debere in hoc opusculo docet: nempe, si cum qua fide, quali proposito, quanta charitate, propter quid ad sacrificium altaris accedit, omni affectu sacerdos perpendit. In sequenti vero iuxta sex considerationes, quæ sunt rationis discretio, mentis deuotio, animi reuerentia, amor & desiderium cordis, pro se & alijs affectuosa deprecatio, totius hominis diligentia. Hæc omnia fusius persequitur in his Opusculis Auctor, deuotis quoque, & pijs adhibitis orationibus, & meditationibus. Id tamen observandum est circa locum Auctoris c. 4. huius Opusculi, ubi loquens de prauis sacerdotibus, qui polluti peccatis Sacrificium altaris offerunt, ait: Verum si horum Sacrificium suscipit Deus, &c. intelligendum videlicet esse, quantum est ex parte simulacrum sacerdotum, iuxta dictum Hieronymi ad 1. c. Malac. ut ref. d. 49. c. fin. Sacerdotes, inquit, nomen Domini despiciunt, & quantum ad se panem pollutum offerunt, qui ad altare indigne accedunt.*

#### CAPITA HVIVS OPVSCVLI.

*Quomodo se probare debeat sacerdos Missam celebraturus.* Cap. I.  
*Quare Christus continetur sub istis duabus speciebus.* Cap. II.  
*Quare Christus corpus suum dare voluerit velatum.* Cap. III.  
*De discussione conscientia ante communionem sacram. Et cum quali proposito, seu dispositione accedendum sit.* Cap. IIII.

*Ex quanta charitate, quantoque fervore accedendum sit communicaturo.* Cap. V.  
*Qualiter, & per quæ homo ad celebrandum accenditur.* Cap. VI.  
*Quare necesse sit anima nostra recipere sacramentum.* Cap. VII.  
*Propter quod, & propter quam causam communicandum.* Cap. VIII.  
*De latría, quæ soli Deo debetur.* Cap. IX.  
*De du-*

De dulia.

De intentione celebrantis Missarum sollempnia.

De confessione celebrantis faciendæ .

Cap. X.

Cap. XI.

Cap. XII.

Quomodo sacerdos celebrans se habeat infra sacramentum canonem.

Cap. XIII.

Quomodo se habeat sacerdos post communionem sacram.

Cap. XIII.

Quomodo se probare debeat sacerdos Missam celebraturus. Caput primum.



**A**d honorem gloriosæ, & indiuiduæ Trinitatis, & ad honorem excellentissimi Sacramenti, scilicet pretiosi corporis, & sanguinis Domini nostri Iesu Christi, describam tibi formam, per quam potes leuiter manuduci ad contemplationem tanti mysterij, ac congrue disponi ad eius perceptionem: quam non rapim strepitu verborum legere, sed eius sensum efficaciter cordi imprimere debes, & ex intimo affectu singula quæque in toto, vel in parte, prout sonant, sollicite ruminare.

2. Cor. 13. d

Primo igitur accessurus ad mensam cælestis conuiuij, iuxta Apostolum, Proba te ipsum, & diligenter examina, cum qua fide, quali proposito, quanta charitate, propter quid, aut propter quam causam accedis, ut sic accedendo ad mensam cælestis conuiuij, iuxta Apostolum, probes te ipsum diligenter examinando.

Qua fide ad Eucharistiam accedendum.

Attende igitur ista quattuor singula per se, & vide primo, quam fidem habere debes, circa veritatem, & essentiam huius sacramenti. Credere enim firmiter debes, & nullatenus dubitare, secundum quod docet Ecclesia catholica, & prædicat, quod in hora expressionis verborum Christi, panis materialis, atque visibilis, aduenienti viuifico & cælesti pani, velut vero creatori honorem deferens, locum suum, scilicet visibilem speciem accidentium pro ministerio, & sacramentali seruitio relinquit, quo desinente esse, miro & ineffabili modo, in eodem instanti ista sequentia sub illis accidentibus veraciter existunt.

Realis existetia Christi in sacramento Eucharistie.

Primo illa purissima Christi caro, & sacræ corpus, quod, fabricante Spiritu sancto, tractum fuit de vtero gloriosæ virginis Mariæ, appensum in cruce, positum in sepulchro, glorificatum in cælo.

Secundo, quia caro non viuit sine sanguine, ideo necessario est ibi sanguis ille pretiosus, qui feliciter manauit pro mundi salute in cruce.

Coloss. 2. a

Tertio, cum non sit verus homo absque anima rationali, propterea est ibi anima gloriosa Christi excedens in gratia omnem virtutem & gloriam, & potestatem, in qua re positi sunt omnes thesauri sapientiæ, & scientiæ Dei.

Quarto, quia Christus est verus Deus, & verus homo, ideo consequenter est ibi Deus gloriosus in maiestate sua. Hæc omnia quattuor simul, & singula tota simul, sub speciebus panis & vini, perfecte continentur, non minus in calice, quam in hostia, nec minus in hostia, quam in calice, nec in vno defectus suppletur alterius, cum nullus sit, sed in ambobus integrum continetur, propter mysterium, de quo grandis est sermo. Sufficit enim credere Deum, verum & hominem sub utraque contineri specie, cui assistunt Angelorum frequentia, & Sanctorum præsentia,

Quare Christus tantum continetur sub istis duabus speciebus. Cap. II.

**S**ed vide, quam pulchre Christus sub his tantum duabus speciebus continetur. Primo, quia panis & vinum optimum sunt nutrimentum totius hominis: nam panis nutrit carnem, & vinum transit in sanguinem, qui est sedes animæ. Secundo, quia eorum usus

**A** est homini principalior, & communior est, & mundior, & minus fastidiosus habetur; ideo puritas spiritualis refectiois opportune per ista significatur. Tertio, quia optime figurant passionem Christi, quæ quotidie per hoc sacramentum memoratur: nam panis significat corpus illud tritum, molitum, pistum in passione, decoctum & assum igne diuini amoris, in camino, id est ara crucis. Vinum vero significat sanguinem, qui de vna, scilicet Christi corpore, in torculari crucis a calcantibus Iudæis expressus est. Quarto, pulchre significat corpus Christi mysticum, scilicet Ecclesiam collectam ex multis fidelibus prædestinatis ad vitam, tamquam panis & vinum ex multis granis & racemis.

Cum ergo accedis, caue ne dubitando vacilles, & tamquam cæcus manu tentans innitaris baculo arundineo, scilicet argumentis naturalibus, & rationibus humanis, quærendo quomodo ista fieri possunt, sicut quondam Iudæi litigabant, & quidam discipuli scandalizati abierunt retrorsum. Sed subijce te ipsum Deo, & captiua mentem tuam sub iugo fidei, quam tantis testibus roboratam vides. Quid enim dubitationis de hoc sacramento remanet, quod a Christo tam expresse traditum, ab Apostolis prædicatum, a sanctis Patribus orthodoxis, tot centenarijs annorum præfiguratum, tantisque caerimonijs, tot miraculis, & prodigijs, & obseruantijs, quasi testimonijs palpabilibus, vides confirmatum? Tolle hoc sacramentum de Ecclesia, & quid erit in mundo, nisi error & infidelitas? & populus Christianus erit quasi grex porcorum dispersus, & idololatriæ deditus, sicut expresse patet in ceteris infidelibus. Sed per hoc stat Ecclesia, roboratur fides, viret vel viget Christiana religio, & diuinus cultus. Vnde inquit Christus: Ego vobiscum sum usque ad consummationem sæculi.

Accedens ad Eucharistiam captiuet intellectum sub iugo fidei. Ioan. 6. f. 2

Mat. 26. d

Quare Christus corpus suum dare voluerit velatum. Cap. III.

**P**ost etiam notare debes, quod sic decuit Christum, corpus suum velatum nobis dare. Quid enim valeret fides tua, si Christus in propria forma visibilis tibi appareret? certe & coacte eum adorares. Aut quomodo carnales oculi tantam gloriam ferre possent? Quis vero, nisi insipiens, dicat, ut carnem crudam, & hominis cruorem in propria forma sua comedere & bibere debeas? Recedat ergo omnis dubitatio, quia sicut olim diuinitas in vtero virginali latuit, & Filius Dei sub humanæ carnis velamine visibilis mundo apparuit; sic & glorificata humanitas, diuinitati coniuncta sub forma panis & vini latet, ut nobis mortalibus competere posset.

De discussione conscientie ante communionem sacram. Et cum quali proposito, seu dispositione accedendum sit. Cap. IV.

**S**ed vnde proba te ipsum, cum quali proposito, & dispositione accedis. Ideo discute & reuolue conscientiam domum, & vide ne forte sit intus aliqua turpitudine in mente, vel macula extra in carne, quæ offendi possunt oculi illius, qui est sanctus sanctorum. Primo ergo redies introrsus ad iniquitatem tuam mentis, quanta mala ab ineunte ætate commisisti, quanta bona neglexisti, quam brevis vita, quam incerta mors, quam lubrica & periculosa via huius temporis ruminare.

Munditia animæ ad communionem requiritur.

na:ne

na : ne forte, quod absit, post præcedentem confessionem, & pœnitentiam aliquod in te sit mortale peccatum, vel peccandi propositum, vnde mortua sit tua misera anima, ac per hoc a radice Christi & Ecclesiæ abscissa : quia ille viuificus panis, & diuinus non præstat influxum vitæ, nec nutrimentum membris abscissis, & mortuis, teste Scriptura, quæ dicit : In maleuolam animam non introibit sapientia, nec habitabit in corpore subdito peccatis. Vnde a talibus sumitur sacramentum, & non res sacramenti, id est Christi gratia, & vnitas charitatis eius : comeditur gustu, sed non reficit spiritum : vadit ad ventrem, sed non reficit mentem : deglutitur sicut abrotanum sine suilatione, & non viuificat animam, nec incorporat eam sibi, neque vnit, sed potius, nausea compellente, talē Christus euomit, velut cadauer putridum bestiis deuorandum & auius, cum scilicet infelicem animam tradit satanæ cruciandam, sicut de Iuda scriptum est : Quoniam post buccellam introiuit in eum satanas. Quapropter si talibus laqueatus es, caue ne pro aliqua causa, vel necessitate, absque debita contritione, ac proposito pœnitendi, ac confessione præmissa, accedere ad altare præsumas : quia horrendum est incidere in manus Dei viuentis.

Sap. 1. 4

Indigna sū  
prio sacra-  
menti noci-  
ua est.

Ioan. 13. 6

Heb. 10. f

Sed heu, quot sunt hodie sacerdotes miseri, & suæ salutis improuidi, qui corpus Christi in altari velut carnes pecudum manducant, & inuoluti & contaminati abominationibus, de quibus fas non est dicere, sceleratis manibus, & pollutis labijs contingere non verentur & osculari Filium Dei, & Mariæ Virginis vnigenitum? Verum si horum sacrificium suscipit Deus, audeo dicere, mendax est, & socius, peccatorum. Insuper, quod deterius est, ad tantam quidem peruenerunt istis diebus peruersitatem & stultitiam, vt putent infelicissimi sua scelera & immunditias peccatorum, quæ quotidie reiterare proponunt, absque pœnitentia, & confessione, per sacram communionem quotidie celebrantes expiare. Tales non sunt sacerdotes, sed sacrilegi : non Christiani, sed hæretici. profecto si fidem rectam haberent, aut peccare timerent, aut celebrare cessarent.

Munditia  
corporis  
quomodo  
ad Eucharis-  
tiam susci-  
piendam re-  
quiratur.

Secundo, non tantum cordis, sed & corporis attendenda est munditia : ideo caue ne immundus accedas, non tantum dico de immunditia voluntaria, quæ mortalis, sed etiam nocturnali, siue casuali macula, quæ impedit celebrationem, vbi non est magna necessitas, vel iussio præceptorum. Vbi ergo dicta interueniunt, & dictæ maculæ non dederis occasionem vel causam per præcedentem concupiscentiam, vel inordinatam crapulam, nec secuta est notabilis mentis inquinatio per reminiscentiam, vel illusionem phantasticam carnalium, credo quod accedere posses, saluo meliori iudicio, maxime si singularis deuotio ratione sollempnitatis vel alterius similis causæ te traheret ad celebrandum. Custodire etiam debes pudicitiam manuum quantum potes, & omnium membrorum tuorum puritatem. Vnde tibi consulo, vt præ ceteris hominibus omni tempore maxime dum Missam celebraturus es, caueas ab omni tactu non solum turpi & immundo qui fit cum peccato, sed etiam a quolibet indecenti, & coinquinato, & totum te recolligas, vt nec actus, nec cogitatio ad aliquod aliud dispergatur. Et insuper curam habeas diligenter, de munditia & nitore paramentorum altaris, & sacrorum vasorum, vt cum honore, & omni diligentia tractetur ille, qui est Angelis, & Archangelis tremebundus.

*Ex quanta charitate, quantoque seruiore accedendum sit communicaturo. Cap. V.*

**T**ERTIO proba teipsum ex quanta charitate, & quali seruiore accedis. non solum enim mortalia vitanda sunt, sed etiam venialia peccata, per

negligentiam & otium multiplicata, & etiā per inconsiderationem, ac per distractionem dissolutæ vitæ & male consuetudinis, licet non occidant animam, tamē reddunt hominem tepidum, grauem, & obnubilatum & indispositum, & ineptum ad celebrandum, nisi dicti pulueres & stipulæ venialium, per afflatum spiritus, & flammam charitatis ventilentur, & cōsumantur ex ardesciente igne cordis, & ex consideratione propriæ vilitatis. Ideo caue ne nimis tepidus, & inordinatus accedas, & inconsideratus : quia indigne sumis, si non accedis reuerenter, circumspecte, & considerate. Vnde Apostolus : Iudicium sibi manducat & bibit. quod apertius insinuat cum subdit, dicens : Ideo inter vos multi imbecilles, scilicet per fidei inconstantiam, & infirmi, id est graui peccato sauciati, & dormiunt multi, scilicet per torporem & desidiā. O quā graues angustiae, o quā angustiae me vndique affligentes. Accedere indigne horrendum est iudicium : non accedere ex notabili negligentia, vel contemptu, damnabilis est culpa. Beda. Nam cum sacerdos est absque peccato mortali, & in proposito bono, non habens legitimum impedimentum, & non ex reuerentia, sed ex negligentia celebrare omittit, tunc, quātum in ipso est, priuat Trinitatē laude & gloria, Angelos lætitia, peccatores venia, iustos subsidio, & gratia, in purgatorio existentes refrigerio, Ecclesiam Christi spiritali beneficio, & seipsum medicina & remedio contra quotidiana peccata, & infirmitates. Quia sicut ait Ambrosius : Si quotiescumque effunditur sanguis Christi, toties in remissionem effunditur, debeo illum semper accipere, vt semper mihi peccata dimittantur : qui semper pecco, semper debeo accipere medicinam. Item priuat se omnibus talibus prouenientibus ex sacra communione, quæ sunt peccatorum remissio, fomitis mitigatio, mentis illuminatio, interior refectio, Christi & corporis eius mystici incorporatio, virtutum roboratio, contra diabolum armatio, fidei certitudo, spei eleuatio, charitatis excitatio, deuotionis augmentatio, & Angelorum conuiuatio. Item non complet sibi iniunctum magnæ dignitatis obsequium nec officium exercet debite seruitutis Dei, & tamen scriptum est : Maledictus, qui facit opus Dei negligenter. Item contemnit Christi præceptū de obseruantia huius sacramenti, ideo Christus comminatur : Nisi manducaueritis carnem Filij hominis, &c. Item abiicit viaticum suæ peregrinationis, exponens se periculo mortis, quia nisi recipiat alimentum corporis Christi, & vitæ vegetationem, efficitur sicut aridum membrum, ad quod non transmittitur corporalis cibi nutrimentum. Vltimo, quantum in se est, euacuat diuinum cultum & laudam, creatori debitam, ingratus de beneficijs. Vnde dicitur in Numeris : Si quis mundus est, scilicet a peccato mortali, & in itinere non fuerit, scilicet aliter impeditus, & non fecerit phase, anima illa de populo suo exterminabitur : quia sacrificium non obtulit Deo domino, tempore suo. Ergo quantum potes, toto conatu per exercitium boni operis lacrymarum contritionem, & deuotionis flammam, expelle a te omnem teporem, & negligentiam, ne inueniaris respue-  
re tantorum charismatum dona.

Peccata etiam venia-  
lia celebra-  
ti vitanda.

1. Cor. 11. 6

Amb. lib. 4  
de sacra. c.  
ult. tom. 4.  
ref. de cōf.  
dist. 2. c. 3.  
quotiescum-  
que.

Hier. 48. b

Ioan. 6. f

Num. 9. b

*Qualiter & per quæ homo ad celebrandum accenditur. Cap. VI.*

**S**I vis accendi ad amorem, considera tota mēte ista duo. Primo illius summæ charitatis incendium, quo summa bonitas, & benignitas, pro te vermiculo fœtido, tam pœnosæ sustinuit crucis opprobrium. Secundo illius nobilissimi corporis cibationem dulcissimamq. sanguinis potionem. Primo attendas illam beatissimam mortem discutens causam. Causa autem alia non fuit, nisi necessitas nostræ redemptionis. Omnis autem lex pro læsæ maiestatis offensione, of-  
fenden-



fendentem iudicat, reum mortis. Huius rei causa, cum peccatis exigentibus essemus rei mortis, pro re-  
compensatione tanti debiti, miserans Deus humanam  
miseriam, & parcens nostræ morti, prouidit & conces-  
sit prioribus pro morte hominum, eadem fieri anima-  
lium, & offerri sibi hostias & sacrificia placationis;  
ut quoties quis peccaret, toties esset pro eo necessa-  
rium hostias immolari. Quæ omnia figuræ erant &  
vmbre, donec Christus caput humani generis mitte-  
retur, viua & rationalis hostia absque peccato, qui  
pro omnibus hominibus seipsum ex amore offerret ad  
mortem pro nostræ mortis redemptione. Sed quia  
non debuit pluries mori, eo quod illa vna mors satis-  
fecit pro peccatis omnibus factis & fiendis; ideo suffi-  
cit, quod illam vnā hostiam corporis sui, quondam  
pro nobis semel immolatam, moriens relinqueret;  
quotidie a nobis pro residuis delictorum, mystice  
offerendam Deo patri, pro commutatione nostræ  
mortis, cui quotidie sumus obnoxij per peccatum.  
Vnde Augustinus; Iteratur quotidie hæc oblatio, li-  
cet semel Christus passus sit, quia quotidie peccamus  
peccatis, sine quibus mortalis infirmitas viuere non  
potest. Et quia quotidie labimur, quotidie pro nobis  
Christus mystice immolatur. Hæc ille. Propter hoc  
quidquid agitur in Missa, & omnis ornatus, & cari-  
monia, nihil aliud repræsentat, nisi Christi passionem.  
Ob hoc super omnia est necessaria Christi mortis me-  
moria in Missa. Vnde Ipse Christus ait: Hoc facite in  
meam commemorationem. Et eius Apostolus: Quo-  
tiescumque manducabitis, &c. mortem Domini an-  
nunciabitis, donec veniat; scilicet ad iudicium. Dum  
ergo accedis, dic ex toto corde.

*Ref. de cōf.  
d. 2. c. vrrū  
ex August.  
sunt tamē  
verba Pa-  
schasii de  
corpore &  
sang. Dom.  
c. 9.  
Luc. 22. b  
1. Cor. 11. d*

*Ad sacrum  
faciendum  
præuia obla-  
tio.*

Ecce celestis pater, recolens mortem illam vnige-  
niti Filij tui Domini nostri Iesu Christi, offero tibi  
hanc hostiam, quam ipse olim obtulit pro mea &  
rotius mundi salute. Ecce ad altare tuæ maiestatis trā-  
mitto oblationem viuam, quam tu in miseratione  
multa misisti ad altare crucis immolādam pro nobis.  
Recordare ergo illius sacrosancti sudoris, quasi guttæ  
sanguinis decurrentis in terram. Respice illam virgi-  
neam carnem, verberibus crudeliter flagellatam, co-  
laphis & alapis casam, liuoribus tumidam, sputis  
maculatam, sanguine cruentatam, spinis perforatam  
clauis confixam, lancea vulneratam. Illa ergo pietas,  
quæ Filium tuum traxit & vicit, ut in itatera crucis to-  
tius mundi peccata liberes, ipsa te cogat Pater mise-  
reri nobis miseris. Respice obsecro non nostra pec-  
cata, sed in faciem Christi tui. Non enim in iustifi-  
cationibus nostris preces nostras prosternimus, sed in  
multitudine miserationum tuarum.

Secundo si vis ad amorem accendi, & inflammari,  
confidera illius sacri corporis cibationem dulcissimā,  
& vide quā bonus, & suauis est spiritus eius in no-  
bis, quāque congrua, & vtilia prouidit nobis Pater  
noster celestis viuificantia alimenta.

*Quare necesse sit anima nostra recipere sacramentum.  
Cap. VII.*

*Rationalis  
creatura ad  
quid creata*

**Q**UIA enim rationalis creatura ad hoc facta est,  
ut sit capax & particeps bonitatis Dei, ex qua  
participatione viuere, & ad beatum esse peruenire  
debet, sine qua ex se ad nihilum tendit & ad mortem  
sempiternam, nisi per cibum viuificantem iugiter ve-  
getetur, ex participatione diuinæ virtutis, & gloriæ.  
Quam participationem ideo comestionem voco, quia  
sicut corpus animale per cibum viuificatur, calefit, &  
impinguatur: sic anima rationalis per spiritum Chri-  
sti, quo frui debet, pleno affectu & intellectu nutri-  
tur, & inflammat. Et, sicut Angeli in patria pleno  
haustu bibunt de spiritu perenni, & viuo fonte lumi-  
nis, ac satiantur ab vbertate domus eius: sic sapientia  
ante præiudicium, ut rationales animas hominum, quas  
tam care redemit, & per gratiam magnificauit, ac

*Euchari-  
stia Ange-  
lis & homi-  
nibus com-  
munis.*

*S. Bon. Tom. 7. Pars iij.*

**A** effecit similes Angelis Dei, cibaret illo pane, quo An-  
geli nutriuntur, sine quo nec illi nec isti viuere pos-  
sunt, & hoc per aliquem modum conuenientem nobis  
paruulis: quia impossibile est nobis comedere cum  
isto mortali corpore illum panem vitæ in soliditate  
propriæ formæ, scilicet diuinitatis. Ideo ut nobis  
comestibilem cibum præberet, sub forma conuenien-  
tiori scilicet panis & vini corporalis dandum, propter  
conuenientem similitudinem panis ad panem, & re-  
fectionis ad refectionem; ut sicut Angelos viuentes  
spiritus cibaret verbo increato; sic mortales homines ci-  
bat verbo incarnato, in sacramento suscepto. Vnde  
dictum est: Panem Angelorum māducabit homo, &c. *Psal. 77. 6*  
Et: Ego sum panis viuus, qui de cælo descendi, &c. *Ioan. 6. 5*  
Item nota, quod sicut cura est Deo de corpore ani-  
malis cuiuscumque, prouidere illi cibum conuenien-  
tem; sic cura est eidem de nutrimento nobilissimi sui  
corporis mystici, quod est Ecclesia, cuius Christus  
Filius Dei est caput, nec aliunde debet vegetari & vi-  
uere, quā a capite suo, ut omnia membra, scilicet  
viri iusti vnita & sibi inuicem coherentia, in Christo  
capite, ipsius spiritu, & amore nutrantur per hoc sa-  
cramentum unitatis, & pacis; ac per hoc sicut non est  
vita corpori absque incorporatione cibi conuenientis  
ei, sic animæ rationali non est vita spiritalis, sine  
incorporatione & inuisceratione huius cibi spiritalis  
sibi conuenientis. Vnde inquit Christus: Qui man-  
ducat me, viuus propter me. Hæc autem est differen-  
tia inter comestionem corporalem, & spiritualem:  
quia ibi cibus comestus transit in substantiam, & nu-  
trimentum comedentis; hic vero comedens incor-  
poratur Christo, & transit in amorem, & unitatem  
spiritus Christi. Ideo dictum fuit beato Augustino;  
Non ego mutabor in te, sed tu mutaberis in me, id est  
in mei similitudinem: scilicet bonitatem, sanctita-  
tem, &c. sicut ignis, ferrum sibi in similitudinem  
conuertit.

*Psal. 77. 6  
Ioan. 6. 5*

*Ibidem f*

*Aug. lib. 7.  
conf. c. 10.  
sa. 1.*

*Propter quod, & propter quam causam communican-  
dum. Cap. VIII.*

**Q**UARTO, & ultimo proba te ipsum, propter  
quid aut propter quam causam accedis. Et hic  
dirige aciem mentis ad duo præcipue, scilicet ad pu-  
rum affectum, & desiderium sanctum. Secun-  
do ad debitam intentionem, & propositum neces-  
sarium.

**E** Primo vide, quid desideres, ne propter auaritiam,  
aut tumorem, aut vanam gloriam, aut consuetudi-  
nem, aut alicuius mundanæ complacentiæ, aut tem-  
poralis fauoris causa accedas: sicut multi diebus istis  
abutuntur ad sui perditionem, quod est darum ad sa-  
lutem. Væ væ væ Domine Deus, quanti hodie infeli-  
ces ad sacros ordines accedunt, & diuina mysteria  
accipiunt, non cælestem panem, sed terrenum quæ-  
rentes; non spiritum sed lucrum: non Dei honorem  
sed suam ambitionem: non salutem animarum, sed  
quæstum pecuniarum: non Christo seruire mundo  
corde & corpore in sacris mysterijs, sed delitanti, di-  
tari, superbire, & luxuriari de patrimonio Christi &  
de elemosynis pauperum, ac ecclesiasticas dignita-  
tes ambiendo multis lingijs, & simonijs potius ra-  
piunt, quam assequantur, non vocati a Deo, sed im-  
pulsus a diabolo tamquam Datan & Abiron. Tu autem  
homo Dei, dirige vota tua & desideria ad Deum,  
& vide quibus affectionibus & desiderijs trahi debeas  
ad sacra mysteria celebranda.

*Contra eos  
qui prauo  
intuitu ad  
sacros or-  
dines acce-  
dunt.*

*Num. 16.*

*Quo ani-  
mo ad sa-  
cra altaris  
mysteria  
accedendū.*

Primo te trahet conscientia & remorsus delictorū  
sperans per eum quasi per hostiam oblationis ab om-  
ni peccato purgari.

Secundo tuæ infirmitatis intuitus & consideratio  
ut eum quasi medicinam ad te voces, per quam ab  
omni infirmitate tuearis.

Tertio pressura alicuius tribulationis, ut per eum,  
qui

*G*

# 74 De præparatione ad Missam.

qui omnia potest, ab omni aduersitate citius libereris. A & protegaris.

Quarto, desiderium alicuius gratiæ vel spiritualis beneficij impetrandi, vt per eum, cui Pater nihil negare potest, obtineas.

Quinto, gratiarum actio pro omnibus beneficijs temporalibus & spiritualibus, tibi, & alijs impensis, cum nihil habeamus Deo retribuere, pro omnibus, quæ retribuit nobis, aliud, quàm calicem salutaris accipere, & sacrificare hostiam laudis, id est Iesum Christum.

Sexto, charitas, & compassio proximorum, cum pro salute viuorum, & requie defunctorum, nihil efficacius interpellat, quàm Christi sanguis effusus in remissionem peccatorum.

Septimo, laus Dei & Sanctorum, cum nihil habeamus, quo possimus Deum & Sanctos pro sua dignitate laudare, quàm Christum sacramentaliter Deo patri offerre & immolare.

Octauo, Dei amor & dilectio, vt eum inuites ad te, ac per inuiscerationem spiritualis refectiois, in te ipso eum delectabiliter amplexeris.

Nono, fitis & desiderium augendæ gratiæ, quia hoc sacramentum fontem continet gratiarum, & sanctificationum, & auctorem continet salutis, Dominum nostrum Iesum Christum. Ideo dicitur Eucharistia, id est bona gratia. Cetera vero sacramenta fluenda sunt, & riui gratiarum, quibus sanctificamur.

Decimo, ardor, & suspirium, quo totis visceribus virtute huius excessiue charitatis, & dulcissimæ refectiois, cupias sanctificari ab omni inquinamento carnis, & spiritus, & eripi ab omnibus periculis & tentationibus, ac inseparabiliter vniri Christo Saluatori, & conseruari in suo amore. Vnde inquit Christus: Pater quos dedisti mihi, volo vt vbi ego sum, illi sint mecum, vt sint vnum, sicut nos vnum sumus, ego in eis, & tu in me, vt sint consummati in vnum.

## De latría qua soli Deo debetur. Cap. IX.

**S**E C V N D O dirige mentem tuam ad debitam intentionem & propositum, circa ea quæ agere debes. Tria autem sunt, quæ celebraturus intendere debes, scilicet Deum per latríam colere, Christi mortem memorari, & totam Ecclesiam iuuare. Primo intendas Deum per latríam colere. Cultus autem latríæ, est honor soli Deo impensus, summo creatori ex debito seruitutis, quo obligamur non solum nostra, sed nos ipsos impendere pro suo honore, & pro eo mori si expedierit, ad recognitionem beneficiorum suorum, & suæ immensæ bonitatis nobis ostensæ, & hoc contrito corde & spiritu humiliato, & toto affectu, actu, & habitu, gestibus & signis prosternentes nos ante oculos suæ maiestatis, & sacrificijs, ac muneribus eum venerantes, referamus ad ipsum omnem spem nostram, & desiderium nostrum tamquam in finem vltimum, & in eum a quo omnia sperantes, propter quæ omnia expectantes, ab eo meritum, & retributionem bonorum nostrorum, & malorum, secundum retributionem iustitiæ suæ, suiq. beneplaciti.

## De dulia. Cap. X.

**A**L I I S quoque Sanctis exhibetur honor & deuotio, quæ dicitur dulia, quæ non est cultus nec adoratio, sed subrogatio, & inuocatio, vt sint apud Deum aduocati pro nobis, & omnis reuerentia, quæ eis impenditur, propter Deum, cui sunt coniuncti, exhibetur. Deus autem debet a nobis in immensum timeri, & honorari, & amari. Primo ex consideratione suæ omnipotentis, & iustitiæ, qui nos plenissimo iure damnare potest & saluare. Est etiam sum-

Quare De  
a nobis in  
immensum  
timendus,  
honorandus  
& amandus  
sit.

me timendus. Ex hoc enim timore oritur dolor de peccatis, pudor, suspiria, lacrymæ, tunctiones pectorum, supplicationes, ieiunia, disciplina, peregrinationes, & huiusmodi. Secundo ex consideratione suæ sapientiæ & maiestatis, summe est honorandus. Ex hoc namque oritur veneratio & reuerentia, genuflexiones, & incuruationes, prostrationes, orationes, purificationes, consecrationes, munditia sacrorum vasorum, paramentorum ornatus, & decor, festiuitates, celebritates & sollempnitates luminarium, cantus, psalmodiæ hymnorum, lectionum, & huiusmodi. Tertio ex consideratione bonitatis, & clementiæ est infinite amandus. Ex hoc autem amore oriuntur gratiarum actiones, laudes, hymni, benedictiones, vota sancta, & incensationes, & huiusmodi.

## De intentione celebrantis Missarum sollempnia. Cap. XI.

**I**N T E N D E R E debes, vt ex frequentatione diuini cultus nomen Dei in nobis sanctificetur, vt a nobis per sanctitatem vitæ glorificetur in mundo, vt crescat in orbe cultus & honor Dei, vt cognoscat totus mundus, nos esse clericos vniuersi veri Dei, & Saluatoris Iesu Christi. Intendere debes, & memorari Christi mortem. Et de hoc dictum est supra. Intendere debes totam Ecclesiam iuuare, vt scilicet proponas Deum orare pro Papa, Cardinalibus, Patriarchis, Archiepiscopis, Episcopis, Doctoribus, Rectoribus, Sacerdotibus, Clericis, Monachis, Religiosis, Monasterijs, & omnibus Christo famulantibus, pro Regibus, Ducibus, Principibus, & ceteris nobilibus, pro virginibus, viduis, orphanis, peregrinis, afflictis, captiuis, debilibus, infirmis, & pro omni populo Dei. Etiam pro paganis, schismaticis, & hæreticis, vt conuertantur ad Deum verum, & sanctæ Ecclesiæ vnitatem. Item in speciali orare debes pro aliquibus causis, charis scilicet parentibus, consanguineis, & amicis deuotis, & tibi recommendatis, ac in tua oratione sperantibus. Item singularissime pro te ipso, & si aliquem prædictorum fidelium, præcipue propter odium vel rancorem, excludis, vt non sit particeps tanti beneficii, mortaliter peccas, agens cum odio diuina mysteria.

## De confessione celebrantis facienda. Cap. XII.

**H**I S præmissis, postquam ex ruminatione prædictorum in meditatione tua exardescit ignis in corde tuo, euome & purga fæces peccatorum tuorum spiritu contrito, & humiliato, memorans quantum commisit cogitatione, verbo, & opere, quanta bona omisit, quæ facere debuisti, & potuisti, & veniens ad spiritualem medicum, & patrem, dic peccata non communi & generali confessione, vt quidam duri corde faciunt, palliantes folijs verborum in generali confessione sua enormia peccata, & absque verecundia & dolore taliter proferentes, vt etiam in plateis possent taliter absque rubore confiteri. Hæc non est confessio, sed deceptio, & derisio. Sed si vis sanari, aperi vulnera tua, & de profundo corde enarra clare, & aperte, quæ post præcedentem confessionem egisti, non solum opera, sed & cogitationes peruersas, quarum delectatio mentem maculat: non solum mortalia, sed etiam venialia grauiora, quæ conscientiam lædunt, & mordent. Cetera per modum generalem breuiter & clare exprime. Deinde peracta pœnitentia tibi iniuncta, decanta illos quinque Psalmos: Quàm dilecta; Benedixisti; Inclina; Credidi, & De profundis, cum suis versiculis & orationibus. Dic etiam, si tempus suppetit, illam orationem, Summe Sacerdos: quæ valde efficax est & deuota, Postea procedens ad altare recitare Christum

Venialia  
grauiora  
confite-  
ntenda.

Christum euntem ad crucem, & fige cor ad ea, quæ in passione gesta sunt, legas clare & distincte ea, quæ legenda sunt, nō multiplicando collectas nimias, nec alia legendo ex deuotione vel arbitrio proprio, quā m quod a sanctis Patribus institutum est.

*Quomodo sacerdos celebrans habere se debeat infra sacram canonem. Cap. XIII.*

**C**UM autem perueneris ad sacram canonem recol-  
lige mentem, ne per diuersa vagerur. appone dili-  
gentiā magnam in signis & actibus, maiore in verbis,  
maximam in intentione. Primo propter continen-  
tiam diuinitatis immensæ, in Memento, tam pro vi-  
uis, quā pro defunctis, non fiat cum voce & ver-  
bis commendatio, sed tantum mente discurre per  
quasdam personas magis intimas, ceterasq. recollige  
sub compendio, referens intentionem ad omnes, pro  
quibus antea orasti, siue orare promisisti. Dum au-  
tem perueneris ad, *Qui pridie*, dirige mentem & in-  
tentionem tuam ad faciendū id, quod intellexit Chri-  
stus in sua cena, & quod intendit sancta Mater Eccle-  
sia. In communionem autem pausa paulisper: & dic  
non lingua vel labijs, sed corde.

In cōsecra-  
tione quo-  
modo intē-  
tio dirigen-  
da.

Deuota cō-  
munican-  
tium oratio

**D**OMINE mi quis es tu, & quis sum ego, vt præ-  
sumam te mittere in latrinam foetidam corporis  
mei, & animæ meæ? Vt quid me fecisti, vt tibi iniuriā  
hanc execrandam facerem? Mille enim lacrymarum

anni non sufficerent, ad tam nobile sacramentum se-  
mel digne accipiendum, quanto magis ego miser in-  
dignus sum, qui quotidie pecco, & incorrigibilis per-  
seuero, & in peccatis accedo. sed in infinitum maior  
est misericordia tua, quā miseria mea: vnde confu-  
sus de tua pietate præsumo te sumere.

Hæc enim duo maxime requiruntur ad congruam  
perceptionem sacramenti, scilicet profunda humili-  
tas, cū annihilatione sui, & compassio mortis Christi.

*Quomodo se habeat sacerdos post communionem sacram. Cap. XIV.*

**P**OST communionem si non sentis aliquam spiri-  
tualem refectionem, signum est spiritualis infir-  
mitatis, vel mortis, quem posuisti in sinum, & non  
sentis calorem, mel, & non sentis dulcedinem.  
Si vero consolationem sentis aliquam, non tibi tri-  
buas, sed suæ bonitati immensæ, quæ etiam & malos  
& indignos consolatur, & dicas in corde tuo:

**A**D meam miseriam detestandam me conuicit be-  
neficijs suis. Si mihi peccatori talia fecit, quid  
faceret si vitam meam cortexero? Ideo totis viribus  
volo me mutare, & sibi semper adherere.

Hoc autem non reputes te posse tuis viribus, sed au-  
xilium gratiæ eius. Quod ipse omnibus nobis præstare  
dignetur. Amen.

## S. BONAVENTURAE EXIMII ECCLESIAE DOCTORIS

### Opusculum

#### DE INSTRUCTIONE SACERDOTIS AD se preparandum ad celebrandum Missam.

Ad sacram  
faciendum,  
sex in cele-  
brante re-  
quiruntur.



**A**D Missam celebrandam sex con-  
sideranda sunt. Primum est ra-  
tionis discretio respectu verita-  
tis, vt scilicet sciat quis, quid  
recipere debeat. Quid, quia ve-  
rum Deum, qui fecit cælum,  
& terram, & verum hominem,  
qui pro nobis pepedit in ligno.  
Quis, quia homo, non bestia propter peccatum.  
Vnde præ ceteris repellat a se sacerdos bestialitatem  
peccati.

Secundum mentis deuotio ratione eius sanctitatis.  
Debet enim considerare, quod quæ recipimus, sanctus  
sanctorum est, & omnis sanctitatis origo: & ideo  
quantum potest sancte, & deuote accedat ad ipsum,  
a se expellens omnem peccati rubiginem per la-  
crymarum compunctionem, & omnem mentis ama-  
ritudinem, per orationis dulcedinem deuotio-  
nemque.

Tertium est animi reuerentia respectu maiestatis,  
vt scilicet ad tam excellentem Dominum vereatur  
accedere tam vilissima creatura. Si enim ante Impera-  
torem nō esset dignus stare homo infectus putredine,  
quanto magis Dominū recipere in sacramento altaris  
S. Bon. Tom. 7. Pars iij.

indignus, & miser homo, cuius omnes iustitiæ sunt  
sicut pannus menstruatus? & si iustitiæ sunt tales,  
qualia sunt peccata? equidē indignissimus est ad hoc  
omnis homo. Consideret tamen, quod maior digna-  
tio sua, quā dignitas nostra, sua benignitas, quā  
miseria nostra.

Quartum est amor, & desiderium cordis ratione  
suæ bonitatis. Vnde multum cauere debet homo, ne  
cum tardio, aut corporis torpore ad illud sacramen-  
tum accedat, in quo continetur summa bonitas, &  
infinita iucunditas. Vnde mirum videtur, quomo-  
do in ista receptor homo non liquecat amore, calo-  
reque, & quomodo nō absorbeatur suauitatis dulco-  
re. Consideret ibi corpus Domini sui, si vult ad amo-  
rem accendi; & illius nobilissimi corporis & sangui-  
nis cibationem, si vult desiderium prouocare, & tan-  
dem refici prouocatus.

Quintum est pro se & alijs affectuosa deprecatio,  
& humilis in sermone, ratione suæ clementiæ. Ab  
ipso enim secure potest petere, qui dixit: Petite, &  
accipietis, quærite & inuenietis. Et ad hoc credo ma-  
xime istud sacramentum esse, vt postuletur venia, &  
gratia impetretur in oblatione istius excellentissimi  
holocausti.

G 2 Sextum

Sextum est totius hominis diligentia, respectu suæ immensæ nobilitatis suæ nobilissimæ immensitatis. Si enim cum diligentia magna quis seruit alicui principi singulari: tanto maiori diligentia debet sacerdos Domino suo ministrare, & omni vigilantia pertractare illud dignissimum sacramentum, ac si nihil faciendum esset, aut numquam aliud facere deberet. Ecce ibi debet esse attentio tota, probatio sufficiens & distincta, ut nil confusum aut diminutum fiat. Debet etiam nihilominus contractatio fieri prouida, & discreta, ac omni honestate ornata, ut sic ibi omnia cum summa diligentia operetur sacerdos.

Conscientia discutenda, & cor a creaturis omnibus, ad creatorem conuertendum.

Passio Christi meditata & ex passione charitatis.

Alia cõmunis meditationis.

Ad hoc confilio cuilibet sacerdoti, ut præ ceteris hominibus se omni tempore ab omnibus, quæ aliquo modo cor suum habitaculum regis sui pollueri possunt siue parum siue multum, tam occasionaliter, quàm actualiter elonget se quantum potest. Tunc autem præcipue, cum ad Missam vadit celebrandam, a cunctis se absteineat, quantum potest, & se totum recolligat in seipso: ut nec sensus, nec cogitatio ad illud diffundatur: suam conscientiam discutiat diligenter, & quod inuenerit lauandum, lauet abundantia lacrymarum, vadat ad confessorem suum, & extra euomat omnia venenata: & immediate peracta pœnitentia, si tunc facere poterit, iterum recolligat semetipsum, & ad diuinam maiestatem eleuet mentem suam, & consideret diuinam magnificentiam, & ad propriam miseriam vergat, ut sic videat, quàm magnus est Dominus, & quàm paruus est seruus, immo vanus & inutilis. Intret quantum potest in Deum, & in se ipso, in quantum potest, ad nihilum redigatur. & cum fuerit abstractus, & diuinus effectus, quasi nihil aliud videat, nihil aliud sentiat, nisi Deum, & propter Deum omnia reputet vanitatem. tunc cogitet qualis fuit erga nos dilectio Dei nostri, qui sic pro vili re, immo pro tã detestabili, voluit sic vnire sibi vilem, & in ea vilissimam & abominabilissimam tã turpia voluit sustinere. Tunc ruminet illam magnificentiam charitatis, & illo inextinguibili ardore inflammetur: & cum ignitus fuerit charitate circa dilectum, adaperiat viscera pietatis pro se vilificato, afflicto, & letaliter vulnerato compatitur, intra se omnia ista vulnera transformet, ac si ipsemet esset letaliter vulneratus, & magna Christi vulnera, & nunc quantum in isto vulnere, quantum in illo passus sit, meditetur, nunc quanta fuerint illa flagella extimet diligenter. Et cum sic in ista meditatione cum Christo fuerit crucifixus, quia in isto exigitur maxime sacramento: tunc cogitet, quod illam nobilem carnem in crucis ara immolatam pro nobis dignatus est dare in cibum & sanguinem eius effusum pro redemptione humani generis de latere suo in potum. Numquam credas, quod sanguis ille, quem recipimus in altari, sit extra corpus eius: sed tamen & effusum pro nobis in passione, recipere debemus sub illa intentione. Tunc eius dilectionem circa nos consideret, & ruminet illius magnificentiam sacramenti, & hoc quantum potest: quia vix potest aliquam inuestigare scintillam tam immensi amoris Domini in hoc magnifico sacramento. Et cum bene ruminabit istud magnificum sacramentum Saluatoris, iam quadam dulcedine cœlesti inductus humiliter, & reuerenter accedat ad hoc sacramentum, & cum omni diligentia prosequatur, adhibitis & alijs circumstantijs, quas in principio huius tractatus tractauimus. Cum autem recipere debuerit, aliqua poterit præmeditari, si placet, ut pote dicat in corde suo.

Ad illud tam nobile sacramentum recipiendum, non sufficerent mille anni ad præparationem condignam: quanto magis ego miser & indignus sum, qui quotidie pecco, incorrigibilis perseuero, & impræparatus accedo. Quare Domine me fecisti, ut tibi execrandam iniuriam facerem, quod te pono in latrina peccatorum animæ meæ: quoniam non est cloaca magis fœtida, quàm peccatrix anima mea. Vtinam hanc

A immundam animam aliquis fluuius compunctionis discurrisset, ut ibi non fuisset tanta peccatorum fanies congregata. Domine, quid est hoc? nūquid ibi te ponere debeo? sed in infinitum maior est misericordia tua, quàm nostra miseria: & ideo de tua benignitate confidens te præsumo sumere, ut sic infirmus accedam ad medicum dulcissimum, ut tua liberer medicina. Quanto enim plus infirmus sum, tanto plus indigeo Deus meus, & in liberatione mea magis apparebit tuæ immensitas pietatis. Accedam ad Deum meum confidenter, quia infinitæ sunt misericordiæ eius, & secum fruatur bonorum delitijs. Ingrediar ergo sponsa ad sponsum, secumque volo inseparabiliter commorari. Nolo amplius alteri adhærere, ut cum ipso solo gaudium habeam sine fine.

Hæc & alia, quæ dicere voluerit, corde dicat, non ore, quia non credo expedire ibi proferre alia, quàm illa, quæ in canone continentur.

Et nota quod secundum meum videre, ad efficaciter recipiendum valet compassio Christi, & vilificatio & annihilatio sui. quantum potest vilis fiat, & indignus in oculis suis, qui recipere debet. Cum autem sacramentum expletum fuerit, cogitet in corde suo, post tam nobilem cibum nolo stercora degustare, & cum ipse sit summa iucunditas, nolo de cetero affici circa aliquam creaturam. Si autem affectionem ibi nullam habuit, recogitet signum esse infirmitatis vel mortis. Ignem enim posuit in sinu, & calorem non sentit, mel posuit in ore, & dulcedinem non percipit. Et ideo talis miseriam suam recognoscat, & mutet in melius vitam suam. Si vero refectionem ibi recipit, non sibi attribuat, sed infinitæ diuinæ maiestatis bonitati, quæ se ad bonos & malos extendit, & dicat in corde:

In me Dominus operatur mirabilia, ad detestationem miseriæ meæ, & ad convincendum beneficijs iniquitatem meam magnam. Nam me mortuum fecit sentire, & vermem vilissimum cœlestia degustare. Si mihi peccatori talia fecit Dominus, quid faciet si correxero vitam meam, & continue voluero in melius promouere, & cœlestibus dedicare meditationibus, & sibi soli de cetero adhærere? Quod tamen facere potuit auxilio Domini, non propria virtute. & sicut cogitat, sic opere adimpleat.

#### Oratio.

D Omine Deus meus, quomodo ausus sum te alloqui vilissima creatura. nã fœtidissimus sum, horribilis sum, stercus vermibus nequissimus, & vanissimus homo. Tu autem Deus deorum, Dominus dominantium, omne bonum, honestum, & pulchrum, omnis utilitas, omnis amœnitas, omnis suauitas, fons splendoris, fons melodiæ, fons odoris, fons dulcoris, fons amoris & intimus dilectionis amplexus, & tu rogas me & ego fugio: de me es sollicitus, de te non curo: mihi semper seruis, & ego te semper offendo: te mihi tribuis, & ego te contemno. Me ergo vanitatem & nihil diligis, & te infinitum & inenarrabile bonum sperno, fœtorem, horrorem, mortalem dolorem tibi o beatissime, benignissime, amantissime sponse præpono. Plus me allicit creatura, quàm creator: vanitas, quàm æternitas, detestabilissima miseria, quàm summa felicitas. Plus me inclinant sordes, quàm eleuet pulchritudo, seruitus quàm magnitudo, amaritudo quàm dulcedo. Nam meliora sunt vulnera diligentis, quàm fraudulenta oscula inimici, & tamen plus approbo hoc affectu fraudulenta oscula, quàm vulnera diligentis. Sed ne reminiscaris Domine delicta mea, vel parentum meorum, sed pietatis tuæ viscera, & dolorem tuorum vulnerum, non quod ego sed quod tu pro me sustinuisti considera. Si me, ut ostendis diligis, cur me relinquis? cur fatigari permittis? Me ergo amantissime tene timore, restringe amore,

Ad efficacem Eucharistiæ sumptionem, compassio Christi, & sui humilitas requiruntur.

Meditatio post cõmunionem.

Alia deuota oratio post cõmunionem dicenda.

Prov. 27.4

Tob. 3.4

re, quæta dulcore. Dulcissime spiritus, nequeo, nescio, tibi volo seruire, tibi adhærere corde. immo vix pericula amare, hoc operari in me. Quid ergo deus vis, & a me exigit. Quid ergo deus.

*Luc. 15. c*

to meo, vel tu in tuo? Obsecro, vt non per eua. homo, sed Deus, nolo in hac contrarietate deficere, nolo succumbere, sed succurre festinanter. Viuendo luxuriose, & me nimis, & tuas creaturas lasciuie amando, totam meam substantiam dissipauit, nunc recognoscentem miseriam, & penuriam meam famelico appetitu ad paternæ misericordiæ viscera redeuntem me oculis tuæ pietatis agnosce, & dignare me radijs tuæ gratiæ latibundis occurrere, & cum amplexibus pacis, & quietis largiaris oscula.

*Ibidem d.*

En recognosco quod in cælum & in totam curiam cælestem, & Ecclesiam Romanam, immo in omnem creaturam tuam & coram te, te contempto, peccaui, & malum coram te feci, & certe non sum dignus vocari filius tuus, nec mercenarius etiam seruus, aut aliqua vilissima creatura. sed misere mei, & dele iniquitatem meam, vt iustificeris in sermonibus tuis, & vincas cum iudicaris: quia dicunt animæ meæ, Non est salus ipsi in Deo eius.

*Psal. 50. a*

*Psal. 3. a*

Obsecro, iube, vt detur mihi charitatis stola, fidei feruentis annulus, in calceamentis, & eleuantis, & confirmantis spei protegantur pedes, vt sic ebrius tuo sanguine, totus in te resoluar amore.

Intra dolor tuus intima mea, & omnem amorem expiet alienum, sim tecum crucifixus mundo, vt sic mortuus, vita mea sit tecum abscondita in Deo.

*Seruens a-*  
*mantis ani-*  
*mæ in Chri-*  
*stum refi-*  
*gnatio.*

O vita mea, vita felix, quæ abscondita est ipsi mundo, & sociata ipsi Christo, in Deo centro suo quietatur, vnum est mihi necessarium, & solum vnum, quæro. Abscedat ergo phantasmatum multitudo, vnus est dilectus meus, vnus est amor meus Iesus Christus, Deus meus, sponsus meus. Nihil ergo sapiat, nihil delectet, nihil alliciat, nisi Iesus Christus. totus sit meus, totus sim suus, & fiat cor meum vnum cum ipso, nihil me iudicans scire vel amare, vel affectare nisi Dominum Iesum Christum, & hunc Deum crucifixum.

*1. Cor. 2. a*

Ergo bone Iesu recollige me visceribus, refice vberibus, & inebria me vulneribus. Euigila ergo anima mea ad viscera compassionum, quibus plorauit in infantia, Super Hierusalem, super Lazarum, & in cruce, immo in illis super te, & egrediatur fluuius de loco voluptatis ad rigandum Paradisum, qui est in quattuor capita diuisus. Si enim egrediebatur fluuius lacrymarum de loco voluptatis, & omnium deliciarum, quanto magis, debet egredi de loco omnium spurcitiarum. Ergo bone Iesu sum-

*Luce 19. f*

*Ioan. 11. e*

*Gen. 2. b*

A mis delitijs plenus plorasti. Euigila etiam anima mea ad verba instructionum, & exhortationum, & promissionum, quia de verbo vitæ æternæ habes. Euigila ad exprobrationes, vulnera, illusiones, & occisiones, ad dolores passionis, & compassionis. Attendite, inquit, & videte, si est dolor, sicut dolor meus, immo Domine accedam, & videbo, si est amor sicut amor tuus. Et ideo nihil nisi te propter te volo amare. Tu Domine me iniquum, pessimum, & contemptorem tuum, vilissimum scelerem scelerum, & horrorem vermium amasti tantum, vt tanta pro me dignareris pati, & sustinere, & ego te infinitum bonum, patrem piissimum, sponsum dulcissimum omnis pulchritudinis & suauitatis fontale,

*Thren. 1. d*

principium, non tantum diligam vt saltem moriar per te, pro te mundo, immo moriar & mihi, vt totus tecum affixus ligno, nihil sentiam nisi te, vt vitam iam non ego, viuat autem in me Christus.

*Gal. 2. d*

Quid ergo retribuam Domino, pro omnibus quæ retribuit mihi? Calicem salutaris accipiam, & nomen Domini inuocabo. Sic ergo calix continuus in corpore saltem superabundantis gratiæ radicitur in corde, melos diuinæ laudis diffundatur, quare continue ac indefinenter in ore laudabo Deum meum, invita mea psallam Deo meo, quamdiu fuero. Iucundum sit ei eloquium meum, ego vero delectabor in Domino, leuabo, & ostendam ei faciem mentis, & in auribus ab ore meo resonabit immensa gratiarum actio, & magnificentia suæ laudis. Recedant ergo de cetero omnia vetera de ore meo, & de anima mea: quia Deus scientiarum Dominus est, & ipsi præparantur cogitationes, & voces. Arcum fortium superabo, & induar virtute ex alto. Gaudens gaudebo in Domino solum, & implebitur cor meum iubilo, & omnia ossa mea exultabunt in Deo meo, quia totum me offeram Saluatori meo. Quiescet cor meum in dulcedine bonitatis immensæ. Laudabo excellentiam gloriæ summæ, & sequar vestigia passionis acerbæ. Corpus conculcetur, cor eleuetur, laude vero repleatur os meum, vt die ac nocte Dei mei magnitudine tantæ vitæ irremissibiliter quiescant. Abscedat vanitas, accedat diuinitas, transformet charitas, & fiam totus diuinus, aperiantur cor meum, aperiantur vulnera, iungantur intima, & fiant vnum cum Christo.

*Psal. 115. a*

*Psal. 145. a*

*Psal. 103. d*

*1. Reg. 2. a*

A-  
men.





# S. BONAVENTURAE EXIMII ECCLESIAE DOCTORIS

## Opusculum, quod inscribitur,

### EXPOSITIO MISSAE.

*Brenis hac est Missa expositio, sed plena ac referta doctrina mirabili, & eruditione non vulgari. Nam sanctus hic Doctor vel hoc solo Opusculo testatum facit, quantum sacrorum rituum cognitione, sollemniumq. Ecclesia carimoniarum observatione excelluerit. Igitur sacra Missa mysteria dum breuiter exponit, & dilucide explicat, ad huius auri Opusculi frequentem lectionem, praecipue sacerdotes inuitat, qui in eius, quod offerunt, tam sancti sacrificij meditatione iungi & assidua potissimum versari debent. Pro commoditate vero legentium, capitibus quatuor distinctus est denuo tractatus iste, ut mox infra patebit.*

### CAPITA HVIVS OPVSCVLI.

*De sacerdotalibus indumentis, & eorum significatione.*

Cap. I.

*Missae unde dicta, & de ingressu sacerdotis ad altare, usque ad offertorium.*

Cap. II.

*De Offertorio, & alijs, usque ad canonem Missae.*


Cap. III.

*De totius Canonis Missae expositione.*

Cap. IV.

*De sacerdotalibus indumentis, & eorum significatione. A*  
*Caput primum.*

*Heb. 9. a*



**C**HRISTVS assistens Pontifex. Apostolus ad Hebraeos dicit illa verba de Domino Iesu, & vero Pontifice. Iste namque Pontifex tantae dignitatis est, quod etiam pontifices, & sacerdotes nostri in omnibus, quae in Missa faciunt, ipsum repraesentant. Vnde, ut cum maiori reuerentia & deuotione sacrosancta Missarum sollemnia audire velitis, quid Missa significet, & quomodo Christum tam Missa, quam sacerdos repraesentet, compendiose dicere volo.

Sciendum igitur, quod sacerdos primo capiti amictum superponit, quod humerale dicitur, quod usque ad humeros descendit, & inter consecratas vestes computatur, postea albam induit, & cingulo se cingit, postea manipulum in laeva manu sumit, postea stolam longam collo superponit, & eam cancellatam in pectore ad modum crucis iuxta utrumque latus cingulo tenens ligamentis applicat, postea casulam induit, indumento & sic ad altare procedit. Si quis ex his indumentis per obliuionem aliquid omitteret, grauiter peccaret.

*Quocumque lotenus ligamentis applicat, postea casulam induit, indumento & sic ad altare procedit. Si quis ex his indumentis per obliuionem aliquid omitteret, grauiter peccaret.*

Quid autem haec significant breuiter videamus.

Humerale caput cooperiens signat, quod Christus, qui est caput Ecclesiae, diuinitatem in humanitate abscondit.

Alba munda & longa magnam Christi munditiam significat, quia Petrus dicit, quod Christus peccatum singulorum non fecit, nec inuentus est dolus in ore eius. Hanc sacerdotalium indumentorum significatio

*Luc. 12. b*

Cingulus designat virginitatem Christi, & suae castissimae matris, quam nos habere docuit, dicens: Sint lumbi vestri praecincti, &c.

Manipulus in laeva est humilitas Christi in hac vita, vel manipulus in laeva designat pugnam Christi pro iustitia. ipse enim pro iustitia pugnavit, mundum superauit, & diaboli potestatem deiecit, & idcirco manipulus in laeva clypeum, vel pugnam pro iustitia designat. Ad hanc nos hortatur Christus, dicens: Beati, qui persecutionem patiuntur propter iustitiam, &c.

*Mat. 5. a*

Stola longa supra collum ante cor, & usque ad pedes dependens signat obedientiam Christi & voluntariam seruitutem pro nobis. Ipse enim pro salute nostra factus est patri obediens usque ad mortem, mortem autem crucis, & hoc designat cancellata stola in pectore ad modum crucis. Designat etiam crux in pectore passionem Christi, quam circumferre per uigili meditatione debemus, una cum sacerdote in corde & corpore per mortificationem terrenae delectationis. Designat etiam crux ante pectus sacerdotis cancellata, populum Iudaicum in sinistram partem transire, qui Christum occidit, & in ipsum credere noluit. Populus autem gentilis in Christum credidit, & se in dexteram partem per fidem collocavit. Quod expressum est in Genesi, quando Iacob nepotibus suis videlicet Manasse, & Ephraim benedicens cancellatis manibus, dexteram supra iuniorem, scilicet Ephraim, laeuam vero supra seniore, scilicet Manassen posuit, & ait: Benedicat Deus pueris illis.

*Phil. 2. a. b*

*Gen. 48. c*

Casula, id est, parua casa vel domus, signat caelum & terram, quae Christus sua maiestate implet sicut ipse dicit per Prophetam: Caelum & terram ego impleo. Casula etiam designat charitatem, qua diligere debemus amicos in Deo, & inimicos propter Deum, sicut Christus nos docuit verbo, & exemplo. Per anteriorem partem casulae designantur amici, per posteriorem inimici. Vnde

Christus dixit in S. Mattheo: Diligite inimicos vestros, &c.

*Mat. 5. g*

*Missae*

*Missæ unde dicta, & de ingressu sacerdotis ad altare vsque ad offertorium. Cap. 11.*

**D**ICITUR autem Missa a mittendo & repræsentat legationem inter homines, & Deum. Deus enim mittit Filium suum Christum in altari, & iterum mittit Ecclesia fidelis eundem Christum ad patrem, ut pro peccatoribus intercedat.

Item ante inceptionem Missæ sacerdos dicit confessionem, quia licet sit nuncius & legatus fidelium, tamen se scire debet peccatorem esse, accusans se de peccatis suis, sicut scriptum est: Iustus in principio accusator est sui. Signat etiam confessio ante Missam, quod Christus pro peccatis nostris mortuus est, iustus pro iniustis, ut nos offerret Deo patri, & ipse Christus in persona peccatorum dicit in Psalmo: Longe a salute mea verba delictorum meorum. quasi dicat, peccata populi mei non permittunt me vivere, sed oportet ut pro peccatoribus moriar, & sic eos patri meo reconciliando offeram.

Item post confessionem sacerdos accedens altare illud osculatur, signans per incarnationem, & passionem Christi salutem & pacem Iudæis & gentibus ad fidem Christi conuersis esse nunciatam. In dextro enim cornu altaris Iudæi, in sinistro verò Gentiles designati sunt. Vnde & Missa in dextro cornu inchoatur, quia ex stirpe Iudæorum Christus humanitatem assumpsit. Beata enim virgo Maria de Regia stirpe David originem duxit, quæ de Spiritu sancto Christum Dominum nostrum concepit.

Tandem chorus vel sacerdos introitum Missæ incipit, quem omnes astantes clerici concorditer cantare debent. Chorus namque Græce concordia dicitur Latine. Quod autem introitus bis cantatur, per hoc desiderium antiquorum Patrum designatur, in quorum persona Esaïas dixit de incarnatione Christi, quæ Prophetæ & Patriarchæ desiderabant: Vtinam disrumperes cælos, & descenderes. quorum tandem audiens clamorem Dominus venit in mundum, sicut ipse per Psalmistam dicit: Propter miseriam inopum & gemitum pauperum nunc exurgam dicit Dominus. Item quod introitus bis cantatur designat, quod qui vterus erat, Deus & homo in vna persona existeret. Item quod introitus bis cantatur, & in medio sancta Trinitas per Gloria Patri collaudatur, signat quod Christus de Virgine natus, introiuit in hunc mundum, & fidem Trinitatis nobis insinuans, iterum ascendendo introiuit in cælum: quem multi sanctorum imitati sunt, qui licet hunc mundum per natiuitatem & per propagationem carnis introierunt, & carnaliter de parentibus nati sunt; tamen per fidem Sanctæ Trinitatis in baptismo, vel effusione sanguinis pro Christo sunt renati, & sic Angelicis choris associati.

Vnde & *Kyrie eleison*, nouies decantatur, quia drachma decima scilicet humana natura quæ perdita erat, inter nouem choros Angelorum per incarnationem Christi instauratur.

Et quia sancti Angeli de hac instauratione gratulantur, hymnus Angelorum, scilicet *Gloria in excelsis Deo* quem ipsi in natiuitate Christi cantauerunt, per sacerdotem lætanter inchoatur, hoc signans, quod Christus propter humani generis restaurationem, incarnari dignatus est. Quæ autem in hoc hymno sequuntur scilicet, *Laudamus te, vsque ad finem*, B. Telesphorus Papa post sanctum Apostolum Petrum numero octauus, apposuisse dicitur, licet quidam sanctum Hilarium Episcopum Pictauensem, & doctorem præcipuum hæc apposuisse contendunt.

Vnde sciendum quod cum *Kyrie eleison*, cantamus Domini Dei nostri misericordiam prouocamus, & ut nostri misereatur inuocamus. *Kyrie eleison*, interpretatur, Domine Deus Pater miserere. *Christe eleison*, Domine Iesu Christe filij David miserere.

**A** *Kyrie eleison*, Domine Spiritus sancte miserere. ymas enim Latine signat, nobis. quasi dicat Ecclesia catholica: Sancte Pater, qui Filium tuum misisti, ut ex virgine Maria nasceretur, miserere nobis, ut nouem choris Angelorum associemur. Christe Fili Dei viui, qui de virgine Maria nasci dignatus es, miserere nobis. Sancte Spiritus, qui Mariam virginem tua gratia implesti, quando Christum concepit, miserere nobis. Sic autem Trinitatem per *Kyrie eleison*, & *Christe eleison* inuocamus.

Et *Gloria in excelsis* subiungimus, ut ostendamus nos eundem Deum colere in terris, quem Angeli venerantur in cælis.

Post hoc sequitur Oratio, quæ collecta dicitur, eo quod omnes astantes Missæ, se debeant deuote colligere, & cum sacerdote fideliter orare. Et huic orationi præmittitur salutatio, scilicet *Dominus vobiscum*, & hæc salutatio pertinet ad simplicem sacerdotem. Episcopi autem, qui sunt vicarij Christi salutare solent populum ea salutatione, qua Christus salutauit suos discipulos, id est, *Pax vobis*, quasi dicat: Si digne sacris mysterijs interesse velitis, sitis filij pacis. De salutatione minorum sacerdotum, scilicet *Dominus vobiscum*, & responsione populi, *Et cum spiritu tuo*, sicut dicit beatus Hieronymus, cum spiritu hominis optat spiritus Dei esse, quia in spiritu rationali creatus est homo ad imaginem & similitudinem Dei. Hortatur autem omnes circumstantes, ut secum orent dicens: *Oremus*: Iam omnes vanitatem postponamus, detractiones, & susurrations malas in Ecclesia abijciamus, & deuotioni diligentissime intendamus, & orationi sacerdotis in Missa, eo quod ipse sacerdos suam, & omnium circumstantium orationem, & deuotionem, sua supplicatione colligat, & ad Deum preces fundat, quam cum concluderit petit, ut exaudiri mereatur a Patre, *Per Dominum nostrum Iesum Christum*.

Vnde si exaudiri volumus, Dominum ad nos clamantem audiamus in Epistola, & eius præcepta impleamus, in quantum possumus. Epistola enim interdum ex veteri, interdum ex nouo testamento sumitur, quia vetus testamentum & nouum de Domino & eius præceptis loquuntur. Dicitur autem Epistola ab epi, quod est supra, & stola missio, quasi de supremis missa. Spiritu enim sancto inspirati prophetæ & Apostoli, locuti sunt omnes. Sciendum, quod in quartis ferijs quattuor temporum leguntur duæ lectiones, scilicet Prophetia, & Epistola, in quibus designatur quod omnes clerici, qui ordinandi sunt, & inuestiendi sacris ordinibus in sequenti sabbato eruditi debent esse in veteri, & in nouo testamento, vel in duobus lectionibus designatur, quod in corpore & anima, mundi debent esse. Ab hac enim quarta feria vsque ad sabbatum, clerici antiquitus examinabantur, & in sabbato ordinandi Episcopo præsentabatur. In quo sabbato quinque lectiones leguntur ad designandum, quod omnes, qui illo die ordines, consequuntur, illuminatos debent habere sensus, ut populum sibi commissum eo melius regere valeant. Nam si cæcus cæcum ducit, &c.

Debent ergo in mandatis Domini perseverare fideliter, quæ eis in lectionibus, & epistolis frequentius reiterantur, & ire de virtute in virtutem, quod Graduale designat. Dicitur enim a gradiendo. Vnde Dominus cuidam dixit: Si vis ad vitam ingredi, serua mandata. *Graduale* autem in duobus versibus terminatur, quia in duobus præceptis charitatis, scilicet in dilectione Dei & proximi vniuersa lex pendet & propheta.

Per charitatem autem merebimur gaudia regni cælestis, quod in Alleluia designatur. In cælo enim sancti Deum laudant, & Alleluia interpretatur laudate Deum, Gaudium autem Sanctorum interminabile & ineffabile dicitur, quod per pneuma post Alleluia dulce & longum satis proprie declaratur. Solemus enim

Oratio cur collecta nā cupatur.

Episcopi ad populum salutatio. Ioan. 20. 6

Epistola.

2. Pet. 1. d

Duæ lectiones, quæ leguntur in quattuor temporibus, qd significant.

Mat. 15. b

Graduale. Mat. 19. 6

Mat. 12. d

Alleluia quid significet.

enim longam notam tonando post Alleluia super hanc litteram A, prolixius decantare. quasi dicat, Gaudium Sanctorum in celis interminabile. & inefabile est.

Tractus me- Quod autem tempore maioris Tractum pro Alle-  
rorem de- luia cantamus, in hoc maiorem, & tristitiam huius  
notat. sæculi designamus

Sequentiz, Sequitur de sequentijs. *Sequentia* dicuntur a sequen-  
& earum au- do, quia antiquum cantum secutæ sunt. Fecit autem  
tores, sequentias\* Natherus Abbas sancti Galli. Quidam  
\*Notgerus autem monachi Grisei sequentias non cantant, quia  
dicitur iste ipsi antiquum usum non sequuntur in cantando. Multi  
apud Tri- etiā post Abbatem Natherum sequentias novas fece-  
themiu: qui runt sicut Hermannus contractus, qui fecit *Aue praela*  
ex Abbate ra, & *Santi spiritus*, & multi alij, quorum nomina  
S. Galli sa- longum esset dicere.

ctus est Epi- Quod autem dicitur ante Euangelium, sequentia  
scopus Leo sancti Euangelij, id est, sequentia quæ legi debent,  
dientis. sunt secundum Matthæum vel Ioannem dicta.

Euangelium quid. Sequitur videre quare Euangelium in aquilonari  
Mat. 25. e parte legatur, & quid per hoc insinuat. Euangelium  
Græce dicitur bonum nuncians, siue bonum nuncium  
Latine. Et quid melius nuncians, quàm quod filius  
missus a Patre, dicit: Venite benedicti patris mei.

Quod autem Euangelium contra aquilonem legitur,  
hoc designat, quod Dominus Iesus, qui pro nobis  
incarnari dignatus est, luciferum, & omnes aereas,  
potestates debellare venit. Ipse enim lucifer dixit:  
Ponam sedem meam ad aquilonem, & similis ero al-  
tissimo. Cui dictum est: Quomodo cecidisti, &c.  
Igitur Euangelium legendum est, ut aquilo surgat, &  
auster veniat, quod est dicere, ut diabolus fugiat, &  
Spiritus sanctus adueniat.

Solet autem legens Euangelium populum salutare,  
& eis salutem Domini optare, quatenus corda circum-  
stantium aperiantur ad audienda, & implenda verba  
sancti Euangelij. Et respondet populus: *Gloria tibi*  
*Domine*: qui nos ad tuam doctrinam vocare, & tuo san-  
guine redimere dignatus es.

Signant autem se fideles signo sanctæ crucis in ini-  
tio Euangelij sicut & legens Euangelium, ut ad in-  
telligenda verba sancti Euangelij ab inanibus cogita-  
tionibus mudentur, & a Domino audire mereantur,  
quod discipuli a Domino meruerunt audire: iam vos  
mundi estis, propter sermonem quem locutus sum vo-  
bis. Deben etiam verba sancti Euangelij stando, &  
denudato capite ab omnibus, & sine baculo vel reclina-  
torio cum reuerentia & tremore audire, quia Do-  
minus nudam, & apertam veritatem in Euangelio  
prædicauit. Vnde male faciunt, qui eo tempore ge-  
nua flectunt, vel in oratione procumbunt. Dominus  
enim Iesus Christus dulcissima verba, & melliflua  
prædicauit, quæ etiam ab extraneis commendata sunt.

Vnde legitur in Euangelio Ioannis, quod quidam eius  
verba audientes dixerunt: Numquam locutus est ho-  
mo, sicut hic homo loquitur: Et mirabantur de his,  
quæ procedebant de ore Dei. De mirabilibus autem  
& de signis, quæ in Euangelij leguntur, statim lecto  
Euangelio laicis aliquid esset dicendum.

Post hoc sequitur: *Credo in unum Deum*, quia om-  
nia quæ Christus prædicauit, & Euangelistæ scripse-  
runt, firmiter credere debemus. Hanc fidem catho-  
licam Græci Symbolum vocant. Est autem triplex  
Symbolum a sanctis Patribus editum. Primum vi-  
delicet, *Credo in Deū*, quod ad horas solet dici. Hoc  
est *Auctor* Symbolum sanctissimi Christi Apostoli per singulas  
de hac re particulas composuerunt, & hanc fidem Apostoli per  
serm. 8. in totum orbem diuulgauerunt. Sed sciendum, quod  
Hexæm. huic fidei catholice hæretici fortissime resisterunt im-  
ro. 1. & c. pugnantes eam. Sanctissimi autem Episcopi 318. in-  
tit. par. 3. ter quos B. Nicolaus dicitur fuisse, concilio Nicæno  
sect. 38. & habito post tempora Apostolorum anno 320. hanc fi-  
dema sa- dem catholicam ab Apostolis editam diligentissime  
lu. tit. 5. elucidare curauerunt, & symbolum hoc scilicet *Cre-*  
ro. 6.

do in unum Deum, quod in Missa canitur, ediderunt,  
& in Missa cantari statuerunt. Quod statutum in con-  
cilio Constantinopolitano a multis sanctis Episcopis,  
inter quos dicitur fuisse B. Augustinus, valde approba-  
tum & firmatum est. Tertium symbolum quod ad ho-  
ram primam dicitur, scilicet *Quicumque vult*, B. Atha-  
nadius Alexandrinus Episcopus dinoscitur edidisse.  
Et hæc dicta de symbolis sufficiant.

De Offertorio, & alijs, usque ad canonem Missæ.  
Cap. III.

SEQUITUR videre de Offertorio. Dicitur au-  
tem offertorium ab offerendo, eo quod populus  
oblationes ad altare deferens, deuotum & fidelem se  
esse Deo ostendat. Nam sicut sacerdotes solent gau-  
dere, si multi ad offerendum veniant: sic Apostoli gau-  
debant, quando multi populi se Deo offerebant, &  
fidei catholicæ obediebant, sicut in Actibus Aposto-  
lorum legitur. Solet autem sacerdos ante offertorium  
populum per Dominum vobiscum salutare, & ad orā-  
dum per Oremus inuitare: quia ordo conueniens  
est, ut post prædicationem Euangelij iam lecti, sequa-  
tur in corde laus, in ore fructus, in opere fides. Præ-  
terea & offerenda dicitur, quia Domino sacrificium  
laudis offertur. Sacerdos enim acceptis oblationibus  
a populis calicem præparatum vino & aqua, & hostia  
a ministris, post hoc liber canonis, & præfationis ad  
sinistram partem deferretur, iuxta quam partem & E-  
uangelium legi solet, sicut superius dictum est: quia  
gentes doctrinam Christi & Apostolorum, quæ in  
sinistro cornu altaris figuratæ sunt a Iudæis, & deu-  
tius quam Iudæi susceperunt. Iudæi enim, exceptis  
paucis, doctrinam Christi repulerunt, & Apostolos  
de Iudæa eiecerunt. Ita, ut ipsi dicerent Iudæis: Vo-  
bis quidem verbum salutis missum est: sed quoniam  
repulistis illud, & indignos vos iudicatis æternæ vi-  
tæ, ecce conuertimur ad gentes. Vnde si unum lumen  
tantum ad Missam habeatur ante Euangelium, ad si-  
nistram partem altaris ponendum est: quia cereus fi-  
dem signat, quia in Christum credimus nos, qui ex  
gentibus venimus.

His itaque peractis calix cum patena adaptatur, in  
quo vinum cum aqua limphatur, & cum oblata adhi-  
bita super altare eleuatur.

Sciendum quod altare quadrangulū designat cru-  
cem Christi quadratam. Calix sepulchrum Domini. Patena, ca-  
lix, patena, Patena lapidem superpositum. Corporale sindonem corporale,  
mundam, in qua inuolutum est corpus Domini. Ro- rotunditas  
tunditas hostiæ Trinitatem, & æternitatem Dei. Ro- hostiæ, quid  
tunditas enim sine caret & initio. Aeternitas etiam significat.  
caret initio, & sine non clauditur, quod in fine col-  
lectarum quando *Per omnia secula* dicitur, decla-  
ratur.

Altare quando ab Episcopo consecratur, in quat-  
tuor cornibus ad modum crucis oleo perungitur. Et Altaris con-  
Ecclesia sanguine Christi similiter est peruncta. Vnde secratio.  
de cantatur: *De crucis stipite, quem sacer cruor perunxit*,  
&c. Item altare pannis albis & mundis cooperitur, &  
cruce Christi humanitate eius in ea pendente decora-  
tur. Item in altari sanctorum reliquiæ absconduntur  
& in cruce Domini maxima mysteria reperiuntur,  
videlicet longitudo, latitudo, sublimitas, & pro-  
fundum.

Quod autem in calice aqua admiscetur vino, nunc Mixtio a-  
dicendum est: debet enim in modica quantitate vino que cum vi-  
admisceri, videlicet ut aqua omnino absorbeat a no in calice  
vino. Si enim, quod absit, multitudo aquæ in calice  
mischeretur, ita ut aqua vinum vinceret, & eius sapo-  
rem tolleretur, sacerdos sanguinem Christi non conse-  
craret, & negligentiam magnam committeret. Aqua  
enim designat populum: Vinū Christi Deitatem. Quā-  
do autem aqua admiscetur, populus Christo adunatur.  
Vnde valde timendum est, ne aqua omittatur, & ca-  
uendum

uendum ne populus a Christo separetur.

Hostia autem iuxta calicem locatur, quia Christus pro Ecclesia immolatur. Hostia etiam de multis granis conficitur, & cum aqua adunatur, similiter, & vinum ex multis racemis liquatur; per quæ datur intelligi, quod Christus cum multis membris per aquæ baptismum sibi coniunctis, vnum corpus efficitur.

*Ephes. 5. g.* Vnde dicit Apostolus super hoc verbo: Et erunt duo in carne vna: Sacramentum hoc magnum est, ego autem dico in Christo, & in Ecclesia. In festis autem præcipuis, calix, & hostia simul & altare, cum thuribulo incensantur. Per quod signatur, quod fidelis populus vna cum sacerdote orationes singulas, vel speciales ad Sanctos facere debent, quorum sollemnitate specialiter peragunt. Sacerdotes enim in sollemnitatibus, collectas, præfationes, communicantes in canone, mutare solent: sic & populi circumstantes speciales orationes Deo, & sanctis mittere debent.

*Psal. 140. a.* De his dicitur in persona Ecclesiæ: Dirigatur oratio mea, &c.

Deinde præparato calice, & thurificato, sacerdos se humiliare solet in oratione, & inclinare, postea ad populum se vertens, ut pro se oret silenter petit. Quid autem hoc significet, breuiter videamus. In Euangelio legitur quod ad prædicationem Christi multi conuertebantur, ita ut Pharisei dicerent: Ecce mundus totus post eum abiit; & propter resurrectionem Lazari collegerunt Pharisei concilium, ut non solum Dominum Iesum Christum, sed etiam Lazarum interficerent resuscitatum. propter quod quia Christi nondum aduenerat hora, scilicet vsque ad diem palmarum se occultabat, & secreto orabat, & docebat, quod silentium, & inclinatio post offertorium significat. Item post diem palmarum discipulos orare hortatur, scilicet ante parasceue, ne intrent in tationem: quod orare ante secretam sacerdotis ad populum se vertentis indicat.

Secreta autem occultam orationem significat, in qua sudor sanguineus de corpore eius distillabat.

*Mat. 23. d.* Item Dominus noster Iudæis obiecit, quod occiderunt prophetas, & ad se missos, cum monita sua spernerent, dixit ad eos: Dico vobis, non me videbitis amodo, donec dicatis, Benedictus, qui venit in nomine Domini, &c. & sic ab eis recedens, vsque ad præfinitum tempus a patre se occultabat. In die autem palmarum ut dictum est, se eis humiliter offerebat in asino sedens. Tunc adimpletum est, quod dixerat. Nam pueri Hebræorum cum multa turba, quæ conuenerat ad diem festum Paschæ, clamabāt dicentes, Benedictus qui venit. Et Osanna, &c. quæ omnia sacerdos in Missa repræsentat, quando post secretam, *Per omnia secula* alta voce decantat, & præfationem, & *Sanctus*, vsque ad *Osanna in excelsis* in Ecclesia pronunciat.

*Præfatio.* Sciendum, quod in Præfatione tangitur prærogatiua non paruipendenda. Ecclesia enim militans in terris, petit admitti voces suas cum spiritibus & virtutibus Angelicis in cælis. Quod utique fit, si iuxta admonitione sacerdotis corda sursum habemus ad Dominum, non ad terrenum desiderium: quia sine dubio ima summis coniunguntur. scriptum est enim: *F*

*Mat. 24. c.* Vbi fuerit corpus, illic congregabuntur aquilæ, id est, Angeli. Cum quibus nostras voces cum spiritibus, & virtutibus Angelicis, in cælis admitti petimus sine fine dicentes ter: *sanctus*, quia trinus & vnus est Deus. Et ideo tribus vocibus, *Sanctus*, cantamus, quia Deum potentem in cælo, in inferno, & in terra pronunciamus, ita ut in nomine Domini omne genu flectatur, &c. vel ideo ter, *sanctus*, cantamus, quasi dicat: Omnipotens Deus Sanctus es, fideles tuos in terra protegens. Sanctus es Angelos in cælis, & omnes sanctos inenarrabili gaudio replens, & hi exercitus tanguntur in hoc verbo, Sabaoth, quod interpretatur exercitus. Benedictus ergo, qui venit in nomi-

A ne Dei Patris, & pro salute nostra carnem assumere, & crucem subire dignatus est. *Osanna in excelsis.*

*Osanna* interpretatur salua, & saluifica. quasi dicat Ecclesia: Qui potens es in excelsis, salua nos Christe existentes in terris. Quod autem *Osanna* bis cantatur duplex stola vel gloria Sanctorum scilicet corporis & animæ per hoc insinuat. Hic est notandum, quod in tribus linguis nominatissimis Missa cantatur, scilicet Hebræa, Græca, & Latina, per hoc intelligi datur, quod omnis lingua confitetur, quia Dominus Iesus est in gloria Dei Patris. Hebræa sunt Sabaoth, *Osanna*, Amen, Alleluia, & his similia. Græca sunt, Kyrie eleison. Latina, Euangelia & Epistolæ & cetera. Titulus etiam crucis hoc repræsentat, scilicet: Iesus Nazarenus Rex Iudæorum, qui Græce, Hebraice, & Latine scriptus fuit.

Item ante canonem sacerdos digitos lauat, per quod intelligi datur, quod solummodo baptizati interesse debent consecrationi corporis Christi. Caueat autem sacerdos ne digitos lotos, postquam eos lauit & extersit, de cetero disiungat, excepto quando facit signum crucis super sacrificium salutare, vel quando hostiam tangit. Non enim debet eisdem digitis quidquam nisi hostiam tangere, quousque eos in calice post summptionem sacramenti lauet.

De totius Canonis Missæ expositione. Cap. IV.

*S*E Q V I T V R videre de canone Missæ, quem diuersi sancti composuerunt. Sed quidam scholasticus Romanæ Ecclesiæ ad petitionem Apostolici, regulariter eum ordinauit. Nam fortissimam & sanctissimam distinctionem, quam Christus edidit in medio canonis, sicut cor hominis in medio posuit. Cor enim hominis dicitur in medio corporis positum: sic & sacratissima verba, cū quibus sacerdos corpus Christi, & sanguinem conficit in medio canonis reperiuntur, quasi Rege diuino in medio existente, & sancto exercitio circumstante. Multi enim Sancti, scilicet, Gelasius, Damasus, Gregorius, Leo, Sergius Papa, & ceteri multi diuersas clausulas apposuerunt. Sed Apostoli solummodo hanc clausulam: *Qui pridie*, cum Pater noster dixerunt, & sic Missam cantauerunt. Canon enim discrete & sub silentio legendus est. Discrete, ut verba canonis, nec nimis velociter syncopando, vel nimis protrahendo circumstantibus generet tedium. Vnde Ecclesia statuit, ut canon deuote, & sub silentio legatur, quod silentium humilitatem Christi in sua passione indicat, quia coram præfide stans, diudicatus nihil dicebat, & sicut agnus coram tondente, sic non aperuit os suum.

Est autem initium canonis: *Te igitur clementissime Pater*. Vbi notandum est, quod hæc coniunctio, *Igitur* ad Præfationem & ad *Sanctus* refertur, quæ ante canonem cantata sunt. quasi dicat sacerdos in persona Ecclesiæ: Quia admisisti omnipotens Deus, ut te cum sanctis Angelis laudaremus, & idē clamaremus: Ideo *Clementissime Pater te supplices rogamus ac petimus* per Iesum, *usi*, id est, ut accepta habeas hæc dona, id est, benedicas. Sciendum autem, quod diuina prouidentia factum est, ut canon ab hac littera T. inciperet, quæ sui forma signum crucis ostendit in figura. In plerisque sacramentariis, id est canonum libris, imago crucifixi depingitur, ut non solum intellectus litteræ, verum & aspectus figuræ memoriam Dominicæ passionis inspiret. Littera namque T, mysterium crucis insinuat, dicente Domino per Prophetā: Signa Thau in frontibus virorum dolentium, & gementium, ne ab Angelo percutiantur. Et quod in frontibus per confirmationem & vnctionem Dominicæ passionis deuotissime teneamus. Vnde statutum est a sanctis Patribus, ne quisquam sacerdotum in aliquo altari, Missam celebraret, nisi ibi imago posita fuerit crucifixi. Quam

*Greg. Regi. li. 7. c. 63. Scholasticus auctor Canonis Missæ scribit.*

*Sacri canonis Missæ auctores.*

*Silentium Missæ, Christi humilitate refert.*

*Isa. 53. c.*

*Missæ canō cur a littera T. exorditur.*

*Corā cruci fixi imaginē sacrificium peragatur.*

Quam sacerdos intuens, & brachia extensa in ea cernens pro populi delictis exorando, brachia sua ad eum extendere ad modum crucis nullatenus erubescat. Paulus namque dicit: Mihi absit gloriari nisi in cruce, & cet.

Vnde quia de sancta cruce, vel de signis crucis hic mentio habita est, pauca de mysterio crucis hic inferantur. Ipsa namque crux est imperium super humerum Saluatoris. O signum inestimabile, & sacramentorum vbertate refertum. Crux est lignum vitæ in medio paradisi, quod quattuor Euangeliorum flumina rigant. Crux est charitas, id est cubitus, in quo consummata est arca, id est Ecclesia. Crux est ara super quam Abraham immolauit Isaac filium, id est, pater cælestis Dominum Iesum Christum. Crux est lignum, quod missum est in Marath, id est in mundum, & dulcoratæ sunt aquæ legis, quia per crucem discimus inimicos diligere, quod vtiq; legi veteris testamenti contrarium est. Ipsa enim dicit, Odio habebis inimicum tuum, & oculum pro oculo, dentem pro dente. Crux est virga cum qua petra percussa est, id est Christus, & egressa sunt flumina largissima sanguinis, & aquæ, quibus animæ nostræ sanantur, & lauantur. Crux est palus, in quo erecto serpente æneo, id est Christo omnes, qui eum fideliter aspiciunt, liberantur a moribus serpentum ignitorum, id est diabolorum.

Crux est cithara, in qua noster David, id est, Christus psallebat, quando in ea pendebat, & malignorum spirituum impetus a Saule, id est ab humano genere refrenabat. Crux est duo ligna, quæ colligebat vidua Sareptana, id est Ecclesia, ut sibi, & filio panem faceret, quia in cruce panis, id est Christus Dominus decoctus est. Crux est lignum Elisæ, ad quod ferrum de profundo natauit, quia per lignum crucis de abyssu mortis sumus extracti, & hoc ab Elisæo caluo habemus, id est Christo in cruce denudato, vel in monte Caluarie crucifixo. Crux est lignum, de quo dicunt Iudæi per Hieremiam prophetam: Venite, mittamus lignum in panem eius, id est Christum in cruce interficiamus. Crux est palma quam Christus ascendit, & fructus eius apprehendit, id est redemptionem nostram. Crux est clauis David quæ ianuam cæli aperuit & nos intromisit.

Quod autem tres cruces supra calicem & hostiam per manus sacerdotis signantur, quid significant videamus. Signant enim tres traditiones, quibus Filius Dei traditus est in mortem. Traditus enim est Filius a Deo patre, sicut dicit Apostolus, Proprio Filio suo non pepercit, sed pro nobis omnibus tradidit illum. hoc primum signum signat, ubi dicit, *Hæc dona*. Item tradidit Filius seipsum, de qua traditione dicit Isaias: Tradidit in mortem animam suam, & cum sceleratis reputatus est. & hæc traditio signatur, cum dicitur: *Hæc munera*. Deus enim hoc munus valde libenter acceptat. Item Christus traditus est a Iuda discipulo & hoc in malo, de qua traditione dicit Matthæus in Evangelio: Qui autem tradidit eum, dedit eis signum dicens: Quemcumque osculatus, &c. & hæc traditio significatur in hoc verbo, *Hæc sancta sacrificia illibata*. Quia enim Christus sine peccato natus est, & sine peccato vixit, & innocenter occisus est, ideo eius mors sancta est, licet eum Iudas mala intentione tradiderit. Quod additur, *Sacrificia illibata*, id est prius non immolata, ad hoc respicit, quia sacerdos nouum sacrificium in altari posuit, quod adhuc consecrari debet, scilicet panem & vinum. vel *Illibata*, id est intacta, vel immaculata: & sic refertur ad ipsum Christum, quem peccatum non tetigit, nec fœdauit, sicut dicitur.

Apostolus: Qui peccatum non fecit, &c.

Sequitur: *In primis, quæ tibi offerimus pro Ecclesia tua sancta catholica*. Vtile est valde pro sacrosancta matre Ecclesia orare. Nam qui libenter pro ea orat omnibus bonis eius particeps fit. Orat autem sacerdos cum circumstantibus & se petit exaudiri a Patre, per Iesum

id est propter Iesum Christum Filium suum, ut dictum est, quasi dicat, Si nos propter peccata nostra exaudiri non meremur, saltem propter Filium tuum nos exaudire digneris, ut Ecclesiæ tuæ pacem tribuas, & eam custodias: quia nisi eam custodieris, frustra vigilat, &c. & pacem non habebit. Digneris etiam eam adunare, quia omne regnum in se diuisum desolabitur, & si tu eam non rexeris, per multa schismata turbabitur.

Sequitur: *Vna cum famulo tuo Papa nostro*. Hic est notandum, quod in omni Missa Apostolici memoria habenda est: quia hoc est in concilijs statutum. Debet autem sacerdos non nominare nomen Apostolici, sed per memoriam nominare.

Sequitur: *Et antistite nostro*, id est Episcopo.

Sequitur: *Et Rege nostro*, scilicet Romanorum. similiter cordetenus cogitabit. Ecce quam fideliter sacerdos coniunctus Deo in Missa pro Ecclesia catholica, pro iudicio spirituali, & sæculari orat.

Sequitur: *Et omnibus orthodoxis, atque catholicis, & Apostolica fidei cultoribus*. Ista clausula intelligitur de omnibus Cardinalibus, Primatibus, Patriarchis, Archiepiscopis, Episcopis, Prælatibus, & ceteris Ecclesiæ præpositis, vel sacerdotibus, & eorum subditis, pro quibus in Missa orandum est.

Sequitur: *Memento Domine*, &c. Hic attendendum est, quod in hoc loco sacerdos tenetur orare pro omnibus, qui ei aliqua beneficia impenderunt.

Sequitur: *Et omnium circumstantium*. Ecce hic sacerdos orat pro circumstantibus, & eos Deo commendat, quasi dicat: O Deus, tu eorum fidem & deuotionem melius nosti, quam ego: ergo corrige in eis quidquid corrigendum in eis inueneris.

Sequitur: *Qui tibi offerunt, usque Deo vino*, quasi dicat sacerdos: Omnipotens Deus hoc sacrificium laudis offerunt tibi circumstantes, & pro quibus oramus, *Pro se suisq; omnibus*, usque, *Deo vino, & vero, & reddunt vota sua*. Nota, quod Patrem Domini nostri Iesu Christi vna cum Spiritu sancto, Deum viuum & verum appellamus, ad differentiam deorum non viuorum, nec verorum, sed idolorum, quibus gentes sacrificabant. Vnde Psalmista: Simulachra gentium, argentum, &c. & iterum: Os habent & non loquuntur. & ideo qui non vident, nec audiunt, quomodo alios exaudire possunt? minime.

Sequitur: *Communicantes*, usque, *Iesu Christi*. Hic extra vnitatem Ecclesiæ non est locus offerendi sacrificium, & ideo memoriæ sanctorum communicamus, quatenus in communione sanctorum sacrificia offeramus. quasi dicat: Ecclesia militans in terris, & si nos propter peccata nostra non meremur exaudiri, communionem, id est cœtu sanctorum, scilicet beatæ Virginis, & Apostolorum, Martyrum, & sanctorum omnium, exaudiri mereamur. Inuocamus enim illos, repellere eos non potes, & quia exauditione digni sunt & nos vna cum ipsis exaudire digneris.

Quare autem commemoratio Confessorum non fit in canone sicut Martyrum, duplex est ratio. Primo, quia martyr Græce dicitur testis Latine. Martyres autem solummodo in canone positi sunt, quia testes passionis existunt, & pro Christo martyrium pertulerunt. Secunda ratio est, quia canon a beato Gelasio Papa, vel a quodam scholastico, sicut dictum est, editus fuit antequam festa Confessorum celebrarentur. Potest enim sacerdos Missam cantare de confessore, sed oretenus non nominet eum in canone. Tandem subiungat: *Et omnium sanctorum tuorum*, &c. quod ubique sacerdos in canone facere potest. Et quoniam multæ filiæ, id est animæ sanctorum congregauerunt diuitias sanctitatis, beata virgo Maria supergressa est vniuersas. Ideo prima in canone ponitur.

Sequitur: *Quorum meritis*, &c. Sicut & Moyses orauit dicens: Memento Domine Abraham, Isaac, & Iacob, quibus iurasti, &c. ac si dicat, facilius me exaudies,

Gal. 6. d

Sacrae crucis encomium atque figuræ.

Isa. 9. b

Gen. 2. b

Gen. 6. c

Gen. 22.

Exo. 15. f

Exo. 21. c

Exo. 17. c

Num. 21. b

1. Reg. 16. d

3. Reg. 17. b

4. Reg. 6. b

Hier. 11. d

Cant. 7. c

Apoc. 3. b

Trina crucis signatio quid mysterij habeat.

Rom. 8. f

Isa. 53. d

Mat. 26. e

1. Pet. 2. d

Ps. 126. a

Luc. 11. b

Concil. 7. a

sem. 1. c. c.

4. et 5. Bur

chard. 2.

lib. Decret.

sal. c. 230.

Psa. 113. b

Ibidem.

Cur nō fiat in canone Missæ confessorum commemoratio

Pron. 31. d

Exo. 32. e



exaudies, quia sanctorum memoriam me facere iubes. Ecce quomodo in Missa ima summis coniungitur, & terrestres quodammodo efficiuntur cælestes, quia militantes in terris, triumphantibus Sanctis in cælis per orationem canonis uniuntur. Vnde sequitur: *Hanc igitur oblationem*, usque ibi: *Diesque nostros in tua pace disponas*, quæ beatus Gregorius dicitur apposuisse. & vere verba satis plana sunt: ideo dimittantur.

Crucis signa cur quæ super calicem & hostiam fiant

Sequitur: *Quam oblationem*. Hic videndum est, quare quinque signa crucis fiant super calicem & hostiam. Sed sciendum est, quod per diuersa & multiplicata signa, quæ in canone sunt, diuersa genera tormentorum, quæ pro nobis sustinuit Christus, designantur. Hæc igitur signa significant, quod Christus in sensibus secundum carnem passus est, ut sensus nostros illuminaret. Passus est enim in visu per velationem, in auditu per derisionem, in gustu per fellis & aceti potationem, in odoratu per foetentium corporum, quando passus est in loco Caluarie, corruptionem, in tactu per clauorum confixionem. Item in tribus signis quæ in hoc loco cõmuniter super calicem & hostiam fiunt, possunt designari tria genera hominum, quibus Christus venditus est a Iuda, scilicet Sacerdotes, Scribæ, & Pharisei. Ibi enim Christum emerunt, & eum quasi maledictum & proscriptum tractauerunt. Sed Sacerdos econtrario dicit Christum esse oblationem, *Benedictam*, quia benedictus fructus ventris Mariæ: *Ascriptam*, quia Iesus in scripturis vocibus prophetarum præsignatus, assistit pro nobis faciei diuinæ: *Rationabilem*, quia regnum eius durat sine fine. Quod autem duæ cruces specialiter super calicem & hostiam fiunt, signat, quod Iudas venditor & quidam emptores qui ad fidem per penitentiam non redierunt, propter hoc corpus & animam perdidit.

In hac autem clausula subsequitur: *Rationabilem, acceptabilem facere digneris*. quasi sacerdos dicat: Iudæi in veteri testamento obtulerunt oblationem irrationabilem, id est iumenta muta & ratione carentia: sed tu sanctissime, & clementissime Pater facere digneris oblationem nostram rationabilem, ut apud te pro nobis rationem reddat. *Acceptabilem*, quatenus tibi placeat, & nos tibi acceptabiles efficiat. Ita ut panis in altari positus fiat nobis corpus, quod corpora nostra viuificet, ne æternaliter moriamur, & vinum sanguis, qui animas nostras sanctificet, ne perpetue damnemur, & hoc dilecti filij tui Domini nostri Iesu Christi, qui, scilicet Christus, corpus & animam saluare potest.

Sequitur: *Qui pridie, quàm pateretur*, hoc est quinta feria ante parasceuem, *accepit panem in sanctis*, usque, *Benedixit*. Nota quod in hoc loco signum crucis cum verbo sonat. Sciendum autem quod Sancta Trinitas in hoc loco, cum sacerdote panem, & vinum mirabili & occulta, & ineffabili benedictione, his verbis prolatis, *Hoc est corpus*, &c. *Hic est calix*, &c. veraciter benedicit panem, & vinum in verum corpus & sanguinem Christi mutando.

Sequitur, *Simili modo*. Postquam autem sacerdos hæc omnia peragit manus ad modum crucis ad vtraque cornua altaris extendit passionem Domini repræsentans, & nihilominus per hoc insinuans, quod Christus Dominus pro Iudæis & Gentibus passus est, qui in vtrisque cornibus altaris designati sunt, ut dictum est, ita ut ipsi ad viam veritatis redeant, & fidem catholicam imitentur.

Multis de causis corpus Christi in Missa eleuatur.

Nunc autem videndum est, quare in Missa sacerdos corpus Dominicum in altum leuat, & fidelibus altantibus ostendit. Corpus Domini nostri Iesu Christi multis de causis eleuatur a sacerdote in Missa. Quarum prima & præcipua est ad gratiam Dei patris, quam peccatis nostris perdimus, obtinendam. Solo enim peccato offenditur & irritatur, sicut dicit

A Psalmista: Irritauerunt Deum in adinventionibus suis. *Psalm. 105. 9*  
Sacerdos igitur eleuat in altari corpus Christi. quasi dicat: O pater cælestis peccauimus, & te ad iracundiam prouocauimus. Sed nunc respice in faciem Christi filij tui, quem tibi præsentamus, & te ab ira ad misericordiam prouocamus. Ne ergo auerias faciem tuam a puero tuo, scilicet a filio tuo, sed memento quod dixeris de eodem filio tuo: Hic est filius meus dilectus, in quo mihi complacui. Corrige ergo in nobis misericorditer propter eum quicquid inueneris corrigendum, & conuertere nos ad te, & auerte iram tuam a nobis. *Mat. 3. d 17. a*

B Secunda causa, quare eleuatur, est ad impetrandum & obtinendum omne bonum, quo in presenti vita & futura necessarij sumus. Bonum igitur, quod in hac vita indigemus est pax peccatoris, quam nemo nisi a peccato mortali solutus habere potest. Hæc est pax, de qua Christus dixit discipulis: Pacem meam do vobis. Secundum bonum est charitas, & hæc virtus valet ad præsentem & ad futuram vitam. Charitas namque in hac vita hominem dirigit, & ad vitam æternam perducit. Vnde Ioannes dicit: Qui manet in charitate in Deo manet. Eleuat ergo sacerdos corpus Christi. quasi dicat circumstantibus: Si obtinere vultis, quod cupitis, pacem inter vos habete, & charitate murua diligite, quia Christus per mortem suam nos Deo & Angelis pacificauit, & per charitatem nobis æterna gaudia comparauit.

Tertio eleuatur corpus Christi, ad rememorandum ius nostrum, quod habemus in cælo iam in spe, sed tandem habituri sumus in re. Ius nostrum, quod in cælo habemus, est vita æterna. Vnde Ioannes in suo Euangelio ponit verba Christi, sic dicentis: Ego veni in mundum, ut omnes imitatores mei scilicet, vitam habeant in presenti, & habeant abundantius in futuro. Vnde hoc ius nostrum scriptum est in privilegio nostro, id est, in Christo, & hoc stylo ferreo, quia lancea latus eius apertum est, & pedes & manus clauis confixæ. Vnde eleuat sacerdos corpus Christi in altari, quasi dicat: O vos Angelici spiritus, qui hic præsentibus assistitis, testes sitis, quod vita æterna nostri iuris est, & ad hoc confirmandum eleuamus privilegium nostrum id est Christum pro nobis passum.

Quarta ratio est, quia eleuatur corpus Christi ad ostendendam potentiam Dei. Magna enim est potentia Dei, quia ad prolationem istorum verborum: *Hoc est corpus meum*, panis in corpus Christi transubstantiatur. hæc est mutatio dexteræ excelsi, & transcendit omnem sensum. Eleuat ergo sacerdos corpus Christi. quasi dicat, Prius vidistis panem in altari, sed modo consecratione peracta, videte verum corpus Christi. Si ergo Deus tam potenter potuit talem mutationem facere, potens est & nos mutare de culpa ad gratiam, & postmodum ad gloriam.

Quinta ratio, quia eleuatur corpus ad declarandam sapientiam Dei. Mira enim & inenarrabili sapientia se ostendit Christus nobis inuolutum, de qua inuolutione dicit nobis Isaias: Vere tu es Deus absconditus Deus Israel Saluator.

F Sciendum in hoc loco, quod Deus & Dominus noster Iesus Christus multis de causis in forma panis se abscondit. Nam si in altari sic appareret sicut est, vel sicut in cruce corpus eius distensum est, multi eum sumere timerentur, & irent retrorsum, iuxta quod in euangelio dictum est: Multi enim discipulorum, novorum Christianorum, cum audissent, Nisi manducaueritis carnem filij hominis, ex hoc territi abierunt retrorsum & iam cum illo non ambulabant. Putabant enim quod deberent eum per membra secando discerpere, & sic manducare, quod utique humanæ fragilitati fuisset horribile. Sed ipse in carnem corpus & sanguinem suum sub visibili specie velauit, & populis manducan

*Joan. 14. d*

*2. Ioan. 4. c*

*Joan. 10. b*

*Luc. 22. c*

*Isa 45. a*

Vt quid Dominus in sacramento sub speciebus lateat. *Joan. 6. g*

ducandum tradidit. Aliæ adhuc sunt rationes, quare A velatur, quas prætermitto.

Sexto eleuatur corpus Christi in altari, ad ostendendam eius largitatem. Quæ enim maior largitas, quam ut homo manducet panem Angelorum? Eleuat ergo sacerdos corpus Christi in altari, quasi dicat: O fideles Christi gaudete, & aspice. Hæc est enim cælestis præbenda Angelorum, quam nobis transmissit largissimus Rex cælorum, ut omni gratia & benedictione repleamini, & hoc tangitur ibi, *ut quotquot ex hac altaris participatione, usque ibi, Omni benedictione cælesti & gratia repleamur*. Sed vix illi, qui corpus Domini, hanc scilicet sacratissimam præbendam, sumere non curat, & se ab eo alienat, de quo dicit Elifæus propheta in libro Regum: Videbis & non gustabis. Multi namque vident corpus Christi, sed heu non gustant, & se per peccata grauia ab eo alienant.

Septimo eleuatur corpus Christi, ad ostendendam bonitatem Christi. Quæ enim maior bonitas, quam quod Christus dignatur captiuus esse in altari? Vnde de ipso dicit in persona Hieremiæ Propheta: Ecce ego in manibus vestris sum, quod bonum & rectum est in oculis vestris facite mihi. Nota, quod dum aliquis dux propter suos captiuus tenetur, non dimittitur nisi det magnam pecuniam: sic nec nos Christum captiuum dimittere debemus, nisi remissionem peccatorum nobis tribuat, & regnum cæleste ab eo accipiamus. Eleuat ergo sacerdos corpus Christi in altari, quasi dicat: Ecce quem totus mundus capere non potest, captiuus noster est, ergo eum non dimittamus, nisi quod petimus prius obtineamus.

Octauo eleuatur corpus Christi ad lætificandam Ecclesiam sanctam per vexillum exercitus. Vnde omnes, qui sub vexillo illo militant, gaudium & fortitudinem accipiant. In pugna enim & militia omnes sumus. Vnde Iob: Militia est vita hominis. Eleuat ergo sacerdos corpus Christi in altari, quasi electis dicat: Nolite timere, secure pugnate. Ecce vexillum nostrum, quod propter nos in cruce rubricatum est & depictum. Ecce Dominus Iesus in medio nostri est.

Nono eleuatur, ad Christum imitandum & sequendum. Vnde ut peccatores eum sequi velint, & non desperent de spe veniæ, Christus Filius Dei, Patri laus præsentat, ut vulnerum cicatrices ostendat. Vnde Bernardus: Secutum habemus ad Deum accessum, Filius ostendit vulnera, mater vbera, &c. Eleuat ergo sacerdos corpus Christi, ac si peccatoribus & ceteris Christianis dicat: Ecce filius Dei, qui pro nobis extensus, & eleuatus est in patibulo crucis, sequimini eum, ut saltem aliquid pro eo patiamini, qui tanta pro nobis passus est. Vnde Petrus in Epistola: Christus pro nobis passus est, ergo a nobis compatiendum est ei, ita ut passionis eius beneficium numquam obliuiscamur.

Propter quod in canone subditur: *Vnde & memores, usque, Beata passionis*. In hoc loco recolitur memoria Dominicæ passionis, Resurrectionis, & Ascensionis. Nam per quinque signa, quæ hic fiunt, designantur quinque vulnera Christi, scilicet duo in manibus, duo in pedibus, & vnum in latere. Quod autem tria signa super calicem & hostiam communiter fiunt; in hoc intelligi datur, quia passio Christi vulnerat charitatem, Resurrectio roborat fidem, Ascensio lætificat spem. Hæc in littera tanguntur, quando dicitur: *Passionis, Resurrectionis, & Ascensionis*. Duo autem signa sequentia, quæ super corpus Christi, & sanguinem fiunt, designant iustorum corporis & animæ immortalitatem. Sancti namque & iusti, qui in vulneribus Christi nidificant, efficiuntur puri, siue immaculati, & vitam æternam possidentes, & salutem perpetuam corporis & animæ consequentes. Nam

& hæc in verbis canonis tanguntur, quæ de Christo sic pronunciantur: *Hostiam puram*, quo ad primum. *Hostiam sanctam*, quo ad secundum. *Hostiam immaculatam*, quo ad tertium. *Panem sanctum vite æternæ*, quo ad quartum. *Et calicem salutis perpetuæ*, quo ad quintum. Est enim Christus hostia pura, electos suos purificans, hostia sancta, dilectos suos sanctificans, hostia immaculata, maculas nostras purgans, panis vite æternæ, Angelos, & homines reficiens, & calice sui præclari sanguinis inebrians, & perfundens.

Sequitur, *Supraque propitio, usque, Immaculatam hostiam*. Nota, quod in hoc loco tres Sancti veteris testamenti nominantur, Abel, Abraham, Melchisedech, qui figuram passionis Christi, immo & cenæ eius sanctissimæ proprie repræsentant. Abel enim obtulit munera de primogenitis gregum, & Christus primogenitum obtulit in multis fratribus, agnum immaculatum Deo patri, de quo agno dixit Ioannes Baptista: Ecce agnus Dei, &c. Item Abel a fratre suo Cain innocenter occiditur, & Christus a fratribus suis Iudæis, scilicet malis perimitur, & necatur. Abraham obediuit Deo ad immolandum filium, Christus factus est obediens Patri usque ad mortem, & in manus Patris tradidit spiritum. Melchisedech obtulit panem & vinum. Erat enim sacerdos Dei altissimi: Et Christus in altari sub specie panis & vini, corpus & sanguinem suum offert Deo Patri pro nobis, ipsum nobis pacificans. Nam Melchisedech fuit rex Salem, id est pacis. Christus autem dicitur in hoc loco Abel, ratione innocentie, Abraham, ratione obedientie, Melchisedech, ratione clementie, & sanctitatis eximie.

Vnde sequitur: *Sanctum sacrificium, immaculatam hostiam*. Hæc verba Leo Papa canoni addidisse legitur: *Supplices te rogamus*. In hoc loco inclinatio Sacerdotis signat inclinationem Christi, quando inclinatio capite tradidit spiritum. Deberent ergo fideles in hoc loco cum sacerdote fidelissimè se humiliare, & Deo animas suas per intima suspiria commendare. Nam in hac clausula, quam Leo Papa magnus composuit, usque ad *Memento*, tam profunda & inscrutabilia posita sunt verba, ut de eis beatus Gregorius, quasi de re ineffabili penitus locutus sit. Dicit enim sic: *Tube hac perferri*, &c. Quis fidelium dubium habere possit in ipsa immolationis hora, ad sacerdotis vocem cælos aperiri, Angelorum choros interesse, ima summis sociari, terrena cælestibus iungi, vnumque ex visibilibus & inuisibilibus fieri? Item alibi: Vno eodemque tempore ac momento, & in cælum rapitur ministerio Angelorum ad associandum corpus Christi, & ante oculos sacerdotis in altari videtur. Hucusque Gregorius Magnus. Saluo tamen occulto cælestis oraculi Ecclesiæ sacramento, possunt hæc verba simplicius intelligi, *Tube hac*, id est vota fidelium, supplicationes, & preces Perferri per manum sancti Angelus tui, &c. Si enim Tobia orante Angelus preces eius obtulit Deo, quanto magis quando Christus cum sacerdote orat, & preces & oblationes populi offeruntur in cælum, immo ipse Christus magni consilij Angelus preces Ecclesiæ in Missa Deo Patri offert, & gratiam refert. Vnde Ambrosius: Non dubites, inquit, assistere Angelos quando Christus assistit immolatus.

Sequitur: *In sublime altare tuum*. hoc intelligitur esse sancta Trinitas, de quo legitur: Non ascendes per gradus ad altare meum, quod est dicere: Aequalitatem Trinitatis crede, non descensionem, vel ascensionem, sicut fit in gradu. Quidam hæretici putant Patrem maiorem a Filio, & hi conantur ascendere ad altare, sed repelluntur Filio, qui dicit: Ego & Pater vnum sumus. Quidam etiam hæretici de hoc altari conantur descendere, putantes Spiritum sanctum minorem esse Filio, & Patre, & hi reuerberantur

Trium Patriarcharum, cur hic mentio fiat.

Gen. 4. a

Ioan. 1. d

Gen. 4. b

Gen. 22. a

Gen. 14. d

Greg. lib. 4. Dial. c. 58.

Habet hæc paucis mutatis. de cō secr. dist. 2. c. Quid sit sang. qua verba Alcuin lib. de diuin. offic. citat ex Greg.

Tob. 12. a

Amb. lib. 1. in Luc. c. 1.

longe ante med. 10. 3. Exo. 20. 6

Ioan. 10. d

**Ioan. 4. d** tur a Patre, & Filio in sacra scriptura, quæ dicit: Spiritus ubi vult spirat. Et Ioannes dicit: Spiritus est Deus: & idem dicitur in Symbolo Athanasij: Qualis Pater, talis Filius, talis Spiritus sanctus.

**Heb. 9. e** In conspectu diuina maiestatis tua. Altare Sanctæ Trinitatis dicitur sublime, id est inaccessibile puro homini, vel incomprehensibile. Sed sacrificium altaris scilicet hostia salutaris Dominus noster Iesus Christus per mortem ad hoc altare cœternus Patri, introiuit semel æterna redemptione inuenta, sicut dicit Apostolus, & apparuit vultui Dei pro nobis in conspectu diuina maiestatis ipsius Patris. **Vii.** id est, quatenus, vel ut qui, ex hac altaris participat

**Flaba. 2. a** **Leuit. 17. d** sione, o sancte Pater, sacrosanctum filij tui corpus, & sanguinem sumpserimus, digni sicut decet communicando, omni benedictione celesti, & gratia repleamur per eundem Dominum nostrum Iesum Christum. In his tribus signis intelligi datur, quod necesse habemus, ut Dominus Deus distribuatur corporibus nostris castitatem, quod in primo signo intelligitur, ubi dicitur: Et sanguinem sumpserimus. Iustus enim, ut Habacuc ait, ex fide uiuit, & anima hominis in sanguine est, sicut dicit Moyses. Item necesse habemus, ut Deus tribuat nobis cognitionem puram, quod in tertio signo intelligitur, quia facietenus super caput & pectus imprimitur, ubi cogitationum sedes est. Ergo si seruauerimus & amauerimus corporis castitatem, animarum puritatem, benedictione & gratia in cælis merebimur repleti. Item inclinatio sacerdotis in hoc loco inclinationem capitis Christi in morte signat ut dictum est. Inclinato enim capite tradidit spiritum, & tale fecit testamentum secundum Ambrosiū qui dicit, quod auctor pietatis in cruce pendens, in singularibus negotijs pietatis officia diuidebat, persecutionem Apostolis, pacem discipulis, corpus Iudæis, Patri spiritum, virgini paranympum, latroni Paradisum, Christianis pœnitentibus crucem commendat. Ergo tollamus crucem eius, quod in duobus signis, quæ super corpus & sanguinem fiunt, intelligitur, quia per mortem eius a duplici morte, scilicet corporis & animæ liberamur: si tamen confessionem eius in mente seruamus, quod in tertio signo exprimitur. Nam si compatimur, & conregnabimus, sicut dicit Paulus. Item in tribus signis quæ in hoc loco fiunt, quidam diuersas passiones Christi intelligi volunt corporis, & per flagella dissecationem quo ad primum, sanguinis effusionem quo ad secundum, faciei velationem quo ad tertium. Vnde sicut Christus per passionem suam de hoc mundo transiturus, patri spiritum commendauit, sic & nos spiritus fidelium defunctorum de hoc mundo per mortem migrantium, & in fide catholica decedentium, omnipotenti Deo commendamus, propter quod subditur.

**Ioan. 19. f** Memento Domine, &c. Attendendum est, quod pia mater Ecclesia non solum pro uiuis, sed etiam pro defunctis in persona sacerdotis fideliter intercedit, certissime credens, quod pretiosus sanguis Christi non solum pro uiuis, sed etiam pro mortuis ad redemptionem prodest & liberationem a pœnis illis dumtaxat. Qui nos precesserunt cum signo fidei, id est, charitate. In quo fideles ab infidelibus discernuntur. De hac liberatione dicit Propheta ad Christum: Et tu in sanguine testamenti tui, extraxisti vinctos tuos de lacu inferiori, in quo non erat aqua, scilicet de inferno superiori. Non est autem orandum pro eis, qui sunt in inferno inferiori, quia ibi nulla est redemptio. & quos pro certo damnatos scimus, quia ut dicit Augustinus: Si scirem patrem meum esse in inferno, ubi nulla est redemptio, non plus orarem pro eo quam pro diabolo. Orandum est ergo pro fidelibus defunctis, Qui dormiunt in somno pacis, id est nulla hæresi vel discordia, vel impœnitentia, ab unitate Ecclesiæ segregati, licet forte aliqua cre-

**1. Tim. 2. b** tur a Patre, & Filio in sacra scriptura, quæ dicit: Spiritus ubi vult spirat. Et Ioannes dicit: Spiritus est Deus: & idem dicitur in Symbolo Athanasij: Qualis Pater, talis Filius, talis Spiritus sanctus.

**Zac. 9. c** Pro damna- tis orandum non est. Aug. simile quid habet lib. 21. de ci. ni. Dei cap. 24. ante me dium 10. 5.

**Aug. de virginitate sã- ta. cap. 45. 10. 6.**

**S. Bon. Tom. 7. Pars iij.**

A mabilia vel correctione digna, detulerint de hoc mundo. Et sacerdos debet primo orare pro patre & matre, postea pro sibi commissis, non tamen nominatenus, sicut supra dictum est, sed memoriter, & cetera.

Sequitur: Omnibus in Christo quiescentibus, &c. Illi enim mortui in Christo requiescunt, qui in Christo moriuntur, sicut in Apocalypsi legitur.

Sequitur: Locum refrigerij, in quo Lazarus Evangelicus habitabat, lucis, scilicet Christi, qui est lux mundi. Ipse enim est lumen uiuentium. Vnde Psalmista: Ut placeam coram Deo in lumine uiuentium, & pacis, de qua pace dixit Simeon: Nunc dimittis, usque in pace, ut indulgeat per Christum Dominum nostrum. Qui enim indulgentiam, & misericordiam, quærit, iudicem placat & vincit.

Sequitur: Nobis quoque peccatoribus, quasi dicat: Sicut dixit Ioannes Apostolus: Si dixerimus, quoniam peccatum non habemus, nos ipsos seducimus, & veritas in nobis non est. Et: Non est homo, qui non peccet, licet infans vnus diei super terram. Multi namque ex misericordia Dei sine peccatis mortalibus uiuere possunt, sed sine venialibus raro.

Sequitur: De multitudine miserationum tuarum sperantibus. Si enim latro in cruce pendens contritus & confitens veniam meruit, quare non merebitur Christianus misericordiam, & veniam peccatorum, contritus & confessus? Vnde & vocis expressio, & cordis tunfio manu dextera contritionem & confessionem, latronis in cruce pendens ad dexterum latus Christi designat. Ipse enim contrito corde confessus est, & socio suo in sinistro latere pendenti dixit: Nos quidem digna factis recipimus, &c. Et respondit Dominus: Amen dico tibi, hodie mecum eris in Paradiso.

Vnde sequitur: Partem aliquam & societatem, &c. Ioannes Chrysostomus dicit, quod latro qui in cruce Deum cõfessus est, omnes sanctos in regno præuenit. Nec mirum, ipse enim Dominum in cælo regnare confitebatur, qui ab Apostolo Petro in terra negabatur, per quod intelligi datur, quod seruenter pœnitentes interdum tepidos Sanctos in regno præueniunt. Beata Virgo & Apostoli adhuc in terra fuerunt. Sanctus Ioannes Baptista, & alij Patriarchæ & Prophetæ adhuc in limbo detinebantur, quando dictum est latroni: Hodie mecum eris in Paradiso, id est eris in gaudio, quia ubi Christus est, ibi gaudium est, & Paradisus, & lux, & pax, & iucunditas. Ipse enim Christus est lux vera, &c. Christus etiam cælum illuminat sicut de superna Hierusalem dicitur in Apocalypsi: Ipse enim Agnus, id est Christus, illuminat eam, & Sanctis gaudium infundit. Vnde: Gaudent in cælis animæ Sanctorum, qui Christi vestigia sunt secuti, quia sequuntur Agnum quocumque ierit. De hac societate in hoc loco dicitur: Societatem donare digneris cum tuis sanctis Apostolis, & Martyribus. Quidam dicunt hic intelligi Ioannem Baptistam. Expositores autem Ioannem Euangelistam. Licet enim in principio canonis sit cum ceteris Apostolis nominatus, nominatur tamen hic, quia duplici priuilegio gaudet, scilicet, Apostolatus vestigio, & virginitatis. Amoris Christi priuilegio, merito secundum locum sortitur in canone, & cum Stephano qui etiam virgo & martyr fuit. In veteri enim testamento Iacob Patriarcha dilexit Ioseph plus ceteris filiis, eique duplicem hereditatem tribuit quam tulit in arcu, & gladio de Amorrhæorum populo. Et Christus huic discipulo & charissimo filio duplicem hereditatem, & honorem tribuit ut supra. Notandum, quod sancta Felicitas vidua martyr, in hoc loco canonis, sanctis virginibus anteponitur & præfertur. Et licet hoc forte ratione antiquitatis sit factum, ita ut priuilegio virginitatis non derogetur: tamen secundum Augustinū, in hoc loco datur intelligi quod feru-

entes

H

Pro paren- tibus primo orandū est.

Aug. de virginitate sã- ta. cap. 45. 10. 6.

uentes, & vere pœnitentes virgines, & adiosas, & ace-  
diosas exercitijs diuinis præire conantur. Vnde se-  
quitur: *Intra quorum consortium, &c. per Christum*

*Psal. 50. a*

*Dominum nostrum.* Qui enim veniam desiderat, iram  
iudicis placat, & misericordiam prouocat: propter  
quod quidam pœnitens dixit: Misere mei Deus se-  
cundum magnam misericordiam tuam. Virginitas  
autem si humilitatem custodiat, & feruorem deu-  
otionis habeat, magna meretur priuilegia, & præro-  
gatiuas gratiarum. Virginibus namque, & marty-  
ribus, & prædicatoribus fidei Christianæ aureola in  
cælesti patria reseruatur. Hæc enim tria genera San-  
ctorum in hoc loco canonis inueniuntur: *Intra quo-*

*Gen. 1.*

*rum, usque ad Christum Dominum nostrum, per quem*  
scilicet Christum, *hæc omnia*, scilicet Pater cæli, *bona*  
*creauit.* Licet enim Deus Pater in principio, id est in  
Filio creauit cælum & terram, & omnem ornatum  
eorum, & cuncta quæ fecerat erant valde bona; ta-  
men semper eadem bona creat renouando, quo ad  
vinum & panem, quæ in altari offerri debent. Vnde  
non solum a sacerdote, sed etiam a sancta Trinitate  
benedicuntur & consecrantur, & in corpus Christi,  
& sanguinem transubstantiando viuificantur, sicut  
pater in verbis, quæ sequuntur: *Sanctificas, viuifi-*

*Joan. 12. d*

*cas, benedicis.* In his tribus signis notantur tres dies,  
quibus Dominus erat in sepulchro, & requieuit ab  
omni opere suo, quod patrarat. Nisi enim granum  
frumenti, id est, Christus Dominus noster cadens  
in terram, &c. sed quia granum mortuum est, & in  
terra sepultum, denuo reuixit, & pullulauit, & fru-  
ctum multum attulit in electis. Nam sepultura ter-  
ram sanctificauit, a morte resurgens mortuos viuifi-  
cauit, & benedicendo panem cælestem viuus multi-  
plicauit. Hæc in tribus verbis prædictis tangun-  
tur, scilicet, *Sanctificas* quo ad primum, *Viuisi-*

*cas* quo ad secundum, *Benedicis* quo ad tertium. Vnde  
sequitur: *Et præstus nobis.* subintelligitur sanctifica-  
tionem, ut scilicet per corpus Filij tui sanctificemur:  
hanc viuificationem, ut per sanguinem ipsius viuifi-  
cemur: hanc benedictionem, ut ea digne sumendo  
a te benedicamur. Et ex hoc est tibi Deo Patri omni-

*potenti, omnis honor & gloria in unitate Spiritus sancti.*  
Sciendum, quod in hoc loco in tribus signis notan-  
tur tria, propter quæ Christus voluit tres esse dies  
sue sepulture, scilicet, quæ sunt in cælo restaura-  
turus, & quæ in terra reparaturus, & quæ apud in-  
feros redempturus. Vel in tribus signis huius loci in-  
telligitur sancta Trinitas, sicut patet in littera. In  
Patre quidem notatur auctoritas. In Filio æqualitas. E  
In Spiritu sancto communitas.

Quod autem corpus Christi supra calicem in ip-  
sa hora leuatur, & cum ipso calix signatur, per  
hoc intelligi datur, quod mors a Christo superatur,  
vita reparatur, & gloria datur. de hoc patet in ver-  
bis canonis: *Per ipsum, & cum ipso, & in ipso.* Nota,  
quod in hoc loco Missa correspondet omnibus horis  
canonicis, quia omnia quæ Christus passus est in ea  
repræsentantur, & memorantur. Christus namque  
in matutinis passus est traditionem, conspuitionem,  
alaparum cæsiones, tandem a mortuis resurrexit.

*Psal. 118. x*

Hora prima coram Pilato derisiones, insultationes.  
Hora tertia, & cet. sicut in Patris sapientia plenius  
continetur. De istis septem horis dicit Psalmista:  
Septies in die laudem dixi tibi, &c. Iste septena-  
rius numerus signari potest, in septem signis cru-  
cis quæ in hoc loco sunt, cum dicitur: *Sanctificas,*  
*viuisi-*  
*cas, benedicis, per ipsum, & cum ipso, & in ip-*  
*so, & cet.* Nam qui Deum deuote laudant, septem-  
donis Spiritus sancti replentur, & per Patrem, &  
Filium, sanctificantur, viuificantur, & benedicun-  
tur. Quod autem vltimum signum iuxta labium ca-  
licis fit cum dicitur: *In unitate Spiritus sancti,* desi-  
gnat, quod qui adhæret Deo vnus spiritus cum eo  
efficitur, sicut dicit Apostolus.

*1. Cor. 6. d*

Sequitur: *Per omnia secula seculorum.* quod al-  
ta voce pronunciat, & corpus Domini super  
calicem, & cum calice leuatur, per quod in-  
telligi datur, quod tristitia Apostolorum de passio-  
ne Domini ab eorum cordibus ipso reuiuiscen-  
te fugabatur, & gaudium resurrectionis annuncia-  
batur.

Sequitur: *Oremus,* ut sic adiuuante Domino a mor-  
te peccati resurgamus, & in eadem iterum non cada-  
mus, quia Christus resurgens ex mortuis iam non  
moritur, &c. & idcirco peccatum non dominetur  
nobis. Nam qui facit peccatum, teste Apostolo, ser-  
uus est peccati, fugamus ergo tam horribilem do-  
minum, & ad misericordem Dominum, & pietatis &  
dulcedinis reuertamur. Nam & pater omnium non  
dedignatur appellari, quia pater misericordiarum, &  
Deus totius consolationis est. reuera enim ut  
Deum patrem nostrum nominare valeamus, diuina  
informati sumus institutione. Filius enim, qui dicitur  
coæqualis Patri, hoc nos docuit, & sic frater no-  
ster instituit. Ipse namque est Filius Dei per natu-  
ram, nos filij ipsius per gratiam. Ergo, Pater  
noster, qui es in cælis, & cet. Petimus ergo pa-  
nem nostrum, & respondent clerici circumstan-  
tes, Amen. quod secundum Hieronymum, He-  
bræum est, & sonat, ut vere, & fideliter fiat, qua-  
si dicat Ecclesia altans sacerdoti in Missa: O reueren-  
de sacerdos, quidquid in hac oratione petisti, &  
opast, in te & in nobis, veraciter & fideliter fiat &  
compleatur.

*Rom. 6. b*

*Joan. 8. e*

*2. Cor. 1. a*

*Mat. 6. b*

*Hiero. epi-  
sto. 137. ad  
Marcellā.*

Sequitur: *Libera nos quasumus Domine ab omnibus*  
*malis præteritis, presentibus, & futuris,* ut tui auxilio  
& te miserante, præterita mala deleantur, præsentia  
vincantur, futura præcaueantur.

Et intercedente Beata & gloriosa Virgine semper Dei  
genitrice Maria, usque. *Per eundem Dominum nostrum,*  
& cet. In hoc loco canonis tertio fit commemoratio  
Sanctorum. In hac oratione omnes Sancti com-  
prehenduntur, & includuntur, quando Beatæ Dei  
genitricis, & Sanctorum Apostolorum Petri, &  
Pauli, & Andreæ nomina recitantur. Omnes enim  
Sancti, aut per castitatem, aut virtutum firmita-  
tem, aut per humilitatem, aut per virilitatem pug-  
næ pro iustitia regna cælorum adepti sunt. Vnde  
in Beata Maria Virgine designatur castitas: in beato  
Petro, virtutum firmitas: in sancto Paulo, humili-  
tas: in Andrea virilitas pugnæ pro iustitia usque  
ad mortem.

Sequitur: *Da propitius pacem.* & cet. Orat sa-  
cerdos cum collecta pro pace, & hoc ipsum bea-  
tus Paulus instituit fieri, sic dicendo: Obsecro igitur  
primum omnium fieri obsecrationes, oratio-  
nes, postulationes, gratiarum actiones, pro omni-  
bus hominibus, pro Regibus, & his, qui in su-  
blimitate constituti sunt, ut quietam & tranquillam  
vitam agamus in omni pietate. Orat ergo Ecclesia  
pro pace temporali, ne impediatur, vel retrahatur a  
pace spirituali.

*1. Tim. 2. a*

Sequitur: *Ut ope misericordia tua adiuti,* quan-  
tum ad interiorem, & exteriorem religionem  
pertinet, a peccato semus semper liberi, & ab omni per-  
turbatione securi. Perturbamur enim si peccatis mor-  
talibus grauamur, & obcæcatur cor humanum: per-  
turbamur quando nostro arbitrio relinquimur, & a  
nobis diuina gratia subtrahitur & elongatur. quod  
ne fiat, sacerdos *Per eundem*, id est, propter eum-  
dem Dominum nostrum Iesum Christum Patris Filium  
orat.

Sed antequam sacerdos in hoc loco *Per eundem*  
*Dominum* incipiat, calicem discooperit, & corpus Do-  
mini super calicem leuans, diuidit in tres partes, v-  
nam partem in calicem mittens, duas extra reseruans,  
& antequam vnam partem in calicem mittat, alta-  
voce: *Pax Domini* pronunciat. Tria quoque signa  
crucis,



*De conf. d. 2. c. Triforme*  
 crucis, cum corpore Christi in calice signat. Et quid hoc significet breuiter videamus. Et primo quare hostia diuiditur in tres partes, quam causam Sergius Papa determinat sic: Triforme est corpus Christi. Pars hostiæ in calicem missa, corpus Christi, quod a mortuis resurrexit & animæ vnitum est, monstrat. Pars comesta ambulans adhuc super terram. Pars in altari vsque ad finem remanens, membra Christi esse corpora Sanctorum, vsque ad finem mundi in sepulchris quiescentia designat. Diuiditur autem sub forma panis in altari corporis Christi species non essentia, deitate in sua vnione permanente, quæ diuidi non potest. Sed in qua re fiat corporis Christi

*Referuntur hac ex August. in ser. quodam de verb. Eu. de conf. di. 2. cap. Inuitat.*  
 diuisio, vel fractio ostendit Augustinus, dicens: Quando Christus manducatur, reficit non deficit. Nam & Christus carnalem sensum discipulorum redarguit, qui putabant eius carnem sicut aliam diuidendam in partes, & in morsus lacerandam. Diuiditur autem forma, vel species. Consecratione namque peracta corpus Christi sub accidentibus panis velatur, quæ accidentia sunt color, sapor, qualitas, quantitas, & forma. Substantia namque panis & vini in consecratione per verba Christi refecatur, sed accidentia remanent. Nam si accidentia auferrentur, sacerdos Missam non perficeret, sed terreretur. Vnde in hoc fragilitati humanæ consulitur. Possunt ergo in tribus partibus Eucharistiæ tres substantiæ in Christo signari, scilicet Deitas, corpus, & anima. Quod autem vna particula in calicem mittitur, per hoc intelligi datur, quod caro Christi in passione mortua est: & anima immortalis, & Deitas impassibilis, & hoc duæ particule extra calicem seruatae representant.

Item in tribus partibus Eucharistiæ potest Sancta Trinitas designari. Quod igitur particula in calicem mittitur, duabus extra remanentibus, figurat, quod licet indiuisibilia sint opera Trinitatis: tamen secundum Augustinum ad solum Christum pertinet caro, ergo pars in calicem missa, incarnatum & passum solum Christum Dei filium designat. Duæ vero partes extra calicem seruatae, immunitatem carnis, Patris & Spiritus sancti figurant. Non enim pater vel Spiritus sanctus est incarnatus vel passus, vt dicit Augustinus, sed incarnatio ad solum Christum pertinet. Quod autem indiuisibilia Sanctæ Trinitatis sint opera, sacerdos innuit, cum hostiam diuidit, dicens namque ad Patrem. *Per eundem Dominum nostrum Iesum Christum, vsque, qui tecum viuisti & regnas, vnā fractionem facis, ac si diceret, diuidere videor indiuisibilem, & si Christus mortuus est ex humilitate, viuit tamen ex virtute Diuinitatis, in qua semper cum Patre existens nunquam recessit a Patre. Cum vero dicit: In unitate Spiritus sancti, hanc Eucharistiæ facit fractionem, ac si diceret, licet Spiritus sanctus obumbrasse virgini legatur in conceptione Filij, tamen a Patre eternaliter procedens Spiritus sanctus, Patrem & Filium nunquā deferuit, sed sancta Trinitas indiuisa permanet. Per omnia sæcula sæculorum.*

Item Eucharistia in tres partes diuiditur. in hoc tres partes corporis Christi, quod est Ecclesia, figurantur, scilicet caput cum membris. Vna pars est ipsum caput, scilicet Christus primitiæ dormientium. Altera pars animæ Sanctorum in cælo triumphantium. Tertia pars in terra militantium. Quod autem duæ partes seorsum extra calicem seruantur, per hoc intelligi datur, quod Christus resurgens ex mortuis, iam non moritur, mors illi vltra &c. nec his qui cum ipso sunt sanctis. Vnde in Apocalypsi legitur: Non esurient neque sitient amplius &c. Tertia vero pars in calicem ponitur & signat eos qui adhuc in pugna, vel militia passionis huiusmodi existunt.

Item Eucharistia in tres partes diuisa, tres ordines Ecclesiæ significat, scilicet virginum, viduarum, & S. Bon. Tom. 7. Pars 1. h.

Item Eucharistia in tres partes diuisa, tres ordines Ecclesiæ significat, scilicet virginum, viduarum, & S. Bon. Tom. 7. Pars 1. h.

*1. Cor. 7. f. Ibidem.*  
 coniugatorum. Duæ ergo partes extra calicem seruatae, celi batum & sanctimoniam virginum & viduarum representant. Nam secundum Apostolum, Virgo & innupta cogitat, quæ Domini sunt. Tertia vero pars in calicem missa statum coniugatorum, & passionem designat. Vnde ipse Apostolus dicit: Quæ autem nupta est, cogitat quæ sunt mundi, id est de passionibus diuersis coniugatorum, tam in rebus quàm in alijs. Dicit enim: Tribulationem autem carnis habebunt huiusmodi, id est coniugati. Offeritur autem hostia Christi in altari, vt virgines & viduæ in sanctimonia perseuerent, & pro adiutorio coniugatorum, ne in tribulationibus huius mundi positi desperent.

Item Eucharistia in tres partes diuiditur & offertur ad tria designata in his versibus.

*Corporis in partes Christi diuisio fit tres. Tincta datur vinis, sed pars non tincta supernis. Est donanda reis, tertia pars iustificandis.*

Isti versus sic intelliguntur. Prima pars missa in calicem offertur pro viujs Christianis, qui in miserijs, & pressuris huius mundi affliguntur & patiuntur, quatenus Deus mitigare dignetur afflictiones eorum. Altera pars extra calicem seruata, offertur ad laudem. & ad gloriam Sanctorum, qui iam triumphant in cælo in regno cælorum. Tertia pars offertur pro his, qui sunt in purgatorio, vt a pœnis citius liberentur & absoluantur, quatenus & ipsæ animæ in sinu Abraham, hoc est, in gaudio & refrigerio asumantur, & gloria sicut ceteri Sancti perfruantur.

Sequitur antequam tertiam particulam in calicem mittat, Pax Domini alta voce pronunciatum, per quod datur intelligi, quod Christus a mortuis resurgens triplicem pacem discipulis annunciauit scilicet pacem temporis, pectoris, & æternitatis. Hæc pacis tria genera designata sunt in tribus signis crucis, quæ sacerdos facit cum corpore Christi inter calicem, dicens: Pax Domini sit semper, &c. & respondet chorus: Et cum spiritu tuo. quasi dicat: Tu nobis pacem optas, & eadem pax cum spiritu tuo maneat, quatenus totus in spiritu mysterijs diuinis insistas, & spirituali gaudio plenus fias. Hæc triplex pax in tribus osculis designatur, quia sacerdos altare tribus vicibus osculatur, scilicet in principio Missæ, in medio, & in fine. Nam cum Christus nasceretur, in principio temporis pacem secum attulit, vt ad edictum vnius hominis describeretur vniuersus orbis. Hæc pax designatur in primo osculo, quod in initio Missæ sacerdos altari imprimit. Secunda pax est pectoris, & signatur in secundo osculo, quod sacerdos facit in canone, quando dicit: *Supplices te rogamus.* Christus namque cum mortem pro nobis pertulit, nos Deo, & Angelis pacificauit, & pacem pectoris nobis donauit. Et ad hanc pacem confirmandam, pectus & latus cum lancea aperiri voluit, & ad pacem sui cordis nos intromisit. Tertia pax æternitatis figurata est in ultimo osculo altaris. Christus namque consummatis omnibus, quæ de eo scripta fuerunt in lege & prophetis, post in cælum ascendens, Patri nos reconciliauit, sic & Missa peracta pacem æternitatis nobis parauit.

Sed notandum, quod a dominica oratione vsque ad finem Missæ interdum silentium celebratur, & interdum a sacerdote cantus, vel a clero alta voce inchoatur, per hoc intelligi datur quod Christus resurgens ex mortuis, interdum silentium mæoris a cordibus discipulorum per suam dulcissimam apparitionem, & salutationem fugauit: aliquando vero corporalem præsentiam ab eis auferens, se & quando voluit occultauit. Legitur etiam, Christum infra quadraginta dies apparuisse decies post resurrectionem & interim quoties voluit se occultasse. Nam in ipsa die Resurrectionis quinquies; in Ascensione bis: vt Christus suam resurrectionem cordibus discipulorum, &

H 2 Ascensio-

Pax Domini, &c. triplicem pacem, quam Christus discipulis annunciauit, significat.

Quædā alta voce quædā in silentio a sacerdote cur dicuntur.

Christus decies post resurrectionem apparuisse legitur.



*Col. 3. 4* ascensionis gloriam eorum mentibus imprimeret, & A  
ut ipsi discipuli quæ sursum sunt scirent, non quæ  
super terram. Ceteræ autem apparitiones, intra qua-  
draginta dies factæ sunt. Hanc autem vicissitudinem  
sacerdos in Missa ab oratione Dominica usque ad finem  
Missæ, ut dictum est subtilius iam canendo, pulcher-  
rime representat.

*Sergius Pa-  
pa ut Agn<sup>9</sup>  
Dei canta-  
retur initi-  
tuit.* Sequitur *Agnus Dei*, quod Sergius Papa instituit,  
ut cum fractione corporis Domini deuotissime cante-  
tur. Dicitur autem agnus ab agnoscendo, quia matrem  
suam in magno grege per balatum agnoscit. Sic Chri-  
stus in cruce positus, Patrem agnouit per obedientiam:

*Philip. 2. 4* quia factus est ei obediens usque ad mortem &c. Item  
agnouit matrem per debitam reuerentiam, quia eam B  
dulcissimo discipulo suo Ioanni commendauit in  
morte. Christus est agnus propter innocentiam, quia  
innocenter occisus est, ideo plangendus est. Ideo can-  
nit Ecclesia: Plangent eum quasi vnigenitum, quia  
innocens Deus occisus est.

*Ex Zach.  
12. 6*

Cantamus ergo ter agnus Dei, quasi dicamus,  
*Agnus Dei*, qui agnouisti Patrem per obedientiam,  
matrem per reuerentiam, *miserere nobis: Agnus Dei,*  
*qui tollis peccata mundi* per innocentiam, *dona no-*  
*bis pacem.* Item *Agnus Dei* ter cantamus, ut libe-  
remur a malis præteritis, præsentibus, & futuris.  
Post hoc, osculum amicis porrigimus antequam com-  
municemus, quod Innocentius Papa instituit. In  
hoc signatur, quod omnis amaritudo corporis a no-  
bis separanda est, quia si ab inuicem discordamus,  
in Christi corpore non manemus, sicut dicit Apo-  
stolus, & Euangelista Ioannes: Omnis, qui odit  
fratrem suum, homicida est, & scimus, quod  
omnis, qui odit fratrem, non habet partem in re-  
gno Dei. Teneamus ergo pacem temporis cum pro-  
ximis, pacem pectoris cum nobismet ipsis, scilicet,  
omnes homines in Christo sinceriter diligendo, ut  
pacem æternitatis consequamur in cælis adiuuante Do-  
mino nostro Iesu, &c.

*1. Ioan. 3. c*

Postea mittit sacerdos partem hostiæ in calicem,  
dicens: *Fiat hac commixtio.* Quid autem hoc signi-  
ficet, superius pertractatum est, nisi quod sacerdos  
in hac clausula, salutem mentis & corporis sibi, &  
omnibus sumentibus corpus Domini exoptat, & ad  
vitam æternam promerendam, & capescendam  
preparatio salutaris fiat. Hæc enim valde necessa-  
ria sunt corpus Christi sumere volentibus, ut salutem  
mentis, & puritatem cordis habeant, & mundam

conscientiam ad vitam promerendam.

Deinde sequitur oratio: *Domine Iesu Christe.* In  
qua oratione petuntur tria, a peccatis liberatio, præ-  
ceptorum Dei obeditio, & a Deo numquam sepa-  
ratio, sicut patet in littera.

Post hanc orationem, memoria Dominicæ pas-  
sionis breuiter, & memoriter cum omni deuo-  
tione habenda est, contrito corde & conscientia non  
ficta. Hic attendendum est, quod a sacerdote  
post hanc orationem, dicendum est sub silentio,  
*Amen*, quod alibi non fit in canone, nisi post Pa-  
ter noster, & in hoc loco. Sacerdos enim cano-  
nem tacite legit, & ideo nemo ei respondet, *A-*  
*men.* nec ipse sacerdos in quocumque loco canens,  
subiungere debet, *Amen*, excepto quando canonem  
finit post hanc orationem, Domine Iesu Christe,  
&c. *Amen.*

Finito canone sacerdos se applicat ad susceptionem  
sacro sanctæ hostiæ. Quidam enim sacerdotes de  
manu, quidam de patena sumunt. Hi qui de  
patena corpus Christi sumunt in latitudine charita-  
tis, quæ in patena figurata est. Interim cantatur,  
*communio*, hoc est, quod discipuli gaudium Resur-  
rectionis, mutuo sibi nunciauerunt.

Post hoc sequitur oratio, & signatur quod vn-  
decim discipuli in Galilæa videntes Dominum ado-  
rauerunt. Item signatur, quod in cælis pro nobis o-  
rat, representatione suæ passionis & vulnerum, &  
quod postea iterum se ostendet.

Et post hoc dicit: *Ita Missa est*, & populum be-  
nedicit. Quod signat, quod veniet in iudicio,  
& se nobis ostendet, & fidelibus suis dabit  
benedictionem suam, & tunc læti vadunt

ad mansiones suas, de quibus dicitur  
in Ioanne: In domo Patris mei man-  
siones multæ sunt. Ad quas  
mansiones nos perducatur  
ipse Pontifex, & Sa-  
cerdos, qui cum  
Patre, & Spi-  
ritu sancto  
viuit,  
&  
regnat. A-  
men.

Christus in  
cælis pro no-  
bis orat sua  
vulnera pa-  
tri repræ-  
sentando.

*IOAN. 14. 4*



## S. BONAVENTURAE

EXIMII ECCLESIAE DOCTORIS

Opusculum, quod inscribitur,

DE SEX ALIS SERAPHIM.

In hoc Opusculo s. Bonaventura Ecclesia prelatos instruit ad regimen subditorum, quibus praesunt, & veluti Seraphim sex alis ornari Isaias cap. 6. vidit, quarum duabus faciem velabant, duabus pedes, duabus denique volabant: sic etiam spiritalis seraph, hoc est, Prelatus Ecclesiae Domino sedenti super solium excelsum, & eleuatum sex virtutibus, quasi alis sex ornatus assidere debet; quarum duas scilicet zelum iustitiae, & pietatem sine compassione fraternam super caput eleuet, medijs duabus, patientia & vita exemplari, corpus & pedes contegat: vltimis vero duabus, circumspectione, & deuotionis studio, in latum & in altum volet. Vnde his praecipue virtutibus pollere debet, qui Ecclesiae regimini praest, zelo iustitiae, pietate, patientia, exemplo vitae, discretionis circumspecta, & deuotione ad Deum. De quibus Auctor mirifice tractat in hoc Opusculo.

## CAPITA HVIVS OPVSCVLI.

Quod incipientes propter multa magistro indigent. Cap. I.

Qui sunt, qui magistro non indigent. Cap. II.

Quod prima ala prelatorum esse debet zelus iustitiae, Cap. III.

Quod secunda ala prelatorum, est pietas, Cap. IIII.

Quod tertia prelatorum ala, est patientia. Cap. V.

Quarta prelatorum ala est, quod sit exemplaris in vita. Cap. VI.

Quod quinta ala Prelatorum, est circumspecta discretio. Cap. VII.

Quod sexta Prelatorum ala est deuotio ad Deum. Cap. VIII.

## P R O L O G V S.

Pron. 9. c.



A occasione sapienti, & addetur ei sapientia, ait sapiens: Cum igitur ex leui saepe occasione, sapiens materiam sumat altioris sapientiae, qui etiam plerumque per alterius stultitiam fit eruditior, praesens scriptum potest novis, & nondum in officio regiminis ad plenum exercitatis, ad perfectam discretionem boni & mali aliqualem dare occasionem ulterius cogitandi, & ex defectibus, quos hic considerat diligentius requirendi altiora, siue utiliora, & etiam plura, quam hic ponantur necessaria religioso ad regimen subditorum: quia legimus aliquando sapientes etiam ex naturali quadam brutorum animalium solertia, sumpsisse considerationis industriam, ad aliquas artificiales peritis excogitandas.

Quod incipientes propter multa magistro indigent. Caput Primum.

Hæc tibi scribo, ut scias quomodo oporteat te in domo Domini conuersari, quæ est Ecclesia 1. Tim. 3. d. Dei viui, ait Paulus discipulo suo Timotheo, quem S. Bon. Tom. 7. Pars iij.

A præfecerat ecclesiae Ephesi Episcopum. Scribit duabus epistolis, dicens, quomodo conuersari debeat in officio regiminis commissi, ut qui iam ab eo didicerat sancte viuere per se, sciret etiam, qualiter deberet & alijs utiliter & meritorie præesse. Magna enim differentia est inter scire humiliter subesse, & pacifice coesse, & utiliter præesse. Bernardus: Multos cernis sub magisterio quiete viuere, quos si iugo absolvas, videbis non posse quiescere, nec a qualibet re innoxios se seruare. Rursum quosdam inuenies, cum omnibus quantum in se est, pacifice viuere, minime quidem egentes magistro, nec tamen idonei magisterio. Quadam siquidem bona mediocritate contenti sunt. sicut eis mensuram gratiae partitus est. Socialiter enim inter fratres sciunt & pacifice viuere, super fratres vero positi, non solum inutiliter praesunt, sed & insipienter & nequiter. Vtrisque ergo prioribus meliores existunt, qui superiores esse sciunt. Vnde non passim quemlibet de populo docetur Moses ceteris præficere, sed eligere ex omni populo viros gnaros & idoneos, qui iudicent populum omni tempore. Qui enim suscipit officium, ut alios bonos faciat, oportet, ut hanc bonitatis disciplinam prius in se studiose exercendo didicerit, & ex frequenti usu in habitum vertit. Vnde Dominus prius legitur fecisse, quæ post erat verbo docturus, iuxta illud Actorum 1. Caput Iesus facere, & docere. Incipientes indigent magistro

Exo. 18. d

Act. 1. a

H 3 vt do-

Heb. 5. d

vt doceantur, quæ ignorant scilicet, saluti suæ & A profectui necessaria & vilia, quid vitare debeant, quod sapere, quid facere, quid sperare, quid timere, & inter minus vel magis bona vel mala discernere, dicente Paulo: Indigetis, vt vos doceamini, quæ sint elementa exordij sermonum Dei. Item, vt exerceantur in operibus virtutum, quia non sufficit scire bonū nisi etiam opere exerceatur. Sicut qui audit medicinæ scientiam, & postea practicando exercet eam. quia exercitium operis plenius imprimit menti cuiuslibet disciplinæ peritiam, quàm solus auditus. Et quia imperfecti segniter se in virtutum studijs exercere solent, expedit, vt ab alio ad hoc aliquando compellantur. Ideo magistri solent discipulos suos, quos perfectos cupiunt fieri, in diuersis virtutum exercitijs occupare, modo in operibus humilitatis, modo fraternæ charitatis, modo sobrietatis, modo deuotionis, modo patientiæ, castitatis, taciturnitatis, obedientiæ, & aliarum virtutum, vt & ipsæ virtutes sic exerceantur, & videntur, & vitia his contraria expugnentur: quia quanto magis virtus proficit, tanto plus vitium oppositum debilitatur, teste Apostolo, qui ait: Educate illos in disciplina, & cet. Item, vt custodiantur, ne aut in peccatum labantur, aut minus discrete in virtutum operibus exerceantur. Teneræ enim mentes & a peccati affectu nondum plene deterisæ, sæpe magis timore humano, quàm diuino a voragine peccati detinentur. Ideo talibus expedit, superiorum magisterio subijci, per quos a periculis retrahantur, sicut paruuli a matre comminante ab aquæ mersione, & luporum moribus, defenduntur. Nam ait Sapientia: Seruabit te, vt eruaris de via mala, & ab hominibus qui peruersa loquuntur. Item, vt corrigantur, quia peccatum trahit semper ad deterius, sicut vna febris præbet sæpe incentiuum alteri grauiori, & vulnus aliquando generat fistulam, nisi medicorum præcaueatur solertia. Ita, qui labitur in culpam, difficulter per se corrigitur, nisi fortioris auxilio fulciatur. Propter hoc enim vult Deus, minoribus maiores præesse, vt si ceciderint in peccatum, vel in aliquo negligentes fuerint & incauti, per eorum admonitiones, correptiones, coerciones & castigationes emendentur: quia si arbitrio suo relinquerentur, forte nec reatum suum agnoscerent, vel torpentes diutius in cæno volutarentur, vel profundius mergerentur, iuxta illud Iudæ: Hos quidem arguite iudicatos, &c. Necesse ergo est, eos magistro humiliter esse subditos: quia nisi quis medico obedienter obtemperet, non poterit, ab infirmitate sanari. Infirmitates in homine sunt passiones vitiorum, dicente Luca: Dedit illis virtutem & potestatem super omnia dæmonia, & vt languores curarent.

Eph. 6. a

Prov. 2. c

Iudæ. d

Luca 9. a

*Qui sunt, qui magistro non indigent.*  
Cap. II.

Philip. 4. c

Ibid. 3. c

1. Cor. 10. g

QVI autem pro se magistro non indigent, debent ita esse scientia illuminati, quod nihil errent in his, quæ scire necessario eos oportet, & qui decipi non possint ab homine vel dæmone, vel a proprio sensu sub specie boni, donum discretionis spirituum diuinitus adepti, iuxta illud: Vbiq; & in omnibus institutus sum. Debent etiam feruore deuotionis ita esse repleti, quod sine alterius impulsu, nouerint seipso ad omne virtutis exercitium fideliter extēdere, prout semper fuerit optimum, teste Paulo, qui ait: Quæ retro sunt oblitus, ad ea quæ priora sunt extendens me ipsum, & cet. Debent quoque amore boni sic esse affecti, vt quasi naturaliter omne malum horreant & omne scandalum studiose declinent, & sine offensa quiete cum omnibus conuersentur. Sine offensione, inquit Apostolus, estote Iudæis & gentibus. Debent etiam ita esse humiles in omnibus, vt nec de bonis habitis extollantur, nec malis omnino carere præsumant,

vt omnes excessus cogitationis, locutionis, & omissionis in se subtiliter dijudicent, & districte castigando emendent. Et in his omnibus sint ita stabiles, quod nec leuitate, nec distractione aliqua, nec difficultate, vel metu, a statu suo valeant immutari. Vnde Apostolus ait: Quis nos separabit a charitate Christi? &c. Quia vero tales difficile est reperiri, ideo paucis conuenit viuere absque obedientiæ iugo. Ideo, & qui alijs præfunt, vt melius & cautius agant, necesse habent alijs subesse, a quibus regantur vsque ad summū omnium Pontificem, qui vice Christi caput est totius Ecclesiæ militantis. Qui ergo alijs præesse debent, vtiliter oportet eos varijs esse præditos virtutibus, & alias habere ad se, quibus irreprehensibiliter viuant, alias ad suos superiores, quibus humiliter eis, in quibus debent, obediant & alias ad subditos, quibus eos meritōrie regant, & ad meliora promoueant. Licet autem omnes virtutes eminenter habere debeat, qui ex officio habet omnes virtutes docere; tamen quia numerus senarij est primus perfectus numerus sui generis perfectione, constans ex suis partibus aliquotis: ideo bonus animarum rector, maxime religiosus, inter ceteras, debet singularibus virtutibus præfulgere, sicut Isaias scribit, dicens: Seraphim, quæ sunt præminentiora cælestium spirituum agmina, sex alis ornata. Et fortasse, ideo in tali similitudine, sanctissimo patri nostro Francisco in illa gloriosa visione Dominus apparuit, quando eum passionis suæ stigmatibus insigniuit, vt ostenderet, sic alatos spiritualiter esse debere, qui eius familiæ vtiliter præesse deberent. Sic & quattuor animalia singula, vt dicitur in Apocalypsi, habebant alas senas.

Rom. 8. f

Isa. 6. a

Apoc. 4. c

*Quod prima ala Prælatorum esse debet zelus iustitiæ.*  
Cap. III.

PRIMA ala rectoris animarum est zelus iustitiæ, quia non potest aliquid iniustum, sine cordis murmure, in se & in alijs sustinere. Tantum enim quicquid bonus æstimandus est, quanto plus & purius odit malum. Quantum enim res diligitur, tantum de eius destructione doletur. Vnde notandum, quod sunt quattuor genera hominum in religione, vel in Ecclesia, quos bonos dicere solemus.

Quattuor genera hominum dici solent boni.

Primi sunt, qui malum non faciunt, nec tamen in bonis operibus se studiose exercent, vt qui quiete & pacifice cum alijs viuunt, nullum offendentes, nec prauo opere scandalizantes, vt habetur in primo Regum: Homines isti satis boni fuerunt, & non molesti, &c. Nam in vsu habemus, tales dicere bonos esse, qui mites sunt moribus, & socialiter se cum omnibus habentes, licet alias quo ad virtutum exercitia, aliquatenus desides videantur. Pueri etiam baptizati eodem modo boni iudicantur.

1. Reg. 26. c

Secundi sunt meliores, qui mala nulla faciunt, insuper in bonis operibus se frequenter exercent, in sobrietate, castitate, humilitate, dilectione proximi, & orationis instantia, & similibus, quæ intelligunt esse bona. Sed hoc habent proprium, quod sicut nihil negligunt ex his, quæ possunt & sciunt, ita etiam videtur eis sufficere bonum, quod faciunt, nec ad ampliora, & perfectiora sanctitatis desideria incalescunt. Sufficit eis tantum vigilare, tantum orare, tantum pro Deo dare, vel ieiunare, vel laborare & huiusmodi, & his contenti quiescunt, altiora alijs relinquentes. Vnde Ecclesiastes dicit: Deprehendi nihil esse melius, quàm lætari hominem in opere suo, & hanc esse partem illius.

Eccles. 3. c

Tertij sunt adhuc his meliores, qui malum detestantur & fugiunt, & bona quæ possunt studiose exercent, & cum omnia fecerint, quæ valent, parum se fecisse reputant. respectu eorum quæ desiderant, scientes, quod corporalis exercitatio ad modicum vtilis ab Apo-

**1. Tim. 4. c.** Apostolo perhibetur. Et ideo viri mentales, & internæ deuotionis saporem, & Dei familiarem notitiam, & amoris eius experientiam suspirando desiderant, nihil se esse, vel habere iudicantes, nec aliquam consolationem de temporalibus vel spiritualibus recipientes, quamdiu pro voto prædictis virtutum exercitijs, & deuotionis dulcedine non fruuntur, nec tamen contra aliorum vitia, & peccatorum pericula zelo feruoris inflammantur, cupientes omnes esse bonos & beatos; sed ubi hoc non inueniunt, nullo doloris vulnere sauciantur, sibi met intenti & Deo. Tales ad aliorum regimē vocati, minus in hac parte sunt idonei, quia proprie quieti curam illorum postponunt.

**Iudic. 9. b.** Iuxta illud Iudicum: Numquid possum deferere dulcedinem meam, fructusque suauissimos, & ire ut inter cetera ligna promouear?

Quarti sunt optimi, qui cum prioribus bonis innocentiae & virtutum, zelo iustitiae & animarum calant, qui non recipiunt consolationem de propria salutis profectibus, nisi alios secum trahant ad Deum, exemplo Domini, qui cum in se plenum semper habeat gaudium, non contentus gloriam solus habere, exiuit assumpta forma serui, multos filios in gloriam secum adducere opere & doctrina. Zelus enim iustitiae quasi coccus bis tinctus duplici charitatis colore rutilat, amoris nempe Dei, & proximi. Amor Dei non tantum desiderat eius dulcedine frui, & ei adherere, sed etiam diligit eius beneplacitum impleri, eius cultum ampliari, & honorem sublimari. Vult enim eum ab omnibus agnosci, ab omnibus amari, ab omnibus ei serui, & super omnia honorari. Amor proximi desiderat non tantum eius corporalem sospitatem, & temporalem prosperitatem; sed magis eius æternam salutem. Vbi ergo charitas ista perfectior, ibi feruentius desiderium ista promouendi, & instantius studium & purius gaudium, ubi hæc inuenit. Charitas enim, teste Paulo, non quarit quæ sua sunt, sed, quæ Dei sunt.

**1. Cor. 13. b.** Quantum vero diligis Deum, & quæ Dei sunt purius desideras, tantum doles de offensa Dei, ubi vides eum non agnosci, & ideo inhonorari, ubi vides eum non amari, & ei non obediri, & eius cultum destrui, & aduersarios multiplicari, & lætificari. Et quantum diligis salutem proximi, tantum affligeris de perditione eius & nocumento profectus eius. Et licet hæc charitas requiratur in omnibus amicis Dei, maxime tamen in Vicarijs Dei, qui secundum cor Dei moueri debent amore iustitiae, & odio iniquitatis, iuxta illud Psalmistæ: Dilexisti iustitiam, &c. Iustitia potest hic dici obseruantia omnium, quæ salutis vel profectui animarum necessaria sunt. Horum quædam procedunt a lege æterna, ut puræ virtutes, humilitas, castitas, charitas, misericordia, & similes, sine quibus nullus quocumque tempore poterit saluari, ad quæ etiam præcepta dei in veteri, ac noua lege maxime ordinantur. Sicut Dominus dicit ad dilectionem Dei & proximi totam legem & prophetas spectare, iuxta illud Matthæi: In his duobus mandatis, &c.

**Mat. 22. d.** Quædam procedunt ab humana vice Dei institutione, ut quæ per Ecclesiam pro communi utilitate canonice sunt præcepta, sicut ritus sacramentorum, & aliorum ad iuris positum præcepta pertinentium, extra Canonum statuta, ab omnibus obseruentur, ita, ut quilibet obseruet illa, quæ conueniunt suo statui & communiter omnibus imperata, laicis vel clericis. Quædam ex voto proprio proueniunt, ut ea ad quæ nemo cogitur. Sed qui ea sponte vouerit, iam velut ex præcepto Dei compellitur obseruare, ut continentia religiosorum & obedientia & abdicatio proprii in monasterio, & alia quæ per regulam vel cuiusque ordinis definitiones eius professoribus imponuntur. Vnde dicitur in Deuteronomio: Cum votum voueris Domino, non tardabis reddere, quia requirit illud Deus. Et si moratus fueris, reputabitur tibi in peccatum. Si nolueris polliceri, absque peccato eris. Quod autem se-

**A** mel egressum est de labijs tuis, obseruabis & facies, sicut promissisti Domino Deo tuo, & propria voluntate & ore tuo locutus es. Quædam procedunt ex quâdam habilitatione profectus spiritualis, quamuis alias non forent necessaria salutis, ut omnis disciplina diuini officij & singulorum officiorum in religione, & officiorum & temporum, in silentio, victu & habitu, labore, vigilijs & ceteris spiritualibus disciplinis, in quibus singularum religionum obseruantia variatur, sicut cuique visum fuerit expedire. Quamuis autem in his non tanta vis salutis existat, quasi sine eis non sit salus; tamen transgressio eorum deformat religionis decorem, & profectum spiritualem, & aliorum ædificationem solet impedire. Sicut enim amor iustitiae, studiose ista in se & in alijs promouet, & congaudet, ubi videt ista sollicitè obseruari, ita e contrario dolet, & vritur, & accenditur pro transgressione illorum cum Psalmista, qui ait: Nonne, qui oderunt te, &c. Quodam vero intimo sapore discernit, ut magis deoleat de grauioribus transgressionibus, & de leuioribus minus. Sapiens enim quasque res ponderat, prout sunt, tam bonas quam malas. Insipiens autem quandoque magna pro paruis reputat, & leuia quasi maxima pôderat, trabem festucam iudicat, aliquando culicem, deglutiendo camelum. Decimatis mentam & rutam & relinquitis quæ grauiora sunt, ait Saluator: Tales zelo proprio feruntur, & non spiritum Dei in hac parte aguntur. Sicut quidam pro vna inclinatione in choro neglecta, plus accenduntur puniendo, quam pro longa detractio de alio religioso excitata. Grauius indignantur pro versiculo & rubricula neglecta, quam pro magna perturbatione cum scandalo procurata.

**C** Principaliter igitur cauenda & dolenda est transgressio præceptorum Dei, deinde inuiolabilem præceptorum sanctæ Ecclesiæ, deinde illorum quæ sub voto voluntario sibi met quisque fecit necessaria, ut regulares obseruantia, maxime quæ sub præcepto sunt statuta, deinde omnia scandala speciem mali quamcunque habentia, nempe auaritiæ, superbiz, inuidiæ, gastrimargiæ, iracundiæ, suspectæ familiaritatis, inobedientiæ, & similibus vitiorum, quæ odorem famæ religiosorum quo alij fideles debent ab eis ædificari, & ab eis discere quid cauere debeant & facere, scelerare faciunt, ut magis per eos inficiantur scandalo, quam reficiantur virtutis exemplo, dicente Apostolo: Nomen Dei per vos blasphematur inter gentes. Facilius autem grauius peccatum occultum curatur, quam tale scandalum, quia illud per secretam potest sanari penitentiam, scandalum autem vix auellitur a cordibus omnium, ad quos forte peruenit.

**E** Deinde cauenda est perturbatio studij deuotionis, ex qua fulcitur omnis vera religio, & omne virtutis exercitium impingatur. Arida est omnis religio, quæ non oleo isto saginatur. Instabilis est bonorum operum structura, quæ deuotæ orationis frequentia non compaginatur, sicut paries lapidum sine cæmento. In omni religione ubi deuotionis feruor tepuerit, etiâ aliarum virtutum machina incipit deficere, & propinquare ruinæ. Lampades fatuarum virginum sine oleo extinguuntur, ut ait Matthæus.

**F** Deinde cauenda est negligentia exterioris disciplinæ, quæ pro decore religionis & habilitationis profectus spiritualis statuta est, cuius desertio signum est neglectæ conscientia, & interioris leuitatis. Talis autem disciplinæ obseruantia non ita mandatur, quasi aliter non liceat vivere, sed quia sic magis conuenit propter honestatis conformitatem, & vniformem fratrum conuersationem, ne pro libito quisque viuatur, & faciat, unde forte alij turbentur. In talibus autem obseruantijs, quæ in se indifferentes sunt, sed propter aliud statuta, ut dictum est, maior est habenda diligentia, ut bene seruentur, quam scrupulose timendum, si ex aliqua surreptione quandoque transgrediantur, nisi forte consuetudo generaret deformitatem, & dissimula-

Psa. 138. d

Luc. 11. f

Rom. 2. d

Mat. 23. d

mulatio negligentiam nutriet. tunc propter aliud malum consequens præcauendum, zelus disciplinæ dormire non debet.

Verus igitur iustitiæ zelator primo cauet, ne malū aliquo modo faciat, vel doceat. Secundo ne licentiet, vel concedat quacumque importunitate seu circū uentione mollitus. Tertio ne faueat vel diligit fieri, etiam si eo irrequisito fiat, vel absente. Quarto ne dissimulet & taceat quasi nesciens, cum ad eum pertineat arguere, & ostendere quantum malum sit, & detertere, ne ulterius audeat similia attentare. Quinto ne inultum esse patiat, quia aliquod bonum parit peccati castigatio, scilicet quod ipse qui fecit, prohibetur ultra peccare, dicente Domino: Iam noli peccare, ne deterius tibi aliquid contingat. Item, quia purgatur a peccato, ne a Deo postea durius puniatur, ait enim scriptura: Tu virga percuties illum, & animam illius de inferno liberabis. Item, quia per hoc alij erudiuntur, ut caueant similia perpetrare, iuxta illud: Pestilente flagellato, sapientior erit paruulus, id est, tenellus & nouus cauior esse discet. Item, ipse prælatus, vicarius superni iudicis, liberat animam suam a peccato negligentia, officium suum sic implendo. Quod quia Heli sacerdos non fecit, mortis sententiam cum filiis peccantibus excepit: ut habetur in 1. Regum. In hoc enim differunt laudabiles religiones & iam dilapsæ non quod nullus peccat in laudabilibus reperiatur, sed quod nullus impune peccare sinatur, & peccandi aditus studiose præcludantur, & incorrigibiles & alios inficientes eliminantur, & boni foueantur & diligantur, ut perseuerent, & in melius semper proficiant. Nam cum in conuentu Angelorum ante confirmationem, & in ordine Apostolorum sub magisterio Christi reperta sit prauitas, quis ordo bonorum in terra audeat sibi arrogare hanc prærogatiuam, quod peccatum in eo non sit? quia & si plurimi per Dei gratiam immunes ibi fuerint, sed non omnes. Vos mundi estis, sed non omnes; ait Dominus. Bonis enim quamdiu sunt hic in statu merendi, expedit aliquos malos secum habere, qui eis sint maioris occasio meriti, quibus compatiuntur in malis suis, contra quos zelus eorum inardescat, quos corrigere laborent, quibus similes fieri pertimescant, qui eis sint tentationis materia, a quibus etiam persecutiones sustineant, & ex quorum consideratione confusi humilientur, quia tales non sunt, admoneantur gratiarum actionis ei, qui custodit eos, ne tales efficiantur. Si autem deessent bonis prædictarum virtutum occasiones, merita ipsorum tanto fierent etiam minora, dicente Paulo: Quæ enim seminauerit homo hæc & metet. Nec tamen diligendi sunt mali seu fouendi, sed tolerandi: maxime quorum occulta sunt mala, & alios non inficiunt, & est spes de correctione ipsorum. Vbi vero ista defecerint, ibi sine graui detrimento sustineri non possunt: & ideo eliminandi sunt, ne putetur eorum prauitas bonis placere. Interim etiam dum tolerantur, puniendi sunt stimulis admonitionum, correctionum, confusionum, & castigationum, vngendi etiam fomentis exhortationum, consolationum, & orationum & promissionum, si forte conualescant de infirmitate, & fortes fiant. Præcludenda est eis via peccandi, & tentationis aditus obstruendi, quod etiam bonis expedit, ne opportunitas mali faciat eos deteriores. Prælatus enim vicarius Dei, cui data est potestas a Domino super familiam suam, & cui debent subditi ea de causa vice Domini obedire, si non corrigit delinquentes, si permittit sub se vitia crescere, & consuetudines malas oriri, & iam exortas roborari & dilatari, si videt regulares obseruantias dilabi, & transgressionem multiplicari, & pro posse non obuiat tam præsentibus malis, quam imminentibus, triplicem Deo reddet rationem.

Primo pro sua negligentia, quando non fecit ad quod officio tenebatur. nam ait Sapiens: Cum esse-

tis ministri regni illius, non recte iudicastis; nec custodistis legem iustitiæ, neque secundum voluntatem eius ambulastis. Horrende & cito apparebit vobis quoniam iudicium durissimum his, qui præsumunt, fiet, &c.

Secundo quod omnia peccata subditorum quæ poterat & debuerat correxisse & præcauisse, imputantur ei. Vnde dicitur Ezechieli: Si non fueris locutus, ut custodiat se impius a sua via, ipse in impietate sua morietur, sanguinem autem eius de manu tua requiram.

Tertio, pro abusione honoris, & potestatis sibi collata, quam ad propriam gloriam & commodum reuertitur, & non ad quod data est ei. Tollite ab eo talentum, ait Christus, & inutilem seruum eijcite in tenebras exteriores, ibi erit fletus & stridor dentium. Ostendat ergo bonus zelator, quantum diligit Deum, in eo quod beneplacitum eius in se & in alijs promoveat, nec ab hoc zelo mollescat per desidiam, ne labore lassetur, nec consilij flectatur, nec astutij circumueniatur, nec amicitia, nec blandimentis delinatur, nec minis terreatur, nec per diuturnæ prauæ consuetudinis præscriptionem desperet, quin suum officium exequatur.

Quod secunda ala prælatorum, est Pietas.  
Cap. II.

SECUNDA ala huius Ecclesiastici Seraph est pietas, siue fraterna compassio, ut sicut eum charitas Dei ad zelum iustitiæ inflammat, ita fraterna dilectio ad pietatem informet. Nam & si vitij debetur virga feriens, infirmitati tamen necessarius est baculus sustentans, dicente Propheta: Virga tua & baculus tuus, &c. & Paulo: In virga veniam ad vos, an in charitate & spiritu mansuetudinis? Sic & ille Samaritanus vulneribus illius semiuuii relictis, infudit vinum zeli feruentis, & oleum pietatis mitigantis. Alia est autem infirmitas corporis, alia mentis, & vtraque indiget compassione.

Infirmitas corporis triplex est. Primi sunt infirmi decumbentes in lectulis, vel in acutis, vel in alijs infirmitatibus grauib. laborantes. Alij sunt infirmi per domicilium, vel etiam per terram quandoque deambulantes, & tamen sæpe grauib. doloribus afflicti, ut calculosi, infistulati, ponderosi & similes. Tertij determinatam infirmitatem non habentes, sed tamen corpore debiles, & viribus exhausti, ut senes, & laboribus confecti, vel naturali infirmitate depressi, sed quandoque accidentali languore ad tempus attriti. His est triplici pietate subueniendum, scilicet remedijs medicinalibus, si congrue potest fieri. Item relaxatione rigoris, in victu, vestitu, vigilijs, & huiusmodi. Item exemptione laboris, in officijs, seruitijs, discursibus, & huiusmodi, prout cuiusque necessitas exquirat: ita quod primis de primo, secundis de secundo, tertijs de tertio, iuxta singulorum indigentiam speciali succurratur. Omnis humanitas est infirmis & debilib. exhibenda, quia flagellati sunt a Domino: si super hoc ab hominibus tribulantur, ipsa eorum miseria clamat ad patrem misericordiarum contra illos, qui eos tribulant conquerendo, dicente Dauid: Quoniam quem tu percussisti, persecuti sunt: & super dolorem vulnere meorum addiderunt, &c. Infirmus enim, qui afflictus sibi subuenire non valet, eo ipso amplius tribulatur, quia ab his quibus deberet, non consolatur, non a labore releuatur, non subuenitur indigenti, nec habet sibi compatiemem, iuxta illud propheticum: In conspectu tuo sunt omnes qui tribulant me, improprium expectauit cor meum & miseriam. Et sustinui qui simul contristaretur, & non fuit: & qui consolaretur, & non inueni. Et dederunt in escam meam fel exprobrationis, & in siti mea potauerunt me aceto obiurgationis,

Exec. 33. b

Mat. 23. c

Psal. 22. a  
1. Cor. 4. d

Pf. 68. c

Psal. 68. c



tionis. Fiant ergo eis, quæ sequuntur, &c. Bonus autem Prælati agnoscit se fratrum suorum patrem, non dominum, & exhibet se eis medicum, non tyrannum: nec reputat eos ut iumenta sua, vel seruos emptionis; sed ut filios hereditatis supernæ consortes: & facit eis, sicut veller sibi fieri, si similiter indigeret. Sed fortes & sani non sentiunt, quod sentit æger, ideo nesciunt eis compati, scient autem postea, cum dolebunt. Quod si obijciant, quia sæpe fingunt hoc quidam debiliores, quam sint, numquid propter hoc omnes sunt hypocritæ iudicandi? cum e contrario pro paucis iustis, ut habetur in Genesi, multis malis Dominus voluerit pepercisse.

Gen. 18. d

Triplici autem ratione magis indigent infirmi subsidio pietatis, quam sani & robusti. primo propter sustentationem vitæ, quia seipsos non valent procurare, si tunc etiam ab alijs non procurantur, coguntur deficere, & non possunt subsistere, iuxta illud: Ne penitus pereat, qui abiectus est. Secundo propter restaurationem sanitatis & virium, quas in infirmitate perdidit. Cum enim sanus & fortis solus indigeat sustentamento, ut quod habet conseruet, æger & debilis indiget duplici refectione, ne pereat, & perdat, quod adhuc habet, & reparet quod amisit, dicente Domino: Ab eo qui non habet, etiam quod videtur habere, auferetur. Tertio, propter consolationis releuamen, quia cum sic multipliciter affligantur, solatium est eis, cum vident alios sibi compati, & ad reparationis suæ studium fideliter cooperari: & dicunt cum Saul: Benedicti vos a Domino, quia doluistis vicem meam.

2. Reg. 14. c

Luc. 19. d

1. Reg. 23. c

Sed dicunt aliqui: Illis debilibus digne subuenitur, de quibus est spes conualescentiæ, in illis vero de quibus non præsumitur, quod aliquando conualescant, inutiliter consumuntur expensæ. Hoc recte diceretur, si non propter meritum charitatis, sed propter retributionem humanæ utilitatis deberet infirmis misericordia exhiberi. Qui autem propter hoc infirmo subuenit, ut cum sanatus fuerit, benefactum illud seruando retribuatur, merito charitatis se priuat. Vbi enim maior miseria, ibi clarior misericordia apparet, & purior charitas. Expedit ergo Prælatus, quandoque experiri infirmitates ceterorum, ut discat compati, iuxta illud: Non habemus Pontificem, qui non possit compati infirmitatibus nostris, &c.

Heb. 4. d

Infirmitas tria genera.

1. Cor. 11. g

Infirmitas tria genera. Primi, qui ex deuotionis defectu, vel tentationis impulsu, proni sunt ad scandala & peccata, ex facili occasione vacillantes, & ad lapsum procliuēs, ut ait Apostolus: Inter vos multi infirmi & imbecilles, &c.

Rom. 15. a

Secundi, qui licet bonæ voluntatis sint, & deuoti, tamen ex leui correptione, vel inuectiua obiurgatione effecti pusillanimes, aut coincidunt in quandam desperationis diffidentiam, aut prorumpunt in grauem commotionem impatientiam, unde post modum dolent, & ceteri quandoque turbantur. Vnde Paulus: Debemus nos firmiores imbecillitates, &c.

Psal. 6. a

Gen. 34. a

Col. 3. d

Tertij sunt omnes generaliter imperfecti, qui in diuersis virtutum studijs sæpe vacillant, & varijs passionum febribus sentiunt se interdum, etiam reluctantes, pulsari, modo elationis, modo iræ, modo acedia, & inuidiæ, concupiscentiæ, gulæ, & aliorum vitiorum tam carnalium, quam spiritualium. qui dicere debent cum Psalmista: Miserere mei Domine, quoniam infirmus sum, &c. Remedia his infirmitatibus adhibenda sunt, ut subtrahatur eis occasio scandalii, opportunitas peccandi, ne videant unde infirmantur, vel audiant, & ne sæpe permittantur extradomum vagari: Dina enim, ut ait Scriptura, egressa domus corrupta est: & per exhortationes crebras exemplis patientiæ confortentur, & a duris increpationibus, donec conualescant de infirmitate, parcatur eis, & alijs offensis, quibus perturbentur. Vnde Apostolus: Patres nolite ad indignationem prouoca-

re filios vestros, ut non pusillo animo fiant. Qui enim amplius commouet satis per se commotum, quasi prouocat contra se canem latrantem, ut mordeat eum. Item æquanimiter mores, & imperfectiones eorum supportentur: nam dicit Sapiens: Non omnes omnia possunt. Sicut autem rudibus, & minus peritis solent doctores eorum imperite ignoscere, cum minus recte sentiant, ita & virtuosius benigne supportant aliorum defectus, scientes, quod non omnes possunt æqualiter esse perfecti, & quasi paruulis & teneris in Christo grauiora, quam valeant portare, onera non imponunt, nec ab eis exigunt ea, quæ vires ipsorum excedunt. Hinc in Genesi: Nosti, quod paruulos habeas teneros, & oues & boues scetas tecum, quas si plus in ambulando fecero laborare, morientur vna die cuncti greges. Hoc est: Qui paruulos imperfectos, & aliquam bonam habentes voluntatem, quasi scetus in vtero, plus vrget in exercitio virtutis, quam secundum gratiam, quam acceperunt; etiam illud quod iam habent, supra vires agitando extinguit in eis. quod præuidens Paulus ait: Facti sumus paruuli in medio vestrum, tantquam si nutrix foueat filios suos, quod ita humiliter & pie blanditus sum vobis, condescendens vestræ teneritudini & imperfectioni. Quo contra

Eccl. 17. d in sensu.

Gen. 33. c

1. Thes. 2. b

Ezec. 34. a

Ber. ser. 23.

in Cant. an

te med. pan

cis mutatis

Num. 11. c

de duris, & non compassiuis pastoribus conqueritur Dominus dicens: Quod infirmum fuit non consolidastis, & quod ægrotum non sanastis, & quod fractum non alligastis, & quod perierat non quaesistis. Sed cum austeritate imperastis eis, & cum potentia &c. & Bernardus: Ut quid grauatis iugum vestrum, cum certitis discipulorum, quorum vos potius iugum portare debetis? Ponite onera, producite vbera, pecora lactate, quiescant. Et si interdum seueritate opus sit, paterna sit, non tyrannica, iuxta illud: Porta eos in sinu tuo, sicut portat mulier infantulum suum, & defer in terram pro qua iuravi, &c.

Quod tertia Prælatorum ala, est Patientia.  
Cap. V.

**T**ERTIA ala Ecclesiastici Seraph est patientia, & constans longanimitas. Sicut enim tectum tabernaculi, ut interiora munda manerent & nitida, excepit in se pulueres, & imbres, & ventorum impulsus; ita superiores qui fideliter subditos suos defendunt e turbine peccati, necesse est, sæpe diuersarum excipere tempestates aduersitatum, sicut gallina pro pullis se obijcit miluo, ut eos defendat.

E Tria vero sunt inter alia, in quibus patientia ei necessaria maxime videtur. Primo propter multiplices labores & curas, & occupationes diuersimode emergentes. Cura enim continua vrget eum, tam de spiritualis prouidentia disciplinæ, quam de corporalis subsidij prouisione. Vnde & Apostoli non solum de spiritualibus, sed & de temporalibus fidelium necessitatibus, maxime pauperum, solliciti erant, iuxta illud: Iacobus & Ioannes & Cephas dexteram dederunt mihi & Barnabæ societatis, ut nos in gentes, ipsi autem in circumcisionem, scilicet Euangelij prædicationem extenderent, tantum ut pauperum Christi memores essemus: quod etiam sollicitus fui, hoc ipsum facere, &c. Dominus quoque turbas, quas verbo salutis paupis, etiam pane corporali in deserto se sustentantes, cum aliunde non haberent, refecit. Occupationes quoque variæ tam ex domesticis curis, quam extraneis causis frequenter emergunt, quibus cogitur aliquatenus implicari, & quomodo se de illis expediat anxari. Ex his etiam labores plurimi crescent discursuum, vigiliarum, tractatum, & aliarum fatigationum, pro quibus omnibus patientia ei necessaria est, ita, ut Moytes mitissimus & Deo familiarissimus, propter hoc in plures onus gubernationis populi sit partitus, quasi non valens tot negotia sustinere, sicut scriptum est: Non valeo solus vestra negotia sustinere, & pondus

Patientia in tribus necessaria præ-

Gal. 2. b

Mar. 6. f

8. a

Dent. 1. c

pondus ac iurgia, date e vobis viros sapientes & gnaros, & quorum conuersatio probata sit in tribubus vestris, & ponam vobis eos principes, &c.

Secundo est ei patientia necessaria, pro tardo profectu illorum, in quibus continue fatigatur. Videt enim paucos eorum proficere, videt post, quia per multos conatus suos ea, quæ multo labore in modico iam emendari cœperant, ex facili iterum dilabuntur, & propter plures difficultates, & obstacula profectum spiritualem impediunt, quasi in desperationem tendere fructum laboris sui, sicut qui multa seminavit, & pauca conspiciunt oriri. videt etiam quandoque, quæ personaliter iubet & ordinat, negligenter impleri & seruari, & sæpe sub specie boni latenter malum subintrare, ita quod non audeat aperte vt malum redarguere, cum bonum in superficie appareat, & tamen in fine per hoc maius bonum destruitur, & apertioribus malis aditus aperitur. verbi gratia, vt multi saluentur, plures, quàm opportune tenere possumus, recipimus. Sed ipsa tandem multiplicatio, erit paupertatis nostræ obfuscatio, dum plures velint pluribus gaudere, non carere: inde sequitur frequentior discursus pro acquirendo necessaria, exquiruntur viæ insolitæ in petendo, incautius agitur contra regulam; vel recipiendo, quies deuotionis extinguitur, mores religiosi in dissuetudinem vertuntur, consuecunt fratres libenter euagari, & diuersa carnis cōmoda foris venari, familiaritates, in regula prohibitas, contrahere, munera a contentibus querere, ædificationes animarum pro quæstu vendere, diuitibus adulari, areas dilatare, sumptuosa Palatia exaltare, scandala non curare. & Dei honor, qui ex nostra sancta conuersatione, & aliorum exinde ædificatione prouenire debuerat, agendo his contraria, conculcatur. Idem est de præpropera promotione iuuenum, & nondum probatorum ad ordines, & officia confessionis, prædicationis, & prælationis. Idem de pluribus quæ coram hominibus sunt, alicuius apparentiæ, sed religionis puritatem interius coram Deo obscurant, & rudes in religione, qui interna non sapiunt, putantes in his exterioribus honestatibus, totam vim spiritualis conuersationis constare, magno zelo eas defendunt, & de veris virtutibus, & spiritualibus non curant. Hæc & alia plurima videns spiritualis prælatus, qui omnia in veritate diiudicat, tabescit, & vritur, & non valens corrigere pro desiderio, in virtute patientiæ mirabiliter exercetur, & dicitur cum Propheta: Tabescere me fecit zelus meus, zelus domus tuæ comedit me, &c.

*Psal. 118. f*  
*& Ps. 68. b*

*Phil. 1. d*

Tertio necessaria est ei patientia, pro ingratitude illorum, pro quibus tanta solitudine laborat, scilicet quod vix vquam eis satisfacit, quin semper conquerantur, quod aliter posset eis & melius facere si vellet, quod sæpe perplexus est, an debeat eorum importunitatibus cedere, & acquiescere in omnibus quæ cupiunt, vel rigide tenere, quod credit esse magis expediens, iuxta illud Pauli: Quid eligam ignoro coartor enim &c. Item quod inuertiunt ei plurima quæ facit, & interpretantur ad deterius, & super his visitant eum, & murmurant, & accusant, & detrahunt ei, & sumunt inde materiam scandali, unde putabat se Deo & ipsis obsequium præstitisse, ita, quod vix in aliquo potest inueniri remedium, in hoc quod ordinat aut quod facit, quin semper aliquibus displiceat & turbentur. Item, quod etiam in faciem quidam resistunt ei, vel literis arguunt eum & despiciunt & concitant alios, vt se ei opponant, vel astute impediunt, ne possit perficere quæ deberet. His & alijs aduersis quibus diuersimode impeditur, triplici patientiæ scuto studeat se opponere.

Primo vt modeste & mature & benigne ad singula respondeat, & impetum feruoris reprimat, ne in voce aut vultu seu moribus impatientiam ostendat. Tunc enim magis proficit per patientiam, & tandem

A deincit, quos impetuose agendo amplius prouocaret. Sic Gedeon modeste respondens viris Ephraim contra se iurgantibus, compescuit spiritum eorum, quo tuebant. Nam teste Sapiente: Responso mollis frangit iram, sermo durus suscitatur furem. Vix enim commotio commotione sedatur, & vitium vitio non sanatur. Impatientia enim prælati confundit, quæ promouere poterat bona. His modis alios scandalizat iuxta illud: Qui impatiens est, exaltat stultitiam suam, scilicet alijs pandendo. Reddit eum subditis & alijs contemptibilem, vt dicitur in Prouerbijs: Qui vanus, & excors est, parebit contemptui. Facit eum exosum & horrendum, iuxta illud Ecclesiastici: Terribilis est in ciuitate sua homo linguosus, & temerarius in verbo suo odibilis erit. Prouocat alios ad impatientiam, dicente Scriptura: Vir iracundus prouocat rixas, qui autem patiens est, mitigat fuscitatas. Non audent ei subditi necessitatem suam aperire, iuxta illud Iob: Si cœperimus loqui tibi, forsitan moleste accipies. Replet domum murmure, & rancore, vt patet in Prouerbijs: Qui conturbat domum suam, possidebit ventos, scilicet conspirationum. Teneros mente fugat, & pusillanimes facit, sicut dicit Salomon: Spiritum ad irascendum facilem, quis poterit sustinere? Nemo audeat eum monere de his, quæ forent emendanda, vt patet in primo Regum: Ipse est filius Belial, ita vt nemo possit ei loqui.

*Indic. 8. a*

*Prou. 15. a*

*Prou. 14. d*

*Prou. 12. b*

*Eccli. 9. d*

*Prou. 15. c*

*Iob 4. a*

*Prou. 11. d*

*Prou. 18. c*

*1. Reg. 25. c*

Secundo studeat esse pacificus, vt nec vindicet se de illatis iniurijs, nec in corde oderit illos, nec curam segnius agat, nec querat eos a se remouere, immo lubentius teneat eos, vt per hoc & illos & alios ædificet benefaciendo ingratis, & vt per se virtutis exercitum in eis habeat, exemplo Summi pastoris, qui ait: Eritis filij altissimi, quia ipse benignus est super ingratos & malos. Cum enim sit proprie officium pastoris docere virtutes, si vitiosos remouet a se, quos docebit? Si medicus fugit ægrotos, quos curabit? Si fortis tyro declinat impetentes se, quomodo assequetur triumphum gloriæ? Si negotiator negligit merces, in quibus magna lucretur, quomodo poterit ditari? Inde est, quod inter alios tot sanctificati sunt Episcopi, & Prælati, quia tam agendo bona, quàm patiando aduersa, & alios ædificando, ad alta perfectionis culmina officij sui occasione peruenerunt, dicente Paulo: Qui Episcopatum desiderat, &c.

*Luc. 6. a*

*1. Tim. 3. a*

Tertio si patiens non minus sit voluntarius, & studiosus ad exequenda ea quæ officij sui sollicitudo requirit, propter tedium laboris, vel tarditatem profectus, vel importunitates subditorum, vel alia grauamina, quia sic ad alta merita peruenitur, iuxta illud: Vos ergo confortamini, & non dissoluantur manus vestrae, erit enim merces operi vestro. Istæ manus Prælati sunt instantia in agendo, & patientia in sufferendo, quod grauat: quæ si non dissoluantur per desidia seu intolerantiam, merces æterna ei cumulatur. Per has namque aduersitates rector a peccatorum puluere purgatur, quem contrahit ex humanæ infirmitatis surreptione. In multis enim offendimus omnes, etiam in pluribus negotijs plures negligentia sæpe fiunt, a quibus purgari necesse habent hic Prælati, ne illic durius puniantur, iuxta illud: Si inique aliquid gesserit, corpiam eum in virga virorum, & in plagis filiorum hominum.

*2. Par. 15. b*

*Iac. 3. a*

*2. Reg. 7. b*

Item per has, dum deprimatur, a tumore superbiæ custoditur, quæ potentibus periculosius insidiatur, dum & sublimitas officij, & libertatis licentia, & boni operis placencia facile mentem eius extolleret, nisi aduersitatis iugum collum præsumptionis eius humiliaret, & sic a superbiæ voragine defenfare. Nam in Iob legitur: Erudiens instruit disciplina, vt auertat hominem ab his, quæ fecit, & liberet eum de super eruens animam eius a corruptione, & vitam illius, vt non transeat in gladium. Increpat quoque per dolorem in lecto, &c. Custos enim salutis, & profectus boni rectoris

*Iob. 33. b*

Oris est humiliatio aduersitatis, sine qua, eum successus prosperitatis cito releuasset in ventum presumptionis. Vnde Dauid secundum cor Dei electus, quando premebatur aduersis, deuotissimus fuit & humilis; quando autem extollebatur prosperis, incidit in culpam offensionis, ipso attestante cum dicit: Bonum mihi quia humiliasti me, &c.

Item, ut dictum est, meritum eius exinde multiplicatur, dum non solum pro bonis, quæ in se & alijs promouet, gloriam acquirit, sed & pro aduersis, quæ patitur magnifice coronatur. sicut aurum quod per ignem probatum sit pulchrius & pretiosius, sicut scriptum est: Tamquam aurum in fornace probauit, &c.

Sæpe autem spiritualis profectus crescit, dum non sentitur: & roboratur, cum magis infirmari putatur, iuxta illud: Sic est regnum Dei quemadmodum si homo iaciat sementem in terram, & dormiat, & exurgat nocte ac die, & semen germinet, & crescat dum nescit ille, &c. Non autem mirum, si omnes conatus rectoris non proficiunt in omnibus, cum nec Dei operatio in omnibus proficiat ad salutem ipsorum, & multi sint vocati, & pauci electi. Omnia enim quæ seminantur, non conualescunt, & qui thesauros effodiunt lubenter multam terram eruperant, ut modicum auri vel argenti reperiant. Tantus autem profectus est boni rectoris, quantum foret detrimentum si non esset. sicut lux tantum est bonum, quantum eius absentia malum. Animare etiam debet rectorem ad laboris tolerantiam, quod non minus meretur in illis, qui deficiunt, vel modicum proficiunt, quam in his qui maxime proficiunt. Non enim dicit Apostolus: Vnusquisque propriam mercedem accipiet secundum suum profectum, sed secundum suum laborem. Dei enim est incrementum dare. plus enim laborat doctor in indocili, quam in docili discipulo: & ideo apud iustum æstimatorem laboris, plus meretur. In terra sterili & saxosa agricola plus laborat, & si fructus paucior, sed pretium maius. Et quæ difficilius elaborantur, sæpe carius venduntur.

*Quarta Prælatorum ala est, quod sit exemplaris in vita. Cap. VI.*

**Q**UARTA ala est, ut sit exemplaris in vita. Ipse namque debet ceteris esse norma viuendi, ut quæ docet verbis, ostendat actionum figuris. sicut qui Geometriam docet, pingit in sabulo figurarum demonstrationes, ut quod dicit melius capiatur: nam dicitur in Actis: Cœpit Iesus facere, & docere. & alibi: Exemplum enim dedi vobis, ut quemadmodum ego feci vobis, & vos ita faciatis. Gedeon ait suis: Quod me facere videritis, hoc facite. Quamuis igitur non solum in præfatis, sed in omnibus virtutum exemplis debeat rector præcedere subditos, specialiter tamen in his tribus, scilicet in communis obseruantie conformitate, in mansuetudinis humilitate, & in maturitatis honestate. Vnde Apostolus: In omnibus te ipsum præbe exemplum bonorum operum, in doctrina, in integritate, & in grauitate. Communem vitam cum ceteris obseruet in victu, vestitu, & labore, ut non vacet conuiujs & potationibus, cum alij sobrio cibo & potu vtantur, nec sit eis dissimilis habitu, cum quibus est ei professio communis. Nec a labore ceterorum se subtrahat, qui illos iubet in eisdem laboribus exerceri. Pastor si se a grege segregat, oues insidijs luporum exponit. Sanus sit sanis, & infirmus infirmis, velut alter Paulus, qui dicebat: Factus sum infirmis infirmus, scilicet exemplar, ut infirmos lucrarer. Omnibus omnia factus sum, ut omnes facerem saluos. Nam si sanus debiliter viuat, facit eos exemplo suo carnales. Si vero infirmus recusat infirmorum remedia, facit eos pusillanimes: innuens, quod aut velit eos similiter facere, aut non cupiat eis, ut melius fiat illis. Alacrius certat miles in acie, si ducem suum se-

cum cernit laborem certaminis tolerate. Vnde in Actis dicitur: In omni tempore, quo intrauit, & exiuit inter nos Dominus Iesus, incipiens a baptismo Ioannis, usque ad diem, qua assumptus est a nobis, &c. hoc est, a primo tempore, quo cœpit habere discipulos post baptismum, usque quo ascendit ad Patrem, semper exemplo suo erudiuit nos; intrans, familiariter cum discipulis viuendo; & exiens, vtiliter cum turbis, prout congruebat, conuersando.

Sit etiam humilis moribus, ut mores eius ostendat eum non alta de se sentire, nec affectare prælationem, sed timere & coactum tenere, & magis desiderare subesse, & eos quibus præest, meliores se iudicare, & eorum potius se seruum, quam magistrum vel dominum reputare. Qui maior est in vobis, fiat sicut minor: & qui præcessor est sicut ministrator, ait Dominus. Ego autem in medio vestrum sum sicut qui ministrat &c. Vnde in Ecclesiastico dicitur: Rectorem te posterunt, &c.

Sit etiam humilis affabilitate, ut subditi facilem accessum ad eum habeant, & fiducialiter ei loqui, de quibus indigent, audeant; & patienter eos audiat, & benigne eis satisfaciatur, & studiose instruat, & alacriter exhortetur. studeat magis amari quam timeri, quia lubentius obediatur ei, qui diligitur, quam qui timetur. Obedientia dilectionis propterea est voluntaria, timoris autem magis est coacta. Quanto ergo illa habet de voluntario, tanto sublimior est in merito. finis autem officij regiminis est commissos sibi ad vitam æternam dirigere, & ad similia virtutum merita fideliter promouere.

Sit etiam humilis in vsu rerum temporalium, ut nihil habeat pomposum vel diligar, sed omnia quæ habere videtur, paupertatem voluntariam demonstrat & humilitatem ostendant, scilicet vestes, libri, cella, lectulus, vrensilia, mensa, pallia, & huiusmodi, ut nihil in omnibus appareat. quod notam iactantiae vel curiositatis habeat, nec talia fieri ab alijs patiat. Similia etenim similibus congaudent, alta sublimibus, humilia humilibus delectando. Non est autem humilis cordis indicium curiosa querere, pretiosa affectare, & excelsa ambire. Nam scriptum est: Omne sublime videt, ipse est rex super vniuersos filios superbiæ.

Maturitatis honestas perpenditur in tribus, scilicet, si non sit leuis in moribus, videlicet in verbis, & iocis scurrilibus, & irreligiosis, quæ licet in se quandoque quasi grata putentur, minus tamen reuerendum faciunt, & verendum. Gregorius enim dicit: Non facile eius prædicatio recipitur, si leuis in moribus videtur. Nam & si prælatus magis diligendus sit, expedit tamen, ut ab insolentibus timeatur. Ipse amor aliquo modo suauior sentitur cum reuerentia mixtus. Quod patet in amore summi conditoris; cuius quo maiestas sublimior agnoscitur, dignationis dulcedo sapidius amatur, sicut dicit Prophetæ: Dulcis & rectus Dominus, propter hoc legem dabit, & cet.

Item, si non sit leuis in affectu per priuatos amores notabiles, tam ad feminas, quam ad quaslibet leues personas. Licet enim meliores in affectu præferendi sint minoribus, & omnes propter speciem salutis in Christo amplectendi sint, in actu tamen exterioris exhibitionis taliter se gerat ad omnes, ut nullus se ab eo contemni propter alios suspicetur, sed quilibet se ab eo diligi præsumat, & fiducialiter ei quasi singulari amico confidat, ne alicui indignatio & inuidia in alijs nutriatur. sicut fratres Ioseph qui oderunt eum, pro eo quod a patre singularius amaretur, ut dicitur in Genesi.

Item si non est leuis in proposito, & inconstans in consilio, ut quod iam placet mox displiceat, modo velit, vnum, modo contrarium, ubi rationabilis causa non apparet. Quis enim eius iudicio credat, vel eius voluntate.

*Psal. 118. i*

*Sap. 3. b*

*Mat. 4. c*

*Mat. 22. b*

*1. Cor. 3. b*

*Act. 1. a*

*Ioan. 13. b*

*Ind. 6. 7. c*

*Tu. 2. b*

*1. Cor. 9. d*

*Act. 1. b*

*Luc. 22. c*

*Ecclesi. 32. a*

*Iob 41. b*

*Greg. hom. 3. in Exod. ante med.*

*Psal. 24. d*

*Gen. 37.*

luntati se cōtemperet, quem in neutro stabilem agnoscat? Ideo eius subiecti non possunt eius reuereri prudentiam, nec sciunt se parare ad voluntatis eius obedientiam, & in vtroque non potest esse modicum nocumentum. Propterea dicit Paulus: Omnia probate,

*1. Thes. 5. d* quod bonum est tenete, & facite sine h̄sitatione, & retractionibus, quacumque facitis. Vbi tamen causa rationabilis subest iustæ necessitatis vel piæ utilitatis, vt aliter & aliter aliquid fieri expediat, non est hoc leuitatis sed maturitatis: quia sicut stultum esset melius mutare in deterius, sic etiam stolidus est obstinatio, tam pertinaciter inhærere conceptis, vt pro maiori bono, & aperto ab eis flecti non possit, iuxta *B* illud: Nec putetis, si diuersa iubeamus, ex animi nostri venire leuitate, sed pro qualitate & necessitate temporum, vt reipublicæ poscit utilitas ferre sententiam. Vnde & Apostolus excusat se, cum promiserit Corinthijs se venturum, quod non leuitate hoc promiserit, sed pro eorum utilitate, cum dicit: Volui prius venire ad vos &c. & in Ecclesiastico: Secundum iudicem populi, sic & ministri eius, & qualis rector est ciuitatis, tales & inhabitantes in ea.

Boni magistri bonos discipulos facere consueuerunt vt frequentius, multi fierent meliores in religionibus & in Ecclesia, si melioris vitæ eis exēpla a suis doctoribus proponerentur. Negligentia vero huiusmodi ab illis, qui culpabiles sunt, districte in iudicio requiritur. Nam Dominus dicit: Ecce ego ipse super pastores, requiram gregem meum de manu eorum. Doctrina verborum sine exemplis operum, est sicut cæmentum sine calce aridum & inualidum. Ipsi lineabant parietem absque temperamento, dic eis, quod casurus sit. De correctis exemplaribus correctæ scribuntur volumina, de corruptis corrupta. Tenacius inhæret doctrina operum, quàm verborum. Nam cuius vita despicitur, restat vt eius prædicatio contemnatur. Rector enim præcipue ad hoc studere debet, vt sibi commissos faciat Christiiformes, id est, vt formam vitæ ad doctrinam Christi eis imprimat, vt non solū mente eum attendant, sed & moribus imitentur.

Vnde Apostolus ad Ephesios dicit: Estote imitatores Dei sicut filij, &c. & ad Galatas: Filioli mei, quos iterum parturio, donec Christus formetur in vobis. Sed cum ex verborū doctrina minus capiant de doctrina Christi, debent etiam formam eius visibilem in se ipsis ostendere, vt eis profundius imprimatur, dicentes cū

*Ephes. 5. a* Vnde Apostolus ad Ephesios dicit: Estote imitatores Dei sicut filij, &c. & ad Galatas: Filioli mei, quos iterum parturio, donec Christus formetur in vobis. Sed cum ex verborū doctrina minus capiant de doctrina Christi, debent etiam formam eius visibilem in se ipsis ostendere, vt eis profundius imprimatur, dicentes cū

*Gal. 4. c* Apostolo: Imitatores mei estote, sicut & ego Christi. quasi dicat: Si formā Christi desideratis ad imitandū agnoscere, in meis hanc moribus considerate. Et ad *1. Cor. 11. a* Galatas: Vivo autem iam non ego, viuit vero in me Christus. Vicarius enim Christi, vicem Christi debet gerere, in beneplaciti eius promotione, in potestatis eius auctoritate, & in similitudinis eius representatione, scilicet vt ea, quæ vult promoueat in subditis, & eius auctoritate illa possit, quæ eis expediunt, & eum se imitabilem illis moribus, & vita demonstrat, idē dicēte Apostolo alibi: Non enim nosmet ipsos prædicamus, sed Iesum Christum Dominum nostrum, nos autem seruos vestros per Iesum. Ille vero seipsum, & non Christum prædicat, qui gloriam propriam quærīt dicendo, & qui malis exemplis, se potius quàm Christum ingerit subditis imitandum. Nam dicit Apostolus: Emulantur vos non bene, sed excludere vos volunt, vt illos æmulemini, hoc est, non bono zelo præsumunt vobis, qui per sua praua exempla excludunt vos ab imitatione Christi, vt mores eorum discatis, & exempla sequamini.

*Gal. 4. c* bene, sed excludere vos volunt, vt illos æmulemini, hoc est, non bono zelo præsumunt vobis, qui per sua praua exempla excludunt vos ab imitatione Christi, vt mores eorum discatis, & exempla sequamini.

*Quod quinta ala Prælatorum, est circumspēta discretio.*  
Cap. VII.

**Q**UINTA ala ecclesiastici huius Seraph, est circumspēta discretio, & prouida faciendorum consideratio. Quæ quàm necessaria sit rectori animarum, Salomon ostendit: qui habens a Deo postulādi, quæ vellet optionem, prætermisiss omnibus, petiuit sapientiam, sine qua asseruit, non posse populum bene regi. Dabis ergo Domine cor seruo tuo docile, vt iudicare possit populum tuum, & discernere inter bonum, & malum. & alibi dicit: Ad vos ergo reges sunt hi sermones mei, vt discatis sapientiam, & non excedatis. Et Psalmista: Et nunc reges intelligite, erudimini qui iudicatis terram. Rector enim est dux gregis sibi commissi, & si ipse errauerit, grex in dispersione confusus, interibit. Sicut oculus est lux totius corporis, ita pastor gregis commissi, iuxta illud: Vos estis lux mundi, &c. Secundum quod oculus est clarus, & obscurus, sic etiam corpus ab eo regitur directe, vel per deuia.

Duplex ergo circumspēctio rectori necessaria est, vt sciat, quid agendum sit, & qualiter. Nam nec bonum simpliciter bonum est, nisi bene fiat, id est sicut decet. Bernardus: Tolle discretionem, & virtus vitium erit. Sine ipsa zelus præcipitat, teste Apostolo, qui ait: Emulationem Dei habent, sed non secundum scientiam. Item compassio descendit vsquequaque sub specie pietatis, sicut dicitur in Prouerbis: Qui parcat virgæ, odit filium. hoc est, qui sub specie pietatis peccantem non corrigit, animam eius ad interitum mittit. Item patientia sine discretionem remissum in regiminis vigore facit, cum sub specie humilitatis rebelles non reprimat. Vnde scriptum est, quod Roboam erat rudis, & corde pauido, nec poterat resistere eis, scilicet qui se Domino & sibi opposuerant. Itē sine discretionem qualecūque bonum exemplum inefficax fit ad ædificandum alios, sicut bonus cibus non est delectabilis, sine condimento salis. ait Leuiticus: In omni oblatione tua offeres sal. & Apostolus dicit: Rationabile obsequium vestrum. Si recte offeras, recte autem non diuidas, peccasti: hoc est, bona facere non sufficit, nisi discrete, qualiter, quando, vbi, quare agendum fuerit, videatur.

Quamuis autem plurima sint, circa quæ oportet rectorem esse circumspēctum, quæ non possunt breuiter poni, tamen quattuor videntur præcipua, in quibus debet eius prouidentia vigilare. Vnde dicitur in Exodo: iubetur pōrifex ingrediens sanctuariū, vt ministret Domino, inter alia ornamenta semper in pectore rationale iudicium deferre, & in ipso quattuor ordines gemmarum, ita quod quilibet ordo tres lapides contineat pretiosos, auro inclusos, &c. Pontifex Domino ministrās, sanctuarium ingreditur, cū prælatus curā animarum suscipit, vt in earū saluatione Deo gratissimum præstet obsequium. Nullum enim Deo gratius sacrificiū, quā zelus animarum. Qui inter alia virtutū insignia, semper debet rationis iudicio quattuor ad officium suum spectantia, in pectore versare. Primum est, quomodo in statu debito commissos sibi gubernet, vt boni sui proficiant, & persistant. Secundum, quomodo lapsos, & deuios corrigit, & emendet. Tertium, exteriora negotia, quæ requiruntur ab eo congrue disponat. Quartū, quomodo se in his custodiat, & gerat. Tres lapides in singulis versibus, sunt tria ad singula eorum quattuor pertinentia. Ad statum debitum tenendum conuenit, vt rector omnium subditorum, mores cōscientias, & vires perspicue agnoscat, vt secundū quod vniciūque expedit, onus obseruatiæ regularis imponat. Non enim omnes omnia possunt æqualiter, & vnus quasi proprium habet donum ex Deo, alius sic, alius vero sic. Vnde in libro Numerorum dicitur: Aaron, & filij eius intrabunt,



bunt, ipsi quoque disponēt onera singulorū, & diuidēt quid portare quis debeat. Aaron & filij eius sunt Prælati maiores, & minores, qui debent intrare idest interiora cuiusque agnoscere, & secundum quod conuenit singulis onus religiosæ conuersationis imponere, & propter triplicem obseruantia qualitatē, quæ sunt tres lapides pretiosi, in primo versu quattuor ordinum prædicatorum.

Prima obseruantia consistit in illis, quæ sunt iuxta cuiusque professionis formam de necessitate salutis, quæ ita annexa sunt ordini & regulæ, vt eorum transgressio temeraria inducat mortale peccatum, vt est obedientia præcepti, voluntaria paupertas, castitas, & alia præceptorie imperata, in quibus locum non habet dispensatio magistri, cū & ipse sit ad ea seruanda ligatus. Hæc necesse est Prælatus vigilanter agnoscere, quia tenetur ea facere, ab omnibus studiose seruari, & nolentes cogere ad seruandum, & pro nulla causa permittere, quantum in se fuerit, aliquem contraire, etiā si magna propter hoc sibi, & fratribus tribulatio seu dispendium immineret. Quis nos separabit a charitate Christi, ait Paulus, tribulatio, angustia, an persecutio, an fames, an nuditas, an periculum, an gladius? quasi dicat: Non debet. Hoc est contra illos qui dicunt, Si sic, vel sic non acquireretur, necessitas fratribus, ne possent hic aliquatenus sustentari. Cum talis forma conquirendi est contra regulam, & in scandalum, & religionis deformitatem; melius est ibi non esse religiosos, vbi non possunt, vel non volunt viuere vt religiosi, quia tunc nec ipsi pereunt, nec alij de ipsis scandalizantur, dicente Domino: Qui scandalizauerit vnum de pusillis istis, expedit ei, vt &c. Quid ergo qui multos & magnos scandalizat? Ista consideratio prima debet esse gemma lucens in pectore Pontificis, idest præ omnibus curanda.

Secunda versatur circa illa, quæ spectant exercitium altioris perfectionis scilicet singularis, patientiæ admirandæ, humilitatis stupendæ, charitatis ardor, sobrietatis eximie, paupertatis & sublimis deuotionis, & similium virtutum, ad quas debet rector commissos, exhortationibus, monitis, & exemplis efficacibus afficere, & attrahere magis, quàm inuitos cogere. Consilia enim perfectionis suadentur, non imperantur: præter ea, quæ in voti emissionē exprimentur, vt continentia. Præcipua tamen causa monastica institutionis fuit, vt esset schola palæstralis, exercitij perfectionis. Palæstra, vt dicitur, fuit ludus nude luctantium, qui se oleo perungebant, ne a colluctantibus teneri possent, & ita ad terram deiici. Et apte similatur a Paulo luctamini religiosorum, cum dicit: Omnis enim qui in agone contendit, ab omnibus se abstinere. Rector igitur & hanc gemmam ferat in pectore, vt sectatores suos doceat, & prouocet, non solum viam tenere, qua saluentur, sed etiam ad perfectionem tendere, per quam sublimem in cælo gloriam assequantur.

Tertia consistit in illis, quæ nec sunt de pura necessitate salutis, nec de eminentia perfectionis, sed tamen ad vtriusque acquisitionem, & conseruationem a sanctis patribus apte statuta sunt, ad exercitium bonorum operum & decorem ipsius religionis, & ad ædificationem intuentium, vt sunt ieiunia, silentium, solemnitas diuinorum officiorum, & exteriores corporaliū exercitationum honestates, quæ iuxta Apostolum tam viles sunt, sicut instrumenta pro artificijs, quæ possent & aliter peragi a peritis, cum prius fuerint artes quàm talia instrumenta. Vnde discretus Prælatus, cum necessitas exigit, vel maior utilitas requirit, dispensat in causa pro talibus pro loco, & tempore, sine difficultate, cum viderit expedire. Vbi autem maior utilitas, vel necessitas non exigit, studiose faciat ea seruare. In hoc indiget Prælatus non modica discretione, vt sciat inter rigorem & remissionem me-

S. Bon. Tom. 7. Pars iij.

dium tenere. Si autem nimis fuerit rigidus, & ipse minus erit dilectus fratribus, & illi minus erunt voluntarij ad alia quæ vtiliora, & necessaria forent. Rursum si fuerit plusquam conuenit remissus, in talibus cito maior dissolutio subsequetur. Qui spernit modica, paulatim decider, ait Sapiens.

Eccl. 19. a

Circa lapsorum correptionem discretio Prælati similiter vigere debet. Hic est ordo secundus, tres gemmas continens, quia triplex continentia ad hoc est necessaria, sicut sunt tria genera delinquentium. Quidam enim cum deliquerunt, mox aut intus moti a spiritu, aut foris correpti ab homine, ad pœnitentiæ remedium confugiunt. His cum clementiæ fomentis medicus spiritualis remedia satisfactionis sic temperata debet adhibere, quibus & satisfaciant Deo de offensis, & proximo de scandalo, vt ceteri peccare magis timeant, & tamen propter leuitatem remedij ipsos non pœniteat, se pœnitentiæ submisisse. nam dicit Paulus: Si præoccupatus fuerit homo in aliquo delicto, vos qui spirituales estis, subaudi, medici, huiusmodi instruite in spiritu lenitatis, considerans temetipsum, &c. idest, talem ei satisfactionē imponite, per quam cognoscat pondus reatus sui, ita tamen clementer, sicut tibimet velles alium compati, si tali peccato delinqueres. Et hæc est vna gemma secundi ordinis, discretio talis. Alij cum delinquant, tegunt, palliant, defendunt, & virus interius latet. Et licet rector ex certis indicijs deprehendat ibi saniem putridam esse collectam, tamen non ita erumpet exterius, nec per euidens testimonium, nec per voluntariam confessionem, quod possit oportune ferro aperte correctionis secare. Si corripit non proficit, & videtur magis vitiorum dif-

Gal. 6. a

famator, quàm vitiorum corrector: sed mouetur & dissimulat, vritur & anxiatur tam pro anima fratris quàm pro se, quia non corrigit delinquentem. Cum ergo aliud congrue facere non possit, portet, dissimulet, patientiam suam exerceat; & quod arguendo non valet, orando labore obtinere, vt aut Deus citius demum corrigat, aut latentem eius malitiam detegat, vt aliquod remedium apponatur. Sicut Dominus Iudas proditorem diu tacite tolerauit, quod eum aperte non corripuit, donec in tantum eius iniquitas creuit, quod per se patenter erupit. Quæ quādiu latuit, licet in se letaliter ægrotaret, tamen alijs non nocuit, & ideo irreprehensibiliter potuit tacite tolerari. nam dicit Dominus in Matthæo: Sinite vtraque crescere vsque ad messem, idest zizania cum tritico. & in Apocalypsi dicitur: Qui in sordibus est, sordescat adhuc. Debet tamen talibus, vbi potest, caute cauere ab occasione peccandi, & in communi moneri debent, vt resipiscant, iuxta illud: Vx homini illi, per quem filius hominis tradetur. Sed cum ad tam singulare facinus non potuisset Iudas subito proruisse, nisi diu paulatim in deterius semper prolapsus, apparet eum a Domino in malo statu diu occulte toleratum. Ego tacens, & quasi non videns. Talis ergo dissimulatio in corde rectoris multa discretione indiget, vt in neutro deuiet a iusto. Et hæc est gemma secundi ordinis secunda in pectore sacerdotis. Tertij offendunt grauitate aperte, & non recipiunt debitam correctionem, vel fictè recipiunt, quia non emendantur, & alij ex eis fiunt deteriores, vel scandalizantur de ipsis, vel imitari eos incipiunt, si vident eos impune peccare, volentes sibi parci, sicut illis parcitur. Vbi quæ ergo quattuor illa conueniunt, scilicet, grauitate aperte, peccare, & non esse spem correctionis propter obstinationem, seu inueteratam mali consuetudinem, & alios infici per eius exemplum, vel scandalizari, quia talia tolerantur; quid restat, nisi vt ovis morbida abijciatur, & membrum putridum præcidatur, ne sanæ inde inficiantur, & corrumpantur? Vnde dicit Apostolus: Vtinā & abscindantur, qui vos conturbant. & ad Corinthios: Auferte malum ex vobismet ipsis. Quod si infidelis discedit, discedat. Et Lucas dicit: Suc-

Mat. 13. d

Apoc. xli. c

Mat. 26. c

Isa. 57. c

Gal. 5. b

1. Cor. 5. d

2. Cor. 7. c

Luc. 13. b



cide ergo illam, scilicet, ficum infructuosam, ut quid A  
*Mat. 3. b* etiam terram occupat? & Matthæus: Omnis arbor  
*Num. 5. a* quæ non fert fructum bonum, excidetur. & in Num-  
 ris: Præcipe filiis Israel, ut eijciant de castris omnem  
 leprosum, & qui semine fluit, pollutusque est super  
 mortuo ne contaminent ea, cum habitauerint vobis-  
 cum, &c. Ad ista tamen non debent impetu ferri, sed  
*Eccli. 32. d* maturo consilio prudentum, & spiritum Dei & do-  
*Mat. 18. a* mini consilij habentium. Omnia cum consilio fac, &  
 post factum non poenitebis. & in Matthæo: Qui scan-  
 dalizauerit vnum ex pusillis istis, qui in me credunt,  
 expedit ei, ut suspendatur mola asinaria in collo eius,  
 & demergatur in profundum maris: hoc est, cuius B  
 vita in habitu religionis magis scandalizat simplices,  
 quam ædificet, expedit, ut foris missus, solus damnetur,  
 quam per eum sacra religio contaminetur.

Tertius ordo versatur circa negotia, quæ per Præ-  
 latum sunt disponenda. quorum alia expedit, ut alijs  
 disponenda committat, alia per seipsum disponat,  
 alia præcidat, & remoueat, quantum valet. Sic Chri-  
 stus commisit alia discipulis procuranda, ut Iudæ lo-  
 culos, sibi retinuit prædicationis & curationis of-  
*Luc. 12. b* ficiam, ut patet in Luca. Requisitus enim ut inter fra-  
 tres quosdam hereditatem diuideret, respondit: Ho-  
 mo, quis me constituit iudicem aut diuisorem inter vos? C

Exteriora & temporalia corporalis necessitatis officia,  
 si per seipsum voluerit actu disponere, impeditur ab  
 interiorum & meliorum prouisione, quia sparsus ex  
 se mentis oculus minus videt interiora, & necessario  
*Exo. 18. c* ra salutis. Vnde in Exodo dicitur: Esto tu populo in  
 his quæ sunt ad Deum, & leuius feres partem in alios  
*Act. 6. a* onere, scilicet leuiorum. & in Actis: Non est æquum  
 nos relinquere verbum Dei, & ministrare mensis, &c.

Si alios non haberet, quibus curam exteriorum com-  
 mitteret, potius deberet ab alio fraudem in tem-  
 poralibus pati, quam ipse Prælatus in talibus occu-  
 pareretur, exemplo Christi qui sciens Iudam esse furē, D  
 tamen permisit eum exteriora procurare, iuxta illud:

*Ioa. 12. a* Fur erat, & loculos habebat, & ea quæ mittebantur  
 portabat. Hoc est contra illos, qui facilius inueniunt,  
 quibus curam animarum committant, quam rerum  
 suarum temporalium: cum incomparabiliter maius sit  
 dispendium periclitari animas, quam res perire. Spi-  
 ritualia vero & quæ ad salutem necessaria sunt, & pro-  
 fectum virtutum, principaliter debet animarum custos  
 & rector sibi curanda retinere, cum hæc sint de  
 substantia officij pastoralis, & de his maxime sit in  
 iudicio rationem Domino redditurus. Hæc sunt, qua-  
 liter regula studiose seruetur, & alia statuta, & ordi-  
 nis disciplina. Item, quod pax & dilectio sit inter fra-  
 tres. Item, ad ipsum pertinet conscientias singulorum  
 agnoscere, & de quibuscumque perplexitatibus expedi-  
 re, pericula peccatorum prouidere & præcauere, mo-  
 nere fratres ut proficiant, corrigere corrigenda, elu-  
 cidare dubia, informare singulos, qualiter officia si-  
 bi commissa congrue administrent, quod & fratribus,  
 prout conuenit sufficiant, & conscientiam non offen-  
 dant. Vbi vero non potest hominibus satisfieri, nisi  
 cum offensa Dei, ibi seruetur ad Deum obedientia, &  
*Act. 5. e* ad homines patientia, & dicamus cum Petro: Obedi-  
 re oportet Deo, magis quam hominibus.

Prælatus vero gerit vicem capitis in corpore frater-  
 nitatis, ut cum alia membra dedita sunt actionibus si-  
 bi competentibus, caput omnibus præsidendo prouideat,  
 quasi omnium sensuum capax, & omnia regens  
 & sensum & motum omnibus transmittens per iussio-  
 nes vel concessionem sanctæ obedientiæ, quasi quo-  
 rumdam compaginatione neruorum: vnde & caput  
 singulari actione non occupatur, ut vacet omnium  
 membrorum prouisioni. Omnibus enim proficit,  
 pro omnibus audit, odoratur, gustat, & loquitur. Sic  
*Heb. 13. c* & Prælatus sibi commissis. Ipse enim peruiolant,  
 quasi rationem pro animabus vestris reddituri, ait  
 Apostolus.

Superflua vero & non necessaria salutis, vel profe-  
 ctui animarum negotia, expedit præcidere, & tam-  
 a se quam a fratribus quantum oportune poterit re-  
 mouere. Cum enim propter temporis breuitatem, &  
 diei malitiam vix necessarijs sufficimus disponendis,  
 si superuacuis vel alienis volumus occupari negotijs,  
 negligimus utiliora & meliora, cum distractus ani-  
 mus ad plura, sit minor ad singula prouide peragen-  
 da. Inde fit aliquoties, cum Prælatus & religiosi nimis  
 se exterioribus occupationibus implicent, ædificiorum,  
 librorum, causarum, & aliorum, quibus fructuosius  
 carerent, ut non solum meliora interim negligant, sed  
 etiam conscientiam sæpius inquinant, & ex usu exte-  
 riorum tenebrescat oculus mentis ad contemplatio-  
 nem spiritualium & interiorum, & tepescat ad desi-  
 derium supernorum. Sicut enim humores noxij af-  
 fluunt, ubi fuerit in corpore læsio, nisi caute remoueantur,  
 ne fiat ibi tumor vel vlus; ita & negotia crescunt  
 ad extinctionem spiritus, qui se eis acquieuerit occu-  
 pari. Ideo discretio Prælatus debet prouide prospicere,  
 quid ex quolibet euentu possit consequi, & quæ ne-  
 gotia admittere, vel quantum expediat ea exequi, cir-  
 cumspicere rimari. Ait enim Sapiens: Fili ne in multis  
 sint actus tui. Qui sarcinam satis grauem portat, im-  
 prudens est, si ad huc onera plura sibi portanda im-  
 ponit, quibus potest opportune carere.

Super omnia vero debet semetipsum rector circū-  
 spicere, ne alijs prouidens seipsum negligat: ne alios  
 saluans, seipsum in periculum demergat. Quid enim  
 prodest homini, si mundum vniuersum lucretur, ani-  
 mæ vero suæ detrimentum patiat? Hic est quartus  
 ordo gemmarum triplici circumspeditione, quasi præ-  
 tioforum trium lapidum ornatu complendus. ait  
 enim Ioannes: Videte vosmetipsos, ne perdatis quæ  
 operati estis, supple, in alijs: sed ut mercedem plenam  
 suscipiatis.

Vna circumspectio sui versatur circa conscientiam se-  
 renitatem, ut illa semper secunda sit & munda. Secunda  
 sit, ut nihil velit, agat, iubeat, vel permittat illicitum  
 & indecens, professionique suæ contrarium, in quo  
 peccatum seu scandalum deprehendatur. Munda, ut  
 de bonis quæ fecit, vel promouet, gloriam ab homi-  
 nibus non capiet, nec sibi exinde immoderate placeat,  
 solius Dei beneplacitum in omnibus querens,  
 ut quæ pro eo facit, id est vice Dei, etiam pure faciat  
 propter eum & ipsius amorem. Si oculus tuus simplex  
 fuerit, totum corpus tuum lucidum erit, hoc est, si  
 intuitus intentionis purus fuerit charitatis, totum cor-  
 pus bonæ operationis dignum erit premio lucis æternæ.  
 Si autem nequam fuerit, &c. Scrutetur ergo con-  
 scientiam suam, sollicite diiudicans quid egerit, quod  
 omiserit de agendis, & quo fine bona fecerit, & de  
 malis doleat, & confiteatur, & corrigat & caueat, de  
 bonis vero non in se, sed in Domino gloriatur cum  
 Apostolo, qui ait: Si nosmetipsos diiudicauerimus, non  
 vti que iudicemur. Qui puluerem ab alijs detergit,  
 vix potest transire, nisi & ipse puluere respergatur,  
 quem etiam in se detergere necesse habet, iuxta illud:  
 Medice cura teipsum. De bonis vero quæ facit sic læ-  
 tetur, ut inde non extollatur, æstimans quod non pro-  
 pter se, sed propter alios quibus præest, Deus dederit  
 ei benefacere vel dicere vel sentire.

Alia circumspectio sui versatur circa exteriores mo-  
 res & verba, quibus oportet eum alijs magis quam  
 sibi deseruire. Qui enim pluribus cogitur viuere  
 ad exemplum, & satisfacere singulis & omnibus  
 placere, multa indiget discretionem, ut medium valeat  
 tenere, ne sit nimis tristis vel hilaris, nimis seu-  
 rus vel lenis, nimis socialis vel alienus, nimis tacitus  
 vel verbosus, nimis dure loquens vel blande, nimis  
 rigidus vel remissus, nimis sæpe cum hospitibus vel  
 raro, nimis laute reficiens vel tenuiter, nimis facta  
 fratrum obseruans vel dissimulans, nimis fouens ali-  
 quos vel alios paruipendens, & similia. Cum ergo nō  
 possit

*Eccli. 11. b**Mat. 16. d**2. Ioa. c**Mat. 6. e**1. Cor. 11. g**Luc. 4. d*

possit semper teneri, quod de omnibus placeat; minus tamen deuiat, si ad benignitatis partem plus declinat, per quam redditur subditis magis amabilis, ob quam ei libentius obtemperant, & audacius ad eum recurrunt, in quibus indigent, & alacrius imitantur. Ipsa enim potestatis auctoritas facit eum satis timendum subditis, & si huic iungitur austeritatis seueritas pauidis fit mentibus onerosa. Vos autem cum austeritate imperabatis eis & cum potestate, & dispersa sunt omnes meae, dicit Dominus. Et in Ecclesiastico: Noli esse quasi leo in domo tua, subuertens domesticos tuos: Hinc est, quod ipse summus princeps pastorum Dominus Iesus tantam nobis benignitatis charitatem exhibuit, ut se nobis faceret amabilem & ita imitabilem ut per amorem suae humanitatis traheret ad amorem & cognitionem suae diuinitatis, ut dum visibiliter Deum cognoscimus, per hunc in inuisibilem amorem rapiamur. Sic & vicarius Christi Praelatus, ad hoc maxime studeat a subditis diligere, ut sic facilius trahat eos ad amorem Christi. In omni tamen dubio semper magis inclinet se ad illud, quod secundum veritatis iudicium virtuti charitatis & humilitatis. & professe puritati magis consonat, & Euangelicae perfectioni.

Ultimo etiam ipsa discretio, quae cetera omnia diiudicat, circumspiciat seipsam, ne ei contingat ut oculo corporis, qui cum alia videat, non videt seipsam: videlicet ne plus sapiat quam oportet sapere, ne sibi plus credat quam expedit, ne sit sapiens in oculis suis, quia teste Beato Gregorio: Sicut subditorum tentatio est, reprehendere in praelatis quod in multis non re-

Greg. in san.  
su. lib. 25.  
Mor. c. 24.  
cir. fin.  
Prov. 26. b

de agant, ita pralatorum tentatio est, quod se ceteris sapientiores aestimant. Vnde dicitur: Vidisti hominem sapientem sibi videri, magis illo spem habebit stultus. Stultus enim sibi met non confidens, quare consilium a sapientibus ne decipiat. Ille autem dum de se plus quam debet praesumat, etiam ubi errat, recte se plerumque sentire deceptus putat. Inter omnes autem tentationes videtur ista periculosior cuique Christiano, scilicet proprio sensui nimis inniti. Cum enim nemo reperitur ita perspicacis intelligentiae, quin possit in aliquibus falli, qui hoc totum & solum reputat iustum quod ipse senserit, astuto aduersario ad varias seductiones sub specie boni liberum aditum pandit. Ait enim Psalmista: Sedet in insidijs cum diuitibus in oculis, ut interficiat innocentem. Ibi enim libentius insidiatur, ubi maiores meritorum diuitias cerat inquiri, ut ibi innocentem inquirat & occidat, ubi se Deo magis obsequium praestare sperabat. Vnde cautum est semper rectori, consilia libenter audire, & humiliter quaerere. Et in hoc triplex humilitas consistit. Primo, si alij idem sentiunt quod & ipse, securior est quod non decipiat. Secundo, quidquid fecerit cum prudentium consilio, si aliquid inde euenit contrarij, minus ei poterit imputari, quam si de suo tantum sensu id fecisset. Tertio, quod saepe in merito humilitatis talis, Deus dat ei agnoscere per se vel alium, quod ante non intellexit. Hinc Moyses, cui Deus facie ad faciem loquebatur, consilium letro foceri sui gratum habuit & seruauit. Hinc Apostolus Paulus Spiritu sancto repletus, Euangelium quod per reuelationem Iesu Christi didicerat, ipsius instinctu ascendens Hierusalem, cum Petro & Ioanne & Iacobo coapostolis suis contulit, ut esset securior in praedicando, cum ab eis non discordaret, & exemplum per hoc daret fidelibus praelatis consilium requirendi.

Exo. 18. c

Gal. 2. a

Eccli. 32. d

Omnia cum consilio fac, & post factum non poenitebis, ait Scriptura. Aliqui vero cum ad officium regiminis assurgunt, ita se continuo repletos spiritu scientiae reputant, ut omnia antecessorum suorum facta stulta iudicent & peruersa, alij vero e contrario cum ab eodem absoluantur officio, quaecumque successores eorum faciunt, simili modo condemnant, non attendentes, quod sicut ipsi aliorum facta deprimunt,

S. Bon. Tom. 7. Pars iij.

ita eorum facta alij possunt despiciere. Huic dicit: Isaia: Vae qui spernis, nonne & ipse sperneris? Nullorum enim facta tam studiose solent ab alijs obseruando notari sicut illorum, qui aliorum facta seuerè dijudicant si forte in quo ipsi alios arguunt reprehensibiles, reprehendantur.

Isa. 33. a

Sunt enim duo genera hominum, quorum consilia prudens rector non facile debet recipere, scilicet, adulatores & de tractores. Primi istorum seducunt eum, ut magis de se quam expedit praesumat: iuxta illud: Qui beatum te dicunt, ipsi te decipiunt, & viam gressuum tuorum dissipant, ne de te vera sentias humilitate propriae cognitionis. Secundi inducunt eum ut peius, quam habet, de alijs suspicando sentiat, & saepe innocentes condemnet, & priusquam veritatem rei plene cognoscat, dicente Scriptura: Aures principum simplices, & ex sui naturae aliud aestimantes, calida fraude decipiuntur, & malis quorundam suggestionibus regum studia deprauantur, ut eos qui credita sibi officia diligenter obseruant, & ita cuncta agunt, ut omni laude sint digni, mendaciorum cuniculis conentur subuerrere, &c. Cum autem tribus de causis soleat requiri consilium, scilicet propter emendationem, ut discatur de quo dubitatur, propter auctoritatem ut magis habeat vigoris quod per tales consultum fuerit, & propter pacem, ne habeant aliqui occasionem murmurandi propter primam causam, consulendi sunt prudentiores, propter secundam nominationes, & propter tertiam omnes ad quos negotium pertinere videtur. Sed quia singularia sine numero sunt, in quibus discretio est necessaria, non potest dari certa & communis regula, quae valeat pro omnibus.

Isa. 3. c

Eph. 16. a

Quod sexta pralatorum ala est deuotio ad Deum. Cap. VIII.

SEXTA & ultima ala, sine qua reliquae perfici non valent, maxime est necessaria, ut sit deuotus ad Deum, per quem zelus iustitiae accenditur, pietas compassionis infunditur, patientia roboratur, exemplum bonum conditur, discretio clarificatur. Haec est vnctio spiritus, docens de omnibus, quae expediunt saluti. Vnde dicit Ioannes: Vos vnctionem habetis a Spiritu sancto, & nostis omnia, & non necesse habetis, ut aliquis vos doceat: sed sicut vnctio eius docet vos de omnibus. Deuotio mentem illuminat ad cognoscendum quid sit melius. Vnde Dominus dicit: Docet bit vos omnia, & suggeret, &c. Inflamat ad appetendum bonum. Vnde & in Ecclesiastico dicitur: Qui edunt me, adhuc esurient: & qui bibunt me, &c. Roborat ad perficiendum: Deus est enim qui operatur in nobis & velle & perficere pro bona voluntate. Facit horrere peccata, dicente Psalmista: Iniquitatem odio habui. & in Apocalypsi, liber comestus dulcis gustu, amaricat ventrem. Actiones ordinat ad virtutes sicut dicitur in Canticis: Introduxit me rex in cellam vinariam, ordinavit in me charitatem. Mores exterius componit & verba, sicut dicit Tobias: Numquam cum ludentibus miscui me, neque cum ijs qui in leuitate ambulant. Scientiam fidei dulcem reddit. Sapientia enim secundum nomen suum est, id est, sapida scientia. Spem in fiduciam erigit. Ipse enim Spiritus sanctus reddit testimonium nobis, quod sumus filij Dei. Amorem Dei accendit, nam dicit: Charitas Dei diffusa est in cordibus nostris per Spiritum sanctum qui datus est nobis. Deo familiare efficit iuxta illud: Loquebatur Dominus cum Moyse, sicut homo loqui solet ad amicum suum. Dat fiduciam impetrandi petita, sicut habebat Ioannes cum dicebat: Fiduciam habemus ad Deum, & quodcumque petierimus, accipiemus. Orationem impinguat. Psalmus: Holocaustum tuum pingue fiat. & in Ecclesiastico, ait enim: Impingua oblationem. Pium & affectuosum facit, iuxta illud: Sua-

2. Ioan. 2. d

Ioan. 14. d

Eccli. 24. c

Philip. 2. c

Psalm. 118. x

Apoc. 10. d

Cant. 2. a

Tob. 3. c

Rom. 8. c

Rom. 5. a

Exo. 33. b

1. Ioan. 3. d

Psalm. 119. a

Eccli. 38. b

1 2 wis.

*Sap. 7. d* nis, humilis, & bonus est spiritus sapientie. Cor  
*Isa. 66. a* humiliat, ut ait *Isaia*: Super quem requiescet spiritus  
 meus, nisi super humilem? &c. Oleum spiritum pre-  
 mit in olla feruente. Contra aduersa constantia præ-  
*Psal. 26. a* stat. Vnde dicit *Psalista*: Dominus illuminatio mea,  
*Rom. 8. g* & salus mea, quem timebo? & *Apostolus*: Quis nos  
*Sap. 8. c* separabit a charitate Christi? Omnia opera bona de-  
 lectabilia facit, iuxta illud: Non habet amaritudinem  
 conuersatio illius, nec rædium, sed lætitiā & gau-  
 dium. Mentē in superna eleuat: Si direxerit ad Deum  
*Eccle. 1. c* cor suum, spiritum eius & statum ad se trahet. Mun-  
 dum vilescere facit, dicente *Ecclesiaste*: Vidi quæ  
 sunt cuncta sub sole, & ecce omnia vanitas. Deside-  
*Philip. 1. c* rare celestia cogit. Hinc *Apostolus* dicit: Coartor  
 e duobus desiderium habens dissolui, & esse cum  
 Christo. Peccata delet, & pœnas peccati. Vnde ait  
*Lucæ 7. g* Dominus: Remittuntur ei peccata multa, quoniam  
*Sap. 8. a* dilexit multum. Merita sublimat, teste *Sapiente*, qui  
 ait: Si diuini appetuntur, quid sapientia locupletius,  
 quæ omnia operatur? Proximos maxime ædificat.  
*Eccle. 45. c* Vnde dicitur: Offerre illi incensum dignum in odo-  
*2. Cor. 2. d* rem suauitatis. Et: Christi bonus odor sumus. De-  
*Tob. 6. b* mones fugat. Nam fumus eius extricat omne genus  
 demoniorum. Angelos inuitat & Sanctos: ait enim  
*Psal. 67. c* *Psalista*: Præuenerunt principes coniuncti psallenti-  
*Tob. 12. c* bus. & *Tobias*: Quando orabas cum lacrymis, &c.  
 Hæc & multa alia deuotionis gratia confert. Ideo præ-  
 cipue rector animarum studiosus esse debet eam habe-  
 re, per quam semper informetur quid faciat, adiu-  
 uetur ut possit, conseruetur ne deniet. Non enim so-  
 lum pro se orare necesse habet, sed etiam pro illis qui  
 sibi commissi sunt, quos non sufficit sine diuino auxi-  
*Psal. 126. a* lio custodire. Nam, Nisi Dominus custodierit ciui-  
 tatem, &c. Est enim *Pralatus* mediator inter Deum &  
 subditos, ut sicut negotium Dei gerit apud illos, do-  
 cendo, corrigendo, sursum agendo; ita etiam nego-  
 tia eorum studeat apud Deum fideliter promouere, &  
 placando, gratiam impetrando, & conseruando a ma-  
 lo. Vnde scriptum est: Ego sequester & medius fui in-  
 ter Deum & vos.  
 Alia autem deuotio communis, alia specialis, alia  
 Triplex de uotio. Communis in diuinis officiis, specialis in o-  
 rationibus, assidua in omnibus agendis. Circa diui-  
 na triplicem debet habere diligentiam deuotionis, sci-  
 licet ut omnia fiant ordinate, & non confuse, & sine  
 erroris hæsitazione: ut quisque deputatum ministe-  
 rium, congrue exequatur. Vnde *Paulus* dicit:  
*1. Cor. 14. g* Omnia honeste & secundum ordinem fiant in vobis:  
*1. Pa. 25. a* nam dicitur in *Paralipomenis*: *Dauid* & omnis exerci-  
 tus segregauerunt in ministerium Domini, qui prophe-  
 tauerunt in citharis, psalterijs, & cymbalis secundum  
 numerum suum dedicato sibi officio seruientes. Item  
 ut strenue & non pigre seu desidiose opus Domini, sci-  
 licet diuini cultus officium peragatur. Quia ait *Hie-*  
*Hier. 48. b* *remias*: Maledictus qui facit opus Dei fraudulen-  
 ter, &c. Item, ut deuote, & reuerenter sine aliqua  
 dissolutione, & strepitu distincte & attente diuina of-  
 ficia persoluantur, sicut in conspectu Angelorum, &  
*Eccle. 39. d* in præsentia Dei, sicut dicitur in *Ecclesiastico*: In  
 omni corde & ore collaudate, & benedicite nomen  
 Domini.  
 Officium enim diuinum in Ecclesia Spiritus sanctus  
 ordinauit fieri quinque de causis. Primo propter imi-  
 tationem celestis concentus, quo Sancti & Angeli in  
*Psal. 83. a* celo assidue in præsentia Dei eius laudibus sunt inten-  
 ti. Vnde dicit *Psalista*: Beati qui habitant in domo  
 tua Domine, in sæcula sæculorum laudabunt te. Cum  
 enim secundum promissionem suam dicit Dominus:  
*Mat. 28. d* Ecce ego vobiscum sum omnibus diebus. usque ad  
 consummationem sæculi, hic dignetur Christus no-  
 biscum esse veraciter, tam sacramentaliter, quam spi-  
 ritualiter; dignum est, nos ei pro modulo nostro ali-  
 qualem exhibere reuerentiam honoris & laudis, iuxta  
 exemplar similitudinis celestis, ut ei & si non conti-

nue, sicut illi celi cantores, saltem interpolate pro no-  
 stra fragilitate psallendo, alacriter assistamus imitan-  
 tes illam quæ sursum est, Hierusalem matrem no-  
 stram, ut ait *Paulus*.

Gal. 4 d

Secundo, ut beneficiorum Dei memores, certis ho-  
 ris gratias pro his laudando & orando, ei iugiter re-  
 feramus, qui natus in nocte ex Maria Virgine, mane  
 iudici passurus assistitur, diluculo resurrexit, hora  
 tertia flagellatur, & post, Spiritum sanctum misit *Apo-*  
*stolis*, sexta crucifixus, nona in cruce pro nobis mor-  
 tuus, vespere cenans, corporis & sanguinis sui nobis  
 sacramenta tradidit, & complexorio sepultus est. Mis-  
 sarum autem celebratio non tantum eius nobis pas-  
 sionis mysterium memorandum ingerit, sed & præ-  
 sentia suæ gratiam exhibet, & sub forma sacramen-  
 ti nos seipso spiritualiter pascit. Si ergo iustum est,  
 nos horum numquam obliuisci, ita expedit, ea sem-  
 per recolere certis horis. Vnde *Isaia* ait: Misericordiam  
 Domini recordabor, laudem eius super omni-  
 bus quæ reddidit nobis.

Isa. 63. b

Tertio, ut nosmetipsos sic assidue ad deuotionem  
 excitemus, & ignem amoris Dei per hoc nobis, ne-  
 per desidiam, seu alias occupationes tepescat, conti-  
 nue reaccendamus, sicut iussit Dominus *Moyse* dicēs:  
*Ignis* est iste perpetuus, qui numquam deficiet, quem  
 nutrit sacerdos in altari, subiiciens mane ligna. Ignis  
 est deuotionis feruor, qui semper in altari cordis ar-  
 dere debet, quem sacerdos deuotus semper, subij-  
 ciendo ligna diuinæ laudis, debet nutrire, ne aliquan-  
 do extinguatur. Vnde dicit *Psalista*: Benedicam Do-  
 minum in omni tempore: &c.

Leu. 6. a

Quarto, ut simplices fideles qui per se nesciunt cer-  
 ta orandi tempora eligere, per hoc ad orationis stu-  
 dium assuefaciamus, ut saltem tunc ad Ecclesiam ora-  
 turi conueniant, quando ibidem diuinæ laudis officia  
 persoluantur, & ut minus afficiantur tædio ibi persi-  
 stendi, quamdiu coram se vident clericos celebrare di-  
 uina. Vnde in *Luca* dicitur: Omnis multitudo popu-  
 li erat foris hora incensi. Multi enim rudes vix vn-  
 quam se orationi offerrent, si foris non certis tempo-  
 ribus in ecclesiam ex consuetudine, ad diuinorum ce-  
 lebrationem, & verbi Dei recitationem, ordinarie  
 vocarentur.

Psal. 33. a

Quinto, propter decorem religionis Christianæ:  
 quia decens est & congruum, ut si Iudæi & Gentiles  
 & quidam hæretici quandoque conuenticula sua fa-  
 ciunt, & sua profana ibi commercia celebrant, &  
 ritus suæ perfidiæ obseruant, multo dignius qui vera  
 & sacrosancta habent sacramentorum mysteria, ad ea  
 celebranda & veneranda sæpe conueniant, & debita  
 conditori suo laudum sollempnia persoluant, quibus  
 & gratiam Dei ampliorem merentur, & vitam æter-  
 nam, & quibus alliciantur simplices ad religionis san-  
 ctæ reuerentiam & amorem. Propter quod scriptum  
 est: Dedit in celebrationibus decus, & ornauit tempo-  
 ra, &c. Inter omnes ergo exteriores obseruantias ma-  
 ior debet diligentia diuino officio adhiberi, ut sicut  
 dictum est, ordinate fiat, strenue & deuote. Alia enim  
 tempora facimus pro Deo, in hoc autem assistimus  
 Deo, & intendimus Deo, & alloquimur eum & nos  
 ipse, simul & pro nostris necessitatibus eius auxilium  
 postulamus.

Eccle. 47. b

Specialis deuotio consistit in orationibus priuatis,  
 in familiaribus vocalium orationum recitationibus,  
 veluti *Psalmorum*, *læraniarum*, & aliarum orationum  
 quas in secreto quisque per se extra ordinarie rumi-  
 nando persoluit. Nam dicit Dominus: Cum oratis,  
 dicite: Pater noster. Item in sacris meditationibus,  
 cum quis ante mentis oculos recolligit peccata pro-  
 pria, & miseras, & futura supplicia, vel beneficia  
 Dei generalia, seu specialia, & passionem Christi, &  
 bonitatis eius dulcedinem, & præmia repromissa ut  
 ex his concipiat deuotionis affectum. timoris, vel a-  
 moris Dei, desiderij, mæroris vel gaudij spiritualis,  
 iuxta

Matt. 6. b

*Psal. 76. b* iuxta illud : Meditatus sum nocte cum corde meo , A  
&c. Item in pijs erga Deum affectibus , & lacrymis ,  
& suspirijs , & sanctis desiderijs amoris , & alijs inter-  
*1. Cor. 6. d* nis & ineffabilibus motibus cordis , in iubilis , excessi-  
bus , & raptu , & absorptione spiritus in Deum , quo  
*Rom. 8. e* adhærens Deo , vnus fit spiritus cum eo per puræ in-  
telligentiæ lucem , & cognitionem Dei , & amoris ei-  
us ardorem , & glutinosam fruendi inhæssionem . Ipse enim spiritus postulat pro nobis gemitibus inenarrabilibus .

Quod si prælatus præpeditur varijs curarum distra-  
ctionibus , speciali deuotioni sæpius intendere ; saltem  
interdum , cum opportune videlicet , quasi furtim & ra- B  
ptim ad orationis studium se conferat , ne omnino re-  
frigescat , ne in dissuetudinem orandi veniat , ne Deo  
alienus efficiatur , ne gratia diuinæ propitiationis ei  
quasi insensibiliter subtrahatur . Vnde Moyse cum  
per populi negotia exterius vexaretur , crebro in ta-  
bernaculum fœderis ad Dominum recurrit , familia-  
re ipsius colloquium ibi expetens , quo intrinsecus in  
spiritu reficeretur . Dominus quoque diebus prædi-  
cans turbis , noctibus in orationibus solus pernocta-  
uit . Et licet parua detur mora prælato orandi , tamen  
quia pro alijs debet ex officio orare , datur ei quando-  
que propter alios copiosior orandi gratia , vt quibus C  
prodest agendo , possit etiam orando prodesse , tan-  
tum non negligat querere , nec abiciat cum offertur ,  
ne ex merito ingratiitudinis ab eo gratia elongetur ,  
assidua deuotio semper ei debet adesse , sicut & qui-  
buslibet proficere volentibus in religionis virtute . Et  
ipsa triplex est . Vna est iugis memoria Dei ante oculos  
cordis . Vnde dicitur : Prouidebam Deum in conspectu  
meo semper . & alibi : Oculi mei semper ad Dominum .  
In omni loco & tempore semper debet homo studere Deo  
intendere , quasi sit corâ eo per mentis intuitum . Vnde  
solebant dicere Elias , & Elifæus : Viuit Dominus , in  
cuius conspectu sto . Sicut enim D

*Psal. 15. b*  
*Psal. 24. c*

*3. Reg. 18. c*

*Bernard. lib. Meditationum c. 6. post mod.*

*Secunda deuotio.*

*2. Cor. 5. b*

*Luc. 12. e*

Alia est continuum studium Deo placendi , in omni  
actione , vel locutione , vt semper quasi in eius præ-  
sentia caueat , vnde ei displiceat , & doleat si forte fe-  
cerit , & studeat in quo & qualiter ei possit magis pla-  
cere . dicebat enim Apostolus : Contendimus siue ab-  
sentes siue præsentis placere illi . Omnes enim nos ma-  
nifestari oportet ante tribunal Christi . Semper enim  
debet religiosus se gerere , quasi in proximo sit tribu-  
nali summi iudicis præsentandus . Estote parati , quia  
qua hora non putatis , filius hominis veniet , dicebat  
Dominus discipulis suis . Omnia nostra videt , quæ faci-  
mus , & sicut non obliuiscitur bonorum operum ad

præmiandum ex diuturnitate temporis , ita nec malo-  
rum ad puniendum , nisi per poenitentiam diluantur .  
Vnde peccator , contemnens animam suam , dicit , in  
Ecclesiastico : Nemo circumspicit me , quem vereor ? *Eccl. 23. e*  
delictorum meorum non memorabitur altissimus . &  
non intelligit , quoniam omnia videt oculus eius , &c.

Tertia est , omnia agenda oratione saltem mentali Tertia deuotio.  
præuenire , ad omnes euentus oratione se præmunire ,  
& omnia beneficia gratiarum actione proficui , ac  
laude diuina , agenda petat a Domino sibi salubriter  
inspirari , euentum dirigi ad salutis profectum , bene-  
ficia augeri , & conseruari . Sicut enim nauta proui-  
dens tempestatem , festinat sæpius ingredi portum se-  
curum , ita religiosus ad orationis portum continus  
confugiat , vbi omnes periculorum collisiones euadat  
& in omnibus agendis semper plus orationi fidat ,  
quàm propriæ industriæ , vel labori . Vnde scriptum  
est : Cum ignoremus quid agere debeamus , hoc solum  
habemus residui , vt ad te oculos nostros dirigamus .  
videlicet in oratione . & Psalmista : Sicut oculi *Psal. 122. a*  
seruorum in manibus dominorum suorum , &c.

His igitur & alijs pennis ecclesiasticus seraph  
idest prælatus spiritualis , Domino sedenti super soli-  
um excelsum & eleuatum , ornatus assistat : quarum  
primas duas super caput eleuet , medijs duabus corpus  
& pedes contegat , vltimis duabus in latum & alrum  
volet : vt zelum eius non humanæ laudis feruor depri-  
mat , nec cōpassionem eius carnalis inclinet affectus ;  
sed sursum recta intentio sustollat , & fraternæ chari-  
tatis pietas in altum erigat , propter retributionem su-  
pernam , iuxta illud Psalmistæ : Inclinaui cor meum  
ad faciendas , &c. Patientia vero , & vita exemplaris

*Psal. 118. o*

contegant eum a perturbationum iaculis , & a nuditate  
inopiarum meritorum , quibus quasi armis defendatur  
& quasi sacris vestibus adornetur . Vnde ait Isaias :  
Induere fortitudine tua Sion , induere vestimentis glo-  
riæ tuæ . Circumspectione vero vbique circumuolet ,  
videndo quid & qualiter sit agendum . & deuotionis  
studio quæ sursum sunt quærat , vbi Christus est in  
dextera Dei sedens sublimi volatu ad ipsum accedens .  
Licet autem omnes , qui præsumt animabus , has virtutes  
non possint omnes æqualiter habere , tamen omnino  
necessarium est eis , aliquatenus non carere tam pro  
fructu ædificationis illorum , quibus præsumt , quàm  
propriæ salutis profectu . Quilibet etiam religiosus , qui  
seipsum habet regere , & de suis ipsius regimine rationem  
Deo est redditurus in extremo examine , his alis & pennis ,  
quantum sibi met indiget , oportet adornari , & in superna  
subleuari , vt sit feruens in iustitia , compatiens proximis  
propter Deum , patiens in aduersis , bono exemplo alios  
ædificans , circumspectus in omnibus , & super omnia  
Deo per orationis studium familiariter adhærens , qui eum  
in omnibus protegat , dirigat , & promoueat , & tandē  
ad cælestia euolare faciat . Quod nobis præstare dignetur  
Iesus Christus . Amen .

*Isa. 52. a*

*Coloss. 3. a*

102  
S. BONAVENTURAE  
EXIMII ECCLESIAE DOCTORIS

Opusculum, quod inscribitur,

COLLATIO DE CONTEMPTU SAECULI.

*Mirifice hic nos ad mundi contemptum hortatur Sanctus Bonaventura, septem propositis, quae si optime perpenduntur, facile nos inducunt ad saeculi fugam, & ad aeterni, & incommutabilis boni prosecutionem. Haec autem sunt labor amatores mundi fatigans, Negligentia melioris boni ex amore mundi, Vanitas rerum temporalium, Fugacitas gloriae mundanae, Periculum, in quo versantur mundani, Mutabilitas rerum temporalium, Vulnerus occultum peccati, quod insigunt suis amatoribus bona mundi. quae omnia mira breuitate prosequitur Auctor. Bona vero pars huius collationis ex diuersis locis S. Gregorii constat, ut alicubi in margine annotatur.*



**S**EPTEM sunt in mundo, quae si A homo bene perpenderet, & attente consideraret, facile mundum contemneret, vinceret, & fugeret, & ad seruiendum Deo se conferret. Deo enim seruire, est seruitium perdere.

Primum est labor, amatores mundi fatigans. Quis enim in honore sine dolore, in praelatione sine tribulatione, in sublimitate sine vanitate esse poterit? Vnde damnati in fine dicent: Lassati sumus in via iniquitatis, & perditionis, ambulauimus vias difficiles. Reprobi hic fatigantur in desideriis, postea cruciantur in tormentis. Magna est proinde securitas cordis, nihil habere concupiscentiae saecularis. Nam si ad terrena adipiscenda inhiat, securum, tranquillumque nullatenus esse potest: quia aut non habita concupiscit, ut habeat, aut adepta metuit ne perdat. Nolite ergo charissimi diligere mundum, neque ea quae in mundo sunt, scilicet delicias, & diuitias. Beatus homo, qui scit Christum Iesum, etiam si alia nescit. Infelix qui scit omnia alia, illum autem nescit. Vnde versus:

*Hoc est nescire, sine Christo plurima scire.*

*Si Christum bene scis, satis est si cetera nescis.*

Secundum est negligentia melioris boni, ex amore mundi. Amatores enim mundi adeo intenti, & diligentes sunt circa bona terrena acquirenda, quod omnes negligunt aeterna. Amator enim mundi huius, quanto amplius Dei obliuiscitur, tanto plus a Deo derelinquitur & mēs ipsius obdurefcit. Quanto quis malis adhæret, tanto minus intelligit bona quae perdit. Contemnentes etiam Deum minime sentiunt, quantum sit mali, quod sic agunt. Sancti etenim viri quia nihil huius mundi diligunt, sed caelestem gratiam appetunt, magna tranquillitate viuunt. Huius autem mundi felicitas magna est infelicitas. O quam felix est cui datum est mundum contemnere, & Christo seruire. omni libertate melior est seruitus Christi.

Tertium quod nos excitare debet ad contemptum mundi & rerum temporalium, est vanitas ipsarum. Lætitia saeculi vanitas est. Cum magna expectatione speratur ut veniat, & non potest teneri cum venerit, & transeunt omnia, & euolant omnia, & sicut fumus euanescent, & vix qui amant talia. Vnde quidam.

Vanitas temporalium.

*Præter ista dies, nescitur origo secundi.*

*An labor an requies sit, transit gloria mundi!*

Ecce mundus transit & concupiscentia eius. Quid ergo vis, an amare temporalia, & transire cum tempore, an Christum amare, & in aeternum viuere? Vnde

perfecti viri indefinenter breuitatem praesentis vitae respiciunt, quasi quotidie morientes viuunt, & tanto sollicitius ad ventura se praeparant, quanto & nulla esse transitoria semper ex fine pensant. Immensum est quod sine termino sequitur, & parū est quidquid finitur. Et quo verius summa cognoscunt eo subtilius terrena despiciunt, quia illuminatae mentis oculos considerationis in aeterna figunt. Et ideo gaudia praesentis vitae, quae iniusti aestimant magna, ipsi deputant ut stercore: & ea quae saeculi amatoribus chara sunt, ipsi velut aduersam rem fugiunt. Alienos enim sciunt esse a Deo, quibus hoc saeculum ad omne commodum prosperatur. O gens sine consilio, & sine prudentia. Vtinam

Ex B. Gregorio lib. 7. Mor. c. 14. post med.

Ex eodem ibidem lib. 15. c. 3

Deut. 32. d

saperent & intelligerent, ac nouissima prouiderent. Saperent, damnatorum multitudinem, saluandorum paucitatem, & temporalium rerum vanitatem. Intelligerent tria, scilicet peccatorum multitudinem, bonorum omissionem, & temporis amissionem. Prouiderent tria, scilicet mortis periculum, extremum iudicium, & aeternum supplicium. Mors quasi ad oculum demonstrat esse contemnenda quaecumque in hoc mundo ab impijs quaeruntur, scilicet diuitias, delicias, & honores. Labor quaerentium diuitias vanus ostenditur, cum homo nudus in terra reuertitur. Et labor deliciarum inutilis probatur, quia corpus nutritum delitijs, vermibus esca paratur. Ambitio honoris infructuosa cognoscitur, quia homo sub terra conditur, & homines & iumenta vadunt super eum. Augustinus: Nolite ergo charissimi diligere mundum, neque ea, quae in mundo sunt. Dimittamus haec vana & inania. Conferamus nos ad solam inquisitionem eorum, quae finem non habent. Vita haec misera est, mors incerta subito obrepit, & post haec negligenti supplicia luenda sunt. Redite ergo praenarratores ad cor, & adhærete illi qui vos fecit. State cum illo & stabitis. fallax & vanus est mundus, finis dubius, exitus horribilis, iudex terribilis, & poena infinibilis.

1. Ioan. 2. 6

Isa. 46. c

Quartum nos ad mundi contemptum sollicitans, est fugacitas gloriae mundanae. Dum enim libenter ac iucundissime moratur homo in mundo, diuque victurum se arbitrat, subito rapitur a morte & anima segregatur a corpore, pergitque miserijs plena, tremens ac dolens, in regionem penitus ignotam, occurrentibus sibi demonibus, &c. Vbi sunt amatores huius saeculi, qui ante paucos dies nobiscum fuerunt? nihil ex eis remansit nisi cineres & vermes. Attende diligenter, qui sunt vel fuerunt. Homines fuerunt sicut & tu, comederunt & biberunt, duxerunt in bonis dies suos, & in puncto descenderunt ad infernum. Hic caro vermibus, illic anima sempiternis deputatur incendijs.

Fugit gloria mundi.



*1. Ioan. 18. f* dijs. Nolite ergo fratres diligere mundum, sed sequimini Christum, qui dixit: Regnum meum non est de hoc mundo. Ad caelestem patriam toto mentis desiderio suspirate, ut ipsam finaliter cōsequamini. Non sunt hic vera solatia, sed ibi potius est vera vita, vbi numquam mors timebitur.

*Periculum in mundo.* Quintum, quod nos ab amore mundi retrahere debet, est periculum, in quo sunt homines existentes in mundo. Quid enim faciunt homines sæculares secundum seculum viuentes, quàm quod implicant se peccatis, & confodant animas suas, magnis vulneribus suorum peccatorum, intantum, quod non possunt ea sentire. Adulteria, fraudes, furta, mendacia, & cuncta mala diffusa sunt. A maximo vsque ad minimum omnes sequuntur avaritiam. Vnusquisque ad uxorem proximi sui inhiebat. Quilibet quomodo substantiam suam faciat ampliorem excogitat. Nullus vel pauci qualiter animam suam saluent. O quantum exultat nunc diabolus. Omnes in procliuo vitiorum sunt. Nullus vel pauci conuertuntur, cuncta nobis superflua sunt expensa, terrenis inhiamus, terrena sapimus, Deum & eius mandata contemnimus, terribilia iudicia audientes non obstupescimus. Nolite ergo charissimi diligere mundum, neque ea quæ in mundo sunt, quia iacula diaboli sunt, sed seruiamus Christo, nihil est melius & vtilius bona vita.

*mutabilitas rerum temporalium.* Sextum nos sollicitans ad fugiendum de mundo est mutabilitas rerum temporalium. Vnde legitur quendam Philosophum dixisse: Quanto cogito de pace, & quiete, quæ est in corde puro, & de delectatione quæ est in intellectu Deum contemplante, de securitate & de spe, quæ est in corde Deum diligente; tunc iudico, quod talibus intendere nihil aliud est, quàm Deiformiter viuere. Cæcus est, qui alijs deditus est, quia deificum est omne quod creatum est. Quæ est ista vita nostra, nisi cursus ad mortem, & quid est viuere, nisi diu torqueri? Si enim sublimiter pensetur, omne quod agitur pœna est, miseria est. O amatores mundi ad quem laboratis finem. Cur vosmetipsos affligitis circa nihil, cum creatorem omnium possidere valeatis? Quid amplius quæritis? Quid homini sufficit cui conditor ipse non sufficit? O filij hominum vsque quo graui corde, ut quid diligitis vanitatem, & quæritis mendacium. Nolite diligere mundum, neque ea quæ in mundo sunt. Quicumque ergo vult ad ad terram promissionis peruenire, id est gloriam supernæ patriæ obtinere, necesse est, ut per virgam crucis transeat maris rubrum, ab Aegypto intrans desertum vitam delitiosam, & tenebras peccatorum deserens, assumat vitam laboriosam, & moriatur cum Christo in cruce pœnitentiæ, ut sic in hora mortis suæ mereatur audire illud dulce verbum, quod dictum est latroni: Amen dico tibi, hodie mecum eris in Paradiso.

*Psal. 4. a*  
*1. Ioan. 2.*  
*Lu. 23. f*  
Septimum & vltimum, quod nos debet compescere ab amore rerum mundialium, est occultum vulnus peccati, quod bona mundi suis amatoribus infligunt. Difficile enim est, ut inter vanitates sæculi quis positus a vitijs maneat illibatus: proximus periculo diu tutus non eris. Felix est ergo illa anima, quæ huiusmodi delectationibus oblectatur, vbi turpitudine nulla inquinatur, sed veritatis securitate purgatur, quam ita

A delectat lex Dei, ut omnes delectationes lasciuie vincat. Cui ergo sapit Christus, amarus est illi mundus, quia gustato spiritu Christi, desipit omnis caro. Vnde beatus Augustinus ad Dominum: Peto, ut omnia mihi amarescant, ut tu solus dulcis animæ meæ appareas, qui es dulcedo ineffabilis, per quam cuncta amara dulcorantur. Tua dulcedo, Laurentio craticulam dulcem fecit. Pro tua dulcedine, ibant Apostoli gaudentes a cōspectu concilij, quoniam digni habitu sunt pro nomine Iesu contumeliā pati. Ibat Andreas securus & gaudens, quoniam ad tuam dulcedinem properabat. Pro hac emenda, pellem propriam Bartholomæus dedit. Pro hac gustanda, veneni poculum intrepidus Ioannes potauit. Hanc ut gustauit Petrus, omnium inferiorum oblitus, clamauit quasi ebrius, dicens: Domine bonum est nos hic esse, faciamus hic tria tabernacula. Hic moremur & contēplemur, quia nullo alio indigemus. Vnam scintillam dulcedinis iste gustauit, & omnem aliam dulcedinē fastidiuit. Quid putas dixisset, si magnam illam dulcedinis multitudinem diuinitatis gustasset, quam abscondisti timentibus te? Hanc dulcedinem tuam ineffabilem & illa gustauerat virgo Agatha, de qua legimus, quod lætissima & gratulanter ibat ad carcerem, quasi ad epulas inuitata. Hanc, ut reor, & ipse gustauerat qui dicebat: Quam magna multitudo dulcedinis tuæ Domine, quam abscondisti timentibus te. Et iterum: Gustate & videte, quoniam suavis est Dominus. Hæc Augustinus. Qui ergo nihil de ista dulcedine Dei gustat, sordidari terrenis desiderijs nō euitat. Magnum donum Dei est, vitia & delitias huius mundi abdicasse. Vluat ergo miseri dilectores huius mundi, qui corpus ante tempus destruitis, & animam interficitis. Vnde infirmitates multæ, & mors tam repentina, nisi ex ciborum nimia copia, & frequenti mulierum vsu. Dum dulciter creditis, certe deluditis vosmetipsos, pro corpore obliuiscimini animam, & ecce corpus simul cum anima ante tempus destruitis. Epulamini & inebriamini, non enim post mortem amplius facietis. Seminate corruptionem, & de corruptione colligetis diuinam sententiam, quam iustus ille iudex dabit in magno iudicio Dei dicens: Ite maledicti in ignem æternum. Heu cor lapideum, si cum talem tibi cogitas ob huius mundi parua solatia imminere sententiā non formidas. Sed forte quis dicat. quod vit qui in peccatis vixit toto tempore vitæ suæ, in mortis articulo accepta pœnitentia a Deo veniam obtinebit, heu quàm vana suspicatio, & falsa meditatio. Raro accidit ut in morte mereatur diuinam obtinere indulgentiam, qui dum sanus est & validus, Deum offendere non formidat. Hoc tendo, hoc verum puto, quod ei non bonus est finis, cui semper fuit mala vita. Pretiosa est in conspectu Domini mors sanctorum eius, ait Psalmista: Mors vero peccatorum pessima. nolite ergo charissimi diligere mundum, neque ea quæ in mundo sunt, sed fugite de medio Babylonis. Exite de Vr Chaldæorum, incendio scilicet vitiorum. Fugite & saluate animas vestras. Conuolate ad vrbes refugij, ad loca videlicet religiosa, vbi possitis de præteritis agere pœnitentiam, in præsentī obtinere gratiam, & inducatis futuram gloriam præstolari.

*Aug. lib. 50  
liloq. c. 22.  
rom 9.*

*Act. 5. g*

*Matt. 17. a*

*Psal. 30. d  
Psal. 33. b*

*Mat. 25. d*

*Psal. 115. a*



# S. BONAVENTURAE

## EXIMII ECCLESIAE DOCTORIS

### Opusculum.

#### DE SEPTEM GRADIBVS CONTEMPLATIONIS.

*Omnis perfectionis initium, profectum & statum subtili narratione Auctor in hoc opusculo docet, simulq. ad hanc viam commonstrans veluti per gradus ducit: qui quidem gradus ab eodem septem connumerantur, videlicet: ignis, vnctio, ecstasis, speculatio, gustus, quies, gloria. De his vero singulis breuem sermonem scribit, sed mirabili doctrina repletum.*



**C**ONTEMPLATIVORVM aequilinos obtutus acui, & ipsorum spirituale palatum perfundi dapibus supernae dulcedinis affectans septem gradus eo gloriosissimos, quo scientia experientiae probatissimos in medium censui deducendos, refectione quorum odorisera confido, quod tam intellectui splendoris copia, quam affectui deifici dulcoris affluentia pijsimae matris thearchicae exhalabit. Primum igitur dicamus ignem, secundum vnctionem, tertium ecstasim, quartum speculationem, quintum gustum, sextum quietem, septimum gloriam. Primo enim anima ignitur: ignita vngitur: vncta rapitur: rapta speculatur vel contemplatur: contemplans gustat: gustans quiescit. Haec in via possunt acquiri, non tamen subito sed gradatim. Citius autem haec experitur, qui frequentius spiritualibus se exercet. Septimus in patria conferitur abundantius, ijs qui se in praecedentibus gradibus exercuerunt.

**Ignis quid sit.**

Ignis est vehemens diuini caloris vel amoris feruor, ex camino supersplendentis Hierusalem flabellatus. Huius ignis calor contemplatiui siue sancti actiui viri animam, cum se ad orandum Deum effuderit in conspectu Dei subito eam valde perlucido splendore irradians, quamplurimum ignit & arentes motus affectionesq. accendit, malosq. concremat & exufflat, teporem inflamat, & torporem expurgat facit, atque ipsam totam animam velut vespertinum quoddam & pinguisimum holocaustum diuino conspectui representat, intuetur tunc & gaudet. Deus adest & pauet illa. ille immisum ignem auget ut magis caleat, illa ortas affectiones colligens nutrit, ut eo amplius magis reddatur incendium, quo abundantius subministratur materia accedendi. Super hunc gradum

**Psal. 38. a**

**Psal. 72. c**

**Vnctio qd.**

**Psal. 132. a**

**Ioan. 8. b**

Vnctio est velut quidam roseus liquor, qui per totam animam se diffundens ipsam erudit, corroborat & confortat, disponens eam suauiter ad veritatis lulentias suscipiendas, atque pariter contemplandas. Hac caelica vnctione perlinitus fuerat, qui dicebat: Vnxit me vnctione misericordiae suae. De qua rursus dicit David: Sicut ros Hermon, qui descendit in montem Sion. Hermon interpretatur lumen exaltatum. Habet autem signare infinitissimam Iesu bonitatem. Ipse etenim de se dicit: Ego sum lux mundi. Quae quidem lux de terra in crucem, de cruce vero fuit super pulchritudinem caelorum omnium exaltata, ita ut licet semper potuerit, nunc autem conuenientius

propter suae humanitatis superpulchricam claritatem adiectam, dici queat supersplendens candor, & superscandens splendor illius aeternae & felicissimae regionis. Ros igitur montis huius descendit in montem Sion, id est contemplatiui viri mentem, ipsius praecordia tam irrigando fecundans, quam fecundando irrigans, & calorem scilicet primi gradus leniter temperans, ne plus ardeat, quam oportet. Quod enim purificat ignis concremando, hoc vnctio mulcet suam pinguedinem perfundendo, ut capisicilior sit diuinorum & pulchricorum radiorum, ab aeternaliter oriente aurora ditissime emanantium, quibus quidem docubriter perillustrata, ita secundum Apostolum docetur de omnibus ut nequaquam quisquam ibidem locus ignorantiae tenebris pateat, ubi fulgeat copia tam gloriosi luminis:

**1. Ioan. 2. d**

**Ecstasis qd.**

Ecstasis, est deserto exteriore homine, sui ipsius supra se voluptuosa quaedam eleuatio, ad superintellectualem diuini amoris fontem, mediantibus sursum actiuis virtutibus pro viribus se extendens. Virtutes sursum actiuas voco humilitatem & puritatem. Humilitate etenim sit exterioris hominis sursum actio, quem quidem ad fontalem perducens radium, ibidem haurit sanctas thearchici amoris & inolitas infusions: quarum gratia posteriorum oblitus, ad anteriora empyrei & superlucidissimi tabernaculi se extendit. Est enim ecstasim faciens amor diuinus non dimittens sui ipsorum amatores esse, sed amandorum, vinctur secretorum Dei conscius Dionysius. Igitur si in vera & non ficta Dei charitate sumus & amore, in sancta ecstasi sumus, interiori hominem ad anteriora extendente, exterioris vero sicut posterioris obliuisci faciente.

**Dionys. lib. de diu. no. c. 4. post me.**

**Speculatio quid.**

Speculatio, est beatorum & super caelestium, & soli Deo scibilium diuitiarum, intellectualis & affectualis pia inuestigatio. Contemplantur autem hi duo, scilicet intellectus, & affectus: sed intellectus longe dissimiliter ab affectu. Cum enim animus contemplatiuis sensibus spiritualibus suspensis, synderesim in specula aeterna extendit, apex intelligentiae & principalis affectio pariter feruntur mutuo in diuina se promouentes, & aequaliter ascendentes, illa speculando, haec vero desiderando. Praecurrente autem intelligentia nec ingredi queunte, utpote per speculum videns, foris remanet. Affectio vero quae nescia est speculi, intrans vnitur, secundum illud: Qui adharet Deo, vnus spiritus est. Ingressoq. intellectu, qui ante conatu suo ingredi non poterat, a superessentiali, & superintellectuali deifica bonitate hilariter excipitur affectio ipsa. Susceptamq. superferuide ipsam desiderantem, & se sursum pro viribus impingentem ipsam in se profundius trahens, tam intelligentiae superclavorum radiorum pulchrificans claritatem fontani splendoris,

**1. Cor. 6. d**

doris, quàm affectioni thearchici & superimmediati fa-  
poris suauiter sanctum desiderium nutriendum suauita-  
tem superlucidissimam elargitur. Postea illis sic gu-  
stantibus, illam magis desiderantibus magis seipsam  
diuina bonitas immittit, & abundantius superfulget,  
quoniam multum diligunt illam summam veritatem,  
hoc summum bonum. Felix nimis qui huius gradus  
collem attingit: hic plane Angelificatus in presenti,  
futuram iam inchoauit vitam. Ex quibus fuerat, qui  
dicebat: Nos autem reuelata facie gloriam Dei spe-  
culantes, in eandem transformamur imaginem a cla-  
ritate in claritatem, tamquam a Domini spiritu. Vbi  
potissime diuinus ille Apostolus utilitatem expressit  
contemplationis. Quid enim est reuelata facie gloriâ  
Domini speculari, nisi remota omni impuritate facie  
nostræ intelligentiæ velante, gloriam Dei, idest tam  
super ignotam, & simplicissimam & superplendentem  
æternitatis claritatem, quàm superineffabilem & hu-  
manis mentibus non capifacilem omnino supercale-  
stium substantiarum supertranquillissimam pacem,  
pie pure, deuoteq. rimari? Quid vero est taliter spe-  
culantes in eandem imaginem transformari, nisi quia  
causa superactiue suauitatis sunt hæc eadē, quæ ima-  
ginati sumus, ut nos a nobis abstractos & in seipsa  
absoptos, ita torrente voluptatis nos potant, ut ne-  
cesse sit de terrenis in cælestes, de carnalibus in spiri-  
tuales, de hominibus in quodammodo Angelos trans-  
formari? Sic ergo intelligo verbum, In eandem ima-  
ginem transformari, idest in eadem imaginata. Bene  
autem dicitur, A claritate in claritatem, tamquam a Do-  
mini spiritu, quia ab ipso Domini spiritu manu ducti  
super sanctissimis diuinis splendoribus adimplemur,  
& per hoc de cognitione in cognitionem proficimus,  
sicut per prophetam dicitur: In lumine tuo videbi-  
mus lumen. Hæc contemplatio vel inuestigatio qua-  
si nihil habet periculi vel laboris, in animo pio, puro  
& vacante, habet utilitatem inestimabilem, etiam  
si nihil inuestiget.

2. Cor. 3. d

Gustus.

Gustus autem est superinestimabilis diuinæ dulce-  
dinis persuasus quædam & inolita prælibatio, ex cel-  
lario sancti Spiritus in sanctorum cōtemplatiuorum  
animas distillata. Prælibatio dico, quoniam permo-  
dicum valde est, quod nobis ex ista tam super magna  
multitudine diuinæ dulcedinis tribuitur, quod pro-  
uisione & superineffabili thearchica bonitate fieri, non  
est dubium. Dum enim stillatim æternis & super sua-

A uibus illis infusionibus recreamur, frequentius nos-  
ipso orationibus extendimus, atque ad cumulos om-  
nimodæ plenitudinis anhelamus. Quamuis autem  
vtrumque faciunt, tamen plus alliciunt, quàm refi-  
ciunt diuinæ illæ prælibationes. efficiunt enim esu-  
riem, non saturitatem pariunt. Beneficio huius gra-  
dus cognitio experientia tribuitur, per quam super-  
cælestium substantiarum cognitioni conformamur.  
Quidquid enim diuinæ mentes nouerunt, hoc illius  
experientia probauerunt. Quia sicut sol terris, sic ipsa  
simplici cognitioni prælata est. Gloriosi & felices illi,  
qui super verticē huius gradus eleuati sunt. Eructant  
plane hi abundantiam suauitatum æternarum nup-  
tiarum, vacant & vident, quàm suavis est Dominus.

Quies est totius animæ mira quædam & suavis tran-  
quillitas, per infusam nobis ex frequentia orationis  
dulcedinem concreata. Solis valde spiritualibus ex-  
perientia huius quietis conceditur, quibus & datur  
etiam ipsas supercælestes substantias contemplando  
transcendere. Superignota enim bonitas, ipsis fami-  
liaris, seipsam eis immittit, & ipsi tota virtute dilata-  
to sinu sancti desiderij, potenter suscipiunt beatas im-  
missiones, animalibus & præsumptuosis omnino in-  
cognitas. Sic igitur puris sanctorum contemplatiuo-  
rum animabus, tam insueto nutrimento ditissime  
adimpletis splendet ipsorum ratio, dulcescit concu-  
piscētia, hilarescit irascibilis, ex dilectione quorum  
desiccam illam quietem nō ambigimus emanare. Hic  
gradus gloriosior & pretiosior est, quo ultimo mo-  
do, gradui, qui solum patriæ est, appropinquat.

De septimo tutius tacendum censui, quàm loquen-  
dum, quoniam nulli viatorum ascensus siue visio hu-  
ius gradus patere potuit, nisi illi cælesti Paulo, qui se  
raptum vsque ad huiusmodi per sacram Scripturam  
asserit. Felix certe superdulcissimæ & gloriosissimæ  
Virginis Mariæ anima, cui hoc datum est in via, quod  
nulli sanctorum aliquando possederunt. portauit er-  
go illam gloriam a qua portantur ceteri, ascendit illa  
gradum hunc, per fidei cognitionem, descendit ille  
ad eam, per carnis assumptionem. Quid hunc gra-  
dum, hanc gloriam censeam dicis? Nihil aliud quàm  
ipsum quem peperit, quem lacte virgineo educavit,  
manibus eburneis contrectauit, dulcissimo gremio  
fovit, pudicissimo vultu blandiebatur, castissimo am-  
plexu complexa est, Dominum nostrum Iesum Chri-  
stum, qui est benedictus in sæcula sæculorum Amen.

Gloria.

2. Cor. 12. d

## S. BONAVENTURAE EXIMII ECCLESIAE DOCTORIS EXERCITIA QUÆDAM SPIRITUALIA.

In hoc Opusculo tredecim spiritualia exercitia proponit Auctor, & post vltimum exercitium adiungit breuem quan-  
dam formulam ex Bernardo desumptam, quæ ab exterioribus ad interiora, & ab his ad superiora conscendamus.  
Quæ quidem omnia, quod breuius ab Auctore proponantur, eo frequentius a nobis exerceri debent.



Vt in virtutibus consecueris oportet te  
habere exercitia spiritualia quibus a-  
nimū tuum occupes, quia nisi sic non  
poteris in virtutibus perseverare.  
PRIMO igitur exercebis te in oratione,  
tali modo & temporibus istis feruenter.

Quid medi-  
tandum sin-  
gulis dieb.

Ante cuiuslibet operis vel facti inceptionem, Do-  
minum inuocabis & modicum orabis cum tali ora-  
tiuncula, Deus in adiutorium meum intende: Mi-  
serere mei Deus, vel huiusmodi. Item quandocumque  
audis campanam sonare, orabis, vel quando audis

pulsare horas, has orationes feruenter ad intra facias,  
& ita facias, quod si iuxta alios fueris, illi non consi-  
derent, quod ores.

SECUNDO tuum exercitium erit istud, vi-  
delicet ut feruenter proponas quandocumque audis  
sonare campanam, generaliter te emendare, breuiter  
cum oratione per formulam vnius Pater noster.

Antequam notabile opus facias, breuiter cogita-  
bis, qualiter proposuisti te habere in priori proposito.  
Item de mane semper proponas, qualiter te per to-  
tam diem velis habere, & hoc antequam facis facta  
tua.

tua extrinseca, & quando facis factum aliquod cogitabis breuiter, qualiter proposuisti.

Item ter vel quater in die, propones feruenter contra superbiam.

**TERTIVM** exercitium erit de aliquo bono cogitatio, quando tempus vacauerit. Habebis enim qualibet die vnam memoriam specialem, de qua cogitabis sæpe, & ad quam cursum habeas.

Habebis enim Dominica die de regno calorum.

Feria secunda de extremo iudicio.

Feria tertia, de beneficijs Dei.

Feria quarta, de morte.

Feria quinta, de pœnis inferni.

Feria sexta, de passione Domini.

Sabbato de Domina nostra, & peccatis proprijs. Passionem tamen Domini in qualibet die cum materia diei, & cum beneficijs Dei habebis. Et in qualibet hora matutina, primæ, tertiæ, &c. de passione illius horæ, cum pauco de materia illius diei cogitabis. Sic igitur cogitando, & tua facta faciendo, spero quod tempus competenter expendes.

**QVARTVM** exercitium erit, vt quotidie te exerceas in operibus humilibus & despectis, semper eligere locum vilissimum, & teipsum ex toto corde despiciere, nulliusq. laudis dignum te reputare, sed totum ascribere Deo, siue lauderis, siue vitupereris non curabis. Esto considerans teipsum & inuenies, quod non es aliqua laude dignus, sed omni opprobrio dignissimus. Cum enim es iuxta alios habebis te taciturne, verecunde, & mansuete, tamen sicut decet.

**QVINTVM** exercitium erit, vt omnia signa superbiæ deuices, scilicet clamorem in loquendo, & sic de alijs.

**SEXTVM** exercitium erit, vt sæpe consideres in quibus te male habeas, vbicumque fueris, & non permittas aliquod paruum vitiū transire non iudicatum: quia qui parua non reputat, in maiora sæpe cadit.

**SEPTIMVM** exercitium erit, vt præcipue vbicumque fueris, oculos tuos custodias, quia ex incustodia oculorum infinita mala eueniunt: ergo præcipue custodi oculos.

**OCTAVVM** exercitium est considerare aliorum bona, & non mala. Cum enim videris aliquem

A peccantem, cogitabis quod si ipse haberet tantam gratiam a Deo sicut tu ipse, multum feruentius emendaret se quam tu. Si autem videris aliquem aliquid boni facere, cogitabis qualiter posses illud imitari.

**NONVM** exercitium erit, vt omnia quæ videris & audieris ab hominibus, ad bonum trahas, & sic non suspicaberis.

**DECIMVM** exercitiū erit, vt semper vbicumque fueris habeas te morigerate, & compositæ ab extra, ne alijs exhibeas malum exemplum: quia exterior incompositio est signum indeuotæ mentis.

**VNDECIMVM** exercitium erit, vt semper vbicumque fueris videas, vt illud non facias cum quo alicui possis præbere malum exemplum, vel vnde alius posset suspicari: quia valde periculosum est alijs præbere malum exemplum.

**DVODECIMVM** erit, viriliter tentationibus resistere, & a carnalibus te abstinere & abstrahere, quia in illis salus non est.

**VLTIMVM** erit, vt semper stes in timore & habeas te verecunde, & ita custodi te solus, sicut quando es cum alijs. Nam Deus omnia videt, quæ facis. Hæc exercitia in communi inquantum potes facere studebis, & Dominum diligenter rogabis, vt velit tibi dare gratiam ad faciendum ea, quia sine ipso nihil potes facere, & cetera.

Redeam ab exterioribus ad interiora, ab interioribus ad superiora conscendam, vt possim cognoscere, vnde venio, aut quo vado. Quid sum, & vnde sum, vt ita ex cognitione mei, valeam peruenire ad cognitionem Dei. Quanto namque in propria cognitione proficio, tanto ad cognitionem Dei accedo. Vnde venio, secundum exteriorem hominem de parentibus illis, qui me fecerunt, ante damnatum quam natū, peccatores peccatorem in peccato suo genuerunt, & de peccato nutrierunt. Quid sum ego? homo de humore liquido. Sum enim in momento conceptionis, de humano semine conceptus: deinde spuma illa coagulata modicum crescendo caro facta est: postea plorans, & eiulans, traditus sum huius mundi exilio, & ecce iam maior plenus iniquitatibus. Iam iam præsentabor ante districtum iudicem. Tunc dicetur de me: Ecce homo & opera eius. Cogita hæc profundius.

Multa ex  
his a Bern.  
mutuata  
lib. medit.  
cap. 1. & 2.

## S. BONAVENTURAE EXIMII ECCLESIAE DOCTORIS FASCICVLARIVS, IN QVO DE EXERCITIIS spiritualibus agitur.

Auctor in hoc Opusculo nonnulla ad meditandum proponit, quibus deuoti, vt vel timore perterreantur, vel amore accendantur, frequenter sese spiritualiter exerceant. Hæc autem sunt, memoria peccatorum, memoria mortis, memoria extremi examinis, memoria pœnarum inferni, memoria æterna gloria, & memoria beneficiorum Dei, beneficij incarnationis præsertim. De quibus omnibus generalia quædam affert, & in vnum ad modum fasciculi colligit, vnde quis plura elicere valeat.

### SVMMA CAPITVM HVIVS OPVSCVLI.

Qualiter fiat memoria peccatorum. Cap. I.  
Generalis modus ad formandum meditationes de morte. Cap. II.

Generales modi ad formandum meditationes de pœnis infernalibus. Cap. III.

Generales modi meditandi circa extremum iudicium. Cap. IIII.

Generales meditationes de gloria caelesti. Cap. V.  
Breuis modus meditandi circa beneficia Dei. Cap. VI.

De cena Domini, & preparatione ad susceptionem corporis Christi. Cap. VII.

De generali materia exercendi in passione Domini. Cap. VIII.

PRAE.



**S**IC debes, quòd quamuis A omnia quæ in diuina scriptura reperiuntur, immo cælum, & terra, & omnia quæ in eis sunt, de Deo loquantur & instruant, non tamen omnia conueniunt, ad vtiliter meditandum: sed ea debes potius ad meditandum

suscipere, vnde amplius timore conciteris, vel accendaris ad amorem. Sunt autem quædam generalia, circa quæ frequentius exercitia deuoti versantur, videlicet memoria peccatorum, qua compunguntur ad compunctionem vel dolorem. Memoria mortis, qua vt omnia huius mundi oblectamenta, gloriam, & honorem, altum statum vilipendant, accenduntur. Memoria extremi examinis, qua inflammantur ad bona opera peragenda, vt tunc cum iustis mereantur accipere præmium meritorum. Memoria pœnarum infernalium, qua omnia illicita licet dubia, respuent timore tormentorum. Memoria cælestis gloriæ, vt hic quiescant & exultent in spe, ac vt illic sint digni gloria, nitantur se veris virtutibus adornare. Memoria beneficiorum Dei, & maxime beneficii incarnationis, ne gratiæ largitori inueniantur ingrati. Vt autem de his cogitare eo promptius ad manum valeas, habebas aliqua generalia, vnde tu valeas plura elicere. De vnoquoque præmissorum hic inferuntur, vt data occasione sapienti sapientior fiat, & ex paucis plura eliciat, sicut ipsi congruit cogitanti. Esto igitur animal mundum, ruminans & reuoluens ea, & ipsis similia in corde tuo, vt ita, inutilia, & vana possis e memoria remouere.

*Qualiter fiat memoria peccatorum. Cap. I.*

**V**T tibi de memoria tuorum peccatorum nascatur compunctio, talibus stimulis te concute meditando. Cogita, & vt sentire valeas diligenter stude, quantum vnumquodque peccatum Deo displiceat. Reuolue, quòd superbia eiecit Luciferum de cælo: Inobedientia Adam de Paradiso proiecit. Luxuria subuertit Sodomam & Gomorrhâ, & pœne totum mundum in diluuiio submisit, Christus pro peccato mortem sustinuit amarissimam, & ne peccatum inultum remaneret, & suæ iustitiæ non satisfaceret. Cogita secundo quòd Deus aliter iudicare nō poterit, quàm opera nostra merentur. Est enim Deus æquitas quædam intelligibilis, inconuertibilis, atque indeclinabilis, non minus malorum pœna, quàm beatorum gloria. Igitur tibi reddet iuxta opera tua. Nō igitur palliemus, vt blandiamur nobis, quia non est ita durum, & Deus est misericors. Cogita de peccatis tuis præteritis ante conuersionem, cogita, quàm multa sunt in locutione opere, & consensu. In cogitatione tot sunt, quòd nequeas numerare. Cogita, quàm turpia præcipue ad carnalia, in quibus tamen minus immoreris, ne delectatio subrepat. Cogita, quàm graua, quibus Deum offendisti, & rursum Christum quodammodo crucifixisti. Cogita de peccatis post conuersionem tuam, quòd semper tam negligens, tam tepidus tot annis sine profectu fuisti, & vide de singulis tuis criminibus, numera ea si potes in conspectu Domini, & pete veniam de præteritis, adiutorium de præsentibus, & cautelam contra futura. Deinde cogita in quanto satisfacisti pro istis, certus, quòd quidquid hic non reddideris, in futuro a te exigetur vsque ad minimum quadrantem. Nullum enim malum impunitum erit, sicut nec aliquod bonum irremuneratum. Demum cogita, quòd iudicia Dei sunt inscrutabilia, nescis si in gratia, nescis si vere conuersus, quid in te lateat quod Deum non latet, sed offendit, nescis si perseueraturus.

Hæc ruminata, hæc cogita, & si bene sentis ea, non altum sapiens de teipso. Caue tamē desperationē si profundius huiusmodi meditationibus te immerferis, atque ita huiusmodi meditationes digere, vt non absorbearis tristitia nimia & deiectione: sed vt instigeris ad vitæ emendationem, & tolerantiam omnium tribulationum.

*Generalis modus ad formandum meditationes de morte. Cap. II.*

**D**E morte tua ita poteris formare meditationes tuas. Primo, vt horam mortis semper suspectā habeas. Cogita quòd improuise mors veniet, quia sicut fur, quando minime putabis, quando minime dispossuisti, quando adhuc diutius viuere sperabas, & tamen adhuc multa agere cogitasti, prout experientia quotidiana te satis sufficienter docet, & docuit de pluribus tibi notis. Reuolue deinde ordinē, quo ad mortem deuenitur, & habe te nonnumquā sicut si statim esses moriturus, & melius senties quæ sequuntur. Cogita igitur qualiter præcedit mortem grauissima infirmitas, cuius aliæ infirmitates nō sunt nisi sicut præcones. vide grauitatem huius infirmitatis. Cogita horrorem naturalis inclinationis appetentis permanere. Cogita deinde cum iam homo sentit, se hinc transiturum, siue medicis hoc dicentibus, siue si ipse per se senserit, quantus tunc erit clamor conscientie, quantus remorsus in eo qui se non disposuit. tunc enim ipsa peccata ad memoriam confluunt. Et cogita de singulis peccatis tuis, & passionibus proprijs singulariter, quantum tunc de eis dolebis, quia non vicisti. Cogita si tali articulo mortis esses cōstrictus, & vitij & concupiscentijs ligatus, quanto desiderio desiderares vnā horam, vel annum sanitatis pro emendatione. Cogita homo cum ad illam horam veneris, & hinc transibis, & tempus præteritum comparaueris ad æternitatem ad quam transibis, quàm breue tibi videbitur. tota vita tua apparebit tibi breue somniū, & ita tibi erit totum tempus ac vita, ac si per modicū spatium, puta iter mediæ leuæ perrexisses. Cogita, etiam quantus erit dolor ille, cum vides, quòd propter tam paruam delectationem, illa sempiterna gaudia amisisti. Cogita, quàm amara erit separatio, cum ab his, quæ vitiose dilexisti separeris, puta ab honore tuo, qui hic in alto statu totis viribus honorem quæsiuisti, & a voluptatibus, & sic de alijs. Considera dispositionem morientis, quomodo totum corpus nigrescit & rigescit, oculi contabescunt. Cogita quomodo demones sint ibi, tamquam rugientes parati ad escam expectantes. Deinde imaginare quomodo anima in egressu a corpore suo, cum incipit considerare regionem ignotam, quòd tot demones eam expectent, quàm inuite exiret, quàm libenter rediret ad corpus suum, sed non potest, quia clausæ sunt fenestræ sensuum, & aditus vitales. Cogita quomodo tunc singuli spiritus vitiorum ad eam occurrent, quærentes sua in eis: spiritus superbiæ, superbiam, spiritus luxuriæ quærit luxuriam, quilibet quæ sua sunt, & sic de alijs. Vltimo aduerte quomodo anima egressa de corpore statim statuitur ante tribunal iudicis, & refertur sententia, quæ ex hoc tunc vsque in æternum non reuocabitur. Et vbicumque tunc lignum ceciderit, ibi manebit. Demum cogita, quòd tandem corpus traditur sepulture, & perpetuæ obliuioni. hospes hic fuit vnus noctis, & abiit, & memoria eius recessit a terra. Poteris autem modum hunc contrarium sumere de morte iustorum, nam iusti videntes se de hoc mundo migraturos, gaudent in testimonio conscientie, exultant quòd liberantur de istis miserijs, quia hic non fuerant ligati concupiscentijs, non dolent hinc exire, & sic de alijs.

*Eccl. 11. 2*

*Sap. 5. 6*

*Generales*



*Generales modi ad formandum meditationes de pœnis A infernalibus. Cap. III.*

**D**E pœnis infernalibus, imaginare ipsum infernum secundum quasdam similitudines a sanctis super hoc positas. Aspice igitur chaos horribilissimum, lacum subterraneum, puteum profundissimum, & totum ignitum. Item imaginare ciuitatem magnam & horribilem, & penitus tenebrosam, obscurissimis & terribilissimis flammis succensam, clamantibus vultantibus, & plangentibus vniuersis præ inexplicabilibus doloribus, & similes similitudines poteris cogitare. Cogita de pœnarum acerbitate. Dicitur enim, ignis ille ad ignem nostrum tanti esse caloris, quanti noster ignis est ad depictum. Et ita cogita de frigore, & fœtore. Huius pœnalitatis acerbitas patet ex stridore dentium, ex gemitu, & planctu, & blasphemia, & sic de alijs. Cogita de pœnarum multiplicitate. Ibi enim est ignis inextinguibilis obscurissimus, frigus intolerabile, fœtor horribilis, tenebræ palpabiles. Ibi erit pœna in omni sensu. In visu, per horribiles visus & aspectus demoniorum. In auditu, per lamentabiles gemitus, & clamores de miserabili societate, & crudelitate tortorum, sine omni misericordia, in torquendo non fatigantur, nec ad misericordiam commouentur. Insultabunt dicentes, vbi nunc gloria? vbi nunc altus status? vbi superbia? Cogita quomodo nunc ibi per membra quibus quis peccauit eisdem puniatur, & omnibus membris malus pœnam sustinebit. Cogita etiam de pœna interiori, videlicet remorsu interiori conscientie, & vermis eorum qui nō morietur. Quis potest sufficienter cogitare quantum doleant, quod illam pœnam modicis laboribus, & breui tempore non euaserunt. Item internæ passionis maxime regnabunt in eis: erunt enim maxime iracundi & inuidi, & erunt ita simul sicut canes rabidi. Item recordabuntur priorum delectationum ad augmentum pœnæ. Vnde ibi lamentabuntur, dicentes: Quid nobis profuit superbia? Cogita de duratione pœnarum, quod scilicet numquam sit finem habitura. Non potest mille millia annorum, immo non potest tot annos; quot anni possunt in millibus numerari, quia nulla ibi redemptio, nullus ibi finis.

*Isa. 66. g*

*Sap. 5. b*

*Generales modi meditando circa extremum iudicium. Cap. IIII.*

**D**E extremo examine, cogita quantus tūc fiat terror. Ipsa enim angelica tuba, mirabilia, terrenda, scilicet fulgura, corruscationes percutient corda hominum, & pauere facient. Cogita, si potes, magnitudinem iræ iusti iudicis, venientis contra eos qui eum offenderunt. Et quantum mali terre buntur. Imaginare quomodo & quam amara fiet ibi diuisio. Ponentur omnes iusti, humiles, mites ad dexteram: superbi inuidi, luxuriosi, &c. ad sinistram, a modo non coniungendi. Nunc sunt duo in mola vna, &c. & vnus assumetur, & vnus relinquetur. Cogita quid timoris, & quid horroris, quid admirationis erit superbis, elatis huius mundi cum se abiectos viderint: & pauperes, viles, & despectos, quos insanos putabant ad dexteram Christi in gloria viderint assistentes. Tunc pœnitentiam intra se agentes dicent: Ecce hi quos habuimus in derisum aliquando. Econtra, iusti stabunt in magna constantia aduersus eos qui se angustiauerunt. Cogita quomodo omnium operum ibi, & cogitationū fiet redditio. Hierusalem scrutabitur in lucernis, id est hi qui apparebunt velut sancti, inuestigabuntur ibi, & quidquid in eis occultum fuerit ad lumen veniet. Testes erunt diabolus, qui ostendet nobis omnia quæ fecimus vbi, & quando, &c. Item proprium scelus, & totus mundus dabit testimonium contra peccatores. Cogita quomodo Christus exhibebit passionis suæ insignia, & quomodo per illam Christus exprobrabit

*Luc. 17. g*

*Sap. 5. a*

*Ibidem.*

*Soph. 1. c*

quod eam contempsimus. Cogita de illo horribili tonitruo, & irreuocabili sententia, Ite maledicti, &c. Cogita de dulcissima inuitatione iustorum ad sempiternam cenam per illam vocem. Venite, &c. Cogita, quàm magna sint opera misericordie, & pietatis, cum ea solum Christus ad iudicium suū adducere videatur. Cogita quod iusti ibunt in vitam æternam, iniusti in supplicium sempiternum. Et hæc duo loca per chaos magnum diuisa semper permanebunt.

*Generales meditationes de gloria celesti Cap. V.*

**D**E gaudijs supercælestibus, imaginare locum illum, per imaginarias similitudines a sanctis pro nostra capacitate inuentas. Est enim ciuitas ex auro purissimo, gemmisque præiosis mirabiliter cōstructa, singulæ portæ ex singulis margaritis, & campus spaciolissimus ac speciosissimus omnium florum pulchritudine decoratus. Ibi æstatis amenitas, ibi odoris suauitas, &c. Cogita quantum potes, quantum erit gaudium ex visione sanctissimæ Trinitatis, in qua relucet exemplar omnis pulchritudinis, omnis bonitatis, omnis suauitatis, quam videndo omnia scienda scies, & quidquid volueris habebis in illa. In illa enim visione beatificaberis. Cogita de visione humanitatis Christi, qui hic fuit propter nos pauper & vilis homo, ibi sublimis Deus & homo. Cogita de gaudio quod habebis ibi ex societate gloriosæ Virginis, omnium sanctorum Apostolorum, martyrum, confessorum, virginum, & de cuiuslibet gaudio gaudebis & tu. Cogita de dotibus quas ibi corpus tuum recipiet, quæ sunt immortalitas, impassibilitas, summa agilitas, & maxima speciositas. Cogita de dotibus animæ quibus ipsa anima replebitur, quæ sunt plenitudo scientiæ & lætitiæ. Cogita de istis dotibus quàm multa alia consequeris, videlicet securitatem, qua non timebis eijci, non timebis a tentatione vinci, inde tibi libertas summa, inde sanitas, inde voluptas, inde amicitia inde honor, inde concordia. Et breuiter, habebis ibi quidquid volueris, & quidquid nolueris non habebis.

*Breuis modus meditando circa beneficia Dei. Cap. VI.*

**V**T circa beneficia Dei innumera, aliquem modū habeas meditando, & memoriam tuam reformandi: scias, quod in his triplici consideratione potes tuas meditationes variare, & dilatare. vt nunc tuæ quidem meditatio versetur circa ipsum benefactorē, nunc circa teipsum cui benefecit, nunc circa ipsa beneficia quæ tibi multipliciter elargitur. Considera, quod ipse benefactor tuus Dominus Deus, ita tibi benefacit, vt nihil a te repetat, nec te nec aliqua creatura indiget. Considera, quod sit infinitæ potentie, cuius potentiam declarat vniuersitas, & multitudo creaturarum suarum. Considera quod sit immensæ sapientiæ, & hoc attende ex pulchritudine, & ordine totius vniuersi. Attende igitur quantæ sit bonitatis, si hic talis tantusque Dominus modicū enceniolum tibi tribuit, immo quantæ bonitatis, quod tantus de tantillo dignetur cogitare. Considera quàm sollicita sit tanta maiestas circa te, in tribuendo beneficia. Modo quo tibi magis expedit, ab æterno disposuit tibi ea dare, ab æterno, & semper actualissime cogitauit, & talia tibi beneficia præordinauit. Ita sollicitus circa te sicut circa integrum orbem, vel vniuersitatem creaturarū. Ita enim hic magnus Rex tibi, & circa te intendit, ac si vacaret singulis. Et hoc affectum tuum non modicum ad gratitudinem, & amorem accenderet, si singula beneficia diuina toti generi humano collata, ita tibi attraheres, & ita te ex eis ad gratitudinem intelligeres obnoxium, ac si tibi soli fuissent collata. verbi gratia, ac si pro te solo crucifixus, factus homo, &c. propter te solum creasset cælum, & terram, & hoc docet

*Matt. 25. d*

*Ibidem.*

*Apoc. 21.*

docet nos Chrysostomus. Affectu etiā tanto beneficia illa dat, quod si etiā quid minimum daret, gratissimū merito deberet esse. Perpetua, inquit, charitate dilexit te, & ex perpetua, & maxima charitate donat sua beneficia. Attende quā sis vilis, quā plenus malitijs, & concupiscentijs, sicut tibi superius satis est ostēsum, cum diceretur de discussione tui, & propria cognitione, & de memoria peccatorum.

Circa beneficia forma dupliciter meditationes. Primò circa hoc, quod mala tua benigne tibi remisit. Secūdo, quod innumerabilia tibi cōtulit dona, & munera. dimisit enim tot mala quot fecisti, de quibus supra dictū est: immo dimisit tot quot facere potuisti, a quibus te præsauerat. Attēde quā lōganimitē te expectauit in peccatis, & non occidit sicut meruisti. Circa beneficia autem, quæ dedit tibi, cogita quā multa, quā bona, quā vtilia, quā magna, quis enumerabit ea? quis intelliget? quis loquetur? Attramen ut hic habeas modum cogitandi, cogita quomodo dedit tibi dona naturæ, dona gratiæ, dona superexcellētiæ. Percurre aliqua de singulis, nam in quolibet sunt multa bona valde. De dono naturæ est, quod creauit te in tempore, & quod ab æterno te disposuit creandū, non creauit te pecus, sed hominem: dedit visum auditum, & cetera. & singulis creauit sensibus, ea quæ sibi congruunt oblectamenta. Item dedit animam immortalem, cui dedit rationem, ingenium, industriam, quā omnia materialia potest intelligere. Dedit mentem, vel intellectum, quā immateriales spiritus Deū, & Angelum intelligeret, propter te omnia in terra creauit. omnia elementa ad tuam vitam, omnia animantia ad tuum nutrimentum. Dona gratiæ. Primò quod voluntatem tuam ab eo auersam ad se reuocauit, & ei gratiam suæ iustificationis infudit, quæ solū ab eo descendit. dedit voluntatem, ut velles te emendare. tum & locum ordinauit, ut possis. Ad donum superexcellētiæ spectat, quod propter te fecit Filiū suum incarnari, ut esset amicus tuus, frater tuus, qui & propter te mortuus est, & crucifixus, & seipsum dedit in altaris sacramento. Misit tibi Spiritum sanctum, & hoc in signaculum acceptationis, in priuilegium amoris, in annulum desponsationis. Cogita quā multa ab initio egit mirifica cum genere humano. propter genus hominum locutus est cū patribus, apparuit in figuris, loquebatur in prophetis, eduxit de Egypto, induxit in terram promissionis, & infinita mirabilia. Ut quid autem hæc omnia fecit, nisi ut per figuras, & per prophetas intellectum tuum in cognitione veri illuminaret, & affectum tuum detraheret ad amorem boni?

*De cena Domini, & preparatione ad susceptionem corporis Christi. Cap. VII.*

Sed super omnia quotidie, & maxime Dominici corporis sacramenta sumpturus memoriam facias illius deuotissimi mysterij, quod in cena Domini primitus erat institutum. Siquidem postquam agnum paschalem typicum cum suis discipulis Dominus Iesus tomēdit more Iudæorum, tunc verum agnum paschalem comedendum dedit. Consecrauit enim corpus suum atque discipulis suis tradidit ad manducandum, quibus, & potestatem tradidit idipsum consecrandi, & alijs tribuendi. O vere magna munificentia, o inaudita largitas, o charitas superexcellens, qui seipsum dat, quid poterit negare? quid ultra faceret? omnia quæ potuit pro nobis fecit, omnia quæ habuit nobis dedit, dedit regnū suum, dedit & seipsum, ideoque in hac cena dicebat: Hæc quotiescumque feceritis, in mei commemorationem facite. In memoriam, scilicet eorū quæ pro te in carne gessi, quod propter te derisus, illusus, crucifixus sum. In mei, inquit, memoriam hoc sacramentum omnium sacramentorum excellentissimum ægrotis est medicina, peregrinanti-

S. Bon. Tom. 7. Pars iij.

bus dieta, debilesq. confortat, valentes delectat, languorem sanat, sanitatem seruat, fit homo mansuetior ad correptionem, patientior ad laborem, ardentior ad amorem, sagacior ad cautelam, ad obediendū promptior, ad gratiarum actionem deuotior. Aduerte tamen, quod effectus sacramentorum solet esse secundum dispositionem, & præparationem susipientiū. Neque enim Iudas præmissa dona suscepit, qui corpus Domini suscepit, si tamen suscepit. Ideoque tibi summopere studēdum est, ut quātum potueris ante susceptionem digne te præpares. Qui enim corpus & sanguinem Domini indigne sumit, iudicium sibi manducat, & bibit. Tria autem sunt, quæ exigit a te huius sacramenti digna susceptio, scilicet corporalem munditiam, puritatem conscientiæ, & actualement deuotionem. Corporalis autem munditia aliquando ex decenti, aliquando ex necessario requisita. Puritas autem conscientiæ, præsertim a criminibus, ipsa est necessaria. Ideo vide, ut ante susceptionem huius sacramenti contritionem habeas, atque si fieri potest, ante conspectum Domini humiliter lacrymas fundas, quibus te laues a peccatis tuis quæ fecisti, & quæ omisisti, & quæ facere potuisti corde, ore, & opere. Actualement deuotionem in te faciunt timor, & amor. Timor incutit reuerentiam; amor autem desiderium, & affectum. Habeas reuerentiam & timorem: terribilis enim est hæc mensa, ad quam cum debita reuerentia, & congrua vigilantia necesse est accedas. Siquidem in hac sacerdotali mensa, nunc præsens est Christus, & qui vltimam cenam cum Apostolis cenauit, ipse istam quoque consecrauit. Non enim homo est qui proposita, scilicet panem, & vinum, corpus Christi facit, & sanguinem; sed ille, qui pro nobis crucifixus est Christus. sacerdotis ore verba proferuntur, & Dei virtute & gratia proposita cōsecratur. Quo modo tu igitur ad illā mensam, ad præsentiam Christi, ad tactū Dei filij intrepidus audes accedere, quæ Ioannes Baptista tangere contremiscit? Petrus Apostolorū princeps a se præ formidine repulit, dicens: Exi a me Domine, quia homo peccator sum. Cogita quod iste quem tu sumis erit iudex tuus. Time igitur, ne si indigne sumperis, & sine reuerentia, post mortem inuenias iratum, cum ad eius tribunal præsentatus fueris iudicandus, quem tremunt Potestates, adorant Dominatones. Denique cogita, quod licet mille millibus annorum te ad hoc sacramentum per puras orationes, sanctissimas præparationes præparaueris, nihil esset ad condignam susceptionem, etiam si haberes merita omnium sanctorum, quanto magis tu qui sine deuotione, sine præparatione accedis. Item attēde propriam vilitatem modo superius dicto, & reputabis te indignum, & acquiesces reuerentiam congruam, & hoc valet maxime pro huius Sacramenti susceptione, ut quantum poteris fias vilis in oculis tuis. Habet etiā desiderium ad huius reuerendi Sacramenti susceptionē. Panis enim iste, ut dicit Augustinus, esuriem querit hominis interioris. Diuersi autem diuersimode affectum ad susceptionem huius sibi formant sacramenti. Aliqui enim trahuntur amore vnionis Christi, ut dilectum in se sapius amplexetur; aliqui trahuntur desiderio sanationis passionum suarum, & malorum desideriorum, ut eum quasi medicum aduocent, per quem ab omni infirmitate curentur. Aliquos trahit conscientia delictorum, eo quod hoc sacramentum institutum est in remissionem peccatorum, aliquos trahit amor, & compassio proximi, ut succurrant per hanc hostiam viuis simul & defunctis. Ut autem desiderium tuum accendatur, cogita, quod CHRISTVS omnium ad se accendentium dolores tulit, & omnes infirmitates nostras ipse portauit.

Mulier accedens retro sanata est: peccatrix pedes osculans est mundata: Chanaanæ dum importune sequitur, est exaudita: Leprosi accedentes curati sunt: demoniaci, paralytici, & cuncta naturæ monstra dum accedunt,

1. Cor. 11. f

Tria requiruntur in eo, qui Eucharistiam suscipiturus est.

Matt. 3. c

Luc. 5. b

F

K

Matt. 26.

Mar. 14. c

Luc. 22. b

1. Cor. 11. f

Matt. 9. c

Luc. 7. f

Matt. 15. c

Mar. 1. c d

Mar. 2. b

Luc. 6. c

accedunt, & credunt, salutem consequuntur. Nam virtus ex illo exibat, & sanabat omnes. Publicani & peccatores accedentes, veniam merentur, nec eorum conuiuia despexit. Igitur cum feceris quod in te est, accede in fide, & fiducia, sperans de infinita Dei pietate. Debes etiam præcipue ante huius Sacramenti susceptionem, deuotissime Christi passionem percurrere, nam specialiter in memoriam passionis hoc Sacramentum legitur institutum. Si autem quæris, quo te affectu magis debeas excolere timoris, scilicet & reuerentia, an amoris & desiderij, an debeas, ut multi, cum importuna desiderij festinantia anhelare, an ut nonnulli reuerentia, & timoris magnitudine, magnitudinem Sacramenti attendens, & propriam infirmitatem considerans, magis debeas affectu retrahi & elongari? Ad hoc sancti responderunt utrumque affectum commendantes, vniuscuiusque consciencie, quid ei melius visum fuerit, relinquentes. Festinauit siquidem Zachæus, ut Dominum gaudens in domum suam susceperet. Centurio propriæ infirmitatis conscius, repulit eum, dicens: Domine non sum dignus, ut intres sub tectum meum. Vnum tamen est quod omnibus generaliter tutum videtur, ut scilicet ex reuerentia timētes spem & desiderium non relinquant, ut ex spe & fiducia non amittamus timorem, & reuerentiam; sed semper inter hæc utraque confidentes, & timidi fluctuemus. Ait enim Sanctus Gregorius: Nihil nobis securius, quam sub spe timere. Simpliciter tamen loquendo dubium non est, quin melior sit affectus amoris, quam timoris, sed quod est simpliciter melius, in casu est sæpe peius, & pluribus periculosius.

Luc. 19. a  
Matth. 8. a

*De generalis materia exercendi in passione Domini.  
Cap. VII.*

**C**irca passionem Dominicam, in qua te præ ceteris exercitijs ardentius, & deuotius exercebis, ut ea quæ in sacris Euangelijs legeris, ad tuam deuotionem melius scias reflectere, & dirigere ad propriam utilitatem; scire debes, quod tria sunt, in quibus tua consideratio circa mortem Saluatoris nostri speciosissime speculatur.

Circa Passione Domini tria consideranda.

Sunt autem hæc tria, opus, modus, & causa. Opus, ut ipsam passionem, sicut facta a sanctis Euangelistis narratur, studiosa, & deuota mente pertractes, & inuenies Christi mirabilem patientiam, & excitaberis tu ad compassionem. Cum autem Sacramentum, diuinæ scilicet passionis historiam in mente tua reuoluas, ut ad litteram materiam nostræ redemptionis contempleris, diligenter debes ad hoc niti, ut quoties audis Iesum vel Christum hoc fecisse, vel sustinuisse, per nomen Iesus, in mente tua repræsentetur, nec solum Deus, nec solum homo, nec sola deitas, vel humanitas, sed in mente formabis conceptum personæ vnius, quæ simul est Deus & homo, & in qua deitas, & humanitas sine essentiarum permixtione, in vno supposito conuenerunt. Itaque Christus, vel Iesus cum dicitur, Deus & homo & persona deitatis, & humanitatis designatur. Ita quid quid Deus fecisse dicitur, hominem fecisse firmiter fide catholica retinemus, quidquid homo sustinuit, Deum credamus, & cogitemus sustinuisse, verbi gratia, cum legis Christum fleuisse super Lazarum, vel Hierusalē, in mente concipies non nudum hominem, quoniam tunc minus mirabile est hominem fleuisse: sic cum audies Christum in cruce pependisse, non hominem solum in mente cogita, sed hominem Deum, & amplius miraberis, & multo plus ad deuotionem accenderis, & moueberis ad compassionem. Et quidem omnibus fidelibus Iesus, vel Christus Deum hominem repræsentat: sed quanto illud lucidius, & clarius attendere poteris, tanto eris deuotior in Christi vita, morte, miraculis & factis.

Ioan. 11. c  
& Luc. 19.

Secundo circa opus passionis Christi, ut magis accendaris ad compassionem, debes diligenter aduertere quotiescunque legeris, aut in passione Chri-

sti aliquas pœnalitates Christo inflictas, eodem genere pœnalitatis seu eodem genere pœnarum Christum in passione sua ultra omnem æstimationem fuisse afflictum, quod ex multis causis poteris considerare, quæ te ut passionis Christi amaritudinem sentias, multum mouebunt. Si bene consideras, vnusquisque homo in eodem gradu pœnalitatis plus minusue patitur, quāto pœnam plus minusue senserit, ut notum est. Tanto enim quisque pœnam facilius, & acrius sentit, quanto natura fuerit viuacior, & sensus eius facilius percipit. Sed Christus erat viuacissimus, ideo quælibet pœna ei inflicta erat ei grauissima. Cogita ergo si illa crucifixio, & illa clauatio manuum & pedum, de qua Propheta ait: Foderunt manus meas, &c. alteri fuisset homini intolerabilis, quā grauior & acerbior Christo in sua natura delicatissima, nobilissima, & viuacissima. Item erat pœna eo grauior, quo a peculiari suo populo inflicta, cui merito dicere poterat, Popule meus quid facere debui tibi, & non feci? Tu autem quid peius mihi retribuere poteris quā fecisti. Item pœna Christi erat in omni sensu, & in omni membro, sicut inuenies si bene opus passionis in mente tractaueris. Item deuote imaginare interiorē Christi pœnalitatem, quæ forte exteriori pœna non erat minor, immo forsitan multo maior, quæ interiora pœna causabatur in eo ex zeli feruore pro humano genere, in quo tamen quo ad maiorem partem, videbat passionem suam fore inutilem. Item hæc interior pœna surrexit ex magna compassione suæ dilectissimæ matris: item ex nostra cecitate, & ingratitude. Cum igitur legeris, vel in mente reuolueris quomodo Christus fuit flagellatus, derisus, illusus, consputus, crucifixus, &c. noli solum cogitare de pœna exteriori, sed ita Dominum Iesum respice in talibus pœnis, quasi hominem Deum exterius summa pœnalitate afflictum, & etiam ultra quā humana mens comprehendere potest, interius tribulatum, & dolorosum. Et vere si ita respicis Christum in quauis afflictione constitutum, si non condoles, valde mirandum est. Cum reuera si perfecte comprehenderes animal brutum ira inexplicabili pœna affligi, humanitatis aspectu compatereris, quanto magis Domino Deo. Et hæc de opere.

Psal. 21. c

Circa modum autem patiendi si diligens fueris, & deuote rimaris, inuenies præcipue humilitatem, mititatem, & generaliter omnium virtutum exemplar imitandum. Ut autem modum patiendi in Christo in te melius sentias, debes in omnibus, quæ de passione Christi legis vel cogitas, semper in mente tua reuoluere, quomodo Christus se habuit in verbis, in responsionibus, in factis, in pœnis, quomodo se habuit tam interius, quā exterius, & quomodo illa prout loco, & personis congruebat, optimo modo formabat, & hoc poteris in Evangelio inuenire, vel certe si ibi non est expressum, ex teipso forma. Nam nullus Christianus ignorat, quin in omnibus optimo modo se habuit. Igitur de modo ita debes cogitare, cum verbi gratia legis: Stetit Iesus ante Pilatum præsidem, &c. Cogita primo modum stationis, quā humilis fuit, forte inclinato capite, demissis oculis. Deinde de modo prolationis verborum, quā leni & dulci voce deprompsit, ita ut te delectaret audire aliquem hominem ita loquentem. Nam vox eius non minus, quā facies decora. Deinde cogita quomodo se habuit, & planum est, quod stetit cum summa humilitate, non habens inuidiam contra Pilatum, & Iudæos, sed compassionem. Sic cogita quando Iudæi clamauerunt, Crucifige, & cetera, quomodo Christus audiuit, certe summo dolore, & ex compassione, & zelo tamen exterius humiliter se habuit. & sic omnia pertractans, imitare modum Christi se habendi secundum locum & tempora, & inuenies omnem

Matth. 27. b

Luc. 23. c

omnem virtutem in Christo, & optimum modum quo se habere potuit. Maxime autem diligenter attende modum, quo interius se habuit compassionis, & zelo.

Circa tertiam scilicet causam, ira semper lege & cogita de passione Redemptoris tui, ut scias, quia tu es causa. Passus est enim propter tuam redem-

ptionem, illuminationem, iustificationem, & glorificationem. ita semper attrahe tibi & hoc beneficiū, quasi sit pro te solo passus, ut supra dictū est. Ita cogita semper, ut quidquid legeris vel cogitaueris, quasi dicat Christus, hoc feci, ut sequareis vestigia mea, te humiliter, patiens sis, tollas crucem tuam & sequareis me: quia non est seruus super Dominum suum.

Matth. 10.

## S. BONAVENTURAE EXIMII ECCLESIAE DOCTORIS

Opusculum, quod inscribitur,

PASSIO CHRISTI BREVITER COLLECTA  
ad modum fasciculorum.

*Demonstrat & omni pietate plenus est iste tractatus: in quo fasciculus Myrrha Sponsa vberibus interponitur, ut virtutum studium, & ad Christi vulnera compassionis affectus augeatur. In antiquis impressis non erat hoc opusculum a superiori distinctum: tamen visum est in hac editione sub peculiari titulo precedens annectere, cum solū in eo de passione Christi ad modū fasciculorum sermone Auctor scribat. Idemq. factum est de eo opusculo, quod supra pagina 27. inscribitur, De pugna spiritali contra septem vitia capitalia, quod post hoc sine ullo titulo in antiquis impressis continetur. Ibi enim apertius visum fuit apponere post illud, cui titulus est, Formula aurea de gradibus virtutum.*

Primus fasciculus, Dominica die, de oratione in horto, & capitione.

A veraciter Dei filium, omnium principium, Saluatorem omnium, & retributorem omnium.

Cant. 1. b



ASCICVLVS myrrhæ dilectus meus mihi, inter vbera mea commorabitur, loquitur anima deuota, designans Christi amaritudinem se simul collectam iugiter in suo pectore circumferre. Ut autem tu etiam quicumque memoriam tuā per meditationem mortis Christi reformare desideras, in promptu habeas fasciculos, qui in memoria tua commorentur, passionem Christi hic tactam solummodo ordine Evangeliorum inferuimus compendiose, ut ex illis paucis secundum illa tria, quæ dicta sunt, opus, modum, & causam, habeas materiam copiose meditandi, & de paucis plurima colligas. Cogita igitur quomodo sollempni illa cena, de qua supra dictum est, celebrata, & hymno dicto, Christus Deus & homo videns appropinquare tempus suum, surrexit ut iret ad montem, hoc est opus quod fecit. Cogita igitur, ut supra dictum est, de modo, quomodo se habuit intus, & extra. Eundo, fugam discipulorum prædixit: Petrus

asserit ter se negaturū, & alia quæ loquebatur. & hoc iterum opus attende. Cogita etiam quomodo exteriori verba illa de promptu, & quali interiori protulit affectu, sic facias vbique nec opus semper est repetere. Assumpto Petro, Iacobo, & Ioanne ait: Tristis est anima mea usque ad mortem. Relictis illis solus orat in monte. Finita tertia vice oratione, ex imaginatione mortis, & interno dolore, & timore, factus est sudore eius sicut sanguis, innuens ineffabilem penam per hoc. nam de nullo tale aliquid legimus. Tunc Angelus vnus suum Dominum confortauit. Cogita, quomodo Christus inimicis suis obuiavit, & sponte se obrulit, & verbo suo eos in terrā prostravit. Deinde a Iuda osculatur, a Iudæis capitur, trahitur, vincitur, & ad domū Annæ deducitur: & omnes discipuli fugerunt. & hic sit tibi fasciculus vnus memoriæ commendandus. Et hic si placet, pores aspicere Christum, qui sit iste qui ista patitur, & te subdas ei per rationis assensum. Crede igitur, & cogita ipsum esse

A. M. C. L. Bon. Tom. 7. Pars iij.

Fasciculus secundus, de illusione coram Anna, & Caipha, & negatione Petri.

IN domo Annæ confessus veritatem, a seruo nequā percutitur. Cogita hic opus, modum & causam, vel saltem aliquod eorum sicut tibi congruit. Deinde in domo Caipha, ubi Scribæ & Pharisei expectabāt, adducitur, illudatur, & percutitur tamquam blasphemus. Falsum testimonium queritur, & non inuenitur. A Pontifice adiuratur, a Petro ter negatur, sed Christus respiciens Petrum, exire, & flere amarissime compulit. Mane factō ad Pilatum victus ducitur. Cogita modum quo ipsi eum ducebant, quia pessime tamquam latronem & maleficum, &c. Iudas videns, quod parabant Christum ad mortem, tantum in seipso doluit, quod tam dulcem hominem tradidit, ut se laqueo suspenderet, & retulit pecuniam, cum qua emptus est ager, sicut prædixit Hieremias: Coram Pilato multipliciter innocenter accusatur, mittitur ad Herodem, ab eo ut fatuus illudatur, & irridetur. Hic diligentissime considera qualis est qui patitur, & ei configurare, ut compatiaris innocentissimo, mitissimo, amantissimo, & nobilissimo. Et hic sit fasciculus secundus.

Zachar. 11

Fasciculus tertius, de coronatione, & crucifixione.

POST hoc petentibus Iudæis dimittit Pilatus Barabam, & tradidit Iesum ad crucifigendum victus importunitate Iudæorum, & timore Cæsaris. Tunc Iesus more, & schemate regis multipliciter illudatur, chlamyde induitur, spinis coronatur, arundine percutitur, ut Rex in derisum adoratur. Hic homo cogita modum, attende causam, quomodo scilicet Christus se habuit, & quomodo Iudæi se habuerunt, causam quare tanta sustulit, vadens ut crucifigatur, proprium portat patibulum, populus sequebatur, & mulieres flentes, quibus ait: Nolite flere super me, &c. In monte Caluarie crucifigitur. Et hic diligenter pertracta modum crucifixionis. Aut enim primo crucē

Luc. 23. d

K 2 erexerunt,

erexerunt, & Christus ascendit ad crucem, aut certe crucem posuerunt in terram, & ibi eum clavis affixerunt. Nam alius modus non apparet. Et hic tertio specialius conuenit considerare, quantus est iste qui tanta patitur, ut ad ipsum possis egredi per admirationis aspectum, quia immensus est potestate, speciositate, felicitate, & æternitate. Admirare igitur maiestatem annihilari, speciositatem decolorari, felicitatem tormentari, æternitatem mori. Et hic tertius fasciculus.

*Fasciculus quartus, de his qua facta sunt dum Christus penderet in cruce, & de emissionem spiritus.*

**P**endens Christus in cruce, sitit. Cogita opus quomodo Christus penderet, cogita modum, & causam, cogita, quod sitit, orat pro crucifixoribus, blasphematur in cruce, irridetur a prætereuntibus, a principibus, a latrone, titulus verissimus & indelebilis, Iesus Nazarenus Rex Iudæorum, scribitur. Stat mater Iesu dolorosa sub cruce, quam respexit, & Ioanni commisit. sunt tenebræ. Designans tandem quanta sua esset pena, & quod humanitas fuit deserta, in eo, quod nulla fuit redundantia superiorum virium, in quibus fruebatur, ad inferiores quibus patiebatur, clamabat: Eli, Eli, lamma sabachthani? Accepto aceto, consummatis iam omnibus, cum nihil restabat agendum, clamans alta voce tradidit spiritum, innuens, quod quamdiu veller, tamdiu viveret, & quod nullus animam suam a se tolleretur, sed quod ipse sponte eam poneret. Et hic debes considerare, quali forma passus est, assimilationis amictu. Passus est enim sicut verus agnus liberalissime respectu sui, obedientissime respectu patris, prudentissime respectu aduersarij. Stude igitur ad habendum habitum secundum effigiem modi se habendi, scilicet benignitatis, seueritatis, humilitatis, & perspicacitatis. Et hic sit fasciculus quartus.

*Ioan. 19. d*

*Mat. 27. e*

*Fasciculus quintus, de his qua facta sunt Christo pendente in cruce post mortem.*

**L**atronum ossa confringuntur, Christi os non comminuitur, ne figura de hoc euacuetur. Latus eius aperitur, unde profliunt Ecclesiæ sacramenta, velum scinditur, sepulchra mortuorum aperiuntur, ut inde mortui in die resurrectionis cum Christo resurgerent. Hic considera quantum pro te passus est, & crucem amplectere per passionis desiderium, ut sicut ipse passus est iniuriam, conuicia, ludibria, supplicia, sic tu passionem Christi imitando, amplectere pro eo omnem passionem plenam iniurijs, conuictijs, ludibrijs, & supplicijs. Et hic fasciculus quintus.

*Fasciculus sextus, de septem signaculis in passione Christi reueratis.*

*Apoc. 5.*

**P**assio Christi non solum reformat memoriam per deuotam meditationem, nec solum inflamat desiderium ad deuotionem, quin immo præcipue illustrat intellectum, & ducit ad cognitionem veritatis. Siquidem in vniuersitatis cognitione, septem erant clausulae ante Christi passionem, quæ sunt in eius passione reuerata. De quibus intelligi potest illud Apocalypsis: Aperta sunt signacula septem. Primum signaculum fuit Deus admirabilis, qui per crucem manifestatus est esse summa sapientia, in eo, quod diabolus decepit, summa iustitia, in quantum quæ fuit redemptionis premium, summa misericordia, quia tradidit pro nobis filium. Secundum signaculum fuit spiritus intelligibilis, qui manifestatus est per passionem, quantum sit benignitatis, quantum ad Angelos, qui permiserunt Christum crucifigi, quantum dignitatis quoad homines, nam propter eos Christus est crucifixus, quantum crudelitatis quoad demones, qui Dominum Deum suum fecerant crucifigi. Tertium signaculum est mundus sensibilis,

**A** qui in morte Christi probatur esse locus tenebrarum, in quo regnat cæcitas, quia lucem veram non cognouit, in quo regnat sterilitas, quia Christum infructuosum reputauit, impietas, quia innocentem condemnauit. Quartum signaculum fuit paradysus, qui per crucem apparet esse locus gloriæ, lætitiæ, & opulentiæ in eo, quod Christus propter eius restitutionem factus est vilis, pauper, & miser. Quinto per mortem Christi infernus manifestatus est esse plenus omni egestate, vilitate, & paupertate, quia si hæc passus est propter peccati deletionem, multo magis damnati hæc patiantur propter iustam operum retributionem. Sextum signaculum fuit virtus laudabilis, quæ per crucem Christi probatur esse pretiosa, speciosa, & fructuosa. Pretiosa, quia Christus antevoluit vitam corporalem perdere, quam contrariari virtuti. Speciosa, quia in contumelijs relucebat. Fructuosa, quia vnus perfectus actus Christi virtutis infernum spoliavit, cælum aperuit, perditum restaurauit. Septimum signaculum per crucem apertum est, & in eo quod apparuit reatus culpabilis, quam detestabilis sit, cum ad sui remissionem indigeat tam magno pretio, tam grandi piaculo, tam difficili medicamento.

**C** *Fasciculus septimus, de Resurrectione, Ascensione, & emissionem Spiritus sancti.*

**T**ertia autem die Christus victor mortis resurrexit, & nos resurrekturos monstrauit. Si igitur Christo passo fuisti compassus, nunc resurgenti congaude. Cogita deuote qualiter anima Christi ad infernum descendit, quid ibi egit, & de gaudio sanctorum patrum, & tristitia demoniorum. Cogita de timore custodum. Cogita de custodia Angelorum circa sepulchrum, quomodo nunc refertur vnus solus sedere, nunc stare supra lapidem, nunc in sepulchro, nunc duo, & hi diuersimode, per quod ostenditur multitudo Angelorum circa sepulchrum, & varia visitatio mulierum. Cogita quomodo amor & desiderium Magdalenam, & alias feminas frequenter cogebat currere, & sepulchrum Domini visitare. Cogita de varijs Christi apparitionibus. Cogita de dulcibus eius colloquijs cum discipulis. Cogita, cur Christus voluit in Galilæa apparere, nisi ut debeas a vitijs transmigrare. unde Pascha transitus. Sed in Galilæa, id est transmigratione, & mutatione cor. orum nostrorum, in regno cælorum Christum videbimus post generalem resurrectionem. Post quadraginta dies resurrectionis ascendens Christus in altum, captiuam duxit captiuitatem sanctorum patrum. Meditare de gloriosa processione ascendentium cum Christo, nam sancti sequebantur, Angeli venientes obuiabant, & tunc inter se quæstiones illas formabant, de quibus Isaias ait: Quis iste est qui venit, &c. Cogita de tristitia Apostolorum, & Angelorum gaudio. Cogita de Angelis redeuntibus & Apostolos consolantibus. Disce tu ascendere ad Christum, sed per ascensiones prius dictas, ut relinquant hic vitium: quia nullum vitium ascendit cum Salvatore, ut dicit Augustinus. Deinde de cælo Dominus in linguis igneis misit Spiritum sanctum. Vide quomodo deinde Apostoli fuerunt confortati, & in charitate fundati. Meditare cur Spiritus sanctus in igne, cur in linguis, cur in vtrisque simul, & cur in alijs creaturis apparuit: & stude proprietates rerum talium in te habere. Cogita effectus & dona Spiritus sancti, & multa similia circa Spiritus sancti missionem, signaq. militantis sub gula, scilicet somnū, cordis duritiam, otiositatem, risus procacitatem, contradictionem, & insensibilitatem.

*Isa. 63. a*

*Aug. ser. 2. in festo Ascensionis. qui est de 179. in prim. 10. 10.*

S. BONA-



# S. BONAVENTURAE EXIMII ECCLESIAE DOCTORIS

## Soliloquium

### DE QUATTUOR MENTALIBVS EXERCITIIS Quod dicitur Imago vita: & Dialogus eiusdem Auctoris.

*Hoc opusculum, quod non minori eruditione, quam deuotione plenum est, contemplationis lumen, & charitatis ignem fouere volens copiosissimam materiam praebeat. Nam animam & hominem se inuicem interrogando & respondendo Auctor inducit, & plerisque Sanctorum Patrum sententijs in medium allatis (de quibus, ut idem auctor, tractatum hunc compilauit) hoc agit, ut vnumquemque facile doceat, quomodo per mentale exercitium oculum contemplationis in interiora sua, in exteriora, inferiora & superiora conuertens, spreto commutabili bono, incommutabili & aeternum totum animi affectu prosequatur. Habet vero hoc soliloquium multa desumpta ex illo Hugonis de S. Victore de arrha anima, cui est valde simile.*

#### SVMMA CAPITVM HVIVS OPVSCVLI.

*Quomodo anima per mentale exercitium debet radium contemplationis reflectere ad interiora sua, ut videat qualiter est formata per naturam, deformata per culpam, & reformatam per gratiam.*

Cap. I.

*Quomodo anima per mentale exercitium debet radium contemplationis conuvertere ad exteriora, ut cognoscat quam instabilis sit mundana opulentia, quam mutabilis mundana excellentia, & quam miserabilis mundana magnificentia.*

Cap. I I.

*Quomodo anima per mentale exercitium debet radium contemplationis conuvertere ad inferiora, ut intelligat humana mortis inuitabilem necessitatem, iudicii finalis formidabilem austeritatem, poena infernalis intolerabilem poenalitatem.*

Cap. III.

*Quomodo anima per mentale exercitium debet radium contemplationis conuvertere ad superiora, ut cognoscat, & sapiat caelestis gaudij inestimabilem pretiositatem, ineffabilem delitiositatem, & interminabilem aeternitatem.*

Cap. IIII.

#### P R O L O G V S.

Ephes. 3. b



LECTO genua mea ad Patrem Domini nostri Iesu Christi, a quo omnis paternitas in caelo, & in terra nominatur, ut det vobis secundum diuitias gloriae suae virtutem corroborari per spiritum eius in interiori homine, Christum per fidem habitare in cordibus vestris: in charitate radicati, & fundati, ut possitis comprehendere cum omnibus sanctis, quae sit longitudo, latitudo, sublimitas, & profundum, scire etiam supereminentem scientiae charitatem Christi, ut impleamini in omnem plenitudinem Dei. Apostolus Paulus vas aeternae electionis, sacrarium diuinae Sanctificationis, speculum & exemplar supernae contemplationis in verbis praemissis ostendit nobis mentalis exercitationis ortum, obiectum, & fructum. Mentalis enim exercitatio si debet esse pia & salutifera, oportet quod habeat potentiam supernaturaliter confortantem, sapientiam regulantem, & clementiam, consolantem. Flectat igitur anima deuota diuinam contemplationis amore accensa, genua mentis ante thronum beatissime & incomprehensibilis Trinitatis: pulset humiliter, & postulet sapienter Dei patris confortatricem potentiam, ne labore depressa succumbat: Dei filij regulatricem sapientiam, ne errore seducta a veritate deuiet: Dei Spiritus sancti consolatricem pietatem, & clementiam, ne tardio victa deficiat. Omne enim datum optimum, & omne donum perfectum, de sursum est descendens a patre luminum. & secundum Augustinum: Omne bonum nostrum aut Deus

A est, aut a Deo est. Vnde non immerito in omni boni operis initio, ille est inuocandus, a quo omne bonum originaliter progreditur, per quem omne bonum exemplariter producit, & ad quem omne bonum finaliter reducit. Haec est illa ineffabilis Trinitas, Pater, Filius, & Spiritus sanctus, quam tangit Apostolus, cum dicit: *Flecto genua mea*, &c. usque ibi, *ut possitis*.

Ephes. 3. b

Obiectum mentalis exercitationis.

Ortus exercitationis mentalis.

Iac. 1. 6.

Aug. lib. de

Secundo ostendit istius salutiferae mentalis exercitationis obiectum. Obiectum vero exercitationis deuotae mentis, dicuntur esse interiora, & exteriora, inferiora, & superiora. Debet enim anima deuota per mentale exercitium contemplationis radium reflectere primo ad interiora sua, ut videat qualiter sit formata per naturam, deformata per culpam, reformatam per gratiam. Secundo debet conuvertere radium contemplationis ad exteriora, ut cognoscat, quam instabilis sit mundana opulentia, quam mutabilis mundana excellentia, & quam miserabilis mundana magnificentia. Debet etiam tertio radium contemplationis conuvertere ad inferiora, ut intelligat humanae mortis inuitabilem necessitatem, iudicii finalis formidabilem austeritatem, poena infernalis intolerabilem poenalitatem. Debet quarto conuvertere radium contemplationis ad superiora, ut cognoscat, & sapiat caelestis gaudij inestimabilem pretiositatem, ineffabilem delitiositatem, & interminabilem aeternitatem. Haec est illa crux beata, quattuor finibus terminata, in qua o anima deuota, cum tuo dulcissimo sposo Iesu Christo debes iugiter meditando pendere. Hic est ille currus igneus, quattuor rotis consummatus, in quo debes post tuum fidelissimum amicum assidue contemplan

4. Reg. 2. d

S. Bon. Tom. 7. Pars iij.

K 3 do, c.

Cant. 3. a

Fructus mē-  
talis exerci-  
tationis.

2. Cor. 15. d

do, cæli palatium conscendere. Hæc est illa quadruplex regio videlicet Orientalis, Aquilonaris, Occidentalis, & Meridionalis, quam tu o anima quotidie debes peregrinando intrare, & tuum dilectum specialissimum in ea speculando quærere, & inuestigare, vt possis dicere cum sponsa: In lectulo meo quæsiui per noctem, quem diligit anima mea. Hæc quattuor tangit Apostolus cum subiungit: *Vt possitis comprehendere cum omnibus sanctis, quæ sit longitudo, latitudo, sublimitas, & profundum.* Fructus illius salutiferæ exercitationis si digne, & laudabiliter exequatur, est felicitas æterna, quæ est quid optimum, & pulcherrimū, & per se sufficientissimum, nullo extra se indigens. In qua videbimus, & amabimus, vocabimus, & laudabimus in æternum, & ultra, eum qui est benedictus in sæcula. Hunc fructum promittit Apostolus quando sermonem concludit, dicens: *Vt impleamini in omnem plenitudinem Dei.* Hanc plenitudinem tunc inuenimus, quando Deus erit voluntati multitudo pacis, rationi plenitudo lucis, memoriæ continuatio æternitatis. Tunc enim Deus erit omnia in omnibus cum a ratione omnis error, a voluntate omnis dolor, & a memoria omnis timor recesserit, & successerit illa, quam speramus, mira serenitas, diuina iucunditas, æterna securitas. Hunc tractatum instigante conscientia, propter simpliciores quosque simplicibus verbis de Sanctorum dictis compilauimus, per modum cuiusdam dialogi: in quo anima deuota veritatis æternæ discipula meditando interrogat, & homo interior mentaliter loquendo respondet. Vt autem ad inestimabilem contemplationem istius mētalis exercitationis perueniamus, ab exordio incipiamus, & Patrem luminum humiliter inuocando accedamus: genua cordis deuote flectamus ante thronum æternæ Maiestatis, & ante solium indiuiduæ Trinitatis lacrymis, & gemitibus incessanter clamemus, vt Deus Pater per suū benedictum Filium donet in Spiritu sancto nobis gratiam exercitandi mentaliter, vt possimus cognoscere, quæ sit longitudo, latitudo, sublimitas, & profundum, vt per hanc pertingamus ad eum qui est omnis desiderij finis, & complementum. Amen.

*Quomodo anima per mentale exercitium debet radium  
contemplationis reflectere ad interiora sua, vt  
videat qualiter est formata per naturam,  
deformata per culpam, & re-  
formata per gratiam.  
Cap. I.*

## A N I M A.

Amb. in ps.  
118. O. 70.  
mar. 4. ver.  
3. 10. 2.

Ber. lib. 2.  
de cōsid. ad  
Euge. Pap.  
cap. 3.  
Idem li. Me-  
ditation. c.  
1. in princ.

**D**ic quæso o homo, si post deuotam inuocationem diuinæ magnificentiae, & post humilem implorationem æternæ sapientiae, & demum post flebile supplicationem supernæ pietatis & clementiae, gratiam exercitandi mentaliter circa quadruplicem materiam videlicet longitudinis, latitudinis, sublimitatis, & profunditatis obtinerem, quo ordine inchoare, ne meritū huius exercitationis amittere, si indebito ordine ignoranter procederem? Ordinis enim ignorantia secundū Ambrosiū perturbat formam meritorum: nec reputatur, secundum eundem, perfecta rei cognitio in nobis existere cum scimus quid faciendum, & ignoramus quo ordine sit procedendum.

**H**omo. O anima, secundum Bernardum, a te tua consideratio inchoet, ne frustra extendaris ad aliena, te neglecta. Idem. Multi multa sciunt, & seipsos nesciunt, alios inspiciunt & seipsos deserunt, Deum quærentes per exteriora, deferentes sua interiora, quibus interior est Deus. Idcirco ab exterioribus ad interiora redeam, & ab interioribus ad superiora conscendam: vt possim cognoscere, vnde veni aut quo vadam. vnde sim, & quid sim: & ita per cognitionem mei ascendā ad cognitionem Dei. Item Chrysostomus super Mat-

**A**thæum dicit: Non minima pars philosophiæ est cognitio sui. Item Ambrosius in hexaemeron: Cognosce te o homo quantus sis, attende tibi vt consideres, quid inte intret in cogitatione, quid exeat in sermone. Vitam ergo tuam o anima quotidiana discussione examina. Attende diligenter quantum proficias, quantum deficias, qualis sis in moribus, qualis sis in affectionibus, quàm similis sis Deo, & quàm dissimilis, quàm prope & quàm longe. Illud semper agnosce, quàm multo laudabilior & melior es, si te cognoscis, quàm si te neglecto cursus siderum, vires herbarum, complexiones hominum, naturas animalium cognoscere, scientiam omnium cælestium, & terrestrium haberes. Redde ergo te tibi, & si non semper saltem interdū. Rege tuos affectus, dirige actus, corrige gressus. Igitur anima tene consilia sanctorum, & primo radium contemplationis conuertere ad regionē orientalem, hoc est ad considerationem tuæ condonationis. Diligenter igitur cōsidera, quàm generose a summo artifice sis facta per naturam, quàm vitiose a tua voluntate deformata sis per culpam, quàm gratiose a diuina bonitate, sæpe reformata sis per gratiam.

**P**rimò ergo considera, quàm generose formata sis per naturam. Generositas tua naturalis consistit in hoc vt existimo, quia ibi naturaliter ad tui decorem impressa est imago Beatissimæ Trinitatis. Vnde Anselmus in prologo: Fateor Domine, & gratias ago, quia me creasti ad tuam imaginē, vt tui memor sim, te cogitem, te diligam. Bernardus: Secundum interiorem hominem tria in me inuenio, per quæ Deum recolo, conspicio, & concupisco. Hæc tria sunt memoria, intelligentia, & voluntas. Cum enim Dei reminiscor, in ipso condelector. Memoria enim eius super vnum. Cum intelligentia ipsum intueor, quantum in se sit incomprehensibilis, quia principium, & finis. In Angelis desiderabilis, quia desiderant in eum prospicere. In sanctis omnibus delectabilis, in quantum in eo assidue felices lætatur. In creaturis omnibus admirabilis, quia omnia potenter creat, sapienter gubernat, benigne dispensat. Cum hæc intueor ipsum, concupisco. Cum Deum per voluntatem diligo me in ipsum transformo. Hæc est enim virtus amoris, vt talem te esse oporteat, quale est illud quod amas. Hæc Bernardus. Recognosce ergo o anima mea, quàm mira & inestimabilis dignitas est, esse non solum vestigium creatoris, quod est commune omnibus creaturis, sed etiam esse imaginem, quod est proprium creaturæ rationalis. Lauda igitur anima mea Dominum,

**E** lauda Deum tuum Sion. Expergiscere & lauda, exulta, & gaude, quia insignita es Dei imagine, decorata similitudine, particeps rationis, capax æternæ beatitudinis. Sed quia hæc modica non immerito forte iudicarentur, si morte finiretur, exulta & lauda quia cum prædictis dedit tibi naturam immortalem, substantiā incorruptibilem, durationem interminabilem, vitam perpetuā. Imago enim æternæ Trinitatis non esses, si termino mortis præcludi posses. Augustinus de ciuitate Dei: O anima aduerte, quod creator tuus post illud esse dedit tibi perpetuum esse, post hoc dedit tibi viuere, sentire, discernere, sensibus te decorauit, sapientia illustrauit. Tuam igitur pulchritudinem attende, vt intelligas, qualem debeas in te pulchritudinem diligere. Quod si temetipsam, vt expedit, contemplari non sufficis, cur saltem quid de te æstimare debeas, ex iudicio alieno non perpendis? Sponsum habes de cuius pulchritudine, si nō dubitares, scires, quod tam pulcher, tam formosus, tam vnicus Dei filius, tuo aspectu captus non esset, si eum singularis decor & ultra ceteros admirandus, non traxisset. Hæc Augustinus. Sed hæc fortasse, o anima nimis ingrata, tibi videtur modica, propterea audi tertio dignitatē admirabilem: quod tantæ es simplicitatis, quod nihil potest domum mentis tuæ inhabitare, nihil potest in ea mansionem facere, nisi simplicitas, & puritas Trinitatis æter-

Amb. lib. 6.  
in Hexaem.  
c. 8. in med.  
10. 1.  
Ex Ber. in  
Meditatio.  
c. 5.

Ansel. in  
prolog. c.  
1. in fin.  
Ber. in Me-  
ditation. c.  
1. non lon-  
ge a princ.

1. Pet. 1. c

Ps. 147. a

*Ioh. 14. c* æternæ. Ecce quid dicit sponsus tuus: Ego, inquit, & pater ad eum veniemus, & mansionem apud eum faciemus. Et alibi in Euangelio: Zachæ festinans descendere, quia hodie in domo tua oportet me manere. Illabi enim menti illi soli possibile est, qui eam creauit. Ipse enim est qui intimior intimo tuo ei se perhibet, ut dicit Augustinus. Gaude igitur o felix anima.

*Luc. 19. a* quod potes esse tanti hospitis hospita. Bernardus: O felix anima quæ quotidie cor suum mundat, ut inhabitantem Deum suscipiat, cuius hospes nullo bono indiget, quia auctorem omnium bonorum in se habet. O quam beata anima apud quam Deus sibi requiem inuenit, quæ dicere potest: Qui creauit me

*Aug. lib. 3.* requieuit in tabernaculo meo. Negare siquidem ei cæli requiem non poterit qui sibi in hac vita requiem præparauit. Hæc Bernardus. O anima nimis es auara, si non sufficit tibi tanti hospitis præsentia: quia scio, quod tam liberalis est, quod communicabit tibi de bonis suis: quod tam pius est, quod ditabit te donis suis. Nullo enim modo deceret tantum principem, si hospitam suam permetteret indigentem. Adorna igitur thalamum tuum, & suscipe regem factorem tuum, de cuius præsentia exultabit, & lætabitur tota familia tua. O vere mira & multum admirabilis sententia! Rex cuius pulchritudinem sol & luna mirantur, cuius magnitudinem cælum, & terra reuerentur, de cuius sapientia cælestium spirituum agmina illuminantur, de cuius clementia omnium beatorum collegia satiantur, talis tuus, o anima, desiderat hospitium, tuum cenaculum, plus quam cæleste palatium appetit, & exoptat. Delicia enim suæ sunt esse cum filiis hominum. Sed si hæc adhuc te non mouent ad laudandum creatorem tuum, conuertere contemplationis radium ad quartum beneficium, & cognosce, quod tantæ capacitaris est palatium tuum, quod nulla creatura sufficit satiare tuum desiderium. Hugo de S. Victore: Omnis iucunditas, omnis suauitas, omnis potentia, omnis opulentia rerum creaturam afficere cor humanum potest, satiare non potest. Anselmus: Omnis creatura, quæ Deus meus non est, mihi inopia est. Et quare? Reuera secundum Gregorium in moralibus: Anima humana quæ ad Deum appetendum facta est, quidquid infra Deum appetit, minus est. ideoque iure ei non sufficit, quod Deus non est.

*Eccl. 24. a* Iam, ut æstimo, anima sufficienter vidisti tuam nobilitatem, quæ est valde laudabilis: conuertere nunc radium contemplationis ad tuam super ceteras creaturas potestatem, quàm reuera est admirabilis. Hugo de arrha anime: O anima mea quid dedit tibi sponsus tuus? Respice mundum istum. omnis natura ad hunc finem cursum suum dirigit, ut tuis vtilitatibus deferuiat, tuisque oblectamentis secundum distributionem temporum indefinenter occurrat. Vide iam anima mea, & diligenter considera, quod creator tuus sponsus & amicus, totam machinam mundalem ad tuum ordinauit ministerium. Ecce Angeli purgāt & inflammant tuum affectum, illuminant & informant tuum intellectum, perficiunt, & custodiunt tuum subiectum. Magna dignitas est habere tales doctores consolatores & tales conseruatores. O anima si videre posses, quanto gaudio quantoque tripudio assistunt orantibus, intersunt meditantibus, quanto studio nos in bono conseruant, quanto desiderio nos & salutem nostram æternam expectant! Cælum tibi deferuit per suum motum, luminaria cæli per suum influxum, Sol causat tibi diem, luna illuminat tibi noctem, ignis temperat aeris frigiditatem, aer tibi mitigat ignis internam caliditatem, aqua tibi mundat foetorem, mitigat tibi sitis ardorem, & fecundat terræ vigorem. Terra vero te sustentat sua soliditate, recreat sua fertilitate, delectat sua amœnitate. Ecce anima breuiter discurristi per singula, ab inferioribus ad superiora, & inuenisti, quod omnis creatura ad hunc finem ex diuina ordinatione cursum suum dirigit, quatenus

*Pron. 8. d* A tuis vtilitatibus deferuiat, tuisque oblectamentis indefinenter occurrat. Sed caue anima mea, ne non sponsa sed adultera dicaris, si muneribus dantis plus, quam affectum amantis diligis. Augustinus in libro confessionum: Væ tibi si oberras in vestigijs suis, si nutus suos pro eo amas, & non aduertis, purgatæ mentis intelligentia, quid innuat lux illa beatissima, cuius nutus & vestigia, sunt omnium creaturarum decus & forma. Adhuc si forte ignoras te o pulcherrima mulierum, egredere, & abi post vestigia gregum, id est irrationabilium creaturarum, quæ sunt vestigiū creatoris tui, tu verò speculum Beatissimæ Trinitatis. Ergo omnibus dignior & excellentior comprobaris. Et pasce hædos tuos iuxta tabernacula pastoris, id est conuertere cogitationes tuas ad choros Angelorum, quibus quodammodo similis es in natura, & conciuis eris in gloria.

*Greg. li. 32* ANIMA. Iam satis silui, diu tacui, iam nunc cū verecundia, & rubore compellor confiteri & dicere, quod hanc dignitatem modicum aduertit. Amorem meum heu ego infelix, & misera nimis indigne profectui, factorem meum non pro his omnibus glorificauit, Deum meum propter dona sua non benedixit, & non adorauit eum toto tempore vitæ meæ, nimis indigne & irreuerenter, vane & negligenter vixi. Et, ut verum fatear secundum Bernardum, quanto perfectius dignitatem meam aspicio, tanto magis vitam degenerem me duxisse confundor & erubesco. Timeo etenim, quod tanto grauior sit culpa, quanto dignior & nobilior sit natura. Formido quod tanto grauior sit offensa, quanto maior est illius qui offenditur excellentia. Pertimesco quod tanto peior est iniuria, quanto maiora fuerunt illius, cui iniuriam irrogavi, beneficia. Heu heu Domine Deus meus, ex dignitate substantiæ iam perpendo vilitatem malitiæ, ex speciositate naturæ cognosco deformitatem culpæ, ex recordatione beneficiorum acceptorum, intelligo ingratitudinem factorum meorum. Væ mihi miseræ, iam video, iam cognosco, quod quidquid a summo datore accepi ad vsum vitæ, miserabiliter inflexi ad abusum prauitatis & culpæ. Tranquillitatem humanæ pacis ad vsum conuerti vanæ securitatis: peregrinationem terræ, pro inhabitatione dilexi patriæ: salutem & pulchritudinem corporis, redegi in seruitutem voluptatis: vbertatis abundantiam, non ad necessitatem corporis, sed ad superfluitatem expendi miseræ cupiditatis: tempora serena & blandimenta aeris, ad amorem mihi seruire coegi terrenæ delectationis. Timeo heu & valde pertimesco, ut simul me ferire puniendo debeant, quæ vitijs meis male subiecta seruiebant.

*Mor. c. 28.* Homo. O anima aliquid iam perpendo, quod bona est tua cognitio. Ex verbis enim tuis sentio, quod non fuit frustra mea admonitio. Videretur mihi quod lumine diuino sis aliquid illustrata, & tactu veri luminis mota. Quia secundum Gregorium in moralibus: Vnusquisque dum tactu veri luminis illustratur, sibi ipsi ostenditur, ut vnde cognoscit quid est iustitia, inde erudiatur, quid est culpa, qua excæcatur. Vnde sancti viri quo altius apud Deum virtutum dignitate proficiunt, eo subtilius indignos se esse deprehendunt: quia dum proximi luci hunc, quidquid eis in seipsis latebat, inueniunt. Hæc Gregorius. Igitur anima si luce veritatis tacta dignitatem tuam, quam hæcenus non attendisti, cognoscis, si culpam quam Creatorem tuum offendisti intelligis, & vidisti, quam gratiose formata sis per naturam, vide, nunc quam vitiose deformata sis per culpam. Anselmus: Reduc anima ærumnosa & misera, ad memoriam enorme delictum, & perduc in cælum vsque rugitum, & lamentum. Cogita anima perfida Dei, adultera Christi, quid feceris. Dereliquisti in cælo castum amorē tuum, contempsisti factorem tuum, repudiasti sponsum tuum, turbasti Deum tuum irreuerenter tractasti se-

*Greg. li. 32* Anima per culpam nimis fit deformis.

*Mor. c. 1. in princ.*

*Aug. de S. Vi. de Arrha anime lōge an te mod.*

*Greg. li. 32* Anima per culpam nimis fit deformis.

*Mor. c. 1. in princ.*

*Aug. de S. Vi. de Arrha anime lōge an te mod.*

*Greg. li. 32* Anima per culpam nimis fit deformis.

*Mor. c. 1. in princ.*

*Aug. de S. Vi. de Arrha anime lōge an te mod.*

*Greg. li. 32* Anima per culpam nimis fit deformis.

*Mor. c. 1. in princ.*

*Aug. de S. Vi. de Arrha anime lōge an te mod.*

*Greg. li. 32* Anima per culpam nimis fit deformis.

*Mor. c. 1. in princ.*

*Aug. de S. Vi. de Arrha anime lōge an te mod.*

*Greg. li. 32* Anima per culpam nimis fit deformis.

*Mor. c. 1. in princ.*

*Aug. de S. Vi. de Arrha anime lōge an te mod.*

*Greg. li. 32* Anima per culpam nimis fit deformis.

*Mor. c. 1. in princ.*

*Aug. de S. Vi. de Arrha anime lōge an te mod.*

sti sanctum Angelum custodem tuum. Eras templum Dei, sponsa Christi, sacrarium Spiritus sancti. Quæ est ista subita conuersio & repentina mutatio? De Dei virgine facta es corruptio satanæ? De sponsa Christi, scortum execrabile diaboli? Hæc Anselmus. Recor dare o anima propter quid vendideris decorem tuum, propter quid abieceris honorem tuum, pro quo tam turpiter fœdaueris vultum tuum, quæ tanta bona pro tam vili pretio vendidisti. O anima quare te tot bonis spoliasti? quare frustra tantis te honoribus priuasti? quare tot bona opera neglexisti, tot annos, tot dies, tot horas sine fructu vixisti?

*Pla recogni  
tio animæ  
de suo pec-  
cato.*

**A N I M A.** Recognosco o homo, quod verum loqueris, & non immerito me de tanta transgressione reprehendis. Bernardus: O Domine Deus meus quot tempora effluerunt in quibus sine fructu, vt aspicio, vixi coram te. quomodo subsistam? quomodo ad te leuare poterò faciem meam, in illo magno & terribili examine, quando enumerari iusseris omnes dies meos, quærens fructum in eis? O Domine Deus cur intermisi te vilo tempore versari in corde meo, te tota mente amplecti, in tua dulcedine delectari? Omnia interiora mea vbi tunc erant, quando tecum non erant, cum a te habeat omnis creatura quidquid habet desiderabile, laudabile, delectabile? Hæc Bernardus. Heu Domine, nunc intelligo, sed confiteri erubescō: species & decor creaturarum decepit oculum meum, & non aduerti, quia speciosior omnibus creaturis tu es, quibus tantummodo vnam guttam tuæ inestimabilis pulchritudinis communicasti. Quis enim ornauit cælum sideribus, aerem volucris, aquam piscibus, terram plantis & floribus, homines in corpore diuersis coloribus, in mente varijs virtutibus? Nonne clementissime Pater, per te illa cælestium spirituum agmina, varijs donis sunt ornata? Nonne per te Seraphim ardent dilectione, Cherubim lucent cognitione, de tuis donis iudicant Throni, de tuis muneribus dominantur Dominationes inclity, ex tua virtute præsumunt Principatus, ex tua potestate Potestates, demonum malitias arcent, & ex tua profunda potentia miracula faciunt Virtutes, ex tuo præcepto Archangeli magnis nunciant maiora, Angeli vero minoribus significat minora? Sed quid sunt hæc omnia, nisi tuæ pulchritudinis modica scintilla? O bone Iesu fons vniuersæ pulchritudinis, ignosce mihi animæ miseræ, quod tuam pulchritudinem tam sero cognoui, tam tarde amaui, propterea miserabiliter oberraui. Dulcedo etiam creaturarum decepit gustum meum, & non aduerti quod melle dulcior es. Tu enim melli & omni creaturæ dulcedinem suam, immo tuā commodasti, & non est aliud in creatura dulcedo vel delectatio, nisi tuæ dulcedinis, quam abscondisti timentibus te, modica demonstratio. Vnde dulcedo omnium creaturarū, si quis iuste aduertat, nihil aliud facit, nisi quod ad tuam dulcedinem æternam inuitat. O Iesu fons vniuersæ dulcedinis & pietatis, ignosce mihi quod tuam inestimabilem, & mellissimam dulcedinem in creatura non cognoui, nec internæ mētis amore degustaui, propterea miserabiliter oberraui, & animam meam vsque modo siliquis porcorum saturaui. Sed heu numquam, vt timeo, de pane filiorum tuorum manducaui, ideo semper in delicijs mundi ieiuna & famelica permanfi. Gregorius: Quia in tus gustare nolumus paratam dulcedinem, propterea ieiuni, & famelici, amamus miseri famem nostram. O dulcissime Iesu modo video, modo agnosco, quod omnis dulcedo tibi contraria, fuit mihi afflictio & magna miseria. Augustinus in libro confessionum: Tu enim misericordissime Deus etiam in peccatis meis semper mihi aderat pijsime sustinens omnes iniquas delectationes meas, & malas amarissimis respergens amaritudinibus, docens per flagella, si vellem sine amaritudine delectari, non possem nisi in te Domine. Hæc Augustinus. Sed heu hanc do-

*Pf. 30. c*

*Greg. hom.  
36. in Euā  
gel. non lon  
ge à prin.*

*Aug. in sen  
su li. 2. cōf.  
8. 2. cir. fin.  
10. 2.*

**A**strinam non intellexi, propterea oberraui, semper tamen in delicijs meis iniquis timui proditorem, timui accusatorem, timui reprehensorem, formidauī aliquotiens conscientiam, expaui multotiens infamiam, nonnumquam abhorruī gehēnam, & tamen heu ego misera inter tot tormenta, non mutaui voluntatem propriam. Decepit etiam odor creaturæ olfactum meum, & ignoraui, quod odor tuus, O bone Iesu, redolet super omnia aromata. O bone Iesu fons odoris, cuius suauitas fecit indefinenter post te currere, & infatigabiliter laborare. Ignosce mihi quod tamen sero te cognoui, tam tarde in odore vnguentorum tuorum post te cucurri. Puto tamen & per hoc me non excuso, quod odor illius cælestis apothecæ huic tereno fœtori, quo infecta eram, non miscetur. Decepit etiam sonus falsus, siue fallax creaturarum auditū meum, & nesciui nec sensi, quā dulcia faucibus electorum tuorum eloquia tua, quā suauia auribus amicorum tuorum consilia tua, quā leuia manibus sanctorum tuorum mandata tua. O Iesu fons sapientiæ, auctor scientiæ, consiliator casti consilij, fac me vel saltem modo audire vocem tuam, sonet vox tua in auribus meis. Cum quanta amaritudine recogito, quod fefellit me illa vox miserrima cantantium, & dicentium: Venite fruamur bonis quæ sunt, coronemus nos rosis antequam marcescant, & non prætereant nos flos temporis. Vino pretioso, & vnguentis optimis nos impleamus, vbique relinquamus signa lætitiæ. Hanc vocem audiui, & non intellexi, nec aduerti, quoniam omnia vana sunt, & risu digna. Omnia enim hæc & his similia cito pertransierunt, & velut vmbra euauerunt. Quid enim vana hæc omnia amatoribus suis contulerunt? Quem enim fructum tunc habuerunt in illis, in quibus nunc confunduntur & erubescunt? O Domine Deus meus, lumen cordis mei, panis animæ meæ, virtus amaranthi mentem meam, non te amabam, & fornicabar abs te, & fornicanti mihi sonabant euge euge. Amicitia huius mundi, fornicatio est abs te. O quid miserrime misero non miserante super seipsum? Sed inter hæc omnia tu amantissime Deus mihi semper aderas, vocem tuam frequenter audiui, inspirationem tuam salutiferam sensi, sed non consensi, O quotiens mihi illud salutiferum consilium inspirasti: Peccasti, quiesce, desine, & erubescere. Ad quæ ego misera morem secuta, beati Augustini in libris confessionum verba somnolenta aliquando respondi: Domine expecta me modicum, sine paululum, modo a vanitate quiescam, modo de malignitate erubescam, omnia vana & mūdā derelinquam. Sed heu illud modicum, & modo, non habebat modicum & modum, & paululum in longum ibat. Item, Augustinus: Ipsa segnitie est res quæ multos æternaliter occidit, & finaliter in peccatis derinet, qui se ad vocem Domini non corrigunt. Vocem quidem occultæ inspirationis audiunt, sed vitam non corrigunt, dicentes: Cras cras, & subito ostium clauditur, remanetq. peccator foras extra arcem cælestis patriæ cum voce coruina, quia pro peccatis gemere noluit cum columba. Gregorius: Heu quā multos in peccatis peius sua felicitas prostrauit, multos diuturna pax inertes reddidit: eoque illos mox malignus hostis grauius percutit, quo longius quietis vsu negligētes inuenit. Item Gregorius: Quos enim Deus vt conuerrantur diutius tolerat, non conuersos durius damnat. Sed o homo, vt tibi meæ infelicitatis historiā perfectius manifestē profiteor, quod hæc omnia meæ infelicitati non sufficiebant, sed ad cumulum damnationis heu mundana mollicies tactū meum nimis miserabiliter decipiebat, & ignoraui quod tam suauis o bone Iesu esset tuus amplexus, tam honestus contactus tuus, tam delitiosus conuietus tuus. \* Cum enim te amauero mūda sum, cum tetigero casta sum, cum accepero virgo sum. Tuus o dulcissime Iesu amplexus non maculat sed mundat, tuus contactus non

*Cant. 4. c*

*Cant. 1. a*

*Psal. 118.*

*Sap. 2. b*

*Rom. 6. d*

*Ex Aug. li.  
1. cōf. c. 13.  
10. 1.*

*Ex Aug. li.  
8. cōf. c. 10.  
cir. fin. 10. 1*

*Idem do  
verbis do-  
mini. serm.  
16. post me-  
di. 10. 10.*

*Greg. lib.  
31. Mor. c.  
17. cir. me.*

*\* Ex Ambr.  
de S. Agn.  
ep. 34. non  
lōge à prin.  
10. 5.*

non inquinat, sed sanctificat. O Iesu fons vniuersę dulcedinis & suauitatis, ignosce mihi, quod tam sero credidi, quantum habet delitiositatis, quantum honestatis, quantum iucunditatis, quando læua tuæ æternę sapientię & cognitionis est sub capite meo, idest, ratione, & dextera tuæ diuinę clementiæ, & dilectionis amplexabitur me, idest voluntatem. Heu me miseram, quid vniquam tam dulce, tam suauē, tam delitiosum, & salutiferum potest experiri, quàm inter brachia tanti sponsi quiescere, inter oscula tanti Regis & amici feliciter obdormire? Hanc dulcedinem, fenserat anima deuota, quādo optabat, dicens: Osculetur me osculo oris sui, &c. Numquid has delicias anima deuota erat experta, quando orabat ardens, & iam penē deficiens præ dilecti sui concupiscentia, dicens in Canticis: Quis mihi det te fratrem meum, sugentem vbera matris meę, vt inueniam te solum foras, & deosculer te, & iam me nemo despiciat? Apprehendam te, & ducam te in domum patris mei, & in cubiculum genitricis meę. Ibi me docebis, & dabo tibi poculum ex vino condito, & ex musto malo granatorum meorum. Quis enarrare sufficeret, nisi qui mente gustasset, quantum habet hoc verbum dulcedinis, & deuotionis, quando bene ponderatur, & recte cibatur deuota mente? Vnde expositionem deuotę menti relinquo. Sed o Domine Deus, si hæc tam dulcia sunt cogitanti, quàm dulcia esse possunt degustanti? Si tam suauia sunt legenti, quàm consolatoria erunt per affectum sentienti? Augustinus: Fac me dulcissime Iesu intus gustare per amorem, quod extrā gusto per cogitationem: fac me sentire per affectum, quod sentio per intellectum. Hæc Augustinus. Eia dulcissime Iesu transfige saluberrimo vulnere amoris tui, medullas animę meę, vt verē ardeat, lāgueat, & lique fiat, & solo tuo desiderio deficiat, cupiat dissolui & esse tecum. Te solum semper esuriat panem vitę cęlestis, qui de cælo descendisti. Te sitiat fontem vitę, fontem æterni luminis, torrentem verę voluptatis. Te semper ambiat, te quærat, req. inueniat, in te dulciter requiescat. Sed quæ vefania, quæ infernalis furia, tanto tempore a me prohibuit talia, & tanta mentis meę solatia, tam diuina gaudia, & melliflua conuiuia? Dic quæso o homo, quæ est tanti mali causa, quæ tanti periculi ratio, quæ tanti damni occasio?

H o m o. Video o anima, quod iam fatigata laboribus, iam vexata doloribus, vltra inuenire nō valeas, cui tantum damnum illatum ascribas. Peto igitur, vt cum patientia audias; si tibi tanti mali causam demonsttrauerō, si tibi tanti damni inimicum ostendero. Iam pro parte hostem tetigisti aliquantulum, tamen forte præ dolore mentis nō aduertisti. Habes o anima mea inimicum domesticum, hostem amicū, aduersariū propinquum, qui tibi malum pro bono reddidit, & iub specie amicitię crudelior existens inimicus, his omnibus, & alijs infinitis bonis te priuauit. Hic hostis, salua tua reuerentia, est caro infelix & misera, multum tamen tibi dulcis & dilecta. Hanc cum pauidi, inimicum pessimum contra te existi. Hanc cum honorasti, hostem crudelissimū contrate armasti. Hanc cum foris varijs & pretiosis indumentis decorasti, omnibus interioribus ornamentis te spoliasti, nesciens quod dicit Beatus Gregorius in homilijs: Vnde, inquit, caro ad tempus suauiter viuit, inde spiritus in æternum torquetur & ingemiscet. Et contra, quo plus caro premittitur, eo plus de spe cęlesti animus lætatur. Vnde pro tanta iniuria nobis per te illata, continere amplius me non valeo, quin tātū malum hucusque sub silentio periculosē pertransitum reprehendam. Scio, inquit Bernardus, o anima quēdā, qui per plures annos tecum vixit, ad mensam tecum sedit, cibum de manu tua sumpsit, & in sinu tuo dormiuit, cū voluit tecum colloquium habuit, hic iure hereditario seruus tuus est. Sed quia delicatē nimis enutristi eū, & virgę pepercisti, leuauit calcaneum suum super caput

A tuū, & te in seruitutē redegit. Et subdit: O anima miserabilis & misera, quis te liberabit de vinculo improperij huius? Exurgat Deus & cadat armatus, & conteratur inimicus. Inimicus, inquam, contemptor Dei, amicus mundi, cultor diaboli. Quid tibi videtur de illo? Si rectē sentis, puto quod tecum dices: Reus est mortis, crucifigatur. Noli ergo dissimulare, noli differre, noli parcere, crucifige, crucifige eum. Sed in qua cruce? In cruce Domini nostri Iesu Christi, in qua est salus, vita, & resurrectio nostra. Recole igitur o anima primordia tua, attende quod es insignita Dei imagine, decorata eius similitudine, desponsata fide, dotata spe, prælecta charitate, redempta sanguine, particeps gratiæ, capax beatitudinis, quid tibi cum carne, vnde ista pareris? Si diligenter condiciones eius aduertis, numquam vilius sterquilinum vidisti. Si eius miseras enumerare velis, quàm onusta sit peccatis, pruriens concupiscentijs, occupata passionibus, polluta illusionibus, confusione plena, ignominia repleta, quid de ea habes aliud, quàm cogitationes fœdæ & immundas? Hæc Bernardus. Idem: O anima diuina erubescere in similitudinem porci commutari, erubescere volutari in cœno, quæ es de cælo. Idem super Cantica: O anima donec in carne es, inter spinas versaris, & necesse est, vt tentationum tribulationes, & impugnationum aculeos grauiter patiaris. Vnde dicitur tibi in Canticis: Sicut lilium inter spinas, sic amica mea inter filias. O candens lilium, o tener, & delicate flos, increduli, & subuersores sunt tecum, & cum scorpionibus habitas. Vide ergo quomodo cautē ambules inter spinas. Caro & mundus pleni sunt spinis: conuersari in his, & non lædi, diuinę potentię est, & non virtutis humanę. Hæc Bernardus.

Est & alius inimicus, fortis, & crudelis, qui mira caliditate omnium discutit consuetudines, vterat curas, scrutatur affectus, & ibi semper quærīt causas nocendi, vbi quemquam viderit studiosius occupari. Nouit enim hic hostis antiquus, ab initio humani generis inimicus, cui ipse illecebras gulę ingerat, cui virus inuidiæ infundat, cui blandimenta luxurię obijciat, cui vana superbię incitamenta promittat, nouit quem metu opprimat, quem gaudio fallat, quem admiratione seducat. Habet etiam aliquos sibi obligatos, quorū ad alios decipiendos ingenijs vtitur, & linguis. O anima fragilis ad resistendum, facilis ad cadendum, difficilis ad surgendum, qualiter istius crudelis aduersarij laqueos euadere poteris, quem tantis subtilitatibus præditum agnoscis? Hæc Leo Papa.

A n i m a. Nunc video, iam primitus recognosco, quod sicut dicit Anselmus, consuetudo peccati est, quod non facile cognoscitur ab eo qui ipso premitur: sed mox cum inciperit se quis ab illo alienare, tunc demum cognoscit in quanta fœditate iacuerat. Igitur quia iam aliquantulum me ipsam a peccato alienare incipio, & per hoc me, & peccatum meum agnosco, me amplius à planctu continere non valeo. O Domine Deus meus, tu impressisti mihi amabilem imaginē tuam, & ego superinduxi odibilem imaginem diaboli. Heu heu miser hominū, quod dæmonis imaginem superimpressi super imaginem Dei. Cur non odi eius imitationē, cuius abhorreo nomen? Ille sponte cecidit, ego volens corruī. Ille nulla precedente vindicta peccauit superbiens, ego visa eius pœna peccauit contemnens. Ille semel innocentia est institutus, ego multotiens sum restituta. Ille se erexit contra eū qui se fecit, ego me erexi contra eum qui me refecit. Ille Deum dereliquit permittentem, ego fugi Deum persequentem. Ille perstat in malitia Deo reprobante, ego curro a Deo misericorditer reuocante. Et si ambo contra Deum, ille tamen contra non requirentem se, ego vero contra morientem pro me. Ecce cuius imaginem horrebam, cum in multis me inueniā horribiliorem.

H o m o. Fuge fuge a me o horribilis substantia, fuge

Cant. 2. a

Cant. 1. a

Cant. 8. a

Hæc habet  
Anselmus  
de medita-  
tione redē-  
ptionis hu-  
mana. c. 7.

Hostis pes-  
simus ani-  
mę, caro est

Bernardus  
in medita-  
tionibus. c.  
27.

Idem ibid.  
ca. 3.

Idem ser.  
48. sup. cāt.  
in princ.  
Can. 2. a

2. Hostis  
crudelis a-  
nimę, dia-  
bolus.  
Ex Leone  
ser. 7 de na-  
tiuit. cir.  
med.

Citatur  
hic locus ex  
Anselm. de  
Simil. sup.  
10. d. Phry.  
lib. 2. ca. 3.  
tamē ibi nō  
reperitur  
apud Anf.



fuge te ipsam, exterrita a te ipsa. Ne igitur sine rugitu cordis tui tolere horrorem tuum. Si toleras, non te agnoscis; non est hæc fortitudo, sed mentis hebetudo: non est sanitas sed obdurata iniquitas.

*Bern. Meditation. c. 9. in sensu, verbis non nihil immutatis.*  
**A N I M A.** Si me videro, est horror intolerabilis: si non videro, est mors inevitabilis. O quam infelix, qui sibi est horribilis: sed tamen multo infelicior, cui mors æterna est sensibilis. Anselmus in orationibus: O pater patientissime, o Rex clementissime, regere nõ valeo, excusare nequeo, & tamen confiteri non modicum erubescō. Iam causam tantorum malorum inuenio, iam quod prius male latuit agnosco. Bernardus in meditationibus: Cor enim meum miserum, dum futurum non curauit gaudium, nec diuinũ quæsiuit consilium, a seipso fuit elongatum, & in amore terrestrium occupatum: dumque elapsum fuit ab illis, & inuolutum in istis, vanitas ipsum decepit, luxuria polluit, curiositas abduxit, cruciatur inuidia, torquebatur iracundia, diuidebatur avaritia, anxietas accedia, sicque immergebatur omnibus vitijs: quia vnum bonum, quod sibi sufficere potuit, dereliquit. Hæc Bernardus. Abeant ergo mitissime Deus in obliuionem coram te omnia male consumpta mea tempora, & cõcede, vt hoc temporis mei residuum fortè nimis breue, & momentaneum, sit tibi honorificum, mihi fructuosum, & proximo ædificatorium. Iam piissime Deus propter magnitudinem damni, quod infelix, & misera miserabiliter incurri, video & recognosco, quod meipsam & peccatum meum sufficere, vt merui deplangere non valeo, si tanta debet esse non immerito peccati detestatio, quanta fuerit in misera voluntate delectatio.

*Bern. hom. 2. super Miss. est cir. fin.*

**H O M O.** O anima si per te, vt asseris, non potes nec sufficere delictum tuum deplangere, necesse habes te ad aliquem Sanctorum conuolare. An ignoras, quod secundum Bernardum, securum habes accessum ad Deum, vbi matrem habes ante filium, filium ante patrem? Mater pro te ostendit filio pectus, & vbera, filius patri latus & vulnera. Putas quod vlla poterit ibi esse repulsa, vbi tot sunt charitatis indicia? In periculis ergo & in angustijs ac in rebus dubijs Mariam cogita, Mariam inuoca. Non recedat a corde tuo, nõ discedat ab ore tuo. Ipsam sequens, non deuias: ipsam rogans, non desperas: ipsa tenente, non corruis: ipsa protegente, non metuis: ipsa duce, nõ fatigaris: ipsa propitia ad veniam peruenis. Hæc Bernardus. Anselmus: Dic igitur o anima cū magna mentis fiducia: O domina si tuus filius per te factus est frater noster, nõne tu per ipsum facta es mater nostra? Exultabo igitur & lætabor, quia quidquid iudicabitur de me, pendet ex sententia matris & fratris mei. Hæc Anselmus.

*Anf. in inuocatione matris Virgin. Mar. simul & filij eius cir. fin.*

**A N I M A.** Cum peccaui in filium, irritaui matrẽ. Matrem offendere non potui sine iniuria filij. Quid ergo o homo faciam? quis reconciliabit me filio, inimica matre? quis mihi placabit matrem, irato filio?

*Anima peccando omnes creaturas post deũ offendit.*

**H O M O.** Anselmus: O anima non dubites, & si ambo sint offensi, ambo tamen sunt clementes, ambo piissimi. Fugiat ergo reus iram iusti Dei ad piam matrem, refugiat reus iram offensæ matris ad benignum filium, & dicat: Deus qui factus es filius femine propter nostram miseriam, femina quæ facta es mater Dei propter misericordiam, aut miseremini mihi impiæ peccatrici, aut ostendite mihi magis misericordem, ad quem ego misera confugere valeam. Hæc Anselmus.

**A N I M A.** O homo quam sanum consilium tuũ, quam consolatorium est mihi miseræ verbum tuum! quia quando peccatum meum recte aspicio, tunc inuenio, tunc agnosco, quod elementa per peccata mea pollui, celos inquinavi, astra celi obfuscaui, damnatos in inferno cruciaui, Sanctos in celo perturbavi, angelos mihi ad custodiam deputatos irreuerenter pertractaui. Vnde ab omnibus his auxilium petere pertimesco. Et quia iusti iustè mihi indignati sunt, ad ipsos confugere non præsumo.

**H O M O.** O anima nimia est trepidatio tua, quamuis placita sit humiliatio tua. An ignoras quod multi de Sanctis peccauerunt, qui qualiter nobis peccantibus misereri debeant, in suis magnis peccatis didicerunt? Cogita Moysen Prophetam eximium, de diuina potentia desperantem. Cogita Dauid regem sanctissimum, contra diuinam legem adulterio, & homicidio peccantem. Agnosce Salomonem sapientissimum, idola vana, & pessima adorantem. Cognosce Manasse regem iniquissimum, qui plusquam omnes reges Israel peccauerat, qui dicebat: Peccaui super numerum arenæ maris, & non sum dignus videre altitudinem celi præ multitudine iniquitatis meæ. hos semper cogita veniã impetrantes. Sed quid plura de sanctis veteris testamenti? Cogita nunc & aduerte paucos de sanctis noui testamenti. Vide Matthæum sedentem ad telonium, peccatorem publicanum, & assumptum in discipulum. Vide Paulum lapidantem Stephanum, & electum in Apostolum. Vide Petrum, CHRISTVM abnegantem, & mox veniam impetrantem. Vide militem Christum crucifigentem, & tamen de diuina misericordia præsumentem. Vide la tronem in cruce pendentem, & veniam impetratem. Postremo cogita o anima quod illa famosa, & immunda peccatrix Maria Magdalena, facta est tam singularis & specialis Christi amatrix. Omnes enim quotquot modo cum Deo regnant, vel olim sicut nos peccauerunt, vel saltem peccasse potuissent, si eos diuina clementia a peccato non præseruasset. Quia cuiusque donatum est, vt peccare penitus non potuerit, nõ est hoc naturæ sed cælestis gratiæ.

**A N I M A.** Iam nunc secure prophetas & Reges imploro: iam nunc audacter Apostolos & Martyres inuocabo: Confessores, Virgines, & Viduas, constanter interpello. Sed tamen præ omnibus his Sacratissimam Dei genitricem Virginem Mariam confidentius adorabo. Scio enim quod tam pia, dulcis, & suavis est Maria, quod nec nominari potest quin accendat, nec cogitari quin recreet affectum diligentium se. Hæc est enim illa quæ salutem omnibus impetravit, & totius mundi reparationem obtinuit. Hæc Bernardus. Anselmus: O femina mirabiliter singularis, & singulariter admirabilis per quam elementa renouantur, infirmi medicantur, homines saluantur, & Angeli reintegrantur. O femina gratia plena, de cuius plenitudinis abundantia resperfa reuiuiscit omnis creatura. Bernardus: O benedicta genitrix vitæ inuentrix gratiæ, mater salutis, per te accessum habemus ad filium tuũ, vt per te nos suscipiat, qui per te datus est nobis. Excuset apud ipsum integritas tua culpam corruptionis nostræ, humilitas tua Deo grata, o beatissima, veniam impetret vanitati nostræ. O benedicta, per gratiam, quã inuenisti, per prærogatiuam quam meruisti, per misericordiam quam peperisti, fac vt qui mediante te dignatus est fieri particeps infirmitatis, & miseræ nostræ, te intercedente nos faciat participes gloriæ suæ. Hæc Bernardus.

**H O M O.** Iam nũc, vt æstimo, o anima mea aliquatiter meritoriè conuertisti radium contemplationis ad videndum qualiter formata sis per naturã, & quomodo deformata per culpam: conuertere nunc radium tuum, iam vt spero per contritionem depurata, ad intuendum qualiter sis reformata per gratiam. Scire tamen debes, quod quanto perfectius per contritionis lauacrum, caligo mentis detergitur, tantò lucidius diuinæ reparationis beneficium speculatur. Peccatum enim secundum Augustinum est tenebra, qua intellectus obtunditur, & interior homo totus obtenebratur. Vnde necesse est, vt rãto sollicitius mentales oculi a peccati tenebra per compunctionis lacrymas continuè expurgentur, quanto amplius per hanc, contemplationis radius obtenebratur. Hæc Augustinus. Iam igitur o anima in affectionibus serenata, dirige radium contemplationis, ad intuendum, quam profunda Dei clemen-

*Exo. 4. 2. Reg. 11.*

*3. Reg. 11. 4. Reg. 21.*

*In oratione Manass.*

*Matth. 9. 6*

*Act. 7. 8 & 9.*

*Luc. 22. 52 Luc. 23. 52*

*Luc. 7. 52*

*Bern. in de prec. & laude ad Virg. Mar. post med. & ser. 4. in Assumpt. eiusd. cir. fin.*

*Bern. de aduen. Dom. ser. 2. prope fin.*

clementia, quàm alta Dei sapiëntia, quàm mira Dei potentia sis per gratiam reformatâ. Considera primò qualiter per beneficium redemptionis, te a peccato originali liberavit. An ignoras, quod per peccatum originale eras bonis naturalibus, & spiritalibus spoliata, potestati principis tenebrarum subiugata, a patria tua repulsa, & alienata? Sed secundum Bernardum: Singularis illa maiestas mori voluit, ut viveremus, servit ut regnaremus, exulare ut repatriaremus, & ad vilissimam opera inclinatus est, ut nos constitueret super omnia opera sua. Venit enim Filius hominis quærere & saluum facere, quod perierat. Venit, inquam, ut te superbū humiliaret. Gregorius in registro: Ad hoc vnigenitus Dei filius formam infirmitatis nostræ suscepit, ad hoc inuisibilis non solum visibilis sed etiam despectus apparuit, ad hoc contumeliarum ludibria, illusionum probra, passionum tormenta toleravit, ut superbum non debere esse hominem doceret humilis Deus. Augustinus: Omnia bona terrena contempsit Deus, ut contemnenda monstraret: & omnia terrena mala sustinuit, ut sustinenda doceret, ut nec in illis quæreretur felicitas, neque in istis timeretur aduersitas. Venit secundo, ut te patri reconciliaret. Augustinus: Cū inimicus esses patri, ego reconciliaui te: cum longe esses, ego veni ut reducerem te: cum inter montes, & silvas errares, quæsiui te: inter lapides & ligna inueni te, in humeris meis portavi te, patri meo reddidi te, laboravi, sudavi, caput meū spinis exposui, manus meas clavis obiecti, lancea latus meum aperire permisi, sanguinem meum pro te fudi, totque nō dicam iniurijs, sed asperitatibus laceratus sum propter te. Sed heu propter peccatum tuum te diuidis a me. Venit tertio ut venditum repararet. Augustinus: Admiremur, gratulemur, amemus, laudemus, adoremus, quoniā per Redemptoris nostri portem, de morte ad vitam, de tenebris ad lucem, de exilio ad patriam, de corruptione ad incorruptionem, de miseria ad gloriam, de luctu ad gaudium, vocati sumus. Gregorius Nazianzenus. O mira & inaudita permixtio, qui creator est fit creatura, qui immensus est capitur, qui diues est in homines pauper efficitur. Suscepit imaginem carnis meæ, ut imaginem quam fecerat, repararet, ut catenam mortalem immortalitate dotaret. Expergiscere nunc o anima mea, respice in faciem Christi tui. Vide faciem illam quondam splendore nimio luminosam, propter te vela am contra charitatem: decore speciosam, inflatam contra speciositatem: dulcore gratiosam, consputam contra gratiositatem: amore desiderabilem, abominabilem contra desiderabilitatem. Vide nunc o anima mea, & diligenter considera mira & inaudita prodigia, quæ fecit Dominus super terram. Deus illud dicit, ut honoreris, innocens flagellatur ut consoletis, iustus crucifigitur ut libereris, agnus immaculatus occiditur ut epuleris, sanguis & aqua de latere lanceati emittuntur ut potēris. Respice igitur in pretium redemptionis placans offensam præuaricationis: inspicere exemplum informationis, præstans adminiculum sanctificationis: aspice auxilium protectionis, referas ianuam incarcerationis: suscipe præmium retributionis, conferens gratiam iustificationis. Aspice o anima delicata contemplando assidue, & fac imitando perfecte secundum exemplar consummatæ iustitiæ, quod tibi in monte monstratum est, hoc est in Christi victoriosissima passione. An non consideras, quod delictijs corporalibus æstuas, & Christus Dominus tuus, rex tuus, sponsus tuus, magister & amicus tuus, affligitur omni genere pœnarū, in omni parte sensuum, ab omni statu hominum? Rex illudit, Præses iudicauit, Discipulus vendidit, Apostoli reliquerūt, Pontifices, scribæ, & Pharisei tradiderunt, gentiles flagellauerūt, turbe cōdemnauerunt, ac milites crucifixerūt. Bernardus: Caput illud Angelicis tremēdū spiritibus, densitate spirituum pungitur: facies pulchra præ filijs hominum, spūs ludæorum deturpatur: oculi lucidiores sole ca-

ligant in morte: aures quæ audiunt Angelicos cātus, audiunt peccatorum insultus: os quod docet Angelos, felle & aceto potatur: pedes quorum scabellum adoratur, quoniam Sanctum est, cruci clauo affiguntur: manus quæ formauerunt cælos, sunt in cruce extensæ & clavis affixæ: corpus verberatur, latus lancea perforatur. Et quid plura? non remanet in eo aliquid liberum nisi sola lingua, ut pro peccatoribus exoraret, & matrem discipulo commendaret. Hæc Bernardus. Et quid plura? o fidelis anima Saluator noster nullis aduersantium hostium tentamentis potuit a nostræ salutis cura reuocari. Sed quo magis eius ostenditur æmulatio, eo grauior nos, si hanc spernimus, sequitur damnatio.

**A N I M A.** O homo iam diu tacui, quia quæ proposuisti, cum gaudio pariter, & luctu, deuota mente recepi. Gaudens igitur gaudebo in Domino, quia me tantum dilexit, quod vnigenito filio suo propter me non pepercit. O inestimabilis dilectio charitatis, ut ancillam, immò nec nomine ancillæ dignam, redimeres, filium tradidisti. O Domine Iesu Christe, qui propter me tibi nō pepercisti, cor meum tuis vulneribus ita saucia, & mentem meam tuo sanguine ita inebria; ut quocumque me vertam semper te videam crucifixum, & quicquid inspexero mihi appareat tuo sanguine rubricatum: ut sic totus in te tendens, nil valeam præter te inuenire, nil nisi tua vulnera intueri. Hæc mihi cōsolatio sit, tecum mi Domine crucifigi, & mihi sit intima afflictio aliquid præter te meditari. Hugo de Sancto Victore: Nulla dilectio maior, nulla charitas sincerior, nullus amor forrior, mortuus est pro me innocens, nihil in me inueniēs quod amaret. Sed heu quoniam hanc miram circa nos diuinæ pietatis dignationem aduerto, de nimia ingratitudine mea non modicum confundor, & erubesco. **H O M O.** Hugo de archa animæ: O anima dereliquisti sponsum tuum, prostituisti amorem tuum, & pro tantis beneficijs gratias non egisti: quia ut releuaret te illuc vnde cecideras, ipse descendere dignatus est, & pie pati quod tolerabas. Cogita ergo quantum diligat te, qui non nisi moriendo a morte voluit liberare te. Hæc Hugo. Vnde anima mea, quāto beneficia Redemptoris recognoscis digniora, tanto peccata ingratitudinis sunt deteriora. Vide ergo ne sis ingrata, cui tanta beneficia sunt collata. magnum enim est peccatum ingratitudinis, quia secundum Bernardum: Ingratitudo est quasi ventus vrens, exsiccans riuulos diuinæ misericordiæ, fontem clementiæ & fluentia gratiæ. Attende igitur o anima mea, frequenter volue & reuolue in mente illud horribile verbum, quod contra ingratos profertur, in persona Saluatoris, dicentis: O anima vide quantum pro te patior, ad te clamo qui pro te morior. Vide pœnas quibus afficio, vide clauos quibus confodior, audi impropria quibus confundor. Sed cum sit tantus dolor exterior, cruciatus tamen interior est grauior, cum tam ingratum te experior. Et alibi Bernardus contra ingratos in persona **C H R I S T I** inuehitur dicens: Popule meus quid feci tibi, aut in quo molestus fui tibi, responde mihi? quid causæ est quod inimico meo magis libet seruire, quàm mihi? Attende quod ego sum qui creavi te: ego omnibus bonis ditavi te. si hæc modica videtur ingratis, ego pretiosissimo sanguine meo redemi te. Eia anima mea, non recedant hæc à corde tuo, non discedant ab ore, semper gratias age, nunquam cessa vnigenitum Dei filium pro tantis donis benedicere & magnificare. Sit tibi dilectus pro his omnibus aliquando fasciculus myrrhæ in corde tuo, aliquando iubilus in mente, laus in ore, melos in aure.

**A N I M A.** Iam diutius me continere non valeo. Dic quæso: Quid retribuam domino pro omnibus, quæ retribuit mihi?

**H O M O.** O anima, sicut dicit Bernardus in meditationibus: Totam vitam tuam debes huic, non im-

Hug. de archa animæ post med. diu. parsim.

Idem ibid. paulo ant.

Bern. ser. 1. in Cā. post med.

Mich. 6. a

Ex Bern. ser. de qua druplici de bis cir. me.

Bern. ser. 3 de Ascens. Dom. non lōge a prin.

Lug. 19. b Habetur apud Greg. li. 34. Mor. c. 18. lōge post med.

Aug. li. de Catechiz. rudib. c. 22. 20. 4. Aug. oratione cōtra quinq. hares. ca. 6. cir. med. 10. 6.

Greg. Naz. oratione 38.

Cōtemplatio passio- nis domini.

merito, qui vitam suam pro te posuit, & cruciatus duos sustinuit, ne & tu eternos cruciatus sustineres. Quid tibi, vel durum esse poterit, cum recordatus fueris, quod ille speciosus in forma Dei pro te voluit crucifigi? O quam indebita miseratio, o quam gratuita dignatio, quam inopinata dilectio, quam stupenda dulcedo, regem gloriae pro despectissimo vermiculo mori & crucifigi. O quam dulcis amicus, o quam fortis auxiliator, o quam prudens consiliator.

dei beneficia nequimus persolvere.

**A N I M A.** O homo fateor & verè recognosco, si essent in me omnes vitae filiorum Adam, omnes dies saeculi, & labores omnium hominum qui sunt, fuerunt & erunt, nihil esset ad comparationem illius, quod spiritus meus pro me sustinuit, quod pro peccatis meis filius Dei toleravit. Cum ergo donauero ei quidquid sum, & quidquid possum, nonne erit sicut stella ad solem, sicut fluita ad fluuium, & sicut pulvis ad montem? Hæc Bernardus.

Iustificatio magnū est dei beneficium.  
Cant. 6. d

**H O M O.** O anima quia iam considero, quod depurato contemplationis oculo gratiam diuinę redemptionis, qua te a peccato originali sponsus tuus liberauit, agnoscis, adhuc modicum pro Deo loqui incipiam, & tibi ad cumulum diuinę miserationis, qualiter per ipsam a peccato actuali libera sis, ostendam. Conuertere igitur radium contemplationis ad beneficium iustificationis, & considera Domini Dei tui gratiam, quam paternè per occultam inspirationem te a peccato reuocauit, quam dulciter, & quam amicabiliter alloquendo per interiorē allocutionem reuocauit, dicens: Reuertere reuertere Sunamitis, id est anima per peccatum misera effecta, vel captiuata, vel mortificata. Reuertere, inquit, o anima ad me, ego sum creator tuus: reuertere, ego sum redemptor tuus: reuertere, ego sum consolator tuus. Et si hæc modica videntur, reuertere ultimo, quia ego sum tam liberalis remunerator tuus. Reuertere igitur ad me, ego sum qui te tam nobiliter creavi. Reuertere, ego sum qui te tam misericorditer per mortem meam amarissimam, de morte æterna liberaui. Reuertere ad me, ego sum qui te bonis spiritualibus & corporalibus tam multipliciter ditavi. Reuertere ultimo ad me o anima, ego sum qui te iam per præparatam felicitatem tam liberaliter remuneraui. Reuertere, inquit, a peccato cogitationis, reuertere a peccato locutionis, reuertere a peccato actionis, reuertere a peccato assuefactionis. Reuertere ad me o anima, te sancti cum magno desiderio expectant, & ad tuum aduentum Angeli exultant. Reuertere vocat te expāsis in cruce manibus Iesus Christus. Reuertere, tuum reditum præstolatur totius Trinitatis abyssus. O anima hæc fuit vox, si benè recolis, dilecti inuitantis! Aduerte nunc, quæ fuerit longanimitas expectantis. O quanto tempore tuum aduentum expectauit, heu quanto tempore te in peccatis tuis tolerauit. O quot & quanto ante tuam conuersionem in peccatis damnauit, & te semper peccantem misericorditer expectauit. Reuertere adhuc o anima, Christus in cruce te expectans habet caput inclinatum, ad te peccatricem, & immundam deosculandam: habet brachia extensa, ad amplexandam: manus apertas, ad remittendum: corpus extensum, ad se totum impendendum: pedes affixos, ad tecum commanendum: latus apertum, ad te in illud intromittendum. Esto ergo o anima iam columba nidificans in foraminibus petrae, in cauerna maceris, peruola manus, peruola pedes, inuola lateri, ibi tua requies, ibi secura quies. Hæc Bernardus. Hugo de Sancto Victore: O anima si digne cogitare posses, quot & quales in tui comparatione abiecti sunt, qui tibi datam gratiam consequi non meruerunt. Elegit ergo & præelegit te sponsus tuus, elegit te in omnibus, assumpsit ex omnibus, amauit, præ omnibus. An ignoras, quam fœda prius fuisti, quam polluta, & dissoluta prius extitisti? Ipse te lauit laacro regenerationis, paui cibo dulcissimi corporis. Ipse tibi dedit vestimenta virtutum, quibus nudi-

Hug. de artha anima post med.

**A** tatem tuam tegeres & te adornares. Ipse contulit aromata bonorum operum, quibus foetorem peccati effugares: dedit speculum scripturæ, in quo faciem tuam agnosceres. Hæc Hugo. O anima vidisti longanimitatem expectantis, iam nunc conuertere radium contemplationis ad benignitatem iustificantis. Cogita diligenter, unde tibi post hæc omnia tam inestimabilis gratia, ut eius merearis esse sponsa, in quem desiderant Angeli prospicere. Bernardus: Quid ergo retribues Domino pro omnibus quæ retribuit tibi? Tribuit enim tibi per gratiam ut sis socia mensæ, socia regni, socia thalami. Vide quibus brachijs a te sit amplexandus, quibus labijs deosculandus, qui te tanti aestimauit, ut te suo sanguine mundaret, & propter te somnum mortis acciperet.

**A N I M A.** Fateor iam & recognosco, experior & intelligo me multo plura his a Deo meo recepisse, sed pro his omnibus nihil dignum beneficijs tantis Deo retribuisse, unde ait Bernardus: Misericordias Domini in æternum cantabo, quia septem in me misericordias factas considero, per quas suam inestimabilem pietatem euidentissimè recognosco. Primo, quod a multis peccatis me conseruauit. Secundò quod me peccantem non statim damnauit, sed me prolongante iniquitatem, ipse prolongauit pietatem. Tertiò quod cor meum immutauit, ut fierent ei dulcia quæ prius erant amara. Quartò quod me penitentem misericorditer recepit. Quintò quod continendi & emendandi mihi virtutē præstitit. Sextò quod dedit mihi gratiam promerendi. Septimò quod mihi tribuit spem obtinendi. Dic mihi iam o homo propter diuinam clementiam, quid pro his omnibus Domino meo tribuam, ne siam indigna percipiendis, si ingrata fuero inuenta de perceptis? Augustinus: Quid ergo retribuam Domino, nisi quod diligam & gratias agam, cōfitear & laudem dicam nomini suo æterno & benedicto? Quoniam tam paratus est mihi dimittere mala, & tam inestimabilia conferre bona. Gratia eius deputo, quod peccata mea quasi glaciem soluit, gratia eius deputo quæcūque mala non feci, & ideo omnia mihi reputo dimissa, quæcūque a me, ipso duce, non sunt commissa. Hæc Augustinus in libro Confessionū.

**H O M O.** O anima scito, quod quidquid tibi dilectus tuus contulit, quidquid propter te sustinuit, totū in charitate perpetua, qua te dilexit, consummauit. Unde, sicut æstimo, nec melius nec decentius, quam per dilectionem retribuitur, quod ex sola dilectione condonatur.

**A N I M A.** Eia mi Domine Deus meus, si hæc ita se habent, quantum ego infelix & misera diligere deberem Deum meum, qui me creauit cum non eram, redemit cum perieram, & de multis periculis liberauit me: quando errabam reduxit me, quando ignorabam docuit me, quando peccabam corripuit me, quando contristabar consolatus est me, quando steti tenuit me, quando cecidi erexit me, quando iui duxit me, quando veni suscepit me. Hæc & multa alia fecit mihi Deus, de quibus dulce mihi erit semper loqui, semper cogitare, semper gratias agere, utinam pro omnibus beneficijs suis possem eum laudare & amare. Cū enim, secundum auctorem de spiritu & anima, cunctis prædens, singulos implens, ubique præsens, eunctorum curam agens, & tam singulis quam omnibus præuidens, ita tamen totum ad quotidianam meam occupatum video, quasi omnium oblitus fuerit, & mihi solum intendere velit. Sic enim præsentem se mihi exhibet, semper se paratum offert, si me paratum inuenit, ut quocumque me verito, non me deferat, nisi ego prius deferam eum. Nec pro his omnibus quod illi retribuam habeo, nisi tantum, ut diligam. Hæc auctor de spiritu & anima. Bernardus: O bone Iesu, quoties post immensas & innumerabiles lacrymas, quoties post varios singultus & gemitus, me sauciata & iam penè desperantem vnixisti vnctione misericordie tuæ,

Bern. ser. de septem misericordijs, qui est secundus in Dominica 6. post Pentecost.

Aug. conf. li. 2. c. 7. 10. 1.

Ex Aug li. Solil. c. 13. 10. 9. c. li. de Dilig. Deo. c. 9. 10. eod.

Aug. de Spir. & ani. c. 17. apud Aug. 10. 3.

tua, & omnino pene deficientem excepisti gaudentē, nec derequisti de venia præsumentem. Sed super hęc omnia mihi te bone Iesu amabilem nō immerito red dit calix passionis, quem bibisti, opus nostrę redem ptionis quod suscepisti. Hoc enim est quod totum a morem meum vendicat sibi, hoc est quod meam deuotionem blandius allicit, & iustius stringit, & vehe mentius afficit. Etenim vbi te humiliasti, vbi te natu ralibus radijs exuisti, ibi charitas plus effulsit, & gra tia amplius radiavit. Hęc Bernardus. Adiuro vos, in quit anima in Cāticis, filiā Hierusalem, si inueneritis dilectū, vt nunciatis ei, quia amore languet. Bernar dus: Non operit anima quem diligit, quia præsentem omnibus credit, qui de corde suo non recedit. Augu stinus: Amo te Domine, & impatiens est amor, nec lacrymis sedatur, donec amor detur quod amatur. Ni hil eius mæstitiam consolatur, quousque nō aspicitur quod desideratur.

Can. 5. c.

Aug. ali qua ex his li. 2. fol. c. 1. in prin. 10. 1.

A N I M A. Sed numquid ò homo ille tenetur Deum diligere, qui se gaudet talia, qualia ego cōmisi, minime commississe?

H O M O. O anima non te quisquam irrideat, ab eo ægram sanari oportet, à quo sibi præsinitum est vt non a grotaret, vel forsan vt maiores labores cautius euitaret. Et ideo Deum tantundē, immò re vera am plius diligit: quia per quem me videt tantis peccato rum meorū languoribus exui, per eam se videt tantis doloribus nō implicari. Hęc Augustinus in libro Cō fessionum. Hieronymus: Sine amore charitatis quā uis quisque recte credat, ad beatitudinem tamen veni re non potest: quia tanta est charitas, vt etiam prophe tia & martyrium sine illa nihil esse credantur, nullum præmium charitati compensatur. Charitas enim om nium virtutum obtinet principatum. Augustinus: Da mihi te Deus meus, redde te mihi, amo te, & si parum est, amem validius. Non possum metiri, vt sciam quā tum desit mihi amoris tui, ad id quod satis est, vt cur rat vita mea in amplexu tuos, nec auertatur donec abscondatur in abscondito vultus tui. Hoc tantū scio, quod male mihi est præter te, & omnis copia quæ Deus meus non est, mihi egestas est. Hęc Augustinus:

Aug. li. 23. conf. c. 8. 10. 1.

Quā tum & quomodo deus sit dili gendus.

Bern. de di lign. Deo in prin.

Matt. 22. d

A N I M A. Nunc ergo ò homo, quia pro his omnibus dilectū dilectorem meum, vt dixisti, diligere debeo, dic quæso quantum aut quomodo ipsum diligā, qua tenus sibi vicissitudinem tantæ dilectionis rependam?

H O M O. O anima quamuis secundum Bernardū, causa diligendi Deum, Deus sit, modus verò diligendi eum, sit sine modo diligere, possumus tamen modum aliquem ex ipsis sacrę scripturę locis inuestigare. Ip se etenim qui tibi dilectionem tribuit, modum dilige di ostendit, quando dixit: Diliges dominum Deum tuum, ex toto corde tuo, ex tota anima tua, & ex tota fortitudine tua. Dilige igitur anima amore singulari Deum patrem, qui te tam nobiliter ex nihilo crea uit, Deum filium, qui te tā inæstimabiliter pro te mo riendo reformauit, Deum spiritum sanctum, qui te tā misericorditer & tam dulciter sæpius consolando a peccato cōseruauit, & in bono confortauit. Dilige igitur Deum patrem fortiter, vt nullo alieno amore periculo se vincaris, dilige Deum filium sapienter, vt nullo alieno amore dolose seducaris, dilige Deum Spiritū sanctum dulciter, vt nullo alieno amore venenose in ficiaris. Vel aliter secundum Bernardum: Disce à

Bern. ser. 20. sup. cant. cir. med.

C H R I S T O ò anima Christiana, quemadmodum de beas diligere Christum. Dilige dulciter, prudenter, & fortiter. Dulciter, vt amore illius omnis amor alius tibi vilescat, & ipse solus sit tibi mel in ore, melos in aure, iubilus in corde. Dilige prudēter, vt amotuius in eo solo & in nullo alio cōtinuē inardescat. Dilige for titer, vt tua fragilitas omnia dura & aspera gaudenter pro ipso sustineat, vt dicas: Labor meus vix est vnus horæ, & si amplius est, nō sentio præ amore. Hęc Ber nardus: Hieronymus: Ita Christianus per amorem in Christum iugiter intendat, vt omnia libenter pro

S. Bon. Tom. 7. Pars iij.

pter ipsum sustineat, donec ad ipsum perueniat. Hęc Hieronymus: Amemus Christū, & eius semper quæ ramus inhærere amplexibus, & facile videbitur omne quod est difficile. Ambrosius: O anima semper in mē te tua pertracta quā dulciter Christus te dilexit in incarnatione, quā prudēter in cōuersatione, & quā fortiter in passione. Hugo: Nulla dilectio maior, nul la charitas sincerior, nullus amor fortior. mortuus est pro te innocens, nihil in te inueniens quod amaret. Hęc Hugo de Sancto Victore.

Hieronym. epist. 22. ad Eustoch. vers. fin. 10. 2. Hugo de artha ani. post med.

A N I M A. Dic quæso ò homo, salua reuerētia tua, non ex curiositate, sed ex humilitate, non ex præsum ptione, sed potius ex deuotione interrogo: Et quid est quod amo, cum Deum meum amo?

H O M O. O anima, si tua quæstio esset præsumptuo sa, tunc nimis esset vitiosa: sed quia ex deuotione ori ginatur, deuotam responsonem meretur. Audi ergo quid dicit ille magnus amator Dei Augustinus in li bro Confessionum. Cum Deū, inquit, amo, non amo speciem aut decus, non tempus, non candorem lucis istius amicū oculis, non dulces melodias, nō vnguē ta suauiter redolentia, non manna, non mella, non membra carnis amplexibus acceptabilia, nō hęc amo cum Deum amo. Sed quid amo? Arno lucem quam dam, quamdam vocem, quemdā odorem, quemdam cibum, quemdam amplexum interioris hominis mei. Vbi fulget animæ, quod non capit locus: vbi sonat, quod non capit tempus: vbi redolet, quod non spargit flatus: vbi sapit, quod non minuit edacitas: vbi hæret, quod non diuellit satietas.

Aug. conf. li. 10. ca. 6. 10. 1.

A N I M A. Dic quæso ò homo vel paululū de cha ritatis virtute, qua cognita ad diligendum Deum for tius animus inardescat.

H O M O. Reuera ò anima charitatis fructus ma gnus est, sed occultus. Ipsa enim, secundum Augusti num, in aduersitatibus tolerat, in prosperitatibus tē perat, in duris passionibus est fortis, in bonis operibus hilaris, in tēratione tutissima, in hospitalitate liberalis sima, inter veros fratres lætissima, inter falsos patiētis sima. Ipsa est inter opprobria secunda, inter odia bene fica, inter iras placida, inter insidias innocens, in ini quitate gemens, in veritate respirans. Hęc Augusti nus de laude charitatis. Bernardus: O felix amor ex quo oritur strenuitas morum, puritas affectuum, sub tilitas intellectuum, sanctitas desideriorum, claritas operum, secūditas virtutum, dignitas meritorū, subli mitas præmiorum & honorum. O dulcedo amoris, ò felix amor dulcedinis, comedat te cor meum, & ne ctare tuo repleantur viscera animæ meæ. Hęc Bernar dus. Idem: O anima quā dulcis est cibus charita tis, qui fessos alleuat, debiles roborat, mæstos lætifi cat. Iugum namque veritatis facit suaue, & onus eius leue. Idem: Fateor domine, non sustinui pondus diei & æstus, sed iugum suaue & onus leue porto. Opus enim meum vix est vnus horæ, & si plus est non sen tio præ amore. Sed quid plura? Hugo de Sancto Vi ctore: O anima tanta est vis amoris, vt talem te ne cesse sit esse, quale est illud quod amas. Et cui per af fectum coniungeris, in ipsius similitudinē ipsa quo dammodo dilectionis societate transformaris. Hęc Hugo.

Aug. tract. de laude charit. 10. 9

Bern. de 12. grad. hu mil. lōge ali quantulū a prin. Idem ser. 14. sup. Cant. anis med.

Quomodo anima per mentale exercitium debet radium contemplationis conuerti ad exteriora, vt cognoscat quā instabilis sit mundana opulētia, quā mutabilis mundana excellentia, & quā miserabilis mundana magnificen tia. Cap. 11.

A N I M A.

I Am video quoniam miser est omnis animus iūctus amicitia, rebus temporalibus, quæ cum labore acquiruntur, cum timore possidentur, cum dolore amit

Ex Aug. li. 4. confes. c. 6. c. 9. 10. 1.

L tun.



tuntur. Sed beatus est qui amat te domine, & inimicum propter te & amicum in te: solus enim nullum charum amittit, cui omnes in te chari sunt: te vero nemo amittit, nisi qui te dimittit, qui autem te dimittit, quo vadit, nisi à te placido ad iratum? Hæc Augustinus. Idem: O charitas quæ semper ardes & numquā extingueris, Charitas Deus meus accende me. Iubes ut amem te, da quod iubes; & iube quod vis. Iubes certe quod contineam a concupiscentia carnis, a concupiscentia oculorum, & ambitione sæculi. Augustinus: Minus te domine amat, qui aliquid tecum amat, quod propter te nō amat. Hieronymus: O homo amemus Christum, & eius semper inherere quæramus amplexibus, & facile videbitur omne difficile.

Idem li. 10.  
conf. c. 20.  
c. 30. 10.  
cod.  
Ibid. c. 20.

Hierony. ep.  
32. ac Em.  
Hoch. vers.  
su. 10. 1.

Ex Greg.  
li. 10. Mor.  
c. 12. cir.  
su.

Greg. hom.  
30. in E-  
uang. ante  
med.

Bern. in ser.  
de quin-  
que nego-  
tiation. &  
quinque re-  
gion. paulo  
ante med.

H o m o. O anima iā, ut video, recognoscis quā felix & quā beatus, est, qui in solo æternitatis desiderio per amorem figitur, qui nec prosperitate extollitur, nec aduersitate quassatur, & dum nihil habet in mundo quod diligat, nihil est in mundo quod pertimescat. Hæc Gregorius in moralibus. Conuertere igitur ò anima nunc radium contemplationis ad ea, quæ sunt iuxta te, hoc est ad mundum istum sensibilem, ut ipsum & ea quæ sunt in ipso despicias, & eo despecto amplius in amore sponsi inardescas. Minus enim eū amas, si aliquid cum eo appetis, quod propter ipsum & in ipso non diligas. Tanto enim secundum Gregorium quis ab illo superno amore disiungitur, quanto inferius delectatur, & citius ad Deum conuertitur, qui nō habet in hoc sæculo, unde delectetur. Et secundū glossam super Exodum, Tāto quis ab inferiorū amore disiungitur, quanto ad sola æterna amanda subleuatur. Cetera igitur creatura tibi vilescat, ut creator tuus in corde solus dulcescat. Augustinus: Volue igitur semper & reuolue, non tantum ex auditis, sed etiam ex expertis, non tantum ex dictis, sed etiam ex factis, quā instabilis sit mundana opulenta, quā mutabilis mundana excellentia, quā falsa & miserabilis mundana gloria. Omne enim secundum Gregoriū, quod hic eminet, multo plus mærore afficitur, quā honore gaudeat, Bernardus: Ecce huius mundi amatores nundinas huius sæculi perambulant, alij diuitias, alij honores, alij gloriam querentes. Sed quid de diuitijs dicam, quæ cum labore acquiruntur, cum timore possidentur, cum dolore amittuntur? Quid de honore referam? In loco sublimi positus es, numquid nō eris iudicandus ab omnibus, lacerandus ab omnibus? Nūquid in honore sine dolore, in prælatione sine tribulatione, in sublimitate sine vanitate esse quis poterit? Quid de gloria dicam? Nihil aliud est nisi quædam vana aurium inflatio. Nūquid & ipsa est sine iudicio? Respice quos antecedis, & cogita quia in omnibus in uidiæ semina præbes. Toties angelo apostatæ similis esse volo, quoties præesse desidero. Hæc Bernardus, Hieronymus: Nihil namque sæculo rebusq. sæculi fugacius est, quas, cū tenere cupimus, amittimus. Vidisti Imperatores, vidisti præfectos, vidisti exercitus, victorias & triumphos: heri fuerunt, hodie non sunt, heri quasi flos apparuerunt, hodie quasi fenum aruerunt. Nihil itaque bonum est, nisi quod perpetuum est. Hæc Hieronymus.

A n i m a. O homo si hæc ita se habent, quid est quod miseri homines quærent, dum mundi vanitates appetunt? O quantum excæcati sunt qui mundi gloriam quærent. Gregorius: Nonnulli dū quorundam gloriam cernunt, magnum aliquid existimant, atque ut talia mereantur, exoptant. Cum vero eos morientes aspiciunt, eorum quā vana sit gloria cum gemitu fatentur, & dicunt: Ecce quā nihil est homo. Hæc Gregorius.

H o m o. O anima charissima, & quid sunt mundana omnia nisi quædam vana somnia? Et quid profuit superbia aut diuitiarum iactantia amatoribus suis. Transierunt enim omnia tamquam umbra, & tamquā nauis quæ pertransit fluctuantem aquam, cuius non

Sap. 5. A

est inuenire vestigium. In malignitate enim sua consumpti sunt. Heu quam plurimi etiam nullum signū reliquerunt. Vbi sunt principes gentium, & qui dominati sunt super bestias, quæ sunt super terram? Qui argentum thesaurizauerunt, & aurū congregauerunt, qui ciuitates & castra extruxerunt, reges & regna bellando deuicerunt. Vbi sapiens? vbi scriba? vbi inquisitor huius sæculi? Vbi Salomon sapientissimus? vbi Alexander potētissimus? vbi Samson fortissimus? vbi Absalom speciosissimus? vbi Assuerus gloriosissimus? vbi Cæsares potentissimi? vbi reges, vbi principes inclyti? Quid profuit eis inanis gloria, breuis letitia, mundi potētia, magna familia, carnis voluptas, diuitiarum falsitas, concupiscentiæ suauitas? vbi risus? vbi lætitia? vbi iactantia? vbi arrogantia? Ecce generositas sanguinis, pulchritudo corporis, forma elegans, iuuenilis decor, prædia, palatia immensa, suppellex, adde & mundi sapientiam, de mundo sunt hæc omnia, & mundus quod suum est diligit, & tamen cum mundo non diu subsistunt. Transibit enim mundus & concupiscentia eius. Bernardus: Tu ergo si recte sapias, si tecum lumen oculorum est, desine sequi quæ confestim miserū est, quæ possessa onerant, amata inquinant, & amissa cruciant. Tu ergo relinque hæc omnia propter eum qui est super omnia. Hæc Bernardus: Fuge ergo, & confuge ò anima ad urbem refugij, hoc est ad vitam religiosam, vbi possis de præteritis agere poenitentiam, & in præsentem obtinere gratiam, & feliciter præstolari futuram gloriam. Non te retardet peccatorum conscientia, quia vbi superabundauit iniquitas, superabundare consuevit & gratia. Non poenitentiarum austeritas ipsa te deterreat. Non enim condigne sunt passionibus huius temporis ad præteritam culpam quæ remittitur, ad præsentem gratiam quæ immittitur, & ad futuram gloriam, quæ promittitur. Hæc Bernardus.

1. Cor. 1. 6

Bern. epist.  
103.

Ex Bern.  
ser. de con-  
uers. ad cle-  
ric. c. 30.

D A n i m a. Iam falsitatem & instabilitatem mundi agnosco, sed nescio quo vinculo detēta adhuc auertere mentem nequeo.

H o m o. Certe si diligenter ò anima & prudenter periculum tuum, quod de mundo incurris aduerteres, proculdubio animum a sæculi vanitatibus cohiberes. Grauis enim & nimis periculosa est mundana conuersatio, quia secundum Bernardum, Periclitatur castitas in delicijs, humilitas in diuitijs, pietas in negotijs, veritas in multiloquio, charitas in hoc nequā sæculo. O anima debilis & infirma quæ tam facilis es ad decipiendum, tam prona ad cadendum, tam difficilis ad surgendum. An ignoras quod sicut difficile est arborem iuxta viam positā fructus pulcherrimos vsque ad maturitatem seruare, sic difficile est hominē iuxta sæculum viuentem, iustitiam immaculatam vsque in finem conseruare? Hæc Chrysostomus. Item Augustinus in epistola quadam: Vincula huius mundi habent asperitatem veram, iucunditatem falsam, certum dolorem, incertam voluptatem, durum laborem, timidam quietem, plenam miseriam, nullam beatitudinem, & inanem spem. O anima si hoc in mente portares, mundum & ea quæ in mundo sunt contemneres. Et quid est charissima quod diligis? quid est quod appetis? quid est quod in mundo quaris? Si prælationem diligis, quid aliud facis, nisi quod vitam tuam confundis? An ignoras quod monstruosa res est gradus summus & animus infimus, sedes prima & vita ima, lingua magniloqua, & manus ociosa: sermo multus & fructus nullus, vultus grauis & actus leuis, ingens auctoritas & nutans instabilitas. Hæc Bernardus. Sed forte diceres, prælationem quidem appeto, sed in ipsa bene & sancte viuere intendo. Laudo, sed raro quod laudare valeam inuenio. Vnde semper timo quod dicit Gregorius in registro: Ita sibi regentium & subditorum merita connectuntur, ut sæpe ex culpa præidentium fiat deterior vita subditorum. Et sæpe ex merito plebium delinquat vita pastorum. Si

Bern. ibid.

Chry. oper.  
imper. ho-  
mil. 39. an-  
te med. 10.  
2.

Ex Bern.  
li. 2. de con-  
uers. ad Eu-  
gen. c. 7.

Greg. Reg.  
li. 6. c. 17.  
post med.  
c. li. 25.  
Mor. c. 14.

sapient-



sapientiam mundi quæris, o quanto periculo te committis. Bernardus: Heu quot & quantos mundi maledicta sapientia supplantavit, & conceptum in eis diuinum extinxit spiritum, quem vehementius Dominus accendi voluit. An ignoras quod sapientia mundi terrena est, animalis & diabolica, inimica salutis, suffocatrix vitæ & mater cupiditatis? Hæc Bernardus. Augustinus: Qui sine Salvatore salutem vult quærere, & sine vera sapientia æstimat se prudentem fieri posse, non sanus, sed æger est, non prudens, sed stultus est, & in ægritudine laborat assidue. Qui enim crescit in scientia & non in bona vita, elongatur a Deo, sicut dicit Algazel. Tu ergo si sapiens esse desideras discas in terris, quorum scientia perseveret tecum in cælis. Hæc Hieronymus. Hic studeas qualiter ad ipsum pervenias, quem semel vidisse est omnia didicisse. Hæc est illa æterna veritas, sine qua omne sapere desipere est, quam solam cognoscere perfectum scire est. Augustinus: Infelix homo qui scit omnia alia, te autem nescit. Beatus autem qui te scit, etiam si aliena nesciat. Si autem te & alia novit, non propter illa beator, sed propter te solum beatus. Anselmus: Sed fortasse divitias mundiales, pompas sæculares, & delicias carnales o anima mea diligis, & propter hoc mundum inuite derelinquis. Sed attende quod caduca & fragilia sunt hæc. Dic vbi reges? vbi principes? vbi omnium prædictorum dilectores? Timeo quod multi ex ipsis heu exterminati sunt, & ad inferos descenderunt. Quid nunc eis prodest superbia? quid divitiarum iactantia? Qui enim plus diligit mundum quam Deum, sæculum quam claustrum, gulam quam abstinenciam, luxuriam quam continentiam, sequitur diabolum, & ibit cum eo ad æternum supplicium. Augustinus: Qui florent felicitate sæculi, pereunt virtute Dei: florent ad tempus, pereunt in æternum: florent falsis bonis, pereunt veris tormentis. Idem: Si in hoc sæculo aliquid nos habere delectat, Deum qui possidet omnia expecta mente possideamus, & in ipso habebimus quidquid feliciter & sancte desideramus. Gregorius. Nec diviti obsunt opes si eis bene utatur, nec pauperem egestas commendabilem facit, si inter inopias sordes peccati non caueat. Sed adhuc o anima invenies quod obijcias, dicens: Mundum despicio, sed amicos, parentes, & cognatos derelinquere non valeo. Friuola o anima est hæc obiectio. Bernardus: Fidelis sermo & omni acceptione dignus. Si impium est contemnere patrem vel matrem, propter Christum piissimum est. O ditum patrem, o sævam matrem, immo non parentes sed peremptores, qui te malunt perire cum eis, quam regnare sine eis. Hieronymus: Licet sparso crine & scissis vestibus vbera, quibus te nutrierat mater, ostendat, licet in limine pater iaceat, per cõtempnam matrẽ per calcatur patrem perge siccis oculis, & ad vexillum crucis euola. Solum pietatis genus est in his fuisse crudelem. Chrysostomus: An ignoras o anima, quod qui habet Iesum, habet patrem, & matrẽ, & omnem amicum? Quid sequeris mortuos? sequere viuũ, & dimitte mortuos sepelire mortuos suos.

ANIM A. Iam ex verbis tuis o homo perpendo, & ex multis experimentis cognosco, quod etiam mundus in seipso aruit. Sed adhuc heu in multorum cordibus floret, qui amaritudines mundi diligunt, fugientem sequuntur, labentem amplectuntur, dic quæ est tanta cæcitatis ratio?

HO M O. O anima an ignoras, quod tam delicata & tam nobilis es a sponso tuo auctore omnium condita, quod sine dilectione esse non potes? Hieronymus: Difficile est humanam animam non amare, necesse est enim, ut mens nostra ad quoscũque trahatur affectus. Vnde secundum Bernardum etiam oportet, quod aut in summis aut in infimis delecteris. Igitur secundum Gregorium in moralibus, Quia sunt nonnulli qui vitam suam negligunt, dum transitoria appetunt, & æterna non intelligunt, vel intellecta con-

temnunt, dolorem non sentiunt, dum vulnerati sunt. Vnde heu se miseri in bonis esse putant, exitum quasi patriam diligunt, & in cæcitare quasi luminis claritate exultant. E contra electorum mentes, dum cuncta transitoria quasi nulla conspiciunt, ad quid sunt conditæ, requirunt. Cumq. eorum affectui nihil extra Deum sufficiat, in sola contẽplatione conditoris quiescunt, supernis interesse ciuibz appetunt, & adhuc in mundo positi extra mundum surgunt. Hæc Gregorius. Idem super Ezechielem: Dulcedo videtur esse in rebus humanis, sed eis qui nullã de cælestibus dulcedinem experti sunt. Quia dum mens humana minus æterna intelligit, tanto dulcius in temporalibus requiescit. Sed si quis iam cordis lingua gustauerit, quæ sit illa dulcedo cælestium præmiorum, huic quãto dulcius sit, quod intus videt, tantò magis in amaritudinem vertitur omne quod foris sustinet.

ANIM A. Ne quæso o homo procrastines, mihi aliquid de mundano & cælesti gaudio edisserere, quatenus utriusque natura perfectius cognita, vnũ verius despiciam, & ad alterum assequendum studiosius me extendam: quia puto quod sicut bonum non amatur nisi cognoscatur, ita malum non deuitatur nisi intelligatur.

HO M O. O anima æstimo, quod mundanum gaudium (si tamen potest dici gaudium, & non potius flagellum incognitum) numquam perfecte cognoscitur, nisi cum perfecte despicitur. Vnde sicut a perfectis mundi contemptoribus traditur, mundanum gaudium potissime propter quinque contemptibile est habendum. Primo quod habet vilitatem in obiecto. Quid enim est seculi lætitia? Respondet Augustinus, impunita nequitia, id est luxuriari, inebriari, comestationibus vacare, vanitatibus intẽdere, & pro his, in hac vita nihil mali sustinere. Putant enim mali se esse in delitijs, cum non corriguntur pro suis nequitijs. Et ignorant quod sicut dicit Augustinus, nihil infelicius est felicitate peccantium, quã pœnalis infirmitas nutritur, & mala voluntas roboratur. Secundo habet impuritatem in subiecto. Anima enim peccatis deformata, est subiectum mundani gaudij, quæ lætatur cũ male fecerit, & exultat in rebus pessimis. Vnde bene dicit Beatus Hieronymus, quod ridere & gaudere cũ hoc sæculo, non est factũ hominibz sensati, sed phrenetici. Reuera o anima cor mundum non cum hoc sæculo immundo, sed cum Deo & in Deo lætare est & iucundum. Tertiò habet breuitatem in seipso, quia gaudium hypocritæ ad instar puncti. Hypocrita est hic mundus, cuius gaudium est ad instar puncti, quod nec latum, nec longum, nec altum est, nec profundũ. Augustinus super Ioannem: Lætitia seculi vanitas est, cum magno desiderio speratur, ut veniat, & non potest teneri cum venerit. O anima quã brevis, quã fragilis, & quã caduca est mundana lætitia. Breues enim dies hominis sunt, ut dicit Iob. Quarto habent tristitiam in termino, quia ducunt heu miseri in bonis dies suos, & in puncto ad infernum descendunt. Extrema enim talis gaudij luctus occupat. Immo o anima si vales discernere, tale gaudium habet semper tristitiam admixtam in actu suo, quia semper necesse est quod præsumat sæua, perturbata conscientia. An ignoras o anima, quod non diutius perdurat lætitia quæ est in comedendo & bibendo, quã durat tristitia quæ est esuriendo & sitiendo? sic est de omnibus alijs. Quinto habet miseriam magnam in affectu proprio, quia est spiritualis gaudij impedimentum. O anima agnosce quã miser est hic mundus, & quã miserrimi qui sequuntur ipsum. Semper enim mundana gaudia excluderunt homines a beata vita. Bernardus: O quã vilis est, quã inutilis est mundana consolatio, & quod plus est metuendum, quia veræ ac sanctæ consolationis est impedimentum. Renuas igitur o anima mea in mundo delectari, si vis de Dei memoria consolari. Hæc Bernardus. Augustinus: Cetera-

L 2 circa-

Greg. hom. 10. in Ezech. l. 6. post med.

Aug. ser. 37. de ver. Dom. post med. 10. 10.

Prov. 2. 6

Iob. 20. 4

Iob. 14. 4

Iob. 21. 6

Prov. 14. 6

Bern. ser. 4. in vigil. Natal. Dom. statim post prin.

creatura vilescat, vt creator in corde dulcescat.

**A N I M A.** Iam mundum despicio, iam falsam lætitiā, veram tristitiā, falsam dulcedinem, & veram mundi amaritudinem agnosco, & ob hoc non immerito hæc omnia secundum tuum consilium cōtemno. Sed quia sicut asseris, sine dilectione esse non valeo, dic quæso quid agam? quo me conuertam? vbi dilectionem conuenientem inueniam?

**H O M O.** O anima si te ipsam perfecte cognosceres, ex tui cognitione mundū & omnia quæ in mundo sunt, cōtemneres, & discere posses, quā consolationem in tua dilectione affectare non immerito deberes. O anima si te naturam cælestem intelligeres, proculdubio terrenam consolationē abhorreres. Erubescere igitur consolari in cœno, quæ es de cælo. Erubescere in imis delectari, quæ non potes nisi in summo satiari. Natura es, vt puto, cælestis, & cælestem consolationem, sicut æstimo, naturaliter, si carnalis infania permitteret, appetis, & requiris. Bernardus: O quā dulce & delectabile esset, adiuncto diuini amoris condimento, secundum naturam viuere, si carnalis infania nos permitteret, qua sanata statim naturalibus natura aridet.

**A N I M A.** Et quid est proprie secundum naturam viuere?

**H O M O.** Propriissimè secundum naturam viuere, est in terris cælestem vitam ducere, ab exterioribus ad interiora redire, ab interioribus ad superna ascendere, & facere omnia secundum nobilissimum quod in homine præcellens, hoc est secundum intellectum. Hæc Philosophus 4. Ethic.

**A N I M A.** Potest ne aliquis in terris, & in hac lacrymarum valle cælestem vitam ducere?

**H O M O.** O anima si de meis verbis tāquam hominis peccatoris dubitas & miraris, audi Augustinum & Apostolum Paulum. Ecce quid dicit Augustinus: Cum æternum aliquid per cognitionem & amorem, capimus mente, iam non in hoc mundo sumus. Vnde *Philip. 3. d* est quod dicit Apostolus: Nostra conuersatio in cælis est. O anima mea puto igitur, quod verius es vbi amas, quā vbi animas: quia quidquid diligis ipsa dilectionis vi in eius similitudinem transformaris. Si ergo cælestia cōtemplaris, si cælestia diligis, quomodo iam non in cælis commoraris, quæ cælestibus spiritibus in vita assimilaris?

**A N I M A.** Heu heu iam me infelicem & miserā, miserabiliter multo iam tempore excæcatam sentio, quæ tanto tempore per cognitionem in temporalibus & terrenis rebus oberrauit, mūdānis & vilibus me per amorem alligauit, de quibus paucam consolationem, multam vero amaritudinem & desolationem, modicam & valde exilem lætitiā, sed variā & sæpe magnā cordis tristitiā sumpsi. Dic ergo iam quæso o homo, quæ est cælestis consolatio, & si quo modo possem ad ipsam pertingere in hac valle lacrymarum & miseræ? Quid est quod in Deo meo inuenio, cum tam libenter & tam facilliter omnia propter ipsum cōtemno, cum dico intra me ipsum cum gaudio, Deus cordis mei, Deus pars mea in æternum? Quid est quod in illa breuissima hora in dilecto meo degusto, cum omnia dura & amara & aspera gaudent & hilariter, propter ipsum sustinere totis viribus concupisco, & dico: Mihi adhærere Deo bonum est. Et, Quis me separabit a charitate Christi?

**H O M O.** Secundum Bernardum, o anima hæc cōsolatio nihil aliud est, quā gratia quædam deuotionis, procedens de spe veniæ, & gustus boni licet exiguus, & suauissima quædam delectatio, qua benignus Deus afflictam recreat animam, qua anima ad Deum requirendum inuitatur, & ad diuinum amorem accenditur vehementer. Hugo de Sancto Victore. O anima quid putas est tam dulce & tam suaue, quod in recordatione dilecti deuotas animas solet tangere, & tā suauiter afficere, vt iam totaliter à seipsis alienari in-

**A** cipiant? Exhilaratur conscientia, & in obliuionem venit omnium dolorum memoria: exultat animus, clarescit intellectus, cor illuminatur, affectus iucundatur. Iam nesciunt vbi se esse conspiciunt, & quasi amplexibus amoris aliquid intus tenent, & nesciunt quid sit, & tamen totis viribus tenere concupiscunt. Luctatur quodammodo delectabiliter animus, ne recedat ab eo, quasi in eo finem omnium desideriorum inuenierit. Hæc Hugo. Bernardus: Nonnumquā quasi clausis oculis bone Iesu ad te inhiāti, mittis mihi in os cordis, quod non licet mihi scire quid sit. Saporem quidem sentio, dulcedinem adeo confortantem, quæ si

**B** perficeretur in me, nihil vltra quærerem. Nonne hic est iubilus cordis. Gregorius: Iubilus dicitur ineffabile mentis gaudium, quod non abscondi, non sermone aperiri potest. Sed tamen quibusdam motibus aperitur, licet nullis proprietatibus exprimat. Vnde Psalmus: Beatus populus qui scit iubilationem. Non dicit, qui loquitur, sed qui scit: quia iubilus quidem sciri potest intellectu, sed dicto seu verbo exprimi nō potest. Bernardus: Istum autem gustum cum accipio, nullo corporis visu, nullo animæ sensu, nullo spiritus intellectu aduertere me finis quid sit, cum accepero & ruminare volo, & diiudicare eius saporem, statim transit dulcor eius, diglutio quidem illud quidquid est in spe vitæ æternæ, sed operationis eius virtutem diu ruminando, omnibus animæ venis & medullis quasi vitalem quandam succū optabam infundere, vt ab omnibus alijs affectibus desiperet, & illud solum saperet, sed festinat transire, & cum de inquisitione vel acceptione eius vel visu, formata quædam lineamenta memoriæ gestio arctius impressa committere, vel etiam memoriam labilem scripto iuuare, experimento cogor dicere id Euangelicum: Nescis vnde veniat, aut quo vadat. Hæc Bernardus. Quæ putas o anima est tam dulcis tamq. suauis delectatio? certe hæc est consolatione diuina.

**C** **A N I M A.** O homo quis mihi hoc tribuat, vt hæc tam inexperta consolatio in cor meum perueniat, vt malorum meorum obliuiscar, ac mundanam consolationem despiciam, & a me ipsa feliciter alienari incipiam?

**H O M O.** O anima, magnum est quod desideras, inestimabile donum est quod exopras. Vnde, vt æstimo, humano studio non potest obtineri, humano merito vix potest promereri, sed a Deo humilibus precibus, & a digne dispositis ex sola diuinæ pietatis condescendētia vix potest impetrari. Omne enim aurū in comparatione illius arena est exigua, & argentum illi comparatum tamquam nihilum reputatur.

**A N I M A.** O homo dic rogo, qualis debet esse dispositio, qua ordinari debet ad impetrandum orantis affectio?

**H O M O.** De hac materia multum posset dici ab expertis, sed quia inexpertum me esse recognosco, etiā pauca me dicere erubesco. Vnde timeo, ne dicatur contra me: Quare tu enarras, quod non degustas? quare tamquam indignus laudas quod ignoras?

**A N I M A.** O homo, noli timere, cum reuerentia, & humilitate quæ audisti & legisti deuote proponere. Multi enim de rebus magnis & arduis alijs vtiliter proposuerunt, quod non de propria experientia, sed aliorum scientia didicerunt.

**H O M O.** Iam cum aliqua audacia loquar. Nam vires quas imperitia denegat, charitas subministrat. Vnde sicut sentio, sic refero. Puto, saluo meliori iudicio, si vis te ad hanc cælestem dulcedinem degustandā preparare, debes esse depurata, exercitata, & elenata. In primo hæc cælestis dulcedo odoratur, in secundo degustatur, & in tertio aliquando vsque ad ebrietatē sumitur & potatur. Primò dico quod debes esse depurata a peccatis, ab affectionibus inordinatis, a temporali consolatione, & a creaturarum inordinata dilectione, quia secundum Bernardum, Errat omnino si quis

*Pf. 72. d*  
*Rom. 8. g*

*Bern. ser. 2.*  
*in festo omnium S. A. H.*  
*post mod.*

*Bern. de a. more Dei c. 9. cir. mod.*

*Greg. li. 24. Mor. c. 5. n. 8. lōge a prim.*

*Pf. 88. c.*

*Joan. 3. a*

*Sap. 7. 6*

L 3. Quemo-

*Quomodo anima per mensale exercitium debet radium A  
contemplationis conuerti ad inferiora, ut intelligat  
humana mortis inenitabilem necessitatem, in-  
dici finalis formidabilem austeritatem,  
pœna infernalis intolerabilem pœ-  
nalitatem. Cap. III.*

## ANIMA.

**D**ic quæso ò homo breuiter, quæ sint illa inferiora,  
ad quæ mea consideratio est conuertenda? Ascē-  
dere festino, ebrietatem diuinæ consolationis quæro,  
in inferioribus diu morari non valeo. Iam dilecta ta-  
bernacula tua Domine virtutum desidero, habitare in  
*Psalm. 83. a*

**H**omo. Hæc inferiora sunt ò anima mea, ut re-  
conuertas, & videas mortis inenitabilem necessitatē,  
& ingemiscas diuini iudicii infallibilem æquitatem siue  
veritatem, & contremiscas pœnarum infernalium  
intolerabilem asperitatem, & expauescas. Considera  
igitur frequenter, volue, & reuolue diligenter, quod  
mors non potest declinari, quod hora mortis non po-  
test inuestigari, quod tempus a Deo præordinatum nō  
potest immutari. Isidorus: In rebus humanis nihil cer-  
tius morte; nihil incertius hora mortis. Non misere-  
tur inopiam, non reueretur potentiam, non respicit mo-  
rum aut generis excellentiam, non parcat iuuentuti  
vel ætati, senibus est in ianuis, iuuenibus in insidijs.

**A**nima. Audio quod nostrū viuere nihil aliud  
est, quàm ad mortē transire. Cur temporalia diligen-  
tur, quæ tam incerto tempore possidentur? Cur tanto  
tempore vitam istam desideramus; in qua quantò am-  
plius viuimus, tantò plus peccamus, quantò vita lon-  
gior tantò culpa numerosior? Quotidie namque cre-  
scunt mala, & subtrahuntur bona. Quis enim consi-  
derare valeat, quanta mala per momenta temporum  
perpetramus, & quanta bona negligimus? Grauis si-  
quidem culpa est, cum nec bona facimus nec bona co-  
gitamus, sed mentem per inania & inutilia vagari per-  
mittimus.

**H**omo. Sicut dicit Gregorius: Carnales mentes  
ò anima idcirco temporalia diligunt, quia vita carnis  
quàm fugitiua sit minimè perpendunt. Nam si velo-  
citatē transitus eius aspicerent, hanc etiam prosperi-  
tatem modicè duraturam minimè amarent. Idem: Vi-  
ta mea nauiganti similis est, siue dormiam siue vigilē,  
semper vado festinus ad mortem. O vita præsens quā  
multos decipis, quæ dum fugis nihil es, dum videris  
vmbra es, dum exaltaris fumus es, dulcis es stultis, a-  
mara sapientibus, qui te amant nō te cognoscunt, qui  
te fugiunt ipsi te intelligunt. Alijs te promittis longā  
ut decipias, alijs breuem, ut in desperationem inducas.

**A**uctor de spiritu & anima: Iugi meditatione animū  
nostrum exerceamus, & miseras nostras cōsideremus.  
Cum dolore vitam istam intrauimus, cum labore vi-  
uimus, cum timore exituri sumus. Bernardus: Quo-  
quot degimus in hac regione vmbrae mortis, in infir-  
mitate corporis, in conflictu & in loco tentationis, si  
diligenter aduertimus, triplici incommodo miserabi-  
liser laboramus. Faciles enim sumus ad seducendum,  
debiles ad resistendum, & fragiles ad operandum.

**A**nima. Iam video quod inutiliter in hoc tem-  
pore viuatur, nisi festinetur ad comparandum meritū  
quo in æternitate viuatur. Ideo non esset curandum  
quādiu esset viuendum, sed potius quàm bene in hac  
vita operandum. Quia & si alicui quod bene viuatur cō-  
donetur, tamen ut diu viuatur certum est, quod nulli cō-  
ceditur. Bernardus: Est igitur vita secunda, ubi con-  
scientia pura, ubi mors sine formidine expectatur, cū  
dulcedine adesse optatur, & cū deuotione acceptatur.

**H**omo. O anima si hæc ita se habere intelligis,  
audi consilium meum, & in hac vita quamdiu durat,  
compara tibi vitam illam quæ semper durat. Dum  
viuis in carne morere mundo, ut post Deo viuere inci-

pias. Bernardus: Intellige, quod venientem mortem. *Sententia  
nullus lætus & hilarius suscipit, nisi qui se ad ipsam dū est Seneca.  
viueret bonis operibus præparauit. Attendē quod se. epist. 30.  
cundum Senecam: Insipiens, id est, peccator & crimi- post mod.  
nosus, moriendo mortē incipit; sed sapiens & virtuo-  
sus moriendo mortem vincit.*

**A**nima. O homo video quod bonorum mors  
est beata, mors verò peccatorum infelix & misera.

**H**omo. O anima secundum Bernardum, Bona *Bern. epist.  
est iusti mors propter requiem, melior propter noui- 205. ad Ro-  
tatem, optima propter securitatem. E contra mors man. Sub-  
peccatorum pessima, & bene pessima. mala in mundi diac.  
amissione, peior in carnis separatione, sed pessima in  
duplici vermis & ignis contritione, & quod omnium  
pessimum est, in diuinæ contemplationis priuatione.*

**A**nima. Iam satis de morte dixisti, dic modo  
de statu finalis iudicii.

**H**omo. O anima facio, quod hortaris, sed rogo  
audi cum patientia. Scire debes quod quamuis de  
morte meditari sit horribile, de statu finalis iudicii co-  
gitare, ut æstimo, nō minus est formidabile: quia nul-  
lus tunc poterit fallere sapientiam, flectere iustitiam,  
inclinare clementiam, declinare ultionis & iustæ retri-  
butionis sententiā. Bernardus: Considera igitur ani-  
ma mea cū tremore, quid erit de te in die nouissimo,

**C**quando contra te de cogitationibus loquetur consciē-  
tia, quando te de tuis actionibus omnibus accusabūt  
elementa, quando contra te crux Christi portabitur  
in testimonium, quando verbera ipsius contra te cla-  
mabunt, vulnera eius allegabunt, clauis loquentur, ci-  
catrices conquerentur. O angustia, hinc erunt pecca-  
ta accusantia, inde terrens iustitia, intus vrens consciē-  
tia, subtus horrendum chaos inferni, supra iudex ira-  
tus iusti iudicii, foris mundus ardens, intus iustitia iu-  
dicantis terrens. Et si iustus vix tunc saluabitur, im-  
pius & peccator ubi apparebunt? in quam partem se  
prement? latere erit impossibile, apparere intolerabi-  
le. Anselmus in meditationibus: O anima peccatrix,

**D**lignum inutile & aridū, æternis ignibus deputatum,  
quid respondebis in illa die, quando exigitur à te vlti-  
que ad iudicium oculi omne tēpus tibi impensum, quali-  
ter sit a te expensum? Eia eia anima mea, quid tunc  
erit de cogitationibus vanis & otiosis, de verbis leui-  
bus iocosis & ridiculosis, de operibus inutilibus & in-  
fructuosis. Ambrosius super Lucam: Væ mihi si pec-  
cata mea non defleuero: væ mihi si media nocte ad cō-  
suetudinem tibi non surrexero. Iam securis ad arborem  
posita est, faciat fructum qui potest, fructum quidem  
pœnitentiæ. O anima siue vigilēs siue dormias, sem-  
per in auribus tuis illa horribilis tuba resonet: Surgi-  
te mortui venite ad iudicium. O anima nūquam ex-  
cidat à tua memoria: Ite maledicti in ignem æternū.

**E**Venite benedicti percipite regnum. O quid potest la-  
mentabilius & terribilius cogitari, quàm, Ite? & quid  
delectabilius exprimi, quàm, Venite? Dux sunt voces,  
quarum nihil horribilius, vna, & nihil iucundius alte-  
ra poterit audiri. O anima separa te modo a mundo,  
ut tunc possis manere cum Christo. Fuge modò mun-  
dum, ut sequare Deum. Declina modo prauorum so-  
cietates & confortia, ut tunc valeas sequi beatorū ag-  
mina. Post hæc omnia, conuerte radium contempla-  
tionis ad reprobos tormenta, vide quàm sint varia  
quàm aspera, quàm intolerabilia. Bernardus ad Euge-  
nium: Ego horreo vermem mordacem, & mortem  
viuacem. O gehennalis regio fugienda, ubi est ignis  
ardens, frigus rigens, vermis immortalis, fœtor into-  
lerabilis, & mallei percutientes, vmbrae palpabiles, cō-  
fusio peccatorum, innodatio vinculorum, horribiles  
facies dæmonum. Augustinus in quodam sermone:  
Væ illis quibus præparabitur dolor vermium, ardor  
flamarum, sitis sine potu, fletus & stridor dentium,  
lacryma oculorum, ubi mors optatur, sed non dabi-  
tur, ubi nullus ordo, sed sempiternus horror inhabi-  
tat. Quis putas tunc erit mæror? quæ tristitia? quis  
luctus?

De finali iudicio.

Hæc ex

Bern. de in-

teriori do-

mo. c. 38.

1. Pet. 4. d.

Ansel. lib.

de miseria

homin. cir.

med.

Amb. in

Luc. li. 2. c.

3. 10. 3.

Matth. 2. 5.

c d

De inferna

li pœna.

Hæc ex

Bern. ser.

de quinque

negotiationi.

et quia

que region.

post mod.

Hæc ex

Bern. in mon.

dit. c. 3.



luctus & quando separabuntur iniqui a cōsortio iustorum, & tradentur potestati dæmonum, & ibunt cum eis in supplicium æternum, ibiq. semper erunt sine fine in luctu, planctu, & gemitu, procul a gaudijs Paradisi, nūquam refrigerium suscepturi, sed per multa millia annorum cruciadi, numquam tamen heu miser liberandi? ibi torquens & puniens non fatigabitur, ibi qui torquetur numquam morietur. Sic enim ignis ille consumet, vt vitam tamen semper seruet: sic vetera tormenta patientur, vt semper innouentur: sic sine spe veniē, & misericordiæ semper viuent, vt tamē moriantur: sic morietur, vt tamen nūquam consumantur.

**A N I M A.** O homo quare in inferno, vt dicis, mors queritur & non inuenitur? Et quare punitur æternaliter, quod committitur temporaliter?

**H O M O.** Quia secundum Gregorium, a quibus in hoc sæculo vita offertur & nolunt accipere, in inferno querent mortem, & non poterunt inuenire. <sup>b</sup> Idem. Iniqui libet voluissent sine fine viuere, vt potuissent sine fine in iniquitatibus permanere. Ad districti ergo iudicis iustitiam pertinet, vt nūquam careant supplicio, quorum mens in hac vita nūquam voluit care peccato. Hieronymus: O mors quā dulcis esses quibus tam amara fuisti, te solummodo desiderat, qui te tam vehementer odiebant. O anima si hac prædicta videtur tibi terribilia, audi quæ sunt his omnibus grauiora. Chrysostomus super Matthæum: Si mille gehēnas mihi proponas, non tantū reputo sicut ab illius gloriosæ societatis iucunditate expelli, & exosum fieri creatori. O anima terribilis est gehenna, sed terribilior facies iudicis irata. sed quod omnium vincit terrorem est, a beatissimæ & iucundissimæ Trinitatis contemplatione elongatio æterna. Chrysostomus: Excludi a bonis æternis, & alienum effici ab his quæ præparauit Deus diligentibus se, tantum generat cruciatum, vt si exterius nulla pœna torqueret, hæc sola sufficeret, & melius esset mille millia flammarum sustinere, quam Christi faciem mansuetissimam iratā videre, & ab ipsa æternaliter discedere. O si Deus sic egit cum Angelo superbiente, quid de te erit terra & cinere. Ille superbiuit in cælesti palatio, ego autem in sterquilinio. Quis non tolerabiliorem in diuite superbiam quā in paupere asserit? Væ mihi si tam dure & potenter est punita superbia in angelo, qualiter in me misera & pauperula est iudicanda? O pie Iesu propter nomen tuum fac mecum misericordiam, & obliuiscere superbium prouocantem, respice miserum humiliter inuocantē, & recognosce benignissimē quod est tuum, absterge quod est alienum. Miserere Domine dum est tempus miserendi, ne damnes in tempore iudicandi. Verum est, quod conscientia mea meruit damnationem, pœnitentia non sufficit ad satisfactionem. Sed certum est, quod tua misericordia omnem superat offensionem. Hæc Anselmus in meditationibus. Augustinus in meditationibus: Noli Domine sic attendere malum meum, vt obliuiscaris bonum tuum. O bone Domine si ego admissi, vnde me damnare potes, tu non amisisti vnde saluare soles. Gregorius in homilia: O si homo intelligere posset, quid admirationis habet, Ecce spūs venit? quid dulcedinis, Quæ paratæ erant intrauerunt cum eo ad nuptias? quid amaritudinis, Et clausa est ianua? O anima quid plura? Prosper de vita contemplatiua: Cogita quantum sit malum a facie Christi separari, ab illo gaudio diuinæ contemplationis excludi, beatissima sanctorū omnium societate priuari, mori vitæ æternæ, & viuere morti sempiternæ, profundo fluctuantis gehennæ immergi, edacissimis vermibus in æternum dilaniari, nec finiri tribulationes, incendij fluctuantis strepitus pati, barathri fumigantis amara caligine oculos obcæcari, nō sentire quod illuminat, sed sentire quod cruciat. Hæc Prosper. Augustinus: Tanta erit in inferno vis doloris, vt se non ferat alias intentio cogitationis.

**A N I M A.** Iam timore contremisco, iam horrore

**A** deficio, dic quæso o homo ad quid valet tam lamentabilis meditatio?

**H O M O.** O anima puto, quod prædictorum continua & deuota meditatio est peccatorū medela, & ad quæque bona agenda & mala sustinenda salutaris excitatio. Bernardus in Epistola quadam: Vigiliæ tames, manuumq. tuarum labores: sed leuia sunt hæc meditantis flammæ perpetuas. Recordatio tenebrarum facit non horrere solitudinem, si futuram de verbis otiosis cogitas discussionem, non displicebit silentium: fletus ille & stridor dentium ante oculos mentis sæpe reducti, pares tibi reddunt mattam & culicib. Augustinus in quodam sermone: Mens humana mundi huius illecebris, & concupiscentijs deuicta, fugit laborem, expetit voluptates, & vix ad hoc ducitur, vt a se consuetudines vitæ prioris excludat. Sed cum cœperit cogitare futuri iudicij necessitatem, & pœnarum æternalium crudelitatem, voluntarium bellum indicit passionibus, mota vel spe præmij, vel timore supplicij, vim facit pristinis desiderijs, violenter vincere seipsam contendit. Hæc Augustinus. Vnde versus:

*O felix mortale genus, si semper haberet  
Æternum præ mente bonum, finemq. timeret.*

**C** Quomodo anima per mentale exercitium debet radium contemplationis convertere ad superiora, vt cognoscat & sapiat cælestis gaudij inestimabilem præiositatem, ineffabilem deliositatem, & interminabilem æternitatem.

Cap. IIII.

**A N I M A.**

**I** Am nūc o homo me miserā in hac lacrymarum valle proiectam satis terruisti, licet nō infructuose docuisti. Miserere etiam nunc mihi miseræ, & faciam, sicut dudum promisisti. Propone paululum de felicitate perpetua, si forte valeam ex hoc capere aliquam mentis solatiam, quia alternis vti delectabile est, quia secundum Augustinum siue plectendo, siue ignoscendo, siue deterrendo, siue consolando semper bene agitur, vt vita hominum corrigatur. Attende homo, quā generosus est animus hominis, sæpe facilius ducitur leuib. & bladis, quā terribilib. & aduersis, sæpe magis allicitur promissis & consolatorijs, quā cogatur minis & terroribus. Vnde soror nostra sponsa trahi cupiebat odore cælestium vnguentorum, sapore diuinorum charismatum, & sic cum sponso currere, & viam mandatorum iam non ex timore, sed amore delectabiliter adimplere.

**H O M O.** O anima verum esse profiteor, quod loqueris, sed heu multi sunt, qui Deum nolunt imitari in prosperis. Vnde necesse est eos deterreri in aduersis. Multi enim sunt, qui diuina charismata, vel propter cæcitatem non intelligunt, vel propter negligentiam vanis occupationibus perdūt. Vnde, vt æstimo, Deus ex suæ infinitæ bonitatis immensitate semper paratus esset magis consolationibus fouere, quā asperitatibus terrere, si homines æque dispositi essent, vt suam diuinam consolationem reciperent. Quæ adeo prætiosa & delicata est, quod nullo modo decet vel expedit, vt indifferenter omnibus tribuatur. Tu ergo si post hæc tibi proposita ad hanc aspiras, vide quod habeas purgatum intellectum, & bene dispositum affectum: quia, secundum Augustinum, summum bonū non nisi purgatissimis mētibus cernitur: et puto quod multo minus, non nisi valde bene dispositis affectibus degustetur. A multis enim in hac vita valde limpide speculatur, a quibus etiam minime degustatur. Vnde idem Augustinus: Fac me Domine precor degustare per affectum, quod intelligo per intellectum: fac me sentire per amorem, quod sentio per agnitionem.

**A N I M A.** Dic quæso o homo, quæ debent dispo-

suo-

Bern. ep. 1.  
ad Robert.  
nepot. post  
med.

De cælesti  
gaudio.

Can. 1. 6

Habentur  
hæc apud  
Anselmū  
de medita-  
tione redi-  
pion. hu-  
ma. c. 7.

<sup>a</sup> Habetur  
hæc apud  
Aug. 1er.  
252. 2. ep.  
cir. med. 10.  
10. & ex  
Aug. citan-  
tur sup. 10.  
6. Pharo-  
ra lib. 3. c.  
30.  
<sup>b</sup> Greg. li. 4.  
Dial. c. 44.  
an. med.  
Carētia vi-  
sionis diui-  
næ excedit  
alias pœnas  
inferni.

Aug. li. Mo-  
dis. ca. 39.  
10. 9.

Greg. hom.  
12. in R-  
uang. cir.  
med.

Prosper de  
vit. consp.  
l. 3. ca. 12.  
post med.



ationes in affectu & intellectu præcedere, ut vel saltem ad modicam mentis ebrietatem valeam celestem dulcedinem contemplando degustare? Iam enim dudum in speculatione mentem exercitaui, & heu adhuc numquam, ut timeo, vel modicam stillam illius celestis dulcedinis sensi. Multa de sanctorum vita & conuersatione legi, multa de natura, de operationibus, & ordinibus Angelorum, nonnulla etiam legi de inestimabili diuinitatis vnitatem, de incomprehensibili diuinitatis Trinitate, plura de beatorum omnium inestimabili felicitate: & quando prædictis toto studio mentem occupari, heu adhuc ieiuna & famelica permansi, & semper cum beato Augustino clamaui: **B** Fac me, clementissime pater, gustare per affectum, quod sentio per intellectum: & tamen non profeci. Sæpius etiam longo studio fatigata, & mihi metipsum irata clamaui cum Propheta, expectando micæ quæ cadunt de mensa dominorum, in aula cælica: Vtique quo Domine obliuisceris me in finem, vsque quo auertis faciem tuam a me? Quia & si me indignam ad manducandum filiorum panem iudicauit, manducare saltem micæ minutissimas decedentes cum magno desiderio expectaui. Sed heu, ut frequentius aperto ore inhians in vacuum laboraui.

*Ibid. ex Ansel.*

*Psal. 13. a*

*Greg. li. 20.*

*Mor. c. 22.*

*cir. fin.*

*Idem hom.*

*25. in E.*

*uang. lōge*

*ante med.*

*Bern. ser. 6 de Ascens. Dom. post med.*

*1. Cor. 2. c. Matt. 25. b*

*Ex Ansel. lib. de similit. c. 71.*

*Apoc. 12. a*

H o m o. O anima, prædicta, quæ lamentabiliter es conquesta, accidunt ex duplici causa. Aliquando ex valde pia & salutifera diuinæ bonitatis dispensatione. Vnde Gregorius in moralibus: Differro solet pater pius voces petentium ad tempus, ut desideria crescant, & eo magis exaudiantur ad meritum, quod citius non exaudiuntur ad votum. Idem in homiliis: Sancta desideria ex dilatione crescunt, si autem ex dilatione deficiunt, desideria non fuerunt. Deus enim quamuis per pietatem est clementissimus, tamen aliquando contingit, ut hoc quod libentissime tribuit, protrahat, ut discas magna multum & ardentem desiderare, & adepta sollicitius cum gratiarum actione conferuare. Aliquando etiam beneficium protrahit ex postulantis inordinata dispositione. Bernardus: Errat omnino si quis illam celestem dulcedinem huic cineri, diuinum illud balsamum huic venenoso gaudio, charissimata illa Spiritus sancti huius sæculi illecebris misceri arbitrat. Sed iam o anima ne diutius te protraham, nec amplius te per expectationem affligam, purga intellectum a vanis & inutilibus phantasij, a naturalibus & curiosis rationibus, ab extraneis & scientificis occupationibus. Purga etiam affectum a culpa, a culpæ sequela, a culpæ occasione vel causa. Erige rationem, dilata & expande affectionem, intra in gaudium Domini, quod nec oculus in hac vita perfecte vidit, nec auris audit, nec in cor hominis ascendit. Exardesce igitur o anima amore, & desiderio supernæ vitæ sanctorum, ubi est actio non operosa, requies non desidia, ubi vita sine defectu, laus diuina sine cessatione. Hæc Augustinus. Bernardus: Gaude igitur & exulta, ac mercedem laboris tui considera, quæ reuera est tam multa, quod non potest numerari, tam magna, quod non potest mensurari, tam pretiosa quod non potest æstimari, tam copiosa quod non potest terminari.

A n i m a. O homo multa iam dixisti in genere, dic quæso per singula in specie, quia magis intelligimus quæ specialiter distinguuntur, quam quæ generaliter exprimuntur.

H o m o. O anima quid dicere valeo? cum futurum gaudium aspicio, iam pene præ admiratione deficio, quia gaudium erit intus & extra, subtus & supra, circum & circa. Gaudebis igitur in omnibus, gaudebis de omnibus. Gaudium tuum, ut puto, præfiguratum est in Apocalypsi per illam mulierem beatam, quæ amicta fuit Sole, & Luna sub pedibus eius, & corona duodecim stellarum in capite eius. Mulier ista, ut æstimo, est anima beata, æterni regis filia sponsa & regina. Filia per naturæ creationem, sponsa per

gratiæ adoptionem, regina per gloriæ collationem. Hæc bene dicitur amicta sole, quia decorata splendore claritatis deificæ, coronata dignitate felicitatis æternæ. In qua felicitate ob specialem decorem sunt duodecim gaudia, per duodecim stellas figurata, per quæ decoratur, & ornatur felicitas superna. Hæc gaudia debes tu o anima quotidie deuota mente transcurrere, & nullam præsentis miseriæ, & incolatus consolationem querere, & spe illius gaudij omnem tribulationem vitæ præsentis patienter, & gaudenter sustinere. Beda: O anima non turberis, si mali in hoc mundo florent, & tu pateris, ipsi gaudent, tu perturbaris. Mali heu nihil habent in celesti gaudio: nec cures tu, si nihil habueris in hoc sæculo. Sed spe illius gaudij quo tendis, quidquid in via aduersitatis occurrit, affectus tuus gaudenter, & patienter sustineat. Hæc Beda. Bernardus: O anima si te aliquando delectant mundana gaudia, falsa huius sæculi gloria, brevis & caduca potentia, illic mentem euoca, & omnia reputabis ut sterora. Hieronymus: Curre igitur o anima non passibus corporis, sed affectibus & desideriis, quoniam non solum Angeli & Beati, sed & Angelorum & beatorum Dominus & magister te expectat. Expectat te Deus pater tamquam filiam dilectissimam, Deus filius tamquam sponsam dulcissimam, Deus Spiritus sanctus tamquam amicam sibi gratissimam. Expectat te Deus pater, ut heredem vniuersorum bonorum te constituat, Deus filius ut te fructum suæ naturitatis, & prætiū sui præciosissimi sanguinis Deo patri offerat, Deus Spiritus sanctus, ut suæ æternæ beatitudinis & dulcedinis participem te faciat. Expectat te illa beatissima omnium celestium spirituum æterni regis familia, ut te in suum collegium suscipiat. Tu ergo ipsorum societatem super omnia desideras. Cum magna verecundia illuc venires, si eam in hac lacrymarum valle non amasses. Quoties ergo te vana huius sæculi delectat ambitio, quoties videris in hoc mundo aliquem gloriosum, statim ad cælum mente transgredere, & esse incipe, quod futura es. Reuera æstimo o anima si hæc celestia gaudia iugiter in mente teneres, de hoc exilio quoddam suburbium celestis regni construeres, in quo illam æternam dulcedinem quotidie spiritualiter prælibando degustares. Quia cum aliquid æternum mente capimus, iam non in hoc mundo, sed in cælo habitamus. Augustinus: Tanta est o anima vis tuæ dilectionis, quod ibi verius habitas, ubi per contemplationem amas, quam ubi per essentiam amas. Bernardus: Hoc est charissima anima regnum Dei, quod intra nos est, quod heu miserabiliter negligimus, cum foris ad inania & vana fusi sumus. Gregorius: Fusi sumus foras, de regno Dei quod intra nos est nihil curantes, foris quærimus consolationem de rebus vanis & insanijs falsis, ita quod iam religionis antiquæ deuotionem amisimus, adeo quod nec speciem ipsius retinemus. Tu ergo o anima æterni regis filia, audi mente deuota, & inclina aurem tuam ad sancta, & salutifera consilia. Vide per contemplationem celestis regni consolationem, obliuiscere per contemptum & detestationem populum tuum, & domum patris tui, hoc est mundum, diabolum, teipsam, & omnem vanam ambitionem. Vide igitur & deuota mente pertracta qualiter illi diuini, & celestes spiritus, qui præsentis vitæ & miseriæ periculum euaserunt, quamuis ab illius æterni solis splendore se numquam possint auertere, aliquando tamen radium suæ contemplationis conuertunt ad inferiora, aliquando ad superiora, aliquando ad interiora, aliquando ad exteriora. Conuertunt, inquam, ad inferiora, & gaudent ex triplici causa. Primo quod tam impios, horribiles & crudeles hostes per diuinam potentiam superauerunt. Secundo quod omnes defectus & peccata, vel per diuinam sapientiam vitauerunt, vel iam dudum commissa correxerunt. Tercio quod tam lamentabiles & interminabiles cru-

*Hæc habet Bernar. in med. cap. 6. cir. med.*

*Hæc habetur apud Bernar. in Apolog. ad Gulielmum Abb. longe post med.*

*Beati de euasione periculorum gaudent.*

les cruciatus æternos, per diuinam clementiam euaserunt. O anima quanto putas gaudent quotidie gaudio, quando tot vident a carne, & mundo, & diabolo superari, tot tam diuersis peccatis, de quibus numquam merentur veniam, inquinari, tot æternaliter sine fine damnari? Reuera tunc puto quoddam morte transisse ad vitam, vitæ duplicat gaudium. O Domine Deus si nunc tam graue periculum est in bello, quantum tunc erit gaudium de triumpho, cum post deuictum triumphatumque mundum, submerso impio Pharaone & exercitu eius in mari rubro, teneant omnes electi tympanum, cum Maria psallentes & cantantes, laudantes & benedicentes Dominum,

*Exo. 15. a* vna voce dicentes: Cantemus Domino, gloriose enim, & cetera. Tunc constituentur duo Cherubini, hoc est duo chori electorum, scilicet innocentes &

*Isa. 6. b* pœnitentes, clamantes alter ad alterum: Sanctus, Sanctus, Sanctus Dominus Deus sabaoth. Sanctus Deus pater, qui nos a mundo, a carne & diabolo tam potenter liberauit. Sanctus Deus filius, qui nos a pœna & a culpa tam sapienter iustificauit. Sanctus Deus Spiritus sanctus, qui nos tam clemēter ab æternis tormentis præseruauit. Plena est omnis terra gloria eius, qui nos de mundi miseria ad cælestis regni gaudia euocauit. O anima qualis tibi erit dies illa, cum ad hanc felicem choream fueris assumpta, & cum omne tormentum tibi, si pie vixeris, si patienter sustinueris, conuertetur in æternum iubilum? Tunc de omnibus his laudabis Dominū Deū tuum labijs exultationis,

*Psal. 88. a* dicens: Misericordias Domini in æternum cantabo. Quo cantico secūdam Augustinum de ciuitate Dei, quod cantatur in laudem gloriæ Christi, cuius sanguine liberati sumus, nihil erit iucundius illi ciuitati, & nihil dulcius. Tu ergo cum tentationibus probaris, cum persecutionibus impugnaris, cumque in hoc sæculo varijs tribulationibus infestaris, tunc mente in cælum euola, & cogita quoddam hoc non est aliud nisi æterni gaudij materia. Et tunc secundum Gregorium cōsideratio præmij minuit vim flagelli. Gregorius: Si consideremus quæ & quanta sunt, quæ nobis promittuntur in cælis, vilescunt animo omnia quæ sunt in terris. & reuera non tantum bona quæ delectabiliter possidemus, verumetiam mala quæ lamentabiliter sustinemus. Bernardus: Non sunt condignæ

*Greg. hom. 17. in Enang. in princ.* passionēs huius temporis ad præteritam culpam quæ dimittitur, ad præsentem gratiam quæ immititur, & ad futuram gloriam quæ promittitur; quam tu tunc o anima cum gaudio possidebis, quando perfecte intelliges, quoddam in mundo cum tanto periculo quo plerique opprimuntur vixisti: quoddam dæmonis fallaces astutias, quibus multi decipiuntur, vixisti: quoddam cruciatus æternos, quibus innumerabiles affliguntur, euasisti.

*Bern. ser. de conuers. ad Cleric. 6. 30.* A N I M A. O homo quàm sana & salutifera est hæc tua consolatio: quia cum hæc, quæ proposuisti, aduerto, consolationem ex spe non modicam recipio. Sed o Domine Deus, quid putas tunc erit, cum hoc quod modo spero veraciter possidebo?

H O M O. O anima modica sunt hæc, quæ audisti, immo comparatiue quasi nulla sunt quæ mente percipisti: sed parumper oculos mentales erige, & quanta sint gaudia quæ de his percipias, quæ iuxta te sunt deuota mente frequentius volue, & reuolue. Attende igitur & considera locum speciosum, quem tibi diuina sapientia ædificauit. Attende & victum deliciosum, ornatum curiosum, thesaurum pretiosum, quem tibi æterna potentia congregauit. Attende etiam collegium famosum, cum quo de diuina clementia mens tua æternaliter exultabit. O anima attende quàm gloriosa, quàm famosa, quàm gaudiofa est ista domus Dei, ciuitas cælestis, mansio secunda, patria continens totum quod delectat. Bernardus: Attende quàm clara, quàm luminosa, quàm splendida est ciuitas, quæ non indiget Sole neque Luna vt luceant in

*Gaudiū est beati de his quæ iuxta se sunt.*

ea, sed ipse Dominus Sol iustitiæ, candor lucis æternæ, lux eius est, & lucerna eius agnus. O anima attende quàm alta, & quàm spatiosa, quàm pulchra, & speciosa, quàm decora & famosa est ciuitas illa, quàm ornat per seipsam Trinitas beatissima. O quàm gloriosa dicta sunt de te ciuitas Dei. O Israel quàm magna est domus Dei, & ingens locus possessionis eius. O anima illic contemplare tabernacula Patriarcharum, & Prophetarum: habitacula Apostolorum, & Martyrū: cenacula Confessorum, & Virginum: palatium cælestium spirituum: thronum illum beatissimæ Trinitatis speciosissimum. O anima hic licet sis corpore, illic esto mente. O anima transuola omnia, scrutare omnia, visita omnia, ingredi cuncta per ordinem ostia, quousque peruenias ad summi regis palatia, ibi sit mens, & hic erit requies. Augustinus: O anima in illa sancta ciuitate libenter studeas morari, libenter conuersari, quia ibi est vita sine morte, iuuentus sine senectute, lux sine tenebris, pax imperturbabilis. Sedebit enim populus meus in tabernaculo fiduciæ, & in requie opulenta dicit Dominus. Secundo attende victum deliciosum, ornatum curiosum, & thesaurum pretiosum. Et quis erit ibi noster cibus, nisi ille agnus beatissimus, ille mundus & immaculatus Iesus Dei patris & Mariæ virginis filius, de quo sanctis spiritibus ministrabuntur ad omnem sufficientiam fercula nobilissima? Nobilia quidem de ipsius candidissima humanitate, sed nobilissima de ipsius superbeatissima diuinitate. Tunc enim anima ingreditur ad degustandum diuinitatem, egreditur ad prælibandum humanitatem, & pascua inueniet ad omnem sufficientiam, & satietatem. O quàm beati sunt qui ad cenam nuptiarum agni vocati sunt. Ibi etiam beata vita in suo fonte bibitur. Vnde huic humanæ vitæ aliquando aliquid aspergitur, vnde in tentationibus fortiter, iuste, temperanter, & prudenter viuatur. Ibi semper adhæret sitis atque satietas: sed miro quodam modo longe aberit a siti necessitas, longe a satietate fastidium. Inebriabuntur enim ab vbertate domus tuæ, & torrente voluptatis tuæ potabis eos secundum Prophetam.

A N I M A. Et quando hoc?

H O M O. Estimo, quoddam non prius, nisi quando ille deliciosus pincerna summi regis, splendor paternæ gloriæ, candor lucis æternæ, figura diuinæ substantiæ, speculū sine macula claritatis Deificæ, in quem desiderant omnes illi cælestes spiritus prospicere, quando talis & tantus præcinget se & faciet illos discumbere, & personaliter transiens ministrabit illis. O anima hic deuota mente pertracta, quantum gaudium tunc illi boni spiritus concipiant ex tam stupenda dignitate ministrantis, ex tam miranda charitate cuiuslibet sodalis conuiuantis, ex ferculorum deliciofa opulencia, ex ministrorum numerosa frequentia, ex musicorum instrumentorum, & aliorum psallentium, cantantium, & laudantiū regem gloriæ, Deum Dei filium dulcisona resonantia. In hoc cælesti magno stupendoque conuiuiū audies Angelos iubilantes, Virgines chorizantes, Apostolos psallētes, Martyres tripudiantes, Confessores laudantes, Patriarchas, & Prophetas iucundantes, omnes sanctos & electos Dei vnanimiter Patrem & Filium & Spiritum sanctum collaudantes, & vna voce dicentes: Sanctus, Sanctus, Sanctus Dominus Deus sabaoth, plena est omnis terra gloria eius. O quàm gloriosum est regnum, in quo cum Christo regnant omnes sancti, amici stolis albis, sequuntur agnum quocumque ierit. O anima quomodo poterit ibi esse alicuius boni carentia, cum tam varia sit exultandi materia? Tunc enim aperientur omnes illi thesauri æterni Dei, vbi sunt omnes diuitiæ, omnes delitiæ absconditæ, & dabuntur a Patre æterno vnicuique varia, & pretiosa munera secundum sua merita. Sed si adhuc non sufficiunt ista, attende tertio iuxta te omne sanctorum collegium, quod

*Psal. 86. a Baruch. 3. c*

*Isa. 32. d*

*Psal. 35. b*

*Isa. 6. b*

*Apo. 7. c*

quod ad beatitudinis tue cumulum diuina clementia congregauit. Quia nullius boni sine socio iucunda est possessio, sicut dicit Seneca. \* Vide igitur quæ lingua, vel quis intellectus capere sufficiat, illius superne ciuitatis quanta sint gaudia, angelorum choris interesse, cum beatissimis spiritibus gloriæ cōditoris semper assistere, & ab illorum beatissima societate numquam discedere, sed continue cum ipsis & de ipsorum gaudio in perpetuum exultare. Anselmus: Ibi enim a singulis omnes, ibi ab omnibus singuli cognoscuntur. Nec quemquam latebit, qua patria, qua gente, qua stirpe, quis conditus sit. Ibi enim erit tam beata & perfecta charitas iustorum, quod vnusquisque tantum diligit proximum suum, quantum seipsum. Ex quo illud inestimabile sequetur bonum, quod ita vnusquisque de alterius bono vel gaudio gaudebit, sicut de merito proprio. Proinde cum inenarrabilis sit numerus electorum, quis putas narrare sufficiat, gaudium beatorum? Hæc gaudia Hieronymus in fine epistolæ ad Eustochium describens, ait: Egredere quæso o anima paulisper de papilionis corporis, vt in ostio stans, videas Dei gloriam pertransire, & præsentis laboris ante oculos pinge mercedem. Qualis tibi erit dies illa, cum Maria mater Domini tibi occurrerit choris comitata virginis, cum & ipse sponsus tibi cum omnibus sanctis occurrerit, dicens: Surge veni, propera amica mea, formosa mea, columba mea, iam hiems transijt, imber abiit & recessit. Tunc Angeli admirabuntur de tua gloria, dicentes: Quæ est ista, quæ ascendit de deserto, delicijs affluens, innixa super dilectum suum, videbunt te filia Sion & laudabunt. Tunc illa centumquadraginta quattuor millia in conspectu throni, & seniorum tenebunt citharas, & cantabunt canticum nouum. Tunc secuta in amplexu sponsi euolabis, cum iubilo, dicens: Inueni quem diligit anima mea, tenui eum nec dimittam. Hæc Hieronymus. Tunc filij septem illius magni Iob, qui est magnus super omnes qui morantur in illa beata orientalium regione, facient conuiuia singuli in die suo, & inuitabunt sororem suam, te confortem suam. Et dicent tibi singuli: Bibe nunc, & accumbe cum iucunditate, quia inuenisti gratiam coram summo principe. Et tu respondebis cum gaudio, dicens: Bibam & hilarior fiam, quia magnificata est hodie anima mea præ omnibus diebus vitæ meæ. O vere inaudita magnificentia, o læta & iucunda excellentia, qualis numquam in hoc sæculo est audita. Puto quod omnis huius mundi pompa, in comparatione illius esset vix modica gutta.

A N I M A. O homo iamdiu tacui, iam satis filui, quia quæ proposuisti cum delectatione & admiratione nimia audiui, ne quæso procrastines, quin specialius, & perfectius mihi aliqua de hoc cælestium spirituum conuiuio exponas: quia iam prius aliquid de hoc tetigisti, sed nimis cito pertransisti.

H O M O. O anima malim iterum quod petis sub silentio pertransire, quàm vel modicum de hoc cælesti secreto mysterio ore polluto proferre, vel etiam mente concipere: quia qui adhuc mundialibus & superuacuis rebus seu sæpius implicor, qui adhuc heu heu filiquis porcorum cum ceteris mundanis pascor, de tam familiaribus diuinorum spirituum operationibus loqui erubesco nimium, & confundor. Quia tamen pijs votis tuis contraire non valeo, proponam breuiter quod aliquando spiritu instigante, licet indignus, mente pertracto. Quamuis enim in illa cælesti aula, vbi plenitudo omnis boni in omnibus illis perfecte est, quamuis ibi pro differentia meritum, quædam data sint excellenter, nihil tamen ibi ex inestimabilis diuinæ pietatis immensitate secundum Gregorium, possidetur singulariter. Omnia enim sunt omnibus communia, propter eum qui in omnibus est omnia. Ibi enim virgo gaudebit de sanctæ uirginitatis merito. ibi vidua exultabit de castæ virgini-

tatis privilegio, ibi confessor de martyris iucundabitur triumpho. ibi martyr tripudiabit de confessorum brauiis. ibi propheta laudabit de Patriarcharum pia conuersatione. ibi Patriarcha exultabit de Prophetarum fide & speculatione. ibi Apostoli & Angeli gaudebunt de merito omnium inferiorum. ibi omnes inferiores lætabuntur de gloria, & corona superiorum. Ex illius enim sanctæ & perfectæ charitatis vinculo fiet, vt vnusquisque habebit in alio, quod non habet in merito proprio.

A N I M A. O homo nec adhuc ista sufficiunt mentem meam quiescere, unde quæso ne pertransias, mihi aliqua de dicto conuiuio sigillatim & distincte explicare.

H O M O. O anima nosti quod balbutiendo, vt possumus, excelsa Dei resonamus. Nec mirum, quia cum sumus minus idonei ad intelligendum, quomodo possumus esse sufficientes ad loquendum, cum illa quæ lippientibus oculis contemplamur, verius sint quàm intelligantur, & verius intelligantur, quàm exprimantur vocibus? Ne te tamen diutius protraham, audi quid imaginatur intellectus, licet adhuc modicum deguster affectus. Puto quod illi septem filij de quibus supra memorauimus, sunt omnes Sancti & electi Dei spiritus, altissimi Patris heredes & filij. Hi conuiuia vnusquisque in die suo faciunt, quando se inuicem cælestibus gaudijs pascunt. In quo de meritis suis singuli iuxta datam sibi gloriam fercula delitiosissima propinant. Primo igitur die primogenitus, hoc est ille cælestium Angelorum numerus, qui non immerito nomine primogeniti censentur, quia priores sunt creatione & conuersatione ad Deum, a quo numquam recesserunt per peccatum, sed semper immobili charitate summo Patri adhæserunt, & illam hereditatem beatam cælestis regni priores omnibus feliciter possederunt. Isti tibi o anima in suo conuiuio, diuersa fercula delitiosa, & pretiosa propinant, cum vnusquisque ordo de eo quod excellentius recipit in munere gaudia specialia administrat. Iam cogita o anima quale tibi ferculum propinant illi summi spiritus Seraphici ordinis, qui adeo vicini illi æterni Patri sunt, quod inter ipsos, & hunc, nulli alij spiritus intersint, qui ipsum immediatius contemplantur, & suis bonis æternis perfectius perfruuntur. Quale putas hi propinant gaudium de naturæ nobilitate? quale de contemplationis claritate? quale de dilectionis sinceritate? Hi ergo, hoc est illi qui Seraphin nominantur, istud conuiuium ornant ardore diuinæ charitatis: Cherubin splendore æternæ claritatis: Throni æquitate diuinæ maiestatis. Hoc etiam conuiuium glorificant Dominationes, de dominandi super alios, excellentia: Principatus de præcipiendi inferioribus magnificentia: Potestates de auctoritate malignos spiritus coercendi. Hoc etiam conuiuium honorificant Virtutes, de potestate miracula faciendi: Archangeli de dignitate superiora nuntiandi: Angeli de agilitate minora diuinæ scientiæ secreta reuelandi. Ecce vides qualiter singuli mentes beatorum cælestibus gaudijs pascunt, de his quæ ab illa supercælesti aula specialius in munere receperunt. Nec est mirandum, quod hæc prædicta, & multa alia nobis adhuc occultiora illi spiritus in nostrum gaudium nobis propinant, qui tam fideliter tam dulciter tamq. amicabiliter in hac lacrymarum valle nos custodiunt, & nos ad illam æternæ beatitudinis patriam perducere totis viribus concupiscunt. Bernardus: O si quis cognosceret quemadmodum præueniunt principes coniuncti psallentibus, in medio iuencularum tympanistratarum, videret itaque qua cura quoue tripudio intersunt cantantibus, adsunt orantibus, insunt meditantibus, supersunt quiescentibus, præsumt procurantibus. O anima ieiuna & famelica, si vel vnam micam quæ cadit de mensa dominorum in hoc conuiuio, aperto mentis ore, sumpsisses, puto quod hanc pre-

Septē ordines beatorū conuiuia spiritualia adinuicē in cælo faciūt vnusquisque in die suo.

Ber. li. mo-  
dis. c. 6. an-  
te mod.  
Psal. 67. 8

peregrinationem ex tunc impatienter tolerares. Puto si unam guttam de vino potus eius degustasses, omnem huius sæculi dulcedinem fastidires. Gregorius in moralibus: Si cor semel in cælestibus, per degustationem subaudi, figitur, quàm abiecta sint mox cernitur, quæ prius alta videbantur. O anima mea dilecta de conuiuium Patriarcharum, Prophetarum, Apostolorum, Martyrum, Confessorum, Virginum qui per alios sex filios non immerito præfigurantur, quid dicam? Vnusquisque enim horum tot in conuiuium suo proponet fercula, quot habuit in hac vita virtutum opera. Et quis enarrare sufficiat, quantum gaudium quælibet anima suspiciat de sanctorum Patriarcharum humilitate perfectissima, de Prophetarum credulitate certissima, de Apostolorum charitate ardentissima, de Martyrum stabilitate, & patientia, de Confessorum pietate, & clementia, de virginum castitate, & continentia? & idem Gregorius, in homilia super Lucam ait: Reuera vox & lingua deficit,

Greg. hom. 73. in Evangelio non longe a prin.

quia intellectus capere non sufficit, quantum sit gaudium, Angelorum choris interesse, cum beatissimis spiritibus gloriæ conditoris assistere, præsentem Dei vultum cernere, incircumscriptum lumen videre, nullo metu mortis affici, de incorruptionis perpetuæ munere lætari. O quàm felix tibi erit hæc dies, cum fueris ad hereditatem patrum tuorum reuerfa, & quando ab his omnibus cum inæstimabili gaudio fueris assumpta, & ad thalamum summi regis felicitate introducta. Iam nunc expergiscere o anima mea, & cum illa famosa Regina Sabba, cum aromatibus virtutum, cum thesauris bonorum operum, cum magno apparatu cælestium desideriorum, ascende in illam Hierusalem supernam, & contemplare diligenter singula, & vide quod veritas vincit famam, gloria exuperat omnem loquelam; si forte posses ex admirationis magnitudine extra humanum spiritum rapi, & miro

Matt. 17. 4

quodam modo in diuinum spiritum transformari, ut dicere inciperes cum Petro in magno cordis iubilo: Domine bonum est nos hic esse, hic pater, hic soror, hic frater, hic patria. O Domine permittite nos hic esse, & ab hinc numquam discedere. Ambrosius: Fugiamus o anima in patriam verissimam, quia illic est patria ad quam conditi sumus, pater a quo creati sumus, ibi est Hierusalem ciuitas superna, quæ est mater nostra. Anselmus: O anima tantus debet esse in hac vita mortali amor & desiderium perueniendi ad illud ad quod facta es, & dolor, quia nondum ibi es, & timor ne forte non peruenias; ut nullam lætitiā sentite debeas, nisi de his quæ tibi, aut auxilium aut spem conferant perueniendi.

Anf. lib. 1. cur Deus homo c. 20.

A N I M A. O homo dum hæc aliquando cogito, dum hæc tacita mente mecum pertracto, quid est quod tunc interlucet mihi, & percutit cor meum sine læsione, & inhorresco & ardesco? Augustinus: Intro-mittor aliquando mentaliter in affectum multum inu-sitatum, ad nescio quam dulcedinem, quæ si perficeretur in me, nescio quid erit quod vita ista non erit. Sed recidiuo onerosus ponderibus, & resorbeor solitis curis. Hic esse valeo, nec volo: illic esse volo, nec valeo, miser utrobique. Hæc Augustinus.

Aug. conf. lib. 10. cap. 40. 10. 2.

H O M O. O Anima puto quod hæc cælestia sine prælibatione dulcedinis, non possunt a digne dispositis cogitari. Sed nescio quid tunc erit, cum perfecte in re sine ænigmate poterunt degustari. Vnde non est mirandum si prælibatio talium tibi incutit huius exilij tædium: quia nihil est magis amarum, quàm postquam anima consuevit talium prægustratione consolari, si rursus inceperit mundialibus & transitorijs implicari. Hinc est, quod anima laborat, luctatur & anxietur. Illic semper esse cupit, nec sufficit: hic esse

Gaudiū est beatis d. his quæ sunt in terra se.

compellitur, sed illic post hoc, quod prægustratum est, ascendere conatur. Iam enim gustato spiritu desipit omnis caro. Vidiſti gaudium beatorum de his quæ sunt infra te, & de his quæ sunt iuxta te; vide modo,

A si potes, quale gaudium futurum sit de his quæ sunt intra te. Homo enim remunerabitur in corpore & in mente, & istorum æterna & inseparabili vnione.

Corpus enim nostrum ex quattuor clemētis est compositum, vnde quattuor dotibus erit remunerandum. Terra tunc habebit æternam immortalitatem, aqua omnimodam impassibilitatem, aer maximam agilitatem, & ignis splendidissimam claritatem. Tunc fulgebunt iusti sicut Sol, & tamquam scintille in arundinetis discurrent. Absterget enim Deus omnem lacrymam ab oculis sanctorum, & iam non erit amplius, neque luctus neque clamor, neque dolor, sed sempiterna pax & lætitia. In sempiterna patria corda beatorum sibi inuicem in claritate lucent, & puritate translucent, ibi vniuscuiusque vultus aspicitur, & conscientia penetratur. ibi vniuscuiusque mentem, ab alterius oculis corpulentia non abscondit. Etiam mox vbicumque voluerit animus, statim aderit corpus. Augustinus: Sicut enim tunc animus perfectissime obedit Creatori, ita corpus promptissime obtemperabit suo motori. Tam potentem tunc faciet Deus animam, ut ex eius beatitudine plenissima redundabit in corpus, ex qua redundantia habebit vigorem impassibilitatis, splendorem claritatis, aptitudinem subtilitatis, promptitudinem agilitatis. Ibi erunt omnes sensus in actibus suis. Ibi enim oculus videbit decorem speciosissimum, gustus sentiet saporem dulcissimum, olfactus odorabit odorem suauissimum, tactus amplexabitur obiectum deliciosissimum, auditus immutabitur per sonum iucundissimum. Ibi enim cum mens in exultationem rapitur, lingua in canticum laudis eleuatur.

Sap. 3. 6

Apo. 21. 6

A N I M A. O homo audiui iam dudum mirabilia, & cum vera sint hæc omnia, quid aliud est hæc præsens vita, nisi quædam mortis vmbra? H O M O. O Anima bene dixisti, quia temporalis vita æterna vitæ comparata, mors est potius dicenda quàm vita. Ipse enim quotidianus defectus corruptionis, quid est aliud quam quædam prolixitas mortis? Ergo sancti viri, quia huius vitæ breuitatem indefinenter aspiciunt, quasi quotidie morientes viuunt: & ideo se nō mansuros sollicitius præparant, quia hæc omnia nihil esse ex fine semper pensant. Sed carnales mentes, ideo præsentia diligunt, quia vita carnis quam fugitiua sit minime perpendunt. Nam si velocitatem transitus eius aspicerent, hanc etiam prosperam minime amarent. Hæc Gregorius. Augustinus: Recedat ergo o anima amor vitæ præsentis, & accedat ardor vitæ aduenientis, vbi nulla aduersitas turbat, nulla necessitas angustat, nulla molestia inquietat, sed perennis lætitia regnat. & considera quanta sit felicitas futura, vbi nullum erit malū, nullū latebit bonū, vacabitur Dei laudibus, qui erit omnia in omnibus. Ibi enim nulla desidia cessabitur, nulla indigētia laborabitur, ibi esse nostrum nō habebit mortē, nosse nostrū non habebit errorē, amare nostrum non habebit offensionē. Ibi aberit omnis tarditas, omnis corruptio, omnis deformitas, omnis infirmitas. Ibi calū nouum & terra noua. Ibi similes erimus Angelis Dei, & si non ætate, certe tamen felicitate. Augustinus: O anima mea illam vitam amplecti debueras, vbi vita sine morte, iuuentus sine senectute, gaudium sine tristitia, pax sine discordia, voluntas sine iniuria, lux sine tenebris & regnum expers commutationis. Secundo considera quantum gaudeat animus, cum resumpserit tale corpus quale iam audisti, nō tale quale cū ingenti dolore sustinuisti, & cum magno certamine deuicisti, de quo sæpius tibi met impariens patienter, & irascens clementer dixisti: Quis liberabit me de corpore mortis huius? Non certe tale, sed iam perfecte obediens & spirituale. Tale, inquam, tale quod tibi erit in contemplationis solatium, & in æternæ felicitatis augmentum.

In celo omnes sensus corporis erunt in actibus suis.

Hæc ex Greg. 1. 37. in Euag. ser. in prin.

E

F

A N I M A. Mirari super omnibus his non sufficio, & præ-

Ex Aug. li. 22. de Civ. Dei c. 30.

Aug. ser. 49. ad frat. in ere. an. med. 10. 10.

Rom. 7. d



& præ magnitudine admirationis in inquisitione deficio. Vnum tamen scire desidero, qualiter mens, quæ in præsentī vita a Dei contemplatione per corpus deprimitur, illic per ipsum in contemplatione adiuuetur?

Anima in  
celo iuncta  
corpori. al-  
liū habebit  
modū intel-  
ligēdi, quā  
in via.

Aug. li. 12.  
de Gen. ad  
lit. c. 35.  
10. 3.

Bern. ser.  
3. in festo  
omn. sanct.  
non lōge a  
pri.

Aug. ibid.  
ubi supra  
proxime.

Isa. 61. d

Quod ani-  
ma quando  
molestijs &  
tribulatio-  
nibus i mor-  
tali vita af-  
ficitur ad  
celestes de-  
licias eriga-  
tur.

2. Cor. 4. d

Homo. O anima scrupulosa est hæc quæstio, sed quia magis est curiosa quam deuota, brevis erit responsio. Anima enim tunc virtute diuina alium habebit modum intelligendi quam in via. Nec est mirandum, si pro loco & tempore mutat ordinem, & modum agendi creaturæ, qui est fabricator, & auctor vniuersalis naturæ. In rebus enim mutabilibus, tota ratio facti est potentia facientis. Certum est quod ipsa anima numquam resurrectionem corporis appeteret, si resumptum etiam quantumcumque gloriosum, diuinam contemplationem impediret. Nam secundum Augustini sententiam & doctrinam, ipsæ animæ sanctæ desiderant corporis resurrectionem, & expectant iteratam vniōem ipsius, quia ipsarum sine eo non potest consummari felicitas, nec satiari iucunditas. Adeo enim vehemēter anima corpus desiderat, quod etiam aliquantulum eius contemplationem impedit, & retardat. Bernardus: O misera caro fœtida & fœda, vnde tibi hæc gloria, quod animæ sanctæ quas Deus insigniuit sua imagine, proprio redemit sanguine, te desiderant, te expectant, & ipsarum sine te non potest consummari felicitas, nec satiari iucunditas? Augustinus: Cum anima hoc corpus non animale iam, sed spirituale receperit, perfectū habebit suæ naturæ modum, obediens & imperans, viuificata & viuificans. Tunc ineffabili felicitate fiet, ut sit ei gloriæ quod fuit sarcinæ. O anima cogita qualis tibi tunc erit gloria, cum induta fueris illa stola noua & splendida, ornata omni lapide pretioso, id est corpore glorificato. In quo tot fulgebunt gemmæ pretiosissimæ quot sunt virtutes in mente. Tunc, ut puto, cantabis cum iubilo canticum nouum Domino, dicens: Gaudens gaudebo in Domino, quia induit me vestimento salutis, & indumento lætitiæ circumdedit me, & tamquam sponsam decorauit me corona. Adhuc vide tertio & diligenter considera, si tantum gaudium habitura sis quasi de alieno, quid hauries de proprio? Quis enim enarrare sufficeret, quantum gaudium, quam stupendam gloriam, quam incomprehensibilem laudem & magnificentiam habitura sis a Trinitate beatissima, a sanctorum omnium societate felicissima, pro eo quod corpus tuum proprium tam viriliter per clypeum castitatis & continentię superasti: pro eo, quod mundum tam potenter per gladiū paupertatis & indigentię debellasti: pro eo quod diabolum pessimum tam fortiter per hastam humilitatis & obedientię effugasti: pro eo quod omnibus cogitationibus, omnibus affectionibus, singulis inordinatis moribus tam viriliter restitisti? Aduerte si potes, quantam laudem habitura sis ab his, quos verbo & exemplo ad meliora prouocasti. Et quid plura? pro singulis cogitationibus, locutionibus, actionibus virtuosis, specialem & æternalem laudem suscipies: & id quod tibi in te defuerit, illa celestis & diuina beatorum societas, charitate mutua adimplebit. Quia unusquisque habebit ibi in proximo, quod sibi deficit in merito proprio. O anima hæc cogita, hæc mente pertracta, cum tibi pie uiuenti inferuntur aduersa, ad hæc mente euola, cum premit corpus, cum fremit mundus, cum insidiatur diabolus ad hæc recurre, his mentem delinire. Quia id quod in præsentī est momentaneum & leue tribulationis nostræ, supra modum & in sublimitate æternæ gloriæ pondus in nobis operatur. Sed quia reuera id solū & verum gaudiū est, quod non de creatura, sed de creatore concipitur, cui omnis comparata aliunde iucunditas mæror est, omnis suauitas dolor est, & postremo omne quod delectari potest molestum est, secundum Bernardum. Igitur consulo ò anima, quod iam per præmissa tamquam excitata, disposita & inuitata, ad auctorem tuum te conuertas, &

A quantum gaudium ab eo illi beati spiritus recipiant, diligenter consideres & aduertas: quia omne gaudium propositum vel est accidentale, & ob hoc non sariatur, sed excitatur, ut est illud quod beati spiritus de his quæ infra vel iuxta ipsos sunt accipiunt: vel est cōsubstantialiale, & ob hoc non sufficit & afficit, ut est illud quod de his quæ intra ipsos sunt concipiunt. Hoc vero gaudium quod de superioribus hauriunt, solum substantialiale vocatur: quia per hoc solum affectus rationalis creaturæ satiatur. Hugo de sancto Victore: Omnis iucunditas, omnis suauitas, omnis dulcedo rerum creatarum afficere cor humanum potest, satiare non potest.

Gaudiū sub-  
stantialiale bea-  
torū in con-  
tēplatione  
diuinæ ef-  
fectu con-  
sistit.

ANIMA. Dic quæso ò homo quale & quantum sit istud gaudium? quia hoc solum desidero, hoc est quod præ omnibus concupisco, quia scio quod hæc omnia etiam si habentur sine illo, non solum non sufficiunt, sed etiam animam ieiunam, famelicam, & miseram derelinquunt.

Homo. Anima tu quæris quale & quantum sit istud gaudiū? Interrogavi omnia intima mea, & mihi narrare non sufficiunt. Anselmus: Si enim singula quæ prædicta sunt bona sunt & iucunda, cogitamento, quantum sit illud bonum delectabile, quod continet iucunditatem omnium bonorum in se, non qualem in rebus creatis experti sumus, sed tantum differentem, quantum differt creator a creatura. Qui tanto bono fruatur quidquid volet erit, & quidquid nolet non erit. Hæc Anselmus. Casarius: Beatam vitam facilius est consequi quam enarrare: cuius cursus sine termino, vsus sine fastidio, refectio sine cibo, sub antiquis perpetuisque gaudijs semper noua iucunditas, & sine timore amittendi continuata felicitas. Hæc Casarius. Augustinus: Premium virtutis est qui virtutem dedit, & qui seipsum, quo nihil maius aut melius esse possit, repromisit. Quid enim aliud est quod per Prophetam dicitur, Ego ero illorum Deus, nisi ego ero, vnde fatientur, ego ero quæcumque ab omnibus honeste desiderantur? Augustinus de ciuitate Dei: Ipse est finis desideriorum nostrorum, qui sine fine videbitur, sine fastidio amabitur, sine fatigatione laudabitur, hoc munus, hic affectus, hic actus, profecto erit omnia in omnibus. Hæc Augustinus: Puto tamen ne diutius te protraham, quamuis reuera inestimabile sit illud gaudium & ineffabile: æstimo tamen quod de tribus proueniat, & triplex gaudium illos beatos spiritus lætificat & delectat. Gaudent enim delectabiliter in perfecta & clarissima Diuinæ claritatis contemplatione: gaudent dulciter in melliflua & suauissima Diuinæ bonitatis degustatione: gaudent sempiternaliter in tranquilla & securissima Diuinæ maiestatis tentione. Scis enim o anima, quod tribus viribus naturalibus præmines in tua substantia: habes enim vim rationalem, quæ non perfecte illuminatur, nisi per primæ veritatis apertam cognitionem: & vim concupiscibilem, quæ non satiatur nisi per summæ bonitatis perfectam dilectionem: vim quoque irascibilem, quæ non quietatur nisi per æternæ maiestatis securam comprehensionem. De his tribus dicit beatus Bernardus, super Cantica: Qui replet in bonis desiderium tuum, ipse futurus est rationi plenitudo lucis, volūtatī multitudo pacis, memoriæ continuatio æternitatis. Quare tristis es o anima mea? & quare conturbas me? Spera in Deo quoniam adhuc confitebor i li, cum omnis error a ratione, omnis dolor a voluntate, & a memoria omnis timor recesserit, & illa successerit, quam speramus, mira serenitas, plena suauitas, & æterna securitas. O anima quantum putas gaudent & lætantur, qui illud æternitatis speculum iugiter contemplantur, in quo omnia præterita, præsentia & futura, quæ summæ beatitudini competunt, apertissime speculantur? Augustinus: Dum ad illam supernam lucem Patris luminum venerimus, totum quod in creaturis esse potest

Ansel. in  
prologo  
c. 24.

Aug. li. 22.  
de ciu. Dei  
c. 30. 10. 5.  
Ezech. 37.  
f  
Idem ibid.

Gaudiū in-  
effabile bea-  
torū ex tri-  
bus proue-  
nit, scilicet  
ex beatitu-  
dine trium  
potentiarū  
animæ.

Bern. ser.  
11. in Cant.  
post med.



potest intelligemus. Anselmus: Tunc iusti sciunt, cum  
qua Deus fecit scienda. Et quid est quod nescire  
possunt, qui scientem omnia vident?

**ANIMA.** Et quomodo simplicitas hoc permittit?

**HOMO.** Fulgentius: Sicut per speculum vitreum  
tripa nobis visio demonstratur, quia nos ipsos, ipsum  
speculum, quicquid præsens est videmus; sic per spe-  
culum Diuinæ claritatis, ipsum Deum, & quid quid  
præsens est, id est, nos ipsos, & creaturas alias co-  
gnoscamus.

**ANIMA.** O beata veritas, iam video, quod sine te  
sapere desipere est, te vero nosse perfectum scire est.  
**HOMO.** O anima quæ naturaliter scire desideras,  
hoc speculum videre affecta, in illo studere & legere  
desidera: quia hoc semel vidisse, est omnia didicisse.

Ibi reuera videbitur, & reputabitur. Stultitias, Pla-  
tonis theoria, Aristotelis philosophia, Empedoclis  
theorema, Hypocratis scrutinia, Ptolomæi astro-  
logia, &c. Quia quidquid hic de veritate intelli-  
gimus, minima pars eorum est quæ ignoramus. Sed  
tunc anima videbis & afflues, & mirabitur & dila-  
tabitur cor tuum.

**ANIMA.** Et quid videbo?

**HOMO.** Regem celi in decore suo. Beda: Splen-  
dor æternæ pulchritudinis est tantæ suauitatis, tantæq.  
dulcedinis, ut etiam ipsi Angeli qui Sole sunt incom-  
parabiliter clariores, eo satiari non possint. Tunc er-  
go afflues delitijs in stupenda Diuinæ claritatis cog-  
nitione, miraberis in tuipius delitiosa consideratione,  
dilataberis in omnium creaturarum perfecta specu-  
latione. O contemplatio stupenda, & admirabilis!  
O consideratio delitiosa & delectabilis! O speculatio  
gaudiofa & ineffabilis! O quam digne dictum est de  
te Domine Deus meus: Melior est dies vna in atrijs  
tuis, super millia. Quia secundum Augustinum: Tan-  
ta est pulchritudo iustitiæ, tanta est iucunditas lucis  
æternæ, ut etiam si non liceret amplius in ea delecta-  
ri quam vnus diei hora, propter hoc solum innume-  
rabiles huius vitæ dies, pleni delitijs & circumfluen-  
tia bonorum temporalium, recte meritoq. despice-  
rentur. Tam pulchra enim est, & suavis, ut ea visa  
nihil amplius possit desiderari, & omnem exuperat  
concupiscentiam.

**ANIMA.** Est ne aliquid aliud cuius visio delectet  
cuius contemplatio lætificet?

**HOMO.** O anima quamuis hæc sola sufficeret, si  
nulla alia adesset, est tamen adhuc vna, ut de aliorum  
omnium pene innumerabilium iucunda visione ta-  
ceam, quæ mirabiliter omnium celestium spirituum  
mentes lætificat, & in quo quodam modo, nescio quo

Videre bea-  
tam Virgi-  
nem super  
choros An-  
gelorum exal-  
tatam, ma-  
gna est bea-  
tis materia  
gaudij.  
Cant. 3. b

2. Reg. 18. d

inestimabili gaudio, omnem beatam creaturam inebriat: videre scilicet illius celestis Regine Deificæ  
claritatem, & suæ beatissimæ prolis glorificatam hu-  
manitatem. Quis o anima vel cogitare sufficiat, quan-  
tum gaudium generat, illam matrem misericordie,  
Reginam pietatis & clementiæ videre, iam non re-  
cumbentem cum paruulo vagiente in præsepio, iam  
non lacrymantem, circumueientem, quærentem & di-  
centem: Numquid quem diligit anima mea vidistis?  
eum perdidit dilectissimum infantulum in triduo,  
sed cum nunc insipientem in sempiterno gaudio?  
Iam enim non conturbabitur, confugiens in Ægy-  
ptum a facie Herodis, quia ipse ascendit in celum.  
Herodes autem in infernum. Iam non conturba-  
tur circa plurima quæ fecerunt filio suo Iudæi, quia  
omnia subiecta sunt ei. Iam certe non euigilantem,  
vociferantem, clamantem & dicentem: Quis mihi  
det, ut ego moriar pro te fili mi Absalom? cum staret  
prope vnigenitum filium suum pendentem & morien-  
tem in patibulo. Iam non lamentantem lacrymabili-  
ter, cum sibi daretur discipulus pro magistro, seruus  
pro Domino, creatura pro creatore, quasi alienus pro  
vnigenito & dulcissimo filio. Sed hanc quondam  
propter nos tam miseram, tantis meroribus plenam,  
S. Bon. Tom. 7. Pars iij.

**ANIMA.** Inestimabiliter super omnem creaturam exalta-  
tam, regnantem cum Christo in Trinitatis superbe-  
nodictæ palatio cantantem, iubilantem, & dicentem:  
Teni illum nec dimittam. Venite ad me omnes qui  
laboratis & onerati estis, & ego reficiam vos. Et illud:  
Transite ad me omnes qui concupiscitis me, & a  
generationibus meis adimplemini. O anima mea,  
mente deuota pertracta, quàm sit plenum omni su-  
auitate gaudium, videre hominem hominis condicio-  
nem, feminam omnium conditoris genitricem, fra-  
trem nostrum quondam perditum, abiectum & de-  
spectum, nunc inuentum, nunc reuersum, nunc re-  
gnantem, nunc omnibus imperantem. O quis mihi  
det te fratrem meum sugentem vbera matris meæ, ut  
inueniam te foris, & deosculer te labijs deuotionis,  
amplectar te brachijs dilectionis, & iam me nemo de-  
spiciat, cum introduxero te in cubiculum, cum dul-  
cedine suauissimæ fruitionis? Hanc fruitionem desi-  
derabat ille deuotus Anselmus in meditationibus,  
quando dicebat: O dulcissime puer quando te vide-  
bo? quando ante faciem tuam apparebo? quando sa-  
tiabor pulchritudine tua? quando videbo vultum  
tuum desiderabilem, in quem desiderant Angeli pro-  
spicere? Væ animæ te non amanti, te non quærenti:  
quæ si mundum diligit, peccatis seruit, numquam est  
quieta, numquam secunda. Nihil quæso sine te mihi  
placeat, nihil dulcescat, nihil speciosum, nihil præter  
te ardeat pretiosum. Vilescant omnia præter te.  
Quod tibi est aduersum, mihi sit molestum: & tuum  
beneplacitum sit meum indeficiens desiderium. Tæ-  
deat gaudere sine te, delectet gaudere tecum, & flere  
tecum. O bone Iesu si tam dulce est flere de te, quàm  
dulce est gaudere de te. Hæc Anselmus.

**ANIMA.** O homo iam amore videndi Dominum  
creatorem meum languet, ardore cernendi Iesum  
fratrem meum, Redemptorem meum deficio. Iam  
desiderio intruendi illam virginem gloriosam, matrem  
Redemptoris mei vulnerata ingemisco. O bone Iesu  
quando videbo gaudium meum, quod desidero? q  
quando apparebit gloria eius quam esurio? o quando  
veniet consolator meus quem expecto? O si quando  
inebriabor ab vbertate domus eius ad quam suspico?  
Iam gravis est mihi omnis creatura ad videndum:  
quia nimis incomparabiliter supereminet pulchritu-  
do, a qua processerunt hæc omnia.

**HOMO.** O anima expecta cum patientia, ut cre-  
scent tua desideria: quia scriptum est, Modicum & non videbitis me, & iterum modicum & videbitis me.

**ANIMA.** O modicum longum, o modicum  
nimis prolixum, quia etiam modica sunt merita, longa  
tamen sunt desideria.

**HOMO.** O anima si longa & magna videntur, ti-  
bi tua desideria, quibus æstuas ad æternam gloriam  
& charitatem contemplandam: quanto putas deside-  
rio æstare debeas ad æternam bonitatem perfecte  
diligendam, & ad summam maiestatem æternaliter  
possidendam? Si enim hæc omnia summe non dilige-  
res, quomodo de visione gauderes? Et si bene vide-  
res & intelligeres, & tamen secunda mente non possi-  
deres: quomodo beata permaneres? Augustinus: Ibi  
igitur vacabimus & videbimus: videbimus & ama-  
bimus: amabimus & habebimus. Ipse enim est finis  
desideriorum nostrorum, qui sine fine videbitur, sine fa-  
tudio amabitur, sine fatigatione in eternum laudabitur.  
Vna enim ibi & tota virtus est amare quod videas, &  
summa felicitas æternaliter habere quod amas. Ibi  
beata vita in suo fonte plene perfecte bibitur, vnde  
miro quodam modo & delectabiliter impressa sitis si-  
mulatq. satietas alternatur. Sed longe a situ necessitas  
repellit, longe a satietate fastidium amouetur. Hæc  
Augustinus. Sed ne te iam o anima diutius protrahâ,  
audi quid de prædictis omnibus celestibus gaudijs  
dicit ille deuotus Anselmus in fine prologion: Ex-  
cita te, inquit, nunc o anima mea, & erige totum intel-  
lectum

Cant. 3. b

Matt. 11. d

Eccl. 24. c

Cant. 8. a

Aug. lib. 22. de cin.

Dei. c. 30.

tom. 5.

Aug. lib. 22. de cin.

Dei. c. 30.

tom. 5.

Aug. lib. 22. de cin.

Dei. c. 30.

tom. 5.

Aug. lib. 22. de cin.

Dei. c. 30.

tom. 5.

Aug. lib. 22. de cin.

Dei. c. 30.

tom. 5.

Aug. lib. 22. de cin.

Dei. c. 30.

tom. 5.

Aug. lib. 22. de cin.

Dei. c. 30.

tom. 5.

Aug. lib. 22. de cin.

Dei. c. 30.

tom. 5.

Aug. lib. 22. de cin.

Dei. c. 30.

tom. 5.

Aug. lib. 22. de cin.

Dei. c. 30.

tom. 5.

Aug. lib. 22. de cin.

Dei. c. 30.

tom. 5.

Aug. lib. 22. de cin.

Dei. c. 30.

tom. 5.

Aug. lib. 22. de cin.

Dei. c. 30.

tom. 5.

Aug. lib. 22. de cin.

Dei. c. 30.

tom. 5.

Aug. lib. 22. de cin.

Dei. c. 30.

tom. 5.

Aug. lib. 22. de cin.

Dei. c. 30.

tom. 5.

Aug. lib. 22. de cin.

Dei. c. 30.

tom. 5.

Aug. lib. 22. de cin.

Dei. c. 30.

tom. 5.

Aug. lib. 22. de cin.

Dei. c. 30.

tom. 5.

Aug. lib. 22. de cin.

Dei. c. 30.

tom. 5.

Aug. lib. 22. de cin.

Dei. c. 30.

tom. 5.

Aug. lib. 22. de cin.

Dei. c. 30.

tom. 5.

lectum tuum, & quantum potes cogita attentè, quàm A  
delectabile sit illud bonum, quod continet iucunda-  
tatem omnium bonorum. Si iucunda est vita creata,  
quàm iucunda est creatrix essentialis? Si iucunda est sa-  
lus facta, quàm iucunda est salus quæ fecit omnia? Si  
amabilis est scientia de creaturis, quàm delectabilis  
*Ibidem c.* est illa quæ de rebus increatis? *Et infra:* Cur ergo per  
multa vagaris, querendo bona creata? Ama enim,  
*Mat. 13. f.* in quo sunt omnia. Si delectat pulchritudo, Fulge-  
*Mat. 22. c.* bunt iusti sicut Sol. Si libertas aut fortitudo, Similes  
erunt Angelis Dei in celis. Si longa & salubris vita,  
est ibi sanitas æterna. Si satietas aut ebrietas, Sati-  
*Psal. 35. b.* buntur de gloria, & inebriabuntur ab ubertate do-  
mus Dei. Si melodia, ibi canunt Angeli. Si societas,  
& amicitia, ibi est beatorum societas, & omnium  
*Psal. 133. a.* una voluntas. Si honores & diuitiæ: Gloria & diui-  
tiæ in domo eius. Si securitas & certitudo, ibi om-  
nium temporum æterna longitudo. O cor humanum,  
cor indigens, cor expertum ærumnis, immo obru-  
tum ærumnis, quàm gauderes si his omnibus abun-  
dares? Interroga intima tuâ, si capere possint tantum  
gaudium suum de tanta beatitudine sua. Sed si homo  
de tanta beatitudine vix capiet gaudium proprium,  
quomodo capax erit tantorum gaudiorum, quantus

est numerus electorum, ubi quisque tantum di-  
gitis proxiimo suum quantum seipsum, & tantum  
de suo gaudio gaudet, quantum diligit. *Idem etiam*  
quisque plus absque estimatione de Dei, quàm de  
sua & omnium electorum gaudeat felicitate. Quia si  
cor Deum toto corde, tota anima, tota mente diligit  
ita ad plenitudinem gaudij illius totum corpus tota anima  
tota mens non sufficit: quia tantis gaudebunt, quod  
tota animabunt tantum amabunt, quâni. *videtur huc*  
*Et infra:* Certe nec oculus vidit, nec auris audivit,  
nec in hoc hominis ascendit, quantum de amabunt, &  
cognoscent sancti Dei. Oro Deus meus, pater & fili-  
us, amen. *Et aternaliter gaudeat de te. Et dition*  
possum ad plenum in hac vita, crederet saltem huc no-  
ticia tui & amor, ut ibi sit plenum gaudium: hic sit in  
spe, & ibi sit in re. Domine pater per filium tuum  
hio iubes, nam & consilis petere, & promittis accipe-  
re, ut gaudium nostrum plenum sit. *Peto Domine*  
quod per admirabilem consiliarium tuum consulis  
petere, & promittis accipere, ut gaudium nostrum sit  
plenum: meditor de hoc mens mea, sermoneatur  
os meum, loquatur inde lingua mea, & furiet anima  
mea, sicut caro mea: donec intret in gaudium Dei mei,  
C qui est trinus & unus benedictus in sæcula. Amen.

## S. BONAVENTURAE EXIMII ECCLESIAE DOCTORIS Opusculum, cui titulus est, ITINERARIUM MENTIS IN DEVM.

Hoc opusculum S. Bonaventura, Ioannes Gerso Gancellarius Parisiensis prima parte opusculorum suorum in epistola de  
laudibus huius Sancti Doctoris, tantopere commendat, ut non opusculum, sed opus immensum nomen, cuius  
laus superior est ore mortalium. Præterea idem Gerso parte secunda titulo de libro legis, inter alia S. Bonaventura  
opuscula, quibus & intellectus illuminatur & inflammatur affectus, breuiloquium notat, & itinerarium tanta ar-  
te compendij diuinitus composita, ut supra ipsa nihil. Sed omisso Breuiloquio, mirabile sane est huius opusculi artifi-  
cium, in quo nec rerum multitudo, & magnitudo prolixum facit opus; nec operis breuitas multitudinem & magni-  
tudinem rerum premit, quominus copiose tractentur. Nam a creaturis ad creatorem per sex gradus scalares usque  
ad anagogicos excessus procedens, simulq. docens, & mouens: suis naturalis & supernaturalis doctrina documenta  
non minus breuiter complectitur, quam abunde explicat.

### SVMMA CAPITVM HVIVS OPVSCVLI.

De gradibus ascensionis in Deum, & de specula-  
tione ipsius per vestigia eius in vniuerso.

Cap. I.

De speculatione Dei in vestigijs suis in hoc sensibili  
mundo.

Cap. II.

De speculatione Dei per suam imaginem naturali-  
bus potentijs insignitam.

Cap. III.

De speculatione Dei in sua imagine donis gratui-

tis reformata.

Cap. IV.

De speculatione diuina unitatis per eius nomen  
primarium quod est esse.

Cap. V.

De speculatione Beatissimæ Trinitatis in eius no-  
mine, quod est bonum.

Cap. VI.

De excessu mentali, & mystico, in quo requies da-  
tur intellectui, affectu totaliter in Deum per  
excessum transeunte.

Cap. VII.

### P R O L O G V S.

Jacob. 1. c.



N Principio primum principium,  
a quo cunctæ illuminationes de-  
scendunt tamquam a patre lumi-  
num, a quo est omne datum opti-  
mum, & omne donum perfectum,  
Patrem scilicet æternum inuoco  
per Filium eius Dominum nostrum  
Iesum Christum, ut intercessionem sanctissimæ Virgi-

nis Mariæ, genitricis eiusdem Dei & Domini nostri  
Iesu Christi, & Beati Francisci, ducis & patris no-  
stri, det illuminatos oculos mentis nostræ, ad diri-  
gendos pedes nostros in viam pacis illius, quæ exu-  
perat omnem sensum: quam pacem euangelizauit,  
& dedit Dominus noster Iesus Christus, cuius præ-  
dicationis repetitor fuit pater noster sanctus Franci-  
scus, in omni sua prædicatione pacem in principio &  
fine annuncians, in omni saluatione pacem operans;  
in omni contemplatione ad ecstasticam pacem suspi-  
rans,

rans, tamquam ciuis illius Hierusalem, de qua dicit A  
*Pf. 119. b* ille vir pacis, qui cum his qui oderunt pacem erat pa-  
*Pf. 121. a* cificus: Rogate quæ ad pacem sunt Hierusalem.  
*Pf. 75. a* Sciebat enim quod thronus Salomonis non erat nisi  
in pace, cum scriptum sit: In pace factus est locus  
eius, & habitatio eius in Sion. Cum igitur exemplo  
beatissimi patris nostri Francisci, hanc pacem anbelo  
spiritu querere, ego peccator, qui loco illius patris  
beatissimi post eius transitum septimus in generali  
fratrum ministerio, per omnia indignus succedo,  
contigit vt, nutu diuino, anno post ipsius beati patris  
transitum trigessimotertio ad montem Aluernæ tan-  
quam ad locum quietum, amore querendi pacem,  
spiritus declinarem, ibiq. existens dum mente tra-  
ctarem aliquas mentales ascensiones in Deum, inter  
alia occurrit illud miraculum, quod in prædicto con-  
tingit loco ipsi beato Francisco, de visione videlicet  
Seraph alati instar crucifixi. In cuius consideratione  
statim visum est mihi, quod visio illa prætenderet  
ipsius patris nostri suspensionem in contemplando,  
& viam per quam peruenitur ad eam. Nam per se-  
nas alas illas, recte intelligi possunt sex illumina-  
tionum suspensiones, quibus anima quasi quibusdam  
gradibus & itineribus disponitur, vt transeat ad pa-  
cem, per ecstáticos excessus sapientiæ Christianæ.  
Via autem non est nisi per ardentissimum amorem  
crucifixi, qui adeo Paulum ad tertium cælum raptum  
transformauit in Christum, vt diceret: Christo con-  
fixus sum cruci. Viuo ego, iam non ego; viuit au-  
tem in me Christus. Qui etiam adeo mentem Fran-  
cisci absorbit, quod mens in carne patuit, dum sa-  
cratissima passionis stigmata in corpore suo ante mor-  
tem per biennium deportauit. Effigies igitur sex ala-  
rum seraphicarum, insinuat sex illuminationes scala-  
res, quæ a creaturis incipiunt, & perducunt vsque ad  
Deum, ad quem nemo intrat recte nisi per Crucifi-  
xum: Nam qui non intrat per ostium in ouile, sed  
ascendit aliunde, ille fur est & latro. Si quis vero per  
ostium introierit, ingredietur & egredietur & pascua  
inueniet. Propter quod dicit Ioannes in Apocalypsi:  
*Apoc. 22. c* Beati, qui lauant vestimenta sua in sanguine agni, vt  
sit potestas eorum in ligno vitæ, & per portas ingre-  
diantur ciuitatem. Quasi diceret, quod per contem-  
plationem ingredi non potest Hierusalem supernam,  
nisi per sanguinem agni intret tamquam per portam.  
Non enim dispositus est aliquo modo ad contempla-  
tiones diuinas, quæ ad mentales ducunt excessus, nisi  
cum Daniele sit vir desideriorum. Desideria autem in  
nobis inflammantur dupliciter, scilicet per clamorē  
orationis, quæ rugire facit a gemitu cordis; & per  
fulgorem speculationis, qua mens ad radios lucis di-  
rectissime & intentissime se conuertit. Igitur ad ge-  
mitum orationis per Christum crucifixum, per cuius  
sanguinem purgamur a sordibus vitiorum, primum  
quidem lectorem inuito, ne forte credat, quod sibi  
sufficiat lectio sine vnctione, speculatione sine deuotio-  
ne, inuestigatio sine admiratione, circumscriptio sine  
exultatione, industria sine pietate, scientia sine cha-  
ritate, intelligentia sine humilitate, studium absque  
diuina gratia, speculum absque sapientia diuinitus  
inspirata. Præueniens igitur diuina gratia humilibus  
& pijs, compunctis & deuotis, vnctis oleo diuinæ læ-  
titæ, & amatoribus diuinæ sapientiæ, & eius deside-  
rio inflammatis, vacare volentibus ad Deum magni-  
ficandum, amandum & etiam degustandum, specu-  
lationes subiectas propono, insinuans quod parum  
aut nihil est speculum exterius propositum, nisi spe-  
culum mentis nostræ tersum fuerit & politum. Exer-  
ce igitur te homo Dei prius ad stimulum conscientie  
remordentem, antequam oculos eleues ad radices sa-  
pientiæ in eius speculo relucens, ne forte ex ipsa  
speculatione radiorum, in grauiorem incidas foueam  
tenebrarum. Placuit autem distinguere tractatum  
in septem capitula, præmittendo titulos ad facilitio-  
S. Bon. Tom. 7. Pars iij.

rem intelligentiam dicendorum. Rogo igitur, quod  
magis pensetur intentio scribentis quam opus; magis  
dictorum sensus, quam sermo incultus; magis veri-  
tas, quam sermonum venustas: magis exercitatio af-  
fectus, quam eruditio intellectus. Quod vt fiat, non  
est harum speculationum progressus perfunctorie  
transcurrendus; sed morosissime ruminandus.

*De gradibus ascensionis in Deum, & de speculatione ip-  
sius per vestigia eius in vniuerso. Cap. I.*

**B** Eatus vir cuius est auxilium abs te, ascensiones *Psal. 83. b*  
in corde suo disposuit in valle lacrymarum, in lo-  
co quem posuit. Cum beatitudo nihil aliud sit, Beatitudo  
quam summi boni fruitio, & summum bonum sit, quid.  
supra nos; nullus potest effici beatus, nisi supra seip-  
sum ascendat, non ascensu corporali, sed ascensu  
cordiali. Sed supra nos leuari non possumus, nisi per  
virtutem superiorem nos eleuantem. Quantumcum-  
que enim gradus interiores disponantur, nihil fit nisi  
diuinum auxilium comitetur. Diuinum autem auxi-  
lium comitatur eos, qui petunt ex corde humiliter  
& deuote, & hoc est ad ipsum suspirare in hac lacry-  
marum valle, quod fit per feruentem orationem.  
Oratio igitur, mater & origo est sursum actionis in  
Deum. Ideo Dionysius in libro de mystica Theolo-  
gia, volens nos instruere ad excessus mentales, primo  
præmittit orationem. Oremus igitur & dicamus  
ad Dominum Deum nostrum: Deduc me Domine  
in via tua, & ingrediar in veritate tua. Lætetur cor  
meum, vt timeat nomen tuum. In hac oratione oran-  
do illuminamur ad cognoscendum diuinæ ascensio-  
nis gradus. Cum enim secundum statum conditio-  
nis nostræ ipsa rerum vniuersitas sit scala ad ascenden-  
dum in Deum, & in rebus quædam sint vestigium,  
quædam imago, quædam corporalia, quædam spiri-  
tualia, quædam temporalia, quædam æterna, ac  
per hoc quædam extra nos, quædam intra nos; ad  
hoc quod perueniamus ad primum principium con-  
siderandum, quod est spiritualissimum & æternum,  
& supra nos, oportet nos transire per vestigium, quod  
est corporale & temporale & extra nos, & hoc est de-  
duci in via Dei. Oportet etiam nos intrare ad men-  
tem nostram, quæ est imago Dei æterna, & spiri-  
tualis, & intra nos, & hoc est ingredi in veritatem  
Dei. Oportet etiam nos transcendere ad æternum  
spiritualissimum & supra nos, aspiciendo ad primum  
principium, & hoc est lætari in Dei notitia & reue-  
rentia maiestatis. Hæc est igitur via trium dierum in  
solitudine. Hæc est triplex illuminatio vnus diei,  
& prima est sicut vespera, secunda sicut mane, ter-  
tia sicut meridies. Hæc respicit triplicem rerum exi-  
stentiam, scilicet in materia, in intelligentia, & in  
arte diuina, secundum quam dictum est, fiat, fecit,  
& factum est. Hæc etiam respicit triplicem substan-  
tiam in Christo, qui est scala nostra scilicet corpora-  
lem, spiritualem, & diuinam.

Secundum hunc triplicem progressum, mens no-  
stra tres habet aspectus principales. Vnus est ad cor-  
poralia exteriora, secundum quem vocatur animalitas  
seu sensualitas. Alius intra se & in se, secundum  
quem dicitur spiritus. Tertius est supra se, secundum  
quem dicitur mens. Ex quibus omnibus disponere  
se debet ad conscendendum in Deum, vt ipsum  
diligat ex tota mente, ex toto corde, & ex tota ani-  
ma, in quo consistit perfecta legis obseruatio, & si-  
mul cum hoc sapientia Christiana.

Quoniam autem quilibet prædictorum modorum  
geminatur, secundum quod contingit considerare  
Deum vt a, & o: seu in quantum contingit videre  
Deum in vnoquoque prædictorum modorum, vt per  
speculum, & vt in speculo, seu quia vnaquæque ista-  
rum considerationum habet commisceri alteri sibi  
coniunctæ, & habet considerari in sua puritate: hinc

Al 2 est,

Mēs nostra  
vocatur ani-  
malitas, spi-  
ritus, & mēs.

est, quod necesse est, hos tres gradus principales ascendere ad senarium, vt sicut Deus sex diebus perfecit vniuersum mundum, & in septimo requieuit, sic minor mundus sex gradibus illuminationum sibi succedentium ad quietem contemplationis ordinatissime perducatur. In cuius rei figura sex gradibus ascendebatur ad thronum Salomonis. Seraphin, quæ vidit *Isa. 6. a* Isaías senas alas habebant. Post sex dies vocauit Deus *Exo. 24. b* Moysen de medio caliginis. Et Christus post sex dies vt dicitur in Matthæo, Duxit discipulos in montem, & transfiguratus est ante eos. *Matth. 17. a*

Iuxta igitur sex gradus ascensionis in Deū, sex sunt gradus potentiarum animæ, per quos ascendimus ab imis ad summa, ab exterioribus ad intima, a temporalibus ad æterna, scilicet sensus, imaginatio, ratio, intellectus, intelligentia, apex mentis, seu synderesis scintilla. Hos gradus habemus in nobis plantatos per naturam, deformatos per culpā, reformatos per gratiam, purgandos per iustitiam, exercendos per scientiam, perficiendos per sapientiam. Secundum etiam primam naturæ institutionem, creatus fuit homo habilis ad contemplationis quietem, & ideo posuit eum *Gen. 1. b* Deus in paradiso deliciarum. Sed auertens se a vero lumine ad commutabile bonum, incuruatus est ipse per culpam propriam, & totum genus suum per originale peccatum; quod dupliciter infecit humanam naturam, scilicet ignorantia mentem, & concupiscentia carnem: ita quod excæcatus homo & incuruatus in tenebris sedet, & cæli lumen nō videt, nisi succurrat gratia cum iustitia contra concupiscentiam, & scientia cum sapientia contra ignorantiam, quod totum fit per Iesum Christum, qui factus est nobis a

*1. Cor. 1. d* Deo sapientia & iustitia, & sanctificatio & redemptio. Qui cum sit Dei virtus & sapientia, cum sit verbum incarnatum plenum gratiæ & veritatis, gratiam & veritatem fecit: gratiam, scilicet charitatis infudit, quæ cum sit de corde puro & conscientia bona, & fide nō ficta, totam animam rectificat, secundum triplicem ipsius aspectum supradictum. Scientiā veritatis edocuit secundum triplicem modum Theologiæ, scilicet symbolicæ, propriæ, & mysticæ: vt per symbolicam recte vtamur sensibilibus, per propriam recte intelligibilibus, per mysticam rapiamur ad supermentales excessus.

*1. Tim. 1. b* Quicumque ergo vult in Deum ascendere, necesse est, vt vitata culpa deformante naturam, naturales potentias supradictas exerceat, ad gratiam reformatæ, & hoc per orationem: ad iustitiam purificantem, & hoc in conuersatione: ad scientiam illuminantem, & hoc in meditatione: ad sapientiam perficientem, & hoc in contemplatione. Sicut igitur ad sapientiam, nemo venit nisi per gratiam, iustitiam & scientiam; sic ad contemplationem nemo venit nisi per meditationem perspicuam, conuersationem sanctam, & orationem deuotam. Sicut igitur gratia fundamentum est rectitudinis voluntatis, & illustrationis perspicuæ rationis; sic primo orandum est nobis, deinde sanctè viuendum, tertio spectaculis veritatis intendendum, & intendendo gradatim ascendendum, quousque veniatur ad montem excelsum, vbi videatur Deus Deorum in Sion.

*Ps. 83. e* Quoniam igitur prius est ascendere, quàm descendere in scala Iacob, primum gradum ascensionis collocemus in imo, ponendo totum istum mundum sensibilem nobis tamquam speculum, per quod transeamus ad Deum opificem summum, vt simus veri Hebræi transeuntes de Ægypto ad terram patribus repromissam, simus & Christiani, cū Christo transeuntes ex hoc mundo ad patrem, simus & sapientiæ amatores, quæ vocat & dicit: Transite ad me omnes qui concupiscitis me, & a generationibus meis adimplemini. A magnitudine enim speciei & creaturæ, cognoscibiliter poterit horum creator videri. Relucet autē Creatoris summa potentia, sapientia, & beneuo-

*Ecclesi. 24. e*  
*Sap. 13. a*

lencia in rebus creatis, secundum quod hoc tripliciter nūciat sensus carnis sensui interiori. Sensus enim carnis aut deseruit intellectui rationabiliter inuestiganti, aut fideliter credenti, aut intellectualiter contemplanti. Contemplans considerat rerum existentiam actualem, credens rerum decursum habituale, ratiocinans rerum præcellentiam potentialem.

Primo modo aspectus contemplantis res in seipsis considerans, videt in eis pondus, numerum, & mensuram. Ponderis quoad situm vbi inclinatur, numerum quo distinguuntur, & mensuram qua limitatur. Ac per hoc videt in eis modum, speciem, & ordinem, nec non substantiam, virtutem, & operationem: ex quibus consurgere potest sicut ex vestigio, ad intelligendum potentiam, sapientiam, & bonitatem Creatoris immensam.

Secundo modo aspectus fidelis considerans hunc mundum, attēdit originem, decursum, & terminum. Nam fide credimus, aptata esse sæcula verbo vitæ. *Heb. 11. a* Fide credimus trium legum tempora, scilicet naturæ, scripturæ, & gratiæ sibi succedere, & ordinatissime decurrere. Fide credimus mundum per finale iudicium terminandum fore. In primo potentiam, in secundo prouidentiam, in tertio iustitiā summi principij aduertentes.

Tertio modo aspectus ratiocinantis inuestigans, videt quædam tantum esse, quædam tantum esse & vi uere, quædam vero esse viuere, & discernere. Et prima quidem esse minora, secunda media, tertia meliora. Videt iterum quædam tantum esse corporalia, quædam partim corporalia partim spiritualia, ex quo aduertit aliqua esse mere spiritualia tamquam vtriusque meliora & digniora. Videt nihilominus quædam esse mutabilia & corruptibilia, vt terrestria, quædam mutabilia & incorruptibilia, vt cælestia, ex quo aduertit quædam esse immutabilia & incorruptibilia, vt supercælestia. Ex his ergo visibilibus consurgit ad considerandum Dei potentiam, sapientiam, & bonitatem, vt entem, viuentem, & intelligentem: mere spiritualementem & incorruptibilem & intransmutabilem. Hæc autem consideratio dilatatur secundum septiformem conditionem creaturarum, quæ est diuinæ potentia, sapientia, & bonitatis, testimonium septiforme: si consideretur cunctarum rerum origo, magnitudo, multitudo, pulchritudo, plenitudo, & operatio, & ordo. Origo namque rerum secundū creationem, distinctionem, & ornatum, quantū ad opera sex dierum, diuinam prædicat potentiam, cuncta de nihilo producentem, sapientiam cuncta lucide distinguentem, & bonitatem cuncta largiter adornantem. Magnitudo autem rerum secundū molem longitudinis, latitudinis, & profunditatis, secundum excellentiam virtutis longe lateque & profunde se extendētis, sicut patet in diffusionem lucis secundum efficaciam operationis intimæ, continuæ, & diffusæ, sicut patet in operatione ignis, manifeste indicat immensitatem potentia, sapientia, & bonitatis trini Dei, qui in cunctis creaturis per potentiam, præsentiam, & essentiam incircumscriptus existit. Multitudo vero rerum secundum diuersitatem generalem, specialem, & indiuidualem, in substantia, in forma seu figura, & efficacia ultra omnem humanam æstimationem, manifeste trium prædictarum conditionum in Deo immensitatem insinuat & ostendit. Pulchritudo autem rerum secundum varietatem luminum, figurarum, & colorum, in corporibus simplicibus, mixtis, & etiam complexionatis, sicut in corporibus cælestibus, & mineralibus, sicut lapidibus & metallis, plantis, & animalibus, tria prædicta euidenter proclamat. Plenitudo autem rerum secundum quod materia est plena formis, secundum rationes feminales: forma est plena virtute, secundum actiuam potentiam: virtus est plena effectibus, secundum efficientiam, id ipsum manifeste declarat. Operatio multiplex, secundum quod

quod est naturalis, secundum quod est artificialis, secundum quod est moralis, sua multiplicissima varietate ostendit immensitatem illius virtutis, artis, & bonitatis, quæ quidem est omnibus causa essendi, ratio intelligendi, & ordo viuendi. Ordo autem secundum rationem durationis, situationis, & influentiae, scilicet per prius, & posterius, superius, & inferius, nobilius, & ignobilius, in libro creaturæ insinuat manifeste primi principij primitatem quantum ad infinitatem potentiae. Ordo vero diuinarum legum, præceptorum, & iudiciorum, in libro scripturæ immensitatem sapientiae. Ordo autem diuinorum sacramentorum, beneficiorum, & retributionum in corpore Ecclesiae immensitatem bonitatis, ita quod ipse ordo nos in primum & summum potentissimū, & sapientissimū, & optimum euidentissime manu ducit. Qui igitur tantis rerum creaturarum splendoribus non illustratur, caecus est: qui tantis clamoribus non euigilat, surdus est: qui ex omnibus his effectibus Deum non laudat, mutus est: qui ex tantis indicij primium principium non aduertit, stultus est.

Aperi ergo oculos, aures spirituales admove, labia tua solue, & cor tuum appone, vt in omnibus creaturis Deum tuum videas, audias, laudes, diligas & colas, magnifices & honores, ne forte contra te vniuersus orbis terrarum consurgat. Nam ob hoc pugnabit orbis terrarum contra insensatos, & econtra sensatis erit materia gloriæ, qui secundū Prophetam possunt dicere: Delectasti me Domine in factura tua, & in operibus manuum tuarum exultabo. Quam magnificata sunt opera tua Domine, omnia in sapientia fecisti, impleta est terra possessione tua.

*Psal. 91. a*

*De Speculatione Dei in vestigijs suis in hoc sensibili mundo. Cap. I I.*

**S**ed quoniam circa speculum sensibilem, non solum contingit contemplari Deum per ipsa tamquam per vestigia, verumetiam in ipsis inquantū est in eis per essentiam, potentiam, & præsentiam, & hoc considerare est altius quā præcedens, ideo huiusmodi consideratio secundum tenet locum, tamquam secundus contemplationis gradus, quo debemus manu duci, ad contemplandum Deum in cunctis creaturis, quæ ad mentem nostram intrant per corporales sensus.

Notandum igitur, quod iste mūdus sensibilis, qui dicitur macrocosmus, idest lōgus mundus, intrat ad animam nostrā, quæ dicitur microcosmus, idest minor mundus, per portas quinque sensuum, secundum ipsorum sensibilem apprehensionem, oblectationē, & dijudicationem. Quod patet sic. Nam in eo quædam sunt generantia, quædam generata, & quædam regentia hæc & illa. Generantia sunt corpora simplicia, scilicet corpora caelestia, & quattuor elementa. Nam ex elementis per virtutem lucis reconcilians contrarietatem elementorum in mixtis, habent generari & produci quæcumque generantur, & producuntur per operationem virtutis naturalis. Generata vero, sunt corpora ex elementis composita, sicut mineralia, vegetabilia, sensibilia, & corpora humana. Regentia hæc & illa, sunt substantiæ spirituales, siue omnino coniunctæ, vt sunt animæ brutales, siue coniunctæ separabiliter, vt sunt animæ rationales, siue omnino separatæ, vt sunt spiritus caelestes, quos philosophi intelligentias, nos Angelos appellamus. Quibus secundum philosophos competit mouere corpora caelestia, ac per hoc eis attribuitur administratio vniuersi, suscipiendo a prima causa, scilicet Deo, virtutis influentiam, quam refundunt secundum opus gubernationis, quod respicit rerum consistentiam naturalem. Secundum autem Theologos, attribuitur eisdem regimē vniuersi, secundum imperium summi Dei, quantum ad opera reparationis, secundum quæ

*S. Bon. Tom. 7. Pars iij.*

**A**dministrantur administratorij spiritus, missi propter eos, *Heb. 1. d* qui hereditatem capiunt salutis.

Homo igitur, qui dicitur minor mundus, habet quinque sensus quasi quinque portas, per quas intrat cognitio omnium, quæ sunt in mundo sensibili in animam ipsius. Nam per visum intrat corpora sublimia & luminosa, & cetera colorata: per tactum vero corpora solida & terrestria: per tres vero sensus intermedios, intrant intermedia, vt per gustum aquea, per auditum aërea, per odoratum vaporabilia, quæ aliquid habent de natura humida, aliquid de aërea; aliquid de ignea seu calida, sicut patet in fumo ex aromatis resolutum. Intrant igitur per has portas tam corpora simplicia, quā etiam composita ex his mixta. Quia vero sensu percipimus non solum hæc sensibilia particularia, quæ sunt, lux, sonus, odor, sapor, & quattuor primariæ qualitates quas apprehendit tactus; verum etiam sensibilia communia, quæ sunt, numerus, magnitudo, figura, quies, & motus, & omne quod mouetur ab alio mouetur, & quædam seipsis mouentur & quiescunt, vt sunt animalia, dum per hos quinque sensus motus corporum apprehendimus, manu ducimur ad cognitionem motorum spiritualium, tamquam per effectum in cognitionem causarum.

*Sensibilia particularia, & communia.*

Intrat igitur quantum ad tria rerum genera in animam humanam per apprehensionem totus mundus iste sensibilis. Hæc autē sensibilia exteriora sunt, quæ primo ingrediuntur ad animā, per portas quinque sensuum. Intrant, inquam, non per substantias suas, sed per similitudines suas, primo generatas in medio, & de medio in organo exteriori, & de organo exteriori in interiori, & de hoc in potentia apprehensua, & sic generatio speciei in medio, & de medio, in organo, & conuersio potentiae apprehensiuæ super illam facit apprehensionem omnium eorum, quæ exterius anima apprehendit.

Ad hanc apprehensionem si fit rei conuenientis, sequitur oblectatio. Delectatur autem sensus in obiecto per similitudinem abstractam percepto, vel ratione speciositatis, sicut in visu, vel ratione suauitatis, sicut in odoratu & auditu, vel ratione salubritatis, sicut in gustu & tactu appropriate loquendo. Omnis autem delectatio est ratione proportionalitatis. Sed quoniam species tenet rationem formæ, virtutis, & operationis, secundum quod habet respectū ad principium à quo manat, ad medium ad quod transit, & ad terminum in quem agit; ideo proportionalitas aut attenditur in similitudine, secundum quod tenet rationem speciei seu formæ, & sic dicitur speciositas, quia pulchritudo nihil est aliud quā æqualitas numerosa, seu quidam partium situs cum coloris suauitate. Aut attenditur proportionalitas inquantum tenet rationem potentiae seu virtutis, & sic dicitur suauitas, cum virtus agens non impropotionaliter excedit recipientem, quia sensus tristatur in extremis, & in medijs delectatur. Aut attenditur proportionalitas inquantum tenet rationem efficaciz & impressionis, quæ tunc est proportionalis, quando agēs imprimendo replet indigentiam patientis, & hoc est saluare & nutrire ipsum, quod maxime apparet in gustu & tactu. Et sic apparet, quomodo per oblectationem delectabilia exteriora, secundum triplicem rationem delectandi, per similitudinem intrant in animam.

*Delectatio in re conueniente sequitur apprehensionem.*

*Pulchritudo quid.*

Post hanc apprehensionem & delectationem fit dijudicatio, qua non solum dijudicatur vtrum hoc sit album vel nigrum, quia hoc solum pertinet ad sensum exteriorem, non solum vtrum sit salubre vel nocuum, quia hoc pertinet ad sensum interiorem; verum etiam qua dijudicatur & ratio redditur, quare hoc delectat. Et in hoc actu inquiritur de ratione delectationis, quæ in sensu percipitur ab obiecto. Hoc est autem cum quæritur ratio pulchri, suauis, &

*Diudicatio apprehensionē, & delectationē sequitur.*

*M 3 salubris,*



Dijudica-  
tio quid.

salubris, & inuenitur, quia hæc est proportio æqualitatis. Ratio autem æqualitatis est eadem in magnis & paruis, nec extenditur dimensionibus, nec succedit seu transit cum transeuntibus, nec motibus alteratur. Abstrahit igitur a loco, tempore, & motu, at per hoc est incommutabilis, incircumscribibilis, interminabilis, & omnino spiritualis. Dijudicatio igitur est actio, quæ speciem sensibilem sensibiliter per sensus acceptam, introire facit, deputando, & abstrahendo in potentiam intellectuam. Et sic totus iste mundus introire habet in animam humanam per portas quinque sensuum, secundum tres operationes prædictas.

Heb. 1. a

Hæc autem omnia sunt vestigia, in quibus speculari possumus Deum nostrum. Nam cum species apprehensa sit similitudo in medio genita, & deinde ipsi organo impressa, & per illam impressionem in suum principium, scilicet in obiectum cognoscendum deducat, manifeste insinuat, quod illa lux æterna generat ex se similitudinem, seu splendorem cœqualem, confubstantialem, & cœternalem. Et quod ille qui est imago & similitudo inuisibilis Dei, & splendor gloriæ, & figura substantiæ eius, qui ubique est per primam sui generationem, sicut obiectum in toto medio suam generat similitudinem, per gratiam vnionis vnitur, sicut species corporali organo, indiuiduo rationalis naturæ, ut per illam vnionem nos reduceret ad Patrem, sicut ad fontale principium & obiectum. Si ergo omnia cognoscibilia habent sui speciem generare, manifeste proclamant, quod in illis tamquam in speculis videri potest æterna generatio Verbi, imaginis & Filij, a Deo Patre æternaliter emanantis.

Delectatio  
vera in so-  
lo Deo.

Secundum hunc modum species delectans ut speciosa, suavis, & salubris insinuat, quod in illa prima specie est prima speciositas, suauitas, & salubritas, in qua est summa proportionalitas, & æqualitas ad generantem, in qua est virtus, non per phantasma, sed per veritatem apprehensionis illabens: in qua est impressio saluans, & sufficiens, & omnem apprehendentis indigentiam expellens. Si ergo delectatio est coniunctio conuenientis cum conueniente, & solius Dei similitudo tenet rationem summe speciosi, suavis, & salubris, & vnitur secundum veritatem, & secundum intimitatem, & secundum plenitudinem replentem omnem capacitatem: manifeste videri potest, quod in solo Deo est fontalis, & vera delectatio, & quod ad ipsam ex omnibus delectationibus manu ducimur requirendam.

Aug. lib. de  
vera relig.  
c. 32. 10. 1.

Excellentiori autem modo & immediatori, dijudicatio ducit nos in æternam veritatem certius speculandam. Si enim dijudicatio habet fieri per rationem abstrahentem a loco, tempore, & mutabilitate, ac per hoc a dimensione, successione, & transmutatione, per rationem immutabilem, & incircumscribibilem, & interminabilem, nihil autem est omnino immutabile, incircumscribibile, & interminabile, nisi quod est æternum, omne autem quod est æternum, est Deus, vel in Deo. Si ergo omnia quæcumque certius dijudicamus, per huiusmodi rationem dijudicamus, patet quod ipse est ratio omnium rerum, & regula infallibilis, & lux veritatis, in qua cuncta relucent infallibiliter, indelebiliter, indubitanter, irrefragabiliter, indijudicabiliter, incommutabiliter, incoarctabiliter, interminabiliter, indiuisibiliter, & intellectualiter. & ideo leges illæ per quas iudicamus certitudinaliter de omnibus sensibilibus, in nostram considerationem veniētibus, cum sint infallibiles, & indubitabiles intellectui apprehendētis, sint indelebiles a memoria recolentis tamquam semper præsentis, sint irrefragabiles & indijudicabiles intellectui iudicantis, quia, ut dicit Augustinus, nullus de eis iudicat, sed per illas necesse est, eas esse incommutabiles, & incorruptibiles tamquam necessarias, incoarctabiles, & tamquam incircumscriptas, &

interminabiles, tamquam æternas, ac per hoc indiuisibiles, tamquam intellectuales & incorporeas, non factas sed increatas, æternaliter existētes in arte æterna, a qua, per quam, & secundum quam formantur speciosa omnia vel formosa. & ideo nec certitudinaliter iudicari possunt, nisi per illam, quæ non tantum fuit forma cuncta produciens, verumetiam cuncta conseruans & distinguens, tamquam ens in omnibus formam tenēs, & regula dirigens, & per quam dijudicat mens nostra, cuncta, quæ per sensus intrant in ipsam.

Hæc autem speculatio dilatatur secundum considerationem septem differentiarum numerorum, quibus quasi septem gradibus conscenditur in Deum, secundum quod ostendit Augustinus in libro de vera religione, & in sexto musicæ, ubi assignat differentias numerorum gradatim conscendentium ab his sensibilibus, usque ad opificem omnium, ut in omnibus videatur Deus. Dicit enim numeros esse in corporibus, & maxime in sonis & vocibus, & hos vocat sonantes. Numeros ab his abstractos, & in sensibus nostris receptos, & hos vocat occursores. Numeros ab anima procedentes in corpus, sicut patet in gestulationibus & saltationibus, & hos vocat progressores. Numeros in delectationibus sensuum, & conuersione intentionis super speciem receptam, & hos vocat sensuales. Numeros in memoria retentos, & hos vocat memoriales. Numeros etiā per quos de his omnibus iudicamus, & hos vocat iudiciales, qui, ut dictum est, necessario sunt supra mentem, tamquam infallibiles, & indijudicabiles. Ab his autem imprimuntur mentibus nostris numeri artificiales, quos tamen inter illos gradus non enumerat Augustinus, quia connexi sunt iudicialibus, & ab his manant numeri progressores, ex quibus creantur numerosæ formæ artificiorum, ut a summis per media ordinatus fiat descensus ad infima. Ad hos etiam gradatim ascēdamus a numeris sonantibus, mediantibus occursores, sensualibus, & memorialibus.

Cum ergo omnia sint pulchra, & quodam modo delectabilia, & pulchritudo, & delectatio non sint absque proportionem, & proportio primo fit in numeris, necesse est omnia esse numerosa, ac per hoc numerus est præcipuum in animo conditoris exemplar, & in rebus præcipuum vestigium ducens in sapientiam. Quod cum sit omnibus euidentissimum, & Deo propinquissimum, propinquissime quasi per septem differentias ducit in Deum, & facit eum cognosci in cunctis corporalibus, & sensibilibus, dumq. numerosa apprehendimus, numerosis proportionibus delectamur, & per numerosarum proportionum leges irrefragabiliter iudicamus.

Ex his duobus gradibus primis, quibus manuducimur ad speculandum Deum in vestigijs, quasi ad modum duarum alarum descēdentium circa pedes, colligere possumus, quod omnes creaturæ istius sensibilis mundi, animum contemplantis & sapiētis ducunt in Deum æternū, pro eo quod illius primi principij potentissimi, sapientissimi, optimi, illius æternæ originis, lucis, & plenitudinis, illius, inquam, artis efficientis, exemplantis, & ordinantis, sunt vmbra, resonantiæ, & picturæ, sunt vestigia, simulachra, & spectacula nobis ad contuendum Deum proposita, & signa diuinitus data. Quæ, inquam, sunt sicut exemplaria vel potius exempla, proposita mentibus adhuc rudibus & sensibilibus, ut per sensibilia quæ vident, transferantur ad intelligibilia quæ non vident, tamquam per signa ad signata. Significant autē huiusmodi creaturæ huius mundi sensibilis inuisibilia Dei, partim quia Deus est omnis creaturæ origo, exemplar, & finis, & omnis effectus est signum causæ & exemplatum exemplaris, & via finis ad quæ ducit: partim ex propria repræsentatione, partim ex prophetica præfiguratione, partim ex angelica operatione, & partim ex super-

ex superaddita institutione. Omnis enim creatura ex natura, est illius æternæ sapientiæ quædam effigies & similitudo: sed specialiter illa, quæ in libro scripturæ per spiritum prophetiæ assumpta est ad spiritualium præfigurationem. Specialius autem illa creaturæ, in quarum effigie Deus angelico ministerio voluit apparere. Specialissime vero ea, quam voluit ad signandum instituere, quæ tenet non solum rationem signi secundum nomen cõmune, verumetiam sacramenti. Ex quibus omnibus colligitur, quod inuisibilia Dei a creatura mundi per ea, quæ facta sunt intellecta conspiciuntur: ita quod qui noluit ista advertere, & Deum in his omnibus cognoscere, benedicere, & amare, inexcusabiles sint: dum nolunt transferri de tenebris in admirabile lumen Dei. Deo autem gratias per Iesum Christum Dominum nostrum, qui nos de tenebris transtulit in admirabile lumen suum, dũ per hæc lumina exterius data, ad speculum mentis nostræ, in quo relucent diuina, disponimur ad reintrandum.

Rom. 1. c

*De speculatione Dei per suam imaginem, naturalibus potentijs insignitam. Cap. III.*

Quoniam autem duo gradus prædicti, ducendo nos in Deum per vestigia sua, per quæ in cunctis creaturis relucet, manu duxerunt nos usque ad hoc, ut ad nos reintrearem, in mentem scilicet nostram, in qua diuina relucet imago: hinc est, quod iam tertio loco ad nosmetipsos intrantes, & quasi atrium forinsecus relinquentes, in sanctis, scilicet anteriori parte tabernaculi, conari debemus per speculum videre Deum: ubi ad modum candelabri relucet lux veritatis in facie nostræ mentis, in qua scilicet resplendet imago beatissimæ Trinitatis.

Intra igitur ad te, & vide quoniam mens tua amat feruentissime semetipsam: nec se posset amare, nisi se nosceret: nec se nosceret, nisi sui meminisset, quia nihil capimus per intelligentiam, quod non sit præsens apud nostram memoriam. Et ex hoc aduertis animam tuam triplicem habere potentiam, non oculo carnis, sed oculo rationis. Cõsidera igitur harum trium potentiarum operationes & habitudines, & videre poteris Deum per te tamquam per imaginem, quod est videre per speculum, & in ænigmate.

1. Cor. 13. d

Memoriæ operatio.

Operatio autem memoriæ est retentio & representatio, non solum præsentium, corporalium, & temporalium, verumetiam succedentium, simplicium, & sempiternalium. Retinet namque memoria præterita per recordationem, præsentia per susceptionem, futura per præuisionem. Retinet etiam simplicia, sicut principia quantitatum continuarum & discretarum, ut punctum, instans, & vnitatem, sine quibus impossibile est meminisse, aut cogitare ea, quæ principiantur per hæc. Retinet nihilominus scientiarum principia & dignitates, ut sempiternalia & sempiternaliter, quia numquam potest sic obliuisci eorũ, dummodo ratione vtatur, quin ea audita approbet, & eis assentiat, non tamquam de nouo percipiat, sed tamquam sibi innata & familiaria recognoscat. Sicut patet si proponatur alicui, De quolibet affirmatio vel negatio: vel, Omne totum est maius sua parte, vel quæcunque alia dignitas: cui non est contradicere, admittitur ratione. Ex prima igitur retentione actuali omnium temporalium, præteritorum, scilicet, præsentium, & futurorum, habet effigiem æternitatis, cuius præsens indiuisibile ad omnia tempora se extendit. Ex secunda apparet, quod ipsa non solum habet ab exteriori formari per phantasmata, verumetiam à superiori suscipiendo & in se habendo simplices formas, quæ non possunt introire per portas sensuum & sensibilibus phantasias. Ex tertia habetur, quod ipsa habet lucem incommutabilem sibi præsentem: in qua meminit inuariabilem veritatem. Et sic per operationes memoriæ apparet, quod ipsa anima est imago

A Dei & similitudo adeo sibi præsens & eum habens præsentem, quod eum actu capit, & per potetiam capax eius est, & particeps esse potest.

Operatio autem virtutis intellectiue est in perceptione intellectus terminorum, propositionum, & illationum. Capit autem intellectus terminorum significata, cum comprehendit quid est vnũquodque per diffinitionem. Sed diffinitio habet fieri per superiora, & illa per superiora diffiniri habent, usquequo veniatur ad superna & generalissima, quibus ignoratis non possunt intelligi diffinitiuè inferiora. Nisi igitur cognoscatur quid est ens per se, non potest plene sciri diffinitio alicuius specialis substantiæ. Nec ens per se cognosci potest, nisi cognoscatur cum suis conditionibus, quæ sunt vnum, verum, bonum. Ens autem cum possit cogitari ut diminutum, & ut completum, ut imperfectum, & ut perfectum, ut ens in potentia, & ut ens in actu, ut ens secundum quid, & ut ens simpliciter, ut ens in parte, & ut ens totaliter, ut ens transiens, & ut ens manens, & ut ens per illud, & ut ens per se, ut ens permixtum non enti, & ut ens purũ, ut ens dependens, & ut ens absolutum, ut ens posterius, & ut ens prius, ut ens mutabile, & ut ens immutabile, ut ens simplex, & ut ens compositum: cum priuationes & defectus nullatenus possint cognosci nisi per positiones, nõ venit intellectus noster ut plene resolvens intellectum alicuius entium creatorum, nisi iuuetur ab intellectu entis purissimi, actualissimi, completissimi, & absoluti: quod est simpliciter & æternum ens, in quo sunt rationes omnium in sua puritate. Quomodo autem sciret intellectus hoc esse ens defectiuum & incompletum, si nullam haberet cognitionem entis absque omni defectu? Et sic de alijs conditionibus prælibatis. Intellectum autem propositionum, tunc intellectus noster dicitur veraciter comprehendere, cum certitudinaliter scit illas veras esse, & hoc scire est scire, quoniam non potest falli in illa comprehensione. Scit enim, quod veritas illa nõ potest aliter se habere. Scit igitur veritatem illam esse incommutabilem. Sed cum ipsa mens nostra sit commutabilis, illam sic incommutabiliter relucens non potest videre, nisi per aliquam aliam lucem omnino incommutabiliter radiantem, quam impossibile est esse creaturam mutabilem. Scit igitur in illa luce, quæ illuminat omnem hominem venientem in hunc mundum, quæ est lux vera, & verbum in principio apud Deum. Intellectũ autẽ illationis tunc veraciter percipit noster intellectus, quando videt quod conclusio necessario sequitur ex præmissis, quod non solum videt in terminis necessarijs, verumetiam in contingentibus, ut si homo currit, homo mouetur. Hanc autem necessariam habitudinem percipit non solum in rebus entibus: verumetiam in non entibus. Sicut enim in homine existente sequitur, Si homo currit, homo mouetur, sic etiam non existente. Huiusmodi igitur illationis necessitas non venit ab existentia rei in materia, quia est contingens, nec ab existentia rei in anima, quia tunc esset fictio, si non esset in re. Venit igitur ab exemplaritate in arte æterna, secundum quam res habent aptitudinem & habitudinem adinuicẽ, ad illius æternæ artis representationem. Omnis igitur, ut dicit Augustinus in libro de vera religione, vere ratiocinantis lumen accenditur ab illa veritate, & ad ipsam nititur peruenire. Ex quo manifeste apparet, quod cõiunctus sit intellectus noster ipsi æternæ veritati: dum nisi per illam docentem nihil verum potest certitudinaliter capere. Videre igitur per te potes veritatem, quæ te docet, si te concupiscentiæ & phantasmata non impediant: & se tamquam nubes inter te & veritatis radium non interponant.

Intellectus operatio.

Ens multis modis consideratum.

Ioan. 1.

Aug. lib. de vera relig. c. 39. 10. 1.

Operatio autem virtutis electiue attenditur in cõsilio, iudicio, & desiderio. Cõsiliũ autem est, in inquirendo quid sit melius, hoc an illud. Sed melius non

Electiue virtutis operatio.

non dicitur, nisi per accessum ad optimum. Accessus autem est secundum maiorem assimilationem. Nullus igitur scit, vtrum hoc sit illo melius, nisi sciat illud optimo magis assimilari. Nullus autem scit, aliquid alij magis assimilari, nisi illud cognoscat. Non enim scio hunc similem esse Petro, nisi sciam vel cognoscam Petrum. Omni igitur consilianti necessario est impressa notitia summi boni. Iudicium autem certum de consiliabilibus est per aliquam legem. Nullus autem certitudinaliter iudicat per legem, nisi certus sit, quod illa lex recta sit, & quod ipsam iudicare non debet. Sed mens nostra iudicat de seipsa. Cum igitur non possit iudicare de lege per quam iudicat, lex illa superior est mente nostra, & per hanc iudicat, secundum quod sibi impressa est. Nihil autem est superius mente humana, nisi solus ille qui fecit eam. Igitur in iudicando, deliberatiua nostra pertingit ad diuinas leges, si plena resolutione dissoluatur. Desiderium autem principaliter est ipsius, quod maxime ipsum mouet. Maxime autem mouet, quod maxime amatur. Maxime autem amatur esse beatum. Beatū autem esse non habetur, nisi per optimum & finem vltimum. Nihil autem appetit humanum desiderium, nisi summum bonū: vel quod est ad illud, vel quod habet aliquam effigiem illius. Tanta est vis summi boni, vt nihil nisi per illius desiderium a creatura possit amari. Quæ tunc fallitur & errat, cum effigiem & simulachrum pro veritate acceptat.

Summi boni vis.

Vide ergo quomodo anima Deo est propinqua, & quomodo memoria in æternitatem, intelligentia in veritatem, electiua potentia ducit in bonitatem summam secundum operationes suas. Secundum autem harum potentiarum ordinem, originem, & habitudinem, ducit in ipsam beatissimam Trinitatem. Nam ex memoria oritur intelligentia, vt ipsius proles: quia tunc intelligimus cū similitudo quæ est in memoria resultat in acie intellectus, quæ nihil aliud est quàm verbum. Ex memoria & intelligentia spiratur amor, tamquam nexus amborum. Hæc tria, scilicet mens generans, verbum, & amor, sunt in anima quo ad memoriam, intelligentiam, & voluntatem, quæ sunt cōsubstantiales, cōæquales, & cōæuæ, se inuicem circumcedentes. Si igitur Deus perfectus est spiritus, habet memoriam, intelligentiam, & voluntatem, habet & verbum genitum, & amorem spiratum, qui necessario distinguuntur, cum vnus ab altero producat, non essentialiter, non accidentaliter: ergo personaliter. Dum igitur mens seipsam considerat per se tamquam per speculum, consurgit ad speculandam Trinitatem beatam, Patris, Verbi, & Amoris, trium personarum cōæternarum, cōæqualium, & cōsubstantialium, ita quod quilibet trium in quolibet est aliorum, vnus tamen non est alius: sed ipsi tres sunt vnus Deus.

Philosophia triplex.

Ad hanc speculationem quam habet anima de suo principio trino & vno, per trinitatem suarum potentiarum, per quas est imago Dei, iuuatur per lumina scientiarum, quæ ipsam perficiunt & informant, & Trinitatem beatissimam tripliciter repræsentant. Nam omnis philosophia, aut est naturalis, aut rationalis, aut moralis. Prima agit de causa essendi, & ideo ducit in potentiam Patris: secunda de ratione intelligendi, & ideo ducit in sapientiam Verbi: tertia de ordine viuendi, & ideo ducit in bonitatem Spiritus sancti. Rursus prima diuiditur in Metaphysicam, Mathematicam, & Physicam. Et prima est de rerum essentijs, secunda de numeris & figuris; tertia de naturis, virtutibus, & operationibus diffusiujs. Et ideo prima in primum principium Patrem, secunda in eius imaginem Filium, tertia ducit in Spiritus sancti donum. Secunda diuiditur in Grammaticam, quæ facit potentes ad exprimendum: Logicam, quæ facit perspicaces ad arguendum: Rhetoricam, quæ facit habiles ad persuadendum siue monendum. Ee hæc simi-

liter insinuat mysterium beatissimæ Trinitatis. Tertia diuiditur in monasticam œconomicam, & politicam. Et prima insinuat primi principij innasibilitatem, secunda Filij familiaritatem, tertia Spiritus sancti liberalitatem. Omnes autem istæ scientiæ habent regulas certas & infallibiles, tamquam lumina, & radios descendentes a lege æterna in mentem nostram. Et ideo mens nostra tantis splendoribus irradiata & superfusa, nisi sit cæca, manu duci potest per seipsam, ad contemplandam illam lucem æternam. Huius autem lucis irradiatio & consideratio sapientes suspendit in admirationem, & e contra insipientes, qui non credunt vt intelligant, ducit in perturbationem, vt impleatur illud propheticum: Illuminans tu mirabiliter à montibus æternis, turbati sunt omnes insipientes corde.

Psal. 75. a

De speculatione Dei in sua imagine, donis gratuita reformata. Cap. IIII.

Sed quoniam non solum per nos transeundo, verumetiam in nobis contingit contemplari primū principium, & hoc maius est quàm præcedens: ideo hic modus considerandi quartum obtinet contemplationis gradum. Mirum autem videtur, cū ostensum sit, quod Deus ita propinquus sit mentibus nostris, quod tam paucorum est, in seipsis primum principium speculari. Sed ratio est in promptu, quia mens humana solitudinibus distracta, nō intrat ad se per memoriam phantasmatis obnubilata, non redit ad se per intelligentiam, concupiscentijs illecta, nequaquam reuertitur ad seipsam per desiderium suauitatis internæ & lætitiæ spiritualis. Ideo totaliter in his sensibilibus iacens, non potest ad se tamquam ad Dei imaginem reintrare.

Et quoniam vbi quis ceciderit, necesse habet ibidem recumbere, nisi apponat quis & adiciat vt resurgat, non potuit anima nostra perfecte ab his sensibilibus releuari ad conuiuium sui, & æternæ veritatis in seipsa, nisi veritas, assumpta forma humana in Christo, fieret sibi scala reparans priorem scalam, quæ facta fuerat in Adam. Vnde quantumcumque sit illuminatus quis lumine naturæ, & scientiæ acquisitæ, nō potest intrare in se, vt in seipso delectetur in Domino, nisi mediāte Christo, qui dicit: Ego sum ostiū. Per me si quis introierit, saluabitur, & ingredietur, & egredietur, & pascua inueniet. Ad hoc autē ostiū non appropinquamus, nisi in ipsum credamus, speremus, & amemus. Necesse est igitur, si reintrare volumus ad fruitionem veritatis, tamquam ad paradysum, quod ingrediamur per fidem, spem, & charitatem mediatoris Dei & hominum Iesu Christi, qui est tamquam lignum vitæ in medio paradysi.

Ioan. 10. b

Superuestienda est igitur imago mentis nostræ tribus virtutibus theologicis, quibus anima purificatur, illuminatur, & perficitur, & sic imago reformatur, reficitur, & conformis supernæ Hierusalem efficitur, & pars Ecclesiæ militantis, quæ est proles, secundum Apostolum, Hierusalem, celestis. Ait enim: Illa quæ sursum est Hierusalem, libera est, quæ est mater nostra. Anima igitur credens, sperans, & amans Iesum Christum, qui est verbum Patris incarnatum, increatum, & inspiratum, scilicet via, veritas, & vita: dum per fidem credit in Christum, tamquam in verbum increatum, quod est verbum & splendor Patris, recuperat spirituale auditum & visum, auditum ad suscipiendum Christi sermones, visum ad considerandum ipsius lucis splendor. Dum autem spe suspirat ad suscipiendum verbum inspiratum, per desiderium & affectum recuperat spirituale olfactum. Dum charitate complectitur verbum incarnatum, vt suscipiens ab ipso delectationem, & vt transiens in illud per ecstasticum amorem, recuperat gustum & tactum. Quibus sensibus recuperatis, dum sponsum suum

Gen. 2. b  
Tribus virtutib. theologicis superuestienda mens nostra.

Gal. 4. d

sum videt & audit, odoratur, gustat, & amplexatur, decantare potest, tamquam sponsa, Canticum Cantorum, quod factum fuit ad exercitium contemplationis secundum hunc quartum gradum, quem nemo capit, nisi qui accipit, quia magis est in experientia affectuali, quam in consideratione rationali. In hoc namque gradu recuperatis sensibus interioribus, ad videndum summe pulchrum, ad audiendum summe harmoniacum, ad odorandum summe odoriferum, ad degustandum summe suave, ad apprehendendum summe delectabile, disponitur anima ad mentales excessus, scilicet per deuotionem, admirationem, & exultationem, secundum illas tres exclamationes, quæ sunt in Canticis Cantorum. Quarum prima fit per superabundantiam deuotionis, per quam fit anima sicut virgula sumi ex aromatibus myrrhæ, & thuris. Secunda per excellentiam admirationis, per quam fit anima sicut aurora, luna, & sol, secundum processum illuminationum suspendentium animam ad admirandum sponsum consideratum. Tertia per superabundantiam exultationis, per quam fit anima suavissimæ delectationis delicijs affluens, innixa totaliter super dilectum suum. Quibus adeptis, efficitur spiritus noster hierarchicus ad conscendendum sursum, secundum conformitatem ad illam Hierusalem supernam, in quam nemo intrat, nisi prius per gratiâ ipsa in cor descendat, sicut vidit Ioannes in Apocalypsi sua. Tunc autem in cor descendit, quando per reformationem imaginis, per virtutes Theologicas, & per oblectationes spiritualium sensuum, & suspensiones excessuum, efficitur spiritus noster hierarchicus, scilicet purgatus, illuminatus, & perfectus. Sic etiam gradibus nouem ordinum insignitur, dum ordinate in eo interius disponitur nuntiatio, dictatio, ductio, ordinatio, roboratio, imperatio, susceptio, reuelatio, & vnitio, quæ gradatim correspondent nouem ordinibus angelorum, ita quod trium primo dictorum gradus, respiciunt in mente humana naturam, tres sequentes industriam, & tres postremi gratiam. Quibus habitis anima intrando in seipsam, intrat in supernam Hierusalem, ubi ordines Angelorum considerans, videt in eis Deum, qui habitans in eis, omnes eorum operatur operationes. Vnde dicit Bernardus ad Eugenium, quod Deus in Seraphim amat vt charitas, in Cherubin nouit vt veritas, in Thronis sedet vt æquitas, in Dominationibus dominatur vt maiestas, in Principatibus regit vt principium, in Potestatibus tuetur vt salus, in Virtutibus operatur vt virtus, in Archangelis reuelat vt lux, in Angelis assistit vt pietas. Ex quibus omnibus videtur Deus omnia in omnibus per contemplationem ipsius, in mentibus, in quibus habitat per dona affluentissimæ charitatis.

Ad huius autem speculationis gradum, specialiter & præcipue adminiculatur consideratio sacræ Scripturæ diuinitus immixtæ, sicut philosophia ad præcedentem. Sacra enim Scriptura principaliter est de operibus reparationis. Vnde & ipsa præcipue agit de fide, spe, & charitate: per quas virtutes habet anima reformari, & specialissime de charitate. De qua dicit Apostolus, quod est finis præcepti, secundum quod est de corde puro, conscientia bona, & fide non ficta. Ipsa est plenitudo legis, vt dicit idem. Et Saluator noster asserit, totam legem, Prophetasque pendere in duobus præceptis eiusdem, scilicet in dilectione Dei & proximi: quæ duo innuuntur in vno sponso Ecclesiæ Iesu Christo, qui simul est proximus & Deus, simul frater & Dominus, simul etiam rex & amicus, simul verbum increatum & incarnatū, formator noster & reformator, &c. Qui etiam summus hierarcha est, purgans, illuminans, & perficiens spōsam, scilicet totam Ecclesiam, & quamlibet animam sanctam. De hoc igitur hierarcha & ecclesiastica hierarchia, est tota sacræ Scriptura: per quam docemur

*Cant. 3. c*  
*Cant. 8. b*  
*Apoc. 21. g*  
*Bern. de cōsider. lib. 5. c. 5. in fi.*  
*1. Cor. 15. d*  
*Sacræ Scripturæ consideratio.*  
*1. Tim. 1. b*  
*Rom. 13. c*  
*Matt. 22. d*

A purgari, illuminari, & perfici, & hoc secundum triplicem legem in ea traditam, scilicet naturæ, scripturæ, & gratiæ. Vel potius secundum triplicem partem eius principalem, scilicet legem Mosaicam purgantem, reuelationem propheticam illustrantem, & eruditionem Euangelicam perficientem. Vel potissimum secundum triplicem eius intelligentiam spirituales, scilicet tropologicam, quæ purgat ad honestatem vitæ: allegoricam, quæ illuminat ad claritatem intelligentiæ: & anagogicam, quæ perficit per excessus mentales, & sapientiæ perceptiones suauissimas: secundum tres virtutes prædictas Theologicas, & sensus spirituales reformatos, & excessus tres supradictos, & actus mentis hierarchicos, quibus ad interiora regreditur mens nostra, vt ibidem speculetur Deum in splendoribus sanctorum: & in eisdem tamquā in cubilibus dormiat in pace & requiescat, sponso adiurante quod non exciteretur donec de eius voluntate procedat.

Ex his autem duobus gradibus medijs, per quos ingredimur ad contemplandum Deum intra nos, tamquam in speculis imaginum creaturarum, & hoc quasi ad modum alarum expansarum ad volandum, quæ tenebāt medium locum: intelligere possumus, quod in diuina, manu ducimur per ipsius animæ rationalis potentias, naturaliter insitas, quantum ad earum operationes, habitudines, & habitus scientiales: secundum quod apparet ex tertio gradu. Manu ducimur etiam per ipsius animæ potentias reformatas, & hoc gratuitis virtutibus, sensibus spiritualibus, & mentalibus excessibus: sicut patet ex quarto. Manu ducimur nihilominus per hierarchicas operationes, scilicet purgationis, illuminationis, & perfectionis, mentium humanarum: per hierarchicas reuelationes sacrarum scripturarum nobis per Angelos datarum: secundum illud Apostoli, quod lex data est per Angelos in manu mediatoris. Et tandem manu ducimur per hierarchias, & hierarchicos ordines, qui in mente nostra disponi habent instar supernæ Hierusalem. Quibus omnibus luminibus intellectualibus mēs nostra repleta a diuina sapientia, tamquam domus Dei inhabitatur, effecta Dei filia, sponsa, & amica: effecta Christi capitis membrum, soror, & coheres: effecta nihilominus Spiritus sancti templum, fundatum per fidem, eleuatum per spem, & Deo dicatum per mentis & corporis sanctitatem. Quod totum facit sincerissima charitas Christi, quæ diffunditur in cordibus nostris, per Spiritum sanctū qui datus est nobis, sine quo spiritu scire non possumus secreta Dei. Sicut enim quæ sunt hominis nemo scire potest, nisi Spiritus hominis qui est in illo: ita & quæ sunt Dei, nemo scit nisi Spiritus Dei. In charitate igitur radicemur & fundemur, vt possimus comprehendere cum omnibus sanctis, quæ sit longitudo æternitatis, quæ latitudo liberalitatis, quæ sublimitas maiestatis, & quod profundum sapientiæ iudicantis.

*De speculatione diuina unitatis, per eius nomen primum, quod est esse.*  
*Cap. V.*

F. Quoniam autem contingit contemplari Deū, non solum extra nos, & intra nos, verumetiam supra nos: extra nos per vestigium, intra nos per imaginem, & supra nos per lumen, quod est signatum supra mentem nostram, quod est lumen veritatis æternæ, cum ipsa mens nostra immediate ab ipsa veritate formetur: qui exercitati sunt in primo modo, intrauerūt iam in atrium ante tabernaculum: qui vero in secundo, intrauerunt in sancta: qui autem in tertio, intrant cum summo Pontifice in sancta Sanctorum: ubi supra arcam sunt Cherubim gloriæ, obumbrantia propitiatorium, per quæ intelligimus duos modos, seu gradus contēplandi Dei inuisibilia & æter-

*Cant. 2. b*

*Gal. 3. c*

*Rom. 5. a*

*1. Cor. 2. c*

*Exo. 25. b*



Exo. 3. d

Mar. 10. c

Damasce. li.

1. de si. or-

thod. c. 12.

Dionys. de

div. nom.

c. 4.

Arist. lib. 2.

Metaph. c. 1.

& æterna, quorum vnus versatur, circa Dei essentia-  
lia, alius vero circa propria personarum. Primus mo-  
dus primo & principaliter defigit aspectum in ipsum  
esse, dicens quod qui est, est primum nomen Dei.  
Secundus modus defigit aspectum in ipsum bonum,  
dicens, hoc esse primum nomen Dei. Primum spe-  
ctat potissime ad vetus testamentum, quod maxime  
prædicat diuinæ essentiae unitatem. Vnde dictum est  
Moysi: Ego sum, qui sum. Secundum ad nouum  
quod determinat personarum pluralitatem, baptiza-  
do in nomine Patris, & Filij, & Spiritus sancti; Ideo  
magister noster Christus volens adolescentem, qui  
seruauerat legem, ad Euangelicam leuare perfectio-  
nem; nomen bonitatis Deo principaliter & præcise  
attribuit. Nemo, inquit, bonus, nisi solus Deus. Da-  
masceus igitur sequens Moysen dicit, quod qui est,  
est primum nomen Dei. Dionysius sequens Christum  
dicit, quod bonum, est primum nomen Dei.

Volens igitur contemplari Dei inuisibilia, quoad  
essentiae unitatem, primo defigit aspectum in ipsum  
esse: & videat ipsum esse adeo in se certissimum, quod  
non potest cogitari non esse, quia ipsum est purissi-  
mum, non occurrit nisi in plena fuga non esse: sicut  
& nihil in plena fuga esse. Sicut igitur omnino nihil,  
nihil habet de esse, nec de eius conditionibus: sic &  
contra, ipsum esse nihil habet de non esse, nec actu,  
nec potentia, nec secundum veritatem rei, nec secun-  
dum æstimationem nostram. Cum autem non esse  
priuatio sit essendi, non cadit in intellectum nisi per  
esse: esse autem non cadit per aliud, quia omne quod  
intelligitur, aut intelligitur vt non ens, aut vt ens in  
potentia, aut vt ens in actu. Si igitur non ens nõ po-  
test intelligi nisi per ens, & ens in potentia non nisi  
per ens in actu, & esse nominat ipsum purum actum  
entis: esse igitur est quod primo cadit in intellectu,  
& illud esse est quod est purus actus. Sed hoc non est  
esse particulare, quod est esse arctatum, quia permix-  
tum est cum potentia, nec esse analogum, quia mini-  
me habet de actu, eo quod minime est. Restat igitur  
quod illud esse, est esse diuinum. Mira igitur est cæ-  
citas intellectus, qui non considerat illud quod prius  
videt, & sine quo nihil potest cognoscere. Sed sicut  
oculus intentus in varias colorum differentias, lucē per  
quā videt cetera, non videt, & si videt nõ tamen ad-  
uertit: sic oculus mentis nostræ intentus in ista entia  
particularia, & vniuersalia, ipsum esse extra omne ge-  
nus, licet primo occurrat menti, & per ipsum alia, ta-  
men non aduertit. Vnde verissime apparet, quod si-  
cut oculus vespertilionis se habet ad lucem: ita se ha-  
bet oculus mentis nostræ ad manifestissima naturæ.

Quia assuefactus ad tenebras entium & phantasmata  
sensibilem, cum ipsam lucem summi esse intuetur,  
videtur sibi nihil videre: non intelligens, quod ipsa  
caligo summa est mentis nostræ illuminatio: sicut  
quando videt oculus puram lucem, videtur sibi ni-  
hil videre.

Vide igitur ipsum purissimum esse si potes, & oc-  
currerit tibi, quod ipsum non potest cogitari, vt ab alio  
acceptum: ac per hoc necessario cogitatur, vt omni-  
mode primum: quod nec de nihilo, nec ab alio po-  
test esse. Quid enim est per se, si ipsum esse nõ est per  
se, nec a se? Occurrerit etiam tibi, vt carens omnino  
non esse, ac per hoc vt numquam incipiens, nõquam  
desinens, sed æternum. Occurrerit etiam tibi, vt nullo  
modo in se habes nisi quod est ipsum esse, ac per hoc  
vt cum nullo compositum, sed simplicissimum. Oc-  
currerit etiam, vt nihil habens possibilitatis, quia om-  
ne possibile aliquo modo habet aliquid de non esse:  
ac per hoc vt summe actualissimum. Occurrerit vt ni-  
hil habens defectibilitatis, ac per hoc vt perfectissi-  
mum. Occurrerit postremo, vt nihil habens diuersifi-

Esse, quo-

modo intel-

ligi debeat.

cationis: ac per hoc vt summe vnum.  
Esse igitur quod est esse purum, & esse simpliciter,  
& esse absolutum, est esse primum, æternum, sum-

placissimum, actualissimum, perfectissimum, & sum-  
me vnum. Et sunt hæc ita certa, quod non potest ab  
intelligente ipsum esse, cogitari horum oppositum,  
& vnum horum necessario infert aliud. Nam quia  
simpliciter est esse, ideo simpliciter primum: quia  
simpliciter primum, ideo non est ab alio factum, nec  
a seipso posuit, ergo æternum. Item quia primum &  
æternum, ideo non ex alijs, ergo simplicissimum. Itē  
quia primum, æternum, & simplicissimum, ideo nihil  
est in eo possibilitatis cum actu permixtum, & ideo  
actualissimum. Quia primum, æternum, simplicis-  
simum, actualissimum: ideo perfectissimum. Tali  
omnino nihil deficit, nec aliqua potest fieri additio.  
Quia primum, æternum, simplicissimum, actualissi-  
mum, perfectissimum: ideo summe vnum. Quod  
enim per omnimodam superabundantiam dicitur, di-  
gitur respectu omnium. Quod etiam simpliciter per  
superabundantiam dicitur, impossibile est vt conue-  
niat nisi vni soli. Vnde si Deus nominat esse prima-  
rium, æternum, simplicissimum, actualissimum, per-  
fectissimum, impossibile est ipsum cogitari non esse,  
nec esse nisi vnum solum. Audi igitur Israel, Deus  
Deus vnus est. Si hæc vides in pura mentis sim-  
plicitate, aliquid perfunderis æternæ lucis illu-  
stratione. Sed habes vnde subleueris in admiratio-  
nem: Nam ipsum esse est primum & nouissimum,  
est æternum, & præsentissimum, est simplicissimum,  
& maximum. est actualissimum, & immutabilissi-  
mum, est perfectissimum, & immensum, est summe  
vnum, & tamen omnimodum. Si hæc pura men-  
te miraris, maiore luce perfunderis, dum vltius  
vides, quia ideo est nouissimum, quia primum.  
Quia enim est primum, omnia operatur, propter se-  
ipsum: & ideo necesse est quod sit finis vltimus, ini-  
tiū, & consummatio, a, & ω. Ideo est præsentissimū,  
quia æternum. Quia enim æternum non finitur ab  
alio, nec deficit a seipso, nec decurrit ab vno in aliud,  
ergo nec habet præteritum, nec futurū, sed esse præ-  
sens tantum. Ideo maximū, quia simplicissimū. Quia  
enim simplicissimum in essentia, ideo maximum in  
virtute, quia virtus quanto plus est vnita, tanto plus  
est infinita. Ideo immutabilissimum, quia actualissi-  
mum. Quia enim actualissimum est, ideo est actus  
purus. Et quod tale est, nihil noui acquirit, nihil ha-  
bitum perdit, ac per hoc nõ potest mutari. Ideo im-  
mensum, quia perfectissimum. Quia enim perfectis-  
simū, ideo nihil potest cogitari vltra ipsum melius,  
nobilius, nec dignius, ac per hoc nihil maius, & omne  
tale est immensum. Ideo omnimodum, quia sum-  
me vnum. Quia enim summe vnum, ideo est omnis  
multitudinis vniuersale principium. Ac per hoc ip-  
sum est vniuersalis omnium causa efficiens, exēplans  
& terminans, sicut causa essendi, ratio intelligendi, &  
ordo viuendi. Est igitur omnimodum non sicut om-  
nium essentia, sed sicut cūctarum essentiarum super-  
excellētissima, & vniuersalissima, & sufficientissima  
causa. Cuius virtus, quia summe vnita in essentia,  
ideo summe infinitissima, & multiplicissima in ef-  
ficacia.

Rursus reuertentes dicamus, quia igitur esse puris-  
simum & absolutum, quod est simpliciter esse, est pri-  
mariū & nouissimū, ideo est omnium origo & fi-  
nis consummans. Quia æternū & præsentissimū,  
ideo omnes durationes ambit & intrat, quasi simul  
existens earum centrum & circūferentia. Quia sim-  
plicissimū & maximum, ideo totum intra omnia,  
& totum extra omnia, ac per hoc est sphaera intelli-  
gibilis, cuius centrum est vbique & circūferentia  
nūquam. Quia actualissimū, & immutabilissimū,  
ideo stabile manens, moueri dat vniuersa. Quia per-  
fectissimū, & immensū, ideo est intra omnia, non  
inclusum, extra omnia, non exclusum, supra omnia,  
non elatum, infra omnia, non prostratum. Quia ve-  
ro est summe vnum & omnimodum, ideo est omnia  
in om-



In omnibus: quia in eis omnia sunt multa, & ipsa non sunt nisi vnum, & hoc quia per simplicissimam unitatem, serenissimam veritatem, & sincerissimam bonitatem, est in eis omnis virtuositas, omnis exemplaritas, & omnis communicabilitas, ac per hoc ex ipso, & per ipsum, & in ipso sunt omnia. Et hoc quia omni potens, omniscius, & omnimodum bonum, quod perfecte videtur esse beatum, sicut dictum est Moysi:

Rom. 11. d

Exo. 33. d

Ego ostendam tibi omne bonum: & tu facies mihi vultum tuum. Deus spiritus sanctus beatissima Trinitas in eius nomine, Amen. quod est bonum. Cap. III.

Summū bonū cogitari non potest sine emanatione personarum.

**P**ost considerationem essentialium, eleuandus est oculus intelligentiae ad contuicionem beatissimae Trinitatis, ut alter Cherub iuxta alterum statuatur. Sicut autem visionis essentialium ipsum esse est principium radicale, & nomen per quod cetera innote-  
scent, sic contemplationis emanationum, ipsum bonum est principalissimum fundamentum. Vide igitur & attende, quoniam optimum quod simpliciter est, quod nihil melius cogitari potest: & hoc tale, sic est, quod non potest cogitari non esse, quia omnino melius est esse quam non esse, sic est quod non potest recte cogitari, quin cogitetur trinitas & vnum. Nam bonum dicitur diffusum sui. Summum igitur bonum summe diffusum est sui. Summa autem diffusio non potest esse, nisi sit actualis & intrinseca, substantialis & hypostatica, naturalis & voluntaria, liberalis & necessaria, indeficiens & perfecta. Nisi igitur in summo bono aeternaliter esset productio actualis, & consubstantialis, & hypostatica aequae nobilis, sicut est producens per modum generationis, & spirationis, ita quod sit aeternalis principij aeternaliter co-principiantis, ita quod esset dilectus, & condilectus, genitus, scilicet & spiratus, hoc est Pater, & Filius, & Spiritus sanctus, nequaquam esset summum bonum, quia non summe se diffunderet. Nam diffusio ex tempore in creatura, non est nisi centralis vel punctalis respectu immensitatis bonitatis aeternae. Vnde & non potest aliqua diffusio cogitari maior illa, ea videlicet in qua diffundens communicat alteri totam substantiam & naturam. Non igitur summum bonum esset, si re vel intellectu illa carere posset. Si igitur potes mentis oculo contueri puritatem bonitatis, quae est actus purus principij charitativae diligentis amore, gratuito, & debito, & ex utroque permixto, qui est diffusio plenissima per modum naturae & voluntatis, quae est diffusio per modum verbi, in quo omnia dicuntur, & per modum doni, in quo cetera dona donantur, potes videre per summam boni communicabilitatem, necesse esse Trinitatem Patris, & Filij, & Spiritus sancti. In quibus necesse est propter summam bonitatem, esse summam communicabilitatem, & ex summa communicabilitate summam consubstantialitatem, & ex summa consubstantialitate summam configurabilitatem, & ex his summam coaequalitatem, ac per hoc summam coaeternitatem, atque ex omnibus praedictis summam cointimitatem, qua vnus est in altero necessario per summam circumincessionem, & vnus operatur cum alio, per omnimodam indiuisi-  
onem substantiae & virtutis, & operationis, ipsius beatissimae Trinitatis.

Sed cum hac contemplaris, vide ne te existimes comprehendere incomprehensibilem. habes enim adhuc in his sex conditionibus considerare, quod vehementer in stuporem admirationis inducit oculum mentis nostrae. Nam ibi est summa communicabilitas cum personarum proprietate, summa consubstantialitas cum hypostasum pluralitate, summa configurabilitas cum discreta personalitate, summa coaequalitas cum ordine, summa coaeternitas cum emanatione, summa cointimitas cum emissionem. Quis ad tantorum mirabilium aspectum, non consurgat in admiratio-

nem. Sed hac omnia certissime intelligimus esse in beatissima Trinitate, si leuamus oculos ad superexcellentissimam bonitatem. Si enim ibi est summa communicatio & vera diffusio, vera est ibi origo & vera distinctio. Et quia totum communicatur, non pars, idem ipsum datur quod habetur, & totum, igitur emanans & produciens, & distinguuntur proprietatibus, & sunt essentialiter vnum. Quia igitur distinguuntur proprietatibus, ideo habent personarum proprietates, & hypostasum pluralitatem, & originis emanationem, & ordinem non posterioritatis, sed originis, & emissionem non localis mutationis, sed gratuita inspirationis, per rationem auctoritatis producentis, quia habet mittens respectum missi. Quia vero sunt vnum substantialiter, ideo oportet, quod sit vnitas in essentia, & forma, & dignitate, & aeternitate, & existentia, & incircumscribilitate. Dum ergo hac per se sigillatim consideras, habes unde veritatem contem-  
pleris. Dum hac adinacem confers, habes unde in admiratione altissimam suspendaris. Et ideo ut mens tua per admirationem in admirabilem ascendat contemplationem, haec simul sunt considerata. Nam & Cherubim hoc designant, quae se mutuo aspiciunt. Nec hoc vacat a mysterio, quod respiciebant se versus vultibus in propitiatorium, ut verificetur illud quod dicit Dominus in Ioanne: Haec est vita aeterna, ut cognoscant te solum verum Deum, & quem misisti Iesum Christum. Nam admirari debemus non solum conditiones Dei essentielles & personales in se, verum etiam per comparisonem ad supermirabilem vnionem Dei & hominis in vnitate personae Christi.

Exo. 25. b

Ioan. 17. a

**S**i enim Cherub es, essentialia Dei contemplando, & miraris quia simul est diuinum esse primum & nouissimum, aeternum & praesentissimum, simplicissimum & maximum seu incircumscriptum, totum ubique & nusquam comprehensum, actualissimum & nunquam motum, perfectissimum & nihil habens superfluum, nec diminutum, & tamen immensum & sine termino infinitum, summe vnum & tamen omnimodum, ut omnia in se habens, ut omnis virtus, ut omnis veritas, ut orne bonum: respice ad propitiatorium & mirare, quod in ipso principium primum iunctum est cum postremo, Deus cum homine sexto die formato, aeternum iunctum est cum homine temporali, in plenitudine temporum de Virgine nato, simplicissimum cum summo composito, actualissimum cum summe passo & mortuo, perfectissimum & immensum cum modico, summe vnum, & omnimodum cum indiuiduo composito, & a ceteris distincto, homine, scilicet Iesu Christo.

Multa mirabilia in vnione duarum naturarum in Christo.

**S**i autem alter Cherub es, personarum propria contemplando, & miraris communicabilitatem esse cum proprietate, & consubstantialitatem cum pluralitate, configurabilitatem cum personalitate, coaequalitatem cum ordine, aeternitatem cum productione, cointimitatem cum emissionem, quia Filius missus est a Patre, & Spiritus sanctus ab utroque: qui tamen semper est cum eis, & numquam recedit ab eis: respice in propitiatorium, & mirare, quia in CHRISTO stat personalis vnio cum Trinitate substantiarum, & naturarum dualitate: stat omnimoda consensus cum pluralitate voluntatum, stat Dei & hominis comparatio cum pluralitate proprietatum, stat coadoratio cum pluritate nobilitatum, stat coexaltatio super omnia cum pluralitate dignitatum, stat condominatio cum pluralitate potestatum. In hac autem consideratione est perfectio illuminationis mentis, dum quasi in sexta die videt hominem factum ad imaginem Dei. Si enim imago est similitudo expressiva, dum mens nostra contempletur in Christo filio Dei (qui est imago Dei inuisibilis per naturam) humanitatem nostram tam mirabiliter exaltatam, tam ineffabiliter vnitam: videndo simul in vnum primum & vltimum, summum & imum, circumferentiam & centrum, & & cau-  
satum



## S. BONAVENTURAE

EXIMII ECCLESIAE DOCTORIS

Opusculum, quod inscribitur,

DE SEPTEM ITINERIBVS ÆTERNITATIS.

In prologo summam explicat Auctor, quis sit eius scopus, & argumentum circa quod versatur iste tractatus, doctrina, & eruditione plenus: qui deuotas mentes dirigat per itinera septem ad ingrediendum intrinsecum secretum & æternum, quod est anima patria. Hoc autem opusculum suo pristino splendore restitutum est ex Codice manuscripto, cuius liberalissime copiam fecit Reuerendissimus D. F. Augustinus Finizianus ordinis Eremitarum S. Augustini S. D. N. CLEMENTIS VIII. Sacrista, & Archibosialis S. Spiritus in Saxia, cuiusq. ordinis Generalis Commendatarius. Nam multa qua decrant, quæque deprauata legebantur, huius M. S. Codicis beneficio expleta sunt, & restituta, ita ut opusculum hoc auctius nunc & integrum, quam antea in lucem prodierat.

## PROLOGVS.

## DE INTRINSECO SECRETO,

&amp; æternali manerio in Christo.

Ioan. 6. a

Aug. de co.

gni. ue. vi.

c. 1. to. 9.

Ioan. 17. a



**B**M, qui venit ad me, non eijciam foras, inquit Saluator. S. Augustinus de cognitione veræ vitæ dicit in principio: Cū Christus veritas, & vita dicat: Hæc est vita æterna, ut cognoscant te verum Deum solum; constat profecto, naturam rationalem ad hoc solum esse factam, ut factorē suum verum Deum intelligat, intelligendo diligat, diligendo in eo qui est æterna vita æternaliter permaneat, & beate viuat. Ex quo concludit dicens: Diuinitatis ergo essentiam rationabiliter inuestigare, ut est possibile, est ad vitam æternam festinare. Hanc ergo negligendo ignorare, est utique ad mortem indeficientem damnabiliter properare. In his verbis ostendit B. Augustinus, generaliter æternitatis esse duo maneria. Vnum quod est vita æterna. Alterum quod est mors amarissima. Innuit etiā Augustinus hic in his verbis, istorum æternorum maneriorū duo itinera: quia ad primum peruenitur per rationabilem inuestigationem cum amore; ad secundum per damnabilem omissionem cum dolore. Dominus autem Iesus Christus, qui est via, in qua imus, veritas ad quā peruenimus, & vita in qua permanebimus, in verbis propositis ostendit specialiter & principaliter vtrūque manerium, & eorum itinera. Vnum intrinsecum, & quasi secretum, & æternum in se: quia ipse

Aug. de sp. est animæ patria & habitatio, ut dicitur in libro de  
& an. c. 60. spiritu, & anima. Aliud ostendit manerium extrinsecum  
apud Aug. secum & extra se, quod est æternum animæ exilium,  
10. 9. in quo, secundū Matthæum, est fletus, & stridor dentium.  
Matt. 8. b. Itinera autem ad primum manerium & intrinsecum,  
& 13. 6. dicit Dominus, esse secundum multiplicem accessum ad se. Itinera vero ad secundum manerium, & extrinsecum, dicit secundum multiplicem

Aug. lib. 1. recessum a se. Vnde Augustinus in libro Soliloquiorum primo dicit: Deus est, a quo  
Soliloq. c. 1. auerti est cadere, in quem conuerti est  
ante mod. surgere, in quo manere est consistere. De isto ergo intrinsecum secreto & æternali manerio, primò  
10. 1. videndum est,  
postea de itineribus, quibus acceditur ad illud.

S. Bon. Tom. 7 Pars iij.



**C**IRCA primum igitur scilicet circa intrinsecum secretum, & æternale manerium sunt septem per ordinem notanda, quæ sunt necessaria ad dicendorum cognitionem.

Notandum est igitur primò, quid illud intrinsecum secretum in Christo dicatur.

Secundò qualiter in illo intrinseco secreto variaz mansiones distinguantur.

Tertiò secundum quid homo ad illud intrinsecum secretum admittatur.

Quartò quibus pedibus spiritus noster illud intrinsecum secretum ingrediatur.

Quintò qualiter spiritus noster in illo intrinseco multipliciter esse dicatur.

Sextò qualiter spiritus noster in illo intrinseco stabilitur & perpetuatur.

Septimò quæ & quot sunt itinera, per quæ ad illud intrinsecum peruenitur & intratur.

Quid intrinsecum secretum in Christo dicatur.

Distinct. 1.

**P**rimò notandum est, quid sit illud intrinsecum secretum, & æternale manerium in Christo. De quo sciendum, quod cum in Christo sit duplex natura, humana & diuina; diuina autem sit omni creaturæ maxime intrinseca, ut ait Augustinus, & Hugo. *Hugo sup. 7. Ang. Hic rare. lib. 6. post med. August. de verb. Dom. ser. 33. cir. fin. 10. 10.* Ideo intrinsecum illud in Christo est diuina persona in humanitate eius abscondita, ita quod Christi humanitas est via ad diuinitatem. Vnde Augustinus exponens illud Ioannis: Ego sum via, dicit: Verbum assumens humanitatem, factum est via. Ambula per hominem si vis venire ad humanitatem, & peruenies ad Deum, scilicet personam verbi, in quo sunt absconditi omnes thesauri sapientiæ, & scientiæ Dei. Proculdubio si non esset aliquod intrinsecum in Christo secretum, ad quod intrandum inuitaret nos, non dixisset ipse: Ego sum ostium, &c. vsque, inueniet. Ego sum ostium sensui, per corporale obiectum. Videre, inquit, manus meas, & pedes meos: quia ego ipse sum. Ego sum ostium intellectui, per fidem referta. *Luc. 24. f. Isa. 7. b. sec. LXX.* Vnde in Isaia dicitur: Nisi credideritis, non intelligetis. Ego sum ostium voluntati, per charitatem apertum. *Hugo ubi sup. prox.* Charitas non vult scire medium inter se & dilectum. immo, ut dicit Hugo, Amor siue

N charitas

charitas suo acumine omnia penetrat, donec ad dilectum veniat. Per me ergo ostium si quis introierit per fidem & charitatem, ad meam intrinsecam & absconditam diuinitatem, saluabitur. Quia siue ingreditur ad meam diuinitatem contemplandam, siue egrediatur ad meam humanitatem imitandam, pascua utrobique inueniet æternæ viriditatis & salutis.

*Hug. lib. 2. in 1. c. Angel. Hier. versus fin.* Et de pascuis humanitatis, intratur ad pascua diuinitatis. Quod ostendit Hugo bene in prologo suo super Angelicam hierarchiam, ubi dicit sic: Propterea Iesus carnem assumptam in edulium nobis proposuit, ut per cibum carnis, inuitaret nos ad gustum diuinitatis. In his pascuis sponsa constituta dixit: Comedi fauum cum melle meo. Fauus, sicut dicit Origenes, est cera virginea, loculis vel cellulis distincta, quæ sunt melle repleta. Quid ergo aliud est, Comedi fauum meum cum melle meo, nisi gustauimus dulcissimam diuinitatem in cera virgineæ humanitatis absconditam cum ipso absconso? De isto intrinseco Augustinus loquens super Ioannem, quasi admirando exclamat dicens: O magnum penetrabile, & secretum dulce! O secretum sine tædio, sine amaritudine malarum cogitationum, sine interpolatione tentationum & dolorum. Hoc est gaudiū, de quo dicit Saluator: Intra in gaudium Domini tui. Hæc Augustinus. Et sic patet intrinsecum Domini Iesu Christi.

*Qualiter in intrinseco Christi secreto varia mansiones distinguantur. Distinct. 11.*

Secundò videndum est, qualiter in illo intrinseco Christi variæ mansiones, vel maneria distinguantur. De quo notandum est, quod per ostium intrantes ad interiora domus, non omnes æqualiter locantur, sed secundum maiora merita vel minora personarum. Vnde Bernardus in Cantica dicit, Vnaqueque

*Bern. ser. 25. sup. Cā. 21. post med.* anima deuota inueniet sibi secretum cum sponso, ut dicat illud Isaia: Secretum meum mihi, secretum meum mihi: quia non omnibus vno loco datur frui

*Isa. 24. c* grata, & secreta sponsi præsentia, sed ut cuique paratum est a Patre. Non enim nos ipsum elegimus, sed ipse nos elegit, & posuit nos, & ubi a Deo vnusquisque positus est, ibi est. Hæc Bernardus. Vnde notandum, quod quidam ex ingredientibus intrinsecum secretum Domini Iesu, recipiuntur in domum sanctæ compunctionis, ut Maria Magdalena in domo Simonis. In palatium continuæ meditationis, ut Dauid qui dicit: Meditatio cordis mei in conspectu tuo semper. In mensam dulcis refectionis, ut Petrus, qui dicit: Si tamen gustatis, quoniā dulcis est Dominus.

*Luc. 7. f* In cubiculum solitariæ contemplationis, ut Ioannes quiescens in pectore Domini. In amplexus amorosæ vnionis, ut de sponso dicitur: Leua eius sub capite meo, & dextra illius amplexabitur me, spiritus tamē sponsæ iam omnes istas mansiones visitauerat. Sed Bernardus aliter distinguit istas mansiones, dicens: Denique vna mulier compuncta secus pedes Domini Iesu sortita est locum huius secreti; sed altera suæ deuotionis fructum siue secretum ad caput inuenit, si tamen altera. Porro Thomas in latere, Ioannes in pectore, Petrus in sinu patris, Paulus in tertio cælo secreti huius gratiam sunt assecuti. Et sequitur: Prior mulier strauit sibi in tuto humilitatis, posterior in solido spei, Thomas in solido fidei, Ioannes in lato charitatis, Paulus in intimo sapientiæ, Petrus in veritatis luce: & sic apud sponsum mansiones multæ sunt. Hæc sunt verba S. Bernardi. Sed Gregorius in Euangelio, *Erant appropinquantes ad Iesum*, & Hugo de sancto Victore lib. 4. de claustro animæ cap. 26. videtur has mansiones distinguere, quasi ad modum

*1. Pet. 2. a* distinctionis Angelicarum mansionum. Vnde super *Ioan. 13. c* primum Angelicæ hierarchiæ dicit Hugo: Secundum illam namque proportionem, qua nunc dona gratiarum differenter percipimus; meritò postea vel hic

*Cant. 2. b* per mentis contemplationem, vel illic per retributionem, in numerum, idest in mansiones, transimus Angelorum, & etiam secundum differentiam progressionum, & incrementa illuminationum, & secundum gradus spiritualium profectuum in nobis, differenter transimus in numerum Angelorum. Et tam Gregorius, quàm Hugo hæc explicant, dicentes: Oportet & in hac vita manentes, conformare se cælestibus mansionibus per aliquam imitationem, qui volunt ascendere ad illas. Vnde dicit vterque: Sunt nonnulli, qui parua capiunt, sed tamen illa pie fratribus nunciare non desistunt. Illi itaque in numerum, idest mansiones Angelorum currunt. Et sunt nonnulli, qui diuina largitate refectioni, secretorum cælestium summa capere valent, & nunciare. quo ergo isti nisi inter Archangelorum mansiones deputantur? Et sunt alij, qui mira faciunt, signa valenter operantur. Quo ergo isti nisi ad supernarum Virtutum sortem & mansionem congruunt? Et sunt nonnulli, qui etiam de obsessis corporibus dæmones fugant, & virtute orationis eiciunt. itaque isti mansionē suam inter Potestates fortuantur. Et sunt nonnulli, qui acceptis virtutibus etiā electorum hominum merita transcendunt, ideo electis fratribus principantur. ubi ergo isti nisi in mansionibus Principatum fortē accipiunt? Et sunt nonnulli, qui sic in seipsis, cunctis vitijs, & desiderijs dominantur, ut ex vitæ munditia dii inter homines vocentur. quo isti nisi inter Dominationes currunt? Et sunt nonnulli, qui dum sibi metipsis vigilanter dominantur, & se discutiunt, semper Deo inherentes, hoc in munere accipiunt, ut recte alios iudicent, in his veluti throno Deus residens cuncta mirabiliter examinat & dispensat. Quid ergo isti nisi Throni Conditoris sui sunt, & ad supernorum sedilium mansiones ascribuntur? Et sunt nonnulli, qui plenitudinem scientiæ accipiunt, ut Cherubim iure nominentur, quia dilectione Dei, & proximi pleni sunt. Hi sortem mansionis suæ inter Cherubim percipiunt. Et sunt nonnulli, qui supernæ contemplationis facibus accensi in solo Conditoris sui desiderio anhelant, nihil iam in hoc mundo sapiunt, sed solo æternitatis amore pascuntur, terrena quæque abijciunt, cuncta temporalia mente transcendunt, amant & ardent atque in suo ardore requiescunt, amando ardent, loquendo alios accendunt, & quos loquendo tangunt, ardere protinus in Dei amore faciunt: quid ergo istos nisi Seraphim dixerim, & quo nisi inter Seraphim mansionis suæ sortem accipiunt? Sequitur. Ad hos ergo vi-

*Apud Hug. ibid. in fin. cap.* cos, ut in eis sine fine permaneant, venient, qui modum quem prædiximus in hoc sæculo pro posse suo tenent. Hæc ille. Et his concordat Hieronymus, qui dicit: Paratæ sunt in cælo diuersæ mansiones diuersis virtutibus, quia non personæ acceptantur, sed opera, &c.

*Secundum quid homo ad illud intrinsecum secretum admittatur. Distinct. 111.*

Tertiò videndum est, secundum quid homo in illud intrinsecum & secretum Domini admittatur & introducatur, vel intromittatur. Circa quod notandum, quod cum in homine sit corpus, & anima, & spiritus, ut dicit Origenes super Cantica; oportet videre, secundum quod istorum trium, homo ad illud intrinsecum admittatur & introducatur. De quo sciendum, quod cum Christus dicat, Spiritus est Deus, & qui adorat eum in spiritu, & veritate, idest in deuotione & cognitione, oportet adorare; hæc autem conueniunt spiritui humano, ergo secundum spiritum oportet adorare, & intrare. Item cum Deo maxime assimilemur secundum spiritum, secundum quem etiam sumus ad imaginem, & similitudinem Dei, & secundum hoc sumus capaces Dei, ut dicit Augustinus lib. 14. de Trinitate. ergo secundū spiritum

*Hug. lib. 1. in c. 1. Angel. Hier. post med.* distinctionis Angelicarum mansionum. Vnde super primum Angelicæ hierarchiæ dicit Hugo: Secundum illam namque proportionem, qua nunc dona gratiarum differenter percipimus; meritò postea vel hic

tum ingredimur, qui est supremum, & optimum in homine. Item secundum corpus non possumus ingredi illud intrinsecum, cum corpus non possit locari nisi in loco corporali. Item cum anima, ut corpus animet, necessario insit ei ut forma, nec sic possit se extendere extra corpus ad æterna, cum Apostolus dicat, Nostra conuersatio in cælis est, non secundum corpus, sed secundum mentem, nec secundum animam ut animat corpus, ut patet ex Glossa. ideo necesse est, ut per spiritum nostrum tamquam optimum in nobis, accedamus ad illud speciale intrinsecum secretum Domini Iesu: quia ipse misit spiritum suum, ut spiritum nostrum leuaret post ipsum, ut ait Richar-

Phil. 3. d

Richar. in  
prologo lib.  
de Trinit.  
circa med.  
Idē in lib.  
de extermi-  
natioe ma-  
li, tract. 3.  
cap. ult.  
Heb. 4. c

Rich. ubi  
sup. proxi.  
& Aug. de  
spir. & ani.  
c. 34. circa  
med. apud  
Aug. 10. 3.

1. Cor. 6. d

Nota de di-  
uisione hu-  
mani spiri-  
tus a corpo-  
re, & anima

Rich. lib. 5.  
de consēpl.  
c. 12. cir. fi.

Apoc. 1. c

us. Et quia ipse Richardus alibi dicit, oportet an-  
tequam introire liceat in illud intimum secretum,  
quietis, & supremæ tranquillitatis arcanum, ut fiat  
ita valde mirabilis diuisio, non corporis, & animæ  
dissolutio, sed alia ac multo mirabilior, multoq. glo-  
riosior diuisio, videlicet animæ, & spiritus, quam in  
nobis operari solet, sicut testatur Apostolus, dicens:  
Viuus est sermo Dei & efficax, & omni gladio an-  
cipiti penetrabilior, & perrings usque ad diuisionem  
animæ & spiritus. Hæc ille. Ex quo oportet vide-  
re, qualiter iste spiritus ab anima diuiditur, ut ab om-  
nibus exoneratus, ascendat ad illud intrinsecum &

secretum quietis. De quo notat Richardus, & Auctor  
libri de spiritu & anima, ubi vterque exponens præ-  
dictum verbum Apostoli dicentis, quod sermo Dei  
perrings usque ad diuisionem spiritus & animæ, con-  
cordant per omnia, dicentes sic: Nihil in creaturis  
hac diuisione mirabilius cernitur, ubi illud, quod es-  
sentialiter vnū est atque indiuiduum in se ipso, quā-  
dam diuisionē patitur; neque enim in homine vno  
alia est essentia eius spiritus, atque eius animæ, sed  
vna eademq. substantia simplicis naturæ. Non enim in  
hoc gemino vocabulo gemina substantia intelligitur;  
sed cū ad distinctionem ponitur gemina nominatio

eiusdem essentię, vna superior per spiritum, alia infe-  
rior designatur. & hæc per animam. Sequitur. In hac  
itaque diuisione, anima & quod animale est in imo  
remanet. Spiritus autem, & quod spirituale est ad  
suprema euolat, & ab infimis diuiditur, ut ad supre-  
ma eleuetur: ab anima scinditur, ut Domino iunga-  
tur. Quoniam qui adhæret Domino, vnus spiritus est  
cū illo. O quam felix diuisio, & mirabilis separatio,  
ubi quod corpulentū est, & fæculentum, deorsum re-  
manet, quod spirituale, & subtile est, usque ad specu-  
lationē diuinę glorię sublimatur, & in eandem ima-  
ginē transformatur. pars inferior cōponitur ad sum-  
mam pacem & tranquillitatem, dum pars superior  
sublimatur ad gloriam & iucunditatem. Hoc vterque  
ponit. Ex quo apparere potest, quod quanto spiritus  
noster ab omnibus temporalibus, & etiam ab ipsa  
anima, vel etiam a seipso diuiditur, quod tanto fa-  
cilius & perfectius illud spirituale intrinsecum, &  
æternale manerium perfectius accedit, & ingreditur.

Et ideo notandum est, quod spiritus noster ali-  
quando in tantum a corpore, & anima diuiditur:  
ut spiritus in spiritu esse asseratur, & quandoque ut  
spiritus supra spiritum esse dicatur, & quandoque spi-  
ritus sine spiritu credatur. Primò dico, quod spiritus  
humanus quandoque a corpore in tantum alienatur,  
& ab anima distrahitur, vel diuiditur, ut spiritus me-  
rito in spiritu esse dicatur. Quod ostēdit Richardus  
loquens de Ioanne Euangelista, ubi dicit sic: Nonne  
spiritus in spiritu esse tunc recte asseritur, quādo ex-  
teriorum omniū obliuiscitur, pariter & ignarus est  
omnium eorum, quæ in corpore corporaliter agun-  
tur, & illa solum intelligit per memoriam vel intel-  
lectum, quæ in spiritu & circa spiritum actantur?  
Quare Ioannes in Apocalypsi bene dicit: Fui in spi-  
ritu in Dominico die. Vel sicut ibidem Richardus  
dicit, An hoc est spiritum in spiritu esse, semetipsum  
intrare, & intra semetipsum totum colligere, & ea,

S. Bon. Tom. 7. Pars iij.

quæ circa carnē seu etiam in carne geruntur interim  
penitus ignorare? Sed Haymo super Apocalypsim,  
sic exponit, dicens: Ioannes sic fuit in spiritu, quod  
tamen ipsam carnem funditus non deseruit, sed spi-  
ritui æternitatis adhæsit mens eius, & a spiritu docē-  
te assumptus fuit spiritus docendus, ideo tam mira-  
bilis & profunda vidit. Secundo dico, quod spiritus  
humanus quandoque in tantum amoris feruore su-  
pra se rapitur, ut meritò spiritus supra spiritum esse  
dicatur. Vnde Hugo dicit: Acumen amoris est, cum  
omnia transcendendo despicit. Superferuidum autem  
amoris est, cum etiam semetipsum contemnen-  
do relinquit, & in comparatione dilecti se despicit. &  
modo miro fit, ut per dilectionis ignem in illum su-  
stollatur, qui est supra se, & per vim amoris expella-  
tur & exeat etiam a se, nec se cogitet, dum Deum so-  
lum amat. Hæc ille. Hoc modo Petrus fertur  
raptus fuisse supra se, quare in Actibus dicitur, & Pe-  
trus ad se reuersus dixit, &c. Quod Richardus expo-  
nens, dixit: Hoc sanè non imprudenter dicitur, quod  
Petrus longè super hominem fuit, quia longe a se-  
metipso, & supra semetipsum recessit, alioquin non  
erat a quo ad se reuerteretur. Tertiò dico, quod spi-  
ritus humanus in tantum a seipso quasi diuiditur, ut  
spiritus sine spiritu esse dicatur. Vnde in libro Regū  
legitur, quod videns regina Sabba sapientiam Sa-  
lomonis, & domum, & habitacula, & cetera, non ha-  
bebat ultra spiritum. Quod exponens Richardus di-  
cit: Nonne recte dicitur, spiritum semetipsum non  
habere, quando incipit a semetipso omnino deficere,  
& a suo esse in supermundanum quendam, & vere  
plusquam mundanum, vel humanum statum transi-  
re, & mirabili transfiguratione spiritus ille ab hu-  
mano videtur in diuinum deficere, ita ut ipse iam  
non ipse, eo dumtaxat tempore quo incipit Domi-  
no altius inhærere? Qui autem adhæret Deo vnus  
spiritus est, & sic totus illud diuinitatis arcanum in-  
trat, clamans cum Psalmista: Defecit in salutare  
tuum anima mea. Hæc ille.

Hug. super  
7. Aug. hier.  
rare. lib. 6.  
cir. med.

Act. 12. b  
Rich. lib. 5.  
de consēpl.  
c. 12. cir. fi.

3. Reg. 10.  
Richar. ubi  
supra c. 12.  
in fin.

Ps. 118. f

Quibus pedibus spiritus noster illud intrinsecum secre-  
tum ingreditur. Distinct. IV.

Quartò videndum est, quibus pedibus & gressi-  
bus spiritus noster in illud intrinsecum secre-  
tum, & spirituale manerium ingreditur. De  
quo notandum, quod sicut dicit Vercellensis super  
Cantica: Pedes nostri spiritus, sunt intellectus & af-  
fectus, quibus frequenter anima deuota carpit itine-  
ra æternitatis. Ratio autē huius est, quod spiritus no-  
ster per intellectum & affectum se ad æterna extēdit,  
& eo attingit aliquid. Vnde Hugo libro primo  
de arca Noe dicit: Hoc est ad Deum tendere, & ad  
ipsum pertingere, semper eum per desiderium quæ-  
rere, per cogitationem inuenire, & per gustum tan-  
gere. & Commentator Hugo super septimum An-  
gelicę hierarchię dicit: Mentis cælestes siue spiri-  
tus rationales ad interiora mentis cognitione & di-  
lectione accedunt, & proximi fiunt secundum excel-  
lentissimam collocationem, quam habet iuxta Deū,  
ubi est intrinsecū spiritus nostri, ut supra dictum est.  
Sed notandum, quod pedes spiritus nostri oportet  
esse mundos, & puros, quia nihil inquinatum intrabit  
intra secretum Domini Is. 5. v. Et cum pedes spiritus  
humani quandoque tangant terram mediāte sensua-  
litate, & etiam ne puluis terrenus eis adhæreat: ideo  
indigent frequenti lotionē, & mundatione, ut osten-  
dit Dominus quando dixit: Qui lotus est, non indiget  
nisi ut pedes lauet, id est qui sine peccato mortali  
est, non indiget capitis lotionē. Cuius ratio est, quia  
caput nostri spiritus est intelligentia, quæ in viris san-  
ctis immediate coniungitur Deo, ut dicit B. Augusti-  
nus in suo libro de spiritu & anima. ideo lotionē nō  
indiget. Nec tales indigent lotionē manuum, quia

Pedes no-  
stri spiritus  
sunt intel-  
lectus, & af-  
fectus.

Hug. de ar-  
ca Noe lib.  
1. c. 4. cir.  
med.  
Idē sup. 7.  
Aug. hier.  
lib. 7. post  
med.

Ioan. 13. b

Aug. de spi-  
& an. c. 12.  
10. 3.

N 2 opera



opera eorum munda sunt, propter munditiam capitis, ea in Deum ordinantis, sed indigent lotionem pedum. Cuius ratio est secundum Augustinū, & Origenem, quia impossibile est, hominem aliquando non peccare venialiter, & non habere aliquam inordinationem in sua sensualitate, propter continuam cōversationem in terris, ex qua contrahitur aliqua macula impuritatis in affectu, & ex hoc ruga obscuritatis in intellectu. Vnde Origenes dicit: Ego impossibile puto, non contaminari extrema animæ & infima eius, quamquā quis perfectus quo ad homines reputetur. ideo charissimi discipuli Domini sunt, qui solum pedum indigent lotionem. Hos pedes bene lotos timuit coinquinari sponsa, quando dixit: Laui pedes meos, Glossa, idest cogitationes meas, quibus aliquādo terram tangere solebam, quos secretis fletibus compunctionis ablui, ut intrare merear cælestem patriā. Quo modo ergo iterum coinquinabo illos? Vercellenis dicit: Quomodo coinquinabo illos iterum umbris & imaginibus temporalium, cum etiam intellectuales operationes, & formæ in hoc loco, in superintellectuali exercitio reputentur maculæ & offendicula? Hæc ille.

Cant. 5. b

Dionys. de Ang. hier. c. 15. ante med.

Psal. 17. c Greg. li. 20. Mor. c. 10.

Psal. 17. c Greg. ibid.

August. ad Macedon. ep. 52. post med. 10. 2.

Greg. li. 21. Moral. c. 4. ante med.

Mat. 11. d Aug. in Ps. 75. 10. 8.

Secundo notandū est, quod quia multa offendicula & diuersa in istis itineribus æternitatis sunt, quibus spiritus noster impeditur, & retardatur ab ingressu illius intrinseci secreti, ideo oportet ut spiritus noster non solum habeat pedes ab immunditijs lotos, sed etiam ad ambulandū exercitatos, & agilitate veloces. Vnde Dionysius dicit, quod pedes in scriptura significant virtutem motiuam, acutè penetrantem, & velocem, idest semper tendentem in diuina. Et sequitur: Propter quod alatos Theologia figurauit pedes sanctorum intellectuum, quod significat reductiuam velocitatem, & supernis inuectiuā ab omni terrestri deprimentem. Hæc Dionysius. Horum pedum velocem agilitatem habuit propheta Dauid, cum dixit: Qui perfecit pedes meos quasi ceruorū. Quod Gregorius exponens dicit: Ceruus cum iuga montium ascendit, quæque aspera & obiecta transgreditur, donec ad superiora eleuetur, non solum currit, sed etiā saltat; ita etiam electorum mentes quæcumque sibi obuia respiciunt, contemplationis saltu transcendunt, donec se ad superna euehant.

Tertiò notandum, quod oportet, quod pedes spiritus nostri non solum ad ambulandū sint expediti, sed etiam per amorem ad penetrandum acuti, ut spiritus potenter omnia transire possit, dicens cū Psalmista: In Deo meo transgrediar murum. Quod Gregorius exponens, ubi supra, dicit: Murus est omne quod itineri nostro obijcitur, cum ad dilectū transitur: quem transgredimur, cū præ amore supernæ patriæ, omnia huius mundi obiecta calcamus. Hæc ille. Et sicut dicit Augustinus: Ire ad Deum tanto nobis melius est, quanto magis ad illū imus, quo nihil melius est. Imus autem non ambulando, sed amando. Quem tantò habebimus præsentiorē, quantò amorem, quo in eum tendimus, habebimus puriorē. Hæc Augustinus. Gressus ergo mentales, & pedes spiritus, non sunt corporales, sed spirituales. Et ideo Gregorius dicit: Ad se quippe venire præcipit Deus, non gressibus corporis, sed profectibus amoris & spiritus, veritate dicente: Venite ad me omnes, qui laboratis. Et Augustinus: Iter tuū voluntas tua est. Amando ascendis, negligendo descendis: stans in terra in cælo es, si diligis Deū. Et sic patet de passibus spiritualibus.

Qualiter spiritus noster in illo intrinseco multipliciter esse dicatur. *Distinct. V.*

Q Vinto videndum est, qualiter spiritus noster in illo intrinseco manerio multipliciter esse dicatur. Circa quod notandum est, quod cū Apostolus Coloss. 2. a stolus dicat, quod in Domino Iesu sunt omnes the-

sauri sapientiæ & scientiæ Dei absconditi, quis potest inuestigare & enarrare magnitudinem & multitudinem diuitiarum & deliciarum istius intrinseci secreti cubiculi, nisi quantum quilibet per fidē illuminatus, & per charitatem inflammatus, in illo habitare consueuerit, & per aliqualem experiētiā didicerit? Vnde dicit Bernardus: In hoc arcanum, in hoc sanctuarium Dei, si quem forte vestrum aliqua hora sic rapi, & sic abscondi contigerit, ut nemo eum auocet, aut perturbet, vel sensus egens, vel cura pungens, vel culpa mordens, vel ea certe quæ difficiliter amouentur, irruentia imaginum corporalium phantasmata, poterit quidem hic cum ad nos reducitur gloriari, dicens: Introduxit me rex in cubiculum suum. Et ibidem quasi admirando exclamat dicens: O verè quietus locus est, quem non immeritò nomine cubiculi celsuerim, in quo Deus non turbatus ira, nec velut distractus cura prospicitur, sed probatur voluntas eius bona, & beneplacens, & perfecta. Visio ista non terret, sed mulcet: inquietam curiositatem non excitat, sed sedat: nec fatigat sensus, sed tranquillat. Hic verè quietus Dominus quiescit, Deus tranquillus qui tranquillat omnia, & quietum aspicere quiescere est. Hæc Bernardus. Hi, qui secreta istius cubiculi ingrediuntur, siue gazophylacij secretum inhabitant, per veram fidem & charitatem, magni sunt: quia magna audiunt, & percipiunt magna, introducti in plenitudinem æternorum & diuinorum thesaurorum in illo absconditorum. Et ideo Bernardus dicit, quod hi, qui magni sunt fide & charitate, digni inueniuntur, ut inducantur in omnē plenitudinem Dei. nec est omnino in oibus apothecis sapiētiæ aliquid, a quo Deus scientiarum Dominus, arcendos censeat cupidos veritatis, non cōscios vanitatis. Et infra sic dicit: Istiusmodi sapientibus spiritibus magnus occurrit spōsus, & magnificabit facere cum eis, emittens lucem suam, & veritatem suam, eosque adducens, & deducens in montem sanctum suum, in tabernacula sua. Regem in decore suo videbunt, præeuntem se ad speciosa deserti, & ad flores rosarum, ad lilia conuallium, ad amœna hortorum, ad irrigua fontium, & ad delicias cellariorum, ad odora menta aromatum, postremò ad ipsa secreta cubiculi. Isti sunt thesauri sapientiæ, & scientiæ Dei, absconditi penes sponsum. Hæc sunt pascua vite, præparata in refectionem animarum sanctarum. Beatus vir, qui impleuit desiderium suum ex ipsis. Hæc Bernardus. Sed proculdubio si spiritus humanus quasi ab anima diuisus, & corpore, quandoque illud intrinsecum lucis manerium ingredietur solus, & intus recipiatur, rediens de regione lucis illius intrinseci ad animā & corpus, ipse enarrat quales diuitias acceperit, qualia verba audiuerit, & quales delicias gustauerit, si tamen enarrare potest, quia Gregorius dicit: Sæpe amantis animus tantæ contemplationis munere impletur, ut videre valeat, quod omnino loqui non valeat. Si autem enarrare non poterit, saltem ut alter Moyses descendens a consortio Domini in anima & corpore aliqua signa, & testimonia secum ferat, testificantia quod in regione lucis fuerat. Dicit enim Hugo: Ecce dum de illo diuino internæ contemplationis secreto reuertimur, quid nobiscum asferre poterimus nisi lucem? Lucem de regione lucis venientes portamus. Hoc enim degens & necessarium est, ut cum a lucis regione venimus ad fugandas nostras tenebras, nobiscum lucem apportemus. Et quis scire poterit, quod ibi fuerimus, si illuminati non redimus? Sed si vidimus Patris potentiam, apportemus lucem diuini timoris. Si vidimus Filij sapientiam, apportemus lucem veritatis. Si vidimus Spiritus sancti clementiam, apportemus lucem dilectionis. Potentia torpentes excitet ad timorem. Sapientia ignorantia tenebris excæcatos illuminet. Clementia calore charitatis frigidus inflamet. Hæc ille.

Bernard. in Cant. ser. 23. cir. 1. f.

Ibid. paulo ante.

Ibid. serm. 31. post medium.

Psal. 125. a Psal. 42. a

Psal. 126. c

Greg. li. 15. Mor. c. 10.

Hug. in lib. de tribus dietis circa finem.

Qualiter

*Qualiter spiritus noster in illo intrinseco stabilitur,  
& perpetuatur. Distinct. VI.*

**S**extò videndum est, qualiter spiritus noster cum in illud intrinsecum maneriū æternale fuerit introductus, in illo stabiliatur & perpetuetur, ita tamē quòd ad imperium regis egrediatur, & ingrediatur ad naturam humanam imitandā, & contemplandam diuinam. De quo sciendum est, quòd spiritus noster in illo arcano secreto per veram fidem collocatur & stabilitur, & per sanctam charitatem in eodē perpetuatur. De fidei collocatione & stabilitione dicit

*Dion. de di-  
uinit. nom.  
6.7. sir. fin.*

Dionysius: Quod circa veritatem vere existentem & non errantem, versatur fides diuina, quæ est stabilis collocatione credentium, collocans illos in veritate, & firmans simplicem veritatem in transmutabili identitate in ipsis credentibus, habentibus cognitionem veritatis, & ideo credentem in veritate, teste Scriptura, nihil mouebit a lætitia, quæ est secundum veram fidem, sed habebit in ea permanentiam immobilis & intransmutabilis identitatis. *Sequitur.*

*Rom. 8. f*

Qui enim veritati vnitus est, ex ipsa vnione bene nouit quod bene sentit. Quamuis multi corripiant ipsum, tamquam mentis excessum passum, siue furiosum: ipse tamen bene nouit seipsum non furem, ut errantes ei imponunt, sed per simplicem veritatem semper eandem, & eodem modo se habentē, liberatum ab instabili & variabili diuisione cōtra errorem. Hæc Dionysius. Ex his apparere potest, quomodo fides spiritum nostrū in illo intrinseco manerio Iesu collocat & stabilizat. Vnde dicit Isaias: Si nō credideritis, non permanebitis, scilicet in Deo. Et Eusebius in glossa super illud Lucæ: Vbi thesaurus vester est, ibi & cor vestrum erit, dicit sic. Qui mentem applicauerat ad cælestia, ibi mentē habebit, ut videatur solo corpore cum hominibus conuersari, animo verò iam sit aggressus mansiones cælestes. Hæc ille.

*Isa. 7. b  
Luc. 12. c*

De charitatis autem perpetuatione, idest qualiter spiritus noster in intrinseco Domini Iesu perpetuetur, notandū, quòd cum Ioannes dicat: Deus charitas est, & qui manet in charitate in Deo manet, ergo quamdiu spiritus manet in charitate, tamdiu manet in Deo siue in intrinseco Domini Iesu, sed spiritus noster in æternum potest in charitate manere cum adiutorio Dei: ergo in æternum potest manere in Deo. Vnde

*1. Ioan. 4. c*

in libro de spiritu & anima dicitur, quòd anima habet in se amorem, quo semper potest stare cum Deo. Quòd autem spiritus noster in æternum possit stare cum Deo, & manere in charitate, ostendit Apostolus ad Romanos, vbi dicit: Quis potest nos separare a charitate Christi? quasi dicat: Nemo, immo nulla creatura, sicut ipse postea probat. Ergo nulla creatura potest nos eijcere ab illo intrinseco, nec ipse Deus vult eijcere. ut ipse dicit in Ioanne. Quamdiu enim

*Aug. de sp.*

*& an. c. 36.*

*apud Aug.*

*10. 3.*

*Rom. 8. c*

sumus charitate vestiti, licet nosipsum per peccatum eijcere possimus, non tamen distantia locali, cū Deus sit vbique, sed distantia dissimilitudinis. Dicit enim Augustinus: Non locorum interuallis, sed similitudine acceditur ad Deum, & dissimilitudine disceditur ab eo. Quòd autē nulla creatura possit nos separare a charitate Dei, quæ nobis in Christo datur, ostendit Apostolus ibidem, dicēs: Certus sum quòd neque mors, scilicet quam minantur, separabit nos a charitate Dei. Cuius rationē assignat Augustinus de moribus Ecclesiæ, dicens: Licet corpus nostrū possit mori, tamen ipsum quo diligimus Deum, scilicet anima mori non potest, nisi dum non diligit Deum: cui mors est nō diligere Deū, quòd nihil aliud est, quàm ei in diligendo aliquid præponere. Alia est ratio secundum Ambrosium: Quia mors erat sanctis occasio eundi ad præmium promissum, & quasi ianua: ergo mors non potest nos separare a charitate Christi, ergo non potest abijcere ab eo.

*Aug. de mo-*

*rib. Ecclef.*

*lib. 2. c. 21.*

*10. 2.*

*Ambros. in*

*ep. ad Rom.*

*6. 8. 10. 3.*

S. Bon. Tom. 7. Pars iij.

**A** Secundo neque vita, inquit Apostolus, scilicet promissa, potest nos separare a charitate. Cuius rationē assignat Augustinus in libro de moribus Ecclesiæ, dicens: Quia Deus fons vitæ. sicut ergo nemo separat a fonte aquæ promittendo aquam: ita nemo separat a fonte vitæ promittendo vitam. Vnde Dominus dicit in Ioanne: Qui credit in me, habebit vitam æternam. *Ioan. 5. a*

Tertio inquit Apostolus: Neque Angeli, neque principatus, neque virtutes, neque inferiores, neque medij, neque superiores poterūt nos separare a charitate Dei. cuius ratio est secundum Augustinū, quia Angeli, cū inhæremus Deo, non sunt mēte nostra potentiores, immo toto mundo superior est mens inhærens Deo, ut ait Augustinus de moribus Ecclesiæ. Quomodo ergo separabunt nos a charitate Christi, ad quam nos etiam hortantur, ergo nec nos eijcient.

Quarto, inquit Apostolus: Neque instantia, idest instantes molestiæ nos a Deo separabūt. Quia eo ipso eas leuiiores sentimus, quo ei a quo nos separare moluntur, arctius inhæremus: charitas enim omnia sustinet, & est vita morientium, ait Augustinus de laud. char. *Aug. de laud. char. cir. fi. 10. 9.*

Quinto, inquit Apostolus: Neque futura, idest promissio futurorū nos a charitate separabunt. Cuius ratio est secundum Augustinum de moribus Ecclesiæ, quia quidquid boni futurorū est, certius promittit Deus, & nihil est ipso Deo melius, qui perfecte inhærentibus sibi iam præsens est. ergo nec talia separant a charitate, ergo nec eijciunt a Deo.

Sexto, inquit Apostolus: Neque fortitudo, idest violentia alicuius poterit nos separare a charitate Dei, neque altitudo, idest prosperitas, neque profundum, idest aduersitas poterūt nos separare a charitate Christi, neque alia creatura. Cuius rationem innuit Apostolus in eodem capite dicens: Quia bonis omnia co-

operantur in bonum, ergo non separant nisi nos velimus. Per charitatē ergo quæ, ut dicit Apostolus, omnia potest, omnia sustinet, & numquam excidit, spiritus noster in illo intrinseco vbi est fons vitæ, & charitas potest manere semper, maxime cū charitas voluntates nostras ad Deum, quasi ad centrū suum proprium inclinet, & nos sibi incorporet, & volūtas perfecte concordet, quæ maxime amantium refectionē consummant & perpetuant. Vnde dicit Dominus: Eum qui venit ad me, non eijciam foras. Quod Au-

gustinus exponit, dicens: Veniamus ad Deum, intremus ad Deum, & incorporemur ei, ut nos non faciamus voluntatem nostram, sed voluntatem Dei, & nō eijcet nos foras, scilicet in exilium tenebrarum æternarum, sed siue ingrediamur, siue egrediamur, passua inueniemus nostram nutrientia charitatem, quæ nos perpetuat in Christo. Quia qui manet in charitate, in Deo manet, sicut dicit Ioannes. *Ioan. 6. d*

*Quæ & quot sunt itinera, per quæ ad illud intrinsecum peruenitur & intratur. Distinct. VII.*

**S**eptimò postquam visum est, quid sit illud intrinsecum secretum, & æternale manerium in Christo, & qualiter in illo intrinseco variæ mansiones distinguuntur, & secundum quid homo in illud intro-mittatur. Viso etiam quid spiritus in homine dicatur, & quibus pedibus illud intrinsecum ingrediat, & qualiter humanus spiritus in illo dicatur, stabilitur, & perpetuatur. Videndum est, quæ & quot sunt itinera, per quæ ad illud intrinsecum secretum & æternale manerium, spiritus humanus accedat & ingrediat. Circa quod sciendum est, quòd, sicut dicitur in libro de spiritu & anima, duo sunt loca, inter quæ spiritus humanus existens, ad vtrumque se mouere potest, siue itinerare. Deus enim est in summo, mundus vero in imo. Ille, scilicet Deus in eodem statu

N 3

statu

statu æternitatis suæ immobilis existit, ideo ipse solus est æternitate mensurabilis. Cuius ratio est, quia sicut Boetius in libro de consolatione dicit: *Æternitas est interminabilis vitæ tota simul & perfecta possessio*. quæ nulli creaturæ conuenit, sed soli Deo. ut patet consideranti huius diffinitionis partes. Iste autem mundus cursu mutabilitatis suæ semper instabilis fuit, & ideo tempore mēsuratur, quia tempus est mēsurā motus mutabilium rerum, non permanentium, sed succedentium ut fit, & ideo talia dicuntur temporalia. Rationalis autem spiritus quasi in quodam medio est constitutus, sed medium oportet participare naturam extremorum, propter cōnexionem vniuersi: & ideo oportet, quod spiritus noster in aliquo conueniat cum æternis, & in aliquo cum temporalibus. Cum æternis conuenit in hoc, quod secundum substantiam omnino est stabilis perpetuo, in æternum manens, & ideo quoad hoc non mensuratur tempore transeunte, quia illo corruptibilia mensurantur. nec mensuratur æternitate, quia illa soli Deo conuenit: ergo necessario mensuratur mensura media, scilicet æuo, quod est quædam participatio æternitatis. Vnde Dionysius de diuinis nominibus dicit, quod æuum dicitur quædam & tota simul vita.

*Dion. de diuinis nom. c. 5. & 10.* Et Damascenus dicit, quod æuum nō est tempus nec pars temporis, sed quod simul protenditur cū æternis, scilicet secundum perpetuationem. Idem dicit Augustinus libro 12. confessionum. Vnde in libro de spiritu & anima dicitur: Spiritus humanus quædam conditionis suæ excellentia, huic mutabilitati quæ deorsum est supereminet, quasi creatus in origine æternitatis, & ideo ad illam, quæ est apud Deū immutabilitatem, nondum peruenit, quamvis perungere possit cum Angelis. Spiritus enim noster cōuenit cum temporalibus in hoc, quod secundum operationes aliquas est mutabilis, & in eis successiones patitur. Vnde in libro de spiritu & anima dicitur: Si spiritus noster in his qui deorsum transeunt se per cupiditatem immerferit, statim per infinitas distractiones siue itinera rapietur, & seipso quodammodo diuisus dissipabitur, & ideo quoad istas operationes, temporalis efficitur, quia tempore mensuratur.

De hac instabilitate & mutabilitate dicit Hugo de arca Noe sic: Dum cor nostrum, siue spiritus noster per desideria fluere cœperit, quasi in tot diuisum est, quot sunt ea quæ concupiscit. Hinc nascitur motus sine stabilitate, labor sine requie, cursus sine peruatione, ita ut semper sit inquietus spiritus noster, donec illic inhærere cœperit, ubi desiderio suo nihil deesse gaudeat, & ea quæ diligit, semper mansura confidat & credat. Hæc ille. Ex quo concluditur, quod necesse est, quod spiritus humanus habeat aliquas operationes, quæ maneant secundum suam substantiam, licet vna alteri succedat. Quod accidit, ubi sunt operationes intrinsecæ intellectus & affectus, maxime quando in æternis figuntur. quas operationes exercere posset spiritus humanus, etiam si cælum staret, vel si nullum esset tempus, ut patet per Augustinum. nec mirum cum sit spiritus humanus supra tempus, existens in carne temporali. Dicit enim Gregorius in Moralibus: Subleuata mens, idest spiritus, extra terminos temporum ducitur, etiam cum a carne in tempore tenetur. & in libro de spiritu & anima: Si spiritus humanus ab hac infima distractione, quæ deorsum est, erexit se, & hæc infima deferens, atque paulatim se in vnum colligens, secum esse dicerit, tantò amplius in vnum colligetur, quantò magis desiderio & cognitione sursum eleuabitur, donec tandem omnino immutabilis sit, & ad illam veram & vnicam, quæ apud Deum est, immutabilitatem perueniat, ut perpetuò sine omni mutabilitatis vicissitudine requiescat; iam in intrinseco Domini perfecte collocatur. Hæc ille. Ex his patet, quod sicut spiritus humanus ex inordinato amore tempo-

ralium aggrauatus, descendit ab æternis per aliqua itinera iniquitatis deorsum ad temporalia; sic spiritus humanus ex ordinato amore æternorum alleuiatus ascendit sursum, per itinera rectæ æquitatis ad æterna. Et sicut ille per septem itinera obliqua descendit ad temporalia: ita iste per septem itinera recta ascendit ad æterna, propter quod itinera æternitatis nuncupantur.

Itinera ergo æternitatis ducentia ad intrinsecum secretum, & æternale manerium Domini sunt hæc, scilicet æternorum recta intentio, æternorum studiosa meditatio, æternorum limpida contemplatio, æternorum charitatiua affectio, æternorum secreta reuelatio, æternorum experimentalis prægustatio, æternorum Deiformis operatio.

Ad itinerandum autem in his septem itineribus æternitatis, Dominus amorose inuitat spiritum humanum, ostendens & promittens ei septem adminicula, cooperantia ad ambulandum in itineribus æternitatis. Istam autem inuitationem mens humana diligenter aduertat. Quia sicut dicit Vercellensis super Cantica: Nihil est quod ad continuos sponsæ profectus eam promoueat efficacius, quàm Deū imitari, & ab eo inuitari effectiue. Hoc quidem exercitio continuo vniiformiter proficiunt cælestes substantiæ, quæ non cessant post sponsum ingredi. Totus enim cursus amoris in assidua & continua huiusmodi inuitatione consistit, ut in fine libri Cantico- rum patet. dicit ergo: Surge, propera amica mea, & columba mea, formosa mea & veni. Amica, quia amans & amata. Ego enim diligo diligentes me. Columba mea, quia spiritu simplicitate sicut scriptum est in Matthæo: Estote simplices sicut columbæ. Formosa mea, quia ad imaginem & similitudinem Dei facta, ut dicitur in Genesi. Surge igitur a temporalibus ad æterna tendendo, & propera, æterna inuestigando, & veni, æternitatem meam ingrediendo. Huius petitionis reddit causam, dicēs: Surge, propera amica mea & veni, quia iam est itinerandi opportunitas temporanea, quia iam hiems transijt peccati infrigidantis, & itinera ambulantium obliquantis. Quia iam est itinerū optata facilitas, quia iam imber abiit & recessit, curæ distrahentis & itinerantes impediētis. Quia iam est itinerantium amœna iucunditas, quia iam flores apparuerunt in terra nostra. Quia iam tempus vernale venit, ex præsentia diuini solis in terra nostræ carnis. Quia iam est perambulantium alleuiata agilitas, quia iam tempus putationis aduenit, quo spiritus noster exoneratur ab omnibus superfluis & vanis. Quia iam est viarum reuelata veritas, quia vox turturis audita est in terra nostra verbi incarnati, omnem veritatem docētis. Quia iam est viatici desiderari sarietas, quia ficus prouult grossos suos, scilicet Pater fons dulcedinis, Filium panem omnis suauitatis, & Spiritum sanctum potum sobriæ ebrietatis. Quia iam est mediæ odorifera suauitas: quia vineæ florentes odorē suum dederunt, idest potentiæ secundæ dederunt odorem bonæ famæ ex operibus odoriferis, quia bonus odor Christi sunt. Igitur surge, propera amica mea & veni. Vnde dicit Origenes: Quis iam non surget? quis non properet? aut quis non veniet ubi tot vilitatum insignia concurrunt? Singula istorum adminiculorū applicabuntur singulis itineribus, ut patebit infra, & hæc itinera abscondita sunt a sapientibus & prudentibus huius mundi, & reuelata sunt paruulis, idest humilibus. Vnde dicit Habacuc: Incuruati sunt colles mundi, idest sapientes, ab itineribus æternitatis eius, idest obliquati sunt a vijs rectis æterni Dei: quia qui a recta via declinant, quantò plus vadunt, tantò plus a termino rectæ viæ recedunt. & quantò plus se sapientes mundi ab æterna veritate auerunt, tantò plus facti in temporalibus, euauerunt dicentes illud Sapientiæ: Sol intelligentiæ non est ortus nobis, lassati

*Hug. lib. 2. de arca mo-  
rali in pro-  
logo cir. fi.*

*Aug. 12. c. 11.  
fess. c. 11.  
20. 1.*

*Aug. de sp. & ani. ubi  
sup. proxi.*

*Cant. 2. c*

*Prom. 8. b*

*Mat. 10. b*

*Gen. 1.*

*2. Cor. 1. d*

*Habac. 3. a*

*Sap. 5. a*

laffati fumus in via iniquitatis, viam Domini ignorauimus. Cum ergo Augustinus 14 & 15. de Trinitate dicit, quod spiritus noster ad imaginem & similitudinem Dei æterni sit, & ex hoc æternitatis capax sit, & ex hoc sortiatur quandam iam participationē, dum etiam secundum substantiam, & secundum aliquas operationes intrinsecas sit supra tempus: quia in æuo quod est quædam æternitatis participatio, vt supra dictum est; ideo spiritus noster humiliatus & contritus, & a Deo amorose inuitatus ad veniendum per itinera æternitatis, ad suum intrinsecum secretum, & æternale manerium, secure & gaudens cum

*Psal. 138. d*

**D E I T I N E R I B V S,**  
quibus ad illud intrinsecum secretum, &  
æternale manerium in Christo  
acceditur.

*De primo itinere æternitatis.*

**P**RIMUM igitur iter æternitatis, quod est æternorum recta intentio, spiritus humanus desiderio æternorum ab omnibus alleuiatus, & ad perambulandum incitatus & expeditus, primò aggrediatur vñ æternum intendendo, vñ æternum attendendo, vñ æternum ingrediendo, in vñ æterno permanendo, propter vñ æternum quod est optimum & vñ necessarium, & finis quietans, & consummans multitudinem omnium desideriorū in vñ, quod non auferetur ab eo in æternum, vt patet in Luca. Sed quia nemo caute itinerat, qui vias itineris ignorat, ideo ad cognitionem istius viæ siue itineris, quod est æternorum recta intentio, oportet sex considerare per ordinem.

*Luc. 10. g*

Primum est, quæ sit necessitas istius itineris, & quare alijs itineribus præmittatur.

Secundum est, quid sit intentio, & a qua potentia animæ oriatur.

Tertium est, qualiter intentio nostra rectificetur, & Deiformis, & æterna efficiatur.

Quartum est, per quæ signa intentio recta simplex & perfecta cognoscatur.

Quintum est, qualiter per intentionem rectam spiritus humanus ad intrinsecum & æternale manerium Domini Iesu accedat & ingrediatur.

Sextum, qualiter spiritus humanus ad veniendum per iter illud, ad intrinsecum æternum Iesu dulciter & amanter ab eo inuitatur.

*Quæ sit necessitas istius itineris, & quare alijs itineribus præmittatur. Distinct. 1.*

**P**rimò igitur videndū est, quæ sit necessitas istius itineris, quod est æternorum recta intentio, & quare alia itinera præcedat. Circa quod notandum est, quod cum intentio finem actionis, & itineris nobis præostendat, vt dicit Gregorius 28. Moral. vbi sic dicit: Intentio priusquam se in actione exercent, hoc iam quod appetit contemplantur. Item cum intentio actionem dirigat nostram in operatione, vt dicit Gregorius ibidem, vnaquæque actio intentionem suam quasi intuentem oculum sequitur. Item cum intentio operi nostro, quasi fundamentum finale præstituitur, vt dicit Gregorius 28. Moral. vbi dicit: Sicut fabrica columnis, columnæ autem basibus fulciuntur, ita vita nostra virtutibus, virtutes vero intima intentione subsistunt. Ideo rationabiliter iter intentionis

*Gregor. 28.*

*Moral. c. 6.*

*post med.*

*Ibidem.*

*Ibid. paulo post.*

**A**lia itinera præcedere debet. Vnde Gregorius ibidem dicit: Vigilanti cura per cuncta opera intentio nostra nobis pensanda est, vt nihil temporale in his, quæ agit appetat: sed totum se in soliditatem æternitatis figat: ne si extra fundamentum nostræ actionis fabrica ponatur, totum opus in nihilum soluatur: quia etiam summa opera inaniter fiunt, si intentiones cordium extra æternitatis rectitudinē deficiunt. Hæc ille. Et ibidem dicit: Si recta intentio in operatione non tenetur, totum opus amittitur & deturpatur: Si autem recte intendimus, bonum opus efficitur, etiam si minus bonum extra videatur. Plane ergo patere potest istius itineris necessitas in ordine respectu aliorum.

*Quid sit intentio, & a qua potentia animæ oriatur. Distinct. 11.*

**S**ecundò videndum est, quid sit intentio, & a qua potentia animæ oriatur. De quo notandum est, quod sicut dicit Anselmus lib. de concordia præscientiæ, & liberi arbitrij. Voluntas est instrumentum seipsam mouēs, & omnia alia instrumenta, quibus sponte vtimur, & quæ sunt in nobis, vt manum, linguam, visum, & cetera huiusmodi, & quæ sunt extra nos, vt stylum, securim, & cetera huiusmodi, & facit omnes voluntarios motus: ipsa vero se suis affectionibus mouet in finem desideratum, & ideo sola voluntas elicit actum intentionis propriæ dictæ & principaliter, sed a ratione siue intellectu dirigente siue dictante. Et nota, quod hæc intentio non fit sine amoris desiderio: quia quantò maior est amor finis, tantò vehementior est motus intentionis in finē, ita quod amor mouet in finem desideratum, sed intentio omnia per quæ amor potest consequi hunc finem desideratum, ordinat, & disponit ad illius finis consecutionem.

**V**nde Glossa super illud Psalmi: In laqueo isto quem absconderunt, dicit, quod pes animæ est amor, & eo mouetur anima ad locum, quasi ad terminum ad quem tēdit, id est ad dilectionem bonam vel malam, quo se peruenisse ad amorem lætatur. amor autem est actus voluntatis.

*Psal. 9. d*

**E**x quo patet, quod intentio propriæ & principaliter, est actus voluntatis, vt elicientis, & libere ordinatis, & mouentis in finem, & a ratione directus. Et nota, quod ista intentio vt est a voluntate per gratiam formata, non solum actualis, sed & habitualis facit actum & opus meritorium. Cuius ratio est, quia præter naturalem bonitatem, quæ est in actu voluntatis, eo ipso quo est ens, tota alia bonitas ipsius est ex eius sufficienti ordine intentionis ad debitū finem. Tunc autem debiti finis est sufficiens ordo, quando ex parte agentis per intentionem bonam, fit ordinatio actus sui in debitum finem, & quando ex parte actus est, quod sit ordinabilis ad illum finē, vt per ipsum possit finis acquiri, id est quod actus sit de genere bonorum. talis enim ordo includit bonitatem esse in actu, quæ sibi debetur ex obiecto debito, & ex forma debita, quæ est charitas, & ex circumstantia, & ex debito fine. Deficiente autem altero istorum, actus vitiosus est. Ex quo patet, quod etiam actus indifferēs per ordinationem debitam in debitum finem fit meritorius: quia intentio recta si sit actualiter a voluntate elicitā mediante gratia, addit aliquam bonitatem supra habitum, cui debetur præm. um substantiale. Per actus enim voluntatis elicitos ex gratia, meremur vitam æternam. Ex his etiam patet, quod intentio actualis est perfectior & magis meritoria habituali, quia addit aliquam bonitatem supra habitualē. Vnde Gregorius 28. Moral. dicit: Sicut lucerna corporis est oculus carnalis lucens toti corpori, ita per radiū intentionis illustrantur itinera actionis. Nam dicit Dominus: Intētio sicut lucerna fulgoris illuminabit te.

*Intentionis descriptio.*

*Intentio actualis maioris est meriti, quā habitualis.*

*Gregor. 28. Moral. c. 6. post med. Luc. 11. e*

*Qualiter*

*Qualiter intentio nostra rectificetur, & ex hoc  
Deiformis, & æterna efficiatur.  
Distinct. 111.*

**T**ertio videndum est, qualiter intentio rectifi-  
cetur, & ex hoc Deiformis & quasi æterna efficia-  
tur. De quo notandum est, quod sicut dicit Hugo li-  
bro 1. de arca Noe: Cor hominis quod prius amore  
diuino stabile & fixum in æternitate persistit, quia  
vnum amando vnum permansit, postquam per desi-  
deria terrena defluere cœpit, quasi in tot diuisum est,  
quot ea sunt quæ concupiscit. ergo secundum diuer-  
sitatem concupiscentiæ siue amoris erit diuersitas in-  
tentionis. Vnde Bernardus super Cantica ostendit,  
quod si amans turpia appetit, etiam intentio turpis  
erit, & fœdans faciem animæ vel spiritus, & si hone-  
sta, etiam intentio honesta erit. Vnde Bernardus  
ibidem describit diuersas intentiones, secundum di-  
uersas affectiones.

*Hugo lib.  
1. de arca  
Noe in pro-  
logo.*

*Bernardus in  
Canticis. Ser.  
40.*

*Diuersifica-  
tur intentio-  
nes iuxta  
diuersitatem  
affectionum.*

*Phil. 3. d*

Primò ergo secundum Bernardum, est quædam in-  
tentio peruersa & iniqua: ut illa quæ procedit ex vo-  
luntate affectata carnaliter, siue ex amore carnali tē-  
dens ad finem, qui contrarius est vltimo fini & æter-  
no, ut est intentio illorum, qui terrena sapiunt, quo-  
rum Deus venter est, qui intendunt gulæ, ut magis  
possint exercere adus luxuriæ. Talis intentio est ob-  
stinatior in temporalium amore. Vnde Bernardus  
ibidem dicit: Tendere non in Deum, sed in sæculum  
secularis animæ est, ut dictum est, & habet talis fa-  
ciem fœtidissimam fœtore peccati.

Secundò est intentio quædam ficta & falsa, ut quæ  
procedit ex voluntate affectata mendaciter tendens  
in Deum apparenter & false & non vere, quia pro-  
pter fauorem hominum, de qua dicit Bernardus ibi-  
dem: Tendere quasi in Deum, sed non propter Deum,  
hypocritæ plane animæ est, omnem decorem animæ  
exterminantis, & totam illam fœdantis propter tur-  
pitudinem hypocrisis.

*Ambrosius lib. 7.  
in Luc. cap.  
15. 10. 3.  
Bernardus ibid.  
ubi supra  
prox.*

Tertio intentio quædam est obliqua & mercena-  
ria, ut quæ procedit ex voluntate affectata pusillani-  
miter tendens in Deum non propter Deum, sed pro-  
pter præsentis vitæ necessaria, ex qua recuratur ad  
se. Vnde mercenaria est, quia veris filijs non conue-  
nit, ut patet per Ambrosium, qui dicit in Glossa Luc. 15.  
sic: Filius, qui habet sancti Spiritus pignus, in corde  
secularis mercedis lucra non quærit, sed seruat ius  
heredis. De hac intentione dicit Bernardus ibidem:  
Si autem intentio solum vel maxime ob vitæ præsen-  
tis necessaria, se ad Deum conuertit, non quidē fœce  
hypocrisis fœtidam, pusillanimitatis tamen vitio di-  
cimus obscuram & minus acceptā eo quod non quæ-  
rit Deum propter se. ideo prædicta tria itinera sunt  
obliqua & temporalia, non æterna.

Quartò quædam intentio est recta, quæ est & pro-  
pter Deum principaliter, & propter ipsum directā,  
quæ est actuum bonorum, & hæc procedit ex volun-  
tate affectata spiritualiter, id est estu diuini amoris ca-  
lesfacta. Quæ voluntas sic æstuans, intentionem ad  
consecutionem æterni finis desiderati operando im-  
pellit, liquefaciendo in Deum dirigit, nec eam siste-  
re nisi in Deo æterno finit. Vnde Origenes super  
Cantica dicit: Qui sancto desiderio intus æstuat, ad  
quodlibet opus bonum habilis inuenitur, quia nihil  
duri in corde, id est in intentione portat, quod nō fer-  
uore æstuantis desiderij in Deum liquecat. Hæc Ori-  
genes. Hæc tamen intentio perfectum decorem non  
habet per omnia, quia adhuc circa multa est occupa-  
ta, licet propter Deum. Vnde Bernardus ubi supra  
dicit: Porro in aliud tendere quàm in Deum, & ta-  
men propter Deum, non otium Mariæ, sed Marthæ  
negotium est. Absit autem, ut quæ huiusmodi est,  
quidquam dixerim illam habere deforme, nec tamē  
ad perfectum affirmauerim peruenisse decoris; quip-  
pe, quia adhuc sollicita est, & turbatur erga plurima,

A & non potest terrenorum actuum vel tenui puluere  
non aspergi, quem tamen facile citoque deterget in ho-  
ra sanctæ deuotionis, vel dormitionis casta intentio,  
& bonæ conscientie interrogatio ad Deum. Hæc Ber-  
nardus super Cantica.

Quintò intentio quædam est recta, simplex, & ma-  
gis immediata, & odore finis æterni dulciter allecta,  
quæ est contemplatiuorum, & illa procedit ex volun-  
tate finis æterni affectiua experimentaliter. Experi-  
mentaliter enim odor vltimi finis, omnia alia aliquo  
modo contemnere facit, ex quo intentionem in nullo  
alio fine quiescere facit, sed eam quantum potest  
vltimo fini immediate vnit. Dicit enim Hugo, quod  
experientia est mater vel magistra intelligentiæ, &  
quod ille optime veritatem nouit, qui eam non au-  
diendo solum, sed etiam gustando & faciendo didi-  
cit. In tali enim experientia intentio non ambulat,  
sed quasi currit. In odorem, inquit Spōsa, curremus  
vnguentorum tuorum. Hæc intentio tendit in Do-  
minum solum immediate quātum potest, & propter  
ipsum; sed ut pluries non totaliter propter ipsum so-  
lum, sed etiam quærit propter se delectari, & conso-  
lari, retinens adhuc aliquid de proprio, ut dicit Ber-  
nardus: & ideo talis intentio diuisa est. Talis clamat  
cum Petro: Ecce nos reliquimus omnia, & secuti su-  
mus te, quid ergo erit nobis? Et cum Psalmista: In-  
clinavi cor meum ad faciendas iustificationes tuas in  
æternum, propter retributionem. Quam tamen in-  
tentionem Dominus non reprehendit, quia nō prin-  
cipaliter quærebat mercedem, sed Domini volunta-  
tem, cum multi tales sint in æterna domo Patris.

*Hugo super  
1. Ang. his  
rare. lib. 7.  
post mod.*

*Cant. 1. a*

*Matt. 19. d*

*Pf. 118. o*

*Luc. 15. d*

Sextò intentio quædam est immediata, simplici-  
cata, & Deificata, & amore finis æterni totaliter attra-  
cta. Et hæc est beatorum in patria, & inde intentio  
fit intentio æterna, & elicitur a voluntate affectata  
Deiformiter. Deificatio autem, ut dicit Bernardus,  
nihil relinquit in voluntate admixtum vel proprium,  
sed totum per intentionem dirigit in Deum. Vnde  
dicit ibidem sic: O pura & defæcata intentio volun-  
tatis, eo certe defæcatior, & purior, quo in ea de pro-  
prio nihil iam admixtum relinquitur, eo suauior, &  
dulcior, quo totum diuinum est quod sentitur. Sic  
affici Deificari est, sic omnem tunc in sanctis qui sunt  
in patria, humanam affectionem, quodam ineffabili  
modo necesse est quiescere, & a semetipsa lique-  
scere, atque in Dei penitus transformari voluntatem;  
alioquin quomodo omnia in omnibus erit Deus, si  
in homine aliquid de homine supererit? manebit  
quidem substantia, sed in alia forma, in alia gloria,  
aliaque potentia. Et videtur sentire Bernardus hoc im-  
possibile fieri, nisi post resurrectionem corporum, cū  
beati adhuc ante resurrectionem corporum, deside-  
rio naturali appetant vñionem corporum suorum.  
Hæc Bernardus. Idem sentit Augustinus de appetitu  
corporum, ut patet lib. 12. super Genesim.

*Bernardus lib. de  
diligendo  
Deo post me-  
dium.*

*Aug. li. 12.  
super Gen.  
6. 35. 10. 3.*

*Per qua signa, recta & simplex intentio cogno-  
scatur. Distinct. 1111.*

**Q**uartò videndum est, per quæ signa recta & sim-  
plex intentio cognoscatur. Circa quod notan-  
dum est, quod huius intentionis aliqua signa  
sunt quasi exteriora, & quoad homines, & quædam  
interiora, & quoad conscientiam. Signa ergo exte-  
riora rectæ & simplicis intentionis, secundum Ori-  
genem exponens illud: Quam pulchri sunt gressus  
tui, &c. sunt quinque. Loquens ergo de multa pul-  
chritudine gressuum intentionalium dicit: Sponsa  
calceata pulcherrime incedit, quasi rectissima in-  
tentione. Post sanctorum exempla incedit calceata,  
sed hypocrita nudo pede incedit, quia Deum sequi-  
tur corrupta intentione, caret enim exemplari pelle,  
vterque tamen ex fructibus suis cognoscitur. Et  
ponit ibi quinque signa rectæ & simplicis intentio-  
nis,

*Cant. 7. a*



nis, per quæ illi ab istis distinguuntur.

**Matth. 6. a** Primum signum est humanæ laudis detestatio, & Dei glorificatio. Vnde Saluator: Cum facis elemosynam, noli tuba canere ante te, sicut hypocritæ faciunt. De hoc dicit Chrysostomus: Tuba est omnis actus, per quem operis iactantia demonstratur.

**Chryf. homil. 13. in Matth. pau** Secundum signum, est sobria tristitia, & exultatio mentis. Vnde Christus dicit: Cum ieiunatis, nolite fieri, &c. ubi Origenes dicit: Non inueni verius signum boni cordis, quàm si erumpat foras dulcedine mentis, & frequentia sobriæ exultationis & tristitiæ.

**Matth. 6. b** Tertium signum est ordo correctionis, ut primò a teipso incipias, & post, alios corripas. Vnde in Matthæo dicitur: Hypocrita eijce primò trabem de oculo tuo, & tunc videbis eijcere festucam de oculo fratris tui. Et Origenes ibidem: Nisi fallar nihil aliud appetis, nisi apparere iustus, dum me corripis & te negligis: aut si me & te corripis, quare a me incipis & non a te?

**Mat. 23. b** Quartum signum est benignitas compassionis. Vnde Saluator dicit: Væ vobis scribæ hypocritæ, qui alijs clauditis regnum cælorum, & imponitis eis graui onera, &c. Gregorius: Qui bonus est corde, benignus est compassione.

**Iob 1. a** Quintum signum est immobilitas mentis, tam in aduersis, quàm in prosperis, quæ ut alter Iob omnia æqualiter acceperat, dicens: Si bona accepimus de manu Domini, cur non similiter & mala? Vnde Gregorius exponens illud Iob 1. Erat simplex & rectus, dicit: Simplex & rectus est ille, qui in aduersis non frangitur, qui ad temporalia non inclinatur vel incuruatur, qui ad superiora totus erigitur, qui Domini voluntati humiliter subiicitur. Hæc Gregorius. Hæc Origenes breuiter enumerat dicēs: Quàm pulchri sunt gressus tui in calcaneo tuo filia principis. Si in operibus, quæ agis laudem humanam vitas, si sobrie exultas, si primo te corripas, si alijs benignitatem exhibeas, si patientiam in aduersis ostendas. Hæc sunt signa exteriora.

**Bernard. de præcep. & disp. c. 17.** Post hæc primò videndum est de signis interioribus rectæ & simplicis intentionis. De hoc nota, quòd Bernardus libro de præcepto, & dispensatione, dicit sic: Ut interior oculus intentionis veræ sit simplex, duo arbitror illi necessaria esse, scilicet charitatem in intentione, & veritatem in electione. Primò necessaria est charitas in intentione. Cuius ratio est, quia charitas intentione ad omnia illa, quæ ad finem sunt principaliter intenta, dirigit & extendit, & per hoc arctius vnit, cum in omnibus vnum intendit, & ad vnum tendit, & omnia quantum potest cum illo vnire querit. Vnde Gregorius in pastoralis dicit: Charitas diuisa vnire consuevit, & cor iusti non diuidi per multa compellit: quod tantò arctius in Deo colligit, quantò illud latius per sancta desideria spargit.

**Bern. ibid.** Secundò ad hoc quòd oculus intentionis sit rectus, & vere simplex, requiritur veritas in electione, quia illa non finit errare circa finem intentum.

**Bern. ser. 6. in Ascens. Dom. post med. Ps. 50. c** Vnde Bernardus ibidem dicit: Quomodo denique simplex erit oculus intentionalis, cum ignorantia veritatis etiam qui bonum diligit, & malum nescius agit? Sed illius non immeritò oculum simplicem duxerim, cui neutrum bonum desit, quia ista duo, oculum intentionis faciunt simplicem, scilicet amor boni, & cognitio veri. Hæc Bernardus. Sic igitur nec charitas intentionem finit ante finem intentum, stare, nec veritas finit eam circa finem errare. Veritas enim non amat angulos, nec ei diuersoria placeant, ait Bernardus. Igitur opus per intentionem bonam agitur, quando illa charitate & veritate munitur. Spiritum igitur rectum innoua in visceribus meis.

**A Qualiter per intentionem rectam & simplicatam Spiritus humanus ad intrinsecum, & æternale manerium Domini Iesu accedat, & ingredietur. Distinct. V.**

**Q**uintò videndum est, qualiter per intentionem rectam & simplicatam, spiritus humanus ad intrinsecum & æternale manerium Domini Iesu accedat, & ingredietur. De hoc nota, quòd cum recta & simplex intentio sit quædam tendentia recta sine obliquitate, & simplex sine admixtione, in æternitatem a voluntate desideratam, & a ratione dictatam, consequens est, quòd intentionis tendentia continua est æternitatis consideratæ approximatio, & attingentia continua. Vnde Hugo libro 1. de arca Noe dicit sic: Hoc est ad Deum tendere, semper eum per desiderium querere, per cognitionem inuenire, & per gustum tangere. Intentio charitate & veritate munita, omnia temporalia derelinquat, & ad æternam redeat, donec intentio tentio fiat, ut dicere possit: Inueni quæ diligit anima mea, tenui eum nec dimittam, donec eum introducā in omnes mentis capacitates, tam communes quàm singulares, ubi intentio omnibus inferioribus superfertur, extra mundū constituitur, in æternis collocatur & quietatur. Vnde Gregorius 25. moral. dicit sic: Si semel in appetitione cælestis patriæ forti stabilitate animus pro intentione figitur, minus rerum temporalium perturbatione vexatur. A cunctis quippe exterioribus motibus eandem intentionem suam quasi quædam secretum secessum petit, ibique incommutabili inhaerens & mutabilia cuncta transcendens, iam ipsa tranquillitate quietis suæ in domo, scilicet in mundo, extra mundum est. Excedit quippe omnia ima, intentione summorum, & cunctis rebus quas non appetit, libertate quadam superesse se sentit, nec tempestatem rerum temporalium intus sustinet, quam intuetur foris; quia terrena omnia quæ concupita opprimere mentem poterant, despecta subitus iacent. Vnde per prophetam dicitur: Statue tibi speculam, quia dum quisque speculatur summa, supereminet infimis. Hæc Gregorius. Si igitur spiritus noster in se bene ordinatus, cum omnibus actionibus in vnum se colligat, sursum ad æterna tendat, & licet quoad aliqua instabilis permaneat, intentione tamen in æternitate stabilis persistit, quæ non nisi in æternis stabilitur. Dicit Gregorius, & Hugo libro 4. de arca Noe. Quādiu homo ordinem suæ naturæ tenuit, quamvis per actionem variaretur, interius tamen per intentionem & amorem stabilis permansit; quia vnum intendebat, & propter vnum omnia faciebat, vnum diligebat, & omnium voluntatum atque actionum suarum finem ad vnum referebat creatorem suum, qui solus sufficiebat. Hæc ille. Et Basilii exponens illud Lucæ, Porro vnum est necessarium, dicit: Vniuersalis est vita Christiana, ad vnam tendens intentionem, scilicet gloriā Dei: multiformis vero & varia est vita eorum quæ de foris sunt, pro libitu suo variata.

**B** Hugo libro 1. de arca Noe dicit sic: Hoc est ad Deum tendere, semper eum per desiderium querere, per cognitionem inuenire, & per gustum tangere. Intentio charitate & veritate munita, omnia temporalia derelinquat, & ad æternam redeat, donec intentio tentio fiat, ut dicere possit: Inueni quæ diligit anima mea, tenui eum nec dimittam, donec eum introducā in omnes mentis capacitates, tam communes quàm singulares, ubi intentio omnibus inferioribus superfertur, extra mundū constituitur, in æternis collocatur & quietatur. Vnde Gregorius 25. moral. dicit sic: Si semel in appetitione cælestis patriæ forti stabilitate animus pro intentione figitur, minus rerum temporalium perturbatione vexatur. A cunctis quippe exterioribus motibus eandem intentionem suam quasi quædam secretum secessum petit, ibique incommutabili inhaerens & mutabilia cuncta transcendens, iam ipsa tranquillitate quietis suæ in domo, scilicet in mundo, extra mundum est. Excedit quippe omnia ima, intentione summorum, & cunctis rebus quas non appetit, libertate quadam superesse se sentit, nec tempestatem rerum temporalium intus sustinet, quam intuetur foris; quia terrena omnia quæ concupita opprimere mentem poterant, despecta subitus iacent. Vnde per prophetam dicitur: Statue tibi speculam, quia dum quisque speculatur summa, supereminet infimis. Hæc Gregorius. Si igitur spiritus noster in se bene ordinatus, cum omnibus actionibus in vnum se colligat, sursum ad æterna tendat, & licet quoad aliqua instabilis permaneat, intentione tamen in æternitate stabilis persistit, quæ non nisi in æternis stabilitur. Dicit Gregorius, & Hugo libro 4. de arca Noe. Quādiu homo ordinem suæ naturæ tenuit, quamvis per actionem variaretur, interius tamen per intentionem & amorem stabilis permansit; quia vnum intendebat, & propter vnum omnia faciebat, vnum diligebat, & omnium voluntatum atque actionum suarum finem ad vnum referebat creatorem suum, qui solus sufficiebat. Hæc ille. Et Basilii exponens illud Lucæ, Porro vnum est necessarium, dicit: Vniuersalis est vita Christiana, ad vnam tendens intentionem, scilicet gloriā Dei: multiformis vero & varia est vita eorum quæ de foris sunt, pro libitu suo variata.

**E** Qualiter spiritus ad veniendum per iter rectæ & simplicis intentionis ad æternum intrinsecum Domini Iesu dulciter ab eo inuitatur. Distinct. VI.

**F** Qualiter spiritus ad veniendum per iter rectæ & simplicis intentionis ad æternum intrinsecum Domini Iesu dulciter ab eo inuitatur. Distinct. VI.

**S**extò videndum est, qualiter spiritus ad veniendum per iter rectæ & simplicis intentionis ad æternum intrinsecum Domini Iesu, dulciter ab eo inuitatur, dicente sponso in Canticis: O amica mea propter intentionis tuæ simplicitatem, tam in quiete interioris contemplationis, quàm in exercitio exterioris actionis, & in consolatione Angelicæ allocutionis me solum intendeabas, cum me in lectulo quæfisti, ciuitates circuisisti, vicos perambulasti, custodes Angelicos sustinuisti, quare pertransitis his omnibus singularis me singulari-

Hugo lib. 1. de arca Noe cap. 4. cir. med.

Cant. 3. b

Hier. 31. d

Hug. lib. 4. de ar. mor. c. 5. statim a princ.

Luc. 10. g

Cant. 2. 6

Cant. 3. a

# 154 De septem itineribus æternitatis.

singulariter inuenisti & tenuisti? Surge, si enim amica mea es, surgendum est tibi, per tuę intentionis stabilitatem ad me incessanter tendendo, quia & si me ut amicum inuenisti, nondum tamen ad plenum cognouisti. Quære ergo faciem meam semper cū Psal-  
*Psal. 26. c* mista. Quia qui sine fine est amandus, sine fine est quærendus, ait Augustinus in glossa. O columba mea propter intentionis simplicitatem & unitatem.  
*Cant. 6. c* Vna enim est columba mea, quæ ut dicit Vercellensis ibidem vnica simplicem habens intuitum. unde signat puram intelligentiam contemplans diuinam simplicem essentiam, ex quo simplificada magis fuit, sicut scriptum est: Estote simplices sicut columbæ. Properea propter intentionis tuę agilitatem  
*Matt. 10. b* mihi continue approximando, quia per continuum desiderati finis intentionem, consequeris continuam approximationem ad me, qui sum principium & finis. Principium te liberaliter creans, finis te finaliter quietans. O formosa mea, propter intentionis tuę Deiformitatem. Ipsa enim intentio ait Dominus,  
*Luc. 11. c* quasi lucerna fulgoris illuminabit te, ut iam nihil proprium in te relinquens, quod in me amorose non ordinaueris, propter quod tota pulchra es amica mea, & macula non est in te. Veni igitur ad meam diuinitatem, quia intentionis tuę tendentia nõ quiescit nisi in mea æternitate, quæ est secretum meum  
*Mat. 24. b* intrinsecum & æternale manerium. Veni autem, quia iam est itinerandi temporanea opportunitas, quia iam hiems transijt. Quod Vercellensis exponens ait: Hiems multiplici intemperie itinerantes præpedit. Vnde Dominus ait: Orate, ne fuga vestra fiat hieme vel sabbato. Hiemis igitur nomine, inquit Vercellensis, intelliguntur qualibet impedimenta, vel offendicula itinerum æternitatis. Horum autem itinerum offendicula, sunt concupiscentia carnis, & concupiscentia oculorum, & superbia vitæ, cum omnibus familiaris suis, sed hæc omnia iam sunt diminuta, quia iam hiems transijt. Hæc ille. Et ætas solis æterni incarnati Verbi, iam in terra nostra apparuit, & ideo iam temporanea itinerandi est opportunitas, ideo dicit Vercellensis: Hæc itinera sibi carpit Sponsa per totam seriem Canticorū Sponso vocante, illuminante, adiuuante, supportante, & amplexante, cælestibus paranymphis obsequia sua impendentibus. Hæc ille. Veni ergo o amica mea, quia iam hiems peccati intentionis tuę ascensum retrahentis transijt. Veni columba mea, quia iam hiems peccati intentionis tuę agilitatem retardantis, abiit. Veni formosa mea, quia iam hiems peccati intentionem pulchritudinis tuę deturpantis, recessit. Veni autem amica mea, per intentionis tuę singularitatem, ut me æternaliter amplexeris. Veni columba mea, per intencionis tuę Deiformitatem, ut me æternaliter fruaris. Ego enim perpetua dilectione dilexi te. Ad quam fruitione æternam nos perducatur, qui in æternum regnat æternus Deus, in æternum benedictus. Amen.

**A** Quartum est, qualiter spiritus humanus in itinere meditationis Deum alloquatur.

Quintum est, qualiter allocutio diuina intrinseca a nostra meditatione distinguatur.

Sextum est, qualiter spiritus humanus per iter meditationis æternitatem Domini Iesu ingrediatur.

Septimum est, qualiter spiritus humanus ad veniendum per iter meditationis, ad æternitatem a Iesu inuitatur.

*Qualiter iter studiosæ meditationis iter rectæ intentionis sequatur, & de necessitate huius itineris.*  
*Distinct. 1.*

**P**rimò igitur notandum est, qualiter iter studiosæ meditationis, iter rectæ intentionis sequatur, & quæ istius itineris sit necessitas. De quo notandum est, quod cum radius rectæ & simplicis intentionis, spiritu humano æternum & beatificum finem omnis consolationis vel consummationis, quasi speculatiue præostendat, quod necessarium est, quia nisi spiritus humanus finem illum aliquo modo præcognosceret, nesciret quo tenderet, vel ubi quiesceret, & nisi illum finem aliquo modo desideraret & inueniret, numquam quærere curaret, sed vagus & profugus super terram, ut alter Cain a facie Domini proiectus, numquam stabilis permaneret, ut dicit Hugo libro 1. de arca Noe, meditatio studiosa per omnia discurrendo ad hunc finem intentum inuestigando, quasi practice quærat, & inueniat, & spiritum ad illum cum animi ratione, & exultatione nõ desistat adducere; ideo rationabiliter immo necessario iter meditationis immediate sequitur iter intentionis. Vnde Richardus dicit: Meditationis studium est semper quouis industria labore, qualibet animi difficultate, ardua quæque apprehendere, obscura irumpere, occulta penetrare, donec veritatem diu quæsitam inueniat, & animum suum spiritum ad veritatis contemplationem, cum admiratione & exultatione adducat. Hæc ille. Hæc etiam duo itinera mutuo se iuant. Intentioni duo sunt necessaria, scilicet amor boni, & cognitio veri, ut supra dictum est; sed meditatio hæc duo augmentat, & confortat suo feruore, quia secundum Psalmistam: In meditatione mea exardescet ignis, quia intencionem ad cognitionem veri illuminat, & quoad desiderium boni finis inflammat, ex quo intencio meditationem in finem intencum & desideratum rectius dirigit, & vehementer impellit. Item intentio finem itineris ostendit, meditatio vero viam ad summam æternam pandit, & quæ sint necessaria itineri prouide disponit. ait Bernardus. Ex his patet, quare iter meditationis sequatur iter intencionis, & eius necessitas.

*Quid sit meditatio, & qualiter a cogitatione distinguatur.*  
*Distinct. 11.*

**S**ecundò videndum est, quid sit cogitatio, ne spiritus humanus per viam cogitationis, pro via meditationis iter arripiat. Oportet scire quid sit cogitatio, & quid meditatio, & qualiter inter se distinguantur. De quo nota quod Richardus dicit sic: Sciedum, quod vnam, eandemque materiam habentia, aliter per cogitationem intuemur, aliter per meditationem rimamur. Multum enim a se invicem differunt hæc, quamuis quandoque in materia conueniant. Et ideo dicit Richardus ibidem: quod cogitatio est ipsius animi aspectus, ad euagationem pronus. Ipsa enim singulis pene momentis consuevit se ad inepta & friuola relaxare, & sine ullo discretionis freno ad omnia se ingerere, vel precipitem dare. Meditatio vero, ut dicit idem, est studiosa mentis intentio, ad inuestigandum diligenter intendens, & est prouidus animi intuitus, ad veritatis inquisitionem vehementer occupatus. Ex his patet multiplex istorum differentia,

## DE SECUNDO ITINERE æternitatis.

**S**ECUNDVM iter æternitatis per quod spiritus humanus tendit ad intrinsecum secretum, & æternale manerium Domini Iesu, idest ad æternam eius diuinitatem, est æternorum studiosa meditatio. De quo itinere sunt septem per ordinem notanda. Primum est, qualiter iter studiosæ meditationis immediate iter rectæ intentionis sequatur. Secundum est, quid sit meditatio, & qualiter a cogitatione distinguatur. Tertium est, qualiter in itinere meditationis Deus spiritum humanum illuminet, & confabuletur.

rentia, vt ostendit Richardus ibidem dicens: Prius differunt, quia cogitatio per diuersa quæque lento pede graditur, sine respectu peruentionis, passim huc illucq. vagatur. Meditatio vero sæpe per ardua, & aspera ad directionis finem cum magna animi industria peruenire nititur. Secundò differunt, quia cogitatio serpit; meditatio incedit, & vt plurimum currit. Tertiò differunt, quia cogitatio est sine labore, & fructu; meditatio vero cum labore, & fructu. Quartò differunt, quia cogitatio semper vagis motibus de vno in aliud transit; meditatio autem semper circa vnum aliquod incessanter incedit. Quintò differunt, quia cogitatio oritur ex imaginatione, & ideo quandoque est sine ratione. Ad cuius intellectum

*Rich. in lib.  
Beniam. mi  
ser. c. 26.*

nota, quòd sicut dicit Richardus, duplex est imaginatio. Vna est bestialis, alia rationalis. bestialis sine utilitate, & deliberatione huc illucq. discurret, quod & bestia facere potest. Rationalis autem, est illa qua imaginamur diuersa, componendo vel diuidendo prout volumus, quòd bruta non possunt sic facere. Meditatio enim oritur ex ratione; vnde quandoque transit in contemplationem per admirationem, & exultationem. Hæc ille. Et sic apparet, quid sit cogitatio, & quid meditatio, & qualiter inter se differunt & conueniunt. vnum tamen pro altero frequenter ponitur, quia cogitatio in meditationem conuertitur, vt dicit Richardus.

*Rich. lib. 1.  
Beniam.  
maior. de  
contempl.  
c. 4.*

*Qualiter in itinere meditationis Deus spiritum  
humanum illuminet, & alloquatur.  
Distinct. 111.*

**T**ertiò quia allocutio diuina illuminans mirabiliter a montibus æternis, mentem hominum ad ambulandum ad æterna inducit, & alleuiat viam: ideo notandum est, qualiter in itinere meditationis Deus spiritum humanum alloquatur, & de æternis quandoque quasi confabuletur, ne sicut dicit Bernardus, itinerantes laboribus fangetur, sermonibus delectati. Dicit namque Bernardus super Cantica sic: Deus quasi viator quispiam itinerantibus sese associans, iucundis confabulationibus suis, a labore viæ omnem hominem releuat & commutat, ita vt eo discedente loquantur: Nonne cor nostrum ardens erat in nobis, dum loqueretur nobis in via? Hæc ille.

*Bernard. in  
Cant. ser. 31*

*Luc. 24. c.*

Primo ergo videndum est, qualiter Deus in meditationibus nostris cum spiritu nostro loquatur & confabuletur. De quo notandum, quòd Dionysius in principio Angelicæ hierarchiæ dicit: Pater æternus lumen generat simplicissimum in essentia, & ipsum vniuersale lumen ab ipso Patre prodiens, ad communicandum sui cognitionem & participationem, non solum admittit cælestes mentes, sed & ad nos per distributionem bonitatis suæ venit, vt nos ab infimis separatos, suscitet ad sui desiderium & cognitionem, & remota mentis distractione, conuertit nos ad congregantis Patris visionem æternam. Hæc ille. Et hoc est lumen, quòd illuminat omnem hominem venientem in hunc mundum, quantum in se est: sed diuina

*Ioan. 1. a*

*Greg. lib. 2.*

*Moral. c. 4.*

*ante med.*

*Aug. de tri*

*pl. hab. c. 5.*

*ante med.*

*10. 9.*

*Gregor. ubi*

*sup. proxi.*

*& lib. 35.*

*Mor. c. 3.*

*Greg. li. 27*

*Mor. c. 13.*

*post med. in*

*sensu.*

*Psal. 84. c*

illumino, est inspirata Dei locutio. Vnde Gregorius 2. Moralium dicit: Quasi enim audiētibz dicitur, quòd videntibus inspiratur. Et Augustinus de triplici habitaculo, dicit sic: Dei locutio est occulta inspiratio, qua mentibus suam voluntatem, & suam veritatem ostendit visibiliter. Sic & Gregorius 2. Moral. ostendit, quòd Deus nos alloquitur per inspirationem mentis intrinsecam. Vnde & 35. Moral. dicit sic: Loquitur quippe Deus intrinsecus silenter, sonans inuisibili lingua compunctionis, & quāto plenius intus auditur, tantò ab exteriorum desideriorum strepitu perfectius audiens auertitur, vt cum propheta David dicat: Audiam, quid loquatur in me Dominus Deus, &c. In his qui conuertuntur ad cor, id est mentem, in qua Deus tamquam in imagine sua

A habitare dignatur. Quomodo autem ibi habitaret æternus, & non loqueretur de æternis?

Secundò nota quis diuinam allocutionem audiat. Ad hoc respondit Dominus dicens: Qui habet aures audiendi audiat. Et in Apocalypsi: Qui habet aures audiendi, audiat quid spiritus dicat Ecclesijs. Quod exponens Richardus ibidem dicit: Aures audiendi habet ille, qui spiritum habet intelligendi, & affectu diligendi, & promerendi ea, quæ dicuntur vel promittuntur. Vnde Dominus loquens Iudeis surdis quantum ad auditum interiorem, siue sensum spirituales, dixit, quare non cognoscitis loquelam meam? quia non potestis audire sermonem meum, quia ex Deo non estis, sed ex patre diabolo estis, qui in veritate non stetit, & ideo mendax est. sed qui ex Deo est, verba Dei audit, & si quis sermonem meum seruauerit, mortem non gustabit in æternum. sed qui viuunt habet sensus interiores spirituales viuaces, sed tamen non omnes habent eos exercitatos, & apertos ad audiendum verbum Dei. Nisi enim sensus auditus interior excitetur, & a Iesu aperiat, spiritus noster surdus, & mutus ad audiendum efficitur, vt de talibus dicatur illud Psalmi: Aures habent, & non audient Deum intus loquentem, nec enim est spiritus in ore ipsorum ad Deum alloquendum. His concordat Gregorius 27. Moral. ubi dicit sic: Vox Domini auditur, cum gratiæ eius aspiratio mente concipitur, cum sensualitas occultæ nostræ surditatis rūpitur, tunc auditus reparatur. De hoc nota infra in sexto itinere dist. 4.

*Matt. 11. b  
Apoc. 2.*

*Pf. 113. b*

*Greg. 27.*

*Mor. c. 13.*

*in fin. apud*

*paulo post*

*princ.*

Sed qualiter sensus interiores reparantur, & excitantur, docet Apostolus ad Romanos, ubi dicit: Si spiritu facta carnis mortificaueritis, viuetis, scilicet secundum spiritum. Qui autem secundum spiritum viuunt, quæ spiritus sunt sentiunt, id est spiritualia eius sapiunt. Cuius ratio est, quia viuificato spiritu viuificatur & sensus spiritus, vt in spiritualibus exercitentur, & delectentur in eis, scilicet in spiritualibus. quod nō solum verum est de sensu interiori auditus, sed etiam de omnibus sensibus interioribus. Quod etiam probatur in libro de spiritu, & anima, ubi dicitur sic: Cum exterior sensus carnis bono suo vtitur, interior sensus quasi obdormit. Non enim cognoscit bona interioris sensus, qui iucunditate exteriorum bonorum capitur. Nam qui in carne viuunt, in carne sentiunt, & dolores carnis fugit quantum potest, & consolationes querit carnis, sed talis vulnera animæ prorsus ignorat: ideo nec medicinam querit eis. Cum autem mortuus fuerit sensus animæ, quo viuunt in carne, tunc viuificari incipiet sensus interior, quo sentit semetipsum, & tunc sciet dolores suos spiritus, & sentire incipiet sua vulnera, & etiam oblectamenta sua, & tantò perfectius quāto intimius. Hæc ille. Tales ergo cum iam habent interiorem auditum apertum, audiunt Deum in se loquentem, vt dicant illud Psalmi: Ignitum eloquium tuum vehementer, & seruus tuus dilexit illud: & de hoc infra in 6. itinere dist. 3.

*Rom. 8. c*

*Aug. de sp.*

*& ani. c. 9.*

*in fin. apud*

*Aug. 10. 3.*

Tertiò etiam nota quòd sicut patet per Gregorium 2. Moral. Deus non omnes æqualiter alloquitur in meditationibus suis. nec vnumquemque hominem omni tempore æqualiter alloquitur, sed prout vnicuique opus est. Quare & Dominus discipulis dixit: Multa habeo vobis dicere, sed non potestis portare modo.

*Pf. 118. f*

*Gregor. 2.*

*Mor. c. 4.*

*Ioan. 16. b*

Item sciendum est, quòd Dominus multipliciter loquitur nobis, primo aliquando acriter arguendo, dicens: Quos amo, arguo, & castigo. Quod Richardus, & Haymo exponentes dicunt: Vt ad illud quod Dominus suadet, nos perducatur, proponit arguere & castigare quos amat. ideo libenter toleranda sunt eius verba & verbera. Secundò, terribiliter comminando, dicit: Si quis in me non manserit, mittetur foras sicut palmes, & arefcet, & in ignem mittetur & ardet. Tertiò, prudenter docendo, dicit: Vos dixi amicis.

*Apoc. 3. d*

*Ioan. 15. a*

*Ioan. 15. c*

# 156 De septem itineribus æternitatis.

**Chryf. h-** cos. Quare? quia omnia, quæ a Patre meo audiui, nota feci vobis. scilicet quæ necessaria ad salutem fuerunt, ait Chrysostomus. In Matthæo, Aperiens os suum docebat eos, dicens: Beati pauperes spiritu, quoniam ipsorum est regnum cælorum. Quarto, vtiliter suadendo, dicens: Suadeo tibi emere aurum ignitum probatum, ut locuples fias. Per aurum, ut dicit Richardus ibidem, signatur charitas, quæ ut aurum fulget, quæ dilectione feruet, quæ in tribulatione fornacem examinationis sustinet. Hæc ille. Quinto, veraciter promittendo. Vnde ait Dominus: Qui diligit me, sermonem meum seruabit, & Pater meus diligit eum, & ad eum veniemus, & mansionem apud eum faciemus. Hic tria promittit, scilicet, dilectionem, visitationem, & mansionem. Quid maius his? Sexto, dulciter consolando dicens: Comedite amici mei, & inebriamini charissimi. Comedite corpus meum, bibite sanguinem meum, & inebriamini diuinitate mea. Verbum caro factum est, ut cibus angelorum fieret cibus hominum, ait Gregorius. Septimo, familiariter susurrando. vnde in Iob dicitur: Porro dictum est ad me verbum absconditum, & quasi furtiue suscepit auris mea venas susurrij eius. Quod Gregorius exponens. Moral. dicit, quod per verbum absconditum allocutio intimæ aspirationis intelligitur, quæ mentem siue spiritum contingens subleuat, & temporales cogitationes deprimens, hanc æternis desiderijs inflamat, ut nihil nisi superna cogitare libeat, & cuncta inferiora contemnat. Absconditum igitur verbum audire, est locutiones sancti Spiritus in corde concipere, quem mundus audire non potest, quia Spiritum sanctum accipere non potest, qui ad diligenda inuisibilia non assurgit. Hæc Gregorius. *Sequitur.* Et quasi furtiue suscepit auris mea venas susurrij eius, vbi dicit Gregorius: Susurrium occulti verbi est ipsa locutio aspirationis internæ. Venæ autem susurrij, dicuntur earum cogitationes, quibus hæc ipsa aspiratio ad mentem ducitur. Venas igitur superni susurrij auris cordis furtiue suscipit, quando subtilitatem locutionis intime afflata mens raptim, & occulte cognoscit. Nisi enim ab exterioribus desiderijs se abscondat, interna non penetrat, & occultatur ut audiat, & audit ut occultetur. Hæc ille. Verba huius diuini susurrij quandoque sic sunt abscondita & occulta, ut in intimis audita, extra dici non possint. Vnde dicit Gregorius 25. Moral. Riui spiritualium donorum, in amantis mente, ita de cælestibus subtiliter currunt, ut per os carnis explicari non possint. Hæc ergo nemo scit, nisi qui accipit, ait Dominus in Apocalypsi vbi dicit Haymo, qui ad hoc prædestinatus est, vel ut dicit Augustinus ibidem, qui acceperit per experientiam, vel per reuelationem. Et huius allocutionis habuit experientiam, qui dixit: Anima mea liquefacta est, ut dilectus locutus est. Sic igitur apparet, qualiter Deus spiritum nostrum in meditationibus alloquitur.

*Qualiter spiritus humanus in itinere meditationis Deum alloquitur. Distinct. 1111.*

**Q**uarto videndum est, qualiter spiritus noster, siue mens nostra, in meditationibus suis Deum se alloquentem alloquatur. Cum enim Deus, ut iam supra dictum est, spiritum siue mentem nostram in meditationibus quandoque tam amabili-  
**Psal. 118. n** ter & dulciter alloquatur, ut spiritus noster quasi admirando cum Propheta clamet: Quam dulcia faucibus meis eloquia tua super mel ori meo: condecens & necesse est, ut spiritus noster Deum alloquentem se, humiliter & dulciter cum reuerentia, & cum gratiarum actione alloquatur, dicens cum Psalmista: Si immaculatus ero: erunt, ut complacent, eloquia oris mei quantum ad allocutionem exterioriorem: Et meditatio cordis mei in conspectu tuo semper quan-

atum ad allocutionem interioriorem. De hac allocutione dicit Bernardus: Sicut quondam Moyse quasi amicus ad amicum cum Domino loquebatur, & Dominus respondebat, ita & nunc inter verbum & animam, ac si inter duos vicinos, familiaris admodum celebratur allocutio. Nec mirum, ex vno enim fonte amoris vnique influit diligere inuicem, & confoueri pariter. Dulciora ergo melle volant hincinde, totius in se verba suauitatis & mutui feruntur aspectus, sancti indices amoris, cum dicat alter in Canticis: Ecce tu pulchra es amica mea. & statim altera dicat: Ecce tu pulcher es dilecte mi. ibidem. Lectulus noster floridus. Hæc ille.

Primo igitur de ista allocutione notandum est, quod Deus summe affabilis, ut spiritum siue animam ad hanc allocutionem animet & incitet, ipse prior alloquitur eam, dulciter inuitando ad se alloquendum, dicens: Sonet vox tua in auribus meis, idest desiderium tuum. Et reddit illius rationem, dicens: Vox enim tua dulcis, quia procedit a fonte dulcedinis inspiratæ charitatis, & ex fonte candidæ & sapide veritatis, ideo in spiritu & veritate sonent in auribus meis. Et quia verba tua exteriora dulcescunt ex dulcedine verborum interiorum, ideo fauus distillans sunt labia tua, quantum ad verba exteriora, quia mel dulcis charitatis, & lac candentis veritatis sub lingua tua abscondita sunt quantum ad verba interiora. ideo dicit: Eloquium tuum dulce.

Secundo de ista allocutione nota, quid sit os animæ vel spiritus, & quid lingua quibus Deum alloquimur, Gregorius 15. Moral. dicit, quod os cordis, idest animæ, est meditatio siue cogitatio, alias Propheta non diceret: Labia dolosa in corde, & corde locuti sunt. Ex abundantia enim cordis loquitur, tam spirituale, quam corporale, siue bonum, siue malum. Lingua vero spiritus siue animæ, quid sit ostendit Bernardus dicens: Verbum Dei est spiritus & anima est spiritus, & habent linguas suas, quibus sibi se alterutrum alloquantur, præsentemq. indicent. Et verbi diuini lingua, est fauor dignationis. Animæ vero lingua, est feruor deuotionis. *Et sequitur ibidem.* Elinguis est anima atque infans, quæ hanc non habet, & nullatenus potest illi esse fermocinatio cum verbo Dei. Ideo cum verbum huiusmodi linguam mouet, volens ad animam loqui, non potest anima non scire, vel sentire eius sermonem. Viuis enim sermo Dei, & efficax, & penetrabilior omni gladio accipiti, pertingens vsque ad diuisionem spiritus & animæ. Et rursum cum sua verba mouet anima, verbum Dei multo minus potest latere, non propter hoc quia vbique præsens, sed magis propter hoc quod nisi ipso stimulante, deuotionis lingua minime ad loquendum moueretur. Hæc omnia Bernardus, & Gregorius.

Tertio necessarium puto, circa istam allocutionem spiritualement scire, quid sint verba spiritus, & animæ & qualiter diuersimode Deum alloquitur anima. De hoc dicit Gregorius 2. Moral. sic: Animarum verba sunt ipsa desideria. Nam si desiderium sermo non esset, propheta non diceret: Desiderium cordis eorum audiuit auris tua. Magnum desiderium est magnus clamor. Tanto ergo minus clamat quis, quanto minus desiderat, & tanto maiorem vocem in aure circumscripti spiritus exprimit, quanto se in eius desiderio plenius fundit. Inde dicit Augustinus 10. lib. confess. quod nihil corporale in spirituali allocutione imaginandum est. Vnde Bernardus dicit: Quoties legis vel audis verbum æternum & animam pariter colloqui, & se inuicem inuicem intueri, noli imaginari corporeas voces, vel apparere corporeas imagines, quia hæc locutio verbi est infusio doni, & responsio animæ est admiratio cum gratiarum actione. Hæc Bernardus. Sed Gregorius 2. Moralium dicit: Vox animæ per distincta verba se explicat, dum se per innumeros modos admirationis format. Ideo

*Bern. super Cant. ser. 45 in prin.*

*Cant. 1. d*

*Cant. 2. d*

*Cant. 4. 6*

*Cant. 4. 6*

*Greg. li. 15. Moral. c. 5. post med. Psal. 11. a*

*Bern. super Cant. ser. 45 post med.*

*Heb. 4. 8*

*Greg. lib. 2. Moral. c. 4. ante med. Psal. 9. d*

*Aug. 10. c. 2. in sensu 10. 1. Bern. ubi sup. prox.*

*Gregor. 2. Moral. c. 4. ante med.*

Anima in oratione multipliciter loquitur cum Deo. Ideo notandum est, quod anima siue spiritus humanus secundum diuersa desideria, & diuersos modos admirationis, diuersimode Deum alloquitur in suis meditationibus. Qui licet sint infiniti, tamen ad septem reducuntur. Quandoque enim cum animus alloquitur, ut Deum fideliter adorando, ut quando in meditationibus suis desideria sua in vera fide & sincera charitate soli Deo exhibet, quod soli Deo debetur, quia scriptum est, Dominum Deum tuum adorabis, & illi soli seruias. Veri adoratores sunt, qui eum in spiritu & veritate adorant. Ita quod concordat cultus exterior interiori. Soli autem Deo seruitur, cum totus homo in Deum per intentionem ordinatur.

Matt. 5. b  
Ioan. 4. c

Secundo, ut Creatorem vehementer admirando, ut quando cum stupore mentis diuinorum operum & factorum magnitudinem rimamur, per gradus admirationis ascendendo usque ad mentis excessum, ait Richardus libro 2. cap. 1. ut clamet cum Apostolo: O altitudo diuitiarum sapientie, & scientie Dei, &c. Et Psalmista: Quam magnificata sunt opera tua, Domine.

Rich. lib. 2.

de consp.

c. 1. in prin.

Rom. 11. d

Pf. 103. c

Tertio, ut Patrem confidenter deprecando, ut quando desideria filialis necessitatis ad paternam clementiam humiliter clamant, dicendo: Pater noster, qui es in celis, &c. In quo omnes petitiones nobis necessitatis includuntur. Gregorius 22. Moral. dicit: Vera postulatio non est in vocibus oris, sed in cogitationibus cordis. Valentiores voces apud secretissimas aures Dei non faciunt verba nostra, sed desideria petitoria.

Greg. li. 22.

Mor. c. 13.

ante med.

Quarto, ut Dominum humiliter honorando, ut quando se inutilem reputans seruum, nihil boni sibi ascribit, sed omnia a Domino largitore omnium, se gratis recipere cognoscit. Vnde Gregorius 16. Moral. dicit sic recitans illud Psalmi: Dixi Domino Deus meus es tu; quoniam bonorum meorum non egres, & dicit. Talis vere nobis Dominus est, qui bono serui non indiget, sed bona confert.

Greg. li. 16.

Mor. c. 1.

Psal. 15. a

Quinto, ut iudicem horribiliter timendo, ut quando trepidis desideriis reatum & infirmitatem propriam cum confidentia infinitæ misericordie insinuat, dicens illud Iob: Loquar in amaritudine animæ meæ, ubi dicit Gregorius, Amaritudo presentis penitentiae extinguit supplicia sequentis iræ, quare confidenter dicit: Noli me condemnare. Si autem dicis, non condemnabo te, ergo indica mihi cur me ita iudices. Respondet dicens per Apostolum: Cum a Domino iudicamur, corripimur, ut non cum hoc sæculo damnemur.

Iob 10. a

Greg. lib. 9.

Mor. c. 24.

fatim a

prin.

1. Cor. 11. g

Sexto, ut socium familiariter confabulando, ut quando anima diuina allocutione resecta, & conuerso seipsam cum gratiarum actione in seruire desideriorum socialiter se exhibet, & familiariter se alloquentem alloquitur. Quod autem societas possit esse inter Deum, & animam, dicit Apostolus: Fides est per quam vocati estis in societatem filij eius. Et Ioannes: Si in luce ambulamus, sicut & ipse in luce est, societatem habebimus adinuicem. Quod autem mutuo se & socialiter alloquantur, patet supra, ubi dicitur, quod Deus quasi viator itinerantibus sese associat, & iucundissimis confabulationibus suis a labore viæ releuat omnem hominem, & commutat, &c.

1. Cor. 1. b

1. Ioan. 1. c

Sup. dist. 4.

huius iiii.

uerarij.

Septimo, ut sponsum dulciter susurrando, ut quando præ magnitudine amoris occulta, & intima desideria nec ad plenum formare valet, nec plene exprimere. Cum enim Dominus Deus cum anima susurret, ut supra dictum est, necesse est, ut anima cum Deo susurret. Susurrium autem diuinum, ut ait Gregorius 5. Moral. est cum animam tam intima inspiratione alloquitur, ut per os carnis exprimi non possit. Sic & susurrium animæ est, ut cum ad intima sua reducta fuerit per diuinum susurrium, concipiat verba, quæ per os carnis exprimere non potest. Hoc autem susurrium non fit, nisi in silentio & in solitudine. Ideo

Supra dist.

prox. prace.

denti.

Greg. lib. 5.

Mor. c. 19.

6. 20.

S. Bon. Tom. 7. Pars iij.

A dicit Dominus per prophetam Oseam: Ducam eam

in solitudinem, & ibi loquar ad cor eius. Ducit autem in solitudinem, vocando eam ad sua intima, ut sola cum solo loquatur, in nullo impedita. Vnde Cantorum ultimo dicit: Fac me audire vocem tuam, ac si dicat: Ego intus menti sum, tu autem exterius adhuc quasi longe distas, ait Vercellensis; & ideo vox tua quasi exterior minus audibilis tamquam frigida, & ideo minus gratiosa: & ideo fac me audire vocem tuam in intimis ardentissimorum desideriorum. Vnde Vercellensis exponens idem verbum dicit: Sponsus trahens se ad interiora supernarum al-

locutionum, ut animam ad interiora desideriorum prouocet, & eo feruentiora desideria in ea suscitet, dicit: Fac me audire vocem tuam in intimis tuis. Non enim est sponso vox audibilior, quam seruens desiderium sui. Hæc ille. Ex quo patet, ait Vercellensis, quod Dominus ostendit nihil nobis esse salubrius, nihil in nobis esse Deo iucundius, nihil in portione Mariæ esse perfectius, quam in seruire desideriorum ecstaticorum, in diuinum radium extensorum incessanter exerceri semper in supernis, iucundando in intima Dei allocutione. Ibi audit verba ar-

C Angel. hierarchiam.

Hug. sup. 7.

Ang. hier.

lib. 6. ante

med.

Qualiter allocutio diuina a nostra meditatione distinguitur. Distinct. V.

Q Vintò, quia simillima sunt cogitata nostræ mentis sermonibus veritatis, ideo necesse est, ut arbitror scire, qualiter allocutio diuina a nostra meditatione distinguatur. De quo notandum est, quod cum secundum Augustinum de triplici habitaculo: Allocutio Dei sit diuina inspiratio, qua mentis nostris suam voluntatem, & suam veritatem inuisibiliter ostendit: Meditatio autem humana fit studiosa mentis intentio ad inuestigandum veritatem, diligenter insistens cum labore, ait Richardus, plenum est, quod meditatio humana ab allocutione diuina multipliciter distinguatur.

Aug. de tri-

plici habit.

c. 5. statim

a prin. 10. 9.

Rich. de co-

templ. li. 2.

c. 3.

Primò distinguuntur in hoc, quia allocutio diuina præcedit, & inchoat meditationem humanam. Dicit enim Apostolus, quod non sumus sufficientes cogitare aliquid ex nobis, tamquam ex nobis, quāto minus sumus sufficientes aliquid meditari ex nobis, tamquam ex nobis? cum meditatio perfectior sit cogitatione, sicut dicit Richardus libro 1. cap. 3. Sufficientia autem nostra ex Deo est. Vnde Sapiens: Cor hominis phantasias patitur, nisi ab Omnipotente reue-

1. Cor. 3. b

Rich. ibid.

Eccl. 3. 4. a

Bern. ser.

45. sup. C. 8

hic. post mo-

dum.

Secundò distinguitur, quia allocutio diuina meditationem humanam instruit, & verificat. Allocutio enim diuina ex inspiratione diuina procedit a veritate infallibili. docens loqui, & meditari celestia, & supernaturalia ostendit, ut supra dictum est. Meditatio autem oritur ex ratione humana, ut dicit Richardus libro 1. cap. 3. Qualiter ergo ratio meditationem de celestibus instruet vel verificabit, cum ipsa sine inspiratione & vñctione, quæ de omnibus docet, ut dicit Ioannes, non possit se extendere ad supernaturalia veritates? & ideo circa talia cæca, & muta est.

O

Qui



**Joan. 3. d.** Qui enim de terra est, de terra loquitur. Super qui-  
**Aug. tract.** bus verbis dicit Augustinus, quod homini secundum  
**24. in 102.** se considerato, non conuenit loqui nisi terrena. Talis  
**ante med.** enim ex proprijs loquitur, & animalis homo nõ per-  
**10. 9.** cipit ea, quæ Dei sunt. Talis iniquitatem meditatus  
**Psal. 35. a** est in cubili suo, ait Psalmista, idest in corde suo, de  
**Matt. 15. b** quo exeunt furta, homicidia, &c. diuina autem allo-  
 cutione adueniente & audita, in interiori inspiratio-  
 ne tota meditatio instruitur & verificatur. In inspi-  
 ratione enim idem est dicere & illuminare, audire,  
**Greg. lib. 2.** & videre. Quia sicut dicit Gregorius 2. Moral. Quasi  
**Moral. c. 4.** auditur dicitur, quod videntibus inspiratur. Loquen-  
**an. med.** do veritas docetur, illuminando veritas videtur. Hæc  
 ille. Experientia prædictorum patet, quia cum ex  
 abundantia cordis os loquatur, tã cordis quàm cor-  
 poris; de corde sic inspirato non exeunt cogitationes  
 malæ, furta, homicidia, & cetera talia, sed meditatio-  
 nes odorifere, verba dulcia, vt talis anima dicere pos-  
**Cant. 2. c** sit illud Canticorum: Fasciculus myrrhæ dilectus  
 meus mihi, inter vbera mea commorabitur. Dile-  
 ctus, inter vbera, id est, in mea memoria, ait Glossa,  
 commoratur per continuam meditationem, vt fasci-  
 culus myrrhæ quæ corpora à putredine conseruat, &  
 vermes mortificat, ait Vercellensis: & ideo fasciculus  
 myrrhæ signat suauissimam fragrantiam sanctarum  
 meditationum de Deo, quæ mentem a putredine &  
 corruptione mortalium præseruat, & vermes, idest  
**Cant. 4. b** offendicula meditationum mortificat. Talis medita-  
 tionis eloquium est dulce.  
 Tertiò patet distinctio inter allocutionem diui-  
 nam & meditationem, quia allocutio diuina medi-  
 tationem humanam perficit & consummat. Dicit  
**Dionys. de** namque Dionysius, quod bona naturalia perficiuntur  
**Aug. Hier.** per bona supernaturalia. De bonis autem naturali-  
**in 1.** bus animæ dicit Glossa super principium Canticorum  
 sic: Omnes animæ motiones vniuersitatis conditor  
 creauit ad bonum, scilicet æternum, ad quod tantum  
 per se peruenire non poterant, nisi supernaturalibus  
 bonis supernaturaliter perficerentur. Vnde dicitur  
 ibidem: Disce motus animæ tuæ & naturalis amoris  
 incendium ad meliores transferre, scilicet ad super-  
 naturales perfectiones. Motus enim animæ tam in-  
 tellectuales quàm affectuales, inter Deum, & animã,  
 in meditationibus quasi quidam nuncij discurrent,  
 qui inutiles, & indigni erunt in conspectu Dei, nisi  
 lumine veritatis, & feruore charitatis per diuinum  
 alloquium præueniantur, alioquin si homo ex pro-  
 prijs loquatur, mendax inuenitur. Hæc enim dona  
 supernaturalia faciunt motus mentis, tam intellectu-  
 ales, quàm affectuales, dignos, & acceptos in conspe-  
 ctu Dei, tamquam filias Iudæ, & Hierusalem regem  
 suum in decore suo videntes. De istis nuncijs loquens  
**Rich. de est** Richardus dicit sic; Quotidie, ni fallor, qui medita-  
**empl. li. 4.** tioni, & locutioni insisteris, Dei nuncios suscipitis.  
**c. 14. ante** Quoties enim ex abditijs scripturæ recessibus, novos  
**med.** intellectus eruimus, quid aliud quam quosdam dile-  
 cti nostri nuncios recipimus? Huic sane negotio sub-  
 seruit omnis sacra lectio, sagaxq. meditatio. Alij  
 namque legentibus, alij meditantibus, diuinorum se-  
 cretorum internuncij occurrunt, qui dilecti nostri ad  
 nos madata perferunt, & de singulis instruunt. Non  
**† Id. ibid.** enim decet amâtes, mutua studia, mutuaq. in alteru-  
**c. 13. ante** trum desideria nescire, neque sufficit æstuantî animæ  
**med.** ardentiq. desiderio semel audire dilectum. Obsecro  
 ergo manda remanda. Nuncius medius inter nos dis-  
 curret, qui me de singulis instruat, doceat me non  
 solum super statum meum, sed & de statu tuo, do-  
 cit a Deo, ceat quomodo apud te sit, vel quid tibi de me pla-  
 ceat a Deo. Hæc ille.  
 Sed qualis differentia inter nuncios veros, & fal-  
**Rich. ubi** sos sit, & quomodo cognoscamus docet Richardus  
**sup. lib. 1.** dicens sic: Diuinus nuncius proculdubio est, per  
**c. 13. ante** quem diuinæ volûtatîs beneplacitum cognoscimus,  
**med.** per quem ad æternorum cognitionem illuminamur,

A per quem ad æternorum desiderium inflammamur.  
 Hæc ille. Ex quo pater istorum nunciorum differē-  
 tia. Nunciantes enim nobis quæ sunt contra Dei vo-  
 luntatem, vel de mundanis, vel de his quæ sunt car-  
 nis, sunt falsi nuncij, quæ carnis sunt sentientes, quia  
 caro, & sanguis reuelauit eis. Alij vero sapiunt quæ  
 Dei sunt, quia Pater reuelauit eis, ergo ex fructibus  
**Matt. 7. c** eorum cognoscetis eos. Aqua frigida animæ sitiēti,  
**Prou. 25. d** bonus nuncius de terra longinqua.

Sed Bernardus aliter distinguit inter allocutionē  
 diuinam, & meditationem humanam, dicens: Sunt  
 quædam verba nostri sponsi ad nos, nostræ medita-  
 tiones de ipso & de eius gloria, elegantia, potentia, &  
 maiestate. & non solū hæc, sed & cum versamus aui-  
 da mente testimonia eius, & iudicia oris eius, & in  
 lege eius meditamur die ac nocte, sciamus pro certo  
 adesse sponsum, atque alloqui nos, vt non fatigemur  
 laboribus, sermonibus delectari. Tu ergo cum tibi  
 talia volui animo sentis, nõ tuam putes cogitationē,  
 sed illum agnosce loquentem, qui apud Prophetam  
 dicit: Ego qui loquor iustitiam. **Sequitur.** Similia  
 enim sunt cogitata nostræ mentis sermonibus veri-  
 tatis in nobis loquentis. nec facile quis discernit, quid  
 intus cor suum portat, quidve intus audiat, nisi qui

C prudenter aduertit Dominum in Euangelio loquen-  
 tem: Quia de corde exeunt cogitationes malæ. &  
 illud: Quid cogitatis mala in cordibus vestris? &  
 Loquitur mendaciū, qui de proprijs loquitur. Apo-  
 stolus autem: Non sumus sufficientes, inquit, cogi-  
 tare aliquid ex nobis tamquam ex nobis, subaudi,  
 bonum, sed sufficientia nostra ex Deo est. **Sequitur.**  
 Cum ergo mala in corde versamus, nostra cogitatio  
 est; si bona, sermo Dei est. Illa cor nostrum dicit,  
 hæc audit si bona sunt. Audiam, ait Propheta, quid  
 loquatur in me Dominus Deus, quoniam loquetur  
 pacem in plebem suam. Itaque pacem, pietatem, ius-  
 titiam Deus in nobis loquitur, nec talia nos cogita-  
 mus ex nobis, sed in nobis audimus. Ceterum homi-  
 cidia, adulteria, furta, blasphemiz, & his similia  
 de corde exeunt, nec illa audimus, sed ea dicimus.  
**Sequitur.** Fiunt tamen quandoque in cordibus im-  
 missiones per angelos malos, vt in cor Iudæ misit  
 diabolus, &c. nec talia de corde exeunt, sed ei im-  
 mittuntur. Quid autem in his tribuatur cordi, vel  
 quid hosti, & quādo, incertum est mihi, sed hoc qui-  
 dem sine periculo est. **Sequitur.** Sed sane aliud est vbi  
 periculose, immo dānabiliter erratur, atque vbi cer-  
 ta regula præfigitur, ne quod Dei est in nobis, demus  
 nobis, putantes verbi visitationem, nostram cogita-  
 tionem. Quantum ergo distat bonum a malo, tan-  
 tum distant ista duo a se: quoniam nec de verbo ma-  
 lum, nec de corde exit bonum, nisi forte quod prius  
 de verbo cōcepit. Sciant enim inimici gratiæ, absque  
 gratia nec ad cogitandum bonum, sufficere cor hu-  
 manum, sed sufficientia eius ex Deo est. Et sciant qui  
 cogitant bonum, vocem Dei esse, nõ cordis prolem  
 existerē. Vide autem quoniam verbū Dei quod egre-  
 ditur de ore Dei, non reuertatur ad eum vacuum, sed  
 prosperatur, & facit omnia ad quæ misit illud, vt di-  
 cere possis & tu; Gratia Dei in me vacua non fuit.  
**Sequitur.** Felix mens cui indiuiduus comes vbique  
 se affabilem præbet, cuius indefinenter oblectata sua-  
 uitate facundiz, a carnis molestijs, & vitijs sese vēdi-  
 cat, omni hora redimendo tēpus a diebus malis, quo-  
 niam talis non conturbabitur, sicut dicit Scriptura,  
**Prou. 12. c** quidquid acciderit ei. Hæc omnia Bernardus.

*Qualiter Spiritus humanus per iter meditationis  
 æternitatem Domini ingrediatur.  
 Distinct.* VI.

Sextò videndū est, qualiter spiritus noster in itine-  
 re studiosæ meditationis intrinsecum secretum,  
 æternum manerium Domini Iesu ingredi conatur.  
 Circa

Ut anima  
ad pfectio-  
nem perue-  
niat contem-  
plationis te-  
poralia fu-  
gere debet.  
*Exo. 3. a*

*Phil. 3. d*  
*Psal. 54. b*  
*Bern. sup.*  
*Cant. ser. 52*  
*cir. med.*

Circa quod notandum est, quod cum verbum æternum se spiritui nostro in meditatione sua quasi quendam viatorem, iucundissimis confabulationibus associet ipsum de temporalibus abstrahendo, de æternis instruendo, ad æterna invitando, ut ex prædictis patere potest, ideo necesse est, ut spiritus noster temporalia fugiat, quia ex hoc æternis appropinquat, & ad interiora deserti cum Moyse intrat, ut de æternis audiat, in solitudine meditationis assidue permaneat, in æterna introeat, & cum Apostolo Paulo conversationem in cælis habeat, ut cum Psalmista dicere possit: Ecce elongavi fugiens, & mansi in solitudine. Quod verbum exponens Bernardus super Cantica dicit sic: Non fuit contentus exire, nisi & longe se faceret, ut quiescere posset. Et si transilisti carnis oblectamenta, ut minime iam obedias concupiscentiis eius, nec tenearis illecebris, & curis, perfecisti & separasti te, sed nondum te elongasti, nisi & irruentia undique phantasmata corporearum similitudinum, transvolare mentis puritate præualeas. Hucusque noli tibi promittere requiem. Erras, si circa te invenire æstimas locum secretum quietis, & solitudinis, secretum luminis, & habitaculum pacis. Hæc Bernardus.

*Greg. lib. 4.*  
*Mor. c. 28.*  
*cir. med.*

Sed nota, quod hæc solitudo meditationis in mente est humana, ut dicit Gregorius 4. Moralium, dicit enim: In solitudine manere est a secreto cordis terrenorum desideriorum tumultus expellere, & in una intentione æternæ patriæ, amorem intimæ quietis anhelare. *Sequitur.* A tumultu rerum temporalium magnum quandam secessum petierat, quietam mentem, in qua tanto verius Deum cerneret, quanto hūc cum se solo solum inveniret. Hæc ille. Vnde Psalmista manens in solitudine illa, ait: Expectabam eum, qui saluum me fecit, a pusillanimitate spiritus & tempestate. In quibus verbis dicit Propheta se a duobus malis liberatum in solitudine, quæ consueverunt impedire ambulantes in tenebris æternitatis, scilicet a pusillanimitate spiritus, & tempestate. Primum est interius, secundum est exterius. Primum, scilicet pusillanimitas est ex defectu fidei, ex quo omnia interiora impedimenta oriuntur, quia spiritus sine fide infirmus est usque ad mortem. Ab hac pusillanimitate in solitudine tantum saluatus fuit, ut dicat: Quoniam in te eripiar a tentatione, & in Deo meo transgrediar murum. Quod Gregorius exponens 26. Moralium dicit: Murus est omne quod itineri nostro obicitur ne ad Deum, quem diligimus transeamus; sed murum transgredimur, cum præ amore illius omnia mundi delectamenta calcamus.

*Greg. li. 26.*  
*Mor. c. 10.*

*Psal. 17. c*

Secundum, scilicet tempestas est ex defectu charitatis, ex quo ostiuntur impedimenta itinerantium ab exteriori, quia omnis tempestas exterior frequenter generat interiorē, nisi adsit charitas, quæ omnia suffert. Ab hac tempestate in solitudine Psalmista tantum liberatus fuit, ut diceret, quoniam in solitudine expectabam, perfecit pedes meos tamquam ceruorum. Quod Gregorius 26. Moral. exponens dicit: Electorum mentes cerui dicuntur, dum quæque, quæ in hoc mundo obuiantia, obistere sibi conspiciunt, contemplationis saltu transcendunt, & more ceruorum despectis terrenarum rerum sentibus, in superna, idest, æterna se euehant. Hæc ille. Igitur in hac meditatione solitaria, sola cum solo secure manet, a temporalibus abscondita, æternis veritatibus meditatione fidei, & charitatis feruore viuificata & stabilita. Quod etiam Hugo lib. 2. de arca Noe, ostendit, dicens: Si per studium meditationis assidue cor nostrum inhabitare cœperimus, iam quodammodo temporales esse desistimus, & quasi mortui mundo facti, intus cum Deo vivimus. tunc quidquid fortuna extra molitur, facile contemnimus, quia ibi fixum est nostrum desiderium, ubi murabilitati non subiacemus. Ecce iam studiosa mentis meditatio intantum

S. Bon. Tom. 7. Pars iij.

A se exercuit & perfecit, quod in contemplationem transiit. Et hoc est, quod dicit Richardus: Veritatem per meditationem diu qua sitam, tandem inueni- *Rich. ubi sup. lib. 1. c. 4.* tam, mens solet cum aviditate suscipere, mirariq. cū exultatione, eiusdem quoque admirationi diutius inhærere, & hoc est iam meditando meditationem excedere, & per meditationem in contemplationem transire, sicut etiam cogitatio quandoque in meditationem transit. Hæc ille. Ex his apparere potest, quomodo spiritus humanus per meditationem æternorum a temporalibus recedit, & æternis inhæret, ut dicat cum Apostolo: Nostra conuersatio in cælis est. *Phil. 3. d* & cum Psalmista: Transiimus per ignem & aquam, *Psal. 65. c* & eduxisti nos in refrigerium.

*Qualiter spiritus humanus ad veniendum per iter meditationis ad æternitatem a Iesu innuitur. Distinct. VII.*

Septimò videndum est qualiter spiritus humanus ad veniendum per iter studiose meditationis, ad intrinsecum & æternum Domini Iesu secretum, ab ipso dulciter inuitatur, dicens Sponsa in Canticis: Surge propra amica mea, columba mea, formosa mea, & veni. Cuius inuitationis subiungit alleluia, dicens: Veni, quia iam est itinerandi optata facilitas. Iam enim imber curæ temporalis distrahentis & impediens ambulantes in itinere meditationis abiit & recessit. & quia pluvia æstivalis descendit, & venit in vellus virgineum, colligendo dispersiones meditationum, ad congregantis Patris unitatem, & simplicitatem æternitatem. Dicit ergo animam inuitando: O amica mea, propter meditationis tuæ amorosam assiduitatē, quæ est incentiua amoris, quia in ea exardescit ignis, ait Psalmista. Quod Hugo libro 4. de arca Noe exponens dicit: Sicut ligna ignem nutriunt, sic cogitationes sue meditationes desideria pascunt. Quare in Canticis dixit Sponsa meditatrix æternorum: Fasciculus myrrhæ, dilectus meus mihi inter vbera mea commorabitur, idest in memoria mea, ait Glossa, sue meditationum. surge per meditationis tuæ extensionem a temporalibus in æternitatem, ut primo egrediaris cum Isaac in agrum ad meditandum. Secundo extendas te in cælum cum Apostolo ad conuersandum. O columba mea propter meditationis tuæ columbinā simplicitatem, ait Isaias: Meditabor ut columba. Vercellensis dicit, quod columba habet simplicem intuitum, & signat puram, & simplicem intelligentiam. Ex pura autem & simplici intelligentia oriuntur puræ, & simplices meditationes, quæ sunt Deo gratissimæ. Propra per meditationis tuæ agilitatem. Quam agilitatē desiderabat, qui dixit: Quis dabit mihi pennas sicut columbæ, & volabo, & requiescam? Quam agilitatem obtinuit, cum dixit: Si ascendero in cælum, tu illic es: si descendero ad infernum, ades. Si sumptero pennas meas diluculo, &c. O formosa mea, propter meditationis tuæ pulchritudinem puritatem. Meditationis enim sedula exercitatio circa æterna mentem purificat a temporalibus abstrahendo, & eam pulchritudine, & formosam facit, ad æterna extendendo, ut cum Psalmista dicat: Meditatus sum in nocte, scilicet temporalium: exercitabar, me ad æterna extendendo: & scopebam spiritum meum, non solum a temporalibus fugiendo, sed etiā umbram temporalium similitudinum, & imaginum omnino abstergendo. De hac extensione ad æternitatem, dicit Augustinus: Mens quanto magis se extendit ad illud quod æternum est, tanto magis se extendit ad illud quod formatur ad imaginem Dei, & ideo querenda est facies Dei semper, ut imago magis reformetur, donec, secundum Apostolum, in eandem imaginem transformetur, ut dicat illi Deus illud Canticorum: Quam pulchra es, &c. Veni igitur ad meum intrinsecum, & intra in gaudium Domini tui,

O 2 veni

*Hugo li. 2.*  
*de ar. Noe.*  
*cap. 1. ante med.*

*Ibidem.*  
*Greg. ibid.*

*Rich. ubi sup. lib. 1. c. 4.*

*Phil. 3. d*  
*Psal. 65. c*

*Cant. 2. c*

*Psal. 38. a*  
*Hugo li. 4.*  
*de ar. Noe.*  
*cap. 4. post med.*

*Cant. 1. c*

*Gen. 24. g*  
*Phil. 3. d*

*Isa. 38. c*

*Psal. 54. b*

*Psal. 38. b*

*Psal. 76. b*

*Aug. lib. 1.*  
*de Trinit.*  
*c. 13.*

*2. Cor. 3. d*  
*Cant. 4. a*

*Cant. 2. c.*  
Imber quid  
spirituali-  
ter signifi-  
cat.

*Leu. 26.*

*Ioan. 4. b*

*Psal. 35. b*

*Psal. 41. a*

*Chrys. ho-  
mil. 32. in  
Ioan. anis  
med. 10. 3.*

veni iam ingressa, vt amplius ingrediaris, quia post me ingredi non cessabis. Et huius amorosæ inuitationis subiungit amorosum alleclium, dicens: Surge velociter & veni, quia imber abiit, & recessit. Quod Vercellensis exponens dicit: Imber est aqua hiemalis a cælo fugiens, & in terram corruens, frigidificans, & in multas guttas se diuidens, lutum generans, & itinerantes impediens & signat affectum curæ temporalis, quia lubricum, & deorsum trahit, & quasi iusta necessitate mentem retrahit a suspensio spirituali in æterna spectacula, & ad sollicite tractanda negotia terrena, vehementer vrget. Vnde spiritualis mentis feruorem, sæpe tepescit, vel etiam totaliter extinguit: licet quidā perfectissimi inter maiores exemplo Angelico præcedant, & incedant erecti, inferius agunt sursum erecti, scilicet per rectam, & deuotam intentionem. Iste imber est vitandus in vsu & intentione. Hæc ille. Sed quia iste imber siue aqua hiemalis abiit & recessit, & imber æstiuus siue aqua sapientiæ salutaris aduenit, quæ iter meditationis nostræ ab æternis non impedit, sed promouet, dirigit, & perficit, ideo veni. Nam hæc aqua æstiuus spiritum tuum in meditationibus ad veniendum ad meam æternitatem sursum erigit, ad meam æternitatem salire facit, ad meam æternitatem introducit. Vnde dicit Iesus sol æstiuus: Aqua quam ego do, fiet in eo fons aquæ salientis in vitam æternam. In his verbis veritas innuit, quod aqua æstiuus a fonte vitæ oritur, quia apud Deum est fons vitæ, vt ait Psalmista, & ideo meditationem nostram sursum trahit per desiderium æternorum. quare Psalmista dicit: Sitiuit anima mea ad Deum fontem viuum. Secundo innuit, quod aqua æstiuus spiritui nostro ad velociter veniendum per meditationem multipliciter cooperatur, tū quia sitim spiritus itinerantis ad æterna, quo ad temporalia extinguit: quia aqua illa fiet in eo fons aquæ fluentis, per omnes valles animæ, qui autem intra se habet fontem, sitire non potest, ait Chrysostomus: Item spiritui itineranti ad æterna vigorem tribuit, quia est aqua saltare faciens. Tercio aqua hæc æstiuus spiritum xinerantem reformat, & perficit, quia ad vitam æternam introducit, quia non saltat ad temporalia, sed salit in vitam æternam, vt dicitur hic. Ad quam vitam nos perducatur Pater, & Filius, & Spiritus sanctus, vnus Deus benedictus in sæcula sæculorum. Amen.

### DE TERTIO ITINERE æternitatis.



**T**ERTIVM iter æternitatis per quod spiritus humanus venit ad intrinsecum & æternum manerium Iesu, est æternorum limpida contemplatio. Ad cuius itineris maiorem notitiam septem per ordinem sunt notanda.

Primum quæ sit istius itineris necessitas, & quare iter meditationis immediate sequitur.

Secundum est, quid sit contemplatio, & qualiter descriptio eius intelligatur.

Tertium est, qualiter contemplatio a cogitatione, meditatione, speculatione, & intuitiva visione distinguatur.

Quartum est, qualiter contemplatio secundum diuersos gradus diuersimode a diuersis diuidatur.

Quintum est, quantam iucunditatem spiritus humanus in itinere contemplationis experiat.

Sextum est, qualiter per iter contemplationis spiritus æternum manerium Iesu ingrediat.

Septimum est, qualiter spiritus humanus ad veniendum per iter contemplationis, ad secretum Iesu inuitatur.

*Quæ sit necessitas itineris contemplationis, & quare immediate sequatur iter meditationis.*  
*Distinct. 1.*

**P**rimò igitur videndū est, quæ sit necessitas istius itineris, scilicet contemplationis æternorum, & quare immediate iter meditationis sequatur. De quo sciendum, quod cum meditatio æternorum sit quædam inuestigatio, & inquisitio cum magna animi industria veritatis æternorum, nec ab inquisitione desistat, donec quod quærit inueniat quantum potest: planum est, quod spiritus humanus per ipsam meditationem in æternis non figitur nec quietatur, donec per contemplationem ei ostendatur, quod per meditationem quærebatur. Sed quàm cito quæsitum inuenitur, & spiritus illi quasi acquiescendo cum admiratione inhære cepit, tam cito meditatio esse desinit, & in contemplationem transit, ait Richardus. Per meditationem veritatem diu quæsitam tandemq. inuentam, mens solet cum auiditate suscipere, mirari cum exultatione, eiusdem quoque admirationi diutius inhære. & hoc est iam meditationem meditando excedere, & per meditationem in contemplationem transire. Proprium est enim contemplationi, iucunditatis suæ spectaculo cum admiratione inhære. Meditationi vero proprium est, sua promotione semper in vltiora tendere. Hæc ille. Ex his igitur patere potest istius itineris necessitas, quia motus meditationis imperfectus & minus utilis permaneret sine termino & quiete contemplationis, cum meditatio terminetur & transeat in contemplationem, tanquam in illud quod perfectus est. Ex his etiam patet ordo istius itineris contemplationis ad iter meditationis, ex quo studio meditationis spiritus humanus surgit in iter contemplationis, vt ait Richardus; & per veritatis contemplationem homo conuertitur ad iustitiam, & confirmatur ad gloriam, & sic patet primum.

*Quid sit contemplatio, & qualiter descriptio eius intelligatur.*  
*Distinct. 11.*

**S**ecundò videndum est, quid est contemplatio, & qualiter descriptio eius intelligatur. De quo notandum est, quod contemplatio secundum potissimum statum, est actus intellectus non impediti, gratia satisfinitio. in æterna spectacula directi, cum admiratione suspensi. Sic videtur Richardus contemplationem describere, dicens sic: Contemplatio est libera mentis perspicacia, in sapientiæ spectacula cum admiratione suspensa.

In hac descriptione innuuntur quattuor, quæ contemplantibus sunt necessaria. Primū est liber contemplationis motus, ab omnibus exoneratus, & in nullo impeditus, vt Richardus ibidem dicit: Contemplatio libero quodam motu, & secundum spontaneum nutum huc, illucq. circumfertur, & nullo difficultatis obstaculo a discursionis suæ impetu impeditur, quin contemplanda contempletur quantum potest. Ex hoc apparet, quod spiritus contemplatiuus debet esse sine peccato, quia qui peccat feruus est peccati, & vinculis eius ligatur ne sursum feratur. Debet etiā esse liber a desiderio & cura temporalium, quæ sunt iuga duræ seruitutis. Liber autem spiritus dimittitur, quando calcatis terrenis desideriis, ab appetitione temporalium in securitate mentis exoneratur. Hæc Gregorius 3. Moral.

Secundum, quod necessarium est cōtemplantibus, quod hic ponitur in descriptione, est quod oculus contemplationis sit perspicax, idest gratia sanatus. Dicit enim Hugo commentator super Angelicā hierarchiam, quod triplex est oculus. Est enim oculus carnis, quo videt homo ea, quæ sunt extra se, & oculus rationis, quo videt homo ea, quæ sunt intra se, & oculus

Contempla-  
tio, finis est  
meditationis.

*Rich. lib. 1.  
de arca my-  
stica c. 4.*

Contempla-  
tionis dis-  
finitio.

*Rich. ubi  
supra.*

Contempla-  
tibus quat-  
tuor sūt ne-  
cessaria.

*Hugo in 7.  
Ang. Hier.  
lib. 3. pp. 8  
med.*

oculus cōtemplationis, quo videt homo ea, quæ sunt supra se. Oculus carnis apertus est, oculus rationis lippus, & oculus contemplationis clausus est. Hæc ille. Igitur necesse est, ut oculus contemplationis perspicax sit, & sanetur. Oportet igitur scire quatuor. Primo quid oculus contemplationis dicatur, secundo qualiter oculus sanatur, tertio quid sit aspectus eius, quarto quid sit visio eius. Hæc quatuor dicit Auctor de spiritu & anima, omni animæ necessaria esse, & ostendit quodlibet eorum dicens: Spiritus dicitur mens rationalis, ubi est quedam scintilla tamquam oculus animæ, ad quam pertinet imago, & cognitio Dei. *Sequitur.* Oculus ergo animæ est mens, & hæc ab omni labe corporis debet esse pura, & tunc est sana. Mentis autem aspectus est ratio, intellectus vero visio. Hæc omni animæ necessaria sunt, idest ut oculos habeat, & sanos, ut aspiciat, & ut videat. *Sequitur.* Sanos oculos habet, cum ab amore talium cupiditatum purgata est, atque remota, scilicet ab imaginibus. Aspiciat, cum in Dei lumine oculos figit, sed videt, cum in ista contemplatione conspicit, quanta sint gaudia, quanta lætitia, quanta serenitas, quanta iucunditas. Sanitas facit illam securā, aspectus rectam, visio beatam, quæ est finis aspectus. Hæc ille. Iste est oculus contemplationis, de quo dicit Sponsus: Vulnerasti cor meum in vno oculorum tuorum, idest tua intelligentia simplicata penetrasti omnia, pertingendo ad cor meum, & propter te vulneratum fuit ex amore intimo quo dilexi te.

Tertium quod ponitur in descriptione cōtemplationis est, quod oculus contemplationis in spectacula sapiētiæ æternæ sit directus, quod notatur per hoc quod dicitur, in sapientiæ spectacula. Ex hoc autem patet, quod Richardus hic non accepit cōtemplationem, ut est actus intellectus præcise, sed etiam ut saporosam dilectionem includit. Nam sapientia a sapore dicitur, ut dicit Bernardus, & obiectum sapientiæ principale & primum est ipse Deus, sub ratione qua verum est excitatum voluntatis, ad eius saporosam dilectionem, & actus sapientiæ est contemplari Deum: non quocumque modo, sed ex dilectione, cum quadam experimentalis suavitatis in affectu. Igitur spectacula sapiētiæ sunt cognitio veri, & amor siue sapor boni. Dicit enim Linconiensis, quod sapientia oritur ex amore, quæ prorumpit in lumen cognitionis & saporem gustationis, sicut ex calore prorumpit lux & flamma. Hæc ille. Actus igitur cōtemplationis duo includit, scilicet cognitionem, & saporosam dilectionem, & dilectio adiuuat cognitionem. Vnde secundum mensuram dilectionis, dispensatur & modus manifestationis, ait Richardus.

Quartum, quod ponitur in descriptione contemplationis est mentalis suspensio ex admiratione paulata, & notatur in hoc quod dicit, admiratione suspensa. De hac admiratione dicit Richardus libro 5. de arca mystica. cap. 9. Ex novitate rei quæ est supra se. Hic enim spem & nostram æstimationem oritur admiratio, ex admiratione autem accrescit attentio, & ex attentione cognitio, & ex his mentis suspensio, quia sicut dicit ibidem: Dum humana intelligentia diuino lumine irradiata intelligibilium contemplatione suspenditur, dum in eorum admiratione ad modum auroræ, distenditur, quanto semper ad altiora vel ad mirabiliora ducitur, tanto amplius, tantoque copiosius ad modum auroræ dilatur. Vnde quanto ab infimis sit remotior, tanto semetipsa purior, & ad sublimia subtilior inuenitur. Ex quo sequitur, quod tanto in superioribus diutius suspenditur, quanto a retrahentibus dilatur & elongatur. De hoc suspendio dicit Iob: Suspendium elegit anima mea. Quod Vercellensis exponens, dicit sic: Suspendiū illud est extensio mentis in æterna spectacula, ut cum fieri potest numquam ex intentione voluntatis, sed sola interpellatione necessitatis, acies mentis inde flecta-

S. Bon. Tom. 7. Pars iij.

tur, ut dicit Psalmista: Oculi mei semper ad Dominum.

*Qualiter contemplatio differat a cogitatione, meditatione, speculatione, & ab intuitiva visione. Distinct. 111.*

**T**ertio videndum est qualiter cōtemplatio differt a cogitatione, meditatione, speculatione, & ab intuitiva cognitione. Hæc enim quendam ordinem, & gradum habent inter se. Nam cogitatio, quæ oritur ex imaginatione, transit & terminatur in meditationem. Meditatio, quæ oritur ex ratione, transit & terminatur in speculationem. Speculatio, quia partim oritur ex ratione, & partim ex intelligentia, transit, & terminatur in contemplationem. Contemplatio autem, quæ oritur ex intelligentia, transit & consummatur in intuitivam cognitionem. Hæc enim omnia in hoc cōveniunt cum fuerint ordinata, quod dirigunt in diuinum aspectum, sed tamen differenter: & hæc differentia prædictorum quatuor a contemplatione, potest cognosci per quatuor, quæ in contemplationis diffinitione ponuntur, quam Richardus ponit in libro 1. cap. 4.

**C** Primò differt contemplatio a cogitatione per hoc, quod in descriptione contemplationis ponitur, quod sit libera. Vnde Richardus libro 1. de arca mystica, cap. 3. dicit sic: Contemplatio libero volatu, quocumque eam fert impetus, mira agilitate circumferatur. Cogitatio autem per devia quæque lento pede, sine respectu peruentiois passim huc illuc vagatur. Et quia cogitatio ex imaginatione oritur, ideo quandoque sine ratione mouetur, ut dicit Richardus: & ideo minus libera est, quàm contemplatio, quæ ex intelligentia procedit, & oritur, immo cogitatio rationi subijcitur, quæ est infra intelligentiam, & per eam regitur. Vnde Gregorius libro 1. Moral. sic dicit: Cogitationes ad modum ancillarum rationi subijciuntur, quia si a domo mentis ad momētum ratio discedat, quasi absente domina, cogitationum se clamor velut garrula ancillarum turba multiplicat: ut autem ratio ad mentem redierit, mox se cōfusio tumultuosa compescit, & quasi ancillæ ad iniunctum opus se tacite reprimunt, dum cogitationes protinus se causis proprijs ad utilitatem subdunt. Hæc Gregorius. Et sicut Richardus libro 1. cap. 4. dicit: Si cogitatio quandoque ratione moueatur, ut ad cognoscendum aliquid ambiat, & ad hoc vehementer & fortiter insistat, iam non est cogitatio, sed modus cogitationis cogitatio excedit, & cogitatio in meditationem transit.

**S**ecundò igitur sciendum est, quod contemplatio etiam differt a meditatione per hoc, quod in descriptione contemplationis ponitur, quod ipsa est mentis perspicacia. De quo sciendum est, quod perspicacia est actus intelligentiæ. Intelligentia autem, ut dicit Auctor libri de spiritu & anima, est ea vis animæ, quæ supponitur Deo immediate, qua de diuinis, quantum homini possibile est, cognoscitur. Sed, sicut dicit Richardus, ex intelligentia oritur cōtemplatio ex ratione autem oritur meditatio. & ex hoc ipse ostendit, quantum contemplatio excedat meditationem, ex quo patet etiam differentia eorum. Vnde Richardus dicit sic: Ecce tria, imaginatio, ratio, intelligentia. Inter hæc intelligentia obtinet supremum locum, imaginatio infimum, ratio medium, & omnia quæ subiacent sensui inferiori, necesse est ea subiaccere sensui superiori, sed non e conuerso. Vnde constat, quod cuncta quæ imaginatio vel ratio comprehendit, sub intelligentia cadunt, & etiam illa, quæ nec imaginatio vel ratio comprehendit. *Sequitur.* Vide quàm late contemplationis radius se expandat, qui omnia illustrat, & quomodo contemplatio sub vno visionis radio, ad innumera se extēdit. *Sequitur.* Per intelligentiam siquidem sinus mentis in immensum

O 3 sum

*Auctor de  
spir. & ani.  
c. 20. apud  
Aug. 10. 3.*

*Cant. 4. 6*

*Bernard. de  
passione Do-  
mini c. 45.  
cir. med.*

*Rich. lib. 5.  
de consp. de arca mystica. cap. 9. Ex novitate rei quæ est supra se. Hic enim spem & nostram æstimationem oritur admiratio, ex admiratione autem accrescit attentio, & ex attentione cognitio, & ex his mentis suspensio, quia sicut dicit ibidem: Dum humana intelligentia diuino lumine irradiata intelligibilium contemplatione suspenditur, dum in eorum admiratione ad modum auroræ, distenditur, quanto semper ad altiora vel ad mirabiliora ducitur, tanto amplius, tantoque copiosius ad modum auroræ dilatur. Vnde quanto ab infimis sit remotior, tanto semetipsa purior, & ad sublimia subtilior inuenitur. Ex quo sequitur, quod tanto in superioribus diutius suspenditur, quanto a retrahentibus dilatur & elongatur. De hoc suspendio dicit Iob: Suspendium elegit anima mea. Quod Vercellensis exponens, dicit sic: Suspendiū illud est extensio mentis in æterna spectacula, ut cum fieri potest numquam ex intentione voluntatis, sed sola interpellatione necessitatis, acies mentis inde flecta-*

*Iob 7. c*

*Rich. lib. 2.  
de consp. c. 4. 5. princ.*

*Ibid. c. 9.*

*Greg. lib. 1.  
Moral. c. 11.*

*Auct. de sp.  
& ani. c. 11.  
apud Aug.  
10. 3.  
Rich. de ar-  
ca mystica  
lib. 1. c. 3.*

sum expanditur, & contemplantis animi acies acuitur, ut capax sit ad multa comprehendenda, & perspicax ad subtilia penetranda. Hæc ille. Et propter hoc dicit Richardus ibidem, quod meditatio in contemplationem transit, tamquam in illud quod perfectius est, idest in aliquem gradum contemplationis, qui dicitur speculatio, qui non est perfectus gradus contemplationis, licet vnum pro alio ponatur, ut patet.

*Aug. 11. li. 1. de Trin. c. 15.* Tercio sciendum est, quod contemplatio differt a speculatione per hoc, quia in descriptione contemplationis ponitur quod fertur in sapientiæ spectaculo. De quo nota, quod secundum Augustinum libro 3. *cir. fin. in sensu 10. 3.* in se, sed per imaginationem suam videtur, & in enigmate, idest obscure. Richardus libro 5. de arca mystica lib. 3. ca. dicit: Quamuis cōtemplatio & speculatio proinde arca mystica c. 14. proprietatem obnubilent, & inuoluant; aptius tamen & expressius speculationem dicimus, quando per speculum cernimus: contemplationem vero quando veritatem sine aliquo inuolucro, vmbraque velamine in sui puritate videmus. Vnde Hugo in septimum Angelicæ Hierarchiæ dicit: Dionysius vocat

*Aug. Hier. 7. ar. li. 7. 16. 3. post modum.* simplices fulgores, puras illuminationes deuenientes ad primas contemplationes. Pura illuminatio est, quando veritas per se ipsam concipitur. Pura contemplatio est, quando veritas in seipsa non per subiectam imaginem videtur. Hæc ille. Ex quo apparet, quod contemplatio in speculationem sapientiæ, clariorem aspectum habet, quam speculatio, & gustum sapientiorum. Vnde Richardus ibidem exponens illud: Montes exultauerunt ut arietes, & colles sicut agni ouium, dicit: Colles ad agnorum similitudinem exultant, quando immensa illa intimæ sollemnitis tripudia, eos usque supra semetipsos leuat, ut cælestium secretorum arcana, saltem per speculum in ænigmate videre valeant; montes vero quasi ad instar arietum exultant, quando maiores in iucunditatis suæ excessibus, in pura & in simplici veritate vident, & minores, ut iam dictum est, vix per speculum in ænigmate videre valent. Hæc ille. Expedit etiam scire, quod Linconiensis commẽtator Dionysij, loquens de speculis spiritualibus super 3. Angelicæ Hierarchiæ dicit, quod specula spiritualia pura, clara, & plana, spiritualiter primo recipiunt radios solares, sibi incidentes immediate a fonte luminis, & tale dicitur lumen contemplationis, temperatū tamen in oculo contemplantis, ut infra patebit; & secundario lumen receptum specula refundunt in eos, qui luminis sunt capaces, non tamen secundum claritatem illam quam ipsi recipiunt, sed secundum cuiuslibet capacitatem, & hoc dicitur lumen speculationis, quia mediante speculo spirituali recipitur, vel per scripturam, vel doctrinam, vel per exempla ab illuminatis speculis procedentia, quemadmodum speculum materiale primo a lucido suscipit radios sibi incidentes, quos reflectit in oculos cōspicientis, quos oculus tamquam sibi iam mediante speculo proportionatos recipit, quos tamē in fonte luminis propter nimiam refulgentiam oculi debilis immediate videre non potuit, ut patet ad sensum. Nec lumen speculari ita efficaciter repræsentat lucidum oculo videntis, sicut lumen immediate receptum a lucido, ut patet in perspectiua, & in epistola Iacobi ubi dicitur, quod considerans vultum suum in speculo, statim oblitus est, &c.

*Iac. 1. d.*

Quarto sciendum est, quod contemplatio differt ab intuitiua cognitione per hoc, quod in descriptione contemplationis ponitur, admiratione suspensa. Suspendio enim dicit quasi quandam violentam eleuationem, dum anima naturæ suæ possibilitatis supergreditur terminos. Vnde Richardus dicit: Proculdubio, cum anima sancta de interno quodam tripudij sui applausu a semetipsa excutitur, dum supra

A semetipsam ire mentis alienatione virgetur, dum in cælestibus tota suspenditur, dum angelicis spectaculis tota immergitur, naturæ possibilitatis terminos supergressa videtur, propter quod anima cōtemplatiua frequenter ad inferiora dilabitur. Vnde sequitur ibidem: Nonne velut terra a terra suspenditur, quando homo super hominem ducitur? cui per exprobrationem a Domino dicitur: Terra es, & in terram ibis. *Gen. 3. d.* Sequitur. Terra recte dici potest, quamdiu luteas inhabitat domos, & terrenum habet fundamentum. Sed Gregorius 10. *Moralium* dicit: Anima, a cōtemplatiua infirmitatis suæ pondere victa lassatur, & tanto celerius labitur, quanto carnis claustra transgrediens, supra semetipsam ire conatur. Sed anima intuitiue cognoscens Deum, numquam ad inferiora relabitur, sed sine intermissione & fatigatione Deum in æternum dulciter intuetur, quod in corpore corruptibili fieri non potest. De quo plenius notatur in quinto itinere. Vnde dicit Dionysius in 2. Angelicæ Hierarchiæ secundum commentatorem: Deus quia semper vniformiter & æqualiter bonus & pulcher est, & quia habet in se simplicissime omnem speciem desiderabilem, & secundum omnia est totus desiderabilis, ideo plenarie, intime, & irreuocabiliter in se trahit omnium suorum comprehensorum desideria. Hæc ille. Omnes igitur istæ differentiæ sunt secundum clariorem, & minus clarum aspectum ad Deum, & quodlibet prædictorum terminatur in sequens se, tamquam in perfectius eo, sic etiā contemplatio proficiendo terminatur in intuitiuam cognitionem, tamquam in suam perfectionem. Vnde Glossa Lucæ 10. dicit, Vita contemplatiua hic incipit, & in cælesti patria perficitur, quia amor est ignis, qui hic ardere incipit, sed cum ipsum quem amat videbit, amplius in amore ignescit. Et Gregorius in *Moralibus* exponens illud Lucæ: Maria optimam partem elegit quæ non

*Gen. 3. d.*

*Greg. li. 10. Mor. c. 11. versus fin.*

D auferetur ab ea, dicit: Actiua vitæ opera, cum corpore transeunt, contemplatiua autem vitæ gaudia, melius ex fine conualescunt. Et sic patet differentia prædictorum.

*Greg. lib. 6. Mor. c. ult. ante med.*

*Qualiter contemplatio secundum diuersos gradus diuersimode a multis diuidatur. Dist. 1111.*

*Articulus I.*

Quartò videndum est, qualiter contemplationis iter per diuersos gradus vel modos secundum varias considerationes sanctorum & diuersas traditiones doctorū distinguatur, ut per hoc verius, breuius, & securius iter contemplationis eligamus, & per hoc ad æternum intrinsecum Domini Iesu verius perueniamus. Sed ad intellectum istorum, hoc prænotandum est, quod aliud sunt gradus contemplationis, & aliud sunt gradus perueniendi per diuersas dispositiones ad contemplationem. Gradus contemplationis sunt quidam progressus, & profectus intellectualis cognitionis, & saporosæ dilectionis, ad contemplandum Deum sub ratione veri, & boni. Vnde Gregorius 22. *Moralium* dicit: Gradus dicuntur mensuræ crescentium virtutum. Tales autē gradus profectuum sunt innumerabiles. Gradus autem ad contemplationem disponentes, sunt illa quæ adiuvant, & disponunt gradatim intellectum & affectum ad contemplandum, & sic omnis creatura est quasi quædam scala, per quam gradatim ascenditur ad cōtemplandum Deum, cum creaturæ sint creatæ propter electos. Loquendo tamen secundum cōsuetum modum, gradus contemplationis dicuntur illa incrementa contemplationis, & illæ dispositiones quæ magis intellectum & affectum coadiuvant ad contemplandum, & quæ distincta sunt, & tradita a sanctis doctoribus. Vnde Gregorius 22. *Moralium* dicit: Gradus vocantur incrementa virtutum, distincte tradita a Sanctis. Necessitatem autē istorum graduum contemplationis.

*Greg. li. 22. Mor. c. 14. ante med.*

*Greg. ibid. cir. fin.*



*Ibidem ubi supra ante mod.* contemplationis, ostendit Gregorius 22. Moralium dicēs sic: Nemo infima deferēs, repente fit summus: quia ad obtinendum perfectionis meritū oportet, ut mens

*psal. 83. b.*

*psal. 47. a. sec. LXX.*

quotidie in altum quasi quibusdam ascensionis gradibus perueniat. Vnde & recte Psalmista dicit: Ibi de virtute in virtutem, donec videatur Deus Deorū in Sion. Et idem: Deus in gradibus eius cognoscetur, scilicet contemplationis, cum suscipiet eam contemplator. Similiter Linconiensis super Angelicam Hierarchiam ostēdit necessitatem istorum graduum per exemplum, dicens sic: Sicut oculi carnis infirmiores prius suscipiunt lumen solis obscurum, & magis coloribus superfusum, deinde magis confortati, suscipiūt illud a coloratis medijs coloribus, & postea visu roborato, plus suscipiunt illud superfulgidum coloribus albis, deinde vero plus aucta sanitate, suscipiunt illud fulgentibus coloribus superfusum ut speculis, tandem oculis perfecte sanatis suscipiunt solarem radium, non autem alicui superfusum, sed in se purum ipsum solem in ipso puro solarilumine irreuerberate conspicientes: sic etiam oportet, mentis oculum infirmiores prius assuefieri ad conspiciendum lumen solis, intelligentia in grossioribus, deinde in subtilioribus, donec tandem ex ipsa luminis datione multis multipliciter superfusa, extendamur & restituamur in simplicem ipsius radium. Hæc ille.

*Hug. in 10. Ang. Hier. li. 9. par. 2. circa fin.*

Ex prædictis apparet, quod tam in radioso lumine contemplationis speculatiuæ, quam in saporoso gustu contemplationis practicæ, oportet paulatim, & gradatim, proficiendo ascendere, & ascendendo clarius cognoscere Deum: quia sicut dicit Hugo super Angelicā Hierarchiam: Quanto magis crescit ascensio, tanto magis crescit cognitio, donec oculus intellectualis magis ac magis illuminetur & confortetur, & affectus mentalis magis purificetur & inflammetur, & totus homo exterior, & interior in Deum ordinetur. & hoc verius, & perfectius videtur fieri, per gradus illos, qui mentem ad similitudinem cælestis Hierarchiæ purgant, illuminant, & perficiunt.

*Hugo in 3. Ang. Hier. lib. 3. post mod.*

Ait enim Hugo commentator super 3. Angelicæ Hierarchiæ: Et oportet, quod mens quæ Deum vult contemplari, primum purgetur, postea illuminetur, & deinde perficiatur, quia nisi præcederet purgatio, non sequeretur illuminatio; & nisi esset illuminatio, non veniret consummatio siue perfectio, & tales quanto magis ascendunt, tanto magis appropinquant diuinitati. Quanto autem magis appropinquant, tanto verius contemplantur. Tales autem gradus Dionysius in Angelica Hierarchia dicit esse tam in mente Angelica, quam in mente humana bene ordinata. Vnde secundum commentatorem Linconensem, & Hugonē, & Vercellensem, dicit Dionysius: Addā ego & ex abundanti non inconuenienter, quod vnaquæque mens Angelica, vel humana bene ordinata, habet in sua singulari persona primas, medias & vltimas ordinationes, & virtutes, & sursum actiones, hierarchiarum illuminationes manifeste distinctas. Hæc Dionysius. Hæc verba exponens commentator Vercellensis dicit sic: Qualiter in singulis mentibus hierarchicis disponantur tres hierarchiæ, & in singulis earum tres ordines iuxta Angelicam dispositionem, videlicet in infima Angeli, Archangeli, & Principatus, videndum est. Per hos enim mens bene ordinatur ad exteriora, vel respectu exteriorum. In media autem mentis hierarchia sunt Potestates, Virtutes, & Dominationes. per hos ordinatur respectu interiorum. In summa mētis hierarchia, sunt Throni, Cherubin, & Seraphin, per hos ordinatur respectu superiorum. Et has nouem ordinationes vocat Vercellensis nouem gradus contemplationis, quibus reducitur in diuinam monadem. Et prosequitur ibi de singulis gradibus, præmittens, quod infima mentis hierarchia cōsistit in eius natura, media in industria,

*Vercell. super Isa. c. 7. & in prologo super Cant.*

In contemplatione tres possunt distinguī hierarchiæ, & in qualibet tres gradus initar cælestis hierar.

tertia in gratia, quæ incōparabiliter excedit vitæque.

In prima operatur natura, in summa sola gratia, in media industria & gratia. *Et sequitur.* Infimus ordo infimæ hierarchiæ qui dicitur Angelicus, cōtinet primas & simplices apprehensiones naturales, tam intellectus, quàm affectus, sine aliqua dictatione commodi vel incommodi, quæ tamquam Angeli, scilicet nunciij aliquid simpliciter annunciant.

Ecce Vercellensis subtiliter incipit ab infimo gradu intellectualis operationis & affectionis, quæ sunt primæ & simplices apprehensiones, & ascendit paulatim & gradatim per cacumina collium æternorum, vsque ad summos apices intellectus & affectus, ut patebit infra.

Medius ordo infimæ hierarchiæ continet naturales dictationes apprehensorum, utrum videantur commoda vel incommoda. ex his fit annunciatio principior; quam fit prima.

Tertius ordo vel gradus infimæ hierarchiæ continet appetitus, vel fugas apprehensorum secundum dictationes commodi vel incommodi. Fuga autem est mali, & appetitus boni, & ita iste ordo præbet ducatum inferioribus in diuina, quod signatur nomine Principatum. Hæc Vercellensis. Ecce per hos tres ordines & gradus infimæ hierarchiæ mentis humanæ, fit homo bene ordinatus respectu exteriorum, dum primi & infimi gradus intellectus & affectus fuerint bene ordinati. quod fit, dū sibi obiecta simpliciter apprehendunt, discretiue discernunt, sincere bona appetunt, & mala fugiunt. Vnde Bernardus super Cantica dicit: Beata mens, quam totam sibi vendicant sapor boni, & odium mali. hoc est reformari ad sapientiam.

Quartus ordo vel gradus, qui est infimus in media hierarchia mentis, continet voluntarios motus intellectus & affectus, a libero arbitrio iam accepta distantia boni & mali cum deliberatione rationis, examinant, & ordinant mentem, quantum est in ipsis, per diffinitiuam sententiam, ad petendum & querendum totis viribus intellectus, & affectus summū bonum, & ad repellendum omnia obstacula. Nomen autem Potestatis signat ordinem secundum Dionysium.

Quintus ordo, qui est medius mediæ hierarchiæ mentis, continet robora virtutum, valida naturalium & gratuitarum, ad exequendum fortiter, quod a Potestatibus recte decretum est, quod notatur nomine Virtutum.

Sextus ordo, qui summus est in media hierarchia mentis, continet authentica imperia liberi arbitrij, quibus apices intellectus & affectus tota virtute suspenduntur, ad suscipiendū diuinos superaduentus, quantum possibile est libero arbitrio adiuto a gratia. Et huiusmodi suspēdij & imperij ac libertatis sublimitas, vocatur nomine Dominationum. In isto autem ordine mens adhuc sobria, extēditur ad radium superiorem vsque summos naturæ terminos. *Et infra.* Mens itaque contemplatiua decursis seriatim quinque gradibus contemplationis prædictis, in culmine sexti aciem figens in ordine Dominationum mentis nititur in theoreticos excessus cupiens in ordinē Thronorum mentis assumi. Hæc Vercellensis.

Ecce per hos tres gradus mediæ hierarchiæ mentis humanæ, fit homo bene ordinatus respectu interiorum, id est ad seipsum, ita ut totum regnum animæ pacificetur, dum primo per gradum infimum potestate ordinata, viriliter repelluntur omnia offendicula mentis bene ordinatæ, & Deo conformiter operante, ut sine vlla ordinis confusione, & perturbatione tendat ad finem vltimum, ad quem creata est, & dum secundo per gradum medium mens in virtute valida & inconcussa exequitur omnes operationes intellectus, & voluntatis siue affectus, Deo cōformiter operante ad Deum seu finem intentum consequendum, quantum potest, iuxta gratiam & virtutes a Deo acceptas:

*Hug. super 3. Ang. hierarc. lib. 4. ante med.* ceptas: & dum tertio per gradum summum mediæ A hierarchiæ plena libertate & in nullo impedita, & Deo conformiter operante, ut possibile est, intellectus & affectus cum omni familia sua liberi, in æterna extenduntur. ergo ordinatio interioris hominis est necessaria, quia sicut dicit Hugo: Sicut sine gratia operari vanum est, ita præter ordinem operari, ac contra ordinem peruersum est. Et quia sicut dicit Linconiensis ibidem: Ordo dicitur potestas a Deo tradita, ad disponendum sacra omnia potestati suæ subiecta, ideo homo interior ordinatus per istos tres gradus, fit etiam ordinatus respectu interiorum.

Septimus ordo, qui est infimus in suprema vel summa hierarchia mentis, per mētis excessus susceptivus est diuini superaduentus. Vnde Thronorum nomine censetur, & quot sunt sinus mentis, siue capacitates illius supersubstantialis solaris radij, supersimplicis in essentia, & multiplicis in efficacia, tot sunt throni mentis. Throni autem inconcussi collocantur stabiliter. & sunt susceptivi diuini superaduentus, & sunt deiformes, & familiariter aperti ad Deum in se suscipiendum. Hæc Vercellensis. Hugo vero idem dicit: Subsellia Dei, idest sedilia subleuantur per dignitatem, collocantur per stabilitatem, Deum aduenientem in se suscipiunt, & ferunt, quia fiunt ad susceptiones aperti. Hæc ille.

Octauus ordo siue gradus, qui est medius in summa hierarchia mentis, sicut dicit Vercellensis, continet omnimodam cognitionem intellectus, & affectus, intellectus attracti diuina dignatione, quo non valet ascendere per se, & attracti affectus, affectionem tamen & summitatem intellectus attracti non extendentis, simul enim attrahuntur, & quasi coambulant ipse affectus & intellectus, usque ad nouissimum defectum intellectus, qui est in summitate huius ordinis Cherubim, quem intellectuales etiam attractus non excedunt, sed ibi habet suæ cognitionis, & sui luminis summationem. Vnde ordo siue gradus ille Cherubim vocatur. Hæc ille. & iterum dicit sic, quod manifestatio interpretationis huius nominis Cherubim, signat, quod substantiæ huius ordinis siue gradus habent virtutem excellenter cognitiuam, & diuinorum mysteriorum inspectiuam, & supremæ influtionis luminum diuinorum post Seraphim susceptiuam principaliter, contemplatiuam diuinæ pulchritudinis, quam etiam communicant inferioribus.

*Vercell. super Angel. hierarc. c. 7.* Nonus ordo siue gradus, qui est summus in summa hierarchia mentis continet principaliter in Deum pura suspiria, superintellectuales extensiones & immisiones, feruidos fulgores, & fulgidos feruores, ad quorum omnium sublimes excessus, & excedentes sublimitates, intelligentia trahi non potest, sed solus affectus principalis Deo vnibilis. *Sequitur.* In hoc ordine offeruntur Deo orationes castissimæ, quibus Deo assimilamur. Iste ordo sponsum amplexatur, & sponsi amplexibus admittitur, speculum nescit, Mariæ partem percipit, quæ non auferetur ab ea. De isto ordine siue gradu contemplatio in inferiores ordines, & gradus seriatim, idest ordinate fuit diuini luminis inundatio. Hæc ille. Ecce per hos tres gradus supernæ hierarchiæ mentis humanæ, fit homo creatus & bene ordinatus respectu supernorum, scilicet respectu Dei: dum primo per gradum infimum omnes Throni siue mentis capacitates Deo aperiuntur, & ab ipso inhabitantur: & dum secundo per medium gradum omnes intellectuales actiones ad Deum contemplandum intime, quantum possibile est, & veraciter diriguntur: & dum tertio per supremum gradum, omnes voluntatis affectiones ad Deum diligendum totaliter & finaliter reducuntur, ut Deum in omnibus, & omnia in Deo ordinate diligant. In hoc gradu fuit anima contemplatiua constituta, quando dixit ipsa: Ordinauit in me charitatem. Quod exponens Vercellensis dicit: Per ordinem Seraphicum

omnes inferiores ordines siue gradus participant lumina diuina, & hierarchiæ disponuntur, idest inferiora, & exteriora, per media inferiora reducuntur ad superiora, scilicet in Deum ordinata charitate. Vnde bene dicit: Ordinauit in me charitatem.

*De gradibus contemplationis secundum Richardum. Articulus 11.*

*Rich. de contempl. li. 1. c. 6.* Richardus autem ponit sex gradus, vel species contemplationis, quasi quasdam dispositiones & itinera ad æternitatem. Et sicut commentator Dionysius

*B* si infimum gradum contemplationis ab infimo gradu intellectualis & affectualis operationis, quæ sunt simplices apprehensiones, incipit, & instituit, & ascendere gradatim docet, per cacumina collium æternorum, usque ad summos apices intellectus, & affectus, ut supra patuit: ita Richardus ponendo sex gradus contemplationis, instituit primum gradum & infimum in imaginatione, quæ non est aliquis gradus intellectualis operationis, sed longe inferior est intellectu & affectu, & ab illa ascendit gradatim usque ad cognitionem increatæ veritatis, omnem humanum intellectum excedentis, & etiam usque ad excessum humanæ mentis. Vnde idem Richardus dicit: Nos

*Sex sunt gradus contemplationis.*

*C* debemus a nouissimis incipere, & scientiæ nostræ promotionem paulatim subleuare, & per exteriorum notitiam ad inuisibilem cognitionem ascendere. Cum enim exteriorum scientiam apprehenderis, & in eorum doctrina exercitatos sensus habueris, debes ad altiora ascendere, & spiritualium creaturarum scientiam comparare. Hæc ille.

*Rich. ubi sup. lib. 4. c. 5.*

Primum ergo gradum siue infimum Richardus dicit esse imaginationem, & secundum solam imaginationem. Vnde dicit: Tunc contemplatio nostra in gradu imaginationis versatur, & secundum solam imaginationem formatur, quando nihil arguendo querimus, & ratiocinando inuestigamus, sed libere mens nostra huc illucq. discurret, quo eam in hoc genere speculationis admiratio rapit, quæ oritur ex his, quæ sensu corporeo hauriuntur, dum imaginamur, quàm sunt multa & varia, & pulchra, & iucunda: talium enim forma, & imaginatio in considerationem adducta, inferunt stuporem & admirationem. Sed necessarium est, hoc scire quod duplex est imaginatio, ut supra dictum est. Dicit namque Richardus, quod imaginatio alia est bestialis. ut illa quando circa ea, quæ ante vidimus, vel fecimus, sine vtilitate & absque

*Rich. lib. 1. de contempl. c. 6.*

*D* omni deliberatione, huc illucq. vaga mente discurremus. Vtique hæc bestialis est, & ideo ad contemplationem non pertinet. Alia est imaginatio rationalis, ut quando aliqua imaginamur rationabiliter ex his, quæ videmus, & illis sæpe vtimur in contemplatione. Hæc ille. Et licet imaginatio non sit aliquis gradus intellectus, est tamen ordinata dispositio ad intellectum, quia sicut dicit Richardus imaginatio rationi famulatur. & ideo aliqualem gradum contemplationis dicitur.

*Rich. in li. Benjaminis mino. c. 16.*

*Imaginatio alia bestialis, alia rationalis.*

*F* Secundus gradus contemplationis secundum Richardum est, qui in imaginatione consistit, tamen secundum rationem formatur, atque procedit, ratiocinando circa ea, quæ imaginationi præsentantur, quod fit, quando ea, quæ in imaginatione versamus, & ad primum gradum contemplationis pertinet, ratione querimus, & inuenimus, & inuenta in considerationem cum admiratione adducimus. In primo itaque gradu res istas imaginamur. In secundo autem gradu rerum vtilitatem, rationem, & ordinem, & ceteras condiciones rimamur, speculamur, & miramur. Hæc itaque contemplatio in imaginatione consistit secundum talem rationem, quia circa ea ratiocinando procedit. Hæc ille. Hic gradus est superior præcedenti gradu, eo quod ratio in eo operatur, licet cum imaginatione quæ rationi subijcitur. Dicitur enim in libro

*Rich. lib. 1. de contempl. c. 6.*

*Aug. de sp.* in libro de spiritu & animâ: Et imaginatio ad rationem non ascendit, sed infra remanens eam aliquantulum deducere potest, & quasi a longe quædam ostendit, ad quæ non potest peruenire. & ideo bene ponitur gradus contemplationis, quia per ipsum spiritus humanus magis appropinquat, & ascendit ad cognitionem veræ contemplationis, quàm præcedens gradus. Multa enim ratio concludit ex imaginatione, occasione assumpta, quæ continue assistit rationi famulando, etiam sensu absente, siue quiescente.

*Rich. lib. 1. de consp. c. 6.* Tertius gradus contemplationis, ut dicit Richardus, est, qui in ratione secundum imaginationem formatur. Isto autem gradu contemplationis tunc veraciter utimur, ut inquit Richardus, quando rerum visibilium similitudine multifaria in rerum inuisibilium speculationem subleuamur. *Sequitur.* Hæc vero speculatio in ratione consistit, quia in his solû, quæ imaginationem excedunt, per intuitionem, & inuestigationem insitit, ut quæ sunt inuisibilia. Dicitur autem secundum imaginationem formari, quia ex rerum visibilium imaginatione in hac speculatione similitudo trahitur, unde in rerum inuisibilium inuestigatione animus adiuvetur. Et hic gradus perfectior est præcedentibus, ex eo, quod ille se extendit ad contemplationem inuisibilium & spiritualium, licet ex imaginatione visibilium similitudinem trahat in sui adiutorium. Unde Richardus dicit: Cum scriptum sit, quia inuisibilia Dei a creatura mundi, per ea, quæ facta sunt, intellecta conspiciuntur: manifeste ex hoc colligi potest, quod ad inuisibilium cognitionem, numquam ratio confurgit, nisi ei ancilla sua, videlicet imaginatio, rationi visibilium formam repræsentaret. Per rerum enim visibilium speciem, surgit ratio ad rerum inuisibilium cognitionem quotiens his adiuta, illa trahit ad quandam similitudinem. Sed constat, quia sine imaginatione, corporea nesciret, sine quorum cognitione ad cælestium cognitionem, vel contemplationem non ascenderet.

*Rich. lib. 1. de consp. c. 6.* Quartus gradus secundum Richardum est, qui in ratione, & secundum rationem formatur, quod utique fit, cum semoto omni officio imaginationis, solum illis animus intendit, quæ imaginatio non novit, sed quæ mens ex ratiocinatione colligit, vel per rationem deprehendit. Tali enim speculationi tunc insistimus, quando inuisibilia nostra, quæ per experientiam novimus, & ex intelligentia capimus, in considerationem ducimus, & ex eorum consideratione in cælestium animorum, & supermundanorum intellectuum contemplationem assurgimus. *Sequitur.* Hæc autem contemplatio in ratione consistit, quia sensibilibus semotis, solum intelligibilibus intendit. Et hæc quidem contemplatio ab illis utique inuisibilibus nostris videtur initium sumere, & fundamentum capere, quæ humanum animum constat per experientiam intellectualem nosse, & per communem intelligentiam comprehendere. Sed tamen pro hac parte hæc contemplatio etiam in ratione recte dicitur consistere, quia ipsa inuisibilia nostra a ratione comprehenduntur, & in eo ipso ratiocinationis modum minime supergreditur. Hæc ille. Hic gradus contemplationis perfectior est præcedentibus, eo quod tam a corporalibus, quàm a temporalibus magis elongatur, & spiritus magis in eo purificatur, & æternis vnitur. Unde Richardus ibidē dicit, quod in hac contemplatione animus humanus primū purā intelligentiā vititur, quæ semoto omnis imaginationis officio, ipsa intelligentia nostra in hoc primum negotio seipsam per seipsam ingerere videtur. Hæc enim per seipsam operatur, & quasi per speciem contemplatur. Hæc ille.

Quintus gradus contemplationis esse dicitur, qui est supra rationem, sed non præter rationem. In hanc autem contemplationis speculationem, mentis subleuatione ascendimus, quando ex diuina reuelatione

A cognoscimus, quæ nulla ratione humana plene comprehendere valemus, & nulla ratiocinatione nostra intelligere, & inuestigare sufficimus. Talia sunt illa, quæ de diuinitatis natura in illa simplici essentia credimus, & scripturarum diuinarum auctoritate probamus. *Sequitur.* Ergo contemplatio nostra tunc veraciter supra rationem ascendit, quando id animus per mentis subleuationem credit, quod humanæ capacitatis metas transcendit. & supra rationem, nec tamen præter rationem censenda est, quando ei quod per intelligentiæ aciem cernitur, humana ratio contrahere non potest: quin potius facile acquiescit, & sua attestatone alludit. Hæc ille. Et hic gradus est perfectior & sublimior præcedentibus gradibus eo quod ista contemplatio est supra rationem. Circa quod nota, quod sicut dicit idem Richardus: Quædam sunt infra rationem, ut quæ sensu corporeo percipimus: quædam secundum solam rationem sunt, ut quæ ratione inuelligamus: quædam supra rationem sunt, ut quæ vel per reuelationem, vel quæ nullus sensus corporeus potest attingere, & nulla ratio humana penetrare, sed tamen veraciter ea esse credimus, licet nec experimento, nec intellectu comprehendere possimus.

C Sextus gradus contemplationis est, quæ in his versatur, quæ sunt supra rationem, & videntur esse præter rationem, seu etiam contra rationem. In hac utique suprema omniq. dignissima cōtemplationis specula, tunc animus veraciter exultat, atque tripudiat, quando illa ex diuini luminis irradiatione cognoscit, atque considerat, quibus omnis humana ratio reclamat. Talia sunt pene omnia, quæ de personarū Trinitate credere iubemur, de quibus cum humana ratio consultitur, nihil aliud quàm contra ire videtur. Iste gradus contemplationis perfectior est omnibus præcedentibus, eo quod in eo pura intelligentia operatur, quæ ad contemplationem diuinæ maiestatis admittitur. Unde idem Richardus dicit: Quantum quæso est, quod intelligentia humana quotidie ad illos supercælestium animorum theoricos excessus nititur, & quandoque etiam pro diuinæ dignationis beneplacito, ad illa summæ maiestatis magnalia contemplando subleuatur? Hæc autē subleuatio quæ quandoque extenditur vsque ad mentis eleuationem, fit ex tribus, quandoque ex magnitudine deuotionis, quandoque ex magnitudine admirationis, quandoque ex magnitudine exultationis, ut semetipsam omnino nō capiat, sed supra semetipsam eleuata in alienationem transeat.

D Magnitudine deuotionis mens supra semetipsam eleuatur, quando tanto cælestis desiderij igne succenditur, ut amoris intimi flamma ultra humanum modum excrescat, quæ animam humanam ad ceræ similitudinem liquefactam, a pristino statu penitus resoluat, & ad instar fumi attenuatam, in superna eleuet, & ad summa emittat. Magnitudine admirationis anima humana supra semetipsam ducitur, quando diuino lumine irradiata, & summæ pulchritudinis admiratione suspensa, ram vehementi stupore concutitur, ut a suo statu funditus concutatur, & in modum fulgoris coruscantis quanto profundius ex despectu sui ad ima dei jectur, tanto sublimius & celerius per summorum desiderium reuerberata, & supra semetipsam rapta in sublimia eleuatur. Magnitudine vero exultationis & iucunditatis mens humana supra semetipsam rapitur, & a se alienatur, quando intima illa æternæ suauitatis abundantia potata, immo plene inebriata, quid sit, quid fuerit, penitus obliuiscitur, & in alienationis excessum tripudij sui nimietate traducitur, & in supermundanum affectum quandam sub quodam miræ felicitatis statu raptim transformatur. Hi sunt igitur gradus contemplationis secundum Richardum.

*Rich. ubi sup. prox.*

*Rich. de cōtempl. li. 4. c. 2.*

*Rich. lib. 5. de consp. c. 5.*

De gradibus contemplationis secundum Auctorem de spiritu & anima. Art. III.

Sed auctor libri de spiritu & anima considerans, quod etiam Dionysius dicit in epistola ad Titum, quod homo ex duabus naturis constat, anima scilicet & corpore; anima rationali quæ simplex est in essentia, & ex corpore composito, ut iuxta utriusque naturæ proprietatem illuminetur diuinis cognitionibus; & ut mens eius puras & simplices & intimas sensibilibus signorum intelligentias, segregata ab ipsis signis conspiciat, & ut sensualitas eiusdem per naturæ proprietatem cooperetur mentali cognitioni, ut sic ad diuina extendatur, & ideo in cōtemplatione oportet uti sensibilibus formis, in quibus diuina inuisibilia immundis, idest carnalibus abscondantur, & spiritualibus manifestentur. Ideo auctor prædictus primum

*Aut. de sp. & ani. c. 11. apud Aug. 10. 3.*

gradum ascendendi in Deum, dicit esse in sensuum operatione per quam concipiuntur res corporales. Secundum in imaginatione, per quam concipiuntur corporaliū similitudines. Tertium in ratione, per quam percipiuntur rerū naturæ siue rationes. Quartum in intellectu, per quē percipiuntur spiritus creati. Quintum in intelligentia, per quam percipitur spiritus increatus. Sextum in sapientia, per quam aperitur spiritualis gustus. Et auctor prædictus addit ibidem: Quidquid sensus percipit, imaginatio repræsentat, ratio inuestigat, intellectus iudicat, memoria seruat, intelligentia comprehendit, & ad cōtemplationem adducit, sed sapientia gustare facit. Sequitur.

Sensus qd.

*Bernar. in Cant. ser. 31. ante medium.*

*Rom. 1. c.*

*Aug. de vera relig. c. 29. 10. 1. Imaginatio quid.*

Sic fit ascensus ab inferioribus ad superiora; & a summis dependent ima. Et cum ab inferioribus ad superiora, idest temporalibus ad æterna ascendere volumus, prius occurrit nobis sensus, tamquam primū iter, deinde imaginatio, postea ratio, intellectus, intelligentia, & in summo est sapientia. Et statim subdit diffinitiones prædictorum, dicens: Sensus est ea vis animæ, quæ rerum corporearum corporeas percipit formas præsentis, quæ variæ & multipliciter ostendunt suum Creatorem. Vnde Bernardus super Cantica dicit: Quid est, quod hic est tanta formarum varietas, atque numeritas specierum in rebus conditis, nisi quidam radij diuinitatis, monstrantes quidem quia vere est, a quo sunt, non tamen quid sit prorsus diffinientes? Itaque de ipso vero verum vides, sed non ipsum verum. Vnde hoc genus videndi commune est. in promptu enim est, iuxta Apostolum, omni videnti ratione, inuisibilia Dei per ea, quæ facta sunt, intellecta conspiciere. Hæc ille. Et hæc est a temporalibus ad æterna ingressio, ait Augustinus de vera religione.

Secundum gradum dicit esse imaginationem. Est autem imaginatio secundum eum, ea vis animæ quæ rerum corporearum incorporeas recipit formas absentium, præsentium, præteritorum, & futurorum, quādoque ut sic ipsa inter sensum & rationem, quasi ancilla inter dominum & seruum discurret, & quidquid exterius haurit per sensum carnis, intellectui repræsentat ad obsequium rationis. Ex hoc apparet, quod imaginatio simplicior est, & nobilior potentijs sensitiuis, cum ipsa sola similitudines obiectorum omnium sensuum in se recolligat, & quoad aliquod quasi ab hoc loco, & hoc tempore abstrahat, ut patet per Richardum quare imaginatio animam magis facit appropinquare æternis, quā sensus exteriores.

*Rich. lib. de Patriarch. c. 5. qui liber Beniamin minor vulgo inscribitur.*

Ratio quid.

Vnde Richardus dicit, quod ratio ad inuisibilem cognitionem numquam assurgeret, nisi ei ancilla sua imaginatio visibilium formas repræsentaret, sine qua tum cognitione, ad celestium cōtemplationem nūquam ascenderet. Merito ergo gradus cōtemplationis potest dici, dispositiue saltem.

Tertius gradus ascendendi ad Deum, siue cōtemplandi, dicitur esse in ratione. Ratio autem secundum eum est ea vis animæ, quæ rerum corporearum na-

turas, formas, differentias, & propria accidentia percipit, omnia incorporea, sed non extra corpora. Abstrahit enim a corporalibus, quæ fundantur in corporibus, non actione, sed consideratione. Natura nempe ipsius corporis, secundum quam omne corpus est, nullum corpus est. Hæc ratio sensum mentis acuit, veraq. a falsis distinguit, & imaginem Dei in se conseruat. Hæc ille. Ex quo apparet, quod ratio sensum & imaginationem incomparabiliter excellit dignitate, & excedit opere. Vnde anima per rationē non solum Deum esse cognoscit, sed etiam eius capax fit, ut patet per Augustinum 14. & 15. de Trinitate. Nam per rationem anima de Deo meditatatur, meditando cōtemplatur, Deus cōtemplatus amatur, & vere amatus habetur, immo sicut dicit Augustinus in originali: Hæc est vis naturæ diuinitatis, ut creaturæ rationali iam ratione videnti, non omnino ac penitus possit abscondi, vnde est vere gradus cōtemplationis ratio.

Quartus gradus secundum eum, est in intellectu.

Intellectus autem secundum eum, est ea vis animæ, Intellectus quæ inuisibilia percipit, sicut angelos, animā, & omnem creaturam spiritum, & sic intellectus acceptus, ad cōtemplationem cooperatur, quia importat quandam intimam cōtemplationem. Dicitur enim intellectus, quasi intus legens, penetrat enim vsque ad essentiam rei, quia obiectum intellectus est, quidquid est, quod etiam asserit Philosophus. Accipitur etiam intellectus quandoque, ut est virtus intellectualis, siue ut est habitus principiorum naturalium, quæ sub lumine sunt naturali, & sic intellectus ostendit veritatem infallibiliter. Dicitur namque in libro de spiritu & anima, quod intellectuali

*Arist. 3. de ani. 10. 37*

*Aut. li. de spir. & ani. c. 23. apud Aug. 10. 3.*

visionem numquam fallitur anima, aut enim tantum intelligit, & verum est, aut si verum non est, non intelligit, & ideo intellectus sic acceptus dicit aspectum manifestum & infallibilem circa principia, & sic acceptus intellectus etiam cooperatur ad cōtemplationem. Accipitur enim aliquando intellectus, ut est donum Spiritus sancti, & sic intellectus est habitus supernaturalis principiorum supernaturalium, quæ sunt articuli fidei. & sic nominant quandam excellentiam cognitionis, penetrandi ad intima cognoscibilem. Vnde Gregorius libro 1. Moralium dicit: Intellectus in die suo conuiuium parat in mente, quia in eo quod audita penetrat, reficiendo cor, tenebras eius illustrat. Nam lumen intellectus sic acceptum, ita se habet ad principia, quæ nobis naturaliter innotescunt, sicut se habet lumen naturale, ad ea principia, quæ primordialiter cognoscimus. Sed sicut lumen naturale infallibiliter veritates principiorum naturales ostendit: ita & donum intellectus supernaturalis veritates infallibiliter ostendit. Vnde intellectus sic acceptus, est verus & necessarius cōtemplationis gradus.

*Greg. lib. 1. Mor. c. 16.*

Quintus gradus ascendendi ad æterna, siue cōtemplandi secundum eum est intelligentia. Est autem intelligentia, ut ibidem dicitur, ea vis animæ, quæ immediate supponitur Deo, cernit quippe ipsum supremum verum & incommutabile. Et infra dicit sic: Intelligentia est vis animæ, qua de diuinis, quantum homini possibile est, cognoscitur ad celestia arcana penetranda, quæ ut dicit Boetius, paucorum est hominum. Ex quo patet quod intelligentia excellit intellectum in sua actione, & ab ea differt, & quod est perfectior gradus cōtemplationis. Quod etiam Richardus videtur sentire, dicens: Per intelligentiam siquidem sinus mentis, in immensum extenditur, & cōtemplantis animi acies acuitur, ut capax sit ad intelligibilia comprehendenda, & perspicax ad subtilia penetranda. Et numquam cōtemplatio potest esse sine viuacitate intelligentiæ. Sequitur. Etiam quotiens cōtemplantis animus dilatatur ad ima, quotiens eleuatur ad summa, quotiens acuitur ad inscrutabilia.

*De spir. & ani. c. 11.*

*Intelligentia quid. Ibid. c. 37.*

*Rich. de cōtempl. li. 1. c. 3.*

tabilia, quoties agilitate mira & pene absque timore A  
rapitur per innumera, ex quadam vi intelligentiæ hoc  
esse, non dubitatur. Hæc ille.

Sextus gradus contemplationis siue ascendendi ad  
æterna, secundum prædictum, est in sapientia, quæ  
sequitur intelligentiam, quia sicut dicit idem, Vt vi-  
sio mentis est intelligentia, sic mentis gustus est sa-  
pientia. Illa contemplatur, ista gustat & delectatur.  
Sed hic primo notandum est, quod sapientia quæda  
est, quæ acquisita est per studium humanum, quæ est  
virtus intellectualis. De qua loquitur Philosophus  
in Metaphysica sua. Et hæc per rationis inuestiga-  
tionem inquit rectum iudicium de diuinis, & actus B  
intellectuales, & omnes operationes animæ perficit,  
secundum eum, quantum potest. Quia sicut dicit So-  
neca: Sapiens ad omnia incursum munitus & inté-  
tus, non si paupertas, non si luctus, non si ignominia,  
non si dolor impetum faciat, pedē referet. Interritus  
& cōtra illa ibit, & inter illa. Et infra: Sapiens plenus  
est gaudio & inconcussus, cum dijs ex pari uiuit. Hæc  
ille. Ideo potest dici aliquis gradus contemplationis.

Sen. in epi.  
59. cir. mo-  
dium.

Iac. 3. d

Alia est sapientia quæ desursum est infusa. Et hoc est  
donum Spiritus sancti. Et ad istam non solū pertinet  
secundum iudicium rectum contemplare diuina, sed  
gustare & regulare humanos actus, excellentiori mo-  
do quàm sapientia, quæ est virtus intellectualis, ut  
pote magis de propinquo Deum attingens, & experi-  
ens per quandam vnionem spiritus & animæ ad ip-  
sum, ut directa per regulas legis æternæ. De ista sa-  
pientia loquens Bernardus libro de amore Dei, di-  
cit sic: Sapientia a sapore dicitur, sapor autem iste,  
in gustu quodam est. Gustum autem illum nemo ex-  
vis. c. 10. in  
primere potest, nec etiam ille, qui meretur gustare,  
princ. fore. sed dicere potest: Gustate, & videte, quoniam suauis  
Psal. 33. b est Dominus. Hoc gustu, secundum Apostolum, gu-  
statur Dei verbum, gustantur etiā diuitiæ sæculi ven-  
turi. Et sequitur. Hic gustus si defuerit solus, omnes  
alij sensus, scilicet spirituales quattuor languescunt.  
Gustum autem sequitur quædam saporis dulcedo,  
quam in interiori suo sentiens anima, quodam mo-  
do singulari quæ suscipit cuncta discernit, & dijudi-  
cat, seq. & omnes sensus vegetat, & confirmat, sci-  
licet interiores. Hi sunt gradus contemplationis se-  
cundum illum.

Bern. li. de  
natura &  
dignitate  
diuini amo-  
ris. c. 10. in  
princ. fore.  
Psal. 33. b  
2. Ps. 2. a

De gradibus contemplationis secundum Origenem.  
Articulus IIII.

AD hos gradus siue species contemplationis supra  
dictorum Doctorum, quasi omnium aliorū do-  
ctorum gradus & species contemplationis mediate  
vel immediate possunt reduci, ut pater de sex gradi-  
bus contemplationis Origenis, quos declarat, dicens:  
Contemplatorem verum & iubilatorem certum te  
iudico, si primo perficiat te actio. Hic Origenes sub-  
tiliter considerat, quod ubi vita actiua terminatur &  
perficitur, ibi vita contemplatiua ordinate inchoa-  
tur, & gradatim sursum tendit & proficit, donec in  
visionem intuitiuam consummatur. Vnde proprie  
loquendo de contemplatione, perfectio actionis non  
est gradus cōtemplationis, sed potest dici status qui-  
dam resultans a summa perfectione vitæ actiue, quæ  
necessario præcedit, tamquam disponens potentias  
contemplatiuas ad actus suos nō impeditos, sed per-  
fectos. Gregorius 6. Moralium dicit sic: Qui arcem  
contemplationis ascendere desiderant prius necesse  
est, ut in opere actionis perfecte se exerceant. Et pro  
tanto dicitur gradus contemplationis.

Orig. super  
Cant. c. 2.

Greg. lib. 6.  
Mor. c. 17.  
post mod.

Secundò secundum Origenem verus contempla-  
tor es, si in te est sensum exteriorum retentio, siue  
retractio ad interiora, & collectio eorum in vnum.  
Hoc enim, iuxta Vercellensem, est greges, idest sen-  
sus bestiales, minare ad interiora deserti per itinera  
æternitatis. Hoc fit, quando inuisibilia Dei a creatu-  
ra mundi, per ea, quæ facta sunt, intellecta conspiciū-

Rom. 1. c

tur, & sempiterna virtus eius & diuinitas. Hæc est, si-  
cut dicit Augustinus libro de vera religione, a tem-  
poralibus ad æterna regressio, & ex vita veteris ho-  
minis in nouum hominē reformatio, ut supra paruit.

Aug. de vo-  
ca. rel. 2. d

Tertiò, verus contemplator es, quādo est in te om-  
nium imaginabiliū transitus, quando mēte omnia  
imaginabilia transcendis. Talis contemplator, sicut  
dicit Bernardus, fuit qui dixit: Elongauī fugiens, &  
mansi in solitudine. Non enim fuit contentus exire,  
nisi longe se faceret, ut posset quiescere. Sequitur.  
Transiisti carnis oblectamenta, ut minime iam obe-  
dias concupiscentijs eius, nec tenearis illecebris, per-  
fecisti & superasti te, sed nondum elongasti, nisi &  
irruentia vndique phantasmata corporearum simi-  
litudinum, transuolare mentis puritate praualeas.  
Hæc ille. De quo vide supra dist. 6.

Bern. super  
Cant. ser. 1. a  
post mod.

Quartò verus contemplator es, si transcendisti om-  
nia rationalia propter phantasmata, & alia impedi-  
menta retardantia animam ad superiora properan-  
tem. De hoc dicit Richardus: Contemplatio nostra  
tunc veraciter supra rationem ascendit, quando id  
animus per mentis subleuationem cernit, quod hu-  
manæ capacitatis metas transcendit, ut sunt illa, quæ  
de diuinitatis natura, & de simplici eius essentia cre-  
dimus. Et licet illa contemplatio supra rationem sit,  
non tamen præter rationem censenda est, quando ei,  
quod per intelligentiæ aciem cernitur, humana ratio  
contraire non potest, quin potius ei facile acquiescit,  
& sua attestazione altitudit. Hæc ille.

Rich. de cō-  
templ. li. 1.  
c. 6. cir. fin.

Quintò verus contemplator es, si sursum tractus es  
super omnia intelligibilia in caliginem ignorantiz.  
Et hic gradus contemplationis est de quo loquitur  
Dionysius, dicens: Adhuc restat principalior Dei co-  
gnitio, quæ figuratur in eo, quod Moyses separatur  
ab his, qui locum Dei secum viderant, & subtrahitur  
illis visis, & intrat in caliginem ignorantiz, & vnitur  
incomprehensibilitati diuine, quam non penetrat in-  
telligentia, quæ vere est omnium clarissima, & in se  
claudit, & secretissime celat omnes cognitiones com-  
prehensiuas tamquam in causa prima omnium, & per  
eam omnis vnitus Deo, qui est supra omnia, consti-  
tuitur in excellentia, quam neque ratio inuestigat,  
nec intellectus speculatur, & ab omnibus & quasi a  
seipso segregatur, & per vnionem dilectionis, quæ af-  
fectiua est veræ cognitionis, vnitur Deo intellectu-  
liter ignoto, cognitione multo meliori, quàm sit co-  
gnitio intellectualis, in eo quod intellectualem co-  
gnitionem dereliquit, & super intellectum & men-  
tem Deum cognoscit. Hæc Dionysius, secundum  
commentariorum Vercellensem dicit. hæc require  
plenius supra.

Dionys. de  
myst. Theo.  
c. 1.  
Exa. 24. d

Sextò verus contemplator es, si in te est vniformis  
fixio intelligentiæ puræ & ab omnibus omnino de-  
nudatæ, & conformis affectio volituius potentiz per  
omnia, in nullo impedita in vno fontali principio  
cælestium gaudiorum, quod est Deus trinus & vnus.  
Vnde Origenes ibidem prædicta in vnū colligens,  
dicit: Contemplatorem verum & iubilatorem cer-  
tum te iudico, si primum te perficiat actio, si sensum  
ab exterioribus reuoces, si imaginabilia felici motu  
pertranscas, si rationalia celeri motu percurras, si  
intelligibilia felici & illuminata fide cognoscas, si in  
primo vero & in summo bono intelligentiam & vo-  
luntatem tuam ponas sugens, vnde teneritudinem  
tuam nutrias, bibas, vnde gaudeas, haurias vnde nū-  
quam deficias. Hi sunt gradus contemplationis se-  
cundum Origenem.

Quantam utilitatem spiritus humanus in itinere vitæ  
contemplatiue experiat. L. istius. V.

Quintò videndum est, quantam iucunditatem, &  
utilitatem spiritus humanus in itinere vitæ con-  
templatiue experiat. Nam Deo per totum illud  
iter

Vitæ contē-  
platiue vti-  
litate.



iter associatur continue. Primo ergo videamus, qualiter spiritus in hoc itinere dulciter a Domino consolatur. De quo illud Lucæ de vita duarum mulierum, scilicet Marthæ & Mariæ, de quibus dicit Gregorius libro 6. Moralium: Quid per Martham exterioribus obsequijs occupatam, nisi actiua vita figuratur? Quæ stetit, quia sic dicit Glossa: Vita actiua in laborioso defudat certamine, quæ & querulabatur de sorore, quia turbata circa plurima vitæ actiua. Vnde Bernardus dicit: Cum anima in actione sua in aliud tendit, quàm in Deum, quamuis hoc faciat propter Deum, tamen non hoc est Marthæ otium, sed Marthæ negotium, quæ adhuc sollicita est, & turbatur erga plurima, & non potest terrenorum actuum vel tenui puluere non respicere, quem tamen cito facileq. deterget in hora sanctæ deuotionis vel dormitionis casta intentio, quæ est intendere & querere solum Deum propter ipsum solum, quod proprium est sponsæ, &c. ut dictum est supra in primo itinere distinct. tertia.

Ex quo patet, quod itinerantes in vita actiua frequenter turbantur, sed spiritus ambulans in itineribus vitæ contemplatiua, a Deo dulciter consolatur post actiuam. Vnde Gregorius libro 6. Moralium dicit: Quid per Mariam, quæ ad pedes Domini residebat, audiens verbum Domini, nisi vita cõtemplatiua exprimitur, quæ ex hoc a Domino cõmendata fuit, quia optimam partem elegit, quæ non auferetur ab ea? Quæ autem illa optima pars fuit, quærit Richardus dicens: Quæ est pars optima, quam elegit Maria, nisi vacare & videre quam suauis est Dominus? Nā Maria sedens secus pedes Domini, audiuit verbum illius. Summam itaque sapientiam Dei in carne latitantem, quæ oculus carnis videre non poterat, audiendo intelligebat, & intelligendo videbat, quia credebatur; & in hunc modum sedendo, & audiendo, summæ veritatis contemplationi vacabat. Sequitur. Hæc est pars, quæ electis & perfectis numquam auferitur, & sane est negotiū, quod nullo fine terminatur. Nam veritatis contemplatio in hac vita inchoatur, sed in futura vita iugi perpetuitate celebratur. Per veritatis sane contemplationem homo eruditur ad iustitiā, & consummatur ad gloriam. Hæc ille.

Secundò videamus qualiter humanus spiritus ambulans per itinera vitæ contemplatiua, Deo familiari amicitia vnitur. in Ioanne enim legitur, quod Dominus dixit Petro: Sic volo eum manere donec veniā. Tu me sequere. Vbi dicit Augustinus, quod per hos duos Apostolos signantur duæ vitæ. Vna actiua per Petrum, altera contemplatiua, quæ signatur per Ioannem Euangelistam. De Petro, per quem significatur actiua vita, dixit Dominus: Tu me sequere per imitationem, perferendo mala temporalia. Vita igitur actiua Petri est in labore: altera, scilicet contemplatiua Ioannis, in requie. Vna est in opere actionis, altera in mercede contemplationis. Prima agitur dum facit bonum, & declinat a malo, quæ tamen finitur: altera vero fruitur bono, quod non finitur, Christi scilicet gloria. De Ioanne vero dixit Dominus: Sic eum volo manere, donec veniam. Vbi dicit Glossa, Nolo eum per martyrium consummare, sed expectabit placidam absolutionem carnis suæ, quādo ego veniens, recipiam eum in æternam beatitudinem. Vnde hæc vita contemplatiua hic inchoatur, & in futura vita consummatur. Hanc vitam Dominus in Ioanne inchoauit, quando volentem nubere, sibi familiariter associavit, quam multis familiaribus signis amicitia continuauit, donec eum inuitando dulciter in æterna beatitudine consummauit. Hæc vita contemplatiua est summum beneficium, quod conferri potest animæ. Habet enim sibi annexas perfectissimas, & supremas, & vltimas delectationes, cõsequentes virtutes, dona, beatitudines & fructus, magnificatias, & contentiuas, & vnitiuas spiritus creati rationalis, & Dei increati, tanto felicius, quanto im-

diarius, sicut dicit Origenes super Cantica. Signa familiaritatis patent in Euangelio.

Tertiò videamus, qualiter spiritus humanus ambulans per itinera vitæ contemplatiua vigili somno quietatur, & illuminatur post luctam vitæ actiua, sicut patet de Iacob, qui post luctam & somnum contemplationis, didicit videre spiritualia, ut diceretur: Vidi Dominum facie ad faciem, & salua facta est anima mea. Vnde Hugo dicit: Tunc ex Iacob fit Israel, quando post sudationes bonæ operationis, peruenitur ad lucē contemplationis. Tunc exultabit Iacob, & lætabitur Israel. Igitur per Iacob luctantem, signatur vita actiua, quæ contra vitia luctatur. In quo luctamine & si spiritus non mortificatur, ut plurimum tamen infirmatur, & fatigatur, ut clamet cum Psalmista: Afflictus sum, & humiliatus sum nimis. Per Israel vero videntem, signatur vita contemplatiua, quia in via dormiens, cælestia contemplatur. Quid namque est dormire in via, ait Glossa, nisi in præsentis vitæ transitu a rerum temporalium amore labētium, oculos mentis claudere? Hos oculos concupiscentia aperuit diabolus, quos innocentia clausos tenuit. Hæc Glossa. Iste somnus tantum placet Deo, ut cum contestatione iuramenti prohibeat tales excitari a somno tali, & pausatione, dicens contemplatiua: Adiuro vos filia Ierusalem, ne excitetis, neque euigilare, &c. Quod exponens Origenes dicit: Coniurationem tuam audiui Domine, quam, ni fallor, sponsæ tuæ actus & status causabat, status optimus, actus præcellentissimus, tibi incumbens sine medio, te videns sine nubilo, in te quiescens sine tædio, de te hilarescens sine modo, a te permanentiam accipiens sine termino. Hæc ille.

Quartò videndum est, qualiter spiritus humanus ambulans per itinera vitæ contemplatiua facie pulchrificatur, & visu clarificatur. Richardus dicit, Duas ut legimus, vxores Iacob habuisse cõgebatur. Vna Lia, altera Rachel vocabatur. Lia fuit fecundior, Rachel fuit formosior. Lia fecunda, sed lippa, Rachel sterilis, sed formosa singularis. Per Liam signatur vita actiua, per Rachel vita contemplatiua. Ad Liam pertinet flere, dolere, gemere, & suspirare: & ideo recte talis vxor Lia, hoc est, laboriosa, vocatur, & minus videns. Sed ad Rachel, quæ interpretatur visum principium, vel otium, pertinet meditari, & contemplari, discernere, & intelligere. Sequitur. Sed quid dulcius, quidve iucundius potest esse, quàm oculum mentis ad summæ contemplationem sapientia erigere? Ad hanc itaque contemplationem cum ratio dilatatur, merito Rachel nomine honoratur. Hæc ille. Ex hac autem contemplatione summæ sapientia facies mentis pulchrificatur. Exemplum habemus de Moyse, cuius facies splendida fuit facta ex consortio sermonis Domini, vt ludæi non possent intendere in eam. Similiter ex hac contemplatione visus mentis clarificatur. Exemplum de sancto Benedicto, de quo narrat beatus Gregorius libro 2. Dialogorum, quod cum in oratione constitutus, quendam radium diuini solis aspiceret, totus mūdus ante oculos suos adductus videbatur, vbi vidit etiam animam Germani Episcopi Capuani, in sphaera ignea in cælum ferri ab Angelis. Et Gregorius dicit ibidem: Quid mirum, quod mundum ante se collectum vidit, qui subleuatus in mentis lumine, & contemplatione extra mundum fuit? Hæc ille. Spiritus igitur in itinere contemplationis facie pulchrificatur, visu clarificatur. De hac contemplatione pulchrificante dicit Hugo: Cõtemplatio est deifica similitudo, quia dum per eam illuminati lucentes fiunt, quodammodo ipsius luminis similitudinem accipiunt. Hæc ille. Et Gregorius libro 6. Moralium: Vita contemplatiua speciosa est in anima contemplantis. Propter quod dicitur animæ contemplatiua: Tota pulchra es amica mea.

De quiete vitæ contemplatiua.

Gen. 32. 8  
Hug. lib. 4.  
de claustro  
ani. c. 22.  
in fi.  
Ps. 13. a

Ps. 37. b

Cant. 5. 6

Richard. lib.  
de 12. Patriarchis  
suo Beniamin  
c. 1.

Exo. 34. d

Greg. lib. 2.  
Mor. c. 35.

Hug. super  
7. Ang. Hi  
rarc. lib. 7.  
ante med.  
Greg. boedi  
cit lib. 2. in  
Exec. hom.  
14. post modum.  
Cant. 4. b

Quintò

Anima contemplatiua multipliciter reficitur. Quinto spiritus humanus ambulans in itineribus vitæ contemplatiuæ, dulciter, & multipliciter reficitur. Nam cibatur primò vt fortificetur. Comedere autem animæ spirituale est, supernæ lucis contemplationibus pasci, ait Gregorius 5. Moralium. De hac refectione dicit Gregorius super Ezechielem: Contemplatiua vita amabilis valde dulcedo est, quæ supra semetipsam animam rapit, cælestia aperit, terrena autem debere esse contemptui ostendit, spiritualia oculis mentis patefacit, corporalia abscondit, vt talis contemplatrix dicat illud Canticorum: Ego dormio, & cor meum vigilat. Vigilanti enim corde dormit, per hoc, quod dum interius contemplando proficit, ab inquieto corporis opere foris quiescit. neque adhuc tamen præsens Deus in sua claritate conspicitur, sed quædam sub ipsa speculatur anima, vnde refectiona proficiat, & post ad visionis gloriam pertingat. Hæc ille.

Greg. lib. 5. Moral. c. 6. in prin. Greg. super Ezech. hom. 15. post medium. Cant. 5. a

Cant. 2. a

Cant. 1. a

Quam cito guttur meum dulcedinem gratiæ eius attingit, ita me recreatam spiritu, & ab amore terrenorum in superna translatam sentio, ac si in cellam vinariam introducta, nouo suo meri odore, & poculo inebriata sim. Sed hanc refectionem spiritus ambulans in vijs vitæ actiuæ vix, & raro experitur. Vnde Augustinus in epistola ad Hebræos dicit: Contemplatiui, non actiui amare & gustare possunt sincerum bonum, ad quod gustandum, necesse est cessare a tumultu mundi, propter quod esuriunt & sitiunt modo actiui, quia non habent gustus sensum exercitatum.

Anima contemplatiua a labore viæ releuatur. Luc. 24. e Greg. hom. 30. in Enchiridion. post medium.

Sup. itin. 2. dist. 3. Bernar. in Cant. ser. 35. Cant. 2. b

Sexto spiritus humanus ambulans in itineribus vitæ contemplatiuæ, a labore viæ releuatur per diuinam allocationem. Vnde in Luca dicitur: Nonne cor nostrum ardens erat in nobis, dum loqueretur nobis in via? Quod exponens Gregorius dicit sic: Ex audito sermone inardescit animus, torporis frigus recedit, fit mens in superno desiderio anxia, audire libet præcepta cælestia, & quot mandatis instruitur, quasi tot facibus inflammatur. Et idem Gregorius libro 2. Moralium dicit: Cum in itinere comes iungitur, via quidem non subtrahitur, sed de focietate comitis labor itineris leuatur. Item, cum spiritu illo in itinere ambulante quandoque Deus cõfabulatur, vt supra patuit, vbi dicit Bernardus: Deus quasi viator quispiam itinerantibus sese associans, iucundissimis confabulationibus suis a labore viæ omnem releuat comitem. quàm plura ibi de hoc. Item, cum spiritu ambulante in hoc itinere cõtẽplationis Deus habet dulcia susurria. Vnde Origenes exponens illud Canticorum: Vox dilecti, & cetera dicit sic: Quando ad cor reduco, quod cum contemplantibus suis susurria habet Deus, quibus tanto fortius clamat, quanto efficacius susurrit, nõ sine admiratione commendatam te habeo, quod hanc vocem, & tenuisti mente, & commendasti ore, dicens: Vox dilecti, &c. vbi dicit Glossa: Gaudeo consolatoriam vocem eius audiens, & dum eius faciem nondum video, tamen subleuato ad cælum animo, aliquam suauitatem futuræ beatitudinis prægusto. Tali igitur allocutione spiritus a labore viæ sic releuatur.

Anima contemplatiua a terrenis eleuata in cælo cõmoratur. Septimo spiritus humanus ambulans in itineribus vitæ contemplatiuæ, vltra omnia inferiora mentaliter eleuatur, in cælestibus floribus spiritualiter cõmoratur, & in sancta Trinitate ineffabiliter iucundatur.

S. Bon. Tom. 7. Pars iij.

A tur. Vnde Hugo dicit: Contemplatio claustrum animæ dicitur in cuius sinu dum se recepit animus, sola cælestia meditatur, a terrenis separatur, a turba carnalium cogitationum longe ponitur, dulces carnis refugit affectus, vagos sensuum astringit motus, in Domino delectatur, Angelica dulcedine fruitur, legit in libro vitæ, pro silentio pacem tenet, in choro virtutum seruat concordiam morum, summi Patris potentiam cõsiderat, sapientiam Filij inuestigat, Spiritus sancti benignitatem amat. Dum hæc tria contemplatur, tribus modis consolatur. Hæc ille. Hos autem tres modos consolandi potest experiri pro vero, qui in itinere contemplationis ambulans, experitur in memoria Patrem admonentem & trahentem ad Verbum suum Iesum Christum audiendum. Quia sicut dicitur in Ioanne: Nemo venit ad me, nisi Pater meus traxerit eum per internam inspirationem. Item consolatur, qui experitur in intelligentia Filiij Patris illuminantem, ad Patrem suum cognoscendum, quia sicut dicitur in Matthæo: Nemo nouit Patrem nisi Filius, & cui voluerit Filius revelare. Item consolatur, qui experitur in voluntate Spiritum sanctum afficientem, ad Patrem & Filium amplexandum & tenendum. Quare in amore qui appropriatur Spiritui sancto, Pater & Filius tenentur & amplexantur; quod ostendit Augustinus. Spiritus ambulans in itineribus vitæ actiuæ, sæpe ab huiusmodi consolationibus impeditur, & amaritudinibus repletur. Vnde Origenes super Cantica dicit: Qui terrenis inhæret, inuenire non potest, nisi quod in terrenis later, scilicet amaritudinem & dissipationem. Sunt & aliæ multæ vtilitates contemplationis.

Hugolib. 9. de claustro anima. c. 1. in prin.

Ioan. 6. e

Matth. 11. d

Aug. de vrit. lib. 6. c. 5. 10. 3.

Qualiter per iter contemplationis spiritus æternum manerem Christi ingrediatur. Distinct. VI.

D Sexto videndum est, quomodo per iter contemplationis spiritus noster ad intrinsecum secretum Domini Iesu ingrediatur, & ab exterioribus abscondatur. Et quamuis ex prædictis gradibus cõtẽplationis satis patere posset, qualiter spiritus humanus cõtẽplando ingrediatur in æternum manerem Iesu; cū Hugo super primum Angelicæ Hierarchiæ dicat, quod quanto magis crescit a seipso ascensio, tanto magis crescit cognitio, donec oculus intellectualis magis ac magis illuminetur & confortetur, & affectus mentalis magis purificetur & inflammetur, & totus in Deo quietetur, & istum ascensum doceant prædicti gradus contemplationis: planum est, quod per eos potest cognosci, qualiter spiritus contemplatiuus in illud secretum intrinsecum Domini Iesu ingrediatur, & abscondatur: tamen propter istius maneris vtilitatem notandum, quod cum Dominus dicat: Non videbit me homo, & viuet, necesse est, vt spiritus contemplatiuus mundo prius moriatur, & mundus sibi moriatur, & extunc in æterna ingreditur, & in eis abscondatur. Quid est autem spiritum per cõtẽplationem illud intrinsecum secretum intrare, nisi ab omnibus temporalibus absolui & elongari, & in æterna extendi, & in eis abscondi continuis profectibus, donec totus homo exterior, & interior in Deum ordinetur, prout possibile est statui viæ? Vnde Gregorius libro 14. Moralium dicit: Cõtẽplationis penna nos subleuat, atque a nobis ad illum erigimur intuendum raptim, & intentione cordis & dulcedine cõtẽplationis, aliquo modo a nobis imus in ipsum, & hoc ire, est requiescere. dissimiliter tamen requiei diuinæ assimilamur, & imitatur requiem Dei. Nam sequitur ibidem: Namque vt beati simus & æterni, æternū imitabimur in æternum, & magna nobis est æternitas, imitatio æternitatis, nec expertes sumus eius quā imitari possumus. Hæc Gregorius. Oportet enim verum contemplatorem

Spiritus cõtẽplatiuus debet prius mudo mori, vt Deum in oratione videre possit.

Exo. 33. d

Greg. li. 28. *Mor. c. ult.* *ante med.* *Gal. 6. d.* *Greg. lib. 5.* *Moral. c. 3.* *cir. med.* *Ibid. c. 5.* *post med.* *Psal. 30. d.* *Coloss. 3. a.*

to rem mori mundo, ut mundus sibi moriatur, ut in bullo contemplatio eius impediatur. Dicit enim Gregorius libro 18. *Moralium*: Quisquis sapientiā, quæ Deus est, videt, huic vitæ funditus moritur, ne iam amore eius teneatur. Talis fuit ille verus contemplator Paulus, quando dixit: Mihi mundus crucifixus est, & ego mundo. Quod Gregorius exponens libro 5. *Moralium*, dicit: Mundus quidem ei crucifixus fuerat: quia hunc cordi suo iam mortuum non amabat. Sed seipsum mundo crucifixerat: quia talē se exhibere studuit, ut ab eo quasi mortuus concupisci non posset. *Et sequitur*. Sancti igitur viri ab importunitate desideriorum temporalium, a tumultu inutilium curarum, a clamore perstreptentiumurbationum semetipsos sacri verbi gladio mortificare non desinunt, atque intus ante Dei faciem in sinu mentis abscondunt. Vnde recte per Psalmistam dicitur: Abscondes eos in abscondito vultus tui, a perturbatione hominum. Quod quamvis perfecte postmodum fiat, etiam nunc ex magna parte agitur, cum a temporalibus tumultibus, & eorum delectatione in interiora rapiuntur; ut mens eorum dum in amore Dei tota tenditur, nulla mundi perturbatione lace-retur. Hinc est, quod Paulus contemplatione mortuos quasi in sepulchro absconditos, discipulos vide-rat, quibus dicebat: Mortui enim estis, & vita vestra abscondita est cum Christo in Deo. Hæc ille.

*Qualiter Spiritus humanus ad veniendum per iter con-templationis ad secretum lesu innuitur.*  
*Distinct. VII.*

Inuitat spi-ritus huma-nus ad iucū-ditatē con-templationis.

*Cant. 2.* *Cant. 4. c.* *Matt. 6. c.* *Cant. 1. d.* *Isa. 40. g.* *Hug. in 15.* *Ang. Hier. lib. 10. post med.* *Dionys. 2.* *Ang. Hier.* *2. Cor. 3. d.* *Cant. 2. d.*

Septimò videndum est, qualiter spiritus humanus ad veniendum per iter iucundæ contemplationis ad intrinsecum secretum Domini Iesu, ab eo inuitetur. Sponso in Canticis dicente: Surge, prope amica mea, columba mea, formosa mea, & veni. Cuius inuitationis subiungit alleclium, dicens: Veni, quia iam est itinerandi amena iucunditas, quia flores apparuerunt in terra nostra. Iam enim tempus vernale aduenit, ex præsentia diuini solis incarnati. Vnde Origenes super Cantica dicit: Ipso sole iustitiæ oriēte, hiems transijt, & ver fidei calore Spiritus sancti terram soluit, & flores virtutum producit. Ergo o amica mea, propter contemplationis tuæ amorosum affectum, vulnerasti cor meum. Sponsa mea, penetrādo dulcissimam dulcedinem in vno oculorum tuorum, sicut exponit Vercellensis, idest intelligentia tua at-tracta, & simplicata in contemplatione pulchritu-dinis meæ. Surge mentaliter per amorosam contem-plantationis sursum actionem. ut sicut dicit Glossa super illud Matthæi: Respicite volatilia cæli, Sola cōtem-platione iam in cælo degas quasi auis cælica, nō ter-rena. O columba mea, propter contemplationis tuæ radiosum aspectum, quia oculi tui columbarum, ubi dicit Glossa: Sensus tui spirituales contemplatione spiritualium rerum excellentes reuerēdi sunt & sim-plicati, ideo magis confortati, propterea ait Isaia: Assument pennas ut aquilæ, volabunt, & non defi-cient. Aquila, sicut dicit Hugo, super 15. Angelicæ Hierarchiæ, auis est altrifera, & cito volas, & significat agilitatem spiritus, &c. O formosa mea, propter con-templationis tuæ speciosum obiectum. Ex pulchritudine enim obiecti beatifici, mentes contemplatri-ces beatificantur, & pulchrificantur. Vnde Dionysius in Angelica Hierarchia dicit: Deus pulchros facit suos contemplatores, & amatores, iuxta illud ad Co-rinthios: Nos autem reuelata facie gloriam Domi-ni speculantes, in eandem imaginem transformabi-mur, &c. Tali contemplatrici dicitur: Ostende mihi faciem tuam. Facies enim tua decora, non decore corporali, sed decore vero, & spirituali, & interiori. Veni ergo de labore ad requiem, de dolore ad con-solationem, de languore ad impassibilitatem. Veni

A ad interiores theorias vnitivæ contemplationis, tam-quam ad interiora deserti, ubi iam apparent flores, idest splendores cælestis sapientiæ, qui ibi apparent in contemplatione clara, qui prius te latebant in pri-ma desideriorum extensione. Vnde in Iob dicitur: Auditu auris audiui te, nunc autem oculus meus vi-det te. Veni, aperta sunt prata, apparuerunt herbæ florentes, varios flores, & odoriferos, & spirituales in Ecclesia producentes. Vnde Gregorius exponens illud Genesis: Odor filij mei, sicut odor agri pleni, dicit: Aliter redolet flos vitæ, per quem signantur prædicatores doctrinis inebriati. Aliter flos olei, id est misericordes, qui lucent & refouent debiles. Ali-ter flos rosæ, idest martyres exemplis fragrantēs. Ali-ter flos lilij, idest virgines candidam famam spiran-tes. Aliter flos violæ, idest humiles purpuram cæle-stis vitæ seruantes. Aliter spica nardi, idest perfecti & maturi, opera bona fructificantes, dicit Gregorius. Et Origenes: Quis iam non surgat, quis non prope-ret, aut quis non veniat ubi tot utilitatis insignia cō-currunt? Per illud iter floridæ contemplationis fide-liter & amorose ambulare tribuat nobis, qui est æter-norum via, veritas, & vita. Amen.

## DE QVARTO ITINERE æternitatis.



QVARTVM iter æternitatis, per quod spi-ritus humanus venit ad intrinsecum se-cretum, & æternum manerium Iesu, est æternorum charitativæ affectio. Ad cu-ius itineris maiorem cognitionem, se-ptem sunt notanda.

Primò, quare iter charitativæ affectionis, iter con-templationis immediate sequatur.  
Secundò, quid sit charitativæ affectio, & quomo-do sit iter ad æternam, ut verius cognoscatur.  
Tertio, qualiter charitativæ affectio a naturali af-fectione, vel acquisita dilectione distinguatur.  
Quartò, quibus signis, & coniecturis charitativæ affectio qualitercumque manifestatur.  
Quintò, qualiter charitativæ affectio a sanctis Do-ctoribus per gradus diuidatur.  
Sextò, qualiter spiritus noster per iter charitativæ affectionis, æternum manerium ingrediatur.  
Septimò, qualiter spiritus noster ad veniendum, per iter charitativæ affectionis ad æterna a Domino inuitatur.

*Quare iter charitativæ affectionis iter contemplationis immediate sequatur. Distinct. I.*

Primò igitur videndum est, qualiter iter charita-tivæ affectionis iter contemplationis immediate sequatur. De hoc nota, quod quia affectio charitati-ua tamquam posterior perficit contemplationem, di-cit enim Augustinus, quod quāto flagrantius Deum diligimus, tāto certius, sereniusq. eum videmus: ideo charitativæ affectio debet immediate sequi contem-plationem tamquam excellentior, & perfectior, & perficiens intellectum contemplativum. Voluntas enim tamquam posterior in ordine, aperit intellectu suam perfectionem. Cuius signum est, quia voluntas imperat intellectui quærere & inuenire notitiā, quæ est perfectio intellectus, & partus mentis, sicut osten-dit Augustinus. Et Hugo super septimum Angelicæ Hierarchiæ dicit: Dilectio supereminet scientiæ, & maior est quā intelligentiā. Plus enim diligitur Deus, quā intelligatur, & dilectio intrat & appro-pinquat, ubi scientia foris stat. Et istius dicti reddit rationem dicens: Nec mirum, quia dilectio semper amplius præsumit, & confidit, semper acutum habet penetrans

penetrans omnia, & sequens impetum ardentis desiderij, nec dissimulare valet, donec ad amatum perueniat. Hæc ille. His concordat Gilbertus Porretanus, ubi dicit: Scientia inflat, charitas perflat. charitas intimior est, quàm scientia, & ad secretiora pertingit. Omnia enim interiora perflat spiritus amoris, quo & scrutatur profunda Dei. Hæc ille. Nullum etiam bonum perfecte noscitur, quod non perfecte amatur, sicut Augustinus dicit. Vnde in Ecclesiastico 9.35. 10.4. dicitur: Qui timetis Deum, diligite illum, & illuminabit corda vestra. Rationabiliter igitur charitativa affectio sequitur contemplationem, tamquam perficiens eam, quamvis incognita amari omnino non possint, secundum Augustinum.

*Quid sit charitativa affectio, & quomodo sit iter ad æterna, ut verius cognoscatur.*  
*Distinct. I I.*

Charitas  
quid sit.

**S**ecundò videndum est, quid sit charitativa affectio, ut ex hoc spiritus cognoscat, qualiter ipsa sit iter ad æterna. De quo primo sciendum est, quod amor, dilectio, & charitas, in scriptura frequenter pro eodem accipiuntur, ut dicit Dionysius quarto de divinis nominibus, ubi dicit: Communiter & uniformiter utendum est in divinis nomine amoris, nomine dilectionis, siue etiam charitatis. Et Augustinus octavo de Trinitate dicit, quod nihil aliud est charitas, nisi amor boni. Est igitur sciendū, sicut dicit Dionysius ubi supra, quod unus est amor increatus, qui sua supersubstantiali & vniuersali appetibilitate ingignit amorem creatum omnibus rebus; qui amor creatus, est quædam inclinatio & coordinatio amantis ad bonum amatum, & ideo Dionysius distinguit ibidem diuersos amores, secundum diuersas inclinationes ad bonum appetibile, dicens: Quando amorem nominamus, siue diuinum, siue Angelicum, siue intellectuale, siue animale, siue naturalem, designamus nomine amoris quandam virtutem vnitivā, ubi dicit commentator: Amor est connexio & vinculum, quo omniū rerum vniuersitas ineffabili amicitia, insolubiliq. vniōne copulatur. Et commentator exponit, & declarat istos amores ibidem. Ex quibus magis quid amor siue charitas sit, apparebit.

Amor naturalis.

Amorem naturalem vocant inclinationem ad bonū, quæ non præsupponit cognitionem aliquam, quæ inest omnibus rebus a Creatore indita, qua inclinatur ad conseruationem sui esse, quod est bonum eis. Vnde dicitur in Iob: Frumentum desiderat nubes, idest naturalem habet inclinationem ad hoc bonum. Amorem animale vocat inclinationem ad bonum, quæ præsupponit cognitionem sensitivā, & hic tantum est in his, in quibus est sensibilis appetitus, ut in homine, & in brutis. Amorem intellectualem vocat inclinationem ad bonum, quæ præsupponit cognitionem rationis, ut commentator ait, quæ est in homine. & hic amor distinguitur: quia quædam est inclinatio ad bonum, quæ non præsupponit nisi naturalem cognitionem boni absolute, & est a voluntate non deliberata: quædam est inclinatio in bonum, quæ præsupponit cognitionem deliberatam respectu boni relati ad aliud ut ad finem, vel circumstantias, vel ad aliquid aliud, tunc est amor electivus, qui proprie dicitur dilectio. Si autem ille amor sit per aliquem habitum supernaturalem, per quem homo sit acceptus Deo, & dignus remunerari in æterna vita, amor charitatis est siue gratuitus, & hic necessarius est, ut sicut intellectus per fidem, quod est lumen supernaturale, eleuatur ad beatifici obiecti supernaturalem cognitionem; ita & affectus siue voluntas per supernaturalem habitum charitatis, eleuatur ad beatifici obiecti supernaturalem affectionem, ut infra patebit.

Amorem autem Angelicum vocat inclinationem  
 S. Bon. Tom. 7. Pars iij.

**A** in bonum, qua præsupponit altiore cognitionem, quàm sit cognitio humana: & ideo Angelus fortius inclinatur in bonum cognitum & perfectius. Vnde Linconiensis commentator super quintum Angelicæ Hierarchiæ dicit: Angeli ex rationis abundantia scientes, id quod appetunt esse vere desiderabile, & vehementissime, & intime, & totis viribus desiderandum, & amandum amore puro, & non in aliud tendente; illud intendunt, ita fortiter & inauertibiliter, quod illa intentio a nulla potestate & potentia intercipi potest, vel impediri. & sic amor intellectualium tendit in eis in visum bonum, quod est verum, & summum bonum. Hæc ille.

**A**morem vero diuinum Dionysius ubi supra ponit, præexistentem supersubstantialiter in bono ad existentiam emanantem, qui & rursus ad bonum conueritur, in quo diuinus amor monstratur, sicut quidam æternus circulus, habens finis interminabilitatem, & principij carentiam, circumambulantis propter bonum ex bono, & in bonum, per quandam circulationem non errantem, & ipse amor in eodem & secundum idem procedens, semper in se manet, & ad se restituitur. Hæc ille. De isto amore dicit idem sic: Audeo autem pro vero dicere, quia ipse Deus omnium tam pulchro & bono amore omnium per abundantiam amatiuitatis, quasi extra seipsum sit, prouidendo omnibus existentibus, & per amorem, & bonitatem trahitur, & ex eo, quod est super omnia, ad id, quod est in omnibus deducitur secundum virtutem supersubstantialem facientem ecstasim, sed a se inegressibilem. Propter quod Deum zelotem vocant, tamquam abundanter amantem existentia, & excitantem mentes ad feruens desiderium ipsius: vnde amabilis & diligibilis dicitur, in quantum est plenitudo bonitatis, & pulchritudinis cunctis appetentibus. Dicitur Deus amor, & dilectio in quantum ipse est virtus mouens, & quasi sursum agens omnia, ad se naturaliter appetendum: quemadmodum adamas quiescens, facit ferrum moueri. Hæc Dionysius. Ex his omnibus concludit, dicens: Quando ergo amorem nominamus siue Diuinū, siue Angelicum, siue intellectualem, siue animale, siue naturalem, designamus nomine amoris quandam virtutem vnitivā & concretivā, mouentem superiora ad prouidentiam inferiorum, & coordinatam ad continuam & mutuam habitudinem inferiorum, ad conuersionem ad superiora. Ex quibus omnibus apparere potest, quod amor est virtus vnitivā amantis cum amato.

*Qualiter charitativa affectio a naturali affectione, vel acquisita dilectione distinguitur.*  
*Distinct. I I I.*

**T**ertio ne spiritus humanus arripiat iter naturalis affectionis, vel acquisitæ dilectionis, pro itinere charitativæ affectionis; expedit videre, qualiter affectio charitativa siue gratuita a naturali affectione & acquisita dilectione, vel amore differat, vel distinguatur. De quo notandum est, quod sicut dicit Hugo de sancto Victore in libro, qui incipit, Accipe frater charissime, affectus est spontanea quædam ac dulcis ipsius animi ad aliquid inclinatio. Et quia, sicut ipse dicit ibidem, secundum variam inclinationem affectionum & motuum variantur nostri amores, ideo ut de omnibus affectionibus & motibus, quibus amor noster multipliciter variatur, quis illorum maxime sequendus sit, & quantum & qualiter, ut competenter fiat, & quis respuendus sit vel etiam reprimendus, subtilius est inquirendum. Per hoc patebit, in quo amores isti conueniunt & differunt. Sunt autem, sicut ipse ostendit, ibidem quinque amores & affectiones, quibus inclinamur ad aliquem vel aliquid.

Affectio charitativa qualiter ab affectione naturali, & acquisita differat.

P 2 Primus



*Hugo ubi sup. prox. Ephes. 5. f. Isa. 49. d.* Primus est affectus naturalis, de quo dicit Hugo ibidem sic: Naturalis affectus est cuiuslibet ad carnē suam, nemo enim carnem suam odio habuit. Item matris ad filium, non enim potest mater obliuisci infantem vteri sui. Item hominis ad domesticum suum.

*1. Tim. 5. b.* Qui enim curam domesticorum non habet, fidem negavit, & est deterior infideli. Hunc sane affectum sicut non admittere impossibile est, ita nō sequi summæ virtutis est, nisi ratione reguletur. Semper enim iste affectus mollia suggerit, & suaue & iucundum, quod terrenum, quod voluptuosum, & quod delicatum libenter amplectitur: quod vero asperum, quod voluntati contrarium omni horrore refugit, quocirca huius affectionis executio amor peruersus est. Hic amor a Salvatore interdicitur, cum dicit: Qui amat animam suam, perdet eam. Proinde sanctus Augustinus dicit: Si male amas, tunc odisti: si bene oderis, tunc amasti. *Sequitur.* Qui enim amat secundum talem affectum utique odit, quia qui diligit iniquitatem odit animam suam: qui vero odit secundum illum affectum, secundum rationem diligit. Naturale quidem est, quod homo erga se & suos affectum habeat, sed amorem secundum affectum habere non debet. Hæc ille. Quod in isto affectu naturali affectio charitativa differat, patet, quia ista cum homine nascitur, illa vero a Deo inducitur, dicit idem Hugo.

Secundus est affectus carnalis, de quo dicit idem sic: Carnalis affectus duplex est. Plerumque enim neque virtus, neque vitium est, sed est quædam exterioris hominis habitudo, animum intuentis sibi inclinans facile. Quippe cum alicuius forma est elegantior, & sermo suauior, venustus aspectus, etiam ignorantis qualis ipse sit, prouocat, & perstringit ipsum affectum. Hoc in puero Moysē apparuit, quod propter elegantem formam tribus mensibus contra præceptū Pharaonis abscondebatur, & a filia ipsius Pharaonis in filium fuit adoptatus. Porro & qui ad noxiam voluptatem in qualibet specie suauitatis male blanda cōpungit, motū carnalis affectus nemo sani capitis dubitauit. Hic carnalis affectus fuit, qui Dauid

*2. Reg. 11. 3. Reg. 11. a.* ad speciem Bethsabæ præuenit incautū, præuentum dissoluit, dissolutum obruit. Hic affectus sapientiam Salomonis absorbit, & carnali libidine dissolutum, in spiritalis fornicationis barathrum, & nefandissimam idolorum culturam deiecit. Hæc ille. Talis affectus non meretur habere nomen amoris veri, sed, ut dicit Dionysius, est longinquum idolū veri amoris, & plenus anxietate. Affectio autem charitativa plena est iucunditate. Vnde Richardus de Trinitate: Sicut charitate nihil est melius, ita & nihil est iucundius.

*Dionys. de Aug. Hier. c. 2. & de diu. nomi. c. 4. Richar. de Trin. lib. 3. c. 2. statim post prin.* Tertius affectus est officialis, de quo Hugo sic dicit: Officiale affectum dicimus, qui meritorum vel obsequiorum exhibitorum quorundam animos inclinat, qui quamuis sit periculosus, tamen admittendus est, ne sis ignarus vel ingratus in officio, cauendū est ne tam homini impertiat, quā vitio. Quid magis cauendum est, quā ne obsequijs vel muneribus illectus, aut foueas vitia aut vitiosa? Proinde in muneribus vel obsequijs suscipiendis, magna habenda est discretio. Et attendendum est ad personæ dignitatem, ut si forte tanti meriti sit, ut affectus officialis transeat in rationalem, ut quem cœpimus diligere, quia nobis gratus, diligi incipiat, quia virtutibus adornatus, & retributio secundum rationem nō secundum affectum impendatur, sed & desiderium quo amati præsentia desideratur, vel actus quo ipsa præsentia comparatur, rationem sequatur non affectum. Iste quoque affectus, qui hominem sine alterius causæ respectu sponte complectitur, per omnia temperetur. Ab isto affectu multum differt affectio charitativa, quia ista quærit quæ sua sunt, per charitatem autem singula sunt omnium, & omnia

*1. Cor. 13.* singulorum, quia non quærit quæ sua sunt, ut ait

A Gregorius in Moralibus.

Quartus est affectus rationalis, de quo Hugo sic dicit: Rationalis affectus hic est, qui ex consideratione alienæ virtutis oboritur, videlicet cum oculis nostris, cuiuslibet virtus, vel sanctitas explorata, vel fama diuulgata, mentem nostram dulcedinis suauitate perfundit. *Sequitur.* Hic est affectus qui nos audita triumphali martyrum passione, suauissima compungit deuotione, ac memorabiles actus præcedentium quasi sub oculis delectabili meditatione depingit, & ad proximi dilectionem contemplantis eius virtutibus accendit, propter quod constat, hunc affectum esse perfectiorem. Etenim non modicum virtutis indicium est ipse amor virtutis, ex quo ad actum virtutis excitabitur. Hæc ille. Ab isto affectu differt affectio charitativa, quia ista ratione mediante ab exemplis exterioribus oritur, & exercitatur. Affectio verò charitativa a Spiritu sancto, ad amandum etiam peccatores, inflammatur, & bonorum exemplis multo dulcius afficitur, ut patet per Apostolum, vel per alios Sanctos.

Quintus est affectus spiritalis, sic dictus, quia vel a spiritu immittitur, vel a spiritu oritur, vel a spiritu inspiratur. Et hic affectus est triplex, quia quādoque

C immittitur a spiritu maligno: quandoque oritur a spiritu humano: & quandoque inspiratur a spiritu diuino & sancto. A spiritu maligno affectus immittitur, ut dicit Hugo, quando inclinat aliquem ad vitia. Illo affectu maligno, filius Dauid improbe in sororis exarsit amplexus. Itumq. affectum misit in cor Iudæ, ut Dominum traderet. Illo affectu inclinat ad quæque turpia. Vnde Osee, Spiritus, inquit, fornicationis decepit eos. Quod autem affectio charitativa differat ab illo planum est: quia illi contrariatur. A spiritu autem humano tam ex innata ingenuitate, quā ex studiosa & exercitata exquisitione, oriuntur.

D quandoque affectus amorosi ad summum bonū diligendum, quod est summe appetibile, & sunt simillimi affectioni charitativæ siue grativæ. Nam si accipiat gradus maximæ charitatis, qui, testante veritate in Euangelio, est, ut animā suam ponat quis pro amicis suis, similem gradū ex puris naturalibus inueniuntur multi ascendisse. Vnde Augustinus narrat, quod multi utilitatem Reipublicæ propriæ vitæ præponebant. Et exemplificat de hoc. Et Tullius de officijs dicit, quod duo erant præcepta Platonis volentibus Reipublicæ prodesse. Primum, ut utilitatem ciuium sic tueantur, ut quæcumque agant ad eam referant, obliti commodorum suorum. Secundū præceptum fuit, ut totum corpus Reipublicæ curēt principaliter: ne dum aliquam partem tuentur, reliquas deserant. A spiritu autem diuino affectus charitatis infunditur, ut patebit, qui licet in multis differat a prædictis, in multis tamen conuenit cum eis, propter quod difficile est distinguere inter istas affectiones, scilicet charitativam, naturalem, & acquisitam, propter similitudinem actuum suorum.

E Et tamen isti habitus differunt, quod certum est, primo quantum ad originem, quia charitas gratuita a solo Deo supernaturaliter infunditur. Vnde dicit Apostolus: Charitas Dei diffusa est in cordibus nostris per inhabitantem Spiritum sanctum. Illa autem scilicet naturalis per naturam cum homine nascitur, & altera per exercitium acquiritur. Secundo differunt quantum ad substantialitatem, quia charitas gratuita est viuificatiua, purior & feruentior, quia nunquam est sine Spiritu sancto, qui datur in ea, neutra autem aliarum viuificat. Tertio differunt quantum ad formalitatem, quia charitas gratuita alias virtutes, vel habitus, informat, & perficit: ut dicit Ambrosius. Vtrique autem illorum manent informes, & imperfecti sine ista. Quarto differunt quantum ad finis capacitatem, quia charitas gratuita spiritum humanū a culpa educit, in gratiam conducit, & Deo vnit, & gaudio

*Greg. li. 10. Moral. c. 4. vers. fin.*

*Affectus triplex.*

*2. Reg. 13. 4. Ioan. 13. a.*

*Ose. 4. e.*

*Ioan. 15. b.*

*Aug. de ciuit. Dei lib. 5. c. 18. Cic. lib. 1. offic.*

*Charitas gratuita ab alijs affectibus dilectionis ut differt. Rom. 5. a.*



gaudio perenni & iubilatione, consummat & perficitur. Vnde Rabanus in quodam sermone dicit sic: Charitas siue amor diuinus est ignis in meditatione, mentem purificans a sordibus vitiorum. Lux est in oratione, mentem irradians claritate virtutum. Mel est in gratiarum actione, mentem dulcorans, dulcedine diuinorum beneficiorum. Vinum est in cõtemplatione, mentem inebrians iucunda delectatione. Sol est in æterna beatitudine, mentem clarificans, serenissimo lumine, & suauissimo calore, exhilarans ineffabili gaudio, in perenni iubilatione. Hæc ille. Nullum istorum potest perficere sine charitate, nec naturalis amor, nec acquisita dilectio. Bernardus super Cantica sermone 50. sic distinguit, dicens: Est affectio, quam caro, siue natura gignit: est affectio, quam studiosa exercitatio acquirit, siue quam ratio regit: & affectio, quam sapientia condit. Hæc vltima primam illuminat, secundam remunerat. prima quidem est dulcis, sed turpis: secunda est sicca, sed fortis: tertia suavis, & pinguis, quæ gustat, quoniam suavis est Dominus. Hæc ille. Certa tamen differentia in his non potest haberi.

Bernardus super Cantica sermone 50. sic distinguit, dicens: Est affectio, quam caro, siue natura gignit: est affectio, quam studiosa exercitatio acquirit, siue quam ratio regit: & affectio, quam sapientia condit. Hæc vltima primam illuminat, secundam remunerat. prima quidem est dulcis, sed turpis: secunda est sicca, sed fortis: tertia suavis, & pinguis, quæ gustat, quoniam suavis est Dominus. Hæc ille. Certa tamen differentia in his non potest haberi.

Quibus signis, & coniecturis charitativa affectio qualitercumque manifestatur. Distinct. 1111.

De signis charitatis iam genitæ. Articulus I.

Quibus coniecturis cognosci potest qui non sit in gratia.

Quartò igitur videndum est, quibus signis vel coniecturis charitativa affectio, vt a Deo inspirata est, qualitercumque cognoscatur. Circa quod sciendum, quod quamuis Magister in Sententijs notificare nitatur habitum charitatis, dicens: Charitas est virtus gratuita, voluntatem in esse secundo perficiens, in ordine ad actum diligendi, prompte, & facilliter, propter se, & supra omnia summum bonum; & licet habitus notificetur per eorum actus: tamen, vt supra patuit, quia actus charitatis, & actus amoris naturalis, & acquisitæ dilectionis sunt simillimi, ideo nō possumus certitudinaliter scire, vtrum habeamus habitum charitativæ affectionis: quod non absque rationabili causa a Deo ordinatum est, & ideo oportet nos esse contentos aliquibus signis, & coniecturis, quibus aliquammodo cõfidimus nos habere charitatem gratuitam. Et quia ista signa & coniecturæ oriuntur ex actibus charitatis, quorum aliqui ex ipsa charitate eliciuntur aliqui ex ipsa imperantur, & horum aliqui sunt charitatis incipientium, & alij charitatis proficientium, & alij charitatis perfectorum, propter quod Sancti & Doctores, aliqui dicunt, aliqua signa esse charitatis genitæ, aliqua roboratæ, & aliqua esse charitatis signa iam perfectæ. Et signa charitatis iam genitæ siue infusæ, sicut dicit Bernardus sunt quattuor, quæ ibi numerat, dicens sic:

Bernardus in sermone de omnibus sanctis.

Primum signum charitatis genitæ siue infusæ, est dolor de culpa præterita. Ratio huius est, Charitas & culpa mortalis opponuntur, & ideo simul stare nō possunt in eadem voluntate, ideo quando charitas est in voluntate, expellit culpam per dolorem contritionis. Vnde Augustinus dicit sic: Radix omnium bonorum est charitas, & radix omnium malorum est cupiditas, & simul ambæ non possunt esse, quia nisi vna radicitus euulsa fuerit, alia plantari non potest. Ergo dolor contritionis signum est habitæ charitatis, cum vtrique simul in voluntate esse possit.

Secundum signum charitatis genitæ secundum Bernardum, est firmum propositum cauendi futura peccata cum effectu. Cuius ratio est, quia habere propositum cauendi omnia peccata mortalia cum effectu, nec per amorem naturalem, nec per acquisitam dilectionem, potest diu quis habere sine gratia, siue charitate adiuuante. Vnde Augustinus dicit, quod voluntas ipsa nisi gratia Dei liberetur a seruitute, quæ facta est serua peccati, & vt vitia superet per gratiam

S. Bon. Tom. 7. Pars iij.

adiuuetur, recte, pieque viuere a mortalibus non potest. licet enim propter libertatē posset vitare quodlibet peccatum mortale signatum, non tamen propter infirmitatem potest diu omnia in cõmuni vitare, quin in aliquod incidat. ergo diu esse sine mortali peccato, signum est charitatis iam habitæ, sine mortali, id est sine conscientia mortalis.

Tertium signum charitatis genitæ, secundum Bernardum, est delectatio in auditu diuini sermonis. Ratio huius est, quia amantes delectantur in sermonibus mutuis, siue sint sermones inspirati, siue scripti, siue exterius auditi, vt ex illis capiant experimentum mutuum affectuum, quos charitas silentio regere non potest. Mos enim amantium est, ait Chrysostomus, vt amorem suum silentio regere non queant. Vnde & Gilbertus Porretanus idem dicit: Ideo charitas inspiratione, id est interna locutione non est contenta, sed sacri sermonis institutiones, velut clypeos, vndique memoriter apprehendit, sed nec his contenta, quasi vociferando clamat: Nunciate dilecto, quia amore langueo, vbi dicit Glossa: Illis volentibus docere, ista flagrans amore prior alloquitur. Ex his apparet, quod delectatio in auditu verbi Dei, est signum charitatis genitæ.

Gilbertus Porretanus in Causis serm. 26. post modum.

Quartum signum charitatis genitæ est promptitudo boni operis. Ratio huius signi est, quia charitas maxime est operatiua, quia ipsa est amor finis, & ideo imperat omnem actum ordinatum, vel ordinabilem in hunc finem. Vnde Gregorius in homilia super Ioannem: Si quis diligit me, dicit: Numquam amor est otiosus: operatur enim magna si est, si autem operari renuerit, amor non est. Et ibidem, Probatio dilectionis est exhibitio operis. Et Bernardus super Cantica: Magna res est amor, si ad suum recurrit principium, si suo origini reducit, si refusus suo fonti, semper ex eo sumat, vnde iugiter fluat. Igitur operatio bonorum operum, signum est charitatis habitæ.

Gregorius hom. 30. in Ioannem. nō longe a prima. Bernardus super Cantica sermone 23. circa medium.

Quintum signum charitatis iam genitæ ponit Anselmus in libro de similitudinibus, vbi dicit, quod quādo aliquis de defectu alicuius tristatur spirituali, & de profectu aliorum spirituali lætatur, signum est charitatis. Et Augustinus in vna epistola ad Hippo-nenses, dicens: Qui non dolet de malo proximi, non est in eo charitas Christi. Ratio huius signi est, quia cum secundum Dionysium charitatis ardor sit virtus vnitiua, ideo nititur omnia liquefcere, & in vnū conflare, vt ipsa vniantur. Vnde Gregorius super Ezechielem dicit sic: Ecce qualis est charitas, quæ diuersitates mentium accendit, concremat, cõflat, & quasi in vnā speciem auri reformat. Sed hanc conflationem vnitiuam defectus spiritualium impedit, & profectus perficit, ideo charitas facit de vno tristiari, & de altero lætari. Vnde Apostolus dicit, quod charitas non congaudet iniquitati, sed magis congaudet veritati, igitur tristiari de defectu spiritualium, & gaudere de eorum profectu, signum est charitatis.

Augustinus epistola 237. nō longe a principio.

Gregorius hom. 16. super Ezechielem longe ante medium.

1. Cor. 13. b.

De signis charitatis iam roboratæ. Articulus II.

Secundò quidam tradunt aliqua signa charitatis iam roboratæ, siue proficientis. Et licet multa sint signa istius charitatis, tamen quinque sufficiant magis vtiliora. Primum igitur signum iam roboratæ, & proficientis charitatis, est frequens & iusta conscientie examinatio, non solum de peccatis mortalibus, sed etiam de venialibus. Ratio huius signi est, quia sicut charitas opponitur peccato mortali, ita feruor charitatis opponitur veniali, vt ipsum expellat ab anima, ne Spiritui sancto displiceat: qui omnes officinas mentis visitat & mundat. Vnde Gregorius in Moralibus, & Bernardus in sermone de Pentecoste, dicunt: Spiritus sanctus profecto monet, mouet, & docet. Monet memoriam, mouet voluntatē, & docet

Signa charitatis proficientis.

Bernardus super Pentecoste post modum.

P 3 docet

docet rationem, nec minimam peccati paleam, infra cordis, quod possidet, habitaculum, paritur residere, sed statim igne subtilissimæ circumspeditionis exurit. Hæc ille. De quo igne Ambrosius super illud: Veni ignem mittere, dicit sic: Dicit ignem, quia aurea vasa Dominicæ domus meliorat, fenum vero consumit & stipulam. Aurea vasa sunt animæ ad imaginem Dei factæ secundum tres potentias, secundum quas capaces Dei sunt, ut dicit Augustinus 14. & 15. de Trinitate, quas ignis charitatis innotat, & perficit, & peccata deformantia tam maiora, quam minora liquefcendo consumit. Cum igitur frequens examinatio conscientie sit a Spiritu sancto per feruorem charitatis, planum est, quia ipsa est signum roboratæ charitatis, quæ operit multitudinem peccatorum.

Secundum signum proficientis charitatis roboratæ, est concupiscentiæ diminutio. Ratio huius signi est, quia quanto charitas diligens Deum magis augmentatur, tanto magis homo a concupiscentia temporalium elongatur, ex quo ipsa concupiscentia tantum diminuitur. Vnde Augustinus in Enchiridio dicit, quod minuitur concupiscentia, crescente charitate, donec veniat ad magnitudinem, qua maior esse non possit. Vbi autem non est charitas, ibi regnat cupiditas: regnat autem cupiditas, quando desiderium veri & boni expellit, & saporem.

Tertium signum charitatis proficientis est sensuum interiorum, siue spiritualium vitalis exercitatio. Ratio istius signi est, quia sicut exercitatio sensuum corporalium signum est corporalis vitæ, ita exercitatio sensuum spiritualium, signum est spiritualis vitæ. Sunt namque quinque sensus interiores in mente, sicut sunt quinque sensus exteriores in corpore, sicut dicitur in libro de spiritu & anima. & Gregorius in Moralibus dicit: Habitare in corpore animam, probant vitales sensus: ita habitare in anima spiritum, probat vitam spiritualis. Illud ex visu & auditu dignoscitur, istud ex charitate & alijs virtutibus probatur. Bernardus sermone de Pascha dicit: Fidei vitam opera testantur. Sicut enim corporis vitam ex motu suo scimus: ita fidei vitam ex bonis operibus cognoscimus. Quia sicut vita corporis est anima, per quam mouetur, & sentit: ita vita fidei est charitas, per quam operatur actus virtutum, & Spiritus sancti. Igitur ex charitate siue dilectione, quæ est vita animæ, secundum Hugonem de artha animæ, sensus interiores viuificantur & exercitantur. ideo perfectus interioris siue spiritualis exercitationis, signum est augmentatæ dilectionis, quæ omnia exercet in finem, idest, ordinat.

Quartum signum charitatis est studiosa mandatorum Dei observatio. Ratio huius signi est, quia observatio mandatorum vera sine charitate fieri non potest. Vnde Dominus dicit sic: Qui diligit me, sermonem meum seruabit, & Pater meus diligit eum, &c. Quod exponens Gregorius in homilia dicit sic: In quorundam corda venit, & mansione non facit, quia tempore tentationis ab eo recedunt. In quorundam corda venit & mansione facit, quia sic amor siue charitas Dei eos penetrat, ut ab amore, tempore tentationis non recedant. Qualiter autem charitate non proficeret, qui fontem dilectionis in se haberet, & iam aliquantulum gustaret? Vnde Augustinus dicit: Tu qui veram requiem, quæ post hanc vitam promittitur, quæris, etiam hanc inter amarissimas vitæ huius molestias, suauem iucundamque gustabis, si eius, qui eam promittit, præcepta seruando, dilexeris. Et sic patet quartum signum charitatis proficientis.

Quintum signum charitatis proficientis est diuinarum veritatum manifestatio. Ratio huius signi est, quia amor est signum communicationis, & ideo amicus reuelat, & comunicat amico suo secreta sua, quasi non credens ea ponere extra se, sed in eo, qui est sicut ipse. Amicus enim meus est, quasi alter ego, ait qui-

dā. Vnde Richardus dicit: Si vis noscere quia sublimitas diuinarum reuelationum sit manifestum diuinæ dilectionis indicium, audi: Iam non dicam vos seruos, inquit Dominus, sed amicos, quia omnia nostra feci vobis, quæ audiui a Patre: quia ex magnitudine diuinæ dilectionis pender modus diuinæ reuelationis. Et idem dicit sic: Certum igitur signum tibi sit, quod dilectum tuum minus diligis, & ab illo minus diligeris, si ad theoricos excessus, nondum vocan tem, sequi merueris. Ex quo patet, quod crescente reuelatione, crescit & dilectio. Et signum quintum charitatis proficientis patet sic.

De signis extrinsecis charitatis iam perfecta.  
Articulus III.

Tertio quidam tradunt quædam signa charitatis iam perfectæ, prout potest perfici in via. Quia iustorum semita, quasi lux splendens proeedit, & crescit usque ad perfectam diem, scilicet perfectæ charitatis. Et ideo sciendum est, quod in viatoribus duplex est perfectio charitatis. Vna est necessitatis & sufficientiæ, alia est priuilegiatæ sanctitatis & excellentiæ. Has perfectiones tangit Prosper de vita contemplatiua, ubi dicit sic: In hac vita perfecti sunt illi, qui perfecte Deum diligunt, qui volendo quod vult Deus, nullis peccatis quibus offenditur Deus, acquiescunt, & semper ad virtutes habendas se extendunt. Perfectionem necessitatis tangit, cum dicit: Qui volendo quod vult Deus. & hanc habet quicunque manet in charitate, & ad hanc perfectionem inuitat Dominus, dicens: Perfectus eris & absque macula, coram Domino Deo tuo. Absque macula nempe criminali, ut ait Glossa. Perfectionem autem excellentiæ tangit Prosper, cum dicit: Semper ad virtutes habendas se extendunt. Vnde bene in epistola quadam dicit sic: Indefessum proficiendi studium, & iugis conatus ad perfectionem, reputatur perfectio. Sed quia Apostolus dicit: Velle mihi adiacet, perficere autem non inuenio; ideo plena charitas qualis erit in patria, nullo modo in via haberi potest. Propter quod signa talis perfectæ charitatis, in his non quæruntur, sed signa perfectæ charitatis, prout in via haberi potest, quæruntur.

Est igitur notandum, quod signa charitatis perfectæ dupliciter considerari possunt: quia quædam habentur quasi ex actibus exterioribus, & quædam quasi ex actibus interioribus, & licet de vtrisque multa assignari possint, tamen de vtrisque quinque ad præsens sufficiant.

Primum igitur signum extrinsecum charitatis perfectæ est, si quis pro salute proximi mori paratus est. Ratio istius signi est, quia sicut dicit Augustinus lib. de gratia, & libero arbitrio: Parua charitas non sufficit ad implenda magna mandata, ut sunt mori pro Christo, vel pro fratribus, & cetera huiusmodi: sed requiritur ad hoc charitas magna, idest perfectæ. Vnde super epistolam Ioannis, dicit Augustinus: Perfecta charitas hæc est, ut quis pro fratribus sit mori paratus, sicut & Origenes etiam exponit illud Canticorum: Ascendam ad palmam, dicens: Voluntas patiendi probauit, quia veraciter amauit, & tanto erat amor altior, quanto patiendi pro Ecclesia voluntas erat paratior. Hæc ille. Et Dominus dicit: Maiorem hac dilectionem, &c. Signum igitur perfectæ charitatis est, si aliquis paratus est mori pro salute proximi.

Secundum signum extrinsecum perfectæ charitatis est, si inimicos diligit, & eis propter Deum benefacit. Ratio huius signi est, quia sicut dicit Hugo de artha animæ: Amor transformat amantem in similitudinem amati, in quantum potest: non solū quantum ad substantiam, sed etiam quantum ad operationes arduas & difficiles. Cum ergo Deus amatur ab

Rich. de cō-  
templ. li. 4.  
cap. 16. post  
mod.  
Ioan. 15. b

Rich. ibid.

Prov. 4. 6

Charitatis  
perfectio  
duplex.

Prosp. li. 9.  
de vita cō-  
templ. c. 15.  
cir. fin.

Deut. 18. c

Rom. 7. 6

Aug. lib. de  
gratia & li-  
bero arb. c.  
17. in prin.

Aug. tract.  
5. in epist.

Ioan. ante  
med. 10. 9.  
Cant. 7. 6

Ioan. 15. b

eo, qui diligit inimicos & bene facit eis, sibi assimila-  
tur, ut ipse ostendit, dicens: Diligite inimicos vestros,  
& bene facite eis, ut sitis perfecti, sicut & Pater vester  
perfectus est; & hoc non possit fieri per quamlibet  
dilectionem, sed per perfectam: quia dicit Augusti-  
nus in Enchiridio, quod talis dilectio perfectorum  
est, & Origenes super Cantica dicit: In exhibitione  
pietatis probatur magnitudo amoris: ideo illud ve-  
rum est signum, diligere inimicos propter Deum di-  
lectum.

Tertium signum charitatis perfectæ extrinsecum  
est, si omnia aduersantia gaudenter suscipit, & patie-  
ter sustinet. Ratio huius signi est, quia charitas per-  
fecta mentem ab amore huius vitæ quasi totaliter auer-  
tit, & occidendo quasi insensibilem reddit, quia pœ-  
nas temporales, & mortem contemnere facit. Vnde

Greg. hom. 11. in Ench. paulo post prin. Gregorius in homilia 9. dicit sic: Fortis est, ut mors  
dilectio. quia sicut mors corpus interimit, sic chari-  
tas vitæ æternæ ab amore temporalium mentem auer-  
tit & occidit. Nam mentem, quam perfecta charitas  
absorbuerit, ad terrena foris desideria velut insensi-  
bilem reddit, neque Sanctus quilibet mori pro Do-  
mino potuisset in corpore, nisi prius a terrenis desi-  
derijs in mente mortuus fuisset. Hæc ille. Charitas

enim omnia sustinet, ait Apostolus: Vnde Apostoli  
ibant gaudentes a conspectu concilij, &c. Ex quo pa-  
ter veritas istius signi.

Quartum signum perfectæ charitatis extrinsecum  
est, si omnibus renunciare paratus sit, & sequi Chri-  
stum. Ratio huius signi est, quia perfecta charitas  
omnia renuit, quæ eius officium impediunt. Vnde  
Apostolus omnia arbitratus est ut stercus, ut dilectum  
lucrifaceret. Sed temporalium concupiscentia maxi-  
me impedit officium charitatis. Dicit enim Augusti-  
nus, quod charitatis venenum, est spes adipiscendo-  
rum temporalium: & nutrimentum charitatis, im-  
minutio cupiditatis: perfectio vero charitatis est, ubi

Greg. lib. 8. Mor. c. 15. sub initio. nulla est cupiditas. De hoc dicit Gregorius: Sunt  
nonnulli iustorum, qui ad contemplandum culmen  
perfectionis dum ad altiora interius appetunt, exte-  
rius cuncta derelinquunt, qui rebus habitis se nudant,  
gloria honoris se expoliant, qui desideriorum inter-  
norum assiduitate se affligunt, de exterioribus habe-  
re consolationem nolunt, quibus Paulus dicit: Mor-  
tui estis, & vita vestra abscondita est in Deo. Hæc ille.

Et sic patet, quod renunciare omnibus, & sequi Chri-  
stum, eius voluntatem faciendo, signum est perfectæ  
charitatis. Vnde Ioannes dicit: Qui seruat verbum  
Dei, vere in eo charitas Dei perfecta est.

Quintum signum perfectæ charitatis extrinsecum  
est, si nihil aliud quam solum Deum timuerit. Ra-  
tio huius signi est, quia sicut dicit Ioannes: Perfecta  
charitas foras mittit timorem. Quod exponens Gil-  
bertus Porretanus sermone 18. dicit: Charitas pro-  
ximi caret liuore, sed charitas Christi caret timore.  
Hæc enim nihil pœnale habet, timor autem pœnam  
habet, ergo in Christi charitate non erit timor nisi  
filialis. Quid enim timebit charitas veteres offen-  
sas? quia multitudinem peccatorum operit charitas.

Quid infirmitatem propriæ conscientie timebit ne  
decidat? quia fortis ut mors dilectio. Quid tempo-  
rales pro Christo timebit molestias finibiles, cum  
nec quidem si æternæ fuerint, defatigari aut nec eva-  
nescere poterit dilectio consummata, id est perfe-  
cta? Non ideo amat charitas ut pereat, sed magis  
vult foris in æternum perire pœnaliter, quam pri-  
uari usu amoris interni æternaliter. Hæc ille. Ex  
his patere potest, quod timor expellit charitas per-  
fecta. Quidam etiam ponunt signa istius amoris cor-  
poralia, ut faciei pallorem, corporis languorem, ac-  
tionis torporem, & cetera huiusmodi. Sed illa sunt  
signa tam amoris carnalis, quam spiritualis, ut com-  
muniter patet.

### De signis intrinsecis charitatis perfectæ. Articulus IIII.

Vltimò videndum est de signis intrinsecis chari-  
tatis perfectæ. Sunt enim quædam actiones cha-  
ritatis perfectæ quasi intus manentes, a charitate eli-  
citæ vel imperatæ, & tanto sunt vetiora, quanto in-  
teriora. Quanto enim charitas perfectior, tanto acu-  
tior, & ad intima pertingens, ut patet per Hugonem,  
ideo intimiores & perfectiores elicit actus.

Hugo in 7.  
Ang. Hier.  
lib. 7.

Primum igitur signum intrinsecum charitatis per-  
fectæ, sunt profunda & intima suspiria mentis. Ra-  
tio huius signi potest esse talis, quia quando memo-  
ria rei amatæ intima mentis amantis tangit, statim su-  
spiria amorosa quasi quosdam nuncios amoris ex-  
pellit, donec eam præsentia dilecti visitet, & visu re-  
ficiat. Vnde Gregorius 5. libro Moralium adducens  
illud Iob: Antequam comedam suspirio, dicit: Mens  
ad inspirationem fulgoris intimi, suspirijs vegetata  
conualescit: quia eam amor veritatis afficit, & refe-  
ctio contemplationis pascit. Tepidus autem amor hoc  
non facere potest, sed amor perfectus. Patet ergo,  
quod intima suspiria sunt signum charitatis perfectæ,  
ut idem & Richardus dicit.

Greg. lib. 5.  
Moral. c. 7.  
Iob 3. d

Secundum signum charitatis perfectæ, sunt alta  
desideria. Ratio istius signi est, quia Augustinus li-  
bro 13. confessionum, dicit: Omnia ponderibus suis  
aguntur, & loca sua petunt grauius deorsum ut lapis,  
sursum leuius, ut ignis. Hæc extra loca sua exeunt,  
quasi iniquitas, sed quod est pondus in corporalibus,  
est amor in spiritualibus. Vnde dicit idem: Amor  
meus pondus meum, eo feror quocumque feror. Do-  
no tuo accendimur, & sursum ferimur. Ergo quan-  
to amor magis accenditur, tanto desideria amorosa  
perfectius sursum feruntur, nec quiescunt, donec ad  
locum suum scilicet ad amatum Deum pertineant.

Rich. tract.  
de gradib.  
char. uolun-  
ta non lon-  
ge a princ.

Vnde sequitur. Inardescimus, & imus, & ascendimus  
ascensiones in corde ad pacem in Hierusalem. Simi-  
le dicit Linconiensis super 3. Ang. Hierar. Et Grego-  
rius libro 7. Moralium dicit sic: Sancti viri cum desi-  
derium æternitatis anhelant, in tanta altitudine vitæ  
se subleuant, ut audire iam quæ mundi sunt, graue si-  
bi, ac deprimens pondus credant. Valde enim intole-  
rable æstimant, quidquid id non sonat, quod intus  
amant. Sequitur infra: Et multiplicata charitate ma-  
ioribus desiderijs æstuant, & iam peruenire ad vitam  
spiritus, etiam per cruciatus corporis anhelant. Ex  
quo patet, quod alta desideria, quæ in summum de-  
siderabile tendunt, signa perfectæ charitatis sunt.

Aug. li. 13.  
Conf. c. 9.  
Ibidem.

Idem dicit Richardus in tractatu de charitate.

Tertium signum & intrinsecum perfectæ charita-  
tis, sunt cogitationes languidæ. Ratio istius signi est  
ista. Fulgentius in quodam sermone dicit: Necesse  
est, ut quo præcessit dilectionis thesaurus, id est ama-  
tum, illuc sequatur cogitationis affectus, id est deside-  
rium amorosum. Ideo veritas ait: Vbi enim thesau-  
rus tuus est, ibi & cor tuum erit. Sequitur. Ut ergo  
cælestia thesaurizemus, cælestia diligamus. Vis ergo  
nosse ubi thesaurizas? attende quid amas, attende &  
quid cogitas, & ita fiet, ut thesaurum tuum ex tuo  
amore recognoscas, & amorem tuum iudicio tue co-  
gitationis intelligas. Hæc ille. Si ergo cogitationis  
affectus est ubi est thesaurus amoris, id est, amatum,  
planum est, quod cogitatio fastidit omne aliud ab ama-  
to. Vnde Glossa super illud Canticorum: Adiuro vos  
filie Hierusalem, ut annuncietis dilecto, quia amore  
languet: dicit sic. Præ magnitudine amoris, omnia  
temporalia sunt mihi fastidium, unde languet. Lan-  
guor autem iste causatur ex amore perfecto. Vnde  
Origenes ibidem, distinguit inter amorem simplicem,  
& ardorem, & languorem. Amant, inquit, incipien-  
tes, ardent proficientes, languent perfecti: ergo cogi-  
tationes languidæ sunt signum amoris perfecti. Si-  
mile ostendit Richardus infra.

Greg. lib. 7.  
Moral. c. 6.  
cir. fin.

Greg. ibid.  
c. 7. statim  
a princ.

Fulg. serm.  
de Confes-  
sionibus longe  
post med.  
Matt. 6. c

Cant. 2. b

Quantum

# 176 De septem itineribus æternitatis.

Quartum signum intrinsecū amoris perfecti, sunt expectationes tædioſæ. Ratio huius signi est, quia sicut dicit Linconiensis: Amore tendente in rem amatam nihil velocius, nihil acutius, nihil subtilius, aut penetrabilius, quia sua natura non quiescit, donec substantialiter totam penetraverit profunditatem, & pertransierit amabilis totalitatem quantum potest. Et idem: Quando cursus istius amoris impeditur, vel retardatur qualitercumque, tota mens turbatur, & expectatione attædiatur. Quia sicut dicit Richardus: Amanti omnis mora nimis longa videtur, expectatio onerosa, clamat cum sancto Iob: Tædet animam meam vitæ meæ. Quod exponens Gregorius 9. Moralium, dicit sic: Præsens vita vileſcere, idest tædere incipit, dum diuinus amor dulcescere cœpit, idest perfici. Vnde amans perfecte, cum tædio quodam fastidit omne, quod cursum amoris impedit. Ideo Gilbertus Porretanus sermone 11. dicit sic: Amor terrenarum occupationum impatiens est, suis satis habet inferuire negotijs, otio gaudet, quiete fouetur, ad internam dilectionem libera tempora habere volens. *Sequitur.* O quàm durum est amanti animum dimidiare cum Christo & mûdo. Et quàm durum est in dilectionis via peregrinas admittere curas, & cæleste secretum secularibus infestari turbis. *Sequitur.* Amor nihil magis vult quàm amare. Hæc ille. Et sic patet quartum signum charitatis perfectæ.

Quintum signum intrinsecum perfectæ charitatis, sunt affectiones ecclasticæ. Ecclasis autem est excessus mentis, ait Papias: Ratio huius signi est, quia sicut dicit Dionysius: Amor in Deum tendens, est faciens ecclasticam spiritus. Et reddit rationem ibidem, dicens: Quia amor non permittit amatores esse sui ipsorum per mentis sobrietatem, sed eorum qui amantur per mentis excessum. sed illi, qui sunt aliorum, extra se sunt. Quia sicut dicit Bernardus: Non est præsentior nobis spiritus ubi animat, quàm ubi amat. Quod tamen intelligendū est, quātum ad conatū affectionis. Hunc autem excessum, non potest facere nisi charitas perfecta, quæ per fortem inclinationem, causat tendentiam vehementem in rem amatam, quod ostendit Dionysius ibidem per exemplum, dicens sic: Vnde beatus Paulus in amore Dei magnifice excellens dicit: Viuo ego, iam non ego, viuit autem in me Christus. *Sequitur.* Hoc autem dicit verus amator, & ecclasticam passus, viuens Deo & non sibi. Hæc exponens Vercellensis dicit: Viuo ego vita naturali, iam non ego, per imitationem excessiuam ad æternitatis immensitatem, quasi absorpta & suo officio suspensa, dirigor, moueor, doceor, & regor vita supersubstantiali, cui vnior, qua repleor, viuit autem in me Christus, idest sicut anima sobria me regit naturaliter, & disponit ad omnem actum interiorē, sic virtus Christi cui vnior gratuite, me viuificat & ad omnia disponit. *Sequitur.* Hæc dixit sicut verus amator. Verus amator est, qui in solum, & summe, & vere diligibile, & desiderabile, immediate, & propter ipsum, superintellectualiter tædit. Hæc ille. Et sic patet quintum signum charitatis perfectæ. Sunt tamen plura alia signa charitatis perfectæ, sed hæc propter breuitatem ad præsens sufficiant.

*Qualiter charitativa affectio a sanctis Doctoribus per gradus diuidatur. Distinct. V.*

*De gradibus amoris gratuiti. Artic. I.*

**Q**uintò videndum est, qualiter charitativa affectio a sanctis Doctoribus distinguatur per gradus. Dicit enim Augustinus sic: Numquid mox ut nascitur charitas, iam prorsus perfecta est? immo ut perficiatur nascitur, cum fuerit nata nutritur, cum fuerit nutrita roboratur, cum fuerit roborata perficitur, & cum ad perfectum venerit, dicit: Cupio dis-

solui, & esse cum Christo. Ex quo patet, quòd in charitate sunt diuersi gradus. Et quia Augustinus alibi dicit: Tanto nobis melius, quanto magis ad Deum imus, quo nihil melius est: imus autem non ambulando, sed amando, quem tanto habebimus præsentior, quanto eundem amorem quo in eum tendimus, poterimus habere puriorem. Hæc ille. Et quoniam maior & minor puritas in gradibus inuenitur charitatis, ideo de gradibus eius videndum est, quomodo ab infimis ascendamus ad medios, & per medios veniamus ad summos: quia, ut ait Gregorius: Nemo repente fit summus, sed per gradus ad summum peruenitur.

Propter quod notandum est, quòd quidam distinguendo gradus charitatis, siue amoris gratuiti, incipiunt ab infimo gradu amoris, ascendendo vsque ad gradus amoris violenti. Et quidam alij docent ascendere ultra per gradus amoris violenti, vsque ad gradus amoris seraphici.

Primò igitur notandum, quòd quidam doctor, scilicet Cantuariensis super Cantica incipit rationaliter ab infimo gradu charitatis, siue amoris gratuiti, ascendendo per sex gradus, vsque ad gradus amoris violenti siue vehementis, dicens: Non omnis amor inducit languorem siue vulnerat, sed vehemens amor, qui habet sex gradus præcedentes, quos enumerat ibi dicens: Primus amoris gradus dicitur amor incomparabilis, & iste est communis omnium electorum. Secundus gradus, est amor incontaminabilis, & iste est mundi contemptorum & religiosorum. Tertius gradus, est amor infatigabilis, & iste amor est iugiter proficientium & Confessorum. Quartus gradus, est amor inseparabilis, & iste est bonorum contemplatiuorum. Quintus gradus, est amor insuperabilis, & iste est Christi Martyrum, siue victorum. Sextus gradus, est amor insatiabilis, & iste est iugiter desiderantium, ut solitariorum.

His sex gradibus decursis, sequitur amor violententer inducens languorem.

Primus gradus charitatis siue amoris & infimus, est amor intemporalis, qui est communis omnibus electis, qui est tantæ virtutis, quòd omne peccatum mortale ab anima expellit, & Deum super omnem creaturam diligit. Et hic gradus est necessitatis, ut ostendit Dominus in Euangelio Matthæi, ubi dicit: Qui diligit patrem, & matrem, &c. non est me dignus. Ergo super omnia diligendus est Deus. Vnde Anselmus dicit, quòd creatura rationalis, nihil debet diligere, nisi summam essentiam, aut propter illam. Ratio istius est, quia in quo est summa diligibilitas, summe debet diligi, hoc autem est Deus.

Secundus gradus amoris charitatiui, est amor incontaminabilis, & hic gradus est mundi contemptorum, qui tantæ est virtutis, ut hominem a mundana cōuerſatione abſtrahat, ne mens polluitur, & ne charitas ab opere impediatur. Vnde Ioannes dicit: Si quis diligit mundum, non est charitas patris in eo, quoniam omne quod in mundo est, aut est concupiscentia carnis, aut concupiscentia oculorum, aut superbia vitæ. Ratio istius est, quia ignis amoris, ut dicit Linconiensis in Angelica Hierarchia, separat heterogenea, & vnit homogenea: separat enim omne inconueniens ab amato.

Tertius gradus charitatiui amoris, est amor infatigabilis, & iste est iugiter proficientiū & Christi Confessorum, qui est tantæ virtutis, ut animam non sinat quiescere, donec inueniat quem diligit. Vnde in Canticis dicitur: In lectulo meo quæſui per noctem, &c. Surgam circuibō per vicos & plateas, quærens quem diligit anima mea. Quod exponens Origenes dicit: Quærendus es Domine cum frequentia laboris, nūc in lectulo lumine veritatis, nunc per noctes feruore charitatis, abiecta superstitione naturalis rationis. *Sequitur.* Solus amor te inuenit, quia qui te amat, te habet

*Aug. in ep. 52. ad Macedon. post med. 10.2.*

*Greg. li. 22. Mor. c. 14. non longe a princ.*

*Sex gradus amoris gratuiti.*

*Mat. 10. 2.*

*1. Ioan. 2. 0*

*Cant. 3. 0*



te habet ut amet, amat ut habeat, & ne te in æternum perdat. Hæc ille.

*Bern. ibid.* Quartus gradus amoris charitatiui est amor inseparabilis, & hic est assidue contemplantium, & hic gradus tantæ virtutis est, ut continuis stimulis agitet mentem contemplatoris ad comprehendendum dilectum, donec tandem dicat: Inveni quem diligit anima mea. Et dicit Bernardus: Quis te non teneat Domine Iesu, qui tenentem te spe fortificas, perfectione decoras, perseverantia conducis, remuneratione perducis? Ego autem non dimittam te, nisi benedixeris mihi, & numquam dimittam te, quia non benedicis nisi tenentem te. Istum gradum videtur habuisse Apostolus, cum dixit: Quis separabit nos a charitate Christi? &c.

*Aug. lib. de morib. Ecc. c. 22. 10. 1.* Quintus gradus amoris gratuiti est amor insuperabilis, & hic est Christi martyrum, & aduersitatis non cedentium, qui est tantæ fortitudinis, ut in libro de moribus Ecclesiæ dicat Augustinus: Nihil tam durum, atque ferreum, quod non igne amoris vincatur. Et Hieronymus in quodam sermone dicit: Nihil amantibus durum est, nullus labor difficilis. *Sequitur.* Amemus & nos Christum, & facile videbitur esse omnino difficile. Ratio huius est, quia sicut dicit Augustinus de sancta viduitate. Nullo modo onerosi sunt labores amantium, sed ipsi delectant, sicut venantium, aucupantium, & piscantium labores. In eo enim quod amatur, aut non laboratur, aut labor amatur. Amor autem reddit minus sensibilem, ait Augustinus.

*Rich. de 4. gradib. violenti charitatis ante med.* Sextus gradus amoris gratuiti est amor insatiabilis, & hic est iugiter desiderantium, & solitariorum. Hic gradus tantæ fortitudinis est, ut nihil sibi sufficiat præter unum solum quod amat, & ad ipsum semper amplius in hac vita sitit & desiderat. Ratio huius est, quia sicut dicit Richardus lib. de charitate: Charitas ista semper inuenit, quod adhuc concupiscere potest. quia quicquid agit, desiderium ardentis animæ non satiat. sitit & bibit, bibendo sitim non extinguit, sed quo amplius bibit, eo amplius sitit. Auidæ enim immo & insatiabilis animæ sitis, vel esuries non sedatur, sed irritatur. *Sequitur:* Quid quæso amore molestius, quidue acerbius, cum sitim suam nec resistendo temperare, nec inebriando possit extinguere? Hæc ille. Ecce quod iste gradus amoris, iam se extendit ad violentiam quandam amantis, ut clamat cum Psalmista: Sitiuit anima mea ad Deum fontem viuum. Vnde Cantuariensis ibidem dicit: Istis sex gradibus decursis, sequitur amor inducens languorem, qui est gradus amoris violenti. Et ideo E nunc de illo dicendum est.

#### De gradibus amoris violenti. Artic. II.

*Rich. ibidem statim a princ.* **D**E gradibus igitur amoris violenti, loquens Richardus in tractatu de charitate dicit: Vis magna dilectionis, magna virtus charitatis, multi gradus in ea, & in illis magna differentia, & quis eos distinguere vel saltem dinumerare sufficit? Et dinumeratis aliquibus gradibus, idē dicit: Supra tamen omnes gradus dilectionis, est amor iste ardens & feruens, qui cor necessitat, & medullitus transfigit, ut veraciter dicat: Vulnerata charitate ego sum. *Et sequitur:* Cogitemus ergo, quæ sit supereminencia charitatis Christi, quæ dilectionem parentum vincit, amorem prolis superat, affectum carnis transcendit vel extinguit, insuper & animam suam in odium vertit. O vehementia dilectionis, o violentia charitatis Christi, o excellentia & supereminencia charitatis Christi. Hoc est de quo loqui volumus, de vehementia charitatis, de supereminencia perfectæ æmulationis ascendendo ad opera violentæ charitatis: & inuenio quod charitas vulnerat, charitas ligat, charitas languidum facit, charitas defectum inducit. Quid horum non violentum? quid horum non validum? Hæc omnia

A Richardus. Et post hoc prosequitur, dicens:

Primus igitur gradus violenti amoris est, quando mens desiderio suo resistere non potest, quin vulneretur. Nonne tibi cor percussum videtur, quando ille igneus amoris aculeus mentem hominis medullitus penetrat, affectumque transuerberat, intantum ut desiderium siue æstum cohibere animo non valeat, desiderio ardet, affectu feruet, æstuat, anhelat profunde ingemiscens, & longa suspiria trahens, ut dicat, Vulnerata charitate ego sum. Sed nota, quod amor violentus non solum vulnerat amatrices animas, sed etiam cælestes substantias, immo etiam ipsum fontem amoris Deum vulnerat. Vnde Vercellensis exponens illud Canticorum: Filij matris meæ pugnaverunt contra me, dicit: Filij sunt substantiæ supernæ ciuitatis, ex qua ipsa assidue spiritualia percipit alimenta. pugnaverunt contra me. Pugnantes corporaliter, spiculis acutis mutuo se feriunt & pungunt; sic mentes contemplatiuæ speculationes volatiles, feruentia desideria, subtilia & acute penetratiua immittunt, primo quidem in paranympchos. Prorsus eisdem pertransitis in sponsum dirigunt sagittas acutæ volatiles, violenti scilicet amoris, ut dicat: Vulnerasti cor meum, soror mea Sponsa, sicut dicitur in Canticis. *Et sequitur:* Ex quo a diebus Ioannis regnum cælorum vim patitur. Ex tunc enim regnū cælorum quasi violenter rapitur ab his, qui stimulo violenti amoris aguntur. mentes enim cælestes ad similitudinem pugnantium, his speculationibus & desideriis occurrentes, luminibus feruidis & penetratiuis illos perfundunt, & ad sui ipsarum excessum, quasi ad quandam spirituales morrem prouocant, quam eligunt ossa, ut uiuant vita Sponsi. Hæc Vercellensis. De signo huius amoris Richardus ubi supra dicit: Hæc tibi animæ vulneratæ certa sunt signa, gemitus, & suspiria, vultus pallens, atque tabescens, quæ omnia operatur amor vehemens. Sed post subiungit utilitates istius gradus, dicens: In primo isto gradu spiritus iste intrat super mel dulcis ad animam, & inebriat eam in tantum, ut habere dicatur mel & lac sub lingua sua. Et parum post dicit sic: Hic est ille cibus cælestis, qui egredientes de Egypto solet reficere, & per solitudinem ducere & pascere. hoc est illud manna absconditum, quod nemo scit, nisi qui accipit, non per doctrinam, sed per experientiam, & hic est ille dulcor suauitatis spiritualis, & tenera suauitas, quæ solet lactare, & alere, & ad maturitatem paulatim perducere. *Et infra:* Hoc ergo, ætlimo, per dilectionis gradum agitur, ut dum mens sæpe visitatur, sæpe reicitur, sæpe inebriatur, quandoque ad maiora audienda prouocatur, & ad secundum gradū charitatis disponitur. Hæc ille.

*Ibidem.* Secundum gradū amoris violenti, inquit Richardus, diximus illum qui ligat, sicut primum diximus, qui vulnerat. Nonne, inquit, sine omni contradictione animus ligatus est, quando omnium obliuiscitur, ut aliud meditari non possit? quia quicquid agit, quicquid dicat, semper hoc mente reuoluit, perennique memoria retinet, hoc dormiens somniat, hoc vigilans omni hora tractat. Vnde facile est perpescere, ut arbitror, quomodo hic gradus priorem gradum transcendit, qui mentem hominis nec ad horā quietam esse permittit. *Sequitur:* Recte itaque dictū est, quod prior gradus sit qui vulnerat, secundus sit iste qui ligat. Licet ergo ligari minus sit quādoque, quā vulnerari, tamen maior violentia videtur esse, si postquam aliquis percussus deiecitur, deiectus deprehenditur, deprehensus abducitur, abductus in carceratur, incarceratus catenatur, atque ligatur, & iam omnino captiuus tenetur. Quid horum quæso maius & violentius? Ille liber est, iste autem a loco in quo detinetur, recedere non potest. Sic utique qui a secundo gradu violentæ charitatis absorptus est, quicquid agit, quocumque se vertat, ab illa vna & intima solitudinis



- etudinis suæ cura auelli non potest, quia ligatus est. Hæc ille. Sed quæ sunt vincula, quibus spiritus siue animus sic ligari potest? Respondet idem, dicens: Si vultis audire de charitate ligante, propheta Osea dicit: In funiculis Adam traham eos, in vinculis charitatis. Sed qui sunt isti funiculi Adam primi parentis nostri, nisi munera Dei? In magna enim gloria creatus fuit. Quid igitur sunt ista charitatis vincula, nisi Dei beneficia, bona naturæ, bona gratiæ, & bona gloriæ? Huius enim beneficentiæ vinculis debitores obnoxios nos fecit, quia naturam condidit, gratiam contulit, & gloriam repromisit. Ecce funiculus triplex. Funiculus autem triplex difficile rumpitur. *Sequitur.* Adiecit autem Dominus adhuc noua vincula charitatis, quæ manu valida multiplicat super nos, vt nos sibi arctius astringat, quæ enumerari non possunt. Hæc ille. Cum his concordat Vercellensis, qui exponens eandem auctoritatem dicit: In funiculis Adam traham eos, idest in vinculis charitatis. Ipse siquidem Deus mentem mouet in se suo amore, adducitq. suis participationibus, quibus solum cognoscitur; quantæ autem illæ sint quis nouit? Richardus igitur quasi concludendo dicit: Sicut in priori gradu degustata suauitas satiat animum transfigi. q. affectum: sic in hoc secundo gradu, inspecta claritas cogitationem ligat, vt illius obliuisci, vel aliud cogitare non possit. Vincula illius alligatura salutis dicitur in Ecclesiastico.
- Ad tertium itaque gradum violenti amoris ascendit, quando omnem alium amorem excludit, quando nihil præter vnum, vel nisi propter vnum diligit. *Sequitur.* In hoc itaque tertio gradu violentæ charitatis, nihil omnino satisfacere potest, præter vnum, sicut & nihil sapere potest, nisi propter vnum. Vnum amat, vnum diligit, vnum sitit, vnum concupiscit, ad vnum anhelat, in vnum suspirat, & in vno inardescit, in vno requiescit, vnum solum est in quo reficitur, vnum solum ex quo satiatur, nil dulcescit, nil sapit, nisi hoc vno conditur. *Sequitur.* Quidquid vltro se offerat, quidquid sponte occurrat, cito rejicitur, cito conculcatur, quod suo affectui non militat, vel eius desiderio non deseruiat. Sed quis huius affectus tyrannidem digne describat? quoniam omne desiderium expellit, omne studium excludit, omne exercitium violenter opprimit, quod suæ concupiscentiæ deseruire non conspiciat. Quidquid agat, quidquid dicat, quidquid cogitet, inutile immo intolerabile videtur, nisi in vnum sui desiderij finem concurrat. Cum autem frui potest eo quod diligit, omnia pariter se habere credit, sine illo autem horret omnia, corpore deficit, corde tabescit ac languescit, consilium non accipit, rationi non acquiescit, nullam consolationem admittit, sed clamat cum Sponsa: Nunciate dilecto, quia amore langueo. Vbi ait Glossa: Præ amoris magnitudine, omnia temporalia sunt mihi fastidio. *Sequitur.*
- Tertius itaque gradus amoris est, quādo mens rapitur in Deum luminis abyssum, ita vt humanus animus in hoc statu omnium exteriorum oblitus, penitus nesciat seipsum, totusq. transeat in Deum suum. In hoc itaque gradu, compefcitur plene carnalium desideriorum turba, & fit in cælo silentium quasi dimidia hora. in hoc namque gradu dum mens a seipsa alienatur, dum in illud diuinum secretarium rapitur, dum ab illo diuini amoris incendio circumdatur, intime penetratur & inflammatur, seipsum penitus exurit, & diuinum quendam affectum induit, & inspecta pulchritudini cōfigurata, tota in aliam gloriam transit. In hoc statu anima in illum quem diligit liquefcit, & in seipsa tota languescit, vt dicat: Fulcite me floribus, stipate me malis, quia amore langueo. Hæc ille.
- Sed nota, quod triplex est languor. Primus est defectus corporis, ex intensione feruoris, amoris, vel charitatis. Vnde Glossa dicit: Iam anima supradictis confortata, ita in amore Dei ardet, vt præ nimio ardore, languor carnis imminet. crescente enim virtute mentis, decrefcit fortitudo corporis, ait Glossa super illud Genesis: Angelus Domini tetigit neruum, &c.
- Item est alius languor charitatis respectu temporalium. Vnde Glossa ibidē: Quanto, inquit, ad amorem Sponsi se accendit mens, tanto ab amore temporalium languescit.
- Item est alius languor respectu tribulationum. habet enim amor plagas suas, secundum Augustinum, quæ quandoque amarissime infliguntur. De his tribus dicit Origenes: O si sic languescat seruus Christi in spe æternæ visionis, vt caro pressa non lasciuiat, mūdus fallax nō inuoluat, tribulatio vtilis eos custodiāt, cum quo suis in tribulationibus est ipse Deus, vt dicit Psalmista: Cum ipso sum in tribulatione, &c. *Psal. 90. d* Et Richardus concludens in fine dicit: Sicut primus gradus affectum fauciat, sic secundus fauciatum ligat, sic tertius actionem implicat, vt animus circa aliqua occupari non possit, nisi quo eam voluntatis diuinæ nutus trahit vel impellit. Et sic qui ad hunc tertium gradum amoris profecerunt, nil iam propria voluntate agunt, nihil omnino suo arbitrio relinquunt, sed diuinæ dispensationi omnia committunt. Hæc ille. Sed hic caute intelligas, vt non cooperationem totaliter excludas creaturæ. Vnde Richardus ibidem addit dicens: Sicut artifex liquefactis metallis, formam quamcumque voluerit imprimit, sic anima in illo statu ad omnem diuinæ voluntatis nutum se facile applicat, immo spontaneo quodam desiderio ad omne eius arbitrium seipsam accommodat, & iuxta diuini beneplaciti modum, omnem voluntatem suam informat, vt obediat cum Christo usque ad mortem. Huic exemplari quilibet se debet conformare, qui vult summæ charitatis gradum attingere.
- Quartus gradus violentæ charitatis est, vt ait Richardus ibidem, quando æstuantis animi desiderio iam omnino nihil satisfacere potest, & ideo ad defectum ducit. *Sequitur.* Quis huius supremi gradus violentiam digne pensare sufficiat? quid quæso cor hominis profundius penetrat, vehementius exagitat, cum sitim suam nec resistendo temperare, nec inebriando extinguere possit? In hoc quarto gradu est amor insuperabilis, quia alij affectui etiā maiori non cedit. Insuperabilis est, quia a memoria numquam recedit. Singularis est, quia socium non recipit. Insatiabilis est, quia ei satisfieri non poterit. *Sequitur.* Quanta est excellētia ipsius amoris, qui omnem aliū affectū excedit? quanta quæso vehementia, quæ mentem quiescere nō sinit? quanta obsecro violentia charitatis, quæ omnem alium affectum violenter expellit? quanta supereminētia, cui omnino nihil sufficit? O excellentia amoris, o violentia dilectionis, o charitatis vehementia, o amulationis supereminētia. *Et infra dicit:* In primo gradu, aquæ multæ non potuerunt extinguere charitatem, eo quod insuperabilis sit. In secundo gradu, anima ponit dilectū suum super cor suum sicut signaculum, eo quod illum omnino obliuisci non potest. In tertio gradu, si dederit homo omnem substantiam suam pro dilectione, quasi nihil despiciet eam, eo quod in re alia delectari non possit. In quarto gradu, fortis est vt mors dilectio, & dura vt infernus, æmulatio, eo quod ei sit dulce, quidquid pro Deo facere, vel sustinere possit: hic enim omnem alium affectum expellit & vincit. Si enim ad aliquid affectum habemus, quod propter Deum non diligimus, profecto adulterinus affectus est, qui summæ charitatis constantiam frangit, viresq. eius minuit, in quantum ad aliena animam trahit vel impellit. *Sequitur.* In primo igitur gradu, diligitur Deus

Deus ex corde, in secundo ex toto corde, in tertio ex tota anima, in quarto autem ex tota virtute. *Et infra dicit:* Secundum aliquem modum anima in hoc gradu efficitur immortalis & impassibilis, immortalis, quia a vita separari non potest. Certus sum, inquit

Rom. 8. g

Apostolus, quod neque mors, neque vita, neque aliqua creatura, &c. Nonne impassibilis secundum aliquem modum videtur, qui illa damna non sentit, qui in omni iniuria hilarescit, & quidquid infertur ei ad pœnam, totum præsumit ad gloriam, ut cū Apostolo dicat: Libenter gloriabor in infirmitatibus meis, &c. Et Apostoli ibant gaudentes, &c. Nonne hic gradus amoris violenti videtur animum hominis quasi

2. Cor. 12. b

Act. 5. g

in amentiam vel in sanctam insaniam vertere, dum non finit eum in æmulatione modum vel mensuram tenere? Nonne summæ amentię videtur esse, veram vitam repellere, summam sapientiam arguere, & omnipotentię resistere? Nonne vitam repellit, qui pro fratribus a Christo separari cupit? sicut ille, qui dixit: Aut dimitte illis hanc noxam, aut dele me de libro, in quo me scripsisti. Nonne sapientiam arguere voluit vel docere, qui ad Deum loquitur, dicens: Absit a te Domine, ut rem hanc facias, & occidas iustum cum impio, fiatque iustus sicut impius. Non est hoc tuum facere. Nonne omnipotentię resistere tē-

Exo. 32. f

tauit, qui iram eius mitigare homo præsumpsit atque præualuit, quando Dominus sententiam mutauit? Ecce in quantam præsumptionis audaciam, consummatio charitatis solet mentem hominis erigere. Hæc omnia Richardus, præpostere tamen.

Gen. 18. c

Abstine a te Domine, ut rem hanc facias, & occidas iustum cum impio, fiatque iustus sicut impius. Non est hoc tuum facere. Nonne omnipotentię resistere tētauit, qui iram eius mitigare homo præsumpsit atque præualuit, quando Dominus sententiam mutauit? Ecce in quantam præsumptionis audaciam, consummatio charitatis solet mentem hominis erigere. Hæc omnia Richardus, præpostere tamen.

#### De gradibus amoris seraphici. Artic. III.

DE gradibus autem seraphici amoris nunc dicendum est, non quod nos similes actus amoris exercere in hac vita possimus; sed quod nos studeamus aliquantulum imitari eos, in quantum possumus in diuino amore.

Vercell. de

Ang. Hier.

6. 5.

Primo igitur videamus de amore Angelorum in communi. De quo sciendum est, quod sicut Dionysius dicit, secundum translationem Vercellensis: Amorem diuinum Angelorum intelligere oportet immaterialiter, qui est supra mentem & desiderium, indeclinabile in aliud, & irremissibile a proprio seruire contemplationis diuinę, & per excessum omnis substantię in solos Sponsi amplexus tendentis, & nulla anxietate afflictus, ut accidit in desideriis carnalium voluptatum, quarum appetitus plenus est anxietate, & infra desiderium non volens coerceri vel remitti propter sui fortitudinem ad id, quod appetit, & incorruptibilitatem ad id, quod nulla actione valet intercidere, propter hoc quod pure Deum & simpliciter desiderat, & nihil est quod possit eos ab eius amore reuocare vel retardare. Et quia semper Deus est vniformis, & equaliter bonus & pulcher, & quia ipse habet in se simplicissime omnem speciem desiderabilem, ut sapientiam, bonitatem, pulchritudinem, æternitatem, omnipotentiam, &c. & secundum omnia est totus desiderabilis, ut habetur in Canticis. Ideo trahit plenarie, intus, irrevocabiliter in se omnium suorum omnia desiderabilia comprehensum. Hæc ille. Et cum hoc concordat Linconiensis commentator ibidem, dicens sic: Angeli ex rationis abundantia scientes illud, quod appetunt esse desiderabile, & vere, & vehementissime, & totis viribus desiderandum, & amandum amore puro, & non in aliud tendente, illud intendunt ita fortiter & tam inuictibiliter, quod illa intentio a nulla potentia interdici potest vel impediri, & est ipse amor intentio & progressio ad aliud, & amplexus illius adepti, nec aliqua ratione aut modo aliquo retinetur, aut aueritur, aut remittitur eorum intentio in aliud, aut progressus, aut illud adeptum amoris amplexu deservitur. Hæc ille.

Epist. 11.

Epist. 11.

Epist. 11.

Epist. 11.

Epist. 11.

Epist. 11.

Epist. 11.

Epist. 11.

Epist. 11.

Epist. 11.

Epist. 11.

Epist. 11.

Epist. 11.

Epist. 11.

Epist. 11.

Epist. 11.

Epist. 11.

Epist. 11.

Epist. 11.

Epist. 11.

Epist. 11.

Epist. 11.

Epist. 11.

Epist. 11.

Epist. 11.

Epist. 11.

Epist. 11.

Epist. 11.

Epist. 11.

Ex his apparet, quantum amor Angelorum excedit amorem nostrum, saltem quantum ad actum & appet-

rationem. Non inuenimus in Scriptura sacra, gradus amoris Angelici distincte traditos, nisi Seraphim.

De quorum amore Dionysius loquens ponit quinque gradus, vel magis quinque proprietates, dicens: Congruum est, ut in supremis substantijs ordinetur prima Hierarchia, quæ super ceteras exaltatur, & circa Deum immediate collocatur, ad quam tamquam Deo proximam principalius deferuntur, primo Dei infusiones & perfectiones. Et illius Hierarchię ordo primus Seraphim, id est calefacientes, vel incēdentes interpretatur. *Sequitur.* Interpretatio autem istius nominis Seraphim, incendentes, vel calefacientes iuxta

naturales proprietates ignis, qui incendit & calefacit, nobis significat æternam mobilitatem substantiarum illius ordinis circa diuinam, & incessabilitatem, & caliditatem, & acurū, & superferuidum. Alia translatio habet, & excedentem feruorem sempiternę motionis eorum in Deum, quæ attentissima est & irremissibilis, & in aliud desiderabile numquam declinans. Hæc verba occultissima sunt, ideo Linconiensis commentator exponens ea dicit sic: Ad hos deformes habitus tam excelsos, & a nostra infirmitate longinquos, & visui nostro tam absconditos exponēdos, omnino minores sumus. Verisimile est enim hoc esse de arcanis verbis, quæ Paulus in raptu suo audiuit, quæ homini non licet loqui. Hæc tamen Dionysius quasi specialissimo discipulo, & cælesti eius conciu locutus est, quæ iste, ut existimo, non omnibus communiter, sed puritate intelligentię & diuinis illuminationibus & gratia priuilegiatis, ac per hoc super hominem eleuatis, decreuit communicare, de quorum numero ego non sum, tamen communicabo ea in quantum possum. Hæc ille. Similiter commentator Hugo, ostendit subtilitatem istorum verborum, & dicit sic: Si quod sentio dicam, primū hoc fateor, quia verba audiui, aut non homini dicta, aut non dicta ab homine. Nam per hominem ea dici tam magnum mihi videtur, ut nihil amplius homini dari possit. Et quia forte verba ista ab illis verbis nata sunt, quæ audiri potuerunt, dici non debuerunt. Nam ille, qui hæc dicebat, vsque ad tertium cælum peruenerat, & intrauerat in Paradisum Dei, ibique verba quæ dā audierat de verbo secreta omnino & proxima silentio, vsque ad quæ auris humana non cōtingeret, quæ nemo audiret, donec sciret. Intus enim audiebatur, ubi dicebantur, & non poterant exire foras, ubi erat homo. Propterea ab eo, qui intus erat & valde intus, intus, & intus audiri potuerunt: sed his, qui foris erant dici non debuerunt; ne tamen vel illi, qui foris erant derelineretur, si ab eo, qui intus erat non vocaretur, nata sunt verba de verbis, sicut de verbo nata fuerant de verbis, quæ intus seruari debuerunt, verba quæ foras proferti potuerunt, de immensis magna, de occultis obscura, de impenetrabilibus profunda, quæ a nobis audita sunt tamquam tonitrua, utrum intellecta nescio. Et addit ibidem: Si hæc non gustantur, non amantur: si autem non amantur, non intelliguntur; & si non intelliguntur, vane audiuntur. In amore autem sit gustus, id est experientia, quæ est magistra intelligentię, & nostra consummatio. Hæc ille. Igitur qui volunt hoc perfecte intelligere, primo experiantur. Narrata autem difficultate istorum verborum, prædictorum doctorum expositionem videamus utrorumque.

Prima igitur proprietas seraphici amoris, siue supremus gradus secundum Dionysium, est semper mobile. De quo Linconiensis, & commentator Hugo concorditer dicunt, quod auctor volens ostendere proprietates amoris, quo feruent Seraphim, sicut ea significauit per ignem, sic eorum deformes habitus significat per ignis proprietates. Ignis namque proprietates sunt, sempiterna non interrupta mobilitas, caliditas, acumen penetratiuum, & velociter acutum & superferuidum: quia interius, calidum sibi eorum, quæ

2. Cor. 12. b

2. Cor. 12. b

2. Cor. 12. b

2. Cor. 12. b

2. Cor. 12. b

2. Cor. 12. b

2. Cor. 12. b

2. Cor. 12. b

2. Cor. 12. b

2. Cor. 12. b

2. Cor. 12. b

2. Cor. 12. b

2. Cor. 12. b

2. Cor. 12. b

2. Cor. 12. b

2. Cor. 12. b

2. Cor. 12. b

2. Cor. 12. b

2. Cor. 12. b

2. Cor. 12. b

2. Cor. 12. b

2. Cor. 12. b

2. Cor. 12. b

2. Cor. 12. b

2. Cor. 12. b

2. Cor. 12. b

2. Cor. 12. b

2. Cor. 12. b

2. Cor. 12. b

2. Cor. 12. b

2. Cor. 12. b

2. Cor. 12. b

2. Cor. 12. b

2. Cor. 12. b

2. Cor. 12. b

2. Cor. 12. b

2. Cor. 12. b

2. Cor. 12. b

2. Cor. 12. b

2. Cor. 12. b

2. Cor. 12. b

2. Cor. 12. b

2. Cor. 12. b

2. Cor. 12. b

2. Cor. 12. b

2. Cor. 12. b

2. Cor. 12. b

2. Cor. 12. b

2. Cor. 12. b

2. Cor. 12. b

quæ contingit est assimilatiuum. *Et infra sequitur*: A Eadem ignis proprietas, quæ dicitur motio amoris, vt æstimo, signat actionem & amationem non interruptam, nec finitam quiete, vel pausatione ab agendo. Quæ enim potest esse alia amoris motio, nisi eius actualis amatio, quæ non in illis cælestibus substantijs, sicut in nobis quandoque quiescit & finitur, sed sempiternæ agit, existens intenta, vt non desistat quâdoque ab agendi motione: ac per hanc intentionem irremissibilis ab amando intentione, & indeclinabilis & inflexibilis ab amando ordinate amatum, & indeclinabilis ad aliquid aliud inordinate amandum. *Sequitur*. Huiusmodi ergo semper motione, prædicto B modo, attenta, & per hoc irremissibilis & indeclinabilis semper mobilis circa diuina, primo docet manifestatiue cognominationem Seraphim. Hugo commentator addit hic, dicens, quod motio dilectionis quæ ad superiora est intenta, intima & inflexibilis dicitur: prout autem sit ad subiecta, idest inferiora reductiua & actiua exemplatiuum nominatur. Motus enim ille, qui in superiori est contemplatio, in inferiori est operatio. & ad superiora tendit, vt in eis requiescat, ad inferiora tendit, vt ea ad se reducat, sursum charitas mouetur, vt illic maneat, deorsum vt redeat. Præterea motio charitatis in superioribus quidem ad inferiores reductiua & actiua dicitur: reductiua in eo quod illos ad Creatorem suum eodem igne charitatis succendens conuertit: actiua vero, in eo quod illos accepta claritate illustrans, ad ipsius voluntatem componit. *Et infra*: Propter quod itaque dilectio illorum exemplum facta est in inferiorum ad superiora tendendi, & secundum superiora incedendi tamquam recalificans ista, scilicet inferiora, & resuscitans in consimilem caliditatem, vt semper ardeant, sed non æqualiter. Mobile igitur amoris est, vt non torpescat dilectio nostra, neque tepescat. Hæc Hugo ibidem.

Hugo in 7.  
Ang. Hier.  
lib. 6. post  
med.

Ibid. paulo  
post.

Secunda proprietas, vel gradus Seraphici amoris, est incessabile, vel infinibile. Et hæc proprietas amoris differt a prima. Et commentator Linconiensis reddit rationem differentie, dicens: Sicut hæc particula, semper mobile, tollit interruptionem motionis in amotione; sic hoc adiunctum incessabile vel infinibile, tollit terminationem durationis. Vel forte, inquit, Linconiensis per hoc, quod dicit Auctor, incessabile vel infinibile, intendit exprimere hanc proprietatem amoris, ad similitudinem proprietatis ignis, videlicet quod sicut ignis non habet terminum in agendo, dum inuenit materiam aptam in quam possit transire. Sic amor, & eius actio non habent terminum in agendo, dum inueniunt materiam aptam, in quam possunt transire. Deus autem infinitus est, quia infinite potentie, sapientie, bonitatis, iustitie, misericordie, &c. De ipso igitur dictus amor in seipsum transiens, semper inuenit aptam materiam in quam naturaliter aptus natus est transire, & ignis qui est amor aptus natus accendi. *Sequitur*: Amor igitur & amoris motio in diuina, terminum non habet in agendo. Signatur igitur per mobile semper, sempiternitas priuans interruptionem, & durationis interminationem; per incessabile vero vel infinibile, amoris & amotionis signatur augmentabilitas, priuans terminum augmentationis seu intensificationis & magnitudinis. Vnde verus & consuetus sermo, quo dicitur:

Ber. de dilig.  
gendo Deo.  
in prin.

Modus amandi Deum, est quod sit sine modo & mensura. Secundò idem declarat dicens: Si scibilia sunt infinita, saltem ex infinitate specierum, numerorum, & figurarum, & his per se accidentibus, & intellectus naturaliter amat omnia scibilia, scire, &c. Tertiò idem declarat per reflexionem amoris super omnem suum actum, respectu omnium virtutum. Aduertendum est, quod per prædicta duo nomina, scilicet per mobile, & incessabile seu infinibile, ex vi sermonis non signatur actus, sed ad prædictos amoris actus natura-

lis aptitudo. Hæc omnia Linconiensis, & ibidem addit dicens: Motio igitur illorum spirituum summæ diuinitati appropinquantium, incessabilis dicitur, & intenta per intima, & inflexibilis, quia a se per amoris desiderium in Deum tendens, & mobilis semper est, & numquam in se subsistit, & intenta vt in illum pergat, & intima vt ad exteriora non defluat, inflexibilis vt ad alia extra ipsum non diuertat. mobile ad inquisitionem excitat, incessabile ad perseverantiam confirmat. Hæc ille.

Tertia proprietas siue gradus seraphici amoris est calidum. De quo dicit Hugo in commento, quod hoc, tertio loco conuenienter ponitur, quia sicut mobile præcedit, vt inquisitionem excitet; & incessabile sequitur, vt ad perseverantiam confirmet; ita calidum sequitur, vt sensum viuificet, & acutum sequitur, vt ad apprehendendum penetret, & ultimo superferuidum sequitur, vt adhesionem & amplexum quietum manifestet. Require plura ibi si vis. Linconiensis autem de calido loquens, dicit sic: Sicut prima actio ponderosi vel levis, est inclinatio ad naturalem locum, sic actio virtutis seu potentie amatiue est inclinatio ad naturale amabile. Hæc tamen actio non simpliciter est amatio, sicut inclinatio ponderosi & levis nondum actualis est motio ad locum naturalem, cum frequenter sit inclinatio cum quiete rei inclinantis, altero prohibente actum motionis. Hanc igitur inclinationem virtutis amatiue, puto significari per calidum: motionem autem ad naturaliter amabile amplexandum, existimo significari per acutum. *Ideo sequitur*: Ipsam autem rei amatæ amplexationem, semper tensionem, seu cum illa adhesionem, & in illam quietationem manifestari per superferuidum. Caliditas enim, naturaliter est inclinatio subiecti in dilatationem & diffusionem sui in omnem partem. Gaudium autem est animi diffusio: sed amor est res, quæ per se & sola est gaudiosa & dilatabilis. Est igitur res amor per se dilatationis, & diffusionis participatiua: quapropter & inclinatio ad actum amoris, est inclinatio ad actum dilatationis & diffusionis. Vnde conuenienter hæc inclinatio nomine calidi est expressa. Calor namque, qui intus est non videtur, & mouet virtutem incendij latentis, sed quod mouet videtur, & ex quo videtur intelligimus vim magnam & violentiam fortem caloris, qui latet & non videtur. Calor iste sine tumultu & actione sensitiua ad amorem ingreditur, vt ingressus illius sibi assimilet, & tandem potenter a seipso eiciat, & tandem per calorem totus ignescat. De isto gaudio amo dicat Richardus sic: Amor est dulcedo saporis intimi, & quanto ardentius amat, tanto suauius gustat. Et amor est gaudium spei, quia ubi amor, ibi spes, & ubi est spiritualis amor, ibi est spirituale gaudium.

Hugo ubi  
sup. prox.  
ante med.

Amor qd.

Quarta proprietas siue gradus seraphici amoris est acutum. Quod exponens commentator dicit sic: Acutum, significat quendam imperum amoris, & vehementiam desiderij ardentis & penetrantis, vt ibi sit ubi est ipsum amatum, cum ipso & in ipso, vt non solum ab ipso calidum sit, sed transeat acutum in ipsum. Poterat enim calidum esse, & quasi de longe calidum fieri, cui hoc satis esset, amare absentem, & præsentem non videre, vel præsentissimum possidere. Sed non erat iste amor perfectus, nisi acutum faceret sibi foramen, & transiret omnia, & penetraret donec ad dilectum perueniret, immo potius in dilectum iret. Si enim in dilectum non vadis, adhuc foris amas, neque acutum habes dilectionis, & torpens diuisus es, manens extra, & alius a dilecto, & vnum non efficeris cum ipso. Amor autem te vult vnum facere cum ipso, & ideo penetrat omnia, & appropinquat quātum potest ad vnum ipsum. Vnde Prophetia ait: Vbi erat impetus spiritus, illuc gradiebantur. Impetus acutum est. *Et infra dicit*: Acutum non quiescit,

Hugo ibid.

Exech. 1.6

Cant. 3.6

scit, donec intret & penetret, & dicat: Tenui eum, nec dimitram, donec introducam eum in domum matris meæ, & in cubiculum genitricis meæ. Sed tamen ipsum ad te introductum, non quolibet modo, ut scilicet subsistat extra apud te, vel in partibus tuis, siue ante ostium domus tuæ, aut etiam solummodo in domo tua: quia hoc non esset signum magnæ dilectionis, nisi usque ad thalamum perueniat, & cubiculum ingrediatur, & usque ad interiora penetret, & in intimis requiescat. Ipse autem ingreditur, ut & tu ingrediaris ad illum. Hæc ille. Linconiensis illud verbum exponit, dicens sic: Acutum, dicitur tam quod subtile & penetratium est, quàm quod in motione velocis est. Inhiatione autem tendente in rem amaram, nihil velocius. Vnde nihil acutius, nihil subtilius amore, aut penetrabilius: quia natura non quiescit donec naturaliter totam amabilis penetrauerit virtutem, & profunditatem, & totalitatem quantum potest. Hoc igitur existimo significari per acutum. Hæc ille.

Quinta proprietas siue gradus seraphici amoris est superferuidum. Quod Linconiensis exponit, primo ostendens quid sit feruidum, & quid sit superferuidum. Dicit ergo sic: Feruere dicuntur, qui impresso calore supra se sursum feruntur, & proprio pondere in se redeunt. huiusmodi super se leuationes, & in se relapsus vicissitudinarie, feruores dicuntur. Sancti itaque viri, qui exarserunt sancti Spiritus gratia, supra se efferuntur in Deum, & ex proprio pondere recidunt in se ab actuali supra se eleuatione. Hi vicissitudinantes, congrue dici possunt spiritu feruentes, & qui in hoc supereminet, superabundanter superferuidi dicuntur.

Sed oritur quaestio, Angeli, quorum amor defixus in Deum non tepescit aut remittitur, aut aliquo modo declinat ab ipso, quomodo dici possunt feruentes? & si feruentes dici possunt, quomodo superferuidi dicuntur? Respondet Linconiensis quod potest dici, quod sicut Dei cognitio in se est sicut manne, & cognitio eius in creaturis est velut vespere, sic amor in se est eleuator, & amor ipsius in creaturis depressior. Et in hoc utroque ipsius amore sese naturaliter ad inuicem consequente, quasi quædam vicissitudo feruor est spiritalis, cuius supereminentia est esse in termino possibilis sibi intensiōis. Vel quod forte, inquit Linconiensis, posset dici, amor quo Deum Angeli amplexantur, superferuidus est, qui est intensus ad summum, non lentescit nec remittitur, sed immobiliter perstat in intensiōis suæ summitate. Si enim vis caloris sursum ferentis, partes liquide feruentis supra se possit eas portare, & sustinere in sua super se eleuatione, ita ut neque caloris remissione, neque proprio pondere relaberentur ad inferius: liquidum huiusmodi visitato modo loquendi, non diceretur feruere, sed verissime diceretur superferuere, cum maioris virtutis esset id eleuare, & quietare in sua eleuatione supra se, quàm id solum eleuare absque quietatione, & statim laberetur inferius. Et sic patet cognominatio Seraphim. Docet etiam hæc proprietas istius potentie amatiue primum actum, qui est inclinatio, & consequenter secundum actum, qui est motio animi ad naturaliter amatum, intendens ipsum penetrare, ut possibile est: & deinceps docet tertium & ultimum actum istius potentie amatiue, qui est cum amato iam adepto, adhesio & quietatio. Intellige tamen prioritatem & posterioritatem naturæ, non temporis. Hæc ille. Hugo vero commentator exponens prædictum verbum, scilicet superferuidum dicit: Admonet nos hæc res, aliquid magis cogitare de superferuido, quàm de calido & acuto. Nostis enim quomodo id, quod feruet, quadam caloris incendij sui violentia iactatur extra se, tollitur supra se, & facit motionem magnam inuisibili ætuatione. Et infra: Quod enim prius acutum fuit in dilectione,

S. Bon. Tom. 7. Pars iiij.

A obfistentia omnia penetrans, superferuidum fit, iam bulliens in seipso stare non valens. Acutum enim amoris est cum omnia transcendendo despicit: superferuidum autem cum etiam seipsum contemnendo relinquit. Nam qui hoc solum appetit, quod amat, in illius comparatione, etiam seipsum contemnit & despicit. Neque enim vere hoc solum appeteret, si vel semetipsum cum illo amaret. non autem hoc facere potest, nisi magna & singularis dilectio, ut præ amore illius quod solum diligitur, ille etiã qui amat quodammodo a semetipso despiciatur. Sic ergo miro modo per dilectionis ignem sustollitur, qui etiam supra se per vim amoris expellitur, ut exeat etiam a se. Quomodo igitur feruet, & quomodo bullit corde, qui per conceptum amoris superni ignem, dum in illum solum, qui sursum est, appetendum fertur cogitatione, & desiderio extra se proijcitur, & supra se eleuatur, nec se cogitat, dum illum solum amat? Et in fine concludit, dicens: Ecce diximus mobile illius dilectionis incessabile, & calidum, & acutum, & superferuidum, & intensum, & intumum, & inflexibile, & exemplarium, & reductiū, & actiū, & recalificans, & resuscitans, ut ex istorum aliquali cogitatione imitemur, ut possumus in amando, cælestes substantias.

*Qualiter spiritus noster per iter charitativa affectionis æternum manerem ingrediatur. Dist. VI.*

Sexto videndum est, qualiter spiritus noster per charitativam affectionem intrinsecum & æternum secretum Domini Iesu ingrediatur. Circa quod notandum est, quod amare Deum, est accedere ad ipsum, & intrare & gustare, quoniam suavis est Dominus. Et hoc ostendit Gregorius 15. Moralium, dicens sic: Superiora amare, iam sursum est ire: dumque magno desiderio ad celestia animus inhiat, miro modo hoc ipsum quod accipere querit, hoc iam degustat. Et Gregorius super Ezechielem dicit: Quatum quisque amat, in tantum ad ingressum regni appropinquat. In quantum vero ingredi negligit, intantum recusat. Ratio istorum est, quia verus amor siue charitas, nullum patitur medium inter se & obiectum quod est Deus, sed vehementer tendit in ipsum immediate: & ideo numquam quiescit, donec omnia transcat, & ad ipsum & in ipsum veniat. Et Hugo dicit: Dilectio siue amor impetum suavi ardentis desiderij sequens, amato appropinquat quantum potest, & eo amplius sitiens intrare ipsum cupit, & esse cum Christo, & tam prope, ut si fieri potest, hoc idem ipsum sit quod ipsum est: ideo super omnia verius, citius, perfectius pervenit ad Deum gressibus affectionum, quam gressibus pedum. Vnde Augustinus dicit: Ire ad Deum tanto nobis melius est, quanto magis ad illum imus, quo nihil melius est. Imus autem non ambulando sed amando, quem tanto habebimus præsentem, quanto eundem amorem quo in eum tendimus, poterimus habere puriorem. Hæc enim charitas, ut dicit Auctor de spiritu & anima, est via Dei ad homines, & via hominum ad Deum. Per charitatem namque venit Deus ad homines, venit in homines. Per charitatem elegit Deus homines, & eligunt homines Deum, diligunt Deum, & ad Deum currunt, & ad Deum perveniunt. Sic familiaris est Deo charitas, ut mansionem habere nolit, ubi charitas non fuerit. Et ibidem dicitur sic: Anima namque, quam Dei pietas respicit, humilitas subijcit, poenitentia ducit, iustitia deducit, obedientia conducit, perseverantia perducit, deuotio introducit, puritas coniungit, & charitas vnit. Sequitur: Habet anima in se amorem, quo semper potest stare cum Deo. Si igitur charitatem habemus, & Deum habemus, & in eo manemus, quia Deus charitas est. De hac materia, require plus in hoc quarto itinere, quasi per totum.

Q

Qualiter

Greg. li. 15.  
Mor. c. 27.  
in fin.

Hug. super  
7. Ang. Hier.  
lib. 6.  
ante med.

August. ad  
Maced. epi.  
52. post me-  
dium 10. 2.

Auctor de  
spir. & ani.  
c. 16. in fin.  
apud Aug.  
10. 3.

Ibid. c. 26.  
cir. med.

Hugo in 7.  
Ang. Hier.  
lib. 6. ante  
med.

*Qualiter spiritus noster ad veniendum per iter charitativæ affectionis ad æterna a Domino inveniatur. Distinct. VII.*

- S**eptimò videndum est, qualiter spiritus humanus ad veniendum per iter charitativæ affectionis, ad intrinsecum, & æternum secretum Domini ab ipso amabilius inuitatur, dicente Sponso in Canticis: Surge, propera amica mea, columba mea, formosa mea, & veni. Et huius invitationis allecctium subiungit, dicens: Veni, quia iam est ambulantium alleviata agilitas, quia tempus putationis advenit, idest omnium superfluatorum & grauantium depositio. Dicit ergo: Amica mea, propter tuam vnitivam charitatē.
- Cant. 2. c.** Surge, propera amica mea, columba mea, formosa mea, & veni. Et huius invitationis allecctium subiungit, dicens: Veni, quia iam est ambulantium alleviata agilitas, quia tempus putationis advenit, idest omnium superfluatorum & grauantium depositio. Dicit ergo: Amica mea, propter tuam vnitivam charitatē.
- Coloss. 3. c.** Charitas enim, ut ait Apostolus, est fortissimum vinculum amicitiae: quia ipsa est vinculum perfectionis.
- Cant. 8. b.** Immo fortis est, ut mors dilectio. Surge, propter dilecti tui attrahitiam amabilitatem. Ego enim traho te in vinculis Adam, & in funiculis charitatis. idest in vnitivis attractionibus primæ dilectionis, ait Vercellensis. O columba mea, propter charitatis tuæ sinceritatem. Charitas sincera est, ait Bernardus in libro de diligendo Deum, qua proximi bonum æque diligimus ut nostrum. Nam qui magis aut certe solum diligit suum bonum, convincitur non caste diligere bonum, quod propter se diligit, non propter ipsum.
- Osea 11. a.** Homo, secundum Prophetam, confitebitur tibi cum benefeceris ei. Propera, propter charitatis tuæ velocitatem. Nihil enim velocius est amore acuto tendente in rem amatam, ait Linconiensis super septimum Angelicæ Hierarchiæ, cui etiam hora brevis longa videtur, ut supra. O formosa mea, propter charitatis tuæ pulchritudinem. Quam pulchra es, & quam decora charissima in delictis, ibidem dicit Origenes: Mirabilis laus tua non ex tuo, sed ex eo qui diligit te. Fide enim polles, spe nites, charitate lucas, iustitia splendes, fortitudine rutilas, prudentia fulges, & temperantia candes. Veni per iter charitatis non diuise, sed integræ, quæ sit ex toto corde, idest secundum Augustinum toto intellectu sine errore, ex tota anima, idest ex tota voluntate sine contradictione, ex tota mente, idest memoria sine obliuione. Si vnum illorum deest, integre non venis. Huius autem invitationis subiungit allecctium, dicens: Veni, quia tempus putationis advenit, idest, omnia aggrauantia, & impediencia spiritum itinerantem in itinere charitatis sunt amota, quia charitas operit multitudinē peccatorum, non quærit, quæ sua sunt: & alleviantia itinerantes collata sunt, scilicet palmites omnium habituum virtutum. Vercellensis exponens hæc verba dicit: In vite putantur, idest refecantur sarmenta, quæ si in vere manerent, fructum multiplicem sed minus nobilem proferrent. Sic, inquit, in mente sunt virtutes & motus, qui apti sunt in vita activa fructificare, sed illi fructus minus reputantur, respectu fructuum vitæ contemplatiuæ. Maria optimam partem elegit, quæ, &c. Similiter intellectus speculativus fructificat in diuinorum cognitione per creaturarum investigationem, sed ille fructus minus nobilis est, quia ænigmaticus est respectu cognitionis vnitivæ. Nam
- 1. Per. 4. b.** dicit Dionysius: Est iterū diuinissima cognitio Dei, qua ipse cognoscitur, per ignorantiam, quando scilicet mens ab omnibus intellectualibus, & intelligibilibus recedens, & tandem seipsam excedens, vnitur radijs æternæ sapientiæ, inscrutabilis profunditatis. Et sequitur: Quoties ergo superintellectualiter exercemur ad diuinum radium, toties optus est, ut refecemus intellectuales operationes, ut docet Dionysius primo de mystica Theologia: & similiter creaturarum similitudines, ut innuitur in Exodo, vbi dictum fuit Moyse: Solue calceamenta de pedibus. Pedes sunt intellectus & affectus, quibus spiritus noster ad æternum Deum accedit, ut supra dictum est. Qui
- Bern. li. de diligē. Deo longe post mod.**
- Psal. 48. d.**
- Cant. 7. b.**
- Luc. 10. g.**
- Dionys. de div. nom. c. 7. post. med.**
- Exo. 3. b.**

**A** pedes mūdandi sunt ab omnibus pellibus, idest creaturarum similitudinibus, quos Sponsa dixit se lauisse in Canticis, vbi dicit Vercellensis: Pedes meos, id est affectum & intellectū, quibus carpsi itinera æternitatis, laui, & purgavi vel purificaui: quomodo iterum inquinabo illos vmbri & imaginibus temporalium; cum etiam intellectuales operationes & formæ in hoc loco, idest superintellectualiter exercitio, reputentur vmbra & offendicula? Hæc ille. Et hæc sufficiant pro quarto itinere æternitatis.

*Cant. 5. b.*

## DE QUINTO ITINERE æternitatis.



**Q**UINTVM igitur iter æternitatis, per quod spiritus noster venit ad intrinsecū secretum, & æternum manerium Domini Iesu, est æternorum occulta reuelatio. Reuelationes autem æternorum sunt studiosissime considerandæ, & assidue ruminandæ: quia sicut dicit Vercellensis: Assidua reuelationum spiritualium ruminatio præbet assiduum cognitionum & exultationum mentis incrementum, & ex hoc excessum æternorum, & ingressum occultorum consequitur.

Sunt autem ad maiorem huius itineris cognitionem septem consideranda, per ordinem.

Primò, qualiter iter occultæ reuelationis æternorum, iter charitativæ affectionis sequatur.

Secundò, qualiter reuelatio æternorum, occulta dicatur, & qualiter distinguatur.

Tertiò, qualiter per sensibilem reuelationem spiritus noster ad accessum æternorum mittatur.

Quartò, qualiter per intellectualem reuelationem æternorum, spiritus noster ad æterna introducat.

Quintò, qualiter per superintellectualem reuelationem æternorum, spiritus noster æternitati vniatur.

Sextò, qualiter superintellectualis reuelatio æternorum a nobis acquiratur.

Septimò, qualiter ad iter occultæ reuelationis æternorum spiritus noster a Domino inuitatur.

*Qualiter iter occultæ reuelationis æternorum, iter charitativæ affectionis sequatur. Distinct. I.*

**P**rimò igitur videndum est, qualiter iter occultæ reuelationis æternorum, iter charitativæ affectionis sequatur. De hoc potest assignari ratio talis. Cum secundum Augustinum lib. 13. confessionum: Charitas siue amor sit pondus inclinans amantem ad amatum: & appropinquare facit amato, quantum potest, ut etiam transformet amantem in amatum secundum Dionysium: quanto ergo propinquius est amans amato, tanto verius, subtilius, & perfectius sibi reuelatur amatum. Vnde Hugo super 7. Angelicæ Hierarchiæ dicit: Constat, ut qui ardentius diligunt, profundius conspiciant, & subtilius discernant: & quia magis profunde prospiciunt, proculdubio euidētius cognoscunt. Ergo rectissime quanto æterna magis amatur, tanto perfectius cognoscuntur. Et sic verificatur verbum Richardi dicentis libro 4. de contempl. Ex magnitudine dilectionis pendet modus diuinæ reuelationis. ideo rationabiliter illud iter sequitur præcedēs iter, ex quo pendet modus diuinæ reuelationis.

*Aug. li. 13. confess. c. 9. 10. 1.*

*Qualiter reuelatio æternorum occulta dicatur, & qualiter distinguatur. Distinct. II.*

**S**ecundò videndum est, qualiter reuelatio æternorum dicatur occulta, & qualiter distinguatur. De primo notandum, quod reuelatio diuinorum dicitur occulta, quia nō nisi in occulto percipitur. Siue enim reuelatio



reuelatio prout est occultorum manifestatio per exteriores figuras fiat, siue per sacras Scripturas, siue per illuminationes inspiratas, siue per colloquutiones exterius expressas, semper fit in occulto, vt ostendit

*Aug. de ar. Noe li. 4. c. 4. in princ.* Hugo libro 4. de arca Noe, vbi dicit, quod in reuelationibus necessaria est secreta habitatio, & mētis collectio & vnio, vnde dicit sic: Scrutemur Scripturas,

& inueniemus vix aut numquam Deum fuisse locutum in multitudine, sed quotiescumque innotescere voluit aliquid hominibus, non gentibus & populis, sed vel singulis, vel admodum paucis, & a communi hominum frequentia segregatis, vel per nocturna silentia, vel in campis & solitudinibus, & montibus & vallibus se manifestauit. Sic locutus est cum Noe, cum Abraham, cum Isaac, cum Iacob, & Mose, Samuele, David, & omnibus prophetis. *Et sequitur:* Quid est quod semper loquitur in secreto Deus, nisi quod nos ad secretum vocat? & quid quod cum paucis loquitur, nisi vt nos colligat siue vniet? Et dicit ibidem sic: Similis ratio est quare Deus obscure loquitur in Scripturis, vt veritas malis abscondatur, & bonis reueletur. Simile dicit Deus in Euangelio, ne margaritæ pedibus porcorum conculcentur. Simile dicit Dionysius in mystica theologia loquens ad Timotheum.

*Ex his patere potest secundum, scilicet quomodo reuelationes diuinæ multipliciter fiunt.* Ex his patere potest secundum, scilicet quomodo reuelationes distinguantur. Non enim omnes æqualiter a sensibilibus abstrahuntur, nec æqualiter in intellectu excitantur, nec æqualiter superintellectualiter sursum extenduntur: ideo necesse fuit, vt quibusdam fierent reuelationes sensibilibus, quibusdam intellectualiter, & quibusdam superintellectualiter. quas reuelationes legimus Moyse factas, quando exiuerat ex Ægypto temporali ad interiora deserti, vt illas nuntiaret filiis Israel, de Ægypto exire desiderantibus, vt testatur clamor eorum ad Dominum, vt pergerent iter trium dierum in solitudine: quæ posunt intelligi tres reuelationes.

*Exo. 3. a.* Prima reuelatio sensibilis, & simpliciter viuētibz fit de Ægypto huius mundi exire desiderantibus. Vnde quibusdam patribz fiebant sensibiles reuelationes, vt exemplificat Dionysius sicut pastoribus, & quibusdam alijs. Hæc reuelatio ad intrandum ad æterna allicit.

*Dionys. de Aug. Hier. c. 4.* Secunda reuelatio est intellectualis quæ fit intellectualiter viuētibz, in filiis Israel de Ægypto huius mundi exeuntibus, iam intellectualiter ambulantibus. Et hæc reuelatio ad æterna introducit vt quarto cap. patebit.

Tertia reuelatio est superintellectualis. Et hæc tantum fit vnitis mentibus, & egressis de Ægypto, & in interioribus deserti existentibus, vt Moyse. Et hæc reuelatio æternitati vniet, vt patebit infra cap. 5. Istas reuelationes mens percipit, quæ in intimis, & imis stare consuevit, ait Richardus. Et sic patet secundum, scilicet qualiter reuelatio distinguatur.

*Qualiter per sensibilem reuelationem spiritus noster ad accessum æternorum alliciatur.*  
*Distinct. III.*

*De reuelatione sensibili.* Tertiò videndum est de qualibet istarum reuelationum. Et primo de sensibili, qualiter spiritus noster per eam ad excessum æternorum alliciatur. De qua notandum est, quod hæc reuelatio fit plebi simpliciter viuēti, de Ægypto temporali iam exire desideranti ad terram promissæ æternitatis. Et hæc reuelatio, vt dicit Richardus, scilicet sensibilis fit dupliciter. Fit enim quandoque per signa sensibilia, vt quando res videtur corporalibus sensibus extra absque significatione mystica, vt Pharaonis & huiusmodi, qui nullum sensum spiritualem vel mysticum intellexerunt. Et sic non fuit reuelatio facta illis, quia ultra sensum nihil manifestatum fuit. Est & alia re-

S. Bon. Tom. 7. Pars iij.

uelatio sensibilis siue visio corporalis, quæ fit sensibus exterioribus, vt quando res videntur in quibus latet significatio mystica, qualis facta fuit patribz veteris legis, & nouæ, vt dictum est, & patet per Dionysium: qui mysteria nouerunt, vt Abraham, Isaac, & Iacob, &c. Necessitas huius reuelationis fuit, vt dicit *Aug. Hier.* Dionysius in epistola ad Titum, vt homo qui constat ex duabus naturis, anima, scilicet rationali, quæ simplex est in essentia, & corpore cōposito iuxta vtriusque naturæ proprietatem illuminetur diuinis cognitionibus, vt & mens eius puras & simplices & intimas signorum sensibilibus intelligētiis segregate ab ipsis signis conspiciat, & sensualitas eiusdem per naturæ proprietatem coaptetur mentali cognitioni, & sic ad diuina extendatur. Hæc ille. Et secundum *Rom. 1. 6* Augustinum de vera religione, Sic inuisibilia Dei a creatura mundi per ea, quæ facta sunt intellecta, conspiciuntur, & sempiterna eius virtus & diuinitas.

*Aug. de v. r. c. 29.* Et hæc est a temporalibus ad æterna regressio, & ex vita veteris hominis in nouum hominem reformatio. Hæc ille. Quia iam sensualitas ordinate cooperatur cognitioni mentali. Hæc reuelatio sensibilis facta fuit Moyse, cum de rubo ardenti Dominus sibi sensibilibus apparuit, in subiecta creatura, & dixit filiis Israel, dicens: Ego sum Deus Abraham, Isaac, & Iacob. hoc nomen mihi est in æternum. In hac reuelatione sensibili ostendit Dominus ignem Diuinitatis vnium cum rubo humanitatis, in qua Verbum paternum ostendit suam sensibilem denominationē, in qua coniungit æterna cum temporalibus, spiritualia corporalibus, patriam exilibz, cum dicit: Ego sum Deus Abraham, Isaac, & Iacob. Ego, inquit, sum, quia esse meum æternum, & immutabile est. Quod etiam ostendit Dominus, dicens: Antequam Abraham fieret ego sum. Et dicit Hieronymus ad Marcellam: Deus, qui exordium naturæ non habet, vere nomen essentiae tenuit: Ego sum Deus Abraham, Isaac, & Iacob. Deus autem sum viuorum, non mortuorum. Ego sum Deus Abraham, Isaac, & Iacob. Ergo Abraham, Isaac, & Iacob viuunt, sed non viuunt in temporali mutabilitate, non exilij huius calamitate, sed æterna hereditate, quia nomē hoc mihi in æternum est. Dicens ergo filiis Israel: Ego sum Deus Abraham, Isaac, & Iacob, eos alliciendo, vt ex Ægypto temporali, corruptibili & peregrina egrediantur, ad terrā hereditatis patribz promissam & datam, terram, inquam, æternæ stabilitatis & veritatis, terram æternæ beatitudinis & hereditatis. Nam, vt dicit Augustinus: Natus est nobis Christus in temporis mobilitate, vt nos perducatur ad patris æternitatem. Factus est Deus homo, vt homo fieret Deus. Veniat igitur modo nō corporaliter, sed mentaliter memoria æterna cogitando, quia sicut Augustinus dicit: Cum æterna cogitamus, non sumus in hoc mundo, quem iam transcendimus. Veniat etiam intellectu æterna contemplando, quia Gregorius 18. Moral. dicit: In sanctis fit æternitas, aspiciendo Dei æternitatem. Veniat etiam voluntati æterna amando, quia sicut dicit Gregorius 1. Moral. Vnusquisque electorū adhuc in mundo positus corpore, mente amante, etiā extra mundum surgit. Et 15. dicit: Superiora amare iam sursum est ire, cumq. magno desiderio ad cælestia inhiant, miro modo hoc ipsum quod accipere quærunt, iam degustat. Sic igitur patet qualiter, sensibilis reuelatio æternorum ad æterna allicit.

*Qualiter per intellectualem reuelationem æternorum, spiritus noster ad æterna introducatur.*  
*Distinct. IIII.*

Quartò videndum est, qualiter per intellectualem reuelationem æternorum, spiritus noster ad æterna introducatur, quæ fit intellectualiter viuētibz, vt filiis Israel de Ægypto huius mundi mentaliter

# 184 De septem itineribus æternitatis.

liter iam egredientibus, & ad æterna tendentibus. Et hæc reuelatio non fit oculis carnis, sed mentis, ut dicit Richardus: Et fit dupliciter, quia quandoque fit quando per Spiritum sanctum animus illuminatus, formalibus rerum visibilium similitudinibus præmōstratis siue præsentatis, ad inuisibilem cognitionem ducitur: qualiter Ioannes vidit in Apocalypsi, & Ezechiel propheta, sicut dicit Glossa super primum prologum Apocalypsis, & in fine alterius prologi, dicens, quod Ioannes imagines mente vidit, & tamen veritatem in eis intellexit. Hæc reuelatio ad æterna ducit, quia per eam intellectus in inuisibilem & æternorum cognitionem exsurgit & perducitur, ut dicit Richardus.

Secundo modo fit hæc reuelatio æternorum siue visio intellectualis, ut dicit Richardus quando spiritus humanus per internam inspirationem suauiter tactus, nullis medijs rebus visibilibus, ad cælestiū cognitionē erigitur, sicut vidit propheta Dauid, qui vidit in spiritu, & Hugo super 7. Angelicæ Hierarchiæ, idem dicit. Et Haymo super Apocalypsim concordat, ubi dicit: Intellectualis visio siue reuelatio fit quandoque non per corporales res, nec per similes, sed ipsa veritas immediate manifestatur videntibus, quod proprie electorum est. Vnde Saluator dixit Petro: Caro, & sanguis non reuelauit tibi, sed Pater meus, qui in cælis est, per interiorē inspirationem. Psal. 84. c. ait Psalmista: Audiam quid loquatur in me Dominus Deus. Hæc occulta reuelatio æternorum, videtur innui per hoc quod dictum est Moyfi, quando in interioribus deserti dictum est sibi: Dices filijs Israel: Qui est, misit me. Hic apparet quod hæc reuelatio fit intellectualiter viuētibz, quia filijs Israel. & in interioribus mentis, quia interiora deserti ingredientibus. Vnde Vercellensis dicit sic: Populo Israelitico mandatur nomen intellectuāle, scilicet qui est, siue ens, quod est emanatio primæ existentie a causa causæ, quod est emanatio primæ existentie a causa causæ, salissima. Et Damascenus dicit, quod qui est, principalis est nomen omnibus nominibus Dei, quæ de Deo dicuntur. Totum enim in seipso comprehendit, velut quoddam pelagus substantiæ infinitum & interminatum. His concordat Augustinus libro 5. de Trinitate, cap. 2. Et quia illud verbum est, significat præsens nunc æternitatis, eo quod ambit omnes differentias temporis, prout de Deo dicitur; ideo mentem siue intellectum a temporalibus ad æterna, a sensibilibus ad intelligibilia ducit & pertrahit, usque ad nunc æternitatis quod varietates temporis nescit, ut tales dicant illud Pauli: Nostra conuersatio in cælis est.

Sed sciendum est, quod ista reuelatio intellectualis æternorum non fit nisi intelligentibus, & interiora ingredientibus, ubi omne velum remouetur ab eis. Nam reuelatio dicitur quasi veli remotio ab oculis intellectualibus, quā remotionem petiuit Dauid, dicens: Reuela oculos meos, & considerabo mirabilia de lege tua. De hoc velamine dicit Apostolus: Vsq̃ue in hodiernum diem velamen in lectione veteris Testamenti manet nō reuelatum, quod in Christo euacuatur. Nos autem reuelata facie gloriam Domini speculantes, in eandem imaginem transformamur, a claritate in claritatem, tamquam a Domini spiritu. Velamen ergo a Christo euacuatur, ut nobis Pater manifestetur. Vnde ait ipse: Neque Patrem quis nouit nisi Filius, & cui voluerit Filius reuelare. Christum autem Spiritus sanctus clarificat, non in se sed in nobis, ut ipse dicit: Cum venerit Paracletus, ille me clarificabit, & docebit vos omnia: quia amor diuinus omne velum remouet, & omnem veritatem docet. Vnde Apostolus dicit: Nobis autem reuelauit Deus per spiritum suum, quia omnia perscrutatur etiam profunda Dei. Et Ioannes: Vnctio docet vos omnia, scilicet Spiritus sanctus.

**A** Qualiter per superintellecualē reuelationē æternorum spiritus noster æternitati vniatur. *Distinct. V.*

**Q** Vintō videndum est, qualiter per superintellecualē reuelationē æternorum spiritus noster æternitati vniatur.

Sed hic primo occurrit dubium, quod in reuelatione ista superintellecuali videtur includi oppositum in adiecto, quia, ut ait Papias: Reuelatio est manifestatio eorū, quæ fuerunt abscondita: sed abscondita reuelantur cum intelliguntur, quæ autem intelliguntur non sunt superintellecualia: ergo nulla reuelatio dicitur superintellecualis.

Sed ad horum cognitionem habendam, est notandum quod secundum sanctos Augustinum, Gregorium, Dionysium, & alios, homini a Deo donantur diuersi habitus supernaturales, ad suum finem, qui est supernaturalis, comprehendendū vel consequendum. Donantur enim intellectui habitus supernaturales ad suum finem cognoscendum, ut fides, & scientia diuinorum, &c. Donantur etiam voluntati supernaturales habitus ad Deum diligendum, ut charitas siue amor gratuitus, &c. Sed habitus charitatis excellit omnes habitus intellectus, ut fidem, & spem, & scientiam, &c. ut expresse ostendit Apostolus in epistola prima ad Corinthios, ubi primo enumeratis alijs quibus actibus, & habitibus intellectus & voluntas, Maior autem horum, infert, est charitas. Et ostendit ibidem, quod nullus habitus, vel actus intellectus est meritorius, sine habitu voluntatis, qui est charitas: & quod habitus intellectus aliquāter euacuabuntur, propter imperfectionem eorum, in patria. Habitus autem voluntatis propter suam perfectionē permanebūt in patria, sed perfectiores eliciūt actus, ut patet: & ideo actus dilectionis hic præfertur actui cognitionis, tamquam perfectior. Vnde in Matthæo dicitur, quod dilectio est primum & maximum mandatum. Item actui dilectionis cōuenit vnire & transformare, ut dicit Dionysius de diuinis nominibus, ut visum est supra, hoc autem nullus attribuit intellectui proprie. Ex his igitur patet plane, quod actus dilectionis excellit & præcedit actum cognitionis intellectualis in aliquo gradu. In quantum autem eum excellit, intantum eum excedit attingendo Deum in aliquo gradu dilectionis, ad quem actus intellectualis extendi non potest, quia superintellecualis est, saltem in hac vita, quia in patria videbimus Deū sicuti est, ut dicit Ioannes. Nec obstat quod dicit Augustinus: Incognita nequaquam possunt amari, quia est notitia aliqua non intellectualis, sed affectualis seu experimentalis, ut statim patebit. Vnde Gregorius exponens illud Ioannis: Vos dixi amicos meos, &c. dicit: Quia cum affectus discipulorum imprimūtur diuino amorī, fit in eis prælibatio quædam, & per consequens quædam notitia experimentalis: quia amor notitia quædam est: ergo patet, quod non est oppositum in adiecto, cum illa notitia sit alia ab intellectuali, ut dictum est. Cum prædictis concordat Hugo commentator Dionysij dicens sic: Intelligas quanta est vis veri amoris, & dilectionis; si tamen intelligi potest: quoniam dilectio supereminet scientiæ, & maior est intelligentia. plus enim diligitur, quā intelligitur. Intrat dilectio & appropinquat, ubi scientia foris stat. Et reddit rationē: Quia amor, inquit, præsumens & confidens amato, suo acumine penetrat omnia, impetum sequens ardentis desiderij sui nec dissimulari valens, donec ad amatum perueniat, & eo ipso amplius adhuc sitiens intrare ipsum, & esse cum ipso, & esse tam prope, ut si fieri possit, hoc idem ipsum sit quod ipse. Ecce expresse dicit, quod verus amor Dei vnit Deo immediatius quā intellectio, & quod intellectus non capit. Sic ergo talis notitia affectualis est superior intellectuali. Cum

Habitus supernaturales nobis infunduntur.

1. Cor. 13. d

Mat. 22. d

Dionys. de diui. nom. 6. 4.

1. Ioan. 3. a

Ioan. 15. Greg. hom. 27. in Euā. ante med.

Hugo in 7. Ang. Hier. lib. 6. circa med.

Dilectio intrat ubi scientia foris stat

his concordat per omnia Vercellensis super Cantica dicens, quod affectus & intellectus simul coambulant, usque ad nouissimum defectum intellectus ubi habet suæ cognitionis, & sui luminis consummationem. Affectus autem adhuc continet principalia in Deum suspiria, superintellectuales extensiones, & immissiones, feruidos fulgores, & fulgidos feruores, ad quorum omnium sublimes excessus & excedentes sublimitates, intelligentia trahi non potest, sed solum principalis affectus Deo vnibilis, & hoc idem post dicit: Tanta est virtus veri amoris & pulchri quod non solum facit homines & angelos excedere propriam naturam, ut in Deum ascendant; sed etiā Deū quasi naturam propriā egredi, ut ad creaturas quasi infra naturam suam procedendo condescendant. Et hoc, ut dicit Dionysius, audendum est dicere pro veritate, cum tamen sit inegressibilis a se. licet ipse suā immensitatem nostræ capacitati contemperet eo immutato. Hæc reuelatio superintellectualis æternorū fuit facta Moyfi in interioribus deserti constituto, quærenti a Domino, quod sibi nomen esset. Respondit Dominus in subiecta creatura, dicens: Ego sum qui sum, ut dicit Vercellensis, ego sum, esse in se reflexum, vel entitas, quale nomen non concipitur nisi ab apice principalis affectionis quæ æternitati vnitur. quasi dicat, Me nemo potest cognoscere, nisi per me ipsum. Vnde nomen quod quæris est mirabile, quod nemo scit, nisi qui accipit. Nisi, scilicet qui acceperit per reuelationem vel experiētiā, ut Augustinus ait. vel sicut dicit Haymo, qui ad hoc prædestinatus est, ut experimento cognoscat. Ex quo patet, quod reuelatio hæc non fit nisi mentibus seraphicis, in interioribus deserti existentibus, idest in caligine occulti silentij, in qua reuelate & vere apparet Deus superintellectualiter, ut dicit Linconiensis.

Exo. 3. d

Apos. 2. e

*Qualiter superintellectualis reuelatio æternorum a nobis acquiratur. Distinct. VI.*

**S**exto cum reuelatio æternorum ista sit superintellectualis, & ideo nec cogitari nec dici possit, ut supra patuit. Ideo oportet videre, qualiter sit attingenda & obtinenda.

Circa quod notandū est, quod Dionys. de mystica Theol. volens Timotheo ostendere accessum ad istā reuelationē superintellectualem æternorū, docet eū derelinquere omnes reuelationes sensibiles, & omnes reuelationes intellectuales tā naturales, quā supernaturales, & omnia sensibilia, & intelligibilia, donec ingrediatur caliginē occulti silentij, in qua reuelate & vere apparet Dominus superintellectualiter. Vbi Dionysius cap. i. dicit sic secundū translationem Ababatis: Tu autem amice Timothee, ad hoc quod capax fias mysticarum cōtemplationum siue reuelationum incorporare sic radio diuino, derelinque sensus, & sensibilia exercitia, & intellectuales operationes, & omnia intelligibilia, & forti conatu hic cōprime te, & si est tibi possibile, consurge ignote & superintellectualiter ad vniōē Dei, quæ est super omnem cognitionem. Istud verbum consurge ignote, exponens Linconiensis commentator dicit sic: Surge & restitue te incognite, ut possibile est ad vniōē Dei, idest eius qui super omnem cognitionem est; quæ quidem restitutio vel resurrectio fit per ipsius solius forte desiderium, & amorem superferuidum, quæ nulla ratiocinatio inuestigatione potest esse cognita. Et infra dicit: Cessans enim in ista caligine ab operatione cognitionis, sed æstus, desiderium solius Dei perfecte ab ipso incogniti, ipsi soli vnitur, & cognoscens videt in ista caligine super intellectum: quia ad hoc cognoscendum non posset intellectus humanus & inoculatus attingere, non quod intellectus dicatur inoculatus a priuatione potentie visuæ, sed a priuatione omnis actus visuui, dum oriatur in illa

S. Bon. Tom. 7. Pars iij.

**A** caligine. Sequitur: Et hi sunt gradus ascensionis in spiritualem caliginem, signati per ea quæ sunt historice facta Moyfi. Et is est modus habendi se in caligine illa, donec diuinus radius vere incircumuelate appareat, & se reuelat dicto modo. Hæc Linconiensis.

Gradus igitur ascensionis istius sunt, primo derelinquere omnia sensibilia: secundo omnia intelligibilia: tertio ingredi caliginem, ubi apparet Deus. Cum his concordat quasi per omnia Vercellensis commentator per eandem historiam Moyfi, ostendens gradus ascendendi caliginem mysticam, in qua se Deus incircumuelate reuelat. Vnde dicit, quod Moy- *Exo. 19. e* ses, primo visus est se purgare a multitudine sensibilibus, & deinde a non puris separari, & post omnem mundationem audit sonum buccinæ, & tonitrua videt, & fulgura micantia, & radios multos emittentia, & post separatus a multitudine populari cum Aaron, & Nadab, & Abiu, & septuaginta senioribus in Israhel tamquam rationabilibus ascendit, & tunc fuerunt sibi reuelata intelligibilia scilicet æternæ architypiæ, siue rationes exemplares omnium creaturarū, quæ in Deo sunt, quarum intellectuali inspectione Deum cognoscimus, quibus nihil diuinius oculis intellectualibus intuemur. Hæc ille.

**C** Tertio dicit, Sed adhuc restat principalior Dei cognitio, quæ figuratur in eo quod Moyses post prædicta separatur ab his, qui prædicta secum viderant, & subtrahitur illis visis & intrat in caliginem ignorantie, & vnitur incomprehensibilitati diuinæ, quam non penetrat intelligentia, quæ omnium clarissima est, & in se claudit & celat secretissime omnes cognitiones comprehensiuas. Exemplum huius plane videtur in luce stellari, quomodo absconditur in luce solari in meridie. Sequitur: Et omnis vnitas Deo per eum, qui est super omnia, constituitur, in excellentia quam nec ratio inuestigat, neque intellectus speculatur, & quasi ab omnibus talibus, & quasi a seipso segregatur & per vnitionem dilectionis quæ est effectiua veræ cognitionis vnitur Deo intellectualiter, tamen ignoto, & tamen cognitione multo meliori, quā sit cognitio, in eo quod intellectualis est: quia in eo quod cognitionem intellectualē derelinquit, super intellectu & mentem Deum cognoscit. Hæc ille.

Exo. 24. d

E

F

Ex prædictis patere potest, quod reuelatio superintellectualis non fit per intelligibilem cognitionem, sed per ardētissimam immo superferuidam dilectionē, & experimentalem notitiā. Ex his etiam apparet, sicut dicit Linconiensis, quod hæc reuelatio quæ fit incircumuelate & vere, absque symbolis & imaginibus, secundum sui nudam apparitionem, solum fit his, qui transcendunt immunda omnia, idest terrena omnia, quæ amore contracta maculant amantem mentem, & etiam pura, quæ non maculant mentem contingentem, & qui ascendunt super ascensionem omnium sanctarum extremitatū, hoc est, ascendunt super omnes actus, omnis virtutis apprehensiuæ agentis quantum possibile est intente, & derelinquunt omnia diuina lumina illustrantia, & introeunt in caliginem, hoc est actualement ignorantiam omnium. Vbi vere est, ut eloquia aiunt, qui est super omnia, solum enim ibi inuenitur & tenetur. Qualis ibi inuenitur non est effabilis. Hæc ille. Cui talis reuelatio facta fuerit, dicat illud Matthæi: Confiteor tibi *Matth. 11. d* Pater Domine, &c.

*Qualiter ad iter occulta reuelationis æternorum spiritus nosster a Deo inuitatur. Distinct. VII.*

**S**eprimò videndum est, qualiter spiritus humanus ad veniendum per iter occultæ reuelationis, ad intrinsecum secretum Domini, ab ipso inuitatur dicente: Surge, propterea amica mea, formosa mea, & v- *Cant. 2. c* ni, & huius inuitationis subiungit alleclium, dicens:

Q3 Quia

Joan. 15. c  
Greg. hom.  
27. in Euā.  
ante med.  
Psal. 83. b

Cant. 5. c

Isa. 58. d

Psal. 44. a

Joan. 14. a

Pron. 3. d

Joan. 15. c

Quia iam ambulantibus reuelata est veritas, quia iam A vox turturis audita est in terra nostra, idest vox pat-  
terni verbi reuelantis omnem veritatem in terra hu-  
manitatis nostræ. Dicit ergo: O amica mea, propter  
secretorū reuelationem. Vnde Saluator dicit in Ioan-  
ne: Vos dixi amicos, quia omnia quæ audiui a Patre  
nota feci vobis, notitia experimentalis, dicit Gregorius  
in homilia. Surge ad reuelationum perfectionem a  
sensibili ad intellectualem, ab intelligibili ad super-  
intellectualem, vt disponas secundum Psalmistam,  
ascensiones in corde tuo in valle lacrymarum. O co-  
lumba mea, propter reuelationum exercitationem.  
Et sequitur: Oculi tui sicut columbarum super riuos  
aquarum, idest, vt dicit Vercellensis, innitentes aquis  
sapientiæ, quæ deriuantur a fonte sapientiæ, in qui-  
bus mentes columbinæ tamquā in puro speculo con-  
templantur reuelationes, mentē simplicantes, & pu-  
rificantes. Propera, propter reuelationum plenissimā  
effusionē. Vnde in Canticis, Columbæ, quæ resident  
in mētis suspendio, quietatē iuxta fluentia plenissima.  
Propter quod, vt dicit Vercellensis, quantum morta-  
libus conceditur ad plenissimas sapientiæ essentialis  
copias acceditur, quarū plenitudo nulla effusione di-  
minuitur. Hæc Vercellensis. O formosa mea, pro-  
pter reuelationum radiosam illuminationem. Vnde  
dicit in Isaia: Implebit Dominus splendoribus ani-  
mam tuam, & eris quasi hortus irriguus cuius nō de-  
ficiunt aquæ. Exemplum de Moyse, cuius facies ex  
confortio Domini splendida facta est, vt videri non  
posset oculis corporalibus. Veni, propter diuinarum  
reuelationum certam directionem. Psalmista: Specie  
tua & pulchritudine tua, &c. quia vox iam turturis  
audita est in terra nostra, gemitu amoroso cantans:  
Ego sum via, veritas, & vita. Ego sum via, per quam  
tutissime ibis: ego sum veritas, ad quam certissime  
ibis, quia iam finis ænigmati est: ego sum vita, in  
qua æternaliter permanes. Qui enim inuenerit me, D  
inueniet vitam. Ergo veni, quia mens quasi auis tur-  
turea inuenit sibi nidum cōtinuæ mansionis, ab æter-  
no turture præparatum, vbi reponat pullos suos, idest  
omnes castos & amorfos conceptus castæ mentis, a  
casto, & amoroso turture, idest verbo paterno audi-  
tos conceptus, & gemitus. Vnde Glossa dicit: Turtur  
est Christus amator castitatis, cuius vox audita est in  
terra nostra, idest in humanitate, in qua verbum pa-  
ternum denunciat nobis amœnissimum aduenisse tē-  
pus veris, idest tempus gratiæ, & in quo nobis reue-  
lauit omnia quæ audiuit a Patre. Dum, sicut dicit  
Gregorius: Affectus nostri imprimuntur diuino amo-  
ri, cui nihil occultatur. Vnde Vercellensis exponit il-  
lud verbum, dicens sic: Turtur est soliuagus, & signi-  
ficat mentis virtutem vnitiuam & superintellectualem,  
quæ nidificat in amœnissimis locis virentibus, & as-  
siduis cōtemplatiuis mentibus & pullos vt turtur fo-  
uet nocte in superluceni caligine occulti silentij. In  
quod nos perducatur benedictus Deus. Amen.

### DE SEXTO ITINERE æternitatis.

**S**EXTVM iter æternitatis per quod spiri-  
tus noster venit ad intrinsecum secretum,  
& æternale manerium Domini Iesu, est  
æternorum experimentalis prægustatio, &  
notitia. Nisi enim esset in nobis æternorum quedam  
Psal. 33. b spiritualis prægustatio, non diceret Psalmista: Gusta-  
te, & videte, quoniam suavis est Dominus, &c. Ad  
maiores, huius itineris notitiam septem per ordi-  
nem sunt notanda.

Primò igitur videndum est, quid hæc experientia  
dicatur, & quare præcedentia itinera sequatur.

Secundò, quarum potentiarum ista experimen-

talis notitia dicatur.

Tertiò, qualiter spirituales sensus potentiarum ab  
experimentalis notitia impediuntur.

Quartò, qualiter interiores sensus spirituales repa-  
rantur vel reformantur.

Quintò, qualiter per gustum internam spiritua-  
lem æterna prægustantur.

Sextò, qualiter quilibet sensus interior spiritualis  
æterna experiatur.

Septimò, qualiter spiritus noster ad veniendū per  
iter experientiæ ad intrinsecum Domini inuitatur.

*Quid dicatur experimentalis prægustatio æterno-  
rum, & qualiter alia itinera sequatur.  
Distinct. 1.*

**P**rimò igitur videndum est, quid hæc experientia  
dicatur, & qualiter alia itinera sequatur. De quo  
notandum est, sicut dicit Papias, quod experientia  
idem est quod notitia. Vnde experientia, videtur ef-  
se obiecti cuiuslibet potentia præsentialis actus &  
notitia. Actus enim vitales attingunt sua obiecta acti-  
ue vel passiue, vel vtroque modo, secundum quoddā;  
alias potentia non fieret in actu. Vnde si omnes ho-  
mines dicunt mihi hoc esse dulce, per hoc non habeo  
notitiam experimentalem de illo etiam quantumcū-  
que probent per rationes, sed opinionem vel fidem,  
vel scientiā possem habere. Sed si gustus meus attingit  
gustabile, vel attingitur ab illo, tunc habeo noti-  
tiam experimentalem illius. Similiter est de gustu  
interiori, & alijs sensibus spiritualibus. Vnde si ego  
lego vel audio ab aliquo, quod dulcis sit Dominus,  
propter hoc nō habeo notitiam experimentalem de  
hoc, nisi gustus spiritualis attingatur a dulcedine di-  
uina, vt dicat cū Sponsa: Fructus eius est dulcis gut-  
turi meo. Vbi loquitur de gustu spirituali & experi-  
mental, vt patet in Glossa. Et ista notitia experimen-  
talis perfectissimorum est. Vnde dicit Bernardus super  
Cantica: Quidquid de occultis tuis scimus o Domine  
Iesu, aut Scriptura docente, aut reuelante, aut certe  
quod perfectissimorum est, gustando didicimus, idest  
experientia. Ex quo patere potest secundum, scilicet  
quod istud iter experimentalis notitiæ æternorum  
rationabiliter sequitur itinera præcedentia. Quid  
prodest namque multa cognoscere & intelligere, nec  
illa experiri, nec ad aliquem vsum illa habere? ergo  
experientiæ notitia quandoque est necessaria. Vnde  
Hugo dicit sic: Non facit perfectum cognitio virtu-  
tis, nisi & habitus virtutis in experientia subsequatur.  
Magistra enim est intelligendi experientia, & illa opti-  
me iudicij veritatem cognouit, quia iam non audien-  
do solum, sed gustando & faciendo didicit. Sequitur:  
In experientia namque & habitu virtutis, cognitio  
perficitur veritatis: quia in sola intelligendi illumi-  
natione inchoatur. Hæc ille. Ad hanc experientiam  
hortatur Petrus, dicens: Si enim gustastis, quam dul-  
cis est Dominus. Rationabiliter itaque iter experimen-  
talis notitiæ æternorum sequitur præcedentia itine-  
ra tamquam illa perficiens.

**F** *Quarum potentiarum ista experimentalis notitia  
dicatur. Distinct. 1.*

**S**ecundò videndum est, quarum potentiarum &  
quorum sensuum experimentalis notitia esse di-  
catur. Circa quod notandum est, quod in libro de  
spiritu & anima dicitur sic: Duo quidem in homine  
sunt sensus, vnus interior, & alius exterior, & vterque  
bonum suum habet in quo reficitur. Sensus exterior  
reficitur in contemplatione humanitatis, sensus inte-  
rior in contemplatione Diuinitatis. Propterea enim  
Deus factus est homo, vt totum hominem beatifica-  
ret, & tota conuersio hominis esset ad ipsum & tota  
dilectio esset in illo, cum a sensu carnis videretur per  
carnem,

Hugo in 7.  
Aug. Hier.  
lib. 7. post  
med.

1. Pet. 1. a

Autor de  
spir. & ani.  
c. 9. apud  
Aug. 10. 3.



carne, & a sensu mentis per Diuinitatis cōtemplationem. *Sequitur*: Hoc erat totum bonum hominis, vt siue ingrederetur, siue egrederetur, pascua in suo

*Ibid. c. 49.* factore inueniret. *Et infra dicit*: Cū homo constet ex carne & anima, & in carne sint quinque sensus, scilicet visus, auditus, olfactus, gustus, & tactus, quos tamē non mouet absque animæ societate: ita anima similiter habet quinque sensus suo modo, quia spirituales res non corporalibus sensibus, sed spiritualibus rimādæ sunt. *Et sequitur*: Vnde diuina vox in Deuteronomio ait: Videte quod ego sum Deus: ecce spiritualis visus. Et in Apocalypsi: Qui habet aures audiat, quid dicat spiritus Ecclesijs: ecce spiritualis auditus. Et in Psalmo: Gustate, & videte, quoniam suauis est Dominus: ecce spiritualis gustus. Et Apostolus: Bonus odor Christi sumus: ecce spiritualis olfactus. Et in Euangelio: Fide mulierē se tetigisse magis, quam corpore ostendit dicens: Quis me tetigit? ecce spiritualis tactus. *Et sequitur*: Sic modo cū omni cautela seruandum est, quid ad corporis sensus, & quid ad animæ dignitatem pertineat. Hæc ille. Ex his plane patet quod sicut experientia corporalium fit sensibus corporalibus, ita experientia spiritualium fit in mente spiritualibus sensibus.

*Qualiter spirituales sensus potentiari ab experientiali notitia impediuntur. Distinct. III.*

Tertio videndum est, qualiter sensus nostri interiores spirituales ab illa experientiali notitia impediuntur. De quo notandum, quod sensus spirituales dupliciter impediuntur ab experientiali notitia.

Vnum impedimentum est ex natura corrupta, aliud est ex nostra negligentia. De primo impedimento Bernardus dicit sic: Saporem interiorē perdidimus ab ipso pene exordio generis nostri. Vnde ex quo cordis palatum sensu carnis prævalente infecit virus serpentis antiqui, cœpit non sapere bonum, ac sapor noxius subintrat, & insipientia mulieris, idest sensualitatis saporem boni excludit: quia serpentis malitia, & astutia mulieris insipientia circumuenit. Hæc ille. Iste morsus serpentinus fecit sensus interiores languescere & tabescere. Ex tunc enim visus interior spiritualis tenebescit, auditus surdescit, olfactus tabescit, gustus amarescit, & tactus crassescit, vt clamet Propheta: Oculos habent & non videbunt, aures habent & non audient, &c. Tales manent in tenebris exterioribus carnis. De impedimento secundo, dicitur in libro de spiritu & anima, sic: Hoc bonum magnū quod habuit ex duplici sensu, scilicet interiori & exteriori bene ordinato, malum magnum secutum est: quoniam perdit bono quod intus erat, egressa est anima ad bona aliena quæ foris erant, & pactum fecit cum delectationibus sæculi, requiescens in illis, non attendens homo boni sui interioris absentiam, eo quod consolationes suas quærit in bonis alienis. Nā cum exterior sensus carnalis bono suo foris vtitur, interior sensus quasi obdormit. Non enim cognoscit bona interioris sensus, qui iucunditate bonorum exteriorum capitur. Nam qui in carne viuit, in carne sentit, & dolores carnis fugit, quantum potest: vulnera autem animæ prorsus ignorat. Vnde non medicinam quærit. *Sequitur*: Cum autem mortuus fuerit sensus animæ, quo viuit in carne, tunc viuificari incipiet sensus ille, quo intus sentit seipsum, scilicet scientia experientiali, & tunc sciet dolores suos, & sentire incipiet vulnera sua interiora tanto grauius, quanto propinquius. Magis enim nocet malum, quod magis intimum, & magis prodest bonum, & delectat, quod magis intimum est. Hæc ille. De hoc vide hic proximo membro plenius, qualiter vtrumque impedimentum tollitur, scilicet experientialis notitia. Item in tertio itinere aliqua inuenies de eodem.

*A Qualiter interiores sensus spirituales reparantur, vel reformatur. Distinct. IIII.*

Quarto videndum est, qualiter sensus interiores spirituales reformatur vel reparantur. Circa quod sciendum est, quod contra primum impedimentum, scilicet corruptionem naturæ, necesse est, vt a Iesu qui est clauis David, sensus nostri aperiantur, antequam æterna experiantur. Vnde Bernardus dicit: Dominus post suam resurrectionē loquens discipulis, ait Euangelista Lucas, aperuit eis sensum, vt intelligerent Scripturas. Cum enim, inquit Bernardus Scripturarum interiorē sensum, & virtutē miraculorum & sacramentorum Dei cœperimus non solum intelligere, sed etiam quadam, vt ita dicam, experientia manu palpare & tractare, quod non fit nisi quodam conscientia sensu, & experientia disciplina intelligentis & scientis bonitatem Dei, & virtutem, quam potenti bonitate, cum efficaci virtute in filiis gratia opus ipsius gratia operatur: tunc demum sapientia quod suum est exequitur, tunc quos dignos iudicat, vnctione sua docet de omnibus, tunc appposito bonitatis Dei sigillo, omnia \* pectora nostra vnctione illa, & \* emollit, & imprimit, & \* conformat: & si quæ dura, si quæ rigida inuenit, inculcat, & infringit, donec lætitia Dei salutaris accepta & sapientia spiritus principali confirmata, anima læta & sancta decantet ad Deum: Signatum est super nos lumen vultus tui Domine, dedisti lætitiā in corde meo. & idem super Cantica, dicens: Sapientia assidua vincit malitiam, idest concupiscentia in mentibus ad quas intrauerit, saporem mali quem illa inuexit sapore meliore exterminans. Intrans enim sapientia, dum sensum carnis infirmat, intellectum purificat, cordis palatum sanat, & reparat. sanato palato, iam sapit bonum, sapit & ipsa sapientia, qua in bonis nihil est melius. Hæc ille. Contra impedimentum secundum, scilicet nostram negligentiam, necesse est vt sensus exteriores sopiantur, & a sua vagatione restringantur, quia tunc interiores sensus excitantur & exercitantur. Vnde 30. lib. Moraliū Gregorius dicit: Si exterior euagatio sensus clauditur, interior sensus aperitur. Cuius rationem reddit Hugo de arca Noe, vbi dicit: Mentis quas curæ carnales exagitant, non cōprehendunt sapientiam, sed qui minoratur actu ipse inuenit eam: quia dum animus ab exterioribus ad interiora abstrahitur, ad seipsum colligitur, & robustior ad contemplanda cælestia eleuatur, & cum a delectatione exteriori abstrahitur, necesse est, vt aliquid spiritualis gaudij prægustare incipiat, ne si omnino a delectatione manserit alienus, quasi semen aridum sine humore ad gramen sapientia non conualescat. *Sequitur*: Fit ergo diuina gratia inspirante, vt mens sic abstracta & terrenis desiderijs exuta statim quadā insolita lætitia perfundatur, vt eo amplius amarū esse agnoscat quod deseruit, quo magis dulce sentit quod inuenit. *Sequitur*: Illas mentes internæ dulcedinis desiderium trahit, quas nullus concupiscentia carnalis affectus religauit. Hæc ille.

*C* *Qualiter per gustum interiorē spiritualem æterna prægustantur. Distinct. V.*

Quinto videndum est, qualiter per interiorē gustum spiritualem æterna prægustantur. Circa quod sciendum, quod nisi gustus spiritualis esset in nobis, Psalmista non dixisset: Gustate, &c. & Dominus non diceret: Qui manducat hunc panem viuēt in æternum. De gustu æternorum spirituali dicit Bernardus: Mens est quadam vis animæ, qua in hæremus Deo & fruimur. Fruitio autem hæc in sapore quodam est diuino. Quare sapientia a sapore dicitur, sapor autem iste in gustu quodam est. Gustum autem istum nemo potest digne exprimere, nec etiam



*Greg. hom.  
36. paulo  
post princ.*

etiam qui meretur gustare, sed potest dicere: Gustate, & videte, quoniam suavis est Dominus. Hæc Bernardus. Dicit etiam Gregorius: Suauitatem eius nō cognoscitis, si hanc minime gustastis. Ex quo ergo gustum illum nemo potest exprimere, sed solum per experientiam noscitur, ideo oportet viam quærere, qualiter spiritus noster ad istam gustus experientiam possit pertingere.

*Hug. in 1.  
esp. Angel.  
Hier. lib. 2.  
ante med.*

De quo notandum est, quod Iesus qui est sapientia Patris sapida, quia in eo est sapor omnis suauitatis, & delectamēti, primum exiuit, vt dicit Hugo, per creaturam mundi, & manifestauit se in operibus suis, & cœpit videri visibiliter inuisibilis, per effectū suum visibilem. Et ille exitus sapientiæ causabat in sensibus nostris exterioribus, quandam notitiam æternorum scientialem, quia secundum Apostolum: Inuisibilia Dei a creatura mundi per ea, quæ facta sunt, intellecta conspiciuntur, sempiterna quoque virtus eius, & gloria & diuinitas. Et licet illud lumen sapientiæ aliquem causet saporem in sensibus, vt patet per Psalmistam: Delectasti me Domine in factura tua, &c. tamen illa delectatio fit semper ex gustu sapientiali, oleo gratiæ condito, nec illa notitia est experimentalis, sed discursiua, vel naturalis.

*Greg. hom.  
26. in Euā.  
statim post  
princ.*

*Dion. de di  
uinis nom.  
6. 7. ci. fin.*

*Rom. 8. d*

Secundo, vt dicit Hugo ibidem, exiuit sapiētia Patris incarnata & facta est lumen in testa, vt nos illuminaret, & ad Patrem reuocaret. Et ille exitus sapiētiæ, siue manifestatio, causabat in sensibus nostris interioribus quandam notitiam æternorum credibilem, supernaturalē, & ideo nobilior est præcedēte, quia supernaturalia dona perficiunt animam, vt dicit Dionysius. Sed nec illa notitia est experimentalis, quia experientia repugnat fidei, vt patet per Gregorium: Tamen ex notitia fidei firma, multiplex notitia & cōsolatio habetur, vt patet per Dionysium, qui dicit sic: Fides diuina est stabilis collocatio credentium, collocans illos in veritate, cōfirmans simplicem veritatem intransmutabili idēitate in ipsis credentibus. Et credentem in veritate, teste Scriptura, nihil mouebit a læritia, quæ est secundum veram fidem, sed habebit in ea permanentiam immobilis & intransmutabilis idētitatis. Qui enim veritati vnitus est, ex ipsa vnione bene nouit, quando bene sentit, quāuis multi corripant eum, tamquam mentis excessum passum.

*Vbi supra  
prox. longe  
post med.  
In sacramē  
to altaris,  
qualis gu  
stus perci  
piatur.  
Ioan. 6. d*

*Ioan. 10. b*

*Aug. lib. 2.  
de Doctri  
na Christi.  
c. 1. 10. 3.*

Tertio, vt dicit Hugo, sapientia incarnata quæ se per inuisibilia manifestat, voluit ostendere quomodo ipsa animorum cibus, & resectio est. Et ideo carnem assumptam nobis in edulium proposuit in sacramento, vt per cibum carnis ad gustum inuitaret diuinitatis. Hæc ille. Egressa est ergo sapientia Patris, & quasi iam panificata, vt iam dicat: Ego sum panis vitæ, & Pater dat vobis panem de celo verum, qui de celo descendit. Igitur Iesus in sacramento est verus cibus, & vere gustabilis, vt per gustum corporis eius perueniatur ad gustum diuinitatis eius, quia ipse est via secundum humanitatem ad eius diuinitatem, vt supra dictum est. Summe autem necessarium est, ad hoc vt ad gustum intimæ diuinitatis pertingatur per corpus eius in sacramēto, quod sensus corporalis aliquo sensibili signo foueatur & determinetur, & vt intellectus lumine supernaturali fidei confortetur, & vt voluntas charitate inflammetur, & sic per spiritualem manducationem corporis Christi, ad gustum absconditæ diuinitatis pertingatur. Sed ecce, hic Iesus dicit: Ego sum ostium, per me si quis introierit saluabitur, & pascua inueniet. Ego sum ostium sensui corporali, per signa sensibilia monstratum. Ego sum ostium intellectui, per fidem perfectam reformatum. Ego sum ostium voluntati, per charitatem feruidam apertum, gustatum & habitatum. Ego, inquit, sum ostium sensui, per signa sensibilia monstratum in sacramento, per sensibiles species sacramentales panis & vini, quæ significant perfectam refectionem. Signa enim sensibilia, secundum Augustinum, sunt,

quæ præter speciem, quam ingerunt sensibus aliquid aliud faciunt in cognitionem venire. Vnde Hugo, vbi supra dicit: Ne humana infirmitas contactum carnis in assumptione abhorreret, ideo consueti edulij speciebus carnem velauit, vt sensus foueretur, dū consueta percipit, vt etiam intellectus credendo, & affectus diligendo determinate dirigeretur ad cibum hunc, quem Pater signauit sensibilibus signis. Hinc Chrysostomus super illud: Hoc facite in meā commemorationem, dicit: Hoc fecit Christus sensibilibus signis vt nos duceret ad maius amicitiae fœdus suam charitatem declarans erga nos præstitit, se non solum videri desiderantibus, sed etiam palpari, comedi, & amplecti, & totum affectum explere. Hæc ille.

Item, inquit secundo, Ego sum ostium intellectui, per fidem perfectā reformatū. Vnde Chrys. in tract. de symb. dicit: Fides est lumen animæ, ostium vitæ, fundamentū salutis æternæ. Vnde dicit Isaias: Nisi credideritis non intelligetis: ergo per fidem intratur ad veritatis cognitionem. Vnde Augustinus super Ioan. ne dicit: Noli intelligere vt credas, sed crede vt intelligas. Intelligere enim est merces fidei. Fides mūdet te, vt intelligere repleat te. Hæc ille. Intellectus enim humanus sine radio fidei, circa diuina est quasi cæcus. Vnde impossibile est, quod intellectus attingat corpus Christi, vt existit sub speciebus sacramentalibus nisi lumine supernaturali certissimæ fidei illuminetur & dirigatur, alias non videbit riuulos luminis torrentis butyri & mellis, vt dicit Iob. Quod

exponēs Gregorius 15. Moral. dicit: Butyrum nascitur ex carne, & significat Christi humanitatem, mel vero descendit ex aere, & significat Christi diuinitatem. Ex his duobus descendunt septem riuuli contemplationis humanitatis, & septem diuinitatis, quos solum fideles in tanta plenitudine quandoque recipiunt, vt videant quod dicere non valent. Attingit enim fides inaccessa, ait Bernardus, quia intellectus per fidem illuminatus & confortatus, attingit hanc veritatem indubitanter, quod Christus vere est in sacramento, & diuinitas vere est in Christo.

Item tertio inquit: Ego vere sum ostium voluntati, per charitatem feruidam, apertum, gustatum, & inhabitatum: quia qui manducat meam carnem, & bibit meum sanguinem, in me manet, & ego in eo. Hæc autem manducatio fit spiritualiter. Manducare autem spiritualiter, est attingere ad rem huius sacramenti. Res autem huius est duplex, vna Res sacramenti & signata, & est Christus integer qui continetur sub speciebus panis & vini. Alia est res simplex. gnata & non contenta, & hæc est corpus Christi mysticum. Ille ergo manducat spiritualiter, qui Christo coniungitur per fidem & charitatem. Fides pertinet ad cognitionem, charitas ad refectionem, ideo etiam vnitur corpori Christi mystico, idest Ecclesiæ. Ex ista enim manducatione oritur attingentia spiritualis, alias Christo non incorporaremur, dum carnem eius gustamus. De ista incorporatione Augustinus super Ioannem dicit: O sacramentum pietatis, o signum vnitatis, o vinculum charitatis. Qui vult viuere accedat, credat, incorporetur, & viuificetur. Et Hugo dicit, quod ista manducatio dicitur vnifica, quia vnos secum efficit omnes, quibus se manducandam præbet. Dicat ergo manducans illud Canticorum: Comedi fauum cum melle meo. Fauus, sicut dicit Origenes, est cera virginea, cellulis distincta, melle repletus. Quid ergo est aliud, Comedi fauum cum melle meo, nisi manducare corpus virginæ carnis dulcissima diuinitate repletum? & sic per gustum humanitatis peruenitur ad gustum diuinitatis, & ideo ad prælibamen æternitatis.

*Hugo vbi  
sup. prox.*

*Isa. 7. sec.  
LXX.  
Aug. tract.  
29. in Ioā.  
post mediū  
10. 9.*

*Iob 10. c  
Greg. li. 15.  
Mor. c. 100.*

*Bern. super  
Cāt. ser. 76  
cir. med.*

*Ioan. 10. b*

*Aug. tract.  
25. in Ioā.  
post mediū  
10. 10.*

*Hug. sup. 7.  
Aug. Hier.  
lib. 7. longe  
post med.  
Cant. 5. a*

*Qualiter*

*Qualiter quilibet sensus interior spiritualis æterna experiatur. Distinct. VI.*

**S**exto notandum est, qualiter quilibet sensus interior spiritualis æterna experiatur. De quo sciendum est, quod Bernardus dicit: Sicut corpus habet

*Bern. li. de amore Dei* suos quinque sensus, quibus animæ coniungitur, vita

*c. 6. dir. fin.* mediante, sic anima habet suos quinque sensus, quibus Deo, siue æternis coniungitur, mediante charitate.

*Roma. 12. 8* Quare Apostolus dicit: Nolite conformari huic sæculo, sed reformamini in nouitate sensus vestri, ut

*Ibidem.* probetis, idest experimento sciatis, quæ sit voluntas Dei bona, beneplacens, & perfecta. *Sequitur:* Per

sensus corporis veterascimus, & huic sæculo conformamur. Per sensus vero mentis, renouamur in agnitione Dei siue æternorum. *Et infra dicit:* Sicut omnes

sensus corporales, scilicet, visus, auditus, odoratus, & tactus, sine sensu gustus infirmantur, & hebetantur in operationibus suis; sic ante aduentum Iesu

mediatoris, omnes sensus nostri spirituales languebant, propter absentiam gustus spiritualis vel sapientiae, quæ nondum fuit incarnata, nec quasi gustata, a cuius gustu quanto diutius abstinemus, tanto sensus

interiores magis deficiunt, & infirmantur in actibus suis circa æterna. Vnde Gregorius 14. Moralium exponens illud Iob: Attenuetur fame robur eius, &

*Iob 18. c* inedia inuadat costas eius, sic dicit: Ex rationali anima habet homo, ut in perpetuum uiuat, & tamen hominis iniqui robur attenuatur fame, quia anima eius

*Greg. li. 14.* nulla interni cibi refectione pascitur. Et inedia inuadit costas eius, quando spirituali refectione subtrahitur, sensus mentis deficiunt. Et tunc cogitationes suas nec regere, nec tueri possunt: quia fames interna sensus mentis extenuat, & ideo se foris extendunt ad temporalia sprete æternis, quæ eis non sapiunt. Adueniente autem gustu sapientiae, ait Bernardus ubi supra, tunc sequitur quædam dulcedo saporis, quam in interiori suo sentiens anima, modo quodam singulari, quæ suscepit cuncta discernit & diiudicat, seq. & omnes sensus vegetat & confirmat. Nam hic panis spiritualis est, de quo dicitur: Paratum panem dedisti eis de cælo sine labore, omne delectamentum in se habentem, & omnis saporis suauitatem. Substantiam enim tuam, & dulcedinem tuam, quam in filios habebas ostendisti, & deseruiens vniuscuiusque voluntati, ad quod vnusquisque volebat, conuertebatur. Ac si diceret: O Pater substantiam tuam, idest Filium tuum, cui totam substantiam tuam communicas, & dulcedinem tuam, idest Spiritum sanctum, quæ æternaliter spiras, nobis ostendis, & comunicas in sacramento charitatis: ergo & omnem saporem suauitatis. Et ideo iste panis sapientialis nobis in sacramento charitatis exhibitus maximæ attingentiae est. Attingit enim omnes sensus interiores, intantum, ut in omnibus manducantibus eum, maneat, & ipsi in eo, ut non moriantur in æternum, sed in æternitate uiuant, & maneant, ut dicit Saluator.

Diuinissima igitur Eucharistia in se habens delectamentum omnem sensum interiore attingens, sensum visus spiritualis excitat ad experiendum æternorum contemplationem, sensum auditus spiritualis excitat ad experiendum æternorum auditionem, sensum olfactus excitat ad æternorum olfactionem, sensum tactus spiritualis excitat ad experiendum æternorum tentionem, sensum gustus spiritualis excitat ad experiendum æternorum prælibationem. Nisi istis sensibus interioribus æterna aliquammodo in hac vita experirentur, Gregorius quinto libro Moralium non diceret sic: Æternitas per inhiantem mentem sine specie cernitur, sine sono auditur, sine motu suscipitur, sine loco retinetur, sine corpore tangitur. & cum mēs phantasmata imaginationum corporalium abijcit, iam aliquatenus æternam diuinitatē conspiciat: quam si necdum quid sit apprehendit, agnouit

A tamen certe quid non sit.

Videamus ergo de singulis sensibus interioribus. De sensibus interioribus.

Primo igitur Iesus, panis vitæ in sacramento manducatur, cum vere in se habeat delectamentum omnis suauitatis omniū sensuum spiritualium. Et cum ipse sit candor lucis æternæ & speculum sine macula; attingens sensum visus interioris hominis iam aliquammodo exercitatum, ipsum excitat ad æternorum recipiendam contemplationem vel inspectionem. Vnde

Gregorius 24. Moralium exponens illud Iob: Videbit faciem eius in iubilo, dicit sic: Plerique contemplatione quadam retributionis æternæ, etiam prius quam spoliuntur carne, hilarescunt, dum in iubilo faciem Dei conspiciunt: quod fit, cum aliquis spiritualem oculum in radio æterni solis figit. Ibi lumen viuens videt: quia iam omni mutabilitatis vicissitudine atque obumbratione calcata, veritati æternitatis inhæret, eiq. inhærendo quem cernit ad similitudinem incommutabilitatis assurgit, atque in semetipsam auctoritatis sui inconuersibilem speciem, dum recipit, assumit. Quæ enim ad mutabilitatem per seipsam lapsa est, ad immutabilitatis statum immobilem videndo formatur. Hæc Gregorius. Huius sensus experientiam habuit, qui dixit: Dilectus meus candidus & rubicundus, &c. Experimentaliter loquebatur, ait Vercellensis.

Secundo Iesus panis sacramentalis, cum sit verbum Patris (verbum autem est notitia declaratiua cū amore, ut ait Augustinus libro 9. de Trinitate) attingens aures spirituales in sacramento, excitat eas ad experiendum allocutionem de æternis, quia quantum in se est semper notificat æterna, & illuminabit omnem hominem. Anima autem nisi haberet aures spirituales habiles ad audiendum æterna, Iesus non dixisset: Qui habet aures audiendi audiat. Dominus autem, ut dicit Gregorius, non quærit aures corporis, sed mentis. Et in Apocalypsi dicit idem: Qui habet aures audiendi, audi. Ille habet aures audiendi, qui habet sensum intelligendi & affectum diligendi ea quæ promittuntur. & idem dicit Haymo: Auris carnis tantum ad audiendum consistit, auris vero cordis auditu simul & intellectu viget. Has aures verbum Patris multipliciter alloquitur, ut supra dictum est in itinere meditationis. Et Augustinus super Genesim ad litteram dicit: Sapientia Filius Dei non cessat loqui occulta inspiratione ad intellectualem creaturam. Sed Gregorius 13. Moralium dicit: Vnde exterior auditus aperitur, inde interior obscurdescit. Huius allocutionis experientiam habuit, qui dixit: Vox dilecti mei. ubi dicit Glossa: Gaudeo consolatoriam eius vocem audiens, dum eius faciem nondum video, tamen subleuato ad cælum animo aliquam suauitatem prægusto futuræ beatitudinis, & hoc in præsentis sæculo. Hæc Glossa.

Tertio Iesus panis sacramentalis excitat olfactum ad æternorum odorem sentiendum. Cum sicut dicit Dionysius, existit fontana copiosa susceptionum diuinarnm suauitatum, refundens de sua plenitudine diuinissimas fragrantias. Ideo olfactum interlorem spiritualem excitat & aperit, ad experiendum æternorum odorem, ut Ioannes Euangelista tamquam expertus diceret: Odor tuus Domine excitauit in nobis concupiscentias æternas. Sed hic nota quid sit olfactus spiritualis in anima, & in Angelis. De hoc dicit Linconiensis commentator super Angelicam Hierarchiam sic: De olfactiua virtute discretiua odorū, quæ intus suscipiendo agit, dicit Dionysius, signare susceptiui bene redolentis, hoc est, bene contemplantis gratiæ diuinæ. Et Dionysius 4. Ecclesiasticæ Hierarchiæ dicit sic: Si sensibilibus aromatum susceptio moderata, vim olfactiuam nostram sanam delectabiliter refouet, pariter & intellectualem sensum nostrum spiritualis suauitatis discretiuum ab appetitu inordinato purgatū, susceptio diuini boni odoris sancta

Aug. lib. 9. de Trin. c. 9. & 10.

Aug. lib. 9. de Trin. c. 9. & 10.

Aug. lib. 9. de Trin. c. 9. & 10.

Aug. lib. 9. de Trin. c. 9. & 10.

Aug. lib. 9. de Trin. c. 9. & 10.

Aug. lib. 9. de Trin. c. 9. & 10.

Aug. lib. 9. de Trin. c. 9. & 10.

Aug. lib. 9. de Trin. c. 9. & 10.

Aug. lib. 9. de Trin. c. 9. & 10.

Aug. lib. 9. de Trin. c. 9. & 10.

Aug. lib. 9. de Trin. c. 9. & 10.

Aug. lib. 9. de Trin. c. 9. & 10.

Aug. lib. 9. de Trin. c. 9. & 10.

Aug. lib. 9. de Trin. c. 9. & 10.

Aug. lib. 9. de Trin. c. 9. & 10.

Aug. lib. 9. de Trin. c. 9. & 10.

Aug. lib. 9. de Trin. c. 9. & 10.

Aug. lib. 9. de Trin. c. 9. & 10.

Aug. lib. 9. de Trin. c. 9. & 10.

Aug. lib. 9. de Trin. c. 9. & 10.

Aug. lib. 9. de Trin. c. 9. & 10.

Aug. lib. 9. de Trin. c. 9. & 10.

Aug. lib. 9. de Trin. c. 9. & 10.

Aug. lib. 9. de Trin. c. 9. & 10.

Aug. lib. 9. de Trin. c. 9. & 10.

# 190 De septem itineribus æternitatis.

*Cant. 1. a*  
*Bern. super*  
*Cant. hom.*  
*22. non lon*  
*ge a prin.*

*2. Cor. 2. d*

*Joan. 6. f*

*Hug. lib. 1.*  
*de ar. mor.*  
*c. 4. civ. me-*  
*dium.*

*Pf. 104. a*  
*Aug. enar-*  
*vatione in*  
*Pf. 104. nō*  
*loge a prin.*  
*10. 8.*  
*Cant. 4. c*

*Aug. in ep.*  
*57. ad Dar*  
*ianū, pau-*  
*lo an. med.*  
*10. 2.*  
*Rom. 1. c*

*Aug. lib. 9.*  
*de Trinit.*  
*c. 3. 10. 3.*

*Rich. lib. 4.*  
*de contēpl.*  
*cap. 15.*

*Cant. 2.*

*1. Cor. 13. d*  
*Luc. 10. g*  
*2. Cor. 5. a*  
*Cant. 3. b*

*Alast. 6. b*

sancta delectatione nos replebit. Huius odoris experi-  
entiam habuit, qui dixit: In odorem vnguentorū  
tuorum curremus post te, vbi dicit Bernardus sic: Et  
si Dominus suavis odoris sit vniuersis, maxime tamē  
domesticis, & quāto quis sibi familiaris vitæ merito  
ac mentis puritate appropriat, tanto eū arbitror recen-  
tiorum aromatum, & vnctionis suauioris sentire fra-  
grantiam. Porro in huiusmodi non capit intelligen-  
tia, nisi quantum experientia attingit. Hæc ille. Deo  
igitur gratias, qui odorem notitiæ suę manifestat per  
nos in omni loco, vt dicit Apostolus.

Quarto Iesus panis sacramentalis, cum sit sum-  
ma attingentiæ, quia ipse se dat in cibum, & manet  
in cibato, & cibus in eo, vt dicitur in Ioanne, & hoc  
ia maxima charitate, vbi fit verissima attingentia ani-  
mæ & Dei spiritualis. Sed notandum, quod Hugo  
in libro 1. de arca Noe, dicit sic: Ad Deum attingere,  
est semper per desiderium eum quærere & per cog-  
nitionem inuenire, & per gustum tangere. Ex quo  
patet, quod attingentia ista habet quosdam gradus,  
per quos Deus acceditur, & inuenitur, & attingitur,  
non accessu locali, nec tactu corporali, sed similitu-  
dine spirituali acceditur ad Deum, & dissimilitudi-  
ne a Deo receditur, vt dicit Augustinus libro sexto  
de Trinitate.

Primus igitur gradus est, quo Deus attingitur, cū  
per desiderium quæritur: quamuis enim Deus vt de-  
sideratur, secundum aliquid vt præsens nō habeatur,  
tamen necesse est, vt etiam secundum aliquid præ-  
sens habeatur, alias non desideraretur. Dicit enim  
Gregorius in homilia: Profecto, qui Deum desiderat,  
iam habet quem amat, & tamē habitus amplius quæ-  
ritur: quia sine fine est quærendus, qui sine fine est di-  
ligendus, vt ait Augustinus exponens illud Psalmi:  
Quærite faciem eius semper.

Secundus gradus, quo Deus attingitur, est cū per  
cognitionem inuenitur. Cognitio enim est actus vi-  
talis. Actus autem vitales attingunt sua obiecta, vt  
dictum est supra, alias dilectus non dixisset dilectæ:  
Vulnerasti cor meum in vno oculorum tuorum, in-  
telligentia tua penetrante ait Vercellensis. Sed atting-  
entiæ manet imperfecta, nisi id, quod præsens est cog-  
nitioni fiat præsens voluntati amanti. Quia Augu-  
stinus dicit, quod quidam Deum cognoscunt, qui ta-  
men Deum propter hoc non habent, quia si eum vt  
Deum cognouerunt, non tamen vt Deum glorifica-  
uerunt, ait Apostolus.

Tertius gradus, quo Deus attingitur, est cum Deus  
per amorem tenetur, & amplexatur, & spiritualiter  
manducatur. Hæc autem actus & gradus sunt princi-  
paliter ipsius affectus & volūtatis. Vnde Augustinus  
dicit quod voluntas habet vnum proprium actum,  
qui est actus tenendi siue amplexandi, & quasi possi-  
dendi, quos actus nō potest habere intellectus. Nam  
possessio non est intellectus cognoscentis, sed volun-  
tatis habentis, sicut sanitas sani nō est medici cogno-  
scentis, sed sani eam habentis. Vnde & actum gu-  
standi non habet intellectus, sed volūtas, quia gustus  
est in charitate, sicut dicit Richardus, sed charitas vel  
dilectio est actus voluntatis. Nam sicut dicit Richar-  
dus: Sicut Deus per memoriam auditur, & per in-  
telligentiam videtur, ita per affectum amplexatur &  
attingitur. Hunc tactum spirituale experta fuit, quæ  
dixit: Laua eius sub capite meo. Laua nomine in-  
telliguntur splendor intellectus speculatiui, qui ad  
gustum viatoris pertinent, dextræ nomine quæ pa-  
triam signat, intelligitur superintellectualis vnio ad  
Deum, quæ speculum nescit, & quasi ad præmium  
inclinat tamquam arra & pignus, nec auferetur. Qua-  
re dixit Sponsa: Tenui eum, nec dimittam illum,  
post tā excessiuos amplexus & ineffabiles. Hæc Ver-  
cellensis.

Quinto Iesus est panis supersubstantialis, sicut pa-  
tet in Mathæo. Ideo grauissima & sufficientissima

*2. Sal. 77. c*

*Luc. 10. g*

*Bern. super*  
*Cant. 1. 1. 31*  
*post mod.*

*Job 12. b*  
*Greg. li. 11.*  
*Moral. c. 4.*  
*ante mod.*

*Aug. 10. li.*  
*confess. c. 6.*  
*10. 1.*

*Rich. lib. 1.*  
*de Tri. 1. 3.*

*Cant. 1. b*

*3. Reg. 19. b*

refectio Angelorum & hominum, vt dicitur in Psal-  
mo. Ideo attingens gustum interioris mentis, aperit  
eum ad æternorum dulcedinem gustandam. Vnde  
Vercellensis super Cantica dicit: Nihil est quod ita  
gratam mentibus præstet refectioem sicut panis su-  
per substantialis. Hæc enim refectio non fit per spe-  
culum, sed per diuinæ dulcedinis experientiam, iux-  
ta quod gustus & tactus non exercentur per speculū  
sicut visus. Et in hac Dei participatione fundatur pos-  
tio Mariæ, quæ non auferitur ab ea. Sed hæc est prin-  
cipalis ruinæ antiquæ reparatio, quando in primo  
Adam spoliari fuimus, & vulnerati in naturalibus.  
Hæc ille. Quamuis autem iste panis habeat omne  
delectamentum, & omnem saporem suauitatis, &  
sanet omnes infirmitates nostras, secundum Psalmi-  
stam, nō tamen omnibus sapit æqualiter. Dicit nam-  
que Bernardus: Deus non vniiformiter sapit omni-  
bus. Oportet namque pro varijs animæ desiderijs di-  
uinæ præsentia gustum variare, & infusum saporem  
diuinæ dulcedinis diuersa appetentis animæ aliter,  
atque aliter oblectare palatum. Multum enim diffe-  
renter sapit iste panis vitæ æternæ reprobis & electis.  
Vnde Gregerius 11. Moralium exponens illud Job:  
Auris verba dijudicat, & fauces comedētis saporem,  
dicit sic. Job in his verbis aliquid de reprobis, & ali-  
quid de electis innuere videtur, quia verba sapiētiæ,  
quæ reprobi audiunt tantum, electi non solum au-  
diunt, sed etiam gustant, vt eis in corde sapiat, quod  
reproborum non mentibus, sed solummodo auribus  
sonat. Aliud namque est cibum nominatim audire  
solummodo, aliud vero est gustare. Electi itaque ci-  
bum sapientiæ sic audiunt, vt degustent: quia hoc  
quod audiunt ipsis per amorem medullitus sapit, re-  
probi vero qualiter sapiat ignorant. Aliud enim est  
aliquid scire de Deo, & aliud quod cognoscitur fau-  
cibus intelligentiæ gustare. Illa enim dicta in sapien-  
tiæ radice solidata sunt, quæ per viuendi vsum &  
actuum experimentū conualescunt. Hæc Gregorius.  
Sed, vt supra dictum est, oportet volentem gustare  
hunc panem supersubstantialem, habere sensus exci-  
tatos. Hos sensus interiores videtur beatus Augusti-  
nus habuisse, qui 10. libro Confess. ait sic: Quid amo-  
cum Deum meum amo? certe non exteriora, sed  
quandam lucem, & quandam vocem, & quandam  
odorem, & quandam cibum, & quandam amplexum  
interioris hominis mei, vbi fulget animæ meæ lu-  
men, quod nō capit locus, & vbi sonat verbum, quod  
non rapit tempus, vbi olet odor, quæ non spargit ven-  
tus, & vbi sapit cibus, quem non minuit edacitas, &  
vbi hæret, quod non diuelleret satietas. Hæc amo cum  
Deum meum amo. Hæc Augustinus. Ex his patet,  
qualiter sensus interiores nostri æterna experiantur.  
Vnde & Richardus dicit: Non debet nobis sufficere  
illa æternorum notitia, quæ est per fidem solum, nisi  
& apprehendamus illam, quæ est per intelligentiam,  
si nec dum sufficimus ad illam, quæ est per experien-  
tiam. Hæc ille.

*Qualiter spiritus noster ad veniendum per iter ex-*  
*perientia ad intrinsecum Domini inui-*  
*tatur. Distinct. VII.*

Septimò videndum est, qualiter spiritus noster ad  
veniendum per iter experimentalis prægustationis  
æternorum, ad intrinsecum Domini Iesu inuita-  
tur ab ipso, dicente: Surge, propra amica mea, co-  
lumba mea, & veni. Et huius inuitationis subiungit  
allectiuum, dicens, Quia ficus protulit grossos suos,  
idest, quia iam est desiderati viatici optata suauitas.  
Tunc namque est itinerandi securitas, quando itine-  
rans suauiter reficitur, & itinerantis virtus augmen-  
tatur, donec cum Propheta ad montē Dei Oreb per-  
ueniatur. Dicit igitur, O amica mea, propter experi-  
mentalem mei manducationem, nonne comedisti  
fauum

**Cant. 1. a** fauum meum cum melle meo, idest dulcedinem diuinitatis cum corpore & sanguine mez humanitatis. Hoc enim proprium est amicis meis, vt comedant & bibant, & inebrientur charissimi, vt corpus meum comedant, & sanguinem meum bibant, & experientia intima, mea diuinitate inebrietur. Hoc enim proprium electorum est, dicit Haymo super Apocalypsum. Surge ad meam experimentalem cohabitationem, vt vbi sum ego & tu sis, quia ex hac manducatione mei, tu manes in me, & ego maneo in te, tamquam mihi iam incorporata. Ego quidem in altissimis habito, & thronus meus in columna nubis. Ideo surge o columba mea propter experientia tuæ simplicem fruitionem & singularem. Solum enim quæris experiendo frui præsentia mea: Vnde dixisti: Renuit consolari anima mea, memor fui Dei & delectatus sum. Quod exponens Gregorius 18. Moralium dicit sic: Quia temporalium amissione non lugeo, de temporalium abundantia consolari nequaquam possum, & tamen memoria Dei solum delectatus sum. Si igitur tantum delectatur in sola memoria Dei, dicat cū Bernardo, Super mel & omnia eius dulcis præsentia. Propera propter experientia tuæ perfectione & delectationem. Quanto enim spirituales delicias plus experiris, tanto auidius appetis eas. propera igitur venire ad me fontem omnium deliciarum. Nam etiam celeritas in desiderio mora est, vt dicit Seneca.

**Ioan. 6. f** **Eccli. 25. a** **Psal. 76. a** **Greg. li. 18.** **Mor. c. 24.** O formosa mea, propter experientia tuæ radiosam multiplicationem. Experiris enim me, te visitantem, post parietem stantem, per cancellos prospicientem, in montibus salientē. Item experiris me, te alloquentem, te odore meo semper attingentem, te reficientem & amplexantem, &c. vt patet in Cantico amoris per totum. Vnde Bernardus dicit: Attendite Sponsæ deuotionem, atque solertiam siue experientiam, quod vigili vtrique oculo, scilicet experientia, obseruat Sponsi aduentum, & deinceps omnia ipsius intuerur. Venit enim ille, accelerat, appropriat, adest, respicit, alloquitur, & nihil horū momentorum Sponsæ industriam fugit. Hæc ille. Veni igitur ad experientia tuæ consummationē, quia ficus protulit grossos suos. In quo ostendit suæ inuitationis dulce allectiuum. Quid per ficum conuenientius intelligi potest producentem fructum dulcedinis, quàm Pater æternus, principium omnis dulcoris, qui protulit nobis grossos infinitæ dulcedinis & refectionis, scilicet verbum suum, Spiritum sanctum, consubstantiales, & coæternos? Verbum suum infinitæ dulcedinis protulit incarnatum, vt nobis esset in redemptionem, & panem supersubstantialem, vt esset nobis in refectionem, qui descendit de cælo nobis præparatus, & habens in se omne delectamentum, & omnem saporem suauitatis, vt per ipsum dulciter reficiamur in via, ne deficiamus, sed ad æternum Patre reducamur. Ecce dicit Hugo, Vnum ferculum proponitur in mēsa Domini, sed noli contemnere. Continet enim in se omne bonum. Sed hanc refectionē non omnes gustant. Ipsa enim vna est & singularis, quia cum aliena & extranea delectatione & dulcedine non percipitur. Dicitur domestica, quia amicis & familiaribus tantum præparatur. Dicitur viuifica, quia vnum secum efficit omnes, quibus se sumendam, & percipiendam præbet. Hæc ille. Ficus etiam paterna protulit nobis Spiritum sanctum consubstantialem, & coæternum, qui est fons infinitæ dulcedinis saliens in vitam æternam. Spiritus enim meus super mel dulcis. A quo omnis dulcedo emanat. Vnde Gregorius lib. 5. Moralium dicit, quod vnctio Spiritus sancti facit contemnere inferiora & eleuat ad superiora, & quod dulcedo eius hic sentiri potest, non dici. Hunc grossum infinitæ dulcedinis Pater nobis protulit, dum nobis eum in sensibilibus signis misit, & quotidie inuisibiliter electis mittitur, qui itinerantes per septem dona quasi per septem dies, & per septem refectiones

spirituales, nos ad conuiuium æternorum colliū perducit. Vnde Gregorius libro 1. Moralium dicit, quod vnumquodque donum Spiritus sancti, diem spiritualem facit in mente per suam illuminationem, & in qualibet die conuiuium facit per suam dulcedinem. Intellectus in die suo conuiuium facit & præparat, quia in eo quod audita penetrat, reficiendo cor, tenebras eius illustrat. Sapientia in die suo conuiuium facit, quia mentem æternorum spe, & certitudine reficit. Consilium in die suo conuiuium exhibet, quia dum præcipitem esse prohibet, ratione animam replet. Fortitudo in die suo conuiuium facit, quia dum aduersa non metuit, trepidanti menti cibos confidentia apponit. Scientia in die suo conuiuium præparat, quia in ventre mentis ignorantia ieiunium separat. Pietas in die suo conuiuium exhibet, quia cordis viscera misericordia operibus replet. Timor in die suo conuiuium facit, quia dum premit mentem, ne de præsentibus superbiat, de futuro illam cibo spei confortat. Hæc ille. Et sic itinerans ad æternitatem confidenter & velociter incedit. Et hæc dona sancti Spiritus sunt quædam perfectiones animæ, per quas redditur bene mobilis ad æterna consequendum, & exercitata ad experiendum, quia spiritualis omnia dijudicat. Ad cuius æternitatis plenam experientiam nos perducatur æterna sapientia benedictus Deus. Amen.

### DE SEPTIMO ITINERE æternitatis.

**S**EPTIMUM iter æternitatis, per quod spiritus noster venit ad intrinsecum secretum, & æternale manerium Domini Iesu est æternorum meritoria operatio, siue Deiformis, idest diuinæ operationis cōformis: nisi enim opera nostra essent iter ad æterna, Dominus non diceret se redditurum unicuique secundum opera sua. Opera enim illorum sequuntur illos, sicut dicit Ioannes. Ad maiorem autem huius itineris noticiam habendam, septem sunt notanda.

Primò, quare iter meritorie operationis præcedentia itinera subsequatur.

Secundò, quare natura rationalis ad hoc facta est, quod operetur, & æternum finem per hoc consequatur.

Tertiò, quare homo secundum duplicem naturam corporalem, scilicet & spiritualementem operari teneatur.

Quartò, qualiter operatio vtriusque nature corporalis, scilicet & spiritualis Deiformis efficiatur.

Quintò, qualiter diuersi gradus vtriusque operationis vel species distinguantur.

Sextò, qualiter spiritus per vtramque vitam, scilicet actiuam & contemplatiuam ad æterna ingreditur.

Septimò, qualiter ad veniendum per iter meritorie operationis a Domino inuitetur.

*Quare iter meritorie operationis præcedentia itinera subsequatur. Distinct. 1.*

**P**rimò, notandum est, quod cum aliquis in spiritualibus exercitatus fuerit ad æterna directus per rectam rationē vel intentionē, cum fuerit in itineribus æternitatis expeditus per frequentem meditationem, cum fuerit ad æterna directus per limpidā contemplationem, cum fuerit de æterna inclinatus per feruendam dilectionem, cum fuerit de æternis instructus per multiplicem reuelationem, cum fuerit æterna expertus per dulcem prægustationem, vt de omnibus patuit supra

**Bern. super Cant. ser. 57 in princ.**

**Hug. sup. 7. Ang. Hier. lib. 7. longe post med.**

**Eccli. 24. c. Greg. lib. 5. Mor. c. 19. paulo post prin. in sen. sa.**

**Mat. 16. d**

**Apoc. 24. c**



Hugo in 7.  
Ange. Hier.  
lib. 7. paulo  
post med.

supra, quid modo restat, nisi ut æterna ingrediatur per Deiformem, & meritoriam operationem? Quid nam prædicta omnia valerent, si ea Deiformis operatio non consummaret? Non enim perfectum facit cognitio veritatis, nisi subsequatur habitus virtutis in operatione, ait Hugo super 7. Angelicæ Hierarchiæ. Et in libro de tribus dictis dicit sic: Quid nobis prodest, si in Deo cognoscimus maiestatis celsitudinem, & nullam nobis inde colligimus utilitatem? Si enim de illo intimo diuinæ contemplationis secreto reuertimur, quid nobiscum asferre poterimus nisi lumen exemplaris operationis, &c. ut supra in prologo distin. 5. Quare iter meritoriarum operationis rationabiliter prædicta sequitur.

*Quare natura rationalis ad hoc facta est, quod operetur,  
& æternum finem per hoc consequatur.  
Distinct. 11.*

Secundò sciendum est, quod natura rationalis ad hoc facta est, ut operationes proprias operetur, & per hoc gratia mediante finem suum ultimum consequatur. Propter hunc enim finem conditus est homo, ut opus, propter quod factus est, operetur, & non solum ne a vita æterna siue a suo fine excludatur, sed etiã ne quasi naturali sua perfectione priuetur. Quod Lincolniensis commentator super 3. Angelicæ Hierarchiæ sic ostendit, dicens: Facta est rationalis natura non solum propter inherere Deo per dilectionem Dei, sed etiam propter operari secundum sacras ordinationes bene ad proximum ex dilectione proximi. Et si prædicto modo non operatur, tunc sine, propter quem facta est, caret: cum neutra dilectio sine altera permaneat, ac per hoc cassa & vana est, & idcirco indigna subsistere, etiam secundum existentiam naturalem ei diuinitus datam propter huiusmodi finem. Sicut enim, secundum Apostolum, qui non laborat, non manducet: sic omne quod propter opus factum est, si suæ negligentiae vitio non facit, existentiae suæ naturalis fulcimento priuari debet, ut videlicet plenitudinem integram, & integritatem plenam existentiae naturalis non retineat. Sic primus angelus & primus homo, non operantes secundum sacras ordinationes gratiæ propriæ, recedentes voluntarie, & elongantes se a per se ente, & per se esse, deciderunt in corruptionem naturalis existentiae, non quod ipsa caderent in penitus non esse, sed quod ipsa, ut prædictum est, a propriæ integritatis plenitudine deciderunt, & propter auctiorem ab illo, qui solus per se est, & conuersionem ad aliud, quod per se non est, aut deficienter est, dicuntur magis non existere, quam existere. Hæc ille. Et ideo non licet otiosi a bono opere. Otiū enim sine litteris mors est, ait Seneca, & viui hominis sepultura. Et Bernardus in sermone ad solitarios. Nihil pretiosius tempore, quia sicut capillus non peribit de capite, sic nec momentum peribit de tempore, quin oporteat reddere rationem. Igitur natura rationalis facta est ut operetur, & per hoc finem suum consequatur.

Sen. epi. 82.  
paulo post  
prin.

*Quare homo secundum duplicem naturam operari  
debet. Distinct. 111.*

Tertiò videndum est, quod cum homo constet ex duplici natura, corporali, scilicet, & spiritali: ideo duplices operationes debet operari, ut secundum utramque naturam ad æterna passibus operationum dirigatur per intentionem rectam in finem ultimum, qui est Deus æternus, ut sic totus homo cum tota familia sua spiritali bene ordinetur, & pacificetur, & regnū efficiatur æterno Deo. Nisi enim Deus regnū suum in nobis habere posset, non dixisset, regnū Dei intra vos est. Hoc autem regnū non est esca vel potus, sed iustitia & pax & gaudium in Spiritu sancto. Iustitia iustificans iudicia cordis siue rationis, pax tran-

Luc. 17. c

Rom. 14. c

quillans imperia facultatis, gaudium adimplens desiderium voluntatis. Et Gregorius exponens illud verbum, dicit: Hæc sunt quasi imago & arra perennis lætitiæ futuri sæculi. Istarum operationum tam spiritalium, quam corporalium ordinem, & directionem in finem, scilicet Deum bene ostendit, & docet Auctor libri de spiritu, & anima, dicens: Nobilis est creatura anima, ciuitas namque Dei est, de qua tam gloriosa dicta sunt, quod ad imaginem & similitudinem Dei facta est. Hæc ciuitas Hierusalē meritò appellata est, quia ad fruendum visione illius pacis summæ, quæ fecit utraque vnū creata est. Mens eius paradysus est, in qua dum cælestia meditatur, quasi in paradiso voluptatis delectatur. Domus etiam summi patrisfamilias est anima, propter unitatem morum. Sponsa Christi, propter dilectionem. Templum Spiritus sancti, propter sanctificationem. Sequitur: Ciuitas Regis æterni, propter concordiam ciuium. Et quia nulla est ciuitas absque populo, disposuit in ea Cōditor noster populum triplicis gradus, idest sapientes ad consulendum, milites ad pugnandum, artifices ad ministrandum. Ciues huius ciuitatis, sunt naturales & ingeniiti animæ vigores tamquam indigenæ, quorum distincti sunt gradus. Alij superiores, alij medij, alij inferiores, ad similitudinem Angelicæ Hierarchiæ. Superiores sunt quidem intellectuales sensus, medij rationales, infimi animales quorum hæc differentia est. Animalis siue sensualis appetit sensibilia. Rationalis discernit & discretionis oculo aspernatur ea. Intellectualis pertrahit ea ad diuina. Sequitur: Intellectuales igitur sensus sunt tamquam animæ consiliarij dicentes ei: Deum time & mandata eius obserua: propter hoc est enim omnis homo. Rationales sunt milites, qui hostes concupiscentiarum impugnant per arma iustitiæ. Animales siue sensuales sensus sunt tamquam rustici, & artifices mechanici, qui corporalibus rudimentis insistent, & corpori necessaria ministrant. Sequitur: Hanc triplicem vim animæ, scilicet sensualem, rationalem, & intellectualem, philosophi partes animæ vocauerunt, non integrales sed virtuales, quia potentiae eius sunt. Hæc omnia in libro prædicto. Tota igitur ista familia pacificata, & qualibet ad suum officium & opus ordinata & directa, & Regi suo plene subiecta, omnes extranei regnū animæ turbantes eiciantur, & excludantur. Extranei autem sunt, ut dicit Richardus, omnes cogitatus tam vani, quam noxij, qui nulli nostræ utilitati seruiunt, & similiter turbata inordinatarum affectionum & sollicitudinū, quas omnes oportet eijcere, ut regis nostri legibus, & dilecti nostri amplexibus, quanto liberius tanto iucundius, liceat inherere. Qui absterget omnem lacrymam ab oculis eorum. Ex his apparet, quod homo secundum utramque naturam debet operari, cum secundum utramque sit beatificabilis.

Aug. de spi.  
Crani. c. 37  
apud Aug.  
in prin. 10. 3

Eccl. 12. c

Rich. lib. 4.  
de consp.  
c. 15. nō lē-  
ge a princ.  
Apoc. 21. b

*Qualiter operatio utriusque naturæ corporalis, scilicet, &  
spiritalis Deiformis efficiatur. Dist. 111.*

Quartò videndum est, cum Dionysius dicat, quod ex Scriptura edocemur, quod iam in hac vita Deiformē vitam inchoamus, quam in cælo consummabimus, qualiter utraque nostra operatio, scilicet spiritalis & corporalis, Deiformis, idest diuinæ operationi conformis efficiatur. Nisi enim aliquammodo possemus nos Deo patri nostro conformiter operari tamquam filij, Dominus: non dixisset: Estote perfecti, sicut & Pater vester cælestis perfectus est. Sicut enim imaginem Dei Patris nostri habemus in mente vel tenemus, ita etiam, ut Dei filij simus, debemus similitudinem tenere in operatione. Nam eius filij sumus, cuius opera facimus, dicit Dominus. Unde Dionysius dicit: Vniuscuiusque hierarchiæ, idest bene ordinatæ personæ perfectio, est ad Dei imitationem secundum propriam operationem reductam esse, & fieri

Dion. 7. Ec-  
cles. Hier.

Matth. 5. b

Ioan. 8. c  
Dion. c. 5.  
Eccl. Hier.



fieri cooperatricem, quod efficacius omnibus diuinam ingignit conformitatem, & facit representare diuinam operationem in seipso, secundum quod possibile est, iuxta illud Pauli: Dei enim adiutores sumus. Notandum igitur, quod Dionysius 5. Ecclesiasticæ Hierarchiæ dicit, Ne illuminationes diuinarum operationum confusæ, & indistinctæ videantur, ideo tam Angelici, quam Ecclesiastici gradus sunt diuisi in primas, medias, & ultimas sanctas operationes & ordines, secundum Hierarchicas discretionis, idest ordinatas distinctiones. Et cap. 10. Angelicæ Hierarchiæ dicit, quod unaquæque mens bene ordinata, tam Angelica, quam humana habet in se primas, medias, ultimas, siue infimas ordinationes, & virtutes & sursum actiones, secundum quas unusquisque Angelus & homo Hierarchicus, idest bene ordinatus percipit secundum propriam capacitatem, Dei purgationem, illuminationem, & perfectionem, quæ sunt Deiformes operationes, nos Deo conformantes. Oportet igitur volentes Deiformes operationes operari esse Hierarchicos, idest bene ordinatos ad similitudinem Angelicæ Hierarchiæ, ut videlicet secundum supremas operationes siue bene ordinati ad Deum, secundum medias ad nosmetipsos, secundum ultimas siue infimas, siue bene ordinati quantum ad exteriora. Et sic erimus totaliter ordinati, & operationes nostræ Deiformes, & Deo acceptæ erunt, quia per eas purgamur, illuminamur, & perficimur. Et ex tunc erimus idonei ad purgandum, illuminandum, & perficiendum alios dispositiue, quia sumus coadiutores Dei, qui solus hoc facit effectiue. De hoc vide supra itinere tertio distinct. 4.

Primò igitur, ut tamquam bene ordinati Deiformiter operemur quoad Deum, ad similitudinem supremæ Angelicæ Hierarchiæ, in qua, sicut dicit Bernardus libro 5. de consideratione, Deus in Seraphim amat ut charitas, in Cherubim nescit ut veritas, in Thronis sedet ut æquitas; oportet etiã ut nos, quantum possumus, Deum summum bonum diligamus, ut summam veritatem cognoscamus, & ut summam æquitatem in nobis teneamus, & sic erimus bene ordinati quoad Deum per Deiformes operationes. Quia sicut dicit Linconiensis super Angelicam Hierarchiam: Intellectus humanus in suo supremo gradu ad intus, habet ut ferueat amore cum Seraphim, luceat scientia cum Cherubim, spiritualis factus iudicet omnia cum Thronis.

Secundò, ut tamquam bene ordinati circa nosmetipsos, Deiformes operationes operemur ad similitudinem mediæ Angelicæ Hierarchiæ, in qua, sicut dicit Bernardus ubi supra, Deus dominatur ut maiestas, operatur ut virtus, tuetur ut salus, oportet ut etiam nos omne impediens participationem diuinæ dominationis superemus, ut opera omnium virtutum secundum gratiam nobis datam studiose agamus, ut omnibus inordinatis motibus & impulsibus potenter resistamus, & illa, ut possumus, inferioribus communicemus, & sic erimus bene ordinati in nobis per Deiformes operationes, quia sicut dicit Linconiensis, ubi supra, In media Hierarchia nostra oportet, quod dominemur cum dominationibus, ut fortes simus cum virtutibus, ut ordinati simus cum potestatibus.

Tertiò tamquam bene ordinati ad exteriora, operemur Deiformes operationes ad similitudinem infimæ Angelicæ Hierarchiæ, in qua Deus, sicut dicit Bernardus, ubi supra, regit ut principium, reuelat ut lux, & assistit ut pietas; oportet ut omnia exemplariter ad primum principium reuocemus, ut lumen veritatis verbis, & factis alijs ostendamus, ut opera pietatis omnibus deuote exhibeamus, & sic erimus ordinati quoad exteriora per Deiformes operationes: quia sicut dicit Linconiensis ubi supra, In ultima nostra Hierarchia oportet, ut principemur cum Principi.

S. Bon. Tom. 7. Pars iij.

A pibus, scilicet media ad primum principium reducendo; ut reuelemus veritatem cum Archangelis, & pie assistamus indigenti cum Angelis. Ut igitur dicit Dionysius, Diuinitas cælestes animos prius naturaliter mundat, postea illuminat, & illuminatos perficit, ad operationes perfectionis Deo conformes. Hæc ille.

*Qualiter diuersi gradus vtriusque operationis, vel species distinguantur. Distinct. V.*

**Q**uintò videndum est, qualiter in vtrisque operationibus diuersi gradus vel species distinguantur. Sed quia de operationibus spiritualibus, prout respiciunt vitam contemplatiuam, supra dictum est in tertio itinere, distinct. 4. de gradibus contemplationis: ideo modo dicendum est de gradibus operationum, prout respiciunt vitam actiuam. Et primò dicendum est de gradibus operationum virtualium, prout ordinantur ad proximum: secundo ut ordinantur in proprium subiectum: & tertio prout ordinantur ad Deum.

Gradus operationum virtualium, prout modo loquor de virtutibus, consistunt in quattuor virtutibus Cardinalibus, quarum quælibet habet plures gradus, ut ostendit Macrobius libro 1. de quattuor virtutibus. ubi recitat dicta Platonis, qui distinguit quattuor genera virtutum, quarum quædam dicuntur politicæ, quædam purgatorie, quædam purgati animi, quædam exemplares. Primæ ordinant hominem quoad proximum, secundæ quoad subiectum proprium, tertiæ quoad Deum, quartæ perficiunt alias. Politicæ sunt quibus boni viri reipublicæ consulunt, urbem tuentur, parentes venerantur, liberos amant, proximos diligunt, ciues suos bene gubernant. Purgatorie virtutes sunt, in quantum ab his animum ad diuina trahunt. Purgati animi virtutes sunt, in quantum animum innixum diuinis expeditum tenent. Exemplares, siue heroicæ sunt, quæ in solo Deo sunt, non ut in nobis, sed incomparabiliter excellentiori modo, a quibus omnes virtutes in nos influunt, operantur, & consistunt.

Notandum est igitur, quod Macrobius ibidem, quamlibet istarum virtutum distinguit & diffinit, per quas diffinitiones patent earum gradus siue species & proprietates.

Primò igitur diffiniens prudentiam primam virtutem Cardinalium, ut est virtus politica, dicit: Prudentia est ad rationis normam vniuersa dirigere. Secundò, ut est virtus purgatoria diffinit eam sic: Prudentia est mundum istum & omnia, quæ in eo sunt diuinorum comparatione despiciere. Tertiò, ut est virtus purgati animi diffinit eam sic: Prudentia est diuina non quasi in electione alijs præferre, sed quasi nihil aliud sit intueri, quod perfectorum est. Exemplaris autem prudentia, ut est in Deo, est ipsa mens diuina, vel diuinæ mentis regula, qua disponit vniuersa in cælo, & in terra. Hæc ille. Ex his apparere potest, quod primus gradus prudentiæ, ut est virtus politica, facit hominem in omnibus rationabiliter operari, & cum omnibus honeste conuersari. Secundus gradus prudentiæ, ut est virtus purgatoria, mentem altius erigit: quia dum mundana despicit, æterna siue cælestia prudenter appetit. Tertius gradus prudentiæ, ut est virtus purgati animi, mentem plenius perficit, dum eam in æterna figit, quia sola æterna appetit. Exemplaris autem prudentia, quæ in solo Deo est, prædictos gradus inchoat, deducit, & consummat: quia omnis prudentia vera a Deo est, ut patet.

Secundò, Macrobius secundam virtutem Cardinalem, scilicet, fortitudinem diffinit, & primo, ut est virtus politica, dicens: Fortitudo est, quæ habet mentem super metum erigere, & nihil nisi turpia formidare.

R dare.

Macrobius li. 1. in somn. Scipionis c. 8.

Quattuor genera virtutum.

Virtutum Cardinalium diffinitiones & gradus.

Prudentia.

ibidem.

Fortitudo.

# 194 De septem itineribus æternitatis.

dare. Secundò, ut est virtus purgatoria, diffinit eam sic: Fortitudo est animam non terri corporis cruciatu, ductu philosophiæ præcedente. Tertio, ut est virtus purgati animi, est passiones non tantum vincere, sed omnino penitus ignorare. Exemplaris fortitudo quæ in Deo est, est quod semper idem est, nec unquam mutatur. Ex his patere potest, quod primus gradus fortitudinis, ut est virtus politica, hominem facit omnem timorem pro utilitate reipublicæ postponere, & turpia formidare. Secundus gradus fortitudinis, ut est virtus purgatoria, mentem magis confortat, ut nulla pœna temporalis eam terreat: quia ad sola æterna fortiter anhelat. Tertius gradus fortitudinis, ut est virtus purgati animi, mentem in æternis figit: quia cum omnia contraria vicerit, repugnare omnino, & confidenter contemnit. Exemplaris autem fortitudo, quæ in Deo est, prædictos gradus inchoat, deducit, & consummat. Ipsa enim attingit a fine usque ad finem fortiter, suauiter disponens omnia.

Sap. 8. a

Ibidem.

Temperantia.

Tertio, Macrobius virtutem Cardinalem tertiam, scilicet temperantiam diffiniens primo, ut est virtus politica, dicit sic: Temperantia est virtus, quæ in nullo moderationis metam excedit. Secundo, ut est virtus purgatoria, diffinit sic: Temperantia est omnia relinquere, nisi quantum natura requirit. Tertio, temperantia ut est virtus purgati animi, est terrenas cupiditates non reprimere, sed obliuisci. Exemplaris autem temperantia, quæ in Deo est, sic est, quod in se perpetua intentione conuersa est. Ex his apparet, quod primus gradus temperantiæ, ut est virtus politica hominem ab excessu, & defectu custodit: quia ei medium virtutis in omni operatione ostendit. Secundus gradus temperantiæ, ut est virtus purgatoria, mentem ad æterna perfecte dirigit: quia omnem superfluitatem rerum grauantium firmiter excludit. Tertius gradus temperantiæ, ut est virtus purgati animi mentem æternis infigit: quia concupiscentiam omnis inordinati concupiscibilis penitus extinguit. Exemplaris autem temperantia, quæ in Deo est, prædictos gradus temperantiæ inchoat, deducit, & perficit: quia omni creaturæ numerum, pondus, & mensuram tribuit.

Sap. 11. c

Ibidem.

Iustitia.

Quarto, Macrobius virtutem quartam Cardinalem, scilicet iustitiam, ut est virtus politica, diffinit, dicens: Iustitia est mundum istum despiciere, & dare unicuique quod suum est, scilicet sibi ipsi, & proximo & Deo. Secundo, iustitia, ut est virtus purgatoria, est ad veram propositi viam consentire. Tertio iustitia, ut est virtus purgati animi, est cum diuina mente perpetuo sociare. Exemplaris iustitia, ut in Deo est, est quod perenni lege a superna sui operis continuatione non flectitur. Hæc ille. Ex his patet, quod primus gradus iustitiæ, ut est virtus politica hominem ab omni iniquitate custodit, & cum omnibus pacifice conuersari docet. Secundus gradus iustitiæ, ut est virtus purgatoria, mentem ad æterna directe trahit: quia iusto ordini rectæ rationis perfecte consentit. Tertius gradus iustitiæ, ut est virtus purgati animi, mentem in æternis figit: quia illam cum Deo perpetuo sociat. Exemplaris autem iustitia, ut in Deo est, prædictos gradus iustitiæ inchoat, deducit, & perficit, quæ omnem creaturam perpetua, & inflexibili lege iuste regit. Ex his aliquantulum patet, quomodo gradus operationum virtualium differenter sunt in actiuis & contemplatiuis, & qualiter per virtutes, ut sunt virtutes politice, homo ordinatur in operationibus suis quoad proximum: per virtutes, ut sunt purgatorie ordinatur quantum ad seipsum; ut sunt virtutes purgati animi quantum ad Deum. Alias virtutes exemplares, quæ in Deo sunt solum, perficiunt secundum magis, & minus, prout operantes in fide & charitate opera lucis, eas perfectius, vel minus perfecte participant, vel imitantur.

A Qualiter spiritus per vtramque vitam scilicet actiuam, & contemplatiuam ad æterna ingreditur. Distinct. VI.

SEXTO videndum est, qualiter per vtrasque operationes, scilicet interiores & exteriores hominis siue vitæ actiuæ, siue contemplatiuæ spiritus humanus ad intrinsecum & æternale manerium Iesu ingreditur. De quo notandum est, quod sicut dicit Prosper in libro de vita contemplatiua, licet vita actiua & contemplatiua itineribus disparibus incedant, ad eandem patriam tamen tendunt. Actiua vita, ait Prosper, habet sollicitum cursum, contemplatiua verò habet gaudium sempiternum, quod non auferetur ab ea in æternum. Item in contemplatiua vita regnum percipitur, in actiua regnū acquiritur. Hæc, scilicet actiua, facit te plurimum bonorum copia operum pulsare ianuam, illa, scilicet contemplatiua vocat consummandos in patriam. In hac scilicet actiua contemnitur mundus, in illa videtur Deus. Hæc ille. Cum his concordat Augustinus in sermone de dedicatione templi, dicens sic: Sicut malis operibus quasi quibusdam vectibus, & seris vitæ nobis ianua clauditur. ita absque dubio bonis operibus aperitur. Igitur non solum bonis operibus hominis interioris, sed etiam bonis operibus hominis exterioris peruenitur ad æterna, quia Deus reddit unicuique secundum opera sua, iuxta illud: Opera enim illorum sequuntur illos. Qui bona opera facit, quid aliud, quam ad æterna quasi quibusdam passibus tendit? Et qui æternam vitam querimus, quid aliud, quam quædam itinera agimus, per quæ ad patriam festinamus? ait Gregorius 22. Moralium. Quia quamuis in usu operis sit temporalitas, tamen in intentione debet esse æternitas.

Prosper de vi. conspl. lib. 1. c. 12.

Aug. ser. 1. 1. annuif. dedic. Eccl. vel alr. paulo post prin. de rēp. 252 10. 10. Apoc. 14. 6

Greg. li. 22. Mor. c. 22. paulo post princ.

Et notandum, quod sicut per opera interioris hominis, ut per contemplationem, quandoque fit quædam prælibatio æternæ vitæ: ita & per opera exterioris hominis fit in eo aliquando similitudo aliqua vel imago æternæ vitæ, sicut dicit Bernardus in libro de amore Dei, ubi dicit sic: Sicut in sanctitate vitæ & hominis interioris contemplatione, & fruitione diuinitatis, iam futuræ vitæ beatitudinem prælibare in hac vita videntur, & imitari: sic etiam de corporum suorum glorificatione quam plene ibi percepturi sunt, in hac vita nonnihil percipiunt. Accepta illa gratia, quam habitantes in vnum seipsum in Deo, & Deo in seipsis fruuntur, ipsius carnis se sentiunt vicisse omnes contradictiones, ut vniuersa substantia carnis non sit eis nisi instrumentū boni operis. Nam & si ipsius miseris, & infirmitatibus contabescunt, ex hoc ipso in interiori homine fortius conualescunt. Quando enim infirmor, tunc fortior sum, & potens, ait Apostolus. Sequitur: Sensus ipsi nouā percipiunt quandam, & prope spirituales gratiam, oculi simplices & aures obtemperantes & aliquando in feruore orationis tanta odoris ignota quædam fragrantia inspirat, tanta gustus, & si non gustando suauitas, tanta per mutuum tactum spiritualis charitatis incentiuum fit, ut videantur sibi intra seipsos spiritualis gratiæ, cuiusdam voluptatis gerere paradysum. Vultus etiam & totius corporis compositione vitæ & morum, & actuū decore, mutua etiam seruitutis in illis deuotis exhibitionibus, & pijs susceptionibus, cuiusdam gratiæ beneplacito sibi conueniunt inuicem, & conuiuunt, ut vere sit cor vnum, & anima vna. Nimirum corporum suorum gloriam iam hic inchoant vel incipiunt, & puritate conscientie & intime conuersationis gratia perfecte habituri, eam in futura & perenni vita pronunciat. Hæc Bernardus. Et Origenes super 7. Canticum dicit: Concordia hic inchoatur, quæ in futura gloria inter electos cælestis patriæ sæper datur. Hæc enim bonos confortat, in pugna superat, consolatione inebriat, Deo associat, amorem augmentat.

Ber. de natura, & dignis. amor. Diu. c. 10. post med.

2. Cor. 12. 4

hæc inchoat, quod in cælo consummatur. Hæc ille. Potest ergo humanus spiritus dicere: Ingrediar in locum tabernaculi tui.

*Qualiter ad veniendum per iter meritoria operationis  
a Domino spiritus humanus innitatur.  
Distinct. VII.*

**S**eptimò videndum est, qualiter spiritus humanus ad veniendū per iter Deiformis actionis, siue meritorie operationis ad intrinsecum & æternum manerium Domini Iesu, ab ipso amorose inuitatur dicente: Surge propra amica mea, formosa mea, columba mea, & veni.

Dicit igitur: O amica mea, propter operationis meæ hierarchicā imitationem. Amica, inquit, mea, quia manus tuæ stillant myrrham. Quod exponens Vercellensis dicit sic, quod per manus stillantes myrrham signantur operationes hierarchicæ ordinatæ. Nam sicut Deus stillat dona gratiarum, & perfectionem operationum primæ Angelicæ Hierarchiæ, & illa instillat mediæ, & mediæ ultimæ, ut patet per totam Angelicam Hierarchiam: ita anima in suo supremo a Deo recipiens perfectionem suarum operationum circa superiora. Et ut illa stillat in mediam perfectionem suarum operationum circa superiora, respectu interiorum: sic & illa stillat in ultimam mētis Hierarchiam perfectionem suarum operationum respectu exteriorū. Et hæc est stillatio gratuita myrrhæ, quæ operationes præseruat a putredine vanæ laudis, & fœtore humani fauoris. Surge propter operationis tuæ ostensionem rectam, ut Pater cælestis honorificetur, & proximus ædificetur, quia opera tua sunt plena coram Deo meo, ut dicitur in Apocalypsi.

Opera sunt plena coram Deo, ut Haymo ait, quando virtutes datæ vitij non commaculantur, & exterius humana gloria non queritur. Plenitudo enim legis est dilectio, ait Apostolus. O columba mea propter operum tuorum fecundam parturitionē. Quasi enim columba, quæ est avis secunda, aquas steriles mundi fugiens, & ad meum intrinsecum, & æternum manerium quasi ad arcam salutis confugiens, portans ramum oliuæ virentibus folijs, idest amorosam voluntatem plenam operibus bonis, ibi ut columba fecunda in foraminibus petreæ nidificans, æterna securitatis parturis opera lucis. Vnde Bernardus super Cantica exponens illud verbum, dicit sic: O amica mea, si quietem desideras, si securitatem affectas, si securitatem amas, assume pennas sicut columba, & volās nidifica in vulneribus Iesu Christi. Nusquā quies gravior, nusquam securitas tutior, nusquam fecunditas vberior. ubi hauries, quod pullis ministres. Propra propter operationis tuæ spirituales refectionē.

Dicit enim Origenes super Cantica, De natura boni operis est, quod ipsius multiplicatione multiplicetur etiam dilectio, & delectatio, & quasi quoddam condimentum cibi spiritualis est hilaritas bene operatiua. Nam bonum operum facit dulcedinem in gustu, & gaudium in corde. Et Gregorius 21. Moralium dicit: Comedere animæ est bonis operibus satiari. Ergo propra, o formosa mea, propter operum tuorum Deiformem ordinationem. Deiformis autem ordinatio, ut dicit Lincolniensis super 3. Angelicæ Hierarchiæ, est renouatio spiritus rationalis, & confortatio ipsius, prout possibile est secundum tria, scilicet amorem, scientiam, & operationem ad Deū, ad quod Deiforme attingit nostra possibilis assimilatio ad ipsum, ut amor referatur ad Spiritum, scientia ad Filium, operatio ad Patrem. Sequitur: Est enim in nobis primo amor boni in genere, deinde scientia bonorum in specie, de quibus procedit in operationem singularium bonorum scitorum, & amatorum. Et quasi concludit dicens, quod rationalis creatura

S. Bon. Tom. 7. Pars iij.

A debet, ut possibile est secundum amorem, scientiam, & operationem Deo assimilari, & ad eius imitationē reduci Deiformiter. Et veni propter operationis tuæ plenam remunerationem. Merces enim mea mecum est, dare unicuique secundum opera sua.

Veni ergo ad me de Libano Sponsa mea, veni coronaberis. Hoc verbum exponēs Vercellensis dicit, quod omnes tres Hierarchiæ Sponsæ candore lucis æternæ perfusæ sunt, quasi montes eleuati, & ideo in Libanum conuersæ sunt, qui interpretatur candidatio, quare ter dicitur, veni.

**P**rimò igitur dicitur, Veni Sponsa mea de infima Hierarchia tua, quæ perfusa est lumine virtutum politicarum, per quas charitate iam formatas, operaris ordinate circa omnia exteriora exemplo, & doctrina alios ad me reducendo.

Secundò, Veni de media tua Hierarchia, quæ perfusa est lumine virtutum, quæ dicuntur purgatoriæ, per quas operaris ordinate circa omnia tua interiora, habitus virtutum, & donorum Deiformiter exercendo, & proficiendo, ut dictum est.

Tertiò, Veni de suprema tua Hierarchia, quæ perfusa est lumine virtutum, quæ dicuntur purgati animi, per quas operaris ordinate circa superiora, Deū sinceriter contemplando, & fortiter amando, & sursum tendendo, ut coroneris.

Pro operibus enim infimæ Hierarchiæ coronaberis corona gaudiosa. Vnde Sapiens dicit: Circa te corona fructuum quasi plantatio cedrorum in monte Libano, quia de omnibus per exemplum, & doctrinam tuam conuersis gaudebis.

Secundo pro operibus mediæ hierarchiæ coronaberis corona speciosa. Vnde in Apocalypsi dicitur in capite eius corona duodecim stellarum. Per duodecim signatur vniuersitas perfectionis alicuius, ut patet per Augustinum in libro de ciuitate Dei.

**T**ertio pro operibus supremæ Hierarchiæ coronaberis corona gloriosa interminabilis æternitatis. Vnde in Proverbij: Corona tribuetur ei in generatione & generationem, idest sempiternum. Corona nec habet principium neque finem in figura, & significat æternitatem, quæ nec fine, nec principio clauditur.

Veni igitur Sponsa mea, quia mihi, & tibi omnia communia sunt. Vnde Bernardus sermone 7. super Cantica dicit: Non sunt inuenta æque dulcia verba, quibus verbi animæque dulces adinuicem exprimunt affectus quemadmodum Sponsus & Sponsa, quibus quippe omnia communia sunt, nihil proprium, nil a se diuisum habentibus. Vna vtriusque hereditas, vna domus, vna mensa, vnus thorus, vna caro, & secundum Apostolum, Deus, & anima vnus spiritus.

Ultimo Dominus subiungit huius sanctæ imitationis dulce alleclitium, dicens: Veni, quia vineæ florentes odorem dederunt, qui odor istius itineris mediū facit odoriferum, & fugat, & expellit venenata. Quid autem per vineas florentes, & odorē spargentes conuenientius intelligitur, quam secundæ mentis potentia, & capacitates odoriferæ illius sapidæ partis, quæ est vera vitis, quā Pater cælestis agricola in mentibus humanis, tamquā in horto vinearum sacris inspirationibus plantat, sacramentis vegetat, & bonis operibus maturat, prout gradatim ipsam vineam excolit, ut fructificet? Vnde Hugo libro 2. de arcā Noe dicit: Hoc est vere lignum vitæ, verbum Patris, sapientia Dei, quæ in cordibus Sanctorum tamquam in Paradiso inuisibiliter primo per timorem seminatur, post per gratiam rigatur, per dolorem moritur, per fidem radicitur, per deuotionem germinat, per compunctionem oritur, per desiderium crescit, per charitatem roboratur, per spem viret, per circumspectionē frondet, & extēdit ramos, per disciplinam floret, per virtutem fructificat, per patientiam maturescit, per

R 2 mortem

Apoc. 22. c  
Cant. 4. c

Eccli. 50. b

Apoc. 12. a

Aug. li. 20.

de ciu. Dei

c. 5. 10. 5.

Prov. 17. d

Bern. ser. 7.

in Cant. nō

lōge a prim.

1. Cor. 6. d

Hugo li. 2.

de arc. Noe

c. ult.

mortem carpitur, per contemplationem cibatur. Hæc ille. Cum igitur, ut dicit Dionysius 4. Ecclesiasticæ Hierarchiæ, Iesus qui est vera sapientia Patris, sit fontana copiosa susceptionum diuinarum suauitatum, & refundat de plenitudine sua diuinissimas fragrantias siue odores ad Deiformes intelligentias, in quibus mentes suauiter delectatæ, & sanctis, & odoriferis susceptionibus adimpletæ vtuntur intelligibili alimentis, penetrante ad intimos suos intellectuales sinus secundum suam diuinam participationem bene olentium distributionum, planum est, quod hi, quos sapientia sapientia inhabitat, sacris susceptionibus quasi vineæ florentes secundantur habitibus virtutum, & fructibus bonorum operum perficiuntur, & sic tot suauis odores alijs dant, quot exempla odoriferorum operum euaporant. Vnde Paulus dicit: Deo autem gratias, qui odorem notitiæ suæ manifestat per nos in omni loco. Bonus enim odor Christi sumus, his, qui salui fiunt, qui bono odore recreantur, & his qui pereunt, qui bonum odorem abominantur, sicut bufones bonum odorem vineæ florentis. De hoc odore require supra itinere 6.

Vineæ igitur florentes dicuntur secundæ mentis potentia, & capacitates odoriferæ, quas cælestis agricola inhabitans & excolens, facit eas floridas & odoríferas. Floridas per verbum veritatis, odoríferas per scriptum charitatis. Dionysius dicit, quod Filius, & Spiritus sanctus, quasi quædam pullulationes a Patre originem habent, & quasi quidam flores, & supersubstantialia lumina ab ipso lumine, vel patre luminum existunt. Vnde agricola cælestis dicit: Veni auster, perfla hortum meum, ut fluant aromata illius. Quod verbum exponens Vercellensis dicit: Sponsa hic inuitatur ad perfectionem hierarchicæ operationis. Auster enim est ventus calidus, & purus, & per eum potest intelligi verbum quantum ad puritatem veritatis, & Spiritus sanctus quantum ad calorem charitatis. Dicit igitur agricola cælestis: Veni auster, perfla hortum meum, idest supremam Hierarchiam, quam speciali zelo tamquam hortum voluptatis secundam operibus veritatis & odoriferis exemplis, ut producat vinum germinans virgines, & virgineas mentes, & aromata illius & participationes luminum odoriferorum fragrantis mentis fluant hierarchicæ, idest fluant de summa mentis hierarchia in mediam, & de media in infimam, ut sic mens exerceatur ad perfectionem hierarchicæ operationis, scilicet ut fortiter & incessanter extendatur sursum ad Deum, ad hauriendum diuinum odoriferum lumen, quod vineam maxime fecundat, & perficit: & secundo haustum lumen odoriferum firmiter in se custodiat, & exerceat: tertio illud lumen odoriferum alijs hominibus sine decremento luminis sui, veris doctrinis & odoriferis exemplis communicet, ut dicere possit illud Ecclesiastici: Ego sicut vitis fructificauit odorem suauitatis.

Eccli. 24. c.

Tota igitur Trinitas has vineas inhabitat, Pater in memoria, operarios ad laborandum excitans sacris inspirationibus: Filius in intelligentia, operarios ad prudenter laborandum claris veritatibus illuminans: Spiritus sanctus in voluntate, operarios ad laborandum exemplariter feruidis affectionibus inflammans. Vnde Origenes dicit sic, Delitiosus intuitus memorie per Patrem confortatur, intelligentiæ per Filium illuminatur, & voluntatis per Spiritum sanctum expeditur ad operandum: quia Deo existente in vineis Engaddi, tanto ero remotior, quanto sterilitati propinquior. Et ibidem dicit: O amica mea conuertere in requiem tuam, idest in Deum tuum, ut in te tamquam in speculo imaginem suam expressiuam repræsentet, in te ineffabiliter delectetur, & familiariter congratuletur, te eleuet innouando, te innouet decorando, te decoret amando, te amet inhabitando, te a casu futuro præseruet præcauendo, & te iustificet de conuersione gratias agendo. Hæc ille.

Orig. super Cant. c. 6.

Spiritus igitur noster ad veniendum, iam a Domino amorose inuitatus, & ex hoc ad ambulandum prædicta itinera æternitatis vigorose animatus, & amorose & gratiose a Patre tractus, competenter petit dilectum inuitantem horum itinerum esse socium, ducem, ductorem, & conseruatorem, quia ipse est via, veritas, & vita. Ipse est via per quam imus, de qua Isaias dicit: Hæc est via, ambulate in ea. Et Augustinus super Ioannem dicit sic: Verbum assumendo hominem factum est via. ambula per hominem, & peruenies ad Deum. Ipse est veritas per quam peruenimus, quia veritas est finis ænigmatum. Vnde Ioannes ait: Videbimus eum sicuti est. Neque Patrem quis nouit nisi Filius, & cui voluerit Filius reuelare. Ipse est vita, in qua permanebimus in æternum. Vnde dicitur in Proverbijs: Qui me inuenerit, inueniet vitam, scilicet æternam.

Dicit igitur spiritus amans confidenter illud verbum Canticorum: Veni dilecte mi ad sitibundam æternorum intentionem, quantum ad iter primum, scilicet rectæ intentionis: ingrediamur in agrum per deuotam æternorum meditationem, quantum ad iter secundum: commoremur in vallibus per limpidam æternorum contemplationem, quantum ad iter tertium: mane surgamus ad veniendum per inebriantem æternorum dilectionem, quantum ad iter quartum: videamus si vinea floruit, per pullulantem æternorum reuelationem, quantum ad iter quintum: si flores fructum parturiunt, per experimentalem æternorum prægustationem, quantum ad iter sextum: si floruerunt mala punica, per collium æternorum Deiformem operationem, quantum ad iter septimum. Sic ibit homo in domum æternitatis suæ. In qua, sicut dicit Auctor de spiritu & anima, erit manifesta visio, plena cognitio, vera dilectio, firma coniunctio, societas indiuidua, similitudo perfecta, vita beata in æternum & ultra, in perpetuas æternitates. Odor autem & dulcedo prælibatur prædictorum, & gustatur a spiritibus ambulantes in prædictis itineribus, ex quo velocius currunt. Vnde Gregorius 15. Moralium dicit: Superiora amare iam sursum ire est, dumque magno desiderio ad cælestia homo inhiat, miro modo hoc ipsum quod accipere querit, iam degustat. Ex quo spiritus itinerans maxime consolatur, confortatus currendo calefcit, calefactus deuotione mollescit, mollificatus amando liquefcit, liquefactus feruendo sursum effluit, ut nusquam nisi in æternitate sistere, & quiescere velit. Vnde Origenes dicit sic, quasi admirando: Diuinæ consolationis dulcissimus affectus, ut audio, est liquefactio. Liquefcit enim mens cum deuotione mollescit, ut Sponsus in ea suauiter cubet, & nihil ei duri obsistat. Liquefcit dum deuotione calefcit, ut dilectus in ea calorem diuini amoris inueniat, ut quasi quidam contactus spiritualis fiat, qui maximam delectationem generat. Liquefcit, quia dum deuotione supereffluit, ut Deus solum plenum dominium in ea obtineat, tunc omnes motus, omnes nifus, omnes impetus eius æternitate feliciter terminant.

Hæc ille. Ad quam domum æternitatis nos perducatur, conducat, & inducat, qui est trinus, & vnus Deus in æternum benedictus. Amen.



## S. BONAVENTURAE

EXIMII ECCLESIAE DOCTORIS

Opusculum, quod inscribitur,

INCENDIUM AMORIS.

*Multis nominibus reperitur inscriptus liber hic in haecenus impressis. Nam Paruum bonum, Regimen conscientiae, Itinerarium in seipsum, Fons vitae, vel Incendium amoris appellari, opuscula S. Bonaventurae Venetijs ultimo edita restantur. Trithemius autem Regimen conscientiae, idest paruum bonum inscribit, eiusque principium esse ait: Ecce descripsi eam tibi, & inter Opuscula Sancti Bonaventurae connumerat. Libuit autem magis in hac Vaticana editione, Incendium amoris inscribere, ne confingeretur titulus alius ab eo, quem Auctor ipse libro suo tribuit. In fine enim prologi sequentis ita ait: Istius libri titulus Incendium amoris dicatur. Ex quibus veritas satis constat, quae sit legitima huius Opusculi inscriptio. Intentionem vero suam in prologo itidem Auctor manifestat. Si quis vero seipsum cognoscere, & vitam secundum Deum instituere desiderat, hunc tractatum studeat memoria retinere, & opere exercere.*

## CAPITA HVIVS OPVSCVLI.

*De triplici modo se exercendi circa triplicem viam sapientiae, & primo de meditatione. Cap. 1. | pientiam veram. Cap. II.*  
*De oratione, quomodo per eam veniatur ad sapientiam veram. Cap. III.*

## PROLOGVS.

A vtrumque ostendere conabor. Istius libri titulus, Incendium amoris dicatur.

*De triplici modo se exercendi circa triplicem viam sapientiae, & primo de meditatione. Cap. 1.*

**V**IGILANS vero, animam meam tamquam frigidi tenebrae calefcere conor, quam in deuotione desertam scio incendi, & ingenti nimirum desiderio super terrigenas eleuari. Non enim in otio aduenit mihi affluentia amoris aeterni, neque dum corporaliter fueram nimis aggrauatus, & fatigatus praeter itinere ardore ipsum spirituales potui sentire, aut etiam immoderate occupatus solatijs vel vtriusque ultimae dispositioni deditus: immo me in talibus refrigerare deprehendi, donec iterum postpositis omnibus, quibus exterius possem detineri, solummodo Saluatoris aspectibus assistere contenderem, in internisq. odoribus immorare. Istum ergo librum offero intuendum non philosophis, non mundi sapientibus, non magnis Theologis infinitis questionibus implicatis, sed rudibus & indoctis, magis Deum diligere, quam multa scire conantibus. Non enim disputando, sed agendo sciatur ars amandi. Arbitror autem ea, quae hic continentur, ab istis questionarijs, & in omni scientia summis, sed in amore Christi inferioribus, non posse intelligi: unde nec eis scribere decreui, nisi postpositis, & oblitis cunctis, quae ad mundum pertinent, solis conditoris inardescant desiderijs incipari. Primo quidem ut omnem terrenam dignitatem fugiant, omnem ostentationem scientiae & vanam gloriam odiant: ac demum paupertati altissime se conformantes, orando, & meditando, diuinae dilectioni iugiter assistant. Si nimirum apparebit eis interior igniculus quidam virtutis increatae, & compones eorum ad capiendum calorem, quo cuncta caligo consumetur: eleuabit eos in ardorem amabilem & amoenissimum, ut temporalia transcendant, & thronum teneant in termino tranquillitatis. Quo enim scientiores sunt, eo apiores sunt, vel essent ad amandum, si vere spernerent seipsum, & ab alijs sperni gauderent. Proinde quia hic vniuersos excito ad amorem, amorisq. superferendum ac supernaturalem affectum,

S. Bon. Tom. 7. Pars iij.

**E**CCE descripsi eam tibi tripliciter, ait Sapiens. Cum omnis scientia debeat gerere Trinitatis insigne, praecipue illa scientia, quae in sacra Scriptura docetur, debet in se representare vestigium Trinitatis. Propter hoc Sapiens eam tibi tripliciter descripsisse dicit, propter triplicem ipsius intellectum spirituales, morales, scilicet allegoricum, & anagogicum. Hic autem triplex intellectus respondet triplici actui hierarchico, scilicet purgationi, illuminationi, & perfectioni. Purgatio autem ad pacem ducit, illuminatio ad veritatem, perfectio ad charitatem. Quibus perfecte adeptis, anima beatificatur, & secundum hoc quod circa haec versatur, suscipit meriti incrementum. In horum igitur trium cognitione, dependet scientia totius Theologiae, & meritum vitae aeternae.

\* Sciendum ergo est, quod triplex est modus exercendi se circa hanc triplicem viam, scilicet legendo, meditando, & orando: lectio est diffusior, meditatio est breuior, oratio est compendiosior. Lectio enim huius triplicis viae totam continet sacram Scripturam, immo fere omnem sanam doctrinam, sicut ostensum est supra, in tractatu de reductione omnium artium ad Theologiam. Primo meditationis formam breuiter libeat intueri. Sciendum ergo, quod tria sunt in nobis, secundum quorum usum in hac triplici via exercemur, scilicet stimulus conscientiae, radius intelligentiae, & igniculus sapientiae. Si ergo vis purgati, verte te ad conscientiae stimulum: si illuminari, ad intelligentiae radium: si perfici, ad sapientiae igniculum secundum consilium beati Dionysij ad Titum: ubi eum hortatur, dicens: Verte te, inquit, ad radium, &c.

Ad stimulum conscientiae debet homo exercere seipsum, hoc modo meditando in via purgatiua, scilicet ut primo seipsum exasperet, secundo exacuat,

R 3 tertio



Peccatorū  
recordatio  
quomodo  
feri de-  
beat.

tertio dirigat. Nam exasperandus est recordatione peccati; exacuendus circumspeditione sui, & rectificandus consideratione boni.

Peccati autem recordatio debet esse in hunc modum, ut arguat se animus, de multiplici negligentia, & concupiscentia, & nequitia. Fere enim omnia peccata & mala nostra, siue contracta, siue acta, reduci possunt ad hæc tria. Circa negligentiam autem attende, quod primo debet recogitare homo, si in se fuerit negligentia scilicet cordis custodiendi, temporis expendendi, & finis intendendi. Hæc enim tria sunt ab omnibus summa cum diligentia obseruanda, scilicet ut cor bene custodiatur, tempus utiliter expendatur, & finis debitus in omni opere præfigatur. Secundo debet homo cogitare si negligens fuerit in oratione, in lectione, & in boni operis executione. In his tribus debet unusquisque diligenter ac solícite se exercere, & excohere, ut possit fructum boni dare in tempore suo, eo quod vnum horum sine altero nequaquam sufficiat. Tercio debet cogitare solícite, si negligens fuerit ad poenitendum, ad resistendum, & ad proficiendum. Debet enim unusquisque cum summa diligentia deslere culpam commissam, repellere tentationem diabolicam, proficere de vna virtute in aliam, ut sic possit peruenire ad terram promissam.

Circa concupiscentiam autem debet cogitare homo, si in eo viuatur concupiscentia voluptatis, curiositatis, & vanitatis, quæ sunt radices totius mali. Primo igitur recogitanda est concupiscentia voluptatis, quæ tunc in homine viuatur, si fuerit in eo appetitus dulcium, mollium, & carnalium. Hoc est si homo querat cibaria saporosa, vestimenta delitiosa, & oblectamenta luxuriosa. Quæ omnia non solum reprehensibile est appetere cum consensu, sed etiam debet homo respuere primo motu. Secundo recogitanda est concupiscentia curiositatis, si viuatur vel vixerit in homine. Hoc autem deprehenditur, cum quis appetit scire occulta, videre pulchra, & habere chara. In omnibus his est vitium auaritiæ & curiositatis. Multum reprehensibile est hoc in homine. Tercio recogitanda est concupiscentia vanitatis, quæ tunc viuatur in homine, si in eo fuerit appetitus fauoris, laudis, & honoris. Quæ omnia vana sunt, & hominem vanum reddunt: & ita fugienda sunt sicut concupiscentia mulierum. Et de omni tali debet conscientia arguere cor humanum.

Circa nequitiam autem debet cogitare homo si in se vigeat, vel aliquando vigerit iracundia, inuidia, & acedia. Quæ faciunt hominem nequam. Primo cogitanda est iracundiæ nequitia, quæ consistit in animo, in signo, & in verbo, vel in corde, in facie, & in clamore, vel in affectu, affatu, & effectu. Secundo recogitanda est nequitia inuidiæ, quæ in aliena prosperitate tabescit, in aliena aduersitate hilarescit, & in aliena mendacitate refrigescit. Tercio recogitanda est nequitia acediæ, ex qua oriuntur suspiciones malæ, cogitationes blasphemæ, & detractiones malignæ. Omnis enim talis nequitia admodum detestanda est. Ex hac trifaria recordatione triplicata, debet exasperari stimulus conscientia, & amaricari anima, ut possit homo consequi salutem.

Tria sunt ho-  
mini circa  
se conside-  
randa.

Viso qualiter exasperari debeat stimulus conscientia in recordatione peccati, videndum est qualiter sit exacuendus stimulus in circumspeditione sui. Tria autem debet homo circa se circumspicere, scilicet diem mortis imminuentem, sanguinem Christi recentem, & faciem iudicis præsentem. In his tribus acuitur stimulus conscientia contra omne malum. Primo namque acuitur dum considerat homo diem mortis, quia est indeterminabilis, inuitabilis, & irrevocabilis. Quem si diligenter inspiciat, diligentissime laborabit, ut dum tempus habet purgetur ab omni negligentia, & concupiscentia, & nequitia. Quis enim moraretur in culpa, qui non est certus de die crastina? Secundo acuitur dum considerat homo sanguinem Christi effusum

pro humano corde existando, pro eodem ablundo, & pro ipso mollicando. Vel effusum pro humana immunditia mundificando, pro humana morte vitificando, & pro humana ariditate fecundando. Quis enim tam hebes, ut permittat in se regnare culpam negligentia, concupiscentia, vel nequitia, qui cogitat se perfusum illo pretioso sanguine? Tercio acuitur dum considerat homo faciem iudicis, quæ est infallibilis, inflexibilis, & infugibilis. Nullus enim potest aliquo modo fallere eius sapientiam, flectere iustitiam, effugere vindictam. Quia ergo nullum bonum irremuneratum, nullum malum impunitum: quis non acuetur ex hac consideratione contra omne malum?

Post hæc videndum est, quomodo stimulus conscientia sit rectificandus in consideratione boni. Tria autem sunt bona meditanda, in quorum acquisitione rectificatur stimulus conscientia, scilicet strenuitas contra negligentiam, seueritas contra concupiscentiam, & benignitas contra nequitiam. His enim tribus habitis, fit conscientia bona, munda, & recta. Et hoc est quod dicitur in Michea: Indicabo tibi homo, quid sit bonum, & quid Dominus requirat a te. Vtique facere iudicium, & diligere misericordiam, & sollicitum ambulare cum Deo tuo. In quibus verbis tanguntur illa tria prædicta. Similiter & Dominus hæc eadem agit in Luca dicens: Sint lumbi vestri præcincti.

Primo igitur inchoandum est a strenuitate, quæ viam præbet alijs. Licet autem eam sic describere: Strenuitas est quidam vigor animi, excutens omnem negligentiam; & disponens animam ad faciendum bona opera, vigilanter, confidenter, & eleganter. Hæc est quæ viam præbet ad omnia bona sequentia. Secundo sequitur seueritas, quæ est quidam vigor animi restringens omnem concupiscentiam, & habilitans animam, ac feruentem reddens eam ad amorem asperitatis, paupertatis, & vilitatis. Tercio sequitur benignitas, quæ est quidam dulcor animæ, excludens omnem nequitiam, & habilitans animam, ad benevolentiam, tolerantiam, & ad internam lætitiā. Et hic est terminus purgationis secundum viam meditationis. Nam omnis conscientia munda læta est, & iucunda. Qui igitur vult purgari, vertat se modo prædicto ad stimulum conscientia. In prædicta tamen exercitatione a quolibet præmissorum potest inchoari nostra meditatio. Transeundum est etiam ab vno in aliud, & tamdiu immorandum, quousque tranquillitas & serenitas acquiratur & percipiatur, ex qua oritur spiritualis iucunditas. Qua adepta, promptus est animus ut sursum tendat. Incipit ergo via ista a stimulo conscientia, & terminatur in affectum spiritualis lætitiæ, exercetur in dolore, & consuminatur in amore.

Secundo loco post viam purgatiuam, sequitur illuminatiua. In qua se debet homo exercere ad radiū intelligentia, hoc ordine. Nam radius intelligentia est primo protendendus ad mala dimissa, secundo dilandus ad beneficia commissa, tertio reflectendus ad præmia promissa. Protenditur autem radius intelligentia ad mala dimissa, dum solícite pensantur mala, quæ Dominus indulsit, quæ tot sunt, quot sunt peccata quæ commisimus, & tam magna, quæ eramus malis astricti, & quantis bonis priuari. Et hæc meditatio satis pater ex præcedenti. Nec hoc solum attendendum est, quanta mala commisimus, sed etiam considerandum est, in quanta mala incidissemus, si Dominus permisisset. Et cum hæc diligenter pensantur, per radiū intelligentia tenebræ nostræ illuminantur. Et talis illuminatio coniuncta debet esse gratitudini affectionis, alioquin non est illuminatio cælestis, ad cuius splendorem videmus sequi calorem. Vnde gratia hic agenda sunt pro dimissione malorum commissorum, vel possibilium committi, infirmitate, necessitate, & voluntatis perversitate.

Secundo videndum est, qualiter iste radius intelligentia dilatetur in consideratione beneficiorum commissorum,

Tria bona  
meditanda  
circa recti-  
ficationem  
stimuli con-  
scientia.

Mich. 6. 6

Luc. 11. 8

Strenuitas  
quid.

Seueritas  
quid.

Benignitas  
quid.

Via illumi-  
natiua.

missorum, quæ quidem sunt in triplici genere. Quædam enim spectant ad complementum naturæ, quædam ad adiutorium gratiæ, & quædam ad donum superabundantiæ. Ad complementum naturæ spectat, quod dedit Deus ex parte corporis, scilicet, membrorum integritatem, complexionis sanitatem, & sexus nobilitatem. Ex parte sensus, visum perspicuum dedit, auditum acutum, & sermonem discretum. Ex parte animæ, ingenium clarum, iudicium rectum, & animum bonum dedit. Ad adiutorium autem gratiæ, spectat primo, quod dedit gratiam baptismalem, qua deletur culpa, restituitur innocentia, & confertur iustitia. Et per hoc dignum facit vita æterna. Secundo, quod dedit gratiam poenitentialem quantum ad animi voluntatem, temporis opportunitatem, & religionis sublimitatem. Tertio, quod dedit gratiam sacerdotalem, per quam fecit dispensatores doctrinæ, dispensatores indulgentiæ, & dispensatores Eucharistiæ. In quibus omnibus secundum plus & minus dispensantur verba vitæ. Ad donum autem superabundantiæ spectat, quod primo dedit totum mundum, scilicet, inferiora ad obsequium, paria ad meritum, & superiora ad patrociniū. Secundo dedit Filium suum, & hoc in fratrem & amicum, in pretium nostrum, & in cibum quotidianum. Primum in incarnatione, secundum in passione, & tertium in altaris consecratione. Tertio dedit Spiritum sanctum: & hoc in signaculum acceptionis, in privilegium adoptionis, & in annulum desponsationis. Et per hoc fecit animam christianam, vere suam amicum, filiam, & sponsam. Hæc omnia sunt mira, & ineffabilia: & in eorū meditatione ad modum sponsæ anima debet esse Deo grata.

Tertio circa viam illuminatiuam, videndum est qualiter iste radius intelligitur per meditationem esse reflectendus: ut ad fontem totius boni reuertatur, recogitando præmia promissa. Considerandum est ergo sollicitè, & frequenter pènsandum: quod Deus, qui non mentitur, credentibus diligentibus se promissit veraciter amotionem omnium malorum, associationem omnium Sanctorum, & impletionem omnium desideriorum in seipso, qui origo est & finis omnium bonorum. Qui est tantum bonū, quod excedit omnem petitionem, omnem desiderij dilationem, & omnem æstimationem. Et nos tanto bono dignos reputat, si diligimus & appetimus eum super omnia, & propter se: & ideo cum omni desiderio & affectu ac benevolentia, debemus in ipsum tendere.

Postremo sequitur, qualiter nos exercere debemus ad igniculum sapientiæ. Hoc autem faciendum est hoc ordine. Quia iste igniculus sapientiæ sollicitè ac diligenter est primo congregandus, secundo inflammandus, & tertio subleuandus. Congregatur autem, per reductionem affectionis ab omni amore creaturæ; a cuius amore reuocari debet affectio. Quoniam amor creaturæ non proficit; & si proficit, non reficit; & si reficit, non sufficit. Ideo omnis amor talis ab affectu debet omnino elongari.

Secundo inflammandus est igniculus iste, & hoc ex conuersione affectionis super amorem Sponsi. Et hoc quidem fit, vel comparando ipsum amorem ad seipsum, vel ad affectum supernorum ciuium, vel ad ipsum Sponsum. Tunc autem hoc fit quando attendit, quod per hunc amorem potest in nobis suppleri omnis indigentia, & quod per amorem est in beatis omnis boni abundantia, & quod per amorem habetur ipsius summi desiderabilis præsentia. Hæc enim sunt, quæ affectum inflammant.

Tertio subleuandus est igniculus iste, & hoc supra omne sensibile, imaginabile, & intelligibile, hoc ordine, ut homo immediate de ipso quæ perfecte optat diligere, primo meditando discat, quod ille, quem diligit, non est visibilis, audibilis, nec odorabilis, gustabilis, tangibilis, aut sensibilis: immo totus desiderabilis. Secundo cogitet, quod ille, quæ diligendo quæ-

rit, non est terminabilis, figurabilis, numerabilis, circumscriptibilis, commutabilis, aut imaginabilis, sed totus desiderabilis. Tertio cogitet, quod ille, quem diligit, non est demonstrabilis, diffinibilis, opinabilis, estimabilis, inuestigabilis, aut intelligibilis, sed totus desiderabilis.

Ex his autem liquide patet, qualiter ad sapientiam sacræ Scripturæ perueniri potest, meditando, scilicet circa viam purgatiuam, illuminatiuam, & perfectiuam. Et non solum sacræ Scripturæ continentia, immo omnis meditatio nostra debet versari circa ista. Nam omnis meditatio sapientis, aut est circa opera humana, cogitando, scilicet quid homo fecerit, & quid debeat facere, & quæ sit ratio mouens: aut circa opera diuina, cogitando, scilicet quanta Deus homini commiserit, quod omnia fecit propter hominem, quanta dimiserit, & quanta repromiserit, & in hoc clauduntur opera creationis, reparationis, & glorificationis: aut circa vtrorūque principia, quæ scilicet sunt Deus & anima, qualiter hæc ad inuicem sunt copulanda. Et in hoc debet stare omnis meditatio nostra, quia est finis omnis cognitionis, & operationis, & est sapientia vera, in qua est cognitio per veram experientiam. In huiusmodi autem meditatione, tota anima nostra debet esse intenta secundum vires suas, scilicet secundum rationem, & synderesim, conscientiam & voluntatem. Nam in huiusmodi meditatione, ratio percunctando affert propositionem, synderesis sententiando profert diffinitionem, conscientia testificando infert conclusionem, & voluntas præeligendo defert solutionem. Verbi gratia, Si quis velit meditari circa viam purgatiuam, debet ratio querere, quid debeat fieri de homine, qui templū Dei violauit. Synderesis respondet, quod aut debet disperdi, aut lamentis poenitentia purgari. Conscientia assumit: Tu es ille, ergo vel oportet te damnari, aut stimulis poenitentia affligi. Deinde voluntas præeligit, scilicet quod recusat damnationem æternam, & assumit voluntarie poenitentia lamenta. Iuxta hunc modum in vijs alijs incedendum est.

*De oratione quomodo per eam veniatur ad sapientiam veram. Cap. II.*

Postquam diximus, qualiter ad sapientiam veram peruenitur, legendo & meditando, videndum est nunc, qualiter ad ipsam peruenitur orando. Sciendū autem est, quod in oratione sunt tres gradus, siue partes ipsam perficientes: quorum primus est, deploratio miseriæ: secundus, imploratio misericordiæ: & tertius, exhibitio latriæ. Latriæ autem cultum Deo exhibere non possumus, nisi ab eo gratiam consequamur. Misericordiam vero Dei ad dandam gratiam non possumus inscèdere, nisi per deprecationem & expositionem nostræ miseriæ, & indigentia. Nam omnis perfecta oratio debet habere istas tres partes. Nō enim sufficit vna sine altera, nec perducit ad metam perfectā, & ideo hæc tria sunt semper iungenda.

Deploratio autem miseriæ circa quācumque miseriā fit, siue pro perpetratione culpæ, siue pro amissione gratiæ, siue pro dilatione gloriæ: hæc tria debet habere scilicet dolorem, pudorem, & timorem. Dolorem propter damnum, siue incommodum: pudorem, propter opprobrium siue inhonestum: timorem, propter periculum siue reatum. Ex memoria enim præteritorum oritur dolor, dum recordatur, quid omisit, quia præcepta iustitiæ: quid commisit, quia prohibita culpæ: quid amisit, quia gratuita vitæ. Ex intelligentia præsentium oritur pudor, dum attendit, ubi sit, quia longe in imo, quæ fuerat prope in summo: qualis sit, quia fœda in luto, quæ fuerat pulchra imago: quæ sit, quia ancilla, quæ fuerat libera. Ex prouidentia futurorum oritur timor, dū præcogitat, quo tendat, quia ad inferos properat gressus *Prov. 5.4* eius;

Orationis  
partes tres.

ius: quid occurrat, quia iudicium inuitabile, iustum tamen: quid assequatur, quia stipendium mortis æternæ.

Rom. 8. e

1. Pet. 2. d

Imploratio autem misericordiæ circa quamcūque gratiam inuocetur, debet esse cum affluentia desiderij, quod habemus a Spiritu sancto, qui postulat pro nobis gemitibus inenarrabilibus: cum fiducia spei, quam habemus a Christo, quia mortuus est pro nobis omnibus: cū diligentia implorandi subsidij, quod quærimus a Sæctis omnibus. Quando enim hæc tria concurrunt, tunc imploratur efficaciter diuina misericordia. Affluentiam desiderij habemus a Spiritu sancto, quia per ipsum sumus a Patre in Filio prædestinati æternaliter: per ipsum sumus tenati in baptismo spiritualiter: & quia per ipsum sumus congregati in Ecclesia vnanimiter. Confidentiam spei habemus a Christo Domino, quia pro nobis obtulit se in cruce in terra, quia pro nobis offertur a matre Ecclesia in sacramento altaris, in sui memoriam: & quia pro nobis apparet vultui Patris in cælo in gloria. Diligentiam implorandi subsidij a Sanctorum consortio, habemus ab angelorum ministrantium patrocinij, a beatorum triumphantium suffragijs, & a iustorum militantium meritis.

Mat. 17. a

Psal. 41. b

Deo tripliciter exhibenda reuerentia.

Deo tripliciter beneuolentia præstanda.

Cant. 5. b

Exhibitio autē latræ ex quacumque gratia Deus colatur, debet habere tria. Primo enim ob gratiam impetrandam, debet cor nostrum incuruari ad Dei reuerentiam, & adorationem. Secundo debet dilatari ad beneuolentiam, & gratiarum actionem. Tertio debet eleuari ad complacentiam, & mutuam allocutionem, quæ est Sponsi & Sponsæ, quam docet Spiritus sanctus in Canticis. In qua si recto ordine fiat, mira est exultatio & iubilatio: ita ut ducatur homo in excessum, & faciat animam dicere: Bonum est nos hic esse. Et hic debet oratio nostra terminari. Nec ante debet homo desistere, donec ingrediatur in locum tabernaculi admirabilis, vsque ad domum Dei: ubi in voce exultationis est sonus epulantis. Ut autem incurueris ad reuerentiam, admirare immensitatem diuinam, & intueri modicitatem tuam. Ut dilateris ad beneuolentiam, attende benignitatem diuinam, & vide indignitatem tuam. Ut eleueris ad complacentiam, recogita charitatem diuinam, & considera tepiditatem tuam: ut ex huius collatione peruenias in excessum mentis.

Sciendum autem, quod reuerentiam debemus exhibere Deo tripliciter. Primo tamquam Patri, a quo formati, reformati, & educati. Secundo tamquam Domino, a quo eruti de ore inimici, redempti de carcere inferni, & conducti in vineam Domini pro munere Paradisi. Tertio debemus exhibere Deo reuerentiam, tamquam iudici, coram quo accusati, accusat enim clamor conscientie: coram quo conuicti, conuincit enim euidentia vitæ: & coram quo confessi, confitetur enim aspectus diuinæ sapientie, unde contra nos de iure debeat sententia proferri. Et prima quidem reuerentia debet esse magna, secunda maior, tertia maxima. Vnde prima est ad modum inclinationis, secunda ad modum genuflexionis, & tertia ad modum prostrationis. In prima nos subijcimus, in secunda nos deijcimus, in tertia nos abijcimus. In prima reputamus nos paruos, in secunda minimos, in tertia vero nullos.

Beneuolentiam autem debemus simili modo Deo tripliciter exhibere: scilicet magnam, maiorem, & maximam. Magnam consideratione infirmitatis nostræ; maiorem consideratione magnitudinis gratiæ suæ; & maximam consideratione immensitatis misericordiæ suæ. Et magnam pro commissis, maiorem pro dimissis, & maximam pro promissis. Vel magnam pro complementis naturæ, maiorem pro indumentis gratiæ, & maximam pro donis supererogantiæ. In prima cor extenditur, in secunda aperitur, ut in Canticis dicitur: Aperi mihi soror mea: & in ter-

tia effunditur; ut in Threnis dicitur: Effunde super aquam cor tuum ante conspectum Domini.

Complacentiam autē triplici modo debemus Deo exhibere toto corde. Primo, ut sic coarctetur complacentia nostra ad Deum, ut unicuique placeat, quod solus Deus placeat sibi. Secundo, ut ei hoc placeat, quod ipse placeat soli Deo. Tertio, ut hoc ei placeat, quod in hac complacentia ceteri communicent. In prima est magna, in secunda maior, & in tertia maxima. In prima est amor gratuitus, in secunda est amor debitus, & in tertia est amor ex utroque permixtus. In prima crucifigitur mundus homini, in secunda crucifigitur homo mundo, & in tertia crucifigitur homo pro mundo, ut pro omnibus velit homo mori, ut & ipsi placeant Deo. Et hic est gradus, & status perfectæ charitatis, ante cuius affecutionem nemo debet se æstimare perfectum. Tunc autem hanc perfectionem homo assequitur, quando cor suum inuenit non solum voluntarium, sed etiam auidissimum ad moriendum pro salute proximorum, secundum quod Apostolus dicebat: Libentissime impendā, & superimpendar ego ipse pro animabus vestris. Ad hanc perfectam dilectionem proximi non peruenitur, nisi prius perueniatur ad perfectam dilectionem Dei, propter quem diligitur proximus, qui non est diligendus nisi propter Deum. Et propterea ad intelligendam perfectionem in dilectione Dei, sciendum est, quod sex sunt gradus, quibus paulatim & ordinate proceditur, ut ad perfectionem perueniatur. Quorum primus est suauitas, secundus auiditas, tertius saturitas, quartus ebrietas, quintus securitas, sextus tranquillitas.

Primus itaque gradus est suauitas, ut homo addiscat gustare quā suavis est Dominus. Et hoc quidem fit vacando, & sabbatizando ei per sanctas meditationes, secundum quod dicitur in Psalmo: Relinquit cogitationis diem festum agent tibi. Quod quidem fit, quādo meditationes circa amorem Dei, suauitatem pariunt in corde.

Secundus gradus est auiditas, quando scilicet anima assuescit cōperit circa illam suauitatem, & nascitur in ea tanta esuries, ut nihil eam possit reficere, nisi eum, quem amat, possederit perfecte. Quod quia nō potest in præsentī attingere, quia adhuc longe est, continue excedit, & egreditur extra per amorem ecstasticum, clamans & dicens illud beati Iob: Suspendium elegit anima mea, & mortē ossa mea. Et illud Psalmi: Quemadmodum desiderat ceruus ad fontes aquarum, ita desiderat anima mea ad te Deus.

Tertius gradus est saturitas, quæ oritur ex ipsa auiditate. Qui enim vehementissime Deum desiderat, & sursum fertur, iā omne quod deorsum videt, vertitur ei in fastidium. Vnde quasi saturatus nō potest refecutionem inuenire in aliquo, citra ipsum dilectū. Et sicut saturatus si cibū sumat, incurrit potius abominationem quā refecutionē, sic in hoc gradu charitas facit circa omne creatum. Vnde dicit Sapiens: Anima saturata calcabit fauam.

Quartus gradus est ebrietas, quæ oritur ex saturitate. Ebrietas autem in hoc consistit, quod quis tanto amore diligit Deum, ut iam non solum fastidiat solatium terrenum, sed etiam delectetur, & quærat tormentum pro solatio, & amore illius, quem diligit, delectetur in pœnis, opprobrijs, & flagellis cum Apostolo. Vnde, sicut ebrius seipsum denudat sine pudore, & sustinet plagas sine dolore; sic in isto intelligendum est. Vnde: Ibant Apostoli gaudentes a cōspectu concilij, quoniam digni habiti sunt pro nomine Iesu contumeliam pati.

Quintus gradus est securitas, quæ oritur ex ebrietate. Ex hoc enim quod anima sentit se tantum amare Deum, quod libenter sustinet propter ipsum omne damnum, & omne opprobrium, iam foras mittitur timor, & tantum concipit anima spem de adiutorio

Complacentia tripliciter Deo exhibenda toto corde.

2. Cor. 12. e

Psal. 75. b

Iob 7. c

Psal. 41. a

Prov. 27. a

2. Cor. 12. e

Act. 5. g

*Rom. 8. g* torio Dei, ut nullo modo existimet se posse separari ab eo. In hoc gradu erat Apostolus, cum dicebat: Quis nos separabit a charitate Christi? &c. Certe sum enim, quia neque mors, neque vita, & cetera, poterit nos separare a charitate Dei, quæ est in Christo Iesu Domino nostro.

Sextus gradus est vera & plena tranquillitas, per quam est tanta pax & requies in anima, ut quodam modo sit in silentio, & somno, & velut in arca Noe collocata, ut nullo modo perturbetur. Quis enim potest inquietare mentem, quam nullus cupiditatis stimulus inquietat, & nullus timoris aculeus agitat?

*Psal. 75. a* In ista mente pax est, & status ultimus, & quies, & ibi requiescit verus Salomon: Quoniam in pace factus est locus eius. Et ideo valde convenienter isti gradus significantur per illos sex gradus, quibus ascendebatur ad thronum Salomonis. Et propter hoc dicitur in Cantico: Quia ipsum purpureum media charitate construitur. Quia impossibile est ad istam tranquillitatem pertingere, nisi per charitatem. Hac autem acquisita, facillimum est homini facere omne, quod est perfectionis, siue agere, siue pati, siue vivere, siue mori. Studendum est igitur ad profectum charitatis, cum profectus eius inducat perfectionem omnis boni & complementum.

*Cant. 3. d*

Ut igitur sint ad manum prædictæ differentię, nota, quod qui ad hanc perfectionem vult proficere, debet per meditationem stimulum conscientię primo exasperare, exacuere, & rectificare: & sic ad radium intelligentię transire, ipsum protendendo, dilatando, & reflectendo: & sic ad igniculum sapientię transire, ipsum congregando, inflammando, & subleuando: & sic per orationem primo debet deplorare miseriam suam, cum dolore propter damnum, cum pudore propter opprobrium, & cum timore propter periculum.

Secundo debet implorare diuinam misericordiā, cum vehementia desiderij per Spiritum sanctum, cum fiducia spei per Christum crucifixum, & cum assistentia patrocini per Sanctorum suffragium.

Tertio debet exhibere latriam, exhibendo Deo reuerentiam, beneuolentiam, & complacentiam. Ut primo ex parte Dei procedat admiratio diuina, quasi maior propositio: secundo ex parte nostra sequatur consideratio, quasi assumptio: tertio fiat latrię plena exhibitio, quasi conclusio. Qui autem sic excitauerit se continue & intente, proficiet in charitate secundum sex gradus prædictos, quibus peruenitur ad perfectionem tranquillitatis, ubi est multitudo pacis, & quasi quidam finis quietis nostrę, quam Dominus reliquit Apostolis. Vnde nota, quod Apostolus in qualibet salutatione optabat gratiam & pacem. gratiam tamquam primordiale, pacem sicut complementum. Ad Timotheum autem interponit misericordiā, quæ est vtriusque principium.

Nota, quod in Missa cogitandum est de negligentia circa corpus Christi. Nota de sacramento, quod Dominus propter nos semper totus ibi est, & nos raro vel numquam ibi toti sumus propter eum. Item quod ibi est pretium redemptionis nostrę, & non liberamur, & hoc restat per nos. Item quod ibi vere est Deus, & non videmus eum, ad quem videndum creati sumus. Item quod ibi est paratior ad liberandum nos, quam nos a miseria liberari. Item quod ipse ad salutem nostram instituit hoc sacramentum, & tam studiose nos vero tepidi, immo toti frigidi hoc consecramus. Item quod ipse ibi est cum Angelorum frequentia, nos cum magna cordis irreuerentia. Item quod ipse ibi ardens est pro nostra dilectione, nos ibi remissi in gratiarum actione. Item quod ipse ibi est cibis Angelorum ad nostram refectorem, & nos non gustamus eum propter nostram corruptionem. Item quod quidquid dispergimus per culpam, ipse ibi congregat per gratiam, nec tamen grati sumus.

*Pulchrę & viles meditationes infra Missarum sollempnia.*

Item quod ipse se ibi offert pretium redemptionis nostrę sine tædio, nec tamen liberamur omnino. Vis ergo scire, quæ & quanta, & quibus debeas? Primo Christo omnem vitam tuam ponere: quia ipse sua posuit pro tua, & cruciatus diros sustinuit, ne tu perpetuos sustineres. Sed confer præmia omnis vitę filiorum Adam, & omnes dies sæculi, & labores omnium hominum, qui fuerunt, sunt, & erunt, nihil erunt ad comparisonem illius corporis, quod spectabile, & etiam stupendum est virtutibus supernis, in conceptu de Spiritu sancto, in ortu de Virgine, in vitę innocentia, in doctrinę affluentia, & in coruscationibus miraculorum, in reuelationibus sacramentorum. Sicut igitur exaltantur celi a terra, sic exaltata est vita illius a vita hominum, quæ tamen posita est pro vita nostra. Sicut enim nihil ad aliquid nullā habet comparisonem, ita vita nostra ad vitę illius proportionem. Cum illa nulla dignior sit, nostra nulla miserior potest esse. Cum ergo ei me deuouero, quid quæso sum, nonne sicut stella ad solem, gutta ad fluuium, lapis ad montem? Sed non huic soli debitor sum, cui nihil retribuere possum.

Exigunt a me præterita peccata mea futuram vitam meam, ut faciam dignos fructus penitentię, & recogitem omnes annos meos in amaritudine animę meę. Sed ad hoc quis idoneus? Peccaui super numerum arenę maris, & multa sunt peccata mea, & non sum dignus aspicere cælum, dixit Manasses in sua oratione, &c. Quod igitur sine numero est, quomodo numerabo? Quomodo sufficiam, cum cogas reddere debitum vsque ad nouissimum quadrantem? Sed & delicta quis intelligit? Quantum peniteam, quantumlibet me affligam & macerem, propter nomen tuum, non propter penitentię meritum, propitiaberis Domine peccato meo, ait iustus, multum est enim.

Cum igitur quidquid vis, quidquid sapis, quidquid habes, quidquid potes huic vni rei dedicaueris, numquid aliquid est, vel in aliquid computandum est? Sed & tertium debitorem ostendam tibi, qui non minus acriter, quam veraciter sibi vendicat vitam tuam. Puto enim quod possidere desideras gloriam illam, quam nec oculus vidit, nec auris audiuit, &c. regnum omnium sæculorum, vivere in æternum, in perpetuas æternitates. Credo quod velis æqualis esse Angelis Dei, & in plateis supernę Hierusalem mellos Angelorum audire, & videre quidquid est illud vel erit, quando Deus erit omnia in omnibus. Nonne ad hoc totum te, & quatumcumque vndique trahere poteris, dare oportebit? Et cum omnia impleueris, non tamen credas condignas esse passiones huius temporis vel corporis ad futuram gloriam, quæ reuelabitur in nobis.

Quid dices, & si quantum debitorem adduxero in medium, qui sibi iure primatus tres superiores excedere velit? Ecce in ianuis est, qui fecit cælum & terram. Creator tuus, tu creatura. Tu seruus, ille Dominus. Ille figulus, tu figmentum. Totum ergo quod es illi debes, a quo totum habes. Illi præcipue Domino, qui & fecit te, & bene fecit tibi, qui & tibi ministrat siderum cuius, aeris temperiem, iucunditatem terrę, fructuum vbertatem. Huic re vera totis medullis, totis visceribus seruiendum est: ne forte indignationis oculo te respiciat ac despiciat, & cõterat te in æternum. Expone igitur mihi, cui horum quattuor proponis reddere quod debes, cum vnusquisque tam interior, quam exterior exactor sit, ut te singulariter possideat? Eia Domine, vim patior, respõde pro me, quia horum quattuor quilibet de iure me tenere potest, & suffocare. In manus tuas commendo spiritum meum, tu persolue omnibus, tu ab omnibus me libera, quia tu es Deus & non homo, & quod apud hominẽ impossibile est, possibile est tibi Domine Deus noster.

De

Quantum Christo Domino debeamus.

Peccata præterita vitę præteritam ad penitentiam obligat.

*Psal. 24. c*

Vitę nostrę gloria, quã speramus, si bi vëdicat. 1. Cor. 2. c

*Ibid. d*

Creatori nostro tota liter quidquid sumus debemus.

*De contemplatione, quomodo per eam perueniendum sit ad sapientiam veram. Cap. III.*

**P**ostquam autem diximus, qualiter ad sapientiam nos exercere debeamus per meditationem & orationem, nunc breuiter tangamus, qualiter contemplan- do ad veram sapientiam peruenitur. Per contempla- tionem namque transit mens nostra ad supernam Hierusalem: ad cuius instar, Ecclesia est formata, secun- dum illud Exodi: Inspice & fac secundum exemplar, quod tibi monstratum est in monte. Necesse est enim Ecclesiam militantem conformari triumphanti, & merita præmij, & viatores beatis, secundum quod possibile est. In gloria autem triplex est dos, in qua consistit perfectio præmij, scilicet summæ pacis ten- tio, summæ veritatis visio, & summæ charitatis frui- tio. Et secundum hoc distinguitur triplex ordo in suprema Hierarchia celesti, scilicet Thronorū, Cher- rubim, & Seraphim. Necesse est igitur, ut qui vult ad illam beatitudinem per merita peruenire, istorum trium similitudinem, secundum quod possibile est, in via sibi comparet, scilicet, ut habeat soporem pa- cis, splendorem veritatis, & dulcorem charitatis. In his enim tribus requiescit Deus, & habitat tamquam in folio proprio. Necesse est igitur, vnumquodque trium prædictorum, per tres gradus ascendendi di- stinguere secundum triplicem viam, nempe purgati- uam, quæ consistit in expulsiōe peccati; illuminati- uam, quæ consistit in imitatione Christi; & vnituiam, quæ consistit in susceptione Spiritus sancti. Ita quod qualibet via habet gradus suos, per quos ascenditur ab imo, & tenditur vsque ad summum.

Gradus autem perueniendi ad soporem pacis, sunt isti septem.

Primo occurrit pudor in recordatione flagitij, & hoc quantum ad quattuor, scilicet quantum ad ma- gnitudinem, multitudinem, turpitudinem, & ingra- titudinem.

Secundo occurrit timor in circumspectione iudi- cij, & hoc quadruplici, scilicet dissipationis operis, excæcationis rationis, obdurationis voluntatis, & condemnationis finalis.

Tertio occurrit dolor in æstimatione damni, & hoc secundum quattuor, scilicet quantum ad amif- sionem diuinæ amicitiae, quantum ad perditionem innocentiae, quantum ad vulnerationem naturæ, & quantum ad dissipationem vitæ præteritæ.

Quarto occurrit clamor in imploratione subsidij quadruplici, scilicet Dei Patris, Filij Redemptoris, Virginis Matris, Ecclesiae triumphantis.

Quinto occurrit rigor in extinctione fomitis, siue incentiui quadruplici, scilicet ariditatis quæ est desi- dia, peruersitatis quæ est malitia, voluptatis quæ est concupiscentia, & vanitatis quæ est superbia.

Sexto occurrit ardor in appetitu martyrij, & hoc propter quattuor, scilicet propter perfectionem remis- sionis offensæ, purgationis maculæ, satisfactionis præ- nae, & propter perfectionem \* sanctificationis concupiscentiæ.

\* al. exactio- nis.

Septimo loco occurrit sopor in obumbratione Christi, ubi est status & requies, quando homo sentit se protegi sub umbra alarum diuinarum, ut non vrat- tur ardore concupiscentiæ, nec timore pænæ. Ad quod non potest perueniri, nisi per appetitum mar- tyrij: nec ad appetitum martyrij, nisi extinxerit incen- tium: nec ad extinctionem incentiui, nisi implora- uerit subsidium: nec ad implorationem subsidij nisi deplorat damnum: nec ad deplorationem damni, nisi timeat iudicium: nec ad timorem iudicij, nisi recordetur & erubescat flagitium. Qui ergo vult ha- bere pacis soporem, procedat secundum ordinem prædictum.

Gradus autem perueniendi ad splendorem verita- tis, ad quem peruenitur imitatione Christi, sunt isti

**A** septem, scilicet assensus rationis, affectus compassio- nis, aspectus admirationis, excessus deuotionis, ami- ctus assimilationis, amplexus crucis, & intuitus veri- tatis. In quibus hoc ordine progrediendum est.

Primo considera quis est, qui patitur, & ei subde- re per rationis assensum, ut credas firmissime ipsum veraciter esse Dei filium, omnium rerum principium, Saluatorem hominum, & retributorem meritorum omnium.

Secundo considera qualis est, qui patitur, & ei cō- figurare per compassionis affectum, scilicet ut com- patiaris ei tamquam innocentissimo, mitissimo, no- bilissimo, & amantissimo.

Tertio considera quantus est, qui patitur, & ad ip- sum egredere, per admirationis aspectum: & atten- de, quod ipse est immensus potestate, speciositate, fe- licitate, & æternitate. Igitur admirare immensam potestatem adnihilari, speciositatem decolorari, feli- citatem tormentari, æternitatem mori.

Quarto cōsidera, qua de causa patitur, & te ipsum obliuiscere per deuotionis excessum: quia patitur, scilicet pro tua redemptione, illuminatione, sanctifi- catione, & glorificatione.

Quinto considera, quali forma patitur, & ipsum induere per assimilationis amictum. Passus est enim sicut verus agnus, libentissime respectu proximi, se- uerissime respectu sui, obediētissime respectu Patris, & prudētissime respectu aduersarij. Stude igitur ad habendum habitum secundum effigiem imitationis Christi, scilicet benignitatis, seueritatis, humilitatis, & perspicacitatis.

Sexto considera quanta sint quæ patitur, & crucē amplectere per passionis desiderium, ut sicut Chri- stus passus est vincula, ut impotens omnipotentia: conuitia, ut vilis bonitas: ludibria, ut stulta sapientia: & supplicia, ut iniqua iustitia. Sic & tu cōsidera pas- sionem crucis, hoc est, passionem plenam iniurijs in rebus, contumelijs in verbis, ludibrijs in signis, & supplicijs in tormentis.

Septimo considera quid ex hoc consequitur, quod patitur, & veritatis radium intueri per contempla- tionis oculum. Quoniam ex hoc, quod agnus passus est, septem signacula libri aperta sunt. Liber iste est vniuersalis rerum notitia, in qua septem erant clausa homini, quæ quidē sunt per passionis Christi effica- ciam reuerata, scilicet Deus admirabilis, spiritus intel- ligibilis, mūdus sensibilis, paradysus desiderabilis, in- fernus horribilis, virtus laudabilis, reatus culpabilis.

Primo enim Deus admirabilis, manifestatus est no- bis per crucem esse summæ, & inscrutabilis sapiētiæ, summæ & irreprehensibilis iustitiæ, summæ & in- narrabilis misericordiæ. Summa enim sua sapientia decepit diabolus: summa sua iustitia quæsiuit re- demptionis pretium: summa sua misericordia pro nobis tradidit Filium suum. Quæ si diligenter con- siderentur, Deum nobis clarissime manifestant.

Secundo spiritus intelligibilis nobis manifestatus est per crucem, secundum differentiam triplicem, sci- licet quantæ sit benignitatis quantum ad Angelos, quantæ sit dignitatis quantum ad homines, & quan- tæ sit crudelitatis quantum ad dæmones. Nam An- geli permiserunt crucifigi Dominum suum: Dei Fi- lius crucifixus est propter genus humanum, & hoc ad crudelem suggestionem dæmonum.

Tertio mūdus sensibilis nobis manifestatus est per crucem, quoniam est locus tenebrarū plenus: in quo regnat cæcitas, quoniam lucem veram & summā non cognouit: regnat sterilitas, quoniam Iesum Christum tāquam instructuosum despexit: & regnat impietas, quoniam Deum & Dominum suum, & amicū, & innocentem damnauit, & interfecit.

Quarto paradysus desiderabilis nobis manifestatus est per crucem, in quo est fastigium totius gloriæ, spectaculum omnis lætitiæ, & promptuarium omnis opulen-

Apoc. 5. a



opulentia. Vnde Deus propter illam habitationem nobis restituendam, factus est pro nobis homo, scilicet vilis, miser, & pauper. In quo celsitudo abiectio- nem induit, iustitia reatum subiit, opulentia egestatē suscepit. Nam altissimus Imperator accepit seruitu- tem abiectam, vt sublimaremur in gloriam. Iustissi- mus iudex subiit reatum pœnalissimum, vt iustifica- remur a culpa. Opulentissimus Dominus suscepit egestatem extremam, vt locupletaremur in copia.

Quinto infernus horribilis manifestatus est nobis per crucem, locus vtiq; pleus omni egestate & pe- nuria, vilitate, & ignominia, & omni calamitate, & miseria. Vnde si necesse fuit hæc Christum pati pro- pter peccati deletionem, multo fortius oportet hæc pati damnatos, propter iustam meritorum suorum retributionem.

Sexto manifestata est nobis per crucem virtus lau- dabilis, quantum scilicet sit pretiosa, speciosa, & fru- ctuosa. Vere pretiosa, quia potius voluit Christus vi- tam corporalem perdere, quàm virtuti contraire. Vere speciosa, quia in ipsis contumelijs relucebat. Et vere fructuosa, quia vnus actus perfectæ virtutis in- fernum spoliavit, cælum aperuit, & perdita restau- ravit.

Septimo manifestatus est nobis per crucem reatus culpabilis, quantum sit detestabilis, cum ad sui remis- sionem indigeat tam magno pretio, grandi piaculo, & tam difficili medicamento. Ecce igitur habes, quomodo in cruce omnia manifestantur, si bene ad hæc septem reducantur. Omnia enim ad hæc septem reducuntur. Vnde ipsa crux vere beata, est clavis, porta, via, & splendor veritatis. Quam qui deuote sibi tollit, & sequitur Christum iuxta modum præ- assignatum, non ambulat in tenebris, sed habebit lu- men vitæ.

Gradus autem perueniendi ad dulcorem charita- tis, sunt isti septem, scilicet vigilantia sollicitans, confidentia confortans, concupiscentia inflammans, excedentia eleuans, complacentia quietans, letitia de- lectans, & adhærentia conglutinans. In quibus hoc ordine progredi debes, qui vis ad perfectionem cha- ritatis, & amoris Spiritus sancti pertingere.

Primo ergo necesse est, vt vigilantia te sollicitet, propter Sponsi promptitudinem, adeo vt possis di- cere illud Psalmi: Deus Deus meus ad te de luce vi- gilo. Et illud Sponsæ: Ego dormio, & cor meum vi- gilat. Et illud Isaïæ: Anima mea desiderauit te in nocte, sed & spiritu meo in præcordijs meis, de ma- ne vigilabo ad te.

Secundo, vt cōfidentia te confortet, propter Spōsi certitudinem, adeo vt vere possis dicere: In Domino confido. Et illud: In te Domine speraui. Et illud Iob: Etiam si occiderit me, in ipso sperabo.

Tertio, vt concupiscentia te inflammet propter Sponsi dulcedinem, adeo vt possis dicere: Sicut cer- uus desiderat ad fontes aquarum, ita desiderat anima mea ad te Deus. Et illud Canticorum: Fortis est vt mors dilectio. Et illud: Quia amore langueo.

Quarto, vt excedentia te eleuet, propter Sponsi cel- situdinem, adeo vt possis dicere cū Psalmista: Quàm dilecta tabernacula tua, Domine virtutum. Et illud Canticorum: Trahe me post te, &c. Et illud Iob: Su- spendium elegit anima mea.

Quinto, vt complacentia te quietet, propter Sponsi pulchritudinem, adeo vt possis dicere illud Sponsæ: Dilectus meus mihi, & ego illi. Et illud: Dilectus meus candidus & rubicundus, electus ex millibus.

Sexto, vt letitia te delectet propter Sponsi pleni- tudinem, adeo vt possis dicere: Secundum multitu- dinem dolorum meorum in corde meo, consolati- ones tuæ lætificauerunt animam meam. Et illud: Quàm magna multitudo dulcedinis tuæ Domine. Et illud Apostoli: Repletus sum consolatione, super- abundo gaudio, &c.

Septimo, vt adhærentia te conglutinet, propter amoris Sponsi fortitudinem, adeo vt possis dicere il- lud Psalmistæ: Mihi autem adhærere Deo bonū est. *Psal. 72. d* Et illud Pauli: Quis nos separabit a charitate Chri- *Rom. 8. f* sti? In his enim gradibus ordo est, nec status est an- te vltimum, nec ad illum peruenitur nisi per gradus intermedios, & mutuo se pariunt. Et in primo vi- get consideratio, in ceteris vero sequentibus domi- natur affectio. Vigilantia enim considerat, quàm ho- nestum, quàm conferens, quàm delectabile sit dili- gere Deum. Et ex hoc quasi nata confidentia, parit concupiscentiam, & illa excedentiam, quousque per- ueniat ad copulam, osculum, & ample. um dilecti, & amantissimi.

Gradus pertinentes ad purgationē, sic distinguun- tur. Possunt autem dicti gradus aliter distingui, & quasi in idem redeunt, vt primo distinguantur gra- dus purgationum sic: Propter flagitium erubescere, propter iudicium contremisere, propter damnum in- gemisere, propter remedium implora subsidium, pro- pter aduersarium extingue incendium, propter bra- uium anhela ad martyrium, & propter vmbraculum approxima ad Christum.

Gradus pertinentes ad illuminationem sic distin- guuntur. Nota quis patitur, & credens captiuare: qualis qui patitur, & condolens amaricare: quantus qui patitur, & stupens admirare: qua de causa pati- tur, & confidens precare: quali forma patitur, & se- quens assimilare: quanta quæ patitur, & ardens am- plexare: & quid ad hoc consequitur? quod patitur, & intelligens contemplare.

Gradus viæ vnitivæ sic distinguuntur: Te vigilantia sollicitet, propter Sponsi promptitudinē: confidentia corroboret, propter eius certitudinem: concupi- scentia inflammet, propter eius dulcedinem: exce- dentia eleuet, propter eius celsitudinem: complacē- tia alliciat, propter eius pulchritudinem: latitia inebriet, propter amoris eius plenitudinem: & adhæ- rentia conglutinet, propter eius fortitudinem, vt dicat semper deuota anima in corde suo ad Domi- num, Te quaero, in te spero, te desidero, in te con- surgo, te accepto, in te exulto, & tibi finaliter ad- hæreo.

Nota quod gradus proficiendi possunt etiam ali- ter distingui, secundum triplicem differentiam tri- plicatam, triplici hierarchiæ consonam. Nam cuiuslibet proficere volenti, necessaria sunt tria, scilicet ama- ritud, gratitudo, & similitudo. Et hoc post lapsum. Si enim homo non peccasset, duo sufficerent, scilicet gratitudo, & similitudo. Gratitudo videlicet propter gratiam, similitudo vero propter iustitiam. Sed nūc etiam necessaria est amaritudo, propter medicinam. Peccata enim per delectationem perpetrata, nō pos- sunt purgari aliquo modo, aut deleri, nisi e contrario per afflictionem, & amaritudinem.

In ipsa autem amaritudine debet esse ponderatio malorum commissorum, propter proprias nequitias: perpassio dolorum, propter Christi angustias: & po- stulatio remediorum, propter proximi miseras.

In gratitudine autem simili modo debet esse ad- miratio beneficiorum, propter creationem de nihi- lo: accumulatio meritorum, propter reparationem de peccato: & actio gratiarum, propter ereptionem de inferno. Fuit enim creatio ad imaginem, redem- ptio per proprium sanguinem, & ereptio vsque ad cæli altitudinem.

In similitudine etiam pari modo debet esse aspe- ctus veritatis eleuatus ad superiora: affectus charita- tis dilatus ad exteriora: & actus virilitatis ordina- tus ad interiora. Eleuatio ad superiora debet dilige- rer fieri per aspectum veritatis, & hoc per contem- plationem Dei intelligentia: per circumspectionem vniuersorum scientia: & per captiuationem iudicio- rum fide formata.

Item

Item dilatio seu extensio circa exteriora, debet fieri diligenter per affectum charitatis, & hoc per appetitum deliciarum celestium, sapientia: per amplexum rationabilium, amicitia: & per contemptum voluptatum carnalium, modestia.

Item ordinatio siue exercitatio circa interiora, debet fieri diligenter per actum virilitatis, & hoc per aggregatum difficultium, strenuitate: per actum laudabilem, magnanimitate: & per amplexum humilium, humilitate.

Purgatio autem in amaritudine, in qua, contritio respectu sui, debet esse dolorosa per tristitiam, propter mala prementia teipsum, Christum, & proximum.

Compassio respectu Christi, debet esse timorosa per reuerentiam, propter iudicia latentia, & tamen vera licet incerta, sicut tempus, dies, & hora.

Comiseratio respectu proximi, debet esse clamorosa per confidentiam, propter patrocina semper parata per Deum, per Christum, & per suffragia Sanctorum. Illuminatio in similitudine, in qua est aspectus veritatis primæ, qui debet esse erectus ad incomprehensibilia, extentus ad intelligibilia, & exinanitus ad credibilia. In qua etiam est affectus charitatis, qui debet esse erectus ad Deum, extentus ad proximum, & exinanitus ad mundum. In qua etiam est actus virilitatis, qui debet esse erectus ad commendabilia, extentus ad communicabilia, & exinanitus ad contemptibilia.

Sequitur perfectio in gratitudine, in qua est vigilantia exurgens ad canticum, propter beneficiorum utilitatem: lætitia exultans ad iubilum, propter donorum pretiositate: benevolentia accedens ad amplexum, propter dantis liberalitatem. Nota quod aspectus veritatis debet esse erectus ad incomprehensibilia, & hæc sunt mysteria summæ Trinitatis, ad quæ erigimur contemplando ea, & hoc dupliciter, vel per positionem, vel per ablationem. Primum ponit Augustinus, secundum Dionysius.

Per positionem primo intelligimus in diuinis esse quædam vt communia, quædam vt propria, quædam vt appropriata, quædam sunt media inter hæc, & illa. Intellige ergo & contemplare si potes circa Deum communia, & vide quoniam Deus est essentia prima, natura perfecta, vita beata: quæ necessariam habent consequentiam. Iterum intende, & vide si potes, quoniam Deus est æternitas præsens, simplicitas replens, & stabilitas mouens: quæ similiter consequentiam habent, & connexionem naturalem. Postremo attende, & vide, quoniam Deus est lux inaccessibilis, mens inuariabilis, & pax incóprehensibilis: quæ non tantum essentia unitatem, sed etiam includit perfectissimam Trinitatem. Lux quidem tamquam parens generat splendorem, lux autem & splendor producant calorem: ita quod calor procedit ab utroque licet non per modum prolis. Si ergo Deus vere lux est inaccessibilis, vbi splendor, & calor est substantia, ibi hypostasis vere in Deo est Pater, & Filius, & Spiritus sanctus: quæ sunt propria diuinarum personarum. Mens etiam tamquam principium concipit, & producit a se verbum, a quibus emanat amoris donum. Et hoc in omni mente perfecta est reperire. Si ergo Deus est mens inuariabilis planum est in Deo esse principium primum, verbum æternum, & donum perfectum, quæ sunt propria diuinarum personarum. Pax etiam includit nexum plurimorum. Perfecte autem necesse non possunt, nisi similes. Similes autem esse non possunt, nisi ambo a tertio, vel vnus ab altero. Sed in diuinis non possunt ambo esse a tertio eodem modo. Necesse est ergo, quod si in diuinis sit vera pax, quod ibi sit prima origo, eius imago, & vtriusque connexio.

Deinde in diuinis sunt appropriata secundum triplicem differentiam. Prima appropriata sunt vnitas, veritas, & bonitas. Attribuitur vnitas Patri, quia origo: veritas Filio, quia imago: bonitas Spiritui sancto, quia connexio.

Secunda appropriata sunt potestas, sapientia, & voluntas. Attribuitur potestas Patri, quia est principium: sapientia Filio, quia est verbum: voluntas Spiritui sancto, quia est donum.

Tertia appropriata sunt altitudo, pulchritudo, & dulcedo. Attribuitur altitudo Patri, propter unitatem, & potestatem. Nihil enim aliud est altitudo, quam singularis, & vnica potestas. Pulchritudo Filio, propter veritatem, & sapientiam. Nam sapientia multitudinem idearum, veritas autem æqualitatem includit. Pulchritudo autem nihil aliud est, quam æqualitas numerosa. Dulcedo Spiritui sancto, propter bonitatem & voluntatem. Vbi enim summa bonitas est iuncta cum voluntate, ibi est summa charitas, & summa dulcedo. Est igitur in Deo, altitudo terribilis, & hic est status erectionis: pulchritudo mirabilis, & hic est status contemplationis: dulcedo desiderabilis, & hic est status glorificationis. Hæc est igitur erectio per viam affirmationis.

Sed alia est eminentior per viam negationis. Quoniam, vt dicit Dionysius: Affirmationes incompactæ sunt. Negationes vero, licet videantur minus dicere, plus tamen dicunt. Et hic modus erectionis est per abnegationem trium, ita quod in negationibus illis sit ordo, incipiendo ab inferioribus vsque ad superiora. Est etiam supereminens positionis inclusio. Vt cum dicitur, Deus non est quid sensibile, sed supersensibile, nec imaginabile, sed superimaginabile, nec intelligibile, sed superintelligibile, nec existens hoc vel hoc, sed super omne ens. Et tunc veritatis aspectus fertur in mentis caliginem, & altius eleuatur, & profundius egreditur pro eo quod excedit se & omne creatum. Et hic est nobilissimus eleuationis modus. Sed tamen ad hoc, quod sit perfectus, præexigit alium, sicut perfectio illuminationem, & sicut negatio affirmationem. Hic autem modus ascendendi tanto est vigorosior, quanto vis ascendens est intimior: tanto fructuosior, quanto affectio proximior. Et ideo vtile valde est in illa exerceri.

Vt ergo in hac eleuatione veritatis aspectus se valeat exercere, nota, quod in prima hierarchia veritas est aduocanda per gemitum & orationem, & hoc est Angelorum. Audienda per studium & deuotionem, & hoc archangelorum. Annuncianda per exemplum, & prædicationem, & hoc est Principatum.

In secunda hierarchia veritas est adeunda per refugium & cõmissionem, & hoc est Potestatum. Apprehendenda per zelum & æmulationem, & hoc est Virtutum. Associanda per sui contemptum, & mortificationem, & hoc est Dominationum.

In tertia hierarchia veritas est adoranda per sacrificium & laudem, & hoc est Thronorum. Admiranda per excessum & contemplationem, & hoc est Cherubim. Amplexanda per osculum & dilectionem, & hoc est Seraphim.

Nota diligenter prædicta, quoniam in illis est fons vitæ.



## S. BONAVENTURAE

EXIMII ECCLESIAE DOCTORIS

Opusculum,

CVIVS TITVLVS EST,

S T I M V L V S A M O R I S.

*Opusculum hoc in tres partes distributum anno Domini Millesimo, Quingentesimo, decimo septimo, die septima mensis Iunii Parisiis impressum fuit, & a Magistro Ioanne Quentino sacra pagina professore eximio, Canonico, & Penitentiario Parisiensi correctum & emendatum. Cuius editio longe copiosior, ac integrior est ea, qua omnium vltima Venetijs prodijt, & magis concordat cum Trithemio, qui Opuscula S. Bonaventurae connumerans, hoc, quod De Passione Domini inscribit, tribus libris constare affirmat, cuius principium apponit, nempe, Currite gentes vndique. Propterea visum est exemplar huius antiquae editionis sequi. Prologus vero longe diuersus est ab eo, qui habetur in praenominata editione Veneta. In ea enim loco Prooemij est demota illa oratio Auctoris, Transfige dulcissime Domine Iesu Sec. cuius magna pars habetur supra in Soliloquio cap. i. qua etiam hic apposita est, post Prologum antiquae editionis. Argumentum vero huius Opusculi, quod est in antiqua editione sic habet:*

**L**IBER iste, qui stimulus amoris in dulcissimum, & piissimum Iesum Saluatorem nostrum non incongrue potest dici, in tres diuiditur partes. In quarum prima de Christi gloriosissima passione agitur, videlicet quomodo homo ipsam passionem meditari debet, & quam sit utilis eius meditatio: & qualiter, & quam libenter homo conuertere debet ad compatiendum Domino Iesu crucifixo: & alia plura, quae circa ipsam passionem considerari possunt. In secunda vero parte, de his, quae ad contemplationem disposita sunt, tractatur, videlicet qualiter homo possit amplius proficere, & magis Deo placere: qualiterq; ordinatus esse debeat ad Deum, ad se, & ad proximum: & alia plura, quae ad ipsam contemplationem dispositiua & inductiua sunt. Tertia vero & vltima parte de ipsa contemplationis quiete prosequitur, videlicet quae sunt, quae inducunt hominem ad contemplationis quietem, & quam gloriosissimum sit se mutare in Deum, qualiterq; homo mutetur in Deum: & alia plura, quae ad ipsam contemplationis quietem peruenire volentibus, perutilia, ac necessaria sunt. Qui vult habere saporem amoris in his, quae sequuntur, debet cum humilitate & amore maiestatem & dignitatem Dei admirari, quantam humilitatem & passionem propter charitatem pro nobis moriendo in cruce sustinuit meditari, & ruminare cum amore, & cum ardentissimo desiderio; petitiones, quae ibi continentur sibi petere, & pro certo proficere in Christi amore.

## CAPITA HVIVS PRIMAE PARTIS.

*Quomodo homo debet libenter Christi passionem meditari, & quam sit utilis eius meditatio.*

Caput I.

*Qualiter debet homo nisi ad compatiendum Christo crucifixo.*

Cap. II.

*Meditatio in Parasceue de dolore, quem tunc beata Virgo Maria habuit.*

Cap. III.

*Quod circa passionem Domini sex sunt consideranda.*

Cap. IIII.

*Quod passio Domini adaptatur quattuor affectibus animi.*

Cap. V.

*Quod passio Domini adaptatur virtutibus, & primo fidei, & post de alijs.*

Cap. VI.

*De septemplici ascensu contemplationis in passione secundum septiformem gratiam Spiritus sancti.*

Cap. VII.

*Quod Christus in sua passione beatitudines octo perfecte habuit.*

Cap. VIII.

*Quod in cruce apparent duodecim fructus spiri-*

*tus, quos enumerat Apostolus ad Galatas. Cap. I X.*

*Quod in cruce speculari possumus pulcherrimum exemplar decem mandatorum decalogi.*

Cap. X.

*Quod a passione omnia sacramenta Ecclesiastica trahunt virtutem, & quod sine ea impossibile est intelligere sacram scripturam.*

Cap. XI.

*Quomodo in beata Domini passione relucet omnium Angelicarum Hierarchiarum officium.*

Cap. XII.

*Quomodo etiam ibi relucet summa Dei potentia, summa eius sapientia, & summa clementia, & circa hoc quadam excitatiua vel exercitiua.*

Cap. XIII.

*Quomodo in passione Domini excitetur, & inflammetur cor hominis ad septem opera misericordiae.*

Cap. XIII.

*Oratio valde deuota circa passionem Domini.*

Cap. XV.

## PROLOGVS.

Psal. 24. a



**A**d te Domine leuauī animā meam, Deus meus in te confido non erubescam. Confusus de tua liberalissima pietate, allectus mira suauissimi amoris & odoris tui suauitate, attractus instringibili vinculo tuæ ardentissimæ charitatis, ad te, qui habitas in cælis, leuauī oculos meos, splendore solis iustitiæ illustratus, claritatis tuæ lumine prouocatus, audissimè requirens speciosissimum decorem amantissimi vultus tui. Solicitant me intima, quæ tibi in me placita habeas. Quid autem mihi indigno seruo acceptabilius, quàm scire qualiter tanto Domino valeam famulari? Ad tuum igitur amorē erectus amici prece inductus, zelo interno coactus, qualiter quisque te studiose quærere debeat, qualiter inuenire valeat, qualiter possit ad te accedere, & strictis tenere amplexibus quibusdam meditationibus declarare præsumam. In quibus, & si diuersæ chordæ tægantur, ad vnum redactæ puris auribus faciunt melodiam. Quamuis enim diuersæ & plurimæ materiæ in diuersis capitulis describantur: tamen inde nihil resonat, nisi perfectio animi ad diuinum amorem. Si aliquid aliud inueneris, pie lector, legitime corrigas, & non rodas: quia malitia non est in causa, sed simplicitas. Diuersum namque modum inuenies in eis, vt diuersitate modi & materiæ, lectoris fastidium temperetur, & eius anima ad cælestia cautius eleuetur varijs illustrata radijs, cibus resecta diuersis, multipliciq. varietate allecta. Tu autem frater mi Ioannes de ordine Fratrum Minorum, qui Eucharistius appellaris, accipe munusculum quod a me indigno sæpe tua humilitas postulauit, nec irideas meā ignorantiam, sed potius mihi paruulo balbutienti, & infantilibus artibus gestienti, sicut pia mater ardeat. Scio namque quodd simplicitatem diligas, & fercula etiam rusticana sapide quodā famelico appetitu degustes. Insatiabile est enim desiderium tuum, & auidè apprehendis oblata. Aperi ergo os tuum, & tibi quamuis rudis incorpora infra scripta. Ipsa enim præseruatiua sunt, & conseruatiua humidi radicalis: quia ea de ligno vitæ suscepi. Caue ergo ne lignum scientiæ retrahat ab hoc esu, & nudus apparere verearis coram Deo, insipidaq. tibi sapida, & sapida tibi insipida videantur. Hic vero modum orandi, viuendi, & meditandi inueniet vir deuotus. In istis iustus ab infimis eripitur, ad intima tollitur, ad summa erigitur cum dulcore. Qui ergo voluerit vsque ad perfectum crescere, legat & impleat, quæ scribam gratia Crucifixi irrigante.

## ALIVS PROLOGVS.



**L**ANSFIGE dulcissime Domine Iesu medullas animæ meæ, suauissimo ac saluberrimo vulnere amoris tui. Vulnere viscera animæ meæ, vera, & firma, & Apostolica charitate: vt vere ardeat, langueat, & liquefiat anima mea solo semper amore, & desiderio tui. Cōcupiscat, & deficiat anima mea in atria tua, cupiat dissolui, & esse tecum. Da, vt anima mea te solum semper esuriant panem vitæ cælestis, qui de cælo descendisti, panem Angelorum, refectionem animarum sanctarū, panem nostrum quotidianum, & supersubstantialē, habentem omnem saporem, & omnem dulcorem, & omne delectamentum suauitatis, in quem desiderant Angeli prospicere. Te semper esuriant, te comedat cor meum, & dulcedine saporis tui repleantur viscera animæ meæ. Te semper sitiat fontem vitæ æternæ, fontem sapientiæ, fontem scientiæ, fontem æterni luminis, torrentem voluptatis & vbertatis domus Dei.

**A** Te semper ambiat, te quærat, te inueniat, ad te tendat, ad te perueniat, te meditetur, de te loquatur, & omnia operetur ad laudem, & gloriam nominis tui, cum omni humilitate, & discretione, omni dilectione, & delectatione, omni facilitate & affectu, omni patientia & pace perfecta, omni longanimitate, & perseuerantia vsque in finem. Vt tu solus semper sis mihi spes mea, gaudium meum, iucunditas mea, fiducia mea, diuitiæ meæ, dilectio mea, quies mea, tranquillitas mea, dulcedo mea, suauitas mea, cibus meus, resectio mea, tutela mea, sustentatio mea, expectatio mea, refugium meum, auxilium meum, refrigerium meum, patientia mea, protectio mea, responsio mea, locutio mea, meditatio mea, operatio mea, thesaurus meus, in quo solo fixa & firma, & immobiliter radicata sit semper mens mea, & cor meum. Amen.

*Quomodo debet homo libenter Christi passionem meditari. Cap. I.*



**C**VRRITE gentes vndique, & miramini erga vos charitatē Dei, & erga ipsum cæcitatem & malitiam vestram. Si enim Dei Filius voluit inseparabiliter coniungi naturæ humanæ, quanto magis anima vestra debet sibi inseparabiliter copulari? Si enim Dei Filius voluit tanto charitatis seruire sic vilissimos cineres sibi vnire, quanto auidius deberet vnusquisque ad recipiendum ipsum deuotissime cor suum recipere? Quæ vāsanā animæ, quodd hoc negligit, & potius vult stercorebus adhærere? Non enim assumpsit Filius Dei carnē, vt homo carni adhæreat; sed sicut ipse in carne existens carnem affixit, & carnalia contempsit & anima eius semper Deo Patri adhæsit; sic homo carnem mortificet, & semper se erigat ad diuina. O mirabilis cæcitas hominis, qui cum ex anima & carne consistat, & anima sine comparatione melior sit, & nobilior ipsa carne, totum tempus expendit in prouisione carnis, siue in his, quæ caro requirit, & animam suam negligit, ac si nihil esset, nec ipsam pascere, nec ipsam nutrire, nec in summo quietare studet Creatore; cum tamē hoc lenius, suauius, delectabilius, seu opportunius sine comparatione valeat impetrari. Vbiq. se enim offert homini Deus, & suipsius nisi mortem Filij sui pretium non requirit. Corporalia autem semper fugiunt, nec etiā cum omni sollicitudine & labore, ac anxietate possunt plene ab aliquo possideri in hoc mundo: nisi forte dicamus, quodd plene omnia contemnit. Sed quodd mirabile est, hoc sibi facit anima a carne aliquantulum inclinata, non tamen coacta. Nam voluntarie subdit se carni, & carnis beneplacita nititur adimplere, & Deo suo subdere cum omni exhortatione, beneficiorum collatione, interna inspiratione contemnit, & in proprio bono, idest in propria vtilitate non vult Dei voluntatem facere. Certe si anima non esset peior omni animali, Deum, cui similis est, deberet super omnia diligere, & de ceteris non curare. Si ergo anima carnem diligis, nullam carnem, nisi carnem Christi ames. Hæc enim pro tua, & totius humani generis salute est super aram crucis oblata. cuius passionem in corde rumines quotidie. Huius enim passionis Christi meditatio continua mentem eleuabit: quidd agendum, quidd meditandum, quidd sciendum, & sentiendum sit, indicabit: te demum ad ardua inflammabit: te vilificari, & contemni, & affligi faciet: affectus tuos tam in cogitatione, quàm in locutione, ac etiam operatione regulabit. O passio desiderabilis, o mors admirabilis! Quid mirabilius quàm quodd mors viuificet, vulnera sanent, sanguis album faciat, & munder intima, nimius dolor nimium dulcorem inducat, apertio lateris cor cordi coniungat. Sed adhuc

Hominis cæcitas.

Passio Christi meditatio quæ utilis.

huc mirari non cesses, quia sol obscuratus plus solito illuminat, ignis extinctus magis inflamat, passio ignominiosa glorificat. Sed vere mirabile est, quod Christus in cruce sitiens inebriat, nudus existens virtutum vestimentis ornat, sed & eius manus ligno conclauata nos soluunt, pedes confossi nos currere faciunt, emittens spiritum vitam inspirat, in ligno decedens ad caelestia vocat. O passio mirabilis, quae suum meditatorem alienat, & non solum reddit angelicum, sed diuinum. Nam per meditationem commorans in Christi tormentis etiam seipsum non videt, semper intuetur Dominum suum passum, vult secum crucem haurire, & pro ipso leuissime omne bonum, & malum vult portare, & ipse in corde portat, caelum & terram pugillo tenentem. Vult secum spinis coronari, & ipse spe gloriæ coronatur. Vult secum in ligno sine vestimentis frigidescere, & nimio amoris ardore accenditur. Vult secum acetum gustare, & vino inenarrabilis dulcedinis potatur. Vult secum in cruce existens sibi illudi, & ipse ab Angelis honoratur, & a beata Virgine in Filium adoptatur. Secum volens tristari, lætatur; secum volens affligi, consolatur, & nimium iucundatur. Cum Christo vult in cruce pendere, & eum dulcissime Christus amplexatur. Secum vult faciem mortis pauore perfusam inclinare, & eius caput Christus eleuans suauissime osculatur. O mors amabilis, o mors delectabilis! O cur crucis illius loco non fui, ut Christus fuisset manibus meis, & pedibus conclauatus! Certe illi Ioseph ab Arimathia dixissem, non auferas Iesum a me, sed me secum sepelias in sepulchro. Non enim volo amplius ab ipso separari. Sed si hoc modo facere non possum corpore, saltem hoc volo mente. Bonum est enim secum esse, & in ipso volo tria tabernacula facere, vnum in manibus, vnum in pedibus, sed aliud continuum in latere: vbi volo quiescere, dormire, videre, bibere, comedere, legere, orare, & omnia mea negotia pertractare. Ibi loquar ad cor eius, & ab ipso quod voluero, impetrabo. Sic faciens dulcissimæ matris vestigia sequar, cuius animam passionis Filij gladius pertransiuit. Secum de cetero ipsam alloquar vulneratus, & ipsam ad quod voluero, inclinabo. Et non solum apparebo cum Filio suo crucifixus, sed ad præsepe rediens ibi cum eo iacebo paruulus, ut ibidem cum suo Filio suis vberibus merear ablacari. Miscebo igitur lac Matris cum sanguine Filij, & mihi faciam vnam dulcissimam porcionem.

Luc. 2. 6

Raptus mirabilis sancti Bon.

O amantissima vulnera Domini nostri Iesu Christi! Nam cum in ea quadam vice oculis subintrarem apertis, ipsi oculi sanguine sunt repleti, sicque nihil aliud videns cœpi ingredi, manu palpians, donec perueni ad intima viscera charitatis suæ, quibus post undique circumplexus reuerti nequii. Ideoque ibi inhabitato, & quibus vescitur cibus, vescor, ac inebrior suo potu. Ibi tanta abundo dulcedine, ut tibi non valeam enarrare. Et qui prius fuerat pro peccatoribus in vtero virginali, tunc dignatur me seruum suum intra viscera sua comportare. Sed multum timeo, ne veniat partus eius, & ab illis delictis excidar, quibus fruor. Sed certe, & si me pepererit, debet sicut mater me lactare vberibus, leuare manibus, portare brachijs, osculari labijs, foueri gremijs, aut certe quid faciam scio. Quantumcumque me pariat, scio, quod semper sua vulnera sunt aperta, & per ea in eius vterum iterum introibo, & hoc totiens replicabo, quousque ero sibi inseparabiliter conglobatus. O cecitas filiorum Adæ, qui per hæc vulnera in Christo nesciunt introire! Supra suas vires laborant in vanum, & aperta sunt ostia ad quietem. An ignoratis, quod Christus est gaudium beatorum? Cur ergo tardatis per sui corporis foramina in illud gaudium introire? Quomodo insanitis, quia beatitudo Angelorum patet, & circumstans, aut paries eius confractus est, & vos introire negligitis? An forsan expectatis, quod

S. Bon. Tom. 7. Pars iij.

A prius resoluatur corpus vestrum, non credentes quod in Christo in presenti anima valeat quietari? Sed crede mihi o homo, quia si in ipsum per hæc angusta foramina intrare volueris non solum anima, sed etiam quietem ac dulcedinem mirabilem inueniet corpus tuum: & quod carnale est, & ad carnalia tendit, ex illo vulnere introitu fiet adeo spirituale, ut ceteras præter eas, quas ibi sentit, delicias reputes esse nihil. Immo fortasse aliquando anima propter aliquam obedientiam vel vtilitatem dictabit esse recedendum, & caro allecta illa dulcedine dicet ibi esse immorandum. Et si ira accidit de corpore, quanta credis animam frui dulcedine, quæ per illa foramina coniungitur cordi Christi? Certe exprimere tibi nequeo, sed experire, & scito. Ecce aperta est apotheca omnibus aromaticis plena, & medicinalibus opulenta. Per vulnere ergo fenestras intra, & accipe medicinam sanatiuam, restauratiuam, præseruatiuam, & conseruatiuam. Ibi quascumque volueris species accipe. Ibi quascumque delicata appetieris electuaria sume.

Si etiam suauitatis vnguentis volueris deliniri, per illa intrare vulnera non postponas. Ecce aperta est ianua paradisi, & per lanceam militis gladius versatilis est amotus. Ecce lignum vite tam in ramis, quam in stipite perforatum, in quibus foraminibus nisi pedes, idest affectus posueris, non poteris capere fructus eius. Ecce apertus est thesaurus diuinæ sapientiæ, & charitatis æternæ. Intra ergo per vulnere aperturam, & cum cognitione delicias obtinebis. O quam beata lancea, & beati clauis, qui apertionem huiusmodi facere meruerunt! O si fuisset loco illius lanceæ, exire de Christi latere noluissem, sed dixissem: Hæc requies mea in sæculum sæculi. Hic habitabo, quoniam elegi eam. O stulti, & tardi corde, qui ad possidendum aliquod vanum per incerta foramina introitis, & inde etiam exire multotiens non potestis; sed ad possidendum Dei Filium summum bonum, candorem, & splendorem æternum per apertas vulnerum ianuas non introitis! O anima ad imaginem Dei facta, quomodo te potes amplius continere? Ecce Sponsus tuus dulcissimus pro te vulneratus iam factus gloriosus, te cupit amplecti, & tibi dulcissima elargiri oscula, & ad ipsum negligis festinare? Nam præ nimio amore aperuit sibi latus, ut tibi tribuat cor suum: sibi etiam voluit pedes & manus perforari, ut cum ad ipsum perueneris, sic tuæ manus intrent in suas, ac pedes tui in suos, ut sibi inseparabiliter coniungaris. Obsecro secundum Apostolum omnia proba, hoc experiri coneris, & si ibi bonum tibi videtur, inde amplius ne discedas. & non dubito, quod si fueris expertus, omnia, præter ipsum, amaritudinem reputabis. Velles libenter tunc tibi illa vulnere ostia, postquam intraueris, obserari, ut inde exire amplius non valeres. Admiraberis tunc valde tuam & aliorum super hoc habitam cecitatem. Gaudebis nihilominus de tanta dulcedine, quam tu senties, & intantum etiam inflammabitur cor tuum, ut quasi nitens anima de corpore exire velit, & naturaliter in Christi vulneribus habitare. Et inebriabitur anima a tanta dulcedine & feruore, & vix poteris eam ad aliud inclinare.

Pf. 131. d

1. Thess. 5. 6

F O vulnera corda saxeæ vulnerantia, & mentes congelatas inflammantia, & pectora adamantina liquefacientia præ amore! O certe vita, dulcedo, & spes nostra! Si enim per meditationem istius passionis ad illam perueneris dulcedinem, de qua dixi, vel etiam ad maiorem, attende ne velis ipsam passionem meditari propter aliquam dulcedinem temporalem, sed ut tui Creatoris beneficium recognoscens in eius accendaris amore. Et hæc debet semper esse tua continua oratio.

#### ORATIO DEVOTISSIMA.

Domine sancte, Pater omnipotens, æterne Deus, propter tuam largitatem, & Filij tui, qui pro me sustinuit

S 2

nm



*nuis passionem & mortem, & Matris eius excellentissimam sanctitatem, atque beati Francisci, & omnium Sanctorum merita: concede mihi peccatori, & omni tuo beneficio indigno: ut te solum diligam, tuo amore semper sitiam, beneficium passionis continue in corde habeam, meam miseriam recognoscam, & ab omnibus conculcari, & contemni cupiam: nihil me contristet nisi culpa. Amen.*

*Qualiter debet homo nisi ad compatiendum Christo crucifixo. Cap. II.*

**A**D compatiendum Domino Iesu Christo, crucifixo, primo studeas quantum potes te vnire illi per feruentem amorem. Nam quanto feruentius diliges eum, tanto magis suæ compateris passioni: & quanto plus ei compateris, tanto plus erga eum tuus accendetur affectus. Vnde sic mutuo se augebunt dilectio, & compassio, donec venias ad perfectum, nisi hoc remanserit propter aliquam tuam miseriam. Et precipue studeas abijcere omnem præsumptionem, diffidentiam & negligentiam. Debet enim homo tam nobile opus aggredi humiliter, confidenter, & instanter, & cum quanta potest munditia cordis. Et quamuis homo videatur sibi indignus & nequam, nihilominus non desistat: quia ipse pro peccatoribus crucifixus est.

**Instructio I.** Primo igitur sic sibi vniri amore, ut cor tuum iam sibi non tibi videatur coniunctum. Quomodo enim tunc non senties eius vulnera, aut quas passiones habebit, quæ non perfundant cor tuum? Studeas ergo quatum potes, ut cor tuum intret in ipsum totaliter, & te extra ipsum reputes esse nihil, & de te extra ipsum tamquam de nihilo curabis. Tota cura tua vertatur ad præsens circa Dominum tuum passum. Nam eius es quidquid es, nec debes alteri de te quidquid exhibere. Si ergo transiis in ipsum sic fueris, non possunt credere, quin eius vulneribus vulnereris, & perfundaris eius contumelijs, illusionibus, & opprobrijs. Tunc quatum iucunditatem & dulcedinem assequaris, Dominus per suam misericordiam te faciat experiri. Male enim scirem hoc tibi calamo declarare. Et si hæc tibi nimis alta videntur, nec ad hæc bene pertingere potes, sicut velles; potes te adhuc exercere modo alio grossiori subsequenti.

**Instructio II.** Debes enim cogitare quantam passionem sustineres, si excoriareris sicut beatus Bartholomæus, vel asfareris, ut beatus Laurentius, aut vsque ad ossa carnes tuæ dentibus ferreis lacerarentur, alias etiam cogita pœnas, quas volueris, & passiones. Et cum ita ista cogitando super te, conceperis quendam horrorem nimis passionis, tunc cogita quod Dominus noster Iesus Christus pro te vilissimo peccatore multo grauioribus, & intolerabilioribus sustinuit in cruce dolores, quam tu sustineres in passionibus supradictis. Tunc ergo rumina in corde tuo, quantam sustinuit angustiam & afflictionem, & quantus amor ad hoc ipsum induxit, & sic meditando afficiatur cor tuum illis doloribus quatum potest, & quasi illos sustineres amarissimis lacrymis perfundaris: nec dubium quin in dulcedinem maximam conuertantur.

**Instructio III.** Et si adhuc hoc tibi non valet, melius experire. Facias tibi vnum bonum flagellum multum afflictuum, & non nimis læsiuum, & in abscondito egregie te flagella non parcens corpori donec fuerit bene perfusum dolore. Et tunc cum illos senties dolores, ad Christum passum dirige cogitatum tuum, & meditare, quod dulcis dilectus Sponsus tuus, amor tuus, desiderium animæ tuæ, Angelorum solatium, beatorum præmium, Dominus Iesus Christus pro te vilissimo stercore voluit in suo corpore quasi sine comparatione sustinere multo intensiores dolores. Et non dubites, quod vltimum istud remedium multum valet,

**A** quia per passiones addiscit homo compati patienti. Ad hæc omnia addas orationem, ut quasi continue deprecetur Dominum Iesum Christum, ut suis vulneribus mentem tuam vulneret: & ut per ipsas passiones & vulnera a sua largitate impetres, quod intendis.

Et si hæc omnia non valent tibi propter duritiam cordis tui, te tamquam stercus abhorres plures amare, & dicas: Vsquequo cordis mei nequitia præualebit aduersus Iesum Dominum meum passum: cuius vulnera vicerunt diaboli potestatem, superauerunt primi parentis veneficia, confregerunt portas inferni, & aperuerunt portas paradisi, & intantum abundat malitia cordis mei, ut non deuincatur a tam excellentissima bonitate. Quid ergo me nequius, & quid maius malitia cordis mei? Heu mihi quid faciam, qui nimium infirmus a passione Domini mei Iesu Christi nequeo recipere medicinam: Non cessent oculi mei a ploratu, donec lacrymarum abundantia demolliat duritiam cordis mei. Heu, heu, quo ibo a spiritu tuo? Quid faciam ex quo animæ meæ vitam nescio inuenire, & erga me summam diffusionem diuinæ clementiæ non valeo degustare? Sedebo in sterquilinio & mentis meæ famiem, testa radatam, affligam me de cetero, nec aliquatenus mihi parcam, donec in afflictione inueniam

**B** Dominum meum afflictum. Mirum est certe quomodo homo habet patientiam in seipso: videns tantam nequitiam cordis sui, & non doleat. O cor pessimum immo diabolicum vsquequo resistes largitati immensæ! Quare magis delectaris in vulneribus peccati, quam in vulneribus Iesu Christi? Quare magis compateris parvæ puncturæ pedis tui, quam grauissimæ morti Domini tui, & intensissimo dolori capitis tui, vitæ animæ tuæ Christi? Vbi maior imbecillitas & insania? O homo, nonne tibi videtur quod illum plus diligis, cui plus compateris in dolore? Et numquid ergo plus diligis pedem tuum, quam Dominum tuum, quia scilicet isti pedi plus compateris in parua afflictione, & in illum quasi cor tuum tēdis, quam illi, scilicet Domino Deo tuo in maxima angustia & dolore, & parum aut nihil inclinatur cor tuum ad ipsum? O cæcitas immensa! o serpentibus deteriores, qui in afflictione compatiendo capiti, totum corpus suum exponunt flagello! Sed certe videtur quod tamquam membra putrida iam sumus excisi a capite nostro Iesu Christo, quia ipso vulnerato, eius vulnera non sentimus. Heu, heu Domine mi, quare me fecisti, si non debeo tibi esse coniunctus? Aut si tibi sum coniunctus, quare non sum tecum pariter vulneratus?

**C** Pro me Domine, pro me vulneratus es, non pro te: & tu vulnera portas, non ego. Quid est hoc? Ego debeo esse subiectum vulneri, & non tu: quia ego sum qui peccaui, ego qui inique egi: sed tu qui es innocens ovis, quid fecisti? Verrantur, obsecro vulnera hæc in me, & in domum patris mei. Redde nobis Domine, redde vulnera nostra, ne tu qui innocens es; nocens appareas, retinens vulnera aliena, aut saltem tecum vulnera corda nostra. En mori volo, nisi vulneres mentem meam. Abhorreo videre cor meum non vulneratum: cum videam te Saluatorem sic pro me vilissimo cruci affixum. Aut ergo Domine Iesu me tecum conuulnera, aut certe da mihi licentiam transuerberandi me ipsum materiali gladio. Nolo enim Domine sine vulnere viuere, quia te video vulneratum. Si hæc omnia non valuerint tibi, tam nobilissimo beneficio es indignus, & de cetero non reputes te hominem, sed bestiam, & cum feris sit habitatio tua, quia indignus es consortio aliorum. Forte tamen si multum te humiliaueris, ille, qui respexit humilitatem ancillæ suæ, respiciet humilitatem animæ tuæ, & dabit tibi cor nouum, ut cognoscas Dominum Deum tuum passum. Sed quando Domine Iesu, quando hoc erit? Differre Domine, mors mihi est. Et si multum expectaueris, forte desiderio liquefiam, & postmodum in liquido vulnera permanētia imprimi non valebunt.

Nam

**Instructio IIII.**

*Psal. 148. a*

*Iob 2. b*

Nam anima mea Domine incipit iam languere; & quasi ad nihilum redigor, desiderans tuis vulneribus consolari. O Domine Iesu, ubi est sapientia tua? An ignoras, quod melius est te habere creaturam tuam vulneratam, quam ad nihilum redactam? Non ergo me, queso, differas vulnerare, ne multa dilatione amittas, quæ tuo pretioso sanguine redemisti. Curre, curre Domine Iesu, curre, & me vulnera, quia fortasse nihil de me inuenies, si expectas. Sed heu mihi, quam vilis factus sum: quia videtur etiam quod Deus qui inimicos diligit, me odiat. Numquid ergo plusquam inimicus factus sum? Nam, ut inimicos redimeret, voluit letaliter vulnerari, & ego deficio, & non videtur curare. Non enim peto, ut pro me amplius vulneretur, sed ut mihi quasi iam mortuo applicet sua vulnera, & reuivam.

Domine Iesu ferrum, tuam creaturam insensibilem, voluisti tuum corpus vulnerando intrare, & me tuam creaturam rationalem intrare per iam facta vulnera non permittis. Quid est hoc? Numquid cor meum est durius, & vilius omni ferro? An cogitas, quod crudelitas est? Sed mea crudelitas non tibi oberit si intraueris, cum amodo sis impassibilis. Quantumcumque enim intrem per tua vulnera, & discurrā, & tuas carnes comedā præ amore, semper impassibilis permanebis, & meus satiabitur appetitus, ita tamē quod amplius incendatur. Sed quid vociferabor amplius? Tardas, & non venis, & iam lassatus desiderio incipio insanire. Amor regit, & non ratio, & curro cum impetu quodcumque me vulneris inclinare. Nam qui me vident, derident, & quod tuo amore sine ebrius, non cognoscunt. Dicunt enim, quid iste insanus vociferatur in plateis? Et quantum sit desiderium non aduertunt. Ignorant, quod amor tuus incensus impedit visum sensus, & quod qui te feruenter quarit, seipsum & omnia derelinquit, & qui te querit puro corde, sic parum de extrinsecis curat, ut etiam quid faciat molitioriens non aduertat. Veni Domine, bone Iesu, & noli amplius tardare, ne præ nimio desiderio sis simpliciter sine sensu. Sed forsitan hoc requiris, ut cum ab omnibus fuero abstractus, purus intrem per vulnera tua gloriosa, quibus tunc plenarie vulneres amātem. Tunc clamabo, & dicam: Heu, heu mihi Domine mi Iesu, quomodo te video crudeliter vulneratum, quāto dolore te video aggrauatum? Quis mihi hoc tribuat, ut pro te moriar dulcissime Domine Iesu? Te videre viuere in tanto dolore sustinere non possum, te aspicere horreo supra modum, te etiam liberati mors mihi esset: & ideo angustia sunt mihi undique, & quid eligam ignoro, nisi tecum pariter crucifigi. Tuas angustias considerans in meipso deficio, etiam exanimis efficior præ dolore, & ira, quod pro me sustines tanta mala. Quid fecisti Domine, quare pro me vilissimo ascendisti in crucem? Et quid sum ego vilissimus vermis, putredo detestabilis, pro quo tu Dominus omnium debeas sic affligi, cum tu sis sapientiā Patris? Quare talem commutationem fecisti, ut dares vitam pro morte, veritatem pro vanitate, gratiam pro malitia, gloriam pro miseria? Quis quare hoc tu potens feceris, poterit cogitare vel iudicare? Nimia fuit dilectio tua, & in hoc apparuit abyssus, tuæ scilicet immensitas pietatis. Non enim an te video causam mortis, nisi superabundantiā charitatis. Nonne melius erat bone Iesu, ut non essem, quāquam ut factus te occiderem? Et cur carnes meas non lacero præ dolore, aut quomodo me omnis creatura non occidit, qui fui occasio tuæ mortis? Nonne mirabile videtur me cogitare te tam nobilissimum & benignissimum Dominū pro me tam vilissimo mortuum, & non statim deficere præ nimia tristitia? Et quomodo, si non esset tuæ contrarium voluntati, me materiali gladio non occido præ dolore, qui fui occasio tuæ mortis? Cum patientia ergo magna me debeo sustinere, sicut sustinerem aliquem inimicū meū

S. Bon. Tom. 7. Pars iij.

A totam oculis meis, cum video quem toto corde occidere affectarem, quamuis non auderem aliqua ratione. Nonne & hoc nequissimum est, quod post tam admirabile & fructuosum tuæ passionis beneficium non cesso peccare in conspectu oculorum tuorum, ac si tua passio nihil esset? Te mihi dedisti, & te renuo, tenebras effugasti, & ipsas incurro, mundum abiecasti, & ipsum eligo, vel elegi. An non vides patientissime Domine Iesu, quod semper nitor facere tuæ contrariū voluntati, & in facie tibi resisto aperte? Si dicis, Nolo ut hoc facias, dico, Volo. Si dicis, Volo ut hoc fiat, dico, Nolo. Scio te Dominum meum summum bonum esse, & nihil ego sum, & ad te, ac si nihil essem, non aspicio, sed conuerto cordis & corporis mei faciem ad ea, quæ vana sunt, & aliquando ad quæ incongruum est nominare, & sic eis cor meum amoris vinculo colligatur, ut ad te, cuius est, nequeat eleuari. & hoc certe detestabilis abusus est. Sed numquid bone Domine Iesu voluisti pro me frustra mori, qui quem sic care emisti, pro nihilo perdidisti? Me tecum occidas, & pariter transigas, ne a te valeam amplius separari, ut tecum possim viuere in æternum. Amen.

# ORATIO DEVOTISSIMA.

Domine Iesu Christe, cor meum tuis vulneribus sanctifica, & tuo sanguine inebria mentem meam, ut quocumque me vertam, semper te videam crucifixum, & quodcumque aspexero, in tuo sanguine mihi appareat vulneratum; ut sic in te totus tendens, nihil præter te valeam inuenire, nihil nisi tua vulnera valeam intueri. Hac mihi consolatio, tecum mi Domine vulnerari, hac intima sit mihi afflictio sub te aliquid meditari. Non quiescat cor meum bone Iesu, donec inuenias te centrum suum. Ibi cubet, ibi suum terminet appetitum. Amen.

Meditatio compassiva in parasceue doloris quem tunc habuit beata Virgo Maria. Cap. III.

Stabat iuxta crucem Iesu Mater eius. O Domina mea, ubi stabas? Numquid tantum iuxta crucem? Immo certe in cruce cum Filio ibi crucifixa eras secum. Sed hoc distat, quia ipse in corpore, tu autem in corde. Necnon & eius vulnera per corpus eius dispersa, sunt in corde tuo vnita. Ibi Domina lanceatū est cor tuum, ibi spinis coronatum, ibi illusum, exprobratum, & contumelijs plenum, aceto & felle potatum. O Domina cur iniisti immolari pro nobis? Nūquid non sufficiebat Filij passio nobis, nisi crucifigeretur & mater? O cor amoris, cur cōuersum es in globum doloris? Aspicio Domina cor tuum, & id non cor, sed myrrham, & absynthium, & fel video. Quæro Matrem Dei, & ecce inuenio spūta, flagella, & vulnera: quia tota conuersa es in ista. O amaritudine plena quid fecisti? Cur vas sanctitatis fecisti vas pœnalitatis? O Domina quare non es solitaria in camera tua? Quare iniisti ad Caluariæ locum? Non est tua consuetudo Domina ad talia spectacula properare. Cur te non retinuit pudor mulieris, cur te nō retinuit horror facinoris? Cur te non retinuit verecundia virginitatis? Cur te non retinuit loci turpitudine, multitudo vulgi, detestatio mali? Cur te nō retinuit clamoris vehementia, stultorum vāsanā, dæmoniacorum caterua? Hæc non considerasti Domina, quia cor tuum alienatum totum præ dolore nō erat in te, sed in afflictione Filij, & in vulneribus vnici, & in morte dilecti. Non considerabat cor tuum vulgus, sed vulnus: non pressuram, sed fixuram: non clamorem, sed liuorem: non horrorem, sed dolorem. Reuertere Domina ad locum pristinum, ne cum percussione pastoris, te etiam amittamus, ut non vna hora vtriusque priuemur regimine. Non est consuetudo Domina, mulieres tali morte condemnari, nec etiam

S 3 contra

contra te Domina sententia est promulgata. Sed, ut puto audire hæc non potes, quia amaritudine repleta es, totum cor tuum versum est Domina circa Filij tui passionem. O mira res, tota es in vulneribus Christi, totus Christus crucifixus est in intimis visceribus cordis tui. Quomodo est hoc, quod continens sit in contento? O homo vulnera cor tuum, si vis hanc intelligere questionem. Aperi cor tuum clavis, & lancea, & veritas subintrabit. Non enim intrabit sol iustitiæ in cor clausum. Sed o vulnerata Domina, vulnera corda nostra, & in cordibus nostris tuam, & Filij tui renoua passionem. Cor tuum vulneratum coniunge cordi nostro, ut tecum tuis vulneribus pariter vulneremur. Cur hoc tuum cor saltem Domina, non habeo, ut quocumque pergam semper tuo Filio videam te confixam. O Domina si non vis mihi dare tuum Filium crucifixum, nec cor tuum vulneratum, saltem quæso mihi tribue Filij tui vulnera, contumeliasq. & illusiones, ac opprobria, & illa, quæ in te sentis. Quæ enim mater est, quæ si posset & a se, & a suo Filio non auferret passiones, & in suo poneret seruo? Aut si sic inebriata es istis, quod nec ea vis a tuo corde, nec a tuo Filio separare, saltē Domina illis ignominijs, & vulneribus indignissimū me coniunge, ut tibi, & Filio tuo solatium sit habere socium pœnarum. O quā beatius essem, si possem vobis saltem in vulneribus sociari. Nam quid est maius hodie Domina, quā habere cor iunctum cordi tuo, & Filij tui corpori perforato? Nonne cor tuum plenum est gratiæ illius? Et si apertum est, gratia illa non decurrit in cor sibi iunctum? Et si Filius tuus gloriæ beatorum, quomodo si perforatum est corpus eius, non emanat illius dulcedo gloriæ in cor sibi iunctum? Non enim intelligo aliter posse esse, sed timeo ne simus aliquando longe, & credamus esse prope. O Domina quare mihi quod peto non tribuis? Si te offendi, pro iustitia cor meum vulnera. Si tibi seruiui, nunc pro mercede peto vulnera. Et ubi est Domina, ubi est pietas tua, ubi est immensa clementia tua? Quare facta es mihi crudelis, quæ semper fuisti benigna? Quare facta es mihi amara, quæ semper fuisti dulcis, & pia? Quare facta es mihi auara, quæ semper fuisti liberalis, & larga? Non peto a te Domina solem, neque sidera, sed peto vulnera. Quid est hoc si de istis vulneribus es auara? Aut a me Domina vitam auferas corporalem, aut cor meum vulnera. Verecundum enim & opprobriosum est mihi, videre Dominum meum Iesum vulneratum, & te conuulneratam Dominam, & me seruum vilissimum pertransire illasum. Certe scio, quid faciam, vel tibi sine cessatione vel intermissione cum clamore, & lacrymis, tuis pedibus prouolurus postulabo, proclamabo, & ero nimium importunus, & hæc mihi tribues: aut si me percusseris, ut recedam, tamen stabo, & tua sustinebo flagella, donec ero undique vulneratus, nec aliud a te nisi vulnera peto. Si autem sine percussione blandiri volueris, perferabo constans, & tua recipiam blandimenta, & ipsæ blanditiæ cor meum vulnerabunt amore. Si autem, nec quidquam dixeris, tunc cor meum vulnerabitur tristitia, & dolore, & sic sine dolore non recedam.

*Circa passionem Domini sex sunt consideranda.  
Cap. I I I I.*

**C**irca passionem Domini Iesu sic potest homo se habere, ut consideret eam, primo ad imitandum, secundo ad compatiendum, tertio ad admirandum, quarto ad exultandum, quinto ad resoluendum, sexto ad quiescendum.

**Passio Christi** Primo igitur eam consideret ad imitandum, hæc enim est summa & perfectissima Christiani imitatio. Hæc est summa, & perfectissima vita imitando Christum. Hæc est summa, & perfecta religio, & religio-

sa perfectio. Hæc est regula, & exemplar perfectionis omnis vitæ & virtutis, scilicet Christum imitari in passione & morte. Sit ergo regula nostra viuendi passio Saluatoris. & tanto amplius in hoc consolemur, quanto amplius Christo conformamur; & tanto amplius desolemur, quanto ab hoc exemplari, & regula amplius elongamur. Semper ergo, quantum in nobis est, velimus ab omnibus conculcati, deiici, vilipendi, illudi, persequi, flagellari, & in diuinis obsequijs ab omnibus exprobrari. Simus nudi cū eo nudo, & nihil penitus cupiamus habere, immo habere aliquid, sit nobis grauissima pœna, & dolor immensus: nihil autem habere, plena exultatio. Abhorreamus dulcia, & delectabilia degustare, & potius velimus vilibus & amaris cibari, & desideremus quod quælibet cibaria felleum nobis potius, quā melleum ferant saporem: quia ipse Christus felle & aceto fuit potatus. Et, ut breuiter dicam, consideremus, quæ pro nobis sustinuit, qualiter in passionibus se habuit, & nos pro modulo nostro, quantum possumus, conformemus eidem.

Secundo deberet eam homo considerare ad compatiendum. Debemus enim considerare ipsius flagella, illusiones, & opprobria, & in corde nostro ruminare, & imaginari quanta ibi fuit deiectio, & contemptus erga Dominum nostrum Iesum Christum, quantus dolor, quantave afflictio in corde & corpore. Sic & ratione passionis, & compassionis pro peccatis nostris fuit. Consideremus ergo, quanta tunc amaritudine repletus erat Angelorū dulcedo, quantumq. aggrauabat eum non tantum pœnæ illatio, & nostra ingratitudo, sed & assistentis Matris afflictio, quam sic diligebat, & quasi deficere præ compassionis dolore videbat. Ibi Filius crucifigebatur cū Matre, & propter mutuam & intensam dilectionem ex compassione mutua erat nimia afflictio vtriusque, & maxime cum pro inuicem paterentur. Sciebat Mater, quod Filius patiebatur pro ipsa, sicut pro reliquis redimiendis. Sciebat Filius, & certissime scrutabatur, quod suus gladius ex compassione, Matris animam pertransibat. Vnde passio Filij erat passio Matris. Eia ergo Christiane hæc verte, & conuerte in corde tuo, & totum cor tuum reple conuicijs illis, & pœnis videns Dominum tuum, & Sponsum tuum pro te talia sustinere. Si enim ei per amorem bene vnitus fueris, tunc compatieris eidem. Si autem non sentis dolorem capitis, quomodo es vnus cū ipso? Et sicut plus compatiendum est capiti, quā ceteris membris, sic magis sine comparisone sibi copari debemus, plusquam quantumcūque dilecto Filio, vel amico, immo plusquam tibi ipsi, si omnia prædicta patereris. Nunc ergo charissimi felle & absinthio, atque myrrha inebriemur, & solum eius vulnera sentiamus, transigant cordis nostri intima, eius conuicia, flagella, & vulnera, nec in nobis sit, quod non perfundatur compassionis dolore, & affligatur intus.

Tertio consideremus eam ad admirandū. Si enim consideremus quis, quæ, pro quibus passus est, multū mirari debemus. Quis, scilicet Filius Dei verus, summe potens, sapiens, & bonus, & simpliciter quidquid nobilitatis ei attribueris, nihil est adhuc respectu magnitudinis suæ. Omnia quantumcumque bona sint & magna, sunt sicut quædam fauilla, immo quædam vanitas in comparisonem ipsius. Quæ, scilicet peregrinationem, fugas, sitim, famem, calorem, frigus, tentationes, horrores, persecutiones, sputa, opprobria, vincula, flagella, illusiones, & dolores, plagas, & vulnera. Conspuitur enim gloria, condemnatur iustitia, iudex iudicatur, inoffensus inculpatur, innocens infamatur, Deus blasphematur, Christus conculcatur, occiditur vita, obscuratur sol, luna denigratur, sidera disperguntur: & hæc omnia tolerat patienter ut agnus, cum solo nutu omnem creaturam demergere posset in profundum inferni. Sed pro quibus hæc patitur? Pro nequif-

**Passio Christi** consideranda est ad compatiendum.

**Passio Christi** consideranda est ad admirandū.

nequissimis mancipijs, pro sceleratissimis inimicis, immo pro diabolicis viris, & per imitationem diaboli filijs, pro contemptoribus diuinæ maiestatis, & diuinæ bonitatis ingratiss. Ergo talis & tantus, talia & tanta pro tam vilissimis, & abiectissimis passus est. Sed a quibus? a specialiter prædilectis, & alijs præelectis, quibus omnem benignitatem ostendit. a vilissimis maximus, a stultis sapientissimus: quia Dei verbum, & Dei sapientia. ab impijs summe pius, a sancte foetidissima splendor æternus. In his ergo omnibus in diuinæ benignitatis, & largitatis admirationem eleuamur.

Passio Christi consideranda est ad exultandum.

Quarto consideremus eam ad exultandum. Exultare in ea debemus de redemptione humana, restauratione Angelica, & diuina clemētia. De redemptione humana sine dubio nimis gaudere debemus facta per Christi passionem & mortem. Quis, quæso, non exulteret & gaudeat, cum cernit seipsum per hanc beatissimam passionem liberatum a damnatione æterna, a culpæ ignominia, a potestate diabolica. Sed quis non exulteret in immensum, cum cernit Deum ipsum in tantum diligere, vt tantæ vilitati, & poenalitati subiaceret semetipsum pro eo? Non quod gaudeat de eius vilitate & passione dico, sed de eius effectu, affectusq. & amoris manifestatione. Quis princeps in regno vel imperio alicuius Imperatoris, vel Regis, cernens se tantum a Rege, vel Imperatore diligere, vt paratus esset mori pro ipso, non gauderet & exultaret? Quantomagis nos vilissimi homines, & nefandissimi peccatores, & serui gaudere debemus & exultare, cum videmus Regem regum, & Dominum domipantium, & Creatorem nostrum Iesum nos ita continue diligere, vt immolauerit seipsum pro nobis in tam turpi & vilissima morte? Debemus etiam superextolli immensa exultatione. Plus enim sine comparatione me diligit, quam ego meipsum. Gaudeamus etiam & exultemus, quod per Christi passionem restaurata est Angelica ruina. Magna iucunditas debet nobis esse, cum videmus per Christi mortem tam nobile collegium reparari de nobis, vt fiat vnum ouile, & vnus pastor, & vnus vnus in vno. In hoc enim debet tota cælestis curia, & etiam militaris Ecclesia gratulari. O certe amabilis, & venerabilis passio salutaris, quæ sic diiuncta coniungis, & transequestrata conglutinas, & vnus firmissime infimul, stringisq. vinculo consummati amoris & felicitate gaudij sempiterni. Præcipue autem gaudere, & exultare debemus cernentes in supradictis omnibus summam clemētiā Domini, Deiq. nostri Iesu Christi. Hæc puzo summam esse gloriam bonorum tam hominum, quam etiam Angelorum, quanto intimus, & profundius contemplantur clementiam & beneuolentiam Dei, & immensitatem bonitatis eius. & hoc debet esse cuiuslibet contemplantis exultatio medullaris. Sed vbi, quæso, magis apparet diffusio bonitatis diuinæ, & benignissimæ clementiæ dulcissimi, & amantissimi Patris & Domini nostri Iesu Christi, quam in passione sua, vbi talia, tanta, tam turpia & graua sustinere voluit pro inimico suo liberando & glorificando, pro vanitate quadam digna morte æterna? In istud gaudium intret homo, & reficiatur magnificentia benignitatis diuinæ. Accedat homo ad cor altum, & in corde suo exaltetur excellentissima, & inenarrabilis clementia Christi passi, &c.

Passio Christi consideranda est ad transformationem in ipsum.

Quinto etiam consideremus beatissimam Christi passionem ad cordium nostrorum resolutionem, & etiam perfectam transformationem in ipsum, quod fit quando homo non solum imitatur, compatitur, admiratur, & exultat, sed etiam totus homo conuertitur in eum, scilicet Dominum nostrum Iesum Christum crucifixum, vt iam quasi vbique, & semper crucifixus sibi occurrat. Immo tunc ille vere in ipsum resoluitur homo, quando exiens ex se, & superpositus vniuersis, immo super se abstractus ab omnibus to-

tus est conuersus in Dominum suum passum, vt nihil videat, aut sentiat intra seipsum, nisi Christum crucifixum, illud, exprobratum, & passum pro nobis.

Sexto consideremus eandē beatissimā Christi passionem ad quietem dulcoris interni, quod fit quando resolutus homo, vt dixi, sitibundus eandem passionem ruminare non cessat, & intrans secundum posse suum illum passionis thesaurum humiliter & deuote, liquefcit amore deuoto, & feruida deuotione vel dilectione deficit a se, & requiescit in Christo crucifixo. Sed quanto ei plus inhæret, & appodiat, tato amplius deuotissimo amore in se deficit, & liquefcit. & quanto plus deficit a se amore, & deuotione, tanto amplius eidem dilecto pro se mortuo inhæret, & plus requiescit in eo. Et sic mutuo se augent adhesio amoris, & deuotio, donec tota Spōsa absorbeat ab illo camino amoris passionis dilecti. Sic in amplexibus Sponsi soporata quiescit, qui clamat, & dicit: A diuro vos filia Hierusalem, ne euigiletis, neque suscitare faciat dilectam, donec ipsa velit, &c. Sic ergo circa passionem Domini debet esse imitatio ad purgationem mentis, & dilectionem, compassio ad vñionem & amorem, admiratio ad mentis eleuationem, gaudium, & exultatio ad cordis dilatationem, resolutio ad perfectam conformationem, quies, & pausatio ad deuotionis compositionem.

Passio Christi consideranda est ad interni dulcoris quietem.

Cant. 3. b. c

Qualiter passio Domini adaptatur quattuor affectibus animi. Cap. V.

Sed necdum ruminare cessemus Christi gloriosissimam passionem, vt per eam dirigamur in omni bona affectione, virtute, sapientia, cogitatione, locutione, & operatione. Sed primo de quattuor affectibus animi videamus, qui sunt gaudium, dolor, spes, & timor. In hac autem beatissima passione datur nobilissimi gaudij materia, & vehemens exultatio. Ibi est etiam omnis inutilis, & nociui gaudij refectio. Vbi est maior materia gaudij & exultationis, quam circa Christi passionem, qua ab omni potestate diaboli liberamur, a culpa & poena absoluiamur, in Dei filios adoptamur, & Christo in matrimonium iungimur, qua etiam gratia largitur, cælum aperitur, gloria offertur & datur? Vbi est maior & excellentior gaudij materia, quam vt videamus nos a Deo in tantum diligere, vt talia voluerit pati pro nobis? Est etiam ibi inutilis & nociui gaudij refectio. Considera Domini nostri passionē beatissimā, & videbis quomodo refecanda est omnis consolatio corporalis, & omne gaudium corporale, & omnis laus humana. Est etiā in hac beatissima passione materia immēsi doloris. In dolore enim Domini nostri Iesu Christi, debemus iatime sibi condolere, & compati. Debemus etiam ei condolere, & multum dolere quod peccata nostra fuerunt sibi occasio tantæ abiectiōis, & tam immensæ afflictionis. Est insuper ibi materia spei. Qui enim proprio Filio suo non pepercit, sed pro nobis omnibus tradidit illum, quomodo, etiam cum illo nō omnia nobis donauit? Est etiam ibi vehemens materia timoris. Si enim pro delictis nostris passus est homo Deus, in quo non potuit esse peccatum, quanto magis punientur peccatores? Si enim sic actū est in viridi, quid fiet in arido? Inuicem autem coniunge, scilicet gaudium & dolorē, spemq. ac timorem, ne desperationē incurras, vel presumptionem. Et sic aliquantulum adaptatio de quattuor animi affectibus patet.

Rem. 8. f

Lnc. 23. e

Quomodo passio Domini adaptatur virtutibus, & primo fidei, & post de alijs. Cap. VI.

Nunc aliquantulum de virtutibus videamus diuinis. Quid dicimus de fide? Dico, quod hæc est robur & fundamentum totius Christianæ fidei, vel religionis. Peto an Deus erat iste, qui passus est, an-



non? Si sic, habeo propositum, quia ipsa passio veram humanitatem demonstrat, patet ipsum esse verum Deum & hominem. Si autem dubitas; ostendo tibi ex ipsa passione ipsum fuisse Deum. Nam si non erat Deus, & dicebat se Deum esse, erat superbissimus hominum; immo & daemonum: quia Lucifer numquam dixit se esse Deum, licet quantum ad aliud voluerit esse similis Altissimo. Sed sic superbum impossibile est, tantam deiectionem, illusionem, passionem, & ignominiosam mortem subire, tam voluntarie, tam humiliter, tam pacifice, & velle cum peccatoribus reputari. Si enim non erat Deus, & volebat se ostendere Deum, quidquid fuisset vilitatis, fragilitatis, & deiectionis, occultasset pro posse. Ideoque nec famem, nec sitim, nec laborem, nec fatigationem, nec lacrymationem, nec timorem, nec ullum dolorem ostendisset, sed si habuisset libenter occultasset. Nec enim multum curasset se ostendere hominem, & maxime passibilem & mortalem, sed quod videretur esse apparenti sublimitatis, & magnificentiae, ut posset aliquantulum credi Deus. Cum hac simul credere sit difficillimum, & parum ad elationem superbi faceret reputari hominem mortalem, quomodo obsecro dixisset, Tristis est anima mea, usque ad mortem? Quomodo se dixisset Filium hominis? Si dicas, quod non voluntarie, sed invite passus est: hoc stare non potest, quia ipse dixerat: Ecce ascendimus Hierosolimam, & Filius hominis tradetur, ut crucifigatur, &c. Vnde praedixit omnia. Si dicas, quod hac ad deceptionem fecit, hoc nihil est, quod scilicet aliquis se velit morti tradere propter aliquam deceptionem. Si dicas, quod videbatur mori, sed non moriebatur: ad hoc dico, quod nullo modo homo, quantumcumque malitiosus, seu etiam diabolicus, nec etiam diabolus hoc fecisset: quia non erat ista via tradenda ad credendum aliquem non Deum esse Deum, sed potius contrariabatur. Quod patet;

Mar. 14. d

Luc. 18. f

Mat. 26. f

2. Cor. 1. e

Mat. 27. e

quia discipuli eius relicto eo abierunt, & ut dicitur in sola Virgine remansit fides Ecclesiae. Stultissimum enim & incredibile est, nec etiam licet dicere, nec etiam cogitare, quod homo quantumcumque diabolicus procuraret se ab omnibus pro Deo coli, tam ignominiosa morte, & vilissima deiectione, sed potius e contrario, cum passio Christi sit Iudaeis scandalum, gentibus autem stultitia. Ex qua gloriosissima passione arguitur, Iesum Christum non esse tantum verum hominem, sed etiam verum Deum, & omnium Dominum. Item si solam humanam laudem quaereret & appeteret, nonne descendisset de cruce, quando Iudaei dixerunt, Descendat nunc de cruce, & credemus ei? Hac enim via passionis ignominiosae, & si non esset expediens homini decipere volenti, ut ostensum est, tamen congruentissima fuit Deo saluare cupienti ratione suae bonitatis, potentiae, & sapientiae, qui non procurabat nisi nostram redemptionem, & salutem, obediendo Patri usque ad mortem.

Est autem hac gloriosissima passio, non solum fidei fundamentum, sed & spei erectio, ubi se ipsum donavit: & charitatis inflammatio, ubi se pro nobis immolavit. Et hac sufficiant de Theologicis virtutibus, & etiam de Cardinalibus. De quibus tamen latius tam in praecedentibus, quam etiam in sequentibus patet.

Est nihilominus exemplum, & ratio perfectissimae prudentiae, temperantiae, fortitudinis, & iustitiae, sicut intelligentibus apparet manifestissime.

*De septemplex ascensu contemplationis in passione secundum septiformem gratiam Spiritus sancti. Cap. VII.*

IN hac etiam gloriosissima passione, gloriosissime lucet speculum sapientiae & intellectus, consilij & fortitudinis, scientiae & pietatis, & timoris. Sed qualiter ibi sit, & appareat summa sapientia, est sensus consummatus cogitare de ea, & quam sapientissimus

A homo fiat in illa, & de alijs donis pertractare per singula nimis est prolixum. Adhuc tamen charissime frater potes in praclarissima passione, quam nominare sum indignus septem ascensus sine gradus contemplationis evidentissime speculari secundum septiformem gratiam Spiritus sancti, donum scilicet sapientiae, & intellectus, &c.

Nam in illa beatissima passione crucifixus cum Christo ad acumen contemplationis ascendit per sapientiae donum hoc modo. Consideratio sapientialis est in hac beatissima passione, quando homo considerat potentissimum pro nobis conculcari, sapientissimum ad modum stulti illudi, optimum amaritudine repleri, & tamquam pessimum turpissima morte damnari. Et ex hoc surgit mens in quandam admirationem tantae dignationis divinae, & tantae erga nos benignitatis indignos. Et tunc cum inasticat illam passionem Domini sui Iesu, diligenter admirans in ea excellentissimam benignitatem Domini Dei nostri Iesu Christi erga nos servulos suos, incipit mentis desiderium, & amoris ardor erga Dominum nostrum Iesum Christum intendi, & quadam aviditate hanc excellentissimam passionem & immensam Salvatoris clementiam ruminare. incipit eius gustus animi quodammodo ineffabili dulcorari, amaritudine appetitus refici, & totus homo interior alienari a se, & quietari in Christo. O mira, & a saeculis res inaudita! In ineffabili amaritudine, dulcor indicibilis reperitur: & in hoc perficitur contemplatio speculantis, quia summam, & inenarrabilem dulcoris suavitatem, quam sentit in consideratione illius summae clementiae, qua dignatus est pro nobis mori, coniungit cum amaritudine inestimabili, quam sentit compatiendo doloribus Domini nostri Iesu Christi passi. Amaritudo enim compassionis animum recolligit, & unit admixtio divinae clementiae in eadem passione animum iam unitum eleuat, & totum in Deum diffundit. O mira passio! o ineffabilis potatio! o confectio impretialis, commixtio ineffabilis, intimus dolor internae compassionis cum immensa exultatione divinae bonitatis. Et quia ibi inenarrabilis amaritudo cum inenarrabili dulcedine reperitur, ideo inter utrumque contemplantis animus obstupefcit, & quasi ebrius corruit totus in Deum. In compassione illius amaritudinis fit quasi aurum in fornace anima purissima. In consideratione vero illius clementiae, & benignitatis, fit anima ab illo sole iustitiae splendentissima. Fit quidem illa amaritudine homo innocentissimus, fit illa benignitate doctissimus. Fit homo interior illa amaritudine abstractissimus, & fit illa clementiae immensitate diuinissimus. Quid dicam? Ecstasius fit aspectus interior, & ab illa ineffabili clementia absorbetur, & tunc requiescit Sponsa cum Sponso, & mira suavitae sopitur.

Est etiam ascensus in praemabili passione per donum intellectus hoc modo. Eo enim quod homo cogitat, quod Filius Dei voluit pro ipso redimendo talia sustinere, recognoscit quantae nobilitatis sit anima sua, pro qua redimenda voluit Filius Dei mori: & hoc ipso ad nobiliora animatur. Et quia illum pretiosissimum sanguinem pro anima sua dealbando effusum esse agnoscit, dedignatur se vilitatibus vitiis inquinari. Quia cognoscit etiam per illam beatissimam passionem ruinam Angelorum de hominibus reparari: ideo reuocatur ad angelice viuendum, & in caelestibus conuersari. Et quia videt Christum in cruce totum pro nobis expositum tribulationi, iam sibi omnia leuia videntur, dum tamen possit illi soli vivere, & placere. Recogitat quomodo ab ipso Christo dilectus est, quem pro se sic videt ignominiose, & acerbè tractatum, & amore ipsius accensus illud latus beatissimum pro suo modulo nititur introire, quod pro se, ac sibi dignoscit esse apertum. Ardescit quasi ignis animus eius, & cum Christo toto corde desiderat crucifigi.

Gradus primus per donum sapientiae.

Gradus secundus per donum intellectus.



cifigi. Suspirat, anhelat, & anxietur totaliter illa passione perfundi, & plenarie in suum Dominum crucifixum transformari. In seruitute & miseria se reputat esse, nisi conseruetur in sanguine Redemptoris. Non se reputat hominem, sed bestiam, & peius quam bestiam, nisi sit vestitus Dominica passione. Abhorret negligere tam nobilissimum Dei beneficium, & ideo semper, vel quasi, vult meditari de ipsa passione. Sicut enim vult semper redemptus manere, sic semper vult redemptionis pretium in corde portare. Suam vitam, & suas delicias reputat Christum passum, & ideo semper conuersatur cum illo. O quantus dolor, quantaque tristitia, si videat cor suum ad aliud inclinari! Inebriat se Christi cruore, & iam dedignatur perfrui alia re. Nam sanguis Christi ornat genas eius, ut Christi formis sit pura Christi Sponsa. Agnoscit enim quod a pertione lateris eius copulata est in coniugium eius. Et ideo semper vult stare ad latus eius. Palpat & tractat Sponsum suum vulneratum, & totum vulneratur cor eius. Applicat cor suum vulneribus Sponsi, perligat, & signat indissolubili vinculo charitatis, & sic colligatur vulnerata Sponsa cum vulnerato Sponso, & vulnus vulneri copulatur. Emanat Sponsi sanguis in vulnera Sponsae, & ipsa deficit dolore, amore liquefcit, ibique requiescit.

**Gradus tertius per donum consilij.** Tertius ascensus est in illa beatissima passione per donum consilij, hoc modo. Recogitat animus contemplans, quod Dominus noster Iesus Christus crucifixus usque ad crucis mortem fuit obediens Patri, omni vilitati, abiectioni, & derisui subiectus pro nobis, paternum cum sua deiectione requirens honorem, ut sicut quantum ex parte nostra erat, peccatis nostris inhonoraueramus eum, sic seipsum inhonoraret ignominiose moriendo pro nobis. Recogitat etiam quod si Christus semper fuerit pauper in cruce, tamen pauperimus fuit, cum expoliatus, nudus remansit pendens in ligno. Recogitat etiam quod in cruce fuit amaritudine & doloribus plenus, qui Angelorum dulcedo & solatium erat. Elongata enim fuit ab eo omnis delectatio & consolatio temporalis. Ex his ergo confurgit animus ad similia facienda, etiam se abstrahere cupit ab omni appetitu honoris, & ab omni rerum possessione, ac ab omni corporali consolatione. Primo ergo intuens Christum Dominum suum abiectum & vilificatum, non iam temporalem honorem appetit, sed toto corde desiderat cum Domino suum omnem vilitatem, abiectionem, & derisionem subire: in quibus possit Domino suo aliquantulum conformari: honores tamquam vilissimum stercus abhorret. Iam non desiderat placere hominibus, sed potius quantum in se est, omnibus displicere, & ab omnibus abhorreri, semper tamen ad Dei honorem: & etiam si indifferenter esset utrumque, vituperium potius appeteret quam honorem. Sunt enim ei foetidissima sanies laudes sui, id est de seipso. unde solum diuinas laudes requirit, ibique totus affluit, resoluatur, & fiti inextinguibili inestimabiliter in omnibus solum diuinum honorem requirit. Iam non ad se reflexus, nec ad alia obliquatus, sed totus rectissime tendens in Deum. Tunc maxime latatur eius animus, quando vituperio suo honorificat Deum: quia ad utrumque anhelat cor eius, & utrumque respicit in Christo crucifixo fuisse. Sed quid dicam de paupertate? Semper vellet esse nudus cum nudo in cruce: dolor enim sibi est intimus aliquid habere, gaudium maximum non habere siue in proprio, siue in communi, siue quantum ad dominium, siue quantum ad usum. Vfus enim paupertatis maxime ei placet. Sed quia necessitas, aut spiritualis utilitas non permittit eum aliquorum vsum non indigere. ideo secundum quod ad honorem Dei videt esse, tenet ea, sed tamen quasi gladium acutum in corde. Et ideo paucioribus vititur, quibus potest, alleuians se amplius quo potest, nec delectatur in multiplicando, sed gaudet in abiiciendo. Sed quid

**A** de corporeis consolationibus & delitijs dicam? Ab omni breuiter consolatione, quae non est a Deo, vel secundum Deum, vel in Deo, se abstrahit quantum potest. Semper desiderat amaritudine & afflictione cum Christo repleti: quidquid complacet suo corpori, aut corporis sui oblectationi, corde abhorret. Non potest gaudere, non potest latari, nisi videat se illis beatissimis vulneribus conformari. horret in consolationibus, in amaritudinibus & doloribus gaudet. Sic ergo egregius contemplator per donum consilij in passione Christi se ab omnibus abstrahens totus in Deum tendens super omnia eleuatur, a seipso abstractus, solum in Dei honore, in Christi vilificatione & afflictione, cor suum, & sua meditatio conuersatur. Iam solus cum solo conuersatur, & circa diuinos honores, circa aeternas diuitias, circa immensas Dei delicias negotiatur in praedicta passione anima delicata. Ibi habitat, ibi requiescit, in Domino suo dulcoratur, cor liquefcit, pectus, mens supra se eleuatur, inebriatur anima spiritualibus delitijs, & in eis sepelitur.

**Quartus** ascensus est per donum fortitudinis, per hunc modum in praedicta passione. Nam anima diligenter illam passionem Domini sui ruminans considerat Christi fortitudinem aggrediendo, tolerando, subiugando. In aggrediendo tam voluntarie tam opprobriosa certamina, offerendo se ad tam vilia, & acerbissima perferenda pro nobis idolatris & inimicissimis suis. In tolerando tam acerba & vilia pro creatura sua, quam in momento destruere posset, quasi mansuetissimus agnus, immo sine comparatione mansuetior in tolerando. In subiugando se in cruce diabolum superauit, & mortem moriendo destruxit. Sic & fortis Christi miles, & imitator Domini sui quanto res difficilius, quantoque ignominiosius, tanto feruentius & ardentius, atque libentius aggreditur eam, dum tamen sit ad Dei honorem & laudem, aut aliorum salutem, vel propriae animae utilitatem, quod totum ad honorem Domini est. Nam nihil ei difficile esse vel ignominiosum videtur, dum pro eo facit, qui pro ipso indigno talia est aggressus: immo omnia dulcia, omnia amabilia, omnia laudabilia, & desiderata iudicat. Quanto magis assimilatur illi ignominiosae passioni, illa libentius astringit, amplectitur audius. Haec querit, haec recogitat, haec scienti animo adimplere desiderat. Non dicit, Quare mihi impositum est hoc vel illud onus? sed dicit, Quare non subeo hoc, & illud grauissimum & vilissimum opus? Ex hoc nititur etiam imitari Dominum suum Iesum in tolerantia passionum. Fit enim agnus & coram se tondentibus irridentibus & flagellantibus obmutescit penitus, immo in omnibus his arridet cor eius, videns se Domino suo conformari, & pro meritis digna pati, & eo ipso Dominum honorari. Imitatur etiam Dominum in fortitudine dominandi. Subiugat enim sibi omnem animi sui appetitum, ut ad nihil nocuum, nihil superuacuum, & inutile extedatur. Quasi castrum fortissimum cor suum custodit, ut non solum nocua, sed etiam otiosa, vel infructuosa permittat ibi rogari. Omni custodia custodit cor suum, & semper vult diuina vel ad Deum suum tendentia ruminare. Et quia dum in hac vita sumus semper, vel quasi semper tritico paleae admiscuntur; ideo semper ventilabrum tenet in manu ad continue perflandum & purgandum aream suam. In ostio cordis suipius statuit versatilem gladium, ut ipsum quasi Dei paradisum custodiat diligenter. Quique cogitatus in corde suo vesci voluerit ligno vitae, hunc diligenter fouet & nutrit: qui vero ad lignum vetitum solum aspectum direxerit, illum statim a corde suo abscidit. Non ibi introitus colubri tortuosi, nec muliebris cogitatio reperitur. Et si inueniatur, cum vituperio, & cum impetu remouetur, solumque ibi virilia nutriuntur. Hic vere potest diuinae contemplationi adherere, qui purgato corde,

Matt. 3. c.

Luc. 3. d

Gen. 3. d

corde, & mundo corpore incedit. Non enim leuat oculos ad vana, aures ad inutilia vel nocua, non nares ad odorifera, non gustum ad dulcia, non tactum ad mollia: sed totaliter interius & exterius cum omni diligētia se custodit, & dominatur sui plenarie secundum quod potest assequi in hac vita: sicq. propter sui puritatem aptissimus fit ad susceptionem diuinarum irradiationum. Libenter in tam puro habitaculo habitat sol iustitiæ, & fulget in quibuscumque angulis eius. In intimis eius resplendet claritas huius solis, quia nec impediens inuenit, nec resistens: splendet, & resplendet, donec illud cor purum absorbeatur diuina claritate. Tunc anima super se eleuata, diuinam caliginem intrat, tunc clamat & dicit: Et nox illuminationis mea in delictis meis.

*Pf. 138. b*

Grad<sup>o</sup> quintus per donum scientiæ.

Quintus gradus per donum scientiæ est in beatissima passione Domini nostri Iesu Christi. Et si velis accipere donum scientiæ in medio nationis prauæ & peruersæ prudenter conuersari; primo clarissimum speculū de hoc inuenies in hac beatissima passione. Possumus tamen præfatum donum scientiæ accipere, prout est inferiorum cognitio, prout ipsa sunt auxiliantia, & inducentia ad spiritualia, & supercelestia contemplanda, & hoc in passione Domini nostri Iesu Christi inuenire poterimus maxime considerantes correspondentiam figurarum. Et reperies ibi mirabilem thesaurum sub illis figuris absconditum, in quo mira deuotionis suauitas, & animarum satietas fodienti cum diligentia elargitur. Videas ergo qualiter figuræ, & diuina Scriptura in Domini passione clarescunt, & inde postmodum altius eleuare ad admirandam sapientiam, & clementiam Dei Patris nostri, qui sic ad vtilitatem nostram omnia tam diligenter ordinauit. Omnia ergo in quantum possumus ad Christum crucifixū reducamus. Dicamus igitur: In principio creauit Deus cælum, & terram, idest in Filio sic crucifixo Angelicam, & humanam naturam restaurauit, humanam redimendo, Angelicam de hominibus reparando. Dixit Deus: Fiat lux. Ipse in cruce lux est expellens omnes peccatorum tenebras per sui præsentiam faciens diem, & per absentiam noctem.

*Gen. 1. a*

*Ibidem.*

*Ibidem.*

*Pf. 103. c*

*Gen. 18. b*

Fecit etiam firmamentum in medio aquarum in cruce, diuidens consolationes temporales ab æternis, vel diuidens aquas sapientiæ humanæ ab aquis sapientiæ diuinæ, vel diuidens aquas vitiorum ab aquis gratiarum, vel aquas tribulationum ab aquis diuinarum consolationum. Item in Christo existente in cruce congregatæ sunt aquæ, quæ sub cælo erant: quia Deus posuit in eo omnes iniquitates nostras, id est pœnas pro nostris iniquitatibus debitas. In eo vero facta est congregatio aquarum, quia in eo fuit diluuium passionum, amaritudinum, & opprobriorū: & ideo gratia sui terra apparuit arida. Qui enim pro peccatis nostris digni eramus inundatione omnis pœnæ, liberati sumus merito passionis suæ. Vnde vere ipse fuit mare magnum, & spatiosum nimis, & profundum. Et sic discurre per Scripturas secundum quod Dominus tibi dabit: quia quasi infinita inuenies ibi, quæ pulcherrime Dominicam passionem designant. Nec tamen si multo plus sine comparatione essent, sufficerent ad ipsam plenarie declarandam. Et si quis bene & diligenter eas Scripturas recolligeret, & videret, in quo ista & illa Christi passionem ostendunt. videret in eis mirabilem correspondentiam, & audiret ibi mirabilem melodiam, quæ miro modo dulcoraret cor suum, & faceret eum ingredi in Sanctuarium Domini. Accipe vnā quantūcumque vis alienam figuram de passione Domini nostri Iesu Christi, & videbis quanta est ibi dulcedo, si bene cum diligentia ruminetur. Vide, obsecro, illam Abraham figuram de vitulo, quem tribus Angelis ad vescendum dedit, quantam dulcedinem continet contemplationis, quæ tamen in apparentia parum, vel parua apparet. Quantam ergo continet

dulcedinem, quæ in ipso primo aspectu ipsam mentem dulcorat, sicut est illa ligni vitæ in medio paradisi, idest Christi in cruce in medio Ecclesiæ, siue in corde Virginis, quæ erat sicut paradysus, & de fonte egrediente de loco voluptatis, idest de latere Christi, &c. Quid est, obsecro, Abraham vitulum tenerimum de armento dare ad vescendum tribus viris, nisi Deum Patrem, suum Filium vnigenitum innocentissimum, immo gratiæ & veritatis plenum pro nostris iniquitatibus tradere morti crucis? Et quid est tres viros vitulo vesci, nisi ex illa passione toti satisfieri Trinitati, quæ erat pro nostris iniquitatibus ad iustitiam famelica? In hoc apparet illius figuræ dulcedo, quod per Abraham intelligitur Deus Pater, & per vitulum Filius, & per illos tres viros ipsa Trinitas, cum tamen non distinguantur Pater, & Filius ab ipsa Trinitate, nisi quia sunt de tribus personis duæ. In hoc dico apparet ineffabilis, & mira dulcedo cordi contemplantis: quia Deo ad iustitiam famescēte in seipso propter nimiam benignitatem suā iudicium flexit. Alioquin deuorasset nos iustitiæ famēs: quia non erat qui satisfacere posset illi appetitui, nisi iste vitulus tenerimus. Deus ergo Pater tradidit Filium suum omni afflictioni, & derisui ad satisfaciendum sibi, & Filio, & Spiritui sancto pro iniuria eis illata a nobis. Quid est hoc? Numquid, quia offendimus eum, debuit seipsum iudicare? Nonne aliter potuit vindicare se, nisi adiret pœnam offensæ? Ipse Christus erat offensus a nobis, & iterum iudicatus fuit a nobis, & in nobis, & pro nobis, & secundum diuersas naturas, tamen eadem persona fuit offensa, & iudicata. Comede ergo tu frater dulcissime de vitulo Abraham, si vis mirabilem refectionem habere. Attende etiam quidquid in figura sequitur: Filius Abraham promittitur de Sara post vituli comestionem, cum tamen essent ambo senes prouectæ ætatis. Quid est hoc? Numquid post mortem Christi nascitur denuo Christus, qui per Isaac intelligitur? Sic certe in cordibus nostris. Nam iste Abraham senex, est Deus Pater, qui antiquus dierum in Daniele vocatur propter principalitatem auctoritatis, quæ residere consuevit apud senes. Non enim in eo est durationis successio. Nam etsi propter immensitatem sit eius duratio interminabilis vitæ possessio, tamen propter nimiam simplicitatem est tota simul. Iste pater antiquus de Sara antiqua post vituli comestionem genuit Isaac, idest vnicum filium, quem genuit, & generat ab æterno, idest postquam pro nobis in cruce immolatus est, in mentes nostras omni malitia antiquatas misit non per loci mutationem, sed per mentium nostrarum irradiationes: & tunc ride-re vere potuimus, quia dulce lumen, & delectabile oculis solem iustitiæ intueri potuimus. Et ideo vere Isaac dicitur risus noster. Sed numquid Domino mirabile fuit, quod antiquus de antiqua generaret? Itē omni admiratione dignum, & gratiarum actione, quod ille, qui est summæ maiestatis, & antiquus propter auctoritatis principalitatem, vilissimarum animarum, & idolatrarum, omniq. malitia antiquatarū voluerit recordari. Sed hoc maxime mirum videtur, quia post mortem vituli, idest Filij: quia eo ipso digni eramus carentia eius, quia ipsum occideramus. Fecit ergo benignissimus Dominus antiquato tempore, & antiquata malitia, nobis bene, quia facimus ei male. occidimus Filium suum, & illa morte nobis ipsam damnauit. Vide & attende mirabilia Dei. Sed non ne anxiaris in corde in nouissimis diebus, iam sene Sara? Quid si Sara mortua esset? quid si paululum expectasset, qui tanto distulit tempore? Nonne defecissemus in iniquitatibus nostris, nisi esset Isaac amplius risus noster? Sed quare plus modo, quàm prius? Nonne quia abundauerunt iniquitates præ ceteris? Gratias tibi Domine Iesu, gratias agimus: quia recordatus es nostri, repugnantibus meritis nostris.

Totum

Totum ergo me tibi debeo, immo in infinitum plusquam totum, si possem: quia non solum me fecisti totum, sed immensa etiam benignitate tua me refecisti. Accedam ergo, & attendam ad te totus, & tibi totaliter adhærebo. Ibi requiescat cor meum, & de cetero per deum non discurrat. Si ergo in prædicta passione mens eleuari debet per scientiam figurarum correspondentium, & præfigurantium ipsam beatissimam passionem, debet enim eas cum summa diligentia ruminare, & in illos diuinæ bonitatis, & benignitatis thesauros per ipsarum considerationem introire, donec intantum eleuetur, ut tota mens in Christum suum Dominum vulneratum totaliter perfundatur, & eius amore absorbeat cor eius. Hoc tamen donum Dei est, totumque ab ipso recognoscere debet, faciat tamen quod in se est.

Gradus sextus per donum pietatis.

Sextus est etiam ibi ascensus per donum pietatis. Cum enim homo considerat illa intima pietatis viscera Domini nostri Iesu Christi, quæ super nos effudit in cruce taliter moriendo pro nobis, mouetur & aperitur cor eius erga proximum suum, ut libenter pro salute sua se totum ei impendat, pro quo videt suum Dominum crucifixum. Dilaturatur cor eius ad sanguinem Christi Redemptoris, & sicut toto corde compatitur Domino suo Iesu Christo in cruce pendenti, ita intime, & quasi sibi metipsum condolet proximo suo ab ipsis vulneribus recedenti, immo istum sanguinem conculcanti. Ideo vulneratur cor eius propter contemptum sui Domini vulnerati, & propter compassionem, scilicet proximi, beatam vitam in æternam mortem voluntarie commutantis. Dei videt contemptum, mortem Christi Filij Dei vnigeniti contemptam, eiusque pretiosissimum sanguinem conculcatum, nobilissimam creaturam Dei imagine insignitam voluntarie ire ad inferni suspendium. Et sicut malis condolet, ita bonis congaudet, videns eos recipientes effectum vulnerum Iesu Christi. Cum omnibus intrat vulnera illa, & fit vnum cum illis. Cum gaudentibus de bono gaudet, & cum tristatibus de malo tristatur. Quemlibet proximum reputat seipsum, videns se & proximum esse ab eodem creatos, cõsimili imagine insignitos, eodẽ sanguine redemptos, & ad idem præmium ordinatos. Et ex hoc præcipue ad proximum cor suum aperit, quia videt Dominum suum omnibus crucifixum: & ideo ipsum in omnibus requirit, in omnibus considerat, & in omnibus pro suo modulo intuetur, scilicet Christum suum contemplan totusque est proximi: quia totus est crucifixi. O quantum cordis gaudium, quantumque tripudium cum videt is proximum suum Dominum bonis operibus honorare! Non inuidet, non æmulatur, non detrahit, non retrahit, non impedit, non retardat signis, dictis, aut factis, causaliter, seu occasionaliter, sed totaliter fit proximi profectus, & detestatur defectum, vtrūque reputans suum. Et hoc maxime placet Domino nostro Iesu Christo crucifixo: quia pro ipsarum salute, & paterno amore est ipse affixus in cruce. Animarum, salus honor diuinus, compassio proximi, inflammatio sui sunt proprie attendenda in vulneribus Christi, & per illius pietatis donum modo mirabili anima eleuatur in Deum suum. Quando enim homo in quantum potest, se nititur conformare illi diuinæ pietati, quam erga nos manifestauit in cruce: tunc anima præcipue complacet ipsi Christo. Et ideo sibi conformatam, sibi dilectam ad pietatem apertam, ad suos amplexus tamquam Sponsam electam adduxit, hanc amat, hanc diligit, hanc stringit quam videt secum idem sentire, sibi compatiendo: idem sapere, Deum honorando; idem zelare, animas sitiendo; in seipsum transformari nimio amore ardendo. Ideo pietas ad omnia utilis est, quæ & diuinum honorem appetit, & dolores ab animabus expellit, & animarum fructus fit, & Christi sanguinem in anima sua requirit & amorem erga Deum & proximum, erigit, &

1. Tim. 4. c

ignit, &c. Attēdamus ergo charissimi, quia pro certo credo quod istud donum inter omnia, & forte præ alijs immo firmiter credo, quod præ alijs placet Domino Deo nostro Iesu Christo. Faciamus ergo, obsecro, beneplacitum eius, & pietatem suam hauriamus de latere eius. Simus omnes vnum in Domino nostro crucifixo, & nihil nisi Iesum in proximo requiramus, & sic in proximum tendamus, ut super Christi vulneribus recurramus cum ipso. Non proximum nostrum aspiciamus, ut pulchrū, aut huiusmodi, quæ animam retrahere a Christi, vel eius amore possunt; sed ut Christi mortē redemptum, sanguine Christi perfusum. Anima proximi cum sanguine Christi intrer in cor nostrum, nihil nobis sit difficile, nihil videatur vile, etiam ignominiosa morte mori pro illo, pro quo Dominus noster est cū tanta ignominia crucifixus: immo omnes sitiamus pro animarum salute omnem afflictionem, omnem ignominiam, & mortem etiam turpissimam sustinere. Sit vnusquisque proximus sicut cor nostrū, pro quo fuit cor, vel corpus Domini nostri Iesu Christi tot doloribus aggregatum. Multiplicemus prædicationes, exercitationes, bona exempla, orationes, ieiunia, genuflexiones, vigiliæ, & vilificationes pro animarum salute. Hoc sit officium nostrum, hæc gloria & consolatio nostra semper pro animabus aliquid Deo offerre. Non cesset lacrymarum fons ab oculis nostris pro nostris & proximorum peccatis. Sufficiat nobis charissimi his doloribus in hac valle miseræ satiari. Semper proximorum peccata, & nostra pendeant in oculis nostris, immo intrent & penetrent intima cordis nostri, & semper vbique, & in omnibus Dominus noster Iesus Christus pro peccatis nostris crucifixus occurrat. Hæc pietatis ascensio totum emollit cor & dilatat, & inter Christi amplexus collocat, & quietat.

Septimus gradus ac vltimus est per donum timoris, a quo omnis perfectio actionis & contemplationis obseruatur, vel conseruatur dumtaxat ut seruitus excludatur. Et est iste ascensus per hunc modum in passione Domini nostri Iesu Christi. Quando enim homo videt, quod Filius Dei Dominus Deus suus natura humana assumpta tanta pro peccatis nostris sustinuit, & tam grauissime peccatum nostrum in se iudice innocentissimo, immo Deo nostro pijsimo vindicauit: considerat quanta pœna, quantis opprobrijs atque illusionibus & flagellis dignus est ipse, qui ipsam nequitiam perpetravit. Cognoscit etiam ex hoc, quantum peccatum suum summæ maiestati displicuit, & quantum ipsum abhorruit, dum ad ipsum abluendum suum Filium tradidit morti crucis. Sicut enim Deo displicet Filij contemptus & occisio, sic suo modo ei nostrum displicet peccatum, pro quo facta est illa traditio, immo tantum peccatum nostrum abhorruit, ut potius mortem Filij, quam peccatū sustineat, magis sibi placuit Filium tradere cruci, quam dedecus peccati sustinere. Videat ergo homo & consideret, quantum illam maiestatem offenderit, dum ipsum Deum etiam post tale iudicium contempsit, rursus quantum in se est Dei Filium crucifigens. Mirum est quomodo homo nimio timore non continue tremit coram Deo, quem offendit, sicut tremit populeum folium cum a magno vento mouetur, & deberet quasi in cinere & terra præ timore resolui. Recurramus ergo charissimi ad vanitatem & nequitiam nostram, & diuinam offensam, & coram ipso nos humiliemus quantumcumque poterimus: quia adhuc modicum est secundum quod congrueret nequitie nostræ, & maiestati suæ. Paueamus atque vereamur oculos nostros ad cælum leuare, & tendamus pectora more publicani, ut nobis ipsis peccatoribus misereamur. Dicamus: Magnum est, si indignabitur aspicere nos, qui pro vilissimo stercore contempsimus ipsum. Timore reuerentiæ illius summæ maiestatis in nihilum, prout possumus redigamur: & de cetero de nobis non nisi

Gradus septimus per donum timoris.

nisi vilia sentiamus. Contra nostram prauam nequitiam animemur, & nos ipsi nostri iudices simus, vindicemus in nobis iniuriam Domini nostri, & quantum possumus nos conculcemos, dicentes vnusquisque intra se: Si pro peccatis meis Dominus meus ita vilificatus est, & afflictus; quomodo meae vilitati & afflictioni parcere potero, qui peccaui? Absit a me, ut de cetero presumam de me, nisi detestabile, vilissimum, & abominabile stercus, cuius faecorē ego ipse sustinere non possum. Ego ipse, qui contempni Dominum Deum, & pro quo mortuus est Dominus meus Iesus. Iam horrent me vestimenta mea, & mirum videtur, quo modo me non detestatur omnis creatura, quia omnium Creatorem contempni. Sic tamen timere debemus, ut semper de Dei infinita clementia confidamus: quia certe in infinitum sua bonitas excellit malitiam nostram. Et iste supradictus timor, & humilitatis, & reuerentiae est mirae ascensionis occasio: quia tunc praecipue ducitur homo ad superabundantiam gratiae. Sed ne tibi displiceat charissime frater, si huius timoris occasione aliquam digressionem fecero a Dominica passione. Intendo enim tandem reuerti ad illam. Ut plenius ergo huius timoris conceptum tibi exprimere valeam; iam mihi videtur, ut tota huius mundi machina post me, & contra me nefandum proclamet, & dicat: Iste est ille, qui Dominum Deum nostrum contempsit, & contemnit. Iste est vanissimus & nequissimus, qui ille plus vanitatem quam Dominum dilexit. Iste est ille pessimus & ingratus, qui plus diabolicis figmentis, quam diuinis beneficijs est tractus, plus sibi complacuit diabolica nequitia, quam diuina beneuolentia: magis eligit esse seruus diaboli, quam filius Dei. Iste est, qui in praesentia Dei ei iniuriari non timuit. Iste trahi non potuit diuinis blanditijs, nec terri diuinis iudicijs. Iste certe est, qui diuinam potentiam, diuinam scientiam, diuinam sapientiam, diuinamque bonitatem suis maleficijs contempsit, & quantum in se fuit, irritum. Plus timuit vni infirmissimo viro iniuriari, quam summæ potentiae Dei. Plus verecundabatur corā aliquo vilissimo rustico aliqua turpia peragere, quam coram summæ sapientiae Deo nefandissima perpetrare. Plus amplexus est stercus foetidissimum, quam summe bonum, & summe suauissimum, cum tamen id esset in prohibitione, istud in praecepto, & exhortatione. Iste est, qui Deū pro nihilo reputauit, & non pro Deo adorauit, & vanitatem supra Deum dilexit, conuertebat se ad abominatissimam sanie, & dorsum vertebat ad diuinam maiestatem. Quid dicam? Omnia abominabilia non timuit in Dei praesentia perpetrare: nec veritus est Creatorem suum. Clamant suo modo creaturae, & dicunt: Iste est, qui nobis abusus est, & qui debuit in beneplacito Creatoris nos ordinare, fecit nos ad diaboli dolum serpire: dū nos supra Deum amauit, magnam nobis iniuriam fecit. Iste est nefandissimus homo, qui nos ad honorē Dei factas in iniuriam Dei conuertit: debuit nobis in beneplacito Dei vti, & voluit potius nobis in diabolica seruitute abuti. Erat anima eius ad imaginē Dei facta, & ipsam deturpans voluit omnium nostrum imagine insigniri. Terrenior enim fuit terra, fluxibilior aqua, vanior aëre, plus ardescens vel ardentior igne, concupiscentia, durior saxis contra se, crudelior brutis contra alios, venenosior basiliscis. Quid dicam? Nec Deum timuit, nec homines reueritus est: suum venenum quantum in se fuit in multos diffudit, nūc oculis, nūc cogitationibus, nūc verbis, nūc gestibus & factis. Non suffecit ei Deo iniuriari in se, sed & alios ad Dei iniuriam, quasi inquātum potuit, prouocauit. Quid dicam? Seipsum quasi aliquid magnū non omnipotentem Deum existimauit, dum nec Dei voluntate, nec aliqua lege voluit regulari, sed pro libito contra Deum, & prout sibi placuit sua voluntate vagari, se pro suo posse supra Deum erexit. Si Deus

A suum non adimpleuit beneplacitum, & aliqua aduersa intulit, vel non semper suae felicitati prouidit; contra ipsum Dominum Deum suum, quasi contra vnum suum famulum turbabatur. Non Deum dilexit propter Deum, sed propter seipsum & Deum ordinans ad se, tamquam ad finem. In sua propria voluntate omnia ad se, tamquam finem, & Deum, & finem vltimum, prout potuit ordinauit. Et si dimisit aliquando peccare, non dimisit propter odium & detestationem mali, & dilectionem summi boni, sed quia aliquando timuit repelli. Vnde semper erat ad se reflexus, siue in dimittendo, siue in faciendo, & omnia propter se, vel dimisit, vel fecit. Tam de bonis, quam de malis voluit commendari, ac si Deus esset, a quo cuncta quae sunt bona & mala ordinantur in bonum. Quid ultra discurrā? Superbior fuit Lucifer, praesumptuosior Adam eiecto de paradiso: quia illi claritate pleni habuerunt alleclium aliquod immo maximum ad praesumendum: iste autem plenus foetidissimo stercore, tenebrositate & miseria non habuit nisi retrahentia. Clamā ergo contra me indignissimum dignissime omnes vel vniuersae creaturae, & dicunt: Venite & disperdamus eum, qui totus fuit deditus iniuriae Dei nostri. Vnde suo modo clamat, & dicit terra: Quare tam nequissimum sustineo? Aqua dicit: Quare eum non suffoco? Dicit aer: Quare non deficio? Ignis autem: Quare eum non comburo? Lapis: Quare eum non lapido? Infernus: Quare eum non deuoro, & crucio? Heu, heu miser, quid faciam, quo ibo, quia omnia contra me sunt armata. Ad quem recurrā? Quo diuertā? Contra omnia feci, Deum contempni, Angelos irritauit, Sanctos inhonorauit, homines viatores multipliciter offendi, abusus sum ceteris creaturis. Quid tantū discurre? Hoc ipso quod Deo Creatori omnium iniuriatus sum, cū ipso simul omnem creaturam offendi. Nescio ergo miser, quo me conuertam, qui omnium me constitui inimicum, nec superius, vel inferius, ante, vel retro, a dextris, vel a sinistris declinare possum, immo nec interius, nec exterius. Conscientia enim mea contra me pugnat, & totum diuisum est cor meum. Euigilabo ego miser, & oculis sine fine plorabo, dum sum in hac valle miseriae, si forte dignetur me respicere piissimus Pater. Scio quid faciam, vel facere disposui, Projiciam me in conspectu Domini Dei mei, & dicam ei:

Eia vere Domine, ego sum ille tuus pessimus inimicus, nequissimus seruus, nefandissima creatura, quae feci detestabilissima in praesentia tua. Non sum dignus Domine creatura tua esse, etiam in quantacunque poena constitutus. Si enim ego solus habere illam poenam infernalem, quam omnes demones, & omnes homines damnati habebunt, non sufficienter secundū peccata mea punire. Expande Domine super hunc miserum, pallium immensae clementiae tuae, & vincat nequitiam meam immensa bonitas tua. Recognosce in me imaginem tuam, quamuis deturpatam, & deduc me ouem quamuis errantem ad te pium pastorem. Gratuletur dulcissimus Pater de redeunte prodigo filio, pastor bonus de inuēta oue, & piissima mater de dragma reperta. O quam felix erit dies & hora, quando super collū meum corrues, & oscula exhibebis! Et ut te quidem possim placare, scio quid faciā. Contra meipsum ego ipse armabor, & ero praeter ceteris crudelior mihi, & seuerissimus iudex. Afficiā me vndique poenaliatibus & angustijs, & me tamquam lutum foetidissimum conculcabo, & abominabor me sicut stercus, & intolerabilis ero mihi metipso. In mea confusione & deiectione, & conculcatione siue a me, siue ab alijs illata lator, & exultabo cum apparuerit ignominia mea. Et quia non sufficio me detestari contra me vniuersum ceterum creaturarum congregabo, & a qualibet confundi & puniri desiderabo, quia earum contempni Creatorem.

rorem. Hic erit mihi thesaurus desiderabilis, super me penas, & opprobria aggregare, & eos intimo corde diligere, qui me adiuerint in hoc facto. Omnem consolationem & honorem vitæ præsentis horrebo, & velut valde hostes blandientes habebō. Credo firmiter, quod si sic fecero, vniuersa quæuis a me offensa ad mihi compatiendum potius, quàm ad vindicandum inclinabo, & quæ prius contra me clamabant, nunc suo modo pro me Creatori suo intercedent. Aperietur super me indignum, & miserrimū diuinæ pietatis thesaurus, sed & illustrabor in eum vel gloria sua. Exuar vestimentis viduitatis nimis, & clara veste fulgebo. Et certus sum, quod si sic me deiecero, sicut dixi, qui nunc sum omnibus creaturis abominabilis, & malo dignissimus, propter nimiam clementiam Dei mei ornabor monilibus, & in eius Sponsam assumar. Introibo secum in cubiculum eius, & tādē secum matrimonium consummabo. Resoluar in ipsum & fiam vnus spiritus cum eo, & qui prius eram dæmoniachus, ero diuinus. O mira & inenarrabilis immutatio dextræ tuæ Domine Deus meus! Ad quid ergo retardabo adimplere, quæ dixi? Quomodo capient somnum oculi mei, aut quietē cor meum, donec veniam ad diu desideratum Sponsum meum, & Dominum meum Iesum? Currant ergo vndique opprobria & flagella, & me nequissimum introducant ad benignissimum Dominum meum Iesum. Omne honorificū, & delectabile sit procul a me, nec audiat in finibus meis. Solus honor diuinus in omnibus nobis requiratur & abiectio nostra. Scio etiam quid faciam, Domini mei Iesu vulnera introibo, & in eius dolores & opprobria quantum potero transibo, vel transformabor, & eius opprobriosissimam passionem induam tamquam vestimentū regale, & nihil requiram, nisi quæ sunt conformia huic passioni, ceteraq. abijciam sicut stercus. Quæ creatura audebit de cetero post me conclamitare? Si fuero hac veste indutus, iam Christi passio pro me prout necessarie fuerit contra omnia militabit. Non erit qui contra me militare audeat, si Christi stigmatibus fuero cōsignatus. Vbiq. & semper habitabo in illis, vt sim quasi in ca stro securus ab omni impulsu maligno. Et impossibile erit charissime frater, quod si fuero bene in Christum crucifixum transformatus, quin sim illi conformis & coheres in regno, vbi illi sūt dilectissimi Dei, qui sūt crucifixi cum Christo. Non enim potest se Deus negare sanguine Christi perfuso. Ornabo ergo genas meas Christi cruore, & ero amabilis Deo, mirabilis mundo, laudabilis consortio beatorū, qui clamabūt, & dicent: Quis est iste formosus in stola sua? Quis est iste, qui sic gloriose incedit laureatus in sanguine Christi? Certe omnes prædicabunt me beatū, qui oculū habebunt apertum. Vnde non dubites frater charissime quod hoc est summum refugiū ad omne malum vitādum, & ad omne bonum assequendū. Hic delitiarū paradysus, de cuius lateris medio abundantia omnis dulcoris & suauitatis emanat. Ibi inebriatur homo dulcedine indicibili, & mira amōnitate alienatur a se, & superexcedenti deuotione reparatur, & superfertur in Christo. Ibiq. requiescit inter amplexus dilecti. Hæc autem omnia charissime frater redigamus ad tria, ad quæ semper tenemur, vel conemur, scilicet ad honorē Dei, compassionē Christi, & proximī, & deiectionē nostri. Et hoc toto corde, & nihil aliud sitiamus. Quod nobis concedat qui viuī, & regnat in sæcula sæculorum. Amen.

*Quod Christus in sua passione beatitudines octo perfecte habuit. Cap. VIII.*

**B**eatitudinum septem refulget clarissimus splendor in hac beatissima passione Domini nostri Iesu Christi, immo proprie hic est fons & origo earū, & etiam alleclium & directium exemplar. Quis

S. Bon. Tom. 7. Pars iij.

enim pauper spiritu, nisi Christus in cruce nudus? Quis mitis, nisi, qui tamquam ouis ad occisionem ductus est, & coram tondente se non aperuit os suum? Quis lugens, nisi, qui cum clamore valido, & lacrymis preces, supplicationesq. offerens pro suis crucifixoribus, & nobis peccatoribus, suisq. inimicissimis? Quis excusabat apud Deū Patrem intercedendo, & dicebat: Pater ignosce illis, quia nesciunt quid faciunt? Ipse enim plus peccata nostra lugebat, quàm pœnam suam, plus compatiendo nobis, quàm sibi. Quis vero esuriuit, & sitiuit iustitiam, nisi Christus in cruce pro peccatis nostris, satisfaciendo iniuriæ Patris, esuriens, & sitiens animarū salutem? In cuius rei signum dicebat: Sitio? Quis vero misericors, nisi hic Samaritanus, qui transeunte sacerdote, & leuita, infundens vinum & oleum vulnerato alligauit vulnera, & imposuit iumento suo, scilicet corpori proprio, nostras infirmitates assumens pro peccatis nostris? Quis patiens, nisi, qui iustissimus, & innocentissimus pro peccatis & iniustitijs nostris crucifixus vi amoris, & ardore charitatis iniquitates nostras portauit super lignū? Vbi relucet munditia cordis, nisi in eo, qui innocens immolatur, & ipse corda nostra suo sanguine pretioso mundauit, & lauit? Quis vero pacificus, nisi ille, qui est pax nostra, qui fecit vtraque vnum, & passione sua pacificauit nos Deo in sanguine suo? Quis vero persecutionem passus est propter iustitiā, quam habebat, faciebat, prædicabat, & scribebat, nisi ille, qui est a ludæis crucifixus? Vere hic est vere beatus, cui maledixerunt homines aduersus eum mentientes. Hæc sunt beatitudines, quas habere ipse Christus docuit, & in seipso qualiter sint adimplendæ suo exemplo monstrauit.

Luc. 23. e

Ioan. 19. f

Luc. 10. f

Eph. 2. e

*Quod in cruce apparent duodecim fructus spiritus, quos enarrat Apostolus ad Galatas.*

Cap. I X.

**I**N hac etiam crucis arbore sunt illi suauissimi fructus, quos enarrat Apostolus ad Galatas, dicens: Fructus autem spiritus sūt charitas, gaudium, pax, Gal. 5. patientia, longanimitas, bonitas, benignitas, mansuetudo, fides: quia ibi est fundamentum fidei, & fulcimentum, & verum oblectamentum in ratione sui obiecti, & non subiecti, quia in Christo non fuit fides. Sequitur modestia, continentia, & castitas. Hæc omnia manifestissime relucet in passione Christi in cruce. Et ideo conuenientissime subdit Apostolus ibidem: Qui autem sūt Christi, carnem suam crucifixerunt cum vitijs, & cōcupiscentijs, scilicet vt manifestissime ostendat hos fructus pendere in arbore sanctæ crucis, quos capere possunt conformantes se ei assigentes seiplos cruci.

*Quod in cruce speculari possumus pulcherrimum exemplar decem mandatorum decalogi.*

Cap. X.

**E**t etiam in hac beatissima passione regula, & exemplar, & executio mandatorum Dei, vt sicut ipse fuit Deo Patri obediens vsque ad mortem, sic & tu obedias vsque ad mortē diuinis mandatis. Possumus autem ibi speculari exemplar pulcherrimū omnium mandatorum.

Quantum enim ad primum mandatum, in quātum ipse homo summus Dei cultor fuit offerens se Deo Patri in ara crucis sacrificium medullatum, oblationem, & hostiam pacificam pro peccato.

Quantum ad secundum mandatum, nō assumpsit nomen Dei in vanum, nec falsum iurauit, sed in passione crucis beatissima, quæ Patribus iurauerat, adimpleuit.

Quantum ad tertium mādatum, sabbato in sepulcro quieuit, & ibidem etiam nos debemus celebrare

T sabbata



sabbata nostra non in trufis, vanitatibus & discursibus, sed in quiete cum gratiarum actione.

Quantum ad primum præceptum secundæ tabulæ, Patri summam reuerentiam in cruce exhibuit, dum se ei vsque ad mortem crucis humiliavit, vt debitum honorem contra iniuriam a nobis illatam impenderet ei. Exhibuit etiam debitam reuerentiam Matri suæ, cui non solummodo fuit subiectus, immo in cruce pendens cum magna diligentia dilecto discipulo eam commendauit.

Quantum ad secundum, non solum mortuos non occidit, sed etiam sua beatissima passione & morte, mortem occidit, & mortuos viuificauit.

Quantum ad tertium contra mœchiam detestabilem, sibi in matrimonium copulauit Ecclesiam, Spôsus castissimus Sponsam castissimam eligendo nõ habentem maculam, neque rugam.

Phil. 2. a

Quantum ad quartum, non rapinam arbitratus est esse se æqualem Deo, sed exinaniuit semetipsum formam serui accipiens. Vel dicimus quod furtum non fecit, sed furtum recuperauit per mortem. Descendit enim ad inferos, & spoliavit infernum, & quos furtiua manus diaboli de bonis iniuste rapuerat, & iniuste detinebat, merito suæ passionis redemit, captiuamq. ducens captiuitatem dedit dona hominibus.

Quantum ad quintum, non solum falsum testimonium non dixit, sed pro veritate quam dicebat, & faciebat contra se falsos testes habuit dicentes contra eum blasphemiam, & nequitiam, propter quod etiam adiudicatus est morti.

Quantum ad sextum, & septimum non solum non aliena concupiuit, sed etiam semetipsum proximis in cruce donauit. Sic igitur manifestissime apparet, qualiter mandatorum obseruatiã relucet in passione gloriosa Domini nostri Iesu Christi.

*Quod a passione Domini omnia sacramenta ecclesiastica D trahunt virtutem, & quod sine ea impossibile est intelligere sacram Scripturam.*  
Cap. XI.

**A**B hac etiam sacratissima passione omnia sacramenta Ecclesiastica trahunt virtutem, quæ sunt nobis contra omnem morbum spirituales saluberrima medicina. Hæc etiam beatissima passio est nobis diuinarum Scripturarum Dauidica clauis, quæ aperit & nemo claudit, claudit & nemo aperit. Sine hac enim impossibile est intelligere sacram Scripturam, & hac bene in mente impressa omnia in luce clarescunt. Incipias ab Adâ, quomodo Eua de latere eius formata est, & de ligno vitæ in medio paradisi, de immolatione Abel, & morte eius; & sic per totâ Scripturam discurre, si vis videre, quomodo veritas eius resplendet in speculo passionis.

Apoc. 3. b

*Quomodo in beatissima Domini passione relucens omnium Angelorum hierarchiarum officia.* Cap. XII.

Hierarchia  
cælestis pri  
ma.

Ioan. 15. b

**E**X prædictis manifestissime apparet, quomodo a passione Christi emanat omnis perfectio, & in ea relucet omnis pulchritudo Ecclesiastica, vel Euangelicæ Hierarchiæ. Simili modo in ea resplendet, & relucet omnis perfectio, pulchritudo, & decor Angelicæ Hierarchiæ. Nam in ea primo, & principaliter resplendet ille Seraphicus ardor amoris, quia maiorem charitatem nemo habet, vt animam suam ponat quis pro amicis suis. Non credo, quod omnes Angeli de paradiso possent suis intelligentijs capere hanc vehementiam charitatis, qua Dominus noster Iesus voluit talia pati pro nobis vilissimis seruis, immo nequissimis inimicis eius. Refulget etiam Cherubim speculatio & intelligentia veritatis. Nihil enim scio in hoc mundo, quod tantum veritatem Scripturæ elucider,

**A** tantum ad cælestia contemplanda eleuet, tantum ad Deum sapiendum illuminet, sicut passio Iesu Christi. Hic vere inuenitur scientiæ plenitudo. Hic etiã maxime splendet erga maiestatem æternam Thronica reuerentia, & veneratio. Sicut enim illi cælestes spiritus Throni dicuntur, quia in ipsius dicitur Deus tãquam in suo Throno quiescere propter nimiam venerationem, & reuerentiã, quam erga diuinam maiestatem habent, quia ipse quiescit super humiles & timentes eius sermones: sic & in hac beatissima passione Domini nostri Iesu Christi, dicitur Dominus Deus tãquam in suo Throno quiescere, quia ibi fuit excellens humilitas, reuerentia, & veneratio summa erga maiestatem æternam, nullamq. credo Angelorum reuerentiam huic posse comparari. Et ideo, vt per Anthropopathos loquar, spiritus Dei peccatis nostris irritatus & inquietatus in hac beatissima passione pacificatus fuit, & quieuit. Naturaliter enim Dei Thronus potest appellari passio, quia in ea, idest in signis eius iudicaturus est mundum. Vnde etiam firmiter credo, quod ad mundum iudicandum de nequitia sua apparebit ibi lancea, corona spinea, clauis, sponsia, & huiusmodi, & Dominus Iesus cum stigmatibus suis, qui clamabit, dicens: Videte qualia a vobis, in vobis, & pro vobis passus sum, & tamen ingrati omnia contempsistis, & pro nihilo pœnam & ignominiam meam duxistis. Ite ergo maledicti in ignem æternũ, &c. Et sic patet de prima Hierarchia.

In hac etiam beatissima passione relucet dominationum præcellentia. Humiliauit enim semetipsum factus obediens vsque ad mortem, mortem autẽ crucis. Propter quod & Deus exaltauit illum, & dedit illi nomen quod est super omne nomen. Ibi etiam relucet vel resplendet Potestatum resistentia, quia illam diabolicam potestatem, de qua dicitur, quod nõ est potestas super terram, quæ comparetur ei, ipse Iesus victoriosissime sibi subiugauit per patibulũ crucis, & mortem moriendo destruxit. Refulget etiam ibi Virutum efficax operatio, & precipue ibi fuit virtus cordium penetratiua & attractiua. Vnde illud est: Cum exaltatus fuero a terra, omnia traham ad meipsum. Vnde quod nos credamus, & diligamus cum nullo modo nobis ipsis attribuamus, quia nemo venit nisi tractus. In quo notatur motus non voluntarius ex parte nostra, sed potius violentus. Et sic patet de secunda Hierarchia.

Clarescit etiam in hac beatissima passione Principatum regimen, quia factus est principatus super humerum eius. Ibi etiam virescit Archangelorum resolutio, quia per hanc gloriosissimam passionem fit sufficiens leuatio ab omni culpa, & ab omni pœna. Ibi etiam lucescit Angelorum reuelatio, qua occulta Scripturæ abdita, vel abscondita, & diuinorum secretorum mysteria panduntur per apertionem lateris Christi. Et ideo merito in eius morte velum templi scissum est, vt apparent quæ erant in sacris Scripturis occulta. Et sic patet de tertia Hierarchia.

Ex his ergo omnibus patet manifestissime, quomodo non solum Ecclesiastica, sed etiam Angelica Hierarchia in passione Domini resplendet. Et sicut est Angelorum purgare, illuminare, & perficere; sic immo multo magis in passione Christi reperitur aperte. Per has igitur cõformitates, quas Christi passio cum ordinibus Angelorũ habet, conuenientissimum fuit non solum redimere animas, sed etiam ad reparationem Angelicæ ruinæ conuenientissime disponere, & ordinare. Propter nimiam enim charitatem, quæ resplendebat in cruce incendium amoris erga Deũ, & proximum in hominibus accedebatur. Et sic reddebantur, & adhuc redduntur apti ad supereminentem Seraphicum ordinem. Per veritatem etiam in hac beatissima passione expressam illuminantur homines contemplantes ipsam ad diuinæ veritatis cognitionem: & ideo aperti sunt ad cognitionem, & restau-

Mat. 25. d

Hierarchia  
secunda.  
Philip. 2. a

Iob 41. d

Ioan. 13. e

Hierarchia  
tertia.  
Isa. 9. b

restorationem Cherubim . Et per magnam humilitatem, & reuerentiam, & venerationem erga Dei maiestatem, quæ fuit in illa passione, prouocantur homines ad consimilem pro suo modulo humilitatem, & venerationem, ac reuerentiam, & honorem : & sic apti fiunt ad Thronorum reparationem . Exemplo etiam illius excellentissimæ Dominationis diuinæ per passionem habitæ, de qua dictum supra, propter quod & Deus exaltauit illum, &c. homines prouocantur ut macerationibus, & afflictionibus corporalibus nitantur, vitijs & concupiscentijs dominari, & omnem sibi animi appetitum subiugare, ut nihil otiosum, nihil inordinatum præsumat in ratione hominis dominari, sed omnia recto iudicio rationis huiusmodi appetituum genua flectantur, & sic apti fiant ad reparationem ordinis Dominationum . Et ut breuiter transeam, sic per reliquos ordines discurre, suo per ordinum perfectiones, secundum quod de istis dictum est : ut scilicet per resistantiam contra diabolicam temptationem & fraudem ad Potestates . Per virtuosas operationes & conuersationes ad Virtutes . Per diligens regimen omnium sensuum suorum, & motuum internorum, & etiam aliorum hominum, si ad ipsum spectant, ad Principatus . Per reuelationem necessitatum, & diligentiarum proximorum ad Archangelos . Per prædicationem & doctrinam ad Angelos . Vel si vis dicere, quod Archangelorum est maiora, Angelorum minora docere, sic doctores ad Archangelos, prædicatorum ad Angelos ordina . Et hæc omnia ad passionem Christi ordina sicut de Seraphim, & alijs dictum est .

Potes etiam aliam breuem assignare rationem, quare passio Christi fuit idonea ad reparationem Angelorum, quia sicut illi per summam præsumptionem & superbiam ceciderunt : ita per infimam exinanitionem & humiliationem Christi crucifixi veri Dei, & hominis, debuerunt prædicti ordines ex hominibus in suis oculis abiectis, & humilibus reparari : ut quod superius dictum est, particulariter per restorationem Thronorum, hoc pro omnibus vniuersaliter restaurandis ordinibus sumamus .

His autem eisdem rationibus, quibus videmus qualiter Angelorum decor & perfectio in Christo crucifixo refulget, possumus videre, quomodo in eadem passione refulget gloria hominum beatorum . Quia illi claræ veritati, quæ est in illa passione beatissima, sicut supra dictum est, correspondet aperta visio patriæ quantum ad cognitionem rationalis . Illi profundi diffimæ humilitati & reuerentiæ, qua passio Domini Thronus dicebatur superius correspondet firma intentio quantum ad irascibilem . Quia super quem requiescit spiritus meus, nisi super humilem, &c. Illi etiam superexcellentissimæ charitati Dominicæ passionis correspondet in patria ipsius concupiscibilis dilectio vere consummata . Illi Dominationi, de qua dictum est propter quod & Deus exaltauit illum, &c. correspondet agilitas, quia subest ei cum voluerit posse . Illi resistantiæ potestatis, qua moriendo mortem destruxit, correspondet impassibilitas . Illi virtuositati, qua exaltatus a terra omnia traxit ad seipsum, correspondet subtilitas tamquam penetratiua virtus . Illi claritati, & nobilitati Principatus, de quo dicitur, Factus est principatus eius super humerum, &c. & de qua claritate potest illud adduci, Pater clarifica me, &c. correspondet dos claritatis . Officio autem Archangelorum, & Angelorum, quod bene repræsentatur in illa passione, ut præmonstratum est, correspondet in hominibus beatis decor aureolæ, quæ debetur doctoribus & prædicatoribus .

Et sic patet qualiter in hac beatissima passione refulget tamquam in speculo præclarissimo, & mundissimo omnis gratiæ & gloriæ plenitudo . Gloriæ dico quantum ad præmium substantiale, ut dotes corporis, & quantum ad præmium accidentale, ut decor

S. Bon. Tom. 7. Pars iij.

aureolæ, quæ debetur prædicatoribus, siue doctoribus, martyribus, & virginibus . Nam in cathedra sanctæ Crucis docuit, & martyrum caput fuit, & Virgo virginum Virginem virgini commendauit . Non solum autem ipsorum sanctorum plenitudo gloriæ refulget in hac beatissima passione, sed etiam ab ipsa meritorie emanat . Et ut magis appropriate loquamur per apertionem lateris mittit Sanctis visionem apertam; per pedum & manuum cōclauationem, intentionem firmā; per gustationem aceti & fellis inebriationem amoris, & hoc erat quod sitiebat; per coarctationem ligaminum meruit nobis agilitatem; per illusionem sputorum solis claritatem; per mortem impassibilitatem; per inclusionem in sepulcro subtilitatem; per coronam spineam non solum aureæ, sed etiā aureolæ venustatem, scilicet illis tribus generibus hominum, videlicet virginū, martyrum, & doctorum . Et quidquid dicamus, credo quod in hac beatissima passione est materia excellentissimæ gloriæ, & immensi gaudij tam Angelorum, quàm hominum beatorum . Et hoc est, quod credo firmiter, & non dubito, quod tam Angeli, quàm homines beati totaliter in Deum tendunt, & totis mentibus intime Deum diligunt, ita quod plus sine comparatione Deum diligunt, quàm seipsos : immo non credo quod seipsos diligant, nisi propter Deum . Et ideo sine comparatione plus exultant & gaudent de Dei magnificentia, quàm de propria gloria . Cum ergo in Christi passione sit excellentissima manifestatio summæ potentia, summæ sapientiæ, summæ clementiæ Dei, sicut postea aliquoties declarabo : ideo prædicta passio est eis materia excellentissimi gaudij, & exultationis immensæ . Vnde quamuis gaudeant homines videntes se per illam passionem redemptos, & Angeli videntes se per eandem reparatos, & sic quodammodo ad seipsos reflectantur, quamuis hoc semper videant & referant in Deum : tamen credo, quod sine comparatione plus exultent & gaudeant, & totaliter in Deum excedant cognoscentes in ea tam potentiam, quàm sapientiam, & inestimabilem, & immensam clementiam Dei sui . Vnde sicut apparet hic summa & immensa diffusio diuinæ bonitatis, ita credo quod in ea sit excellentissima, plenissima, & totaliter medullaris diffusio mentium in Deum ob nimiam iucunditatem & gaudium . Sic ergo manifeste apparet quod passio Christi fons gratiæ & gloriæ reperitur, & quod in ea refulget decor & perfectio subcaelestis hierarchiæ, & etiam caelestis .

*Quod summa potentia, sapientia, & clementia summa ibi relucet, & etiam circa hac quadam exercitina vel exercitina . Cap. XIII.*

**N**unc, Deo fauente, videre restat, qualiter supercaelestis hierarchia, quæ Deus est, in cruce splendet, ut scilicet aliquoties videamus, qualiter in ea refulget summa potentia, summa sapientia, summa clementia Dei . Et quia infirmum de potentia, stultum de sapientia, prauum de bonitate loqui, presumptuosum est; ideo mihi velle subtilia, & quæ supra vires meas sunt inuestigare non licet . Attamen ad maiorem prædictorum intelligentiam & consolationem nostram aliqua communia videamus . Manifestatur autem in illa beatissima passione diuina, diuina potentia, & beneuolentia in tolerando, in liberando, in gratificando, in iustificando, in suscitando, in magnificando .

Dico primo, quod manifestatur in hac beatissima passione eius fortitudo & clementia in tolerando . Quod autem ille, qui est Deus omnium, & omnia conseruat, sine cuius manu omnia reducuntur in nihilum sustineret patienter, effugari, qui vbique erat, ligari, qui immensus erat, flagellari, qui gloriosus existerat, alapari, qui mundum plasmauerat, conspui, splendor

T 2 æternus,

æternus, & speculum sine macula, blasphemari, pater A  
immensæ bonitatis, dijudicari, iudex immensæ pote-  
statis, crucifigi, Dominus immensæ libertatis, ac-  
to & felle potari, fons immensæ suauitatis, gaudium  
Angelorum affligi, vita viuientium occidi, spinis co-  
ronari gloriæ corona, latus aperiri, agnus immensæ  
clementiæ, in lapide sepeliri sol iustitiæ. Hæc omnia  
a nequissimo homine pro eo patienter sustinere, im-  
mo pro eis orare, fuit potestatis immensæ tolerantia  
bonitatis & clementiæ. Sic ergo patet potestas seu po-  
tentia & bonitas Christi in tolerantia.

Signum etiam fuit huius immensæ bonitatis, & po-  
tentia in liberando. Quod enim Christus crucifixus B  
potentissimum ligaret, mortem moriendo destrue-  
ret, & occideret, & sepultus infernum spoliaret, fuit  
immensæ potentia signum. Sed etiam hoc fuit im-  
mensæ & excessiue clementiæ signum, quod pro suis  
nequissimis inimicis a morte liberandis dignatus est  
mori. Hoc enim inexcogitabile est, quod morte, quæ  
sibi inferebatur, liberaret inferentes a morte, cū pro-  
pter hoc debuisset fortius, vel potius secundum hu-  
manum iudicium nos omnes æterna morte condem-  
nare, hoc ipso quod a nobis & occasione nostri fuisset  
tam vili & crudeli morte occisus. Nec credo, quod  
Angeli de paradiso potuissent hanc summam clemē-  
tiam cogitare, antequam fuerit eis reuelatum.

Fuit autem immensæ potentia & beneuolentiæ si-  
gnum in iustificando. Si enim maius est iustificare  
impium, quàm celum & terram creare propter repu-  
gnantiam voluntatis; quantæ ergo clementiæ, quan-  
tæq. fuit potentia saluare & iustificare impium sum-  
mam impietatem perpetrantem, & Saluatorem, &  
iustificatorem occidentem? Et ideo illud immensæ  
clementiæ fuit, quod effectu illius summæ impietatis  
voluerit nos ab omni impietate iustificare, cum secū-  
dum humanum iudicium debuisset, si numquam alia  
interuenisset culpa, nos penitus reliquisse, & ad nihi-  
lum redegissee, quod idem est: quia si penitus nos re-  
linqueret, in nihilum redigeremur, aut illam nequi-  
tiam non in iustificationem, sed in poenam ordinasset  
æternam. Hoc ergo summæ potentia & clementiæ  
fuit, quod nos iustificauit merito suæ passionis, quæ  
procreata est a nequitia nostra, & merito nequitia  
nostræ. Hæc omnia inaudita & mirabilia sunt dili-  
genter ruminanda, & omni admiratione digna, & de-  
ficit ibi omnis ratio & intellectus, & non modicum  
succenditur affectus.

Apparuit etiam ibi summa potētia in resurgendo.  
Planum est enim, quod a mortuis resurgere, & ma-  
xime per se, vel mortuum resuscitare, vtrumque est  
infinitæ potentia, & vtrumque ibi fuit, quia resurre-  
xit & aliquos secum suscitauit, qui venerunt in san-  
ctam ciuitatem, & apparuerunt multis. Sed & hoc  
fuit immensæ clementiæ, quod dignatus est non sta-  
tim resurgere, sed pro fide nostra aliquantulum dif-  
ferre, & pro nobis mortuus permanere, vt ipsū fuisset  
verum hominem crederemus fideliter. Nec nimis  
distulit, vt & ipsum esse Deum verum credamus, &  
alios suscitauit, vt ei redderent testimonium. Et ipse  
met per quadraginta dies adhuc apparens in multis  
argumentis, vt ei crederemus, distulit ad cælum ascē-  
dere cum omni dignatione & feruenti dilectione no-  
stram salutem operans & procurans. Non enim suf-  
ficit ei mortalis & passibilis conuersari nobiscum,  
sed & gloriosus & immortalis per quadraginta dies  
manifestissime apparere Apostolis, & eos de regno  
Dei docere. O amor quantum Deum nostrum Ie-  
sum signasti nobiscum, qui non videtur posse sepa-  
rari a nobis, & nos vilissimam fanem dignatur  
cum tanta ac tali diligentia sibi per fidem & amorem  
vnire!

Manifestata est etiam ibi summa potentia in ma-  
gnificando. Magnificauit enim eum in conspectu re-  
gum, & principum, qui tamen in conspectu Dei fuit

semper magnus, & illud scilicet Christum crucifixum  
in conspectu hominum magnificare, & omnibus su-  
perextollere fuit summæ potentia. Quare? quia fuit  
contra sapientiam Græcorum, contra scandalum Iu-  
dæorum, contra idolatriam Romanorum, contra sa-  
uitiam tyrannorum, contra omnem astutiam dæmo-  
niorum, supra omnem rationem & intellectum, scili-  
cet credere hominem crucifixum esse Deum. Et istud  
fuit summæ clementiæ eius, quod nos fecerit sibi cre-  
dere, immo etiam eum credere Deum contra omnem  
duritiam & nequitiam nostram, nos ad se sua intima  
virtute trahendo. Et ideo summas grates & gratias ei  
debemus: quia non fuit currentis, neque volentis, sed  
Dei miserentis. Quid enim sibi fecimus, quod nos in  
eum plusquam reliqui crederemus? Fideliter ergo  
& cum omni timore & honore seruiamus ei, perfe-  
cto corde & animo volenti, & iubilemus ei cum to-  
tis præcordijs nostris: quia nobis indignis luxit cum  
iucunditate admirabile lumen eius, & dulcissima, sua-  
uissima, & amabilissima claritas eius irradiat, intima  
mentis & tenebras conuertit in lucem, eleuat, coniū-  
git, Deificat, & resoluit. Ex his ergo manifeste appa-  
ret, quod summa potentia, & summa clementia Dei  
refulget in passione Domini nostri Iesu Christi.

Nunc restat videre qualiter summa sapientia relu-  
cet ibidem, Et quamuis non sufficiamus, neque scia-  
mus omnia enarrare, tamen aliqua de multis ad con-  
solationem nostram dicamus. Sapientia eius summa  
in hac passione apparet in gratissima correspondētia  
in omnibus mysterijs redemptionis a culpa. Nam si-  
cut prima mulier de virginea carne sumpta, & facta  
seducta est, sic Christus de Virgine natus, crucifixus  
est. Et sicut illa accepit de ligno vetito, & dedit viro  
suo, de quo facta erat, sic Christus in ligno crucis est  
passus voluntarie, & hanc passionem Matri suæ, de  
qua natus fuerat, communicauit, cuius animam do-

loris gladius pertransiuit. Vsq. enim hodie ignora-  
ui, quare Dominus noster Iesus Christus voluerit il-  
lam dulcissimam Matrem suam sibi assistere, & secū-  
tam immenso dolore affligi cum bene nobis suffice-  
ret sua passio. Sed vt video hoc summa clementia, &  
summa eius sapientia exigebat, quamuis essemus in-  
digni. Et sicut Eva seducta est volēdo esse sicut Deus,  
ita passus est homo Deus. Et sicut illa de latere viri  
facta fuit principium nostræ damnationis, quia virū  
sibi consentire fecit; sic Christus latus aperuit vt  
virtus sacramentorum emanauit. Et sicut illa vidit li-  
gnum, quod erat pulchrum visui, & ad vescendum  
suaue: sic Christus consputus est in vultu, & amari-  
tudine fellis gustatus. Et sicut illius pedes currunt ad  
lignum, & manus extenduntur ad fructum, sic Chri-  
stus pedibus & manibus est in cruce affixus. Illa am-  
bitiosa, iste humillimus. Illa vero inobedientissima,  
iste vsque ad mortem obedientissimus. Contra appe-  
titum scientiæ, Dei sapientia condemnatur. Illi erant  
ambo nudi cum peccauerunt, Christum vero nudum  
crucifixerunt. Ibi homines post culpam se abscon-  
derunt a facie Dei, hic Christus Dominus Deus no-  
ster post mortem in sepulchro absconditur a facie ho-  
minum. Illi descenderunt ad imum ad laborandum,  
hic descendit ad infernum spoliandum. Sic apparet  
aperte & manifeste, qualiter in hac beatissima pas-  
sione gloriosissima summa Dei sapientia claret. Et in  
omnibus istis non solum Dei sapientia, sed etiā sum-  
ma Dei dignatio, & clemētia demonstratur, quod ipse  
voluerit pro comestione illius ligni lignū crucis ascē-  
dere, & pro extēsis ad fructum manibus, manus suas  
eleuare in cruce, & huiusmodi, quæ superius dicta  
sunt. Hoc enim fuit summæ & ineffabilis suæ clemē-  
tiæ. Nec credo, quod tanta dignatio possit a creatu-  
ra aliqua comprehendi, sed credo quod in ipsa An-  
geli, & Sancti vere exceduntur, & supereffunduntur  
ab illis immensitate clementiæ, vt pote sicut piscis in  
mari, & si non sit similitudo perfecta. Accedamus  
ergo

Rom. 9. d

Luc. 2. e

Gen. 3. a

ergo charissimi ad cor altum, & in illa profunditate benignitatis immensæ totaliter immergamur. Accedamus cum fiducia ad Christi latus, & intremus ipsum. Accedamus charissimi accedamus, & moriamur cum ipso. Accedamus obsecro accedamus, quia ad amplexus eius brachia sunt extensa. Obone Iesu, quid fecisti, quid me tantum amasti? Quare Domine, quare? Quare Domine Iesu? Quid sum ego?

*Matth. 8. a* Non sum dignus ut intres sub tectum meum, quanto magis ut moriaris propter peccatum meum, sed tantum dic verbo & sanabitur anima mea. Quare ad ipsam sanandam vis emittere animam tuam? Sufficit Domine, sufficit verbum tuum. Quare tam ignominiosa & crudeli morte effundis sanguinem tuum? Solo verbo Angelos, celos, & totum hunc mundum creasti. Quare tot doloribus tam dura & crudeli morte me nequissimum seruum redemisti? Sonet obsecro charissimi fratres in auribus vestris vox illa Domini nostri Iesu Christi, immo sonet in intimis cordis vestri:

*Thren. 1. d* Attendite, & videte si est dolor similis sicut dolor meus. Penetrent charissimi etiam isti dolores intima nostra, & corda nostra istis doloribus gladietur. Accedamus ad latus eius, & sugamus sanguinem eius: quia hoc beneplacitum eius est. Non faciamus ipsum talia frustra pati: non permittamus hunc sanguinem effluere super terram. Fiant ergo corda nostra receptacula, & vasa sanguinis Domini nostri Iesu Christi, & eius inebriati doloribus dicamus: Nobis autem absit gloriari, nisi in cruce Domini nostri Iesu Christi crucifixi. Quod nobis concedat, qui vivit, & regnat, &c.

*Gal. 6. e*

*Quod in passione Domini excietur & inflammetur cor hominis ad septem opera misericordie.*  
Cap. X I I I I.

Cum iam per ea, quæ dicta sunt in passione Domini nostri Iesu Christi multipliciter possit nostra contemplatio regulari, & perfici; nunc, qualiter in eadem ad actionem excitemur, & dirigamur, restat aliquantulum intueri. Et quia actionis vitæ inter alia opera misericordie & pietatis amplius eloquia sacra commendarunt, & etiam quia de illa actione quæ ad veram afflictionem & deiectionem spectat, satis est superius tractatum: ideo ad præsens, alijs prætermisissis, videamus qualiter in illa passione Dominica est excitatio, inflammatio, exemplar, speculum illorum misericordie operum, de quibus in Matthæo Dominus noster dicit se in iudicio disceptaturum, & pro illis æternum præmium largiturum, siue reddi-

*Matth. 25.*

turum. Venite, inquit, benedicti Patris mei, &c. Esuriui, &c. Abstergamus ergo charissimi caliginem ab oculis cordis nostri, & intueamur diligentissime illam beatissimam passionem, & videbimus clare, qualiter in ipsa, prædicta opera eleganter relucere. Sed primo videamus qualiter ad ipsa complenda allicimur; postea videre poterimus, qualiter per ipsam in eisdem operibus regulamur. Si enim consideramus, qualiter Dominus noster esuriuit, & sitiuit, multum pro nobis, multum moveri debemus, ut esurientes & sitientes pascamus, ut sibi in suis membris subveniamus. Et, ut omnia reducamus ad passionem Christi, audiamus in Evangelio ipsum Iesum clamantem in cruce, Sitio. Nam si beati sunt, qui esuriunt, & sitiunt iustitiam, cum ipse fuerit plenus omni gratia & perfectione; ipse maxime in hac beatissima passione nostram iustitiam esuriuit, & sitiuit, quia quando moriebatur non pro ea solum esuriem, & sitim spiritualem habuit ipse in cruce; sed etiam valde probabiliter credo quod corporalem famem & sitim ibi habuit: quia nocte præcedente multum laboraverat, & vigilauerat in oratione, & postmodum in captivæ anxietate, & demum diversis flagellis & laboribus fatigatus. Circa horam sextam, quando ap-

S. Bon. Tom. 7. Pars iij.

petitus solet incitari & incendi, fuit cruci affixus: & usque ad nonam ieiunavit ibidem & dixit, Sitio. Et ipsi ei propinaverunt acetum, quod cum accepisset inclinato capite, emisit spiritum. Nec est multum credibile, quod tunc virtute diuinitatis resisteret alicui necessitati, & indigentiae corporali, sicut cum quadraginta diebus ieiunavit: quia ipsi passioni exposuerat se plene pro nobis in cruce. Sic ergo quia Dominus noster Iesus Christus esuriuit, & sitiuit pro nobis, multum allici debemus ad ipsum pasendum in membris suis. Peregrinus etiam fuit Dominus noster, quia dixit imminente illa morte beatissima: Regnum meum non est de hoc mundo. Etiam in cruce maxime peregrinus fuit, & alienus reputatus pro nobis, quia amici & proximi eius tunc longe recesserunt ab eo, & tamquam peregrinus, extraneusque factus est fratribus suis. Hunc ergo peregrinum, fratres charissimi, pro nobis factum, recolligamus in membris eius.

Nudus etiam fuit Dominus noster in cruce pro nobis; ipsum obsecro induamus in membris eius. Ibi etiam apparuit vere infirmus doloribus & angustiis plenus pro nobis; ipsum visitemus in membris eius. Captus est pro nobis, & captivus ad crucem deductus, in ea suspensus, & conclauatus; ad membra sua captiva & incarcerata eamus. Sic ergo apparet qualiter in præhabita passione fuit tamquam verum obiectum allectivum & excitativum ad prædicta opera complenda in membris eius.

Nunc videamus qualiter in prædicta passione fuit exemplar motivum & directivum in operibus prædictis. Ipse enim eadem opera exercuit. Ipse enim latus suum aperuit, & sanguinem suum fudit ad sitiētes potandos. Carnem suam in ara crucis igne ardoris nimij amoris concremavit ad esurientes pascendos. Et ideo in cena præcedenti sacramentum altaris ordinavit ad nos reficiendum, quod quidem sacramentum est memoriale Dominicæ passionis. Nam caro sua vere est cibus, & sanguis eius vere est potus, sicut ipse Dominus testatur. Si ergo de seipso Dominus noster Iesus fecit cibum nobis & potum, quanto magis nos alere debemus esurientes & sitientes non solum de superfluis, sed etiam de necessarijs nostris? Si enim Dominus noster dedit nobis carnem suam in cibum, quanto magis nos debemus dare ei in membro suo carnes bestiarum nostrarum? Si enim seipsum panem vivum, qui de celo descendit, dedit nobis ad manducandum, quanto magis dare ei debemus in membris eius panem mortuum, qui de terra exiit? Si nobis dedit cibum spirituale, panem scilicet Angelorum, qui nos sibi vnit & convertit in seipsum, quanto magis nos ei in membris eius dare debemus vitem vini, vel lactis vermium scilicet nutrimentum? Simus ergo, charissimi fratres, solliciti ad alendos pauperes Christi, immo ad alendum Christum in pauperibus suis.

Opus etiam hospitalitatis exercuit in ipsa cruce. Nam ibi erat quidam peregrinus, qui ierat viam longinquam, & a Christo hospitium petens, ait: Memento mei Domine, dum veneris in regnum tuum. Quasi diceret: Digneris Domine Iesu Christe peregrinum recognoscere, & in illo regni tui palatio recolligere. Mirum de Dei clementia. iam oblitus esse videtur, quod alias dixit illi, qui de eius hospitio interrogabat eum: Vulpes foveas habent, & volucres cæli nidos, Filius autem hominis non habet ubi caput suum reclinet. Sed quid? Non tantum non tardat ipsum hospitio recipere, non sub porticu, non in stabulo, sed in seipso, non cras, non post cras, sed hodie tecum eris in paradiso. O misera hominum nequitia! Dominus noster latronem recepit in hospitio, & in seipso, & nos in terrenis & lutosissimis domibus etiam bonos recipere nolumus, sed excusamus nos, & dicimus forte ipsi sunt latrones. Memento miser homo, quod

T 3 latro-

*Joan. 18. f*

*2. sal. 68. b*

*Joan. 6.*

*Luc. 23. f*

*Matth. 8. e. & Luc. 9. g*

*Luc. 23. f*

latronem Dominus ipse recepit. Et si forte non potes, quia & tu pauper es, recolligere in materiali domo, recollige saltem eum in corde tuo, ei compatiendo.

Denudauit etiam se Dominus noster Iesus Christus ad nostra verenda operienda, & nudus pependit in cruce. Quanto magis personas nostras nudare debemus ad operiendum eum in pauperibus suis, aut, ut de nobis loquar, cellarum aut lectorum angulos a superfluis tunicis pro Christi pauperibus euauare debemus? O quantum gaudium nobis esse deberet, cum nos exuere possemus pro Christo, ut non solum superflua, sed etiam nobis necessaria pauperibus largiremur. Ipse enim pro me nudatus est, & ego pro ipso nolo indigentiam illam pati? Absit a nobis hoc fratres charissimi, non solum nostra, sed nos proximis nostris, immo Christo in proximo largiamur: quia ipse se totum nobis dedit. Nam & ipse nos infirmos visitauit, & in cruce infirmitates nostras & cunctarum infirmitatum nostrarum angustias & dolores super se portauit. Sic charissimi fratres infirmos eius sollicitè visitemus, & eorum infirmitates in nos compatiendo insimul recipiamus, siue nos transformemus, ut dicamus cum Apostolo Paulo: Quis infirmatur, & ego non infirmor?

1. Cor. 11. g

Ipse etiam Dominus noster Iesus in illo triduo captiuos inferni adiit. Quomodo ergo erit sic deterrimus & profundissimus carcer, quin ibi visitemus captiuos, immo in captiuis Dominum nostrum Iesum? Totum enim reputat Dominus noster sibi fieri, quod amore ipsius facimus membris eius. Omnium autem istarum pietatum in Domino nostro compulsua, cōseruatiua, & confortatiua fuit illa pietas, qua pro suis crucifixoribus exorauit. Sic & nos nostram pietatem & misericordiam erga proximum cōseruare debemus in hoc, ut non solum nos offendentibus parcamus, & erga illos tranquillum animū habeamus, verum etiam pro ipsis affectuosissimas ad Deum preces fundamus. Quod nobis concedat, qui in Trinitate, &c.

*Oratio valde deuota circa passionem Domini.*

Cap. XV.

O Domine Iesu Christe, o vere amice, o amantissime Sponse, fac lutum ex spuro, & lini oculos meos, ut qui cecus sum videre valeā vulnera tua. Introduc me Domine Iesu quamuis indignissimum famulum tuum in gazophylacium veri templi, ut intueri valeam, quid quantumque obruleris Patri pro nobis. Fortassis anima mea quamuis a te vero Sponso multis iniquitatibus viduata sit, offerret tibi duominuta. Recipe me quamuis filium prodigum ad comedendum tecum vitulum saginatum, astatū in cruce. O bone & vere magister doce me thesauros sapientiae beatissimae mortis tuae. Iterum atque iterum Domine Iesu aperire digneris latus tuum mihi nequissimo famulo tuo, ut oculi mei, qui depredati sunt animam meam in tuo latere inueniant praedā meam. O bone Iesu nimis saxum est cor meum, nisi emolliatur sanguine tuo: nimis distractum est cor meum, nisi recolligatur in latere tuo. O bone pastor, ego sum illa ovis, quae periit & errauit, pro qua in cruce posuisti animam tuam. Ecce ego sum, agnosce eam introduce me caulas vulnerum tuorum. Tu autē Domine Iesu Christe in tua passione me custodias diligenter. Nam sine tua morte morior, sine tuis vulneribus vulneror, sine tuis conuicijs conuicior, sine tuis flagellis virga non aequitatis, sed iniquitatis flagellor. Sed quia nesciui perseverare in tua beatissima passione, sum quasi in nihilum redactus: quia ignominiam crucis dimisi, ignominiosus factus sum: quia stultitiā crucis reliqui, stultissimus, & vanissimus factus sum: quia infirmitatem tuae passionis neglexi, infirmus fa-

ctus sum: quia a doloribus aculeorum tuorum recessi, spinis concupiscentiarum confixus sum. Quid dicam? Nisi cor meum doloribus tuis aperiatur, nefandissimis vitijs aperiatur. Nisi sciat latitare in vulneribus tuis, a latronibus plagis impositis spoliabitur. Nam contra superuacua & vanam gloriam, auaritiā, & inuidiam, odium, siue iram, & accidiam, gulam, & luxuriam perfectissima medicina, immo sine qua nulla alia medicina, est passio tua. Contra superbiam, eius humilitas; vanam gloriam, eius vilitas; auaritiā, eius nimia largitas; & sic de alijs. Ipsa est, quae sepit aures, ne audiam vana vel praua: oculos claudit, ne aspiciam mortifera vel nociua: os obstruit, ne loquela vel gustu offendam: nares obturat, ne circa odorifera offendam: manus ligno affigit, ne extēdantur ad tactus vel opera vitiosa: pedes cōclauat cruci, ne inutiliter vel nociue discurrant. Ipsa fouet mutua dilectionem, auget internam deuotionem, eleuat ad supernam contemplationem. Hanc ergo Domine acerbissimam passionem & ignominiosam da mihi in Sponsam, & indiuisibili, & indissolubili vinculo ipsam mihi coniunge. Super omnes mulieres, idest delicias & consolationes temporales adamaui eam, & tamen saepe alia superinducta repudiaui eam. Nunc modo venio, & requiro eam, ne quāso mecum agas iuris rigore, sed tuae clementiae dispensatione. Hanc ergo da mihi Domine Iesu, quia hanc admaui, hanc dilexi, hanc totis visceribus concupiui, ipsa sola mihi sufficit, ipsa sola me medullitus nutrit, & reficit in hac vita. Ipsa est vita mea, consolatō mea, & delitiae meae, ipsa lux & sapientia mea, ipsa reducit, & deducit, sine ipsa deuiō & erro, sine ipsa a portu salutis declino.

O bone Iesu nihil a te peto in hac vita, nisi ut perfecte sim tecum crucifixus in cruce. Certe dilectissime Domine Iesu nolo viuere, nisi moriar tecum, aut ergo da mihi mortem temporalem, aut in corde meo imprime tuam mortem. Heu mihi, quare natus sum, nisi Dominum meum Iesum amplectar in cruce, & requiescam in vulneribus eius. Magis eligo ad praesens tecum crucifigi, quā tecum delitijs affluere. Hanc tuam beatissimam passionem volo, hanc peto, hanc totis internis concupisco medullis, omnibus pro ipsa abrenuncio, & etiam me ipsum relinquo, ipsa sit mihi anima mea, & corpus meum, & omnis cōsolatio mea. Nam sanguis tuus inebriat me, & dolores tui sciderunt cor meum. Domine Iesu pro me fecisti cælum, & solem, lunam, & stellas, ignem, aerem, aquam, & terram, aues, & pisces, bestias, & reptilia, arbores, & flores, herbas, & olera, aurum, & argentū, vniuersa metalla, colores diuersos, & lapides pretiosos. Sed quis de manibus tuis quāsiuit hanc? Sine petitione, sine instantia hanc omnia nobis dedisti, & tota die affligo animam meam petendo ignominiosam mortem tuam, & vix possum aliquam guttulam impetrare. Scias Domine Iesu, quia omnia visibilia mihi vilescunt, pro ipsa tibi vniuersa restituo, & da mihi vulnera tua. Hæc super cælum habitant cor meum, super sidera resurgent, & illuminant intellectum meum, super ignem accendunt affectum meum, super aerem fecundant sermonem meum, super aquā emolliunt animum meum, super terram stabiliunt & fecundant affectum meum. Hæc aubus bestiis, & piscibus vtiliora, fructibus suauiora, arboribus & floribus amœniora, argento, auro, & lapidibus pretiosis pretiosiora, immo certe hæc omnia non nisi vanitas est, vel sunt, respectu tuae passionis beatissimae. Hanc volo Domine Iesu, hanc volo, tribue mihi in vxorē. Non peto pulchritudinem cæli, sed ignominiam, tui, non mundi delicias, sed tuas angustias. Cito mihi Domine Iesu tribue eam, nolo secum Domine Iesu sponsalia facere, sed matrimonium consummare. Consentiat in me Domine Iesu, quia consentio in eā & est matrimonium ratum. Intrent cor meum vulnera



nera tua, & ipsa intrent animam meam, & erit matrimonium consummatum.

Sed quis sum ego Domine mi Iesu, ut a te in Sponsam, illam audeam petere, quam solam tuis intimis amicis, & maximis pro omnibus amicitijs tuis coniungis? Sed quamvis nihil nisi vanitas & detestanda sanies sim, præsumo tamen de immensa clementia tua. Et si non habeam puritatem & sanctitatem matris tuæ, ut digne tibi compatiar, latronis tamen prauitatem habeo, ut secum ad latus tuum crucifigi debeam. Magis in hac vita desidero Domine Iesu cum latrone tecum in crucem ascendere, quam cum Petro, Iacobo, & Ioanne in montem transfigurationis tuæ conscendere. Magis placet ad præsens oculo mentis videre te consputum, quam transfiguratum. Et si non sum tamquam velum nobilissimum in templo, ut in morte tua scindar, sum tamen foetidissimum monumentum, ut ad apertionem tui lateris aperiri debeam. Quid in me quæris dulcissime Domine Iesu? Si in morte petre scissæ sunt, & ego tamè durior sū petra. Si enim terra mota est, ego terrenissimus sum. Quid ergo iniquitatis deest in me, ut non indigeam tua morte? Et si celestis non sim in tibi compatiendo, nec queam cum sole obscurari, tamen infernalis conuersationis sum, ut in hoc triduo mortis tuæ a te debeam visitari. Non ergo Domine Iesu te retrahat iniquitas mea, quin mihi hanc nobilissimam Sponsam ignominiosam scilicet mortem tuam inseparabiliter mihi eius desiderio æstuantem coniungas. Ipsa enim est pulcherrima omnium mulierum, idest excellentissima omnium gratiarum. In ea fuit summus cultus Dei, summa Dei dignatio, summa Dei ad nos diffusio. Ipsa summa Dei sapientia & prudentia percussit superbum, tua potētia animas de inferno transtulit in cælum, sua potestate placuit, immo & donauit Deum, cuius violeum colore amplectuntur humiles, & confessores, lilij candorem innocentes & virgines, rosei ruborem amplectuntur martyres in charitate feruētes, quia in ea fuit summa humilitas, innocentissima, virginitas, & excellentissima, & excessiua charitas. Eius purpureum & coccineum colorem admirantur Angeli, ad eius fragrantissimum odorem sentiunt, & suscitantur mortui, ad eius suauissimum tactum roborantur infirmi, ad eius dulcissimum gustum reficiuntur & conseruantur perfecti. Talis est filij Hierusalem & filiar, Sponsa mea, & amica mea, desiderium animæ meæ. Ipsa inimicum meum diabolum superat in me, a mundo me alienat, carnem meam bene castigat. Mihi ergo absit gloriari nisi in cruce Domini nostri Iesu Christi, per quem mihi mundus crucifixus, &c. Est ergo mihi quippe mi Domine Iesu magna gloriatio, quod pro me cælum, & sidera, & alias inferiores creaturas fecisti. Sed multo sine cōparatione maior mihi gloriatio, quod pro me dignatus es mortalis fieri. Magna quippe gloriatio, quod me fecisti ad imaginem & similitudinem tuam, sed sine cōparatione maior mihi gloriatio, quod pro me formam serui accipiens, factus es similis mihi. Magna mihi gloriatio, quod tot beneficijs me gubernas & nutris: sed sine cōparatione maior mihi gloriatio, quod pro me esuristi, sitisti, & fatigatus super fontem sedisti, & multa incommoda sustinuisti. Magna mihi gloriatio, quod cunctis animalibus me præposuisti, sed sine cōparatione maior, quod pro me te Dominum omnium vni puellæ, & fabro subdidisti. Magna mihi gloriatio, quod me si amicus tuus fuero, honorificaturus es in cælo tuo: sed sine cōparatione maior mihi gloriatio, quod pro me adhuc pessimo inimico tuo conuictus, consputus, & multipliciter illusus es in medio terræ. Magna mihi gloriatio, quod me, si iustus fuero, ditaturus es in regno, sed multo magis est mihi magna gloriatio, quod pro me peccatore in extrema paupertate fuisti in ligno: quia quantum ad gustum, cum sitires, fel habuisti, & ac-

rum: quantum ad operimentum, corpus habuisti nudum: quantum ad reclinatorium, nō habuisti vbi reclinares caput tuum, immo corona spinea fuit puluinar tuum. Magna mihi gloriatio, quod si gratiam vsque ad finē habuero me delectatione es impleturus vniuersarum deliciarum paradisi: sed multo mihi maior gloriatio, quod pro me tuo contemptore, & pleno omni abominabili sanie, impletus es inæstimabilibus angustijs & doloribus morte turpissima condemnatus in Caluarie loco. Magna mihi gloriatio, quod si angelice vixero in terris, Angelis es me sociaturus in cælis; sed multo maior mihi gloriatio, quod pro me diabolicam vitam ducente cum latronibus es crucifixus in terris cum impijs & iniquis associatus, & depuratus. Mihi ergo absit nisi in cruce Iesu Christi gloriari. In quo debeo gloriari nisi in summo Dei mei honore, summa Dei mei erga me gratia, sine dilectione & dignatione? Hæc autē sunt plene in cruce. Mihi ergo absit gloriari, &c. Si enim pretiosa est in conspectu Domini mors sanctorum eius, quia patiuntur & moriuntur pro ipso, quanto magis debet esse gloriosa in conspectu nostro mors Domini nostri Iesu Christi, cum ipse patiatur & moriatur pro nobis? Igitur gloriari nos oportet in cruce Domini nostri Iesu Christi. Sed heu, heu audi iterū clamantem Iesum & dicentem, Longe fecisti notos meos a me, posuerunt me abominationem sibi. Elongasti a me amicum & proximum, & notos meos a miseria. Qui videbant me foras, fugerunt a me. Perijt fuga mea, & non est qui requirat animam meam. Extraneus factus sum fratribus meis, & peregrinus filiis matris meæ. Sustinui, qui simul contristaretur, & non fuit, qui consolaretur, & non inueni. Nolite fratres charissimi, nolite fugere, nolite crucifixum in medio latronum solum relinquere. Redite obsecro, & eamus, & moriamur cum illo. Omnes fugerūt, sola Domina Mater remansit cum eo. Eamus cū Ioanne, & associemur Dominam nostram, & stemus iuxta crucem cum ea. Si enim Maria Cleophe, & Maria Magdalene associatur Virgini Matri, bene possumus nos associare Matri, & Discipulo. Credo firmiter, quod cum Ioanne dicetur nobis: Ecce Mater vestra de Domina nostra, & ei dicetur: Ecce filij tui. Simus charissimi cum Matre, si volumus Filium cum Matre lucrari. Non enim potest vnus sine altero impetrari. Ascendamus cum eis in palmam, & apprehendamus fructum eius: nam in ea cor Virginis cum Filio pender. Nullus se excuset in quocumque sit statu, quia nullus est, qui non inueniat in hac arbore suauissimū fructum, & sufficientissimum nutrimentum. Nam si peccator es illam acerbissimā & ignominiosam passionem considera ad detestandum peccatum, & horrendum, quia ipse pro peccatis nostris mortuus est. Si incipiens & pœnitens es cōsidera illam passionem ad exemplum pœnitentiæ, & satisfactionem habendam. Si es proficiens considera illam passionem ad eius effectus rimandum & ruminandum, in quo multum proficit homo. Si es perfectus considera illam passionem ad Christo, & Matri eius intime compatiendum, & totum te in illam passionem transformandum. Si tu es in iustitia consummatum, considera illam passionem ad Dei dilectionem & dignationem erga nos admirandum. Nullus ergo se excuset, quin hic inueniat suum pabulum, quin hic inueniat portum, domicilium, & centrum suum. Hos igitur quinque status, quinque Domini nostri plagas cū æstuantis desiderio apprehendite in curam & sollicitudinem continuam cordis vestri. Quod nobis concedat Iesus Christus crucifixus benedictus in sæcula. Amen.

*Psal. 115. a*

*Psal. 87. d*  
*ibid. b*

*Psal. 30. c*  
*Psal. 141. b*  
*Psal. 68. b*  
*ibid. c*

*Gal. 6. c*



S T I-

# S T I M V L I A M O R I S

## P A R S S E C V N D A.

### CAPITA HVIVS SECUNDÆ PARTIS.

*Qualiter homo possit amplius proficere, & magis Deo placere.* Cap. I.

*Qualiter homo ad amorem Dei se debet excitare, & quantum potest cor suum unire, vel ignire.* Cap. II.

*Qualiter homo debet Deo libenter dare cor suum.* Caput III.

*Qualiter homo ordinet cogitationes suas, ita quòd Deum habeat semper in corde.* Cap. IIII.

*Qualiter homo ad operandum plus in Deo ferueat.* Cap. V.

*Qualiter homo se perfecte odiat ut Deum perfecte diligat.* Cap. VI.

*Qualiter homo debet in omni actione frui contemplatione.* Cap. VII.

*Quoddam delectabile & allectiuum.* Cap. VIII.

*Quòd sit homo bene ordinatus in cogitatione, locutione, & operatione.* Cap. IX.

*De ordinatione ad proximum.* Cap. X.

*Qualiter Zelator animarum se ordinare, & habere debet.* Cap. XI.

*Quòd anima debet affici tantum amore Christi terrenorum utilitate contempta.* Cap. XII.

*Descriptio beatitudinis.* Cap. XIII.

*Oratio valde deuota.* Cap. XIII.

*Quaedam notabilia.* Cap. XV.

*Quaedam alia notabilia.* Cap. XVI.

*Qualiter se debeat habere Sacerdos cum ad corpus Christi venit.* Cap. XVI.

*Petitio ad excitandum in amorem dulcissimi Iesu.* Cap. XVII.

*Qualiter homo possit amplius proficere, & magis Deo placere.* Cap. I.



T homo possit amplius proficere, & magis Deo placere, ista decem quæ sequuntur in se studeat habere.

Primo studeat, qualiter possit vel quantum potest se vilissimū reputare, & indignum omni beneficio Dei. Sibi displiceat, soli Deo placere cupiat. Ab alijs velit vilis, non humilis reputari. Et ex hoc summam Dei clementiam recognoscat, quòd cum stercus sit vilissimum, in omnibus infidelissimum, ad immensæ maiestatis iniuriam tam promptissimum, dignatur in seruum sibi assumere, & quod maius est, adoptare in filium. Non enim reputes magnum, quòd Deo seruis, sed reputa maximum, quòd ipse dignatur habere sic insufficientem & miserum seruum.

Secundo, ut de nihilo, nisi de peccato, vel ad peccatum inducente, & a bono retrahente doleat, immo de quacūque tribulatione, iniuria, & afflictione gaudeat. Inferentes intime diligat, specialem orationem pro eis faciat Deo; inde copiosas laudes referat, & ad regratiandum ei de tanto beneficio insufficientem se recognoscat: quia quem diligit Deus corripit, & castigat, & ipsæ tribulationes ad Deum nos ire compellunt.

Tertio, ut paupertatem & omnem penuriam propter Christum diligat, de temporalibus nisi stricte ad necessitatem suam nō requirat, aut quocumque modo appetat; sed Christo capiti in paupertate, & in omnis consolationis corporalis deiectione se studeat conformare. Et hoc debet maximum reputare, quòd Rex regum, & Dominus dominantium Christus sic seruum vilissimum suis dignatur induere ornamentis vel vestimentis, & sibi lutum fœtidissimum simile. Ideoque quanto videt se ditiozem, & in pluribus corporis consolationibus abundare, tanto debet inti-

mius, & profundius contristari cernens se eo magis a Christi similitudine elongatum.

Quarto, ut in bonis, & in indifferentibus alterius potius quàm suam studeat adimplere voluntatem, immo semper suam in exterioribus actibus studeat abnegare, aliorum beneplacita affectans cum omni vigilantia in licitis adimplere. Et si hoc circa omnes facere debeat, suorum tamen superiorum debet precipue obedire beneplacitis, & totis viribus & visceribus amplexari, quæcumque dixerint honesta esse, aut velle fieri. Si ergo aliqua intimauerint debet pro posse suo cum magno desiderio effectui mancipare.

Quinto, ut nullum quantumcumque miserum despicat; sed potius erga omnes materno moueatur affectu, & sic omnibus intime compatiatur, sicut mater vnico filio suo prædilecto: omnes eorum miseras reputet esse suas: & sicut sibimetipsi debet omnibus, si tamen potest, subuenire. Et quamuis erga omnes in compatiendo & ministrando debeat maternaliter se habere, debet tamen omnes tamquam patres, & dominos reuereri.

Sexto, ut nullum iudicet de peccato, cum ignoret quid diuina gratia in anima operetur. Sed si aliquem per signa aliqua manifesta comperit peccatorem, plus de peccato doleat, quàm si vulnus proprio corpori millesies inferretur. Recogitet etiam quòd pretiosior est anima, quæ sic letaliter vulneratur, quàm omnia corpora vniuersi, scilicet tam hominū, quàm cælorum in quantum corpora. Et ideo sicut corpus meum amare vel custodire vellem; sic immo multo magis deberem proximum cum omni diligentia custodire, & a peccato retrahere oratione, exhortatione, & exemplo.

Septimo, ut bonum proximi sicut suum diligat, & sicut mater in bonis filij iucundatur, sic in bonis omnium viuentium debent iucundari, & maxime de his, quæ spiritualia sunt, & ad spiritualia inductiua, & sic ac si sua essent, debet aliorū bona procurare, & procurata sollicitè promouere, & semper debet plura & maiora,

maiora de proximo credere, quàm valeat intueri, debet nihilominus de bonis temporalibus proximi non modicum congaudere.

Octauo, ut nihil præter Deum diligat, sed pure propter Deum, ut in omnibus solus Deus sinceriter diligatur sine socio: nec alliciat quantacumque sanctitas alicuius, aut beneficiorum immensitas; nec aliquem diligat amore singulari, sed amore communi, ut scilicet charitate omnes in Deum referens magis diligat meliorem. Potest tamen beneficia pro beneficiis rependere, & pro benefactoribus & propinquis & præcipue parentibus orationem Deo ad salutem animarum effundere specialem.

Nono, ut quidquid faciat, & quibuscumque negotiis implicetur, Deum tamen semper actu in corde habeat, & nihil aliud, quàm honorem suum in omnibus actualiter, seu habitualiter intendat; ac ad hoc præcipue nitatur, ut sic semper præsentem Deum intelligat, ac si ipsum qui ubique est præsens in sua videret substantia & essentia, sicq. eum timeat & reueratur & immenso amore in ipsum feratur, eoq. prout potest, in via fruatur, & in ipso, & non in alio requiescat.

Decimo, ut si prædicta assequi potest, esse magna Dei beneficia recognoscat. Debet tamen & ceterorum beneficiorum innumerabilium secundum quod potest reminisci, & præcipue quod sua eum voluit imagine insigniri, eiusq. naturam assumere, & se pro ipso morti tradere, in via sibi in cibum, in gloria in præmium tribuere semetipsum. Et quia nondum assecutus est eum in præmium, tandem in via aspiciat eum in patibulo, sicq. sibi compatiatur, ac si omnia eius vulnera in suo corde sustineret. Et de hoc præcipue dolere debet, quod tot videt frustrari beneficio tam immenso. Cernat eum denique in altari exhibitum sibi in cibum & potum omnis saporis situitatem habentem, & in ipso toto affectu delectatus declamet, & dicat:

**Oratio.** Domine Iesu Christe, qui es panis vitæ, ita me de te satiare dignare, ut nihil præter te esuriam, ita me de te inebriare digneris, ut nihil præter te sitiam. Tene Domine mentem meam, ne interueniente umbra terræ, a te vero sole iustitiæ separetur.

Matri autem Christi omnem quam poterit reuerentiam exhibeat, & dicat:

**Oratio.** Dilectissime Domine Iesu dignare me infirmum peccatorem Matri tuæ reuerentiam debitam exhibere. Et tu clementissima Domina impetra mihi, ut suæ & tuæ semper deditus sim seruituti, & tibi omni tempore obsequar pura mente & corde, & corpore deuotis continue tuæ benignitati assistam. Amen.

*Qualiter homo ad amorem Dei se debet excitare, & quantum potest cor suum unire, vel ignire. Cap. II.*

**Q**uia cor contemplantis non cessat, siue cessare nõ debet inuestigare, quomodo sui creatoris amore amplius inardescat, proposui balbutiens ad hoc inducere aliquod inductiuum.

Primum ergo agnosce, o homo, quod nihil est, quod ad eius amorem tantum te inflammet, sicut beneficiorum eius immensa donatio. Hoc enim ipso, quod ipsum ad largiendum tibi ineffabilia liberum vel liberalem recogitas, ipsum te diligere nimium recogitare conuinceris. Quid est hodie, quod magis incitet, vel excitet ad amorem, quàm diligi, & amari? Hoc enim faciunt, quantumcumque crudeles homines, quia diligentes se diligunt, quamuis hoc erga suum Creatorem instigante antiquo serpente negligant adimplere. Cogita quidquid velis, & inde Creatorem tuum habebis non modicam materiam diligendi. Accede ergo ad ipsum per hunc modum. Debes non fide, sed veraciter recogitare te assistere co-

*Pron. 8. b*

ram Domino tuo. Ita enim est, ubi es, sicut est in celo empyreo: & te esse suum, & non tuum cogita, & non dubites, quod ab eo quidquid ad salutem pertinet non ad tuum damnum petieris, impetrabis. Hæc certe omnia sunt incentiua amoris. Quomodo diligis eum, cuius es, & qui paratus est omnia tibi dare? Nonne multum diligis eum, qui aliquid tibi tribuit? Nõne ergo magis eum diligis, qui omnia immo etiã tibi tribuit semetipsum? Si ergo te diligis, quomodo ipsum, qui te fecit non diligis? Tu te destruxisti, & adhuc destruis, & te amas; & ipsum, qui te construit & restruxit, & conseruat non amas? Dic ergo Domi-

**B**no, Domine creatura tua sum, & mihi teipsum negare non potes. Sed antequam procedas, hæc quæ dixisti, meditare, & inflammare amore. Quis enim amplius se cõtinerere potest, quin statim omnibus oblitus in Deum se totum proiciat non per partes, dum cogitat Dominum suum summum bonum, delicias Angelorum, præmium beatorum, homini infirmo & corruptibili, cuius miseriam nemo posset exprimere, semetipsum negare nõ posse, & quantumcumque sit infirmus, seu miserrimus & peccator, si ad ipsum se cõuerterit, & ab ipso petierit, obtinebit, & hæc nos desiderat petere & largiri, cum dicit: Petite, & accipietis? Nescio quid amplius laboramus, cur quotidie nos affligimus circa nihil, cum possidere Creatorem omnium valeamus. Quid ergo amplius laboramus, & quærimus? Si enim omne bonum sic leuiter habere valeo, cur nitar plena miserijs possidere? O Domine Deus meus, quid tibi nisi iniuriam facimus, quod te nobis tribuis sic libenter? Si te habeamus, nihil tibi confert, & tamen sic nos diligis, quod te nobiscum esse delicias tuas dicis. Quare nos tantum diligis, ut libentius teipsum nobis tribuas, quàm aliquid aliud quod petamus? Et certe nec ego volo de cetero aliud possidere, ex quo debita petitione valeo possidere Deum meum. Ornabo me monilibus, & ipsum introducam in thalamum cordis mei, & ibi secum de cetero requiescam. Bene scio, quod nihil aliud petit & quærit ipse; animam meam visitare & intrare desiderat, & diu est, quod pulsauit, doleo tamen quod tantum, & tam diu carui tanto bono. Dic ergo ei: Scio, quod plusquam ego me diligis, de me igitur amplius non curabo, sed solum tuis delictis inhærebo, & tu mei curam habeto. Non possum intendere mihi & tibi. Et ideo permutatim tu intende mihi, & meæ infirmitati, ut ipsam subleues; & ego intendam tuæ bonitati, ut in ipsa delecter. Et quamuis ego tecum lucrer nimis, & tu mecum nihil, scio tamen quod libentius mecum es, & me conseruas & promoues, quàm ego tecum, ut tua perfruar bonitate. Vnde hoc? Certe nisi quod ego me odi, & tu me diligis. Si autem Domine vellem discurrere per omnia tuæ dilectionis signa, deficerem: quia nec bona naturæ, nec bona fortunæ, nec bona gratiæ, nec bona gloriæ, si hominum, & Angelorum linguis loquerer exprimere possem. Et ideo his tacitis in tuum Filium Pater æterne respirabo. O quãta fuit erga hominem Deus meus tua dilectio, qui eum tantum dilexisti, ut velles hominem esse Deum, & Deum hominem appellari. Quid dicam de sexu fragili? Ipsum tuum Filium de ipso nasci voluisti, & qui erat tuus vnigenitus & proprius, voluisti Filium Virginis nominari & esse. Multum quidem Domine secundum utrumque sexum exaltasti genus humanum, qui tibi æqualem Filium, voluisti hominem esse, & filiũ mulieris. Non hoc dilectionis signum voluisti circa Angelos demonstrare. Non enim Angelos, sed semen Abraham apprehēdit. Mirum est certe quomodo pro tuo amore corda fidelium vel filiorum hominũ non scinduntur. Quid habuit Deus aliud facere, quàm cum peccauimus in infernum profundum nos deijcere, & aliam nobiliorem creaturam, si voluisset, in instanti creare? Quanta fuit ista Dei dilectio, quod post

*Matt. 7. 8*

*Heb. 1. d*

post lapsum dignatus est, nos querere tam benigne, & post eius offensam nos amplius, quàm prius exaltare. Quid fuit istud? Numquid exaltationem meruit culpa nostra? Certe non, sed ne a te fugeremus amplius humanam naturam tibi inseparabiliter unire voluisti. Mira videtur tua dilectio Deus meus, qui te odientes diligis, & exaltas. Si ergo nos, qui nihil sumus, tantum diligis, qui es summus; quomodo nos miseri te non diligimus, qui es omne bonum? O cor meditantis quomodo in tam excellenti dilectionis affectu non deficiis præ amore! Quid in hoc Deus voluit, nisi ut suo nos inebriaret amore? Quanta est hæc Creatoris nostri dignatio, quod nos tantum desiderat sibi per dilectionis vinculum colligari. Quomodo potest cor hominis aliud cogitare? Ut sic ergo nos exaltaret Deus noster, voluisti paruulus nasci; ut nos bestiales per peccatum caelestes faceres, voluisti inter bestias in præsepio collocari. O mira bonitatis diuinæ diffusio! o detestabilis nostrorum excæcatio oculorum! o glacies, non cor, cur non liquefcis ad hunc calorem? Heu mihi nescio per quam viam Deus amplius nos requirat, ex quo per hanc nos non habet. Sed quid dicam? Christus, qui est receptaculum expulso- rum voluit fugere in Ægyptum. Numquid Domine Iesu, qui ubique eras, fugere indigebas? Non certe, quia omnes inimicos tuos in tua potestate tenebas. Sed hoc facere voluisti, ut pro me patiens tuum mihi manifestares amorem, & ad te fugerem persecutus. O Deus meus bene video, quia totus es meus, & me vis totaliter possidere. Sed quid plura? Taceo vitæ tuæ processum, qui totus es dilectione plenus, & venio ad alapas, & consputa.

Certe hoc dilectionis signum cor hominis nõ sufficit cogitare. Si enim nihil amplius mihi umquam fecisses, nec etiam facturus esses, nisi quod Deus æternus in mea natura sustinere voluisti hæc opprobria, deberem totaliter tuo igniri amore. Quid enim gratius Deo, & quid vilius peccatore? Et tamen tu Deus pro peccatoribus voluisti a peccatoribus conspui, & illudi. O Deus meus, quid fuit istud, quoniã a creatura tua, quam in momento delere poteras, sic vilia tolerasti, & dicentibus te esse dæmoniacum benigne respondebas! O summa tuæ manifestatio charitatis, qui talia pro nobis a dæmoniacis audiebas! Quid tibi tantum curæ erat de nobis, quod te omni opprobrio supponebas? Sed tua nimia dilectione hoc sustinere voluisti placide. O cor plusquã lapideum, o

*Iob 28. d*

*Ezec. 11. c*

*1. Cor. 6. a*

cor non cor, cur non accenderis ex amore? Lapis calore solutus in æs vertitur, & tu ad tantum calorem immutabilis perseveras. Utinam ergo lapideum esses, non carneum. Et quid vero mirabilius, quàm quod caro cordis lapide durior, & insensibilior inuenitur? Sed nonne dicit Dominus, quod auferet a nobis cor lapideum, & dabit nobis cor carneum? Immo ex quo lapis citius immutatur, quàm cor carneum, det lapideum cor, carneum auferendo. Ad verecundiam nostram dico: O cor nequissimum, o cor innanissimũ, o cor infidelissimum, cur te sic odis? cur te sic laceras, & consumis? cur te sic fortiter diligentem nõ diligis? O cor crudelissimum, cur mortem plusquam vitam diligis? cur te querentem non recipis? O lapides, & creaturæ insensibiles, flectite vasa inania cordis mei. Certe Domine Iesu etiam si me odires, ex quo Deus meus es, & refugium meum, solus protector & gubernator meus te diligere deberem, quanto magis cum me tantum diligas, & me sequaris tuis beneficijs fugientem. Nam tantum me diligis, ut te pro me odire videaris. Nonne tu iudex omnium voluisti pro me iudicari, & mortẽ turpissimam & grauissimam sustinere? O Deus meus, quid mihi amplius facere debuisti? Certe si hoc mihi fecisset minimus rusticus, ipsum deberem diligere in æternum, & ego non te diligam Deum meum? Non dico, quod sanguis effusio, quæ tota fuit plena charitate, sed plane

A solus tuus aspectus me inebriare deberet, quanto magis ergo passio tua grauissima, & ignominia plena? Certe me totũ voluisti, qui mihi te totũ tribuisti. Et quis requirebat hoc de manu tua Domine mi? Cur tibi curæ fuit de tam vilissima creatura? Certe nihil aliud nisi tua maxima bonitas, & immensa dilectio hoc exegit. Nam si nos redimere volebas, aliter facere potuisti: sed sic facere dignatus es, ut nos tuo amplius inflammares amore. O amor & desiderium cordis, o dulcedo, & suauitas mentis, o ardor, & inflammatio pectoris, o lux, & claritas oculorum, o aurium pulchra symphonia, o hostia Deo Patri odorifera, o melliflua gustatio fluxus sanguinis, o amantissima palpatio lateris, o anima mea, o vita mea, o viscera cordis mei, o medulla ossium, vegetatio carniũ, sensificatio organorũ, intellectus, inspiratio, & exultatio mea. Cur ego non sum conuersus totus in tuũ amorem? Quare aliquid est in me nisi amor? Quomodo possum aliquid aliud cogitare vel meditari? Et quid amore tuo dulcius? Quid amplius cupio? Cur ego nõ sum illo illaqueatus, & captus? Undique circumdat me amor tuus, & nescio quid sit amor. Sed heu mihi, cur sic insensibilis maneo sine causa? Cur vanitas plusquam tu, qui es veritas, me allexit, & allicit? Cur iniquitas plusquam Saluatoris mei benignitas me attraxit? Cur stercoreum odium plusquam mei Creatoris, & Redemptoris amorem nimium adamaui? O quantum dilexisti hominem Deus meus? Non solum in cruce pro ipso pati voluisti, sed etiam apud inferos ipsum visitasti, & tecum ad supernos reduxisti. Nonne potuisti Domine Iesu pro ipso mittere aliquem Angelorũ, nisi ipsum extraheres per te ipsum? Cur vis hominem ubique sociare? Cur in omni loco vis cum homine habitare? Quid habet nisi vilia & mala ipse homo? Cur ipsum diligis sic immense? Postquam etiam surrexisti, voluisti adhuc quadraginta diebus homini apparere, sed & cum glorificatus esses, vesci voluisti, pacem donasti, & te ei palpabilem tribuisti. Sed Domine Iesu nonne sufficiebat homini, quod pro ipso fueras crucifixus, nisi ipsum de inferni profundo, & infimo lacu extraheres? Videtur quod tantum hominẽ dilexeris, ut ab ipso nolueris abstinere. An ignorabas, quod de tam excellenti passionis beneficio fueramus ingrati? Etiam quos speciales habueras increduli extiterunt. Quomodo ergo nos potuisti amplius intueri? O quàm mirabilis est tua dilectio dulcissime Domine Iesu, cum non possis ab hominibus E separari. Nonne qui ascensurus eras ad dexterã Patris tui, potestatem homini dimisisti, ut te, cum vellet, habeat in altari, hanc potestatem & antequam mori inciperes dimisisti, ne amittere te timeret. Sed cur hoc facere voluisti cum missurus esses Spiritum sanctum? Cur semper cum homine vis morari? Sed tuo corpori incorporare nos totaliter voluisti, & tuo nos potare sanguine, ut sic tuo inebriati amore tecum vnum cor, & vnã animam haberemus. Quid enim aliud est, tuum sanguinem bibere, qui sedes est animæ, quam nostram animam tuæ animæ inseparabiliter colligari. Hoc est certe, quod vis, hoc est certe, quod desideras Deus meus, hoc est Redemptor, & Domine mi, quod tanto tẽpore procurasti. Pro hoc enim ab infantia tua laborasti. Hoc nobis concedas, qui in æternum viuis, & regnas. Amen.

*Qualiter homo debet libenter Deo dare cor suum.*

*Cap. 111.*

O Domine mi Iesu, tu te mihi dedisti, & a me cor meum petis, sed quantum est hoc Domine mi, qui ita excellens es? Si enim haberem cor vnũ, quod solum maius esset, quàm si simul essent omnia corda filiorum hominum, & omnes Angelorum effectus, & ut moraliter loquar, maius esset, & quod plura spiritualia

ritualia & corporalia simul actui contineret, vel continere posset, quàm cælum empyreum, ipsum totum & totaliter tibi tribuere debere, & adhuc tanto Domino munusculum paruum, immo quasi nihil esset: quanto magis ego illam parvam scintillam cordis, quam habeo, tibi dabo, & totaliter in te ponam. Hoc enim permaximum est mihi, quòd cor meum habere digneris. Nonne ergo stultus essem, si illud applicarem de cetero alicui creaturæ, cum Deus meus illud velit habere? Et iam in meipso nolo, quòd remaneat amodo, sed volo ut totaliter requiescat in te, qui creasti illud ad laudandum te. Melius est, quòd cor meum maneat in æterna iucunditate, in diuina maiestate, & immensa bonitate, quàm in mea fragilitate; in tua scilicet deitate, quàm in mea iniquitate. Si hoc habere contemplatiue cupis, multum corde desideres, & multum ore postules; & desiderium animæ tuæ tribuet tibi Deus, & voluntate tua non fraudaberis, sed mētem tuam eleuans in benedictionibus dulcedinis te præueniet, tamquam corona lapidis pretiosi semetipso mentem tuam circumdabit. Nullus enim potest perfecte inuenire Deum, qui se perfecte non odit.

*Qualiter homo ordinet cogitationes suas ad Deum, ita quòd Deum semper habeat in corde.*  
Cap. I I I I.

**O** Homo vis cognoscere, quomodo ad Deū tuum dirigas cogitatum? Semper cogitare debes te esse in præsentia Dei tui, & ipsum semper habeas in tuo cogitatu. Super Christum autem pro te grauissime vulneratum, quasi semper dirigas cogitatum, & quòd ipse sit Deus tuus, qui pro te talia passus est cogitabis. Sæpe etiam ad Matrem Christi reuerenter, quæ est multorū solatium, festinabis, & quotienscūque ad ipsam tuum diriges cogitatum, ipsam cogita Matrem Dei: ut sic quocumque dirigas cogitatum, Deum tuum semper habeas in corde, & semper coram ipso existens, suamq. admirans magnitudinem, & tuam misericordiam recognoscens, quantum poteris resilies in teipsum admirans non modicū, quòd dignatur rem tam fœtidam coram suis oculis præsentare, & te ad momentum patitur in sua præsentia commorari. Hæc sic faciens de hoc dono, & de omnibus alijs referas Deo gratias. Et quòd etiam ei regratiari possis, recogita magnum donum. Et hoc donum, scilicet quòd in præsentia sua valeas commorari semper, & alia, quæ tibi concesserit Dominus, debes cum omni vigilantia custodire semper, cum magna auiditate inhians ad maiora. Et si propter tuam miseriam aut aliquam occupationem exteriorem, cogitatum tuum a sua præsentia absentari perpenderis, vel respicis impeditum cum magna anxietate reuerti studeas ubi eras, scilicet ad præsentiam Dei. Et hoc faciens qualiter processum habere debeas, cito te docebit. Hoc tamen pro certo in te habeas, quòd quidquid sit de alijs, semper debes te ad nihilum redigere, quantum potes & omnium peccatorum te infimū reputare, & tam pro te, quàm pro alijs a Deo tuo tibi præsentem cum omni humilitate veniam postulare, & tuam considerationem super hoc diligere poteris per hunc modum. Numquam considerare vel cogitare debes, quòd alij peccatores taliter a Deo sint elongati; quin ipse sæpe, & si non semper, ad Dominum se conuertant in corde, & quin Dominum suum tunc intimius recogitent quantum & clarius recognoscant, & quin reuerentia maiori coram ipso assistant, & maiorem suorum habeant confusionem peccatorum, & humiliter se ei præsentent: quin etiam maiori, & ardentiori moueantur affectu in præsentia tanti boni. Et si hoc pleno corde non poteris cogitare, hoc ipso deberes te superbissimum reputare. Nec de congruo deberes huic tuæ superbiz præponderare conscien-

**A**lias aliorum. Nullum etiam quantumcumque publicum peccatorem iudices, vel contempnas, quia nescis finem eius. Potens est enim Deus iustificare impium, & malignum. Te ergo, & non alios iudices in hoc mundo: quod si facere non potes, debes tunc firmiter præsumere, quòd superbia sit illud vitium, in quo ceteros singulariter tu excedis, ex quo non potes tuam aspicere prauitatem. Et certe si hoc est verum, satis potes te infimum omnium reputare. Sed forsitan tua superba cogitatio dicet tibi, Quomodo hoc de infidelibus cogitare possum, scilicet quòd sim eis infimus, qui nec Deum etiam cognoscunt? Sed audi caeca superbia. An ignoras, quòd si Deum recognoscis, ipsumq. te redemisse credis suo sanguine pretioso, & cōtra eum eleuaris in superbiam, quod grauius peccas, quàm si hæc omnia ignorasses? Nonne ubi cum peccato maior est cognitio, maior est cōtempnus? Et nonne ubi maior est contemptus, maius est peccatū? Nullum ergo excipias, o insania, sed pleno corde te humilians tuam miseriam recognosce. Et si tibi tunc subrepit cogitatio, Ergo tu a Deo reprobatus; hanc quamcūque excludere debes, nec permittere aliquo modo tecum commorari. Timere tamen debes non modicum, & altissimi Dei superextollere pietatem, & confidere in Christi vulneribus, & in clementia Matris eius. Immensa est enim misericordia Dei nostri. Et si essent in te solo omnia peccata, quæ vmquā facta sunt, vel etiam possent de cetero perpetrari, in infinitum superexcellit eius misericordia, & tibi hæc omnia, si ad se recurreres propter suam pietatem largissimam condonaret. Si etiam tunc tibi subrepit cogitatio, vtrum sis in charitate an non, timere proculdubio debes. sed caue ne determinate in partem aliquam inclineris, fideliter tamen age, & de diuina misericordia semper spera. Si enim hoc egeris, & tui consideratione reputaueris teipsum peccatorem nocte vndique obrutum, ac de tanta tenebrositate intēse dolens ad fontem pietatis humiliter conuerteris mentem tuam, orietur in tenebris illis lux tua, & eleuaberis Dei nostri dulcissima pietate ad cælestia contemplanda, & ibi delitijs abundabis, & dices cū Propheta: Et nox illuminatio mea in delitijs meis. Quod Ps. 138. 6 nobis præstare dignetur, &c.

*Qualiter homo opere mundo vel ad operandum plus in Deo serueat.* Cap. V.

**S**i attenderes o homo, qualiter Deus ad imaginem suam te creare, & formare voluit, & pro te tot, & tam nobiles creaturas condidit, & tuam assumens naturam tam chare te redemit, & non solum ut ipsum habeas in cibum in præsentia, sed etiam seipsum in futurum tibi in præmium repromisit, nunc naturā conseruat, gratiamq. infundit, & hæc omnia ad suum faciunt honorem. Si etiam in ipsum tenderes, ut deberes, & eius honorem appeteres, ut quasi tui oblitus pro nihilo te supponeres, quidquid honoris consolationis aut tribulationis siue iniuriæ tibi contingeret, ac si nihil accideret reputares, totum in laudem & gloriam referens Creatoris. Et quantumcūque, & quodcumque aliquod faceres ad Dei honorē, animæq. salutem, vtrum difficile esset, non iudicare deberes, sed cum impetu mentis immo amore feruenti deberes studere effectui mancipare. Si enim bene Creatoris tui esses succensus amore, o homo, nihil pro ipso iniuriosum, nihil difficile reputares, omnia tibi leuia, amabilia, omnia dulcia, & suauia, apparent, & tam libenter hæc omnia adimpleres, & cum omnia perfecisses te tamen quasi nihil pro ipso fecisse crederes, imo potius defecisse: teq. ex hoc tantū exosum haberes, ut te ipsum vix posses aliquatenus tolerare, & cogitares sollicitè quomodo posses maiora facere, aut saltem perfectius eadem adimplere, proponeresq. in corde tuo de factis & defectibus tuis grauiter



grauiter flagellari. Nam erubesceres non modicum & doleres tam altissimo Domino tuo sic miserrime ministrare. Quid plura dicam? Quanto plus proficeres, tanto plus te deficere cogitares, & amplius erubesceres, & doleres, & maiori succensus ardore semper maiora reincipere conareris. Numquam enim de his, quæ ad honorem Dei cerneret, tuus posset reſci appetitus. Semper enim famelicus appareres. O mirabilis calor amoris, qui sic cito digeri omne moleſtum facis, ac tandem conuertis in præmium sine ſine. Non dubito, quin tunc nimio feruore ebulliret cor tuum ſummum, quod haberes exoſum, & quidquid ad momentum te ſubtraheret a ſeruitio Dei tui. Semper tamen videreris tibi ad ſeruendum Deo tuo piger, aliq. ſerui Dei reſpectu tui viderentur tibi promptiſſimi, & feruentiſſimi appaerent, & eorum pronitas, ſeu promptitas tibi eſſet in magnum gaudium, ſed tua pigritia in mærorem verteretur. Accede ergo ad cor altum, & in tuis actibus exaltabitur Deus tuus. Si enim habueris cor infirmum & terrenum, minima ſeruitia maxima reputabis, & quæ quaſi nihil erunt, tibi difficilia apparebunt, & illa, quæ pro te, aut pro vno amico tuo viliffimo libenter faceres, pro Deo tuo altiffimo facere grauaberis, vltra modum dulcia & amabilia reputabis, amara & amariffima, dulcia iudicabis. Oculus infirmus irradiationes veri ſolis iuſtitie abhorrebit, & ambulare in tenebris aſſectabit. De ſpiritualibus viris triumphabis, & te triumphari a dæmonibus ignorabis. Sed heu, & vix tibi, quia iam beſtijs non potes comparari. Vtinam iumentis ſimilis factus eſſes, quæ ſubeunt onera domitorum. Non poteris de culpa alios arguere, & te tuis intimis nequitijs adimplere. Si ergo ſic ad ſeruendum Deo tuo habes manus ligatas, & pedes, non reſtat tibi, niſi vt in exteriores tenebras proiciaris. A quo nos ipſe cuſtodiat, cuius miſericordia totus eſt plenus orbis. Amen.

*Qualiter homo ſe perfecte odiat, vt Deum perfecte diligat. Cap. V I.*

**Q**uoniam ad dilectionem Dei habendam impedit dilectio ſui, & quanto vna intenditur, altera remittitur: ideo vt perfecte poſſimus Deum diligere, debemus nos perfecte odire. Tunc autem perfecte te odis, cum appetis ab hominibus pleno corde conculcari, viliffimum reputari, flagellari, deiſci, & quaſi ad nihilum redigi, & hæc omnia reputas eſſe pauca, in tuis iniurijs delectari, & in tuis tribulationibus conſolari: & non ſolum vis tibi hæc ab omnibus inferri, ſed etiam cupis eos credere, te iſtis iniurijs & tribulationibus eſſe dignum. Hoc dico ideo, quia multi appetunt ſuſtinere aduerſa, vt in eorum tolerantia ab hominibus commendentur. Tales autem non ſe odiunt, ſed diligunt, & mercedem ſuam, prodolor, iam recipiunt in hoc mundo. Tunc etiam perfecte te odis, quando non ſolum vis ab hominibus conculcari, ſed etiam teipſum tantum abhorres, vt vix teipſum valeas tolerare, & es tibi abominabilis nimis, & velles etiam a creaturis irrationalibus, & inſenſibilibus impugnari: & cum aliquid propter tuam neceſſitatem, licet non contra Deum, delectabile tamen aut aſſictiuum recipis, contra temetipſum turbaris, ſolum Deum quaeris, & omnia renuis extra ipſum. Ad hoc donum permaximum peruenire valebis, ſi confidenter & ex corde ſæpe petieris hoc a Deo. Ex parte tamẽ tua poſſunt eſſe aliqua inductiua & diſpoſitiua ad donum iſtud.

Primo conſiderare debes, quod natus es in peccato, & ex quo ab illo lauacro regeneratus es, & purgatus, & lotus, poſtquam uſum liberi arbitrij habuiſti, uſque ad hanc horam, quaſi cõtinue immemor ablutionis patriæ, quæ deriuauit a latere Chriſti Ieſu, & diuinam non timens nec reuerens maiestatem, in cu-

**A**ius præſentia exiſtebas, temetipſum offenderis pluſquam aliquis crudeliſſimus inimicus. Quomodo ſi hæc cogitaueris, te non odibis? Et quid odimus niſi mala contraria & nociua? Et quid peius, quàm ſe opponere ſummo bono? Quid contrarius, quàm ſanguinis Chriſti euorere medicinam? Quid eſt nociuius, quàm ſuæ animæ occiſio? Et tu tibi talis fuiſti etiam pluſquam valeas cogitare. Debes etiam cogitare, quod quanto ab extrinſecis amplius moleſtaris, tanto magis tibi præcluditur via, ne vageris per deuia, & aſſectum amplifices creaturæ, ſed vt in ſolo Deo altiffimo requieſcas. Quis ergo non odibit illius apertionem clauſuræ, vnde poteſt exire a Deo? Certe tunc aperitur, cum propria tribulatio nõ amatur, ſed ab animo effugatur potius volẽdo requieſcere in ſtercore, quàm in Deo. Cogita ergo, quod ſoli Deo debetur reuerẽtia & honor, & ipſe in ſe, & in ſuis creaturis ſolus eſt diligendus. Et ideo, ſi vere Deum diligis, debes, te honorari, & diligì ab omnibus, abhorre-re. Quomodo non abhorrebo mihi attribui, quod eſt Dei? Immo oppoſitum potius aſſectabo, ne ſi medium tenere vellem, incurrerẽ extremum. O quàm vtilis ſunt iſtæ aſſictiones extrinſecæ! Certe per ipſas ad cognitionem miſeriæ noſtræ deuenimus, & per hanc cognitionem noſtri peruenimus ad cognitionem Dei. Nam quanto quis magis eſt ſuæ vilitatis cognitor, tanto magis eſt diuinæ maiestatis inſpector. Quid ergo vtilius, quàm per hoc humiliari, & ad cæleſtia exaltari? Quis ergo renuet, ſe odire, & ab omnibus conculcari? Certe neſcio, niſi ſtultus. Si ergo times o homo, quæ ab hominibus inferuntur, quanto magis timere deberes, quæ a Deo inſiguntur? Sed ſi illa times, certe iſta diliges, & amabis. Nã iſtæ aſſictiones ſunt viæ ad patriam, & materia magni boni. Conſolationes vero ſunt viæ ad pœnas, & materia magni caſus. Iſtæ ſcilicet conſolationes animam interficiunt, & deturpant. Hæ autem animam lauant a maculis, & purgant a ſcoria peccatorum; vt ſic dealbata, & mundata videat Deum ſuum. O Deus, quis non appetit hoc habere, niſi qui non appetit te videre; aut qui non appetit ad tuam gloriam euolare. Et quomodo probabitur aliquis eſſe verus tuus amicus, niſi qui pro te aduerſa voluerit ſuſtinere? Numquid vera amicitia probatur in conſolationibus, & honoribus huius mundi? Certe ſi ſic pauci inuenirentur mali, quia pauci ſunt, & vix aliqui, qui non appetant conſolari. Sed certe illi filij tui concernuntur, quos corrigere non deſinis. Nam ſemper cum talibus cõmoraris. Non ergo hoc renuat, ſed diligat, niſi qui non vult tamquam ſpecialis amicus, immo tamquam chariſſimus filius cum Domino habitare. Et hæc nos ſemper ſtimulant, & faciunt currere ad maiora, faciuntq. conſcendere ad montana, & ad cæleſtia contemplanda. Hæc ſunt certe, quæ ceteris patientibus membris compati inſtruunt. Quomodo enim proximo, iniurias, paſſiones, & damna patienti compatiar, qui ea numquam probaui? Propterea dicit Apoſtolus ad Hebræos: Non enim habemus Pontificem qui non poſſit compati infirmitatibus noſtris. Et hoc eſt, quia in ſuo corpore fuit eas expertus ſicut ibidem innuit. Nam languores noſtros ipſe tulit, & dolores noſtros ipſe portauit. Et nunc ſi alijs non compati-mur, quomodo cum illo cõregnabimus? aut ſi membra mortua & inſenſibilia ſumus, quid reſtat niſi vt de corpore excidamur? aut dicito mihi, quomodo tuo capiti, Chriſto pro te mortuo ſcies compati, qui non pateris? aut ſi Chriſto non compateris, quomodo poteris ſibi conformari? Sed certe ſi nihil aliud te moueret hoc ſolum deberet te facere auidum paſſionum. Quid peius, aut magis mortiferum, aut peſtiferum, quàm paſſionibus Chriſti nõ compati, aut tanti beneficij ingratus exiſtere? aut quid fructuoſius, aut ſuauius, quàm illius paſſionis ex corde compaſſionem plenam gerere? Quod bene nullus poteſt facere,

*Heb. 4. d*

*1ſa. 53. 4*

facere, nisi qui iniurias passus, vel expertus est. Aut dic mihi, quid nobilius est, quàm assimilari Filio Dei? Quomodo si nunc ei dissimiles fuerimus per consolationes, & honores, erimus sibi confratres in regno Dei? Minime. Quid enim abominabilius, quàm videre pro me vilissimo stercore, Dei Filium in assumpta humanitate iniurias, & opprobria sustinere, mortem turpissimam & grauissimam tolerare, & ego velim ab hominibus honorari, & delictis affluere? O homo, stercus, & plusquam stercus, pro iniuria quam sibi feceras, ipse semetipsum ad talia iudicauit, ipse scilicet actor, & iudex super se reflexit iudicium amarissimum, & tu adhuc coram eo, qui sibi iniuriaris, vis pertransire immunis? Saltem coram oculis sic pro te afflicti prætende maiorem, & corde te offer ad consimilia patienda, & certe non dubites, quòd ex quo est sufficienter punitus, si hoc iterum sustinere volueris, & toto appetieris corde, non sustinebis hoc: quia non vult, vt pro eadem iniuria bis passio inferatur. Sed quod credis iniurias esse, in honorem conuerter, & quod credis tribulationem esse, in consolationibus mutari videbis, & ubi credis esse damnum, reperies fructum multum. Et quanto iniuria maior, tanto honorabilior eris: & quàm tribulatio & afflictio intensior, tanto magis consolaberis: & si omnia propter ipsum amiseris, certe ipsum, qui est omnia, possidebis. Si autem honorem appetieris, deprimeris: si consolationes, tribulaberis: si temporalia, pauper eris. Qui enim aliud prætér Deum appetierit, se affliget: immo etià si se indebite dilexerit, se occidet. Si autem se odiens, Deum dilexerit, ipsum plenarie possidebit. Vnde, qui Deum diligit, ipsum tunc habet Deum, ita quòd si solum Deum dilexit, ipsum plenarie possidebit. Vnde quanto perfectius Deum diligit, tanto perfectius ipsum habet. O stultissimi homines, quomodo hic oculos vestros non ponitis, si vultis vos, & omnia abhorre? Certe cum videritis vos possidere Creatorem omnium, & mens vestra in ipso quieta fuerit, omnia mundanam vanitatem reputabitis, & corpora vestra dum adhuc sunt mortalia, tamquam stercora erunt vobis abominabilia. & sicut qui auferret stercus vel aliquid abominabile ab oculis vestris, sic qui vos vsque ad mortem affligeret: & sicut qui detestaretur quod abominaremini, gauderetis, sic qui vos detestando iniurias & opprobria vobis dixerint, & fecerint, exultabitis. Nam nihil poterit vobis euenire aduersi: quia consolationes & honores non poterunt vos decipere, eo quòd de ipsis non curatis, sed eorum contrarium appetitis. Aduersitates etiam non poterunt vos decipere, quia ipsas affectatis, immo quanto maior erit tribulatio, tanto maior erit consolatio: quia magis in hoc casu adimplebitur desiderium vestrum. Non certe sic deberet esse. Quis enim non deberet gaudere, si separaretur a vanitate, & cõiungeretur veritati? Nonne hæc omnia sunt vanitas? Et quid est veritas? Nihil, nisi Deus. Et ideo omnia prætér Deum, aut quæ in ipsum non redunt, abhorrenda sunt. Si enim sic esses o homo, quòd in solo Deo velles affici, & suum fitires honorem, & te vt dictum est, non diligeres, sed odires, & ab alijs appeteres conculcari, viam diabolo obstrueres, vel obstruxisses, vt ad te penitus intrare non posset. In hoc enim concordant Doctores, quòd omnis malitiæ causa est timor vel amor, immo etiam causa ipsius timoris est amor sui. Quomodo ergo ex timore peccare poteris, qui te desiderabis affligi, & contemni, & ab hominibus conculcari? Et quomodo amore tui peccare poteris, qui te perfecte odis, & Creatorem tuum diligis? Hæc certe si habueris, a feditate separaberis, & ad perfectam innocentiam & sanctitatis consummationem pertinges, & qui aliquando fuisti seruus diaboli, eris permaximus in regno Dei. Quid ergo assequi ista tardas? Quare negligimus hanc mentis perfectionem habere? Numquid

S. Bon. Tom. 7. Pars iij.

A hoc donum excellentissimum negabit nobis Deus, si ab ipso illud postulare voluerimus? Certe nõ de hoc te certifico, sicut possum, immo libentissime hoc tibi dabit. Non dico, quòd tibi dabit pati, quia non omnibus concedit hoc, sed tribuet tibi velle pati. Et forte si dignus fueris, etiam istud dabit tibi. Et si dicis, Non possum tantum laborare, vt ad tantam sanctitatem venirem, vt non solum Deum diligerem, & me super omnia abhorrerem, & ab alijs vilipendi appeterem; & ego dico tibi, quòd ad hoc non requiritur iste labor extrinsecus, aut corporis valetudo, sed potius sollicitudo cordis, & corporis quies, labor cordis, & quies mentis. Non requiritur dico multus labor extrinsecus, quia per illum destrueretur vel distraheretur homo interior. Labor tamen pietatis, & humilitatis ad hoc, & ad omnia utilis est, dum tamen quietem mentis homo custodiat: nec requiritur valetudo corporis, quia repugnat valetudini spiritus. Requiritur autem labor cordis in surgendo, & totaliter se euellendo ab istis infimis, & ad cælestia ascendendo. Et dum ascenderis, requiritur quies mentis. Multum enim abhorret Deus, cum quis eum degustat, & ibi non quiescit, sed potius tamquam si Deus non esset ei sufficiens, redit ad amplexanda stercora, & sic inquinatus iterum vult Dominum amplexari. sed hoc vni rustico facere non auderes: ergo ipsum Deum plus omni rustico vilipendimus. Et nihilominus volumus, quòd in omnibus satisfaciatur voluntati nostræ, sed non est ita. Sed si impetrare volueris sine repulsa tam hoc præcellens donum, quàm alia, ad ipsum teuerenter conscendas, ibiq. quiescas, & sollicite roga eum, vt amplius non te permittat redire ad vomitum. Et si sic feceris, non dubito quòd ab illo splendore æterno illuminatus tuas miseras recognoscas, & super omnia te odibis, diuinam experieris bonitatem, & omnia tamquàm stercora reputabis, & coniungeris amoris vinculo soli Deo. Quod ipse nobis cõcedat, qui es benedictus in sæcula sæculorũ. Amen.

*Qualiter homo debet in omni actione frui contemplatione. Cap. VII.*

SI homo bene inebriatus amore sui Creatoris esset, nihil in omnibus requireret, nisi quomodo suo Creatori posset diligentius & perfectius deferuire, & propriam penitus, quantum posset, voluntatem abscindens solum quæ magis crederet Deo placere, cum impetu animi assequi conaretur, & sic in omnibus, & per omnia non, quæ sua sunt, quæreret; sed quæ Iesu Christi, obliuisceretur quodammodo sui, solius memor Dei. Hic talis & tantus præ feruore, & amoris magnitudine vel immensitate nõ multum, vt credo, distingueret inter gradum & gradum, vitam & vitam, statum & statum, personam & personam, tempus & tempus, locum & locum; sed quocumque modo, & quacumque hora discernere posset, quid amplius suo Creatori placeret, statim perficere conaretur, toto animi affectu tendens in Deum. Quanto enim creaturæ ad Deum magis reducuntur, tanto sibi vel inter sese mutuo amplius vniuntur. Omnino ergo cõmunicans, idest ad vnum cõmune omnia reducens, (quod facit quis, cum nihil requirit in omnibus, nisi honorificentiam Dei, ad quam facta sunt omnia, & ad hoc vniuersa ordinata,) & in vno Creatore cõiungens, (quod verum est cum vniuersa in Deo collocat, & solum Deum in omnibus intuetur) & nihil in omnibus nisi Deum videre semper suspirans, semper anhelans, & ad seruiendum Deo suo in omnibus totus accensus, torus ignitus non cõsideraret, quid sibi suauius, quid dulcius esset; sed in omnibus quid Deo suo amabilius. O felix talis, qui cum actiua contemplatiuam haberet: quia sic Domino ministraret, vt Martha; vt tamen a pedibus Domini non discederet cum

V Maria,

Maria, sic se Angelicis spiritibus niteretur cōformare, qui nobis ministrando a diuina contemplatione non vacant. Quid enim est hoc, scilicet Domino ministrare, aliud, nisi cum ministrat sano, cum visitat infirmum, vel seruit infirmo, semper in eis Dominum intueri & frui Deo in proximo? Assistendo seruit, manum porrigit proximo, & cor ad Deum. Proximo seruit, non ut homini, sed ut in homine Deo. Totum semper refert ad Iesum, qui dicit: Quod vni ex minimis meis fecistis, mihi fecistis. Et ideo cum in lecto videt proximum infirmum, sibi videtur, quod videat Christum suum, & per hoc nihil sibi difficile, nihil sibi abominabile, nihil ignominiosum aestimat facere pro infirmis, ac pro alijs desolatis: sed omnia dulcia, omnia suauia, omnia amabilia iudicabit, cum sic in proximo ministrat Christo. Credo sine praeiudicio, quod qui sic, ut dictum est, feruenter & diligenter Christo in proximo ministraret, pure propter Christum tendens in Christum, quod plus mereretur & virtuosius mereretur, & a Deo amplius approbaretur, quam si proprio corpori Christi ministraret.

Mat. 25. d

Cant. 1. b

Matt. 25. d

Cant. 1. b

Et hoc sic patere potest. Vnus enim pessimus homo si videret Christum esse in vno lecto, & bene cognosceret eum, non est dubium quod sibi feruenter, & diligenter ministraret; sed sibi, idest Christo in proximo cum tanto feruore & diligentia ministrare non posset, nisi perfectus, ut credo, immo, ut ita loquar, & plusquam perfectus. Et ideo cum toto animi conamine hanc gratiam habere conemur. Quis de cetero abhorrebit leprosum, declinabit infirmum, negliget desolatū cum in eis intuemur Christum, & plus ibi possumus mereri, & Deo placere, ut probatū est, quam si etiam ministrarem ipsi Christo? Indicabo tibi Sponsa, quem diligit anima mea. Certe in infirmaria iacet, ibi angustiat, ibi dolore grauatur, vel torquetur. Curre, & sibi ministra, sibi compater infirmanti. Cur instas Sponsa quotidie, ut Sponsi osculo osculeris? Accede ad leprosum, & osculare eum, quia ibi iacet. Cur Sponsa misera prae Sponsi amore languere te dicis, & ipsum quotidie nudum, discalciatum, & afflictum ante te vides trāsire, & negligis, & etiam non compateris ei? Et si non possumus, fratres, omnibus praestare obsequia, quia multi sunt indigentes, saltem omnibus compassionem donemus, & in omnibus consideremus Christum. Credo firmiter, quod si Christum neglexerimus in ceno vel in terra, quod ipsum non habebimus in calo. Audi quid ipse dicit: Infirmus eram, & non visitasti me, &c. Ite maledicti, &c. Et bene nostis, quod non sunt haec verba mea, sed ineffabilis veritatis. Timeamus ergo fratres hanc sententiam, qui totiens negleximus eum. Non interrogemus eum de cetero, nec dicamus ei, Vbi iaces? Vbi cubas in meridie, quia iam nouimus locum. Scimus enim eum in infirmaria iacere. Non autem restat, nisi praestare obsequium.

Audite, obsecro consilium meum, & non aspiciatis ad factum meum. Qui enim vult, ut dixi, cum actiua contemplatiua vitam habere, ut suum Dominum in omnibus contempletur, videtur mihi, quod haec via sit brevis & bona, videlicet, ut se totum recolligens intret ad cor suum, & intima cordis ingrediens, se resoluat in Deum; ut nihil nec videat, nec sentiat nisi Deum, & tunc aliquo modo sic Deificatus & transformatus in Deum ad quodcumque se vertet, nihil nisi Deum considerabit, & quidquid operis faciat non homini, sed soli Deo facere existimabit. Et dum hanc formam habebit, vel tenebit in omnibus Deum videbit, & in labore actiua contemplatiua fruatur. Et si contingat, immo quia cōtinget, ab hac nobili forma discedere ad ipsam statim nitatur homo redire, & haec totiens faciat, quod quasi in habitum ducat, & hoc magis honore, & diuina largitate, quam aliqua industria impetrare credat. Et si haec omnia nimis difficilia tibi videntur saltem ad

hoc conare, ut semper & in omnibus quæras facere, quod sit magis honorificum Deo, cōforme Christo, utile tibi, & proximo, afflictuum & ignominiosum corpori proprio. Quod ipse nobis concedat, qui est benedictus in saecula saeculorum. Amen.

Quoddam delectabile & allestinum. Cap. VIII.

**A** Nima mea liquefacta est, ut dilectus locutus est, &c. O mira, & inestimabilis virtus amoris! Deum inclinat ad terram, mentem eleuat ad patriam, & Deum, & animam vel hominem simul conglutinat ad gloriam, Deum facit hominem, & hominem facit Deum, temporalem facit æternum, immortalem occidit, mortalem immortalē facit, & imum excelsum constituit, inimicum facit amicum, seruum facit filium, & abominabile facit gloriosum, frigida facit ignea, obscura facit clara, dura facit liquida. Nam anima mea liquefacta est, &c. O verbum admirabile! o verbum nimium delectabile! Ego vilissimus, & nequissimus seruus tuus Domine Deus meus, qui etiam non sum dignus aliqua tua creatura vocari, nec esse quomodo sum, tibi tantæ charitatis vinculo colligatus, ut ad verbum tuum prae amore fuerim liquefactus. O ardor amoris, qui intima mentis in Deum infundis! Nam adamantina erat anima mea, & eius intima nimium solidata, nunc amore liquefcit, nunc extra se exit, & in Deum tota se diffundit proprium locum relinquit, & in Deum currit, absorbetur a Deo, & obliuiscitur sui.

O amor, quid tibi tribuam, qui me fecisti diuinū? Viuo ego, iam non ego: viuit autem in me Christus. Gal. 2. d Inenarrabilis est virtus tua o amor, qui lutū in Deum transfiguratur. Quid ergo te potentius, quid dulcius, quid iucundius, quid & nobilius obsecro? Bone amor, qui terrena ponis in cælum, deficio tui memor, & facio me vniri dilecto. O felix amor, qui nos facis languidos, Sponsi nostri amplexibus sustentari. O desiderabilis amor, qui summis delitijs repleas egentes! Sed si liquefacta es ad verbū eius, o anima mea, quomodo sustines amplexus eius, quomodo non es consumpta ad oscula eius? Si liquefacta es ad affatum eius, quomodo non es absorpta cum intras per vulnera, & per venas ad cor eius? Sed o mira dulcedo, & mira iucunditas, ut quod non meremur nominare, possumus masticare! Non mereor esse ancilla, & facta sum in delitijs charissima. Quis sufficit tanti amoris etiam scintillam modicam intueri? Quid est hoc? Nescio, capere nequeo, inquit, sed obstupesco admiratione, iucundor delectatione, inebrior exultatione. Sed quid merui, quid feci, ut tanta mihi beneficia exhiberes? Te persecutus sum, & in te collocatus sum; tuam faciem conspui, & tu oscula mihi tribuisti; te vulneraui gladio, & tu me a morte liberaisti. Te repleui dolore, & tu me gaudio & consolatione. Occidi te Deum meum, & mihi te felicem vitam tribuisti. O mira mutatio dextræ tuæ! Non ergo mirum si ad verbum tuum liquefcit cor meū, immo de cetero totus accendar, & totaliter liquefiam, ut in te totaliter sim effusus, nihil præter te videam, nec in aliud cogitata, dicta, vel facta transeant villo modo, immo mirum videtur quomodo non sumus sic intēti ad te, quod ignoramus omnia præter te. Si enim habemus te, quid amplius volumus? In te ergo dulcissime Domine Iesu quiescat mēs nostra, & a te, nec ad modicum separetur. Stultissimum quidem est etiam nobilissimo, & iucundissimo loco exire. Quomodo audemus nisi dulcissimum Sponsum inspicere ne subtrahatur a nobis? Quid quæso nos mouet aliud intueri? Nonne terrena sunt stercorea, & hoc est summum bonum. Quomodo omnia non desipiunt, & despiciuntur? quomodo omnia non ferent ad præsentiam tanti boni? O, o, o stultitia hominum impiorum! Redite prauaricatores ad cor. In vobis est regnum

Isa. 46. c

gnum Dei, & vos pro sanie foetidissima insanitis, & diabolicam seruitutē subitis. In vobis est certe Deus noster, conuertimini super eum, & fruimini ipso; & eo quem prius contempsistis, nunc, & de cetero contenti sitis, & hæc sit portio vestra. Quod nobis concedat, qui viuit, & regnat. Amen.

*Quod sit homo bene ordinatus in cogitatione, locutione, & operatione. Cap. IX.*

Seruus Dei numquam deberet nec aliud, nec aliter cogitare loqui & operari, quàm si Deum facie ad faciem videret. Nec enim dubium est, quòd sic est nobis præsens Deus, & sic nos videt; sicut si essemus in cælo empyreo in sede beatæ Virginis: quamuis nō sic influat hic, sicut ibi. Et ideo quamuis eum non videamus, ex quo scimus eum esse iuxta nos, & etiam in intimis cordis nostri, non propter hoc debemus plus vel minus, vel aliter loqui aut facere, quàm si semper videremus eum. Tantum enim timeret seruus Imperatoris, si sciret, quòd Imperator esset iuxta eum, & videret eum, & ipse Imperatorem videre nequirit, quantum timeret si Imperatorem videret, immo forsitan magis. Nullus enim seruus est, qui nō timeat proprie quòd videatur a domino suo. Vnde si sciret seruus pro certo, quòd dominus suus nō posset eum videre, nec etiam scire posse, quid seruus faceret, non timeret tunc dominum, vt credo. Sed si sciret se videri a domino, & dominum tamen videre non posset, tunc multum timeret. Quanto ergo magis Dominum nostrum timebimus, quia nobiscum, & in nobis est, & omnia intuetur? Debemus semper moueri timore, reuerentia, deuotione, amore, & erubescencia peccatorum. Mirum est certe, quomodo tam modica scintilla sicut est cor meum, non absorbetur totaliter ab immensa bonitate diuina, & quomodo seruus Dei amore Domini sui non semper inebriatus incedit. Hoc credo fieri, si illi bonitati immensæ vellet applicare cor suum. Vnde de hoc non dubitet aliquis, quòd quanto magis illi bonitati diuinæ vellet applicare cor suum, tanto melior & perfectior esset. Et qui in summo bono cor applicare posset, vt penitus oblitus omnium, præter ipsum, toto animi conamine in ipsum tenderet, ibique quiesceret, non statim a tanto bono resiliens, tunc credo, quòd absorptus dulcedine consummaretur in statu. Tunc enim inter consolationes & tribulationes, vituperia & honores, blandimenta & opprobria, inseparabilis pertransiret, nihil sitiens nisi Deum suum, & solum eius affectans honorem. Tunc comprehensor dici posset, potius quàm viator, beatus non miser, Angelus non homo, non peccator, sed sanctus. Et si ad hoc pertingere cupis o homo, hanc breuem regulā tene. Quicumque vult esse consummatus in statu debet de sua virtute totaliter desperare, & plenarie se conuertens & committens in manibus pietatis immensæ toto corde confidat de ipsa, nihilq. quantum in se est omittens de contingentibus, fideliter agat quidquid potest cernere ad sui pertinere honorem. Sed & hoc in præfata regula scriptum est donum Dei per maximum. Et quisquis hoc habuerit non a se, sed a Deo fideliter habuisse recognoscat sciens pro certo, quòd ad hoc per se est impossibilis, sed pronus potius ad digna tormēta mortis æternæ. A qua morte nos custodiat ille, qui est benedictus in sæcula sæculorū. Amē.

*De ordinatione ad proximum. Cap. X.*

DE proximo accipe hanc doctrinam: Vnūquemque hominem de mundo, reputa teipsum. Et si hoc bene feceris, & in corde tuo bene imprefferis; non est dubium, quin bonum suum, sicut tuum diliges, & quod ad salutem suam spectare videris, sicut pro te sollicitè procurabis, oratione, exhortatione, &

S. Bon. Tom. 7. Pars iij.

A auxilio. & quocumque modo poteris: & cum ipsum videris bona dicere, vel facere, repleberis gaudio, sicut si tu diceres, vel faceres. Si autem sciueris ipsum esse in peccato, aut in aliquo speciali vel spirituali delicto, vel defectu nimium condolebis, & ipsum prout poteris a malo reuocabis, & induces ad bonum. De miseris autem corporis sic comparietis sibi, ac si illas in proprio corpore haberes, & sic libenter ac diligenter serues ei, sicut faceres tibi, & etiam quia te debes odire, illum autem diligere. Et ideo si te offenderit dicto, vel facto, non plus curabis, quàm si tu ipse hoc fecisses, vel dixisses, & eo amplius tibi placebit; quia ibi est maior merendi materia. Et si quid feceris boni vel dixeris, non plus eleuaberis, quàm si alius fecisset vel dixisset. Et si aliquem defectum non culpabilem feceris coram eis, non plus curabis, quàm si in priuato, vbi nullus vidisset, fecisses. Inde etiam sequitur, quòd si vnumquēque reputaueris teipsum, quòd nullum specialem habebis: & quia omnes tibi singulares erunt, nullum plus altero diliges, nisi quantum noueris ipsum meliorem esse, non quia tibi plus familiaris vel notus. Nec etiam circa quantumcumque bonum debemus affici, sed solummodo circa Deum siue in se absolute, siue etiam in quantum illi vel isti tanta dona largitur. Possumus tamen plus orare pro illis, quibus sumus magis obligati. Nec tamē sic orandum est pro illis, vt alios dimittamus. Hoc autem solum appropriabis tibi, scilicet tuam culpam & defectus tuos, & quòd te viliorē omnibus reputes, & non solum tua, sed etiam aliena peccata reputes essetia, & pro ipsis veniam postulabis sicut & pro tuis. Et si dicas, quomodo possum omnes homines æstimare plus quàm meipsum? Hoc te docet facere perfecta charitas, quæ te eis coniungens vnum cum eis facit. Hoc tamen clarius intuetur, & ad hoc faciendum facilius mouetur, qui cor suum in honorē Dei totaliter radicauit, nihil aliud nec in se, nec in alijs quærens. Vnde hæc est via optima, quòd qui vult Deum & proximum diligere, solum Dei honorem faciat, & cum magna auditate quærat, nihil aliud intendens in omnibus. Quod nobis concedat Deus æternus. Amen.

*Qualiter zelator animarum se ordinare, & habere debet. Cap. XI.*

Sic debet esse modus & forma præparandi & disponendi se, vt possit quis fructificare in proximo sine sui detrimento: quia contingit, & cōtingere aliquando potest, quòd in procuranda aliorum salute, propria negligitur, immo propria suffocatur. Cum ergo vis pro proximo orare, ei prædicare, lectionem legere, vel eius confessionem audire, aut aliqua talia facere, primo faciem mentis ad æternū lumen conuertere, & ad eius splendorem; confortare spiritu, vt non præualeat caro; abstinere ab exteriori homine, quantum potes, vt solum sis interior ad interiora cōuersus. Tunc eundem interiorem hominem in proximo considera, de eius exteriori nisi in quantum ad interiorem ordinatur nō curans. Tunc interior tuus homo ad interiorem proximi conuertatur, & vtriusque exterior in supradictis actibus tamquam vanitas negligatur, ne pro exteriori interior ad vana trahatur. Ipsum ergo exteriorem proximi hominem tamquā sacculum stercoreum relinquens, considera interiorem ad imaginem Dei factum, sanguine Christi redemptum, locum Spiritus sancti, habitaculum Christi, Dei virtutis & sapientiæ sedem, & ad æternā beatitudinem possibilem. Tunc honoris Domini tui sitibundus ingemisce, & plora, quia eius imaginem vides denigrari, pretiosissimum sanguinem conculcari, Spiritus sancti habitaculum pollui, Sponsam Christi prostitui, eius sedem deiici, & totam suam beatitudinem pro vilissimis stercoreibus contemni. Mirum

V 2 certe

Esb. 4. a

certe videtur, quomodo iusti oculi possunt a ploratu cessare videntes tantam vesaniam in proximo, immo etiam fuisse aliquando in seipso, & tantam iniuriam Deo suo fieri. Quis mihi quæso dabit, vt cum Machabæo indutus sacco pro tanta populi nece non imminente, vt illa ludæorum, sed iam facta, quotidie plorem, immo continue vsque ad fores palatii vlulando incedens? Si enim ille pro corporali morte ludæorum tantum dolorem & tristitiam propter nimiam plenitudinem charitatis publice prætendebat, quomodo ego miser lacrymis impono quietem, qui infinitam stragem video animarum, & Deum meum pro nihilo reputari. Animeretur ijs anima viri iusti, & Dei sui contemptum non sustinens, animarum mortem abhorrens conetur modis omnibus, quibus potest animas a peccatis liberare. Quomodo potest dicere se Deum diligere, & eius amorem appetere, qui eius imaginem videt iacere in sterquilinio, & non curat. Aut quomodo si cogitat quod Filius Dei pro animabus redimendis mortuus est, quomodo & ipse pro animabus mori non cupit? Et maxime cum videt, Christi sanguine pedibus conculcari, quomodo quæso potest hanc sui Domini iniuriam sustinere? Quomodo se totum non fundit in oratione quotidie, clamat in prædicatione, aut proximos instruit lectione, vel eos audit in confessione, vt hunc sui Domini sanguinem recolligere possit, animas recolligendo, & conuertendo? Quid plura dicam? Credis ne te esse habitaculum Spiritus sancti, qui vides eius templum latrinam fieri, & non clamas, sed dissimulas, qui solum tuam quietem requiris. Absit. Quomodo ergo credis te Sponsi amicitiam habere, qui eius Sponsam ab adulterio non custodis, aut adulterantem non reprehendis, cum facultas non desit, aut eam festinanter ad Sponsum non reducis? Aut quomodo poteris æternaliter summo bono frui, quod vides adeo contemni, vt pro vilissima sanie commutetur, aut negligatur, immo potius blasphemetur, & tamen ab hoc cōtemptu negligis animas remouere, & ad eius amorem conuerrere? His auditis scindantur obscuro corda nostra, & nullo modo tantam Dei iniuriam patiamur. Fateor, vt vos ad animarum zelum alliciam in corde meo iacere, quod si certissimus essem quod numquam deberem perfrui Deo meo, nihilominus ad honorem suum vellem libentissime pro qualibet anima peccatrice semel mori, ita quod tot mortes in præsentia sustinerem, quot sunt in mundo animæ peccatrices, vt ipsæ consequerentur gratiam in præsentia, & gloriam in futuro, quantomagis si secum deberem postmodum gloriari? Ita charissimi scilicet diuinus contemptus, & animarum interitus sunt, quæ deberent nos inflammare ad prædicationes, confessiones, orationes, & ad bonorum exemplorum exhibitiones, non vana gloria, non cordis iactantia, non complacētia humana, non aliqua vtilitas mundana. Solum ab animabus Iesum Christum crucifixum quæramus: 1. Cor. 6. d. Emptæ sunt enim pretio magno, vt aut pretium reddant, aut in emptione permaneant. Inebriemus eas sanguine, non curiositate, vt sic Dominum nostrum crucifixum concupiscant. Dicat quilibet nostrum eis, Nihil iudicaui me scire inter vos, nisi Dominum Iesum, & hunc Crucifixum, non certe Aristotelis, vel Platonis philosophiam. Illum enim reputo hoc solum verbum dicere posse, qui nihil e proximo nisi passionem Christi requirit, & in quolibet proximo sibi videtur, quod videat Iesum Christum passum. Vnde signanter dicit inter vos nihil me iudicauisse, &c. Quid dicam? Non solum vestra non volo, aut vobis placere cupio, sed nec etiam vosipsos, aut aliquid aliud cognoscere me iudico, sed in omnibus solum Dominum Iesum, & hunc Crucifixum. Et bene dicit non iudicaui, quia & si alia habitualiter sciam, sic tamen ad hoc, scilicet ad Christi passionem sum totaliter intentus, vt meum iudicium ad aliud nō fle-

atur. Posset autem illud verbum aliter ad animarum consolationem exponi, idest tantum sum in hac passione in Deo inebriatus, vt quidquid aliud offeratur mihi, aut visui, vel gustui, seu auditui, siue alij sensui, & quidquid sit præter istud, totum reputo esse nihil: quia iam non delector, iam non glorior, iam non morior nisi in sanguine Christi. Ad hunc enim totaliter sum conuersus. Non sunt oculi mei pleni adulterio, sed Christi tormento. Non os meum plenum est detractioe, sed Christi passione. Et sic de alijs prosequere sensibus, quicumque es, qui hoc dicere potes: quia longe est a me verbum istud. Et si in verbis istis non fuit hæc intentio Pauli, sit tamen intentio nostra, quia non intendo hic intentionem Pauli exponere, sed nostram deuotionem excitare. Quod nobis concedat, qui est benedictus in sæcula sæculorum. Amen.

*Quod anima debet affici tantum amore Christi terrenorum vilitate contempta. Cap. XIII.*

**A**nima rationalis ad imaginem diuinam procreata inter Deum, & irracionales creaturas media constituta non ad infima per amorem se deberet inclinare; sed solum se erigere ad Deum eius inebriata amore, inferiorum vilitate contempta. Et si ad aliquam contingeret se vertere creaturam etiam æqualem, vt pote alium hominum aut Angelorum, statim deberet omnia ad amorem dilecti referre, solum ad suum Sponsum vnicum medullitus, & impetualiter tendens, nihil inueniens columbina Sponsa, in quo nisi in Sponso requiescat, pes eius nec etiam appodietur aut adhæreat vllo modo. Nescit castissima Sponsa viuere nisi cum Sponso, sicut nec piscis nisi in aqua, vel infra aquam. ibi vacat, vel natat anima delicata, ibi delectatur, ibi reficitur inenarrabili & suauissimo nutrimento. Si quomodo exit, statim incipit palpitare, statimq. ad igneum flumen, seu fluuium rapidumq. redit, extra ipsum omnia suspiciens mortem esse, tota liquefit, & resoluitur in dilectum. O amor quid facis? quid hoc amore nobilius? quid vtilius? quid suauius? Et tamen omnes aut quasi omnes negligunt hunc amorem. Nunc hic dici potest: Qui manet in Deo, manet & Deus in eo. Quod nobis concedat, &c. 1. Ioan. 4. 6

*Descriptio beatitudinis. Cap. XIII.*

**A**ccipe frater sana verba, quæ de beatitudine dicam indignus. Nam sic puto eam posse describi, tu tamen corrige. Beatitudo est plena & intima in Deum resolutio. Beatitudo est summa exultatio de honorificētia Dei. Beatitudo est castissimis & æternis amplexibus Sponsi cum Sponsa, vel Sponsæ cum Sponso matrimonij consummatio. Beatitudo est diuinæ dulcedinis inebriatio, sine fine. Beatitudo est sol iustitiæ æternus. Beatitudo est cum immenso desiderio plena refectio. Ad quā nos perducatur, qui viuit, & regnat per æterna sæcula Iesus Christus. Amē.

*Oratio deuotissima. Cap. XIII.*

**O** Deus meus, o amor meus, o lux delectabilis, o suauissima irradiatio, o iucundissima cōtemplatio, o nutrimentum Deificum, pabulum suauissimum, sapidissima degustatio, indicibilis refectio, o mellissimum osculum, & amplexus felicissimus, o indissolubilis coniunctio, cordialis diffusio, medullaris transformatio, o accensio amantissima, inflammatio incētiua, ebriatio sobriissima, & liquatio solidissima. O Sponsa mea, o Deus meus, o amor meus, o cordis iubilus, o mentis ardor, o amoris incendium, o dulcissimum solatium, o verissimum gaudium. Irradia fulgoribus animam meam dulcissimæ castitatis tuæ transfi-



transfixam iaculo & amoris facibus inflammata[m] fa-  
pidissimis affectionibus tuis, & amore languentibus  
desiderijs refice dulcorata[m]. Amen.

*Quedam notabilia . . . Cap. XV.*

**S**I enim aliquis princeps inuitasset aliquem pau-  
perem & vilissimum hominem ad conuiuium  
abundans, & delicatum, in quo omnis sufficientia  
& suauitas reperiri posset, quæ reperiri posset in ali-  
qua creatura; & ille vilissimus homo nausearet su-  
per illo nobilissimo conuiuium, & ad stercorea potius  
inhieret, deberet stultissimus reputari: sic immo si-  
ne comparatione magis stultus reputari debet quili-  
bet homo, & præcipue sacerdos, qui cælestibus ali-  
mentis vescitur, si cor suum istis corruptibilibus ap-  
plicatur. Et sicut sapiens & delitiosus homo fœtidis-  
simam faniem non solum non appeteret, sed nec etiã  
videret, vel nominare, vel audire nominare abhor-  
reret: sic omnis vir perfectus, & sacerdos præcipue  
abhorre[re] deberet quidquid illas internas delicias  
modo aliquo impediret, aut quidquid aliud Christi  
habitu[m] modo aliquo macularet. Vnde omni cu-  
stodia deberet custodire cor suum. O mira cæcitas om-  
nium impiorum, qui magis eligunt pretio animæ  
sue a diabolo emere vnam fœtidissimam consolationem,  
& vilissimam, quàm summam, & excellentis-  
simam consolationem a Deo gratis habere. Quis  
enim non putaret stultum illum, qui potius vellet ab  
vno tabernario vinum corruptum, & fœtidissimum  
emere pretio omnium bonorum suorum, & se tota-  
liter omni bono pro tam vilissimo potu expoliare,  
quàm ab vno alio dulcissima vina gratis habere, &  
ex hoc omnibus bonis repleti? Hanc stultitiam, &  
multo maiorem adimplet peccator. Sicut enim stul-  
tus reputari debet, & numquam ad opulentiam per-  
ueniret ille mercator, qui in caterua mercantium  
loca, tempora, & modum mercandi notaret, & hæc  
etiam referret alijs, & in seipso sapius hæc repe-  
teret, & numquam tamen mercationem bonam, vel  
vtilem faceret: sic qui tota die de regno cælorum  
scripta multiplicat, & ipsis vacat, & alijs etiam præ-  
dicatione denuntiat, & tamen numquam aggreditur  
aliquam operationem bonam. Quid prodest o stul-  
tissimi mercatores studere, & prædicare, & opere nõ  
implere? Sicut sponsa delicata & nobilis, quæ ha-  
beret nobilissimum sponsum, & pulcherrimum, &

A sapientissimum, & optimum non inclinaretur ad af-  
ficiendum circa aliquem fœtidissimum leprosum:  
sic ergo multo magis affectus viri perfecti nullo mo-  
do non solum separari, sed nec etiam retardari debe-  
ret ab amore Dei sui propter amorem alicuius crea-  
ti: nec vllō modo prout potest deberet affici circa  
aliquam creaturam; sed potius deberet abhorre[re], &  
abominari, sicut supradicta sponsa prædictum lepro-  
sum. Quod nobis concedat, &c.

*Quedam alia notabilia . . . Cap. XVI.*

**S**Ic pie, iuste, & caste debet viuere vnusquisque, ac  
si sciret proprie, & pro certo se eadem die vel sta-  
tim migraturum vel moriturum. Vnde non est per-  
fectionis, vt credo, quod communiter dicunt multi:  
Si scirem me moriturum infra breue tempus, ita be-  
ne me præpararem, & tam sancte viuerem. Debet  
enim perfectus dicere non sic, sed sic: Si mille mil-  
lia annorum viuerem, & hoc scirem pro certo, ita  
studiose tam iuste & sancte, ac sollicitè volo Deo  
meo seruire, ac si hodie deberẽ de hoc mundo tran-  
sire. Et in hoc filius, non mercenarius vel seruus, ap-  
paret. Sicut enim diligo Deum, & ipsi serui propter  
se, cum æque bonus sit si multum vixero, sicut si pa-  
rum: ita debeo ei seruire, & eum diligere si multum  
vixero, sicut si parum.

*Qualiter se debet habere sacerdos cum ad corpus  
Christi venit. Cap. XVII.*

**A**D Missam celebrandam sex confidero attenden-  
da. Primum est rationis discretio, &c.  
*Quæ tractantur in hoc, & sequenti cap. eadem sunt cum  
ijs, quæ habentur supra hoc eodem tomo facie 75. in  
Opusculo de instructione sacerdotis ad se preparandum  
ad celebrandum Missam; nec re, nec verbis quidquam  
differunt. Quare lector eo recurre, ne hic eisdem repetitis  
absque necessitate crescat volumen.*

*Petitio ad excisandum cor in amorem dulcissimi  
Iesu. Cap. XVIII.*

**O** Domine Deus meus, quomodo ausus sum te  
alloqui vilissima creatura? &c.  
*Require vt supra, facie 76. & 77.*



# S T I M V L I A M O R I S

## P A R S T E R T I A .

### CAPITA HVIVS TERTIÆ PARTIS.

*Qua sunt qua inducunt hominem ad contemplationis quietem.* Cap. I.  
*Quam gloriosum sit se mutare in Deum.* Cap. II.  
*Quod mirabile est gustantem semel Deum posse ab eo amplius separari.* Cap. III.  
*Quod homo in brevi potest esse perfectus.* Cap. IIII.  
*Quomodo anima inebriatur in contemplatione a Creatore suo.* Cap. V.  
*Quod homo ante raptum diuersimode inebriatur.* Cap. VI.  
*Quod contemplatiuus debes gaudere de bonis proximi, quod si non feceris tria mala committet.* Cap. VII.  
*Quod contemplatiuus non iudicet alios propter defectus in ipsis apparentes.* Cap. VIII.  
*Quod contemplatiuus non reputet alios impares*

*sibi.* Cap. IX.  
*Contra superbos, & de se præsumentes.* Cap. X.  
*De paucitate bene obedientium.* Cap. XI.  
*Quod utiles sint retentiones seruus Dei.* Cap. XII.  
*Quod tentationes de prædestinatione reprimi debent.* Cap. XIII.  
*Quaestio carnis ad Deum Patrem de Christo.* Caput XIIIII.  
*Et Patris responsio.* Cap. XV.  
*Meditatio super Ave Maria.* Cap. XVI.  
*Meditatio humilis ac expositio super orationem Dominicam.* Cap. XVII.  
*Sequuntur alia dua breues expositiones super orationem Dominicam.* Cap. XVIII.  
*Meditatio super Salve Regina.* Cap. XIX.  
*De statu beatorum in caelesti Hierusalem.* Cap. XX.

*Qua sunt qua inducunt hominem ad contemplationis quietem.* Cap. I.



I ad contemplationis quietem uolueris peruenire, in te tria studeas radicare.

Primum est, ut quantum tuum Conditorum offenderis, & a te, & ab alijs quotidie offendaris, recognoscas, & de tuis sceleribus intus dolens, alijsq. tamquam tibi compatiens, abundanter, si potes, quotidie lacrymeris, & hæc cogitans magis tristari desideres, quam gaudere, cernēs, quod non sumus in statu lætitiæ, sed mæroris. Magnum B est enim si Deum nostrum sic grauiter offensum in nostris delictis, possumus toto tempore uitæ nostræ plorando placare. Et hanc consolationem debemus eligere in præsentem pro posse semper nostras & proximorum miseras, & nequitas deplorare, & ipse benignissimus Dominus animæ sic fideliter in amaritudine existēti, post lacrymarum fletum, exultationem infundet. Et sicut aqua in uite putrefacta cum solis calore decocta in vinum conuertitur; sic lacrymæ in perfecte contrito, feruore charitatis decoctæ in vinum lætitiæ conuertuntur. Nec enim decet Dominum tam nobilem in aliqua domo habitare, nisi mundissimam inuenerit, & cum omni diligentia lacrymis expiatam.

Cap. 1. b

Secundum est, ut nitaris quantum potes Christi compati passioni, & ubique eum tecum circumferre in corde. Nisi enim compatiendo nouerimus pati secum, secum non poterimus iucundari. Si enim bene passionem fueris meditatus, & multum intraueris latus eius, cito uenies ad cor eius. O felix cor, quod sic cordi Christi dulciter colligatur, cuius læua sub capite eius, & dextera illud amplexatur! quia tunc recte cum Sponsa Sponsus collocatur, & colligatur in cubiculo. Sed optimū cor mihi narra, obsecro, dulcedinem, quam tu sentis, quibus affluis delictis, non occultes, Sed, ut bene video, non audis, quia cor tuū

A absorptum est præ dulcore. Iam tu interpretis tui existentis in carcere oblitus es. Cerno enim sic te amoenitate nimia esse captum, ut iam non sint amplius neque vox, neque sensus. Quicumque enim ad contemplationis quietem, & dulcedinem nisi per istud ostium uoluerit intrare, furem se reputet & latronē.

Tertium est, ut possidere non cupias, nisi Deum, & quidquid nisi Deum habueris, aut oblatum fuerit, vel videris aut nominare audieris, debes tamquam de tot folijs non curare; sed in Deo solo stabilitas mentem tuam & solus soli sibi iungaris. Tunc in auribus tuis melos suæ eloquentiæ resonabit, thesauros suæ sapientiæ reuelabit, mellis sua oscula exhibebit, teque præ delictis non poteris sustinere, & suis te sustentans amplexibus, nimia dulcedine absorbeberis. O felix anima, quo abiisti. quid nos in tanta amaritudine reliquisti? Nuntia nobis, obsecro, si tibi sufficit istud bonum, aut si vis, quod de nostris obsequijs tibi transmittamus, Sed, ut puto, vel credo, non reputas nos xenijs, sed stercorebus abundare. Quid tibi offendimus, o anima mea, iucunditate repleta, quod etiam maxima nostra aspicere non dignaris? Quare, quæ sic diligimus, tu contemnis? Sed ut video nobis non loqueris, quia rapta es a dilecto. O amor ineffabilis, qui sic cor conglutinat suo fini! O mira benignitas Saluatoris, qui se singulariter diligentes tam dono visitat excellenti!

*Quam gloriosum sit, & qualiter possit homo mutari in Deum.* Cap. II.

O Mirabilis mutatio dextera excelsi! Sicut enim apud homines temporalia diligentes, mirabile esset, si quis vnum foetidissimum stercore commutaret in omnes delicias & honores mundi huius, scilicet ut pro vno foetidissimo stercore haberet huius mundi plenam dominationem, & quantum ad temporalia ad modum Imperatoris, & quantum ad spiritualia ad modum Papæ, & nullam resistantiam habere posset: & insuper maligni spiritus obtemperarent ei, & non solum

solum terra, sed etiam cæli, & sidera ad suum regere-  
tur nutum; mortificare etiam posset, & mortuos sus-  
citare, & infirmos curare; & etiam posset cursum  
naturæ in omnibus mutare & habere omnes diuitias,  
& delicias, quas citra Deum posset excogitare, immo  
quas Deus posset facere, dum tamen in Deum non  
ducerent: sic immo sine comparatione multo magis  
est admirabilis, laudabilis, & amabilis illa commuta-  
tio, quando quis commutat se in Deum. Nam maior  
est sine comparatione distantia inter hominem, &  
Deum, quàm inter quamcumque vilissimam creatu-  
ram, & omnia quæ citra se Deus facere posset. Tunc  
autem homo seipsum commutat in Deum, quando  
eligit & diligit se odiri, & solum Deum diligere, &  
circa nihil aliud vult affici nisi solum circa Deum, &  
ille solus in suo iacet affectu, & de nihilo curat, nisi  
de ipso Deo, & totaliter sitit quomodo per se, vel  
per alios honorificetur Dominus Deus suus. O com-  
mutatio desiderabilis! Nam certe iste vulnera pec-  
catorum in Christi vulnera commutauit, & mentis  
fœditatem in Dei bonitatem, suam vilitatem in Dei  
maiestatem, suam nequitiam in Dei clementiâ, ama-  
ritudinem cordis in dulcedinem Creatoris. Nam  
totus est in Deum vel Dei, & nihil nisi Deum requi-  
rit. Cor suum plenum est ipso Deo, se exiit, & Deū  
induit, zelo Dei sibimet guerram facit tamquam cru-  
delissimo hosti. Si ergo talis est commutatio ista, cur  
serue nequam, infidele mancipium, inutilis creatura  
hoc adimplere retardas? Caue etiam, ne hoc adim-  
plere studeas cum torpore, vel tempore operis, gra-  
uamine cordis, anxietate pectoris, insensibilitate mē-  
tis, sed potius cum animi auditate, feruoris intentio-  
ne, amoris immensitate, maxime cum nihil sit vtilius  
homini, nihil delectabilius, nihil nobilius. Si ergo  
teipsum exueris, & per hunc modum in Deum intra-  
ueris caue ne extra ipsum possis aliquo modo inue-  
niri. Et si aliqua, mentis infirmitate vel negligentia  
te exire contigerit, illuc statim recurre cum fletu, &  
deprecare suppliciter, vt tibi indulgeat, & dignetur  
te fugituum seruum recipere. Et tunc proponas fir-  
miter in corde tuo, quod amplius inde non exeat.  
Non tamen dico, vt tale propositum facias, quod ad  
nouam culpam te obliget: quia fragiles sumus, &  
inconstantes. Et si millesies ab eo exieris, totiens ad  
ipsum recurras.

Regula istius capituli bona est, quod nullus cum  
Deo potest bene perfecte vniri, vel esse, qui alicui  
creaturæ affectū suum ligatum, siue inclinatum habet.

*Quod mirabile est gustantem semel Deum, posse ab eo  
amplius separari. Cap. III.*

**M**ultum mirari debemus, immo nos non mira-  
mur, quomodo homo semel Deum degustans,  
& eius dulcedinem, potest ab eo amplius aliquatenus  
separari, & quomodo nō obliuiscitur omnia ex ebie-  
tate nimia, & comedere, & bibere ac dormire, & si  
quid aliud ante ipsum ponatur, quomodo potest ibi  
aliud, quàm suum Dominum benignissimum intue-  
ri, & in eo summa dulcedine delectari; cum ipsum  
in omnibus sciat esse, & in omnibus illum inuenire  
possit, ac in omnibus requiescat. O quàm bonus Is-  
rael Deus his, qui recto sunt corde! O quàm dulcis,  
& suauis est spiritus eius in eis! O quanta amaritudi-  
ne, quanta tristitia, quanta anxietate repleti deberet  
aliquis, qui etiam ad momentum ab illa sequestraretur  
dulcedine!

*Quod homo in breui potest esse perfectus. Cap. IIII.*

**Q**icumque per cōtemplationem ad summitatem  
montis Dei vult peruenire, oportet quod num-  
quam quiescat, dum vigilat, sed semper per  
mentis eleuationem ascendat. Nam in isto ascensu

**A** non quiescere est quiescere; & qui quiescere vult, fa-  
tigatur, nec postea sic potest bene ascendere, immo  
contingit aliquādo, quod cum quiescere vult, intan-  
tum fatigatur, vt amplius nullo modo ascendere pos-  
sit. In ascensu enim montis materialis, quia caro in-  
firma est, quietem interpositam requirit. In ascensu  
autem montis spiritualis, quia spiritus promptus est,  
contrarium requiritur, vt scilicet non quiescat spiri-  
tus, sed dum fatigatur tunc ascendere debet velocius,  
currere fortius, & recentior fiet, & audior erit ad  
maiora, & sibi leuius apparebit, & delectabilius, &  
suauius, & dulcius gradietur, non quiescere eligens  
pro quiete. Et ideo stulti sunt, & quid sit contempla-  
tio inexperti, qui causa resumendi vires requiescunt.  
Tunc habeant pro certo, quia in illa quiete vires mi-  
nime resumunt, sed potius disperdunt. Vnde si forti-  
ter currit animus contemplantis, tunc suaue est, & si  
plane incedat incipit fatigari, si quiescit, vires disper-  
dit. Et ideo non est aliud nisi cum Virgine ascende-  
re in montana cum festinatione. Si quis hoc capere  
non potest, sed vult quiescere, & tamen ascensum in  
desiderio habet, hoc restat remedium, quamuis non  
valeat his, quæ dicta sunt, adæquari, scilicet vt saltem  
modum ascendentium materialiter non deferat. Nam  
qui materialiter in montem ascendunt, & in medio  
fatigati quiescere volunt, non descendunt ad quie-  
scendum in valle: quia sic ad summitatem numquam  
venire possent, & stultissimi reputarēt ab omnibus  
hominibus. Sic sunt stulti reputandi, & numquam  
ad cacumen contemplationis peruenient, qui hodie  
per contemplationem modicum vel multum ascen-  
dunt, & affecti tædio ad locum vnde veniunt siue ad  
statum, vnde recesserant, redeunt ad quiescendum,  
& in peccatorum siue vanitatum vallibus, seu imper-  
fectionis planitie credunt ad ascensum effici fortio-  
res, ignorantes quod vix poterunt ad locum siue sta-  
tum, ad quem peruenerant, peruenire. Et ista est ra-  
tio, sicut credo, quare sic pauci homines contempla-  
tium attingunt supercilium montis. Vnde si homo  
ascenderet, quantum posset, & ibi quiesceret, non in-  
de recedens aliquo modo, & cras eleuaretur altius, &  
ibi etiā figeret pedem cordis, & postmodum sic ascē-  
deret sic faciendo semper, dico vobis, quod iste plus  
proficeret in vno mense, quàm alius in quadraginta  
annis, qui retrocederet ad quiescendum, & semper  
ad idem rediret. Et credo, quod iste in breui con-  
summaretur in statu, & esset gloriosus coram Deo,  
& a tota cælesti curia prædilectus. Si autem in mon-  
te timueris aliquid, curras ad cauernas lateris Chri-  
sti. Si vero non potes abstinere a valle; quia ibi nu-  
tritus es, nec vis adimplere, quæ dixi; hoc saltem fac,  
vt ad vallem tuæ miseriæ, & totius humani generis  
condescendas per humilitatem tui, & compassionem  
proximi, tam de tuis, quàm de alienis dolendo pec-  
catis, & pro eis veniam postulando a Deo. Quam ip-  
se concedat, qui est benedictus in sæcula. Amen.

Vnde hæc breuis regula hæc omnia in breui com-  
prehendit. Qui voluerit per contemplationē ad sum-  
mitatem montis Domini peruenire, non quiescat,  
nec retrocedat, donec affecutus fuerit, quod intēdit;  
nisi forte descendere velit ad suorum, & aliorum tri-  
stitiam peccatorum.

*Quomodo anima inebriatur in contemplatione a  
Creatore suo. Cap. V.*

**O** Altitudo diuitiarum sapientiæ & scientiæ Dei, Rom. 11. d  
quàm incomprehensibilia sunt iudicia eius, &  
inuestigabiles viæ eius! Quis ascendet in montē Do-  
mini, aut quis stabit in loco sancto eius? Sed si quis  
ascendere voluerit, per quam viam cum inuestigabi-  
les sint viæ eius? Audi dilectum tuum anima dilecta,  
& gaude, cum cuncta, quæ dicta sunt, cum omni di-  
ligentia studueris adimplere, & sic Deo appropinqua-  
ueris,

Luc. 1. d

Psal. 72. a

Psal. 23. a

ueris, vt nihil præter ipsum valeas cogitare, & cetera præter ipsum tibi sint in nimia amaritudine, & quasi libētius velles animam a corpore separari, quàm animam tuam separare a continua cogitatione Dei tui, vel quasi continua. Et quasi videretur tibi, quòd te ipsum nō ames nisi te propter ipsum amaueris; quid tibi de dilecto tuo contingat ausculta, amore repleta, immo in amore cōuersa. Iste dilectus tuus o dilecta, a quo non potes aliquatenus separari, seipsum a cogitatu tuo continuo paulisper subtrahet, ita vt cor tuum circa aliquid aliud incipiet euagari, & tu videns eum, quem fortiter diligis, abscessisse, nimia auiditate repleta quæres vndique, quomodo possis, quem sic fortiter diligis, inuenire, omnibusq. creaturis breuiter nuntiabis, vt dicant vel indicent tibi, vbi est dilectus tuus: quia languida efficiaris præ amore. Quanto tunc fletu, quanta lamentatione perfunderis, quanta anxietate post dilectum tuum discurre, tibi nescio enarrare. Sed o mirabilis inebriatio amoris! Hoc ipso quòd in ipsum tendis, cum ipso es, & ignoras. Sed quid faciet dilectus tuus, omni amore repleta? Numquid poterit se amplius occultare? Sed dilectissimus Sponsus tuus, quātocyus se tibi præsentabit, & tu illum videns, quem cum tanta auiditate quæsieras, nimio amore amplexaberis eum, semper tamen cum omni reuerentia & timore. Sed quanta ad hæc adsit tibi consolatio, tunc si sapiens fueris, poteris experiri. Sed audi o amantissima Domini, cum te securam reddideris iterum se absentabit. Et tunc maiorem ardorem, quàm prius, ipsum requirendo habebis. Quid tibi dicam? Iterum se absentabit, & iterum atque iterum, & breuiter totiens a te se absentabit, donec sis sollicita custodire eum, vt te securam non audeas reddere, & omnia habeas iam suspecta. Sed o felix anima audi, quid faciet tibi dilectus tuus? Cum secum incipies delectari vel quietari, vino dulcissimo incipiet te potare. Et tu eius illecta dulcedine amplius eum incipies affectare, & ipse largissimus amplius tibi dabit: & quanto plus dabit, amplius postulabis, & ipse benignissimus amplius tibi ministrabit. Quid dicam? Satiari non poteris, donec inebriata fueris, & vino iam vndique perfusa. Vtrum autem post frequentem & nimiam inebriationem, soporem aut raptum consequaris, sicut Dominus tibi concesserit, poteris experiri. Largissimus est enim, & plus sine comparatione, quàm credi valeat, elargitur. Hoc tamen debes semper habere in corde tuo, quòd tu sis vilissimus, & quòd nullo modo ad hoc aptus sis; immo permaximum tibi debet videri, si ipse delectet peccata tua, etiam cum quantacumque pœnarum afflictione in hoc mundo: Qui est laudabilis, & gloriosus in sæcula. Amen.

*Quòd homo ante raptum diuersimode inebriatur.*  
Caput V I.

**Q**Voniam in pluribus locis supradictorum capitulorum diximus, hominem diuina influentia inebriari posse, vt mens tua amplius eleuetur, volo, vt ebrietatem illarum influentiarum diuinarum non ignores. Debes enim intelligere, quòd vir contemplatiuus, quamuis multas consolationes habeat spirituales, antequam ad soporem & raptum perueniat, ad quod pauci attingunt, valet duplicem experiri ebrietatem.

Ebrietas  
mentis  
duplex.

Prima est quædam abundantia iucunditatis in corde, & vehemens iubilatio mentis, quæ post multum fluxum aut considerationem passionis Christi, aut per magnum feruorem amoris singularis in Deum venit ex quadam noua influentia, & diuina irradiatione in mentem. Et illa lætitia tantum abundat in corde, vt etiam in membra corporis redundet, & illa faciet diuinæ clementiæ arridere, & præ exultatione nimia ad modum ebrij præcipitanter graditur, quie-

tem non sustinens, & creaturas, quas inuenit, sui Creatoris, amoris magnitudine amplexatur. Et bene potes credere, quòd cor suum non multum applicat ad terrena, sed si aliquid occurrit, omnia reputat esse vana.

Est alia dulcedo siue ebrietas, quæ nimia dulcedine replet cor ex diuino consortio. hæc venit per contemplationis quietem, & intantum abundat hæc dulcedo in corde, vt redundet ad omnia membra abunde, adeo vt totus sibi tā interius, quàm exterius mellifluus videatur. Et sicut prima ebrietas præ hilaritate quietem non sustinebat, sic & ista præ nimia dulcedine quiescere facit. Et hæc nisi intantum incēdat, vt soporem generet, non auferet totaliter particularium sensuum actus, sed ad modum ebrij esse liberos non permittit, & tunc quasi quidquid viderit, reputabit quadam diuina dulcedine abundare. Et quāuis prima sit intensioe lætitiæ, & ista intensioe dulcedinis; tamen non oportet dubitare, quin illa sentiat dulcedinem, & ista lætitia nō priuetur. Et quāuis non sit necesse timere de prima, sed potius sit gaudendum: tamen de secunda, quæ cōsistit in quadam admirabili dulcedine cordis semper securum est dubitare, quia diabolus trāsfigurat se in angelum lucis, & cōsuevit aliquādo similia procurare. Vellet enim, quòd homo superbiret, & se aliquid reputaret, vt talibus delitijs fruere, & ibidē quiesceret, vt sic auerteretur a Deo. Et hoc bene permetteret Dominus euenire, quia aliqui contemplatiui aliquando de se nimis præsumunt, aliosq. cōtemnunt, & credunt se Deo esse proximos, cum tamē sint per superbiam ab eo nimis elongati. Et ideo diabolus pater superbiæ hanc potestatem in eos accipit, vt talibus delitijs illos decipere possit. Et ideo cum summa diligentia attēdendum est, vt quādocumque acciderit talis delectatio, aciem mentis in Deum dirigas, nec ab ipso cor tuum discedat. Et si delectari oporteat solum delecteris in Deum. Tunc si a Deo esset illa dulcedo deberet intendi, si a diabolo deberet priuari, aut saltem remitti. Quod si Deus in hoc te voluerit aliquando consolari, vt qui pro tuis, aliorumq. peccatis amaritudine repletis, aliquando delitijs perfruaris, regratari sibi debes, vt potes, & adhuc tamen timere, ne præsumptionem incurras. Potes enim cogitare ad humiliandum cor tuum sub hac dulcedine, quòd Dominus pro paruo aliquo bono, quod facis in præsentia, quod tu reputas esse magnum, fortasse vult tibi pro præmio dare illud, quia te præmijs æternis reputat esse indignū. Potes enim timere, ne istud dulcissimum vinum te adhuc spiritualiter febricitantē in periculum mortis inducat, idest occasionaliter te faciat subire. Ideo pleno corde dum sumus in hac valle miseriæ constituti, debemus magis appetere cum Christo crucifixo affligi; quàm periculosos delitijs afflui. Et sicut quotidie peccamus, immo quasi continue, sic debemus pro eisdem peccatis velle pœnam continuam sustinere. Et sicut sumus vilissimi serui Dei, sic debet nobis placere, immo debemus appetere ab omnibus vilissimos reputari. Et sicut ad honorem Dei facti sumus, sic illud solum deberet in me, & in alijs placere mihi, quod ad suum tendit honorem, & illud solum displicere, quod in contrarium vergit. De indifferētibz autem nullo modo debemus curare, nisi quia omnia debemus ad laudem Dei referre. Quod nobis concedat, &c.

2. Cor. 11. 4

*Quòd contemplatiuus debet gaudere de bonis proximis, quod si non fecerit tria mala committet.* Cap. V I I.

**H**Æc omnia etiam appetere debes o contemplatiue cuilibet homini, & debes pro quolibet homine sollicitè orare. Et quando vides aliquod bonum in proximo, mirabiliter gaudere debes, etiam si illud non

non videas in te. Quod si non feceris sed potius dolueris, tria maxima mala in hoc committis. Primum est, quod honorem Dei, qui in bonis illius resultat, odire videris. Secundum est, quod passionem Christi, qui ad hoc est passus, ut unusquisque abundet virtutibus, contemnis. Tertium est, quod charitatem, qua proximum sicut teipsum diligere debes, & eius bonum affectare sicut tuum, laceras & diuidis. Multum ergo bonum proximi diligas & procures, & maxime spirituale, & etiam cum necessitas se obtulerit, temporale; & semper spiritualia tibi Dominus exhibebit; & tandem ad caelestia te vocabit. Ad quae nos perducatur, qui pro nobis voluit crucis opprobria sustinere. Amen.

*Quod contemplatiuus non iudicet alios propter defectus in ipsis apparentes.*  
Cap. VIII.

**D**abolus in malitia antiquatus viros contemplationis cernens in caelestibus conuersari, unde propter superbiam est eiectus, nititur modo aliquo eos ad se attrahere. Et quia videt eos non posse vincere in aperto, conatur saltem decipere eos in occulto. Sed quamuis diuersa mala diuersis temporibus suggerat, tamen ad hoc nititur, ut contemplatiuus de se praesumat, & alios iudicet vitiosos Apostolicæ inhaerens sententiae, Omnia iudicat spiritualis, & ipse a nemine iudicatur. Sed o pestis atque mors gravissima & occulta! Hæc Deum fugat, praesumptione pessimam inducit & abhorrendam, hæc vescentem in croceis facit stercora amplexari, hæc spirituali plenitudine ad accidiam ducit, hæc omnia ad honorem Dei referenda facit diabolice fraudari. Sed o homo numquid in altum contemplationis ascendisti, ut sic faciens aliosq. iudicās debeas magis praecipitium sustinere? Pone ergo te nouissimo loco in consideratione tui praesentis, & cadere non valebis, & Dei commendans opera omnia, commendaberis. Attende ergo o homo in contemplatione constitutus, & cognosce qualiter Deus propter suum honorem faciens creaturam, diuersis diuersa voluit munera elargiri, ut non vno modo, sed multiformiter honoretur, atque sui thesauri manifestari sic queant & commendandi suam magnificentiam, materiam multipliciter habeamus. Debes ergo cogitare primo, quod Deus sicut bonus paterfamilias ordinans domum suam, pensat filiorum sapientiam, potentiam, & bonitatem, & secundum quod viderit, diuersa committit officia, & tribuit dignitates. Cogita ergo primo tu, qui contemplationi vacas, quod Deus pater tuus benignissimus sciens te ad omnia imbecilem, noluit te in periculosis & difficilibus ac implicatis operibus ministrare, sed sua clementia tamquam infirmum per contemplationis quietem te voluit consolari. Alios autem cernens in charitate feruentes & fortiter radicos voluit super periculosa & difficilia ordinare, sibi nihilominus quietem tribuens post laborem & consolationem non modicam in labore. Si ergo videris te spiritualibus inhaerere, ceteros autem circa alia laborare, non eos iudices, sed sapientiam, & bonitatem Dei in eis inspice. Te autem infirmum agnosce, aliosq. considera esse fortes. Quomodo enim fortem te reputare potes, qui propter nimiam tui infirmitatem lecti molliem, id est contemplationis dulcedinem sustinere non vales, sed ad modum arundinis omni vento moueris? Quid ergo faceres, si te oporteret vna manu edificare, & alia hostes gladio effugare? Nempe solo pauore deficeres. Lauda ergo Dominum Deum tuum, qui potentes in arduis posuit, & aduersis prudentes cautos fecit studijs, clementes bonorum temporalium fecit distributores. Te autem ne deficeres, voluit quiescere per contemplationis quietem; ne errares, noluit te subtilia & curiosa inuestigare, ut simplicitatem ha-

**A**beres; ne malus dispensator esses, voluit te omnia abnegare, ut pauper esses. Non ergo te de istis exaltes, & alios iudices, sed exaltes; nec ab eis excludas eos, quos videris otiosos. Debes enim cogitare, quod tamquam sapientes & probi thesaurum acquisitum abscondunt laborantes in occulto, & in publico quiescentes. Aut certe cogita, quod ille, qui dedit ventis pondus, permittit eos in istis minimis & manifestis deficere, ne de maximis, quæ sibi concedit in superbiam eleuentur. Et quamuis sic facere debeas de omnibus supradictis, tamen quia vides eos in periculo esse, debes tu, qui in quiete es pro eis orare, ut sic possis eos allicere ad quietem. Debes secundo omnia ad laudem Creatoris reducere. Quod facere poteris per hunc modum, & etiam melius si Dominus dignabitur tibi indicare. Cum etiam videris aliquos in praelatione temporali, vel spirituali, siue in dignitate aliqua constitutos, hoc esse factum ad commendandum magnificentiam & potentiam Dei cogitabis, & eum laudabis. Cum autem aliquis insistentes scientiæ videris, & non solum Creatoris, sed etiam creaturarum occultissima inquirentes, & quemlibet versiculum curiosissime obseruantes, seu ordinantes, hoc esse ad manifestandum Dei sapientiam non ignores, & in eis diuinam sapientiam commendabis. Cum autem videris aliquos temporalibus negotijs insistentes, in ipsis laudabis Dei prouidentiam, per tales quiescentibus prouidentem. Si videris aliquos insistere operibus pietatis, in ipsis laudabis diuinam bonitatem se ad omnia diffundentem. Si videas aliquos ceteros iudicare, Domini iudicium time. Si videas poenam inferentes, diuinam recogita iustitiam. Si rigidos, diuinæ iustitiæ expauesce rigorem. Si reprehensores, & causarum discussores, futuri iudicii recordare. Si videris praelatos circa punitionem remissos, in eis diuinam misericordiam commendabis. Si calorem habueris, recogita Dei Patris erga nos nimiam charitatem, qui suum Filium voluit incarnari, & pro nobis omnibus crucifigi. Si frigus habueris, ab omni æstu miseriæ ad refrigerium anhelabis. Et sic omnia potes reducere ad laudem Conditoris. Non enim debet esse creatura quantumcumque tibi vilissima, ac infima videatur, in qua tuum non honorifices Creatorem. Hoc ipso enim omnis creatura digna est omni laude, quod a Deo condita est, & ab eo conseruatur in esse, & hoc ipso dicitur esse Dei, si suum mirabiliter commendat auctorem. Hæc pauca exempla posui, ut habeas mentem & viam ad maiora. Et istud est diuinum iudicium ad quod, te voluit Apostolus inuitare in auctoritate prædicta, quam tu pessime assumebas. Non enim vult Apostolus innuere, quod spiritualis homo ceteros debeat contemnere, vel iudicare, cum alibi ipse dicat: Nolite ante tempus iudicare. Et alibi: Tu qui es, qui alienum seruum iudicas? Sed tu dicēs, quod hæc secreta diuinæ sapientiæ non percipit homo carnalis, sed spirituali mente præditus, ut dixi, quod melius in creatura qualibet iudicabit, id est discernet. Iudica ergo & tu omnia, id est diuinam sapientiam & bonitatem in omni creatura discerne, ut verum omnium honorifices Conditorē. Si autem aliquem certitudinaliter & probabiliter noveris peccatorem, caue diligenter, ne propter hoc ipsum condemnes, nec etiam ipsum commendes, sed vitium tibi displiceat & compatiaris in quantum poteris personæ. Laudabis etiam Dominum Deum tuum, qui non permittit impium grauius cadere, nec te illud vitium perpetrare. Nullo enim modo dubites, quod si te non custodiret a malo, grauissima & turpissima deduceres ad effectum. Deum etiam suppliciter exorabis ut ipsum, & quemlibet peccatorem releuet a peccato, & te custodiat ab omni malo. Nisi enim noueris compati peccatis proximorum, ad bonum inducitur cor tuum, & forte in malum corrues sine freno. Qui enim fideliter oratione vel exhortatione bonum

1. Cor. 4. a  
Rom. 14. a



bonum proximi non procurat, cum facere potest, nō A dubito, quōd ab ipso Domino elongatur. Sed quanto magis credis ab his Dominum elongari, qui arrendendo detractoribus ac ceteris peccatoribus applaudendo, eis in sua malitia fauent & audaciā tribuunt iterum similia faciendi. Si ergo opportunitas se obtulerit, malum argue, aut si non expedierit, saltem tristitiam prætende faciei, ut aliquantulum confundatur peccato. Nec attendas magnitudinem alicuius, quia illum reputa esse magnum, qui approximat Deo, & tanto meliorem vel maiorem, quanto amplius approximat. Quæ enim peruersitas facit seruum diaboli timere, & magnum reputare, & Filium Dei adopti- B uum contemnere, iam atram patriæ possidentem? Vefania est nimis magna: a qua nos custodiat Christus, qui est benedictus Deus in sæcula sæculorum. Amen.

*Quod contemplatiuus non reputet alios impares sibi.*  
Cap. I X.

NON cessans antiquus hostis, cum non potest virū contemplatiuū in hoc decipere, ut velit alios iudicare, saltem nititur eos ad hoc deducere, ut quia vident se in multis operibus, quæ ipsi faciunt, proficere, alios imperfectos esse iudicent: quia eisdem non vacant laboribus, aut certe quia eadem, qua ipsi, sollicitudine & quiete, siue vigilia & abstinencia non v-  
tuntur, sed potius eos vident secundum suum iudiciū otiosos, vel cernunt eos circa temporalia implicatos, in quibus ipsi, qui sic mundo proficiunt aliquādo offendunt. Sed o error pessime & occulte, qui secundum exteriorē cōuersionem vult de interiori homine iudicare! Non enim requirit tantum laborem corporis, quantum laborem cordis ædificium spirituale. immo apud Deum primum sine secundo non valet; secundum autem sic sine primo; & quod vni est nocuum, alij quandoque perutile erit. Et sicut D facies hominum sunt diuersæ, sic & modi viuendi, & in bono proficiendi. Et ideo quando te vides laudabilibus operibus fulgere, & alios vides circa alia intentos & negligentes, cogitare debes, quōd licet ista sint in aperto, in occulto tamen vel saltem in cordis cubiculo laborant opera delicata. Et quia Deus illos per cordis sanctitatem diligit specialiter, forte non curat eos exterioribus laboribus aggrauare, ut ne tam interius, quā exterioribus laborantes sustinere non possent.

Debes ergo ad istam tentationem expellendam primo in corde tuo cogitare, quōd non est consuetudo quōd filij regum quotidie ad lucrandum panem suū manualibus operibus se affligant, sed ut delicate & sine labore magno de regalibus delitijs nutriantur. Nā sic est ad litteram, quōd oportebit multotiens vnum fratrem ad habendam vnam deuotionem, aut aliquā interiorem ordinationem, multum laborare, & illud idem vel melius habebit alius in sola mentis conuersione ad Deum.

Secundo cogitare debes, quōd illud, quod habere laboras, & modo de nouo incipis degustare, sit iam in alijs inueteratum, & firmiter radicatū. Et fortassis ista est ratio vna, quare affici sicut tu exterius circa bona spiritualia non videntur, quia dulcedo spiritualis de nouo veniens mutationem inducit, sed non sic ut credo illum, qui iam diu est mutatus immutat, sed perficit & conseruat. Et quando vides te quodam modo liquefieri præ amore, alios vero minime, cogitare debes, quōd ad calorem solis iustitiæ ad similitudinem solis materialis aliqui liquefiunt præ amoris feruore a Deo, ut sua membra valeant sustinere. Alij vero desiccantur non solum ab aquositate peccati, sed etiam ab humiditate reliquiarum peccati, & in bono ita consolidantur contra malum, ut nihil a charitate Dei valeat eos separare. Aliqui vero maturati ita, quōd sibi tam interius, quā exterioribus dul-

cissimi videantur, & abolita iam omni mentis acerbitate iam potius in patria, quā in via habitare cernantur. Aliqui vero crescendo ad modum arborū, quāuis tales dulcedines non degustent, crescentes tamen de die in diem fiunt apud Deum maiores. Alij autē putrescunt, ut mali. Dum ergo aliquos istorum effectuum recipis, debes credere, quōd ille idem effectus vel maior sit in fratre tuo. Et quamuis non sic cito liquefiat præ amore, sicut tu, fortassis consolidatur vel maturescit, vel crescit in bono, & huiusmodi sunt forsitan meliores effectus. Et certe cum credis, te liquefieri, tu marcescis; & ideo alios nō minus te propter talia perfectos iudices, sed potius time, ne sibi tu valeas comparari. Nam si cera cum liquefit ad solem, ceteris creaturis diceret nullum beneficium solis, aut non ita magnum percipitis, sicut ego, stultum esset: quia & si non liquefiant ad solem sicut ipsa, tamen arbores potiora fructus percipiunt beneficia. Potes & a te adhuc totaliter prædictam tentationem effugare. Debes namque cogitare, quōd sicut quantum ad bona temporalia bonitatem Dei percipimus omnes, ita tamen quōd secundum aliam rationem iste & ille, & quot homines, imino quot creature sunt, tot participandi Dei bonitatem differentes rationes recipiunt; ita simili modo credendū est, quantum ad spiritualia in rationalibus creaturis. Nā gratia naturam perficit. Et hanc diuersitatem in spiritualibus timuit Apostolus, cum dixisset: Volo autem omnes homines esse, sicut meipsum; cum statim subdit: Sed vnusquisque proprium donum ex Deo habet, alius quidem sic, alius vero sic. Et ex alijs diuersis locis hanc veritatem habere potes. Si ergo ita est, quomodo non aliter spiritualiter viuere, & seruire iste quā tu? Aliqui enim tendunt ad Deum per quietem, alij per laborem, alij sic, alij vero sic: & multotiens est melior, qui vilior reputatur. Non ergo aliquem imperfectiorem te iudices, si non facit omnia quæ tu facis.

Cum etiam vides fratrem tuum cum aliquo, vel cum aliquibus cōmorari, & tu solitarius es, tunc cogitare debes, quōd iste perfectus est in charitate, & propter magnam Dei dilectionem vbique sit cum eo siue cum fratribus sit, siue solus. Et quia tu in dilectione Dei es imperfectus, vix te potes ad proximū conuerrere, quin offendas, vix autem aut numquam ad Deum potes bene te conuerrere, quin oporteat te a proximo sequestrari, sed hoc certe imperfectionis est. Nam Angeli, qui sunt in charitate perfecti ita bene mouentur in Deum, cum sunt nobiscū, aut cum nobis ministrant, sicut cum sunt in cælo empyreo. Hoc tamen non dico, quia credam sic totaliter posse in via fieri, siue dum viatores sumus, sed aliquantulum possimus eos sequi.

Adhuc etiam potes cogitare, quōd sunt ab istis exterioribus retracti, & soli Deo vacant, & ita feruenter mouentur in ipsum, quōd propter nimiam intentionem mentis corpus dissolui videatur, & ad nimiam redigatur debilitatem. Et ideo, ut vires resument, ne penitus deficiant, & ne etiam sua sanctitas ab alijs aduertatur, se offerunt, ut seruos solatio proximorum, semper tamen omnia ad honorem Dei facientes. Et ideo stultum est, fratrem suum iudicare pro qualibet trufa, vel imperfectum reputare. Sunt enim hodie multi honestissimi exterius, qui parum proficiunt interius. Et multi sunt dissoluti in gestibus, qui sunt in corde sanctissimi, aut amicissimi Dei. Aut, quod peius est, alij sunt odoriferi hominibus, & coram Deo sunt foetidissimi, & suæ exterioris sanctitatis iam suā receperunt mercedem. Et alij apparent hominibus peccatores, & eorum conuersatio interior est in cælis. Non dico tamen, quin multotiens conuersatio exterior correspondeat interiori. Et quia hoc, vel etiam contrarium discernere non valemus, omnes esse Dei filios iudicemus, & nos inferiores omnibus; nisi

1. Cor. 7. b

Matt. 6. a

nisi tamen manifeste contrarium videamus. Nam de bonis, & de sua eminentia sanctitatis incerti sumus, sed de nostra multiplici malitia sumus certi. Magna est enim præsumptio velle circa proximum meum limitare influentiam diuinæ bonitatis, quia mihi omnes mores sui non placent. Et quid insanius, quàm diuinam influentiam, vel complacentiam velle, secundum meam complacentiam regulare. Hoc autem tunc facio, cum illud, quod non mihi placet, suspicor non placere Deo. Cum etiam vides aliquos circa exteriora implicari, tunc cogitare debes, quod illa ad laudē sui Creatoris referant, & magis in illis circa Deum afficiantur, quàm tu cum te recte cōuertis ad Deum. Fortasse enim, quia sic Deum diligunt vehemēter studēt ipsum quærere in omnibus creaturis, quia ipsum in omnibus nimis laudabilem & desiderabilem esse credunt & cognoscunt. Et hoc est magnum gaudium & lætitia eorum, cum vident etiam in rebus vilissimis summam Dei potentiam, bonitatem, & sapientiā mirabiliter commendandam. Et ideo illa vilia forte sic libenter pertractant, ne assimilentur nobis, quibus omnia sunt nociua. Sed forte quando credis eos otiosos esse, inenarrabili tunc lætitia spiritali perfundūtur interius, quamuis hoc dissimulent, vt sapientes. Aut forte, quia se reputant ita viles, non præsumunt se diuinæ faciei continue præsentare, sed se vilibus adiungentes, nituntur reuerti ipsi in corde, ita tamen quod ipsum in veritate aliquando contemplantur. Et hæc potest esse ratio, quare sic semper cū alijs iucundantur, quia oritur eis lætitia, quod sic viles homines sicut se esse existimāt, possint cum eis, quos filios Dei reputāt cōsolari. Et si dicis propter aliquos, ergo deberent cū melioribus conuersari. Dico, quod forte illos meliores reputant, qui minorem simulant sanctitatem. Aut forte esse cum illis non reputant se dignos, quia nimis conuersationi illorum est dissimilis vita sua. Et ideo sufficere eis videtur, si valent esse cum illis Dei filijs, quos possunt aliququaliter imitari. Sciunt enim, quod in habentibus symbolum facilior est transitus. Aut forte nolunt esse cum magnis vel nimis perfectis, ne sua bona intentio cognoscatur. Potes etiam cogitare, quod forte hoc concessit eis Dominus, vt circa ista extrinseca implicentur: & cum fratribus conuersantur, quia sic est Deum difficilius possidere, quàm si solitarij permanerent, & quanto cum maiori pugna & labore Deum obtinent tātō est eis laudabilius. Quis dubitat, quod si homo implicitus vitæ actiue negotijs adeo perfecte possideret Deum, sicut ille, qui moratur solitarie, quin & laudabilius esset? Et certe vbi est maior resistentia, ibi aliquando intenditur vis amoris, & per multiplicem intensionem actus, siue feruoris augetur substantia charitatis, & inde maius præmium assequuntur. Cum ergo eos credis perdere, ipsi lucentur; & cum eos existimabis infirmos inuenire in via, in patria super te inuenies exaltatos, si tamen ibi fueris. Multū enim timendum, ne sicut humilitas ipsos exaltat, ita nostra superbia, qua omnes alios volumus iudicare, nos deiciat in infernum. Aut cogita de eis, quod ipsi approbant, posse se Deo seruire perfecte in his, ad quæ se inueniunt paratos, magis quàm accedere ad ardua & deficere sicut facis. Multum enim reputant vel reputare debent incongruum aliquid tanto Domino agere imperfecte. Aut forte tam magna in occulto, quàm parua in publico, tam terrena, quàm cælestia attentant facere, vt in omnibus his inimicus humani generis impugnetur, & ipsi in omnibus mereantur. Et quamuis sic imperfecti tibi videantur, forte plus in vno interiori motu mouentur, quàm tu in multis. Immo forte plusquam tu in omnibus, & hoc ignorās minores te non iudices alios, sed lauda Dominū, qui dignus est te eis sociare, quorum forte meritis spiritaliter viuis, & si non viuis per eos forsitan viues. Hæc autem dixi ad reprimendum diabolicam tenta-

tionem. Et quamuis sit sic aliquando, aut sic esse possit, & sic de proximo sit credendum; tamen simpliciter mihi magis placet, & credo, quod magis placeat Deo vita contemplatiua, quàm actiua, & vita solitaria, quàm domestica, & mihi magis placet honestas, quàm dissolutio: & hanc credo magis esse eligendā, quàm illa, quia & si illa posset ordinari in Deum, & in sapientibus ordinetur; tamen semper quod est propinquius fini, magis est eligendum, & magis ipse finis, quam quod est ad finem. Et ideo licet ita se habeant ista, tamen non est dubium, quod personæ ista habentes se habent vt excedentia & excessa. Nam aliqui actiui maioris sunt charitatis & meriti, quàm aliqui contemplatiui, & econuerso: & aliqui domestici, quàm aliqui solitarij, & econuerso. Quidquid tamen habeamus, dummodo Deo placeamus, magnum erit: quia in tanta multitudine hominū pauci sunt Deo grati. Cuius rei causa, & pro nobis, & pro ipsis debemus quotidie lacrymari non modicum, & deprecari, vt dignetur nos facere sibi gratos, aut si sumus vsque in finem in gratia nos conseruet. Quod ipse nobis concedat, qui propter hoc voluit incarnari & letaliter vulnerari. Amen.

C Contra superbos, & de se præsumentes. Cap. X.

O Superbe, o Luciferi imitator immunde, numquid te cogitas Deū esse, an omnia esse a Deo ignoras? Si ergo a te aliquid esse protestaris certe Deum te esse fateris. Sed amplius vide, vt tua insania reprimatur. Nonne de alienis stultum est gloriari? Cum ergo cuncta sint a Deo si de aliquo gloriaris te comprobas esse stultum. Si autem hæc ignoras, te comprobas esse cæcum. Audi ergo insane. Si gloriari vis, & stultus apparere non vis, exclude quæ non sunt tua, & de reliquis glorieris. Sed certe si omnia non tua excluderis, in nihilum redigeris. Ergo de nihilo gloriare, si non vis incurrere vanitatem.

Sed specialius ad dona gratum facientia descendamus. De illis gloriari non potes, quia hæc te habere ignoras, immo si gloriaris non habes. Sed etiā, quod habes supponamus, qualiter ea possideas videamus. Tibi proditori, & infideli seruo Domini tui iustitiā, quam habes noster benignissimus Dominus, tãquam pannum albißimum dedit, & tu eam stillare non cessas sanguine menstruato. Sed o vesania plene, vtinam saltem frontem mulieris meretricis haberes. Quæso quæ sit meretrix sic corrupta, quæ de menstruo gloriatur? immo quasi nullam inuenies meretricē, quæ de hoc non intime confundatur, nec etiam audet hoc sponsa amantissimo sponso reuelare. Quid ergo o stulte in malitia gloriaris? Si tantum in mense semel ad modum mulieris deficeres, haberes forte causam gloriandi. Sed erubescere & dole, quia quotidianus & quasi continuus est fluxus tuus. Si ergo a te solum est malum, & a Deo tantum est bonum, non in te, sed in Domino gloriaris, & de tua turpitudine corā oculis diuinæ maiestatis continue erubescas, sicut deficere non desistis.

Sed dicis, In me nolo de cetero gloriari, sed tamen cupio ab omnibus commendari. Sed o impie latro audi. Nonne stultū est largissimo Domino, qui omnia tribuit abundanter, furari, quod sibi charissimum est; maxime, vt videat & sibi displiceat, & sustinere non valeat? Sic est stultus, qui ab hominibus laudem quærit. Ideoque cum vniuersa propter semetipsum operatus sit Deus, omnes laudes, omniaq. laude digna ad honorem referas Dei tui, & in teipso cogita diligenter quod ad hoc creatus es, & redemptus, vt non tu, sed Deus in tuis operibus commendetur. Tu ergo Domini voluntatem fideliter exequaris, vt laudari abhorreas, Deum autem gaudeas ab omnibus exaltari. Et quanto magis ab aliquo commendatur, tanto in maius gaudium eleueris, & studeas quantum potes,

potes, mente, lingua, & opere Deum tuum omni tempore adorare, semperq. actu solam suam laudem intendas. Si enim bene diligeres Dominum Deū tuum, eiusq. honorem appeteres, ut deberes, malles amarissimis quibuscūque semper pasci, & ab omnibus stultus reputari, immo tamquā stercus abhorreri, quā quibuscūque delitijs abundare, & quantumcūque ab omnibus eleuari, aut quātacūque corporali perfrui sospitate, si Deus tuus in te amplius non laudaretur. Et etiam posito, quod par esset præmium, utrobique, hoc deberet gratissimum esse nobis, quod altissimus Deus noster a nobis, & de nobis aliquod laudis munusculum recipere dignaretur. Sed propter nostras miseras in contrarium nitimur tota die. O mira, ineffabilis, amabilisq. clementia Saluatoris, qui tam benignissime nostris cōdescendit miserijs! Quis illam poterit nuntiare? O homo totaliter te inuolue in misericordia, & mirare, & tam dulci Domino gratias agere non desistas! O mi Domine, quid tibi contuli, quod tam dulciter me superbum, atque arrogātem pertractas, & foues? Quæ est ista gratia, quam inueni, quod ante te me sustines ad momentū? Certe hoc non merui, sed potius, cum feris habitare. immo bone Iesu nec etiam creatura tua mereor nominari. Quid tibi pro his faciam o immensitas bonitatis? C Quid pro his tantis beneficijs potero tibi exhibere? Ego nescio tibi satisfacere pro delictis, nec etiam pro beneficijs laborare, nec tibi valeo aliquid dare nisi tuum. Scio quid faciam. Me tibi totaliter exhibebo, & meipsum in te totum proijciam, & semper timore, & verecundia plenus tibi quantum potero reuerentiam exhibebo. Et si dignaberis, tibi fideliter continue ministrabo; & si hoc parum sit, quia quod potui, feci, non dubito, comprobabis. Sed hoc maximū mihi est, si dignaberis me tecum in area commorari. O quā dulcis tunc mihi esset tua præsētia summe bona! Accedam cum silentio, & discooperiam pedes tuos, ut me digneris aduenam in matrimonio copulare. Non quiescā certe donec tuis amplexibus gaudeā, & inenarrabili dulcedine consopitus in tuis brachijs conquiescam. Tunc delitijs affluam, & mirabitur, & dilatabitur cor meum, & mira suauitate positus nihil nisi te potero cogitare. Attamen obsecro amabilis Domine, ut meo regimini nullo tempore me dimittas, quia sum animæ meæ lacerator, & lapidator impius. Omnia, quæ mihi volueris elargiri, sicut illa tribuis, tu conserua, & tibi soli sit honor, & gloria, &c.

*De paucitate bene obedientium. Cap. XI.*

*Isa. 60. a*

*Hiere. 9. a* **Q** Vis dabit capiti meo aquam, & oculis meis imbrem lacrymarum, ut plorare valeam perfectorum statum, quasi ad nihilum iam redactum? Nam terra culta diuinis cōsilijs, & Christi exemplis, spinas & tribulos germinat pro frumēto. Certe quāto res perdita est nobilior, tanto debet esse intensior dolor. Sed ut de multis aliqua videamus, de obedientia tamquam de religionis fundamēto pertractemus.

*Gen. 3. e*

Heu curre & discurre, utrum possis in sua perfectione in aliquibus eam inuenire, & credo, quod vix aut numquam in aliquo inuenies eam latitantem. Sed mirari potes, quod cum religiones, & religiosi multiplicentur, quomodo obedientiæ perfectio sic in paucis, immo quasi in nullis valeat reperiri? Certe si multiplicata est gens, non est tamen magnificata lætitia spiritualis intensiue. Quæso, ut mihi dicas, quis est ille, qui velit habere prælatum ad præcipiendum, nonne potius ad seruendum? Iam volumus prælatorum voluntatibus assentire? Certe non; sed volumus ut voluntates nostras debeant in omnibus adimplere. Et si aliquid deest, iam plus de ipsis, quā de scutiferis suis murmuramus, ipsis gladio linguæ non parcimus, & quod peius est, quod nobis ab alio esset

*Isa. 9. a*

A gratum, hoc ipso quod sit a prælatis, est nobis odiosum. Iam non cogitamus, quomodo possumus eorū voluntatem plenius adimplere, ac nostram voluntatem perfectius abnegare, sed quomodo possimus eis in omnibus resistere, & ad faciendum quod cupimus eos coarctare, aut ad renuendum quod nobis iniungunt, excusare, & aliqua palliare: aut diligenter inuestigamus, quomodo non teneamur sibi in hoc, vel in alio aliquatenus obedire. Sed heu Luciferi imitator, qui præesse voluit potius quā subesse. Timeo ne secum habitaculum habeamus, & ad confusionem nostram appareat Christus passus, qui pro nobis Patri usque ad mortem voluit obedire nihil sibi retinēs de ijs, quæ propria voluntas in omnibus appetere consuevit. Se enim exinaniuit ad plenum. Hunc imitati sunt patres nostri, qui cum prælati essent, se subditos subditis faciebant. Hoc sibi dulce, hoc delectabile, hoc sibi erat peramabile. In his, quæ magis suæ voluntati contraria existebant, in his, quæ ad exterioris hominis confusionem, afflictionem, & exinanitionem spectabant, sibi infimis obedire. Non enim curiose librabant an hoc melius illo, hoc securius, hoc laudabilius esset, sicut quidam faciunt causa fugæ; sed cuncta, quæ non essent contra Deum, quantumcumque ardua & vilia, dum cernerent esse secundum beneplacitum prælatorum, adimplebant auiditate maxima. Tanta enim in eis erat obedientiæ dilectio, ut ad implenda iussa non timerent discurrere super aquas, nec ire ad capiendas lænas cum iniungeretur eis, & multa alia, quæ non sufficio enarrare, faciebāt. Nec enim iudicauit esse infructuosum, qui Abbati obediens quasi importabiliter voluit per annum lignum aridum adquare. Ibi apparuit obedientiæ celsitudo, quia quod mortuum & aridum fuerat, per obedientiæ meritum fructum fecit. Quid ergo de obedientia gloriamur, cur nō potius de nostra superbia confundimur? Numquid viri contemplatiui possumus nominari? Timeo quod nec etiam Christiani, sed potius imitatores Luciferi possumus & dēmoniaci appellari. Quomodo enim Christianus dici potest, qui Christo contraria nititur adimplere? Numquid Christus considerauit, quod ipse erat Deus, & secundum humanitatem omni gratia & scientia plenus, immo quantum ad animam iam beatus, qui beatæ Virgini, & Ioseph erat subditus? In soluendo etiam didragma seruis dāmonum voluit obedire. Nos vero sumus sepulchra dealbata hypocrisis, plena ossibus mortuorum, hominibus exterius mortui apparentes & interius tumore superbiæ vegetamur. Iam obedire renuentes dicimus quod non sumus vocati in seruitutem, sed potius in libertatem. Ignoramus enim quod obedire, vel seruire Deo in hac obedientiæ seruitute regnare est. Quanto enim magis nosmetipsos subiijcimus, tanto maiori honore efficitur digniores. Non solum enim ipsa obedientia reges constituet in futuro, sed & nunc si in sua perfectione existat facit creaturis omnibus dominari. Ad statum reducit pristinum, & nihil contrarium, nisi ad profectum animæ fuerit, molestare permittit. Aduersa facit prospera, & hominem adhuc in mortali corpore facit Angelice se habere. Necnon & sui Domini honorem appetere cum seruire, & omnibus postpositis laudem Dei facit quærere cum magna auiditate in qualibet creatura, nec momentum permittit pertransire a seruitio Dei. O virtus mirabilis, quæ sui facit hominem obliuisci, & in suum semper tendere Redemptorem, & in terris ambulātem facit in cælestibus habitare! Quid ergo murmuras de obedientia o superbe? Cum enim dicit Apostolus, quod in seruitutem non sumus vocati, innuit quod non debemus nec Deo, nec prælatis obedire timore serui ad modum seruorū, sed timore filiali & liberali admodum filiorum. ac si voluerit dicere, quod de cetero voluntatem nostram propriam non faciamus. Cum enim Dominus Iesus Christus

*Philip. 2. a*

*Exemplum obedientiæ*

*Luc. 2. g  
Mat. 17. d*

*Gal. 5. b*

*Mat. 16. d* Christus dicit, Qui vult venire post me, non adiunxit beneplacitum suum, sequatur, sed abneget, inquit, semetipsum, & tollat crucem suam, & sequatur me. & tota sacra Scriptura tam vetus, quam noua obedientiam laudat. Si enim bonam superbiam haberes, non renueres Deo tam in se, quam in alio quocumque prelato vilissimo obedire, sed potius dedignareris animam tuam tam nobilem subijcere alicui alij creaturæ vilissimæ. Mirum est autem, quod dedignatur homo Deo seruire in prelato, & non dedignatur seruire vni homini libero, aut alicui alij creaturæ vilissimæ, sed totum tempus suum nititur expendere circa nihil. Ideoq. pauper solitarius, si cerneret quod plus quam alius offenderit, & contra Dominum superbe egerit, suam voluntatem, in vindictam Dei, & sui niteretur in omnibus abnegare, & seipsum abhorrens vellet ab omnibus conculcari, semper tamen ad honorem Dei sui omnia referens. Quod facere ipse concedat nobis, qui volens Patri obedire, crucifixus est pro nobis sedimendis.

*Quod tentationes sunt viles seruis Dei.*  
Cap. X I I.

**O** Miræ benignitatis Altissime, qui nos tētari permittis, non ut capiamur, sed ut timentes ad te portum tutissimum fugiamus. More bonæ matris facis o Domine, quæ filium suum a se elongatum videre desiderans, & amplexari per terribile aliquod timorem inducit, & extendens brachia filium recipit fugientem, cum gaudio sibi arridet, & oscula dulcia elargitur, & ne alias a se recedat, hortatur, ut non accidat sibi malum, consolatur ad se stringens, & demum vbera subministrat. O felix tentatio, quæ ad diuinos amplexus fugere nos compellit! O dulcis Domine, qui nos permittis vndique effugari, & te semper tribuis refugium salutare, ut tecum omni tempore commoremur. Non ergo te tentationes habere mireris o homo, sed ad Deum fugias expauescens, ibique, si tentari nolueris, residebis; sin autem, capi poteris, & damnari. Si autem a Deo tuo nimium te elongatum repperis, nec potes ad eum recurrere, pleno corde, ad Christum tibi proximum accelerabis, & in sui lateris puteo panno superposito absconderis, & ne timeas quod te inueniat inimicus.

Hoc sēper pro regula generali habeas, quod quandoque Deum volueris ad te profunde inclinare, in corde tuo vulnera Christi porta, & eius conspersus sanguine te Patri quasi vnigenitum presentabit, & ipse tamquam pater dulcissimus tibi plenarie prouidebit. Accede ergo ad Christum, & eum suppliciter deprecaberis, ut ex quo non decet ipsum denuo vulnerari, dignetur in tuo corpore sua vulnera renouare, teq. totaliter rubricare. Et sic indutus purpura poteris Regis palatium introire. O tentate, vulnera hæc meditare, & hæc semper tibi erunt refrigerium & solamen. Ne dubites, quod si ea in corde tuo imprefferis, nulli aditus tentationi patebit. Quis videns Dominum gloriæ, nostris sceleribus sic grauiter vulneratum, auderet iterum scelera perpetrare? Et sic pro ipsorum vulnerum reuerentia, atque compassione non desisteret a peccato, saltem quia videret quod sine comparatione grauior pœna deberetur peccatori in omnibus, quam innocens in peccato deberet timere, & etiam abstinere. Si autem contra te etiam propter tuas nequitias ipsum videris indignatum, ad spem peccatorum confugas, Matrem suam, & ipsi tamquam Matri Dei reuerentiam exhibebis, ac fuis lacrymis eius auxilium postulabis. Et si perseueraueris non quiescens, non dubites, quod ab ea quod volueris, impetrabis. Secum enim creuit miseratio, & sibi pro miserijs satisfacere ex officio est commissum. Et cum magna diligentia hoc exerceas, quia quod communiter exercet erga omnes, tibi non poterit des. Bon. Tom. 7. Pars iij.

*Iob 31. b*

**A** negare. Quod & si nullo modo te videris consolari, noscas Deum te diligere, & hoc facit, ut peccatorum tuorum profunditates agnoscas, & tuam miseriam non ignores. Et hoc maximum Dei donum est. Non enim sibi placet præsumptio aliquorum, qui se iustos reputant, & ad ipsum Altissimum tanquam ad familiarem amicum accedunt. Vult enim ut quantumcumque quis sit magnus se miserum, & quasi nihil reputans, ad ipsum veniat cum peccatorum suorum confusione, & magna reuerentia & timore. Et magnum immo maximum reputet quantumcumque magnus, si ipsum immensus Deus noster dignatur saltē a longe intueri. Ideoq. pleno corde Dei magnitudinem, & suam paruitatē confiteatur, & dicat: Domine non solum non sum dignus, ut intres sub testum meum, sed nec ut tibi appropinquare valeā vllō modo. Sufficit enim mihi, ut tuæ pietatis oculis digneris me respicere a remotis. Dico quod si in hoc perseueraueris non quiescens non solum te videbit, sed ad sua secretissima te introducet. Quod ipse facere dignetur, qui est benedictus in sæcula sæculorum. Amen.

*Mat. 8. a*

*Quod tentatio de prædestinatione reprimi debet.*  
Cap. X I I I.

**S**i de prædestinatione, aut præscientia Dei aliqua cogitatio tibi surrepat, sic responde diabolo talia propinanti: Quidquid sit de me, te certum est esse damnatum: sed si ego præscitus sum, & Deum non debeam habere post hanc vitam; totis tamen viribus laborabo, ut ipsum saltem habeam in præsentem, & ipsum possideam, quantum possum; ne in utroque statu caream tanto bono. Momentum ergo temporis de cetero non dimittam, quin secundum meum posse fruam ipso, & semper in ipso summa iucunditate delecter, ex quo æternam miseriam assequi debeo in futuro. Nonne mihi summa vesania esset, si certum est, me æternalibus ignibus cruciandum, me inimico meo tradere in præsentem, & ex nunc incipere cum diabolo conuersari? Non sufficit illa miseria, nisi me nunc miserum faciam ante tempus? Immo certe plus prædestinanti me Deo meo, prout potero, totaliter exhibebo, ut nihil sit in me, nec cor, nec lingua, nec cetera membra, quin continue sint in seruitio Dei mei, ut saltem dum possum, & quantum possum habeam summum bonum. Sicut enim sæculares, qui in Quadragesima non debent comedere carnes, volunt in carnispræiurio carnibus abundare; sic certe de Deo deberet facere, qui de sua præscientia esset certus. Et hoc præcipue faceret, qui quam suavis est Dominus degustaret, cetera vero delicata absinthium reputaret. Sed quantumcumque me Deus præsciuerit scientia, constat mihi, & scio, quod seipsum negare non potest. Eum ergo totis visceribus amplexabor, & ipsum stringens fortiter, etiam si aurora apparuerit, & non mihi benedixerit, non ipsum dimittā. quod si benedixerit mihi, nec etiam tunc dimittam, & sine me recedere non valebit. Licitum est enim mihi inferre sibi violentiam in hac parte, cum ipse commendat illos, qui regnum cælorum rapiunt violenter. Aut certe scio quid faciam. In cauernis vulnerum suorum me abscondam, ibique quietus latitabo, nec extra se me inuenire poterit, & etiam expellere non decebit, qui dicit: Eum qui venit ad me, non eijciam foras. Et sic me damnare non poterit, nisi seipsum iudicare voluerit. Aut ad Matris suæ pedes prouolutus stabo, & quod propter peccatores Mater Dei facta sit, allegabo; & ut mihi veniam impetret, implorabo. Nec repulsam ab ea pati poterō, quia fons pietatis ab omnibus prædicatur. Ipsa enim non misereri ignorat, & miseris non satisfacere numquam sciuit. Non credo, quod propter me nouā velit addiscere lectionem. Ideoq. ex compassione maxima ante Filium suum mecum, si dici potest, misera apparebit, & mihi

*Gen. 32. f*

*Mat. 11. b*

*Ioan. 6. d*

X ad in-

Eccl. 4. 6

ad indulgentiam suum unicū Filium inclinabit. Et sic triplex refugium habeo, quod quasi triplex funiculus difficile confringetur. Quod si prædestinatus sum, & æternam patriam debeam cum Angelis possidere; certe debeo ex nunc vitam Angelicam ducere non humanam. Totum me illi debeo, qui se mihi in præmium præparauit, & hac portione contentus nihil aliud amodo debeo affectare. Iustus est enim, & si aliud quàm ipsum quærerem, contra me posset rationabiliter indignari, & quem visurus sum beneuolum, viderem statim iratum contra me sententiam inferentē. Igitur in fine diabolo sic conclude: Quidquid de me futurum sit, a seruitio Dei non desistam, & vñ tibi, qui non potes tanto Domino ministrare, & eius dulci præsentia iucundari, &c.

*Quæstio carnis ad Deum Patrem de Christo.*  
Cap. XIII.

Mat. 26. 6

Luc. 12. 8

**C**arnem contra spiritum per contemplationē eleuatam, immo contra Christum, animam eleuatam auscultat. Inquit caro: Tibi Deo Patri iusto, ac misericordiæ infinitæ de tuo Filio conqueror, vt tua iustitia consideret violentiam mihi factam, & misericordia tua meæ miseriam cōdescendat. Ille tuus Filius plenus scientia & virtute me sua sapientia circumuenit, & sua virtute violentiam mihi fecit. Ille tuus Filius sua sapientia se sub carne mihi simili occultauit, & ad me, humilitate nimia & benignitate inenarrabili callide subintravit. Omnibus fuit humilior, omnibus despectior, omnium necessitates assumpsit, omnium infirmitates portauit, pro omnibus crudelissime voluit crucifigi, tam compassione, quàm grauissima passione voluit affligi, cordis amorem per apertionem lateris sui voluit demonstrare, indeq. voluit in remedium emanare sacramenta. Quid plura? Suā carnem constituit in cibum, suum sanguinem in potum, & seipsum promisit in præmium, tua præcepta facientes matrem, fratresq. vocabat. Deum nō solum in via, sed etiam in patria promittebat, quod se succingeret, & eis ad mensam tuam comedentibus transiens ministraret. His omnibus, & alijs, quæ nec scio, nec valeo enarrare, animam mihi deputatam nō modo allexit nimis, sed etiā intus intrans sua attraxit virtute inquantum, & sic sibi ipsam suis blanditijs coniunxit, vt iam de me nō curet, sed potius affligat, deiciat, & conculcet, & ad nihilum redigat, & quod grauius videtur, hoc mihi inferētes diligit, & pro eo, vel eis orationem specialem faciat, & si non inferantur inferri appetat. Sicq. mortificor, & non curat; in limo iaceo, & exultat. Sed quid dolorem dolori addit, & vt intense doleam cupit? Hæc sua gloria videtur esse mihi inferre iniuriam, cōtumeliam, & quidquid vilissimum credi potest. Sicq. me desolatam, afflictamq. relinquit, & ipsa semper vult tuo Filio cōmorari, semper sua carne cibari, suo sanguine inebriari, & vbicumque fuerit, vult semper secum commorari. Nunc autem secum apparet in præsepio parua, nunc secum brachijs Virginis amplexatur, Virginis brachijs deportatur, lacte Virginis fouetur. Nunc secum famescit, nunc secum sitit, nunc secum conspuitur, nunc secum vulneratur, nunc secum in cruce trahitur, nunc secum in cælis apud te lætatur, consolatur, quocumque perrexerit, secū vadit, sine ipso esse non requirit, ad nihil potest se vertere sine ipso. Quid tibi dicā Pater de tuo Filio, qui animam mihi deditam sic suo inebriauit amore, sic autem alienauit a me? Si rapinam cōmisit, iubeas restitui. Nec enim mihi parum videtur sic rapere vnā mentem. Cur enim mihi anima deputata solum Filium tuum diligit, cur me sic odit, cur cetera derelinquit? Tui Filij amore absorpta graditur sine sensu; iam nihil aliud audit, nihil aliud cogitat vel gustat, nihil aliud odorat, & semper vult inter sua brachia commorari. Ibi

A iucundatur, ibi lætatur, ibi delitijs abundat, ibi nimis amore inebriata cubat. Nec mirū si hæc anima mea tantum cum Filio tuo adhæsit. Quia nisi esset lapide durior, & ferro insensibilior, ex quo sibi tanta Filius tuus fecit aliter facere non deberet. Et vbi est iste durus lapis, qui tanti amoris ardore non scinderetur, immo liquefieret sicut cera, si sibi fierent omnia sua prædicta. Et ideo non conqueror de ea tibi benignissime Pater, quia fecit quod debuit; sed de tuo Filio, qui eam nimis allexit beneficijs, ac me in tanta miseria dereliquit.

*Responsio Patris ad carnem.* Cap. XV.

**A**tende & audi, quid respondeat Pater clementissimus carni. Quia creatura mea es, tibi iustitiam cum misericordia exhibebo. Nam cum ancilla animæ esses, semper tamen dominari voluisti, ac semper inordinate egisti, tibi non mihi eam seruire fecisti, ipsam ad omnia mala pronam reddidisti, & quod peius est, eam ad imaginem meam factam diabolicæ seruitutis subdidisti. Eam bestijs peiorem fecisti, eam foetidam, & abominabilem exhibuisti, eam super omnem caliginem denigraisti, & intantum eam alteraisti, vt creaturam tam nobilem cognoscere non valerem. Oportuit ergo, quia eam, quæ in carne erat, nimis diligebam, meum Filium incarnari, vt eam alliceret ad suum, meumq. amorem. & quia tibi carni anima adhærendo mortua erat, vt viuificaretur, meum volui Filium incarnatum pro ea occidi. Nec fuit Filij mei hic aliqua circumuentio vel deceptio, sed mea, suaq. ineffabilis dignatio. Et quia tu caro a tuæ infusionis principio semper male egisti, meus vero Filius erga eam nimio exarsit amore, & se totum sibi exhibuit, non iustitia mea multa exigit, vt eam totam & totaliter sibi dimittam, & ipsa te plusquam stercus abhorreat, & ab omnibus abhorreti cupiat? Sed quia non solum iustitiam, sed & misericordiam implorasti; volo vt aliquando etiam in presenti dulcedine, quàm in meo sentit Filio, perfundaris; & insuper in futuro nobilissime ac perfectissime te dotabo, & si bene animæ obedieris ex nunc non solum a pœna æterna, sed & a purgatorio te absoluo. Qui viuo in æternum.

*Meditatio super Aue Maria.* Cap. XVI.

**A**ve Maria gratia plena, Dominus tecum. Tibi Domine Deus gratias ago, quas possum ex intimis præcordijs meis, qui pro nobis indignis dignatus es nostram assumere naturam, & virginali utero baiulari, & ex ea Virgine nascens, lacte nutrirī, eius foueri gremio, & eius subijci imperio, qui omnia cōseruas & regis, & me foetidissimam faniem, & turpitudinem detestabilem, & abominationem plenum, & omni vita, immo essentia indignum, dignatus es tantum illustrare, vt sciam te Matrē habere, & hoc mihi indignissimo concessisti, vt ipsam possim & audeam salutare. Non enim fecisti taliter omni nationi: & hoc summum beneficium non manifestasti eis. Vbi est Domine peculiaris ille populus, quem in manu potenti & brachio extenso, de terra Egypti per desertum in terram promissionis eduxisti, tot signis & prodigijs magnificentiæ tuæ? Nonne Domine iste est populus, cui hoc beneficium promissisti? Cur igitur non sibi tuis cultoribus, sed nobis idolatris & infidelibus hoc tuum summum & maximum beneficium reseruasti? Quare nobis paucis, cum multi & quasi infiniti populi hoc ignorent? Nonne Domine vniuersorum es Creator, & omnes ad imaginem tuam fecisti? Nonne Domine secreta consueuerunt pandi amicis? Cur nūc Domine inimicis, & maxime mihi, qui a vertice capitis vsque ad plantam pedis infectus sum, & totus tendo ad ea, quæ tuæ sunt contraria voluntati? Cur Domine tam nobile donum, tam excellentem

Psal. 147. 6



lentem thesaurum tuo infidelissimo & nequissimo seruo dedisti? Nonne Domine tibi videtur, quod non honorem, sed derideam Matrem tuam, quando superbus humilem, immo humillimam superbissimus, castissimam immundissimus, celestissimam immo diuinissimam vanissimus, & terrenissimus, sanctissimam impijssimus, Matrem Dei, filius diaboli salutare presumo? Vbi est bone Domine nunc reuerentia Matris tue? Cur tales eam salutare permittis? Sed o pijsime Iesu propter tuam erga nos nimiam charitatem non sufficit, te omni derisui & contemptui propter nos subiaceret; sed Matrem tuam iam ad dexteram tuam sedentem permittis pollutis labijs tractari, ut possis corda nostra tuo & eius amore inflammare. Nec dubium est, quod indignissimi sumus, & credo firmiter, quod nullus sit celestis Angelus, qui eam, ut digna est, valeat salutare, quanto magis ego immundissima creatura? Mirum videtur, quomodo miser homo non tremat, & expauescit tantam Dominam salutare. Sed illud detestabile nimium est, ipsam nominare ore & corde, vana & inutilia immo nefanda tractare, ipsamque, alloqui tergo verso. Cum omni enim reuerentia, honore, & deuotione est Virgo beatissima salutanda: & ipsa tales querit, qui ad eam deuote & reuerenter accedant. Hos enim diligit, hos nutrit, hos in filios suos suscipit. O beatus, qui de tam nobili Matre letatur, ipsam corde amplectitur, opere imitatur! O felix, qui Matri Dei secundum posse suum nititur conformari! Hic est certe, qui omni creatura contempra soli Deo singulari amore inhaeret, & crucifixus cum Christo salutem animarum sitit. O mirum vere quomodo non capitur exultatione cor talem Virginem salutantis! Matrem Dei alloquitur, Deum ex ipsa factum hominem contemplatur; hic videt ima summis, & summa imis pro se vnitate coniungi. Quomodo, quæso, non liquefcit in hac salutatione mens nostra, vbi Deum nos tantum dilexisse videmus, ut ex Virginali vtero dignatus sit fieri frater noster? Os enim nostrum, & caro nostra est. O mira & ineffabilis diffusio bonitatis diuinæ! Quanta, quæso, erga talem Virginem deberet cor nostrum deuotione diffundi, per quam talem ad nos meruimus diffusionem diuinam, per quam certe meruimus Deo esse fratres & coheredes in regno? Mira deberet dulcedine os nostrum abundare, cum tam dulcem Dominam, & benignam salutamus, & eius benedicimus fructum. Suauissimus enim, & dulcissimus est fructus eius, & in ore, & in corde sapientis dulcescit! o quam mira est huius Virginis fecunditas, quæ dum salutatur deuote, ad cor salutantis suauissimum fructum emanat. Quanto autem in eius fructu quis amplius iucundatur, tanto ab ea amplius impetrat: & nisi dicat, sufficit, numquam cessabit. O mira Domina, mirum videtur, quomodo non tantum delectamur in te salutando, quod vel propter te & fructum tuum cetera ignoremus! Quomodo, quæso, non est ad te tantum intentus homo, propter tuam suauitatem nimiam, ut & semetipsum a se abstractus ignoret? o raptrix cordium! o absorptrix mentium! Cur nos Domina ingrauidas tuo affectu? Cur nos Deo nostro imprægnas? Cur luto impleas cælos, & vanissimos, facis diuinos? Cur nos obsecro filij tui inebrias amore, cum nec sibi aliquid impendere valeamus? Quid tibi prodest animarum amatrix, quod te & Filium tuum nimio diligamus amore? Nonne tibi celestia sufficiunt? Cur terrena corda requiris, cum tamen sint foetidissima & terrena? Accipe animarum venatrix, & refove in sinu gratiæ tuæ. Quis enim potest animarum venatrix effugere claritatis tuæ fulgorem, & tuæ radios pietatis? Nec enim est, qui a calore abscondere se possit: quia beneficijs tuis pleni sunt cæli & terra. Quocumque enim pergamus occurrit nobis diffusio vteri Virginalis. Ecce ergo vndique nos tuis beneficijs irretisti, & semper, & vbique tuæ be-

S. Bon. Tom. 7. Pars iij.

nignitatis laqueos extendisti, ut a te Matre dulcissima fugere rationabiliter nequeamus, sed semper in tuæ dulcedinis gremio quiescamus. Currite ergo charissimi vndique, & tam nobilem & suauem Virginem salutemus. Ave.

Patientiam habe Domina, quod Angelicam salutationem promo, & Angelice non viuo, sed potius diabolice. Horrendus sum, & te salutare presumo. Cōfido certe dulcissima de nimia bonitate tua, & tuo inflammatus amore, te quamuis indignus nimium non vereor salutare: Ave. Quid mihi Domina dulcius tuo Ave? O mirum Ave, quod quadam celesti dulcedine inebriat cor deuotum. Certe iam dicere potest deuote salutans: Liquefacta est anima mea, ut salutauim Dominam meam. Deficit cor meum, & caro mea, dum alloquor Dominam meam? Quis in te non deficiet Virgo sacra, dum cernit hac salutatione præuia te Filio Dei imprægnatam? Quis homo non deficiet, dum cernit Dei Filium tuo vtero baiulari, tuo lacte nutrir? Quid ergo libentius audis o Domina, quam salutationem, qua recognosceris Mater Dei? Sic in te vis homines iucundari, ut semper in eum, cuius Mater es, refundatur affectus. Non enim puto, ut velis aliter, nisi ut Mater Dei salutari, nec etiam cognosci. Porta es cristallina, & per te vis tuo Filio nos coniungi. Sed ave, & vere ave. Nam cor nostrum aperuit tuum, ave. O mirabile, & superadmirabile ave, ad quod dæmones effugantur, peccatores liberantur, filij delectantur: Angelus gratulatur, Verbum incarnatur, Virgo grauidatur. Certe ave, cuius fructu creaturæ renouantur, homines redimuntur, Angeli reparantur. Ergo tibi ave, vniuersa creatura sine fine promat. O dulcissimum, & suauissimum ave, quo terrestria letantur, celestia iucundantur! O ave, quod intellectum irradiat, affectum satiat, mentem ad celestia leuat; quo animus illustratur, pectus dulcoratur, caro maceratur. Igitur ave. O catenale Ave, quod cor constringis cum Virgine, & separas a terrenis, cum misericordissima miserum, cum Domina seruum, cum Matre Filium firmissime ligas! O amabile Ave! Accedat, ut salutet, qui vult catenari amore: & cum salutauerit ex corde, amplius, fortiusque constringetur: & quanto constringetur fortius, libentius salutabit. Sicque amor & ave, mutuo se augebunt, donec cor salutantis deficiat præ dulcore. O Virginis amor, diuinum reddis amantem, virgineum facis iam multa forde pollutum. Ergo ave Domina mea, Mater mea, immo cor meum, & anima mea, Virgo Maria, & Maria mea, ave. O nomen suauissimum, nomen iucundissimum, nomen dulcissimum, nomen Mariæ! Quid feci, quid presumpsi, quomodo excessi, quod nominare te audeo? Quis vniquam talia audiuit, ut perditionis Filius, peccatorum sacculus, dæmonum famulus, te nominare presumat? O amor mei, nomen Matris Dei reuereri nescit amor, mihi parce Domina, quod me amare dicam te. Etenim si non sum dignus, non es indigna amari. Quis o Domina te amare desistet, cuius beneficijs gratiam & gloriam impetramus? Per te Domina franguntur vincula, soluantur debita, vincuntur vitia, solidantur contracta, reparantur perdita, renouantur vetera, roborantur infirma, magnificantur minima, exaltantur infima, incepta promouentur, imperfecta perficiuntur, perfecta consummantur, cor purgatur, refulget mens, animus inflammatur, liquefcit pectus, dulcescit gustus, decoratur aspectus, desponsatur peregrina, traducitur sponsa, & resoluitur anima. Omnia hæc per te Virgo Maria, ergo ave Maria. Vere Maria stella maris, amarum mare, & Domina. Stella maris mundo totaliter in amaritudine posito, lucis æternæ radium emittendo. Amarum mare cor tuum in passione Filij tui in cruce pro nobis pendens totaliter transformando, Domina super omnes Angelorum choros, ad Filij dexteram ascendendo. Et stella maris es nos dirigendo,

X 2 amarum

amarum mare compatiendo, & Domina protegēdo. A totus sanctissimus, totus diuinus. Ibi obliuiscitur homo sui, recogitans, quæ sunt Matris & Filij. Quod nobis concedat ille, qui benedictus uiuit in sæcula sæculorum. Amen.

*Meditatio humilis ac expositio super orationem Dominicam. Cap. XVII.*

**P**ater noster, qui es in cælis, &c. o immensa clemētia! o ineffabilis benignitas! o mira dignatio! o longitudo, latitudo, sublimitas, & profundum charitatis diuinæ. Vilissimum lutum, detestabilis sanies, nequissima creatura se Dei Filium nuncupat, & Dominus dominorum, Rex regum, & Dominus dominantium se meum Patrem dicit. Cum oratis, inquit, dicite: Pater noster, qui es, &c. Et quod hoc dicit veritas verissimum est. Et scio quod plus sine comparatione me diligit, quàm pater carnalis vel mater, immo quàm me ego ipse. De tanto ergo Patre eleuabitur cor meum, ut aquila, & iam heres cæli omnia inferiora contemnam. Quid mihi ultra de terrenis honoribus, qui sum Filius Dei? Maius dedecus esset mihi, appetere quantumcumque honorem terrenū, quàm filio Imperatoris latrinæ officium. Quid ultra mihi de terrenis diuitijs, qui regni æterni sum heres? Ignominiosus esset mihi, de quantumcumque magnis diuitijs terrenis curare, quàm primogenitum Imperatoris de fimo equorum. Quid ultra de delitijs carnalibus, & ceteris quantumcumque magnis? Detestabilius mihi esset filio Imperatoris summi, affici in quantumcumque allestiuā creatura, quàm filium regis in sanie fœtidissima. Quid bonum, quid pulchrum, quid vtile, quid desiderabile me allicere potest, qui heres sum omnis boni? Fons omnis pulchri & boni. Omnia enim respectu illius non sunt, nisi quædam similitudo & umbra. Accedam ergo ad Patrem meum, quia nihil aliud vult, nisi ut habeam ipsum. Numquid ergo negligens ero? Numquid ergo pausabo? Numquid alijs intentus ero? Certe cum imperu omnibus postpositis curram ad eum. Sufficit mihi, si habeam Patrem meum. Et ideo toto corde tendam ad eum. Non aliud aspiciam, nec aliud videbo, nisi Dominum Deum meum: quia oculis mentis totus tendo ad eum, quia nimis allexit animum meum. *Pater noster, &c.* Mel, & fauim in ore meo cum te Deum meum Patrem inuoco meum. O dulcedo indicibilis! o iucunditas inestimabilis! o iubilatio ineffabilis, cum audeam te Patrem meum vocare! o exultatio! o admiratio! o medullaris modulatio, quia Pater meus es tu. Quid ultra procedam, quid ultra dicā, quid ultra petam? Pater meus es tu. Sed ubi es tu Pater mi, ubi es? Si vbique es, immo quia vbique es, quomodo sedes est tibi cælum? Sed ideo benignissime vis, ut dicamus, Pater noster, qui es in cælis, ut nos a terrenis ad cælestia eleues, ubi maxime tua potentia, tua sapientia & bonitas elucescit, ut ibi mi Pater sit semper tecum conuersatio nostra, ut a te cælestia non terrestria, vel terrena quæramus, & petamus; aut certe ut nos spirituales cæli facti, in nobis sit habitatio tua. Quid ergo nos retardabit, quid nos retrahet, quid impedimenta præstabit, quin cælestem vitam non terream ducamus, ut in nobis sit habitatio tua? o digna admissio, mira dignatio, & dignatiua Christi habitatio in nobis! Ego fœtidissimus finis, & abominabilis peccatorum latrina valco esse ex immensa clementia Dei mei tabernaculū eius, & qui sum plenus sanie & fœtore ero sanctum Dei templum, sapientiæ sedes, & habitaculum Spiritus sancti. o felix dies, o beata hora, cum talem hospitem possidebo! Tenebo eum nec dimittam, donec introducā eum, immo ipse introducat me in domum illius, quæ sursum est Hierusalem matris meæ, & in cubiculum genitricis meæ, scilicet in intima contēplationis quiete, ubi cubant, ubi quiescunt animæ delicatæ.

*Pater*

Psal. 138. b

Psal. 22. b

Psal. 68. a

Psal. 103. c

Matt. 6. b

Cant. 3. b

Gal. 4. d

*Pater noster, qui es in cælis, sanctificetur nomen tuum.*

O quam bene sequitur, quam bene cōtinuatur, præ-  
elegantissime ordinatur petitio ad prædicta, scilicet,  
sanctificetur nomen tuum ad Pater noster, qui es in  
cælis, quasi filialis deuotio, cælestis contemplatio to-  
tum animum reuerentis filij conuertit in Patrem cæ-  
lestem, ut clamet, & dicat: *Sanctificetur nomen tuum*,  
quasi dicat, Non terrenas diuitias, delicias, & hono-  
res peto; sed ut sim in te totus conuersus, & totus di-  
uinus. Sanctificetur ergo nomen tuum, ut scilicet mea  
vis rationalis tua sapientia illustrata, & omni errore,  
ambiguitate, & tenebrositate propulsata purgatam  
habeam conscientiam, id est purissimam notitiam tui.

*Adueniat regnum tuum*, ut mea vis irascibilis tua  
potentia roborata ad arduitate regni tui conscendat.

*Fiat voluntas tua*, ut mea vis concupiscibilis, tua bo-  
nitate dulcorata, immo tua charitate perfecta plenif-  
sime tuo beneplacito acquiescat, ut ex vera dilectio-  
nis amicitia sit idem velle, idem nolle. Vel, Sanctifi-  
cetur nomen tuum, quantum ad puram notitiam intel-  
lectus. Adueniat regnum tuum, quantum ad feruens  
desiderium affectus. Fiat voluntas tua, sicut in cælo, &  
in terra, quantum ad perfectum obsequium effectus.

Sanctificetur ergo nomen tuum in nobis Domine,  
quod ab æterno sanctissimum est in se, ut quidquid  
videmus, quidquid audimus, quidquid intelligen-  
mus, & sentimus, totum ad sanctissimi nominis tui  
notitiam ordinemus, ut sit in nobis nomen tuum fan-  
ctum, id est sine terra, & purum, ut excisi ab omni cu-  
riositate, & vanitate, & omni inutili phantasia, te so-  
lū in omnibus cognoscamus. Semper piissime, & san-  
ctissime Pater mentis nostræ oculus ad te lumen æter-  
num incessabiliter dirigatur, semper te qui in omni-  
bus es, & a quo omnia sunt, in omnibus te intuear in  
omnibus te cognoscā! O quam dulce lumen, & de-  
lectabile oculis a te sole iustitiæ numquam mentis in-  
tuitum amouere! O quam dulcis & amabilis, quam  
admirabilis oculis nostris tuorum claritas radiorum!

Sanctificetur ergo nomen tuum.

*Adueniat regnum tuum.* Nunc regnū huius mun-  
di occupauit totam animam meam; immo totā dissi-  
pauit animam meam, totam lacerauit, totā fœdauit,  
totam denigravit sponsam tuam dilectam, animam  
meam. Totum cor meum, totum animum meum vani-  
tas, immo fœditas huius mundi allexit. Ideo nunc  
quæ mundi sunt sentio, quæ carnis sunt appeto, quæ  
terrena sunt cogito & affecto, factus sum ciuis huius  
mundi, & sub huius mundi principe sollicitè studeo  
militare. Sed o Domine; nonne creatura tua sum?

Ergo adueniat regnum tuum, ut princeps huius mun-  
di eijciatur foras. Tu solus in me regnes, tu solus in-  
habites mentem meam, totum me occupet regnum  
tuum, totum sibi vendicat desiderium meum, solus  
reficias affectum meum. Quid quæro, quid deside-  
ro, quid volo, quo vagor, quo discuro, quo distra-  
hor? Sufficit mihi Domine regnum tuum, sit ibi ha-  
bitatio mea, sit ibi refectio mea, sit ibi tota conuer-  
satio mea. Tu solus bonus, tu solus pulcher, tu solus  
amabilis, tu solus desiderabilis animarum amator:  
Tu solus me regas, tu solus me dirigas, tu solus me  
alicias, tu solus cor meum tecum habeas animarum  
reclinator. In te solam quiescat cor meum, & pectus  
meum. In te solam nunc dulcoretur cor meum, tu so-  
lus repleas animum meum. Cum impetu ascendam  
ad te centrum meum, & regnum meum animarum  
redemptor. Ergo adueniat regnum tuum.

*Fiat voluntas tua sicut in cælo, & in terra.* Hoc vo-  
to, hoc desidero, hoc totis animi visceribus concupi-  
scō, ut in me, & de me, ac per me, non mea, sed tua  
fiat voluntas. Totus sim, totus in tuum solum plau-  
dam honorem, ad hoc factus sum, ad hoc natus sum,  
ut tuam solum honorem requiram. Iam non flectar  
ad meum appetitum, iam nō requiram propriū com-  
modum, iam nō desiderem amicorum affectum, sed

S. Bon. Tom. 7. Pars iiij.

A solum nitari tuum solum in omnibus beneplacitum  
adimplere. Non cogitem quid amarum, quid dulce,  
quid onerosum, vel leue, quid asperum vel suauē, sed  
cum impetu & desiderio feruenti, & cum anxietate  
curem perficere, quæ tuæ sunt beneplacita voluntati.  
Hoc solum mihi iucundum, hoc mihi sit suauē, hoc  
solum mihi sit leue, hoc delectabile & amabile in  
quantūcumque asperis, vilibus, difficilibus, effusis &  
amaris, tuam requirere, perficereq. voluntatē. O gau-  
dium, & iucunditas, & exultatio medullaris, utinam  
totum, & totaliter, semper, & ubique exponerem me  
ad omnem tui honorem, quem possem modo aliquo  
effectui mancipare! O utinam solus possem omnia  
tua mysteria mi Domine adimplere. Magis gaudeo,  
magis approbo, amplius totis artibus & visceribus  
concupisco, me totum exponere & impendere tuo  
honorē, me de me tuæ satisfacere voluntati pro te,  
quā etiam quantumcumque cælestibus & diuinis  
delitijs iucundari. Si enim propter te mi Domine  
lacerarer, & passiones & mortes quascumque ad tui  
honorem reciperem, eas magis approbarem, magis  
diligere, & de his magis gauderem, quā de qua-  
cumque delectatione, quam etiam in patria possem  
habere, nisi forte illa delectatio tantum aut plus ce-  
deret ad tui honorem, & hoc etiam non ratione de-  
lectationis, sed ratione tui honoris optarem. Non  
enim factus sum ad meam vanitatem consolandam,  
sed ad tuam magnificentiam honorandam. Quid  
mihi maius, quid mihi dulcius, quid mihi amabilius,  
quā me totum in tuum honorem resolui? O gau-  
dium Domini, o tripudium, o mihi omne iubilare so-  
latium, quod possim aliquid quacumque difficultate  
facere ad tuum honorem? Hoc Angelorum est gau-  
dium, cæleste desiderium, posse tibi totaliter obsequi,  
totaliter te frui, tuæ voluntati plenarie conformari,  
& tuum honorem & magnificentiam admirari. Non  
dubito, immo certus sum, quod plus gaudet Angeli,  
& anime sanctæ de magnificentia honoris tui, quā  
de magnificentia gloriæ suæ. Et ideo fiat voluntas  
tua, sicut in cælo, id est in cælestibus spiritibus; & in  
terra, id est in nobis hominibus. Et tuæ volūtatī adeo  
libenter, & feruenter ac voluntarie obsequamur, ut  
ipsi secundum possibilitatem nostræ virtutis totaliter  
conformemur.

*Panem nostrum quotidianum da nobis hodie.* O quam  
bene ordinat, quā eleganter coniungit hæc verba  
præmissis! & quamuis de pane materiali, & etiā spi-  
rituali possit exponi, de sacramentali tamen pane ma-  
xime exponamus ad præsens. Et, ut dixi, in verbis  
Domini est egregius ordo. Quis enim adeo dignus,  
quis adeo est habilis ad susceptionē huius sacramenti  
ad offerendum Filium Deo Patri, ut ille, qui ut supra  
dictum est, se totaliter in Deum ordinauit, & quantū  
ad intellectum, affectum, & effectum, qui se totū Deo  
obtulit, totum se sacrificio consecrauit, qui in se an-  
nullatus est, & in Deum totus illatus est, qui non quæ  
sua sunt quærit, sed quæ Iesu Christi? Ille enim in  
hoc sacrificio potest Iesum Christū recipere; Iesum  
Christum Deo Patri pro se, & alijs offerre: & ideo  
petitioni istī magister verus præposuit: *Sanctificetur  
nomen tuum.* & optime coniungit ad illud verbum:  
*Panem nostrum quotidianum da nobis hodie.* Qui enim  
ex Ægypto peccatorum exiuit, in sanctificetur nomē  
tuum; & mare rubrum tentationum inundantium  
submersis Ægyptijs sicco pede transiuit, in adueniat  
regnum tuum: & in deserto contemplationis soli Deo  
intendit, & se totum Deo dedicauit, in fiat voluntas  
tua; iam in hoc deserto esuriens manna, id est panem  
cælestem, a cælesti Patre requirit, in panem nostrum  
quotidianum da nobis hodie. Qui enim in Ægypto  
aliquando super ollas carniū sedit, nunc illis spre-  
tis solum panem viuum, qui de cælo descendit, ex-  
quirat, postulat, & acquirit. O admiranda Christi di-  
gnatio, mira iubilatio mentis, Deus meus, sponsus  
meus,

X 3

Philip. 2. c

meus, amor meus, factus est cibus meus. Sanctorum A præmium, gaudium Angelorum, Dei Patris verbum est nutrimentum meum. Lux mundi, sol cæli, sapientia Dei est refectio animi mei. Proles virginea, redemptio humana, cæliq. gloria facta est cibatio mea. Quid ultra affecto, quid ultra me potest allicere? Absit a me Domine, ut ex quo cor meum habet tam nobilem cibum, quod circa aliquid, quod est in toto mundo afficiatur. Quomodo, obsecro, post tam nobilissimum cibum, sufficientissimum, suauissimum, & dulcissimum potest cor meum circa vana, turpia, & immunda delectari? Et si semper non possit ipsum sacramentaliter sumere, saltem cor meum ipsum spiritualiter non desinat ruminare. In veritate mirum & plusquam mirum videtur, quomodo præ dulcore & nimio amoris feruore cor non deficit in hoc cibo. Tu solus bone Iesu sis cibus meus, & refectio mea, te solum esuriam, te solum auido & insatiabili appetitu comedam, & semper sim famelicus tui. Quid te dulcius, quid suauius, quid amabilius bone Iesu? Te solum volo comedere, te solum cupio masticare. Tu mihi semper dulcescis in corde. Si solus odor tuus deberet sufficere toti mundo, quanto magis cibatio tua? Si in verbo, quod de ore tuo procedit reficimur, & viuimus, quid est te verbum æternum ore recipere, & cordis dentibus masticare? Quomodo in te cordis penetralia non liquecunt? Quomodo non sic cor meum delectatur in te, ut obliuiscatur omnia præter te? Si aliquid terrenum, immo aliqua similitudo terreni tantum cor meum occupat aliquando, ut obliuiscatur tui, quomodo tua verissima præsentia non me tantum reficit & inebriat, ut omnis mundi obliuiscar, & etiam mei? Hunc ergo Pater cælestis panem nostrum quotidianum da nobis hodie. Da nobis hunc panem, ut semper in præsentia, & semper præsentialiter eum habeamus. Sit semper præsens spiritualiter hic cibus, & numquam sciat præteritum vel futurum. Sed hodie doces bone Iesu, ut dicamus: Cur quæso tantum festinas esse nobiscum? Quare non differis usque ad cras? Quid enim in nobis vides? quid in nobis sentis, quid in nobis agnoscis, quod in tantum nostro es inebriatus amore? Quid nobiscum lucraris, quid in nobis reperis, quem fructum de nobis habebis, quod nescis tardare? Sed sic amor nostri te vrget, ut differre nequeas, quin statim velis esse nobiscum, cum quibus nullum habes lucrum? Nos autem, qui sumus foetidissima sanies, & indigni etiam tuâ creatura, quantumcumque vilissima, nominari, quomodo differimus ex quo tantum desideras nos esse tecum, quin te summum bonum speculum sine macula impetremus? Tu ergo bone Domine differre non vis, ut ostendis, nec nos differre volumus amplius, hodie ergo te repetimus, ut habeamus. Non enim tarda est institutio, quod esset si peteremus, & non impetraremus. Quia ergo te statim petimus, & desideramus, & hoc ipsum tu cupis, accede ad cor nostrum, quia ad te ascendit cor nostrum. En inebriatus es nostri, & nos tui amore. Te ergo ad nos, & nos ad te cum impetu iungit pondus amoris. Et iam omni mora sublata mutuus fit amplexus, & inter brachia tua deficit anima mea absorpta amoris feruore. Cum enim sensi amplexum tuum, excitasti animum meum, post cibasti, deinde inebriasti, tandem tuis amplexibus & osculis separasti animam meam, & in tuis brachijs quiescit. non eam quamuis indignam abijcis, non eam refugis, sed ad te stringens clamas, & dicis: Adiuro vos filie Hierusalem, ne euigiletis neque suscitare faciatis dilectam, donec ipsa velit. Sed adiuro clementiam tuam bone Iesu, quare dixisti quotidianum? Nonne continue vis esse cibus noster? Nonne sufficit si per vnam diem in nobis habitas, & moraris nobiscum? Quid fecimus tibi? Quid ergo dicam de beneuolentia tua? Nescio: quia in illis thesauris clementiæ tuæ deficit animus meus, ita ut non

Cant. 2. b.  
& 3. b

possit paruam considerare scintillam, tanta est abyssus eius. Et ideo aliud nescio dicere, nisi ex quo vis semper esse nobiscum, nos omni tempore simus tecum, & nunquam a te Sponso benignissimo & specioso, cibo suauissimo recedamus. Ita enim Domine tuo amore & deuotione nos conglutines tecum, ut non possimus a te recedere, nec velimus.

Sic ergo, *Panem nostrum quotidianum da nobis hodie. Et dimitte nobis debita nostra, sicut & nos dimittimus debitoribus nostris.* Hoc sic ordina & coniunge prædictis. O bone Iesu nobilissimum cælum nobis indignis seruulis tuis benignissime & instantissime obtulisti. Sed quid? Timeo ad conuiuium Esther, ut

Esth. 7. a

Aman inuitari. Et si illa bone Iesu non sit intentio tua, tamen timeo de iniustitia mea, quia agnosco peccata mea. Quid ergo? Conuiuium opulentissimum paratum est, nuncij, idest Angeli sancti ministrant, esuries me excitat & compellit; tamen accedere non præsumo, quia peccaui. Quid ergo faciam? Angustia sunt mihi vndique. Sed certe quid eligam scio.

Dan. 13. e

Ibo enim ad Patrem meum cælestem, de quo supra dictum est. *Pater noster, &c.* & dicam ei: Pater peccaui in cælum, & coram te. Iam non sum dignus vocari filius tuus, fac me sicut vnum de mercenarijs tuis, idest dimitte nobis debita nostra. Sed o felix recognitio culpæ, quæ promeretur Patris amplexus.

Luc. 15. e

Forte amoris feruore inter amplexus eius resoluar, & murabor in virum alterum, & aliquantulum audebo comedere de vitulo saginato. Dimitte ergo nobis debita nostra. O mira Dei nostri dignatio! ergo nos ipsum contempsimus, & pro vilissima sanie commutauimus, & tamen nobis suadet ut veniam petamus. Quomodo vult nobis veniam dimittere cum offensis, hoc autem non vult Angelis elargiri? Quomodo, quæso bone Domine potes nos amplius aspicere, qui ita turpiter a nobis abiicimus te?

Ergo ex quo tuipse suades, *Dimitte nobis debita nostra*, dimitte nobis: quia iam pro nobis ipse debitum soluisti, iam te ipsum pro nobis in sacrificio obtulisti. Tu es, qui nos doces, ut dicamus, *Dimitte nobis, &c.* Hoc facere potes. Nonne pax iam facta est? Nonne iam pacis conuiuium celebratum est, aut quotidie celebratur. *Dimitte ergo nobis debita nostra, sicut & nos dimittimus debitoribus nostris.* O beatum proximi debitum! o felix offensa, quam allegare coram Deo possumus in remissionem debiti nostri! Non ergo charissimi fratres contristemur, si nos offendunt homines, si nobis iniuriuntur, si nos affligunt, rapiunt, & accipiunt nostra; sed in his quantum est pro nobis exultemus & gaudeamus, immo affectemus & cupiamus: quia dimittendo ea proximis, allegare poterimus dimissionem debiti nostri. Non est dubium, quod magnæ virtutis, magnæq. efficacis est allegatio ista, quam sumus aduocatus, & iudex noster nos docet. Ergo dimitte, & dimittetur vobis.

Luc. 6. e

*Dimitte ergo nobis debita nostra, sicut & nos dimittimus debitoribus nostris. Et ne nos inducas in tentationem.* Quid enim Domine prodest baptizati, vel lauari a mortuo, si iterum tango mortuum? Non sufficit mihi Domine, ut peccata commissa dimittas, nisi etiam mi Domine a culpis, & a peccatis imminetibus custodias. Nam promptissimus sum ad peccatum, & nisi me custodias, sine freno irruam in peccatum. Quid Domine profuit Aman, quod a rege Assuero super omnes principes fuit elatus, cum postea inflatus superbia fuit suspensus in ligno? Quid enim mihi prodest, quidquid in præmissis petitur verbis, nisi me contra tentationes conserues in bono? Ergo, *Et ne nos inducas in tentationem.* Vis bone Iesu, ut sic petamus, quia multotiens permittis nos temptationibus stimulari, ut ad te recurramus. Omnem modum, & viam, qua possis nos ad te trahere exerce, quia tecum nos cupis habere. Tentatus ergo ad amplexus paternos, fugiam, ut recipiat me fugientem & timidum, & dicam

Eccli. 34. d

Eccli. 3. a

Eccli. 3. a

Eccli. 3. a

Eccli. 3. a

Eccli. 3. a

Eccli. 3. a

Eccli. 3. a

Eccli. 3. a

Eccli. 3. a

Eccli. 3. a

Eccli. 3. a

Eccli. 3. a

Eccli. 3. a

Eccli. 3. a

Eccli. 3. a

Eccli. 3. a

Eccli. 3. a

Eccli. 3. a

Eccli. 3. a

Eccli. 3. a

Eccli. 3. a

Eccli. 3. a

Eccli. 3. a

Eccli. 3. a

Eccli. 3. a

Eccli. 3. a

Eccli. 3. a

Eccli. 3. a

Eccli. 3. a

Eccli. 3. a

Eccli. 3. a

Eccli. 3. a

Eccli. 3. a

Eccli. 3. a

Eccli. 3. a

Eccli. 3. a

Eccli. 3. a

cam ei: *Et ne nos inducas in tentationem.* Hoc vult, hoc desiderat, hoc expectamus Pater, vt ad refugium curram, & auxilium, & sinum eius, vt totaliter de me diffidens solum de ipso confidam. Ergo, & ne nos inducas in tentationem.

*Sed libera nos a malo. Amen.* Verum est Domine, quia sumus digni omni malo, quia contempsimus omne bonum, sed vide clementissime Pater infinitam misericordiam tuam, & omnino detestabilem nequitiam nostram, & releua a nobis paruulis, nobis infirmis importabile onus: a malo opprimente, destruente, & retardante a bono, libera famulos tuos, vt libere possimus dominatui tuo seruire & vacare, & maxime ab illo terribili & horribili malo æterno nos libera, ne tua desiderabili visione priuemur, quod horrent omnia ossa nostra. Quid enim mihi prodesset, tuam creaturam fuisse, nisi te habeam, & totus in te ferat, & totaliter in vita æterna? Quam nobis concedet ille, qui est benedictus in sæcula sæculorum. Amen.

*Alia dua breues expositiones super orationem Dominicam. Cap. XVIII.*

*Coloss. 3. d.* POSSUNT autem supradicta aliter explicari sic, vt Pater noster præmittatur, vt cõfidenter ad Christum accedamus. Qui es in cælis, vt quæ sursum sunt queramus, non quæ super terram. Sanctificetur nomen tuum, quantum ad fidei illustrationem. Adueniat regnum tuum, quantum ad spei firmitatem. Fiat voluntas tua, quantum ad charitatis cõformitatem & perfectionem. Panem nostrum quotidianum, quantum ad nutrimentum & fulcimentum temperantiæ, quod maxime exhibetur in pane Eucharistiæ. Et dimitte nobis debita nostra, &c. quantum ad correspondentiam, & meritum iustitiæ per hoc quod subditur: Sicut & nos dimittimus, &c. Et ne nos inducas in tentationem, quantum ad actum prudentiæ, quæ est in præcauendis insidijs. Sed libera nos a malo, quatum ad actum fortitudinis, quæ est in tolerandis aduersis. Amen.

*Alia expositio.*

POSSUMUS autem supradictas petitiones exponere pro his, quæ habituri sumus in patria, vt sanctificetur nomen tuum, referatur ad apertam visionem, quasi diceretur quod nunc per speculum, & in ænigmate videmus, tunc pure & sine terra, & sine aliquo medio videamus. Adueniat regnum tuum, quantum ad firmam tentationem, vt in æternum regnemus. Fiat voluntas tua, quantum ad consummatam dilectionem, quæ plene amantem in amatum transformat. Et tunc exponendum est, Sicut in cælo, & in terra, idest sicut in Angelis, & in hominibus fiat. Panem nostrum quotidianum, &c. quantum ad suauissimam fruitionem. Et exponendum est quotidianum, idest continuum, quia semper ibi est dies. Et exponendum est hodie, pro præsentia, quæ non habet præteritum, & futurum, sed est tota simul, quod melius per præsentia notatur. Et dimitte nobis, &c. In quo petitur aduentus anni iubilei, in quo omnia debita dimittuntur veris Iudeis, idest pœnitentibus, & confessis, & homo homini, & Deus hominibus talibus vniuersa delicta dimittit. Et ne nos inducas, &c. in qua petitur illa pacis pulchritudo, de qua dicitur: Sedebit populus meus in pulchritudine pacis, vbi non est amplius satan, nec malus occurfus. Sed libera nos a malo, quasi diceret, Duc nos ad illum statum, qui est omnium bonorum aggregatione perfectus, & in priuatione omnium malorum iucundus. vbi vere liberati erimus a malo. Hæc autem expositio vltima multam admirationem, & miram, vel nimiam deuotionem, medullarem exultationem, plenam laudis persolutionem requirit, & in ea satis sunt miri & inenarrabiles contemperationes thesauri, sed non sufficio, nec sum dignus eos dispensare, nec ponere in os meum immundum, maxime cum regis Assueri aulam ingredi non valeam.

*Isa. 32. d.*

*Eph. 4. c.*

A non vocatus, & ideo simplicitati nostræ sufficere, quæ supra diximus foris in attritu existentes. Ipse autem Christus ad nos in clementiæ signum virgam auream extendat, vt possimus secure ad ipsum introire, secum in æternum regnare, qui est benedictus in sæcula sæculorum. Amen.

*Eph. 5. a*

*Meditatio super Salve Regina. Cap. XIX.*

A D salutandum beatam Virginem Mariam, primo debes eius magnitudinem considerare. Nec enim circa Filium eius potuit amplius eleuari, quam vt Mater Dei vocaretur. Exultans ergo & admirans magnitudinem Matris nostræ deuote & reuerenter ad ipsam accedens dicito, *Salve.* Hoc dicto, statim in tuam resiliis paruitatem, & magnificentiam Matris Dei, & dic: Patientiã habe in me Domina, quod ego vilissimus hominum audeo assistere tãrã Domina, & salutare præsumo reginam cælorum, Dominã Angelorum, & Matrem Dei mei. Sed de tua benignitate humili, & humilitate benigna confido, quod me indignissimum sustinebis. Et quamuis sis arca veteris testamenti, & ego multo ignobilior; tamen cū te tetigero corde, & salutauero ore, non credo percuti, sed tuo amore potius inflammari, & tua pietate largissima in omnibus exaudiri. Ergo *Salve Regina.* Sub tuo regimine Domina volo de cetero militare, & me totaliter tuæ dominationi cõmitto, vt me plenarie regas, & gubernes. Non mihi me relinquis; quia sum mihiipsi contrarius nimis. Quidquid ergo mihi dimiseris, noueris miserrime deseruiendum. Sed cum plenus sim miseria, & a planta pedis vsque ad verticem putrefactus gerens horrorem fœtoris, quomodo me regere dignaberis tã nobilissima creatura? Certe, quia tu es regina misericordiæ. Et qui misericordiæ subditi sunt, nisi miseri? Sed regina misericordiæ es, & ego miserrimus peccatorum. Quomodo ergo Domina non exercebis in memetipsum tuæ miserationis effectum? Vere Domina regina es misericordiæ, quia non est in hac vita sic desperatus, sic miser, cui nō impetres misericordiam salutarem, si ad tuum declinauerit regimen. Certe Domina cū te aspicio, nihil nisi misericordiam cerno. Nam pro miserijs Mater Dei facta es, misericordiam insuper genuisti, & demum tibi miserendi est officium commissum. Vndique sollicita de miserijs, vndique misericordia vallis, solum misereri tu videris appetere. Multum sollicita es, miseros hos in tuos filios adoptare, hos regere Domina voluisti, & ideo regina misericordiæ tu vocaris. Quid ergo de cetero formidamus, quid timemus, & quis a te, quod petierit non habebit? Certe nullus, nisi qui se miserrimum non recognoscit: quia non subest tuo regimini nisi miser. Aut etiam si se cognoscit miserrimum, de tua misericordia non confidit? Illi ergo paucañt soli, qui se existimant esse iustos, & superbi præsumptuosi, qui tuo regimini non subsistunt, & illi miseri, qui tuam misericordiam non requirunt. Nos ergo miseri tecum de cetero consolemur, tecum amodo Domina habitemus, demum totis visceribus amplectamur: quia tu es vita. Vita vere, quæ mortem superbiæ vicisti: quæ nobis vitam gratiæ impetrasti, vitam gloriæ genuisti. Et non est dubium, quod vitam naturæ multis reddidisti. O vita mirabilis, quæ mortuos viuificare conaris! Per te o Domina a priuatione est homo regressus ad habitum. o vita mortem non timens, mortem expellens, mortales immortales constituens! o certa vita amabilis, vita desiderabilis, vita delectabilis! o vita non senescens, sed potius senes ad iuuentutem reducens! o vita carnales vitas ad nihilum redigens, & abhorrens! o vita, quæ nutris cælestibus alimētis! o vita certe contraria vitæ mundi! Qui enim vult te habere se affligat, delicias respuat, delicata quæque contemnat, & qui amplius mortificatus fuerit, amplius te possidebit. o vita diuina fortificans potestate scilicet



scilicet impetratione diuina, diuina sapiētia regulās, & diuina vegetans bonitate. Si vita mea es, cur non semper in me es, cur non semper vegetas animam meam? Quis mihi tribuat, vt semper gaudeam beneficio huius vitæ? *Dulcedo.* Vera dulcedo, quæ amaritudinem peccati, veniam impetrando, expellis, quæ nobis dulcedinem gratiæ & vitæ acquiris, quæ ad suauis cælestis patriæ contemplationes introducis. O dulcis Domina, cuius sola memoria affectū dulcorat, cuius meditatio magnificentiæ mentem eleuat, cuius pulchritudo oculum exhilarat, cuius amoenitatis immensitas cor meditantis inebriat! O Domina, quæ rapis corda dulcedine! Nonne cor meum Domina rapuisti, & vbi quæso posuisti illud, vt ipsum valeam inuenire? Numquid in sinu tuo, ne inueniam, collocasti? Numquid inter vbera tua posuisti illud? Fortasse ibi posuisti illud cor meū, vt quod frigerat tibi, calefiat. O raptrix cordium, quando mihi restitues cor meum? quare sic corda simplicium rapis? quare violentiam facis tuis amicis? Numquid semper vis ipsum tenere? Cum id a te postulo, mihi arrides, & statim tua dulcedine consopitus quiesco, & in me reuersus cum iterum postulo, me amplexaris dulcissima, & statim inebrior tui amore, & tunc cor meum non discerno, nec aliquid scio petere nisi tuum. Sed ex quo sic est cor meum tuo dulcore inebriatum, gubernat illud cum tuo, & in sanguine agni conserua, & in latere Filij colloca. Tunc assequar, quod intendo, tunc possidebo quod spero, quia tu es spes nostra. Nonne Domina tu es regina, nonne tu es nostri Mater præmij, scilicet Christi, qui est præmium bonorum, & beatorum? Nonne tu es, quæ tantum nos exaltare desideras? Nonne plus sine comparatione nos diligis, ac bonum nostrum procuras amplius, quam mater carnalis? Si ergo nos vis facere gloriosos, immo quia vis, quis poterit te prohibere? Sperent in te, qui nouerunt nomen tuum, quoniam non derelinquis quæ rētes te Domina. Certe qui sperant in te, mutabunt fortitudinem, assument pennas, vt aquilæ, volabunt, & non deficient; current, & non laborabunt. Quis enim non sperabit in te, quæ etiam adiuuas desperantes? Et quis non sperabit in te, per quam exaudita sunt patrum preces, & eorum adimplera sunt promissa? Quid potuerunt patriarchæ, & prophete desiderare, quod per te Domina non fuerint assecuti? Si antiqui hæc omnia habuerunt per te, quomodo nos, qui sumus vnici Filij tui sanguine redempti non habebimus, quod voluerimus postulare? Non dubito, quod si ad te venerimus, habebimus quod voluerimus. In te ergo speret, qui desperat, qui deficit ad te recurrat cōfidenter, ad te perueniat, qui vult aliquid impetrare, dicendo, *Salue.* Quid ergo de cetero a tui salutatione poterit nos prohibere, ex quo es vita dulcedo, & spes nostra? Quid ergo a tua reuerentia, ex quo es regina, nos poterit impedire? Et quid est, salutationem replicare, nisi tibi sine fine reuerentiam exhibere. Quid est salutare, & iterum salutare, nisi salutem & salutis profectum a te Domina postulare? Quid salutamus, & iterum salutamus, nisi vt tam interius, quam exterius per te Domina salubriter custodiamur? Quid saluto, nisi quia vtrumque hominem tuæ reuerentiæ expono? Quare te salutavi, nisi vt te haberem? Quare iterum te salutavi, nisi vt per te Filium tuum possiderem? Quare te salutavi, nisi vt redderem te attentam ad vota mea? Et iterum quare te saluto, nisi vt bene suscipias, & perficias ipsa vota mea? Aut certe primo te volumus salutare, vt te commendemus, secundo vt post hanc miseriam, Filij tui gloria gaudeamus. Primo es Domina salutata, vt per te gratia impetretur. Secundo, vt per te ad gloriam perueniatur. *Ad te*, ad te vere, quia tu sola Dominū genuisti, tu sola interemisti vniuersam hæreticam prauitatem. Tu sola es Domina regni, tu sola es gubernatio præmij. Ad te matrem misericordiam,

Psal. 9. b

A matrem certe, quæ lauas nos a facibus peccatorum, quæ nos consolaris in cunabulis vagientes, paruulos esurientes lactas, cuius brachijs sustentamur deficientes. Tu vere consolidas vulneratos, ad salutem perducis ægrotos. Et non solum mater, sed etiam medicina facta es miserorum, quæ es Domina Angelorum. Ad te certe, quæ non derelinquis delinquentes, quæ non respuis fugientes, quæ blandimentis nos allicis, delictijs nos foues, & nutris. *Ad te clamamus.* Quomodo nō clamaremus, qui vulnera sustinemus, plagas sentimus, quia inimicis vndique circūdamur? Clamamus angustiat, miserijs infinitis oppressi, clamamus cordis anxietate, stomachi vacuitate, doloris acerbitate. Aut forte erga te amoris immensitate clamamus, ne somnolētia tibi erga nos inducatur. Quare enim obdormis Domina? Surge & adiuua nos. Clamamus etiam, vt nostram tibi manifestemus miseriam: quia clamare necessitas nos compellit. Et etiam ad te clamamus, vt te ad compassionē amplius moueamus. Propter hunc clamorē rauæ factæ sunt fauces meæ. Quid ergo amplius moraris? Quid affligi nos permittis? Si ergo multum tardaueris, & vocem clamando amiseris, ad te amplius clamare nequibo. Et heu mihi, quid tunc faciam, cum nec exaudire me poteris, nec audire? Quid faciam Domina, cum a te fuero penitus destitutus, cum tua vbera non poteris ministrare? Cito Domina subuenias clamanti, ne in manibus subijciar inimici. Curre, festina Domina, & tuum nequissimum seruum ac infidelissimū ad te clamantem parcendo adiuua, & eripe de manibus inimici, & periculis tui hostis. Si aliud Domina te allicere non deberet, nisi quia tuus hostis audet tuos seruos fraudulenter inuadere, deberes ad nos quantocyus festinare. Curre, & libera nos Domina propter suam superbiam comprimendam. Curre, ne inimici tui dominantur in nobis clientulis. Curre ne dicant, vbi est Deus eorum, de cuius clementia confidebant. Nec mireris Domina, si clamamus; quia fumus a te nimium elongati in regionem longinquā: dissipauimus partem nostrā, quasi diceretur: Si prope essemus, planius possemus loqui: & ideo, quia longe sumus, clamamus exules; exules a patria, exules a visione diuina; & vtiā non exules a gratia, exules a consolatione materna. O anima, cur non es potius separata a corpore, quam a tua Domina? Exulata es a Christo capite, & quomodo potes misera sine capite ambulare? Nonne ambulare sine capite monstruosum est? Heu mihi, cur in tam longum exiliū relegatus sum? Quomodo vel quando videbo Deum Saluatorem meum, aut quando potero saltem Domina meam intueri? Non dubito Domina, quod si ad te tamquam exules clamauerimus corde, te & tuum Filium plene possidebimus. Cur ergo volumus hic quiescere? Cur ad patriam non anhelamus? cur non affectamus matrem dulcissimā amplexari? Quare non desideramus secū eum Filio suo commorari? O Domina, dum hic sumus, exules constituas nob, ne etiam tamquam in patria confidentes querere te: & Filium tuum desistamus. Sic tamen constituas exules in corpore, vt hic tecum simus ciues in mente. *Filij Eua.* Vere filij Eua, quia superbi & presumptuosi: vere filij Eua; quia ambitiosi & auari, saltem scientia & vtiā non te aliena, gulosi, carnales, & inobedientes, & breuiter in omnibus ipsam Eua sequentes, & promptissimi ad malum, difficilesque ad bonum. Et si contingat aliquem filium bonorum operum generare, cum quadam cordis tristitia, & dolore parturimus, sed malum cum gaudio perpetramus. Nec nobis sufficiunt mala nostra, sed sicut Eua Adam, ita nos alios maculamus ad malum. Et etiam sicut ipsa excusabat se, ita & nos in defectibus nostris excusamus, aut saltem si possumus in alios retorquimus. Tædet nos vesci ligno vitæ, & in cruce Dominum contemplari, & manus ad lignum prohibitum applicamus.

Non

Psal. 43. d

Psal. 68. a

Psal. 78. c

Luc. 15.

Iob 19. d

Non curamus per contemplationem paradisi delictis consolari, sed potius volumus in peccatorum facibus habitare. Plus enim placet nobis in multo labore, & sudore vilia agere, & acquirere, quam Dominum gloriz degustare. Nisi enim Domina nos adiuuisset, fortasse iam ad inferni profundissima venissemus. Nec enim est, quod nos possit excusare, quia non te, sed Euam in omnibus imitatur. ac propter hoc Domina, *Ad te suspiramus*. Suspiramus autem de tam bonæ matris absentia, venire ad te Domina cupientes, suspiramus ad te, tuum Filium affectantes. Suspiramus ad te, tamquam paruuli ad tua vbera anhelantes, suspiramus ad te desiderio tui, suspiramus & amore nostro. Nullus enim nisi tuus amor, quo erga te sumus Domina inebriati intrinsecus, cogit nos ad te Domina suspirare. Quis enim non te diligit repartricem omnium, amoris caminum, pulchriorem sole, dulciorem melle, bonitatis thesaurum, honestatis speculum, omnis sanctitatis exemplum? Omnibus es amabilis, omnibus es affabilis, omnibus delectabilis. Sedes es sapientiz, fluuius clementiz, radius Deitatis, nec est qui se abscondat a calore tuo. Quis ergo ad te non suspirabit? Amore etiam suspiramus, & dolore; vndique namque nos angustiz premunt. Quomodo ergo nunc non suspiramus ad te, quæ solatium es miserorum, refugium expulso-  
rum, liberatio captiuorum, medicina infirmorum, mater paruulorum, sponsa adulatorum, regina bellatorum, Domina vniuersorum, & etiam inimicorum, nec est qui tuæ voluntati valeat obuiare? Sic afflicti, sic miseri ad te talem Dominam suspiramus, gementes & flentes in hac lacrymarum valle. Tu Domina nōne vides quomodo, & qualiter sumus amaritudine pleni? Intus fumus gementes, & exterius flentes in loco lacrymoso iacētes. Onerati peccatis gemimus, aggrauati molestiis flemus, abundantes miseriis in valle lacrymarum sumus. Gemimus sauciati, flemus spoliati, in valle lacrymarum sumus destituti. Gemimus Solem iustitiz non videntes, flemus inimicis nostris seruiētes, in valle lacrymarum sumus tuum auxilium implorantes. Hæc est certe vallis lacrymarum, ad quam omnia lacrymabilia fluunt, gemebunda decurrunt, flebilia ruunt. Ad hanc vallem fluxerunt demones infernorum, peccatum protoplastorum, miserie antiquorum. Quid autem amplius dicam? Non sufficio, nec scio huius vallis detestabilia enarrare. *Eia ergo aduocata nostra illos tuos misericordes oculos ad nos conuertere*. O laudabilis clementia Creatoris, quæ sic afflicti tam nobile & laudabile subsidium dignatur elargiri! O certe Dei nostri mira benignitas, qui suis reis te Dominam tribuit aduocatā, vt a Filio tuo inter nos, & ipsum iudicem constituta, quod volueris pro nobis valeas impetrare! Nec enim dubium est, quod nostra culpa iuste damnabat, quos cōseruat tuæ aduocatio pietatis. O mirabilis erga nos misericordia Dei nostri, qui ne alias fugeremus pro sententia, non solum dignatus est communicare se nobis in iudicem, vt esset Deus & homo Iesus Christus, a quo debet sententia promulgari; sed voluit ipse sua viscera misericordiz matrem suam Dominam gratiz, nostram instituere aduocatam. Et ideo non timendum est, quin miserearis miseris, & ad illam partem inclines sententiam, quam defendis & nobis exhibeas gloriam, quam causaris. Scio bene, quod post sententiam non est appellatio ad maiorem: quia & si iudex sit homo tuus Filius, est tamen & Deus Filius Dei Patris: Non enim video Domina, quomodo aliquid tibi valeat denegare, qui vult, vt per te cælestem patriam habeamus. Hoc est enim quod cupit Deus noster, hoc est quod desiderat, hoc est pro quo te matrem constituit aduocatam. Non ergo restat Domina, nisi vt illos tuos misericordes oculos ad nos conuertas. *Eia ergo aduocata nostra illos tuos misericordes oculos ad nos conuertere*. Non enim dubito, quod si no-

stras aspexeris miseras, non poterit tua miseratio suū retardare officium. Mirabiles, necnon & amabiles tuorum radij oculorum, quibus nos allicis ad amorem, & ad plenam Domina salutem venenatos oculos eruis basilisci. O Eux oculi venenati, cur non offertis vos oculis Virginis, si vultis perfectam recipere medicinam! Nam suorum claritas oculorum vmbas expellit, effugit cateruas demonū, purgat vitia mentium, corda congelata succendit, demum ad cælestia trahit. O Domina, quā beati sunt, quos viderint oculi tui! Hos ergo oculos ad nos conuertere. *Et Iesum benedictum fructum ventris tui nobis post hoc exilium ostende*. O venter mirabilis, qui potuit capere Creatorem! O venter laudabilis, qui meruit recipere Redemptorem! O venter desiderabilis, qui emanauit desiderium mentium, gratiarum fluuium, gloriæ præmium! O venter, non venter, sed cælum empyreum. In hoc ventre fuit pretium perditorum, felicitas beatorum, Deus Angelorum! O beatus venter! O beata viscera! O beata vbera! O Domina nostra! O fons pietatis, locus sanctitatis, flumen bonitatis, venter tuus Domina! O felix venter, qui solem genuisti, mūdum reparaſti, patriam recuperaſti! O quā pretiosus venter, qui portauit medicinam infirmis, vitā mortuis, & paradysum iustis! O venter eburneus, & sedes sapientiz! O venter tornatilis, & celsitudo gloriæ! O venter amabilis, & dulcedo animæ! O eleuatio mentium, inebriatio cordium, suauitas peccatorum, fructus tuus Domina! hic est vere fructus beatus a principio sui ortus: hic est Iesus Filius Dei viui, hic est Saluator noster Dominus Deus noster. Hunc Iesum benedictum fructum ventris tui, nobis post hoc exilium ostende benignum; vt ipsum videndo, ipsum habeamus; ipsum habendo, ipso perfruamur. O clemens indigentibus! O pia exorantibus! O dulcis diligētibz! O clemens pœnitentibus! O pia proficientibus! O dulcis contemplantibus! O clemens laborando! O pia largiendo! O dulcis te donando! O clemens cōsolando! O pia blandiendo! O dulcis osculando! O clemens in effectu! O pia in affectu! O dulcis in affatu! O clemens in conceptu! pia in aspectu, dulcis in amplexu, dulcis in amore rectis, clemens in subiectis, pia in correctis, & dulcis in dilectis. O clemens, o pia, o dulcis Maria. Amen.

*De statu beatorum in cælesti Hierusalem.*  
Cap. X X.

**A**D contemplandum quietem omnium, de cælesti Hierusalem aliquid balbutiendo prorūpam. Nam locus est altissimus, splendidissimus, latissimus, & firmissimus. Societas est nobilissima, speciosissima, benignissima, purissima, incessabilissima, id est nūquam cessabit, nec remittetur. Ibi habebimus Dominum potentissimum, excellentissimum, iustissimum, & liberalissimum, Patrem nobilissimum, ditissimum, prouidentissimum, & piissimum, fratrem simillimū cūrialissimum, sapientissimum, & optimum, sponsum pulcherrimum, singulariter summum, suauissimum & amore feruentissimum. Quantum ad nos, erit ibi aperta visio, firma tentio, consummata dilectio, cōtinua laudatio, reuerentia profundissima, admiratio altissima, exultatio sanctissima, & deuotio intima: & in corpore erit agilitas, claritas, subtilitas, & impassibilitas. Ex prædictis omnibus conſurget fruitio perfectissima, satietas sufficientissima, sobrietas sobrijsima, voluptas pudicissima, cordialis diffusio, iucundissima amplexio, seu complexio, medullaris transformatio, centralis quietatio, omnis amœnitas, omnis suauitas, omnis securitas, & omnis libertas: quia liberi erimus ab omni iniuria, violētia, culpa, & miseria. Et sic absterget Deus omnem lacrymam ab oculis sanctorum suorum, & mors vltra non erit, neque luctus, neque clamor, neque dolor erit vltra;

*Apoc. 7. d.  
& 21. b*

Iſa. 66. d

ultra; quia prima tranſierunt vt veritas in Apocalypſi teſtatur. Felices lacrymæ, quas manus Conditoris abſterget. Et ideo veritas per Iſaiam dicitur: Ad vbera portabimini, & ſuper genua blandiétur vobis. Quomodo ſi mater blandiatur Filio, ego conſolabor vos, & in Hieruſalem conſolabimini. Et quoniã tantum gaudebimus de bono alterius, quantum diligimus eum; & ibi vere diligemus omnes alios, ſicut & nos, & Deum perfectiſſime pluſquam noſmetipſos: ideo multiplicabitur gaudium noſtrũ ſecundum inæſtimabilem numerum Angelorum, & ſanctorum, de quorum gaudio gaudebimus ſicut de noſtro. Et pluſ ſine comparatione gaudebimus de immenſitate diuinæ potentie, ſapientie, & bonitatis; quàm de felicitate noſtra. Et quia iſtud eſt exceſſiuum, ſic abſorbemur gaudio de felicitate diuina, & intrabimus in gaudium Domini intus, & foris vndique abſorpti, & circumdati gaudio exceſſiuo. Nec mirũ, quia pluſ ſine cõparatione nos diligit Deus, quàm noſipſi nos,

A & ideo ſine comparatione pluſ dabit nobis gaudij, & lætitiæ, quàm ſciremus aut poſſemus petere vel appetere. Sic ergo abundabimus, & ſuperabundabimus gaudio: quia diligentes, & quia dilecti, quia nec oculi vidit, nec auris audiuit, nec in cor hominis aſcendit, quæ præparaſti diligentibus te. Immo non ſolum cor hominis viatoris, ſed nec etiam comprehenſoris, aut alicuius Angeli poteſt aut poterit illud bonum infinitum, & gaudium nobis paratum & oblatũ comprehendere. Sic ergo intrabimus in gaudiũ Domini noſtri. Gaudens ergo gaudebo in Domino ſemper & ei de tantis beneficijs gratias exhibebo. Gaudebũt labia mea, cũ cantauero ſibi, & anima mea quam ſic nobiliter ſeiſpo redemit. Lauda ergo Hieruſalẽ Dominum, lauda Deum tuum Sion. immo laudent eum celi & terra, mare, & omnia, quæ in eis ſunt. Iã ſuper omnes vicos Hieruſalem halleluia dicamus. Lauda ergo anima mea Dominũ, laudabo Deum meum in vita mea, & illũ mecũ laudet omnis creatura. Amen.

Pſal. 70. d

Pſ. 147. a

Pſal. 68. d

Tob. 13. d

Pſal. 145. a

# S. BONAVENTURAE

EXIMII ECCLESIAE DOCTORIS

Opusculum, quod inſcribitur;

A M A T O R I V M.

*Prologus huius Opusculi ſatis docet Auctoris ſcopum, qui propoſitis beneficijs, quibus homo a Deo eſt affectus. eundem allicit ad Dei amorem; ideoque Amatorium hoc inſcribitur opusculum. Quod quia ex varijs Auctorum locis conſtituitur, non ſine magno labore ſuo priſtino nitore quantum fieri potuit, reſtitutum eſt, conqueſtis locis eorum, qui citantur. Erant enim antea in eo multa perturbata, tum quia vni Auctori aſcribebatur, quod alterius erat; id quod ex indiligentia prouenit impreſſorum, qui appoſitos econtra in margine Auctores, vt ſe feciſſe S. Bonaventura in prologo ſcribit, intra textum præpoſtere collocarunt. Tum quia marginales notationes ex incuria iſdem in textum irreperunt, quæ omnino ſententiam peruerterebant: quibus eliminatio, & Auctoris econtra in margine debito loco appoſitus textus integer eſt redditus.*

## PROLOGVS.

**D**RAESENS opusculum, qui legerit, intencionem eſſe ſciat opificis, quaſdam ſanctorum auctoritates ſub cõtinuatione ordinare ſtudiſſe, eorundem nominibus ecõtra in margine intitulatis, quæ animum legentis vel audientis, ad amorem ſui Conditoris efficacius debeant inclinare, ſumpta primitus materia de excellentia primæ conditionis, homini collata, conſilio totius ſanctæ Trinitatis, & opere Maieſtatis diuinæ. Deinde hominem alloquitur ſolum, oftendens ei & aſtruens, homines ceteros non tantum ac vniuerſa ad obſequium ipſius, & ſolamen condita vel creata; immo & amoris priuilegiũ ſingularis, ſpeciali ei munere data. Proſequitur deinde cõſequenter, tam neceſſitatem, quam piam liberalitatem incarnationis Chriſti & paſſionis pro homine: quæ duo potiſſimum ingratitudinem expellunt, & cor humanum efficacius ad amorem ſui Conditoris inducunt. Ex quibus quattuor præmiſſis, dignitate videlicet primæ creationis, priuilegio ſingularis amoris, dignitate piæ redemptionis, peccator meditando in ſe reuerſus, plerumque compungitur, & abiecto quidquid mundaquũ ſapit, totus ad Chriſtum con-

D uertitur, quem ſui totius non ignorat auctorem & benefactorem, & omnium bonorum largitorem. Et ſit, vt tâto pluſ per humilem ſatiſfactionem Deo fiat propinquus, quanto per inobedientiam prius ab eo extitit alienus. Et hoc quidem fuit principale intentum in hoc opere, vt ex recognitione beneficiorum Dei circa homines, & amoris, alter ad alterum quaſi conſabulando degenerem ſe agnoſceret, pro ingratitudine ſua, filiali potius quàm ſeruili contritione cõpunctus, tam pium patrem, tam ingratus filius ſe excitaret filialiter ad amandum. Ratio ergo intentionis opificis, hominem ſui Creatoris prouocare fatagens ad amorem, præſenti labori Amatorium nomen imponit.

## A M A T O R I V M.

**A**D te ſermo meus dirigitur, quiſquis primæ conditionis tuæ dignitatem ignorans, tuæ reformationis laborem & pretium non attendis: vt conſideratione tantæ dignitatis, & dignationis tantæ, tam beneficium Deum, tam benignum Dominum, mutuo intuitu diſcamus pariter amare, cui pro vniuerſis ſuis beneficijs ſemper hucusque indeuoti fuimus & ingrati.

In

**Anselmus.** In primis igitur te admoſeo, vt ſine intermiſſione recorderis, quàm dulcis, & quàm bonus ſit erga te Creator tuus, quanta bonitas eius fuit, quòd te cum non eſſes, creauit, & quòd te non pecus aut creaturam inſenſibilem, ſed etiam creaturam fecit, qua eum poſſes intelligere, amare, & cum eo ſuam æternitatem, æterna & felix poſſidere. Et quòd intantum te dilexit, vt cum multa contra ſuam voluntatem acturam ſciret, voluit te tamen facere & eſſe. Et quòd tecum tanta manſuetudine, vt pius & miſericors adhuc patitur, expectans tuam emendationem, quia nullo modo te cupit perdere, ſed adhuc te patitur viuere, adhuc tibi ea, quæ ſunt neceſſaria ad ſuſtentionem huius vitæ, non deſinit miniſtrare. Et ſicut rebus ipſis experiri poteſ, peccatis tuis nō poteſ eius bonitatem vincere, ne adhuc te velit ſicut promeruisti confundere, vel ex toto deſtruere. Certiſſimum eſt ergo illum pium eſſe erga te, qui tanta bona tibi largitur, nec adhuc de tuis iniquitatibus ſe quærit vindicare. Præterea de eius benignitate adhuc cogita. Vt autem communia replicem; quot ſunt membra in corpore, tot beneficia inuenies magna. & pro minimo membro plus debes amare Deum, quàm multi amant eū, pro cunctis beneficijs, quæ ab eo recipiunt. Si quis amiſſiſſet oculum, quantum amaret eum, qui ſibi illū reſtitueret? Et ſi quis meruiſſet amittere eum, quantum amaret illum, qui ſibi oculum conſeruaret? Nec minus amandus, qui eum ab initio dedit, & qui datum conſeruauit, cum multoties vtendo eum contra Deum amittere meruit. Quod dixi de oculo, de ceteris membris cogita. Si vero tantum amandus eſt, qui dedit corpus, quantum amandus eſt, qui dedit animam, quæ in infinitum melior eſt corpore? Quæ ſi amiſſiſſet vſum rationis, quantum amaret illum, qui illum reſtitueret? Quantum ergo amandus eſt, qui tibi rationem dedit? Item. Quantum amandus eſt ille, qui mirabiliſſe corpus & animam coniunxit, & hanc coniunctionem tibi ſeruauit, cū peccando mortem multoties meruiſſes?

**Augustinus.** Cogita igitur, & recogita, tantam erga tui Creatoris benignitatem, & erige te ſicut erectus es, & omnes ſenſus tuos ad eius ineffabilem dilectionem. Nihil enim iuſtius, nihil ſalubrius, nihil vilius & dulcius, quàm quod ex toto homo diligat, quem ſui totius nouerit non ſolum auctorem, ſed & conſeruatorem. Si vero naturaliter amat filius patrem, a quo habet corpus quanto magis Deum amabit, qui corpus eius & animam ex nihilo fecit?

**Augustinus.** Et ſi amandus eſt genitor, tamen præponendus eſt Creator.

**Bern. de diſt. 1. de Deo ante mod.** Vt quid non amaret opus artificem, cum haberet unde id poſſet? Et cur non quantum omnino poſſet, cum nihil omnino niſi eius munere poſſet?

**Idē in Cāſ. ſer. 20. in princ.** Valde igitur mihi amandus eſt, per quem ſum, viuo, & ſapio.

**Idē in Pf. Qui habet ſat. ſer. 14. Princ.** Parum ne videtur tibi hoc? Cogita qualem te fecit. Nempe ſecundum corpus egregiam creaturam: ſecundum animam magis, imagine Creatoris inſignem, rationis participem, beatitudinis æternæ capacem. Porro cohærere ſibi fecit artificio incōprehēſibili, ſapientia inueſtigabili. Nec tamen ante promeruit, qui ante non fuit. Nec ſpes retributionis fuit, quoniam bonorum noſtrorum non eget.

**Idē ſer. 52. ſup. Cant. ſer. med.** Diſce igitur in referendo gratiam, non eſſe tardus aut ſegnus. Diſce ad ſingula dona gratias agere. Diligenter conſidera, quæ tibi apponuntur. nulla Dei dona gratiarum actione fruſtrentur.

**Aug. lib. de ſpir. & ani. 6. 33. 10. 3.** Tanta namque dignitas conditionis humanæ eſſe cognoscitur, vt non ſolo iubentis ſermone, vt alia ſex dierum opera, ſed conſilio ſanctæ Trinitatis, & opere Maiestatis diuinæ creatus ſit homo: vt ex primæ conditionis honore intelligeret, quantum ſuo Conditori deberet; dum tantum in conditione mox dignitatis priuilegium præſtitit ei Conditor, vt tanto ardentius

A amaret Conditor, quanto mirabilius ſe ab eo conditum eſſe intelligeret. Faciamus, inquit, hominem ad imaginem & ſimilitudinem noſtram. Nec hoc ſolum, quòd ſanctæ Trinitatis conſilio, ſic ab excellentia Conditoris conditus eſt; ſed etiam quòd ad imaginem & ſimilitudinem ſuam ipſe Creator omnium, eum creauit, quod nulli alij ex creaturis donauit.

**Gen. 1. d**

Quæ imago diligentius eſt in interioris hominis nobilitate conſideranda. Primo ſiquidem vt ſicuti Deus vnus ſemper vbique totus eſt omnia viuificans, mouens, & gubernans, quia in eo viuimus, mouemur, & ſumus: ſic anima in ſuo corpore vbique tota vigeſt, viuificans illud, mouens & gubernans. Neque enim in maioribus ſui corporis membris maior, & in minoribus minor, ſed in minimis tota eſt, & in maximis tota. Et infra eodem. Et hæc eſt imago vnitatis omnipotentis Dei, quam anima habet in ſe, quæ etiam ſanctæ Trinitatis quandam habet ſimilitudinem. Primo in eo, quia ſicut Deus eſt, viuit, & ſapit: ita anima ſecundum ſuum modum eſt, viuit, & ſapit. Eſt quoque in anima ſimilitudo Trinitatis, in eo quòd ad imaginem ſui Cōditoris perfectæ, ſcilicet & ſummæ Trinitatis, quæ eſt in Patre, & Filio, & Spiritu ſancto, condita eſt. Et licet vnus naturæ ſit illa, tres tamen digaitates habet, id eſt intellectum, voluntatē, & memoriā: ſine quibus anima perfectæ eſſe non poteſt. Quod idem, licet alijs verbis in Euangelio deſignatur, cum dicitur: Diliges Dominum Deū tuum ex toto corde tuo, ex tota anima tua, & ex tota mente tua, id eſt ex toto intellectu tuo, & tota voluntate tua, & ex tota memoria tua. Imago eſt in ſubſtantia, ſimilitudo in moribus. Nam ſicut ex Patre generatur Filius, & ex Patre Filioq. procedit Spiritus ſanctus; ita per intellectū generatur voluntas, & ex his amobus procedit memoria, ſicut facile a ſapiente quolibet intelligi poteſt. Nec enim anima perfectæ eſſe poteſt ſine his tribus, nec horum trium vnum aliquod quantum ad ſuam beatitudinem pertinet, ſine alijs duobus integrum conſtat. Et ſicut Deus Pater, Deus Filius, Deus Spiritus ſanctus eſt, non tamen tres dii ſunt, ſed vnus habens tres perſonas: ita anima intellectus, anima voluntas, anima memoria eſt; nec tres tamen animæ in vno corpore, ſed vna anima tres habens dignitates, atque in his tribus imaginem gerit eius mirabilem in ſua natura noſter interior homo. Ex his quaſi excellentioribus animæ dignitatibus iubemur diligere Deum, vt in quantum intelligitur diligatur: & in quantum diligitur, ſemper in memoria habeatur. Nec ſolus ſufficit intellectus, niſi fiat voluntas in amore eius. Immo nec hæc duo ſufficiunt, niſi memoria addatur, qua ſemper in mente intelligentis & diligentis maneat Deus, vt ſicut nullum poteſt eſſe momentum, quo homo non fruatur Dei bonitate, & miſericordia; ita nullum ſit momentum, quo præſentem eum non habeat in memoria. Et hæc habe de imagine. Nunc vero de ſimilitudine aliqua intellige, quæ in moribus credenda eſt. Vt ſicut Deus, qui hominem ad ſimilitudinem ſuam creauit, charitas eſt, bonus & iuſtus, patiens & mitis, mundus & miſericors, & cetera inſignia virtutum ſuarum, quæ de eo leguntur: ita homo creatus eſt, vt haberet charitatem, vt bonus eſſet & iuſtus, patiens ac mitis, mundus & miſericors foret. Quas virtutes quanto plus quiſque in ſeipſo habet, tanto propior eſt Deo, maiorem ſui Conditoris ſimilitudinem gerit. Si vero, quod abſit, aliquis per deſidia vitiorum & diuortia criminum, ab hac nobiliſſima ſui Conditoris ſimilitudine degener oberrat, tunc fiet de eo, quod ſcriptum eſt: Homo cum in honore eſſet, non intellexit, &c.

**Act. 17. f**

**Mat. 22. d**

**B** Quis maior honor potuit homini eſſe, quàm quòd ad ſimilitudinem ſui Factoris conderetur, & iſdem virtutis veſtimentis ornaretur, quibus & Cōditor? Quod quidem nulli alij ex creaturis, niſi ſoli homini conceſſit. De quo legitur: Dominus regnauit, decor

**C** rem

**D**

**E**

**F**

**Pſ. 48. d**

**Pſ. 92. a**

rem indutus est, &c. id est, omnium splendore virtutum, & totius bonitatis decore ornatus. Vel, quod maius homini potest esse dedecus, vel infeliciores miseria, quam, ut hac similitudinis gloria sui Conditoris amissa, ad informem & irrationabilem brutorum animalium delabatur similitudinem. Quapropter o homo diligentius attende primæ conditionis tuæ excellentiam, & venerandam sanctæ Trinitatis imaginem in teipso cognosce, honoremque similitudinis diuinæ, ad quam creatus es nobilitate morum, exercitio virtutum, & dignitate meritorum, habere contende: ut quando apparuerit qualis sit, tunc similis ei appareas, qui te mirabiliter iam ad similitudinem suam in primo Adam condidit, & etiam mirabilius, ut infra patebit, in secundo reformauit. In prima namque conditione gloria præuētus est & honore, in secunda pietate persecutus est & amore, ut ingratitude tuā erubesceres, & ad Conditorem tuum amorem tuum totum conuerteres, qui tanto artificio utebatur, ut nulum aliū præter ipsum amares. In primo opere conditionis tuæ de limo terræ plasmavit hominē Deus, & inspirauit in faciem eius spiraculum vitæ. Ecce qualis artifex, qualis vnitor rerum; ad cuius nutum sic conglutinantur sibi, limus terræ & spiritus vitæ. Limus quidem iam ante creatus erat, quando in principio Deus creauit cælum & terram. At spiritus sane non communem, sed propriam habet conditionem, nec in massa creatur, sed singulari quadam excellentia inspiratur.

Gen. 1. d

Aug. de spi.  
& an. c. 14.  
circa med.  
10. 3.

Ber. ser. 2.  
in Natali  
Dom. nō lō-  
go a princ.  
sparsim.

Aug. ibidē  
ubi supra  
prox. c. 9.

Joan. 10. b

Quem cum in hominem inspirasset, dedit ei sensum & intellectum, ut per sensum lutum sibi associatum viuificaret, & per intellectum regeret. Et ut per intellectum intus ingrederetur, & cōtemplaretur Dei sapientiam, & per sensum foris egrederetur, & cōtemplaretur opera sapientiæ; intellectu intus illustrauit, sensu foras decorauit, ut in utroque reflectionem inueniret, intus ad felicitatem, foris ad iucunditatem. Sed quia bona exteriora diu stare non possunt, iussus est homo ab exterioribus ad interiora redire, ab inferioribus ad superna ascendere. Tantæ siquidem dignitatis est humana conditio, ut nullum bonum præter summum ei sufficere possit.

Cuius duplex est vita, alia qua uiuit in carne, alia qua uiuit in Deo. Duo siquidem sunt sensus in homine, vnus interior, & alter exterior, & uterque bonum suum habet, in quo reficiatur. Sensus interior reficitur in cōtemplatione diuinitatis, sensus exterior in cōtemplatione humanitatis. Propterea enim Deus homo factus est, ut totum hominem in se beatificaret, & tota conuersio hominis esset ad ipsum, & tota dilectio esset in illo; cum a sensu carnis videretur per carnē, & a sensu mentis per diuinitatis cōtemplationem. Hoc erat totum bonum hominis, ut siue ingrederetur, siue egrederetur, pascua in factoris suo inueniret. Pascua foris in carne Saluatoris; pascua intus in diuinitate Creatoris. Sed heu hoc magnum bonum secutum est malum, quoniam perditio bono quod intus erat, egressa est anima ad bona aliena, quæ foris erant: & pactum fecit cum delectationibus sæculi, requiescens super illas, non attendens absentiam boni sui interioris, eo quod consolationes suas cerneret in bonis alienis. Nam cum exterior sen-

sus carnalis bono suo vititur, interior sensus mentis quasi obdormit. Non enim cognoscit bona interioris sensus, qui iucunditate exteriorum bonorum capitur. Nam qui carne uiuit, in carne sentit, & dolores carnis fugit, in quantum potest: vulnera autē animæ prorsus ignorat, nec medicinam quærit in eis. Cum autem mortuus fuerit sensus animæ, quo uiuit in carne, tunc viuificari incipiet sensus ille, quo sentiet semetipsum. Et tunc sciet dolores suos, & sentire incipiet vulnera sua, tanto grauius, quāto propius. Sic enim ad intellectum reuocata a corruptione carnalium affectionum se studet mundare, & ad naturā propriam qua Deum suum, qui eam possedit, fecit, & creauit, agnosceret, seipsam incitare, intelligēs, quod vita ipsius dilectio est.

Vnde scire potes homo & intelligere, quod vita animæ tuæ dilectio est, & quod sine dilectione esse non potest, eo quod vita ipsius est.

Cum anima ad solum Deum appetēdum sit creata, iure ei nihil sufficit, quod Deus non sit.

Restat igitur, ut verum amorem tuum in melius mutare studeas, eo quod in temporalibus & mundanis verus, & permanens amor non est: quibus animæ palatus infatuatur, ne sentiat amorem per desiderium, nec suauitatem per dulcedinem Conditoris sui. Non enim dubito, quin multis iam experimentis didicisti,

fallacem esse, & fugacem amorē huius sæculi, quem semper vel cum perit id quod tibi elegeris, perdere, vel cum aliud quod magis placet superuenerit, cogoris mutare. Sic desiderijs intus fluctuas, dum nec sine amore esse potes, nec verum amorem inuenis. Idcirco quasi in exilio erras, quia dum traheris per concupiscentias temporalium, amorem nō inuenis æternorum. O si teipsum suspiceres, o si animam tuam videres, quæ specie sua omnium visibilium decorem & pulchritudinem vincit, agnosceres cerre, quāta reprehensione dignus fueris, cum aliquid extra te amore tuo dignum existimabas. Ideo tibi iniuriam facis,

qui vel inhonesta, vel certe ea, quæ amore tuo digna non sunt, in societatem dilectionis admittis. Nunc vero quia faciem tuam, & speciem vultus tui, quæ in anima est, qualis sit contemplari non potes, facilius in ea, quæ foris admiranda videntur, affectum dilectionis extendis. Præsertim, quia amor numquam solitarius esse patitur, quia & in hoc ipso iam quodammodo amor esse desinit, si in alterum parilitatis confortem, vim dilectionis non diffundit. Scire tamen debes, quod idcirco vis dilectionis non extinguatur,

si a rebus abiectis & vilibus appetitus eius cohibeatur. Immo ille magis sibi iniuriam facit, qui vel inhonesta, vel certe ea, quæ amore suo digna non sunt, in societatem dilectionis admittit. Primum igitur necesse est, ut teipsum consideres, & cum cognoueris dignitatem tuam, quam proposui superius, immo & illam, quæ patet inferius, ne iniuriā facias amori tuo, abiectiora te non ames. Nam & ea, quæ per se considerata pulchra sunt, pulchrioribus comparata, vilescunt. Non vis habere amorem solitarium, nec enim potes, noli tamen habere profuturum. Quæras ergo vnicum, quæras & vnice dilectum.

Scis enim quia amor ignis est, & ignis quidem fomentum quærit. Sed caue, ne iniicias quod fumum potius, aut fœtorem ministrat. Ea vis amoris est, ut talem te esse necesse sit, quale est illud quod amas, & cui per affectū contigeris, in ipsius similitudinem, ipsa quodammodo dilectionis societate transformeris. Similitudo namque causa est amoris. Tuæ igitur pulchritudinē animæ attende, & intelliges, qualem debeas pulchritudinem diligere. Sponsum habet, sed nescit; pulcherrimus est omnium, sed faciem eius nondum vidit. Ille eam vidit, quia nisi eam vidisset, non eam diligeret. Sed vidit, quia eam creauit, quæ ipsius amore digna foret. Noluit adhuc seipsum ei præsentare, sed munera misit, arrham dedit, pignus amoris signū dilectionis.

Hugo de ar  
rha ani. in  
princ. fere.  
Greg. li. 26  
Mor. c. 28.  
cir. med.  
Hug. de ar  
rha ani. nō  
lōgo a prin.  
sparsim.



dilectionis. Si cognoscere illum posset, speciem eius A videret, non amplius de sua pulchritudine dubitaret. Sciret enim quod tam pulcher, tam formosus, tam elegans, tam vnicus in suo affectu captus non esset, nisi eum singularis decor, & ultra ceteros admirandus traheret. Nunc videre illum non potest, quia absens est, & ideo non timet, neque erubescit illi iniuriam facere, quia singularem eius amorem contemnit. Si vero adhuc scire non potest qualis ille sit, qui eam diligit, consideret saltem arrham, quam dedit. Fortassis in ipso munere eius quod penes eam est, poterit agnoscere quo affectu eum diligere, quo studio & diligentia, se illi debeat conseruare. Insignis est arrha eius, nobile B donum eius, quia nec magnum decuit, ut parua daret, nec pro paruo sapiens magna dedisset. Magnum ergo est quod illi dedit, sed maius est quod in ipsa diligit. Respice vniuersum mundum istum, & considera si aliquid in eo sit, quod tibi ob causam amoris illius non seruiat. Omnia propterea facta sunt, ut seruiant homini. Omnis natura ad hunc finem cursum suum dirigit, ut obsequijs tuis famuletur, & vtilitati deferuiat, tuisque oblectamentis pariter & necessitatibus, secundum affluentiam indeficientem occurrat. Hoc cælum, hoc terra, hoc aer, hoc maria, cum eis, quæ in eis sunt vniuersis, explere non cessant. Hoc circuitus temporum, annuis innouationibus, & rediuiuis partibus, antiqua innouans, dilapsa reformans, consumpta restaurans, pastu perpetuo subministrat. Quis ergo putas hoc instituit, quis hæc naturæ præcepit, ut sic vno consensu tibi seruiat? Beneficium accipis, & auctorem eius non cognoscis. Donum in manifesto est, largitor occultus. Et tamen ipsa te ratio dubitare non sinit, hoc tuum non esse debitum, sed beneficium alienum. Multum igitur tibi contulit, qui hoc totum & tantum, & tibi dedit. Multo ergo diligendus est, qui tantum dare potuit: & qui tantum dare voluit, multum dilexit. Tantum ergo diligens, D & tantum diligendus, dono suo demonstrat, ut quàm stultum est amorem tam potentis non vltro concupiscere, tam impium sit atque peruersum, tam diligenter non amare. Vide ergo quid agis, cum in hoc mundo amari, & amare concupiscis. Totus mundus tibi subiectus est, & tu, non dico totum mundum, sed nescio quam aliam mundi portiunculam, quæ nec specie pulchra, nec vtilitate necessaria, nec quantitate magna, nec bonitate optima antecedit, in societatem tui amoris admittere non aspernaris. Certe si hæc diligis, ut subiecta dilige, ut famulantia dilige, ut munera amici, ut beneficia Domini. Sic tamen ut semper memineris, quid illi debeas; nec ista pro illo, nec ista cum illo, sed ista propter illum, & per ista illum, & supra ista illum diligas.

Aug. de ci-  
uit. Dei.

Quia amor quo aliquis amat Deum propter temporalia, contumeliosus est Deo. Temporalia, qui sic amant, præferunt ei. Propter quod enim vnūquodque amatur, illud magis amatur. Vnde boni ad hoc vtuntur mundo, ut fruuntur Deo. Mali autem econtra, ut fruuntur mundo, uti volunt Deo. Vti namque est, quod in vsum venerit, referre ad obtinendum illud, quo fruendum est; aliàs abuti est.

Hugo ubi  
sup. longe a  
prin.

Non ergo munera dantis, plus quàm amantis affectum diligas. Maiorem charitati eius iniuriam facis, si dona illius accipis, & tamen vicissitudinē dilectionis non rependis. Aut dona illius si potes respue, vel si dona respuere non potes, vicissitudinem amoris repende. Dilige illum, dilige te propter illum, dilige dona illius propter illum. Dilige illum, ut fruaris illo, dilige te, ut diligaris ab illo.

Augustinus

Ex hoc enim diligis te, quod diligis Deum ex toto te.

Hugo ibid.

Dilige in donis illius, quod data sunt ab illo. Illum tibi, & te illi dilige: dona illius ab illo tibi, propter te.

Bernardus

Anima temporalia amans quasi inquinata, indigna est Dei amore.

S. Bon. Tom. 7. Pars iij.

Si alicuius pulchræ feminae flagrares amore, iure Aug. in So- se tibi non daret, si aliud quidquā præter se a te ama- liloq. lib. 1. ri comperisset. Sic qui in bonis temporalibus amo- c. 13. statim rem suam ponit Dei amore indignus est. a prin. 10. 1.

Amor illius nullam vitiorum patitur scditatem, Anselmus. nullam consentit secum esse carnalium desideriorum voluptatem. Dicis mihi forte.

Cum superius dixeris, non solum vnicum, sed vni- Hugo ubi ce electum esse debere amorem, id est, in solum dile- supra ante ctum, & solum diligendo constitutum, eo quod perfe- med. ctum laudabilis amor non sit, si vel alter cum solo dili-

gitur, vel qui summe diligendus non solus amatur. Ecce ego vnice dilectum, & vnice electum diligo: sed hanc huius dilectionis meæ iniuriam patior, quod solus diligens, solus non amor. Nam hanc dilectionis eius arrham, quam mihi obijcis, quot sunt, vel certe quales sunt, cum quibus hoc mihi communis est, tu ipse agnoscis. Quomodo igitur de privilegio singu-

lari potero gloriari, qui hoc quod tam magnum asseris, non dicam cum bestialibus, sed & cum ipsis bestiis commune accepi? Quid mihi lux solis amplius confert, quàm reptilibus & vermibus terræ? Omnia similiter viuunt, omnia spirant, idem pastus, idem potus omnium. Non ita satis congrue diligendum singulariter probas, si non & ipsum quoque vel in aliquo singulariter dilexisse demonstras. Ad quod respondeo. Tria quædam sunt, in quibus id, quod te mouet inuenis. Discerne, quæ dona a Deo tuo accepisti. Alia communiter, alia specialiter, alia singulariter data sunt. Communiter data sunt, quæ omnibus propter te tecum seruiunt. Specialiter vero data sunt, quæ multis, non tamen omnibus propter te tecum concessa sunt. Singulariter data sunt, quæ tibi soli sunt data. Numquid ideo minus te diligit, quia quædam dona sua tecum simul cum omnibus concessit? Numquid feliciorem te fecisset, si tibi soli mundum dedisset? Astrueris homo, quod omnia propter te singulariter facta sunt, & singulariter tibi data sunt? Ecce non sint creati homines super terram, non sint bestia, solus mundi diuitias possides. Vbi igitur illa grata, & vtilis societas humanæ conuersationis? Vbi solatia? Vbi oblectamenta quibus iam fruieris? Vide igitur, quia & in hoc tibi multum contulit, quod hæc ad solamen tecum creauit. Si mundus iste & hæc omnia tibi seruiunt, quomodo etiam omnia ad obsequium tuum facta non sunt? Numquid paterfamilias solus panem suum comedit? numquid solus poculum suum bibit? numquid solus vestimentis suis induitur? numquid solus calefit igne suo? numquid solus habitat in domo sua? Totum tamen non immerito eius dicitur, quidquid habent ij, qui ei vel per dilectionem, vel per subiectionem famulantur. Siue igitur illa, quæ tibi seruiunt, siue illa, quæ tibi seruientibus necessaria sunt, omnia tibi data sunt, omnia tibi obsequia impendunt. Dicis adhuc forte. Tuæ rationes hoc persuaferunt, ut illa quoque singulariter mihi donata crederem, quæ in vsum seruientium mihi communiter donata viderem. Hinc doceor omnia, quibus vita irrationalium fouetur, meæ potius ditioni esse assignanda, propterea quod illa quoque, quæ in his aluntur, in vsum meum sunt deputata. Privilegium tamen singularis amoris exinde non astruitur, quia hoc non solum mihi, sed cunctis similiter hominibus, & multis vero amplius subiecta esse noscuntur. Est namque specialis quidam amor ad homines, quo quidem ipsi homines alijs creaturis, non autem ad inuicem amplius gloriari habent. Nam quod in assertionem singularis amoris dicis, etiam mihi inter cetera donatam esse societatem hominum, cum tamen illis quam illorum mihi donata sint, nihil in hoc singulare reperire possum. In qua societate non solum me lædit amissa gloria singularitatis, sed vilitas participationis. Quot enim increduli sunt, quot scelesti, quot impuri sunt, qui in societate similiter gloriari

Y

riari

riari possunt? Sed te turbare non debet, quod in usu rerum temporalium, eadem bonis & malis conditio concessa est, nec idcirco eos similiter a Deo amari existimes, quia his omnibus tecum similiter communicare vides. Nam sicut bestiae non propter se, sed propter homines creatae sunt: ita mali homines non propter se, sed propter bonos viuunt. Et sicut vita eorum utilitati bonorum deseruit; sic omne quo vita eorum alitur, dubium non est, quin ad ditionem bonorum referendum sit. Idcirco autem mali inter bonos viuere permittuntur, ut societas illorum, bonorum vitam exerceat, quos & felicitate sua admonent potiora his, & quae mali communicare non possunt, bona B querere, & iniquitate sua cogunt arctius virtutem amare. Postremo, ut dum illos diuina gratia destitutos vident, per quolibet abrupta vitiorum ruere, discant quantas pro sua salute debeant Creatori gratias referre. Ratio siquidem diuinæ dispensationis ad nostrae salutis augmentum, & glorificationis documentum hoc exigebat, ut sicut in vita bestiarum dicimus summam felicitatem non esse his uti; ita quoque in vita malorum hominum discamus, non esse summam felicitatem his dominari. Similiter ergo bonis & malis ista concedi debuerunt, quia aliter boni potiora sibi seruari non crederent, nisi ista tam bonis, quam C malis communia esse viderent. Nihil igitur o homo amplius de societate aut felicitate malorum conquirearis. immo multum tibi placeat, & ad amandum Creatorem tuum arctius hoc te excitet, eo quod sunt flagella Patris misericordiarum, erudiētis filiū suum ex amore paterno.

*Aug. enarrat. in Ps. 14. 10. 8.* Omnis nāque malus, aut ideo viuit ut corrigatur, aut ideo viuit, ut per illum boni exerceantur.

*Hugo ubi sup. non liget a mod.* Nec idcirco in priuilegium singularis amoris tecū ascribendos putes, quia in usu eos & dominio rerum transeuntium socios habueris; quia etiam in hoc, sicut iam dixi, salutis tuae proficiunt, quod istis tecum non tantum uti, sed & dominari possunt. Quid autem de societate bonorum dicam? Dixi autem societatem hominum dono tibi Creatoris esse concessam, ut inde solamen vitae accipias, ne quadam solitaria & inertis vita destitutus, contabescas. Sicut igitur vita malorum tibi est exercitium, sic solamen est vita bonorum: qui certe tales sunt, quos nec felicitatis tuae participes, nec amoris tui debes aspernari consortes. Nam si vere bonos diligis, quidquid illis beneficii impenditur, inde charitas, quae in te est, non quasi de alieno, sed quasi de proprio gloriatur. Licet igitur beatum esset, isto amore vel solum perfrui, multo E beatius in ipso cum multorum bonorum congratulatione delectari: quia cum in eos, qui etiam participant affectus dilectionis, expanditur charitatis gaudium, & suauitas ampliatur. Spiritualis nāque amor tunc melius cuique fit singularis, quando omnibus est communis, nec participatione plurium minuitur, cuius fructus vnus, & idem totus in singulis reperitur. ac per hoc etiam singulariter diligit te, quia nil diligit sine te. Sic igitur singulis adest quasi omnibus, quia nec alium nec maiorem dilectionis affectum singulis impenderet, si absque cunctorum participatione singulos amaret. Nihil ergo de priuilegio singularis amoris tui societas bonorum praescribit, quia amator tuus in omnibus diligit te, quia nihil diligit sine te. Non autem timeas animum illius, in amore plurium quasi per affectum distrahi, & idcirco minorem esse ad singulos, quod partitus quodammodo & diuisus videatur in cunctos. Ergo omnes vnum vnice diligant, ut omnes ab vno vnice diligantur. Quia nec alius praeter vnum, vnice ab omnibus diligendus est, nec alius praeter vnum, vnice omnes diligere potest. Omnes autem in vno se quasi vnum diligat, ut vnus dilectione vnum fiant. Iste amor vnicus est non tamen priuatus; solus, non tamen solitarius; participatus, nec diuisus; communis, & singularis; cunctorum

A singulus, & singulorum totus, nec participatione decrescens, nec usu deficiens, nec tempore veterascens antiquus & nouus, affectu desiderabilis, experientia dulcis, fructu aeternus, iucunditate plenus, reficiens & satians, nec vnquam fastidium generans. Ut autem tibi plenius satisfaciam, demonstrabo qualiter isto sponso & amator castitatis, singulis quos diligit, quasi omnibus affectu & effectu adsit. In hoc quoque prouidit tibi Deus, optimus amator tuus, ne nihil esset, in quo singulariter de ipso gloriari non possis; sed sicut communia & specialia dedit, sic & singularia tribuit. Communia quidem sunt ea, quae in usum vniuersorum veniunt, sicut est lux solis, spiramen aeris: Specialia vero, ut ea, quae non omnibus, sed quasi cuidam societati concessa sunt, sicut est fides, sapientia, & disciplina. Singularia autem, ut ea, quae vnicuique propria impartita sunt, sicut Petrus principatus in Apostolis, Paulo Apostolatus in gentibus, Ioanni priuilegium amoris. Considera ergo, quae communia cum omnibus, quae specialia cum aliquibus, quae singularia solus acceperis. In omnibus his te dilexit, quae vel communiter cum omnibus, vel specialiter quibusdam, vel singulariter tibi soli tribuit. Cum his omnibus rursus te dilexit, qui te participatione doni sui sociavit. Prae his omnibus te dilexit, quibus singularis dono gratiae te praetulit. In omni creatura dilectus es, cum omnibus bonis dilectus es, praeter omnibus malis dilectus es. Et ne parum tibi videatur, quod praeter omnibus malis dilectus es, quanti boni sunt, qui minus te acceperunt attende. Nec parum existimes vel in tantis, vel cum tantis esse dilectum, nisi & bonos omnes habeas socios, malos vero & quae condita sunt vniuersa, subiectos. Vidisti ergo quanta sunt in quibus dilectus es, vidisti quales sunt cum quibus dilectus es. Nunc quod praeter omnibus dilectus es, considera quantum potes. Tu enim nosti quid acceperis, & necesse habes adhuc melius nosse, ne incipias vel de his, quae non accepisti praesumere, vel de his, quae accepisti gratias non referre. Nam & ipse idcirco haec tibi dedit, ut tu ea semper in memoria habeas, & numquam ab eius amore obliuione tabescas. Primum cogita homo, quod aliquando non fueris, & ut esse inciperes, hoc eius dono acceperis. Donum ergo eius erat, ut fieres. Sed numquid tu ei aliquid dederas priusquam fieres, quo tibi hoc ab eo redderetur, ut fieres? Nihil prorsus, nihil tu dederas, nihil dedisse poteras priusquam fieres, sed gratis accepisti, ut ab eo fieres. Cui ergo praestatus es, in eo quod factus es? Quis minus accipere potuit, quam qui ut fieret accepit? Et tamen nisi hoc esset, aliquid accipere, non poterat, qui non erat, & nisi incipere esse quam non esse melius esset, nihil ille, qui est, eo qui non est, amplius accepisset.

Cur ergo homo totum ei te debere non attendis, quem tui totius non ignoras auctorem? Quid ergo tu qui Deum tuum tenes, non solum gratuitum vitam tuam largitorem, largissimum administratorem, pium consolatorem, sollicitum gubernatorem, sed insuper etiam copiosissimum redemptorem, aeternum conservatorem, ditatorem, & glorificatorem? Dignus plane est morte, qui ei recusat viuere. Quid retribues Domino pro omnibus his?

Sed quare fecit te Deus tuus, nisi quia esse magis quam non esse voluit te? Et plus dilexit te omnibus his, quae accipere non meruerunt illud ab illo. Cum ergo Deus tuus esse tibi dedit, bonum, & magnum bonum, & pulchrum bonum dedit tibi. Et te cum hoc tibi daret, praetulit omnibus, quibus hoc tantum bonum suum dare noluit. A Deo nostro a quo facti sumus, qui non fuimus, omnibus qui facti non sunt, amplius accepimus. Qui utique si amplius nihil dedisset, pro eo ipso tamen semper a te laudandus & diligendus esset.

Merito igitur totum exigit te, qui fecit te.

Nunc

*Bern. de diligendo Deo ante med.*

*Hugo ibid.*

*Augustinu*

**Hugo ibid.** Nunc autem amplius dedit, quia dedit non solum esse, sed pulchrum esse, quoad animam dico, & formosum esse, quod quantum superat nihil per existentiam, tantum antecedit aliquid per formam: in quo multum placeat id, quod est, & amplius quod tale est. In quo omnibus te prælatum aspice, quos tale & tam excellens bonum existendi vides non accepisse. Sed nec hic terminari potuit munificentia largitoris optimi. Adhuc aliquid plus dedit, & magis nos ad similitudinem suam traxit. Voluit enim ad se trahere per similitudinem, quos ad se trahebat per dilectionem. Dedit ergo nobis esse, & pulchrum esse, & vivere, & ut præcellamus, & ijs, qui non sunt per essentiam, & ijs, quæ inordinata aut incompõsita sunt per formam, & quæ inanimata per vitam. Magno ergo debito obligatus es. Multum accepisti, & nihil a te habuisti, & pro his omnibus non habes quid retribuas, nisi tantum ut diligas. Accepisti autem hoc totum per dilectionem.

**Ber. ser. 33.** Amor per se sufficit, is per se placet, & propter se. **sup. Cant.** Ipse meritum, ipse præmiu est sibi. Magna res amor. **ser. med.** Solus ex omnibus animæ motibus, sensibus, atque affectibus in quo potest creatura, & si non ex æquo, respondere auctori. Verbi gratia. Si mihi irascatur Deus, num ego illi similiter redirascar? Non utique sed pauebo, sed contremiscam, sed veniam deprecabor. Ita si me arguat, non redarguetur a me, nec si me iudicabit, iudicabo ego eum: si dominatur, me oportet seruire: si imperat, me oportet parere & non vicissim a Domino vel seruitium exigere, vel obsequium. Nunc videas iam de amore, quàm aliter sit, nam cum amat Deus, nihil aliud vult, quàm amari. Quippe non ad aliud amat, nisi ut ametur, sciens ipso amore beatos, qui se amauerint. Magna igitur res est amor, sed si fuerit purus. Purus amor mercenarius non est, purus amor de spe vires nõ sumit, nec tamen diffidentia damna sentit.

**Hugo parv. ante med.** Scias igitur, quia quod per dilectionem datum est, nec melius nec decentius, quàm per dilectionem rependi potest.

**Bernardus** Quia non solum Deus hominem amare voluit, sed etiam ab eo vult amari. Nam cum ipse immensus sit, tamen amorem suum ponere voluit in hominem, qui est quasi pntredo & vermis. Quanta dignatio, quanta dilectio?

**Hugo ibid.** Et hoc considera: Poterat autem etiam Deus alijs creaturis suis dedisse vitam, sed amplius in hoc dono dilexit te. Nec ideo plus dilexit te, quoniã plus diligendum inuenit in te; sed quia gratuito plus dilexit te. Talem fecit te, ut iam merito plus diligat te. Quid hæc omnia faciant diligenter considera, nisi inuenerint cõsiderantis animum, ab omni penitus prauo vendicatum amore, & ad se mirabiliter rapiunt, & vehementer afficiunt?

**Bern. de di. ligendo Deo ante med.** Vide ergo quomodo, immo quàm sine modo a nobis Deus amari meruerit, qui prius dilexit nos, tantus & tantum, & gratis tantillos & tales. Modus idcirco diligendi Deum esse debet, sine modo diligere. Cum vero dilectio, quæ tendit in Deum, tendat in immensum, tendat in infinitum, nam & immensus & infinitus est Deus, quis nam, quæso, debeat finis nostri esse, vel modus amoris?

**Aug. li. 10. conf. c. 29. 10. 1.** Modus tamen diligendi Deum est, ut ipse ametur super omnia, & propter se. Quia minus eum amar, qui cum eo aliquid amat, quod propter eum non amat.

**Hugo ubi sup. prox.** Præterea post esse, post pulchrum esse, & post vivere, datum est sentire, datum est & discernere; & per eandem dilectionem datum est: quæ nisi præcessisset, nihil a largiente datum, nihil ab indigente acceptum fuisset. Quàm sublimis & quàm decorus in anima factus es. Quid sibi iste ornatus tantus ac talis voluit, nisi quia idem ipse, qui induit consortem suo palatio, suæ gloriæ præparauit? Nouit ad quod S. Bon. Tom. 7. Pars iij.

**A** opus te conderet, nouit qualis ornatus illud opus deceret, & ideo dedit quod decuit, & quod tantum decuit, ut & ipse diligeret hoc, qui dederit. Sensibus foris decorauit, intus sapientia illustrauit. Sensus dans, quasi interiorem ornatum, sapientiam quasi interiorem habitum. Sensus quasi quasdam gemmas fulgentes, appendens exterius; sapientiam quasi naturali pulchritudine, faciem vultus tui decorans intus. Ecce ornatus tuus omnium gemmarum vincit pulchritudinem. Ecce facies tua omnium formarum superat decorem. Talem te omnino esse decebat, qui ad celestis palatium curiæ introducendus eras. Quantum

**B** dilectus es, & præ quantis dilectus es, quãdo talis factus es? Quàm singulare donum, quod nõ omnibus concessum, non nisi dilectis, & diligentibus concedendum. Multum gloriari poteris, & multum custodire debueras, ne tale donu perderes, ne tale ornamentum fœdares, ne tantum decorem corrumperes, & eo amisso vel imminuto amplius miser fieres, quàm eo non accepto, vel non perfecto miser fuisses: ne te cū damno amissæ pulchritudinis, simul torqueret confusio fœditatis, & abiectus vilior fieres, quam si receptus non fuisses. Istud custodiendum, & illud cauendum fuerat, ut istud custoditum persisteret, & illud cautum non eueniret. Sed vide quid fecisti. Dereliquisti Deum amatorem tuum, & cum alienis prostituisti amorem tuum, fœdasti pulchritudinem tuam, dispersisti ornatum tuum. Oblitus es Domini Creatoris tui, & pro tantis beneficijs condignas grates nõ egisti. Ideo vero ad maiorem cõfusionem tuam hæc dixi, ut eo magis odio dignum ostenderem, quo tantis beneficijs acceptis, & non custoditis ingratum cõprobarem: & ut magis de cetero illi fias obnoxius, qui te fecit cum non eras, & redemit cum perieras.

**C** Nam illud quoque in assertione amoris illius cõmemorauit, ut inde occasione accepta, tibi narrare inciperet, quantum amator tuus, qui tam excellens apparuit cum te conderet, humiliari dignatus est, cum repararet. Illic tam sublimis, hic tam humilis, non tamen hic, quàm illic minus amabilis. Illic potenter tibi magna contulit, hic misericorditer pro te dura sustinuit. Ut enim te releuaret illic vnde cecideras, ipse descendere dignatus est huc, vbi iacebas. Et ut tibi iuste redderetur, quod perdideras, ipse dignatus est, pie pati quod tolerabas. In primis vero quod nullo modo poterat homo labore, pœna, vel merito, dignitatem quam peccando amiserat promereri, ostendam tibi qua necessitate vel ratione Deus, cum sit omnipotens, humilitatem & infirmitatem humanæ naturæ pro eiusdem restauratione assumpserit.

**D** Oportebat nãque, ut sicut per hominis inobedientiam mors in humanum genus intrauerat, ita per hominis obediẽtiam vita restitueretur. Et quemadmodum peccatum, quod fuit causa nostræ damnationis initium habuit a femina; sic nostræ iustitiæ, & salutis auctor nasceretur de femina. Et ut diabolus, qui per ligni gustum, quem persuasit, hominem vicerat; ita per passionem ligni, quam intulit, ab homine vinceretur.

**E** Sed ipsa hominis liberatio nec per aliã, quàm per Dei personam fieri decuit, nec potuit: quia quæcumque persona alia hominem a morte æterna redimeret, eius seruus idem homo recte iudicaretur. Quod si esset, nullatenus restauratus esset in illam dignitatem, quam habiturus erat, si non peccasset: cum ipse, qui non nisi seruus Dei, & æqualis Angelis bonis per omnia futurus erat, seruus esset eius, qui Deus nõ esset, & cuius Angeli serui non essent.

**F** Quod vero homo per aliam, quàm per Dei personam, liberari non potuit, manifeste verum esse attende. Constat Deum proposuisse, ut de hominibus Angelos, qui ceciderant, restauraret. Tales ergo oportet esse homines in illa ciuitate superna, qui pro quibus in illa assumentur, quales illi futuri erant, pro quibus

*Ansel. li. 1. cur Deus homo c. 3.*

*Idem ibid. c. 5.*

*Idem ibid. c. 18. longe post modum*

Y 2. ibidem

ibidem erunt, idest tales, quales nunc sunt boni Angeli. Alioquin non erant restaurati, qui ceciderunt: & sequetur, quod Deus aut non poterit perficere bonum, quod incepit, aut poenitebit eum tantum bonum incepisse. quæ duo absurda sunt. Oportet ergo, ut æquales sint homines bonis Angelis. Cum ergo boni Angeli numquam peccauerint, potes ne cogitare, quod homo, qui secundum quod homo aliquando peccauit, nec umquam Deo pro peccato satisfecit, sed tantum impunitus dimittitur, equalis sit Angelo, qui numquam peccauit? Minime. Non ergo decet Deum, hominem peccantem sine satisfactione, ad restorationem Angelorum assumere perditorum, quoniam veritas non patitur eum leuari ad æqualitatem beatorum. Considera etiam in solo homine, sine hoc quod debet Angelis æquari, vtrum eum taliter Deus ad beatitudinem illam, vel talem qualem habebant antequam peccarent, debeat prouehere? Ponamus

**Exemplū.** per exemplum, aliquem in manu tenere margaritam pretiosam, quam nulla umquam pollutio tetigit, & quam nullus possit alius amouere de manu eius, nisi ipso permittente; & eam disponat recondere in thesaurum suum, vbi sunt charissima & pretiosissima, quæ possidet. Quod si permittat ipse eandem margaritam ab aliquo inuido excuti de manu sua in cœnum, cum prohibere possit, ac postea eam de cœno sumens, pollutam, & non lotam in aliquem mundum & charum locum, deinceps illam sic seruat, & recondit, putabis ne illum sapientem? Non, si recte sapis. An non similiter faceret Deus, qui hominem Angelis sociandum sine peccato quasi in manu sua tenebat in paradiso, & permisit ut accensus inuidia diabolus eum in lutum peccati, quamuis consentientem deiceret. Si enim prohibere vellet diabolus, non posset tentare hominem. nonne inquam similiter faceret ac si hominem peccati sorde maculatū, sine omni lauatione, idest absque omni satisfactione talem semper mansurum, saltem in paradysum, de quo eiectus fuerat, reducere.

*Ibid. c. 19. in prin.* Tene igitur certissime, quia sine satisfactione, id est, sine debiti solutione spontanea, nec Deus potest peccatum impunitum dimittere, nec peccator ad tantam beatitudinem, vel talem qualem habebat antequam peccaret, peruenire.

*Ibid. c. 20. in prin.* Firmiter igitur crede, ne dubites, quia secundum mensuram peccati, oportet satisfactionem esse. Et tu quid solues pro peccatis? Forsitan dices poenitentiam, cor contritum & humiliatum, abstinencias, & multimodos labores corporis, & misericordiam dandi, & dimittendi, & obedientiam. Quid in omnibus his das Deo? Vide & diligenter considera, quia cum reddis Deo aliquid quod debes, & si non peccasti, non debes hoc computare pro debito. Omnia autem illa debes Deo, quæ dicis. Tantus namque debet esse in hac mortali vita amor, & ad quod pertinet oratio, & desiderium perueniendi ad hoc, ad quod factus es, & dolor, quia ibi non es, & timor ne non peruenias; ut nullam lætitiā sentire debeas, nisi de his, quæ tibi auxilium, aut spem dant perueniendi. Quid ergo das Deo, quod non debes, cui totum quod es, & quod habes, & quod potes, debes; ne pecces? Nihil igitur in omnibus das Deo, quod non debes. Quid ergo solues Deo pro peccato tuo, cū nihil habeas, quod pro peccato soluas?

*Ibid. c. 21. post med.* Et si grauius peccamus quotiescumque scienter aliquid, quamlibet paruum contra voluntatem Dei facimus, quid faciet miser homo peccator, quid Deo pro peccato soluet, qui tot & tanta non solum grauias sed & enormias sciens, & prudens commisit per longum tempus, immo fere tota vita sua, & quasi sus in volutabro luti delectabiliter in eisdem iacuit? Si secundum quantitatem peccati exigit Deus satisfactionem, nec satisfacis si nō reddis aliquid maius, quam id pro quo peccatum facere non debueras, quia sic

ratio exigit; quid facies, quid solues Deo tot malis obuolutus?

Item homo in paradiso sine peccato factus, quasi *Ibid. c. 22. in prin.* positus est pro Deo inter Deum & diabolus, ut vinceret diabolus, non consentiendo suadenti peccatum ad honorem Dei, & ad confusionem diaboli, cum ille infirmior in terra non peccaret, eodē diabolo suadente, qui fortior peccauit in cælo nullo suadente. Et cum hoc facere posset, nulla vi coactus, sed sola suasionē sponte vinci permisit, ad voluntatē diaboli, & contra voluntatem Dei & honorem. Iudica ergo homo tu ipse, si non est contra honorem Dei, ut homo reconcilietur illi, cum calumnia huius contumeliæ Deo irrogatæ, nisi prius honorauerit Deum vincendo diabolus, sicut illum inhonorauit victus a diabolo. Victoria vero talis debet esse, ut sicut fortis ac potestate immortalis consensit facile diabolo ut peccaret, vnde iuste incurrit poenam mortalitatis: ita infirmus & mortalis, qualem ipse se fecit; per mortis difficultatem vincat diabolus, ut nullo modo peccet, quod facere non potest quamdiu ex vulnere primi peccati concipitur, & nascitur in peccato. Adhuc accipe vnum, sine quo non reconciliatur homo, nec minus impossibile.

**C** Quid abstulit homo Deo, cum vinci se permisit a diabolo? Nonne abstulit Deo, quidquid de humana natura facere proposuerat? Intende industriam, & iustitiam, & iudica secundum illum, vtrum ad æqualitatem peccati homo satisfaciat Deo, nisi idipsum quod permittendo se vinci a diabolo, Deo abstulit, diabolus vincendo restituat: ut quemadmodum per hoc quod est victus, rapuit diabolus quod Dei erat, & Deus perdidit: ita per hoc quod vincat, perdat diabolus, & Deus recuperet. Nullatenus ergo debet aut potest accipere homo a Deo, quod Deus illi dare proposuit, si non reddit Deo totum quod illi abstulit, ut sicut per illum Deus perdidit, ita per illum recuperet. Quod non aliter fieri valet, nisi ut quemadmodum per victum tota humana natura corrupta, & quasi fermentata est peccato, cum quo nullum Deus assumit ad perficiendam illam ciuitatem celestem, ita per vincentem iustificentur tot homines, quot illum numerum completuri erunt, ad quem complendum factus est homo. Et hoc facere nullatenus potest peccator homo, quia peccator peccatorem iustificare nequit. Nihil ergo iustius, nihil impossibile.

**E** Attende adhuc. Si homo dicitur iniustus, qui homini non reddit quod debet, multo magis iniustus est, qui Deo quod debet non reddit. Quod si reddere non potest, quomodo iniustus est? Audi. Forsitan si nulla est in illo causa impotentiae, aliquatenus excusari potest. Sed si in ipso impotentia culpa est; sicut non leuat peccatum, ita non excusat non reddendum debitum. Nam quis iniungat opus aliquod seruo suo, & præcipiat illi, ne se deiciat in foueam, quam illi demonstrat, vnde nullatenus exire possit, & seruus ille, contemnens mandatum & monitionem Domini sui, sponte in monstram se mittat foueam, ut nullatenus possit opus iniunctum facere, putas ne aliquatenus illi impotentiam illam ad excusationem valere, cum opus iniunctum non faciat? Non. Immo dupliciter peccauit, quia & quod iussus est facere, non fecit, & quod præceptum est, ut non faceret, fecit. Ita homo, qui se sponte obligauit illi debito, quod soluere non potest, & sua culpa deiecit se in hanc impotentiam, ut nec illud possit soluere quod debebat ante peccatum, idest, ne peccaret, nec hoc quod debet, quia peccauit, inexcusabilis est. Ipsa namque impotentia culpa est, quia non debet eam habere, immo debet eam non habere. Nam sicut culpa est, nō habere quod habere debet, ita culpa est, habere quod debet non habere. Sicut igitur culpa est homini, non habere potestatem illam quam accepit, ut posset cauere

tere peccatum; sic culpa est illi habere impotentiam, qua nec iustitiam tenere, & peccatum cauere, nec quod pro peccato debet reddere potest. Sponte namque fecit, unde perdidit illam potestatem, & deuenit in hanc impotentiam. Illud enim est non habere potestatem, quam debet habere, & habere impotentiam, quam debet non habere. Quapropter impotentia reddendi Deo quod debet, quæ facit ut non reddat, non excusat hominem si non reddit, quoniam effectus peccati non excusat peccatum quod facit. Iniustus est ergo homo, qui non reddit Deo quod debet, & iniustus est, quia reddere nequit. Et nullus iniustus admittebatur ad beatitudinem, quoniam quemadmodum beatitudo est sufficientia, in qua nulla est indigentia; sic nulli conuenit nisi in quo ita pura est iustitia, ut nulla sit iniustitia. Cum igitur videas peccatorem hominem, hoc debere Deo pro peccato quod vel reddere nequit, & nisi reddiderit, saluari nequit, instruendus es ne forte desperes, qualiter Deus misericordia saluet hominem, cum peccatum non dimittat illi, nisi reddiderit propter quod illud debet.

*Ibid. lib. 2. c. 1. in prin.* Rationalem naturam a Deo factam esse iustam, ut illo fruendo beata esset, dubitari non debet. Ideo namque rationalis est, ut discernat inter iustum & iniustum, inter bonum & malum, & inter magis bonum & minus bonum. Simili ratione probat, quod ad hoc accepit potestatem discernendi, ut odisset, & vitaret malum, ac amaret & eligeret bonum, atque maius bonum magis amaret, & eligeret. Sed non conuenit, ut Deus potestatem tantam frustra dederit. Ad hoc itaque factam esse rationalem creaturam, certum est, ut summum bonum super omnia amaret & eligeret, non propter aliud, sed propter ipsum. Si enim propter aliud; non ipsum, sed aliud amat. Ut igitur frustra non sit rationalis, simul ad hoc rationalis & iusta facta est. Quapropter rationalis natura, iusta facta est, ut summo bono, idest, Deo fruendo beata esset. Homo ergo qui rationalis creatura est, factus est iustus ad hoc, ut Deo fruendo beatus esset.

*Ibid. c. 2.* Quod autem factus sit talis, ut necessitate non moreretur, hinc facile probatur, quia sapientia & iustitia Dei repugnat, ut cogeret mortem pati sine culpa, quem iustum ad beatitudinem fecit. Sequitur ergo, quia si numquam peccasset, numquam moreretur.

*Ibid. c. 3.* Vnde aperte quandoque futura resurrectio mortuorum probatur. Quippe si homo perfecte restaurandus est, talis debet restitui, qualis futurus erat, si non peccasset. Nihil ergo iustius, aut conuenientius intelligitur, quam ut sicut homo si perseverasset in iustitia totus, idest, anima & corpore, æterne beatus esset, ita si perseverat in iniustitia, totus similiter miser sit.

*Ibid. c. 4.* Ex his enim facile est cognoscere, quoniam aut hoc de humana perficiet Deus natura, quod incepit, aut in vanum fecit tam sublimem naturam ad tantum bonum. Aut si nihil pretiosius cognoscitur Deus fecisse, quam rationalem creaturam, ad gaudendum de se; valde alienum est ab eo, ut illam rationalem creaturam penitus perire sinat. Necesse est ergo, ut de humana natura, quod incepit perficiat. Hoc autem fieri, sicut dixi, nequit, nisi per integram peccati satisfactionem, quam nullus peccator facere potest.

*Ibid. c. 5.* Si vero intelligis necesse fuisse, ut Deus perficeret quod incepit, forte cogitas dicens, Quam gratiam debeo pro eo, quod fecit me propter se? aut quomodo imputabo meam salutem eius gratia, si me saluat necessitate? Sed attende quod est necessitas, quæ benefaciendi gratiam aufert aut minuit, & est necessitas, qua maior ex beneficio gratia debetur. Cum enim aliquis ea necessitate, cui subiaceret, inuitus benefacit, aut nulla, aut minor illi gratia debetur. Cum vero ipse sponte necessitati benefaciendi se subdit, neque inuitus eam sustinet, tunc utique maiorem beneficii gratiam meretur. Non enim hæc est dicenda neces-

S. Bon. Tom. 7. Pars iij.

fitas, sed gratia; quia nullo cogente illam suscepit aut seruat, sed gratis. Quare multo magis si Deus facit bonum homini, quod incepit, licet non deceat eum a bono incæpto deficere, totum gratia debemus imputare: quia hoc propter nos, non propter se, nullius egens, incepit. Non enim illum latuit, quid homo facturus erat, cum illum fecit: & tantum bonitate sua illum creando, sponte se, ut perficeret incæptum bonum, quasi obligauit. Denique Deus non facit necessitate, quia nullo modo cogitur, aut prohibetur facere aliquid. Et cum dicimus Deum aliquid facere quasi ex necessitate vitandi inhonestatem, quam vitare non timet, potius intelligendum est; quia hoc facit necessitate seruandæ honestatis. Quæ scilicet necessitas non est aliud, quam immutabilitas honestatis eius, quam a seipso & non ab alio habet. idcirco improprie dicitur necessitas. Dico tamen, quod necesse est, ut bonitas Dei propter immutabilitatem suam perficiat de homine, quod incepit: quamuis totum sit gratia bonum quod facit.

Hoc autem fieri nequit, nisi sit qui soluat pro peccato hominis aliquid maius, quam omne, quod Deus non est. Illum quoque, qui de suo poterit Deo dare aliquid, quod superat omne, quod sub Deo est, maiorem esse necesse est, quam omne, quod non est Deus. Nihil autem est super omne, quod Deus non est, nisi Deus. Non ergo potest hanc satisfactionem facere, nisi Deus. Sed nec facere illam debet, nisi homo. Si ergo, sicut constat, necesse est, ut de hominibus perficiatur illa superna ciuitas, neque hoc esse valet, nisi fiat supradicta satisfactio, quam neque potest facere nisi Deus, nec debet nisi homo: necesse est, ut faciat eam Deus homo. Inuestigandum nunc est, quomodo esse possit Deus homo.

Diuina enim natura & humana non possunt in inuicem mutari, ut diuina fiat humana, aut humana diuina; nec ita misceri, ut quædam tertia sit ex duabus, quæ nec diuina sit omnino, nec humana. Denique si fieri posset, ut altera in alteram conuerteretur, aut esset tantum Deus, & non homo, aut solum homo, & non Deus. Aut si miscerentur, ita ut fieret ex duabus corruptis quædam tertia (quemadmodum ex duobus indiuiduis animalibus diuersarum specierum, masculo & femina nascitur tertium, quod nec patris integram, neque matris seruat naturam, sed ex vtraque tertiam mixtā) non homo esset, nec Deus. Non igitur potest fieri homo Deus, quem quærimus ex diuina & humana natura, aut conuersione alterius in alteram, aut corruptiua commixtione naturæ vtriusque in tertiam, quia hoc fieri istæ duæ naturæ nequeunt: aut si fieri valerent, nihil ad hoc, quod quærimus valeret. Si autem ita quolibet modo coniungi debet hæc duæ integræ naturæ, ut tamē alius sit Deus, alius homo, & non idem sit Deus, qui & homo; impossibile est, ut ambo faciant, quod fieri necesse est. Nam Deus non faciet, quod non debebit, & homo non faciet, quia non poterit. Ut ergo hoc faciat Deus homo, necesse est eundem ipsum esse perfectum Deum, & perfectum hominem, qui hanc satisfactionem facturum est, quoniam eam facere non potest, nisi verus Deus, nec debet nisi verus homo. Quoniam ergo seruata integritate vtriusque naturæ, necesse est inueniri Deum hominem, non minus est necesse, has duas naturas integras conuenire in vnam personam, quemadmodum corpus & anima rationalis conueniunt in vnum hominem, quoniam nequit aliter fieri, ut idem ipse sit perfectus Deus, & perfectus homo.

Restat nunc quærere, unde & quomodo assumet Deus humanam naturam? Aut enim assumet eam de Adam, aut faciet nouum hominem, quemadmodum Adam fecit de nullo alio homine. Sed si nouum hominem facit non ex Adæ genere, non pertinebit ad humanum genus, quod natum est de Adam. Quare non debebit satisfacere pro eo, quia non erit de

Y 3 co.



eo. Sicut enim rectum est, ut pro culpa omnis homo satisfaciatur, ita necesse est, ut satisfaciens idem sit, qui peccator, aut eiusdem generis. Aliter namque nec Adam, nec genus eius, satisfaciatur per se. Ergo sicut de Adam & Eva peccatum in omnes homines propagatum est, ita nullus nisi vel ipsi, vel qui de illis nascitur, pro peccato hominum satisfacere debet. Quoniam ergo illi nequeunt, necesse est, ut de illis sit, qui hoc faciet. Amplius sicut Adam & totum genus eius per se sterisset sine sustentatione alterius creaturæ, si non peccasset: ita oportet, ut si idem genus resurgat post casum, per alium resurgat ac releuetur. Nam per quemcumque in statum suum restituatur, per illum itaque stabit, per quem statum suum recuperabit. Deus etiam quando humanam naturam primitus fecit in solo Adam, nec feminam, ut de utroque sexu multiplicarentur homines, facere voluit, nisi de ipso, aperte monstravit; se non nisi de Adam voluisse facere, quod de natura humana facturus erat. Quapropter si genus Adæ per aliquem releuatur hominem, qui non sit de eodem genere, non illam dignitatem habebit, quam habiturus erat, si non peccasset Adam: & ideo non integre restaurabitur, & Dei propositum deficere videbitur. quæ duo inconuenientia sunt. Ergo necesse est, ut de Adam assumatur homo, per quem restaurandum est genus Adæ. Pinget igitur in animo non super fictam vanitatem, sed super solidam veritatem, & dic, quia valde conuenit, ut quemadmodum hominis peccatum, & causa nostræ perditionis principium sumpsit a femina, ita medicina peccati, & causa nostræ saluationis nascatur a femina. Similiter & hoc: Si Virgo erat, quæ causa fuit humano generi totius mali, multo magis decet, ut virgo sit, quæ causa erit totius boni. Hoc quoque similiter: Si mulier, quam Deus fecit de viro sine femina, facta est de Virgine, conuenit valde ut vir quoque, qui fiet de femina sine viro, fiat de Virgine.

*Ibid. c. 9.*

Nunc tibi quoque dicendum est in qua persona Deus, qui est tres personæ, hominem assumat: plures enim personæ nequeunt vnum eundem hominem assumere in vnitatem personæ. quare in vna persona tantum hoc fieri necesse est. Sed de hac vnitatem personæ Dei & hominis, & in qua persona Dei, hoc magis fieri oporteat, breuiter tango, cur videlicet potius Filij persona debeat incarnari, quam Patris, aut Spiritus sancti. Si quælibet alia persona incarnaretur, erunt duo Filij in Trinitate, Filius, scilicet Dei, qui & ante incarnationem Filius est, & ille, qui per incarnationem, Filius erit Virginis; & sic erit in personis, quæ semper æquales esse debent, inæqualitas secundum dignitatem natiuitatum. Digniores namque natiuitatem habebit natus ex Deo, quam natus de Virgine. Est & aliud cur magis cōueniat Filio incarnari, quam alijs personis; quia conuenientius sonat Filiū supplicare Patri, quam aliam personam alij. Item: Homo, pro quo erat oraturus, & diabolus, quem erat expugnurus, ambo falsam similitudinem Dei propria voluntate præsumperant. Vnde quasi specialius aduersus personam Filij peccauerant, quia vera Patris similitudo creditur. Illi cui specialius fit iniuria, conuenientius attribuitur culpæ vindicta, aut indulgentia. Quapropter cum nos ratio inuitabilis perduxerit ad hoc, ut necesse sit diuinam & humanam naturam in vnam conuenire personam, nec hoc fieri possit in pluribus personis Dei, & hoc conuenientius fieri pateat in persona Verbi, quam in alijs; necesse est, Verbum, Deum, & hominem in vnam conuenire personam.

*Leo ser. 7. in Nat. Dom. c. 1. & 2.* Igitur sempiterna & summa essentia, quæ se sic ad humani generis inclinavit salutem, nos quidem in suam gloriam transtulit, sed quod erat esse, non destitit. Quod enim Verbum caro factum est, non hoc significat quod in carnem sit Dei natura mutata, sed quod a Verbo in vnitatem personæ sit caro suscepta,

A in cuius utique nomine homo totus accipitur. Vnde utrique naturæ in suis proprietatibus permanenti, tanta est vnitatis facta & communio, ut quid quid ibi est Dei, non sit ab humanitate disunctum, quidquid autem est hominis, non sit a diuinitate diuisum.

*Idē ser. 8. in Nat. Dom. mini nō longe a prin.*

Verbum enim & anima, & caro in vna conueniente personā, & hæc tria vnum, & hoc vnum tria sunt, non commixtione substantiæ, sed vnitatem personæ. Et in hoc homo considera, quod cum origini humanæ multum dederit, quod nos ad imaginem suam fecit, reparationi nostræ longe amplius tribuit, cum serui formæ ipse se Deus coaptavit. Quamuis enim ex vna, eademque pietate sit, quidquid creaturæ Creator impendit; minus tamen mirum est hominem ad diuinam proficere, quam Deū ad humana descendere.

*Ber. ser. 3. in vig. Nat. tui. Dom. post med. Leo ser. 4. in Nat. Dom. mini c. 2.*

Quis enim ab impietate ad iustitiam, a miseria ad beatitudinem esset recursus, nisi & iustus ad impios, & beatus inclinaretur ad miseros?

*Idē ser. 1. de Passione Dom. c. 2.*

Libet idcirco in huiusmodi consideratione aliquantulum immorari, eo quod tam ipsius obstupenda dignatio, qua nostrum sibi associavit iumentum, quam copiosa redemptio apud eum, qua humiliter crucis subiuit tormentum, meditandi materiam ministrat abundanter. Nescio namque si vlla esse possit efficacior, ac suauior morum ædificatio, quam Verbi incarnati fidelis & pia consideratio. Quid enim hominem sic excitare potest ad amorem Dei, quam præueniens amor Dei, tamque vehemens ad hominem, ut homo propter hominem velit fieri? Quid autem nutrit ita amorem proximi, quam similitudo & natura proximi in humilitate Dei? Nam humilitatis exemplū nec cogitari posse maius aliquid existimo, quam exinanitionem Dei in formam serui, & seruitutem plusquam serui.

Uenit igitur Filius Dei de corde Patris, in vterum Virginis Matris. Venit a summo cælo in inferiores partes terræ. O inestimabilis dignatio & penitus inexcogitabilis, quod in carceris huius horrorē, fœroremque nostræ mortalitatis, tanta dignata est descendere celsitudo. Mira quærentis Dei dignatio, mira dignitas hominis sic quæsit, in qua si gloriari voluerit, non erit insipiens: non quod aliquid esse videatur tamquā a semetipso, sed quod tanti fecerit eum.

*Ber. ser. 2. in Adu. Dom. far-sim.*

Agnosce igitur ex his dignitatem tuam, & diuinæ consors factus naturæ, noli in veterem vilitatem degeneri conuersatione redire.

*Leo ser. 8. in Nat. Dom. circa fin. Bern. ubi sup. prox.*

Omnes namque diuitiæ, omnis gloria mundi, & quidquid in eo concupiscitur, minus est ad hanc gloriam, immo nec aliquid in eius comparatione.

*Guerriem Igniacensis serm. 3. in Annuntia. Dom. circa med.*

Præterea non tam admiranda, quam etiam obstupenda intueor in hac gloria. Nam cum humanarum infirmitatum vel iniuriarum, quas pro nobis pertulit diuina dignatio, sicut tempore primam, sic humiliter fere maximam existimo, quod in vtero concipi, in vtero nouem mensibus maiestas illa incircumscripta passa est cōtineri. Vbi enim sic se exinaniuit, ut quasi penitus a seipso defecisse visus sit. Tanto tempore nihil illa sapientia loquitur, nihil illa virtus manifestum operatur, nullo signo visibili maiestas, quæ clausa latet, proditur. Nam in cruce visus est infirmus, ubi quod infirmum fuit ipsius, statim fortius apparuit omnibus hominibus, quando & moriens glorificat latronem, & expirans inspirat Centurionem: quando horarius dolor passionis eius non solum cōpati facit elementa creaturarum, sed etiam contrarias fortitudines subigit æternorum passioni dolorum. In vtero sic est, quasi non sit: sic omnipotens virtus vacat, quasi nihil possit, & Verbum æternum sub silentio se premit.

Exinaniuit igitur semetipsum formam serui accipiens, & cum tota multitudine miserationū suarum de thalamo profihit virginali.

*Leo.*

Dependet Deus ad vbera, ponitur in præsepe, ligatur

*Guerriem-gatur*

gatur in cunis, pannis inuoluitur, & laxatis fasciis A felices manus & sancta brachia per cuniarum paruitatem expandit. Nulla ibi domus ambitio ubi reclinatorium in stabulo, Mater in steno, Filius in praeseptio. Tale elegit mundi fabricator hospitium, huiusmodi habuit delicias sacrae Virginis puerperium. Panniculi pro purpura, pro bysso in ornatu regio laciniae congeruntur. Genitrix est obstetrix, & deuota dilecta soboli ipsa exhibet clientelam, attrectat, amplectitur, iungit oscula, porrigit mammam, totum negotium plenum gaudii, nullus dolor, nulla naturae contumelia in puerperio. Pedissequas substantia familiaris non patitur, mancipiorum obsequia sumptus tenuis, & inops mensa excludit. Nullum domus arcta diuersorium occupabat, nec secreti recessus erant illius casulae incastraturam, tectum, & soli parietes per circuitum vestiebant. Nec ibi locus erat lauacris, quae solent puerperis praeparari, quippe nec aliqua naturae iniuria Matrem Domini laeserat, quae sine tormento pepererat, quae in conceptione caruit voluptate. Et quamuis in propria venerit, qui omnia continet, quidquid circa ipsum vel ipsius Genitricem impendebatur officij, non tantum pauperrimum extitit, sed etiam alienum.

**Bernardus** Et de quo dicebatur, Quis Deus magnus sicut Deus noster? & magnitudinis eius non est finis: iam non praedicatur magnus Dominus, & laudabilis nimis, sed paruus Dominus, & amabilis nimis. Alludit ut paruus, Virgini Matri arridet, & blandientes oculos in Mariam intorquet. Stat perterrita tantis miraculis Regina caelorum, confert in corde suo salutationem Archangeli, coceptionem Dei, & natiuitatem pueri: & miratur, quod ille, qui sic potuit ad nos venire, sic voluit subuenire. Et certe cum torus sit dulcedo, & sic subuenire nobis voluit, dulcior eum mihi facit teneritudo membrorum. Dulcedo haec incoparabilis, & pietas ineffabilis, ut Deum qui creauit me, videam puerum creatum propter me, Deus, maiestatis & gloriae non solum similis mihi fiat corporis veritate; sed etiam miserabilis, & velut humanae indigens opis appareat aetatis infirmas. O duritia cordis mei!

**Idem in Canticis. ser. 64. circa fin.** Quid hoc faciat? Amor certe dignitatis nescius, dignatione diues, effectu potens, suauis efficax. Quid amore violentius? Triumphat de Deo amor, quia semetipsum exinaniuit, & scias amoris fuisse, quod plenitudo effusa est, quod altitudo adaequata, quod singularitas affociata est.

**Bernardus** Quid igitur ad haec dormitat tua affectio, immo non dormitat, sed mortua est.

**Guerricus serm. 3. de Nat. Dom. 3. serm.** Ut te lucrifaceret, ut me ad amorem suum traaheret, omnem pulchritudinem diuinitatis in hominem transfudit. Transfusus Deum in hominem dico, quia non ad mensuram datum homini video, nec de omni plenitudine sua penes Deum aliquid resedit, quod in hominem, cui vnitus est, non effudit, dum omne, quod in diuinitatis thesauro pietatis inuentum fuit totum in vtero Virginis aggestum. Ita enim Deus funditur, Deus amatus in hominem effusus est, quod tamquam a sua propria virtute sit exinanitus, dum videlicet in ea humilitate, qua tibi consuluit, non solum Patre, sed etiam seipso factus sit inferior. Quae vero maior exinanitio in oculis videntium, quid efficacius ad Creatorem tuum reamandum, quam quod pro te splendor gloriae, & figura paterna substantiae, formam praeferrat seruilem, & in ipsa non habens speciem neque decorem? Qui enim quasi parum esset exinanitus si homo solum fieret, etiam humanae carnis ita funditus in se formam & speciem vacuauit, sapientiam infatuauit, virtutem infirmauit, minuitque magnitudinem, ut & in natiuitate minimum, & in passione se nouissimum virorum hominibus exhiberet. unde nec reputauerunt eum. Obstupesce ergo homo tanta pro te mirabilia, tanta beneficia pro te exhibita. Cogita quantum te diligat, qui tanta dignatus est facere pro

te. Considera diligenter Dominum sabaoth, qui caelum & terram implet, iacentem in praeseptio infantulum, immo cuius maiestati angusta est omnis caeli latitudo, pannis inuolutum, & qui caelis tonat, sub cuius vocis tonitruo Angelicae potestates submittunt alas suas, vagientem; ut ipsius amoris ardore totus accensus, ad tanta beneficia, tua usque huc ingratitudo erubescat, quia ipse tuam naturam diuinam voluit associari in vna persona, numquam ab eo separandam. signum amoris, ut sic saltem eum amares, a quo te agnosceres sic amari.

**Leo ser. 4. in Epiph. Dom. c. 4.** Pro his semper gratus esto, indefinenter gratias age. Et caue ne indignum videri velis, ut credatur Deus Dei Filius femineis se inseruisse visceribus, & maiestatem suam huic contumeliae subdidisse; ut naturae carnis immixtus, in vero humanae substantiae corpore nasceretur: cum totum hoc opus non iniuria sit ipsius, sed potentia, non credenda pollutio, sed gloriosa dignatio. Si enim lux ista visibilis nullis immunditijs, quibus superfusa fuerit violatur, nec radiorum solis nitorem, quem corpoream creaturam esse non dubium est, loca nulla sordentia vel censa contaminant; quid illius supernae, sempiternae, & incorporeae lucis essentiam potuit, qualibet sui qualitate pollueret, quae se ei, quam ad imaginem suam condidit sociando creaturam, purificationem praestitit, maculam non recepit, & sic sanauit vulnera infirmitatis, ut nulla pateretur damna virtutis?

Quam felix proinde, quam amabilis natiuitas tua, **Guerricus ser. 9 de Nat. Dom. mini n. 16. ga a princ.** puer Iesu, quae natiuitatem omnium emendat, conditionem reformat, praedudicium soluit, chirographum damnatae naturae rescindit; ut si quem piget damnabiliter esse natum, possit felicissime renasci. **Et infra:** Vere tu puer misericors, quem sola misericordia puerum fecit, licet pariter misericordia & veritas in te obuauerunt sibi. Vere, inquam, tu misericors puer natus es nobis, non tibi: lucra nostra, non augmenta tua nascens de nobis quaesisti, qui ad hoc solum nasci dignatus es, ut nos minoratione tua proueheres, humiliatione glorificares. Dulce certe, proinde dulce, & sapidum cogitare, & recogitare puerum Deum, quin etiam efficax, & operatorium ad medendum ac dulcorandum, si qua in nobis est, peccatorum amaritudinem, poenitentiae austeritatem. Quid non temperabit illa dulcedo, quae mortem quoque facit dulcissimam? Et inter haec considerata, semper recurro ad hoc quod dulcius sapit, & familiarius adharet, videlicet, quod ideo voluit in similitudinem hominum fieri, ut hominibus esset amabilior. Similitudo enim ad amorem efficacius operatur. Ideo non me capio praelitia, quod illa maiestas naturam suam natura meae carnis, & sanguinis superuestit: & me miserum in diuitias gloriae suae non ad horam, sed in sempiternum includit: sit frater meus, Dominus meus, & timorem Domini fratris vincit affectus. Ideo Domine Iesu libenter audio te regnantem in caelis, sed libentius nascentem in terris. Haec enim meditatio rapit affectum meum, & huius memoria concalescit cor meum, uiuentis & viuidae potionis asperitate purgatum. Erat utique Dominus meus inter Angelicos ordines, audiens hymnum gloriae suae admirabilis, illi mirabili creaturae faciens mirabilia in caelo, & in terra, in mari & in omnibus abyssis. Ego autem in luto facis, & miseriam obuolutus, miser & miserabilis, & omnem spem egrediendi perdideram. Ille in gloria, ego in miseria, admirabilis ille, ego miserabilis. Sanctum, & terribile nomen eius, quod vix audeat illud dignior nominare natura. Nomen illud clausum & integrum, quomodo capere poteram, quod vix Angelicus oculus prospicere, necdum perspicere potest, ille, qui erat admirabilis agminibus Angelorum, inclinat caelos, & sit consiliarius hominum. Maiestatum nomen, in precatium effunditur, & qui mirabilis est in caelis, consulere venit in terris. Abscondit purpuram sub miseriae

miseriæ vestimentis, & ad lutum ubi iacebam incli-  
natur, non mergitur. Et si audeo dicere, infixus sum  
in limo profundi. Operi manuum suarum porrigit  
dexteram, de profundis aquarum extraxit, extractum  
abluit, ablutum induit, indutum reparat, reparatum  
confirmat. Porrigit dexteram cum nascitur, cum lo-  
quitur extrahit, abluit cum moritur, induit cum re-  
surgit, cum ascendit reparat, confirmat cum Spiritum  
sanctum emittit de cælis.

*Der. ser. 3.* Et ut agnoscas plenius homo dignitatem tuā, agno-  
*in vig. Na-* scas & gloriam conditionis tuæ vel humanæ; tria ope-  
*tiuit. Dom.* ra, tres mixturas fecit omnipotens illa maiestas in as-  
*cir. med.* sumptione carnis nostræ, ita mirabiliter singularia,  
& singulariter mirabilia, ut talia nec facta sint, nec fa-  
cienda sint super terram. Coniuncta sunt quippe ad-  
inuicem Deus & homo, Mater & Virgo, fides & cor  
humanum. Admirabiles istæ mixturæ, & omni mi-  
raculo mirabilis, quomodo tam diuersa adinuicem  
potuerunt coniungi. *Et infra:* Huic limo terreno vim  
vitalem miscuit, ut in arboribus, vnde surgit venustas  
in folijs, in floribus pulchritudo, sapor in fructibus  
& medicina. Adiecit etiam vim sensibilem limo no-  
stro, ut in pecoribus, quæ non solum iam vitam ha-  
beant, sed & sentiant quinque partita sensificatione  
vigentes. Addidit adhuc honorare limum nostrum,  
& ei vim rationalem immisit, ut in hominibus, qui  
iam non solum viuunt, sentiant, sed & discernant in-  
ter commodum, & incommodum, inter bonum &  
malum, & inter verum & falsum. Voluit quoque ad-  
huc infirmiora nostra abundantiori gloria sublima-  
re, & contraxit se maiestas, ut quod melius habebat,  
videlicet seipsum, limo nostro coniungeret: misce-  
rentq. se inuicem Deus & limus, maiestas, & infirmi-  
tas, tanta vilitas, & sublimitas tanta.

*Aug. de spi.* Et vide, quod mirabilis fuit coniunctio prima, vi-  
*Grani. c. 14.* delicet inter animā & corpus, sed mirabilior fuit se-  
*10. 3.* cunda inter Deum & limum, nec minus mirabilis erit  
& tertia, cum homo, Angelus, & Deus, vnus erit spi-  
ritus. Confundatur ergo superbia hominū, & ad hu-  
militatem Dei nouerit de se humilia sapere lutum.

*Der. ser. 3.* Nihil enim Deo sublimius, nihil vilius limo, & ta-  
*in vig. Na-* men tanta dignatione descendit Deus in limum, tan-  
*tiuit. Dom.* taq. dignitate limus ascendit in Deum, ut quidquid  
*post med.* fecit Deus, limus fecisse credatur, quidquid limus  
pertulit, Deus pertulisse dicatur tam ineffabili, quam  
incóprehensibili sacramento. *Et infra:* Aduerte ergo  
homo, quia limus es, & non sis superbus; quia Deo  
coniunctus es, & non sis ingratus.

*Bern. super* Verum quoniam bona, quæ largiri mortalibus nō  
*Cæt. ser. 11.* cessat misericors & miserator Dominus, recolere, &  
*ante med.* recolligere omnia omni homini impossibile est, id  
saltem quod præcipuum est maximū opus, videlicet  
redemptionis, a memoria tua aliquatenus non recedat.

*Aug. ser. 2.* Agnosce igitur quantum valeas, & quantum de-  
*in feria 3.* beas, & dum pretium tui cogitas, tibi vilis esse de-  
*post Dom.* sinas.

*Pal. de tēp.* Perspice homo quantum valeas, ut tandem, in-  
*20. post* quam, vilis tibi esse desinas, ut per hoc erubescendis  
*med. 10. 10.* subiaceres vitij dedigneris, dum generositatem tuam  
de Creatoris, ac Reparatoris dignitate metiris.

*Aug. ubi* Reus namque eris, non parui pretij, sed sanguinis  
*sup. prox.* Christi, qui violas, & maculas animam, Christi san-  
guine mundatam, & passione redemptram.

*Lco ser. 2.* Memento cuius sis capitis, & cuius corporis mem-  
*in Nat. Do.* brum. Reminiscere, quia morte Christi, erutus de  
*cir. fin.* potestate tenebrarum, translatus es in Dei lumen, &  
regnum: quia pretium tuum sanguis est Christi, qui  
veritate te iudicabit, qui misericordia te redemit.

*Idē de pas-* Miserendi enim nostri Deus causam, nisi in sua bo-  
*sione Dom.* nitate, non habuit. Mirabilior est secunda hominum  
*ser. 23. c. 1.* generatio, quam prima conditio: quia plus est in no-  
uissimis sæculis reparasse Deū, quod perierat, quam  
a principio fecisse, quod non erat.

*Der. ser. 21.* Memento te, & si de nihilo factum, non tamen de

A nihilo redemptum. Sex diebus condidit omnia, & te in Cæt. cir.  
inter omnia. At vero per trigintatres annos, opera-  
tus est salutem tuam in medio terræ. O quantum la-  
borauit sustinens carnis necessitates, & hostis tenta-  
tiones. Quis vero inter cetera digna penset, quantum  
fuerit humilitatis, mansuetudinis, & dignationis, Do-  
minum maiestatis indui carne, mulctari morte, tur-  
pari cruce? Numquid non valuit opus suum reparare  
absque ista difficultate? Valuit, sed maluit cum  
iniuria sui, ne pessimum atque odiosissimum vitium  
ingratitude ultra reperiret in homine. Sane multi-  
tum fatigationis assumpsit, quo multæ dilectionis ho-  
minem debitorem teneret, commoneretq. gratiatū  
actionis difficultas redemptionis, quem minus esse  
deuotum fecerat conditionis facilitas. Quid enim  
dicebat homo creatus & ingratus? Gratis quidem  
conditus sum, sed nullo grauamine auctoris, vel la-  
bore. Siquidem dixit & factus sum, quemadmodum  
vniuersa. Quid magnum est, qualibet magna, quod  
in verbi facilitate donauerit? Sic beneficium Creato-  
ris attenuans humana impietas, ingratitude materiam  
inde sumebat, vnde amoris causam habere de-  
buerat; idq. ad excusandas excusationes in peccatis.  
Sed luce clarius patet, quantum homo pro te factus  
dispendium fecit, de Domino seruus, de Dei Filio,  
hominis Filius fieri non despexit.

Et qui te semel tantum & solum dicendo fecit, in *Bern. de dt*  
reficiendo profecto multa & gessit mira, & pertulit *ligēdo Deo*  
dura: nec tantum dura, sed etiam indigna. Et ideo *ante med.*  
licet multum possit hominem incitare ad amandum  
Deum, quod ipse eum fecit, tamen multo amplius  
debet eum incitare, quod ipse eum refecit, quia non  
tam facile refectus, quam factus. Quid ergo retribuā  
Domino, pro omnibus, quæ tribuit mihi? In primo  
opere me mihi dedit, in secundo se, & ubi se dedit,  
me mihi reddidit. Datus ergo & redditus, me pro  
me debeo, & bis debeo. quid Deo retribuam pro se?  
Nam etiam si me millies repēdere possem, quid sum  
ego ad Deum? *Et paulo ante:* Quid igitur magnum  
tanto recompensatur amor, si pulvis exiguus totum  
se ad reamandum collegerit, quem illa nimirū maie-  
stas in amorem præueniens, tota in opus salutis eius  
intenta conspicitur?

Ecce Domine, quia tu me fecisti, debeo meipsum *Anselm. de*  
amori tuo totum: quia me redemisti, debeo meip- *medit. re-*  
sum amoris tuo totum: quia tanta promittis, debeo *demp. hum.*  
meipsum amoris tuo totum. Immo & tantum debeo, *c. 7.*  
plus quam meipsum, quantum tu es maior me, pro  
quo dedisti teipsum, & cui promittis teipsum.

Et hæc tria considero, in quibus tota spes mea cō- *Der. ser. 3.*  
sistit. In charitate adoptionis, veritate promissionis, *in Dom. 6.*  
& potestate redemptionis. Scio igitur cui credidi, *post Pente.*  
& certus sum, quia in charitate nimia adoptauit, *cir. fin.*  
me, quia verax in promissione, & quia potens in  
exhibitione.

Cogita igitur quantum diligit te, qui tanta pertu- *Hugo de ar*  
lit pro te, & tanta facere dignatus est propter te, & *rha anima*  
qui tanta tibi dare promittit. Primo namque pul- *post med.*  
cher factus fueras eius munere, postmodum vero  
fœdus factus es tua iniquitate. Sed iterum munda-  
tus es, & formosus factus es eius pietate, operante  
tamen utrobique charitate. Olim cum non esses,  
dilexit te, ut conderet te; postea cum fœdus factus  
esses dilexit te, ut pulchrum faceret, & ut ostende-  
ret tibi quantum te diligeret: non nisi moriendo a  
morte te liberare voluit, ut non tantum pietatis im-  
penderet beneficium, verumetiam charitatis ostende-  
deret affectum. immo & tam sincera charitate di-  
ligit, ac si semper cum eo perstitisses, nec exprobrat  
tibi reatum, nec impropertat tibi beneficium. Et si  
deinceps cum eo fideliter perseuerare, ipsumq. ut  
debet, amare, & tuum illi amorem incontaminatum  
seruare volueris, maiora prioribus se daturum pro-  
mittit.

Quia

**Bernar. in Cāt. ser. 9.** Quia gemina dulcedo suauitatis exuberat in pe-  
**cir. med.** core Iesu, longanimitas videlicet in expectando, &  
in donando facilitas. Ad hoc siquidem diu suspendit  
sententiā ultionis a contemnente, vt quandoque gra-  
**Ezec. 18. e** tiam exhibeat remissionis in pœnitente. Non vult  
**Ibidem.** enim mortem peccatoris, sed vt cōuertatur & viuat.  
De pœnitendi facilitate audi: Quacumque hora pec-  
**Psal. 102. b** cator ingemuerit, peccatum suum remittetur ei. Et  
Dauid paucis comprehendit vtrumque. Longanimis,  
inquit, & misericors.

**Idem li. de interiori domo c. 37.** Et ideo misericors est, quod tardius videtur ei pec-  
catori veniam dare, quā ipsi peccatori accipere. Sic enim festinat absolvere eum a tormento con-  
scientiæ suæ, quasi plus cruciet eum passio miseri,  
quā ipsum miserum passio sua. Et vt hoc euiden-  
tius intelligas, attende.

**Hugo ubi supra post med.** Abieras siquidem & perieras, & quia in peccatis  
tuis venumdatus eras, vltra se continere non potuit.  
Venit igitur ille post te vt redimeret te, & tantum di-  
lexit te, vt sanguinis sui pretiū appenderet pro te, ta-  
liq. pacto, & reduxit de exilio, & redemit de serui-  
tio. Nulla ergo dilectio maior, nullus amor sincer-  
ior, nulla charitas sanctior, nullus affectus ardēti-  
or. Mortuus est pro te innocens, nihil quod in te amaret  
inuēniens. O cor induratum, cor plus quā lapi-  
deum, eo quod in morte amatoris tui, quā pro amo-  
re tuo sustinuit, & petræ scissæ sunt, & monumenta  
aperta sunt. Cur non datum est mihi intelligere Deū  
Creatorem meū pro amore meo quasi infatuatum,  
& tamquam ad nihilum videre redactum?

**Hugo ibid.** Quidnam inuenisti in me Domine Deus, quod di-  
ligeres, & tantum diligeres, vt morereris pro me?

**Bernardus** Quod tale in me inuenisti, pro quo tanta & tā dura  
& dira sustinere voluisti? O bone Iesu, si mihi sape-  
ret etiam præter hæc, quā dulciter cum hominibus  
conuersatus es, quā magna etiam abundanter eis  
largitus es, dura & aspera pro eis passus es, dura ver-  
ba, duriora verbera, durissima & horrenda crucis tor-  
menta. Flagellis cæsus, spinis coronatus, clavis con-  
fossus, patibulo affixus, opprobrijs saturatus, omniū  
tamen immemor dolorum, ait: Pater ignosce illis.

**Luc. 23. e** Expansis pro eis in cruce manibus, dedit risum ma-  
lignantibus, & fletum fidelibus, factusq. omnibus est  
derisui, qui solus potuit esse terrori. Quid igitur ma-  
gis admirandum? quid amplius detestandum? quid  
gravius puniendum, quā quod videns Dei Filium,  
summum in regno Angelorum, nouissimū in regno  
hominum, apponit se magnificare homo super ter-  
ram? Quid superbis terra & cinis?

**Idem ser. 1. in Epipha. Dom. ante med.** Quanto enim se minorem fecit in humilitate, tan-  
to se maiorem ostendit in bonitate, & quanto pro te  
est vilior, tanto tibi debet esse carior.

Quæ maior iniquitas, quā vt inde Creator a te  
contemnatur, vnde plus amari merebatur? Attende  
amorem, quo se totum tibi impendit, nihil sibi reti-  
nens. Attende, & humilitatem qua seruiuit tibi, nihil  
sibi dominationis vendicans.

**Bernardus** Primo omnia sua tibi dedit, dehinc & seipsum ex-  
posuit vtilitatibus tuis, non parcens sibi propter te, in  
ieiunijs multis, in laboribus frequenter, in vigilijs su-  
pra modum, in fame & siti, etiam in frigore & nu-  
ditate.

**Leo ser. 14. de Pass. Do mini c. 4.** Nam omnes infirmitates nostras, quæ veniunt de  
peccato, absque peccati communione suscepit; vt &  
famis ac sitis, somni & lassitudinis, mæroris ac fletus,  
affectionibus non careret, doloresq. sæuissimos, vs-  
que ad mortis extrema pateretur. Ministerium vero  
suum impleuit, humilians semetipsum, & obediens  
factus Patri vsque ad mortem, mortem autem cru-  
cis. Sed parum tibi forte videtur, quod cum esset Fi-  
lius & cœqualis, tamquam seruus seruit Patri, si non  
& seruo suo, plusquam seruus seruiuit. Factus quidē  
erat homo, vt Creatori seruiret. Et quid iustius, quā  
vt seruias illi, a quo creatus es, sine quo nec esse po-

tes? Et quid beatius aut sublimius, quā seruire illi,  
cui seruire regnare est? Non seruiam, inquit homo  
Creatori: ego igitur seruiam tibi Creator hominū,  
Tu recumbe, ego ministrabo, ego tibi pedes lauabo.  
Tu quiesce, ego languores tuos feram, & infirmita-  
tes tuas portabo. Vtere me vt libet in omni necessi-  
tate tua, non modo vt seruo tuo, sed etiam vt iumen-  
to tuo, vt peculio tuo. Si fatigatus autem & onera-  
tus es, ego te & onus tuum feram, vt legem meam pri-  
mus impleam. O duritia cordis mei, ad dignationem  
tantam tam inopinatam! O detestabilem superbiam  
hominis seruire contemnentis. Dorsum etiam posuit  
ad flagella, & plagis vapulauit non paucis, nec par-  
uis. Indicio sunt riuuli sanguinis, qui de tot partibus  
profluunt corporis. Contumelia, & tormento inter-  
rogatus fuit, veluti seruus aut latro. Subditur quæ-  
stioni, qua confessio extorquebatur criminis. Num-  
quam igitur recedat a memoria tua, tam debita mi-  
seratio, tam probata dilectio.

**Anselmus.** Scio namque Domine, quia licet multæ sint cau-  
sæ, multæ sint rationes, quare te deberemus diligere,  
nulla tamen maior causa, nulla cogentior ratio, quā  
nostræ redemptionis modus. Debemus diligere te,  
quia nos creasti, quia nutriuisti, quia pascis & vestis.  
Sed ideo maxime, quia redemisti nos tali modo, sci-  
licet morte tua, & tali genere mortis, quod tunc tem-  
poris erat vilissimum genus mortis, quo puniebātur  
latrones, & qui magna scelera commiserant. Quan-  
to enim abiectiora pro hominibus pati dignatus es,  
tanto magis ab hominibus honorari, & diligi dignus  
es. Quis enim tantæ duritiæ est & obstinationis, vt  
non possit animum suum inclinare ad te diligendum,  
qui tantum dilexisti nos, vt nos lauares a peccatis no-  
stris in sanguine tuo? Quis est, qui non possit fer-  
uentius & diligentius & dulcius diligere, quando re-  
cordatur, quod in cruce brachia tua expandisti, desi-  
derans nos amplecti, & recipere omnes, qui ad te  
confugere volunt?

In nullo vero clarius, quā vulneribus tuis elu-  
xit, quod tu Domine suavis es, & mitis, & multæ  
misericordiæ.

**Bernar. in Cāt. ser. 61 ante med. Ibidem ser. 20. non longe a princ.** Idcirco super omnia reddit te amabilem mihi, o  
bone Iesu, calix quem bibisti, opus redemptionis no-  
stræ. Hoc omnino amorem nostrum vendicat facile  
torum sibi. Hoc, inquam est, quod nostram deuotio-  
nem, & blandius allicit, & iustius exigit, & arctius  
stringit, & afficit vehementius. Multum quidem la-  
borauit in eo Saluator, nec in omni mundi fabrica  
tātum fatigationis auctor assumpsit. In dictis suis su-  
stinuit contradictores, in factis obseruatores, in tor-  
mentis illulores, & in morte exprobratores.

Cum igitur deuoueris quidquid es, quidquid po-  
tes, nonne sic est quasi stella ad solem, quasi lapillus  
ad montem, & quasi gutta ad fluuium? Si perpende-  
res, quā multa, & quā multis debeas, videres,  
quā nihil sit quod facis, quā nec etiam inter mi-  
nima computandum, ad comparisonem debitorum  
tuorum. Quod si nescieris & scire volueris, respice  
mentali oculo, quanto remunerationis debito astrin-  
garis Domino patienti.

**Bernardus** Volue & reuolue Dominicum corpus, a latere vs-  
que ad latus, a summo vsque deorsum, & vbique in-  
uenies dolorem. Respice sudorem sanguineum, ala-  
parum contumeliam, flagellorum instantiam, spineā  
coronam, sputi ludibria, crucis angariam, patibuli su-  
spendium, oculos languentes, oris pallorem, fellita  
cibaria, acida pocula, caput inclinatum, geniculatio-  
nes irrisorias, titulum famosum, vestimenti sortem,  
& geminatum, Crucifige. Quid plura? Vilissimum  
mortis supplicium, & probra nefandissima. Vide  
Christum in cruce pendentem, capitis inclinationem  
ad osculum, brachiorum extensionem ad amplexum,  
lateris apertionem, & totius corporis confixionem  
ad effectum. Considera Filium Virginis illitū sputis,  
liuidum

liuidum plagis, clavis confixum. Attende rectorem A  
cæli statem in cruce, pallidum in morte, & carne de-  
formem. Ne pertranscas Dominum Angelorum, vi-  
rum percussum a Deo & humiliatum, virum quasi  
leprosum, & omnibus detrimentis expositum. Co-  
pioſa namque apud eum redemptio. Et vere copioſa,  
quia per quinque partes de corpore eius vnda san-  
guinis emanauit, cum ad redemptionem totius orbis  
vna pretioſiſſimi sanguinis sui gutta ſufficeret. Sed  
ideo data eſt copioſa, vt virtus dilectionis in beneficij  
redundatione clareſceret.

*Pſal. 129. b*

*Idē ſer. 3.* Agnoſce etiam, quàm grauiſa ſunt illa vulnera, pro  
*in Nat. Do.* quibus neceſſe fuit Chriſtum Dominum vulnerari. B  
*poſt med.* Si hæc omnia non eſſent ad mortem, mortemq. ſem-  
piternam, numquam pro eorum remedio Dei Filius  
moreretur.

*Hugo.*

Hæc quanti valeant frequenter cogita, & in ſtate-  
ra charitatis appende, & quidquid amoris impendē-  
dum habes, illi repende. Inſpice diligenter vulnera  
pendentis, cicatrices reſurgentis, ſanguinem morien-  
tis, pretium credentis, commercium redimentis.

*Bern. ubi  
ſup. prox.*

Et quia Filius Dei occidi iubetur, vt pretioſi ſan-  
guinis ſui balfamo vulneribus tuis mederetur; num-  
quam a corde tuo recedat, quatenus toto tibi figatur  
in corde, qui pro te totus fixus eſt in cruce.

In qua Chriſti fixatione tria diligenter conſidera, vt  
illi arctius per amorem adhæreas, triplicem videli-  
cet vtilitatem, triplicem aſperitatem, & triplicem pau-  
pertatem. Prima vtilitas fuit alaparum, & colapho-  
rum & arundinis percuffio, tamquam in ribaldum.  
Secunda fuit maior, ſcilicet tamquam in buffonem,  
vel aliquod ſordidū aut ſcærens ſputi exſcretio. Ter-  
tia fuit maxima, videlicet inter latrones mortis tur-  
piſſimæ condemnatio. De triplici autem aſperitate  
vide diligenter. Prima aſperitas fuit ſpinarū per me-  
dium cutis capitis, ad modum coronæ crudelis in-  
fixio. Secunda maior, totius videlicet corporis vſ-  
que ad ſanguinis effuſionem ligati & non poten-  
tis ire quo veller, crudelior flagellatio. Tertia vero  
& maxima, omnium membrorum in cruce violentiſ-  
ſima diſtenſio, maxime cum talem diſtenſionem  
comitata fuerit manuum, & pedū crudeliſſima tranſ-  
fixio. Nam ſi ad ſe membra traheret, propria vulne-  
ra in loco ſenſibiliſſimo, vt ita dicam, propter neruo-  
rum ſenſibilium concurſum, & cauſam mortis aug-  
mentaret: ſi autem diſtēta permetteret, dolorem ex  
diſtēſione, vel quaſi diſſociationem omnium iunctu-  
rarū ſentiret. Nam non ſunt veriti, membra eius in-  
tantum diſtendere, vt omnia oſſa eius poſſent dinu-  
merari. De paupertate vero conſidera. Prima pau-  
pertas fuit, quòd tantum non habebat, quòd in pro-  
pria domo ſuum caput reclinare poſſet. Secunda ve-  
ro maior iuxta crucem, quòd veſtes nō habebat, qui-  
bus membra tegere poſſet. Tertia autem maxima,  
quòd nec ſpatiū pedis voluit in terra habere, vnde in  
aera aſcendit, quando in cruce pro te pendere voluit.

*Anſelm. de  
meditatione  
redēpt. hu-  
mana. c. 3.  
4. 5. & 6.*

Tamen in his omnibus non eſt diuina natura hu-  
miliata, ſed humana eſt exaltata: nec eſt imminuta,  
ſed iſta eſt miſericorditer adiuta. Nec humana natu-  
ra in illo homine paſſa eſt aliquid vlla neceſſitate, ſed  
ſola libera voluntate: nec vlla cogente obedientia, ſed  
potenti diſponente ſapientia. Non enim illi Pa-  
ter, vt moreretur, cogens præcepit: ſed ille, quòd Pa-  
tri placitum, & hominibus profuturum intellexit,  
hoc ſponte fecit. Nec eum ad hoc Pater potuit co-  
gere, quòd ab eo exigere non debuit. Sic itaque Pa-  
tri obediētiā liberam exhibuit, cui hoc placitum  
ſciuit, ſponte facere voluit. Denique quando Pater  
hanc bonam illi volūtatē, quamuis liberam dedit,  
nō immerito dicitur, quia eam velut præceptum Pa-  
tris accepit. Hoc itaque modo obediens fuit Patri  
vſque ad mortem; & ſicut mādatum dedit illi Pater,  
ſic fecit, & calicem, quem dedit illi Pater, bibit. Hæc  
eſt enim perfectæ & liberrimæ humanæ naturæ obe-

*Ioan. 14. d  
Ioan. 13. b*

dientia, cum voluntatem ſuam liberam ſponte volun-  
tati Dei ſubdit, & cum acceptam bonam voluntatem  
ſine omni exactione, ſpontanea libertate opere perfici-  
cit. Sic homo ille redemit omnes alios, cū hoc, quòd  
ſponte dedit Deo, computat pro debito, quòd illi de-  
bebant. Quo pretio non ſemel tantum a culpis ho-  
mo redimitur, ſed etiam, quoties cum digna pœnitē-  
tia redierit, recipitur: quæ tamen pœnitentia peccati  
non promittitur. Lætare igitur pro libertate tua, &  
eſto ſemper gratus illi, qui ſic gratis ſua morte ad vi-  
tam te reſtaurauit. Sed o tu Domine, tu qui vt ego  
viuerem mortem ſuſcepisti, quomodo lætabor de li-  
bertate mea, quæ non eſt niſi de vinculis tuis? Qua-  
liter gratulabor de ſalute mea, cum non ſit niſi de do-  
loribus tuis? Quomodo gaudebo de vita mea, quæ  
non eſt niſi de morte tua? An gaudebo de his, quæ  
paſſus es, & de crudelitate illorum, qui ea tibi fece-  
runt? quoniam niſi illi feciſſent, tu paſſus non eſſes:  
& ſi tu paſſus non eſſes, hæc mea bona non eſſent.  
Sed certe illorum nequitia nihil facere potuit, niſi  
quòd tu ſponte permiſiſti, nec tu paſſus es, niſi quia  
tu pie voluiſti. Ergo tu peccator redemptus, illorum  
crudelitatem dimitte Dei iudicio, & tracta de his,  
quæ debes Saluatori tuo. Intuere neceſſitatem tuam  
& bonitatē eius, & vide quas gratias reddas, & quan-  
tum debeas amoris eius.

C

O ſi attenderes quot & quales in comparatione tui  
abiecti ſunt, qui hanc, quæ tibi data eſt, gratiam per  
mortem videlicet Filij Dei conſequi non potuerunt.  
Certe audiſti ab initio vſque in hanc diem, quàm mul-  
tæ generationes hominum periſerunt, quæ etiam om-  
nes ſine cognitione Dei, & pretio ſuæ redemptionis  
in interitum ſempiternum dilapſæ ſunt. Omnibus il-  
lis Redemptor & amator tuus te prætulit, quando ti-  
bi hanc gratiam largitus eſt, quam nullus hominum  
percipere meruit. Et quid dicis? Quare putas præ-  
latus es omnibus illis? Numquid tu fortior illis? nū-  
quid tu ſapientior? numquid nobilior? numquid di-  
tior omnibus illis fuiſti? quia hanc præ omnibus illis  
ſpecialeſ gratiæ ſortiri meruiſti? Quot fortes, quot  
ſapientes, quot nobiles, quot diuites ibi fuerunt, &  
tamen vniuerſi relictī, & abiecti perierunt. Tu ſolus  
præ omnibus illis aſſumptus es, & quare hoc in te fa-  
ctum ſit, nullam præter gratuitam Saluatoris tui cha-  
ritatem cauſam inuenire poteris. Elegit ergo, & præ-  
elegit te in omnibus, & aſſumpſit te ex omnibus, &  
amauit te præ omnibus: Nomine ſuo vocauit te, vt  
memoriale eius ſemper eſſet apud te, voluit te parti-  
cipem eſſe in nomine, participem eſſe in nominis ve-  
ritate, quoniam vnxit te illo quo & ipſe erat vnctus  
oleo lætitie, vt ab vncto ſis vnctus, qui a Chriſto dice-  
ris Chriſtianus.

D

E

Adhuc diligentius ac plenius attende quanta tibi  
contulit hic amator tuus, vt in omni ſtatu, omni tem-  
pore, ipſius beneficia, atque circa te ſolicitudinem  
recognoscas.

Semper cogita quantam tecum miſericordiam fe-  
cit, & in hoc perpende quantū ab ipſo diligeriſ, quòd  
eius beneficium numquam tibi deſuiſſe cognosciſ.

F

Non enim tibi inter cetera paruum æſtimandum  
eſt beneficium, quòd bene vtens malo parentum tuo-  
rum, creauit te de carne illorum, & inſpirauit in te  
ſpiraculum vitæ, diſcernens te ab illis, qui vel aborti-  
ui proſecti ſunt ab vtero, vel qui inter materna viſce-  
ra ſuffocati pœnæ videntur concepti non vitæ. Et in-  
fra: Quid etiam quòd integra tibi, & ſana membra  
creauit, ne eſſes parentibus tuis dolori, & opprobrio  
alienis? Magnum certe, & hoc. Sed conſidera illud,  
quàm fuerit inæſtimabilis bonitatis, quòd eo tēpore,  
& inter tales naſci voluit, per quos ad fidem ſuam, &  
ſacramenta peruenires. Vnde innumerabilibus mil-  
libus hominum hoc negatum, quòd tibi gratularis  
eſſe conceſſum, cum quibus tecum, cum vna eſſet, ea-  
demq. conditio, illi derelicti per iuſtitiam, tu vero  
vocatus

*Hugo de ar-  
tha anima  
poſt med.*

*Ibid. longo  
poſt med.*

*Aug. in lib.  
de diligēdo  
Deo. c. 11.  
10. p.*



vocatus es per gratiam. Procede & adhuc intuendo munus eius fuisse, quod educatus a parentibus fuisti, quod te flamma non læsit, quod non absorbitur aqua, quod non vexatus a dæmone, quod non percussus a bestiis, quod præcipitio non necatus, quod usque ad congruam ætatem in eius fide & tuitione nutritus.

Hugo ibid.  
ubi supra  
prox.

Ecce natus es, fons baptismi tibi positus est, & lavacrum regenerationis, in quo sordes præteritorum criminum abluit. Deinde chrisma & oleum, in cuius vnctione Spiritu sancto liniris. Post hæc delibutus & in vnctione perfusus ad mensam venis, & percipis ibi alimentum corporis & sanguinis Christi, quo interior saginatus & refectus, noxiam illam præteritorum ieiuniorum maciæ depellis, & pristina pulchritudine atque fortitudine reparatus, rursus quodammodo iuuenescis. Deinde vestimenta bonorum operum induis, & cum ieiunijs, cum vigilijs, alijsq. operibus misericordiarum, vel pietatis, quasi vario ornatu decoraris. Ad ultimum sequuntur aromata virtutum, quorum odor suaue spirans, omnem illum antiquorum sordium fetorem fugat, ita ut quodammodo tibi totus mutari, & in alium transformari videaris, & magis lætus, magis alacris, magis sospes efficiaris. Datur etiam tibi speculum sancta Scriptura, ut ibi videas faciem tuam, ut neque minus neque aliter quam deceat, habeat compositio ornatus tui. Quid dicis igitur homo? Scis utrum ne aliquid horum perceperis? Certe in fonte ablutus fuisti, certe chrismatis vnctionem percepisti, certe de mensa Christi pretiosum cibum comedisti, sed forte iterum pollutus es, habes lacrymas, quibus te iterum abluas. Iterum vnctio emarcuit in te, per piam & bonam deuotionem iterum te vngas. Vide quam pia tibi dispensatione, vbique concurratur. Non habuisti, & datum est tibi; perdidisti & restauratur tibi; nusquam derelinqueris, ut scias quantum ille te diligit, a quo amaris. Non vult te perdere, & ideo tanta patientia te expectat, & concedit pie, negligenter toties amissa, iterum atque iterum si tu volueris reparare. O quot iam perierunt, qui ista tecum acceperunt, sed amissa iterum recipere non meruerunt. Plus ergo omnibus dilectus es, quia tam benigne amissum redditur, quod illis perditum tam districte negabatur. Numquid tibi gratia bene operandi nulla data est? Tamen voluntas bona ipso largiente negata non est. Si magna opera facis, misericorditer sublimaris: si non facis magna opera, fortassis salubriter humiliaris. Melius nouit ille, quid tibi expediat, quam tu: & ob hoc si vis de illo bene sentire, totum quod ab illo tibi fit, bene fieri intellige. Forte gratiam virtutum non habes, sed dum vitiis impulsu concuteris, melius in humilitate solidaris. Suauius redolet Deo humilitas infirma, quam virtus elata. Nihil ergo dispositioni eius præiudicare audeas, sed semper cum timore & reuerentia ora eum, ut quemadmodum ipse nouit, tibi subueniat, si qua adhuc in te mala permanserint, pie diluat, si qua inchoata sunt bona, benigne perficiat, & ea, qua ipse voluerit via te ad se perducatur. Quid tibi amplius dicam? Est ne aliquid adhuc, quod dicere possim ad ostendendam dilectionem? Tibi loquor peccator. Quid dicis? Si tua dicis, aliena non poteris. Si aliena & tua, non tam omnia. Quis enim omnia dicere potest? Et tamen scimus, quia omnium origo est charitas. Ecce duo nati sunt, eadem utrisque nobilitas generis, eadem hora natiuitatis. Alter in paupertate relinquitur, alter diuitijs sublimatur, & utrumque charitas operatur: quia & hunc paupertate humiliat, & illi abundantia consolatur. Iste debilis est, & ille fortis. Iste tenetur ne malum perficiat, ille roboratur ut ad bonum opus conualescat: utrumque charitas probat, nec reprobatur. Alter per sapientiam illuminatur, alter in simplicitate sensus sui relinquitur. Iste ut seipsum despiciat, ille ut Creatorem suum studeat agnoscere: utrique tamen voluit charitas adesse. Talis est

Amor Dei in nobis ne quidquam omnino humana infirmitas toleret, quod ipse quantum in bonitate sua est, ad bonum nostrum non disponat. *Et infra*: Animaduerte igitur, sicut superius memoravi, & vide, quod merito amor iste singularis Dei, qui cum se in multos diffundat, ita tamen vnice singulos amplexatur. Vere pulchrum & mirificum bonum, quod commune est omnium, & totum singulorum, cuius præsidens, singulos implens, vbique præfens, omnium curam gerens, & tamen singulis quasi omnibus prouidens. Sic certe mihi videtur, cum eius miserationes circa me attendo, quod, si fas est dicere, quodammodo nihil aliud faciat Deus, nisi ut salutem meam prouideat, & ita totum ad custodiam meam occupatum video, quasi omnium oblitus sit, & mihi soli vacare velit. Semper præsentem exhibet, semper paratum se offert, quocumque verterem me non deserit, vbicumque fuero non recedit, quidquid egero pariter assistit. Et quod tandem cunctis actionibus, siue cogitationibus meis perpetuus sit inspector, & quantum ad bonitatem suam pertinet indiuiduus cooperator assistit, ipso operis sui effectu patenter ostendit. Ex quo constat, sicut præmissi, quod licet facies eius a nobis non possit videri, numquam tamen possit præsentia eius cuitari. *Et paulo ante hac*: Confiteor igitur tibi miserationes tuas, Domine Deus meus, quia non dereliquisti me. Quid retribuam tibi, pro omnibus, quæ tribuisti mihi? Vis ut diligam te? Et quomodo diligam te? Et quantum diligam te? Et quis sum ego, ut diligam te? Quid faciemus Domino Deo nostro, a quo tot & tanta bona suscepimus? Neque enim cõrētus fuit ea, quæ & ceteris, bona nobis tribuere; sed in malis quoque nostris eum singularem dilectorem agnoscimus, ut eum tam de bonis, quam de malis nostris omnibus singulariter diligamus. Tu dedisti mihi Domine, ut te cognoscam, & ut præ ceteris multis de tuis secretis reuelata intelligam. Alios cõtempnentes meos in tenebris ignorantie dereliquisti, & mihi præ illis lumen sapientiæ tuæ infudisti. Tu dedisti mihi verius cognoscere te, purius diligere te, sincerius credere in te, ardentius sequi te. Tu dedisti sensum capacem, intellectum facilem, memoriam tenacem, linguam disertam, sermonem gratum, doctrinam laudabilem, efficaciam in opere, gratiam in conuersatione, profectum in studiis, effectum in conceptis, solamen in aduersis, cautelam in prosperis, fortitudinem in aduersis. & quocumque vertebam me, vbique gratia tua & misericordia præcessit me. Et sæpe cum mihi videbar consumptus, subito liberasti me.

Quando errabam, reduxisti me; quando ignorabam, docuisti me; quando peccabam, corripuisti me; quando contristabar, consolatus es me; quando desperabam, confortasti me; quando cecidi, erexit me; quando steteri, tenuisti me; quando iui, duxisti me; quando veni, suscepisti me.

Hæc omnia & multa alia fecisti mihi

Domine Deus meus, de quibus

mihi dulce erit semper co-

gitare, semper loqui,

semper gratias a-

gere, ut te lau-

dem,

& amem pro omnibus be-

neficijs tuis Domine

Deus meus.

Amen.

Aug. lib. de  
dilig. Deo.  
c. 9. 10. 9. &  
lib. Soliloq.  
c. 13. 10. 10.  
& li. de spi.  
& ani. c. 17.  
10. 3.



# S. BONAVENTURAE

## EXIMII ECCLESIAE DOCTORIS

### Opusculum

### DE ECCLESIASTICA HIERARCHIA.

*Præfens Opusculum quadripartitum est: cuius prima pars agit de tribus primæ Hierarchia ordinibus; secunda de tribus ordinibus Hierarchia secunda; tertia de tribus ordinibus Hierarchia tertia; quarta de celi, & celestium corporum proprietatibus. Continent autem singula partes singularem, & valde utilem doctrinam is præsertim, qui regimini præfunt, dum modum ostendit Auctor quo se superioribus spiritibus conformare debeant tam subditi quam prelati pro suaquique ratione. Lector tamen animadvertere debet præcedens Opusculum a S. Bonaventura hic in principio citatum, in quo se de rerum ordine & distinctione egisse ait, illud non esse quod in ultima editione Veneta de mystica Theologia inscriptum huic proxime præponitur, tum quod in eo de his non agit, tum quod an Bonaventura sit ab aliquibus in dubium revocetur, tum denique quod in antiquis impressis non est is opusculorum ordo. Quare vel iniuria temporum tractatus ille non extat, vel forsasse brevisloquium est, in cuius secunda parte de productione, & distinctione rerum agitur. & si coniectura aliquis locus est, forsasse Auctor statim post brevisloquium, hoc scripsit.*

Prima Pars huius Opusculi de tribus ordinibus primæ Hierarchiæ,  
cuius hæc sunt capita.

*De nomine Angeli, & quod eo varia in Scriptura  
significentur.* Cap. I.  
*De Seraphim.* Cap. II.

*De Cherubim.*  
*De Thronis.*


Cap. III.  
Cap. IIII.

*De nomine Angeli, & quod eo varia in Scriptura  
significentur.* Cap. I.

Rom. 1. g

Sap. 13. e

Dionys. de  
Ang. Hier.  
c. 1.



**I**NVISIBILIA Dei, per ea, quæ facta sunt, intellecta conspiciuntur, ut ait Apostolus, sempiterna quoque eius virtus & diuinitas. A magnitudine enim speciei & creaturæ cognoscibiliter poterat Creator horum videri, ait Sapiens. Ex quo apparet manifeste, quod humanus intellectus ad inuisibilem & intellectualium contemplationem ascendere non poterit, nisi per visibilem & sensibilem considerationem dirigatur. Impossibile namque est, ut dicit Dionysius, aliter nobis lucere diuinum radium, nisi varietate sacrorum velaminum anagogice circumvelatum. Ideo Theologia poeticis sacris informationibus usa est, ut ex rerum visibilium similitudinibus allegorice locutiones & mystici intellectus transumptiones formentur, & sic sensibilibus & visibilibus spiritualia & inuisibilia coaptentur. Huius rei gratia præfens opusculum, & si laboriosum mihi, tamen & alijs parvulis in Christo lac petentibus, ut spero, non infructuosum, offero ad ædificationem domus Domini, qui est sublimis & gloriosus in sæcula sæculorum. In quo agitur de proprietatibus rerum naturalium, quas secundum paruitatem meam, nunc tropologice, nunc allegorice, necnon quandoque anagogice rebus spiritualibus comparavi, iunioribus relinquens materiam exercitij sensibilia insensibilibus, & carnalia spiritualibus coaptandi. Et cum rerum naturalium proprietates ipsarum sequantur substantias, secundum ipsarum distinctionem substantiarum & ordinem erit distinctio, & ordo proprietatum, quas in alio opusculo per se positas & distinctas, poteris per ordinem reperire.

**A** Primò igitur de spirituali substantia actu & potentia a materia separata est agendum, cuius proprietates & differentias in præcedenti opusculo traditas, poteris diligentius intueri, sed quantum ad præfens spectat negotium, est notandum, quod inter principalem & propriam significationem, Angelus metaphorice ad significandum diversa in sacra Scriptura est transumptus, quia, ut beatus ait Gregorius, nomine Angeli, nunc Christus, nunc iustus, nunc gratia seu virtus, figuratiter nuncupatur.

Christus igitur ratione assumptæ humanitatis, dicitur Angelus propter missionem. Angelus enim mittit & mittitur. sic Christus a Patre in mundum missus est. Vnde dicit Isaias: Quem mittam? & quis ibit nobis? & in Matthæo: Non sum missus, nisi ad oves domus Israel. Et in Ioannē: Honorifico eum, qui me misit. Et in Exodo: Mittam vobis Angelum præcursores, ut eiciam Amorrhæum, &c. Et ibidem: Ecce ego mitto Angelum meum, qui præcedat te, & custodiat te in via, & introducat in terram, &c. Vnde Christus sic missus more Angeli alios misit, iuxta illud Matthæi: Ecce ego mitto vos sicut oves. & Lucas: Rogate Dominum messis, ut mittat operarios, &c. Ideo dicitur in libro Iudicum, Dixit Angelus Domini ad Gedeonem: Vade & scito, quod misero te, & liberabis Israel. & in Hieremia: Ad omnia quaecumque mittam te, &c.

Secundò propter illuminationem. Angelus enim illuminat, & illuminatur. sic Christus diuinitatis lumine repletus, ad illuminandum sedentes in tenebris & umbra mortis mundo est datus, ut dicit Ioannes: Lux in tenebris lucet, &c. & Isaias: Dedi te in lucem gentium, ut sis salus, &c. Et in Apocalypsi: Vidi Angelum alium descendentem de cælo, habentem potestatem magnam, & terra illuminata est a gloria eius, &c. Et in Actibus: Angelus Domini astitit, &

, lumen

Greg. li. 24.  
c. 2. & homil. 6. in Evangelio in sen su.

Isa. 6. c  
Mat. 10. f  
Ioan. 3. f  
Exo. 33. a  
Ibidem.

Mat. 10. b  
Luc. 10. a  
Iudic. 6. c

Hiere. 1. b

Ioan. 1. a  
Isa. 49. b  
Apoc. 18. a

Act. 12. a

lumen refulfit in habitaculo carceris. Nam ubi Christus est, tenebra esse non potest.

Tertio propter purgationem; quia Angelus purgat & purgatur, & Christus in Matris utero diuina virtute ab omni immunditia fomitis est purgatus, & actu & potentia ab omni corruptione vitij liberatus, & fide corda credentium purificat, & ad totius munditiae puritatem nos informat. In cuius rei figura dixit Angelus ad Manue: Abstineat puer ab omni immundo; vinum & siceram, &c. Isaias: Volauit vnus ad me ex Seraphim, & dixit: Ecce tetigi labia tua, & auferetur iniquitas tua, & mundabitur peccatum tuum.

Quarto propter perfectionem; quia Angelus perficit & perficitur, & Christus non solum est purgatus a malo, immo perfectus est in omni bono, & est causa totius nostrae perfectionis, iuxta illud Lucae: Perfectus omnis erit, si fuerit sicut magister eius. Vnde in signum summæ perfectionis, omnia terrena fugere docuit. In cuius rei figuram dixit Angelus ad Iacob: Surge egredere de terra hac, reuertere in terram natiuitatis tuæ, &c. Hic Angelus est Christus, qui monet vt de terrenis fugiamus, & in terram viuientium ingredi festinemus.

Quinto propter mediationem; nam Angelus inter Deum & homines est medius, & hoc congruit Christo, qui est Mediator Dei & hominum, mundum, scilicet Deo reconcilians, & ad patris amicitiam nos reducens, & pro nobis continue intercedens. Vnde dicit Ioannes: Aduocatum habemus apud Patrem Christum Iesum, qui interpellat pro nobis. Et Iob: Si fuerit pro eo Angelus loquens miseretur eius, & diceret: Libera animam eius, ne descendat in corruptionem.

Sexto propter mysticam refectionem; nam Angelus diuino alimento repletus, nos reficit, & Christus Patris complendo voluntatem, reficitur. Vnde Ioannes dicit: Meus cibus est, vt facia voluntatem eius, &c. Et sic refectus, & spiritualiter & sacramentaliter nos reficere non destitit, iuxta illud Sapientiae: Angelorum esca nutriuiti populum tuum, & paratum panem de celo praestitisti. Et 3. Regum: Tetigit cum Angelus, & dixit: Surge, & comede.

Septimo propter inferiorum regimen siue gubernationem; Angelorum enim regimini hæc inferiora deputantur, vt dicitur in Ecclesiastico: In vnamquamque gentem praeposuit rectores, &c. & hoc Angelo magni consilij, idest Christo conuenit, qui omnium electorum mentes in sua custodia suscipit & tutela, vt dicitur in Ioanne: Quos dedisti mihi, ego custodiui, & nemo ex eis perijt, nisi filius perditionis, &c. & in Ecclesiastico: Ne dicas, Coram Angelo non est prouidentia, &c. Et in Exodo: Tollens se Angelus Domini, qui praecedebat castra filiorum Israel, abiit post illos, &c. quia Christus, qui omnes praecessit doctrina & exemplo, omnes sequitur custodiae beneficio. ait enim Psalmista: Immittit Angelus Domini, &c. Bernardus: O quam desiderant ciues Angelici ciuitatis suae ruinam restaurari, o quam solliciti vt veniant lapides viuus. Quomodo discurrent medij inter nos & Deum, gemitus nostros portantes, non dedignantur nobis fieri socij, qui pro nobis iam sunt ministri. Expectat nos creata iam illa multitudo. Vt tibi quicumque es, qui redire iam desideras ad lumen, reuerti ad vomitum. In quouis diuersorio Angelo tuo reuerentiam age, ne audeas illo praesente, quod me vidente non auderes.

Nomine Angeli iustus intelligitur, & praecipue vir spiritualis & religiosus, & omnis litteratus, seu praeparatus pro Angelo comparatur, sic Ioannes Baptista, propter praedicationis excellentiam, & spiritualis vitae eminentiam, Angelus a Domino nuncupatur in Matthæo: Hic est de quo scriptum est: Ecce ego mitto Angelum meum, &c. Item Ioannes in Apocalypsi: Rectores septem Ecclesiarum Angelos vocat. & Paulus Bon. Tom. 7. Pars iij.

lus: Spectaculum facti sumus mundo, & Angelis, & hominibus. Et alibi: An nescitis, quia Angelos iudicabimus. Et rursus: Mulier habeat velamen super caput suum, propter Angelos.

Comparantur autem viri iusti Angelis propter septem. Primo propter munditiam cordis, & puritatem conuersationis. Nam Angelus ab omni corpulentia & conditione carnea est separatus. Spiritus enim carnem & ossa non habet. Sic vir iustus nihil habet in se admixtionis carnalis delectationis, immo sicut adeps ab omni carne separatur, vt dicitur in Ecclesiastico, & in Psalmo: Qui fecit Angelos suos spiritus, &c. Ideo legitur Angelus carnes consumpsisse.

Extendit, inquit in libro Iudicum, Angelus Domini summitatem virgae, & tetigit carnes, ascenditque ignis de petra, & carnes azymosque panes consumpsit. Vir enim spiritualis, cum virga poenitentiae, quidquid in eo carnalitatis est, consumere solet, & per omnia abolere.

Item secundo propter limpiditatem diuinæ cognitionis. Angelus enim Deiformem habet intellectum. Vnde sicut eius intellectus Deo immediate coniungitur, & influentia occulti luminis illustratur, sic vir iustus, suum sensum, & intellectum Deo reddit conformem, & non de se praesumit, sed vt amplius mereatur per fidem illuminari, & perfectius diuinis instrui, se Deo subijcere non postponit. Ait enim Apostolus: Destruentes per arma spiritualia, omnem altitudinem extolentem se aduersus scientiam Dei, & in captiuitatem redigentes omnem intellectum, in obsequium Christi. Et ad Timotheum: Quod manifestum est in carne, iustificatum est in spiritu, apparuit Angelis, praedicatum est in gentibus.

Item tertio propter humilitatem subiectionis. Nam inferior Angelus subest superiori, & obedit sine murmure & indignatione, quia superior praestit sine tyrannica inferiorum oppressione. In quo notatur, quanta debeat conformitas esse inter imperium praelatorum, & obedientiam subditorum. Nam sicut praelatorum monere est cum mansuetudine, ita subditorum est humiliter iustis iussionibus obedire, sicut dicitur ad Hebraeos: Obedite praepositis vestris, & subiaccere eis. Ipsi enim peruigilant quasi rationem pro animabus vestris reddituri, vt cum gaudio hoc faciant non gementes. Vnde in signum talis obedientiae dicitur in Zacharia: Alius Angelus egrediebatur in occursum Angeli, qui loquebatur in me, & dixit: Curre, & loquere ad puerum istum, &c. Ecce cum quanto moderamine maior praecipit, & cum quanta humilitate alter eius imperio acquiescit. Et Petrus in Canonica: Animas nostras castificantes in obedientia charitatis & fraternitatis amore, simplici ex corde.

Item quarto propter rectitudinem intentionis. Nam Angelus, vt dicit Gregorius, in omni suo opere Deum inspicit & nihil aliud, quam diuinæ voluntatis regulam diligit vel requirit. Ita enim exteriora diuino nutu Angeli peragunt, quod mentis acie ab ipso non defleunt. Ideo dicitur in Matthæo: quod Angeli eorum semper vident faciem Patris. Gregorius: Semper videntis omnia faciem intuentur, qui nulla intentionis dissimilitudine ab ipsius praesentia remouetur. Et in 2. Regum: Tu Domine mi, quasi Angelus Dei es, fac quod beneplacitum est tibi: quia qui Deum vera intentione cordis diligit, ab ipsius voluntatis beneplacito non recedit.

Item quinto propter sedulitatem & diligentiam administrationis. Angelus enim ad Sanctorum ministerium continue deputatur, & substantia suae agilitate ad peragendum quaelibet iniuncta subito concitatur. Omnes enim sunt administratorij spiritus missi, propter eos, qui capiunt hereditatem salutis. Sic absque dubio, viri Angelici Angelorum numero ascribuntur, qui pro aliorum salute laboris ministeria assumere non verentur. Ideo dicit Isaias: Ite Angeli

geli veloces ad populum, &c. Vnde magnum obtinent Angelorum officium, qui docendo & inducendo vitæ exemplo, ad Deum errantes alliciunt & conuertunt. De quo Iacobus: Qui conuerſi fecerit peccatorem ab errore viæ suæ, animam eius saluabit a morte, &c. talis fuit Angelus, qui dixit ad Agar: Reuertere & humiliare sub manu dominæ tuæ, & noli timere, &c. Talis etiam fuit Angelus, de quo dicit Manue: Obsecro Domine, vt mittas Angelum, vt veniat iterum, & doceat nos, quid de puero, qui natus est, facere debeamus.

Item sexto propter continuitatem dulcedinis contemplationis. Angelus enim sic administrando Deo seruit, quod propter hominum seruitium a contemplationibus intimis non recedit, vt dicit Gregorius: Nam quandocūque ad exteriora exeunt, ab interiori contemplatione non recedunt, quia illum semper aspiciunt, qui præsens est quocumque vadunt. Sic vir spiritualis taliter circa exteriora se occupat, vt deuotionis spiritum non exstinguat. Vnde quando extrinsecus per bonorum exercitationes operum fatigatur in corpore, intrinsecus reficitur in mente. Vnde in Osea dicitur: In fortitudine sua directus est cū Angelo, & inualuit ad Angelum & confortatus est, fleuit & rogauit eum. Et in Genesi: Vidit Angelos descendentes, & ascendentes per scalam, &c. Scala, sicut ibi dicit Glossa, cuius cacumen tangebat cælum, significat Christum, qui est via recta perducens ad Deum. per hanc scalam descendunt viri spirituales cum Angelis ministrando, ascendunt & contemplando. Vnde dicitur in Daniele: Millia millium ministrabant, &c. Et Ioannes: Videbitis Angelos ascendentes, & descendentes super Filium hominis.

Item septimo, propter fixum & stabilem motum dilectionis, quo amor Angelicus tamquam ignis sine termino in Deum mouetur, ideo sapius Angeli in specie ignis leguntur apparuisse, vt in Exodo apparuit Dominus, idest Angelus, in quo erat Dominus, in flamma ignis de medio rubi, & videbat quod rubus ardebat, & non comburebatur, &c. Rubus, est vir spiritualis spinis poenitentiae circumplexus. medium rubi est cor viri iusti, de cuius medio erumpere debet flamma inextinguibilis charitatis. Vnde dicitur in Cant. vii. b. Lampades eius lampades ignis, atque flammarum. Et in Psalmo: Ministros suos facit flammam ignis. Hoc igne cor accensum ardet, & non comburitur, quia nulla aduersitate frangitur, nullo etiā mortis metu ab illo, quem diligit, separatur. Vnde 2. Reg. 14. d. Sicut Angelus Domini, sic est Dominus meus Rex, qui nec benedictione, nec maledictione mouetur. Ideo dicitur in Actis: Angelus Domini apparuit Moyſi in igne rubi. Et in libro Iudicum: Angelus Domini cum flamma pariter ascendit in cælum.

Item Angelus, dicitur gratia Dei, siue virtus. Hunc Angelum Dominus mittit, quādo alicui gratiam infundit: ideo dicitur in Daniele: Angelus Domini descendit in fornacem, &c. Omnis enim æstus concupiscentiæ, ac fomitis incentiuum extinguitur, quādo Angelus in fornacem mittitur, idest quando diuina gratia cordi infunditur, & virtus animæ inspiratur. Virtus enim dicitur quasi virum tuens, vel quasi virens intus: quoniam duplicem habet effectum, nam animam suā præsentiā tuetur, ac conseruat, & ornat atque decorat, sicut Angelus hominem custodit, & seruat, animam etiam illuminat, perficit, & informat. Ideo dicitur in Actis: Viderunt vultum Stephani, quasi vultum Angeli. Et in libro Eſther: Vidi te Domine, quasi Angelum Dei. Valde ei mirabilis es, & facies tua plena gratiarum. Dicitur ergo gratia Angelus Dei, per quem mens humana perfectissime custoditur, per quem peccatum expellitur, & potestas dæmonum in anima euacuatur. Vnde dicitur in Exo. 23. d. do: Angelus meus præcedet te, & custodiet te in via,

& eijciat Amorrhæum, Cananæum, &c. Septem nomina gētiū ponit, per quæ septem principalia peccata intelligit, quæ superueniens gratia eijcit penitus & excludit. Et sunt nouem genera gratiarum, quæ comparisonem habent ad nouem ordines Angelorum, & quarū vsu ad Angelorum æqualitatem peruenitur.

Prima igitur gratia, est gratia dilectionis siue charitatis, de qua Lucas: Si diligitis eos, qui vos diligunt, quæ est vobis gratia? Et Ioannes: Maiorem gratiam non habeo, quā vt audiam filios meos in veritate ambulare. Ista gratia a Domino animæ immissa, ipsam inflamat, & per feruorem amoris, ordinis Seraphim ipsam assimilatur, & conformat. Vnde in Luca dicitur: Ignem veni mittere in terram, & quid volo nisi vt ardeat? Et in Threnis: De excelso misit ignem in ossibus meis.

Secunda gratia, est gratia sapientiæ, & diuinæ cognitionis, de qua in Prouerbis: Inuenies gratiam & disciplinam bonam coram Deo & hominibus. Et in Ecclesiastico: In me omnis gratia vitæ & veritatis. Et in Prouerbis: Super aurum & argentum est gratia bona. Et in Ecclesiastico: Vir sapiens amabilem se faciet, gratiæ autem fatuorum effundentur. Hæc gratia mentem illuminat, & intuitū animæ ad Deum videndum per fidem habilitat, & informat. Vnde Psalmista: Præceptum Domini lucidum illuminans oculos. Per hanc gratiam ordo Cherubim in anima collocatur, quando mens a sensu carnali abstracta, ad susceptionem diuini luminis per cognitionem veritatis præparatur. Et hoc intellexit Psalmista cum dixit: Ascendit super Cherubim, & volauit, &c. Et Ezechiel: Tu Cherubim plenus sapientia, & decore.

Tertia gratia est contemplationis, siue spiritualis delectationis, quæ ex plenitudine diuinæ dilectionis & cognitionis in anima generatur. De hac dicitur in Exodo: Domine si inueni gratiam coram te, ostende mihi faciem tuam, &c. Et in Ecclesiastico: Gratiam & speciem desiderabit oculus, & super hoc viri desationes. Hæc gratia mentem quietat & pacificat, & velut sedē quietissimam, ad diuini superaduentus susceptionem præparat & coaptat, & sic Thronorum ordinem representat. anima etiam iusti fedes sapientiæ est. Dicitur etiam in Ecclesiastico: Thronus meus in columna nubis. Columna nubis, est anima per contemplationem suspensa & eleuata, in qua Dei Filius tamquam in throno requiescit.

Quarta gratia est benignæ seueritatis, siue seueræ liberalitatis, ad bene præssendum. Magna enim gratia Dei est, quod prælati sic exequantur contra delinquentes iustitiam, vt benignitatem & misericordiam non dimittant. Vnde dicitur in Ecclesiastico: Curam illorum habe, vt ornamentum gratiæ accipias, & coronam ac dignitatem consequaris. Et alibi iterum: Retribuet gratiam, qui offert similitudinem, & qui facit misericordiam offert sacrificium. Et rursus: Sunt homines misericordiæ, intuentes gratiam in oculis omnis carnis, &c. Hæc gratia ordinat prælatos respectu suorum subditorum, vt sciant qualiter se debeant inferioribus conformare, & sine tyrannide dominari. Ideo dicitur adhuc in Ecclesiastico: Rectorem te posuerunt, noli extolli, esto in illis quasi vnus ex ipsis. & sic configuratur ordini Dominationum. Apostolus etiam ad Colossenses: Domini, quod iustum est, facite seruis vſtris, scientes, quia & vos Dominum habetis in cælis. Et Petrus: Non vt dominantes in clero, sed forma gregis facti ex animo, & cum venerit princeps pastorum percipietis immarcescibilem coronam gloriæ.

Quinta gratia est humilitatis ad obediendum, de qua dicitur in Ecclesiastico: Quanto magnus es, tanto plus te humilia in omnibus, & coram Deo inuenies gratiam, quoniam magna est potentia Dei solius, & ab humilibus honoratur. Et Petrus: Humilibus

*libus dat gratiam. Hæc gratia ordinat subditos respectu suorum superiorum, ut debitam reuerentiam eis impendant. Vnde dicitur in Ecclesiastico: Audi tacens, & pro reuerentia accedet tibi bona gratia. & sic per hanc gratiam ordini Principatum anima conformatur. Magnus enim princeps est, cui propria voluntas non principatur. Ait Ecclesiasticus: Principatus sensati stabilis erit. Et Iob: Senes assurgentes stabant, & principes cessabant loqui, & digitum superponebant ori suo, &c. Et in Genesi: Princeps Dei es apud nos. Et Psalmista: Præuenerunt principes coniuncti psallentibus, &c.*

*Sexta gratia est patientiæ & longanimitatis, de qua Petrus: Hæc est gratia, si propter Dei conscientiam sustinet quis tristitias patiens iniuste. Quæ enim gratia est, si peccates suffertis? Et in Ecclesiastico: In dolore sustine, & in humilitate tua patientiam habes. Hæc gratia docet resistere tentationibus, & aduersas dæmonum coercere potestates. Vnde Ecclesiastes: Si spiritus potestatem habentis ascenderit super te, ne dimiseris locum tuum. Locum suum dimittit, qui per impatientiam dæmoni cedit, cum dicat: Resistite diabolo, & fugiet a vobis. Vnde per patientiam conformatur homo ordini Potestatum. Maxima enim potestas est, per patientiam seipsum, mundum, & diabolum superare. Vnde in Prouerbijs: Melior est vir patiens viro forti, & qui dominatur animo suo, expugnatore urbium. Et in libro Machabæorum: Accingimini viri potentes, &c. Et in Psalmo: Accingere gladio tuo super femur tuum potentissime.*

*Septima gratia est pudicitie & castitatis. Ait enim Sapiens: Nemo potest esse continens, nisi Deus det, & hoc Dei donum est. Gratia enim super gratiam, est mulier sancta & pudorata, ut dicitur in Ecclesiastico. item in Deuteronomio: Si non inueniet mulier gratiam coram viro suo propter aliquam forditatem, abominabilis erit mulier huiusmodi. Gratia enim Dei luxurioso penitus denegatur. Hæc gratia hominem facit virtuosum, ut viriliter omnes motus sensualitatis rebellantes coterat, & allidat. Vnde Psalmista: Viriliter agite, & confortetur cor vestrum. Et hæc virtus refertur ad ordinem virtutum, quorum est officium, naturam lapsam vel corruptam miraculose reparare. Non enim est maius miraculum, quam in carne præter carnem viuere. hoc enim non est humanæ naturæ sed Angelicæ, ut dicit Hieronymus. Et Psalmista: Dextera Domini fecit virtutem, dextera Domini, &c.*

*Octaua gratia est eloquentiæ ad docendum, de qua Psalmista: Diffusa est gratia in labijs tuis. & habetur etiam in Prouerbijs: Propter gratiam laborum, habebit amicum regem. Et in Ecclesiastico: In labijs sensati inuenietur gratia. Hæc gratia ordinat animam ad gradum Archangelorum, quorum est docere. Vnde in Daniele: Gabriel fac intelligere visionem. Et alibi: Egressus sum ut docerem te, & intelligeres. Et Malachias: Labia sacerdotum custodiunt scientiam, &c.*

*Nona est gratia misericordiæ & pietatis ad compatiendum, de qua in Ecclesiastico: Eleemosyna gratiam hominis conseruabit quasi pupillam. Et alibi: Fatuo, id est, auaro non erit amicus, & non erit gratia in bonis illius. Hæc gratia conformat mentem ordini Angelorum, qui omnes suas gratias nobis communicant, qui bonis nostris congratulantur. Vnde Lucas: Maius gaudium, &c. & nostris miserijs compatiuntur. Isaias: Angeli pacis amare flebunt. Et in libro Iudicum: Ascendit Angelus ad locum flentium.*

*Cum secundum Dionysium: Hierarchia sit sacram, & rationalium rerum ordinata potestas debitum in subditis retinens principatum, manifestum est, triplicem esse hierarchiam, secundum triplicem ordinatam a Deo potestatem, scilicet diuinam, angelicam, & humanam. Est itaque prima hierarchia supercælestis siue diuina, quæ consistit in tribus increatis personis. Secunda est cælestis siue angelica, quæ completur in bonis Angelis & beatis. Tertia est subcælestis, scilicet humana, quæ in prædestinatis hominibus perficitur, & præcipue in prælatis. Hæc autem hierarchia humana ad similitudinem cælestis hierarchiæ ordinata est, & disposita, & secundum maiorem vel minorem gratiæ siue potestatis perceptionem, in maiori vel minori, siue in excellentiori & inferiori gradu ordinatissime constituta. Vnde in Iob dicitur: Numquid nosti ordinem cæli? aut rationem eius ponas in terra? &c. Nosse cæli ordinem, est cognoscere supernarum virtutum ordinatissimam dispositionem. eius rationem in terra ponere, est vitam & officium hominum, quamdiu in terra sunt, secundum similitudinem cælestium spirituum sancte & reuerenter ordinare. Vnde nouem sunt ordines ordinandum, sicut nouem sunt sancti ordines Angelorum. Est enim ordo Episcoporum, presbyterorum, diaconorum, subdiaconorum, acolytorum, exorcistarum, lectorum, psalmistatus, & ostiariorum: sicut Moyse dictum est: Inspice, & fac secundum exemplar, quod tibi in monte monstratum est. Et in Sapientia dicitur: Dixisti me ædificare templum & altare, secundum similitudinem sancti tabernaculi, quod præparasti ab initio, &c. Et 1. Paralip. Omnia, inquit Dauid, euenerunt ad me scripta manu Domini, ut intelligere operæ exemplaris. Nostra itaque exemplaria sunt sanctorum Angelorum agmina ordinata, ut scilicet secundum ipsorum ordinationem, distinctionem, & operationem nostram, quantum possibile est, ordinemus conuersationem. Ut igitur illa omittamus, ratione difficultatis, & prolixitatis, quæ dicit Dionysius in Ecclesiastica hierarchia, hoc sufficiat de hoc ista vice, quod Ecclesia militans in suis membris disponitur, secundum similitudinem Ecclesiæ triumphantis, & hoc quoad ordinationem, quoad scientiam, & quoad actionem. Est enim hierarchia, ut dicit Dionysius, ordo diuinus, scientia, & actus, Deiforme similans, & ad inditas ei diuinitus illuminationes proportionaliter ascendens. In ordine notatur distinctio illorum, qui per ordinatum officium, a Domino maiorem vel minorem recipiunt potestatem. In scientia, notatur discretio, in actione vero ministerium. Sine ordine enim præsumptio est actio: sine actione, negligentia est ordo; sine scientia & discretione, est actio reprehensibilis, & ordo inutilis. Et ideo tam in ordine, quam scientia & actione, & hominum, & Angelorum potestas Dei uniformitatem imitatur, & secundum modum, & mensuram suæ illuminationis in ordine suo proficit, & recte discernendo, & bene operando, ad Dei conformitatem, quantum possibile est, ascendit, tunc vero Angelorum hierarchiæ, quibus per imitationem, & vitæ conformationem, dum tres electorum hominum ordines secundum trinas condiciones siue differētijs singulis appropriatas comparantur. Et hi tres saluandorum status significatur per illos tres, quos dicit Ezechiel liberandos. Si fuerint, inquit, in ciuitate hi tres viri, scilicet Daniel, Noe, & Iob, num liberabunt animas suas? Daniel, qui abstinentiæ merito obtinuit intelligentiam visionum, typum gerit claustralium & religiosorum, qui continue gratia & excellentia abstinentiæ, qua non solum abstinēt ab illicitis, verum etiam a licitis concessis, merentur amplius illuminari. Noe autem, qui arcam gubernauit, formam gerit prælatorum, per quorum scientiam, & regiminis industriam, electi in arca Ecclesiæ constituti, a diluuij, id est peccati periculo merentur liberari. Per Iob vero, cæcus actiuorum, & coniugatorum numerus poterit designari, pietatis operibus & misericordiæ comprobatus. Iob enim fuit coniugatus.*

*Tres igitur sunt ordines electorum, scilicet religiosorum, siue contemplatiuorum, prælatorum, & actiuorum. De his dicitur in Luca: Duo erunt in lecto, Z 2 lecto,*

*sonis. Secunda est cælestis siue angelica, quæ completur in bonis Angelis & beatis. Tertia est subcælestis, scilicet humana, quæ in prædestinatis hominibus perficitur, & præcipue in prælatis. Hæc autem hierarchia humana ad similitudinem cælestis hierarchiæ ordinata est, & disposita, & secundum maiorem vel minorem gratiæ siue potestatis perceptionem, in maiori vel minori, siue in excellentiori & inferiori gradu ordinatissime constituta. Vnde in Iob dicitur: Numquid nosti ordinem cæli? aut rationem eius ponas in terra? &c. Nosse cæli ordinem, est cognoscere supernarum virtutum ordinatissimam dispositionem. eius rationem in terra ponere, est vitam & officium hominum, quamdiu in terra sunt, secundum similitudinem cælestium spirituum sancte & reuerenter ordinare. Vnde nouem sunt ordines ordinandum, sicut nouem sunt sancti ordines Angelorum. Est enim ordo Episcoporum, presbyterorum, diaconorum, subdiaconorum, acolytorum, exorcistarum, lectorum, psalmistatus, & ostiariorum: sicut Moyse dictum est: Inspice, & fac secundum exemplar, quod tibi in monte monstratum est. Et in Sapientia dicitur: Dixisti me ædificare templum & altare, secundum similitudinem sancti tabernaculi, quod præparasti ab initio, &c. Et 1. Paralip. Omnia, inquit Dauid, euenerunt ad me scripta manu Domini, ut intelligere operæ exemplaris. Nostra itaque exemplaria sunt sanctorum Angelorum agmina ordinata, ut scilicet secundum ipsorum ordinationem, distinctionem, & operationem nostram, quantum possibile est, ordinemus conuersationem. Ut igitur illa omittamus, ratione difficultatis, & prolixitatis, quæ dicit Dionysius in Ecclesiastica hierarchia, hoc sufficiat de hoc ista vice, quod Ecclesia militans in suis membris disponitur, secundum similitudinem Ecclesiæ triumphantis, & hoc quoad ordinationem, quoad scientiam, & quoad actionem. Est enim hierarchia, ut dicit Dionysius, ordo diuinus, scientia, & actus, Deiforme similans, & ad inditas ei diuinitus illuminationes proportionaliter ascendens. In ordine notatur distinctio illorum, qui per ordinatum officium, a Domino maiorem vel minorem recipiunt potestatem. In scientia, notatur discretio, in actione vero ministerium. Sine ordine enim præsumptio est actio: sine actione, negligentia est ordo; sine scientia & discretione, est actio reprehensibilis, & ordo inutilis. Et ideo tam in ordine, quam scientia & actione, & hominum, & Angelorum potestas Dei uniformitatem imitatur, & secundum modum, & mensuram suæ illuminationis in ordine suo proficit, & recte discernendo, & bene operando, ad Dei conformitatem, quantum possibile est, ascendit, tunc vero Angelorum hierarchiæ, quibus per imitationem, & vitæ conformationem, dum tres electorum hominum ordines secundum trinas condiciones siue differētijs singulis appropriatas comparantur. Et hi tres saluandorum status significatur per illos tres, quos dicit Ezechiel liberandos. Si fuerint, inquit, in ciuitate hi tres viri, scilicet Daniel, Noe, & Iob, num liberabunt animas suas? Daniel, qui abstinentiæ merito obtinuit intelligentiam visionum, typum gerit claustralium & religiosorum, qui continue gratia & excellentia abstinentiæ, qua non solum abstinēt ab illicitis, verum etiam a licitis concessis, merentur amplius illuminari. Noe autem, qui arcam gubernauit, formam gerit prælatorum, per quorum scientiam, & regiminis industriam, electi in arca Ecclesiæ constituti, a diluuij, id est peccati periculo merentur liberari. Per Iob vero, cæcus actiuorum, & coniugatorum numerus poterit designari, pietatis operibus & misericordiæ comprobatus. Iob enim fuit coniugatus.*

*Tres igitur sunt ordines electorum, scilicet religiosorum, siue contemplatiuorum, prælatorum, & actiuorum. De his dicitur in Luca: Duo erunt in lecto, Z 2 lecto,*



lecto, in agro, & in mola. Nam illi, qui sunt contemplatiui, in cubiculo diuinæ suauitatis requiescunt: qui vero prælati sunt, in agro regiminis, correctionis, & prædicationis officio se exponunt. sed qui vere subditi sunt & actiui laborem molæ non renunt, & a boni exercitio non desistunt, &c. Iste igitur triplex status saluandorum, per quamdam appropriationem videtur esse comparabilis triplici statui Angelorum, inter quos, secundum ordinum differentiam, quidam sunt primi, quidam vero ultimi, & quidam intermedij. Primi quidem ordines hierarchici, debent esse tres ordines, scilicet Angeli de ordine Seraphim, qui amoris incendio præ ceteris feruent, Cherubim quoque, qui cognitionis privilegio gaudent, & Throni, qui iustitiæ perpendiculo alijs præminent. Angelis horum trium ordinum, qui officio & dignitate sunt ceteris sublimiores, comparabiles sunt viri summæ perfectionis, religiosi videlicet, & claustrales, qui tanto maioris meriti æstimantur, quanto ad altiore vitam perfectionem ex voti proposito obligantur. Et ideo nomen & officium Angelorum, qui Deo sunt viciniore, sibi vendicant, qui amoris incendio inflammati, ac sapientiæ dono præditi, diuinæ iustitiæ se conformant. Vnde dicuntur Seraphim, idest ardentes vel incendentes, propter incensionem & feruorem charitatis; Cherubim, propter plenitudinem cælestis sapientiæ, & cognitionem diuinæ veritatis, Throni vero propter amorem iustitiæ, & perpendiculum æquitatis.

De Seraphim. Cap. I I.

Seraphim  
sunt inflam-  
matiui.

**D**icuntur igitur primo Seraphim, quia Angeli illius ordinis, diuini amoris incendio præ ceteris inflammati aliorum sunt inflammatiui. Sic religiosi quasi ignei, illos ad amorem Dei & proximi inflammant, ad quorum corda, nunc verbo, nunc exemplo appropinquant. Dicitur enim in Ecclesiastico: Surrexit Helias sicut ignis, & sermo eius sicut facula ardebat. Et in Luca: Nonne cor nostrum ardens erat in nobis? &c. Et ideo Angeli ordinis Seraphim, non solum dicuntur calidi, immo superferuidi. Nam qui feruet caloris violentia, nunc extra se iactatur, nunc supra se tollitur. sic mens religiosa in Dei amore feruida, nunc supra se per deuotionem rapitur: infra etiam, ut quando sui ipsius obliuiscitur; nunc ad proximum inflammandum diffunditur, & dilatur, in se stare non valens; nunc volens alios attrahere, & sibi incorporare satagit, & conatur. Vnde dicitur in

Iob 39.6

Psal. 103.4

Apoc. 10.4

Isa. 6.6

Seraphim

sunt motiui.

Isidem.

Isa. 60.6

Isa. 18.2

Sap. 7.6

Ezech. 1.6

1. Ioan. 3.6

Iob: Feruens & fremens absorbebit terram. Et Psalmus: Qui facit Angelos suos spiritus, & ministros suos flammas ignis. Et in Apocalypsi: Vidi Angelum, cuius facies erat ut sol, & pedes eius ut columna ignis. Ideo dicitur in Isaia: Volauit ad me vnus ex Seraphim, & in manu eius calculus ignitus, quem tulerat de altari, & tetigit os meum, &c.

Item secundo, quia in se mobiles aliorum sunt motiui. Vnde & volasse leguntur in Isaia: Sic religiosi spiritu diuinæ dilectionis moti, mobiles sunt iussu superiorum, sine moræ dispendio obtemperando, & alijs exemplum obedientiæ relinquendo. tales perficere imperata non procrastinant, sed velut volucres, ad omne, quod præcipitur aduolant, & festinant. Ideo de veloci talium obedientia dicitur in Isaia: Qui sunt isti, qui ut nubes volant? Et alibi: Ite Angeli veloces. Et in Sapientia: Omnibus mobilibus mobilior est sapientia. Et in Ezechiel: Quocumque ibat spiritus, rotæ leuabantur sequentes eum. Spiritus enim vitæ, &c. Spiritus vitæ est charitas, quæ vita est anime. Qui enim non diligit, manet in morte, ut dicit Ioannes. Spiritus quidem vitæ, principium est motus & operationis in corde. Vnde si fuerit spiritus vitæ in corde mobilem efficit hominem, & agilem ad quamlibet victoriosam actionem. de tali dicitur in Prouer-

bijs: Vidisti hominem velocem in opere suo? &c. *Prou. 22.4*

Item tertio acuti sunt & penetratiui: penetrant enim contemplando ad interiora velaminis, idest acuti & penetratiui. ad secretissima Deitatis: sic contemplatiuiorum affectus per desiderium semper in Deum tendit, & extra se non effluens, ad aliud præter ipsum, & extra ipsum non diuertit. Vnde dicitur in Ecclesiastico: Gyrum cæli circuiui sola, & profundum abissi penetraui. Et ad Corinthios: Spiritus omnia scrutatur, *1. Cor. 2.6* etiam profunda Dei. Et Iob: Omne pretiosum vidit oculus eius, profunda fluuiorum scrutatus, &c. Tam acutus & penetratiuius fuit Paulus, quod in per-  
**B**scrutatione cælestium arcanorum, usque ad cælum tertium introiuit. Vnde in libro Sapientiæ dicitur *Sap. 7.6* inter alia, quod spiritus sapientiæ est acutus.

Item quarto sunt inferiorum & suppositorum reductiui: quia quos Seraphim igne charitatis accendunt, ad Deum qui sursum est, deducunt, & conuertunt. Sic affectus viri spiritualis, igne charitatis succensus, nunc se extendit ad Deum per contemplationem, nunc vero ad proximum per compassionem. Ad Deum mouetur, ut in eo conquiescat; ad proximum, ut ipsum ad Deum reuocet & reducat. Vnde Iacobus: Si errauerit quis a veritate, & conuerterit eum aliquis, scire debet, &c. Et in Exodo: Si errauerit bos vel asinus reduc eum, &c. *Exo. 23.4*

Item quinto actiui & exemplificatiui, quia non solum inferiores accendunt, verumetiam & ordinate diligendi formam tribuunt: quia Angelos inferiores informant qualiter per amorem perfectum redeant in Deum, & secundum superiora proficiant & incendunt. Et hoc proprie religiosis congruit, quos Dominus sæcularibus posuit in exemplum, ut secundum ipsum imitationem mores prauos corrigant, & contemptis terrenis, cælestia appetant & acquirant. Sic & Isaia nudus & discalceatus, datus est in signum & portentum Ægyptijs, & Æthiopibus, & quibusdam alijs. Vita itaque religiosorum exemplar est mundanorum. Similiter vita & conuersatio sancta prælatorum, forma est & reformatio vitæ subditorum. Vnde dicitur in Deuteronomio: Describet sibi Rex Deuteronomium legis, & accipiet exemplar a sacerdotibus Leuiticæ tribus, & habebit secum, &c. Et Zacharias: Adam exemplum meum ab adolescentia mea. Et Ioannes dicit: Exemplum dedi vobis, &c. Et Paulus: *Ioan. 13.6* Esto exemplum fidelium, in verbo, in fide, & in castitate. Mali autem sanctorum Angelorum omisso exemplo, se exhibet exemplar perditionis sicut Achaz, *4. Reg. 16.6* qui misit exemplar altaris Damasci in Hierusalem.

Quod quidem videntur facere aliqui de modernis, qui hoc sæculo nequam se conformant, relictis, & abiectis Patrum & regulæ institutis, ut dici possit illud Iob: Posuit me quasi in prouerbum vulgi, & exemplum suum. Relinquunt alijs exemplum culpæ, erunt posteris exemplum pœnæ, sicut dicit Ezechiel: Eris opprobrium & blasphemia, & exemplum & stupor cunctis gentibus. Et Petrus: Ciuitatem Sodomorum in cinerem redigens euersione damnauit, exemplum eorum, qui impie acturi sunt ponens, &c. Et Canonica Iudæ: Ciuitates finitimæ simili modo exornatae, & abeuntes post carnem alteram factæ sunt exemplum, ignis æterni pœnam sustinentes. *Iob. 17.6*

Item sexto, Angeli ordinis Seraphim sunt holocau sti purgatiui: quia non solum sunt purgati a corruptione mali, immo ab imperfectione omnis boni, in quibus nulla adest mali corruptio, nec deesse alicuius boni perfectio comprobatur. & hoc potissime congruit viris Angelicis & perfectis, qui se Domino medullatum holocaustum penitus obtulerunt, qui velut Angeli ignei, in se etiam leuioris culpæ maculam non admittunt: immo omnem mali speciem in se, & in alijs annihilant, & consumunt. Ideo dicit Malachias: Erit quasi ignis conflans, & sedebit, & purgabit filios Leui. Et in Ecclesiastico: De negligentia purga te cum paucis. *Mal. 3.4*

Item sexto, Angeli ordinis Seraphim sunt holocau sti purgatiui: quia non solum sunt purgati a corruptione mali, immo ab imperfectione omnis boni, in quibus nulla adest mali corruptio, nec deesse alicuius boni perfectio comprobatur. & hoc potissime congruit viris Angelicis & perfectis, qui se Domino medullatum holocaustum penitus obtulerunt, qui velut Angeli ignei, in se etiam leuioris culpæ maculam non admittunt: immo omnem mali speciem in se, & in alijs annihilant, & consumunt. Ideo dicit Malachias: Erit quasi ignis conflans, & sedebit, & purgabit filios Leui. Et in Ecclesiastico: De negligentia purga te cum paucis. *Eccl. 7.4*

pancis. Nec solum sunt puri, & immunes a corruptione mali, verumetiam ab imperfectione boni, ut dicitur in Deuteronomio: Perfectio tua & doctrina tua a viro sancto, &c. Sic etiam dictum est Abraham: *Gen. 17. a* Ambula coram me, & esto perfectus. Ideo dicit Seraphim ad Isaiam: Auferetur iniquitas tua, & peccatum tuum purgabitur, in quo notatur purgatio omnis mali. Et sequitur in eodem capite: Adhuc erit decimatio, & conuertetur, & erit in ostensione sicut terebinthus, & sicut quercus expandens ramos suos, semen sanctum erit, quod steterit in ea. Ecce perfectio totius boni, quæ consequitur purgationem mali.

Item septimo sunt illuminatiui & omnis tenebræ obscuritatis fugatiui; luciformem enim & illuminationem habent proprietatem, ut dicit Dionysius. *Dion. de ca. 1. a* quod viris spiritualibus potissime conuenit, quos Deus velut luminaria in firmamento, idest in Ecclesia collocauit, quibus dicitur: Vos estis lux mundi. *Matth. 5. b* & ideo omnes tenebras in se, & in alijs discutunt, & lucis spirituales radios vndique circumspargunt, iuxta illud Iob: Per quam viam spargitur lux? Et ad Ephesios: Ut filij lucis ambulare in dilectione. Et ad Philipenses: Inter quos lucetis tamquam luminaria, &c. Et Daniel: Fulgebunt iusti, siue docti, sicut splendor firmamenti, &c. Nomine igitur Seraphim, qui Deo immediatus coniunguntur, & in diuinis laudibus voces frequentius emittere dignoscuntur, viri religiosi & spirituales non immerito intelliguntur, qui viciniore sunt Deo per cõtemplationem & laudis continuationem, sicut dicitur in Isaiâ: Clamabat alter ad alterum, & dicebant: Sanctus, Sanctus, Sanctus, &c. & propter charitatis incensionem, cuius excessus siue incensio, plus exigitur in ipsis quàm in alijs, præsertim cum ipsi sint altare Domini, in quorũ corde & corpore iuge sacrificium Domino immolatur; & ideo ignis in hoc altari est continue accendendus, ut patet in Leuitico: Ignis, &c.

De istis autem Angelis ordinis Seraphim, septem specialiter exprimuntur, scilicet quod stabant, quod duo erant quæ stabant, quod bis sex alas habebant, quod se velabant, quod volabant, quod clamado requiem non habebant, quod tollentes lapidem ignitum de altari, labia Isaiæ emundabant. Ista omnia exiguntur in viris Angelicis & spiritualibus quoad statum perfectionis. Quod namque duo fuisse dicuntur, refertur ad mutuam cohabitationis associationem, siue ad mutuam geminæ charitatis exhibitionem; quia inter pauciores, quàm inter duos, esse nõ potest ostensio charitatis. Ideo dicitur in Luca: Misit binos & binos, ante faciem suam, &c. Et Ecclesiastes: Melius est duos esse simul quàm vnum; habent enim emolumentum societatis suæ, &c. Ideo duo Angeli missi sunt simul in Sodomam, ut habetur in Genesi, quorum vnus gentem peruersam subuerteret, alter vero iustum Lot cum sua familia liberaret. Ad vtrumque ministerium complendum vnus Angelus sufficisse potuisset, duos tamen simul misit Dominus, ut societatem mutuam in Angelis & hominibus commedaret, & ad augmentum & conseruationem charitatis societatem esse necessariam demonstraret. Ideo dicit Psalmista: Ecce quàm bonum, &c. Ideo dicuntur duo fuisse in agro, duo in lecto.

Quod autem secundo super templum stabant, scilicet quod non sedebant, non iacebant, sed fixi & erecti super vtrumque pedem stabant, refertur ad erectam affectionis & intentionis eleuationem ad celestia, & ad fixam ac immobilem æternorum contemplationem. Vnde dicitur in Psalmo: Stantes erant pedes nostri in atrijs tuis Hierusalem. Et in Hieremia: State super vias vestras, & videte, & interrogate, quæ sit via bona? Et in Psalmo: Mane astabo tibi & videbo. Et in Habacuc: Super custodiam meam stabo, &c. Et in Sapientia: Cælum attingebat stans in terra. Ideo dicitur Angelum steterisse iuxta aram tẽpli, &c. in Apoc.

S. Bon. Tom. 7. Pars 11.

A Tertio bissexenas alas habebant, quia sex erant vni, sex alteri, & hoc habet referri ad plenitudinem operum charitatis & misericordiæ, quæ necessario super obseruationem decalogi supererogantur, quibus viri spirituales, velut duodecim pennæ siue alarum fulcimentis, a terrenis ad celestia eleuantur. Sex itaque alæ vnus, sunt sex opera misericordiæ, quæ exhibentur proximo respectu corporis, scilicet reficere esuriientem, potare sitientem, cooperire nudum vestimentum non habentem, visitare infirmum, recolligere pauperem transeuntem hospitio, sepelire morientem. De quibus dicitur in Matthæo, & in Tobia. Sex vero alæ alterius, sunt sex opera spiritualia proximo exhibita ex parte mentis, scilicet conuertere errantem, instruere ignorantem, ad gratiam suscipere poenitentem, diligere persequentem, arguere delinquentem, defendere innocentem. Talibus alis a dextris & a sinistris, electorum mentes ad celestia eleuantur, sicut dicitur in Psalmo: Si sumpsero pennas meas diluculo, &c. Et Ezechiel: Pennæ eorum erant iunctæ alterius ad alterum, &c. Et in Apocalypsi: Data sunt ei alæ, ut volaret in desertum a facie draconis persequentis.

Quod autem Seraphim velabant faciem & pedes, refertur ad humilem religiosorum intentionem. Non enim intendunt sua merita propter hominum laudem publicare, sicut faciunt hypocritæ, qui stant in angulis platearum orantes, ut videantur ab hominibus, ut dicitur in Matthæo; sed ut Deo placeant, qui videt in abscondito, student bona quæ faciunt occultare. Nesciat sinistra tua, quid faciat dextera, ut dicit idem Matthæus. Caput itaque corpus & pedes velant, & tegunt, qui nec in principio, nec in fine, nec in medio, de bonis, quæ faciunt, laudari appetunt ab hominibus, vel requirunt.

Seraphim quinto dicuntur volasse, & hoc refertur ad perfectionem iustorum, & meritum multiplicationem. Nam auis volans per multiplicarum alarum motum, & sæpius iteratum, aera petens, a terra se elogat: sic viri sancti non per otium & torporem, immo per bonorum operum exercitium & laborem, relictis terrenis, celestibus appropinquat. Psalmista: Quis mihi dabit pennas? &c.

Clamor sexto Seraphim iugem significat diuinæ laudis sine intermissione continuationem: sic continue prorumpunt electi ex desiderio videndi Deum. idem Psalmista: Ad videndum in bonitate electorum tuorum, ad lætandum in lætitia gentis tuæ, ut lauderis cum hereditate tua. Clamabant autem Seraphim, Sanctus, Sanctus, Sanctus. Ideo enim prorumpunt electi, præcipue religiosi, in triplicem laudem Dei: quia ipse Sanctus sanctorum electos suos sanctificat ab amore mundanorum separando; & separatos in via meritum promouendo; & in fine iam sanctificatos, per sanctificationis consummationem in gloria præmiando. Est itaque iugiter laudandus, qui efficit hominem sanctum & mundum in poenitentia; sanctiorem in iustitia; sanctissimum vero in gloria sempiterna. De hac sanctificatione dicitur in Ioanne: Sanctifica eos in veritate, ut & ipsi sanctificati sint & consummati in vnum, sicut ego & tu vnum sumus.

Quod vero septimo labia Isaiæ polluta cum calculo tangebant & mundabant, habet referri ad sanctorum & religiosorum misericordiam & compassionem, qua per gratiam ipsos sanctificantem in se purgat, secularibus etiam & alijs immundis peccatoribus compatientes, feruentissimis & deuotissimis orationum suffragijs, eorum sanctificationi cooperantur. Sic Moyses suis precibus Mariam leprosam & immundam, sanitati & munditiæ restituit. Et in Iob dicitur: Seruus meus Iob orabit pro vobis, faciem eius suscipiam, ut vobis nõ imputetur stultitia. Et sequitur: Conuersus est Dominus ad poenitentiam Iob, cum oraret pro

Z 3 amicis

amicis suis, &c. Ex quo patet manifeste, quod multum cooperantur bonorum suffragia ad peccatorum iustificationem & emendationem. Et hæc de ordine Seraphim dicta sufficiant.

De Cherubim. Cap. III.

**S**icut viri perfecti configurantur ordini Seraphim propter excellentiam feruentissimæ dilectionis; ita assimilantur ordini Cherubim propter plenitudinem sapientiæ, & prærogatiuam limpidissimæ cognitionis, quæ in viris spiritualibus dinoscitur præ ceteris relucere. Cherubim quippe plenitudo sapientiæ interpretatur, quod absque dubio, viris spiritualibus conuenit, per quorum corda spiritus sapientiæ affluenter se diffundit. Vnde Apostolus: Sapientiam loquimur inter perfectos, sed non sapientiam principum huius sæculi, quæ destruetur; sed loquimur sapientiam in mysterio absconditam, quam nemo principum huius mundi cognouit, &c. Istius sapientiæ cælestis radius per Spiritum sanctum in cordibus virorum spiritualium diffunditur, sicut ibidem sequitur: Nobis autem reuelauit Deus per Spiritum sanctum suum, quia spiritus scrutatur omnia, &c. Hæc sapientia non est mundana quæ inflat, sed illa, quæ ædificat. Prima enim est terrena, de qua dicitur in Luca: Prudentiores sunt filij huius sæculi filij lucis. & hæc est in avaris & negotiosis. Præterea est animalis, de qua ad Romanos: Prudētia carnis mors est. hæc est in voluptuosis, quia vera sapientia non inuenitur in terra suauiter viuentium, ut dicit Iob. Est insuper diabolica, & hæc est in superbis, & in inuidis, de quibus Isaias: Væ qui sapientes estis in oculis vestris, &c. Et in Hieremia: Sapientes sunt ut faciant mala, sed in maleuolam animam non introibit sapientia, ut dicitur in Sapientia. Ideo ad veram & permanentē sapientiam, quæ desursum est, recurendum est. Hæc enim est pudica, pacifica, modesta, &c. ut dicit Iacobus. Nam mentem quam inhabitat, purificat, & pacificat, & quietat. Et ideo istius sapientiæ plenitudo, perfectorum mētes Angelis ordinis Cherubim parificat & configurat. Ideo in Malachia: Labia sacerdotis custodiunt scientiam, & legem requirunt ex ore eius: quia Angelus Domini exercituum est. Et in huius rei figuram dicitur in Exodo: Duos quoque Cherubim facies ex utraque parte oraculi, Cherub vnus erit in latere vno, & Cherub alter in latere altero, &c. Istud oraculum est cor humanum, in quo oportet Deum adorare in spiritu & veritate, sicut dicitur in Ioanne. In quo quasi a sinistris erigitur Cherub quoad scientiam in humanis, ut scilicet sciāmus qualiter in medio huius prauæ & peruersæ nationis sapienter conuersemur: in alia vero parte debet esse Cherub quoad sapientiam necessariam in diuinis, ut scilicet secundum spiritū diuinæ sapientiæ nos cælestibus conformemur. Et sic Cherubim vocabulum in præsentī, & in futuro scientiam significat.

**Cherubim** Possunt itaque viri perfecti dici Cherubim, propter multa, quæ secundū traditionem beati Dionysij, istis Angelis specialiter appropriantur, & primo propter Deificam visionem. Ideo enim Deiuidi dicuntur, quia diuini luminis influentia primo & principaliter irradiantur, qua in Dei visione sublimiori gloria extolluntur. Et hoc ideo, nam viri spirituales Angelis quidem Cherubim comparabiles, Deum vident per cognitionem, & per conscientiam munditiam, sibi adhærent inseparabiliter per amorem, & sic de numero Cherub efficiuntur, ad quorum æquiparatiā se deuenisse vitæ & gratiæ merito dinoscunt. Vnde dicitur in 1. Paralipomenon: Aurum purissimum dedi, ut fieret ex eo similitudo Cherubim, secundum opera exemplaris, &c. Aurum purissimum puram significat conscientiam, & mundam, quæ in viris spiritualibus potissime inuenitur, propter quā vita An-

gelica in ea similis potissime reperitur. Nam nulla creatura puritati Angelicæ in præsentī poterit adæquari, quæ ipsius Angelicam puritatem, quantum in se fuerit, contempserit imitari.

Item secundo propter singularem diuini luminis susceptionem, quia lux diuina super ipsos transfusa, ipsos singulariter illuminat, ut omnibus sub se constitutis ipsis mediantibus euidentissime se ostendat. Propter quod Cherubim plena fuisse oculis leguntur, quia viri Angelis Cherubim comparati, circumspeditionis gratia & prouidentia dono circumdati, sunt vndique luminosi, ut non solum propria, verumetiam & aspiciant vigilanti studio aliena. & ideo forsā facies Cherubim mutuo se leguntur respexisse, quia vnusquisque alterius debet esse oculus, & alieno periculo velut proprio cum discretionis moderamine contrahere.

Item tertio propter sibi infusæ sapientiæ communicationem. Nam occultum supremæ sapientiæ donum siue lumen, quod diuinitus accipiunt, ad alios transfundunt. sic iusti talentum quod ex Dei dispensatione recipiunt, non ponunt sub modio, sed super candelabrum, quod omnibus, quantum in se est, communicant æqualiter & exponunt. Ideo dicit Sapiens: Sacramenta Dei nō abscondam, sed ponam in lucem scientiam, & non præteribo veritatem, &c. Verum erubescere possunt inuidi & æmuli, qui donum Dei nituntur sibi solum vindicare. Contra quod est illud Numeri: Quid, inquit, æmularis pro me? quis tribuat ut omnis populus propheta, & det singulis spiritum suum?

Item quarto propter diuinæ quietis præparationē. Vnde Dionysius, eos diuinæ quietis hospites siue receptores cognominat. Ex eo enim quod lumen capiunt, locus luminis sunt. Qui igitur per amorem & quietem conscientia Deo desuper venienti, in suo affectu locum præparant, Angelis Cherubim se conformant. Ideo forsā dicitur sedere super Cherubim, quia quos quietos, humiles, & mansuetos inueniet, in ipsis familiariter requiescet, sicut dicit Isaias: Requiescet super eum, &c. Et Psalmista: In pace factus est locus eius, &c. Isaias: Super quem requiescet spiritus meus, nisi super mansuetum, &c.

Item quinto propter immediatam secretæ Dei sapientiæ circuitiōnem. Nam Angeli Cherubim immediate quidem Deo assunt, per incommutabilitatem contemplationis & veritatis, circumeunt tamen semper admirando & laudando incomprehensibilem profunditatem diuinæ maiestatis. nam quanto contemplationis acie profundius diuinitatis secreta comprehendere satagunt, tanto se minus comprehendisse per omnia recognoscunt. sic reuera est de perfectis, qui nondum se comprehendisse arbitrantur, immo quanto videntur esse virtutibus & gratijs perfectiores, tanto se reputant omnibus inferiores, & cum aliqui reputant eos vsque ad Dei secretiora iam penetrasse, vix putant se adhuc talia inchoasse, iuxta illud Ecclesiastici: Cum consummauerit homo, tunc incipit. Et in Luca: Cum omnia bene feceritis, dicatis: Serui inutiles, &c.

Item sexto propter Deifici alimentī vnicam repletionem: quia non esset per omnia beatus Angelorū status, si multa de secretis Dei caperent intellectu, & tamen vacui remanerent in affectu. Ideo dicit, quod multa quidem & inaudita de Dei secretis intelligunt, sed singuli summam repletionem spiritualem, qua Deo incorporantur, inueniunt, & per internam dulcedinem diuinæ voluntati vniti, ab ipso non recedunt. Sic viri spirituales multa capiētes intellectu, vberius se & alios reficiunt, quanto profundiora de occultis diuinæ sapientiæ apprehendunt. ideo dicitur in Hieremia: Inebriabo animas sacerdotū pinguedine, &c. Et in Isaiā: Audite, &c. Istius alimenti dulcedinem, tanto iusti perfectius recipiunt & sentiunt, quanto sensus

Cherubim  
dici possunt  
viri perfecti.

1. Paralip.  
28. d

Exec. 1. e.  
& 10. c.  
& Apoc. 4. c

Matt. 5. b

Sap. 6. d

Num. 11. f

Dionys. de  
cales. Hier.  
c. 7.

Isa. 11. a  
Psalm. 75. a  
Isa. 66. a

Ecclesi. 18. a  
Luc. 17. c

Hier. 31. f  
Isa. 55. a

sensus corporis & affectiones cordis, purius custodiunt atque regunt. Ideo Abraham prius Angelorum pedes abluebat, quos temperato cibo reficere disponebat, ut dicitur in Genesi: Afferam paucillam aquam, & lauentur pedes vestri, &c. Soli enim boni & mundi ad esum Angelicum admittuntur. Et Sapiens: Præparasti populo tuo escam Angelorum, &c.

Item septimo propter situs collocationem. Nam supernæ virtutes ex parte dexteræ collocantur, demones vero sinistram tenere videtur, iuxta illud Ezechielis: Cherubim stabant a dextris domus, &c. Et hoc est proprium electorum & perfectorum, ut sint filij dexteræ, sicut mundani filij sunt sinistræ. Nam oues a dextris, hædi vero a sinistris in iudicio locabuntur, ut dicitur in Matthæo. In cuius rei figuram Abraham dexteram tenuit, Lot vero tenens sinistram in Sodomam declinavit, ut legitur in Genesi. Ideo etiam posuit Iacob manum dexteram super caput Ephraim, sinistram vero super caput Manasse, ut dicitur in Genesi. Manasse obliuio, Ephraim vero frugifer, vel fructificatio interpretatur. Qui hic gaudent bonis temporalibus, quibus applaudit mundus, sunt Ephraim, & putant se dexteram felicitatis obtinere, iuxta illud Psalmi: Beatum dixerunt populum, cui hæc sunt. Religiosi vero quos obliuiscitur, & abijcit mundus, sinistram habere partem a reprobis opinantur, dicente Sapientia: Hi sunt, quos aliquando habuimus in derisum, &c. sed in fine cancellabuntur manus, quia mali sinistram cum rubore obtinebunt, boni vero cum honore dexteram obtinuisse se gaudebunt, quando dicetur: Amice ascende superius, & erit tibi gloria coram simul discubentibus, alijs incipientibus obtinere nouissimum locum cum rubore.

Item octauo, propter inferiorum excitationem. Nam Angeli ordinis Cherubim inferiores Angelos excitant in diuinæ contemplationis admirationem, & quod de Deo per cognitionis donum percipiunt, inferioribus innotescunt. Et hoc conuenit religiosis, & verbo & exemplo sæculares allicere ad laudem & cognitionem Creatoris. nam dicit Scriptura: Cum ambularent Cherubim, ibant pariter & rotæ iuxta ea, & cum eleuarent alas suas ut exaltarentur de terra, non residebant rotæ, sed iuxta erant, stantibus illis stabant, &c. Ex quo manifestum est, quod ex profectu vel defectu religiosorum & clericorum depedet profectus vel defectus laicorum, iuxta illud: Et nunc fratres, vos qui estis presbyteri in populo Dei, ex vobis pendet anima illorum.

Item nono, propter diuinæ voluntatis manifestationem. Nam mediantibus Angelis Cherubim diuina voluntas in superioribus innotescit. Ideo dicitur: Audiebat vocem loquentis ad se de propitiatorio, quod erat super arcam inter duas alas Cherubim, inde & loquebatur ei. Sic religiosi & litterati viri sunt quasi interpretes Dei, ad aures simplicium laicorum, & ipsorum laicorum ad aures Dei. Moyses retulit verba Domini ad populum, & vice versa, populi ad Deum, ut dicitur in Exodo. Et sonus alarum Cherubim erat quasi sonus aquarum multarum; quasi vox sublimis Dei, ut dicitur in Ezechiele. Nam perfecti verba populorum referunt ad Deum in oratione & gratiarum actione, & verbum Dei annuntiant populo in prædicatione. Videant igitur, quod fideles sint interpretes, non amore, non odio vel timore alicuius personæ, & diuinum consilium peccatoribus occultantes. Talis interpret fuit Paulus, qui dicit: Nihil subtraxi vobis vtilium, quin annuntiarem vobis, & docerem, publice testificans omnibus penitentiam & fidem, &c.

Item decimo propter specialem custodiæ paradisi deputationem. Nam Cherubim velut janitoribus, custodia ianuæ paradisi fuit deputata, ut patet in Genesi: Collocauit Cherubim, & flammeum gladium atque versatilem, ad custodiendam viam ligni vitæ. Et hoc videtur esse proprium officium religiosorum,

& doctorum, & prælatorum, ut tam ex vitæ merito, quam ex officio, viam arctam quæ ducit ad vitam, in se custodiant, & alijs ostendere non desistant, ut dicere possint illud Hieremias: Hæc est via, ambulante in ea. sed non debet esse sine gladio versatili, & flammeo vir perfectus.

De Thronis. Cap. IIII.

**T**ertius ordo primæ Hierarchiæ, vocatur ordo Thronorum, in quibus diuina iustitia potissime requiescit, per quorum ministerium diuinæ æquitatis excellentia, benigne & sapienter iudicans, vniuersa hominibus innotescit, sicut dicit Psalmus: Sedes super Thronum, qui iudicas iustitiam. Et Ecclesiasticus: Vnus est Altissimus, Creator omnium, potens, & metuendus nimis, sedens super Thronum dominans Deus. Vnde hi Angeli, in quibus Deus resider, & cuncta subiecta ordinat & disponit, dicuntur Throni: quia sicut Thronus subijcitur residenti, sic Angeli illius ordinis diuinæ iustitiæ sunt subiecti: ex quo præsentis auctoritas declaratur, & ipsorum subiectorum Thronorum, idest Angelorum humilitas commendatur. Nam super humiles spiritu Dominus requiescit: & ideo viri spirituales & perfecti, siue sint religiosi, siue prælati, significantur per Thronos ratione iustitiæ & humilitatis, sicut per Cherubim propter excellentiam sapientiæ, & sicut per Seraphim ratione charitatis. Nam illa quæ de Thronis per appropriationem dicuntur, in viris sanctis per imitationem diuinæ iustitiæ inueniuntur.

De proprietatibus autem Thronorum dicit Dionysius, quod sunt sedes Dei Altissimi compactæ, idest conuenienter cõiunctæ, ab omni liberæ subiectione, diuini superaduentus susceptiæ, Deiferæ, & ab omni extremitate remotæ, &c. Et hæc cõditiones, quamuis proprie dicantur de Angelis tertij ordinis, conueniunt tamen per appropriationem viris sanctis, qui possunt dici viri ignei vel flammei, quoad perspicuitatem cognitionis, & feruorem charitatis, iuxta illud Danielis: Thronus eius flamma ignis. ibi glossa Originis: Thronus Dei sunt monachi & heremici, & consimiles, qui in vno loco degentes, Deo militare student, nec per loca discurrunt, in quorum quietis cordibus quiescit Deus; qui bene flamma nuncupantur, quia dilectione Dei & proximi, & desiderio celestis patriæ inflammantur.

Dicuntur etiam Throni eburnei propter munditiam cordis, & candorem innocentie castitatis. Vnde significantur per Thronum eburneum, quem fecit Salomon de ebore grandem, ut patet in 2. Paralipomenon, & 3. Regum. Nam in cordibus eburneis, idest mundis & castis Dominus requiescit, qui pascitur inter lilia, donec inclinetur vmbra, & aspiet dies. Et ideo in virginali vtero velut in Throno eburneo, diuinitas nouæ mensibus requieuit, iuxta illud: Venter tuus eburneus, distinctus sapphiris. Ille inquam venter, de quo Lucas ait: Beatus venter qui te portauit, &c. Qui utique fuit eburneus venter vel Thronus, quantum ad extinctionem fomitis & concupiscentiæ, tam originalis quam actualis, & quoad priuilegium continentie singularis.

Item sunt Throni gemmei, varijs scilicet gemmis & lapidibus pretiosis insigniti, quantum ad mentis constantiam & patientie firmitatem. Vnde dicitur in Ezechiele: Similitudo Throni quasi aspectus sapphiri. Et in Apocalypsi: Sedes erat posita in cælo, & super sedem sedens, & aspectus eius quasi aspectus lapidis smaragdi. Sapphirus est solidus lapis celestis & ærei coloris, & significat illos qui firmi sunt, & stabiles contra extrinsecas mundi tribulationes, & hoc ob spem æternorum & bonorum celestium futurorum, sicut fecit Eleazarus, qui dixit: Domine tu scis quia cum a morte possem liberari, duos corporis sustineo

Hero. 6. d

Psal. 9. 6

Eccli. 1. 8

Isa. 66. 8

Dionys. de  
cales. Hier.  
c. 7.

Dan. 7. 8

2. Par. 9. d.  
3. Reg. 10. 6  
Cant. 2. d.  
4. b

Cant. 5. d  
Luc. 11. d

Ezec. 1. 9  
Apoc. 4. 6

Sapphirus.

2. Mac. 6. 2



sustineo cruciatum: secundum aliam vero translationem, Propter timorē tuum hæc libenter patior. Smaragdus. Smaragdus vero, qui lapis est mundus, & contra impetuosum sanguinis fluxum utilis, significat illos, qui in amore castitatis roborati, innatas reprimunt in se corporis passiones, sicut fecit Apostolus quando dixit: 1. Cor. 9. d. Castigo corpus meum, & in seruitutem redigo, &c. Iaspis. Iaspis vero, qui est gemma fugans phantasmata, illos significat, qui tentationes demonum superant, & ipsorum phantasticas vincunt illusiones & declinant, sicut Apostolus, qui dixit: Non ignoramus cogitationes eius, &c. Et talibus gemmis, idest viris solidis in fide & opere virtuosis, præparat Dominus Thronum suum, sicut dicitur de Hierusalē celesti: Thronus Dei, dicebatur in Mattheo. & in Tobia: Ex saphiro & smaragdo ædificabitur, & ex lapide pretioso, &c.

Item Throni sunt nubi, per compassionem & pietatem, in quibus Dominus residens, velut de quibusdam nubibus pluens, per ipsas subuenit miseris afflictorū. Vnde in Ecclesiastico: Speciosa est Dei misericordia in tempore tribulationis, quasi nubes pluuie in tempore siccitatis. Et in Prouerbijs: Misericordia & veritas custodiunt regem, & roborabitur clementia Thronus eius. De hoc Throno dicitur in Ecclesiastico: Thronus meus in columna nubis.

Item iusti dicuntur Throni Domini, sed quasi aurei per incorruptibilem iustitiam, & inflexibile æquitatem. nam aurum incorruptibile est & vix flexibile. sic iustitia, de qua in Sapientia: Iustitia perpetua est, & immortalis, &c. Et in eadem: Iusti in perpetuum viuunt. & ideo in eis velut in Throno aureo firmo & solido, Dominus requiescit, sicut Assuerus qui in Throno aureo & in folio regni sui residebat. Et in Prouerbijs: Aufer iniquitatem & impietatem de vultu regis, & firmabitur.

Possunt etiam dici iusti Throni siderei, siue stelle, & hoc per tranquillitatem conscientie, & perfectam cordis humilitatem. Nam quanto hominis conscientia humiliando se magis indignum reputat, tanto circa celestia obrinēda amplius se coaptat, & ad Deum in se suscipiendum tanto est habilior, quanto in sui consideratione humilior iudicatur. Ideo dicit Psalmista: Thronus eius sicut sol in conspectu meo, & sicut luna perfecta, &c. Sol quidem & luna computantur inter sidera, quæ quamuis corporali dimensio ne & virtuali effectu & operatione sint maxima, tamen minima secundum sensus aspectum iudicantur. Et hoc humilibus cōgruit, qui quanto in mundo minus reputantur, tanto sunt maiores, iuxta illud Sapientie: Habuimus eos in derisum, & in similitudinem improperij, & finem illorū sine honore, & ecce quomodo computati sunt inter filios Dei, &c.

Sancti itaque viri, qui tam multiplici causa Dei dicuntur Throni, Angelis tertij ordinis comparantur, propter altissimæ paupertatis professionem. Nam illud reputamus altius, quod est a cetro remotius. Tales sunt pauperes spiritu, quorum est regnum celorum: qui cum terrenis nihil commune possident, & ideo superiorem in celestibus locum habent, sicut dicit Apostolus: Altissima eorum paupertas, abundauit in diuitias simplicitatis eorum, &c. Alta quidem est paupertas, quæ tollit superflua; altior quæ distribuit & licita & permissa; sed altissima sibi subtrahit etiam necessaria. Sicut illa vidua, quæ in gazophylacio de suis necessarijs duo dedit minuta. Altus est igitur pauper spiritu superflua abijciens, sicut Abraham, qui dixit: Iuro tibi, &c. Altior vero a licitis abstinens, sicut Dauid, qui abstinent ab aqua quando sitiuit. Sed altissimus est, ea quæ videntur necessaria non admittens, iuxta illud Isaie: Sustollam te super altitudinem terræ, & cibabo te hereditate Iacob patris tui, &c.

Item Throni Angeli sunt compacti, idest conue-

nienter aptati & coniuncti, quia mutue charitatis iuncturam aliqua relaxante iniuria non deserunt, sed secundum naturæ suæ & gratiæ capacitatem Deum superuenientem aptissime recipiunt, & receptum de se ulterius non repellunt. Et hoc conuenit sanctis viris & perfectis, ut sint compacti sicut Throni, per mutue charitatis & affectionis indissolubilem compaginationem, sed in omnibus se Deo coaptantes, sibi in suis affectibus immutabilem præparent mansionem. Vnde Paulus: Crescamus in charitate, in illo qui est caput, ex quo totum corpus ipsi compactum est, & connexum per omnem iuncturam, &c. Nam in illis, qui sunt uniti, & compacti in charitate, sine omni scissura & affectionis separabilitate, Deus pacis requiescit, &c.

Item ab omni ignominiosa subiectione sunt liberi, quantum ad omnimodam seruitutis peccati euacuationem. Nam Throni quamuis Deo sint subditi, nō tamen seruileriter sunt oppressi, & tanto magis sunt liberi, quanto ei magis sunt subiecti, cui seruire est regnare, &c. Seruitus itaque nimis ignominiosa & turpis est peccare. Nam qui facit peccatum, seruus est peccati, ut dicit Saluator. Deo vero subijci, & eius iussis obtemperare, summa est libertas, & iam cum Christo in spiritu contregnare. Et ad Romanos: Liberati a peccato, serui facti estis iustitiæ, &c. Veri ergo serui sunt, in quorum mentibus per malitiam regnat diabolus; sed vere liberi sunt, quorum corda per gratiam inhabitat Deus.

Item sunt Deiferi, per legis diuinæ voluntariam supportationem. nam tunc Deū ferre dicimur, quando fidei suæ præceptis voluntarie subijcitur. ideo ait Apostolus: Glorificate, & portate Deum in corde & corpore vestro. Tamquam ergo Throni Deum ferimus, quando præceptorum suorum onera comportamus. Vnde in Canticis: Ferculum fecit sibi Salomon, &c.

Item diuini superaduentus sunt susceptiui, & hoc per omnimodam voluntatis cum Deo conformationem. Nam ad illos Deus sine obstaculo peruenit, ubi contradictionem voluntatis improbe non agnoscit, & ideo Thronum cordis oportet disponere, & aptare, si ipsum in nobis voluerimus habitare, quia legitur in libro Sapientie: Non habitabit in corpore subdito peccatis. & ideo sola domus cordis est præparanda & ornanda, ne forsitan ad nos declinans recedat, eo quod Thronum vel sedem paratam non inueniat. in figuram huius dicitur in 4. Regum: Vir Dei sanctus est iste qui transit per nos, faciamus ergo ei cenaculum, & ponamus in eo lectulum, mensam, & sellam, & candelabrum, ut cum venerit, maneat apud nos, &c.

Item Throni Angelici ab omni extremitate sunt remoti, quia ei qui sine fine & principio est, in quo non est reperire extremitatem, immediate sunt coniuncti, & hoc refertur ad virtutis mediationem, siue virtutis existentis in medio electionem, quam viri sancti Angelorum exemplo eligunt, & ab extremitate vitiorum se subtrahentes, ad virtutis medium tendunt, & bonis æternis, quæ sine extremitate sunt, per virtutis opera se coniungunt. In medio se tenendo proficiunt, qui per fidem & charitatem mediatori Dei & hominum adhærendo, ab ipso per voluntatis discrepantiam non recedunt. In medio se tenent, qui omnibus indifferenter sine acceptione personarum iustitiā exhibent. Dicitur enim in libro Paralipomenon: Non est apud Deum iniquitas, neque personarum acceptio, neque cupido munerum, &c. Et in Prouerbijs: Accipere personam impij in iudicio, non est bonum, &c. Hi medium non tenent, sed ad extremitatem tendunt, & ideo Throni Dei non sunt. Et iterum: Multi colunt personam potentis, & amici sunt munera tribuentis. Et Isaia: Corruit in platea veritas, & causa pauperis non potuit ingredi ad eos. Boni vero & electi,

Ephes. 4. 6

Ioa. 8. d. &amp; Rom. 6. c

Ibidem.

1. Cor. 6. d

Cant. 3. d

Sap. 1. a

4. Reg. 4. b

2. Par. 19. b

Prou. 18. a

Prou. 19. a

Isa. 59. c



*Prov. 29. b* electi, ideo Throni Dei sunt, quia pauperibus sicut diuitibus æqualiter se exponunt. Vnde dicitur in Proverbijs: Qui in veritate iudicat pauperes, Thronus eius in æternum firmabitur, &c.

Item Throni Angelici Deo præfidenti non coacte, sed spontanee sunt subiecti, & ideo eorum ministerium potius est felicitatis, quàm necessitatis, & hoc refertur ad voluntariam electorum obedientiam subiectionem. Coacta enim servitia Deo non placent.

*2. Cor. 9. b* Vnde Paulus: Non ex necessitate, sed ex hilaritate, &c. Et in Psalmo: Voluntarie sacrificabo tibi, &c.

*Exo. 35. c* Et in Exodo: Obtulerunt mente promptissima & deuota primitias Domino, &c. In corde itaque deuoto, & ex deuotione ad obediendum prompto Dominus suauiter velut in Throno requiescit. In cuius rei figuram Spiritus sanctus sicut columba descendit, & requieuit super caput Domini, quando Ioanni voluntarie subditus ab ipso voluit baptizari. ait enim Ioannes: Vidi Spiritum quasi columbam, de cælo descendentem, & manentem super eum, &c. Patet itaque ex prædictis, quia in viris sanctis & religiosis ille triplex ordo cælestis, per quandam assimilationem configuratur, ex quibus conuincitur, quod subsequenter hierarchiæ triplex ordo, in bonis rectoribus prælatis per quandam expressam similitudinem reperitur. Nam media hierarchia cõtinet Dominationes, Virtutes, & Potestates secundum Dionysij ordinationem. Nam

*Luc. 3. e*

*Ioan. 1. d*

A dominationes vsum dominandi edocent; Virtutes vigorem conformandi se Deo inferioribus viriliter exhibent; Potestates malitiam aduersariorum cohibent atque arcant. Istis tribus Angelorũ ordinibus, quorum nomina sonant in dominium, virtutem, & potestatem, omnis prælationis auctoritas correspondet. Nam omnis prælatio est propter tria principaliter a Domino ordinata, quia per ipsos vult Deus homines per fidem veritatis, & mores sanctitatis, ad Dei similitudinem reformare, vel lites rescindere, ac discordes ad concordiam reuocare, aut coercere rebelles, & malitiam reformare. Ad morum disciplinam & correctionem est instituta dignitas sacerdotalis: ad reformandam concordiam inter homines, & pacem conseruandam ordinata est auctoritas iudiciaria: ad malitiam coercendam, concessa est potestas secularis, imperialis, scilicet & regalis. Prima auctoritas est pure spiritualis, tertia est pure temporalis, sed media est mediocris, scilicet partim spiritualis, partim temporalis. Illi igitur qui præminent in ministerio Pontificali, siue sacerdotali, assimilantur ordini Dominationum: qui vero ex officio præcellunt in auctoritate iudiciali, conformitatem habent cum ordine Virtutum: sed qui alios transcendent in potentia seculari, configurantur ordini Potestatum, de quibus per ordinem aliqua sunt breuiter in medium proferenda.

## DE ECCLESIASTICA HIERARCHIA.

### PARS SECVNDA.

De Dominationibus.

De Virtutibus.

De Potestatibus.

Caput I.

Cap. I I.

Cap. I I I.

De Dominationibus.

Cap. I.

*Isido. lib. 7. etymol. c. 5.*



DOMINATIONES itaque dicuntur Angeli primi ordinis mediæ hierarchiæ. Sic autem secundum Isidorum nuncupantur, quia inferioribus Angelis dominantes, eos instruunt & informant, qualiter in prælationis officio debeant subditos ad Deificam similitudinem reuocare, & sine tyrannide subditorum facta liberaliter ordinare. Vnde dicit Dionysius: Nominatio Dominationum absolutam & liberam anagogen absque vlla tyrannica dissimilitudine, liberaliter seueram, & ab omni subiectione ignominiosa remotam declarat, quasi dicat: Sicut per anagogen, id est per excellentiam vniuersalem, supra alios Angelos sine subiectione eleuantur, ita per nullam tyrannidem ad depressionem aliorum inclinatur. Quorum dominatio & liberalis est & seuera; liberalis in benignitate; seuera in potestate. & hoc proprie conuenit prælatis, qui in spiritualibus singulariter dominantur, sicut sacerdotibus & Episcopis, qui in spirituali officio iudicantur omnibus digniores. Dicuntur itaque illi qui præfunt pure in spiritualibus dominationes: quia verum dominium est, quando superantur vitia, ac virtuosa opera in regno animæ, siue Ecclesiæ dominantur. Non autem possunt extirpari mala, vt bona efficaciter dominantur, nisi per prælatorum ministerium, quibus cælitus collata est auctoritas, vt per ipsorum officium & sacramentorum mysterium euacuentur vitia, & mores in hominibus corrigantur, &

sic subditorum mentes per morum disciplinam ad Deiformem similitudinẽ reformatur. Et ideo apud prælatos animarum istius Dominationis auctoritas a Domino est relicta, vt ipsis cooperantibus, peccati seruitus penitus auferatur, & vera libertas spiritus, electis mentibus per ipsorum ministerium conferatur. Vnde dicitur in libro Sapientiæ: In sapientiã tuã constituiti hominem, vt dominaretur creaturæ tuæ, quæ a te facta est, vt disponas orbem terræ in æquitate, & in directione cordis & in iustitia, &c. quasi dicat, ideo dominium homini super hominem contulisti, vt cor auersi hominis per iniustitiam, mediante iustitia, ad Deum iterato dirigatur. Recognoscant igitur Pontifices Christi ac sacerdotes, quod a Dominatore vniuersæ terræ receperunt supremum dominium, & a diebus sæculi, non solum hominibus, immo & Angelicis spiritibus penitus inauditum. Quia, vt dicit Bernardus, nec regibus, nec sæculi huius potestatibus, legitur attributum, vt illud conficiat quotidie consecratus in sacerdotem in altari, quod Dei Filius diuinitatis virtute perfecit in cena paschali, vbi fuit remunerans & munus, cibans & cibus, conuiuia & conuiuium, offerens & oblatum. Istud donum prælatis est collatum, non ad turpem quæstum extorquendum, nec ad superbiendum, vel subditos qualitercunque opprimendum, sed potius ad veram libertatis statum, per sacerdotum officium & sacramentorum ministerium reducendum. Et hoc dicit Zacharias: Sedebit, & dominabitur, & erit sacerdos in folio suo, & erit consilium pacis inter eos, & erunt coronæ memoriales in templo Domini. Dicuntur igitur Christi sacerdotes Dominationes, nõ quia debent dominari in clero

*Sap. 9. a*

*Ber. in ser. quodam de cena Dom. 10. 2.*

*† forsan ministerium. Zach. 6. d*

in clero, ut superbiant, sed ut formam gregi ex animo se ostendant, & ad Angelorum conformitatem; verbo & exemplo promoucant subditos, & adducant; iuxta illud Petri: Non ut dominantes in clero, &c.

1. Pet. 5. 4  
Episcopi  
quomodo  
Dominatio  
nibus con-  
formantur.

Dionys. de  
calos. Hier.  
c. 8.  
Ps. 147. b

Gen. 1. d  
Deut. 15. a

Illi igitur, qui plenam in spiritualibus a Domino receperunt auctoritatem, non immerito Dominationibus conformantur, & hoc precipue propter illa, quae appropriata de istis Angelis recitantur. Primo propter clericalis auctoritatis libertatem. nam in hoc istorum Angelorum dignitas consistit, quod nullius pedestris subiectionis oppressione oppressa sit, ut dicit Dionysius; & hoc quidem clero conuenit, qui libertatem non modicam, laicis omnino & pedestribus incomparabilem, a Domino recipere meruit, ut dici possit illud Psalmi: Non fecit taliter omni nationi. Vnde omnium iumentorum, & reptilium, & etiam volatilium dominatio, est vniuersaliter clericis & viris spiritualibus attributa, ut dicitur in Genesi: Dominamini piscibus & volucribus, &c. Et in Deuteronomio: Dominaberis omnibus nationibus, & nullus tibi dominabitur.

Item secundo propter praestendi modum, & dominandi qualitatem. nam Angeli illius ordinis sic inferioribus praesunt, quod nullam tyrannicam violentiam illis, qui sibi subiecti sunt, inferunt, sed simpliciter eis in omnibus condescendunt, quod utique clericis conuenit, ut taliter se habeant circa laicos, quod eorum vita videatur habere conformitatem ad Angelos supradictos.

Dion. ibid.  
ubi supra  
prox.

Apoc. ult. d  
Eccli. 10. a

Item tertio propter ipsorum clericorum caelestem intentionem, siue intentionis puritatem. nam isti Angeli dicuntur a Dionysio sursum actiui, quia conuersi ex suo ordine, alios inferiores conuertunt, & perfecti in se alios perficiunt, & alios ex suo lumine illuminare satagunt, & intendunt. & istud manifestum est esse Angelicum, ut illi, qui praesunt verbo & exemplo alliciant conuertendos, & perficiant perficiendos, ut sicut dicitur in Apocalypsi, & in Ecclesiastico: qualis est Dominus vel rector ciuitatis, tales sunt qui habitant in ea, &c.

2. Tim. 4. a

Item quarto propter officij clericalis necessariam liberalitatem. nam Angeli istius ordinis dicuntur liberales & seueri, quia benignitatem habent, & seueritatem in liberalitate; sic & praelati ordinis ecclesiastici liberales sunt in casu necessario, pariter & seueri. Liberales quidem & benigni circa humiles & prouidentes; duri vero circa reprobos & rebelles: quia quos non possunt censura Ecclesiastica reducere ad veritatem vitae per benignitatem, nituntur reducere per seueritatem. Sic legitur Apostolus fecisse ad Titum, & ad Timotheum, cum dixit: Increpa obsecra, &c.

Rom. 2. c  
Isa. 28. d

Isa. 3. c

Item quinto propter quandam vitae & morum saecularium disparitatem; quia sicut dicuntur Angeli Dominationum, omni scilicet dissimilitudine segregati, quia nihil indecens, nihil inhonestum diuinæ similitudini contrarium in Angelis illius ordinis inuenitur, & hoc utique Angelicæ puritati consonum est, ut qui alios tangunt, & alijs corrigendo dominantur, non subiaceant vitijs, quibus verborum moribus aduersantur, sicut faciunt illi: Qui praedicant non furandum, furantur: & qui dicunt non moechandum, moechantur, ut dicit Apostolus. De quibus etiam Isaias: Audite illulores, qui dominamini super populum meum. Tales sunt hypocritae, qui multa dicunt & imponunt alijs, & suum digitum non apponunt. Qui utique illulores sunt, quia decipiunt, quibus adulantur, iuxta illud Isaias: Popule meus, qui te beatum dicunt, &c.

Dion. ibid.

Item sexto propter status Potestatum dominabilitatem. nam illi veri sunt Domini, qui ita dominantur alijs, quod sunt etiam Domini propriae voluntatis, sicut de istis Angelis dicit Dionysius, quod sunt veram

A dominationem indefinenter desiderantes: quod utique istis congruit, qui ita alijs praesunt, quod propriae conscientiae dominium non omittunt, de quibus dicitur in Prouerbijs: Melior est patiens, viro forti; & qui dominatur, &c. Nequaquam enim sunt reputandi dominatores hominum aliorum, qui serui sunt vitijs. dicitur enim in Genesi: Sub te erit appetitus tuus, & tu dominaberis illius. Et alibi: Sub potestate viri eris, & ipse dominabitur tui.

Item septimo propter fixam & stabilem affectus immutabilitatem, sicut dicitur de Dominationibus, & ad nullum vane apparens, sed ad vere existens totaliter sunt conuersi, quia ad nullum inane, & transitorium se conuertunt, sed semper illum, qui verus est, Deum, scilicet aspiciunt, & sibi in omnibus placere concupiscunt. Non igitur clericis conuenit vanitates & insanias mundi falsas aspicere, qui Dominatori vero semper debent assistere, & dominatorum, vel dominationum nomen, vel officium se aestimant obtinere. Ideo dicit Tobias: Numquam in tuo sensu superbiam dominari permittite, &c.

Patet igitur, quod dignitas clericalis, quae in sua ratione considerata, est penitus spiritualis, merito est consona ordini Dominationis, quae sic praecedat alios inferiores ordines, quod illos illuminat, perficit, & purgat, & tamen ab illis non illuminatur, nec perficitur, nec purgatur; quia sicut spiritus dignitate, & officio praecellit corpus, sic potestas spiritualis dignior est, quam saecularis: & ideo bene sortitur nomen Dominationis. Vnde regalis potestas subiaceat potestati, & auctoritati spirituali, sicut in prima Canonica Petri, dicitur: Vos estis gens sancta, regale sacerdotium, &c. Nam temporale regnum velut quoddam adiectum, subiaceat sacerdotio in nouo testamento, sed in veteri testamento, sacerdotium subfuit regno. Vnde dicitur in Exodo: Elegi vos in populum peculiarem, in sacerdotale regnum, &c. ubi regnum ponitur substantiue, sed sacerdotium adiectiue, & ideo reges tunc poterant amouere ab officio summos sacerdotes, sicut Salomon amouit Abiathar. Iam vero possunt Sacerdotes & Pontifices ex causa ambuere Reges, & deponere Imperatores, sicut saepius accidit & visum est quando, scilicet eorum malitia hoc exigit, & reipublicae necessitas sic requirit. Summus vero pontifex penes quem prima in terris residet auctoritas, non a Rege, non a Principe saeculari, non ab homine iudicatur, sed solius Dei iudicio referatur. Spiritualis enim homo iudicat omnia & a nemine, nisi a solo Deo iudicatur. Sed ut possint tales personae liberius spiritualibus vacare, ut nunc per verbi vitae praedicationem, nunc vero per sacramentorum ministrationem populum sibi subditum ad Deiformem similitudinem reformare, necesse fuit, alios assumere in partem sollicitudinis, qui in diuersis negotijs & causis eis assisterent, & onus eorum supportarent. Temporalia enim spiritualibus sunt annexa, & de facili spirituale officium impedirent, nisi causas & lites ex temporalibus orientes, aliqui per iustitiam deciderent, & definirent. Ideo dixit Iethro ad Moysen: Ultra vires est negotium; solus sustinere non poteris, esto tu populo in his, quae ad Deum pertinent, ut referas quae dicuntur, ad Deum, ostendasque caerimonias, & ritum colendi Deum, viamque per quam ingredi debeant, & opus, quod facere debeant. Prouide ergo viros potentes & timentes Deum, in quibus sit veritas & oderint auaritiam, & constitue ex eis, qui iudicent populum in omni tempore, leuiusque tibi sit, partito in alios onere. Et tales sunt decani, praepositi, archidiaconi, & quicumque iudices, siue ordinarij, siue delegari, qui lites sopiunt, & decident causas, discordes ad concordiam reuocant, & reducant, & tales sua officia prouide, & viriliter exequentes, conformitatem habent cum ordine Virtutum, qui sequitur ordinem Dominationum. nam si ne virtute non potest tale expediri officium.

De

De Virtutibus. Cap. 11.

**V**irtutes itaque dicuntur Angeli secundi ordinis mediæ Hierarchiæ, qui sic vocantur, ut dicit Dionysius, propter fortem & immutabilem virilitatem, ad susceptionem diuinarum illuminationum, nullatenus infirmam, sed viriliter in Dei imitationem reductam, Deiformem morum non derelinquentem, sed firmiter ferentem in superessentialem, & potentissimam virtutem Deiformiter prouenientem. Hæc omnia figuratim intellecta, sunt ad illos, qui iudicandi recipiunt potestatem, referenda. Nam ut pax & concordia in Christi Ecclesia habeatur, iustitia a Domino est ordinata. Iustitia enim & pax seinuicem concomitantur. nam dicit Psalmista: Suscipient montes pacem populo, & colles iustitiam: quia non esset pax in montibus, idest in superbis hominibus; nisi esset iustitia in collibus, idest in bonis, & humilibus prælatis ac iudicibus, in quibus virilitas siue virtuositas Angelica requiritur, ut nec benedictione, nec maledictione a rectitudine iustitiæ moueantur, sicut de Dauid, de quo in secundo Regum: Tu autem Domine mi rex es sicut Angelus Dei, qui nec maledictione, nec benedictione mouetur. Fortis igitur, & virilis debet esse iudex, ne timore, odio, vel amore a vigore iustitiæ deflectatur. Ideo datur consilium in Ecclesiastico: Noli querere fieri iudex, nisi virtute valeas irrumperè iniquitates, ne forte expauescas faciem potentis. Et in Sapientia: Audite reges & iudices, qui iudicatis terram, vobis data est virtus ab Altissimo, &c. Et iterum in Ecclesiastico: Homines diuites in virtute, pulchritudinis studium habentes, pacificantes in domibus suis. Sunt igitur Virtutes quoad virilem iustitiæ executionem, ut dicitur in Psalmo: Viriliter agite.

Item propter virtuosam iustitiæ defensionem. nam dicitur in Ecclesiastico, Pro iustitia agonizare, & usque ad mortem certa pro iustitia, &c. Nam quando subditi vident prælatos pusillanimes, & trepidos, de facili perterrentur, ut dicitur in Zacharia: Percutiam pastorem, &c. Hieronymus; Hunc scito nullum esse Christianum, qui nec metuit, nec concupiscit, ideo dicitur in Ezechiele: Ut adamantem & silicem posuit te, ne timeas eos, &c. In silice duro, & adamante solido, & omnis ferri attractiuo, significatur iudicis constantia, & fortitudo, cui semper associanda est patientiæ mansuetudo, quæ quandoque attrahit etiã in malitia obstinatos. Viriliter igitur dicuntur viri Angelici Virtutum celestium imitatores esse iustitiæ propugnatores, ne dici possit illud Ezechielis: Non ascendistis ex aduerso nec opposuistis, vos &c.

Item Virtutibus cæli comparantur, propter diuinæ sapientiæ imitationem, quam semper debent iudices in suis sententijs præ oculis retinere. Humana enim iustitia diuinam debet prout est possibile imitari, & ne erret per ignorantiam diuino lumine illustrari, ideo dicitur in libro Sapientiæ: Diligite lumen sapientiæ qui præstis populis, &c. ne dicatur illud Hieremias: Forsitan pauperes & stulti ignorant viam Domini, & iudiciũ Dei sui. Ibo igitur, &c. Et Isaias: Nescierunt saturitatem, ipsi pastores ignorauerunt intelligentiam, & ideo dicitur de Virtutibus, quod viriliter per susceptionem illuminationum reducuntur ad Dei imitationem. Nam qui a Deo illuminantur, sine offendiculo ipsius iustitiam exequentur. & hoc est quod dicit Psalmista: Domine in lumine vultus tui ambulabunt, & in iustitia tua exaltabuntur.

Item propter celerem causæ pauperum determinationem. nam vera iustitia cum fuerit nota iudici, non est ab executione retardanda, immo statim definienda, & promulganda; & hoc præcipue in causis pauperum, quarum dilatio eis multipliciter est nociua, & ideo dicitur, quod virtutes Deiformem motum non derelinquunt, quia virtuosus iudex cognita causa pau-

A peris iudicare non differunt, sicut nec Deus, de quo dicitur: Dominus non elongabit, sed iudicabit iustos, & faciet iudicium, & fortissimus non habebit in illis patientiam, &c. Nam sine moræ dispendio sunt innocentes absoluedi, rei vero puniendi.

Item per voluntariam auaritiæ fugam, & munerum declinationem. nam munerum cupiditas multum solet enervare vires iudiciorum, ideo præcipitur in Exodo: Non accipies munera, quæ excæcant etiam prudentes, & subuertunt verba iustorum. Et in Deuteronomio: Non accipies personam neque munera, quia excæcant, &c. & ideo eis congruit, quod dicitur de Virtutibus, quod ad potentissimam & superessentialem virtutem perueniunt, idest in suis motibus, & operibus, solum Deum & non proprium commodum attendunt: sic virtuosus iudex & prælati nihil faciunt propter lucrum, sed omnia peragunt propter Deum: quia non hominum est iudicium, sed diuinum, ut patet in 2. Paralipomenon: Videte, inquit, quid faciatis. non enim hominum exercetis iudicium, sed Dei, &c.

Item propter celerem & virilem oppressorū liberationem. nam iudex virtuosus innocenter oppressos viriliter eripit, & facienti iniuriã, toris viribus se opponit. Prælati enim & iudices Angeli sunt, & Angelorum officium gerunt, quorum ministerium est demones coercere a violentia, & ab obsessis corporibus viriliter remouere, iuxta illud Tobias: Apprehedit Raphael demonium, &c. Et in Daniele: Misit Deus Angelum suum, & conclusit ora leonum, &c. Tamquam demones sunt crudeles, impij, tyranni, innocetum, & pauperum oppressores, de quibus Isaias: Dabo eos in manus dominorum crudelium, &c. Et Hieremias: Crudelis est, & non miserebitur. & ideo virtuosum est talium insolentiam reprimere, & vi oppressos per iustitiam liberare. Vnde in Prouerbijs: Erue eos qui ducuntur ad mortem. Quod si dixeris: Vires mihi non superant, &c. Et Iob: Eo quod liberafsem pauperem vociferantem, & pupillum cui non erat adiutor, contrebam molas iniqui, & de faucibus illius, &c. Et in 1. Regum: Pascebat seruus tuus gregem patris sui, & veniebat leo vel vrsus, & tollebat arietem de grege, & persequabar illos, & percutiebam, & eruebam de ore eorum, &c. & ideo dicitur in Isaias: Iudicate pupillo, subuenite oppresso. Itẽ propter alienæ famæ, vel pecuniæ ablatam, & debitam, vel subtractam plenariam restitutionem, & in hoc assimilatur eorum officium ministerio Virtutum, quia per Angelos illius ordinis fiunt miracula & membra corporis a suis vitiis depauperata, & deprauata, in statum pristinum restaurantur. Et hoc conuenit iudicibus & prælatis, famam proximi iniuste laesam, & possessionem, vel pecuniam vi ablatam, integre restaurare per sententiam, & ipsos læsores ad satisfactionem compellere, & emendam. Et hoc figuratur in libro Regum: Erui David omnia quæ tulerant Amalechitæ, nec defuit quidquam de spolijs, sed omnia quæcumque rapuerant, retulit, & reduxit. Et alibi: Quem reddet in quadruplũ, &c. Sic Salomon, audita causa duarum mulierum super raptu pueri, reddidit infantem matri suæ. Et tantum de Ecclesiasticis.

De Potestatibus. Cap. 111.

**S**icut autem prælati spirituales, & iudices in suis officijs conformitatem habent ad Dominationes, & Virtutes; sic Reges, & Principes sæculares cælestes debent imitari Potestates. Nam Potestates dicuntur Angeli, quorum potentia speciali aduersus potestates coercentur, ne tantum lædant, quantum desiderant. Vnde dicit Dionysius: Sanctarum Potestatum cognominatio, docet potentem, & bene ornatam, & infusam circa diuinas susceptiones ordinationem, non tyrannice inferiora virtute potestatiua præcipitantem, sed potenter in diuina reducentem, & ad potentissimam causalem potentiam, quantum fas est, assimilantem, & ad

Eccli. 35. d

Exo. 23. b

Deut. 16. d

2. Par. 19. b

Tob. 8. a

Dan. 6. f

Isa. 19. a

Hiere. 6. f

Prou. 24. a

Iob 29. b

1. Reg. 17. e

Isa. 1. e

1. Reg. 30. e

2. Reg. 12. b

3. Reg. 3. d

Principes  
sæculares  
Potestatib<sup>9</sup>  
comparatur.

Dion. de ca  
lesti Hier.  
c. 8.

& ad Deum, qui princeps est omnis potestatis, secundum hierarchicam dispositionem inferiora conuertentem, diuinam, & lucentem potentiam in inferioribus resplendere facientem, &c. Vnde Angeli illius ordinis, refrenant, & coercent omnes, hierarchicam praelationis & subiectionis ordinationem impediētes. Vnde praelationis potestatem a subditis contemni nō permittunt, & subditos per violentiam ab iniquis dominis opprimi non sinunt: immo omni iniuriā istorum, & illorum obuiant potentissime, & resistunt. In his omnino debent Reges & Principes sæculares, sanctas, & cælestes intruere Potestates, scilicet ut sapiēter regant, ordinate viuant, & potenter malū reprimant & vindicent, innocentibus parcant, & iniuriam fieri personis miseris non permittant, ut etiam de suscepta potestate non superbiant, sed potius humilibus cōdescendant. Istæ conditiones in habentibus potestatem requiruntur, quia huiusmodi Reges & Principes a Deo recepisse potestatem huiusmodi dinoscuntur.

Ordinata igitur erit Potestas sæcularis, & secundū similitudinem cælestium Potestatum disposita, si in potestate constituti fuerint sapientes, scilicet non secundum voluntatis impetum, sed secundum rationis gubernaculum in singulis procedentes, sicut dicitur in Prouerbijs: Audiens sapiens, sapientior erit, & intelligēs gubernacula possidebit. Ideo Salomon in principio regni sui petiuit sapientiam, dicens: Domine Deus tu me fecisti regnare pro patre meo, & ego sum puer paruulus, ignorans egressum, & introitum meū. Da ergo seruo tuo cor docile, ut possit iudicare populum tuum, & discernere inter bonum & malum, &c. Sicut enim nec in spiritali iurisdictione, sic nec in temporalis, sine sapientia, & discretione est agendum. Ideo præcipitur in Deuteronomio: Cū federit Rex in solio regni sui, faciet sibi describi Deuteronomij verba, & accipiat exemplar a Sacerdotibus Leuiticæ tribus, & habebit secum, &c. Ideo prouectæ ætatis homines & senes, solebāt eligi in Principes & in Reges, quia non in pueris, sed in antiquis sapientia reperitur. Propter hoc Roboam perdidit regnum, quia iuuenis existens, derelicto consilio seniorum, iuuenum consilio acquieuit. Ideo dicit Ecclesiastes: Væ terræ cuius Rex est puer, &c.

Item similes sunt Potestatibus cælestibus, si ornati moribus, vitam bonam & innocentem subditis ostendant. Nihil enim prodest vestiri purpura, diademate insigniri, gemmis lucentibus splendere, & moribus incompolitis sordescere & foetere. Ideo dicuntur Potestates bene ornatam & inconfusam accepisse a Domino potestatem. nam, sicut dicit Poeta:

*Virtus non queritur extra.*

*Non eget exterius, qui moribus intus abundat,  
Nobilitas sola est, animum qua moribus ornat.*

Dominus itaque non attendit in potentibus mundi, vel carnis nobilitatem, siue corporis, siue habitus venustatem; sed nobilitatem morum, & cōscientiæ puritatem. & hoc est, quod dicitur in 1. Regum: Non respicias vultum, neque altitudinē stature eius, quoniam abieci eum, neque iuxta intuitum hominis ego video, &c.

Item Potestatibus sunt similes, quia amore iustitiæ animati, omnem malitiam sunt in reprobis vindicantes, & pacem perturbantes publicam persequentes, sicut de Iuda dicitur: Persecutus est iniquos perscrutās eos, qui populum conturbabant, & succendit eos flāmis, &c. Est enim potestas Regum, & Principum inter homines a Domino ordinata, ut ipsorum metu malorum audacia refrenetur, quæ quidem tātum inualefceret, quod si nō resisteret potestas publica, etiā humana societas penitus dissiparetur. Ideo dicitur: Omnis anima sublimioribus Potestatibus subdita sit, &c. Et in primo Machabæorum: Accingimini & estote filij potentes, & estote parati, quia melius est mori, &c. Ideo etiam dicitur in Exodo: Elige de om-

ni plebe viros potentes, &c. Et in Psalmis: Super firmamentum tuum potentissime.

Item vere sunt Potestates, qui non tyrannica crudelitate, sed potius humana, immo Angelica benignitate subditos regunt, & custodiunt innocentes. Vnde dicitur in Esther: Cum pluribus gentibus imperarē, & vniuersum orbem meæ ditioni subiungassem, nolui nequaquam abuti potentiæ magnitudine, sed cum clementia, & lenitate gubernare subiectos, ut absque terrore vitam transigentes, optata pace fruerentur. & ideo de Potestatibus dicitur, quod nihil ab eis tyrannice perficitur, sed omnia cum mansuetudine peraguntur.

Item Potestates sunt, qui seipso considerant, & de suscepta potestate non superbiunt, immo quanto videntur alijs esse magis auctoritate, & potentia transcendentes, tanto abundantiori humilitate sunt alijs condescēdentes, sicut dicitur in Ecclesiastico: Quāto maior es, tanto plus te humilia in omnibus, sicut ipse Dei Filius, qui omnibus præfuit, omnium potentissimus se in omnibus exhibuit infirmiorē, malens potius per humilitatis mansuetudinem, quā per potestatis fortitudinem, mundum miserum perducere ad salutem. Vnde dicitur in Psalmis: Non in fortitudine equi, &c. Ille igitur potentissimis, & supernis spiritibus est similior, qui alios benigne regendo est humilior. sicut dicitur in Daniele: Cognoscant viuētes, quia dominabitur excelsus in regno hominum, & humillimum hominem constituet super eum. Et in Ecclesiastico: In manu Dei potestas terræ.

Item pacem generalis Ecclesiæ sunt potentissime procurantes, nam tanta subeunt mala hominū, quod nequaquam Dei Ecclesia in pace conquiescit, nisi potentifica Regum & Principum prouidentia subueniatur. Vnde 2. Machabæorum: Videbat sine prouidentia regali impossibile dari pacem rebus, nec Simonem posse cessare a stultitia sua, &c. Et ideo recognoscere debent Principes sæculares, quod idcirco gladium portant, ut per auctoritatem, & potestatem illis concessam, pax Ecclesiæ vniuersaliter tueatur, & humana audacia metu potentiæ Principum restringatur. Vnde Paulus: Vis non timere potestatem? bonum fac, & habebis laudem, &c.

Item lucentem Dei potentiā sunt in istis inferioribus resplendere facientes, sicut de Potestatibus dicit Dionysius, quia sicut in eis relucet diuina bonitas, & veritas, & potestas, mediātibus Angelis superioribus, ita Potestates Angelos inferiores reducant ad cōsimiles gratiæ, & gloriæ participationes. Tales utique debent esse huius mundi Potestates, ut nunc per iustitiā & seueritatem, nunc vero per clementiā & benignitatem, populū simplicem ad Dei reducant cognitionē, & potentes ad inuiolabilem legum diuinæ iustitiæ obseruationē. Ideo dicitur in Ecclesiastico: Dominantes in potestatibus suis, homines magna virtute & prudentia præditi. Et in Psalmis: Fecit Solē in potestate diei, Lunam, & stellas in potestate noctis, quasi dicat, Sicut Sol potestate illuminat & perficit diem, Luna vero decorat noctē; sic boni prælati ad modū Solis, per exempla benignitatis, & clementiæ alliciunt ad amorem, & per rigorem iustitiæ formidinē incutiunt & terrorem. Per timorem quidē a tenebrosis operibus reuocant, sed per clementiam & amorē ad bonum prouocant, exhilarant, & confortant. Vnde dicitur in Prouerbijs: Sicut fremitus leonis, ita & Regis ira: & sicut ros super herbā, ita hilaritas eius. Merito igitur nomine Potestatum, intelliguntur Reges, & Principes, siue Domini sæculariū & mundanorū, quibus est obediendum in his, quæ ad suum pertinent Principatum, ut patet per Apostolū Paulum, qui dicit: Omnis anima potestatibus sublimioribus subdita sit, &c. Et Petrus in 1. Canonica dicit: Serui, subditi estote in omni timore dominis, &c. Et in eodem: Siue Regi tamquam præcellenti, &c.

D E

## DE ECCLESIASTICA HIERARCHIA.

## P A R S T E R T I A.

De Principatibus.

De Archangelis.

De Angelis.

Caput I.

Cap. I I.

Cap. I I I.

De Principatibus. Cap. I.

Dionys. de  
cal. Hier.  
c. 9.

**V**LTIMA Hierarchia secundum Dionysium, continet Principatus, Archangelos, & Angelos: & hi tres ordines referuntur ad statum subiectionis, sicut præcedentes tres respiciunt statum prælationis. In subditis autem tria considerantur, scilicet obedientia respectu Dei & prælati, & vitæ innocentia respectu sui, & misericordia respectu proximi, ut sic vivant iusti quoad Deum, & prælati eius exhibendo obedientiam debitam & reuerentiam; sobrie quoad se, innocenter viuendo, & conseruando vitæ munditiam; & pie quoad proximum, ei liberaliter subueniendo, & impartiendo misericordiam. Vnde qui maiorum suorum imperio humiliter acquiescunt, Principatibus configurantur, qui vero vitæ continentiam seruant, & innocenter viuunt, Archangelis assimilantur: sed illi, qui operibus pietatis, & eleemosynæ suæ peccata redimunt, & indigentibus liberaliter subueniunt, Angelos imitantur. Subditi igitur humiles & vere obedientes Principatibus, continentes siue innocentes Archangelis, misericordes & poenitentes Angelis comparantur.

Isidorus. li.  
7. sym. c. 5.

Principatus autem dicuntur Angeli, ut dicit Isidorus, qui præ ceteris possident donum reuerentiæ. Vnde eorum ministerium est docere homines, exhibere unicuique reuerentiam secundum gradum suum: ut sicut Dominationum subsidio superiores in onere regiminis adiuuantur, ita subditi sanctorum Principatum præsidio, ad obediendum suis superioribus prouocentur. De istis quidem dicit Dionysius: Sancti Principatus ad principalem Principatum Deiformiter sunt motiui & inferiorum ordinatione sancta & conuenienti reductiui, & ad superprincipalem omnis Principatus principem totaliter conuersiui, & ordinationis eius manifeste ostensiui, &c. Istis igitur Angelis similes sunt vere obedientes, per voluntariæ rei imperatæ adimpletionem, ut scilicet sicut desiderant sibi præesse sine tyrannide & oppressione, ita libenti animo, pro bono obedientiæ sciant & velint subesse, sine rebellionem animi & voluntatis contradictione. Nam sicut tyrannica superiorum oppressio prælationis iura violat; ita subditorum insolentia obedientiæ principatum destruit & eneruat. Qui ergo suis maioribus humiliter obtemperant, per donum reuerentiæ in se Principatum ordinem repræsentant. Vnde dicitur in libro Iudicū: Cor meum diligite principes Israel: qui voluntarie vos obtulistis discrimini, benedicite Domino, &c.

Iud. 5. b

Rom. 13. b

Leuit. 19. f  
Job 29. b

Item secundo per debitam reuerentiæ exhibitionem, quia cui honorem, honorem; cui timorem, timorem, ut dicit Apostolus, in flexione, in assurrectione. & ut dicitur in Leuitico: Coram cano capite surge, &c. De his omnibus dicitur in libro Iob: Senes assurgentes stabant, Principes cessabant loqui, & digitum superponebant ori suo, vocem suam cohibebant Duces, &c.

S. Bon. Tom. 7. Pars iij.

**A** Item tertio per humilem diuinæ potestatis recognitionem: quia dum suis superioribus obediunt, Dei potestatem in illis quibus obtemperant, recognoscunt. Vnde homini non obediunt, sed potius Deo, quem in homine considerant, & attendunt. Vnde Alexander Macedo redargutus a suis Principibus, quod summum sacerdotem Iudæorum, sicut Principem adorasset, respondit: quia non hominem adorasset, sed Deum in homine, qui sibi in tali effigie in somnis apparuisset, & totius orbis principatum sibi promississet. Et ideo non est attendendus homo, qui præcipit & imperat; sed Deus, qui præcipientium corda inhabitat, & legem obedientiæ ipsis mediantibus præcipit & mandat. Et Paulus: Serui, obedite per omnia dominis vestris, non ad oculum seruientes quasi placentes hominibus, sed in simplicitate cordis amantes Deum. quod facitis, ex animo operamini sicut Domino, & non sicut hominibus. Et alibi: Nō ego præcipio, sed in me Dominus. Et iterū: An experimentum quæritis eius, qui in me loquitur Christus? Homo igitur non est nisi organum, per quod Deus loquitur. hoc patet in Exodo, ubi dicitur: Ego veniam ad te in caligine nubis, ut audiat me populus loquentem ad te, & credat tibi in perpetuum. Et ideo non homini facit iniuriam, qui non obedit, sed Deo cuius ordinationi resistit, sicut dicit Apostolus. Sicut ergo Principatus mediantibus superioribus ordinibus, ad obediendum summo Principi, donum reuerentiæ recipiunt, & idem donum ad reducēdos inferiores per obedientiæ legem eis communicant, & transfundunt; sic homines qui Principatibus sunt conformes, mediantibus suis superioribus, ad superprincipem omnis Potestatis, scilicet ad Deum totaliter conuertuntur, & ipsius imperio humerum subijcientes, ad dignitatem Principatum & Angelorum consortium obedientiæ merito reducuntur. Vnde dicit Isaias: Factus est principatus super humerum eius, &c.

Ioseph. An  
119. Iudai.  
li. 11. c. 8.

Coloss. 3. d

1. Cor. 7. b  
2. Cor. 13. a

Exo. 19. b

Rom. 13. a

Isa. 9. b

Iosue 10. a

Item quarto propter libertatis veræ acquisitionem. nullus enim vere liber esse poterit, qui non secundum Principatum assimilationem, obedientiæ legibus penitus se subiecerit. Nam qui vere obediens esset, omnem creaturam sibi subijcibilem inueniret. Omnis enim creatura, ut dicit Augustinus, homini obediret, si simpliciter Creatoris imperio obediret, immo ipse Deus nihil penitus subtraheret ab hominis obedientia, si se non subtraheret a diuina. Et hoc patet, quia quamdiu antiqui suis præceptis simpliciter & præcise obediebant, etiam Deum obedire humanis iussionibus versa vicissitudine sentiebant, ut patet in Iosue. Non fuit post vel ante tam longa dies, obediēte Deo voci hominis & pugnante pro Israel. Vnde patet, quod qui vere est obediens, summum Principem Deum sibi subijcit, & habere conformitatem cum summis Principibus se ostendit.

Item quinto, subditi & in subiectionis statu constituti, configurantur ordini Principatum, propter suorum superiorum modestam supportationem: quia si subditi spiritu superbiæ inflati, prælatorum officio resisterēt, modis omnibus spirituales Ecclesiæ principatum impedirent. Et ideo in officio prælationis

A a continuus.



constitutis, non est leuiter derogandum, nec eis facilius detrahendum, quia hoc omnino cōtrariatur officio Principatus: ideo dicitur in Exodo: *Dixi nō detrahes, & Principi populi tui nō maledices. Et in Prouerbijs: Verboſus diſſipat Principes. Et ideo ſicut non decet ſubditum obloqui prælato; ſic non expedit ipſum maiorem, de ſacili adhibere fidem, quando ſiniſtra vel detractoria dicuntur de ſubdito ſeu miniſtro. Dicitur enim in Prouerbijs: Princeps qui libenter audit verba mendacij, omnes miniſtros habet impios, &c.*

Item ſexto propter expreſſam diuinæ dilectionis oſtenſionem. de Principatibus enim dicitur, quod ſunt ſuperſubſtantialis ordinationis manifeſte oſtenſui, ideſt, ordinatæ dilectionis. Nam ſuperiores ordines, quibus mediantibus ſuas recipiunt illuminationes, ſingulari modo diligunt, & in ſignum amoris, inferiores Angelos ad ſuperiorum conformitatem ordinatiſſime promouent & reducunt. & hoc conuenit bonis ſubditis, vt ſuis prælatis obediant, vt Domino Deo, & eiſdem non ex timore, ſed ex amore, reuerentiam, & honorem exhibeant, & impendant.

Vnde Sapiens in Eccleſiaſtico: Filij ſapientiæ eccleſia iuſtorum, & natio eorum obedientia & dilectio.

Et Apoſtolus: Obedite præpoſitis veſtris, & ſubiacete eiſ: ipſi enim peruigilāt quaſi rationem pro animabus veſtris reddituri, vt cum gaudio hoc faciant,

& nō gementes, &c. Item Eccleſiaſticus: Timor Domini, initium eſt dilectionis. Talis timor reuerentiæ debetur prælatis & non ſeruis. De quo dicitur ab eodem Apoſtolo: Vis non timere poteſtatem, &c. Vnde tales, qui ſuos diligunt prælatos, a Domino verſa vice ſingulariter diliguntur: ſicut etiā patet in Eccleſiaſtico: Eris tu velut filius Altiffimi obediēs, & miſerebitur tui magis quā mater. Et in libro Iudicum: Anima mea diligit Principes Iſrael, &c.

Item ſeptimo propter voluntariam correptionis ſuſceptionem. Nam qui Angelicis Principatibus in vita & in moribus aſſimilatur, libenter ſuſtinet correptionem, & correpti, non ad iram vel odium prouocantur. Quidquid enim Dominationes & Potēſtates Principatibus influunt, vel infundunt, hoc benigno affectu Principatus recipiunt, & admittunt.

Nam habetur in Eccleſiaſtico: Quidquid tibi applicatum fuerit accipe, & in dolore ſuſtine, & in humilitate tua paciētiam habe, &c. Nam correptio ſue diſciplina eſt animæ medicina; quæ & ſi ad tēpus vulnus mordeat, tamen ſanat. Et ideo prudens nō odit medentem, immo diligit & ſuſtinet corrigentem.

Item dicitur in Prouerbijs: Qui corripit hominem, gratiam poſtea inueniet apud eum, magis quā ille, qui per linguæ blandimenta decipit. Et Iob: Increpationem Domini ne oderis, quia ipſe vulnerat & medetur, &c. Ex quo patet, quod homines aſperi & amari, qui nolunt corripiri, non poſſunt ſanari. Vnde dicitur iterum in Prouerbijs: Homini qui dura ceruice ſe corripientem contemnit, repentinus ei ſuperueniet interitus, & ſanitas eum non ſequetur. Et Amos 5. c.

Oderunt in porta corripientem, & perfectē loquentem abominati ſunt, &c. Stulti ſunt tales, qui obloquuntur, & murmurant contra diſciplinam. Dicit enim Iſaias: Stultus ſtulta loquetur, ſcilicet murmurando contra prælatos, & corripientibus ſe detrahendo. Et ſequitur: Princeps vero, ea quæ digna ſunt Principe cogitabit, &c. Quod utique facit, qui cogitatum ſuum ſic diſponit, & ordinat, vt omnia velit ſuſtinere patienter, & corrigenti nō reſiſtat. Talis princeps fuit Iob, quando dixit: Hæc ſit conſolatio mea, vt affligens me dolore non parcat.

Item dicitur in Prouerbijs: Qui corripit hominem, gratiam poſtea inueniet apud eum, magis quā ille, qui per linguæ blandimenta decipit. Et Iob: Increpationem Domini ne oderis, quia ipſe vulnerat & medetur, &c. Ex quo patet, quod homines aſperi & amari, qui nolunt corripiri, non poſſunt ſanari. Vnde dicitur iterum in Prouerbijs: Homini qui dura ceruice ſe corripientem contemnit, repentinus ei ſuperueniet interitus, & ſanitas eum non ſequetur. Et Amos 5. c.

Oderunt in porta corripientem, & perfectē loquentem abominati ſunt, &c. Stulti ſunt tales, qui obloquuntur, & murmurant contra diſciplinam. Dicit enim Iſaias: Stultus ſtulta loquetur, ſcilicet murmurando contra prælatos, & corripientibus ſe detrahendo. Et ſequitur: Princeps vero, ea quæ digna ſunt Principe cogitabit, &c. Quod utique facit, qui cogitatum ſuum ſic diſponit, & ordinat, vt omnia velit ſuſtinere patienter, & corrigenti nō reſiſtat. Talis princeps fuit Iob, quando dixit: Hæc ſit conſolatio mea, vt affligens me dolore non parcat.

Item dicitur in Prouerbijs: Qui corripit hominem, gratiam poſtea inueniet apud eum, magis quā ille, qui per linguæ blandimenta decipit. Et Iob: Increpationem Domini ne oderis, quia ipſe vulnerat & medetur, &c. Ex quo patet, quod homines aſperi & amari, qui nolunt corripiri, non poſſunt ſanari. Vnde dicitur iterum in Prouerbijs: Homini qui dura ceruice ſe corripientem contemnit, repentinus ei ſuperueniet interitus, & ſanitas eum non ſequetur. Et Amos 5. c.

Oderunt in porta corripientem, & perfectē loquentem abominati ſunt, &c. Stulti ſunt tales, qui obloquuntur, & murmurant contra diſciplinam. Dicit enim Iſaias: Stultus ſtulta loquetur, ſcilicet murmurando contra prælatos, & corripientibus ſe detrahendo. Et ſequitur: Princeps vero, ea quæ digna ſunt Principe cogitabit, &c. Quod utique facit, qui cogitatum ſuum ſic diſponit, & ordinat, vt omnia velit ſuſtinere patienter, & corrigenti nō reſiſtat. Talis princeps fuit Iob, quando dixit: Hæc ſit conſolatio mea, vt affligens me dolore non parcat.

Oderunt in porta corripientem, & perfectē loquentem abominati ſunt, &c. Stulti ſunt tales, qui obloquuntur, & murmurant contra diſciplinam. Dicit enim Iſaias: Stultus ſtulta loquetur, ſcilicet murmurando contra prælatos, & corripientibus ſe detrahendo. Et ſequitur: Princeps vero, ea quæ digna ſunt Principe cogitabit, &c. Quod utique facit, qui cogitatum ſuum ſic diſponit, & ordinat, vt omnia velit ſuſtinere patienter, & corrigenti nō reſiſtat. Talis princeps fuit Iob, quando dixit: Hæc ſit conſolatio mea, vt affligens me dolore non parcat.

Oderunt in porta corripientem, & perfectē loquentem abominati ſunt, &c. Stulti ſunt tales, qui obloquuntur, & murmurant contra diſciplinam. Dicit enim Iſaias: Stultus ſtulta loquetur, ſcilicet murmurando contra prælatos, & corripientibus ſe detrahendo. Et ſequitur: Princeps vero, ea quæ digna ſunt Principe cogitabit, &c. Quod utique facit, qui cogitatum ſuum ſic diſponit, & ordinat, vt omnia velit ſuſtinere patienter, & corrigenti nō reſiſtat. Talis princeps fuit Iob, quando dixit: Hæc ſit conſolatio mea, vt affligens me dolore non parcat.

Oderunt in porta corripientem, & perfectē loquentem abominati ſunt, &c. Stulti ſunt tales, qui obloquuntur, & murmurant contra diſciplinam. Dicit enim Iſaias: Stultus ſtulta loquetur, ſcilicet murmurando contra prælatos, & corripientibus ſe detrahendo. Et ſequitur: Princeps vero, ea quæ digna ſunt Principe cogitabit, &c. Quod utique facit, qui cogitatum ſuum ſic diſponit, & ordinat, vt omnia velit ſuſtinere patienter, & corrigenti nō reſiſtat. Talis princeps fuit Iob, quando dixit: Hæc ſit conſolatio mea, vt affligens me dolore non parcat.

Oderunt in porta corripientem, & perfectē loquentem abominati ſunt, &c. Stulti ſunt tales, qui obloquuntur, & murmurant contra diſciplinam. Dicit enim Iſaias: Stultus ſtulta loquetur, ſcilicet murmurando contra prælatos, & corripientibus ſe detrahendo. Et ſequitur: Princeps vero, ea quæ digna ſunt Principe cogitabit, &c. Quod utique facit, qui cogitatum ſuum ſic diſponit, & ordinat, vt omnia velit ſuſtinere patienter, & corrigenti nō reſiſtat. Talis princeps fuit Iob, quando dixit: Hæc ſit conſolatio mea, vt affligens me dolore non parcat.

Oderunt in porta corripientem, & perfectē loquentem abominati ſunt, &c. Stulti ſunt tales, qui obloquuntur, & murmurant contra diſciplinam. Dicit enim Iſaias: Stultus ſtulta loquetur, ſcilicet murmurando contra prælatos, & corripientibus ſe detrahendo. Et ſequitur: Princeps vero, ea quæ digna ſunt Principe cogitabit, &c. Quod utique facit, qui cogitatum ſuum ſic diſponit, & ordinat, vt omnia velit ſuſtinere patienter, & corrigenti nō reſiſtat. Talis princeps fuit Iob, quando dixit: Hæc ſit conſolatio mea, vt affligens me dolore non parcat.

Oderunt in porta corripientem, & perfectē loquentem abominati ſunt, &c. Stulti ſunt tales, qui obloquuntur, & murmurant contra diſciplinam. Dicit enim Iſaias: Stultus ſtulta loquetur, ſcilicet murmurando contra prælatos, & corripientibus ſe detrahendo. Et ſequitur: Princeps vero, ea quæ digna ſunt Principe cogitabit, &c. Quod utique facit, qui cogitatum ſuum ſic diſponit, & ordinat, vt omnia velit ſuſtinere patienter, & corrigenti nō reſiſtat. Talis princeps fuit Iob, quando dixit: Hæc ſit conſolatio mea, vt affligens me dolore non parcat.

Oderunt in porta corripientem, & perfectē loquentem abominati ſunt, &c. Stulti ſunt tales, qui obloquuntur, & murmurant contra diſciplinam. Dicit enim Iſaias: Stultus ſtulta loquetur, ſcilicet murmurando contra prælatos, & corripientibus ſe detrahendo. Et ſequitur: Princeps vero, ea quæ digna ſunt Principe cogitabit, &c. Quod utique facit, qui cogitatum ſuum ſic diſponit, & ordinat, vt omnia velit ſuſtinere patienter, & corrigenti nō reſiſtat. Talis princeps fuit Iob, quando dixit: Hæc ſit conſolatio mea, vt affligens me dolore non parcat.

Oderunt in porta corripientem, & perfectē loquentem abominati ſunt, &c. Stulti ſunt tales, qui obloquuntur, & murmurant contra diſciplinam. Dicit enim Iſaias: Stultus ſtulta loquetur, ſcilicet murmurando contra prælatos, & corripientibus ſe detrahendo. Et ſequitur: Princeps vero, ea quæ digna ſunt Principe cogitabit, &c. Quod utique facit, qui cogitatum ſuum ſic diſponit, & ordinat, vt omnia velit ſuſtinere patienter, & corrigenti nō reſiſtat. Talis princeps fuit Iob, quando dixit: Hæc ſit conſolatio mea, vt affligens me dolore non parcat.

Oderunt in porta corripientem, & perfectē loquentem abominati ſunt, &c. Stulti ſunt tales, qui obloquuntur, & murmurant contra diſciplinam. Dicit enim Iſaias: Stultus ſtulta loquetur, ſcilicet murmurando contra prælatos, & corripientibus ſe detrahendo. Et ſequitur: Princeps vero, ea quæ digna ſunt Principe cogitabit, &c. Quod utique facit, qui cogitatum ſuum ſic diſponit, & ordinat, vt omnia velit ſuſtinere patienter, & corrigenti nō reſiſtat. Talis princeps fuit Iob, quando dixit: Hæc ſit conſolatio mea, vt affligens me dolore non parcat.

Oderunt in porta corripientem, & perfectē loquentem abominati ſunt, &c. Stulti ſunt tales, qui obloquuntur, & murmurant contra diſciplinam. Dicit enim Iſaias: Stultus ſtulta loquetur, ſcilicet murmurando contra prælatos, & corripientibus ſe detrahendo. Et ſequitur: Princeps vero, ea quæ digna ſunt Principe cogitabit, &c. Quod utique facit, qui cogitatum ſuum ſic diſponit, & ordinat, vt omnia velit ſuſtinere patienter, & corrigenti nō reſiſtat. Talis princeps fuit Iob, quando dixit: Hæc ſit conſolatio mea, vt affligens me dolore non parcat.

Oderunt in porta corripientem, & perfectē loquentem abominati ſunt, &c. Stulti ſunt tales, qui obloquuntur, & murmurant contra diſciplinam. Dicit enim Iſaias: Stultus ſtulta loquetur, ſcilicet murmurando contra prælatos, & corripientibus ſe detrahendo. Et ſequitur: Princeps vero, ea quæ digna ſunt Principe cogitabit, &c. Quod utique facit, qui cogitatum ſuum ſic diſponit, & ordinat, vt omnia velit ſuſtinere patienter, & corrigenti nō reſiſtat. Talis princeps fuit Iob, quando dixit: Hæc ſit conſolatio mea, vt affligens me dolore non parcat.

Oderunt in porta corripientem, & perfectē loquentem abominati ſunt, &c. Stulti ſunt tales, qui obloquuntur, & murmurant contra diſciplinam. Dicit enim Iſaias: Stultus ſtulta loquetur, ſcilicet murmurando contra prælatos, & corripientibus ſe detrahendo. Et ſequitur: Princeps vero, ea quæ digna ſunt Principe cogitabit, &c. Quod utique facit, qui cogitatum ſuum ſic diſponit, & ordinat, vt omnia velit ſuſtinere patienter, & corrigenti nō reſiſtat. Talis princeps fuit Iob, quando dixit: Hæc ſit conſolatio mea, vt affligens me dolore non parcat.

Oderunt in porta corripientem, & perfectē loquentem abominati ſunt, &c. Stulti ſunt tales, qui obloquuntur, & murmurant contra diſciplinam. Dicit enim Iſaias: Stultus ſtulta loquetur, ſcilicet murmurando contra prælatos, & corripientibus ſe detrahendo. Et ſequitur: Princeps vero, ea quæ digna ſunt Principe cogitabit, &c. Quod utique facit, qui cogitatum ſuum ſic diſponit, & ordinat, vt omnia velit ſuſtinere patienter, & corrigenti nō reſiſtat. Talis princeps fuit Iob, quando dixit: Hæc ſit conſolatio mea, vt affligens me dolore non parcat.

Oderunt in porta corripientem, & perfectē loquentem abominati ſunt, &c. Stulti ſunt tales, qui obloquuntur, & murmurant contra diſciplinam. Dicit enim Iſaias: Stultus ſtulta loquetur, ſcilicet murmurando contra prælatos, & corripientibus ſe detrahendo. Et ſequitur: Princeps vero, ea quæ digna ſunt Principe cogitabit, &c. Quod utique facit, qui cogitatum ſuum ſic diſponit, & ordinat, vt omnia velit ſuſtinere patienter, & corrigenti nō reſiſtat. Talis princeps fuit Iob, quando dixit: Hæc ſit conſolatio mea, vt affligens me dolore non parcat.

Oderunt in porta corripientem, & perfectē loquentem abominati ſunt, &c. Stulti ſunt tales, qui obloquuntur, & murmurant contra diſciplinam. Dicit enim Iſaias: Stultus ſtulta loquetur, ſcilicet murmurando contra prælatos, & corripientibus ſe detrahendo. Et ſequitur: Princeps vero, ea quæ digna ſunt Principe cogitabit, &c. Quod utique facit, qui cogitatum ſuum ſic diſponit, & ordinat, vt omnia velit ſuſtinere patienter, & corrigenti nō reſiſtat. Talis princeps fuit Iob, quando dixit: Hæc ſit conſolatio mea, vt affligens me dolore non parcat.

ria reſpectu ſui. Mundos enim & immaculatos ſubditos & miniſtros requirit Dominus, ſimiliter & prælatus. Vnde Pſalmiſta: Ambulans in via immaculata, hic mihi miniſtrabat, &c. Tales fuerunt pueri Dauid, vt patet in 1. Regum: Si mundi ſunt pueri a mulieribus, manducant. Et reſpondit Dauid: Continuiſmus nos, & vaſa puerorum ſancta ſunt. Exigitur autem in eis triplex munditia, ſcilicet munditia cordis. nam beati mundo corde, &c. dicitur in Matthæo. & in Prouerbijs: Qui diligit cordis munditiam, &c. Item munditia oris in Iob: Hæc paſſus ſum abſque iniquitate manus meæ, cum habere mundas ad Deū preces. ideo Angelus legitur mundaffe labia Iſaiæ. Item munditia corporis, de qua Iſaias: Mundamini qui fertis vaſa Domini. Et Iob: Si mundus & reſtus inceſſeris. Et Paulus: Vt mundaret ſibi populum acceptabilem, &c. Et item: Mūdemus nos ab inquinamento carnis & ſpiritus, perſicientes ſanctificationē. Sic ſanctificati & mundi aſſimilantur ſanctis Archangelis, qui Principatibus immediatiſſime ſociantur. & Archangelus ad Virginem eſt tranſmiſſus, vt per hoc oſtenderetur, quod magna eſt cōuenientia inter virginem caſtitate, & Archangelicam dignitatem.

Dicuntur autem Archangeli, qui ad nūcianda maiora, a ſummo Principe tranſmittuntur, qui inter Angelos inferioris ordinis Principatū habere dignoſcuntur, qui a Principatibus accipiunt illuminationes, quas poſtea Angelis manifeſtant. Et ideo dicit Dionyſius, quod ordo Angelorum communicat cum Principatibus, & ordinibus ſuperioribus, quantum ad ſuſceptionem illuminationum, & ſui ad ſuperprincipale principium conuerſionem: communicat etiam cum inferioribus, per ipſorum ad Deum reductionem. Nam vniti Deo, mediantibus alijs ordinibus ſuperioribus per amorem, Angelos inferioris ordinis, & homines, nituntur vnire Deo, quemadmodum & ipſi ſunt vniti, & ideo vnificam & ſimplificam dicuntur habere virtutem. Vnde ſtatus continentium merito comparatur ordini Archangelorum, qui per vitæ munditiam, merentur obtinere illius ordinis dignitatem, ſicut dicit Dominus: In reſurrectione neque nubent neque nubentur, ſed erunt ſicut Angeli Dei.

Conformes igitur debent eſſe Archangelis, quantum ad conſcientiæ puritatem, vt ſcilicet eorum mēs & conſcientia ab imaginatione & appetitione carnalitatis ſit remota, ſicut natura Archangelica ab omni tali conditione eſſe dignoſcitur aliena. Et ideo non ſolum expedit talibus a carnis paſſionibus abſtinere, verum etiam illecebrā carnis ſaltem in memoria non tenere. Dicitur enim in Luca: Spiritus carnē & oſſa non habet. Et in Pſalmis: Qui facit Angelos ſuos ſpiritus. In cuius rei ſignum, præceptū eſt filijs Caath, quod mundarent altare a cinere, & inuoluerent illud purpureo veſtimento, & ponerent cum vaſis miniſterij. Caath, dolens vel pœnitens interpretatur. Filij itaque Caath filij ſunt pœnitentiæ, & doloris, qui altare proprij cordis debent emundare, non ſolum ab igne luxuriæ, immo etiam & cinere, ideſt a reliquijs immunditiæ, ſcilicet a memoria, & cogitatione, ſicut dicitur in Geſeſi: Nec ſtes in omni circa regione, &c. & tunc digni erunt huiusmodi, cum vaſis tabernaculi, & ignis receptaculis inuolui, ideſt ſanctorum Archangelorum ſocietati adæquari, ſi videlicet fuerint in purpureo continentis veſtimento vndique inuoluti.

Item ſecundo, propter officij dignitatem. nam inter cæleſtium ſpirituum miniſteria, leguntur Archangeli habuiſſe in omnibus digniora, vt patet in Gabriele, qui virginitatis Filium prædixit de Virgine naſciturū. Similiter & in Michael, qui populū Iſraeliticum prædixit de captiuitate Babylonica exiturum. Similiter & in Raphael, qui miſſus eſt ad Tobiam curandum, qui prædixit ſe dæmonium fugaturum. Fumus, inquit, eius extricat omne genus dæmoniorum,

Item ſecundo, propter officij dignitatem. nam inter cæleſtium ſpirituum miniſteria, leguntur Archangeli habuiſſe in omnibus digniora, vt patet in Gabriele, qui virginitatis Filium prædixit de Virgine naſciturū. Similiter & in Michael, qui populū Iſraeliticum prædixit de captiuitate Babylonica exiturum. Similiter & in Raphael, qui miſſus eſt ad Tobiam curandum, qui prædixit ſe dæmonium fugaturum. Fumus, inquit, eius extricat omne genus dæmoniorum,

Item ſecundo, propter officij dignitatem. nam inter cæleſtium ſpirituum miniſteria, leguntur Archangeli habuiſſe in omnibus digniora, vt patet in Gabriele, qui virginitatis Filium prædixit de Virgine naſciturū. Similiter & in Michael, qui populū Iſraeliticum prædixit de captiuitate Babylonica exiturum. Similiter & in Raphael, qui miſſus eſt ad Tobiam curandum, qui prædixit ſe dæmonium fugaturum. Fumus, inquit, eius extricat omne genus dæmoniorum,

Item ſecundo, propter officij dignitatem. nam inter cæleſtium ſpirituum miniſteria, leguntur Archangeli habuiſſe in omnibus digniora, vt patet in Gabriele, qui virginitatis Filium prædixit de Virgine naſciturū. Similiter & in Michael, qui populū Iſraeliticum prædixit de captiuitate Babylonica exiturum. Similiter & in Raphael, qui miſſus eſt ad Tobiam curandum, qui prædixit ſe dæmonium fugaturum. Fumus, inquit, eius extricat omne genus dæmoniorum,

Item ſecundo, propter officij dignitatem. nam inter cæleſtium ſpirituum miniſteria, leguntur Archangeli habuiſſe in omnibus digniora, vt patet in Gabriele, qui virginitatis Filium prædixit de Virgine naſciturū. Similiter & in Michael, qui populū Iſraeliticum prædixit de captiuitate Babylonica exiturum. Similiter & in Raphael, qui miſſus eſt ad Tobiam curandum, qui prædixit ſe dæmonium fugaturum. Fumus, inquit, eius extricat omne genus dæmoniorum,

Item ſecundo, propter officij dignitatem. nam inter cæleſtium ſpirituum miniſteria, leguntur Archangeli habuiſſe in omnibus digniora, vt patet in Gabriele, qui virginitatis Filium prædixit de Virgine naſciturū. Similiter & in Michael, qui populū Iſraeliticum prædixit de captiuitate Babylonica exiturum. Similiter & in Raphael, qui miſſus eſt ad Tobiam curandum, qui prædixit ſe dæmonium fugaturum. Fumus, inquit, eius extricat omne genus dæmoniorum,

Item ſecundo, propter officij dignitatem. nam inter cæleſtium ſpirituum miniſteria, leguntur Archangeli habuiſſe in omnibus digniora, vt patet in Gabriele, qui virginitatis Filium prædixit de Virgine naſciturū. Similiter & in Michael, qui populū Iſraeliticum prædixit de captiuitate Babylonica exiturum. Similiter & in Raphael, qui miſſus eſt ad Tobiam curandum, qui prædixit ſe dæmonium fugaturum. Fumus, inquit, eius extricat omne genus dæmoniorum,

Item ſecundo, propter officij dignitatem. nam inter cæleſtium ſpirituum miniſteria, leguntur Archangeli habuiſſe in omnibus digniora, vt patet in Gabriele, qui virginitatis Filium prædixit de Virgine naſciturū. Similiter & in Michael, qui populū Iſraeliticum prædixit de captiuitate Babylonica exiturum. Similiter & in Raphael, qui miſſus eſt ad Tobiam curandum, qui prædixit ſe dæmonium fugaturum. Fumus, inquit, eius extricat omne genus dæmoniorum,

Item ſecundo, propter officij dignitatem. nam inter cæleſtium ſpirituum miniſteria, leguntur Archangeli habuiſſe in omnibus digniora, vt patet in Gabriele, qui virginitatis Filium prædixit de Virgine naſciturū. Similiter & in Michael, qui populū Iſraeliticum prædixit de captiuitate Babylonica exiturum. Similiter & in Raphael, qui miſſus eſt ad Tobiam curandum, qui prædixit ſe dæmonium fugaturum. Fumus, inquit, eius extricat omne genus dæmoniorum,

Item ſecundo, propter officij dignitatem. nam inter cæleſtium ſpirituum miniſteria, leguntur Archangeli habuiſſe in omnibus digniora, vt patet in Gabriele, qui virginitatis Filium prædixit de Virgine naſciturū. Similiter & in Michael, qui populū Iſraeliticum prædixit de captiuitate Babylonica exiturum. Similiter & in Raphael, qui miſſus eſt ad Tobiam curandum, qui prædixit ſe dæmonium fugaturum. Fumus, inquit, eius extricat omne genus dæmoniorum,

Item ſecundo, propter officij dignitatem. nam inter cæleſtium ſpirituum miniſteria, leguntur Archangeli habuiſſe in omnibus digniora, vt patet in Gabriele, qui virginitatis Filium prædixit de Virgine naſciturū. Similiter & in Michael, qui populū Iſraeliticum prædixit de captiuitate Babylonica exiturum. Similiter & in Raphael, qui miſſus eſt ad Tobiam curandum, qui prædixit ſe dæmonium fugaturum. Fumus, inquit, eius extricat omne genus dæmoniorum,

Item ſecundo, propter officij dignitatem. nam inter cæleſtium ſpirituum miniſteria, leguntur Archangeli habuiſſe in omnibus digniora, vt patet in Gabriele, qui virginitatis Filium prædixit de Virgine naſciturū. Similiter & in Michael, qui populū Iſraeliticum prædixit de captiuitate Babylonica exiturum. Similiter & in Raphael, qui miſſus eſt ad Tobiam curandum, qui prædixit ſe dæmonium fugaturum. Fumus, inquit, eius extricat omne genus dæmoniorum,

Item ſecundo, propter officij dignitatem. nam inter cæleſtium ſpirituum miniſteria, leguntur Archangeli habuiſſe in omnibus digniora, vt patet in Gabriele, qui virginitatis Filium prædixit de Virgine naſciturū. Similiter & in Michael, qui populū Iſraeliticum prædixit de captiuitate Babylonica exiturum. Similiter & in Raphael, qui miſſus eſt ad Tobiam curandum, qui prædixit ſe dæmonium fugaturum. Fumus, inquit, eius extricat omne genus dæmoniorum,

Item ſecundo, propter officij dignitatem. nam inter cæleſtium ſpirituum miniſteria, leguntur Archangeli habuiſſe in omnibus digniora, vt patet in Gabriele, qui virginitatis Filium prædixit de Virgine naſciturū. Similiter & in Michael, qui populū Iſraeliticum prædixit de captiuitate Babylonica exiturum. Similiter & in Raphael, qui miſſus eſt ad Tobiam curandum, qui prædixit ſe dæmonium fugaturum. Fumus, inquit, eius extricat omne genus dæmoniorum,

Item ſecundo, propter officij dignitatem. nam inter cæleſtium ſpirituum miniſteria, leguntur Archangeli habuiſſe in omnibus digniora, vt patet in Gabriele, qui virginitatis Filium prædixit de Virgine naſciturū. Similiter & in Michael, qui populū Iſraeliticum prædixit de captiuitate Babylonica exiturum. Similiter & in Raphael, qui miſſus eſt ad Tobiam curandum, qui prædixit ſe dæmonium fugaturum. Fumus, inquit, eius extricat omne genus dæmoniorum,

Item ſecundo, propter officij dignitatem. nam inter cæleſtium ſpirituum miniſteria, leguntur Archangeli habuiſſe in omnibus digniora, vt patet in Gabriele, qui virginitatis Filium prædixit de Virgine naſciturū. Similiter & in Michael, qui populū Iſraeliticum prædixit de captiuitate Babylonica exiturum. Similiter & in Raphael, qui miſſus eſt ad Tobiam curandum, qui prædixit ſe dæmonium fugaturum. Fumus, inquit, eius extricat omne genus dæmoniorum,

Item ſecundo, propter officij dignitatem. nam inter cæleſtium ſpirituum miniſteria, leguntur Archangeli habuiſſe in omnibus digniora, vt patet in Gabriele, qui virginitatis Filium prædixit de Virgine naſciturū. Similiter & in Michael, qui populū Iſraeliticum prædixit de captiuitate Babylonica exiturum. Similiter & in Raphael, qui miſſus eſt ad Tobiam curandum, qui prædixit ſe dæmonium fugaturum. Fumus, inquit, eius extricat omne genus dæmoniorum,

Item ſecundo, propter officij dignitatem. nam inter cæleſtium ſpirituum miniſteria, leguntur Archangeli habuiſſe in omnibus digniora, vt patet in Gabriele, qui virginitatis Filium prædixit de Virgine naſciturū. Similiter & in Michael, qui populū Iſraeliticum prædixit de captiuitate Babylonica exiturum. Similiter & in Raphael, qui miſſus eſt ad Tobiam curandum, qui prædixit ſe dæmonium fugaturum. Fumus, inquit, eius extricat omne genus dæmoniorum,

Item ſecundo, propter officij dignitatem. nam inter cæleſtium ſpirituum miniſteria, leguntur Archangeli habuiſſe in omnibus digniora, vt patet in Gabriele, qui virginitatis Filium prædixit de Virgine naſciturū. Similiter & in Michael, qui populū Iſraeliticum prædixit de captiuitate Babylonica exiturum. Similiter & in Raphael, qui miſſus eſt ad Tobiam curandum, qui prædixit ſe dæmonium fugaturum. Fumus, inquit, eius extricat omne genus dæmoniorum,

Item ſecundo, propter officij dignitatem. nam inter cæleſtium ſpirituum miniſteria, leguntur Archangeli habuiſſe in omnibus digniora, vt patet in Gabriele, qui virginitatis Filium prædixit de Virgine naſciturū. Similiter & in Michael, qui populū Iſraeliticum prædixit de captiuitate Babylonica exiturum. Similiter & in Raphael, qui miſſus eſt ad Tobiam curandum, qui prædixit ſe dæmonium fugaturum. Fumus, inquit, eius extricat omne genus dæmoniorum,

Item ſecundo, propter officij dignitatem. nam inter cæleſtium ſpirituum miniſteria, leguntur Archangeli habuiſſe in omnibus digniora, vt patet in Gabriele, qui virginitatis Filium prædixit de Virgine naſciturū. Similiter & in Michael, qui populū Iſraeliticum prædixit de captiuitate Babylonica exiturum. Similiter & in Raphael, qui miſſus e

rum, &c. Et in istis tribus officijs priuilegiatis, videntur habere continentes assimilationem cum Archangelis prætaxatis; nam continentia sanat a vulnere concupiscentiæ mentem, & spirituales reparat in animo visionem. nam libido affectu corrumpit & fauciatur, intellectum vero obtenebrat & excæcat, vt patet in Samsonem, qui per libidinem, & vires corporis amisit, & exoculatus ab hostibus fuit. Idem etiam patet

*Jud. 16. 0*

*Dan. 13. a*

in illis senibus, de quibus dicitur: Exarserunt in concupiscentiam eius, & euerterunt sensum suum, & declinauerunt oculos suos, vt non viderent cælum, neque recordarentur iudiciorum iustorum. Sic vir Archangelicus, continens scilicet & mundus, Raphaelis consilio piscem arripit, & contra omnem spiritus infirmitatem cordis & fellis particulam apponere non desistit. Piscis est Christus, sicut dicit Glossa super finem Ioannis ultimi. Piscis assus, est Christus passus. Cuius cordis particula, idest dilectio in perforatione cordis nobis ostensa est, potissime ad fugam & declinationem omnis malitiæ motiua. Fellica autem passionis eiusdem amaritudo, est omnis turpitudinis concupiscentiæ purgatiua, & cæcitatibus ac caliginibus spiritualis abstersiua. At tale collyrium mittit Ioannes in

*Apoc. 3. d*

Apocalypsi, dicens: Inunge oculos tuos collyrio, &c. Continentia etiam a Babylonica confusione liberauit, & libertati gloriæ filiorum Dei suos imitatores restituit vel restaurauit. & ideo Archangelus Michael, qui populo captiuo præfuit annuntiaturus populi liberationem, Danieli in vestimentis lineis se ostendit, & auro mundo cinctus fuit. In quo datur nobis intelligi, quod illi soli ab vltima corruptione naturæ, & gratiæ liberabuntur, qui hac duplici munditia, scilicet mentis & corporis vestiuntur, ideo dicit Ecclesiastes: Omni tempore sint vestimenta tua candida, &c. Et Apocalypsis: Beatus qui custodit vestimenta sua, ne nudus ambulet. Ad hoc etiam continentia diuini in habitationem hominem præparat, quia Deus mæres castas inhabitat & frequentat, & ideo Archangelus Gabriel mundissimus, ad Mariam mundissimam est specialiter destinatus, & aduentus auctoris totius munditiæ nuntiatus, & hoc vt omnis conscientia hic aduertat, quia mundus Deus, mentes immunditiæ subditas non subintrat, vt dicitur in libro Sapientiæ: Non habitabit, &c.

*Eccles. 9. c*

*Apoc. 16. c*

Item vita continentia assimilatur dignitati Archangelicæ, propter corporis assumpti qualitatem; nam Angelus cum sit incorporeus, non nisi propter nostram instructionem, corporis assumit effigiem siue representationem: & ideo Archangelus apparens secundum humanæ capacitatis apprehensionem, & castitatis commendationem moralibus se ostendit, sicut patet in Propheta Daniele, vbi de Michael Iudæorum Principe & Archangelo, secundum quod dicit Glossa super illud: Vir vestitus lineis & cinctus auro obrizo apparuit, cuius corpus fuit quasi chrysolithus, & facies eius quasi species fulguris, & oculi eius vt lampas ardens, & brachia eius, & pedes sicut similitudo æris candentis. Hæc quidem de Archangelo Michael sunt dicta, sicut expresse dicit Glossa, cuius ibidem commendatur corpus. Describitur etiam & vestitus: nam vestis linea candida & circa renes deaurata, corpus etiam fuit gemmeum, igneum, & æneum: in quo ostenditur, quod duplex est continentia, scilicet corporalis, quæ quidem cum difficultate acquiritur, difficiliter retinetur, sed difficillime, immo impossibiliter vsque in finem sine gratia custoditur. Vestis itaque linea siue candida, refertur ad castitatis honestatem, qua hominis animus mirabiliter decoratur: deaurata vero, ad eiusdem refertur continentia charitatem siue pretiositatem, cui omnis virtus inestimabilis, vel incomparabilis reputatur, iuxta illud Ecclesiastici: Non est æqua ponderatio continentis animæ. Et Isaias: Pretiosior erit vir auro, & homo mundo obrizo. Quod fuit similis chrysolitho lapidis.

*Eccles. 26. c*

*Isa. 13. b*

S. Bon. Tom. 7. Pars iij.

di, scilicet maris effigiem præferenti, igni siue fulguri, & æri candenti, omnimodam significat mentis puritatem, quæ quidem acquiritur per amaritudinem contritionis, & hoc chrysolitho designatur: & per inflammationem delectationis, & hoc in igne vel fulgure figuratur: & per inuincibilem instantiam & continuationem operationis, & hoc in ære candente demonstratur, &c. & hoc est quod dicitur in Ezechiele: Erat aspectus animalium, scintillæ quasi aspectus æris candentis, & sicut splendor ignis & fulguris coruscantis, & quasi visio maris, &c.

*Ezech. 1. b*

Item comparantur continentes Archangelorum ordini, propter vnificam simplicitatem; nam vniti per gratiam & amorem, alios nituntur inferiores ad diuinam reducere vnionem, vt dicit Dionysius. Et hoc proprie conuenit continentibus, qui diuinæ simplicitatis sequentes puritatem, diuinas carnalium affectiones nituntur abstrahere ab illicitis, & reducere ad mentis & corporis castitatem, quia cortina cortinam trahit, sicut dicitur in Apocalypsi, & in Ezechiele. Erant autem pennæ coniunctæ alterius ad alterum, &c. Ideo Angeli se mutuo exhortantur ad sanctitatem, vt dicit Isaias: Clamabat alter ad alterum, dicens: Sanctus, Sanctus, Sanctus, &c. Et Paulus:

*Dion. de ca  
lesti Hier.  
c. 9.*

*Exo. 26. a*

*Apo. xli. d*

*Ezech. 1. b*

*Isa. 6. b*

Est exemplum fidelium in verbo, in conuersatione, in charitate, in fide, & castitate.

*1. Tim. 4. c*

Item propter singularem quam habent cum Domino familiaritatem; nam Archangeli specialissime dicuntur Domino assistere, sicut sibi præ ceteris magis familiares, vt dicitur in Luca: Ego sum Gabriel, qui asto ante Deum, &c. Et in Tobia: Ego sum Raphael, vnus ex septem, qui astant ante Deum. Et vti que continentibus conuenit, qui ratione vitæ incorruptæ Domino familiariter videntur adhærere, sicut de innocentibus dicitur: Virgines enim sunt, & sequuntur agnum quocumque ierit. Ideo Ioannes virgo permanens maiorem familiaritatem cum Virginis Filio habuit & contraxit, hoc est quod dicitur in libro Sapientiæ: Incorruptio facit propinquum Deo.

*Luc. 1. b*

*Tob. 12. c*

*Apoc. 14. a*

*Sap. 6. c*

De Angelis. Cap. III.

Vltimus ordo est Angelorum. Vnde Angeli sunt caelestes spiritus vltimam hierarchiam perficientes, qui immediate se habent ad Ecclesiasticam hierarchiam, vt eam purgent, perficiant, & illuminent, vt ipsis mediantibus sit sursum ad Deum actio, conuersio, communicatio, & vnio, dicit Dionysius. Est autem Angelus nomen officij non naturæ, semper enim spiritus sunt, sed cum mittuntur, Angeli vocantur. Vnde illuminationes quas ex superioribus accipiunt, ad nos deferunt, & secundum diuersos gradus vitam humanam ordinant, & disponunt, & ad diuinam cognitionem nos adducunt. Vnde sicut alijs ordinibus subsunt, ita hominibus præsunt, & ideo sursum se extendunt per dilectionem, deorsum progrediuntur per hominum gubernationem.

*Dion. de ca  
lesti Hier.  
c. 9.*

Et istis Angelis potissime assimilantur boni subditi, quoad exercitium misericordiæ, & compassionis: quia enim nos diligunt, ideo dona gratiarum, quæ a Deo recipiunt, nobiscum diuidunt, & diligunt quantum in eis est, laborant, vt ad diuinæ gratiæ participationem nos perducant. Et quamuis Deo assistant per contemplationem, mouentur tamen ad nos per dilectionem, & quæ in secreto contemplationis hauriunt, sanctis animabus comunicant, & transfundunt. Sic viri spirituales Angelis se cõfigurantes, operibus pietatis intendunt, & sua indigentibus distribuunt liberaliter, & impendunt. De quibus dicitur in Ecclesiastico: Isti sunt viri misericordiæ, &c. Hoc docuit Tobias, dicens: Si multum tibi fuerit, abundanter tribue; & si exiguum tibi fuerit, etiam exiguum impartiri stude. Et in Prouerbijs: Per misericordiam, & fidem, &c. Et Lucas: Estote misericordes, &c.

*Subditi mi  
sericordes  
Angelis as  
similantur.*

*Eccles. 44. b*

*Tob. 4. b*

*Prou. 15. d*

*Luc. 6. c*

A a 2

Talis

*Iob 31. b* Talis fuit Iob, qui dixit: Ab infantia creuit mecum A  
miseratio, & de vtero egressa est mecum. Et ille est  
vere misericors, qui totum suum cor impendit mise-  
rijs proximorum.

Item Angelus, quia non dependet a materia cor-  
porali, transiens per materialia & sensibilia, ab ipsis  
non coarctatur, nec in aliquo coinquinatur; sic boni  
actiui transeunt per bona temporalia, nullam ab  
illis contrahunt infectionem; nam ipsorum corda non  
dependunt a terra. ideo dicit Psalmista: Diuitiæ si  
affluant, nolite cor apponere. Non sic est de avaris,  
quorum affectus omnino dependet a terrenis, vt di-  
cit idem Psalmista: Conglutinatus est in terra ven- B  
ter noster. Et Ioannes: Qui de terra est, de terra lo-  
quitur. Et Isaias: De terra mustabit eloquium tuum.  
Et in Ecclesiastico: Nihil est iniquius, quam amare  
pecuniam.

Item Angelus illis, qui magis ei sese conformant,  
& vicinius appropinquant, plus se communicat, &  
ideo comparatur luci, in Genesi, in Luca, & in Acti-  
bus. Nam sicut lux transparentia, & diaphana mani-  
festius illuminat, contracta autem & terrestria, pro-  
pter grossitudinem sibi resistentem, non penetrat, nec  
immutat: sic lux Angelica sibi appropinquantes per-  
fectius illuminat & illustrat, & ideo vbi obstaculum  
improbæ voluntatis inuenit, per huiusmodi affectum  
terrenum, & grossum se non diffundit. Ideo dicitur  
in libro Sapientie: Spiritus disciplinæ effugiet fictum.

In quo per spiritum Angelicum instruimur, quantum  
in nobis est, omnibus benefacere, sed præcipue do-  
mesticis fidei humanitatis obsequium propensius ex-  
hibere, & præcipue illis, qui nobiscum maiorem habent  
in virtutis operibus conformitatem, iuxta illud

*Sap. 1. a* Sapientis: Si benefeceris, scito cui benefeceris. Pau-  
per enim iustus iniusto preponendus est, quauis tem-  
pore necessitatis bonis, & malis sit elemosyna faci-  
enda, iuxta illud Luca: Omni petenti te tribue. Ideo D  
etiam in figura ignea leguntur Angeli apparuisse in  
multis locis sacræ Scripturæ: quia vis ignea omnia  
peneurat, & omnia purificat, & tamen perfectius il-  
lam immutat, quæ subtiliora sunt, & in sua substan-  
tia puriora, & ad susceptionem suæ impressionis sunt  
habiliora.

Item Angeli velocitate sua naturali, subito, & in  
tempore inintelligibili operantur, ideo cōparantur  
uentis. Similiter in multis locis, & maxime a Psal-  
mista, qui dicit: Volauit super pennas ventorum.  
Nam ventus velociter agens non valet detineri, su-  
bito venit, & subito recedit, & causam motus non co-  
gnoscimus, & vbi se occultat non videmus, sic & An-  
geli. In hoc etiam assimilantur viri misericordes An-  
gelis, quia statim quando pauperis indigentiam per-  
cipiunt, manum adiutricem porrigunt, & tamquam  
venti, nunc occulte, nunc manifeste ad subueniendum  
pauperi se exponunt, sicut fecit beatus Michael, qui  
subito & occulte sicut ventus, ad subleuationem ino-  
piæ sui populi profiliuit, iuxta illud Sapientis: Cor  
inopis ne affligeris, & non protrahas datum angustian-  
ti. Et Iob: Si expectare feci oculos viduæ. Vnde  
exemplo Angelorum, instruimur festinanter, & oc-  
culte, siue inintelligibiliter pauperi subuenire. Et hoc  
est contra aliquos, qui pauperibus bene promittunt,  
sed promissum non perducunt ad effectum. Contra  
quod dicitur: Ne dicas amico tuo vade, & reuerte-  
re, cras dabo tibi, cum statim possis dare.

Item virtus Angelica vniformiter est permanens  
& indefessa, ideo semper depingitur in forma homi-  
nis iuuenis, & hoc propter viuificam Angelorum  
virtutem semper conualescentem, & numquam defi-  
cientem, vel ad antiquationem pertinentem. Et hoc  
congruit iustis, qui a bono proposito non deficiunt,  
sicut faciunt aliqui, qui liberales, & prodigi sunt in  
iuuentute, sed ad avaritiam se cōuertunt in senectute,  
& tunc potissime in horrea congregant, & tempo-

ralia coadunant, quando mortis vicinius appropin-  
quant. sicut legitur fecisse diues ille stultus in Luca:  
Hac nocte repetent animam tuam, &c. sed vir Ange- *Luc. 12. c*  
licus numquam torpescit ab exercitio operum cha-  
ritatis, immo tanto plus proficit in virtutibus, quan-  
to procedit amplius in diebus: sicut de Afer dicitur  
in Deuteronomio: Sicut dies iuuentutis tuæ, ita & *Deut. 33. d*  
senectus tua. Et in Psalmo: Senectus mea in miseri- *Psalm. 91. c*  
cordia vberi. sicut & Caleb cum esset octogenarius, *Ios. 14. d*  
ita fortis fuit ad gradiendum, & pugnandum, sicut  
tempore iuuentutis. Et in Psalmo: Renouabitur vt *Psalm. 102. a*  
aquilæ iuuentus tua, &c.

Item Angeli habent virtutem motiuam semper in  
diuina procedentem, & ideo Angeli alati, & pennati  
describuntur. Alis enim & pennis a terra volucres *Exec. 1. b*  
eleuantur: sic boni & Angelici viri, alis geminæ cha- *Isa. 6. a*  
ritatis, ab amore terrenorum, affectu & voluntate se-  
parantur, & ad cælestia mente ab omni cura terre-  
norum expedita, eleuantur. Istæ sunt duæ alæ, quæ  
datae sunt mulieri, vt fugeret in desertum, vt dicitur  
in Apocalypsi, & Isaias: Assument pennas vt aquilæ. *Apoc. 12. d*  
Et ideo describuntur Angeli in figura aquilæ, & si- *Isa. 40. g*  
gnificant sublimem ascensum Angelorum & homi-  
num in diuina, quando quæ sursum sunt diligunt, &  
non quæ super terram. Alas quidem non aquilæ, sed  
potius milui habent impij, raptiores & auari, paupe-  
rum oppressores, quibus non eleuantur ad cælum,  
sed potius deprimuntur ad infernum, vt dicit Zacha-  
rias: Datae sunt ei alæ milui, & delata est in campum *Zach. 5. b*  
Senaar, quod interpretatur fœtor, & signat infernū,  
vbi deferuntur impij duplici alâ adiuti, scilicet alâ cu-  
piditatis, & alâ malignitatis. De quibus Hieremias:  
In alis tuis, inuentus est sanguis pauperum. *Hier. 2. g*

Item Angeli tanta lege obedientiæ sunt astricti,  
quod numquam ad aliud deflectuntur, nisi ad illud  
solum, ad quod Dei ipsis præsentis nutu & impe-  
rio ducuntur, & ideo in figura equorum sapius de-  
scribuntur. Nam sicut equus circumducitur freno;  
sic ipsi diuino imperio circumaguntur: ita viri san-  
cti in statu subiectionis constituti, velut equi ad Dei  
laudem infrenati, ab obedientiæ legibus non rece-  
dunt: sed nunc se exhibent Deo, tamquā albos equos  
per vitæ mundiciam & castitatem, nunc etiam vt ni-  
gros per humilitatem, & nunc rubeos siue igneos per  
feruidam charitatem, nunc varios per multiplicis me-  
riti diuersitatem. De his equis dicitur: Numquid *Iob 39. c*  
præbebis equo fortitudinē? Et in Prouerbijs: Equus *Prou. 21. d*  
paratur ad bellum, &c. Et in Zacharia: Visitauit Do- *Zach. 10. a*  
minus exercituum gregem suum, domum Iuda, &  
posuit eos quasi equum gloriæ suæ in bello. Et in li-  
bro Machabæorum: Apparuerunt aduersarij de cæ- *2 Machab. 10. f*  
lo viri quinque in equis, frenis aureis decori, &c. &  
in his puritas conscientiæ, & ductiliter obedientiæ  
designantur. nam talibus frenis Dei iumenta refe-  
nantur, quia a voluntatis propriæ impetu voluntarie  
coarctantur. Vnde Iacobus: Equis frena in ora mit-  
timus, ad consentiendum nobis & omne corpus eo-  
rum circumferimus, &c.

Item Angeli quamuis ad diuersa & contraria sint  
missi, tamen in se contrarijs affectionibus & animi  
motibus non afficiuntur, & ideo vestimenta varia, & *Zach. 3. c*  
aureis zonis constricta habuisse dicuntur. Nam An- *Apoc. 1. c*  
gelus habet virtutem seruandi firmiter, & coadunan- *Dan. 10. a*  
di & suas, & subditorum affectiones, vt singulæ &  
vniuersæ in Deum iustificentur, & ad ipsum reduc-  
tæ, sicut vestes ne decendant circa corpus zona colli-  
gantur. Et hoc proprium est existentibus in actiua  
vita, vt quamuis corpora circa diuersa sint distracta,  
corda tamen quoad intentionem finis, semper in Do-  
mino sint vnita, sicut fuerunt corda discipulorum.  
De quibus dicitur: Erat omnibus cor vnum & ani- *Act. 4. f*  
ma vna in Domino. Varia ipsa vestimenta, varia sunt  
virtutum opera, quæ zona charitatis quæ est vincu-  
lum perfectionis, ad finem vnicum vniuntur, iuxta  
illud

**Luce. 11. 8** Illud Luce: Sint lumbi vestri præcincti, & lucerna, &c. Lumbi quidem cingulo castitatis, sed pectus zona aurea charitatis. Et in Ecclesiastico: Circumcinxit eum zona iustitiæ, &c.

Item quando ad exteriora mittuntur, orationes & merita singulorum vel demerita, sub certo iustitiæ pondere & mensura, ad Deum reducere perhibetur, ut patet in libro Tobie. Ideo instrumenta mensurandi

di & ponderandi in manibus gestare videtur. quibus sunt similes viri iusti, qui non solum propria, verum etiam aliena nituntur apud Deum in orationibus & gratiarum actionibus habere recommendata. Eandem enim mensuram gratiæ & gloriæ a iusta Dei providentia profuturam desiderant, quam ex proprio merito a summo iudice iam expectant. Vnde Paulus: De reliquo reposita est mihi corona iustitiæ, &c. **2. Tim. 4. 6**

## DE ECCLESIASTICA HIERARCHIA.

### P A R S Q V A R T A,

Quæ mutila, ac imperfecta est.

*Celi nomine varia in Scriptura significari, & quomodo nomine celi significentur Angeli.*

Caput I.

*Calorum nomine quomodo Apostoli sancti significantur.*

Cap. II.

*Calorum nomine auctoritas iudicum & prelatorum designatur.*

Cap. III.

*Calorum nomine religiosi & contemplativi significantur.*

Cap. IIII.

*Calorum nomine Doctores sacra Scriptura significantur.*

Cap. V.

*Firmamenti nomine Christus significatur.*

Cap. VI.

*Celi natura & proprietates, quomodo B. Virginis Maria conveniant.*

Cap. VII.

*Celi nomine varia in Scriptura significari, & quomodo nomine celi significentur Angeli.* Cap. I.

**Gen. 1. 6**



**V**OCAVIT Deus firmamentum cælum, &c. Viso qualiter ordines Angelorum figurative possint adaptari diuersis ordinibus hominum electorum, nunc ad intuendas cæli, & cælestium corporum proprietates est breuiter transeundum. Et cum sit multiplex cælum, ex consideratione proprietatum corporum cælestium, multiplicem possumus elicere mysticum intellectum. Dicitur enim in Deuteronomio: En Domini Dei tui cælum est, & cælum cælorum, &c. ibi dicit Glossa: Nonnulli dicunt septem esse cælos. Primum aereum, secundum æthereum, tertium olympium, quartum igneum, quintum firmamentum, sextum aqueum siue crystallinum, septimum empyreum. Nomine igitur cælorum intelligere possumus statum & dignitatem tam hominum, quam Angelorum electorum, quorum conuersatio in cælis est.

**Deut. 10. 6**

**Celi nomine varia in Scriptura significatur.**

**Basilium.**

**Isa. 66. 1**

**Psal. 10. 6**

**Psal. 102. 4**

**Apoc. 4. 4**

Cæli itaque nomine, quandoque in Scriptura intelligitur puritas Angelorum, quandoque dignitas sanctorum, quandoque potestas siue auctoritas, quandoque sublimis vita & conuersatio iustorum, quandoque occultatio diuinorum iudiciorum. Cælo igitur primo, scilicet empyreo puritas Angelica comparatur, de quo dicit Basilium: Cælum primum est natura simplicissima, de corpulentia habens naturam subtilissimam, & tamen solidissimam, primum mundi inferiorum contentium, ordinatum, & informatum; quod propter suam dignitatem est singularis Dei sedes, siue habitaculum nuncupatum. Hæc omnia beatissimis spiritibus congruunt, in quibus singulariter requiescit Deus per aptissimam & ordinatissimam voluntatis conformitatem. Vnde dicit Isaias: Cælum sedes mea est, &c. Et Psalmista: Dominus in cælo sedes eius. Et iterum: Dominus in cælo parauit sedem suam. Et in Apocalypsi dicitur: Et ecce ostium apertum in cælo. Et parum infra: Et ecce sedes posita erat in cælo, & supra sedem sedens.

Dicuntur itaque Angeli cælum, propter omnimodam incorruptionem, & naturæ suæ puritatem, nihil

C enim habent corpulentia, qui ab omnibus corporis passionibus sunt diuisi. Ideo dicitur in Exodo: Sub pedibus eius, quasi opus lapidis sapphiri, & quasi cælum cum serenum est. Vnde sicut cælum serenum, serena est & pura natura Angelorum, cui nulla prorsus adhæret oppilatio carnalium passionum, nulla attingit infectio motuum vel affectionum.

Item secundo subtilissimi sunt quantum ad intelligentiæ perspicacitatem. vnde dicit Psalmista: Qui fecit cælos in intellectu. Quia quanto sunt Deo viciniore, tanto in secretis diuinis & arcanis Dei sunt subtiliores, & ad videndum omnia in speculo aptiores. Dicit enim Ezechiel: Plenus sapientia & perfectus decore, &c.

Item tertio solidissimi sunt quantum ad naturæ incorruptæ perpetuitatem, & fixam ac stabilem in Deo voluntatem sicut dicit Iob: Tu forsitan cum eo fabricatus es cælos, qui solidissimi quasi ære fusi sunt. ibi Glossa: Angelici spiritus, qui in cælestibus sunt conditi, per cælos exprimuntur, qui ab integritate etiam acceptæ fortitudinis, nulla mutabilitatis rubigine consumuntur. Ideo dicitur in Ezechiele: Et similitudo super capita animalium firmamenti, quasi aspectus crystalli horribilis. Crystallus firmam soliditatem habet & radium solis in se recipiens ignem emittit, sic diuini spiritus soliditatem habent in constantia virtuosa actionis, & perspicacitatem in perceptione diuinæ illuminationis. Vnde dicitur in Apocalypsi: Ostendit mihi fluuium aquæ viæ tamquam crystallum procedentem de sede Dei. Per fluuium crystallinum de sede procedentem, possumus intelligere abundantiam virtutis & gratiæ, quam diuina virtus per Angelorum ministerium in nobis operatur.

Item quarto quantitate sunt maximi, non per dimensionem, sed per virtutem & potestatem. Immensam enim habent altitudinem, quo ad diuinorum præceptorum immensam latitudinem, quoad completissimam dilectionem; maximam profunditatem, quoad secretorum cognitionem. Vnde in Ecclesiastico: Altitudinis firmamentum pulchritudo eius, &c. Et Isaias: Quis mensus est pugillo aquas, & cælos palmo ponderauit? Glossa: Vt diuina manus cælestium spirituum potentiam ponderat, & eorum virtutes numerat & mensurat.

Aa 3

Item

Item quinto qualitate sunt lucidi sicut cæli, per scientiæ & sapientiæ claritatem, Nam cælestes spiritus illuminantur a fonte primi luminis per sapientiæ receptionem, & alios illuminant per gratiæ susceptæ communicationem: iuxta illud Apocalypsis: Vidi Angelum descendentem de cælo, habentem potestatem magnam, & terra illuminata est a gloria eius. Et Lucas: Angelus Domini stetit iuxta illos, & claritas Dei circumfulsit illos, &c. Et in Actibus: Angelus Domini astitit, & lumen refulsit, &c.

Item sexto figuratiōe sunt sphaerici per continuationis contemplationem, quia mens Angelica a fonte primi luminis primas recipit influentiones, quas postea ad alios diffundit, & diffundendo & communicando, illos quibus communicat, ad Deum reuocat & reducit. Vnde affectus Angelicus circulariter mouetur, quia primo mouetur in Deum, & de Deo in proximum per dilectionē, & iterum a proximo mouetur in Deum per dilectionis extensionem & continuationem. Vnde dicitur in Ezechiele: Ibant & reuertebantur in similitudinem fulguris coruscantis. In quo notatur motus circularis in Angelica affectione. Fulgur enim, sicut ibi dicit Glossa, ab igne exit, & discurrens subito ad ignem tamquam ad matricē redit; sic spiritus Angelicus a Deo gratiæ influentiam per contemplationem recipit, & communicando alijs per gratiarum actionem ad Deum, qui est ignis consumens, redire non desistit, exit ministrando, redit laudando, & contemplando, iuxta illud Ecclesiastici: Gyrum cæli circuiui sola, &c. Et Psalmista: Circuiui & immolauī in tabernaculo eius, hostiam vociferationis, &c. Apocalypsis: Omnes Angeli stabant in circuitu Throni. Et Ezechiel: Splendor erat in circuitu eius.

Item septimo situ sunt supremi, non per circumspeditionem, sed per dignitatem. nam dignitate naturæ & officio excellunt alias creaturas, sicut cælum alia præexcellit elementa. Tanto enim sunt omnibus superiores, quanto Deo per familiaritatem & gratiam sunt propinquiore. Vnde dicit Iob: Suspice cælum & intue æthera, quod altior te sit. ibi Glossa: In cælo, & in æthere supernas accipere possumus potestates, quas iubemur ut intueamur, ut cum Angelicos spiritus longe a nobis distare conspiciamus, ab ipso Creatore spirituum quantum differamus, cognoscamus.

Item octauo omnium inferiorum sunt contentiui, quantum ad charitatem. Nam ex affectu dilectionis, Angeli hominibus electis administrant, & in esse gratiæ detinent & conseruant, sicut dicitur in Psalmis: Angelis suis Deus mandauit de te, ut custodiant te, &c. Et iterum: Immittit Angelus Domini in circuitu, &c. Et Sapiens: Et hoc quod continet omnia, scientiam habet vocis. Et Esther ait: Tu fecisti cælum & terrā, & quidquid cæli ambitu continetur. Dominus omnium es, nec est qui resistat maiestati tuæ.

Item nono omnium inferiorum ordinatiui; nam circuli cæli ordinate se intersecant, & hæc inferiora nunc calore, nunc frigore ordinant & immutant; sic cælestes spiritus in se ordinati aliorum sunt ordinatiui, dicente Iob: Numquid nosti ordinem cæli, aut rationem eius pones in terra? &c. Ordinem cæli noscere est dispositionem supernarum virtutum videre. Rationem eius ponit in terra, qui vitam suam disponit secundum cælestia, & Angelorum patrociniō affectionem suam erigit ad æterna. Et Hieremias: Tēplum iuxta ordinem suum fundabitur, &c. ad Galatas dicitur: Ordinata est lex per Angelos in manu mediatoris. Ex his igitur nouem cæli proprietatibus, manifestum est Angelicam naturam in scriptura cælum aptissime nuncupari.

Calorum nomine quemodo Apostoli sancti significantur. Cap. 11.

Cælorum etiam nomine Apostoli sancti possunt merito designari, de quibus Iob: Spiritus Domini ornauit cælos. vbi dicit Gregorius: Nisi Apostoli Christi promissa Paracleti dona percepissent, nullo virtutis decore claruissent. Hæc vitam cælestē & conuersationem spiritualē aduocauit. Vnde Isaias dicit: Posui verba mea in ore tuo, & in umbra manus meæ protexi te, ut plantes cælos, & fundes terrā. Hi sunt cæli, qui vbique enarrauerunt gloriam Dei, qui cælos stabiliunt prudentia, cuius rore nubes concrescunt, ut dicitur in Prouerbijs. Nam sanctorum Apostolorum vita pariter & doctrina, vniuersus mundus quasi rore quodam salutifero, medullitus irrigatur, ut dicitur in Deuteronomio: Caligabunt cæli rore. ibi dicit Glossa: Tunc Apostoli fuerunt quasi cæli rore pleni, quādo subtili & suauī doctrina Christi cælitus sunt imbuti. Non enim fructificat quod huius roris perfusio non fecundat. Ideo Isaias præsentiam Apostolorum desiderans, exclamat dicens: Rorate cæli desuper, & nubes pluant, &c. Fuerunt itaque Apostoli quasi cæli, sed aerei in ipsorum uocatione, quando, scilicet a terrena conuersatione, eleuati, diuinis laudibus & proximorum profectibus a Domino sunt deputati. Nam aer a terra eleuatur, & substantiæ suæ subtilitate cælo assimilatur; & propter conformitatē quam habet in cælo, sapius in Scripturis aeris interstitium cælum nuncupatur. sicut Matthæus dicit: Venerunt volucres cæli & comedērunt ea. Et in Psalmis: Super ea volucres cæli habitabunt. ait etiam Iob: Volatilia cæli indicabunt tibi. Nam Apostoli doctores fidei virtutum pēnis de terrenis eleuati, prædicationis discursu per mundū vniuersum circumuolauerunt, & velut cæli aerei nunc tonantes nimis, nunc pluentes doctrinis, nunc miraculis coruscantes, sopitorum corda in peccatis salubriter commouerunt, sicut scriptum est in Psalmis: Illuxerunt coruscationes tuæ orbi terræ, vidit & commota est terra. Et in libro Iudicum: Terra mota est, cæliq. ac nubes distillauerunt aquis. Item cæli, scilicet ætherei sunt facti in ipsorum perfectione, siue in perfecta vitæ Christi imitatione. Æther enim naturam ignis imitatur. ignis est Christus, qui est ignis cōsumens. Vnde in Deuteronomio: Dominus Deus tuus ignis consumens est, cuius puritatem tam in vita, quā in doctrina, Apostoli post eorum uocationem perfectissime sunt secuti. Vnde Iob: Suspice cælum, & intue æthera, & contemplare æthera, &c. quasi dicat, Considera ætheream & cælestem conuersationem in Apostolis, qui exemplo Christi omnia contemperunt in terris, ut suo Regi essent similes, qui habitat in supernis. Vnde dicitur in Prouerbijs: Quando præparabat cælos aderam, quando æthera firmabat sursum.

Item cæli ignei sunt effecti in Spiritu sancti missione, quando a Christo vocati, & ipsius vestigia plenissime imitati, igne cælesti in aduentu Spiritus sancti sunt repleti, & quidquid in eis fuerat infirmitatis vel imperfectionis, in istius ignis præsentia penitus est consumptum, iuxta Sophoniam: In igne enim reli mei deuorabitur omnis terra, &c. Et in Threnis: De excelso misit ignem in ossibus meis, idest charitatis feruorem in Apostolis, per quorum igneam conuersationem vniuersalis Ecclesia amore Christi est vndique inflammata. Vnde dicit Zacharias: Ponam duces Iuda sicut caminum ignis in lignis, & sicut faciem ignis in fœno, & deuorabunt ad dexteram & sinistram omnes populos, &c. Duces Iuda fuerunt Apostoli primitiui, qui dicuntur Ecclesiarum Principes, & belli Christi triumphales duces, qui charitatis camino succensi, quidquid fuit in se & in alijs ligni stipulæ, vel fœni omnino annihilauerunt, & populos credentes



**8.Reg.18.f**

**Eccle. 43.6**

**EXC. I. f**

**Ecclesi. 43. 6**

248-3-0

Ufa. 58. d

***Psal. 49. 6***

## Executive Summary

**Amos 8. 6**

**Eccs. 1. 6**

Digitized by Google

hoc proprie conuenit prælatis, qui filios gratiæ per Euangelium Domino generant, & virtutum germina in subditorum cordibus radicanter, vitium extrahunt & extirpant, & iure doctrinæ salutaris irrigant & fecundant. Et Isaias: Quomodo descendit de cælo imber & nix, & inebriat terram, & infundit eam & germinare facit ipsam; sic verbum quod procedit, &c. Et Zacharias: Vineam dabit fructum suum, & terra dabit germen suum, & cæli dabunt rorem suum. Si cæli tempore nostro essent roriflui, idest prælati essent dono celestis sapientiæ repleti, tunc vtique populares & subditi fructiferi fierent & secundi: sed quia prælati aridi sunt & duri, ideo non proficiunt subditi. Ideo dicitur in Deuteronomio: Sit cælum super te æneum, & terra quam calcas ferrea. Et sequitur: De cælo descendat super te cinis.

Item quarto cælum est siderum errantium representatum; nam violentia sui motus planetas euagantes retrahit, & motu diurno ab Oriente in Occidentem post se rapit. Stellæ errantes, subditi sunt peccantes, vt in Canonica Iudæ: Sidera sunt errantia, quibus procella tenebrarum seruata est in æternum. Et in Iob: Obtenebrentur stellæ caligine eius, &c. ibi ait Gregorius: Quos serpens tortuosus durus per malitiam ad necem percurrit, fuisse latentes hypocritas velut stellæ caliginosas ostendit, vt quales interius fuerint latenter in prosperis, euidenter pateat in aduersis. De his stellis ait Iob: Stellæ non sunt mundæ in conspectu eius. Horum siderum motum inordinatum cæli, idest iusti prælati celestis legis iudicio reprimunt, quando talium excessus corrigunt, & correctos ad frugem melioris vitæ prouehunt & compellunt. Vnde Paulus: Corripite inquietos. Et Psalmista: Cæli distillauerunt a facie Dei Israel, &c. Tunc celestes animi non furoris grandinæ, sed imbris dulcedinem stillant, quando diuinam clementiam circa peccatores intuentes, non cum seueritatis impetu, sed blandientis animi affectu, mentes corrigunt & castigant. Vnde Psalmista: Corripiet me vir iustus in misericordia, & increpabit me, &c. Et Hieremias: Corripe me verumtamen in iudicio, & non in furore, ne forte, &c.

Item quinto cælum est inferiorum informatum. inferiora enim sunt in superioribus tãquam in proprijs formis, vt dicit Philosophus, quia secundum varias corporum impressiones figurantur, & formantur species inferiores. Et hoc prælatis congruit, quorum vita vitæ subditorum debet in omnibus esse forma, sicut dicit Petrus in 1. Canonica: Forma facti gregis ex animo, &c. Et 2. ad Thessalonicenses: Ipsi scitis, qualiter oportet vos imitari nos, quoniam non inquieti fuimus, &c. Et sequitur: Non quasi non habuerimus potestatem; sed vt nosmetipsos daremus vobis formam ad imitandum nos. Et ad Philippen-ses: Imitatores mei estote, & obseruate eos, qui ita ambulant, sicut habetis formam nostram. Forma enim debent esse subditorum in doctrina veritatis. Et ad Romanos: Confidis te esse ducem cæcorum, magistrum infantium, habentem formam scientiæ & veritatis in lege. Et ad Thessalonicenses: Forma facti estis omnibus credentibus in Macedonia.

Item in munditia castitatis, vt patet ad Timotheum: Exemplum esto fidelium in verbo, in conuersatione, in charitate, in fide, & in castitate.

Item in excellētia humilitatis, dicitur enim in Ecclesiastico: In brachio suo formabit lutum, & ante pedes suos curuabit virtutem suam. Prima forma informat animam ex parte rationalis, secunda ex parte concupiscibilis, tertia ex parte irascibilis. Sed ne aliquid in subditis relinquatur non formatum, informandi sunt a suis superioribus vltima forma, scilicet forma perfectissimæ charitatis, de qua dicitur in Sapientia: Amator factus sum formæ illius. Istius formæ impressor fuit Paulus cum dixit: Imitatores Dei

estote sicut filij charissimi, & ambulate in dilectione. Ad tales informationes celestes in subditis imprimendas, inuitauit Deus Moysen, cum dixit: Inspice, & fac secundum exemplar, quod tibi in monte monstratum est. Opera itaque prælatorum, velut quædā exemplaria celestia obijcienda sunt oculis subditorum. Vnde Psalmista: Quoniā videbo cælos tuos, &c.

Item sexto cælum est omnium motuum inferiorum dimensionum; nam motus cæli est primum temporis subiectum, & omnium motuum inferiorum mensura. Vnde qui motum corporis celestis non considerat, in computatione temporis multum errat. Sic auctoritas & iurisdictio prælatorum regula est & mensura subditorum. nam iuxta ordinatum motum voluntatis superiorum, moueri debent corda, & voluntates inferiorum. Ipsorum enim est officium, subiectorum corda discutere, & de singulorum factis rationem & computum exigere; quia de factis subditorum reddituri sunt rationē, quando dicetur illud Hieremias: Vbi est grex, qui datus est tibi, pecus inclitum tuum? Et Ezechiel: De manu tua requiram. Et 3. Regum: Custodi virum istum, qui si elapsus fuerit, erit anima tua pro anima illius. Et ad Hebræos: Ipsi peruigilāt, quasi reddituri rationem pro animabus vestris. ideo motus & affectiones oportet mensurare, & cognoscere merita singulorum, sicut dicit Salomon: Diligenter cognosce vultum pecoris tui, ne scilicet contingat errare in reddendo rationem. Et Iob: Quis enarrabit rationem cælorum? &c. Difficile vtrique est enarrare, quàm districtam requirer a prælatis de subditis rationem, quādo dicit vnique: Redde rationem villicationis tuæ. Et Isaias: Visitabit militiā cæli in excelsis, & super reges qui sunt super terram.

Item septimo cælum aquarum superiorum & inferiorum discretium est, sicut dicitur in Genesi: Posuit firmamentum in medio aquarū, & diuisit aquas ab aquis. & signat prælatos Ecclesiæ, qui fidei firmitate, & fortitudinis robore, contemplatiuos quasi superiores aquas sursum tenent, ne labantur ad inferiora, & secularibus negotijs se implicet, & secularibus implicatos quasi aquas mobiles sub se coercent, ne tranquillitatem contemplatiuorum perturbent. Discernunt etiam inter bonos, qui celestem habent puritatem, & malos qui carnalem habent fluiditatem, spirituales, scilicet sursum tenendo per consolationē, carnales deprimendo, & compellendo subire correctionem. Vita etiam prælatorum inter vitam contemplatiuam & actiuam, quasi in medio firmata est, & quasi ex vtraque compacta. eorum etiam diligentia se debet interponere mediam inter huius mundi diuites & tyrannos, & inter pauperes ac infirmos, ne sinant violentiam diuitum transire in oppressionem pauperum, nec insolētiā pauperum in fraudem & contemptum potentium, siue suorum dominorum. ideo in persona boni prælati dicitur de Ioseph in Ecclesiastico: Natus est homo princeps firmamentum gentis, stabilimentum populi, &c. Proprie igitur nomine cælorum significatur in scripturis potestas prælatorum, qui auctoritate & potentia Christi Ecclesiā disponunt & gubernant, sicut cæli inferiora mundi elementa ordinant & immutant.

Calorum nomine religiosi & contemplatiui significantur. Cap. IIII.

Cælorum etiam nomine intelligitur sanctitas religiosorum, siue celestis & sublimis conuersatio contemplatiuorum, in quorum mentibus pacificis & quietis, diuina virtus tamquam in cælis singulariter requiescit, iuxta illud Isaias: Cælum sedes mea, terra autem scabellum pedum meorum, &c. De his cælis dicit Psalmista: Confitebuntur cæli mirabilia tua Domine. Hi cæli sunt claustrales & contemplatiui, qui ad celestem vitā diuina gratia eleuati, in diuinā laudis

laudis confessione continue perseverant; quia, sicut A dicit Glossa, Ante suam conuersionem ad poenitentiam, heri fuerant vorago ebrietatis, hodie ad Deum conuersi, effecti sunt ornamentum sobrietatis: heri cœnum luxuriæ, hodie decus temperantiæ: heri blasphematores, hodie Dei laudatores: heri seruiebant creaturis, hodie effecti sunt serui Creatoris.

Dicuntur autem tales cœli propter plura. Primo propter remotissimam ab amore terrenorum elongationem; nam cœlum aquis spatijs a centro terræ est remotissimum; sic contemplatores cœlestium ab omni cura temporali abstracti, locum sibi vendicant superiorem, Deo scilicet & Angelis propiorem, sicut B dicit anima contemplatiua in Ecclesiastico: Ego in altissimis habito, &c. Et in Prouerbijs: Cælum sursum, & terra deorsum, sic cor regum insrutabile, id est imperscrutabilis est affectio illorum, qui bene se regunt. Non a carnalibus potest experiri, quid dulcedinis de Deo suo sentiunt, qui contemplationis volatu per cœlestia se diffundunt: ideo via aquilæ in cœlo a Salomone difficilis iudicatur in Prouerbijs, quia quod contemplatiuæ mentes in raptu contemplationis de diuina dulcedine hauriunt, a mundi amatoribus ignoratur, iuxta illud Ecclesiastici: Virtutem altitudinis cœli ipse conspiciat. De istius cœli altitudine iam multi corruerunt, qui cœlestem gratiam paruipendentes, ad amorem terrenorum velut canes ad vomitum redierunt, & professionis suæ altitudinis, iam obliti, mundi huius immunditijs adhæserunt. Ideo dicit Isaias: Quomodo cecidisti de cœlo Lucifer, qui mane oriebaris? corruisti in terram, &c. de hoc aliàs.

Secundo propter cœlestis munditiæ imitationem; nam propter subtilitatem suæ essentiæ cœli sunt purissimi, & ab omni corruptionis immunditia alieni, sicut dicit Aristoteles, Corpus cœli non ingreditur corruptio, nec generatio, &c. sic contemplatiui cœlestem puritatem emulantur, & in omni cordis & corporis munditia puritati cœlesti per confessionem continentiam conformantur. Et ideo in castis & lucidis religiosorum mentibus specialiter requiescit, iuxta illud Psalmi: Ponam thronum eius sicut dies cœli. Et in Ezechiele: Et super firmamentum quod erat imminens capiti eorum quasi aspectus lapidis sapphiri similitudo throni. Sapphirus cœlestem repræsentat puritatem pariter & colorem, & significat munditiæ & castitatē, cuius gratia viri spirituales thronus Dei fieri promerentur, iuxta illud Psalmi: Dominus in cœlo parauit sedem suam.

Tertio propter ordinatam obedientiæ voluntariæ continuationem; nam cælum cursum suum, ordine quieto & imperturbato peragit, & ab eodem puncto in idem continue se reuoluit: & hoc congruit religiosi, qui spiritu diuino commoti, sine tædio & murmure, non cessant cursum iniunctæ obedientiæ pro viribus adimplere. Vnde Hieremias: Si defecerint leges cœli corā me, dicit Dominus, tunc semen Israel deficiet, vt non sit gens coram me cunctis diebus, &c. Hunc motum velut stellæ erraticæ quidā retardant, & obedientiæ legibus obuiantes, & voluntatis propriæ motibus innitentes, quietam claustrī conuersionem dissipant, & perturbant, iuxta illud Apocalypsis: Factum est prælium magnum in cœlo, & draco pugnabat, &c. Dicitur, quod quando stellæ erraticæ mutuo conueniunt in capite vel cauda draconis, vel contrarie se aspiciunt, tunc cælum perturbatur, & frequenter oriuntur tempestates, & eclipsis nunc lunæ, nunc solis in capite vel cauda draconis ex mutua coniunctione, vel directa oppositione procreatur. Stellæ euagantes, sunt peruersi claustrales a reuerentia regularis disciplinæ per campos licentiæ deuiantes, qui nunc conueniunt in dracone per fraudulentam conspirationem, nunc ex aduerso se aspiciunt, & mutuo se opponunt per mutuam defensionem, ex

quorum lite & conspirationeurbationis non modicæ scandala plurima sæpius oriuntur, & ipsi religiosi, qui per famam velut cœli relucere deberent, famæ suæ iacturam per talium insolentiam patiuntur. Vnde dicitur in Apocalypsi: Sol factus est niger tamquā Apoc. 6. d saccus cilicinus, & stellæ ceciderunt de cælo, &c.

Item quarto propter harmoniacam circuloꝝ cœli proportionem; nam in cœlo quidam sunt circuli superiores, quidam inferiores, quidam autem dicuntur solstitiales, quidam æquinoctiales, quidam æstiuales, quidam hiemales. Sic in religiosorum collegio velut in cœlo, quidam vicem gerunt prælationis, & hi sunt solstitiales, in quorum vita & conuersione sol iustitiæ debet expressius relucere, iuxta illud Ecclesiastici: In vnamquamque gentem posuit rectorem, & pars Dei Israel facta est manifesta, & omnia opera illorū velut sol in conspectu Domini. Alij sunt æquinoctiales, illi, scilicet qui in statu subiectionis dies & noctes æquare & continuare in Dei laudibus non desistunt, qui scilicet in media nocte ad confitendum Domino surgunt, & in die media seu meridie laudes laudibus accumulāt, & adiungunt. De quibus Isaias: Tota die & tota nocte non tacebunt. Et Psalmista: Vespere, & mane, & meridie narrabo & annuntiabo, &c. Et Isaias: Clamabant, Sanctus, Sanctus, Sanctus, &c. C Et Psalmista: Tota die laudem tuam. Circuli vero æstiuales, qui polo appropinquant, & versus verticem cœli plus se eleuant, sunt contemplatiui, qui ab omni solitudine temporali se elongant, & in sublimitate contemplationis cælestibus se conformant. Dicitur enim in Iob: Excelsior cælo est, & supra stellarum virtutem sublimatur. Sed per circulos hiemales, qui terræ sunt viciniore, significantur boni actiui & officii, qui officio administrationis intēti temporalia procurant, & ea, quæ sunt alijs necessaria officiosissime administrant. Iterum dicit Iob: Præcipit hiemis pluuijs & imbribus fortitudinis suæ. Et in Genesi: Aestas & hiems, nox & dies non requiescēt. Prælati igitur & subditi, actiui, & contemplatiui, velut quidam cælestes circuli, officiorum gradibus ad inuicem sunt distincti, nexu tamen indissolubilis charitatis pariter sunt coniuncti, sicut dicit Apostolus: Totum corpus compactum & connexum, per omnem iuncturam subministrationis, &c.

Item quinto propter omnimodam contrarietatis remotionem cœlo nihil est contrarium, vt dicit Philosophus, maxime quia ex contrarijs partibus non cōponitur, & ideo non potest cælum aliqua corruptio subintrare: sic inter viros spirituales & cælestes nulla cōtrarietas in affectu, nulla disparitas in victu, nulla singularis diuersitas in vestitu debet inueniri. immo ipsorum concordia attestatur, quod tam in virtutibus, quā in moribus permanent incorrupti, iuxta illud Iob: Qui facit concordiam in sublimibus suis. Et in Ecclesiastico: Concordia fratrum amor proximorum, vir & mulier bene consentientes, &c. vbi ergo rixæ & diuisiones, & cōtrariæ partes sunt in claustris, ibi summa est corruptela. Dicit enim in Osea: Diuisum est cor eorum, ideo nunc interibunt. Nam contrarietas est causa corruptionis, sicut vnitas siue simplicitas incorruptibilitatis. Vnde dicitur in Actibus: Erat omnibus cor vnum, & anima vna in Domino. Et in Psalmis: Qui habitare facit vnus moris in domo. Et Sophonias: Vt inuocent omnes nomen Domini, & seruiant ei humero vno. Et in Osea: Cōgregabuntur filij Israel, & filij Iuda pariter, &c. Vnde discipuli congregati in vnum, Spiritum sanctum recipere meruerunt, vt dicitur in Actibus.

Item sexto propter ordinatam orbium cœli eleuationem & depressionem. Dicunt enim philosophi, quod ex ordinato orbium motu, & eorum graui & acuto & interciso processu, incredibilis harmonia, procreatur; sic viri cælestes omnia ordinate facientes suauem reddunt melodiam, quando, scilicet de contemplati-

- templatione ad actionem; de lectione procedunt ad orationem; quando superiores iuste & benigne præsunt sine tyrannide, & iniusta subditorum oppressione, & inferiores mansuete subsunt sine murmure & contradictione; quando qui præsunt ad subditos cōdescendunt per compassionem & amorem, & illi, qui subsunt ordinate exhibent suis superioribus reuerentiam debitam & honorem, ex tali ordinato ascensu, & descensu, dulcis concentus generatur. Ideo dicit
- Job 38. d** Iob: Concentus cæli quis dormire faciet? sed hic cōcentus iam minus in cæli orbibus, idest claustralibus inuenitur, iuxta illud Apocalypsis: Factum est silentium in cælo, fere per dimidiam horam. Ecce in multis locis insurgunt subditi cōtra prælatos, & prælati contra subditos grassantur, & sic concentus cæli in talibus vel silet penitus, vel plurimum impeditur: boni tamen istud silentium tamquam periculosum & nociuum infringunt, qui scilicet ordinate & pacifice viuunt, sicut dicitur iterum in Apocalypsi: Audiui vocem in cælo, sicut vocem citharædorum citharizantium in citharis suis, & cantabant quasi canticum nouum.
- Item septimo propter cautiſſimam meritorū suorum occultationem; nam cælum interpolate aliqua de suis contentis aspicientibus repræsentat, sed plura & nobiliora ab oculis intuentium subtrahit, & occultat, & hoc religiosi vitam cælestem habentibus conuenit, vt aliqua de suis virtutibus ostendant aliquando, ad ædificationem proximi: sed plura abscondant propter humiliationem sui, secundum doctrinā
- Matt. 6. a** Domini dicentis in Matthæo: Tu cum oraueris intra cubiculum tuum, & clauso ostio ora patrem tuum in abscondito, &c. Et in eodem: Faciem tuam laua, ne videaris hominibus ieiunans: sed patri tuo, qui videt in abscondito. Et in eodem: Attendite ne faciatis iustitiam vestram corā hominibus, &c. Qui igitur cælicam ducunt vitam, non omnia omnibus reuelent propter ostentationem, sed quādo aliqua oportet facere proximis ad exemplū, in occulto faciant quoad intentionem. Nam nobiliora in cælo plus celantur, quā illa, quæ in firmamento sensibiliter intuentur.
- Sap. 9. d** Ait enim Sapiens: Quæ in prospectu nostro sunt, inuenimus cum labore, quæ autem in cælis sunt, quis inuestigabit? quasi dicat, nullus potest merita sanctorum occulta cognoscere, nisi ille solus, qui super omnes cælos considerat, & lumen eius super omnes terminos terræ, vt dicitur in Iob: Ille solus vota humilium respicit & approbat, qui solus cæli occultissima inuestigat. Et in Psalmis: Quis sicut Dominus Deus noster, qui in altis habitat? &c. Hypocritæ vero qui in seipsis cæli speciem mentiuntur se habere, plura bona quā habeant, fingere non verentur. Vnde dicit Nahum: Plures fecisti, quā stellæ sint cæli, negotiationes tuas. Sed tales stellæ non sunt stellæ veræ, quia in cæli corpore non sunt fixæ, & ideo semper pereunt & cadunt in fine, sicut quasdam flammulas stellis similes, de cælo in noctibus cadere, sæpius est videre.
- Apo. 6. a. et** Ideo in Apocalypsi dicuntur stellæ de cælo cecidisse, & in Matthæo. Nam, vt dicit Gregorius, **Matt. 24. c** Hypocritarum opera quāuis ad tempus inter iustorum merita lucere videantur, in fine tamē quia a fructu sunt vacua, funditus annullantur. Ideo dicitur in **Iob 20. a** Iob: Si ascenderit ad cælum superbia eius, & caput eius nubes terigerit, &c. Et in Abdia: Inter sidera posueris nidum tuum, &c. Et Isaias: In cælum ascendā, super astra cæli exaltabo solium meum. Et Psalmista: Posuerunt in cælum os suum, &c. sed qui veri sunt cæli, in Dei abscondita sua occultant opera, & ideo stabilia permanent vsque in posterum atque fixa, iuxta illud Ecclesiastici: Conclude elemosynam in sinu pauperis, & orabit pro te, & proderit tibi super aurū.
- Item octauo propter cōtinuam influentiam & virtutis diffusionem; nam virtus cælestis per singula se diffundit elementa; sic religiosi bona, quæ desuper
- A** receperunt, omnibus indigentibus communicant, & misericordiæ opera secundū vniuscuiusque indigentiam singulis administrant, & ad imitationem Patris cælestis, qui misericors est, & misericordes diligit, & illis specialem gratiam infundere consuevit, sicut dicit Psalmista: Domine in cælo misericordia tua, &c. **Psal. 35. a**
- Beati enim misericordes, quoniam ipsi misericordiā consequuntur, dicitur in Matthæo. Religiosi itaque pietatis opera diligentes, sunt cæli, in quibus thesauri Domini reponuntur, qui inspiratione diuina, necessitatis tempore pauperibus diffunduntur. Vnde dicitur in Deut. Aperiet Dominus thesaurum suum optimū, **Deut. 28. b** cælum; vt pluuiam tribuat terræ in tempore suo.
- Paret ex prædictis, quod cælorum nomine religiosi in Scripturis sæpius denotantur, qui inter ceteros electorum gradus, cælis potissime conformantur, ratione subtilitatis diuinæ Scripturæ, in qua velut in cælo omnia occulta Christi, & Ecclesiæ mysteria continentur, iuxta illud Isaiæ: Complicabuntur sicut liber cæli, &c. Et Ezechiel: Aperti sunt cæli, & vidi visiones Dei. Et in Apocalypsi: Apertum est templum in cælo, & visa est arca testamenti in cælo. Nam sicut cælum est principium illuminationis & irradiationis totius mundi sensibilis, sic totius veritatis cognitio exordium a diuinis eloquijs accipit, & scripturis, iuxta illud Psalmi: Declaratio sermonū tuorum illuminat. Nam mandatum lucerna est, & lex lux, vt dicitur in Prouerbijs. Vnde quidquid proponitur prophetice rationis, quidquid asseritur mundanæ sapientiæ argumentis, si veritati Theologicæ non consonat, a natura cæli discrepat, & discordat, vt dicere possit mundi sapientibus scriptura veritatis: Sicut exaltantur cæli a terra, sic viæ meæ a vijs vestris.
- Item secundo virtus cæli est causa viuificationis inferiorum & sensificationis, quia nihil viuit, nec sensum percipit, vbi cæli radius non pertingit: ex quo manifeste conuincitur, quod omnis mens vel conscientia moritur, ad cuius interiora verbi vitæ virtus non ingreditur, quod expertus Petrus, dixit in Ioanne: Ad quem ibimus? verba vitæ æternæ habes. Et Psalmista: Eloquium tuum viuificabit me. Et Dominus in Ioanne: Verba quæ locutus sum vobis, spiritus & vita sunt. Et in Ecclesiastico: Sustulisti mortuum ab inferis, de sorte mortis in verbo Dei tui. Et ideo Scriptura diuina spiritualiter intellecta, intellectum viuificat & affectum, iuxta illud Ioannis: Vita erat lux hominum. Et Apostolus: Tuba Dei descenderat de cælo, & mortui qui in Christo sunt resurgent primi, &c. Tuba de cælo canens est vox prædicatorū de secretis Scripturæ cælestia exprimens, resonans, & exponens. Ad tubæ sonitum resurgent mortui tui de sepulcris peccatorum, sicut dicit Ioannes: Hora venit, & iam nunc est, quod omnes, qui in monumentis sunt, audient vocem Filij Dei, &c.
- Item tertio ratione obnubilationis, quia cælum quod in suo proprio circulo semper lucidum est & serenum, secundum nostrum aspectum propter interpositionem vaporum, sæpius apparet nubilosum: sic Scriptura diuinitus aspirata, figuris & ænigmatibus est sæpius inuoluta, vt carnalibus & indignis Scripturarum lateant mysteria, quæ tamen pijs mentibus, sapientibus ea quæ sunt spiritus, lucida sunt & aperta, iuxta illud Genesis: Cum obduxero cælum nubibus, apparebit arcus meus, &c. Quandoque enim propter aliquorum imperitiā, quādoque etiam propter hæreticorum malitiā, sunt celanda quædam Scripturæ & fidei sacramenta. Et hoc faciendum est coram simplicibus & infirmis, ne subtilia & sublimia capere nō valentes a recto deuiant, similiter coram infidelibus, ne blasphement. Non enim debemus sanctum dare canibus, neque spargere margaritas coram porcis; ne forte conculcent eas, &c. sicut dicit Dominus in Matthæo. Ideo præceptum fuit, quod nulli viderent vasa sanctuarij



**Num. 4. a** sanctuarij nuda, exceptis sacerdotibus filijs Aaron, vt dicitur in Numeris. Ideo oportuit arcam & alia tabernaculi vasa obuoluere pellibus hyacinthinis, ne forsitan alij aliqua curiositate secreta tabernaculi intuentes moreretur, sicut ibidem dicitur. Claritatem itaque cæli obuoluit nubibus, & obducit, qui Scripturarum subtilia subiciens, simplicia & intellectu facilia proponit, simplicibus autem exponit. Radius enim luminis cælestis qui visum aquilæ acuit & confortat, obtundit visum nocturæ & excæcat. Vnde qui debilis est visus, idest parui intellectus, nō debet alta & insensibilia perscrutari, ne de claritate nimia obtenebretur eius animus, vnde putabat illuminari. Vnde dicitur in Prouerbij: Ad opes quas habere nō poteris, ne erigas oculos tuos. Facient enim sibi pennas, & volabunt in cælum. Hoc sciens Dominus, dixit Nicodemo in Ioanne: Si dixi vobis terrena & non creditis: si dixerō vobis cælestia quomodo creditis? Et in Ecclesiastico: Altiora te ne quæsieris, & in pluribus Dei operibus non fueris curiosus, &c. Et sequitur: Non est necesse quæ abscondita sunt, videre oculis tuis.

Item quarto ratione fecundationis. Nā calore cælesti pariter & rore omnia procreatur, nec aliquid in terra crescendo proficit, nisi vbi calor cælestis se spargit, & humor roris aut pluuiæ cælestis se diffundit. Scriptura tota ignea est, illuminans per sapiētiam intellectum, & ad amorem inflamman affectum. Vnde dicit Psalmista: Ignitum eloquium tuum vehementer, &c. Et in Deuteronomio: In dextera eius ignea lex. Et Hieremias: Factus est sermo Domini in corde meo quasi ignis æstuans clausus in ossibus meis. Et in Prouerbij: Omnis sermo Domini ignitus clypeus, &c. Clypeus est cum protegit, ignitus cum accendit. Cælum igitur igneum, diuinum est Verbum, dum inflammat. Vnde ait Psalmista: Eloquium Domini inflammat eum, &c. Rorisfluum autē est dum fecundat. Inflammat enim cor ad dilectionem, fecundat velut pluuiā aut ros ad operationem. Dicitur enim in Deuteronomio: Concresecat vt pluuiā doctrina mea, fluat velut ros eloquii meum. Et Iob: Stilabat super eos eloquium meum, expectabant me sicut pluuiam, & os suum aperiebant quasi ad imbrem serotinum. Vi ergo talis calor, & humoris de agro cordis, virtutis germen prorumpit in fructum operationis. Vnde dicit Isaias: Quomodo descendit imber de cælo, & non reuertitur, se infundit in terram & inebriat eam, & germinare eam facit, &c. Et Iob: Ros in messione mea morabitur, &c. Maledicta autem terra, quæ rorisfluis cæli guttis continue infunditur, & tamen sterilis inuenitur. Et Paulus: Terra, quæ spinas profert & tribulos, reproba est, & maledicta proxima. Et in Deuteronomio: De cælo descendet super te cinis, &c. Quod fit in pueris Theologis, qui rore cæli quotidie pluuntur, semper tamen remanent sine fructu.

Item quinto ratione permanentiæ infinitæ durationis. Cælum enim inter omnia corpora, magis durable est & firmum: & ideo est perpetuum, quia cū non sit compositum ex contrarijs non habet in se principium dissolutionis, & hoc conuenit Scripturæ veritati, quæ tantæ est firmitatis quod non potest arte vel ingenio immutari. Et ideo dicit Psalmista: Statuit ea in æternum & in sæculum sæculi, præceptum posuit & non præteribit. Et in Prouerbij: Labium veritatis firmum erit in perpetuum. Et iterum in Psalmis: Quæ procedunt de labijs meis, non faciam irrita. Et in secunda Petri: Et habemus firmiorem propheticum sermonem. Vnde omnes scientiæ quæ in firmitate istius Scripturæ non sunt fundatæ, inutiles sunt atque vanæ, iuxta illud Hieremias: Omnes leges gentium vanæ sunt. Et Sapiens: Vani sunt omnes homines, in quibus non subest sapientia. Et Apostolus: Euanuerunt in cogitationibus suis, dicen-

tes se esse sapientes, stulti facti sunt. Vnde sapientes huius sæculi, qui ingenia sua fundant in sapientia huius mundi, nihil habent cælestis penitus firmitatis; sed doctores boni, virtute diuini verbi sunt firmissimi sicut cæli, iuxta illud Psalmi: Verbo Domini cæli firmati sunt. Et Daniel: Fulgebunt sicut splendor firmamenti. Et Iob: Solidissimi sunt, quasi ære fundati.

Item sexto ratione ornatus & compositionis; nam propter varium stellarum ornatū, nihil est pulchrius quàm sit cælum. Sic diuina sapientia, quæ in scriptura diuina sculpra est & cælata, expositionibus varijs quasi quibusdam radiantibus stellis, multipliciter est ornata. Relucet enim diuina veritas nunc in historia, nunc in allegoria, nunc in ea rutilat sensus tropologicus, nunc irradiat anagogicus intellectus. Vnde in Ecclesiastico: Species cæli est gloria stellarum. Et in Sapientia: Dedit mihi scire anni cursus, & stellarum dispositiones, &c. Varijs itaque scripturæ diuinæ sententijs quasi coruscantibus cæli astris, omnium errorum & phantasmatum tenebrositas effugatur, & relucet veritas fidei, qua totius Ecclesiæ superficies decoratur, vnde dicit Iob: Super omnes cælos considerat, & lumen illius super omnes terminos terræ. Tempore vero Antichristi, istius cæli ornatus splendidus obfuscabitur, quando verbi diuini prædicatio ab hæreticis & tyrannis prohibebitur, & veritas fidei latens in Scripturis varijs hæreticorum figmentis, insuper & physis argumentis multipliciter impugnabitur, sicut dicit Daniel: Magnificatum est cornu modicum vsque ad fortitudinem cæli, & deiecit de stellis, & conculcauit eas, & abstulit iuge sacrificium, & deiecit locum sanctificationis eius, &c. Et in Apocalypsi: Cælum recessit sicut liber inuolutus, & montes & insulæ de loco suo motæ sunt. Nam liber diuinæ sapientiæ, qui modo omnibus est apertus, tempore persecutionis extremæ, claudetur vndique, & erit omnibus obuolutus, & tunc montes & insulæ mouebuntur: quia tam prælati, quàm subditi, tam contemplatiui quàm actiui, qui voluerint esse stabiles in fide, in lege Domini permanere, iniquitatem persecutionis dæmonis, & Antichristi cum suis fugere cōpellentur. Quapropter dicitur in Prouerbij: Cum defecerit prophetia, dissipabitur populus, qui vero custodit legem, beatus est. Patet itaque quod veritas diuinæ sapientiæ, quæ in Scriptura sacra velut in cælo occultatur, congrua similitudine cælesti corpori comparatur.

Calorum nomine Doctores sacra Scriptura significantur. Cap. V.

Doctores sacra Scripturæ per rationes prætaxatas cæli sæpius nuncupantur, quia mundum illuminat per vitam & doctrinam. Vnde dicit Daniel: Qui docti fuerint, fulgebunt sicut splendor firmamenti. Et Paulus: Inter quos lucetis, sicut luminaria in mundo, verbum vitæ continentes ad gloriam meam in die Christi, quia non in vacuum cucurri, neque in vacuum laboraui.

Item primo, quia mortuos in peccatis viuificant & sensificant ad vitam, eos inducendo ad pœnitentiam, sicut fecit Dauid, qui quos voluit viuificauit, & quos voluit mortificauit, vt patet in secundo Regum. Nam bonorum confessorum & doctorum consilio, qui viuunt munde, & peccato mortificantur vt uiuant Deo, mortificant carnem, sed spiritui vitam cōferunt spiritualem, iuxta illud Petri: Mortificatus quidem carne, viuificatus autem spiritu. Et Paulus: Mortui estis, & vita vestra abscondita est in Christo. Ad hanc vitam perducit solertia doctorum & sacerdotum, ex quorum consilio dependet vita subditorum, iuxta illud Iudith: Vos qui estis presbyteri in populo Dei ex vobis dependet anima illorum, ad elo-

Psal. 32. b  
Dan. 12. a  
Iob 37. c

Ecclesi. 43. b  
Sap. 7. c

Iob 37. a

Dan. 8. c

Apoc. 6. d

Prou. 29. c

Dan. 12. a  
Philip. 2. b

2. Reg. 8. a

1. Pet. 3. d

Coloss. 3. a

Iudith 8. c



quum vestrum illorum corda eriguntur. Ideo legi-  
*Mat. 10. a* tur Dominus dixisse discipulis ad prædicandum de-  
 stinatis: Infirmos curate, mortuos suscite, ut dici-  
 tur in Matthæo. Sicut leo qui vocis rugitu suscitatur  
*Prou. 23. b* catulum mortuum, sic strenuus doctor rugitu præ-  
 dicationis & corruptionis reuocat subditos ad vitam  
 spiritualem. nam dicitur in Prouerbijs: Virga per-  
 cute eum, & animam eius a morte liberabis, &c. Sic  
*Ezech. 13. c* viuificatiui tamquam cæli, & inferiorum sensificatiui  
 fuerunt doctores & sacerdotes primitiui, sed de mo-  
 dernis sacerdotibus potest dici illud Ezechielis: Vio-  
 labant me ad populum meum, ut interficerent ani-  
*Osæ 6. d* mas, quæ non moriuntur, & viuificarent animas, quæ  
 non viuunt, mentientes populo meo, &c. Et in Osæ:  
 Particeps sacerdotum in via interficientium pergen-  
 tes de Sichem.

Item secundo propter subditorum exemplum se  
 humiliant, & tam in paritate victus, quam in humi-  
 litate habitus, corpora sua cruciant, & castigant: si-  
*Mat. 3. a* cut Ioannes Baptista, qui erat vestitus pilis camelo-  
*4. Reg. 1. b* rum. Sic Elias de quo dicitur: Vir pilosus, & zona  
 pellicea accinctus renibus, & illi similes sunt cælo, cu-  
 ius claritas non deficit, quamuis nebulis vel nubibus  
*Isa. 50. b* obducatur; quia sub asperitate pœnitentiæ eorum  
 sanctitas amplius augmentatur, iuxta illud Isaia: In-  
 duam cælos tenebris, & ponam saccum operimen-  
 tum eorum. quod fit, quando diuina virtute sub sac-  
 co vel cilicio pœnitentiæ cælestis thesaurus occulta-  
 tur. Sic legitur scyphus Ioseph argenteus, & ad au-  
 gurandum optimus in sacco Benjamin fuisse occulta-  
*Gen. 44. a* tus, ut legitur in Genesi. Scyphus argenteus est sa-  
 cerdos clarus scientia, mundus vita; cuius oris mi-  
 nisterio quasi scypho mundo, auditoribus doctrinæ  
 salutatis eloquium præfulgebat. Talis scyphus fuit  
 Paulus, sicut ibidem dicit Glossa, in cuius corde cæ-  
 lestis doctrinæ poculum propinatur, iuxta illud Eze-  
*Ezech. 16. b* chielis: Tulisti tibi scyphos, & vasa aurea & argen-  
*Eccl. 2. b* tea, &c. Et Salomon dicit: Feci mihi scyphos & vr-  
 ceolos in ministerio ad vina fundenda, & supergres-  
 sus sum opibus omnes, qui ante me fuerunt in Hie-  
 rusalem. Vrceoli sunt doctores, dum vinum cæle-  
 stis sapientiæ hauriunt & recipiunt; scyphi vero quā-  
 do gratiam cælestis receptam, alijs tribuunt & diffun-  
 dunt. Tales scyphi in sacco Benjamin, idest filiorum  
 dexteræ deponuntur, quia sub habitu humilitatis &  
 pœnitentiæ vsque ad tēpus præuissum a Patre abscon-  
 duntur, sed aperto sacco, statim proditur, quam pre-  
 tiosum vasculum in sacci orificio continetur; quia  
 animæ resolutæ a corporis ergastulo euidenter solet  
 Deus ostendere, quantum dilexit thesauros repositos  
 in sacco. Vnde Psalmista: Conscidisti saccum meū,  
 & circumdediti me lætitiæ.

Item boni doctores comparantur cælis, quia cæ-  
 lesti more alios rore cælestis gratiæ infundunt, &  
 humore deuotionis ad compunctionis gratiam ipsos  
 prouocant & inuitant. Nam multi omnimodo ari-  
 di & indeuoti, accedunt ad prædicationem, vel con-  
 fessionem, qui bonorum sacerdotum suffragio ante  
 suum recessum de cælo consolatione, & lacrymarum  
 imbre copiosius compluti recedunt, in optimo pro-  
 posito fructiferi, qui prius æstimabantur penitus ste-  
 riles & infecundi. Vnde dicitur in Genesi: De rore  
*Gen. 27. d* cæli & de pinguedine terræ, erit benedictio tua. Et  
*Cant. 5. b* in Canticis: Caput meum plenum est rore & cinci-  
 ni mei guttis noctium. Ideo de confessoribus & de  
 doctoribus, quos reliquit Deus ad mudi fecundatio-  
*Mich. 5. b* nem, dicitur in Michæa: Erūt reliquæ Iacob in me-  
 dio populorum multorum sicut ros a Domino, &  
 quasi stillæ super herbam, quæ non expectat virum,  
 & non præstolat filios hominum. Et erant reliquæ  
 Iacob in gentibus, in medio populorum multorum,  
*Isa. 45. b* quasi leo in iumentis siluarum, & quasi catulus leonis  
 in gregibus pecorum. Ideo dicit Isaia: Rorate cæli  
 desuper, & nubes pluuant iustum, &c.

Item secundo fixi sunt & constantes per omnimo-  
 dam patientiam, sicut cæli, qui ita sunt firmi & sta-  
 biles, quod de nullius contrarij motus impetu pos-  
 sunt dissolui. sic doctores & prædicatores Christi,  
 cum nulla corporis iniuria possunt frangi. Vnde Psal-  
 mista: Patientes erunt, ut annuntient. Et in Prouer-  
*Psal. 91. e* bijs: Doctrina viri, per patientiam noscitur, &c. Vn-  
*Irom. 19. b* de sicut cælum a superioribus aquis non deprimitur,  
 nec ab inferioribus eleuatur; sic nec iustus doctor  
 erigitur in prosperis, nec deijcitur per pusillanimita-  
 tem in aduersis. Aquæ enim superiores significant  
 prospera, iuxta illud Iob: Si continuerit aquas om-  
*Iob 12. o* nia siccabuntur, si emiserit eas subuertent terram.  
 Inferiores vero significant grauiæ & aduersa, ut di-  
 citur in Threnis: Aquæ inundauerunt super caput  
*Thren. 3. f* meum, & dixi, Perij. Inter has aquas stant boni im-  
 mobiles atque firmi, sicut dicitur in Iosue: Ingressis  
*Iosue 3. d* sacerdotibus Iordanem, steterunt aquæ superiores  
 instar montis intumescentes; quæ autem inferiores  
 erant in mare solitudinis descenderunt, &c. Vnde  
 sacerdotes portantes arcam, ad modum cæli inter  
 medias aquas fuerunt tuti, iuxta illud Isaia: Cum  
*Isa. 43. a* transieris per aquas tecum ero, & lumina non ope-  
 rient te. Sic Eliseus diuisis aquis Iordanis transiuit  
 intrepidus, Eliæ pallio, qui in cælum raptus fuerat,  
*4. Reg. 2. e* præmunitus. Eliæ pallium de cælo derelictum, est  
 Christi exemplum nobis datum in subsidium, ut nec  
 mundi prospera timeamus, nec aduersa. Vnde Apo-  
 stolus: Curramus ad propositum nobis certamen,  
*Heb. 12. d* aspicientes, &c.

Item cælesti decorantur sicut cæli ornatu, quātum  
 ad vitæ perfectionem, & virtutum decentiam, & cæ-  
 lestem in moribus disciplinam. Vnde dicit Iob: Spi-  
*Iob 26. d* ritus Domini ornauit cælos. Vbi dicit Gregorius;  
*Gregorius* Quot sunt dona prædicantium, tot sunt ornamenta  
*ls 17. mor.* cælorum. Quem ornatum enumerat Apostolus di-  
*e. 19. & bñ* cens: Oportet Episcopum esse prudentem, sobrium,  
*mil. 30. in* pudicum, hospitalem, modestum, ornatum, &c.  
*Euang.* Hunc ornatum cælestem præfigurabat habitus sacer-  
*1. Tim. 3. a* dotis, in Exodo: Fecit superhumerales de auro &  
 hyacintho, purpura, coccoq. bis tincto, & bysso re-  
 torto opere plumario, & posuit in rationali doctri-  
*Exo. 28. b* nam, & veritatem, &c. Et in Sapientia: In veste po-  
*Sap. 18. d* deris eius erat descriptus totus orbis terrarum. Cæ-  
 liq. non sunt, vbi tales ornatus desunt, sicut est vi-  
 dere in peruersis sacerdotibus; in quorum vita non  
 relucet sol feruentis charitatis, nec resplendet luna  
 misericordiæ & pietatis, nec resplendent stellæ mundi-  
 tiæ & castitatis, non comparent etiam constellatio-  
 nes duodecim signorum, idest non relucet in eis, nec  
 apparet vestigium vitæ & conuersationis duodecim  
 Apostolorum, non hyades, non pleiades, non Oriona  
 cum interioribus austru, quoniam nec virtutes in-  
 teriores, scilicet purgati animi ad contemplatiuam  
 pertinentes; nec exteriores videlicet purgatoriæ &  
 politice vitam exteriorem quoad actiuam dirigen-  
 tes, iam in Ecclesiæ doctoribus vix inueniuntur. &  
 ideo totius Ecclesiæ species in tenebram, & deformi-  
 tatem est mutata. Ideo dicit Iob: Qui præcipit soli  
 & non oritur, & claudit stellas quasi sub signaculo.  
*Iob 9. a* Sequitur: Qui facit arcturum, Oriona, & hyadas, &  
 interiora austru. Et in Hieremia: Asperi cælos, &  
*Hier. 4. e* lux non erat in eis. & ideo multa imminent mun-  
 do pericula; quia vbique deficiunt in doctoribus &  
 sacerdotibus huius mundi cælica ornamenta, sicut  
 dicitur in Actibus: Neque sole, neque sideribus ap-  
 parentibus per plures dies, & tempestate non exigua  
 ingruente, omnis spes salutis ablata est.

Item quarto sicut cæli vniuersaliter extenduntur,  
 iuxta illud Isaia: Qui extendit cælos, & expandit eos  
*Isa. 40. d* sicut tabernaculum ad inhabitandum. nulla enim est  
 cæli particula, quin æqualiter expansa inueniatur &  
 extēsa; sic Christi sacerdotes ad cæli similitudinem,  
 nihil continent non extensum. Extendunt enim lin-  
 guam,

guam, cor, & manum. Cor, inquam, extendunt ad Deum per deuotionem, ad proximum per compassionem. De primo dicit Psalmista: Anima mea sicut terra sine aqua tibi. De secundo dicitur in Iob: *Iob 30. d* Compatiebatur anima mea pauperi. Et Isaias: Cum *Isa. 58. c* effuderis esurienti animam tuam, &c. Linguam etiam extendunt ad Deum in oratione & continua gratiarum actione, ad proximum in doctrina & prædicatione. De primo dicitur in Ecclesiastico: Iterauit orationem suam, volens ostendere virtutem Dei. *Ibidem.* Et post: Rursum orauit Deum omnium, qui magna fecit in omni terra. Et Psalmista: Labijs exultationis laudabit os meum. De secundo dicitur in Pro- *Prou. 31. d* uerbijs: Os suum aperuit sapientiæ, & lex clementiæ in lingua eius. Similiter manus extendunt ad Deum per supplicationem, iuxta illud Psalmi: In noctibus extollite manus vestras in sancta. Sic Moy- *Exo. 9. g* ses extendit manus suas in cælum & cessauerunt tonitrua, in Exodo. Ad proximum vero extendunt manus per subuentionem, & necessitatis proximi subleuationem. De hoc dicitur in Prouerbijs: Ma- *Prou. 31. c* num suam aperuit inopi, & palmas suas extendit ad pauperem. Sic Martinus tamquam cælum fuit extensus ad Deum, quando oculis & manibus in cælum intentus, inuictum ab oratione spiritum non relaxabat. Similiter ad proximum, quando etiam nec pallium sibi sine pauperis solatio retinebat, & ideo propter tantam charitatis extensionem cælum extensum potuit merito nuncupari, iuxta illud Psalmi: *Psal. 103. a* Extendens cælum sicut pellem. Et Isaias: Manus *Isa. 45. b* meæ tetenderunt cælos, & omni militiæ eorum demandaui. Et in Hieremia: Prudentia sua extendit *Hier. 10. b* cælos. Propter istas & alias suprapositas cæli proprietates & naturas, merito doctores Scripturæ cælo comparantur.

*Firmamenti nomine Christus significatur.*  
Cap. V I.

**S**icut nomine cæli significantur sancti superius nominati, sic & nomine firmamenti. Idem enim firmamentum quod & cælum, sicut dicitur in Genesi: Vocauit firmamentum cælum. Singulariter tamen potest vocari firmamentum natura nostra a Christo assumpta, & in ipso vnione personæ cum diuinitate vnita, de quo Psalmista: Fiat manus tua super virum dexteræ tuæ, & super filium hominis, quem confirmasti tibi. Nam Redemptor noster super omnia Deus verus, & factus super omnia homo perfectus, secundum naturam assumptæ humanitatis firmamentum nuncupatur, sicut dicit Psalmista: Dominus firmamentum meum & refugium meum. Et Ezechiel: Aspectus firmamenti, quasi aspectus *Gen 1. a* cryalli, &c. Natura enim nostra priusquam assumeretur fuit terra, postquam autem ab auctore est assumpta, & super Angelos subleuata, facta est firmamentum: & ideo similis est crystallo, quæ ex aqua congelata indissolubilem contrahit firmitatem. Quia igitur corpus Redemptoris vsque ad mortem passionibus & pœnis subiicitur, aquæ fluxibilitatem in se habuit: quia nascendo, crescendo, esuriendo, sitiendo, moriendo, per momenta temporum mobiliter decurrit, cuius cursum intuens Propheta, ait: Exultauit ut gigas ad currendam viam, &c. sed in resurrectionis gloria virtutem incorruptionis obtinuit, & in crystallinam firmitatem natura primo mutabilis mutata fuit. Dicitur itaque Christus homo firmamentum, ratione firmæ & fixæ vnionis, qua humana natura in vnione personæ in Christo indissolubiler copulatur, iuxta illud Ezechielis: In firmamento quod erat super caput Cherubim quasi lapis sapphirus. Lapis sapphirus, est Christus Dominus qui est lapis angularis, in se Deum & hominem vnians, homines & angelos quasi parietes duos associans, & *Psal. 79. d* *Psal. 17. a* *Ezec. 1. f* *Psal. 18. b* *Ezec. 10. a* S. Bon. Tom. 7. Pars iij.

**A** coniungens sibi per fidem & amorem, infixos retinens, etiam ab ipsorum fauore & gratia non recedens. Vnde Paulus: In spiritu vobiscum sum gaudens, & videns ordinem vestrum, & firmamentum eius, quæ in Christo est, fidei vestræ. Et sequitur ibi: Superædificati, & confirmati in illo, in gratiarum actione, &c. Quia igitur ipse totius Ecclesiæ militantis & etiam triumphantis congruum est fundamentum, ideo bene vocatur firmamentum. Et quia fundamentum cæleste est & non terrenum, ideo dicitur lapis sapphirus. Vnde dicitur in Isaias: Fundabo te in sapphiris. Et in Exodo: Sub pedibus eius quasi opus lapidis sapphiri, &c. Et Paulus: Firmum Dei fundamentum stat. Et in Matthæo: Fundata erat supra firmam petram.

**I**tem secundo ratione mediationis; nam sicut firmamentum est inter aquas superiores & inferiores medium collocatum, sic mediator Dei & hominum, secundum quod homo Patre minor, tamen in quantum Dei Filius omni creatura superior, ima & summa, inuisibilia & sensibilia reconciliat, & in se medio recolligit & adunat, sicut dicit Apostolus: In ipso condita sunt vniuersa in cælo & in terra, visibilia & inuisibilia. Et in Genesi: Posuit firmamentum in medio aquarum, diuisitque aquas ab aquis, &c. Et ideo qui modo secernit & diuidit inter inferiorem & superiorum, bonorum & malorum, spiritualium vel carnalium merita, æquo iudicio diuidet & discernet inter præmia aut flagella. Vnde dicitur in Matthæo: Cuius ventilabrum in manu eius, &c. Et in Prouerbijs: Sicut diuisiones aquarum, ita corda regum in manu Domini.

**I**tem tertio ratione vniuersalis conseruationis inferiorum & comprehensionis: nam firmamentum infra suæ sphaeræ circumferentiam, omnia sensibilia comprehendit, & per æternum generationis vel corruptionis officium, quidquid est de esse & substantia vniuersi, custodit, nec destructionem permittit. Sic Christus ars & sapientia Dei Patris, infra sinum suæ potestatis prædestinatos continet & præscitos, nec prædestinationis filios finaliter permittit ire ad interitum, nec præscitos ex toto in nihilum. Nam filios gratiæ præseruat ad gloriam, reprobationis vero filios seruat ad gehennam. vt sicut in bonis immutabilis Deo gratia commendatur; ita eius inflexibilis iustitia quæ videbitur in reprobis, timeatur. Vnde Sapiens dicit: Tempore casus sui inueniet firmamentum. Et rursum: Iustitia eius proteget te, & in die agnitionis inuenies firmamentum.

**I**tem quarto ratione diuinæ inhabitationis; nam cum Deus sit in omni creatura, cælum tamen siue firmamentum pro speciali sede sibi vendicat, quia ibi singulariter & excellenter operando, maiestatis suæ præsentiam manifestat, vt dicit Damascenus. Sicut humanitas, quæ de Virgine est assumpta, singulare diuinitatis habitaculum est effecta, quando Verbum caro factum est, & habitauit in nobis. Vnde dicit Paulus: Complacuit omnem plenitudinem inhabitare, & per eum omnia reconciliari, &c. de præparato habitaculo suo. Et in tertio Regum: Cum orauerit in loco hoc, tu exaudies in cælo, in firmamento habitaculi tui, &c. Et in Exodo: Sanctuarium tuum quod firmauerunt manus tuæ. Et in eodem: Firmissimo habitaculo quod operatus es, &c. Ideo enim diuinitas Christi humanitatem inhabitat, vt homines per hominem deprecantes audiat, & eorum postulationibus cõdescendat, propter quod omnes collectæ & orationes Ecclesiæ per Christum nostrum finiuntur. Vnde dicit Apostolus: In quo habitat plenitudo diuinitatis corporaliter, & estis in illo repleti, &c.

**I**tem quinto ratione circularis reuolutionis, circularem enim formam habet firmamentum, & motum oblique volubilem: si enim firmamentum mouetur

tur in directum, quoad nos, generatio rerum inferiorum non perficeretur, & talis forma quæ est perfecta & nobilissima nobilissimo corpori erat danda, quia talis figura continuo motui eius fuit necessaria. Circularis immo circulus perfectissimus est ipse Christus, in quo duæ extremitates lineæ velut in puncto vniuntur. Nam diuinitas, quæ omnium rerum caput est & principium, cum natura humana quæ finis erat omnium creaturarum, & ultimo in esse producta, in ipso Christo velut in puncto in vniione personæ est coniuncta, & tanta firmitate roborata. Firmatæ enim sunt duæ naturæ in vna persona, sic quod vna ab altera nunquam poterit separari. Et ideo proprie Christus nomen obtinet firmamenti, cuius motus & operatio circularis est. De sinu enim Patris, in Virginis uterum est ingressus; deinde per mundum & lumbum progrediens iterum ad Patrem est reuersus, sicut dicitur in Ioanne: Exiui a Patre, & veni in mundum; & iterum relinquo mundum, & vado ad Patrem. Et in Ecclesiastice: Oritur sol & occidit, & ad locum suum reuertitur, gyrat per meridiem, & fleuitur ad Aquilonem, &c. Ecce motus Christi reflexus & obliquus. Attingit enim a fine vsque ad finem fortiter, & disponit omnia suauiter, sicut dicitur in Sapientia: Quia nunc fleuitur ad Aquilonem, idest ad peccatores in peccatis induratos, per misericordiâ illorum corda ad pœnitentiam remolliendo; nunc vero ad meridiem, idest ad bonos in feruore charitatis existentes, ipsos cõsolando; ideo dicitur in Ecclesiastico: In meridiano exurit terrâ, &c. Et in Esdra: Conuertitur in gyro cæli, & iterum reuertitur in eundem locum in vno die.

Item sexto ratione fortissimæ impressionis, & aggregationis luminis in centro. Nam cum sit firmamentum corpus sphericum, & luminosum, & concavum, & conuexum, cuius medium & centrum ex omni parte ex se emittit radium ad suum medium; unde cum terra teneat vicem centri, manifestum est, quod in terra sit radiorum maximæ aggregatio, & ex influentia radiorum luminis maxima sit varietas specierum productio, & generatio. Firmamentum igitur lucidum, & conuexum significat Christum, Dominum, qui est lux vera, illuminans omnem hominem venientem in hunc mundum, vt dicit Ioannes; cuius spherica rotunditas, idest æterna potestas, omnia continet & sustentat, cuius luminositas omnia illustrat, cuius conuexitas omnium bonorum, gratiarum, & donorum plenitudinem commensurat, iuxta illud Ioannis: Vidimus eum quasi vnigenitum a Patre plenum gratiæ & veritatis. Ab istius igitur firmamenti conuexitate, ad cor humanum, velut ad proprium centrum transfunduntur radij gratiarum. De plenitudine eius omnes recipimus gratiam pro gratia. Plena igitur sit impressio, & coadunatio cælestis luminis in corde hominis, quoad ipsius iustificationem; plenior quantum ad illustrationem sapientiæ, & veritatis inspirationem; plenissima vero quo ad consummationem iustitiæ, & finalem charitatis in homine perfectionem, & conseruationem. Ideo ait Apostolus: Plenitudo legis est charitas. De prima dicitur in Psalmis: Plena est iustitiâ dextera eius. Et iterum in alio Psalmo: Flumen Dei repletum est aquis, &c. A Christo enim velut a fonte procedit flumen pœnitentiæ, qua anima a sordibus abluitur & purgatur, & ad videndum lumen desuper veniens disponitur, & habilitatur, sicut dicitur in Ioanne: Abijci, & video. Et in Sapientia: Omnis orbis terrarum limbo replebatur lumine, &c. De secundo dicitur in Isaia: Replebitur terra scientia Domini, quasi aquæ maris operientes. De tertio dicitur in Psalmis: Dies pleni inueniuntur in eis. Et Iob: Complebunt dies suos in bono, & annos suos in gloria. Et in Canticis: Resident iuxta fluenta plenissima. Talibus radijs a Christo effluentibus, tamquam a fir-

mamento nobilissimo virtutum, & meritorum, species in electorum cordibus procreantur, iuxta illud Ecclesiastici: Ipse est firmamentum virtutis, regimen ardoris, & vmbraculum meridiei, deprecatio offensionis, adiutorium casus exaltans animam, & illuminans oculos, dans sanitatem, vitam, & benedictionem. quasi dicat, a Christo velut a firmamento effluit virtutis perditæ restitutio, ardoris concupiscentiæ, & diabolicæ inflammationis repressio, persecutionis mitigatio, de offensis remissio, & apud Patrem pro peccatis propitiatio, vt dicitur in Ioanne. & in 1. Ioan. 2. a Daniele: A ruina & casu subleuatio. Et in Psalmis: Cum ceciderit non collidetur. Et in Proverbijs: Scipries cadit iustus: affectionis ad cælestia eleuatio in 1. Regum: Vt sedeat cum principibus. Et in Psalmis: Exaltaui animam meam: secretorū reuelatio, collatio impassibilitatis, donum immortalitatis, benedictio æternæ hereditatis. iterum in alio Psalmo: Illic mandauit Dominus benedictionem, & vitam, &c. Ista decem bona, velut decem radij a Christo exeunt, ad perfectionem hominum emanare, & effluere vndique non desistunt. Vnde dicitur in Genesi: Cata-ractæ cæli apertæ sunt, & facta est pluuia magna, &c. Et in 4. Regum: Si fecerit Deus catacactas cæli apertæ, numquid poterit esse quod loqueris? &c.

Item septimo ratione inflammationis. nam firmamentum illud inflamat, ad quod per contactum appropinquat. Hoc Christo conuenit, qui sibi gratia & fauore coniunctos ad diuinum amorem inflamat penitus & accendit, vt patet in Apostolis, qui tanto feruentiori igniculo sunt accensi, quanto magis sibi vicini, meruerunt fieri per familiaritatis gratiam propinqui, iuxta illud Deuteronomij: Qui appropinquant pedibus eius, &c. Vnde doctrina Christi ignea ipsos fecit feruidos penitus & ignitos. Vnde dicitur in Threnis: De excelso misit ignem in ossibus meis, & erudiuit me Dominus. Et Ezechiel: Vidi speciem eius quasi speciem electri, & quasi aspectū ignis intrinsecus, &c. Loquitur de sedente in Throno super firmamentum, qui vtique significat Christum, cuius humanitas significatur per electrū, quod est metallum ex auro & argento compositum, subtili artificio conflatum. Nam in auro incorruptibili animæ Christi immortalitas, in argento candido & mundo, assumpti corporis puritas designatur, ex eis duobus Christus secundum hominem est formatus: qui secundum vitamque naturam argento mundior, & auro obrizo pretiosior inestimabiliter arbitrat. Istud electrū intrinsecus videtur igneum, quia corpus Christi cum anima, Deo qui est ignis consumens ineffabiliter est vnitum. Istius sedentis species, a medio corporis & sursum, videbatur ardens intrinsecus & latens, a lumbis vero deorsum, ignis splendens exterius & apparens. Nam Christi virtus cum supernis spiritibus quantum ardeat, humana ratio non excogitat. Vnde dicit Isaia: Quis potest habitare cum igne deuporante, & cum ardoribus sempiternis, &c. Et Ezechiel: In medio lapidum ignitorum ambulasti. A lumbis autem deorsum apparet ignis splendens, quia in quantum Apostolos & alios gratiæ filios accenderit, per facti euidentiam omnibus est apparens. Nam in lumbis sedes est generationis, & ideo a lumbis deorsum in circuitu splendere dicitur, quia in illis, quos per gratiam gignit, ampliori gratia feruere se ostendit. Vnde dicitur in Leuitico: Sanctificabor in his, qui appropinquant mihi, &c. Nos siquidem later, quantum Christi virtus accendit illos, qui sunt in patria; sed per multa exempla videmus, qualiter a sua gratia igniuntur, quos per verbum vitæ genuit hic in via. Et ideo bene firmamentum dicitur, quia mens, quæ ab eo tangitur, accenditur subito & ignitur.

Item octauo ratione impermutabilis fixationis, quia firmamentum in sua natura immutabile permanet, & per-

& perficit: & quamuis inferiora varijs impressionibus alteret, & immutet, tamen mutabilitatem inferiorum corporum in se non recipit, nec admittit. Hæc firmamenti proprietates est in Christo manifesta, cuius bonitatem humana peruersitas non superat, cuius misericordiam ad ultimam pœnam creaturæ malitia non inclinat; quia ex innata sibi bonitate semper punit citra meritum, & remunerat supra dignum. Ideo dicit Habacuc: Cum iratus fueris, misericordiæ recordaberis. Et Psalmista: Iratus es, & misertus es nobis. immo quando exigente iustitia, numquam iratus aliquos punit, in puniendo tamen irascentis passionem non sentit, sicut dicitur in Sapientia: Tu dominator virtutis cum tranquillitate iudicas, & cum magna reuerentia disponis nos. Et in Psalmis: Mutabis eos & mutabuntur, tu autem idem ipse es, &c. Et in Numeris: Non est Deus quasi homo ut mentiatur, nec ut filius hominis ut mute-  
**Habac. 3. a**  
**Psal. 59. a**  
**Sap. 12. c**  
**Pf. 101. d**  
**Num. 23. c**  
**Mala. 3. b**  
**Iac. 1. c**  
**Eccli. 6. b**

tur. Et Malachias: Ego sum Deus & non mutor. Et Iacobus: Apud quem non est transmutatio, &c. Permanens itaque veritas in Christo, fixa, bonitas, sicut est permanens fixio vel stabilitas in firmamento. Vnde dicitur in Ecclesiastico: Amicus si permanerit fixus, erit tibi coequalis, quia permanet in die necessitatis.

Item nono ratione immensæ magnitudinis, & incomprehensibilis dimensionis. Nam sicut cæli altitudo vel latitudo super verticem cæli graditur, &c. Et in Esdra: Excelsum est cælum, &c. Et Iob: Excelsior cælo est: & quid facies? Et Psalmista: Super cælos est gloria eius. Firmamentum quidem quandoque cum terra videtur coniungi, ut patet in nostro horizonte, siue in termino nostri visus, & tamen quantum distat a nostro capite, tantum vel plus distat ab horizonte. Sic Christus in terra visus, cum hominibus conuersatus, in nullo differre ab alijs mortalibus est putatus. Vnde dixerunt: Vnde huic sapientia? nonne hic est filius Ioseph & Mariæ? &c. Falsa tamen fuit eorum opinio, sicut falsa est oculi visio, ubi putat adæquari terræ superficiem firmamento. Vnde Isaias: Sicut exaltatur cæli a terra, ita viæ meæ a vijs vestris, &c. Et Psalmista: Eleuata est magnificentia tua super cælos. Patet igitur ex prædictis, quod humanitas assumpta, prædictis rationibus cælum fuit, quod firmamentum est vocatum.

*Cæli natura & proprietates quomodo B. Virgini Mariæ conueniant. Cap. VII.*

**N**ec caret natura & proprietate cælesti Virgo beatissima, ad cuius vterum subintrandum per incarnationem Verbi, est diuinitas inclinata, quando secundum Psalmistam: Inclinauit cælos & descendit; ibi verbum Dei se inclinauit, & carne indutum ad nos venit, sicut ibi exponit Glossa. Cæli itaque puritatem in se habere debuit Maria, de cuius mundissimis particulis illa purissima caro verbi cælestis vniibilis est assumpta. Ecce cælum & cæli cælorum Deitatis magnitudinum ad plenum capere non possunt, sicut dicitur in tertio Regum. & ad comprehendendam magnificentiam gloriæ sanctitatis eius, virtutes cælestes non sufficiunt; & tamen Maria ipsum cum plenitudine Deitatis genuit, ad cuius susceptionem totus mundus non sufficit, nec sufficit, iuxta illud Sapientia: Tamquam momentum stateræ est ante te orbis terrarum, & tamquam gutta roris antelucani, &c. Et Isaias: Ecce omnes gentes quasi non sint, sic sunt coram te, &c. Patet igitur quod Maria Deum incomprehensibilem totum & plenum in se nullatenus suscepisset, nisi virtute & gratia, cæli magnitudinem transcendisset. Cælo igitur cælica Virgo comparatur, quia cælo nihil purius, nihil sublimius, nihil pulchrius, nihil vilius, nihil communius, nihil velocius, nihil perfectius, nihil durabilius inter cor-  
**Psal. 17. a**  
**3. Reg. 8. c**  
**Sap. 11. d**  
**Isa. 40. d**  
**S. Bon. Tom. 7. Pars iij.**

**A**pora visibilia inuenitur. Cælo igitur nihil est purius, & hoc propter naturæ suæ transparentiam & diaphaneitatem: & hoc gloriosissimæ Virgini cōuenit, propter omnimodam ipsius munditiam & castitatem. Nam per sanctificationis gratiam in vtero materno extitit ab omni originalis culpæ fœditate depurata, & ad susceptionem Verbi vitæ antequam nasceretur disposita & præordinata, iuxta illud Psalmi: Parata est sedes tua ex tunc &c. Nam quæ ab æterno præelecta est, & prædestinata in Dei scientia, ut ad tantam gloriam assumeretur, in materno vtero a spiritu sanctificante præuenta est & sanctificata, ut in tempore a Patre luminum præfixo, Mater Dei fieri mereretur, sicut dicit in Prouerbijs: Ab æterno ordinata sum & antequam terra fieret. Et in Ecclesiastico: Ab initio & ante sæcula creata sum, idest quodam priuilegiato modo creati præuifa, ut perficeret cælum, in quo Deus nouo modo resideret, sicut dicit Psalmista: Dominus in cælo parauit sedem suam. Et Isaias: Cælum mihi sedes est, &c. Hanc sedem sibi parauit omnium artifex, & sapietia Christus in virginali sanctificatione, ipsam sedem subintravit, & in ipsa quieuit in ipsius Virginis fecundatione. Vnde præfigurata est per Thronum Salomonis, quem fecit de ebo-  
**Psal. 92. a**  
**Prou. 8. c**  
**Eccli. 24. b**  
**Psal. 102. d**  
**Isa. 66. a**  
**3. Reg. 10. c**  
**Cant. 3. d**

**C**re grandem: & per sedile, vel ferculum, quod fecit sibi Salomon de lignis Libani, cuius ascensus fuit purpureus, & reclinatorium aureum, ut dicitur in Canticis. Hæc omnia de his sedibus dicta, puritati conueniunt virginali: quia pura fuit in vtero, purior in mundo, purissima hæc rutilat nunc in cælo. Prima refertur ad ortus ipsius sanctificationem, quantum ad fœditatis originalis ablationem. Secunda ad eius miraculosam fecundationem, quando non solum per Spiritum sanctum superuenientem pronitas fomitis est extincta, immo etiam omnis potestas peccandi ab ipsa est ablata, & in gratia est totaliter confirmata.

**D** Tertia refertur ad eius gloriosam in cælo collocationem, quâdo penitus ablata omni infirmitate corporali, in naturam cælestem per immortalitatis dotem est mutata. Prima itaque puritas, scilicet originalis, significatur in sede facta de lignis libani. Nam illa ligna sunt cedrina, quæ habent naturam & proprietatem imputribilitatis, & emittunt spiram fragrantiam & odoris. Et hoc conuenit eius mundissimis membris, per sanctificationis gratiam a motibus fomitis alienis, iuxta illud Ecclesiastici: Ego quasi libanus non incisus euaporaui, & sicut balsamus nō mixtus odor meus. Libanus fuit per innocentiam non incisus per peccandi impotentiam, & ideo euaporauit odorem balsamo impermixto suauiore. Nam tota massa in Adam corruptioni fomitis est admixta, & sic per consequens adulterata; licet Virginis corpusculum ab hac corruptela est per gratiam liberatum, & ideo effudit odorem suauissimum tamquam balsamum impermixtum, idest Filium, cuius odor est sicut odor agri pleni, cui benedixit Deus, ut dicitur in Genesi.

**E** Secunda puritas, scilicet virtualis, quam contraxit ex conceptione verbi, significatur in munditia Throni eburnei. Ebur enim candidissimum & solidissimum, nihil habens in se concuum vel porosum, designat munditiam Mariæ virgineam, per præsentiam ipsius cōcepti Verbi, in torius gratiæ plenitudine solidatam. Nam ipsa sola plena gratia inter mulieres fidei veritate, sicut beata dixit Elisabeth: Beata, quæ credidisti, quoniam perficientur in te, quæ dicta sunt tibi a Domino. Eius etiam affectus repletus est feruentissima charitate. Eburneum vero, idest virgineum corpus repletum est maiestate, & ideo significatur per solium in quo sedere vidit Dominum Isaias: Vidi, inquit, Dominum sedentem super solium excelsum & eleuatum, & plena erat domus a maiestate eius, &c. Excelsum siquidem fuit hoc solium, quia supra conditio-



ditionem naturæ corruptæ à fomite liberatum. Elevationem autem est dictum, quia supra hominem ne peccandi habeat potentiam, est per gratiæ beneficium confirmatum. Pura itaque fuit nascendo; purior Dei verbum concipiendo; purissima verò, omnes molestias corrupti corporis in sua assumptione finaliter euadendo: & ideo bene comparabilis est cælo ratione incorruptionis & omnimodæ puritatis.

Item sicut cælo inter corporalia quoad se nihil sublimius, quia nihil à centro terræ remotius, & hoc forsitan propter disparem circumferentiæ & centri qualitatem, nam centrum suo pondere petit imum, sphaeræ vero circumferentiæ sua leuitate tendit sursum usque ad summum; sic Virgo benedicta à mole fomitis, & amore carnis affectionis per gratiam absoluta, tota à mundano consortio differens & recedens, vita & moribus in cælestibus est locata, iuxta illud Ecclesiastici: Ego in altissimis habito, & quia in altissimis, & inauditis Dei consilijs semper mansit, & aliquid propter cælestia inter mundi prospera non curauit, ideo significatur in Genesi per scalam quam vidit Iacob, cuius cacumen tangebatur cælum, & Dominus innixus scalæ, &c. Scala cælica per quam patet ascensus ad æterna, est Maria, quæ à Iacob est visa in somnis: quia Mariæ præsentia præuisa est multipliciter à Prophetis. Lateralia huius scalæ sunt tribus duæ, scilicet sacerdotalis & regalis, ex quibus Maria contraxit originem secundum carnem. Gradus interescalares, sunt eius priuilegia & dignitates singulares: huius scalæ cacumen in Deo est, & ei coniungitur per cælestem conuersationem, sicut dicitur in Apocalypsi: Signum magnum apparuit in cælo, mulier amicta sole, &c. De ista inhærentia cum cælo dicit Bernardus: O Virgo virginum, virga sublimis, in quam sublime tuum sanctum verticem erigis, usque ad sedentem in Throno, usque ad Dominum maiestatis: nec id quidem mirum est, quia mitis in altum radices humilitatis. Per hanc scalam descendit Angelus magni consilij, ut nostram assumeret infirmitatem. unde Apostolus: Qui descendit, ipse est qui ascendit super omnes cælos, ut impleret omnia. Per hanc etiam scalam Angeli ascendant, scilicet qui angelicam vitam ducunt. Hieronymus: In carne studeamus per Mariam ascendere ad ipsum, qui per ipsam ad nos descendit: ut per eam ipsius inueniamus gratiam, qui per eam ad nostram deuenit miseriam. Per te habeamus ascensum ad filium: o benedicta inuentrix gratiæ, genitrix vitæ, mater salutis, ut per te nos suscipiat, qui per te datus est nobis. Patet itaque, quod Maria tamquam cælum, locum supremum sibi vendicat, & nos hereditatis cælestis amatores in cælestibus coadaptat, iuxta illud Ecclesiastici: In hereditate Domini morabor, &c.

Item cælo nihil est pulchrius, nihilque aspectui est iucundius, & hoc propter ordinatissimam contentorum ipsius varietatem. Nam sol & luna &c. sidera fixa vel non fixa, ornant mirabiliter firmamentum; sic illa gloriosa Virgo cælo simillima post suum Filium, qui est speciosus forma præ filiis hominum, immo præ multis millibus Angelorum, inter omnes creaturas est pulcherrima, & ad intuendum magis grata. Ideo dicit Ecclesiasticus: Altitudinis firmamenti pulchritudo eius, species cæli in visione gloriæ, &c. Stellarum gloriosa numerositas, virtutum & gratiarum singularium est diuersitas, quibus misericordie mater inestimabiliter decoratur. idem rursus: Vas castrorum in excelsis in firmamento cæli resplendens gloriosa. Ideo describitur in Apocalypsi, quod mulier illa cælestis fuit amicta sole, & corona duodecim stellarum in capite ipsius. Unde Angeli admirantes ipsius pulchritudinem, prout possunt, ipsius gloriam per similitudinem corporum cælestium expriment, & describunt in Canticis: Quæ est ista quæ progreditur sicut aurora consurgens, pulchra ut luna, electa ut

sol: &c. Sole enim nihil pulchrius est de die, luna nihil pulchrius de nocte, aurora nihil formosius in confinio vtriusque. Progressa est igitur ut aurora in nascendo; per mundum progressa est quasi luna in virtutibus concrescendo: egressa est de mundo, singularem gloriæ dignitatem quasi sol præ ceteris obtinendo. Aurora siquidem finis est noctis, & principium diei subsequens, & indicium solis iam in proximo orientis; sic Maria in suo ortu fuit quasi finis, & consummatio culpæ originalis, & euacuatio omnis tenebræ spiritualis. Fuit etiam lucis veræ præambulum indicium, & futuræ gratiæ in mundum præueniens argumentum: quia ortus Virginis aduentum annuntiavit in proximo Saluatoris. Unde dicitur in 2. Reg. Sicut lux auroræ oriente sole rutilat, & sicut herba germinat de terra, &c. & in Osea: Quasi diluculum præparatus est egressus eius, &c. Dicitur ergo Virgo esse quasi aurora consurgens, per gratiam ipsam sanctificantem à corruptione spiritualis & corporalis culpæ se erigens, quia non iacuit inclinata ex toto per culpam originalem, sicut iacent non renati; nec sedit partim erecta, partim prostrata habens pronitatem concupiscentiæ, sicut habent baptizati; sed dicitur consurgens, id est ex toto ad cælestia se erigens, & extendens, quia nullum in ipsa remansit inclinatum vel motium ad peccandum. Bernardus: Copiosissima sanctificationis gratia descendit in Mariam Dei matrem, quæ non solum sanctificauit eius ortum, sed à peccato eam custodiuit immu-nem iuxta illud Psalmi: Tu fabricatus es auroram, & solem. Unde sicut veniente aurora abundat ros, sic nascente Virgine, ros benedictionis & gratia incipit mundi superficiem infundere, & corda credentium adimplere, quod innuitur in libro Iudicij: Cōpresso vellere ros repleuit terram. Sicut manna iacuit quasi ros in circuitu castrorum, mane vel aurora consurgente, ut dicitur in Exodo: Ideo etiam Iacob surgente aurora, meruit accipere benedictionem, ut dicitur in Genesi. Et ideo qui benedictionibus gratiæ & gloriæ repleti desiderat, accedat ad auroram, requirat & Mariam. Unde dicit Iob: Præcepisti diluculo, & ostendisti auroræ locum suum. Pulchra vero fuit ut luna, quoad gratiam conceptionis, quia Luna Soli coniuncta radium solarem recipit, & accensa radiū receptum ad terram transfundit. Sic Maria paternum radium Dei Verbum caro factum in se concepit, & conceptum sine virginitatis detrimento peperit & transfudit, iuxta illud Ecclesiastici: A luna signum diei festi, &c. Pulcherrima autem ut Sol facta est, quoad gloriam suæ assumptionis, quando omnes creaturas in luminositate dignitatis, in fervore charitatis, in magnitudine potestatis transcendere meruit, sicut Sol cetera sidera præcellit: sicut dicitur in Ecclesiastico: Sicut Sol oriens in altissimis Dei, sic bonæ mulieris species in ornamentum domus. Sicut igitur pulchritudo firmamenti consistit in his, & alijs corporibus luminosis, sic pulchritudo Mariæ in prædictis operibus virtuosis.

Item cælo nihil vtilius, quia ex virtute & influenza cæli, mortua & inueterata reuiuiscunt & renascuntur, & quæ consumpta fuerant renouantur, nec potest aliquid viuere, ubi virtus desuper effluens non potest peruenire: & hoc Virgini gloriose cōgruit, a cuius virtute & gratia vita vniuscuiusque oritur, & procedit, iuxta illud Ecclesiastici: In me omnis gratia vitæ, & veritatis, in me omnis spes vitæ, & virtutis. Sicut ergo cælum suos emittit radios ad vegetationem, & sanctificationem inferiorum, sic Virgo cælestis radios misericordiæ transfundit ad viuificationem peccatorum, & ad conseruationem electorum. dicitur enim in Ecclesiastico: Sapientia inspirat vitam filiis suis. Et in Canticis: Emissiones tuæ paradisus malorum, &c. Sicut enim paradisus a se emittit flumina, & fontes continue emanantes, herbas, & arbores fructificantes,



- res, sic mater misericordiae a se emittit riuulos, & fontes gratiarum quibus corda arida infunduntur, & imbuuntur, & fructus virtutum quibus affectiones illorum qui esuriunt iustitiam, fructuosus operibus nutriuntur. Ideo signatur per paradisum voluptatis, quem plantauit Dominus a principio, in quo posuit hominem quem formauit. quia in beata Virgine est repositus in incarnatione ille caelestis homo, scilicet Christus, non ab homine, sed a solo Deo.
- Gen. 1. b** Vnde dicitur in Esther: Fecit Rex regum conuiuium in vestibulo horti, consiti ad modum densi nemoris. Hortus est Virginis uterus, in quo Rex regum nostrae mortalitatis vestibus est indutus. Vnde dicitur
- Eccl. 1. a** in Canticis: Hortus conclusus soror mea sponsa. Hic hortus ad modum densi nemoris est consitus, quia in ipsa omnium virtutum genera, sine mensura & numero sunt inserta. Hæ vero plantationes non terrenæ, sed caelestes & spirituales sunt insertiones.
- Deut. 33.** Vnde dicitur in Deuteronomio: De pomis cæli & rore, de pomis fructuum Solis & Lunæ erit benedictio tua. Et ideo qui aridos, vel etiam mortuos in peccatis se sentiunt, ad Mariam debent festinare, quia in ipsa velut in cælo, aut in Paradiso, omnia prædicta poterunt inuenire, iuxta illud Ecclesiastici: Adimplet quasi Euphrates sensum, & multiplicat quasi Iordanis in tempore messis.
- Eccl. 24. 0** Item cælo nihil est communius, & hoc est propter eius immensurabilem quantitatem; quia quantum de se est, omnibus se æqualiter commensurat, & luminis sui radios indefinenter omnibus administrat. Sic innata Virginis bonitas a nullo se subtrahit, sed omnibus se communicat & diffundit, nisi illi forsitan, qui volūtarie se ab ea illuminari negligit vel contemnit. Vnde dicitur in Iob: Super quem non fulget lumen illius, &c. Vnde & ipsa dicit in Ecclesiastico: Ego feci, ut oriretur in cælo lumen indeficiens, &c.
- Iob 25. a**  
**Eccl. 25. a**

*Finis Tertiae partis Opusculorum  
Sancti Bonauenturae.*





SERIES OPVSCVLORVM.  
QVAE HAC QVARTA PARTE  
CONTINENTVR.



EGENDA *sancti Francisci.*

*Expositio in regulam Fratrum Minorum.*

*Determinationes questionum circa eandem regulam.*

*Quare Fratres Minores predicent, & confessiones audiant.*

*Liber Apologeticus in eos, qui Ordini Fratrum Minorum aduersantur.*

*Contra calumniatorem Franciscanae regulae, siue de tribus questionibus.*

*De paupertate Christi contra Magistrum Guillelmum.*

• *Quod Christus & Apostoli nudis pedibus inceserint, siue de Sandalijs Apostolorum.*

*Apologia pauperum.*

*De non frequentandis questibus, cauendisque discursibus.*

*De reformandis Fratribus.*

*Biblia pauperum.*

• *Alphabetum spirituale Religiosorum.*

• *Collationum Monasticarum ad Fratres libellus.*

*Speculum disciplinae ad Nouitios.*

*De profectu Religiosorum.*

*De institutione Nouitiorum.*

*Regula Nouitiorum.*

*Remedium defectuum religiosi.*

*De perfectione vitae.*



# S. BONAVENTURAE

## EX ORDINE MINORVM

S. R. E. EP. CARDINALIS ALBANENSIS  
EXIMII ECCLESIAE DOCTORIS

### Opusculorum

### QUARTA PARS.

*Opusculum, quod inscribitur,*

### LEGENDA S. FRANCISCI.

*Quarta hac pars Opusculorum S. Bonaventurae complectitur ea, quae ad religiosos precipue ad Fratres Ordinis Minorum spectant. ideoque ea primam opuscula apponuntur, quaedam Auctor ad instructionem fratrum sui Ordinis, & ad eorumdem defensionem composuit. In principio vero huius quartae partis non abs re visum est, collocare opusculum, quod Legenda S. Francisci inscribitur, ut auctor est Trithemius, in quo de vita S. Francisci per quindecim capita agitur; & postea de eiusdem Sancti miraculis, ut videre licet in Prologo ipsius S. Bonaventurae. Hoc autem Opusculum licet antea extra tomos Opusculorum vagaretur, nunc denuo huic editioni adiunctum est, quantum fieri potuit suo pristino mitori restitutum ope antiqui exemplaris. M. S. ex bibliotheca Illustrissimi & Reuerendissimi D. Cardinalis Sernani ex ordine Minorum; cui S. Bonaventurae operum edendorum a Sixto Quinta Pontifice Maximo cura commissa est; quique pro emittendis virorum illustrium sui ordinis libris auctis, & illustratis, nec labori nec impensis paruit.*

### PROLOGVS.



**A**PPARUIT gratia Dei Salvatoris nostri diebus istis nouissimis in seruo suo Francisco omnibus vere humilibus, & sanctae paupertatis amicis, qui superaffluentem in eo Dei misericordiam venerantes, ipsius eruditur exemplo, impietatem & secularia desideria funditus abnegare, Christo conformiter viuere, & ad beatam spem desiderio indefesso sitire. In ipsum namque ut vere pauperculum & contritum, tanta Deus excelsus benignitatis condescensione respexit, quod non solum de mundialis conuersationis puluere suscitauit egenum; verum etiam Euangelicae perfectionis professorem, ducem, atque praekonem effectum, in lucem dedit credentium: ut testimonium perhibendo de lumine, viam lucis & pacis ad corda fidelium Domino prepararet. Hic etenim quasi stella matutina in medio nebulae, claris vitae micans & doctrinae fulgoribus, sedentes in tenebris & umbra mortis irradiatione praefulgida direxit in lucem, & tamquam arcus refulgens inter nebulas gloriae signum in se Dominici foderis representans, pacem & salutem euangelizauit hominibus, existens & ipse Angelus verae pacis: secundum imitatoriam quoque similitudinem praecursoris destinatus a Deo, ut viam parans in deserto altissimae paupertatis tam exemplo quam verbo poenitentiam praedicaret: primum supernae gratiae praeventus donis, dehinc virtutis inuictae adauctus meritis, prophetali quoque repletus spiritu, necnon & angelico deputatus officio, incendioque seraphico totus ignitus, & ut vir hierarchicus curru igneo sursum vectus, sicut ex ipsius vitae decursu luculenter apparet, rationabiliter comprobatur venisse in spiritu & virtute Eliae. Ideoque altius amici spongi Apostoli & Euangelistae Ioannis va-

ticinatione veridica sub similitudine Angeli ascendētis ab ortu solis signumq. Dei viui habentis astruitur non immerito designatus. Sub apertione namque sexti sigilli, Vidi, ait Ioannes in Apocalypsi, alterum Angelum ascendentem ab ortu solis habentem signum Dei viui. Hunc Dei nuntium amabilem Christo, imitabilem nobis, & admirabilem mundo, seruum Dei fuisse Franciscum, indubitabili fide colligimus: si culmen in eo eximiae sanctitatis aduertimus, quam inter homines viuens imitator fuit puritatis angelicae, quae & positus est perfectis Christi sectatoribus in exemplum. Ad quod quidem fideliter sentiendum, & pie, non solum inducit officium, quod habuit, vocandi ad fletum & planctum, caluicium, & cingulum sacci, signandi, thau super frontes virorum gementium & dolentiū signo poenitentialis crucis & habitus cruci conformis: verum etiam irrefragabili veritatis testificatione confirmat signaculum similitudinis Dei viuētis, Christi videlicet crucifixi; quod in corpore ipsius fuit impressum, non per naturae virtutem vel ingenium artis, sed potius per admirandam potentiam Spiritus Dei viui. Ad huius tam venerabilis viri vitam omni imitatione dignissimam describendam indignum, & insufficientem me sentiens, id nullatenus attentassem; nisi me fratrum feruens incitasset affectus, generalis quoque Capituli concursus induxisset instantia, & ea, quam ad sanctum patrem habere teneor, deuotio compulset; utpote, qui per ipsius inuocationem, & merita in puerili aetate, sicut recenti memoria teneo, a mortis faucibus erutus, si praconia laudis eius tacuero, timeo sceleris argui, ut ingratus. Et haec penes me causa praecipua hunc assumendi laborem, ut ego qui vitam corporis & animae a Deo mihi conseruatam recognosco per ipsum, & virtutem eius in me ipso expertus agnouit illius virtutes, actus, & verba quasi fragmenta quaedam partium neglecta,

*Apoc. 7. 4*

*Ioan. 1. 4*

glecta, partimq. dispersa, quamquam plane non possem, vicumque colligerem: ne morientibus ijs, qui cum famulo Dei conuixerant, deperirent. Ut igitur vitæ ipsius veritas ad posteros transmittenda certius mihi constaret, & clarius, adiens locum originis, conuersionis, & transitus viri sancti cum familiaribus eius adhuc superuiuentibus, collationem de his habui diligentem, & maxime cum quibusdam, qui sanctitatis eius, & consilij fuerunt & sectatores præcipui: quibus propter agnitam veritatem probatamq. virtutem fides est indubitabilis adhibenda. In descriptione autem eorum, quæ per seruum suum Deus dignanter effecit, curiosum styli ornatum negligendum esse putavi, cum legentis deuotio plus simplici sermone, quam phalerato proficiat. Nec semper historiam secundum ordinem temporis texui propter confusionem vitandam; sed potius ordinem seruare studui magis aptæ iuncturæ, secundum quod eodem peracta tempore diuersis materijs vel diuersis parata temporibus eidem materiæ congruere videbantur. Initium autem vitæ ipsius, progressus & consummatio quindecim distincta capitulis describuntur inferius annotatis.

Agitur enim primo de conuersione ipsius in habitu sæculari.

Secundo de perfecta conuersione eius ad Deum, & de reparatione trium ecclesiarum.

Tertio de institutione religionis & approbatione regulæ.

Quarto de profectu ordinis sub manu ipsius, & confirmatione regulæ prius approbatæ.

Quinto de austeritate vitæ, & quomodo creaturæ præbebant ei solatium.

Sexto de humilitate & obedientia, & de cõdescensionibus diuinis sibi factis ad nutum.

Septimo de amore paupertatis & mira suppletionem defectuum.

Octauo de pietatis affectu, & quomodo ratione carentia affici videbantur ad ipsum.

Nono de seruiore charitatis & desiderio martyrij.

Decimo de studio & virtute orationis.

Vndecimo de intelligẽtia Scripturarum & spiritu prophetiæ.

Duodecimo de efficacia prædicandi & gratia sanitarum.

Tertiodecimo de stigmatibus sacris.

Quartodecimo de patientia ipsius & transitu mortis.

Quintodecimo de canonizatione & translatione ipsius.

Postremo de miraculis post transitum eius felicem ostensis aliqua subnectuntur.

#### *De conuersatione eius in habitu sæculari. Cap. I.*



**V**ixit in Ciuitate Assisij Franciscus nomine, cuius memoria in benedictione est pro eo quod Deus ipsum in benedictionibus dulcedinis benigne præueniens, & de præsentis vitæ periculis clementer eripuit, & cælestis gratiæ donis affluenter impleuit. Etenim cum inter vanos fuerit hominum filios iuuenili ætate nutritus in vanis, & post aliqualem litterarum notitiam lucratiuis mercationum deputatus negotijs; superno tamen sibi assistente præsidio, nec inter lasciuos iuuenes, quamuis effusus ad gaudia, post carnis petulantiam abiit; nec inter cupidos mercatores, quamquam intentus ad lucrum, sperauit in pecunia & thesauris. Inerat namque iuuenis Francisci præcordijs diuinitus indita, quædam ad pauperes miseratio liberalis: quæ secum ab infantia crescens tanta cor ipsius benignitate repleuerat, ut iam Euangelij non surdus auditor, omni pro-

A poneret se petenti tribuere, maxime si diuinum afflagaret amorem. Cum autem semel negotiationis intentus tumultibus, pauperem quendam pro amore Dei petentem eleemosynam præter morem solitum vacuum tepulisset; statim ad cor reuersus cucurrit post ipsum, & eleemosyna illi clementer impensa, promisit Domino Deo, quod numquam ex tunc, dū adesset possibilitas, petentibus pro amore Domini se negaret: quod vsque ad mortem indefessa pietate obseruans, copiosa in Deum dilectionis & gratiæ incrementa promeruit. Aiebat enim post, cum iam perfecte Christum induerat, quod etiam existens in habitu

B sæculari vocem diuini expressiuam amoris audire vix vquam sine cordis immutatione valebat. Porro mansuetudinis lenitas cum elegantia morum, patientia & tractabilitas supra humanum modum, munificentia largitas vltra suppetentiæ facultatum, quibus bonæ indolis adolescens certis florere conspiciebatur indicijs, quædam videbantur esse præludia, quod copiosior super eum foret in posterum diuinæ benedictionis abundantia diffundenda. Quidam sane vir de Assisio valde simplex, ut creditur eruditus a Deo, cum aliquando per ciuitatem eunti obuiaret Franciscus deponebat pallium, sternebat ipsius

C pedibus vestimentum, asserens omni fore Franciscum reuerentia dignum; utpote qui esset in proximo magna facturus, & ob hoc ab vniuersitate fidelium magnifice honorandus. Ignorabat autem adhuc Franciscus circa se consilium Dei, pro eo quod tam iussione patris ad exteriora distractus, quam corruptione naturalis originis ad inferiora depressus, nondum didicerat contemplari cælestia, nec assueuerat degustare diuina. Et quia spiritali auditui dat intellectum inflicta vexatio, facta est super eum manus Domini, & immutatio dexteræ excelsi, diutinis læguoribus ipsius corpus affligens; ut coaptaret animam ad sancti

D Spiritus vnctionem. Cumque resumptis corporeis viribus, sibi vestimenta decentia more solito præparasset; obuium habuit militem quendam generosum quidem, sed pauperem, & male vestitum, cuius pauperiem pio miseratus affectu illum protinus se exuto vestiuit: ut simul in vno geminū implearet pietatis officium, quo & nobilis militis verecundiam tegeret, & pauperis hominis penuriam releuaret. Nocte vero sequenti cum se sopori dedisset palatium speciosum & magnū cum militaribus armis crucis Christi signaculo insignitū clementia sibi diuina monstrauit, ut misericordiam pro summi regis amore, pauperi exhibitam militi, præstenderet incomparabili compensandam esse mercede. Vnde & cum quæreret cuius essent illa omnia; sua fore militumq. suorum, superna fuit assertionis responsum. Euigilans itaque mane cum nondum haberet exercitatum animum ad diuina perscrutanda mysteria, nesciretq. per visibilibus species transire ad contuendam inuisibilibus veritatem, magnæ fore prosperitatis indicium existimabat insolitam visionem. Disposuit itaque diuinæ adhuc dispositionis ignarus in Apuliam ad quendam liberalem comitem se cõferre in ipsius sperans obsequio decus adipisci militiæ, ut ostensa sibi visio prætendebat. Cumq. paulopost iter aggressus iuisset vsque ad proximam ciuitatem, audiuit in nocte Dominum familiari sibi allocutione dicentem: Franciscus quis potest melius facere tibi, Dominus, aut seruus, diues aut pauper? cui cum Franciscus respondisset, quod tam Dominus quā diues facere melius potest, intulit statim: Cur ergo relinquis pro seruo Dominum, & pro paupere homine diuitem Deum? Et Franciscus: Quid me vis Domine facere? Et Dominus ad eum: Reuertere in terram tuam: quia visio quam vidisti spiritualement præfiguratur effectum, non humana sed diuina in te dispositione complendum. Mane itaque facto cum festinatione reuertitur versus Assisium securus & gaudens: & iam exemplar obedientiæ factus, expectabat Domini voluntatem. Ex tunc

runc a publicæ negotiationis tumultu se subtrahens, supernam deuote precabatur clementiam, vt quid sibi foret agendum ostendere dignaretur. Cum autem ex frequenti orationis vsu flamma desiderij cælestis in eo vehementer succresceret, & iam pro amore supernæ patriæ terrena omnia despiceret, quasi nihil; thesaurum sentiebat se reperisse absconditum: ac velut prudens negotiator margaritam inuentam, exco- gitabat venditis omnibus comparare. Ad huc tamen qualiter id ageret, ignorabat: nisi quia ipse suggeratur spiritui, quod spiritualis mercatio a mundi contemptu sumat initium, Christi- milita sit à sui ipsius victoria inchoanda. Quadam itaque die dum equitaret per planitiem, quæ subiacet ciuitati Assisij, leprosum quemdam habuit obuium, cuius inopi- natus occursum ei non paruum incussit horrorem. Re- currens autem ad perfectionis mente iam conceptæ propositum, & recolens quod seipsum oporteret primum deuincere, si vellet effici Christi miles, ad deosculandum eum equo lapsus accurrit. Cui cum manum quasi aliquid accepturus leprosus protende- ret; pecuniam cum osculo reportauit. Statim autem equum ascendens & se circumquaque conuertens, cum campus pateret vndique liber, leprosum illum minime vidit. Admiratione itaque repletus & gau- dio, laudes cœpit Domino decantare deuote, pro- ponens ex hoc semper ad maiora conscendere. So- litaria proinde loca quærebat amica mœroribus: in quibus dum gemitibus inenarrabilibus incessanter intenderet; post longam precum instantiam a Domi- no meruit exaudiri. Dum enim vna dierum sic se- questratus oraret, & præ nimietate feruoris totus es- set absorptus in Deum; apparuit ei Christus lesus ve- luti cruci confixus. Ad cuius conspectum liquefacta est anima eius, & memoria passionis Christi visceri- bus cordis ipsius adeo impressa medullitus, vt ab illa hora, cum Christi crucifixio veniret in mentem, vix posset a lacrymis & gemitibus exterius continere: si- cut ipse postmodum familiariter retulit, cum appropinquaret ad finem. Intellexit per hoc nempe vir Dei illud Euangelicum sibi dici: Si vis venire post me, abnega te ipsum & tolle crucem tuam & sequere me. Induit ex tunc spiritum paupertatis, humilitatis sensum, & affectum intimæ pietatis. Nam cum prius leproforum non solum consortium verum etiam lon- ginquum contuitum vehementer horreret; iam pro- pter Christum crucifixum, qui iuxta verbum prophe- ticum contemptibilis, vt leprosus apparuit; vt semet- ipsum plenum contemneret, humilitatis & humani- tatis obsequia leprosis benefica pietate præstabat. Visitabat enim frequenter domos ipsorum, liberali- ter eis elemosynas erogabat, & cum multo compas- sionis affectu, manus eorum osculabatur & ora. Pau- peribus etiam mendicantibus non solum sua, verum etiam seipsum cupiebat impendere, aliquando vesti- menta exuens, aliquando diffuens, aliquando scin- dens ad largiendum eis, cum præ manibus alia non haberet. Sacerdotibus etiam pauperibus reuerenter subueniebat & pie, præcipue in ornamentis altaris: quo & cultus diuini particeps fieret, & cultorū inopiæ supplementa præberet. Cum autem religiosa de- uotione tunc temporis limina visiteret Apostoli Petri, conspecta multitudine pauperum ante fores ec- clesiæ partim pietatis ductus dulcedine, partim pau- pertatis allectus amore, vni ex eis magis egenti pro- prias largitus est vestes, & semicinclijs contactus il- lius, diem illum in medio pauperum cum insolita- spiritus iucunditate transegit, vt & secularem gloriā sperneret, & ad perfectionem Euāgelicam gradatim conscendendo perueniret. Mortificationi carnis in- uigilabat attentius, vt Christi crucem quam interius ferebat in corde, exterius etiam circumferret in cor- pore. Agebat autem hæc omnia vir Dei Franciscus nondum habitu vel conuictu sequestratus a mundo.

A De perfecta conuersione eius ad Deum, & de repara- tione trium ecclesiarum. Cap. II.

Q Voniā autem seruus Altissimi doctorem non habebat aliquem in huiusmodi, nisi Christum; addidit adhuc ipsius clementia eum in gratiæ visitare dulcedine. Dum enim die quadam egressus ad me- ditandum in agro deambulare iuxta ecclesiam sancti Damiani, qui minabatur præ nimia vetustate ruinā, & in eam instigante se Spiritu causa orationis intras- set, prostratus ante imaginem Crucifixi nō modica fuit in orando spiritus consolatione repletus. Cum- que lacrymosis oculis intenderet in Dominicam cru- cem, vocem de ipsa cruce dilapsam ad eum corporeis audiuit auribus, ter dicentem: Franciscus vade & re- para domum meam, quæ, vt cernis, tota destruitur. Tremefactus Franciscus, cum esset in ecclesia solus, stupet ad tam mirandæ vocis auditum, cordeq. percipiens diuini virtute eloquij mentis alienatur exces- su. In se tandem reuersus ad obediendum se parat; & totum se recolligit ad perficiendum mandatum de- materiali ecclesia reparanda: licet principalior inten- tio verbi ad eam ferretur, quam Christus suo sangui- ne acquisiuit: sicut eum Spiritus sanctus edocuit, & ipse postmodum fratribus reuelauit. Surrexit pro- inde signo crucis se muniens, & assumptis pannis ven- alibus ad ciuitatem, quæ Fulgineum dicitur, festi- nus accessit: ibiq. venditis quæ portauerat, equum, cui tunc infederat, felix mercator assumpto pretio dereliquit. Rediensq. Assisium, ecclesiam, de cuius reparatione mandatum acceperat, reuerenter intra- uit: & inuento illic sacerdote pauperculo, ei reueren- tiam decentē exhibuit, & ad reparationem ecclesiæ & pauperum vsum pecuniam obtulit: & vt secum se mo- rari pateretur ad tēpus humiliter requisit. Acquie- uit sacerdos de mora ipsius; sed timore parentum pecuniam recusauit. Quam verus pecuniarum contem- ptor in quamdam fenestram proijciens, abiectam ve- lut puluerem vilipendit. Moram autem faciente ser- uo Dei cum sacerdote prædicto, cum hoc intellexit pater ipsius, perturbatus animo cucurrit ad locum. At ipse quia nouus Christi erat athleta, cum audiret persequentium minas & eorum præsentire aduen- tum, dare locum iræ volens, in quadam occulta fo- uea se abscondit: in qua diebus aliquibus latitando rogabat Dominum incessanter lacrymarum imbre perfusus, vt liberaret de manibus persequentium ani- mam suam, & pia quæ inspirauerat vota benigno fa- uore compleret. Igitur excessiua quadam completus lætitia cœpit de pusillanimitatis ignauia semetipsum arguere: relictaq. fouea & abiecto pauore versus ciuitatem Assisij iter aggressus est. Quem cum ciues cernerent facie squalidum & mente mutatum, ac per hoc alienatum putarent a sensu, luto platearum & la- pidibus impetebant, & tamquam insano & dementi clamoris vocibus insultabant. Famulus autē Domini nulla fractus aut mutatus iniuria, vt surdus in om- nibus pertransibat. Cumq. clamorem huiusmodi pater audisset, statim accurrens non ad liberandum eum, sed potius ad perdendum omni miseratione subtracta pertractum domi, primo verbis deinde ver- beribus & vinculis angit. Ipse autē ad exequendum Domino quod cœperat promptior ex hoc & validior reddebatur; recolens illud Euangelij verbū, Beati qui persecutionem patiuntur propter iustitiam, quoniam ipso- rum est regnum cælorum. Post modicum vero tempus patre a patria discedente mater eius factum mariti non approbans, & inflexibile filij constantia emolliri posse non sperans, a vinculis absolutum ab- ire permisit. At ipse gratias omnipotenti Deo refe-rens; ad locum in quo prius fuerat est reuersus. Re- diens autem pater & cum non inneniens domi; con- uictis illatis vxori fremens cucurrit ad locum, vt si eū reuocare non posset, saltem de prouincia effugaret.

Franciscus

Mat. 16. d

Isa. 53. b

Mat. 5. a



Franciscus vero confortatus a Deo obuium vltro se A  
obtulit patri furenti, libera voce clamans, se pro ni-  
hilo ducere vincula, & verbera eius, insuper & con-  
testans, se pro Christi nomine gaudenter mala om-  
nia subiturum. Ardens itaque pater, quod eum re-  
nuocare non posset, ad extorquendam pecuniam se con-  
uertit: qua tandem inuenta in fenestrula quadam,  
aliquantulum ipsius mitigatus est furor, auaritiæ siti  
vicumque per haustrum pecuniæ temperata. Tenta-  
bat deinde pater carnis, filium gratiæ, pecunia iam  
nudatum ducere corâ Episcopo ciuitatis, vt in ipsius  
manibus, facultatibus renuntiaret paternis, & omnia  
redderet, quæ habebat. Ad quod faciendū se prom-  
ptū exhibuit verus paupertatis amator: perueniensq.  
coram Episcopo, nec moras patitur, nec contatur de  
aliquo, nec verba expectat, nec facit; sed cōtinuo de-  
positis omnibus vestimentis restituit ea patri. Inuētus  
est autem tunc vir Dei cilicium habere ad carnē sub  
vestibus delicatis. Insuper ex admirando feruore,  
spiritu ebrui, reiectis etiam femoralibus, totus co-  
ram omnibus denudatur, dicens ad Patrem: Vsq̃  
nunc vocauit te Patrem in terris; amodo autem secu-  
re dicere possum: Pater noster, qui es in cælis, apud  
quem omnem thesaurum reposui, & omnem spei fi-  
duciam collocaui. Hoc cernens Episcopus, & admi-  
rans tam excedentem in viro Dei feruorem protinus  
exurrexit, & inter brachia sua illum cum fletu recol-  
ligens, vt erat vir pius & bonus, pallio quo erat ami-  
ctus operuit, præcipiens suis, vt aliquid sibi darent ad  
membra corporis contegenda; oblati sunt autem ei  
mantellus pauper & vilis cuiusdam agricolæ seruien-  
tis Episcopi. Quem ipse grater suscipiens, cum ca-  
mento, quod sibi occurrit ad modum crucis manu  
propria consignauit; operimentum formans ex eo  
crucifixi hominis & pauperis seminudi. Sic igitur  
seruus Regis altissimi nudus relictus est, vt nudum  
sequeretur crucifixum Dominum, quem amabat: sic  
vique cruce munitus, vt animam suam ligno salutis  
committeret per quod de mundi naufragio saluus  
exiret. Solutus exinde mundi contemptor a vinculis  
mundanarum cupidinum, ciuitate relictâ, securus &  
liber secretum solitudinis petijt, vt solus & silens su-  
perne audiret allocutionis arcanum. Dumq. per sil-  
uam quamdam iter faciens, laudes Domino lingua  
Francorum vir Dei Franciscus decantaret cum iubi-  
lo, latrones super eum ex abditiis irruerunt. Quibus  
ferali animo quis esset interrogantibus vir Dei con-  
fidentia plenus prophetica voce respondit: Præco-  
sum magni Regis. At illi percutientes eum in defos-  
sum locum plenum niuib. proiecerunt, dicentes:  
lace rustice præco Dei. Ipse vero recedentibus illis  
exiliuit de fouea, magnoq. exhilaratus gaudio, altiori  
cepit voce per nemora laudes Creatori omnium per-  
sonare. Et veniens ad quoddam vicinum cœnobium  
elemosynam petijt, vt mendicus: & recepit vt in-  
cognitus & despectus. Inde vero progrediens deue-  
nit Eugubium, vbi a quodam amico pristino agnitus  
& susceptus, paupere tunica, vt Christi pauperculus  
est contextus. Exinde totius humilitatis amator se  
transstulit ad leprosos, eratq. cum eis diligentissime  
seruiens omnibus propter Deum. Lauabat ipsorum  
pedes, ligabat vlcera, educebat plagarum putredinē,  
& saniem abstergebat, osculabatur etiam ex miran-  
da deuotione vlcerosas plagas ipsorum euangelicus  
medicus mox futurus. Propter quod tantâ est a Do-  
mino consecutus virtutem, vt in spiritualibus & cor-  
poralibus morbis mirabiliter expurgâdis mirabilem  
efficaciam obtineret. Referam vnum de multis quod  
accidit viri Dei fama postmodum latius clarescente.  
Cum enim cuiusdam de comitatu Spoletano, os pa-  
riter & maxillam morbus quidam horribilis depa-  
scendo corroderet; nec subueniri posset eidem ali-  
quo medicinæ remedio: contigit vt propter sancto-  
rum exposcenda merita, Apostolorum visitatis li-

minibus de peregrinatione rediens, seruo Dei occur-  
reret: cumq. præ deuotione vellet ipsius osculari ve-  
stigia, vir humilis hoc non ferens, osculari volenti pe-  
des osculum oris dedit. Dum autem leprosum ser-  
uus Franciscus mirabili pietate illam plagam horri-  
bilem ore sacro contingeret, omni fugato morbo, su-  
bito æger ille sanitatem recuperauit opratam. Nescio  
quod horum magis sit merito admirandum, an hu-  
militatis profunditas in osculo tam benigno, an vir-  
tutis præclaritas in miraculo tam stupendo. Funda-  
tus iam in Christi humilitate Franciscus ad memo-  
riam reducit obedientiam sibi e cruce iniunctam de  
sancti Damiani ecclesia reparanda, & tamquam ve-  
rus obediens Assisium redijt, vt saltem mendicando  
voci diuinæ pareret. Depositaq. omni verecundia  
propter amorē pauperis Crucifixi, mendicabat apud  
eos, inter quos abundare solebat, debile corpus attri-  
tum ieiunijs, oneribus lapidum supponendo. Prædi-  
cta igitur ecclesia iuuante se Domino & deuotione  
ciuium assistente resecta; ne post laborem corpus tor-  
peret ignauia, transstulit se ad reparandam ecclesiam  
quandam beati Petri longius a ciuitate distantem ob  
deuotionem specialem, quam ad Apostolorum Prin-  
cipem sinceræ fidei puritate gerebat. Hac tandem  
ecclesia consummata peruenit ad locū, qui Portiun-  
cula dicitur: in quo ecclesia Beatissimæ Virginis ge-  
nitricis Dei antiquitus fabricata extiterat; sed deser-  
ta, tunc a nemine curabatur. Quam cum vir Dei sic  
derelictam conspiceret ob deuotionem feruentem,  
quam habebat ad Dominam mundi, cœpit illic assi-  
due pro ipsius reparatione morari. Sentiens autem  
iuxta nomen ipsius ecclesiæ, quo ab antiquo Sancta  
Maria de Angelis vocabatur, Angelicarum ibi visita-  
tionum frequentiam, pedem fixit ibidem propter re-  
uerentiam Angelorum, amoremq. præcipuum Ma-  
tris Christi. Hunc locum vir sanctus amauit præ ce-  
teris mundi locis, hic etenim humiliter cœpit, hic  
virtuose profecit, hic feliciter consummauit, hunc in  
morte fratribus tamquam Virgini charissimum com-  
mendauit. De hoc frater quidam Deo deuotus ante  
conuersionem suam visionem viderat relatione con-  
dignam. Innumeros cernebat homines cæcitate per-  
cussos, facie in cælum directâ, & genibus flexis, in hu-  
ius ecclesiæ stare circuitu; qui omnes protensis ma-  
nibus in altum, lacrymabiliter clamabant ad Deum,  
misericordiam postulantes & lumen. Et ecce ingens  
de cælo splendor aduenit se per omnes diffundens,  
qui lumen vnicuique tribuit & salutem desideratam  
concessit. Hic est locus, in quo fratrum minorum or-  
do a sancto Francisco per diuinæ reuelationis instin-  
ctum inchoatus est. Diuinæ namque prouidentie nu-  
tu, qua Christi seruus dirigebatur in omnibus, tres  
materiales erexit ecclesias antequâ ordinem inchoâs  
Euangelium prædicaret, vt non solum a sensibilibus  
ad intelligibilia, a minoribus ad maiora ordinato  
progressu conscenderet: verumetiam vt quid esset  
facturus in posterum sensibili foris opere mystetia-  
liter præsignaret. Nam instar reparatæ triplicis fa-  
bricæ ipsius sancti viri ducatu, secundum datam ab  
eo formam, regulam, & doctrinam, Christi triformi-  
ter renouanda erat Ecclesia, trinaq. triumphatu-  
ra militia saluandorum, sicut & nunc cernimus esse  
completum.

*De institutione Religionis, & approbatione  
regule. Cap. 111.*

I N ecclesia igitur Virginis Matris Dei moram fa-  
ciente seruo ipsius Francisco, & apud eā, quæ con-  
cepit Verbum plenum gratiæ & veritatis continuis  
insistente gemitibus, vt fieri dignaretur aduocata ip-  
sius, meritis matris misericordiæ concepit ac peperit  
spiritum Euangelicæ veritatis. Dum enim die quodâ  
Missam de Apostolis deuotus audiret, perlectum est  
Euange-

Euangelium illud, in quo Christus discipulis ad prædicandum mittendis formam tribuit Euangelicam in viuendo, ne videlicet possideant aurum vel argentum, nec in zonis pecunia, nec peram in via, nec duas tunicas habeant, nec calceamenta deferant neque virgam. Quod audiens & intelligens ac memoriæ commendans Apostolicæ paupertatis amicus indicibili mox perfusus lætitiâ: Hoc est, inquit, quod cupio, hoc quod totis præcordijs concupisco. Soluit proinde calceamenta de pedibus, deponit baculum, peram reiecit, & pecuniam execratur, vnaque contentus tunica, reiecta corrigia pro cingulo funem sumit: omnem sollicitudinem cordis apponens qualiter audita perficiat, & Apostolicæ rectitudinis regulæ per omnia se coaptet. Cæpit ex hoc vir Dei diuino instinctu Euangelicæ perfectionis æmulator existere, & ad pœnitentiâ ceteros inuitare. Erant autem ipsius eloquia non inania nec risu digna, sed virtute Spiritus sancti plena erant, medullas cordis penetrantia, vt in vehementem stuporem audientes conuerterent. In omni prædicatione sua pacem annuncians, dicendo, Dominus det vobis pacem; populû in sermonis exordio salutabat. Hanc quippe salutationem Domino reuelante didicerat, sicut ipse postmodum testatur. Vnde factum est, vt iuxta sermonem propheticum, & ipse prophetarum spiritu afflatus annuntiaret pacem, prædicaret salutem, ac salutaribus monitis fœderaret plurimos veræ paci, qui discordes a Christo prius existerant a salute longinqui. Innotescente itaque apud multos viri Dei tam doctrinæ simplicis veritate, quàm vitæ; cœperunt ipsius exemplo viri quidam ad pœnitentiâ animari, & eidem reiectis omnibus habitu, vitæque coniungi, quorum primus extitit vir venerabilis Bernardus, qui vocationis diuinæ particeps factus, patris beati primogenitus esse promeruit, tam prioritate temporis, quàm priuilegio sanctitatis. Hic enim serui Christi sanctitate comperta, ipsius exemplo disponens perfecte contemnere mundum, ab eodem, qualiter id perficeret, consilium requisit. Quo audito Dei famulus pro primæ proles conceptu sancti Spiritus cōsolatione repletus: a Deo est, inquit, hoc consilium requirendum. Intrauerunt proinde ecclesiam sancti Nicolai mane iam facta, & oratione præmissa cultor Trinitatis Francisci, ter Euangeliorum librum aperuit, trino exposcēs a Deo testimonio sanctum Bernardi propositum confirmari. In prima libri apertione illud occurrit: Si vis perfectus esse, vade, & vende omnia, quæ habes, & da pauperibus. In secunda, Nihil tuleritis in viâ. In tertia vero, Qui vult venire post me, abneget semetipsum, & tollat crucem suam, & sequatur me. Hæc est, ait vir sanctus, vita & regula nostra, omniumque nostræ voluerint societati coniungi. Vade igitur, si vis perfectus esse, & perfice, quæ audisti. Non multo post vocatis eodem spiritu quinque viris filiorum Francisci senarius numerus cōpletus est: inter quos tertium sortitus est locum sanctus pater Agidius, vir utique Deo plenus, & celebri memoria dignus, hic etenim postmodum virtutum sublimium exercitatione præclarus sicut famulus Domini de ipso prædixit quamquam esset idiota & simplex ad excelsæ contemplationis sublimatus est verticem. Nam per multa curricula temporum sursum actionibus incessanter intentus adeo crebris in Deum rapiebatur excessibus, quemadmodum & ego ipse oculata fide cōspexi; vt magis censeretur inter homines vitam Angelicam agere, quàm humanam. Illo quoque tempore cuidam sacerdoti ciuitatis Assisij nomine Siluestro honestæ conuersationis viro, quædam a Domino fuit ostensa visio non tacenda. Cum enim modum & viam Francisci, fratrumque suorum humano spiritu abhorreret, ne periclitaretur pro temeritate iudicii, respectu fuit supernæ gratiæ visitatus. Videbat namque in somnis totam Assisij ciuitatem a dracone magno

A circumdari, præ cuius magnitudine nimia tota regio videbatur exterminio subiaceret. Contuebatur post hæc cruentam quandam auream ex ore procedentem Francisci, cuius summitas cælos tangebatur, cuiusque brachia protensa in latum vsque ad mundi fines videbatur extendi. Ad cuius etiam aspectum præfulgidum draco ille teter & horridus penitus fugabatur. Hoc dum sibi tertio monstraretur, diuinum existimans esse oraculum, viro Dei & fratribus suis per ordinem enarrauit. ac non multo post tempore mundum relinquens vestigijs Christi sic perfecte adhæsit, quod vita ipsius in ordine authenticam reddit eam, quam in sæculo habuerat visionem. Ex huius visionis auditu vir Dei non in gloria est elatus humana, sed bonitatem Dei in suis beneficijs recognoscens, fortius animatus est ad hostis antiqui fugandam versutiam & crucis Christi gloriam prædicandam. Quadam autem die dum in quodam solitario loco annos suos in amaritudine recogitans deploraret, sancti Spiritus in eum superueniente lætitiâ certificatus est de remissione plenaria omnium delictorum. Raptus deinde supra se ac in quoddam mirandam lumen totus absorptus, dilatato mētis sinu, quæ circa se & filios suos futura erant, luculenter aspexit. Post hoc reuersus ad fratres: Confortamini, ait, charissimi, & gaudere in Domino, nec quia pauci estis efficiamini tristes, neque vos terreat mea vel vestra simplicitas: quoniam sicut mihi a Domino in veritate ostensum est, in magnam multitudinem faciet nos Deus crescere, suæque benedictionis gratia multipliciter dilabitur.

Eodem quoque tempore quodam alio bono viro religionem intrante, ad septenarium numerum viri Dei soboles benedicta peruenit. Tunc prius pater omnes ad se filios conuocauit & plura eis de regno Dei, de contemptu mundi, de abnegatione propriæ voluntatis, corporisque castigatione pronuntians, propositum suum de mittendo illos in quattuor partes orbis aperuit. Iam enim sterilis & paupercola simplicitas sancti patris pepererat septem filios, & desiderabat vniuersitatem fidelium ad pœnitentiæ lamenta vocatam, Christo Domino parturire. Ite, inquit dulcis pater ad filios, annuntiantes hominibus pacem, prædicate pœnitentiâ in remissionem peccatorum. Estote in tribulationibus patientes, in orationibus vigiles, in laboribus strenui, in sermonibus modesti, in moribus graues, & in beneficijs grati: quia pro his omnibus regnum vobis præparatur æternum. At illi coram seruo Dei humiliter se prosternentes in terrâ, cum gaudio spiritus suscipiebant obedientiæ sanctæ mandatum. Ipse vero dicebat unicuique sigillatim: Iacta cogitatum tuum in Domino, & ipse te enutriet. Hoc verbum dicere solitus erat quotienscumque fratrem aliquem ad obedientiam dirigebat. Tunc & ipse sciens se datum alijs in exemplum, vt prius faceret quam doceret, cum vno sociorum versus vnâ orbis partem perrexit, reliquis sex ad modum crucis, tribus alijs mûdi partibus deputatis. Modico autem elapso post tēpore, benignus pater charæ proles exoprans præsentiam, cum in vnum eos per se conuocare non posset; per eum orabat hoc fieri, qui dispersiones cōgregat Israelis. Sicque factum est, vt absque humana vocatione, omnes ex insperato post modicum temporis iuxta eius desiderium diuina operante clementia non sine ipsorum admiratione pariter conuenerent. Illis quoque diebus quattuor sibi adhærentibus viris honestis, ad duodenarium numerum excreuerunt.

Cernens autem famulus Christi, paulatim accrescere numerum fratrum, scripsit sibi & fratribus suis simplicibus verbis formulâ vitæ, in qua sancti Euangelij obseruantia pro fundamento indissolubili collocata, pauca quædam alia inseruit, quæ ad vniformem viuendi modum necessaria videbatur. Desiderans autem per summum Pontificem approbari, quæ scrip-

Mat. 19. c

Luc. 9. a

Mat. 16. d

Psal. 54. d

scripserat, disposuit cum illo simplicium cœtu Apostolicæ sedis adire præsentiam, de sola confusus directione diuina. Cuius desiderium Deus ex alto respiciens, sociorum animos simplicitatis suæ consideratione perterritos ostensa viro Dei visione huiusmodi confortauit. Videbatur siquidem ei, quod per quandam viam incederet, iuxta quam stabat arbor celsitudinis magnæ. Ad quam cum appropinquasset, & sub ea stans ipsius altitudinem miraretur, subito tantum diuina virtute leuabatur in altum, vt cacumen contingeret arboris eiusq. summa facillime curuaret ad ima. Huius visionis præfagium vir Deo plenus intelligens referri ad condescensionem Apostolicæ dignitatis, exhilaratus est spiritu, fratribusq. suis in Domino confortatis iter cum eis aggressus est. Cum autem ad Romanam curiam peruenisset, & adduceretur ante conspectum Summi Pontificis, essetq. Christi Vicarius in palatio Lateranensi, in loco, qui dicitur Speculum, deambulans, altis occupatus meditationibus, Christi famulum tamquam ignotum repulit indignanter. Quo humiliter, foras egresso, sequenti nocte huiusmodi reuelatio facta est a Deo ipsi Summo Pontifici. Videbat namque inter pedes suos palmam paulatim succrescere, & in arborem pulcherrimam eleuari. Et eo mirante, quid hæc visio vellet ostendere, diuina lux impressit menti ipsius Christi Vicarij, quod hæc palma illum pauperem, quem in præcedenti die repulerat, designabat. Et mane sequenti mādauit per suos famulos per urbem dictum pauperem queri. Quem inuentum iuxta Lateranum in hospitali sancti Antonij, ante conspectum suum celeriter iussit adduci. Cumq. introductus esset ante conspectum Summi Pontificis, exposuit suum propositum, petens humiliter & instanter supradictam sibi viuendi regulam approbari. Videns autem Christi Vicarius dominus Innocentius tertius, vir utique sapientia clarus admirandam in viro Dei simplicis animi puritatem, propositi constantiam, ignitumq. voluntatis sanctæ feruorem, Christi pauperem mentis amore complectens inclinatus est animo, vt piū supplicanti præberet assensum. Distulit tamen perficere quod Christi postulabat pauperculus, pro eo quod aliquibus de Cardinalibus nouum aliquid & supra vires humanas arduum videretur. Aderat autem inter Cardinales, vir venerandus dominus Ioannes de sancto Paulo Episcopus Sabinensis, omnis sanctitatis amator, & adiutor pauperū Christi. Qui diuino Spiritu inflammatus Summo Pontifici dixit, & fratribus suis: Si petitionem pauperis huius, tamquam nimis arduam, nouamq. refellimus, cum petat confirmari sibi formam Euangelicæ vitæ, cauendum est nobis ne in Christi Euangelium offendamus. Nam si quis intra Euangelicæ perfectionis obseruantiam, & votum ipsius dicat contineri aliquid nouum aut irrationabile, vel impossibile ad obseruandum, contra Christū Euangelij auctorem blasphemare conuincitur. Quibus propositis, successor Apostoli Petri conuersus ad pauperem Christi, dixit: Ora fili ad Christum, vt suā nobis per te voluntatem ostendat; qua certius cognita tuis pijs desiderijs, securius annuamus. Omnipotentis autem Dei famulus, totū se conferens ad orandum precibus deuotis obtinuit, & quod exterius ipse proferret, & quod interius Papa sentiret. Nam cum parabolam de diuite Rege cum muliere formosa & paupere contrahente gratanter, & de prole suscepta præferente generantis Regis imaginem, ac per hoc educanda de mensa ipsius sicut a Deo acceperat, retulisset; ex illius interpretatione subiunxit: Non est formidandum, quod fame pereant æterni Regis filij & heredes: qui ad imaginem Regis Christi per Spiritus sancti virtutem de paupere matre nati: & ipsi per spiritum paupertatis sunt in religione pauperculi generandi. Si enim Rex cælorum imitatoribus suis regnum promittit æternum, quanto magis illa sub-

ministrabit, quæ communiter largitur bonis & malis? Hanc ergo parabolā & intellectum ipsius Christi Vicarius cum diligenter audisset, miratus est valde, & indubitanter Christum locutum in homine recognouit. Sed & visionem, quam tunc temporis cælo perceperat, in hoc viro fore complendam, Spiritu diuino suggerente firmavit. Videbat namque in formis, vt retulit, Lateranensem Basilicam fore proximam iam ruinæ, quam quidam homo pauperculus modicus & despectus proprio dorso summisso ne caderet sustentabat. Vere, inquit, hic est ille, qui opere & doctrina, Christi sustentabit Ecclesiam. Inde præcipua deuotione repletus petitioni eius se per omnia inclinavit, ac Christi famulum speciali semper amore dilexit. Proinde postulata concessit, & adhuc concedere plura promisit. Approbavit regulam, dedit de pœnitentia prædicanda mandatum, & laicis fratribus omnibus, qui seruū Dei fuerant comitati fecit coronas paruulas fieri, vt verbum Dei libere prædicarent.

*De profectu ordinis sub manu ipsius, & confirmatione regula prius approbata. Cap. 1111.*

Retus exinde Franciscus superna gratia & auctoritate Papali cum fiducia multa versūs vallē Spoletanam iter arripuit, vt Euangelium Christi faceret & doceret. Dum autem in via conferret cum socijs qualiter regulam, quam susceperant sincere seruaret, qualiter in omni sanctitate & iustitia coram Deo incederent, qualiter in seipsis proficerent, & essent alijs in exemplum diutius collatione protracta, hora pertransijt. Et cum iam lassati essent ex diuturnitate laboris esurientes in quodam loco solitudinis substituerunt. Sane cum omnis via deesset, qua possent sibi de victu necessario providere; statim affuit prouidentia Dei. Nam subito apparuit homo afferens panem in manu, quem pauperculus Christi dedit: subitoq. disparuit, incognitus vnde venerit, aut quo iret. Cognoscētes autem per hoc pauperes fratres supernum sibi in comitatu viri Dei adesse præsidium magis dono liberalitatis diuinæ, quàm cibo carnis propriæ sunt refecti: insuper diuina consolatione repleti, statuerunt firmiter & irreuocabiliter confirmauerunt, nullius inedia aut tribulationis impulsu a sanctæ paupertatis resilire promisso. Exinde in vallem Spoletanam cum sancto proposito redeuntēs tractare cœperunt, vtrum inter homines conuersari deberent, an ad loca solitaria se conferre. Sed Christi seruus Franciscus non de sua vel suorum confidens industria per orationis instantiam diuinā super hoc voluntatis beneplacitum requisivit. Supernæ igitur reuelationis illustratus oraculo intellexit se ad hoc missum a Domino, vt Christo lucraretur animas, quas diabolus conabatur auferre. Ideoque magis omnibus, quàm sibi soli viuere prælegit: illius prouocatus exemplo qui vnus pro omnibus mori dignatus est. Recollegit itaque se vir Dei cum ceteris socijs in quodam tugurio derelicto iuxta ciuitatem Assisij, in quo secundum sanctæ paupertatis formam in labore multo & inopia victitabant: magis lacrymarum, quàm deliciarū panibus refici satagentes. Vacabant enim ibidem diuinis precibus incessanter mentaliter potius quàm vocaliter studio intendentes orationis deuotæ pro eo quod nondum Ecclesiasticos libros habebant, in quibus possent horas Canonicas decantare. Loco tamen illorum librum crucis Christi continuatīs aspectibus diebus ac noctibus reuoluebant; exemplo patris, & eloquio eruditi, qui iugiter faciebat eis de cruce Christi sermonem. Rogantibus autem fratribus, vt eos doceret orare, dixit: Cum orabitis, dicite: Pater noster, &, Adoramus te Christe ad omnes ecclesias tuas, quæ sunt in toto mundo, & benedicimus tibi, quia per crucem tuam sanctam redemisti mundum.

Docuit

*Matt. 6. b*

Docuit insuper eos Dominum laudare in omnibus, & ex omnibus creaturis honorare præcipua reuerentia sacerdotes, fidei quoque veritatem secundum quod sancta Romana tener & docet Ecclesia, & firmiter credere, & simpliciter confiteri. Seruabant illi Patris sancti documenta per omnia, & ad omnes ecclesias & cruces, quas e longinquo videre poterant iuxta datam sibi formam orantes, se humiliter prosternebant. Contrahentibus autem fratribus moram in loco præfato, vir sanctus die quadam sabbati ciuitatem Assisij intrauit prædicaturus mane diei Dominicæ, ut moris erat, in Ecclesia cathedrali. Cumq. in quodam tugurio sito in horto Canonicorum vir Deo deuotus in oratione Dei more solito pernoctaret, corporaliter absentatus a filiis, ecce fere media noctis hora quibusdam ex fratribus quiescentibus, quibusdam perseverantibus in orando; currus igneus mirandi splendoris per ostium domus intrans, huc atque illuc per domicilium tertio se conuertit: super quem globus lucidus residebat, qui Solis habens aspectum, noctem clarere fecit. Obstupefacti sunt vigilantes excitati simul & exterriti dormientes, & non minus senserunt cordis claritatem, quam corporis, dum ex virtute mirandi luminis alterius alteri conscientia nuda fuit. Intellexerunt namque cõcorditer omnes videntibus inuicem vniuersis in cordibus singulorum sanctum patrem absentem corpore, præsentem spiritu tali transfiguratum effigie supernis irradiatum fulgoribus, & ardoribus inflammatum supernali virtute in curru splendente simul & igneo sibi demonstrari a Domino, ut tamquam veri Israelitæ post illum incederent, qui virorum spiritualium, ut alter Helias factus fuerat a Deo currus & auriga. credendum sane quod ille horum simplicium aperuit oculos ad preces Francisci, ut viderent magnalia Dei, qui oculos quondam aperuerat pueri ad videndum motem plenum equorum & igneorum curruum in circuitu Helisei. Regressus autem vir sanctus ad fratres cœpit conscientiarum ipsorum secreta rimari, confortare ipsos de visione illa mirabili, & de profectu ordinis multa futura prædicere. Cumq. patefaceret plurima quæ sensum transcendebant humanum, vere cognouerunt fratres, super seruum suum Franciscum Spiritum Domini in tanta plenitudine quieuisse, quod post ipsius doctrinam & vitam erat eis proficisci tuissimum. Post hæc pusilli gregis pastor Franciscus ad sanctam Mariam de Portiuncula duodenarium illum fratrum numerum superna gratia præeunte deduxit, ut vbi meritis Matris Domini, minorum sumpserat ordo initium, ipsius illic susciperet auxilijs incrementum. Ibi quoque factus Euangelicus præco, ciuitates circuibat & castra, non in doctis humanæ sapientie verbis, sed in virtute spiritus annuntians regnum Dei. Videbatur intuentibus homo alterius sæculi, quippe qui mente ac facie in cælum semper intentus, omnes sursum trahere conaretur. Cœpit ex hoc Christi vinea germinare germen odoris Domini, & productis ex se floribus suauitatis, honoris, & honestatis vberes fructus afferre. Nam prædicationis ipsius feruore succensi quamplurimi viriusque sexus in coniugali pudicitia Domino famulantes, secundum formam a Dei viro acceptam, nouis se pœnitentiæ legibus vinciebant, quorum viuendi modum idem Christi famulus ordinem fratrum de pœnitentia nominari decreuit. Nimirum sicut in cælum tendentibus, pœnitentiæ viam omnibus constat esse communem, sic & hic status clericos & laicos, virgines & coniugatos in vitroque sexu admittens, quanti sit apud Deum meriti, ex pluribus per aliquos ipsorum patris miraculis innotescit. Conuertebantur etiam virgines ad perpetuum cœlibatum, inter quas virgo Deo charissima Clara ipsarum plantula prima tamquam flos vernas & candidus odorem dedit, & tamquam stella præfulgida radiavit. hæc nunc glorificata in cælis ab Eccl.

S. Bon. Tom. 7. Pars iij.

clesia digne veneratur in terris, quæ filia fuit in Christo sancti patris Francisci pauperuli, & mater pauperum dominarum. Multi etiam non solum deuotione compuncti, sed & perfectionis Christi desiderio inflammati, omni mundanorum vanitate cõtempta, Francisci vestigia sequebantur. qui quotidianis succrescentes profectibus vsque ad fines orbis terræ celeriter peruenerunt. Faciebat namque sancta paupertas quam solam deferebant pro sumptibus, ipsos ad omnem obedientiam promptos, robustos ad labores, & ad itinera expeditos. Et quia nihil terrenum habebant, nihil amabant, nihilq. timebant amittere, securi erant vbique, nullo pauore suspensi, nulla cura distracti, tamquam qui absque mentis turbatione vivebant, & sine sollicitudine diem crastinum & serotinum hospitium expectabant. Multa quidem eis in diuersis partibus orbis inferebantur conuitia tamquam personis despicabilibus & ignotis. verum amor Euangelij Christi adeo ipsos patientes effecerat, ut quærerent potius ibi esse vbi persecutionem paterentur in corpore, quam vbi cognita sanctitate ipsorum, mundano possent gloriari fauore. Ipsa quoque rerum penuria superabundans eis videbatur vbertas dum iuxta consilium sapientis pro magno ipsis minimum complacebat. Sane cum ad infidelium partes, aliqui ex fratribus peruenissent, contigit, ut quidam Saracenus pietate commotus pecuniam eis offerret pro necessario victu. Illis autem recusantibus accipere admiratus est homo cernens, quod inopes essent. Intellecto tandem quod pauperes effecti amore Dei, pecuniam possidere nolebant, tanta est eis affectione coniunctus, ut offerret se administrandum omnia necessaria, quamdiu facultatum sibi aliquid superesset. O inestimabilis pretiositas paupertatis, cuius miranda virtute mens feritatis barbaricæ in tantam miserationis est immutata dulcedinem! Horrendum est proinde ac nefarium scelus, ut hanc margaritam nobilem vir Christianus conculcet, quam tanta veneratione extulit Saracenus.

Eo tempore religiosus quidam de ordine Cruciferorum Moricus nomine in hospitali quodam prope Assisium languore tam graui, tamq. prolixo laboras, ut iam morti foret adiudicatus a medicis, viro Dei simplex factus per nuntium postulabat instanter, ut pro se ad Dominum intercedere dignaretur. Cui beatus pater benigne assentiens, oratione præmissa panis micæ accepit, & cum oleo accepto de lampade, quæ coram Virginis ardebat altari cõmiscens, quasi quoddam electuarium per manus fratrum infirmanti transmissit, dicens: Medicinam hanc fratri nostro deferre Morico, qua ipsum Christi virtus non solum plenam sanitati restituet: verumetiam robustum bellatorem effectum, aciei nostræ perseveranter adiunget. Statim autem ut antidotum illud sancti Spiritus adinventionem confectum æger homo gustauit, sanus exurgens tantum mentis & corporis a Deo vigorem obtinuit; ut paulo post viri sancti religionem ingressus, & vnica tantum operiretur tunicula, sub qua longo tempore loricam portabat ad carnem, & crudis dumtaxat cibarijs, herbis videlicet, leguminibus, fructibusq. contentus; per plura temporum lustra, nec panem gustaret, nec vinum; fortis tamen & incolumis perseverans. Crescentibus quoque virtutum meritis, in paruulis Christi odor opinionis bonæ circumquaque diffusus, ad præsentiam sancti patris videri plurimos e diuersis mundi partibus attrahebat. Inter quos quidam sæcularium cantionum curiosus inuenitor, qui ab Imperatore propter hoc fuerat coronatus, & exinde rex versuum dictus, virum Dei contemptorem mundalium adire proposuit. Cumq. apud castrum sancti Seuerini eum prædicantem reperisset in monasterio quodam, facta manu Domini super se, vidit eundem crucis Christi prædicatorem Franciscum duobus transuersis ensibus valde fulgentibus

C c

Exer. 9.6

tibus in modum crucis signatum: quorum vnus a capite ad pedes, alius a manu in manū per pectus transfuerſaliter tendebatur. Non nouerat facie ſeruum Chriſti, ſed tanto monſtratum miraculo mox agnouit. Subito ſtupefactus ad viſum, incipit meliora proponere. Tandemq. verborum ipſius compunctus virtute, tamquam ſi eſſet gladio ſpiritus ex eius ore procedente tranſixus, ſæcularibus pompis omnino contemptis, beato patri profeſſione cohæſit. Propter quod videns ipſum vir ſanctus ab inquietudine ſæculi ad Chriſti pacem perfecte conuerſum, fratrem Pacificum appellauit. Hic poſtmodum in omni ſanctitate proficiens, antequam fieret miniſter in Francia, ſiquidem primus ibidem miniſterij geſſit officiū, meruit iterato magnum Thau in fronte Franciſci videre, quod colorum varietate diſtinctum, faciem ipſius mirò venuſtabat ornatu. Hoc quippe ſignum vir ſanctus magno venerabatur affectu, frequenti commendabat eloquio, & in eis, quas dirigebat litterulis, manu propria ſubſcribebat, tamquam ſi omne ipſius ſtudiū foret ſignare Thau iuxta dictum propheticū ſuper frontes virorum gementium & dolentium, ad Chriſtum Ieſum veraciter conuerſorum. Proceſſu quoque temporis multiplicatis iam fratribus, cœpit eos paſtor ſollicitus in loco ſanctæ Mariæ de Portiūcula ad generale Capitulum conuocare, vt in funiculo diſtributionis diuinæ in terra paupertatis eorum vnicuique tribueret obedientiæ portionem. Vbi licet omnium neceſſariorum eſſet penuria, fratrumq. multitudo vltra quinque millia conueniret aliquando, diuina tamen opitulante clementia, & victus ſufficientia ſuberat: & ſalus comitabatur corporea & ſpiritalis iucunditas affluebat. Capitulis vero prouincialibus, quia corporalem præſentiam exhibere non poterat, per ſollicitam curam regiminis, inſtantiam precis, & efficaciam benediſtionis ſpiritu præſens erat; quamvis aliquando mira Dei faciente virtute viſibiliter appareret. Dum enim egregius prædicator, qui & nunc Chriſti præclarus conſeſſor Antonius de titulo crucis, Ieſus Nazarenus Rex Iudæorum, in Arelatēſi Capitulo fratribus prædicaret, quidam frater probatæ virtutis Monaldus nomine, ad oſtium Capituli diuina commonitione reſpiciens, vidit corporeis oculis beatum Franciſcum in aere ſubleuatum extenſis velut in cruce manibus, benedicentem fratres. Tanta vero & tam inſolita fratres omnes conſolatione ſpiritus repletos ſe fuiſſe ſenſerunt, vt de vera ſancti patris præſentia certum eis intra ſe ſpiritus teſtimonium perhiberet: licet poſtmodum id non ſolum per euidentia ſigna, verumetiam per eiſdem ſancti patris verba, exteriori fuerit atteſtatione comperit. Credendum ſane quod omnipotentis Dei virtus, quæ Ambroſium pium ſacrum antiſtitem tumulationi glorioſi conceſſit intereſſe Martini, vt pium Pontificem pio veneraretur officio, etiā ſeruum ſuum Franciſcum prædicationi præſentauit veracis ſui præconis Antonij, vt approbaret veritatis eloquia, præcipue crucis Chriſti, cuius erat baiulus & miniſter. Cum autem dilatato iam ordine, viuendi formam per dominum Innocētiū approbatam diſponeret per ſucceſſorem ipſius Honorium in perpetuum facere roborari, huiusmodi fuit a Deo reuelatione commonitus. Videbatur quidem ſibi de terra micæ panum ſubtiliſſimas collegiſſe, multisq. famelicis fratribus ipſum circumſtantibus debere tribuer. Cumq. micæ tam tenues diſtribuire formidaret, ne forte inter manus exciderent, vox ei deſuper ait: Franciſce vnam de micis omnibus hoſtiā facito, & manducare volentibus tribue. Quo id agēte, quicumque illud non deuote recipiebant, aut receptum contemnebant donum, mox lepra infecti, notabiles apparebant. Recitat mane vir ſanctus hæc omnia ſocijs, dolens ſe non percipere myſterium viſionis. Sequenti vero die cum vigil in oratione per-

A ſiſteret, huiusmodi vocem de celo delapſam audiſſi Franciſce micæ præteritæ noctis verba Euangelica ſunt, hoſtia regula, lepra iniquitas. Volens igitur confirmandam regulam ex verborum Euangelij aggregatione profuſius traditam ad compendioſiorem formam, iuxta quod dictabat viſio monſtrata redigere, in mōtem quemdam cum duobus ſocijs ſpiritu ſancto ducente, conſcendit, vbi pane tantum contentus & aqua, ieiunans, conſcribi eam fecit, ſecundū quod oranti ſibi diuinus ſpiritus ſuggererat. Quam cum de monte deſcendens, ſeruandam ſuo Vicario commiſſiſſet, & ille paucis elapſis diebus, aſſereret per incuriam perditam, iterato ſanctus vir ad locum ſolitudinis redijt, eamq. inſtar prioris, ac ſi ex ore Dei verba ſuſciperet, illico reparauit, & per ſupradictū dominum Papam Honorium octauo Pontificatus illius anno, ſicut optauerat, obtinuit confirmari. Ad cuius obſeruantiam fratres ſeruenter inducens, dicebat ſe nihil ibi poſuiſſe ſecundum induſtriam propriam, ſed omnia ſic ſcribi feciſſe, ſicut ſibi fuerant diuinitus reuelata. Quod vt certius conſtaret teſtimonio Dei, paucis admodum euolutis diebus, impreſſa ſunt ei ſtigmata Domini Ieſu digito Dei viui, tamquam bulla ſummi Pontificis Chriſti ad confirmationem omnimodam regulæ, & commendationem auctoris, ſicut poſt ſuarum enarrationem virtutum ſuo loco inferius deſcribetur.

*De aſſeritate vita, & quomodo creatura præbebant ei ſolatiū. Cap. V.*

Cum igitur cerneret vir Dei Franciſcus ſuo exemplo ad crucem Chriſti baiulandam ſeruenti ſpiritu plurimos animari, animabatur & ipſe tamquam bonus Dux exercitus Chriſti, ad palmam victoriæ per culmen inuictæ peruenire virtutis. Attendens enim illud Apoſtoli verbum: Qui autem ſunt Chriſti carneſcem ſuam crucifixæ cum vitijs & concupiſcentijs, vt crucis armaturam ſuo ſerret in corpore; tanta diſciplinæ rigiditate ſenſuales appetitus arcebat, vt vix neceſſaria ſumeret ſuſtentationi naturæ. Difficile namque fore dicebat neceſſitati corporis ſatisfacere, & pronitati ſenſuum non parere. Propter quod cocta cibaria ſanitatiſ tempore vix admittebat & raro, admiſſa vero aut conſciebat cinere, aut condimēti ſaporem admixtione aquæ vt plurimum reddebat inſipidum. De potu quid dicam, cum & de aqua frigida dum ſitis æſtuaret ardore, vix ad ſufficientiam biberet? Modos adinueniebat abſtinentiæ potioris, & quotidie exercitatione creſcebat, licetq. iam perfectionis culmen attingeret, tamquam incipiens ſemper aliquid innouabat, afflictionibus carnis puniendo libidinem. Egrediens tamen exterius propter verbum Euangelij, conformabat ſe ſuſcipientibus ipſum in qualitate ciborum; cum tamen ad interiora reſgreſſus diſtictè ſeruaret rigidam abſtinentiæ parcitatem. Sicq. ſeipſum aſterum ſibi, humanum proximo, ſubiectum Euangelio Chriſti per omnia reddens, non ſolum abſtinendo, verumetiam manducando præbebat ædificationis exemplum. Nuda humus vt frequentius lectus erat laſſato corpufculo, & ſæpius ſedens ligno vel lapide ad caput poſito, dormiebat, vnica paupere contextus tunicula, in nuditate Domino ſetuebat, & frigore. Interrogatus aliquando quomodo veſtitu tam tenui ſe poſſet ab hiemalis algoris aſperitate tueri, in ſpiritus ſeruore reſpondit: Si ſupernæ patriæ flamma per deſiderium contegeremur interius, frigus iſtud exterius facile portarēmur. Veſtis horrebat molliem, aſperitatem amabat, aſſerens propter hoc Ioannem Baptiſtam ore diuino fuiſſe laudatum. Si quando vero in data ſibi tunica lenitatem ſentiret, chordulis eam cōtexebat interius: quia non in caſulis pauperum, ſed in palatijs Principum iuxta veritatis verbum veſtimentorum dicebat requi-

Gal. 5. d

Mat. 11. 6



requirendam esse molliem. Experientia enim certa didicerat, dæmones asperitate terreri, delitiosis autem & mollibus ad tentandum fortius animari. Vnde cum nocte quadam propter infirmitatem capitis & oculorum, præter solitum morem cervical de pluma positum haberet ad caput; dæmon in illud ingressus, ipsum usque ad horam matutinalē inquietatum multimode a sanctæ orationis studio perturbavit, donec vocato socio puluinar cum dæmonio fecit extra cellulam longius exportari. Egressus autem cum puluinar frater de cella, membrorum omnium vires amisit, & usum; quousque ad vocem sancti patris hoc cognoscentis in spiritu vigor pristinus cordis & corporis sibi fuit plenarie restitutus. Rigidus in disciplina super custodiam suam stabat, curam permaximam gerens de vtriusque hominis puritate seruanda: quapropter circa conuersionis suæ primordia tempore hiemali in foueam plenam glacie seipsum plerumque mergebat, vt & domesticum sibi hostem perfecte subijceret, & candidum vestimentum pudoris a voluptatis incendio præseruaret. Tolerabilis viro spirituali fore incomparabiliter asserbat magnū sustinere frigus in carae, quā ardorem carnalis libidinis, vel modicum sentire in mente. Cum autem apud eremum de Sarrhiano nocte quadam orationi vacaret in cellula, vocauit eum hostis antiquus, tertio dicens: Franciscè, Franciscè, Franciscè: Cui cum quid quæreret, respondisset; fallaciter ille subiunxit: Nullus est in mundo peccator, cui, si conuersus fuerit, non indulgeat Deus. Sed quicumque semetipsum poenitentia dura negauerit, misericordiam non inueniet in æternum. Statim vir Dei per reuelationem cognouit hostis fallaciam, quomodo nixus fuerit eū ad tepida reuocare. Nam hoc sequens indicauit euentus. Continuo enim post hoc ad insufflationē illius, cuius alitus prunas ardere facit, grauis ipsum carnis tentatio apprehendit. Quam vt præsensit castitatis amator, deposita veste, corda cœpit se verberare fortissime, Eia inquit frater asine, sic te decet manere, sic subire flagellum. Tunica religioni deseruit, sanctitatis signaculum præfert, furari eam libidinoso nō licet, si quo vis pergere, perge. Insuper & mirando feruore spiritus animatus, aperta cella, foras exiuit in hortum, & in magnam demergens niuem corpusculum iam nudatum septem ex ea plenīs manibus cœpit compingere massas, quas sibi proponens, suo sic exteriori homini loquebatur: Ecce, inquit, hæc maior vxor tua est, quattuor istæ, duo filij, & duæ filiæ, reliquæ duæ seruus & ancilla, quos ad seruiendum habere oportet. Festina igitur omnes induere, quoniam frigore moriuntur. Si vero eorum multiplex sollicitudo molestat, vni Domino sollicitè serui. Illico tentator victus abscessit, & vir sanctus cum victoria in cellam redijt: quia dum bene pœnaliter alxit foris, ardorem interius sic extinxit libidinis, vt deinceps tale aliquid minime sentiret. Quidam autem frater, qui tunc orationi vacabat, hæc omnia luna clarius incedente prospexit. Comperto vir Dei quod hoc ille nocte vidisset, referens ei tentationis processum, præcepit vt quamdiu ipse viueret, nulli viuenti rem, quā viderat, propalaret. Non solum autem mortificari debere docebat vitia carnis, & eius incētiua frenari; verumetiam exteriores sensus, per quos mors intrat ad animam, summa vigilantia custodiri. Mulierum familiaritates, colloquia, & aspectus, quæ multis sunt occasio ruinæ, sollicitius euitari iubebat, asserens per huiusmodi debilem frangi, & fortem sæpe spiritum infirmari. Harum contagionem euadere conuersantem cum eis, nisi probatissimum virum tam facile dixit, quam iuxta Scripturam in igne ambulare, & non comburere plantas. Siquidem ipse adeo auerterat oculos suos, ne huiusmodi vanitatem viderent, quod sicut aliquando socio dixit, quasi nullam recognoscebat in facie. Non enim securum esse putabat, carum

S. Bon. Tom. 7. Pars iij.

A formarum introrsus haurire imagines, quæ possunt aut edomitæ carnis resuscitare igniculum, aut pudicæ mentis maculare nitorem. Asserbat etiam friuolum esse mulieris colloquium excepta sola confessione vel instructione breuissima, iuxta quod & saluti expedit, & congruit honestati. Quæ sunt, inquit, religioso cum muliere tractanda negotia, nisi cum sanctam poenitentiam vel melioris vitæ consilium religiosa petitione deposcit? Ex nimia securitate minus cauetur hostis, & diabolus, si de suo capillum potest habere in homine, cito excrefcere facit in trabem. Orium autem omnium malarum cogitationum sentinam docebat summopere fugiendum, exemplo demonstrans rebellem carnem & pigram disciplinis cōtinuis, & fructuosis laboribus esse domandam. Vnde corpus suum fratrem asinum appellabat, tamquam laboriosis supponendum oneribus, crebris cædendum flagellis, & vili pabulo sustentandum. Si quem vero cernebat otiosum & vagum aliorum velle manducare labores, fratrem muscam nominandum censebat: eo quod talis nihil boni faciens, sed benefacta inficiens, vilem & abominabile se omnibus reddat. Propter quod dixit aliquando: Volo fratres meos laborare & exercitari, ne otio dediti, per illicita corde aut lingua vagentur. Euangelicum siquidem volebat a fratribus obseruari silentium, vt videlicet ab omni otioso verbo omni tēpore abstinerent sollicitè tamquam reddituri in die iudicij de huiusmodi rationē. Sed & si quem inuenisset fratrem verbis assuetum, inanibus, acriter arguebat; taciturnitatē modestam, & puri cordis affirmans custodiam, & non modicam esse virtutem, pro eo quod mors & vita fore dicuntur in manibus linguæ, non tam ratione gustus, quā ratione loquelæ. Licet autem pro viribus ad vitam austeram fratres induceret, non tamen ei placebat distractionis seueritas, quæ pietatis non induit viscera, nec est discretionis sale condita. Cum enim quadam nocte vnus ex fratribus præ nimietate abstinentiæ admodum fame cruciatus, nullā posset habere quietem, intelligeretq. pius pastor ovi suæ imminere periculum, vocauit fratrem, apposuit panem, & vt ruborem illi tolleret, cœpit ipse prior comedere, eumq. ad manducandum dulciter inuitare. Deposuit frater verecundiam, sumpsit cibum, gausus quamplurimū, quod per circumspēctam condescensionem pastoris, & corporis euasisset dispendium, & non modicum accepisset ædificationis exemplum. Mane factō, fratribus conuocatis in vnum, vir Dei referens quod acciderat nocte, prouida commonitione subiunxit: Sit vobis fratres nō cibus, sed charitas in exemplum. Docuit insuper eos discretionem sequi, vt aurigam virtutum, non eam, quam caro suadet, sed quam edocuit Christus, cuius sacratissimam vitam expressum constat esse perfectionis exemplar. Et quoniam agnum sine macula crucifixum non est possibile homini carnis infirmitate circumdato sic perfecte sectari, quin aliquando aliquas contrahat sordes: ideo documento certo firmabat eos, qui perfectioni vitæ vigilanter intendunt quotidianis debere se lacrymarum emundare fluentis. Licet enim tam esset adeptus cordis & corporis puritatem mirabilem, non cessabat, tamen lacrymarum imbribus iugiter oculos expiare mentales, corporeorum luminum non ponderando iacturam. Cum enim ex continuo fletu infirmitatem oculorum incurrisset grauissimam, suadente sibi medico quod abstinere a lacrymis, si corporei visus cæcitatem vellet effugere, vir sanctus respondit: Non est frater medice ob amorem luminis quod habemus, commune cum muscis visitatio lucis æternæ repellenda vel modicum: quia non spiritus propter carnem, sed caro propter spiritum beneficium lucis accepit. Malebat siquidem corporalis visus lumen amittere, quā lacrymas, quibus oculus mundatur interior, vt Deum videre valeat repressa deuotione spiritus im-

Cc 2 pedire.

Matt. 12.4

Prov. 18. d

Job 41. b

Prov. 6. d

pedire. Cum autem semel daretur consilium a medicis, & instanter suaderetur a fratribus, ut pateretur sibi per remedium subueniri coctura, humiliter vir Dei assensit, quia salutiferum hoc simul & asperum esse cernebat. Vocatus itaque venit chirurgicus, instrumentum ferreum igni submittens ad faciendum cocturam. At Christi seruus corpus iam horrore coctum confortans sicut amicum, coepit ignem alloqui, dicens: Mi frater ignis præ ceteris rebus æmulandi decoris virtuosum, pulchrum, & vtilem te creauit altissimus. Esto mihi hac hora propitius, esto curialis. Precor magnum Dominum, qui te creauit, ut tu mihi calorem temperet, quo suauiter vrētem valeam sustinere. Oratione finita, contra igne candescens ferreum instrumentum signum crucis edidit: ac deinceps intrepidus persistebat. Profundatum est crepitans ferrum in tenera carne, & ab aure vsque ad supercilium coctura protracta. Quantum irrogauerit ignis ille dolorem, vir ipse sanctus expressit: Laudate, inquit ad fratres, altissimum: quia vere dico vobis, nec ignis ardorem sensi, nec carnis vllum dolorē. Et conuersus ad medicum: Si non est, inquit, caro bene decocta, imprime iterum. Expertus medicus in inualida carne virtutem spiritus tam potentem miratus est, & diuinum hoc miraculū extulit, dicens: Dico vobis fratres, vidi mirabilia hodie. Quia enim ad tantam deuenerat puritatem, ut caro spiritui, & spiritus Deo harmonia mirabili concordarent, diuina ordinatione fiebat, ut creatura Creatori suo deseruiens voluntati & imperio eius mirabiliter subiaceret. Alio enim tempore apud eremum sancti Urbani seruo Dei ægritudine grauissima laborante, cum ipse naturæ defectum sentiens, vini poculum postulasset, nihilq. de vino, quod sibi dari posset, responderetur adesse, iussit aquam afferri, & allatam signo crucis edito benedixit. Mox vinum efficitur optimū, quod fuerat aqua pura, & quod deserti loci paupertas non potuit, viri sancti puritas impetrauit. Ad cuius gustum tanta protinus facilitate conualuit, ut saporis nouitas, & inuolutio, sanitatis gustabile, ac gustantem supernaliter inuolantes perfectam in ipso expoliationem veteris hominis, & induitionem noui, duplici attestatione firmarent. Non solum creatura seruo Dei seruiebat ad nutum, sed & Creatoris ubique prouidentia condescendebat ad placitum. Cum enim tempore quodam ex multarum infirmitatum concursu aggrauato corpore ad iucunditatem spiritus excitandam alicuius audiēdi soni harmoniaci desiderium habuisset, nec id honestatis decētia per ministerium fieri pateretur humanum, affuit Angelorum obsequium ad viri sancti placitum adimplendum. Nocte etenim quadam vigilante ipso, & meditante de Domino, repente insonuit cithara quædam harmoniæ mirabilis, & suauissimæ melodix. Non videbatur aliquis, sed transitum & reditum citharædi ipsa hincinde auditus volubilitas innuebat. Spiritu in Deum directo, tanta fuit in illo dulcisono carmine suauitate perfruitus, ut aliud se putaret sæculum commutasse. Hoc & fratres sibi familiares nō latuit, qui per certa frequenter conspiciebant indicia, eum tam excessiuus & crebris consolationibus a Domino visitari, ut nec ipsas omnino occultare valeret. Alio quoque tempore viro Dei prædicationis causa inter Lombardiam, & Marchiam Teruisanam iter agente cum fratre socio iuxta Padum, tenebrosa noctis superuenit obscuritas. Cumq. via esset exposita periculis magnis, & multis propter tenebras, fluuium, & paludes, dixit socius ad virum sanctum: Ora pater, ut de instantibus periculis liberemur. Cui vir Dei cum fiducia multa respondit: Potens est Deus, si placet suæ dulcedini tenebrarum effugata caligine, beneficium nobis impendere lucis. Vix sermonem compleuerat, & ecce tanta lux illico coepit circa eos superna radiare virtute, ut nocte alijs existente obscura, ipsi

A luce clara viderent nō solum viam, verumetiam plurima circumquaque. Cuius lucis ducatu, corporaliter directi, & spiritualiter confortati, vsque ad locum hospitij per non modicum viæ spatium, cum diuinis hymnis & laudibus incolumes peruenerunt. Perpende quantæ fuerit vir iste munditiæ, quantæq. virtutis, ad cuius nutum suum ignis ardorem contemperat, aqua saporem commutat, Angelica præbet melodia solatium, & lux diuina ducatum, ut sic sanctificationis viri sancti sensibus, omnis probeatur mundi machina deferuire.

B *De humilitate & obedientia, & de condescensionibus diuinis sibi factis ad nutum.*  
Cap. V l.

Omnium virtutum custos & decor humilitas copiosa virum Dei vbertate repleuerat. In propria quidem reputatione nihil erat, nisi peccator, cū in veritate speculū esset, & splendor omnimodæ sanctitatis. Super hanc studuit edificare seipsum, ut sapiens architectus fundamentum præiaciens, quod a Christo didicerat. Dicebat propter hoc Filium Dei de altitudine sinus paterni ad nostra despicabilia descendisse, ut tam exemplo, quàm verbo Dominus & Magister humilitatem doceret. Propter quod studebat tãquam Christi discipulus in oculis suis, & aliorum vilescere a summo dictum esse Magistro commemorans. Quod altum est apud homines, abominatio est apud Deum. Sed & verbum hoc dicere solitus erat. Quantum homo est in oculis Dei, tantum est, & non plus. Stultum proinde iudicans mundanis extolli fauoribus, gaudebat de opprobrijs, & de laudibus tristabatur. Malebat quidem de se vituperium audire, quàm laudem, sciens quòd hoc ad emendandum induceret, illa impelleret ad cadendum. Et ideo sæpe cum populi merita in eo sanctitatis extollerent, præcipiebat alicui fratri, ut in contrariū verba ipsum vilificationis suis auribus inculcādo proferret. Cumq. frater ille licet inuitus eum rusticum, & mercenariū, & inuolentem diceret, exhilaratus tam mente, quam facie respondebat: Benedicat tibi Dominus, fili charissime, quia tu verissima loqueris, & talia filium Petri Bernardonis decet audire. Ut autem se ceteris despicabilem redderet, non parcebat rubori, quin in prædicatione coram omni populo proprios manifestares defectus. Accidit semel, ut infirmitate grauatus, rigorem abstinentiæ pro recuperanda sanitate modicum relaxaret. Viribus autem corporis vtrumque resumptis, verus sui contemptor, ad propriæ carnis animatus opprobrium: Non est, inquit conueniens, ut populus abstinentem me credat, & ego e contrario carnaliter reficiar in occulto. Surrexit propterea sanctæ humilitatis spiritu inflammatus, & in platea ciuitatis Assisij populo conuocato, solemniter cum fratribus multis, quos secum adduxerat, maiorem introiuit ecclesiam, funeq. ad collum ligato, nudum, cum femoralibus solis in oculis omnium se trahi præcepit vsque ad lapidem, in quo malefactores puniendi consueuerant collocari. Super quem concendēs, licet quartanarius esset, & debilis, acerbi frigoris tempore cum multo vigore animi prædicauit, audientibusq. cunctis asseruit se non tamquam spiritualem honorandum fore, quinimmo tamquam carnalem, & gluttonem ab omnibus cōtemnendum. Igitur qui conuenerant, tam ingenti viso spectaculo, admirati sunt, & quia ipsius austeritatem iam nouerant, deuotione compuncti, humilitatem huiusmodi magis admirabilem, quàm imitabilem proclamabant. Licet autem id magis videatur portētum fuisse instar prophetalis vaticinij, quàm exemplum, tamen veræ documentum extitit humilitatis perfectæ, quo Christi sectator instruitur transitorix laudis præconium debere contemnere, tumentis quoque iactantiæ comprimere

primere fastum & fraudulentæ simulationis mendacium confutare. Multa quidem in hunc modum sapius faciebat, ut exterius tamquam vas perditum fieret, & sanctificationis spiritum interius possideret. Studebat bona Domini sui arcano pectoris condere, nolens patere gloriæ quod posset occasio esse ruinæ. Nam sæpe cum beatificaretur a pluribus, verbum huiusmodi proferebat: Filios & filias adhuc habere possem, nolite laudare seculum. Nemo laudandus cuius incertus est exitus. Ista quidem laudantibus, ad se autem sic: Latroni si tanta contulisset altissimus gratior te foret Franciscus. Dicebat fratribus sæpe de omni eo, quod peccator potest, nemo sibi debet iniquo applausu blandiri: Peccator, ait, ieiunare potest, orare, plangere, carnemque propriam macerare; hoc solum non potest, Domino scilicet suo esse fidelis. In hoc itaque gloriam, si suam Domino gloriâ reddimus, si fideliter seruientes, ipsi quicquid donat ascribimus. Ut autem pluribus modis negotiator hic Evangelicus lucraretur, ac totum præsens tempus conflaret in meritum, non tam præesse voluit, quam subesse, nec tam præcipere, quam parere. Idcirco Generalis cedens officio, Guardianum petijt, cuius volûtati per omnia subiaceret. Tam enim vberem asserbat sanctæ obedientiæ fructum, ut eis, qui iugo ipsius colla summitterent, nil temporis sine lucro transiret: unde & fratri, cum quo erat solitus ire, semper obedientiam promittere consueuerat, & seruare. Dixit aliquando socijs: Inter alia, quæ dignanter pias mihi diuina concessit, hanc gratiam contulit, quod ita diligenter nouitio vnius horæ obedirem si mihi Guardianus daretur, sicut antiquissimo & discretissimo fratri. Subditus, inquit, prælatum suum non hominem considerare debet, sed illum, pro cuius est amore subiectus. Quanto enim contemptibilior præsidet, tanto magis humilitas obedientis placet. Cum vero vice quadâ quæreretur ab eo, quis esset verus obediens iudicandus, corporis mortui similitudinem pro exemplo proposuit: Tolle, inquit, corpus exanime, & ubi placuerit, pone. Videbis non repugnare motum, non murmurare situm, non reclamare dimissum. Quod si statuatur in cathedra, non alta, sed ima respiciet. Si collocetur in purpura, duplo pallefcet. Hic, ait, verus obediens est, qui cur moueatur, non diiudicat, ubi loquitur non curat, ut transmutetur non instat, euectus ad officium, solitam tenet humilitatem, plus honoratus, plus reputat se indignum. Dixit aliquando socio suo: Non mihi videor frater minor, nisi fuero in statu, quem tibi descripsero. Ecce Prælati existēs fratrum, vado ad Capitulum, prædico, & commoneo fratres, & in fine dicitur contra me: Non conuenis nobis, quia illitteratus es, elinguis, idiota, & simplex. Tandem eijsior cum opprobrio, vilipensus ab omnibus, dico tibi nisi eodem vultu, eadem mentis læritia, & eodem sanctitatis proposito hæc verba audiero, frater minor nequaquam sum. Et addebat: In prælatione casus, in laude præcipitium, in humilitate subditi animi lucrum est. Cur ergo periculis plus, quam lucris attendimus, cum acceperimus tempus ad lucrum? Hac igitur de causa humilitatis forma Franciscus fratres suos voluit vocari minores, & prælatos sui ordinis dici ministros, ut & verbis vteretur Evangelij, quod obseruare promiserat, & ex ipso nomine discerent discipuli eius, quod ad discendam humilitatem ad scholas humilis Christi venissent. Magister siquidem humilitatis Iesus Christus, ut informaret discipulos ad humilitatem perfectam, dixit: Quicumque voluerit inter vos maior fieri, sit vester minister: & quicumque voluerit inter vos primus esse, erit vester seruus. Cum autem requireret ab eo Dominus Ostiensis, ordinis Minorum Protector, & promotor præcipuus, qui postmodum iuxta quod idem vir sanctus prædixerat, ad summum Pontificatus sublimatus honorem, Gregorius nonus est dictus, vtrum

S. Bon. Tom. 7. Pars iij.

A sibi placeret quoddam fratres sui promouerentur ad Ecclesiasticas dignitates. Respondit: Domine, minores ideo vocati sunt fratres mei, ut maiores fieri non præsumant. Si vultis, ut faciant fructum in Ecclesia Dei, tenete illos, & conseruate in statu vocationis eorum, & ad prælationes Ecclesiasticas nullatenus ascendere permittatis. Et quoniam humilitatem tam in se, quam in subditis cunctis præferebat honoribus, amator humilium Deus, altioribus ipsum dignum iudicabat fastigijs, secundum quoddam vni fratri viro virtutis & deuotionis præcipuæ visio cælitus ostensa monstrauit. Cum enim esset in comitatu viri Dei, & vna cum ipso in quadam ecclesia deserta seruenti oraret affectu, in ecstasi factus, vidit inter multas in cælo sedes, vnâ præ ceteris digniorem pretiosis ornatam lapidibus, & omni gloria refulgentem. Miratus intra se præcellsi refulgentiam throni, anxia cœpit cogitatione perquirere, quis ad illum deberet assumi. Audiuit inter hæc vocem dicentem sibi: Sedes ista vnius de ruentibus fuit, & nunc humili seruatur Francisco. Reuersus demum frater ad se ab orationis excessu, virum beatum exterius prodeuntem, solito fuit more secutus. Cumque incedentes per viam de Deo inuicem loquerentur, frater ille visionis suæ non immemor, solerter ab eo quæsiuit, quid de seipso sentiret. Ad quem humiliter Christi seruus, Videor, ait, mihi maximus peccatorum. Cui cum frater diceret ex aduerso, quoddam hoc non posset sana conscientia dicere, nec sentire, subiunxit: Si quantumcumque scelertum hominem tanta fuisset Christus misericordia prosecutus, arbitror sane quoddam multo quam ego Deo gravior essem. Confirmatus fuit frater ex tam admirabilis humilitatis auditu de veritate visionis ostensa, Evangelio sacro testante cognoscens, quoddam excellentiam gloriæ, de qua superbus eijsitur, vere humilis exaltetur.

D Alio quoque tempore, cum in deserta quadâ oraret ecclesia in prouincia Massæ apud montem Casalem, intellexit per spiritum sacras ibidem remansisse reliquias. Quas cum longo iam tempore defraudatas honorificentia debita, non sine mæore conspiceret, præcepit fratribus, ut eas cum reuerentia deferrent ad locum. Sed cum poscente causa discessisset ab eis, mandati patris immemores, filij obedientiæ meritum neglexerunt. Die vero quadam cum sacra celebrare vellent mysteria, superiori altaris operimento summo ossa pulcherrima & redolentia nimis non sine admiratione reperiunt intuentes reliquias, quas non hominis manus, sed Dei virtus attulerat. Reuersus paulopost vir Deo deuotus diligenter cœpit exquirere, si quod de reliquijs madauerat, esset impletum. Verum neglectæ obedientiæ culpam fratres confitentes humiliter cum pœna veniam meruerunt. Et ait vir sanctus: Benedictus Dominus Deus meus, qui per seipsum impleuit, quod vos facere debuistis. Considera diligenter diuinæ providentiæ curam circa puluerem nostrum, & humilis Frâncisci excellentem in oculis Dei perpende virtutem. Nam cuius iussis non paruit homo, votis obediuit Deus.

F Quodam tempore deueniens Imolâ, ciuitatis Episcopum adiit, humiliterque poposcit, ut cum ipsius beneplacito posset populum ad prædicationem vocare. Cui Episcopus dure respondens, sufficit, inquit, frater, quoddam ego prædicem populo meo. Inclinauit caput verus humilis, & foras egressus, post modicam horam regreditur intro. A quo, cum Episcopus quasi turbatus requireret quid iterato petere veller, humiliter tam corde, quam voce respondit: Domine si pater filium vno repulerit ostio, alio sibi reintrandum est. Humilitate victus Episcopus, alacri vultu eum amplexus est, dicens: Tu & omnes fratres tui de cetero in Episcopatu meo generali mea licentia prædicetis: quia illud humilitas sancta promeruit. Contigit ipsum aliquando Aretium deuenire, cum tota ciuitas

Cc 3 intestino

Mar. 10. f.

intestino bello quassata propinquum sui minabatur excidium. Hospitatus vero in suburbio vidit supra ciuitatem exultantes dæmones, ac perturbatos ciues ad eandem mutuam succedentes. Vt autem seditio-  
sas illas effugaret aereas potestates, fratrem Siluestrū columbinæ simplicitatis virum, quasi præconem præ-  
misit, dicens: Vade ante portam ciuitatis, & ex parte Dei omnipotentis dæmonibus in virtute obedientiæ præcipe, vt exeant festinanter. Accelerat verus obe-  
diens patris iussa perficere, & præoccupans in laudi-  
bus faciem Domini, ante portam ciuitatis cœpit cla-  
mare valenter: Ex parte omnipotentis Dei, & iussu serui eius Francisci procul hinc discedite dæmones  
vniuersi. Redit ad pacem continuo ciuitas, & ciuili-  
tatis in se iura ciues omnes cum magna tranquillitate reformant. Expulsa quippe dæmonum furibunda  
superbia, quæ ciuitatem illam velut obsidione valla-  
uerat, superueniens sapientia pauperis, videlicet Fran-  
cisci humilitas, pacem reddidit, urbemq. saluauit. Humilis enim obedientiæ ardua promerente virtute  
super spiritus illos rebelles atque proteruos tam po-  
testatium fuerat assecutus imperium, vt & ipsorum feroces proteruias premeret, & importunas violētias  
propulsaret. Fugiant quidem superbi dæmones ex-  
cellas virtutes humilium, nisi cum interdum ad hu-  
militatis custodiam diuina eos clementia colaphizari  
permittit, sicut & Paulus Apostolus de seipso scribit,  
& Franciscus experimento probauit. Rogatus enim  
a domino Leone Cardinali sanctæ Crucis, vt secum  
aliquantum moraretur in vrbe, acquieuit humiliter  
ob ipsius reuerentiam & amorem. Prima igitur no-  
cte cum post orationem vellet quiescere, superuene-  
runt dæmones in Christi militem atrociter insurgen-  
tes: quem cum diu verberassent, ac dure, ad vltimū  
quasi seminecem reliquerunt. Discedentibus illis,  
socius vocatus aduenit, cui cum vir Dei rei narraffet  
euentum, subiungens, ait: Credo frater quod dæmo-  
nes, qui nihil possunt, nisi quantum prouidentia su-  
perna disponit, ideo in me nunc tam ferociter irru-  
runt, quia non bonam spem præfert mansio mea in  
curia magnatorum. Fratres mei, qui in locis pauper-  
culis commorantur, audientes me cum Cardinalibus  
esse, suspicabuntur forsitan implicari mūdānis, efferri  
honoribus, & delitijs abundare. Ideo melius iudico,  
eum, qui ponitur in exemplum fugere curias, & hu-  
militer inter humiles in locis conuersari humilibus,  
vt sustinentes penuriam, fortes efficiat similia susti-  
nendo. Veniunt ergo mane, & humili excusatione  
proposita, vale faciunt Cardinali. Abhorrebat nempe  
vir sanctus superbiam, omnium malorum origi-  
nem, & inobedientiam, ipsius pessimam prolem, sed  
non minus humilitatem pœnitentiæ acceptabat. Ac-  
cidit semel vt eidem præsentaretur quidam frater,  
qui contra legem obedientiæ aliquid fecerat, disci-  
plina iustitiæ corrigendus. Videns autem vir Dei fra-  
trem illum per signa euidentia veraciter esse cōpun-  
ctum, ad indulgendum ei amore fuit humilitatis in-  
ductus. Ne tamen facilitas veniæ incentiuum esset  
alijs delinquendi, iussit ablatum fratri caputium in  
medio flammarum projici: vt omnes aduerterent,  
quanta, qualiq. vindicta offensa sit inobedientiæ per-  
cellenda. Cumq. per moram caputium fuisset in me-  
dio ignis, præcepit ipsum flammis detrahi, reddiq.  
fratris humiliter pœnitenti. Mirabile dictū. Extra-  
hitur caputium de medio flammarum nullum ha-  
bens adustionis vestigium. Sicq. factum est, vt hoc  
vno Deus miraculo, & sancti viri virtutem, & hu-  
militatem pœnitentiæ commendaret. Digne itaq.  
sestāda est Francisci humilitas, quæ tam miram  
in terris etiam dignitatem obtinuit, vt Deum incli-  
naret ad votum, & hominis immutaret affectum, dæ-  
monum proteruitatem suo iussu propelleret, & flam-  
marum voracitatem solo nutu refrenaret. Re ve-  
ra hæc est, quæ possessores suos exaltans, dum om-

nibus reuerentiam exhibet ab omnibus promeretur honorem.

*De amore paupertatis, & mira suppletionem defectuum. Cap. VII.*

Inter cetera charismatum dona, quæ a largo datore Franciscus obtinuit, prærogatiua quadam speciali promeruit in diuitias simplicitatis ex crescere per altissimæ paupertatis amorem. Hanc Filio Dei vir sanctus familiarem attendens, & iam quasi toto orbe repulsam charitate sic studuit desponsare perpetua, quod non solum pro ea patrem, matremq. reliquit, verumetiam quæ habere potuit vniuersa dispersit. Nemo tam auri, quàm ipse cupidus paupertatis, nec thesauri custodiendi sollicitior vllus, quàm iste hu-  
ius Evangelicæ margaritæ. In hoc præcipue suus of-  
fendebatur aspectus, si quidquam videret in fratri-  
bus, quod paupertati non per omnia consonaret. Re-  
uera ipse a principio religionis vsque ad mortē tuni-  
ca, chordula & femoralibus diues, ijs contētus fuit. Christi Iesu paupertatem, & matris frequenter cum lacrymis reuocabat ad mentem: inde hanc virtutum asserens esse reginam, quia in Rege regum, & in regina Matre ipsius tam præstanter effulset. Nam & fratribus in conclaui quærentibus, quæ virtus magis amicum redderet Christo, quasi secretum sui cordis aperiens, respōdebat: Paupertatem noueritis fratres, specialem viam esse salutis tamquam humilitatis fo-  
mentum, profectionisq. radicem, cuius est fructus multiplex, sed occultus. Hæc enim est Evangelici agri thesaurus absconditus, pro quo emendo vendē-  
da sunt omnia, & quæ vendi non possunt illius com-  
paratione spernenda. Ad huius, inquit, culmen, qui cupit attingere, non solum mundanæ prudentiæ, ve-  
rumetiam litterarum peritiæ renūtiare quodammo-  
do debet: vt tali expropriatus possessione introeat in  
potentias Domini, & nudum se offerat brachijs Cru-  
cifixi. Nequaquam enim sæculo perfecte renuntiat, qui proprii sensus oculos intra cordis arcana referuat. Sæpe vero de paupertate sermonem faciens in-  
gerebat fratribus Evangelicum illud: Vulpes foueas  
habent, & volucres cæli nidos: Filius autem hominis  
nō habet vbi caput suum reclinet. Propter quod do-  
cebat fratres, vt pauperum more pauperulas casulas  
erigerent, quas non habitarent vt proprias, sed sicut peregrini & aduenæ alienas. Leges namque peregrinorum esse dicebat sub alieno colligi tecto, sitire ad patriā pacifice pertransire. Mandabat dirui aliquan-  
do domos erectas, aut fratres exinde amoueri, si ali-  
quid in eis perciperet, quod ratione appropriationis vel sumptuositatis contrarium esset Evangelicæ pau-  
pertati. Hanc sui dicebat ordinis fundamentum, cui substrato primarie, sic omnis structura religionis in-  
nuitur, vt ipsius firmitate firmetur, & euerfione fun-  
ditus euertatur. Docebat proinde, sicut reuelatione didicerat, sacre religionis ingressum ab illo fore in-  
choandum Evangelico verbo: Si vis perfectus esse, vade & vende omnia, quæ habes, & da pauperibus. Ideoque nonnisi expropriatos, & nihil penitus reti-  
nentes admittere ad ordinem, tum propter verbum sancti Evangelij, tum etiam ne forent in scandalum loculi referuati. Vnde in Marchia Anthonitana cui-  
dam petenti ad ordinem recipi, verus pauperum pa-  
triarcha respondit: Si vis Christi pauperibus iungi, pauperibus tua distribue. Quo audito perrexit ho-  
mo, & ductus amore carnali sua suis reliquit, nilq. pauperibus. Verum cum hoc illo referente, vir san-  
ctus audisset, dura eum increpatione feriens, dixit: Vade viam tuam, frater musca: quoniam nondum existi de domo, & cognatione tua. Consanguineis tuis tua dedisti, & defraudasti pauperes, dignus non es pauperibus sanctis. Incepisti a carne, ruinofum fundamentum spiritali fabricæ collocasti.  
animalis

*Matt. 5. 6  
Luc. 9. 8*

*Matt. 19. 6*

animalis homo ad suos, & repetijt sua, quæ pauperibus relinquere nolens, virtutis propositum citius dereliquit. Alio quoque tempore cum in loco sanctæ Mariæ de Portiuncula tanta esset inopia, quod non posset hospitibus fratribus superuenientibus secundum necessitatis exigentiam prouideri; adiit virum Dei vicarius suus allegans penuriam fratrum, & petens vt intrantium nouitiorum res aliquas referuare liceret, ad quas expendendas recurrere possent fratres tempore opportuno. Ad quem vir sanctus superni consilij non ignarus: Absit, inquit, a nobis frater charissime, vt pro quouis homine impie agamus in regulam. Malo te altare Virginis gloriosæ nudare, cum necessitas id requirit, quàm contra paupertatis votum, & obseruantiam Euangelij aliquid vel modicum attentare. Gratius enim habebit beata Virgo sancti Euangelij perfecte seruato consilio, suum altare detegi, quàm altari suo ornato Filij sui promissum consilium prætermitti. Transiens autem quodam tempore vir Dei cum suo socio per Apuliam iuxta Barum, inuenit in via bursam magnam, quasi plena esset denarijs, tumescentem, quam vísitato vocabulo, Fundam appellant. Monetur a socio pauper Christi, & instanter inducitur vt bursa tollatur e terra, & pecunia pauperibus erogetur. Renuit homo Dei, commentum affirmans fore diaboli in bursa inuenta, & fratrem non suadere rem meriti, sed peccati; aliena scilicet surripere, ac donare. Recedunt de loco, festinant iter perficere cœptum. Sed nondum quiescit frater vacua pietate delusus, virum Dei molestans, quasi qui de releuanda pauperum penuria non curaret. Acquieuit tandem vir mitis redire ad locum, non vt fratris voluntatem perficeret, sed vt detegeret diabolicam fraudem. Reuersus est ergo ad fundam cum fratre, & iuvene quodam, qui erat in via, oratione præmissa, iubet socio illam leuare. Tremefactus frater obstupuit, diabolicum iam præsentiens monstrum, propter obedientiam tamen sanctæ mandatum, dubietatem abigens cordis, manum extendit ad bursam. Et ecce serpens non modicus de bursa exiliens, simulq. cum ipsa subito euanescebat, diabolicam deceptionem fratri monstrauit. Hostilis itaque versutia deprehensa fallacia, dixit vir sanctus ad socium: Pecunia seruis Dei, o frater, nihil aliud est, quàm diabolus & coluber venenosus.

Accidit post hæc quoddam mirabile viro sancto, dum se ad ciuitatem Senensem, causa exigente transferret. Tres quidem mulieres pauperulæ, statura ætate, ac facie per omnia similes in quadâ ei magna planitie inter Campilium & sanctum Quiricum occurrerunt, nouum salutationis munusculum ei offerentes: Bene veniat, inquiunt, domina paupertas. Quo audito, verus paupertatis amator indicibili repletus est gaudio, vt pote, qui nihil in se salutandum hominibus tam libenter haberet, quàm quod illæ decreuerant. Subito disparentibus illis considerantes fratres socij tam admirabilem in eis similitudinem, salutationis, occursum, & disparentiam nouitatem, mysticum aliquid designari circa virum sanctum non irrationabiliter perpenderunt. Sane per illas tres, vt videbatur, mulieres pauperulas sic vniformi facie occurrentes, sic salutantes insolite, sic subito disparentes, Euangelicæ perfectionis formositas, quantum ad castitatem, scilicet, obedientiam, & paupertatem satis conuenienter ostenditur in viro Dei pari forma perfecte fulsisse, licet gloriari prælegerit in priuilegio paupertatis, quam modo matrem, modo sponsam, modo dominam nominare solebat. In hac ceteros cupiebat excedere, qui ex ipsa didicerat inferiorem se omnibus reputare. Si quando pauperiorem se quempiam secundum exteriorem habitum cernebat, semetipsum protinus arguens excitabat ad simile, tamquam si æmula paupertate concertans, vinci se timeret in illo. Accidit enim vt pauperculum quen-

dam obuium haberet in via, cuius cum nuditatem aspiceret, compunctus corde, lamentabili voce dixit ad socium: Magnam verecundiam intulit nobis huius inopia, quia nos pro magnis diuitijs paupertatem elegimus, & ecce magis relucet in isto. Propter sanctæ paupertatis amorem omnipotentis Dei famulus, eleemosynis ostiatim quæsitis utebatur multo libentius, quàm oblati. Si quando enim inuitatus a magnis personis, mensis esset profusioribus honorandus, prius per propinquas vicinorum domos panum fragmenta petebat, ac deinde sic ditatus inopia discumberebat. Et cum aliquando id fecisset, inuitatus a domino Hostiense, qui pauperem Christi præcipuo cõplexabatur affectu, conquerenti Episcopo, quod suo derogasset honori, vt pote qui in eius comesturus domo pro eleemosynis isset; seruus Dei respondit: Magnum, mi domine, vobis honorem exhibui, dum maiorem Dominum honoravi. Siquidem beneplacitum est Domino in paupertate, & ea maxime, quæ voluntaria pro Christo mendicitas est. Hanc dignitatem regalem, quam pro nobis Dominus Iesus egenus factus assumpsit, vt sua nos ditaret inopia, ac vere pauperes spiritu regni cælorum reges institueret & heredes, nolo relinquere pro feudo diuitiarum falsarum vobis ad horam concesso. Nonnumquam fratres ad petendum eleemosynam hortans, verbis utebatur huiusmodi. Ite, inquit, quoniam hac nouissima hora fratres minores commodati sunt mundo, vt electi in eis impleant, vnde a iudice commendentur, illud audientes suauissimum verbum: Quamdiu fecistis vni ex his fratribus meis minimis, mihi fecistis. Iucundum proinde dicebat sub fratrum minorum titulo mendicare, quem in retributione iustorum Euangelicæ veritatis magister ore suo tam signanter expressit. In festis quoque præcipuis, vbi opportunitas aderat, medicare solitus erat dicens in sanctis pauperibus propheticum illud impleri: Panem Angelorum manducauit homo. Illum sane panem Angelicum esse dicebat, quem pro Dei petito amore, & beatis suggerentibus Angelis pro ipsius charitate largitum sancta paupertas colligit ostiatim. Vnde cum semel die sancto Paschæ moram faceret in eremitorio quodam adeo ab hominum habitatione remoto, quod commode medicare non posset, memor illius, qui discipulis euntibus in Emmaus ipso die in specie peregrini apparuit, ab ipsis fratribus eleemosynam petijt vt peregrinus & pauper. Quam cum accepisset humiliter, sacris eos informauit eloquijs, quod trans-euntes per mundi desertum tamquam peregrini & aduenæ, veri q. Hebræi Pascha Domini, hoc est transitum ex hoc mundo ad Patrem, in paupertate spiritus continue celebrarent. Et quoniam in petendis eleemosynis non quæstus agebatur cupidine, sed spiritus libertate Pater pauperum Deus specialem de ipso curam gerere videbatur.

Accidit enim semel vt infirmitate grauatus Domini seruus, in loco Noceræ, reduceretur Assisium per solemnem nuntios, ad hoc Assisinas populi deuotione transmissos. Qui Christi famulum deducetes, ad villam quandam deueniunt pauperulam, nomine Sarthianum: vbi cum fames & hora cibum expeterent, euntes & nihil inuenientes venale, vacui redierunt. Ad quos vir sanctus, ideo nihil inuenistis, quia plus in muscis vestris, quàm in Domino confiditis. Muscas nempe denarios vocauit. Sed reuertimini, ait, per domos, quas circuistis, & amorem Dei offerentis pro pretio, humiliter eleemosynam postulate. Nec falsa id æstimatione verecundum puteris aut vile, quoniam vniuersa in eleemosyna post peccatum dignis & indignis eleemosynarius ille magnus largiflua pietate concessit. Deponunt erubesceniam milites, & eleemosynam sponte petentes, plura pro Dei amore, quàm denarijs emunt. Siquidem diuino nutu corde compuncti pauperes incolæ, non solum sua, sed

Mat. 25. d

Psal. 77. e

Luc. 24.



sed & seipfos liberaliter obrulerūt. Sicq. factum est, A  
ut inopiā, quam pecuniā releuare non poterat, Francis-  
ci pauperes opulenta suppleret. Tēpore, quo infir-  
mus iacebat in eremitorio prope Reate, medicus qui-  
dam oportuno eum frequentabat officio. Cum autē  
Christi pauper impotēs esset ad repēdendam merce-  
dē labori cōdignā, liberalissimus Deus ne ipsum sine  
præsenti remuneratione dimitteret, pium eius obse-  
quium hoc nouo beneficio vice pauperis compensa-  
uit. Huius enim medici domus, quam tunc tempo-  
ris ex omni lucro suo, de nouo construxerat, parie-  
tum patula scissione a summo vsque deorsum adeo  
de proximo minabatur ruinam, quod non videbatur  
per humanā artis industriam possibile ipsius casui  
obuiare. Ipse vero de sancti viri meritis plene confi-  
dens, cum magnæ fidei deuotione petiuit a socijs eius  
aliquid sibi concedi, quod idem vir Dei manibus cō-  
trexisset. Cum igitur modicum de capillis ipsius  
multa precum obtentum instantia posuisset de sero  
intra muri scissuram, mane consurgens, tanta inuenit  
aperturam illam soliditate cōclusam, ut nec reliquias  
ibi positas posset extrahere, nec scissurā prioris vesti-  
gium aliquod inuenire. Factumq. est, ut qui ruinoso  
corpusculo serui Dei sedule ministrarat, ruituræ do-  
mus propriæ periculo præcaueret.

Alio quoque tempore vir Dei ad quandam here- C  
mum transferre se volens, ut ibi liberius contempla-  
tioni vacaret, quia debilis erat, cuiusdam viri paupe-  
ris vectabatur asello. Cumq. diebus æstiujs famulū  
Christi sequendo vir ille montana conscēderet, aspe-  
riori, & longiori itinere fatigatus, nimioq. sitis ar-  
dore deficiens, instanter cœpit clamare post sanctum:  
En morior, inquit, siti, nisi poculi alicuius beneficio  
continuo refociller. Absque mora vir Dei profluit  
de asino, & fixis in terra genibus, palmas tetendit in  
cælum, orare non cessans, donec se intellexit auditū.  
Oratione tandē finita, Festina, inquit viro, ad petrā, D  
& illic aquam viuam inuenies, quam tibi hac hora  
misericorditer Christus de lapide bibendam produ-  
xit. Stupenda Dei dignatio, quæ seruis suis tam fa-  
cile se inclinat. Bibit sitiens homo aquam de petra  
orantis virtute, & poculum hausit de saxo durissimo.  
Aquæ decursus ibidem ante non fuit, nec ut est dili-  
genter quæsitum, deinceps potuit inueniri. Qualiter  
autem per merita sui pauperis, Christus multiplica-  
uerit cibos in mari, cum suo sit loco inferius anno-  
tandum; hoc tantum commemorasse sufficiat, quod  
de elemosyna modica sibi collata, nautas a famis &  
mortis periculo per dies plurimos liberauit, ut ex E  
hoc liquido possit aduerti, quod omnipotentis Dei  
famulus sicut in educatione aquæ de petra conformis  
extitit Moyfi, sic in multiplicatione victualium Eli-  
sæo. Procul igitur a pauperibus Christi diffidentia  
omnis abscedat. Si enim paupertas Francis deo  
copiosæ sufficientiæ fuit, ut subuenientium sibi defe-  
ctus iam mira virtute suppleret, quod nec cibus, nec  
potus, nec domus deesset, cum pecuniæ, & artis, & na-  
turæ facultas defecerat: multo magis illa merebitur,  
quæ visitato diuinæ providentiæ ordine communiter  
conceduntur. Si, inquam, petræ siccitas ad pauperis  
vocem abundans poculum sitiēti propinauit pauper-  
culo, nil iam inter omnia suum denegabit obsequiū  
his, qui pro auctore omnium omnia reliquerunt.

*De pietatis affectu, & quomodo ratione carentia vide-  
bantur ad ipsum affici. Cap. VIII.*

1. Tim. 4. c P ietas vera, quæ secundum Apostolum ad omnia  
valet, adeo cor Francis repleuerat, ac penetra-  
uerat, ut totum videretur seruum Dei in suum domi-  
nium vendicasse. Hæc est, quæ ipsum per deuotio-  
nem sursum agebat in Deum, per compassionē trans-  
formabat in Christum, per condescensionem incli-  
nabat ad proximum, & per vniuersalem concilia-  
tio-

nem ad singula, refigurabāt ad innocentiae statum.  
Cumq. per hanc pie moueretur ad omnia, specialiter  
tamen animas Christi Iesu sanguine pretioso redem-  
ptas cum cerneret inquinari aliqua forde peccati, tā-  
ta miserationis teneritudine deplorabat, ut eas tam-  
quam mater in Christo quotidie parturiret. Et hæc  
penes ipsum causā præcipua venerandi verbi Dei mi-  
nistros, quod semen fratri suo defuncto Christo vi-  
delicet pro peccatoribus crucifixo per ipsorum con-  
uersionem, & pia sollicitudine suscitent, & sollicita  
pietate gubernent. Istiusmodi miserationis officium  
Patri misericordiarum omni sacrificio firmabat ac-  
ceptius maxime si studio fuerit perfectæ charitatis  
impensum, ut ad id laboretur magis exemplo, quā  
verbo; magis lacrymosa prece, quā loquaci sermo-  
ne. Plangendum proinde dicebat prædicatōrē tam-  
quam vera pietate priuatum, siue qui in prædicatio-  
ne non animarum quærit salutem, sed propriam lau-  
dem, siue qui prauitate destruit vitæ, quod ædificat  
veritate doctrinæ. Præferendum huic dicebat fratrē  
simplicem & elinguem, qui bono exemplo alios pro-  
uocat ad bonum. Illud quoque verbum, Donec ster- 1. Reg. 2. 6  
ilis peperit plurimos, taliter exponebat: Sterilis, in-  
quit, est frater pauperculus, qui generandi in Ecclesia  
filios non habet officium. Hic pariet in iudicio plu-  
rimos: quia quos nunc priuatis orationibus conuer-  
tit ad Christum, suæ gloriæ tunc iudex ascribet. Quæ  
multos habet filios, infirmabitur: quia prædicator  
vanus & loquax, qui multis nunc quasi sua virtute  
genitis gaudet, cognoscat tunc se nil proprii habere  
in eis. Cum igitur animarum salutem viscerosa pie-  
tate appeteret, & feruida æmulatione zelaret, suauis-  
simis se dicebat repleti odoribus, & quasi vnguento  
pretioso liniri, cum sanctorum fratrum per orbē di-  
stantium odorifera fama, multos audiret ad viam ve-  
ritatis induci. Et talium auditu exultabat in spiritu,  
benedictionibus omni acceptione dignissimis fratres  
illos accumulans, qui verbo, vel opere ad Christi a-  
morē inducerent peccatores. Sic etiam qui religio-  
nem sacram iniquis violarent operibus, maledictio-  
nis eius grauissimam incurrebant sententiam. A te  
Domine, inquit, sanctissime, a tota cælesti curia, & a  
me paruulo tuo sint maledicti, qui suo malo exem-  
plo confundunt & destrunt, quod per sanctos fra-  
tres ordinis huius ædificasti, & ædificare non cessas.  
Tanta frequenter afficiebatur mæstria super scanda-  
la pusillorum, ut deficere se putaret, nisi diuinæ fuis-  
set clementiæ consolatione suffultus. Cum autem se-  
mel malis turbatus esset exēplis, & anxio spiritu mi-  
sericordem Patrem precaretur pro filijs, responsum  
huiusmodi reportauit a Domino: Cur tu pauper ho-  
muncio conturbaris, an ego te super religionē meam  
sic pastorem institui, ut me principalem nescias esse  
patronum? hominem simplicem ad hoc te constitui,  
ut quæ in te fecero, non humanæ industriæ, sed su-  
perne gratiæ ascribantur. Ego vocaui, seruabo & pa-  
scam, & alijs excidentibus alios subrogabo, ita ut si  
nati non fuerint, faciam illos nasci, & quantiscumque  
fuerit impulsibus paupercula hæc concussa religio,  
salua semper meo munere permanebit. Detractionis  
quoque vitium inimicum fonti pietatis & gratiæ tā-  
quam serpentinum abhorrebat morsum & atrocissi-  
mam pestem, & pijsimo Deo abominabile fore fir-  
mabat, pro eo quod detractor animarum sanguine  
pascitur, quas gladio linguæ necat. Audiens semel  
fratrem quēdam denigrare famam alterius, conuer-  
sus ad Vicarium suum dixit: Surge, surge, discute di-  
ligenter, & si accusatum fratrem innocentem repe-  
reris, accusantem dura correctione cunctis redde no-  
tabilem. Nonnumquam vero eum, qui fratrem suum  
famæ gloria spoliaret, iudicabat habitu spoliandum,  
nec ad Dominū oculos posse leuare, nisi prius quod  
abstulerat reddere pro posse curaret. Tanto maior  
est, aiebat, detractorum impietas, quā latronum,  
quanto

quanto lex Christi, quæ in obseruantia pietatis impletur, magis animarum, quàm corporum nos astringit optare salutem. Afflictis quoque qualicumque corporali molestia mira compassionis teneritudine condescendens, siquid penuriæ, siquid defectus in aliquo cerneret pij cordis dulcedine regerebat in Christum. Sane clementiam habebat ingenitam, quam superinfusa Christi pietas duplicabat. Itaque liquebat animus eius ad pauperes & infirmos, & quibus non poterat manum, exhibebat affectum. Contigit semel ut pauperi cuidam elemosynam importune petenti, vnus e fratribus durius responderet. Quod audiens pauperum pius amator, fratri præcepit, ut ad illius pauperis pedes se nudatum prosterneret, proclamaret culpabilem, orationis suffragium postulari, & veniam. Quod cum ille fecisset humiliter, dulciter pater adiecit: Dum pauperem vides, o frater, speculum tibi proponitur Domini, & pauperis Matris eius. In infirmis similiter infirmitates, quas assumpsit, considera. Cumq. in pauperibus cūctis, & ipse Christianissimus pauper effigiem Christi prospiceret, siqua etiam necessaria vitæ sibi collata fuisset, eis occurrentibus non solum liberaliter conferebat; verum etiam ac si illorum propria essent, iudicabat esse reddenda. Accidit semel, ut eidem redeunti de Senis, pauper quidam occurreret, cum occasione infirmitatis super habitum palliolo quodam esset amictus. Cuius miseria oculo clementi conspecta: Oportet, inquit ad socium, ut reddamus mantellum pauperculo isti, nam ipse est. Mutuo enim ipsum accepimus, donec pauperiorem inuenire contingeret. Socius autem pij patris necessitatem considerans, pertinaciter obstitit, ne prouideret alij se neglecto. At ille pro furto, ait, mihi reputo a magno elemosynario imputandum, si hoc quod fero nō dederō magis egenti. Propterea de omnibus, quæ sibi dabantur ad necessitatem corporis releuandam solutus erat a dantibus licentiam petere, ut licite posset, si magis egenus occurreret erogare. Nulli prorsus rei parcebat, nec mantellis, nec tunicis, nec libris, nec etiam paramentis altaris, quin omnia hæc dum posset, ut pietatis impleveret officium indigentibus largiretur. Pluries cum oneratis obuiaret in via pauperibus, imbecilles humeros illorum oneribus supponebat.

Consideratione quoque primæ originis omnium abundantiori pietate repletus, creaturas quantumlibet paruas, fratris vel sororis appellabat nominibus pro eo quod sciebat eas vnā secum habere principium. Illas tamen viscerosius amplexabatur, & dulcius, quæ Christi mansuetudinem piam, similitudine naturali præterdunt, & Scripturæ significatione figurant. Redemit frequenter agnos, qui ducebantur ad mortem, illius memor agni mitissimi, qui ad occisionem duci voluit pro peccatoribus redimendis. Hospitato quadam vice seruo Dei apud monasteriū sancti Verecundi de Episcopatu Eugubij; ouicula quædam agniculam peperit illa nocte. Aderat sus ferocissima, quæ vitæ innocentis non parcens, rapaci eum morsu necauit. Hoc audito pius pater mira compassionem commotus, & agni sine macula recordatus, lamentabatur pro morte agniculi coram omnibus, dicens: Heu me frater agnicule animal innocēs, Christum hominibus representans: maledicta sit impia, quæ te interfecit, nullusq. de ea comedat homo, vel bestia. Mirabile dictu. Statim infirmari cœpit porca malefica, & tribus diebus corpoream pœnam exsoluens, vlticem tandem perculit necem. Proiecta autem in vallum monasterij, ibiq. longo tempore iacens, in modum tabulæ desiccata, nulla fuit efca famelico. Aduertat igitur humana impietas quali pœna sit ferienda finaliter, si tam horrenda morte percussa est ferocitas bestialis. Perpendat & fidelis deuotio, quā in seruo Dei pietas fuerit admirandæ

virtutis, & copiosæ dulcedinis, ut ei applauderet suo modo etiam natura brutorum. Iter enim faciens iuxta ciuitatem Senensem, inuenit in pascuis magnum ouium gregem. Quas cum benigne, ut erat solitus, salutasset, relicto pastu, cucurrerunt omnes ad eum, leuantesq. capita sua, erectis in eum luminibus, intendebant. Tantum quidem ei fecerunt applausum, ut pastores mirarentur & fratres, cernentes circa ipsum tam ouium agnos, quā ipsos arietes sic mirabiliter exultantes. Alio quoque tempore apud sanctam Mariam de Portiuncula quædam viro Dei fuit ouis oblata, quam propter innocentie, ac simplicitatis amorem, quas ouis natura præterdit gratanter suscepit. Monebat pius vir ouiculam, ut & laudibus diuinis intenderet, & ab omni fratrum offensa caueret. ouis autem quasi viri Dei pietatem aduerteret, informationem ipsius sollicitè obseruabat. Nam audiens fratres in choro cantare, & ipsa ecclesiam ingrediens sine alicuius informatione flectebat genua, vocē balatus emittens ante altare Virginis Matris agni, ac si eam salutare gestiret. Insuper & cum eleuaretur sacratissimum Christi corpus inter Missarū sollempnia, flexis curuabatur poplitibus, tamquam si reuerētus de irreuerentia indeuotos argueret, Christoq. deuotos ad sacramenti reuerentiam inuiteret. Tempore quodam agniculum in vrbe secum habuerat ob reuerentiam illius mitissimi agni, quem nobili matronæ domine, scilicet Iacobæ de septem solijs in suo recessu conseruandum commisit. Agnus vero quasi in spiritalibus eruditus a sancto domine ad ecclesiam eunti, stanti, & reuerenti societati inseparabilē cohærebat. Si matutinali hora domina tardaret exurgere, agnus consurgens impellebat eam cornulis, & balatibus excitabat, gestibus adhortans & nutibus, ut ad ecclesiam properaret. Propter quod agnus Francisci discipulus, deuotionis iam magister effectus, ut mirabilis & amabilis a domina seruabatur. Alio quoque tempore apud Grecium viuis viro Dei oblatus fuit lepusculus, qui liber in terra positus cum posset quo vellet effugere, vocante se patre benigno in sinum illius propero cursu saltauit. Quem ipse pio cordis affectu circumfouens, videbatur eidem compati quasi mater, dulciq. allocutione commonium, ne se iterum capi permitteret, liberum abire permisit. Cumq. pluries in terra positus ut abscederet, semper in sinum patris rediret, tamquam si sensu quodam occulto cordis ipsius perciperet pietatem, tandem iussu patris a fratribus delatus est ad loca solitudinis tutiora. Modo quoque consimili, in insula lacus Perusini cuniculus quidam captus, & viro Dei oblatus, cum ceteros fugeret, manibus eius & sinu se domestica securitate commisit. Per lacum Reatinum eidem ad eremum de Grecio properanti, piscator vnā ex deuotione fluuialem obtulit auem, quam cum libenter susceptam apertis inuiteret manibus ad recessum, nec illa veller abire, erectis in cælum oculis, diu in oratione permansit, & quasi aliunde post longam horam ad se reuersus, dulciter iterato mandauit auiculæ, ut Dominum laudatura recederet. Suscepta itaque cum benedictione licetia, gestu corporis quoddam præterdens gaudium, aduolauit. In eodem lacu similiter oblatus fuit ei piscis magnus & viuus, quem more solito fraterno nomine vocans, in aquam reposuit iuxta nauem. Piscis vero coram viro Dei ludebat in aqua, & quasi amore illius allectus, nullatenus recessit a naui, nisi prius ab eodem cum benedictione licentia sibi data. Alio quoque tempore ambulans cum quodam fratre per paludes Venetiarum, inuenit maximam auium multitudinem residentium & cantantium in virgultis. Quibus visis, dixit ad socium: Sorores aues laudant Creatorem suum, nos itaque in medium ipsarum euntes, laudes & horas canonicas Domini decanemus. Cumq. in medium ipsarum intrassent, non sunt aues motæ de loco.

loco. Et quia propter garrum ipsarum in dicendis A  
horis se mutuo audire non poterant, conuersus vir  
sanctus dixit ad aues: Sorores aues a cantu cessate,  
donec laudes Deo debitas persoluamus. At illæ con-  
tinuo tacuerunt, tamdiu in silentio persistentes, quā-  
diu dictis horis spatiosè & laudibus persolutis a san-  
cto Dei cantandi licetiam receperunt. Dante autem  
eis viro Dei licentiam, statim more solito cantum suū  
resumpserunt. Apud sanctam Mariam de Portiun-  
cula, iuxta cellam viri Dei super ficum cicada residēs  
& decantans, cum seruum Domini, qui etiam in par-  
uis rebus magnificentiam Creatoris admirari didice-  
rat, ad diuinas laudes cantu suo frequētius excitaret, B  
ab eodem quadam die vocata, velut edocta cælitus  
super manum volauit ipsius. Cui cum dixisset: Can-  
ta soror mea cicada, & Dominum Creatorem tuo iu-  
bilo lauda; sine mora obediens canere cœpit, nec des-  
iit, donec iussu patris ad locum proprium reuolu-  
uit. Mansit autem per octo dies ibidem, quolibet die  
veniendo, cantando, & recedendo eius iussū perfici-  
ens. Tandem vir Dei ait ad socios: Demus iam  
forori nostræ cicadæ licetiam, satis enim nos suo can-  
tu lætificans ad laudes Dei octo dierum spatio exci-  
tauit. Et statim ab eo licentiata recessit, nec ultra ibi-  
dem apparuit, ac si mandatum ipsius non auderet C  
aliquatenus præterire. Eidem Senis infirmo pha-  
sianus quidam de nouo captus, a nobili quodā trans-  
missus est viuis. Qui continuo vt virum sanctum au-  
diuit & vidit, tanta ei amicitia cohaesit, vt nullo  
modo pateretur ab ipso seiungi. Nam pluribus vici-  
bus extra locellum fratum in vinea positus, vt abiret  
si vellet, rapido semper cursu redibat ad patrē, tam-  
quam si ab eodem omni fuisset tempore educatus.  
Deinde cuidam collatus viro, qui ex deuotione ser-  
uum Dei visitare solebat, velut sibi molestum foret a  
pij patris absentari conspectu, escam recusauit omni-  
no. Reportatus tandem ad famulum Dei, statim vt D  
conspexit eundem, quibusdam hilaritatis prætextis  
gestibus, anide manducauit. Cum ad eremum per-  
uenisset Aluernæ, propter Quadragesimam celebrā-  
dam in honorem Archangeli Michaelis diuersi ge-  
neris aues circa ipsius cellulam volitantes, concentu  
sonoro, & lætitiæ gestibus, quasi de eius aduēu gau-  
dentes, patrem pium inuitare ac allicere videbantur  
ad moram. Quo viso, dixit ad socium: Cerno fra-  
ter voluntatis esse diuinæ, quod hic aliquandiu com-  
moremur, tantum sorores auiculæ de nostra videtur  
præsentia consolari. Cum igitur contraheret ibi mo-  
ram, falco ibidem nidificans magno se illi amicitia  
fœdere copulauit. Nam semper horam nocturno tē-  
pore, in quā vir sanctus ad diuina officia surgere so-  
litus erat, cantu suo præueniebat & sono. Quod fa-  
mulo Dei gratissimum erat, eo quod tanta sollicitu-  
do, quam circa eum gerebat, omnem ab ipso torpore  
desidia excuteret. Cum vero seruus Christi infirmi-  
tate plus solito grauaretur, parcebat falco, nec tam  
tempestiuas inditebat vigilas. Siquidem velut in-  
structus a Deo, circa diluculum suæ vocis campanam  
leui tactu pulsabat. Diuinū certe videtur fuisse præ-  
sagium, tam in exultatione multimodi generis auiū,  
quā in cantu falconis, cum Dei laudator, & cultor  
pennis contemplationis subiectus tunc torer illic ap-  
paritione seraphica sublimandus. Moram eo facien-  
te tempore quodam in eremitorio Grecj, loci illius  
indigenæ malis multiplicibus vexabantur. Nam &  
luporum rapacium multitudo, non solum bruta, sed  
& homines consumebat, & grando annua tempesta-  
te blada & vineas deuastabat. Dum igitur sic afflictis  
præco sacri Euangelij prædicaret, dixit ad eos: Ad  
honorem & laudē Dei omnipotentis fideiubeo vo-  
bis, quod pestilentia hæc omnis abscedet, & respiciēs  
vos Dominus, multiplicabit in temporalibus bonis;  
si mihi credentes misereamini vestri, vt vera confes-  
sione præmissa dignos faciatis pœnitentiæ fructus.

Iterum hoc annuntio vobis, quod si beneficijs ingra-  
ti ad vomitum conuersi fueritis, innouabitur plaga,  
duplicabitur pœna, & maiori in vos ira de seuiet. Ab  
illa vtiq; hora pœnitentiam ad exhortationem ip-  
sius agentibus illis cessauerunt clades, periere peri-  
cula, nec molestiæ quidquam lupi intulere vel gran-  
dines. Immo, quod maius est, si quando vicinorum  
arua grando peruaderet, istorum terminis appropin-  
quans, terminabatur ibidem, aut in partem aliam di-  
uerterebat. Cessauit grando, seruauerunt & lupi pa-  
titionem serui Dei, nec contra pietatis legem in ho-  
mines ad pietatem conuersos attentauerunt amplius  
desuere quamdiu iuxta conditum contra pijssimas  
Dei leges impie non egerunt. Pie igitur sentiendum  
est de pietate viri beati, quæ tam miræ dulcedinis &  
virtutis fuit, vt domaret ferocia, domesticaret silue-  
stria, mansueta doceret, & brutorum naturam homi-  
ni iam lapsō rebellem ad sui obedientiam inclineret.  
Vere hæc est, quæ cunctas sibi creaturas cōföderans  
valet ad omnia, promissionem habēs vitæ, quæ nunc  
est, & futuræ.

*De sermone charitatis, & desiderio martyrij.*  
Cap. I X.

Charitatem feruentem, qua sponsi amicus Franci-  
scus ardebat, quis enarrare sufficiat? Totus nam-  
que quasi quidam carbo ignitus diuini amoris flam-  
ma videbatur absorptus. Subito enim ad auditum  
amoris Domini excitabatur, afficiebatur, inflamma-  
batur, quasi pleetro vocis extrinsecæ corda cordis  
interior tangeretur. Talem pro eleemosynis censum  
offerre, nobilem prodigalitatē dicebat, & eos, qui  
minus ipsum, quā denarios reputare esse stultissi-  
mos, pro eo quod solius diuini amoris impretriabile  
pretium ad regnum cælorum sufficiat comparandū,  
& eius, qui nos multū amauit, multum sit amor amā-  
dus. Vt autem ex omnibus excitaretur ad amorem  
diuinum, exultabat in cunctis operibus manū Do-  
mini, & per iucunditatis specula in viuificam confur-  
gebat rationem & causam. Contuebatur in pulchris  
pulcherrimum, & per impressa rebus vestigia, profe-  
quebatur vbiq; dilectum de omnibus sibi scalam  
faciens, per quam conscenderet ad apprehendendum  
eum, qui est desiderabilis totus. Inaudita namque  
deuotionis affectu, fontalem illam bonitatē in crea-  
turis singulis, tāquam in riulis degustabat, & quasi  
cælestem concentum perciperet in consonantia vir-  
tutum & actuum eis datorum a Deo ipsas ad laudem  
Domini more prophete David dulciter hortabatur:  
Christus Iesus crucifixus intra suæ mentis vbera, vt  
myrrhæ fasciculus iugiter morabatur, in quem opta-  
bat per excessum amoris incendium totaliter transfor-  
mari. Prærogatiua quoque peculiaris deuotionis ad  
ipsum, ab Epiphaniæ festo vsque ad continuos qua-  
draginta dies, eo scilicet tempore, quo Christus lauit  
in deserto, ad solitudinis loca declinans, cellaq; reclu-  
sus, quanta poterat arctitudine cibi & potus, ieiunij,  
& orationibus, & laudibus Dei sine intermissione va-  
cabat. Tam feruido quidem in Christum ferebatur  
affectu, sed & dilectus illi tam familiarem repende-  
bat amorem, vt videretur ipsi famulo Dei, quasi iugē  
præ oculis ipsius Saluatoris sentire præsentiam, sicut  
aliquando socijs familiariter reuelauit. Flagrabat er-  
ga sacramentum Dominici corporis, seruire omnium  
medullarum, stupore admirans permaximo, illā cha-  
rissimam dignationem, & dignantissimam charitatē.  
Sæpe communicabat, & tam deuote vt alios deuotos  
efficeret, dum ad immaculati agni degustationē sua-  
uem quasi spiritu ebrius, in mentis vplurimum ra-  
piebatur excessum. Matrem Domini nostri Iesu Chri-  
sti indicibili complectebatur amore, eo quod Domi-  
num maiestatis fratrem nobis effecerit, & per eam  
simus misericordiam consecuti. In ipsa post Christū  
præcipue

Cap. I. 6

præcipue fidens, eam sui ac suorum aduocatam constituit. & ad honorem ipsius, a festo Apostolorum Petri, & Pauli usque ad festum Assumptionis deuotissime ieiunabat. Angelicis spiritibus ardentibus igne mirifico ad excedendum in Deum, & electorum animas inflammandas inseparabilis erat amoris vinculo copulatus. & ob deuotionem ipsorum, ab Assumptione Virginis gloriosæ quadraginta diebus ieiunans orationi iugiter insistebat. Beato autem Michaeli Archangelo, eo quod animarum representandarum haberet officium, speciali erat amore deuotior, propter feruidum, quem habebat zelum ad salutem omnium saluandorum. Ex recordatione sanctorum omnium tamquam lapidum ignitorum in Deificum recalescebat incendium; Apostolos omnes, & præcipue Petrum, & Paulum propter feruidam charitatem, quam habuerunt ad Christum, summa deuotione complexus. ob quorum reuerentiam & amorem, Quadragesimæ specialis ieiunium Domino dedicabat. Non habebat aliud Christi pauper nisi duo minuta, corpus, scilicet & animam, quod posset liberali charitate largiri. Sed hæc per amorem Christi sic offerebat continue, ut quasi omni tempore per rigorem ieiunij corpus, & per ardorem desiderij spiritum immolaret, exterius in atrio sacrificas holocaustum, & in templo interius concremans thymiam. Sic autem eum charitatis excessiua deuotio sursum in diuina ferebat, ut eiusdem affectuosa benignitas ad naturæ consortes & gratiæ dilataret. Quem enim creaturis ceteris germanum pietas cordis effecerat, mirum non est, si Creatoris insignitus imagine & sanguine redemptis auctoris germanioris Christi charitas faciebat. Non se Christi reputabat amicum, nisi animas foueret, quas ille redemit. Saluti animarum nihil præferendum esse dicebat, eo maxime probans quod vnigenitus Dei pro animabus dignatus fuerit in cruce pendere. Hinc sibi in oratione luctamen, in prædicatione discursus, & in exemplis dandis excessus. Vnde quotiens austeritas nimia reprehenderetur in ipso, respondebat se datum alijs in exemplum. Licet enim innocens eius caro, quæ iam se sponte subdebat spiritui, nullo egeret flagello propter offensas: tam exempli causa renouabat illi pœnas & onera, custodiens propter alios vias duras. Dicebat enim: Si linguis hominū loquar & Angelorum, charitatem autem in meipso non habeam, & proximis virtutum exempla nō monstrem; parū prosum alijs, mihi nihil. Feruenti quoque charitatis incendio gloriosum sanctorum martyrum æmulabatur triumphum, in quibus nec amoris flamma extingui, nec fortitudo potuit infirmari. Desiderabat propterea & ipse illa perfecta charitate succensus, quæ foras mittit timorem, per martyrij flammam hostiam Domino se offerre viuente, ut & vicem Christo pro nobis morienti rependeret, & ad diuinum amorem ceteros prouocaret. Sexto namque conuersionis suæ anno desiderio martyrij flagrans, ad prædicandam fidem Christianam & poenitentiam Saracenis & alijs infidelibus ad partes Syriæ transfretare disposuit. Cumq. nauem quandam ut illuc tenderet, conscendisset, ventis contrarijs flantibus compulsus est in Sclauoniæ partibus applicare. Cum igitur moram aliquamdiu contraxisset ibidem, nec inuenire posset nauem tunc temporis transfretantem, fraudatum a suo desiderio se sentiens, nautas quosdam Anchoram tendentes, ut amore Dei eum secum ducerent exorauit. Verum illis propter expensarum defectum pertinaciter recusantibus, vir Dei plurimum de Domini bonitate confusus, nauē cum socio latenter conscendit. Affuit quidam a Deo, ut creditur, pro paupere suo missus, qui secū ferens necessaria victus, quendam timentem Deum de nauī ad se vocatum sic allocutus est: Hæc pro pauperibus fratribus in nauī latitantibus conferua fideliter, ac necessitatis tempore amabilius subministra. Sicq. factum est, ut nautis pro-

A pter vim ventorum per dies plurimos nusquam applicare valentibus, omnia consumerentur ipsorum cibaria, & sola pauperi Francisco collata desuper elemosyna superesset. Quæ cum esset modica tantum diuina virtute suscepit augmentum, ut diebus pluribus in mari propter tempestatem continuam contrahentibus moram, usque ad portum Anchonæ omnium necessitatibus plenarie subueniret. Videntes itaque nautæ per seruum Dei multa se mortis euasisse discrimina, tamquam qui maris horrenda pericula senserant, & miranda opera Domini viderant in profundo, gratias egerunt omnipotenti Deo, qui semper in suis amicis, & seruis mirabilem & amabilem se ostendit. Cum autem relicto mari, terram perambulare cœpisset, iactato in eam salutis semine, reportabat manipulos fructuosos. Verum, quia martyrij fructus adeo cor eius allexerat, ut pretiosā pro Christo mortem super omnia virtutum merita peroptaret, versus Marrochium iter arripuit, ut Miramolino, & gēti eius Christi Euangelium prædicaret, si quo modo ad concupitam palmam valeret attingere. Tanto namque desiderio ferebatur, ut quamuis esset imbecillis corpore peregrinationis suæ præcurreret comitem, & ad exequendum propositum festinus, & tamquam spiritu ebrius aduolaret. Sed cum iam usque in Hispaniam perrexisset, diuina dispositione quæ ipsum referuabat ad alia, grauissima ei superuenit infirmitas, qua præpeditus, quod cupiebat, adimplere nequiu. Sentiens igitur vir Dei, quod necessaria erat adhuc proli, quam genuerat, ipsius vita in carne, quamuis mortem sibi lucrum putaret esse, redijt ad pascendum oves suæ sollicitudini commendatas. Verum charitatis ardore spiritum ipsius ad martyrium perurgente, tertia adhuc vice pro fide Trinitatis effusione sui sanguinis dilatanda, versus infideles proficisci tentauit. Tertiodecimo namque conuersionis suæ anno ad partes Syriæ pergens, multis se periculis constanter exposuit, ut Soldani Babylonie posset adire præsentiam. Inter Christianos enim ac Saracenos tunc bellum tam implacabile erat, exercituum castris hincinde in campo cominus ex aduerso locatis, ut via mutui transitus sine mortis discrimine non pateret. Exierat siquidem a Soldano edictum crudele, ut quicumque caput alicuius Christiani afferret, Bizantium aureum pro mercede reciperet. At intrepidus Christi miles Franciscus sperans in proximo suum adipisci posse propositū, diffiniuit iter arripere, mortis pauore non territus, sed desiderio prouocatus. E. Oratione namque præmissa, confortatus a Domino, confidenter illud propheticum decantabat: Nam & si ambulauero in medio umbræ mortis, non timebo mala, quoniam tu mecum es. Assumpto igitur socio fratre Illuminato nomine, viro utique luminis & virtutis, cum iter cœpisset obuias habuit ouiculas duas, quibus visis exhilaratus vir sanctus, dixit ad socium: Confide frater in Domino, nam in nobis Euangelicum illud impletur: Ecce ego mitto vos sicut oves in medio luporum. Cum autem processissent ulterius, occurrerunt ei satellites Saraceni, qui tamquam lupi celerius accurrentes ad oves, seruos Dei feraliter comprehensos crudeliter & contēptibiliter pertractarunt, afficientes cōuitijs, affligentes verberibus, & vinculis alligantes. Tandem afflictos multipliciter, & attritos ad Soldanū diuina disponente prouidentia, iuxta viri desiderij perduxerunt. Cum igitur princeps ille perquireret, a quibus, & ad quid, & qualiter missi essent, & quomodo aduenissent, intrepido corde respondit Christi seruus Franciscus: Non ab homine, sed a Deo altissimo se fuisse transmissum, ut ei & populo suo viā salutis ostenderet, & annūtiaret Euangelij veritatis. Tanta vero mentis constantia, tanta virtute animi, tantoq. seruore spiritus prædicto Soldano prædicauit, Deum trinum & vnum, & Saluatorem omnium Iesum Christum, ut Euangelicum illud in ipso claresceret,

1. Cor. 13. a

1. Ioan. 4. d

Psal. 22. b

Mat. 10. b

*Luc. 21. d* sceret, veraciter esse completum: Ego dabo vobis os & sapientiam, cui non poterunt resistere & contradicere omnes aduersarij vestri. Nam & Soldanus admirandum in viro Dei feruorem spiritus conspiciens & virtutem, libenter ipsum audiebat, & ad moram contrahendam cum eo instantius inuitabat. Christi vero seruus superno illustratus oraculo: Si vis, inquit, conuerti tu cum populo tuo ad Christum, ob illius amorem vobiscum libenter commorabor. Quod si hæsitas propter fidem Christi legem Mahumetti dimittere; iube ignem accendi permaximum, & ego cum sacerdotibus tuis ignem ingrediari, vt vel sic cognoscas, quæ fides certior, & sanctior non immerito tenenda sit. Ad quem Soldanus, non credo, quod aliquis de sacerdotibus meis se vellet igni propter fidem suam defendendam exponere, vel genus aliquod subire tormenti. Viderat enim statim quendam de presbyteris suis virum authenticum, & longæuum, hoc audito verbo de suis conspectibus aufugisse. Ad quæ vir sanctus: Si mihi velis promittere pro te, & populo tuo, quod ad Christi cultum si ignem illæsus exiero veniatis; ignem solus introibo. Et si combustus fuero, imputeur peccatis meis. Si autem diuina me protegerit virtus, Christum Dei virtutem & sapientiam, verum Deum, & Dominum Saluatorem omnium agnoscatis. Soldanus autem optionem hanc accipere se non audere respondit, quia seditionem populi formidabat. Obtulit tamen ei multa munera pretiosa, quæ vir Dei non mundanarum rerum, sed salutis animarum audis, spreuit omnia quasi lutum. Soldanus autem videns virum sanctum tam perfectum rerum mundialium cōtemptorem, admiratione permotus, maiorem erga ipsum deuotionem concepit. Et quamuis ad fidem Christianam transire noller, vel forsan non auderet, rogauit tamen deuote famulum Christi, vt prædicta susciperet pro salute ipsius Christianis pauperibus vel ecclesijs eroganda. Ipse vero, quia pondus fugiebat pecuniæ, & in animo Soldani veræ pietatis non videbat radicem, nullatenus acquieuit. Videns etiam se non proficere in conuersione gentis illius, nec suum assequi posse propositum, ad partes fidelium diuina reuelatione præmonitus remeauit. Sic itaque Dei ordinante clementia, & sancti viri promerente virtute, misericorditer & mirabiliter factum est, quod Christi amicus mortem pro ipso viribus totis exquireret, & tamen nullatenus inueniret, vt & merito non careret optati martyrij, & insigniendus seruaretur in posterum priuilegio singulari. Sic utique factum est, vt ignis ille diuinus adhuc perfectius ipsius æstuarer in corde, vt post potētius euaporaret in carne. O vere beatum virum, cuius caro & si tyrannico ferro non cæditur: occisi tamen agni similitudine non priuatur. O, inquam, vere ac plene beatum, cuius animam & si gladius persecutoris non abstulit, palmam tamen martyrij non amisit.

*De studio, & virtute orationis. Cap. X.*

**S**entiens Christi seruus Franciscus corpore se peregrinum a Domino, cum iam ad terrena foris desideria per Christi charitatem totus esset insensibilis factus, ne foret absque consolatione dilecti, sine intermissione orans, spiritum Deo contēdebat exhibere præsentem. Erat quidem oratio contemplanti solatium, dum supernarum circuitu mansionum Angelorum conciuis iam factus, feruenti desiderio quærebat dilectum, a quo solus eum carnis paries disiungebat. Erat & operanti præsidium, dum in omnibus, quæ agebat de sua diffidens industria, & de superna pietate confidens, per ipsius instantiam totum in Domino cogitatum iactabat. Orationis gratiam viro religioso desiderandam super omnia firmiter asserbat, nullumq. credens sine ipsa in Dei prosperari

**A** seruitio, modis quibus poterat fratres suos ad eius studium excitabat. Nam ambulans & sedens intus & foris, laborans & vacans, orationi adeo erat intentus, vt illi videretur non solum quidquid erat in eo cordis & corporis, verumetiam operis & temporis dedicasse. Solitus erat nullam visitationem spiritus, cum negligentia præterire. Siquidem, cum offerebatur, sequebatur eam, & quamdiu Dominus concedebat, dulcedine perfruebatur oblata. Cum autem intentus itineri, diuini spiritus aliquos sentiret afflatus socijs præcedentibus, gradum hæbebat, nouamq. inspirationem ad fruitionem conuertens, gratiā non recipiebat in vacuum. Suspēdebatur multotiens tanto contemplationis excessu, vt supra semetipsum raptus, & ultra humanum sensum aliquid sentiens quid ageretur circa se exterius ignoraret. Transiens namque semel per Burgum sancti Sepulchri, castrum utique populosum, pro debilitate corporis subuectus asello, obuias habuit turbas in eum præ deuotione ruentes. Tractus autem & detentus ab eis, compressus quoque ac multipliciter attrectatus, insensibilis videbatur ad omnia, & velut exanime corpus, de his quæ fiebant circa ipsum nihil penitus aduertebar. Vnde cum iamdiu trāsito castro, turbisq. relictis peruenisset ad quoddam domicilium leproforum, quasi aliunde rediens cælestium contemplator, sollicitè requisivit, quando propinquarent ad Burgum. Mens quidem ipsius in cælestibus fixa splendoribus, varietates non senserat locorum, nec temporum, nec occurrentium personarum. Quod ipsi accidisse frequentius, sociorum eius experientia multiplex comprobauit. Et quia in oratione perceperat sancti Spiritus desideratam præsentiam tanto familiarius se offerre precantibus, quanto plus inuenit elongatos a strepitu mundanorum, ideo loca solitaria quærens, ad solitudines, & ecclesias derelictas oraturus nocte pergebat. Vbi dæmonum pugnas horribiles frequenter sustinuit, qui secum sensibilibus confligentes nitebantur ipsum ab orationis studio perturbare. Ipse vero armis munitus cælestibus, quanto vehementius imperebatur ab hostibus, tanto fortior in virtute & feruentior reddebatur in prece, fidenter dicēs ad Christum: Sub vmbra alarum tuarum protege me a facie impiorum, qui me affligerunt. Ad dæmones autem, Facite quidquid in me valetis maligni spiritus & fallaces. Non enim potestis, nisi quantum vos manus superna relaxat, & ego ad perferendum omnia, quæ illa infligenda decreuerit, cum omni iucunditate paratus assisto. Quam mentis constantiam superbi dæmones non ferentes abscedebant confusi. Vir autem Dei solitarius remanens & pacatus, nemora replebat gemitibus, loca spargebat lacrymis, pectora manu tundeat, & quasi occultius secretarium nactus, confabulabatur cum Domino suo. Ibi respondebat iudici, ibi supplicabat patri, ibi colloquebatur amico, ibi quoque a fratribus ipsum pie obseruantibus aliquotiens auditus est clamorosis gemitibus apud diuinam pro peccatoribus interpellare clementiam, deplorare etiam alta voce, quasi coram se positam Dominicam passionem. Ibi visus est nocte orans manibus ad modum crucis protensis, toro corpore subleuatus a terra, & nubecula quadam fulgente circumdatus, vt illustrationis mirabilis intra mentem mira circa corpus perlustratio testis esset. Ibi etiam sicut certis est comprobatum indicijs, incerta sibi & occulta diuinæ sapientiæ pandebantur, quamuis illa non vulgaret exterius, nisi quantum Christi vrgebat charitas, & proximorum utilitas exigebat. Dicebat enim: Leui mercede rem impretiabilem contingit amitti, & illum, qui dedit ad non dandum iterum facile prouocari. Quando a priuatis redibat orationibus, quibus pene in virum alterum mutabatur, summopere studebat conformare se ceteris, ne forte quod foris ostenderet, aura fauoris intus a mercede euacuaret. Cum in publico

*Psal. 16.*



publico subito afficeretur visitatus a Domino, semper aliquid obijciebat astutibus: ne sponsi familiares affectus forinsecus vulgarentur. Excreationes, gemitus, duos anhelitus, extrinsecos nutus orans inter fratres deiebat omnino, siue quia diligebat secretum: siue quia ad interiora reintrans totus ferebatur in Deum. Sape talia familiaribus dixit: Quando seruus Dei orans visitatur diuinitus, dicere debet: Istam consolationem mihi peccatori, & indigno de celo misisti Domine, & ego illam tuam committo custodiæ: quia thesauri tui me sentio esse latronem. Cum autem ab oratione reuertitur, sic debet se pauperulum, & peccatorem ostendere, ac si nullam sit nouam gratiam consecutus. Orante autem viro Dei in loco de Portiuncula, contigit Assisinatam Episcopum venire ad eum, ut erat solitus, visitandum. Qui mox, ut locum fuit ingressus ad cellam in qua Christi seruus orabat plus debito fidenter accessit. Pulsosq. ostiolo intraturum se ingerens, dum caput immisit, sanctumq. orantem conspexit, repentino timore concussus, obrigescens membris etiam loquelam amisit. Subitoq. voluntate diuina per vim foras propulsus retrogrado pede procul abductus est. Stupescit Episcopus ad fratres festinauit, ut potuit, Deoq. sibi restituente linguam; primo verbo confessus est culpam. Corripit tempore quodam Abbatem monasterij sancti Iustini de Episcopatu Perusij obuiare famulo Christi. Quo viso Abbas deuotus celeriter de equo descendit, ut & viro Dei reuerentia faceret, & de salute animæ aliqua cum ipso conferret. Tandem habita collatione suauis Abbas ascendens, orari pro se humiliter petijt. Cui vir Deo charus respondit: Orabo libenter. Parum itaq. discendente Abbate, dixit fidelis Franciscus ad socium: Expecta frater modicum: quia debitum volo soluere, quod promisi. Orante autem illo, subito Abbas insolitum calorem, & dulcedinem hactenus inexpectantem sensit in spiritu: ita quod in excessu mentis effectus: totus a seipso in Deum defecit. Parua formula substitit: & in se reuersus, virtutem orationis sancti Francisci cognouit. Maiori proinde circa ordinem semper amore flagrant: multisq. factum pro miraculo retulit. Solitus erat vir sanctus horas canonicas non minus timore Deo persolvere, quam deuote. Nam licet oculorum, stomachi, splenis, & hepatis ægritudine laboraret, nolebat tamen muro vel parieti inhærere dum psalleret: sed horas semper erectus, & sine caputio, non gyronagis oculis, nec cum aliqua syncopa persolvebat. Si quando esset in itinere constitutus, figebat tunc temporis gressum, huiusmodi consuetudinem reuerentem & sacram propter pluuiarum inundantiam non omittens. Dicebat enim, Si quiete comedit corpus cibum suum futurum cum ipso vermiu esca, cum quanta pace, & tranquillitate accipere debet anima cibum vitæ? Grauius etiam se putabat offendere si quando orationi deditus, vanis phantasmatibus interius vagaretur. Cum aliquid tale accideret, non parcebat confessioni quin illud protinus expiaret. Hoc studium sic in vsum conuerterat, ut rarissime muscas huiusmodi pareretur. Fecerat in Quadragesima quadam vasculum vnum, ut minutias temporis, ne omnino exciderent, occuparet. Quod cum dicenti tertiam in memoriam veniens paululum ipsius animum distraxisset, motus feruore spiritus, vasculum igne consumpsit, dicens: Sacrificabo illud Domino, cuius sacrificium impeditur. Psalmos cum tanta mentis ac spiritus attentione dicebat, quasi Deum præsentem haberet: & cum nomen Domini in eis occurreret, præ suauitatis dulcedine labia sua lingere videbatur. Ipsum quoque Domini nomen non solum cogitatum, verum etiam prolatum, & scriptum, reuerentia volens honorare præcipua, fratribus persuasit aliquando ut omnes schedulas scriptas ubicunque repertas colligerent, mundoq. loco reponerent, ne forte sacrum illud nomen contingeret conculcari. Nomen autem Iesu cum exprimeret vel audiret, iubilo quodam repletus interius, totus videbatur exterius alterari: ac si mellifluus sapor gustum, vel harmoniacus sonus ipsius immutasset auditum. Contigit autem anno tertio ante obitum suum, ut memoriam Natiuitatis pueri Iesu ad deuotionem excitandam apud Castrum Grecij disponeret agere cum quanta maiori sollemnitate valeret. Ne vero hoc leuitati posset ascribi, a summo Pontifice petita, & obtenta licentia, fecit præparari præsepium, apportari fenum, bouem & asinum ad locum adduci. Aduocantur fratres, adueniunt populi, personat sylua voces, & venerabilis illa nox luminibus copiosis, & claris, laudibusq. sonoris & consonis, splendens efficitur, & sollemnis. Stabat vir Dei coram præsepio pietate repletus, respersus lacrymis, & gaudio superflusus. Celebrantur Missarum sollemnia super præsepe, leuita Christi Francisko sacrum Euangelium decantante. Prædicat deinde populo circumstanti de Natiuitate Regis pauperis, quem cum nominare vellet: puerum de Bethleem præ amoris teneritudine nuncupabat. Miles autem quidam virtuosus, & verax qui propter Christi amorē seculari relicta militia, viro Dei magna fuit familiaritate coniunctus Dominus Ioannes de Grecio se vidisse asseruit puerulum quemdam valde formosum in illo præsepio dormientem: quem beatus pater Franciscus ambobus complexans brachijs excitare videbatur a somno. Hæc siquidem deuoti militis visionē non solum videntis sanctitas credibilem facit: sed & designata veritas comprobatur, & miracula subsequuta confirmant. Nam exemplum Francisci cōsideratum a mundo excitatum est cordium in fide Christi torpentium: & fenum præsepis referuatum a populo, mirabiliter sanatum fuit brutorum languentium, & aliarum repulsiuum pestium diuersarū, glorificante Deo per omnia seculum suū, sanctæq. orationis efficaciam euidenter miraculorum prodigijs demonstrante.

*De intelligentia Scripturarum, & spiritum prophetia.*  
Cap. XI.

AD tantam autem mētis serenitatem indefessum orationis studium cum continua exercitatione virtutum, virum Dei perduxerat: ut quamuis non habuerit sacrarum litterarum peritiam per doctrinam; æternæ tamen lucis irradiatus fulgoribus Scripturarum profunda miro intellectus scrutaretur acumine. Penetrabat enim ab omni labe purum ingenium mysteriorum abscondita, & ubi magistralis scientia foris stat, affectus introibat amantis. Legebatur quandoque in libris sacris, & quod animo semel iniecerat, tenaciter imprimebat memoriæ: quia non frustra mētalis attentionis percipiebat auditu, quod continuæ deuotionis ruminabat affectu. Querentibus aliquando fratribus, utrum sibi placeret quod litterarum iam recepti ad ordinem intenderent studio sacræ Scripturæ. Respondit: Mihi quidem placet; dum tamen exemplo Christi, qui magis orasse legitur quàm legisse, orationis studium non omittant, nec tamen studeant, ut sciant qualiter debeant loqui: sed ut audita faciant, & cum fecerint, alijs facienda proponant. Volo, inquit, fratres meos discipulos euāgelicos esse: sicq. in notitia veritatis proficere, quod in simplicitatis puritate conrescant, ut simplicitatem columbinam a prudentia serpentina non separent, quas Magister eximius ore suo benedicto coniunxit. Interrogatus Senis a quodam religioso viro Theologiæ sacræ doctore de quibusdam quæstionibus difficilibus intellectu, tanta claritate doctrinæ, diuinæ sapientiæ patefaciebat arcana, ut vehementer stuperet vir ille peritus, & cum admiratione

D d ratione

S. Bon. Tom. 7. Pars iij.

ratione referret: Vere Theologia sancti Patris istius puritate, ac contemplatione tamquam alis in altum subuecta est aquila volans: nostra vero scientia ventre graditur super terram. Licet enim esset imperitus sermone, scientia tamen plenus enodabat dubia quaestionum, & abscondita producebat in lucem. Nec absolum, si vir sanctus Scripturatum a Deo intellectum acceperat, cum per imitationem Christi perfectam veritatem ipsarum descriptam gestaret in opere, & per sancti Spiritus vntionem plenariam, doctorem earum apud se haberet in corde. Adeo etiam in ipso claruit spiritus prophetiae, ut praevideret futura, & cordium contueretur occulta: absentia quoque velut praesentia cerneret, & se praesentem absentibus mirabiliter exhiberet. Tempore namque quo Damiatam Christianorum obsidebat exercitus: aderat vir Dei non armis, sed fide munitus. Cum igitur die belli, Christiani pararentur ad pugnam: hoc audito Christi seruus vehementer ingemuit, dixitque socio suo: Si belli fuerit attentatus ingressus ostendit mihi Dominus non prospere cedere Christianis, verum si hoc dixero, fatuus reputabor: si tacuero, conscientiam non euadam. Quid igitur tibi videtur? Respondit socius eius dicens: Frater pro minimo tibi sit ut ab hominibus iudicaris: quia non modo incipis fatuus reputari. Exonera conscientiam tuam, & Deum magis time, quam homines. Quo audito: exiliens Christi praeco salutaribus monitis Christianos aggreditur: prohibet bellum, denuntiat casum. Fit veritas in fabulam: indurauerunt cor suum, & noluerunt reuerti. Iur, committitur, & bellatur, totaque in fugam vertitur militia Christiana: finem belli opprobrium regerens, non triumphum. Tanta vero strage Christianorum imminutus est numerus, ut circa sex millia fuerint inter mortuos & captiuos. In quo euidenter innouit quod spernenda non erat sapientia pauperis: cum anima viri iusti annuntiet aliquando vera, quam septem circumspectores sedentes in excelsis ad speculandum.

*Eccli. 37.6*

Alio quoque tempore cum post reuersionem ipsius de ultra mare, Celanum praedicaturus accederet, miles quidam supplici eum deuotione cum instantia magna inuitauit ad prandium. Venit itaque ad militis domum, omnisque familia pauperum hospitem exultauit in ingressu. Ante vero quam cibum sumerent iuxta solitum morem, vir mente deuotus offerens Deo preces & laudes, oculis stabat eleuatis in caelum. Oratione completa, benignum hospitem familiariter aduocatum in partem, sic allocutus est. Ecce frater hospes, tuis victus precibus ut manducarem, domum tuam intraui. Meis nunc cito monitis acquiesce: quoniam non hic, sed alibi manducabis. Confitere nunc peccata tua, verae poenitentiae dolore contritus, nec in te remaneat quidquam quod veridica confessione non pandas. Reddet tibi Dominus hodie vicem: quoniam tanta deuotione suos pauperes suscepisti. Acquieuit continuo vir ille sermonibus sancti: socioque ipsius vniuersa peccata in confessione detegens, disposuit domum suam, & ad mortem suscipiendam, se quantum valuit, praeparauit. Intrauerunt tandem mensam, & incipientibus alijs manducare, hospes subito spiritum exhalauit, iuxta verbum hominis Dei repentina morte sublatus. Sicque factum est hospitalitatis gratia promerente, ut iuxta verbum veritatis Prophetam recipiens mercedem Prophetae acciperet: dum per Sancti viri pronuntiationem prophetica miles ille deuotus sibi contra mortis subitationem prouidit: quatenus armis poenitentiae praemunitus perpetuam damnationem euaderet, & in aeterna tabernacula introiret.

*Mat. 10. d*

Tempore quo vir sanctus Reate iacebat infirmus: praebendarius quidam nomine Gedeon lubricus, & mundanus infirmitate graui correptus, lectulo decubans, cum ad eum fuisset delatus, lacrymose ro-

gabat cum simul astantibus, ut ab ipso crucis signaculo signaretur. Ad quem ille: Cum vixeris olim secundum desideria carnis, non veritus iudicia Dei, quomodo te cruce signabo? Verum propter deuotas intercedentium preces, signo te crucis signabo, in nomine Domini. Tu tamen scito te grauiora passurum, si ad vomitum redieris liberatus. Propter enim peccatum ingratitude semper peiora prioribus inferuntur. Signo itaque crucis super eum facto, statim qui contractus iacuerat, surrexit sanus: & in laudem Dei prorumpens, Ego, inquit, sum liberatus. Insonuerunt autem ossa renum eius audientibus cunctis veluti cum manu ligna sicca franguntur. Paucis autem interlapsis temporibus, Dei oblitus, corpus impudicitiae reddidit. Cumque sero quodam cenasset in domo cuiusdam Canonici, nocteque illa dormiret ibidem, subito super omnes corruit testum domus. Ceteris autem euadentibus mortem, solus ille miser interceptus atque interemptus est. Iusto igitur Dei iudicio facta sunt nouissima hominis illius peiora prioribus propter ingratitude vitiū, Deique contemptum: cum de accepta venia gratum esse oporteat, & duplo displiceat flagitium iteratum.

Alio quoque tempore mulier quaedam nobilis Deo deuota venit ad sanctum, ut suum ei explicaret dolorem, ac remedium postularet. Habebat quidem virum valde crudelem, quem aduersarium patiebatur in seruitio Christi: & ideo petebat a sancto quatenus oraret pro illo, ut sua Deus cor ipsius dignaretur emollire clementia. Ipse vero hoc audiens, ait illi: Vade cum pace, indubitanter expectans de viro tuo consolationem tibi de proximo affuturam. Et adiecit: Dices ei ex parte Dei, & mea quod nunc est tempus clementiae, postmodum aequitatis. Benedictione accepta reuertitur mulier, inuenit virum, denuntiat verbum. Cecidit super eum Spiritus sanctus, & nouum factum de veteri, sic facit cum mansuetudine respondere: Domina seruiamus Domino, & saluemus animas nostras. Suadete igitur sancta vxore, pluribus annis corlibem vitam agentes, eodem die ambo ad Dominum migrauerunt. Miranda certe in viro Dei spiritus prophetici virtus, qua & membris iam arentibus restituebat vigorem, & duris imprimebat cordibus pietatem: quamquam non minus eiusdem spiritus sit stupenda limpiditas, qua sic futurorum praecognoscebat euentum, ut etiam conscientiarum scrutaretur arcanum: quasi alter Eliseus duplicem Eliae spiritum assecutus.

Nam cum Senis viro cuidam sibi familiari quaedam superuentura finaliter praedixisset, & vir ille peritus, de quo supra mentio facta est, quod de scripturis cum eo conferebat aliquando; his auditis ab eodem sancto patre dubitando perquireret: an hac ipse dixisset, quae illius viri relatione cognouerat: non solum se illa dixisse asseruit: verum etiam quarenti alienum euentum proprium exitum prophetando praedixit. Quod ut certius cordi eius imprimeret quendam secretum conscientiae illius scrupulum quem nulli viuenti vir praefatus expresserat, mirabiliter reuelando explicuit, & salubriter consulendo reserauit. Ad quorum omnium firmitatem accedit, quod vir ille religiosus sicut Christi famulus ei praedixit, sic finaliter consummauit.

Eo quoque tempore quo reuertebatur de ultra mare, socium habens fratrem Leonardum de Assisio, contigit eum fatigatum, & lassum parumper asellum conscendere. Subsequens autem socius, & ipse non modicum fessus, coepit dicere intra se, humanum aliquid passus: Non de pari ludebant parentes eius, & mei. En ipse equitat, & ego pedester asinum eius duco. Hoc illo cogitante, protinus descendit de asino vir sanctus, & ait: Non frater conuenit ut ego equitem, tu venias pedes: quia nobilior, & potentior in saeculo tu me fuisti. Obstupuit illico frater, & rubore suff-

re suffusus, deprehensum se recognoscens, procidit ad pedes ipsius, & lacrymis irrigatus, nudum exposuit cogitatum, veniamq. poposcit.

Frater quidam Deo deuotus, & famulo Christi, frequenti cogitatione versabat in pectore, superna fore gratia dignum, quem vir sanctus familiari complecteretur affectu: quem vero tamquam extraneum reputaret, extra numerum electorum reputandum a Deo. Cum igitur cogitationis huiusmodi crebrius vexatus impulsu viri Dei familiaritatem vehementer optaret, nec tamen cordis sui secretum reuelaret alicui, aduocans eum ad se, dulciter Pater pius sic allocutus est: Nulla te turbet cogitatio fili: quoniam te charissimum habens inter precipue mihi charos libenter tibi munus meae familiaritatis, & dilectionis impendo. Miratus exinde frater, factusq. deuotior ex deuoto, non solum in amorem creuit hominis sancti, verum etiam per Spiritus sancti gratiae munus, donis est maioribus cumulatus. Cum autem in monte maneret Aluernae cella reclusus, vnus e socijs magno desiderio cupiebat habere de verbis Domini aliquod scriptum manu ipsius breuiter annotatum. Grauem enim qua vexabatur tentationem non carnis, sed spiritus ex hoc credebat euadere, vel certe leuius ferre. Tali desiderio languens anxiabatur interius: quia verecundia victus reuerendo Patri rem pandere non audebat. Sed cui homo non dixit, Spiritus reuelauit. Portari namq. sibi iussit a fratre praedicto atramentum, & chartam, laudesq. Domini iuxta fratris desiderium propria manu scripsit, & ultimo benedictionem ipsius, dicens: Accipe tibi chartulam istam, & vsque ad diem mortis tuae custodias diligenter. Accepit frater donum illud optatum, & statim omnis illa tentatio effugatur. Seruatur littera, & cum in posterum miranda effecerit, virtutum Francisci testimonium fuit.

Frater quidam erat quantum a foris videbatur, sanctitate praeclarus, conuersatione insignis, tamen admodum singularis. Omni tempore orationi vacans, tanta districtione silentium obseruabat, quod consueuerat non verbis, sed nutibus confiteri. Accidit autem sanctum Patrem venire ad locum videre fratrem, & de ipso cum alijs fratribus habere sermonem. Commendantibus autem omnibus, & magnificentibus illum; respondit vir Dei: Sinite fratres, ne mihi in eo diabolica figmenta laudetis. In veritate sciatis, quod diabolica tentatio est, & deceptio fraudulenta. Dure acceperunt hoc fratres tamquam impossibile iudicantes, quod tot perfectionis indicijs fraudis se commenta fuscaret. Verum non post multos dies eo religionem egresso euidenter apparuit quanta luculentia interioris contuitus vir Dei cordis eius secreta perspexit. Multorum quoque per hunc modum qui stare videbatur ruinam, sed & plurium peruersorum conuersionem ad Christum immobili veritate praenuntians appropinquasse videbatur ad aeternae lucis speculum contemplandum: cuius fulgore mirabili absentia corporaliter tamquam si esset praesentia mentis eius cernebat obtutus.

Quodam namque tempore Vicarius suus tenebat capitulum: ipse vero in cella orans, sequester erat & medius inter fratres & Deum. Cum igitur vnus ex ipsis defensionis quodam contextus palliolo non se subderet disciplinae; videns hoc vir sanctus in spiritu, vocauit quemdam de fratribus, & dixit ad eum: Vidi frater diabolum super illius fratris inobedientis dorsum, collum eius tenentem astrictum, qui tali sessore subactus, obedientiae freno spreto, instinctus eius sequebatur habenas. Et cum rogaré Deum pro fratre, subito daemon confusus abscessit. Vade igitur & dic fratri, vt obedientiae sanctae iugo collum sine mora submittat. Monitus per internuntium frater, statimq. conuersus ad Deum, ad pedes Vicarij humiliter se proiecit.

S. Bon. Tom. 7. Pars iiij.

Alio quoque tempore contigit duos fratres ad eremitorium Grecij de remotis venire, vt virum Dei cernerent, & benedictionem multo desideratam iam tempore reportarent. Venientes autem, & non inuenientes, quia de publico iam ad cellam redierat, desolati abibant. Et ecce recedentibus illis, cum de ipsorum aduentu vel recessu nihil secundum humanum sensum percipere potuisset praeter solitum morem egressus e cella, clamauit post eos: & iuxta quod optauerant, signo crucis facto in Christi nomine benedixit.

Duo fratres venerunt aliquando de Terra laboris, quorum antiquior nonnulla intulit scandala iuniori. Cum autem peruenissent ad Patrem, quaesivit ille a iuniori qualiter erga ipsum se frater socius habuisset in via. Quo respondente vtique satis bene, subiunxit: Caue frater, ne sub humilitatis specie mentiaris: scio enim scio: sed expecta modicum, & videbis. Miratus est per plurimum frater, quomodo tam absentia per spiritum cognouisset. Igitur non post multos dies contempta religione, foras egreditur qui scandalum fecerat fratri, & a Patre non petierat veniam, nec correctionis debitam receperat disciplinam. Simulq. duo in vna illius claruere ruina: aequitas, scilicet diuinæ iustitiae, & perspicacitas spiritus prophetiae. Qualiter autem absentibus se praesentem exhibuit diuina faciente virtute, euidenter ex superioribus innotescit, si reuocetur ad mentem, qualiter absens in curru igneo fratribus transfiguratus apparuit, & quomodo se Arelateni capitulo in crucis effigie praesentauit. Quod factum esse diuina dispositione credendum est, vt ex praesentiae corporalis apparitione mirabili patenter claresceret, quam praesens, & peruius spiritus eius luci sapientiae foret aeternae, quae omnibus mobilibus mobilior est: & vbique attingens propter sui munditiam per nationes in animas sanctas se transfert, & Dei amicos, & prophetas constituit. Simplicibus, & paruulis sua solet pandere mysteria doctor excelsus: Sicut prius apparuit in David Prophetarum eximio, & post in Apostolorum principe Petro, & tandem in pauperculo Christi Francisci. Hi enim cum essent litterarum imperitia simplices, facti sunt sancti Spiritus eruditione illustres. Is quidem pastor vt gregem pasceret Synagoga de Aegypto eductum: iste piscator vt sagenam repletet Ecclesiae multiforitate credentium: hic autem negotiator, vt margaritam emeret euangelicae vitae, venditis & dispersis omnibus propter Christum.

*De efficacia predicandi, & gratia sanisatum.*  
Cap. XII.

Idelis te vera famulus, & minister Christi Franciscus, vt cuncta fideliter, & perfecte perageret, illis potissime virtutum exercitijs intendebat, quae sacro dictante Spiritu, Deo suo magis placere cognouerat. Qua de re contigit illum in magnam dubitationis cuiusdam agonia incidere: quam multis diebus ab oratione rediens terminandam fratribus sibi familiaribus proponebat. Quid, inquit, fratres consulitis, quid laudatis? an quod orationi vacem, an quod praedicando discurram? Siquidem ego paruulus simplex, & imperitus sermone, maiorem orandi accepi gratiam, quam loquendi. Videtur etiam in oratione lucrum, & cumlatio gratiarum, in praedicatione distributio quaedam donorum caelitus acceptorum. In oratione etiam purificatio interiorum affectuum, & vnio ad vnum verum, & summum bonum cum vigoratione virtutis. In praedicatione spiritualium puluerizatio pedum, distractio circa multa, & relaxatio disciplinae. Tandem in oratione Deum alloquimur, & audimus: & quasi Angelicam vitam agentes inter Angelos conuersamur. In praedicatione multa oportet condescensione vti ad homines

Dd 2 mines

mines, & humane inter eos viuendo, humana cogitare, videre, dicere, & audire. Sed vnum est in contrarium, quod videtur præpoderare his omnibus ante Deum, quod videlicet vnigenitus Dei Filius, qui est sapientia summa, propter animarum salutem de sinu Patris descendit, vt suo mundū informans exemplo, verbum salutis hominibus loqueretur, quos sacri sanguinis & pretio redimeret, & emundaret lauacro, & poculo sustentaret, nihil sibi omnino referuans quod non in salutem nostram liberaliter erogaret. Et quia debemus omnia facere secundum exemplar eorum, quæ videmus in ipso tāquam in monte sublimi, videtur magis Deo placitū, quod intermissa quiete foras egrediar ad laborem. Cumq; p̄r multos dies verba huiusmodi ruminaret cum fratribus, certitudinaliter nequibat percipere, quid horum sibi foret, vt Christo vere acceptius eligendum. Cum enim miranda nosset per spiritum prophetiæ, hanc per seipsum quæstionem dissoluere non valebat ad liquidū, Deo melius providente, vt prædicationis meritum per supernum manifestaretur oraculū, & serui Christi humilitas seruaretur. Non erubescibat a minoribus parua quærere verus minor, qui magna didicerat a magistro supremo. Studio namque præcipuo solitus erat exquirere, quali via, qualiq; modo Deo posset secundum ipsius beneplacitum perfectius deservire. Hæc summa eius philosophia, hoc summum eius desiderium extitit quoad vixit, vt quæreret a sapientibus & simplicibus, perfectis, & imperfectis, paruulis, & grandævis, qualiter ad perfectionis culmen virtuosius peruenire valeret. Assumens itaque duos ex fratribus misit ad fratrem Siluestrum, qui crucem egredientem viderat de ore ipsius: & tunc in montem supra Assisium iugiter orationi vacabat, vt diuinum super dubitatione huiusmodi responsum perquireret, quod sibi ex parte Domini demandaret. Hoc ipsum demandauit sacræ virgini Claræ, vt per aliquam puriorem & simpliciorē de Virginibus sub ipsius disciplina degentibus, & ipsa cum sororibus alijs orans, super hoc exquireret Domini volūtatē. Concordauerunt autē mirabiliter in idipsum superno eis reuelāte Spiritu venerabilis sacerdos, & virgo Deo dicata, beneplaciti scilicet esse diuini, quod Christi præco ad prædicandum exiret. Reuertentibus itaque fratribus, & Dei iuxta quod acceperant indicantibus voluntatem, exurgens continuo succinxit se, & nulla prorsus contracta mora, iter aggressus est. Ibat autem cum tanto feruore, vt diuinum exequeretur imperium, tamq; celeriter percurreret, ac si facta manu Dei super eum nouam induisset e celo virtutem. Cum igitur appropinquaret Beuanium ad quendam locum deuenit, in quo diuersi generis auium maxima multitudo conuenerat. Quas cum sanctus Dei vidisset, alacriter cucurrit ad locum, & eas velut rationis participes salutauit. Omnibus vero expectantibus, & conuertentibus se ad eum, ita vt quæ in arbutis erant, inclinatīs capiribus cum appropinquaret ad eas insolito modo in ipsum intenderent, vsque ad eas accessit, & omnes vt verbum Domini audirēt, sollicitate admonuit, dicēs: Fratres mei volucres, multum debetis laudare Creatorem vestrum, qui plumis vos induit, & pennas tribuit ad volandum, puritatem concessit aeris, & sine vestra sollicitudine vos gubernat. Cum autem eis hæc & his similia loqueretur, auiculæ modo mirabili gestientes cœperunt extendere colla, protendere alas, aperire rostra, & in illum attente respicere. Ipse vero cum spiritus feruore mirando per medium ipsarum transiens, tunica contingebat easdem, nec tamen de loco aliqua mora est, donec signo crucis facto, & licentia data cum benedictione viri Dei, omnes simul aduolarunt. Hæc omnia contuebantur socij expectantes in via. Ad quos reuersus vir simplex & purus, pro eo quod non haudenus auibis prædicauerat, cœpit se de negligentia

A inculpare. Exinde prædicando per loca vicina procedens, venit ad castrum quoddam nomine Aluianum, vbi congregato populo, & indicto silentio, propter hirundines nidificantes in eodem loco, magnisq; garricibus perstrepetes audiri vix poterat. Quas vir Dei omnibus audientibus allocutus est, dicens: Sorores meæ hirundines iam tēpus est, vt loquar & ego, quia vos vsque modo satis dixistis. Audite verbū Dei tenentes silentium, donec sermo Dei cōpleatur. At illæ tamquam intellectus capaces subito tacuerunt, nec fuerunt motæ de loco, donec fuit omnis prædicatione consummata. Omnes igitur qui viderunt, stupore repleti glorificauerunt Deum. Istius miraculi fama circumquaque diffusa, multos ad sancti reuerentiam & fidei deuotionem accendit.

B In ciuitate nāque Parisiensi scholaris quidam indolis bonæ cum socijs alijs studio diligēter intentus, dum importuna garrulitate cuiusdam infestaretur hirundinis, dicere cœpit ad socios: Hæc hirundo vna de illis est, quæ virum Dei Franciscum prædicantem aliquando donec silentium eis imponeret, molestant, & conuersus ad hirundinem fiducialiter ait: In nomine serui Dei Francisci præcipio tibi, vt ad me veniens continuo conticescas. At illa Francisci audito nomine, quasi viri Dei disciplinis edocta, & statim conticuit, & ipsius manibus tamquam tutæ custodiæ se commisit. Stupefactus scholaris, statim eam libertati restituit, & eius garrum amplius non audiuit.

C Alio quoque tempore, cum famulus Dei Caietæ semel prædicaret in littore maris, turbis præ deuotione ruentibus, vt eum cōtingerent; horrens Christi seruus tantum populorum applausum in vnā hærentem littori nauiculam profiliuit solus. Illa vero tamquam si rationis particeps motore moueretur intrinseco sine aliquo remige, cernentibus & mirantibus cunctis, se longius a terra protraxit. Cum autem aliquanto spatio in maris altitudinem secessisset, stetit inter fluctus immobilis quamdiu vir sanctus turbis expectantibus in littore prædicauit. Cumq; audito sermone, & viso miraculo, ac benedictione accepta multitudo recederet, ne ipsum amplius molesteret, nauicula proprio ductu ad terram reuera est. Quis igitur obstinatæ mentis esset & impiæ, qui prædicationem Francisci contemneret, cuius miranda fiebat virtute, vt non solum carentia ratione, disciplinam susciperent, verumeriam inanimata corpora tamquam animata prædicanti seruirent?

D Aderat equidem seruo suo Francisco, ad quæcumque pergeret is qui cum vnixerat & miserat Spiritus Domini, & ipse Dei virtus & sapientia Christus, vt sanæ doctrinæ verbis afflueret, & magnæ potentie miraculis coruscaret. Erat enim verbum eius, velut ignis ardens, penetrans intima cordis, omniumq; mētes admiratione replebat, cum non humanæ inuentionis ornatum prætenderet, sed diuinæ reuelationis afflatum redoleret. Nam cum semel prædicaturus coram Papa, & Cardinalibus ad suggestionem Domini Ostiensis, sermonem quandam studiōse compositum commendasset memoriæ, stetissetq; in medio vt ædificationis verba proponeret; sic obliuioni tradidit omnia, vt effari aliquid omnino nesciret. Verum cum hæc veridica humilitate narrasset, conferēs se ad Spiritus sancti gratiam inuocandam, tam efficacibus subito cœpit verbis affluere, tamq; potenti virtute illorum mentes virorum sublimium ad compunctionem inflectere, vt aperte clareret quod non ipse, sed Spiritus Domini loquebatur. Et quoniam primo sibi suaserat opere, quod alijs suadebat sermone, reprehensorem non timens, veritatem fidentissime prædicabat. Nesciebat aliquorum culpas palpare, sed pun gere, nec vitam fouere peccantiū, sed aspera increpatione ferire. Eadem mentis constantia magnis loquebatur & paruis, eademq; spiritus iucunditate paucis loquebatur & multis. Omnis ætas, omnisq;

*Mar. 16. d* nisq. sexus, properabat virum nouum mundo cælitus datum, & cernere, & audire. Ipse vero per diuersas regiones progrediens euangelizabat ardentem, Domino cooperante, & sermonem confirmante sequentibus signis. In virtute namque nominis eius veritatis præco Franciscus eijciebat dæmonia, sanabat infirmos, & quod maius est, sui sermonis efficacia obstinatos mentes ad poenitentiam mollebat, simulq. sanitatem corporibus reddebat & cordibus, sicut aliqua comprobant operum eius, exempli gratia inferius annotanda.

In ciuitate Tuscanella a milite quodam hospitio deuote susceptus, filium eius vnicum a natiuitate contractum ad multam ipsius instantiam, manu alleuans, sic subito incolumem reddidit, vt videntibus cunctis, protinus consolidarentur omnia corporis membra, & puer sanus effectus, & fortis confectum exurgeret ambulans, & exiliens, & laudans Deum.

In ciuitate Narniensi cum paralyticum quendam membrorum omnium destitutum officio, signo crucis a capite vsque ad pedes ad instantiam signasset Episcopi, perfecte restituit sanitati.

In Episcopatu Reatino puer quidam sic turgidus a quattuor annis, vt nullo modo propria crura cernere posset, a matre cum lacrymis præsentatus eidem, statim vt vir sanctus tetigit eum manibus sacris incolumis est effectus.

Apud ciuitatem Ortensem puer vnus ita conglomeratus, vt caput pedibus portaret applicitum, & haberet ossa nonnulla confracta, signo crucis ad parentum lacrymales preces ab eodem suscepto, subito extensus exiit, & illico liberatus.

Mulier quædam ciuitatis Eugubij ambas contractas & aridas habens manus, adeo vt nihil per illas operari valeret, signo crucis ab eodem in nomine Domini sibi facto, tam perfectam obtinuit sospitatē, quod statim rediens domum, cibos in ministerium eius & pauperum quasi altera socrus Simonis proprijs manibus præpararet.

Puellæ cuidam in castro Beuanij, oculorum priuæ luminibus, cum in Trinitatis nomine sputo suo ter ipsius oculos liniuisset, lumen concupitum restituit.

Mulier quædam ciuitatis Narnij, oculorum cecitate percussa, signum crucis ab eodem suscipiens, lucem recuperauit optatam.

Bononiæ puer quidam vnum oculorum macula adeo habens obtectum, vt nihil prorsus videre posset, nec aliquo iuuari remedio, post signum crucis a capite vsque ad pedes per seruum Domini sibi factum, visum recuperauit tam limpidum, vt postmodum Fratrum Minorum ordinem ingressus, se longe clarius videre assereret de oculo prius infirmo, quam de oculo semper sano.

In castro sancti Gemini seruus Dei a quodam deuoto viro susceptus hospitio, cuius vxor a dæmonio vexabatur post orationem factam in virtute obedientie imperauit dæmoni vt exiret, cumq. potestate diuina tam subito effugauit, vt vere claresceret quod obedientie sanctæ virtuti, peruicacia dæmonum non obstat.

In ciuitate de Castello, quidam furibundus, & nequam spiritus quandam obsidens mulierem, a viro sancto obedientie accepto mandato, indignabundus discessit, mente simul & corpore liberam obsessam prius feminam derelinquens.

Frater quidam infirmitate tam horribili grauabatur, vt magis esse vexatio dæmonis, quam naturalis infirmitas a pluribus firmaretur. Nam totus sæpe alidebatur, & volutabatur spumans, membris corporis nunc contractis, nunc extensis, nunc plicatis, nunc tortis, nunc rigidis effectis & duris. Quandoque totus extensus & rigidus, pedibus æquatis capiti leuabatur in altum, horribiliter illico relapsurus. Hunc

S. Bon. Tom. 7. Pars iiij.

A sic miserabiliter & irremediabiliter ægotantem plenus misericordia Christi seruus cōmiserans, buccellam sibi panis, de quo edebat, transmisit. Tantam vero gustatus panis contulit ægro virtutem, vt deinceps huius infirmitatis molestiam non sentiret.

In comitatu Aretij cum diebus pluribus mulier quædā laborasset in partu, essetq. iam proxima mortis, nullum omnino desperanti de vita supererat remedium nisi Dei. Cum autem equo vectus propter corporis infirmitatem Christi famulus per partes illas transitum habuisset, contigit reduci animal per villam, in qua mulier torquebatur. Homines vero loci, viso equo, cui vir sanctus infederat, extraxerunt frenum vt superponerent mulieri: ad cuius contactum mirificum omni remoto periculo, mulier illico peperit cum salute.

Vir quidam de Castro plebis, religiosus ac timens Deum, chordam apud se, qua cinctus fuerat, sanctus pater habebat. Cumq. multitudo virorum ac mulierum in castro illo varijs infirmitatibus laboraret, ibat per infirmantium domos, & intincta chorda in aqua dabat bibere patientibus, sicq. per hunc modum plurimi sanabantur. Sed & de panibus a viro Dei tactis gustantes ægroti, diuina operante virtute consequebantur celeriter remedia sanitatum. Cum his & alijs multis miraculorum prodigijs præco Christi prædicans coruscaret, attendebatur his, quæ dicebantur ab eo, ac si Angelus Domini loqueretur. Excellēs namque in ipso prærogatiua virtutum, prophetiæ spiritus, efficacia miraculorum, oraculum de prædicando cælitus datum, obedientia creaturarum ratione carentium, vehemens immutatio cordium ad verborum ipsius auditum, eruditio eius a Spiritu sancto præter humanam doctrinam, prædicandi auctoritas a summo Pontifice non sine reuelatione concessa, insuper & regula, in qua forma prædicandi exprimitur ab eodem Christi Vicario confirmata, summi quoque Regis signacula per modum sigilli corpori eius impressa, tamquam testimonia decem, toti sæculo indubitanter affirmant, Christi præconem Franciscum & venerandum officio, & doctrina authenticum, & admirabilem sanctitate, ac per hoc tamquam vere Dei nuntium Christi Euangelium prædicasse.

De signis sacris. Cap. XIII.

M Os erat Angelico viro Francisco nūquam otiosi a bono, quin potius instar supernorum spirituum in scala Iacob, aut ascendeat in Deum, aut descenderet ad proximum. Nam tempus sibi concessum ad meritum diuidere sic prudenter didicerat, vt aliud proximorum lucris laboriosis impenderet, aliud cōtemplationis tranquillis excessibus dedicaret. Vnde cum secundum exigentiam locorum & temporum alienæ condescendisset procurandæ saluti, inquietationibus derelictis turbarum, solitudinis secreta petebat, locumq. quietis quo liberius Deo vacans, extergeret si quid pulueris sibi ex conuersatione hominum adhæsisset. Biennio itaque antequam spiritum redderet cælo, diuina prouidentia duce, post labores multimodos perductus est in locum excelsum seorsum, qui dicitur Mons Aluernæ. Cum igitur iuxta solitum morem, Quadagesimam ibidem ad honorem sancti Archangeli Michaelis ieiunare cœpisset, supernæ cōtemplationis dulcedine abundantius solito superfus, ac cælestium desideriorum ardentiori flamma succensus, supernarum cœpit immisionum cumulatius dona sentire. Ferebatur quidem in altum, non vt curiosus maiestatis perscrutator opprimedus a gloria, sed tamquam seruus fidelis & prudens inuestigans beneplacitum Dei, cui se conformare omnimode summo peroptabat ardore. Immissum est igitur menti eius per diuinum oraculum, quod in apertione libri Euangelici reuelaretur ei a Christo, quid

D d 3

Deo



Cant. 8. b

Deo in ipso, & de ipso maxime foret acceptum. A Oratione itaque cum multa deuotione præmissa, sacrum Euangeliorum librum de altari sumptum in sanctæ Trinitatis nomine aperiri fecit per socium, virum utique Deo deuotum & sanctum. Sane cum in trina libri apertione semper Domini passio occurreret, intellexit vir Deo plenus, quod sicut Christum fuerat imitatus in actibus vitæ, sic conformis ei esse deberet in afflictionibus & doloribus passionis, antequam ex hoc mundo transiret. Et licet propter multam austeritatem vitæ præteritæ, crucisq. Dominicæ baiulationem continuam, imbecillis iam esset corpore, nequaquam est territus, sed ad martyrij sustinentiam vigorosus animatus. Excreuerat quidem in eo insuperabile amoris incendium boni Iesu in lampades ignis arque flammarum, ut aquæ multæ charitatem eius tam validam extinguere non valerent. Cum igitur seraphicis desideriorum ardoribus, sursum ageretur in Deum, & compassiua dulcedine in eum transformaretur, qui ex charitate nimia voluit crucifigi, quodam mane circa festum Exaltationis sanctæ Crucis dum oraret in latere montis, vidit Seraph vnum sex alas habentem tam ignitas, quam splendidas de cælorum sublimitate descendere. Cumq. volatu celerimo peruenisset ad aeris locum viro Dei propinquum, apparuit inter alas effigies hominis crucifixi in modum crucis manus & pedes extensos habentis & cruci affixos. Duæ alæ super caput ipsius eleuabatur, duæ ad volandum extendebantur, duæ vero totum velabant corpus. Hoc videns vehementer obstupuit, mixtumq. mærore gaudium cor eius incurrit. Lætabatur quidem in gratioso aspectu, quo a Christo sub specie Seraph cernebat se conspici, sed crucis affixio compassiui doloris gladio ipsius animam pertransibat. Admirabatur quamplurimum in tam inscrutabilis visionis aspectu, sciens quod passionis infirmitas cum immortalitate spiritus seraphici nullatenus conueniret. Intellexit tandem ex hoc Domino reuelante, quod ideo huiusmodi visio sic diuina providentia suis fuerat præsentata conspectibus, ut amicus Christi prænosceret se non per martyrii carnis, sed per incendium mentis totum in Christi crucifixi similitudinem transformandum. Disparens igitur visio, mirabilem in corde ipsius reliquit ardorem, sed & in carne non minus mirabilem signorum impressit effigiem. Statim namque in manibus eius & pedibus apparere cœperunt signa clauorum, quemadmodum paulo ante in effigie illa viri crucifixi conspexerat. Manus enim & pedes in ipso medio clauis confixæ videbantur, clauorum capitibus in interiori parte manuum & superiori pedum apparentibus, & eorum acuminibus existentibus ex aduerso. Erantq. clauorum capita in manibus & pedibus rotunda & nigra, ipsa vero acumina oblonga retorta, & quasi re-percussa, quæ de ipsa carne surgentia carnem reliquæ excedebant. Dextrum quoque latus quasi lancea transfixum rubra cicatrice obductum erat, quod sæpe sanguinem sacrum effundens, tunicam & femoralia respergebat. Cernens autem Christi seruus, quod stigmata carni tam luculenter impressa socios familiares latere non possent; timens nihilominus publicare Domini sacramentum, in magno positus fuit dubitationis agone, vtrum videlicet quod viderat, diceret, vel taceret. Vocauit proinde aliquos ex fratribus, & generalibus verbis loquens, dubium coram eis proposuit, & consilium requisivit. Quidam vero ex fratribus gratia illuminatus, & nomine intelligens quod aliqua miranda vidisset, pro eo quod videbatur admodum stupefactus, dixit ad virum sanctum: Frater nō solum propter te, sed etiam propter alios, scias tibi ostendi aliquando sacramenta diuina. Timendum propterea iure videtur, ne si quod pluribus profuturum accepisti, celaueris, pro talento abscondito reprehensibilis iudicaris. Ad cuius verbum

motus vir sanctus, licet aliàs dicere solitus esset, Secretum meum mihi; tunc tamen cum multo timore seriem retulit visionis præfatæ, addens quod is, qui sibi apparuerat, aliqua dixerit, quæ numquam dum videret alicui hominum aperiret. Credendum sane tam arcana illa fuisse sacri illius Seraph in cruce mirabiliter apparentis eloquia quod forte non liceret hominibus ea loqui. Postquam igitur verus Christi amor in eandem imaginem transformauit amantem quadraginta dierum numero iuxta quod decreuerat in solitudine consummato, superueniente quoque sollemnitate Archangeli Michaelis, descendit Angelicus vir Franciscus de monte secum ferens crucifixi effigiem, non in tabulis lapideis vel ligneis manu figuratam artificis, sed in carnis membris descriptam digito Dei viui. Et quoniam sacramentum Regis abscondere bonum est: ideo secreti regalis vir conficius signacula illa sacra pro viribus occultabat. Verū, quia Dei est ad gloriam suam magna reuelare quæ facit Dominus ipse, qui signacula illa secrete imprefferat, miracula quædam aperte per ipsa monstrauit, ut illorum occulta & mira vis sigmatum, manifesta patet claritate signorum.

Tob. 12. b

In Prouincia namque Reatina pestis inualuerat valde grauis, quæ oues & boues omnes sic consume-  
C beret crudeliter quod nullum poterat remedium adhiberi. Vir autem quidam timens Deum nocte fuit per visionem commonitus, ut ad eremitorium fratrum festinanter accederet, & loturam manuum ac pedum famuli Dei Francisci, qui tunc temporis morabatur ibidem acceptam, super animalia cuncta respergeret. Mane itaque surgens venit ad locum, loturaq. huiusmodi per socios sancti viri latenter obtenta, oues & boues languentes ex ea resperxit. Mirabile dictū. Statim ut aspersio animalia languida, & in terra iacentia quantumcumque paululum attingebat, pristino recuperato vigore surgebant continuo, & tamquam nihil mali sensissent, ad pascua festinabant. Sicq. factum est, ut per virtutem mirandam aquæ illius, quæ sacras plagas contigerat, omnis prorsus plaga cessaret, pestilensq. morbus a gregibus fugaretur. Circa præfatum montem Aluernæ antequam vir sanctus ibi contraheret moram, nube ex ipso monte surgente, grandinis violenta tempestas fructus terræ consuetudinarie deuastabat. Sed post illam apparitionem felicem non sine incolarum admiratione grando cessauit, ut cælestis illius visionis excellentiam & stigmatum ibidem impressorum virtutem serenati præter morem ipsa cæli facies declararet. Contigit quoque eum tempore hiemali propter debilitatem corporis, & asperitatem viarum hominis vnus pauperis subuectum asello sub rupis cuiusdam prominentis pernoctaret crepidine, ut niuis & noctis superuenientium quoquo modo declinaret incommoda, quibus præpedi-  
E cus, ad hospitij locum non valuerat peruenire. Cum autem vir sanctus hominem illum querulosius submurmurarem gemitibus hincinde seipsum iactare sensisset, tamquam qui tenui operimento contectus, quiescere præ frigoris acerbitate nequibat, diuini amoris seruire succensus, manu illum protensa palpa-  
F uit. Mirabile certe. Repente illius sacre manus contactum quæ seraphici calculi gerebat incendium omni fugato frigore tantus in virum intus & extra calor aduenit, ac si quædam in eum vis flammea ex fornacis spiraculo processisset. Nam illico & mēte & corpore confortatus, suauius inter saxa, & nives usque mane dormiuit, quam vmquam in proprio lecto pau-  
sauerat, sicut ipse postmodū assererat. Certis itaque constat indicijis, sacra illa signacula illius impressa fuisse virtute, qui operatione seraphica purgat, illuminat, & inflamat, cum ipsa forissecus expurgando a peste salutem, serenitatem, & calorem corporibus efficaciam mirā conferrent, sicut & post mortem euentioribus est demonstratum prodigijs suo loco posterius

rius annotandis. Ipse verò licet thesaurum inuentum in agro multa diligentia studeret abscondere : latere tamen non potuit, quin aliqui stigmata manuum viderent & pedum, quamquam manus quasi semper portaret contectas, & pedibus extrunc incederet calcceatis. Viderunt enim dum viueret, fratres plurimi, qui licet essent propter sanctitatem præcipuam viri per omnia fide digni : tamen ad omne dubium amouendum, sic esse ac se vidisse tactis sacrosanctis iuramento firmarunt. Viderunt etiam ex familiaritate, quam cum viro sancto habebant aliqui Cardinales, laudes factorum stigmatum, prosis, & hymnis, & antiphonis, quas ad ipsius ediderunt honorem veraciter inserentes, qui tam verbo, quàm scripto perhibuerunt testimonium veritati. Summus etiam Põtifex dominus Alexander cum populo prædicaret coram multis fratribus, & meipso, affirmavit se dũ sanctus viueret, stigmata illa sacra suis oculis conspexisse. Viderunt in morte plusquã quinquaginta fratres, virgoq. Deo deuotissima Clara cum ceteris sororibus suis, & seculares innumeri, ex quibus quemadmodum suo loco dicitur, quamplurimi & osculari sunt ex deuotionis affectu, & contrectauerunt manibus ad testimonij firmitatem. Vulnus autem lateris tam sollicitè occultauit, vt illud nemo posset, nisi furtim contueri dum viueret. Vnus etenim frater, qui ei sedule ministrare solitus erat, cum pia eum cautela, vt ad excutiendum extraheret tunicam induxisset, attente respiciens vidit plagam, cui etiam tres veloci contactu digitos applicans, tam visu, quàm tactu vulneris quantitatè agnouit. Consimili cautela vidit etiam frater ille, qui tunc temporis erat Vicarius eius. Frater vero socius mirandæ simplicitatis dum infirmitatis causa languētes scapulas contrectaret, manu per caputium missa, & casualiter vulnere sacro illapso, magnum ei dolorem inflixit. Proinde portabat extunc femoralia ita facta, vt vsque ad ascellas pertingerent ad vulnus lateris cõregendũ. Fratres quoque qui illa lauabant, vel tunicã excutiebant pro tempore, quia inueniebãt ea sanguine rubricata indubitanter per euidens signum in cognitionem sacri vulneris peruenerunt, quod postmodum in morte reuelata facie, & ipsi cum alijs plurimis contẽplati simul & venerati sunt. Eia nunc strenuissime miles Christi ipsius fer arma inuictissimi Ducis, quibus munitus, & insignitus, omnes aduersarios superabis. Fer vexillum Regis altissimi, ad cuius intuitum omnes pugnatōres diuini exercitus animetur. Fer nihilominus sigillum summi Pontificis Christi, quo verba & facta tua tamquam irreprehensibilia & authentica, merito ab omnibus acceptentur. Iam enim propter stigmata Domini Iesu, quæ in corpore tuo portas, nemo debet tibi esse molestus, quin potius quilibet Christi seruus omni esse tenetur affectione deuotus. Iam per hæc signa certissima, non duobus aut tribus testibus ad sufficientiam, sed quã plurimis ad superabundantiam comprobata testimonia Dei in te, & per te credibilia facta nimis omne tollunt infidelibus velamen excusationis, dum credentes in fide stabiliunt, spei fiduciam sursum agunt, & igne charitatis accedunt. Iam verè impleta est prima visio quam vidisti, videlicet quod dux in militia Christi futurus armis deberes cælestibus, signoq. crucis insignibus decorari. Iam in principio tuæ conuersionis crucifixi visio compassiui doloris gladio mentaliter te transfigens, sed & auditus vocis de cruce tantam de throno Christi sublimi & secreto propitiatorio procedentis iuxta quod tuo sacro firmasti eloquio, vera indubitanter fuisse creduntur. Iam in tuæ conuersionis progressu, & crucem quam vidit frater Siluester ex ore tuo mirabiliter procedentem, & gladios in crucis modum tua viscera transfigentes, quos sacer vidit Pacificus, teq. secundum crucis figuram in aere subleuatum, cum de crucis titulo sanctus prædicabat Antonius, iuxta quod prospexit Angelicus

vir Monaldus non phantastica visione, sed reuelatione fuisse cælica conspecta vere creditur & firmatur. Iam denique circa finẽ quod simul tibi ostenditur, & sublimis similitudo Seraph & humilis effigies Crucifixi interius te incendens, & exterius te consignans, tamquam alterum Angelum ascendente ab ortu Solis, qui signum in te habes Dei viui, & prædictis dat firmitatem fidei, & ab eis accipit testimonium veritatis. Ecce iam septem apparitionibus crucis Christi in te, & circa te secundum ordinem temporum mirabiliter exhibitis & monstratis, quasi sex gradibus ad istam septimam, in qua finaliter requiescis, peruenisti. Christi namque crux in tuæ conuersionis primordio tam proposita, quàm absumpta, & dehinc in conuersationis progressu per vitam probatissimam baiulata in teipso continue, & in exemplum alijs demonstrata, tanta certitudinis claritate ostendit, Euangelicæ perfectionis apicem te finaliter conclusisse, vt demonstrationem hanc Christianæ sapientiæ in tuæ carnis puluere exaratam, nullus vere deuotus abijciat, nullus vere fidelis impugnet, nullus vere humilis paruipendat, cum sit vere diuinitus expressa, & omni acceptione condigna.

Apo. 7. a

## C De patientia ipsius, &amp; transitu mortis. Cap. XIII.

Christo iam igitur cruci confixus, Franciscus tam carne, quàm spiritu, non solum seraphico amore ardebat in Deum; verumetiam sitiebat cum Christo crucifixo multitudinem saluandorum. Faciebat proinde quoniam propter excrecentes in pedibus clauos ambulare non poterat, corpus emortuum per ciuitates & castra circumuehi, vt ad crucem Christi ferendam ceteros animaret. Fratribus quoque dicebat: Incipiamus fratres seruire Domino Deo nostro, quia vsque nunc parum profecimus. Flagrabat etiam desiderio magno ad humilitatis redire primordia, vt leprosis sicut a principio ministraret, corpusq. iam præ labore collapsum reuocaret ad pristinam seruitutem. Proponebat Christo Duce se facturum ingentia, & fatiscens membris spiritu fortis & feruidus, nouo sperabat certamine de hoste triumphũ. Neque enim languor vel desidia locum habet, vbi amoris stimulus semper ad maiora perurget. Tanta autem in eo carnis ad spiritum erat concordia, tanta obedientiæ promptitudo, quod cum ille ad omnem niteretur sanctitatem pertingere, ipsa non solum non repugnaret, sed præcurrere niteretur. Vt autem viro Dei cumulus meritorum accresceret, quæ omnia vere in patientia consummantur, cepit infirmitatibus multimodis laborare tam grauiter, vt vix in eo membrum aliquod remaneret absque ingenti passionis dolore. Ad hoc tandem per varias & diuturnas ac continuas ægitudines deductus est, vt consumptis iam carnibus quasi sola cutis ossibus cohæreter. Cumq. duris corporis angeretur doloribus, illas suas angustias non pœnarũ censebat nomine, sed sororũ. Cum autem semel grauius solito dolorum virgeretur aculeis; quidam frater simplex dixit ad eum: Frater ora Dominum, vt mitius tecum agat, manum enim suam plus debito super te grauare videtur. Quo audito, vir sanctus cum eiulatu exclamans, ait: Nisi noscerem in te simplicem puritatem, tuum ex nunc abhorrerem consortium, qui ausus fueris circa me diuina iudicia reprehensibilia iudicare. Et licet totus esset attritus grauis prolixitate languoris proiciens se in terrã, ossa debilia duro casu collisit. Et deosculans humũ, Gratiã, inquit, tibi ago Domine Deus de omnibus his doloribus meis, teq. mi Domine rogo, vt cẽtuplum, si tibi placuerit, addas: quia hoc erit mihi acceptissimum, vt affligens me dolore non parcas, cum tuæ sanctæ voluntatis adimpletio sit mihi consolatio superplena. Videbatur propterea fratribus, quod quasi alterũ Iob viderent, cui cum languor cresceret carnis, crescebat

creſcebat ſimul & vigor mentis. Ipſe autē obitū ſuum longe ante præſciuit, dieq. tranſitus imminente, dixit fratribus ſui corporis tabernaculum deponendum in proximo, quemadmodum ſibi fuerat reuelatū a Chriſto. Cum itaque per biēnium ab impreſſione ſacrorum ſtigmatum, anno videlicet a ſua conuerſione vigefimo, multis fuiſſet anguſtiantium infirmitatum probatiuis tuſionibus conquadatus, tamquam lapis in ſupernæ Hieruſalem ædificio collocandus, & tamquam ductile opus ſub multiplicis tribulationis malleo ad perfectionem adductus; ad ſanctam Mariam de Portiuncula ſe portari popoſcit: quatenus ubi acceperat ſpiritum gratiæ, ibi redderet ſpiritum vitæ. Quo cum fuiſſet perductus, vt veritatis exemplo monſtraret, quod nihil erat illi commune cum mundo in illa infirmitate tam graui, quæ omni languori concluſit, ſuper nudam humum ſe totum nudatum in ſpiritus feruore proſtrauit: quatenus hora illa extrema, in qua poterat adhuc hoſtis irasci, nudus luſtaretur cum nudo. Decubans ſic in terra ſacina veſte depoſita, faciem ſolito more leuauit in cælum, & intendens illi gloriæ totus, manu ſiniſtra dextri lateris vulnus ne videretur, obtexit: & ait ad fratres: Ego quod meum eſt, feci: quod veſtrum eſt, Chriſtus edoceat. Illacrymantibus autē ſocijs ſancti, qui miro fuerant cōpaſſionis telo percuſſi: vnus ex eis quem vir Dei Guardianum ſuum eſſe dicebat, votum ipſius diuina inſpiratione cognoſcens, feſtinus ſurrexit, & acceptam cum chorda, & femoralibus tunicam pauperculo Chriſti obtulit, dicens: Hęc tibi tamquam pauperi commodo, & tu illa ſuſcipias obedientiæ ſanctæ mandato. Gaudet ex hoc vir ſanctus, & iubilat præ lætitiæ cordis: quoniam fidem tenuiſſe dominiæ paupertati vſque in finem ſe vidit: palmasq. leuans ad cælum, Chriſtum ſuum magnificat, pro eo quod exoneratus ab omnibus, liber vadit ad ipſum. Fecerat enim hæc omnia paupertatis zelo, vt nec habitum quidem vellet habere, niſi ab alio commodatum. Voluit certe per omnia Chriſto crucifixo eſſe conformis: qui pauper, & dolens, & nudus in cruce pendit. Propter quod, & in principio conuerſionis ſuæ nudus remanſit coram antiſtite, & in cōſummatione vitæ nudus voluit de mundo exire: fratribusq. ſibi aſſiſtentibus in obedientia charitatis iniunxit, vt cum viderent eum iam eſſe defunctum per tam longum ſpatium nudum ſuper humum iacere permitterent, quod vnus milliarij tractum ſuauius quis perficere poſſet. O vere Chriſtiſſimum virum, qui & viuens Chriſto viuenti, & moriens morienti, & mortuus mortuo perfectæ eſſe ſtudit imitatione conformis, & expreſſa promeruit ſimilitudine decorari! Hora denique ſui tranſitus propinquante fecit fratres omnes exiſtentes in loco ad ſe vocari, & eos conſolatorijs verbis pro ſua morte demulcens, paterno affectu ad diuinum eſt hortatus amorem. De patientiā, & paupertate, & ſanctæ Romanæ Eccleſiæ fide ſeruandis ſermonem protraxit, ceteris inſtitutis ſanctum Euangelium antepoſuens. Circumſedentibus vero omnibus fratribus, extendit ſuper eos manus in modum crucis brachijs cancellatis pro eo, quod hoc ſignum ſemper amabat: & omnibus fratribus tam præſentibus, quam abſentibus in crucifixi virtute ac nomine benedixit. Inſuper, & adiecit: Valet filij omnes in timore Domini, & permanete in eo ſemper. Et quoniam futura tentatio, & tribulatio appropinquat, felices qui perſeuerabunt in his, quæ cœperunt. Ego vero ad Deum propero: cuius gratiæ vos omnes cōmendo. Suaui huiusmodi admonitione completa, iuſſit, Deo vir chariſſimus Euangeliorum ſibi codicem apportari, & Euangelium ſecundum Ioannem, quod incipit ab eo loco: Ante diem feſtum paſchæ, ſibi legi poſſet. Ipſe vero prout potuit in huius pſalmi vocem erupit: Voce mea ad Dominum clamaui: voce mea

Ioan. 13. a

Pſal. 76. a

A ad Dominum deprecatus ſum. & ad finem vſque compleuit. Me, inquit, expectant iuſti: donec retribuas mihi. Tandem cūctis in eum completis myſterijs, anima illa ſanctiſſima carne ſoluta, & in abyſſum diuinę claritatis abſorpta, beatus vir obdormiuit in Domino. Vnus autem ex fratribus, & diſcipulis eius vidit animam illam beatam ſub ſpecie ſtellæ præfulgidæ a candida ſubuectam nubecula, ſuper aquas multas in cælum recto tramite ſuſſum ferri, tamquā ſublimis ſanctitatis candore prænitidam, & cæleſtis ſapientiæ ſimul, & gratiæ vbertate repletam: quibus vir ſanctus promeruit locum introire lucis, & pacis, B ubi cum Chriſto ſine fine quieſcit. Miniſter quoque fratrum in Terra laboris tunc erat frater Auguſtinus vir vtique ſanctus, & iuſtus, qui in hora vltima poſitus, cum iam diu perdiſſet loquelam, audientibus qui aſtabant, ſubito clamaui, & dixit: Expecta me pater, expecta ecce iam venio tecum. Quærentibus fratribus, & admirantibus multum, cui ſic loqueretur, audacter reſpondit: Nonne videtis patrem noſtrum Franciſcum, qui vadit ad cælum? Et ſtatim ſanctæ ipſius anima migrans a carne, patrem eſt ſecuta ſanctiſſimum. Epicoſopus Aſſiſinas ad oratorium ſancti Michaelis in monte Gargano, tunc temporis peregrinationis cauſa perrexerat, cui beatus Franciſcus apparens nocte tranſitus ſui dixit: Ecce relinquo mundum, & vado ad cælum. Mane igitur ſurgens Epicoſopus ſocijs narrauit quæ vidit: & Aſſiſium rediens, cum ſollicite perquiſiſſet, certitudinaliter comperit, quod ea hora qua ſibi per viſionem innotuit, beatus pater ex hoc mundo migravit. A laudæ aues lucis amicæ, & crepuſculorum tenebras horreſcentes, hora tranſitus ſancti viri cum iam eſſet noctis ſecuturæ crepuſculum; venerunt in multitudine magna ſuper tectum domus, & diu cum inſolita quadam iubilatione rotantes, gloriæ ſancti, qui eas ad diuinas laudes inuitare ſolitus erat, tam iocundum quàm euidentis teſtimonium perhibebant.

## De canonizatione, &amp; translatione ipſius. Cap. XV.

F Ranciſcus igitur ſeruus, & amicus Altiffimi Ordinis Minorum Fratrum inſtitutor & dux, paupertatis profeſſor, pœnitentiæ forma, veritatis præco, ſanctitatis ſpeculum, & totius Euangelicæ perfectionis exemplar, ſuperna præuentus gratia, ordinato progreſſu ab inſimis peruenit ad ſummam. Hunc virum mirabilem, vtpote paupertate prædiuitem, E humilitate ſublimem, mortificatione viuidum, ſimplicitate prudentem, omniq. morū honeſtate conſpicuum, quem in vita Dominus mirabiliter effecerat clarum, in morte fecit incomparabiliter clariorem. Beato namque viro migrante a ſæculo, ſpiritus ille ſacer domum æternitatis ingrediens, fontisq. vitæ hauſtu plenario glorioſus effectus, expreſſa quadam in corpore futuræ gloriæ ſignâ reliquit, vt caro illa ſanctiſſima, quæ crucifixa cum vitijs in nouam iam creaturam tranſierat, & paſſionis Chriſti effigiem priuilegij ſingularitate præferret, & nouitate miraculi Reſurrectionis ſpeciem præmonſtraret. F Cernebantur quidem in membris illis felicibus clauis ex eius carne virtute diuina mirifice fabrefacti, ſicq. carni eidem innati, quod dum a parte qualibet premerentur, protinus quaſi nerui continui, & duri ad partem oppoſitam reſultabant. Inuēta quoque fuit patentius in ipſius corpore non inſiſta humanitus, neque facta plaga vulneris lateralis, inſtar vulnerati lateris Saluatoris, quod redemptionis, & regenerationis humanæ in ipſo Redemptore noſtro protulit ſacramentum. Erat autem ſimilitudo clauorum nigra quaſi ferrum: vulnus autem lateris rubrum, & ad orbicularitatem quamdam carnis contractione reductum, roſa quædam pulcherrima videbatur. Caro vero ipſius reliqua, quæ prius tam ex infirmi-

infirmirate, quàm ex natura ad nigredinem declinabat: candore nimio renitescens illius secundæ stolæ pulchritudinem prætendebat. Membra ipsius adeo mollia, & tractabilia se præbebant palpantibus, ut conuersa videretur in teneritudinem puerilis ætatis, & quibusdam cernerentur euidentibus signis innocentie decorata. Cum igitur in candidissima carne, clauis nigrescerent; plaga vero lateralis, ut vernans roseus flos ruberet: miradum non est si tam formosa, & miraculosa varietas iocunditatem, & admirationem contuentibus ingerebat. Lacrymabantur filij pro subtractione tam amabilis patris: sed & non modica perfundebantur lætitia, dum deosculabantur in eo signacula summi Regis. Miraculi nouitas planctu vertebat in iubilum, & intellectus rapiebat indaginem in stuporem. Erat quippe tam insolitum, tamq. insigne spectaculum contuentibus omnibus, & firmamentum fidei, & incitamentum amoris, audientibus vero admirationis materia, & excitatio desiderij ad videndum. Audito siquidem transitu patris, & fama diffusa miraculi, acceleras populus confluxebat ad locum, ut id cerneret oculis, quod a ratione dubium omne repelleret, & affectioni gaudiū cumularet. Admissi sunt igitur Assisinate ciues quamplurimi ad stigmata illa sacra contemplanda oculis, & labijs osculanda. Vnus autem ex eis miles quidem litteratus, & prudens Hieronymus nomine vir utique famosus, & celeberrimus, cum de huiusmodi sacris signis dubitasset, essetq. incredulus quasi Thomas, feruentius, & audacius coram fratribus, & alijs ciuibus mouebat clauos, sanctiq. manus & pedes, & latus manibus proprijs contrectabat, ut dum vulnere Christi veracia illa signa palpando contingeret, de sui, & omnium cordibus omne dubietatis vulnus amputaret. Propter quod, & ipse inter alios huius veritatis tam certitudinaliter agnitæ testis constans postmodum effectus est, & tactis sacrosanctis iuramento firmavit. Fratres autem, & filij, qui vocati fuerant ad transitum patris, cum omni multitudine populorum noctem illam in qua almus Christi confessor decessit, sic diuinis laudibus dedicarunt, ut non defunctorum exequiæ, sed Angelorum excubiæ viderentur. Mane autem facto, turbæ quæ conueenerant, acceptis arborum ramis, & cereorum multiplicatis luminibus, cum hymnis, & canticis sacrum corpus ad ciuitatem Assisij detulerunt. Transeuntes vero per ecclesiam sancti Damiani, in qua virgo illa nobilis Clara, nunc gloriosa in cælis, tunc inclusa cum virginibus morabatur, ibiq. aliquantulum subsistentes sacrum corpus margaritis cælestibus insignitum, videndum, & osculandum sacris illis virginibus obtulerunt. Peruenientes denique ad ciuitatem cum iubilo, pretiosum thesaurum quem portabant in ecclesia sancti Georgij cum omni reuerentia condiderunt. In eo siquidem loco puerulus litteras didicit, ibiq. postmodum primitus prædicauit: postremo ibidem locum primum quietis accepit. Transijt autem venerabilis pater ex huius mundi naufragio anno Dominicæ Incarnationis millesimo ducentesimo vigesimo sexto, quarto nonas Octobris die Sabati in sero: sepultus in die Dominico. Cæpit autem vir beatus continuo diuinæ faciei superirradiante respectu, magnis, & multis coruscare miraculis, ut sublimitas sanctitatis eius, quæ ipso viuentem in carne ad morum directionem per exempla perfectæ iustitiæ innotuerat mundo: illo iam regnante cum Christo, ad omnem fidei firmitatem per miracula diuinæ potentie comprobaretur e cælo. Cumq. in diuersis orbis partibus gloriosa eius miracula, largaq. per ipsum impetrata beneficia plurimos ad Christi deuotionem accenderent, & ad ipsius sancti reuerentiam incitarent: acclamantibus tam linguis sermonum, quàm operum, ad aures summi Pontificis domini Gregorij noni, quæ per seruum suum Franciscum

A Deus operabatur, magnalia peruenerunt. Sane cum idem Pastor Ecclesiæ non solum ex miraculis auditis post mortem, verumetiam experimentis in vita ipsius oculis visis, & manibus contrectatis, sanctitatem eius mirabilem plena fide certificatus agnosceret, ac per hoc in cælis glorificatum a Domino nullatenus dubitaret: ut Christo cuius erat Vicarius concorditer ageret, hunc in terris reddere celebré, tamquam omni veneratione dignissimū pia consideratione disposuit. Ad omnē quoque certitudinem faciendam orbi terrarū, de glorificatione viri sanctissimi, inuenta miracula, & conscripta, & testibus idoneis approbata examinari fecit per illos, qui minus inter Cardinales fauorabiles negotio videbantur. Quibus diligenter discussis, & ab omnibus approbatis, de fratrum suorum, & omnium prælatorum qui tunc erant in curia, concordia consilio, & assensu canonizandū decreuit: veniensq. personaliter ad ciuitatem Assisij anno Dominicæ Incarnationis M. cc. xvij. decimo septimo calendæ Augusti die Dominico, cum maximis, quæ longū foret enarrare sollempnijs, beatum patrem catalogo sanctorum adscripsit. Anno vero Domini millesimo ducentesimo trigésimo conuenientibus fratribus ad Capitulum generale Assisij celebratū ad basilicam in honore ipsius constructam, corpus illud Domino dedicatum octauo calēdas Iunij translatum est. Dum autem ille sacer transportaretur thesaurus bulla Regis Altissimi consignatus; miracula plurima ille cuius effigiem præferebat operari dignatus est, ut per ardorem ipsius saluificum affectus traheretur fidelium ad currendū post Christum. Erat re vera condignum, ut quem Deus in vita sibi placentem, & dilectum effectum, in paradysum per contemplationis gratiam transulerat, ut Enoch, & ad cælum curru igneo per charitatis zelum rapuerat, ut Heliam, eius iam vernantis inter flores illos cælicos plantationis æternæ ossa illa felicia, de loco suo pullulatione mirifica redolerent. Porro sicut vir iste beatus mirandis virtutum signis in vita claruerat, sic a die transitus sui vsque in præsens, per diuersas mundi partes præclaris miraculorum prodigijs diuina se potentia glorificante, coruscat. Nam cæcis, & surdis, mutis, & claudis, hydropicis, & paralyticis, demoniacis, & leprosis, naufragis, & captiuis, ipsius meritis remedia conferuntur, omnibusq. morbis, necessitatibus, & periculis subuenitur. Sed & multis mortuis per ipsum mirifice suscitatis, innotescit fidelibus mirificans sanctum suum magnificentia virtutis Altissimi, cui est honor, & gloria per infinita sæcula sæculorum. Amen.

### INCIPIVNT QVÆ DAM DE miraculis ipsius post mortem ostensis.

Et primo, De virtute sacrorum Stigmatum.



F omnipotentis Dei honorem, & gloriam beati patris Francisci. Post glorificationem ipsius in cælis aliqua ex approbatis scripturus miracula, ab illo præcipue centui sumendum fote initiū, in quo crucis Iesu virtus ostenditur, & gloria innouatur. Nouus igitur homo Franciscus nouo, & stupendo miraculo clauit, cum singulari priuilegio retroactis sæculis non concesso insignitus apparuit: factis videlicet stigmatibus decoratus, & configuratus in corpore mortis huius, corpori Crucifixi. De quo quidquid humana lingua dicatur, minus erit laude condigna. Totum quidem viri Dei studium tam publicum quàm priuatum circa crucem Domini versabatur. Et ut crucis signaculo cordi eius a principio suæ conuersionis impresso corpus consignaret exterius, in ipsa se cruce recludens,

dens, habitum pœnitentiæ sumpsit: crucis imaginem præferentem, quatenus sicut mens eius intus Dominum crucifixum induerat, sic & corpus eius indueret arma crucis: & in quo signo Deus potestates æreas debellaret, in eodem suus exercitus Domino militaret. Sed & a principio temporis quo crucifixo militare cœperat, diuersa circa eum crucis perfulse mysteria, sicut vitæ ipsius consideranti decursum clarius innotescit: qualiter apparitione crucis Dominicæ septriformi, tam cogitatu quàm affectu, & actu, totus fuit in crucifixi effigiem per ipsius ecstasium transformatus amorem. Digne igitur summi Regis clementia suis amatoribus ultra omnem estimationem hominum condescendens suæ crucis vexillum ipsius corpori deferendum impressit, vt qui mirando fuerat crucis amore præuentus, mirando etiam fieret crucis honore mirificus. Ad huius stupendi miraculi irrefragabilem firmitatem, non solum videntium, & palantium testimonia per omnem modum credibilia: verumetiam apparitiones mirabiles, & virtutes post ipsius obitum coruscantes ad omne mentis effugandum nubilum suffragantur. Felicis namq. recordationis Dominus Gregorius Papa nonus, de quo vir sanctus prophetando prædixerat, quod ad dignitatem foret Apostolicam sublimandus: antequam crucis signiferum catalogo sanctorum adscriberet, scrupulum quendam dubitationis in corde gerebat de vulnere laterali. Noctæ vero quadam, sicut ipse felix antistes referebat cum lacrymis, beatus ei Franciscus quadam faciei prætensa duritia in somnis apparuit, & hæsitacionem cordis ipsius redarguens, eleuauit brachium dextrum, detexit vulnus, phialamq. poposcit ab ipso, vt scaturientem reciperet sanguinem, qui ex latere defluebat. Obtulit in visione summus Põtifex phialam postulatam, quæ vsque ad summum sanguine profluente de latere videbatur impleri. Ex tunc ad lud sacrum miraculum tanta cœpit deuotione affici, & æmulatione feruere, vt nullo modo pati posset, quod aliquis præfulgentia illa sacra signa superba præsumeret impugnacione fuscare, quin eum seuera increpacione feriret.

Frater quidam ordine Minor, officio prædicator, virtutis, & famæ prærogatiua præpollens, cui firmiter erat de sancti stigmatibus persuasum, dum humano sensu miraculi huius apud se rationem perquiret, dubitationis cœpit cuiusdam scrupulo titillari. Cum igitur per dies plurimos sensualitate sumente vigorem, luctamen huiusmodi pateretur; nocte dormienti sanctus Franciscus pedibus lutulentis apparuit, humiliter durus, & patienter iratus. Et quæ sunt, ait, ista in te conflictacionum certamina, quæ dubitationum fordes? Vide manus meas, & pedes meos. Cumq. ille videret manus confixas, lutulentorum pedum stigmata non videbat. Remoue, inquit, lutum a pedibus meis, & cognosce loca clauorum. Quos cum ille apprehendisset deuote, lutum sibi videbatur abstergere, locaq. clauorum manibus contrectare. Continuo, vt vigilat, lacrymis irrigatur, & priores affectus quodammodo lutulentos tam lacrymarum profluuiio, quàm publica confessione detergit.

In vrbe Roma matrona quædam morum claritate, ac parentum gloria nobilis, sanctum Franciscum in suum elegerat aduocatum, ipsius habens depictam imaginem in secreto cubiculo, vbi Patrem in abscondito exorabat. Die vero quadam dum orationi vacaret, considerans imaginem sancti sacra illa signa stigmatum non habentem, dolere cœpit non modicum, & mirari. Sed non mirum si in pictura non erat quod pictor omiserat. Cumq. per plures dies, quid causæ foret defectus huiusmodi mente sollicita pertractaret: ecce subito die quadam apparuerunt signa illa miracula in pictura, sicut in alijs ipsius sancti imagi-

nibus pingi solent. Tremefacta illa filiam suam Deo deuotam aduocauit protinus, requirens si absque stigmatibus vsque tunc imago fuisset. Affirmat illa, & iurat olim sine illis sacris stigmatibus extitisse, & nunc vere cum stigmatibus apparere. Verum quia mens humana semetipsam frequenter impellit, vt cadat, & in dubium reuocat veritatem: subintrat iterum cor mulieris dubitatio noxia, ne forte sic fuisset imago a principio consignata. At Dei virtus, ne primum contemneret miraculum, addit, & secundum. Continuo namq. disparentibus signis illis, nudata priuilegijs imago remansit, vt per sequens signum fieret probatio præcedentis.

In Catalonia quoque apud Illerdam accidit virum quendam nomine Ioannem beato Franciscus deuorum quodam sero per quandam incedere viam, in qua pro inferenda morte latitabant insidiæ: non quidem ipsi, qui inimicitias non habebat, sed alteri cuidam, qui videbatur similis eius, & tunc erat in comitatu ipsius. Exurgens autem quidam de insidijs, cum hostem suum hunc esse putaret, tam letaliter eum plagis plurimis gladiavit, vt nulla prorsus superesset spes recuperandæ salutis. Siquidem primo inflicta percussio humerum cum brachio pene totum absciderat, & ictus alius sub mammilla, tantam reliquerat aperturam, vt flatus inde procedens circa sex candelas simul iunctas exstingeret. Cum igitur consilio medicorum ipsius impossibilis esset curatio, pro eo quod putrescentibus plagis, ex eis fœtor tam intolerabilis exhalaret, vt etiam ipsa eius vox vehementer horreret, nullisq. iam humanis iuuari posset remedijs; conuertit se ad beati patris Francisci patrocinium quanta poterat deuotione poscendum, quem inter ipsos ictus vna cum beata Virgine fidentissime inuocaret. Et ecce misero in lectulo calamitatis solitario decubanti (cum Francisci nomen vigilans, & eiulans frequentius replicaret) astitit quidam in habitu fratris minoris, per fenestram, vt ei videbatur, ingressus. Qui vocans eum ex nomine, dixit: Quia fiduciam habuisti in me, ecce Dominus liberabit te. A quo cum æger quis esset, requireret, Franciscum ille se esse respondit. Et statim appropians vulnerrum illius ligaturas resoluit, & eum vnguento per omnes plagas, vt videbatur perunxit. Statim autem, vt sensit illarum sacrarum manuum, stigmatum Saluatoris virtute sanare valentium suauem contactum, expulsa putredine, restituta carne, & vulneribus solidatis, restitutus est integre pristina sospitanti. Quo facto beatus Pater abscessit. Et ipse sentiens se sanatum, & in vocem diuinæ laudis, & beati Francisci lætanter erumpens, vocauit uxorem. At illa celerius currens, & stare iam videns quem sepeliendum credebatur in crastino, cum esset stupore vehementi perterrita, viciniam totam clamore compleuit. Accurrentes autem sui cum illum niterentur tamquam freneticum in lecto reponere, & ille ecõtra renitens assereret, & ostenderet se sanatum, tanto sunt stupore attoniti, vt quasi sine mente omnes effecti, phantasticum esse crederent quod videbant, quia quem paulo ante conspexerant plagis atrocissimis laniatum, & totum iam marcidum, plena cernebant incolumitate iocundum. Ad quos ille, qui factus fuerat sanus: Nolite timere, inquit, nolite credere inane, quod cernitis, quia sanctus Franciscus modo a loco recessit, & illarum sacrarum manuum tactu me integre ab omni plaga curauit. Crebrescente tandem huius fama miraculi, accelerat populus omnis, & videntes in tam aperto prodigio stigmatum beati Francisci virtutem admiratione simul, & gaudio replebantur, Christi signiferum magnis laudum præconijs extollebant. Digne quidem beatus pater carne iam mortuus, & viuens cum Christo, præsentia suæ ostensione mirabili, & manuum sacrarum palpacione suauiter, vulnerato letaliter viro sanitatem concessit, cum illius etiam



etiam in se stigmata tulerit, qui misericorditer moriens, & mirabiliter surgens, vulneratum genus humanum, & semiuivum relictum, plagarum suarum virtute sanavit.

Apud Potentiam Apuliz civitatem, erat quidam clericus Rogerius nomine, vir honorabilis, & Ecclesie maioris Canonicus. Hic cum infirmitate quassatus, die quadam Ecclesiam oraturus intrasset, in qua erat imago beati Francisci depicta, gloriosa stigmata representans, cepit de illius sublimitate miraculi tamquam de re omnino insolita & impossibili dubitare. Subito igitur dum mente plagas interius cogitaret inania, in palma sinistra manus sub chirotheca graviter se sensit esse percussum, sonitum audiens percussuræ, velut cum spiculum prosilire de balista, moxq. tam vulnere sauciatus, quam sonitu stupefactus chirothecam de manu traxit, ut visu dignosceret, quod tactu perceperat & auditu. Cumq. nulla fuisset prius in palma percussio, conspexit in medio manus plagam, quasi sagittæ percussione inflatam: ex qua tanta vis procedebat ardoris, ut videretur ex illo deficere. Mirabile dictu. Nullum in chirotheca vestigium apparebat, ut latenti plagæ cordis, latenter inflati poena vulneris responderet. Clamat exinde per duos dies & rugit, dolore gravissimo stimulatus, & increduli cordis velamen explicat vniuersis. Credere se veraciter sacra stigmata in sancto fuisse Franciscum fatetur & iurat, contestans omnis dubitationis abscessisse phantasmata. Orat suppliciter sanctum Dei per sacra sibi stigmata subuenire, & multas cordis preces multo impinguat profluio lacrymarum. Mirum certe. Incredulitate projecta, sanationem mentis sanatio sequitur corporalis. Omnis quiescit dolor, frigescit ardor, nullum remanet vestigium percussuræ, sicq. factum est, ut latens mentis infirmitas per patens carnis cauterium superna providente clementia curaretur, menteq. sanata, & ipsa caro pariter sanaretur. Fit homo humilis Deo devotus, sancto & fratrum ordini perpetua familiaritate subiectus. Huius rei tam sollempne miraculum iuramentis firmatum fuit, & litteris sigilli Episcopi munimine roboratis, ipsius ad nos notitia delata pervenit. De sacris ergo stigmatibus nullus sit ambiguitati locus, nullius in hoc, quia Deus bonus est, nequam sit oculus, quasi huiusmodi doni largitio sempiternæ bonitati non congruat. Si enim illo amore seraphico multa membra capiti cohærent Christo, ut & in bello simili armatura inuenirentur condigna, & in regno ad simile forent gloriam subuehenda, nullus hoc sancti mentis, nisi ad Christi gloriam diceret pertinere.

*De mortuis suscitatis.*

IN Castro montis Marani prope Beneventum, mulier quædam sancto Francisco peculiari devotione cohærens, viam vniuersæ carnis intrauit. Conuenientibus autem clericis nocte ad exequias & vigiliis cum Psalterijs decantandas, subito cunctis cernentibus erexit se mulier super lectum, & vnum de assistantibus sacerdotem, patrum videlicet suum aduocauit, dicens: Volo cōfiteri pater. Ego enim mortua duro eram carceri mancipanda, quoniam peccatum quod tibi pandam, necdum confessa fueram. Sed orante, inquit, pro me sancto Francisco, cui dum viverem, deuota mente seruiui: redire nunc ad corpus indultum est mihi, ut illo reuelato peccato, sempiternam promerear vitam. Et ecce vobis videtibus postquam illud detexero, ad promissam requiem properabo. Trementer ergo sacerdoti trementi confessa, post absolutionem receptam, quiete se in lecto collegit, & in Domino feliciter obdormiuit.

In Castro Pamarco in montanis Apuliz posito, patri & matri vnica erat filia in tenera ætate tenere prædilecta. Qua infirmitate graui ad mortem per-

ducta, parentes eius successionem aliam non sperantes, se in illa quasi mortuos reputabant. Conuenientibus ergo consanguineis & amicis ad flebile nimis funus, iacebat mater infelix ineffabilibus completa doloribus, & absorpta suprema tristitia, de his quæ fiebant nihil penitus aduertebat. Interim sanctus Franciscus vno tantum socio comitatus apparens desolatam visitare dignatus est feminam, quam sibi senserat esse deuotam, & pijs eam affatus alloquijs, Noli flere, inquit, nam lucernæ tuæ lumen quod deploras extinctum, mea tibi est intercessione reddendum. Surrexit continuo mulier, & quæ sibi dixerat sanctus omnibus manifestans, non permisit extinctum corpus offerri, sed cum magna fide, sancti Francisci nomen inuocans, & mortuam filiam apprehendens, viuat & incolumem cunctis videntibus & mirantibus allelauit.

Cum fratres de Noceria peterent quoddam plaustrum a quodam viro Perro nomine, quo aliquantulum indigebant, stulte respondit eis, pro petito subsidio irrogando conuitium, & pro elemosyna ad honorem sancti postulata Francisci, in nomen ipsius blasphemiam iaculando. Poenituit hominem statim insipientiæ suæ, diuino super eum irruente pauore, ne forte ultio Domini sequeretur, sicut & fuit protinus subsecuta. Nam infirmatus continuo primogenitus eius, paruo elapso spatio spiritum exhalauit. Volubatur per humum pater infelix, & sanctum Dei Franciscum vocare non cessans, cum lacrymis exclamabat: Ego sum qui peccaui, ego qui inique locutus sum, me in persona propria flagellare debuisti. Redde sancte iam poenitenti, quod abstulisti impie blasphemati. Tibi me reddo, tuis me obsequijs semper expono; nam & deuotum sacrificium laudis pro tui honore nominis semper offeram Christo. Mirares. Ad hæc verba surrexit puer, & planctum prohibens, se morientem educum de corpore, per beatum Franciscum deductum asseruit & reductum.

Cuiusdam vrbs Romæ notarij puerulus vix septennis matrem ad ecclesiam sancti Marci euntem puerili more sequi desiderans, dum remanere domi compelleretur a matre per fenestram palatij se proiecit, & vltima quassatione collisus, continuo spirauit. Mater vero quæ nondum longe discesserat, ad sonitum corruentis præcipitium pignoris suspicata celementer redijt, filiumq. reperiens tam miserabili casu repente subtractum, protinus sibiipsi manus iniecit vtrices, ac dolorosis clamoribus totam excitauit viciniam ad lamentum. Frater vero quidam, nomine Raho de ordine Minorum illuc se ad prædicandum conferens, propinquauit ad puerum, & fide plenus ait ad patrem: Credis ne sanctum Dei Franciscum posse filium tuum a mortuis suscitare, propter amorem, quem semper ad Christum habuit pro reddenda vita hominibus crucifixum? Quo respondente se firmiter credere, & fideliter confiteri seruum sancti in perpetuum se esse futurum, si tantum a Deo munus per ipsius merita recipere mereretur; prostravit se frater ille cum fratre socio in oratione, ceteros, qui aderant, excitās ad orandum. Quo facto, cepit puer aliquantulum oscitare, & apertis oculis, brachijsq. eleuatis, seipsum erexit, & statim coram omnibus ambulauit incolumis, per mirandam sancti virtutem vitæ simul redditus & saluti.

In ciuitate Capuz dum puer quidam super ripam Vulturni fluminis cum pluribus iocaretur, incautus cecidit in profundum, quem fluminis impetus celementer vorans, sub sabulo mortuum sepeliuit; proclamantibus autem pueris, qui cum eo luserat circa flumen, populosa illuc multitudo conuenit. Cumq. vniuersus populus suppliciter & deuote beati Francisci merita inuocaret, ut deuotorum sibi parentum fidem aspiciens prolem a mortis periculo dignaretur eripere, nator quidam procul astans clamoribus auditis,

tis, accessit. Et post diuinam inquisitionem, inuocato tandem beati Francisci subsidio, locum inuenit, in quo limus in modum sepulchri pueri cadauer obtexerat. Quem effodiens, & extra deportans, dolens defunctum inspexit. Licet autem populus, qui astabat, videret iuuenem mortuum: nihilominus tamen flens, & eiulans proclamabat: Sancte Francisce redde puerum patri suo. Sed, & Iudæi, qui venerant, naturali pietate commoti, dicebant: Sancte Francisce redde puerum patri suo. Subito puer latantibus, & mirantibus cunctis, exurgens incolumis, duci se ad ecclesiam beati Francisci suppliciter postulauit, ut gratias illi deuotus exolueret, cuius se nouerat virtute mirabiliter suscitatum.

In ciuitate Sueffa in vico, qui ad columnas dicitur: repente quædam corruens domus vnum absorbit iuuenem, & subito interemit. Viri autem, & mulieres ruinæ sonitu excitati, vndique accurrētes, eleuauerunt hinc inde ligna, & lapides, & miseræ matri mortuum filium reddiderunt. Illa vero amarissimis repleta singultibus, sicut poterat dolorosis vocibus exclamabat: Sancte Francisce, sancte Francisce redde mihi filium meum: non solum autem illa, sed & omnes, qui aderant, beati patris præsidium flagitabant. Sed cum non esset, neque vox, neque sensus, cadauer posuerunt in lectulo ad sepeliendum ipsum diem crastinum expectantes. Mater vero fiduciam habens in Domino per merita sancti eius, votū emisit, noua se sindone beati Francisci operturam altare, si filium suum reuocaret ad vitam. Et ecce circa horam noctis mediam cœpit iuuenis oscitare, & calescentibus membris viuus exurgens, & sanus in laudis verba prorumpit. Sed & clerum, qui conuenerat, & populum vniuersum excitauit ad laudes, & gratias Deo, & beato Francisco cum mentis lætitia persolueudas.

Iuuenis quidam Gerlandinus nomine, de Ragusia oriundus vindemiari tempore ad vineas exiens cum in vase vinario, ut vtres impleret, sub torculari se mitteret, repente prægrandes lapides motis in se lignorum struibis, caput ipsius letali percussione quasauerunt. Festinauit continuo pater ad filium, & desperans obrutum non adiuuit, sed eum sub onere sicut corruit, sic reliquit. Accurrerunt expeditius viciniore magni clamoris vocem lugubrem audientes, multoq. cum patre pueri dolore completi, extraxerunt iuuenem iam mortuum a ruina. pater vero ipsius lesu pedibus prouolutus, humiliter precabatur, ut filium suum vnicum per sancti Francisci merita, cuius tunc imminabat sollemnitas, sibi reddere dignaretur. Ingeminabat preces, vouebat officia pietatis, & sancti viri corpus se visitaturum cum filio si suscitaretur a mortuis, repromisit. Mirum certe. Continuo puer, qui toto fuerat corpore conuulsus, restitutus vitæ, & integræ sospitati: gaudens coram omnibus exurrexit, plangentes obiurgans, & sancti Francisci suffragijs vitæ se redditū asseuerans.

Quendam alium mortuum in Alemania suscitauit, de quo Dominus Papa Gregorius tempore translationis ipsius sancti fratres omnes, qui ad translationem, & capitulum conuenerant, per Apostolicas litteras certos reddidit, & gaudentes. Miraculi huius seriem, quia ignoravi non scripsi: credens Papale testimoniū omnis assertionis excellere instrumentū,

*De his quos a mortis periculo liberauit.*

IN confinibus vrbs vir quidam nobilis Rodulfus nomine, cum Deo deuota vxore, fratres minores suo recepit hospitio, tam hospitalitatis gratia, quam beati Francisci reuerentia, & amore. Nocte vero illa in suum turre turris dormiens custos castri, cum iam iaceret super struem lignorum in ipsa muri positorum crepidine, ipsorum soluta compage in te-

A cum palatij corruit, & exinde super terram. Excitata ad sonitum casus tota familia, & custodis intellecta ruina, dominus castri, & domina cum fratribus accurrerunt. Is vero, qui ab alto corruerat, absorptus fuerat tam profundo sopore, ut nec ad casum euigilaret iteratæ ruinæ, nec ad strepitum accurrentis familiæ cum clamore. Trahentium tandem, & impellentium manibus excitatus conqueri cœpit, quod dulci fuisset quiete priuatus, inter beati Francisci brachia suauiter asserens se dormisse. Cum vero de casu proprio doceretur ab alijs, & in imo se videret, qui in alto iacuerat, stupens esse factum quod fieri non perceperat, pœnitentiam se facturum obreuerentiam Dei, & beati Francisci coram omnibus repromisit.

In Castro pophis, quod in campania positum est, sacerdos quidam Thomas nomine accessit ad reparandum ecclesiæ molendinum. Deambulans autem incaute secus extrema canalis quo gurgēs profundus copioso defluebat influxu, subito casu cauilloso ligno intrusus est, cuius impulsu voluit molendinum. Cum igitur confertus iaceret in ligno, & super os ipsius, quia supinus erat aquarū impetus inuaderet, corde tamen quia lingua non poterat sanctum Franciscum flebiliter inuocabat. Per magnum verospatium sic illo iacente, ac de vita ipsius iam penitus socijs desperatis in contrariam partem molam cum violentia reuoluerunt, & sic electus sacerdos palpitans volutabatur in aquæ meatu. Et ecce quidam frater minor indutus tunica candida, & fure succinctus, cum magna suauitate arreptum per brachium extraxit, eduxit, dicens: Ego sum Franciscus, quem inuocasti. Ille vero sic liberatus nimis obstupuit volensq. pedum ipsius osculari vestigia, huc atque illuc anxius discurrebat, quærens a socijs, Vbi est ille? quo abiit sanctus? qua via discessit? Viri autem illi tremefacti proni ceciderunt in terram sublimis Dei gloriosa extollentes magnalia, & virtuosa merita humilis serui eius.

Iuuenis quidam de Burgo Celani, pro merendis herbis exierat ad campestria quædam, in quibus vetus latebat puteus, herbis in summo ore virentibus obumbratus, qui quasi per passus quattuor aquarum altitudinem continebat. Segregatim igitur per campum discurrentibus pueris, vnus ex improuiso decurrit in puteum. Absorbente autem profunda fouea corpus, spiritus mentis sursum recurrebat ad beati Francisci suffragium, clamans in ipso lapsu fideliter, & fidenter: sancte Francisce adiuua me. Ceteri huc atque illuc se vertentes, dum puer alius non compareret, clamore, circuitu, & lacrymis requirebant eundem. Comperto tandem, quod in puteum decidisset, festinantes cum gemitibus redierunt ad Burgum: indicantes euentum, exposcentes auxiliū. Redeuntibus autem illis cum multa hominum turba, demissus vnus per funem in puteum, puerum respexit in aquarum superficie residentem, nihil passum penitus læsionis. Extractus vero de puteo puer dixit omnibus qui astabant: Quando subito cecidi beati Francisci patrocinium inuocaui, qui corruenti mihi statim præsentialiter affuit, & manum porrigens leuiter apprehendit, nec vnquam deseruit, donec vna vobiscum de puteo me eduxit.

In ecclesia beati Francisci apud Assisiū, dum præsentente Romana Curia prædicaret dominus Episcopus, Ostiensis, qui postmodum summus Pontifex extitit Alexander, quidam lapis ponderosus, & magnus incaute super pulpitem excelsū, & lapideum derelictus, præ nimietate præssuræ impulsus super caput cuiusdā cecidit mulieris. Extimantes igitur circumstantes, perfecte ipsam iam mortuam, & caput eius totaliter conuulsatum, cooperuerunt eam pallio, quo erat amicta, ut sermone finito educeretur extra ecclesiam lugubre funus. Ipsa vero se beato Francisco,

leo, ante cuius iacebat altare, fideliter commenda- A  
uit. Et ecce prædicatione finita, mulier coram omni-  
bus adeo surrexit incolumis, vt nullius in ea læsionis  
vestigium appareret. Sed & quod est amplius admi-  
randum cum per longa tempora vsque ad horam il-  
lam dolorem capitis quasi continuum habuisset, ple-  
ne fuit extunc ab omnis morbi molestia liberata, si-  
cut ipsa postmodum testabatur.

Apud Cornetum cum in loco fratrum ad fusio-  
nem campanæ, viri quidam conuenissent deuoti, pue-  
rulus quidam octennis Bartholomæus nomine xe-  
nium quoddam fratribus laborantibus apportauit. B  
Et ecce subito ventus vehemens concussa domo, ostiū  
portæ graue quidem & magnum super ipsum pue-  
rulum ita valido proiecit impulsu, vt quem tam in-  
gens pondus oppresserat, letali crederetur collisione  
quassatus. Sic enim totaliter iacebat tumulatus sub  
pondere, vt nihil exterius appareret. Accurrerunt  
omnes qui aderant, beati Francisci virtuosam dexte-  
ram inuocantes. Sed & pater ipsius, qui rigescen-  
tibus membris se mouere non poterat præ dolore, vo-  
ris, & voce sancto Francisco filium offerebat. Leua-  
tum est denique funestum pondus desuper puerum,  
& ecce quem credebant mortuum, quasi suscitatus a  
somno, lætus apparuit, nullam in se prorsus præferens  
læSIONEM. Igitur cum quattuordecim esset annorū, C  
factus est frater minor, vir postea litteratus & famo-  
sus in Ordine prædicator.

Homines de Lentino lapidem prægrandem absci-  
derunt de monte, qui supponendus erat altari cuius-  
dam ecclesiæ beati Francisci in proximo consecranda.  
Cum autem fere quadraginta homines lapidem illū  
superponere vehiculo niterentur repetitis sapius vi-  
ribus, super quendam hominem lapis ille cecidit, &  
in modum sepulchri obtexit. Sed cum mente con-  
fusi quid facerent ignorarent, maior pars hominum  
desperata discessit. Porro viri decē, qui remanserant D  
lugubri voce sanctum inuocantes Franciscum, ne in  
suo seruitio sic horrendo mori hominem pateretur,  
resumpto tandem corde, tanta facilitate lapidē amo-  
uerunt, vt nullus dubitaret virtutem affuisse Franci-  
sci. Surrexit homo incolumis in omnibus membris,  
insuper & lumen recuperauit limpidum oculorum,  
quod habuerat obscuratum, vt omnibus daretur in-  
telligi, quā in rebus desperatis, beati Francisci me-  
rita validæ sint virtutis.

Simile quoddam accidit apud Sanctū Seuerinum  
in Marchia de Anchona. Dum enim lapis prægran-  
dis de Constantinopoli apportatus ad basilicam bea- E  
ti Francisci multorum viribus traheretur, rapido la-  
psu est super quendam trahentiū deuolutus. Cumq.  
ille non solum crederetur defunctus, sed etiam tota-  
liter comminutus, assistente sibi beato Francisco, &  
lapidem subleuante absque omni læsione sanus & in-  
columis lapidis proiecto pondere prosiliuit.

Bartholomæus Caletanus ciuis, cum ad constru-  
ctionem cuiusdam ecclesiæ beati Francisci non mo-  
dicum desudaret, ruente trabe quadam infirmiter po-  
sita, eiusq. opprimente ceruicem, fuit grauitur con-  
quassatus. Ipse vero mortem sibi sentiens imminen-  
tem, vt erat vir fidelis & pius, a quodam fratre viati-  
cum postulauit. Quod frater ille tam celeriter affer-  
re non valēs, quia mori subito credebatur, beati Au-  
gustini verba protulit, dicens ei: Crede & manduca-  
sti. Sequenti vero nocte beatus Franciscus cum vn-  
decim fratribus illi apparuit, & inter vbera portans  
agniculum, ad lectum eius accessit, vocauitq. illum  
ex nomine, dicens: Bartholomæe noli timere, quia  
non præualebit aduersum te inimicus, qui te in meo  
seruitio voluit impedire. Hic est agnus, quē tibi dari  
petebas, quem & propter bonum desiderium susce-  
pisti, cuius etiam virtute consequeris vtriusque ho-  
minis sospitatem. Et sic per vulnera manum ducēs,  
ad opus quod coeperat, eum redire præcepit. Qui  
S. Bon. Tom. 7. Pars iij.

valde mane confurgens, & ijs, qui eum seminecem  
reliquerant incolumis & lætus apparens admiratio-  
nem intulit, & stuporem. Sed & ipsorum mentes ad  
beati patris reuerentiam & amorem, tam exemplo  
sui, quā sancti miraculo excitauit.

Quidam de Castro Ceperani nomine Nicolaus, in  
manus inimicorum crudelium incidit die quadam.  
Qui crudelitate ferali vulneribus eum super vulnera  
concidentes vsque adeo super miserum sauiuerunt,  
donec vel extinctum crederent, vel protinus extin-  
guendum. Clamauerat autem Nicolaus prædictus  
cum primos ictus exciperet alta voce: Sancte Fran-  
ciscus succurre mihi. Sancte Franciscus adiuua me.  
Hanc vocem a remotis audierunt quamplurimi, licet  
auxilium ferre non possent. Deportatus tandem do-  
mum, totus suo sanguine volutatus, fiducialiter asse-  
rebat se mortem ex illis vulneribus non visurum, nec  
etiam se tunc sentire dolores, quoniam sanctus Fran-  
ciscus sibi succurrerat, & vt pœnitentiam ageret, a  
Domino impetrauit. Quod & sequens confirmauit  
euentus. Nam lotus a sanguine, continuo contra hu-  
manam spem extitit liberatus.

Filius cuiusdam nobilis in Castro sancti Geminia-  
ni valido languore detentus, omniq. vltius despe-  
ratus salute, ad extremum vsque perductus est. Ri-  
uus etenim sanguinis ab oculis eius emanabat, sicut  
ex vena brachij assolet ebullire, ceterisq. ptopinquæ  
mortis veris indicijs in reliquo corpore apparētibz,  
iudicabatur pro mortuo, sed & pro debilitate spiri-  
tus & virtutis, sensus, & motus vñ priuatus, visus est  
penitus emigrasse. Congregatis autem ex more ad  
placatum parentibus & amicis, ac de sola agentibus  
sepultura, pater ipsius fiduciam habens in Domino,  
concito gressu ad ecclesiam cucurrit beati Francisci,  
quæ in eodem erat Castro constructa, & cingulo su-  
spenso ad guttur, cum omni humilitate se prostrauit  
in terram. Sicq. vota vouens, & multiplicans preces,  
suspiciens & gemitibus meruit apud Christum, sanctū  
Franciscum habere patronum. Reuersus itaque sta-  
tim pater ad filium, & sanitati restitutum inueniens,  
luctum in gaudium commutauit.

Simile quiddam meritis sancti operatus est Domi-  
nus circa puellam quandam in Catalonia de villa  
nomine Tamarit, & circa aliam de Anchona, quæ  
cum essent præ nimietate ægritudinis in vltimo spiri-  
tu constitutæ, beatus Franciscus fideliter a parētibz  
inuocatus, perfectæ continuo restituit sanitati.

Clericus quidam de Vico albo nomine Matthæus,  
veneno mortifero bibito intantū fuit grauatus, quod  
loqui aliquo modo nō valens, solum finalem exitum  
expectabat. Sacerdos quidam vt sibi cōstiteretur,  
admonuit, & verbum vñm ab eo extorquere nō va-  
luit. Ipse vero in corde suo humiliter Christum ora-  
bat, vt per beati Francisci merita a mortis eum fauci-  
bus eripere dignaretur. Moxq. vt confortatus a Do-  
mino beati Francisci nomen fideli deuotione depro-  
psit, testibus qui aderant, veneno euomito, liberatori  
suo gratias egit.

#### De liberatis a naufragio.

F IN magno maris periculo positi quidam nautæ, cū  
per milliaria decem a portu Barulitano distarent,  
ingratissime nimium tempestate, iam de vita dubij  
anchors submiserunt. Verum spiritu procellarum  
mari feruentius tumescente, fractis funibus, & reli-  
ctis anchoris incerto & inæquali cursu per æquora  
vagabantur. Tandem nutu diuino mari placato, ad  
resumendas anchors, quarum funes superius enata-  
bant, toto se conamine parauerunt. Cumq. id perficere  
proprijs viribus non valerent, plurimorum san-  
ctorum inuocato subsidio, multisq. iam sudoribus  
liquescentes, nec vnam per totam diem resumere po-  
tuerunt. Aderat autem nauta quidam Perfectus no-  
mine,

Aug. trañ.  
25. in 10.º.  
post mediū  
20.º.

mine, sed moribus imperfectus, qui cum irrisione quadam dixit ad socios: Ecce sanctorum omnium inuocastis auxilium, & ut videtis, nullus est, qui succurrat. Inuocemus istum Franciscum, qui nouellus est sanctus, si quo modo in mare se emergat, & anchoras perditas reddat. Conenserunt ceteri, non irrisorie, sed veraciter suasioni Perfecti, & ipsius obiurgantes irrisorium verbum, firmauerunt cum sancto spontaneum votum, statimq. in momento sine aliquo adminiculo natauerunt anchoræ super aquas, quasi ferri natura versa foret in ligneam leuitatem.

Peregrinus quidam inualidus corpore propter febris peracutæ symptomata, quam fuerat ante perperus, nauis quadam subuectus de vltimamarinis partibus veniebat. Ferebatur autem & ipse ad beatum Franciscum præcipuo deuotionis affectu, & eum sibi apud caelestem Regem elegerat aduocatum. Cum igitur necdum perfecte liber a morbo, sitis angustaretur ardoribus, deficiente iam aqua, coepit alta voce clamare: Ite fidenter, haurite poculum mihi, quia beatus Franciscus vasculum meum aqua repleuit. Mirum certe. Inuenerunt vas aqua repletum, quod fuerat ante vacuum derelictum. Alio vero die cum tempestate suborta operiretur naus fluctibus, & procellis quateretur perualidis, ita ut iam naufragium timeret, coepit idem infirmus subito clamore vociferari per nauem: Surgite omnes, inquit, & beato Francisco venientem occurrere. Ecce ad saluandum nos adest. Sicq. cum voce magna, & lacrymis in faciem procidentem adorauit. Statim ad sancti visionem omnem sospitatem resumpsit infirmus, & maris fuit tranquillitas subsecuta.

Frater Iacobus Reatinus cum in nauicula parua, fluuium quendam cum alijs fratribus pertransiret, socijs primo super ripa positus, postremo se ad exitum præparabat. Sed modico illo ligno per infortunium reuoluto, rectore natante frater merus est in profundum. Inuocabant fratres extra positi affectuosis precibus beatum Franciscum, & ut filio succurreret lacrymosis gemitibus supplicabant. Submersus autem frater de ventre gurgitis nimis immensi cum ore non posset, corde clamabat, ut poterat, implorans pij patris subsidium. Et ecce auxiliante sibi beati patris præsentia, per profundum sicut per aridam ambulabat, & demersam nauiculam capiens, cum ea peruenit ad litus. Mirabile dictu. Vestimenta eius madidata non sunt, nec aquæ gutta proximauit ad tunicam.

Frater Bonauentura nomine cum duobus viris per lacum quendam nauigans, con fracta ex parte nauicula propter aquæ influentis imperum, demersus est cum nauis, & socijs in profundum. Cum autem de lacu miseræ misericordem patrem Franciscum inuocaret cum multa fiducia, superenatauit subito aqua plena nauicula, & cum eis sancto præbente ducatu, salubriter peruenit ad portum. Sic & quidam frater de Esculo submersus in flumine, sancti Francisci meritis exiit liberatus. Sed & in lacu Reatino cum quidam viri & mulieres in consimili essent periculo constituti, ad inuocationem nominis sancti Francisci de aquarum multatum periculoso naufragio salubriter euaserunt.

Quidam nautæ Anconitani periculosa tempestate iactati, submersionis periculum iam videbant. Cumq. sic desperati de vita sanctum Franciscum suppliciter inuocarent, lumen in mari magnū apparuit, & cum ipso lumine tranquillitas concessa diuinitus, ac si beatus vir sua miranda virtute & ventis imperare posset & mari. Quantis autem miraculorum prodigijs, beatus hic pater in mari claruerit, & clarescat, quotiens ibidem opem tulerit desperatis, nullatenus credo possibile per singula enarrare. Nec mirum, si iam regnanti in calis collatum est imperium super aquas, cui & in hac mortalitate degenti omnis corporea creatura ad suam refigurata originem mirabiliter seruebat.

*De liberato a vinculis & carceribus.*

IN Romania Græcum quendam cuiusdam domini seruientem, contigit de furto fallaciter accusari, quem dominus terræ in arcto carcere mandauit includi, & grauitè vinculari. Domina vero domus miserta serui, quem indubitè credebat a culpa sibi imposita innocentem, pro liberatione ipsius apud virum precibus insistebat deuotis. Verum non acquiescente viri sui duritia obstinata, recurrit domina supplex ad sanctum Franciscum, & eius pietati voto commendauit infontem. Protinus affuit miserorū adiutor, & virum in carcere positum misericorditer visitauit. Soluit vincula, carcerem fregit, innocentem manibus apprehensum foras eduxit, & ait: Ego sum ille, cui domina tua te deuote commisit. Cumq. ille timore magno corripere, & pro descensu altissimæ rupis voraginem circuiret, subito liberatoris sui virtute inueniens se in plano, redijt ad dominam suam, relataq. per ordinem miraculi veritate deuotam dominam ad Christi amorem, & reuerentiā serui eius Francisci feruentius inflammavit.

In Massa sancti Petri cuidam militi debebat pecuniæ quantitatem pauperculus quidam. Cumq. præinopia facultas non suppeteret persoluendi, captus debitor a milite repetente, misereri sibi orabat suppliciter, dilationem quærens amore beati Francisci. Spreuit superbus miles preces oblatas, & sancti amorem veluti inane quid inaniter vilipendit. Nam ceruicose respondens, Tali te, ait, loco recludam, & tali retrudam carcere, quod nec Franciscus, nec aliquis te poterit adiuuare. Tentauit quod dixit. Carcerem adinuenit obscurum, in quo hominem vinculatum coniecit. Paulopost affuit beatus Franciscus, & con fracto carcere, ruptisq. compedibus, illæsum hominem reduxit ad propria. Sic fortitudo Francisci militem prædata superbum, captiuum, qui se sibi subiecerat, liberauit a malo, militemq. proteruum admirando miraculo in mansuetudinem commutauit.

Albertus de Aretio cum in vinculis atrocissimis teneretur pro debitis iniuste ab eo petitis, suam innocentiam sancto Francisco humiliter commendauit. Ordinem quidem Fratrum minorum plurimum diligebat, & sanctum Franciscum inter sanctos speciali venerabatur affectu. Dixit autem creditor suus voce blasphema, quod nec Franciscus, nec Deus posset eum de suis manibus liberare. Factum est itaque in vigilia sancti Francisci cum vinculus ille nihil comedisset, sed ob sancti amorem victum suum cuidam tribuisset egeno, nocte veniente apparuit ei vigilanti sanctus Franciscus. Ad cuius ingressum vincula de pedibus, & catenæ de manibus ceciderunt. Sponte aperta sunt ostia, profluerunt tabulæ de solarario, & liber abscessit homo, ad propria rediens. Impleuit ex tunc votum, ieiunans vigiliam beati Francisci, & cetero quæ annuatim consuevit offerre in accrescentis deuotionis indicium, annuatim vnicam vnciam superaddens.

Residente in sede beati Petri domino Gregorio nono, quidam Petrus nomine de ciuitate Alisia, de hæresi accusatus, Romæ captus est, & de mandato eiusdem Pontificis ad custodiendum traditus Episcopo Tiburtino. Quæ sub pœna Episcopatus accipiens, compedibus alligauit, obscuroq. ipsum carcere ne posset effugere, fecit includi, panem ei præbens in pondere, & poculum in mensura. Coepit autem homo ille beatum Franciscum ad sui miserendum multis precibus & fletibus inuocare, eo quod audierat sollemnitatis eius iam adesse vigiliam. Et quoniam fidei puritate omnem abdicauerat hæreticæ prauitatis errorem, totaq. cordis deuotione adhæserat fidelissimo Christi seruo Francisco intercedentibus ipsius meritis a Domino meruit exaudiri. Instante enim iam nocte suæ festiuitatis, circa crepusculum beatus Franciscus in carcerem miseratus descendit, & illum suo nomine

nomine vocans, ut cito surgeret imperavit. Qui timore perterritus, quis nam esset interrogans, beatum Franciscum adesse audiuit. Cumq. virtute presentia viri sancti, vincula pedum suorum contracta conspiceret cecidisse, & tabulas carceris clavis ultro proficientibus aperiri, & apertum iter sibi ad exeundum præberi: solutus tamen, & obstupescens fugere nesciebat, sed ad ianuam clamans, custodes omnes perterrituit. Qui cum eum liberatum a vinculis Episcopo nuntiassent post intellectum ordinem rei, ad carcerem Pontifex deuotus accessit, & manifesto Dei virtutem cognoscens, Dominum adoravit ibidem. Vincula quoque coram domino Papa, & Cardinalibus delata fuerunt, qui videntes quod factum fuerat admirati plurimum benedixerunt Deum.

Guidolottus de sancto Geminiano falso accusatus fuit, quod veneno interemerat quendam virum, & quod eodem genere mortis, filium eiusdem viri, & vniuersam eius familiam proposuerat enecare. Capitis proinde a potestate terræ grauissimis vinculis aggrauatus, in turri quadam reclusus est. Ipse vero fiduciam habens in Domino, pro sua innocentia quam sciebat, causam commisit beati Francisci patrocinio defendendam. Excogitante igitur potestate qualiter criminis obiecti confessionem eliceret per tormenta, qualibuscumque poenis confessum faceret interire; nocte illa cum mane ad cruciatum deberet adduci, sancti Francisci præsentia extitit visitatus, & immenso luminis fulgore usque mane circumdatus, repletusq. gaudio, & fiducia multa securitatem euasione accepit. Aduenerunt mane tortores, & educum de carcere eculeo suspenderunt, aggrauantes super eum multa pondera ferri. Depositus est pluries, & iterum eleuatus, ut poena poenæ succedente citius ad confessionem criminis arceretur. Sed spiritu innocentie lætabatur in vultu, nullam mæstitiam prætendens in poenis. Deinde accensus est ignis sub ipso non modicus: nec propterea capillus est læsus, cum tamen capite dependeret ad terram. Tandem bulliente oleo superfusus, virtute patroni cui se commiserat defendendum hæc omnia superauit, & sic dimissus liber saluus abcessit.

*De liberatis a periculo partum.*

Quædam comitissa in Sclauonia, sicut nobilitate illustris, sic & æmula probitatis erga sanctum Franciscum deuotione flagrabat, erga fratres vero sedula pietate. Tempore vero partus duos perpeffa dolores, tanta fuit angustia molestata, ut proliis futuris ortus, præfens videretur matris occasus. Non videbatur infantem eniti posse ad vitam, nisi expiraret e vita, nec tali nixu parere, sed perire. Subuenit cordi eius sancti Francisci fama, virtus, & gloria, excitatur fides, inflammatur deuotio. Conuerit se ad auxilium efficax, ad fidum amicum, ad deuotorum solatium, refugium afflictorum: Sancte Francisce, inquit, pietati tuæ supplicant omnia ossa mea, & mente voueo quod explicare non possum. Mira celeritas pietatis. Finis dicendi, finis fuit dolendi, parturienti meta, pariendi principium. Statim enim omni cessante pressura partum edidit cum salute. Non fuit immemor voti, non propositi refuga. Ecclesiam quandam pulchram construi fecit, & constructam ad sancti honorem fratribus assignauit.

In partibus Romanis mulier quædam Beatrix nomine vicina partui, cum per dies quattuor fetum in ventre portaret extinctum, multis infelix agitabatur angustijs, & exitialibus doloribus vrgebatur. Mortuus fetus matrem cogebat ad mortem: & nondum in lucem productum abortiuum, publicum matri periculum pariebat. Tentabat medicorum auxilium, sed omne humanum remedium laborabat in vanum. Sic de primis maledictionibus Eug copiosius aliquid

S. Bon. Tom. 7. Pars iij.

A declinarat in miseram, ut sepulchrum facta conceptus, sepulchrum pro certo proximum expectaret. Fratribus tandem minoribus per internuntios tota se deuotione committens, suppliciter aliquid de sancti Francisci reliquijs fide plena poposcit. Contigit nutu diuino aliquantulum inueniri de chorda, qua fuerat sanctus quandoq. præcinctus. Mox, ut super dolentem posita chorda fuit, omnis facillime solutus est dolor, mortis causa mortuus fetus emissus, pristina sanitas restituta.

Cuiusdam de Narnio nobilis viri vxor Iuliana nomine, pro filiorum morte annos trahebat lugubres, & cõtinuè infelices deplorabat euentus, pro eo quod omnes quos cum pressura portauerat filios, modico interiecto tempore cum vehementiori dolore sepultura tradiderat. Cum igitur quattuor mensium conceptum haberet in utero, magisq. propter euentus præteritos de conceptæ prolis sollicitaretur obitu, quàm de ortu, beatum Patrem Franciscum pro vita nondum nati fetus fideliter precabatur. Ecce autem nocte quadam dormienti sibi mulier quædam apparebat in somnis, formosum puerulum gestans in manibus, illumq. latissime offerebat eidem. Cum vero illa recipere recusaret, quem statim formidabat amittere, mulier illa subiunxit, Secure suscipias, quia quem tuo mæiori compatiens sacer mitit Franciscus, vita viuet, & sospitate gaudebit. Statim euigilans mulier, intellexit per ostensam sibi cælitus visionem beati Francisci sibi adesse suffragium: extunc abundantiori completa lætitia, pro suscipienda prole iuxta promissum multiplicauit preces, & vota promisit. Impletum est denique tempus pariendi, & peperit femina masculum, qui iuuenilis robore florens ætatis, tamquam per beati Francisci merita formamentum susciperet vitam, incitamentum parentibus præbuit ad Christum, & Sanctum eius deuotioris affectus. Simile quiddam huic in Tiburis ciuitate sanctus Pater effecit. Cum enim mulier quædam filias plurimas peperisset, desiderio prolis fatigata virilis, apud sanctum Franciscum preces ingeminauit, & vota. Concepit igitur eius meritis mulier illa, & geminos ei parere dedit, qui pro vno fuerat exoratus.

Apud Viterbium partui propinqua mulier, mori propinquior censebatur, visceribus tormentata doloribus, & tota calamitosa in infortunijs mulierum. Cumq. naturæ succumbente virtute, omnis deficeret artis industria, inuocato beati Francisci nomine, liberata confestim mulier, partum salubriter terminauit: sed assecuta quod voluit, & oblita beneficii, quod accepit, honorem sancto non deferens, die natalis ipsius ad opera seruilia manus extendit. Et ecce subito dextrum brachium ad laborem extensum inflexibile remansit, & aridum. Quod cum studeret ad se reuocare cum altero, vltione consimili, & illud exaruit. Timore igitur diuino correpta mulier, reintegrauit votum, vsumq. membrorum, quem propter ingratitude amiserat, & contemptum, per misericordis, & humilis sancti merita, cui se iterato deuouit, recuperare promeruit.

Mulier quædam de partibus Aretinis, cum per septem dies partus discrimina sustineret, & iam in nigredinem versa, desperata esset ab omnibus, votum fecit beato Francisco, & eius compit moriens auxilium inuocare. Emissa autem voto, celeriter obdormiuit, viditq. in somnis beatum Franciscum se dulciter alloquentem, ac requirentem vtrum faciem ipsius agnosceret, & an antiphonam illam Virginis gloriosæ, Salue Regina misericordiæ, sciret, ad honorem huius Virginis recitare. Qua respondente se habere notitiam de vtrisque. Incipe, ait Sanctus, Antiphonam sacram, & antequam compleas, paries cum salute. Ad hanc vocem euigilauit mulier, & cum timore cepit dicere: Salue Regina misericordiæ. Cumq. illos misericordes oculos precaretur, fructumq. commemoretur

Ecce 2 moraret



moraret vteri Virginalis, continuo cunctis liberata pressuris infantem peperit speciosum, gratias agens Regine misericordie, quæ per beati Francisci merita ipsius fuerat dignata misereri.

*De cæcis illuminatis.*

**I**N conuentu fratrum Minorum Neapoli, cum quidam frater Robertus nomine, cæcus annis plurimis extitisset, creuit in oculis eius caro superflua; motum & vsum impediens palpebrarum. Cum igitur frater forenses ad diuersas mundi partes tendentes, ibidem plurimi conuenissent, beatus pater Franciscus speculum obedientie sanctæ, ut eos miraculi nouitate hortaretur ad iter, prædictum fratrem ipsis presentibus tali modo curauit. Iacebat nocte quadam frater Robertus prædictus æger ad mortem, iamque sibi fuerat anima commendata, & ecce astitit ei beatus Pater cum tribus fratribus omni sanctitate perfectis, videlicet sancto Antonio, fratre Augustino, & fratre Iacobo de Assisio, qui sicut eum perfecte fuerant secuti dum viuerent, ita & ipsum alacriter comitabantur post mortem. Accipiens cultellum sanctus Franciscus carnem superfluum rescacauit, lumen restituit pristinum, & a mortis eum fauce rediit, dixitque illi: Fili Roberte gratia quam tecum feci signum est fratribus ad remotas nationes euntibus, quod ego præcedam eos, & ipsorum dirigam gressus. Vadant, inquit, gaudentes, & iniunctam obedientiam alacri animo exequantur.

Apud Thebas in Romania, mulier cæca vigiliam sancti Francisci in pane tantum, & aqua ieiunans, ad ecclesiam fratrum Minorum summo mane festiuitatis a viro suo perducta est. Quæ dum Missa celebraretur, in eleuatione corporis Christi oculos aperuit, clare vidit, deuotissime adorauit. In ipsa vero adoratione voce magna proclamans: Gratias, inquit, Deo, & sancto eius, quia video corpus Christi, omnibus qui aderant in voce exultationis conuersis. Post sacramentum expletionem reuersa est mulier in domum suam cum gaudio spiritus, & lumine oculorum. Exultabat quidem mulier non solum, quia lucis corpore recuperarat aspectum: verum etiam quia sacramentum illud mirificum, quod est lumen animarum, verum & viuum respectu primario per beati Francisci merita fidei suffragante virtute meruerat intueri.

In Campania puer quidam quattuordecim annorum de castro Pophis subita vexatus angustia, sinistram oculum amisit ex toto. Passionis acerbitas sic de loco suo propulit oculum, quod per octo dies extra neruo relaxato longitudine digiti vnus ad maxillas dependens, pene aridus est effectus. Sed cum sola superesset abscisso, & a medentibus foret penitus desperatus, pater eius ad auxiliū beati Francisci tota se mente conuertit. Non defuit ille indefessus miserorum adiutor precibus supplicantis. Nam oculum aridum mirabili virtute in locum suum, pristinumque vigorem restituit, & lucis optatæ radijs illustrauit.

In eadem prouincia apud castrum magni ponderis lignum ex alto proruit, & cuiusdam sacerdotis caput grauissime quassans, sinistram oculum excacauit. Qui humi deiectus cepit alta voce sanctū Franciscum luctuose clamare, dicens: Succurre Pater sanctissime, ut ad festum tuum ire valeam, sicut fratribus tuis ire promisi. (erat enim vigilia sancti) qui statim exurgens, peroptime liberatus, in vocem prorupit laudis & gaudij, & circumstantes omnes, qui eius miserie condolebant, in stuporem conuertit, & iubilum. Iuit ad festum, narrans omnibus, quam in se expertus fuerat clementiam, & virtutem.

Vir quidam de Monte Gargano dum in vinea sua laborans, lignum quoddam ferro succideret, propellu percussit oculum, & sic diuisit per medium, ut qua-

si media pars ipsius exteriorius dependeret. Cumque in tam desperato periculo desperaret sibi posse per hominem subueniri, ieiunaturum se in festo sancti Francisci, si ei succurreret, repromisit. Statim in loco debito viri oculum sanctus Dei restituit, sicque diuisum reiunxit, & lumine pristino decorauit, ut nullius lisionis vestigia remanerent.

Filius cuiusdam nobilis viri a natiuitate cæcus, meritis sancti Francisci lumen accepit optatum. Qui nomen ab euentu sortitus, Illuminatus vocatus est. Assumpsit postea cum in ætate esset Ordinē beati Francisci, accepti beneficii non ingratus, tantumque profecit in lumine gratiæ, & virtutis, ut veræ lucis filius videretur. Tandem beati Patris promerentibus meritis, sanctum initium sine sanctiori conclusit.

In Zachanto quod est castrum iuxta Ananiam. Miles quidam Girardus nomine, oculorum lumen ex toto perdidit. Accidit autem, ut duo fratres Minores ab exteris partibus venientes ad domum ipsius hospituri diuerteret. Suscepti itaque deuote propter reuerentiam sancti Francisci a familia tota, & cum omni benignitate tractari, gratias agentes Deo, & hospiti, ad locum Fratrum deuenere vicinum. Nocte igitur quadam beatus Franciscus vni fratrum illorum in somnis apparuit, dicens: Surge festina cum socio ad domum hospitis nostri, qui Christum, & me suscepit in vobis. Volo enim beneficia rependere pietatis. Cæcus quidem effectus est suis promerentibus culpis, quas penitentiali non studuit confessione purgare. Disparente quoque patre, frater festinus surrexit, ut mandatum cum socio celeriter adimpleret. Venientesque ad hospitis domum, cuncta quæ viderat alter per ordinem, narrauerunt eidem. Stupuit vir ille non modicum, & vniuersa quæ dicebantur, veræ esse confirmans, compunctus ad lacrymas, confessus est libens. Tandem correctione promissa, interiorque homine taliter renouato, exteriorem continuo recuperavit aspectum. Huius miraculi fama circumquaque diffusa, non solum ad reuerentiam sancti: verum etiam ad confessionem humilem peccatorum, & hospitalitatis gratiam plurimos incitauit.

*De liberatis a diuersis infirmitatibus.*

**A**Pud Castrum Plebis, iuuenis quidam mendicus surdus erat, & mutus a natiuitate sua, qui linguam adeo curtam habebat ac tenuem, quod multoties exquisita a pluribus præcis penitus videretur. Vir quidam Marcus nomine, ipsum propter Deum suscepit hospitio: qui cum sibi benefacere sentiens, cepit cum ipso assiduus demorari. Sero quodam cum prædictus vir cenaret cum coniuge, astante puero coram eis, dixit uxori: Hoc ego maximum miraculum reputarem, si beatus Franciscus huic auditum redderet, & loquelam. Et adiecit: Voueo Deo quod si hoc sanctus Franciscus dignabitur operari, propter amorē suum huic puero expensas conferam, donec viuet. Mirum certe. Subito lingua creuit, & locutus est, dicens: Gloria Deo, & sancto Francisco, qui mihi loquelam præbuit, & auditum.

Præter Iacobus de Iseo, cum puerulus esset in domo paterna, rupturam incurrit corporis valde grauem. Superno vero afflatus Spiritu, licet esset iuuenis, & infirmus ordinem sancti Francisci deuotus intravit: nulli tamen qua vrgebatur infirmitate derexit. Factum est autem, cum corpus sancti Francisci transferretur ad locum, ubi pretiosus sacrorum ossium, eius nunc thesaurus est conditus: affuit, & tunc dictus frater translationis gaudijs, ut glorificari iam Patris corpori honorem debitum exhiberet. Et appropinquans rumbæ, in qua ossa sacra fuerant collocata, præ deuotione spiritus sacrum tumultum complexus, subito miro modo ad loca debita partibus reuocatis sanum se sensit, succinctorum deposuit, & extunc

tunc ab omni dolore præterito liber fuit. Ab infirmitate quoque consimili, frater Bartholus de Eugubio, frater Angelus de Tuderto, Nicolaus sacerdos de Stichano, Ioannes de Fora, vir quidam de Pisis, & alius de Castro Cisterne, Petrus quoque de Sicilia, & homo quidam de Castro Spelli iuxta Assisium, & quam plures alij, per Dei misericordiam, & beati Francisci merita extiterunt mirabiliter liberati.

In maritima mulier quædam mentis alienationem per quinquennium passa, visu & auditu priuata est, indumenta dilaniabat dentibus, ignis & aquæ periculum non timebat, & caduci morbi ad summum incurrerat horribilem passionem. Nocte vero quædam cum disponderet sibi diuina misericordia misereri, salutaris fulgore lucis superillustrata diuinitus, vidit beatum Franciscum super solum sedere sublimem, ante quem prostrata, sanitatem suppliciter exposcebat. Illo vero nondum fauente precibus, firmavit mulier votum, promittens pro Dei amore ac sancti petentibus, donec haberet, eleemosynam non negare. Illico sanctus pactum recognouit, quod olim cū Domino fecerat simile, & signans eam crucis signaculo, integram sibi restituit sanitatem. A consimili passione puellam quandam de Nursia, & filium cuiusdam nobilis viri, & alios quosdam, relatione veridica compertum est sanctum Dei Franciscum misericorditer liberaſſe.

Petrus de Fulgineo ad visitandū limina beati Michaelis quodam tempore pergens, dum minus reuerenter peregrinationem peregit, fontis cuiusdam aquam degustans, a dæmonibus est inuasus. Et exinde per tres annos obsessus, discerpebatur in corpore, pessima loquens & horrenda prætendens, habens aliquando lucida interualla, beati virtutem quam efficacem audierat ad effugandas aereas potestates humiliter requisivit. & ad sepulcrum pij Patris accedens, mox ut illud contigit manu, a dæmonibus crudeliter eum discerpentibus mirifice liberatus fuit. Simili etiam modo, mulieri cuidam de Narnio habenti dæmonium, misericordia Francisci subuenit, & alijs pluribus, quarum vexationum angustias, & curationum modos longum esset per singula enarrare.

Vir quidam nomine Bonus, homo de ciuitate Fani, paralyticus & leprosus ad ecclesiam beati Francisci a parentibus deportatus, vtriusque morbi plenam consecutus est sanitatem. Sed & alius iuuenis quidam Acto nomine de sancto Seuerino totus leprosus, voto emisso, & ad sepulcrum Sancti delatus, meritis ipsius a lepra mūdatus est. Habuit quidem Sanctus supra huiusmodi morbo curando præcellentem virtutem, pro eo quod humilitatis & pietatis amore leproſorum obsequijs semetipsum humiliter deputarat.

Nobilis quædam mulier Rogata nomine, in episcopatu Sorano per vigintitres annos fluxu sanguinis fatigata, sed a quampluribus medicis quamplurima mala perpeſſa; præ nimietate quidem languoris sæpius videbatur mulier expirare: sed si quando fluxus huiusmodi stringebatur, tumescebat corpore toto. Audiens autem quandam puerum Romano sermone canentem miracula, quæ Deus per beatum Franciscum fuerat operatus, nimio dolore commota, tota prorupit in lacrymas, sicq. intra se fide accensa dicere cœpit: O beate pater Francisce, qui tantis coruscis miraculis, si me digneris ab hac ægritudine liberare, magna tibi accrescet gloria, quoniam adhuc tantum miraculum non fecisti. Quid plura? his dictis, sensit se beati Francisci meritis liberatam. Filiū quoque ipsius Marcum nomine, qui brachium habebat contractum, sanctus Franciscus voto ad ipsum emisso, sanauit. Feminam etiam quandam de Sicilia per septennium fluxu sanguinis fatigatam, beatus Christi signifer saluam fecit.

In vrbe Romana Prædix quædam nomine religioſitate famoſa, quæ a tenella ætate propter æterni

S. Bon. Tom. 7. Pars iiij.

A Spōſi amorem arcto se carcere per quadraginta iam fere annos abdiderat, apud beatum Franciscum gratiam promeruit spiritualem. Nam cum die quadam pro rebus opportunis solarium suæ cellulæ conscendisset, & impulsione phantastica corruens, cum fractum haberet pedem cum crure, & humerum a positione debita sequeſtratū, apparuit ei benignissimus pater vestimentis gloriæ candidatus, & dulcibus affatibus alloqui cœpit eandem, Surge, inquit, filia benedicta, surge ne timeas. & apprehensa manu ipsius alleuans eam, disparuit. Ipsa vero per cellulam suam huc, atque illuc se conuertens, putabat se visum videre vsquequo ad clamorem ipsius apportato iam lumine, perfecte se sentiens per seruum Dei Franciscum esse sanatam, cuncta quæ acciderant, per ordinem narrauit.

*De non obseruantibus festum, & non honorantibus sanctum.*

IN Pictauia partibus in villa, quæ Simo dicitur, sacerdos quidam Reginaldus nomine, beato Francisco deuotus, festum ipsius parochianis suis indixerat sollempniter celebrandum. Vnus autem de populo ignorans sancti virtutem, sui paruipendit sacerdotis mandatum. Egressus autem foras in agrum, ut ligna succideret, cum se præparasset ad opus, vocem audiuit huiusmodi ter dicentem: Festum est, operari non licet. Verum cum nec imperio sacerdotis, nec supernæ vocis oraculo seruilis temeritas frenaretur, addidit diuina virtus ad gloriam sancti sui sine mora miraculum & flagellum. Mox enim ut furcam vna manu iam tenens, alteram cum ferro instrumento leuauit ad opus, sic diuina virtute vtraque manus, vtrique instrumento cohaesit, ut ad neutrius dimissionem digitos aliquatenus relaxare valeret. Ex quo stupefactus nimis, & quid ageret nesciens ad ecclesiā multis vndique ad videndum prodigium occurrentibus properauit. Vbi mente compunctus ante altare, quodam ex assistentibus sacerdote monente, plures quippe ad festum vocati conuenerant sacerdotes, beato Francisco humiliter se deuouit, tria sicut ter vocem audierat vota vouens, quod scilicet festum ipsius coleret, quod ad illam, in qua tunc erat, ecclesiam in festo veniret, & quod sancti corpus personaliter visiteret. Mirum certe relatu. Vno emisso voto, vnus digitus factus est liber, ad secundi emissionem solutus est alius, sed tertio facto voto laxatus est tertius, & postmodum tota manus, necnon & altera subsequenter, populo, qui iam multus aduenerat, sancti clementiam deuotissime implorante. Sic homo pristinae redditus libertati, per seipsum instrumenta deposuit cunctis laudantibus Deum, virtutemq. sancti mirificam, qui tam mirabiliter percutere poterat & sanare. Ipsa vero instrumenta vsque hodie coram altari ad honorem beati Francisci fabricato ibidem in memoriam sancti dependent. Plura quoque illic & in locis vicinis patrata miracula, & sanctum in cælis ostendunt eximium, & festum ipsius in terris venerabiliter excolendum.

F In ciuitate quoque Cenomanensi, dum in sollempnitate sancti Francisci mulier quædam manus ad colum extenderet, & digitis apprehenderet fusum, obrigescentibus manibus, cœperunt digiti magnis ardoribus cruciari. Igitur poena docente sancti recognoscens virtutem, corde compuncta cucurrit ad fratres. Cumq. pro salute ipsius deuoti filij sancti Patris clementiam precarētur, incolumis effecta est statim, nec aliquid læsionis remansit in manibus, nisi ad facti memoriam solum vestigium combusturæ. Simili etiam modo in Campania maiori mulier quædam & in villa Oletti mulier altera, & in Castro Pilei tertia, dum beati Patris festum celebrare contemnerent, præuaricantes primum mirabiliter sunt punitæ,

E c 3 sed

sed postmodum poenitentes per sancti Francisci merita mirabiliter liberata.

Miles quidam de Burgo in prouincia Massæ, beati Francisci operibus, & miraculorum signis impudentissime detrahebat. Inferebat multa opprobria peregrinis ad ipsius memoriam venientibus, & contra fratres publica garriebat insania. Cum autem semel sancti Dei gloriâ impugnaret, addidit super peccata sua blasphemiam detestandam. Si verum est, inquit, quod Franciscus iste sit sanctus, gladio cadat hodie corpus meum. Si vero sanctus non est, euadam incolumus. Non distulit ira Dei condignū inferre supplicium, cum iam facta fuisset oratio in peccatum. Mora enim modica interiecta, dum blasphemus nepoti suo inferret iniuriam, accepit ille gladium, & patris visceribus cruentauit. Eodē die mortuus est sceleratus, inferni mancipiū, & filius tenebrarum, ut ceteri discerēt miranda Francisci opera nō blasphematoris verbis impetere, sed deuotis laudibus honorare.

Iudex quidam nomine Alexander, dum a beati Francisci deuotione quos poterat venenata lingua retraheret, diuino iudicio lingua priuatus, per sex annos obmutuit. Qui cum in eo quod peccauerat torqueretur, alta poenitudine reuocatus dolebat se contra sancti miracula oblatrasse. Itaque non perstitit misericordis indignatio sancti, sed poenitentem ac se humiliter inuocantem restituta loquela recepit ad gratiam. Extunc linguam blasphemam consecrauit laudibus sancti, deuotionem simul, & disciplinam recipiens per flagellum.

*De quibusdam alijs miraculis diuersorum generum.*

**I**N Castro Galiani Valuensius diœcesis, mulier quædam erat nomine Maria, quæ Christo Iesu, & beato Francisco famulari deuoto subiecta, vna dierum æstiuo tempore exijt, ut manibus conquireret proprijs necessarium victum. Cum igitur feruente nimium æstu, suis deficere cœpisset ardoribus, omni priuata beneficio poculi pro eo, quod in mōte arido sola esset, quasi exanimis humi prostrata, patronum suum sanctum Franciscum inuocabat pio mentis affectu. Dum autem perseveraret mulier in affectuosa, & humili prece, labore, siti, & æstu fatigata quamplurimum, paululum obdormiuit. Et ecce sanctus Franciscus adueniens, & eam vocans ex nomine: Surge, inquit, & bibe aquam, quæ diuino munere tibi ac pluribus exhibetur. Ad huius vocis auditum surrexit mulier a somno, non modicum confortata, & accipiens silicem, quæ iuxta se erat, radicatus euulsi a terra, effodiensq. ligno paruulo circumquaque, viuentem reperit aquam, quæ cum primo videretur paruula stilla, subito diuina virtute creuit in fontem. Bibit itaque mulier, & satiata oculos lauit, quos cum longa prius haberet ægritudine obumbratos, noua extunc sensit luce perfusus. Festinauit ad domū mulier tam stupendum miraculum ad gloriam sancti Francisci denuntians vniuersis. Concurrerunt vndique multi ad miraculi famam, experientia magistrascentes mirabilem illius aquæ virtutem, dum ad ipsius contactum confessione præmissa, a varijs morborum cladibus plurimi liberabantur. Perseuerat vsque hodie fons ibi perspicuus, & in honorem beati Francisci ibidem oratorium est constructum.

In Hispania apud sanctum Facundum, viri cuiusdam cerasum arefactum ad virorem frondium, florum, & fructuum contra spem mirabiliter reuocauit. Incolas quoque terræ apud Vilesios, a vermium peste corrodentium vineas circumquaque miraculoso suffragio liberauit. Sacerdotis cuiusdam iuxta Palentiam horreum quoddam, quod vermibus frumentarijs repleti quolibet anno solitum fuerat, sibi fideliter commendatum penitus expurgauit. Terram quoque domini cuiusdā de Petramala in regno Apu-

lia sibi suppliciter commendatam, ab odiosa peste bruchorum penitus seruauit indemnem: cum tamen in circuitu omnia essent prædicta pestilentia deuorata.

Vir quidam Martinus nomine, cum longe a Castro suo boues minasset ad pascua, crus vnus bouis casu quodam sic fuit desperate confractum, ut nihil esset sibi de remedio aliquo cogitandum. Dum autem pro decoratione foret sollicitus, & instrumentum, cum quo id faceret non haberet, domum reuersus beato Francisco bouis curam reliquit, ipsumq. fidei sanctæ custodiæ fiducialiter commendauit, ne ante suum reditum deuoraretur a lupis. Summo itaque mane ad bouem in silua relictum cum excoctore reuersus, pascentem ipsum ita reinuenit incolumem, quod nequaquam crus fractum ab altero discernebat. Gratias egit bono pastori, qui diligentem de boue suo curam habuit, & medellā donauit. Succurrere nouit humilis sanctus omnibus inuocantibus ipsum, nec quantumcumque paruas necessitates hominum dedignatur. Nam viro cuidam de Amiterno iumentum restituit furto sublatum. Mulieri cuidam de Interduco catinum nouum in multas partes casu diuisum integre reparauit. Viro etiam cuidam de Monte Vlmi in Marchia consolidauit vomerem in frustra confractum.

In Sabinensi diœcesi vetula quædam octogenaria erat, cuius filia moriens lactentem infantulum dereliquit. Cum igitur anus pauperula plena esset inopia, & vacua lacte, nullaq. esset mulier, quæ sitienti paruulo lactis stillicidium, iuxta quod exigebat necessitas erogaret, quo se verteret vetula penitus ignorabat. Debilitato vero infantulo, nocte quadam omni humano destituta subsidio, ad beati patris Francisci auxilium implorandum, lacrymarū imbrepersa, tota se mente conuertit. Affuit statim innocentis amator ætatis: Ego, inquit, sum Franciscus o mulier, quem cum tantis lacrymis inuocasti. Pone, ait, mammas tuas in ore pueruli, quoniam abundanter tibi lac Dominus dabit. Impleuit anus sancti mandatum, & statim octogenariæ mammæ lactis copiam effuderunt. Innotuit omnibus mirabile sancti donum, multis tam viris, quàm mulieribus accelerantibus ad videndum. Et quia quod testabantur oculi lingua impugnare non poterat, excitabantur omnes ad laudandum Deum, in sancti sui virtute mirabili, & amabili pietate.

Apud Spoletum vir, & vxor vnicum habentes filium, quotidie illum velut hereditarium opprobriū deplorabant. Brachijs siquidem collo connexis, iunctisq. genibus pectori, & pedibus naribus alligatis, non hominis proles, sed monstrum quoddam potius videbatur. Vehementiori mulier ex hoc afflicta dolore, crebris gemitibus clamabat ad Christum sancti Francisci auxilium inuocando, ut infelici sibi, & in tali opprobrio cōstitutæ succurrere dignaretur. Nocte igitur quadam cum propter huiusmodi tristitiam tristis eam somnus arriperet. Apparuit ei sanctus Franciscus pijs eam assatibus mulcens, insuper, & suades quod ad locum propinquum suo nomini dedicatum deferret puerum, ut ex aqua putei loci illius in nomine Domini superfusus, plenam reciperet sospitatem. Negligente autem illa sancti adimplere mandatum: secundo replicauit idipsum. Tertio quoque apparens, mulierem cum puero vsque ad ianuam dicti loci præambulo ducatu perduxit. Superuenientes autem nobiles quædam matronæ deuotionis causa ad prædictum locum, eis a muliere præfata diligenter exposita visione, vna cum ipsa puerum fratribus præsentarunt, & haurientes aquam de puteo, earum nobilior proprijs manibus lauit infantem. Statim puer omnibus membris ad sua loca perductis, sanus apparuit, & magnitudo miraculi omnibus admirationem induxit.

In Castro Chore Ostiensis diœcesis vir quidam sic

crus

eris ex toto perdiderat, vt nullo modo progredi vel mouere se posset. Positus itaque in angustia vehemēti, & auxilio desperatus humano, cœpit nocte quadam ac si præsentem cerneret beatum Franciscum talem coram eo assumere materiā querelandi. Aduua me sancte Francisce recolens meum seruitium & deuotionem tibi impensam. Nam in asino meo te portauit, sanctos pedes tuos, & sanctas manus tuas osculatus fui, semper tibi deuotus, semper tibi beneuolus extiti, & ecce morior doloris huius durissimo cruciatu. His pulsatus querelis, statim affuit beneficiorum memor, & deuotionis gratus, & vigilanti viro cum vno fratre apparuit. Ad vocationem eius se venisse dixit, & tulisse remedia sanitatis. Tetigit locum doloris cum baculo paruulo, qui figuram thau in se habebat, & fracto mox apostemate, perfectam tribuit sanitatem. Et, quod mirabilius est, sacrum signū thau impressum super locū sanati vlcis ad miraculi memoriā dereliquit. Hoc signo sanctus Franciscus suas consignabat litteras quotiens charitatis causa scriptū aliquod dirigebat. Sed ecce dum per diuersa miracula gloriosi Patris Francisci mens narrationis varietate distracta decurrit, promerente ipso crucis glorioso signifero in signum salutis thau non sine diuina directione peruenit, vt ex hoc possimus aduertere, quod sicut crux militati post Christum fuit sublimitas meriti ad salutem, sic & triumphanti cū Christo facta est firmitas testimonij ad honorem. Hoc quippe crucis mysterium magnum & mirum, in quo

A charismata gratiarum & merita virtutum, & thesauri sapientiæ & scientiæ tam alta profunditate velantur, vt a mundi sapiētibus & prudentibus sit occulta, tam plene fuit Christi paruulo reuelatum, vt omnis vita ipsius non nisi crucis vestigia sequeretur, nō nisi crucis dulcedinem saperet, non nisi crucis gloriam prædicaret. Vere namque in suæ conuersionis principio dicere cum Apostolo potuit: Mihi autem absit gloriari nisi in cruce Domini nostri Iesu Christi. Non minus etiam vere in conuersionis progressu addere valuit: Quicumque hanc regulam secuti fuerint, pax super illos & misericordia. Verissime autem in consummatione potuit subinferre: Stigmata Domini Iesu in corpore meo porto. Sed & illud nos quotidie desideramus ab ipso audire: Gratia Domini nostri Iesu Christi cum spiritu vestro fratres. Amen.

Gal. 6. d

Gal. vi. d

Ibidem.

Gloriare igitur iam secure in crucis gloria Christi signifer gloriose, quoniam a cruce incipiens secundum crucis regulam processisti, & tandem in cruce perficiens per crucis testimonium quantæ gloriæ sis in cælo cunctis fidelibus innotescis. Secure iam te sequatur, qui exeunt ex Ægypto, quia per baculum crucis Christi mari diuiso deserta transibunt in repromissam viuentium terram, Iordane mortalitatis transmissi, per ipsius crucis mirandam potentiā ingressuri. Quos introducat verus populi ductor & Saluator Christus Iesus crucifixus per merita serui sui Francisci. Ad laudem & gloriam vnius Dei & trini, qui viuit, & regnat in sæcula sæculorum. Amen.

## S. BONAVENTURAE

### EXIMII ECCLESIAE DOCTORIS

#### Expositio

#### IN REGVLAM FRATRVM MINORVM.

*Hoc Opusculum a Trithemio inter S. Bonaventura Opuscula connumeratur alio nomine inscriptum, videlicet Constitutiones Ordinis S. Francisci. In quo quidem Opusculo boni Prelati praeiungunt officium, cuius est subditos docere, dirigere, corrigere, & fouere; & cum ipse Minister Generalis sui Ordinis existeret, id efficit, dum regula sancti Patris Francisci sanum sensum tradit. Hinc vero editioni praeposita est singulis capitulis textus ipsius regula pro maiori commoditate legentium.*

### CONFIRMATIO REGVLÆ.

#### HONORIVS EPISCOPVS SERVVS SERVORVM DEI.

**D**ILECTIS filijs Fratri Francisco, & alijs Fratribus de Ordine Fratrum Minorum, salutem & Apostolicam benedictionem. Solet annuere sedes Apostolica pijs votis, & honestis petitionum desiderijs fauorem beneuolum impartiri. Ea propter dilecti in Domino filij vestris pijs precibus inclinati, Ordinis vestri regulam, a bona memoria Innocentio Papa praedecessore nostro approbatam, annotatam praesentibus, auctoritate vobis Apostolica confirmamus, & praesenti scripti patrocinio communimus, qua talis est.

#### EXPOSITIO CONFIRMATIONIS

##### REGVLÆ.

Gal. vi. d



Quicumque hanc regulam secuti fuerint, pax super illos & misericordia. Hanc plane puto regulam, ab Innocentio Papa tertio approbatam, a sequenti Honorio confirmatam, a Gregorio nono declaratam, vt funiculus triplex non facile disrumpatur. Nec tamē

Eccl. 4. c

in immensum gloriabimur, sed secundum mensuram regulæ, qua mensus est nobis Deus, ne in aliqua alia regula gloriemur. Huius igitur regulæ rectitudinē, duce Domino breuius declarabo, vt sit ei adhaerentibus solatium, & aduersantibus directio, qui obliquis & reflexis eam intuentes oculis lumini attribuunt suarum virtutum tenebrarum. Regula igitur epistolari modo a salutatione oritur, in narratione deducitur, & in conclu-

conclusionem terminatur. In salutatione enim resurgit Apostolica clementia, pie pauperibus condescendens Deus. In narratione patet Apostolica sapientia, perfectionis summam breuitate perstringens. In conclusionem eius resurgit auctoritas potentia, qua seruos Christi perpetua protegit armatura. Prima pars, scilicet saluatio duas habet particulas, quia continet salutationem, & sequentium confirmationem. Dicitur enim primo sic: *Honorius Episcopus*. Episcopus utique non alicuius partis solum, sed totius vniuersitatis. In cuius figuram legitur, quod stante Iesu in litore maris, Petrus succinxit se, & misit se in mare, alij vero discipuli nauigio venerunt. Per mare intelligitur seculum, quod suscepit Petrus a Domino gubernandum. Per nauigium autem intelliguntur variae sortes discipulorum, qui in varijs mundi partibus Pontificium susceperunt. Vnde & duae fuerunt naues, propter circumcisionem, & praeputium secundum Augustini sententiam super illud: Hinc Petrus a petra dictus, a Domino positus est Ecclesiae fundamentum. Tu es Petrus, & super hanc petram aedificabo Ecclesiam meam. vbi Rabanus, Vt omnes per orbem credentes intelligant, quia quicumque ab unitate fidei, vel societate illius, quolibet modo segregant se ipsos, nec a vinculis peccatorum absolui, nec ianuam possunt regni caelestis intrare. Hinc Petro Dominus dedit super alios Apostolos ordinariam potestatem, dicens: Et tu aliquando conuersus confirma fratres tuos. In huius rei figuram dicitur in libro Sapientiae, quod in veste poderis quam habebat Aaron, totus erat orbis terrarum. Quod si vnus non esset, qui in omnes exercere posset iurisdictionem, vbi maneret status Ecclesiae? Si partibus discordantibus, non esset qui posset manum mittere in ambabus, fuisset synagoga felicius quam Ecclesia: quia illa habebat vnum summum Pontificem, qui omnes discordias poterat terminare, vt patet in Deuteronomio: Tantae auctoritati nostrae profundissima humilitas sociatur, cum dicitur: *Servus servorum Dei*, non istorum vel illorum, sed sapientium & insipientium, omnium, & singulorum. Sic certe vt legitur in Ezechiele: Gazophylacia templi fuerunt in superioribus humiliora. In statu enim sublimi est ornamentum notabile, humilitas profunda. Sequitur: *Dilectis filiis fratri Francisco, & alijs fratribus de ordine fratrum Minorum, salutem & Apostolicam benedictionem*. Benedictio Patris confirmat domos filiorum. In hierarchicis eloquijs optime sonat nomen dilectionis, quia vt Dionysius dicit, totius hierarchiae finis, & consummatio, est vniuersa dilectio. Sequitur secunda particula continens sequentium confirmationem. Vnde dicit: *Solet annuere sedes Apostolica pijs votis, & honestis petentium desideriis, fauorem benenolum impartiri*. Piu est, quod est ad Dei gloriam directiuum, quia pietas est cultus Dei. Qui pie volunt viuere in Christo, persecutionem patientur. Honestum est, quod ad aedificationem proximi ordinatur. Sicut in die honeste ambulemus. Haec honestas a diuinis est praecipue beneplacitis, & non mundanis vanitatibus regulanda. Vnde Hieronymus super Isaiam: Non erubuit Isaias nudus incedere, nihil honestius iudicans, quam Domino obedire. Sequitur: *Eapropter dilecti in Domino filij, vestris pijs precibus inclinatis, ordinis vestri regulam, a bona memoria Innocentio Papa praedecessore nostro approbatam, annotatam, & sententibus auctoritate vobis Apostolica confirmamus, & praesentis scripti patrocinio communimus, quia talis est*: Cum ratione pietatis & honestatis, dicat se summus Pontifex hanc regulam confirmasse, impij sunt, qui a sede Apostolica discordantes, per regulam istam dicunt seruari non posse, & per consequens aliquod impium continere. Tales omnes sunt haeretici & schismatici, vt patet in decretis. Item Patriarch. in Deuteronomio: Sequeris sententiam eorum, nec Dent. 17. c. declinabis ad dexteram, vel ad sinistram. Qui autem

superbierit nolens obedire sacerdotis imperio, & decreto iudicis, morietur homo ille. Ex praedictis patet, quod tota regula est mandatum Apostolicum, & per consequens authenticum quidquid in ea continetur. Sequitur textus.

IN NOMINE DOMINI  
Incipit Regula, & vita Fratrum  
Minorum. Cap. I.

Regula, & vita Minorum Fratrum haec est Sanctissimi Domini nostri Iesu Christi, sanctum Euangelium obseruare, viuendo in obedientia, sine proprio, & in castitate. Frater Franciscus promittit obedientiam, & reuerentiam Domino Papae Honorio, ac successoribus eius canonice intrantibus, & Ecclesiae Romanae. Et alij fratres teneantur fratri Francisco, & eius successoribus obedire.

EXPOSITIO.

**R**egula, & vita Minorum Fratrum haec est, scilicet Domini nostri Iesu. Hic subditur confirmatae veritatis narratio, quae rubricis duodecim discernitur, qui sunt duodecim durissimi lapides, de quibus dicit Iosue, quod duodecim electi viri acceperunt de alveo Iordanis, vbi steterunt sacerdotum pedes, duodecim lapides, ponentes in loco castrorum, vbi illa nocte deberent figere tentoria. Hoc est dicere, quod fratres Minores, tamquam viri a Domino vero Iosue electi, volentes pertransire Iordanem, & festinare ad terram promissionis, eligant sibi duodecim durissimos lapides, id est duodecim capitula Regulae, Evangelicae, & Apostolica sententia confirmata, de loco vbi steterunt pedes sacerdotum, hoc est, ad imitationem duodecim Apostolorum. Tres primae rubricae, radios recipiunt Orientis. Tres aliae sequentes, pericula excludunt Aquilonis. Tres tertio loco positae, obuiant malis ab Occasu. Tres ultimae, Australibus delirijs sunt refertae. Vt sic haec ciuitas in quadro posita, ornata duodecim portis, scilicet duodecim Apostolicis margaritis, non timeat potentis insultum, pauperum & sapientum industria communita. Trium autem primo positarum, id est Orientalium rubricarum prima summarie religionem instituit. Secunda ad eam venientes recipit. Tertia receptos interioris & exterioris instruit disciplina. Et quia vt patet ex Dionysio, Substantia Hierarchiae in duobus consistit, scilicet in sanctis perfectionibus, & in ordine perficiendorum. Prima ad perfectos per obedientiam, secunda subditorum ad praelatos: idcirco prima rubrica duas habet partes, quarum prima summarie tangit huius Hierarchiae, id est sacri ordinis perfectionem. Secunda describit obedientialem ordinationem, ibi: *Frater Franciscus*. Dicit ergo primo: *Regula, & vita*. Regula ex hoc dicitur, quia recte ducit. Rectum autem est, cuius medium non exit ab extremis. Et quia dicitur per Apostolum: Nihil intulimus in hunc mundum; haud dubium, quia nec auferre quid possumus. Illa ergo verissima dicitur regula, quae docet, vt est possibile in vita, paupertatem nudissimam obseruare. Haec regula etiam est vita, vt tota fratrum conuersatio regulae applicetur, iuxta id, quod legitur in 3. Regum: Operuit omnia laminis aureis. *Fratrum Minorum*, sic dictorum absolute, vt de nullo dignitatis gradu contentes, nec sibi nomen honoris alicuius usurpantes, omnibus se humilitatis amore, saluo Dei honore, subij-

Ioan. 21. b

Aug. in 10.

tracl. 122.

10. 9.

Mat. 16. c

Luc. 22. d

Sap. 18. d

Dent. 17. b

Ezec. 42. a

Dionys. de

caelest. Hier.

c. 3.

2. Tim. 3. c

Rom. 13. d

Distin. 22.

Patriarch.

Dent. 17. c

Ios. 4. a

Dionys. de

caelest. Hier.

c. 3.

1. Tim. 6. b

3. Reg. 6. d



subficient, ad nullam temporalem magnitudinem, ut pauperrimi, humillimi, & purissimi aspirantes. Dicti autem fratres Minores, ad imitationem illorum de quibus dicitur: Quamdiu non fecistis vni de minoribus his, nec mihi fecistis. Eorum igitur regula hæc est, scilicet Domini nostri Iesu Christi sanctum Evangelium observare. Hoc idcirco dicitur, quia tota regulæ substantia, de fonte trahitur Evangelicæ puritatis. Non est ergo regula, aut vita hæc noua res, sed proculdubio renouata, magnaque est huiusmodi regulæ professoribus materia solarij, qui soli in hoc mundo vitam illam ad litteram profitentur, quam Apostolis ad prædicandum missis, Dominus commendauit. Sed cum dicat: *Hæc regula est sanctum, scilicet Evangelium observare*; numquid vouentes hanc regulam, vouent per consequens omnem Evangelij perfectionem? Dico quod non, cum in ipsa regula quam vouent, quædam monitorie, & exhortatorie subiungantur. Cum ergo non omnem regulæ partem vouent observare, multo magis non vouent, quod non exprimitur in eadem. Cui simile est, quod super illud Psalmi, Vouete, & reddite, dicit Glossa, quod quædam vota sunt communia omnibus, ut vouere fidem, abrenunciare diabolo, & pompis eiusdem, non superbire, non occidere, & huiusmodi, & de his omnibus præcipitur: Vouete, & reddite. Sicut ergo in hoc genere voti, non intelligitur expresse voueri ab omnibus Christianis præceptorie, nisi quod præceptorie in lege ponitur diuina; sic nec tota vita Evangelica vouetur ab huiusmodi regulæ professoribus, sed tantum illa eius pars, quæ ex regulæ intentione imponitur obligatorie observanda. Vouent ergo fratres totam regulam, secundum intentionem mandatorum, partim ad obseruantiam, ut præceptorie imposita, partim ad reuerentiam, & approbationem illorum, quæ non tam præceptorie imponuntur, quam meritorie proponuntur, tali statui specialiter æmulanda, ut est illud quod infra dicitur: *Orare semper ad Deum puro corde, habere humilitatem, & patientiam in persecutione, & infirmitate*. Licet enim virtutum actus sint in præcepto, tanta tamen actuum precellentia nulli præceptorie imponitur; quanta in pluribus capitulis regulæ continetur. Vouent ergo fratres Evangelium eodem modo, partim scilicet ad obseruantiam, partim ad reuerentiam specialem, quam decet, & congruit tanto statui æmulari.

Ex his ergo patet error dicentium, quod vouentes hanc regulam vouent etiam omnia præceptorie, quæ in ipsa regula continentur, hoc enim est contra regulam manifeste, quæ expresse distinguit monitiones a præceptis.

Sequitur: *Visuendo in obedientia, sine proprio, & in castitate*. Circa quod dicendum, quod obedientia vno modo est virtus contraria inobedientiæ, & sic omni conuenit Christiano, de qua Petrus: Castificantes animas vestras, in obedientia charitatis. Alio modo obedientia dicit statum eminentem huius virtutis, quando aliquis non tantum obedit Deo, verum etiam homini propter Deum. Item Deo obedit non tantum in necessarijs, verum etiam in omnibus supererogationis, & diuinis inspirationibus vniuersis, quantumcumque difficilibus, & arduis, illius exemplo, qui factus est obediens usque ad mortem,

ut dicit Paulus, qui mori minime tenebatur. Hæc obedientia ex verbo Domini descendit, qui dicit: Si quis vult venire post me, abneget semetipsum, &c. Sed triplex est sui abnegatio. Vna est necessaria per modum subcontrarietatis, quæ scilicet homo, in quibusdam suæ voluntati renuntiat, ut in peccatis: in alijs vero, ut in indifferentibus, sibi retinet suam voluntatem. Alia est sui abnegatio per modum contrarietatis, ut in illis omnibus, siue simpliciter, siue accommode, suæ renuntiant voluntati, nihil volentes, siue agentes, secundum suam voluntatem, vel secundum au-

tum suæ voluntatis. De qua dicit quidam: Nil fragrat ita Domino in odorem suauitatis, quam si mactetur Domino vitulus propriæ voluntatis. Nimirum altissimum est in homine, rationalis voluntas. Altissimum ergo est sacrificium, eam totaliter Domino consecrare, non tantum ipsi Deo obediendo, sed etiam homini propter Deum, cum & ipse ad hoc docendum, parentum suorum subditus fuerit voluntati, ut legitur in Luca. Est etiam abnegatio tertia, quasi contradictoria, quæ propriam exponit vitam pro gloria Conditoris. Obedientia tamen, prout dicit statum eminentem virtutis obedientiæ plures habet gradus, quidam enim in omnibus absolute, ut dictum est, quidam vero accommode, utpote ad mediocritatem status sui pertinentibus, propriam renuntiant voluntati: quia clerici sæculares in sacri ordinis susceptione, renuntiant proprijs voluntatibus, & extunc plene debent subijci Ecclesiasticæ potestati, ut legitur 12. q. 1. cap. Non dicatis. Amplius, sublimior est obedientia Monachorum, quam sæcularium clericorum, ut patet Extra de officio ordinarij cap. 5. Monachorum autem obedientia duobus constringitur. Primo quia per obedientiam, vouent salua stabilitate ad locum. Secundo quia ad nihil obedire tenentur, quod Regulam suam transcendere demonstratur. Altior est ergo obedientia illorum qui nullum habent in hoc mundo loci ius proprium, quo sua obedientia restringatur. Item altior est illorum obedientia, quorum altior est Regula, ex qua tenentur eiusdem regulæ professores, nihil respuere, nisi sit ipsi regulæ contrarium, vel saluti, directe vel aliquo modo. Illi ergo soli abnegationis contrariæ secundo modo dictæ gradus attingunt perfecte, qui in omnibus etiam indifferentibus subiungunt beneplacitis alienis, qui nullum habent patrocinium loci stabilis, vel regionis, ad quam eorum obedientia contrahatur, qui nihil sibi obediencialiter impositum possunt repellere, quasi transcendens suam regulam, nisi vergat in suæ animæ detrimentum. Vnde patet, quod errant qui dicunt, quod in omnibus Religionibus obedientia sit æqualis.

Sequitur: *Sine proprio*. Et hoc etiam habet gradus. Nam secundum antiqua iura, clericis habere propriam non licebat. Sunt adhuc etiam bona Ecclesiastica, non propria, sed communia, id est communi vtilitati viuientium deputata. Sed quia etiam præter hæc, licebat clericis sæcularibus habere propria peculiaria, patet quod altior est status Monachorum quoad hoc, quibus non licet habere proprium villo modo personale, sed tantum in communi. Sed quia in bonis communibus est periculum, sicut in proprijs ut patet ex auaritijs, & alijs malis affluentiarum terrene frequentem annexis, tam religiosorum, quam sæcularium clericorum, ille status est sincerior, & a periculis diuitiarum remotior, qui non habet affluentiam propriam, vel communem, mobilem vel immobilem, ut non sit ei ex diuitijs materia superbiendi, vel occasio lasciuendi, vel auaritiæ incentiuum. Crescit enim amor nummi, quantum ipsa pecunia crescit. Nihil igitur habet proprium ordo Minorum fratrum, nec aliqua ipsius ordinis persona, sed uti serui Christi, & seruiles pro Christo effecti, qui pro nobis formam serui acceperit, in domibus viuunt alienis, illum imitantes, qui nullum habuit titulum domicilij, ubi caput suum sanctissimum reclinaret. Et propter ipsum, vtuntur librorum, & aliarum vtilitatum vtensilibus, quæ iuris sunt alieni. Nam & Christus alieno vescitur cibo, ut dicit Hieronymus ad Nepotianum. Vnde Gregorius nonus hanc eandem regulam elucidans, & istam professionem ab omni alia distinguens bene ait: Dicimus, quod nec in communi, nec in speciali, debet proprietatem habere, sed vtensilium, & librorum, & eorum mobilium, quæ licet ordini habere vsum habeat saluo locorum, & dono-

Mat. 23. d

Psal. 75. b

1. Pet. 1. d

Philip. 2. a  
Mat. 16. d

Luc. 2. g

Hieron. e-  
pist. 2. ad  
Nepot. post  
med.

donorum dominio, illis ad quos noscuntur pertinere, nec vendi debent mobilia, nec extra ordinem commutari, aut alienari quoquo modo, nisi Ecclesie Romanæ Cardinalis, qui pro tempore fuerit ordinis gubernator, Generali, seu Prouincialibus Ministris, auctoritatem super hoc præbuerit, vel assensum. Ex quo patet quod omnia mobilia quibus ordo utitur, sunt nullo medio bona Ecclesie, ratione cuius, & auctoritate, solus eiusdem Ecclesie Cardinalis, & nullus eo inferior licentiam habet, sine ipso eadem dispensandi. Cum ergo in alijs Religionibus bona sic sint communia personis, quod tamen sunt propria communitati, & sicut distinguuntur ecclesie, ita & possessiones ecclesiarum: ita ecclesia, quæ est fratrum Minorum communitas nihil potest sibi vendicare per modum possessionis, vel dominijs communitatis suæ proprium, mobile, vel immobile in hoc mundo: Posset quidem æstimari, quod in breuiarijs ordo haberet ius dominijs, quia nominatim in sequenti rubrica conceduntur, nisi sexta rubrica omnis rei, nulla excepta, dominium ab ordine excluderet manifeste.

Sequitur: *In castitate*. Cuius obseruantia, etsi in omnibus religiosis, & clericis intra sacros existens est posita, tamen altior disciplina isti ordini est imposita, quam alicui aliorum; cum hic præceptorie interdicitur fratribus, omne suspectum consortium, & ne ingrediantur interiores officinas monialium, nec etiam loca earum publica, nisi ex speciali causa, maturitate debita præexistente missarum ad talia personarum, ut sequentia amplius declarabunt. Si quis ergo omnes religiosos in his tribus votis pares asserit, obedientie scilicet, expropriationis, & castitatis, manifeste dicit falsum, ut in obedientia patuit etiam, & patet quinta, & sexta rubricis, de expropriatione, & paupertate, patet etiam de castitatis inuiolabili honestate. Et si castitas ipsa religionis gradus non habet: multi tamen sunt gradus disciplinæ eius honestatem inuiolabilem obseruandi. Hæc est igitur huius perfectio summaria Hierarchicæ. Sed cum obedientia, paupertas, & castitas, partes sint Euangelicæ doctrinæ, utpote consilia Euangelica; quare hic hæc tria ab Euangelio distinguuntur, cum dicitur, *Sanctum Euangelium obseruare viuendo in obedientia*? &c. Responsio. Duplex est perfectio, vna formalis, quæ consistit in habitibus, & actibus virtutum; alia materialis, quæ consistit in congregatione consiliorum, vel legum, facientium, seu ducentium ad statum perfectionis. Prima intelligitur specialiter nomine sancti Euangelij, quia hæc perfectio est principaliter intenta in sancto Euangelio, ad ipsam enim omnia consilia Euangelica ordinantur. Hæc est quæ præcipue in sermone Domini in monte pertractatur, cum dicitur: Beati pauperes spiritu, &c. & in alijs virtutum regulis, utputa in vitandis verbis otiosis, & similibus. Alia vero perfectio, scilicet materialis ab hac expresse distinguitur, cum dicitur, *Viuendo in obedientia, sine proprio, & in castitate*, utique consiliorum, & celebri. de qua dicit Saluator: Qui potest capere capiat.

Mat. 5. a

Mat. 19. b

Franciscus primo vocatur Ioannes. Fratres Minores præceteris tenentur Papæ obedire ex voto siue præcepto regule.

Eccli. 32. b

Sequitur de obediētiā eiusdem status ordinatione, per quam reducitur tota religio ad Hierarchiam Ecclesie principalem. Pro quo dicit: *Frater Franciscus*, hoc sancti nomen fuit aduētitiū, cum Ioannes nomine proprio in regeneratione imponi diceretur primo a matre. *Promittis obedientiam*. Et si totus clerus, & religiosorum vniuersitas, teneatur firmiter Apostolico Domino obedire, tamen sanctus huic debito votum adiicit speciale, sciens voto superuenire, & fortificari sacri ordinis vinculum, & meritum geminari. *Et reuerentiam*. Est autem reuerentia, exhibitio honoris procedens a timore filiali, & humili affectu. Vnde sapiens: Audi tacens, & pro reuerentia accedet tibi bona gratia, quia reuerentia hu-

mitatis, est actus fratris Minoris. Vnde fratres Minores, sicut humilitatis profundissimæ professores, debent inter omnes summe reuereri summum Pontificem, & alios pro gradu suo, in Ecclesiasticis officijs constitutos. *Domino Papa Honorio, ac successoribus eius canonice intrantibus*, hoc est qui succedunt non facto tantum, sed iure, secundum formam canonum sublimati. *Et alij fratres teneantur fratri Francisco, & eius successoribus obedire*, ut catenæ aureæ vncinis medijs disponuntur, sic inferiores a supremo vertice, per gradus medios deducantur. Hic est enim motus rectus mentium dininarum, ut sanctus docet Dionysius. Et sic scala Iacob, ascendentibus, & descendens, tribus adornatur. Sic ascensu purpureo filie Hierusalem pergunt in reclinatorium Salomonis.

Dionys.

Gen. 28. a

Cant. 3. d

*De his qui volunt vitam istam accipere, & qualiter recipi debeant. Cap. II.*

Si qui voluerint hanc vitam accipere, & venerint ad fratres nostros, mittant eos ad suos ministros Prouinciales. quibus solummodo, & non alijs recipiendi fratres licentia concedatur. Ministri vero examinent eos de fide catholica, & Ecclesiasticis sacramentis. Et si hæc omnia credant, & velint ea fideliter confiteri, & usque in finem firmiter obseruare: & uxores non habent, vel si habent, & iam Monasterium intrauerint uxores, vel licentiam eis dederint auctoritate dioecesani Episcopi, voto continentiæ iam emisso, & illius sint ætatis uxores, quod non possit de eis oriri suspitio, dicant illis verbum sancti Euangelij, quod vadant, & vendant omnia sua, & ea studeant pauperibus erogare. Quod si facere non potuerint, sufficit eis bona voluntas. Et caueant fratres, & eorum ministri ne solliciti sint de rebus suis temporalibus, ut libere faciant de rebus suis quidquid Dominus inspirauerit eis. Si tamen consilium requiratur, licentiam habeant ministri mittendi eos ad aliquos Deum timentes, quorum consilio bona sua pauperibus erogentur. Postea concedant eis pannos probationis, videlicet duas tunicas sine caputio, & cingulū & bracas & caparonem usque ad cingulum. Nisi eisdem ministris aliud secundum Deum aliquando videatur. Finito vero anno probationis, recipiantur ad obedientiam, promittentes vitam istam semper, & regulam obseruare. Et nullo modo licebit eis de ista religione exire iuxta mandatum Domini Papæ, quia secundum sanctum Euangelium, Nemo mittens manum ad aratrum & aspiciens retro, aptus est regno Dei. Et illi qui iam promiserunt obedientiam habeant vnam tunicam cum caputio, & aliam sine caputio qui voluerint

Mat. 19. e

Luc. 9. g

luerint habere, & qui necessitate coguntur possint portare calciamenta. Et fratres omnes vestimentis vilibus induantur, & possint ea repeti de saccis, & alijs petijs cum benedictione Dei. Quos moneo, & exhortor ne despiciant, neque iudicent homines quos viderint mollibus vestimentis, & coloratis indutos vti cibis & potibus delicatis, sed magis vnusquisque iudicet, & despiciat semetipsum.

## EXPOSITIO.

**S**i qui voluerint hanc vitam accipere. Stratis huius edificij fundamentis restat providere de habitaculis ciuitatis, vt scilicet recipiantur ad ordinem venientes ad Orientem, lucis radios suscepturi. Et hac pars quattuor habet. Primo agitur de ipsorum receptione. Secundo de probatione, ibi, *Postea concedant*. Tertio de recipiendorum professione, ibi, *Finis vero anno*. Quarto de professorum in victu & vestitu descriptione, ibi, *Et illi qui iam*: Et quia circa receptionem tria concurrunt, scilicet recipientis auctoritas, recipiendi idoneitas, humilitas, & religionis requisita puritas, iuxta quod omne Hierarchicum negotium, diuiditur in sanctis perfectis, & perfectioribus, secundum Dionysium. Primo agitur de pertinentibus ad recipientem. Secundo agitur de pertinentibus ad recipiendi idoneitatem, ibi, *Et si hac omnia*. Tertio de pertinentibus ad religionis puritatem, ibi, *Dicant illis*. Circa receptores duo tangit, iuxta duas Ecclesie clauas, iuxta quod in Hierarchia est ordo & scientia, ex quibus sequitur actio. Tangit primo circa receptores, clauem auctoritatis, & ordinem potestatis. Secundo pertinentia ad clauem scientie, & discretionis, ibi, *Minister vero diligenter*.

Dicit ergo. *Si qui voluerint hanc vitam accipere*. Loquitur conditionate, Dominum sequendo dicentem: Si vis perfectus esse, vade & vende omnia que habes, & da pauperibus, &c. Religionis enim huius propositum, vt nullum terrenum expectari possit emolumentum, nulli necessitate imponitur, nec carne & sanguine suggeritur, sed ab illo inspiratur, de quo dicit, Non potest homo accipere quidquam, nisi datum fuerit ei de celo. *Et venerint ad fratres nostros*. Non hoc dicitur, quasi non liceat fratribus non venientes exhortationibus praeuenire, cum & ipse Dominus plures ad discipulatum recipiens, plures vocali vocatione praeuenisse legatur, vt Andream, Petrum, & similes. quidam ipsum praeueniunt, se eius consortio offerendo, quorum & vnus repulsus est, sicut patet in Mattheo. Venientium igitur ad fratres, quidam sunt a fratribus praeuenti, quidam vero ipsos sua deuotione praeueniunt. Et de omnibus hic dicitur: *Et venerint. Mittant eos ad suos ministros Provinciales, quibus & non alijs, recipiendi fratres licentia concedatur*. Ecce clauis auctoritatis, ministris tantum referuatur. Ista autem commissio, seu ordinatio habet precipue duas rationes. Prima, vt receptorum, aut recipiendorum constantia probetur. Secunda est, quia de ministri prudentia amplius presumitur, quod arte sciat piscatoria, bonos in vasa eligere, malis vero non idoneis, foras missis. Nomen autem ministri sumitur ex Mattheo, vbi dicitur: Qui maior est vestitur, erit minister vester. Et quia plurimorum ad ordinem venientium, est deuotio manifesta, sufficiens est ad receptionem secularium, discretio in conuentibus fratrum, maxime in loco generalium studiorum. Idem Dominus Papa non relaxans hanc regulae partem, sed ad mentem eius

**A** dispensando aspiciens ordinavit, quod in talibus locis, discretis fratribus, receptionis auctoritas concedatur, sciens quod dicit lex. ff. de legibus. quia scire leges, non est verbum earum tenere, sed vim & potestatem. Et 61. dist. cap. Statuimus, dicitur: Ecclesiastica prohibitiones, proprias habent causas, quibus cessantibus cessant, & ipsae. Et 1. quaest. 1. dicitur: Quod pro necessitate temporis statutum est, cessante necessitate, cessare debet. Sed pro clauis discretionis dicit: *Minister vero diligenter eos examinet de fide catholica, & de Ecclesiasticis sacramentis*. Hoc pro illis dicitur partibus, vbi contingit aliquos hereticos inueniri. Ad fidem catholicam pertinent omnia, quae ipsi fidei obsequuntur. Vnde quia fratres ad fidei doctrinam ex intentione regulae sunt vocati, vt sequentia manifestant, statutum est in ordine, ne aliquis recipiatur ad ordinem pro clerico, nisi fidei doctrina habeat conueniens fundamentum, vel saltem pro fundamenti penuria, aedificationis multitudo recompenset, vt quod in talibus lingua non sufficit, vita clamet. & sic de minoribus examinatio in maioribus implicatur, sicut ipse Dominus inhibendo idolatriam, inhibet omnem superstitionem. Inhibendo haeresim, inhibet omnis erroris perniciem. Inhibendo homicidium, inhibet omnem personae iniustam laesionem. Inhibendo mortem, inhibet fornicationem. Praecipiendo honorem parentum omnem hominem pro gradus sui merito, cum innotuerit praecipit honorari, vt sic minora in maioribus commendantur. Sic etiam in praesenti, minorum examinatio in maioribus implicatur.

*Et si hac omnia credant, & velint ea fideliter consueti*. Hic agit de pertinentibus ad recipiendorum idoneitatem, quae in duobus consistit. Prima ad Deum, pro qua dicit: *Et si hac omnia credant*, vtrique corde, & velint ea fideliter consueti. Quia ore fit confessio ad salutem, vt dicit Paulus. Ex quo vere patet, quod recipiendi ad ordinem, debent parati esse ad martyrium. *Et vsque ad finem firmiter obseruare*, quia praemium datur soli perseveranti. Secunda est in ordine quo ad mundum, pro qua subdit. *Et uxores non habent, &c. vel licentiam eis dederint*, scilicet maritis, auctoritate diocesani Episcopi, voto iam continentiae emisso. Hoc dicitur, quia votum quo ad hoc non sollempnizatur, nisi vouens mundo moriens, in spiritualis patris penitus transeat potestatem. quod praecipue conuenit sponso Ecclesiae. *Et illius sint aetatis uxores, quod non possit de eis oriri suspitio*. Aetas ista non minus stabilitate virtutis, quam tractu temporis mensuranda videtur, quia dicit Sapiens: Senectus venerabilis est non diuturna, nec annorum numero computata. Cani enim sunt sensus hominis, & aetate senectutis vita immaculata. In isto autem impedimento, omnia alia intelliguntur, quae possent ineptitudinem ad ingressum ordinis generare. Sicut modus est istius regulae dare, ex similibus similia intelligere, & minora in maioribus implicare. Quae autem hic dicuntur, colliguntur, Extra de conuersione coniugatorum cap. Cum sis, & alijs pluribus.

*Dicant illis verbum sancti Euangelij*. Hic agitur de tertio, scilicet de religionis puritate, quae in tribus consistit, in venientium denudatione perfecta, in frugalitate recipientium manifesta, ibi, *Et caueant fratres, ne solliciti*. Tertio in directione ad releuationem pauperum discreta, ibi, *Si tamen consilium requiratur*. Pro primo dicit: *Dicant illis verbum sancti Euangelij, quod vadant, & vendant omnia sua, & studeant ea pauperibus erogare*. Hoc enim sumitur de consilio Domini, vt habetur in Mattheo, & simile legitur, in Luca vbi dicitur: Et ait alter: Sequar te Do, mine, sed permitte mihi primum renuntiare his quae domi sunt. Ait ad illum Iesus, Nemo mittens manum suam ad aratrum, & aspiciens retro, aptus est regno Dei, vt sint nudi corde, vt sunt qui diuitijs habitis

Mat. 19.c

Joan. 3. d

Mat. 8.c

Mat. 20.d

Exo. 20. b

Rom. 10. b

Sap. 4. b

Mat. 19. c  
Luc. 9. g

- bitis cor non apponunt, nec nudati tasterunt chlamyde A cum Ioseph Ægyptiam fugiente, quem imitantur, qui relictis implicatiuis, sibi retinent operimentum sufficiens nuditati, & suo modo nudi nudam crucem sequuntur; sed sint etiam adeo nudi, ut sint spoliati
- Gen. 39. e** findone super nudo, ut a propinquiori cum adolescente, diligente Dominum præ ceteris cum abiecto pondere, in nuditatis termino, statui viæ. possibili, Christi vestigia imitentur. *Quod si facere non potuerint*, propter loci distantiam, vel propter litium implicationem, *Sufficit eis bona voluntas*, qua licite ceditur, & omnia contemnuntur, iuxta illud Hieronymi: Si habes res tuas, vende: si non habes, projice. B Nemo renuntiaturus sæculo, potest bene vendere, quæ contempsit, ut venderet.
- Mar. 14. e** Sequitur de puritate a parte recipientium. *Caveant autem fratres*: Istud videtur dici prohibitorie, cum inhibeatur ut illicitum, quod colligitur ex hoc quod sequitur: *Si tamen consilium requiratur*. Ex quo enim licentia in hoc tantum datur, in alio denegatur. *Et eorum ministri, ne solliciti sint de rebus suis temporalibus, ut libere faciant de rebus suis, quidquid Dominus inspiraverit eis*. Hoc sumitur ex exemplo Domini dicentis:
- Matt. 19. c** Vende omnia, quæ habes, & da pauperibus, &c. Secus erat in Actibus Apostolorum, ubi dicitur, quod **Act. 6. a** propter multitudinem virorum, ac mulierum simul existentium, inter quos nullus erat egens, Apostoli gerebant pecuniæ pretij rerum venditarum ad tempus sollicitudinem, quam cito dimiserunt, sicut impeditum verbi Dei. Discretior & excellentior est regula ab ipso Domino constituta Apostolis, cum **Matt. 10. b** dixit: Nolite possidere aurum, vel argentum; quam illa, quæ constituta est sub Apostolis, primitivæ multitudini simul habitantium virorum, ac mulierum, ubi nullus eorum, aliquid possidebat, neque suum ali quid esse dicebat, sed ipsum in communi cum alijs possidebat. Hanc regulam sub Apostolis constitutam, D instituit beatus Augustinus sibi & clericis suis statuens, ne quid proprii possiderent. Sed quia vidit eam Augustinus a clericis non servari, mutavit decretum eos habere proprium sustinendo, ut patet 12. q. 1. c. Certe ego. Hanc eandem multitudinis regulam imitatus sanctus Benedictus mandavit bona ad ordinem venientium, nisi darentur pauperibus, adiungi rebus Ecclesiæ monachorum, ut ipsi viuentes sine proprio personali, haberet possessiones monasterijs proprias, quibus ipse nullum præfixit limitem terrenæ affluentia acquirendæ. unde agrum agro non cessant usque hodie eorum plurimi, copulare. Alia fuit antiquior monachorum forma, iuxta quod narrat Gregorius **Greg. lib. 3. Dial. c. 14.** 3. dialogorum de sancto Isaac monacho. Cui cum plurimi possessiones offerrent ad monasterium constituendum, ille omnia oblata respuens, fortem tenebat sententiã, dicens: Monachus, qui in terra possessionem querit, monachus non est. Et Hieronymus ad Paulinum: Habet unumquodque propositum principis suos; habemus, & nos principes propositi nostri, Paulum, & Antonium. Item noster princeps Elias, noster Eliseus, nostri duces filij Prophetarum, qui habitabant in agris, & faciebant tabernacula iuxta fluentia Iordanis. Item dicit in Epitaphio Nepotiani. **Iul. epist. 3. ad Heliod. civ. mod.** Alij nummum addunt nummo, & marsupia fodiētes matronarum opes venantur obsequijs. Ditiores sunt monachi, quam sæculares, possident opes sub Christo paupere, quas sub locuplete diabolo non habuerunt, & sustinet eos etiam Ecclesia diuites, quos tenuit mundus ante mendicos. Hæc Hieronymus. Et tamen sancta est viuendi forma si servetur, quam instituit sanctus Benedictus, quam quidam in nigris, quidam vero in albis a longe imitantur. Beatus igitur Franciscus, videns pericula & sacrilegia affluentia terrenæ, quam multi possident in communi, elegit regulam ipsis Apostolis ad prædicandum missa a Domino constitutam injungens fratribus ne sollicitudinem habeant de rebus venientium ad ordinem, ne sic ordinem maculetur puritas, vel inquietudine aliqua grauetur. Sed ne res venientium inutiliter dispendentur, remedium conueniens adhibetur, cum dicitur: *Si tamen consilium requiratur*. hæc licentia sicut conuenit Ministris, ita competit alijs, quibus ex privilegio Apostolico, recipiendi fratres ad ordinem est concessa. quoniam concessio principali, accessorie etiam omnia conceduntur. *Postea concedant eis pannos probationis*. Præmissa prima parte huius rubricæ, in qua agitur de venientium receptione; hic subiungitur secunda pars de eorum probatione, quantum ad habitus præcipue qualitatem. Dicit ergo: *Postea concedant eis pannos probationis, videlicet duas tunicas sine caputio*. Sed cum dicitur in regula Apostolorum: Neque duas tunicas, qualiter hic sanctus Franciscus concedit duas tunicas, qui superius dixit: *Regula, & vita Fratrum Minorum hæc est, scilicet Domini nostri Iesu Christi sanctum Evangelium observare*? Responso, In Evangelio nomine unius tunicæ, vestitus designatur necessarii. Vnde non habere duas tunicas, non est ferre superflua vestimenta. Sed quia pro religionis honestate, necessarium est exteriorem tunicam, in longitudine & latitudine, ab alia, vel alijs differre, necessarium vestimentum beatus Franciscus in duas diuisit tunicas, in vna intelligens exteriorem amictum, ut fratres cappa tegantur, in alia intelligitur omne corpus manifeste necessarium vestimentum. *Et cingulum funis vtiq; quia dicitur in Isaia: Erit pro zona funiculus, & cingulum sacci*. Hoc cingulum funiculus est, quia sacci funibus cingi solent. Credo autem sanctum Franciscum istud cingulum elegisse, quia legitur in Matthæo: Vincum duxerunt eum, & tradiderunt eum Pontio Pilato. Vel certe ad litteram ut cinguli vilitas concordet habitus vilitati, ut hoc cingulio armati, veritatis linea multis aspera, ab Ecclesia videantur disturbare simoniacos, & alios scelerosos. Facto enim flagello de funiculis, Dominus vendentes & ementes de templi sui finibus noscitur eiecisse. *Et bracas*, quarum est necessitas manifesta in casibus innumeris, propter humanæ miseriæ regumentum. Istarum bracarum non tangitur qualitas, ut liceat fratribus, si nolunt tangere lini delicias, bracas vti laneis, vel etiam cilicinis. *Et caparionem usque ad cingulum*. ut more antiquorum religiosorum, distinguatur habitus nouitiorum, ab habitu professorum. Ab ista autem generali lege excipiens addit: *Nisi eisdem Ministris secundum Deum aliquando aliud videatur*. Ex hoc verbo sancti Francisci procedit, ut istud nouitatus insigne paucissimis concedatur, quia crescente vanitate hominum, non est mirum si humilitas minuatur. *Finis vero anno probationis*. Hæc est tertia pars rubricæ, in qua agitur de professione. Primo quantum ad sui obligationem votiuam. Secundo quantum ad propositi stabilem perseverantiã, ibi: *Et nullo modo licebit, &c.* Dicit ergo sic: *Finis vero anno probationis*. Nec enim ante annum completum, licet possent se Deo immobiliter astringere, licet eos ad professionem admittere faciendam. In quo anno possunt experiri afflictiones frigoris & caloris. In cuius figura, sterilis ficulnea anno vno dimittitur ne præscindatur ut fructus ab ea agricolatus adhibito fimo expectetur. *Finis igitur anno probationis, recipiantur fratres ad obedientiam, promittentes vitam istam & regulam, semper observare*. In qua promissione sic vouent totam regulam, ut supra tactum est, ut non omni eius parti se obligatorie astringant. Vouent enim se totam regulam pro regula habituros, secundum mandantis intentionem, ut quædam ad observandum omnimode, quædam ad habendum pro salutaribus hortamentis. Ergo illa, quæ ad obedientiam, inuolabiliter sunt vouenda, ista ad cautelam ex voto perenniter sunt habenda. *Et nullo modo*. Hic tangit secundum, scilicet voti stabilem perseverantiã,

tiām, dicens: *Et nullo modo licebit eis de ista religione A*  
*exire, supple post professionem.* Exitum autem de reli-  
 gione aliqua, dupliciter intelligere possumus. Vno  
 modo vel retrocedendo, & hoc reuertendo ad sæcu-  
 lum, seu ad religionem laxiorem, quorum vtrumque  
 est apostatare, & retro aspicere; alio modo procedē-  
 do ad altiore gradum fugere, scilicet melioris vitæ  
 ascendendo, sicut faciunt qui a laxioribus statibus ad  
 religiones se transferunt arctiores. Primus modus  
 exundi, est in omni religione damnabilis. Secun-  
 dus, laudabilis vbi possibilis. Sed professio ad hanc  
 religionem est impossibilis, quod nisi Papa suppose-  
 ret, in regula præmittens, *Et nullo modo licebit, non*  
*subiungeret: Iuxta mandatum domini Papa.* Quia se-  
 cundum sanctum Euangelium, Nemo mittens ma-  
 num ad aratrum, & respiciens retro aptus est regno  
 Dei. Si igitur, non licet exire, quia non licet retro  
 aspicere, ergo omnis alia religio huic est retro, & apo-  
 statæ sunt omnes ab hac religione post professionem  
 ad quamcumque aliam transeuntes. Quod si aliquos  
 exire, vel pro peccatis suis a religione eijsi contingat,  
 si totis viribus instantes fuerint pro religione hac re-  
 cuperanda, nec gratiam inuenire valentes, ex tunc in  
 aliqua alia religione rigida, se saluare poterunt, si ta-  
 men quantum in se est, maneant in desiderio ad sta-  
 tum suum pristinum reuertendi. Quod si de licentia  
 Apostolica se gloriantur aliqui, aliter facientes, pro  
 certissimo sciant, cōtra hanc Domini sententiam, Pa-  
 pam nihil facere: Nemo mittens manum ad ara-  
 trum, &c. Quod si mendacijs interuenientibus, ali-  
 quid contingat per tales a sede Apostolica impetrari,  
 nō est eis excusatio, sed accusationis duplicatio, dum  
 mendacio tantum Patrem circumuenientes, suæ quæ-  
 runt apostasiæ pallium, qui in votis non dispensat,  
 nisi vbi suggerit pietas, & rationalis æquitas recom-  
 pensat. Et quia obligati ad eundem ordinem voto,  
 vel iuramento, tenentur Domino integre soluere quod  
 vouerunt. qua ratione, non licet fratribus de hac  
 religione exire, quia hoc est retro aspicere. Non li-  
 cet obligatis ad istam religionem, quamcumque aliā  
 intrare, profiteri vel ingredi ad manendum, immo  
 peccant mortaliter tales in religionibus alijs rema-  
 nentes; peccant etiam eos recipientes & consentien-  
 tes, sicut apostasiæ facinus promouentes. Sed quid  
 dicendum est de illis, qui ad Episcopale officium ex  
 his fratribus assumuntur? Respondeo. Si coacti ab  
 Ecclesia, huiusmodi inuitabili necessitate suscipiant  
 regimen animarum, non sunt reputandi ab ordine  
 egressi, si quantum in ipsis est, semper appetant in si-  
 nu ordinis confoueri. Quod si non vocati ad Episco-  
 palem gradum, nec coacti, ad eundem aspirant, vt fu-  
 giant ærumnas pauperum, & ordinis rigorem, credo  
 eos in illius partē cessuros, qui dixit: Sedebo in mon-  
 te testamenti in lateribus Aquilonis. Sed numquid  
 obligati ad hanc religionem, excusabuntur si assu-  
 mantur ad curam pastorem, vel aliam Ecclesiasti-  
 cam dignitatem, certum est quod non, vt patet extra  
 de voto, cap. Per tuas. vbi Papa cuidam ad religio-  
 nem obligato & ante impletionem voti ad regimen  
 animarū assumpto, respondit in hæc verba: Si tuam  
 desideras sanare conscientiam, regimen relinques  
 memoratæ Ecclesiæ, ac reddas Domino votum quod  
 vouisti.

*Ei illi, qui iam &c.* Hic tangitur quarta pars huius  
 rubricæ, in qua agitur, de victus, & vestitus distri-  
 ctione. Primo quantū ad vestitum. Secundo quantū  
 ad victū, ibi: *Quos moneo.* In prima parte tangit vesti-  
 tus qualitatem, & quantitatem. Secundò vilitatem, ibi:  
*Et fratres.* Et interponit pedum nuditatem, vt patet.  
 Dicit ergo sic: *Et illi, qui iam promiserunt obedien-  
 tiam, professi scilicet, habeant vnā tunicam cum ca-  
 putio.* In qua habitus intelligitur. *Et aliam sine capu-  
 tio, qui voluerint habere.* In alia tunica sine caputio,  
 intelligitur secundum statuta ordinis, vnica simplex

S. Bon. Tom. 7. Pars iiii.

vel repetiata, nec debent plures haberi inferius, a  
 professis præcipue, nisi de superiorum arbitrio, qui-  
 bus regula committit talium sollicitudinem, secun-  
 dum loca, & tempora, &c. Dicit autem signanter,  
*qui voluerint habere,* quia varia sunt corporum robo-  
 ra, & multum differentes diuersarum intemperies re-  
 gionum. Sed pro calceamentis addit: *Et qui necessi-  
 tate coguntur, possunt portare calceamenta.* Vbi aduer-  
 tendum, quod cum regula solum pro necessitate co-  
 gente, concedit calceamenta portare; vbi ergo non  
 cogit necessitas sicut in corpore robusti, vbi autem  
 necessitas non cogit sicut & in negotijs gerendis, quæ  
 & si per solos debiles expediri valent, potest tamen  
 sine periculo differri ipsarum expeditio, non licet.  
 Calceamentorum ergo deportationem ipsa regula in-  
 directe interdicat. Et quia verbum illud sumitur de  
 Euangelio, vbi dicitur in regula Apostolorū: Neque  
 calceamenta, patet hic vsum sandaliorū minime pro-  
 hiberi, quoniam sicut dicitur in Matthæo: Neque  
 calceamenta, Euangelico more hanc complens senten-  
 tiam, præcepit eis, ne quid tollerēt, sed calceatos san-  
 dalijs, &c. Propter quod antiquæ sculpturæ pariter  
 & picturæ, monstrant, Apostolos calceatos sandalijs  
 incessisse. Vnde super illud Actorum: Calceate ca-  
 ligas tuas, dicit Beda; Pro caligis, & caligulis, vt  
 quidam habent, Græcus habet sandalia. Hoc enim  
 genus calceamenti, legitur in Euangelio, Apostolis  
 fuisse permissum. Hæc Beda. Quæ expositio extra-  
 nea videretur, nisi diceret Papias, quod caligæ sunt  
 sandalia. Quæ autem ibidem dicuntur, scilicet in  
 Actibus, Glossa interlinearis exponit dicēs, quod per  
 hoc quod Angelo iubente Petro, & ipso complente,  
 datur exemplum non ambulandi sine calceamentis,  
 & non potest ad litteram, ad aliud genus calceamen-  
 torum retorqueri, quàm ad illud, de quo loquitur  
 textus ipse, scilicet sandalia. Verbum etiam ipsius  
 Glossæ nullius est auctoritatis, quo ad hoc quod di-  
 cit, Angelo iubente, & si ad personam Petri littera  
 referatur, tamen iussio pro alijs mystice intelligitur  
 referri, scilicet ad virtutes, pedes spirituales munien-  
 tes, quæ in sandalijs designantur. Sicut ad Ephesios  
 dicitur: Calceati pedes in præparationem Euange-  
 lij, ibi vide Glossam. Quod autem Christus alia cal-  
 ceamenta Apostolis inhiuerit, patet quia super illud  
 Matthæi: Neque calceamenta, dicit Hieronymus.  
 Er Plato duas corporis summitates dicit non esse ve-  
 landas, nec assuetam fieri debere mollitiem capitis &  
 pedum. Cum enim hæc firmitatem habuerint, cetera  
 robustiora sunt. Item Hieronymus ait: Discipuli &  
 sine calceamentorum honore, & vinculis pellum, ad  
 prædicationem Euangelij destinantur. Milites vesti-  
 mentis Christi sorte diuisi, caligas nō habebat, quas  
 tollerent. Nec poterat enim habere Dominus, quod  
 prohibuerat in seruis. Ecce quod Christus docuit in-  
 cedere sine calceamentis, hoc ipse etiam obseruauit.  
 Hic tamen Hieronymus aliter vitur nomine caliga-  
 rum, qua supra habitum est ex Beda, & Papia. Item  
 Eusebius sexto Ecclesiasticæ historiæ dicit; Deside-  
 rabam videre sanctum illum, & psallentem chorum,  
 qui ad exemplum melioris vitæ, ceteris omnibus vi-  
 uunt legis Dei, atque Euangelij taciti prædicatores, in  
 quibus ipse habitus præfert virtutis insignia, hirsutū  
 caput, pedes nudi Apostolis similes. Idem patet de  
 Hieronymo, & sui temporis monachis. Dicit enim  
 in vitis Patrum cap. de sancto Ioanne, Ita omnia illa  
 exasperante loco, vt non solum nudos pedes vt era-  
 mus nos, sed & calceamentis munitos terebret & fec-  
 cet. Hæc Hieronymus. Item obsecro si Christus nu-  
 dis pedibus minime incessisset, qualiter rationabili-  
 ter de Pharisæo conquestus fuisset, dicens: Aquam  
 pedibus meis non dedisti, &c. Sed quidam hic sen-  
 sui suo innitentes & ipsum Christi sensui præferen-  
 tes, dicunt melius esse pro doctrina veritatis calcea-  
 tum esse, quàm discalceatum, ne impediatur verbum  
 Dei.

Mat. 10. b

Mar. 6. a

Act. 12. b

Eph. 6. c

Mat. 10. b

Luc. 7. g

F f



Hier. epist.  
11. ad Age-  
ruchia post  
mod.

Dei. Sed attendant illi, quod nulla forma aptior est Euangelij propagandi, quam illa, in qua toti orbi fuit Euangelium prædicatum. Hoc autem factum est nudis pedibus. Vnde Hieronymus: Discipuli toto orbe peregrini, non æs in zona, non caligas habuere in pedibus. Fateor pœnam esse asperam pedum nuditatem. In hieme quidem apparet, propter frigiditatem. In æstate autem grauior est, propter duritiem maiorem, quia calor plus opprimit terræ glebas, quam frigus, & Sole ascendente, cum gelu resoluitur in hieme exsiccatur amplius in æstate. Calor etiam findit, & frangit grauiter pedes nudos. Et tamen ipsi fratres, cum Apostolo, In frigiditate & nuditate ibant gaudentes, nec algoribus hiemis, nec ardoribus æstatis, hæcenus dimiserunt, quin nudis pedibus, adierint remotissimas partes mundi. Amplius, posito quod Christus, vel in pueritia, vel ante trigessimum tertium annum, calceamenta habuerit, non tamen ea habuit, postquam eorum usum discipulis inhiuit, qui cepit facere & docere. Sed pro vestimentorum qualitate subdit. *Et fratres omnes vestimentis vilibus induantur.* Hoc quidem cōuenit altissimæ paupertati. quæcumque enim sunt, in usu verorum pauperum, sunt iuxta paupertatis regulam mensuranda. Hæc vilitas in tribus attendenda est scilicet in pretio, in colore, & superadditis alterius panni assumptis. In pretio, inquam, quia paupertas vera nihil pretiosum habet. Color etiam naturalis non artificialis, in veste haberi debet. Aliter frustra monerentur fratres in sequentibus, minime iudicare vtentes vestimentis coloratis: tertium additur, vt sæculi stultitia in fratrum habitu ostendatur. Vnde subdit: *Et possunt ea repeti de saccis, &c.* Saccus duplex est, scilicet lineus & laneus. Et secundum istud, saccus dicitur omnis vestis vilis. Et est saccus cilicinus, quo vsi sunt prophetae. Vnde in Isaia: Solue saccum de lumbis tuis. Hieronymus in Glossa: Mira obedientia, solo cilicino induebatur, vt tradunt Hebræi, &c. Per alias species, aliorum pannorum, diuersitas intelligitur in substantia, & colore. Additur autem huic vestimēto benedictio Dei, quoniam qui se stultū & despicabilem exhibet huic mundo, ipsi Deo efficitur pretiosus. Hæc est benedictio eius, qui apparuit in rubo. Ipse enim Christus vsus est vilissimis vestibus. Vnde Chrysostomus super Ioānem homilia 33. Antequam apparuisset Iesus, prædicabat eum Ioannes Baptista, vt facile susceptibile esset testimonium, ipso apparente, in vili vestimento innotescere. Itaque enim vili veste annuntiabatur forma communi omnibus Christus, vt Samaritanæ mulieres, & meretrices, & publicani cum magno ausu auderent ei appropinquare & loqui. Hæc Chrysostomus. Et nota, quod fratribus nulla pellicea vestimenta conceduntur.

Isa. 20. a

Dent. 33. c

*Quos moneo, &c.* Hic agitur de strictione, quantum ad victum. Excludit quidem principaliter iudicium temerarium, & aliorum contemptū, ac præsumptionem priorum factorum. Secundo addit insinuatem exhortationem de ciborum vilitate, dicēs: *Quos moneo & exhortor ne despiciant in affectu, neque iudicent contemnendo, vel vilipendendo in cogitatione. Homines quos viderint vestimentis, & coloratis indutos.* Hieronymus ad Rusticum: Vilis tunica contemptum sæculi probat. Ita dumtaxat, ne animus tumeat, ne habitus, sermoque dissentiant. Vnde licet faciliter vitari non possit iudicium suspicionis, vel hæsitationis, cauendum est tamen penitus a iudicio diffinitionis, qua absolute talibus vtentes contemnuntur. *Vt cibo & potu delicato.* Non est ergo fratrum, vti cibis & potibus delicatis sicut nec vestibus vti coloratis. Hoc enim ad ius pertinet altissimæ paupertatis, quæ quanto est altior, tanto arctior debet esse victus. Vnde in comitiua Christi, inuenti sunt panes hordeacei, & hoc in deserto. In ciuitate autem vsus est pane triticeo. In quo & instituit sacramentum. Similiter &

Hier. epist.  
4. ad Rusti-  
cum.

Ioan. 6. a

A in deserto, ieiunabat quadraginta dierum spatio: inter homines autem existens, adeo se hominibus, & cibis, & potibus conformabat, vt vorator & potator vini ab omnibus diceretur. Quid in hoc aliud tacite prædicat, nisi damnationem hypocrisis coram hominibus scilicet austere, & in abscondito viuere delicate? Vnde in Matthæo legitur, quod Iesu abeunte per fata, discipuli cœperunt vellere spicas. Vbi Glossa dicit, quod in hoc docuerunt austeram vitam, & non accuratos, sed simplices cibos quærere. Vnde certū est, quod paupertatem, & pœnitentiam proficientibus carnes in suis domibus sunt vitandæ extra casum necessitatis duplicis, scilicet vel infirmitatis, vel debilitatis manifestæ. Iuxta quod beatus Benedictus inhiuit monachis carnes quadrupedum, præter illos, qui sunt omnino debiles aut ægroti. Idcirco temporibus pœnitentiæ, Ecclesia a carnibus solet abstinere. Qui ergo sunt pœnitentiæ perpetuæ professores, ab eis tritis, & integris, omni tempore debent abstinere, quantum patitur fragilitas humana. Nec hoc sufficit, nisi & a sumptuosius piscibus, & maxime belluis, studeant abstinere. Vnde Gregorius: Qui a carnibus abstinent, nequaquam sumptuosiora marinarum belluarum conuiuia præparent. Ridicula igitur videtur, abstinencia, maxime pauperibus, carnes non tangere, & pisces quærere cariores. Et Hieronymus ait: Sit tibi vilis & vespertinus cibus, olera & legumina, interdum & pisciculos paucos pro summis delitijs ducas.

Mat. 12. a

Hier. epist.  
23. ad Pan-  
linum cir-  
mod.

Sequitur: *Sed magis unusquisque iudicet, & despicat semetipsum.* Hoc enim veræ humilitatis conuenit professoribus, seipsos despiciere, & despicabiles reputare. Sequitur.

*De diuino officio, & ieiunio, & quomodo fratres debeant ire per mundum.*  
Cap. I I I.

Clerici faciant diuinum officium secundum ordinem Sanctæ Romanæ Ecclesiæ, excepto psalterio, ex quo habere poterunt breuiaria. Laici vero dicant vigintiquatuor Pater noster pro Matutino, pro Laudibus quinque, pro Prima, Tertia, Sexta, & Nona, pro qualibet istarum horarum septem, pro Vesperis autem duodecim, pro Completorio septem. Et orent pro defunctis, & ieiunent a festo omnium Sanctorum vsque ad Natiuitatem Domini. Sanctam vero Quadragesimam, quæ incipit ab Epiphania vsque ad continuos quadraginta dies, quā Dominus suo sancto ieiunio consecrauit, qui voluntarie eam ieiunant benedicti sint a Domino, & qui nolunt non sint astricti, sed aliam vsque ad Resurrectionē Domini ieiunent. Alijs autem temporibus non teneantur nisi sexta feria ieiunare. Tempore vero manifestæ necessitatis non teneantur fratres ieiunio corporali. Consulo vero, moneo, & exhortor fratres meos in Domino Iesu Christo, vt quando vadunt per mundum non litigent, neque contendant verbis, nec alios iudicent, sed sint mites, pacifici, modesti, mansueti, & humiles, honeste

F

honeste loquentes omnibus sicut decet. Et non debeant equitare nisi manifesta necessitate vel infirmitate cogantur. In quamcunque domum intrauerint, primum dicant. Pax huic domui. Et secundum sanctum Euangelium de omnibus cibis, qui apponuntur eis liceat manducare.

Mat. 10. 6

Luc. 10. 6

## EXPOSITIO.

**C**lerici faciant diuinum officium, &c. Hæc tertia rubrica fratres instruit disciplina. Et hæc pars habet tria, quia primo agit de disciplina ordinante ad Deum laudandum, & honorandum. Secundo agit de disciplina ieiunij, quæ ordinat hominem, ad seipsum, ibi: *Et ieiunent*. Tertio agit de ordinantibus ad ædificationem proximorum, & hoc quantum ad ambulantes per mundum, ibi: *Consulo*. In prima ergo parte, primo informat clericos, deinde informat laicos.

Dicit ergo: *Clerici faciant diuinum officium, secundum ordinem sanctæ Romanæ Ecclesiæ*. Quod officium fuit in maiori parte a sancto Gregorio, & alijs sanctis institutum, excepto psalterio, quia Ecclesiæ Romanæ utitur alia translatione psalterij, quàm communiter habeatur, vel verius aliter emendato. Ex quo scilicet officio, habere poterunt breuiaria. Sed quare sanctus Franciscus, ex quo fratres suos volebat in prædicatione & studio per consequens exerceri tam oneroso, tam prolixo officio onerari? Responsio. Sanctus Franciscus optabat Romanæ Ecclesiæ vestigijs religionem suã idcirco pro viribus copulare; quia sciens, eam immediate subesse cælesti curiæ, & ab ipso fuisse Domino institutam, & a sanctis Patribus gubernatã, qui habentes sapientiam, & iudicia mittere toti mundo, secundum illud tamen officium prolixum laudauerunt altissimum, sicut & laudat vsque hodie Romana Ecclesiæ, regimini nihilominus intenta Ecclesiæ vniuersalis, quibus etiam fuit maximæ sollicitudinis inter omnes necessitates. sciebant tamen clarissimum esse laudum meritum diuinarum, & per consequens, breuitatem laudum, breuitatē arguere meritum. Cum ergo nulli incumbit tanta sollicitudo vacandi sapientiæ, pro regimine, vel illustratione vniuersalis Ecclesiæ sicut Ecclesiæ Romanæ; nulli pro Ecclesiæ ministerio, aut studio, congruit illud officium abbreviare. Suspecta est ergo cuiuslibet natrix pietas, quæ affectum putat transcendere tantæ matris. Præterea multum ad illuminationem proficit piarum mentium, laudum frequentatio, iuxta illud Psalmistæ: Sacrificium laudis honorificabit me. Gregorius super Ezechielem: Vox psalmodiæ cum per intentionem cordis agitur, per hanc omnipotenti Deo ad cor iter paratur, vt deuotæ menti vel prophetiæ mysterium, aut compunctionis gratia infundatur.

Psalm. 49. 1.  
Greg. hom. 1.  
in Ezech.  
post med.

Pro informatione laicorum subdit: *Laici vero dicant viginti quatuor Pater noster*. Doceantur autem laici, quod tria hæc vocabula. Pater noster, qui es in cælis, pertinent ad animi præparationem; quia cum vult se nominari Deus Patrem, dat fiduciam impetrandi, quia pater libenter filijs thesaurizat. Cum vero dicitur, noster, docet dilatationem affectus, vt nullus orationem suam ad se solum contrahat. Cum dicitur, qui es in cælis, excitat puritatem intentionis, vt orans sola cælestia orando requirat. Cum autem subdit: Sanctificetur, oratio subiungitur, quæ in septem petitionibus continetur, quarum primæ tres directe pertinent ad Dei honorem, quattuor sequentes ad petentium vtilitatem. Cum enim dicitur, sanctificetur nomen tuum, petitur vt fidei veritas certissima, S. Bon. Tom. 7. Pars iij.

**A**qua Deus est Pater Fidelium, & Fideles filij Dei appellantur, ab infidelibus cognoscatur. Cum autem dicitur: Adueniat regnum tuum, petitur, vt eius legibus a credentibus obediatur. Fiat voluntas tua, petitur, vt eius bonitas diligatur, & propter se colatur ab infirmis sicut a fortibus. In quattuor autem petitionibus sequentibus, primo petitur collatio omnis boni corpori, & animæ necessarij, cum dicitur: Panem nostrum quotidianum da nobis hodie. Et petendo tantum pro hodie, excludit proteruiam avaritiæ, incertitudinem vitæ insinuando. Secundo subditur petitio amotionis omnis mali. Primo quantum ad præterita, cum dicit: Et dimitte nobis debita nostra, vbi implicatur debitum innocentia, vt sciat se ad malum suum petere, qui in corde suo retinet adhuc rancorem iræ. Secundo quantum ad futura, vt detur gratia omnia deuitandi pericula peccatorum, vel tentationum. Cum dicit: Et ne nos inducas in tentationem, idest ne induci permittas. Tertio quantum ad præsentis exilij vniuersa mala præsentia, vt habentes vitam in patientia, mortem optemus vitam istam, cum Domino placuerit, terminantem. Et hæc omnia confirmantur, cum dicit: Amen. Vbi notandum, quod hæc oratio inter omnes est præcipue veneranda, cum ab ipso Domino, nullo medio, fuerit instituta. Dicit autem beatus Franciscus signanter viginti quatuor Pater noster pro Matutino, quia officium nocturnale excubias repræsentat ciuium supernorum, & illo tempore Deo est sacrificium laudis, & Angelis acceptissimum. Numerus autem vigesimusquartus est numerus Patrum vtriusque testamenti. Duodecim enim fuerunt Patriarchæ, per quos multiplicatus est populus credentium carnaliter. Duodecim etiam Apostoli, per quos in nouo testamento multiplicatus est populus credentium spiritualiter. Petunt ergo fratres in mysterio huius numeri, optantes in vtriusque testamenti Patrum meritis exaudiri, quos non est dubium, ad Angelicum consortium peruenisse, vel quia viginti quatuor sunt horæ naturalis diei, oratio istius numeri petit remedium temporis vniuersi. Itē Matutinæ laudes, quæ a clericis decantantur, nouenario psalmodum, lectionum, ac cantuum distinguuntur, vt Angelicos nouem ordines repræsentent. Numerus autem vigesimusquartus generatur ex ductu ternarij in octonarium. In ternario autē, numerus credendorum. In octonario iustitia intelligitur agendorum, cum secundum Augustinum est numerus iustitiæ, vnicuique sua tribuentis. Laici ergo, qui ad laudes Angelicas, vel intelligendo mysteria non assurgunt, simplicitatem suam in fide & iustitia in hoc numero perficiunt, dum octonarius ad iustitiam, ternarius ad fidem pertinet Trinitatis.

**E**des Angelicas, vel intelligendo mysteria non assurgunt, simplicitatem suam in fide & iustitia in hoc numero perficiunt, dum octonarius ad iustitiam, ternarius ad fidem pertinet Trinitatis.

**F** Sequitur: *Pro Laudibus quinque*. Sicut Matutinum officium laudes signat ciuium supernorum, sic officium Laudum significat cultum Ecclesiæ a mane Ecclesiæ primitiæ, vsque ad lucem claram, quam in fine sæculi expectamus. Incipiunt enim a regno Christi decore induti in populo Iudæorum, per iubulum omnis terræ, transeuntes in populo gentium, lucem pacis datam fatentur Ecclesiæ, & duos primos psalmos tertio copulando, duplicis populi concordiam repræsentant. Transeuntes autem per canticum puerorum in camino laudes Ecclesiæ repræsentant sub Antichristo. Et cum in tribus psalmis laudes iungunt ultimo, tempus post Antichristum significant, quando Christianis, qui vsque tunc fuerunt Iudæi, & pagani in vna fide sociati Dominum collaudabunt. Per has quinque petitiones laudum canonicarum Ecclesiasticarum, puto sanctum Franciscum hunc quinarium laicis assignasse, nisi in hoc forte numero, differentia assignetur laudum cælestium, & terrestrium. Iuxta hoc differunt Hierarchiæ, quia cælestis laudat Deum intellectualiter, subcælestis per sensibilia symbola, quæ omnia per quinque sensus cognoscuntur,

Aug. enar.  
in Psalm. 6.  
10. 8.

dum auditus laudat in canticis, visus in ornamentis, tactus in obsequiis, gustus in sacrificio altaris, olfactus in fragrantia thuris, & si qua similia ad fragrandum adhibentur.

Sequitur: *Pro prima*, in qua Dominus ad Pōtīfices ductus est. *Tertia* in qua accusatus & iudicatus est, in qua etiam descendit Spiritus sanctus. *Sexta*, in qua crucifixus est. *Et nona*, in qua mortuus est, *pro quolibet istarum horarum septem*, ut septiformis gratia impetretur, vel secundum septem dona Spiritus sancti, vel secundum septem Ecclesiæ sacramenta, quibus Deus indidit suæ efficaciam passionis. *Pro Vesperis autem duodecim*. Hoc ideo forte, quia Vesperæ pro horis habent duodecim celebrari, ut pro omniū horarum diei præteritæ offensis, oratione duodecimaria Christi misericordia impleretur. Vel quia laudibus Vespertinis repræsentatur mundi Vespera, in qua ipse Deus incarnatus est, factus dies, & sibi duodecim horas, in duodecim Apostolis copulauit. Vnde *Joan. 11. b* legitur in Ioanne: Nonne duodecim horæ sunt diei?

Sequitur: *Pro Completorio, septem*, in quo omnium consummatio insinuat, ut sicut Spiritus septiformis incipit, & dirigit, ita per ipsum, etiam diei meritum consummetur. Hæc autem in vniuerso sunt septuaginta sex Pater noster, quibus si oratio pro defunctis adijciatur numerus producit octuagesimus primus, ut omnium peccatorum remissio impetretur. *Et ieiunent*. Hic agitur de ordinatibus hominem ad seipsum, scilicet, de ieiunio. Et loquitur de triplici quadragesima duas præceptorie imponens, tertiam ad deuotionis excitationem suadens. Tres siquidem leguntur quadraginta diebus continue ieiunasse nempe Moyses, Elias, & ipse Dominus met. Duplex autem est ieiunium, scilicet mæroris & gaudij. Ieiunium, mæroris est, quo carni placencia cibaria, studio pœnitentiæ carni absconduntur. Ieiunium vero gaudij est, cum ipsum cor, tantis est inunctum spiritualibus delitijs, ut pœna sit vacare mensis, & est per consequens delectabile ieiunare, cum ieiunatur, non ut corpus affligatur, sed ne deuotio interrumpatur, qua spiritus recreatur. Ieiunium Moyse, significat mærorem pro deletionem culpæ. Ieiunium Eliæ, significat mærorem pro amotione omnis miseriæ. Primum signat ieiunium Quadragesimæ hiemis. Secundum signat quadragesima veris. Vel melius, prima Quadragesima refertur ad peccata præterita expianda. Secunda ad futura imminencia præcauenda. Ieiunium autem Christi significat ieiunium gaudij, quo non tantum a cibis carnalibus, sed ab omni terrena delectatione delectabiliter abstinetur. Idcirco beatus Franciscus duas Quadragesimas præcipiendo imposuit; tertiam vero cum benedictione Dei suavit, sciens eam deuotione sola, & non aliqua coactione adimpleri debere.

Dicit ergo: *Et ieiunent a festo omnium Sanctorum, usque ad Natiuitatem Domini. Sanctam vero Quadragesimam, &c.* Sed aliam usque, &c. Nota quod hic secundo fit mentio de benedictione, hic in victu, superius in vestitu. Alijs autem temporibus non teneantur nisi sexta feria ieiunare, quia illa die voluit Dominus crucifigi. Tempore vero manifesta necessitatis, scilicet propter infirmitatem grauem, vel propter virtutem in labore ineuitabili adeo deficientem, quando scilicet labor incumbens de necessitate, aliter perfici non potest, non teneantur fratres ieiunio corporali. Ad gaudij igitur ieiunium, volens omni tempore fratres suspirare, iuxta Euangelicam regulam minus de ieiunio mæroris imponens, ad gaudij ieiunia informat in sequentibus, ut patebit. *Consulo vero*. Hic agitur de ordinantibus ad ædificationem proximorum, per mundum, scilicet aforis tam ambulando, quam in alienis domibus quiescendo. Circa primum, informat itinerationem ad vitandum malum. Secundo excludit equitationem, ibi; *Es non debeant*. In

prima parte informat itinerationem ad vitandum malum. Tercio ad tenendum bonum, ibi: *Sed sint mites*. Pro primo dicit, *Consulo vero*, ad instructionem rationalis, moneo, ad allectionem concupiscibilis. Vnde Sapiens: Qui suauis est, viuit in moderationibus, in suis monitionibus relinquit contumeliam. *Et exhortor*, ad excitationem, irascibilis. Ita fecit Iudas Machabæus qui singulos armauit non clypei, aut hastæ munitione, sed sermonibus optimis & hortamentis, ut quando vadunt per mundum exemplo Christi, & discipulorum suorum, *Non luigent*, alicui inferendo contumeliam. *Neque contendant*, verbis pertinaciter affirmando sententiam suam, vel iudicialiter litigando. *Nec alios inducant*, dubia scilicet in peiorem partem interpretando, ut sic seruetur, innocentia exterior & interior. Sed pro bono tenendo, subdit: *Sed sint mites*, in cedendo improbitatibus, pacifici, minoritatis suæ ordinem seruando. Et *modesti*, per disciplinam sensuum, & verborum, & operum, mansueti, moribus, non impetuoosi, *Et humiles*, nullum honorem appetendo, & omnem gloriam humanam fugiendo. Nec hoc sufficit, nisi definitionem humilitatis in se studeant adimplere, quæ talis est: Humilitas est virtus, qua homo vera cognitione sui sibiipsi vilescens, appetit tractari, ut huiusmodi, & non sublimis gubernari. Et pro speciali disciplina addit: *Honeste omnibus loquentes, sicut decet*. Omnem scilicet hominem pro sui status gradu reuereundo. Hæc est informatio itinerationis.

Sed pro seclusionem equitationis, subdit: *Es non debeant equitare*. Et per consequens, nec bigare, aut quadrigare, quæ maioris sunt sumptus, *Nisi manifesta necessitate*, prolixi vel impediti itineris, vel negotij vrgētis, vel infirmitate cogantur. Dicit autem non debeant pro eo quod est, debeant non equitare. Et in quacumque domum intrauerint, ad procurandum animarum, scilicet salutem, ut dicitur in Mattheo: Primum querite regnum Dei, &c. *Primum dicant: Pax huic domui*, secundum doctrinam Christi. Optando autem pacem optamus omnem liberationem a malo, & promotionem in bono. Et est pax tranquillitas cordis. *Et secundum sanctum Euangelium de omnibus cibis, &c.* Dicit notanter, liceat, non necessitatem imponendo, sed secundum indulgentiam permittendo, ut sciat se contra regulam nihil facere, si quis voluerit, sublimius ambulare. Ad hoc notandum dicit, *liceat de omnibus*, non simpliciter, sed, *secundum sanctum Euangelium*. Istud autem non conceditur, nisi in prædicationis euntibus ministerio. Qui ergo pro animarum salute non circumeunt, in hac licentia ius non habent. Ipse dicendo, *secundum sanctum Euangelium*, licentiam temperat, ut scilicet secundum regulam Euangelicæ honestatis fiat. Vnde cum verbum prædictum trahatur de Lucæ Euangelio, ubi dicitur: Manducate quæ apponuntur vobis; notandum quod ibi immediate subiungitur, & edrate infirmos, qui in illa sunt, certum est illud intelligi spiritualiter, secundum principalem intellectum vocabuli. Non est autem modus curandi animas, delicatioribus aut cibarijs, quam illi vrantur, in quorum mensis fratres ipsi vescuntur. Hoc enim est non curare infirmos, sed a fortitudine ad infirmitatem vocare. Quando ergo principales personæ, domus & familiæ, abstinēt a carnibus, non licet secundum sanctum Euangelium, fratres in esu carniū laxius ambulare. Item ubi est ferculorum superfluitas, non est Euangelicæ sanctitatis, superfluitatem usu suo, vel abusu verius approbare; sed magis necessitate accepta, dissimulare prudenter, quod nequit sine scandalo reprehendi. Item si aliqui religiosi receptores fratrum cōtra regulam suam carnes comederent, non est Euangelicæ sanctitatis participare cum præuicatore in crimine, vel carnalitati irregulariter suo consortio conformari.

Quod

*Quod fratres non recipiant pecuniam.*

*Cap. IIII.*

Præcipio firmiter fratribus vniuersis, ut nullo modo denarios, vel pecuniam recipiant per se, vel per interpositam personam, tamen pro necessitatibus infirmorum, & alijs fratribus induendis, per amicos spirituales Ministri tantum & Custodes sollicitam curam gerant, secundum loca, & tempora, & frigidas regiones, sicut necessitati viderint expedire, eo semper saluo ut (sicut dictum est) denarios, vel pecuniam non recipiant.

## EXPOSITIO.

**P** *Racipio firmiter.* Descriptis tribus portis Dominiæ ciuitatis, per quas illucescit claritas Orientalis; sequitur secunda, in qua describuntur, tres portæ munitæ contra insidias Aquilonis. Quarum prima, excludit periculum Iudæ pro pecunia Domini tradentis. Secunda tollit periculum fidei religionis in otio viuientis. Tertia, aufert periculum multitudinis, cleri, in fine pro appropriatis communibus contententis. Prima aufert homini Deum. Secunda aufert homini seipsum: quia otiosus in nullo est sibi fructuosus. Tertia aufert homini proximum. Prima pars habet duas: quia primo excludit pecuniæ omnimodam receptionem. Secundo prouidens subditorum quieti, imponit prælatis, circa procurationem necessariorum sollicitudinem, ibi: *Tamen pro necessitatibus infirmorum.*

Dicit ergo pro primo: *Præcipio firmiter fratribus vniuersis.* Circa quod sciendum, quod pecunia terrenum nomen est, redolens magis auaritiam, quam modum diuitiarum, ut dicit Augustinus. Dicitur *Aug. lib. 7. de Ciuitate Dei cap. 12.* pecuniæ vocabulo large, quidquid temporaliter possidetur. Vnde Augustinus lib. De disciplina Christiana dicit: Totum quidquid homines in terra possident omnia quorum domini sunt, pecunia vocatur, siue sit seruus, siue ager. Alio modo dicitur pecunia strigata, quod est mensura commutationis rerum, & sic accipitur, in Apostolorum actis, ubi dicitur: *Aug. de discipl. Christi. sic. 1. 10. 9.* Pecunia tua tecum sit in perditionem. Volens igitur Dominus per seruum Franciscum auaritiæ radicem penitus excludere ab horto concluso, & fonte signato, præcepit ne recipiant fratres denarios, vel pecuniam, vel ullam possessionem terrenam, in pecoribus, siue generaliter, in omnibus, quæ paupertatem altissimam labefaciunt. & præcipue loquitur de pecunia numerata. Hoc autem trahitur ab Euangelio Matthæi: *Mat. 10. 6.* Nolite possidere aurum, neque argentum, neque pecuniam, ubi dicit Glossa: Duo sunt genera necessarium, vnum quo necessaria emuntur; aliud ipsa necessaria; per pecuniam in zonis vnde illa emuntur, per peram quod emitur, &c. Huius autem inhibitionis factæ Apostolis, septem sunt præcipuæ rationes.

Prima est suspicionis exclusio, ad efficaciam prædicationis. Secunda est terrenæ sollicitudinis, perfecta extirpatio, ad commendationem cælestis prouidentie circa illos, qui diuinis vacant obsequijs. Et has duas rationes tangit Hieronymus in Glossa dicens: Si hæc haberent non viderentur, causa salutis hominū prædicare, sed lucri. propterea vitæ necessaria amputat, ut Apostoli Doctores veræ religionis, qui instruebant omnia diuina prouidentia gubernari, seipsos ostenderent nihil cogitare de cratino. Hæc Hieronymus. *S. Bon. Tom. 7. Pars iij.*

**A** Tertia causa huius mandati, est declaratio virtutis ipsius Domini Saluatoris. Vnde pro istis tribus causis dicit Chrysostomus super Matthæum: Multa per hoc vnum commendauit. Primum quidem non suspectos faciens Apostolos. Secundo eruens eos ab omni sollicitudine, ut vacatione Dei verbo tribuant. Tercio docens eos suam virtutem. Hoc nempe postea dicit: Numquid aliquid defuit vobis quando misi vos, nudos, & discalciatos?

Quarta causa est perfecta omnis amoris mundani extirpatio, quia maxime inter possessiones cupiditas solent haberi pecuniæ. Dicit enim Salomon: Pecunia obediunt omnia. & Auarus non implebitur pecunia. Et Ambrosius de Officijs: Dominus ad discipulos, ait: Nolite possidere aurum, neque argentum, quo velut falce in humano pectore succidit pululantem auaritiā. Chrysostomus super idem: Radicem malorum confestim euellens ait: Ne possideatis aurum, neque argentum. Non dixit: Non accipite vobiscum, sed etiam si possibile sit aliunde accipere, fugite periculosa hanc ægritudinem.

Quinta causa est, ut statum innocentie perditæ, ut erat possibile renouaret. In qua si homo stetit, omnia fuissent communia, & nulla proprietas contracta fuisset ad multitudinem aliquam vel personam. Vnde Chrysostomus dicit, quod hoc dixit, ut doceret eos, ad statum in quo homo erat ante peccatum recurrere.

Sexta ratio est ad doctrinam perfectissime libertatis, quia ut dicit Hieronymus in Epistola: Nemo perfectius erogat, quam qui nihil sibi reseruat. Et si beatus est dare, quam accipere, ut dicitur in Actis, beatissimus est, qui omnia sua dedit, & ut est possibile paucissima e contra recipit.

Septima causa est indiuisa cordis intentio circa prædicationem verbi Dei. Vnde Chrysostomus super idem: Orbis terrarum Deus Doctores missurus erat, propter hoc Angelos eos ex hominibus constituit, ab omni absolueos huius vitæ sollicitudine, ut vna sola retineamur cura, quæ est cura doctrinæ. Hanc igitur vitam Apostoli tenuerunt, & ante passionem Domini, & post. Vnde pauperi eleemosynam petenti, respondit Petrus: Argentum & aurum non est mihi. Glossa memor præcepti Domini, dicentis: Nolite possidere aurum, &c. Ambrosius super Lucam, ait: Apostolus Petrus, primus executor Dominicæ sententiæ, ostendit, non in vacuum effusum Domini mandatum. Cum enim a paupere posceretur, ut ei aliquid pecuniæ largiretur, ait, Argentum & aurum, &c. Non tam in hoc gloriatur Petrus, quod aurum & argentum non habebat, quam quod seruet Domini mandatum, dicentis: Nolite possidere, &c. hoc est vides me discipulum Christi, & aurum, a me requiris? Hæc Ambrosius: Augustinus dicit idem.

Hoc idem etiam seruauit Paulus. Vnde Chrysostomus, de laudibus Pauli: Paulus pecuniam non possederat, nam & ipse dixit: Usque in hanc horam, & esurimus & sitimus. Idem pater de sancto Ioanne Euangelista in Legenda sua. Dixerunt enim: Nulla ratione possumus accipere aurum, aut vestes, aut domos, aut prædia, aut seruos, &c. Hic tamen aduertendum quod præceptum erat Apostolis nihil habere, ut supra visum est. Et hoc seruauit Petrus cum alijs. Permissum est autem viuere de cibis, & prædijs alienis, & non præceptum. Vnde Chrysostomus, ubi supra: Omnibus eos denudans, omnia eis dedit, permittens eos manere in domibus illorum quos docent, & nihil habentes introire. Hoc idcirco dixerim, quia Paulus præcepta de non possidendo, nec ferendo pecuniam seruauit, sicut Chrysostomus expresse in libro dicit, de laudibus Pauli. Permissionem autem de accipiendis corpori necessarijs ab auditoribus aliquando tenuit, utens iure suo. Vnde dicit: Alias Ecclesias expoliasti, accipiens stipendium ad ministrum

ff 3 vestrum

*1. Thess. 2. b.* vestrum. Aliquando non tenuit sublimius ambulan-  
do. Vnde ait: Nocte & die laborantes, ne quem ve-  
strum grauaremus, prædicauimus Euangelium Dei  
in vobis. Præceptum ergo fuit nihil habere: permis-  
sum vero, non præceptum, in mensis, & de mensis vi-  
uere alienis.

*Ioan. 12. a.* Sed prædictæ sententiæ, de Apostolica pauperra-  
te, videtur esse contrarium, quod Dominus ipse le-  
gitur oculos habuisse. Sufficit ergo discipulo si sit

*Mat. 10. c.* sicut magister eius, ut dicitur in Matthæo. Item: Si  
hoc verum esset, tunc Episcopi, & clerici alij a tem-  
pore Siluestri essent in statu damnationis, ut dicunt  
Manichæi, habent enim aurum & argentum. Item  
ex eadem ratione videtur, quod ista vita Apostolica,  
non sit alijs, quàm prælatis Ecclesiæ Apostolis succe-  
dentibus imitanda, etsi non illis, nec alijs. Item si ali-  
quibus, imitanda sufficiens videretur eam imitari eis  
in itinere constitutis, & non in domo manentibus,  
ubi oportet per deposita futuris periculis obuiare.  
Vnde Augustinus, de sermone Domini in monte ex-  
ponens illud: Nolite esse solliciti, &c. dicit: Satis  
apparet Dominum nostrum non hoc improbare, si  
quis humano modo illa procuret: sed si quis propter  
ista Deo militet.

Ad primum responder Chrysostomus super Ioan-  
ne homil. 71. ubi agitur, de oculis Domini, dicens,  
qualiter non virgam, neque peram, non æs iubens  
deferre, marsupium ferebat ad inopum ministeriū,  
ut discas, quoniam valde pauperem, & crucifixum  
huiusmodi oportet facere multam procuracionem.

Multa enim ad nostram dispensans doctrinam age-  
bat. Hæc Chrysostomus: Habuit ergo oculos pro  
alijs, & hoc dupliciter, pro alijs, perfectis Ecclesiæ,  
scilicet prælatis, ut doceat eos pro necessitatibus pau-  
perum releuandis habere oculos. Vnde Augustinus:

*Aug. traç. 83. in 102.* Habebat Dominus oculos & a fidelibus oblata con-  
seruans, & suorum necessitatibus, & alijs indigentibus  
tribuebat. Tunc primū Ecclesiasticæ pecuniæ forma  
est instituta. Hæc Augustinus. In suos autem vsus  
numquam expresse legitur Dominum loculorū pecu-  
nias conuertisse: immo magis prætenditur cōtrarium  
super illud Matthæi: Solue didrachma, ubi legitur  
Dominum soluisse didrachma miraculose, de pecu-  
nia miraculose in ore piscis reperta. Ibi enim, dicit

*Mat. 17. d.* Hieronymus in Glossa: Dominus tantæ fuit pauper-  
tatis, ut vnde daret tributa non haberet. Iudas qui-  
dem oculos in communi habebat, sed res pauperum  
in vsus suos conuertere nefas duxit, id ipsum dans  
exemplum nobis. Hæc Hieronymus: Item habuit  
oculos pro alijs infirmis & imperfectis, qui habent  
oculos pro seipsis, qui etsi sint perfecti respectu ha-  
bentium propria, vel multa, & magna, cum ipsi ha-  
beant pauca; sunt tamen imperfecti in hoc, respectu  
illorum, qui nihil habent penitus in hoc mundo.

Quia nihil habentes penitus sunt in summo gradu  
in hac parte, ut est possibile statui humano, a mundi  
periculis, & illecebris absoluti. Vnde Hugo dicit:  
*Viß. in Ps. 91. cap. 64.* Habebat Iesus oculos, conformans se imperfectis.  
Christus in numero imperfectorum inueniri voluit,  
ne præsumerent non accipientes, & confunderentur

*Psal. 103. b.* accipientes. Et super illud Psalmistæ, produens fe-  
num iumentis, dicit Augustinus: Habuit Domi-  
nus oculos, & dictum est de quibusdam feminis re-  
ligiosis, quod ministrabant eidem de substantia sua.  
Futurus erat Paulus nihil tale aliquando requirens  
sed quia multi infirmi ista quæsituri erant magis in-  
firmorum personam suscepit Dominus. ergo subli-  
mius Paulus? nequaquam immo sublimius Christus,  
quia misericordius. Cum enim videret Paulum, ista  
non quæsiturum, præiudic, ne damnaret, quæsitu-  
rum & præbuit exemplū infirmo. Hæc Augustinus:  
Quod autem dicit, quod præiudic Paulum non ista  
quæsiturum, intelligendum est aliquando, & non  
semper. aliquando enim accepit, & aliquando non,

ut supra patet. Qui igitur tantum pro alijs habent lo-  
culos, ad hoc auctoritate Ecclesiæ compulsi, & si  
quantum in se est, optent pro se carere oculis, ad se  
autem seruantes districtiōem paupertatis, ut patitur  
infirmas, dum sint in alios affluentes: sic non ha-  
bentur oculi in doctrinæ præiudiciū, vel impedi-  
mentum; sed eos habent sine omni imperfectione,  
quia conueniunt cum Christo in habendo, & in ha-  
bendi ratione. Qui autem habent oculos pro seipsis,  
habent eos, ut infirmi, conuenientes cum Christo  
in habendo, sed non in habendi modo; quia ipse non  
habuit oculos pro seipso, ut visum est, sed cum hac  
infirmas tanto ad perfectionē appropinquat, quan-  
to paucioribus sunt contenti. Ecce quod Christus le-  
gem datam Apostolis de oculis non habendis ipse  
compleuit circumeundo per castra, in quibus non  
habuit ubi caput sanctissimum reclinaret. Et licet  
quodammodo infirmum videatur, secundum genus  
suum respectu perfectionis Pauli necessaria recipere  
illo modo, quo Deus recepit a mulieribus secum iti-  
nerantibus, & comedendo in mensis alienis; est ta-  
men longe sublimius, sic de mensis alienis viuere,  
quod nihil ex eis possessorie habeatur, quàm depōsi-  
tum recipere, & pecuniam cum refectis promptua-  
rijs possidere. Propter quod Dominus, singularis  
perfectionis modum illum in exemplum commen-  
dans Apostolis habere oculos interdixit, ipse modū  
ipsum maiori parte, ut ostensum est, custodiuit. Vn-  
de numquam in textu Evangelico mentio fit de lo-  
culis, nisi sexta die ante articulum passionis, ubi de  
Iuda dicitur, quod fur erat, & oculos habens. Et  
infra: Quidam putabant, quod oculos habebat Iu-  
das, quod dixisset ei Iesus: Eme quæ nobis necessa-  
ria sunt. Circa illud etiam tempus, immo ipsa vespere  
qua voluit comprehendere, dispensauit cum Apo-  
stolis, ut possent habere oculos singuli durante ra-  
bie persecutionis mortuo Saluatore. Vnde ait Salua-  
tor: Quando misi vos, sine sacculo, &c. Numquid  
aliquid defuit vobis? &c. Sed nunc qui habet saccu-  
lum, &c. Ibi Glossa Bedæ dicit: Non eadem viuendi  
regula persecutionis, qua pacis tempore, discipu-  
los informat. Missis enim discipulis ad prædicandū,  
præcepit eis, ne quid tollerent in via ordinans, ut  
qui Euangelium prædicat, de Euangelio viuat. In-  
stante autem mortis articulo, & tota illa gente, pa-  
storem simul, & gregem persequente congruam tem-  
porum regulam decreuit permittens, ut tollant vi-  
ctui necessaria, donec sopita persecutorum infania,  
tempus Euangelizandi redeat. Hæc Glossa. Igitur  
Apostoli missi ad prædicandum oculis caruerunt.  
Tempore vero persecutionis, & passionis dispensa-  
tiue oculos pro seipsis habuerunt. Tertio bona mul-  
titudinis ad tempus dispensauerunt, & illam dispen-  
sationem tamquam impeditiuam verbi Dei dimitten-  
tes, ad primariam reuersi nuditatem oculis carue-  
runt, ut supra visum est. Præterea licet Domino vo-  
lenti portati fuerint oculi a Iuda proditore, non ta-  
men videtur in eis, aliquid iuris possessorij vendicaf-  
se. Vnde ipse Dominus dicit in Ioanne: Venit prin-  
ceps mundi huius, & cetera. Glossa: Noluisti Domi-  
nus habere quod perderet, venit pauper ne haberet  
diabolus, quod auferret. Respondeo ergo breuiter  
ad obiectum de oculis, quod Christus aliquando ha-  
buit oculos pro alijs, ut ad hoc informaret Ecclesiæ  
prælatos. Item habuit oculos pro infirmis consolan-  
dis, qui habent oculos pro seipsis. Sic in eorum so-  
lariū fugit cum quæreretur lapidandus, ne despe-  
rent si aliquando fugiant persequentes. Sic in exem-  
plum fortium se sponte obtulit in passione, & pro  
ipsis in paupertate informandis, caruit oculis, qua-  
si nec semper habitos tenebat possessorie reconditos,  
ut qui habent pro seipsis, & non gratia dispensatio-  
nis oculos, sciunt se in hac parte perfectionis apicem  
non tenere.

Et cum



# In Regulam Fratrum Minorum. 343

Et cum dicitur, Sufficit discipulo, respondendum est, quod Magister vnus diuersos docet discipulos, singulis in suis gradibus condescendens. sicut Apostolus inter perfectos loquebatur sapiētiā, lac dans paruulis ad escam. Non debet discipulo sufficere lactis capaci in lacte semper sistere, etiam si lac bibat magister ei condescendens, sed magis ad hoc tendere, vt solidi cibi sit capax. Ita in proposito, non debet discipulo sufficere, vt sit sicut magister eius infirmis condescendens, nisi vt est possibile gradatim in artis apices se extendat. Vnde illud verbum sufficit discipulo, pro solatio tribulationis dictum est specialiter, vt scilicet exemplo magistri, in tribulationum sufferentia viriliter perseueret.

Ad secundum dicendum, quod illa Manichæorum calumnia processit ex insipientia manifesta. Prædicta enim paupertatis districtio non fuit imposita Apostolis, vt prælati, cum nondum illo tempore prælati essent, nec etiam sacerdotes, sed tantum authenticis prædicatis missi toti mundo in sanctitatis exemplum, vt superius est ostensum. Vnde illa paupertatis districtio nullos ligat alios nisi illos, qui ad hoc sponte se obligant propter Christum. Non solum ergo post Siluestri tempora, immo statim in Ecclesiæ principio, ipsi discipuli Christi instituerunt prælatos in suarum curarum custodijs residentes, quibus numquam fuit interdictum habere bona Ecclesiæ sibi necessaria, in se & suis subditis pauperibus eroganda. Succedunt ergo Episcopi Apostolis, in culmine auctoritatis Ecclesiæ, in obligatione, & debito virtutis, & sanctitatis, sed non in forma illius districtæ disciplinæ, & paupertatis debito supradicto. Hoc reperies notum in Decretis 12. quæst. 1. Videntes. Et apud Bernardum, secundum De consideratione. Nec est locus otio, vbi sedula vrget sollicitudo omnium ecclesiarum. Nam quid tibi dimisit sanctus Petrus? Quod habeo, inquit, tibi do. Quid est illud? vnum scio neque aurum, neque argentum, cum ipse dicat, Argentum, & aurum, &c. Esto vt alia quacumque ratione hoc tibi vendices, sed non Apostolico iure. nec tibi dare quod non habuit potuit. Hæc Bernardus.

Ad tertium dicendum, quod Prælati ad illam vitam non tenentur, quia indifferenter omnibus, proponitur eam volentibus imitari. Vnde Hieronymus. Vis perfecta esse, & in primo stare fastigio dignitatis, fac quod fecerunt Apostoli. Vende omnia quæ habes, & cetera.

Ad quartum dicendum, quod ista Apostolica perfectio non est solum in itinere, sed domi etiam obseruanda, vt nullum depositum pecuniæ habeatur ab his qui perfectionis regulam imitantur. Vnde Chrysostomus super Matthæo, homil. 33. in fine expositionis litteralis, de non possidendo, aut portando aurum, vel argentum, dicit sic: Si in aliena patria existentes ad ignotos abeuntes nihil amplius oportet petere, quotidiano cibo, multo magis domi manentes. Item super illud: Nunc qui habet sacculum, dicit Glossa. In hoc nobis datur exemplum, vt nonnumquam causa instante, quædam de nostri propositi rigore sine culpa possimus intermittere. Verbigrazia: Si per inhospitales regiones iter agimus, plura viatici causa licet portari, quàm domi habeamus. Et expresse in Euangelio aperte prohibet Apostolis possidere pecuniam & portare, vt patet ex Hieronymo super Matthæum ibidem, & Rabano, Hæc fuit paupertas Apostolica ante passionem, & post ad tempus, tamen medio tempore paululum dispensatione Domini interrupta. Nec tamen omnes, vt dictum est, ad hoc tenentur. Et illud verbū Augustini loquentis de comuni statu omnium præcedentibus non repugnat. Sed istum regulæ articulum fratres præuaricari videntur, dum recipiunt alij pauperes sibi pecunias erogatas. Si enim ille facit cuius auctoritate sit, ig-

forum autem auctoritate pro libitu eorum suis familiaribus, pecuniæ pluries commendantur, aliquotiens extra Domini potestatem, ergo ipsi pecuniam recipiunt, vt videtur. Ad hoc patet responsio, quoniam dare, & recipere opponuntur relatiue. Igitur de necessitate, sicut dare se habet ad dominij translationem, & priuationem dantis, ita se habet recipere ad dominij acquisitionem. Sicut ergo nullus dat aliquid, nisi intendat se priuari dominio eius quod dat, & ipsum transferre in alium, sic nec recipit proprie aliquid secundum quod receptio opponitur donationi, nisi quod intendit sibi sei dominium, acquirere. Verius.

*Non tibi dat quisquam, nisi quo vult expropriari.*

*Nec in quid recipis, nisi velis ei dominari.*

*Namque recepta data sibi sunt aduersa relata.*

*Dans sua priuatur, recipit qui post dominatur.*

Argumentum autem factum ex falsa suppositione procedit, quia non fratrū, sed mittentium auctoritate pecunia custoditur. Vnde dominium apud mittentes semper ibi remanet donec sit pro fratrū necessitatibus commutata, quod probatur, quia dicit lex. ff. de acquirend. rer. dominio: Idem in bonis nostris habere intelligimur, quoties possidētes ereptionem, aut amittentes ad recuperandum eam, actionem habemus. Cum ergo ille, qui misit pecuniam, si viuere possit eam repetere sicut suam, numquam a dominio suo recessit, nec in ius transijt alienum. Forre dices, quod mittens pecuniam intendat se priuari illius dominio. Fateor, quod verum est; sed modo licito, & fratribus honesto. Cum enim intendat fratres habere apud Deum intercessores, non intendit eos ob vsum pecuniæ suæ constituere præuaricatores. Manet ergo semper pecunia in bonis eius, donec sit pro fratrū necessitatibus commutata. Amplius ponamus, quod intendat se priuari dominio pecuniæ, statim vt est alienis fratribus famulari commendata. dico, quod adhuc a fratribus non recipitur cum non intendat, quod aliqua pro eis recipiatur pecunia sicut sua, nec omnino consentiant, quod eis possessio acquiratur; sine consensu autem non acquiritur possessio. Vnde dicit lex. ff. de acqui. rerum proprietate, quod in amittenda possessione, affectio, ei qui possidet, est intuenda. Itaque si in fundo sit, & tamen nolueris eum possidere, protinus amittēs possessionem: nec etiam sine voluntate donatoris transfertur dominium, vt patet. ff. de acquiren. rerum propriet. & dominio. Vnde cum dator pecuniæ intendat eam dare, tamen vt possit in fratrū vsum conuerti, numquam vult in eos dominium transferri, sed tantum pro ipsorum necessitatibus commutari. Ponamus quod pecunia tradatur per manus diuersas vsque ad centesimam personam datori penitus ignotam. Dico, quod adhuc manet in bonis eius. eo enim modo quo tenuit eam auctoritate sua primus, tenet secundus, tertius, & millesimus, quia dicit lex. ff. de acquiren. rerum dominio, quod traditio nihil amplius transferre debet, vel potest ad eum qui accipit, quam apud eum qui tradidit. Vnde semper potest repetere huiusmodi, sicut suam, qui ipsam pro fratrū necessitatibus commendat: potest enim mutare voluntatem suam, & pro tanto repetere. Aliter est in vltimis voluntatibus defunctorum, quia voluntas eorum est immobilis. Et ideo si contingat executores repetere pecuniam malitiose, pro fratrū necessitatibus commendatam, non est restituenda, cum sint contrarij ipsius testatoris vltimæ voluntati. Quod si ipsi malitiose pecuniam detineant, contra formam testamenti, nec eam velint commendare aliqui fidei pro fratrū necessitatibus dispensandam, possent fratres ordinarijs denuntiare iniuriam defuncti, & suam, sine perfectionis suæ aliquo detrimento, nec tamen iudicialiter repetere sicut suam, quamuis sit eis debita quæcūque portio testamenti. Quod si quæ-

1. Cor. 2. b

Bern. lib. 2.

de off. c. 6.

ante med.

Act. 3. a

Hieron. in

epist. 130.

ad Hedi.

quæst. 1.

Chrys. ho-

mil. 33. in

Matt. post

med. 10. 2.

Luc. 22. d

si quæras cuius sit pecunia legata? dico quòd manet in bonis defuncti erogandis, non hereditibus referuandis. Vnde si fratres eam omnino respuant, debet alijs pauperibus erogari. Fratres igitur nullo modo, nec in pecoribus, nec in quibuscumque alijs, recipiant pecuniam, nec mutuo, nec dono, nec legato, nec per se, nec per interpositam personam, quia nec dominium, nec possessionem sibi intendunt acquirere, commune, vel propriū vllō modo. Nomen enim pecuniæ possessionem sonat propter quod etiam Ioui nomen pecuniæ impositum est, cuius secundum fabulas, omnia sunt, vt docet Augustinus. Vnde cum sint diuitiæ cælestes, & terrenæ, pecuniæ nomen tantummodo terram sonat, sicut docet Augustinus ibidem, & quòd nomine pecuniæ vilissime & contumeliosissime deus nuncupatur, cum tamen idem diues dicatur. Recipere igitur pecuniam, est recipere possessionem. Hæc est igitur summa prædictorum, scilicet quòd fratres non recipiant per se, vel per interpositam personam pecuniam. Patet tam a parte pecuniam mittentium, vel dominorum, quàm a parte ipsam recipientium vel nuntiorū, quàm etiam a parte fratrum ipsorum. Quoniam mittentes non intendunt fratres facere præuaricatores, quos volunt habere pro se intercessores. Receptores etiam pecuniæ custodiant eam, non auctoritate fratrum, sed mittentium, licet custodiant eam ad voluntatem eorum. Fratres etiam non intendunt in pecunia sic missa, vel custodita, ius possessionis, vel domini sibi aliquantuler vendicare.

Sed pro secunda parte huius rubricæ subdit: *Tamen pro necessitatibus infirmorum*, ne maneant desolati, & alijs fratribus induendis, in quibus aliæ necessitates maiores intelligunt. *Ministri*, quorum est ministrare, & non ministrari exemplo Christi. *Et custodes*, quorum est curam gerere infirmorum. Nam Samaritanus custos, interpretatur, qui curam habuit, &c. Nomina autem Custodum, & Ministrorum, & si diuersis appropriantur, tamen circa easdem personas dicunt modum officij in hoc ordine Prælatorum. Ministerium dicit humilitatem, custodia autem vigilantiam insinuat pastorem ne propter humilitatem sic dimittatur auctoritas, & euigilantiam ne periclitetur ordinis disciplina. Vnde Isaias: Super custodiam meam ego sum, stans totis noctibus propter quod ipse generalis Minister custos inferius in regula appellatur. Hic autem nomine Custodum, etiam Guardiani intelliguntur, qui habent immediate custodire, & intendere pastoralis curæ. Istis ergo cura & sollicitudo tantum imponitur, & hoc propter duo, scilicet vt nullus sine ipsis sit sollicitus. Et quia dispensatio est necessaria, secundum varios status, de qua addit: *Secundum loca, & tempora, & frigiditas regiones*. Iuxta has igitur necessitates, necesse est dispensatiue temperare rigorem, & temperamentum a solis Ministris, & Custodibus, in quibus Guardiani intelliguntur, debere fieri hic docetur. *Eo semper saluo, vt sicut dictum est, denarios, vel pecuniam, &c.* Hoc idcirco replicat, ne propter illius necessitatis periculum sustineat labefieri ordinis puritatem sciens per talium receptionem sub falso prætextu necessitatis, plures in clero, & claustro, & Deo, & hominibus viluisse, eo quòd radix iniquitatis Antiochus, qui interpretatur silentium paupertatis, templum Dei legitur in Machabæorum historia profanasse, & contenebrescente studio sapientiæ quasi sole, luna scientiæ & studij in sanguinem effusi commutata. Hæc est radix sapientiæ beato Francisco diuinitus inspirata, ne vepribus, & spinis pene in vniuersa terra existentibus terror spinarum, ac veprium veniat in horto suo, quia de spinis vix minime colliguntur.

De modo laborandi. Cap. V.

Fratres illi, quibus gratiam dedit Dominus laborandi, laborent fideliter & deuote, ita quòd excluso otio animæ inimico, sanctæ orationis, & deuotionis spiritū non extinguant, cui debent cetera temporalia deferuire. De mercede vero laboris per se & suis fratribus corporis necessaria recipiant præter denarios, vel pecuniam. Et hoc humiliter sicut decet seruos Dei, & paupertatis sanctissimæ sectatores.

### EXPOSITIO.

Fratres illi, quibus dedit Dominus gratiam laborandi.

Post exclusum periculū Iudæ, hic excludit, periculum Religionis, ne Sponsa Christi panem comedat otiosa. Primo informat laborabiles ad laborem. Secundo subdit laborandi triplicem rationem, ibi: *Ita quòd excluso otio*. Pro primo dicit: *Fratres illi, quibus Dominus, non dicit omnes, sed, illi, quibus dedit Dominus gratiam laborandi*. In hac gratia intelligo vires corporis, & habitū artis acquisitum, ac habilitatē etiam artē acquirendi, laborēt fideliter, respectu sui, & proximi, & deuote respectu Dei, vt scilicet labor ipse in gloriā Dei dirigatur. De cuiusmodi autē laboris genere loquatur, patet ex rationibus laboris, quæ sunt tres, scilicet exclusio otiositatis, inflamatio deuotionis, adeptio etiā sustentationis necessariæ corporalis. Voluit ergo sanctus Franciscus summe fratribus imponi exercitium, quod perfectissime excludit otium quod summe nutrit deuotionis affectum, quod laudabili modo corpori necessaria subministrat. labor autem corporalis, & si excludat otium a corpore, tamen pro tanto ad modicum vtilis est, quia a corde sordes, & otium non excludit, sicut patet in Mechanicis, qui inter labores corporales solent turpissimos sermones eructare. Studium vero sapientiæ ipsum cor occupat. Vnde in Prouerbijs dicitur: *Præbe mihi fili mi cor tuum*. Et Sapientia: *Labores huius magnas habent virtutes*. Ideo dicit: *Ita, quòd excluso otio animæ inimico*. In Ecclesiastico dicitur: *Multam malitiā docuit otiositas*. Hieronymus ad Eustochiū: *Teneas firmissime, quòd omnis concupiscentiæ, & immunditiæ, & peccati mater est otiositas*. Itē labor ipse sapientiæ excitat summæ deuotionis affectū. Vnde Sapiens: *Immortalitatis mater est in cogitatione sapientia, & amicitia illius delectatio bona, & in operibus manuum illius honestas sine defectione*. Ideo addit: *Sanctæ orationis, & deuotionis spiritum nō extinguant*. Modus autem laudabilissimus corpori necessaria acquirendi est & in prædicationibus, & doctrinæ laboribus exerceri. Labor enim mechanicus condigne circa pretia compensatur. Non est autem digna compensatio receptio corporalium spiritualia seminanti. Vnde Paulus: *Si vobis spiritualia seminamus, non est magnum si carnalia vestra metamus, ideo addit: De mercede vero laboris, corporis necessaria recipiant*. Dignus enim est operarius mercede sua. Hoc Apostolis existentibus Prædicatoribus dictum est; quia Prælati nondum illo tempore erāt, vt supra patuit. Et, vt dicit Augustinus libro de Monachorum opere, quattuor generibus hominum licet de Euangelio viuere, scilicet ministris altaris, qui sacrificium offerunt pro populo, eidem diuina cantica decantando. Item dispensatoribus sacramentorū, & Euangelistis, ac illis; qui ante conuersionem suam habebant sufficienter vnde viuere poterāt, quod pauperibus erogauerunt. *Præter denarios, vel pecuniam, nec*

Aug. lib. 7.  
de ciu. Dei.  
c. 11. & 12.  
10. 5.

Luc. 10. f

Isa. 21. b

1. Macha.  
2. c

Mat. 7. e

Prou. 23. c  
Sap. 8. a  
Eccli. 33. d

Sap. 8. d

1. Cor. 9. b

Luc. 10. b

Aug. lib. de  
oper. Mo-  
nach. c. 6.  
& seq. 10. 3.

ne aliquo modo tranſeant in ius ordinis: quod nomen tertio inhibet, propter triplex genus pecuniæ, ſcilicet mineralium, terræ naſcentium, & pecorum etiam a quibus pecunia eſt appellata. Vnde ipſe Dominus vniuerſæ perfectionis exemplar, numquam legitur aliquo laboris genere laboraſſe, ſciens, quod licet Paulus, qui habuit ſpiritum in plenitudine, & ſapientiam ſine ſtudio labore, ſtipendiarie laborauerit, non poteſt tamen hoc communiter fieri, ab his, qui circa procurandam ſalutem hominum ſunt ſolliciti, vita, & verbo, ſine huius ſollicitudinis detrimento. Præterea labor ſapientiæ ſimpliciter eſt melior corporeo labore, quamuis in caſu poſſit labor ſtipendiarie eſſe neceſſarius prædicanti. Dominus igitur, quod ſimpliciter eſt prædicanti melius eligens, non laborauit ſtipendiarie, ne doctores nō laborantes arguerentur, vel labore tali impeditentur. Vnde nec Paulus ubique, ſed alicubi laborauit. Quia igitur quidam fratrum gratiam habent laborandi ſpiritualiter, quidam vero corporaliter tantum, omnibus dans regulam generalem, vt vnusquisque gratia ſibi data utatur, dicit: *Fratres illi, quibus Dominus dedit gratiam*. Sed ne mercedis exactio turbet debitores, aut extra modum mendicitatis degeneret, addit: *Et hoc humiliter, ſicut decet ſermos Dei, & paupertatis ſanctiſſima ſeclatores*. Sciendum, quod omne genus hominum ad aliquod exercitij genus vtilis, pro loco & tempore obligatur præceptorie, vt dicitur in Genefi: In ſudore vultus tui, veſceris pane tuo. Vnde qui ad maiora apti non ſunt, præcepto Apoſtoli labore ſunt corporeo exercendi. Dicit enim ipſe: Audiuiſus enim inter vos quosdam ambulare inquiete, nihil operantes, ſed curioſe agentes. his autem qui eiufmodi ſunt, denuntiamus, &c. Impium eſt autem illud, quod otioſis, & curioſis dicitur, velle ad alios extendere, qui ſublimioribus, & vtilioribus ſunt intenti.

Gen. 3. d

2. Theſſ. 3. 6

*Quod fratres nihil ſibi approprient, & de elemoſyna petenda, & de fratribus inſirmis. Cap. VI.*

Fratres nihil ſibi approprient, nec domum, nec locum, nec aliquam rem: ſed tamquam peregrini & aduenæ in hoc ſæculo, in paupertate & humilitate Domino famulantes, vadant pro elemoſyna confidenter. Nec oportet eos verecundari quia Dominus pro nobis ſe fecit pauperem in hoc mundo. Hæc eſt illa celiſtudo altiffimæ paupertatis quæ vos chariſſimos fratres meos heredes & reges regni cælorum inſtituit, pauperes rebus fecit, virtutibus ſublimauit. Hæc ſit portio veſtra quæ perducit in terram viuentium. Cui dilectiſſimi fratres totaliter inhærentes, nihil aliud pro nomine Domini noſtri Ieſu Chriſti in perpetuum ſub cælo habere velitis. Et vbi- cumque ſunt & ſe inuenerint fratres, oſtendant ſe domesticos inuicem inter ſe, & ſecure manifeſtet vnus alteri neceſſitatem ſuam: quia ſi mater nutrit & diligit filium ſuum carnalem, quanto diligentius debet quis diligere & nutrire fratrem ſuum ſpiritualem. Et ſi quis eorum in infirmitatem

acciderit, alij fratres debent ei ſeruire ſicut vellent ſibi ſeruiri.

## EXPOSITIO.

**F**ratres nihil ſibi approprient. Hic tertio excludit tertium periculum, quod ſcilicet de appropriatis proprijs noſcitur proceſſiſſe. Et hæc pars habet quatuor. Primo inhibet appropriationem. Secundo imponit mendicitatem, ibi: *Vadant pro elemoſyna*. Tercio excitat ad paupertatis immobilem amorem, ibi: *Hæc eſt illa celiſtudo*. Quarto informat fratres ad mutuam conſolationem, ibi: *Et vbi- cumque fuerint*. Dicit ergo pro primo: *Fratres nihil ſibi approprient*. Quia fratribus inhibuit receptionem pecuniæ, ne credatur quod alia liceret admittere, vt pote immobilia, in generali ſermone excludit omnia, dicens: *Nihil ſibi approprient*, ſupple nec proprietate personali, nec generali ipſius communis, ſicut dicit Papa regulam declarando. Vnde addit: *Nec domum, nec locum, nec aliquam rem*. Hoc quidem recte, quia dicit Seneca: Tutiffime viueretur, ſi tolerentur duo verba meum, & tuum. Planum eſt his temporibus ſummum facere tumultum in Eccleſia, noſtrum, & veſtrum. Sed tamquam peregrini, & aduenæ in hoc ſæculo, in paupertate, & humilitate Domino famulantes. Intentio plane eſt ſancti Franciſci, vt fratres ſicut ſerui vtantur rebus in aliena poſitis poteſtate.

Sed quidam aduerſarij ſancti Franciſci, & veritatis, aliquando contra hoc obiecerunt, quia dicit Canon 12. q. 1. cap. Expedit. Expedit facultates Eccleſiæ poſſideri, & proprias perfectionis amore contemni. Et conſequenter eodem cap. ponitur exemplum de ſancto Paulino, qui omnibus ſuis proprijs diſtractis, factus eſt poſtea Eccleſiæ Episcopus, cuius facultates fideliffime diſpenſauit, ſubdit: Quo facto ſatis oſtenditur & propria debere propter perfectionem contemni, & tamen ſine impedimento perfectionis, poſſe Eccleſiæ facultates diſpenſari, quæ ſunt profecto communia poſſidere. Hæc Proſper. Ergo carere bonis cōmunibus appropriatis nihil addit perfectioni.

Item videtur ita forma viuendi, falſum imponere Eccleſiæ Dei. Clerici, & religioſi, qui habent bona Eccleſiarum non ſunt Domini eorum, ſed vſum tantum habent, quia dicit lex. ff. de rei ſu dominio, quod quæ diuini ſunt iuris in nullius bonis ſunt. ergo clerici nō habent dominium, ſed vſum tantum.

**E** Item res, quibus vtuntur fratres, aut ſunt alicuius domini, aut nō. ſi nullius, quare tunc ipſi plus quàm alij occupant? Si autem in alicuius hominis ſunt, vt pote Eccleſiæ Romanæ, videtur ergo quod fratres, qui contemnunt propter ſeruandam ſuam perfectionem, attribuendo illa Eccleſiæ, imponunt ei imperfectionem, quod nefas eſt dicere, cum ipſa Eccleſia toti orbi ſit poſita in ſpeculum & exemplum, vt patet. 19. diſtinct. Enimvero.

Item res, quibus vtuntur fratres, aut ſunt propriæ, aut communes. Si propriæ, damnabiliter habentur. Si communes, ergo ſunt de numero illorum, de quibus dicitur: Et erant illis omnia communia.

Ad. 4. f

Item fratres vtuntur rebus, quæ conſumuntur ipſo vſu. In talibus autem non differt dominium ab vſu. Dominium autem eſt appropriatio in ſummo, ergo talia ſibi appropriant, vt cibos, & veſtes huiusmodi.

Ad primum dicendum, quod ſicut communitas rerum prius inſtituta eſt in charitatis incentiuum, ſic carentia omnis iuris proprii, vel communis Apoſtoliſ impoſita, iſtis nouiſſimis temporibus renouata eſt, ad auaritiæ extirpandam, quæ pernicioſius hodie ſerpit in bonis Eccleſiæ, quorum abuſus eſt ſacrilegium, quàm in alijs quibuſcumque. Cum ergo dicit, quia expedit, &c. Fateor inquam, & expedit, quia dicitur in Eccleſiaſtico: Non omnia omnibus expediūt, Eccl. 37. d & non

& non omni animæ omne genus placet. Vnde & A  
 1. Cor. 6. c. Apostolus talia sibi minime expedire dicit: Omnia  
 mihi licent, sed nō omnia expediunt. Cuius causam  
 addens dicit: Sed ego sub nullius redigar potestate,  
 iudicis scilicet repetendo aliquid tamquam meum.  
 Expediit ergo haberi cōmunio pro sustentatione mi-  
 nistrorum etiam egenorum. Expediit etiam modus  
 alius, his qui nolunt propter possessionum multipli-  
 cationem, sub terrena redigi potestate, nil habere in  
 Hier. epist. proprio, vel communi. Vnde Hieronymus ait: Apo-  
 stolici est fastigij, perfectæq. virtutis, omnia vendere  
 8. ad De- & pauperibus distribuere, & sic leuem, & expeditum  
 metriadd cum Christo ad cælestia subuolare. Et quod additur  
 post mod. ibidem, quod sine impedimēto perfectionis, possunt  
 communia dispensari, fateor verum esse, quia vt su-  
 pra tactum est, non repugnat perfectioni quantum-  
 cumque pauperis ecclesiastica bona imperate Eccle-  
 sia suscipere dispensanda, si quantum in se est, dispē-  
 sator semper eis carere optet quoad se, vt patitur fra-  
 gilitas, districtiōem minime relaxando. Sic enim  
 dispensans oculos habet, non pro se, sed pro alijs, &  
 in habendo & habendi modo conformis est Saluato-  
 ri, vt supra patuit.

Ad secundum dicēdum, quod licet illa quibus vti-  
 tur Ecclesia, in nullius sint bonis proprietarie quo ad C  
 personam; sunt tamen propria communitatibus ec-  
 clesiarum. Vnde dicitur in Actibus Apostolorum: Nec  
 quisquam eorum ex his, quæ possidebat, aliquid  
 suum esse dicebat. ergo possidebant in communi,  
 sed non proprietarie, & pro tanto dicuntur talia in  
 nullius bonis esse. Iuxta quod dicit lex. ff. de rerum  
 dominio, quod respublica in nullius sunt bonis, ip-  
 sius enim vniuersitatis esse credūt. Non est tamen  
 viquequaque simile de proprietatibus ciuitatum, &  
 ecclesiarum.

Ad tertium idem patet. Omnia enim mobilia, qui-  
 bus ordo vtitur, sunt mere & immediate ipsius Ec-  
 clesiæ Romanæ. Sic ergo ea habere pro aliorum ne-  
 cessitate, in eo qui ingreditur per ostium Apostolico  
 more, in nullo perfectioni repugnat, vt superius est  
 ostensum.

Ad quartum dicendum, quod res quibus fratres  
 vtuntur, sunt eis communes quantum ad vsum, sed  
 tamen non quantum ad dominium. De illis sanctis  
 autem in Hierusalem constitutis dicendum est, quod  
 erant eis communia quantum ad possessionem. Alij  
 vero plurimi inter eos communem vsum illarum re-  
 rum sine dominio habuerunt, sicut Apostoli, quan-  
 do erant præsidentes illi multitudini, vt patet 12. q. 1.  
 cap. Dilectissimis.

Ad quintum dicendum, quod duplex est vsum re-  
 rum. Quidam enim vtuntur rebus auctoritate pro-  
 pria, vt domini; quidam aliena, vt serui, quia vt di-  
 cit lex. ff. de peculio, vestis qua vtitur seruus, est de  
 peculio domini. Et alibi dicit lex, quod illud, quod  
 seruo acquiritur, domino acquiritur. In vsum ergo il-  
 lorum, qui sua auctoritate vtuntur rebus, in huiusmo-  
 di non differt vsum a dominio. In vsum autem aliorum  
 differt. Quia ergo fratres Minores pro Christo ser-  
 uiles effecti sunt, vtuntur rebus quas vsum consumunt,  
 nec tamen eis dominantur: & in hoc ipsum Dominū  
 imitantur, qui cibo vescabatur alieno, in alienis do-  
 mibus continue hospitando.

Sed queritur, ex quo fratres tantum habent vsum  
 rerum, possuntne habere vsum quarumcumque &  
 Greg. li. 10. quantarumcumque rerum? Et videtur quod sic, quia  
 Mor. c. 17. teste Gregorio: Censur non est in culpa, sed affectus,  
 non lōge a ergo sufficit habere affectionem liberam, nec est vis  
 prin. de rebus siue sint magnæ, siue paræ.

Gen. 1. d. Item vidit Deus cuncta quæ fecerat, & erant valde  
 bona. Bonum autem additū bono, auget ipsum; ergo  
 carentia diuitiarum nihil facit ad perfectionem.

Item. Nonne multi sancti leguntur in vtroque te-  
 stamento, in diuitijs abundasse?

Respondeo ad quæstionem, quod cum fratres sine  
 professores altissimæ paupertatis, oportet quod om-  
 nia, quæ in eorum vsum veniunt, habeant, vt est pos-  
 sibile paruitatem, vilitatem, & asperitatem, quæ tria  
 paupertatem altissimam naturaliter consequuntur.  
 Econtra diuites habent affluentiam, gloriam, & ap-  
 parentiam, & consolationē, quæ possunt diuitijs com-  
 parari. Quia ergo paupertas inquantum est contra-  
 ria diuitijs, caret his tribus si caret diuitijs, necesse  
 est, vt paupertas altissima, vt est possibile, careat his  
 tribus in summo. Non ergo competit viris pauperi-  
 bus habere magnas areas, vel sumptuosa ædificia, aut  
 quæcūque similia, non vasa ornata, non cellaria vina-  
 ria, non promptuaria instaurata; sed vt omnia quan-  
 tum paritur fragilitas, ad paupertatis strictissimam  
 regulam reducantur. Ideo addit: Sed tamquam pe-  
 regrini in hoc saculo, & aduena.

Et ad dictum Gregorij dicendum: Fateor quidem  
 quod census non est in culpa essentialiter, vel causa-  
 liter, sed occasionaliter, quia affluentia habita illicit  
 animum possidentis. Vnde Bernardus: Hæc est ratio  
 non habendarum diuitiarū præcipue, quia sine amo-  
 re, vix aut numquam haberi possunt.

Et per hoc patet responsio ad secundum, quia om-  
 nia sunt bona essentialiter, sed occasionaliter mala  
 sunt ex humana infirmitate. Vnde in Sapientia dici-  
 tur: Creaturæ Dei in odium factæ sunt, & in tenta-  
 tionem animæ hominum, & in muscululam pedibus  
 insipientium. vnde dicit Poeta:

*Crescit amor nummi, quantum ipsa pecunia crescit.*

Ad tertium dicendum, quod aliqui sancti fuerunt  
 diuites, sed paucissimi. Vnde diuites in singulari nu-  
 mero, & cum conditione commendantur a Sapiente.  
 Beatus diues, qui inuentus est sine macula. Sed plu-  
 raliter damnantur a Christo: Væ vobis diuitibus, qui  
 habetis hic consolationem vestram. Illis tamen om-  
 nibus Christus infinite præponitur, qui se exhibuit  
 doctorē paupertatis verbo pariter & exemplo. Quod  
 autem melior elegit, magis est eligendum.

Sequitur secunda pars rubricæ: *Vadant pro eleemo-  
 syna confidenter, &c.* Sed contra hoc videtur, quia de  
 sanctis pauperibus in Hierusalem congregatis dici-  
 tur: Nec quisquam egens erat inter illos. Sed ad hoc  
 patet responsio ex prædictis in secunda rubrica, quia  
 illi pauperes non omnino districtiōem Apostolicæ  
 paupertatis profitebantur, vt visum est, inter quos  
 erant neophyti viri & mulieres, quibus subita egestas  
 perniciofa forsitan extitisset. contra Paulus pro se, &  
 sibi cōformibus ait: Vsq̃ue in hanc horam esurimus,  
 & sitimus. Et alibi: Cum enim apud vos essem, &  
 egerem, nulli onerosus fui.

Item obiicitur, licet Dominus pauper fuit, non ta-  
 men dicitur a quibusdam fuisse mendicus, vt videtur.

Item fratres mendicando, videntur gratiare alios  
 pauperes mendicos, penitus humano auxilio desti-  
 tutos.

Item dicitur: Beatius est magis dare, quàm acci-  
 pere.

Respondeo: Cum summe honorificum sit dare,  
 summa priuatio honoris est constituere se in dandi  
 impossibilitate, & necessitate mendicandi. Quia di-  
 cit Seneca: Nil carius emitur, quàm quod precibus  
 constat. Inter etiam omnium petitionum genera, ve-  
 recundissima est mendicitas. Est enim mendicare,  
 ad misericordiam hominum viuere, vt dicit Augu-  
 stinus super illud Psalmi: Nutantes transferantur fi-  
 lij eius & mendicent. Quid potest autem tam vere-  
 cundum esse, quàm in omnium Christianorum mi-  
 sericordia se ponere? Hoc sciens sanctus Franciscus  
 subdit: *Nec oportet eos verecundari, &c.* Ipse enim Do-  
 minus mendicus fuit. Vnde Augustinus super illud  
 Psalmi: Persecutus est hominem inopem, idest Chri-  
 stum, scilicet Iudas. Et quod addidit, Et mendicum,  
 illum eundem intelligere possumus, nisi forte, quia  
 dicit

Bernard. im-  
 declam. su-  
 per Ecce

nos, &c. nō  
 lōge a prin.

Sap. 14. b

Eccl. 31. a  
 Luc. 6. d

Act. 4. g

1. Cor. 4. e  
 2. Cor. 11. b

Act. 20. g

Aug. enar.  
 in Ps. 108.  
 expositione  
 2. 10. 8.

Aug. ibid.  
 Ps. 108. b

dicat mulieri Samaritanæ, Da mihi bibere. & in cruce, ait: Sitio. Amplius quamuis eius omnia essent, & ei ab omnibus deberentur, ipse tamen non est usus sua potestate talia exigendo. Non enim exegit per imperiū auctoritatis, sed per modum pauperis mendici, sicut dixit Zachæo: Festinans descende. Ibi Glossa. Non inuitatus se inuitat.

Luc. 19. a

Item tali etiam forma Apostoli processerunt quibus licet omnia deberentur, tamen ut pauperes receperunt ex misericordia sibi datum ad necessitatem.

Luc. 2. f

Item Bernardus tractans illud verbum: Cum factus esset Iesus annorum duodecim, dicit: Ut te, inquam, Domine per omnia nostrā paupertati conformares, & omnes vitæ humanæ calamitates susciperes, quasi vnus in turba pauperum, stipendium per ostia mendicabas. Huic cōcordat sanctus Augustinus, super illud producus fenum iumentis, dicit in originali: Loculi erant Iudæ proditori commissi, & illi qui conferebant in loculos, Domino conferebant, nisi forte puratis, quod Dominus ibat, & petebat, aut indigebat, cui Angeli seruiebant. Quare egere voluit, nisi ut daret exemplum montibus, ut parerent fenum? Hæc Augustinus.

Pf. 103. b

Rom. 15. f

Ad tertium dicendum, sicut dicit Apostolus: Probauerunt Macedonia, & Achaia, collationem aliquam facere in pauperes sanctorum, qui sunt in Hierusalem. Placuit enim eis, & debitores sunt eorum. Nam si spiritualium eorum participes facti sunt Gentiles, debent & in corporalibus ministrare eis. Ibi dicit Glossa, quod erant debitores, quia illi pauperes miserant eis prædicatores. Cum igitur isti pauperes fratres toti mundo mittunt prædicatores, a toto mundo possunt accipere necessaria vitæ suæ. Nulli ergo iniuriuntur in hoc, quia legis testimonio docetur, quod nulli facit iniuriam, qui utitur iure suo. Nisi forte ideo faciunt iniuriam, quia quod possunt accipere cum honore, accipiunt cum extrema confusione.

Item omnia bona Ecclesiæ Christi, & omnes superfluitates diuitum, sunt vna respublica pauperum. In participatione autem huius reipublicæ, tanto vnusquisque minus alios lædit, quanto paucioribus est contentus. Hoc faciunt fratres isti, qui cum possent viuere, sicut alij clerici in statibus honoris, & affluentia, viuunt in statu ignominia, & ærumna, mendicantes pro seipsis, sicut Paulus mendicauit, pro alijs, ut patebit in epistolis suis, scilicet in collecturis pro pauperibus faciendis.

Ad vltimum sciendum, quod si beatius est magis dare, quam accipere, beatissimi sunt qui omnia dederunt. Vnde Hieronymus: Nemo perfectius erogat, quàm qui sibi nihil reseruat.

Item si recipere diminuet de beatitudine, ergo qui magis recipiunt, magis deficiunt, & qui minus recipiunt, minus deficiunt. In hac parte tales sunt isti pauperes in toto clero ex sua professione.

Item licet dare, simpliciter beatius sit, quàm recipere; tamen cum circumstantia tantæ humilitatis recipere est beatius, quàm dare. Vnde Dominus suos discipulos ad receptionem informauit, quos nudos per sæcula destinauit. Vadant fratres pro eleemosyna confidenter, nec oportet eos, verecundari, quia Dominus noster se fecit pauperem in hoc mundo. Sed gloriantur, quia datum est eis pro nomine Iesu contumeliam pati, nihil habentibus, in hoc mundo.

Sed pro tertio addit: Hæc est illa celsitudo altissimæ paupertatis, & cetera. Quare altissimæ, nisi quia a mundo remotissimæ, & per consequens cælorum regno summe vicina? Illi etiam vitæ æternæ, ut est possibile, simillimæ, ubi nihil terrenum est proprium, vel commune. Vnde subdit: Quæ vos charissimos fratres meos heredes, & reges regni cælorum instituit. Ideo heredes, quia omnia dimittentibus pro regno cælorum, promittitur gloria æterna. Ideo reges, quia solutione facta plenaria pro re emenda. Idcirco in Mat-

thæo dicitur: Beati pauperes spiritu, quoniam ipsorum est regnum cælorum. Sunt ergo tamquam Domini cælorum, quia cuncta dederunt propter Deum quamuis nondum sunt in eius possessione. Hunc autem modum acquirendi regnum addit dicens: Pauperes rebus fecit, & virtutibus sublimauit. ad hoc enim ordinatur paupertas ista, ut soluto per eam prohibente virtutis sanctitas augeatur. Studeant ergo isti pauperes, sicut sunt ceteris arctiores in paupertate, sic sint præ ceteris in omnibus celsiores. Hæc sit portio, vestra, quæ perducit in terram viuentium, eo ipso quo in terra morientium, nihil quaerunt. Cui dilectissimi totaliter inhaerentes, ut omnia quæ in usu fratrum sunt, hanc prædicent paupertatem. Nihil aliud pro nomine Domini nostri Iesu Christi, in perpetuum sub calo, habere velitis. Ipse enim ita pauper extitit, quod nihil habuit, quo posset eum diabolus spoliare, ut supra patet.

Mat. 5. a

Sed quia sic fratribus depauperatis, necessaria est fraterna consolatio: addit: Et vbicumque sint fratres, ostendant, & cetera. Ostendens qualiter se debent habere ad alios. Et primo ad sanos, & consequenter ad ægros. Circa primum informat eos ad veram non ad fictam charitatem, & hoc in duobus. Primo quod ad familiarem, affabilem, & socialem dilectionem. Secundo quo ad necessitatum omnium releuationem. Dicit ergo: Vbicumque sint, in domo, siue extra domum, & se inuenerint fratres, ostendant se domesticos inuicem inter se, non solum publice, sed familiariter & secrete, & ideo ait, inter se. Pro secundo addit, & secrete manifestet vnus alteri necessitatem suam, secrete, inquit, sicut filius matri suæ. Vnde addit, quia si mater nutrit, & diligit filium suum carnalem, quanto diligentius debet quis diligere affectu, & nutrire, scilicet effectum fratrem suum spiritualem? consequentia patet, quia amor gratuitus, scilicet charitatis, fortior est amore carnali. Tum quia charitas superat mortis innatum horrorem. Tum quia charitas habet fundamentum sui bonum infinitum, propter quod nihil finitum præualeat contra eam. Hæc autem exhortatio ex illa regula Euangelica trahitur: In hoc cognoscunt omnes, quod mei estis discipuli, si dilectionem habueritis ad inuicem. Item: Et tu aliquando conuersus cōfirma fratres tuos. Sed pro ægrotis subdit: Et si quis eorum in infirmitatem ceciderit, alij fratres debent ei seruire, sicut vellent sibi seruire. Et hoc etiam ad eandem charitatem pertinet. Vnde in Ecclesiastico dicitur: Non te pigeat visitare infirmos, ex his enim in dilectione firmaberis. Vnde Saluator ait: Omnia quæcumque vultis, ut faciant vobis homines, & vos eadem facite illis, & cetera.

De amore carnali. Tum quia charitas superat mortis innatum horrorem. Tum quia charitas habet fundamentum sui bonum infinitum, propter quod nihil finitum præualeat contra eam. Hæc autem exhortatio ex illa regula Euangelica trahitur: In hoc cognoscunt omnes, quod mei estis discipuli, si dilectionem habueritis ad inuicem. Item: Et tu aliquando conuersus cōfirma fratres tuos. Sed pro ægrotis subdit: Et si quis eorum in infirmitatem ceciderit, alij fratres debent ei seruire, sicut vellent sibi seruire. Et hoc etiam ad eandem charitatem pertinet. Vnde in Ecclesiastico dicitur: Non te pigeat visitare infirmos, ex his enim in dilectione firmaberis. Vnde Saluator ait: Omnia quæcumque vultis, ut faciant vobis homines, & vos eadem facite illis, & cetera.

Ioan. 13. d

Luc. 22. d

Eccli. 7. d

Mat. 7. b

# De penitentia fratribus peccantibus imponenda. Cap. VII.

Siqui fratrum instigante inimico mortaliter peccauerint, pro illis peccatis de quibus ordinatum fuerit inter fratres, ut recurratur ad solos Ministros prouinciales, teneantur prædicti fratres ad eos recurrere quàm citius poterunt sine mora. Ipsi vero Ministri si presbyteri sunt, cum misericordia iniungant illis poenitentiam. Si vero presbyteri non sunt iniungi faciant per alios sacerdotes ordinis, sicut eis secundum Deum melius videbitur expedire, & cauere debent, ne irascantur, & conturbentur propter peccatum alicuius: quia ira & con-



conturbatio in se, & in alijs impediunt charitatem.

## EXPOSITIO.

**S**i qui fratrum instigante inimico mortaliter peccauerint. Stabilis duobus ciuitatis lateribus ex sex partibus figuratis, hic agitur de tertio latere Occidentali. Et hæc pars habet tres partes, quia in prima agitur, de lapsorum releuatione a casu fugientium. In secunda agitur de principali ordinis gubernatione, & pertinentibus ad totius ordinis immobilem statum. In tertia agitur de erectione aliorum a casu, prædicando verbum diuinum. Prima pars habet tres. Primo enim tangitur peccatorum debita ponderatio. Secundo eorumdem ordinata correctio, ibi: *Ipsi vero ministri si presbyteri sunt*. Tertio subditur ministrorum propria informatio, ibi: *Et cauere debent*. Dicit ergo sic: *Si qui fratrum instigante inimico, &c.* Quanto enim aliquis maius habuerit studium perfectum, tanto fortioribus contra eum machinatur insidijs. *Mortaliter peccauerint*, quod fit in omni voluntaria transgressionem præcepti legis diuinæ, & disciplinæ. *Pro illis peccatis de quibus ordinatum fuerit inter fratres, ut recurratur ad solos Ministros prouinciales*, iuxta quod Dominus electionem demoniorum suis miraculis seruauit. *Teneantur prædicti fratres ad eos recurrere, quam citius poterunt sine mora*. Hoc de notorijs tantum peccatis intelligitur, quia quæ secreta sunt non sunt publicanda. Grauius enim est peccatum, quod in scandalum aliorum publice perpetratur, quam occultum, ceteris paribus; & ideo grauius est puniendum.

Luc. 8.

Ezec. 34. a

Psal. 4. a

1. Ioan. 3. c

Sequitur secundum: *Ipsi vero ministri si presbyteri sunt*: quod regulariter est tenendum, cum habeant curam animarum, & per consequens habeant vultus pecorum suorum cognoscere, & in fide ac moribus ordinare. Istud autem dictum est pro ordinis principio, in quo erat raritas sacerdotum. Maxime quia sanctus Franciscus ex humilitate legitur sacerdotium fugisse, sicut & sanctus Benedictus. *Cum misericordia inuigant illis penitentiam*. Cum misericordia, inquit, ne eueniat quod dicitur. Cum austeritate imperabatis eis, & cum potentia, & dispersus est grex meus eo quod non esset pastor. *Si vero presbyteri non sint, iungi faciant per alios sacerdotes ordinis*. Pro tertia parte subdit: *Et cauere debent ne irascantur*. Ira quæ est habitus cum assensu liberi arbitrij in malevolentia. Hoc idcirco dixerim, quia vitare omnes passiones surreptitias iræ non est in hominis potestate. Sufficit autem voluntatis rectitudinem custodire, & motus huiusmodi rationabiles circa consensum viriliter cohibere. Vnde Psalmus: *Irascimini & nolite peccare*. *Et conturbentur*, idest turbulenti & terribiles efficiantur, subditis suis, propter peccatum alicuius, quia ira & conturbatio, in se & in alijs impediunt charitatem, quæ est vita cordis, ut ait Ioannes: *Qui odit fratrem suum, homicida est*. Non autem prohibet, iram per zelum, quæ virtus est necessaria in peccatis corrigendis.

De electione Generalis ministri huius fraternitatis, & de Capitulo Pentecostes.

Cap. VIII.

Vniuersi fratres vnum de fratribus istius religionis teneantur semper habere Generalem ministrum & seruum totius fraternitatis, & ei teneantur firmiter obedire. Quo decedente electio successoris fiat a Ministris prouincialibus, & custodibus in Ca-

pitulo Pentecostes, in quo prouinciales Ministri teneantur semper insimul conuenire, vbicumque a Generali ministro fuerit constitutum. Et hoc semel in tribus annis, vel ad alium terminum maiorem vel minorem, sicut a prædicto ministro fuerit ordinatum. Et si aliquo tempore appareret vniuersitati Ministrorum prouincialium & Custodum, prædictum ministrum non esse sufficientem ad seruitium, & communem vtilitatem fratrum; teneantur prædicti fratres quibus electio data est, in nomine Domini alium sibi eligere in custodem. Post Capitulum vero Pentecostes, ministri & Custodes possint singuli si voluerint, & eis expedire videbitur, eodem anno in suis custodijs semel fratres suos ad Capitulum conuocare.

## EXPOSITIO.

**V**niuersi fratres vnum de fratribus istius Religionis, &c. Hic secundo prouidetur aduersus Occasum principalis ordinis gubernatio, quantum ad quatuor. Primo quantum ad Generalis ministri perfectionem & electionem. Secundo quantum ad capituli Generalis celebrationem, ibi, *Quo decedente*. Tertio quantum ad absolutionem ministri inutilis, ibi, *& si aliquo tempore*. Quarto quantum ad celebrationem capituli prouincialis in singulis prouincijs, ibi, *Post capitulum vero Pentecostes*. Dicit ergo pro primo sic, *Vniuersi fratres, vnum de fratribus istius religionis teneantur semper habere Generalem ministrum, & seruum totius fraternitatis*. vnde in Ecclesiastico dicitur: *Circa illum corona fratrum, quasi plantatio cedri in monte Libano*. In his autem verbis, tangit eius auctoritatem in nomine generalitatis. Tangit etiam humilitatem cum dicit, *Ut sit seruus totius fraternitatis*, ut, scilicet qui dum subditus erat obediebat vni, aut duobus, sciat se electum, in Generale ministrum, debere omnium necessitatibus obedire. Tangendo autem eius auctoritatem, & humilitatem notat etiam vnitatem, dicens, *Vnum de fratribus*. Quia sine vno capite, nulla respublica stare bene potest. Vnde vnus Apostolum Dominus præfecit ceteris. Item in Ezechiel dicitur: *Suscitabo super eas pastorem vnum, qui pascat eas seruum meum Dauid*. Omne enim regnum in se diuisum desolabitur. Pro secunda particula addit: *Quo decedente, & fuerit ordinatum*, quia pro diuersis necessitatibus, oportet temporis spatium variare. In exemplum huius capituli, congregati discipuli receperunt Spiritum sanctum, ut habetur, in Actis. Et pro tertia parte addit: *Et si aliquo tempore, appareret vniuersitati Ministrorum prouincialium & Custodum, sine personarum acceptione, & nationum, teneantur prædicti fratres quibus electio data est in nomine Domini alium sibi eligere in Custodem*. Hoc nomen Custos, actum dicit, & non gradum, sicut nomen Seraphin actum dicit, & non ordinem. Vnde in Isaia dicitur: *Volauit ad me vnus Seraphin*. Pro quarta particula addit: *Post Capitulum vero Pentecostes*. Non negat quin possint etiam capitula prouincialia alijs annis celebrare, sed de isto fit specialiter mentio, quia est præ ceteris necessarium, ut ordinationes generales Capituli, per Capitula prouincialia celeriter publicentur, & ut possit de absolutis ministris prouincialibus prouideri.

Eccl. 50. b

Ezec. 34. a

Mat. 12. b

Act. 2. a

Isa. 6. c

Fratres

*De Prædicatoribus. Cap. I X.*

Fratres non prædicent in Episcopatu alicuius Episcopi, cum ab eo illis fuerit contradic- tum. Et nullus fratrum populo pe- nitus audeat prædicare, nisi a Ministro ge- nerali huius fraternitatis fuerit examina- tus & approbatus, & ab eo sibi officium prædicationis concessum. Moneo quoque & exhortor eosdem fratres, ut in prædica- tione quam faciunt sint examinata & ca- sta eorum eloquia ad utilitatem & ædifi- cationem populi, annuntiando eis vitia & virtutes, poenam & gloriam cum breuitate sermonis: quia verbum abbreviatum fe- cit Dominus super terram.

## EXPOSITIO.

**F**ratres non prædicent in Episcopatu alicuius Episco- pi, &c. Hæc est tertia pars, in qua agitur de præ- dicatione fratrum, pertinente ad Leuiticum extirpan- dum, ut est mensa in latere Aquilonis, ut dicitur in Exodo. Et hæc pars habet duas partes, quia primo agit de pertinentibus ad prædicationis auctoritatem. Secundo ad prædicationis utilitatem, & maturitatem, ibi: *Moneo quoque fratres*. Et quoniam prædicaturi fulciuntur duplici auctoritate, scilicet prælatorum sæ- cularium, quibus sunt greges commissi, & prælato- rum ordinis, per quos habet de personis idoneis pro- uideri; pro primo dicit sic: *Fratres non prædicent in Episcopatu alicuius Episcopi, ubi eis fuerit contradic- tum*. Hoc ideo dicitur, quia fratribus iste gradus licentiæ debet sufficere, quia præsumitur eum consentire si non contradicatur. Vnde Gregorius 22. Moralium: *Pij pastoris mens quia non propriam gloriam, sed auctoris sui querit, ab omnibus vult iuuari*. Fide- lis namque prædicator optat, ut si fieri valeat, ve- ritatem quam solus loqui non sufficit, ora cuncto- rum sonent. Hæc Gregorius. Vnde in Luca dicitur: *Vidimus quendam in nomine tuo demonia eiicien- tem, & prohibuimus eum, quia non sequitur te no- biscum*. Et ait ad illos: *Nolite prohibere, qui enim non est aduersus nos, pro nobis est*. Simile legitur in Numeris. Ne igitur impedimentum esse possit ver- bi Dei expectatio licentiæ expressæ, ut ostendatur præ- sumptam licentiam sufficere his dumtaxat, quorum prædicatione est per sedem Apostolicam approbata, lo- quitur negatiue, in principio dicens: *Fratres non præ- dicent in Episcopatu alicuius*. Sed ponamus quod Epi- scopo, attentante & approbante prædicationem fra- trum, aliquis inferior prælatus repellat eum in paro- chia sua. Numquid contra voluntatem eius debent ibidem prædicare? Et videtur quod non, quia om- nis auctoritas concessa a quocumque iudice, intelli- gitur concedi sine præiudicio, sed prædicare in alie- nis inuito curam habente, est in præiudicium pro- prii pastoris. ergo nullum priuilegium suffragatur fratribus ad prædicandum plebi, contradicente pro- prio pastore.

Item saltem nullus debet audire confessionem ali- cuius, parochiani alterius, quia per hoc impeditur ne possit agnoscere vultum pecorum suorum con- trarium illud Proverbiorum: *Diligenter agnosce vultum pecoris tui*.

Respondeo. Cura pastoralis non est dominium, sed dispensatio, & officium Ecclesiasticæ potestatis. Vnde hierarchia secundum Dionysium est potestas

A ordinata, ad dispensandum sacre omnia potestati sub- iecta. In potestatibus autem ordinatis, quidquid po- test inferior, etiam potest superior, & non econuerso. Vnde & ipse hierarcha habet totam potestatem in se ordinatam, quæ est hierarchia per varios gradus di- stributa. Vnde nominans hierarchiam, nominat om- nem hierarchicam potestatem. Vnde docet Diony- sius 1. Ecclesiasticæ hierarchiæ, quod licet ille hierarcha alijs tradat sibi subditis potestatem, manet tamen apud eum ordinaria potestas, ad agenda omnia quæcunque per sibi subditos fieri possunt, ad salutem fidelium procurandam. Et quia quidquid potest ex ordinaria potestate seu auctoritate, potest alteri committere, &

B quod potest per se, potest per alium in adiutorium sibi subditum potestatum mittere opitulationes, quo- tienfcumque sibi videtur expedire. alioquin nimis pe- riclitaretur status Ecclesiæ, si Papa, vel inferior hier- archa videns sibi subditis curæ non sufficere, nec se- ipsum posse omnibus adesse, non posset viros idoneos mittere vice sua. Vnde si sacerdos curam habens no- lit admittere fratrem missum canonice peccat mortali- ter. Vnde Apostolus: *Qui potestati resistit, Dei ordi- nationi resistit*. Si igitur resistat sacerdos, nitatur frater cum humilitate allicere, quod si non possit, nisi

C scandalum imminet, debet frater prædicationis of- ficiū exercere. Quod si omnino se sacerdos irra- tionabiliter opponat, vehemens est præsumptio con- tra ipsum, cedendum est ad tempus malitiæ ne scanda- lum suscitetur, & denuntiandum est hierarchæ pericu- lum animarum. Cum ergo dicit, quod in præiudiciū sacerdotis, dicendum quod non: quia nulli facit iniu- riam, qui vititur iure suo. Non ergo iniuriatur Epi- scopus mittendo opitulationem, cum hoc facere pos- set de iure, ut supra visum. Nec iniuriatur opitulans illi, quæ iuuat in sarcina supportanda, pro tanto enim minuitur sacerdoti curam habenti pondus in distri-

D cto iudicio Dei, quantum ab illo supportatur. Et quod dico de prædicatione, intelligo etiam de confessioni- bus audiendis. Possunt enim fratres Apostolica or- dinatione in priuilegijs ordinis expressa, audire cu- iuscumque sacerdotis parochianos, ipso inconsulto, vel etiam contradicente, si auctoritatem habeant ab Episcopo audiendi. Et quia curia Romana hoc de- terminat, hæreticum est aliud pertinaciter affirmare. Sicut patet distin. 22. cap. Omnes. Patet etiam Papam posse alia in Ecclesia ordinare, quia certum est, quod distinctio curarum, & collatio iurisdictionum ab au- thoritate processit Ecclesiæ Romanæ. Ergo quando- cumque videtur ei ad salutem fidelium aliud expedi- re potest aliud ordinare dicente Augustino, quod hoc solum recte agitur, ut vita hominum corrigatur.

Ad obiectum de agnitione vultus, respondeo, quod si sacerdos proprius scire possit, & vellet sufficiens consiliū super subditos impendere, nullus sanæ men- tis quæreret immiscere se confessionibus ad ipsum non pertinentibus, audiendis. Certum est autem, quod quidam sacerdotes omnes suos subditos audire non possunt propter multitudinem subditorum. Vnde cum ipsi soleant sibi alios adiungere sacerdotes com- mensales, vel extraneos ad tempus vocare, pro illis

F audiendis, quos ipsi nolunt, vel nesciunt, vel nō pos- sunt audire, impiū est dicere ipsum hoc posse, & Epi- scopum non posse. Potest igitur Episcopus aliquos mittere in adiutorium sacerdotum, propter ipsorum impotentiam, ignorantiam, vel acediam, qua tepidi sunt in discutiendis conscientijs subditorum. Nec propter hoc tantum, scilicet propter insufficientiam sacerdotum in aliquo prædictorum trium, immo etiā propter maius bonum: quia in maiorem feruorem penitentiarum excitantur multi ex prædicatione & ex- emplis fratrum, quam plurimorum aliorum. Potest au- tem nihilominus sacerdos agnoscere vultus pecorum suorum, vel quantum ad exteriorem conuersationem, vel quantum ad conscientias subditorum suorum, si

G g post.

Rom. 13. a

postquam fuerint fratri confessi, dicant in foro conscientiae sacerdoti se confessos fuisse: quoniam in foro conscientiae pro se, & contra se cuilibet est credendum, & aliqua etiam interim venialia emergentia dicere. Quamquam non esset malum, immo certe plurimum expediens, omnem confessionem reiterare, pro benedictione duplici acquirēda, nisi forte sacerdos ille esset ignarus plurimum, aut reuelator confessionis, aut sollicitator ad peccandum, aut simoniacus, aut aliter scelerosus, quo pateat ipsum, ut malae conscientiae hominem non habere zelum Dei, pro alijs dirigendis. Impium est autem non credere audito a fratre, cum credat audito a saeculari alio sacerdote, vel dicere quod frater impediatur agnitione vultus, quam non impedit alius saecularis.

In omnibus autem confessionibus audiendis consulo auditores fratres, prius inquirere, qua de causa declinat auditorium proprii sacerdotis, & nisi eos inueniant pie motos & rationabili causa ductos, remittant eos ad proprios sacerdotes. Retrahuntur aliquando enim peccatores saltem ad tempus verecundia, ab ausu peccandi, in aspectu & praesentia proprii sacerdotis, si bonus est, eorum scelera cognoscentis. Sed quia hoc rarum est, non sunt propter hoc particulare rarum bonum alia innumera dimittenda, quae per auditum fratrum, vel aliorum Deum timendum procurantur.

Pro auctoritate habenda a praelatis ordinis subdit: *Nullus frater populo penitus audeat predicare, nisi &c.* Circa quod notandum est, quod superius dictum est, cessante causa, &c. Certum est autem, quod nullus examinandus est, nisi de cuius sufficientia non constat. Idcirco Papa regulam declarando diffinit, quod qui examinatione non indigent, non sunt ad generalem ministerium causa officij praedicationis mittendi. Aliud etiam priuilegium, examinationem committit discretis fratribus alijs, quod priuilegium non discordat ab intentione regulae, quae non intendit nisi periculis obuiare, quod (Deo gratias) excludi potest per multiplicationem litterarum per ordinem ad talem examinationem sufficientium, & melius sic pericula excludentium; quam alio modo fieret: quia discursus & viarum multiplicium pericula sic vitantur. Sic Dominus ipse Christianae Religionis institutor primo solus vocauit & informauit discipulos, secundo per alios Ecclesiam dilatauit. *Moneo quoque & exhortor ipsos fratres, ut in praedicatione quam faciunt, ergo nullus debet predicare, nisi sciat ipse sermonem facere, & sufficienter disponere.* Vnde subdit; *Sint examinata*, non temere ac sine deliberatione prolata, non sint noua ac suspecta, sed casta eorum eloquia. Psalmista: Eloquia Domini eloquia casta. Haec autem castitas excludit corruptionem falsitatis & immissionem non solum enormitatis, immo etiam omnis vanitatis seu verbi risum prouocantis, seu fastum aut impetum praetendentis. Excludit etiam corruptionem intentionis. Vnde Apostolus ait: Non enim sumus, sicut plurimi adulterantes verbum Dei, sed ex sinceritate, sicut ex Deo, coram Deo, in Christo loquimur. Ex Deo, contra falsitatem; coram Deo, per maturitatem; in Christo, per puritatis intentionem. Secundo describit eam per causam finalem. Vnde subdit: *Ad vilitatem, & adificationem populi.* *Vilitatem*, in malo vitando: *adificationem* in bono faciendo. *Populi* dicitur, ne tantum praesumant, quod pauperibus & simplicibus praedicare contemnant. Sed pro causa materiali subdit: *Annuntiando eis vitam & virtutes*, quantum ad vitam praesentem, *pacem, & gloriam*, ad vitam futuram. quod dicit ne praedicent, scilicet seipsos ut suam philosophiam ostendant, & fimbrias magnificet. Pro causa formali, subdit: *Cum breuitate sermonis.* Haec breuitas excludit verborum ambages & sententias inuolutas, verba etiam ardua super capacitatem audientium, hoc pa-

Psal. 11. b

2. Cor. 2. d

tet per illud quod sequitur: *Quia verbum abbreviatum fecit Dominus super terram.* Ista enim abbreviatio non excludit, cum expedit, sermonis prolixitate, quia Dominus ipse aliquando prolixè praedicauit, sicut patet in Ioanne, & Matthaeo. Sed breuitas dicitur ibi restrictio omnium legalium, ad vnum Christum. Item exclusio caerimonialium & commendatio moralium. Item breuitas est charitas, quae continet in se totam legem ad litteram. etiam studendum est, breuitati, quia prolixitas generando fastidium, auditores pluries retrahit ab auditu. Ex isto capitulo patet, quod fratribus ex intentione beati Francisci, incumbit studere, quia sine studio non possunt verba modo debito examinare. Patet etiam quod fratres ex sua professione habent praedicare, in quorum regula inter omnes specialis tractatus de praedicationis officio continetur. vnde certissime constat, quod nullis alijs religiosis plus competit praedicare ex ratione status sui, quam his, qui hanc regulam profitentur.

Ioan. 12. c  
Matt. 15. b

## De ammonitione &amp; correctione fratrum.

Cap. X.

Fratres qui sunt Ministri & serui aliorum fratrum visitent & moneant fratres suos, & humiliter & charitatiue corrigant eos, non praecipientes eis aliquid quod sit contra animam suam & regulam nostram. Fratres vero qui sunt subditi, recordentur quod propter Deum abnegauerunt proprias voluntates. Vnde firmiter praecipio eis, ut obediant suis ministris in omnibus, quae promiserunt Domino obseruare, & non sunt contraria animae & regulae nostrae. Et vbicumque sunt fratres, qui scient & cognoscerent se non posse regulam spiritualiter obseruare, ad suos Ministros debeant & possint recurrere. Ministri vero charitatiue & benigne eos recipiant. Et tantam familiaritatem habeant circa ipsos ut dicere possint eis & facere sicut domini seruis suis. Nam ita debet esse quod Ministri sint serui omnium fratrum. Moneo vero & exhortor in Domino Iesu Christo, ut caueant fratres ab omni superbia, vanagloria, inuidia, auaritia, cura, & sollicitudine huius saeculi detractione & murmuratione. Et non curent nescientes litteras, litteras discere, sed attendant quod super omnia desiderare debent habere spiritum Domini, & sanctam eius operationem, orare semper ad eum puro corde, & habere humilitatem & patientiam in persecutione, & in infirmitate, & diligere eos, qui nos persequuntur, & reprehendunt & arguunt, quia dicit Dominus: Diligite inimicos vestros, & orate pro persequentibus & calumniantibus vos. Beati, qui persecutionem patiuntur propter iustitiam, quoniam

Matt. 5. 8

Matt. 5. 4

quoniam ipsorum est regnum cælorum. **A** Qui autem perseuerauerit vsque in finem, hic saluus erit.

## EXPOSITIO.

**F**ratres qui sunt Ministri, & serui aliorum fratrum, &c.

Descriptis tribus huius ciuitatis lateribus, hic describit latus quartum totum vergens ad Austrum, & etiã ad interiora Austri. Et hæc pars habet tres, quia prima pars docet seruare omnem virtutis perfectionem præcipue charitatis. Secunda docet seruare famæ sinceritatem a maculis præcipue fœditatis. Tertia sitientibus martyrium aperit aditum, docens infidelibus se iungere domesticis abdicatis. Prima pars habet octo, quia primo imponit Ministris Prouincialibus diligentiam curæ. Secundo imponit subditis districtiorem obedientiã, ibi: *Fratres vero, qui sunt subditi*. Tertiõ fratribus grauatis dat remedium, ibi: *Et ubicumque sunt*. Quarto circa hoc subdit informationem Ministrorum, ibi: *Ministri vero benigne*. Quinto subdit informationem omnium fratrum ad vitæ peccatorum præcipue spiritualium, ibi: *Moneo vero*. Sexto informat eos ad deuotionis spiritum, & orationis exercitium, ibi: *Sed attendant*. Septimo ad tolerantiam iniuriarum, & aliorum grauaminum, ibi: *Et habere humilitatem, & patientiam*. Octauo ad charitatis complementum, ibi: *Et diligere eos, qui nos, &c.*

Dicit ergo primo: *Fratres, qui sunt Ministri, & serui aliorum fratrum*. Ministri in spiritualibus, & serui in temporalibus. *Vsque*, socialiter, & moneant, iudicialiter ex dicto Saluatoris Petro: Et tu aliquando conuersus, confirma fratres tuos. Et hoc ad beneficiendum. *Humiliter*, non imperiose, & charitative, non contumeliose contradicentes, vnde in Ezechiele **D** dicitur: Lateribus & humeris impingebatis, & cornibus vestris ventilabatis omnia infirma pecora, donec dispergerentur foras. *Humiliter ergo, & charitative*. Exemplo Domini dicentis: Quotiens volui congregare filios tuos, quemadmodum gallina. Ipse tamen Dominus asperæ dedit correctionis exemplum. Vnde factõ flagello de funiculis expulit ementes & vendentes. Et Petro carnali sensu ducto dixit: **Mar. 8. d** Vade retro Satanas. Durissime etiã Phariseos, & **Mat. 15. a** hypocritas increpabat. *Non præcipientes eis aliquid, quod sit contra animam suam*, vtpote inhibitu lege diuina, & regulam nostram, inhibitu lege disciplinæ.

Pro secunda parte rubricæ subdit: *Fratres vero, qui sunt subditi recorderentur, quod propter Deum abnegauerunt proprias voluntates*. Propria voluntas est illa, quæ omnino diuino imperio non ligatur, vel superiori regulæ non adhæret. *Vnde firmiter præcipio eis, vt obediunt suis Ministris*, & omnibus prælatis ordinis. Et dicit: *Suis*, vt de Prouincialibus, & alijs prælatis immediatis se loqui ostendat hic, qui supra de obedientia ad Generalem Ministris in primo cap. est locutus. *In omnibus, quæ promiserunt Domino obseruare*, supple, explicite, vel implicite. *Et non sunt contraria animæ suæ & regulæ nostræ*, hoc supra expositum est.

Sequitur pro tertia parte: *Et ubicumque sunt fratres, qui sciunt*, se per experientiam: & cognoscerent per rectum iudicium, se non posse regulam spiritualiter obseruare, hoc est in his præcipue quæ spiritualia sunt, vt tranquillitas cordis, & puritas conscientie. *Non posse*, inquit, vel propter tentationum grauitatem periculofam, vt in consortio mulierum, vel non posse, quantum ad corporis necessaria, si non possint habere alicubi salua ordinis puritate, vel propter similia. *Ad suos Ministros debeant recurrere*. Qui debent esse refugium afflictorum vice Domini d. c. **S. Bon. Tom. 7. Pars iiij.**

**Mat. 11. d** tis: Venite ad me omnes, qui laboratis, & onerati estis, & ego reficiam vos. Recurrere, inquam, per se, vel per nuntium forma statutorum ordinis obseruata in eundo, quia istud debitum non est exemptum ab obedientia statutorum.

Sequitur pro quarta parte, *Ministri vero charitative in corde, & benigne in vultu, & sermone, eos recipiant, & tantam familiaritatem habeant circa eos*, hoc est tam familiares seipso exhibeant, vt dicere possint eis, fratres ad eos recurrentes, & facere sicut domini seruis suis. In hoc verbo, *Sicut domini*, Ministri informantur ad humilitatem, vt se quasi seruos imaginentur fratrum aliorum esse. Et omnia verba imperium resonantia fileant, & facta dominatû prætendentia penitus deferant, exemplo illius, qui dixit: Qui maior est in vobis, fiat sicut minor, & qui præcessor sicut ministrator. Cum igitur dicitur, vt dicere possint & facere. Informatio est Ministrorum, ne factõ, aut verbo prætendant fastum, qui possit repellere subditos a fiducia ad Ministros in necessitatibus recurrendi. Non est autem intelligendum verbum, quod subditis detur occasio, superbiendi per nimiam humilitatem Ministrorum, ne, sicut dicit Gregorius, **Greg. 2. par** dum nimis seruatur humilitas, regedi frangatur auctoritas. Vnde qui dixit: Qui maior est vestrû, &c. **se cu. pasto** non dixit: Qui minor est, fiat sicut maior. Nam ita debet esse, quod Ministri sint serui omnium fratrum. Serui quidem in his præcipue, quæ ad salutem pertinent animarum. Vnde Dominus: Ego in medio vestrum sum tamquam qui ministrat. **ral. c. 6.**

Sequitur pro quinta parte, in qua tangit octo genera peccatorum, dicens: *Moneo vero & exhortor in Domino Iesu Christo, vt caveant fratres ab omni superbia*, quia vt dicit Augustinus super illud Psalmi: In ira consummationis. Alia vitia in malefactis timenda sunt, superbia in benefactis plus metuenda est. **Aug. enar.** *Ab omni*, inquam, *superbia* cordis, conuersationis, sermonis, & operis, *vanagloria*, quæ oritur ex superbia, hoc est fratribus necessarium. Vnde Hieronymus super Matthæum: Eleganter in quodam volumine scriptum legimus: Ne quæras gloriam, & nō dolebis cum inglorius fueris. **in Psal. 58.** *Inuidia*, quæ infallibiliter superbiam comitatur. Vnde Augustinus super illud Psalmi: Superbiæ est comes inuidia; fieri enim non potest, vt superbus non inuideat. **conc. 2. 10. 8** *Auaritia*, quæ consistit in cupiditate rerum terrenarum nō habiturum. Item consistit in tenacitate rerum obtentiarum quatumcūque in vsum venientium. Pro qua vltius excludenda subdit: *Cura, & sollicitudine huius sæculi*, quæ ex auaritia proueniunt. Vnde Saluator: Nolite solliciti esse. Dicendo: *Aut sollicitudine huius sæculi*, sollicitudinem sæcularem perimit, vt spirituale sollicitudinem non excludat, quæ in procuranda animarû salute præcipue exercetur. Inhibendo etiã sollicitudinem huius sæculi, curiositatē illorum percutit, qui immoderate student in sapientia sæculari. In culpam auaritiæ & sollicitudinis nimietatē, incidunt omnes superfluitates librorum, aut vestium, aut ædificiorû, aut similibus. Quæ auaritia nunc est damnabilis, cum in grauamen aliorum pauperum, elemosynę in talibus superuacue cōsumuntur. **Hieron. in c. 5. Matt.** *Detractione*, quæ oritur præcipue ex inuidia, & odio, ideo excludendo detractionem, odium etiã & iram excludit. **Aug. ibid.** *Et murmuratio*, quæ ex impatientia & iudiciorum temeritate procedit, omnia vitia spiritualia, quæ religiosos fragiles comitari solent, hæc excludit excepta acedia, quam in suo cōsequenter opposito dissuadet. Curiositatem etiã laicorum cohibet, dicens: *Et non curēt nescientes litteras*, id est laici litteras discere. In quo verbo curiositatē cohibet, non tamen inhibet, quia ipsi teneantur litteras discere, si fuerit eis imperatum.

Sed cum ista sint mortalia, puta in lege Dei prohibita quare hic ea monitorie exhortantur? Ad quod dicendum, quod in omni genere capitalium peccatorum

torum aliquid est mortale, & aliquid est veniale. Mortale est omne peccatum quo aliquid appetitur supra Deum. Hoc autem supra Deum appetitur, quando aliquis pro re temporali desiderata obtinenda, velle aliquid peccatum mortale committere, quasi eam non possit aliter obtinere, vel pro re iam obtenta non amittenda, prius velle peccatum mortale committere, quam ipsa carere. Hæc autem docet sanctus Augustinus: Hoc est enim habere Christum in fundamento, nihil Christo præponere, sed in omnibus eius præponere præceptoriam voluntatem. Qui igitur excellentiam vel vanam gloriam inordinate appetit, ita tamen quod Deum sibi in corde præponit, nec aliquid contra Deum faceret pro gloria assequenda, superbus est, sed non criminaliter. & propter istam distinctionem admonemur omne etiam signum superbæ in gestu, habitu & sermone, & ita de alijs intellige consequenter. Qui ergo sollicitus est de sæculo contra regulæ honestatem, vel in tantum, ut illa amittat ad quæ ex lege vel voto regulæ tenetur, peccat mortaliter.

Aug. li. 21.  
de Civitate  
Dei c. 20.  
tom. 5.

De detractio est difficilius explicare. Circa quod sciendum, quod detractio est quæ verbo lædit alium, præcipue in absentia. Talis ergo aut mentitur, ut lædat, & hoc est generaliter mortale peccatum, cum sit perniciosum mendacium; aut dicit verum licet malum, & hoc potest esse tripliciter, aut enim homo dicit malum verum de alio, zelo iustitiæ, quando & ubi dicendum est, & hoc non est malum, sed bonum. Aut dicit malum desiderio & libidine vindictæ, vel odio personæ, & hoc principali intentione, & talis peccat mortaliter. Aut dicit malum scitum, ex lubricitate linguæ, & hoc non est mortale peccatum, nisi ita contra prudentiam dicatur, ut possit in scandalum redundare. Zelo autem iustitiæ potest quis dicere malum dupliciter, vel ut corrigatur, vel ut caveatur. Murmuratio est peccatum mortale cum impugnatur scienter Dei iudicia, vel superioris auctoritatem, vel cum ordinatur ad scandalum suscitandum.

Pro sexta parte subdit: Sed attendant quod super omnia desiderare debet, habere Spiritum Domini, quem supra dixit spiritum sanctæ deuotionis. Ista deuotio est pius & humilis affectus in Deum, qui ex compunctione generatur. Et sanctam eius operationem. Oratio enim dicit Spiritus operationem. Quia dicit Apostolus ad Romanos, Spiritus postulat pro nobis gemitibus inenarrabilibus, Orare semper ad Deum, puro corde. Oportet semper orare, & non deficere. Et 1. Thess. 5. c. Apostolus ait: Sine intermissione orate. Hoc autem triplicem, habet sensum, quorum duo tanguntur in Glossa, quia semper orare, est canonicas horas quotidie debito modo dicere. Item semper orat, qui semper bene agit. Tertio modo, semper orare est, spiritum deuotionis semper inuiolabiliter obseruare, quæ habita inter quasque occupationes solet gemitibus, & suspirijs, inenarrabilibus Christi clementiam implorare. Imperceptibiliter etiam ad hoc Regula (ut existimo) manuducit. Fratres igitur semper orantes, acediam a se excludunt & per ieiunium gaudij omne carnale solatium, procul pellunt, ubi cauenda est hæresis Massilianorum.

Pro septima parte addit, Et habere humilitatem, & patientiam. Præmittit humilitatem patientiæ, quia fundamentum eius est, sicut econtrario superbia est fundamentum impatientiæ. Inter superbos semper iurgia sunt. In persecutione, quæ est aduersitas ad extra, & in infirmitate, quæ est aduersitas ab intra. Et dicitur, In persecutione, quia omnes qui pie volunt vivere, persecutionem patientur. Item Apostolus dicebat: Usque in hanc horam esurimus & sitimus. Ibi Glossa: Libere, & sine adulatione veritatem prædicantes, & gesta prauæ vitæ arguentes gratiam non habent apud homines. Ad patientiam in infirmitate

pertinet, paucis obsequijs paucisque remedijs contentum esse, iuxta exigentiam paupertatis, ut memores sint fratres, quomodo olim monachi languentes, aqua frigida vix ad sufficientiam utebantur. In quo (sine graui cordis gemitu non dico) magis reperitur vitiosus, pauperes in sæculo ad Religionem venientes. De quibus Hieronymus ait: Mirum de infelici conditione plurimorum. Sunt nonnulli viles, & abiecti in sæculo, qui quotidianis laboribus se ultra vires affligentes pro victu captando, vilissime, & vix tatis fabis, & rapis, cum ordeaceo pane saturantur. Cum Christi vero ad mensam accedunt, & Christi militiam suscipiunt, suæ egestatis obliti, lautiora querunt quam milites, qui sunt assueti magnificis. Hæc autem omnia in Christi, & Apostolica vita locum non habent. Hæc Hieronymus.

In vltima parte subdit: Et diligere eos qui nos persequuntur facto, & reprehendunt irrationabiliter, & arguunt rationabiliter. Quia dicit Dominus: Diligite inimicos vestros, quanto magis amicos. Et orate pro persequentibus in facto, & calumniantibus vos, in falsi criminis impositione. Cuius rationem subdit, dicens: Beati qui persecutionem patiuntur propter iustitiam, quoniam ipsorum est regnum celorum. Qui autem persequerentur usque in finem hic saluus erit.

Quod fratres non ingrediantur monasteria monachorum. Cap. XI.

Præcipio firmiter fratribus vniuersis, ne habeant suspecta consortia vel consilia mulierum. Et ne ingrediantur monasteria monachorum præter illos, quibus a Sede Apostolica concessa est licentia specialis. Nec fiant compadres virorum, vel mulierum, ne hac occasione inter fratres, vel de fratribus scandalum oriatur.

## EXPOSITIO.

Præcipio firmiter. Hic docet fratres famæ sinceritatem obseruare a labe præcipue turpitudinis. Et hæc pars diuiditur in tres. Primo inhibet generaliter suspecta consilia omnium mulierum. Secundo cautela adhibet circa consortia monialium. Tertio inhibet occasionem spiritualium cognitionum.

Dicit ergo pro primo: Præcipio firmiter fratribus vniuersis, ne habeant suspecta consortia vel consilia mulierum. Suspectum consortium est, non solum mulieris suspectæ, immo cum omni muliere ubi locus & tempus, gestus, & aspectus, & alia laudabilia indicia suspicionem laudabiliter non excludunt, ut si locus queratur pro mulierum colloquio solitarius, aut obscurus, & tempus nocturnum, vel alias opportunum. Si gestus sit dissolutus, utpote ex nimia mulieris propinquitate, vel faciei ad eam conuersione, fixis oculis, manibus iunctis, omne tale consortium, est suspectum. Vnde suspecta sunt consortia, & colloquia prædictis circumstantijs concurrentibus. Item si solitaria sint excluso aliorum auditu, licet non visu, ex intentione, sine causa pia, maxime si sint solitarie prolongata, aut cum eadem persona sine ratione euidenti frequentata, suspecta sunt colloquia. Ad suspicionem autem mulierum facit ætas, & conditio colloquentis. Illam autem suspicionem existimo hic prohiberi, quæ fratri excitat enormis tentationis stimulum, vel quæ crimini præstat fomentum, vel quæ potest apud alios, vel alium scandalum generare. Et hic existimo omne suspectum prohiberi colloquium, quod ordinatur ad carnis immunditiam quamcumque,



que, vel quod potest huius rei scandalum, vel suspensionem probabiliter excitare. Sicut Dominus prohibendo mœchiam, prohibet non solum minorem lapsum qui est fornicatio, sed & omnem maiorem turpitudinem, qua corpus seminaliter inquinatur.

Sequitur pro secunda parte: *Et ne ingrediatur monasteria Monacharum, præter illos quibus a Sede Apostolica concessa est licentia specialis.* Hæc inhibitio de omnibus monialium domibus intelligitur. Vbi enim magis est periculum colloquij, ibi prudentius obuietur. Illæ autem moniales sancti Damiani præ ceteris mulieribus ab humanis consortijs excluduntur. licet ergo in frequentatione earum posset oriri periculum propter quandam familiaritatem fratrum minorum, & propter hoc sit licentia adeundi talia loca Sedi Apostolicæ referuata; tamen quia aliæ moniales se amplius exponunt humanis colloquijs quàm illæ, necessesse est, vt illud mandatum ad omnes monachas referatur secundum expositionem Domini Gregorij, & indulgentiam de talibus visitandis. Et sicut monachi sunt non solum collegiati verumetiam solitarij; sic & monachæ, & moniales intelligendæ sunt non solum collegiatae verum & quæ inclusæ dicuntur, & solitariam vitam agunt. Et hæc etiam visitandæ sicut collegiatae propter magis periculum solitudinis, ex tenore præcepti, vt æstimo præcedentis.

Sequitur, pro tertia parte: *Nec fiant compadres virorum, aut mulierum, &c.* Hoc idem inhihetur monachis. Et quia de similibus est ratio similis, scito hic prohiberi omne fratrum ad mulieres commercium, de quo posset fratribus scandalum generari.

*De cunctibus inter Sarracenos, & alios infideles.*  
Cap. XII.

Quicumque fratrum diuina inspiratione voluerint ire inter Sarracenos, & alios infideles, petant inde licentiam a suis Ministris prouincialibus. Ministri vero nullis eundi licentiam tribuant, nisi eis quos viderint esse idoneos ad mittendum. Ad hæc per obedientiam iniungo ministris, vt petant a Domino Papa vnum de sanctæ Romanæ Ecclesiæ Cardinalibus qui sit Gubernator, Protector, & Corrector istius fraternitatis, vt semper subditi, & subiecti pedibus eiusdem sanctæ Ecclesiæ, stabiles in fide catholica, paupertatem & humilitatem, & secundum Euangelium Domini nostri Iesu Christi, quod firmiter promissimus, obseruemus.

#### EXPOSITIO.

**Q**uicumque fratrum, &c. Hic tertio docet, in martyrio consummare, & quia martyrium nihil est nisi fiat in Ecclesiastica vnitatem; primo agit de primo. Secundo de secundo, ibi: *Ad hæc per obedientiam.*

In prima parte tangit fratrum hoc desiderio flagrantium deuotionem, & Ministrorum examinantium discretionem, dicens: *Quicumque fratrum diuina inspiratione, non leuitate, non impetuositate, non astutia subterfugiendæ disciplinæ, voluerint ire inter Sarracenos, & alios infideles, vt paganos vel hæreticos, vel schismaticos: petant inde licentiam a suis Ministris prouincialibus, quia huius rei obediencia non est inuoluntarijs imponenda.* Vnde subdit: *Ministri*  
S. Bon. Tom. 7. Pars iiij.

**A** vero nullis eundi licentiam tribuant, nisi eis quos viderint esse idoneos ad mittendum. Idonei autem sunt robusti corpore, & constantes in fide, probati virtute, & semper irreprehensibiliter conuersati.

Sequitur pro secunda parte: *Ad hæc per obedientiam iniungo Ministris, vt petant a Domino Papa, vnum de sanctæ Romanæ Ecclesiæ Cardinalibus, qui sit Gubernator in bonis agendis, Protector in oppressionibus alienis, & Corrector in delictis istius Fraternitatis: vt semper subditi, & subiecti sint pedibus eiusdem sanctæ Ecclesiæ, stabiles in fide catholica, sine qua illud martyrium nihil valeret, paupertatem contra auaritiam, & humilitatem contra superbiam, & sanctum Euangelium Domini nostri Iesu Christi, quantum ad virtutum perfectionem omnimodam, quod firmiter promissimus, idest quatenus ipsum promissimus, obseruemus.* Propterea abundantius oportet obseruare nos ea, quæ audiuiimus, ne forte perefluamus.

Quæritur de præceptis regulæ, quæ scilicet vniuersaliter intelligenda sunt præceptorie imponi, & in quibus possunt Prælati ordinis dispensare.

Ad hoc respondeo, quod regula ista præceptis est plena, & vt puto pene omnia in ea posita sunt præcepta, vbi aliquod expresse additum, vt monitionis vel exhortationis vocabulum, vel consimile aliud non declaratur. Præceptorum autem istorum, tria sunt genera: In quibusdam enim ponitur expresse præcipiendi verbum, vt præ ceteris commendatur, & illa sic transeunt in votum, vt in nullo eorum ordo valeat dispensare. Aliud est genus præceptorum, quibus additur verbum tentationis vel debiti; vel aliquod simile; ex quo obligatio declaratur. Vocabulum autem tentationis, licet obligationem importet; non tamen sic districte, sicut vocabulum præcepti ad illud faciendum ligat, cui tentationis vocabulum est adiunctum. Quod patet, quia cum homo homini teneri dicitur in aliqua pecuniæ quantitate, certum est quod tentio obligationem importat vel ad soluendum, vel ad satisfaciendum, vel alio modo, nisi debitum vellet creditor remittere debitori. Vnde licet tentio obligationem sonet, potest tamen ordo in particulari, & in casu cum aliquo dispensare in iam dictis: exceptis illis in quibus patet intentione regulæ omnino præceptorie obligare, vel quorum transgressio scandalum, vel deordinationem notabilem generaret. Verbi gratia, cum dicitur primo cap. *Alij fratres teneantur fratri Francisco, & eius successoribus obedire.* Patet quod in hoc non potest ordo in aliquo dispensare.

**E** Sic etiam 8. cap. vbi dicitur: *Vniuersi fratres vnum de fratribus istius Religionis teneantur habere semper Generalem Ministrum, Et infra eodem cap. Teneantur prædicti fratres quibus electio data est, alium sibi eligere in Custodem, & sic in similibus.* In alijs autem nonnullis, credo quod ordo potest dispensare in particulari, & in casu. Verbi gratia cum dicitur 3. cap. *Non teneantur nisi sexta feria ieiunare.* Credo quod citra manifestam necessitatem subditus teneretur ieiunium soluere, si Superior imponeret, nisi esset solutio ieiunij in scandalum aliorum. Similiter intelligo in illo verbo septimi capituli: *Teneantur prædicti fratres ad eos recurrere, & in quibusdam alijs. nihil tamen horum potest ordo generaliter immutare.* Est etiam tertium genus, vbi nec additur præcipere, nec teneri: sicut patet in secundo capit. in pertinentibus ad receptionem ad ordinem venientium, & in tertio in spectantibus ad diuinum officium, & in pluribus alijs consequenter, vbi multa essent præcepta ex intentione mandatoris, nisi eorum transgressio scandalum, & deordinationem notabilem generaret. Circa quorum dispensationem in particulari intelligo idem, quod circa præceptum secundi ordinis est prædictum. Inter quæ etiam alia, quæ non præceptorie inferuntur, nec in speciali amplius diffinitio, nisi vt omnia regulæ verba cum reuerentia recipiantur, & ipsorum

Gg 3 trans-

transgressio penitus deuitetur; cum certum sit regulam pro lege dari. nec aliquis a lege auertitur, quin ad tenebras conuertatur.

### Continuatio confirmationis Regulæ.

Nulli ergo omnino hominum liceat hanc paginam nostræ confirmationis infringere, vel ei ausu temerario contraire. Siquis autem hoc attentare præsumpserit indignationem omnipotentis Dei, & beatorum Petri, & Pauli Apostolorum eius se noverit incursurum. Datum Laterani, tertio Kalendas Decembris. Pontificatus nostri anno octauo.

### EXPOSITIO.

N<sup>ulli</sup> ergo. Hæc est pars tertia epistolæ, aliarum conclusiua, vbi duo sunt notabilia, scilicet re-

gulæ stabilitio, & temporis determinatio. Pro primo dicit: Nulli ergo omnino hominum liceat hanc paginam nostræ confirmationis infringere, vel ei ausu temerario contraire. Quod tamen faciunt detractores, regulam ipsam, & regulæ declarationem, & fratrum conuersationem, trino ordine dentium lacerantes. Vnde caueant ab eo, quod sequitur: Si autem quis hos attentare præsumpserit, indignationem omnipotentis Dei, & beatorum Petri, & Pauli Apostolorum eius, se noverit incursurum. Pro tempore addit: Datum Laterani, idest in sede Imperiali, Christi nomini consecrata, tertio Kalendas Decembris, die quinto sancti Saturnini, quæ est prima scilicet sollemnitas anni, secundum reuolutionem Romani officij, vt pateat hanc regulam esse renouatiam gaudij, quod annus benignitatis Domini introduxit: quæ est etiam vigilia sancti Andreæ Apostoli, vt sciant omnes huius regulæ obseruantiam esse vigiliam præambulam ad thronum iudicium cum gloria possidendum. Pontificatus nostri anno octauo, vt octaua gratiæ, & gloriæ commendetur. Amen.

## S. BONAVENTURAE EXIMII ECCLESIAE DOCTORIS DETERMINATIONES QUÆSTIONVM circa Regulam sancti Francisci.

Hoc tractatu respondet S. Bonaventura obiectionibus, quæ aduersus religiosos omnes præcipue contra fratres Minores fiebant: docetq. aperte his obiectionibus satisfaciendo, plura quæ dubia, & mala videntur in Regula, nec dubia, nec mala esse.

### Summa Quæstionum, quæ hoc Opusculo determinantur.

Cur tot existentibus sanctis, & approbatis ordinibus nouam regulam facere voluerit sanctus Franciscus. Quæst. I.  
Cur fratres Minores populo prædicent, & confessiones audiant, cum animarum curam ordinarie non suscipiant. Quæst. II.  
Cur fratres Minores litterarum studio vacent. Quæst. III.  
Cur fratres Minores nihil habeant proprium, nec in speciali, nec in communi. Quæst. IIII.  
Cur fratres Minores non degant in deserto. Quæst. V.  
Cur fratres Minores habent magnos conuentos. Quæst. VI.  
Cur fratres Minores plura colligant, vel seruent, quàm sufficiant ad vnius diei victum. Quæst. VII.  
Quare plura nunc petunt fratres Minores, quàm olim. Quæst. VIII.  
Quæ sit causa impatientia penurie in fine præcedentis quæstionis dicta. Quæst. IX.  
Cur non recipiuntur omnes ad ordinem. Quæst. X.  
Cur fratres Minores non laborent manibus pro

victu. Quæst. XI.  
An de qualibet Religione possit quis transire ad Religionem S. Francisci. Quæst. XII.  
An de religione S. Francisci post factam in ea professionem possit quis transire ad aliam. Quæst. XIII.  
An liceat ordini Minorum eicere aliquem pro demeritis, vel egresso penitenti, & petenti receptionem denuo denegare. Quæst. XIII.  
An omnes venientes ad Religionem S. Francisci sint recipiendi. Quæst. XV.  
Cur aliqui in Religione sint moribus prauis. Quæst. XVI.  
Cur non omnes discipuli e Religione eiciantur. Quæst. XVII.  
In quibus bona Religio cognoscatur, & una melior altera iudicetur. Quæst. XVIII.  
Quas ob causas in vita religiosa ordines deficient, & in quibusdam ceremonialibus proficere videantur. Quæst. XIX.  
Quare inter religiosos aliquando dissensiones sint. Quæst. XX.  
Religiosi quæ facta sua celare debeant. Quæst. XXI.  
Cur religiosi Ordinis S. Francisci ad mensas di-

*aitum accedant. Quæst. XXII.*  
*Quare religiosi plus honorent diuites, quàm*  
*pauperes. Quæst. XXIII.*  
*Quomodo possint fratres Minores domos, hortos,*  
*libros, &c. possidere. Quæst. XXIIII.*  
*An fratres Minores transgrediantur regulare,*

*cum pecunia qua sibi pro elemosyna erogatur*  
*per alios recipi et conseruari faciant. Quæst. XXV.*  
*An fratres Minores recipiant elemosynam ab*  
*ijs, qui iniusta lucra sectantur. Quæst. XXVI.*  
*Quare plures clerici religiosos odio habent.*  
*Quæst. XXVII.*

P R Æ F A T I O.



**M** inter alios ordines religioso-  
 rum, ordo fratrum Minorum da-  
 tus sit Ecclesie ad ædificationem  
 fidelium in fide, & moribus, per  
 verba doctrinæ, & exempla bonæ  
 conuersationis, quibus, & fideles  
 erudiantur ad imitandum, & fides  
 muniatur contra prauitatem hæreticam, sicut lucer-  
 na fugans in domo tenebras, & operantes promo-  
 uens. Vt autem eadem ædificatio afferat fructum am-  
 pliorem, necesse est ordinem ipsum quattuor orna-  
 mentis esse præditum, sine quibus, minus proficeret  
 in alijs, licet forte quo ad se aliquo illorum posset  
 carere. Primum est vita irreprehensibilis, quæ ma-  
 xime sibi met prodest, & alios ædificat. Secundum  
 scientia sacræ Scripturæ, sine qua nec secure, nec vti-  
 liter posset alios docere. Tertium est auctoritas præ-  
 dicandi, & confessiones audiendi, in quibus maxi-  
 me profunt fidelibus fratres. Quartum ratio satisfa-  
 ctoria, super quibusdam dubijs apud illos, qui non  
 intelligunt qualiter fiant rationabiliter, & licite im-  
 mo necessario & meritorie in ordine super quibus,  
 aut mirantur, aut scandalizantur, vt sciant qualiter,  
 & quomodo ista fiant rationabiliter: cum ad hoc te-  
 neamur. Nam, vt coram cæco offendiculum non po-  
 namus, opera nostra lux debent esse coram homini-  
 bus, iuxta illud Matthæi: Sic luceat lux vestra co-  
 ram hominibus. Vos estis lux mundi. Et ideo expedit  
 in lucem ponere, & rationem ostendere de his,  
 quæ non intellecta possent putari tenebræ, & per conse-  
 quens possent aliorum ædificationem de nobis ali-  
 quatenus impedire. Sicut enim artis alicuius igna-  
 rus, videt aliqua ab illius artis opificibus instrumen-  
 ta haberi, quæ non intelligit ad quid valeant: ita ple-  
 rumque sæculares, & rudes mirantur, quare spiritua-  
 les hæc, & hæc faciant; ita vt expediat aliqua ab eis  
 abscondere, non ex simulationis palliatione, sed pro-  
 cautela, ne ponatur offendiculum infirmis, & pusil-  
 li intelligentia materiam scandali inde sumant. Au-  
 fer rubiginem de argento, & egredietur purissimum  
 vas. hoc est, tolle de bono quod facis suspicionem,  
 rationem reddendo, & apparebit purum & bonum  
 quod putabatur vitiosum. Vnde Petrus dicit: Parati  
 semper ad, &c. Ipsa enim opera Dei purissima in se,  
 sæpe sunt in rudibus, & in infidelibus occasio scan-  
 dali, cum non intelligunt, & sinistre ac peruerse inter-  
 pretantur. Beatus qui non fuerit scandalizatus in me,  
 ait Dominus. & Propheta dicit: Cum sancto san-  
 ctus eris, & cum peruerso peruerteris. Vt ergo lu-  
 cerna clarius luceat, offendiculum auferas ei, & lim-  
 pidius lumen effundet.

*Cur tot existentibus sanctis, & approbatis ordinibus no-  
 uam regulam facere voluerit sanctus Fran-  
 ciscus. Quæst. I.*



**P** R I M O igitur quæritur, cum tot sancti  
 ordines, & approbatæ regulæ fuerint,  
 cur sanctus Franciscus nouam regulam  
 facere voluit, quasi non sufficerent prio-  
 rum instituta sanctorum?  
 Ad illud tibi respondeo, quod Pater S. Franciscus  
 Spiritu Dei plenus, & zelo charitatis Dei, & proximi

**A** totus ignitus, triplici desiderio flagrabat, videlicet vt  
 totus posset esse imitator Christi in omni perfectio-  
 ne virtutum. Item vt totus posset adhærere Deo per  
 assiduam contemplationis eius gustum. Item vt mul-  
 tos posset lucrari Deo, & saluare animas, pro quibus  
 Christus voluit crucifigi & mori. Et quia non suffe-  
 cit ei, vt ista in propria persona tantum ageret, voluit  
 instituere ordinem, vt multos cooperatores haberet,  
 non solum in præsentem, sed etiam in futuro, qui & san-  
 ctitatis eius imitatores existerent, & alios Deo pluri-  
 mos lucrarentur. Ordines autem quos ipse sanctus  
 Franciscus inuenit in Ecclesia, aliqua prædictorum  
 trium ex parte habebant; vt religiosi Cœnobitæ, qui  
 in studio virtutum Christi imitantur vestigia: Ere-  
 mitæ, qui contemplationi diuinæ frequentius vacant,  
 & Clerici rectores plebium, qui animarum curâ ha-  
 bentes ex officio, lucris animarum omni vigilantia in-  
 tendere debent. Et quia hæc tria simul inuenit in nul-  
 lo ordine, Spiritu sancto edoctus nouam condidit re-  
 gulam, & nouum ordinem instituit, quo in possessio-  
 ne Euangelicorum consiliorum, obedientiæ, videli-  
 cet, & castitatis, & abdicatione proprietatis, Christi  
 vestigia sequeretur, & in officio prædicationis & cō-  
 fessionis animarum lucra utiliter quæreret, & in al-  
 tissimæ paupertatis mendicitate libertatem spiritus  
 retinens, cōtemplationis supernæ apprehenderet pu-  
 ritatem. Nam & si actionis exterioris occupatio ali-  
 quoties interrumpat otium contemplandi, ipsa tamen  
 libertas cordis nullis sollicitudinibus temporalium  
 distracta, spiritualis vacationis magnam præstat stu-  
 diosis opportunitatem, vt orando, legendo, meditan-  
 do, & contemplando. Plus enim obest ad deuotio-  
 nis puritatem assequendam strepitus temporalium  
 curarum, quàm exercitatio virtuosarum actionum;  
 quia curarum importunitas in otio corporis generat  
 mentis inquietudinem. Boni autem operis fidelis  
 exercitatio conscientiam quietat, & impinguando ele-  
 uat in superna, sicut qui laborat in præparatione con-  
 uiuij, in quo quietus iucunde epuletur. Vnde & Do-  
 minus per diem occupabatur in doctrina populi, &  
 ægotantium curatione; in noctibus orationibus in  
 monte vacabat, sicut ait Lucas: Erat autem diebus  
 docens in templo, noctibus vero exiens morabatur  
 in monte Oliueti. & Psalmista dicit: In die manda-  
 uit Dominus misericordiam suam, & nocte canticum  
 eius. Noluit sanctus Franciscus esse fratres suos atri-  
 ctos ad curam animarum ex debito necessitatis, sed  
 ex liberæ charitatis affectu, & vt meritum expectaret  
 de fructu salutis aliorum, & periculum euitarent de  
 perditione eorum, participes in lucro, indemnes in  
 detrimento, vt alios extrahant de naufragij, seu incē-  
 dij periculo, ipsi tuti consistentes in solido, non peri-  
 clitentur cum pereuntibus in peccato.

*Cur fratres Minores populo prædicent, & confessiones*  
*audiant, cum animarum curam ordinarie*  
*non suscipiant. Quæst. II.*

**C** Vt ergo, qui animarum curam ordinarie non su-  
 scipitis, prædicatis populo, & confessiones audi-  
 tis, mittentes falcem in messem alienam, cum illis pro-  
 prie competat, qui animarum curam ex officio ge-  
 runt, iniuriantes Plebanis, in quorum videmini præ-  
 iudicium exercere officia illis commissa, & decipien-  
 tes il-

tes illos, quos absoluitis, super quos iurisdictione non habetis ordinariam, contra canonum instituta, & periculum animarum vestrarum?

Respondeo. Nulli in hoc facimus iniuriam, nec aliquem decipimus; sed sedes Apostolica, quæ immediate curam Ecclesiæ habet, & a qua ceteri ecclesiarum Pastores, tam maiores, quàm minores gubernandi suscipiunt auctoritatem, tam mediate, quàm immediate, & a qua omnes canonum leges emanant, videns in his nouissimis temporibus, iuxta Apostolum in stare tempora periculosa, & laxatis Euangelicæ prædicationis retibus in capturam tantos influxisse pisces hominum ad fidei professionem, quoddam rete fidei scinditur, messes fidelium multam, & operarios idoneos paucos, eo quod peccata quotidie multiplicentur in Ecclesia, & Episcopi negotijs exterioribus dediti, spiritualibus intendere nequeunt, & pauci sunt Pastores in ecclesijs personaliter residentes, sed Vicarijs, & mercenarijs committunt oues, siue animas regendas, in quorum plurimis multi eueniunt defectus imperitiæ, & honestæ vitæ, negligentia, & aliorum defectuum, per quos ad gubernandas animas redduntur inhabiles, & non esse qui plebes erudiant, vel a peccatis facibus extrahant, vocauit nos in adiutorium tam cleri, quàm populi, ut per officium prædicationis & confessionis subueniamus animabus, & onus Pastorum subleuando alleuiemus, sicut Petrus, & eius socij non valentes soli rete piscium ad littus trahere præ multitudine, annuerunt Iacobo, & Ioanni socijs suis in alia navi, quæ signat Religionem, ut venirent & adiuuarent eos, ne vel ipsi mergerentur, vel pisces capti perirent. Cum ergo ex Apostolicæ sedis missione, Episcoporum beneuolentia, prædicationis opera, & confessionis subditis eorum impendimus, eos ex charitate & auctoritate eorum absoluiamus, & non decipimus eos, sed iuuamus, & in illis fit non præiudicium Plebanis, sed beneficium, dum pro eis laboramus, & ad obedientiam debitam eorum subditos exhortamur. Nam si Plebanus potest alteri vicem suam committere, multo fortius potest hoc Papa, & Episcopi, qui plenior habent in omnes sibi commissos sine differentia potestatem. Et sicut ex charitate non ex necessitate impendimus fidelibus spiritualia subsidia, docendo, & orando, & a peccatis in confessione absoluendo: ita ipsi non ex debito coactionis, sed ex libertate charitatis ministrant nobis corporalis necessitatis subsidium, cum Dominus ordinauerit ijs, qui Euangelium nuntiant, de Euangelio viuere, &c.

*Cum fratres Minores litterarum studio vacent.*  
*Quæst. III.*

Item quæro, cum religiosi debeant simpliciter ambulare, & omnino virtutibus abundare, & ad hoc operam dare, cur rursus studio litterarum, quæ olim sancti Patres postposuisse laudantur, ut Benedictus, & alij, se modo dant, & in secreta conuersatione student?

Respondeo, quoddam cum sicut dictum est, prædicationis officium ex regulari professione ordini annexum sit, & etiam confessionis, quæ notitiam requirunt sacræ Scripturæ, quæ subtili indiget in plerisque locis expositione, ne ex imperitia errores pro veritate doceamus, necesse est nobis sacræ Scripturæ habere studium & magistros. Hæc enim scientia non solum utilis est ad aliorum eruditionem; sed etiam ad propriam instructionem, ut seruus Dei sciat seipsum bene regere, & virtutes a vitijs discernere, & notitiam Dei, & futurorum præmiorum clarius intelligere, & in omnibus cautius & fructuosius conuersari. Nam & Apostolus hortatur Timotheum ad lectionis studium & sanctorum nobis diligentia in sanctorum ruminatiune Scripturarum frequenter com-

mendatur. Veritas enim fidei, & vitæ sanctitas non aliunde, quàm ex Scripturarum fonte hauritur, siue quibus impossibile est quemquam saluari. Hæreticorum etiam versutij, qui in Scripturis sanctis occasionem erroris per falsas interpretationes assumunt, oportet per ipsarum diligentem inuestigationem diligentius obuiare, & fideles contra illorum fraudes & latentes decipulas præmunire. Vnde Hieronymus: Sancta rusticitas solum sibi prodest, & quantum ex vitæ merito Ecclesiam Christi ædificat, tantum nocet si distribuentibus non resistat. Vnde Apostolus dicit: Potens sit exhortari in doctrina sana, & eos, qui contradicunt arguere, &c.

*Cum fratres Minores nihil habeant proprium, nec in speciali, nec in communi. Quæst. IIII.*

Item cum sufficiat ad religionis perfectionem nil habere proprium in speciali, & habere possessiones pro necessitate in communi, sicut omnes religiones antiquorum patrū Benedicti, Augustini, & aliorum, videretur inconsultum & aliquo modo tentare Deum, quoddam tantus ordo exponat se medicitati quotidianæ velut cælitus expectet victum suum, cum posset aliter habere.

Respondeo. Perfectio diuersos habet gradus, & alius alio sublimior est, nec perfectioni aliorum ordinum præiudicat, quin altior possit inueniri. Tentare autem Deum, non est Christi promissionibus credere, & eius consilij obedire, & eius vestigia imitari, qui dicit: Amen dico vobis, quod vos qui reliquistis omnia, & secuti estis me, sedebitis super sedem, &c. Dominus autem istam paupertatem docuit & tenuit, ut nil possessionis in terra haberet. Vnde dicit: Vulpes foueas habent, & volucres cæli nidos, &c. Multis autem de causis, ordo nil proprium possidet in hoc mundo. Primo, ut vestigia Christi perfectius imitetur. Si vis perfectus esse, vende, &c. Secundo, ut laqueos auaritiæ facilius declinemus. Qui volunt diuites fieri incidunt &c. Tertio, ut culpas superfluitatis plenius expiemus. Vnde in Prouerbijs: Omnem substantiam domus suæ, &c. Quarto, ut altioris meriti gloriam cōsequamur per varias virtutes paupertatis. Beati pauperes, &c. Quinto, ut liberiores simus mente ad spiritualia studia, orationis, contemplationis, lectionis. Quare dicit Dominus: Nolite possidere aurum, &c. Sexto, ut prædicationis studio expeditius intendamus. Septimo, ut verbum Dei minus trepide omnibus proponamus. Octauo, ut magis confidere omnes in eum sperantes doceamus. Nono, ut occasione petendæ elemosinæ ad aliorum ædificationem frequentius exeamus. Decimo, ut qui nobis subueniunt in temporalibus fiducialius spiritualia requirant. Vndecimo, ut magis cauti simus ab omni scandalo, quo magis timemus in temporalibus deperire. Duodecimo, ut tanto humiliores simus, quanto magis subsidio aliorum indigemus. Et quia spiritualia fidelibus seminamus, non tantum ex gratia ab eis carnalia subsidia expectamus. Dignus est operarius mercede sua. Hieronymus: Reddituum possessione nobis providere non oportet, sed ad mensam Domini tamquam fideles cooperatores occurramus.

*Cum fratres Minores non degant in deserto.*  
*Quæst. V.*

Item quæro. Cum religiosi a tumultu secularis frequentia se se separare studuerint, & in solitudinibus habitare, quid est quod vos frequentius in ciuitatibus & oppidis manere soletis, quasi voluptuosius ibi pascendi, & inquietius, & indeuotius ibi uiuatis?

Respondeo. Tres sunt causæ præcipuæ, pro quibus inter homines morari solemus. Vna propter eorum

rum ædificationem, vt promptius eis adsumus quando requirunt a nobis pœnitentiam, doctrinam, & salutis consilium, & videant a nobis bonæ conuersationis exemplum. Si enim remoti essemus ab eis, nec ipsi possent ad nos quando indigerent commodè accedere, & difficile esset nos toties vocari, & maior esset nobis inquietudo continue currere & recurrere, quàm inter eos manere, & prius quàm veniremus, affectus & compunctio requirentium pœnitentiam sæpe repuisset. Secunda causa est propter indigentiam victualium, quia in locis desertis non inueniremus quoties superuenientibus, vel residentibus, vel infirmis, indigeremus qui nobis necessaria vitæ ministrarent, cum per nos non habeamus. Extranei etiam qui pro consilio superuenirent, cum statim non possent expediri & recedere, cogerentur nobiscum frequentius hospitari, quod multis ex causis nullatenus expediret propter inquietudinem, suspensionem, & paupertatem. Tertia est causa propter tuitionem, quia si extra homines moraremur, nec libros, nec calices, nec vestes, nec alia necessaria tute seruare possemus a latronibus, vel prædonibus, vel seruientibus potentium. Nam personæ etiam sapius essent in periculo, si quando in prædicatione forsitan aliquos offenderemus, vel filium, vel fratrem alicuius, de quo dolerent quod in ordine reciperemus, qui etiam amicum fratrum vellet malitiose offendere, vel moleste ferret nos in terra morari, domus nostras incenderet, & numquam possemus ibi pacifice commorari. Qui autem habent possessiones & prædia, quæ sibi met sufficiunt, possunt extra ciuitates morari. Similiter & solitarij, qui paucis indigent, pauca ab alijs requirere necesse habet. Sunt & aliæ causæ, quas modo prætereo, propter quas cõuenit inter homines, potius quàm in deserto iuxta conditiones nostri ordinis habitare. Sed ad præsens istæ sufficient.

*Cum fratres Minores habent magnos conuentus. Quæst. V. I.*

**I**tem quæro: Cum sancti Patres laudentur, in castellis, & in vilibus habitaculis habitasse, quid est, quod vos altas & magnas domos erigitis, oratoria sumptuosa, & areas latas magno comparatis, cum sitis pauperes & mendici, & contemptores mundanorum esse debeatis?

Respondeo, sicut iam dictum est. Cum inter homines manere nos oporteat, aut ergo extra muros ciuitatis, aut intra. Si extra ciuitates maneremus, vbi possemus latiores areas leuiori pretio comparare, videlicet in campis vel hortis, quandocumque bellum timeretur, vel guerra, ciues loci formidarent, ne forte hostes domos nostras occuparent, & de illis niteretur ciuitatem, vel oppidum expugnare, & non audent etiam aliàs quâdo sibi timerent ad loca fratrum pro confessione, vel Missa, seu prædicatione securi venire, & ideo non diligunt, vt in talibus locis commoremur. Quod si intra muros habitamus, vbi propter frequentiam populi areæ cariores sunt, oportet & nos areas carius emere quantû sufficiant pro claustris, oratorio, & officinis congruis, pro conuentu, hospitibus, & infirmis, & orto herbarum, tam pro pulmentario, quàm pro aeris recreatione, vt infirmi refocillentur, & sani conferuentur, & lassi in spiritualibus studijs recreentur. Sæculares enim qui frequenter vagantur, domi non indigent recreatione aeris. Religiosi vero, qui in cellarum reclusorij relinquantur, nisi aliquam interius habeant aeris recreationem, cito languescunt, tabescunt, & ad studia spiritualia inhabitare deiciuntur, ita quod nec sibi, nec alijs proficiunt in deuotionis internæ profectu, in sapientiæ intellectu, in virtutum exemplis, & in doctrina salutis. Et quamuis perfectis omnis locus aptus sit pro disciplinæ internæ exercitijs, imperfectis tamen & adhuc

A indigentibus eruditione virtutis, opus est etiam exteriori distinctione officinarum claustralium, vt sciant vbi tacere debeant, vbi loqui liceat, vbi orare, vbi laborare, vbi legere, scribere, vel comedere, vbi sit requies infirmantium, vbi repausatio de labore itineris venientium, & aliorum, quæ in collegijs sunt necessaria, ne si confuse indifferenter singula fierent pro libito, iam nec disciplina, nec quies, nec deuotio, nec ordo inter fratres sicut expedit seruaretur, quod esset in magnum detrimentum Religionis, & in scandalum alienis, & in destructionem salutis, quia nec minores discerent a quo proficerent, nec perfecti alios ædificarent. Quia vero intra ambitum ciuitatis, vt dictum est, cariores sunt areæ, quod non possemus facile sufficientiam congruæ latitudinis habere, vt omnes officinæ deorsum collocarentur iuxta se inuicem, oportet aliquando vt vna super alteram locetur, ita quod vtraque aeris respiraculo non careat, & ex hoc domus nostræ magnæ apparent, & excelssæ ac sumptuosæ, & paupertati dissimiles cum tamen hoc paupertas magis efficiat, quia ne circa dilatemur, inferius angustamur, & quia circumsepti sumus domibus aliorum vicinorum, & quia in ciuitate sæpe insurgunt incendia late peruagantia, ne vel domus, vel ecclesiæ, vel libri, vel alia necessaria frequenti discrimini sint exposita, & in continuo tremore infirmantium corda sint inde suspensa, & ne ipsi vicini nostri a nobis per incendia molestantur, vbi possumus facimus domos lapideas, vt nec igne, nec vetustate citius destruantur, quia non solum corporibus, sed etiam cordibus magna est destructio, noua sapius ædificia construere, maxime illis qui non habent sumptus, nisi quantum valent colligere mendicitate. Non tamen intendo in his excusare, nisi quæ valde necessaria sunt & rationabiliter. Vbi autem superfluitas, curiositas, & irreligiositas, & regulæ, & paupertati nostræ derogantes essent structuræ, reprehendo tecum, & omnia alia quæ Deo displicent tam in moribus, quàm in rebus. Quintuplicis enim peccati rei sunt, qui superflua in ædificijs, & alijs quibus vtimur, procurant & acquirunt. Primo propter transgressionem, quia pompis renuntiantes sæculi, in paupertate, & humilitate vera promiserunt Domino famulari. Vnde Apostolus ait: Si ea quæ destruxi, &c. Secundo propter malum exemplum, quo alij discunt ab eis similia facere, vel scandalizantur, quando vident eos, qui huiusmodi pro Christo spernere deberent, quærere vel sectari. Tercio propter inquietudinem fratrum propter huiusmodi ædificia & procuraciones, quia & deuotio extinguitur, & disciplina Religionis plurimum dissipatur, sicut scriptum est: Venerunt structores tui destruentes te, & dissipantes a te exhibunt. Quarto propter spoliacionem aliorum pauperum, quibus sæpe elemosinæ præcipiuntur, & huiusmodi structuræ fiunt, ex quibus illi deberent vestiri, & pasci, dum quod istis datur, eis negatur, quia ad dandum vtrisque sæpe deficit dantium largitas, & facultas. Quinto, quia quando nimis vrgemus homines ad dandum, perdunt deuotionem ad nos prius habitam, quod nec de prædicatione, nec exemplis, nec alijs quæ facimus ædificantur. Vnde cum vident nos accedere, terrentur, & timent, quod aliquid velimus ab eis expetere, quod graue sit eis dare, & erubescunt negare, & si dederint non libenter, minus merentur, & sic rebus & deuotionis merito priuantur, &c.

*Cum fratres Minores plura colligant, vel seruent, quàm sufficiant ad vnius diei victum. Quæst. VII.*

**I**tem quæro: Cum Dominus in Euangelio dicat: Nolite solliciti esse in crastinum, & vos sitis pauperatis Euangelicæ professores, non debetis plura colligere, vel seruare, quàm quod possit quotidie ad vniuersum

*Gal. 2. d*

*Isa. 49. d*

*Matt. 6. c*



vnus diei victum sufficere. Sed videtur quod non A  
feruetis.

Respondeo: Si diligenter Euangelij dicta pensa-  
mus, sollicitudinē de crastino, sed non prouisionem  
prohibere videtur. Vnde sancti Apostoli Euangelij  
Christi perfectissimi obseruatores, tam pro se, quā  
pro alijs Christi pauperibus, qui omnia pro Christo  
reliquerunt, a fidelibus subsidium pro corporum ne-  
cessitate etiam in futurum petebant, & recipiebant.  
1. Cor. 16. a Sicut Paulus rogatus a Petro, Ioanne, & Iacobo, col-  
2. Cor. 9. a lectas fieri per Ecclesias pro Christi pauperibus su-  
stentandis mandauit. Et in alijs locis pluribus reper-  
tur id fecisse. Qui etiam pro acquirendis necessarijs B  
sibi, & socijs suis laborauit manibus. Sollicitudo  
enim notat curæ anxietatem, illicitam conquisiti-  
onem, auaram superfluoꝝ prouisionem. Sicut enim  
in operatione salutis nostrę principaliter spem in Deū  
iactare debemus, ita & in corporali subsidio sollici-  
tudinem debemus ei cōmittere, & tamen ubi con-  
grue possumus sine iactura spiritualis profectus no-  
stri & aliorum, nobis necessaria prouidere, ne aliter  
quasi Deum tentare videamur, vt miraculose, sicut  
olim filijs Israel, nobis quotidie alimoniam submi-  
nistret. Licet enim priorum statum puritas pro ma-  
ioris perfectionis ardore pauciora, quā nunc con-  
sueuerint ad victum colligere necessaria, & populus  
propter hoc talem opinionem concepit, quod nil no-  
bis licet reseruare in crastinum: tamen nec tunc, nec  
nunc aliquo nobis prohibitum est statuto, quin pos-  
simus ad victum, aliqua etiam necessaria in futurum  
pro aliquo tempore prouidere, maxime de his, quæ  
in promptu cum indigeremus, non possemus acqui-  
rere mendicādo. Sunt enim quæ nisi colligamus cer-  
to tempore quando est copia, quando inter manus  
communitur habentur a populo postmodum, nec pro  
infirmis, nec pro hospitibus, nec pro alijs sine ma-  
gna difficultate, vel magno pretio poterunt haberi.  
Mendici enim maxime illo tempore solent necessa-  
ria petere, quo sciunt ea promptius a dantibus inter  
Exo. 16. b manus haberi, vt circa horam comedendi. Sic & Do-  
minus populo certo tempore præcepit manne alimo-  
niam colligere, quia nō omni tempore in agro etiam  
Psal. 141. c si quærerēt inuenirent. Vnde Tu das escam illis tem-  
pore opportuno. In hoc enim non tam nobis, quā  
illis a quibus petitur prouidemus, quando tali tem-  
pore petimus, quo ipsi facilius dare possunt, & ma-  
gis sunt voluntarij ad eleemosynam largiendam.

*Quare plura nunc petunt fratres Minores, quā  
olim. Quæst. VIII.*

I Tem quæro: Quid est hoc, quod modo plura pe-  
tiis, quā olim, vt cum tunc vix in vna, vel pau-  
cis villis, & pauca postulaueritis, modo late per ter-  
ram, & oppida, & castra peruagando plurima con-  
gregatis? Videtur enim auaritia inter vos creuisse, &  
cura ventris hanc vobis prouidentiam persuasisse: vi-  
detur etiam quod spiritus extinctio vos in cella quie-  
scere non permittit.

Respondeo: Vitiosos in hoc, & in alijs excusare  
non audeo, vt dixi, sed rationem pro illis, qui ratio-  
ne ducuntur, & pia intentione omnia faciunt, osten-  
dere beneuolis nunc intendo: quia maleuoli, qui ma-  
gis facta nostra calumniari desiderant, quā agno-  
scere veritatem, magis dolent, si ostensa ratione, eis  
materia subtrahitur detrahendi. Quia inimicus vult  
potius causas malignandi contra eum, quem odit si-  
bi adesse, quā abesse, vt non ex inuidia, sed ex ius-  
titia eum persequi videatur. Quod autem nunc po-  
tius, quā olim videmur mendicando plura colligere,  
inter alias principales causas quas potes aduertere  
veras esse, vna est, quod cum olim pauci fratres  
fuisent in ordine, nunc multo plures sunt vbiq̃,  
& plures pluribus indigent, quanto numerus nume-

rum excedit, & omnibus quæ necessitas requirit, est  
magis opus. Nam Dominus infans natus, modico di-  
uersorio, & præsepio contentus fuit; sed aggregata  
discipuloꝝ turba, ad celebrationem Paschalis con-  
uiuuij quæsiuit sibi præparari cenaculum grandæ  
stratum. Secunda causa est, quod inter plures sunt  
etiam debiles, & infirmi, maxime qui olim strenuæ  
Religionis, & arduæ paupertatis pondus per annos  
plurimos portantes, nunc ex humanæ mortalitatis  
defectibus lassati, cogente ipsa charitate non debent  
ipsi, vt infirma pecora relinqui, sed pie quamdiu po-  
terint, fulcimentis corporalium necessitatum pro mi-  
sericordia, & pro aliorum ædificatione, & pro iu-  
niorum instructione sustentari. Et propter tales oportet,  
& expedit plura peti. Tertia causa, quia plures  
modo mendicantes sunt in Ecclesia de diuersis ordi-  
nibus, & quod nobis solum dabatur integrum, nunc  
minutatim diuiditur inter plures. Vnde cogimur nūc  
latius tanto vagari, quo minus in locis singulis datur  
nobis. Quod enim aliquando offerebatur nobis non  
quærentibus, nunc vix per diuersa minutatim colligi-  
mus cum rubore. Et oportet nos petere, quia non  
petentibus parum datur, dum ex multitudine peten-  
tium homines sunt lassati. Qui autem per se nihil ha-  
bent, necesse est eos omnia quibus indigent ab alijs  
postulare, vel carere, nisi velint illicite acquirere,  
vel quocumque modo apud alios deseruire, vel nisi  
gratis eis donetur. Quarta causa, non tamen omni-  
no commendabilis, sed pro aliqua parte excusabilis  
accedit, quia qui non est patiens penuriæ, in his qui-  
bus indiget, plura eum conquirere oportet, &c.

*Qua sit causa impatientia penuria in fine præcedentis  
quæstionis dicta. Quæst. IX.*

I Tem quæro: Quæ potest esse huius impatientiæ  
D causa nisi voluptuositas, quæ nil vult sibi deesse  
illorum quæ appetit, quæ omnis religiositatis est ex-  
terminium?

Respondeo: Hæc, etsi in quibusdam habeat locū,  
non tamen est potior causa, sed aliæ quædam. Vnā  
quia, vt dictum est, plures habemus debiles & infir-  
mos quā olim, cum omnes fere erāt noui in ordine:  
qui cum lassati iam, & exhausti sint viribus, oportet  
vt reficiantur, ne penitus deficiant, quod esset con-  
tra misericordiæ, charitatis, & discretionis virtutem,  
cum tales maxime consilio suo, & zelo, & pietatis  
exemplo sustentent ordinem in suo vigore, ne subito  
E corruat a pristina puritate. Licet virtute corporali  
iam non sicut olim eminenter æstimentur lucere,  
propter corporis destructionem, aut oportet, quod  
contra misericordiam deficere subito permittantur,  
& tunc ex hoc magis fouebitur in ordine carnalitas,  
quia quilibet inuenis, & sanus instructus carnis pru-  
dentia, cogitabit apud se, dicens: Si tales viri pro  
ædificatione ordinis corpora sua tradiderunt omni-  
bus laboribus, modo debilitati sic permittuntur abs-  
que misericordia perire, volo mihi cauere, & par-  
cere corpori, & illud fouendo custodire, ne mihi si-  
militer contingat. Et sic aliquis audebit de cetero  
vix feruenter in Dei seruitio se exercere. Si autem  
debiles misericorditer refoueri, expedit, vt  
etiam alij, qui vnum corpus societatis cum eis sunt,  
& eis seruiunt, & labores ordinis pro eis in domo, in  
diuino officio, in frigore, & petendis eleemosynis,  
& alijs obsequijs, aliquo modo mitius pertractentur,  
& melius reficiantur, vt minus de illis scandalizen-  
tur, & minus murmurent contra eos, quasi ipsi soli  
consumant omnia, quæ offeruntur, & vt patientius  
pro eis laborent, & hilarius ministrent, & vt ipsi de-  
biles minus erubescant, & confidentius audeant ne-  
cessitates suas accipere, cum videant alios etiam se-  
cum esse participes in consolatione. Sani ergo, &  
fortes non debent propter se ista appetere, nec suæ in-  
dustriæ

dastræ ascribere, quando appetentibus eis eleemosynam, ista offeruntur, sed cogitare debent, sicut & veritas est, quod Deus ea propter debiles ministrat, & in tanta copia, quod exinde etiam sani consolentur. Propter præmissas rationes, vult etiam Deus veritatē suæ promissionis, & euidentiā suæ liberalitatis ostendere, dum nobis qui nullos certos redditus pro ipso habere decreuimus, & totam sollicitudinem in eum iactauimus, indulgentius necessaria ministrat, quàm alijs quibusdam, qui lata prædia habent, & loculos plenos, ad hoc vt ei securius confidamus, & fidelius seruiamus. Alia causa est, quia eorum qui nuper de sæculo venerunt, quidam delicate sunt nutriti, & cum in ordine subito contra solitum coguntur aliter viuere in labore, & victu, & coertione magisterij, territa caro tenera languescit, & nisi clemēter foueantur, donec paulatim affuescant ordinis pati rigorem, aut semper tabescendo languescunt, aut ex rigoris hōrrore ad vomitum reuertentur. Et ideo expedit, vt supra. Terria causa est spiritualis studij. Nam assiduum lucrum in studio sacræ Scripturæ in deuotionis desiderio, in tentationis certamine, in internæ sollicitudinis vigore, ita consumit, & desiccatur vires corporis, vt nisi exterius quandoque aliquatenus refocillentur, non valeant diu subsistere. Quod autem aliquando lautiores cibos, & potus habere videmur, hoc est proprie mendicorum, qui dum non referuāt in posterum, vt cumulos congregent, vt prædia lata comparent, statim comedunt, & bibunt ea, quæ Dominus administrat. Et quia pro honestate, & deuotione sua, plerique dant nobis non de vilioribus, sed de melioribus quæ Dominus dedit eis, etiā nos cum interim non habeamus alia quibus vtamur, ne videamur ingrati, & auari, comedimus & bibimus, quæ offeruntur nobis indifferenter, tam illa, quàm alia iuxta illud regulæ, De omnibus cibis, qui apponuntur vobis liceat manducare. Mendicus enim si recuset ea, quæ offeruntur, cum non habeat vnde alta emat, remanebit inanis. Quia vero diuersi diuersa, & aliquando quasi aduersa mirantur de nobis, vt cum illi reprehendant in nobis carnalitatem, alij vero duritiam, quilibet pro visu suo, & affectu; oportet nos singulis de suis quæstionibus respondere, & rationē reddere, licet sequentia præcedentibus continuato ipsis ordine ad hoc non cohæreant, sed modo de hac, modo de alia tractemus, & cetera.

*Cur non recipiuntur omnes ad ordinem. Quæst. X.*

**I**tem quæro: Cum omnibus debeatis cupere, vt saluentur vobiscum, quare indifferenter non omnes recipitis, qui desiderant, cum non arctet vos prædiorum paucitas, sed aperta sit omnibus via mendicandi?

Respondeo: Omnes quidem cupimus saluari, & nulli prohibere possumus licentiam mendicitatis. Sed omnes passim recipere, non expedit nobis, nec Ecclesiæ Dei. Nobis non, quia variz sunt conditiones hominum, qualitates, & mores. Multos enim sæpe recipere sumus imbecilles, qui non possent rigorem Ordinis sustinere; multos pauperes, qui non pro Deo, sed pro sustentatione vitæ viuere desiderarent nobiscum: multos incompósitos moribus, quos vix corrigere ab inolita consuetudine possemus, & per tales dissolueretur ordinis disciplina, & impediretur profectus aliorum, & non sufficerent eos alij pascere, nec eis seruire. Nec inuenirentur tandem, qui possent eis præesse, & omnes simul in corpore, & spiritu, quasi confusa multitudo perirent, quæ nec regi valet, nec congrue sustentari. Ecclesiæ similiter non expedit, quia cum sit ordo ad ædificationē Ecclesiæ constitutus, multitudo receptorum magis confusionem induceret, nec de conuersione multorum exemplum ædificationis acciperet, sed scanda-

lum, vbi religiositatis excepto solo habitu, nihil inueniret. Minus enim malum est, non esse religiosos, vel nomine, vel habitu, vbi non viuunt, sicut Religionis eorum forma requirit, quàm vt sint, & per vitam eorum peruersam alios scandalizet. Sicut melius est lucernā non esse in domo, quàm esse ibi tantū fœtidam, & non lucentem. Nimis etiam foret onerosum fidelibus, tot mendicos vnius ordinis pascere, a quibus nullum, vel modicum habuerint ædificationis præsidium. Sed tot, & tales solum recipi expedit, qui sine onere Ecclesiæ pasci possint, & qui valeant Ecclesiæ in spiritualibus respondere ijs, quæ ab ea in carnalibus recipiunt pro corporum sustentatione, & cetera.

*Cur fratres Minores non laborent manibus pro victu. Quæst. XI.*

**I**tem quæro: Cur ergo non laboratis manibus pro victu, vt non sitis Ecclesiæ onerosi in eleemosynis petendis?

Respondeo: Si de puro labore manuum debere-mus viuere, tantum vrgeret nos operis instantia, quod aliorum lucris intendere non possemus, nec diuina officia libere celebrare, nec orationi libere vacare. Cum enim ad confessionem, vel ad prædicationem frater vocaretur, respondere cogere-tur, opus meum quo victui meo hodie deferuire debeo, nondum expleui, & ille, cui laboro priusquam deferuiam, non dabit mihi mercedem debitam, ideo non possum venire. Alias autem omnes præter infirmos laborant, alij in studio, vt fideles erudiant, alij in diuino officio, & laudibus Dei, alij in colligendis eleemosynis pro sustentatione communi, alij in officijs domesticis, infirmis, & sanis ex iniuncta obedientia ministrantes; quidam qui sciunt artes mechanicas pro fratribus, & extraneis exercentes, sicut mutuo cooperantur inter se formicæ, & apes: quidam per obedientiam missi diuersas terras perambulant, cum nuntios alios idoneos non habeamus. & sic nullus impune permittitur otiosus.

*An de qualibet Religione possit quis transire ad Religionem S. Francisci. Quæst. XII.*

**I**tem quæro: Si de quolibet ordine, & Religione possit quis transire ad regulam, & ordinem sancti Francisci, scilicet fratrum Minorum?

Ad hoc sine præiudicio melioris sententiæ, respon-deo quod sic, vbi sine scandalo aliorum potest fieri. Propter quod maxime prohibetur nobis de quibusdam religiosis non recipiendis cum scandalum tale sit maius malum, quàm aliorum receptio sit bonum. Cum enim tria illa principalia omnis Religionis, scilicet obedientia, castitas, & paupertas, in regula ista sint quasi altiora, & strictiora, quàm in alijs ordinibus, & religionibus, sicut patet in regula ista, constat quod secundum hoc, Religio ista altior sit, & strictior alijs ordinibus. Et ideo de qualibet Religione possunt secure ad istam intrare, dummodo nō ex leuitate, sed ex Spiritu Dei ducti. Nam, & si aliqua sit quibusdam corporalibus exercitationibus strictior, vt abstinentia carniū, & silentio, & officio Ecclesiastico & similibus, quæ tamen ex sublimiorū, obedientiæ, paupertatis, & castitatis virtute, facile recompensantur, sicut modicum pondus auri in pretio præualeat magno ponderi argenti, vel alterius metalli. Corporalis enim exercitatio ad modicum utilis est, & cetera.

1. Tim. 4. 8

*An de Religione S. Francisci post factam in ea professionem possit quis transire ad aliam. Quæst. XIII.*

**I**tem quæro: Si de ista Religione possit aliquis ire ad aliam post factam in ea professionem?

Respon-

*Regulæ. 2.* Respondeo, salvo meliori iudicio: Non, nisi per dispensationem sedis Apostolicæ, cum hoc expresse in ipsa regula prohibeatur, ibi: *Nullo modo licebit eis, &c.* Nam cum non inueniatur alioquin regula vel strictior, seu æqualis, patet quod non licet cuiquam per seipsum ad inferiorem ordinem transire. Omnes qui vident, incipient illudere ei dicentes, quia hic homo coepit ædificare, & non potuit consummare, &c.

*Luc. 14 f*

*An liceat ordini Minorum eicere aliquem pro demeritis, vel egresso pœnitenti, & petenti receptionem denuo denegare. Quæst. XIII.*

**I**tem quæro: Si liceat ordini eicere aliquem pro demeritis, vel egresso, & pœnitenti & petenti receptionem denuo denegare? Cum enim ordo in professione versa vice se obligauerit, ut sicut iste ligatus esset ordini, ita econuerso, videtur quod ordo teneatur semper recipere, si exigat, ne promissum suum videatur irritare, si nolit eum tenere, quem sponderat numquam derelinquere. Videtur etiam quod ordo non possit talem licentia ad alium ordinem, quia non inueniet alibi quod hic promissit, & ita faceret eum voti sui transgressorem, & sic peccaret. Videtur etiam quod cum iste non possit compelli ad alium ordinem, cum nulli ordini se obligauerit nisi isti, & non debeat cogi inuitus ad quod se nullo voto astrinxit, etiam si alium ordinem inueniret isti æqualem. Videtur etiam iste ordo esse in culpa, si talis vagetur in sæculo, cum nolit eum recipere petentem, & ad alium ordinem non debeat, vel non possit eum compellere, & si punit eum vel excommunicat quod iniuriatur ei, immo si non teneatur eum ordo recipere, nec vult; iam punit non suum subditum. Et si punit eum corporaliter, capiendo, vel castigando, videtur in Canonem incidere iam latæ sententiæ, cum sit clericus, vel regularis. Si autem ordo non vult eum recipere, & non conuenit eum aliam religionem intrare, vel alij nolunt eum recipere, ad quos licentia tus est transire, & per hoc a fratribus ligatur excommunicatione, vel non absoluitur, ponitur in laqueum perplexitatis interminabilis, ut quasi ex omni parte præclusa sit ei via salutis, quod volenti saluari non potest, vel non debet fieri. Filius hominis non venit animas perdere, sed saluare, ait ipse Saluator.

*Luc. 9. 8*

Ut autem super his apertior pateat ratio, quid ordini, vel egresso, faciendum sit in istis, nota cum aliquis ingressum petit istius ordinis si recipitur, fit ei magna gratia & multiplex, & de naufragio peccati eripitur, & sociatur illorum collegio qui ambulant in via Dei tali conditione, ut & ipse gradiatur in eadem via cum eis seruando illa, propter quæ ordo est institutus. Quamdiu ergo sic graditur postquam ad professionem receptus est, non potest eum ordo abijcere, quia sicut ipse iam ligatus est ordini, ita & econuerso, ut neutrum liceat alterum relinquere villo modo. Si autem frater aliter viuit, quam licet in ordine, & sapius correctus, se non sufficienter correxerit, si excessus occultus sit, toleretur, & cum cautela propter scandalum, ne si abijceretur, cum eius culpa non pateat, videretur iniuste punitus, aut peccatum iniuste propalaretur, quod vtrumque illicitum videtur. Si vero excessus eius graues fuerint, & notorij, quod alij eius exemplo possint infici, si retineatur in ordine, & extranei scandalizentur, quod talis in ordine sustineretur, tum propter auferendum scandalum, tum propter corruptionem ordinis præcauendam, debet eiici præuicator voti & pacti sui. Quia iam ordo non teneatur ei de promisso tenendi eum secum, qui promissum suum præuicando pluries violauit, cum ideo sit vocatus ordo, quod in se nil inordinatum patiatur. Quod si Deo permittente talis seipsum eiiceret, gratia sunt Deo referendæ, non quia ille peccauit, sed quod oues suas a pestifera contagione libera-

**A**uit. Vtinam & abscindantur qui vos conturbant, scilicet puritatem vestram, pacem, & famam. Si autem allegatur, quod misero est miseratio adhibenda, ut iterum recipiatur in ordinem. Dici potest: Crudelis est miseratio, unde plures & meliores grauius offenduntur. Sicut qui furem liberaret, unde pauperes spoliarentur, maxime cum tales longo usu tepefacti, rarissime, vere, & perseveranter emendantur, & facilis remissio alijs audaciam præbeat delinquendi. Nec potest allegare sibi iniuriam si non recipitur, quia ipse talem se fecit ex culpa propria, quod recipi sit indignus, quia potius ordo habet causam contra eum agendi pro eo, quod sic se dehonestauit. Unde potest eum punire pro meritis, vel tradere cui seruiuit, nisi faciat quod tenetur. Sedes enim Apostolica, quæ ius suum unicuique seruat, & vult ordinem in sua puritate persistere, non cogit ordinem tenere illos, quorum conuersatio nociua esset in ordine, quia tunc puniret innocentes, & reos foueret, & occasionem daret ordinis corruptioni per tales pestiferos, si eos recipi oporteret. Sed ne damnabiliter vagentur in sæculo, ex gratia Sedis Apostolicæ, ordo dat eis licentiam, quos iudicat non recipiendos esse, ad alium determinatum transeundi, ubi saluentur, ad quem etiam transire tenentur si possunt, alioquin non erunt in statu salutis. Sicut Lot non volens montem conscendere, concedente Angelo, in Segor paruula saluatur. Propria auctoritate non possunt ordinem deferere, quem vouerunt, nec alium intrare sine ordinis sui licentia, vel Summi Pontificis, quia ut dictum est, ad inferiorem regulam non licet eis transire, altiora professis. Quod autem talis alium cogitur intrare ordinem, si in isto non recipitur, cum tamen alium non vouerit nisi istum, inde est, quia cum vouit istum, sic alligauit se religioni, quod secundum ius canonicum nullatenus redire potest ad sæculum, vel ad laxiorem vitam transire ei licet. Et ideo si demeretur in ordine, quem vouit non retineri, cum ex peccato suo non sit conditio eius melior facta, ut iam possit esse liber, sed potius deterior, oportet eum alium ordinem intrare, & illum seruare, si vult saluari; & ad hoc cogit eum statutum vniuersalis Ecclesiæ, non ordo iste, & eius gratia permittitur ei ad inferiorem ordinem transire, cum superiorem non inuenit, ne aditus ei salutis præcludatur. Si autem velit in sæculo vagari, ex quo ordo non vult eum recipere, nec ad religionem concedatur sibi transire in spatio temporis sibi determinato, licet iam videatur ab ordinis iurisdictione exemptus, cum nolit eum amplius tenere, tamen ex auctoritate Summi Pontificis, cuius iurisdictioni non est subtractus, potest eum ordo impetere, & per censuram Ecclesiasticam vel etiam ad alias pœnas corporales potest coercere eum, vice domini Papæ, quamdiu non habuerit alium iudicem regularem, cui se subiecerit, regulam, & ordinem illius stabiliter assumendo. Sponte etiam egressus ordinem istum, si non licentia eius intrauerit alium ordinem, ad quem licentia posset, potest compelli, ut redeat, cum adhuc sit sub iurisdictione ordinis istius, e qua non potest semetipsum eximere, nisi fratres dent ei licentiam ibi standi, & nolint eum recipere vel tenere. Hæc omnia iam statuta sunt, ne quis pedem ponat in lubrico, & obscuratus offendat, sumptis leuibus occasionibus recedendi ab ordine, vel ad alium prohibitum transeundi, vel etiam inordinatè viuendi.

*An omnes venientes ad religionem S. Francisci sint recipiendi. Quæst. XV.*

**I**tem quæro: Cum multitudo sit sæpe occasio confusionis, eo quod regi non possit, cur multiplicatis numerum in recipiendo inutiles, & oneratis vos ipsos, & alios?

Respon-

**R**espondeo : Inutiles omnino scienter non recipimus, sed præter spem nostram aliquoties sic contingit. Quattuor enim causis solemus recipere superuenientes. Vna est compassio perditionis eorum, qui vix extra ordinem in sæculo saluarentur. Sicut qui de igne vel aqua periclitantem rapit, vel de alio discrimine. Secunda propter profectum ordinis, qui ex scientia & industria, morum honestate & reuerentia, quorundam futurus præsumitur. Tertia propter aliorum ædificationem, vt multi de talium conuersatione, qui aliquo modo sunt famosi in sæculo emendentur, & eorum incitentur exemplo. Quarta propter precum instantiam, quam ipsi faciunt pro se, & alij pro eis, nimia importunitate obtinent aliquos recipi, quibus denegari non potest. Sicut autem agricola sæpe seminat, & plantat in spe, quod omnia conualescant, quod tamen plerumque in aliquibus non euenit; ita cõtingit & in religiosis ad ordinem receptis. Nam ait Dominus: Aliud cecidit secus viam, &c. Seminat plures sulcos, vt si aliqua pereant, alia pro illis conualescant. si tamen omnes conualescerent, seges copiosior proueniret, &c.

*Cnr aliqui in religione sint moribus prauis.*  
*Quæst. XVI.*

**I**tem quæro : Vnde est, quod videmus aliquos religiosos moribus ita distortos, & rudes, sicut aliquos sæculares, superbos, vanos, cupidos, inuidos, detractores, iracundos, contumeliosos, desides, dissolutos, avaros, inuerecundos, delicatos, gulosos, garulos, lasciuos, & quod ex his oritur forsitan incontinentes?

**R**espondeo : Religio est schola virtutum, in qua sicut in alijs disciplinis & artibus discendis incumbitur. Videmus autem quod alius alio peritior est, alius rudior, alius diligentior, alius segnior. Hæc autem differentia ex quinque causatur. Vna causa est, quod sicubi informatores habentur, quorum eruditione boni discipuli nutriuntur, vbi autem non habentur, aut rudes in spiritualibus erunt discipuli, aut erroribus varijs sub specie boni per sensum proprium seducuntur, habentes quidem zelum iustitiæ, sed non secundum scientiam & sic a perfectione virtutum plurimi retardantur, vt vel malum æstiment bonum, aut minus bonum putent optimum, aut aliam viam quam debeant ad perfectionem tenendam. Secunda causa est defectus, seu copia bonorum exemplorum, quia noui in Religione sæpe tales fiunt, quales alios esse vident. Sicuti in sigillis, cera talem imaginem recipit, qualis fuit impressa. Et fiunt sancti cū sanctis, boni cum bonis, peruersi cum peruersis. Tertia causa est nouitas in Religione, quia incipientes non possunt vel non habent illa, quæ habent perfecti. Et ignoscendum est eis in aliquibus, & patienter expectandum donec crescant, & addiscant quæ nondum apprehendere valuerunt. Debemus nos firmiores imbecillitates infirmorum sustinere, &c. Qui a puero exigit labores viri, & ab infirmo vires robusti, & a scholari vnus anni vires magistri, imprudens est.

Rom. 15. a

1. Cor. 13. d

Rom. 7. c

**V**nde Apostolus : Cum essem paruulus, loquebar vt paruulus, &c. Ex hoc arguitur stoliditas sæcularium quorundam, qui dum vident aliquem religiosum in aliquo offendere, omnes religiosos despiciunt, quasi omnes tales sint; cum ipsis videretur iniustū, si quis eos propter aliena vitia deteriores haberet. Quarta causa est defectus gratiæ, nō enim omnes omnia possunt. Sicut enim multi vellent esse diuites, & nō possunt; ita non omnibus datur æqualis gratia spiritualium donorum. Velle mihi adiacet, perficere autem bonum non inuenio, ait Apostolus. Quinta causa est voluptas propria. Et si non omnia adsint prædicta, dum quis diu stetit in Religione, & bonorum exempla despexit, doctrinam non curauit, gratiam abiecit,

S. Bon. Tom. 7. Pars iij.

**A** virtuti non studuit, vitijs se subdidit, sicut heu plures sub Religionis habitu vel dealbata sepulcra in scādalum alijs conteguntur. Vx vobis Scribæ & Pharisæi hypocritæ, qui estis sicut &c. ait Dominus.

Mat. 23. b

*Cnr non omnes dyscoli e Religione ejciantur.*  
*Quæst. XVII.*

**I**tem quæro : Cum Religio deberet esse sicut speculum in domo, in quo discant intrantes agnoscere deformitates suas, vt eas abstergant, quare non omnes dyscolos ejcitis, per quos Religionis puritas deformatur, si tamen non estis tales omnes, qui illos fouetis?

**R**espondeo : Bona religio malos odit non fouet, nec tamen omnes prauos ejcit, & hoc his de causis. Vna propter spem correctionis, sicut ægrotans non ejcitur in mare, quamdiu spes vitæ fuerit. Ita & de lapsis in ordine intellige, cum multi lapsi per poenitentiam surgentes, postmodum sani perseverant, & aliquoties meliores fiunt, quàm qui lapsi nō fuerint, sicut David & alij plures. Secūda propter defectum probationis, quia licet ex aliquibus cõiecturis timeatur aliquis malus, tamen aperte non videtur communitati. Sicut si aliquis timeatur leprosus esse ex aliquibus signis, & non potest adhuc plene iudicari, sed latet morbus, & ideo inter sanos adhuc toleratur. Tertio propter scandalum, quoniam fratribus tātum notum est crimen illius, sed apud extraneos reputatur honestus. Qui si viderent eum ejci, & tamen nescirent causam, putarent ex inuidia fieri, vel cogitarent reliquos omnes esse tales, cum iste, de quo tantum præsumebant, occulte fuerit vitiosus. Nam Dominus cognouit Iudam esse vitiosum, & in exemplū nobis tolerauit eum, cum crimen eius alijs foret occultum, donec per apertam iniquitatem prodidit semetipsum, &c.

*In quibus bona religio cognoscatur, & vna melior altera iudicetur.*  
*Quæst. XVIII.*

**I**tem quæro : Cum quælibet religio sibi met placeat, & alijs se præferat, quæ sunt maxime in quibus bona Religio agnoscatur, & in quibus alia melior altera æstimatur?

**R**espondeo : Sæpe in vno, & in aliquibus præcellit vnus ordo alterum, vt iste in labore, alter in silentio, alius in abstinentia, & in similibus. Sed generaliter in istis agnoscitur, quis sit melior. Vnde si in studio omnis virtutis, vt communiter personæ illius ordinis feruentius, & frequentius exercentur, maxime charitatis & humilitatis, & internæ deuotionis, est signum bonum præcellentiæ & perfectionis. Secundum, si omnia vitia & scandala odio habent, & sollicitè cauent, & occasiones peccatorum amputant, & extirpant, & munditiā diligunt & conseruant. Tertium est, si boni apud eos diliguntur & fouentur, & despectis alijs in regimine animarum soli assumuntur, & per eos maxime gubernatur ordo. Qui negligit modica paulatim decidet. Quartum, si a sæculari frequentia se subtrahunt, & honores fugiunt, diuitias non ambiunt, & conformari huic sæculo tam in moribus, quàm factis seu qualibet apparentia erubescunt. Quintum, si damnum & iniurias illatas ac despectiones tacite sufferunt, nec per querimonias vindicare se cupiunt, sed Deum omnium inspectorem attendunt, qui suos cum vult potest defendere. Cum vero expedire eis nouerit, permittit eos pro altiori præmio tribulari, & patienter ferunt, donec placuerit Deo aliter ordinare, quæ ista signa plenius habent Religionem meliores sunt, & quæ minus, sunt minus bonæ, & quæ nihil, nihil sunt; qui etiam singulariter in se habet, bonus est, etiam si alij communiter non habent.

Eccl. 19. a

Hh

Quas

*Quas ob causas in vita religiosa ordines deficiant, & in quibusdam carimonialibus proficere videantur. Quæst. XIX.*

**I**tem videmus ordines omnes religiosorum deficere in vita religiosa, etiam si in temporalibus & quibusdam carimonialibus videantur proficere. Causas huius defectus velle scire præcipuas, aut enim non deberetis incipere, quod non potestis perficere, aut in incæptis pro posse perseverare, alioquin præuicatoris voti merito reputabimini?

*Ab. 4. f*

Respondeo: Omne quod non habet esse suum a se, deficiendo decedit in non esse, nisi sustentetur ab eo, qui dat ei esse. Sic & omnis ordo, & omnis homo. Vnde non solum ordines religiosorum, sed etiam Episcoporum, & clericorum, & laicorum, & vniuersalis status multum deficit quantum ad communem statum, ab eo quod in principio fuit, cum omnes fideles erant perfecti & sancti, quales nunc raro videmus. Multitudinis credentium erat cor vnum, & anima vna, &c. Licet autem olim communiter, omnes boni, & sancti fuerint, tamen modo multo plures sunt sancti in Ecclesia Dei. Sed quia mali plures sunt, ideo non apparent sancti, respectu multitudinis aliorum. Sanctitas etiam vera non consistit in exercitatione corporali, sed in virtutibus mentis. Et quia istæ non apparent exterius, nisi modice ex quibusdam signis operum, & sancti non querunt videri ab hominibus ut laudentur, sed occultant bona, quæ habent singulariter præ ceteris, ideo pauci sancti modo in Ecclesia vel ordinibus esse videntur. Causæ autem quare communitas in Religione deficit, sunt magis communes inter alias. Vna est multitudo intrantium, quia multi non possunt tam facile flecti, sicut pauci. Sicut navis magna difficilius gubernatur quam parua, & ubi multa capita ibi multa cerebra, quæ omnia non possunt ad vnum sensum deflecti. Secunda, cum subtrahuntur qui primo tenuerunt ordinem in suo vigore, vel cum debilitantur in corpore, non possunt iunioribus ardua rigoris dare exempla sicut prius, & noui qui propria opera non viderunt, imitantur eos tantum in his, quæ nunc vident in eis, & sunt remissi, & sub specie discretionis, ne se ipsos sicut antiqui destruant, parcent corpori. Et quia internas virtutes, quas antiqui habuerunt, non agnoscunt, ubique neglecti sunt, quod nec exterius exercetur, nec interius virtutes apprehendunt. Etiam quia antiqui modo non valent eos exemplo præire, timent etiam eos in verbo corrigere: quia solent dicere iuniores: Verba quidem bona sunt, quæ dicunt nobis, sed opera non ostendunt. & sic magis scandalizantur. Tertia causa est, quod quilibet non didicit, nescit docere; ideo cum regimen ordinis deuoluitur ad istos iuuenes, tales nutriunt, quales ipsi sunt, ita quod iam Prior fratrum in fabulam vertitur, non trahitur in exemplum. Immo se tantum reputant illis Prioribus meliores, quo minus agnoscunt, quæ sint perfectorum virtutes. Et dum exempla quædam exteriori disciplina conseruant in choro, vel processionali ingressu, & similibus, audent asserere, quod status ordinis numquam fuerit ita bonus. Quarta causa est, quod paulatim subintrant non bonæ consuetudines, quæ statim ab alijs trahuntur in exemplum. Et si aliqui zelum Dei habentes illa redarguunt, audacter defendunt alij, quare sibi non liceat, quod alij permittitur, & pro lege tenebitur, cum ex usu iam conueniens videatur, ita quod vix de cetero poterit extirpari. Rectores quoque, & si talia non diligunt, tamen ne maius malum sequatur, dissimulant ut pacifice cum fratribus viuant. Cumq. vna consuetudo talis facta fuerit tolerabilis, consequenter introducit alia, quasi coherens priori, ut si illa admittitur, ista vetus toleretur. Quinta, occupationum frequenter emergentium, quæ

**A** corda distrahunt, affectum deuotionis extinguit, mores alterat, interius occasiones vitiorum inducit, & ne de sua correctione efficaciter cogitent, semper noua impedimenta religionis innectit, donec tandem consuecant sola exteriora cogitare, & obscurato conscientie oculo, etiam cum defunt, occupationum causas impudenter querere. Sicut Samson cæcatus in carcere molam traxit. Sunt & aliæ speciales causæ quorundam ordinum, ut nimia inopia, ex qua coguntur fieri proprietarij, dum sibi videtur quisque prouidere, quia non prouidetur eis in communi. Item nimia opes ex quibus fiunt carnales, superbi, & multipliciter vitiosi. Item frequentia inter sæculares, ex qua oritur multarum tentationum carnalium materia & repositus. Item frequens mutatio prælatorum, quæ & si pro parte bona sit, in quantum mali abiiciuntur; tamen in eo nociua est, quod boni dum cito sperant absolui non præsumunt aggredi, vel non proficiunt, ut reforment statum ordinis, & rebelles subditi potius laborant ut deponantur, quam ut status debitus reformetur. Item si vnus prælatus quandoque vult reformationi intendere, ab alijs quoquo modo impeditur, vel ad minus non iuuatur ab his, quorum auxilio indigeret, ut Prior non adiuuatur ab Abbate, vel Abbas ab Episcopo, & de similibus similiter iudicetur. Vnde rebelles subditi appellant ad illos, quos sciunt sibi in sua rebellionem fauere. Item si aliqui in vno loco diligerent reformare statum in melius, mittuntur ad alium locum, ubi non inueniunt quod querant. Ex his atque alijs causis, status Religionis deficit, ut non solum fiat deterior, sed etiam quasi desperabilis, quod vix vnquam nisi Deus ordinet, aliter reformetur. Sed quia diligentibus Deum omnia cooperantur in bonum, quod non fit in communi, potest fieri in particulari. Quilibet proficere volens, conuertit ad lucrum suum aliorum detrimentum, & omnes vias alieni defectus, ad profectum suum cum Dei gratia retorquet. Et sicut electorum gloria ex hoc maior erit, quod reproborum societati admisti, eorum non imitantur exemplum, qui sunt ipsis tentationis, & exercendæ virtutis materia: ita & boni religiosi numquam tanti fuissent meriti apud Deum, si non a tepidorum fratrum defectibus ad multiplicem virtutis luctam assidue expediti fuissent. Vnde Apostolus: Inter cetera virtutum suarum merita, quibus se ministrum Christi excellenter gloriatur, enumerat pericula in falsis fratribus, eo quod ei & alijs bonis multiplex sit occasio virtutis, scilicet quod primo eorum praua exempla sunt bonis tentationis materia, & sic victoriæ causa. Item secundo, zelo iustitiæ circa eorum vitia accenduntur, & vruntur scandalis infirmorum. Item tertio, eorum miserijs compatiuntur, sicut mater filio ad perditionem properanti. Item quarto, magis laborant bonis exemplis eos corrigere, & monitis, & orationibus, & beneficijs. Item quinto, distortos mores patienter tolerant, & iniurias, quas eis pro iustitia inferunt. Item sexto, ex eorum contubernio despectiones sustinent ab extraneis, quasi ipsi sint tales. Item septimo, timidiore ac per hoc humiliores sunt, & ne cadant sollicitiores sunt. Item octauo Deo magis referunt gratias, quod eos ne tales essent, benigne defenderit. Item nono, ex malis iuxta se positis, virtutes iustorum clarius elucunt, & pulchrius fulgent. Ista & alia bona sunt, quæ Deus elicit ex consortio malorum cum bonis. Sicut enim accidentale gaudium bonorum cumulat visa poena damnatorum, ita etiam in Ecclesia quodammodo decorat rectitudinem iustorum, deformitas iniquorum, disponente hoc superna sapientia, quæ nil inordinatum in omni regno dimittit, &c.

*Indic. 6.*

*Rom. 8. 9.*

*1. Cor. 11. f*

*Quare*



*Quare inter religiosos aliquando diffensiones sint.*  
*Quest. XX.*

**I**tem quæro: Cum nihil debeatis appetere terrenum, nec honores, nec res pro quibus solent homines inter se contendere, & sibi mutuo inuidere, quæ causa est, quod sæpe videmus inter religiosos esse diffensiones & inuidias, sicut inter sæculares, vel aliquando aciores?

Respondeo. De his quæ irrationabiliter fiunt, reddi non potest ratio congrua. Vnde si aliqui sub habitu Religionis tales aliquando videntur, non est alia ratio, nisi eorum imperfectio, & quia habitus mentis non habet interius, quod ostendit habitus vestis exterioris, & tonsuræ capitis. Boni autem si aliquando dissentire videntur, hoc his de causis fieri consuevit. Nam cum non omnes agnoscant æqualiter veritatem in omnibus, contingit, quod aliquis intelligit illud pro alia parte non fore expediens, vel aliud magis fore expediens quàm illud. Et dum uterque hoc quod ipse melius iudicat vult promouere, & quod nocivum credit vult impedire, sic dissensio fit inter eos, idest diuersa sensio, non peruersa, cum uterque bene intendit. Sicut inter Paulum, & Barnabam pro

*AR. 15. g*

Ioanne discipulo, quem voluit Barnabas assumere in socium prædicationis suæ, sed Paulus prohibuit, timens ne non perseveraret in continuatione laboris, & sic per eum impediretur, & sic dissentiebant. Et Barnabas Ioannem secum sumpsit, ubi minores haberet labores. Paulus vero Silam sumpsit pro fortioribus laboribus magis aptum, ut diuersis partibus diuisi, pluribus prædicando prodesse. Sic in expositione beati Gregorij orante Daniele Dominum pro

*Dan. 10. 6*

*\*Greg. li. 17.*

*Mor. cap. 8.*

populi liberatione de captiuitate Babylonica, Angelus dixit, quod eius oratio esset dudum exaudita, sed Princeps Perfarum, idest Angelus illius gentis custodiæ deputatus restitit sibi vigintiuno diebus, ne statim liberarentur, sed diutius afflicti plenius a peccato purgarentur. Quid ergo mirum si boni quandoque pro bono dissentire videntur, ratione diuersarum considerationum, si Apostoli & Angeli eadem ratione dissentire inuenti sunt? Nam iuxta hunc sensum sancti, quandoque rationabiliter a Deo dissentiunt, ut cum Deus vult aliquem mori, quem ipsi diutius desiderant viuere pro aliorum profectu, vel cum ipsi putant citius mori, quos Deus vult pro eorum salute adhuc diutius in corpore laborare. Vnde Apostolus dicit: Desiderium habens dissolui, &c. Alia causa est, quando vnus non videt intentionem alterius, quæ bona est, putat eam alia intentione aliquid facere, & displicet sibi, & dissentit ab eo qui si sciret non displiceret sibi, quod facit, & esset pacatus cum eo.

*Philip. 23.*

*d*

*Num. 32. b*

*Iosue 22. c*

Sic Moyses iratus est filiis Ruben, & dimidiæ tribui Manasse, cum peterent terram Basan, & Hesebon in possessionem. Et Iosue iratus est eisdem pro constructione altaris super ripam Iordanis, antequam agnosceretur, intentionem vtriusque fuisse bonam: talis autem ignorantia non est semper culpabilis, dum tamen non sit iudicium nimis præceps, & cetera.

*Religiosi quæ facta sua celare debeant.*  
*Quest. XXI.*

**I**tem quæro: Cum religiosi tam studiose solent abscondere facta sua, suspectum est apud eos, esse aliqua indecentia, cur enim sic celantur, cum bona non sit necesse celari?

Respondeo: Tria solent celari, & abscondi, Primum est, singularia bona, ne de singulari gloria excellentia proveniat, & meritum depereat. Vnde Saluator: Attendite ne iustitiam vestram faciatis coram hominibus, &c. Item vitia & peccata, ne percipientes, scandalizentur, & qui peccantem scandalizant, duplici reatu obligantur. Vt homini illi per

*Mat. 5. a*

*Mat. 18. a*

S. Bon. Tom. 7. Pars iiij.

**A** quem scandalum venit. Item quædam solent abscondi a non intelligentibus, qui ea iudicarent mala esse ex sua stoliditate, cum tamen coram Deo licita sint, vel etiam meritorie non propter hypocrisis, sed ne illi exinde infirmentur, & ita non propter se tantum, sed magis propter illos occultant religiosi facta sua, ne noceant illis; quia non possunt omnium corda videre, & omnibus satisfacere, quare hoc, vel hoc fiat cum sæculares rudes sint, & proni sapius de religionis sinistra suspicari. Cum enim vident eos refectionem accipere, iudicant eos carnales. Cum vident eos humiliter iucundos, iudicant eos dissolutos. Cum ex zelo iustitiæ vident se ab eis pro vitio suo redargui, dicunt eos iracundos. Cum vident eos necessaria vitæ hincinde mendicare, cum aliunde non habeant, dicunt eos auaros, & sic de singulis. Etiam quæ bene faciunt reprehendunt, propter quod oportet, ut caueant alienæ infirmitati, & occultent quæ possent ab alijs mala iudicari, sic ait Apostolus: Videte ne hæc licentia vestra offendiculum fiat infirmis. Tribus modis sæculares iudicant religiosos. Primo, opinando de ipsis, quæ omnia sunt falsa, quæ ipsi per se confingunt, vel alijs inferentibus leuiter credunt, ut vulgus rusticanum, quod dicit nos Antichristi prænuntios, & quod omnes guerras terrarum, & principum seminemus. Secundo, quod illa quæ ipsi solent facere, non sunt peccata facere, cum vident nos aliquando facere, æstimant quod tali animo facimus ut ipsi, ut comedere delicata & bibere, alloqui feminas, esse hilares, speciosas areas, munda ædificia ratione sani aëris, & Ecclesias decentes, & zelo disciplinæ inuicem accusare & punire, & pro cautela de locis transmutare, & similia, quæ a bonis bono, & a peruersis peruerso animo fieri solent. Tercio, cum damus ei causam iudicandi, & suspicandi de nobis non bona, talia exempla eis ostendendo, quæ merito sunt reprehendenda. In primo sumus non sine culpa. In secundo indigemus bona cautela. In tertio culpa non caremus, dantes eis scandali offensionem, & ministeriū Religionis vituperabile facientes, quibus debemus esse lumen sanæ doctrinæ, & forma recte viuendi. Cum autem despiciamur ab alijs sine causa, siue culpa nostra, ad profectum nostrum cedit multiplicem. Primo, peccata nostra per hoc purgantur. Secundo, bona nostra magis tuta sunt a vana gloria, & laude humana. Tertio, humiliores reddimur coram hominibus. Quarto, cautiore sumus in verbis & factis, ne opinionem eorum confirmemus. Quinto, minus eis sumus familiares, ac per hoc magis in cella quieti. Sexto, patientiam magis discimus ex tali despectione. Septimo interna consolatio spiritus impenditur quærentibus pro exteriori subtrahita. Octauo, maius meritum ex his omnibus coram Deo accrescit. Hæc & alia bona tanta sunt, quod si non obessent alijs, libenter tolerare debemus, despici ab alijs, & reprehendi, & persecutiones pati propter Christum sine culpa, & cetera.

*Cur religiosi ordinis S. Francisci ad mensas diuitum accedant. Quest. XXII.*

**F**

**I**tem quæro: Cum deberetis sicut pauperes Christi pauperibus esse familiares, & eorum cibis contentari, quid est, quod magis frequentatis mensas diuitum, quàm pauperum?

Respondeo: Tria nos specialiter inuitant ad hoc, videlicet nostra necessitas quia cum itinerando per terram lassitudine, & fame fatigamur, apud illos promptius speramus obtinere refectionem, qui etiam pro honestate sua panem suum quibuscumque transeuntibus non negant, quàm apud alios quos nescimus. Item pauperum inopia, quia si forte nos hilariter reciperent, expenderent nobiscum pro sua deuotione in vno prandio nobis etiam dolentibus, vnde ipsi plu-

H h 2 ribus

ribus vicibus refici possent. Item ipsorum diuitum salus qui per occasionem concipiunt nostri familiaritatem notitiam, ut ad amorem Dei sic eos paulatim trahamus, & salutis doctrinam eis ingeramus, & per tale meritum Deum eis propitium faciamus. quia pauperes per se ingerunt se, & salutis consilia studiose requirunt, qui non habent in hoc mundo consolationem suam, diuites autem terrenis contenti, vel mundanis negotijs occupati, vel superbia inflati, raro humiliter se ad querendum salutis consilium, nisi per occasionem aliquam ad hoc a nobis, & religiosis trahantur prudenter, sicut Dominus traxit Zachæum, & alios Publicanos, manducando cum eis, & docendo, licet non ignoraret, Phariseos & Scribas inde murmurare, & materiam querere detrahendi, & cetera.

*Quare religiosi plus honorent diuites, quam pauperes? Quæst. XXIII.*

Iac. 2. a

**I**tem quæro: Cum personarum acceptio sit apud Deum culpabilis, & ab Apostolo Iacobo prohibita, quare vos religiosi magis honoratis diuites, quam pauperes, & promptius eis seruitis in confessionibus audiendis, & alijs consilijs, & obsequijs, sicut sæpe videmus, & scimus?

Sap. 6. b

**R**espondeo, Deus pusillum fecit æqualiter & magnum, & æqualiter est illi cura de omnibus, in quantum factura eius sunt, ac ad salutem pertinent sempiternam. Ideo igitur nos, omnes diligere debemus in Domino, & tam diuitum, quam pauperum salutem desiderare, & pro posse nostro promouere, sicut expedit his, & illis; Vnde si pauper melior est diuite, plus debemus eum diligere, tamen diuitem plus honorare quadruplici ratione. Vna, quia cum Deus in hoc sæculo diuites, & potentes prætulit pauperibus, quo ad mundi gloriam, ubi est necesse alios alijs subesse, vel præesse nos honorando potentes, eius ordinationi concordamus, quos & ipse Deus honorauit in hac parte. Alia ratio, propter infirmitatem ipsorum diuitum, qui si non honorarentur, indignando magis infirmarentur, & deteriores efficerentur, & grauamen nobis, & alijs pauperibus inferrent, ne quod offendiculum demus infirmis, ne per nos deteriores fiant, qui omnes debemus potius ad meliora trahere, & pronocere. Tertia, quia maior utilitas prouenit ex correctione vnius diuitis, quam plurimum pauperum. Pauperis autem salus sibi prodest, diues autem emendatus multis prodest, tam propter exemplum aliorum, qui inde ædificantur, & prouocantur ad bonum, quam propter alia bona, quæ per eum promouentur in alijs, & mala impediuntur.

Ecclesi. 10. a

**Q**ualis Rector ciuitatis, tales habitantes in ea. Conuersio Constatini Imperatoris ad fidem plus profuit Ecclesiæ in pluribus, quam multorum aliorum. Quarta, cum a diuitibus plus recipiamus de corporali subsidio, eo quod magis abundant in talibus, iustum est, ut & eis vicem rependamus, & priores sumus eis ad obsequia specialia impendenda, pauperes etiam facilius expediuntur; quia tantis perplexitatibus non ligantur, diuites vero pluribus laqueis irretiti, frequentioribus, & diligentioribus indigent consilijs, ideo necesse est nos circa illos studiosius occupari, ne profundius in peccato mergantur. Nam ut dictum est iam, qui potentem in bono promouet, multos iuuat: sic e conuerso ipsius subuersio multorum est detrimentum, & cetera.

*Quomodo possint fratres Minores domos, hortos, libros, &c. possidere. Quæst. XXIII.*

**I**tem quæro: Cum regula dicat quod nihil proprium debeatis habere, nec in speciali, nec in communi; & vos habetis domos, hortos, libros, vestes, &

alia victui necessaria pro tempore, quomodo potestis transgressionem huiusmodi excusare bona conscientia?

**R**espondeo. Videmus in sæculo famulos dominorum panem non suum comedere, tecto non suo contegi, & rebus alienis, videlicet dominorum suorum uti: Sic & alij sæpe concessis vtuntur tam vestibus, quam alijs rebus de illorum voluntate, quorum res sunt. Sic & nos vtimur rebus necessarijs pro corpore, quas tamen, nec in speciali, nec in communi nobis appropriamus. Regula enim non dicit, nos nihil debere habere, sed nihil nobis appropriare. Vnde vsum rerum necessariarum habere possumus, non proprietatem, alioquin nec vestem, nec cibum, nec aliquid aliud in vsum recipere deberemus, quod esset contra omnem rationabilem intellectum. Præsul enim Sedis Apostolicæ, qui est generalis omnium pauperum Ecclesiæ prouisor, specialiter nostri Ordinis curam habens, omnium mobilium, quæ ordini conferuntur, proprietatem sibi assumpsit, exceptis his quorum dominium sibi conferentes retinuerunt, & nobis vsum earumdem rerum solum concedit, ut semper alieno victu, & vestitu, & tecto, & alijs utensilibus absque proprietatis iure, ex ipsius concessione vtamur. Sicut familia patrisfamilias, quæ rebus domini sui vtitur, tam in absentia, quam ipsius præsentia corporali, secundum ipsius dispositionem. Et eleemosyna, quæ nobis a fidelibus datur transit in vsum nostrum, & in illius dominium, qui est principalis ordinis nostri dispensator, cui parati sumus omnia quæ habemus cum iusserit, tamquam Domino prout conuenit resignare, & nil iuxta hoc proprietatis habentes, regulam nostram bona conscientia obseruamus, & cetera.

*An fratres Minores transgrediantur regulam, cum pecunia, quæ sibi pro eleemosyna erogantur per alios recipi, & conservari faciunt. Quæst. XXV.*

**I**tem quæro: Cum iterum regula dicat quod nec per vos, nec per alios debeatis recipere denarios, vel pecuniam, videmini per contrarium hoc facere, tam petendo pecuniam, tam reponendo, quam etiam dispensando, quia & si personaliter eam non contrahitis, tamen per alios eam seruari, & recipi facitis, & distribui, sicut vultis, & tamen inhibetur sicut per præceptum, ut non habeatis super hoc potestatem dispensandi, nescio quomodo hanc transgressionem excusare potestis. Si autem non posset hoc præceptum seruari, non deberetis vouere, & potius esset regula recedendum, quam laqueus esset vouentibus, cum seruari non posset.

**R**espondeo. Multa putantur mala quædam non intelliguntur, quæ intellecta, rationabilia & iusta videntur. Sic & in ista quæstione apparet. Regula prohibet nec per nos, nec per interpositam personam nos recipere pecuniam, ut nostra sit, & nos domini, & possessores pecuniæ simus, quasi rei propriæ. Sed concedit, ut per amicos spirituales, qui pro Deo nos spirituatiter diligunt, idest caste, & iuste, necessaria procuremus, quæ tali modo vtrique congrue obseruantur, quod ea, quæ sine pecunia non possunt procurari, aut per ipsos procurentur, qui fratribus dant eleemosynam, aut per eorum nuntios, ut cum aliquis procurat fratribus librum scribi, vel vestem fieri, vel domum, vel aliud suis laboribus, & expensis, aut si fratres ista procurant, illi solunt pecuniam illis qui fratribus commodauerunt. Vnde ista sunt procuranda, ut cum fratres faciunt librum scribi, alius soluat expensas per se, vel per nuntium suum, aut si aliqui volunt dare fratribus eleemosynam pecuniæ, possunt committere alicui, qui nomine suo eam seruet, pro utilitate tamen fratrum, ut vice illorum, qui sibi commiserunt

1. Cor. 2. b

miserunt pecuniam, procuraret inde fratribus, secundum quod voluerit, secundum quod a fratribus instruitur per se, vel per alios, qui aptius ea promouent, quæ sibi fuerant commissa. Et per omnes istos non recipiunt fratres pecuniam, sed illi per se, pro illis qui sibi commiserunt pecuniam, conuertunt eam in vtilitatem fratrum, vicem illorum gerentes in eo, quod seruant & distribuunt ipsam pecuniam, quæ adhuc illorum est, qui dederunt, etiam si nesciant eam adhuc seruari, gerentes autem vicem fratrum in eo, quod eorum vtilitatem promouet de pecunia aliorum. Fratres enim quamdiu pecunia non est redacta in rem aliam, quam eis ut licet, non habent eam pro sua, sed illius qui deposuit eam, licet sciant eam pro sua vtilitate ibi repositam. Sicut cum dominus committit seruo suo pecuniam suam, ut mihi inde emat tunicam, interim est domini, sed empta tunica, mea erit. Secundum hanc viam, & cautelam fratres, & per amicos speciales, & quoslibet procuratores, & mediatores procurant necessaria, nec tamen recipiunt pecuniam per illos procuratores, sed illi seruant illam nomine dantium, & vice ipsorum vertunt eam in vtilitatem fratrum, ut dominium pecuniæ non transeat in proprietatem fratrum. Vnde conditor regulæ magis intendit fratribus præcludere viam auaritiæ in possessione pecuniæ, per quam omnis Religio suffocatur, quam obstruere eis opportunitatem necessaria procurandi. Sedes etiam Apostolica cuius acta toti Ecclesiæ dijudicanda exponuntur, & veneranda, ipsam regulam confirmando non approbasset, si in ea aliquid incongruum, & inobseruabile prospexisset. Ideo vouentibus eam non est laqueus perplexitatis, licet indigeant diligenti cautela, ne offendant contra eam, qui debent aliqua necessaria per pecuniam procurare, quæ tamen cautela magni est meriti, quamuis illi tutius ambulent, qui se subtrahunt a talibus negotiis, qui ad ea ex officio non coguntur, & cetera.

An fratres Minores recipiant eleemosynam ab ijs, qui iniusta lucra sectantur. Quest. XXVI.

Isa. 61. c

Item quæro: Cum res male acquisitæ Deo sint odibiles, vnde Dominus dicit. Ego dominus odio habens rapinam in holocausto; cur recipitis, vel petitis eleemosynam, ab illis qui iniusta lucra sectantur. Respondeo: Quidam sunt qui solum habent res male acquisitas, & possunt certæ personæ inueniri, quibus competit recompensatio, (ubi tales scimus, de cetero non debemus ab eis eleemosynam petere, siue accipere, quia omnia quæ habent sunt aliorum, quibus tenentur reddere) vel omnes, vel aliquæ, quod si aliquæ, & non omnes, tunc vaga restitutio de eis danda est, & in pias causas eroganda. Quidam autem habent iniusta bona, ita quod si dant eleemosynam, tamen per hoc non fiunt impotentes, quin adhuc habeant vnde possint restituere certis personis, quibus debent, vnde possunt eleemosynam facere de residuo. A primis autem non possumus recipere, nisi si ignorantia, vel extrema indigentia, vel præsumptio, quod creditores velint nos recipere, nos excuset. Vnde quando non constat de vero, aliquem iniusta detinere bona, non tenemur leuiter credere eum tanti criminis esse reum, cum de quolibet teneamur præsumere meliora. Mendicitas nostræ professionis, & quia Deo debita, pauperibus Christi largiēda sunt, excusat nos in hac parte plenius, quam illos, qui ex alijs rebus habent, vnde sufficienter valeant sustentari. Vbi tamen publica fama clamat aliquem esse de primis prædictis, etiam si aliter non constaret, propter scandalum non expedit ab eo recipere, vel petere eleemosynam, nisi forte talibus qui ex professione, vel officio habent, quod debent raptores ad restitutionem inducere, quia vtiliter gerunt in hoc nego-

S. Bon. Tom. 7. Pars iij.

atium spoliatorum. Et dignus est tunc fidelis operarius cibo suo, cum nemo teneatur suis stipendijs militare. Ad hoc autem, ut possimus peccatores ad emendationem monendo inducere, concedit nobis Sedes Apostolica, etiam in terris excommunicatorum libere commorari, & ab eis tunc eleemosynam recipere, maxime si aliunde non possemus sustentari. Si enim boni de medio malorum tollerentur, quis esset qui malos ad bonum verbo, & exemplo moueret? &c.


Quare plures clerici religiosos odio habent.

Quest. XXVII.

Item quæro: Quæ ratio est, quod clerici magis odiunt nos, & persequuntur, quam laici, & simplices sacerdotes?

Respondeo: Sicut non omnes laici diligunt nos, sic nec omnes clerici odiunt nos. Si qui autem videntur nos odire, hoc quinque de causis potest esse. Vna, quod timent nos, quod ipsorum facta, & excessus vel defectus plenius agnoscamus, & seuerius arguamus, quo clarius videmus, quales esse deberent, & non sunt, per quos Ecclesia gubernatur. Secunda, quod inuidet nobis, quod sumus hominibus gratiores, & ipsi comparati nobis appareant in vita, vel in scientia viliores, vel etiam indoctiores in doctrina. Tertia, quod dolent, si per confessiones secretæ eorum ab alijs, qui confocij fuerint percipimus, dum timent per illa magis vilescere, vel forte personas illas nostro consilio ab eis auerti, & ad meliora conuertere. Quarta, quod timent sibi aliqua per nos emolumenta subtrahi, dum eleemosynas, quæ dantur nobis, arbitrantur sibi fore dandas, si nos non essemus. Et hæc videtur potior esse causa pluribus, qui nos odiunt, scilicet si plus inhiant lucris pecuniarum a suis subditis, quam fructui animarum, & cetera. Potest etiam quinta causa esse, quod diuina iustitia illos, qui quanto amplius cognouerunt, & spreuerunt, & quibus maiora beneficia contulit, & ingrati fuerunt, & grauius ceteris offenderunt, frequentius eum indigne conrectant, & percipiunt, tanto magis indurat, & profundius cadere permittit. Vnde non solum ipsi sunt mali in se, sed etiam alios secum malos esse desiderant, & bonos odiunt, & quos imitari nolunt, optant non esse, & persequuntur eos, quos sibi dissimiles esse dolent. Salomon: Grauis est nobis ad videndum. Et tunc ibidem plures de prædictis tanguntur. Laici vero, quia de prædictis causis minus habent, ideo minus odiunt; immo etiam diligunt, qui sentiunt nos salutem suam diligere, & sperant per nos eam fideliter apud Deum promouendam, ore, meritis, & doctrinis. Clerici etiam qui sane sapiunt, eadem ratione nos fouent, & diligunt, quasi filios suos, & vocatores, & co-operatores tam suæ salutis, quam suæ sollicitudinis sibi commissæ in suis subditis necessarios adiutores, & oneris sibi impositi fideles subleuatores. Et de istis satis, &c.

Sap. 2. c



Hh 3

S. BONA-

# S. BONAVENTURAE

## EXIMII ECCLESIAE DOCTORIS

### Opusculum,

### In quo decernitur

## QVARE FRATRES MINORES PRÆDICENT, & confessiones audiant.

*In hoc Opusculo determinans quaestionem propositam S. Bonaventura & aduersariorum obiectionibus satisfaciens doctrinam vtilissimam tradit pro materia sacramenti penitentiae, praecipue quoad ministrum ipsum.*



**Q**UAE plerique dubitant & quaerunt, cum nō habeamus curam animarum ordinarie nobis commissam, qua ratione, vel qua auctoritate, vel qua forma praedicemus, vel confessiones in populo audiamus. Quod ut plenius & planius intelligatur, rationis huius radicem altius inspicimus, ab ipsa primaria Ecclesiae institutione originem breuiter colligentes.

**JOAN. 21. c.** Dominus Iesus Christus omnium creator, & gubernator, sanctam Ecclesiam suam ascensus in caelum, Apostolis regendam & dilatandam commendauit, principaliter beato Petro Apostolo, cui de vniuerso grege fidelium specialiter dixit tertio: Pasce oues meas. Sed ut ordinatius gubernaretur vniuersalis Ecclesia, distinxerunt eam sancti Apostoli per Patriarchatus, Primatus, Archiepiscopatus, Episcopatus, Parochias, & alias Canonicas distinctiones; ut quia per vnum vel per paucos non poterat singulis fidelium in omnibus salutis necessarijs congrue satisfieri, plures ad huius sollicitudinis partes per determinatos sibi limites pro vtilitate animarum vocarentur. & secundum curae pastoralis amplitudinem, etiam quilibet istorum accepit certam auctoritatis potestatem, residente plenitudine potestatis Ecclesiasticae apud sedem Apostolicam Romanae Ecclesiae, cui Apostolus Petrus Princeps Apostolorum specialiter praesedit, & successoribus suis ibidem eandem potestatem reliquit.

**Plenitudo potestatis Papae triplex.** Triplex est autem huius potestatis plenitudo, scilicet quod ipse summus Pontifex solus habet totam plenitudinem auctoritatis, quam Christus Ecclesiae contulit, & quod vbiq; in omnibus ecclesijs habet illam, sicut in sua speciali sede Romana, & quod ab ipso manat in omnes inferiores per vniuersam Ecclesiam omnis auctoritas, prout singulis competit eam participari, sicut in caelo ab ipso fonte totius boni Christo Iesu fuit omnis gloria Sanctorum, licet eam differenter singuli participant pro capite suo.

**Ratio distinctionis ecclesiarum in plures dioeceses.** Praedicta vero distinctio Ecclesiarum, & Parochiarum triplici de causa est instituta, scilicet propter Rectorum sollicitudinem. Quod enim cuique specialius committitur, diligentius exequitur, nec expectat ut alter provideat his, qui suae sollicitudini specialiter sunt commissi. Item propter subditorum vtilitatem, quia facilius reguntur, & singulis expeditius potest satisfieri, ut dictum est, per plures ministros, quam

**Exo. 18. d.** per paucos. Sicut Moyses solus nō valens onera multitudinis populi sustinere, partitus est Tribunus, Centurionibus, Quinquagenarijs, ac Decanis, ut maiores maiora, minores minora proportionaliter expediret, retenta sibi tamen plenitudine potestatis, in typo futurae dispositionis Ecclesiae militantis. Item propter deprehendendas fraudes haereticorum, & latebras peccantium, ut quisque pastor super gregem suum vigilans, possit luporum deprehendere insidias, & errantium ouium absentiam cognoscere, & ad gregis unitatem, eas quaerendo, reuocare.

**Officiū Plebanorum quod est.** Ministerium autem officij pastoralis circa ista septem praecipue versatur, maxime Plebanorum, scilicet docere, praedicando populum, quid credere, quid facere, quid cauere, quid sperare, quid timere debeant. Item peccantes corrigere & iudicare, in confessione soluere & ligare pro qualitate meritorum. Ecclesiam officiare, & diuina celebrare, & indicere statuta Ecclesiae de ferijs, & alijs. Intercedere pro populo apud Deum, orando, & gratiam eis impetrando, quasi mediator inter Deum & eos. Sacramenta Ecclesiastica & sepulturam eis impendere, & alia sacramentalia. indigentibus in parochia pro posse in corporis necessitatibus de rebus Ecclesiae subuenire, exemplum bene viuendi in omnibus seipsum praebere, secundum honestatem vitae clericalis.

**Ad quid tenentur subditi Plebanis suis.** Obedientia vero populi ad Plebanos in his conuerso maxime consistit, ut doctrinam eorum & praedicationem, statuto tempore & loco auscultent. Ut de peccatis suis eorum correctioni subiaceant, iuxta Canonum instituta. Ut semel in anno ad minus omnia peccata sua, quae tunc habent, eis confiteantur. Ut in praecipuis festis, secundum iura ad parochias conueniant, Missam audituri. Ut sacramenta Ecclesiastica ab eis recipiant, & sepulturam & huiusmodi. Ut indicta feriarum, ieiuniorum, & alia denuntianda ab eis, seruent. Ut decimas, oblationes, & alia debita eis persoluant, secundum Canonum instituta. Noua vero statuta populo superaddere Plebani non debent, ne fiat obedientia onerosa. Haec debent subditi Plebanis suis, tamen cum exceptionibus iuris, priuilegiorum, & consuetudinis approbatæ & licentia superiorum.

**Quibus de causis statutum est, ut quilibet fidelis semel in anno proprio sacerdoti omnia peccata sua, his sex de causis statutum est.** Quod vero semel in anno quilibet confiteatur proprio sacerdoti omnia peccata sua, his sex de causis statutum est. Primo, ut pastor cognoscat, in quo statu quilibet commissorum sibi sit, ut secundum hoc sciat ei medicinam competentem exhibere, instructionis, correctionis, consolationis. Secundo, ut noscat quibus possit Christi corpus indulgere, vel quos a sacramentis

# Quare Frat. Min. præd. & confess. audiant. 367

mentis arcere. Tertio ne per longam incuriam, multorum conscientiarum in peccato desperabiliter sordescant, expedit ut aliquando se expurgent. Ipse enim pudor confitendi plerisque a peccato deterret, & confitendo sapere, discunt hoc esse peccatum, quod se putabant innoxie perpetrare. Quarto, ut discernantur obediens a negligentibus vel hæreticis, per obseruantiam talis statui. Quinto, ut purgent se ad corpus Dominicum digne percipiendum fideles, per confessionis medelam. Sexto pro merito gloriæ, ut ex humilitate confessionis, mereantur in cælo exaltari, & a peccatis citius expurgari.

Proprius sacerdos quis.

Proprius sacerdos dicitur, cui quisque specialiter gubernandus est commissus ab Ecclesia vice Dei. Prætermisissis igitur diuersis distinctionibus, quattuor sunt cuiusque plebis parochialis proprii sacerdotes. Primus & præcipuus est summus Pontifex, cui tota Ecclesiastici gregis cura singularissime commissa est, ita quod omnes inferiores Ecclesiæ Rectores, curam & totam potestatem quam habent super subditos ab ipso accipiunt, mediate vel immediate. Secundus est diocesanus Episcopus, qui est ordinarius pastor omnium ecclesiarum sub ipso constitutarum, & sui inferiores Prælati curam animarum & auctoritatem regendi habent ab ipso. Tertius est specialis pastor cuiusque ecclesiæ ibi canonice institutus. Quartus est, cui quisque prædictorum pro tempore vicem suam super commissos sibi, ad ligandum & soluendum ex causa rationabili committit, cui tamen committere potest. Superiores autem liberius & largius possunt vices suas committere, quam inferiores. Vnde cum Plebanus possit aliquibus committere, ut vice sui plebi suæ prædicent, & eorum confessiones audiant, & absoluant, & penitentias iniungant, ita quod hæc absolutos non oporteat illo anno Plebanis suis iterum confiteri, nisi velint, multo magis potest hoc Episcopus, & maxime summus Pontifex, qui sicut ubique habet potestatis plenitudinem, ita & commissam sibi gerit omnium ecclesiarum sollicitudinem, ut ea, quæ singulis necessaria probantur, ipsius providentia suppleantur. Alioquin vacua esset apud ipsum tanta potestas, quam executionis efficacia non comitaretur. Committit autem alijs quandoque vices suas, tum pro locorum distantia, vel causarum qualitate, vel pro aliorum magis urgentium negotiorum occupatione, vel pro multitudinis requirentium frequentia, & necessitatis festinatione, vel pro corporis imbecillitate, vel certe pro liberiori spiritus vacatione expedit eum, & alios secum ad oneris pastoralis sustentationem inuitare. Nam & si Dominus solus omnia sine qualibet difficultate possit in omnibus operari, quæ voluerit, sicut ex nihilo cuncta creauit, tamen dignatur in quibusdam operibus suis habere coadiutores & vicarios sicut in cura animarum, & in operibus artificialis industriæ. In hoc dant exemplum Ecclesiæ Rectoribus, onus sollicitudinis suæ, & alijs impartienti, ne per ipsorum absentiam & insufficientiam, salus fidelium negligatur.

Prædictis ergo de causis in his nouissimis temporibus, de quibus prædixit Apostolus, quod instabant tempora periculosa ex multiplicatione peccatorum, & numerositate rudium populorum, & seductione hæreticorum, & raritate bonorum, & difficultate regendi, & insufficientia Prælatorum, & perplexitate casuum emergentium, & aliorum periculorum Ecclesiæ imminuentium ex varijs euentibus, prouidit sedes Apostolica ad obuiandum præfatis periculis quibuscumque remedium subuentionis animabus peruentibus, quod diuina ordinatione quoddam religionum ordines instituit, qui officio prædicationis & confessionis sibi commissi, subueniant indigentibus populorum, & insufficientibus clericorum, & obstant veritatis hæreticorum, & hoc in solatiū, & subleuamentum queris, non in præiudicium Plebanorum. Non enim

A præiudicare eis, si dominus Papa, vel Episcopi eorum, de officio suo solliciti, quod personaliter implere non valent, alijs loco suo implendum committunt. Sicut nec hoc præiudicaret eis, si vellent personaliter in parochijs eorum prædicare, vel confessiones audire, ita quod ipsi confessi non tenerentur tunc iterato Plebanis suis confiteri, cum ipsi Plebani sint vicarij Episcoporum in suis parochijs, sicut Episcopi summi Pontificis in officijs sibi commissis, quia non in diminutionem potestatis, sed in adiutorium sustentandi oneris, sunt inferiores pastores superioribus subrogati.

B Secundo, non fit eis præiudicium si pondus laboris quod ipsi portare tenentur, in cura animarum alieuietur eis per aliorum auxilium, ut animæ saluentur, pro quibus Deo rationem reddere debent in iudicio, si ex eorum negligentia, vel ignorantia, perirent, ita ut pro illarum perditione ipsi damnentur. Ecce super pastores ego requiram gregem meum de manu eorum, &c. *Exer. 34. c*

C Tertio, non fit eis præiudicium, quia non minuitur iurisdictionis eorum potestas ex tali cooperatione aliorum, sed tantum pondus sollicitudinis & laboris. Temperatissime quippe sic disposuit diuina sapientia, & instituit sedes Apostolica, ut per ordines prænotatos in prædicatione, & confessione, defectus cleri suppleantur, & animæ saluentur, & nec in temporalibus & spiritualibus ius clericorum aliquatenus violetur, ne per subtractionem illorum, quæ eis iure debentur commoti, salutis profectum per fratres promouendum in Ecclesia impedirent, cum vix etiam nunc sustineant quidam, eos pro animarum salute inter homines conuersari. Nam nec decimas eorum, nec primitias seu oblationes, nec alia debita eis præcipimus, nec populum ab obedientia eorum abstrahimus, nec in debitis ministerijs suis eos vllatenus impedimus. Quod autem quandoque religiosi ad saluandos fideles in Ecclesia essent vocandi, ostenditur in Euangelio Lucæ, cum Dominus dixit Petro: Duc in altum, & laxate retia vestra in capturam. Concluserunt autem piscium multitudinem copiosam. Rumpebatur autem rete eorum, & annuerunt socijs, qui erant in alia naui, ut venirent & adiuuarent eos, & impleverunt ambas nauiculas. Mare est sæculum. Nauicula Petri est Ecclesia fidelium populorum. Rete est Evangelica doctrina. Per iussu Domini tot piscium multitudo concluditur, quod rete rumpitur, quia tot ad fidem veniunt, quod eam etiam hæresibus scindunt.

E Sed cum Petrus cum suis trahere non valeret, annuerunt socijs in alia naui, ut venirent & adiuuarent eos: quia Prælati Ecclesiæ cum clero non sufficientes per se tantam plebium multitudinem trahere ad litras vitæ perpetuæ annuerunt, admittendo socijs religiosi, scilicet Iacobo, & Ioanni, actiuis & contemplatiuis, ut venirent cõpatiando animarum periculis, & adiuuarent eos, tam illos qui trahunt, quam illos qui trahuntur, illorum insufficientiam, istorum indigentiam releuando. Ambas autem nauiculas implent, cum præ multitudine populi, nec clerici, nec religiosi plene sufficiunt omnibus satisfacere.

F Cum autem prædicatio, & confessio, inter alia populo Dei exhibenda, ampliori indigeant scientia Scripturarum, & magis periculum sit ista ei non ministrare, ut expedit, cum per prædicationem informetur quid credere debeant, & qualiter viuere; per confessionem vero lapsi extrahantur de luto peccati: ista duo fratribus commissæ sunt, ut in his subueniant fidelibus, & suppleant defectum clericorum. In reliquis autem minus est periculum qualiter fiant, aut facilius executio per quemcumque fiant. Ex prædicatione ergo non fit eis præiudicium, quia non prædicamus illa hora in eorum ecclesijs, qua ipsi solent in festis sollempnibus, diuina sollempniter celebrare, seu prædicare, nisi ipsorum permisso. Alia hora si populus

*Luc. 5. a*



# 368 Quare Fratres Minores prædicent,

pulus nos audire desiderat, nihil deperit eis exinde, sed accrescit. Et hoc in tribus, videlicet, quia populus eis commissus proficit in scientia veritatis, & bonis moribus. Item, cum ipsi eadem docent, quæ & nos testimonio nostro confirmamus doctrinam eorum esse veram, ut in ore duorum, vel trium stet omne verbum. Item, quia docemus populum pastores suis obedire, & eos reuereri, & non recalcitrare, & reddere eis sua. Super his potius debent si sapiunt gaudere, & gratias agere, quam dolere. Aliter enim cito vilescerent apud populum, propter malam vitam multorum ex ipsis. Ex confessione similiter non prædicamus eis, quia nullum cogimus nobis confiteri de subditis suis, & confessos remittimus ad Plebanos suos, ut illis iterum se ostendant tempore suo, secundum Ecclesiæ mandatum, si ante non sunt eis eo anno confessi. Nam si ægrotus vult & alijs medicis, pro vberiori consilio sanitatis patefacere infirmitatem suam præter suum medicum specialem, non fit præiudicium in hoc illi medico, nisi forte infletur invidia, vel cupiditate, vel pudore turbetur.

Luc. 10. a

Rom. 5. d

Quis est bonus Plebanus.

Quod autem prioribus temporibus in Ecclesia non erant vocati, vel missi a Sede Apostolica religiosi alii ad prædicta officia prædicationis, & confessionis, ut nunc sunt missi, ista fuit ratio. Cum morbus adhuc parvus est, paucioribus indiget remedijs, & levioribus, sed cum coeperit inualescere, & latius se diffundere, ne desperabiliter ager periclitetur, necesse est plura, & efficaciora remedia adhiberi: ita etiam cum status mundi modo valde deterior, quam olim esse videatur, expedit plures nunc esse subleuantes, iuxta illud: Messis quidem multa, operarij vero pauci, idonei, & fideles. Rogate ergo Dominum messis, ut mittat operarios in vineam suam. Item ad Romanos, ubi abundauit delictum, superabundet, & gratia. Videmus nunc messes plebem multiplicari, & filijs succis villas ædificari. Videmus adinventiones peccatorum succrescere, & perplexiores casus quotidie emergere. Item ex consuetudine malos incorrigibiles magis fieri, & duriores in peccato. Item, quod clerici plures malo exemplo infirmant laicos, tam in moribus, quam in fide. Item, quod pauci sunt inter eos periti, qui sciant, vel quibus confidatur, quod doceant, ut deberent. Item quod negligenter præsent animabus commissis, & terrenis negotijs nimis instant. Item quod multi eorum sunt suspensi, excommunicati, & in officio suo diuersimode impediti. Item quod rari sunt pastores in ecclesijs, sed per leues vicarios animarum cura venalis exponitur. Item quod ipsi temporalibus curis dediti, ista dissimulant, ita quod spes correctionis vix habetur. Item, quod si aliquando vellent ista corrigere, & inutiles remouere, non habent quos loco illorum substituant meliores. Cum igitur iam sit Ecclesia, quasi naus tempestate concussa, in qua remigantibus, pauore trementibus, procellæ tumentes pene operiunt nauem, missi sunt fratres a summo gubernatore, fulti auctoritate Sedis Apostolicæ, ut in nauiculis suis discurrentes per mundum, quos ex naufragio peccati periclitantes inuenerint, rapiant ex vndis, & ad litus salutis reportent.

Nulla vero parochia inuenitur, quia habeat aut idoneum Plebanum, aut aliquo modo insufficientem, aut nullum. Bonus & idoneus est, qui secundum formam canonum iusto titulo possidet beneficium, cui annexa est cura animarum illarum, & qui sufficientem pro regimine plebis suæ habet scientiam sacræ Scripturæ, & qui nullum habet impedimentum in omni officio clericali, & qui debitam diligentiam adhibet animabus sibi commissis, in his quæ sunt necessaria salutis. Talium Plebanorum subditos non oportet ad alios pro confessione recurrere, nisi in his sex casibus. Primus cum de voluntate ipsius, & licentia, vel rati habitatione, expressa vel tacita, quis alteri

A confitetur. Secundus cum alius habet ampliorem auctoritatem absoluendi in certis casibus, quam Plebanus. Tertius, si propter abundantioram cautelam vult etiam alijs confiteri, nihilominus tamen confiteatur etiam Plebano tempore suo. Quartus, si confitetur illis, qui habent a Domino Papa, vel ab Episcopo loci generalem auctoritatem audiendi confessiones, ut Pœnitentiarij, vel alij quidam ad hoc specialiter deputati. Et qui talibus confitentur, idem est, ac si Episcopo suo personaliter confiterentur eisdem casus de quibus eis contulit potestatem. Unde non tenentur tunc Plebanis iterum confiteri, nisi velint. Quintus, si aliquis est in peregrinatione positus, nec potest habere proprium sacerdotem. Sextus in articulo necessitatis extremæ, tunc quilibet est ei proprius sacerdos, si alium non habet.

Insufficiens Plebanus dici potest tribus modis: aut cui ab Ecclesia pro tempore sublata est executio officij sui, ut suspensus, excommunicatus, & irregularis: aut cuius subditis propter aliquod nocumentum suum non expedit ei confiteri, ut idiota, vel proditor confessionis, & confitentes sibi sollicitans ad peccatum quocumque modo: aut qui, confitentibus sibi, non debitam adhibet diligentiam, sicut necesse foret. Sicut qui non dat eis opportunitatem integre confitendi, vel non vult eos absolvere, nisi pro pretio, vel non informat eos in discretionem peccatorum, seu satisfactionis qualitate, ut sciant quid sit peccatum mortale, quid veniale, quid enorme, quid leuius, vel qualiter Deo satisfaciatur, & qualiter proximo, quando publice, vel occulte. Nam in talibus negligens, tantum nocet alijs, sicut idiota qui docet errare, ita negligens relinquit in errore. Exemplum de cæco duce, & qui cæcum deuiantem non reducit ad viam. Subditi enim horum ipsa necessitate salutis coguntur alios confessores requirere, in quibus insufficientiæ prædictæ non videntur. Sicut qui scit medicum suum insufficientem ad curandum eum, alium necessarie querat, si vult mortis periculum effugere. Quod si Plebanus talis nolet subdito dare licentiam idoneum confessorem querendi, vel pro malitia, vel inuidia, seu superbia sua, immo forte præcipit ne vadat ad alium; ita tenetur ei in hoc obedire, sicut seruus domino, qui nolle eum pascere, & præciperet ei ne alibi sibi cibum prouideret. Quod autem dicitur, quod subditus debet prius petere licentiam, ut vadat ad peritum confessorem, propter cautelam factum est, scilicet ne ex contemptu querat alium, vel ne vadat ad minus idoneum, vel ne vadat ad hæreticum, vel ne detur locus tergiversandi malignis, dum querunt ignotis confiteri, ut correctionem sui pastoris effugiant, & ita liberius peccent, vel ne simulent se alijs confessos, cum nulli sint confessi.

Plebanus autem nullus est, qui tenet Ecclesiam, cum sit inhabilis ad beneficium habens curam animarum, ut illegitimus filius, vel excommunicatus, vel laicus, vel qui vnam habens, recipit aliam. Item qui recipit ecclesiam non ab eo, qui habet ius conferendi, vel præsentandi ad eam, vel inuestiendi, vel ab excommunicato, vel quando ius est ad superiorem deuolutum ex causa. Item qui tenet Ecclesiam non debita forma, simoniace per fraudem, vel violenter, vel est Vicarius alicuius istorum. Quod quisque non habet, nec potest alteri sua auctoritate conferre. Omnes isti sicut non habent ius in ecclesijs quas tenent, ita & plebs in nullo tenetur eisdem.

Cum ergo prædictorum omnium subditi possint, & debeant alijs confiteri, potius quam illis, qui videntur esse Plebani eorum, propter præmissos eorum defectus, & laici nesciant discernere quos eligant meliores, & clerici potius vitiosi mitterent eos ad similes, quam ad idoneos, & satis rari sunt in clericali iam, quos nulla prædictarum respergat macularum missi

Plebanus nullus quis.

missi sunt fratres a Sede Apostolica per mundum, muniti eius testimonio, qui prædictos defectus clericorum, ubi necesse fuerit suppleant, & indigentiae fidelium subueniant, & non tantum laicos, sed & ipsos clericos & religiosos prædicationibus instruant, exhortationibus a malo retrahant, insuper exemplis ædificent, & orationibus gratiam eis, & veniam impetrent apud Deum. Nos enim sumus illi pauperes, qui remanentes manipulos segetum, & spicas decedentes, post messores, & racemos relictos in vinea colligere debemus, idest illas reliquias quas Plebani, qui habent officium in plebe sua docendi, & corrigendi, relinquunt, vt eas ex area Ecclesiæ ad horreum celestis patriæ referamus. Quia vero ad hoc non tenemur ex debito astringente, sed ex charitatis libertate, ideo similiter, & illi non tenentur nobis in corporali prouisione, nisi ex libera pietate. Possunt enim nostris prædicationibus intendere si voluerint, & nobis confiteri, & eleemosynas largiri possunt, & dimittere. Econtra possumus nos eis ista spiritualia beneficia impendere prædicationis, confessionis, & orationis, licet ad ea ex debito non obligemur, nisi debito charitatis.

*Deut. 24. d.*

An qui confessus est religioso tenetur iterum confiteri Plebano.

*1. Ioan. 1. b.*

Quæritur autem si illi, qui nobis confessi sunt, teneantur Plebanis suis iterum confiteri? Ad hoc dicendum, quod duplici ratione tenentur homines confiteri sacerdotibus habentibus clauem in foro penitentiarum absolueri, & ligandi, ex præcepto Dei, & ex statuto Ecclesiæ. Præceptum Dei est penitentiam agere, cuius pars est confessio facta sacerdoti. Vnde Ioannes dicit: Si confiteamur, &c. Cum ergo penitens confitetur nobis, & absoluius eum auctoritate Domini Papæ, vel Episcopi, non tenetur iterum a Plebano suo de eisdem absolui, cum sit absolutus, sed propter statutum Ecclesiæ, quo quilibet semel ad minus in anno iubetur confiteri omnia peccata sua proprio sacerdoti, quod plerique referunt ad Plebanos specialiter, debet ei si velit iterum confiteri, ne scandalizetur, & vt melius agnoscat eum, si dignus sit, cui corpus Christi debeat porrigere, vel negare, nisi de licentia eius alteri sit confessus, vel ratum habeat si est factum, & hoc de his Plebanis intelligendum, qui boni, & idonei videntur, vt supra dictum est, non de alijs qui ius non habent in ecclesijs, vel ad quos subditi pro confessione accedere prohibentur.

Vt autem planius liqueat, in quibus casibus, vel qua forma fratres possint audire confessiones, quædam eorum, quæ superius posita sunt, sub compendio repetantur. Cum pro diuersis causis aliquotiens expedit subditos Plebanorum, etiam alijs sacerdotibus confiteri, vt promptius inueniant ad quos recurrant, missi sunt fratres specialiter, vt in tali necessitate fidelibus succurrant, ad hoc a Sede Apostolica destinati.

Causæ propter quas expedit religiosos habere copiam audiendi confessiones, & casus in quibus possunt eas audire.

Primus casus, cum ex regula nostra approbata, & confirmata a Sede Apostolica, etiam iniunctum habeamus prædicationis officium, ne fructus prædicationis inanis sit, possumus ex privilegio Apostolico ubi prædicamus, etiam confessiones requirentium, tunc audire, & absolvere, ac penitentias iniungere, auctoritate Domini Papæ.

Secundus, cum ab Episcopis similiter commissum habeamus confessionis officium, non solum de communibus, sed etiam de specialibus casibus ad ipsos spectantibus, possumus absolvere iuxta formam confessionis ipsorum; non tantum laicos, sed etiam clericos indigentes.

Tertius, cum Plebanus licentiat subditum suum, vt nobis confiteatur, vel ratum habet quod factum est.

Quartus, cum pro superabundanti cautela, vel meliori consilio, etiam vult alteri confiteri, vel ex deuotione, quam suo Plebano.

Quintus, cum quis vagatur per terras, potest in-

terim alijs confiteri, dum suum non habet sacerdotem. Sextus, in articulo necessitatis, dum timet mori, & suum non habet sacerdotem.

Septimus, cum sacerdos alicuius est idiota, nec scit in necessarijs saluti eum congrue expedire.

Octauus, cum est notorius fornicator, tunc subditi non debent ab eo sacramenta requirere.

Nonus, cum consuevit reuelare secreta confessionis, subditi non tenentur ei confiteri, qui hoc timent.

Decimus, cum in confessione solet aliquos ad peccatum inducere, illi non debent accedere ad eum, propter periculum vtriusque.

Vndecimus, cum non dat subditis copiam integre confitendi, & non informat eos de his quibus indigent ad salutem.

Duodecimus, si sacerdos est ab officio suspensus a iudice, vel a iure, tunc nec potest soluere, nec ligare.

Decimus tertius, si est aliqua maiori excommunicatione ligatus, quia non debent tunc subditi communicare ei quæ sciunt.

Decimus quartus, qui est aliqua irregularitate perplexus, tunc non potest exequi officium pastorale.

Decimus quintus, si est peruersor sacramentorum, vendens ea pro muneribus, tunc est suspensus, & infamis.

Decimus sextus, si tenet ecclesiam contra statuta Canonum, tunc enim nullum ius habet in ea, vt illegitimus, simoniacus, & habens vnam ecclesiam, si recipit alteram; tunc enim prior vacat, & qui per fraudem obtinet, vel violenter intrat, vel non recipit eam a quo debet.

Decimus septimus, si est Vicarius illius, qui non habet ius in Ecclesia, quod possit alteri delegare.

Sunt & alij casus, pro quibus quandoque etiam honestæ personæ timent suis sacerdotibus confiteri, quia Vicarij sunt instabiles, & sæpius mutantur, ideo non audent eis sua reuelare secreta, cum toties oporteret eos ignotos habere confessores. Item, quia plerique ipsorum tam vitiosi sunt, quod honesta femina timet infamari, si secrete susurraverit cum eo. Item, quia plures ipsorum ignoti sunt, & timetur, quod sunt apostatæ, vel in officio sacerdotali impediti, vel forte non habentes ordinem sacerdotij. Item, aliqui habent talia peccata in conscientia, quod potius volunt non confiteri, quam Plebanis suis ea pandere, qui semper vident eos, & coram quibus timent tota die confundi, sicut sæpe percepimus. His in tanto periculo ex compassione est succurrendum potius, quam in desperationem ponantur. hoc tali modo apte fit, vt confiteantur talibus, quos non timent, ubi consulitur ipsorum verecundiæ, & saluti. Non est leuiter præcipiendus in interitum, pro quo Christus Dominus potius voluit mortem crucis subire, quam permitteret eum perire. Et rigor iuris positiui, ubi expedit seruandus est, ubi autem salutem impedit, remittendus est. Cum enim potestas Ecclesiastica data sit a Domino Prælati teste Apostolo, in edificationem, & non in destructionem salutis animarum, ubicumque aperte quis ea vtitur in destructionem, virtutem suam amittit. Sicut medicina, non sicut expedit ægro porrecta, potius lædit eum quam sanat, cum medicinæ ad sanandum & reparandum, & non ad faciendum, vel destruendum sint repectæ. Cessante enim causa, cessat & effectus; quia rigor pro vtilitate animarum statutus, sicut seruandus est, ubi illa vtilitas inde provenit, pro qua statuitur, ita laxandus est, ubi talis effectus non sequitur, sed potius contrarius aperte sentitur.

Quod si aliquis Plebanus prohibet quoquo modo, ne subditi sui confiteantur talibus, qui ab Episcopo, vel a Domino Papa mediate, seu immediate habent auctoritatem generalem confessiones audiendi; talis prohibitio non valet, nec poena in prohibitione apposta est timenda, & hoc multiplici ratione, quarum

*1. Cor. 10. c.*

rum tres tantum hic ponam. Prima, quia non potest inferior sui superioris auctoritatem cassare, ut quod ille concessit, iste prohibeat.

Secunda, quia si aliquis supradictorum defectuum inest ipsi Plebano, scilicet imperitiæ, suspensionis, irregularitatis, criminis, negligentiae, vel alterius impotentiae, per quem subditi ab eo debito modo non expediuntur in confessione, debent etiam eo inuito, ad alios idoneos recurrere, si non velit sponte concedere, nec pro eius malevolentia seipsum salutis remedio priuare.

Tertia, quia & si Plebanus satis sit idoneus, tamen subditi postquam ius suum ei reddiderunt, confitendo, & alia debita persoluendo, si volunt & alios de salutis suæ remedijs consulere, non debet, nec poterit eos prohibere. Et si penam aliquam propter hoc eis infligeret, tale esset sicut qui punit omnino innocentem, & damnat recte operantem, quod est error intolerabilis, & iuri diuino contrarius, & ideo non ferendus, immo grauiter puniendus, & tenetur læso de illata satisfacere iniuria, & propalauit propriam imperitiā, nesciens quid debeat, & quid possit, ac limites suæ potestatis confundens.

Cum contritio, & confessio, & satisfactio sint integrales partes poenitentiae, & necessariae ad salutem omni poenitenti, sicut non contrito non datur remissio peccatorum, ita nec non confitenti peccata sua, si potest habere catholicum sacerdotem, sicut sancta constituit Ecclesia Spiritus sancti auctoritate iuxta Euāgelicam doctrinam, cum Christus clauēs regni cælorum per Apostolos sacerdotibus tradiderit ad animas ligandas & soluendas. Cum ergo necesse sit confiteri, necesse est etiam aliquos esse, qui confitentem audiant, & absoluant vice Christi. Aut ergo confitebuntur Prælati suis tantum, aut etiam alijs sacerdotibus. Sed si prælatus alicuius est suspensus ab officio suo quacumque ex causa per Ecclesiam, vel insufficientis est ad scientiam necessariam, vel aliter negligens, quod non impendit poenitentibus debitam diligentiam, vel quocumque alio modo præstat impedimentum, quod ab eo subditis non conuenit requirere absolutionis gratiam; necesse est alios institui, qui vicem illorum suppleant in hac parte. Alioquin sacramentum poenitentiae per subtractionem debitæ confessionis & absolutionis euacuatur, & clauēs Ecclesiae otiose manebunt, aut iura canonica nullius vigoris erunt & auctoritatis, quæ sententias suspensionis & irregularitatis, & excommunicationis frustra contra aliquos ediderunt, & absolutionis beneficium impendi contradixerunt, si ab ipsis tantum coguntur subditi istud requirere, & eis solis peccata sua & non alijs confiteri. Licet enim communiter clerici in quibusdā terris istis defectibus non valde sint impliciti, ut in Anglia, vel Francia, vel alibi, ubi clerici sunt litterati, & clericaliter viuunt, & subditos suos bene regunt; tamen in pluribus alijs terris tanti defectus in clero reperiuntur, per quos inhabiles & minus idonei sint ad animas poenitentium absoluendas, quod qui fratribus Minoribus & Prædicatoribus prohibet fideles ibidem confiteri peccata sua, videtur aut ignorare periculum, aut animarum inuidere salutem, & Dei beneplacitum impedire. Si aliquis teneretur alicui prouidere in necessarijs, & negligeret vel non posset, & alius vellet egenti ex compassione subuenire, & illius vicem supplere qui deberet, ne iste periret; numquid ab aliquo prohibendus esset, ne proximo in necessitate subueniret? Et si hoc esset inconueniens prohibere ne liberaret proximum a periculo corporis, quanto magis incongruum est & illicitum, prohibere aliquem a liberatione animæ fratris a periculo damnationis: immo videtur error omnino non ferendus, prohibere aliquem liberari a naufragij periculo, & potius permittere eum perire, quam poenitentem a voragine peccati per confessionis tabu-

lam extrahere. Nulla lex seruanda, nulli præcepto obediendum humano, quod contra præceptum charitatis Dei, & contra salutem proximi aperte agere inuenitur. Aduersus charitatem enim, vel ceteras virtutes, & fructus spiritus, teste Apostolo, non est lex. Cū ergo pastor plebis alicuius præcipit subditis suis ne alicui confiteantur alij quàm sibi, subintelligendum est in præiudicium suum, ita quod si alteri confessi fuerint, nihilominus confiteantur & sibi. Nam sicut non potest eos prohibere, quin de temporalī vtilitate loquantur, cū quocumque voluerint; quanto magis de spirituali, & salutis consilium requirere, ubi sperat inuenire? Verbi gratia, ubi decimæ debentur sacerdoti tantum, si præcipit, quod nulli dentur decimæ nisi sibi, intelligendum est hoc de decimis, quæ sibi debentur. Sed si aliquis dederit ei debitas decimas, & de residuo quod suum est, vult etiam alteri cuiusque dare aliam decimam ratione elemosynæ, numquam potest sacerdos suus eum prohibere, ne hoc faciat.

Aliud vero est de Regularibus religiosi, qui sicut a suis superioribus prohiberi possunt ne vadant quocumque, vel loquantur cuiquam sine ipsorum licentia, ita possunt etiam prohiberi ne confiteantur alicui nisi per licentiam eorum, dummodo tales eis confessores assignent, per quos non negligantur in his, quæ pertinent ad salutem. Alioquin si prælatus religiosi præcipit ei ne confiteatur alicui præter suam licentiam, & non assignat ei confessorem idoneum, & ille indiget confessione, potest & debet alium querere confessorem, potius quàm salutem propriam negligat, quia præceptum non tenet inferioris prælati, quod præiudicat præcepto superioris. Omnis autem prælatus in Ecclesia est inferior summo Pontifici, cuius præceptum est vice Dei, ut fiat confessio peccatorum idoneo confessori, suo tempore cum potest haberi.

Quod si subditus Plebani, confessus est alteri, etiam qui ab Episcopo licentiarus est, ut possit audire confessiones requirentium, & Plebanus ex pastoralī sollicitudine vult agnoscere oues proprias, ut sciat quibus sacramenta diuinaminiſtret, vel qualia adhibeat infirmantibus remedia, & vult conscientias eorum etiam agnoscere per confessionem ipsorum, dummodo hoc calumniose non faciat, vilipendendo auctoritatem alterius, cū ille confessus fuerat; non est propter hoc redarguendus, sed magis pro sua sollicitudine commendandus, cum de ipsis sit rationem Domino redditurus.

Si autem aliquando Episcopus præcipit subditis suis in synodo, quod nulli confiteantur nisi Plebanis suis, vel quibus ipsi licentiam dederint, non est intelligendum velle reuocare, si quam auctoritatem fratribus dedit confessiones audiendi per suam diocesim, sed quod non confiteantur alijs in suorum præiudicium Plebanorum, iuxta quod supra dictum est, cum ad hoc tantum debeant eis obedire.

Quod si expresse reuocaret omnem auctoritatem, quam fratres habent ab ipso de confessionibus audiendis, nihilominus tamen fratres quamdiu non sunt a summo Pontifice prohibiti, vel a suis specialibus prælati, quibus obedire tenentur, possunt audire confessiones sub hac forma, quod audita confessione eorum, si quis dignus est, absoluant eum sub spe ratihabitionis pastoris sui, si est idoneus pastor secundum præscriptam formam, vel si nolit habere ratam absolutionem illam, quod iterato confiteatur eidem, si prius non sit ei illa peccata confessus. Si autem habet ille confitens Plebanum non idoneum, vel nullum, simpliciter absoluat eum, & expediat in his, quibus indiget ad salutem potius quàm nullo subueniente negligatur. Debemus enim præsumere summū Pontificem, vel alium quemlibet bonum pastorem animarū huiusmodi esse discretionis, & charitatis, quod potius velit oues Christi per quemquam catholicum sacer-

sacerdotem ad salutem æternam expediri, quàm negligi ab his, qui ex officio curam eorum suscipiunt, sed executionem officij circa eos non implent, alioquin si hoc non vellent, indignus esset dignitate Pontificalis officij, qui oues Christi magis perire vellent, quàm erui de ore luporum. & talis eius voluntas caret effectu pastoralis potestatis, quæ solum in ædificationem, & non in destructionem animarum data est ab ipso principe pastorum Domino Iesu Christo. Hac enim ratione prouide sancta Ecclesia instituit, quòd in necessitatis articulo cum proprius non habetur sacerdos, quilibet sacerdos absoluat quemlibet pœnitentem ab omni vinculo peccati, & excommunicationis etiam maioris, potius quàm ex defectu proprii pastoris aliquis innodatus peccato decedat. Licet vera contritio posset eum absolvere, cum non posset habere confessorem. A simili ergo cum proprius sacerdos non potest, aut non curat, seu nescit contententem debito modo expedire, potest & alium confessorem quærere, qui eum expediat, cum periculosiora sint animæ vulnera, seu morbi quàm corporis, si citius remedijs debitis non curentur. Qui autem prohibet ægrotantem ne accedat ad medicum, qui eum curret, mortem desiderare videtur, quia non vult vitam suam congruis remedijs a morte tueri. Si vero sententiam contra eum ferret excommunicationis, quasi pro inobedientia, nullam habet vim taliter lata sententia: quia pœna talis inferri non debet, nisi graui culpa præcedente. Culpa vero nulla est, quærere salutis suæ remedium sine præiudicio alicuius. Quod etiam quidam ferunt sententiam excommunicationis in omnes fratrum benefactores, cum nihil habeamus, nisi quod offertur nobis a fidelibus vnde viuamus; idem est ac si prohiberetur aliquis per excommunicationem, ne fratrem suum, & proximum a submersione, vel incendio, seu quolibet mortis periculo liberaret. Prohibere enim cibo rescicere indigētem, est eum velle fame occidere, quòd quàm iniustum sit, nullus ignorat.

Quod autem dicitur, quòd sententia excommunicationis siue iusta sit, siue iniusta, semper est timēda; verum est, quia sicut iusta timenda est promerenti, ita iniusta ferenti, vel promouenti. Sex enim modis sententia excommunicationis vim suam perdit, & plus nocet ferenti, quàm patienti.

Casus in quibus excommunication non ligat.

Si profertur a quo non debet, vt a non iudice vel excommunicato. In quem non debet, in non subditum, vel innocentem. Quando non debet, ante cognitionem causæ, vel post legitimam appellationem. Vbi non debet, non in loco iudicij, vel non decenti. Quare non debet, pro bono opere, & non pro peccato, & sine ratione iusta. Qualiter nõ debet, iuris ordine non seruato. Ista & alia plura non prosequor vterius, relinquens ea a viris peritis quærenda. Qui in eum, qui peccauit, sed iam pœnitet fert excommunicationis pro eodem peccato sententiam, punit non reum, quem Deus iam a reatu peccati absoluit, & restituit innocentia pœnitendo, vnde debet sententiam retractare, & aliam ei satisfactionem imponere pro peccato. Nam scriptum est: Quomodo maledicam, quem Deus non maledixit? &c. Melius tamen omnes aduersantes nobis vincimus humilitate & patientia, quàm rebellando & allegando: quia rebellando scandalizamus alios de ipsa scientia & usurpatione potestatis quasi nostræ, patiēdo autem ostendimus nos non quærere quæ nostra sunt, sed quæ salutis sunt aliorum, quosdam docendo, quosdam patiēdo cupimus ædificare, & Deo lucrari, & sic Deus pro quo patimur, & alij patientiam nostram videntes pugnabunt pro nobis.

Nu. 23. b

Vt autem planius videatur, quàm pauci sunt iam in istis partibus inter Plebanos, vel eorum vicarios, qui liberam habeant ligandi & soluendi potestatem, vel qui bene expediant animas in confessione, ac per

hoc perpendatur quàm necessarij sunt fratres nostri, vt vicem eorum suppleant, & animabus pereuntibus subueniant, ex his consideretur. Omnis suspensus ab officio, vel irregularis, vel excommunicatus, vel male intrans ad regimen animarum, non habet potestatem ligandi aut soluendi, vel alia, quæ iurisdictionis sunt, a quibus est ab Ecclesia prohibitus, exercendi. Vnde quod ligat vel soluit, vel facit in huiusmodi, nihil valet. Vide ergo plurimos nobilium & potentium, qui deberent beneficia ecclesiastica peragere, per bella, & alios excessus frequenter incurrere excommunicationis sententiam, a iure, vel a iudice latam, vel aliter demereri ius conferendi ista beneficia, quia vel indignis cõferunt, vel interueniente simonia, quocumque modo per ipsos vel mediatores, & si qua tunc vel taliter conferunt beneficia, nil iuris percipientes ea consequuntur, cum ille conferens ius non habeat conferendi. Videmus Episcopos similiter per bella, vel alios excessus sæpe incidere excommunicationis sententiam, vel suspensionis, vel a domino Papa suspendi, seu excommunicari. Item quòd aliqui vel per simoniam promouētur, vel conferunt curam animarum. Similiter alij aliqui prælati promouentur, & promouent alios per simoniæ interuentum, & omnes beneficiorum collationes per tales vel taliter factæ nihil iuris conferunt recipienti. Videmus pastores locare ecclesias suas vicarijs suis sub certa pensionne census, & vnus sæpe supplantat alium promittendo maiorem pensionem pastori, vt sibi Ecclesia conferatur, & hoc sæpe incaute geritur, & cum periculo simoniæ. Videmus plurimos curam animarum suscipere contra statuta Canonum, vt non clericos, & ante ætatem debitam, vel illegitime natos, vel aliqua excommunicatione vel irregularitate ligatos, & inhabiles ad recipiendum tale beneficium. Item quòd multi habent plura beneficia curam animarum habentia, qui habent aliqua obstacula, propter quæ iura prohibent aliquem eligi vel institui, vt est pluralitas beneficiorum, & similia. Nam si aliqui habent dispensationem Apostolicam, quòd de prouentibus ecclesiasticis possint recipere vsque ad certam summam reddituum annuorum, hoc non est accipiendum summum Pontificem intendere, quòd concedat alicui simpliciter tot animarum curas colligere, quòd de illarum prouentibus famem suæ cupiditatis possit vtrumque mitigare, & animas illas sine pastore relinquere destitutas, sed de alijs ecclesiarum prouentibus potius accipiendum est, vt præbendarum & aliorum beneficiorum curam non habentium animarum, sicut meliores & peritiores exponunt. Videmus quòd iudices causarum, sæpe mandant Plebanis sub pœna suspensionis vel excommunicationis iam latæ, aliquas denuntiare sententias vel exequi, quas negligunt & pœnam incurrunt. Videmus quòd multi recipiunt ordines cõtra Episcoporum prohibitionem, sub pœna suspensionis promulgatam. Videmus quòd scholares sæpe manus iniiciunt in acolytos per iram, & incidunt in Canonem, nec petunt absolutionem, & sic promouentur ad ordines, vel beneficia ecclesiastica, & sollempniter officiant ecclesias, & exequentur ordines clericales. Videmus quòd in clero plurimi sunt notorij fornicatores, in domo sua vel alia concubinas habentes, vel hincinde cum pluribus notorie fornicantes. Notorius autem fornicator dicitur, cuius crimen nulla valet tergiuersatione celari, vel cuius testis est populus, qui constat ex decem hominibus secundum quosdam. Omnis autem notorius fornicator, est ipso iure suspensus, quo ad se, & quo ad alios. Contra aliquos etiam a suis Episcopis, vel prælatis domini Papæ aliquoties fertur sententia excommunicationis. Regulare etiam est, quòd suspensus a iure, vel a iudice, vel excommunicatus, si recipit ordinem sacrum, vel ministrat in eo sollempniter, est iam irregularis factus, a qua non potest absolui, nisi

## 372 Quare Frat. Min. præd. & confess. audiant.

nisi per sedem Apostolicam, vel de eius speciali mandato. Quidam tamen volunt, quod si fuit suspensus a iure non a iudice, quod tunc potest secum suus Episcopus dispensare, quia mitius agit Canon quam homo. Videmus quod sæpe iudices ecclesiastici ferunt excommunicationis sententias, contra formam Decretalis illius Innocentij Papæ IIII. Cum sit medicinalis. Vbi dicitur, debent congruas præmittere admonitiones prius quam aliquem excommunicent, & sententias ferre in scripto, & causam conscribere, & illi contra quem fertur sententia copiam scripti illius dare infra certum terminum, & qui aliter fert in aliquem excommunicationis sententiam præter alias penas, est ipso facto suspensus ab ingressu Ecclesiæ per mensem, ita quod si infra mensem ingerat se diuinis, iam sit irregularis, quod non potest cum ipso super hoc nisi per sedem Apostolicam dispensari.

Sunt adhuc plurima impedimenta clericorum, quæ præ nimietate non prosequor, sed ex his paucis aduertere potest, quàm multi sunt Plebani in istis partibus, vel tales, vel a talibus, vel taliter promoti, seu instituti, qui nihil potestatis in ligando animas habent aut soluendo, vt cognoscatur quàm necessarij sunt fratres in ecclesia Dei, qui vicem illorum suppleant, & animabus subueniant, quæ aliter possent perire. Quibus & si nulla alia suppeteret auctoritas, collata specialiter a sede Apostolica, vel Episcopis, ipsa insufficientia cleri & indigentia populi latam eis aperit audiendi confessiones populi facultatem, cum illi, qui debent, aut nesciant, aut negligant, aut nequeant eos, qui sibi commissi sunt, congrue, vt in pluribus a salutis suæ necessarijs expedire. Cum e tribus vnum sit necessarium; quod aut poenitentes confiteantur illis, qui sunt a iure prohibiti vel suspensi: aut nobis, quos Ecclesia ad hoc misit, vt clero simus in adiutorio, vbi ipsi minus sufficiunt: aut nulli. Nam laicis confiteri non licet, cum possunt haberi catholici sacerdotes. Quod enim dicitur, quod in extremis debeat homo laico confiteri, si sacerdotem non habeat, non est de necessitate, cum laicus non habeat auctoritatem aliquam absoluendi, sed est signum tantum contritionis, quo perpenditur, quod sacerdotem desiderauit, qui laico est confessus. Item cum dicat Canon, quod qui habens vnum beneficium, cui sit cura animarum annexa, recipit aliud, quod primum ipso iure iam vacet, & ad quem pertinet eiusdem beneficij collatio, nisi illud infra sex menses conferat alteri idoneo, quod collatio iam deuoluatur ad alium, & nos iam videamus plurimos plura huiusmodi contra Canones tenere beneficia, liquet quantæ iam ecclesiæ sint vacantes, & carètes vero pastore, cum & ipsi, qui iam tenent eas, non habeant ius in eis, nec ipsorum vicarij, & quibus postmodum conferuntur ab illis, qui iam ius conferendi propter præfatam negligentiam amiserunt, nihil iuris percipiunt, cum non habeant ius illa beneficia iam conferendi. Item cum animarum cura debeat ab Episcopo committi, vel si-

cur in quibusdam ecclesijs consuevit ab Archidiaconis, vt sciant quales sint quibus animas gubernandas committunt, & illi, qui iam videntur pastores in pluribus terris per se, constituunt pro se vicarios in ecclesijs, qui nec ab Episcopo vel alijs auctoritate ipsius curam recipiunt animarum, tales patet vicarios ius non habere. Nam cum in cura animarum sit requirenda pastoris idoneitas, non debet hanc curam per alium gerere, nisi pro causa rationali, & de licentia speciali, cum ipse de animabus sibi commissis sit rationem Deo in iudicio redditurus. Item cum Dominus C. Portuensis Episcopus Cardinalis quondam Legatus Theutoniæ, generalem tulerit sententiam suspensionis ab officio & beneficio contra clericos sollicitantes moniales cuiuscumque habitus, & excommunicationis contra omnes carnaliter eas cognoscentes, & Dominus Papa Gregorius IX. illam confirmauerit, & paucis auctoritatem absoluendi tales concefferit, timendum est multos huiusmodi sententijs ligari, qui nec cogitant super se absolutionis vel dispensationis gratia indigere, & tamen sic ministrant, & tenent curam animarum, & percipiunt beneficia ecclesiastica sic ligati. Item Archiepiscopi in suis concilijs, & Episcopi in synodis sæpe ferunt sententias contra diuersos excessus, a quibus sunt, plures clerici non immunes.

Forma ergo petendi auctoritatem ab Episcopis audiendi confessiones generaliter ista potest esse, vel alia æquipollens, Domine vos estis Pastor ouium Christi in hac diocesi, & vobis incumbit providere animabus commissis vestræ sollicitudini, ne in aliquo negligantur. Cum igitur propter multitudinem plebium, & incrementa peccatorum & perplexitatem casuum, Plebani nõ possint ad plenum omnibus expediendis sufficere, placeat vobis, vt fratres qui habent inter nos confessionis officium, auctoritate vestra sint adiutores eorum, & subueniant in quibus possunt eorum insufficientiæ populi, & aliorum requirentium in confessionibus audiendis, saluo iure ipsorum, vel quorumlibet Prælatorum, cum specialiter ad hoc ordo noster sit a sede Apostolica destinatus. Si vero dignamini nobis aliquid potestatis præter communem cursum de aliquibus maioribus ad vos specialiter spectantibus superaddendo committere, propter illos maxime quibus non facilis ad vos patet frequenter accessus, vel quibus propter alia negotia personaliter intendere non valetis, speramus Deo esse placitum, & proficuum animabus. Insuper erit vestri oneris subleuamen, hoc videlicet, & hoc expressis articulis, in scripto, & si potest fieri sub eiusdem Episcopi sigillo omnia, quæ concesserit reseruentur.

Forma petendi ab Episcopo facultatem audiendi confessiones.





# S. BONAVENTURAE

## EXIMII ECCLESIAE DOCTORIS

### Opusculum,

### QVOD INSCRIBITVR

### LIBELLVS APOLOGETICVS IN EOS, qui ordini fratrum Minorum aduersantur.

*Obiectionibus & questionibus varijs eorum, qui fratrum Minorum ordini detrabere nitebantur respondet Auctor in hoc Opusculo; in quo & calumnias aduersariorum detegit, & obloquentium ora obstruit doctrina sua mirabili. Hic autem repetit multa, & vberius pertrahit, quae in tribus proxime praecedentibus Opusculis proposuerat: suntque vitia ipsius praesertim, qui regimini animarum praesunt.*

#### Quaestio aduersariorum prima.

**R**ARTER hoc quod surripitis clericis eleemosynas, quae ipsis darentur, si vos non essetis, conqueruntur, quod detrahatis eis in populo, & confundatis eos in praedicationibus vestris, vitia eorum propalando. Insuper, quod suadeatis hominibus, ne confiteantur eis, & ne dent eis oblationes, & alia quae deberent, cum ipsi sunt potius quam vos, qui pro animabus eorum sunt rationem Domino reddituri.

#### Responsio.

Respondeo ad ista per ordinem: Omnia quae ipsis iure debentur in oblationibus, decimis, & alijs, vel de approbata eis consuetudine dari solent a populo, nos potius suademus eis dari, quam impediamus, immo hortamur populum, eis ista non subtrahere, nec in alios pios vsus erogare, & ius suum cuique tribuere, etiam peccatori. Si autem quandoque quaerunt consilium, ubi secundum Deum melius sit dare eleemosynam, ad quam non tenentur ex debito; dicimus libere, quod ibi sit melius, ubi vel maior est indigentia, vel maior Deo honor exhibetur, & ipsis dantibus, exinde efficaciora orationum suffragia provenire creduntur, vel quo ipsorum deuotio ad benefaciendum pro Deo feruentius inclinatur. Quod autem Plebanis suis confiteantur, ut debent suademus etiam his, qui nobis confessi fuerint, ut agnoscant eorum conscientias, quos regere debent, ut sciant, quibus exhibere, vel negare debeant Ecclesiastica sacramenta, nisi forte tales sint aliqui, a quibus prohibeant canones sacramenta requiri, ut suspensi ab officio, vel irregulares, vel ius ligandi, & soluendi non habentes, vel per quos animae magis irretiuntur peccati laqueis, quam purgetur, de quibus non est nunc vterius prosequendum.

Quod autem detrahamus eis, & confundamus eos in populo, non oportet, quod nobis hoc imponant singulariter, cum ipsi non abscondant scelera sua. Sed per facti euidenciam omnibus ea propalent, & nobis etiam tacentibus, omnibus ingerant inde materiam detrahendi. Vtinam nos soli ea sciremus. Vtinam ita essent occulta eorum peccata, quod nobis ea prodere volentibus, non crederetur, & mendacij, & detractionis a populo argueremur. Nunc autem tanti, & tam aperti sunt multorum excessus, quod laici arguunt nos, cum aliorum vitia in praedicatione

S. Bon. Tom. 7. Pars iij.

**A** ne tangamus, quare tam enormia, & aperta, & multa, & magis nociua clericorum scelera non reprehendamus, cum non debeat esse personarum acceptio apud veritatis doctorem, nec pro timore, vel fauore debeat apertam veritatem tacere, & hoc grauius redarguere, quod est nociuius, & quo Deus magis offenditur in quocumque. Inde est, quod propter hoc cogimur interdum, aliquid de clericorum excessibus tangere, ne putemur ex timore tacere, vel ex priuato fauore, quasi cum ipsis contra laicos pariter conspirauerimus, & ut laici aequanimius ferant, si eos corripimus, videntes, quod nec clericis parcimus, & maxime ut veritas Euangelij seruetur, quae omnium peccata detestatur, ne aliter putarent simplices, quod peccata non essent Deo odibilia, quae non audirent in clericis reprehendi, & stultae mulierculae putarent, non esse illicitum cum ipsis peccare, sicut aliquibus earum notum est, ab eis fuisse persuasum.

**B** Quod autem non nitamur eos in praedicatione confundere, nec populo eos odibiles reddere, potest ex hoc patenter agnosci, quod multos eorum defectus scimus, & dissimulamus, nec populo propalamus expresse, parcentes eisdem. Cum & si non in omnibus, tamen in pluribus eorum plures reperiantur, per quos fierent despecti populo, si vellemus eos publice praedicare, & hoc caute tacemus, his de causis: Vna propter pacem & reuerentiam cleri, ne laicos contra clericos prouocemus ad discordiam, cum pro pace cleri, & etiam aedificatione populi, a Deo & a Sede Apostolica specialiter missi simus. Secunda, quod non possemus tamen per hoc emendare eos, nec haberemus alios meliores, qui eis mox substituerentur, si isti omnes qui sunt reprehensibiles abijceretur, & est minus malum aliquo modo habere istos quam nullos, maxime cum Episcopi, & praelati non intenderent substituere meliores. Tertia, quod desiderimus in hoc bonis, qui sunt inter eos, & si pauci sint qui cum ceteris confunderentur, cum rudis populus sine discretionem bonos & malos persequi inciperet, & odire. Quarta, & quasi praecipua, ne si populus perderet omnino fidem in clericis, haeretici insurgerent, & attraherent sibi populum, quasi oues destitutas pastoribus, & facerent eos haeticos, gloriantes quod nostro quasi testimonio, tam viles essent clerici, quod nullus eis obedire deberet, nec doctrinam eorum curare. Omnis enim haeticorum intentio ad hoc tendit, quod spreto clero eis credatur, & ad hoc non conuenit nos ipsorum esse cooperatorum, quin potius debemus contra eos, quasi lu-

Peruersa haeticorum omnium intentio.

li pos

pos rapaces clero, & Ecclesie esse propugnatores, contra eorum versutias populum praeuertiendo, errores ipsorum veritatis testimonijs ex Scripturis authenticis confutando. Quinta, quod lucra animarum quae quaerimus, melius promouemus cum beneuolentia cleri, & assensu, quos si indiscrete agendo exacerbaremus, cum non possemus contra eos communiter praeualere, prohiberent nos animabus prodesse praedicando, & confessiones audiendo. Et sic salus multarum animarum impediretur, & fieret quasi scissio in Ecclesia, dum clerici nos quasi reprobos persequeantur inciperent, & laici aut nobis, aut ipsis fauentes, alteros despicerent, & eis credere recusarent. Et cum non possemus eos qui nobis fauerunt defendere a clero, quin eos nobiscum persequerentur, & excommunicarent, tandem omnes nos desererent, & ex odio nostri doctrinam nostram clerici infamarent, & sic haereticis qui modo nos timent, aditus ad subuersionem fidelium sine contradictione pateret. sicut lupis ubi canes non metunt, & pastores sunt desides, datur audacia oues inuadendi. Nisi enim essent isti ordines in Ecclesia, qui ex officio praedicationis fideles illuminant, cito plurimi efficerentur haeretici in his terris, ubi tam pauci inveniuntur clerici in sacra Scriptura periti, cum nescirent haeticorum versutijs obuiare. Immo ipsi clerici cito ab haeticis subuerterentur per callidas expositiones Scripturae, in quibus nescirent eorum deprehendere fallacias, vel per promissiones seducerent eos, spondentes quod magni fierent inter ipsos. Et cum laicos attraherent clerici, etiam potius adharent eis, quam soli relictis perirent inopia, cum nullus curaret eos, nec daret eis oblationes vel decimas: aut certe persecutionibus eorum exterminarentur, cum iam haberent laicos adiutores contra clerum, sicut modo clerici haeticos persequantur.

His ergo de causis, & alijs, ut multa mala vitentur, vtilius iudicamus tacere quaedam mala clericorum, quam populo prodere, ubi sine scandalo possumus euitare, ut sunt ista. Quandocumque habet plures ecclesias curam animarum habentes, sine dispensatione Apostolica, omnes vacant ipso iure praeter ultimam, & nullum ius habet in alijs ligandi, vel soluendi, nec eius vicarius, nec aliquos inde redditus percipiendi, Item illegitime natus nullum ius habet in beneficio curam animarum habente. Item qui recipit ecclesiam per quamcumque simoniam. Item qui recipit ecclesiam ab eo, qui non habet verum ius conferendi eam. Omnis notorius fornicator cuius criminis testis est populus, iure taxatus, siue in domo sua teneat fornicariam, siue extra, vel vnam habeat vel plures, est ipso iure suspensus ab officio, ita quod subditi non debent eius Missam audire, nec confiteri ei, nec alia ab eo sacramenta recipere, nec potest eos excommunicare, nec absolvere. Item si suspensus celebrat, & officiat ecclesiam, vel quacumque excommunicatione ligatus, seu recipit ordinem clericalem, aut in eo sollemniter ministravit, factus est irregularis, & non potest exercere officium clericale, etiam si iam fornicari cessauit, vel ab excommunicatione solutus fuerit, nisi cum eo super irregularitate contracta per Sedem Apostolicam dispensetur, maxime si a iudice suspensionis sententia fuit lata. Huiusmodi autem sententiae iam saepe feruntur in clericos, & ab officialibus, & archidiaconis, & iudicibus ordinarijs, vel delegatis, & parum curantur a multis. Videmus in terris istis tot esse imperitos iam clericos, in his quae ad regimen pertinent animarum, licet forte in grammatica, vel alia scientia sint instructi, quod ubi centum, vel plures Plebani, & Vicarij conueniunt, vix pauci sint, qui vere sciant animas suas, vel alia quae ad salutem sunt necessaria, in his per Scripturarum scientiam expedire. Et talibus imperitis non deberet eorum subditi con-

fiteri propter periculum, ne forte ex ignorantia relinquant eos in statu damnationis, docendo non esse peccatum, quod est mortale peccatum, aut non ostendendo formam debitam satisfactionis de peccato confesso, ubi certa forma satisfactionis est necessaria, ut de restitutionibus rerum illicite acquisitarum, certis locis vel personis, vel heredibus faciendis, ubi multi seducuntur. Scimus etiam, quod qui scienter in mortali peccato positus celebrat Missam, qualibet vice mortaliter, & grauiter peccat, & quantum in ipso est, rursum Christum crucifigit, quem pro denarijs, quos sibi sperat offerri, & illicite, & indigne contrectat. Qui ergo offert ei quem talem esse praesumit vel scit, & rogat eum Missam celebrare, facit eum Christo tantam inferre contumeliam, ut eum indigne contrectet, & peccat mortaliter. Sed qui facit aliquem peccare mortaliter, ipse peccat, ubi ignorantia non excusat, & secundum ista si nullus offerret vel audiret Missas eorum, qui illicite celebrant, cessarent a celebratione, vel corrigerent vitam suam, & sic multa peccata omitterentur. Multi etiam inordinate excommunicantes incidunt in poenam suspensionis, & irregularitatis, & per alios actus plures inobedientiae merentur suspendi ab officio, & inefficax fit eorum auctoritas in subditos suos. Scimus etiam, quod qui est in peccato mortali, cum sibi Deus iratus sit, non placat eum pro alio peccatore. Ergo oratio clericus in peccato positi, inefficax est sibi, & alijs qui offerunt ei elemosynas, ut oret pro illis. Item clericus lubricus vanus, & male expendens res Ecclesiae, quo plura habuerit plus peccat. Sed qui illi dant oblationes, & alia, promouent eum ad amplius peccandum, expedit ergo ei non dari. Item qui recipit pretium operis alicuius, & non deseruit, male recipit, sed clericus habens curam animarum, & non faciens quae debet eisdem in doctrina salutis, & bono exemplo, & efficaci oratione, & debita correctione, & in alijs, peccat recipiendo stipendia Ecclesiastica, quae non deseruit ut debet. Ergo non deberent ei dari, ne daretur occasio peccati. Quam paucissimi autem in terris istis iam reperiantur, qui debito modo praesint animabus commissis, nimis est miserabile, qui aut ex defectu iuris, aut scientiae, aut vitae, aut diligentiae circa eas, aut libertatis executionis officij sui nihil habeant reprehensibile, & quod eos tali officio reddat indignos. Quomodo vero tota Ecclesia per mala exempla clericorum & auaritiam corrumpatur, & negligentiam deformetur, & a statu debito elongetur, & quanta ex hoc quotidie peccata incrementum, & quot bona negligantur per mundum, vix aliquis sufficit aestimare. Haec & plura alia cum vera esse scimus, & tamen ea populo non aperte praedicamus, non debemus a clero iudicari, quod confusione eorum intendamus, & eos populo studeamus odibiles facere, sed magis si haberent intelligentiam, agnoscerent, quantum eos honoramus, & deferimus talia subucendo, propter causas supra notatas. Ideo tamen securius ista dissimulamus, quod nec clericorum, nec laicorum cura nobis ita commissa est, ut de ipsis teneamur reddere rationem sicut praelati ipsorum, ad quos spectat eorum correctio, nisi in quantum ex libera charitate consideremus eis prodesse. Vnde possumus tacere & loqui, quae secundum Deum & nobis, & alijs expedire videmus, cum nihil a nobis amplius requiramus. Vitia autem laicorum liberior arguimus, quia & patientius sustinent, & nesciunt litteras, quibus instruantur quid debeant cauere vel facere, & minus periculum sequitur si eorum in publico propalentur excessus, & facilius emendentur. Clericis autem possumus in Capitulis suis, omnia pericula sua in sermonibus litteralibus seorsum ostendere, cum reuerentia charitatis, & maturitate benigna, & sic magis proficimus apud eos.

Qua-

# qui ordini Fratrum Min. aduersantur. 375

## Quaestio secunda.

A

## Quaestio tertia.

**C**um ergo non sitis iudices clericorum, vel laicorum, nec ad vos spectet eos redarguere vel corrigere, sed ad suos tantum rectores; quid usurpatis vobis iuris, etiam si causae praedictae non essent, ut alicuius vitia publice reprehendatis, sicut saepe tangitis in praedicatione vitia quorumlibet laicorum, clericorum, & religiosorum, cum praedicator non debeat arguendo descendere ad species peccatorum, sed in genere solum ostendere vitia & virtutes, & nullum notabiliter confundere coram populo, peccata sua publice obiurgando, alijs in scandalum?

### Responsio.

Iudicis officia.

Munus doctoris, seu praedicatoris.

Intelligentibus constat, quod multum differunt actio iudicis, & doctoris. Iudex enim ad quem spectat correctio delinquentium subditorum, debet inuestigare, excessus delinquentium audire, testes recipere, peccantem citare, crimina contra ipsum proposita ei obijcere, negantem conuincere, conuictum vel confessum punire, contumacem amplius, ut magis terreatur, arctare, & cogere ad satisfactionem, etiam inuitum. Cum ergo formam istam omnino non teneamus in praedicando, non usurpamus nobis iudicis officium iudicantis super aliquem, sed imitatur tantum formam doctoris. Doctor enim seu praedicator qui diuersi generis auditores debet instruere, ut virtutes magis reddat commendabiles necessarias ad salutem, vitia his opposita quam sint nociua, & detestabilia ostendit. Et quibusdam generibus hominum quaedam vitia sunt magis visitata, ut mercatoribus fraus & mendacia, militibus rapina, & incendia, & ita de alijs necesse est, quod propter generalem instructionem quodlibet genus hominum specialiter arguat, & moneat sibi specialius insidiana vitia cauere, sicut medicus aegros diuersis infirmitatibus laborantes, docet a sibi magis noxijs cibis & alijs abstinere. Nihil enim prodesset infirmis si diceret, caute ab omnibus cibis nociuis generaliter, nisi specificaret in qualibet passione quid illi specialius noxius esset, aut proficuum sanitati. Quod autem dicitur, quod praedicator debeat in genere omnes arguere peccantes, & non descendere ad species, hoc est intelligendum de notabili specificatione personarum, non vitiorum vel statuum, vel officiorum, quae non possunt proprie describi, sine expressione officij vel status illorum, qui in hoc specialiter offendere consueuerunt. Potest enim sic congrue generaliter dici, vos artifices peccatis frequenter in hoc, & vos milites in hoc, & vos religiosi in isto, vos clerici in illo, & sic de alijs, si sunt ibi plures de quolibet genere illorum ad quos loquitur, siue nullus, ut quisque sibi conscius talis peccati compungatur, & in se confundatur, & nullus specialiter notabilis de hoc reddatur, quem facti euidentia alijs non facit notabilem, vel qui seipsum non prodit esse reum, sibi ascribendo specialiter cum murmure, quod generaliter dictum constat iuxta illud Poetae:

*Conscius ipse sui, de se putat omnia dici.*

Correctioni enim & aedificationi tantum debet intendere doctor fidelis, non confutioni vel infamiationi alicuius praesentis vel absentis. Vbicumque ergo praesumitur, quod aliquis specialiter de peccato prius incognito alijs ex praedicatione reddatur notabilis, unde potest oriri grauamen, vel scandalum, melius est tacere, & alia aedificatoria magis loqui. Qui vero facere consuevit contrarium, aut contentiosum, aut inuidum, aut imprudentem se demonstrat, aut vanae gloriae cupidum, qui non aliunde esset acceptus apud hominem, ex aliorum infamia gloriam sibi quaerit. Quem confundendo exasperas, hunc tardius aedificas, & rancoris aculeo vulneras.

S. Bon. Tom. 7. Pars iiij.

**C**um in praedicatione, & confessione audienda, multa sit discretio necessaria, & peritia Scripturarum, quare ad haec officia tam iuuenes, ut videtur, & immaturos promouetis, qui & sibi, & alijs aliquando minus profunt, & fortasse etiam obfunt, cum in clericis alijs hoc reprehendere soleatis animarum rectoribus?

### Responsio.

Licet enim aliquando quod iunior litteratior sit, & magis discretus sit quam senior, & facies iuuenilis sapientis maiorem celet aetatem, & morum maturitas aetatis defectum suppleat; in plerisque tamen etiam propter hoc aliquoties ad haec officia promouemus iuniores, ut interim discant per exercitium, quia cum vident se ad haec officia assumptos, diligentius student, qui alijs forte segniores essent in studendo, & minus proficerent. Minus etiam obest, si minus adhuc perfecti sunt promoti, dum viuunt adhuc seniores, qui eos possunt informare, & corrigere, & defectus illorum in consilijs supplere, quam si illi deficerent penitus, & nemo eos tunc sciret instruere, si tunc primo exercitari deberent. Tot etiam sunt requirentes a nobis praedicationes & confessiones, & consilia, quod seniores non sufficiunt omnibus satisfacere. Ideo oportet nos de iunioribus aliquos qui sperantur idonei promouere, qui onus seniorum subleuent, & petentibus satisfaciant, prout sciunt. Quamuis nullum scienter promoueamus, quem non speremus idoneum. Tamen aliquando aliquis praeter voluntatem nostram, minus efficitur utilis, quia multa sunt, quae ad idoneitatem tanti officij requiruntur, & satis est difficile, haec omnia simul in omnibus reperiri.

## Quaestio quarta.

**Q**uae sunt ergo necessaria illi, qui ad praedicationis, & confessionis officium est assumendus?

### Responsio.

Ut ad hoc sit idoneus, praeter habilitatem illam quam confert gratia, quae etiam est efficacior omnibus, quae non in nostra potestate consistunt, sed in beneplacito Dei, singulis prout vult dona sua diuidens, ista considerare in promouendis solemus ad haec officia. Primo, quod sit competentis aetatis, non multum a tricesimo distans anno, quia quae sunt a pueris, puerilia reputantur. Secundo, quod non sit etiam facie, & moribus puerilis, quia ista multum minuunt auctoritatem apud homines, tam dictorum quam factorum. Tertio, quod non sit valde notabiliter deformis in corpore, videlicet nimis brevis, vel crassus, vel gibbosus, vel aliter turpiter deformatus, ne per hoc eius praedictio despectui, & risui haberetur. Quarto, quod non sit etiam valde debilis corpore, cum ex hoc labores huius officij exequi viriliter non valeret. Quinto, quod sit competentis facundiae, ut possit ea quae debet, proponere sine fastidio auditorum. Sexto, quod sit saltem in grammatica, & sacra Scriptura, tam sufficienter instructus, quod sine errore, vel confusione sciat coram populo, & clero proponere veritatem; & in consilijs competenter satisfacere requirentibus de causis necessarijs, & in confessione de poenitentibus iniungendis imponendis. Septimo, quod sit talis in vita & in moribus, quod de ipso, & fratres interiorius, & alij exteriorius nihil videant vel audiant, per quod doctrina praedicationis eius apud audientes quoquo modo vilescat. Nam cuius vita despicitur, restat ut eius etiam praedictio contemnatur. Octauo, quod etiam naturali tantum polleat industria, quod per fatuam simplicitatem non reddat contemptibile, quod per acquisitam scientiam apprehendit, ut sciat se honeste gerere inter homines, & prudenter in omnibus se habere. Nono, quod non sit minus

Qualis debeat esse promouendus.

Greg. hom. 3. in Ezech. an. med. in sen.

ad hoc

ad hoc voluntarius, ut si ad hoc motu proprio non trahitur, saltem propter obedientiam bonum proximorum saluti intendere predicando, consulendo, & confessiones audiendo, & alios edificando non contentiose recuset. Gregorius: Quod mens voluntarie non recipit, congrue non disponit. Sic multi sanctorum officium quo prodesse debebant proximis, humiliter refugiebant, & tamen ad hoc tracti per obedientiam, sollicite adimplebant, ut Moyses, Hieremias, & alij plures novi & veteris testamenti doctores. His donis ornato, si gratia affuerit, potest & debet imponi officium predicationis, & confessionis, in ordine ubi fuerit necessarium. Qui vero alios non idoneos pro priuata societate promouent, ordini confusionem, & animabus nocumentum, & ipsis promotionis deridiculum, & sibi met culpam non paruum procurant, cum negligentiam inutilium & imperitorum tam in consilijs incautis, quam in absolutionibus inefficacibus, & in alijs nocumentis animarum ab eis, qui tales promouent, merito requirantur. Tales enim in multis saepe possunt offendere vel scandalizare, dum non dicenda populo predicant, vel falsa docendo errorem inducunt, vel aliter forte minus compositae se habendo. Item in confessione forte nesciunt confidentes debito modo instruere, nec inter peccata grauiora & leuia distinguere, & aut faciunt ex nimio rigore desperare, aut cum adhuc in statu damnationis sunt, dant eis spem de saluatione, & indulgent eis corpus Domini recipere. Et maxime circa rerum iniustarum acquisitionem, vel restitutionem multi seducuntur, dum non informantur, quae sit iniusta conquisitio, vel qualiter pure restituant, quibus debent. Ex moribus etiam quorundam, & vita predicantium, vilescit saepe doctrina verborum, dum alta docent verbo predicationis, sed minus edificatoria ostendunt exemplo actionis. Vnde ut diligenti examinatione indigeret, qui debet esse doctor in medicina corporum, ita multa consideratione opus est, si sit idoneus qui debet esse doctor & medicus animarum, cum sint subtiliores & periculosiores & incurabiliore morbi peccatorum, quam passiones corporalium infirmitatum. Illi vero, qui se ad haec officia impudenter ingerunt, indignantes si ad ea tardius promouentur, quam sint imprudentes perpendere nolunt aut nesciunt, & eo ipso se ad hoc ostendunt & reddunt indignos. Nam si digni fuerint & idonei, non debent se ad hoc ingerere, sed modeste expectare, quousque per inspirationem Dei, a praelatis suis & fratribus ad hoc suo tempore assumantur. Si autem indigni vel nondum idonei, tunc si se ingerunt, primo quidem temerarii sunt, quod antequam vocentur, ad tantum officium currere praesumunt, vnde Hieremias: Ipsi currebant, cum ego non mitterem eos, scilicet predicare. Et Paulus: Quomodo predicabunt, nisi mittantur? Idem alibi: Nec quisquam sumit sibi honorem, sed qui vocatur a Deo tamquam Aaron, &c. & Christus dicit in Ioanne: Neque enim a me ipso veni, sed ille me misit, scilicet Pater. Secundo superbi, quia se ipsos reputant dignos & idoneos, ad quod forte nec Deus, nec fratres, vel Praelati sui iudicant eos idoneos, sicut Chore, qui voluit sibi sacerdotium vendicare. Tertio stulti, quia cum talia officia sint occasio tentationis per inanem gloriam, auaritiam, luxuriam, noxiam libertatem, & internae deuotionis extinctionem, & alia plura pericula, quod ipsimet se talibus incaute ingerunt, nimis stulte se tantis periculis sine necessitate exponunt, cum fugere magis deberent a periculo, quam illud appetere nescientes, quo exitu bellum, quod sibi concitant, finiatur. Quarto, non carent rancore inuidiae, vel contra eos, qui ad haec officia eos promouere possunt & non faciunt, vel qui forte impediuerunt, imputantes illorum maleuolentiae, magis quam suae insufficientiae, quod non promouentur, cum ipsi sibi videantur ad haec digniores, quam illi, quos vident

Hier. 23. e

Rom. 10. c

Heb. 5. a

Ioan. 7. d

Num. 16.

per totum.

A iam promotos esse, quibus in scientia, & alijs se reputant aptiores.

#### Quaestio quinta.

Cum prouidentum sit non leuiter retractare quae faciunt, sed ante diligenter deliberare facienda, ne postea oporteat reuocare, & vos toties mutetis Praelatos ordinis, videmini aut inconsiderate constituere inutiles ad tantum officium, aut sine ratione vtiliter deijcere, & quod est signum inconstantiae & impatientiae, quod non possitis pati rectores idoneos, quos iniuriose abijcitis, aut quod in officio ita peruersi fiant, quod merito non debeant in eo diutius tolerari, aut quod tam paucos habeatis in ordine pro officio regiminis idoneos, quod semper quaeritis meliores.

#### Responsio.

Sicut supra de officijs & confessionibus dictum est, In officio plures condiciones ad haec fore necessarias, ita de officio regiminis animarum est tenendum. Requiritur enim in Praelato aetatis maturitas, honesta admodum personalitas, vitae irreprehensibilitas. Quarto, quod non sit idiota in litterarum scientia. Quinto, quod sit discretus & prouidus ex naturali industria. Sexto, quod sit zelator iustitiae & ordinis disciplinae. Septimo, quod sit tractabilis per mansuetudinis lenitatem. Octauo, quod sit compassius pietate fraterna. Nonno, quod sit deuotus habens orationis usum, & fiducialiter agens cum Deo. Decimo, ex gustu internae dulcedinis eius, & experimento crebro exauditionis, qui semper in officio esse se doleat, & tamen cum ad hoc compellitur, aequanimiter illud ferat, nec propter hoc ut citius absoluaatur ab officio, negligentius in eo se gerat. Vndecimo, quod corporis imbecillitate a communis vitae obseruantia non omnino impediatur. Ista condiciones simul omnes in paucis reperiuntur, ideo paucos stabiles in officio possumus habere Praelatos, dum aut minus sunt corpore debiles, pro talibus laboribus & sollicitudinibus sufferendis, aut nimis inuoluntarij pro timore conscientiae, dum semper timent minus quam debeant facere, aut in exterioribus prouisionibus mitti, aut mores eorum in aliquo fratribus displicent, vel minus placent, aut forte in alio loco vel officio vtiliores sunt quidam, propter ista saepe mutantur Praelati. Bonum est etiam propter hoc, ne fiant aliquando insolentes, si scirent se in dominio permansuros diu, ut sic in humilitate seruarentur, & subditi, quibus forte grauis esset illorum aliquis praelatio, de spe facili absolutionis eius confortentur. Sunt etiam quidam boni subditi, sed inutiliter pro Praelatis, ideo deponentur.

#### Quaestio sexta.

Cum autem toties mutatis fratres aliquos de loco ad locum? Suspectum enim videtur, quasi aliquod crimen ibi commiserint, vnde mutantur, vel quasi ex impatientia sua, vel aliorum non possint ibi manere, vel ex rancore non permittat eum Praelatus ibi stare, ubi diligit & consolatur esse.

#### Responsio.

Vix aliquid sit tam pure, quin possit ab aliquo finistre interpretari, quasi male fiat. Sed bonum non ideo malum est, si illud mali, seu stulti dicunt malum. Sunt autem plures causae quare fratres de loco ad locum mutantur. Aliquando consolatio eius, qui mutatur, quia sic petiuit. Aliquando consolatio ipsorum ad quos mittitur, quia hoc petiuerunt diligentes eum, pro bona conuersatione vel utilitate. Aliquando forsitan, quia alibi magis necessarius est, & vtilis pro predicatione & confessione, vel alio officio domus illius. Aliquando pro maiore spiritus eius quiete, quia ibi minus a parentibus & alijs requirentibus infestatur. Aliquan-

In officio regiminis, quod sunt spectanda.

Cur fratres de loco ad locum iuste mutantur.

Aliquando pro communi recreatione, quia aer vel victualia plus ibi competunt ei, vel suppetunt pro indigentia sua. Aliquando, quia in vno loco habet aliquis tentationis alicuius materiam, quam non habet in alio. Posset etiam aliquando accidere, quod aliquis deliquisset in vno loco, quod pro sopiendo scandalo, expediret eum mutari in alium locum. Similiter posset aliquis ira esse distortus moribus, vel ex aliqua corporis qualitate onerosus, quod pro partitione oneris alijs transmitteretur ad tempus, vt alij interim ab eo releuarentur, sicut onus ab vno humero in aliud commutatur. Valet etiam ad hoc maxime talis mutatio, vt fratres secundum regulam agnoscant se peregrinos & aduenas in hoc mundo, non habentes hic manentem ciuitatem, & semper eternam patriam inquirentes. Si enim in vno loco diu stare deberent, quidam nimias ibi contraherent cum extraneis, cum potentibus, cum feminis amicitias, corporis commodum procurarent, sumptuosa aedificia construerent, & cum ibi quasi notiores magis viderentur esse necessarii, tanto vellent, esse super ceteros potentiores, ita vt nec prelati auderent sine ipsis in domo aliquid ordinare, & veluti quadam diuturnitatis prescriptione stabiliti vix aequo animo ferrent, si vellent eos pro aliqua causa mutare, etiam si omni modo expediret. Vt ergo puritas paupertatis & obedientiae melius obseruetur in ordine, & mala plurima praecaveantur, expedit fratribus aliquando a loco mutari.

*Quaestio septima.*

**C**um potius deberetis diligere si religiosi & boni apud vos essent vicini, quam saeculares & insolentes laici, quare impeditis aliquando etiam per priuilegium Papale, alios religiosos circa vestram habitationem sibi mansionem construere, nisi quod videtur inuidia esse in causa?

*Responsio.*

Non pro inuidia, sed potius pro pace priuilegium hoc a sede Apostolica datum agnoscitur, & ob eandem causam pacis eo utimur, cum non tam nobis quam etiam alijs possit aliter in posterum turbatio & materia scandali suboriri. Si enim aliquando necesse foret eis vel nobis areas nostras ampliare, non possemus, cum alij priores eas iam occupassent. Si autem aliqua area inter nos & illos essent media, cum vtrique eas certatim praecupare desiderarent, ex auaritia sua venditores earum vix pro triplicato pretio eas daret. Vel si forte pauperes essent possessores earum, aliquis E diues auarus eas praemeret, vt nobis eas postea carissime venderet, videns nos ipsis necessario indigere. Item forte conueniret eis, vel nobis, officinas nostras propter situm loci aliquando sic ordinare, quod essent alijs pro magno incommodo, & frequenti cordium turbatione, vt si chorus ipsorum poneretur apud locum infirmorum nostrorum, vel aliter quolibet modo, videlicet latrina, coquina, dormitorium, refectorium, capitulum, domus hospitum, quod propter pacem infirmorum cordium, magis expedit nos esse longius segregatos. Posset etiam quandoque diuinum officium apud alterutros impediri, si oratoria nimis essent contigua, cantu suo mutuo se impredientibus. Idem posset fieri de praedicatione, cum vtrobique forte pro causa aliqua praedicare contingeret. Si etiam aliquis quandoque confiteretur apud illos, & placeret ei etiam alicuius apud nos consilium requirere, aut non auderet facere hoc, timens quod prior confessor indignaretur, quasi non sufficeret ei pro confessore dum quaereret alium, aut forte putaretur velle explorare, quid ille vel ille consuleret, & inde quaerere materiam detrahendi. Si qui etiam magis frequentaret illos, quam istos in officio diuino vel in alijs, viderentur alios minus diligere, & fieret materia murmurandi. Infirmis enim cordibus ex leui occasione plus infirmandi ma-

S. Bon. Tom. 7. Pars iiij.

**A**teria ministratur. & ideo necesse est, vt praecaveantur talia quae ipsis nocent, & alios scandalizant, ne postea emendari non valeat, quod in principio facilius praecaueretur. Vtilis etiam est hominibus ciuitatis, vbi fratres morantur, quod in diuersis locis a se disiunctis religiosi morentur, quam quod in vno angulo plures manerent, & alia pars inanis remaneat, per quorum viciniam possent spiritualiter consolari. Quod si forte tales forent religiosi, qui apud nos habitare vellent, per quos non edificarentur fideles, sed potius scandalizarentur, tunc omnino expedit, quod non sint nobis vicini, ne forte ipsorum insolentiae nobis aliquando ascriberentur, aut nesciretur an ad eos, vel ad nos latenter intrarent personae suspectae, aut certe ipsorum dissolutio fieret aliquando nouitijs nostris temptationis occasio, vel etiam alijs causa inquietudinis, & impedimentum in studio spirituali. Si autem quidam infirmi aliquando dolerent, cum forte viderent alijs religiosi largiores eleemosynas dari quam sibi, & ex hac inuidia torquerentur de vicinitate illorum, hoc nec probamus, nec omnino negamus, sed non est nostra intentio propter hoc praedicto vti priuilegio, sed potius propter causas ante positas, & si quae aliae possunt rationabiles inueniri.

*Quaestio octaua.*

**C**um unicuique liberum sit, vestem suam formare prout vult, & de panno seu colore quolibet, videmini valde iniuriari quibusdam religiosi viris vel feminis, prohibendo ne deferant vestes in colore vel forma habitui vestro conformes.

*Responsio.*

Multis de causis habitum nostrum alios ferre non sustinemus, & per priuilegium Apostolicum omnibus inhibemus. Vna causa, quia cum sumus ex professione regulae mendicantes, si sub nostro habitu diuersi hinc inde medicarent, homines qui iam illis eleemosynam dedissent, & nos vel alij in simili habitu iterum superuenirent, putarent, quod idem ex auaritia iterum peteret, & scandalizaretur de ipsis vel de nobis, quod nimis eos petendo grauaremus. Item cum putarent nobis dedisse, quod alijs nobis similibus dederunt, qui inter habitus nescirent discernere, recusarent nobis iterum dare eleemosynam, & sic nihil acquirere possemus & periremus. Item cum multi intelligerent, quod homines magis diligerent nos, & libentius nobis subuenirent quam alijs, suo habitu nostro per terras discurrerent, & quod nobis datum esset, ipsi praeriperent fraudulenter, & peccarent, & nos fraudaremur, & homines grauarentur. Alia causa, quia pro aedificatione Ecclesiae specialiter missi sumus, si sub nostro habitu alius aliquo peccato scandalizaret homines, vel nos taliter infamaret, vel suam sic nequitiam contegeret, cum reiecto habitu nostro non agnosceretur, sed frater ordinis nostri putaretur hoc fecisse, Ecclesia non haberet de nobis aedificationem, sed scandalum, & nos frequentes exinde confusiones pateremur, cum multa similia attentarent, sicut comperimus aliquoties esse factum. Item posset haereticus aliquis sub nostro habitu in locis opportunis docere haesim, vt sic ei quasi probato fratri ordinis nostri crederetur, & nos similiter infamaret. Item si forte aliquando ex nostris aliqui in via minus honeste se gererent, cum super hoc corriperebantur a nobis, possent se excusare, quod sub nostro habitu alij hoc fecissent, cum de personis esset dubium, quae fuissent. Ne igitur tantus ordo taliter confundatur, & tot mala inde proueniant, expedit vt ordinis nostri habitum nullus alius permittatur deferre. Quid etiam mali sequeretur, si mulieres cum ferre permitterentur, quibusque prudens per se potest perperdere: & ideo est studiosissime prohibendum.

Cur habitum nostrum ab alijs deferri indecens sit nec sustineat dum omnino.

Cur iure cautum est, ne monasterium iuxta aliud monasterium aedificetur.



*Questio nona.*

**C**um asseratis vos secundum regulam, & professionem vestram, nullos debere recipere prouentus reddituum, seu possessiones, exceptis domibus in quibus habitatis, videmini transgressores regulæ vestræ, in eo quod recipitis domos vel areas non contiguas vestris areis, in quibus habitatis. Eodem enim modo si hoc licet, poteritis etiam vineas recipere, & agros, & mansos, & similia quæque recipere, immo grangias, & villas, & castra, & terras, & oppida, & quæcumque fuerint vobis data, & sic pristina paupertas, & mendicitas, quam professi estis, paulatim euanesce-  
ret, & non eritis discipuli sancti Francisci, cum non sequamini vestigia eius, nec eius regulam teneatis. De domibus enim vobis contiguis potest esse excusabile, quod pro dilatanda area vestra illas quandoque recipiatis, sed de alijs non ita, in quibus homines alios pro censu locatis, quem procurator vester loco vestri exigit, & in usus vestros conuertit de voluntate vestra.

*Responsio.*

Quemadmodum legata possint a fratribus recipi.

Si qui in talibus incaute agunt, dolemus, & contradicimus, & prohibemus. Qualiter autem in hoc licite agere possimus, aduerte, & tunc non iudicabis nos (si sane intelligis) transgressores. Protestamur nos secundum regulam nostram, nil debere, seu velle possessionis, vel certorum reddituum recipere, vel habere. Quia vero mendici sumus & pauperes, ea quibus pro presenti necessitate indigemus, ideo recipimus prout licet, siue pro soluendis debitis, vel alijs necessarijs procurandis. Cum ergo aliquis ex deuotione vult nobis legare domum suam, vel aream non contiguam nostræ mansioni, nec recipimus eam, nec per nos, nec per interpositam personam vt nostram. Sed si ille eam disponit per alium quemcumque, vt ea vendita, de pretio eius prouideatur nobis ex parte sui in his quibus tunc indigemus, procurandis vel soluendis debitis, acceptamus. Si autem ille timens ne forte eius talis dispositio per heredes suos, vel alios in posterum impediatur, & propter hoc præoccupat roborare illam sigillo alicuius iudicis, vel ciuium, vel alterius, & committit sic alicui amico suæ eam, vel fratrum, qui conseruat, quod ipse disposuit de domo tali, vel area, nil ad nos, cum de rebus suis possit ordinare quod volet. Nec domum, nec locum talem dicimus esse nostrum, cum nihil iuris nos ad ea protestemur habere. Similiter si aliquis disponeret per amicum, vel alium, quod de pretio vel de prouentibus illis, vel illis, darentur fratribus tot panes quotidie, vel tantum eleemosynæ singulis septimanis, aut annis, non essemus propter hoc prædij, vel reddituum possessores. Nam si me petente eleemosynam, aliquis diues promittat, quod singulis annis velit dare fratribus duas tunicas, vel tantum vnā, vel singulis hebdomadibus tot panes, & hoc committat officialibus suis, vt vice sui ista dent etiam eo absente, & hoc pro fratribus recipiam, vel etiam si illi negligant dare, admonendo exigam, numquid propterea certos redditus habere dicendi sumus, cum non ex iure, sed ex gratia solum talem eleemosynam recipiam, vel exigam? Et si post obitum illius, vxor eius, vel alij amici pro anima illius, adhuc velint, aliquo tempore talem nobis eleemosynam per se, vel ex dispositione illius largiri, possumus similiter recipere ex eadē gratia, ita quod quandoque nollent amplius ista dare, nil peteremus ab eis quasi ex debito, sed more mendicorum recurreremus ad domum clementis domini pro quotidiana eleemosyna, quamdiu illi placeret, sed quando plus nollent, abiremus vacui, gratias agentes dato, & non murmurantes de negato. Hæc est vera, & pura vita mendicorum, quod datur ex gratia recipere, non ex iure. De censibus vero domorum fra-

**A** tribus legatarum nihil quaerimus, sicut nec de alijs redditibus. Si autem antequam vendantur, aliquem inde censum recipiunt, in quorum tunc potestate sunt illæ domus, nil iuris habere in eo protestamur, sed eleemosynam nobis sponte oblatam simpliciter recipimus, sicut aliunde donatam. Quia vero Dominus docet nos cauere ab hominibus, & Apostolus *Mat. 10. 6* ab omni specie mala abstinere, ne putemur ab ignorantibus transgressores regulæ nostræ, debemus aperte protestari, nil nobis iuris in talibus donationibus velle habere. sicut tenetur suspectus de fornicatione omnia illa cauere, ex quibus posset ista suspicio probabilis iudicari.

*Questio decima.*

**C**um nulli deberetis facere iniuriam, vel damnum inferre, hoc non seruatis, quia sæpe contra voluntatem Plebanorum recipitis domos in eorum parochijs, unde eis multum deperit de oblationibus, & alijs prouentibus, dum vos occupatis loca in quibus alij habitarent, qui eis ista persoluerent. Item sæpe sine licentia Episcoporum, intratis eorum dioceses. Aliquando inconsultis dominis terræ, vel ciuitatis domos recipitis in eisdem.

*Responsio.*

Non omnia quæ sunt contra voluntatem alicuius, ad iniuriam eius fiunt. Cum ergo ciues alicuius oppidi nos vocant, & locant nos apud se in tali loco, vbi etiam possent ludæos locare, vel aream pro ludis facere, vel horrea seu stabula, de quibus nil proueniret Plebano loci, etiam si nos ibi non essemus, non facimus eis iniuriam villo modo. Sumus etiam non deterioris conditionis, quam alij Christiani, vel religiosi, quibus conceditur domos recipere, & loca vbi cumque dantur ab eis, qui habent ius liberum dandi eis, maxime cum per Sedem Apostolicam sit ordo noster approbatus, & in subsidium animarum in Ecclesia destinatus; & hoc bonum per aliorum malitiam non debeat impediri. Si enim numquam deberemus morari, nisi de voluntate clericorum, vix vnumquam in Ecclesia possemus diu morari, dum aut per se, aut incitati per alios, eijcerent nos de parochijs suis potius quam hæreticos vel ludæos. Episcopis etiam nullam facimus iniuriam, cum non grauemus eos in aliquo, sed iuuenus prædicando, & consulendo eorum subditis, vt deuotius obediant, & onus regiminis eorum tanto portabilius fiat eis, de quo in iudicio extremo oportet eos reddere rationem. Si autem mouet eos, quod sumus exempti a iurisdictione ipsorum quoad nos ipsos; tunc econuerso consolentur, quod liberiores sunt, quod pro nobis non tenentur reddere rationem, vt de nostra gubernatione carent honore, ita sint liberi a sollicitudine, & labore, excepta prouidentia pietatis, & inter nos in suæ pacis vnitatem seruanda. Domino etiam terræ, vel villæ non facimus iniuriam, si eo inconsulto, quandoque vocati a ciuibus, mansionem recipimus in villa, vbi liberum esset eis (si vellent) theatrum facere, vel locare ludæos, vel locum relinquere vacuum, quia de ipsius fundi possessione nil ei subtrahimus, nec aliquid proprietatis nobis de illo vendicamus, maxime cum ciues amore nostræ cōmorationis ibidem domino refundat aliunde, si quid forte de area nostra deberet annue census percipere, si nolit pro Deo carere. Nam si etiam contingeret, nos post hæc a loco penitus discedere, nec venderemus aream, nec alicui partem traderemus, sed sicut concessum est nobis, eis ad quos pertinet dominium, relinqueremus. Ipsum quoque oratorium nostrum, non sit parochiali ecclesiæ præiudicium, in quo nec oblationes eius ad Missam percipimus, nec aliquos homines ab ipsa nobis attrahimus, quin omnia iura sua viuentes & mortui, ecclesiæ parochiali persoluant. De sepultura vero

ra verò constat ex iure communi, quòd si apud nos eligunt sepeliri, possent, & alibi si vellent vbicumque, sine præiudicio Parochialis ecclesiæ hoc facere, nec ad hoc possent in aliquo impediri.

*Quæstio vndecima.*

**Q**uid ergo dicitis ad hoc, quòd in pluribus locis dicuntur fratres vestri alios religiosos, vel clericos eiecisse violenter de proprijs ecclesijs, vel monasterijs, & ibidem eis inuitis sibi mansionem fecisse, quomodo potest hoc excusari ab iniuria, & violentia?

*Responsio.*

Vbicumque hoc factum est, non est per fratrum violentiam factum, sed vel per Episcopum loci, vel ex iussu Domini Papæ, qui intelligens clericos illos, vel religiosos ibi minus honeste se gerere, vel ad tantam paupertatem redactos esse, quòd diuinum seruitium ibi ita esset delapsum, quòd per ipsos non erat spes restorationis, auctoritate Apostolica mandauit illos alibi locari, assignatis sibi certis redditibus, vnde possent congrue sustentari, & fratres nostros ibi habitare, & diuina officia celebrare, cum ad ipsum spectat de omnibus locis religiosis ordinare, vt sacra ibi Religio instauretur, siue per illius ordinis personas, siue per alias alterius ordinis, sicut viderit expedire.

*Quæstio duodecima.*

**C**um deberetis omnia mala vobis illata patienter sustinere, & nullam super his apud iudices querimoniam facere vel mouere, quid est, quòd non solum istud non facitis, sed etiam non contenti Episcoporum iudicijs, obtinetis a Sede Apostolica iudices, & conseruatores, & ad illos quoslibet molestantes vos etiam leuiter citatis, & grauatis laboribus, & expensis, donec satisfaciant vobis pro velle vestro? contra Apostolum qui ait: Delictum est in vobis, quòd iudicia habetis.

*Responsio.*

Iniurias & molestias ex quibus aliud malum non sequitur, nisi quòd illa hora sentiri potest, vt sunt verba probrosa, vel damna rerum, seu verbera, & similia, possunt viri religiosi æquanimiter sustinere, quia nil aliud afferunt nocummenti. Sed vbi possunt grauiora damna subsequi, videlicet animarum grauiora nocummenta, ibi non est expediens talia tolerare. Nam cum simus in Ecclesia Dei, ad multarum animarum salutem a Sede Apostolica destinati, per officium docendi, & extrahendi homines a peccato, siquis infamaret ordinem nostrum, quòd essemus seductores, aut hæretici, aut criminosi, aut non habentes auctoritatem prædicandi, seu confessos nobis, & contritos absoluedi, cum a Domino Papa, vel etiam Episcopis habeamus, non solum læderet nos sic reddendo despiciabiles hominibus, quòd subtraherent nobis beneficia sine quibus sustentari non possumus, sed etiam noceret omnibus, qui ex hoc inciperent nos persequi, & grauiter peccaret. Et qui crederent nos tales esse, sicut & ille assereret, nec prædicationes nostras attenderent, nec consilia salutis requirerent a nobis, & iam nullus ordinem intrare curaret, immo debiles mente ordinem tentarentur relinquere, quem viderent ab omnibus conculcari. Insuper hæretici se detractoribus nostris libenter adiungerent sub specie amicitie, vt nos amplius redderent odiosos, ad hoc vt doctrinam nostram hominibus redderent odibilem, & ita astute sibi attraherent corda eorum, & paulatim ducerent in errorem, cum nos maxime timeant, modo in hoc sibi esse resistentes. Plura alia mala suscitarent nobis veritatis aduersarij, si non haberemus munimen per Sedem Apostolicam, quæ non tam nobis quàm Ec-

clesiæ, & fidei catholicæ valde nocerent, & hæc inde decus ipsius Sedis redundarent, quæ ordinem plantauit, & confirmauit, & ad profectum Ecclesiæ destinauit. Nam, & Apostolus Paulus, qui paratus erat omnia aduersa subire pro Christo, videns obesse fidei, & Ecclesiæ si traditus fuisset a Felice, vel Festo Iudæis, ipsum perimere cupientibus, Cæsarem appellauit, vt legitur in Actis. Vt ergo parcamus eis a peccato iniquæ persecutionis, & nobis a frequenti vexatione, & alijs a nocummento animarum, conseruatores habemus a Sede Apostolica nobis datos, qui priuilegiorum nostrorum iura defendant, & a calumniantibus tueantur.

*Quæstio decimatertia.*

**C**um denarios seu pecuniam, nec per vos, nec per interpositam personam, ex regulæ vestræ præcepto debeatis recipere, & tamen aliqua recipiatis, quæ venduntur postea pro pecunia, non video qualiter excusemini a transgressionem huius præcepti: quia vendita re illa, sicut prius vestra fuit res ipsa ante venditionem, ita etiam erit pecunia vestra, quæ pro re data est, cum non habeat alium dominum, nisi fratres, quod illicitum est omnibus manifeste.

*Responsio.*

Tria elemosynarum genera dantur nobis. Aliqua enim recipimus quibus vti volumus, vt victus & vestitus, & libri nobis vtilis, & similia quæ non proponimus alienare ab ordinis vsu. Quædam autem dantur nobis, quibus numquam in illa specie vti volumus, vt vestes sæculares, & libri nobis non apti, vel etiam aliqua superflua victualia, quibus forte non indigemus ad præsens. Ista si nolunt fratres recusare propter deuotionem dantium, potest procurator ea vice illorum seruare, sicut pecuniam pro fratribus ei commissam, vt suo tempore inde prouideat eis, quibus indigent ex parte illorum. Quædam vero dantur nobis pro vsu nostro, & ea per nos recipimus, & postmodum aliquando contingit, quòd ea volumus alienare. Si illa simpliciter vendimus, tunc fiet sicut dicitis, quòd illa pecunia nostra est, sicut res vendita fuerat ante nostra. Sed ne transgressores regulæ nostræ simus, recipiendo pecuniam per interpositam personam, tres vias pro hac cautela tenemus. Aut enim rem illam quæ vendi deberet cõmutamus pro alia, qua indigemus, non interueniente pecunia, vt librum pro libro, oleum pro cera ad luminaria, & sic de similibus. Aut rem illam damus pro solutione debitorum quantum res illa valet. Aut damus eam alicui vt sua sit, & nobis pro ea de alijs quibus indiguerimus tantum acquirat, quantum res illa distracta valeret. Siue autem ille qui sic eam recipit postea vendat, siue referuet vt suam, nil ad nos, cum iam non sit nostra, sed ipsius, & ita non erimus præcepti illius de non recipienda pecunia transgressores. Qui aliter facit, videat quomodo conscientia suam apud Deum iustificet, & apud homines de scandalo se excuset.

Elemosynarum quæ fratribus fieri solent tria genera.

*Quæstio decimaquarta.*

**O**lim non mendicatis, nisi solum quo indigueritis, nunc autem non solum petitis pro futuro tempore necessaria, sed etiam de vna specie tãto plus acquiritis, vt vnum pro alio commutetis, vt oleum pro caseis, vel similia pro alijs in hunc modum.

*Responsio.*

Vt supra dixi, dum pauci eramus, paucis indigebamus; nunc autem plures facti, pluribus indigemus, & sicut aliquando mendicus per plateas discurrens (cui solum panis aridus hincinde datur, quem communius habent homines, & paratius quàm alios cibos) dat aliquam partem panis pro buccella casei, vel ouo, vel pomo, eo quòd non semper valet arido pane susten-

sustentari, cum sit inedia confectus: ita & nos, cum non inueniamus vbiue singula quibus indigemus pro sufficientia ad mendicandum, eo quod in omnibus terris non omnia abundant æqualiter, & homines non habent nobis dare illa quæ non habent, & oportet nos de talibus, quæ in quolibet loco magis abundant, tanto plus petere, ut per illa & alia conquiramus, quæ aliter ibidem non possemus habere, & quibus similiter indigemus, & hoc non est auaritiæ, sed indigentia imputandum.

*Questio decimaquinta.*

**M**ultitudo est in causa, quod multis indigeris, quare ergo magnos conuentus facitis, & non potius bini, vel quaterni, vel ad plus seni, vel octeni in domibus pauperculis habitatis, ut quietius, & in maiori paupertate ibi viueretis & humilitate, quia pompositas quædā videtur gloriari de multitudine?

*Responsio.*

Cur magni conuentus a fratribus recipiantur. His de causis magis diligimus magnos conuentus, quam paruos, videlicet, quia maior disciplina potest ibi seruari, dum occupatio officiorum in plures diuisa ordinatius & expeditius administratur, & coram pluribus quisque minus audet negligens aut insolens esse, & quilibet informatur ab altero moribus & scientia. Et ex his maior potest esse deuotio, & ordinatio vita, & officium diuinum pulchrius, & maior cautela contra quælibet tentamenta vitiorum, & nouitij melius ibi informantur. Item, quia maior prouenit utilitas inde animarum, dum plures ibi stare possunt confessores & prædicatores. Vel etiam potest ibi melius teneri studium Theologiæ, in quo habiles exercentur ad eruditionem aliorum. In paruis autem domibus dum alij sunt in terminis, alij in villa pro eleemosyna, alij forte debiles & infirmi, alij occupati officijs in domo, nec disciplina religionis, nec studium, nec deuotio in diuinis valet, prout expedit obseruari.

*Questio decimasexta.*

**C**um videmini zelatores esse animarum, & sancti Francisci deberetis in omnibus imitatores esse, cur ordinem illum, qui dicitur penitentia, quem ipse instituit, non promouetis, ut vbiue dilatetur in Ecclesia, & multi saluentur in eo, cum laboratis conuerrere & fouere ad bonum, qui vobis sunt minus ex paterna traditione annexi?

*Responsio.*

Cur penitentium ordo admodum exerceatur. Quod in alijs laboramus ut conuertantur & proficiant in bono, ibi habemus fructum, & conseruamus libertatem nostram, ne plus quam nobis expedit, occupemur per eos. Per istos autem penitentes si multiplicarentur impediremur, quod alijs minus prodesse possemus, dum quasi ex iure exigeret a nobis, ut ad omnia, quæ tangerent eos, essemus parati. Alioquin improperebatur nobis, quare ad hunc ordinem eos induxerimus, si curam ipsorum nollemus. Si contingeret eos aliquando astare iudicio vel seculari, vel Ecclesiastico, vocarent nos, ut eis assisteremus, & pro eis intercederemus. Si aliquis impeteret eos pro debitis vel offensa, obiurgarent nos, quare non faceremus ei iustitiam fieri ab illo, qui in nostro regimine & obedientia conuersatur. Et siue iuste, siue iniuste moueretur, nobis imputaret, si pro voluntate sua ei non satisfaceret, maxime si iste diceret, se nil facere nisi de nostro consilio siue iussu. Si aliquis eorum captiuaretur, vel a domino suo, vel alio molesteretur, vellet quod fratres causam eius agerent, & hinc inde discurrerent, ut eum a tali molestia liberarent. **4. Reg. 4.** Sicut vidua ad Eliseum venit, ut eam a creditoris sui vexatione liberaret. Si aliquis inops esse nimis, & non habens aliunde subsidium corporale iustum vi-

**A**deretur eis, & alijs, quod nos sicut fratribus spiritualibus eis prouideremus, & forte plures in illa spe ordinem illum assumerent, ut eis in huiusmodi subueniremus, & maxime feminae vel beguinae. Si aliqua ipsarum de aliquo crimine infamaretur fornicationis vel adulterij, statim qui nos forte non diligerent, diuulgarent istud in nostram infamiam, dicentes: Ecce sorores nudipeditæ, paruulos nudipedes procreant eis. Sed a quo illos concipiunt, nisi ab eis, qui toto die occupantur cum ipsis? Et lasciuia clerici vel laici in odium nostri magis essent sororibus illis infesti, ut aut corrumperent eas, aut infamarent, cum ipsarum dedecus in nos plusquam in alios redonderet. Si quando inter eas aliqua fieret disceptatio, oporteret nos occupari in reformatione pacis inter eas, propter cauendum scandalum aliorum. Si ciuitas vel oppidum indigeret, non possemus eas tueri, quin oporteret eas soluere quæstas, & tallias, & obseruare vigilias nocturnas, & exire cum alijs ad bella, & habere arma, & equos, vel pro se mittere bellatores, vel etiam dominis suis, a quibus haberent feuda, vel quibus aliter astricti oporteret eos in talibus deseruire. Clerici etiam qui nos non diligunt, imponent nobis, quod plebes suas nobis vellemus sub hoc colore attrahere, & nostræ obedientia subingere, ut res eorum nobis cederent totaliter, & quæ ipsis offerre deberent, nos eis præstiperemus. Et quando nos non possent in personis nostris forte grauare, illos quacumque occasione quærenter perturbare. Infamarent etiam nos, quando haberemus cum eis aliquando secreta capitula, quasi celebraremus conuenticula hæreticorum in latebris cum ipsi potius Ecclesiæ rectores deberent eos secundum morē Ecclesiæ corrigere, si quando offenderint, & punire. Nam & ipsi eorum magistri, qui Prouinciales dicuntur, cum sint laici, & aliquando vxorati, quandam habent similitudinem cum hæreticorum magistris, & si non pro inuidia prauitate, tamē in laicali habitu, nomineq. hæreticorum in contemptum clericum, laicos habent magistros, & doctores. Et cum nos sub vna forma viuēdi, & multiplici custodia, vix conseruemus ordinem nostrum in suo vigore, ne dilabatur per negligentiam, quomodo possemus illum ordinem in bono statu diu seruire, vbi quisque vadit in domum suam, & exercet negotium proprium, & habet curam domus suæ, & vxoris, & filiorum, & versatur in sæculo, & multis quatitur tentationibus mundi & carnis? Et qui nobis non essent astricti obedire, nisi pro velle, & quos non possemus sicut expedit coercere, quin cito dilaberetur sub manibus nostris disciplina & iustitia. Et sic melius fuerat non incipisse, quam non posse perficere, & tanta negotia assumpsisse, per quæ dissipatur pax nostra, & fama vilescit, & inter nos ipsos possunt plura scandala suboriri; præter alias occupationes, quas in confessionibus eorum & cõsilijs, tota die nos oporteret habere cum ipsis. Et si soli diuites admitterentur, inciperent nos homines habere suspectos, quod pro auaritia faceremus, ut res eorum sic nobis attraheremus. Et clerici, & alij religiosi contra nos grauarentur, si familiares eorum eis per hoc abstraheremus, & inde lites & scandala inter nos & ipsos orirentur.

**B** Si quando inter eas aliqua fieret disceptatio, oporteret nos occupari in reformatione pacis inter eas, propter cauendum scandalum aliorum. Si ciuitas vel oppidum indigeret, non possemus eas tueri, quin oporteret eas soluere quæstas, & tallias, & obseruare vigilias nocturnas, & exire cum alijs ad bella, & habere arma, & equos, vel pro se mittere bellatores, vel etiam dominis suis, a quibus haberent feuda, vel quibus aliter astricti oporteret eos in talibus deseruire. Clerici etiam qui nos non diligunt, imponent nobis, quod plebes suas nobis vellemus sub hoc colore attrahere, & nostræ obedientia subingere, ut res eorum nobis cederent totaliter, & quæ ipsis offerre deberent, nos eis præstiperemus. Et quando nos non possent in personis nostris forte grauare, illos quacumque occasione quærenter perturbare. Infamarent etiam nos, quando haberemus cum eis aliquando secreta capitula, quasi celebraremus conuenticula hæreticorum in latebris cum ipsi potius Ecclesiæ rectores deberent eos secundum morē Ecclesiæ corrigere, si quando offenderint, & punire. Nam & ipsi eorum magistri, qui Prouinciales dicuntur, cum sint laici, & aliquando vxorati, quandam habent similitudinem cum hæreticorum magistris, & si non pro inuidia prauitate, tamē in laicali habitu, nomineq. hæreticorum in contemptum clericum, laicos habent magistros, & doctores. Et cum nos sub vna forma viuēdi, & multiplici custodia, vix conseruemus ordinem nostrum in suo vigore, ne dilabatur per negligentiam, quomodo possemus illum ordinem in bono statu diu seruire, vbi quisque vadit in domum suam, & exercet negotium proprium, & habet curam domus suæ, & vxoris, & filiorum, & versatur in sæculo, & multis quatitur tentationibus mundi & carnis? Et qui nobis non essent astricti obedire, nisi pro velle, & quos non possemus sicut expedit coercere, quin cito dilaberetur sub manibus nostris disciplina & iustitia. Et sic melius fuerat non incipisse, quam non posse perficere, & tanta negotia assumpsisse, per quæ dissipatur pax nostra, & fama vilescit, & inter nos ipsos possunt plura scandala suboriri; præter alias occupationes, quas in confessionibus eorum & cõsilijs, tota die nos oporteret habere cum ipsis. Et si soli diuites admitterentur, inciperent nos homines habere suspectos, quod pro auaritia faceremus, ut res eorum sic nobis attraheremus. Et clerici, & alij religiosi contra nos grauarentur, si familiares eorum eis per hoc abstraheremus, & inde lites & scandala inter nos & ipsos orirentur.

**F** Si autem omnes passim admitterentur, fieret confusio, cum non possemus omnes regere vel corrigere, & multa inconuenientia sequerentur. De sancto autem Francisco alia fuit ratio, quia status illius terræ, & illius temporis, circa ordinem & homines alios in multis aliter se habebat, & ipsius sancti patris Francisci, & primorum fratrum eius diffamata sanctitas effecit, quod tunc habebatur pro bono, quod modo & in alijs terris non talem haberet successum. Qui nostræ doctrinæ volunt corrigi consilio, possunt sub alia forma & colore ita vtiliter in bono per nos informari, sicut congruit quilibet, & tamen nos prædi-

# qui ordini Fratrum Min. aduersantur. 381

prædictis implicationibus vel alijs similibus non inuoluemur, & ab alijs bonis vel melioribus non retardabimur.

## Questio decima septima.

**Q**uare ergo ordinem sanctæ Claræ in cura habetis, per quā libertas vestra similiter impeditur?

### Responsio.

Ordo ille non est annexus ordini seruiliter, ut eis intendere teneamur, sed ex petitione domini Cardinalis, qui utrique præest ordini, ministri constituunt eis confessores, qui Ecclesiastica interdum sacramenta ministrant, & visitatores qui eas corrigant. Alij fratres non tenentur occupari pro ipsis, nisi sicut pro alijs amicis ordinis quando volunt. Et quia claustrum manet sub uniformi conuersatione hæc facilius regi possunt. Quodcumque autem ordo noster communiter videret non expedire sibi curam illarum gerere, potest se ab eis eximere, cum ex regula nostra non sumus aliqui ex debito nisi ordini obligati, & singulari libertate inter ceteros ordines ex priuilegio gaudeamus. Licet autem omnino non possumus impedire, quin aliqua fiant in terris istis prædicti ordinis monasteria, tamen si non studiose obsisteremus, cito multiplicarentur per concessionem domini Papæ, vel Cardinalis, & per hoc ostenditur, quod non diligimus multum occupari cum ipsis.

## Questio decima octaua.

**C**um ergo sitis informatores earum, quare permittitis, quod plures apud eas impure, id est per pecuniam recipiuntur, quæ si nihil secum ferret nullatenus reciperentur, & aperte simonia videtur?

### Responsio.

Si illud alij faciunt, de hoc non a nobis, sed ab illis est ratio exigenda. Sed tamen ut satisfaciamus quærentibus, sciendum, quod quantum spectat ad hanc materiam, quadruplex est forma recipiendi ad ordinem qualemcumque. Prima, quando aliquis recipitur, nec pro pecunia, nec cum pecunia, sed pure pro Deo: & ista est purissima coram Deo, & hominibus. Secunda, quando aliquis recipitur non pro pecunia, sed cum pecunia, ita ut si nihil afferret, tamen reciperetur pro Deo: & similiter hoc purum est coram Deo, sed est caute agendum coram hominibus, ne detur eis occasio scandali, & ne sit ibi affectus auaritiæ infectus ex spe lucri. Tertia, quando quis recipitur non pro pecunia, nec tamen reciperetur sine pecunia, eo quod non habent aliter ei, quæcum recipiunt in necessitatibus corporis providere, cum tenues facultates domus vix sufficiant iam receptis, nec ad eas audeat plures recipere, & istos suis necessitatibus spoliare, ita quod talis persona quæ sic recipitur, si abundaret locus, sine pecunijs reciperetur. Similiter aliquis duxit uxorem propter diuitias eius vel nobilitatem, quæ habet natum, nec tamen propter hoc ducit eam, quia natum habet, quam tamen si natus careret, nullatenus duxisset. & hoc non est impurum, licet non appareat forsitan pulchrum. Quarta, cum aliquis recipitur amore pecuniæ, ita quod si possent illam pecuniam habere sine persona ista, non reciperent personam, sed ut habeant pecuniam, personam recipiunt: & hoc penitus impurum est, & simoniacum, quia ibi pecunia causa est receptionis personæ, & non e conuerso. Vbi ergo recipitur persona propter pecuniam simonia est, quia ibi venditur spirituale, id est, consortium spiritualis societatis, pro temporali, scilicet pro pecunia. Et hoc plerique faciunt, etiam ex mera inopia optantes aliquem venire cum pecunia, quem reciperent ut eorum inopia repararetur, vel debita contracta soluerentur, vel bona concupita emerentur, vel ædificia construerentur. De talibus dicit Ecclesiasti-

**A**cus: Propter inopiam multi deliquerunt. Vbi vero pecunia recipitur propter personam, quàm alias libenter reciperent si haberent unde eam pascere, non videtur esse simonia, dummodo forma cum intentione concordet. Et hoc modo sustinemus, quod sorores sanctæ Claræ recipiunt pecuniam cum personis, si quando oportet eas plures personas recipere, quàm de facultatibus monasterij congrue valeant sustentari.

## Questio decimanona.

**C**um doctrina salutis tam necessaria est illis, qui in rure, & in abditis locis habitant, sicut illis qui morantur in bonis oppidis, & ita fructuosa esset in eis, & vos æqualiter vocati, & missi sitis ad ædificationem omnium indifferenter, videmini non digne ambulare in tali vocatione, in eo quod in bonis ciuitatibus & oppidis, & villis frequenter prædicatis, in alijs autem locis raro vel numquam. Videtur enim quod sitis in hoc personarum acceptores, quod pauperes contemnitis, & ditioribus prædicatis. Vel quia in ciuitatibus multa habetis bona hospitia, & bene procuramini, quod non alibi. vel quia plura ibi dantur munera vobis in speciali seu communi, ideo ibi sapius prædicatis.

### Responsio.

Messis quidem multa eorum, qui doctrina indigerent salutis, sed operarij pauci idonei & fideles: ideo non sufficimus omnibus qui indigent, prout vellemus docendo prodesse, cum nos pauci simus respectu illorum. In locis etiam siluestribus vel desertis, si qui sunt habitantes, ita sunt dispersi, quod vix possent ad locum congruum prædicationi conuocari. Sed nec ad singula loca eorum possemus venire, ut eis prædicarem ibidem. Raro etiam vacant ab occupationibus nisi in festo, ut prædicationi intendere valerent, & propter diem vnum festiuium non possemus tota hebdomada in villa morari. Non enim permittuntur fratres tamdiu extra domum suam morari, quod sic omnes villas singulariter possint visitare, nec habent in pluribus locis, unde toto possent tempore congrue sustentari. Et si aliquando forte vnus frater vellet & posset aliquandiu pati penuriam, socius eius forsitan hoc non posset. Et si aliqui aliunde vellent ad prædicationes nostras accedere, non inuenirent ibi victualia ad emendum. In oppidis autem seu villis ubi abundant victualia, plures possunt confluere & melius sustentari, & inter plures maior fructus speratur, & a quibus ministrantur nobis plura temporalia in eleemosynis, plus etiam requirunt ut eis spiritualia rependamus, non quod omnino debeamus alios in locis desertis deferere, sed prout se opportunitas obtulerit, debemus etiam eis doctrinam salutis offerre. Illos tamen prædicatores & confessores non excusat a peccato negligentia, qui magis pro comodo corporis frequentant loca illa, ubi sunt bona hospitia, & nolunt pro salute fraterna diuertere ad villas pauperulas, & ibi pro Christo paupertatem, quam illi homines ibidem semper sustinent, apud illos aliquandiu tolerare; cum ipsi professi sint extremam & perpetuam in regula paupertatem. Indignos enim se faciunt eisdem officijs, quæ pro subueniendo omnibus susceperunt, si pro comodo temporali vel muneribus ea vendunt. Ideo dicit Saluator in Matthæo: Gratis accepistis, gratis date: non pro munere temporali. Dicitur enim talibus in fine: Amen dico vobis, receperunt mercedem suam, quam principalius hic & studiosius quæserunt. Dicitur etiam eisdem in Threnis: Dederunt pretiosa quæque pro cibo, &c. Pretiosa sunt verba Dei, & auctoritas absoluedi a peccatis confessis, quæ dat pro cibo, qui pro corporis alimento ea principaliter impendit.

Qua-

Recipiendū ad ordinē quadruplex forma.

Ecclesi. 27. a

Matth. 10. a

Matth. 6. a

Thren. 3. d

## Quaestio vigesima.

**C**um in alijs Religionibus, & collegijs ecclesiarū, maior reuerentia prioribus in ordine introitus soleat exhiberi, quod etiam inter Apostolos aliquo modo seruatum videtur, videlicet in stallo chori, & capituli, & mensae, & alijs; magna rusticitas videtur, quod apud vos nulla in his differentia seruatur, cum Apostolus dicat: Honore inuicem praeuenientes.

Rom. 12. c

## Responsio.

Sanctus pater noster Franciscus in summa voluit ordinem puritate fundare, vt in nullo gloriarentur fratres, nisi in cruce Domini nostri Iesu Christi, idest humilitatis, & charitatis eius, qua pro nobis pati voluit, deuota imitatione, cum in huiusmodi excellentijs qua vnus alteri praefertur, in aliquo soleat animus imperfectorum saepe pueriliter extolli. Quod autem Apostolus docet, honore inuicem praeuenire, non tantum ad istas extrinsecas reuerentias referendum est, qua vnus alteri assurgit, vel facit eum se praecedere, & in superiori loco stare, vel sedere, & similibus, sed magis ad hoc, vt quisque reputet alium, se meliorem esse. In humilitate sibi inuicem superiores arbitrantur, & cetera. Vt non sit pronus ad interpretandum facta eius, vel dicta in partem deteriore, iuxta illud: Non ergo amplius inuicem iudicemus, & cetera. Vt offensus ab eo facile ei ignoscat. Donantes inuicem, si quis aduersus aliquem habet querelam. Vt studiose caueat, ne in aliquo eum despiciat, vel offendant. Vnde ait Dominus: Videte ne contemnat, & cetera. Vt absenti non detrahat, nec libenter derogationem eius audiat, sicut dicit Salomon: Cum detractoribus ne commiscearis. Vt indigenti auxilium, & promptum obsequium libenter impendat, iuxta illud Pauli: Per charitatem Spiritus sancti seruite inuicem. Vt eum pure diligat, & apud Deum fideliter in quibus valet promoueat. Qui hac negligens, tantum illas extrinsecas reuerentias (vt dixi) fratri exhibet, quas plerique magis ad hoc sibi mutuo exhibent, ne incuriales notentur, vel adulatorie, vt sibi ista vicissim reexhibeantur, verbum Apostoli debiliter de honoris praeventione impleuit. Inter illos igitur qui aliquid exterioribus gloriae, vel officio dignitatis, vel ex alia intentione honesta, cupiunt habere secundum hominem, possunt istae reuerentiae obseruari. Nos autem extremam, & altissimam paupertatem in regula professos decet, etiam humilitatem summam in omnibus custodire. In alijs ordinibus, vbi tempus, & dies professionis cuiusque potest obseruari, quis prior altero intrauerit, possunt etiam in locis istam prioritatis seruare distinctionem. Apud nos autem vbi saepe de loco ad locum mutamur, sicut non possumus scire tempus introitus cuiuscumque, ita nec in quo eum debeamus stallo locare, cum ex obliuione, & ambitione, seu ex humilitate plures dicerent, prius vel posterius se venisse: & aliquoties cognita veritate, contingeret aliquos postea de locis suis forte cum verecundia remoueri. Et ista perplexitas frequens esset inter nos, quis videretur altero superior propter frequentes mutationes, & pro appetitu praerogativae saepe conscientiae macularentur multorum. Et maius ex his omnibus detrimentum esset in ordine, quam vtilitas huiusmodi obseruantiae de prioritatis honore, cum secundum multitudinem meritorum magis, quam annorum quis sit acceptior apud Deum, iuxta illud Sapientiae: Consummatus in breui, expleuit tempora multa, placita, & cetera.

Sap. 4. c

## Quaestio vigesima prima.

**C**um deceat bonos promouere, & alios ad bonum pro posse, multum videmini ab hac forma declinare, qui scripta vestra in libris, & quaternis, tam

**A** difficulter alijs praestando communicatis, qui ex eis possent proficere, & alijs prodesse, & aut de profectu aliorum moueri ex inuidia, videmini; aut ex inani gloria, vt videamini scire quae nesciunt alij; aut alia intentione corrupta.

## Responsio.

Quae possunt etiam bona intentione, & inculpabiliter fieri, aliquando temerarium est, ea in deteriore partem interpretari, cum cordis occulta ignoremus, & ea quae in se indifferentia sunt, possunt saepe pro bono fieri & licite, & bene. Scripta enim sua non communicare alijs, sicut potest fieri reprehensibiliter, ita potest etiam fieri inculpabiliter, & licite, & prudenter. Prudenter, quando scriptum nondum est bene correctum vel ordinatum, ita quod alius inde se nesciret expedire, & forte magis esset materia scandalii, vel erroris alijs rescribenti, vel legenti. Item quod non competit illi, qui desiderat, magisque foret ei nociuum quam utile tale scriptum. Item si ille continuo, & frequenter indiget suo scripto, vt si alteri concederet, ipse foret neglectus, cum nemo teneatur se neglecto, alios in minus necessarijs promouere. Inculpabiliter, quando sapientius, & si non statim indiget suo scripto, & eo diu carere non potest. Item sunt in petendo multi valde importuni, sed in reddendo tardi, quod sapientius pulsati, vix tandem cum murmure concessa reddunt, & pro beneficio ingratitude verba impendunt. Item saepe per scriptores poluuntur quaterni & libri, & lacerantur, vel aliter male tractantur sic concessi. Item vnus concedit ulterius alij, irrequisito eo qui ei scriptum concessit, & ille forsitan iterum alij, donec tandem ille nesciat a quo respondere debeat, & sic elongatur ab eo quod nullus directe ei inde respondet. Item etiam saepe perditur, quod ita conceditur, quia forte negligenter relictum alius quasi nulli attineat, sibi illud similiter reseruatur. Aliquando etiam ille, vel iste de loco mutatur, & tam longe vnus ab altero disiungitur, quod non potest concessum per nuntios repetere, vel timet in via destrui, vel amitti per nuntium, aut pedonem, aut aquam. Illi autem quibus talia restituenda committuntur, quandoque volunt, sibi rescribere priusquam illi restituant, vel commodant alijs, vel alicubi relinquunt, donec obliuioni tradunt, & postea negant sibi fuisse commissa. Et sic plurima perduntur, alijs commodata, aliquando est ligatum in volumine cum alijs operibus, & si illud frater alicui concederet, oporteret eum totum librum dissoluere, cum graui damno expensarum, & laborum in ligando factorum. Saepe etiam cum vni rescribendum conceditur, alij nisi & sibi concedatur, indignantur, & per hoc aut diu cogitur ille scripto suo carere, aut per plures manus transiens sordidatur, & perditur. Cum ergo tot causas sint irreprehensibiles, propter quas contingit saepe, vt aliquis non communicet alijs scripturam suam; non oportet, vt iudicentur non habere charitatem ad proximum, vel ex inuidia, aut vana gloria, vel rancore, vel alia non bona intentione petentibus hoc negare, licet aliqui ab his non sint immunes. Ille tamen non est excusabilis in hac parte, qui & si non ex malitia, tamen ex quadam diffidentia non communicat alijs scripta sua, timens ne si per alium prius ea praedicarentur, ipse postea non habeat cum necessitate fuerit, aliqua alia quae proponat, quasi fons charitatis, & sapientiae Dei desiccatus sit, vt non alia pro his ei liberaliter restituat, & refundat, si pro charitate, quae ab ipso acceperat, studeat alijs impartiri. Cum etiam libri, & quaterni fratrum sint tantum ad vsum a superioribus suis concessi, & ad custodiam commissi, qui cauet commissum destrui vel amitti, quod non est eius proprium, propter hoc non debet maleuolus iudicari.

Qua-



Quæstio vigesima secunda.

**C** Vm (sicut ipsi asseritis) missi sitis in adiutorium Plebanorum, non in præiudicium iuris ipsorum quare non prædicatis populo ius Plebanorum, scilicet quantum, & qualiter eis subesse, obedire, & quantam habeant super eos potestatem? Videmini enim hoc tacite præterire, ideo ut vobis magis adhæreant, & ea quæ illi donarent, in vsum vestrum calide retrahitis, & sic eos iure suo fraudatis.

Responsio.

Qui bene aduertit, sæpe intelligit. quod etiam in prædicatione, & consilijs hortamur subditos prælati suis in omnibus (quibus de iure tenentur) fideliter obedire, & iura sua illis persolvere, & sententias eorum iuste latas reuerenter obseruare, & eos quasi Dei vicarios honorare, & quod in hoc meritum salutis eorum ex magna parte consistit. Sed quia non valde magnificamus eos in populo, videtur eis, quod parum pro ipsis faciamus. Quare autem hoc dimittimus, plures sunt causæ. Vna ne videamur hoc adulatorie potius facere (ut sic captemus eorum beneuolentiam) quàm pro veritatis doctrina, cum prædicatio debeat esse aliena ab adulatione præsentium, vel detractio absentium. Neque enim aliquando fuimus in sermone adulationis, sicut scitis, ait Apostolus, neque in occasione auaritiæ. Altera, cum ipsi per se sæpe plus amplificent iura sua super subditos suos, quàm oporteat, præcipiendo quod non debent, prohibendo quæ non possunt, concedendo quæ non licet, exigendo indebita, fulminando sententias duras, & laqueos multiplicando animabus, quas soluere, & expedire deberent, si nos adderemus terrendo populum, & magnificando potestatem clericorum super ipsos, prouocaremus amplius quorumdam clericorum audaciam, & aut faceremus simplices subditos pusillanimes, aut tumidos prouocaremus ad proteruiam maiorem, ut magis e contra se erigerent contra clerum. Tertia cum plures clericorum, tam aperte viuant iniuste, quod laici sumant inde graue scandalum, si super hoc vellemus eos magnificare in populo scâdalum suscitaremus contra nos ipsos, quod tam vituperabiles laudaremus, idcirco dicitur in Pro- uerbijs: Qui derelinquunt legem, laudant impium, qui conseruant, succenduntur contra eum. Quia cum plures in clero, ut nunc, vel male, & contra formam canonum teneant regimen populi in Ecclesia, vel propter excessus suos suspensi sint ab executione officij pastoralis, si omnes cõmuniter magnificaremus, etiam illi qui non habent ius, cogerent subditos in his, quæ non debent sibi obedire, quasi legitimis pastoribus. Si autem specificaremus quibus essent digni ad obediendum, alij grauitè ferent, quod eos notabiles, & contemptibiles redderemus, ideo quasi dissimulando transimus.

Quamuis autem nonnulli de clero plus oderint religiosos, quàm ludæos Christi aduersarios, tamen si saperent potius diligerent nos pluribus de causis, tam pro temporali utilitate, quàm etiam pro spiritali utilitate sua. Vna quoniam per nostram doctrinam subditi eorum plenius soluant, iura sua, & obediunt eis, & reuerentur eos amplius, licet ipsi clerici hoc non credant, dicimus enim illis dictum

**Heb. 13. 6** Apostoli: Obedite prælati vestris. Altera, quod beneficia Ecclesiastica, quæ nos teneremus si essemus cum eis in sæculo, venientes ad Religionem ipsius relinquimus obtinenda, quæ quantum diligunt se habere, tantum deberent diligere illos, qui eis ea relinquant, nisi potius vellent nos morti, ut ea sic gaudentius possiderent. Tertia, quod sumus testes eorum in doctrina fidei, ut melius credatur eis, quod

\* Videtur docent, obediendum sibi esse, tamquam Christi Vicarijs. Sicut \* hæretici qui dicunt, quod clerici pro suo quæstu seducant populum, ut sibi obediant, & dent

**A** ipsis oblationes & decimas. ut inde sustententur, & ditentur, & delitientur, & sine labore abundant, qui hæc aliunde, tam commode non haberent, & ideo confinxerint festa, & officia diuina, animarum remedia, peccatorum pœnitentias, iudiciorum Ecclesiasticorum sententias, sacramentorum administrationes, & alias sollempnitates, & institutiones sanctæ Ecclesiæ, & prælationum dignitates, ut horum omnium occasione exhauriant marsupia laicorum. Sed fideles cum vident religiosos relinquere mundum, & diuitias mundi, Ecclesiastica beneficia resignare, & paupertatem voluntariam profiteri, & tamen hæc eadem docere, & credere, quæ docent clerici auferuntur eis illa hæreticorum suspicio, qua pro sola auaritia possent opinari prædicta omnia a clericis adinuenta, cum vident illos esse testes eorum doctrinæ, qui hæc temporalia pro doctrina fidei reliquerunt. Quarta, quod habeant in nobis aliquem stimulum correctionis, ut minus audeant peccare, & studiosius officium sibi commissum exercent, & instruantur in aliquibus, quæ ignorant, & ad pœnitentiam prouocentur, & in bono amplius roborentur. Quis alius argueret eorum vitia, cum in simili morbo laborans alius non præsumat curare? iuxta illud. Medice cura te ipsum. Item si cæcus cæco ducatum præster, &c. Quinta, quod sumus eorum coadiutores in subleuando onere sibi imposito, ut sit eis hic portabilis, & iudicium durissimum quod fiet in his qui præsumunt, aliquo modo tolerabilius sentiant in futuro supplendo eorum vices, prædicando, consulendo, confessiones audiendo, ubi aliqui eorum minus sufficiunt pro multitudine populi, vel pro perplexitate casuum minus ab aliquo imperito instrui possunt, vel parochiani minus faciunt, quàm deberent, ut quando eorum subditi timent eis confiteri ex causa aliqua speciali. Sexta, si quis inter eos timore periculi in quo sunt, quærit confugere ad statum tutiorem salutis, vel desiderio vitæ melioris, vult ea quæ in mundo sunt relinquere, & statum perfectionis Evangelicæ apprehendere, apud viros religiosos potest quod desiderat inuenire, qui sint ordinis sui fideles obseruatores. Sicut Loth fugiens ab excidio Sodomorum, confugit ad paruulam Segor, idest humilem Religionem saluandus. Septima, quod si immineret aliquando Ecclesiæ necessitas, vel pugna contra hæreticos, vel alios oppressores fidelium, viri religiosi deberent se promptius exponere, & quasi primi in acie se opponere inimicis, sicut filij Ruben, & Gad, & Manasse fuerunt fratrum suorum propugnatores, ad obtinendam terram cum pace. Octaua, quod sunt apud Deum intercessores per orationis studium, & vitæ meritum, & Dominum sibi, & alijs placabilem facientes pro venia peccatorum, pro gratia meritorum, pro amotione quorumcumque malorum, pro gloria cælestium præmiorum facilius obtinenda. Quæ nobis præstare dignetur Iesus Christus. Amen. Et hæc ad præsens sufficiant pro excusatione nostra, contra calumnias exprobrantium, vel quæstiones ignorantium, qua forma, vel intentione aliqua quæ videntur, aliquando minus intelligentibus quoquo modo reprehensibilia faciamus. Qui autem voluerint, possunt plura superaddere, & ista quæ hic posita sunt melius explanare, quæ sicut impræmeditare, ita & inordinate conscripsi, sicut tunc meæ memoriæ occurrerunt, modo hoc, modo illud, sicut aduertere potest legens.

Luc. 4. d  
Mat. 15. b

Gen. 19. f

Iosue 1. 6



S. B. O.

# S. BONAVENTURAE

## EXIMII ECCLESIAE DOCTORIS

### Opusculum

#### DE TRIBVS QVÆSTIONIBVS

#### Ad Magistrum innominatum.

*Apud Trithemium de tribus questionibus reperitur hoc Opusculum inscriptum, quia in eo tribus questionibus satisfaciunt circa tres articulos de quibus Magister hic innominatus dubitare se aiebat; nempe de paupertate, de labore manuum, & studio scholarium, & magistrorum. In quibus tractandis ita se gerit Auctor, ut errore contra regulam eliminato, ipsam mirifice defendat: qua de causa, tractatus iste solet etiam Defensorium regulae inscribi.*

**I**N NOMINATO Magistro frater Bonaventura, spiritum intelligentiæ veritatis exoptat. Proponis charissime, ut tibi tres articuli de regula fratrum Minorum absoluantur, de quibus te ostēdis pluribus rationibus dubitare, scilicet de paupertate, labore manuum, & studio scholarium & magistrorum. Cum enim regula dicat, quod fratres non recipiant pecuniam per se, vel per interpositam personam, & rursum, nec locum, nec aliquam rem sibi appropriet, videntur tibi fratres in hoc regulæ contraire, cū tibi videantur pecuniam per interpositam personam recipere, libros habere & domos, cum non possint harum rerum quas habent, dominos assignare. In labore etiam manuum sibi iniuncto, ut videtur sub præcepto, culpabiles tibi videntur, cum nec laici laborēt in operibus mechanicis, nec clerici manu propria in libris scribendis, quin potius cum magnis sumptibus faciunt eos scribi, ac si apud se haberent numismatum percussores. Postremo in studio, & magisterio fratres condemnas, cum regula dicat, quod non curent nescientes litteras, litteras discere; fratres plerumque tam clerici, quā magistri, qui etiam in sæculo parū aut nihil de philosophia audierunt, student, recitant, scriptitant, immo quod pluris est, laniant, dissipant, ædificant. Nec videtur tantæ humilitatis professoribus posse competere nomē magistri, cum hoc videatur Dominus in Evangelio Matthæi, suis discipulis inhibere, quorum nos dicimur imitatores, tamquam professores Evangelij Iesu Christi. Hæc, ut asseris, tibi in corde de statu & salute fratrum scrupulum generant, & tuam conscientiam inquietant. Super hæc addis assertionem quorundam, qui tibi nisi sunt hanc conscientiam de fratribus fabricare.

Mat. 23. a

Intende igitur, in ea quæ dicturus sum, dabit enim tibi Dominus precibus gloriosæ Virginis, & beati Francisci rectum in omnibus intellectum. Supponis, quod regula paupertatem præcipit, commēdat laborem, vetat curiositatem. suppono & ego. Detestaris ob hoc receptiones pecuniarum, proprietates librorum ac donorum. vitupero & ego. Immo nos omnes persequimur fortiter, & culpamus. In hoc convenimus, sed quod fratres tales credis, aut si no credis dubitas, in hoc penitus dissentimus. Nec enim hoc credo, nec dubito, certum habens oppositum tamquam verum: non quia nullus in ordine talis sit, qui non possit culpari in aliquo prædictorum, cum nec in duodecim Apostolis talis perfectio potuerit reperiri, sed communitatē status, de qua & tu iniungis defen-

dam, assumpsi. Vide igitur quid sentire debeas de receptione pecuniæ. Testificor coram Deo, quoniā veritatem sum expressurus secundū meam conscientiam, in omnibus quæ subiungam. Non credo te aliquatenus dubitare, quin pauperibus quantumque extremam voverint paupertatē, liceat recipere elemosynam, nisi velint se occidere. quod si nefas est, licet hoc fratribus, quod nullus sanæ mentis ignorat. Non est igitur contra eorum professionem, si quis diues homo hanc eis ministrat manu propria. Quod si noluerit, potest eis ministrare per manum serui sui. Quod si ille seruus non possit, sed cōmittat alij, quare non liceat per manum tertiam, non videtur: quare etiam usque ad decimam manum non potest, nō video. Quod si diues habens pecuniam, dat victum aut vestitum fratribus necessarium, nōne potest ipse manu sua emere? nonne potest ipse pecuniam pro emptione alij committere, & sic per multas manus in usus fratrum expendere, pro releuandis eorum necessitatibus sine offensione fratrum? Quis sanæ mentis hoc dubitat? cum pecunia ita sit domini cum committitur personæ intermediæ, ac si ipse dominus eam manu propria cōseruaret. Nisi forte quis ita desipiat ut dicat, quod pecunia in manu seruiantis posita, trāseat in eius dominium, & desinat esse domini, quod penitus absurdum est. Quod si dicas, quod dominus simpliciter & absolute dare intendat fratribus, dico & ego, quod nullus sanæ mentis dare intendit fratribus, nisi prout competit regulæ & professioni eorū. Quis enim daret elemosynam, ut eos faceret perdere vitam æternam? Dat ergo eo modo, quod fratribus expedit, scilicet committendo alicui, qui per se eam dispenset in his rebus, quas fratribus licet accipere, & sic pecunia illa per quorumcumque manus transeat, nullo modo spectat ad fratres, quia semper est primi domini. Et est per hoc manifestum, quod nec per se, nec per interpositam personā eam recipiunt. Fateor coram Deo, ita esse verum in conscientijs fratrum. Quod si mihi forte nō credis, tamen ipsi domino Papæ, qui in utroque iure peritus, ordinis & perfectionis æmulator, qui ut ipse testatur, in conditione regulæ beato Francisco astitit, & eius plenum intellectum agnouit. Qui requisitus a fratribus dicit, quod fratres volentibus sibi elemosynas facere, possunt fidelem aliquem præsentare. Qui taliter præsentatus non est eorum nuntius, sed illius potius cuius mandato solutionem facit, seu recipientis eandem. Hæc sunt verba ipsius. Quis ita desipit, ut si dicam alicui, iste fideliter exequetur vel custodiet quod ei committes, quod propter hoc quidquid ille acceperit fiat meū, cum etiam licet hæc verba non semper exprimantur, semper

semper tamen habetur in corde, & semper ab alijs A credimus sic accipi? Quis ergo tam improbus, ut impugnet hanc veritatem, per tantorum virorum conscientiam sanam & discretam, per tantam rei evidentiam, & ut nihil desit, per sedem Apostolicam confirmatam? Certus sum, quod talis portabit iudicium.

De libris & vtesilibus quid sentiam, audi. Clamat regula expresse imponens fratribus officium prædicandi, quod non credo in aliqua alia regula reperiri. Si igitur prædicare non debet fabulas, sed verba diuina, & hæc scire non possunt, nisi legant, nec legere, nisi habeant scripta; planissimum est, quod de perfectione sic est habere libros, sicut est prædicare. Et sicut non obstat ordinis paupertati, habere Missalia ad cantandum Missas, & Breuiaria ad horas dicendas; sic non obstat & Biblias ad verba diuina prædicanda. Licet igitur libros habere. Sed numquid regula sibi contraria est, quæ alibi mandat nihil habere? Absit hoc, ut in ea sit contrarietas aliqua, sicut nec falsitas, cum tota de fonte Euangelij sit extracta, sicut mihi, qui parum noui, facile esset ostendere. Dico ergo, quod fratribus horum concessus est usus, sed vetatur appropriatio. Nam non dicit regula: Fratres nihil habeant, nec aliqua re utantur, quod esset insanum; sed quod nihil sibi approprient. Cui igitur horum proprietates assignabuntur? Sic respondeo ego, quod cuiuscumque sit, non est mea nec ordinis, & hoc mihi sufficit ad meæ conscientię puritatem. Ne tamen hominibus fugam parare videar, dico harum rerum mobilium gubernatori & protectori ordinis Cardinali, potestatem & auctoritatem & prouidentiam a domino Papa esse concessam. Sicut enim dominus Papa ait, nec vendi debent mobilia, vel extra ordinem commutari quoquo modo; nisi Ecclesiæ Romanæ Cardinalis, qui fuerit ordinis Gubernator, super hoc auctoritatem præbuerit & assensum.

Sed dicis: Numquid qui Biblias dant fratribus, intendunt eas dare Papæ, aut Cardinali? Dico & ego. Numquid pater, qui dat Bibliam filio, intendit labefacere ordinem filij, & filium suum facere filiū diaboli? Credo te dicere quod non. Dat igitur filio intendens, quod ordinis paupertas sit penitus illibata, ac per hoc ut ordo utatur, proprietates autem sit eius, cuius decreuerit pastor ordinis & Ecclesiæ. An non credis, quod si pater non possit filio librum dare, nisi per manum alicuius, de quo præsumeret, quod non esset filij sui prædator, sed pastor, nonne daret? utique daret ut filio commodaret ad usum. Et in hoc melius prouisum est ordini Domino faciente. Nam si librorum proprietates remaneret apud parentes, sic ministri non possent auferre fratribus libros, & essent quasi perpetui ad vitam. Nunc autem ordo nihil sibi appropriat in libris, dum ministri libros nec vendere, nec alienare auctoritate propria possunt, nec fratres subditi possunt, dum frequenter resignant, & eis pro voluntate ministrorum assignantur & auferuntur. Certus sum, quod hæc est conscientia fratrum.

Ut autem nihil remaneat, audi de domibus. Dico domos non esse fratrum. Sed si desolo quæris, dico quod dantium est & patronorum. Si de ædificijs, pari ratione ædificantium, vel eorum quorum est solum: quia cedit solo vnus si vnus ædificat, vel pluri si plures. Mentior etenim, si non dominus Papa dicit in regula, saluo locorum & domorum dominio illis, ad quos noscitur pertinere. In loco, intelligens solum: in domibus, ædificia superaddita. Vnde nec appropriamus nobis locum, cum dicamus esse illorum qui dant impensas, vel cedit solo: nec etiam usus appropriamus, nisi pro voluntate eorum, qui fratribus concedunt prædicta. Certus sum enim quod hæc est conscientia fratrum. Non obstat si aliquando vidisti contrarium, quod non credo, quia indiscretio vnus, non ad omnes debet nec ad lingu-

S. Bon. Tom. 7. Pars iij.

los retorqueri. Si dicis, nos tamquam aduenas, & peregrinos debere ire de domo in domum, parcat illi Deus, qui primo hanc stultitiam cogitauit. Nonne beatus Franciscus ædificauit loca? Numquid tamquam peregrinus ibat quotidie vnā dietam? Numquid beatus Petrus cum dicat in Canonica sua: Obsecro vos tamquam aduenas & peregrinos, &c. voluit, quod omnes transirent de domo in domum? Cum enim dicat Ecclesiasticus: Vita nequam hospitari de domo in domum; tam Petrus, quam Franciscus filijs & discipulis suis non sanctam vitam, sed nequam imposuissent, si secundum prædictum intellectum nos similes esse peregrinis mandarent. Sed hoc dictum intelligitur, ut non currat similitudo quattuor pedibus, sed ut domos in quibus habitamus parum diligamus, nec proprias reputemus, sicut peregrinus qui transit in patriam, domum non diligit in via tamquam propriam, sed utitur tamquam aliena. Qui aliter sapit, ipse sua insipientia manifestat, quod nihil omnino sapit. Quomodo ergo posset esse regimen & ordo Prælatorum, qui ita districto manet in ordine beati Francisci, si omnes essent instabiles & vagabundi per orbem? Hoc vero sentit, qui nihil vidit de ordine.

Veniam ad laborem manuum, vbi taliter insistis, utrum sit consilium vel præceptum? Ego autem dico, non intendere beatum Franciscum manuum laborem, nec præcipere, nec consulere, nec monere; sed supposita admonitione Apostoli, fratribus nimis vel minus sollicitis ad laborem, dat formam laborandi. Quidam enim sic intendebant labori manuali, ut necaretur in eis deuotio orationis. Quod quia periculosum erat, cum actiua debeat deferuire contemplatiuæ, dedit eis formam sanctissimus Pater, ut sic laborarent qui laborare vellent, scirent, & possent, ut sanctæ orationis & deuotionis spiritum non extinguant. Hoc enim sequitur in textu regulæ immediate. Vnde attende, quod non dicit præceptum, vel consulo fratribus, quod laborent, sed quibus dedit Dominus gratiam, quod non solum includit potentiam, sed voluntatem laborandi. Sicut si diceret, fratres quibus dedit Dominus gratiam lacrymandi, lacrymentur ita modeste, quod oculos non amittant; non præciperet lacrymari, sicut nunc intelligit. Ipse autem de labore manuum vim non faciebat, nisi propter otium declinandum: quia cum fuerit regulæ obseruator perfectissimus, non credo, quod vnquam lucratus fuerit de labore manuum duodecim denarios vel eorum valorem, sed potissime ad orationem monebat. Non enim volebat, quod illam extinguere propter lucrum. Vnde Prouincialibus ministris relinquitur, quod non permittant fratres suos otiosos. Ego vna tecum, si qui tales sunt, iudico arguendos, & verberibus puniendos tamquam seruos malos & pigros. Non tamē propter hoc tibi displiceat, quia satis ibi inuenies copiam laborandi, tam in studio veritatis quam in exercitio humilitatis, pietatis, & cuiuslibet alterius virtutis. Nam fratrum elemosynas quærere, coquinam facere, infirmis seruire, scutellas lauare, & in omnibus humilitatis exercitijs laborare, quæ dulciora fratribus sunt quam multa officia dignitatis.

Sed quid dicemus de ascendentibus ad cathedrā, cum regula dicat, quod non curent nescientes litteras, litteras discere, &c. cum etiam Euangelium dicat, quod nolimus vocari magistri. Dico ego, quod regula non vetat studium litterarum, sed illitteratis & laicis. Vult enim iuxta Apostolum, quod vnusquisque in ea vocatione qua vocatus est permaneat, ut ad clericatum de laicatu nullus ascendat, nec vult quod clerici fiant laici studium recusando: alioquin ipse transgressor fuisset, qui cum paucas litteras sciret, postmodum in litteris profectus in ordine, non solum orando, sed etiam legendo. Vnde ut scias quantum

K x sibi

1. Pet. 2. 6

Eccli. 29. d

1. Thess. 3. 8

Mat. 23. 4

1. Cor. 7. d

sibi placuerit studium sacrae Scripturae, audiui ego a fratre, qui vidit, quod cum nouum testamentum venisset ad manus suas, & plures fratres non possent simul habere, diuidebat per folia, & singulis communicabat, ut omnes studerent, nec vnus alterum impediret. Clericos etiam quos recipiebat ad ordinem, in summa reuerentia habebat, & in morte mandauit fratribus, ut Doctores sacrae Scripturae in summa reuerentia haberent, tamquam illos a quibus reciperent verba vitae. Vnde cum nomen Doctoris veneretur, intelligebat hoc Euangelium non vetuisse, alioquin Paulus Apostolus Euangelio contradiceret, qui se prima epistola ad Timotheum magistrum gentium vocat, quod maioris impudentiae videtur, quam si ab alijs vocaretur. Dico ergo, quod secundum Euangelium pompa huius nominis condemnanda est & nullatenus appetenda, sed officium assumendum. Quos enim magis decet Euangelium docere, quam qui Euangelium profitentur, & seruati? Nam cum dicat Euangelium: Qui fecerit & docuerit, hic magnus vocabitur in regno caelorum; quis sane mentis dicat, ut magister & frater Alexander diues, debuerit praedicare, & docere: Beati pauperes spiritu, & pauper effectus debuerit reticere? Certe si fratres decet addiscere, & ruminare tamquam munda animalia, verba diuina, & sibiipsis sufficiunt in docendo; quis tam stultus est, ut dicat, quod doctrinam quam eos decet facere & docere, debeant a non facientibus mendicare? Condemno igitur tecum in magisterio pompam, sed commendo officium. Damno fratrem Minorem pomposum, & dico eum magisterio penitus indignum; sed commendo studiosum, credens quod nulli magis quam tali competat auctoritas docendi Euangelium Iesu Christi.

1. Tim. 2. 6

Matt. 5. 8

Restat igitur, ut de philosophantibus aliquid subiungamus. Audi charissime sicut in ceteris, sic & in hoc pariter concordemus. Fateor displicent tibi curiositates, displicent & mihi, & displicent fratribus bonis, & displicent Deo & Angelis suis. Nec defendo circa scripta puerilia mussitantes, sed detestor eos pariter tecum. Vnde & tibi & mihi consulo, ut habeamus zelum secundum scientiam, ne detestemur plus quam oportet. Fortassis enim inter peccata minuta, & venialia computandum est. Vix enim grana absque paleis colligi possunt, & verba diuina sine verbis humanis. Haec autem omnia separantur per zelum compunctionis & fletum deuotionis, quae faciunt triticum veritatis a verborum paleis separari. Et fortasse videntur aliqui curiosi, qui magis sunt studiosi. Si quis enim studeret in dictis haereticorum, ut eorum sententias declinando magis intelligeret veritatem, nec curiosus, nec haereticus, sed Catholicus esset. Cum verba philosophorum aliquando plus va-

lent ad intelligentiam veritatis, & errorum confutationes, non deuiat a puritate in his aliquando studens, maxime cum multae sint conclusiones fidei, quae sine his terminari non possunt. Vnde si velimus nimis stricte iudicare, fortasse ipsos Sanctos, quod impium est, iudicabimus curiosos. Nam nullus melius naturam temporis, & materiae describit, quam Augustinus inquirendo & disputando in libro confessionum. Nullus melius exitus formarum, & propagationem rerum, quam ipse super Genesim ad litteram. Nullus melius quaestiones de anima, & de Deo, quam ipse in libro de Trinitate. Nullus melius naturam creationis mundi, quam ipse in libro de Ciuitate Dei. Et, ut breuiter dicam, pauca aut nulla ponunt magistri in libris suis, quin illa reperias in libris Augustini. Lege Augustinum de Doctrina Christiana, ubi ostendit quomodo non potest intelligi sacra Scriptura sine aliarum scientiarum peritia. Ostendit etiam, quod sicut filij Israel asportauerunt vasa Aegypti, sic Doctores Theologi doctrinam philosophiae. Vnde multa, quae non didicimus per Philosophos de dictis philosophiae didicimus per Sanctos. Ac per hoc non debet tibi esse mirum si minus fundati intrantes, fiant in scientia in ordine fundatiore. Sed esto, quod ista sint reprehensibilia & purganda, non propter hoc retraharis, quia nullus ad hoc compellitur, sed is magis amatur, qui magis est taliu aspernator. Nec Praelati talia praecipunt, sed permittunt. Nec propter tres vel quattuor vitiosos, debet magister contemnere innocentes. Et si aliqui abundant libris ad tempus, alijs plerisque multo plus indigentibus poterunt dispensari, cum multo plures egeant, quam abundant. Nec te moueat, quod fratres fuerunt in principio simplices & illitterati, immo magis debet hoc in te fidem ordinis confirmare. Fateor coram Deo, quod hoc est quod me fecit vitam beati Francisci eligere, quod non fuit per hominum prudentiam inuenta, sed per Christum: & quia opera Christi non deficiunt, ostenditur hoc opus fuisse diuinum, dum ad consortium virorum simplicium etiam sapientes non sunt designati descendere, attendentes illud Apostoli: Si quis est inter vos

sapiens, stultus fiat, ut sit sapiens. Rogo charissime, ut non nimis abundes in sensu tuo, nec credas te prudentiorem, nec meliorem omnibus, quos Deus ad statum istum vocauit, etsi vocauerit te, non recuses. Vale in Domino.

1. Cor. 3. 4



# S. BONAVENTURAE

## EXIMII ECCLESIAE DOCTORIS

### Opusculum

## DE PAUPER TATE CHRISTI

contra magistrum Guilelmum.

*Tractatus iste de paupertate Christi duas quaestiones continet alteram de paupertate in duos articulos divisam; alteram de pauperibus validis precipue regularibus an ad opera manualia sint astricti. Quas quidem quaestiones ita determinat, ut magistrum Guilelmum aduersarium conuincat, & veritatem aperte demonstret. Nam paupertatem tam quoad abrenuntiationem, quam quoad mendicitatem ad perfectionem pertinere doctè, & eruditè ostendit. Est autem hoc Opusculum inter cetera sancti Bonaventurae a Trithemio connumeratum, eodem, quo hic inscribitur, titulo.*



QUESTIO est de paupertate. Et A  
quærentur duo.

Primo quæritur de paupertate, quantum ad abrenuntiationem.

Secundo quantum ad mendicationem.

*De paupertate quantum ad abrenuntiationem.*  
*Articulus 1.*

Circa primum sic proceditur, & quæritur. utrum Christianæ perfectionis sit abrenuntiare omnibus, tam in communi, quam in priuato. Et quod sic videtur in Matthæo, ubi dicitur: Si vis perfectus esse vade, & vende omnia quæ habes, & da pauperibus, & veni sequere me. Glossa: Ecce contemplatiua quæ ad Euangelium pertinet. constat quod Dominus istum ad diuitias non vocabat, & tamen renuntiare omnibus consuebat; nec ad opera manualia, immo ad contemplatiuam, sicut dicit glossa: Ergo, &c.

Mat. 19. c

Mat. 19. d

Item ibidem dicitur: Ecce nos reliquimus omnia: ubi dicit Glossa: Tanta a sequentibus missa sunt, quanta a non sequentibus concupisci potuerunt, ergo perfecta imitatio totaliter extinguit appetitum diuitiarum; sed hæc extinctio potissime est in eo, qui abrenuntiat omnibus. ergo, & cetera.

Mat. 19. c

Item Saluator ait: Vade, & vende omnia quæ habes. Glossa: Non partem, sicut Ananias, sed qui totum dat, nihil sibi reseruans, ipse potissime facit quod Dominus consulit, nihil sibi reseruans, nec in communi, nec in speciali. & qui hoc facit, perfectissime facit. ergo, & cetera.

Mar. 12. d

Item dixit Dominus de vidua: Amen dico vobis, quod hæc vidua pauper plus quam omnes misit. Nam omnes ex eo quod abundabat eis, miserunt; hæc autem de pehuria sua omnia quæ habuit misit totum victum suum; sed in hoc laudatur vidua paupercula: ergo qui hoc faciunt quanto perfectius agunt, tanto magis laudabiles sunt. ergo, & cetera.

Luc. 12. c

Item ait Dominus: Respicite coruos. Glossa: Sancti merito auius comparantur, qui nihil in mundo agentes, nec laborantes, sola æterna appetunt, iam similes Angelis; sed quanto magis hæc dimittit quis, tanto magis Angelis assimilatur, ergo, & cetera.

Luc. 14. g

Item in Luca dicitur: Nisi quis renuntiauerit omnibus quæ possidet. Glossa: Hoc distat inter renuntiare omnibus, & relinquere omnia; quia renuntiare conuenit omnibus, qui ita licite vtuntur mundanis, quæ possident, ut tamen mente tendant ad æter-

S. Bon. Tom. 7. Pars iiij.

na; relinquere autem est tantummodo perfectorum, qui omnia temporalia postponunt, & solis æternis inhiant. Sed qui prorsus omnibus renuntiat in communi, & in priuato, ille maxime omnia postponit: ergo, & cetera.

Item hoc ipsum ostenditur exemplo Christi. de quo dicitur: Vulpes foueas habent, &c. Chrysostomus: Quid pecunias expectas sequens me congregare? Non vides, quia diuersorium mihi neque tantum quantum auius. ergo Christus prorsus nihil habuit. ergo, & cetera.

Mat. 8. c  
Chrys. homil. 28. in  
Matth. an.  
med. 10. 2.

Item super illud Matthæi: Vade ad mare. Glossa: Dominus tantæ paupertatis fuit, ut vnde tributa soluere non haberet, habebat quidem ludas communia in oculis, sed res pauperum in usus suos assumere nefas duxit, id ipsum dans exemplum nobis. Si ergo Christus tantæ paupertatis fuit, quod non potuit soluere denarium, manifestum est, quod fuit in summa paupertate.

Mat. 17. d

Item, ubi præmissum est: Vulpes foueas habent, ait Glossa: Ego tantæ paupertatis sum, ut nec hospitium quidem habeam, nec meo vtar tecto. ergo, &c.

Luc. 9. g

Item scriptum est: Venit princeps mundi huius, &c. Glossa: Noluit Dominus habere quid perderet, pauper venit, ne haberet diabolus quod auferret. ergo si omnia temporalia possunt perdi, nihil habuit temporale.

Ioan. 14. d

Item Apostolus ait: Scitis gratiam Domini nostri Iesu Christi, quoniam propter vos egenus factus est, cum esset diues, ut illius inopia, &c. ergo qui sic abrenuntiat, ut egeat, magis se Christo conformat.

1. Cor. 8. b

Item super illud quod sequitur: In hoc consilium do. Augustinus in originali: Factus est egenus in tantum, ut non haberet quod habent vulpes. & in hoc consilium do, subauditur, ut eius paupertatem imitemini; Sed qui abrenuntiat omnibus, eius paupertatem imitatur. ergo, & cetera.

Item illud Iacobi: Nonne Deus elegit pauperes. Glossa: Pauperes elegit parentes, quorum educaretur officio. Sed parentum Christi magna fuit indigentia, secundum illud Lucæ: Pannis eum inuoluit, &c. Ergo Christus non tantum in seipso paupertatem dilexit, verum etiam in alijs.

Iac. 2. b

Item Christus maxime fuit imitabilis secundum statum quem habuit in cruce, secundum illud: Christus passus est pro nobis, relinquens exemplum, ut sequamini vestigia eius. Sed in cruce fuit omnino nudus. Vnde Hieronymus ad Hedibiam: Vis esse perfecta, & in primo stare fastigio dignitatis, fac quod fecerunt Apostoli, vende omnia quæ habes, & da

1. Pet. 2. d

Hieron. ad  
Hedib. ep.  
150. q. 1.

Kk 2 paupe-



pauperibus, & sequere Salvatorem, & nudam, so-

*Amb. cōm.* Ambrosius super Lucā: Qualis debeat esse qui Euan-  
*in Luc. lib.* gelizat Regnum Dei, præceptis Euangelicis designa-  
*6. c. 9. 10. 3.* tur, vt sine virga, sine pera, sine calceamento, sine  
pane, sine pecunia, hoc est subsidij secularis admini-  
cula non requirens, fideq. tutus putet sibi quominus  
ea requiratur, magis posse suppetere. Si igitur hoc at-  
testatur perfectioni prædicatoris Euangelicæ perfe-  
ctionis, vt nullum prorsus quærant adminiculum (se-  
culare, & hoc est esse in altissima paupertate. patet,  
& cetera.

*Hieron. ep.* Item Hieronymus ait: Nolo pristinarum necessi-  
*1. ad Helio-* tatum recorderis, nudos amat eremus; nolo te anti-  
*dorū nō lon-* quæ peregrinationis terreat difficultas. Qui in Chri-  
*ge a princ.* stum credis, & eius crede sermonibus. Quærite pri-  
*Mat. 6. d* mum Regnum Dei, & hæc omnia adiicientur vobis.  
Non pera tibi sumenda est, non virga. diues est qui  
cum Christo pauper est. omnia igitur relinqui pos-  
sent, spe posita in solo Christo.

*Amb. lib. 2.* Item Ambrosius in lib. de offi. Nullum adminicu-  
*de offi. 10.* lum præstant diuitiæ ad vitam beatam, quod eui-  
*4. in fi.* denter Dominus demonstrauit in Euangelio, dicens:  
*Mat. 5. a* Beati pauperes spiritu, &c. Itaque paupertatem, fa-  
mem, dolorem, quæ mala putantur non solum im-  
pedimento non esse ad vitam beatam, sed etiam adiu-  
mento, euidentissime pronuntiatum est. Sic ergo non  
solum adminiculo non sunt ad vitam beatam corpo-  
ris externa bona, sed etiam dispendio sunt. Sed quæ  
non sunt adminiculo, sed dispendio, perfectum est  
relinquere, ergo, & cetera.

*Mat. 6. c* Item Hieronymus super illud Matthæi: Nonne  
*\* Gloss. ibid.* anima plus est quam esca: In promissis veritatis ne-  
mo dubitet, sit homo quod esse debet, & mox ad-  
duntur ei omnia, propter quem facta sunt omnia.

*Mat. 6. d* Ergo qui omnia relinquit propter Christum confiden-  
dens in promisso Christi, agit secundum perfectam  
fidem ipsius. Hoc autem potissime facit, qui omni-  
no nihil sibi reseruat, nec in communi, nec in spe-  
ciali, ergo, &c. Vnde Augustinus tractans illud Mat-  
thæi: Respicite volatilia cæli: Sancti merito aibus  
comparantur, quia cælum petunt, qui iam ita remo-  
ti sunt a mundo, vt iam in terris nihil agant, nihil la-  
borent, sed sola contemplatione iam in cælo degant.  
Si ergo hæc vita altissima est; ergo spretis omnibus  
totam spem vitæ suæ in Deo constituere est virtutis  
perfectæ.

*Aug. de bo-* Item Augustinus de bono coniugali: Bene facie-  
*no coniug.* bant, qui de sua substantia Christo, ac discipulis eius  
*5. 8. in fine.* necessaria ministrabant; sed melius, qui omnem sub-  
*tom. 6.* stantiam suam dimiserunt, vt expeditiores eundem  
Dominum sequerentur; sed quanto quis magis di-  
mittit, tanto expeditior. ergo tanto laudabilior.

*Idē lib. de* Item in lib. de Ecclesiasticis dogmatibus: Bonū est  
*Ecclef. dog.* facultates cum dispensatione pauperibus erogare.  
*6. 7. 10. 3.* melius pro intentione sequendi Dominū insimul do-  
nare, & absolutum a sollicitudine cum Christo ege-  
re. Ergo qui magis eget, & a sollicitudinibus mun-  
di absoluitur, perfectius Christū sequitur. ergo, &c.

*Greg. super* Item Gregorius ait: Cum quis suum aliquid Deo  
*Ezech. ho-* vouet, & aliquid non vouet, sacrificium est. cum ve-  
*mil. 20. post* ro omne quod habet, omne quod viuunt, omne quod  
*med.* sapit, omnipotenti Deo vouerit, holocaustum est.  
Qui enim sibi metipsis nihil reseruant, sed sensum,  
vitam, linguam, atque substantiam, quam percepe-  
runt, omnipotenti Deo immolant, quid isti nisi holo-  
caustum offerunt? Vnde paulo ante dixit, quod il-  
le holocaustum offert, qui ea quæ possidet, apud se-  
metipsum decreuit indigentibus cuncta tribuere, ni-  
hil sibi reseruare, vitam soli supernæ gubernationi  
committere; sed hoc potissime facit qui sic distri-  
buit, quod nihil sibi reseruat, nec in communi, nec  
in speciali, ergo, & cetera.

Item Ioannes Chrysostomus in lib. quod nemo lædi-  
tur, nisi a seipso. Quid Apostolos penuria rerum  
corporalium læsit? Nonne in fame & siti, & nudita-  
te degebant, & pro his clari magis, & magnifici ha-  
bebantur atque ingentem per hoc fiduciam quæsi-  
erunt apud Deum? Ergo Paupertas illa laudabilior,  
in qua maior est penuria rerum.

Item, Bernardus ait: Felix qui nihil sibi retentat  
ex omnibus, non habet foueam vt vulpes, non tam-  
quam volucres nidum, non loculos, quomodo Iudas,  
non domos, sicut nec Maria locū in diuersorio, imi-  
tatus profecto illum qui non habebat vbi reclinarēt  
caput; sed qui omnia prorsus dimittit, nihil sibi om-  
nino nec in communi, nec in speciali retinendo, hoc  
potissime facit. ergo, & cetera.

Item Prosper laudat Paulinum, & Hilarium de  
hoc, quod facultates suas omnes pauperibus erog-  
auerunt, licet ratione Episcopalis officij, Ecclesiasti-  
ca bona postmodum dispensauerunt, sicut habetur,  
12. quæst. 1. Expedit, vbi ait sic: Denique sanctus  
Paulinus ingentia prædia, quæ fuerunt sua pauperi-  
bus erogauit. Et infra: Quid sanctus Hilarius? Non-  
ne & ipse omnia sua, aut pauperibus reliquit, aut ven-  
dita omnia pauperibus erogauit? Laudantur hi, &  
laudabiles sunt, quia omnia sua propter Deum con-  
temperunt. Sed hoc potissime faciunt, qui nec in  
communi, nec in speciali sibi aliquid retinent. ergo  
tales maxime accedunt ad culmen perfectionis Euan-  
gelicæ.

Item, hoc ipsum ostenditur ratione. Duplex est  
ciuitas, scilicet Dei & diaboli, Hierusalem, & Baby-  
lon, quæ oppositionem, habent, & in seipsis & in  
suis fundamentis; sed fundamentum ciuitatis Baby-  
lonis, vt dicit Augustinus, est cupiditas. ergo quan-  
to magis quis recedit a cupiditate, tanto magis rece-  
dit de diaboli ciuitate. Sed paupertas in qua quis in  
communi, & in speciali prorsus omnibus abrenun-  
tiat tam effectu, quàm affectu, ipsa est quæ maxime  
elongat ab auaritia. ergo, & cetera.

Item, diuitiæ sunt incētiuum cupiditatis, quia dif-  
ficile est habere, & non amare. Sed quanto quis ma-  
gis se elongat ab incentiuo peccati, tanto perfectius  
agit: hoc autem facit, qui in communi, & in specia-  
li omnibus abrenuntiat. ergo, & cetera.

Item triplex est consilium, paupertatis, obedi-  
entiæ, & castitatis; sed quanto quis generalius obedit,  
& vniuersaliter, tanto perfectius agit, similiter & de  
consilio castitatis: ergo pari ratione verum erit, &  
de consilio paupertatis.

Item, si dicas quod non est simile, quia diuitiæ  
sunt de necessitate vitæ; hoc nihil est, cum multi qui  
nihil prorsus habent proprietatis, viuere possunt.

Item perfectior est paupertas, quàm perfectior cō-  
comitatur obedientia. Sed qui habent proprium in  
communi, ab illo per obedientiam non possunt ex-  
cludi, nisi ratione peccati. qui autem nihil prorsus  
habent, obedire tenentur vbiq. terrarum. Si ergo  
perfectio Euangelica maxime consistit in perfectione  
obedienciæ, vniuersaliter omnibus abrenuntiare ni-  
hil prorsus reseruando, ad culmen facit perfectionis  
Euangelicæ.

Item: Contemptus præsentis sæculi est laudabilis:  
hæc est per se vera. ergo maior contemptus magis  
laudabilis, & maximus contemptus maxime lauda-  
bilis; sed maxime contemnit præsens sæculum, qui  
abrenuntiat omnibus in communi, & in speciali. er-  
go talis perfectissime agit.

Item paupertas alta est laudabilis, hæc est per se  
vera, ergo altior, laudabilior, & altissima, laudabi-  
lissima; sed huiusmodi est, quæ nec in communi, nec  
in proprio aliquam proprietatem sibi reseruat, er-  
go, & cetera.

Item tanto via rectior, quanto eius medium con-  
formius est extremis. sed summa paupertas est, tam  
in prin-

in principio vitæ, quàm in termino, ergo si in medio omnia abdicetur, via rectissima proceditur. Sed quâto via rectior, tanto perfectior est: ergo via, & vita pauperrima perfectissima est.

**Ecclesi. 17. a** Sed contra in Ecclesiastico dicitur: Propter inopiam multi deliquerunt, sed nihil quod est ducens ad culpam, spectat ad perfectionem Evangelicam, ergo, &c.

**Ecclesi. 7. b** Item in Ecclesiastico dicitur: Vtilior est sapientia cum diuitijs. Glossa; quàm sola; sed diuitiæ non faciunt hominem perfectum, ergo minus paupertas, & indigentia. Item in Prouerbijs: Diuitias, & mendicitatem ne dederis mihi. Et post: Ne egestate compulsus furer, & periurem nomen Dei mei, sed nihil facit, ad perfectionem Evangelicam, quod sapiens sapienter recusât: ergo, &c.

**Luc. 6. f** Item Christus dicit: Perfectus omnis erit, si sit sicut magister eius. Sed Christus loculos habuit, sicut

**Joan. 12. a** patet in Ioanne, ubi dicitur, quod Iudas loculos ferebat. ergo propter proprietatem nolle in communi habere, non videtur esse perfectio, sed potius superstitio in qua discipulus videtur se velle. præferre magistro. Si dicat, quod loculos non habuit. Contra Augustinus dicit: Habebat Dominus loculos a fidelibus oblata conseruans, & suorum necessitatibus, & alijs indigentibus tribuebat.

**1. Tim. 6. b** Item super illud: Habentes alimenta, &c. Glossa: III. Et si nihil intulerimus in hunc mundum, non tamen prorsus abijcienda sunt hæc temporalia. ergo qui totum abijcit male facit.

**1. Cor. 8. b** Item 2. ad Corinth. 8. Si voluntas prompta est secundum id, quod habet. Glossa: Necessaria retineant, non ultra vires dando. ergo male facit qui sic dispensat, quod nihil sibi prorsus reseruat.

**V.** Item: Qui tentat Deum peccat mortaliter: sed qui habet humanum refugium, & illo prætermisso querit diuinum, tentat Deum: hoc autem facit qui habet unde sustentetur, & illo dimisso expectat diutius sustentari: ergo talis facit contra Euangelium.

**VI.** Item virtus circa medium consistit, sed omnino omnia dimittere est ad extremum declinare. ergo hoc magis est vitij, quàm virtutis seu perfectionis Evangelicæ.

**VII.** Item sicut omnia tenere semper, est auaritia, sic omnia dare semper, est prodigalitas; sed omnia tenere semper est vitij. ergo similiter & omnia dare.

**VIII.** Item: Qui subtrahit alijs necessaria peccat mortaliter, sed tantum tenetur quis sibi providere sicut alijs. ergo qui omnia dimittit, & nihil sibi reseruat, peccat mortaliter: quia facit contra perfectionem Evangelicam.

**IX.** Item: Qui exponit se periculo interfectionis, peccat mortaliter: ergo similiter qui exponit se periculo famis, sed talis est, qui omnia dimittit, & nihil sibi reseruat. ergo, &c.

**X.** Item nullus debet rejicere omnino quod quotidie petit a Deo, sed omni die petimus in oratione Dominica, Panem nostrum quotidianum. ergo male facit, qui deserit totum.

**RESPONSO:** Dicendum, quod abrenūtiare omnibus tam in priuato, quàm in communi est Christianæ perfectionis, non solum sufficientis, sed etiā abundantis, tamquam perfectionis Evangelicæ consilium principale, & principium fundamentale, fundamentum sublime. Primum suadet natura, secundum Scriptura, tertium gratia. Primum inquam, est consiliū principale, quia viam præbet ad alia. Nam abundans paupertas disponit ad carnis mortificationem, & ad voluntatis propriæ perfectam abnegationem, cum nihil sibi detineat, nec domum, nec tectum, nec aliquam rem. Ad ipsam autem specialiter viam facit ipsa natura, siue instituta, siue lapsa. Nam homo nudus formatus est, & si in statu illo steteret, nihil sibi prorsus appropriasset: homo vero lapsus nudus nascitur, nudus moritur. Et ideo hæc rectissima via est ut ab extremis non declinans, quantum potest natura pati, pauper & nudus incedat, & hoc est quod dicitur: Nihil intulimus in hunc mundum, haud dubium quia nec auferre quid possumus. Et ex hoc concludit: Habentes alimenta, & quibus tegamur, &c. Hoc autem nihil arctius vel pauperius, quàm simplici victu & operimento esse contentum, quod ex naturæ documento persuadet Apostolus, tamquam bonum & perfectum. Est etiam principium fundamentale. Lex enim vetus differt a noua in hoc, quod illa timorem, hæc amorem, illa temporalia promittit, hæc temporalia contemnere docet. Si igitur fundamentum perfectionis ciuitatis Dei principaliter consistit in charitate, & illa potissime est perfecta, quado omnis excluditur cupiditas, quia venenum charitatis est cupiditas: hanc autem cupiditatem omnino foras mittit, quia omnia omnino, & re, & voluntate relinquit: sicut radix omnium malorum est cupiditas, sic radix & principium perfectionis est altissima paupertas. Vnde Augustinus in lib. 83. questionum: Charitatis venenum est spes adipiscendorum ac retinendorum temporalium, nutrimentum eius imminutio cupiditatis, perfectio eius nulla cupiditas. Signum profectus eius imminutio timoris, signum perfectionis eius nullus timor: quia radix omnium malorum est cupiditas & perfecta charitas foras mittit timorē. Illa igitur paupertas est perfectissima, quæ omnino cupiditatem exterminat. Est nihilominus fundamentum sublime, quia cum duplex sit vita ad quam disponit gratia, scilicet actiua & contemplatiua: actiua deorsum ordinat, sed cōtemplatiua sursum in cælum erigit. Nullus autem spiritus magis idoneus ad hoc quàm ille, qui penitus est exoneratus ab onere temporalium, & qui thesaurum suum totum habet in cælo, & cuius regnum non est de hoc mundo, qui non habet hic manentem ciuitatem, sed futuram inquit. Talis autem est, qui omnibus terrenis perfecte abrenūtiat: & ideo talis iam fundamentum suū ædificij collocatum habet in excelsis. Vnde Augustinus in libro de agone Christiano. Cum cognitio & actio beatorum hominem faciant: sicut in cognitione cauendus est error sic in actione cauenda est nequitia. Errat autem si quis putat se veritatem posse cognoscere, cum adhuc nequiter viuat: nequitia autem est mundum istum diligere, & ea quæ nascuntur, & transiunt pro magno habere, & concupiscere, & pro his laborare ut acquirantur, & letari cum abundauerint, & timere ne pereant, & contristari cum pereunt. Ille igitur potissime est idoneus ad conuersionē sublimem, & ibi sublimiter fundatus, qui est perfectissimus contemptor omnium istorum. talis est qui totum cogitatum suum iacet in Domino, & omnem sollicitudinem, qui nullam prorsus habet possessionem. Est igitur perfectionis Christianæ pro Christo nihil in mundo possidere, nec in cōmuni, nec in proprio. Idem Dominus expressissime consuit: idem exemplum in semetipso ostendit: idem Spiritus sanctus in Sanctis hoc multipliciter persuasit. Nam huiusmodi arduissimam paupertatem, sicut ostensum est, persuadet natura, Scriptura, & gratia. Persuadet Dominus Iesus Christus, instruendo, conuersando, inspirando. Quis enim Spiritus nisi Dei, facit hominem contemnere præsentia, & amare cælestia? Nam hoc non facit spiritus diaboli, nec mundanus, nec proprius cum semper inclinent ad bonum priuatum, facit igitur Spiritus sanctus. Et hinc est, quod Spiritu sancto dictante, istum modum viuendi summus Pontifex approbauit, sicut dicit Decretalis de excessu prælat. Nimis praua, quod ordinem & regulam fratrum Prædicatorum, & Minorum sedes Apostolica noscitur approbasse. Vnde huic contrarium, nulli prorsus licet sentire. Quare tales videntur stulte agere, periculis se exponere, & Deū tentare. Nam contra

scitur, nudus moritur. Et ideo hæc rectissima via est ut ab extremis non declinans, quantum potest natura pati, pauper & nudus incedat, & hoc est quod dicitur: Nihil intulimus in hunc mundum, haud dubium quia nec auferre quid possumus. Et ex hoc concludit: Habentes alimenta, & quibus tegamur, &c. Hoc autem nihil arctius vel pauperius, quàm simplici victu & operimento esse contentum, quod ex naturæ documento persuadet Apostolus, tamquam bonum & perfectum. Est etiam principium fundamentale. Lex enim vetus differt a noua in hoc, quod illa timorem, hæc amorem, illa temporalia promittit, hæc temporalia contemnere docet. Si igitur fundamentum perfectionis ciuitatis Dei principaliter consistit in charitate, & illa potissime est perfecta, quado omnis excluditur cupiditas, quia venenum charitatis est cupiditas: hanc autem cupiditatem omnino foras mittit, quia omnia omnino, & re, & voluntate relinquit: sicut radix omnium malorum est cupiditas, sic radix & principium perfectionis est altissima paupertas. Vnde Augustinus in lib. 83. questionum: Charitatis venenum est spes adipiscendorum ac retinendorum temporalium, nutrimentum eius imminutio cupiditatis, perfectio eius nulla cupiditas. Signum profectus eius imminutio timoris, signum perfectionis eius nullus timor: quia radix omnium malorum est cupiditas & perfecta charitas foras mittit timorē. Illa igitur paupertas est perfectissima, quæ omnino cupiditatem exterminat. Est nihilominus fundamentum sublime, quia cum duplex sit vita ad quam disponit gratia, scilicet actiua & contemplatiua: actiua deorsum ordinat, sed cōtemplatiua sursum in cælum erigit. Nullus autem spiritus magis idoneus ad hoc quàm ille, qui penitus est exoneratus ab onere temporalium, & qui thesaurum suum totum habet in cælo, & cuius regnum non est de hoc mundo, qui non habet hic manentem ciuitatem, sed futuram inquit. Talis autem est, qui omnibus terrenis perfecte abrenūtiat: & ideo talis iam fundamentum suū ædificij collocatum habet in excelsis. Vnde Augustinus in libro de agone Christiano. Cum cognitio & actio beatorum hominem faciant: sicut in cognitione cauendus est error sic in actione cauenda est nequitia. Errat autem si quis putat se veritatem posse cognoscere, cum adhuc nequiter viuat: nequitia autem est mundum istum diligere, & ea quæ nascuntur, & transiunt pro magno habere, & concupiscere, & pro his laborare ut acquirantur, & letari cum abundauerint, & timere ne pereant, & contristari cum pereunt. Ille igitur potissime est idoneus ad conuersionē sublimem, & ibi sublimiter fundatus, qui est perfectissimus contemptor omnium istorum. talis est qui totum cogitatum suum iacet in Domino, & omnem sollicitudinem, qui nullam prorsus habet possessionem. Est igitur perfectionis Christianæ pro Christo nihil in mundo possidere, nec in cōmuni, nec in proprio. Idem Dominus expressissime consuit: idem exemplum in semetipso ostendit: idem Spiritus sanctus in Sanctis hoc multipliciter persuasit. Nam huiusmodi arduissimam paupertatem, sicut ostensum est, persuadet natura, Scriptura, & gratia. Persuadet Dominus Iesus Christus, instruendo, conuersando, inspirando. Quis enim Spiritus nisi Dei, facit hominem contemnere præsentia, & amare cælestia? Nam hoc non facit spiritus diaboli, nec mundanus, nec proprius cum semper inclinent ad bonum priuatum, facit igitur Spiritus sanctus. Et hinc est, quod Spiritu sancto dictante, istum modum viuendi summus Pontifex approbauit, sicut dicit Decretalis de excessu prælat. Nimis praua, quod ordinem & regulam fratrum Prædicatorum, & Minorum sedes Apostolica noscitur approbasse. Vnde huic contrarium, nulli prorsus licet sentire. Quare tales videntur stulte agere, periculis se exponere, & Deū tentare. Nam contra

1. Tim. 6. b

Aug. li. 83. quæst. 9. 36. in princip. 10. 4.

Aug. lib. de agone Christi. c. 13. 10. 3.

F est, persuadet natura, Scriptura, & gratia. Persuadet Dominus Iesus Christus, instruendo, conuersando, inspirando. Quis enim Spiritus nisi Dei, facit hominem contemnere præsentia, & amare cælestia? Nam hoc non facit spiritus diaboli, nec mundanus, nec proprius cum semper inclinent ad bonum priuatum, facit igitur Spiritus sanctus. Et hinc est, quod Spiritu sancto dictante, istum modum viuendi summus Pontifex approbauit, sicut dicit Decretalis de excessu prælat. Nimis praua, quod ordinem & regulam fratrum Prædicatorum, & Minorum sedes Apostolica noscitur approbasse. Vnde huic contrarium, nulli prorsus licet sentire. Quare tales videntur stulte agere, periculis se exponere, & Deū tentare. Nam contra

K x 3 tales

tales dicitur in regula beati Francisci, in qua paupertas huiusmodi confirmatur: Nulli ergo omnino hominum liceat hanc paginam &c. Contra tales etiam dicit Augustinus in tractatu de eleemosyna: Elias in solitudine corvis ministrantibus pascitur, & Danieli in lacu ad leonum prædam iussu regis incluso, prandium diuinitus apportatur, & tu metuis ne operanti, etiam apud Dominum promerenti desit alimentum? cum ipse in Euangelio ad exprobrationem eorum, quorum mens dubia, & fides parua est, contemneretur, & dicat: Aspicite volatilia cæli, quoniam non ferunt, neque metunt, neque congregant in horrea, & Pater vester cælestis pascit illa. Nonne vos pluris estis illis? Volucres Deus pascit, & volucris alimentum diurna præstantur, & quibus nullus diuinæ rei sensus est, eis nec cibis, nec potus deest; & tu Christiano, tu Dei seruo, tu bonis operibus dedito, tu Domino suo charo, aliquid existimas defuturum? An eis terrena deerunt, quibus cælestia & diuina tribuuntur? Vnde hæc incredula cogitatio? unde impia, & sacrilega ista meditatio? Quid facit in domo Dei perfidum peccus? Quid qui Christo omnino non credit, appellatur, & dicitur Christianus? Pharisei tibi magis congruit nomen. Nam cum in Euangelio de eleemosynis disputaret, & ut nobis amicos de terrenis lucris prouida operatione faceremus, qui nos postmodum in æterna tabernacula susciperent, fideliter & salubriter præmoneret, addit post hoc Scriptura, dicens: Audiebant hæc omnia Pharisei, qui erant auari, & deridebant illum. Quales nunc sunt in Ecclesia, quorum quosdam videmus, quorum præclusæ aures, & corda cæcata, nullum de spiritalibus ac salutaribus monitis lumen admittunt. De quibus mirari non debemus, quod contemnant in talibus seruos, quando a talibus ipsum Dominum videamus esse contemptum.

Mat. 6. d

Luc. 16. d

Ex hoc apparet euidenter, quod omnino omnibus abrenuntiare, vniuersaliter pro Christo culpandum non est, sed potius laudandum, tamquam culmen Euangelicæ perfectionis. Vnde rationes, exempla & auctoritates concedendæ sunt ad istam partem, ad quam sufficientissime astruendam vna sola auctoritas expressa ex ore Christi consulenti dimittere omnia, esset sufficientissima etiam si multa glossarum expositionum, & Sanctorum dicta viderentur esse contraria. Ait enim Augustinus ad Paulinum de videndo Deo, sic: Attende quæ credis, & in eis ipsis quibus non visis accommodas fidem, ipsa testium pondera discernenda sunt. Nec enim mihi sic credis, quemadmodum Ambrosio, aut si ambobus nobis æqua lance putas esse credendum, numquid vilo modo Euangelio comparabis? An scripturam nostram scriptis canonicis coarquabis? Profecto si recte in iudicando, sapias, longe nos infra vides ab illa auctoritate distare, & me quidem longius. Sed vtrique nostrum quantumlibet credas, vtrumque illi excellentiæ nequaquam comparas. Igitur quoniam diuina auctoritas sic expresse dicit omnia dimittenda ei, qui ad perfectionem confendere cupit Euangelicam, manifestum est, quod verum certitudinaliter debet teneri, quod ei non possit sine periculo fidei obuiari.

Ad argumē  
ta in contra-  
rium.

Ad I.

2. Cor. 6. c

Chrysost. in  
Matt. hom.

47.

Ad illud vero, quod primo obijcitur in contrarium, quod pertrahit ad peccatum, & de egestate quæ facit periurare, dicendum, quod duplex est inopia, quædam voluntaria, & quædam inuoluntaria. Inopia inuoluntaria inducit defectum mentis, & proinitatem, & occasionem inducit ad peccandum. Inopia autem, seu paupertas voluntaria hæc habet adiunctam sufficientiam, iuxta illud: Tamquam nihil habentes, &c. Et hæc disponit ad iustitiam perfectam, quia mentem facit ad omne bonum idoneam, sicut econtra radix omnium malorum est auaritia. Et est quod dicit Chrysostomus: Si volueris videre amantis aurum animam, quemadmodum vestimentum a decem millibus cor-

rosam vermibus, & nihil habens sanum, ita inuenies perforatam eam vndique a sollicitudinibus, & a peccatis putrefactam, & ærugine plenam. Sed non anima inopis voluntarij talis est, sed fulget quidem velut aurum, splendet autem velut margarita, florescit autem velut rosa. Non est illic tineæ, non est illic fur, non est illic sollicitudo vitæ huius negotiorum, sed sicut Angelus ita conuersatur. Non subiacet demonibus, non assistit regi, sed assistit Deo; non militat cum hominibus, sed cum Angelis; non habet thesaurum, terram, sed cælum; non indiget seruis, magis autem habet seruos, possessiones, & cogitationes, quæ rebus dominantur. Quid igitur paupere hoc melius est vniquam? Pauimentum denique habet cælum. Si autem pauimentum tale est, excogita rectum. Sed non habet equos & currum? Quid autem ei opus est, qui super nube vehi debet, & esse cum Christo? Ex his apparet, quod in voluntaria paupertate magna est sufficientia, magna est nobilitas, quæ facit transcendere cuncta terrena.

Vel potest dici aliter, quod illa dicta sunt tempore legis scriptæ, quæ temporalia promittebat, non æterna, in qua paupertas contemnebatur. Vnde Chrysostomus tractans prædictum verbum, Diuitias, & mendicitatem, &c. dicit: Hæc dicebantur in veteri testamento, vbi multa ratio diuitiarum habebatur, vbi paupertatis plurimus erat contemptus. vbi hoc quidem maledictum, scilicet paupertas, illud autem benedictum, scilicet diuitiæ. Sed nunc nequaquam ita. Sed si vis audire paupertatis prædicatum, ipsam professus est Christus, & dixit: Filius autem hominis non habet vbi caput suum reclinet. Et iterum discipulis dicebat: Nolite possidere aurum. Ex quo apparet, quod auctoritas non est contraria assumentibus voluntariam paupertatem, cum illud dictum sit tempore legis scriptæ, istud autem tempore legis gratiæ. Nec illud dictum est in persona viri perfecti, sed potius infirmi, ut ex verbo Chrysostomi patet. Et per hoc patet responsio ad tres auctoritates primas.

Chrys. ho-  
mil. 28. su-  
per epist. ad  
Hebr.

Luc. 9. g  
Matt. 10. b

Ad illud quod obijcitur, quod Christus habuit loculos. Dicendum, quod Christus habuit loculos, tribus de causis. Habuit enim loculos pro pauperibus alijs, secundum quod dicit Hieronymus in auctoritate supra posita: Christus tantæ paupertatis fuit, &c. & hoc non tollit paupertatem summam. Habuit etiā loculos compatiendo infirmis. Sicut dicitur in Glossa super illud Psalmi: Producens scænum iumentis. Dominus loculos habebat, vel habuit in vsum eorum, qui cum eo erant, & suos; & religiosas mulieres in comitatu quæ ministrabāt ei, de substantia sua, in his infirmorum magis personam suscipiens. Præuidit enim multos infirmos futuros, & ista quæsituros, & ibi eorundem personam suscepit, vbi dixit: Tristis est anima mea usque ad mortem. Et de his duobus supra illud Ioannis: Ea quæ mittebantur, &c. Glossa: Cui Angeli ministrabant, loculos habet in sumptus pauperum, condescendens infirmis. Habuit etiam loculos in articulo necessitatis, utpote quando transibat per Samaritanos. In quo etiam articulo, discipulis loculos habere permisit, secundum illud: Quando

Ad II.

Psal. 103. b

Mar. 14. d

Luc. 22. d

F misi vos sine sacculo, & pera, &c. Glossa: Non eadē regula viuendi persecutionis, qua pacis tempore discipulos informat. Missis quidem discipulis ad prædicandum, ne quid tollerent in via præceptum ordinās, scilicet ut qui Euangelium nuntiat, de Euangelio viuatur. Instante vero mortis articulo, & tota illa gente Pastorem simul & gregem persequente, congruam tempori illi regulam decreuit, permittens ut tollerēt necessaria victui, donec sopital persecutorum infamia, tempus euangelizandi redeat. Ex his enim Glossis, manifeste apparet, quod modus habendi loculos in Domino in nullo minuit paupertatem. Sic enim Dominus condescendit infirmitati & necessitati, ut tamē salua esset forma paupertatis, & exemplum quod præcipue

- 2. Cor. 8. b.** cipue monstrare veterat hominibus. Iuxta quod dicit Apostolus: Factus est pro nobis egenus, ut illius inopia diuites essemus, paupertatem scilicet altissimam voluntarie imitando.
- 1. Tim. 6. b.** Ad illud quod obijcitur, de Glossa: Habentes alimmenta. vbi dicitur, quod non sunt abijcienda omnino temporalia; dicendum quod intelligit de abiectione temporalium quantum ad usum, non quantum ad dominium. Nam vsus temporalium necessarius est vite humane, qui tamen haberi potest absque dominio, & proprietate. Sic patet in pauperibus qui nihil proprietatis habent. Et quod iste sit intellectus, patet per illud quod sequitur in Glossa immediate vbi subditur: Sed habentes alimmenta, & quibus tegamur, his contenti sumus, qui ultra tendit, malum inuenit. Esse igitur contentum vsu tegumenti, & alimmenti est modus perfectę virtutis. Et sic Glossa debet intelligi. nec hoc repugnat altissimę paupertati. Qui autem sic vellet temporalia abijcere, ut nec vellet alimmenta suscipere, nec operimentum habere, non operaretur perfecte, sed stulte. Et hoc vult Glossa illa insinuare.
- 2. Cor. 8. b.** Ad illud quod obijcitur de Glossa: Si voluntas prompta est. Glossa ut necessaria remaneant: Dicendum quod Glossa illa truncata est, quia statim sequitur. Non hoc dicitur quin melius esset, scilicet totum dare, sed infirmis timet, quos sic dare monet, ut egestatem non patiantur. Ex quo apparet, quod Glossa illa potius facit ad contrarium, quam ad propositum, si sano oculo, & recto inspicatur.
- Ad IV.** Ad illud quod obijcitur, quod qui sic vniuersaliter omnibus abrenuntiat, tentat Deum, dicendum quod falsum est, tum propter diuina promissa, tum propter plurima remedia, quę haberi possunt, tum propter exempla quibus manifeste videmus, quod tales pauperes sustentantur. Ex quo manifeste colligitur, si obdurati non sumus, quod talis modus abrenuntiandi diuinitus inspiratur, nec facit tentare Deum, si sic abrenuntians diuinis promissionibus innititur, quin potius ille Deum tentat qui de diuinis promissionibus dubitat. Propter quod Hieronymus super illud: Nonne anima plus est quam esca? In promissis veritatis nemo dubitet, sit homo quod esse debet, & mox adduntur ei omnia. Qui igitur de hoc dubitat sicut filij Israel, Deum tentat, qui dicebant: Numquid poterit Deus parare mensam in deserto? His autem non debent viri perfecti conformari, sed potius Apostolis: de quibus dicitur: Aporiamur, sed non destituimur; idest pauperes sumus a Deo, ut necessaria desint; sed non destituimur a Deo omnino; quia Deus pascit nos. Et quod illud extendatur non solum ad Apostolos, verum etiam ad eorum imitatores, apparet, per illud quod dicitur: Sint mores sine avaritia, contenti presentibus. Ipse enim dixit: Non te deferam, neque derelinquam. Ibi Glossa: Ipse Dominus omnipotens ad Iesum Naue Non te deferam, quin deum necessaria, neque derelinquam, derelingeretur ille, qui fame periret. Sed quia hoc non est, non sit homo cupidus. Hoc post mortem Moyse dixit Iosue, hoc etiam dicit omni speranti in se sicut Iosue: hæc enim nobis promittit, ut in illo spem nostram ponamus. Non tenacibus, non cupidis, sed sperantibus in eum sit ista promissio. Etiam quia poterat illis videri, quod hæc promissio ad Iosue tantum pertineret. Ad hoc Apostolus respondet, dicens quod nos iuuabit, sicut iunxit illum, quasi dicat: Non est dubitandum de promissione, quia Iesus Christus qui heri, idest in præterito adiunxit Iosue, & ipse hodie, idest in presenti adiunxit nos, & alios fideles, & adiunxit in futuro, in secula, idest sine fine.
- Ad VI.** Ad illud quod obijcitur, quod virtus consistit, circa medium, dicendum quod illud est verum, quantum ad ea quę sunt necessitatis, sicut est largitas, sed fallit in his, quę sunt supererogationis, sicut est consilium

paupertatis, & castitatis. Talium enim perfectio potius attenditur secundum perfectam considerationem ad Christum, & diuinę dilectionis modum qui est, ut Deus super omnia diligatur, quam secundum superfluum, & diminutum circa exterius obiectum. Et quod illud sit verum, patet per Ambrosium in libro De officiis, vbi dicit: Officium omne, aut est medium, aut perfectum est, quod Scripturarum auctoritate probare possumus. Habemus enim in Euangelio: Si vis ad vitam ingredi serua mandata. Non homicidium facies, &c. Hęc sunt media officia, quibus aliquid deest. Si vis perfectus esse vade, & vende omnia, quę habes, & da pauperibus, vbi diligentes inimicos, & orandum dicit pro calumniantibus, & persequentibus nos, si volumus perfecti esse. Hoc est igitur perfectum officium, quod catholici dixerunt Gręci, quo corrigantur omnia, quę ad aliquos potuerunt lapsus habere. Largitas igitur, quę attenditur secundum officium medium in largiendo seruat modum. Paupertas vero spiritus, quę attenditur secundum officium perfectum, tribuit totum. Vnde eodem libro in tractatu, De liberalitate, dicit: Liqueat debere esse modus liberalitatis ne fiat inutilis largitas, cuius sobrietas est tenenda. De quo modo subiungit: Modus liberalitatis tenendus est, ut quod bene facis, id continue facere possis, ne subtrahas necessitati, quod induleris effusioni. Potuit enim donare Ioseph totas Aegypti opes, effundere thesauros regios, noluit tamen de alieno effusus videri. Maluit frumenta vendere, quam donare esurientibus; quia si paucis donasset, pluribus defuisset. Sed hoc spectat ad officium medium secundum quod ipse alibi dicit, tractans in eodem libro illud Apostoli: Non ut alijs refectio, vobis autem angustia. Aduertimus quemadmodum beneuolentia, & liberalitas, & modum comprehendit, & fructum atque personas. Ideo modum, quia imperfectis dabat consilium. Non enim patimur, nisi perfecti. Verum quia perfectioni non repugnat modum tenere, si quis dispenset bona Ecclesię; Ideo subiungit. Sed si quis nolens Ecclesię grauare, in sacerdotio constitutus aliquo, aut ministerio, non totum quod habet conferat, sed operetur cum honestate, quę officio sat est; non mihi imperfectus videtur. Ex dictis igitur colligitur, quod licet virtutis secundum statum communem, & officium medium, sit tenere medium, perfectionis tamen Euangelicę est relinquere totum. Si tamen in communi aliquid habeatur, ut dispensetur, hoc non facit imperfectum, nec totum vniuersaliter relinquere dicit excessum, quia hoc spectat ad perfectum officium, ut patet ex his quę dicta sunt, & ex hoc quod Ambrosius præmittit in præcedenti capitulo, vbi sic ait: Ceterum Dominus non simul vult effundi opes, sed dispensari, nisi forte ut Eliseus boues suos occidit, & paucos pauperes ex eo quod habuit, ut nulla cura teneretur domestica, sed relictis omnibus in disciplinam se propheticam daret. Si ergo pro disciplina prophetica sunt omnia relinquenda multo fortius pro perfectione Euangelicę.

Ad illud quod obijcitur, quod omnia dispergere est prodigalitas, dicendum quod tunc est prodigalitas, quando omnia disperguntur pro vanitate, non autem quando dantur pro vtilitate, & sic est de Euangelica paupertate: quia Dominus centuplum restituet in presenti cum tribulatione, & in futuro vitam æternam. Secus autem est de vniuersali retentione omnium. Illa enim non fit pro spiritali vtilitate, sed magis pro terrena cupiditate, ideo non est simile hinc & inde.

Ad illud quod obijcitur, & qui alij subtrahit necessaria, &c. dicendum quod non est simile, quia qui subtrahit alij necessaria, violentiam facit, & inducit eum in paupertatem inuoluntariam. Qui autem subtrahit sibi, voluntarie facit, & in paupertatem voluntariam.

Mat. 19. b

Mat. 19. c

2. Cor. 8. c

3. Reg. 19. d

Mat. 19. d

Ad VIII.



luntariam se inducit. Ac per hoc sicut argumentum illud non valet, Paupertas inuoluntaria non est laudanda, ergo nec voluntaria; sic non cogit ratio prædicta. Alius etiam est defectus in argumento prædicto, quia procedit per falsi suppositionem, pro eo quod omnibus vniuersaliter abrenuntians, necessaria sibi omnia non subtrahit, quia diuinæ prouidentiae regimini se committit, & multos viuendi modos, & querendi necessaria sibi relinquit.

**Ad IX.** Ad illud quod obijcitur quod se exponit periculo famis, dicendum quod falsum est, sicut omnino apparet ex prædictis, & manifeste colligitur ex omnibus temporibus retroactis. Nusquam, & numquam legitur quod aliquis volens in paupertate Deo seruire, pro defectu cibi fame perierit. Et hoc est quod dicit Augustinus in tractatu quodam de oratione Dominica. Neque enim deesse quotidianus cibis potest iusto, cum scriptum sit: Non occidet Dominus famam animam iusti. Et iterum: Iunior fui etenim senui, & non vidi iustum derelictum. Et iterum: Quærentibus regnum Dei, & iustitiam eius, omnia promittit apponi, & iam cum sint Dei omnia, habenti Deum nihil deerit, si Deo ipse non desit. Sic Daniel in leonum lacu iussu. Regis incluso, prandium diuinitus procuratur, & inter feras esurientes homo Dei pacitur. Sic alitur Elias in fuga, coruis ministrantibus, & volucribus cibum apportantibus, in persecutione nutritur. O humanæ malitiæ detestanda crudelitas! feræ parent, & aues pascunt & homines insidantur, & sauiunt. Ex his manifeste colligitur, quod non est periculum, sed refugium, spretis omnibus totaliter se dedicare ad Deum colendum.

**Ad X.** Ad illud quod obijcitur, quod in oratione Dominica petimus panem nostrum quotidianum, dicendum quod hoc potius facit ad oppositum, quam ad propositum. Ex quo enim quotidie petimus victum diurnum, nec petimus quod habemus, manifestum est, quod Euangelicæ perfectionis est quotidiano victu esse contentum. Quod quia non potest videri perfectio in cordibus auarorum, Dominus non solum ad hoc induxit consilij sapientiæ, verumetiam exemplis naturæ, & oraculis gratiæ, vt sic saltem per illud triplex testimonium, paupertatis consilium firmiter comprobetur, sicut totius perfectionis Euangelicæ altissimum, & stabile fundamentum.

*De paupertate quantum ad mendicantem.*

*Art. I.*

**Q**ueritur de mendicatione. Vtrum mendicare pro Christo sit Christianæ perfectionis? & voco mendicare, eleemosynam querere, seu de quotidianis eleemosynis viuere.

**Psal. 33. b.** Et quod non, videtur primo auctoritate Psalmi: I. Timete Dominum omnes Sancti eius, quoniam non est inopia timentibus eum: ergo non stant simul esse inopem, & timere Deum.

**Psal. 63. 6.** Item Psalmus: Non vidi iustum derelictum, nec I. semen eius querens panem; ergo qui panem querit non est iustus, nec semen iusti.

**Psal. 108. a.** Item Psalmus: Nutantes transferantur filij eius, & III. mendicent, sed nihil quod Psalmista in Dei spiritu loquens imprecatur, spectat ad perfectionem Euangelicam, seu ad perfectam iustitiam, mendicare est huiusmodi, ergo, & cetera.

**Ecclesi. 40. d.** Item Ecclesiasticus: Fili mi in vita tua ne indigeas, I V. melius est enim mori, quam indigere, ergo melius est mortuum esse, quam mendicum.

**Act. 20. d.** Item in Apostolorum Actis, dicitur: Beatius est magis dare, quam accipere, sed dare eleemosynam non facit hominem peruenire ad perfectionem Euangelicam: ergo multo magis nec accipere.

**Luc. 12. d.** Item Saluator ait: Vendite quæ possidetis, vbi VI. Glossa, vt omnibus simul pro Deo spretis, postea la-

A bore manuum operemini vnde viuatis, vel eleemosynam faciatis, vnicuique igitur de proprio labore viuere, & eleemosynam facere spectat ad Euangelicam perfectionem: ergo oppositum eius, scilicet mendicare, & de alieno labore viuere, est contrarium perfectioni Euangelicæ.

Item Apostolus dicit: Nullius aliquid desideretis, vbi Glossa, ne dum rogetis, vel tollatis. Si ergo plus est rogare, vel petere, quam appetere, & primum tamquam illicitum ab Apostolo prohibetur, scilicet desiderare, vel appetere, quod est alterius, ergo multo fortius petere.

**B** Item dicit: Rogamus vos, vt noueritis eos, qui laborant inter vos, & præsumunt vobis in Domino. Vbi Glossa: Sicut diuitiæ negligentiam pariunt salutem; sic egestas, dum saturari cupit, a iustitia declinat. Sed quod facit declinare a iustitia non pertinet ad perfectionem Euangelicam, ergo, & cetera.

Item dicit Apostolus: Si quis non vult operari, non manducet: ergo vult Apostolus seruos Dei corporaliter operari, vt habeant vnde viuant, & non compellantur egestate necessaria petere; sed hoc est mendicantium, ergo seruorum Dei non est mendicare, secundum Apostolum.

**C** Item eodem capitulo super illud, vt formam daremus vobis, vbi Glossa: Qui frequenter ad alienam mensam conuenit, otio deditus, necesse est vt adulteretur pascendi se; sed adulari est contrarium veritati, & perfectioni: ergo, & cetera.

Item dicit Urbanus Papa, quod Episcopi omnibus communi vita viuere volentibus, ministrare cuncta necessaria debent prout melius poterunt, vt nemo in eis egens inueniatur. Et post: Si quis extiterit modernis, aut futuris temporibus, qui hoc auellere nitatur, iam dicta damnatione feriatur. ergo contra canonicas sanctiones est, quod aliqui viuant vita communi in Ecclesia, egendo & mendicando in ea.

**D** Item de consec. dist. 1. Inhibetur ne Ecclesia consecratur, nisi prius doretur: ergo si Ecclesia non debet consecrari, nisi habeant vnde sustententur, qui in ea ministrant, multo fortius, nec aliqua Religio institui debet sine possessione sustentationis.

Item in iure civili inhibetur, quod validi non mendicent, lege de mendicantibus validis, sed magis debet esse ordinata Ecclesia, quam Respublica. Si ergo quod validi mendicent est contra rectam gubernationem Reipublicæ, multo magis contra perfectionis sublimitatem Euangelicæ.

**E** Item hoc ipsum ostenditur ratione: Mendicare est opus indifferens, sed indifferens non fit opus perfectionis per additionem finis, sicut apparet manifeste in alijs operibus, vt ire ad ecclesiam, & facere eleemosynam, ergo, & cetera.

Item perfectionis est, gratis, & liberaliter seruire, & obligationes peccatorum refugere; sed qui eleemosynam recipit, obligat se ad interueniendum pro peccatis alienis, si ergo obligatio huiusmodi perfectioni non consonat: ergo, & cetera.

Item huiusmodi qui mendicant, ex professione, aut hoc faciunt quia pauperes, aut quia Prædicatores: Si quia pauperes ergo omnes pauperes, qui mendicant perfecti sunt, quod est contra Augustinum in lib. De opere Monachorum, qui reprehendit Monachos mendicantes, & nihil operari volentes. Si quia prædicatores, ergo nullus mendicare debet inter eos, qui non prædicat, cuius contrarium videmus tota die.

Item prædicare est quid spirituale, sed qui spirituale dat, & temporale accipit, similis est Giezi, qui pecuniam accepit a Naaman, obtentu beneficii spiritualis prius sibi exhibiti, hoc autem est damnabile, ergo damnabile est prædicatori mendicare, non ergo perfectionis Euangelicæ.

Item perfectorum est abstinere a mala specie, sed hoc



hoc est mala species, quod prædicantes temporalia appetant, quia in hoc sunt similes pseudoprædicatoribus. ergo, &c.

**XIX.** Item huiusmodi aut habent auctoritatem in prædicando, aut non habent. Si non habent, ergo male faciunt in prædicando, ergo nil merentur si habent; sed qui habent possunt petere potestatiue: ergo tales prædicando iniuriuntur auctoritati prædicationis Euangelij, ergo in hoc non sunt perfecti, sed impij.

**XX.** Item tutius, & perfectius est sequi viros perfectiores, probatiores, & sapientiores. sed viri probatissimi, & sapientissimi in Religionibus fuerunt Basilius, Benedictus, Augustinus, Hieronymus, Gregorius, Hilarius, & Paulinus: & tales sic sua reliquerunt, quod communia possederunt nec mendicasse leguntur: ergo modus ita mendicandi de nouo introductus per Dominicum, & Franciscum iudicatur superfluitosus, & vanus, cum stultum videatur sensum, & spiritum duorum pauperum hominum præponere tantæ sapientiæ, & sublimitati Sanctorum præcedentium, & Doctorum.

**Mat. 10. b** SED CONTRA hoc videtur dictum illud Matthæi: Nolite possidere aurum, vel argentum, neque pecuniam in zonis vestris, neque peram in via, neque duas tunicas, nec calceamenta, vbi Glossa: Nec ipsa necessaria, nec cellarium secum vehant. nihil præter indumentum, quo quis contentus esse potest. In hoc traditur forma Apostolis, & quod perfectionis est perfectum est imitari: ergo taliter per mundum ire spectat ad perfectionem Euangelicam; sed hoc est mendicare, & viuere de eleemosyna, igitur hoc spectat ad Euangelicam perfectionem.

**Mar. 6. a** Item: Præcepit eis ne quid tollerent in via, neque panem, neque in zonis æs. Aut igitur præcepit tamquam Prælati, aut tamquam perfectis. Si tamquam Prælati, ergo ad illud ad quod adhuc essent astricti, quod manifeste falsum est. Præcepit igitur eis tamquam viris perfectis. Sed perfectio proponitur communiter omnibus imitanda, quia dicit: Qui potest capere capiat, ergo sic viuere spectat ad perfectionem Euangelicam.

**Luc. 9. a** Item Saluator dicit: Nihil tuleritis in via neque virgam, neque peram, neque panem, neque pecuniam, vbi Glossa: Virgam non ferre, est non esse sollicitum de his quæ necessaria sunt humanæ sustentationi, quia hæc debentur Prædicatoribus. Si ergo excludere sollicitudinem de necessaria sustentatione, Dominus persuasit Apostolis, quos etiam ad prædicandum inter infideles misit; multo fortius cum prædicatur Euangelium fidelibus, perfectionis est de huiusmodi non esse sollicitum, sed victu & vestitu sibi dato esse contentum.

**Ibidem.** Item ait: Quicumque suscepit puerum in nomine meo, ibi Glossa interlinearis, pauperem. Et alia Glossa: Qui imitatore Christi recipit, Christum recipit. Ergo cum suscipitur pauper imitans Christum, suscipitur Christus. Si ergo perfectionis Euangelicæ est esse pauperem, & Christi imitatore; perfectionis Euangelicæ est in tali paupere pro Christo suscipi. Qui ergo mendicando petit, a perfectione Euangelica non recedit.

**Luc. 10. a** Item dicit: Nolite portare sacculum, neque peram, vbi Glossa: Tanta debet Prædicatori esse fiducia in Deo, vt præsentis vitæ sumptus etsi non præuideat; sibi tamen non defecturos certissime sciat, ne dum occupatur mens ad temporalia, minus prædicet æterna. Ad expeditiorem igitur prædicationem veritatis facit, quod quis temporalia non præuideat sibi, sed expectet sibi ab alijs dari cum necesse habuerit. ergo talis modus viuendi consonat veritati, & Euangelicæ perfectioni.

**Luc. 16. b** Item alibi dicit: Facite vobis amicos de mammona iniquitatis, vt cū defeceritis, recipiant vos in æter-

na tabernacula, vbi Glossa: Non quolibet pauperes, sed eos, qui possunt in æterna tabernacula recipere; sed tales sunt pauperes spiritu, quorum est regnum cælorum. ergo secundum diuinum consilium est, quod eleemosynæ talibus pauperibus dentur, & quod ab eis suscipiantur. Sed quod diuino consilio consonat, perfectioni Euangelicæ non repugnat. ergo, &c.

Item Hieronymus aduersus Vigilantium tractans præmissum verbum, dicit: Num isti pauperes, inter quorum fordes, & illuuiem corporis flagrans libido dominatur, possunt habere æterna tabernacula, qui nec præsentia possident, nec futura? Non enim simpliciter pauperes, sed pauperes spiritu beati appellatur. De quibus scriptum est: Beatus qui intelligit super egenum & pauperem, in die mala liberabit eum Dominus. In vulgi pauperibus sustentandis nequaquam intellectu, sed eleemosyna opus est; in sanctis pauperibus beatitudo est intelligentiæ, vt ei tribuat qui erubescit accipere, & dum acceperit dolet, metens carnalia, & seminans spiritualia. Hæc Hieronymus.

Item Apostolus ait: Vestra abundantia illorum inopiam suppleat, vt & illorum abundantia, vestra inopia sit supplementum. Glossa: Vestra abundantia terrenorum, suppleat illorum inopiam, vt e conuerso abundantia illorum spiritualium, qui diuinis vacant, vestra sit inopia supplementum. Si ergo hoc spectat ad perfectionem Dominici corporis, quod membra sibi communicent ratione dati, & accepti; ad perfectionem Ecclesiæ, & Euangelij facit quod pauperes isti sustentationem petant, & accipiant a diuitibus mundanis, & imperfectis. Si dicas, quod possunt accipere, sed non petere, hoc nihil est, quia diuites mundani possunt petere orationes virorum spiritualium ad releuandum inopiam meritum suorum. ergo versa vice possunt pauperes spirituales petere eleemosynam corporalem ad sustentationem corporum.

Item hoc ipsum ostenditur exemplo Christi, de quo Psalmista: Ego autem mendicus sum & pauper. Glossa: Hoc dicit Christus de se. Ego mendicus sum in forma serui. Mendicus est, qui ab alio petit, pauper est, qui sibi non sufficit. Sed constat, quod hoc non intelligitur de Christo quantum ad dona, siue bona spiritualia quia comprehensor & omnis gratiæ plenus erat: ergo intelligitur quantum ad dona temporalia, igitur quantum ad illa mendicus erat, & ab alio petebat.

Item Psalmista: Persecutus est hominem inopem, & mendicum. Glossa, scilicet Christum. Pauperes persequi sola sæuitia est. Alij vero pro diuitijs & honoribus interdum huiusmodi patiuntur. Aut ergo dicitur Christus mendicus, quia mendicabat a Patre, aut quia mendicabat ab homine. Si quia mendicabat a Patre, ergo omnes homines sunt mendici, tam diuites, quàm pauperes, ergo Christum persequi non fuisset summa sæuitia. Si quia mendicabat ab hominibus habemus propositum.

Item Dominus circumspexit omnibus exijt in Bethaniam, vbi Glossa: Si quis eum hospitio susciperet, tantæ enim paupertatis fuit, & ita nulli adulator, vt in tanta vrbe nullum hospitium inueniret, & constat, si voluisset hospitium conducere, inuenisset ad conducendum, ergo circumspiciebat tamquam pauperulus, & mendicus.

Item ait: Zachæe festinans descende, quia hodie in domo tua oportet me manere. Glossa: Non inuitatus inuitat, sed inuitare alium ad hoc, quod eum recipiat hospitio, nihil aliud est, quàm mendicare & petere. ergo, &c.

Item dicit: Da mihi bibere, vbi Augustinus: In omni re quam Christus gessit vt homo, hominibus in se credituris præbebat exemplum. Et post: Petit bibere, & promittit bibere. eget quasi accepturus, & promittit.

*Mat. 5. a*

*Hiero. ad- uers. Vigilant. longe post med.*

*Psal. 40. a*

*2. Cor. 8. e*

*Psal. 39. d*

*Psal. 108. b*

*Mar. 11. b*

*Luc. 19. a*

*† Ioan. 4. a Aug. trañ. 15. in Ioā. non longe a pr. & ibid. if. an. med.*

promittit quasi satiaturus. Sed constat, quod potum spirituali non egebat. ergo corporali potum egebat, & illum postulabat. Sed obijcies Glossam quasi contrariam, quæ dicit, Licet Iesus post fatigationem sitire posset, tamen hunc potum non exigit, sed hoc intelligitur quod principaliter hunc potum non petebat, ne Glossa facta contradicatur.

*Hier. epist. A. ad Rust. non lege a primo.* Item Hieronymus ad Rusticum: Quid Samaritana vilius? ipsa tamen non solum credit Messiam, quem cognoscit ad fontem, sed & discipulis ementibus, esurientem reficit, lassumque sustentat. ergo videtur quod Christus ab illa fuerit sustentatus corporaliter.

Item sicut Evangelica narrat historia, Christus invitatus a Phariseis comedebat cum eis, aut ergo sicut Dominus, aut sicut pauper. Si tamquam Dominus, ergo non dedit exemplum paupertatis. Si tamquam pauper, sed hoc est mendicare: ergo, &c.

*Heb. 11. g* Item ad hoc est exemplum Sanctorum. Nam dicitur in laude Sanctorum: Circumierunt in melioris in pellibus egentes, &c. sed taliter circumire est medicare. ergo, &c.

*3. Reg. 17. b* Item est exemplum de Elia, de quo Augustinus in quodam sermone: Numquid Deus deseruerat servum suum Eliam? Nonne illi, cui deerant homines, ministrabant aues? Ostendit ergo Deus, quia vnde voluit, & quando voluit pascere servos suos potuit, & tamen ut posset eum religiosa vidua pascere, fecit eum egere.

Item ad hoc est exemplum, discipulorum Ioannis Evangelistæ, de quibus in eius legenda dicitur, quod vendentes omnia, quæ habere potuerunt, dederunt egenis, & post subditur, quod tentati sunt, quod se in vno pallio viderent egentes, servos autem suos divites, atque fulgentes.

*1. Cor. 4. c* Item exemplum discipulorum Pauli. Vnde Chrysostomus de laudibus Pauli: Paulus pecunias non possedit; nam & ipse hoc testatur: Usque ad hanc, inquit, horam, & esurimus, & sitimus, nudi sumus, & colaphis cedimus, & instabiles sumus. & quid dico pecuniam, cum ille quidem necessarium sæpe non haberet cibum, nec quod circumdaret indumentum? Et sequitur: Discipulorum quamplurimi pauperes imperiti, ac totius eruditionis extranei, in fame & egestate viuentes, ignobiles, &c. ergo discipuli Pauli fuerunt mendici.

*Greg. lib. 2. Dial. c. 1.* Item ad hoc est exemplum de beato Benedicto, de quo legitur in 2. dialogorum, quod per triennium fuit in specu, nihil omnino operans, sed Romanus quidam monachus sibi panem ministrabat, & constat quod Benedictus in hoc non peccabat.

Item, exemplum de sancto Alexio, qui fuit vir miræ sanctitatis, in cuius legenda legitur, quod cum esset filius ditissimi Romani, contempto patrimonio, iuit mendicando per mundum.

Item, exemplum de sancto Dominico, qui in morte sua imprecatus est omnibus maledictionem, qui in ordinem suum possessiones conarentur inducere: ergo volebat, quod de elemosynis viverent, iuxta quod ipse vixit.

Item ad hoc est exemplum de beato Francisco, qui non solum mendicavit & mendicare consuevit, sed etiam mendicationem suam miraculis confirmavit, sicut patuit in nautis, quos ciborum suorum reliquijs satiauit, & satiatos liberauit, & per regulam quam a summo Pontifice approbatam confirmari fecit, in qua dicit, quod fratres in paupertate, & humilitate Deo famulantes, vadant pro elemosyna confidenter, &c.

*Iob 7. a* Item Gregorius in Moralibus super illud: Noctes laboriosas enumeraui mihi: Electi Conditori rerum *Greg. lib. 8. Moral. c. 5.* feruiunt, & sæpe rerum inopia coangustantur; per *ante med.* amorem Deo inhærent, & tamen subsidijs præsentis vitæ egent. Egere ergo subsidijs præsentis vitæ

A competit Sanctorum perfectioni.

Item Hieronymus in epistola ad quendam virum *Hieron. ad Iulianum ep. 34. post med.* hospitalem: Multus a te per insulas Dalmatiz Sanctorum numerus sustentatur: sed melius faceres, si & ipse Sanctus inter Sanctos viveres. Ergo melius est elemosynis vivere, quam elemosynas dare.

Item, hoc ipsum ostenditur ratione: Qualis est habitus, talis est actus; sed omnino pauperis secundum quod pauper, actus est egere, & mendicare. ergo si esse pauperem bonum est, medicare pro Christo laudabile est & perfectum.

Item, mendicare non prohibetur lege naturæ, nec B lege Scripturæ, nec lege gratiæ; sed quod non est prohibitum, per obedientiam impositum, efficitur laudabile & meritorium, maxime si sit difficile, & onerosum. ergo si aliqui ex professione habeant mendicare, cum hoc ex obedientia faciant, erit eis laudabile & perfectum.

Item, Ecclesia imponit in poenâ satisfactionis mendicationem temporalem, vel etiam perpetuam. sed hoc non imponeret, nisi esset satisfactorium: sed qui ad opus satisfactorium voluntarie se astringit, perfecte agit. ergo qui pro Christo semper deuotus mendicare, hic agit perfecte & laudabiliter.

Item, contemptus sui est perfectionis, & maior contemptus maioris perfectionis. sed qui pro Christo mendicat, maxime seipsum contemnit & abiicit: ergo talis perfectissime agit. Item plus placet Deo paupertas voluntaria, quam inuoluntaria; ergo & mendicatio ex illa paupertate procedens magis est Deo placida: sed prima potest esse laudabilis & meritoria, ergo multo magis secunda.

Item, qui seruit alicui domino, meretur sustentari ab illo. sed qui omnibus abrenuntiat & consilia implet, maximo Domino seruit. ergo talis maxime meretur a Domino sustentari. ergo & a seruis Domini. Si ergo pauper voluntarius est, hoc ipso quod talis, si C elemosynam petit, iuste petit.

Item, qui dat maiora, potest recipere minora; sed pauper orans impendit misericordiam spiritualem; ergo multo fortius potest recipere elemosynam corporalem.

Item, prædicans ex auctoritate potest recipere sumptus potestatiue; ergo prædicans ex subauctoritate, & commissione, seu demandatione, petere potest suppliciter.

Item, qui seruit alteri, iuste sustentatur ab illo; ergo qui vniuersali Ecclesiæ deseruiunt, iuste sustentantur ab vniuersali mundo; ergo si qui sunt qui verbo & exemplo per mundum discurrendo deseruiunt populo Christiano, merito sustentationem petere possunt ab ipso.

Item, si licet recipere maius, multo fortius licet recipere minus. sed pauperibus religiosi, qui proprijs renuntiauerunt, licet recipere amplissimas possessiones; ergo multo fortius licet recipere diurnas sustentationes. Alioquin monstruosum videtur dicere, quod liceat recipere centum marcas auri, & non liceat recipere centum frusta panis. Si dicas, quod licet accipere, sed non licet petere, hoc nihil prorsus est, quia petere ordinatur ad accipere, & propter illud est; & sicut plus est dare, quam promittere, sic plus est recipere, quam petere. Sed constans est, quod quidquid licet dare, licet promittere; ergo quidquid licet accipere, licet petere.

Item, si amicus petit ab amico suo donum, contra nullam legem agit, nec iste petendo, nec ille dando, nec iste rursus accipiendo: sed lex charitatis, & amoris diuini est magis communicatiua, quam lex socialis; ergo si quis petat sibi aliquid dari amore Dei, in nullo offendit, nec in aliquo a perfectione recedit.

Item, indubitatur licet petere aliquid, in cuius donatione potior sit conditio dantis, sed qui dat aliquid pro

pro Deo, feneratur Domino, & temporale commutat pro æterno, & ad opus virtutis nobilissimæ se exercet, scilicet pietatis. Ergo si hæc omnia eueniunt ei ratione postulatis, pauper qui eleemosynam petit potissime facit, secundum legem charitatis, ergo a perfectione in nullo recedit.

**Triplex modus mendicitatis.**

**Laz. 16. c.**

**Amb. lib. 2. de off. c. 16. statui. a prin.**

**Aug. lib. de oper. Mon. c. 25. in fi. tom. 1.**

**Ibid. c. 28.**

**Aug. ibid. c. 22. & 23.**

**R E S P O N S I O:** Ad prædictorum intelligentiam est notandum, quod tripliciter contingit, mendicare. Et primus modus est ex necessitate naturæ, & hic modus est, cum quis mendicat non solum quia pauper, verumetiam quia habet infirmitatem, vel debilitatem, vel vtrumque. Hic autem modus miserabilis est, & tolerabilis, & per patientiam bonam fit meritorius, & laudabilis. Sicut legitur de Lazaro, quia erat quidam mendicus nomine Lazarus, qui iacebat ad ianuam diuitis, vlceribus plenus. Et post subditur, quia mortuus est mendicus, & perlatus est ab Angelis in sinum Abraham. De diuite autem dicitur, quod sepultus est in inferno. Ex quo colligitur, quod mendicitas etiam ex necessitate veniens, occasio ductiua est in viam salutis æternæ. Iuxta quod dicit Gregorius, quod mala quæ nos hic premunt, ad Deum ire compellunt.

Secundus modus mendicandi est ex vitiositate culpe, & hic est cum quis mendicat, vel pro otio fouendo, vel pro lucro cumulando, vel vtroque modo. Et hic inquam modus vituperabilis est in omnibus taliter mendicantibus. De quibus dicit Ambrosius in lib. de officijs. Petitionis causa veniunt validi, nullam causam nisi vagandi habentes, & volunt subsidia euacuare pauperum, exinanire sumptum, nec exiguo contenti, maiora querunt, ambitu vestium captantes petitionis suffragium, & natalium simulatione licitantes incrementa quæstuum. Licet autem in omnibus merito debeat reprehendi, reprehendendum est tamen potissime in eis, qui habent speciem pietatis, & sanctitatis. De quibus dicit Augustinus in lib. De opere Monachorum: Nullo modo decet, ut in ea vita, vbi Senatores sunt laboriosi, ibi fiant opifices otiosi, & quo veniunt relictis diuitijs suis, qui fuerunt prædiorum domini, ibi fiant rustici delicati. Et post ad reprehendendum eorum otium, & quæstum subiungit: Callidissimus hostis tamen multos hypocritas sub habitu Monachorum vsquequaque dispersit, circumeuntes prouincias, nusquam missos, nusquam fixos, nusquam stantes, nusquam sedentes, alij membra martyrum, si tamen martyrum, venditant, alij fimbrias, & phylacteria sua magnificant: alij parentes suos, vel consanguineos, illa, vel illa regione se audisse viuere, & ad eos pergere mentiuntur: & omnes petunt, omnes exigunt, aut sumptus lucrosæ egestatis, aut simulatæ pretium sanctitatis. Contra tales multum inuehitur beatus Augustinus in libro, De opere Monachorum, pro eo quod pigritiam non tantum in se ipsis mendicando fouebant, verumetiam prædicando alijs suadebant, male intelligentes Euangelium, vbi videtur insinuare quod non sit ab hominibus, sicut nec ab auiibus laborandum, & peius exponentes Apostolum, vbi persuadet fratribus operari, dicentes esse intelligendum illud de labore spirituali, & non corporali. Et quia in hoc se ipsos decipiebant, & alios, ideo reprehendit eos Augustinus, & multipliciter ostendit contrarium per totum librum De opere Monachorum, qui totus est contra illos, qui approbant hunc secundum mendicandi modum. Vnde in talibus dicit: Qui tamquã conseruatricem Euangelij prædicantes erant pigritiam, tamquam præuaricatricem accusantes misericordiam. Vtiam isti qui vacare volunt manibus, omnino vacarent & linguis. Neque enim tam multos ad imitationem inuitarent, si eis etiam non tantum pigra verumetiam muta proponerent. Nunc autem contra Apostolum Christi recitant Euangelium Christi. Ita enim mirabilia sunt opera pigrorum, ut impedire velint Euangelium.

**A** Tertius autem modus mendicandi est ex supererogatione iustitiæ, & hoc est cum quis mendicat pro Christo imitando, vel pro Euangelizando, vel vtroque modo. Pro Christo, inquam, imitando quantum ad contemptum sui, affectum proximi, & cultum Dei. Nam in his tribus potissime debemus Christum imitari. Quod quidem facit, qui voluntarie mendicat pro nomine Christi, ut seipsum vilificet, & humiliet, ut proximum suum ædificet, & prouocet ad pietatem, & ut vacet Deo libera mente deposita omni sæculi sollicitudine. Et de talibus Augustinus in quodam sermone Quadragesimali: In isto tempore, ut nouerimus, quantum comendat Deus opera misericordiarum ipsos sanctos suos egere fecit: ut cum fuerint facti amici Dei de mammona iniquitatis recipiant & ipsi amicos suos in æterna tabernacula: id est ut cum serui Dei pij, dum iugiter Deo vacant, aliquoties indigēt, illi qui habent mundi diuitias, eleemosynas largiantur. & quomodo illos participes faciunt in terrena substantia, sic cum illis partem habere merebuntur in vita æterna. Ex quo apparet, quod talis mendicatio laudabilis est, quæ fit pro Christo imitando. Similiter & ea quæ fit pro Christo euangelizando, quia viam præbet Euangelio, ratione eius quod prædicatur, quia prædicamus mundi contemptum, quod efficacius suadetur verbo, & exemplo, quàm solo verbo. A pluribus prædicatur, si prædicantes viuunt de Euangelio, quàm si compellerentur viuere de sumptu, aut labore proprio. A pluribus etiam efficacius suscipientibus documenta largiuntur beneficia sustentantia. Hoc est quod dicit Ioannes Chrysostomus: Manifestum est, quoniam discipulos ab eis quibus prædicabant cibari oportebat, ut neque ipsi magna sapiant aduersus eos, qui docebant, ut omnia præbentes, & nihil accipientes ab eis, nec illi rursus abscedantur despecti ab eis. Deinde ut non dicant mendicantes, igitur iubet nos viuere, & verecundentur in hoc monstrat hoc debitum existeret, & operatores eos vocans, & quod datur mercedem nominans. Ne enim quia in sermonibus est operario, existimetis paruum beneficium quod est a nobis. Etenim labores habet hic multos, & quidquid dederint qui docentur, non largientes præbent, sed retributionem reddentes. Quando igitur quis mendicat pro Christo imitando, & Euangelizando, secundum formam præscriptam; non solum non peccat, verumetiam implet perfectam iustitiam. Primum, quia multum debetur sustentatio, pauperi Christum imitanti. Secundo, quia magis debetur tamquam pauperi Euangelico Christum Euangelizanti. Tertio, quia maxime debetur pauperi grato debitum pro gratia humiliter accipienti, & humiliter supplicanti. quippe cum sit liber ex omnibus, facit se omnium seruum. Et hoc est quod dicit Augustinus super illud Psalmistæ: Producent fenum iumentis, & cetera. Producent inquit, fenum, id est temporalia; iumentis, id est Prædicatoribus, ut de Euangelio viuant, qui Euangelium annuntiant, & herbam, id est temporalia, seruituti hominum, id est prædicatoribus seruis hominum pro Christo. Vnde Apostolus: Cum essem liber ex omnibus, omnium me seruum feci. Quæ seruitus est ex charitate, quæ facit humiles, qui pro Christo serui hominum fiunt, vtilitati fratrum attendentes. Hæc sunt iumenta quibus debetur herba, ut merces, quia seruiunt. De quibus dicitur: Non alligabis os bouis triturantis. Et: Dignus est operarius mercede sua. Debentur enim prædicatoribus temporalia, quia largiuntur spiritualia. Vnde Apostolus: Si seminauimus vobis spiritualia, non magnum est si vestra carnalia metamus. Pro quibus dicitur: Beatus qui præoccupat vocem perituri, id est, qui intelligit super egenum & pauperem. Non enim ita debes agere boui trituranti, ut mendico transeunti. Illi enim, id est mendico, das quod legitur; Omni petenti da, huic etiam non

Mendicitas supererogationis laudabilis est.

**Aug. li. 50. homil. 18. non longe a prin. 10. 10.**

**Chrys. homil. 33. in Matth. 20. 2. med.**

**Aug. enar. in Ps. 103. conc. 3.**

**1. Cor. 9. c.**

**1. Cor. 9. b. Luc. 10. b.**

**1. Cor. 9. b.**

**Luc. 6. d.**

non petenti dare debes. Vide ergo ne si indigeat miles Christi, ut petat, te iudicet, id est, damnabilem ostendat. Sicut enim dicitur de illo, qui te quaerit, Da omni petenti, sic de eo Praedicatore, quem tu quaerere debes dicitur: Desudet eleemosyna in manu tua, donec inuenias iustum cui des. Omni petenti, ergo quicumque sit, da, agnoscens in eo cui des, sed multo magis da seruo Dei, militi Christi, etiam non petenti. Ex his igitur manifeste apparet, quod in Christi Praedicatore, & Euangelizatore mendicare non est vitij, nec culpae, sed magis perfectionis Evangelicae. Vnde rationes, & auctoritates, & exempla concedenda sunt, quae ad hanc partem inducuntur. Nam si quis impugnare, & improbare velit omnem mendicandi modum in seruis Christi, impugnare videtur non tantum ordinem pauperum, verum etiam ipsum summum Pontificem, qui approbavit hunc vivendi modum. Nec etiam tantum ipsum, verum etiam hunc magnum coetum sanctorum, qui mendicauerunt, videlicet Franciscum, Dominicum, Alexium, Benedictum, & ipsum cuneum Apostolorum, & Prophetarum, necnon, & ipsum Dominum Iesum Christum, quem Scriptura non veretur dicere pauperem, & mendicum: cum maiora de ipso dicat, & sentiat fides nostra, scilicet quod pro nobis, non tantum pauper, & mendicus fuit propter nostrum exemplum, sed etiam nudatus, & vilificatus usque ad abiectionis genus extremum, ut exemplum daret perfecte contemnendum mundum. Postremo super haec omnia mala subverti videtur vniuersus Ecclesiae status. Si enim illicitum est per eleemosynarum acceptionem pauperibus Christi accipere amplitudinem, & multitudinem possessionum, & magnorum reddituum; quis enim ita absurdus est, qui dicat licere alicui accipere talentum auri, & non frustum panis? Quod si hoc verum est, cum vniuersarum ecclesiarum possessiones, tam in religiosis proprietatem habentibus quam in clericis saecularibus habeantur per acceptionem eleemosynarum voluntarie, & gratis datarum; videbitur ex hoc subverti status vniuersarum ecclesiarum si eleemosynas accipere, vel de eleemosynis vivere, seu in parua quantitate, seu in magna, illicitum iudicetur; nisi forte quis dicat, quod licitum est accipere, sed non est licitum petere. Sed hoc mirum videtur quod aliquis possit in illud quod maius est, & non possit in illud quod minus est. Quod aliquod monasterium possit recipere centum marcas auri in redditibus ab aliquo principe, & vnum pauperculum non posse suae indigentiae releuationem suppliciter implorare. Quod aliquis possit ex amicitia petere ab amico, & Christianus non possit charitate petere a Christiano. Et quod aliquis possit petere aliqua expedientia ad alicuius diuitis monasterij securitatem, & abundantiam, & pauper voluntarius, non possit petere vitae sustentamentum. Et quod aliquis scholaris possit licite mendicare pro amore proficiendi in cognitione scientiae, quae inflat, ut tandem perueniat ad temporales diuitias; & pauper religiosus non possit petere pro amore proficiendi in charitate & humilitate, quae aedificat, ut tandem perueniat ad vitam aeternam, & cetera consimilia quae valde videntur absurda. Si ergo haec omnia non parua, sed magna inconuenientia sunt, tenendum est, quod liceat pauperibus sustentari de eleemosynis aliorum, saltem secundum tertium mendicandi modum superius explicatum.

Ad argumē  
ta partis ne  
gatiuae.  
Ad I.

Ad illud quod primo obijcitur in contrarium, quod non est inopia timentibus Deum, dicendum, quod duplex est inopia, scilicet corporalis & spiritualis. Verbum autem illud intelligitur de inopia non quicumque, sed spirituali. Et quod illud sit verum, apparet per illud quod immediate sequitur: Diuites egerunt, & esurierunt, constat quod illud non intelligitur de egestate diuitiarum materialium, restat,

A igitur, quod de inopia spiritualium, quaelicet sit in diuitibus, non tamen est in timentibus Deum, quia timor est initium Sapientiae, de qua dicitur: Venerunt mihi omnia bona pariter cum illa.

Ad illud quod obijcitur de psalmo: Non vidi iustum derelictum, dicendum, quod duplex est panis, scilicet corporalis, & spiritualis: Verbum autem illud non intelligitur de pane corporali, sed de pane spirituali. Et quod illud sit verum, apparet per Glossam ibidem: Nec semen eius quaerens panem spiritualem, id est indigere pane verbi Dei, quia verbum Dei semper cum eo est. Potest etiam littera sic construi, ut intelligatur: Non vidi iustum derelictum, nec semen eius quaerens panem vidi derelictum; quia secundum quod dicitur super illud Pauli Apostoli: Non te deferam, neque derelinquam, Glossa: Derelingeretur ille, qui fame periret. Vult ergo dicere Propheta, quod nec iustum, nec semen eius vidit fame mortuum, & hoc a paupertate non reuocat, sed potius inuitat.

Ad illud quod obijcitur quod mendicatio est, malum, quod imprecatur psalmista in spiritu Dei loquens, dicendum, quod est mendicatio voluntaria, & mendicatio coacta, quae est cum murmure, & impatentia. Prima est meritoria, secunda est demeritoria, & afflictiva. Et Psalmus intelligitur de secunda, non de prima. Et quod illud sit verum, apparet per textum, quia dicitur: Nutantes transferantur, & eiciantur, & haec omnia in coactionem, & violentiam sonare videntur.

Ad illud quod obijcitur de Ecclesiastico, Fili in vita tua ne indigeas dicendum est, quod iuxta distinctionem praehabitam, verbum illud intelligendum est de indigentia spirituali respectu gratiae, non de temporali respectu sustentationis naturae. Et quod sit verum apparet per Glossam: Ne indigeas, inquit D Glossa, virtutibus, vel bonis moribus.

Ad illud quod obijcitur, quod beatius est magis dare, quam accipere, dicendum quod illud est verum, quando acceptio eleemosynae venit ex necessitate naturae, non autem quando venit ex supererogatione iustitiae, iuxta distinctionem factam in principali solutione. Et quod illud sit verum, apparet per illud quod dicitur in libro de Ecclesiasticis dogmatibus: Bonum est facultates cum dispensatione pauperibus erogare, melius est pro intentione sequendi Dominum insimul donare, & absolutum a sollicitudine cum Christo egere. Hoc ipsum dicit Augustinus in libro De bono coniugali, sicut in praecedenti quaestione allegatum fuit.

Ad illud quod obijcitur de Glossa, quod omnibus pro Deo spretis, debent labore manuum operari, dicendum quod illud est consilium, quantum ad primum, quod dicitur: Vendite quae possidetis: quantum ad secundum autem est solum de bene esse consilij, quod non astringit etiam viros perfectos, illos potissime qui possunt circa maiora bona occupari. Et quod illud sit verum apparet, per eandem Glossam, cum subditur: Vnde viuatis, vel eleemosynas faciatis. Certum est enim, quod illi qui omnia simul pro Deo dederunt, ad vltiores eleemosynas faciendas minime astringantur, & ideo illa glossa, non exprimit quod est de essentia, & substantia consilij, sed magis secundum bene esse, secundum statum, & conditionem aliquarum personarum, quae magis sunt idoneae ad manualiter operandum, quam ad aliquid magis arduum faciendum. Nam si aliter diceretur, quod illud esset de essentia perfectionis consilij, tunc nulli illud consilium impleuissent, nisi qui operati fuerunt manualiter, ac per hoc Apostoli alij a Paulo, & Barnaba, & alij plurimi Sanctorum perfectissimorum, quos non legimus fuisse manualiter operatos, non iudicaremus fuisse perfectos. Verum est utique, quod perfectioni Evangelicae consonat operatio manualis,

ualis, si tamen non impediatur maiora bona. Vnde Glossa super illud: Vado piscari: Sciendum est, non fuisse prohibitos arte sua licita victum querere, Apostolatus integritate seruata, cum vnde viuerent non haberent, & sic illis laborantibus adjicit Deus necessaria, quæ promissit. Sed quod hic labor competat non occupatis circa maiora, manifestum est, quia tunc Apostoli prædicationi minime vacabāt. Vnde Chrysostomus: Venit Simon piscari, quia neque Christus continue cum eis erat, neque spiritus datus erat, neque quid commissum erat, tunc neque quid habentes agere, tunc artem tractarunt. & ex hoc non habetur, quod perfecti teneantur operari manualiter, nisi forte cum non habent spirituales & meliorem exercitationem. Præterea esto, quod vir perfectus teneatur manibus suis operari, ex hoc tamen non potest inferri, quin pro sui humiliatione & aliorum ædificatione posset eleemosynas humiliter petere pro loco, & tempore.

**Ad VII.** Ad illud quod obijcitur de Glossa, quod nullatenus aliquid desiderandum nec petendum, dicendum, quod dupliciter potest quis petere ab aliquo: vel propter desiderium alienæ rei, vel propter desiderium alienæ salutis. Primum prohibet Apostolus tamquam malum, & in lege prohibitum, quia dicitur: Non concupisces rem proximi tui. Secundum autem non prohibet, quia lex charitatis hoc non prohibet, quæ mutuis habet beneficijs confoueri, & onus alterius facit ab altero supportari. Quid enim tam absurdum est, quam ut credamus Apostolum denegasse, quod nullus ab altero petat nec beneficium, nec auxilium, nec solatium, ex pietatis, & charitatis fine? Et quod illud sit verum, apparet per illud quod dicit Apostolus de seipso, regratians eis de beneficio collato. Non quæro datum, sed requiro fructum abundantem in ratione vestra. Secundum enim quod exponit Augustinus lib. 13. confessionum: Datum quærit, qui delectatur præcipue in re accepta; fructum requirit, qui delectatur in salute aliena. Hæc est verborum Augustini sententia, licet verba sint mutata.

**Ad VIII.** Ad illud quod obijcitur de Glossa, quod egestas facit a iustitia declinare, dicendum, quod sicut diuitiæ non sunt in culpa, sed cupiditas diuitiarum: sic egestas in culpa non est, sed impatientia egestatis, quam qui habet a iustitia declinat, dum fugiendo egestatem, vadit post pecuniam, quam qui sequitur de facili, declinat a iustitia. Qui enim volunt diuites fieri, incidunt in tentationes, & in laqueum diaboli, & desideria multa & nociua. Et sicut talis egestas est mala, sic & mendicatio ex tali egestate proueniens culpanda. Cum autem plus placet penuria, quam abundantia, & homo propter amorem paupertatis contemnit abundantiam terrenitatis, talis non habet occasionem declinandi pro tali egestate a iustitia, & talis est paupertas, & mendicatio, quæ spectat ad perfectionem Euangelicam. Et quod ista responsio sit recta, patet per ipsam Glossam, in qua dicitur, quod egestas dum saturari cupit, declinat a iustitia. Egenus est, qui cupit saturari. Est egenus qui non amat paupertatem, sed saturitatem, non penuriam, sed abundantiam. Et talis non est pauper Euangelicus, aut cælestis, qui medicat ex supererogatione iustitiæ; sed potius cupidus, & terrestris, qui mendicat ex vitiositate culpæ, secundum prius habitam responsionem.

**Ad IX.** Ad illud quod obijcitur de Glossa, quod vult Apostolus seruos Dei corporaliter operari, &c. dicendum, quod illud velle, aut non est velle præcepti, sed admonitionis; aut si est velle præcepti, non se extendit ad omnes, sed ad eos, qui volunt egere, ad illos tantum se extendit, qui non possunt maiora agere. Et ex hoc non colligitur, quod pauperum vita sit mala, qui manducant & manibus suis non operantur, sed melioribus & salubrioribus exercitijs occupantur. Et quod istud sit verum, manifestum est. Nam si ver-

S. Bon. Tom. 7. Pars iiij.

bum illud, Qui non vult operari, non manducet, simpliciter esset præceptum; tunc omnes essent in malo statu, qui manibus proprijs victum suum non querunt cum possent, & hoc esset damnare totum mundum. Quod iterum non se extendit ad pauperes voluntarios, & perfectos, hoc apparet ex ipsa Glossa, quæ dicit, ut non compellantur egestate necessaria petere. Tales enim non mendicant sicut egestate compulsi, sed sicut amore perfectionis inducti. Postremo, quod non se extendat nisi ad eos, qui non sunt circa maiora occupati, apparet ex ipso textu: Audiuius quosdam inter vos ambulare inquiete, nihil operantes, sed

**B** curiose agentes, his autem qui eiusmodi sunt denuntiamus, ut cum silentio operantes, panem suum manducant. Et quod istud sit verum, patet per Ambrosium, qui super illud: Dimitte mortuos sepelire mortuos suos, dicit sic: Docet Dominus minora bona, pro utilitate maiorum esse prætermittenda. Maius est enim animas mortuorum prædicando suscitare, quam corpus mortuum in terra abscondere. Vnde & Apostoli dicebant: Non est æquum nos derelinquere verbum Dei, & ministrare mensis. Apparet etiam per Hieronymum in prologo super Iob dicentem sic: Si fiscellam iunco texerem, aut palmarum folia complicarem, ut in sudore vultus mei comederem panem meum, & ventris opus sollicita mente pertractarem, nullus morderet, nullus reprehenderet. Nunc autem, quia iuxta sententiam Saluatoris, volo operari cibum, qui non perit, & antiquam diuinorum voluminum viam sentibus, virgultisq. purgare, error mihi geminus infigitur, corrector scriptorum falsarius vocor, & errores non auferre, sed serere. Hoc etiam apparet per beatum Augustinum in libro de opere Monachorum, ubi dicit, quod illi, qui habebant in hoc sæculo aliquid, quo facile sine opificio sustentarent vitam istam, quod conuersi ad Dominum indigentibus dispersi sunt, quod tales ad opera manualia non tenentur, vel coguntur, nec ad querendum victum proprium. Et rationem postea reddit inferius, quia illi, qui pauperes sustentauerunt, de eleemosynis pauperum sustentari debent, & possunt. Aut enim sic:

**D** Omnium Christianorum vna Respublica est; & ideo quisquis Christianis vbilibet necessaria erogauerit, vnde cumque etiam ipse quod sibi necessarium est accipit, de Christi bonis accipit: quia & vbi cumque ipse talibus dedit, quis nisi Christus accepit? Si ergo secundum Ambrosium, maiora bona propter minora non sunt prætermittenda, & secundum Hieronymum, maiora sunt bona prædicationis & instructionis, quam manualis operationis, & secundum Augustinum, ad huiusmodi opera non astringuntur, qui fuerunt diuites delicati; manifeste apparet, quod intenti prædicationi, & operibus misericordiæ spiritualis, ad huiusmodi opera non sunt astricti, sed debent, & possunt de eleemosynis sustentari. Et hoc est, quod Augustinus in eodem libro ante hæc verba præmittit, quod huiusmodi potestatem habent si Euangelistæ sunt, si ministri altaris, si dispensatores sacramentorum. Si enim corporalia opera faciendo meretur quis suum sustentamentum, multo

**E** fortius spiritualia opera imponendo, quæ corporali-  
**F** bus operibus merito præferuntur. Fateor igitur quod verum est, quod si quis adeo esset potens & spiritu, & carne, quod posset corporaliter operari, & nihilominus pro loco, & tempore spiritualibus vacare exercitijs, & Ecclesiasticæ utilitati, quod agendo perfectius faceret. Sed quis ad hoc plene idoneus, cum multo labore sudatum sit, ut veritas cognoscatur, ut cognita diligatur; & cognita, & dilecta alijs proponatur? Ad hoc enim necessaria est cōtinuitas lectionis, & orationis, & meditationis, quibus qui vult sollicitate intendere, parum potest occupari circa corporalem laborem. Laudandus est igitur, & suadendus labor corporalis, sic tamen ut non impediatur fer-

LI uor

Ibidem.

Amb. super Luc. 6. 9.

Alf. 6. a.

Hierom. in prolo. Iob.

August. de opere Monach. c. 25. 10. 3.

Ibidem.

Ibid. c. 21.



uor orationis, nec fructus prædicationis, nec obser-  
uantia regularis.

Ad X.

Ad id quod obijcitur de Glossa, quod ad alienam mensam accedens, necesse habet adulari, dicendum, quod Glossa semetipsam exponit in hoc, quod dicit: Otio deditus, in quo insinuat, quod ille, qui alienam mensam quærit, & mendicat pro otiositate fouenda, ille pronus est ad blandiendum. Et quid mirum si ille, qui diligit otium, & fouet ventrem suum, in verbum prorumpit adulatorium? Sed ex hoc non damnatur pauper Euangelista, qui ad alienam mensam conuenit propter euangelizandum, & imitandum Christum. Nam si tales hoc ipso quod pauperes, & alienam mensam accedentes essent adulatores, tunc cum Christus Apostolos misit ad Euangelium prædicandum, & ad viuendum de sumptibus alienæ mensæ, porius fecisset tunc Apostolos suos adulatores, quam veros prædicatores. Ipse enim Christus fuisse adulator permaximus, qui frequenter inuitabatur, & comedebat in domibus Phariseorum. Vnde si recte intelligimus, adulationis vitium potius est annexum diuitibus mundanis, quam pauperibus Euangelicis, & voluntariis. Vnde Chrysostomus in homilia super Matthæum loquens de diuitibus, dicit sic: Adulari necesse est multis & principes, & subiectos, & multis indigere, & turpiter seruire, & formidare, & suspicari, & timere eorum, qui suspicantur oculos, & timere calumniatorum ora, & aliorum, & auarorum concupiscentias. Sed non paupertas est aliquid tale, sed contrarium vniuersum. Religio est non furibus subiecta, sed munita, portus tranquillitas, & palæstra, & gymnasium philosophiæ. Audite quicumque horum pauperes estis, magis autem & quicumque ditari concupiscitis, non pauperem esse malum est, sed non velle pauperem esse, & neque malum existima esse paupertatem, & non erit tibi malum. Et paulo post: Non enim mihi eos, qui accusant paupertatem afferras, sed eos qui per eam fulserunt. Cum hac Elias educatus, raptus est illa beata rapina; cū hac Elisæus claruit, cum hac Ioannes, cum hac Apostoli omnes. Cum auaritia vero Achab, Iezabel, Giezi, Iudas, Nero, Caiphas condemnati sunt.

Ad XI.

Ad illud quod obijcitur de decreto Urbani, dicendum, quod triplex est defectus in allegatione illius decreti. Primus, quia decretum illud est ad Episcopos, qui debent pascere mendicantes, non ad illos, qui egent. Vnde sicut illa lex Deuteronomij: Non erit omnino indigens, & mendicus inter vos, non est data contra mendicitatem pauperum, sed contra tenacitatem diuitum, quod patet per hoc quod eodem capitulo subiungitur: Non deerunt pauperes in terra habitationis tuæ, idcirco præcipio tibi vt aperias manum tuam fratri tuo egeno, & pauperi. Sic & hic lex datur Episcopis abundantibus, ad sustentationem pauperum clericorum, & eorum potissime, qui non egent voluntarie, sed compulsi, ne propter indigentiam efficiantur circa diuinum obsequium indeuoti. Secundus defectus est, quod decretum illud inducitur ad probandum, quod clerici non debent habere proprium, sicut apparet in fine capituli. vbi dicitur: His omnibus claret, quod clericis nullo modo licet proprium habere, quod si habuerint non erunt clerici. Vnde per illud decretum non præcluditur via pauperibus, qui nihil volunt habere proprium, sed potius aperitur. Tertius defectus est, quia sicut habere proprietatem in communi comprobatur & approbatur auctoritate summi Pontificis, scilicet Urbani, sic modus viuendi in altissima paupertate auctoritate summi Pontificis approbatus est, sicut patet de excessibus prælatorum: Nimis praua, & cetera. Vnde decretum Urbani Papæ præiudicare non potuit auctoritati Innocentij, Honorij, & Gregorij, qui istum modum approbauerunt tam in iure communi, quam in priuatis priuilegijs, quia non habet im-

perium par in parem, & constitutio prior non præiudicat posteriori, nec commune priuato, nec lex communis priuilegio, sed potius e conuerso. Nec ex hoc potest argui instabilitas, seu contradictio inter rectores Ecclesiæ, quia statuta mutari possunt, & debent pro loco & tempore, sicut patet in statuto de gradibus parentelæ, & alijs plurimis, quæ iuste a principio statuta fuerunt, & nihilominus alia non minus iuste introducta sunt.

Ad illud quod obijcitur de cōsecratione Ecclesiæ, Ad XII. dicendum, quod & in illius decreti allegatione, tripliciter defectus est. Primo, quia statutum illud de consecratione Ecclesiæ non dotatæ, factum est in allevatione Episcoporum. Secundo, in dilatacionem diuini cultus. Et tertio, in solationem clericorum ministrantiū, qui nolunt se astringere voluntarie ad paupertatis votum. Horum autem contrarium in proposito inuenitur. Nam minus grauantur, & Episcopi, & Ecclesia de religiosis viuentibus de eleemosynis, quam si eis prouideretur in beneficijs, & præbendis. Secundo, quia cultus Dei non augmentaretur, sed potius diminueretur, si hic modus viuendi de medio tolleretur. Tertio, quia tales pauperes voluntarij libentius Deo seruiunt mendicando, quam etiam Deo seruirent pro magno beneficio, & magis sunt contenti, paruulis eleemosynis, quam magnis beneficijs & præbendis.

Ad illud quod obijcitur de lege, & de mendicantibus validis, dicendum, quod similiter triplex defectus est in illius legis allegatione. Primus, quia lex illa introducta fuit contra quosdam, qui tempore famis pauperum eleemosynas vsurpabant, simulantes inertiam. Secundus, quia illi tales onerosi erant, & nullam vtilitatem reipublicæ afferebāt. Tertius, quia tales qui laborare poterant, & tunc in nihil occupati erant, & abundare volebant, proueniunt ad maleficia & rapinas. Et ideo, iusto iudicio rector reipublicæ tales a mendicatione arcebat, & pœna grauissima puniebat. Secus autem omnino in pauperulis religiosis, in quibus, nec simulatio inertie, nec amor otij, nec periculum rapinæ, ac per hoc nec damnum Ecclesiæ, sed potius amor virtutis perfectæ reperitur, ideo non arcentur lege humana, sed potius prædicantur lege diuina.

Ad illud quod obijcitur, quod mendicare est indifferens, dicendum, quod mendicare quantum est de se non est perfectionis, nisi præsupposita vniuersali abrenuntiatione omnium, quæ quidem est, secundum diuinum consilium, in quo Dominus expressit adolescenti, quod si illud impleret, hoc ipso ad perfectionis cumulum perueniret. Ait enim: Si vis perfectus esse, vade & vende omnia, nec addit, tradite mihi, vt in loculos meos ponam, & sint omnia communia; sed potius, Da pauperibus, nec subiunxit: Vade ad lucrandum victum tuum per laborem manuum, sed potius, Veni sequere me. In quo secundum quod Glossa exponit intelligitur vocatio ad contemplandum, seu ad Christum imitandum & euangelizandum.

Ad illud quod obijcitur, quod perfectionis est liberaliter seruire, & obligationes refugere, dicendum, quod est obligatio veniens ex reatu culpæ, & ex affectu charitatis perfectæ. Prima obligatio est vitanda, sed secunda est acceptanda. Iuxta quod dicitur: Nemini quidquam debeatis, nisi vt inuicem diligatis. Laudat enim Dominus amicitiam spiritualium virorum, quæ fit de mammona iniquitatis, & ad corporis Christi mystici perfectionem spectat, quod membra sibi inuicem communicent, secundum rationem dati & accepti, vt mutua diligentia vicissim possit impleri.

Ad illud quod obijcitur, quod qui mendicant ex professione, aut hoc faciunt, quia pauperes, aut quia prædicantes, dicendum, quod hoc faciunt, quia pauperes

peres Christi imitatores, & Euangelizatores. quia enim Christum imitantur per obseruantiam disciplinæ regularis, in qua vacant diuinis laudibus, orationibus, vigilijs, & alijs regularibus disciplinis, & Deum colunt, & hostem impugnant, & ea quæ sunt infirma, & non munita in castris Ecclesiæ protegent & defensent. Rursus, qui verbum veritatis annuntiant, similiter Deum laudant, & hostem impugnant, & audientes ædificant, & informant, & ideo cum hæc opera eorum sint Ecclesiæ valde vtilia, & pernecessaria, nulli dubium est, quin mereantur sustentationem suam. & ideo non illicite faciunt, si hanc humiliter, & suppliciter petunt. Sicut enim oculus videndo, operationem facit manui pernecessariam, ita quod manus oculo non potest impropere, nec dicere, opera tua non indigeo; quinimmo vtilis est toti corpori eius operatio, & sic meretur sustentari, sicut manus & pes, & membra alia, quæ sunt exposita labori; sic & de istis membris Ecclesiæ non absurde debet, & potest intelligi, si quis pio oculo velit istorum oculorum operam, & vigilantiam intueri.

**Ad XVII.** Ad illud quod obiicitur, quod tales sunt Giezi imitatores, quia spiritualia pro temporalibus ministrant. Ad hoc satis sufficienter respondet Glossa super illud:

**1. Cor. 9. c.** Dispensatio mihi credita est. Non debemus ideo Euangelizare vt manducemus, sed ideo manducare vt Euangelizemus, vt cibis non sit bonum quod appetitur, sed necessarium quod adiicitur, vt illud impleatur, Primum querite regnum Dei, & iustitiam eius, & hæc omnia adiicientur vobis. Vnde si finem constitueret quis in re temporalis prædicatio verbum Dei, absque dubio hic peruersus esset, quia de via faceret finem, & esset similis Giezi, & Balaam, qui mercedem iniquitatis amauit, & alijs pseudopphetis, qui in mercede docebant, & in muneribus diuinabant. Si autem sustentationem querunt, sicut viam ordinatam ad Euangelium prædicandum; tunc recte incedunt, & Apostolos imitantur, nec a veritatis tramite in quoquam recedunt. Vnde super illud:

**Luc. 10. b.** Edentes & bibentes, quæ apud illos sunt, dignus est enim operarius mercede sua, Glossa dicit: Nota quod vni operi prædicatorum, duæ mercedes debentur, vna in via quæ nos in labore sustentat, alia in patria, quæ nos in resurrectione remunerat.

**Ad XVIII.** Ad illud quod obiicitur, quod perfectorum est abstinere a specie mala, dicendum est, quod illa species est mala, dum homo rationabiliter potest suspicari malum, circumstantijs omnibus pensatis quæ occurrunt. sed si quis recte attendat huiusmodi sic prædicantes non habent speciem pseudopredicatorum.

**Qui sunt veri, & qui falsi prædicatores.** Nam pseudopredicatores dicuntur per oppositum ad veros prædicatores. Veri autem prædicatores dicuntur, quorum prædicatio habet auctoritatem, veritatem, & vtilitatem. Falsi sunt qui habent horum contraria, vel simpliciter, vel in parte. Sed si certe velimus attendere modernum ordinem, prædicatores hæc tria habent in se, auctoritatē quidem, quia missi sunt a Summo Pontifice, & alijs Prælati, qui sunt domini messis; veritatem, sicut patet, quia fidem & mores prædicauerunt secundum legem Euangelij; vtilitatem, quia multos de statu culpæ vocauerunt ad statum penitentiae, & ideo speciem habent, & similitudinem maiorem incomparabiliter, si quis pio attenderet oculo ad prædicatores veros, quam ad pseudos, licet in tanto numero, vix possit esse, quin aliqui eum Iuda diligant oculos, & exorbitent ab itinere recto. Si enim Dominus hoc non concessit duodecim Apostolis quos personaliter elegit, quod vniuersaliter essent boni, quid mirum si hoc non concedit congregationibus alijs, nec tamen propter hoc non sunt boni damnandi, cum malis; sicut nec mali iusti sunt, licet sint permixti cum bonis.

**Ad XIX.** Ad illud quod obiicitur, quod aut habent auctoritatem, aut non habent, dicendum quod habere auctoritatem, hoc est dupliciter, aut ex prima institu-

tione, aut ex commissione, seu demandatione, vel per alia verba, aut ex iniuncto officio, aut ex concessio priuilegio. Prima est auctoritas principalis, & potestatiua, & spectat ad Apostolos, & ad septuaginta, & eorum successores, qui sunt Episcopi, & alij curari, sicut Glossa in Lucam dicit: Secunda est auctoritas minus principalis, & potest subauctoritas non absurde dici, & competit his qui ab Apostolis mittuntur tamquam discipuli, sicut Paulus suos discipulos mittebat ad loca diuersa, & potissime ei competit, qui est loco Petri principis Apostolorum, immo loco Christi, qui est Dominus vniuersalis messis, propter quod, & habere dicitur plenitudinem potestatis. Sicut ergo primis habentibus auctoritatē principalem, competit sumptus accipere potestatiue, sicut dicit Glossa, secunda ad Timotheum secundo: Laboratem agricolam oportet primum de fructibus percipere. Ibi Glossa: Necessaria sibi sumere ab his in quibus Deo militat, & quos tamquam cultor vineæ exercet, vel tamquam gregem pastor, non est mendicitas, sed potestas. Sic illis quibus competit auctoritas subprincipalis, competit accipere supplicatiue. Quod disposuit Spiritus sanctus ad Ecclesiæ vtilitatem, vt non tantum efficeretur verbo prædicationis, verumetiam verbo humilitatis: quomodo ergo didicit a Christo mitis esse, & humilis corde miror, si hanc humilitatem, & humiliationem, auder tamquam reprobam condemnare.

**Ad XX.** Ad illud quod obiicitur, quod tutius, & perfectius est sequi viros probatiores, & sapientiores, dicendum, quod secundum dispositionem diuinæ sapientiæ Deus vniuersa disponit, & ordinat temporibus suis. Vnde sicut in primo tempore Ecclesiæ introduxit viros potentes, & miraculis, & signis sicut fuerunt Apostoli, & eorum discipuli, & medio tempore viros intelligentes in scripturis, & rationibus vniuersis: sic vltimo tempore introduxit viros voluntarię mendicantes, & pauperes rebus mundanis. Et hoc quidem recte congruebat, vt per primos destrueretur idolatria, & idolorum portenta, per secundos hæresis, per tertios auaritia, quæ in fine sæculi maxime regnat. Nihilominus tamen quia paupertas fundamentum est Euangelicæ perfectionis, & ipsa est quasi complementum eiusdem, ideo vixit in Ecclesiæ primordio, & congruum est, vt vigeat circa Ecclesiæ statum finalem. Vnde sicut Hieronymus dissoluit quæstionem illam de esu carniū 3. distinct. Ab exordio, dicens, quod in primo tempore ante diluuium non erat in consuetudine esus carniū, & postea post diluuium communiter fuit omnibus concessus, & post in aduentu Christi laudabilis fuit abstinencia ab esu carniū. Vnde dicit ibidem, quod a, reuoluit ad a, id est finalis status concordauit cum primo. Sic satis conuenienter intelligi potest, & in proposito. Sicut tamen Hieronymus non intelligit de abstinentia carniū quantum ad omnes, sed quantum ad monachos solum: sic nec de paupertate intelligendum puto, nisi quantum ad pauperes voluntarios, qui voluntarie renuntiauerunt mundo. Nolo tamen quod aliquis ex hoc arguat, quasi ego dicam, quod iam instet dies Domini, nec quod proprias simbras magnificem, & dilatem, volens coram hominibus iustificari, quod præferam modernis Sanctis antiquis, quia in magno, & alto statu inueniri possunt multi infirmi, & imperfecti, nec iste spiritus paupertatis defuit temporibus retroactis. Iuxta quod dicit Gregorius tertio dialog. de quodam sanctissimo viro Isaac nomine, qui fuit amator præcipuus paupertatis. Vnde & de eodem dicit: Cum ei discipuli innuerent, vt per vsum monasterij possessiones, quæ offerebantur acciperet, ille sollicitus suæ paupertatis custos, fortem sententiam tenebat dicens: Monachus qui in terris possessionem querit, monachus

L 2 non

non est. Sic quippe metuebat paupertatis suae securitatem perdere, sicut avari solent perituras diuitias, custodire. Ibi itaque prophetiae spiritu, & magnis miraculis, cunctisq. longe lateq. habitantibus vita eius claruit. Ex quo apparet, quod eius doctrina contemnenda non fuit. Hoc etiam supra ostensum fuit multiplicibus exemplis, & adhuc multo pluribus posset ostendi. Et si nulla exempla essent, satis per se ipsum laudabilis esset status excellentissimae paupertatis, non solum secundum Scripturam sacram, verum etiam secundum documenta Sanctorum, quae paupertatis statum voluntarium commendant, tamquam praecipuum, & perfectum. Sicut ergo absurdum est valde, reprobare statum conjugatorum diuitum, absurdius statum clericorum, & religiosorum possessiones habentium; sic absurdissimum videtur, si quis inueniatur, qui reprobare velit statum pauperum in paupertate altissima, & mendicatione humillima Christo Domino famulantium, iuxta consilium per os Iesu Christi propositum, & irreprehensibiliter promulgatum. Horum causam defendit Hieronymus: Ad me relatum est, inquit, quod contra auctoritatem Apostoli Pauli, immo Petri, Ioannis, & Iacobi, qui dexteram dederunt Paulo, & Barnabae communicationis, & praeceperant eis, ut pauperum memores essent, tu prohibeas Hierosolimam in usus sanctorum, aliqua sumptuum solatia dirigi. Videlicet si ad haec respondeo, statim larrabis meam me causam agere, qui tanta cunctos largitate donasti, ut nisi venisses Hierosolimam, & tuas vel patronorum tuorum pecunias expendisses, vel effudisses, omnes periclitaremur fame. Ego hoc loquor quod beatus Paulus pene in cunctis Epistolis suis loquitur, & praecipit in ecclesijs gentium per vnam sabbati, hoc est die Dominico omnes conferre debere, quae Hierosolimam in sanctorum solatia dirigantur. Numquid in alia parte terrarum, & in his ecclesijs quas nascentes fide sua erudiebat quae ab alijs acceperat, diuidere non poterat, sed Sanctis pauperibus dare cupiebat, qui suas pro Christo facultates relinquentes, ad Domini seruitutem tota mente conuersi sunt? Longum est enim nunc, si de ceteris Epistolis eius omnia testimonia reuoluere volueris, in quibus hoc ait, & tota mente festinat, ut Hierosolimam, & ad sancta loca credentibus pecuniae dirigantur, non in auaritiam, sed in refrigerium, non ad diuitias congregandas, sed ad imbecillitatem corpusculi sustentandam, & frigus atque inediam declinandam. Hac in Iudaea usque hodie perseverante consuetudine, non solum apud nos, sed etiam apud Hebraeos, ut illi qui in lege Domini meditantur die ac nocte, & partem non habent in terra, nisi solum Deum, synagogarum, & totius orbis foueantur ministerijs, ex aequalitate dumtaxat, non ut alijs sit refrigerium, & alijs tribulatio, sed ut aliorum abundantia aliorum sustentet inopiam. Hac Hieronymus: His visis satis plana est responsio ad praedicta.

Hieron. in  
epist. aduer-  
sus vigilan-  
tium.

His autem, quae praedicta sunt conatus est aliquis multipliciter aduersari, quaedam ex eis refellere volens, tamquam impertinentia, quaedam ut falsa; quaedam ut inconsequentia, quaedam ut dubia, plurima autem ex eis, tamquam doctrinae Apostolicae inimica. Hoc autem facit respondendo cuidam quaestioni minus sufficienter post collectam in scholis, salua gratia colligentis, sicut melius potest apparere in praenominata quaestione. Primum igitur, impertinentia reputat quaecumque inducimus de discipulis Christi ad praedicandum missis, quia illis data erat auctoritas necessaria accipiendi, non ex mendicitate, sed ex potestate. Qui autem praedicant absque auctoritate, pseudo sunt, & ideo neutro modo, nec ex auctoritate, nec ex mendicitate petere debent. Et si dicatur, quod tales a Papa, & ab Episcopis missi sunt, dicit, quod ab Episcopis sunt pascendi, extra

A de officio iudicis ordinarij, Inter cetera. Fuit igitur data forma praedicantibus ex officio, & auctoritate, sed ad tempus, ut impedimenta amouerentur, & ideo auctoritates, tam textus, quam Glossarum in hoc casu impertinentes videntur ad propositum, secundum eum qui quaestioni praedictae videtur aduersari.

Huius autem obuiationis apparentiam sophisticam facile est detegere, si quis intelligat radicem potestatis in Apostolis, & Praelatis, & nuntijs destinatis ab Apostolis. Certum est enim quod haec radicaliter fuit in Christo secundum quod dicit Apostolus,

B quod erat Apostolus per Iesum Christum, & dicit Gal. 1. a  
Dominus: Sicut misit me Pater, &c. Dedit autem Christus Apostolis eos mittendo duplicem potestatem, scilicet praedicandi, & exigendi sustentationem suam. Et has potestates constat esse distinctas, quia cum Episcopus possit semel in anno procuraciones suas in vno loco exigere, potest tamen cum voluerit praedicare. Igitur summus Pontifex qui Christi locum tenet in terris, potest vtrumque simul dare, potest, & vnam ab alia separare. Quoniam ergo Summus Pontifex, & Praelati non possunt omnia, quae ad eos spectant exercere personaliter per seipsos propter diffusos populos sibi subiectos, ordinavit Spiritus sanctus in regimine Ecclesiae, ut ipse mitteret aliquando legatos, qui vtramque haberent potestatem. Et rursus ne particulares ecclesiae grauarentur, ordinavit ut Episcopi mitterent personas idoneas ad praedicandum, & confessiones audiendum, quibus etiam ipsi prouiderent, Extra de officio iudicis ordinarij, Inter cetera. Ordinavit etiam, ut ipse cum Praelatis mitteret pauperes voluntarios, & peritos, quibus nec ipsi essent astricti ad exhibendum, ne grauarentur multitudinis sumptuum, nec potestatem haberent ad exactiorem procuracionum, propter tollendam grauem

C men subditorum, & ita qui humiliter incederent tamquam pauperes, & contenti modicis, & sola necessaria suscipientes, & necessitatem suam cum opus esset humiliter insinuantibus his qui voluntarie sine grauamine, & cum hilaritate supportare & releuare, & possent, & vellent. Vnde sicut decretum de officio iudicis ordinarij a Sede Apostolica emanauit, sic & confirmatio ordinis, & regulae huiusmodi pauperum praedicantium veritatem, Extra de excessibus Praelatorum; Nimis praua, ut habitum est supra. Nec hoc factum est in praedictum, sed potius in adiutorium parochialium sacerdotum. Nec ex hoc Ecclesia profuitur, si Curatis Deus prouiderit adiutorium, ut animas sibi commissas quarum habent curam, ab omni corruptione peccati perfectius custodiant incorruptas, adminiculantibus sibi viris spiritualibus, non ut dominis, vel curam habentibus, sed potius velut seruis per charitatem Christi. Tales igitur, quia missi praedicant in humilitate, & paupertate, similes sunt viris Apostolicis, non pseudoprophetae: Quia vero non habent illam plenitudinem auctoritatis, quam habent Praelati, & habuerunt Apostoli, ideo inter opitulationes numerandi sunt, dicente Paulo: Posuit Deus in Ecclesia primum Apostolos, secundo

D Prophetas, tertio Doctores, deinde Virtutes, exinde opitulationes, &c. Glossa: Opitulationes, id est eos qui maioribus ferunt opes, ut Titus Apostolo, & Archidiaconi Episcopis. Inter eos etiam numerari possunt, quos Pastor Ecclesiae Dei statuit opem alijs ferre. Et ideo ego dixi iuxta morem sermonis Theologici, qui dicit subauctoritatem esse in eo, qui mittitur, quod subauctoritatem habent non ad excusandas excusationes in peccatis, ut mihi imponitur, sed potius ad intelligentiam veritatis. Forma igitur praescripta Apostolis, debet, & potest competere istis. Quod enim dicitur quod fuit temporalis, cum ex Scripturis auctoritatem non habeat eadem facilitate contemnitur, quae probatur. Rursus si conueniens fuit

E Posuit Deus in Ecclesia primum Apostolos, secundo Prophetas, tertio Doctores, deinde Virtutes, exinde opitulationes, &c. Glossa: Opitulationes, id est eos qui maioribus ferunt opes, ut Titus Apostolo, & Archidiaconi Episcopis. Inter eos etiam numerari possunt, quos Pastor Ecclesiae Dei statuit opem alijs ferre. Et ideo ego dixi iuxta morem sermonis Theologici, qui dicit subauctoritatem esse in eo, qui mittitur, quod subauctoritatem habent non ad excusandas excusationes in peccatis, ut mihi imponitur, sed potius ad intelligentiam veritatis. Forma igitur praescripta Apostolis, debet, & potest competere istis. Quod enim dicitur quod fuit temporalis, cum ex Scripturis auctoritatem non habeat eadem facilitate contemnitur, quae probatur. Rursus si conueniens fuit

1. Cor. 12. a  
& b. &  
Ephes. 4. b

fuit forma in Ecclesia primitiua, quare non similiter in finali, quantum ad eos, qui Apostolos in hac forma imitari volunt. Non enim dico, quod vniuersalis Ecclesia in omnibus ad paupertatem reducenda sit, sicut rabies mihi imponitur, sicut ex verbis meis superius apparet; sed qui volunt possunt Apostolorum imitari perfectionem, & paupertatis altitudinem. Vnde exemplo Apostolorum ex verbis Euangelij in Ecclesia recitatis incitatus fuit beatus Franciscus ad aggrediendum huiusmodi modum viuendi, sicut ex legenda sua clarius elucescit. Quod igitur super illa verba ordo huiusmodi fundatus est, non sunt illa impertinentia, sed per omnem modum pertinētia, tamquam huius modi viuendi stabilissima fundamenta. Sunt igitur tales suscipiendi, quia proficiuntur, ut pauperes pro nomine Christi, sicut in Canonica Ioannis dicitur, quod qui tales recipiunt, sunt cooperatores veritatis. Igitur qui talibus aduersantur, & eos non recipiunt, vel non suscipiendos dicunt, similes sunt Diotrefi, de quo dicit Glossa, quod hæresarcha etiā fuit illius temporis, cuius doctrina & secta procul sit ab omnibus Christianis.

3. Ioan. 1. c

Refellere conatur aliqua sicut falsa. Nam falsum esse asserit, quod Christus aliquid petierit ut mendicus. Nam etsi mendicus dicatur in Psalmis. hoc dicitur in quantum petijt a Patre, vel in quantum assumpsit nostras infirmitates. Si dicatur a Samaritana petijisse aquam, & a Zachæo hospitium, hoc non fuit ex mendicitate, sed ex auctoritate, vel vrbantate. Et rursus si etiam mendicasset ad consequentiam trahendum non esset. falsum esse nihilominus dicit, quod aliqua mendicatio sit voluntaria, immo omnis debet esse inuita & coacta. Hanc autem obuiationē, quæ falsitatem veritati impingit, facile est de falsitate conuincere, si quis veritatē pie velit audire. Nam quod Christus fuit mendicus, & textus propheticus, & Glossæ testantur, & quod petierit ut mendicus, sicut allegatum fuit in opponendo in secunda Glossa, & similiter in Psalmo illo: Deus in adiutoriū meum intende. Super illud: Ego veto egenus, & pauper sum, dicit Glossa: Assumit iste sibi verba Dei, quæ in præcedenti Psalmo, hæc eadem de se dixit, quasi diceret: Illi qui quarunt animam meam sunt diuites; sed ego sum egenus, id est petens, & pauper, id est insufficiens mihi, quia & mundanas copias non habet, & intus vbi est diues semper ambit, desiderat, & accipit. Secundum hanc constat, quod Christus fuit egenus & pauper, & petens ut egenus, non a Patre tantum, tunc enim omnes hoc modo essent mendici, & nulli diuites etiam habentes copias, quod est contra Glossam. Præterea Christus adhuc petit a Patre, Angeli petunt, & Sancti comprehensores, sed tamen non dicuntur mendici. Ex quo igitur testimonio tam expresso textus hic dicit, & Glossa consentit, & nulla auctoritas contradicit, quare non fatebimur, quod Christus ut mendicus petierit? Fatemur enim eum fuisse virginem, & vxore caruisse, licet Scriptura de hoc non faciat mentionem. Euangelium etiam exprimit quod petijt & potum, & hospitium, & constat quod non ex imperio, & dominio, & auctoritate: quia tunc exemplum paupertatis non dedisset. falsum etiam dixisset, quod non haberet vbi caput suum reclinaret, cum haberet subditos, a quibus posset procuraciones exigere, & minus iuste egisset in hoc, quod prædicabat in Hierusalem, & pascebatur in Bethania, alibi faciens fructus, & prædicans, & alibi accipiens emolumentum. Sed dices, quod petijt ex vrbantate. Sed numquid Christus accepit paupertatem ad docendam vrbantatem? numquid propter curialitates humanas docendas fieri voluit egenus & pauper? numquid se magistrum vocat curialitatis, & non magis humilitatis? Discite a me, inquit ipse, quia mitis sum, & humilis corde. Petijt igitur ex humilitate, quod opportunum erat ad releuandum suam indigentiam, ac per

Psal. 69. a

Mat. 11. d

S. Bon. Tom. 7. Pars iij.

hoc ut mendicus pauper. Et constat, quod hanc indigentiam non habuit nisi quia voluit, nec petijt, nisi quia voluit: quia lapides in aurum cum voluit conuertere potuit, sicut discipulus eius fecit Ioannes Euangelista, illis mendicare, & egere volentibus, & euangelizantibus, qui conuersi fuerant retro, qui postmodum mendicitatem, & paupertatem gemmis pretiosis prætulerunt. ac per hoc constat, quod Christi & eius sequacium est voluntarie mendicare, alioquin minime mererentur in hac mendicatione & paupertate. Nam absurdum est dicere, quod paupertas & egestas sint voluntariæ, & mendicatio ex ipsa procedens sit coacta. Si ergo in Christo fuit ex paupertate, & humilitate, & voluntaria, quare non est trahenda ad consequentiam, cum ipse dicat: Discite a me, quia mitis sum, & humilis corde? Cum etiam ceteros volentes ad summum apicem perfectionis venire, inuitet ad sequendum se per huiusmodi paupertatem? Vade, inquit, & vende, &c. Et Apostolus dicat: Scitis gratiam Domini nostri Iesu Christi. Et post consilium, dicit Glossa, ut eius paupertatem imitemini, cum etiam ista sit perfectio, quæ omnibus communiter proponitur, & dicitur: Qui potest capere capiat? cū Augustinus super Ioannem dicat: In omnibus, quæ Christus gessit ut homo, hominibus in se credituris præbebat exemplum? Cum Hieronymus dicat, quod etiam si in miraculis non sit a nobis imitandus, in his quæ humiliter gessit imitandus est a nobis? cum etiam ipse fuerit vniuersalis forma virtutum in actibus suis. Vnde Augustinus de vera religione: Nullum peccatum committi potest, nisi dum appetuntur ea, quæ ille contempsit, aut fugiuntur, quæ ille sustinuit. Tota itaque vita eius in terris per hominem, quem suscipere dignatus est, disciplina morum fuit. Quis igitur audeat dicere, quod non sit trahenda ad consequentiam, nisi qui audeat dicere, quod Christo non debetur imitatio in his quæ humiliter gessit? Hoc autē si dicimus quidquid sanctitatis, virtutis, & perfectionis est, & religio Christiana confunditur, & subvertitur, & etiam eneruatur, quia qua ratione de hoc dicitur, eadem ratione, & de alijs exemplis virtutum dici poterit. absit autem hoc ab omnibus cordibus Christianis.

Mat. 11. d

Mat. 19. c

2. Cor. 8. b

Refellere nititur nihilominus aliqua sicut in consequentia. Dicit enim quod non sequitur, quod quauis egestas sit conueniens perfectioni Sanctorum, quod propter hoc & mendicitas, quæ egestatem aliquando concomitatur, quod similiter posset argui de manducatione filiorum, & de furtis, & rapinis, quæ ex egestate & paupertate pluries subsequuntur. Inconsequens etiam dicit, quod licet beatus Benedictus fuit perfectus, & propterea accipiendo ab illo Romano elemosynas quotidianas opus egerit ad perfectionē spectās, quia perfectus multa facit quæ ad perfectionem non spectant, sicut comedere, egerere, & cetera consimilia. Inconsequens etiam dicit, quod licet seipsum vilificare, & humiliare pro Christo sit bonū, quod propter hoc humiliare se mendicando sit bonum: quia mendicare non est seipsum humiliare, sed sui curam agere. Et iterum meretrix seipsam vilificat prostituendo, nec tamen in hoc placet Domino: pari modo nec vilificatio, qua quis se vilificat mendicando. Has autem instantias fœdas, quia fœda proponit exempla, & mendicitatem fœdare nititur, facile est spiritali viro respuere tamquam fœdas, falsas, & fictas. Inuenimus enim viros Christianos, & perfectos in suis legendis non laudari de crudelitibus in manducandis hominibus, vel de cupiditatibus in prædis agendis, vel de egestionibus, fornicationibus, & huiusmodi similibus; laudari autem, & prædicari inueniuntur, quod in tanta penuria viuere elegerunt, quod non habebant victum neque vestitum, nec habere volebant tamquam diuites, sed potius mendicare humiliter tamquam pauperes, & despecti, sicut

Gregor. 2.  
Dial. 6. 1.

L1 3 apparet

apparet in exemplis supra introductis. Nam quod ad egestatem sequatur comestio filiorum, hoc est contra ordinem naturæ; quod sequatur furtum, & rapina, hoc est contra ordinem morum & iustitiæ. Quod autem sequatur insinuatio suæ necessitatis ad proximum, & postulatio subsidij pro amore Dei, hoc est secundum ordinem charitatis, & pietatis tam naturalis, quam etiam gratiæ & spiritualis. Nam omnis lex mandat proximum a proximo foueri & releuari. Quomodo igitur simile est de hoc quod ordinem peruerit, & est secundum ordinem rectum, iustum, ad hoc quod sit secundum ordinem rectum, iustum, & bonum charitativum, & pium? Laudatur igitur Romanus monachus, quia secundum legem charitatis beato Benedicto procurabat, & Benedictus, qui humillime suscipiebat. Nusquam autem inuenies eum laudatum, quia egerebat, & stercorezabat. hoc enim valde est abominabile in medium introducere, cum agitur de laudibus Sanctorum. Laudatur enim mendicans, licet curam sui agat, non quia hoc facit qualitercumque, sed quia facit humillime. Vnde sicut sobrie comedere est actus virtutis, licet comedere sit curam sui agere, sic & in proposito intelligendum est. Vnde Chrysostomus super Matthæum loquens de pueris sanctis, qui erant in palatio Regis Babylonis, ait sic: Sancti itaque existentes & iusti, decies millies elegerint mendicare domi, & eis, quæ in templo erant potiri bonis. Elegi enim, ait, abiectus esse in domo Dei mei, magis quàm habitare in tabernaculis peccatorum. Decies millies itaque elegerint abiecti esse domi, quàm regnare in Babylonia. Est ergo in mendicatione humiliatio, & vilificatio sui Deo accepta, alioquin a sanctis pueris non esset eligenda. Eligitur autem eo quod cura sit sui cum humilitate sua. Illi autem, qui curam carnis suæ agunt in desiderijs, & concupiscentijs, illi proculdubio non laudantur, sicut meretrix quæ seipsam prostituit amore pecuniæ, vel feruore libidinis. Sed absit hoc a fidelium cordibus, vt humiliatio virorum spiritualium in mendicatione sit similis vilificationi meretricis in sui prostitutione. Nam membra Christi non sunt tollenda, vt fiant membra meretricis. Christus autem de se in forma serui, & etiam pro suis membris dicit: Ego sum mendicus, & pauper, Dominus autem sollicitus est mei. Quod nequaquam diceret, nisi esse mendicum pro Christo adeo placeret Deo, vt Deum faciat gerere curam nostri specialissimam, sicut gerit pater de filiis, quod de meretricibus & meretricantibus sentire procul sit ab auribus & mentibus Christianis.

Chrys. homil. 4. super Mattheum, longe post med.

Psal. 39. d

Refellere nihilominus conatur aliqua alia velut dubia. Nam ad illud, quod dicitur de beato Alexio, quod mendicauit, & Francisco, quod miraculis hoc confirmauit, responder, Proba tamquam dubia & incerta, addens quod etiam si miracula essent facta, non esset adhuc certum, quia multi mali miracula faciunt, & quod de panibus etiam furtim sublati possent miracula fieri, nec tamen ex hoc constaret, quod bonum esset furari. Dubium etiam dicit, quod Romana Ecclesia approbauerit mendicationem, quia si hoc faceret, errare cōuinceretur: similiter & si imponeretur in pœnam satisfactionis erraret, & hoc dicit nullatenus esse credendum. Huic autem obiectioni per dubitationem se protegenti, sine dubio resistendum est. Nam si in dubium reuocetur, quod legitur in legenda sancti Alexij, & legenda beati Francisci, pari ratione in dubium venit, quidquid legitur in legendis aliorum Sanctorum, ergo omnia exempla virtutum & gesta Sanctorum, iam reuocantur in dubium. Sed dubia imitari vel credere periculosum est, ac per hoc perit fides, deuotio, & reuerentia, quæ habetur in Sanctis, si in dubium reuocentur cetera quæ narrantur de ipsis. Rursus si miracula quæ fecerunt non sunt testimonia efficacia ad sanctitatem

A eorum astruendam, stultizat hodie Ecclesia, quæ propter testimonia miraculorum, Sanctos canonizat, & catalogo Sanctorum ascribit. Postremo quis unquam audiuit, quod Deus per furem panem furtim acceptum multiplicaret ad aliorum salutem? Audiuius tamen per mendicum pauperem, panem quem mendicando acquisierat multipliciter augmentasse. Quod si dicas, hoc speciale fuisse priuilegium, & familiari sancti Spiritus consilio esse factum, quomodo hoc alijs tradidit in legem, & regulam, in qua eos ad mendicationem inuitat, si sibi soli pro se solo est inspirata? Si dicas, quod ex proprio capite non per inspirationem, quomodo non potest esse damnatus, qui ad actum reprehensibilem, tamquam ad actum moris, & perfectionis, temerarie inuitauit? Quomodo etiam sedes Romana de consensu Cardinalium hoc approbavit? Quod si dicas hoc non esse credendum, quod mendicatem alicui imponat in pœnam, vel quod approbet pro regula, & vita sancta. Quod mendicatem peregrinationis imponat, habetur de pœnitentia, vbi dicitur de sacerdote, qui reuelabat confessiones, quod deponatur, & omni tempore vitæ suæ ignominiosus peregrinando pergat. sed si viueret de labore honesto, vel de sumptibus proprijs non pergeret vt vilis, sed potius vt honorabilis. Restat igitur, quod imponit, quod vadat vt mendicus. Quod autem pro regula approbet, patet per illud scriptum superius allegatum de excessibus prælatorum. Nimis praua: vbi dicitur, quod ordinem, & regulam Prædicatorum, & Minorum sedes Apostolica noscitur approbasse. Patet etiam per regulam beati Francisci a domino Honorio approbatam, & confirmatam, vbi dicitur, quod vadant fratres pro eleemosyna confidenter. Sed si errauit hoc approbando, & constat eum hoc approbasse, & confirmasse; constat etiam quod vniuersalis Ecclesia per totum mundum huiusmodi ordines, & status acceptat: concludendum est ergo secundum dictum huius hominis vnius, quod vniuersalis Ecclesia tota errauit, & decepta fuit, & qui huiusmodi statum erroneum inuenerunt & approbauerunt, omnes damnati sunt, quod est horribilissimum, & incredibilissimum, quod Deus permetteret errare vniuersaliter populum sanctum suum, & tantam multitudinem sapientium, qui hæc tempora præcesserunt. Quis autem tam sapiens, & tam iustus, vt audeat ceteros præter se iudicare fuisse deceptos & reprobos? mira est hæc sapientia, quæ omnium ostendit insipientiam: & mira iustitia, quæ ceteros condemnat. Quod si hoc non sapientia, sed potius temeritas, sedem Apostolicam velle iudicare, quæ a solo Deo iudicatur, & eius iudicium, & sententiam reprobare, & tot viros sanctos in infernum retrudere, & in barathrum damnationis, procul ergo hæc fiât a cordibus fidelibus, & Christianis.

Refellere etiam conatur plurima, immo fere omnia tamquam doctrinæ Apostolicæ inimica, pro eo, quod dicit mendicationem ab Apostolo esse prohibitam, tamquam malam, & tantum in casu esse concessam. Dicit etiam me fuisse mentitum, & contra Scripturam, & Apostolū defendisse falsum, & defendere in hoc, quod dicit, me dixisse, quod laborare opere manuali non sit præceptum. Dicit igitur, quod mendicare non est indifferens, sed malum; & ideo propter adiectionem circumstantiæ fieri nequaquam potest bonum, immo, quod plus est, in prædicatibus asserit esse simoniacum. Hoc autem suæ positionis fundamentum frequentius iteratum, facile est aduertere esse ruinosum, cum omni eo, quod superædificatur. Nam si mendicare prohibitum est, & mendicare peccare; ergo esse mendicum est esse peccatorem. Cum ergo Christus se dicat mendicum, immo Propheta in persona Christi, faretur ergo Christus se esse peccatorem, quod dicere vel credere non paruum est flagitium, vel peccatum. Rursus



2. Cor. 8. b

Chrys. su-  
per Matth.  
homil. 70.  
cir. ff.

1. Cor. 16. a

Gal. 2. b

2. Thess. 3. c

1. Thess. 4. b

Ephes. 4. f

Aug lib. de  
oper. Mon.  
6. 25. 20. 3.

Rursus si mendicare peccare est, mendicitas peccatum est siue mendicatio. Sed super illud, ut eius inopia vos diuites essetis, Glossa dicit: Nemo se contemnat, pauper in cella, diues in conscientia securior dormit in terra, quam auro diues in purpura. Non expauescas ergo cum tua mendicitate ad illum accedere, qui indutus est nostra paupertate, ubi se pauperavit, nos ditauit. Ergo mendicitas disponit, non retrahit a diuino accessu. constat igitur quod non est peccatum. Amplius Chrysostomus dicit: Mendicare in nullo offendit Deum. furari autem siue rapere offendit Deum, & hominem. Hoc etiam patet per auctoritatem Chrysostomi superius allegatam de homil. quarta super Matthæum. Non ergo est ab Apostolo prohibitum, nec inuenitur alicubi hoc Apostolum prohibuisse, sed potius cum suis coapostolis commendasse. Nam & prædicaui, & procurauit quod collectæ fierent in pauperes sanctorum, qui erant in Hierusalem, sicut eleemosynæ eis gratis impensæ. & dicit quod Petrus, & Iacobus dexteram dederunt mihi, & Barnabæ societatis, ut nos in Gentibus, ipsi in circumcissione, tantum ut pauperum memores essemus. Glossa: Pauperum, qui rerum suarum venditarum pretium ad pedes Apostolorum posuerant, memores essemus, ad opus illorum faciendo collectas. Si ergo Apostolus simoniacus non erat in hoc quod collectas petebat, & discipulos mittebat ad hoc ut peterent eleemosynas ab his, quibus spiritualia seminauerat, pro pauperibus qui erant in Hierusalem. Si summus Pontifex ordines statuatur pauperes, qui spiritualia seminant, & de eorum quos ædificant verbo & exemplo eleemosynis gratuitis petitis, seu vi tro oblatis uiuant, ab Apostolo in nullo prorsus discordat, quin potius concordat, cum tantam sicut ipse, & maiorem potestatem habeat in gubernando, & disponendo ipsius Ecclesiæ membra. Sed obijcies, quod Apostolus præcepit laborem corporale in textu, & glossæ videntur dicere, quod hoc facit contra mendicitatem. Sed ad hoc est plana responsio. Est quod Apostolus laborem huiusmodi manuum præcipiat, quod numquam negauit, sicut apparet in verbis meis, sed quod hoc non vniuersaliter præcipit seruis Christi, nisi forte in articulo necessitatis, in quo non patet licita via habendi victum, nisi per laborem manuum, sed præcipit personis determinatis, secundum quod apparet ex textu. Audiuius quosdam inter vos ambulantes inquiete, nihil operantes, sed curiose agentes, his autem qui eiusmodi sunt denuntiamus, & obsecramus in Domino Iesu Christo, ut cum silentio operantes suum panem manducant. Et paulo ante: Denuntiamus ne subtrahatis vos, & cetera. Glossa: Incipit hic de curiosis & otiosis, monens ut corrigantur. Pater ergo ex serie textus, & ex Glossa quod mandatum illud se extendit ad curiosos, & otiosos. Similiter: Rogamus vos fratres ut operam detis, ut quieti sitis, & operemini manibus vestris, sicut præcipimus vobis. Glossa: Operemini, quod adiuuat vos quietos esse. Illud enim malum de otio venit. Et hoc etiam patet quod hoc dictum ad otium vitandum, pigritiam tollendam, quæ est sentina desideriorum, & fomentum peccatorum. Vnde alibi ait: Qui furabatur, iam non furetur, magis autem laboret operando manibus suis, &c. Ex hoc igitur patet, quod labor non omnibus præcipitur, ac per hoc non inhibetur mendicatio, nisi illa quæ venit ex otio & cupiditate, secundum quod insinuat textus & glossa. Sed obijcies de Augustino de opere Monachorum, qui loquebatur ad Monachos, qui spiritualibus erant exercitijs occupati & intenti, non otiosi, & illis dicit, quod ad huiusmodi opera sunt astricti. Ad hoc apparet manifesta responsio, si attendatur conclusio circa finem, qua confutat eorum positionem, qui repudiabant operationem corporalem, in quo male sentiebant, ibi: Quamobrem illi qui re-

Alia, siue ampla, siue qualicumque opulencia inter pauperes Christi viuere voluerint, si corpore valent, & ab Ecclesiasticis occupationibus vacant, sed manibus operantur, misericordius agunt, quam cum omnia sua indigentibus diuiserunt. Quod si nolunt, quis audeat cogere? Illi autem qui præter istam sanctam societatem vitam labore corporis transigebant, si non laborant, non manducant. Apparent igitur qui sunt astricti, scilicet validi & fortes, & qui ab Ecclesiasticis occupationibus vacant, & qui vitam in sæculo de labore corporis transigebant, & tales multi erant inter illos monachos, & plures erant in exordio Religionis Minorum fratrum, & ideo ad labores arctandi. Nunc autem comparatione aliorum paucissimi sunt tales, & ideo non est contra Apostolum, si talibus conceditur simpliciter mendicare, maxime cum talis actus non sit multum appetibilis, nec delectabilis, nec honorabilis, immo repletus multis vilitatibus, & miserijs, ad quem nullius valentis viri cor posset inclinari, nisi in spe præmij, & amore Christi, & desiderio proficiendi, cum adiutorio gratiæ Spiritus sancti, sine qua vix credo posset diues ad tantæ abiectionis incòmodum inclinari. Nec tales grauant populum Domini, & Ecclesiam, maxime si nihil ultra necessaria petant, quia multo plura expenderent, & consumerent de eleemosynis pauperum, si clerici in sæculo in beneficijs præbendalibus remansissent, nec tunc quando modicum intenderent spiritualibus operibus, etiam in diuitijs præcluderetur via salutis. Absit igitur, quod nunc præcludatur in tanta arctitudine paupertatis.

Ex Iam dictis in hac quæstione de paupertate, ut cetera recolligamus in summa, apparet, quod sicut mendicare in pauperibus debilibus & infirmis est necessitas naturæ, in validis otiosis, & cupidis est vitiositas culpæ; sic in pauperibus voluntarijs contemptoribus sui, & imitatoribus Christi, & prædicatoribus Euangelij est actus consonans, non repugnans Euangelicæ perfectioni, pro eo quod omnibus vniuersaliter renuntiare, nullam rem sibi appropriando, est consilium a Domino ut perfectum; eleemosynas accipere, iustis pauperibus est concessum tamquam licitum, & in nullo perfectionis Euangelicæ inimicum; eleemosynas etiam humiliter petere, pauperibus voluntarijs non est inhibendum tamquam malum; vitam suam de lucro laboris sui transigere, non omnibus validis pauperibus iniunctum tamquam præceptum necessario astrictiuum. Si quis ergo impugnat rerum temporalium vniuersalem abrenuntiationem, impugnat Christum pauperem, crucifixum, impugnat Euangelicum consilium, impugnat cœtum Apostolorum dicentium, Ecce nos reliquimus omnia; impugnat etiam Spiritum sanctum, qui hoc inspirat, & iuggerit cordibus perfectorum; impugnat, & ipsum Deum Patrem vniuersorum, qui est refugium pauperum; impugnat denique regnum cælorum, totum vniuersum, cuius dominium pauperi est concessum, dicente Domino: Beati pauperes spiritu, quoniam ipsorum est regnum cælorum. Et ideo contra talem insensatum, necesse est ut pugnet orbis terrarum. Qui autem impugnat eleemosynarum acceptionem, & Christum impugnat, qui stipendium accipiebat a mulieribus sibi seruientibus, & se imitantibus; & cœtum Apostolorum, qui & ipsi eleemosynas accipiebant, quæ ponebantur ad pedes eorum, & statum monachorum qui super eleemosynas fundati sunt, & vniuersum Clerum; nam & ipsi de eleemosynis viuunt, quæ vltro Ecclesijs Christi collatæ sunt, & per consequens communem pauperum statum, quem tamen Scripturæ diuine indicant Deo maxime esse acceptum. Qui vero impugnat humilem eleemosynarum petitionem in eis qui egent, & licite possunt accipere: impugnat Christum, qui humiliter petiit hospitium, qui se facit esse mendicum:

Epilogus huius quæstionis.

Matt. 19. d

Matt. 5. a

Luc. 7. & 8. f  
\* Inuitatibus  
Act. 4. g

cum : impugnat & Paulum , qui petijt collectas fieri A pauperibus sanctis , & hoc de voluntate Petri : impugnat vinculum charitatis , quod facit communicari in ratione dati & accepti : impugnat officium humanitatis , per quam indigens exponit necessitatem suā , ne sibi sit inhumanus , & alium excitat , qui potest , & vult vt proximo sit humanus , & pius , & in hoc nullus offenditur , nulli præiudicatur , nihil inordinate concupiscitur , nihil indebite aufertur in eis præcipue qui non quærunt datum , sed fructum . Qui autem impugnat otiositatem , cupiditatem , carnalitatem , & superfluitatem , in ceteris Christianis , & præcipue in religiosis , bene facit & recte , si tamen secundum ordinem rectum procedat : qui autem vniuersaliter omnibus validis onus imponit lucratiui laboris , de quo debeant sustentari , præceptum Apostoli nimis ampliat , & iugum seruitutis super Christi seruos nimium aggrauat , spirituales viros a spiritualibus occupationibus , & laboribus retardat in periculum salutis animarum , dum magis facit eos sollicitos de suis morituris corporibus pascendis , quam de proximorum animis Domino acquirendis . Quod si fiat , decimatur menta & cyminum , & relinquantur quæ grauiora sunt , legis iudicium , & misericordia . præfertur misericordia corporalis spirituali , ac per hoc corpus spiritui præfertur , priuatum commodum vtilitati communi , quæ specialiter consistit in ædificatione populi Christi in eleemosynis , in documentis , & animarum consilijs , ad quæ misit Deus istos ordines postremos per Summum Pontificem , & Prælatos . ad quæ si quis dicat eos missos , manifeste obuiat veritati , cum expressa ad hoc testimonia habeantur , tam in regula , quam in priuilegio & institutione , & approbatione huius duplicis ordinis . Si autem dicat non debere mitti , detrahit Euangelicæ sanctitati . Quis enim magis idoneus ad hoc , quam qui deuouit Euangelicam perfectionem . Si quis dicat eos a Papa , & Episcopis non posse mitti , derogat Apostolicæ auctoritati , & potestati clauium in Prælatis , & plenitudini potestatis in summo Pontifice , qui in terris ( vt Scriptura asserit , fides sentit , iura testantur , rationes etiam irrefragabiles conuincunt ) caput vnum & summum , & sponsus vnicus , & hierarcha præcipuus , in quo etiam totus Ecclesiæ militantis status , obtinet locum Christi . Ideo omne genu debet ei curuari , & Principum & Prælatorum & clericorum & laicorum , & religiosorum in terris ad instar Christi in cælis , cui omne genu flectitur , cælestium , terrestrium , & infernorum . Quod mendicare pro Christo sit opus perfectionis Euangelicæ , multiplex astruit auctoritas . Nam Hieronymus in epistola de morte Fabiolæ commendans de hoc dicit sic : Oblita sui sexus , fragilitatis immemor , ac solitudinis tantum cupida , ibi erat , vbi animo morabatur . Non poterat teneri consilij amicorum , & ita ex vrbe , quasi de vinculis gestiebat erumpere . Dispensationem pecuniæ , & cautam distributionem genus infidelitatis vocabat . Non alijs distributionem eleemosynarum tribuere , sed suis pariter effusis , ipsa pro Christo stipes optabat accipere . Item Hieronymus ad Furiam : Quotiescumque manum extendis , Christum cogita . caue ne mendicante Domino Deo tuo alienas opes augeas . Idem super Psalmos tractans illud verbum : Persecutus est hominē inopem , & mendicum , dicit sic : Qui cum esset diues propter nose genus factus est . Dominus inopem se dicit , & mendicū , & quis in diuitijs suis gloriatur ? Habetis consolationē pauperes , & Dominus vobiscum pauper est . Idem super Psalmum , qui dat escam esurientibus , dicit : Monachus qui non habet , confidenter accipiat ; qui habet & eructans est , non accipiat . Scis quia esuris , scis quia non habes , magnum est beneficium , si accipis quod tribuitur tibi . si autem habes & non esuris , non debes cibum esurientium accipere saturatus . ac-

Hieron. de morte Fabiola epist. 30. post med.

Idem ad Fur. ep. 20. post med. Psal. 108. b

Ps. 145. b

cipe quod in ventrem mittas , non quod in sacculum : accipe tunicam quæ corpus tegat , non quæ arcas impleat . Item hoc ipsum astruit Chrysostomus loquens de tribus pueris existentibus in Babylone : Ne enim mihi eos , quos in regalibus attrijs inuenerunt honores , dicas . Sancti enim existentes , & iusti decies milies vtique elegissent mendicare domi , & eis quæ in templo erant bonis potiri . Elegi enim , ait , abiectus esse in Domo Dei , magis quam habitare in tabernaculis peccatorum . Idem alibi dicit : Quando videris pauperem , recordare verborum per quæ significabat , quoniam ipse sit qui cibatur . Etsi enim in eo quod apparet non est Christus , sed in hoc schemate ipse accipit , & mendicat . Sed verecundaris audiens , quoniam mendicat Christus . Verecundare cum mendicanti non das . Hoc enim est verecundia , hoc supplicium & tormentum . Mendicare enim eum , eius bonitatis est signum , & ideo in eo nos ornari oportet . Item dicit : Melius est mendicare quam rapere . hoc quidem scilicet mendicare in nullo offendit Deum ; illud autem offendit Deum , & homines . His etiam manifeste concordat Bernardus in homilia super illud Lucæ : Cum esset Iesus annorum duodecim quærens vbi Christus fuit in triduo , dicit sic : Per illud triduum vbi eras bone Iesu ? quis tibi cibum ministravit , aut potum ? quis detraxit calceamenta ? quis membra puerilia fouit vnguentis ? vbi ergo eras Domine ? An vt te per omnia conformares nostræ paupertati , & omnes in te humanas miseras miseras susciperes , quasi vnus ex turba pauperum stipem per ostia medicabas ? Quis dabit me buccellarum illarum mendicatarum participem fieri , & factē diuini illius edulij reliquijs saginari ? Item Glossa super illud Pauli : Qui cum esset diues , &c . Nemo se contemnat , pauper in cella , diues in conscientia , securior dormit in terra , quam diues auro in purpura . Non ergo expauescas cum tua mendicitate ad illum accedere , qui indurus est nostra paupertate , vbi se pauperavit , nos dirauit . Amen .

Chrys. hom. mil. 4. super Matt. longe post med. Psal. 83. d

Idem hom. mil. 88. super Matt. b

Idem hom. mil. 70. circa fin. Ber. homil. in Euang. Luc. 2. Dominicus. infr. 82. Epiph.

2. Cor. 8. b

## QUESTIO II.

*Vtrum pauperes validi , & maxime regulares ad opera manualia vniuersaliter sint astricti .*

MAGISTER GUILIELMVS .

Q Væritur vtrum pauperes validi , & maxime regulares , ad opera manualia vniuersaliter sint astricti ? Et quod sic , ostenditur primo ex vinculo legis naturæ , scriptum est enim : Posuit Deus hominem in paradiso vt operetur . Item : In sudore vultus tui vesceris pane tuo . ergo præceptum de laborando respicit hominem secundum naturam institutam , & secundum naturam lapsam : ergo secundum omnia tempora . sed maxime respicit hominem , qui potest per se ipsum , & non potest supplere per alium . talis autem est pauper validus . ergo talis tenetur ad manualiter laborandum .

Item in Zacharia dicitur : Homo agricola ego sum , quia Adam exemplum meum , Glossa : Vt comedam panem meum in sudore vultus , dum ille se ostenderet natum ad hoc , vt in sudore vultus comederet panem . sed hoc maxime conuenit ei , qui indiget pane , & potest laborare . & talis est validus pauper . ergo , &c .

Item ad ea sine quibus non potest natura subsistere , sumus naturaliter obligati : sed sine labore corporali , siue manuali non potest genus humanum in esse conseruari . ergo ad hoc necessario aliqui obligantur . Sed non nisi illi qui sunt idonei . Sed tales sunt pauperes validi , quia indigent , & possunt . ergo tales præcipue obligantur .

Item sicut os datum est homini ad manducandum , ita , & manus ad operandum . sed qui neglexerit comedere , cum indiget , si possit , facit contra dicta mea

Zach. 13. e

I I.

I I I.

I V.

men iuris naturalis. ergo pari ratione, qui neglexerit A  
operari manualiter, si indiget & valet. sed talis est  
pauper validus. ergo, &c.

V. Item hoc ipsum ostenditur ratione religionis Chri-  
stianæ, primo per Apostolicum præceptum, vbi di-  
cit: Qui furabatur iam non furetur, magis autem la-  
boret operando manibus suis, &c. Si dicas hoc esse  
consilium, contra ait Apostolus: Operamini manibus  
vestris sicut præcepimus vobis, vt honeste ambuletis  
ad eos, qui foris sunt, & nullius aliquid desideretis.  
Glossa: Nedum rogetis vel tollatis. Sed hoc maxime  
respicit pauperes. ergo, &c.

VI. Item hoc ipsum videtur per Apostolicum exem-  
plum, cum dicitur: Ipsi scitis quemadmodum oport-  
eat imitari nos, quia non inquieti fuimus inter vos,  
neque gratis panem manducauimus, sed in labore  
& fatione, &c. Glossa: Apostolus forma erat his,  
qui tenues erant in substantia in plebe, vt discerent  
libertatem suam non amittere. Qui enim ad alie-  
nam mensam frequenter conuenit otio deditus, adu-  
letur necesse est pascenti se. Cum religio nostra ad  
libertatem hominem vocet. ergo hoc est contra re-  
ligionem nostram.

VII. Item hoc ipsum videtur per Apostolicum edictum,  
vbi idem Apostolus ait: Cum essemus apud vos, hoc  
denuntiabamus vobis, quoniam si quis non vult ope-  
rari, non manducet. Sed constat, quod non loquitur,  
nisi de his, qui indigent refectioe. ergo, &c. Si di-  
cas, quod non intelligitur de labore corporali, contra  
hoc, quod ibidem dicit Glossa: Dicunt quidam de ope-  
ribus spiritualibus hoc Apostolum præcepisse, sed su-  
perflue conantur & sibi, & ceteris caliginem obdu-  
cere, vt quod intelligitur charitas monere, nõ solum  
facere nolit, sed nec intelligere. Sed forte dices, quod  
verba Apostoli intelliguntur dici ad curiosos, vagos,  
& otiosos, non ad Christi seruos spiritualibus occu-  
pato, cõtra super illud, Qui non laborat, Glossa, Vult  
Apostolus seruos Dei corporaliter operari, vt habeant  
vnde viuunt, vt non compellantur egestate necessaria  
petere. Sed serui dicuntur viri boni & iusti, & tali-  
bus præcipit operari, vt non compellantur mendica-  
re. ergo pauperes validi, &c.

VIII. Hoc ipsum ostenditur ratione professionis mona-  
sticæ. Primo per beatum Augustinum, qui per totum  
librum de opere monachorum intendit tamquam fi-  
nali conclusione ostendere, quod monachi astricti  
sunt ad opera manualia.

IX. Item Glossa super illud Lucæ: Vendite quæ possi-  
detis, & date eleemosynam, &c. vt omnibus spretis  
pro Deo, postea labore manuum operemini vnde vi-  
uatis, vel eleemosynam faciatis. Sed omnes regula-  
res ex voto tenentur ad consilium paupertatis. ergo  
secundum Glossam labor manualis debet sequi ab-  
renuntiationem: ergo omnes tenentur ad corpora-  
lem operationem.

X. Item Hieronymus ad Rusticum ait: Semper ali-  
quid boni facito, vt te diabolus inueniat occupatum.  
Si Apostoli habentes potestatem de Euangelio viue-  
re laborabant manibus suis, ne quemquam aggraua-  
rent; cur tu in usus tuos successuras res non præpa-  
ras, vel fiscellam texe iunco, vel canistrum lentis ple-  
cte viminibus. Et post: Scribantur libri, vt & manus  
operentur cibos, & anima saturetur lectione. Item  
beatus Benedictus in regula sua: Tunc veri monachi  
sunt, si de opere manuum suarum viuunt, sicut patres  
nostri Apostoli. Ergo si hoc facit nos imitatores Apo-  
stolorum, & omnes religiosi debent esse tales. ergo  
& operari manualiter; cum opera supererogationis  
non diminuunt, sed implere debeant opera præcep-  
torum.

XI. Item beatus Franciscus in regula sua: Fratres, in-  
quit, quibus dedit Dominus gratiam laborandi, &c.  
Et quod de labore corporali intelligat, patet per hoc  
quod sequitur: De mercede vero laboris.

CONTRA, quod non omnes validi pauperes ad Argumenta  
opera manualia sint astricti, videtur pro ratione con- pro parte  
templationis. Nam Saluator dicit: Martha sollicita negatiua.  
es, &c. vsque elegit. Melius ergo faciebat Maria in- Luc. 10. 8  
tendens contemplationi, quàm Martha corporali oc-  
cupationi. Sed non melius ageret, si omitteret illud  
ad quod tenebatur. ergo intendens contemplationi,  
absoluitur ab opere corporali.

Item super illud Genesis cõfirmatus est ager, Glos-  
sa: Contemplatiua vita a sæcularibus actionibus fun-  
ditus diuidit, sed non ab actionibus spiritualibus, er-  
go a corporalibus. Nec diuidit contra legem Dei, er-  
go contemplantes non sunt astricti ad hoc.

Item labor manualis non est actus respiciens vni-  
uersaliter omnia membra Christi, alioquin nullus si-  
ne eo posset saluari. respicit ergo officium alicuius  
membri. Sed membrum habens officium dignius  
non tenetur ad actum membri indignioris. Ergo si  
digniora sunt membra, quæ habent gratiam cõtem-  
plandi, non astringuntur ad officium vel exercitium  
actionis, maxime cum necessitas non compellit defe-  
ctus inferioris membri supplere.

Item quod non omnes astringantur, ostenditur ra-  
tione prædicationis. Nam vbi Lucas dicit: Misit eos Luc. 10. 8  
binos, &c. Glossa Ambrosij dicit: Tanta debet esse  
prædicatori fiducia, vt sibi necessaria non defectura  
certissime sciat: ne dum sibi præuidet terrena, minus  
alijs præuideat æterna. Ergo studium prædicationis  
& doctrinæ nõ debet intermitteri propter opus corpo-  
rale, cum homo non perfecte sufficit ad vtrumque.

Item super illud Lucæ: Dignus est operarius mer-  
cede sua, Glossa ait: Duæ mercedes prædicatori de-  
bentur. Vna in via, quæ in labore sustentat: altera in  
patria, quæ in resurrectione remunerat. Sed quod  
debetur alicui, non tenetur illud labore corporali ac-  
quirere. ergo prædicator non tenetur propter neces-  
sitate corporis manualiter operari.

Item Augustinus de opere monachorum: Si Euā-  
gelistæ sunt, si ministri altaris, si dispensatores sacra-  
mentorum, plane sibi vendicant potestatem viuendi, Aug. lib. de  
ope. monac.  
c. 21. 10. 3.  
scilicet sine opere corporali. ergo, &c.

Item quod non omnes astringantur ostenditur ra-  
tione spiritualis occupationis. Vnde Apostolus ait:  
Nescitis quod qui in sacrario operantur, quæ de sa-  
crario sunt, edunt; & qui altario seruiunt, cum altari-  
o participant: vbi Glossa: Naturalis ratio dicitur,  
vt quis viuatur inde, vbi laboratur. Si ergo fidelis qui  
intentus est spiritualibus occupationibus dignus est  
sustentari, nec talis est otiosus: ergo nec ratione otij  
vitandi, nec etiam victus acquirendi tenetur manua-  
liter operari.

Item Anselmus de similitudinibus: Tres quippe sunt  
ordines hominum, orantes, agricultores, & defenso-  
res, quos ad diuersa officia Deus in hoc mundo di-  
sposuit: monachos, vt pro alijs orent, & lacte prædi-  
cationis imbuant: agricultores, vt de suo labore &  
ipsi, & alij viuunt: milites, vt orantes defendant. Sed  
milites digni sunt sustentari, quando suum officium  
exercent absque labore corporali. ergo pari ratione  
& monachi digni sunt.

Item si spiritualis occupatio non excusat a labore  
corporali, ergo multo minus nec scientialis. ergo  
omnes validi pauperes, qui student in qualibet sci-  
entia sunt in malo statu, quia non viuunt de labore  
manuum suarum. sed hoc est valde absurdum. ergo  
& primum.

Item Christus legem perfectissime impleuit, quia  
decebat eum implere omnem iustitiam; sed Chri-  
stus pauperrimus fuit & validus. ergo si tales vniuer-  
saliter operari tenentur, Christus non perfecte legem  
impleuit, nec dedit exemplum perfectum. Sed hoc  
est inconueniens. ergo & primum.

Item

Gregor. 2.  
Dial. c. 1.

Item beatus Benedictus quando erat in spelunca erat pauper & validus, & tamen nō vivebat de labore manuum suarum, sed edebat quod sibi Romanus apportabat, ut dicitur 2. dialogorum. Ergo vel erat in malo statu, quod absurdum est, vel non tenebatur ad operandum.

Item aut pauperes validi possunt vivere de eleemosynis absque manuali opere, aut non. Si sic, habeo propositum quod non tenentur. Si non possunt, ergo cum omnia bona ecclesiarum & monasteriorū non sint nisi eleemosynæ pauperum, ut Sancti dicunt & manifestum est. ergo omnes quotquot validi & clerici & monachi qui vivunt de huiusmodi bonis sine labore manuali, sunt in statu perditionis. Si ergo hoc est absurdissimum, pater quod & illud ex quo sequitur. Si dicas, quod de grossis & magnis eleemosynis licet: sed de parvis nō licet: hoc non solum absurdum est, verum etiam adeo ridiculosum, ut manifeste qui sic dicit, colet culicem, & glutiat camelum. Restat ergo quod ad huiusmodi opera manualia, non omnes validi pauperes sunt astricti.

#### RESPONSIO.

Ad prædictorum intelligentiam est notandum, quod sicut circa fidem beatissimæ Trinitatis, triplex est via sciendi, ita quod dux quæ declinant ad extrema, sunt erroneæ, sicut hæresis Sabelliana, & Ariana; media vero, vera & catholica: sic in questione proposita duplex est via declinans ad extrema, & ideo erronea & reprobanda; media vero recta & acceptanda. Unus est modus dicendi, quod nulli pauperes voluntarii, quantumcumque validi, ad opera manualia sunt astricti, sed solum ad spiritualia. Et hi fundaverunt se super illud Matthæi: Respicite volatilia cæli. Hic autem modus dicendi est erroneus, quia est corruptius Ecclesiæ, & depravius Scripturæ. Corruptius Ecclesiæ dum simulando falsam iustitiam, fouet pigritiam; dum simulat se velle Evangelium perficere, vult otium carnis nutrire. De quibus Augustinus in libro de opere monachorum: Quis ferat homines contumaces saluberrimis monitis Apostoli resistētes, non sicut infirmiores tolerari, sed sicut sanctiores etiā prædicari, ut monasteria doctrina saniore fundata, gemina illecebra corrumpantur, & dissoluta licentia vacationis, & falso nomine sanctitatis? Deprauat etiam Scripturam, quia nimis ampliat verba Evangelica, & nimis arctat verba Apostolica. Vult enim quod Evangelium inhibeat perfectis omne opus corporale, & vult quod Apostolus non suadeat nisi opus spirituale, quorum vtrumque falsum est. Et contra hanc falsitatem Augustinus totum librum de opere monachorum condidit, ostendens quod Apostolus intelligit de opere corporali, & quod Evangelium non vetat corporalia opera, sed solum quod cor non sollicitetur præoccupatum circa temporalia. Vnde in principio libri de opere monachorum ait: Prius debemus ostendere beatum Apostolum opera corporalia seruos Dei operari voluisse, deinde ostendere Evangelica illa præcepta, de quibus nonnulli non solum pigritiam, sed arrogantiam fouent Apostolico præcepto & exemplo non esse contraria. Vnde conuincit Augustinus positionē istam esse reprobādam.

Aug. lib. de  
ope. monac.  
c. 30. in prl.  
20. 3.

Idem ibid.  
c. 3. in prin.  
2. Thef. 3. c.

Secundus modus dicentium est, quod omnes validi pauperes qui non habent unde viuāt, ad opera manualia seu corporalia sunt astricti. Et innituntur verbis Apostoli dicentis: Qui non laborat, non manducet. Nec possunt excusari, ut dicunt, per opera spiritualia. Et hic quidem modus dicendi est erroneus sicut & primus. Nam nimis declinando ad alterā extremitatem, deprauat Scripturam, & corrumpit Ecclesiam. Scripturā deprauat, quia nimis ampliat verbum Apostoli, dum dicit: Qui non laborat, nō manducet; volens illa verba de labore manuali non solum

ad otiosos, sed quantumcumque vtiliter in spiritualibus occupatos extendi, qui non sunt curati. Nimis etiam restringit verba Evangelica, dum illa verba: Dignus est operarius mercede sua; ad eos solos extendit qui habent animarum curam: cum potius fiat homo dignus mercede ex opere, quàm ex dignitate. Absit omnino a fidelibus mentibus, quod cooperatores habentium curam non sint digni operarij, nec digni mercede & sustentatione sua, maxime qui fideliter collaborant in verbo & doctrina. Ecclesiam etiā corrumpit, dum simulat distinctionē iustitiæ, & persequitur spiritū vitæ. Quid enim aliud est hoc, quàm

Luc. 10. 6

quod significatum est per præpositos Pharaonis, de quibus dicitur in Exodo, quod oderant filios Israel; & ad amaritudinem perducebant, affligentes operibus duris luti, & lateris, atque omni seruitute? Et ne forte videat moueri spiritu proprio, audi quid dicit Glossa super illud Exodi: Quare Moyses, & Aaron, sollicitatis populum ab operibus suis? Ite ad onera vestra. Hodie si Moyses, & Aaron, idest propheticus & sacerdotalis sermo animam sollicitet ad seruitium Dei, exire de sæculo, renuntiare omnibus quæ possidet, attēdere legi & verbo Dei, continuo audies vanities & amicos Pharaonis dicētes: Videte quomodo seducuntur homines, & peruertuntur adolescentes, ne laborent, ne militent, ne agant aliquid quod profit, relictis omnibus necessarijs inertias sedantur & otium. Quid est seruire Deo? laborare nolunt, & otij occasiones quærunt. Hæc erant tunc verba Pharaonis, hæc & nunc amici eius loquuntur, nec solum verbis, sed etiam verberibus persequuntur: Hucusque Glossa.

Exo. 1. 6

Exo. 5. 4

Quoniam igitur vtrique opinionum vel sententiarum declinat ad extrema, & declinādo deprauat scripturam, & corrumpit Ecclesiam, ideo vtrique reprobanda. Prima, quia dat fomentum pigritiæ. Secunda, quia nititur extinguere spiritum vitæ sub onere seruitutis Egyptiacæ. Prima, quia fouet otium carnale. Secunda, quia persequitur spirituale. Propterea secunda longe peruersior est, quàm prima, licet vtrique sit mala. Ideoque vtraque repulsa, tenenda est via media, quod de pauperibus validis aliqui sunt astricti, aliqui vero absoluti, aliquibus indicitur sub præcepto, aliquibus pro consilio, aliquibus nec isto, nec illo modo.

Ad cuius pleniorē euidentiā notandū est, quod regnum reipublicæ in Ecclesia attenditur circa tria, scilicet quantum ad bonum interius, quod est corporale: quantum ad bonum exterius, quod est ciuile: & quantum ad bonum interius, quod est spirituale. Et secundum hoc, triplex genus operis est necessariū ad regnum reipublicæ & Ecclesiæ militantis, scilicet opus artificiale, quod & manuale dicitur, quia manus est organum organorum, opus ciuile, & opus spirituale. Opus manuale siue corporale, dico, quod est necessarium ad præparanda alimenta, vestimenta, & habitacula, & diuersorum opificum, & artium instrumenta. Opus ciuile dico, quod est ipsorum præsidum gubernantium, militum defendētiū, & mercatorum negotiantium, & famulorum subministrantium. Opus spirituale dico, quod consistit in disseminando diuina verba, meditādo diuina cantica, in dispensando sacramenta, in communicando bona sibi diuinitus data, siue terrena, siue spiritualia. Nam distribuere sua pro Christo, opus est spirituale; non ciuile, non ciuitatis terrenæ. Sicut ergo qui intēti sunt operibus ciuilibus reipublicæ, ad opera manualia per Apostolicum præceptum non intelliguntur astricti, sic nec hi, qui intēti sunt spiritualibus, maxime si redundet in aliorum salutem, commodum, & profectum. Et ideo occupatos in quattuor generibus operum spiritualium prædictorum excipit Augustinus a mentione Apostolici præcepti in libro de opere monachorum, cum dicit: Si Evangelistæ sunt, si mini-

Triplex est  
genus operis,  
scilicet  
corporale,  
ciuile, & spirituale.

Aug. lib. de  
ope. monac.  
c. 21. 10. 3.





si illud esset velle præcepti, intelligendum est indefi-  
nitate de seruis Dei, idest de his, qui sunt ad seruitium  
Dominicum conuersi, qui per maiora, & vtiliora  
opera non sunt a manuali opere excusati, sicut exem-  
plificat Augustinus de his, qui vitam in sæculo de la-  
bore corporali transigebant, & sic illud indefinite de-  
bet intelligi, & non vniuersaliter. Quia absurdum  
esset dicere, quod omnes serui Dei ad hoc sint astri-  
cti. Patet etiam hoc, quia Augustinus a quo verba  
illius Glossæ accepta sunt, sed mutata, excipit quat-  
tuor genera hominum, quos dicit non teneri vt la-  
bore proprio victum quærant, sicut ostensum est su-  
pra. Vnde super prædictam Glossam innitendum non  
est, tum quia mutat verba Augustini. dicit enim in  
originali: Primum debemus ostendere Apostolum  
corporalia opera seruos Dei operari voluisse, vt vi-  
ctu, & vestitu a nullo indigerent, nec aliquam  
mentionem fecit de petitione; quia illi contra quos  
agebat, non viuebant de petitis, sed oblati, sicut in  
2. lib. retractationum dicit: Facienda est ergo vis in  
hoc quod dicit, Voluisse, quod non semper præcep-  
tum est; & in hoc quod dicit, Seruos Dei, quod in-  
definite dictum est; & in hoc quod dicit, Ne com-  
pellantur, quod non pertinet ad pauperes volunta-  
rios, sed potius ad inuitos.

Quattuor  
genera Mo-  
nachorum.

Ad illud quod obijcitur de monachis, dicendum  
quod monachi regulares, aliqui habent in professione;  
& voto laborem manuum, aliqui vero minime. Rati-  
o vero huius est diuersitas professionum, ex parte  
temporum, personarum, & intentionum. Ex parte  
temporum, quia circa tempora primitiua Ecclesiæ  
quattuor erant genera monachorum, sicut distinguit  
beatus Benedictus in principio regulæ, scilicet, Cœ-  
nobitæ, Anachoritæ, Sarabitæ, & Gyrouagi. Primi  
erant boni, secundi optimi, tertij & quarti pessimi.  
Tertij enim & quarti non ducebantur iugo aliquo,  
sed secundum proprias concupiscentias ambulabāt.  
Sarabitæ intendentes carni, Gyrouagi mutabiles, &  
vagabundi, & ad omnia mala parati. Secundi, scilicet  
Anachoritæ regula non indigebant, quia tamquā  
perfectissimi regulabantur a gratia. Primis debuit  
regula dari, vt distinguerentur a Gyrouagis, & Sa-  
rabitis, conueniens fuit ne compellerentur exterius  
exire, ad laborem corporalem eos astringi. Vnde Au-  
gustinus in libro de opere Monachorū, ait: Callidissi-  
mus hostis tam multos hypocritas sub habitu mo-  
nachorum vsquequaque disperfit, circumeuntes pro-  
uincias, nusquam missos, nusquam fixos, nusquam  
stantes, nusquam sedentes. Et post: Nonne calefcit  
cor vestrum intra vos, & in meditatione vestra exar-  
descit ignis, vt istorum mala opera bonis operibus  
persequamini, vt eis amputetis occasionem turpium  
nundinarum, quibus estimatio vestra læditur, & in-  
firmis offendiculum ponitur? Misere mini ergo &  
compatimini, & ostendite hominibus, non vos in  
otio facile victum quærare, sed per angustam, & ar-  
ctam viam huius propositi regnum Dei quærare. Ea-  
dem vobis ratio est, quæ fuit Apostolo, vt ampute-  
tis occasionem, his qui quærent occasionem, vt qui  
illorum putoribus præfocantur, in vestro bono odo-  
re reficiantur. Hucusque Augustinus.

Ex parte etiam personarum venientium, quia mo-  
nachi tunc temporis pro maxima parte erant laici, &  
plebei, & ideo competebar eis circa consueta opera  
occupari. Vnde Augustinus in lib. de opere Mona-  
chorum: Illi qui præter istam societatem sanctam vi-  
tam labore corporis transigebant, ex quorum nume-  
ro plures ad monasteria veniunt, si nolunt operari  
non manducant. Neque enim in Christiana militia  
ad paupertatem diuites humiliantur, vt pauperes ad  
superbiam extollantur, nulloq. modo decet, vt in ea  
vita vbi senatores fiunt laboriosi, ibi fiant opifices  
otiosi, & quo veniunt relictis delitijs, qui fuerunt  
prædiorum Domini, ibi fiant rustici delicati.

Ex parte intentionum, quia monasteria primitiua  
instituta erant ad vitam solitariam agendam, vt vnus-  
quisque haberet curam sui, & apud se habitaret, &  
ideo monachus dictus est. & quia paucissimorum est  
semper diuinis intendere, ideo ne otiosi essent, con-  
gruebat eorum professioni exerceri circa opus ma-  
nuale. Vnde Hieronymus, ait: Aegyptiorum mona-  
stera hunc morem tenent, vt nullum absque labore  
suscipiant, non tam propter victus necessaria, quam  
propter animæ suæ salutem, ne vagentur perniciosiss  
cogitationibus, & ad instar fornicantis Hierusalem  
omni transeunti diuaricent pedes suos. Competebat  
ergo monasterijs primi temporis astringi ex profes-  
sione ad opus manuale, ratione temporis, persona-  
rum, & professionis. Sed post instantibus temporibus  
modicis quando illi Gyrouagi erant consumpti, &  
Ecclesia opulenta fuit tam in Clericis, quam in Mona-  
chis, magis erat opus dandum circa spirituale exer-  
citiū, & hinc est quod Monachi laborem manuum  
sive corporalem bene & recte in spirituales exerci-  
tationes, & psalmodiam commutauerunt. Et quia  
Ecclesiæ iam ditata magis indigebant spiritualibus  
operarijs, quam vinitoribus, & agricolis: hinc est  
quod Spiritus sanctus religiones pauperum suscita-  
uit, quarum sollicitudo, & cura tota esset ad signan-  
dos seruos Dei in frontibus eorum signo Dei viui, vo-  
eando ad penitentiam, & ad gratiam Spiritus san-  
cti. Vnde vtræque a sua primaria institutione habent  
officium prædicandi, & ideo cum tales circa opera  
spiritualia sint intenti, propter quæ alij ab alijs meren-  
tur sustentari, nec sunt otiosi, nec curiosi sic viuendo,  
nec in periculo, cum Dominus eos pauperis vsque  
modo, nec habent hoc ex voto, ideo nec ipsi, nec  
omnes pauperes voluntarij, licet sint validi, sunt ad  
opus corporale astricti, quia nec ratione periculi, nec  
ratione præcepti Apostolici, nec ratione voti emissi,  
vt manifeste liquet ex præmissis.

Ad illud quod obijcitur de lib. de opere Monacho-  
rum, dicendum quod beatus Augustinus in lib. illo  
non ad hos loquitur, sed ad primos, qui opera cor-  
poralia, quæ habebant ex professione, sub prætextu  
spiritualitatis contemnebant, quia nec propter spiri-  
tualia debebant omittere corporalia, nec etiam econ-  
uerso. Vnde Bernardus ad tales loquens in Apologia  
ait: Iam vero de labore manuum quid gloriamini,  
cum & Martha laborans increpata, & Maria quiescens  
laudata sit, & Paulus aperte dicat: Labor corporalis  
ad modicum vilis est, pietas autem ad omnia? Op-  
timus labor, de quo Propheta dicebat: Laboravi in  
gemitu meo. Et de quo alibi: Memor fui Dei, &  
delectatus sum, & exercitatus sum. at (ne corporale  
intelligas exercitiū) & defecit spiritus meus, inquit,  
vnde vbi, non corpus, sed spiritus fatigatur, spiritualis  
labor proculdubio intelligitur. Quid ergo inquis?  
Siccine spiritualia illa persuades, vt etiam hæc quæ  
ex regula habemus corporalia damnes? Nequaquam.  
Illa oportet agere, & ista non omittere. alioquin cum  
aut ista omitti necesse est, aut illa; ista potius omi-  
tenda sunt quàm illa. Quanto enim spiritus melior  
corpore, tanto spiritualis quàm corporalis exercita-  
tio fructuosior. Tu vero cum de horum obseruatio-  
ne elatus, alijs non eadem obseruantibus derogas,  
nonne te magis regulæ transgressorem iudicas? Sunt  
ergo ad opus manuale astricti illi, qui habent ex obli-  
gatione professionis, nisi forte opus manuale com-  
mutent in spirituale, ita quod hoc etiam sit de vo-  
luntate, & licentia superioris.

Ad illud quod obijcitur de Glossa, dicendum quod  
illud totum est consilium, sicut textus ille super quem  
Glossa fundatur. Nec aliquis ad totum illud, nec ad  
partem se astringit, nisi quantum ex professione pro-  
mittit. Vnde sicut elemosynas dare non est præcep-  
tum illi, qui omnia dedit; sic nec illud intermedium,  
scilicet operari, tenet rationem obligationis necessa-  
ria,

Hieron. in  
epist. ad Ru-  
ficum.

Ad V III.

1. Tim. 4.8  
Psal. 6. 6  
Psal. 76. 6

Ad IX.

ria, sed solius suasionis monitoria, vel etiam con-

Ad X. Ad illud quod obijcitur de Hieronymo, & Benedicto, iam manifesta est responsio per prædicta.

Ad XI. Ad illud quod obijcitur de beato Francisco, dicendum, quod in regula beati Francisci, quædam dicuntur præceptorie, quædam monitorie, quædam informatiue, sicut ipsa regula aperta vocabula distinguit expresse. Hoc autem quod dictum est de labore, non est dictum præceptorie, quia non imperaret quod faceret deuote, cum hoc non sit in nostra potestate, sed dictum est informatiue. Informat enim quorum sit manualiter operari, & qualiter, quia illorum, qui habent gratiam & facultatem virtutis, & industriam

artis, & opportunitatem loci, & temporis. Qualiter, quia fideliter ad proximum, deuote ad Deum, & modeste ad seipsos. Vnde Sanctus intelligens per Spiritum sanctum suam vocationem, in qua erant laici cum clericis, nec mandatum dedit de manualiter operando, nec tamen omnino reticuit, ut laici, & qui non sunt ad spiritualia idonei, nec circa necessaria fratrum intenti, nec adhuc sunt ad contemplationis indefectum otium eleuati, panem non comederent otiosi. Cum enim omnibus sit cauenda otiositas tamquam sentina omnium vitiorum, potissime his cauenda est, qui se perfectioni Euangelicæ astrinxerunt. Sic ergo patet, quod non omnes validi pauperes etiam non curati ad opera manualia sunt affecti.

## S. BONAVENTURAE EXIMII ECCLESIAE DOCTORIS

Opusculum de eo,

QUOD CHRISTVS, ET APOSTOLI,  
& Discipuli eius discalceati inceserunt, siue  
De Sandalijs Apostolorum.

Ioannes Trithemius in operibus S. Bonaventurae hoc recenset, illudque inscribit, De Sandalijs Apostolorum. Huius vero rei argumentum erudite tractatur ab Auctore multis Scripturae locis, sanctorumque Patrum auctoritatibus adductis, & explicatis; ex quibus multa discere licet doctrina simul & eruditione plena.



Tali lector, tali lectori, spiritum intelligentiae sanioris.

Quoniam secundum Apostolum Ioannem Deus veritas est, qui contra veritatem offendit, maxime Euangelicam, cuius Christus specialiter auctor est, contra Christum offendere comprobatur. Super eo igitur quod Christum & suos sanctos Apostolos, atque discipulos non discalceatos, sed calceatos incesisse coram peritorum multitudine praedicasti, quam temere contra veritatem Euangelicam offenderis, perpendere poteris ex subscriptis. Ait enim Chrysostomus super Matthaeum: Apostoli cum una tunica, & discalceati circumibant totum mundum, & superabant. Item Hieronymus ad Ageruchiam: Apostoli toto orbe peregrini, non æ in zona, non virgam in manu, non caligas habuere in pedibus.

1. Ioan. 5. 6

Hieron. ad Ageruchiam ep. 11. post mod.

a Idem ad

Ruff. ep. 4.

b Idem ad

Eustoch. ep. 22.

Aug. 1. 4

Aug. 22.

cont. Faust.

c. 77. 10. 6.

Luc. 22. 6

Item ad Rusticum monachum ponit idem. Item in epistola ad Eustochium, dicit sic: Moyses & Iesus Naue nudis in terra sancta iubentur pedibus incedere, Apostoli sine vinculis pellium, & onere calceamentorum ad praedicationem noui destinantur Euangelij. Milites vestimentis Iesu sorte diuisis, caligas non habuere quas tollerent. Non enim habere Dominus poterat, quod seruos suos habere prohibuerat. In hac auctoritate perpendere potest tua prudentia, quod Dominus noster Iesus non tantum calceamenta tempore passionis non habuit, sed etiam habere primo non potuit. Cæpit enim facere, & docere. Itē Augustinus dicit sic, quod scribitur in Luca: Quando misit vos sine sacculo, sine pera, sine calceamentis, non tantum fuerunt Domini verba, sed & discipulorum obtemperantium facta secuta sunt. Item in vita beati Martialis, Sanctus Domini Martialis pergens ad praedicandum.

S. Bon. Tom. 7. Pars iij.

dum, non equo vehabatur aut asino, non quolibet iumento, nec calceamenta proprijs induebat pedibus, sed iuxta Domini, & magistri sui Iesu Christi sententiam, quam ipse sibi & alijs Apostolis inculcare solebat, ut pergentes de ciuitate in ciuitatem, non facculum, neque peram secum tollerent, nec calceamenta; nudis incedens pedibus, imitator Christi, atque beati Petri Apostolorum principis consanguinei sui in omnibus, quæ ipse Dominus præcepit, existere curabat. Itē in vita beati Frontonis discipuli scribitur sic: Beatus Fronto castra & vrbes, & vicina loca calceatus tantum sandalijs peragrans, gentium cateruis diuini verbi semina erogabat. Item in Marthæ, & Magdalene vitis legitur, quod vel sandalijs utebantur, vel nudis pedibus incedebat. De sandalijs autē dicitur in Marco: Calceatos sandalijs. vbi Glossa: Ut neque pes tectus sit, neque nudus ad terrā. Item ad Ephesios 6. & Marthæ 10. dicitur in Glossa: Sandalijs, vel soleis vestros Apostolos fuisse. Papias autem dicit: Sandalia autem sunt calceamenta desuper corium non habentia. Item Eusebius Cæsariensis libro 6. Ecclesiasticæ historiae, cap. de laudibus Origenis, dicit sic: Ante omnia Origenis præcepta Euangelica, & voces Saluatoris summo amore, & studio implenda esse censebat, quibus præcipitur duas tunicas non habēdas, nec calceamentis vtendum, nec de craftino cogitandum. Et sequitur: Ita denique per multos annos absque omni calceamento nudis traditur incessisse vestigijs. Item Gregorius Nazianzenus: Optabam homines videre, qui viuerent ad exemplum prædicatoris Euangelij Christi, nudis pedibus incedentes, propter regnum pauperes, propter paupertatem reges. Cernis puto si proprie sapis, quod duo illustrissimi Græcorum doctores præceptum Euangelicum de non portandis calceamentis ad litteram censuerunt obseruandum.

Mar. 6. a

M m Quod

- Quod si fortassis in hac sententia præsumpseris dicere, A prædictos duos doctores hæresim sapuisse, per prædictas & post dicendas auctoritates doctorum Latino- rum catholicorum, calumniari in hac parte prædictos doctores conuinceris manifeste. Item in vitis patrum, in monachorum perfectorum laudibus legitur in pluribus locis, quod nudis vestigijs incedebant. Item Hieronymus in libro contra Iovinianum reprehendit ipsum, quod cum prius tamquam perfectus monachus nudis pedibus incescit, postea a perfectione apostatas monachali, calceamenta deaurata portabat. Item in Apostolicis actis dicitur: Calcea te caligas tuas. Ad hæc est una Glossa. Petrus propter rigorem carceris ligamenta ad horam laxabat, ut tunica circum pedes demissa frigus noctis ventumque temperaret, exemplum præbens infirmis, ut cum molestia corporalis vel iniuria intentatur humana, liceat aliquid laxare de rigore propoliti. Sicut ergo Petrus in eo quod circum pedes tunicam demisit ad horam propter rigorem carceris, exemplum infirmis præbuit, & rigorem laxauit, ita & in eo quod ad horam tantum caligas habuit, si tamen habuit. In fine tamen prædictæ Glossæ, caligæ Petri spiritualiter exponuntur sic: Quod dictum est: Sint lumbi vestri præcincti, &c. Et, Calceati pedes in præparationem Euangelij pacis, spiritualium virtutum, verbiq. prædicandi resumere iubentur insignia. Textus etiam, Calcea te, ad litteram intellectus, non dissonat a prædictis auctoritatibus, & inferius annotandis, sed omnino etiã concordat. Nam ubi Latinus interpretes dicit caligas, Græcus dicit sandalia. Sunt autem sandalia, sicut dicit Magister in historia, soleæ vel petones. Secundum Papiam vero caligæ dicuntur, quasi caligula, quia super pedem colligantur. Vel etiã quia calce ligatur, sicut cernimus in solea sancti Petri, quæ usque hodie Romæ seruatur. Et etiam in picturis, & in cælaturis antiquarum Apostolicarum imaginum, & nouarum, in quibus omnibus vel cum soleis vel nudis pedibus exprimentur. Non tibi blandiaris, cum audis, quia sandalia sunt caligæ, quia secundum Papiam sandalia sunt caligæ, vel calceamenta de super corium non habentia. Ridiculosum igitur est valde, quod litteratus hoc neget, quod clamant lapides, & testantur. Interlineare autem quo dicitur super illo verbo, exemplum datur non sine calceamentis ambulandi, Angelo iubente, & Apostolo complente, soluitur per principium interlinearis, ubi dicitur: Caligæ sunt calceamenti genus, & de illis intelligitur. Nec videtur authenticum, sed ponitur magistrale, vel spiritualiter intelligendum est, ut est illud ad Ephesios: Calceati pedes, &c. Glossa: Hæc calceamenta virtutū debet habere prædicator, ne ille, qui prædicat pede meritis terram tangat, id est pro terrenis faciat. Hæc significatione dicit Marcus Apostolos sandalijs calceari vel soleis, scilicet ut neque pes sit tectus, neque nudus ad terram. Hic, ut cernis, manifeste dicit Glossa, & est Augustini, quid sunt sandalia, quia soleæ, & quod virtutum calceamentis debent veri Apostoli calceari.
- Amplius super illud Lucæ: Quando misi vos sine sacco, & pera, & calceamentis, &c. Glossa dicit sic: Non eadem viuendi regula persecutionis, quæ pacis tempore discipulos informat. Missis quidem discipulis ad prædicandum, ne quid in via tollerent præcipit, instante autem mortis articulo, & tota illa gente Pastorem simul & gregem persequente, congruam temporis regulam decreuit, permittens ut tollant victui necessaria. Ex hac Glossa patet, quod ad regulam Apostolicam pertinet nihil in via tollere, & sine calceamentis incedere. Et licet persecutionis tempore aliquid in via tollere permittatur, de calceamentis tamen comportandis etiam persecutionis tempore, nec textus innuit, nec Glossa.
- Ex prædictis testimonijs clarius innotescit, quid de Domini nostri Iesu Christi & suorum Apostolorum, atque discipulorum calceamentis, iuxta veritatem Euangelicam, & sanctorum expositiones, docendum sit pariter & seruandum. Sed his omnibus testificationibus firmissimis, atque clavis, sancti Euangelij sanctiones sunt incomparabiliter clariore. Scribitur enim in Matthæo: Nolite possidere aurum, neque argentum, neque pecuniã in zonis vestris, non perã in via, neque duas tunicas, neque calceamenta, neque virgã. Item: Præcepit eis Dominus, ne quid tollerent in via nisi virgam tantum, non peram, non panem, neque in zonis æs, sed calceatos sandalijs. Item ait: Nolite portare sacculum, neque peram, neque calceamenta. Quod autem Domini hæc verba, mandata non tantum spiritualiter, sed etiam ad litteram fuerint obseruata, patet ex auctoritatibus prædictis. Patet etiam ex picturis & cælaturis antiquissimis laicorum. Patet etiã ex ipsis sandalijs Apostolorum, & Christi discipulorum, quæ usque in hodiernum diem in plerisque locis, ad huius veritatis adstipulationem, & deuotionem fidelium referuantur. Patet etiã ex Glossa Marci superius allegata. Patet etiam ibidem ex alia Glossa. Matthæus & Lucas, memorant Dominum dixisse discipulis, ut nec virgã ferrent. Marcus ne quid tollerent, nisi virgam tantum. Sed illi accipiunt realiter virgam, Marcus per virgam potestatem accipiendi necessaria a subditis. Ergo sicut Matthæus, & Lucas virgam realiter accipiunt, sic & calceamenta. Plato dicit, duas summitates corporis non esse velandas, neque assuetam fieri molliem debere capitis & pedum. cum hæc habuerint firmitatem, cetera robustiora sunt. Item Magister in historia, qui dicit sic: Non portabitis calceamenta, neque virgam. Secundum Marcum sandalijs, id est soleis vel petonibus uti iussi sunt. Item in libro Iosue dicitur: Solue calceamentum tuum de pedibus tuis, &c. Glossa: Hi sunt pedes, quos lauit Iesus. Non autem ignorat prudentia tua, Dominum Iesum non tantum pedes Apostolorum spirituales, sed etiam corporales humiliter abluisse. Patet etiam postremo per gloriosum Christi signiferum Franciscum, qui Spiritu sancto reuelante iuxta litteralem intellectum prædicti præcepti ordinem suum, & regulam instituit, Domino cooperante & sermonem confirmante sequentibus signis, & etiam seruauit. Et iuxta hunc intellectum per se ad prouidentiam signis præcedentibus confirmationem meruit obtinere. Ceterum si præcepta Euangelica de non portandis calceamentis spiritualiter tantum ab Apostolis intellecta fuerunt & seruata, ergo & illud quod ibidem inferitur, Gratis accepistis, gratis date. & illud: Infirmos curate, mortuos suscite. & illud: Nolite possidere aurum, neque argentum, &c. Quod quàm perniciosum sit, & Euangelicæ veritati aduersum tua peritia non ignorat. Vbi quæso esset illud Petri: Argentum & aurum non est mihi: Et illud: Pecunia tua tecum sit in perditionem, quoniam donum Dei existimasti pecunia possideri. & illud: Dansque illi manum erexit eam in suscitatione Tabithæ. Hæc ergo si ab Apostolis fuerunt intellecta ad litteram, & seruata, ergo & illud de calceamentis ab Apostolis non portandis, quæ prædictis sine medio connectuntur. Præterea Græci prædicantes Euangelium, quos cernunt pecuniã non accipere, nec calceatos incedere, sed sandalijs, vel soleis uti Apostolicos nuncupant, & ut Christi discipulos venerantur. Monachi etiam Indiæ, sicut ille retulit mihi, qui vidit, calceamentis non utuntur, nudis pedibus incedentes. Hæc autem scripsi tuæ peritiæ, ut de cetero contra tot & tanta testimonia, Christum & eius perfectissimos discipulos non infames & Euangelicæ veritatis regulam ut lux clarissimã, expositione tua mystica non obscures. Nam secundum quandam Glossam super Matthæum: Præuus est auditor, qui manifesta vult obscure intelligi. Innuit etiã Gregorius in Moralibus in proemio, trifariæ Scripturæ modum. Sunt enim quæ historice vel ad litteram intelligi nequeunt, ut illud Iob: Suspendium elegit anima

*Iob. 3. a* mamea. Et illud: Pereat dies in qua natus sum. Quædam historice, moraliter, & allegorice intelliguntur. Quædam in quibus qui sensum litteræ negligit oblatum veritatis sibi lumen abscondit. Certum est autem ex prædictis trium Euangelistarum sententias superius allegatas, non in primo genere, sed in secundo, & tertio contineri. Ceterum quod quattuor Euangelistæ Ioannis Baptistæ humilitatem admirabilem prædicantes introducunt ipsum dicentem, quod non sit dignus soluere corrigiam calceamentorum Christi, siue ipsius calceamenta portare; quod spirituatim intelligendum sit, ex glossis sanctorum annotatis ibidem clarius innotescit. Dicitur in Evangelio Ioannis: Non sum dignus ut soluam eius corrigiam calceamenti, ubi Glossa: Non ait, non soluam, soluit enim quando ipsum manifestavit, & de diuinitate & humanitate ipsius multa aperuit. sed non sum dignus scilicet ait, quia ad hoc agendum se indignum putauit. Item in Luca Evangelio iterum dicitur: Non sum dignus soluere corrigiam calceamentorum eius, ubi ait Glossa: Non sum dignus mysterium soluere incarnationis, vel nomen sponsi non mihi usurpo, nec sponsus credi, sed amicus sponsi volo. Item Marcus: Non sum dignus procumbens soluere corrigiam calceamentorum eius, Hieronymus, idest incarnationis mysterium, quando Verbum caro factum est. Item Mathæus: Non sum dignus calceamenta eius portare. Glossa: Intendebat hic ostendere excellentiam Christi, & sui humilitatem. Et in eadem Glossa exponitur allegorice ut prius. Forte autem Ioannes Baptista in verbis propositis ad litteram intellectis non Christum calceatum dicere intendit, sed iuxta prædictam Glossam intendebat, &c. Maiestatem Christi magnificans, & suam humilitatem prædicans, vsitatum modum loquendi tenuit, sicut de homine valde nobili non lauante manus suas posset dicere pauper humilis, Non sum dignus aquam effundere super manus eius. Nisi forte quispiam verba propo-

A sita volens exponere, dicat, quod Christus eo tempore quo Ioannes Baptista sententias protulit ante dictas, nondum publice prædicabat, nondum regulam ediderat, nondum in deserto exemplum dans penitentiae ieiunauerat. Quod utique verum est. Et ideo vult dicere, quod calceamentis tunc temporis utebatur. Quod utique videtur a glossis omnibus, & sanctorum expositionibus alienum. Siue autem hoc fuerit siue non, ex prædictis manifeste concluditur, quod post institutionem Apostolicæ regulæ Christus sui discipuli sine calceamentis ad litteram incesse-  
 B runt. Nam secundum Hieronymum: Christus non habuit, quod non habendum docuit, qui primo cepit facere & docere. Idcirco periculosum est valde immo ridiculosum asserere aliter Christum, aliter Apostolos vixisse, & Christum regulam non seruasse, & Apostolos aliud quam Christum habuisse perfectionis exemplum, cum discipulum esse perfectum si sit sicut magister suus, & seruum non esse Domino suo maiorem Euangelica veritas contestetur, & ut simus imitatores Domini, sicut & ipse Christi, nos Paulus Apostolus exhortetur. Tu igitur qui Euangelij Doctor es & sectator. si huius Euangelicæ perfectionis apicem non attingis vsu; attingas saltem affectu pio, assatu veridico, & catholico intellectu, & noli Euangelij candidissimam margaritam tortis expositionibus conculcare, noli contra Euangelicorum pedum nuditatem pelles mortuas defensare. Si enim contra sententias Euangelij calceamenta defenderis, timendum est, ne duas tunicas, & cum pera pecuniam defendere contendas. Doceat ergo te vnctio veritatem, ut si quid incautius Euangelium prædicasti, studeas reuocare. Ne contemptum te reputes, quod in hac epistola tecum singulariter sim locutus. hoc enim mihi amor charitatis priuatæ suavit, præsertim quia malui consuetudinem imitari doctorum illustrium, & sanctorum, quam vulgarem facetiam populorum. Vale in Domino.

Mat. 10. 6

## S. BONAVENTURAE

EXIMII ECCLESIAE DOCTORIS

Opusculum,

QVOD INSCRIBITVR

APOLOGIA PAUPERVM.

*Euangelica paupertatis excellentiam, meritum, & utilitatem S. Bonaventura hoc Opusculo explicat, & Fratrum Minorum statum seculum, meritorium, & Deo gratum probat, aduersus Gyraldum de Abbatis Villa, Parisiensem doctorem, & regulæ S. Francisci calumniatorem. Qui cum in Beatum Franciscum, & eius ordinem linguam blasphemam relaxasset, diuina ultione percussus, paralysi dissolutus, & lepra percussus interiit. Opusculum vero hoc, titulo eodem inscriptum Trithemius S. Bonaventura tribuit; cuius initium esse testatur: Summi Legislatoris, &c.*

Summa Capitum singularum responsionum huius Opusculi.

Responsionis primæ hæc sunt capita.

*Caput primum, in quo calumniatoris peruersa intentio detegitur, & vera condescensionis Christi sublimis perfectio declaratur.*

S. Bon. Tom. 7. Pars iiii.

*Caput secundum, in quo capitalis error circa notificationem perfectionis, & imperfectionis eliditur, & vera perfectionis exemplaritas, & differentia ipsius ad imperfectionem refertur.*

Mm 2 Caput

*Caput tertium, in quo Evangelica perfectionis integritas panditur, eiusq. status sublimis, & gradus multiformis aperitur.*

Responsionis secundæ hæc sunt capita.

*Caput primum, in quo appetitus martyrij de se perfectus ostenditur, & econtra fuga de se imperfecta monstratur.*

*Caput secundum, in quo abstinentia laus, & perfectio declaratur, & eiusdem impugnatio calumniosa reuclitur.*

*Caput tertium, in quo ieiunij arctitudo, ut consona perfectioni defenditur, & eius multiplex commendatio subinfertur.*

Responsionis tertiæ hæc sunt capita.

*Caput primum, in quo voluntaria & penuriosa paupertas fundamentum Evangelica perfectionis astringitur, & qua huic videri possunt contraria dissoluuntur.*

*Caput secundum, in quo possessionum Leuitica-*

*rum, & Ecclesiasticarum affluentia monstratur perfectioni paupertatis non esse contraria, & commendatio diuitiarum ostenditur non esse secura.*

*Caput tertium, in quo abrenuntiationis ratio falsa eliditur, & penuriosa paupertatis duodenaria prerogativa monstratur.*

Responsionis quartæ hæc sunt capita.

*Caput primum, in quo religio carentium loculis ab errore defenditur, & verum ius possessionis Ecclesiastica declaratur.*

*Caput secundum, in quo professio fratrum Minorum veraciter carere ostenditur, & appropriatione rerum immobilium siue mobilium, & proprietate pecuniarum tam in proprio, quam in communi.*

*Caput tertium, in quo Evangelizantium pauperum fructificatio multiformis ostenditur, eorumq. status a multiplicibus cauillationum versutis defensatur.*

#### PROLOGVS.



**S**VMMI Legislatoris inuiolabili constat diffinitione sancitum, sic Maiestati æternæ cultum debitum esse reddendum, quod idolorum cultura vitetur, sic redigendum intellectum creatum in summæ veritatis obsequium, quod nullus falsitati præbeatur assensus, sic vacandum sanctificationi spirituum, quod ferietur a seruitute carnalium voluptatum, sic denique virtutum Deiformium approbandam esse rectitudinem, quod deformantium vitiorum prauitas reprobetur. Præterea sicut veritatem fidei, & morum amore præcipuo iubemur desiderare, ac quærere; sic & errores eidem oppositos, summo astringimur horrore vitare, tantoq. vehementius, quanto perniciosiores esse probantur. Quod quia Scripturæ sacræ catholicos tractatores non latuit, mox ut suboriri senserunt peruerforum dogmatum germina, magno studere conatu illorum conuulsioni operam diligenter impendere, ne si in altum succrescerent, rationis Dominicæ semina suffocarent. Porro diebus istis nouissimis, quibus euidentiori claritate veritatis Evangelicæ fulgor illuxerat (quod absque profluuium exuberantia lacrymarum nequaquam referre valeamus) dogma quoddam pullulaïse, iamq. in scriptis redactum reperimus, quod tamquam fumus teter, & horridus e puteo abyssi prorumpens, ipsiusq. solis iustitiæ splendentibus radijs, se directe obijciens, Christianarum mentium hemisphærium obscurare contendit. Ne igitur tam pernitiōsa labe (non sine Dei offensa & animarum discrimine dissimulata) concreseat, præcipue cum calliditate serpentina pietatem quandam in superficie præferat, reuelanda est facies indumenti eius, ut clare detecta fouea, caute possit euitari ruina. Sane quia huiusmodi fabricator erroris, cum adhuc sit viator, ut credimus, corrigi potest per Dei clementiam, sollicitè pro eo interpellandus est Christus, ut suæ vocis virtute, ac sapientiæ lumine eius, quam Saulo quondam exhibuerat, miserationis non immemor, & proteruentem deterreat, & superbientem humiliet, & errantem requi-

**A** rat, corrigat, & reducat. Et quoniam meliora sunt vulnera diligentis, quam fraudulenta odientis oscula, nequaquam peccatorum oleo, adulatione videlicet impinguandum est ipsius languidum caput, nec tumidi cordis apostema palpiandum: quin potius procacis hominis erectam ceruicem, oportet dura increpatione ferire, non quidem amari cordis odio, sed tranquillæ mentis æmulatoria charitate. Ipsum vero dogma pestiferum ordinato competit improbare progressu, ut per modum apologiæ obiectioni coaptetur responsio, & impugnacioni defensio cor-  
**B** respondeat ex aduerso. Quoniam igitur primo perfectionis Euangelicæ apicem conatur deijcere, dehinc præcipitare mœnia, tertio euertere fundamenta, tandemq. pauperum Christi professionem falsis criminationibus infamatam, abominabilem reddere mundo; quadruplex in contrarium responsionum est instruenda munitio, quarum quælibet tripartita sit, iuxta quod exigit materia, quatenus triangulari huiusmodi armatura Evangelici milites, velut veritatis scuto circumdari, contra fulminantium telorum acumina protegantur inuicti.

#### C RESPONSIONIS PRIMÆ.

Caput primum.

*In quo calumniatoris peruersa intentio detegitur, & vera condescensionis Christi sublimis perfectio declaratur.*

**I**gitur libellum illum calumniosum, cuius hoc initium est: Tantum sibi præsumptionis assumpserunt quidam homines, &c. cum æmulatione, non secundum scientiam fuisse conscriptum, neque sanam continere doctrinam, qui diligenter vult considerare luculenter potest aduertere. Primum quidem quia in defensionem illius libri erronei, qui sic incipit: Ecce videntes clamabunt foris, paucis reuolutis temporibus per Sedem Apostolicam reprobati, non absque nota rebellionis est editus, legislatoris sprete sententia, quam in Deuteronomio sanxit: Si difficile atque ambiguum apud te iudicium esse perspexeris, venies ad sacerdotes Leuitici generis, & sequeris sententiam eorum, nec declinabis ad dexteram, vel ad sinistram.

Qui

Deut. 17.6



Qui autem superbiuerit nolens obedire sacerdotis imperio; qui eo tempore ministrat Domino Deo tuo, ex decreto iudicis morietur homo ille: Quod si tempore sacerdotij figuratiui Pontificis sententiæ aduersari malum erat, mortisq. pœna multandum; multo fortius tempore veritatis, & gratiæ reuelatæ, quando Christi Vicario plenitudo potestatis collata esse dinoscitur, malum esse constat nullatenus esse tolerandum, in fide vel moribus eius diffinitioni dogmatizare contrarium, approbando quod ipse reprobat, reedificando quod ipse destruit, defensando quod damnat. Dehinc si quis libri totalis continentiam vigili circumspectione consideret, non sanam, sed potius insanam, & impiam disseminare doctrinam oculata fide perpendet. Nam in primo libro, fugam persecutionis, & mortis tamquam actum maxime competentem viris perfectis, & sanctis, magnis extollit præconijs abstinentiam vero, & ieiunium tamquam spiritalium medicamenta morborum, maxime astruit competere imperfectis. In secundo vero, statum opes habentium ostendere nititur omni laude dignissimum, & contra statum nihil habentium periculosum astruere conatur, atque imperfectum. In tertio quoque religiosorum mendicantium pauperiem, & abiectionem, quantis potest cauillationum versutijs impugnare molitur. Ex quibus patenter colligitur, quod huiusmodi pernitiola doctrina, non tantum Sedi Apostolicæ, sed etiam sedi Dei, & agni aduersatur aperte. Cum enim sanctum Euangelium, beatos dicit pauperes, beatos qui lugent, beatos qui esuriunt, beatos qui cum gaudio, & desiderio persecutionem patiuntur, ut sic nos ad arctam inducat viam, quæ ducit ad vitam, hic e contrario dogmatizat perfectos, & beatos, qui persecutionem fugiunt, qui ieiunia soluunt, qui redditibus affluunt, qui etiam summis honoribus extolluntur. Quod quàm sit alienum a Saluatoris doctrina, nemo Christianus ignorat, cum & ipse magister omnium Christus, non ad solatia carnis, sed ad supplicia crucis discipulos suos semper inuitet. Denique quam peruersi fuerit zeli amaritudine motus, qui prædictum edidit librum, & libri declarat titulus, progressus & terminus. Nam cum aduersus eum scribat, qui contra libellum damnatum opusculum quoddam composuit, cuius initium est: Manus quæ contra omnipotentem erigitur. in quo secundum totalem intentionem scribentis, & continentiam libri, paupertatis eximie perfectio defenditur, astruitur, & laudatur: hic e contrario titulum libello suo præmittit, quod liber hic est contra aduersarium perfectionis Christianæ, & Prælatorum & facultatum Ecclesiæ, quasi non possit paupertatis celsitudo laudari, nisi in iniuriam Christi, & Ecclesiasticæ dignitatis: in quo se ostendit, vel impium, vel ignarum, dum vel scienter innocenti falsum impingit crimen, vel ex inconsideratione propria non aduertit, quod diuersi status in Ecclesia Christi commendari possunt laudibus præcelis, & proprijs, non tamen dissonis, quâquam diuersis. Numquam enim qui commendat virginitatem, aduersarius censendus est esse coniugij, aut qui laudat solitudinem, aduersarius dicendus est cœnobiticæ vitæ. Certe sancta mater Ecclesia, quæ in laudibus cuiuslibet confessoris pie decantat: Non est inuentus similis illi, qui conseruaret legem excelsi, non propter hoc glorioso detrahit Apostolorum choro, vel candidato exercitui martyrum, cum quilibet status suam prærogatiuam habeat, de qua potest sine aliorum iniuria specialiter cõmendari. Porro si laus filiorum non diminuit, sed amplificat laudem patrum, commendatio spiritalium pauperum potius censenda est exaltatio, & glorificatio, quàm depressio Prælatorum. Ex quibus aperte relinquitur, præfatum titulum, a falsi criminis impositione sumpsisse originem, per quem pauperum hostis molitur procurare dissidium inter pa-

Matt. 5. 4

Ecclesi. 44. c

A res & filios, tutores, & orphanos, nutritios & alumnos, ut sic patronorum suorum subsidio destitutos, deglutiat inopes, rapiat pauperes, & interficiat innocentes. Huiusmodi enim pauperes, de quorum numero fuit ille, contra quem scribit, in ipso sui libri exordio de præsumptione notat, de amore priuato, de sui complacentia, iactantia; & arrogantia inaudita, videlicet, quod se præferat Christo, dum in prima sui oris apertione sic ait: Tantum sibi præsumptionis assumpserunt quidam homines seipsos amantes, sibi metipsis placentes, ac suam non Christi iustitiam prædicantes, ut cum dicat Apostolus:

B Estote imitatores mei, sicut & ego Christi; ipsi e contrario dicunt: Estote imitatores nostri, in quibus non sumus imitatores Christi. Hæc namque sunt prima verba ipsius, in quibus aperte declaratur, quod liber ipse totalis trahit originem ab eo, qui est mendacij pater, & in veritate non stetit, qui homicida fuit ab initio, & accusator est fratrum. Qui enim tales inter Ecclesiæ membra sunt, certe si qui sunt, omnino tamquam Luciferiana tumescentes superbia, ex hac & æterna vita delendi sunt. Quod si reperiri nequeunt, quia non sunt, vel in ventum loquitur, vel innocentes calumniatur, non attendens illud Sa-

C pientis: Qui calumniatur egentem, exprobrat factori suo: honorat autem eum qui miseretur pauperis. Nec dubium diuina prouidentia id gestum esse, quod tali dogmati tale præmitteretur initium, ut qui legit agnoscat, quod libelli huius conscriptor, ut detractor loquitur, non ut doctor. Sane quia detractio- nis vitium excæcationem inducit, Gregotio in registro dicente: Quid aliud detrahentes faciunt, nisi quod in puluerem sufflant, atque in oculos suos terram excitant, ut vnde plus detractio- nis perfiant, inde magis nihil veritatis videant? Ideo peruersi huius dogmatis cultor semper dum scribit in peius proficit, & tamquam cæcus in foueam ruit. Nam consequenter annectit: Quid enim aliud dicere volunt, qui in suis scriptis dogmatizant, quod Christus Dominus aliqua egit, non in summæ perfectionis ostensionem, sed in infirmorum, seu imperfectorum condescensionem, cuius contrarium aliquando viris perfectis facere licet, non vituperabiliter, sed laudabiliter immo laudabilius agitur, quàm omittitur. Hoc est etiam quod pro summo habet errore, quod tamquam venenum abhorret, & respuit, quod Christus Deus cuius perfecta sunt opera, aliquod opus effecerit, per quod imperfectis condescenderet, & infirmis, ac per hoc condescensionem huiusmodi tamquam rectitudini perfectæ contrariam, ab exemplari omnimodæ perfectionis omnino astruit esse alienam. Quod quamuis superficietenus videatur excel- sam iustitiæ perfectionem in Christo prætere, & ideo ad eius laudem pertinere, quia tamen ab ipso actum summæ pietatis excludit, nihil aliud est, quàm fontis misericordiæ venas, salutisq. vias inique præcludere, necnon Regis æterni condescensuam clementiam impie blasphemare.

A d defensionem igitur veritatis, & improbationem erroris, eligere disponimus exëplo David, quinque limpidissimos lapides de torrente redundantis sapientiæ catholicorum doctorum, quibus si pia fide veritati assentiri voluerit, nobiscum armetur: si autem ut effrons resistere, in fronte feriat. Audiat ergo primum quid dicat Augustinus: Habuit, inquit, Dominus oculos, & dictum est de quibusdam religiosis feminis, quod ministrabant ei de substantia sua. Futurus erat & Paulus nihil tale aliquando quærens, & omnia prouincialibus donans. Sed quia multi infirmi ista quæsituri erant, magis infirmorum personam suscepit Christus. Sublimius Paulus nūquid & Christo? Sublimius Christus, quia misericordius. Cum enim videret Paulum non esse ista quæsiturum, præuidit ne damnetur quæsiturum, & præbuit exëplum

1. Cor. 4. d

Pron. 14. d

Greg. Registr. lib. 8. epist. 45. ad Palladium presbyt.

1. Reg. 17. e

Aug. enar. in Ps. 103. conc. 3. cir. med. 10. 9.

Christus suscepit personam infirmorum.

M m 3 infir-

S. Bon. Tom. 7. Pars iij.

- Infirmis.** Cum enim videret multos promptos, & gaudentes ituros esse ad martyrium passionis, exultaturos in ipsa passione, fortes, centenarios, maturos ad horreum, tamen infirmorum quorundam, quos videbat posse conturbari ventura passione ne deficerent, sed potius voluntatem humanam voluntati Creatoris coniungerent, ipsorum personam voluit suscipere.
- Mar. 14. d.** Christus in passione dicens: Tristis est anima mea usque ad mortem. Hæc Augustinus. Quid hoc clarius? quid limpidius contra aduersarium veritatis dici potest? Non enim valet intorqueri ad infirmitatem carnis, quod ait in oculis, & in formidine passionis infirmorum personam suscepisse Christum. Nam & Paulus ipse, & illi, quos ad passionem dicit ire gaudentes, quos etiam ab infirmis huiusmodi in verbo præfatio distinguit a carnis infirmitate, cum essent mortales homines, nequiuertunt esse immunes. Beatus quoque Ambrosius super illud Saluatoris in Luca: Transfer a me calicem hunc, errant, inquit, in hoc loco, qui tristitiam Saluatoris ad argumentum insolite potius a principio, quam susceptæ ad tempus infirmitatis inclinât, & naturalis sensus cupiunt detorquere sententiæ. Nusquam magis pietatem eius, maiestatemque demittit, minus enim mihi contulerat, nisi meum suscepisset affectum. Hæc sanctus Ambrosius.
- Luc. 22. e.** Ex quibus aperte colligitur, quod præter illum generalem mortis horrorem, qui communis est omnibus tam in passione gaudentibus, quam etiam ceteris, aliquem affectum suscepit ad condescendendum, non tantum carne, sed etiam mente infirmis.
- Chrys. hom. 27. super Matth.** Chrysostomus etiam super Matthæum: Vides, ait, quanta est Christi in condescensione diligentia, sicut cum comedit & bibit, cum videatur ex aduerso Ioanni faciès, & hæc ludæorum gratia salutis facit, magis autem cæcis terrarum vniuersi. Quid his clarius dici potest? in quibus asserit, Christum condescendisse in cibo & potu ludæis, qui utique infirmi erant, non tam carne, quam mente: nam & infirmitatem carnis ipse.
- Greg. li. 22.** Ioannes habebat. Gregorius in Moralibus lib. 12. super illud: Putas ne mortuus homo rursum uiuat? Solent, inquit, iusti in eo, quod ipsi certum sentiunt, quasi ex dubitatione aliquid proferre, ut infirmorum in se verba transformant, sed rursum per fortem sententiam dubietati contradicunt, quatenus per hoc quod dubie proferre cernuntur, infirmis aliquatenus condescendant, & per hoc quod certam sententiam proferunt, infirmorum mentes ad soliditatem trahant. Quod dum faciunt, exemplum nostri capitis sequuntur, qui passioni propinquans, infirmantem in se sumpsit vocem, dicens: Pater si possibile est, transfer calicem hunc a me, sed vim fortitudinis ostendens ait: Non sicut ego volo, sed sicut tu. Hucusque Gregorius. Per quæ patenter ostendit condescensionem ad infirma & imperfecta mortalium, non solum ad membra Christi fortia pertinere, sed etiam ad caput. Tandem magister Hugo in expositione illius Psalmi: Boddum est confiteri Domino, sic dicit: Habebat Iesus oculos, & ea, quæ dabantur suscipiebat, conformans se imperfectis. Paulus autem nolebat sumptus accipere de Euangelio, sed gratis factus est minister verbi, & inuenitur Paulus aliquid maius fecisse, quam Christus. Christus autem in numero imperfectorum inueniri voluit, ne præsumerent non accipientes, & confunderentur accipientes, & æstimaretur non esse Christianus, faciès quod noluit facere Christus. Hoc Catholici doctoris testimonio quinto, directe hostis condescensionis Christi in fronte percutitur, quo non solum astruitur, quod magister perfectionis ex condescensione oculos habuerit, verumetiam quod oppositum huius non solum laudabiliter, sed laudabilius habet fieri, quam omitti.
- Hugo de S. Vict. in Ps. 118. 64.** Ut autem hoc clarius elucescat, consideratione per-nigili attendendum est, quod sicut tripliciter bonum dicitur, & etiam malum, sic & perfectum & imperfe-
- Atum,** videlicet in genere, ex circumstantia, & secundum se. Bonum namque in genere, est actus transiens super materiam debitam, ut ire ad Ecclesiam, dare elemosynam. Bonum ex circumstantia, est actus laudabilibus circumstantiis informatus, sicut dare elemosynam seruatis debitis circumstantiis circa dantem, datum, & accipientem, quantum ad loca, tempora, & personas. Et hæc duo bona deprauari possunt per alienius circumstantiæ defectum, & maxime propter inordinationem intentionis, utpote si quis in dando elemosynam, vel ieiunando, vel eundo ad Ecclesiam, hoc faciat ut gloriam capiat humanam. Tertium autem est bonum secundum se, quod nullo modo potest esse malum, aut male fieri, sicut est opus virtutis ex charitatis radice procedens. Per hunc etiam modum, tripliciter dicitur malum. Malum, inquam, in genere, dicitur actus transiens super materiam indebitam, sicut occidere hominem. Malum ex circumstantia, dicitur actus informatus deordinata circumstantia, ut comedere extra horam. Mala secundum se sunt illa, quæ mox nominantur coniuncta malo, ut mentiri, fornicari, odire veritatem, approbare errores. Simili etiam modo perfectum dicitur tripliciter. Perfectum namque in genere, est actus difficilis, & excellens, sicut est omnia relinquere, & intrare religionem. Perfectum ex circumstantia, dicitur actus difficilis debitis circumstantiis adornatus, ut relinquere diuitias gaudentes, & ad ædificationem proximi. Perfectum autem secundum se, est actus difficilis a charitatis sublimitate procedens, ut est motus seruidæ, & extractæ dilectionis in Deum, vel puræ & plenæ dilectionis ad inimicum. Iuxta hunc etiam modum, imperfectum dicitur tripliciter. Imperfectum quippe in genere, dicitur actus facilis ad quem humana infirmitas inclinatur, sicut fugere mortem, pecuniam possidere. Imperfectum ex circumstantia, dicitur actus informatus circumstantia inclinatus ad infimam iustitiæ statum, ut vim facienti dimittere vestem, propter fugam maioris iniuriæ. Imperfectum autem secundum se, quod nullo modo potest stare cum perfectione Evangelicæ, sicut ducere uxorem, & fugere paupertatem. Cum igitur tam multiformiter dicatur tam perfectum, quam imperfectum, clarum est, quod sicut malum ex genere potest fieri bonum ex circumstantia ut occidere hominem, quia maleficus est, & quia lex iubet, & quia reipublicæ confert, & e conuerso bonum ex genere potest fieri malum ex circumstantia, utpote dare elemosynam propter vanam gloriam: sic & perfectum in genere potest fieri imperfectum ex circumstantia, ut puta sua relinquere modica, ut quis capiat maiora bona ecclesiastica, vel ab omni actu libidinis carnalis continere propter corporis vitam prolongandam. & e contrario imperfectum in genere, potest fieri perfectum ex circumstantia, utpote fugere mortem, ut quis gloriosius, & fructuosius, & opportunius patiat pro Domino, quemodo fugit Christus, & Apostolus Paulus. Sic & in consimilibus similiter est iudicandum. Ex his patenter liquet, quid veraciter de Christi operibus sentiendum sit. Nam cum loquimur de Christi operibus, potest fieri sermo de eius opere interiori, vel exteriori. Interius dicimus opus operans, exterius opus operatum. Omne autem opus Christi operans siue interius est perfectissimum, quia ex perfectissima charitate processit, & hoc est opus, & actus perfectissimæ voluntatis & virtutis. Opus vero eius exterius in se consideratum, aliquando fuit perfectum de genere actus, utpote morti se offerre, vel animam pro omnibus ponere, aliquando imperfectum ut a facie persequentium fugere, & seipsam abscondere, & pro amotione calicis exorare. Verumtamen hoc opus relatum ad Christi charitatem, & rationem, & causam, quare hoc faciebat, & ad personam suam efficitur perfectissimum. Vnde Bernardus tractans illud: Si fieri potest, transeat a

Omne opus Christi interius est perfectissimum.

Bernardus in sermone de s. Andrea.

m e

metrix iste, ait: Agnosco in duce belli pusillanimitatem, trepidationem, agnosco ægroti vocem in medico, agnosco infirmantem gallinam cum pullis, confidero charitatem, stupeo dignationem, & expauesco humilitatem. Misericors Dominus nō beati Andreæ robustum sibi sumpsit affectum, quia non est sanis opus medicus, sed male habentibus, & si quem dignatio tanta scandalizet, plane meretur audire: An oculus tuus nequam est, quia ego bonus sum? Huic enim odor vitæ in mortem est. Quid enim magnum fuit Domine Iesu, si accedente iam hora mortis propter quam veneras, intrepidus stares, tamquam qui potestatem habebas ponēdi animam tuam, & nemo tollebat eā a te? Aut non longe gloriosius fuit, quandoquidem totum propter nos agebatur, ut nō solum passio corporis, sed etiam cordis affectio, pro nobis faceret, & quos viuificabat mors tua, nihilominus & trepidatio robustos, & mæstitia lætos, & tædium alacres, & turbatio quietos faceret, & desolatio consolatos. Hucusque Bernardus. Et hoc ipsum est, quod dicit Augustinus in auctoritate superius allegata, quod sublimius aliquid fecerat Paulus, quā opus quod fecerat Christus, nec tamen Paulus sublimius Christo, immo Christus sublimius, quia misericordius. Quod ideo dicit, quia ipsa condescensio Christi, qua membris suis condescendebat infirmis, & imperfectis ex sublimitate procedebat perfectissimæ charitatis. Sicut enim humanam assumendo naturā, in nostris quidem factus est humilis, sed in proprijs permansit excelsus; sic & summæ charitatis dignatione, ad actus quosdam nostræ imbecillitati, & imperfectiōni conformes deprimatur, & a summæ perfectiōnis rectitudine non curuatur. Ac per hoc verum est, quod Christi perfecta sunt omnia opera ad ipsum relata; verum etiā est, quod Christus etiam fecit aliqua opera infirmorum in se suscipiendo personā, & ad nostra condescendēdo infirma, & imperfecta. Verum nihilominus, quod eorum opposita laudabiliter possunt fieri, & laudabilius est facere illa pro loco & tempore, quā omittere. Verum est etiam, quod numquam ex hoc discipulus est super magistrū, quia nullus tanta charitate ascendit ad illa fortia, quanta Christus condescendit ad ista infirma, & ideo magister est semper supra discipulum, Christus videlicet supra omnem hominem quantumcumque perfectū. Hæc omnia si pie, & diligenter is, cui respōdetur sciuisset aduertere, numquam tot contra Christi condescensionem protulisset ineptias. Et tunc si misericordia Dei præuentus, ut per omnem modum optamus, & suppliciter petimus, humilitatem discere velit, non alteri conabitur hæreticæ prauitatis crimen impingere, sed proprium corrigere, ac deplorare studebit errorem, nisi forte, quod auertat Deus, de numero sit illorum, qui Christi sublimis, & humilis altam & condescensiuam ignorantes iustitiam, & inflexibilem, quendam magistro perfectiōnis attribuētes errorem, veræ ac piæ Christi iustitiæ conuincuntur esse contrarij potius quā subiecti.

RESPONSIONIS PRIMÆ  
Caput secundum.

*In quo capitalis error circa notificationem perfectiōnis, & imperfectiōnis eliditur, & vera perfectiōnis exemplaritas, & differentia ipsius ad imperfectiōnem referuntur.*

Quemadmodum autem condescensionis Christi aduersarium valida doctorū prostrauit auctoritas, sic & peruersi eius dogmatis caput propriæ assertionis mucro detruncat, dum idem perfectiōnis Euangelicæ oppugnator impijs sensibus inuertendo scripturas, & imperitis sermonibus inuoluenendo sententias, non solum a veritate dissenit, ve-

rumetiam sibiipso contradicit. Quanta namque sit in sequentibus intellectus peruersitas, quantus Scripturarum abusus, quanta inuolutio sententiarum, quantaque repugnantia sensuum, quia longum esset explicari per singula, prudenti lectori sufficere credimus, si aliqua illorum succincte tangamus. Siquidē a definitione perfectiōnis quasi capitale sumens exordiū, dicit quod perfectio huius vitæ est, non ut peccatum non habeamus, sed ne regnet in nostro mortali corpore. Hoc quamuis sit veraciter, & catholice verum, & a sanctis acceptum: quia tamen in hoc perfectiōnis Euangelicæ terminum ponit, & complementum constituit, a vera perfectiōnis notitia procul esse conuincitur. Nam cum omnis homo ad hoc, quod peccatum in ipso non regnet, diuino sit præcepto astrictus, omnis igitur homo teneretur esse perfectus. Iterum si quantumcumque charitas parua ad hoc sufficit, sequitur, quod minima charitas ad perfectiōnis culmen attingit. Quid igitur dicit Augustinus, quod charitas meretur augeri, ut aucta mereatur & perfici? Amplius, si perfectio est, quod peccatum in nobis nō regnet, igitur imperfectio est, quod regnet. Sed cum peccatum in nobis nō potest regnare nisi cum sumus in peccato mortali, omnis igitur imperfectio est peccatum mortale. Quod quam absurdum sit, & a veritate dissentiat, nemo qui aliquid nouit ignorat. Dehinc vigilans lector attendat, qualiter in subsequentibus imperfectiōnem diffiniens, sibiipso contradicat aperte. Subdit enim: Imperfectio est citra possibilitatem humanæ conditionis non conformari Christo. Sed hoc potest esse non solum absque mortali peccato, quia nullus ad hoc tenetur, verumetiam absque veniali in his potissimum, quæ sunt consilij, & in nostræ ponuntur liberæ voluntatis arbitrio, ac per hoc omitti possunt absque vilo peccato, sicut expresse patet in voto paupertatis, & continentie virginalis. Quod autem subiungit dicens, quod a mandatis Christi, & eius operibus discordare, est imperfectio, a qua Apostolus discipulos dehortatur, non solum a præcedentibus dissonat, verumetiam repugnantiam in se claudit manifestam. Nam discordare a Christi mandatis, semper est peccatum mortale, discordare vero a Christi operibus potest esse peccatum veniale, vel omnino nullum peccatum. Apparet igitur, quod seipsum nequaquam intellexit, dum in ea tempropositione duo sibi contraria simul includit. Deinde quod verba inculcans de imperfectiōnis notificatione subnectit dicens: Imperfectio vitæ est a regula iustitiæ, & a vestigijs Christi distorti, ubi Christum posset secundum carnem corruptibilem imitari: ostendit se non solum veritatis intelligentia vacuum, sed etiam verbis veritatis egenum. Verum de verbis cura permodica, magis autem discutienda verbi sententia, & abiicienda tamquā distorta. Dic enim quod imperfectio est distortio a regula iustitiæ. Constat autem, quod iustitia est rectitudo voluntatis, sicut dicit Anselmus. Si igitur est quædam iustitia perfecta, quædam imperfecta, sequitur necessario, quod sit quædam iustitia distorta. Amplius, si est rectitudo iusta, distortio etiam iniusta. Si igitur imperfectio est distortio, imperfectum erit iniustum. Sequitur ergo si imperfectio est distortio, quod aliqua iustitia sit iniusta. Denique cum virtus omnis, ut ait Augustinus, sit recta ratio, necessario sequitur quod distortio sit peccatum. Si igitur vniuersaliter imperfectio est distortio, sic imperfectio vniuersaliter erit peccatum, cum aliqua charitas sit imperfecta, consequentia necessaria potest inferri, quod charitas sit peccatrix. Ac per hoc colligitur ex præmissis secundum notificationes imperfectiōnis præhabitas, quod iustitia sit iniusta, rectitudo distorta, & charitas vitiosa. Ad maiorem quoque imperitiæ suæ declarationem paulo post subdit, quod sapiens magnam asserit esse gloriam sequi Dominum, & quod simpliciter dictum est vniuersaliter

*Anf. Dial. de veritate 10. 6. 13.*

*Aug. lib. 4. adu. Iulianum Pelag. 3. ante medium. 10. 7.*

uersaliter intelligitur. Quod si verum est, cum velle sequi Dominum in aliquibus suis actibus sit magna praesumptio, utpote in miraculis, in iudicijs, in vindictis, & in prauidendis futuris, & consimilibus; igitur si hoc verbum simpliciter dictum est vniuersaliter intelligendum, aut magna erit gloria sequi Dominum in his ad quae aspirare est praesumptuosum, & imperitum: aut secundum istius peruersum iudicium sapiens dixit falsum. Huic quoque dementiae, & alia non minorem adiunxit dicens, quod Christus adolescenti dixit, sequere me, non distinguens in quibus & qualibus, sed simpliciter, & magna ut dicit praesumptio est, velle distinguere ubi Dominus non distinxit, quia legislatoris est proprium, legem interpretari quam condidit. In qua quidem assertionem, & ipsi fideri, & sanctorum Patrum sententiae, & etiam si bimer contradicit aperte. Nam si ubi Christus in sermone proprio non distinxit, nec nos debemus distinguere, cum dixit: Pater maior me est, errat catholicae fidei sensus, quo docetur non ad Christi diuinitatem, sed ad eius tantummodo humanitatem, praefatum verbum esse referendum. Errant nihilominus sancti, qui Christi eloquia explanando, & distinguendo, exponunt, & exponendo interpretantur. Errat & ipse, qui consequenter in hoc verbo etiam distinguit dicens, quod non intelligitur de actibus spectantibus ad graduum, & dignitatum distinctionem, sed de alijs tantum. Verum nec his contentus stultitij, subiungit, & alias asserens, quod dicere Deum aliquid praecipisse perfectis, non imperfectis, error sit Manicheorum, & res magni periculi, non attendens, quod facer dicit Hieronymus contra Iovinianum lib. 2. dicit enim: Numquid omnibus praecceptum est, ne duas tunicas habeant, ne cibos in pera, & in zona, calceamenta in pedibus, ut vendant vniuersa quae habent, & sequantur Iesum? Sed quis qui vult esse perfecti: alioquin cur a Ioanne Baptista, aliud militibus, aliud praecipitur Publicanis? Hec Hieronymus. Quibus patenter ostendit, hanc suam, immo Scripturarum esse sententiam, quam hic nouellus doctor Ioviniani erroneum dogma secutus, haereticam asserit & periculosam. Sane quod addit, mandatis hominem imperfectum non effici, quia mandatum sanctum, bonum, & iustum non operatur mortem, sed imperfectio mors quaedam est, manifeste verum probans, per manifeste falsum, simul sui ipsius imprudentiam declarat, & errorem. Certum enim est, quod mandata nec imperfectos faciunt, nec perfectos, cum tam hi, quam illi ad eorum obseruantiam astringantur. Certum est etiam, quod imperfectio a perfectione non discrepat, sicut mors a vita distat. Si enim & imperfectio mors est, aut poenalis, aut culpabilis. Si poenalis, nullus est in hac vita perfectus, nec etiam ipse Christus; si culpabilis, sed mors culpabilis est culpa mortalis, nullus est igitur imperfectus, qui non sit per mortale peccatum vita priuatus. Quod si dicat mortem quandam dici culpam venialem, valde improprie loquitur, nec tamen declinat errorem, quia si culpa venialis est mors faciens imperfectum, & cum non sit maior ratio de vno veniali, quam de alio, quoties incidit quis in veniale peccatum, toties decedit a perfectionis statu. Et iterum: Cum nullus quantumcumque iustus sit omnino immunis a venialibus, nullus erit in hac vita perfectus, ea perfectione quam consulit Christus, quod est haereticum, & damnandum. Ad erroris etiam sui cumulationem maiorem subsequenter annectit, imperfectionem esse quandam claudicationem, quae sub praepcepto non cadit, sed sub indulgentia, quemadmodum sua repetere non est praepceptum, sed indultum. Quod est plane falsum, cum indulgentia secundum Augustinum in libro de bono coniugali includit peccatum, & repetere sua imperfectis est licitum, sicut prima ad Corinthios 6. b

Ioan 14 d

Hieron. lib. 2. contr. Iovin. longe ante med.

1. Cor. 6. b

rinth. 6. dicit Glossa: Infirmis licet sua repetere, etiam

movendo causam ante iudicem. Huic quoque simile est, quod quibusdam vanis, & friuolis interpositis addidit, quod in nouo testamento, etiam quando causa prolis contrahitur matrimonium, est indultum. Cui aperte contradicit Augustinus in libro de bono coniugali. Certe, inquit, dubitare fas non est, nuptias non esse peccatum. Non itaque nuptias secundum veniam concedit Apostolus, sed illum concubitum secundum veniam concedit, qui sit per incontinentiam non solum causa procreandi, sed etiam aliquando nulla causa procreandi, quem nuptiae fieri non cogunt, sed ignosci impetrant. Concubitus enim sola causa generandi inculpabilis, solus ipse nuptialis est. Hec Augustinus. Vbi inter ipsum doctorem antiquum, & istum nouellum tanta est repugnantia sensuum, & verborum, ut necesse sit alterum eorum asseruisse falsum. Si igitur non suam, sed egregij doctoris vult sequi sententiam ne in foueam cadat erroris, desinat imperfectionem describere per distortionem, & claudicationem, ut non compellatur ex hoc tamquam distortus, & claudus a veritatis tramite deuiare. Quod autem subdit, Christum nulla fecisse opera tantum imitanda perfectis, pro eo quod nemini perfectionem invidit, quasi non posset esse gradus, & distinctio in exemplis Christi & verbis, respectu graduum, & statuum diuersorum in hierarchia Ecclesiae; nequaquam est consonum documentis Scripturae. Nam Christus dicit specialiter Apostolis: Vobis datum est nosse mysterium Regni Dei, ceteris autem in parabolis. Et iterum loquens ad Patrem ait: Abscondisti haec a sapientibus & prudentibus, & reuelasti ea paruulis. Numquid inuidus Deus, quia non omnibus sapientiae suae reuelauit arcanum? Constans est autem, quod sicut Christus sua pro illis qui ea capiebant proponebat eloquia, ita pariter & exempla. Nequaquam igitur ex inuidia, sed ex altissima dispensatione sapientiae Dei, diuidentis dona sua singulis prout vult, quaedam proponuntur imitanda Praelatis non subditis, quaedam spiritualibus non animalibus, quaedam perfectis non imperfectis, quaedam fortioribus non infirmis, sicut expresse patet in auctoritate praemissa Hieronymi contra Iovinianum. Nec tamen dicimus, quod opera consiliorum, & supererogationum, illis solis proponantur qui iam perfecti sunt, quin potius omnibus qui ad perfectionis culmen conscendere volunt. Quod quidem tamquam difficile, & arduum, non est omnium, sed paucorum. Porro ratio illa, qua subsequenter conatur astruere Christi opera, & exempla, aequaliter cunctis esse proposita, quia si aliquid egit quod tantum imitandum esset imperfectis, videretur tunc quod debuisset uxorem accipere, & contentionibus se ingerere, ut horum exempla imperfectis praerberet, nullius est efficaciae, sed magnae dementiae. Nequaquam enim rationem hanc probabilem crederet, nisi experientiam carnalis libidinis, & compugnantiam litis condescensionem diuinam dulcedinis in nostris infirmitatibus suscipiendis, temeritate quadam erronea coequaret. Ac si aperte diceret. Si Christus condescendit infirmitati humanae in actu comestitionis, & fugae, pari ratione condescendere debuit in actu carnalis libidinis, & litis contentione. Alioquin ratio sua non valet. Et vere non valet, quia non est simile hinc inde, quia in illis infirmitatibus decuit nobis condescendere Christum, quae communiter respiciunt naturam lapsam, nec aliquam habent foeditatem annexam, in alijs vero nequaquam. Tandem si quis vigilanter attendat quid finaliter concludit, & intendit, patenter aduertet, quod seipsum paralogizando multiplici inuoluit errore. Ait enim: Cum duz sint partes perfectionis, scilicet sua videre, ac distribuere, & Christum Dominum sequi, sicut ad fundamentum Religionis requiritur necessario, quod omnia sua relin-

Aug. lib. de bo. coniug. c. 20. 10. 6.

Luc. 8. b

Mat. 11. d



relinquens Christum imitetur in omnibus iuxta possibilitatem humanam. Propter quod non paruam asserit esse blasphemiam, dicere Christum in his quæ secundum naturam nostram gessit, non in omnibus, sed in aliquibus imitandum, eis potissime, qui perfecti esse conantur. Verum licet verba huiusmodi in superficie videantur aliquam prætere rationem, tamen secundum veritatem ratiocinatio sua nullum omnino habet vigorem, sed & conclusio multimodam continet falsitatem. Non enim est simile de dimissione suorū, & imitatione actuum Christi. Nam dimittere sua actus est vnus, & vniformis, qui perfectioni non consonat, si diminute hoc est secundum partem, & non secundum totum fiat. Actus autem Christi sunt multiformes, & varij, & quamuis in comparatione ad Christi personam omnes sint perfecti, tamen secundum naturam propriam quidam sunt excellentes, quidam condescensiu, sicut in præcedentibus aliquantulum patuit, & subsequenter patebit. Sane si verum est, sicut concludit, quod perfectio dicat vniuersalem conformitatem ad Christi opera, & imperfectio dissonantia, multa per omnem modum sequuntur absurda. Nam cum Christus mulieres secum comitantes, & ipsum sustentantes habuerit, sequitur, quod imperfectus fuerit Paulus qui hoc recusauit. Cum Christus inter homines habitauerit, imperfectus fuerit Ioannes Baptista, qui relictis tur- bis solitaria loca quæsiuit. Cum Christus vinum biberit, imperfectus idem Baptista, qui vinum & sice- ram non gustauit. Cum Christus solus cum muliere locutus fuerit, imperfectus vir qui a mulieris con- sortio se elongat. Cum Christus mulieri peccatrici pedes osculandos præbuerit, imperfectus vir qui mu- lierum contactus abhorret, & vitat. Cum Christus diuidere hereditatem inter fratres recusauit, imper- fectus erit qui iurgantes pro hereditatis diuisione ger- manos ad pacem, & æquitatem reducit. Cum Chris- tus scienter loculos furi conseruandos commiserit, imperfectus omnis erit, qui furem dispensatorem ex- pellens fidelem requirit. Cum Christus in ipsa sua passione tacuerit, imperfectus omnis erit, qui pro Christo patiens veritatem dicit. Et sic in pluribus alijs potest inductio fieri, vt in fuga, & comestione, & loculis taceamus: quæ omnia tam absurda sunt, vt iquis ea conetur defendere, non tam videatur er- rare, quam insanire.

Vt autem hæc & his similia prudens lector effu- giat inconuenientia, in quæ is cui respondemus ex inconsideratione deuenit, attendere debet, quod de- ceptionis huius duplex extitit causa. Prima causa est, quia cum sciret Christum esse omnis perfectionis exemplum, modum tamen huius exemplaritatis ne- sciuit, vel aduertere neglexit. Secunda causa est, quia cum clare perpenderet imperfectionem a perfectio- ne deficere; modum tamen huius defectionis non potuit inuestigare. Intelligendum est igitur, quod cum Christus sit Verbum increatum, & incarnatum, duplex est in eo ratio exemplaritatis æternæ videli- cet, & temporalis. Æternæ inquam, secundum quod est splendor æternæ gloriæ, & figura substantiæ Dei Patris, atque candor lucis æternæ, & speculum si- ne macula maiestatis Dei. In quo quidem speculo exemplariter cuncta creata relucet, quæ a principio conditionis mundi vsque in finem, ad perfectionem vniuersi totius, tam spiritualiter, quam sensibilibiter proiunguntur. Et secundum hoc est Christus, vt Ver- bum increatum, speculum intellectuale, & exem- plum æternum totius machinæ mundialis. Inquan- tum autem Verbum incarnatum in assumptæ huma- nitatis conuersatione, exemplum & speculum est om- nium gratiarum, & virtutum, & meritum, ad cuius exemplaris imitationem erigendum est tabernaculū militantis Ecclesiæ. Iuxta quod Moyse mysterialiter dictum est: Inspice, & fac secundum exemplar, quod

tibi in monte monstratum est. Et quemadmodum ab illo vno æterno exemplari indiuiso, tam diuersæ manant creaturarum naturæ, & naturarum perfe- ctiones, secundum variam ipsius summi boni parti- cipationem, quod perfecte ab vna aliqua creatura ca- pi non poterat, propter quod & diuersas constituit Deus rerum species ad vniuersi completionem: sic & a Verbo illo incarnato, tamquam ab originali princi- pio gratiæ, de cuius plenitudine accepimus omnes, & tamquam a speculo in quo, & a quo omnis sancti- tatis, & sapientiæ plenitudo, & pulchritudo reful- get, diuersi status, gradus, & ordines secundum va- riam distributionem donorum, & varium imitandi modum exemplariter deriuantur, in quibus secun- dum multiformem participationem multimoda Chris- ti perfectio sic distribuitur, vt simul reperiatur in om- nibus, nec tamen in aliquo vno solo secundum om- nimodæ plenitudinis totalitatem resulgeat, sed qui- libet gradus, & status pro suæ mensuræ modulo se- cundum plus & minus, istiusmodi exemplaris influen- tiam suscipit, & ad ipsius imitationem accedit. Re- fulgent autem a Christo tamquam a totius nostræ sa- lus exemplari, & originali principio actus multiformes. Nam quidam actus in ipso respiciunt sublimi- tatem potentiæ, vt super aquas siccis pedibus ambu- lare, elementa conuertere, panes multiplicare, se- ipsum transfigurare, & cetera miracula facere. Qui- dam sapientiæ lucem, vt arcana cælestia referre, secre- tra cordium scrutari, & futura prædicere. Quidam seueritatem iudicii, sicut vendentes eijcere de tem- plo, cathedras vendentium columbas euertere, & dura increpatione ferire Pontifices. Quidam officij dignitatem, vt sacramentū conficere sacratissimi cor- poris sui, manus imponere, & relaxare peccata. Qui- dam condescensionem miseriæ, vt latere in persecu- tione, trepidare, & contristari in morte, & pro amo- tione calicis Patrem rogare. Quidam informationem vitæ perfectæ, vt paupertatem seruare, virginitatem custodire, Deo & hominibus seipsum subijcere, no- ctes in oratione peruigiles ducere, pro crucifixori- bus exorare, & morti se summa charitate etiam pro inimicis offerre. Cum igitur sex sint huiusmodi actuum varietates, in his vltimis dumtaxat ipsum imitari est perfectum. Nam in his quæ sunt excellentiæ singula- ris est impium & Luciferianum, nisi fuerit alicui pri- uilegij singularis dono concessum. In his autem quæ sunt seueritatis & dignitatis, est præsidium, & præ- latorum. In his quæ condescensionis, est infirmorum in quantum loquimur ad actum extrinsecum. Nequa- quam igitur vt dogmatizat, summa Christianæ per- fectionis consistit in vniuersali imitatione actuum Christi, sed tantum illorum qui vitæ perfectæ imi- tationem respiciunt. Ex quo apparet, quod huiusmo- di veritatis ignorantia, prima fuit in eo causa erroris. Quam etiam secunda comitata est videlicet, quod im- perfectionem a perfectione rationabiliter nō discre- uit, dum imprudenter asseruit, quod imperfectio & perfectio differunt, sicut rectitudo & distortio, sicut iustitia & peccatum, sicut puritas & pollutio, sicut gloria & ignominia, sicut vita & mors, sicut sanitas & morbus, sicut incessus & claudicatio. Ex quibus magna inconuenientia sequuntur & multa, quorum aliqua superius sunt expressa. Propter quod diligens lector aduertat, quod perfectio & imperfectio non differunt, sicut duo contraria, sed sicut maius bonum, & minus bonum, sicut fini propinquum & longin- quum, sicut magis meritum & minus, sicut mag- is deiforme & minus, sicut gloria & sanctitas maior & minor. Quod quamquam intelligentibus sit per se notum, ad tollendum tamen omnem dubitationis scrupulum, auctoritatibus Sanctorum est proban- dum. Ait enim Ambrosius de offic. lib. i. Officium omne aut medium, aut perfectum est. Quod æque Scripturarum auctoritatibus probare possumus. Ha- bemus

Varij, ac multiplices actus in Christo.

In quibus actibus imitari Christum spectat ad perfectionem.

Perfectio, & imperfec- tio quomo- do differat.

Amb. lib. i. de offic. cap. 11.

Heb. i. a

Christus est exemplar mi- litantis Ec- clesiæ.

Exo. 25. d



*Matth. 19. b* bemus enim a Domino in Euangelio dictum : Si vis ad vitam ingredi, serua mandata. Non homicidium facies, non adulterabis. Hæc media sunt officia quibus aliquid deest, ideo sequitur : Si vis perfectus esse, vade & vende omnia quæ habes, & da pauperibus, & sequere me. Hoc est igitur perfectum officium quod Græci catorthoma vocant, quo corriguntur omnia quæ aliquos poterunt lapsus habere. Hæc Ambrosius. Ex quibus colligitur, quod medium officium quod est imperfectum, nullum dicit peccatum, cum consistat in obseruantia mandatorum. Item etiam super primam epistolam ad Corinthios : A licitis etiam temperate voluit fideles, vt non solum innocentes, sed & gloriosi videantur. Concessa enim præterire virtutis est maximæ. Hæc Ambrosius. Si igitur vti licitis innocentia, concessa præterire perfectio, constat quod imperfectio simul cum innocentia stat. Non est ergo peccatum. Augustinus quoque de bono coniugali : Quid dicturi sumus ad euidentissimam Apostoli vocem dicentis, Quod vult faciat, non peccat si nubat. & si acceperis uxorem non peccasti, & si nupserit virgo non peccauit? Hinc certe dubitare fas non est, nuptias non esse peccatum. Non itaque nuptias secundum veniam concedit Apostolus. Nam quis ambigat absurdissime dici non eos peccasse, quibus venia conceditur? Hæc Augustinus. Constat autem, quod nuptiæ non stant cum Evangelica perfectione, qua eunuchizari docet Christus propter regnum celorum. Igitur imperfectio non requirit veniam, nec est de se aliqua culpa. Idem etiam in eodem libro : Bonum, inquit, erat quod fecit Martha, occupata circa ministerium Sanctorum, sed melius quod Maria soror eius. Bonum Susannæ in coniugali castitate laudamus, sed tamen ei viduæ Annæ bonum, & multo magis Virginis Mariæ bonum anteposimus. Bonum erat quod faciebant qui de sua substantia Christo, & suis discipulis ministrabant; sed melius, qui omnem substantiam dimiserunt, vt Christum Dominum expeditiores sequerentur. Hæc Augustinus. In quibus luculenter ostendit, quod perfectum non differt ab imperfectio, sicut virtuosum a vitioso, sed sicut maius bonum a minus bono. Hoc ipsum Hieronymus dicit expresse : Vis aut, esse perfecta, & in primo state fastigio dignitatis, fac quod fecerunt Apostoli. Et post : Non vis esse perfecta, sed secundum vis tenere gradum virtutis, dimitte omnia quæ habes, da propinquis, da filiis nemo te reprehendit si inferiora seceris, dummodo scias illam tibi iure prælatam, quæ elegerit prima. Hucusque Hieronymus. Ecce quam patenter ait & asserit, quod imperfectio, quæ est secundi & inferioris status & gradus, non dicitur quid reprehensibile, & peccatum. Idem quoque Hieronymus ad Demetriadem ait : Prohibentur mala, præcipiuntur bona, conceduntur media, suadentur perfecta. In duobus primis peccatum omne concluditur, reliqua vero in nostra posita sunt potestate, vt aut cum minori gloria vitamur concessis ac licitis, aut ob maius præmium ea, quæ nobis concessa sunt, respuamus. Hæc Hieronymus. Quid his clarius ad propositum dici potest? Quibus quatumcumque tardum ingenium, nisi fortasse fuerit excecaturum malitia, ab omni præfati erroris caligine non dubitamus posse purgari, maxime si velit aduertere, quod recenter baptizatus, quamquam nondum peruenit ad apicem perfectionis & meriti, nulla tamen est infectus labe peccati.

## RESPONSIONIS PRIMÆ Caput tertium.

*In quo Evangelica perfectionis integritas panditur, eiusque status sublimis & gradus multiformis aperitur.*

**Q**uoniam autem scriptoris intentio non tam debet esse de falsitatis reprobatione, quàm de veritatis refectione sollicita, quatenus erroris tenebrositate depulsa, mentalibus legentium oculis radius veræ lucis insulgeat; ideo perfectionis notificatione falsa & erronea iam improbata, considerandum nobis est, in quo perfectio consistat, tandemque per quem modum vnus status perfectionis alterum in ipsa perfectione transcendit. Sciendum est igitur, quod radix, forma, finis, complementum, & vinculum perfectionis charitas est, ad quam magister omnium Christus legem & prophetas, & per consequens vniuersa Dei documenta reducit. Ipsa vero charitas triplicem habet statum. Vnum quidem infimum, in obseruantia mandatorum legalium. Secundum vero medium, in adimplerione spiritualium consiliorum. Tertium vero summum, in perfruitione sempiternali iucunditatem. Ideo triplex est perfectionis differentia, in sacra Scriptura scripta. Vna quidem necessitatis, de qua in Deuteronomio: Perfectus eris & absque macula, coram Domino Deo tuo. Glossa, id est, absque macula criminali. Et de hac Prosper dicit in libro de vita contemplatiua. Perfecti sunt, qui volendo quod Deus vult, nullis peccatis quibus Deus offenditur, acquiescunt. Secunda est perfectio supererogationis, de qua dicitur in Matthæo: Si vis perfectus esse, vade, & vende omnia quæ habes, & da pauperibus. Et de hac dicit Hieronymus: Perfectus seruus Christi nihil præter Christum habet, aut si præter ipsum aliquid habet, perfectus non est. Tertia est perfectio vltimæ plenitudinis, de qua Sapiens in Prouerbijs: Iustorum semita quasi lux splendens cre-scit, & procedit vsque ad perfectam diem, id est diuinæ visionis fulgidam claritatem. Et de hac Augustinus 1. Soliloquiorum: Vere perfecta virtus est ratio perueniens vsque ad finem, quem beata vita cõsequitur. Prima igitur & secunda perfectio a tercia differunt, sicut meritum differt a præmio. Media quoque a prima differt, sicut distinguitur consilium a præcepto. Omnia vero tam consilia, quàm præcepta, referuntur ad charitatis impletionem, & obseruantiam, quam sic describit Apostolus ad Timotheum: Charitas est finis præcepti, de corde puro, conscientia bona, & fide non ficta, insinuans triplicem actum charitatis, videlicet declinare a malo, prosequi bona, & patienter ferre aduersa. Nam propter declinationem a malo dicitur, de corde puro; propter prosecutionem bonorum dicitur, de conscientia bona; propter vero tolerantiam aduersorum dicitur, de fide non ficta. Glossa id est nõ fictili, vel fragili, sed cõtra aduersa fortis. Quia vero hic triplex charitatis actus, duobus modis ab habitu virtutis egreditur, vel secundum legem præcepti, & obligationis necessariæ & vniuersalis, vel secundum legem consilij & obligationis spontaneæ & specialis, & sequens includit primum, & superaddit quantum possibilitas viatoris admittit, hinc est, quod secundum cum primo dicitur perfectum, primum vero absque secundo quamquam sit quodammodo perfectum, respectu tamen secundi dicitur imperfectum, sicut dicit Ambrosius in libro de officijs, in auctoritate capitulo præcedenti proposita. Cum igitur de perfectione Evangelica loquimur, secundum commune acceptionem, de hac materia intelligimus. Et istiusmodi perfectionis notificationem ex præcedentibus colligere possumus, videlicet quod ipsa sit conformitas viatoris ad Christum, per illum virtutis habitum, quo supererogatiue declinantur mala, efficiunt-

Status charitatis triplex.

Triplex est differentia perfectionis. Prosper de vit. contempl. lib. 3. c. 25.

Matth. 19. b. Hier. in ep. ad Heliod.

Prou. 4. 6

Aug. 1. Soliloq. c. 6. 10. 11.

1. Tim. 1. 6

Ambros. de offic. lib. 1. c. 12.

Quid sit perfectio Evangelica.

efficiuntur bona, & aduersa perferuntur. In his namque tribus, tres partes Evangelicæ perfectionis consistunt. Porro cum ex conuersione inordinata ad triplex bonum commutabile, scilicet exterius, interius, & inferius, omne peccatum trahat originem, secundum concupiscentiam oculorū, superbiam vitæ, concupiscentiam carnis, & hæc tria vitari habeant non solum quantum ad actum & consensum, quod sit per virtutes illis oppositas, verumetiam quantum ad occasionem, & hoc quidem promotiuum sit in merito, & expediens ad salutem perfectionis, magister Christus ad perfecte declinandum concupiscentiam oculorum consulit, quod hæc omnia temporalia relinquatur secundum illud: Si vis perfectus esse, &c. Ad perfecte autem declinandum superbiam vitæ, suadet quod voluntas propria abnegetur, iuxta illud: Qui vult venire post me, abneget semetipsum, &c. Ad perfecte autem declinandum concupiscentiam carnis, edocet quod omnis experientia secundum actum generatiuæ potentia abscindatur, sic inquit: Sunt eunuchi, qui se castrauerunt propter regnum cælorum, qui potest capere capiat. In hac igitur triplici supererogatiua declinatione triplicis originis omnis mali, primam partem Evangelicæ perfectionis consistere, & sacra Scriptura insinuat, & veri doctores astruunt, & sancti patres religionum institutores affirmant. Secunda vero pars perfectionis Evangelicæ consistit in supererogatiua prosecutione bonorum, quæ secundum duplicem vitam, videlicet actiuam & contemplatiuam, in duobus consistit, videlicet in cōdescensione ad proximum, & in sursum actione mētis in Deum. Consistit autem supererogatiua cōdescensio charitatis ad proximum in hoc, vt secundum legem iustitiæ & misericordiæ, amoris signa & beneficia non solum ad amicos, verumetiam ad inimicos largiflua benignitate protendantur, secundum illud: Diligite inimicos vestros, benefacite his, qui oderunt vos. Et post: Estote perfecti, sicut & Pater vester cælestis perfectus est. Per hunc etiam modum supererogatiua sursum actio mentis in Deum in hoc attenditur, vt secundum legem mentalis munditiæ ac pacis per amorem ecstasticum in diuinis splendores & ardores, sacra mens deuota sentiat & patiat excessum, iuxta illud Apostoli ad Corinthios: Siue mēte excedimus Deo, siue sobrii sumus vobis. Et ad Hebræos: Perfectorum est cibus solidus. Tertia denique Evangelicæ perfectionis portio, consistit in supererogatiua perfeffione aduersi. Quæ quidem attenditur, non solum in hoc, vt quis patienter aduersa perferat, cum sibi superuenerint quæ secundum legē Dei declinari non possunt, quoniam ad hoc omnes tenentur; verumetiam ex seruire diuini amoris magno desiderio illa præoptet, & cum magno gaudio illa sustineat, secundum illud Iacobi: Omne gaudium existimate fratres, cum in tentationes varias incideritis. Et post: Patientia opus perfectum habeat, vt sitis perfecti, & integri, in nullo deficientes. Hic namque est consummatio perfectionis & charitatis, iuxta illud Ioannis: Perfecta charitas foras mittit timorē. Secundum igitur hoc arca spiritualis perfectionis cū inferius sit tricamerata, & bicamerata in medio, in cubito consummatur. Hoc sane perfectionis arcanū, Saluator noster monstrauit in semetipso tamquam in monte sublimi, qui totius perfectionis est splendor, speculum, & exemplar, iuxta quod ipse testatur in Luca: Perfectus discipulus omnis erit, si sit sicut magister eius. Et ideo in huius designationem, cū hanc docere Apostolos voluit, in montem conscendit, non turbas imperfectas alloquēs, sed discipulos suos quos ad perfectionis culmen exaltare decreuerat. Et propterea sex præfata eo, quo dictum est ordine docet. Nam primo dicens: Beati pauperes spiritu, inuitat ad perfectam abdicationem tēporalium possessionum. Secundo addens: Beati mites, inducit ad

A abnegationem propriarum voluntatum, & sensuum, quibus quis immitis, & proteruus efficitur. Tertio subdens: Beati qui lugent, incitat ad fugam perfectam carnalium voluptatum. Dehinc subiungens: Beati qui esuriunt, & sitiunt iustitiam. Et: Beati misericordes, attrahit ad iustam, piam, & condescensiuam proximorum supportationem. Post hæc superaddens: Beati mundo corde. Et: Beati pacifici, allicit ad sursum actionem limpidam in intellectu, & tranquillam siue pacificam in affectu, quibus anima perfecti viri Hierusalem conformis efficitur, quæ visio pacis interpretatur. Tandem concludens: Beati, qui persecutionem patiuntur propter iustitiam, quoniam ipsorum est regnum cælorum. quasi circulum faciens reddit ad principium, quia in hoc vno summa completur vniuersorum, ac per hoc senaria perfectio minoris mundi in esse reparationis, & gratiæ, directe correspondet senariæ productioni mundialis machinæ in esse naturæ. Vnde sicut illorum tria prima pertinent ad distinctionem, tria sequentia ad ornatum, sic etiam in his, tria prima quasi distinguendo separant animæ vires ab vniuersitate malorum, vt esse habeant purum atque distinctum, tria sequentia, quasi adornando easdem reducant in Deum, vt habeant esse decorum atque perfectum. Porro si descendatur ad singula, tam mira est correspondentia ordinis, tantæq. similitudinis symbolum, vt illud quod post dierum sex opera dicitur, Igitur perfecti sunt cæli, & terra, & omnis ornatus eorum, in anima viri perfecti videatur esse completum. Propter quod instar trium primorum operum, quæ sunt mundi fundamenta, & trium sequentium, quæ sunt complementa, tria prima ex his cadunt sub voto, tria vero sequentia sub desiderio. In cuius rei testimonium, beatus pauperum Patriarcha Franciscus, in principio regulæ suæ, tria prima proponit vt vouenda, tamquam fundamenta dicens: Regula, & vita fratrum Minorum hæc est, scilicet Domini nostri Iesu Christi sanctum Euangelium obseruare, viuendo in obedientia, sine proprio, & in castitate. Alia vero tria postmodum vt desideranda commendat, tamquam complementa dicens: Attendant fratres, quod super omnia desiderare debent, habere spiritum Domini, & sanctam eius operationem, orare semper ad Deum puro corde, & habere humilitatem, & patientiam in persecutione, & infirmitate, & diligere eos, qui nos persequuntur, & reprehendunt, & arguunt. Vbi illa tria tangit. Nam præmittit sursum actionem in Deum, & subiungit ultimo cōdescensionem ad proximum, interponens in medio tolerantiam aduersorum. Igitur in tribus primis vir perfectus crucifigitur mundo, tribus sequentibus conformis efficitur Deo, vt quasi sex alis seraphicis a mundialibus eleuetur, & in diuina feratur. Proinde digne huic pauperulo sacro, qui perfectionem Euangelij perfecte seruauit, & docuit, in apparitione seraphica stigmata sua tamquam sigillum approbatium impressit, vt contra finalium temporum periculofam caliginem, manifestum nobis in via perfectionis ostenderet signum, quo reduceremur in Christum perfectæ virtutis exemplar, & finem, ac per hoc doceremur ad perfectionem attingere, si tamen discamus non alta sapere, sed humilibus consentire.

Gen. 2. 6

Cum autem perfectio Euangelica circa quam modo sermo versatur, in his quæ sunt supererogationis, sit in præcedentibus monstrata consistere, ea vero quæ supererogationis sunt, non solum respiciunt dona charismatum, verumetiam exercitia virtutum, manifeste colligitur, quod huiusmodi perfectio non sine virtuosorum habituum exercitatione possidetur. Huiusmodi autem exercitia virtutum supererogantium, aut sunt ex mera voluntate absque obligatione, & tunc dicunt quandam perfectionem actionis & meriti, aut cum voluntate dicunt quandam obligationem superinductam ex voto emisso, vel ex officio iniuncto, & tunc

tunc dicunt perfectionem status, & ordinis, in quo videlicet quis actibus perfectus non solum est deditus, verum etiam ad actus perfectionis astrictus. Quæ quidem astrictio de perfectione non minuit, sed potius culmen superinducit, quia de temporali facit æternum, dum non licet resilire a voto, & de nostro diuinum facit, dum non solum actum, sed etiam voluntatem dedicans Deo, totum illi offert, & redigit sub iure diuino, dumq. propriam sacrificat voluntatem, quæ est impretiabile bonum, & maxime charum, & in unum, offert Deo sacrificium medullarum, ac per hoc perfectum, & integrum, & optimum, Deo summe acceptum. Vnde Augustinus tractans illud Psalmi: Sicut iurauit Domino, votum vouit Deo Iacob, ait sic: Quid vouemus Deo, nisi ut simus templum Dei. Nihil enim gratius possumus ei offerre, quam ut dicamus ei quod dicitur in Isaia: Posside nos. Hæc Augustinus: Si igitur perfectius possidet, qui possidet ad vsum, & proprietatem, quam qui quo ad vsum tantum; perfectius se dedicat, qui Deo se offert, & quo ad vsum operis, & quo ad arbitrium voluntatis. Quemadmodum Anselmus in lib. De similitudinibus, per exemplum sensibile patenter ostendit in duobus: quorum vnus pro tempore offert Domino arboris fructum, sed retinet proprietatem; alter vero largitur vtraque, & huius secundi donum & oblationem, tamquam liberalius offerentis, dicit non immerito debere præferri. Ac per hoc iuxta huiusmodi similitudinem, opus vouentis, opere non vouentis Deo acceptabilius esse demonstrat, pro eo videlicet quod sic introducta in voluntate ex mera libertate necessitas gratiositatem obsequij non diminit, sed consummat. Idem quoque scribens Episcopo Parisiensi, & eum redarguens, quod clericum de monasterio sancti Martini de Campis extraxerat, ait sic: Si omnia agenda sunt cum consilio, cuius magis consilio, quam eius qui admirabilis consiliarius, Deus fortis dicitur? Ipse quippe consulit ad perfectionem nitentibus, ut omnia relinquunt, & se sequantur. Quod consilium magis in monasterio, quam in alio vitæ proposito impleri sancti Patres intellexerunt. Hoc ipsum Gregorius in registro, scribens Desiderio Episcopo pro clerico volente Religionem intrare, dicit sic: Minime sit ei impedimento vestra fraternitas, magis autem pastoralis admonitione succedite; ut feruor huius desiderij in eo non tepescat: ut qui a turbulento sæcularium turbarum tumultu se segregans, quietis desiderio monasterij portum appetit; rursus Ecclesiasticarum curarum non debeat tumultibus implicari, sed in Dei laudibus secure permittatur liber ab his omnibus, ut postulat, permanere. Bernardus quoque in lib. De dispensatione, & præcepto: Audire, inquit, a me vultis, vnde inter cetera penitentia instituta, monasterialis disciplina meruerit hanc prærogatiuam, ut secundum baptismum nuncupetur. Arbitror ob perfectam mundi abrenuntiationem, ac singularem excellentiam vitæ spiritualis, qua præeminens vniuersis vitæ humanæ generibus huiusmodi conuersatio, professores suos, & amatores suos, Angelis similes, dissimiles hominibus facit, immo diuinam in homine reformat imaginem, configurans nos Christo instar baptismi, dum per id quod mortificamus membra nostra, quæ sunt super terram, rursus Christum induimus complantati similitudini mortis eius. Idem etiam astruit Glossa super tricesimum Numerorum, dicens: Alij vouent vitulos, alij arietes vel domos, Nazareus semetipsum. Hoc est Nazarei votum, quod est super omne votum. Filius enim vel filia, aut pecus, aut prædium extraneus est; semetipsum Deo offerre, non alieno labore, sed proprio placere, perfectius & eminentius est omnibus votis. Ex his omnibus aperte clarescit, quod religionis votum in statu perfectionis collocat, tamquam adminiculans ad perfectæ virtutis exercitium.

Aug. enar.  
in Ps. 131.  
longe ante  
med. 10.8.

Ansel. li. de  
simil. c. 24.

Idem epist.  
10. ad Gof-  
fridū Epi-  
scop. Paris.

Greg. Reg.  
lib. 10. ind.  
5. epist. 38.

Bern. tract.  
de præcep.  
& dispens.  
cap. 23.

A Quod intelligentes patres in quarto Concilio Tol- Concilium  
tano statuerunt quod liber sit clericis ad Religionem Tolitanum  
ingressus, sic dicentes: Placuit clericos monachorum 4. ca. 49.  
propositum appetentes, quia meliorem vitam se-  
qui cupiunt, liberos esse debere ab Episcopis ad mo-  
nasteriorum ingressus. Hoc autem quia non solum  
auctoritatibus probari potest, sed etiam vniuersis san-  
ctorum exemplis, qui de clericali statu ad religionem  
transierunt, adeo certum est, ut si quis contraire vo-  
luerit, non minus videatur desipere quam errare. Si  
quis autem errore deceptus, præfatis conetur ob-  
stare, asserendo quod perfectius sit manere in sæcu-  
lo, quia circa magis difficile virtus consistit, & dif-  
ficilius est inter multas peccandi occasiones peccata  
vitare, & mirabilius est hominem in medio flamma-  
rum non vri, & victoriosius est inter numerosiores  
hostium acies, & frequentiores insultus, & maiora  
bellorum discrimina de hostibus triumphare. Re-  
spondebimus, non ideo statum maioris esse virtutis,  
quia minoris est securitatis, nec ideo statum aliquem  
perfectioris esse iustitiæ, quia proximior est ruinæ,  
nec etiam ideo magis esse perfectum, quia difficilius  
est in ipso vitare peccatum. Est enim triplex difficul-  
tas. Prima proueniens ex arduitate, & nobilitate ge-  
neris operis, sicut omni se castrare concubitu, omni  
abrenuntiare possessioni, & omnino se alienæ propter  
Deum subijcere voluntati. Et hæc absque dubio au-  
get meritum, iuxta illud Matthæi: Intrate per an-  
gustam portam. Vbi Glossa: Satis angustum est om-  
nia prætermittere, vnum solum diligere, vnum qua-  
rere, ad vnum quotidie pulsare, prospera non ambi-  
re, aduersa non timere. In his consistit difficultas,  
ratione generis operis. Maior difficultatis angustia  
reperitur in via diuini consilij, quam pauciores in-  
ueniunt: quam in via diuini præcepti, per quam om-  
nes gradiuntur iusti. Vnde Hieronymus ait: Si per-  
fecta sequi desideras, exi cum Abraham de patria & de  
cognatione tua, & perge quo nescis. Si habes sub-  
stantiam, vende & da pauperibus: si non habes gran-  
di onere liberatus es. Nudum Christum nudus se-  
quere. Durum grande & difficile, sed magna sunt  
præmia. Est & alia difficultas veniens ex vitiositate  
per se agentis, sicut difficilius est diuiti avaro dare  
minuta, quam largo maiora, & superbo se alteri sub-  
dere, & guloso ieiunare, & assuetu voluptatibus car-  
nis difficilius continere. Et hoc non auget meritum,  
sed miseriam. Vnde Hieronymus ad Eustochium: Soror  
tua Bleilla ætate maior, sed proposito minor, post  
acceptum maritum septimo mense viduata est. O  
infelix humana conditio, & futuri nescia. Nam & vir-  
ginitatis coronam, & nuptiarum perdidit voluptatem.  
Et quamquam secundum pudicitiam gradum teneat,  
quas tamen illam per momenta singula sustinere æsti-  
mas cruces, spectantem quotidie in sorore quod ipsa  
perdidit, & cum difficilius experta careat voluptate,  
minorem continentiam habere mercedem? Est & tertia  
difficultas ex circumstantijs extrinsecus annexis tra-  
hens originem, sicut difficilius est abstinere cum ap-  
ponuntur delicata cibaria, difficilius est bona tempo-  
ralia contemnere, quando offeruntur magna, & pul-  
chra, difficilius continere in consortio feminarum.  
Et hæc difficultas per accidens, & indirecte auget ali-  
quando meritum, cum virtus inter hæc illæsa trium-  
phat, sed directe, & per se est magis via ad ruinam,  
& ideo fugienda. Vnde super illud Matthæi: Diues  
difficile intrabit in regnum cælorum, dicit Rabanus.  
Non ait impossibile, sed difficile, hoc est maximi la-  
boris esse, pecunias habentes, & in pecunijs confi-  
dentes exutis philargyriæ retinaculis aulam regni cæ-  
lestis intrare. Nec tamen ex hoc inferri potest, quod  
diuites sint pauperibus perfectiores, cum Dominus  
adolescenti diuiti consilium dederit, ut pauper fieret  
si veller esse perfectus. Expedi igitur ad perfectio-  
nem virtutis & meriti, difficultatem huiusmodi non  
ample-

Mat. 7. 13.

Hieron. in  
ep. 4. ad Ru-  
sticum mo-  
nachum.

Hieron.

Mat. 19. 24.

amplecti, sed fugere. Vnde Augustinus de singularitate clericorum: Lubrica spes est quæ inter fomenta peccatorum se saluari sperat, incerta victoria inter hostilia arma pugnare, & impossibilis liberatio flammis circumdari, nec ardere. Hæc Augustinus. Cui & consonat Hieronymus contra Vigilantium, qui statum secularium statui religionis præferre conabatur.

Hieronym.  
contr. Vig.  
epist. 53.

Occasio  
peccati fu-  
gienda.

Cur, inquit, pergis ad eremum, videlicet, ut te non videam, te non audiam, ut tuo furore non mouear, ut tua bella non patiar, ne me capiat oculus meretricis, ne me forma pulcherrima ad illicitos ducat amplexus? Respondebis: Hoc non est pugnare, sed fugere. Sta in acie, aduersariis armatus obliste, ut cum B viceris, coroneris. Fateor imbecillitatem meam, nolo spe pugnare victoriæ, ne perdam aliquando victoriam. Si fugero, gladium deuittui: si stetero, aut vincendum est mihi, aut cadendum. Quid necesse est certa dimittere, & incerta sectari? nulla securitas est vicino serpente dormire. Potest fieri ut me non mordeat, & tamen potest fieri, ut aliquando me mordeat. Quod de libidine diximus, referamus ad auaritiam, & ad omnia vitia quæ vitantur solitudine. Et ideo vrbium frequentias declinamus ne facere compellamur, quæ nos non tam natura cogit facere quam voluptas. Hæc Hieronymus. Quibus error confutatur Vigilantium suorumque sequacium, eorum videlicet, qui statum secularium quædam ad perfectionis gradum, statui religionis vel præferre, vel æquare conantur. Aduersus quos & pauloante præmittit: Quod autem asserit Vigilantius, eos melius facere qui videntur rebus suis, & paulatim fructus possessionum suarum pauperibus diuidunt, quam illos qui possessionibus omnibus venumdatis simul omnia largiuntur, non a me, sed a Domino sibi respondebitur. Si vis perfectus esse, vade & vende omnia quæ tu habes, & da pauperibus. Ad eum loquitur, qui vult esse perfectus, qui cum Apostolis patrem, nauiculam, & rete dimittit. Iste tamen quem tu laudas secundus, aut tertius gradus est, quem & nos præcipimus dummodo sciamus prima secundis & tertijs præferenda.

Matt. 19. c

DENIQUE de comparatione perfectionis ad perfectionem secundum præminentiam rationem, patenter elucet, quod aliquis perfectionis modus & status sit eminentior altero. Cum enim seipsum castrare propter regnum celorum per votum continentiam sit perfectum, & certum est quod perfectiori modo sit illud per virginalē continentiam, quæ fructui comparatur centesimo; quàm per vidualem quæ per sexagesimum in Evangelica parabola designatur. Non est ergo contra perfectionis naturam, quod de aliquibus duobus quæ recte dicuntur perfecta in statu viæ, vni dicatur perfectius altero, quia in statu patriæ, ubi ad ultimam perfectionem beatificati perueniunt, vnus alteri secundum Apostolicam doctrinam præponitur, instar celestium luminum differentium claritate. Attendendum est igitur quod cum perfectionem perfectioni comparamus, potest hoc esse in eodem genere, vel in diuersis. Nam sicut ex præcedentibus liquet perfectio supererogationis quædam existit in exercitio virtutis, voto religionis, & officio prælationis. Facta ergo comparatione ad similem perfectionis modum, primo secundum exercitium virtutis illa perfectio est præminentior, in qua radix charitatis pinguior, sublimitas operationis excelsior, fraternæ ædificationis fructus vberior. Quamquam autem totius huius perfectionis origo sit charitas, multum tamen facit ad eius complementum ipsa operatio, Gregorio attestante, qui ait: De dilectione conditoris, lingua mens & vita requiritur. Numquam amor Dei est otiosus. operatur enim magna si est: si autem operari renuit amor non est. Multum etiam facit genus, & nobilitas operis, quia sicut clarum est, aureolæ præmium non debetur habitui virtutis intrinseco, sed operi priuilegiato utpote prædica-

Greg. hom.  
30. in E-  
uang. an.  
med.

S. Bon. Tom. 7. Pars iij.

tionis, martyrio, virginitati. Multum etiam facit ædificatio proximi, cum Dominus dicat viris perfectis: Vos estis lux mundi. Sic luceat lumen vestrum coram hominibus, ut videant opera vestra bona. Similiter quantum ad votum religionis, illius est perfectio potior, in qua vouetur paupertas altior, obedientia vniuersalior, forma castitatis honestior. Nam ista tria, sicut expresse patet & gradus habent, & maius & minus recipiunt, & per hoc tanto in maioris perfectionis statu constituuntur, quanto sublimius vouentur, potissime si hæc regularium obseruantiarum instituta imitentur quibus austerius castigetur corpus, fructuosius ædificetur proximus, ac reuerentius colatur Deus. Consistit autem castigatio corporis in arctitudine vestium, victualium, & verborum, cum austeritate laborum, vigiliarum, & aliarum afflictionum corporalium: ædificatio vero proximi in exemplis exhibendis virtutum, documentis Scripturarum, remedijs sacramentorum, præsentis regiminum, iudicij iustitiarum, & beneficijs miserationum. Cultus autem Dei in reuerenti ac vigili frequentatione psalmorum, hymnorum, canticorum spiritualium, adorationum, Missarum, & aliarum diuinarum orationum. Hæc autem simul reperire in aliquo vno statu religionis præcellentius, quàm in alijs, valde difficile, & fortassis impossibile videtur diligenter consideranti. Et ideo quamuis vnus religionis status alterum præcellat in votis substantialibus, non tamen præferri potest in omnibus, cum quilibet status aliquid prærogatiuæ specialis obtineat, quo sancta mater nostra, & sponsa Christi Ecclesia tamquam vestita deaurata, circumdata varietate decoratur, & Deiformis efficitur. Per hunc etiam modum secundum officium prælationis excellentior est perfectio, in quo eminentior confertur sublimitas ordinis, videlicet ad purgandum, illuminandum, & perficiendum, onerosior imponitur sarcina laboris, in pascendo commissum gregem exemplo, verbo, & temporalis subsidio, vberior etiam comitatur fructuositas salutis, & in eo qui præsidet, & in eis qui subsunt, & in ceteris ad quos præsentis exempla perueniunt. Requiritur igitur huius perfectionis eminentior sublimitas, ut Prælatus Ecclesiæ quanto sublimius præest, tanto sanctius viuat, sollicitius inuigilet, & fructuosius gregem pascat. Si autem comparatio fiat perfectionis ad perfectionem in genere diuerso, quantum ad modum, & statum, dupliciter potest intelligi, vel præsuppositorie, vel præcise. Si præsuppositorie, sic absque dubio maior est perfectio, quæ attenditur secundum exercitium virtutis, votum religionis, & officium prælationis, quàm altero modo tantum. Sed si præcise comparamus perfectionem religionis, aut prælationis ad perfectionem virtutis, nulla prorsus est comparatio in vero esse virtutis. Nam votum religionis sine exercitatione perfectæ virtutis, non est perfectio, sed peruersio, non perfectionis sublimitas, sed simulatio æquitatis. Officium vero prælationis sine culmine virtutis & meritis, non est vera sublimatio, sed deiectio, non gloriosa excellentia, sed periculosa ruina, pro eo quod potentes potenter tormenta patientur, & durissimum iudicium his qui præsumunt fieri. Cum igitur perfectio status sine ratione voti, sine ratione officij, sine perfectione meriti pro modica habenda sit, perfectio vero meriti obtineri non possit sine charitate, quæ est donum Spiritus sancti, & nemo sciat, vtrum alterum in hoc dono præcellat, quia etiam nescit se illud donum habere, nullus debet se alteri in perfectione præferre. quin potius si fiat comparatio personarum in excellentia perfectionis, debent viri quantumcumque perfecti iuxta doctrinam Apostoli, superiores sibi inuicem arbitrari. Vnde Augustinus, de bono coniugali: Non recte, inquit, comparantur homines hominibus in vno aliquo bono. Fieri enim potest ut alius homo non

Mat. 5. 6

Sap. 6. 6

Philip. 2. 4  
Aug. lib. de  
bo. coniug.  
c. 23. 10. 6.

N n habcat



habeat aliquid quod alius habet, sed alius habeat, quod plurius æstimandum est. Et paulo post: Melius est habere omnia bona, vel minora, quam magnum bonum cum magno malo: quia in bonis corporis melius est habere staturam Zachæi cum sanitate, quam Golizæ cum febre. Porro de comparatione statuum religionis & prælationis, meliori saluo iudicio, dicere possumus, quod huiusmodi comparatio fieri potest, vel quantum ad ea, quæ sunt de substantia, vel quantum ad ea, quæ sunt de congruentia statuum. Si quantum ad ea, quæ sunt de substantia, sic se habet velut excedentia & excessa, pro eo videlicet, quod ad perfectionem status religionis necessario requiritur abdicatio proprietatis, ad quam tamē minime astringuntur prælati Ecclesiæ, sicut patet 12. q. 1. ex concilio Agatenfi; Episcopi de rebus proprijs, vel acquisitis, vel quidquid de proprio habent, heredibus suis si voluerint derelinquant. Verumtamen omnis prælatus ex ipso prælationis officio tenetur, non solum ad ea, quæ sunt salutis propriæ, sed etiam plebis sibi commissæ. Nam ei pro quolibet subditorum a Domino dicitur: Custodi virum istum, qui si lapsus fuerit, erit anima tua pro anima illius. Et ad hoc religiosus ex ipso religionis voto, nequaquam astringitur. Si autē fiat comparatio statuum, quantum ad ea, quæ sunt de congruentia statuum, sic simpliciter dicendum, quod status prælationis, & eius perfectio est eminentior, quemadmodum insinuat Dionysius in libro de Ecclesiastica hierarchia dicens: Sicut qui dicit hierarchiā, summum dicit vniuersorum factorum ornatum, ita dicens hierarcham, monstrat in Deo manentem, & diuinum virum, in quo omnis hierarchia perficitur. Similiter & Hieronymus ait: Tanta debet esse scientia, & eruditio Pontificis Dei, ut gressus eius & motus, & vniuersa vocalia sint, veritatem mente concipiat, & toto eam habitu resonet & ornatu, ut quidquid agit, quidquid loquitur, sit doctrina Apostolorum. Nec tamen ex his potest inferri, quod ad Pontificis statum requiratur, quod omnes status præcellat in omnibus, alioquin non posset fieri Pontifex, nisi esset virgo, congruit tamen, quod in his præcellat quæ ad pascendi gregis spectant officium, sicut scribit Hieronymus ad Oceanum: Futurus pastor Ecclesiæ talis eligatur, cuius comparatione subiectus populus merito grex dicatur. Et Gregorius in pastoralibus: Tantū debet actione populi actio præcedere præsulis, quantum distare solet a grege vita pastoris. Quapropter ad prælationis statum nō congruit accedere nisi perfectum, ut ibidem ait Gregorius: Virtutibus pollens, coactus ad regimen veniat, virtutibus vacuus, nec coactus accedat. Status vero religionis peccatores & imperfectos admittit, ut iustos efficiat, & ad perfectionem adducat. Et ideo quāquam prælationis status in perfectione sit altior, religionis tamen status securior, & morbis nostris curandis expediētiōr, pro eo, quod a multis periculis eruit, quibus status prælationis exponit. Primum quidē ratione annexi honoris, iuxta illud Augustini super Psalmos: Quanto plus honoramur, tanto plus periclitamur. Huiusmodi autem periculum manifestans Gregorius super illud Iob, qui dicit regi apostata, ait: Vnusquisque rector quoties extollitur, quod ceteros regit; toties per lapsum superbiz a summi rectoris officio separatur. Idem etiam in registro: Ego viā capitis mei sequens summopere decreueram, esse opprobrium hominū, & abiectio plebis, ut tanto veracius intus ascēderem, quanto foris humiliter iacerem. Adiacet igitur statui prælationis periculū ratione honoris, necnon & oneris, & occupationis. Vnde idem Gregorius 7. Moralium: Omnis qui dispensandis rebus terrenis præsidet, occulti hostis iaculis latius patet. Nam cum ad dispensanda exteriora mens extendere se efficaciter nititur, a sui cōsideratione separatur. Apparet igitur, quod status prælationis simul est excelsus & pericu-

losus, & ideo ipsum appetere simul est periculosum, præsumptuosum, & stultum. Propter quod ait Augustinus lib. 19. de ciuitate Dei: Locus superior sine quo populus regi non potest, & si ita administratur, ut decet, tamen indecēter appetitur. Et ideo ait Gregorius lib. 18. Moralium: Sancti viri nequaquam curas extrinsecas appetunt, sed occulto ordine sibi superimpositas gemunt. Et quamuis illas per meliorem intentionem fugiant, tamen per subditam mentem portant, quas quidem summopere, si liceat, vitare festinant: sed timentes occultas dispensationes Dei, tenent quod fugiunt, exercēt quod vitant. Ex his aperte colligitur quod locus prælationis, pro sublimitate quidē gradus, & multiformitate periculi a viris iam probatæ virtutis potest coactione & formidine suscipi, a peccatoribus vero & infirmis tota debet intentione vitari, a nullis prorsus appeti, & ab omnibus honorari. Status autem religionis ab vniuersis tam iustis quā peccatoribus, tam perfectis quā imperfectis, tam sapientibus quā simplicibus, licite potest appeti, a nullis debet contemni, ab his vero qui vocantur diuinitus secure suscipi, & studiose seruari. Hæc de perfectione diffusius dicta sunt, pro eo, quod non paruum adminiculum conferunt, ad declinationem errorum sequentium, in quos is cui respondere incēpimus incidit: quia considerare prædeterminata vel ex ruditate non valuit, vel ex proteruitate contempsit.

Aug. li. 19.  
de cin. Dei  
c. 19. 10. 1.

## RESPONSIONIS SECVNDÆ Caput primum.

In quo appetitus martyrij de se perfectus ostenditur,  
& contra fuga de se imperfecta monstratur.



PIRITVALI diuinæ legis intelligentia præditos, nequaquam arbitramur ambigere, perfectionis Evangelicæ culmen instar Davidicæ turris, spiritualibus propugnaculis esse munitum, quibus & foris hostilitas infesta repellitur, & intus tranquillitas imperturbata seruator. Horum autem præcipuum locum tenere desiderium passionis & mortis pro nomine Domini nostri Iesu Christi ipse nobilis Christiani exercitus dux Apostolus Paulus euidenter ostendit, cum ad Hebræos dicit: Curramus per patientiam ad propositum nobis certamē, aspicientes in auctorem fidei & consummatorem Iesum, qui proposito sibi gaudio, crucem sustinuit cōfusione contempta. Vbi Glossa: Succincti & expediti curramus sine dubitatione ad certamen martyrij, aspicientes in auctorem fidei, qui scilicet omnia bona terrena contempsit, ut contemnenda monstraret, & omnia mala terrena sustinuit, quæ sustinenda præcipiebat, ut nec in illis quæreretur felicitas, nec in istis timeretur infelicitas. Et paulo post: Vincit est, qui infirmitatū vincula soluit, mortuus est, qui mortuos suscitauit. amore itaque eius similia patiamur. Hæc Glossa. Ad hæc quoque idem Apostolus suos hortatur exemplo ad Corinthios scribens: Ego, inquit, libentissime impendam, & superimpendam ipse pro animabus vestris. Ibi Glossa: Perfecta charitas hæc est, ut quis paratus sit etiam pro fratribus mori. Sed nūquid mox ut nascitur iam prorsus perfecta est? immo ut perficiatur nascitur. Cum enim fuerit nata nutritur, cum fuerit nutrita roboratur, cum fuerit roborata perficitur, cum ad perfectionem peruenit dicit: Cupio dissolui, & esse cum Christo. Hæc Glossa. Per quæ patenter colligitur, quod perfectæ charitatis, actus est sui corporis dissolutionem & mortem appetere, exemplo ipsius Apostoli dicentis ad Philippenses: Cupio dissolui, & esse cum Christo.

Heb. 12. 1

1. Cor. 12. 6

Philip. 1. 1

3. Reg. 20.  
g

Dionys. de  
Eccl. Hier.  
c. 1.

Hier. in ep.  
ad Fabiolā  
228. cir. 1.

Hier. epist.  
83. ad Oceanū  
post med.  
Greg. 2. par  
te cur. pass.  
c. 1.  
Idem ibid.  
1. par. c. 9.

Greg. li. 24.  
Mor. c. 14.  
Iob 34. b



**Ro.** Vbi Glossa: Sunt quidam homines imperfecti, qui cum patientia moriuntur, & sunt quidam homines perfecti, qui cum patientia viuunt. Qui enim desiderant istam vitam, cum venerit illis dies mortis luctantur aduersum se, vt sequantur voluntatem Dei, qui vero desiderat sicut Apostolus dissolui, & esse cū Christo, nō patienter moritur, sed patienter viuunt, & delectabiliter moriuntur. Vnde passioni appropinquas exultabat & gloriabatur dicens: Bonum certamen certavi, &c. Hæc Glossa. Ecce quodd nihil clarius ad propositum potest adduci, cum expresse dicat, perfectionem charitatis consistere in desiderio mortis. Potest autem & hoc ipsum necessaria ratione cōcludi. Si enim amor, vt dicit Dionysius, est vis vniuersa, & si hæc locutio est vera per se, necessario sequitur, quodd perfectus Dei amor perfecte inclinatur amantem ad omne illud, per quod conuenientius, intimius, & celerius, amato possit vniri: sed nihil est, quodd magis disponit, vt celerius, & intimius spiritus hominis in statu mortalitatis existens, vniatur immortalī & impassibili Deo, quam sustinentia mortis illatæ propter honorem Dei. Neceffe est igitur perfecte amantem hoc desiderare, antequam illud obtineat, & cum obtinuerit perfecte lætari. Vnde & de Apostolis dicitur, quodd ibant gaudentes a conspectu concilij, quoniam digni habiti sunt pro nomine Iesu contumeliā pati. Ipse enim amor, vt dicit Hugo, vis est transformatiua. Qui igitur Christum perfecte amat, præcipuo mentis affectu eidem configurari peroptat, in his potissimum quæ diuina lex dicat. Sed configuratio ad Christum præcipue saluandis conueniens in statu præsentis miseræ attenditur secundum assimilationem in passione & morte, Petro attestante, qui ait: Christus pro nobis passus est, vobis relinquens exemplum, vt sequamini vestigia eius. Hoc igitur est ad quodd inclinatione præcipua perfecte charitatis ardor inflammat, iuxta illud Cantorum: Fortis est vt mors dilectio, dura sicut infernus æmulatio, lampades eius lampades ignis atque flammarum. Idem nihilominus amor, vt dicit Richardus, est vis liberaliter diffusiuā. Vbi igitur perfectus est amor, ibi & perfecta diffusio, vel actus si opportunitas adest, vel si nō adest saltem desiderio pleno. Cum igitur traditio sui in mortem pro alicuius amore sit diffusionis permixta, neceffe est perfectum charitatis amorem ad id aspirare, iuxta illud quodd habetur in Ioanne: Maiorem hac dilectionem nemo habet, vt animam suam ponat quis pro amicis suis. Mortem itaque pro Christo desiderare, morti se pro Christo exponere, & in mortis agone gaudere, actus est charitatis perfectæ. Porro mortem fugere actus est imperfectionis quantum in se est, potest tamen ad perfectionem reduci per circumstantiam superadditam, sicut determinatū est supra: vt pote cum quis hoc facit vt se reseruet ad gloriosorem triumphum, sicut fugit Apostolus, vel cum id agit ad præbendum infirmis spei solatium, ne dum morte imminente trepidare se sentiunt in desperationem labantur. Et hac ratione fugisse credendus est Christus, non ex vehementia timoris, sed ex benigna cōdescensione perfectissimæ charitatis. Iuxta quodd dicit Augustinus: Firmissimi sunt Christiani si qui sunt, qui nequaquam morte imminente turbantur. Sed numquid Christo firmiores? Quis hoc insanissimus dixerit? Quid est ergo quodd ille turbatus est, nisi quia infirmos in suo corpore, idest in Ecclesia, suæ infirmitatis voluntaria assumptione consolatus est? vt si qui suorum morte imminente turbantur, ipsum in spiritu intueantur, ne hoc ipso se putantes reprobos peiore desperationis morte absorbeantur. Hæc Augustinus. Quibus luce clarius ostenditur, quodd in passione trepidare quamquam sit imperfectum, nullam tamen in Christo cōdescendente imperfectionem ponit, sed in eis solum quibus ipse cōdescendit. Similiter etiam de fuga super illud Ioan-

**A** nis: Non enim volebat in Iudæam ambulare, astruit esse sentiendum. Futurum, inquit, erat vt aliquis fidelis abscederet se, ne a persecutoribus inueniretur, & ne illi pro crimine obijceretur latibulum: præcessit in capite quodd in membris confirmaretur. Idem quoque super illud Psalmi: Quoadusque iustitia cōuertatur in iudicium, infirmos, inquit, in se præfigurans Dominus, idest infirmorum personam gerens, illisq. compatiens ait: Transeat a me calix iste. Non enim timebat Dominus pati tertia die resurrecturus, cū arderet Paulus dissolui, & esse cum Christo. Certū est autem quodd Paulus habebat infirmitatem carnis.

**B** Non igitur infirmis carne Christus exemplum præbuit, sed infirmis spiritu cōdescendit. Huic autem veritati tam clare is, cui respondemus multipliciter conatur obsistere. Quia enim vt veritatis ignarus absurdum reputat, quodd Christus imperfectis cōdescenderit in aliquo actu, ostendere nititur, quodd fugere mortem sit de sua ratione perfectum pro eo videlicet quodd a Christo præcipitur, & quia in viris perfectis inuenitur. Verumtamen primam rationem nullius esse vigoris ex hoc colligere possumus, quia sicut præceptum perfectionem non efficit, sic nec imperfectionem tollit. Si enim imperfectionem tolleretur, quicumque teneretur ad præcepti obseruantiam, teneretur ad perfectionem implendam. Quod cum sit manifestissime inconueniens, constat quodd frustra laborat ostendere, quodd fugere sit perfectum, per Euangelium, per Pelagium Papam, & per Athanasium, cum Euangelicæ perfectionis culmen ex supererogatione manet diuini consilij, nō ex obligatione præcepti. Insuper & illud mandatum de fugiendo a facie persecutorum, intelligi habet in casu sicut Rabanus dicit super Matthæum, & Glossa: Hoc, inquit, ad illud tempus pertinet, quo dictum est: In viā gentium ne abieritis, & in ciuitates Samaritanorum ne intraueritis, quodd persecutionem non debeant timere sed declinare, vt tribulationis occasio sit Euangelij seminarium. Si ergo in hoc casu intelligit, nihil ad propositum suum valet. Si autem simpliciter intelligit sicut insinuat, non modicum errat, quia tunc quicumque voluntariæ morti se exponeret cum latere, vel fugere posset, peccaret mortaliter faciens contra Domini iussionem. Quod si verum est beatissimi martyres, Petrus, Paulus, Andreas, Laurentius, Sebastianus, Tiburtius, Vincentius, & consimiles, qui se vltro persecutoribus tradiderunt, digni non essent gloria martyrum, sed ignominia præuicatorum. Magnæ igitur fuit demetiæ vniuersaliter affirmare, quodd sancti martyres fugerunt, & cum inueniebantur, martyrio se subdebant. Nam hoc expresse derogat perfectioni sanctorum martyrum, quia quilibet quantumcumque imperfectus, quando non potest latere, tenetur seipsum martyrio subdere, ac per hoc dum actui fugiendi falsam quandam perfectionem attribuit perfectis Christi martyribus veram tollit. Alia quoque ratio qua conatur probare, quodd fugere non sit imperfectum, quia viri perfecti fugerunt, dupliciter deficit. Primo, quia non omne quodd viri perfecti faciunt, est ex hoc ipso perfectum. Nam sicut Iacob, David, Vrias, & Mathathias fugerunt, quos introducit ad fugæ commendationem, ita etiam habuerunt uxores, proprietates possessionum, quæ tamen sese cum Euangelica perfectione nō compatiuntur. Dehinc quia, vt supra monstratum est, actus qui de suo genere est imperfectus, per aliquam circumstantiam quam charitas perfecta illi adhibet, potest esse perfectus, & ideo non ratione actus, sed ratione circumstantiæ sanctorum virorum in operibus huiusmodi perfectio commēdatur. Præterea sicut non sequitur, quodd occidere hominem sit bonum atque perfectū, quia Phinees & Mathathias ex peccatorum occisione laudantur, sic & rationes quas multiplicat nil recte cōcludunt. Bene tamen potest inferri, quodd si sancti

*Psal. 93.6*

*Matth. 10.8*

N n 2 viri

S. Bon. Tom. 7. Pars iij.

virī aliquid laudabiliter fecerunt, illud fieri potest pro loco, & pro tempore absque peccato, sicut sacer Athanasius probare videtur, & intendit. Nec tamen ex hoc sequitur quod sit perfectum, nisi pariter includatur, quod imperfectio peccatum includit, sicut hic peruersē dogmatizat. Quod quia superius im-  
probatum est, hic commemorasse sufficiat.

SA N D istinctio quam subiungit de modis fugien-  
di quos de se conatur perfectos assequi, ac multipli-  
citer per exempla commendare, non veritatis dilu-  
cidationem tribuit mentibus legentium, quin potius  
erroris caliginem, nisi sollicita circumspectione ca-  
neatur. Distinguit namque sex modos fugæ, quorum  
primus ut dicit, est ex mentis peruersitate, secundus,  
est ex mentis ignauia, & timore serui, tertius est  
ex naturali ratione, quartus est ex humilitate men-  
tis, quintus est ex circumspecta prudentia, sextus ex  
abundanti misericordia. In quorum modorum ex-  
plicatione, multa videtur absurda dicere. Loquens  
enim de secundo modo dicit, quod fugere ex igna-  
uia, est ex timore serui, sicut fugerunt filij Israel in  
diebus Saulis, subditq. quod Christus hoc modo  
mortem non timuit, sed timeri prohibuit. Et paulo-  
post: Hæc fuga imperfectis competit. In his autem  
verbis ostendit se per omnia theologicę veritatis igna-  
rum. Primo quantum ad significationem verborū,  
in hoc quod dicit filios Israel fugisse Philistijm ex ti-  
more serui. Timor enim seruilis cum sit donū Spi-  
ritus sancti non docet fugere corporalia bella, sed spi-  
ritualia peccata. Secundo ostendit se nescire pondus  
sententiarum, cum dicit hunc timorem esse prohibi-  
tum, & post subiungit, quod competit imperfectis.  
Ex hoc enim sequitur, quod aliquid idem sit genera-  
liter prohibitum, & aliquibus personis indultum, &  
iterum, quod imperfectis sit indulta transgressio  
mandatorum. Quod quia continet contradictionem  
implicitam, ab omni prorsus ratione discordat. De

*Exo. 2. c*

*3. Reg. 19. a*

*4. Reg. 6. f*

*Hier. 26. g*

tertio vero loquens fugiendi modo dicit, quod est ex  
quodam naturali timore, & quod hic fugiendi mo-  
dus competit viris perfectis, sicut Moyse, Eliæ, Eli-  
sæo, & Viriæ. Et hæc fuga, ut dicit, nullam operat-  
ur imperfectiōem, & hanc, ut asserit. Christus as-  
sumpsit. In quibus verbis duo implicat, quorum vnū  
est falsum, alterum vero blasphemiam. Quamquam  
enim timere mortem sit naturale, fugere tamen est  
voluntarium, & quamuis perfecta charitas non ex-  
cludat omnino timorem naturalem, excludit tamen  
illius dominium quo timidus in fugam conuertitur.

*Mar. 14. c*

Vnde Beda super illud Marci relicta sindone fugit:  
Quia plus ceteris dominum amauerit indicauit, qui  
alijs fugientibus sequi Dominum non omisit, nondū  
tamen perfectionem habuit, qui vel territus fugere  
potuit. In quibus patenter ostendit, quod fugere ex  
timore mortis, non stat cum perfectione charitatis.

*Ioan. 21. c*

Nec obstat verbum Glossæ super illud Ioannis, ali-  
te cinget, qua dicitur, quod huiusmodi affectus adeo  
naturalis erat, ut nec eum Petro senectus abstulerit,  
cum tamen perfectus esset, pro eo quod aliud est ti-  
mere, aliud est timore fugere, sicut in eadem Glossa,  
quàm ipse fraudulenter detruncat immediate subiun-  
gitur. Sed quantacūque ait sit molestia mortis, ut  
vincat eam vis amoris, constat quod amoris vi supe-  
rante timorem, nequaquam fugimus. Fuga igitur  
ex timore mortis nequaquam stare potest cum per-  
fectione charitatis. Vnde Augustinus in originali ho-

*Aug. tra 7.*

*123. in Ioā.*

*ser. fin. to. 9.*

mil. eadem: Amor Christi in eo, qui pascit oves eius,  
in tam magnum debet Christi talemq. crescere ardo-  
rem, ut vincat etiam mortis naturalem timorem quo  
mori nolumus, etiam quando cum Christo viuere  
volumus. Hæc Augustinus. Ex quibus concluditur,  
quod fuga huiusmodi stare non potest cum perfectio-  
ne charitatis, quæ hunc timorem exuperat, ne timen-  
tem in fugam conuertat. Dicere igitur ex hoc timo-  
re Christum fugisse, non est aliud quàm ipsum bla-

sphemare, cum ex hoc sequatur, quod in ipso fuerit  
amor naturalem timorem non superans, sed ab ipso  
superatus, ac per hoc non perfecte stabiliens, sed va-  
cillans, & imperfectus. Aduertat igitur quisquis hæc  
legerit, quod fugæ prouenienti ex naturali timore  
mortis perfectionem tribuere, simulq. asserere Chri-  
stum hoc modo fugisse, nihil aliud est, quàm Chri-  
stum ducem iam prostratum ab hostibus dicere, &  
vniuersum ipsius exercitum ad fugam prouocare.  
Nullus enim in fugam mortis timore conuertitur, ni-  
si timor huiusmodi in eo dominetur. Quod si hoc,  
ut asserit, perfectum est, & omnes hoc naturali ti-  
more vrgentur, nil aliud restat secundum hanc pro-  
phanam doctrinā, nisi ut omnes in fugam conuertan-  
tur. Nulla igitur erit in fugiendo differentia Pastoris  
& mercenarij, cum vterque pariter habeat natura-  
lem timorem moriendi. De quarto vero differens  
addit, quod fugere ex humilitate mentis, qua homo  
propriam infirmitatem cognoscit, & ad mortem su-  
stinendam humiliter se imperfectum credit, compe-  
tit viris perfectis. Nam hoc modo, ut ait, fugit Pe-  
trus a facie Neronis, & Iudæi persecutiones Antio-  
chi, & anachoretæ persecutiones Decij, & Valeria-  
ni. Et post subdit, quod hanc fugam docuit Christus,  
& exemplo confirmavit, & est imitanda perfectis.  
Hoc autem si quis diligenter consideret, scribentis  
imperitiam manifeste perpendet. Nam primū exem-  
plum de Petro est falsum. Si enim Petrus, ut dicit,  
se reputabat imperfectum ad martyrium, pari ratio-  
ne, & quilibet Christianus. Si igitur ex hac conside-  
ratione fugere perfectum est: quilibet omnino de-  
bet fugere, nullusq. ad passionem, tamquam ad rem  
propriam vires transcendentem aspirare. Ex quo  
etiam illud inferitur, quod præsumptuosus fuit ille  
feruor sanctorum, qui corde intrepido, ad tormen-  
ta ferebantur. Secundum autem exemplum est in se  
ambiguum, & impertinens ad propositum, quia non  
constat Iudæos illos ex humilitate fugisse, nec ad per-  
fectionis exemplum eorum fuga potest assumi, qui  
materiali gladio propriam tuebantur salutem, & ad-  
uersarios, quando sibi facultas aderat persequen-  
tur ad mortem. Exemplum vero tertium de anacho-  
retis, ubi allegat auctoritatem Hieronymi pro fuga  
Pauli primi eremite, suo proposito nō competit quin  
potius aduersatur. Nam Paulus, ut ibidem dicit Hie-  
ronymus, adolescens erat delicatus & diues, non ana-  
choreta, non monachus, sed adhuc in sæculo degens.  
De quo ibidem Hieronymus subdit, quod necessita-  
tem in voluntatem conuertit, dum primo quasi com-  
pulsus, postea voluntarius mansit in eremo. De alijs  
vero Christianis qui iam perfecti erant, idem Hie-  
ronymus paulo ante præmittit: Votum tunc Chri-  
stianis erat, pro nomine Domini gladio percuti. Ve-  
rum hostis callidus tarda ad mortem supplicia con-  
quiritens, animas iugulare cupiebat non corpora, &  
ut ipse qui ab eo passus est Cyprianus ait, volentibus  
mori non permittebatur occidi. Hæc Hieronymus.  
Quibus præfati erroris sententia non fulcitur, sed con-  
futat, dum asserit, quod illius temporis martyres,  
non solum non fugiebant, sed etiam vehementer do-  
lebant quod occidi non poterant, quemadmodum  
gloriosi martyris doctoris Cypriani verbo & exem-  
plo confirmat. Quartum autem exemplum quod  
ponit de Christo, horrendam in pijs auribus inclu-  
dit blasphemiam. Quia si Christus ex humilitate se  
ad martyrij sustinentiam imperfectum putabat, aut  
vere hoc æstimabat, aut false. Si vere, ergo Chri-  
stus veraciter fuit imperfectus. Si false, tunc necessa-  
rio sequitur, quod fuerit suæ perfectionis ignarus,  
& horum vtrumque blasphemum. Insuper si omnis  
qui filium Dei Iesum Christum imperfectum dicit,  
vel æstimat in Deum blasphemare, qui ponit hoc Chri-  
stum de se sensisse, non solum blasphemare in Chri-  
stum, verumetiam asserit Christum fuisse blasphemum,

*Hieron. in  
vita B. Pau-  
li primi ere-  
mita.*

num, quod pie aures audire non possunt. Quisquis igitur hoc pertinaciter senserit, tradendus est satanæ, ut discat non blasphemare. De quinto vero modo fugiendi, qui est ex prudentia circumspēcta diffusius tractans, imprudentiam suam patenter ostendit, dum pro nihilo tot verba disseminat. Nullus enim negat, quin pro expectatione opportunitatis, vel utilitatis maioris, interdum etiam vir perfectus fugere possit, sicut Apostolus de Damasco fugit. Sed hic modus ab alijs licitis fugiendi modis non debet distingui, quia omnis rationalis, & licita fuga est ex prudentia circumspēcta, quæ est magistra directionis in omni via salutis. Est autem prudentia directiua fugæ, pro loco, & tempore, non tam secundum imperium perfectæ virtutis, quàm secundum humanæ conditionem imperfectionis, & infirmitatis mentalis. Unde super illud Matthæi discipuli relicto eo fugerunt. Beda dicit in Glossa: Sicut Petrus qui negationem lacrymis abluir, & confessione dominici amoris trina funditus extirpauit, recuperationem eorum ostendit qui martyrio labuntur; sic alij discipuli qui articulum comprehensionis fugiendo præuenerunt, cautelam fugiendi docent eos, qui se ad supplicia minus sentiunt idoneos, quibus tutius est latere, quàm discrimini se exponere. Hæc Beda. Quibus elucet, quod huiusmodi circumspēctio qua quis provide fugit, infirmis magis competit quàm perfectis. Quod igitur dicit se nullatenus æstimare, quod prudentia, quæ perfectionem facit, aliquādo magistra sit imperfectionis, si sic intelligit, quod prudentia de perfecto imperfectum non facit, verum dicit, sed nihil ad propositum. Si autem intelligit, quod nullum opus imperfectionis ex prudentia procedit manifeste errat, quia tunc omne opus prudentiæ esset perfectum, nec solius prudentiæ verumeriam omnium aliarum virtutum quibus necessario prudentia est annexa. Ex quo etiam sequeretur, quod omnis virtus sit perfecta, & omnis virtutem habens sit perfectus, & omnis imperfectus iniustus, & omnis imperfectio culpa. De sexto tandem modo fugiendi subinfert, quod fugere ex abundanti misericordia, ne persequētes grauius Deum offendant viris perfectis competit, quia hoc modo fugit Iacob, Moyses, Dauid, Benedictus, Siluester, &c. Et hanc fugam, ut dicit, docuit Christus, & exemplo confirmauit. Porro quamuis in his, quæ de hoc modo sexto fugiendi scribit, videatur superficialiter considerantibus rationabiliter, & pie sentire; si quis tamen vigilantiori attentione consideret, manifeste cognoscet ea carere ratione simul & pietate. Nam & exempla quæ ponit ambigua sunt, nec ex Scripturis constat præfatos viros ex ea, quam assignat, causa fugisse. Qua etenim ratione, vel auctoritate astrui potest, quod Iacob Esau, Moyses Pharaonem, Dauid Saulem, & Siluester Constantinum fugerit, ne in eos grauius peccarent? Et ideo quæ proponit pro nihilo habenda sunt. Quia ut dicit Hieronymus, quod de scripturis auctoritatem non habet, eadem facilitate contemnitur qua probatur. Insuper si omnis qui persequitur iustum, tanto magis peccat, quanto grauioribus iniuriis irrogat, & sanctum est atque perfectum propter hoc fugere, semper a facie cuiuslibet persecutoris fugiendum est, ne grauius peccet. Amplius ex hoc necessario sequitur, quod Christus non abundantem misericordiam, sed potius crudelitatem in Iudæos exercuerit, qui tunc se passioni obtulit, quando plures in eo peccare potuerunt, paschali scilicet tempore, cum Iudæorum multitudo ad festum ventura erat, de qua sciebat, quod in eius mortem confensura erat. Arguuntur etiam secundum hanc doctrinā, impietatis & crudelitatis omnes martyres, qui non fugerunt. Inaniter igitur gloriatur se aduersarium confutasse, quasi fugere non sit imperfectum, cum habeat fieri ex abundanti misericordia, quæ imperfectionis non potest esse ministra. In quo

S. Bon. Tom. 7. Pars iij.

credens alterius improbare sententiam, viam aperit ad reprobendam suam. Si enim Christus, quia fugit ex misericordia respectu persequentium, nullam imperfectionis notam incurrit, multo magis si fugit ex misericordia respectu membrorum suorum infirmorum, ad præbendum illis solatium, non debet imperfectioni ascribere, sed potius iudicare perfectum. Quod autem in fine cōcludit, quod his quattuor modis Christus fugit, & fugere docuit, & viri perfectissimi in hoc eum imitati sunt, & hoc alios facere docuerunt, & quod Christus fugiendo exemplum infirmis præbuit: infirmis dicit, infirmitate carnis quæ perfectis competit, non mentis quæ solum conuenit imperfectis, quia ex præcedentibus satis reprobatum est, non est opus ultra discutere, quamquam hæc quattuor simul aggregata, dogmatis huius absurditatem patenter ostendant. Nam si Christus hoc quadruplici modo fugit, & perfectissimi viri in hoc eum imitati sunt, cum hoc fugiendi quadriuium semper, & vbique & omnibus pateat, semper, & a quolibet ineunda est fuga. Quis enim non naturaliter timet mortem? Quis non debet se humiliare? Quis non debet prudenter cauere periculum? Quis misereri non debet persequentium proximorum? Si igitur hæc viæ fugarum semitæ sunt perfectionum, quibus itur ad Christum, non iam ad exhortationē Apostolicæ tubæ currēdum est ad nobis propositum passionum certamen, sed potius quærendum est per aliquam dictarum viarum fugæ præsidium, quo celerius, tamquam per compendiosas perfectionis semitas perueniatur ad Christum. Quod si huiusmodi exhortationis immo dehortationis clamorem, quo bellatorum corda terrentur procul a castris bellantium abesse censuerunt duces in pugna sæculi; quanto magis hoc obseruare conuenit in pugna Iesu Christi, ubi res agitur, non pro vitandis dispendijs rerum, aut fugiendis periculis corporum, sed pro declinanda infinibili morte animarū? Nec hoc dicimus quin competere possit perfectis in casu fugere, eo modo quo superius ostensum est: sed ut fugæ laudes superfluas, vanas & falsas, tamquam perniciosas, & virtutibus perfectis contrarias ostendamus esse fugiendas. Quia cum falsitas vbique & semper vitanda sit, ibi tamen, & tunc potissimum declinanda est, cum sub fallaci specie sanctitatis a virtutum culmine reuocat, & inclinat ad ima.

RESPONSIONIS SECUNDÆ.  
Caput secundum.

In quo abstinentia laus, & perfectio declaratur, & eiusdem impugnatio calumniosa refellitur.

Quamquam certum sit omnibus in Christiano exercitatis agone, abstinentiæ sanctæ rigorem perneccesarium esse, his qui perfectionem adipisci, & defensare conantur: quia tamen nouæ adinventionis dogma peruersum subintroducū est ad probandum contrarium, roboranda est huiusmodi veritas, tam per exempla, quàm per documenta sanctorum. Et primum quidem Euangelicæ perfectionis præcursor, adducatur in medium, qui propter abstinentiam eminentem, magnus prædicatur Angelica voce, sicut refert Lucas Angelum dixisse ad Zachariam. Erit enim magnus coram Domino, vinum & siceram non bibet. Vbi Glossa: Sicera interpretatur ebrietas, quo nomine signatur omne poculum de quacumque materia factum, quod inebriare possit. Decet namq. vas cælesti gratiæ mancipatum, a sæculi illecebris abstinere. Hoc ipsum vas electionis Apostolus in seipso commendat, ad Corinthios scribens: Castigo corpus meum, & in seruitutem redigo, ne forte cum alijs prædicauerim, ipse reprobus efficiat. Et ad hoc agonistarum exemplo, cum

Nn 3 cōtos

2. Cor. 11. 8

Mat. 26. f

Heb. 12. 0

Hieron. in  
9. 23. Mat.

Luc. 1. 6

1. Cor. 9. d

1. Cor. 9. d. Deos prouocat Christi milites cum præmittit: Omnis A  
qui in agone contendit, ab omnibus se abstinere, & illi  
quidem vt corruptibilem coronam accipiant, nos au-  
tem incorruptam. Ad hoc facit quod ait Ambrosius  
lib. 3. Hexameron: Ab initio sæculi simplicem cibum  
& naturalem debuit Deus reliquis cibis anteferre.  
quoniam iste est sobrietatis cibus, reliqui voluptatis.  
In hoc datur nobis frugalitatis exemplum & parsi-  
monix magisterium, vt herbis & simplicis oleris vi-  
ctu, aut pomis contenti simus, quem natura obtulit,  
quæ liberalitas Dei primo donauit. In Ecclesiastica  
vero historia libro 2. refert Eusebius, quod inter san-  
ctos Egyptios, quos Euangelista Marcus multipliciter B  
instituit, vinum nemo nec gustu contingit, nec aliquā  
carnem, tantum aqua est eis potus, & panis cum sale  
& hyssopo est eis cibus. De anachoretis autem, quo-  
rum vita constat fuisse perfectionis exemplar, Hie-  
ronymus ad Eustochium cum vitam commendasset  
Eustoch. Cœnobarum dicēs, quod inter eos viuunt pane, &  
leguminibus, & oleribus, quæ sale solum condiuntur,  
quibusdam interp ositis subdit: Ad tertium genus ve-  
niam, quos Anachoretas vocant, qui de cœnobijs  
exeuntes, accepto pane & sale, amplius ad deserta nil  
proferunt. Huius vitæ auctor Paulus, illustrator An-  
tonius, & vt ad superiora cōscendam, princeps Ioan-  
nes Baptista fuit. Hucusque Hieronymus. Qui & hūe  
quem huiusmodi vitæ asserit auctorem Paulum tali-  
bus extollit abstinentiæ laudibus, eius vitam descri-  
bens: Omnem in oratione in solitudine duxit æta-  
tem, cibum, & vestimentū ei palma præbebat. Quod  
ne cui incredibile videatur, Iesum testor & sanctos  
Angelos, vidisse me monachos, e quibus vnus per tri-  
ginta annos, pane hordeaceo, & aqua lutulenta vixit.  
Beatus quoque Basilus monachis Orientalibus, qui  
ad perfectionis culmen nitebantur ascendere, carnū  
esum inhibuit. Sanctus etiam Martinus, vt de ipso  
narrat Sulpitius, in suo monasterio secum degentibus D  
monachis, vini potum concedere noluit. Et sacer vir  
Benedictus sanis monachis esum carnium interdixit.  
His & similibus quasi innumeris vniuersis sanctorū  
exemplis indubitanter colligitur, quod abstinentiæ  
vigor opus sit perfectæ virtutis. Et ne quid ad certi-  
tudinem desit, alijs sanctorum auctoritatibus probā-  
dum est, quibus asserunt, quod abstinere a vino, &  
carnibus sit perfectum. Ait enim Hieronymus ad  
Hier. in ep. Demetriadem: Conceduntur quidem nuptiæ, car-  
nium esus, vsus vini, sed horum abstinentia, consilio  
ad Demet. q. habetur  
10. 9. longe  
ante med. perfectiore suadetur. Idem quoque contra Iouinia-  
num: Si vis perfectus esse, bonum est vinum non bi-  
bere, & carnes non manducare; nam si vis perfectus  
Idem cont. Iouin. li. 2.  
Aug. de fid. esse, melius est fagnare animam, quā carnem. Au-  
gustinus etiam de fide ad Petrum, sic ait: Humiles  
ad Pet. c. 3. serui Christi, qui cupiunt Domino absque impedi-  
mento seruire, coniugia non appetunt, a vino & car-  
nibus abstinere, quantum corporis validudo permit-  
tunt, non quod peccatum sit aut coniugem habere, aut  
tom. 3. carnes, vinumq. percipere. Hæc Augustinus. Ad hoc  
Greg. li. 30. idem facit quod dicit Gregorius libro 30. Moralium:  
Mor. c. 13. ante med. Nullus palmam spiritualis certaminis apprehendit,  
qui non prius in seipso per afflictam concupiscētiā  
carnis incentiua deuicerit. Neque enim ad conflictū  
spiritualis certaminis consurgitur, si non prius intra  
nosmetipsos hostis mentis positus, gulæ videlicet ap-  
petitus edomatur. Colligitur itaque, quod abstinen-  
tia sit opus maxime competens viris perfectis, quorū  
est satanæ bellis victorose resistere, & sapientiæ stu-  
dijs quiete vacare. Propter quod Hieronymus con-  
tra Iouinianum: Si quis æstimat abundantia ciborū,  
Hiero. ubi  
sup. prox. atque potuum se perfrui, & vacare se posse sapientiæ,  
hoc est versari inter delicias, & deliciarum vitijs non  
teneri, seipsum decipit. Et post: Quomodo nuptijs  
virginitatem, ita saturitati & carnibus ieiunia spiri-  
tumq. præferimus. Si igitur vacare sapientiæ perfe-  
ctorū est, & virginitas præfertur coniugio sicut per-

fectū imperfecto, restat quod de genere operis absti-  
nere a carnibus, alijsq. delicatis cibarijs actum dicit  
consonum perfectioni; & contra his vti imperfectio-  
nem quandam importat, quantum est de sui gene-  
ris natura, nisi ad perfectionem reducat per circū-  
stantiam superadiectam, vtpote cum quis habet ple-  
nam abstinendi voluntatem, & tamen huiusmodi ci-  
barijs pro loco & tempore sobrie vitur, vel quia re-  
quirit necessitas sustentationis propriæ propter ægri-  
tudinem seu debilitatem, vel vtilitas fraternæ ædifi-  
cationis per charitativam cōdescensionem. Primum  
quidem exemplum ex vita sumitur perfectorum cœ-  
nobarum, quam describens Hieronymus ait, loquēs  
de sanis: Viuitur pane, leguminibus, & oleribus, quæ  
Hieron. in  
epist. 22. ad  
Eustoch. sale solo condiuntur. Dehinc pro debilibus subdit:  
Vinum tantum senes accipiūt, quibus & paruulis sæ-  
pe fit prandium, vt aliorum fessa sustentetur ætas, &  
aliorum non frangatur incipiens. Post hæc de infir-  
mantibus ait: Si quis vero cœperit ægotare, trāsfer-  
tur ad exedram latiore, & tanto senum ministerio  
confouetur, vt nec delicias vrbium, nec matris querat  
affectum. Hæc Hieronymus. Porro exemplum se-  
cundi manifeste refulget in Christo. de quo Chry-  
sostomus super Matthæum: Vide quanta est Christi  
Chrys. ho-  
mil. 27. su-  
per Matt. in cōdescensione diligentia, sicut cum cōmedat &  
bibat, cum videatur ex aduerso Ioanni faciens, & hoc  
Iudæorum gratia salutis facit, magis autem orbis ter-  
rarum vniuersi, simulq. hæreticorum obstruens ora.  
Magister nāque perfectionis omnimodæ Iesus Chri-  
stus, & supportator imperfectionis nostræ vtrumque  
debuit in sua via monstrare, cum tamen Ioannes to-  
tam peregerit vitam secundum arctissimam abstinen-  
tiæ legem. Et quamquam actus abstinēdi perfectior  
sit ex proprio genere, perfectius tamē egit Christus;  
quā Ioannes, quia & puriori modo in seipso absti-  
nuit, & alijs ex perfectiore charitate cōdescendit.  
Vnde & perfectionis præcipuus sectator Apostolus  
non solum imitabilem se præbet in austeritate vitæ,  
verum etiam pia ad proximos cōdescensione, ad Co-  
rinthios dicens: Factus sum infirmis infirmus, vt in-  
firmos lucrificerem, omnibus omnia factus sum, vt  
omnes facerem saluos. Hanc cōdescensionis ædifi-  
catoriæ formam discipulis ad prædicandū missis Do-  
minus dedit, cum ait: In eadem domo manete, eden-  
tes & bibentes, quæ apud illos sunt. Et ratio a Mat-  
thæo redditur. Est enim dignus operarius cibo suo.  
Quia enim discipuli pauperes erāt, & laboriosis præ-  
dicationis exponebantur discursibus, ne pro penuria  
Luc. 10. b  
Mat. 10. b & difficultate laboris, in seipsis deficerent, vel pro dif-  
formitate victus, onerosi redderentur suscipientibus  
ipso, huiusmodi fuit eis a Domino viuendi forma  
præscripta, tam pie, quā prouide, vt & alijs cōde-  
scenderent, & iniunctum sibi laborem viriliter tole-  
rare valerent. Ex prædictis igitur elucescit, quod tam  
abstinere a carnibus, & vino, quā his vti, potest fie-  
ri perfecte & imperfecte, sed vnum, scilicet abstine-  
re sit perfecte ex proprio genere; alterum vero ra-  
tione circumstantiæ adiunctæ, cum ex se magis de-  
clinat ad imperfectiōem. Hæc autem non idcirco  
dicimus, quia cibus in culpa sit, cum dicat Apostolus  
ad Corinthios: Esca nos non commendat Deo. Glos-  
sa: Sumpta, vel non sumpta. Et Augustinus libro 3.  
de doctrina Christiana: Quid locis, & tempori, &  
personis conueniat, diligenter attendendum est, ne  
temere flagitia reprehendamus. Fieri enim potest,  
vt sine aliquo vitio cupidinis, vel voracitatis, pretio-  
sissimo cibo sapiens vtatur, insipiens autem foedissi-  
mæ gulæ flamma in vilissimum ardeat, & sanius  
quisque maluerit more Domini pisce vesci, quā lē-  
ticula more Esau, aut hordeo more iumentorū. Hæc  
Augustinus. Ad quod etiam facit quod dicit Grego-  
rius libro 30. Moralium: Non cibus, sed appetitus in  
vicio est. Vnde lautiores cibos plerumque sine culpa  
sumimus, & abiectiores non sine reatu conscientiæ  
deguſta-



degustamus. Hinc Esau primatum per lenticulam perdidit, & Elias in eremo carnes edendo virtutem corporis seruauit. Vnde & antiquus hostis primum sibi hominem non carne, sed pomo subdidit; & secundum, non carne, sed pane tentauit. Patet igitur, quod delicatis uti pro loco & tempore possumus absque peccato. quia tamen per exercitationem concupiscentiæ, dant occasionem peccandi, ab huiusmodi abstinere salutare est. Ac per hoc cum sit difficile & arduum & supererogatorium, de natura sui generis colligitur esse perfectum tamquam ad perfectionem præparans, & ipsam promouens, & conseruans. Vnde Hieronymus contra Iouinianum: Fac esum car-

*Hieron. con.  
Iouin. li. 2.*

nium cunctis nationibus esse communem, & passim licere quod passim gignitur, quid ad nos quorum cõuersatio in cælis est, qui super Pythagoram & Empedoclem, & omnes sapientiæ sectatores non ei debemur cui nascimur, sed cui renascimur: quoniam repugnantem carnem & ad libidinum incentiua rapiẽtem inedia subiugamus. Hæc Hieronymus. Quibus ostendit, abstinentiam uiris perfectis & cælestibus competere, ad perfecte cauendam libidinem, & edendam carnem. Competit etiam eis, quia promouet ad perfectam virtutem. Valet enim primo, ad seruandum pudicitie sanctæ nitorem. Vnde Hieronymus ad Eustochium: Sollicite prouidendum est, ut quos saturitas de paradiso expulit, esuries reducat. Non quod Deus vniuersitatis Creator & Dominus, intestinorum nostrorum rugitu & inanitate ventris, pulmonumq. delectetur ardore, sed quod aliter pudicitia tuta esse non possit. Valet secundo, ad custodiã paupertatis altissimæ, iuxta quod idem Hieronymus ad Saluinam scribit, dicens: Vbi vile olusculum, ci-

*Idem ad Eustoch. epist. 22.*

barius panis, & cibus, potusq. moderatus, ibi diuitiæ superuacuae. Idem quoque contra Iouinianum: Si vis perfectus esse, bonum est vinum non bibere, & carnes nõ manducare. Et post: Grandis animæ exultatio est, cum paruo contentus fueris, mundum habere sub pedibus, & omnem eius pompam, & epulas, ac libidines, propter quæ diuitiæ conquiruntur, vilibus commutare cibis. Valet etiam tertio ad conqui-

*Idem ad Saluinam. epist. 9. cir. mod.*

rendam animi fortitudinem, secundum illud Bernardi: Quomodo ipsum corpus nostrum quotidie crescit & decrescit: sic necesse est spiritum semper proficere, aut deficere, sed interest ordinis. Nam semper in robusto & vegeto corpore animus mollior atque tepidior est, & rursus in corpore debili, & infirmo fortior viget, promptiorq. spiritus. Quod se exper-  
a. Cor. 12. d  
tunc potens sum. Sicut igitur per abstinentiam vigor attenuatur in corpore, sic & augmentatur virtus in animo, quod maxime locum habet in viro perfecto. Valet nihilominus quarto, ad obtinendam mentis serenitatem, iuxta sententiam Senecæ in quadam epistola: Non est, inquit, iucunda res, aqua & pulmẽta, aut frustum hordeacei panis, sed summa voluptas est ex his posse capere voluptatem, & ad id se deduxisse, quod eripere nulla fortunæ iniquitas possit. Si igitur hæc mentis tranquillitas quam varij euentus fortunæ non auferunt, perfectioni attestatur, aperte colligitur, quod sic abstinere sit perfectorum.

*Idem con.  
Iouin. li. 2.*

Hi s præallegatis pro veritatis parte, facile iam est, & perfectionis abstinentiæ sublimitatem defendere, & hostis aduersus eam erecta machinamenta dissipare. Nam ab impositione falsi criminis sumens exordium, primum quidem se fundat super falsum, asserens eum contra quem scribit dixisse, quod carni-  
1. Tim. 4. a  
esum sit a perfectione recessus, quod numquam dixit: insuper & quod de numero sit illorum, de quibus dicit Apostolus, quod in nouissimis diebus, discedent quidam a fide attendentes spiritibus erroris. Quod crimen illi impingit, quia saturitati abstinentiam prætulit. Quantæ igitur malignitatis sit & fraudis, pro abstinentiæ commedatione, viro fideli errorem Ma-

nichæzorū impingere, is qui legit aduertat. Hoc enim nihil aliud est astruere, nisi quod abstinentia commendari non possit sine præiudicio fidei & sanctæ doctrinæ. Quod si verum est, errauerunt viri clarissimi, qui magna & mira fuerunt abstinentia præditi. Errat & nunc sancta mater Ecclesia, quæ in ieiunijs ab ipsa institutis, iubet abstinere a carnibus, & ab his quæ se-  
B  
mentinam inde trahunt originem. errare probatur & ipse, qui aut morem sequitur Ecclesiæ, & tunc secundum suam sententiã est Manichæus, aut morem hunc sacrum impugnat, & tunc est Iouiniani discipu-

*Aug. lib. 1. cont. Adimant. Man. cap. 24. cir. mod. 20. 6.*

lus. Audiat igitur non nos, sed Augustinum, contra Adamantium Manichæum, & de discipulis illius se-  
C  
ctæ loquentẽ. Istos, inquit, significauit futuros Apostolus in tẽporibus nouissimis, prohibentes nubere, & abstinere a cibis, quos Deus creauit. Hos enim proprie designat, qui se non propterea temperant a cibis talibus, ut aut concupiscentiam suam refrenet, aut infirmitati alterius parcant. Audiat etiam Hieronymus contra Iouinianum: Reprobat, inquit, Apostolus eos qui prohibebant nubere, & iuebant a cibis abstinere, sed Marcionem designat & ceteros hæreticos, qui abstinentiam inducunt perpetuam, ad destruenda & contemnenda & abominanda opera Crea-

*Hieronym. con. Iouin. lib. 1.*

toris. Nos autem omnem creaturam laudamus & maciem faginæ, abstinentiam luxuriæ, ieiunia præferimus saturitati, & a diebus Ioannis Baptistæ ieiunatoris & virginis, regnum cælorum vim patitur. In his satis Hieronymus Iouiniani, & noui sectatoris ipsius os obstruit, ne instar sepulchri patentis, suorū carnalitate sermonum tamquam exhalationibus foetidis fidelium mentes sobrias & pudicas inficiat, moresq. corrumpat. Nam, ut ait Apostolus: Corrupti bonos mores, colloquia praua. Sane quia studium esse consuevit errantium, testimonijs veritatis peruerse intellectis, aduersus ipsam veritatem conflagere, ideo  
1. Cor. 15. d

consequenter munire se nititur, auctoritate scripturarum, primo allegans illud Apostoli: Omnis creatura Dei bona. Et iterum: Omnia munda mundis: Cui etiam interpositis quibusdam subnectit Euangelicum illud: Non quod intrat in os coinquinat hominem. Quibus etiam interponit auctoritatem Augustini de ciuitate Dei, qui dicit, quod consuetudo vitæ non impedit religionem. Ex quibus conatur astruere, quod abstinentia ciborum nihil facit ad perfectionem, nec ipsorum vsus, vel sumptio, ad imperfectionem. Vnde & dicit: Imperfectionem non facit Dei creatura, sed mens infirma, & nesciens uti ea. Idcirco magis ei abstinentia, quàm perfectæ menti est necessaria. Hoc si verum est, & huiusmodi ratio aliquid roboris habet, cum bona temporalia sint creaturæ Dei, & mulier formata a Deo, & coniugium, quod plus est, sit Domini sacramentum, & libertas propriæ voluntatis sit donum diuinum, nihil horum ad imperfectionem facit, magisq. competunt hæc perfectis, quàm imperfectis, tãquam melius scientibus uti. Magis igitur secundum hanc indoctam doctrinam perfectis cõpetit diuitias possidere quàm spernere, magis nubere quàm continere, magis agi voluntate propria quàm gubernari aliena. Ex quibus etiã illud infertur, quod  
1. Tim. 4. b  
Tit. 1. d

doctrina Christi fuerit perfectioni cõtraria. Ad quod quidem inconueniens, auribus pijs horrendum, nequaquam deuenisset, si earum quas allegat auctoritatum, catholicum habuisset intellectum. Nam auctoritas Apostoli quam proponit, hæreticorum reprobatur impietatem, Euangelicum verbum Phariseorum superstitionem; sed Augustinus in verbo proposito aduersatur utrisque. Quod enim Christus Phariseos de superstitione notauit, & textus Euangelicus aperte declarat, & Glossa exponit, quæ super illud Matthæi: Non quod intrat in os coinquinat hominem, ait: Vno sermone omnis superstitio obseruationum eliditur, dum in discernendis cibis religio putatur. Quod de ea discretionem intelligendum est, quæ secundum

*1. Tim. 4. b  
Tit. 1. d*

*Aug. lib. 19. de ciu. Dei c. 19. 10. 1.*

*Mat. 15. 6*



dum Phariseorum sententiam in cibis constituit immunditiam causam. Nam discernere inter cibaria delicata & aspera, pretiosa & vilia abstinentium more, non repugnat, sed consonat religioni Christianæ: Quod autem dicit Augustinus, quod victus non impedit religionem, intelligendum est de religione Christianæ fidei, quæ communis est perfectis & imperfectis. de qua Augustinus ibidem: Ipsos quoque philosophos qui Christiani fiunt, non habitum, & consuetudinē victus, sed falsa dogmata mutare compellit. Quod quidem intelligi non potest de religione disciplinæ regularis, in qua habitus nouus assumitur, & mutatur consuetudo viuendi, quantum etiam ad discretionem ciborum. Vnde Hieronymus contra Iovinianum: Audi, inquit, sues & apros & ceruos, & huiusmodi reliquos animantes, esse creatos, ut athletæ milites, & nautæ, metallorumq. fossores, & ceteri huiusmodi operibus mancipati, cibos haberent, quibus fortitudinem corporum sibi necessariam sustentarent. Ceterum nostra religio non atletam erudit, non fossorem, vel remigem, sed sapientiæ sectatorem, qui se Dei cultui mancipauit. Denique verbū Apostoli quod primo proponit Manichæorum impietatem impugnatur, non abstinentiam imperfectorum. Vnde idem Hieronymus ad Saluinum: Scimus ab Apostolo dictum: omnis creatura Dei bona, & nihil reiiciendum quod cum gratiarum actione percipitur, sed idem loquitur: Bonum est non manducare carnem, & non bibere vinum. Comedant carnes quæ carnibus seruiunt, quarum feruor desumat in coitum, quæ alligatæ maritis, generationi & liberis dant operam. Quarum vteri portant fetus, earum intestina carnibus impleantur. Tu vero quæ in rumulo mariti sepelisti omnes pariter voluptates, nihil habes necesse aliud, nisi perseuerare in ieiunio. His aperte colligitur, quod omnis creatura bona & munda est, & quod sanctū est ab aliquibus abstinere, quia & si non sint immundæ formaliter, vel causaliter, tamen occasionaliter, ex earum usu, ut frequenter immunditia contrahitur, dum concupiscentia excitatur. sicut idem Hieronymus ad Eustochium ait: Si quid in me potest esse consilij, si experto creditur, hoc primum admoneo, hoc obtestor, ut virgo Christi vinum fugiat pro veneno. Quid oleum flammæ adijcimus? quid ardenti corpusculo fomenta ignium ministramus? Hæc Hieronymus. Quod si forte quis dicat, hanc ruinam iuuenibus, & imperfectis, non perfectis esse timendam, obuiat idem Hieronymus in eadem epistola dicens: Quamdiu in hoc fragili corpore detinemur, quamdiu habemus thesaurum istum in vasis fictilibus, & concupiscit caro aduersus spiritum, & spiritus aduersus carnem, nulla est certa victoria. Et paulo post: Si Apostolus vas electionis, & præparatus in Euangelium Christi, ob carnis aculeos, & incentiua vitiorum reprimat corpus suum, & seruituti subijcit, ne alijs prædicans ipse reprobis inueniatur. Et si post nuditatē, ieiunia, famem, flagella, supplicia, in semetipsum reuersus exclamat: Infelix ego homo, quis me liberabit de corpore mortis huius, tu te putas securum esse debere? Caue igitur, ne de te aliquando dicat Deus. Virgo Israel cecidit, & nō est qui suscitaret eam. Hæc Hieronymi verba si vera sunt, immo quia vera sunt, non parui periculi res est abstinentiæ perfectioni detrahere, ac per hoc animos perfectæ virtuti studentium ab ea reuocare. Ut autem ad hoc efficacius possit inducere, sanctorum consequenter se munit exemplis, Noe scilicet, Eliæ, & Ioannis Baptistæ. Quorum primus, ut dicit, omne genus carnis accepit in usum, secundus fuit carniū cibo refectus, tertius vero locustarum esu non fuit pollutus. Ex quibus arguitur, quod cum omnis imperfectio sit pollutio animæ, carniū esus nihil facit ad imperfectionem, quin potius ad perfectionem, cum dicat Apostolus: Scio abunda-

re & penuriam pati; nec esset perfectior esuriens, quàm abundans, vtrumque enim poterat virtute diuina. Verum hæc quæ proposuit virorum perfectorum exempla, si ad hoc introducit, quod talibus vesci sit de se licitum, ex ratione procedit, & Augustini sententiam sequitur, in libro confessionum, ubi ex prædictis sanctorum exemplis ostendit, quod non cibus, sed appetitus inordinatus introducit peccatum. Si autem per hoc conatur astruere, quod cibus huiusmodi vti pro loco & tempore, non sit perfectioni contrarium, sed compossibile, verum adhuc dicit, sed frustra laborat, quia hoc nullus catholicus negat. Si vero persuadere conatur, quod his vesci, & ab his abstinere sit æque perfectum, errat non modicum. Primo quidem, quia hoc falsum est, & absurdum, sicut præallegata sanctorum testimonia & exempla declarant. Secundo quia non vera, sed sophistica ratione procedit, cum arguit, quod si viri perfecti aliquid egerunt, quod hoc illud sit de propria ratione perfectum: hoc enim plurimas habet instantias, sicut præostensum fuit in præcedenti particula. Nam similiter argui posset de coniugio Noe, & de proprietate possessionum, & de plantatione vineæ, ut taceamus de vini potatione. Tertio vero quia exemplis huiusmodi primo propositis, falsam subnectit assumptionem cum dicit, quod imperfectio est animæ quædam pollutio, hoc superius multipliciter est improbatum tamquam erroneum, & ad quod multa inconuenientia sequuntur. Tunc enim nouiter baptizatus, aut non esset imperfectus, aut peccati labe esset pollutus, quorum vtrumque est absurdum. Insuper si esset pollutio, aut esset mortalis, & tunc omnis imperfectus charitate careret; aut venialis, & tunc omnis venialiter peccans a perfectione decideret, nullusq. in veniali existens, ad perfectionem perueniret, idemq. foret perfectum & impollutum, quod quidem vel est iustorum omnium in statu viæ, vel omnino nullorum, nisi Dei hominis, & Virginis Mariæ. Quarto autem, quia præfata exempla magis ad oppositum valent, quàm propositum, sicut a sacris Doctoribus inducuntur. Vnde Hieronymus ad Eustochium: Noe vinum bibit, & inebriatus est, & post ebrietatem nudatio femorum subsequuta est. Elias cum Iezabel fugeretur, & sub quercu iaceret, adueniente ad se Angelo suscitatur, & ecce ad caput eius panis subcinericius, & vas aquæ. Re vera poterat ei conditum merum mittere, & electos cibos, & carnes confusione mutatas. Eliseus filios prophetarum inuitat ad prandium, & herbis agrestibus eos alens, consonum prandentium audit clamorem, Mors in olla vir Dei, non est iratus cocis, lautioris enim mensæ consuetudinem non habebat. Potuit & Danieli de regijs ferculis opulentior mensa transferri, sed Habacuc ei messorum prandium portat, arbitror rusticatum. Ideo ibi vir desideriorum appellatus est, quia panem desiderij non manducauit, & vinum concupiscentiæ non bibit. Ecce quot exempla Patrum veteris testamenti introducit ad abstinentiæ laudem, quæ is tamquam carnaliter sapiens trahere nititur ad carnem. Sentiens autem ex his quæ iam dixerat, acutis eiusdem Hieronymi iaculis, ut Ioviniani discipulum se posse transfigi quasi clypeum defensionis obijciendo versute subiungit: Nec me clames Iovinianum, quia non dico, ut ipse, quod non differat simpliciter abstinere, vel carnes & vinum gulose comedere: sed infirmis qui nesciunt his recte vti, valde necessarium iudico abstinentiam, perfecti vero nullam contrahunt immunditiam. Hæc verba ipsius, quibus ut excuset errorem proprium, exaggerat alienum. Numquam enim Iovinianus, quamquam sit omnino detestandus, in hanc quam hic fingit dementia incidit, ut gulositatem æquaret abstinentiæ, sicut nec luxuriam continentiæ coæquauit: sed pudicitiam coniugalem & virginitatem, usum ciborum & abstinentiam, æqualis apud

Hieron. lib.  
2. con. Iov.

Hieron. ad  
Saluin. epi.  
9. post med.  
1. Tim. 4. b  
Rom. 14. d

Hieron. ad  
Eustoch. epi.  
22.

Rom. 7. d

Philip. 4. c

Aug. li. 20.  
Confess. cap.  
21. to. 1.

Hieron. ad  
Eustoch. epi.  
22.

Len. 10

lis apud Deum meriti censuit. Quod idem Hieronymus reprobat ut dogma prophanum. Hic autem longe amplius desipit, quam ille Iovinianus, tamquam proficiens in erroris doctrina discipulus. Nam sobrietatem in usu ciborum dicit competere perfectis, abstinentiam imperfectis, quia perfecti nullam ex hoc immunditiam contrahunt, & imperfecti indigent illo remedio ad edomationem concupiscentiarum. Constat autem quod perfecti præferuntur imperfectis, & quæ illis, & his competunt, per se loquendo consimilem habent comparisonem, igitur secundum ipsum præfertur horum ciborum usus moderatus & sobrius abstinentiæ ab eisdem. Quod si cauferetur falsum sibi crimen imponi, dicat igitur ipse quod sentit. Aut enim præfert abstinentiam moderato modo vescendi, aut æquat, aut postponit. Si præfert ut quid tot superuacua verba contra propriam sententiam protulit? Concesso enim quod abstineret perfectius sit, iam nulla restat causa aduersus aliquem disputandi. Si vero æquat, in errorem Ioviniani turpiter incidit. Si autem postponit, damnatæ & reprobatæ iam hæresi superaddit. Quod autem huius ultimæ sententiæ fuerit, ex consequentibus aperte clarescit. Quasi enim ei quod dixerat abstinentiam imperfectis competere, ex aduerso aliquis resisteret, ex alterius persona subiungit. Sed dices: Quid igitur Dominus sacerdotibus veteris testamenti cum ministrarent, prohibuit vinum? Quid quod Nazareis inhibuerit? quid quod filij Rechab ex hoc laudantur? Et tandem Ioannes Baptista vinum & ficeram non gustauit. Et addit: Qualiter igitur non erit perfectus a vino, & a carnibus abstinere, quam his uti? Et ad hæc tamquam ad probandum falsum inducta respondit dicens, quod sacerdotibus veteris legis inhibetur vinum velut adhuc nescientibus uti, quod abstinentia Nazareorum figuralis non moralis fuit, & quod filij Rechab magis de obedientia, quam de abstinentia laudati sunt, & quod Ioanni Baptiste abstinentia competebat, quia adolescens erat, addens, quia sicut absque diminutione perfectionis, carnes comedit, sic etiam si voluisset, potuisset bibere vinum, cum ad eius oppositum nulla lege teneretur. Ex quibus aperte colligitur, quod ad Ioviniani superaddit errorem. Cum enim supra probauerit, quod perfectis competit vino, & carnibus uti, exemplo Noe, Eliæ, & Ioannis Baptiste, & nunc pro inconuenienti habeat, quod perfectis viris abstinentia indicitur, manifeste conuincitur eius esse sententiæ, qua ciborum usus abstinentiæ non postponitur, sed præfertur. Pro huius quoque erroris defensoris perfidia, plurima dicit absurda. Nam quod asserit vinum interdici sacerdotibus, tamquam nescientibus uti, aperte contrariatur veritati, cum super illud Leuitici: Vinum & omne quod inebriare potest, & cetera, dicat Glossa: Filijs Aaron tamquam sublimiora adeptis, traditur hoc mandatum. Insuper contra viros sanctos blasphemare conuincitur, quorum nonnulli sacerdotalis generis, sanctitatis priuilegio, & prophetiarum spiritu claruerunt. Mira certe, vel potius monstruosa doctrina. Cum enim supra præmiserit, quod viris perfectis competeat coniugium in veteri lege, & secundo addiderit, quod Aaron tamquam vir perfectus fugit, qua fronte hunc subiungere potest, quod tamquam imperfectus abstinuit, quasi coniugij nexus, vel fugæ præsidium sacerdotibus perfectionis gloriam tribuat, & sanctitas abstinentiæ tollat? Magna etiam absurditate non caret, quod principalem causam abstinentiæ præcursoris, ætatem asserit, fuisse iuuenilem, scilicet propter adolescentiam castigandam, ac si abstinentia senibus, & perfectis non competeret. Quid igitur sancti senes, & perfecti Paulus eremita, Antonius, Hilarion, & clarissimi illi cœnobiorum patres abstinerunt usque ad decrepitam senectutem? Quid illi nobiles cœnobitæ, de quibus

A dicit Hieronymus ad Eustochium: De cibis vero & potu taceo, cum etiam languentes monachi, aqua frigida vix vtantur, & coctum aliquid accepisse luxuria sit? Quid illa sacratissima Paula, de qua idem Hieronymus: Nulla iuuenum puellarum sano & vegeto corpore, tantæ se dedit abstinentiæ, quantæ ipsa fracto, & senili debilitatoque corpusculo? Quid etiam venerabilis illa Tarsilla, de qua Gregorius quarto Dialogo, Tarsilla, inquit, amita mea, inter duas alias sorores suas, virtute continuæ orationis, gravitate vitæ, singularitate abstinentiæ, ad culmen perfectionis excreuerat. Quid tandem Apostolus, de quo Hieronymus contra Iovinianum: Paulus Apostolus post famem & sitim, & ceteros labores suos, & pericula latronum, & solitudinis, crebra ieiunia enumerat, & discipulo Timotheo dolenti stomachum, & infirmitates plurimas sustinenti, suadet vini modicam portionem, quod non concederet, nisi crebræ infirmitates, & dolor stomachi postulassent? Innumera quoque ad hæc exempla suppetunt, virorum illustrium, non solum in Christum credentium, verum etiam gentilium philosophorum, sicut ex varijs historijs colligi potest, & præcipue de libro Hieronymi contra Iovinianum, & ex eo quem conscripsit Ambrosius de vita Brachmanorum. Nec horum contemnenda exempla, cum Hieronymus ad Lætiam dicit, quod Iudaica superstitio, ex parte facit in reiectione quorundam animalium atque escharum, quod Indorum Brachmanæ, & Ægyptiorum Gymnosophistæ in polentæ, & orizæ, & pomorum solo obseruant cibo, cur virgo Christi non facit in toto? Si tanti virtutis, quare & non maioris pretij sit margaritarum? Hæc autem non idcirco diximus, ut abstinentiæ laudemus excessum, vel ut nostri temporis homines de imperfectione notemus. Fieri enim potest, ut pro debilitate corporum excusentur nonnulli, iuxta quod distinctio vigesimaquarta, dicitur: Defectus hominum nostri temporis, quibus non solum membra, sed etiam corpora ipsa defecerunt, non paritur distinctionis illius manere censuram. Fieri enim potest, ut ad aliqua pietatis officia seipsum exerceant, quæ distinctione illam vel in toto, vel in parte recompensent. Hoc tamen præcipua cura seruandum, ut qui tantum vitæ rigorem sequi non valent, vel forsitan nolunt, non præsumptuose vilipendant, sed religiose venerentur, quatenus si quid in eis pro carnis debilitate subtrahitur, ex mentis humilitate suppleatur. Hanc piam reuerentiæ formam, si is cui respondetur obseruare voluisset, nequaquam humanæ carnalitatis vitiis, per carnes quas dicit a præcurfore comestis, temeraria præsumptione foueret. Cui aperte contrariatur Euangelicus textus, & Augustinus contra Faustum, ubi sic ait: Vnde dictus est Ioannes non manducans, neque bibens, nisi quia illo victu quo Iudæi vtebantur, ipse non vtebatur? Constat autem, quod Iudæi carnibus vescabantur, nisi forte quis ita desipiat, ut dicat Ioannem carnes manducasse in lege prohibitas Hieronymus etiam contra Iovinianum. Præcursor Domini, & præco locustis alitur, & siluestri melle, non carnibus. Et Rabanus super illud Matthæi: Escæ eius locustæ, & cetera. Habitatori solitudinis congruum erat, ut non delicias ciborum, sed necessitatem humanæ carnis expeteret. Vnde refert Arnulphus Galliarum Episcopus, minimum genus locustarum fuisse in deserto Iudææ, quo pastus est Ioannes Baptista, & usque hodie ibi apparere, quæ corpusculis in modum digiti manus exilibus in herbis facile capiuntur, coctæque in oleo pauperum præbent victum. His itaque diligenter perspectis, quis tam impudens erit, ut per vitam Ioannis austeram, & pauperem, suam, vel alienam defendere audeat carnalitatem? Ceterum quia superfluum est in his immorari diutius, ad ea veniendum est, quæ in quæstionis huius distinctione subiungit. Dicit namque, quod viri perfecti ad vi-

Leu. 10. 6

Rabanus super Mat. 3.

ad vinum & carnes se relaxauerūt, propter carnis infirmitatem, propter seruandam consuetudinem communis vitæ, & propter scandali vitationem. Quæ quamuis vera sint, & a sanctis accepta, multa tamen falsa, vt assoler, in eorum explicationem permiscet. Dicit enim in explicatione primi membri, quod imperfectio est damnum virtutis, quod superius tamquam erroneum est multipliciter improbatum. Addit etiam quod Elias propter infirmitatē carnis, carnis pastus fuit, quam etiam infirmitatem Christus accepit. Hoc si de speciali carnis infirmitate intelligatur, non sine temeritate multa asseritur, tum quia illud Scriptura non docet, sed eis contrariū, tum quia erroneum est asserere, quod Christus assumpserit infirmitates, nisi illas quæ communiter respiciunt statū humanæ naturæ. Quod si de infirmitate, quæ cōmunis est omnibus loquitur, secundum hoc exēplo Christi & Eliæ quilibet perfectus carnes comedere debet. Sane quod in explicatione secundi modi introducit auctoritate Augustini de libro quæstionum Euangelij, quod non interest, quid alimentorum vel quantum quis accipiat, dummodo id agat, pro cōgruentia hominum cum quibus viuit, si generaliter accipiat, sicut hic ex peruersitate intellectus insinuat, omnem abstinentiæ rigorem eneruat, secundum duplicē abstinentiæ modum, a qualibus videlicet, & a quanto. Attendendum est igitur quod verbum illud intelligi debet, quod non multum interest quantum ad rationē liciti, vel illiciti, contra id quod asserit Manichæus; multum tamen interest, quantum ad edomationem carnis, exercitationem virtutis, & satisfactionem pro culpis commissis. Vnde Gregorius in Registro: Duobus modis viri sancti a licitis abstinere solent, aliquādo vt merita sibi apud omnipotentē Deum augeant, aliquando vt antea actæ vitæ culpas detergant. Sed etiā pari non caret peruersitate, quod ibidem subiungit: quod si quis districtius vult viuere, quā hic cū quibus cōmuniter viuit, aut intēperans est, & ita imperfectus, aut superstitiosus, & ita impius. Hæc verba ipsius, quæ imponit Augustino de doctrina Christiana simulq. dicit, quod hoc scilicet restrictus viuere, non docuit Christus, sed potius prohibuit, nec aliquis sanctorum hoc fecit. His autem verbis omnibus plane sanctarum religionum institutoribus, & ecclesiarum rectoribus, qui strictius vixerunt, quā eorum confocij, non solum notam imperfectionis, sed etiam maculam præuaricationis impingit. propter quod, & a blasphemia in Christi sanctos, immunis non est, nisi inquantū fortassis eum ignorantia excusat, quia quos imitari abhorruit, illorum vitas legere neglexit, sicut & mendositas codicis, in ea quam allegat Augustini auctoritate ipsum fefellit. Nequaquam enim ibi scriptum habetur, aut intemperans, sed aut tēperans, aut superstitiosus. vbi vult Augustinus ostendere, quod transcendens vitæ communis, aut venit ex sublimitate virtutis, sicut in viris magnæ auctoritatis, aut ex superstitione erroris, sicut in Manichæis, vel ex præsumptuosa singularitate modi viuēdi, sicut in quibusdam hypocritis, & vanis hominibus, qui despiciunt statum vitæ communis. Corrigat igitur sui mendositatem codicis, vel potius a malignitate respiscat erroris. In pertractatione quoque tertij modi falso redarguit Petrum Apostolum, & impie blasphematur in Christum; dicit enim Petrum reprehensum a Paulo, quia abstinentia sua scandalizabat infirmos. Verū sicut ex textu apparet Apostoli, non in hoc arguendus erat Petrus, quod abstinentiū more, a cibis delicatioribus carnem restringeret, sed quia more Iudæorum cibos discernens, Gentiles faciebat exemplo suo iudaizare. Quod vero subiungit, Christum comedissee agnū Paschalem, quem comedere non tenebatur, nisi ne inde præberet iudæis scandali occasionem, manifestā blasphemiam continet. Nam Christus cum esset Dominus legis & omnium, etiam cum scandalo Iudæorum

Aug. lib. 3.  
de Doctri.  
Christ. c. 12.  
20. 3.

Gal. 2. 6

A quæ sub lege erant, legales carimonias præterire poterat, nec ex tentione, sed ex condescensione legis figuralia obseruabat. Tandem quia veritas vincit semper, & inualefcit, cuius lumen inter densas errorum tenebras radiat, eius quasi virtute cōpulsus, abstinentiæ hostis ad eam, quam impugnauerat laudandam conuertitur, cum subiungit, quod tribus ex causis viri sancti abstinuerunt. Primo propter macerationem carnis, ad edomandum concupiscētias, secundo propter cautelam scandali infirmorū, tertio propter euitationem idolothytorum. Hæc siquidem vera sunt, & ab Augustino sumpta in lib. de moribus Manichæorum. sed hunc triplicem veritatis radium, triplicis erroris caligine obnubilare conatur. Nam primo dicit, quod sancti Patres non tenebātur abstinere, a cibis lege prohibitis, nisi propter vitādum scandalum, quod pertinebat ad nouum testamētum, & hoc falsum est. Vnde Augustinus: Machabæos, inquit, cum ingenti admiratione præferimus, quod escas quibus nunc licite Christiani vruntur, attingere noluerunt, quia pro tempore prohibito non licebat. Secundo addit, quod Christus his tribus modis abstinuit, in quo nō solum oberrat, sed solito modo blasphematur. Cum enim primus modus sit, vt dicit propter refrenandas concupiscēcias carnis, hoc Christo attribuire, non est aliud quā blasphemare, nisi forte per hoc se excusare velit, quod ante prædixit Christum non propter concupiscēcias proprias abstinuisse, quia nullas habuit, sed vt abstinendo exemplum daret alijs, suas concupiscēcias refrenandi. Verum si hanc intelligentiam habet, sensum rectitudinis teneat, sed verbum erroris immutet. Quærimus tamen ab eo, quibus exēplum hoc præbuit Christus utrū perfectis, de quibus idem dicit, quod iam concupiscēcias domuerunt, an imperfectis, qui adhuc concupiscēcijs agitantur? Constat, quod imperfectis. Si igitur Christus tamquam medicus, infirmis condescendendo exemplum præbuit, & quasi de huiusmodi medicinali potione gustauit absque detrimento perfectionis suæ, vt quid tot in vanum verba protulit, & conscripsit aduersus hanc veritatem, quam de ipsius impugnantis ore, eiusdem inuincibilis veritatis virtus extorsit? Tertio subdit, quod his tribus modis abstinere perfectis Christus præcepit, nec contrarium præcepit imperfectis, sed quibus placuit, misericorditer indulget. Hæc verba ipsius, in quibus veritati contradicit & sibi ipsi. Veritati quidem, quia maxime astringuntur imperfecti ad idolothyta vitanda, nec eis indulgetur, quod alios scandalizent, aut suas concupiscēcias non refrenent. Sibi ipsi etiam contradicit, quia cum supra docuerit, abstinentiam imperfectis magis competere quā perfectis, propter quod dicit abstinentiam vini, iniunctam sacerdotibus veteris Testamenti, non noui; nunc seipsum redarguens dicit, quod abstinentia viris perfectis præcipitur, & imperfectis indulgetur. In quo dū vno destruit breui sermone, quidquid supra construxerat, manifeste declarat, quod qui studio contentionis deseruit, dum arcu tenso dolo per sagittam sermonis emissam, alterum vulnerare satagit, iusto Dei iudicio semetipsum prius ipsa configit.

Aug. cons.  
Faust. li. 19.  
c. 14. 10. 6.

## RESPONSIONIS SECVNDÆ Caput tertium.

*In quo ieiunij arctitudo, vt consona perfectioni defenditur, & eius multiplex commendatio subinfertur.*

Statim euidenter per determinata patet, vt credimus, ieiunij arctitudinem, velut abstinentiæ columnam, Evangelicæ perfectionis structuræ non modicū præstare munimen. Verum, quia contentionis amator, aduersus ipsius prærogatiuam nouum disputationis certa-

certamen aggreditur, stultitiæ suæ respondere compellimur, ut simplices a perfectione non reuocet, nec sibi sapiens esse videatur. Etenim cum is contra quæ scribit, nullam de ieiunio mentionem fecerit, sicut ipsemet recognoscit: quia tamen alius prædicās fuit, de ieiunij perfectione locutus, noua eum disputatione confutare conatur, quasi ei non sufficiat agere contra vnum, quin potius Ismaelitico more, manum erigit contra omnes, ut iusto Dei iudicio manus sit omnium contra eum. Et quidem quod vir peritus, ut iste fatetur docuit, Christum ieiunando solis perfectis, & comedendo, solis imperfectis exemplum dedisse, nullatenus videtur esse credibile, cum omnibus constet, quod tam ieiunare quam comedere fieri potest, non solum perfecte & imperfecte, verum etiam bene & male, sancte & impie, secundum rationem diuersorum finium & circumstantiarum. In hoc tamen est differentia inter ieiunia seruare, & ieiunia soluere, quod primum de se est difficile & arduum, ac de se efficax ad repressionem carnalis libidinis, & exercitationem spiritualis virtutis, & ideo de ratione sui generis bonum, & ad perfectionem ordinatum. Secundum autem, scilicet ieiunia soluere, facile est & carni suauis, & ad quod inclinatur mentalis infirmitas, & ideo imperfectum de se quamuis & perfecte fieri possit, ratione circumstantiæ superaddita, utpote cum a viro perfecto sit, ratione debilitatis propriæ, vel condescensionis fraternæ. Fatemur igitur vna cū illo, contra quem scribit, quod loquendo de natura huiusmodi actuum, perfectius est ieiunia seruare, quam soluere, & quod Christus omnis virtutis exemplar, & pro tempore ieiunauit, & pro tempore ieiunia soluit: ut in primo austeritatis vitæ præberet exemplum; & in secundo humanæ infirmitati præstaret solatium. Propter quod & primum fuit rigoris, secundum condescensionis, utrumque tamen perfectum in Christo, quia ex perfectissima charitate processit. Nam condescensio, ut ex prædeterminatis est euidēs, nullam imperfectionem ponit in condescendente, sed in eis solum quibus condescenditur, vel in ipso genere actus. Hoc si voluisset calumniator aduertere, varios, in quos incidit, falsorum dogmatum declinasset errores. Nam super falsum primo se fundans, falsi criminis impositione, catholici doctoris verba deprauat, sed & verisimili quadam distinctione modorum ieiunandi, erroris sui versutias occultat, tandem fraudulenta commendatione solutionis ieiunij, carnalis lasciuiæ venena propinat. Aggrediens igitur eū contra quem scribit, primum redarguit tamquam hæreticum & præsumptuosum, & veræ perfectionis inimicum. Summa autem persuasionis suæ qua velut hæreticum confutare conatur, hæc esse colligitur. Quia si Christus aliqua fecit, quibus exemplum præbuit perfectis tantummodo, tunc sequitur quod inuidus fuerit, quia perfectionem imperfectis inuidit. Item si aliqua fecit, tantum imitanda imperfectis, cū illa non potuerunt esse perfecta, aut Christus duas habet personas, quarum vna fecit perfecta, alia imperfecta, secundum dogma Nestorij; aut si Dei Patris perfecta sunt opera, & Christi imperfecta, tunc erit persona Filij minor persona Patris, iuxta impietatem Arrij, siue Photini. Huius autem sophisticæ ratiocinationis processus auctorem suum & ignorantem demonstrat & impium. Si enim scientiam haberet, vel quantumcumque exilem, manifeste perpenderet, quod sicut vniuersitatis creator diuersis rerum generibus, secundum magis & minus naturarum, virtutum, & operationum nobilitates distribuit non solum absque malignitate inuidiæ, verum etiam cum multa manifestatione bonitatis suæ: sic & humani generis recreator, non solum absque inuidia, sed etiam ex multa charitatis beneuolentia, diuersa largitur charismatū dona, diuersa reuelat mysteriorum arcana, diuersa graduum & prælationum officia, diuersa tandem vir-

tutum præbet exempla. ita quod vni dat imitari vñ, alteri alterum. iuxta quod Apostolus loquens de continentia gradibus ait: Vnusquisque donum propriū habet a Deo. Insuper cum dicitur, quod Christus aliqua proposuit imitanda perfectis, si sane sciret, non solum de illis intelligeret, qui iam perfecti sunt, sed de omnibus, qui cupiunt esse perfecti, sicut etiam Christus adolescenti, cum dixerat: Vnum tibi deest, subdit: Si vis esse perfectus, vade & vende omnia, &c. Nullis ergo semitam perfectionis præcludit, nullis inuider, nullos repellit, sed gradum statuit competentem his, qui ad perfectionem satagunt prouehi, non his qui volunt in imperfectione versari. Quod autem ex diuersitate operationum in Christo, vel minoritate respectu operum Patris infert Christum vel duplicem esse personam, & in ipsa personalitate diuina esse minorem Patre, Nestorij simul & Arrij erroneam sapit impietatem. Numquam enim ex pluralitate operationum sequitur pluralitas personarum, nisi secundum Nestorium, sed pluralitas virtutum & naturarum. Nec ex minoritate operationis sequitur minoritas in personalitate diuina, sed in natura assumpta, nisi secundum Arrium, qui ex hoc, quod Christus dicit se Patre minorem, quod fideles intelligant secundum naturam humanam, infert inæqualitatem in personalitate & natura diuina. Si igitur hanc rationem credit valere, dum errorem alteri conatur impingere, manifeste conuincitur, ut Nestorianus & Arrianus errare. Verum nec his contentus seruum Dei contra quem scribit, tamquam præsumptuosum inuadit & arguit, pro eo videlicet, quod contra prohibitionem Apostoli, iudicat alienū seruum, in hoc quod manducantes asserit imperfectos. Nam cum omnis imperfectio, ut dicit, sit reatus, sit etiam configurans mundo, sit & displicens Deo, si quis manducantes imperfectos dixerit, hoc ipso iudicat, & cōdemnat eosdem, tamquam reos in seipsis, mundo conformes, & Deo displicentes, quod quidem asserere, nil aliud est, ut dicit, quam insanire, & hæc est summa rationum suarum. Sed huic ex aduerso veraciter dicitur: O præsumptio nequissima, vnde creata es, operire terrā malitia! Præsumptuose enim atque maligne alienum iudicat seruum, qui dicenti verum, impingit mendacium, sicut hic agit, cum id peritum hominem sensisse asserit, quod falsum esse, vix quantumcūque imperitus ignoret. Quis enim tam stolidus, ut dicat, quod omnis manducans sit imperfectus, cum hoc necessarium, & commune sit omni viatori, tam perfecto, quam imperfecto, tam bono, quam malo? Sed esto, quod quis dixerit, quod ieiunia soluere, sit actus imperfectus, quantum est de proprio genere, non tamen ex hoc sequitur, quod omnis ieiunia soluens vel comedens sit imperfectus, pro eo quod sicut sæpe dictum est, circumstantia potest esse personæ, & actui annexa, quæ ab omni imperfectione excuset. Insuper alia est comparatio actuum, & alia personarum. Vnde sicut non sequitur, si perfectior est virginitas quam coniugium, quod ideo virgo sit semper perfectior coniugata: quia potest esse quod virgo sit impia, & coniugata sit sancta. sic & ad eam comparisonem, qua ieiunium comestioni præfertur, non sequitur, quod ieiunans sit vniuersaliter comedente perfectior, ac per hoc multo minus inferri potest, quod comedens sit imperfectus. Ex hoc autem quod dicit imperfectionem esse reatum, rem mundo conformem, & Deo displicentē, sequuntur absurditates innumeræ. Nam cum virtus, charitas, & iustitia aliquando sit imperfecta, erit ergo reatui obnoxia, conformis mundo, & displicens Deo. Amplius cum ipsum coniugium de sua ratione sit imperfectū, necessario sequitur, quod sit culpabile, & displicens Deo. Sed & pudicitia coniugalis, cum sit imperfecta respectu virginalis, erit Deo displicens, ac per hoc iuxta Mahichæum non erit matrimonium a Deo institutum. Præterea si omnis imper-

1. Cor. 7. b

Mat. 19. e

Ecclesi. 37. a

- imperfectio in artificiato artifice displicet, ut hic temerarie asserit, cum omnia a Deo creata, prius imperfecta fuerint, quam perfecta, vniuersa in sua productionis principio displicuerunt conditori suo. sed nullus sapienter operans producit quod sibi displicet. sequitur ergo quod prima rerum opera, non sunt a Deo in sapientia facta. Et quia hæc absurdissima sunt, illa ex quibus sequuntur, repudianda sunt tamquam erronea, & ex falso intellectu imperfectio- nis procedentia, sicut in præcedentibus patenter osten- dimus. Sed nec ista contentioso disputatori sufficiunt. Nam adhuc prudentem virum, tamquam perfectionis hostem insequitur. Arguit enim, Si ieiunium soluere est imperfectum, senes qui ieiunare non possunt in imperfectionem labuntur. Similiter & corpore imbecilles in virtute decrescunt, cum tamen dicat
- 1. Cor. 12. 6** Apostolus, quod virtus in infirmitate perficitur. In super quod soluentes ieiunium in diebus Dominicis, secundum mandatum canonum, imperfecti erunt. Hæ sunt itaque rationes ipsius in quibus non tam eius, cui aduersatur, impugnat sententiam, quam ieiunij sanctitatem perfectam. Cum enim nullus peritus hoc dixerit, nullus etiam hoc senserit, quod solutio ieiunij ex rationabili causa, perfectioni repugnet, aut præfatæ rationes omnino sunt friuolæ, aut ex hoc imperitis videntur probabiles, quia nullum perfectionis opus est, quod intermittere potest salua perfectione, ac per hoc quia ieiunium salua perfectione intermittere potest, concludi posse videtur, quod non sit de perfectionis integritate. Et quoniam hac ratione ad impugnationem perfectionis, in consequentibus frequenter se munit, ideo ut hac vna responsione sophisticatio ipsius dissoluatur: vbique prudens lector aduertet, quod actus ad perfectionem spectantes, quidam sunt intrinseci & essentielles, tamquam secundum se perfecti, & perfectiui; quidam autem sunt exteriores, & ad perfectionis complementum adminiculantes & exercitatiui, & horum quidam possunt intermittere pro loco & tempore salua perfectione, quidam autem nisi pro loco & tempore intermittantur, cum perfectione stare non possunt. Vnde Beda super Lucā: Quis nesciat viscera misericordiae, benignitatem, humilitatem, patientiam, castitatem, & his similia, sine vlla temporum intercapedine, fidelibus esse seruanda. At vero famem, sitim, vigilias, nuditatem, lectionem, orationem, laborem operandi, & cetera huiusmodi, si quis semper exequenda putauerit, horum se fructu priuabit. Hoc
- Aug. lib. de bo. coniug. 6. 21. 30. 6.** Beda. Ad hoc ipsum facit quod dicit Augustinus de bono coniugali: Habebat, inquit, Timotheus virtutem continendi a vino, quam non ei abstulit Paulus monendo, ut vino modico vteretur, propter stomachum, & frequentes suas infirmitates: alioquin pernitiose docebat, ut propter salutem corporis fieret in animo damnum virtutis. sed quia poterat ea virtute salua fieri quod monebat, ita relaxata est corpori utilitas bibendi, ut maneret in animo habitus continendi. Hæc Augustinus: Ex quibus patenter colligitur, quod opus virtutis intermittere potest virtute salua, ac per hoc etiam opus perfectionis, ipsa perfectione seruata. Ad palliandam quoque absurditatem sui dogmatis, quo ieiunium a perfectione sequestrare contendit, sex differentias ieiuniorum distinguendo subnectit. Dicit enim quod sex modis contingit ieiunare. Primo causa laudis humanæ; secundo causa auaritiæ; tertio causa concupiscentiæ refrenandæ; quarto ex abundanti misericordia ad dandum exemplum; quinto ad designandum mysterium; sexto propter gerendum alijs morem, & scandalum vitandum. Hæc autem distinctio superficialiter considerata, erroneam ipsius sententiam palliare videtur: sed diligenti examinatione discussa, propalare cognoscitur. Nam ex his sex modis duos secundum veritatem dicit competere hypocritis, & auaritis, tertium, scilicet
- A** causa concupiscentiæ refrenandæ competere asserit perfectis & imperfectis, quia ut dicit in quantovis sancto remanet aliquid de concupiscentiis euincendis. Et post subdit, quod hoc ieiunium Christus non assumpserit. & tertio subiungit quod hoc ieiunium magis imperfecto quam perfecto monacho competit. Sed hoc tertio loco dictum, ei quod primo posuerat aperte contradicit. Nam si in quantumcumque perfecto aliquid remanet de concupiscentiis euincendis, cum plene vincere, ac domare concupiscentias magis comperat perfecto, quam imperfecto, magis ei competit modus hic ieiunandi, ubi corporali
- B**lium virtutum imbecillitas non obsistit. Vnde Hieronymus, Hilarionis perfectissimi monachi vitam describens, A sexaginta quattuor annis, inquit, usque ad octuaginta pane abstinuit, incredibili feruore mentis, siquidem complens ordinem vitæ numquam ante solis occasum soluit ieiunium. Porro in eo quod dicit, Christum non dedisse exemplum hoc modo ieiunandi, aperte contrarium est ei, quod in præcedenti capitulo scripsit. Dixit enim ibi, quod Christus exemplum abstinendi ad domandas concupiscentias præbuit. Mirum certum si homo fuit alicuius intelligentiæ, aut saltem memoriæ qui hæc scripsit, quomodo repente oblitus eorum quæ dixerat, paucis interpositis contrarium dogmatizat. Iusto tamen iudicio supernæ dispositionis, has mentis tenebras incurrit, ut nec sibi ipsi consentiat, qui a veritate discordat. Quamquam enim Christus nullas concupiscentias habuit, suo tamen ieiunio exemplum nobis certandi, per ieiunium contra concupiscentias dedit, sicut dicit Hieronymus: Saluator generis humani, qui virtutis & conuersationis suæ, nobis exemplum reliquit, post baptismum statim assumitur a spiritu, ut pugnet contra diabolum, & tamen hostis antiquus post quadraginta dierum ieiunium, per cibum molitur insidias.
- C** Glossa etiam super illud Matthæi: Ductus est Iesus in desertum, &c. ieiunat ut teneretur, tentatur quia ieiunat, & exemplum ieiunandi nobis dat. Et alia Glossa ibidem: Hic est ordo rectæ conuersationis, ut post acceptam Spiritus sancti gratiam, contra diabolum arctius accingamur. Ex quibus colligitur, quod Christus simul exemplum ieiunandi, & pugnandi dedit hominibus. Sed hoc exemplum certum est nos sequi non posse, per primum & secundum ieiunandi modum, in quibus deest iustitia, nec per quartum, quintum & sextum, quibus non ieiunatur, ut contra hostem pugnetur, restat igitur quod exemplum dedit quantum ad tertium modum. Vnde & Ambrosius in lib. de laude ieiunij: Præliatus est Christus ut vinceret, non quod ipse egeret certamine, sed ut nobis formam bellandi præscriberet, & postea daret gratiam triumphandi. Certamen nostrum ieiunium est. Denique ieiunauit Saluator, & sic ad eum tentator accessit, & primum gulæ direxit spiculum, & cibum velut escam laquei præterdit. Dominus ieiunium prætulit, ut laqueos tentatoris sui vinculaque dissolueret. Illo laqueo Adam fuit strangulatus, hac absolutione diabolicæ quæstionis, omnis homo est liberatus. In his tam clare sacer Ambrosius, si quid
- F**orte obscurum est explicat, ut nemo nisi mente obstinatus obsistat. Vnde & ipse hostis ieiunij in quarto ieiunandi modo, qui videlicet est ex abundantia misericordia, asserit Christum dedisse ieiunandi exemplum, non solum perfectis, sed etiam imperfectis. In quo siquidem, aut intendit dicere quod exemplum ieiunandi dedit nobis, ut ieiunemus, pro exhibenda alijs misericordia, sicut ieiunauerunt Moyses, Elias, Daniel, & alij prophetae, & tunc falsum dicit, quia abundans misericordia non competit imperfectis, sed perfectis: aut ut ieiunemus pro superada pugna, & tunc quidem verum dicit, sed sibi ipsi aperte contradicit. Quod etiam facit in sexto ieiunandi modo, ubi dicit, quod perfecti concupiscentias habentes edo-
- Hieron. in vit. Hilarion.**
- Hier. ep's. ad Demet. post mod.**
- Mat. 4. 4**
- Amb. lib. de Elia, & ieiunio ca. 2. tom. 6.**
- mitas,**



mitas ieiunio non astricti ieiunabant, secundum morem illorum cum quibus vivebant, ubi contradicit ei, quod paulo ante prædixerat, quod in quanto-vis perfectio remanet aliquid de concupiscentijs euincendis. Contradicit insuper veritati. Nam Paulus **1. Cor. 9. d.** Apostolus, qui ad apicem summæ perfectionis peruenerat, castigare se dicit corpus proprium, & in seruitutem redigere, non tam pro gerendo alijs more, quam pro superando hoste domestico, sicut expresse dicit Hieronymus in auctoritate superius posita. **Hieron. ad Eustoch. e- pist. 22.** Quis etiam quantumcumque sanctus, nisi sit actu infirmus, vel corpore debilis, ab his ieiunijs ad quæ se obligauit per regulæ votum, vel ab his, quæ vniuersaliter seruanda sancta mater Ecclesia statuit, ex sua quantalibet perfectione absoluitur? Quis sanæ mentis hoc senserit? quis docere præsumperit? Nullus certe, ut credimus, nisi sanctæ matris Ecclesiæ statuta contemnat.

DEHINC suam finalem declarat intentionem, quæ non ad ieiunium seruandum, sed potius ad soluendum conatur inducere, sex modos assignat solutionis ieiunij, quorum primum dicit illicitum, secundum imperfectum, quattuor sequentes modos dicit esse perfectorum. In quibus plura interserit peruersorum seminaria dogmatum, quæ ad præsens indiscussa relinquimus, ne legentium animos prolixitate grauemus. Hoc tamen prætereundum non est, quod cum supra sex modos ieiunandi distinxerit, in quibus quattuor posuit licitos, & illos indifferenter competere perfectis, & imperfectis, deinde sex modos subnectit soluendi ieiunium, ex quibus vnum imperfectis attribuit, quattuor vero reliquos modos perfectis maxime competere dicit, manifeste declarat eius sententiæ se esse, quod viris perfectis magis competat ieiunia soluere, quam seruare. In quo & impietatem transcendit Iouiniani hæretici, qui sacræ ieiuniorum obseruantia, moderatam ciborum sumptionem, ausus non fuit præponere, sed æquare.

Legat igitur si dignetur, veracium scripta doctorum, in quibus magnis nequaquam præconijs solutio ieiuniorum extollitur, sed miris laudibus obseruantia commendatur. Hanc enim sacer Ambrosius in libro de ieiunio, non tam miseriæ huius sæculi fore asserit, quam innocentia Paradisi, cum ait: Itaque ne terrenum quis, aut nouellum putet esse ieiunium, primus vsus mundi a ieiunio cœpit, quando lux clara resplenduit. **Et infra:** Vbi cibus cœpit, ibi finis factus est mudi. Vbi cœpit sua incrementa nescire, ibi cœperunt diuina circa eum opera feriari. Quo iudicio declaratum est, quod per cibos mundus haberet immineat, per quos desijt, & augeri. Et ut sciamus nouellum non esse ieiunium, primam in paradiso legem constituit de ieiunio, sciebat enim quod per escam culpa haberet inferri. Idem, etiam libro eodem ieiunium comparat vitæ cælesti: Merito, inquit, Eliam dignum cælo diuina iudicauit sententia, ut cum ipso raperetur corpore, quoniam cælesti vita vivebat in corpore, & supernæ vsus cōuersationis exhibebat in terris. Quid est enim ieiunium, nisi substantia cælestis? Ieiunium refectio animæ, & cibus mentis est. Ieiunium vita Angelorum, culpæ mors, excidium delictorum, remedium salutis, radix gratiæ, fundamentum castitatis. Hoc ad Deum gradu citius peruenitur, hoc gradu Elias ascēdit antequam curru, in hac virtute & spiritu Eliæ venit Ioannes, denique, & in deserto ille vacauit ieiunijs. & ideo, qui vitæ humanæ possibilitatem continentia supergressus fuerat, non homo, sed Angelus æstimatus est. In his Ambrosius sacer ieiunium comparat Angelicæ vitæ, & quidem satis digne. Cum enim, sicut ait Dionysius, hierarchiæ cælestis triplex sit actus, purgatio, scilicet illuminatio, & perfectio, & ad hæc tria per ieiunij obseruantiam perueniatur; sancte ieiunantium vita magis cælestis esse perhibetur, quam terrena. Per ieiunium enim

**Ambros. in lib. de Elia, & ieiunio c. 4. in prin.** **Ibid. cap. 2. & 3.** **S. Bon. Tom. 7. Pars iiij.**

obtinetur perfecta custodia sanctitatis. Primo quantum ad declinationem carnalium vitiorum, sicut ait Hieronymus, ad Demetriadem: Post cogitationum diligentissimam cautionem, ieiuniorum tibi arma sumenda sunt, & canendum cum David: Humiliaui in ieiunio animam meam. Et, Cinerem tamquam panem manducabam. Et paulo post: Ignita sunt diaboli iacula, quæ simul vulnerant & inflammant, & a Rege Babylonis tribus pueris præparantur. Sed quo modo ibi quartus, speciem habens quasi filij Dei immensos mitigauit ardores, sic & in animo virginali, rore cælesti, & ieiuniorum frigore, puellaris calor extinguitur, & humano corpori Angelorum conuersatio imperatur. Dehinc propter debellationem spirituum hostium, iuxta illud Ambrosij ubi supra, Iu-

dith ieiunans omnibus diebus viduitatis suæ, his armis munita processit, omnem Assyriorum circumuenit exercitum, sobrij vigore consilij abstulit Holofernis caput, seruauit pudicitiam, victoriam reportauit. Esther quoque pulchrior facta ieiunio, omne genus suum a persecutione liberauit, ita ut Regem sibi faceret esse subiectum, non libidinis ardore inflammatum, sed cælesti miseratione conuersum, ut poena in impium retorqueretur, & honor sacris redderetur altaribus. Est ergo ieiunium reconciliatio-

nis sacrificium, virtutis incrementum, quod fecit etiam feminas fortiores. Per ieiunium etiam impetratur perfecta intelligentia veritatis. Primo quidem in operandis, cuiusmodi est veritas diuinæ legis, sicut dicit Ambrosius, ubi supra: Moyse, inquit, de ieiunio legem dedit, ipsumque ieiunantem non voces magnæ, non fulgura, & nubes tenebrosa, & fumigans Sina perterruit. Neque enim introisset in nubem, & vocem Dei loquentis de medio ignis sine periculo salutis audisset, nisi munitus armis ieiunij. Quadraginta enim diebus ieiunauit in monte, ut legem acciperet a Domino Deo nostro. Et in superioribus quidem montis lex dabatur Moyse ieiunanti, in inferioribus populo manducanti, præuaricatio sacrilega accendebatur epulantiū. Quo spectaculo motus Moyse, fregit tabulas, indignum iudicans, ut ebrio populo lex daretur. Impetratur etiam per ieiunium intelligentia veritatis, in speculandis, iuxta quod dicit Hieronymus contra Iouinianum: Daniel, atque tres pueri reuelationem somniorum ieiunio merentur, pastique leguminibus, pulchriores, & prudentiores inueniuntur. Eodem quoque libro: Elias quadraginta dierum ieiunio præparatus, Deum vidit in monte,

Oreb, audiuitque ab eo: Quid tu hic agis Elia? Multo familiarior vox ista, quam illa in Genesi: Vbi es Adam? Illa enim pastum terrebat & perditum; hæc ieiunanti famulo blandiebatur. Denique per ieiunium acquiritur constantia virtutis. Primum quidem ad faciendum ardua, iuxta quod Ambrosius ubi supra: Magna est virtus ieiunij. Denique tam speciosa militaria est, ut ieiunare delectaretur & Christum, tam valida ut ad cælum homines eleuaret. Et ut tam humanis, quam diuinis utar exemplis, Elias ieiuno ore cælum clausit, ieiunus filium viduæ ab inferis suscitauit, ieiunus pluuias ore deposuit, ieiunus ignes deduxit de cælo, ieiunus curru est raptus in cælum, & quadraginta dierum ieiunio diuinam acquisiuit præsentiam. Tunc denique plus meruit, quando plus ieiunauit. Quis ex humana virtute igneos equos & currus potuisset ascendere; nisi qui naturam humanam corporis incorruptibilis ieiunij virtute mutasset? Dat etiam virtutem superandi aduersa, sicut idem Ambrosius dicit ibidem: Est quædam creaturæ natura, quam adamantium vocat, nullo facilis igne consumi, quæ imposita focus ignescit, illico sublata de flamma, tamquam aquarum infusione munda resplendet. Talia erant puerorum Hebræorum corpora, quæ ieiunio in adamantum transformata naturam vaporem ignis non ad dispendium sui, sed ad gratiam mutantur.

**Hieron. lib. 2. con. Iou. c. 1. mod.** **Amb. ubi sup. cap. 3. 3. Reg. 17. 4. & d. 3. Reg. 18. g. 4. Reg. 2. b.**

**Ibid. e. 7. \* in orig. adamantum. \* in orig. adamantum. \* in orig. adamantum. \* in orig. adamantum.**

bantur. Daniel quoque trium hebdomadarum ieiunio leones edocuit ieiunare, missus in lacum, & adamantinam soliditatem abstinentiæ rigore membra duratus non patuit vulnere. Sic eum constrinxerant ieiunia, ut in eius corpore ferarum moribus locus esse non posset. Clausa tenebant feri leones ora, quæ abstinentiæ propheticiæ sanctitas comprimebat, ut ea feræ aperire non possent, veluti quibusdam vinculis alligata. Ex his igitur & alijs prædictis colligitur, quod cum per ieiunium obtineatur perfectio sanctitatis, sapientiæ & virtutis, per quæ mens humana purgatur, illuminatur, & perficitur instar hierarchiæ cælestis, ab omnibus debet seruari & appeti, sed maxime ab his, qui cupiunt esse perfecti. Vnde & hæc tria breuiter exprimit Gregoriana illa præfatio, quia dicitur, quod Deus corporali ieiunio vitia comprimit, mentem eleuat, virtutem largitur, & præmia. Et Augustinus in quodam sermone: Ieiunium, inquit, purgat mentem, subleuat sensum, carnem spiritui subijcit, cor facit contritum & humiliatum, quod Deus non spernit, concupiscentiæ nebulas dispergit, libidinum ardores extinguit, castitatis lumen accendit, verbositatem non amat, diuitiarum superfluitates abdicat, superbiam calcat, humilitatem commendat. Ambrosius etiam ubi supra: Ieiunium continentia magisterium est, pudicitia disciplina, humilitas mentis, castigatio carnis, forma sobrietatis, norma virtutis, purificatio animæ, miserationis expensa, lenitatis institutio, castitatis origo, senum gratia, custodia iuuentutis. Hæc de ieiunij laude diffusius diximus, ut carnaliter sapientis hominis, & intellectus instruat, & inflammetur affectus, quatenus suum recognoscens errorem, in ieiunio, fletu, & planctu conuertatur ad Dominum: super quo Patri misericordiarum sacrificium deuotæ precis offerimus, ut sicut de ipsius subuersione doluimus hactenus, ita de conuersione in posterum gaudeamus.

<sup>9</sup> in orig. meriti.

Greg. in 8<sup>a</sup> symon. lib.

Ambr. lib. de ieiun. & alia cap. 3.

## RESPONSIONIS TERTIÆ Caput primum.

*In quo, voluntaria, & penuriosa paupertas fundamentum Evangelicæ perfectionis astringitur, & qua huic videri possunt contraria, dissoluntur.*



1. Cor. 3. c

Heb. 11. a

Eph. 3. c

1. Tim. 6. b

Christianæ religionis fundamentum esse Christum Iesum, sapiens ille architectus Apostolus Paulus ad Corinthios asserit, docens fundamentum aliud poni non posse præter id, quod positum est, quod est Christus Iesus. Hoc quidem in nostro intellectu collocatur per fidem, quam idem Apostolus dicit ad Hebræos, rerum sperandarum esse substantiā; in affectu vero per charitatem. de qua idem ad Ephesios scribit: In charitate radicati & fundati, fundamento ipsam cōparans & radici. Ut igitur hæc duo iungantur in vnum, Christianæ religionis fundamentum, & radix est fides, quæ per charitatē operatur, sicut & Glossa super illud fundamentū aliud, &c. dicit: Fides, quæ per dilectionem operatur in fundamento posita, neminem perire permittit. Huic autē fundamento siue radici directe aduersatur cupiditas, de qua scribitur ad Timotheum: Radix omnium malorum est cupiditas, quam quidam appetentes errauerunt a fide. Ex hac nempe radice cum annexa sibi superbia, vniuersa mala sibi originem, fomentum, & incrementum suscipiunt. propter quod ciuitatis Babylonice fundamentum ab Augustino esse perhibetur. Omnium itaque bonorum origo, & nouæ ciuitatis Hierusalem fundamentum, & fundator Christus Iesus, qui in hoc apparuit, ut diaboli dissolueret ope-

ra, huius cupiditatis oppositum summo debuit affectu complecti, exemplo ostendere, & verbo prædicare. Et quoniam cupiditatis vitiū, & inordinatio radicatur in affectu mentis, occasio vero & fomentum sumitur a rebus extra possessis, ideo necesse est, quod perfecta radice huius auulsio vtrumque respiciat, ut auaritiæ rubiginosa affectio, & substantiæ terrenæ illecebrosa possessio, tam spiritualiter, quam corporaliter abdicentur. Vnde super illud Matthæi dixit Simon Petrus ad Iesum: Ecce nos reliquimus omnia; *Mat. 19. d* dicit Bernardus: Optime & non ad insipientiā tibi. *Bern. hom.* Nam & mundus transit & concupiscentia eius, & relinquitur *super Ecce nos &c.*

quare hæc magis expedit, quàm ab eis derelinqui. Et hæc fugiendarum diuitiarum causa præcipua est, quod aut vix, aut nunquam, sine amore valeant possideri. Si igitur gemina hæc abdicatio mundi scilicet, & concupiscentiæ eius, quæ etiam paupertas spiritus dicitur, ipsa est qua radix omnium malorum perfecte amputatur, & Babylonis fundamentum euertitur, recta potest ratione concludi, quod perfectionis Evangelicæ per quam Christo configuramur, & complantamur, & habitaculum eius efficiamur, ipsa paupertas spiritus secundum quandam analogiam & coherentiam ad prædicta, radix est & fundamentum. Propter quod & Christus cum ad perfectionem discipulos informaret in monte, tamquam nouæ Hierusalem descendens de cælo, fundamenta perfectionis videlicet Evangelicæ limina in montibus sanctis, montibus, scilicet Apostolicis collocans inter ceterarum virtutum gloriosa præconia, a sanctæ paupertatis excellentia sumit initium, dicens: Beati pauperes spiritu, quoniam ipsorum est regnum cælorum. Dehinc tribuens de perfectionis aggressionem consilium, primum ad hanc suam inuitat exemplo, dicens: Si vis perfectus esse, vende, & vende omnia quæ habes & da pauperibus, & veni sequere me. Quem locum tractans Hieronymus ait: *Mat. 5. a*

Apostolici fastigij est perfectæq. virtutis, omnia vendere & pauperibus distribuere, & sic leuem atque expeditum cum Christo ad cælestia subuolare. Cum autem circa bonorum temporalium possessionem duo considerare contingat, dominium scilicet & vsum, sitq. vsus necessario annexus vitæ præsentis, Euangelicæ paupertatis est, possessiones terrenas quantum ad dominium, & proprietatem derelinquere, vsum vero non omnino reiicere, sed arcere, iuxta illud quod dicit Apostolus: Habentes alimenta & quibus tegamur *Mat. 19. c*

his contenti simus. Ex his potest colligi paupertatis Evangelicæ ratio, scilicet, quod ipsa sit virtus temporalium abdicatiua bonorum, qua quis nil proprium, habens sustentatur de non suo. Et quoniam dupliciter contingit rerum temporalium abdicare dominium, dupliciter etiam sustentari de non suo, ideo paupertatis Evangelicæ duplex est modus, duplexq. perfectio. Cum enim duplex sit rerum dominium, scilicet priuatum & commune, vnum quidem spectans ad determinatam personam, alterum vero ad determinatum collegium, & primum abdicari possit retento secundo, possit etiam secundum abdicari cum primo; duplex erit secundum hunc duplicem modum paupertatis perfecta professio. Vna videlicet qua quis temporalium omnium priuato seu personali abdicato dominio sustentatur de non suo, id est, non sibi proprio, cōmuni, tamē iure cum alijs participato & simul posset. Alia vero qua quis omnium rerum abdicato dominio, tam in proprio quàm in communi, sustentatur de non suo, id est, non sibi proprio sed alieno, pie tamen & iuste ab alio sibi pro sustentatione collato. Primæ paupertatis forma præcessit in turba credentium, de qua in Actibus dicitur: Multitudinis creditum erat cor vnum & anima vna, nec quisquam eorum quæ possidebat aliquid suum esse dicebat, sed erant illis omnia communia. Quem scripturæ locum tractans Hieronymus ad Demetriadem dicit: In actibus Apostolorum, quando Domini nostri Iesu Christi ca-

*Mat. 5. a*

*Mat. 19. c*

*Hieron. ad Demet. ep. 8. post med.*

*1. Tim. 6. b*

*Act. 4. f*

*Ibidem ubi sup. prox. fti ca.*

si calebat cruor, & feruebat recens in credentibus fides, vendebant omnes possessiones suas, & pretia earum ad Apostolorum proieciabant pedes, vt ostenderent pecunias esse calcandas, & dabatur singulis prout opus erat. Hinc etiam tradita fuit forma monastica seu cœnobiticæ vitæ, iuxta quod Glossa Bedæ dicit ibidem: Qui ita viuunt vt sint eis omnia communia, ideo cœnobitæ vocantur. Quæ vita tanto felicitior est, quanto statum futuri sæculi imitatur, vbi sunt omnia communia. Secundæ autem paupertatis exemplar & forma in vita præcessit Apostolorum, quam perfectionis magister Christus eisdem instituit, quâdo ipsos ad prædicandum misit, sicut legitur in Matthæo:

Mat. 10. a

Nolite, inquit, possidere aurum, neque argentum, neque pecuniam in zonis vestris, non peram in via, neque duas tunicas, neque calceamenta, neque virgam. Dignus est enim operarius cibo suo. Vbi Glossa: Propemodum necessaria vitæ amputat, ne vel current de craftino qui docent omnia regi a Deo, nec ipsa necessaria nec cellarium secum vehat nihil præter vestimentum, nec etiam numisma. In his igitur verbis Dominus Apostolis & prædicatoribus veritatis, extremæ ac penuriosæ paupertatis formam seruandam imponit, quantum ad carentiam non solum possessionum, sed etiam pecuniarum & aliorum mobilium, quibus sustentari vel communiri solet communis hominū vita, vt tamquam veri pauperes in summa rerum constituti penuria, carerent pecunijs, alimenta non ferrent, simplici vestitu contenti essent, & sine calceamentis incederent, vt sic paupertatem altissimam actū, & habitū, quasi quoddam perfectionis insigne præferrent. Hanc paupertatis normam tamquam speciali prerogatiua perfectam, & Christus in seipso seruauit, & Apostolis seruandam instituit, & his qui eorum cupiunt imitari vestigia consulendo suasit. Quod enim Christus illam seruauerit, ostendit Chrysostomus super Matthæum: Ne possideatis, inquit, aurum, neque argentum, neque peram in via. Quia enim per opera ostendit ea, tunc iam legislationem, quæ est a verbis, validior inducit, quando & facile susceptibilis sermo factus est, operibus suis prius certificatus. Vbi igitur ostendit per opera? audi eum dicentem: Filius hominis non habet vbi caput suum reclinet. Neque in hoc sufficit solo, sed & discipulis tribuit hanc apodixim. Hæc verba Chrysostomus: Glossa etiam super illud Matthæi: Vulpes foueas habent, &c. Quid me propter lucra sæculi vis sequi, cum ita sim pauper, vt nec hospitium, quod meum sit, habeam? Quod si forte quis dicat, Christum non proprium habuisse hospitium sed commune, obuiat idem Chrysostomus in sermone de proditiōe iudæ: Quos, inquit, pretiosorum marmorum pompa delectat, cognoscant Christum omnium Dominum, qui locum in quo caput reclinaret non habuit. Et ideo discipuli ipsum interrogant, & dicunt: Vbi vis paremus comedere Pascha? Sed si Christus habuisset domicilium commune, illud discipuli non ignorassent. Sed etiā Christus loco non caruisset, in quo caput reclinaret, & Pascha comederet. Colligitur ergo ex interrogatione discipulorum, & hospitij incertitudine, quod Christus domiciliū non habuit, nec proprium, nec commune. Arctissimam quoque Domini paupertatem declarans Hieronymus ait: Turpe est ante fores sacerdotis Domini crucifixi & pauperis, qui cibo quoque vesceretur alieno, lictores consulum, & & milites excubare. Fuit itaque Christus tamquam vere pauperissimus alieno cibo sustentatus. Hoc ipsum Bernardus in quodā sermone super illud Lucæ: Cum factus esset Iesus annorum duodecim apertius dicit: Vt te Domine per omnia nostræ paupertati conformares, quasi vnus in turba pauperū stipem per ostia mendicabas. Quis dabit me buccellarum illarū mendicatarum participem fieri, & illius edulij reliquijs saginari? Anselmus etiam in libro de Sacramentis.

Luc. 9. g

Mat. 26. b

Bern. hom. de puero Ie su duodēni Dom. infra 03. Epiph.

S. Bon. Tom. 7. Pars iij.

A Pauper ita fuit Christus, vt veniens in mundum, non in sua, sed in aliena domo nasceretur, & natus propter inopiam loci in præsepio brutorum animalium poneretur, & viuens in mundo non haberet, vbi caput suum reclinaret, nec moriens vnde nuditatē suam tegeret, nec mortuus vnde inuolueretur, nec sepulchrum aut locū, vbi corpus mortuum locaretur. Ex his colligitur, quod Christus pauper fuit in ortu, pauper in vitæ progressu, pauper in termino. Sane vt hanc paupertatem amabilem redderet mundo, pauperissimam matrem elegit, paupertatis defectus voluntarie pertulit, & vt pauper & inops discalciatus incessit. De paupertate nāque matris ipsius dicit Beda super Matthæum, exponens Euangelicū illud: Si quis mihi ministrat, me sequatur. Consideremus, inquit, qua via graditur, vt sequi mereamur, Ecce cū Dominus sit creator Angelorum, suscepturus naturam nostram quam condidit, in vterum Virginis venit, nasci tamē in hoc mundo per diuites noluit, parentes pauperes elegit. Vnde & agnus, qui pro illo offerretur defuit, columbarum pullos, & par turturum ad sacrificium mater inuenit. His concordat Chrysostomus super Matthæum: Pariens quidem Filium Virgo, confestim illum in præsepe declinauit, quia multis conueniētijs propter descriptionem, non erat domum inuenire. Sed quid fuit, quod suasit Magos adorare? Nihil enim sensibile magnum erat illic, sed præsepe & tugurium, & mater pauper, & nudam Magorum videas philosophiam. Item quoque in homilia Epiphania de Magis loquens, sic dicit: Viderunt pandochiū tenebrosū & sordidū, magis animalibus, quā hominibus aptum, in quo nemo erat contentus succedere, nisi itineris necessitate coactus, matremque eius vix tunicam habentem vnā, non ad ornatum corporis, sed ad tegumentum nuditatis proficientem. Quod autem pauperime vixerit, super illud Marci:

Ansel. li. de diuersitate sacram. post med.

Ioan. 12. d

Luc. 2. g

C Circumspectis omnibus Glossa declarat dicens: Circumspectis omnibus, si quis cum hospitio susciperet. Tantæ enim paupertatis fuit, & ita nulli adulatus, vt in tanta vrbe nullū inueniret hospitium. Super quem etiam locum Beda in origine dicit: Intelligendum est, quod tantæ paupertatis Dominus fuit, vt in vrbe maxima nullum hospitem, nullam mansionem inueniret, sed in agro paruulo apud Lazarum, sororesque eius habitaret. Constans est igitur, quod Christus nō solū hospitio, sed & pretio quo illud emeret caruit, dum necessitate compulsus, de vrbe exiuit, illo videlicet die, quo eandē urbem tamquam Rex asello vectus intrauit. Hoc ipsum & Glossa super illud Ioannis: Venit princeps mundi huius, & in me non habet quidquam, expressius asserit: Noluit Dominus habere quod perderet, pauper erat, ne diabolus haberet quod auferret. Sed omne temporale, siue commune, siue proprium, & auferri potest & perdi. Tandem vt pauper discalceatus incessit, iuxta quod Hieronymus ad Eustochium scribens ait: Discipuli sine calceamentorum onere, & vinculis pellium, ad prædicationem noui Euangelij destinantur, & milites vestimentis Iesu sorte diuisis, caligas non habebant quas tollerent. Nec enim habere poterat Dominus, quod prohibuerat in seruis. Calceamentis igitur Christus, vt pauperissimus caruit, vestimentis vero necessarijs carere non potuit, volēs tamen summæ paupertatis nuditate vitam concludere, nudus elegit cruce pendere. Quia vero magister & Dominus Christus, non propter se, sed nostri causa paupertatem assumpsit, vt perfectionem nobis exemplo monstraret, ideo sacris Apostolis, tamquam suæ sanctitatis imitatoribus perfectis hanc extremæ paupertatis formam seruandam instituit, sicut legitur in Matthæo, Marco, & Luca. Quod quamquam ex ipso textu, sit certū & euidens, ad omnem tamen dubietatis scrupulum amouendū, sanctorum auctoritatibus confirmetur. Nam super illud Matthæi: Nolite possidere aurum, & cetera.

D

E

F

Ioan. 14. d

Hieron. ad Eustochiū epist. 22.

O o 2 dicit

*Chryf. ho-* dicit Chrysostomus : Multa per hoc vnum emenda-  
*mil. 23. in* bat ; primum quidem non suspectos faciens Aposto-  
*Matth. cir.* los : secundo autem ab omni eos eruens sollicitudi-  
*med,* ne , vt vacationem omnem tribuant sermoni : tertio  
*Luc. 22. d* docens eos suam virtutem , hoc nempe eis , & postea  
 dicit : Numquid aliquid defuit vobis , quando misi  
 vos nudos , & discalceatos sine sacculo ? Et infra : Or-  
 bi terrarum doctores erat missurus , propter quod &  
 Angelos eos ex hominibus , vt ita dicam , constituit ,  
 ab omni absoluens vitæ huius sollicitudine . Et post :  
 Intendere qualiter omnibus eos denudans , omnia eis  
 dedit , permittens in domibus eorum , qui docentur  
 manere , & nihil habentes introire . Si autem in alic-  
 na patria existentes , & apud ignotos abeuntes , nihil  
 amplius oportet petere quotidiano cibo , multo ma-  
 gis domi manentes . Hucusque Chrysostomus . Idem  
 quoque ait : Si bonum esset aurum habere , hoc uti-  
 que dedisset Apostolis Christus , qui ineffabilia eis  
 tribuit dona , nunc autem non solum non dedit , sed  
 etiam habere prohibuit . Ideoque Petrus non solum  
 non verecundatur , sed etiam decoratur in paupertate ,  
 dicens : Argentum & aurum non est mihi . Super  
 præfatum etiam Matthæi locum Rabanus in originali  
 sic dicit : Consequenter hoc præcipit Euangeliza-  
 toribus veritatis , quibus ante dixerat , Gratis accep-  
 istis , gratis date . Si enim sic prædicant , vt pretium  
 non accipiant , superflua est auri , & argenti , num-  
 morumq. possessio . Nam si habuissent aurum vel ar-  
 gentum , viderentur non causa hominum salutis , sed  
 lucri causa prædicare . Idemq. subiungit : Qui diuitias  
 detruncauerat , propemodum necessaria vitæ am-  
 putat , vt Apostoli doctores veræ religionis , qui do-  
 cebant omnia gubernari prouidentia diuina , seipsos  
 ostenderent , nihil cogitare de castino . Ex hoc præ-  
 cepto arguit philosophos , qui vulgo appellantur Ba-  
 troperitæ , quod contemptores sæculi existentes , &  
 omnia pro nihilo ducentes , cellam secum vehant .  
*Beda lib. 2.* His etiam Beda super Marcum consonat dicens : Præ-  
*in Euang.* cepit eis ne quid tollerent in via , nisi virgam tantum .  
*Mat. cap. 6.* Tanta , inquit , prædicatori debet esse fiducia in Deo ,  
*comm. 24.* vt præsentis vitæ sumptus , quamuis non prouideat ,  
 tamen sibi eos non deesse certissime sciat : ne dum  
 mens eius occupatur ad temporalia , minus alijs pro-  
 uideat æterna . Idem paulo post subdit : Illa Aposto-  
 lis loquebatur , vt securi non possiderent , nec portar-  
 ent huic vitæ necessaria , nec magna , nec minima .  
 ideo posuit , Nec virgam , ostendens , a fidelibus omnia  
 deberi ministris suis , nulla superflua quærentibus .  
*Amb. super* His concordat Ambrosius super illud Lucæ , nihil tuleritis  
*Luc. 10.* in via , nec virgam , nec peram , nec panem , nec  
 pecuniam : Qualis debeat esse qui Euangelizat regnū  
 Dei , præceptis Euangelij designatur , vt sine virga , si-  
 ne pera , sine calceamento , idest subsidij sæcularis ad-  
 miniculum non requirens , fideq. tutus , putet sibi  
 quo minus ea requirit , magis posse suppetere . Ad  
 quod etiam facit , quod ab eodem dicitur super illud  
 Lucæ : Nolite portare sacculū , neque peram . Si prohi-  
 bemur possidere aurum , quid eripere ? Petrus Apo-  
 stolus primus Dominicæ executor sententiæ , ostendens  
 non in vacuum effusa Domini mandata , cum posce-  
 retur a paupere , vt ei pecuniæ aliquid largiretur , ait :  
*Act. 3. a* Argentum atque aurum non habeo . Tamen non tam  
 in hoc gloriatur Petrus , quod aurum , & argentum  
 non habeat , quam quod seruet Domini mandatum ,  
 qui præcepit , nolite possidere aurum . Hoc est dice-  
 re : Vides me Christi discipulum , & aurum a me re-  
 quiris ? Aliud nobis multo pretiosius auro donauit .  
*Aug. lib. 3.* His verbis Ambrosij Augustinus concordat in lib. de  
*de mirab.* mirabilibus sacræ Scripturæ sic dicens : In excusatio-  
*facr. Scrip.* ne eleemosynæ , & paupertatis professione Petrus  
*e. 1. 10. 3.* paralytico dixit , Surge , & ambula , illud magistri præ-  
 ceptum seruans , Nolite possidere aurum , neque ar-  
 gentum . Qui enim de iniquo mammona expeditus  
 fuerat , verbo imperij morbo ligatum cito soluebat ,

Hoc ipsum Bernardus ad Eugenium confirmat : Nec Bern. lib. 2.  
 locus , inquit , otio , vbi sedula vrget sollicitudo om-  
 nium Ecclesiarum . Nam quid aliud dimisit tibi san-  
 ctus Apostolus ? Quod habeo , inquit , hoc tibi do .  
 Quid illud ? Vnum scio , neque aurum , neque argen-  
 tum , cum ipse dicat : Argentum & aurum non est mihi .  
 Et infra : Esto vt alia quacumque ratione , hæc tibi  
 vendices , sed non apostolico iure . Nec enim ille tibi  
 dare potuit , quod non habuit . Idipsum Hieronymus  
 dicit expressius , Apostoli toto orbe terrarum pere-  
 grini , non æs in zona , non virgam in manu , non ca-  
 ligas habuere in pedibus . Chrysostomus , tandem de lau-  
 ribus Pauli . Paulus , inquit , pecuniam non possedit .  
 Nam ipse hoc testatur . Vsq. in hanc , inquit , horam ,  
 & esurimus , & sitimus , & nudi sumus , & colaphis  
 cedimur . Et quid dico pecuniam , cum ille necessa-  
 rium sæpe non haberet cibum , nec quo circumdare-  
 tur indumentum ? Ex his omnibus aperte colligitur ,  
 præscriptam paupertatis formam , qua nihil posside-  
 tur , & in summa rerum penuria viuatur , Apostolis  
 fuisse præceptam , & ab eisdem seruaram . Quia au-  
 tem ipsorum , immo Christi vestigia , sequi volentibus  
 consulari ab ipso , aperte clarescit ex consilio  
 quod dedit adolescenti , sicut legitur in Matthæo : Si  
 vis perfectus esse , vade , & vende omnia quæ possi-  
 des , & da pauperibus , & veni sequere me . Quod ex-  
 ponens Rabanus ait : In potestate nostra est , utrum ve-  
 limus esse perfecti , tamen quicumque perfectus esse  
 voluerit , debet vendere quæ habet , & non ex parte  
 vendere , sicut Ananias , & Sapphira , sed totum , &  
 sic præparare sibi thesaurum in regno cælorum . Nec  
 hoc ad perfectionem sufficit , nisi Salvatore sequa-  
 tur . Constat autem , quod Christus in summa rerum  
 penuria vixit . Idem paulo posterius : Inter pecunias  
 habere , & pecunias amare , nonnulla distantia est .  
 Multi enim habentes non amant , multi non habentes  
 amant . Item alij & habent & amant , alij nec ha-  
 bere , nec amare se diuitias sæculi gaudent , quo-  
 rum tutior status est , cum Apostolo dicentium : No-  
 bis crucifixus est mundus , & nos mundo . In his Ra-  
 banus expresse insinuat , opus perfectionis esse , ma-  
 gisq. securum , & Christo crucifixo conforme , in ca-  
 rentia rerum , & pecuniarum viuere in extrema pau-  
 peritate . Hoc ipsum & Apostolus ad Corinthios per-  
 suadet : Scitis , inquit , gratiam Domini nostri Iesu  
 Christi , quoniam propter vos egenus factus est , cum  
 diues esset , vt illius inopia vos diuites essetis . Et  
 in hoc consilium do . Augustinus in originali : Fa-  
 ctus est , inquit , egenus intantum , vt non haberet  
 quod habent vulpes . Et in hoc consilium do , subau-  
 ditur , vt eius pauperitatem imitemini . Idem quoque  
 in libro , De bono coniugali : Non ideo malum est ,  
 iustum aut Prophetam , in domo sua suscipere , quia  
 nec domum habere debet , vt quod melius est faciat ,  
 qui vult ad perfectum Christum sequi . In quo Au-  
 gustinus aperte declarat , quod alieno suscipi recto ,  
 ei maxime competit , qui perfecte Christum imitari  
 cupit . Huic consonat quod dicit Chrysostomus su-  
 per Ioannem : Omnia agamus , per quæ Christum  
 imitemur . Quid igitur Christus ait : Vulpes , foueas  
 habent , & volucres cæli nidos , filius autem hominis ,  
 non habet vbi caput reclinet . Idem super Matthæū  
 homil. 9. Si ab honore quidē , qui in inferioribus est ,  
 palatij , pecuniæ nos expulerint , contemptibiles erūt .  
 cælorum autem Rege , per singulos dies clamante &  
 dicente , quia difficile est cum illis in cælum intrare ,  
 non proijciemus omnia ? & non desistemus ab om-  
 nibus rebus , vt cum libera facie regnum ingredia-  
 mur ? His concordat Hieronymus ad Heliodorū di-  
 cens : Nolo te huius peregrinationis deterreat diffi-  
 cultas , qui in Christum credis , sed eius crede sermo-  
 nibus . Primum quærite Regnum Dei , & hæc omnia  
 adiicientur vobis . Non pera tibi sumenda , non vir-  
 ga . affatim diues est , qui cum Christo pauper est .  
 Idem



*Hieron. ad Rusticum monachum.* *op. 4.* Idem ad Rusticum monachum: Si habes substantiam vende, & da pauperibus, si non habes grandi onere liberatus es, nudum Christum nudus sequere. Durum, grande, difficile, sed magna sunt præmia. Constat autem, quod duritia & difficultas non est, cum proprietates rerum contemnitur, nisi penuria comite-  
*\* Ber. super Ecce inos an. mod. Mass. 6. 6* tur. Ad hoc ipsum spectat, quod dicit Gregorius Nazianzenus in Apologia sua libro secundo: Sed paupertatem, inquit, & penuriam exprobrabant. Istæ sunt diuitiæ meæ. Istæ me non solum gloriantem, sed etiam arrogantem facit. Videor enim mihi, hoc audire ab inimicis, quia vestigijs illius incedam, qui propter nos pauper factus est, cum diues esset. atque  
*Qtnad. lib. de dogmati bus Eccle- siast. 6. 72. apud Aug. lib. 3.* utinam exuere possem me istis panniculis, quibus circumdari videor, ut nudus effugerem spinas sæculi, quæ retinent, & reuocant pergentes ad Deum.  
*Ad. 4. 8* Hæc sanctus Gregorius. His consonat, quod dicit \* Bernardus: Habetur in Euangelio, & perfectionis consilium, & remedium infirmitatis. Nolite thesaurizare vobis thesauros in terra. Hæc perfectio est. Si quidem filius hominis, ubi caput reclinaret, non habebat. Petro & Ioanni, nec aurum, nec argentum erat. Paulus simplici victu & vestitu contentus, hæc ipsa labore manuum acquirebat. Sed non omnes capiunt verbum hoc, sicut nec consiliū castitatis. Hucusque Bernardus. Gennadius quoque de ecclesiasticis dogmatibus. Bonum est, inquit, facultates cum dispensatione pauperibus erogare, sed melius est pro intentione sequendi Dominum simul donare, & ab-  
*Hieron. ad Pam. epist. 20. cir. fin.* solutum sollicitudine egere cum Christo. Sed qui habet unde sustentatur, scilicet in communi, non proprie dicitur egere, nam de illis quibus erant omnia communia, in actibus dicitur, Nec erat quisquam egens inter eos. Postremo ut clare nobis innotescat, quæ sit abrenuntiationis forma perfectis, attendendum est, quod dicit Beda super illud Marci: Relictis omnibus secutus est eum. Perfectam nobis abrenuntiationis formam tribuit, dum non solum lucra reliquit & temporalium, sed & pericula contempsit. Tanta enim cupiditate sequendi Dominum ductus est, ut nullo prorsus huius vitæ respectu, vel cogitationem sibi præsenteret. Per hæc sacrorum doctorum testimonia, tam manifesta, quam certa, & alia plurima, quæ causa breuitatis vitandæ rescantur ad præsens, irrefragabili potest ratione cõcludi, quod Christum, & Apostolos imitari, non solum quoad abdicationem proprietatum, verumetiam quoad extremam temporalium rerum penuriam, quæ consistit in carentia possessionum, & pecuniarum, non solum est licitum, sed & laudabile, & perfectum. Non tamen ex hoc debet, vel potest inferri, quod abdicatio rerum proprietatibus, possidere aliquid in communi sit imperfectum, quia sicut perfectæ castitatis diuersi sunt modi, quorum varijs prærogatiuis sancta mater Ecclesia, tamquam ornamentorum varietate decoratur, sic & in modis perfectæ paupertatis intelligendum est, quamquam non sit per omnia simile hincinde, sicut diligenter consideranti est euidentis.  
 Hi s autem non obstat præallegatorum vita sanctorum, qui communia possederunt, quasi non debuerint aliter docere quam viuere, quia mos esse solet pijs doctoribus, ut eas virtutū prærogatiuas, quibus carere se vident, in alijs mirentur, & prædicent. sicut Hieronymus ad Pammachium scribens: Virginitatem, inquit, in cælum fero, non quia habeo, sed quia magis miror quod non habeo. Ingenua enim & verecunda confessio est, quo ipse careas, in alijs prædicare. Numquid quia graui corpore terræ hæreo, autum non miror volatus? Hæc Hieronymus.  
*Chrys. hom. 8. super Matth.* Cui etiam Chrysostomus consonat, qui Ægyptios monachos laudans, ait: Nunc veniens in eremum Ægypti, paradiso hanc meliorem videbis effectam. Etenim est videre ubique regionis illius Christi exercitum & regalem gregem, & superiorum virtutum  
 S. Bon. Tom. 7. Pars iij.

*A* urbanitatem. Existencia enim omni exuti, & mundo omnino crucifixi. Et ultra. Rursus procedunt corporis operatione ad indigentiam cibum sumentes. Neque enim quoniam ieiunant, & vigilant vacare per diem dignū æstimant, sed noctes quidem sacris hymnis & vigilijs dies in orationibus, & manuum operationibus consumunt, Apostolicum imitantes zelum. Verecundemur igitur omnes, & diuites & inopes, cum illi nil penitus habentes nisi corpus, & manus suas cogant, & litigent impensas hinc indigentibus inuenire, nos autem decem millibus intus reconditis, neque superflua ad hoc tangimus. Hæc Chrysostomus. Qui ut doctor sanctus & verax, quasi ad sui, & aliorum sibi similium verecundiam, paupertatis excellentiam in monachis Ægypti commendat. Simile per omnia facer dicit Ambrosius: Christus, ait, Dominus noster sacerdotibus quid præcepit audiamus: Qui non renuntiauerit omnibus quæ possidet, non potest meus esse discipulus. Contremisco hæc dicens: Meus enim primo omnium, meus inquam ipse accusator existo, meas condemnationes loquor. Negat Christus suum esse discipulum, quem viderit aliquid possidentem, & eum qui non renuntiat omnibus quæ possidet. Et quid agimus? Quomodo hæc autem ipsi legimus, aut populis exponimus, qui non solum non renuntiamus his quæ possidemus, sed acquirere volumus ea quæ numquam habuimus, antequam veniremus ad Christum? Numquid nam quia nos redarguit conscientia, legere, non proferre, quæ scripta sunt possumus? Nolo duplicati criminis esse reus, confiteor, & palam audiente populo confiteor hæc scripta esse, etiam si nondum implese me noui. Sed ex hoc saltem commoniti festinemus implere, festinemus transire a sacerdotibus Pharaonis, quibus terrena possessio est, ad sacerdotes Domini, quibus in terra pars non est, quibus portio Dominus est. Talis enim erat ille qui dicebat. Tamquam egentes, multos autem locupletantes, ut nihil habentes, & omnia possidentes: Paulus hic est, qui in talibus gloriatur. His sacri doctoris veracibus & humilibus verbis, nihil expressius ad propositum dici potest. Et beatus Papa Gregorius. 3. dialogorum, viri mirabilis Isaac vitam describens, ait: Seruus omnipotentis Domini egressus urbem, non longe desertum locum reperit, ibique sibi humile habitaculum construxit, ad quod dum multi pergerent, exemplo illius æternæ vitæ desiderio accendi cõperunt, atque sub eius magisterio in omnipotentis Domini se seruitium dederunt. Cumq. ei crebro discipuli innuerent, ut pro vsu monasterij possessiones quæ offerebantur acciperet, ille sollicitus suæ paupertatis custos, fortem sententiā tenebat, dicens: Monachus qui in terra possessionem quærit, monachus non est. Sicq. metuebat paupertatis suæ securitatem perdere, sicut auari solent diuites perituras diuitias custodire. Hæc Gregorius: Qui cum monachis, & ipse, in monasterio quod possessionibus dotauerat vitam duxisset, communes tamen possessiones recusantem miratur & laudat. Ac per hoc impię præsumptionis esse conuincitur, virtutem non habitam spernere, ut quia decentis vita extremæ paupertati non per omnia consonat, ipsius doctrina pauperum perfectioni repugnando contradicat. Nequaquam igitur a prædictis discordat illud Augustini verbum, quo contra Adimantum Manichæum, præfatum de paupertatis forma mandatum Apostolis, dicit spiritualiter esse scrutandum, vel, ut alibi dicit, permissiue intelligendum. Nam cum Marcus dicat expresse, quod præcepit eis ne quid tollerent in via, & ipse cum alijs expositoribus, sicut ex præmissis claret, intelligendum ad litteram doceat, si hoc simpliciter alibi negaret, & Evangelicæ veritati, & sanctorum doctrinæ, simul ac suæ, aperte contradiceret, siue contraireret. Quod de tanto dici doctore, piæ catholicorum aures abhorrent.  
 O o 3 Atten-

*Hæc sunt Origen. hom. 16. super Gen. Luc. 14. 8*

*1. Cor. 6. 6*

*Greg. lib. 3. Dial. 6. 24.*

*August. lib. cõtr. Adim. 6. 20. 20. 6.*



- Attendendum est ergo, quod cum Apostoli fuerint primi fundatores religionis Christianæ, & professores perfectionis excellæ, professores, inquam, & sicut priuatæ personæ, & sicut exemplaria quædam, prædicta Domini verba intelligere possumus, eis esse dicta tamquam fundatoribus Christianæ religionis, & sic intelliguntur extendi ad omnes. sed non omnes Christiani arctantur, ut hanc vitæ regulam teneant, sicut Manichæi falso dogmatizant. Ideo contra ipsos loquens hæreticorum malleus Augustinus ostendit, quod hæc verba spiritualiter intelligenda sunt, si sic accipiantur tamquam omnibus sint præcepta. Possumus etiâ intelligere prædicta verba, dicta fuisse Apostolis, tamquam exemplaribus perfectionis, & sic intelliguntur per modum consilij, quod de se non obligat, nisi eos, qui hanc viuendi formam voluntarie profitentur, & vouent. Intelligere possumus insuper dicta fuisse Apostolis sicut certis personis, primisq. prædicatoribus Euangelicæ legis: & sic cum duo insinuantur in verbis illis, scilicet abdicatio temporalium, & receptio dispendiorum, primum intelligitur fuisse præceptum, sicut dicit textus, & glossa. Vnde Beda: Missi ad prædicandum discipulis, ne quid tollerent in via præcepit. Secundum autem non fuisse præceptum, sed concessum, siue permissum. Vnde
- Luc. 10. b** Glossa super illud Lucæ: In eadē domo manete, &c. Qui saccum & peram prohibuit, sumptus ex prædicatione cōcedit. Et Rabanus super Matthæum: Claret autem hoc Dominum non ita præcepisse, tamquā Euangelistæ viuere aliunde non debeant, quā eis præbentibus, quibus annuntiant Euangelium: alioquin contra hoc præceptum fecit Apostolus, qui victum de manuum suarum laboribus transigebat, sed potestatem dedisse, in qua scirent ista sibi dari. Cum autem potestas datur, licet cuique non uti, & tamquam de iure suo cedere. Hæc Rabanus. Ex his colligitur manifeste, quod prædicta Domini verba, iuxta considerationes præmissas intelligi possunt, & spiritualiter, & ad litteram, ut consulta, & ut præcepta & permissa. Propter quod omnis contrarietatis calumnia de medio tollitur, si multiformis huius acceptionis intelligentia sane capiatur. His etiam non obstitit illud Hieronymi ad Nepotianum, ubi dicit, quod viuens de decimis, & altaris oblatione sustentatus, nudam crucem nudus sequitur, tamquam perfectæ paupertatis summa consistat in viuendo de decimis, & oblationibus, sicut sacerdotes & clerici viuunt. Est enim multiplex gradus, & differentia nuditatis. Alia quidem est cordis, alia cordis & corporis: nuditas cordis est per expoliationem spiritus ab omni peruerso affectu auaritiæ & cupiditatis. Et de hac Gregorius in homilia: Nudi cum nudo luctari debemus: quia si vestitus quisque cum nudo luctatur, citius ad terram deijcitur, quia habet unde teneatur. hoc quidem intelligitur generaliter dictum omnibus Christianis. Nuditas autem corporis & cordis, triplicem habet gradum. Nam quædam est magna, quæ attēditur in abiectioe omnis superfluitatis, & proprietariæ possessionis. Et hæc quamquam non sit de necessitate, est tamen de congruentia status ordinis clericalis. Et de hac Hieronymus ad Nepotianum: Si autem ego pars Domini sum, & funiculus hereditatis eius, nec accipio partem inter ceteras tribus, sed quasi leuita & sacerdos uiuo de decimis, & altari deseruiens, altaris oblatione sustentor; habens victum & vestitum his contentus ero, & nudam crucem nudus sequar. Est & alia nuditas maior, quæ non solum consistit in his, verum etiam in abdicatione potestatis possidendi proprium, & abnegatione propriæ voluntatis; & hæc competit regularibus & cœnobitis, de qua Hieronymus ait: Nolo pristinarum necessitudinū recorderis, nudos amat eremus. Nudos intelligit non solum a facultatum appropriatione verum etiam a propria voluntate, iuxta
- A** illud Bernardi de colloquio Simonis & Iesu: Age ergo, & qui relinquere omnia disponis, te quoque inter relinquenda numerare memeto, immo vero maxime & principaliter abnega temetipsum, si deliberas sequi ipsum, qui exinanivit propter te semetipsum. Est & tertia nuditas, quæ consistit in his quæ prædicta sunt, & insuper in abdicatione omnis transitorie facultatis, cum penuria & indigentia opportune sustentationis, & hæc competit Apostolis & Apostolicis viris. & de hac super illud Matthæi: Qui potum dederit vni ex minimis istis calicem aquæ frigidae tantum in nomine discipuli, non perdet mercedē suam. Glossa: Minimi sunt qui nihil penitus habent in hoc mundo. Tales fuerunt Apostoli. Vnde Hieronymus ad Exuperantium ait: Nemo Apostolis pauperior fuit, & nemo tantum pro Domino dereliquit. Vidua illa in Euangelio paupercula, quæ duo minuta misit in gazophylacium, cunctis præfertur diuitibus, quia totum quod habuit, dedit. Hæc Hieronymus. Si igitur hæc vidua iuxta testimonium Domini, totum dando nihil sibi referuauit, in extrema se nuditate constituit. Ad hanc nuditatem aspirabat illa nobilis vidua Paula, de qua Hieronymus in laudem ipsius: Hoc habuit voti ut mendicans ipsa moreretur, & vnum nummum non dimitteret filiz, & in funere suo aliena sindone inuolueretur. Eiusdem quoque felicem describens obitum, ait: Testis est Iesus, ne vnum quidem nummum ab ea derelictum. Quid hac virtute mirabilius, feminam nobilissimæ familiæ, magnis quondam opibus, tanta fide, omnia vel dilargitam, ut ad egestatem vltimam perueniret? lactent alij pecunias in corbonam, funalibusq. aureis donapendentia, nemo plus dedit pauperibus, quā qui sibi nihil reliquit. Hæc Hieronymus. Qui ad hanc nuditatem, tamquam summe perfectam hortatur Hedibiam in epistola, quam ad eam scribens, ait: Vis esse perfecta, & in primo stare fastigio dignitatis, fac quod fecerunt Apostoli. Vende omnia quæ habes, & da pauperibus, & sequere Saluatorem, & nudam, solamq. crucem, nuda sequaris, & sola. In his manifestius asserit, quod ea paupertas ad perfectionis attingit fastigium, qua quis expressius & conformius nuditatem crucis amplectitur, & nudum Crucifixum imitatur. Illud autem Gregorij verbum, quo dicit censum non esse in culpa, sed affectum, nequaquam est præmissis contrarium, si recte intelligatur. Si quis enim hoc sentiat, quod census in culpa sit causaliter vel formaliter, cum Manichæo errat, & hoc Gregorius reprobatur. Si quis autem intelligat censum esse culpæ occasionem, a sententia veritatis non deuiat, cum & ipsa veritas dicat in Marco: Quia difficile, qui pecunias habent, in regnum Dei introibunt. Nullo enim modo pecunia impedimētum difficultatis, Dei regnum intrare volentibus præstat, nisi quia vel est occasio inclinationis ad malum, vel distractionis a bono. Hoc sanctorum testimonijs clare monstratur. Quod enim diuitiæ habentibus ipsas, occasio sint cupiditatis, in libro de officijs dicit Ambrosius: Feralis, inquit, auaritia, illecebrosa pecunia, quæ habentes contaminat, non habentes non iuuat. Esto tamen, ut aliquando iuuet pecunia inferiorem, & ipsum desiderātem, quid ad alios si sit ille copiosior qui habet? Numquid idcirco honestior, qui habet quo plerūque honestas amittitur? Cui Bernardus cōcordat de colloquio Simonis & Iesu: Hæc fugiendarum diuitiarum præcipue causa est, quia vix aut numquam sine amore valeant possideri. Limosa siquidem, & glutinosa nimis, non solummodo exterior, verum etiam interior nostra substantia videtur, & facile cor humanum omnibus, quæ frequentat adhæret. His consonat Augustinus dicens: Non sunt istæ veræ diuitiæ, sed mendicitas, quia quanto magis abundant, tanto magis crescit inopia auaritiæ. Non sunt veræ diuitiæ, quæ plus augent cupiditatem ei, qui eas possidet.
- Quod

Bern. hom.  
super Ecce  
nos. &c.

Mat. 10. d

Hieron. ad  
Exuperat.  
epist. 35.

Hieron. ad  
Eustochiū  
epist. 27.

Ibidem.

Hier. epist.  
150. ad He-  
dibiam. q. 1.  
cir. fin.

Greg. li. 10.  
Mor. 6. 17.

Mar. 10. 8

Amb. lib. 2.  
de off. 6. 26.

Bern. hom.  
super Ecce  
nos rel. &c.

Hieron. ad  
Nepotianū  
epist. 1.

Greg. hom.  
32. in Eua-  
gel. non lon-  
go a princ.

Hiero. ubi  
sup. prox.

Hieron. ad  
Heliodorū  
epist. 1.

**Quod autem sint occasio vanitatis & superbiæ, Augustinus de lapsu mundi:** In diuitijs nil tam cauendū est, quā superbiæ morbus. Qui enim non habet diuitias, non habet amplissimas facultates, non habet vnde se extollat. Idem de verbis Domini: Nihil est quod sic generent diuitiæ quomodo superbiam, omne granum, omne germen habet vermem suam. Vermis diuitiarum superbia est. Quod vero sint occasio distractionis, manifeste insinuat Gregorius libro 1. Moralium: Solet, inquit, rerum abundantia tanto a timore diuino mentem soluere, quanto hanc exigit diuersa cogitare. Nam dum foris per multa spargitur, stare in intimis fixa prohibetur. Idem in homilia B super illud Lucæ: Exijt qui seminat, &c. Si nos, inquit, vobis semen verbum, agrum mundum, volucres dæmonia, spinas diuitias significare diceremus, ad credendum nobis mens vestra forsitan dubitaret. Vnde & idem Dominus per semetipsum est dignatus exponere quæ dicebat. Quis enim vquam mihi crederet, si spinas diuitias interpretari voluissē? maxime cum ille pungat istæ delectent, & tamen spinæ sunt, quia cogitationū suarum punctiōibus mentem lacerant, & cum vsque ad peccatum pertrahunt, quasi inflicto vulnere cruentant. Si quis igitur præmissa diligenter attendat, indubitanter aduertet, C quod quamuis census formaliter seu causaliter non sit in culpa, est tamen frequens occasio culpæ, distrahendo a bonis, & inclinando ad mala. Propter quod opes a Salvatore spinis comparantur, & ab Ambrosio illecebrosæ dicuntur. Nam sicut ex præmissis apparet, cum vim rationalem distrahant, irascibilem extollant, & concupiscibilem nostram illiciant, non solum sunt illecebris, sed & periculis plenæ. Vnde Augustinus de lapsu mundi: Diuitiæ ipsæ quas putatis plenas esse delictarum, pleniores sunt periculorū. Cum itaque perfectionis sit non solum peccata vitare, verum etiam peccatorum occasiones & bonorum impedimenta ad plena succindere, dicente Gregorio in Moralibus, quod solus ille in illicita non cadit, qui se a licitis caute restringit, liquido claret, quod quamuis possessiones & pecunias habere de se non sit peccatum, sed licitum; est tamen eas abdicare, & voluntarie pro Christo eis carere perfectum. Quod si forte quis dicat, occasionem huiusmodi a temporalibus rebus imperfectis dari mentibus, non perfectis, quasi magis competat statui imperfectorum diuitias fugere, eisq. carere, vitæ Iesu Christi, eiusq. doctrinæ aduersatur aperte. Neque enim secundum hæc perfectissimus debuisset Christus carere diuitijs, neque E hoc docuisset perfectos, cum tamen dixerit: Si vis perfectus esse, vade & vende omnia quæ habes, &c. Numquid Apostoli perfecti non erant, quibus dictū est: Nolite possidere aurum? Quod verbum tractās Ambrosius in libro de officijs, ait: Nolite possidere aurum & argentum, neque pecuniam, quo velut falce pullulantes in pectoribus humanis succidit avaritiam. super eundem quoque sermonem Chrysostomus: Non dixit: Nolite accipere vobiscū aurum, sed si aliunde possibile est accipere, fugite perniciosam hanc ægritudinem. Etenim multa per hoc emendabat. Ex his datur intelligi, quod propter vitandam occasionem avaritiæ, fuit Apostolis interdicta pecunia, cum tamen essent perfecti. Verum quidem est, quod census perfectis non tam vehemens, nec tantorum est peccatorum occasio, sed quia quantumlibet parua intellectus distractio, vel illectio appetitus vitiosa mentibus perfectorum ad æterna suspensis magis est dissona, quā longe maior imperfectis, circa filiorum educationem, & curam rei familiaris occupatis, hinc est, quod perfecta temporalium rerū abdicatio perfectis consilium, non imperfectis, nisi velint esse perfecti. Nam cum ipsis imperfectis sufficiat peccata maiora vitare per mandatorum obseruantiam, perfectis tamen competit etiam superfluas cogitatio-

nes a mente rescindere, sicut & Gregorius 2. Moralium docet spiritualiter exemplificans Nazareorum ritum, perfectionisq. figuram. Deuotione, inquit, completa, caput Nazareus radere, capillosq. in igne sacrificij, ponere iubetur, quia tunc ad perfectionis summam pertingimus, cum sic exteriora vitia vincimus, vt etiam cogitationes superfluas a mente reseceamus. Quas nimirum igne sacrificij concremare, est flamma diuini amoris incēdere, vt totum cor in Dei amore ardeat, & cogitationes superfluas concremās, quasi Nazarei capillos, deuotionis perfectione consumat. Illa quoque promissio centupli prædeterminatis non obuiat, quoniam ad spiritualia bona refertur. Sicut dicit Hieronymus super Matthæum, & etiam Rabanus quasi eisdem verbis vtentes: Occasione, inquit, huius sententiæ quidam introducunt mille annos post resurrectionem, dicentes nobis, tūc centuplum omnium rerum quas dimisimus, & vitam æternam esse reddendam, non intelligentes quod & si in ceteris digna sit retributio, in vxoribus appareat turpitudine, vt qui vnam pro Domino dimiserit, centum accipiat pro futuro. Sensus igitur iste est, vt qui carnalia pro Salvatore dimiserit, spiritualia recipiat, quæ comparatione & merito sui ita erunt, quasi paruo numero centenarius numerus comparetur. Cui etiam cōsonat Gregorius super Ezechielem: Neque enim sanctus vir ideo terrena deserit, vt hæc possidere in hoc mundo multiplicius possit, sed per centenarium numerum perfectio designatur, quia quisquis pro Dei nomine temporalia contemnit, hic perfectionem mentis recipit, vt ea non appetat, quæ contemnit. Mentis itaque recipit quod dedit, qui perfectionis spiritum recipiens terrenis non indiget, & si hæc non habet. Hucusque Gregorius. His consentit Bernardus in sermone illo de sancto Petro: Dixit Simō Petrus ad Iesum, dicens: Quid est centuplum istud fratres, nisi consolationes, visitationes, primitiæq. spiritus, qui super mel dulcior est? Et post pauca: Non est pater aut mater, non domus aut ager est, non cibus aut vestis, non denique terrenum aliquid aut corporale, sed plane his omnibus est delectabilius, super omnia hæc dulcius, vniuersis his iucundius est, & quæcumque desiderantur in hoc sæculo nequam, huic non valent comparari. Quod si forte quis pertinaciter obstat, tam per textus Marci, quā per Augustinum contra Adimantum asserens, bona temporalia repromissa fuisse a Christo; respondebimus promissiones donationis & receptionis huiusmodi, debere intelligi per modum charitatiæ communionis, non per modū possessionis. Vnde Beda super illud Marci: Nemo est qui reliquerit domum, &c. quia nimirum a fratribus atque consortibus propositi sui, qui ei spirituali glutino colligantur, multo gratiorem etiam in hac vita recipiet charitatem. Cui consonat & Glossa ibidem: Omnes sancti, & quæcumque habent communicantur ei. Et Augustinus contra Adimantum: Fidei totus mundus diuitiarum est. Vel certe intelligendum est per modum cuiusdam celestis prouisionis contra Manichæos, qui dicebant hæc temporalia bona a tenebrarum principe fuisse creata, & ab illo solo repromitti & dari, a Christo autem inhiberi. Ideo hic promittuntur a Domino ad hæreticorum confutandam perfidiam, & a cordibus fidelium diffidentiam omnem tollendam. Vnde super illud Matthæi: Hæc omnia adjicientur vobis. Glossa: Omnia sunt filiorum, & ideo hæc omnia adjicientur etiā non quærentibus, quibus si subtrahantur, ad probationem est, si dentur ad gratiarum actionem. Et Augustinus super illud Ioannis: Vado piscari. Cur non inuenit aliud vnde viueret, cum Dominus promiserit, dicens: Primum quærite regnum Dei, & hæc omnia adjicientur vobis? Prorsus Dominus etiam sic quod promisit impleuit. Nam quis alius pifces, qui caperentur apposuit? Constat igitur promissionem

Greg. lib. 2.  
Mor. c. 26.  
cir. fin.  
Num. 6. 6

Hier. lib. 3.  
in Matth.  
c. 10.

Greg. hom.  
18. 5. Exec.  
post med.

Mar. 10. d

Mat. 6. d

Ioan. 21. d

nem huiusmodi per modum prouisionis debere intelligi, ad tollendum diffidentiam, non per modum augmentationis temporalis substantiæ, quia hoc non esset cupiditatem abscindere, sed augere. Vnde Chrysostomus super Matthæum homil. 43. Nihil ita sedat cupiditatis sitim, sicut desistere a lucrando concupiscentia, sicut amaram choleram abstinencia & euacuatio. Facilius est enim hominem existentem volare, quàm adiectione pluri, quiescere facere desiderium. Et

*Aug. li. 83.  
quæst. 9. 36.  
rom. 4.*

*AR. 4. f*

*Hieron. ad  
Demet. ep.  
2. post mod.  
Amb. in 2.  
Cor. cap. 6.*

*AR. 6. 0*

*AR. 3. 4*

*Enseb. li. 1.  
Ecl. hist.  
cap. 19.*

Augustinus in lib. 83. quæstionum: Charitatis venenum est spes adipiscendorum temporalium. Si ergo Christus multiplicationem temporalium per modum possessionis discipulis suis promitteret, charitatem in eis perimeret potius quàm augeret, dum possessionis terrenæ centuplicatione promissa, temporalium bonorum affluentiam sperandam docet, potius quàm sperandam. Quod impiū est sentire de Christi doctrina. Modus etiam Apostolica vitæ prædeterminatus, non aduersatur, sed consonat. Quamuis enim legatur in actibus, quod multitudini credentium erant omnia communia, & quod venditarum rerum pretia ponebantur ad pedes Apostolorum, nequaquam est intelligendum, quod Apostoli propriū aliquid vel commune possiderent: quia communitas illa non refertur ad Apostolos, sed ad turbam, sicut Glossa ibidem insinuat. Discernit, inquit, ordinem doctorum, & auditorum. Nam multitudo credentiū rebus spretis, copula charitatis inuicem iungebantur. Apostoli vero virtute fulgentes, mysteria Christi pandebant. Hæc Glossa. Quæ per ipsum textum declarat, quod sicut illa rerum communitas, erat turbarum, sic & signorum virtutes erant Apostolorum. Nec huic repugnat quod sequitur, ante ipsorum pedes pretia fuisse posita, quia ut dicit Hieronymus ad Demetriadem, hoc fiebat ut docerent pecunias esse calcandas, vel certe ut se ac sua Apostolica dispositioni committerent, sicut docet Ambrosius super epistolam secundam ad Corinthios, ubi de Apostolis dicit: Quantum ad præsentem vitam pertinet, pauperes videbantur, sed spirituales diuitias credentibus largiebantur, egeni in terris, in cælo diuites, ut nihil habentes, omnia autem possidentes. Hoc enim fuit in Apostolis gloriosum, ut sine sollicitudine & nomine possidēdi, non solum ea quæ in possessionibus erant, sed eorum Dominos possiderent. Hæc Ambrosius. In quibus insinuat, quod Apostolis in sua egestate manentibus, eorum dispositioni, quoad res & personas, primitiua illa Ecclesia suberat, hanc tamen rerum dispositionem maluerunt committere alijs, sicut in actibus consequenter legitur: Non est æquum nos relinquere verbum Dei, & ministrare mensis. Quod quidem dixerunt, ut distractionem ministrandi refugerent, non quia per illud ministerium aliquid possiderent. Vnde & Petrus in eadem vrbe, ubi hæc fiebat pauperi eleemosynam a se petenti respondit: Aurum & argentum non est mihi. Vbi Glossa: Memor illius præcepti, Nolite possidere aurum, neque argentum, pecuniam quæ ad pedes Apostolorum ponebatur, non sibi recodebat, sed ad vsus pauperum, qui sua patrimonialia reliquerunt. Hanc etiam formam paupertatis, & Ioannes Euangelista seruauit cum discipulis suis, inter quos duobus qui magnas reliquerant opes, præ nimia egestate tentatis, sicut scribitur in eius Legenda, ait: Numquid non valet manus Domini, ut faciat seruos suos diuitijs affluentes? Sed in hoc certamen statuit animarum, ut sciant se æternas habituros diuitias, qui pro eius nomine temporales opes habere noluerunt. Eandem paupertatis distractionē Thaddæus seruauit Apostolus, sicut scribitur in primo libro Ecclesiasticæ historiæ, quod cum post Christi ascensionem Abagarus Rex sanatus a præfato Apostolo, præciperet eidem dari aurum & argentum, ille non accepit, dicens: Si nostra reliquimus, quomodo acci-

piemus aliena? Sed Apostolus Paulus de se simul & ceteris Apostolis, ait ad Corinthios: Vsq̃ue in hanc horam & esurimus & sitimus, & colaphis cædimur, & instabiles sumus. Vbi Glossa: Vsq̃ue in hanc horam, idest continue. Et alibi ad Corinthios, In fame & siti, frigore & nuditate. Hanc penuriosam vitam duxisse Apostolum, non ad tempus, sed continue hæc præfata Glossa insinuat, & superius allegata Chrysostomi de laudibus Pauli auctoritas confirmat. Si quando igitur dicit se habere omnia, & abundare, nec debet, nec potest intelligi quantum ad opulentiam, siue affluentiam rerum; sed quantum ad sufficientiam mentis. De qua Augustinus in libro de beata vita. Nullus perfectus aliquo eger, & quod videtur corpori necessarium sumer, si affuerit: & si non affuerit, istarum rerum non frangetur inopia. Quod si forte quis dicat, Apostolum aliquas secum tulisse pecunias, quia periculis se dicit expositum fuisse latronum, aperte contrariatur Ambrosio, qui præfatum locum tractans in originali, sic ait: Cum in ciuitate diabolus eum occidere non posset, latrones sibi excitabat in via, cum nihil ferret quod latrones cuperent. Hæc facit Ambrosius. Cui & Chrysostomus consonat de laudibus Pauli. Iob cum oues & boues haberet innumeras, erat in pauperes liberalis. Paulus vero nil amplius corpore suo possidēs, de hoc ipso sufficienter indigentibus ministrabat. Miram Pauli ex hac laude perpẽdere valeamus inopiam, cum nil præter corpus haberet, ac per hoc nihil quod latro capere posset, miram nihilominus affluentiam cum non solum sibi sufficeret, verum etiam in alios abundaret. Denique nec loculorum Christi ad præfatam perfectionis formam, vlla inuenitur dissonantia: si quomodo & quare ipsos habere dignatus fuit, pia mentis attentione pensetur. Nam vnigenitus Dei, cum diues esset in omnes, pro nobis adeo factus egenus, ut alieno cibo vesceretur, non sine magna dispensatione diuini consilij loculos fecit deferri, quorum tamen custodiæ illum deputauit discipulum, quem furem ac proditorem præsciebat esse futurum. Habuit enim loculos Christus, ad consolandum infirmos, ad refellendum improbos, & ad informandum perfectos. Vnde & huiusmodi actus, scilicet habere loculos in Christo, respectu infirmorum, fuit condescensiuus, ad consolandum eos, qui proprijs loculis carere non volunt, sicut Augustinus ait, in lib. de opere monachorum. Dominus more misericordie suæ infirmioribus compatiens, cum ei Angeli posset ministrare, loculos habebat, quibus mitteretur pecunia, quæ conferebatur vtrique a bonis fidelibus eorum victui necessaria: quos loculos Iudæ commendauit. Respectu autem impiorum fuit actus commonitorius: primo quidem ad refellendum hæreticos, qui loculos reprobant, & detestantur. Vnde Augustinus super Ioannem homil. 50. Quare loculos habuit, cui Angeli ministrabant, nisi quia Ecclesia loculos ipsius habitura erat? Vnde & loculos habebat, ut doceret non esse peccatum, loculos habere. In his Augustinus Manichæorum refellit impietatem, condemnantium Ecclesiæ statum, propter rerum temporalium possessionem. Secundo commonitorius fuit, ad deterrendum auaros, qui loculos concupiscunt. Quamquam enim ad mitigationem cupiditatis Dominus Iudæ loculos commisisset, ipse tamen adeo cupiditatis igne exarsit, ut ipsum Dominum pretio paruo venumdaret. Vnde & Chrysostomus super Ioannem: Si vero quis scrutabitur, quid furi existenti loculos commisit pauperum, & dispensare fecit avarum existentem? ut omnem abscinderet occasionem. Etenim sufficientem habebat, ex loculo concupiscentiæ mitigationē: sed propter nequitiam multam, quam volebat comprimere Christus, multa condescensione ad eum vtens, non incusabat surripientem, obstruens perniciosam concupiscentiam, & omnem

*1. Cor. 4. c*

*2. Cor. 11. f*

*Aug. lib. de  
Vi. beat. di-  
sp̃tatione  
tertia diei  
rom. 1.*

*Amb. in 2.  
Cor. cap. 14.*

*Aug. lib. de  
oper. Mon.  
c. 5. to. 3.*

*Aug. traç.  
50. in Ioã.  
post mod.*

*Chrys. ho-  
mil. 64. su-  
per Ioan.*

nem auferens occasionem. Hucusque Chrysostomus aperte declarans, quod non penuria paupertatis, sed nequitia cupidæ mentis causa fuit tantæ impietatis. Respectu vero perfectorum, fuit actus informativus. Siquidem quantum ad modum habendi, forma fuit perfectionis in Ecclesiasticis personis, maxime cœnobitis, ut ad exemplum Christi, & discipulorum eius, nullus sibi quidquam appropriet, sed habeant omnia in communi. Vnde Augustinus super Ioannem: Habebat Dominus loculos, & a fidelibus oblata conseruans, suorum necessitatibus, & alijs indigentibus tribuebat. tunc primum Ecclesiasticæ pecuniæ forma est instituta, ut intelligeremus quod præcepit, non cogitandum de crastino esse; non ad hoc fuisse præceptum, ut nihil pecuniæ seruaretur a sanctis, sed ne Deo propter ista seruiatur. Hæc Augustinus. Qui formam regulariter viuendum describens, sicut habetur. 12. quæst. 1. ait: Cum huius nostræ congregationis fratres, non solum facultatibus, sed etiam voluntatibus proprijs ipsa ordinis susceptione reuuntiauerint: certum est nihil habere, possidere, dare, vel accipere, sine superioris licentia debere. Quantum autem ad modum dispensandi, forma fuit perfectionis in Ecclesiæ Prælati, ut exemplo Christi, bona Ecclesiastica dispensent, ad sustentationem ministrorum Ecclesiæ, & ad pauperum releuandas miseras. Vnde Chrysostomus super Ioannem, de loculis Christi loquens, quæstionem proponit: Qualiter, inquit, non peram, non virgam, non æ iubens deferre, marsupium ferebat? Respondens subdit: Ad inopum ministerium, ut discas, quoniam valde pauperem, & crucifixum, huius oportet partis multam facere procuracionem. Multa enim ad nostram dispensans doctrinam agebat. In his ostendit Chrysostomus, quod viris perfectis competat, miserabilium personarum gerere curam, quod maxime locum habet in Prælati Ecclesiæ, quorum perfectioni consonat, ut & spiritualiter, & etiam temporaliter, pascendis sibi commissis gregibus intendant. Vnde Prosper in libro de vita cōtemplatiua: Scientes viri Sancti, nihil aliud esse res Ecclesiæ, nisi vota fidelium, & pretia peccatorum, & patrimonia pauperum: non eas vendicauerunt in vsus suos, ut proprias, sed ut commendatas pauperibus erogauerunt. Hoc est possidendo contemnere, non sibi, sed alij possidere, nec cupiditate habendi Ecclesiæ facultates ambire, sed pietate subueniendi eas suscipere, & quod habet Ecclesia, cum omnibus nihil habentibus habere commune, nec aliquid inde eis qui sibi sufficiunt, de suo erogare, cum nihil aliud sit habentibus dare quàm perdere. Quantum vero ad modum vendendi, forma fuit perfectionis ipsis populis, ac ceteris huiusmodi paupertatem professis, ut cum ex amore paupertatis, semper carere loculis cupiant, solum quando apertæ necessitatis vrget articulus, loculos ferant. Ipse siquidem Christus sustentabatur a suscipientibus, vel a mulieribus comitantibus eum, sicut in Luca scribitur, quod ibant cum eo mulieres, quæ ministrabant ei de facultatibus suis. Cum tamen per Samariam transiit, in qua quidem ciuitate, ut dicit Euangelista, hospitium habere non potuit, de loculis vixit: sicut dicitur in Ioanne: quod discipuli abierant in ciuitatem, ut cibos emerent. Vnde super illud Lucæ: Quando misi vos sine sacculo, & sine pera, dicit Glossa: Si per inhospitales regiones transimus, plura viatici causa licet portari, quàm domi habeamus. Constat autem, quod valde pauper est, qui plura portat in via, quàm habeat vbi habitat habitatione determinata. Quod si forte quis dicat perfectionis formam, nullo tempore esse intermittendâ. Respondet ad hoc Beda, super Lucam dicens super illud: Nunc qui habet sacculum tollat similiter & peram, non eandem viuendi regulam persecutionis, quæ pacis tempore insinuat. Sunt namque virtutes,

quæ semper obnixeq. tenendæ sunt, & sunt quæ tempore locoq. prouida sunt discretione mutandæ. Quis enim nesciat, viscera misericordiæ, benignitatem, humilitatem, patientiam, modestiam, castitatem, fidem, spem, charitatem, & his similia, sine vlla temporum intercapedine esse seruanda? At vero famem, sitim, vigiliis, nuditatem, lectionem, psalmodiam, orationem, laborem operandi, doctrinam, silentium, & cetera huiusmodi, si quis semper exequenda putauerit, non modo se horum fructu priuabit, sed & notam indiscretæ obstinationis incurret. Magister itaque Deusq. virtutum, ut modum discretionis insinuet, missis ad prædicandum discipulis, ne quid tollerent in via præcepit, videlicet ordinans, ut qui Euangelium annuntiant, de Euangelio viuant. Mortis vero tempore illo instante, & tota simul gente pastorem, gregemq. persequente, congruam temporis decreuit regulam, pecuniam scilicet victui necessariam, donec sopita persecutionum infania, tempus Euangelizandi redeat, tollere permittendo. Hæc Beda. Ex prædictis igitur patenter elucet, quod omnis perfectionis splendor, & speculum Iesus Christus, ob sex rationes præfatas, ac triplicem vtilitatem, aggregatione quadam in perfectionis senarium confurgente, mirabili quodam modo in habendo loculos, & infirmos simplici modo consolatur, & impios dupliciter arguit, perfectos tribus modis informat. In quibus, & illud est omni admiratione, & laude ac imitatione dignissimum, quod sic paupertatem Christus tenuit, ut statum diuitum non damnaret, sic & habentibus pecuniam conformem se reddit, ut paupertatis summæ formam perfecte seruaret. Vnde super illud Matthæi, Vade ad mare, Glossa, Dominus tantæ fuit paupertatis, ut vnde tributa solueret non haberet. Iudas quidem communia in loculis habebat, sed res pauperum in vsus suos conuertere, nefas duxit, id ipsum dans exemplum nobis. Hæc Glossa. Non igitur loculi Christi ad fomentum cupiditatis trahendi sunt. Sicut enim in Salvatore nostro crucifixo nil fuit, quod sæculares glorias, aut delicias saperet, sic nil egit, nil docuit, per quod mundi diuitias appetendas esse monstraret, quin potius, ut nos ad perfectæ paupertatis amorem accenderet, in huius mundi campum hostem expugnaturus, ingrediens, de pauperrima matre, pauperrimus prodijt, sed & hostiam Deo patri, ut Pontifex offerens, nudus in cruce pependit, necnon ut veritas eius, tamquam perfectissimæ rectitudinis, nequaquam discordaret medium ab extremis, tota vita ipsius caminus paupertatis fuit. Huius igitur inuictissimi ducis nuditate, tamquam armatura circumdati, & in eo solo sperantes, qui ait, Confidite ego vici mundum, in ipsius pauperis Crucifixi nomine, hostiles excipiamus insultus.

RESPONSIONIS TERTIÆ  
Caput secundum.

In quo possessionum Leviticarum, & Ecclesiasticarum affluentia, monstratur perfectioni paupertatis non esse contraria, sed & commendatio diuitiarum ostenditur, non esse secunda.

Paupertatis siquidem odibile bonum, retroactis temporibus in tanto fuit horrore sensualitati mortalium, ut ante Christi aduentum, vix quantumcumque perfectus, pretiositatem ipsius agnosceret. Post vero in tanta fuit admiratione spiritualium, atque sapientium, ut vix quantumcumque peruersus hæreticus, ipsius dignitati derogaret, excepto dumtaxat Vigilantio quodam. Qui cum ad interpretationem sacri doctoris Hieronymi dormitasset iam dudum, nunc per nouum quendam paupertatis hostem, illo

non



non minus improbum euigilasse videtur. Ille nimirum, contra paupertatis perfectionem, & sustentationem pauperum sanctorum, sui pectoris virus euomit: hic autem bonorum temporalium affluentiam in culmine perfectionis Euangelicæ collocans, ipsorumque voluntariam carentiam, ut imperfectam, & superstitiosam calumnians, illius se fatetur discipulū, qui contra euangelizantium, & mendicantium pauperum ordines libellum composuit, quem sedes Apostolica condemnauit. Quem etiam non parua temeritate, velut innocentem excusat, ipsiusque doctrinam commendat, & approbat, non sine iniuria multa. Sed iam dicta, cum nil aliud sit auctorem damnati libelli innocentem asserere, quam damnantis iudicium reprobare. Insurgens igitur temerarius, in serie sui libri exordio aduersus pastorem Ecclesiæ, ut pauperum ipsius gregem inuadat atrocius, primū se armat possessionibus Leuitarum. Nam in hoc persuasionis suæ summa consistit, quod cum forma perfectionis Euangelicæ in Leuitis præcesserit, quibus a Domino collatæ fuerunt decimæ, primitiæ, & oblationes ad viuendum, ciuitates ad habitandum, & suburbana ad alenda pecora, si nouum testamentum veteri non repugnat, quin potius consonat, quia rota erat in medio rotæ, nullo modo secundum hoc nouæ legis perfectio consistit in carentia huiusmodi possessionum, sed potius in habendo eas, ut Domino dedicatas. In hac autem persuasionem, quam per multas verborum venatur ambages, non solum veritati, sed sibi ipsi contradicit aperte. In præcedenti siquidem libro, cum abstinentiæ perfectionem impugnaret, asseruit vinum fuisse prohibitum filiis Aaron sacerdotibus, tanquam imperfectis, nunc autem illos eosdē in affluentia possessionum perfectos asserit, quasi verbi prioris oblitus, vel si forte memoriam habuit, in tantam deuenit erroris caliginem, ut putaret, quod abstinere a delictis sit imperfectū, & possidere diuitias sit perfectum. Insuper, & cum paulo ante docuerit, quod in contemptu omnis proprietatis, Euangelicæ perfectionis consistit inceptio, & sacerdotes Leuitici generis habuerunt uxores, & filios, ad quos bona sua tanquam vere propria hereditaria successione transmittabant, necessario sequitur, quod perfectio Euangelica in Leuitis non fuit, vel quod abdicatio proprietatis non est initium perfectionis huiusmodi, ac per hoc manifeste conuincitur sibi ipsi esse contrarius. Contrariatur etiam ipsi veritati. Si enim forma vitæ Leuiticæ perfectionem legis Euangelicæ veraciter continet, cum perfectio modi viuendi, tam in veteri testamento, quam in nouo, supremum teneat locum, & perfectio legis perfectioni Euangelij æquatur, necesse est summum legis, & summum Euangelij, tam in merito, quam in præmio inter se æquari, ac per hoc testamentum testamento, promissio promissioni, sacerdotum sacerdotio cœquatur. Si igitur lex neminem ad perfectum duxit, nec Euangelium. si non per legem iustitia, nec per Euangelium. si etiam qui sub lege erant, sub maledicto fuerunt, & qui sub Euangelio. Frustra igitur Dei Filius est incarnatus, & passus, frustra translatus est sacerdotium, frustra legis obseruantia pro maiori parte abolita, & Euangelica veritas introducta: quæ omnia cum sint falsa & impia, & prorsus abijcienda tanquam hæretica, necessario concluditur, & illud esse erroneum, ex quo hæc sequuntur, scilicet quod in forma vitæ sacerdotum legalium, Euangelicæ perfectionis altitudo consistat. Vnde Apostolus ad Hebræos: Si cōsummatio, inquit, idest perfectio secundum Glossam, per sacerdotium Leuiticū erat, quid adhuc necessarium fuit secundum ordinem Melchisedech, & non secundum ordinem Aaron dici? Translato enim sacerdotio necesse est, ut & legis translatio fiat. Vbi Glossa: Hic incipit noui, & veteris testamenti differentias dare, quia illud imperfectum. Cui etiam consonat illud, quod subsequenter

Heb. 7. b

A adiungit idem Apostolus: Vmbra, inquit, habens Heb. 10. a lex futurorum bonorum non ipsam imaginem rerū; numquam accedentes perfectos faceret. Vbi Glossa: Lex vmbra habens, numquam potest facere perfectos virtutibus, & bonos Pontifices. Non est igitur perfectio virtutum, & consiliorum Euangelij in literali obseruantia mandatorum legalium, & in modo viuendi illorum Pontificum requirēda, nisi sicut in figura & vmbra, quia hoc modo dicitur rota esse in medio rotæ, non per literalis obseruantię æquitatem in testamento utroque, sed per spiritualis intelligentię ænigmaticam præfigurationem. Quod si quis obijciat, sicut & hic cui respondemus allegat, B Exec. 40. a quod forma præfata indicta sit sacerdotibus per Ezechielem, qui non vmbaticum, sed sanctum & verum Ecclesiæ templum describit; attendat quod ibidem præmittitur, quod sacerdos virginem ducat uxorem, & in sacrificio agnos, & vitulos offerat. Eadem igitur ratione qua perfecit, qui Euangelica in Leuiticarum possessionibus præcessisse decernitur, & in eorum vxoribus, & sacrificijs, atque obseruantijs ceteris fuisse monstratur. Quod si verum est, ad perfectionem Euangelicam spectat, quod sacerdotes noui legis uxores ducant, hircos & vitulos offerant, & primi cum tubis ad bella procedant. Quæ cum absurda sint, non est requirenda veræ perfectionis discretio in templo illo secundum litteram, sed secundum allegoriam. Vnde Hieronymus ait: Neque vero mihi aliquis opponat, diues in Iudæa templum, mensas, lucernas, turibula, patella, scyphos, mortariola, & cetera ex auro fabricata, tunc hæc probantur, & Domino, quando sacerdotes hostias immolabant, & sanguis pecudum erat redemptio peccatorum, quamquam hæc omnia in figura præcesserint. Nunc vero cum paupertatem domus suæ pauper Dominus dedicauerit, cogitemus crucem eius, & diuitias lutum purabimus. D Quid miramur, quod Christus vocat iniquum mammona? quid suspicimus, & amamus, quod Petrus se non habere testatur? Alioquin si tantum litteram sequimur, & in auro, atque diuitijs simplex non delectat historia, cum auro obseruemus, & cetera. Ducant Pontifices uxores virgines, lepra corporis animæ vitijs præferatur, crescamus, multiplicemur, & repleamus terram, figamus septimo mense tabernacula, & sollempnia ieiunia buccinis concitemus. Quod si hæc omnia spiritualibus spiritualia comparantes sic intelligimus, ut Dominus intellexit, & interpretatus est sabbatum, aut aurum repudiemus cum ceteris superstitutionibus Iudæorum: aut si aurum placet, placeant & Iudæi, quos cum auro aut probare nobis necesse est, aut damnare. Hucusque Hieronymus. A quo luce clarius ratio præmissa dissoluitur, & Euangelicæ paupertatis perfectio nouæ legi propria conuenire docetur. Nequaquam igitur intelligendū est, bona Leuitarum Domino dedicata fuisse, tamquam in se sint aliquid sanctitatis habentia, & non possint esse occasio culpæ, sed quia deputantur sustentationi illorum, qui Domino famulantur. Quorum etiā Dominus possessio dicitur, quia sicut alij viuebāt de fructibus terrarum suarum, sic & hi de prouentibus diuinorum ministeriorum, ita tamen, quod ea quæ inde percipiebant, proprietatis iure ad suos, ut dictum est, trans mittebant heredes: quia sicut illis non indicta erat castitatis integritas, sic nec consulta paupertas. Vnde Hieronymus ait: Alia fuit in veteri lege Hieron. ad Eustochiū epist. 22. felicitas, in qua beatus dicitur, qui habet semen in Sion, & repromissio sit diuitiarum. Statim ut Filius Dei ingressus est super terram, nouam sibi legem instituit, ut qui ab Angelis adorabatur in cælis, haberet Angelos & in terris. Tunc Holoferni caput Iudith continens amputauit. tunc Iacobus, & Ioannes relicto patre, reti, & nauicula secuti sunt Saluatorem, affectum sanguinis, & vincula sæculi, & curam domus pariter relinquentes. Tunc primum auditum est: Qui

Hieron. ad Neposianū epist. 2.

Hieron. ad Eustochiū epist. 22.

Iudith. 13. a

Mat. 4. d



*Mat. 16. d* Qui vult venire post me, abneget semetipsum, & tol-  
*Luc. 9. 2* lat crucem suam, & sequatur me. Nemo enim mi-  
les cum vxore pergit ad prælium. Discipulo ad se-  
*Bern. hom. super Ecco nos. ante med.* pulturam patris ire cupienti non permittitur. Vulpes  
foucas habent, & volucres cæli nidos, Filius autem  
hominis non habet vbi caput suum reclinet, ne for-  
te contristeris, si anguste permanseris. In his Hiero-  
nymus patenter insinuat, quod sicut statui testamen-  
ti veteris, diuitiæ competeabant & nuptiæ: ita perfe-  
ctioni nouæ legis, paupertas & castitas. Sicut igitur  
virginitas per Christum introducta, legem non solu-  
uit, sed implet; sic nec paupertatis consilium legem  
destruit, sed consummat, quia nec in eadē lege Evan-  
gelica, consilia præceptis cōtrariantur, sed potius ad-  
dunt ad perfectionem iustitiæ. Concluditur igitur  
per hæc, quod sicut a ratione dissonum est, formam  
perfectæ castitatis constituere in vxoribus sacerdo-  
tum legalium, sic sanæ doctrinæ aduersatur, perfe-  
ctionem paupertatis collocare in possessionibus Le-  
uitarum. His consonat Bernardus de colloquio Si-  
monis & Iesu. Longe, inquit, aliud est, in luto aqua-  
rum multarum diuisi fundo maris, iter capere terre-  
na licite possidendo: aliud ipsam nouis gressibus vn-  
dam calcare, omnia relinquendo. Sed tempori gratiæ  
prærogatiua hæc debebatur, Petro nouum iter, &  
non typus itineris seruabatur. Antiquorum sane Pa-  
trum diebus donec in terris videretur, & conuersa-  
retur inter homines Dominus maiestatis, non erat  
Euangelicæ forma perfectionis, sed spiritum Domi-  
ni solo interim spiritu sequebatur. At cum Verbum  
caro factum est, & habitauit in nobis, iam in eo tra-  
dita est imago vitæ, & cōuersationis exemplar, quod  
oportet etiā corporaliter imitari, vt vtroque sequen-  
tes vestigio, non vltius cum Patriarcha Iacob altero  
femore claudicemus. Neque hoc dicimus tam-  
quam saluari hoc tempore si secus quis egerit, ne-  
queat, sed vt gradum agnoscat proprium, & locum  
perfectionis, aut discipulatus officium non vsurpet.  
Hæc Bernardus. Per quæ cupidorum error peruer-  
sus eliditur, & a quibus sub pietatis specie per anti-  
quorum Patrum diuitias, paupertas impugnatur.  
Ex quibus & illud consequitur, quod is cui respon-  
demus non tamquam paupertatis amicus, sed aduer-  
sarius pauperū, super huiusmodi possessiones se fun-  
dans, perfectionis fundamenta non statuit, sed sub-  
uertit. Perfectionem igitur paupertatis extremæ, le-  
galis obseruantia non oppugnat, sed nec forma viuē-  
di Apostolorum, nec loculi Christi, nec promissio  
centupli, sicut ex ante dictis est patēs, insuper nec af-  
fluentia facultatum Ecclesiæ, qua velut armatura cō-  
sequenter se munit pauperum hostis, non tam ad de-  
fensandum statum ecclesiasticæ celsitudinis, quàm ad  
deijciendū culmen Euangelicæ paupertatis. Si enim  
possessiones Ecclesiæ commendaret vt licitas, vt ex-  
pedientes, vt perfectioni composibiles, in his qui cō-  
muniter possident, & his qui sancte dispensant, viam  
sequeretur sanctorum Doctorem, & Canonum con-  
futantium peruersos hæreticos, qui Ecclesiam Dei  
propter possessiones acceptas a statu iustitiæ, & per-  
fectionis asserunt esse collapsam, nec sanctæ pauper-  
tati præiudicatur in aliquo doctrina huiusmodi, pro  
eo quod varij sunt in ea perfectionis modi, sicut cir-  
ca responsionis huius principij fuit ostensum. Nunc  
autem quia suadere conatur possessiones ecclesiasti-  
cas ad perfectionis facere culmen, tamquam perfe-  
ctius sit in eis Christo affluere, quàm pro Christo ca-  
tere; nō solum gloriam paupertatis euacuat, verum  
etiam fundamēta ipsius Ecclesiæ subruit, dum Chri-  
stum & Apostolos temporalia possedisse, ad dandum  
perfectionis exemplum monstrare contēdit. Etenim  
cum Christus de se diceret, quod nō haberet vbi ca-  
put reclinarēt, hic ecōtrario dogmatizat, quod domū  
habuit, de qua dixisse legitur: Domus mea, domus  
orationis vocabitur. Et post subdit, quod Christus

A iure proprietario vbi caput suum reclinarēt inter ho-  
mines factus homo non habuit, qui tamquam verus  
Deus omnium Leuitarum bona possedit. In quo mi-  
ro modo se ostendit omni veritatis intelligentia nu-  
dum, quasi nesciētem distinguere inter ea, quæ Chri-  
sti diuinitatem, & ipsius humanitatem respiciunt.  
Quod enim Christum dicimus fuisse pauperem, ad  
eius refertur humanitatem assumptam, in qua perfecte  
viuendi nobis monstrauit exempla, non autem ad di-  
uinitatis eius potentiam, secundum quam non solum  
templum, & bona Leuitica eius dominio subiacent,  
verum etiam cælum, & terra, & omnia quæ cæli am-  
bitu continentur, dicente Propheta: Domini est ter-  
ra & plenitudo eius. Ei vero qui dicit, quod Christo  
tamquam vero sacerdoti Pater in manu omnia dedit,  
& quod sacerdotij iure Leuitarum bona possedit, ip-  
semet paulo post aperte cōtradicit, cum subdit, quod  
nondum translato sacerdotio, nec decimarum, nec  
possessionum debuit translatio fieri. Si enim sacer-  
dotium Leuiticum ante Christi passionem & resur-  
rectionem translatum non fuit, manifeste colligitur,  
quod Christus iure sacerdotij eorum, quæ ad Leui-  
tas spectabant, nil omnino possedit. Igitur tam veri-  
tati, quàm sibiipsi contradicens, quia instar principis  
mundi huius in pauperrimo capite Christo, nil tem-  
poralium possessionum inuenire potuit, ad corpus  
ipsius, scilicet matrem Ecclesiam sermonem conuer-  
tit. De qua friuolis quibusdam præmissis auctoritate  
Canonis astruit, quod ratione maioris vtilitatis agros  
& prædia quæ vendere consueuerat, possidere cœ-  
pit. Ex quibus consequenter sic arguit: Cum idem  
sit vtile & honestum, vt dicit Ambrosius, & quod est  
imperfectioris in quantum huiusmodi, declinet ab  
honestate, & quod est honestatis est perfectionis,  
prædia Ecclesiæ viris perfectis sunt in perfectionis  
cumulum, non in eius detrimentum. Hæc ratio ip-  
sius, hæc verba. cuius rationis conclusio partim est  
vera, & partim erronea. Verum est quidem, quod  
ecclesiastica prædia sine detrimento perfectionis ha-  
beri possunt; quod autem sint ad perfectionis cumu-  
lum, sentire vel dicere adeo absurdum est, vt ex hoc  
status, modusq. viuendi præsentium temporum vitæ  
Christi præferatur, & Apostolorum, quod est apertis-  
sime falsum. Vnde Hieronymus Malchi monachi  
vitam describens, ait: Scribere proposui ab aduentu  
Saluatoris vsque ad nostram ætatem, idest ab Apo-  
stolis vsque ad huius temporis faciem, quomodo &  
per quos Christi Ecclesia nata sit, & adulta perfec-  
tionibus creuit, martyrijs coronata, & postquam ad  
Christianos principes venerit, potētia & diuitijs ma-  
ior, sed virtutibus sit minor effecta. Hucusque Hie-  
ronymus. Insuper si prædia faciunt ad perfectionis  
cumulum, tunc quanto Ecclesiæ plura prædia possi-  
dent, tanto qui in eis degunt perfectiores existunt, ac  
per hoc nullus ab Ecclesia habente copiam prædio-  
rum absque detrimento perfectionis ad religiones se  
transferre potest, quin potius e conuerso paupertatis  
ærumnas abijcere, & ad facultates Ecclesiasticas aspi-  
rare, sanctum erit atque perfectum. Eius sententiæ  
facultatem Hieronymus ad Nepotianum eliminans  
ironice ait: Sunt ditiores monachi, quàm ante fue-  
rant sæculares. possideant opes sub Christo paupere,  
quas sub locuplete diabolo non habuerunt: & suspi-  
ret eos Ecclesia diuites, quos tenuit mundus ante mē-  
dicos. Amplius si Ecclesiastica prædia faciunt ad per-  
fectionis cumulum, nihil est, secundum Christi con-  
siliū, vendendum, dandumq. pauperibus, sed totū  
Ecclesiæ agris, seu opibus aggregandum, cum secun-  
dum hoc dogma profanum, cumulatio possessionū  
in Ecclesia Christi ad cumulum faciat perfectæ san-  
ctitatis. Contra quod Hieronymus ait: Alij ædificēt  
ecclesias, vestiānt parietes marmorum crustis, colum-  
narum moles aduehant, earumq. dearent capita  
gemmis aurata distinguant altaria, non reprehendo,  
non

*Psal. 23. a.*

*Amb. lib. 3. de offic. c. 8.*

*Hier. in vi- ta Malchi.*

*Hieron. ad Nepotianū epist. 2.*

*Hieron. ad Demet. ep. s. post med.*

non abnuo. Sed tibi aliud propositum est, Christum A vestire in pauperibus, visitare in languentibus, pascere in esurientibus, suscipere in his qui recto indigent, & maxime in domesticis fidei. Ex his colligi potest, quod præfata conclusio multiformem continet absurditatem. Sed & ratio ipsa non valet. Nam sicut possessiones sunt viles, sic & alia multa, utpote uxores, serui, arma, & temporalis potentia, ex quorum retentione non sequitur, quod cumulus perfectionis accrescat. Nec ei suffragatur Ambrosij verbum, quo diffinit, idem esse vile & honestum: loquitur enim de utilitate bonorum spiritualium, non terrenorum. Nam eodem libro: Nihil vile, nisi quod B ad vitæ illius æternæ prodest gratiam diffinimus, non quod ad delectationem præsentis. Nec aliqua comoda in facultatibus & opum copijs constitimus, sed incómoda hæc putamus, si non reiiciantur: ea quæ magis cum adiunt æstimamus, quàm dispèdio cum erogantur. Idem quoque liber a parte alia, sic ait: Nul- lum adminiculum præstant diuitiæ ad beatam vitam. Quod euidenter determinauit Dominus in Euange- lio dicens: Beati pauperes, quoniam vestrum est re- gnum Dei. Beati qui nunc esuritis, &c. Itaque pau- pertatem, famem, dolorem quæ putantur mala, non solum impedimento non esse ad beatam vitam, sed etiam adiumento esse euidentissime pronuntiatum est. Sed & illa quæ videntur bona diuitias, satieta- tem, lætitiæ expertem doloris, detrimentum esse ad fructum beatitudinis, Dominico declaratum iu- dicio liquet. Sic ergo non solum adminiculo non sunt ad vitam beatam corporis externa bona, sed etiam dispendio sunt. Hucusque Ambrosius. Quod & in prædictis intelligendis, loquitur de utilitate intrin- seca, & spirituali quæ idem est quod honestas, non autem de extrinseca, de qua non habent intelligi, se- cundum quod etiam pronuntiat Sapiens, vtiliorem esse sapientiam cum diuitijs. Sunt enim possessiones terrenæ viles, & sustentamenta naturæ ad opera hu- manæ industriæ, nonnullis etiam ad exercitia virtu- tis perfectæ, sed hoc non inest eis ex seipsis, sed ex parte videntis. Vnde Augustinus in fine libri, unde malum. Qui, inquit, bene vult vti temporalibus bonis, non eis amore agglutinetur, & velut mem- bra animi sui faciat, quod sit amando, ne cum re- fecari cœperint, cum cruciatu ac tæbe fœdent, sed eis totus superferatur, & habere illa, atque rege- re paratus sit, amittere vero ac non habere paratior. Hæc Augustinus. Quæ numquam diceret, si tem- poralia bona essent vilia, secundum quod vile idem est quod honestum, quia nullus recte sapiens paratior esse debet, honestatem amittere, quàm serua- re. Multum igitur a sapientia discors fuit, qui in temporalibus Ecclesiæ bonis, honestum ab vili non discreuit. In sui quoque firmamentum erroris, perfectionis virtutum, & possessionis opum septi- formem assignat germanitatem dicens, quod Domi- nus voluit ministros Ecclesiæ ipsum perfecte sequi, volentes habere bona communia mobilia, & immo- bilia: primo propter cautelam futurorum, quod est prudentiæ: secundo propter sustentationem mini- strantium, quod est iustitiæ: tertio in sustentamen- tum egentium, quod est misericordiæ: quarto in mu- tuæ charitatis nutrimentum: quinto propter quie- tem: sexto in aliorum exemplum, & largitionem eleemosynarum: septimo propter conformitatem ad cælestem curiam, cuius participatio in idipsum. Ex quibus omnibus arguit, quod habere possessiones Ecclesiasticas perfectionem non minuit, sed consum- mat. Quamquam autem prædictarum rationum ag- gregatio, superficialitèr considerata efficax videat- ur, & pia: si tamen discutatur interius, inefficax inuenitur & impia. Pro eo, videlicet impia, quia si mobilium & immobilium, communis possessio non dimittit, sed potius complet, qui non valent, nec

*Ibid. lib. 1.  
de offic. c. 9.*

*Ibid. lib. 2.  
c. 4. & 5.  
L. 6. c. 6.*

volunt hæc possidere communia, perfecti esse non possunt. Insuper cum Christus & Apostoli huiusmo- di possessiones immobiles non habuerint, sequitur in eis, quod consummata perfectionis exemplum non effulsit. Inefficax vero, quia in eisdem rationi- bus, potest etiam aliquis laicus vxoratus bona sua re- tinere, scilicet, ut prudenter iuste, misericorditer, charitatiue ministratibus Christo subueniat, ad illo- rum quietem, & aliorum exemplum secundum con- formitatem supernam, in qua est communicatio lar- ga bonorum: aut igitur talis erit perfectus, aut præ- fata ratio nullius efficacitæ esse conuincitur. Amplius sicut Ecclesiastica bona, bene videntibus sunt mate- ria exercendarum virtutum, sic etiam abutentibus sunt fomentum multiformium pueritatum: utpo- te iniustitiarum, impietatum & carnalitarum, nec ta- men inferri potest, propter huiusmodi abusum, quod bona huiusmodi habere sit impium, pari ratione in- ferri non poterit, quod per bonam dispensationem videntibus ea habere sit perfectum in se & absolute, vel perfectius quàm carere. Vnde & illa conclusio quam post explicationem rationum prædictarum, in quibus multas absurditates interserit, tamquam finaliter intentam subiungit, nullius est probabilita- tis, sed magnæ perfidiæ. Ait enim, ut verbis eius vta- mur, His causis prædictis forte, & alijs quæ a sapien- tibus possunt inueniri cum apice perfectionis. Quod enim citra est, imperfectum est. bona temporalia Ecclesiæ a perfectis viris præcepit Deus & voluit pos- sideri. In quibus verbis manifeste aperit, quod pau- pertatis Euangelicæ perfectionem totis viribus eli- minare contendit. Si enim temporalia bona Eccle- siæ possidere sic est perfectum ut dicit, ut omne quod est citra illud sit imperfectum, pauperes igitur Chri- sti, qui nihil omnino possidere volunt, sed totum dant, ut vidua illa paupercula, aut citra hunc perfe- ctionis apicem consistunt, & tunc imperfecti: aut vltra procedunt, & tunc superstitiosi impij. Si igitur talis fuit Christus, sicut narrat Euangelicæ veritatis historia, & perfectorum testimonio monstratum est supra, tales etiam fuerunt Apostoli, necessario sequi- tur secundum Antichristianam doctrinam, quod Chri- stus & eius discipuli, vel superstitiosi fuerint, vel im- perfecti. Insuper si hæc temporalia bona Christus præcepit possideri a viris perfectis sicut asserit, qui- cumque ergo perfectionis statum profitentur, & hæc bona non possident, transgressores diuini præcepti esse conuincuntur. Quod si verum est, utique dici non potest, Beati pauperes spiritu, quoniam vestrum est regnum Dei. nec: Væ vobis diuitibus, sed potius, væ vobis pauperibus, tamquam miseris, imperfectis, iniustis, & impijs. Beati diuites. Beatus etiam popu- lus cui hæc sunt, sine quibus, nec perfectionis apex, nec virtus iustitiæ possideretur, quæ perfectio inter do- na Dei locum præcipuum tenet. Caueat sibi qui eius- modi sententiæ est, ne super eum maledictio principis Apostolorum iuste descendat dicaturq. sibi: Pecunia tua tecum sit in perditionem, eo quod existimasti do- num Dei pecunia possideri. Mirum certe quomodo quis potest ad tantam impietatem proficere, ad tan- tam venire insaniam, ad tantam prorumpere fatui- tatem, ut cum Christus viris perfectis suadeat omnia vendere & dare pauperibus, præcipiatq. Apostolis, ut nec peram, nec pecuniam tollant in via, nec au- rum, nec argentum possideant, e contrario audeat dicere præceptum esse a Deo viris perfectis tempora- lia possidere. Quàm vero absurda dogmata conclu- sio præfata contineat ex ipsius verbis elicitur, ex qui- bus affirmat omne quod infra perfectionis apicem est, esse imperfectum. Si apex dicit summam rei ali- cuius extremam & excelsam, & apicem perfectio habet, aliquid est perfectionis citra apicem eius: duo ergo contraria simul dicit, cum asserit perfectionem habere apicem, & nihil citra perfectionis apicem esse per-

*Att. 8. d*

se perfectum. Est etiam hæc vniuersalis negatiua pene in toto falsa, scilicet cum non solum perfectio vitæ, sed etiam perfectio patriæ gradus habeat. & sicut perfectio castitatis & obedientiæ potest esse maior & minor, sic & paupertatis, quemadmodum ex primæ responsionis tertiæ parte patet. Denique quàm periculofum sit possessionum affluentiam magnis laudatam præconijs desiderabilem reddere, ex hoc patenter aduertitur, quòd omnium fere mortalium appetitus, & sensus proni sunt ad concupiscentiam oculorum, & admirationem diuitiarum. Et sicut dicit

1. Tim. 6. b

Apostolus ad Timotheum: Qui volunt diuites fieri, incidunt in tentationem & laqueum diaboli. Quod si dixerit non se laudare possessiones quasque, sed tantum communes & Ecclesiasticas, & Domino dedicatas, attendat quòd non parum latet in ipsarum cumulatione periculum. Vnde Bernardus de colloquio Simonis & Iesu: Dotatas & dedicatas cernimus Ecclesias a potentibus & diuitibus huius sæculi, qui in operibus bonis diuites, iuxta Domini admonitionem amicos sibi facere studuerunt de mammona iniquitatis, a quibus in æterna tabernacula recipiuntur.

Bern. hom. super Ecce nos.

Luc. 16. b

Quid ni speraret ab his se recipi qui clauis videntur habere? Sed heu data est ipsa prouidentia eorum in occasionem carnis, & qui sibi atque alijs in cælo tabernacula parare debuerant, in terra coniungunt domum ad domum, & copulant agrum agro. Quis rapuit ab ore Apostolorum huiusmodi temporis verbum gratiæ, verbum fiduciæ, Ecce nos reliquimus omnia, & secuti sumus te? Ecce enim ut populus, sic sacerdotes diuites fieri volunt, similiter hic suam & abundantius suam recipiunt consolationem, similiter amicis egent & ipsi, ut in aliena tabernacula recipiantur, ut propria non habentes. Beati enim pauperes spiritu, quoniam ipsorum est regnum cælorum. Hæc Bernardus. Idem quoque quibusdam interpositis subdit: Utinam in duodecim vnus hodie Petrus, vnus qui reliquerit, vnus qui oculis careat inueniatur. Utinam sapiens miser & intelligeres, cum thesauro pecuniæ, & thesauro iræ pariter cumulari, utinam nouissima prouideres. animaduerteres facile per foramen acus transiuros non diuitiarum cumulos, sed delictorum. Nihil enim tulimus in hunc mundum, haud dubium quia nec auferre possumus quidquam. Hucusque Bernardus. Cui Gregorius Nazianzenus concordat in quodam sermone contra persecutores Ecclesiæ loquens: Sed facultatibus, inquit, defraudabunt. Quibus, meis? Sed facilius mihi alas abscedent, quas non habeo. Si autem Ecclesiasticis, hoc vtrique pro quo omnis pugna, & omne certamen. An ignoramus quòd per pecuniæ cupiditatem, & oculorum fraudem, ad prodicionem proficitur Christi? Hæc Gregorius Nazianzenus. Ad hoc etiam facit quod dicit Ambrosius in lib. de officijs. Qui Apostolos sine auro misit, Ecclesias sine auro congregauit. Et iterum: Qui plurimum auri possidet non abundat, quia nihil est, quidquid in sæculo est. Qui exiguum habet non minuit, quia nihil est quod amittit, res sine dispendio est, quæ tota dispendium est. Ex his clare patet sanctorum curam fuisse præcipuam, non ad quarumcumque possessionum amorem allicere, sed potius exemplo Apostolorum ad earum contemptum prouocare. Nec tamen ex his intelligat aliquis, quòd Ecclesiastica bona per modum dilapidationis sint habenda contemptui, quoniã hoc sacri Canones inhihent, sed quòd a personis non alligatis curæ pastorali ratione maioris securitatis, siue perfectionis, valeat pro Christi amore dimitti, & quòd hi quibus dispensatio eorum committitur eis quæ dispensant, nullatenus alligentur affectu. Hic autem ut affluentiam opum reddat amabilem, tamquam rem sanctitatis eximie in rationali Ecclesiæ collocat, ex quo iudicium cum veritate responderi solebat, cum tamen hæc sua doctrina omni careat ratione iudicij,

Amb. lib. 2. de offic. cap. 28.

S. Bon. Tom. 7. Pars iij.

A & rectitudine veritatis. Fingit etiam superhumeralē quoddam, quod huic irrationali, siue sanatiæ coaptat adducens in medio duodecim viros sanctos atque probatos, qui de statu paupertatis ad dispensandas diuitias assumpti fuerunt Clementem, Siluestrum, Gregorium, Cyprianum, Hilarium, Basilium, Chrysostomum, Martinum, Nicolaum, Paulum, Augustinum, Anselmum, quorum exempla suo adaptans errori, in sequentibus subdit: Isti sunt duodecim filiorum Israel nomina, isti sunt vittæ hiacynthinæ, & catenulæ aureæ. Post quæ addit: Ista est doctrina Domini, statuto Apostolorum Hierosolymis solidata.

B a sanctis Doctoribus exposita, a perfectis Christi imitatoribus obseruata, non ut nihil in communi, aut proprio haberetur, sed ut sprete proprietate, bonorum Ecclesiæ communitas seruaretur. Si aliter docueris, caue ne fias, secundum Apostolum, anathema, quod a viro absit catholico, qui puniri recusat cum apostata Iuliano. Hæc verba ipsius. In quibus & ignorantem se esse demonstrat & impium. Nisi enim impius esset, numquam de professoribus paupertatis in qua nihil habetur in proprio, vel communi, sensisset tam impie, ut eos tamquam hæreticos iudicaret anathema esse a Christo. Quæ quidem blasphemia non solum hos Christi pauperes, sed & Romanam Ecclesiam impetit, quæ hunc viuendi modum approbavit. Insuper & bonos viros catalogo sanctorum ascriptos, & quod maius est ipsos Apostolos, qui, ut ex superioribus claret, in extrema paupertate vixerunt, quibus etiam tamquam duodecim filiis Israel in superhumerali Summi Pontificis Christi conscriptis, & per propria nomina designatis, summa paupertas indicitur. Sic enim scribitur in Matthæo: Mat. 10. a

Apostolorum nomina sunt hæc, Simon primus, qui dicitur Petrus, & de hinc ceteris nominatis subiungit: Hos duodecim misit Iesus, præcipiens eis: Nolite possidere aurum, neque argentum, neque pecuniam in zonis vestris, &c. In quibus superhumeralē vittæ Apostolicæ cum rationali perfectionis & paupertatis altissimæ, per charitatem regni cælestis, tamquam vittæ hiacynthinæ, indissolubili iunctura constringit, cum interponit, Gratis accepistis, gratis date. Hoc autem superhumerali, & rationali verus Pontifex Christus adornatus fuit, dum sanctæ paupertatis perfectionem & verbo docuit, & exemplo monstrauit, & tunc potissimum, quando ut verus Pontifex per sanguinem proprium ingressus in sancta, pauper & nudus in cruce pependit. Hoc ornamento nobili & spiritali, quo a corporalibus crucifixoribus Christus spoliari non potuit, hic velut atrocissimus prædolum nudare contendit, & aliud quoddam confingere nititur, non vittæ hiacynthinæ, & catenulis aureis, sed terrenarum possessionum affluentijs, tamquam iunctura lutea & viscosa constrictum, quasi Christus cum Apostolis terrena possederit, ipsaq. communis possessio altius prouehat, magisq. ad cælestia eleuet, quàm extrema, & altissima paupertas. Quod nemo dubitat falsum, nisi qui modos prorsus ignorat mentalis eleuationis in Deum. Vnde Hieronymus ait: Hieron. ad Lucinum

D Ioseph cum tunica Ægypti effugere non potuit. Adolescentem qui opertus sindone sequebatur Iesum, quia tentus fuerat a ministris, terrenum abijciens operimentum nudus euasit. Elias igneo curru raptus in cælum meloram reliquit in terris. Eliseus boues & iuga prioris operis vertit in vota. Loquitur sapientissimus vir, Qui tangit picem inquinabitur ab ea. Quamdiu versamur in sæculi rebus, & anima nostra possessionibus, & redituum procuracione deuincta est, de Deo libere cogitare non possumus. Cui & Glossa consonat super illud Canticorum: Spoliaui me tunica mea, &c. Deceptus sollicitudine temporalium subsidiorum, quantumlibet eximius Doctor difficile vitat peccatum. Hæc autem idcirco non dicimus, quòd dispensatio facultatum Ecclesiæ a viris sanctis administrari

E F

P p non

Hieron. ad Lucinum epist. 28.

Eccl. 13. a

Cant. 5. b

*Hieron. ad  
Rust. ep. 4.  
cir. fin.*

non possit absque detrimento perfectionis, sed ut discernamus pretiosum a vili. quia perfectionem eis non contulit temporalium bonorum administratio, sed contemptus: non temporalis affluentia, sed spiritus paupertatis, quo inter rerum affluentium copias sic vivebant, sicut egentes, multos autem locupletantes, tamquam nihil habentes. & omnia possidentes; quemadmodum nobilis ille praelatus, de quo ait Hieronymus scribens ad Rusticum: Sanctus Exuperius Tolosæ Episcopus viduæ Sareptanæ imitator, esuriens pascit alios, & ore pallente ieiunijs, fame torquetur aliena, omnemque substantiam Christi visceribus erogavit. Nihil eo ditius, qui corpus Christi canistro vimineo, sanguinem portat in vitro, qui avaritiam proiecit de templo, qui cathedras vendentium columbas, mensasque subvertit, mammonæ & nummulariorum æta dispergit, ut domus Dei domus orationis sit, non spelunca latronum. Huiusmodi tu sectare vestigia, & ceterorum qui virtutum illius similes sunt, quos sacerdotium & humiliores facit, & pauperiores. Aut si perfecta desideras, exi cum Abraham de patria & cognatione tua. si habes substantiam vende, & da pauperibus: si non habes, grandi onere liberatus es. Nudum Christum, nudus sequere. Durum, grande, difficile, sed magna sunt præmia. In his sacer Hieronymus distinguit pretiosum a vili, simulque ostendit, quod aliud competit perfectioni praelati, qui est persona communis, aliud perfectioni personæ priuatæ. Et ideo quamquam ratione praelationis, quisquis religiosus a statu paupertatis ad dispensationem temporalium possit assumi, impium tamen est, hoc ad consequentiam trahere. Sicut enim praelatis ratione curæ pastoralis, competit extrinsecis interdum implicari negotijs salva perfectione, nec tamē inferri potest, quod in persona priuatæ æque perfectum sit, per extrinsecas occupationes erga plurima turbari cum Martha, velut per intimas, feruidas, & iucundas sursum actiones secus pedes Domini quiescere cum Maria; sic & in proposito intelligendum. Licet igitur Pontifices, siue summi sacerdotes, quia curam habent, non solum quantum ad perfectos & validos, verum etiam infirmos & imperfectos, quos pascere debent exemplo & verbo, & pro loco & tempore, corporali subsidio, salva perfectione possessiones susceperint ad sustentationem pauperum & Ecclesiæ ministrorum, non tamen ex his quibuslibet priuatis personis, in quolibet Ecclesiæ statu ascribi potest nec debet, quod in tanto sint perfectionis culmine cum amplitudine possessionis, sicut cum altitudine paupertatis. In hoc autem quod laudatores paupertatis extremæ, imitatores existimat Iuliani apostatæ, non solum nequitia plenum, sed etiam veritatis notitia vacuum esse se demonstrat: dum professoribus veritatis malitiose crimen impingit erroris, & ipsam perfidiam Iuliani apostatæ tamquam ignorans, a laude paupertatis insinuat traxisse originem, cum tamen ipse Iulianus non in hoc errauerit, quod assereret omnia temporalia relinquenda fore secundum dictamen diuini consilij, ad quod nemo astringitur, nisi velit: sed potius ad suæ avaritiæ rapacitatem colorandam, & conculcandam Ecclesiam, hoc dicebat esse de necessitate diuini mandati, allegans illud Christi verbum, quod scribitur in Luca: Nisi quis renuntiauerit omnibus quæ possidet, non potest meus esse discipulus. Ex quo ipse vniuersaliter calumniabatur Ecclesiam, quasi nulla esset differentia inter renuntiare omnibus, & relinquere omnia. Verum sicut Glossa dicit ibidem, hoc distat inter renuntiare omnibus, & relinquere omnia, quia renuntiare conuenit omnibus, qui ita licite vtuntur mundanis quæ possident, ut tamen mente tendant ad superna: relinquere vero est solummodo perfectorum, qui omnia temporalia postponunt, & solis æternis inhiant. Hæc Glossa. Ex qua manifeste colligitur, quod quisquis hoc sen-

*Luc. 10. 8*

tit, quod perfectorum sit omnia relinquere, & solis æternis inhiare, doctrinam sequitur Iesu Christi, non perfidiam Iuliani. Nam quamuis dicat omnia pro perfectionis amore debere relinquere, non tamen asserit bona Ecclesiæ dirui, quia licitum est dimittere propria, sed illicitum rapere aliena.

### RESPONSIONIS TERTIÆ Caput tertium.

*In quo abrenuntiationis ratio falsa eliditur, & penuriosa paupertatis duodenaria prægatina monstratur.*

Mos peruersarum mentium esse dignoscitur, si qua sententiæ suæ contraria propter istorum certitudinem inficiari non possunt, fraudulenta calliditate peruertere, & ad sensum trahere repugnantem, iuxta illud Bernardi ad fratres de monte Dei. Si in lectione Deum querit qui legit, omnia cooperantur ei in hoc ipsum; si autem in aliud declinat sensus legentis, omnia trahit post seipsum, nihilque tam sanum, tam pium in scripturis inuenit, quod seu per vanam gloriam, seu per distortum sensum, seu per prauum intellectum non applicet suæ malitiæ vel vanitati. Quod manifeste in aduersario pauperum nunc cernimus esse completum. Cum enim certum sit, paupertatem quæ consistit in abdicatione rerum temporalium propter Deum esse laudabilem, magistrumque Christum perfectionis, in paupertate vixisse usque ad mortem, hic in comparatione possessionum & opulentiarum sic peruertendo attenuat, ut nil sanctæ paupertati de perfectionis sublimitate relinquat. Inuestigans enim primo causam abdicationis temporalium, hanc dicit esse ipsorum appropriationem, seu proprietatem, quæ quoniam ex radice descendit avaritiæ, ut verbis eius vtamur, non stat cum perfecta charitate, quæ non querit quæ sua sunt. Et ideo dicit consultam esse abdicationem proprietatis ad excludendam cupiditatem, quæ extirpata, his qui eiusmodi sunt recte committitur dispensatio bonorum temporalium, tamquam scientibus uti, & non querentibus quæ sua sunt, sed quæ Iesu Christi. Quod per Abraham, Iacob, Ioseph, David, Daniel, patrum scilicet veteris testamenti exempla confirmat. In his autem verbis & exemplis superficialiter consideratis nihil apparet erroneum: si tamen diligenter discutiantur, magnū inuenitur latere venenum. Si enim proprietas sola causa est abdicationis temporalium, ut extirpetur cupiditas, & perficiatur charitas ad bona huiusmodi temporalia dispensanda, tunc igitur paupertas non est nisi sicut via ad abundantiam, & dispositio quædam præambula, ac per hoc nulla perfectio consistit in ea. Imperfecta igitur fuit vita Christi, & falsa doctrina qua dixit: Si vis perfectus esse, vade & vende omnia quæ habes, & da pauperibus. Amplius si vnum aliquod collegium non dicam vnius regni, sed totius mundi, bona in communi possideat, altissimum illud de paupertate consilium integerrime seruat, immo quod est absurdius multo perfectiori modo, quam hi, qui in extrema rerum penuria in fame, scilicet siti, frigore, & nuditate Domino seruiunt, cuiusmodi fuerunt Apostoli, & hi, qui exempla eorum sequuntur. Quod cum euidenter sit falsum, restat quod hæc non sit causa præcisa & principalis abdicandi diuitias quia propriæ, sed quia illecebrosæ, ut ostensum est. Verum est quidem, quod propriæ diuitiæ magis solent esse illecebrosæ, quàm communes, & ideo magis est de essentia perfectionis contemptus ipsarum, non quia appropriatio sit culpa, vel semper habeat culpam annexam, sed quia, ut frequentius, solet esse occasio culpæ. Vnde & ipsemet in consequentibus exemplis, si bi ipsi contradicit, cum asserit illos sanctos patres, non solum sine culpa, sed etiam cum perfectione, bona hæc

*Bernard. ad  
frat. de monte  
Dei. de  
vita solita  
ria.*

*Mat. 19. 6  
Luc. 18. 6*



hæc temporalia possedisse. Ipsi etiã Leuitæ, qui vxores habebant, & filios, constat quòd aliqua propria possidebant, quos tamen superius de perfectione laudauerat. Ipse etiam populus Israeliticus terram patribus repromissam adeptus, absque peccato distinctas & proprias portiones accepit. Insuper nunc reuelatæ gratiæ tempore, secundum scira legum & Canonum, iuste & sancte aditur & possidetur hereditas, non solum in partialibus patrimonijs, sed etiam in principatibus & regnis, sicut ipse inferius de Constantino Raymundo, & similibus fatetur. Non ergo proprietas est ratio abdicationis, sicut falso insinuat, quasi semper sibi sit peccatum annexum. Sane quod dicit Clementina, quòd pro iniquitate, alius dicit hoc esse suum, alius illud, non est intelligendum generaliter, sed vt in pluribus, vel intelligendum est, quòd huiusmodi appropriatio descendit ex iniquitate primorum parentum, quòd nisi illi peccassent, huiusmodi appropriatio non fuisset. Non tamen ex hoc sequitur, quòd omnis appropriatio sit cum peccato, quia ex preuaricatione primorum parentum, non solum peccata descendunt, sed etiam pœnæ peccatorum. Licet autem diuitiæ tam communes, quàm propriæ haberi & possideri valeant absque peccato, tamẽ eas relinquare perfectionis est, quia sicut imperfectio de se non dicit culpam, vt ex supra dictis apparet, sic & perfectio non tantum dicit iustitiæ rectitudinem, verum etiam expeditionem: quam quidem expeditionem diuitiæ, quia illecebrosæ & periculosæ præpediunt. Vnde Gregorius libro 4. Moralium: Rarum valde est, vt qui possident aurum ad requiem tẽdant, cum per semetipsam Veritas dicat: Quàm difficile, qui pecunias habent, intrabunt in regnum cælorum. Idem etiam in 4. Dialogorum: Cura rei familiaris vix sine culpa agitur, etiam ab his, qui qualiter culpas declinare debeant, sciunt. Et Rabanus super Matthæum: Difficile, hoc est, maximi laboris est, pecunias habentes, vel in pecunijs confidentes exutis phylargyriæ retinaculis, aulam regni cælestis intrare. Propter quod securum est diuitias fugere, & eas abdicare perfectum. Vnde Hieronymus ait: Apostolici fastigij est, perfectæq. virtutis vendere omnia, & pauperibus distribuere, & sic leuem & expeditum cum Christo ad cælestia subuolare. Porro exempla, quæ subiungit de patribus, inconuenientia sunt ad propositum. Primum quidem quia non se expropriauerunt, vt hic falso confingit, dicens quòd Dominus sanctum Abraham propria hereditate derelicta, nudum de terra sua exire coegit, & præcepit. Nam & textus Geneseos aperte cõtradicit, vbi dicit: Egressus est Abraham sicut præcepit ei Dominus, tulitq. Saram vxorem suam, & Loth filiũ fratris sui, vniuersamq. substantiam quam possederant, & ingressi sunt vt irent in terram Chanaan. Quod autem Iacob, Ioseph, Dauid, aliquando in paupertate fuerunt, hoc magis fuit vrgentis necessitatis, quàm voluntariæ expropriationis. Quod vero Daniel omnia sua vendiderat, quia de scripturis auctoritatem non habet, si sapientia Danielis fuisset imbutus, nequaquam adduxisset in medium, quia prudentius silentio tegitur, quod scripturarum testimonio non probatur. Secunda ratio est, quare dictorum patrum exempla non cõgruunt, quia cum perfectione virtutis aliquos habuerunt actus extrinsecos, secundum exigentiam temporis, qui trahi non possunt in exemplũ perfectionis, sicut in Patriarchis pluralitas vxorum, in Dauid strenuitas ad bellandum, & in Elia occisio prophetarum Baal, & si cum istis perfectionem seruauerunt, magis admirabiles, quàm imitabiles viris perfectis proponuntur. Vnde Augustinus de moribus Ecclesiæ: Amisit Iob omnes diuitias, & factus est repente pauperrimus, sed inconcussus tenuit animũ, quo animosi esse possent nostri tẽporis homines, cum magnopere in nouo testamẽto ab istorum possessione prohiberemur, S. Bon. Tom. 7. Pars iij.

vt perfecti esse possemus. Hæc Augustinus. Cui cõsonat Gregorius in Moralibus: Necdum virtus præcepti emicuerat, quæ omnia relinqui præciperet, sed tamen eandem præceptionis vim in corde seruabat, quia nimirum substantiam suam iam mente reliquerat, quam sine amore possidebat. Ex quibus euidenter apparet, quòd Iob terrena possidendo, perfectus fuit solo contemptu mentis, quia nondum emicuerat consilium paupertatis, ac per hoc, sicut coniugium Abraham, cui non præfertur cælibatus Ioannis, non est trahendum tempore gratiæ in exemplum perfectionis, sic nec patrum sanctorum possessio temporalis. Tertia quoque ratio ad hoc ipsum est, quia multa patribus in figura contingebant & vmbra, quæ tempore reuelatæ gratiæ & veritatis, perfectioni non cõsonant, & ideo illa nunc in exemplum trahere, non modicã generat absurditatẽ. Vnde Bernardus de colloquio Simonis & Iesu: Excusant se aliqui fortassis, dicentes: Abraham, Isaac, & Iacob, ceteriq. sancti, numquid non terrenas diuitias habuisse, leguntur? Sufficit nobis esse sicut illi fuerunt. neque enim sumus nos patribus meliores. Si culpabilis possessio esset diuitiarum, numquam illi in diuitijs tãtam a Domino gratiam obtinerent. Quid respondebimus novis imitatoribus veterum sanctorum? Imponat certe vitulos super altare Domini, mactent arietes, hircos immolent, quia & hoc Abraham fecit. Sed hæc, inquiunt, statum vltra non habent: vbi reuelata est veritas transiere. Quid si ipsas quoque sanctorum diuitias temporales, vmbra fuisse dixerimus futurorum? In figura siquidem eis omnia legimus contingisse. Denique quidni terrenas palam diuitias possiderent sancti & perfecti viri, cum sola terrena palam promitteretur a Domino. Vbi sane cælestis promissio innuit, necesse est spiritualibus spiritualia cõparari, & mutari sacrificium specie mutata. Nõ sunt igitur huiusmodi exempla, nec etiam prælatorum, quæ consequenter annectit, cum de paupertatis perfectione agitur, adducenda in medium ne sub specie sanctitatis Pontificalis officij, quòd opulentia commutatur, & bonorum paruipendatur paupertas, vilificetur humilitas, excitetur cupiditas, & ambitio foueatur, quæ omnia is cui respondemus pauperum hostis, omni qua potest virtute conatur. Nam verum iustitiæ Solem, qui paupertatis & humilitatis exempla in vniuersum orbem radios suæ lucis emisit, fantastica cuiusdam nebulositatis obiectu obscurare contendit. Quærit enim: Vt quid Christus pauper esse voluit? Vt quid Rex fieri recusauit? Et respondet, vt verbis eius vtamur, ideo pauper esse debuit, vt animi statum teneret, qui ab omnibus imitari valeret. Neque enim omnes diuites fieri possunt, sed si voluerint omnes pauperes fient. Postq. subiungit: Quod autem ne Rex fieret, fugit, mundanas dignitates fugere docuit. Alius est enim honor Regis, alius prælati, siue sacerdotis. Hæc sunt verba illius, in quibus tam viriliter & indocte sentit, & loquitur de alta & tam nobili materia, vt nos etiam pudeat, ipsius ineptias replicare. Quis enim in sacris litteris eruditus vel modicũ, quis quantulumcumque ad Christum reuerentiam habes, altissimi Dei benignissimam condescensionem vsque ad extremæ paupertatis inopiam sic audeat paruipendere, vt putet eum hoc egisse absque ratione & causa permaxima? Quam tamen is paupertatis hostis adeo friuolam arbitratur, vt ne vereatur dicere, ideo Christum pauperem factum, quia nõ omnes possunt diuites fieri. Si igitur possent omnes adipisci diuitias, sicut & paupertatem assumere, æque bene vel magis secundum hanc profanam doctrinam, Christus debuisset temporalibus bonis diues esse, quàm pauper. Quod si verum est, paupertas in nullo præfertur diuitijs, nec magis est meritorium pro Christo pauperem fieri, quàm possidere diuitias. Quapropter sicut Christus dixit adolescenti diuiti, Vade & vnde,

Bern. hom.  
super Iaco  
nos.

Hieronym.  
ad Demet.  
epist. 8.

Gen. 12. 4



ita secundum hoc Antichristianum dogma, dici potest & pauperi: Si vis perfectus esse, vade & posside. Insuper cum dicit, quod omnes possunt pauperes esse, aut intelligit de paupertate quæ habet aliquid in communi, cuiusmodi est in collegiatis Ecclesijs & tunc est falsum, quia non omnes etiam si velint admittuntur ad collegia talia: aut intelligit de paupertate in qua nihil habetur, & tunc etiam falsum est, quia non omnes saluis statibus, quos in Ecclesia vniuersali Deus esse instituit, hanc possunt paupertatem eligere, sicut patet in regibus & principibus, militibus, popularibus, ceterisque habentibus uxores & filios. Et quoniam qui a recta veritatis via discedit, per devia vagatur errorum, hinc provenit, quod de Christi fuga in consequentibus loquens, in multa incidit falsa, dicens quod Christus docuit honores esse fugiendos, non Ecclesiasticos, sed mundanos, quia acceptauit honorem in Hierusalem sibi exhibitum ut Prophetæ, qui prius fugerat honorem sibi oblatum ut Regi, expresse textui contradicit Euangelico. Nam in Ioanne dicitur: Benedictus qui venit in nomine Domini Rex Israel. Et in Marco, quod turbæ clamabant dicentes: Benedictum quod venit regnum Patris nostri David. Super quo Beda: Non reprimat voces eorum, qui regnum Patriarchæ David in eo restaurandum, & prece benedictionis dona recuperanda concinunt. Ut quid igitur quod prius fugiendo declinauit, modo libens amplectitur? nisi ut aperte doceret, quod non temporalis & terreni, sed æterni in cælis Rex esset imperij, ad quod profecto regnum, per contemptum mortis & gloriam resurrectionis perueniretur? Ex his clarum est, quod Christo exhibitus fuit honor Regalis, non Prophetalis, seu Sacerdotalis, ut dicit, quem tamen acceptauit propter mysterium nostræ salutis, & propter exemplum humilitatis, ut etiam ab his oblatus honoris non recusaret obsequium, a quibus paulo post crucifigendum se esse sciebat. Tunc siquidem inter laudantium, & applaudentium voces, humilitatis & pietatis non immemor, super aselli tergum sedere non erubuit, sed etiam copiosos lacrymarum imbres effudit. Per hunc etiam modum, quando discipulorum pedes humiliter abluit, se magistrum & Dominum esse, & dici debere monstrauit: ut per declarationem Regiæ celsitudinis, discipulos duceret ad imitationem ostensæ humilitatis. Mira igitur peruersitas est, ea quæ scriptura introducit in exemplum abiectiois, ad fomentum ambitionis intorquere, quasi non sit humilitatis virtus, honores Ecclesiasticos fugere, nec superbiæ vitium ad illos aspirare. Cuius contrarium dicit Gregorius in registro: Ego, inquit, viam capitis mei sequens, sum mopere decreueram esse opprobrium hominum, & abiectio plebis. In quo manifeste ostendit, quod in fuga Ecclesiastici honoris est imitatio Christi. Idem quoque in pastoralibus: Nolite plures magistri fieri. Hinc ipse Dei & hominum mediator regnum percipere vitauit in terris, qui supernorum spirituum scientiam sensumque transcendens, ante sæcula regnat in cælis. Qui enim idcirco in carne venerat, ut non solum nos per passionem redimeret, verum etiam per suam conuersationem doceret exemplum se sequentibus præbens, Rex fieri noluit, ad crucis vero patibulum sponte peruenit, oblatam gloriam luminis fugit, pœnam probrosæ mortis expetiit, ut membra eius discerent fauores fugere, terrores minime time-re, pro veritate aduersa diligere, prospera formidando declinare. Hucusque Gregorius. Si igitur Christus in fugiendo regnum, se sequentibus exemplum dedit fugiendi gloriam, fauorem, & prosperitatem, & hæc non tantum inueniuntur in dignitatibus mundanis, sed etiam Ecclesiasticis; constat, quod humilitatis est hæc refugere, ad perfectam humilitatis Christi imitationem, quantum fieri potest saluo zelo animarum salutis, & obedientia respectu superiorum,

A cum ipse Christus discipulis contendit, quis eorum videretur esse maior, in Matthæo respondeat: Quicumque humiliauerit se sicut paruulus iste, hic maior est in regno cælorum. Quod si forte quis dicat (sicut in consequentibus conatur astruere) hoc ad humilitatem spirituales & interiores, non ad corporalem & exteriorem debere referri: non modicum desipit, cum vniuersorum magister & Dominus, non solum spiritualis, sed etiam corporalis humiliationis exempla præbuit, quando discipulorum pedes lauit & terxit, ubi & dixit: Exemplum dedi vobis, ut quemadmodum ego feci vobis, ita & vos faciatis. De quo Augustinus: Passurus Christus exitia, præmisit obsequia, non solum eis pro quibus erat subiturus mortem, sed etiam illi qui eum fuerat traditurus ad mortem. Tanta quippe est humanæ humilitatis utilitas, ut eam suo commendaret exemplo etiam diuina sublimitas: quia homo superbus in æternum periret, nisi eum Deus humilis inueniret. Perierat autem superbiæ deceptoris secutus, ergo humilitatem Redemptoris sequatur inuentus. Discamus fratres humilitatem ab Excelso, faciamus inuicem humiles, quod humiliter fecit Excelsus. Magna est hæc commendatio humilitatis. Faciant hæc sibi inuicem fratres, etiam opere ipso visibili, cum se inuicem hospitio recipiunt. Vnde & Apostolus cum benemeritam viduam commendaret: Si hospitio, inquit, recepit, si sanctorum pedes lauit. Et apud sanctos ubique hæc consuetudo non est, quod manu non faciunt, corde faciunt: multo autem est melius, & sine controuersia, ut etiam manibus fiat, ne dedigne-tur quod fecit Christus, facere Christianus. Cum enim ad pedes fratris inclinatur corpus, etiam corde ipso vel excitatur, vel si iam inerat, confirmatur ipsius humilitatis affectus. His autem verbis ostenditur, quod humiliatio exterius facta in corpore, plurimum confert ad perfectionem veræ humilitatis in corde. Per hunc etiam modum, exterior rerum penuria quamquam de se videatur inutilis, paupertati tamen spiritus iuncta, non solum ipsius augeat meritum, sed etiam valet ad plurima. propter quod recte designatur per Euangelicam illam margaritam, quæ tantæ pretiositatis est, ut pro illa menda, distrahenda sint omnia.

VALET enim inter alia ad quattuor, scilicet ad exterminium iniquitatis, ad exercitium perfectæ virtutis, ad possessionem internæ iucunditatis, & ad publicationem Euangelicæ prædicationis. Valet primo ad exterminium iniquitatis. Primum quidem propter expiationem perpetratarum culparum. Est enim caminus quidem purgans, & eliminans sordes peccatorum, iuxta illud Isaia: Elegi te in camino pauperatis. Quod maxime de illa intelligi habet paupertate, quæ non tantum voluntatem interius per rerum contemptum afficit, verum etiam corpus per penuriam affligit. De qua Gregorius in homil. De Lazaro & diuite: Mala, inquit, Lazari purgauit ignis inopiæ, & bona diuitis remunerauit felicitas vitæ transeuntis. Illum paupertas affligit & terxit, istum abundantia remunerauit & repulit. Quicumque ergo in hac vita bene habetis, cum vos bona egisse recolitis, valde de his pertimescite, ne concessa vobis prosperitas, eorumdem remuneratio sit bonorum. Et cum quoslibet pauperes, nonnulla reprehensibilia perpetrare conspiciatis, nolite despicere, nolite desperare: quia fortassis quod superfluitas tenuissimæ prauitatis inquinat, caminus paupertatis purgat. De vobis omnino pertimescite, quia nonnulla etiam male acta prospera vita secuta est. De illis vero sollicite pensate, quia eorum vitam magistra paupertas cruciat, quousque ad rectitudinem perducatur. Secundo propter subtractionem occasionum peccandi, quæ sicut diuitiarum affluentia crescunt, sic voluntaria paupertate minuuntur. Vnde Chrysostomus dicit: Christianus in pauperie constitutus, quam cum diuitijs

Magis

Mat. 18. 4

August. ho-  
mil. 55. su-  
per Ioan.Ibidem ho-  
mil. 58.

1. Tim. 5. b

Isa. 48. b

Chrys. ho-  
mil. 2. su-  
per epist. ad  
Hebr.Ioan. 12. b  
Mar. 11. bIac. 3. 4  
Greg. pasto-  
ral. cura  
par. 1. 6. 3.

magis irradiat. Quomodo? quia excludit a se super-  
bia typhum, non erit arrogans, sed patiens, obtempe-  
rans, pudicus, mitis, & sapiens. Qui vero in diuitijs  
constitutus est, multa illum ad bona præpediunt. In-  
spiciamus ergo, quæ sunt quæ diues operatur. Ra-  
pit aliena, æstuat cupiditate, nefandos non desinit  
pertractare concubitus, maleficia cuncta committit.  
Nonne vniuersa hæc ex diuitijs, conspicias generari?  
Intueris quomodo in pauperie, magis quam in diui-  
tjs virtutes facilius possidemus. Nec mihi dicas, quia  
in hac vita diuites nullam vindictam suscipiunt. Nam  
cum omnibus malis suis, etiam hoc malum habent  
diuitijs, quia malignitate peccates ab ultionibus tuen-  
tur, & qui diuitias possidet, semper peccans nulla  
pœna reuocatur, sed sine vllis remedijs munera sus-  
cipit peccatorum, & frenum illi nullus imponit.  
Hucusque Chrysostomus. Quod si forte quis dicat,  
quod de pauperie occasionaliter multa mala oriun-  
tur, responderet inferius. 18. sermone. Nemo cause-  
tur, inquit, de paupertate, quasi causa sit multorum  
malorum, neque obloquatur de Christo, qui perfe-  
ctionem illam dixit: Si vis perfectus esse, &c. Hoc  
enim in verbis dixit, & operibus ostendit, & per di-  
scipulos suos docuit. Secdemur igitur paupertatem,  
maximum quippe bonum est. Nihil enim opulen-  
tius eo, qui paupertatem sponte diligit, & cum ala-  
critate suscipit. Valet etiam tertio propter abscissio-  
nem vitiosarum radicum. Vnde & Chrysostomus ser-  
mone eodem: Abijciamus quæcumque corpus flo-  
rere faciunt, vitiant autem animam, utpote sunt di-  
uitijs, gloria, cuncta hæc carnis sunt, & amor corpo-  
rum. Itaque non amemus ampliora, sed paupertatem  
semper confectemur, ista enim magnum bonum  
est. Sed sapientia, inquit, pauperis pro nihilo habe-  
tur. Et iterum: Diuitias & paupertatem ne dederis  
mihi. Et, Ex camino paupertatis libera me. Quare  
ergo hæc dicta sunt? Hæc in veteri testamento dice-  
bantur, vbi multa ratio diuitiarum, vbi paupertatis  
plurimus erat contemptus, vbi hæc quidem maledi-  
ctio erat, illud benedictio: sed nunc nequaquam ita  
est. Si vis audire paupertatis prædicamenta, ipsam  
professus est Christus, & dixit: Filius hominis non  
habet vbi caput suum reclinet. Et iterum discipulis  
dicebat: Nolite possidere aurum, neque argentum,  
Et Petrus dicebat ei, qui ex natiuitate sua claudus erat:  
Argentum & aurum non est mihi. Et in ipso quidem  
veteri testamento, nonne Elias præter melioram nihil  
habebat? nonne Eliseus? nonne Ioannes? Hucusque  
Chrysostomus, paupertatis tolerantiam laudat, quia  
corporalium per eam rerum amor abscinditur, qui  
est prima radix vitiorum: laudat etiam, quia per ip-  
sam abscinditur radix secunda, quæ est timor male  
humilians. Vnde & consequenter adiungit: Vides  
quia quod maxime facit fiduciam, hoc est paupertas.  
Diues seruus est, obnoxius est istis damnis, & tribuens  
omni volenti eum nocere, ille autem nihil habens,  
proscriptionem non timeret, neque condemnationem.  
Nequaquam ergo paupertas facit sine fiducia esse,  
Christus cum paupertate mittebat Apostolos, in cau-  
sam opus habentem fiducia multa. Valde enim for-  
tis est pauper, non habet unde iniuriam patiat. Hæc  
verba Chrysostomi intelligi non possunt nisi de  
paupere, qui nihil penitus habet. Ex his igitur  
patet, quod voluntaria paupertas non modicum va-  
let ad exterminium iniquitatis. Valet etiam ad exer-  
citiū virtutis perfectæ. Primum quidem, quia per  
eam virtus acquisita probatur. Vnde Ambrosius pri-  
mo lib. de officijs: Non potest quis præmiū accipere,  
nisi legitime certauerit, neque est gloriosa victoria,  
vbi non fuerint laboriosa certamina. Ideoq. Domi-  
nos in Evangelio: Beati pauperes spiritu, quoniam  
ipforum est regnum cælorum. Non dicit beati diui-  
tes, sed pauperes. Inde enim incipit beatitudo diui-  
no iudicio, vbi ærumna æstimatur. Hæc Ambrosius.  
S. Bon. Tom. 7. Pars iiij.

A Constat autem quod ærumna non est in paupertate,  
ratione contemptus rerum in mente, sed ratione pe-  
nuriæ temporalis, quam sustinemus in corpore. Se-  
cundo etiam valet, quia per eam virtus probata cu-  
stoditur. Vnde Hieronymus: Crates ille Thebanus  
homo quondam ditissimus cum ad philosophandum  
Athenas pergeret, magnum auri pondus abiecit, nec  
putauit se virtutes posse simul, & diuitias possidere.  
Denique, & tu audita sententia Saluatoris: Si vis per-  
fectus esse, vade, & vende omnia quæ habes, & da  
pauperibus, & veni sequere me: verba verte in ope-  
ra, & nudam crucem nudus sequens, expeditior, &  
leuior ascendis scalam Iacob, priusq. manibus & can-  
dido pectore, pauperem te spiritu, & operibus glo-  
riaris. Valet etiam tertio, quia per eam virtus custo-  
dita expeditius in finem perducitur, iuxta quod di-  
cit Chrysostomus super epistolā ad Hebræos sermo-  
ne secundo: Non habentes diuitias non propterea do-  
leamus, sed gratias magis vniuersorum Deo & Do-  
mino referamus, quia nos paruo labore eandem mer-  
cedem poterimus, quam diuites promereri, & si vo-  
luerimus etiam ampliorem. Nam ex paruis magna  
lucramur. Huic etiam Gregorius consonans in ho-  
mil. Regnum, inquit, cælorum tantum valet, quan-  
tum habes. Et iterum: Ante Dei oculos numquam  
est vacua manus a munere, cum arca cordis repleta  
fuerit bona voluntate. Quapropter cum voluntas,  
vbi deest possibilitas, pro facto reputetur, & facilius  
sit sanctis pauperibus velle, quam diuitibus bonis  
velle & facere, multum igitur facit paupertatis ino-  
pia ad virtutis expeditionem. Si ergo voluntaria tem-  
poralium rerum penuria, virtus probatur, conserua-  
tur, & expeditur: manifeste conuincitur, quod emi-  
nentia paupertatis plurimum confert ad exercitiū  
perfectæ virtutis. Consequenter etiam valet, ad frui-  
tionem iucunditatis internæ. Primo ratione extrin-  
secæ securitatis. Vnde Chrysostomus homil. vlt. su-  
per Matthæum: Diuitem necesse est multis indigere,  
& turpiter seruire, formidare & suspicari, & timere  
eorum qui suspicantur oculos, & calumniatorum  
ora, & avarorum concupiscentias, sed non pauper-  
tas est aliquid tale, sed contrarium vniuersum: regia  
est, non subiecta furibus, sed munita, portus tran-  
quillus, palæstra, & Gymnasium philosophiæ. Con-  
stat autem quod paupertas furibus non subiaccens ea  
potissimum est, in qua nihil habetur, de qua & sub-  
dit ibidem: Audite quicumque pauperes estis, ma-  
gis autem qui ditari cupitis. Non pauperem esse ma-  
lum est, sed non velle pauperem esse, & neque ma-  
lum existimes paupertatem, & non erit tibi malum,  
& si philosopharis decem millium erit bonorum fons  
& origo. Nec tantum securitatem dat penuriosa pau-  
peritas in hoc sæculo, verum etiam in futuro iudicio.  
Vnde Bernardus super Psalmum: Qui habitat: Felix  
paupertas voluntarie relinquentium omnia, & se-  
quentium te Domine Iesu. Felix plane quæ tam se-  
curos, immo & tam gloriosos faciat in illo singulati  
fragore elementorum, in illo tremēdo examine me-  
ritorum, in illo tanto discrimine iudiciorum. Secun-  
do ratione expectatæ mercedis. Vnde super illud Iob  
deridetur iusti simplicitas, lampas contempta apud  
cogitationes diuitum, parata ad tempus statutum,  
dicit Gregorius: Statutū quippe contemptæ lampas  
dis tempus est, extremi iudicii prædestinatus dies:  
Tunc reproborum oculis patefcer, quod cælesti po-  
testate subnixi sunt, qui terrena omnia reliquerunt.  
Quisquis enim diuini amoris stimulo exciatus, hic  
possessa reliquerit, illic proculdubio culmen iudi-  
ciaræ potestatis obtinebit, ut simul tunc cum iudice  
iudex veniat, qui nunc consideratione iudicii, sese  
spontanea paupertate castigat. Liqueat autem, quod  
paupertas pro qua quis deridetur & contemnitur, ea  
potissimum est, quæ annexam habet exteriorum pe-  
nuriam, & vilificationem. Vnde Bernardus: Duo  
habet

Hieron. in  
epist. 13. ad  
Paulin. non  
luge a prin.

Iob 12. 13.  
Greg. li. 10.  
Mor. c. 17.  
cir. med.

Bern. serm.  
152.

*Psal. 24. d**Psal. 68. d**Chryso. homilia 4. in Matth.**Damasce. li. 4. de fide orthodox. c. 4.**Chryso. homilia 32. in Matth.*

habet paupertas sequentium Dominum; afflictionē, scilicet, & vtilitatem, de quibus Propheta: Vide, inquit, humilitatem meam & laborem meum, & propterea in terra sua, duplicia possidebunt, vt pro pudore sit honor iudiciariæ potestatis, pro labore refrigerium placidissimæ sessionis. Hæc enim est, quæ castigat, purgat, probat, humiliat, & exaltat. Hanc igitur rationem mercedis concomitatur lætitia mentis. Vnde super illud Psalmi: Ego sum pauper & dolens, salus tua Deus suscepit me. Glossa: Laudabo in me, & in membris meis, nomen Dei cū cantico, idest cum delectatione. quia si omnia defunt, nec tamen illi deest mentalis iucunditas, propter quod subditur: Videant pauperes & latentur, quærite Deum, & viuet anima vestra. Tertio quoque ad hoc ipsum valet ratione superinfusæ consolationis. Vnde Chrysostomus super Matthæum: Descendamus, inquit, ad paupertatis caminum, videamus qui ambulant in eo & elatorum colla conculcant, videamus miraculum, & paradoxum hominem in camino psallentem, in igne gratias agentem, paupertati vltimæ alligatum, & multam ferentem Deo laudationem. Etenim pueris illis tribus similes sunt, qui paupertatem cum gratiarum actione ferunt, nam & ignem terribilius paupertas incendere consuevit, sed pueros illos nequaquam incendit. Ita & nunc si in paupertate gratias egeris, vincula dissoluuntur, & flamma extinguitur, & si non extincta fuerit, quod multo mirabilius est, pro flamma ros oritur. Quod & in philosophantibus est videre, quoniam in paupertate diuitibus copiosius disponuntur, & in medio camino rore puro potiuntur. Etenim maximus est ros, non detineri concupiscentia diuitiarum. Et illi tunc contemnentis regem, facti sunt rege clariores; & tu vtique si despereris mundana negotia, omni mundo eris honorabilior, secundum sanctos illos, quibus dignus non erat mundus. Vt igitur dignus cælis efficiaris, deride præsentia, ita enim & hic clarior, & futuris poteris bonis. Hucusque Chrysostomus euidenter ostendens, quod voluntaria paupertas, & rerū penuria est, quàm maxime vtilis ad perfruitionem internæ iucunditatis. Valet quarto ad publicationem Euangelicæ prædicationis. Primum, quia facit eam magis credibilē. Vnde Chrysostomus vbi supra: Talis est luminis virtus, vt non solum luceat, sed & illuc ducat illos, qui sequuntur. Cum enim viderint omnia præsentia nos contemnentes, & ad futura præparatos, ante omnem sermonem operibus nostris credent. Quis enim ita est amens, vt videns eum qui & ante lasciuiebat, & ditabatur, omnia exutum, & ad famem, & inopiam, & duram vitam, sanguinem, occisionem, & omnia, quæ videntur periculosa præparatum, non manifestā accipiat hinc futurorum demonstratorem? Si autem nos præsentibus implicauerimus, & immiscuerimus, qualiter poterunt credere, quod ad possessionē aliam festinemus? Hucusque Chrysostomus. In his clare demonstrat, quod voluntariæ paupertatis exemplum in prædicante, magis credibilem facit Euangelicam prædicationem. Secundo etiam valet, quia magis reddit efficacem, iuxta quod Damasceus libro 4. dicit: Euangelium agnitionis Dei prædicatum est, non bellis & armatis exercitiis, aduersarios deuincens, sed pauci, nudi, pauperes, persecuti, verberati, mortificati, crucifixum in carne, & mortuum, & dominantem prædicantes, sapientibus, & insipientibus præuoluerunt. Hæc Damasceus. Horum imitatores illi fuerunt, de quibus Eusebius in ecclesiastica historia libro 3. dicit: Quidam ardentiore diuinæ sapientiæ cupiditate succensi, animas suas verbo Dei consecrabant, expletes perfectionis salutare præceptum, vt facultates suas primo pauperibus diuidentes, expediti ad prædicandum Euangelium fierent. Tertio, quia efficit eam magis acceptabilē. Vnde Chrysostomus super illud Matthæi: Dignus est operarius cibo suo,

A dicit: Manifestum quoniam a discipulis eos cibari oportebat, neque ipsi magna sapiant, aduersus eos, qui dicebantur omnia præbentes, & nihil accipientes ab ipsis, nec illi rursus abscindantur tamquam desperati ab ipsis. Cum igitur voluntaria rerum penuria, Euangelij prædicationem magis reddat credibilem, efficacem, acceptabilem, ac per hoc auditores inducat ad fidem, erigat ad spem, alliciat ad charitatem, manifestum est, quod maxime valet ad Euangelicæ veritatis publicationem. Cuius etiam euidentis indicium est, quod per Apostolos pauperes rebus, & spiritu, quamquam numero paucos, diffusa est Euangelica veritas in orbem vniuersum, vt de ipsis vere dictum sit: In omnem terram exiuit sonus eorum. Vnde Chrysostomus super Matthæum: Si autem homines duodecim orbem terrarum conuerterunt, exco-gita quanta est nostra malitia, cum tanti existentes, eos qui reguntur non possumus corrigere, quos decem millibus mundis oportebat sufficere, & esse fermentum. Sed signa, ait, habebant. Sed non signa eos mirabiles fecerunt. Multi enim & dæmones proiciētes, quia iniquitatem operati sunt, facti mirabiles, sed puniti. Sed quid, inquam est, quod eos ostendit magnos? Pecuniarum cōtemptus, gloriæ despectus, ab omnibus vitæ huius negotiis ereptio, quæ si non habuissent, & si decem millia mortuos suscitassent, non solum nulli profecissent, sed & seductores æstimati essent. Hucusque Chrysostomus. Qui & his patenter ostendit, quod nihil tantum valuit ad dilatandum Christi Euangelium, quàm perfectus contemptus rerum mundanarum. Cum igitur voluntaria & penuriosa paupertas, sicut ex prædictis elucet, valoris incomparabiles quatuor habeat triplicatos, recte designantur non solum per vnam Euangelicam margaritam, verum etiam per duodecim præfulgidas in portis nouæ Hierusalem descendentes de cælo, pro magno sui valore, miraq. pulchritudine positas, quibus & nomina duodecim pauperum spiritu, Apostolorum scilicet in fundamentis collocata respondent, seu per duodecim lapides in typico rationali quadruplici ordinatione distinctos, quo summus noster Pōtifex adornatus apparuit, quando vt nos reconciliaret Patri, nudus in cruce pependit. Cui etiam rationali, & superhumerali exemplum, scilicet duodecim Apostolorum tamquam vitta hiacynthina, charitatis affectu copulatur. Est enim huiusmodi paupertatis pretiositas, non tantum multiplex, sed & magna, & incōparabilis omni pretiositati terrenæ, vt ait Chrysostomus. Quid autem si quis tibi proponeret facere fœnū, aurum, & posse omnes pecunias, vt fœnura contemnere? Non vtique hoc susciperes magis, & valde decenter, etenim hoc homines vtique attraxisset. Si enim viderent fœnura, aurum effici, concupiscerent & ipsi hanc virtutem, vt sic moueretur & au-geretur, vtique eis pecuniarum cupido. Si autem viderent omnes, vt fœnura aurum despicientes olim vtique ab hac aegritudine eruti essent. Idem quoque homilia vltima: Si quis tibi principatus, & ciuiles potestates, & diuitias, & lasciuam proponeret, deinde paupertatem ponens, electionē daret accipere quodcumque velles, hanc confestim raperes, si tamen cognosceres eius pulchritudinem. Mihi autem paupertas puellæ cuiusdam pulchræ & speciosæ similis esse videtur. Cum hac Elias educatus est, beata illa raptura, cum hac Eliseus clauit, cum hac Ioannes, cum hac Apostoli omnes. Sed & ipsam puellæ huius pulchritudinem intueamur. Etenim oculus eius est purus & præclarus, nihil habens turbulentum sed mansuetum, tranquillum, delectabilis, ad omnes respiciēs, mitis, humilis, nullum odio habens, nullum auertēs, os illi & lingua sana est, continua gratiarum actio plena, & benedictione, & nutibus verbis amicabilibus. Si autem vis & proportionem membrorum eius videre, longa est & multum excelsior quàm superabundantia.

*Psal. 18. a Chryso. homilia 46. in Matth.**Idem ibid.*

bundantia. Si autem fugiunt eam multi, ne mireris, etenim virtutes alias fugiunt insipientes. Sed contumelijs afficitur, ais, pauper a diuitibus? Rursus mihi inopia laudem dicis, quoniam beatus est, qui conuitium patitur. Sed hoc ferre admonet inopia. Si esurir pauper, & Paulus esuriebat, & in fame erat. Sed non habet, inquis, requiem? Neque filius hominis habebat ubi caput reclinaret. In his expresse declarat Os aureum, quod voluntaria rerum inopia, non solum est magnæ pretiositatis, sed etiam pulchritudinis miræ. Est etiam, & quod plus est, magni honoris, sicut idem vir sanctus ait super Ioannem: Anima inopis quidem voluntarij fulget velut aurum, splendet vt margarita fulgens, florescit autem vt rosa. Non enim est illic tineæ, non fur, non sollicitudo vitæ huius negotiorum, sed sicut Angelus, ita conuersatur. Vis huiusmodi animæ pulchritudinem videre, vis ipsius diuitias addiscere. Non subiacet dæmonibus, sed assistit Deo, non militat cum hominibus, sed cum Angelis, non habet arcas duas, vel tres, vel viginti, sed talem abundantiam, vt hunc mundum vniuersum nihil esse æstimet, non habet thesaurum, sed cælum, non indiget seruis, magis autem habet seruos passiones & cogitationes, quæ regum dominantur, regnum autem, & aurum, & omnia talia quemadmodum peccatorum ludibria deridet, & sicut rotas ad pilam hæc omnia æstimat esse contemptibilia. Habet enim mundum, quem neque videre, qui in his ludunt, possunt. Quid igitur hoc paupere melius est vniquam? Pauimentum denique habet cælum. Si autem pauimentum tale est, excogita rectum. Sed non habet, inquis, equos & currus. Quid autem ei his opus est, qui supra nubes vehi debet, & esse cum Christo? Hucusque Ioannes Os aureum, ignitis, fulgidis, ponderosis, & pretiosis eloquijs, voluntariæ paupertatis, quæ penuriam rerum habet annexam, admirabilem celsitudinem, pulchritudinem pretiositatemque commendat. Quia tamen hæc non reuelantur mundi sapientibus,

*Mat. 11. d* iuxta illud Domini in Matthæo: Abcondisti hæc a sapientibus & prudentibus, & reuelasti ea paruulis:

*Mat. 7. a* non proponuntur carnalibus, sed spiritualibus, iuxta illud: Nolite sanctum dare canibus, neque mittatis margaritas ante porcos, non innotescunt amatoribus diuitiarum, sed paupertatem amantibus & expertis qui iam vicerunt mundum, iuxta illud Apocalypsis:

*Apoc. 2. e* Vincenti dabo manna absconditum, & dabo ei calculum candidum, & in calculo nomen meum scriptum, quod nemo scit, nisi qui accipit. Ideo paupertas huiusmodi per thesaurum absconditum designatur in agro, quem qui inuenit homo, abscondit, & præ gaudio illius, vadit & vendit vniuersa quæ habet, & emit agrum illum. Si quis igitur sanctæ paupertatis vult nosse valorem, aut ipse in se experiri studeat, aut expertorum sententiæ acquiescat, iuxta quod Bernardus in epistola quam scribit ad Thomam, qui amore scientiæ retardabat propositum veniendi ad religionem, ait: Quam salubrius disceres Christum Iesum & hunc Crucifixum, quam vtrique scientiam haud facile nisi qui mundo crucifixus fuerit, apprehendit. Falleris fili, falleris, si te putas inuenire apud mundi magistros, quam soli Christi discipuli, idest mundi contemptores, Dei munere assequuntur. Nec enim hanc lectio docet, sed vactio, non eruditio, sed exercitatio in mādatis Domini. His sacris eloquijs Chrysostomus consonat super Matthæum, sic dicens: Verumtamen quæcumque dixerō, Nihil representabit tale sermo, quale rerū experientia; ideo vellem quædam, illorum, qui in illum iam deuenerunt philosophiæ verticem nobis adesse, & tunc manifeste videremus huius rei delectationem, & qualiter nulli eorum, qui diligunt paupertatem, acceptarent ditari decem millibus præbendis, tamquam qui non lamentabantur in sollicitudinibus, sed rident, & saltant, & his qui diadema sibi circumponunt, magis in pauper-

*Ber. ap. 10. b*  
*ad Thomā*  
*de S. Andromaro ante med.*

*Chryso. homilia 38. in Matth.*

rate decorantur. Si igitur hæc rerum experientia docet, & qui diuitias & honores sæculi complectuntur, nec experti sunt, nec experiri volunt, necesse habent qui eiusmodi sunt, super hac materia indicare sibi silentium, ne tamquam cæci, de coloribus syllogizare videantur. Talium etenim temeritatē Hieronymus ad Demetriadem scribens redarguit: Quidam, inquit, cum loqui nesciant, tacere non possunt, docentque scripturas quas non intelligunt, & cum alijs persuaserint, eruditorum sibi assumunt supercilium, prius imperitorum magistri, quam doctorum discipuli. Bonum est enim obedire maioribus, & parere perfectis, & post regulas scripturarum, vitæ suæ tramitem ab alijs discere, nec præceptore vti pessimo, præsumptione sua. Hoc præceptore pessimo, si is cui respondemus vsus non esset, nequaquam in sugillationem paupertatis, commendationem temporalium possessionum, improba temeritate, dogmatizare præsumpsisset. Quamquam enim interdum ex rerum inopia proueniant mala, & ex affluentia bona: numquam tamen mala ex paupertate dilecta proueniunt, sed odita, nec bona ex amatis diuitijs, sed contemptis, Salomone testante: Qui amat diuitias, fructum non capiet ex eis. Constat autem, quod si cuius laus alicuius rei excitat ad illius amorem, sic & vituperium ad contemptum. Cum igitur contemnere diuitias, & amare pauperiem sit extirpatio vitiorum, & insertio virtutum, & e contrario contemnere pauperiem, & amare diuitias, sit eradicatio virtutum, & insertio vitiorum: manifesta ratione concluditur, quod quemadmodum commendatio paupertatis spiritualium pauperum, & vilificatio diuitiarum & diuitum, doctrinæ competit Christi: sic & huius contrarium asserere, ad dogma profanum pertinet Antichristi. Vnde Hieronymus de vita Pauli: Non laudis est possidere diuitias, sed eas pro Christo contemnere, non inhiare ad honores, sed eos parvipendere. Propter quod & Paula fugiendo gloriam, gloriam merebatur, quæ virtutes quasi umbra sequitur, & appetitores sui deferens, appetit contemptores. Sæculi homines suscipiunt eos, qui his pollent priuilegijs: nos laudamus eos, qui pro Salvatore ista despexerint, & mirum in modum quos habentes parvipendimus, si habere noluerint prædicamus. Hucusque Hieronymus. Quod si forte hostis pauperum dicat, non se laudare honores & diuitias sæculi, sed Ecclesiasticos tantum: requiremus ab eo, si credat in horum appetitu esse periculum, an indifferentiam quandam, an meritum? Si appetere Ecclesiasticas diuitias & honores, periculum credit, & tamen dum laudat appetibiles efficit, aut auditores suos decipit, aut insanit. Si vero hæc appetere indifferens æstimat, nec istas laudando persuadere conatur, quod aliquis appetat, in vanum loquitur, & frustra laborat. Si autem desiderare opes, & honores Ecclesiæ meritorium credit & sanctum, cum nullum vitium sit abominabilius cupiditate, & ambitione personarum Ecclesiasticarum, cum per hæc duo omni vel vendi soleat Spiritus sanctus, vt de domo Dei fiat spelunca latronum, non minus impugnat fundamentum Christianæ religionis, quam Euangelicæ paupertatis. In hoc igitur finis sit huius tertiæ responsionis, quamquam non sit eius, cui respondemus, partialis intercisio libri. Quia enim ex nunc ad ordinem spirituales impugnandum se præparat, nouam aggreditur pugnam, nouæ responsionis cum adiutorio Christi assumemus armaturam.

*Hieron. ad Demetriad. ep. 2.*

*Eccles. 5. e*

RESPON-



## RESPONSIONIS QVARTÆ A

## Caput primum.

*In quo Religio carentium oculis, ab errore defenditur,  
& verum ius possessionis Ecclesiastica declaratur.*



**M**NIUM malorum radicalis origo cupiditas, cum humanæ mentis arcem inuaserit, tam dura tyrannide premit, ut ad idolorum redigat seruitutem, & in bestialem transformet crudelitatem. Huius testimonium euidentem esse constat

**B** Iudæ proditoris nequitiam, qui cum oculos haberet de quibus cupiditatis suæ voracitatem famelicam mitigare volebat, modicæ tamen sibi repromissæ pecuniæ, tanto est illectus amore, ut sitiret Saluatoris omnium sanguinē, & Auctorem vitæ venaretur ad mortem. Hac peste laborans, & hic pauperum calumniator, tamquam Iudæ discipulus, primo eis pacis osculum tribuit, ipsorum simulatorie cōmendando pauperiem, dehinc letaliter percutit, dum oculis carentium pauperum professionem conatur arguere, non ut imperfectam, verumetiam ut erroneam, simulatoriam, & iniquam. Ex quibus non solum Prælatorū, **C** sed etiam clericorum, & religiosorum possessiones habentium, nititur animos ad ipsorum exterminium concitare. Primo igitur quasi osculum præbens, questionem sibi proponit. Sed dices: Condemnas ne eos, qui oculos non habent, nec laborant? Et postea subdit: Non condemno, sed laudo, nec tamen habentibus præfero, quia non est discipulus super magistrum. Et paulo post: Et si enim homo solus absque oculis possit viuere, tamen de congregatione cui tanta competunt credibile non est. Dehinc subdit: Respublica sunt oculi Christi. Si ergo Christi membrum es, cum Christo oculos habes. Hæc enim **D** sunt verba illius, in quibus, more Iudæ, primo deosculatur, cum oculis carentes laudare se asserit, sed statim vulnus infligit, cum immediate subnequit, quod hoc Christus exemplo non docuit, ac per hæc demonstrat, quod oculis carere non sit perfectum, quia non est discipulus super magistrum. Certum est autem, quod nullus vir prudens abrenuntiat oculis, nisi ut Christo configuretur perfectius, omnis ergo talis secundum hoc dogma profanum, est errore deceptus. Amplius, si non est credibile, quod congregatio aliqua sine oculis viuat, ut dicit, aut asserit hoc incredibile, quia difficile, aut quia impossibile. Si quia difficile, tunc pari ratione non est credibile, quod aliqua congregatio sancte viuat & caste. Si quia impossibile, sed cōgregatio impossibile profitens, & se ad impossibile ligans, est superstitiosa, & vana, & fatua, ac per hoc reprobata, quia erronea. Igitur oculos non habentes, secundum huiusmodi dogmatis asseritionem non sunt digni laude, sed reprobatione. Insuper, si quicumque membrum Christi est, cum Christo oculos habet ut asserit, a destructione consequentis, qui oculos non habet, non est membrum Christi. Ex quo etiam sequitur, quod omnes pauperes nihil habentes, & prorsus omnia relinquentes, alieni **E** sunt ab unitate corporis mystici, tamquam si is qui habere pecuniam noluerit, gratiam Christi habere non possit, ac per hoc beator fuerit Iudas qui oculos habuit, quam Petrus qui dixit, Argentum & aurum non est mihi. Dum etiam secundum hanc profanam sententiā, ipse Dominus Iesus non nisi in oculis inueniat locum, qui tamen per Isaiam Prophetam locum suæ requietionis, asserit super pauperulum & contritum. Ecce qualis pauperū collaudator, qui etiam *Aug. de* *bas. ad* *ut* sui pectoris virus abundantius euomat, eisdem *Quod vult* nititur de hæresi duplici in consequentibus notabiles *bas. 68.* reddere, cum subiungit allegans auctoritatem *Aug. de* *bas. 6.* Augustini de hæresibus, & etiam contra Faustum, quod

quædam est hæresis, nudis pedibus ambulantium, non quia propter corporis afflictionem sic ambulat, sed quia diuina testimonia taliter intelligunt, sic & Manichæi iudicantur hæretici, non quia pecunias, aut oculos non habeant, sed quia testimonia diuina etiam ad hoc referre nituntur. Hæc verba illius, in quibus foueam erroris aperit, quam non claudit. Nam ex his manifeste relinquit, quia si qui nudis pedibus incedunt & oculis carent, & ad hoc diuina testimonia referunt, in duplicem hæresim incidunt, scilicet nudis pedibus ambulantium, & Manichæorum. Constat autem, quod huiusmodi pauperes ideo nudis pedibus incedunt, & oculis carent, ut illud Euangelij verbum ad litteram impleant, quod Dominus dixit discipulis, ut non ferrent æs in zonis, nec calceamenta in pedibus. Ideo secundum asseritionem huiusmodi dogmatis impij, in duplicem hæresim sunt lapsi. Quod si verum est, per omnem modum Apostolica errauit Ecclesia, quæ statum talium approbavit, & auctores huiusmodi hæresum catalogo Sanctorum ascripsit. Errauerunt nihilominus Ambrosius, Augustinus, Hieronymus, Chrysostomus, Beda, Rabanus, & Bernardus, qui omnes affirmant, quod documentum Christi ad Apostolos de non ferenda pecunia, sit intelligendum ad litteram, sicut manifestum est ex præallegatis auctoritatibus ipsorum, in præcedentis responsionis particula prima. Quod quia profanum est sentire de sanctis, necesse habet hic impositor errorum, ad piā redire intelligentiam veritatis, si iusta non vult feriri sententia damnationis. Attendat igitur insensatus & perfidus, quod diuina testimonia dupliciter his aptari possunt, per modum videlicet consilij, vel præcepti. Si quis igitur ad nuditatem pedum & carentiam oculorum sic diuina coaptat eloquia, ut ea per Scripturam astruat esse præcepta, & necessaria ad salutem, tamquam nullus saluari possit, nisi pedibus nudis incedat & oculis careat, dupliciter errat. Si quis vero ad hoc aptare nititur diuina testimonia, tamquam sint cōsulta, & supererogatoria, & ad salutem expedientia, non est censendus hæreticus, sed verus Christi discipulus, non Manichæus, sed verus Christianus. Et quod hic fuerit intellectus pij doctoris Augustini, manifeste colligitur ex verbis ipsius, quinto libro contra *Aug. lib. 5.* *cont. Faust.* *cap. 1. to. 6.* Faustum: Nam præmittens verba Fausti, in quibus se gloriatur Euangelium accipere, quia argentum & aurum deiecit, & æs in zonis habere destitit, & cetera his similia, postmodum responderet hoc ordine; primo ipsum ostendens hypocritam & mendacem, & tandem hæreticum in hoc videlicet quod Ecclesia distinguit in modo accipiendi Euangelium, quantum ad perfectos & imperfectos, sed Manichæi nequaquam. Ait enim sic: Quam multi in nostra communione veraciter faciunt sublimia illa præcepta, de quorum specie fallitis imperitos. Et assignatis paulo post in Ecclesia differentiis, subdit: Neque enim illi soli, qui ut sint perfecti vendunt & dimittunt omnia sua, & sequuntur Dominum, pertinent ad regnum cælorum; sed huic militiæ Christianæ propter quodam commercium charitatis, subiungitur etiam quædam stipendiaria multitudo, cui dicitur in fine: Esuriui & dedistis mihi manducare, sitiui & dedistis mihi bibere. Alioquin damnandi erunt illi, quorum domos tam diligenti cura componit Apostolus, monens mulieres subditas esse viris suis, viros diligere uxores, filios obtemperare parentibus. Sed absit ut istos a mandatis Euangelicis alienos, & a vita æterna separandos iudicet, quia ubi Dominus ait: Si quis non tulerit crucem suam & secutus me non fuerit, non potest meus esse discipulus, exhortans firmiores ad perfectionem ibi statim & istos consolatus est, dicens: Qui recipit iustum in nomine iusti, mercedem iusti accipiet. Quid autem fallitis auditores vestros, qui cum suis vxoribus & filiis & familijs, domibus, & agris,

*Mat. 10. 6*

*Aug. lib. 5.*  
*cont. Faust.*  
*cap. 1. to. 6.*

*Ibid. cap. 9.*  
*in prin.*

*Mat. 25. 6*

*Coloss. 3. 6*

*Luc. 14. f*

*Aug. ibid.*  
*cap. 11.*  
*& agris,*



& agris, vobis seruiunt, si quisquis omnia ista non dimiserit, non accipiat Euangelium. Sed quia eis non resurrectionem, sed reuolutionem ad istam mortalitatem promittitis, ut vita electorum vestrorum viuant, tam vana, inepta & sacrilega, qua & vos viuistis quando valde laudamini merito eos a mandatis Evangelicis alienatis. Hæc Augustinus. In quibus aperte demonstrat, quod aliqua Euangelij documenta perfectis conueniunt, sine quorum obseruantia imperfecti saluari possunt, & quod sententia Manichæorum fuit ad hoc omnes indifferenter astringi. Non ergo dicit Faustum errasse, quia diceret hæc intelligenda ad litteram, sed quia discernere noluit inter consilia & præcepta. Per hunc etiam modum quoddam testimonium illud, de non portandis calceamentis sit ad litteram intelligendum, multiplici patet attestazione sanctorum. Nam sacer Ambrosius in lib. de fuga sæculi, sic ait: Iesus discipulos sine calceamentis & pecunia misit, ne secum terrena portarent. Hieronymus etiam ad Eutochium scribens: Moyses & Iesus Naue nudis in terra pedibus iubetur incedere, & discipuli sine calceamentorum onere & vinculis pellium, nudi ad prædicandum destinantur. & milites vestimenti Iesu sorte diuisis, caligas non habebant, quas tollerent. Nec enim habere poterat Dominus, quod prohibuerat in seruis. In his ostendit Hieronymus quod non solum discipuli, sed etiam ipse Christus nudis pedibus incessit. Et quoddam ad litteram debet intelligi. Idem quoque ad Ageruchiam de Monogamia: Discipuli toto orbe peregrini, non æs in zona, non virgam in manu, non caligas habuere in pedibus. Ioannes Chrysostomus super Matthæum: Apostoli vna tunica induti, & discalceati circumierunt, & omnes superauerunt. Idem quoque, dixit Luc. 22. d. Iesus discipulis: Numquid aliquid defuit vobis, quando misi vos nudos & discalceatos? Eusebius etiam Eccl. hist. lib. 6. in laudem Origenis pro eo tempore quo catholicus erat, sic ait: Ante omnia vero præcepta Evangelica, & voces Saluatoris, summo amore & studio implendas esse dicebat, quibus præcipitur, duas tunicas non habendum, neque calceamentis vtendum, neque de craftino cogitandum. Et paulo post: Denique per multos annos traditur, absque omni calceamento nudis pedibus incessisse. Ex quibus & antedictis luce clarius constat, quod Christus nudis pedibus incessit, & Apostoli ad mandatum ipsius. Quod si quem forte mouer verbum Baptiste dicentis, Cuius non sum dignus, soluere corrigiam calceamenti, consideret textum & glossam. Nam Ioannes ibi verbis mysticis, & parabola vtitur, cum Christum dicit habere in manu ventilabrum & securim, propterea sicut per hæc intelligi debet distinctio futuri examinis; sic per calceamenti corrigiam mysterium incarnationis. Vnde Glossa: Calceamentum, incarnationis mysterium, corrigia, mysterij ligatura. Non ergo valet Ioannes corrigiam calceamenti soluere, quia mysterium incarnationis non sufficit explicare. Et alia Glossa: Non sum dignus corrigiam calceamenti soluere, idest nomen sponsi mihi non vsurpo. Est autem præfatum verbum, tamquam mysticum spiritualiter intelligendum. Si quis vero contendat, intelligendum hoc esse ad litteram, secundum vñtatu modum loquendi, attendat, quod conditionalis est huiusmodi sermo, quo quis eum quem vult excellentem ostendere, dicit quod non sit dignus eum discalceare, etiam si calceamenti non vtatur, quia hoc intelligitur si vteretur. Verum si quis vrgat, quod Angelus dixit ad Petrum, calcea te caligas tuas, ac per hoc, quod Petrus non fuerit discalceatus, nec Apostoli alij: audiat Bedam super hunc locum in originali dicentem: Pro caligulis vel caligis ut quidam habent, Græcus habet sandalia, hoc enim genus calceamentorum in Euangelio legitur Apostolis fuisse permissum. Hæc Beda. Cui etiam consonat

& Papias grammaticus dicens: Caligæ vel caligulæ, idest, sandalia, dicta sunt a callo pedum, vel quasi a colligando, quia ad pedes ligantur. Porro si quis sensu carnis inflatus, asserat non esse conueniens, Dominum ad litteram indixisse Apostolis nuditatem pedum, tamquam vile aliquid, & Apostolicæ dignitati dissonum, & a tramite discretionis alienum, intelligat quoddam multiplex est ratio huius informationis. Prima est ad indicium paupertatis extremæ. Vnde in Luca: Quando misi vos sine sacculo, & pera, & calceamentis, numquid aliquid defuit vobis? Quod pertractans Chrysostomus ait: Fortasse dieet aliquis, quoniam alia Christi præcepta rationem quidem habebant, non habere autem peram in via, neque calceamenta, neque duas tunicas, qua de causa iussit? Et respondet: In omnem indigentiam exercitare eos volens, qui & superius, nec de superuenienti die sollicitus esse concessit. Secundo vero hoc persuasit in incitamentum humilitatis pœnitentiæ, secundum illud: Porro David ascendebat cliuam oliuarum, scandens & flens, & operto capite, & nudis pedibus incedens. In quo Rex ille nobilis totius pœnitentiæ, & humilitatis exemplar, vere pœnitentibus præbebat exemplum. Cui etiam consuetudo Ecclesiastica consonat, quæ ad iram Dei placandam in processionibus pedes nudat. Tertio ad testimonium obedientiæ. Vnde super illud Isaïæ: Sicut ambulauit seruus meus Isaïas nudus, & discalceatus. Glossa: Ecce obedientia. Iste de regio semine fuit, & tamen per ciuitatem Hierusalem nudus pedes incessit. Quarto ad exercitium vitæ austeræ. Vnde super illud Matthæi, Neque calceamenta in pedibus. Glossa. Et Plato dicit duas corporis summitates non esse velandas, nec assuetam fieri debere mollitiem capitis & pedum. Cum enim hæc habuerint firmitatem, cetera robustiora sunt. Quinto in signum elongationis ab omni carnalitate. Vnde super illud Exodi: Solue calceamentum de pedibus tuis, &c. Glossa: Quia nullus Deo assistere, vel Deum videre potest, nisi cuncta desideria carnalia deponat. Sexto ad perfectæ virtutis insigne. Vnde Gregorius Nazianzenus in laude religiosorum quorundam sui temporis, post ipsorum dispersionem lugens & flens: Desiderabam, inquit, & intentis ac pendētibus oculis requirebam sanctum illum canentem chorum, laudem & gloriam offerentium Deo, qui in lege Domini meditantur die ac nocte, qui ad exemplum & commotionem melioris vitæ omnibus viuunt, legis Dei atque Euangelij Christi taciti prædicatores. In quibus ipse quoque habitus præfert virtutis insignia, hirsutum caput, incultis & horrentibus comis, pedes nudi, & Apostolis similes. Indumenti vilitas, arrogantiam sæculi superbiamque condemnans, zona ipso suo neglectu pretiosior, parum quid cohibens necessitati. Ne igitur nuditas pedum quæ de se afflictiva, & despicabilis est, tamquam inutilis, & erronea, detestabilis habita tollatur de medio. Idcirco in medium has Patrum auctoritates adduximus, non quia calceamenta reprobanda censeamus, nec quia calceatos de imperfectione nosemus, cum & calceatorum & discalceatorum habitus, & loculos habentium & non habentium, professiones considerationibus, & causis diuersis Domino placeant, & multiformi quadam varietate sponfam Christi circumdatam, decoram, perfectam, & admirabilem reddant.

FRVSTR A igitur ad contumeliam nil habentium pauperum, quos supra de hæresi, ac simulatione notauerat, sanctam matrem Ecclesiam vanis, & falsis quibusdam laudibus, quasi mendacio suo indigeat, a vitio simulationis excusat, cum subiequenter annectit: Sancta vero mater Ecclesia supra montem posita, hæc se non habere non simulat, non quia harum rerum dominium habeatur, sed pro capite sua legatione fungens, eas fidelissime dispensat. Hæc verba ipsius

Luc. 22. d

Chrys. homil. 22. in Matth.

2. Reg. 15. f

Isa. 20. a

Mat. 10. b

Exo. 3. b

Greg. Nazian. orat. 12 non longe a prin.

Amb. lib. de fug. sæculi cap. 4. Hieron. ad Eustoch. epist. 22.

Hieron. ad Ageruch. epist. 22. post med.

Chrys. homil. ult. super Matth. Luc. 22. d. Euseb. li. 6. Eccl. hist. cap. 3. in fi.

Luc. 3. d

Ab. 12. b

Ipſius, in quibus duo contraria ſimul implicat, cum dicit, quòd Eccleſia hæc ſe non habere non ſimulat, & poſtea ſubdit, quòd nequaquam harum dominiũ habeat. Si enim oſtendit Eccleſia ſe habere & ſine ſimulatione, veraciter igitur habet, quia poſſidet iure, ac per hoc rerum dominiũ ſibi veraciter vendicat. Qualiter igitur dicit, non quia rerum dominiũ habeat, ſed quia diſpenſat. Non enim dicimur veraciter habere, quæ diſpenſamus tamquam aliena, ſed quæ poſſidemus tamquam noſtro iure mancipata. Porro ſi Eccleſia oſtendit res temporales habere, & tamen non habet, contraria Manichæis ſimulatione laborat, dum illi ſimulant ſe non habere quod habent; hæc autem ſimulat habere in ſpecie, quæ tamen non habet in veritate. Si autem Eccleſia non ſe habere aſſerit, nec ſecundum veritatem, ut dicit, aliquid habet, non habere temporalia bona, ac per hoc nec etiam loculos ſanctæ matri Eccleſiæ veraciter competit. Ut quid igitur non habentes loculos, & ſe non habere profitentes, & ſimulatores & hæreticos criminatur & damnat? Si vero, ut diximus, & vere habet, & veraciter habere ſe aſſerit, falſo igitur bonorum Eccleſiæ dominiũ ab Eccleſia tollit, & ſibi met etiam contradicit. Amplius ſi rerum dominiũ non competit ſanctæ Eccleſiæ, ut dicit, quicumque rei alicuius dominiũ habent, excluſi ſunt ab Eccleſiaſtica unitate, quod abſque dubio ſpectat ad impietatem Manichæorum, ſicut euidenter patet per allegatam ſuperius auctoritatem Auguſtini contra Fauſtum. Dum igitur Chriſti pauperibus Manichæorum impietatem impingit, in eam quam facit foueam incidit, & in lacum demergitur quem effodit. Quod ſi dicat ſe nõ intelligere de vniuerſali Eccleſia, ſed particulari, utpote Eccleſia clericorum, adhuc falſe, & impie ſentit, dum omnes clericos habentes propriũ, ab Eccleſiæ unitate ſecludit. Nequaquam igitur aſſeri poteſt, Eccleſiam temporalia huiusmodi vniuerſaliter non habere, nec eius contrarium, ſcilicet vniuerſaliter habere, cum quidam ſalua veritate Euangelij, & ſtatu ſalutis, veraciter habeant ſicut propria, quia ſunt communia, quidam etiam vtriſque careant, ſecundum quandam perfectionis Euangelicæ formæ ſuperius iam expreſſam. Verum quidem eſt, quòd decimæ, & oblationes Domino debentur, & iure diuino deputantur Eccleſiæ, verum etiam nihilominus eſt, quòd poſſeſſiones immobiles, ut agri, villæ, caſtra, ciuitates, comitatus, non tantum iure diuino, ſed etiã humano in poſſeſſionem tranſeunt Eccleſiarum. Quòd quamquam prudẽtibus omnibus viriſque peritis luce clarius conſtat, tamen ad imperiti, & prociſis hominis reuellendam proteruiam, ſacris Canonibus oſtendendum eſt. Nam ſi quis de clericis documenta quibus poſſeſſio Eccleſiæ firma tenetur, aut ſupprimere, aut negare, auertere, aut fortatſe tradere damnabili & puniendâ obſtinatione præſumpſerit, quidquid pro abſentia documentorum damni Eccleſiæ illatum eſt, de proprijs facultatibus reddat.

*Greg. Reg.* Item ait Gregorius dicens: Sicut Eccleſia proprias lib. 2. ind. res amittere non debet, ita eam rapacitatis ardore, *epiſt. 43. ad* alienas inuadere non oportet. Amplius ex concilio *Boniſaciũ* Agathenſi: Si ſeruos Eccleſiæ libertate Episcopos donauerit, ea quæ in manumiffione data illis fuerant, *epiſc. & reſ. fer. 12. q. 2.* perpetua firmitate tenebunt. Hæc Canon. Habet *c. ſicnt.* igitur Eccleſia ſeruos. Sed ubi vera ſeruitus, ibi verum dominiũ. Si igitur Eccleſia habere poteſt ſeruos originarios, & aſcriptitios, veram cõcluditur habere proprietatem, veramq. poſſeſſionem. Inſuper quòd diſtinctis eccleſijs diſtincta dominia cõpetant, aperte probatur per iura. Nam 16. quæſt. 2. Nicolaus Papa: Si quis Episcoporum in alienæ ciuitatis territorio, pro quacumque ſuorum infirmitate Eccleſiam ædificare diſponit non præſumat dedicationem facere, quæ illius eſt, in cuius territorio Eccleſia ſurget. Item eadem cauſa quæſt. 3. Gelafius: Iſtud annecti

placuit, ut ſi, quod abſit, facultates Eccleſiæ necnon diœceſes ab aliquibus poſſidentur Episcopis, iure ſibi vendicent, quòd lex decimalis concludit, quia & ſiliorum noſtrorum principum ita mandauit auctoritas. Amplius quæſtione eadem inter memoratos, ubi dirimitur quæſtio limitum ait Innocentius: Si limes legitimus eandem Baſilicam non concludit, & tamen longi temporis probatur obiecta præſcriptio, appellatio præſentis Episcopis non valebit, quoniam illis tricenis obiectio ponit ſilentium. Hæc etiam ſæcularium edicta principum præcipiunt, & præſulum Romanorum decreuit auctoritas. Hæc Canon. In quibus nõ ſolum aſtruitur quòd eccleſiæ verum dominiũ habeant atque diſtinctum, quia mutuo inter ſe præſcribunt, verum etiam quòd id habeant ſecundũ ius diuinum pariter & humanum, pro eo quòd præſcriptio, ſicut ex præallegato Canone patet, ab edicto principum trahit originem, approbato nihilominus per ſummi Pontificis auctoritatem. Hoc autem probatur patentius 11. q. 1. ex verbis Ambroſij contra Auxentium: Si tributum Imperator petat, non negamus, agri Eccleſiæ ſoluant tributum. Sed qui ad tributum Cæſaris tenetur ratione prædiorũ, prædia illa non tam diuino iure poſſidet, quàm humano, Saluatore teſte, qui ait: Reddite quæ ſunt Cæſaris Cæſari, & quæ ſunt Dei Deo. Amplius diſtinctione 8. ex verbis Auguſtini ſuper Ioannem: Quo iure defendis villas Eccleſiæ, diuino aut humano? Diuinum ius in diuinis ſcripturis habetur, humanum in legibus regum. Vnde quiſquis poſſidet quòd poſſidet, nonne iure humano? Nam iure diuino, Domini eſt terra, & plenitudo eius. Hæc Auguſtinus. Idem quoque ſuper Ioannem: Noli dicere quid mihi & regi? Quid ergo tibi & poſſeſſioni? per iura enim regum poſſidentur poſſeſſiones. Dixiſti: Quid mihi & regi? Noli dicere poſſeſſiones tuas, quia ipſa iura humana renuntiaſti, quibus poſſidentur poſſeſſiones. Quid his clarius dici poteſt, ad oſtendendum, quòd Eccleſia temporalia bona veraciter poſſidet, iure diuino pariter & humano? Verum quia ſacri Canones aſſerunt, quòd ea quæ offeruntur Eccleſijs Domino conſecrantur, & quòd earum dominiũ non habet, igitur miniſtri earum ea proprietate damnabili vendicant, & quòd bona huiusmodi magis ſunt cæleſtia quam humana magis communia quàm priuata, ideo ut omnis contradictionis & dubietatis caligo tollatur de medio, intelligendum eſt, quòd quadruplex eſt temporalium rerum communitas, ex quadruplici iure manans. Prima namque communitas, quæ manat ex iure neceſſitatis naturæ, qua fit ut omnis res ad naturæ ſuſtentationem idonea, quantumcumque ſit alicui perſonæ appropriata illius fiat qui ea indiget neceſſitate extrema. Et huic communitati renuntiare non eſt poſſibile pro eo quòd manat ex iure naturaliſter inſerto homini, quia Dei eſt imago & creatura digniſſima, propter quem ſunt omnia mundana creata. Secunda communitas eſt, quæ manat ex iure charitatis fraternæ, qua fit ut omnia ſint iuſtorum, & communione quadam charitatis quæ ſunt propria ſingulorum, ſiant vniuerſorum communia, ſecundum illud Apoſtoli: Omnia veſtra ſunt. De qua Auguſtinus ubi ſupra loquens contra hæreticos Donatiſtas. Veniant, inquit, ad catholicam fidem, & nobiſcum habeant non ſolum terram, ſed eum qui fecit cælum & terram. Et huic communitati renuntiare, eſt omnino illicitum, quia manat ex iure diuinitus inſuſo, per quòd eſt vnitas in colũba, ideſt in vniuerſali Eccleſia, a qua unitate & communione nullus poteſt diſcedere, ſeruata diuina lege, quæ tota completur charitate. Tertia eſt communitas, quæ manat ex iure ciuilitatis mundanæ, qua fit ut vnus imperij regni, vel ciuitatis vna fiat reſpublica, vel vnus ſocietatis, mercatorum vel pugnatorum commune fiat lucrum vel damnum, vel vnus indiuiſæ familiæ vna ſit

1. Cor. 3. d

*Psal. 44. c*

fit communis hereditas. Et huic communitati renuntiare est de perfectionis Euangelicæ necessitate, quia talis communitas personalem includit proprietatem, quæ manat ex iure humanitus instituto, cui etiam annexa sunt quæ occasionaliter inducunt difficultatem ad bonum, & pronitatem ad malum, ac per hoc perfectioni Euangelicæ aduersantur. Et ideo animæ sanctæ huiusmodi suadet dimissio, ut in Psalmis: Audi filia & vide, & inclina aurem tuam, & obliuiscere populum tuum, & domum patris tui. Quarta communitas est, quæ manat ex iure dotationis Ecclesiæ, quæ sit, ut omnia bona, quæ conferuntur ecclesijs, Domino dedicentur, ad communem sustentationem ministrorum suorum, & pauperum. Et hæc communitas est in omnibus ecclesijs collegiatis habentibus possessiones. Et huic communitati renuntiare, non est perfectioni necessarium, quia teneri potest salua perfectione, sicut apparet in Prælati, & in religiosi perfectis & sanctis: quia talis communitas manat ex iure diuinitus ordinato, ut de altari viuatur, qui altari seruit, & illis sunt omnia communia, quibus cor vnum & anima vna, vnus pater spiritualis & vna norma viuendi. Huic tamen communitati renuntiare non est perfectioni contrarium, quin potius facit ad Euangelicæ perfectionis cumulum, pro eo scilicet quod talis communitas quamquam manat ex iure diuino, manat etiam ex humano, ut quia non solum est spiritualis, verum etiam temporalis, & quia licet in ea non concludatur personalis proprietas, includitur tamen proprietas collegialis, cuius etiam quælibet persona de collegio particeps esse dignoscitur: non solum quantum ad vsum, verum etiam quantum ad dominium, dum vnusquisque ipso iure actionem habet ad res Ecclesiæ suæ recuperandas, & exceptionem ad defendendas, quod vere declarat dominij rerum ipsarum agentem, vel excipientem aliqualem esse participem. Quoniam igitur valde difficile est, omnibus abdicatis in sola paupertate gaudere; difficile nihilominus omni proprietate exclusa, sola Ecclesiastica esse contentum: ideo vtrumque perfectum, non secundum humanam traditionem, ut aduersarius pauperum asserit, sed secundum ius diuinitus institutum: maxime cum hoc comitetur castitatis votum cum propriæ voluntatis abnegatione. Si quis vero pro sola abdicatione mundalium facultatû, cum retentione quantalibet Ecclesiasticorum reddituum clericos asserat esse perfectos, eos vero solos imperfectos & claudos, qui quantumcumque exiliter de patrimonio viuunt, sicut hic calumniator pauperum dogmatizat, Ecclesiasticæ perfectioni non modicum derogat. Quis enim quantumcumque parum intelligens non aduertat, hoc esse insanum dicere, quod aliquis clericus de patrimonio viuens, vix habens victum & vestitum, sit imperfectus & claudus; qui autem quantumcumque redditus habet Ecclesiæ, si paternis bonis renuntiet sit rectus atque perfectus? Quis ita claudus mentalibus pedibus, qui non libenter statum hunc mutaret in illum? Numquid talis est Euangelicæ veritatis perfectio, quam velut sublimem & arduam Christus commendat & prædicat, ad quem quis infirmus, imperfectus, claudus, cupidus, superbus, carnalis aspirat? Mirum certe si via hæc noua, per quam aut nullus, aut rarus, perfectus, siue imperfectus incessit, antiquis præferenda est semitis, ut clericus sumptus ad Ecclesiasticos redditus, omni se denudet proprietate. Quis enim sæcularium clericorum nostris temporibus hoc perfecit? quis proposuit, quis etiam somniavit ut in susceptione Ecclesiastici beneficij, paterna bona cum his quæ habere posset, distraheret & erogaret pauperibus? & ipse deinceps voueret nihil habere proprium, soloque foret victu atque vestitu contentus. Huiusmodi propterea statum, qui vix aut numquam in aliquo reperitur, ex-

A tollere nihil aliud est, quam coruinam albedinem prædicare. nil certe aliud quam proprii capitis sententiam veritati iam notæ præponere, ut sic filij hominum graui corde diligentes vanitatem, & quærentes mendacium a Christi vestigijs auertantur, suaque sequantur phantasmata, errantes in inuio, & non in via. Nec tamen negamus, eos qui bonis Ecclesiasticis contenti sola necessaria retinent, & reliqua omnia pauperibus conferunt, ad quandam perfectionem pertingere: perfectioni tamen religiosorum pauperum nullatenus coæquandam, sicut supra monstratum est tertia parte responsionis primæ. Huic ergo B suisq. complicibus a Salvatore veraciter dicitur: Væ vobis hypocritæ, qui clauditis regnum cælorum ante homines, vos enim non intratis, neque introeuntes sinis intrare. Si enim per hanc venenatam doctrinam nonnulli credentes in sæculo se esse perfectos, retrahantur a religionis ingressu, nulli dubium est, quin sanguinem animarum illarum, quæ propter hoc in suorum peccatorum facibus remanserint, iustus iudex de ipsorum manibus in examine districto requiratur, nisi pet suam clementiam, ut oramus, eisdem veritatis suæ luce perfusus dignatus fuerit ab erroris deuio reuocare.

*Mat. 23. b*

# C RESPONSIONIS QVARTÆ Caput secundum.

*In quo professio fratrum Minorum veraciter carere ostenditur, & appropriatione rerum immobilium siue mobilium, & proprietate pecuniarum, tam in proprio, quam in communi.*

A Rrogantium hominû tumidæ mentes, qui mundi huius vanitate pascuntur, gloriam sibi videntur conquisiuisse non modicam, si veram simplicium sanctitatem visi fuerint simulationem dolosam arguere, eorumque prudentiam spiritus, ut insaniam reprobare. Quod ut efficacius perficere queant, bona frequenter in mala conuertunt, & in electis maculam ponunt. Verum est quidem, quod propter humanæ infirmitatis corruptelam, vix reperiri potest aliqua persona, vel status, ab omni macula reprobationis immunis, sed & nos veraciter inficiari non possumus, quin inter perfectionis Euangelicæ professores peruersi sint aliqui, & imperfecti quamplurimi. Si igitur is cui respondemus, insolentium vitia reprehenderet, præconia laudum reportare deberet, si etiam generaliter in personas maledicta cogeretur, deceret Euangelicos viros ori suo silentium imponere, præsertim si diuino motu id ageret, & per patientiam dissimulando conuitia pro maledicente rogare. Nunc autem quia in totam Christi pauperum religionem, venenatorum eloquiorum tela conuertit, eorumque professioni erroris, & simulationis crimen impingit, necesse habemus, pro cecitati ipsius resistere, non quia velimus maledictiones pro maledictionibus reddere, sed quia sacram religionem intendimus ab obiectis criminibus excusare. F Assumens ergo personam Ecclesiæ aduersus pauperes præfatos inuehitur, velut contra hostes ipsius. Num, inquit, derident me iuniores tempore, quorum non dignabar patres ponere cum canibus gregis mei, aperte insinuans per hoc religiosos contra quos loquitur obiurgandos, ut Ecclesiæ inimicos, & aduersus Ecclesiam insurgentes, ipsamque ut irrisores habentes contemptui, cum tamen, ut dicit vita ipsa, putentur indigni, steriles egestate ac fame, & in terra penitus non parentes. Quod quidem nihil aliud est, quam patrem suum Christi Vicarium, a quo status huiusmodi approbatus est, subfannando despiciere, & partum sacræ Matris Sponsæ Christi Ecclesiæ irridere.

Et

*Prom. 30. c* Et ideo iuxta Salomonis sententiam, ipsius est oculus a coruis & aquilis, veritatis scilicet æmulatoribus eruendus, ac per hoc veraciter contra hunc & complices eius, nouorum dogmatum inuentores dicere potest Ecclesia: Nunc deridēt me iuniores tempore, ut sic icū proprio iniquus oculus eruatur, dum sagitta ferite nititur, ipse feritur. Dehinc zelum & verbum Apostolicum sibi vsurpans, cum tamen Apostolica perfectionis impugnator magis sit quā imitator, subsequenter annectit: Vtinam sustineris me modicum. Æmulor enim vos Dei æmulatione. Quid vos præceteris iactatis de perfectione? Hæc verba ipsius. In quibus Apostolica humilitatis oblitus, illud omittit quod potissime potuit dicere modicum quid insipientiæ meæ, dumq. non insipienter, sed sapienter loqui se reputat, iusto Dei iudicio stultus effectus, in multas & magnas prorumpit infanias. Omnia enim fere quæ subsequenter allegat, non solum insipientiam, sed & nequitiam sonant. Nequaquam enim, ut dicit, nos præ ceteris de perfectione iactamus, quamquam paupertatis celsitudinem, tamquam veræ perfectioni consonam commendemus. Nam sicut veraciter præfertur virginitas cuilibet gradui pudicitiae, nec tamen ex hoc sequitur; quod status sacrarum virginum præferatur statui prælatorum vel virorum quorumlibet, qui ad hanc minime stringuntur, sic & circa differentias & gradus paupertatis oportet intelligi. Vnde nec ille ait, ut asserit, quod hic status pauperum sit perfectior alijs, qui sibi aliquid retinent, nisi cum hac conditione, paribus conditionibus alijs ad perfectionem requisitis, sed nullus est omnino status, in quo conditiones omnes cum statu præfato per omnia parificentur. Non ergo potest ex hoc argui, quod omnibus statibus, vel alicui omnium, præferat statum suum. Magnæ ergo fuit malignitatis occasione vnus sermonis veracis, & humilis, librum plenum inuectionibus, & criminationibus falsis componere aduersus totum ordinem pauperum, quasi parum superbo visum fuerit, in vnum Mardocheum, mittere linguæ manum. Propter quod & detractiones in libello conscriptæ manifeste declarant auctorem non æmulatione Dei fuisse succensum, sed potius stimulatione illius cuius inuidia mors introiuit in orbem terrarum. Ceterum confusionis Babylonicæ filius, ut vniuersos confundat Ecclesiæ status, pro viribus conatur astruere, quod nullus sit gradus, nullaq. differentia in paupertatis professione. Nam quibusdam friuolis interpositis, subsequenter subiungit: In quo ergo gloriamini contra ministros Ecclesiæ? quia sicut nec vos, ita nec ipsi sunt possessores, quibus Dominicarum possessionum tantum vsus conceditur non dominium, in tantum beatiore ac præferendi, quod res quibus vtuntur æternum habent dominium, sed vestra res sub potestate sunt terrestrium dominorum. Hæc verba ipsius. In quibus omnia confundit, atque in tantum peruertit, ut in paupertate gradus non sit, aut si est, præferendus sit status clericorum Ecclesiasticis redditibus affluentium, statui quantumlibet pauperum, & pro Christi amore nihil habere volentium. quia illi vtuntur rebus cælestis, & sempiterni domini, hi terreni. quasi Christus exclusus sit a dominio rerum, quas laici possident, cum tamen sit Dominus vniuersi forum, & quasi Ecclesia non habeat rerum temporalium verum dominium, cuius contrarium euidenter monstratum est supra, & in hoc ipsius matris paupertatem fallaciter insinuat, ut potestatem veraciter impugnet. Denique si verum est, quod Ecclesia non habet cum suis ministris rerum dominium, sed tantum vsus, ut quid consequenter professionem calumniatur pauperum, dicentium se nullarum rerum habere dominium quamuis habeant vsus dicens, quod omnibus videatur hoc esse ridiculum, cum eorum quæ per ipsum vsus penitus consumuntur, ab

vsu dominium inter homines nullatenus distinguatur? Et dehinc irridendo subiungit: Ceterum quorum sunt pecuniæ quas per prouincias non cessatis a diuitibus petere, & in vnum congregare, nisi aliquid habeatis commune? Ut igitur præfatis, & his similibus cauillationibus malignis, & subdolis imponatur silentium, intelligendum est, quod cum circa res temporales quattuor sit considerare, scilicet proprietatem, possessionem, vsufructum, & simplicem vsus, & primis quidem tribus, vita mortalium possit carere, vltimo vero tamquā necessario egeat: nulla prorsus professio potest esse, omnino temporalium rerum abdicans vsus. Verum ei professioni, quæ sponte deuouit Christum in extrema paupertate sectari, condecens fuit vniuersaliter rerum abdicare dominium, arctoque rerum alienarum, & sibi concessarum vsu esse contentam. Vnde & in ipsorum regula continetur: Fratres nihil sibi approprient, nec domum; nec locum, nec aliquam rem. Porro ne quis forte proprietatem interdictam in his verbis credat non collegio, sed priuatis personis, audiat, quid super hoc Gregorius nonus fratrum consultationi responderet. Dicimus, inquit, quod nec in communi, nec in speciali, debent proprietatem habere, sed vtensium, & librorum, & eorum quæ licet habere: ordo vsus habeat, & fratres secundum quod generalis, vel prouinciales ministri disponendo duxerint, his vtantur. Nec debent vendi mobilia, vel extra ordinem commutari, aut alienari quoquo modo, nisi Ecclesiæ Romanæ Cardinalis, qui fuerit ordinis gubernator generalis, vel prouincialibus ministris, auctoritatem super hoc præbuerit, vel assensum. Hæc verba rescripti Papalis. In quibus sapiens, & pius antistes, proprietatem separauit ab vsu, illam sibi, vel Ecclesiæ retinens, hunc autem fratrum necessitati concedens, sancte quidem sapienter & pie. Si enim temporalia bona pro alijs possidere ac dispensare, vbi etiam temporale recipitur emolumentum arque solatium, nihil de ratione perfectionis in prælatis diminuit, sicut ex tertia responsione clarescit; quanto magis cum solum præsidium impenditur, & nullum temporale comodum expectatur, ipsius summi Pontificis saluatur perfectio, & ei accrescit meritum ante Deum? Quod si forte his quisquam conetur obistere, ex eo quod iure cautum est, vsus non posse perpetuo a dominio separari, respondebimus quod lex ista civilis non habet hic locum, quia hoc ideo ius ciuile decreuit, ne dominium inutile videatur, ac per hoc inane sit omnino. Nam retentio domini huiusmodi rerum, cum concessione vsus facta pauperibus non est infructuosa, cum sit patri pauperum meritoria, & professioni filiorum Christo famulantium opportuna. Nec obstat quod aduersarius objicit de rebus quæ vsu consumuntur, quod in eis proprietas non separatur ab vsu. Hoc enim fallit in peculio præfectio filijfamilias, vbi filiusfamilias vsus habet, & tamen proprietas, nec ad momentum residet penes ipsum. Sic & de ordine huiusmodi pauperum, respectu Romanæ Ecclesiæ intelligi debet. Sunt quippe de iure communi omnes Christi fideles summi Pontificis filij, peculiari tamen quodam iure hi sunt eius obedientia subditi & curæ commissi. & ideo cum alij sint tamquam filij emancipati, quibus licet auctoritate iuris eis indulta, de bonis Ecclesiarum suarum sine dilapidatione disponere, hi sunt tamquam paruuli & filijfamilias totaliter ipsius regimini deputati. Propterea sicut lege cauetur quod filiusfamilias, nec retinere, nec recuperare possessionem rei peculiaris potest, sed patri per eum quæritur, sic & in his pauperibus intelligendum est, quia rerum eisdem collatarum ad sustentamentum ipsorum, patri pauperum deputatur dominium, illis vero vsus. Sane quemadmodum essentiale cuiuslibet religionis statui esse dinoscitur, quod nulla persona priuata possideat aliquid proprium



prium, sic nec huiusmodi pauperum religio tota, quæ quidem ad abdicationem proprietatis censetur, sicut una persona. Quæadmodum igitur monachus, vel quivis religiosus utitur vestibus, calceamentis, cibis, acceteris quæ usu consumuntur, ita tamen quod nihil sibi appropriat quo ad priuatum dominiû, nec propter tale usum efficitur proprietarius, quia proprietas semper collegio referuatur, sic & de collegio istiusmodi pauperum, summoque Pontifice intelligere debet, quicumque de professione ipsorum sentire vult tam vere, quam pie. Et propterea, sicut illud quod datur monacho, qualiscumque sit intentio dantis, non in ipsius transit dominiû, sed totius collegij, & subiaceret dispositioni Abbatis, etiam si dans nihil de collegio cogitet, sic quidquid datur congregationi minorum fratrum, in ius, dominiû, & proprietatem summi Pontificis, & Romanæ Ecclesiæ transit: præcipue cum ipsi fratres ius, seu proprietatem alicuius rei, sibi acquirere nulla ratione intendunt. His autem quæ dicta sunt, suffragatur legis naturalis dictamen, euidenter explicatum per iura ciuilia. Nam lege cauetur, quod non potest libertas nolenti acquiri, & quod beneficium inuito non datur, & quod nemo donatum assequi, & damnosam seu lucrosam hereditatem nemo adire compellitur. Insuper sicut rerum vniuersitas, puta hereditas solo animo acquiritur, ita solo animo contrario repudiatur, & sicut nulla voluntate extraneus heres sit, ita ex contraria destinatione statim ab hereditate repellitur. Propter quod & Iurisconsultus Iulianus ait: Pro herede gerere, non tam facti, quam animi est. Cui & alius, scilicet Iurisconsultus, consonat dicens: Furiosus & pupillus sine tutoris auctoritate non possunt incipere possidere, quia affectionem tenendi non habent, licet res suo corpore contingant, sicut si dormienti aliquid in manu ponatur. Patet igitur per hæc verba legis expressa, neminem posse proprietatem, siue dominiû, immo, nec possessionem acquirere, nisi vere, vel interpretatiue, animû habet acquirendi. Cum igitur fratres minores animum acquirendi non habeant, quin potius voluntatem contrariam, & si res corpore contingant, nec dominiû, nec possessionem acquirunt, nec rerum huiusmodi possessores, vel domini dici possunt. His autem robur præbet Pontificalis auctoritas, quæ tam eminens est, vt omnia iura humana transcendat, vt extra de maioriore & obedientia, cap. Solitæ. Ad firmamentum cæli, idest vniuersalis Ecclesiæ, fecit Deus duo luminaria magna, idest, duas instituit dignitates quæ sunt Pontificalis auctoritas, regalisque potestas. Sed illa quæ præest diebus, idest spiritualibus, maior est, quæ autem noctibus, idest carnalibus, minor: vt quanta est inter Lunam & Solem, tanta & inter reges, & Pontifices differentia cognoscatur. Cum igitur tantæ sit auctoritatis potestas imperialis, vt non ardeatur legibus, sed ipsa sit legis origo, & intantum possit, vt ea quæ fuerunt, pro non factis habenda statuerit, vt patet in lege postliminij, qua bello captus & seruus effectus, decernitur semper fuisse liber & præsens, & ea quæ non fuerint pro factis habenda decernit, sicut patet C. de inofficioso testamento, in quo de postliminio nulla fit mentio, & tamen iudicatur mentio facta. Si, inquam, tantum potest regalis potestas, multo fortius Pontificalis auctoritas, quantumcumque usus & dominiû in aliquibus rebus secundum ius ciuile censentur esse coniuncta, decernere poterit in personis aliquibus esse separata. Quod circa ordinem prædictorum fratrum Minorum Christi Vicarius sua auctoritate confirmans, sic esse decreuit, cuius diffinitioni contraire nullatenus licet. Nam Gregorius ait: Nulli fas, vel velle, vel posse transgredi Apostolicæ sedis præcepta. Sit ergo ruinæ suæ dolore prostratus, quisquis voluerit Apostolicæ sedis contraire decretis. Nulla igitur possunt ad huius status impugnare.

S. Bon. Tom. 7. Pars iiii.

A tionem allegari iura ciuilia, nulla etiam iura canonica. Nam extra de electione. ca. Romana Ecclesiæ, legem nulla concilia præfigunt, cum omnia concilia per Romanæ Ecclesiæ auctoritatem & facta sint, & robur acceperint, & eorum statutis Romanæ Ecclesiæ patenter excipiat auctoritas. Nulla etiam præcedentium Pontificum statuta obfistunt, vt extra de electione cap. Innotuit, vbi dicit Innocentius tertius. Per prædecessorem nostrum non fuit nobis adepta facultas, cum ea non fuerit prohibentis intentio, qui successoribus suis nullum potuit in hac parte præiudicium generare, pari post eum immo eadem potestate functuris, cum non habeat imperium par in parem. Et hæc quidem dicta sufficiant, ad cauillationes malignantium hominû reuellendas. Nam quantum ad testimoniû veritatis summi legislatoris Christi Solisq. iustitiæ exemplum sufficit, atque cõsiliû. Qui cum sit iuris naturalis, ciuilis, canonici, ac diuini principalis origo, sacro suo sanxit eloquio temporalium rerum dominiû abijciendum esse perfectis, cum tamen sufficientiam quantum ad usum eisdem concesserit, promiserit, atque persoluerit. Insuper vt quod docebat verbo, confirmaret exemplo, alieno cibo voluit sustentari, sicut Euangelica narrat historia. Et Hieronymus ad Nepotianum dicit, & euidentius patet ex præcedenti responsione.

P O R R O de dominio pecuniarum, quæ ad sustentationem præfatis fratribus conferuntur, indubitanter tenendum est, quod nullatenus ad ipsorum collegium spectat, cum in ipsorum regula sit præceptum, quod fratres nullo modo denarios, vel pecuniam recipiant, per se, vel per interpositam personam. Et vt omnis tollatur de medio calumniandi materia, intelligendum est, quod persona interposita, cui pecunia dispensanda committitur, intelligi potest recipere, ac tenere ipsam auctoritate dantis, vel auctoritate illorum, pro quorum necessitate releuanda donatur. Si auctoritate dantis retinet & dispensat, sic ipsius est procurator, seu nuntius, & dans potest repetere, recipere, & agere contra eum in causa, ad recuperationem pecuniæ, non autem ille pro quo dispensanda committitur. Et hoc non debuit, nec potuit inhiberi pauperibus mendicantibus, quin per interpositam personam, ipsorum valeat releuari necessitas, quia valde absurdû est intelligere, quod cuius diuiti non liceat eleemosynam per seipsum, aut per alterû, pro sua voluntate conferre. Quod si referret auctoritate illius pro quo dispensanda est, ei competit & in causam trahere, & cetera agere, quæ potest quisquis verum rei sibi vendicauit dominiû. Et hoc, quia professioni fratrum nullatenus conuenit, beatus Franciscus expresse inhibuit, quia secundum veritatem quantum ad proprietatem rei non refert, vtrum quis hoc modo recipiat per propriam manum, vel alienam. Hanc autem differentiam, & naturalis ratio docet, & ius scriptum Papale declarat. Sicut enim multum refert, vtrum qui ministrat alicui, sit ipsius seruus, vel alicuius excellentioris personæ minister, pro cuius voluntate & imperio ministerium illud impendit, quemadmodum differunt ministerium seruale & liberale, ministerium humanum & Angelicum: sic multum differt, vtrum ille intermedius nuntius personam teneat dantis, vel accipientis. Secundum etiam ius ciuile multum differt, cum creditori debitor pecuniam soluturus alicui intermediæ personæ committit, vtrum ille medius sit procurator debitoris, an creditoris. Si enim procurator est creditoris, & pecunia perdatur ante solutionem, ipsi creditori perditur, & iam pro soluta habetur. Si autem procurator sit debitoris, ipsi perditur, & adhuc soluenda est, non pro soluta habenda. Iuxta hunc modum Dominus Gregorius nonus vir vtique tam diuino, quam humano iure peritus, qui mentem beati Francisci plenius nouerat, sic diffinitiuè respondit:

Q 9

Quod



Quod si rem sibi necessariam velint fratres emere, vel solutionem facere pro iam emptâ, possunt vel nuntium eius a quo res emitur, vel aliquem alium volentibus sibi eleemosynam facere præsentare, qui taliter præsentatus a fratribus, non est eorum nuntius, sed illius potius, cuius mandato solutionem facit, seu recipientis eandem, qui & eleemosynam sibi commissam potest, sicut & dominus, apud specialem vel familiarem fratrum amicum deponere per ipsum, loco & tempore pro ipsorum necessitatibus, sicut expedire viderit, dispensandam. Hæc verba rescripti Papalis. Ex quibus patenter elucet, quod fratrum Minorum regula non discordat a vita, nec communis ipsorum modus viuendi discordat a regula. Nequaquam igitur profitentur, quod nullus eis prouideat, & eleemosynam faciat per se, vel per interpositam personam, quia hoc collegio mendicantium pauperum, & impossibile foret & stultum: sed quod ipsi iuxta formam in Evangelio traditam, Euangelicis viris pecuniam nullo modo possideant. Si forte quis dicat, in carentia pecuniæ nullam prorsus esse sanctitatem, non tam infert calumniam regulæ pauperum, quam Evangelio Christi, in quo Apostolis inhibitam fuisse consistat pecuniam, sicut & textus expresse dicit, & sanctorum testimonia astruunt. Quod quidem nullatenus a magistro veritatis credendum est perfectissimis viris fuisse propositum, nisi sciuisset, per hoc meritum eis accrescere perfectæ virtutis, & præcipue sanctitatis. Cum enim magnæ sit difficultatis, ignotas regiones, & aridas terras, sine sufficientia stipendiorum peragere, quia tales necesse habent, vitam istam transigere in fame, siti, frigore, & nuditate, omniumque rerum penuria, si nullum hoc modo viuentibus meritum sanctitatis accresceret, hoc dicere, hoc proficere, sic vivere, nihil aliud esset, quam insanire. Verum sicut ex vltima præcedentis responsionis particula patet, penuriosæ paupertatis duodenario Apostolorum primo impositæ, duodecim sunt utilitates eximie, mirique valoris, quas typici rationalis duodecim lapides pretiosi designant. Et quia illos hostis hic pauperum ignorauerat, ideo margaritas has porcorum more cõculcans, ore polluto in hæc blasphemiarum verba prorumpit. Si, inquit, in pecuniæ carentia, siue ut non tangeretur, sanctus Franciscus sanctitatem credidit, vel perfectis a Domino inhibitam sanciuit, audacter loquor coram Domino, quod errauit. Sed constans est, quod beatus Franciscus non ob aliud possessionem, seu contrectationem pecuniæ, imitatoribus suis inhibuit, nisi quia in hoc esse aliquam sanctitatem, & pia fide credidit, & certa veritate cognouit: non quia mala sit pecunia, vel quia census formaliter siue casualiter sit in culpa, vel quia pecunia & contrectari possit, & non possit absque peccato, sed quia inter cetera quæ possidentur, pecunia maxime est illecebrosa, & de facili est illectiua, & distractiua non solum imperfectorum, sed etiam perfectorum, & quia Spiritu sancto dictante percepit, quod sanctitatis est non tantum peccata cauere, verum etiam occasiones peccatorum refugere: ideo veraciter in hoc sanctitate credidit, & non errauit. Quod igitur hunc Christi imitorem præcipuum, ipsius insignitum stigmatibus, ascriptum catalogo Sanctorum, & ab vniuersa Ecclesia in veneratione susceptum, asserit errore deceptum fuisse, maxime in professione & obseruantia Euangelicæ vitæ, non solum ipsum impugnât, & vniuersalẽ Ecclesiã, sed quod plus est Magistri veritatis, & Apostolorum eius doctrinam blasphemât & vitat. Insuper & professores huius regulæ tamquam approbatores erroris, ut alter Aman superbissimus, dignos esse iudicat sententia temporalis mortis, & æternæ damnationis. Super qua quidem absurditate, quam aures piæ audire vehementer abhorrent, ipsis zelatoribus paupertatis sanctæ, magis lugendum credimus, quam loquendum, magis spiritualis Esther implorandum

A præsidium, quam versandum in pugna verborum. Te igitur sacrosancta Romana Ecclesia, tamquam alteram Esther eleuatam in populis, ut Ecclesiarum omnium matrem, reginam, atque magistram, ad defendendam, & docendam, tam morum quam fidei veritatem, fiducialiter interpellat tuorum pauperum cœtus, ut quos genuisti ut mater, educaisti ut nutrix, nunc etiam ut regina patenter ac iuste defendas: cum idcirco dispositione faciente diuina, Pontificalis, ac Regiæ potestatis verticem supremum adipisci merueris, ut in arduis necessitatis articulis, ad defendendum Christi populum parareris. Exurge igitur sancta mater, & iudica causam tuam, quia si pauperum hic ordo Minorum, recte profitetur veritatem Euangelij, tuum est: si a veritate in professione a te sancita deuiat, tuum est: ac per hoc si professioni huiusmodi sanctæ error impingitur, tu quæ illam sancisti errasse assereris, & quæ magistra veritatis hæcenus extitisti, nunc de approbatione erroris argueris, & a quibusdã modernis præsumptoribus, velut iuris diuini, & humani nescia derideris. Sed & tu Regina mundi dignissima, defensorix pauperum, & humilium aduocata, longe sublimius quam Esther exaltata in populis, & præparata in tempore Mardochei, tui Francisci videlicet excitare clamoribus, ut interpellare digneris ad regem quatenus pauperum statum, quem tibi voluit esse consimilem, & speciali quadam germanitate coniunctum, sacris tuis meritis clarificet & conseruet. Quid enim magis dat paupertatis amoris fomentum, magisque declarat prærogatiuam & gloriam, quam tua forma viuendi beatissima Virgo, & Mater Domini nostri Iesu Christi, quæ adeo fuisse pauperula, ut sicut Euangelij historia sacra testatur, in ipso sacratissimo partu non haberes ubi reclinaret Deum cœli, & Dominum exercituum, nisi in via publica itinerantiũ, & præsepio iumentorum? Porro si tu Virgo sanctissima, omnis es perfectionis exemplar, sicut perfectis imitanda est tua cum virginitate humilitas, sic etiam penuriosa paupertas. Constat autem, tam per Euangelij textum, quam per assertionem doctorum, quod tu in extrema vixisti temporalium facultatum inopia, cum Chrysostomus dicat, quod tu vix habuisti vnã tuniculam, non ad decoris ornatum, sed ad nuditatis tegumentum. & Beda, quod in oblatione, & præsentatione Regis regum in templo, nec vnum valuisti agnuculum offerre, ideo more pauperum obtulisti par turturum, aut duos pullos columbarum. Qui igitur desiderio, professione, signaculo habitus, & obseruantie veritatem in hac tibi pauperie configurari studiosius satagunt, vere sunt de tuorum numero spiritualium Iudæorum, quorum circumcisio non est in carne, sed in spiritu per hilarem suppotationem multifarium penuriarum, & vniuersalem abdicationem omnium temporalium facultatum. Hos igitur vere ac peculiariter tuos, pio digneris misericordiæ Regina fauore ab hostili incurſu potenter eripere, & aduersus hunc hostem ipsorum pessimum triumphaliter dimicare, non ut cū Aman suspensus intereat, sed ut eius humilietur superbia, damnetur proteruitia, illustretur intelligentia, rectificetur voluntas, ut spiritus saluus fiat.

Luc. 12.6

#### RESPONSIONIS QVARTÆ Caput tertium.

*In quo euangelizantium pauperum fructificatio multiformis ostenditur, eorumque status a multis cibis canillationum versutus defensatur.*

Multiformis calliditatis nequitia serpens antiquus, sanctæ matris Ecclesiæ partui semper insidias parans, vetustam Pharaonis impietatem nouissimis his diebus renouare conatur, dum per hominem quendam

quendam Ægyptiacæ fraudis malignitate repletum, aduersus Ecclesiasticam prolem, suggerere satagit, quidquid masculini sexus natum fuerit, in flumen proijci, quidquid feminei, reseruari. Quid enim est aliud rationes ad virilem sanctæ paupertatis spiritum inducentes, calumniando reuellere quàm effeminatorum cordium phantasias, qui emollietium diuitiarum affluentia commendatur, approbando roborare? Ad quæ duo calumniator hic pauperum in hac extrema operis sui parte, omnes sui vires conflatur ingenij, quosdam cauillationum modos iam pro maxima parte, in præcedentibus dissolutos, frequētius replicans ad oppressionem pauperum Christi, quatenus spiritu paupertatis extincto spirituales Israelitæ multiplicari non possint, frustra tamen, quia diuina opitulante clementia, vt veritas a figura non discrepet, quanto magis oppressi fuerint, tato magis accrescent. Et ne quis hæc, velut nostram adinventionem paruipendat, audiat Bernardum in sermone 3. sic dicentem: Si quid ad salutem pertinet, si quid religionis oritur, quicumque resistit, quicumque repugnat, plane cum Ægyptijs paruulos Israelitici generis necare conatur, immo cum Herode, nascentem persequitur Saluatorem. Nequaquam ergo casu, sed prouidentia Dei gestum esse credendum est, quod instar Ioseph descendens in Ægyptum, ad custodiendas & distribuendas alimonias corporum, quem vt vere filium accrescentem, crescere fecit Deus in terra paupertatis suæ, status euangelizantium pauperum mitteretur in mundum, ad conseruanda, & dispensanda documenta scripturarum, tamquam alimenta spirituum, qui etiam & sacerdotum Christi curæ gregis habentiū, cooperatores existerent in his, quæ spectant ad salutem animarum. Est autem sacerdotalis officij opus præcipuum, reductio plebium subiectarum in Deum, per septiformem influxum hierarchicum, scilicet per eruditionem credibilium, per institutionem virtutum, per exhibitionem exemplorum, interuentionem precum, curationem plagarum hostilium, prænuntiationem insidiarum, & repulsionem hostilitatum. Et hoc quidem septiforme opus sacerdotale, scriptura sacra declarat sub septemplici metaphora scilicet architecti, agricolæ, pastoris, fideiussoris, medici, speculatoris, & ducis. Describitur igitur primo sub metaphora architecti pôtificale officium, propter eruditionem credibilium, secundum illud ad Corinthios: Vt sapiens architectus fundamentum posui, quot enim sunt lapides in ædificio, sunt articuli fidei in animo, in quo habitat Christus tamquam in templo suo, secundum illud Apostoli ad Ephesios: Superædificati super fundamentum Apostolorum & prophetarum, ipso summo angulari lapide Christo Iesu, in quo omnis ædificatio instructa crescit in templum sanctum in Domino. Et paulo post: Christum habitare per fidem in cordibus vestris. Ac per hoc sicut se habet ædificator ad ædificium, sic & sacerdos ad populum, in fidei veritate fundandum & promouendum. Secundo sub metaphora agricolæ propter institutionem virtutum, quas irrigare debet per documenta scripturarum, secundum illud Apostoli ad Corinthios: Ego plantaui, Apollo rigauit. Si enim Ecclesiasticus populus hortus est, & Paradisus plantatus, & virens multiformitate virtutū, recte informator plebium in doctrina morum, dicitur agriculator designatus per primum hominē, quem posuit Deus in Paradiso, vt operaretur & custodiret illum. Tertio sub metaphora pastoris, propter exhibitionem exemplorum, secundum illud Domini in Ioanne: Qui intrat per ostium, pastor est ouium, & cum proprias oues emisit, ante eas vadit. Quod quidem facit, cum eas per sanctitatis exemplū præcedit. Ideo Petrus, cui Dominus dixit: Pascue oues meas, hortatur seniores, siue presbyteros, vt populos sibi commissos pascant, tamquam facti forma gregis

S. Bon. Tom. 7. Pars iiii.

ex animo. Hæc autem est forma secundū documenta sanctorum, vt quantum pastor est præcellens respectu gregis, tantū vita sacerdotalis sit sanctior & sublimior vita plebis. Quarto sub metaphora fideiussoris, propter precum interuentionem ad Deum secundum illud Apostoli ad Hebræos: Omnis pontifex ex hominibus assumptus, pro hominibus constituitur in his quæ sunt ad Deū, vt offerat dona & sacrificia pro peccatis. Agit igitur pontifex causas hominum apud Deum, agere etiā debet causam Dei apud hominem suæ curæ commissum, secundum illud: Custodi virū istum, qui si lapsus fuerit, erit anima tua pro anima illius. Propter quod Sapiens in Prouerbijs ait: Fili si spoponderis pro amico tuo, defixisti apud extraneum animā tuam. Quinto sub metaphora medici, propter curationem plagarum hostilium, secundū illud quod insinuat Lucas in parabola illius, qui incidit in latrones, quod Samaritanus alligauit vulnera eius, infundens oleum & vinum: designans per Samaritanum ipsum medicum Christum, & eos qui tenent locum eius in expurgatione vitiorum. Propter quod & Iacobus dicit: Infirmatur quis in vobis, inducat presbyteros Ecclesiæ, & orent super eum, vngētes eum oleo sancto, & oratio fidei saluabit infirmum, & si in peccatis sit, dimittentur ei. Sexto sub metaphora speculatoris, propter prænuntiationem imminētium periculorum, secundū illud Ezechielis: Fili hominis speculatorē dedi te domui Israel. De quo & consequenter adiungit: Quod si gladium superuenientē, hoc est imminētia discrimina tentationum suæ curæ commissi annūtiare neglexerit, sanguis illarum animarū de suis manibus requiratur. Septimo sub metaphora ducis ferentis vexillum ad repulsionem hostilitatum, instar illius nobilis Machabæi, qui induit se lorica sicut gigas, & succinxit se arma bellica, & protegebat castra gladio. Præest enim Ecclesiæ quæ est terribilis, sicut castrorum acies ordinata, & deputatur ad Salomonis lectulum custodiendum, quem sexaginta fortes ambiunt ex fortissimis Israel omnes tenentes gladios, & ad bella doctissimi. Est itaque opus sacerdotalis officij septiforme, sicut dictum est. Si igitur propter multitudinem errantium a fide Christianus populus factus est iam similis edificio ruinoso, quis prouidus architectus, coædificantes, & consulentantes repellit nisi adeo sibi sapiens videatur, quod solus sibi sufficiat, vel adeo stultus sit, quod velit, vt sub manu sua domus ecclesiastica ruat? Iterum si propter defectum sapientiæ & virtutum in plebeijs hominibus, cōparatur ipsa plebs horto inculto & spinoso & arido, quis diligens & laboriosus agricola seruos collaborātes repellit, maxime qui laborat in opere, & doctrina, nisi intantum desipiat, vt velit quod super humum suam spinæ & vepres ascendant? Propterea si propter deuotionē a semitis diuinarum legum, multitudo populi Christiani similis est gregi errabundo & perdito, & in medio luporum constituto, quis clemens pastor fugabit a se harum ouium reductores ad viam, & non potius gaudebit cum Angelis exemplo boni pastoris, qui dicit: Congratulamini mihi, quia inueni ouem quæ perierat. Amplius si propter multitudinē reatum plebis transgredientis mandata Dei, populus Christianus similis est viris alieno ære oppressis, quis fideiussor sensatus abhorrebit huius oneris alleuationē per multiplicationem intercessorum ad Deum partim impetrantium remissionem, partim inducētium & adiuantium ad solutionem spiritualium debitorum? Insuper si propter varietatem peruersitatum in populo, tanta est tabes, tanta pestilentia spiritualis, vt quasi omne caput sit languidū, & omne cor mœrens, ita quod a planta pedis, vsque ad verticē vix est in eo sanitas, quis fidelis medicus, non dico peritos homines in arte spiritualis medicinæ, sed vel canes vlcera lambentes audebit effugare, nisi vulneratorum, atque languentium, vitam velit extinguere?

Q 9 2 Adhuc

Heb. 10. a

3. Reg. 20.

g. Prou. 6. a

Luc. 10. e

Iac. 5. e

Exec. 3. d

1. Mac. 3. a

Cant. 6. c

Luc. 15. b

Isa. 1. a

Bern. ser. 3  
in Epipha.  
ante med.  
\* in orig.  
germinis.

1. Cor. 3. b

Eph. 2. d

Ibid. 3. c

1. Cor. 3. a

Gen. 2. e

Ioan. 10. a

Ioan. 21. c

1. Pet. 5. a

Adhuc si propter multiformitatem tentationum vndique circumstant infidiae crudelium hostium, & quasi super capita ciuium gladij iam vibrantur, quis prouidus speculator, in profundae & horrendae noctis tetricis tenebris habere secum vigiles recusabit, qui castra custodiant? Postremo si propter scandalorum frequentias, adinventiones scelerum & inimicorum tyrannides, innumerabilis multitudinis strages, quasi continue sit in castris fidelium, & draco cum bestia multiformium capitum Ecclesiasticam aciem nititur oppugnare, ut truculenter discerpatur, occidat, & deuoret, quis prudens dux exercitus Domini, recusabit commilitones secum dimicantes habere, qui ultro se discrimini offerant, & murum pro domo Israel seipsum opponant? Porro, quia affectus Pontificis, siue sacerdotis ad plebem, debet esse consimilis affectui patris ad filium, matris ad prolem, nutricis ad infantem, sicut Apostolus manifeste declarat, qui fideles per ipsum conuersos modo se dicit in Christo genuisse, modo ut filios parturire, modo sicut paruulos in Christo lactare: quemadmodum filium pauperulum sustentari, inualidam prolem foueri, & gementem infantem lactari nequaquam est patri, vel matri, vel nutrici molestum, sed desiderabile, charum, & placitum: sic etiam omnibus sacerdotibus sanctis, & pijs, magnum debet esse solatium, quoties salus procuratur plebium subiectarum. Propter quod Dominus in Matthæo Apostolos alloquens & successores eorum: Messis, ait, multa, operarij autem pauci, rogate Dominum messis, ut mittat operarios in messem suam, insinuans, quod bonorum Pontificum, non tam est patienter ferre, quam desideranter appetere cooperatores Euangelistas, ad multitudines diuinarum messium colligendas. Quod attendens Christi vicarius Petriq. successor, & ipse sancti Spiritus illustratione praeuentus, statum hunc Euangelizantium pauperum, qui saluti animarum intenderent, tamquam caelitus sibi missum, cum hilaritate suscepit, pietate confouit, auctoritate roborauit, & potestate defendit, & ut Patriarcha Iacob, tamquam filios accrescentis Ioseph, multipliciter benedixit: pie in hoc prouidens saluti animarum, & in nullo praeiudicans auctoritati Pontificum, tamquam ornans non deornans Ecclesiasticam hierarchiam. Tanta enim erat in aduentu huiusmodi pauperum, praedicantium raritas, ut illud Euangelicum videretur impleri, messis quidem multa, operarij autem pauci. Quod pertractans Gregorius ait: Ecce mundus sacerdotibus plenus est, & tamen in messe Dei rarus inuenitur operarius. Nam & si sunt qui bona audiunt, desunt qui dicant, quia officium quidem sacerdotale suscipimus, sed opus officij non implemus. Quantum vero praedicationis opus sit Ecclesiae necessarium in se, pium, & Deo acceptum, manifeste Chrysostomus ostendit super Matthæum illud tractans verbum Dominicum, quod discipulo dixit patrem sepelire volenti. Dimitte mortuos sepelire mortuos suos, tu autem vade, & annuntia regnum Dei. Ait enim: Numquid non erat ingratitudinis naturae, non adire cum sepeliretur pater? Prohibuit ergo eum monstrans, quod nihil caelestibus negotijs magis necessarium esse oporteret, & neque parum tardare, & si valde inuitabilia, & incitantia fuerint quae retrahunt. Cum igitur sepelire patrem sit magnae pietatis opus, & secundum sapietiae dictamen diuinum, maiori bono minus praeferrere non debeat; relinquatur, quod maioris pietatis est praedicare verbum salutis, quam facere opus quantumcumque misericordiae corporalis. Digne quidem pro eo, quod spiritualiter per ipsum cibatur & potatur, vestitur & hospitio colligitur, ab infirmitate releuatur, & a vinculis & a morte redimitur spiritus ad imaginem Dei factus. Et ideo cum grauis sit sceleris, prohibere quemquam ab operibus pietatis & misericordiae corporalis, longe maioris

A impietatis erit atque perfidiae, diuini verbi ministris idoneis impedimenta praebere. Pensatis igitur multiformi vtilitate, ac necessitate salutis animarum, numero sita indigentium plebium, & raritate sufficientium ministrorum, nulli debet videri iniuriosum & superfluum, si caelesti hierarchiae complacuit, aliquos ad hoc opus, & si non necessitate constrictos, sed charitate inductos eligere, quos & subcaelestis Hierarchia voluit & debuit approbare. Quod si cui forte videtur ordini dispositionis Hierarchicae nequaquam esse conueniens monasticam vitam professos, ad opus praedicationis assumi, pro eo quod Dionysius dicit, monachos in Ecclesiastica hierarchia non habere statum perficientium, sed perficiendorum: & Hieronymus asserit, quod monachus non docentis, sed plangētis habet officium: & sacri Canones decernunt, quod monachi iuxta sui nominis interpretationem solitariae vitae deputati, intendere debent salutis propriae, non alienae: intelligant huiusmodi dicta patrum, & canonum, de ordine monastico pro eo tempore fuisse pronuntiata, quo erant inter eos personae laicales & imperitae, non sacerdotales & literatae. Nam sicut idem vir hierarchicus docet, quod monachorum est purgari, illuminari, & perfici, sic etiam illud non retinet, quod purgare, illuminare, & perficere, ad ordinem spectet sacerdotalem. Insuper & professio huiusmodi pauperum, non parum distat a professione monachorum, & quod maius est, huiusmodi hierarchica opera non peragunt auctoritate sua, sed ordinatiorum & potissime summi Pontificis, cuius dispositionis auctoritas omnia iura positiua transcendit. Nec ad hoc feruntur, secundum propriae voluntatis arbitrium, sed iuxta mandatum superiorum, a quibus instituuntur, regulantur, castigantur, & transmittuntur, ut veri filij obedientiae, non ut Gyrouagi vel Sarabites, non secundum numerum vagum & infinitum, sed secundum certum & determinatum. atque vtinam plures essent idonei, qui possent assumi non in vno angulo terrae, sed potius in vniuersalis Ecclesiae latitudine. Nimirum hoc desiderare deberet ceterus Pontificum, ac cuilibet illos prohibere volenti id respondere, quod dixit Moyses ad Iosue: Quid, inquit, æmularis pro me? Quis det, ut omnis populus prophetet, & det eis Deus spiritum suum? Quamdiu ergo huiusmodi pauperes leges diuinas custodiunt, & Euangelica consilia seruāt, quae promiserunt, & saluti animarum intendunt, & sanctae matri Ecclesiae humiliter subsunt, si quis eos repudiandos censeat velut pseudopraedicatores, & seductores, & Gyrouagos, & penetrantes domos: subiacere debet iustae damnationis iudicio, tamquam Ecclesiasticae auctoritatis contemptor, fraternae gratiae inuidus, & Euangelicae veritatis impugnator.

DEMV. ut via pracludatur erroribus, respondendum est cauillationibus quibusdam magis apparentibus, quibus calumniator hic pauperum, vitam ipsorum in hac extrema sui operis parte deprauate molitur: videlicet propter defectum laboris manuum, abdicationem bonorum communium, & mendicationem elemosynarum. Nam ex eo quod Apostolus ad Thessalonicenses quibusdam praecipit, ut cum silentio panem suum manibus operando manducant, & huiusmodi pauperes manualiter non laborant, ideo ipsos nititur redarguere, & de otiositate vitae, & de mandati Apostoli transgressione. Ad quod nos e contrario respondemus, quod sicut patet ex textu, non praecipit Apostolus laborem manuum omnibus generaliter, quia tunc omnes qui non vacant laboribus huiusmodi, essent in statu damnationis, inter quos & ipse calumniator seipsum inuoluit, sed quibusdam dumtaxat otiose, curiose, & inquiete uiuentibus opus manuum imponit & imperat, ne blanditijs adulationum, & turpi quaestu victum sibi conquirant, cum dispendio salutis alienae. Verum quia huius-

1. Cor. 4. d  
Gal. 4. c  
1. Cor. 3. a

Matth. 9. d

Greg. homil. 17. in  
Euang. non  
longe a prin.

Chrys. homil. 28. super  
Matth.  
post med.  
Mat. 3. c

Hiero. ad-  
uer. Vigilā-  
tium cir. 31.

Num. 11. f

2. Thess. 3. f

huiusmodi pauperes, qui suis & proximorum animabus saluandis intendunt, secundum septiformem operationem hierarchicam, in antedictis expressam, id perficere nequeunt sine adminiculo scripturarum; ad quarum præclaram intelligentiam peruenire non possunt nisi per studium sapientiale, quod consistit in legendo, meditando, orando, contemplando, audiendo, referendo, prædicando, ideo recte competit eiusmodi studij spiritualis operatio septiformis.

*Exo. 25. b*

*Greg. xv. pa*

*storal. par.*

*2. cap. 11.*

Et quia difficultas huius studij totum hominem requirit, iuxta quod designatum est in Exodo, ubi præcepit Dominus quod veteres quibus ferenda esset arca semper essent in circulis. Quod exponens Gregorius ait: Qui ad officium prædicationis excubant, a lectionis studio numquam recedant. Ignominiosum est enim si tunc quis querit discere, cum debet quaestiones enodare. Ideo qui huic studio septiformi sollicitè intendunt, quia magis est sublime in se, difficile menti, expediens Ecclesiæ, & necessarium plebi, etiam si non laborent operibus manuum, digni tamen sunt, ab Ecclesiâ ut sustententur, secundum illud Deuteronomij: Non ligabis os bouis triturantis in area fruges tuas. Glossa: Victum non subtrahes prædicatori, ut vacet orationi, & prædicationi. Et alia Glossa ibidem: Occupati in doctrina, non possunt sibi providere necessaria. Ex quibus breuiter constat, quod studium sapientiæ cum vigilantia prædicationis, manuum laborem plene recompensat.

*Dent. 25. a*

*Luc. 10. g*

*Act. 6. a*

*Hieron. in*

*prolog. su-*

*per Iob.*

Huic & sacer Ambrosius consonat super illud Lucæ. Maria optimam partem elegit, dicens: Nec arguas eos otiosos, & iudices, quos videas studere sapientiæ, hanc enim cohabitantem Salomon pacificus acquisiuit. Denique Apostoli non putauerunt optimū, relinquere verbum Dei, & ministrare mensis. Huic etiam concordat Hieronymus: Si autem fiscellam iunco texerem, aut palmarum folia complicarem, ut in sudore vultus mei comederem panem, & ventris opus sollicita mente tractarem, nullus morderet, nemo reprehenderet: nunc autem quia iuxta Saluatoris sententiam, operari volo cibum qui non perit, falsarius vocor. Ad idem quoque facit quod super illud Psalmi: Defecerunt oculi mei, dicit Augustinus: Non est otiosus, qui tantum verbo Dei studet, nec plurius est qui extra operatur, quam qui studium cognoscendæ veritatis exercet. Ipsa etiam sapientia maximum habet opus, & antefertur Mariæ quæ audiebat, Marthæ quæ ministrabat. Hæc Augustinus:

*Anselm. in*

*lib. de simi-*

*litudinib.*

*cap. 20.*

Cui etiam concordat Anselmus, in libro de similitudinibus, ita dicens: Tres sunt hominum ordines, orantes, agriculatores, & defensores, quos ad diuersa officia Deus in hoc mundo disposuit, monachos, ut pro alijs orent, & lacte prædicationis enutrient: agriculatores, ut de suo labore ipsi & alij viuant: milites, ut utrosque defendant. Si igitur nobilior est opus monachorum, quam agricultorum, seu militum, & illi officijs suis intendentes stipendia sua iuste merentur, multo magis & hi qui orando Deo assistunt, & ad proximos prædicando condescendunt. Nec his obstat Augustinus in libro de opere monachorum, cum ibi loquatur contra quosdam hæreticos principaliter, qui vocabantur Euchitæ, asserentes monachis non licere, sustentandæ vitæ causa aliquid operari, male intelligentes Euangelium Christi, quos sacer Doctor per Apostoli documenta conuincit. Simul etiam arguit monachos illos, qui cum pro maiori parte essent laici, nec prædicationi, nec salutari animarum intenderent, non tamen volebant corporaliter operari, & quamquam fuissent in sæculo laboriosi & pauperes, iam professi monasticam vitam, ab alijs sumptus accipere non solum licitum sibi, sed etiam debitum esse censebant. Contra quos Augustinus: Isti, inquit, fratres temere sibi arrogant quantum æstimo, ut huiusmodi habeant potestatem. Si

*Aug. lib. de*

*oper. Mon.*

*c. 21. 20. 3.*

Euangelistæ sunt, fateor habent, si ministri altaris, S. Bon. Tom. 7. Pars iiii.

A si dispensatores sacramentorum, si saltem aliquid habebant in sæculo, quo facile sine artificio sustentarent hanc vitam, quod indigentibus dispenditum sunt, credenda est eorum infirmitas & ferenda. Hæc Augustinus. Ex quibus colligitur quod quattuor generibus hominum digne & iuste competit ab alijs pasci, quamquam proprijs manibus possint laborare, scilicet qui alios pascunt, vel verbo & doctrina, vel altaris viatico, vel diuinorum dispensatione sacramentorum, vel suarum distributione facultatum. Secundum hæc igitur illi quibus aliqua prædictarum conditionum competit, digni sunt ut de Euangelio viuant, illi vero quibus plures digniores existunt, quibus autem omnes utpote qui prædicant, celebrant, confessiones audiunt, & temporalium affluentiam contempserunt, maxime digni esse probantur. Quibus vero omnes defunt & validi sunt & pauperes, ne otiosi & infructuosi sint sibi, & onerosi Ecclesiæ, iuxta sententiam Augustini laborare tenentur, nisi per hoc excusentur, quod eis qui præfatas condiciones habent deseruiunt & assistunt, & ideo cum eis sustentari merentur, iuxta quod mysterialiter designatur in Iob, ubi dicitur quod boues arabant, & asinæ pascebantur iuxta eos. illaq; astruitur lege sancitum qua strenuus pugnator ille, David videlicet iuste decreuit, quod æqua portio esset descendendum ad prælium, & remanentium ad farcinas. Porro si aliqui quantumlibet idiotæ, ac simplices, tantæ sunt deuotionis in prece, tantæ districtio in vita, & tantæ ædificationis in populo, quod æquæ fructificant solo exemplo, quantum alij exemplo & verbo, excusant eos merita vitæ, etiam si defint verba doctrinæ. Hæc autem diximus non quia otiosos, aut otium approbemus, cum potius castigandos huiusmodi, & ad opera compellendos censeamus; sed quia propter difficultatem studij spiritualis, quod requirit hominem totum, & propter debilitatem corporum, & inex-

B

C

D

E

F

perientiam artium mechanicarum, rarus inuenitur, aut nullus, qui more Apostoli Pauli manuali labori, & sapientiæ studio septiformi, efficaciter possit intendere. Et ideo compellere homines huic studio aptos ad opera manualia, non est aliud quam a sapientia reuocare, & filijs Israel instar Philistinum, diuinorum eloquiorum arma præripere, vel more Pharaonis operibus duris luti, & lateris, iugoq; seruitutis importabilis, violenter oppressos ab ingressu Religionis retrahere, & ad egressum incitare, quemadmodum insinuat in Exodo per hoc quod Pharaon dixit: Quare Moyses, & Aaron sollicitatis populum ab operibus suis? Ite ad onera versta. Vbi Glossa sacri Ambrosij: Hodie si Moyses & Aaron, idest Propheticus, & sacerdotalis sermo, aliquem sollicitè ad seruitium Dei, exire de sæculo, renuntiare omnibus, attendere legi, & verbo Dei, continuo audiet vnanimem etiam amicos Pharaonis dicentes: Videte quomodo seducunt homines, qualiter peruertunt adolescentes ne laborent, ne militent, ne agant aliquid quod eis profit, relictis rebus necessarijs, ineptias sectantur & otium, laborare nolunt, & otij occasiones requirunt. Hæc Glossa: Qua hostis pauperum dolus patenter detegitur, quod non sicut Christi discipulus, ad exercitia virtutum conatur erigere, sed tamquam amicus Pharaonis, spirituales Israel filios impugnare. Alio quoque modo calumniator hic pauperum statum ipsorum deprauare contendit, pro eo quod nihil sibi retinent in proprio, vel cõmuni, quo non videntur virtutis tenere medium, sed vitiositatis extremum, cum dicat Ambrosius, quod non sunt effundendæ opes, sed dispensandæ. Verum consimil ratione posset sancta virginitas ostendi non laudem, sed vituperio digna, quasi extremum non medium teneat, dum ab omni concubitu, siue illicito, siue concesso, se tam mente, quam carne sequestrat. Quapropter diligens considerator aduertat, quod

*Iob 1. c*

*1. Reg. 30. f*

*Exo. 5. a*

Q q 3 sicut



sicut aliud est medium pudicitiae coniugalibus, aliud sanctimoniae virginalis, sic & aliud largitatis politicae, aliud paupertatis Euangelicae. Largitas namque politica, quia circa mundana versatur, possessionum terrenarum nequaquam suadet abrenuntiationem a Christo consultam, sed potius bonorum iuste possessorum dilectionem moderatam, & dispensationem largam & piam. Propter dilectionis moderantiam dicit Salomon in Prouerbijs in persona viri politici: Duo rogaui te ne deneges mihi, mendicitatem & diuitias ne dederis mihi, sed tantum victui meo tribue necessaria. volens in hoc ostendere, quod virtus politica tenet medium, & fugit extrema. Propter dispensationis pietatem dicit in Ecclesiaste pro persona rectoris Ecclesiae: Vtilior est sapientia cum diuitijs, & magis prodest videntibus solem. Quod ideo dictum est, quia pastor sapiens, etiam absque diuitijs vtiliter pascit, dum gregem aedificat exemplo, & verbo: sed cum pia dispensatione diuitiarum pascit vtilius, dum verbo, exemplo, & temporali subsidio gregi prouidet sibi commissio. Et hoc est, quod Canon dicit, Expedi facultates Ecclesiae possideri. Propterea Ecclesiastes praefato verbo paulo ante praemittit: Ne dicas, quid putas causae est, quod praeterita tempora fuerunt meliora quam nunc sunt? stulta est enim huiusmodi interrogatio. In quo arguit haereticorum stultitiam approbantium Ecclesiae statum antequam a principibus dotaretur, & reprobantium postquam dotata est. Quibus respondet, quod vtilior est sapientia cum diuitijs, hoc est Reipublicae sanctae matris Ecclesiae magis expediens propter varias condiciones, necessitates, infirmitates, & commoditates multiformium Christi fidelium congregatorum intra Ecclesiasticam unitatem, instar diuersitatis animalium intra arcam Noe, quibus ipse praelatus sollicitam curam exhibens, de pastu necessario prouidere debet pro loco & tempore, iuxta dictamen largitatis politicae modum seruando in dispensatione. Propter quod & in Agathensi concilio, prohibetur huiusmodi, ne res Ecclesiae sibi creditas alienare praesumant, ibique conceditur dispensationis medium, sed interdicitur dilapidationis extremum. Euangelica vero paupertas, pro eo quod ad aeterna spiritum subleuat, tamquam ea, quae in calis totaliter thesaurizat perfecte ipsam profecti suadet omnibus temporalibus debere nudari, quoad affectum atque dominium, & arcta sustentatione necessitatis esse contentum, quantum ad usum. Et hic est ipse modus siue medietas, quod sic relinquat dominium, quod non reiiciat usum: sic recipiat usum quod non reseruet dominium: sic arctitudinem vsus reseruet, quod sustentationem naturae non deuitet: sic necessitati subueniat, quod ab arctitudine non recedat. Igitur propter vniuersalem abdicationem possessionis, & depositionem affectus terreni, in persona huiusmodi pauperis dicit Sponsa in Canticis: Expoliaui me tunica mea, quomodo induar illam? Laui pedes meos, quomodo inquino illos? Vbi Glossa: Recepta sollicitudine temporalium subsidiorum, quantumlibet eximus Doctor difficile vitat peccatum. Et de abdicatione huiusmodi, Hieronymus ad Lucinium: Seipsum Deo offerre Christianorum, & Apostolorum est, qui duo cum vidua paupertatis suae in gazophylacium aera mittentes, totum censum quem habuerant Domino tradiderunt, & mereretur audire: Sedebitis super sedes duodecim, iudicantes duodecim tribus Israel. Propter arctitudinem vero sustentationis quantum ad usum in persona huiusmodi pauperum, dicit Apostolus ad Timotheum: Habentes alimenta, & quibus tegamur, his contenti simus: Habentes, inquit, non quantum ad proprietatem dominij, sed quantum ad facultatem vtendi, per quem modum habere dicimur omne quo vtimur, & si non sit nobis proprium, sed gratis aliunde collatum. Hunc modum paupertatis tamquam medium virtuosum mediator Dei & hominum, Dei, virtus, & sapientia Christi in seipso monstrauit, qui sicut dicit Hieronymus ad Nepotianum, alieno cibo vescatur. Hunc & Paulus Apostolus imitator ipsius praecipuus secutus est, in cuius laudibus dicit Chrysostomus, quod nihil habet nisi corpus. Sed etiam in hoc exemplum se alijs praebuit, cum ait: Imitatores mei estote, sicut & ego Christi. Igitur hunc viuendi modum tamquam a medio virtutis recedentem arguere, nihil aliud est, quam magistrum veritatis atque virtutis de excessu vitioso culpae. Propter quod diligenter oportet aduertere, quod sicut alio & alio modo tenetur medium a virtute politica, & purgatoria, & animi iam purgati; sic etiam difformiter medium tenent ciuilibiter, largus ex rectitudine virtutis, & Christi formiter egenus, in latitudine paupertatis. Et hoc est, quod in auctoritate praemissa Ambrosius doctor sacer insinuat, quam calumniator consueto more truncatam allegat. Ceterum, inquit, non vult Dominus simul effundi opes, sed dispensari, in quo explicat modum largitatis politicae. Sed ne quis ex hoc crederet, quod modum paupertatis Euangelicae non approbaret, immediate subiungit: Nisi forte ut Eliseus boues suos occidit, & pauit pauperes, ex eo quidem habuit, ut nulla cura teneretur domestica, sed relictis omnibus, in disciplinam se prophetica daret. Haec Ambrosius addidit, quod ut Euangelicam paupertatem sublimiter extolleret, quae iste dolose subtrahit, quatenus profectus subdole impugnaret. Nequaquam igitur huiusmodi pauperes possunt rationabiliter argui, quod discrimini se committant, ac per hoc, quod homicidae sint sui, vel tentatores Dei. Si enim sufficientiam victus quantum ad usum opportunum respicerent, utique seipsum necarent. Nunc autem sic recusant possessionis dominium, quod sustentationis necessariae non abijciunt usum: sic se committunt diuinam prouidentiam, ut viam non spernant prouisionis humanae, quominus sustentari valeant, vel de his quae gratis offeruntur, vel de his quae mendicantur humiliter, vel de his quae per laboritum conquiruntur. His enim modis vixerunt hactenus huiusmodi pauperes in magna multitudine sexaginta annis, & amplius per operis exhibitionem adeo in eis diuino impleto promisso, quod nullus eorum cuius ad nos fama peruenit, ob defectum vestitus, vel victus, mortis periculum incurrit. Abscedat igitur diffidentia a praedicatoribus veritatis, perfectisque Christi discipulis, cum eis repromittatur a Domino sufficientia victus, dicaturque eis: Nolite solliciti esse animae vestrae, quid manducetis, praecipiatque eis, ne quid tollant in via, nisi virgam tantum, ut habetur in Marco. Super quem locum dicit Beda: Tanta debet esse praedicatoribus fiducia in Deo, ut praesentis vitae sumptus quantum non prouideat, tamen sibi hos non deesse certissime sciat, nedum mens eius occupatur ad temporalia, minus alijs prouideat aeterna. Hoc verbum totius confidentiae tam expressum calumniator peruertere nititur, ut sic illud exponat, quamuis non prouideat, id est tempus prouidendi non habeat, quasi non debeat de sufficientia victus confidentiam habere, nisi quando non potest aliud agere, ad quod non tantum praedicator veritatis, immo quantumcumque imperfectus Christianus astringitur. Propter quod ut omnis calumniandi occasio tollatur e medio intelligendum, quod duplex diffidentia est, quaedam proueniens ex peruersitate, quaedam ex pusillanimitate. Ex peruersitate venit, quando habet incredulitatem, vel desperationem annexam, utpote cum quis de Deo diffidit, vel quia non credit Deum curare humana tamquam infidelis, vel quia existimat se derelictum a Deo, propter peccata sua, tamquam desperatus. Et talis diffidentia & sollicitudo procedens ex ipsa, omnibus prohibetur, & confidentia illi opposita, cunctis praecipitur. Diffidentia autem ex pusillanimitate proueniens, est quae habet annexam remissionem amoris diuini, & intensionem timoris humani, & hoc stare potest cum

Hieron. ad  
Nepotianum  
epist. 2. post  
med.

1. Cor. 4. d

Mar. 6. n



cum charitate imperfecta, non cum perfecta, & ideo hæc pusillanimitatis diffidentia, & sollicitudo ex ipsa proueniens Euangelicis & perfectis viris inhihetur, & cōfidentia eidem opposita a perfectionis magistro iniungitur quatenus prædicatores veritatis, algorem pusillanimitatis sollicitantis pro cibo refugiant, & ardorem charitatis cōfidentis de Deo cum promptitudine ad perferendum paupertatis incommoda constanter assumant. Ad hanc quidem cōfidentiam, in libro de eleemosyna Augustinus inuitat: Metuis, inquit, ne patrimoniū tuum forte deficiat, si ex eo operari largiter cōperis? Quando enim factum est, ut iusto possent deesse subsidia? cum scriptum sit, Nō occidet Deus fame animam iusti. Elias in solitudine ministrantibus coruis pascitur, Danieli in lacu, ad leonū prædam iussu regis incluso, prandiū diuinitus apporatur, & timemus ne operanti, & Deum timenti desit alimentum? cum ipse in Euangelio ad exprobrationem illorum, quorum mens dubia est, & fides parua, contestetur, & dicat: Aspicite volatilia cæli, quoniam non semināt, neque metunt, nec colligunt in horrea, & Pater vester cælestis pascit illa. Volucres Deus pascit, & quibus nullus diuinæ rei sensus inest, eis nec cibis, nec potus deest, tu Christiano, tu Dei seruo, tu operibus bonis dedito, tu Domino suo charo, aliquid existimas defuturum? An putas, quia qui Christum pascit, a Christo ipse non pascetur? Aut eis terrena deerunt, quibus diuina & cælestia tribuuntur? Vnde hæc incredula cogitatio, vnde impia & sacrilega ista meditatio? Hæc Augustinus. Quid facit in domo Dei tam perfidum pectus? Quid qui Christo omnino nō credit, appellatur, & dicitur Christianus? Pharisei magis tibi congruit nomen. Nam cum in Euangelio de faciendis eleemosynis disputaret, ut & nobis amicos de terrenis lucris prouida operatione faceremus, qui nos postmodū in æterna tabernacula susciperent fideliter & salubriter præmoneret, addit Scriptura post hoc dicens: Audiebant hæc omnia Pharisei, qui erant auari, & deridebant eum. Quales nunc sunt in Ecclesia, quorum quosdam videmus, quorū præclusæ aures, & corda cæcata, nullum de spiritualibus, ac salutaribus monitis, lumen admittūt. de quibus mirari non debemus, quia cōtemnant in talibus seruos, quando a talibus ipsum Dominum videmus esse derisum & contemptum. Ad quorum cōfirmationem exemplum, viduæ Sareptanæ, quæ pauit Eliam, consequenter adiungit. Quibus etiam consonat illius pauperculæ viduæ liberalis oblatio, quoniam quidquid habuit misit, diuino meruit ore laudari. Tertiū quoque calumniandi modum, non minus malignū aliquo prædictorum, calumniator hic pauperū assumere nititur ex mendicatione eleemosynarū, allegans primo contra eam, quod non sit opus virtutis, eo quod non habet annexum spirituale solatium, sed potius pœnalē cruciatum, ratione cuius Propheta eam imprecatur filijs impiorum, cum in Psalmis dicit: Nutantes trāferantur filij eius, & mendicent. Et sacri Canones: Mendicantem clericum asserunt infelicem. Ad cuius cauillationis, & cōsimilium repellendam calumniā, intelligendum est, quod quintuplex est mendicitatis differētia, origine, modo, ac efficacia, a seinuicem desperata. Prima est quam petit calamitas, & hæc est in personis miserabilibus & egenis, annexū habens pœnalem cruciatum cum merito, cum sit cum patientia, qualis fuit mendicitas Lazari vlcerosi & pauperis, iacentis ante ianuam diuitis Epulonis, vel cum peccato si sit cum impatientia. Et hanc imprecatur Propheta, & abhorrebat sapiens vir in persona loquens hominis infirmi, & timentis per egestatem inuolūtariam, ad impatiētiam compelli. Vnde postquam præmisit, mendicitatem ne dederis mihi, subiungit, ne compulsus egestate furer, & periurē nomen Dei mei. Et hæc est proprie dicta mendicitas, iuxta quod dicit Isidorus Etymologiarū libro 10. Mendicus dictus est, quasi

minus habens, vnde degat, vel quasi manu dicens necessitatem suam. Secunda est, quā parit cupiditas. Et hæc est in pauperibus simulatis, habens annexū cruciatum culpabilem, quo torquentur omnes auari & cupidi, non tam fame corporalis inedia, quā spiritualis nequitia per insatiabilem auaritiæ voracitatē, iuxta illud Iob: Attenuetur fame robur eius, & inedia inuadat costas illius. Et hanc dissuadet Apostolus ad Thessalonicēses: Nullius aliquid desideretis. Glossa, necdum rogetis vel tollatis, in quo desiderii prohibet cupiditatis rei alienæ, & petitionem ex ipsa venientem, iuxta illud ad Ephesios: Qui furabatur iam non furetur, magis autem laboret manibus suis operando, ut habeat vnde tribuat necessitatem patienti. Tertia est quam petit pigritia, & hæc est in pauperibus mendicantibus validis & otiosis, habens annexū cum cruciatu solatium, vitiosum tamen atque fantasticum. Studiosum enim refugientes laborē, & otiosam appetentes vacationem, fructuosam quietē perdunt, & perniciosam fatigationem incurrunt, secundum illud Sapientis: Desideria occidunt pigrum: noluerunt enim quidquam manus eius operari. Et iterum: Propter frigus piger arare noluit, mendicabit ergo egestate, & non dabitur ei. Et hæc mendicitas non solum lege diuina, sed etiam lege ciuili prohibetur. Et ut ab hac reuocet Apostolus, laborem manuum iniungit, ad Thessalonicēses, cum ait: Audiuius inter vos quosdā ambulare inquiete, nihil operantes, sed curiose agentes, his autem qui eiusmodi sunt denuntiamus, ut cum silentio operantes manducent panem suum. Cuius mandati Glossa rationem reddit, dicens: Qui ad alienam mensam frequenter accedit, otio deditus, necesse est aduletur pascendi se. Quarta est quam parit industria, & hæc est in pauperibus studiosis, circa disciplinam scholasticam occupatis, habens annexum cum cruciatu penuriæ, solatiū veritatis inuentæ, quæ adeo mentes generosas oblectat, ut multi dies ærumnis, & laboribus pleni, iucundi videantur, & pauci præ magnitudine dilectionis, maluntq. ea cū rubore mendicando addiscere, quā delicate viuēdo ignorare, quod in pluribus vidimus, qui cū mendicando didicerunt, postea magnū locum in Ecclesia Dei tenuerunt. Et de talibus Augustinus de opere monachorum dicit, quod eis bona opera fidelium subsidio supplendorum necessariorum deesse non debent, cum ad erudiendum animum ita vacāt, ut corporalia huiusmodi opera ab ipsis geri non possint. Quinta est quam parit iustitia, & hæc est in pauperibus voluntarijs, immunibus ab amore temporalis lucri, & torpore temporalis quietis, habens annexum cum cruciatu solatium, virtuosum & verum, pro eo quod sic mendicantes, solius mouentur amore paupertatis extremæ: quam ideo amplectuntur, ut liberius sapientiæ vacent, & efficacius ad culmen virtutis attingāt, quatenus in camino paupertatis electi, ipsius penuria purgentur a crimine, ipsius erubescētia humilientur in corde, ipsius parsimonia castificetur in carne, ipsius deuota gratitudine concilietur ad proximum, ipsius condescensiuā benignitate cōfigurentur ad Christū, ipsius sublimi celsitudine sursum agantur in Deum. Quod autem paupertas penuriōsa, & voluntaria huiusmodi efficacias habeat, supra declaratum est, per sanctorum auctoritates de laude paupertatis, tertiæ responsionis particula postrema. Quamquam nullus sane intelligens, dubitare queat, quin penuria purget, erubescētia humiliet, parsimonia castificet, gratitudo accipientis beneficium benefactori conciliet, condescensio benignitati cōfiguret ad Christum, qui cum diues esset amore nostræ salutis, effici voluit egenus & pauper, celsitudo paupertatis, qua quis omnia calcat, & seipsum cum omnibus sursum agat in Deum, non solum propter spiritus libertatem, verum etiam propter experiētiā incommodorum, quæ pauperes comitantur, cū dicat

Job 18. c

1. Theff. 4. 8

Eph. 4. f

Prov. 21. d

Ibid. 20. a

2. Theff. 3. 4

Mat. 6. d

Luc. 17. d

Psal. 108. b

Prov. 30. b

Isid. lib. 10.

etym. ver-

bo. Mendi-

cus.

Grego-

Gregorius, quod mala, quæ nos hic premunt, ad Deū A  
ire compellunt. Licet autem auaris sit molestia penuria, & superbis erubescencia, & lasciuus frugalitas, & in deuotis actio gratiarum, & infidelibus conformitas ad Christum, & desperatis eleuatio mentis in Deum, vere tamen pauperibus, solatium est penuriam pati, humilibus despici, continētibus castificari, charitati conciliari beneficio, credentibus configurari Christo, sperantibus sequestrari a mundo, & iungi Deo æterno. Ad quorum omnium confirmationem hoc sufficit, quod dicit Gregorius primo dialog. lib. 1. Sicut superbi honoribus, sic plerumque humiles sua despectione gratulantur, cumque se in alienis oculis vilescere sentiunt, idcirco gaudent, quia hoc iudicium confirmari intelligunt, quod de se & ipsi habuerunt. Quoniam igitur huic mendicitatis modo in pauperibus veris, & humilibus annexum est cum extrinseco cruciatu intrinsecum gaudium, ideo secundum Chrysostomū recte designatur, per illum caminum in quem pueri descendentes, ne statuam auream adorarent, cælitus irrorari meruerunt. Huiusmodi spirituale solatium, quod viri carnales ignorant, eiusque laudatores, Phariseorum more, auari derident, mulier eximie virtutis, Paula scilicet, experiri cupiebat, iuxta quod Hieronymus sacer in ipsius laudibus, ob hoc eiusdem desiderium admirabile prædicans, ipsamque collaudans, dicit, quod hoc habebat voti, ut mendicans pro Christo moreretur, & vnum nummum filie non relinqueret, & in funere suo aliena sindone inuolueretur. Nequaquam igitur, ut calumniator astruere nititur, ea sola mendicitas approbabilis est, quæ ex mera necessitate, vel calamitate procedit, pro eo, quod multo laudabilior est paupertas voluntaria, quam coacta: nisi quis ita desipiat, ut in operibus supererogationis, necessitatis coactionem præferat promptitudini voluntatis, quod ita absurdum est, quemadmodum si passionibus martyrum præponat quis stipendia latronum, dum martyres voluntarie, latrones inuoluntarie patiuntur. Porro si quis astruere velit, mendicitatem non esse de genere honestorum, & laudabilem, quoniam ad ipsam ex inopia rerum, & exigentia naturæ compellimur, consimili ratione, nec martyrium sanctorum fuit perfectum, nec laudabile, quoniam ad illud perferendum compellebantur, per violentiam improbam malignitatis alienæ: cum etiam magis teneat rationem voluntarie paupertatis penuria, quam penalitas passionis, pro eo quod illa voluntarie assumitur, & voluntarie perfertur; hæc autem aliunde violenter intelligitur, quamquam voluntarie perferatur. Est & alia cauillatio, qua nobilis & Christo Domino accepta mendicitas, calumnie arguitur, quasi annexam habeat non Euangelicam beatitudinem, sed mentalem imperfectionem, cum in actibus Apostolorum scribitur, Beatius est magis dare, quam accipere. Ex quo sequi videtur, quod beatiores, & perfectiores essent huiusmodi pauperes, si essent in statu eleemosynas dantium, quam sint in statu accipientium, beatiores utique si essent in statu eorum, qui eleemosynas liberaliter offerunt, quam qui petunt: cum dicat Hieronymus ad Nepotianum, Nepot. ep. 2. Nunquam petentes, raro accipiamus rogati. Et Augustinus: In loculis habedis, & in exigenda quodammo- do annona, Christus non petendo, sed præbendo indigentias suscepit. Ex quibus videtur posse inferri, quod status clericorum præbendas habentium, Christo sit similior, & perfectior statu mendicantium pauperum. Verum si huiusmodi ratiocinationis fundamentum vigilantius discussum fuerit magis potest ex hoc oppositum, quam propositum inferri. Si enim beatus est magis dare, quam accipere, ille minime beatus est, qui bona plurima accipit, & pauca largitur. Cum igitur omnia Ecclesiastica, sicut dicit Prosper, sint vota fidelium, pretia peccatorum, & pa-

trimonia pauperum, sequitur quod quicumque re-  
ditus Ecclesiasticos habet, cum longe plus accipiat,  
quam alijs largiatur: magis erit pingui acceptione  
miser, quam exili donatione beatus. Et e contrario  
verus pauper, qui omnia propter Christum deserit,  
& dispergit, non solum quæ habuit, sed & quæ con-  
cupiscere potuit, & paucis, & modicis est ad susten-  
tationem naturæ contentus, erit secundum hanc ra-  
tionem acceptione parcissima minime miser, & do-  
natione largiflua maxime beatus. Cui etiam concor-  
dare videtur Euangelicus textus, qui secundum Chry-  
sostomum habet in Græco: Beati mendici, quoniam  
B ipsorum est regnum cælorum, ubi Latinus habet,  
Beati pauperes spiritu. Quibus etiam concordat sa-  
cer Ambrosius in libro de officiis dicens: Pauper &  
si non habet unde reddat pecuniam, reddit gratiam.  
In quo certum est, quod plus reddat, quam acceperit.  
Pecunia enim nummo soluitur, gratia vero num-  
quam exinanitur: reddendo vacuatur pecunia, gra-  
tia vero & habendo soluitur, & soluendo retinetur.  
Hæc Ambrosius. Ex quibus est euident, quod præ-  
dicta veritatis auctoritas, contra Euangelicos paupe-  
res intorqueri non potest. Vnde & Glossa. Bedæ ibi-  
dem: Non illis qui relictis omnibus secuti sunt Do-  
minum, diuites eleemosynarios præponit, sed illos  
maxime glorificat, qui cunctis quæ possident renun-  
tantes, laborant nihilominus operando manibus, ut  
habeant unde tribuant necessitatem patienti. His  
Cassianus consonat: Hæc est, inquit, impartientis  
beatorum largitas, quam accipientis pecunia, quæ non  
de reconditis auaritiæ thesauris impenditur, sed quæ  
de fructibus operis proprii, & pio sudore profertur.  
Ex quibus habetur, quod si quis cum paupertate, &  
exercitio studij spiritualis, labori manuum intendens,  
seipsum & alios pascit, imitator effectus Apostoli Pau-  
li, opus agit maioris supererogationis, quam qui ab  
D alijs subsidia requirit, & accipit. Et ideo perfectio-  
nis omnis amator Franciscus, ad laborem manuum  
seculares suos & filios, moderate, ac prudenter in-  
ducit, dum ad hoc idoneos informat, & excitat,  
quod sic laborent, quod refugiant otium, & spiri-  
tum non extinguant. Ad quod quamquam sit perfe-  
ctum & sanctum vniuersali præcepto astringere no-  
luit, pro eo quod hanc celsitudinem supererogantis  
perfectiois, infirmitas corporum cum tarditate in-  
geniorum in hominibus nostri temporis non admit-  
tit. Esto igitur, quod hoc modo beatius sit dare,  
quam accipere, secundum imitationem Apostoli, non  
E tamen ex hoc potest inferri, quod accipientes sint im-  
perfecti, quia nec Apostoli a perfectione exciderunt  
in hoc, quod sustentabantur ab alijs, nec Christus  
imperfectiois magister fuit, qui perfectionis Evan-  
gelicæ Doctores ab alijs sustentari ordinauit, & hoc  
in seipso per exemplum ostendit. Vnde Augustinus  
super illud Psalmi, Qui producit in montibus fœ-  
num. Quare voluit egere Dominus, nisi ut daret  
montibus exemplum, ut parerent fœnum, ne contra  
pluuiam steriles redderentur? Hæc Augustinus,  
Per pluuiam dans intelligi doctrinam qua mentes  
erudiuntur, & per fœnum temporalia quibus corpo-  
F ralia sustentantur. Sane, ut omnis calumniandi ma-  
teria cesset, intelligendum est, quod quamuis acci-  
pere comparatum ad dare de genere operis minus sit  
beatum, atque perfectum, potest tamen ex super-  
adiecta circumstantia esse beatius, atque perfectius,  
videlicet cum quis accipit extremæ paupertatis amo-  
re, secundum sex conditiones superius expressas, in  
quibus simul iunctis integra cōstitit ipsius perfectio,  
non solum in abdicatione proprietatū, verumetiam  
in acceptione necessariorū, cum videlicet quis men-  
dicat, & accipit, ut acceptione penuriosa purgetur,  
verecunda humilietur, attenuata restringatur & ca-  
stigeretur, grata concilietur ad proximum, condescen-  
sua configuretur ad Christum, fiduciali & alta sur-  
sum

Amb. lib. 2.  
de offic. cap.  
25.

Cassianus  
de institut.  
monach. li.  
10. cap. 29.

Aug. enar.  
in Ps. 146.  
post med.

Greg. lib. 1.  
Dialog. c. 5.  
in f.

Hieron. ad  
Eustoch. e-  
pist. 27.

Act. 20. g

Hieron. ad  
Nepot. ep. 2.  
Aug. super  
Psalm. 103.  
conc. 3. post  
med.

Prosper lib.  
2. de vita  
contempl.  
cap. 9.

sum agatur in Deum. Quod quidem excellētius est, A  
quàm præbere alimenta pauperibus. Vnde Hierony-  
mus ad Iulianum: Extruis monasterium, multus a  
te sanctorum numerus sustentatur; sed melius face-  
res, si & ipse sanctus inter sanctos numerareris. Et  
Bernardus in quadam epistola: Volo te amicum esse  
pauperum, magis autem imitatore. Ille gradus est  
proficientium, hic perfectorum. Secundum hæc  
igitur perfectius est cum Christo egere, & eleemo-  
synas cum accipiente accipere, quàm sit amicum esse  
pauperum, ipsos pauperes sustentare. Quod ergo  
dicit Hieronymus ad Nepotianum, quod numquam  
parentes debemus accipere, intelligendum est, quod B  
loquitur Nepotiano clerico, pro his clericis qui suf-  
ficientem habet victum de bonis Ecclesiæ, qui etiam  
nondum conscenderant ad celsitudinem paupertatis  
extremæ. Et his cum habeant unde viuant, nec ve-  
lint agere, turpe est accipere, turpius petere. Et quia  
huiusmodi personis nisi studij causa turpe est mendi-  
care, ideo statutum fuit in Carthaginensi Conci-  
lio, quod Clericus pauper victum & vestitum artifi-  
ciolo quæretet. Et quia difficile erat eos ad huius-  
modi labores compellere, ideo statutum est sicut pa-  
tet de consecratione distinct. 1. quod nulla Ecclesia  
dedicetur, nisi prius dotata fuerit, ob hoc videlicet, C  
ut clerici in ea ministrantes habeant unde sustentari  
possint. Simul etiam per noua iura introductum est,  
ut clerici sine titulis non debeant ordinari, quod si  
ordinati fuerint ab ordinatoribus sustententur. Quæ  
quidem iura certum est nullatenus eos astringere, qui  
pro Christi nomine viuere deuouerunt in extrema  
paupertate, concurrentibus in hoc ipsum auctoritate  
summi Pontificis, & attestazione Euangelicæ veritatis.  
Qualiter autem verbum Augustini, quo dixit Chri-  
stum non petendo, sed præbendo indigentiam susce-  
pisse intelligi debeat, ipsemet aperit, cum subsequen-  
ter adiungit exempla de Christo, Elia, Zachæo, &  
vidua dicens: Cum quisque sanctum suscipit, non  
suscepto, sed susceptori præstatur. quasi dicat, quod  
Dominus in suscipienda annona, non quærebat pro-  
prium commodum, sed meritum alienum, non re-  
quirebat datum, sed fructum, quo fiebat, ut Chri-  
stum suscipiendi plus præstaretur ex merito, quàm su-  
scepto conferretur ex dono. Quod non solum habet  
veritatem in ipso capite, verum etiam pro membris  
ipsius pauperibus scilicet, pro quibus benefactoribus  
eorum in Matthæo mercedem repromittit cum di-  
cit: Quodcumque fecistis vni ex his fratribus meis  
minimis, mihi fecistis. Et iterum: Quicumque de-  
derit potum vni ex minimis istis calicem aquæ frigi-  
dæ tantum, in nomine discipuli: amen dico vobis,  
non perdet mercedem suam. Vbi Glossa: Minimi  
sunt qui nihil penitus habent in hoc mundo, & iudi-  
ces erunt cum Christo. Valde igitur sunt pauperes,  
qui nihil omnino habent in mundo, & calice frigidæ  
aquæ indigent, sed nihilominus valde sunt diuites, in  
quorum susceptione Christus se suscipi asserit, qui-  
bus etiam iudiciariam potestatem se communicaturum  
esse prædixit. Denique pessima cauillationum  
omnium ea esse dinoscitur, qua oppressor hic pau-  
perum eos esse viros sanguinum criminatur, pro eo  
videlicet, quod eleemosynas accipiunt, quibus su-  
stentari deberent inualidi pauperes, qui operari non  
possunt, & ideo quodammodo homicidium perpe-  
trant: dum eos eleemosynis ex pietate sibi debitis,  
impie defraudant cum Ecclesiasticus dicat: Panis  
egentium vita pauperis est, qui defraudat eum homo  
sanguinis est. Insuper & Christi Ecclesiam, ut dicit  
onerant, & multis periculis se exponunt, quæ ex ino-  
pia procedunt, cum dicat idem Ecclesiasticus: Prop-  
ter inopiam multi deliquerunt. Ex quibus & illud  
habet sequi, quod paupertatem huiusmodi profiteri  
sit impium, cum non habeat annexum meritum, sed  
peccatum. Et hoc est quod finaliter calumniator

egentium persuadere molitur, scilicet quod status huius-  
modi pauperum tamquam peruersus, ab vniuersa  
fali Ecclesia reprobetur, ut vere videatur illud Psalmi  
in eo esse completum: Persecutus est hominem inopi-  
pem, & mendicum, & compunctum corde mortifi-  
care. Dicamus igitur pro causa pauperum defenden-  
da, quod huiusmodi Euangelici viri, qui proprijs fa-  
cultatibus renuntiauerunt, & salutem animarum inten-  
dunt, non sunt viri sanguinum, sed misericordiæ;  
quorum iustitiæ obliuionem non acceperunt: quo-  
niam ex abundante misericordia temporalia bona  
largiti sunt ad sustentanda corpora pauperum, & spi-  
ritualia bona continue largiuntur ad sustentationem  
animarum, & ideo digni sunt, ut ab Ecclesia susten-  
tentur, quia non grauant, sed alleuiant, multo am-  
plius quàm illi, qui Ecclesiasticorum reddituum vber-  
tate pinguescunt, quos cum & plurimi eorum habe-  
re potuissent, multo magis pro Christo illis carere  
voluerunt. Hi ergo cum eleemosynas petunt & ac-  
cipiunt, nullum pauperem defraudant, quin potius  
causas pauperum agunt cum suis sacris exemplis &  
monitis, impios homines ad opera pietatis inducunt.  
Nulli prorsus iniuriuntur, quia hoc petunt & acci-  
piunt, quod eis debetur. Sustentatio enim corpora-  
lis debetur ipsis lege misericordiæ, tamquam paupe-  
ribus: & eo magis quo pauperes voluntarij sunt, Chri-  
stoq. deuoti. Vnde Hieronymus contra Vigilantium  
Non negamus cunctis pauperibus, si tanta sit largitas,  
stipes esse porrigendas. Apostolus docet faciendam  
quidem eleemosynam ad omnes, maxime ad dome-  
sticos fidei. De quibus Saluator in Euangelio loque-  
batur: Facite vobis amicos de iniquo mammona, qui  
vos recipiant in æterna tabernacula. Numquid isti  
pauperes inter quorum pannos & illuuiem corporis,  
flagrans libido dominatur, possunt habere æterna ta-  
bernacula, qui nec præsentia possident, nec futura?  
Non enim simpliciter pauperes, sed pauperes spiritu  
appellatur: de quibus scriptum est: Beatus qui intel-  
ligit super egenum & pauperem. In vulgi pauperibus su-  
stentandis nequaquam intelligentia, sed eleemosyna  
opus est. in sanctis vero pauperibus beatitudo est in-  
telligentiæ, ut ei tribuatur qui erubescit accipere, &  
cum acceperit, dolet metens carnalia, & seminans spi-  
ritualia. Hucusque Hieronymus. Debetur etiam eis  
lege iustitiæ tamquàm prædicatoribus veritatis: quam-  
quidem iustitiam exigere possunt, non iure fori sicut  
prælati, in quibus acceptio stipendiorum non est men-  
dicitas, sed potestas; sed iure poli eam exigere pos-  
sunt & debent, per modum humilitatis, scilicet pro  
Christi amore gratis petendo, ut alij mereantur dan-  
do, & ipsi humiliantur accipiendo, & sic sustenten-  
tur, ut Euangelizent, non Euangelizent, ut comedat.  
Vnde Bernardus ad fratres de monte Dei: Cum di-  
ues esset, pauper pro nobis factus est: & qui volun-  
tariæ paupertatis dedit exemplum, ipse in semetipso  
eiusdem formam dignatus est demonstrare. Ut enim  
sciant Euangelici pauperes quid eis faciendum sit,  
ipse etiam a fidelibus pasci voluit: nonnumquam &  
ab infidelibus, sed ut fideles faceret, vitæ necessaria  
accipere non recusauit. Constans est autem, quod  
non loquitur hic de prælatis, sed de pauperibus reli-  
giosis, quos exemplo Christi dicit de eleemosynis su-  
stentari debere, non quidem potestatiue requisitis,  
sed pie & humiliter postulatis. Huiusmodi autem  
pauperes sustentare pro Christo, non minoris est me-  
riti, quàm ædificare basilicas, ut dicit Hieronymus ad  
Demetriadem: Alij ædificant Ecclesias, vestiant pa-  
rietes marmorum crustis, non reprehendo, non ab-  
nuo. Vnusquisque in sensu suo abundet. Melius est  
hoc facere, quàm repositis opibus incubare. Sed tibi  
illud propositum est, Christum vestire in pauperibus,  
visitare in languentibus, pascere in esurientibus, su-  
scipere in his qui recto indigent, maxime in dome-  
sticis fidei, virginum alere monasteria, seruorum  
Dei

*Psalm. 108. b*

*Hieron. ad-  
uer. Vigil.  
post med.*

*Luc. 16. b*

*Psalm. 40. a*

*Hieron. ad  
Demet. c. 8.*

Dei & pauperum spiritu habere curam, qui diebus ac noctibus seruiunt Domino tuo, qui in terra positi imitantur Angelorum cōversationem, nihil loquuntur nisi quod ad laudes Dei pertinet, habentesq. victum & vestitum his gaudent diuitijs, qui plus habere nolunt, si tamen seruant propositum, alioquin si amplius desiderant, his quæ necessaria sunt probantur indigni. Ex his Hieronymi verbis colligitur, quod sustentare huiusmodi euangelicos pauperes, opus est pietatis maximæ, ac per hoc ipsos persequendo calumniari, scelus est non parvæ perfidiæ. Non enim inopia voluntaria, ut is dicit, est causa malorum, & multiplicium criminum, sed ut dicit Chrysostomus, & supra habitum est, infinitorum causa bonorum. Sicut enim radix omnium malorum est cupiditas, quæ est amor diuitiarum: sic paupertas cunctorum est origo bonorum spiritualium, quæ est contemptus affluentiae & amor penuriarum. Non ergo multi deliquerunt propter inopiam quam dilexerunt, sed propter inopiam quam oderunt, vel certe sicut Glossa dicit, verbum illud intelligitur nō de inopia bonorum temporalium, sed spiritualium virtutum atque cha-

rismatum. Hæc idcirco diximus, non quia commendamus effrenatam mendicantium multitudinem, aut omnem mendicandi modum, ut perfectum approbare velimus: sed eum dumtaxat, qui annexum habet studium sapientiæ septiforme, vel laborem manuum, cum professione & obseruantia Evangelicæ paupertatis, & exercitatione perfectæ virtutis. Quem quidem modum cum tota Christi vita & doctrina Evangelica comprobet, si quis ipsius contrarium euangelizauerit, iuxta verbum Apostoli anathema sit. Desinat igitur persecutor hic pauperum, a malignis calumnijs & verbis maledicis, nec Balaam transcendendo malitiam illis maledicat, quibus Dominus benedixit, ne benedictionem perdens cælitus re promissam, maledictionem incurrat æternam. Quod si cessare noluerit, verus pauper clamare non cesset. Aduua me Domine Deus Deus, saluum me fac propter misericordiam tuam. Et dehinc media proficiens in fine concludat. Confitebor Domino nimis in ore meo, & in medio multorum laudabo eum. Quia assistit a dextris pauperis, ut saluam faceret a persequentibus animam meam.

Gal. 1. b

Psal. 108. d

## S. BONAVENTURAE EXIMII ECCLESIAE DOCTORIS AD QVENDAM PROVINCIALEM MINISTRVM Epistola.

*Hæc Epistola S. Bonaventura precipit, ut fratres sui Ordinis caveant a frequentia discursuum, ab importunitate quaestuum, a sumptuositate adificiorum, librorum, vestium, ac ciborum, a prædicatione contra prælatos coram laicis, & a litigiosa inuasiōe sepulchrorum & testamentorum.*



**I**N CHRISTO sibi charissimo fratri B. Saucelis prouinciae ministro, frater Bonauentura ordinis fratrum Minorum Minister Generalis, & seruus. Salutem & pacem in Domino sempiternam.

Quoniam ad hoc potissimum inuigilare debet sollicita cura rectoris, ut in com-

misso grege meritum virtutis accrescat, claudatur vitij, & detur moribus disciplina, diligenti deliberatione præhabita, visum est tam mihi, quam diffinitoribus capituli generalis, ut ministris singulis aliqua ibidem examinata & discussa, litteratorie demandarem, ipsosq. sollicitos redderem, ad eos potissimum abusus tollendos de medio, quibus sinceritas religionis inficitur, perfectionis celsitudo deprimitur, & sanctitatis claritas offuscatur. Sane cum Evangelici culminis obseruata perfectio, hætenus spectabiles & amabiles nos mundo reddiderit, omniq. fauore ac reuerentia dignos, ecce iam nunc multitudine in procliuia tendente, & remissius agentibus his qui præsumunt, vitiorum quædam sentes cernuntur succrescere, quæ dum sacrum hoc, venerandumq. collegium, despicabile & onerosum reddunt populis, conuertunt in scandalum, quod cunctis esse debuerat in exemplum. Nam frequentia discursus, & importunitas quaestus, viles nos & graues efficiunt, pro eo videlicet, quod dum paruis nolumus esse contenti, & adi-

ficia sumptuosa conamur erigere, vilia summo studio quaeritantes, nobilia per incuriam perdimus, cum murorum curiosa constructio, destructionem pariat animarum. Perhorreo quorundam procacium audaciam, qua contra Patris nostri doctrinam coram laicis prædicando in Ecclesia contra prælatos, ipsorum acta suggillando, consurgunt nonnisi scandala, iurgia, & odia seminant, & non solum ipsorum, verum etiam Dei prouocant iram, cum diuina constet lege sancitum, ne quis maledicat surdo, nec ponat offendiculum coram cæco. Sed & sepulchrorum ac testamentorum litigiosa & auida quædam inuasio, cum exclusionem illorum, ad quos animarum cura spectare dinoscitur, non modicum nos clero toti fecit exosos, sicut experientia docente, percepimus, & ipse sanctissimus pater Pontifex summus dominus Clemens, fratres omnes ad cauendum huiusmodi, pia prouidentia, per me voluit commonere. Horum autem omnium hæc puto potissimam rationem & causam, quod ea, quæ prouida cura, per totius ordinis prouidentiam in generali capitulo statuuntur, paruipenduntur a fratribus, & habentur pro nihilo. Nec tamen transgressores huiusmodi, disciplina debita castigantur. Sicq. fit diuini permissione iudicij, ut spernentes modica, in maxima decident. Quia cum disciplina negligitur, insolentia crescunt, ac per hoc interior negligentia circa exercitationem virtutum, exterius procedit in scandalum per eorum patentem ruinam, qui stare videbantur in oculis aliorum. Ex quo fit, ut sanctæ religionis splendor præfulgidus in pallorem degeneret, sancti-

Leu. 19. c

sanctitatis pulchritudo sordescat, bonæ opinionis odor computreat, & nomen Domini blasphemetur. Ne igitur sanguis animarum non solum nostræ sollicitudini commissarum, sed etiam omnium quæ ad lumen sanctæ religionis per viam salutis incedunt, de nostris manibus requiratur, charitatis tuæ zelû, quantum possum, efficaciori mādato duxi præsentibus excitandum, adiurans te per asperionem sanguinis Crucifixi, & per stigmata passionis eius, quæ in sacro Patris nostri corpore indubitabili claritate fulserunt, vt sicut Christi seruus fidelis & prudens, ad præfatarum extirpationem pestium toto te animi vigore succingas, tota mentis attentione inuigiles, totoq. seruiore spiritus succendaris. Et primum quidem ad sanctæ orationis studium, fratres tuæ curæ commissos efficaciter incitans, ad regulæ promissæ obseruantia sinceram inducas pariter & compellas, pestiferos, & insolentes nullius ferendo faciem euellens & destruens, dissipans & disperdens, vel carcerali mancipando custodiæ, vel a communitate sacri collegij expellendo, iuxta quod pietatis & iustitiæ lex exposcit: ne dū crudeli misericordia vni membro putrido parcitur, in totius corporis sospitatem putrens corruptio diffundatur. Et quoniam paupertas est nostræ religionis prærogatiua sublimis, ne nobilis hæc margarita conculcāda porcis viliter exponatur, discursuum causam & quæstuum, sumptuositatem, scilicet ædificiorum, librorumque, vestium, ac ciborum, sic studeas amputare, quod a professionis excellentia vitæ obseruantia

A non discorder. Fosdum est enim, profanumq. mendacium summæ paupertatis voluntarium professorem se asserere, & rerum penuriam pati nolle, interius diuitum instar affluere, & exterius more pauperum mendicare. Inhibeas etiam fratribus firmiter & districte, quia tam diuino, quàm canonico prohibetur imperio, ne prælatorū vitam coram populo carpant, sed potius reuerentiam exhibeant, non tantum bonis & modestis, verum etiam dyscolis, quia etiam hoc exigit sacrum mysterium Christificæ vñctionis. *1. Pet. 2. 6* Mandes etiam fratribus vniuersis, vt pacem clericorum omnium tam in testamētis, quàm in sepulturis, quantum in eis est, sic studeant obseruare, vt nullam habeant contra nos occasionē iustæ querelæ, simulq. sæculo toti clarescat, quod non commoda rerum, sed lucra quærimus animarum. Denique quia his & alijs deordinationibus innumeris, per statuta ordinis via præcluditur, volo vt per loca fratrum ea sic diligenter conscribi, legi facias & seruari, vt sicut professione virtutum præcipui credimur, nequaquam morum incōpositione postremi merito censeamur. His igitur charissime frater, tam efficaci studio non cesses intendere, quod Deus gratū habeat, vt ego tuæ obedientiæ promptitudinem, & sollicitudinis vigilantia, zelumq. ordiuis sacri, possim non immerito cōmendare. Et vt hoc melius fiat, volo vt præsens series omnibus fratribus tuæ Prouinciæ per te, vel per custodes, quotiens opportunum fuerit, explicetur.

# S. BONAVENTURAE

## EXIMII ECCLESIAE DOCTORIS

### AD MINISTROS PROVINCIALES, ET CVSTODES

#### Epistola

#### DE REFORMANDIS FRATRIBVS

*sui Ordinis.*

*Hæc Epistola causas exponit, ob quas Minorum ordo suo tempore deformari videbatur. Monet insidem ac præcipit Prouincialibus ministris, & Custodibus, vt ijs causis per regula obseruantiam occurrant, pœnas illis si secus fecerint comminando.*



**I**N CHRISTO sibi charissimis Ministris Prouincialibus, & Custodibus vniuersis, Frater Bonaventura ordinis eorūdem Generalis minister & seruus, Salutem & pacem, quæ exuperat omnem sensum. Licet insufficientiam meam ad ferendum onus impositum cognoscerem manifeste, per debilitatem corporis, imperfectionem mentis, inexperience actionis, & repugnantiam voluntatis: quia tamen durum est contra stimulum calcitrare tantæ congregationis, & summi Pontificis, ac per hoc, & altissimi Dei voluntati pertinaciter resistendo, sarcinæ graui, & quasi importabili humeros supposui imbecilles, sperās de adiutorio virtutis Omnipotentis, & confidens de adminiculo vestræ solli-

citudinis in idipsum. Nam & si sit impossibile homini quātumcumque forti, industrio, & experto totam tanti oneris sarcinam suis humeris baiulare, si tamen diuisa in partes, & humeris imposita diuersorum viriliter a quolibet importetur, non est quantumcumque debili capiti, horrore quodam rei insolitæ desperandum: Quoniam igitur de vestra præsumo industria, sollicitudine, & zeli viuacitate, quod promptis ad extirpanda mala, promouenda bona, refouenda debilia, & fortia conseruanda, videns me speculatorem datum domui Israel, ne sanguis animarum de manibus meis requiratur, cogitavi quædā vobis breuiter scribere, quæ verbatenus, si in capitulo generali fuisset, libentius enodassem. Nunc autem quia pericula temporum vrgent, & læsiones conscientiarum, necnō & scandala mundanorum, quibus cū ordo deberet esse sanctitatis totius speculū, in diuersis orbis partibus



partibus in tedium vertitur, & contemptum. Quæ A mihi de consilio discretorum visa sunt corrigenda, nec penitus tacens, nec omnino exprimens, nec noua statuens, nec vincula superinducens, nec onera grauius alligans alijs, & imponens; sed tamquam annuntiator veritatis breuiter explico, videns illa nullatenus reticenda. Sane perquirenti mihi causas, cur splendor nostri ordinis quodammodo obscuratur, ordo exterius inficitur, & nitor conscientiarum interior defædatur, occurrit negotiorum multiplicitas, qua pecunia, nostri ordinis paupertati super omnia inimica auidè petitur, incaute recipitur, & incautius contrectatur. Occurrit quorundam fratrum otiositas, quæ sentina est omnium vitiorum, qua plurimi consopiti, monstruosum quemdam statum inter contemplatiuam, & actiuam eligentes, non tam carnaliter quàm crudeliter sanguinem comedunt animarum. Occurrit euagatio plurimorum, qui propter solatium suorum corporum, grauando eos per quos transeunt, non exempla post se relinquunt vitæ, sed scandala potius animarum. Occurrit importuna petitio, qua omnes transeuntes per terras adeo abhorrent fratrum occursum, vt eis timeant, quasi prædonibus obuiare. Occurrit ædificiorum constructio sumptuosa & curiosa, quæ pacem fratrum inquietat, amicos grauat, & hominum peruersis iudicijs multipliciter nos exponit. Occurrit multiplicatio familiaritatum, quam regula nostra prohibet, ex qua suspensiones, infamationes, & scandala plurima oriuntur. Occurrit improvida commissio officiorum, qua fratribus nondum vsquequaque probatis, nec carne maceratis, nec spiritu roboratis, imponuntur officia vix portanda. Occurrit etiam sepulturarum, & testamentorum auidè quædam inuasio, non sine magna turbatione cleri, & maxime sacerdotum. Occurrit mutatio locorum frequens & sumptuosa, cum quadam violentia, & perturbatione terrarum, cum nota inconstantia, non sine præiudicio paupertatis. Occurrit tandem sumptuositas expensarum. Nam cum fratres paucis nolint esse contenti, & charitas hominum refrigerit, facti sumus omnibus onerosi, magisq. siemus in posterum, nisi remedium celeriter apponatur. Licet autem plurimi reperiantur, qui non sunt culpabiles in aliquo prædictorum, tamen omnes inuoluit hæc maledictio, nisi a non facientibus, his qui faciunt resistatur; cū luce clarius omnia prædicta in maximum, & nullo modo dissimulandum vergant nostri ordinis detrimentum, licet tepidis & indeuotis, & secundum carnem sapientibus, considerantibus consuetudinem, & allegantibus multitu-

dinem, quasi facilia & excusabilia, etiam irremediabilia videantur. Excitetur ergo cordis nostri deuotio, & feruor ad zelum, & eiectionis negotiatoribus de domo Patris cælestis, fratres omnes ad orationis & deuotionis studium accendatis, restringatis receptionem multitudinis, quia modis omnibus volo, quod constitutio de receptione strictè seruetur. Prauas prædictorum vitiorum consuetudines refecetis, quia licet videatur fratribus graue, requirit tamen hoc perfectio professionis nostræ, requirit tribulationis incursus, requirit mundus. Clamat hoc beatus Franciscus, & sanguis Christi aspersus, & Dominus de excelsis. Otiosos stimuletis ad laborem, vagantes compescatis ad quietem, importune petentibus imponatis silentium, intentos exaltandis domibus profundius deprimatis, familiaritates quærentes arceatis ad solitudinem. Officia prædicationis & confessionis cum multo examine imponatis. Constitutionem de testamentis olim factam, & de nouo de sepulturis, faciatis arctius obseruari. Locorum vero mutationem, nullatenus concedatis alicui ante Capitulum generale. Nam de consilio discretorum, propter scandala vitanda iuxta prædecessoris mei mādātum, hoc mihi referuo districtè per obedientiam iubendo, vt nullus deinceps locum mutet sine mea licentia speciali. Discant etiam fratres modicis esse contenti, quia vehementer & sapientibus, & rationabiliter formidatur, quod oportebit eos modicis esse contentos, velint nolint. Si igitur obedientes fueritis verbo per epistolam, & hoc per visitatores intellexero, quos volo super prædictis corrigēdis, tam in capitulis, quàm in membris diligentius vigilare, gratias agam omnium Conditori, & vobis. Quod si aliter, quod absit, acciderit, indubitanter sciatis, quod nullatenus patietur conscientia mea, prædicta sub silentio pertransire. Licet enim non sit mei propositi nouis vos vinculis innodare, oportet me tamen conscientia compellente, totis viribus extirpationi intendere prædictorum, quatenus vitæ scandalis, vt tenemur regulæ quam vquimus, sine cuius obseruatione saluari non possumus, veritatem perspicaciter videamus, & impleamus professionem, & totis viribus puritatem custodiamus, quæ impugnatur euidenter ex omnibus supradictis. Datum Parisijs, & cetera. Hanc autem litteram legi in singulis conuentibus vestræ prouinciæ faciatis.

F I N I S E P I S T O L Æ  
ad Ministros prouinciales, & custodes.



## S. BONAVENTURAE

EXIMII ECCLESIAE DOCTORIS

Opusculum,

QVOD INSCRIBITVR

BIBLIA PAUPERVM.

*Tractatus iste extra tomos Opusculorum S. Bonaventurae editus vagabatur: cuius vnum tantum exemplar reperiri potuit, vetus illud quidem, ut typorum forma apparuit, quod in principio sic est inscriptum: Incipit praeclarum opus, quod Biblia pauperum appellatur, perutile omnibus praedicatoribus: in fine vero haec sunt verba: Expliciunt exempla sacrae Scripturae ordinata secundum alphabetum, ut possint, quae sunt necessaria in materijs sermonum, & praedicationum facilius a praedicatoribus inueniri, editum a sancto viro Bonaventura ordinis Minorum. Constat igitur ex praefati exemplaris initio, & sine inscriptione operis, & eius auctor. Et si coniectura aliquid tribuendum est, videtur Trithemius in catalogo Scriptorum Ecclesiasticorum inter opera S. Bonaventurae etiam hoc connumerare, dum illi adscribit compendium quoddam Scripturarum. Nam in hoc tractatu auctor nihil aliud agere videtur, quam loca quaedam communia constituere, quibus applici summam Scripturae sacrae auctoritates ad commoditatem praedicatorum, ut ex praefatione auctoris facile constat, in qua perspicere licet huius Opusculi argumentum. Et sicut Auctor in libro pharetra, quod in prima Opusculorum parte huius editionis habetur, auctoritates sanctorum Patrum ad loca communia redegit; ita in hoc Opusculo sacra Scripturae exempla. Quare postulare videbatur ordo, ut tractatus iste in prima parte cum pharetra collocaretur; sed quia in gratiam religiosorum sui ordinis illud videtur Auctor composuisse, ut titulus ipse praefert; ideo in hac quarta parte editum fuit, quia ea Opuscula continet, quae ad religiosos praecipue sui ordinis spectant.*

## PRAEFATIO.



**A**NTA pollet excellentia praedicationis officium, quod Saluator noster Dominus Iesus Christus non confunditur asserere se fuisse missum ad id salubrius exercendum. Praedicator igitur assumptio tantae dignitatis opere, totis studiis laborare conetur, ut illud sicut oportet & expedit, exequatur. Quia profecto fieri poterit, si honorem Dei, & utilitatem proximi directe intendat ibi quaerere, non modicum temporale, vel per inanem gloriam subtilia magis, quam utilia curiosius exquirendo ac sermonibus imperitis sententias inuoluerum sciolus apparere. Manifestum est autem antiquorum exempla gestorum valde edificatoria esse, quando fuerint deceter inducta, & inter sacra verba congruenter inserta. Siquidem & castum timorem incutunt, & sanctum alliciunt ad amorem. Dum id quod homini factum fuisse narratur, homo sibi met posse fieri similiter arbitrat, siue speciali gratia actum fuerit cum quibusdam, siue cum alijs suadibili doctrina, siue etiam terribili disciplina. Intellectum insuper hominis facilius instruunt, & cognitionem generant planiorem: quia cum facta praecedentia memoratiua describuntur, quasi quaedam sensibiles species in auditoris imaginatiua pinguntur, quae sine difficultate ad intellectum postea transfunduntur. Apprehensis quoque mirabilibus praecedentium factis, quanto auditor contingit fortiori admiratione percuti, tanto eius memoriam certum est tenacius insigniri. Sicque minus cito poterit, quod aude auditum, & valide impressum fuerit, de ipsa vi memoratiua deleri. Quia vero, ut ait beatus Augustinus: Sacra Scriptura supra omnium gentium litteras omnia sibi genera ingeniorum humanorum divina excellens auctoritate subiecit, in omni solida & indubitabilis veritas continetur. Ideoque exempla quae hauriuntur in

S. Bon. Tom. 7. Pars iij.

**A** illa eo maioris sunt ponderis, & valoris, quo sublimiori auctoritate, & certiori veritate nituntur. Unde praedicator verba Scripturae sacra enucleatius exponendo, & testimonijs in aeternum fundatis utendo potest morose sermonem tutius dilatare, quam si verba cuiuscumque alterius historiae pertractaret. Plurimas igitur utilitates de exemplorum in sacra Scriptura contentorum narratione veridica, prouenientes perpendens, ad honorem Dei, & aliqualem proximorum edificationem exempla in varijs locis sacrae Scripturae dispersa facilius breuiterque, secundum quod tenuitas paupertatis meae valebat excipere, laboravi. Nullus autem ita me presumptuosum existimet, ut putem hic cuncta ipsius Scripturae exempla notabilia coarctasse. Scio enim quod tanta est Christianarum litterarum profunditas, ut non possit paucis voluminibus comprehendi. Quare si dicat lector, quod ad hanc, vel ad illam materiam, tale vel tale exemplum hic omisum potuisset adduci; vel etiam quod tale, vel tale hic propositum ad alia plura congruentius debuisset aptari; nolo verbis contendere, nec ei contradicere in hac parte. Hoc solum mihi sufficiat, quod de bonis & notabilibus exemplis aliqua utilia sunt hic sub breui facilitate descripta. Rursum etiam quia nonnumquam vnum valet induci ad diuersas virtutum, aut vitiorum materias, non miretur aliquis, vel turbetur, si interdum sub diuersis titulis idem factum, vel exemplum inuenerit collocatum, verbi gratia. Quando narratur, quod Ioseph procaci mulieri ipsum sollicitanti acquiescere recusauit, quamquam factum fuerit vnum: potest tamen inde sumi exemplum pro castitate iuuenum, & pro fidelitate seruorum. Item contra nimiam credulitatem dominorum, & contra fallacias mulierum. Item de occultis indicijs, & prouidentia Dei, qui ex huiusmodi occasione ipsum Ioseph inopinabiliter sublimauit. Porro quia breuitati studui sensum plerumque posui, non ipsa verba, prout in textu omnino iacebant. Ut autem exempla possint citius proposito praedicatoris occurrere: titulos subsequenter opusculi in ipso libri capite praenotaui.

R r de Ab-

## A

de <b>A</b> bstinentia & sobrietate.	cap. 87
de <b>A</b> ceptione munerum.	76
de Acedia vel negligentia.	117
¶ Acquiescendum est bonis consilijs.	56
de Adoratione & cultu Dei.	21
de Adulatione.	69
de Æquitate, & iustitia.	59
de Affectu carnali.	94
de Agendis gratijs pro beneficijs Dei.	63
de Amicitia.	46
de Ambitione prælationis.	103
de Angelis bonis.	31
de Angelis malis.	32
de Animæ immortalitate.	33
de Apparitionibus factis antiquis patribus.	30
de Aspectu incauto.	92
de Astutia & calliditate.	54
¶ Deus Attendit plus ad operantē, quàm ad opus.	12
de Avaritia.	73
de Auiditate mulierum.	127
de Audiendo verbum Dei.	29

## B

de <b>B</b> ello temporali.	82
de <b>B</b> enedictione quam Deus dat homini.	5
de <b>B</b> enedictione qua homo benedicit Deum.	7
de <b>B</b> enedictione qua homo homini benedicit.	8
¶ pro Beneficijs Dei, ipsi gratiæ sunt agendæ.	63
¶ in Beneficijs humanis homo debet esse gratus.	64
de Benignitate Dei ad seruos suos.	3
de Blasphemia contra Deum.	23
de Bonorum oppressione.	110
de Bonis latentibus inter malos.	113
de Bonorum societate.	119
de Bonis principibus & prælatis.	101

## C

de <b>C</b> alliditate & astutia.	54
de <b>C</b> arnali affectu.	94
de Castitate.	90
de Concordia & pace.	48
de Confessione peccati.	106
de Confidentia & magnanimitate.	78
de Compassione habenda ad proximum.	44
de Consensu communi, & vnitate.	49
de Consilijs bonis.	56
de Consilijs malis, & persuasionibus.	28
de Consolatione diuina.	4
de Constantia & perseverantia.	80
de Contemplatione, & mentis illustratione.	36
de Conuitijs & derisione.	70
de Correctione fraterna.	43
de Credulitate falsa & suspitione.	57
de Cultu Dei, & adoratione.	21
de Curiositate humana.	122

## D

de <b>D</b> etractoribus & maledicis.	71
de <b>D</b> ilectione Dei.	40
de <b>D</b> ilectione proximi.	41
de Discretionem & prudentia.	53
de Discordia, lite, vel rixa.	50
de Duritia & obstinatione malorum.	107

## E

de <b>E</b> brietate & gula.	88
de <b>E</b> lectionibus.	100
de Eruditione filiorum.	55
de Exhortatione bona, & prædicatione.	27

## F

de <b>F</b> alsa credulitate, & suspitione.	57
de <b>F</b> allacijs mulierum.	128
de <b>F</b> ide habenda ad Deum.	34
de <b>F</b> idelitate seruanda homini.	35
de <b>F</b> ide magna mulierum.	123
de <b>F</b> iliorum eruditione.	55
de <b>F</b> letu, siue lacrymis.	17
de <b>F</b> ortitudine & strenuitate.	77
de <b>F</b> ortitudine mulierum.	126
de <b>F</b> ortitudine ad malum.	84
de <b>F</b> raterna correctione.	43
de <b>F</b> urore, vel ira Dei.	11

## G

de <b>G</b> ratijs agendis pro beneficijs Dei.	63
de <b>G</b> ratitudine pro beneficijs humanis.	64

## H

de <b>H</b> omicidijs.	85
de <b>H</b> onore parentum.	62
de <b>H</b> ospitalitate libenter exhibenda.	45
de <b>H</b> umilitate.	97
de <b>H</b> ypocrisi, & simulatione.	75

## I

de <b>I</b> actantia.	99
de <b>I</b> dolatria.	22
de <b>I</b> llustratione mentis & contemplatione.	36
de <b>I</b> mmortalitate rationalis animæ.	33
de <b>I</b> mpatentia & murmure.	81
de <b>I</b> ncontinentia & luxuria.	91
de <b>I</b> ngratitudine.	65
de <b>I</b> nmicitia, & odio.	47
de <b>I</b> ntentione recta in opere habenda.	116
de <b>I</b> nuidia.	42
de <b>I</b> ra vel furore Dei.	11
de <b>I</b> ra hominis per zelum.	95
de <b>I</b> ra hominis per vitium.	96
de <b>I</b> udicijs Dei occultis.	2
de <b>I</b> udicijs hominum.	60
de <b>I</b> uramento.	18
de <b>I</b> ustitia, & æquitate.	59

## L

de <b>L</b> acrymis siue fletu.	17
de <b>L</b> bonis Latentibus inter malos.	113
de <b>L</b> iberalitate, misericordia & largitate.	72
de <b>L</b> ite, discordia, vel rixa.	50
de <b>L</b> oquacitate, & silentio.	93
de <b>L</b> onganimitate & spe.	37
de <b>L</b> uxuria, & incontinentia.	91

## M

de <b>M</b> agnanimitate, & confidentia.	78
de <b>M</b> aledictione, qua Deus maledicit.	6
de <b>M</b> aledictione qua homo homini maledicit.	9
de <b>M</b> aledicis, & detractoribus.	71
de <b>M</b> alorum multitudine.	112
de <b>M</b> ansuetudine & patientia.	79
de <b>M</b> atrimonio.	89
de <b>M</b> entis illustratione.	36
de <b>M</b> endacio.	67
de <b>M</b> iraculis diuina prouidentia factis.	1
de <b>M</b> isericordia, liberalitate, & largitate.	72
de <b>M</b> obilitate populi.	114
de <b>M</b> orte in generali.	131
de <b>M</b> orte horrenda malorum.	133

de Mor-

de Morte pretiosa iustorum.	134
de Mundana prosperitate.	121
de Munerum acceptione.	76
de Murmure, & impatientia.	81
de Mulierum fide.	123
de Mulierum sapientia.	124
de Mulierum fortitudine.	126
de Mulierum auditate.	127
de Mulierum fallacijs.	128
de Mulierum stultiloquio.	129
de Mulierum ornatu superfluo.	130

N

de <b>N</b> Equitia tyrannorum.	109
---------------------------------	-----

O

de <b>O</b> Bedientia.	25
de Observatione præceptorum Dei.	24
de Observatione Sabbati.	19
de Occultis Dei iudicijs.	2
de Odio & inimicitia.	47
quòd veritas Odium parit.	66
de Operatione bona.	115
de recta intentione habenda in Opere.	116
quòd Deus plus attendit ad Operantem, quàm ad opus.	12
de fortitudine ad Operandum malum.	84
de Oppressionem bonorum per malos.	110
de Oratione.	16
de Ornatu superfluo mulierum.	130

P

de <b>P</b> Ace & concordia.	48
de Patientia & mansuetudine.	79
de Paupertate.	74
de Peccatis & pœnis peccatorum.	105
de Permissione sanctorum virorum.	58
de Perseuerantia & constancia in propositis.	80
de Persuasionibus & consilijs malis.	28
de Peruersitate quorundam.	108
de Pietate mulierum.	125
de Pœnitentia.	61
de Populi mobilitate.	114
de Potentia Dei in miraculis.	1
de Præceptis Dei & ipsorum obseruatione.	24
de Pretiosa morte iustorum.	134
de Prælati bonis.	101
de Prælati malis.	102
de Prælati ambitiosis.	103
Quòd Deus Probat homines siue tentat.	13
de Proditione.	68
de Prosperitate mundana.	121
de Prouidentia Dei, & eius iudicijs.	2
de Prudentia & discretionem.	53

de Pueris bonæ indolis.	118
de Pusillanimitate.	83

Q

de <b>Q</b> Vorundam peruersitate.	108
------------------------------------	-----

R

de <b>R</b> Ecta intentione habenda in opere.	116
de Reuerentia templo exhibenda.	20
de Rixa, discordia, vel lite.	50

S

de <b>S</b> Abbati obseruatione.	19
de Sapiencia mulierum.	124
quòd Sancti viri permittunt aliqua fieri licet inuite.	58
de Scriptura sacra.	26
de Seueritate Dei erga delinquentes.	10
de Sepulturis.	132
de Seruanda fidelitate.	35
de Simulatione & hypocrisi.	79
de Silentio & loquacitate.	93
de Sobrietate & abstinentia.	87
de Societate bonorum.	119
de Societate malorum.	120
de Spe & longanimitate.	37
de Spiritibus malis.	31
de Stragibus hominum diuersis.	86
de Strenuitate & fortitudine.	77
de Stultiloquio mulierum.	129
de Superfluo ornatu mulierum.	130
de Suspicionem & falsa credulitate.	57
de Superbia.	98

T

de <b>T</b> Entatione diaboli.	104
quòd Deus Tentat homines, & probat.	13
quòd homo non debet Tentare Deum.	14
de Timore Dei.	38
de Timore, quo mali timent bonos.	39
de Tribulationibus.	111
de Tyrannorum nequitia.	109

V

de <b>V</b> Erbi Dei prædicatione.	27
quòd Veritas odium parit.	66
de Vnitate & communi consensu.	49
de Voto.	15

Z

de <b>Z</b> Elo bono contra peccatores.	51
de Zelo indiscreto.	52

DE MIRACVLIS DIVINA POTENTIA  
factis. Caput Primum.



**R**ATIO rerum fuit ita mirabilis, quòd eius notitia non nisi per reuelationem venire potuit ad hominem. Nam secundum B. Gregorium super Ezechielem homil. 1. De præteritis prophetauit Moyses dicēs: In principio creauit Deus cælum & terram. Genesis 1. Non quia prædixit futura, sed quia prodidit occulta.

Tempore diluuij saluauit Dominus Noe cum vxore, & tribus filijs suis & vxoribus eorum. Item dicitur: De cunctis animalibus masculum & feminam fecit seruari per arcam. Genes. 7.

S. Bon. Tom. 7. Pars iij.

Præsumptionem hominum turrim vsque ad cælum ædificare volentium repressit Dominus confundendo linguas eorum. Genes. 11.

Mirabiliter natus est Isaac. Genes. 21.

Item mirabiliter liberatus, quando debuit immolari, & apparuit aries inter vepres. Genes. 22.

Multa miracula fecit Dominus per Moysen quando voluit filios Israel educere de Ægypto. Exod. 7. 8. 9. & 10.

Grande miraculum fuit, quòd numquam defuit columna nubis per diem, nec columna ignis per noctem coram populo eunte de Ægypto ad terram promissionis. Exod. 13.

Per lignum Moysi ostensum dulcoratæ sunt aquæ prius amaræ. Exod. 15.

Misit Dominus murmuranti populo coturnices, &

R r 2 postea

postea pluit illis manna ad manducandum, Exod. 16. A  
Item aquam de petra in abundantia ad bibendum  
Exod. 17.

Memorandum & terribile miraculum fuit in diuisione, & exsiccatione maris rubri, quando transierunt filij Israel sicco pede, Aegyptij vero fuerunt in medijs fluctibus inuoluti, Exod. 14.

Murmurantibus & desiderio carniū flagrantibus in deserto filij Israel misit Deus carnes in abundantia, Numeri 11. hinc haberi potest, quod miracula nō sunt semper certa diuinæ dilectionis insignia.

Occasione seditionis Chore, & complicum suorum multa miracula contigerunt Numeri 16. & 17.

Percussi filij Israel a serpentibus ignitis, & aspicientes serpentem æneum curabantur, Numeri 12.

Veniens Balaam ad maledicendum populo Dei, redargutus fuit ab asina, cui sedebat, Numeri 22.

Adduxit Dominus filios Israel per desertum quadraginta annis, & non sunt attrita vestimenta eorum, nec calceamenta vetustate consumpta, Deuteronom. 29.

Ingressis filijs Israel fluiuium Iordanis stabat aqua, & instar montium intumescabant alie inferiores in mare mortuum descenderunt, Iosue 3.

Post septem circuitus filiorum Israel muti Iericho corruerunt, Iosue 6.

Obediuit Deus voci Iosue dicentis, Sol contra Gabaon non mouearis, Ios. 10. c.

Immisit Dominus gladium in omnibus castris Madian & mutua secæde truncabant, & sic per paucos multi debellati fuerunt, Iudic. 7.

Per arcam Domini a Philistæis captam multa fuerunt facta miracula, 1. Reg. 4. & 5.

Ionathas & armiger eius percusserunt tot de Philistæis, quod factum est miraculum, & conturbata sunt castra, 1. Reg. 14.

Magnum fuit miraculum, quod Dauid iuuenis inexpertus, & inermis præualuit aduersus Philistæum D armatum, fortem & expertum, 1. Reg. 17.

Armum extenderet Hieroboam brachium, vt faceret capi virum Dei, aruit manus eius, & altare scissum fuit, 3. Reg. 13.

Elias legitur fecisse miracula impetrando fieri siccitatem, ita quod non pluit super terram annos tres, & menses sex: sicut habetur, Iac. 5. Item corui deuoluerunt ei panē & carnes bis in die, consequenter suscitauit filium mulieris mattisfamilias, 3. Regum 17.

Postea ignem holocaustum mirabiliter consummentem a Domino precibus impetrauit. Deinde post orationem eius, facta est pluuia grandis, 3. Regu 18. Post hæc Angelus Domini panem & aquam ei ostendit. Item in monte Horeb apparuit ei Dominus, 3. Regum 19. Præterea, duos quinquagenarios ad preces eius ignis descendens de celo consumpsit, 4. Regum 1. Tandem diuisit pallio tangens aquas Iordanis, & in curru igneo receptus est in celum, 4. Reg. 2.

Elisæus legitur fecisse miracula aquas Iordanis diuidendo, 4. Regum 2. Idem mulieri viduæ debitis obligatæ oleum augmentauit, 4. Regum 4. Idem mulierem Sunamitidē filium habere fecit, & deinde eum mortuum suscitauit, 4. Regum 4. Item apposita farina in olla, prius amara olera dulcorauit, Item panes multiplicauit filijs Prophetarum, 4. Regu 14. Item sanauit a lepra Naaman Syrum, 4. Regum 5. Item fecit super aquas natat ferrum, 4. Regum 6. Itē absens tamquam præsens multa cognouit, 4. Regum 5. & 6. Item currus igneos Angelorum a puero suo videri fecit, 4. Regum 6. Item exercitum regis Syriæ cecitate percussit, 4. Regum 6. Item multotiens futura prædixit, 4. Regum 7. 8. 9. & 13. Item cadaver hominis mortui tangens ipse ossa defuncti surrexit, 4. Regum 13.

Mirabile fuit valde quando ad petitionem Ezechie Sol retrocessit per decem lineas in horologio Achaz, 4. Regum 20.

Obsidente rege Seracherib ciuitatem Lachis percussi sunt vna nocte de exercitu ipsius centum octogintaquinque millia tempore Ezechie, 4. Regum 19.

Congregati sunt contra Iosaphat filij Ammon & Moab, & de monte Seir, cum canerent autem laudes Deo Leuitæ in exercitu Iosaphat existētes aduersarij in semetipsos versi, mutuis se occidere vulneribus, 2. Paralipomenon 20.

Tobias, quattuor annis fuit cæcus, & deinde iuxta consiliū Angeli ad liniationem de felle piscis lumen recepit, Tobie 11.

Memorandum fuit miraculum de tribus socijs Danielis a fornace ignis ardentis, tam magnifice liberatis, Danieli 3. & etiam de Daniele, qui cum leonibus septem diebus remansit illæsus, Dan. 14. Alia vero vice fuerat die vno, Dan. 6.

Occasione Ionæ mare fuit commotum, quo proiecto piscis eum deglutiuit, & per triduum ibi vixit, & postea sanus exiuit, Ionæ 1. & 2.

Expertus est Heliódorus diuinam virtutem, quando voluit spoliare templum, & fuit a duobus iuuenibus grauissime vulneratus, 2. Machab. 3.

Aduersus Galatas in Babyloniam sex millia hominum peremerunt centum viginti millia hominū propter auxilium eis datum de celo, 2. Machab. 8.

Angelus Domini apparuit Zachariæ, nunciāns ei ex parte Dei, quod Elisabeth vxor eius, licet sterilis, & anus pareret ei filium, qui incredulus ad verbum Angeli mutus effectus est, vsque ad circumcisionem pueri, & tunc loquela restituta est ei, Luc. 1.

Mirum dulce & pium valde factum fuit, quando ad salutationem Beatæ Mariæ, quæ nouiter conceperat Saluatorem, beatus Ioannes in vtero matris existens exultauit, & sancta Elisabeth hæc cognouit, & exclamauit dicens: Benedicta tu inter mulieres, &c. Lucæ 1.

Magi venerunt ab Oriente Hierosolymam, dicentes: Vbi est, qui natus est Rex Iudæorum? Vidimus enim stellam eius in Oriente, &c. Matth. 2.

Vocatus ad nuptias Dominus Iesus cum discipulis suis, aquam in vinum conuertit, Ioan. 3.

Non fuit paruum Domini miraculum, quando illi de Nazareth repleti ira duxerunt eum in supercillium montis, vt præcipitarent eum: ipse autem transiens per medium illorum ibat, Lucæ 4.

Circuibat Iesus, &cet. obtulerunt ei omnes male habentes varijs languoribus & tormentis comprehensos, & qui demonia habebant & lunaticos & paralyticos & curauit eos, Matth. 4. simile habetur, Luc. 4. Omnes qui habebat infirmos varijs languoribus, &c. Item Lucæ 6. Virtus de illo exibat & sanabat omnes.

Quantum ad miracula, quæ Saluator noster cum hominibus conuersatus operari dignatus est, ex Euangelica colligitur historia; quia ipse tres mortuos suscitauit, videlicet filiam Archisynagogi in domo patris, Matth. 9. Marc. 5. Luc. 8.

Item filium viduæ delatum extra portas ciuitatis Naim, Lucæ 3. Tertius fuit Lazarus frater Mariæ & Marthæ, qui iam quatuoriduanus erat, & in sepulcro ferebat, Ioan. 11.

Item leprosos vndecim inuenitur mundasse. De vno, Matth. 8. Matt. 1. Luc. 5. De alijs autem decem qui dixerunt simul Iesu præceptor miserere nostri, Lucæ 17.

Præterea, sex cæcos legitur illuminasse, de duobus simul, Matth. 9. de duobus alijs, Matth. 20. Duo cæci sedentes secus viam audientes, quia Iesus transiret. De vno alio, Marc. 8. Veniunt Bethsaida, & adducunt ei cæcum, & rogabant illum, vt eum tangeret. De alio autem cæco nato, Ioan. 9.

Dæmoniācos autem septem specialiter liberauit. De duobus, Matth. 8. De quorum vno qui erat famosus, & nomen sibi esse legionem dicebat, tangitur, Lucæ 8. De vno alio, qui erat mutus, Matth. 9. De alio



- alio, qui erat cæcus & mutus. Matth. 12. & Luc. 11. de eodem. De quodam vero lunatico, qui nō poterat liberari nisi in oratione & ieiunio habetur Matth. 9.
- Item de quodam spiritu immundo ab homine in synagoga Iudæorum eiecto tangitur Mar. 1. Luc. 4. Item de filia mulieris Cananæ ad instantiam matris sanata. Matth. 15. Marc. 7. Item secundum litteram narratur. Luc. 8. Eiecit septem dæmonia de Maria Magdalena, & hoc ipsum dicitur. Marc. 16.
- Item cum socrus Simonis teneretur magnis febribus, imperavit Iesus febrī, & continuo surgens ministrabat eis. Matth. 8. Marc. 1. Luc. 4.
- Item paralyticum ante eum per tegulas tecti demissum sanavit. Matth. 9. Marc. 4. Luc. 5.
- Item hydropicum, dum Sabbato comederet in domo Pharisei, curavit. Luc. 14.
- Item homini manum aridam habenti extendere eam fecit. Matth. 12. Marc. 3.
- Item hominem languidum per triginta octo annos in momento sanavit. Ioan. 5. Item incuruatam mulierem, nec sursum respicere valentē erexerat. Luc. 13.
- Item sanavit seruum Centurionis, qui iacebat paralyticus, & male torquebatur. Matth. 8.
- Item surdum fecit audire, & mutum loqui. Mar. 9.
- Item filium Reguli de Capharnaum incipientem C mori ad vitam reduxit. Ioan. 4.
- Item fluxū sanguinis in muliere Hæmorrhoiſſa cessare fecit tactu simbrie vestimentī eius. Matt. 9. Mar. 5.
- Item tempestate valida in mari ipso dormiente commota imperavit mari, & statim venti & mare obediunt ei. Matth. 8. Marc. 4. Luc. 8.
- Item ambulavit discipulis admirantibus supra mare, & Petrum ambulare fecit, & incipientem mergi manu extenta saluavit. Matth. 14. Marc. 6.
- Item pulchrum miraculum ostēdit tribus Apostolis in sua transfiguratione. Matth. 17. Marc. 9. Luc. 9.
- Item de quinque panibus & duobus piscibus, quin D que millia hominum satiauit, & sublatis fuerunt duodecim cophini fragmentorum. Matth. 14. Marc. 6. Luc. 9. Ioan. 6.
- Item quattuor millia hominum refecit alia vice, de septem panibus & paucis pisciculis, & superfuerunt septē sportę fragmentis plenę. Matth. 15. Mar. 8.
- Item ficum habentem folia sine fructu maledixit, & continuo aruit. Matth. 21. Marc. 8.
- Item auriculam per Petrum, seruo principis sacerdotum amputatam benigne restituit, & Petrum super hæc imputauit. Luc. 22.
- Cum autem ipse Saluator pro salute mundi penderet in cruce, a sexta hora diei, vsque ad horam nonam tenebrę factę sunt super vniuersam terram Luna existente decima quinta, & in parte cæli opposita Soli, ita quod Sol per ipsam Lunam nullatenus naturaliter poterat eclipsari, & velum templi scissum est, & terra mota est, & petrę scissę sunt, & monumenta aperta sunt, & multa corpora Sanctorum, quę dormierunt, surrexerunt. Matth. 27.
- Resurgente vero ipso Domino Iesu Christo, terręmotus factus est magnus, Angelus enim Domini descendit de cælo, & accedēs reuoluit lapidem ab ostio monumenti, prę timore etiam eius exterriti sunt custodes, & facti sunt velut mortui. Matth. 28.
- Deinde apparuit discipulis suis ianuis clausis. Ioan. 20. & ad mare Tiberiadis, vbi ad præceptum eius mittentes rete in mare impletum est magnis piscibus centum quinquaginta tribus, & cum tanti essent non est scissum rete. Ioan. 21.
- Tandem quadragesimo die post resurrectionem suam apparens discipulis, & eos increpans & instruēs, videntibus illis & admirantibus eleuatus est in cælū, & nubes suscepit eum ab oculis eorū. Luc. 24. Act. 1.
- Prædicta miracula in speciali tanguntur. alia vero plurima fuisse facta in generali leguntur: sicut apparet in diuersis locis, in Matthæo, Marco, & Luc. S. Bon. Tom. 7. Pars iij.
- A ca. Vnde Ioan. 20. Multa quidem & alia signa fecit Iesus, & cetera.
- Miro modo magnum fuit miraculum de effusione Spiritus sancti super discipulos in die Pentecostes. Vnde ita fuerunt roborati, consolati & illustrati. Act. 2.
- Vidēs Petrus hominem claudum iuxta Speciosam portam templi dixit: In nomine Iesu Christi Nazareni surge & ambula. Et apprehensa manu eius dextera, alleuiavit eum: & protinus consolidatę sunt bases eius & plantę. Act. 3.
- Princeps sacerdotū, & omnes qui cum illo erant, iniecerunt manus in Apostolos, & posuerunt eos in custodia sua publica. Angelus autem Domini per noctem eduxit eos, & carcerem reclusit, &c. Act. 5.
- Grande miraculum, & terribile factum fuit, quando ad vocem increpatoriam Petri, Ananias cecidit & expirauit; & simile accidit de Saphira vxore eius. Act. 5.
- In plateis ponebant infirmos in lectulis & grabatis, vt veniente Petro saltem vmbra eius obumbraret quemquam illorum. Concorrebat autem multitudo vicinarum ciuitatum afferentes ægros, & dæmoniacos, & curabant omnes. Act. 5.
- Prædicante Philippo in Samaria, multi qui habebant spiritus immundos clamantes exibant. multi etiam paralytici & claudi curati sunt. Act. 8.
- Æneam paralyticum ab annis octo in grabato iacentem, Petrus sanauit dicendo: Ænea saluet te Dominus Iesus Christus; surge & sterne tibi. Act. 9.
- Eiecis omnibus foras Petrus ponēs genua orauit, & conuersus ad corpus Thabitę mortuum, dixit: Thabira surge. At illa aperuit oculos & viso Petro resedit; dansq. illi manum erexit eam. Act. 9.
- Mirabile & admirabile factum fuit, quod Saulus dum iret Damascum ad capiendum Christi discipulos, cælesti lumine circumfultus in terram prostratus est, & exterius excæcatus, sed interius illustratus. Act. 9.
- Petrum incarceratum, catenis duabus vinctum, & sexdecim militibus custoditum, Angelus Domini solutū eduxit, & porta ferrea vltro aperta est eis. Act. 9.
- Elymam magum pseudopropheta Iudæū, Paulus priuauit lumine oculorum, eo quod ipse proconsulem Paulum a fide auertebar, & Apostolis verbum Dei prædicantibus resistebat. act. 13.
- In ciuitate Lystrę erat vir quidam claudus ex vtero matris suę, qui numquam ambulauerat: quem intuens Paulus dixit voce magna: Surge super pedes tuos rectus, & exiliuit & ambulauit. Act. 14.
- Quadam puella habens spiritum pythonem magnum quæstum præstabat dominis suis diuinando. hæc sequebatur Paulum & Lucam, & clamans & dicens: isti homines serui excelsi Dei sunt. Dolens autem Paulus dixit spiritui: Præcipio tibi in nomine Iesu Christi exire ab ea, & exiuit eadem hora. Act. 16.
- Cum essent Paulus & Silas in carcere laudantes Deum, subito terręmotus factus est magnus, ita vt mouerentur fundamenta carceris; & statim aperta sunt omnia ostia & vniuersorum vincula soluta sunt. Act. 16.
- Virtutes nō modicas faciebat Deus per manus Pauli, ita vt etiam super languidos deferrentur a corpore eius sudaria, vel semicinctia, & recedebant ab eis languores, & spiritus nequam egrediebantur. Act. 19.
- Quidam Iudæi tentauerunt inuocare super eos, qui habebant spiritus malos nomen Domini nostri Iesu Christi, dicentes: Adiuro vos per Iesum, quem Paulus prædicat. Respondens autem spiritus nequā dixit eis: Iesum noui & Paulum scio. Vos autem qui estis? Et insiliens homo in quo erat dæmonium dominatus est amborum, & inualuit contra eos: ita vt nudi, & vulnerati effugerent de domo illa. Act. 19.
- Vna sabbati Paulus disputans protraxit sermonem vsque ad mediam noctem. sedens autem adolescens R r 3 quidam

quidam super fenestram cum mergeretur somno graui, cecidit de tertio cenaculo deorsum. & sublatuſ est mortuus. ad quem cum descendisset Paulus, incubuit super eum, adduxerunt autem puerum viuum, & consolati sunt non minime. Act. 10.

Tempore hiemali cum euasissent Paulus, & socij eius de fracta nauis, & calefacerent se ad ignem: vipera a calore procedens inuasit manum Pauli. quam ille excutiens in ignem nihil mali passus est; cum tamen crederetur ab hominibus illius regionis illico morituruſ. Act. 28.

Patrem Publij febribus, & dyſſenteria laborantem, Paulus facta oratione, & manuum impositione sanauit: quo facto omnes, qui in insula habebant infirmitates, accedebant & curabantur. Act. 28.

*De prudentia Dei & occultis eius iudicijs. Cap. 11.*

**S**ciebat Dominus hominem peccaturum, & tamen ipsum peccabilem fecit: cum impeccabilem facere potuisset: sed sciebat quantum bonum occasione illius culpæ elici debuisset. Gen. 1. de creatione hominis.

Vnde fratres Ioseph ipsum extinguere crediderunt, inde dispositione Domini ipsum super ipsos exaltauerunt. Gen. 37. & 41.

Laban mercedem Iacob frequenter mutauit, vt ei lucrum subtraheret. qui tamen de facultatibus eius diuina voluntate ditatus est. Gen. 30.

Mirante Ioseph, & causam ignorante Iacob in benedictione filiorum eius, super Effraim posuit manum dexteram, & super Manasse sinistram. Gen. 48.

Postquam Moyses percusserat Ægyptium, & offenderat corripiendo quendam Hebræum, fugit a facie Pharaonis, & exlauit in terra Madian multis annis; ita quod videbatur, vt de cetero non auderet comparere in terra Ægypti: & tamen ibi pascendo oues soceri sui, habuit maiores occasiones vacandi Deo. & vidit visionem illam grandem; ac missus fuit a Deo ad filios Israel, & ad Pharaonem. Exod. 2. & 3.

Sciebat Dominus Pharaonem non obediturum mandatis suis. & tamen ipsum per Moysen faciebat requiri. Exod. 5. & 6.

Antequam educeret Dominus filios Israel de Ægypto, longo tempore, & multotiens affligi eos, & flagellari permisit. Exod. 1. & 5.

Magi & malefici Pharaonis Deo permittente, fecerunt signa in Ægypto sicut Moyses, quo ad plura. Exod. 7.

Permittit Dominus reprobos indurari, & electos affligi, vt aliqua miracula operetur, & inde cognoscatur amplius & laudetur. Exod. 9. Idcirco posuisti, vt ostendam in te fortitudinem meam, & narretur nomen meum in omni terra.

Totiens promisit Dominus filijs Israel terram illam lacte & melle manantem. & tamen duo tantum de illis, qui viginti annos habebant, scilicet Caleb, & Iosue ad illam peruenerunt. reliqui vero non, sed paruuli eorum tantum. Num. 14.

Moyses qui totiens populum peccantem reconciliauit Deo, peccauit semel ad aquas contradictionis. Num. 20. & non obtinuit pro se ipso, vt intraret terram Promissionis.

Hoc ipso, quod filij Israel propter peccata sua manserunt quadraginta annis in deserto. amplius magnificatus est Deus, qui eos tamdiu pauit, & eorum vestimenta a consumptione seruauit, ac tandem eos in terrâ promissionis mirabiliter introduxit. Iosue 2.

De gentibus, quæ habitabant in terra Promissionis, dicitur Iosue 11. Domini sententia fuerat, vt indurarentur corda eorum, & pugnarent contra Israel, & caderent & non mererentur vllam clementiam, & perirent.

Postquam Gedeon tam mirabilem victoriam de

A inimicis habuerat, & dominari populo recusauerat, fecit Ephod: quod factum est ei, & domui eius in ruinam. Iudic. 8.

Iratus Dominus filijs Israel propter eorum peccata, dixit eis: Non addam, vt vos liberem. Ite & inuocate Deos, quos elegistis. Dixeruntq. ad Dominum: Peccaui, &c. & sequitur; Qui doluit super miserijs eorum. Iudic. 10.

Samson Angelo annuntiante de sterili matre conceptus, postea pluries fuit per mulieres deceptus, & ad vltimam ruinam domus oppressus. Iudic. 16.

B Filij Israel contra filios Benjamin de consilio & voluntate Domini præliantes, bis debellati fuerunt; sed illos postea penitus deleuerunt. Iudic. 20.

Permisit Dominus arcam capi ab incircumcisis, vbi multa miracula fecit. & cum reduceretur, Bethsamtæ cum gaudio receperunt illam. Quia vero viderunt eam, percussit Dominus ex eis septuaginta magnos viros, & quinquaginta millia plebeios. 1. Reg. 4. & 5.

Saule melior non erat in populo, quando fuit a Domino signanter electus. & tamen cito post peccauit & fuit a Deo proiectus. 1. Reg. 15.

C Dauid erat minimus inter fratres, & quasi nullius reputationis inter eos. Vnde quando vocati fuerunt filij Isai, iste neglectus, vel contemptus fuit; tamen per illum Dominus totum populum gubernauit, & totam illius progeniem sublimauit. 1. Reg. 16. & deinceps.

Satis est mirabile quomodo Samuel sanctus Prophetæ a muliere Pythonissa legitur suscitari. 1. Reg. 28. Augustinus in lib. de doctrina Christiana dicit, quod fuit imago Samuelis, non ipse propheta, vel eius anima, & apparuit eius imago arte dæmonum sacrilega.

Nota quam expresse locutus est Dominus ad Nathan de bonitate Dauid, & filij eius, qui ædificaturus erant templum. 2. Reg. 7. & tamen ambo in peccata postea tam turpiter corruerunt.

Mirabile videtur quod pro adulterio, & homicidio Dauid vnus tantum paruulus mortuus est. 2. Reg. 12.

Moriturus Dauid ordinationem fecit satis mirabilem: sed quia Scriptura ita commendat eum, supponendum est, licet occulta, non tamen iniusta ratione fuisse factum. 3. Regum 2.

Salomoni dedit Dominus tantam prosperitatem, & pacem, quod non erat satan, neque occurſus malus. Item sapientiam, & gloriam præ cunctis regibus; & tamen permisit eum Dominus taliter infatuari deprauari, & multiplices aduersarios suscitari. 3. Regum 11.

E Præcepto Domini per Ahiam prophetam præfectus est Hieroboam super decem tribus, qui populum ad idolatriam malitiose induxit. 3. Regum 11.

Occidit leo virum Dei, qui prædixit Ieroboam destructionem altaris sui; & de carnibus ipsius mortui non comedit. 3. Regum 13.

Cum esset Achab sceleratissimus, & audiret poenâ sibi pro criminibus infligendam, coepit exterius humiliari, & Dominus poenam infligere prorogauit. 3. Regum 21.

Terribile fuit, quod duos principes quinquagenarios cum quinquaginta suis fecit Elias igne descendente desuper subito deuorari. 4. Regum 1.

Iehu rex Israel maximo zelo persecutus est cultores Baal, ita quod Dominus ipsius opera commendauit: & tamen ab idolatria vitulorum Ieroboam non recessit. 4. Regum 10.

Manasses rex in Hierusalem terribilia scelera perpetravit: postea catenis vinctus, & in Babylonem ductus poenitentiam agens orauit Deum, & exauditus fuit. 2. Paralip. 33.

Iosias rex Iuda cum sanctissimam vitam duxisset, tandem perrexerit, vt dimicaret contra Necho regem Ægypti dicentem ei: Desine aduersum Deum face-

*Aug. lib. 2.  
de Doctri.  
Christia.  
c. 23, 20, 1.*

re qui mecum est, ne interficiat te. Non acquieuit A Iosias sermonibus Nechao ex ore Dei, & male successit ei. 2. Paralip. 35.

Ciuitatem sanctam electam specialiter, & dilectam peculiarem populum quem de Aegypto mirabiliter eduxerat, per desertum deduxerat, in terram Promissionis introduxerat, permisit Deus per Chaldeos, & Assyrios deuastari, & miserabiliter captiuari, & videbatur quod Dominus illos penitus non curaret. dicitur autem Tob. 13. Confitemini Domino filij Israel, quoniam ideo disperfit vos inter gentes, qui ignorant Deum, ut enarretis miracula eius, & faciatis Tobias, quia non est alius Deus optimus praeter eum. B

Tobias post tam pia misericordiae opera, quibus sollicitus intendebat, excacatus est, cuius causam non intelligit amici eius scandalizati insultabant ei. Tobiae 2.

Satis mirabile potuit reputari, quare tot regna permisit Deus ab Holoferne nequissimo homine subiugari. Iudith 2. & 3.

Item de Aman, qui fuit superbissimus & crudelissimus, & tamen fuit post regem super cunctos principes exaltatus. Esther 3.

Mirabantur, & scandalizabantur amici Iob super eum, quando videbant tam grauibz flagellis afflictum. Iob 2. & deinceps.

Diuina iustitia punit interdum malos homines per peiores, sicut filios Israel, & Iuda per Nabuchodonosor, & Chaldeos. vnde Isa. 10. Vt Assur, virga furoris mei, & baculus ipse est, &c. Ipse autem non sic arbitrabatur, & cetera.

Non solum super populum fidelem, & bonum instituit Dominus principem, vel praetatum. Verum etiam super omnes, non est potestas nisi a Deo. Rom. 13. Vnde de Cyro prophetauit Isaias, & vocat eum Dominus Christum suum. de quo tamen dicit: Assimilauit te, & non cognouisti me, &c. Isa. 45.

Praecepit Dominus Iong, ut praedicaret adhuc quadraginta dies, & Niniue subuertetur, & tamen sciebat Dominus Niniuitas poenitentiam acturos, & non taliter puniendos. Iona 3.

Permisit Dominus, ut Antiochus profanaret illud venerabile templum, & succenderet ciuitatem innoxentem, & faceret ibi innumeras caedes hominum innocentium, &c. 1. Machab. 1.

Tempore Antiochi Epiphanis, qui Hierusalem destruxit, templum profanauit, multos Iudaeos torfit crudeliter, & occidit, poterat videri multis quod confusio magna erat, & deordinatio in regimine vniuersi. Veruntamen ex illis malis elicuit Deus malorum punitionem, quorundam vero correptionem, multorum etiam tunc interfectorum virtutes, & merita fuerunt multipliciter augmentata. 2. Machab. 6. Obsecro autem eos qui habent, & cetera.

Iudas Machabeus, Ionathas, & Simon fratres eius fuerunt viri, quo ad Deum, & homines fidelissimi & strenuissimi, & tamen satis miserabiliter mortui. Na Iudas in bello contra Bachidem & Alchim cecidit. 2. Machab. 9. Ionathan vero cum duobus filiis Tryphon occidit. 1. Machab. 13. Simonem autem, & duos filios eius Ptholomaeus filius Abobi inebriatos proditorie iugulauit. 2. Machab. 15. Mirum fuisse videtur quod Eleazarus vir aetate prouectus, & illi septem fratres, tam crudelia sustinuerunt pro diuina lege tormenta, nec tamen ibi Deus aliquam vindictam in tyrannos ostendit. 2. Machab. 6. & 7.

Voluit Dominus pner existens in Aegyptum deferri a facie Herodis, & permisit loco sui Innocentes occidi. Matth. 2. Sed in hoc ipsis infantibus melius prouidit. numquam enim tantum bonum Innocentibus prouenisset, si Herodes eos honorare curasset, quantum prouenit eis ex eo quod eos occidi mandauit. Matth. 2.

Audita fide Centurionis miratus est Dominus, &

sequentibus se dixit: Multi venient ab Oriente, & Occidente, & recumbent cum Abraham, Isaac, & Iacob in regno caelorum: filij autem regni eiicientur in tenebras exteriores. Matth. 9.

Quidam scriba obtulit se ad sequendum Dominum, & non fuit admissus. Alium vero inuitauit ad sequendum, qui non voluntarius videbatur. Vnde dixit: Dimitte me sepelire patrem meum. Leu. 9. & Matth. 8.

Fecit Dominus virtutem in Corozaim, & Bethsaida, ubi parum profuit, & non fecit in Tyro & Sidone: ubi si fecisset multum profuisset. Matth. 11.

Permisit Deus Ioannem Baptistam exemplum totius sanctitatis, ab Herode vilissimo adultero decollari. Matth. 11. & Mar. 6. Stuporem autem auget, quia hoc factum fuit ad instantiam meretricis, nec aliqua vindicta legitur in Euangelio subsecuta, neque in Herodiade, neque in puella, neque in ipso Herode tetrarcha.

In Dominica passione per sceleratissimam hominum iniquitatem, Deus circa redemptionem humani generis suam benignissimam voluntatem ostendit. Vnde dixit Petrus. Act. 3. Deus qui praenuntiavit per os omnium prophetarum pati Christum suum, impleuit sic, & cetera.

Petrus Apostolorum princeps, & caput Ecclesiae, Dominum ipso permittente ter negauit. Thomas, qui tam confidenter dixerat: Eamus & nos, & moriamur cum eo. Ioan. 11. de Resurrectione Dominica dubitauit: Ex quibus secutus est, quod Petrus fuit mitior erga peccatores, & fuerunt in fide solidati fideles, vel in fide aliquantulum cespicientes. Item habetur ex hoc, quod nullus debet de sua firmitate presumere, & quod siue aliquis ceciderit a fide, siue dubitauerit in fide non debet de diuina misericordia, & de consequenti uenia desperare.

Item ex hoc quod Iudas Apostolus, & dispensator Domini in enorme peccatum cecidit, nec surrexit reprehenditur omnis presumptuosa securitas, quod nullus pro statu quem habeat, vel pro actu quem faciat debet alte sapere, sed timere.

Quando Apostoli duces fidelis populi fuerunt in carcere, & cum diligentia custoditi. Act. 5. poterat videri aliquibus infirmis, quod Deus tempore nouellae fidei non debebat talia permisisse, sed ex hoc ipso fideles fuerunt mirabiliter consolati, & aduersarij fidei confutati. Simile accidit de solo Petro. Act. 12. quando fuit ab Herode captus & carceratus, & per Angelum miraculose eductus.

Magna fuit iniquitas Stephanum lapidare, & tamen inde multa bona supernae prouidentiae clementiae prouenerunt. nam ipse fuit in caelo gloriosus coronatus, in terra abundantius honoratus, oratio etiam sua quam ibi fecit, nobis acquisiuit Paulum, & omnibus posteris reliquit mirae patientiae, & charitatis exemplum. Act. 7.

Lapidato Stephano facta est magna persecutio in Ecclesia, quae erat Hierosolymis, & omnes dispersi sunt per regiones Iudaeae & Samariae, praeter Apostolos, ita quod videbatur ad multum Christiana religio vergere detrimentum. Sed dispersi discipuli Euangelizabant verbum Dei, ita quod hoc ipso Ecclesia fuit amplius dilatata. Act. 8.

Prædicantibus Paulo, & Barnaba Iudaeis, & illis repellentibus verbum Dei assumpserunt ipsi occasionem gentibus prædicandi. Vnde dixerunt. Act. 13. Vobis oportebat primum loqui verbum Dei, & ecce conuertimur ad gentes; audientes autem gentes gauisae sunt.

Facta est dissensio inter Paulum, & Barnabam, propter Ioannem Marcum, quem Paulus nolebat recipere eo quod discessisset ab eis: Barnabas autem volebat eum secum assumere, ita quod abinuicem discesserunt ex quo videbatur scandalum debere sequi, sed disponente Deo magnus secutus est fructus, quia pluribus

tribus prædicatum est verbum Dei. Act. 15.

Grandia facinora committebant illi, qui egregium doctorem Paulum incarcerabant, & a prædicatione ipsum cessare cogebant. poterat etiam multis videri, quod hoc magnum inconueniens erat, & quod Dominus hoc permittere non debebat. Et tamen notandum est valde quod ex tantis impedimentis, & damnis diuina prouidentia multas virtutes effecit. nam inde meritum Pauli creuit, sic etiam maiora virtutum exempla reliquit, & melius docuit per opera, quam prius fecisset per verba. Præterea in carcere positus scripsit absentibus, & remotis. Nec tantum profuit Ecclesiæ prædicando, quantum profuit epistolas transmittendo. Vnde si in vna ciuitate, vel prouincia fuisset ab hominibus honoratus, & libenter auditus, non habuisset occasiones ad diuersos populos remeandi, nec tot gentibus Euangelium seminandi. Quando igitur persequebantur eum Iudæi, vel quicumque alij de ciuitate in ciuitatem, verbum Dei pluribus prædicabat: quando in carcere tenebatur epistolas faciebat. Item quando resistebant ei Iudæi, ad gentes se conuertebat. Act. 13. Quoniam repellitis verbum Dei, dicebat Iudæis, Ecce conuertimur ad gentes. Item Act. 18. dixit Iudæis: Sanguis vestester super caput vestrum, mundus ego ex hoc ad gentes vadam. Rursus etiam, quia miseria Felicem, & Festum iudices habuit cupidos, & iniquos compulsus est Cæsarem appellare. sicq. Romam venit, quam sua doctrina vel prædicatione salubriter illustrauit, & sua passione feliciter decorauit.

*De benignitate Dei ad seruos suos. Cap. III.*

**A**braham loquens cum Domino & petens, vt parceret Sodomitis mira fiducia vtebatur, & visus fuisset apud homines importunus. Sed Dominus ei semper benigne respondit, & quod petebat concessit. Gen. 18.

Fugienti Iacob iram fratris sui Dominus clementer apparuit. Item redeuntem ad patrem suum ab infectione soceri liberauit. Gen. 30. & 31.

Magna fiducia vsus est Iacob orando Deum dicēs: Non dimittam te nisi benedixeris mihi, &c. Gen. 32.

Ait Dominus ad Moysen: Cerno quod populus iste duræ cervicis sit dimitte me, vt irascatur furor meus contra eos. Exod. 32. Quasi diceret tu me tenes, nec possum hos peccatores conterere, nisi dimittas me.

Loquebatur Dominus ad Moysen, facie ad faciē, sicut solet homo loqui ad amicum suum.

Præterea ipsum ab æmulis, & detractionibus defendebat. Num. 12. 23. 16. Exod. 33.

Obediuit Deus voci Iosue dicentis: Sol contra Gabaon non mouearis, &c. Iosue 10.

Balach vocauit Balaam, vt malediceret filios Israel, sed Dominus e contrario per illum benedixit eis, sicut refert Iosue 24. Et de hoc querebatur Balach. Numeri 23.

Gedeon bis a Domino petijt signum in vellere vtrū deberet victoriam de hostibus obtinere. Iudic. 6. Mirum fuisse videtur de hoc, quod dijs non fuit indignatus.

In abiectioe, seu contemptu seruorum Dei, ipse Dominus reputat se contemptum, vt patet in Samuel. 1. Reg. 8. Non te abiecerunt, sed me, dixit Dominus Samueli.

Nota quam pie locutus est Dominus ad Nathan de Dauid, & domo eius in futurum. 2. Reg. 7.

Quamuis posteri Dauid multipliciter, & grauiter peccauerunt, tamen opera eius bona frequenter memorantur, & propter illa multotiens pepercit Dominus peccatis illorum. 3. Reg. 3. & 4.

Ex præcepto Domini corui deferebant panem, & carnes Eliæ. 3. Reg. 17. Et postea, Angelus Domini

A panem, & aquam ei obtulit. 3. Reg. 19.

Ezechias rex Iuda dixit: Dominus bonus propriabitur cunctis, qui in toto corde requirunt Dominum, & non imputabit eis, quod minus sanctificati sunt. 2. Paralip. 30.

Misit Dominus Angelum suum, qui Tobiam iuniorem duxit, & reduxit, dæmonium ab eius vxore compescuit, gaudium parentibus eius fecit, seniores Tobiam a cecitate curauit, & rotam domum eius bonis omnibus repleuit. Tob. 5. & deinceps.

Videbatur Dominus, quasi timere offensam Hieremæ, cum veller populum, propter peccata sua omnino delere. dicebat enim Hierem. 7. Proijciam vos a facie mea. Tu ergo noli orare pro populo hoc, nec assumes pro eis laudem & orationem, & non obstitas mihi, quia non exaudiam te.

Planum est, quod Deus est cum seruis suis in tribulatione. Vnde Nabuchodonosor cū Azaria, & socijs eius similem filio Dei vidiit in fornace ardenti. Dan. 3.

Exaudiuit Dominus vocem Sufannæ, & quia per impudicos senes presbyteros iniuste fuerat condemnata, per continentem puerum fuit iusto iudicio lib. Danielis 13.

Cum Daniel esset in Babylone in lacu leonum, misit ei Dominus de longinquo xenium. nam de Iudæa misit ei prandium per Habacuc prophetam. berata. Dan. 14.

Præparauit Dominus piscem magnum, vt deglutiret Ionam. Ionæ 2. Qui tamen propter inobedientiam videbatur iuste meruisse poenam.

Machabæus, & qui cum eo erant pugnantes contra Timotheum habuerunt de cælo manifestum auxilium, apparuerunt ei viri quinque in equis, &c. Postea vero euntes ad prælium contra Lyfiam apparuit præcedens eos eques in veste candida armis aureis hastam vibrans. 2. Machab. 11.

**D** Mira benignitas erat in Domino Salvatore, qui curabat sanans omnem languorem, & omnem infirmitatem, quod nisi fecisset multi infirmi accedere ad eum non potuissent. Matth. 4. & 9. Leuit. 8.

Leproso dicenti, Domine si vis potes me mundare; pie respondit Dominus, & benigne fecit. Sequitur enim extendens Iesus manum tetigit eum dicens: Volo, mundare. Matth. 8. Sacerdotes autem huiusmodi homines habebant horrore. Statim post vocationem Matthæi discubuit Dominus in domo eius. Matth. 9. Leuit. 5.

**E** A muliere fluxum sanguinis patiente, quæ secundum legem immunda erat, clemens & pius Iesus permisit se tangi, & illā quæ duodecim annis omnia in medicos erogauerat, in momento sanauit. Mar. 5. Matth. 9.

Cum secessisset Dominus in desertum vidit turbam multam, & misertus est eis, & curauit languidos eorum. Vespere autem facto dixerunt ei discipuli: Dimitte turbas. Iesus autem tamquam liberalissimus dixit eis: Date illis vos māducare, &c. Matth. 14.

Petrus incipiens mergi clamauit, dicens: Domine saluum me fac. & continuo Iesus extendens manum apprehendit eum. Matth. 14.

**F** Mariam Magdalenā pie defendit Dominus Iesus contra Phariseum mala de illa cogitantē. Luc. 7. Item contra sororem propriā de illa conquerentē. Luc. 10. Item contra discipulos, propter infusionem vnguenti in eam frementes. Mar. 14.

Ineffabilis pietas Dei multum ostenditur in exemplo de filio Prodigio, vbi dicitur, quod cum longe adhuc esset filius, vidit eū pater suus, & misericordia motus est, & accurrens cecidit super collum eius, & osculatus est eum. Item volebat ille dicere, & petere, quod fieret sicut vnus de mercenarijs, & pater quasi interrupit verba eius, & recepit eum in filium, &c. Luc. 15.

De facili Dominus recipit illos quos mūdus eiecit. Vnde cæcus ille natus a Domino receptus est. Ioan. 9.

Mira

Mira fuit Christi benignitas, quando ad domum A Publicani Zachari, qui eum videre cupiebat seipsum inuitauit, & eiusdem domui benedixit. Luc. 19.

Cum protulisset Dominus indistincte, Vnus ex vobis me tradet. Innuit Petrus Ioanni, Quis est de quo dicit: Itaque cum recubisset Ioannes supra pectus Domini, dicit ei: Domine quis est. Ecce magna benignitas, & familiaritas Saluatoris. Ioan. 13.

Promisit Saluator Discipulis suis de suo recessu contristatis, quod Pater alium paracletum daret eis. Ioan. 14. Quod optime completum est in die Pentecostes, quando Spiritus sanctus eos totaliter roborauit, consolatus est, illustrauit, vel docuit. Act. 2.

Venientibus ad capiendum Dominum ministris Pontificis dixit eis: Si me queritis, sinite hos abire. Sciebat enim quod non erant parati ad martyrium sustinendum, idcirco infirmitati eorum condescendens voluit quod parceretur eis. Ioan. 18.

Petijt latro, vt Dominus meminisset eius, cum venisset in regnum eius. Dominus autem plus concessit, quam ille peteret, dicens: Hodie mecum eris in paradiso. Leuit. 23.

Magna fuit Christi pietas, quæ nec Petrum, qui eum ter negauerat repulit, sed benigne respexit. Luc. 22. Nec Thomam in dubitatione reliquit, sed se palpandum ei manifeste exhibuit. Ioan. 20. Item Paulum in actu persecutionis existentem excæcauit, & conuertit. Act. 9.

Dum lapidaretur beatus Stephanus vidit Dominum Iesum in celis stantem, tamquam paratum ad ipsum fortiter adiuuandum. Act. 7.

Beato Ioanni in insula Pathmos exulanti multam benignitatem Dominus ostendit, & mittendo Angelum suum, qui eum multiplici reuelatione consolatus est. Apoc. 1. & deinceps per totum.

#### *De consolatione diuina. Cap. IIII.*

Postquam Abraham exiit de terra sua ad mandatum Domini, ipse Dominus consolatus est eum diuersis apparitionibus, & reuelationibus. Gen. 12. 15. 17. & 18.

Fugienti Iacob a facie fratris sui, & super lapidem dormienti, apparuit Dominus, & ei magnam consolationem infudit. Gen. 28.

Apparuit Dominus Moyfi exulanti, & oues pascenti quod non accidit ei, quamdiu nutriebatur in domo Pharaonis. Exod. 3.

Filijs Israel in deserto pluit manna de celo. Exo. 17. Item carnes, & aquam pluries Dominus miraculose dedit.

Moyfes in monte existens cum Domino quadraginta diebus, & quadraginta noctibus non manducauit, neque bibit. reficiebatur enim diuino colloquio. Exod. 34.

Dixit Dominus ad Iosue. Iosue 1. Non dimittam nec derelinquam te. confortare, & esto robustus, &c.

Præcepit Dominus, vt corui portarent bis in die panem & carnes Eliæ. 3. Reg. 17. Iterum post hoc apparuit Dominus ei, cum fugeret Iezabel, cuius prophetas fecerat occidi. 3. Reg. 19.

Efficaciter consolatus est Dominus Ezechiam per Prophetam, & per Angelum, qui occidit centum octoginta quinque milia de exercitu regis Assyriorum. 4. Reg. 19.

Exaudite sunt eodem tempore orationes Tobie, & Sarre, & missus est Angelus Domini, qui curaret ambos, Sarram, videlicet a dæmonio viros illius interficiente, & Tobiam seniore a cæcitate, & paupertate. 3. Tob. 3.

Populum Israel existentem in angustia, & timore pro exercitu Holofernis dignatus est Dominus per manum vnus femine mirabiliter consolari. Iudith 10. & deinceps.

Conuertit Dominus luctum Iudæorum in gaudiū, quando ipsi procurante Esther suos hostes, qui ad iugulationem eorum se parauerant, occiderunt. Esther 9.

Notabile est, quod quando populus Israel fuit in maxima afflictione, scilicet tempore captiuitatis Babylonice, plures habuit prophetas, quam tempore Salomonis, quando fuit in magna prosperitate. Nam Hieremias fuit in Iudæa, Ezechiel, & Daniel in Chaldaea.

Angelus Domini descendit cum Azaria, & socijs eius in fornacem, & excussit flammam ignis de fornace, & fecit medium fornacis, quasi ventum roris flantem. Dan. 3. per quod apparet quod omni loco, omni tempore parata est diuina pietas hominem confortare.

Danielem bis positum in lacu leonum, consolatus est Dominus, primo mittendo Angelum, qui leonum ora conclusit. Dan. 6. Secundo per Habacuc prophetam, quando de Iudæa in Chaldaeam cum cibo per Angelum transportauit. Dan. 14.

Sufannam calumniose damnatam eripuit Deus ex insperato, per Daniele puerum. Dan. 13.

Machabæus, & qui cum eo erant videntes adiutorem a Deo sibi missum, & ducem, benedixerunt misericordie Deum, & conualuerunt animis. 2. Mach. 11.

Bene impleuit Dominus promissionem suam Apostolis factam, qua dixerat eis alium paracletum se missurum, quando misit eis Spiritum sanctum, in die Pentecostes, qui eos tam copiose docuit, consolatus est, & roborauit. Act. 2.

Felix Paulus etiam in hac vita, qui secure dicebat. 2. Cor. 1. Sicut abundant passionibus Christi in nobis, ita & per Christum abundat consolatio nostra, & 7. Repletus sum consolatione, superabundo gaudio in omni tribulatione vestra.

Ecclesia habebat pacem, & edificabatur ambulans in timore Domini, & consolatione sancti Spiritus replebatur. Act. 9.

Petro in carcere Herodis victo, & cum diligentia custodito, misit Angelum suum, qui de manu Herodis, & Iudæorum liberauit eum. Act. 12.

Paulo & Sila eius socio laudantibus Deum in carcere in media nocte, subito terræmotus factus est magnus, & aperta sunt ostia omnia, & vniuersorum vincula sunt soluta. Act. 16.

Dixit Dominus nocte per visionem Paulo, cum predicaret Corinthijs, Noli timere, sed loquere, & ne taceas propter quod ego tecum sum, & nemo apponetur, vt noceat te. Act. 18.

Cum esset Paulus in custodia Claudij Lysie tribuni detentus nocte assistens ei Dominus ait: Constans esto Paule, sicut enim testificatus es de me in Hierusalem: Sic oportet te Romæ testificari. Act. 23.

Cum beatus Ioannes Apostolus esset in Pathmos insula relegatus diuina reuelatione fuit multipliciter consolatus. Apoc. 1. & deinceps.

#### *De benedictione, quam Deus dat. Cap. V.*

Creauit Deus hominem ad imaginem, & similitudinem suam masculum & feminam, creauit eos, benedixitque eis, & ait, Crescite, & multiplicamini, &c. Gen. 1.

Benedixit Deus Noe, & filijs eius, & dixit ad illos: Crescite, & multiplicamini, & replete terram, &c. Gen. 9.

Dixit Dominus ad Abraham: Egrede de terra tua, & cer. benedicam tibi, & magnificabo nomen tuum, erisq. benedictus, &c. Gen. 12.

Super Ismael exaudiuit te, dixit Dominus ad Abraham: Ecce benedicam ei & augebo, & multiplicabo eum valde. Gen. 17.

Dominus benedixit Isaac & locupletatus est, & erat proficiens, &c. Gen. 28.

Loquens



Loquens Iacob fratri suo, & auunculo suo Laban ait: **A** Inconueniens habuisti antequam venire ad te, & nunc diues effectus es, benedixitq. tibi Dominus ad introitum meum. Gen. 3.

Iacob in oratione luctans cum Angelo, ait: Non dimittam te, nisi benedixeris mihi, sequitur, Benedixit ei in eodem loco. Gen. 32.

Benedixit Dominus domui Ægyptij, propter Ioseph, & multiplicauit, tam in hædis, quam in agnis cunctam substantiam eius. Gen. 39.

Habitauit arca Domini in domo Obededom tribus mensibus, benedixitq. Dominus Obededom, & omnem domum eius. 2. Reg. 6.

Operibus manuum eius benedixisti, & possessio eius creuit in terra. Iob 1. & de eodem 42. Dominus benedixit nouissimis Iob, magis quam principio eius.

Ascensurus in cælum Saluator eduxit Discipulos suos in Bethaniam, & eleuatis manibus suis, benedixit eis, &c. Luc. 24.

Desideranda est illa benedictio, quam dabit Dominus electis in die iudicij, quando dicturus est: Venite benedicti Patris mei, &c. Matth. 25.

#### *De maledictione qua Deus maledicit. Cap. VI.*

**S**erpens primo legitur a Deo maledictus fuisse. Vnde dicit: Maledictus es inter omnia animantia, & bestias terre, super peccatum tuum gradieris, &c. Gen. 3.

Ad penam hominis dictum est. Gen. 3. Maledicta terra in opere tuo, &c.

Post iniquam fratris occisionem, & superbam responsionem dixit Dominus ad Caim: Maledictus eris super terram, &c. Gen. 4.

Lamentans Hieremias excidium ciuitatis Hierusalem dixit: Thren. 2. Repulit Dominus altare suum, maledixit sanctificationi suæ, & cetera.

Daniel in oratione sua dicebat: Stillauit super nos maledictio, & detestatio, &c. Dan. 9. Et nota quod maledictio stillare dicitur super peccatores, sed super iustos benedictio inundare. Ezech. 39. benedictio illius, quasi fluius inundauit.

Sacerdotibus malis, loquens Dominus, per Malachiam prophetam dixit: Maledicam benedictionibus vestris, &c. Malac. 2.

Ficus habens folia sine fructu, maledicta fuit a Domino, & continuo aruit. Matth. 21. Mar. 11.

Nimis erit terribilis illa maledictio contra reprobos proferenda in die iudicij. Matth. 25. Ite maledicti in ignem æternum.

#### *De benedictione qua homo benedixit Deum.*

##### *Cap. VII.*

**M**elchisedech rex Salem occurrens Abraham reuertenti a cæde quattuor Regum, ait: Benedictus Deus excelsus, quo protegente hostes in manibus tuis sunt. Gen. 14.

Obtenta victoria de Sisara, Debhora, & Barac cecinerunt dicentes: Qui sponte obtulistis de Israel animas vestras ad periculum, benedicite Domino. Iudic. 5.

Post victoriam, quam dedit Dominus Dauid de Goliath Philistæo. 1. Reg. 17. dicitur fecisse Psalmum, Benedictus Dominus Deus meus, qui docet manus meas ad prælium, & cetera.

Cum audiuiisset Hiram verba Salomonis, lætatus est valde, & ait: Benedictus Dominus, qui dedit Dauid filium sapientissimum super populum hunc plurimum. 2. Reg. 5.

Ædificato templo dixit Salomon coram vniuerso populo: Benedictus Dominus Deus Israel, qui locutus est ore suo ad Dauid patrem meum, & in manibus eius perfecit, &c. 3. Reg. 8.

Fecit Dauid principes ad confitendum Domino

**A** Asaph & fratres eius, sequitur: Benedictus Dominus Deus Israel ab æterno, & vsque in æternum, &cet. 2. Paralip. 16.

Dauid rex lætatus est gaudio magno, & benedixit Domino coram vniuersa multitudine. 1. Paralip. 29.

Videns Esdras animum Arthaxerxis regis bonum esse erga Iudæos dixit: Benedictus Dominus Deus Patrum nostrorum, qui dedit in corde regis, vt glorificaret domum Domini, quæ est in Hierusalem. 1. Esdr. 7.

**B** Completo muro ciuitatis Hierusalæ sub Esdra, & Nehemia dixerunt Leuitæ: Surgite, & benedicite Deo nostro ab æterno, & vsque in æternum, & benedicant nomini gloriæ tuæ excelsæ in omni benedictione, & laude. Nehem. 9.

Cum aperuisset Esdras librum legis, stetit omnis populus, & benedixit Esdras Domino Deo, voce magna, & respondit omnis populus: Amen, Amen. Nehem. 8.

Sarra filia Raguelis, cum compleret orationem dixit: Benedictum est nomen tuum Deus Patrum nostrorum, qui cum iratus fueris, misericordiam facies, &c. Tob. 3.

**C** Filium suum instruens Tobias, dixit inter cetera: omni tempore benedic Deum. Et pete ab eo, vt vias tuas dirigat, &c. Tob. 4.

Raguel & vxor eius videtes, quod Tobiam iunire non læserat dæmonium dixerunt: Benedicimus te Domine Deus Israel, quia non contigit nobis quemadmodum putabamus. Tob. 8.

Sollicite monuit Tobias, & filium eius Raphael Angelus, vt benedicerent Deum cæli, & narrarent omnia mirabilia eius. Tob. 12.

Recuperato visu, & auditis sermonibus Raphaelis aperiens Tobias os suum benedixit Deum, & dixit: Magnus es Domine in æternum. Tob. 13.

**D** Ozias princeps populi Israel, videns Iudith cum capite Holofernis dixit: Benedictus Dominus, qui creauit cælum, & terram, qui te direxit, &c. Iudith 13.

Danieli nocte per visionem mysterium reuelatum est, & benedixit Deo cæli, & ait: Sit nomen Domini benedictum a sæculo: quia sapientia & fortitudo eius sunt, &c. Dan. 2.

Ananias & socij eius missi in caminum ignis, ambulabant in medio flammæ, laudantes & benedicentes Domino. Dan. 3. & rex Nabuchodonosor, postea viso tanto miraculo, ait: Benedictus Deus Sadrach, Misach, & cetera.

**E** Obtenta de hostibus victoria, & ædificato altari sub Iuda Machabæo, filij Israel adorauerunt, & benedixerunt in celum eum qui prosperauit eos. 1. Mach. 4.

Propter Heliodorum volentem spoliare templum qui diuina virtute terribiliter flagellatur benedixerunt omnes Dominum, quia magnificabat locum suum. 2. Mach. 3.

Machabæus, & qui cum eo erant, videntes auxilium a Deo sibi missum benedixerunt simul misericorditer Dominum, & conualuerunt animis, &cet. 2. Mach. 11.

**F** Nato Ioanne Baptista apertum est os Zachariæ, & prophetauit, dicens: Benedictus Dominus Deus Israel, &c. Luc. 1.

Cum inducerent puerum Iesum parentes eius in templum Simeon accepit eum, & benedixit Deum, dicens: Nunc dimittis, &c. Luc. 2.

Post Ascensionem Domini erant in templo discipuli laudantes & benedicentes Deum. Luc. 24.

Tribulationes patiens Apostolus Paulus dicebat: Benedictus Deus, & Pater Domini nostri Iesu Christi. 2. Cor. 1. Similiter Petrus: Benedictus Deus, &c. 1. Pet. 1.

Benedicere Deum est, quasi opus, vel officium paradisi. Apocal. 5. omnes audiui dicentes sedenti in throno, & Agno benedictio, & honor & gloria, &c. Debe.

*De benedictione qua homo benedicit homini.*

*Cap. VIII.*

**M**Elchisedech rex Salem occurrit Abraham reuertenti a caede quattuor Regum, & ait: Benedictus Abraham Deo excelsso, qui creauit cælum & terram. Gen. 14.

Benedixit Isaac Iacob, dicens: Det tibi Deus de rore cæli, & de pinguedine terræ abundantiam frumenti, vini, & seruiant tibi populi, &c. Gen. 27. Cum Esau eiulatu magno fletet, motus Isaac, dixit ad eum: In pinguedine terræ, & rore cæli, desuper erit benedictio tua. viues in gladio, & fratri tuo seruias. Gen. 27.

Introduxit Ioseph patrem suum Iacob ad Pharaonem, qui benedicens illi: & interrogatus ab illo quod sunt dies annorum vitæ tuæ, &c. Gen. 27.

Benedixit Iacob filio suo Ioseph, & ait: Deus in cuius conspectu ambulauerunt Patres mei, benedicat pueris istis, loquebatur de Manasse, & Effraim quos Ioseph pater eorum rogauerat per patrem benedici. postmodum etiam benedixit Iacob singulis filiis suis, benedictionibus proprijs. Gen. 49.

Locutus est Dominus ad Moysen dicens: Benedicetis filiis Israel, benedicat tibi Dominus, & custodiat te: ostendat Dominus faciem suam tibi, &c. Numeri 6.

Extendens Aaron manum ad populum benedixit eis. Leuit. 9.

Dixit Balaam filius Beor, ad benedicendum adductus sum: benedictione prohibere nō valeo. Num. 23.

Non pernoctabit apud te pignus pauperis, sed statim reddes ei ante Solis Occasum, vt dormiens in vestimento suo benedicat tibi. Deuteron. 24.

Moyses homo Dei benedixit filiis Israel ante mortem suam, & ait: Dominus de Sina venit, & de Seir ortus est nobis, &c. Deuteron. 33.

Vocauit Iosue Rubenitas, & Gaditas, & dimidiam Tribum Manasse, dixitq. ad eos: Fecistis omnia quæ vobis præcepit Moyses, &c. Benedixitq. eis Iosue, & dimisit eos. Iosue 22.

In cantico pro victoria habita de Sisara dicitur: Iudicum 5. Benedicta inter mulieres Iahel vxor Haber Cynei, & benedicatur in tabernaculo suo, &c.

Noemi vidēs Ruth nurum suam a Boos fuisse honoratam, dixit: Benedictus sit a Domino, quoniam eandem gratiam quam præbuerat viuus, seruauit & mortuis. Ruth 2.

Commendans Boos Ruth, quæ ad Deum Israel confugerat, ait: Benedicta es a Domino, quia priorem misericordiam posteriore superasti. Ruth 3.

Heli benedixit Helcanæ, & vxori eius; dixitq. eis: Reddat tibi Dominus semen de muliere hac pro seniore, quod commodasti Domino. 1. Reg. 2.

Nuntiauerunt Ziphæi Sauli, quod Dauid latitaret apud eos, dixitq. Saul: Benedicti vos a Domino, quia doluistis vicem meam. 1. Reg. 23.

Nuntiatum est Dauid, quod viri Iabes Galaad sepelissent Saul, dixitq. ad eos: Benedicti vos a Domino, qui fecistis misericordiam hanc cum Domino vestro Saul, & sepelisset eum. 2. Reg. 2.

Conuertit rex Salomon faciem suam, & benedixit omni Ecclesiæ Israel. Omnis autem Ecclesia Israel stabat. 3. Reg. 8.

Cum compleisset offerens pacifica, & holocausta, benedixit populo in nomine Domini, & diuisis vniuersis per singulos tortam panis, &c. 2. Paralip. 16.

Apprehendens Raguel dexteram filæ suæ tradidit Tobiam, dicens: Deus Abraham, & Deus Isaac, & Deus Iacob vobiscum sit, & ipse coniungat vos, impleatq. benedictionem suam in vobis. Tob. 7.

Raguel osculatus est Tobiam, & plorans super colulum eius dixit: Benedictio tibi sit, fili mi, quia boni, & optimi viri filius es. Tob. 7.

Gabelus ingressus domum Raguelis inuenit To-

Abiam, & fleuit dicens: Benedicat te Dominus Deus Israel, quia filius es viri optimi & iusti, & timentis Deum, & eleemosynas facientis. Tob. 9.

Ozias princeps populi, dixit ad Iudith: Benedicta es tu filia a Domino Deo excelsso, præ omnibus mulieribus super terram. Iudith 13.

Item postea omnes benedixerunt illam vna voce, dicentes: Tu gloria Hierusalem, tu latitia Israel, &c. Iudith 14.

Factum est, vt audiuit salutationem Mariæ Elisabeth exclamauit, & dixit: Benedicta inter mulieres, & benedictus fructus ventris tui. Luc. 1.

*De maledictione qua homo maledicit. Cap. IX.*

**P**rimus inter homines Noe legitur maledixisse Canaan nepoti suo, pro eo quod Cham pater eius nuditatem ipsius Noe ceteris fratris nuntiauit & magis eam tegere debuisset. Gen. 9.

Inter verba benedictionis, quam dedit Isaac Iacob filio suo dixit: Qui maledixerit tibi, sit ille maledictus. Gen. 27.

De Simeon, & Leui, dixit Iacob pater eorum: Maledictus furor eorum, quia pertinax: & indignatio eorum, quia dura. Gen. 49.

Qui maledixerit patri suo, aut matri suæ morte moriatur. Leuit. 20.

Balach misit nuntios ad Balaam, vt veniret, & malediceret populo Israel. audierat enim quod maledictus erat, in quem maledicta congerisset. Num. 22.

Multas maledictiones ponit Moyses in eos, qui transgredierentur tradita illis diuina mandata. Deuteron. 27.

Diruta ciuitate Iericho imprecatus est Iosue, dicens: Maledictus vir coram Domino, qui suscitauerit, & ædificauerit Iericho. Ios. 6.

Sichimite inter epulas, & pocula maledicebāt Abimelech. Iudic. 9.

Goliath Philistæus maledixit Dauid in dijs suis. 1. Reg. 17.

Saul volens persequi Philistæos adiurauit populū dicens: Maledictus qui comederit panem vsque ad vespas, donec vlciscar de inimicis meis. 1. Reg. 14.

Semei procedebat egrediens, & maledicebat, mittebatq. lapides contra Dauid, & dicebat: Egredere vir sanguinum, & vir belial. 2. Reg. 16.

Elisæus maledixit pueris illudentibus ei, & dicentibus: Ascende calue, & lacerari sunt quadraginta pueri a duobus vrsis. 4. Reg. 2.

Cum Iudas Machabæus obsideret quoddam præsidium illi, qui intus erant supra modum maledicebant, & sermones nefandos iactabant. 2. Mach. 10.

Pharisei maledicebant cæco nato per Dominum Iesum illuminato, & dixerunt. Ioan. 11. Tu discipulus eius sis. cuius maledictio sit super nos, & super filios nostros.

Arguebant Iudei Paulum dicentes summum sacerdotem Dei maledicis, sed ille excusauit se, & dixit: Nesciebam fratres, quia princeps est sacerdotum. Act. 24.

*De feritate Dei erga delinquentes. Cap. X.*

**G**rauius puniuit Deus peccatum priorum parentum, quod ipsi credebant veniale, nec ita dure puniendum fore. Gen. 3.

Originali mundo Deus non pepercit. Sed ipsum pene totum diluuij inundatione deleuit. Gen. 7.

Quinque ciuitates, propter peccatum contra naturam fortenti conflagratione consumptæ fuerunt per Angelos a Deo missos. Gen. 19.

Ægyptij persequentes filios Israel submersi sunt iubente Deo, quasi plumbum in aquis vehementibus. Exod. 14. & 15.

Quia

Quia populus Amalech voluit impedire filios Israel euntes in terram Promissionis, dixit Dominus ad Moysen: Delebo omnem memoriam Amalech de sub caelo. Exod. 17.

Propter vitulum, quod adorauit populus ceciderunt vna die viginti quattuor millia hominum. Exo. 27.

Egressus est ignis a Domino, & deuorauit Nadab, & Abiu filios Aaron, qui scilicet arreptis thuribilibus ignem alienum, & incensum descuper posuerunt, & coram Domino obtulerunt. Leuit. 10.

Iussit Dominus blasphemum extra castra educi, & ab vniuerso populo lapidari. Leuit. 24.

Carnibus quas miserat Dominus in dentibus filiorum Israel ad hoc existentibus: percussit Dominus populum plaga magna nimis. Num. 11.

Percussit Dominus Mariam lepra, quia locuta est contra Moysen. Num. 12.

De sexcentis millibus virorum, qui numerati sunt. Num. 1. nullus intrauit terram Promissionis, propter peccata eorum, præter Caleb, & Iosue, sicut minatus est Deus. Num. 14.

Ligna colligens in sabbato fuit præcepto Domini lapidatus. Num. 15.

Terribili morte occidit Dominus Chore, & complices eius. Num. 16.

Hesitantem ad aquam contradictionis Moysen Dominus dure puniuit. Num. 20. Cum tamen vsque tunc, tam sancte, & fideliter se gessisset, tam ad Deum quam ad populum.

Misit Dominus serpentes ignitos in populum, quia traduerat eos itineris & laboris, & dixerant: Quare eduxisti nos, &c. Num. 21.

Achor cum tota suppellectili sua periit, quia tulerat de anathemate Iericho. Iosue 7. Pro peccato in uxorem Leuitæ commissio tota tribus Benjamin exceptis sexcentis hominibus fuit Domino iubente deleta. Iudic. 20.

Heli peccantes filios corripit, sed lente, propter quod ipse in eis, & cum eis penitus est. 1. Reg. 2. & 4. Quid ergo de illis, qui filios suos non corripiunt, sed incitant ad malum verbis, & exemplis.

Quia Saul obrulerat holocausta contra mandata Samuelis, reprobatus est. 1. Reg. 13.

Item quia Agag regem Amalech, & gregem ouium reseruauit. 1. Reg. 14.

Propter peccatum Saul puniti sunt illi de domo sua, & post mortem eius, & propter eos facta est fames in terra. 1. Reg. 11.

Adducente Dauid arcam Dei super plaustrum, Oza tenuit eam ne caderet, quia bos lasciuens inclinauerat eam, & percussit eum Dominus super temeritate, qui mortuus est ibi. 2. Reg. 6.

Septuaginta duo millia hominum mortua sunt, propter elationem Dauid, quando fecit populum numerari. 2. Reg. 24.

Vir Dei, qui venit de Iuda, & nuntiavit Hieroboam succensionem ossium sacerdotum eius, occisus fuit a leone, eo quod contra imperium Domini comedit panem in domo cuiusdam malicie prophete. 3. Reg. 13. Quadraginta duo pueri fuerunt a duobus viris lacerati pro eo, quod illuserant Elisæo dicentes: Ascende calue. 4. Reg. 2. Si tam grauiter punitum fuit peccatum Giezi, qui accepit munera a Naaman satis voluntarie data, quid erit de illis, qui accipiunt multa fraudulentem exacta, vel violenter extorta. 4. Reg. 5.

Ozias rex Iuda cepit turibulum, & more sacerdotum voluit adolere incensum, statimq. orta est lepra in fronte eius. 2. Paralip. 26. Quia Ezechias ostendit thesaurum suum nuntijs regis Babylonis amisit eum, cum tamen illi de terra longinqua venissent, & videbatur, quod latenter recipi debuissent. 4. Reg. 20. Populum peculiarem, & dilectum tradidit Deus in manibus Nabuchodonosor, qui totam gentem crudeliter captiuauit, sanctam ciuitatem combussit, & tem-

plum destruxit. 4. Reg. 25. Pro eo quod eleuatae sunt filiae Sion, &c. sequitur: Erit pro suaui odore fetor, &c. pulcherrimi quoque viri tui gladio cadent, & fortes tui in in prælio. Isa. 3.

Reges Babylonis filios Israel crudeliter tractauerunt, postea etiam ipsi cum inclita ciuitate sua fuerunt destructi, sicut minatur Dominus. Isa. 13. 14. & Hier. 50. & 51.

De pena per Chaldeos Iudæis illata, dicit Dominus per Hieremiam: Plaga inimici percussit te castigatione crudeli, &c. Hier. 30. Heliodorus fuit grauiter flagellatus eo, quod viduarum, & pupillarum deposita voluit asportare. 2. Machab. 3.

Antiochus rex fuit ea grandi plaga percussus, vt de corpore impij vermes scaturirent: odore etiam illius ac fetore exercitus grauaretur. 2. Machab. 9.

Seruum nequam, qui noluit dimittere cum seruo suo centum denarios, Dominus iratus tradidit tormentibus, quoad vsque redderet vniuersum debitum. Matth. 18.

Inutilem seruum, qui traditum sibi non studuit multiplicare talentum, præcepit Dominus illo, quod haberat spoliari, & in tenebras exteriores eijci. Mar. 25.

Fraus illa quam commisit Ananias conscia Saphira vxore sua, graui fuit ultione punita. Act. 5.

Herodes vestitus veste regali, sedebat pro tribunali, populus autem acclamabat Dei voces, & non hominis. Confestim ergo percussit eum Angelus Domini, eo quod non dedisset honorem Deo, & consumptus a vermibus exspirauit. Act. 12.

#### De ira Dei, vel furore. Cap. XI.

**A**tende, quod secundum Augustinum. lib. 15. *Aug. de Ciuitate Dei*, ira Dei non perturbatio animi eius est, sed iudicium, quo irrogatur pena peccato: cogitatio vero eius, & recogitatio mutandarum rerum est immutabilis ratio: neque enim, sicut homines, ita Deum cuiusquam facti sui pœnitet, cuius est de omnibus omnino rebus, tam fixa sententia. Sed si non vtatur Scriptura talibus verbis, non se quodam modo familiariter insinuat omni generi hominum, quibus vult esse consultum, vt & perterreat superbientes, & excitet negligentes, & exerceat quærentes, & alat intelligentes, quod non faceret, si non se prius inclinaret, & quodammodo descenderet ad iacentes.

Quia Moyses ducatum populi recipere Domino iubente multoties recusauit, iratus est Dominus in Moysen. Exod. 4. Iratus est Dominus in Egyptios, qui detinuerunt, & affixerunt populum suum, & tandem voluerunt persequi recedentes. Exod. 15. Misisti iram tuam, & cetera.

Moyses orabat Deum, dicens: Cur Domine irascitur furor tuus contra populum tuum, &c. videlicet propter vitulum conflatilem. obtulerat enim holocausta. Exod. 32.

Flagrabat populus desiderio carniū sedens, & flens, &c. Num. 11. sequitur paulo post: Iratus est furor Domini valde.

Octauo modo seditionis chore, & complicū eius, dixerunt Moyses, & Aaron ad Dominum: Fortissime Deus spirituum, num vno peccante contra omnes ira tua defauit. Num. 16. Murmurauit omnis multitudo filiorum Israel contra Moysen, & Aaron, dicens: Vos interfecistis populum Domini. sequitur egressa est ira a Domino: & plaga defauit.

Fornicatus est populus cum filiabus Moab. Sequitur iratus Dominus, dixit ad Moysen: Tolle cunctos principes populi & suspende eos. Num. 25.

Propter hæitationem Moyse ad aquas contradictionis iratus est Dominus contra Moysen, sicut ipse dicit Deuteronom. 1. mihi iratus Dominus, propter vos, dixit: Non ingredieris illuc, scilicet in terram Promissionis.

Cauete

Cauete dixit Moyses. Deuteron. 11. ne forte decipiat cor vestrum, & recedatis a Domino, seruatisque dijs alienis, & adoretis eos, & iratus Dominus claudat cælum. Item dicitur Ios. 7. Filij Israel præuaticati sunt de mandatis Domini, & vsurpauerunt de anathemate. sequitur: Iratusq. est contra filios Israel. Commouit furor Domini Dauid in eis dicentem ad Ioab: Vade, & numera Israel & Iudam. 2. Reg. 24.

Iratus est Dominus contra Ozam, & percussit eum eo quod tetigisset arcam, & mortuus est ibi coram Domino. Paralip. 13.

Per idolatriam & auguria, & alia diuersa peccata irritauerunt Deum filij Israel. Iratusq. est Dominus vehementer Israel, & abstulit eos Dominus a conspectu suo. 3. Reg. 14.

Propter Iehu, dixit Iosaphat regi Iuda, qui iuerat ad prælium cum Achab rege Israel: Impio præbes auxilium, & ijs, qui oderunt Dominum amicitia iungeris: & idcirco iram Domini merebaris, sed bona opera inuenta sunt in te. 2. Paralip. 19. Iosaphat rex Iuda constituit iudices, & præcepit eis, dicens: Sic agetis in timore Domini, &c. Ostendite fratribus vestris, vt non peccent in Deum, ne veniat ira super vos. 2. Paralip. 19.

Ioas rex Iuda, & principes eius seruierunt lucis & sculptilibus, & facta est ira Domini contra Iudæam, propter hoc peccatum. 2. Paralip. 24.

Amasias rex Iuda diuino fretus auxilio Idumæos superauit in bello; & attulit deos eorum, & adorauit eos, propter quod iratus est Dominus contra eum. 2. Paralip. 25.

Ezechias rex Iuda, non iuxta beneficia, quæ acceperat a Domino retribuit, quia eleuatum est cor eius, & facta est ira contra eum, & contra Iudæam, ac Hierusalem. 2. Paralip. 32.

Magnus furor Domini stillauit super nos, eo quod non custodierunt patres nostri verba Domini, ita dixit Iosias rex Iudæ, auditis verbis, quæ subscripta erant in libro legis. 2. Paralip. 34.

Comederunt & saturati sunt, & impinguati, & abundauerunt delictijs in bonitate tua magna. prouocauerunt autem te ad iracundiam. Nehem. 9.

Omnia secundum legem Dei fiant Deo altissimo, ne forte exurgat ira in regno regis filiorum regis. Ita princeps Artaxerxes gentilis. 1. Esdr. 8. Quid ergo debent facere Christiani?

Dixit Dominus ad Eliphaz Themanitem: Iratus est furor meus in te, & in duos amicos tuos, quoniam non estis locuti coram me rectum, &c. Iob 42.

De Babylone dicitur. Hier. 50. Ecce nouissima erit in gentibus, & deserta, inuia, & arens. Ab ira Domini non habitabitur, sed redigetur tota in solitudinem, hoc est, pro eo quod iratus est contra eam Dominus, propter peccata eius punietur.

Machabæus Iudas congregata multitudine intolerabilis gentibus efficiebatur. Ira enim Domini in misericordiam conuersa est. Matth. 8.

In parabola de seruo nequam, qui noluit miseri conseruo suo, dicitur. Matth. 28. Et iratus Dominus tradidit eum tortoribus, & cetera.

Obseruantibus Iudæis Dominum, si sabbatis curaret, circumspiciens eos Saluator cum ira, contristatus est super cæcitatem cordis eorum. Mar. 3.

Contra illos autem, qui se excusauerunt ne irent ad cenam, dicitur Luc. 9. Tunc iratus paterfamilias dixit seruo suo: Exi cito, &c.

Qui credit in filium Dei, habet vitam æternam; qui autem incredulus est filio, non videbit vitam, sed ira Dei manet super eum. Ioan. 3.

Multum timenda est ira, quæ ostendetur in die iudicii, de qua Apoc. 6. Reges terræ, & principes, &c. dicent montibus, & petris cadite super nos, & abscondite nos a facie sedentis in throno, & ab ira Agni.

S. Bon. Tom. 7. Pars iiij.

A. Quod Deus plus attendit ad operantem, quam ad opus. Cap. XII.

Caim obtulit de fructibus munera Domino, Abel quoque obtulit de gregibus suis, sequitur: Respexit Dominus ad Abel, & ad munera eius; ad Caim vero, & ad munera eius non respexit. Gen. 10.

Promisso filio de Sara nascituro, risit Abraham. Genes. 17. Risit etiam Sara. Genes. 18. Risus autem Saræ fuit a Domino reprehensus, & non risus Abraham.

Cum facerent mirabilia quædam coram Pharaone, Moyses, & Aaron. Legitur quod fecerunt similiter malefici Egyptiorum incantationibus suis. Exod. 17.

Talia thuribula habuerunt Chore, & illi de globo suo, sicut Aaron, & forte de æque bono, vel meliori metallo. Veruntamen Deus non æqualiter accepit incensionem eorum. Num. 16.

Eleuantes oculos Bethsamar viderunt arcam Domini, & gauisi sunt, & obtulerunt Domino holocaustum, quamuis autem bonum opus facere viderentur, percussit eos Dominus graui plaga, eo quod viderunt arcam, quam videre non debebant. 1. Reg. 6.

C Saul quando fuit inter Prophetas expoliavit se, & prophetare cœpit, sed parum ei profuit. 1. Reg. 19. Oza extendens manum tenuit arcam ne caderet de plauastro, qui statim percussus a Domino mortuus est. 2. Reg. 6.

Licet offerre incensum Domino sit bonum opus. non tamen competit omni homini. Vnde Ozias rex Iuda, percussus est lepra a Domino, eo quod ipse voluit incensum super altare thymiamatis adolere. 2. Paralipom. 26.

Reprobat Dominus per Isaiam oblationes quas sibi offerri instituit, & hoc propter offerentium prauitates: Quo mihi multitudinem victimarum vestrarum, dicit Dominus. plenus sum holocausta arietum, &c. Causa vero subditur: Manus enim vestra sanguine plenæ sunt. Isa. 1.

Prætulit Dominus oblationem viduæ, quæ posuit duo æra in Gazophylacium muneribus diuitum. Luc. 21.

Herodes cupiebat videre Iesum, & viso eo gauisus est valde, sed nullum fructum consecutus est inde, quia curiositas, vel vanitas erat in causa; non pietas, vel charitas. Luc. 23.

E. Quod Deus interdum tentat homines, sine probat. Cap. XIII.

T Entauit Deus Abraham, & dixit ad eum: Tolle filium tuum, &c. Gen. 22.

Dixit Dominus ad Moysen: Ecce ego pluam vobis panes de cælo, egredietur populus, & colligat quæ sufficiunt per singulos dies, vt tentem eos vtrum ambulent in lege mea, aut non. Exod. 16.

Loquente Domino cum Moysse, cunctus populus audiebat voces, & lampades, & sonitum buccinæ, montemq. fumantem, & perterriti, ac pauore concussi dixerunt Moysi: Loquere tu nobis, &c. & ait Moyses: Nolite timere, vt enim probaret vos, venit Deus, & vt terror illius esset in vobis, & non peccaretis. Exod. 20.

Non deleuit Deus gentes penitus de terra Promissionis, vt in illis experiretur Israel; vtrum custodirent eius mandata. Iudic. 2.

Dereliquit Dominus Ezechiam, vt tentaretur, & nota fierent omnia quæ erant in corde eius. quin venerunt nuntij regis Babylonis ad eum. Paralip. 33.

Postquam Tobias fuerat excæcatus. Tob. 2. dicitur ibi: Hanc autem tentationem, ideo permisit euenire illi, vt posteris daretur exemplum patientiæ eius.

Dixit Iudith loquens de filiis Israel, quos illo tempore Holofernes destruere cogitabat: Memores esse

S f debent

debent, quomodo tentati sunt patres nostri, ut probarentur, si vere colerent Deum. Iud. 8.

Propter grauissimas passiones, quas passus est sanctus Iob, dicebat ipse de seipso: Probauit me, quasi aurum, quod per ignem transit. Iob 23.

Petebat Dauid a Domino, dicens: Proba me Domine, & tenta me, & cetera. Psal. 25.

Ambulans Dominus Iesus super aquas iussit Petrum venire ad se, videns vero ventum validum timuit, &c. Matth. 14.

Dixit Dominus ad Philippum: Vnde ememus panes, ut manducent ij. hoc autem dicebat tentans eum. Ioan. 6.

*Quod homo non debet tentare Deum. Cap. XIII.*

**A** Braham ingrediens Ægyptum prudenter tacuit Saram esse uxorem suam, ne si hoc dixisset se ipsum, & illam discrimini commisisset. Gen. 12. Simile fecit. Gen. 10. & Isaac similiter. Gen. 26. Nisi autem sic fecisset, Deum quodammodo tentasset, secundum quod dicit Augustinus.

Multotiens tentauerunt filij Israel Dominum in deserto, ut dicitur: Num. 14. Superati in bello filij Israel a Philistæis, dixerunt: Quare percussit nos Deus coram Philistæis; & tunc duxerunt arcam Domini ad prælum, quæ capta fuit, & illi magna plaga percussi. 1. Reg. 4.

Sciebat Dauid se esse inunctum in regem, & quod deberet regere post Saulem, iuxta id quod promiserat ei Samuel: non tamen committebat se discrimini, sed faciebat ad sui custodiam, quod debebat. 1. Regum 22. & deinceps.

Cum immanis piscis inuassisset Tobiam non expectauit, quod Angelus eum liberaret, qui tam velociter hoc facere potuisset; sed apprehendit branchiam eius, & traxit eum in siccum. Tob. 6.

Olias statuit cum populo, ut transactis quinque diebus, nisi veniret adiutorium traderent se Holoferni. Dixit autem Iudith presbyteris ciuitatis, & qui estis vos qui tentatis Dominum. non est iste sermo qui misericordiam prouocet, &c. Iudith 8.

Tentatus Dominus a diabolo, ut ipse de pinnaculo templi, se præcipitaret, respondit: Non tentabis Dominum tuum, potestatem habens aliter descendere. Matth. 4. & Luc. 4.

Pharisæi volentes Iesum capere in sermone fecerunt ab eo quæri, utrum liceret tributa dari Cæsari, an non. Cognita autem nequitia eorum, Iesus ait: Quid me tentatis hypocritæ, &c. Matth. 22.

Cum eiecisset dæmonium Dominus, & loqueretur mutus, quidam tentantes, signum de cælo quærebant ab eo. Leuit. 9.

Dure increpando, dixit Petrus Saphiræ uxori Ananias: Quid conuenit vobis tentare Spiritum Domini. Act. 5.

De re quam potuit per humanam industriam Paulus facere, nolebat miracula expetere. Vnde apud Damascum cum insidiarentur ei Iudæi, fecit per murum in sporta se dimitti. Act. 9.

Item cum Ioris vellet tribunus eum facere torqueri, dixit se esse ciuem Romanum. Act. 22.

Rursus dixit se esse Phariseum, ut poneret dissensionem inter Iudæos. Act. 23. Item cum haberet iniquum iudicem, Cæsarem appellauit. Act. 25.

*De voto. Cap. XV.*

**I**acob vadens ad domum Laban auunculi sui, post offensam sibi a Domino visionem, votum vouit dicens: Si Dominus fuerit mecum, &c. Gen. 28.

Rex Arad pugnavit contra Israel, & victor existens tulit ex eo prædam: at Israel voto se obligauit Domino, & postea vicit eum. Num. 21.

**A** Pugnaturus Iephthe contra filios Amon dixit: Si tradideris filios Amon in manus meas, &c. Iudic. 11.

Orauit Deum Anna flens largiter, & votum vouit, dicens: Domine exercituum si dederis mihi sexum virilem, dabo eum Domino. 1. Reg. 1.

Abisalom volens rebellare suo patri Dauid dixit: Votum vouit seruus tuus cum esset in Iessur, dicens: Si reduxerit me Dominus in Hierusalem, sacrificabo Domino. 2. Reg. 15.

Asa rex Iuda, ea quæ vouerat pater suus obtulit in domum Domini argentum, & aurum, vasorumque diuersam supellestem. 2. Paralip. 15.

**B** Lætatus est populus, cum vota sponte promitteret, quia corde toto offerebant ea Domino, sed & Dauid rex lætatus est. 1. Paralip. 29.

Filij Israel de Iuda obtulerunt decimas quas vouerant Domino. 2. Paralip. 31.

Rex Artaxerxes præcepit Esdræ, & populo, ut offerret munera Domino Deo Israel, quæ vouerant ipse, & amici Hierusalem. 3. Esdr. 8.

Omnis populus post victoriam venit in Hierusalem adorare Dominum, & obtulerunt holocausta & vota, & promissiones suas. Iudith 16.

Viri qui erant in naui, ubi fuit Ionas propheta, timuerunt timore magno Dominum, & immolauerunt hostias Domino, & vouerunt vota. Ion. 1.

Heliodorus volens ærarium spoliare, & deposita de templo auferre, fuit virtute diuina grauiter flagellatus, deinde sanatus per orationem Oniæ, hostia Deo oblata, & votis magnis promissis repedauit ad regem. 2. Machab. 3.

Postquam percussus fuit a Deo Antiochus grauissima, & insanabili plaga, pollicitus est Iudæis, & templo Hierosolymorum mirabilia se facturum. 2. Mach. 9.

Beata Virgo Maria virginitatem vouisse videtur, per hoc quod ait: Quomodo fiet istud, quoniam virum non cognosco. Luc. 1.

**D** Crudele votum, & impium fecerunt Iudæi illi, qui dixerunt principi sacerdotum, deuotione deuouimus nos nihil gustaturos, donec occidamus Paulum. Act. 23.

*De oratione. Cap. XVI.*

**H**umiliter & discrete, instanter, & pie oraui Abraham Dominum, ut parceret Sodomitis. Gen. 14.

Pro rebus quas etiam sine prece faceret Dominus, debemus interdum orare ipsum. Vnde Isaac deprecatus est Dominum pro uxore sua sterili, quam parturam fore disposuerat Dominus. Gen. 30.

Pensandum est valde quam gratus & humiliter, & importunus in oratione fuit Iacob dicens: Domine sum cunctis miserationibus tuis, &c. Gen. 32. Præterea quomodo ipse se ab vxoribus, & tota familia sequestrauit, & solus de nocte remansit. Ibidem.

Orauit multotiens Moyses Dominum, ut amoueret plagas de Ægypto, & exaudiebatur, licet illi essent mali. Exod. 8. & 9.

Oratio mentalis clamat in aures Domini, sicut patet. Exod. 14. Quando dixit Dominus Moyse nihil loquenti: Quid clamas ad me.

**F** In bello quod habuerunt filij Israel contra Amalec, plus fecit Moyses orando, quam Iosue pugnando. Exod. 17.

Post adorationem vituli videbatur velle Dominus populum deferere, sed Moyses per orationis instantiam obtinuit ei veniam. Exod. 32. Et nota ibi de modo orandi. Aut dimitte eis hanc noxam, inquit, aut dele me de libro tuo, quem scripsisti.

Per orationem Moyse absorptus est ignis, qui deuorabat castra murmurantium, & dolentium pro labore. Num. 11.

Petiit populus carnes in deserto, & Dominus iratus concessit eis. Per quod liquet, quod non semper exau-



exaudito orationis signum est diuinæ dilectionis. A Num. 11.

Curata est Maria a lepra per orationem Moyfi. Num. 12.

Afflictus populus ab ignitis serpentibus, dixit ad Moysem: Ora pro nobis, &c. Orauit Moyfes pro populo, &c. Num. 21.

Cum esset Anna amaro animo orauit Dominum, flens largier & votum vouit. Loquebatur autem in corde suo, & vox penitus non audiebatur. 1. Reg. 1.

Pugnaturi filij Israel contra Philistæos dixerunt Samueli: Ne cesses pro nobis clamare ad Dominum, B vt saluet nos. 1. Reg. 7.

Non placuit Domino, quod filij Israel petierunt super se regem: & tamen dixit Samueli, audi vocem eorum, &c. 1. Reg. 8.

Dixit Samuel ad populum: Absit a me hoc peccatum, vt cesset orare pro vobis. 1. Reg. 12.

Dauid dixit se inuenisse cor suum, vt oraret Dominum. 2. Reg. 7.

Deprecatus est Dauid Dominum pro populo, & ieiunauit, & ingressus seorsum iacuit super terram. 2. Reg. 12. Bonus quidem fuit modus orandi; sed tunc Dauid non fuit dignus exaudiri.

Orans Elias pro pluua, dixit puero suo, vt prospiceret contra mare. Vnde sperabat nubem consurgere pluuiosam, sed vsque ad septimam vicem nihil penitus apparebat, in quo diuturnitas orationis, & instantia commendatur. 3. Reg. 18.

Iosaphat rex Iuda timore perterritus totum se contulit ad rogandum Dominum. audierat enim quod maxima multitudo gentium venerat contra eum. 2. Paralip. 20. Bono vsus est consilio Ezechias auditis nuntijs regis Assyriorum, quando misit ad Isaiam prophetam, dicens: Fac orationem pro reliquijs, quæ repertæ sunt, & ipsemet ad orandum Dominum, D se conuertit, & nota quam prudenter orauit. 4. Reg. 19.

Conuertit Ezechias faciem suam ad parietem, vt attentius orare posset, & orauit Dominum dicens: Obsecro Domine, &c. Fleuit itaque Ezechias fletu magno, &c. 4. Reg. 20. Miro modo fuit deuota humilis, & efficax oratio Manasse regis Iuda, sicut patet intuenti in fine secundi libri Paralipom. Ieiunauimus, & rogauimus Dominum pro recto itinere, & securo, & euenit nobis prospere. 1. Esdr. 8.

Patet quod in omni loco, licet orare. Nehemias enim orauit, dum daret regi bibere, & orauit Deum celi, cum debuit ad interrogata respondere. Nehem. 1. Orauerat etiam valde deuote, & humiliter in primo cap. precedenti.

Tobias auditis duris sermonibus vxoris cepit orare cum lacrymis. Tob. 3.

Sarra filia Raguelis, audita ab ancilla graui contumelia, perrexit in superius cubiculum domus suæ, & tribus diebus in oratione persistens cum lacrymis deprecabatur Deum, vt ab illo improprio liberaret eam. Tob. 3.

Raphael Angelus monuit Tobiam iuniorem, ne demon haberet potestatem in eum, vt cum accepisset Sarram vxorem, ingressus cubiculum per tres noctes contineret se ab ea, & nihil aliud faceret, nisi quod orationibus vtrique vacarent. Tob. 6.

Audientes filij Israel potentiam Holofernus clamauerunt ad Dominum. Eliachim vero summus sacerdos commemorabat eis, quomodo Moyfes confidentem in virtute suo Amalec non ferro pugnando, sed precibus sanctis orando deiecit. Iud. 4.

Multum confidebat Iudith in orationibus aliorum: vnde proponens ire ad Holofernem dixit presbyteris: Orate, vt firmum faciat consilium meum Deus, & post pauca: Nihil aliud fiat, nisi oratio pro me ad Dominum Deum nostrum. Iudith 8. Similiter quando S. Bon. Tom. 7. Pars iij.

debut amputare caput Holofernus, orauit cum lacrymis ante lectum. Iudith 13.

Esther locutura ad regem Assuerum dixit Mardocheo: Congrega omnes Iudæos quos in Susis reperieris, & orate pro me. Esther 4. quam deuote, & humiliter orauerit, habetur postea cap. 14.

De oratione Mardochei, quomodo deprecatus est Dominum pro se, & pro populo. Esther 13. Magnæ reputationis apud Deum fuit oratio Hieremæ, quando dicebat ei Dominus: Hierem. 11. Noli orare pro populo hoc, & ne assumes pro eis laudem & orationem, quasi dicat, nolo te orare sine effectu sequente: nam dicitur postea; Non enim exaudiam te.

Azarias stans in medio fornacis, orauit sic: Benedictus es Deus Patrum nostrorum, & laudabilis, &c. Dan. 3.

Non dimisit Daniel propter iniquum regis Darij edictum, quin oraret ter in die Deum suum genibus flexis, sicut antea facere consueuerat. Dan. 6. Ecce quam pretiosum, & utile orare Deum reputabat.

Intelligens Daniel tempus captiuitatis esse completum, instantius orauit pro populo in captiuitate detento. Et nota ibi quam humiliter, & quam frequenter orauit. Dan. 9. Videns Sufanna omne humanum sibi deesse consilium, recurrit ad orationis suffragium, & oratio sua fuit exaudita. Dan. 13.

Orauit Ionas ad Dominum de vtero piscis, & ait: Clamaui, &c. Ion. 2.

Congregatus est conuentus, vt essent parati in prelium, & vt orarent, & peterent misericordiam, & miserationes. 1. Machab. 4. Item 4. Iudas commissurus prælum contra Gorgiam dixit: Benedictus es Saluator Israel, &c. Item 7. videns Iudas exercitum Nicanoris orauit, & dixit: Qui missi erant a rege Sennacherib, &c. In duobus autem præcipuis bellis, non legitur Iudas orasse. primo contra regem Antiochum Eupatorem: & tunc non vicit, sed diuertit. 1. Machab. 6. Secundo contra Bachidem, & Alchimum: & tunc in bello cecidit. 1. Machab. 9. Videns Ionathas, quod omnes, exceptis paucis, dereliquerant eum pugnam contra alienigenas, scidit vestimenta sua, & orauit, & postea victoriam obtinuit. 1. Machab. 11. Nos Iudæi in tribulatione, & impetu, qui superuenit nobis orauimus, & exauditi sumus; & post pauca orationem faciebant sacerdotes, &c. 2. Machab. 1. Sacerdotes ante altare cum stolis sacerdotalibus iactauerunt se, & inuocabant de celo eum, qui de depositis legem posuit, vt ijs qui deposuerant ea, salua custodiretur. Vniuersæ etiam mulieres protensis manibus in cælum deprecabatur. 2. Machab. 3. Iudas Machabæus, & qui cum eo erant, simul deprecabantur Dominum, vt eriperet eos ab impio Nicanore, & si non propter eos, sed propter testimonium, quod erat ad Patres eorum, & propter inuocationem sancti, & magnifici nominis eius super impios. 2. Machab. 8.

Orabat scelestus Antiochus Dominum, a quo non esset misericordiam consecuturus. 2. Machab. 9. Nicanor, & qui cum eo erant cum tubis, & canticis admoueabant. Iudas vero, & qui cum eo erant inuocato Deo per orationes congressi sunt, manu quidem pugnantes, sed cordibus Dominum orantes. prostrauerunt non minus triginta quinque millia, præsentia Dei magnifice delectati. 2. Machab. 15.

Breuè & humilem modum orandi habuit ille leprosus, genu flexo orauit Dominum Iesum, dicens: Domine si vis, potes me mundare. Matth. 8. Mar. 1. Luc. 5. Similem modum orandi, scilicet, per modum insinuationis habuit Centurio, cum dixit: Domine puer meus iacet in domo paralyticus, & male torquetur. Matth. 8. Item Martha, & Maria pro Lazaro iam sepulto. Ioan. 11. Domine, si fuisses hic, frater meus non fuisset mortuus, &c. Etiam de eo quod Dominus facere proposuit vult per nos ipse, quandoque rogari. S. f. 2. Matth.

**Matth. 9.** Rogate Dominum messis, ut mittat operarios in messem suam, statimque sequitur: Conuocatis, & cetera.

Dimissa turba, ascendit Dominus in monte solus orare. **Matth. 14.** In quo docemur, quod cum orare volumus turbam debemus fugere, ne turbemur. Dominus & Saluator noster in Euangelio, nos orare docuit verbo. **Matth. 6.** Sic ergo orabitis, Pater noster, &c. Item animauit promisso. **Luc. 11.** Petite, & accipietis: quærite & inuenietis, &cet. **Ioan. 14.** Siquid petieritis Patrem in nomine meo, hoc faciam. Petite, & accipietis, &c. Item informauit exemplo, ipse enim qui poterat imperare, voluit orare. **Matth. 14.** & **Mar. 1.** **Luc. 9.** Specialiter autem instante persecutione passionis suæ orauit, & orare monuit. **Matth. 27.** **Mar. 14.** **Luc. 22.** Vigilate & orate, ut non intretis in tentationem.

Quando Maria Magdalena veniam obtinuit a Domino dicente: Remittuntur tibi peccata tua, nihil vocaliter orasse legitur, sed fleuisse. **Luc. 7.** per quod apparet efficacia mentalis desiderij, etiam sine oratione vocali. Ad instantiam orationis Dominus nos inducit exemplo amici ad amicum, media nocte euntis. **Luc. 11.** Item exemplo viduæ, quæ ab ipso iudice cum importunitate multa iudicari petebat. **Luc. 18.**

Ad humiliter orandum, & iactantiam contemnendam inducit Dominus exemplum de superbo pharisæo, & humili publicano. **Luc. 18.** Post Ascensionem Domini in cælum reuersi sunt discipuli in Hierusalē, & erant omnes perseverantes in oratione vnanimiter cum mulieribus, & Maria matre Iesu. **Act. 1.**

Apostoli volentes unum de discipulis eligere in Apostolum loco Iudæ, statuerunt duos, Ioseph & Mathiā, & orantes dixerunt: Tu Domine, qui nosti corda hominum, ostende quem elegeris. **Act. 1.**

Omnes fideles in primitiua Ecclesia perseverantes erant in doctrina Apostolorum, & communicatione fractionis panis, & orationibus. **Act. 2.**

Item 3. Petrus & Ioannes ascenderunt in templū, ad horam orationis nonam.

Cum orassent discipuli vnanimiter alta voce motus est locus, in quo erant congregati, & repleti sunt omnes Spiritu sancto, & loquebantur verbum Dei cum fiducia. **Act. 4.**

Lapidabant Iudæi Stephanum inuocantem, & dicentem: Domine Iesu accipe spiritum meum, positis autem genibus clamabat voce magna: Domine ne statuas illis hoc peccatum. **Act. 7.**

Petrus & Ioannes orauerunt pro illis de Samaria, ut acciperent Spiritum sanctum. **Act. 8.** Tunc imponebant manus super illos, & accipiebant, &c.

Saulus ad terram prostratus, & salubriter excæcatus, postea surrexit; & in Damascum veniens orare cœpit, & fuit tribus diebus non manducans, nec bibens. **Act. 9.**

Cornelius Centurio erat vir religiosus, ac timens Deum cum omni domo sua faciens eleemosynas multas plebi, & deprecans Dominum semper, & per hoc disposuit se ad fidem. **Act. 10.** Vnde sequitur: Orationes tuæ, & eleemosynæ ascenderunt in memoriam in conspectu Dei.

Ascendit Petrus in superiora domus, ut oraret circa horam sextam, ut scilicet posset deuotius orare a familia inferius existente remotus. **Act. 10.**

Petrus seruabatur in carcere Herodis, oratio autem fiebat sine intermissione ab Ecclesia ad Deum pro eo. **Act. 12.**

Cum dixisset Spiritus sanctus: Segregate mihi Saulum, & Barnabam in opus, ad quod assumpsi eos, sequitur: Tunc ieiunantes, & orantes, imponentesque eis manus, dimiserunt illos, & sequitur, quod fecerunt mirabilem fructum. **Act. 13.** & deinceps.

Eunte Paulo ad orationem obuiauit ei puella, quæ spiritum pythonem habebat, quem Paulus expulit

præcipiens ei in nomine Iesu Christi. **Act. 16.**

Recedens Paulus a fratribus de Asia, post pulchros sermones, & pia verba positis genibus cum omnibus illis orauit, magnus autem fletus factus est omnibus. **Act. 20.**

Orans autem in templo Paulus factus est in stuporem mentis, & vidit Dominum Iesum dicentem sibi: Festina, & exi cito de Hierusalē, &c. **Act. 22.**

Pater Publij febribus, & dysenteria laborante cum orasset Paulus, & imposuisset ei manus, sanauit eum. **Act. 28.**

Apostolus Paulus, qui orandum esse sine intermissione monebat. **1. Thess. 5.** Hoc ipsum sollicite faciebat. **Rom. 1.** Sine intermissione memoriam vestri facio, semper in orationibus meis.

Adeo grande, & arduum opus est orare, quod ipse Paulus Apostolus, ad id agendum idonee, dicebat se sufficientem non esse. **Rom. 8.** Nam quid oremus, sicut oportet nescimus. propter quod ipse orationes aliorum frequenter, & humiliter postulabat. **1. Thessal. 5.** Fratres orate pro nobis.

Petebat autem Paulus orationes fieri, & pro malis amouendis, & pro bonis obtinendis, de primo. **Rom. 15.** Obsecro vos fratres, ut adiuuetis me in orationibus ad Dominum, ut liberer ab infidelibus, &c. quod autem aliorum orationibus crederet se iuari dicit. **2. Corinth. 1.** De tantis periculis eripuit nos Deus, in quem speramus, quoniam adhuc eripiet adiuantibus, & vobis in oratione pro nobis.

Quantum ad secundum, scilicet ad bona, quæ obtinere per aliorum orationes optabat, dicitur **Coloss. 4.** Orantes pro nobis, ut Deus aperiat nobis ostium sermonis ad loquendum mysterium Christi. Item **2. Thessal. 3.** Fratres orate pro nobis, ut sermo Dei currat, & clarificetur.

Orabat Paulus pro alijs, ut eos videre, & in eis fructificare posset. **Rom. 1.** Memoriam vestri semper facio in orationibus meis, obsecrās, si quo modo prosperum iter habeam in voluntate Dei veniēdi ad vos. Item **Timoth. 1.** Sine intermissione habeo tui memoriam in orationibus meis nocte, ac die desiderans te videre.

Item ut Deus eos ad viam salutis vocaret. **2. Thessal. 1.** Oramus semper pro vobis, ut dignetur vos vocare vocatione sua sancta, Deus vester, & impleat, &c.

Item ut ipsi semper de bono in melius proficerent. **Philip. 1.** Hoc oro, ut caritas vestra, magis ac magis abundet.

Item ut plenitudinē diuinæ cognitionis haberent. **Coloss. 1.** Non cessamus pro vobis orantes, & postulantes, ut impleamini agnitione voluntatis eius.

Apostolus Iacobus orationem dicit valere pro obtinenda corporali salute. **Iac. 5.** Oratio fidei saluabit infirmum.

Item pro æterna, quæ est salus simpliciter, & vna. **Iac. 5.** Orate pro inuicem, ut saluemini.

#### *De lacrymis, sine fletu. Cap. XVII.*

**F**leuit Agar longe ab Ismaele sedens, nec voluit videre puerum morientem. **Genes. 22.**

Eiulatu magno fleuit Esau, ut benedictionem patris haberet. **Gen. 27.**

Venit Abraham, ut plangeret, & fletet Saram uxorem suam defunctam. **Gen. 28.**

Eleuata voce fleuit Iacob, postquam recognouerat Rachel consobrinam suam. **Gen. 29.**

Stringens Esau collum Iacob, & osculans eum fleuit. **Genes. 33.**

Scissis vestibus Iacob indutus est cilicio lugens filium suum Ioseph multo tempore. **Gen. 37.**

Commota fuerunt viscera eius super fratre suo Benjamin, & eruperunt lacrymæ, & introiens cubiculum fleuit. **Genes. 43.**

Elcua-

Eleuauit vocem Ioseph cum fletu, & dixit fratribus suis, Ego sum Ioseph. Genes. 45. Fleuit etiam idem Ioseph super patre suo mortuo. Gen. 49. & tandem fleuit fratribus eum rogantibus, vt obliuisceretur peccati commissi. Gen. 50.

Promiscuum, quod ascenderat ex Aegypto flagrauit desiderio carniū sedens, & flens, & ait: Quis dabit nobis carnes ad vescendum. Num. 11. Vociferans omnis turba fleuit, & murmurati sunt dicentes: Vtinam mortui essemus in Aegypto. Num. 14. Omnis multitudo videns occubuisse Aaron, fleuit super eo triginta diebus. Num. 20.

Filij Israel mortuū Moysen fleuerunt triginta diebus. Deuter. 34. Angelus Domini venit ad locum flentium, & impropertat filijs Israel beneficia quæ a Deo receperant, & peccata quæ commiserant, & eleuauerunt vocem, & fleuerunt. Iud. 2.

Pugnantes filij Israel contra filios Benjamin, fleuerunt coram Domino. Iudic. 20. Et postmodum obtenta victoria, fleuerunt pro destructione fratrum suorum. Iudith 21.

Recedente Noëmi nurus suæ flere cœperunt. Ruth 1. Orauit Anna Deum flens largiter. 1. Reg. 1.

Audita obsidione Iabes Galaad leuauerunt vocem filij Israel, & fleuerunt. 1. Reg. 11.

Lugebat Samuel Saulem quoniam Dominum perirebat, quod constituisset eum regem. 1. Reg. 15.

Dauid & Ionathas osculantes se fleuerunt pariter. 1. Reg. 20.

Saul audiens vocem Dauid, qui pepercerat ei, eleuata voce fleuit. 1. Reg. 24.

Vidit Dauid ciuitatem Siceleg esse succensam, & homines adductos inde captiuos, & planxerunt ipse & populus, qui erat cum eo, donec deficerent in eis lacrymæ. 1. Reg. 30.

Planxit Dauid super Saul, & Ionathan, & alios interfectos. 2. Reg. 2.

Dauid, & omnis populus fleuerunt super Abner, quem occiderat Ioab. 2. Reg. 3.

Noluit Dauid flere pro filio paruo mortuo, & tamen fleuerat pro infirmo. 2. Reg. 12.

Quamuis Absalom se exhibuerat pessimum erga patrem, tamen Dauid fleuit eum miserabiliter mortuum. 2. Reg. 18.

Eliseus videns Azazhelem coram se cœpit flere, propter mala, quæ facturus erat filijs Israel, cum ille esset futurus rex Syriæ. 4. Reg. 8. Fleuit Ezechias fletu magno, orans Dominum propter mortem, quam sibi de proximo imminere putabat. 4. Reg. 20.

Cum audisset Iosias rex Iuda comminationes scriptas in libro Legis Domini, propter peccata, scidit vestimenta sua, & fleuit, & multum Deo placuit. 4. Regum 22.

Quando redificabatur templum ab ijs, qui redierant de Babylone, non poterat quisquā agnoscere clamores lætantium, & vocem fletus populi. 1. Esdr. 3.

Orante Esdra, & flente, propter commixtionem Gentilis populi cum Iudæis collectus est ad eum cœtus grandis virorum, ac mulierum, & fleuit populus multo fletu. 1. Esdr. 10.

Cum audisset Nehemias miserabilem statum ciuitatis Hierusalem, fleuit diebus multis, & ieiunabat, & orabat ante faciem Dei cæli. Nehem. 1.

Legente Esdra distincte, & aperte, ad intelligendum verba legis, flebat omnis populus, cum audiret verba legis. Nehem. 8.

Tobias manducauit panem cum luctu, & timore, quia scilicet corpus iugulati proximi in domo habebat, quod nocte sepelire volebat. Tob. 2.

Idem postea auditis sermonibus vxoris ingemuit, & cœpit orare cum lacrymis. Tob. 4.

Sarra filia Raguelis, audita ab ancilla graui contumelia, oraui Dominum cum lacrymis, vt ab illo improperio liberaret eam. Tob. 4.

S. Bon. Tom. 7. Pars iij.

A Cum recessisset a parētibus suis Tobias iunior, cœpit flere mater eius, & dicere baculum senectutis nostræ tulisti, &c. Tob. 5.

Moram faciente Tobia, flebat mater eius irremediabilibus lacrymis atque dicebat, Heu me fili mi, vt quid te misimus peregrinari lumen oculorum nostrorum, &c. Tob. 10.

Raguel cognoscens Tobiam iuniorem, cum lacrymis osculatus est eum, & plorauit super collum eius. Tob. 7.

Veniens Gabelus ad domum Raguelis, & videns Tobiam iuniorem discumbentem fleuit, & benedixit Deum. Tob. 9.

B Exurgens cæcus Tobias occurrit filio redeunti, & suscipiens osculatus est eum cum vxore sua, & cœperunt flere præ gaudio. Tob. 11.

Cum exposuisset Achior omnia, quæ dixerat Holoferni, omnis populus communi lamentatione, & fletu vnanimis preces Domino effuderunt. Iudith. 6. Factus est fletus, & vlulatus magnus in Ecclesia, & per multas horas vna voce clamauerunt ad Deum, dicentes: Peccauimus cum patribus nostris, &c. Iud. 7. Item 13. stetit Iudith ante lectum Holofernis, orans cum lacrymis, vt Deus id quod cogitauerat, perficeret dignaretur.

Cum audisset Mardocheus iniquam sententiam contra Iudæos prolatam, scidit vestimenta sua, & indutus est sacco spargens cinerem capiti, & cum eiulatu clamans animi sui amaritudinem ostendebat. In omnibus quoque prouincijs, ad quas crudele regis dogma peruenerat plactus ingens erat apud Iudæos, ieiunium, vlulatus, & fletus. Esther 4. Postquam Aman vidit Mardocheum tam magnifice honoratū, festinauit ire in domum suam lugens, & operto capite. Esther 6.

D Sanctus Iob flebat pro miserijs proprijs. Iob 30. Versa est in luctum cithara mea, & organum meum in vocem flentium, cuius fletus vehementia apparet per hoc, quod dixerit. 16. Facies mea intumuit a fletu, & palpebræ meæ caligauerunt. Item flebat pro miserijs alienis. Iob 30. Flebam quondam super eo, qui afflictus erat, & compatiabatur anima mea pauperi, & post merens incedebam, & cetera.

Rex, & propheta Dauid habebat de lacrymis suis lauacrum. Psal. 5. Lauabo per singulas noctes lectum meum, &c. Item cibum. Psal. 41. Fuerunt mihi lacrymæ meæ, panes die, ac nocte, &c. Item potum. Psal. 79. Potum dabis nobis, in lacrymis in mensura. Idem: 72. Potum meum cum fletu miscebam. Versus,

Huius lacrymæ, lauacrum, panis potusque fuerunt. Plorabat etiam Dauid vitam suam recolendo. Psal. 55. Deus vitam meam annuntiaui tibi: posuisti lacrymas meas in conspectu tuo. Item cælestis patriæ recordando. Psal. 136. Super flumina Babylonis, illic sedimus, & fleuimus, &c. Interdum orando. Psal. 38. Exaudi Deus orationem meam: & deprecationem meam, auribus percipe lacrymas meas. Idem. 6. Exaudiuit Dominus vocem fletus mei, &c. Idem Deum adorando. Psal. 95. Venite adoremus, & procidamus ante Deum: ploremus coram Domino, qui fecit nos.

E Videns Isaias destructionē populi sui dicebat: Recedite a me, amare flebo: nolite incumbere vt consolimini me. Isa. 22. Dixit Hieremias: Audite, & auribus percipite, nolite eleuari, &c. Quod si hoc non audieritis, in abscondito plorabit anima mea. Hiere. 13.

Copiosi autem fletus in ipso signa erant multæ lacrymæ. Hiere. 9. Quis dabit capiti meo aquam, & oculis fontem lacrymarum, &c. Fons raro, vel numquam siccatur.

Item multi gemitus. Thren. 1. Idcirco ego plorans, & oculus meus deducens aquam, &c. Sequitur: Multum enim gemitus mei, & cor meum marens.

Item clamosi singultus. Thren. 3. Diuisiones aquarum deduxit oculus meus, &c. Sequitur: Ne auertas

Sf 3 aurem

aurem tuam a singultu meo, & clamoribus.

Item oculorum defectus. Thren. 2. Defecerunt præ lacrymis oculi mei, conturbata sunt viscera mea, &c. Ego Daniel lugebam trium hebdomadarum diebus panem desiderabilem non comedi, & caro & vinum non introierunt in os meum, &c. Dan. 10.

Flebant amici Susannæ cum viderent presbyteros aduersus eam testimonium prolaturus; & ipsa etiam stans suspexit ad cælum. Erat enim cor eius, & cetera. Daniel 13.

Antiochus fecit in Hierusalem cædem magnam hominum, & factus est planctus magnus in Israel. Omnis maritus assumpsit lamentum, & quæ sedebant in thoro maritali lugebant. 1. Machab. 1.

Planxit omnis Israel planctu magno, pro morte Mathathie. 1. Machab. 2.

Fleuerunt omnes de Israel Iudam Machabæum, fletu magno, & lugebant ipsi dies multos, dicentes: Quomodo cecidit potens, qui saluum faciebat Israel. 1. Machab. 9.

Interfectis a Tryphone Ionatha, & duobus liberis eius cum mille viris, quos retinuerat sibi, luxit Israel lacu magno. 1. Machab. 12. & 13. Contristatus est animo Antiochus, propter mortem Oniæ, & flexus ad misericordiam lacrymas fudit, recordatus defuncti sobrietatem, & modestiam. 2. Machab. 4.

Occisus bimis pueris per Herodem, impletum est, quod dictum est per Hieremiam prophetam: Vox in Rama audita est, ploratus, & ululatus, &c. Matth. 2.

Pater pueri lunatici exclamans cum lacrymis aiebat: Credo Domine, adiuuā incredulitatem meam. Mar. 9.

Maria Magdalena legitur fleuisse pro peccatis suis ad pedes Domini. Luc. 7. Secundo pro morte fratris. Ioan. 11. Tertio pro passione Domini Iesu Christi. Ioan. 21.

Saluator noster inuenitur tribus vicibus lacrymas effudisse super Lazarum, quem ad hanc mortalem vitam reuocabat. Ioan. 11. Super ciuitatem Hierusalem, quam pro peccato ruituram sciebat. Luc. 9. Et in cruce, quando seipsum pro peccatis mundi hostiā offerebat. Heb. 5. Preces cum clamore valido, & lacrymis offerens, & cetera.

Petrus post negationem trinam Domini egressus foras, fleuit amare. Sed nota quod Lucas præmisit, dicens: Respexit Dominus Petrum. Luc. 22.

Euntem Dominum ad crucem, sequebatur turba multa populi, & mulierum quæ plangebant, & lamentabantur eum. Luc. 23.

Paulus Apostolus cum lacrymis Domino seruebat. Ait enim Act. 20. Cum valediceret fratribus de Asia: Vos scitis qualiter vobiscum per omne tempus fuerim seruiens Domino, cum omni humilitate, & multis lacrymis.

Item cum lacrymis proximos admonebat, & ipsos ad lacrymas prouocabat. Act. 20. Per triennium nocte, & die non cessauit cum multis lacrymis, monens vnumquemque vestrum, &c. Sequitur, Magnus autem factus est fletus omnium, & cetera.

Item cū lacrymis epistolas suas scribebat. 2. Cor. 2. Ex multa tribulatione, & angustia cordis scripsi vobis per multas lacrymas. Item, Philip. 3. Multi ambulāt, quos sæpe dicebam vobis, nunc autem & flens dico inimicos crucis Christi, & cetera.

Item cum lacrymis orabat. Act. 20. Positis genibus suis cum omnibus illis, quibus loquebatur, orauit, magnus autem factus fletus est omnium. Rom. 7. Spiritus postulat pro vobis, id est, postulare nos facit, gemitibus innumerabilibus. tales autem gemitus non solent esse sine fletu.

Cum aduenisset Petrus in Ioppem circumsteterunt eum omnes viduæ stantes, & ostendentes tunicas & vestes, quas faciebat illis Dorcas. Act. 9.

A

## De iuramento. Cap. XVII.

**D**ixit Abimelech ad Abraham: Dominus tecum est in vniuersis, quæ agis: iura ergo mihi ne noceas mihi, & cetera. Dixitq. Abraham: Ego iurabo. Genes. 21.

Iacob, & Laban inierunt fœdus, & iurauit Iacob per timorem patris sui Isaac. Gen. 31.

Moyse iurauit quod habitaret cum Ietro, & accepit Sephoram filiam eius uxorem. Exod. 2.

Pepigit Ionathas fœdus cum domo Dauid, & iurauerunt ambo. 1. Reg. 20.

Audiens Dauid duritiam Nabal, ait: Hoc faciat Deus inimicis Dauid, & hoc addat, si reliquero de omnibus quæ ad eum pertinent vsque mane, mingentem ad parietem. 1. Reg. 25.

Flentem Dauid pro morte Absalom filij sui, dixit Ioab: Surge & procede, & alloquens satisfac seruis tuis. Iuro enim tibi per Dominum, quod si non exieris, ne vnus quidem remansurus sit tecum nocte hac. 2. Reg. 19.

Dauid iurauit Bethsabæe matri Salomonis, quod Salomon regnaret post eum. 2. Reg. 1.

Rex Salomon audita petitione matris pro Adonia iurauit per Dominum, dicens: Hoc faciat mihi Deus, & hoc addat, quod contra animam suam locutus est Adonias verbum hoc. 3. Reg. 2.

Dixit Elias Thesbites ad Achab regem Israel: Viuit Dominus Deus Israel, in cuius conspectu sto, Si erit annis ijs ros & pluuia, nisi iuxta oris mei verba. 3. Reg. 17.

Benadad rex Syriæ indignatus ad responsonem Achab ait: Hoc faciant mihi dii, & hoc addant, si suffecerit pulvis Samariæ pugillis omnis populi, qui sequitur me. 3. Reg. 20.

**D**ixit Elias ad Eliseum: Sede hic, quia Dominus misit me vsque in Bethel. Cui ait Eliseus: Viuit Dominus, & viuit anima tua, quia non derelinquam te. 4. Reg. 2.

Nabuchodonosor iurauit per thronum suum, quod defenderet se. Iudith 1.

Rex Antiochus filius Antiochi misit ad Iudæos pacem facere, & iurauit illis rex & princeps. Sequitur, Et rupit citius iuramentum. 1. Machab. 6.

Herodes Tetrarcha iurauit filiæ Herodiadis, quidquid petieris dabo tibi, licet dimidium regni mei. Mar. 6.

Petrus dicentibus sibi: Et tu ex illis es. nam & loquela tua manifestum te facit, cœpit detestari, & iurare, quia non nouisset hominem. Matth. 26.

Apostolus Paulus multoties legitur iurasse in epistolis suis. 1. Cor. 15. Quotidie morior per vestram gloriam fratres. Item. 2. Cor. 11. Deus, & Pater Domini Iesu Christi scit, quia non mentior. Item Galat. 1. Ecce coram Deo, quia non mentior. Rom. 1. Testis est mihi Deus, cui serui. Item. 1. Cor. 1. Testem Deum inuoco in animam meam.

## De Sabbati obseruatione. Cap. XIX.

**O**bseruatio Sabbati originem trahit ex eo, quod dicitur Gen. 2. Benedixit Deus diei septimo, & sanctificauit illum. quia in ipso requieuit ab omni opere suo, & cetera.

Sexta die filij Israel in deserto colligebant manna duplici quantitate, vt die sabbati vacarent omni opere. Exod. 16.

Inter præcepta decalogi solius mandati de sabbati obseruatione ratio redditur, quia minus de ratione apud carnales homines habere videbatur. Exod. 20.

Præceptum de obseruatione Sabbati frequenter repetitur in lege, vt homo illud diligenter obseruet, & vt veram requiem adipisci laboret.

Die Sabbati offerebantur duo agni, diebus alijs vnus

vnus tantum, nisi in sollempnitatibus & calendis, ad A designandum, quod in festis abundantius Deum laudare debemus. Num. 28.

Homo deprehensus colligere ligna in sabbato fuit pcepto Domini lapidatus a toto populo. Num. 15.

Videns Nehemias homines torcularia calcantes, & onera portantes, & venalia in sabbatis, obiurgauit eos tamquam diem sabbati profanantes. Nehem. 3.

Gentiles ex parte Antiochi constituerunt praelia in diebus sabbatorum aduersus quosdam, qui fugerant de Iudæa: at illi non miserunt lapidem, nec oppilaerunt loca occulta dicentes: Moriamur omnes in simplicitate nostra. 1. Machab. 2. De quibus est aduertere, quod licet erga mandatum Domini deuotionem ostenderent; tamen attendentes postea, quod per hoc populus Domini dispergi poterat, cogitauerunt saniori consilio, dicentes: Omnis homo quicumque venerit ad nos die sabbatorum, pugnemus aduersus eum. non enim videtur opus seruile, pugnare pro vita tuenda, vel pro lege Dei.

Machabæus Iudas, & focij sui pugnantes contra Nicanorem, & exercitum suum interfecerunt super nouem millia hominum, ceteros autem fugere compulerunt, sed non perseuerauerunt persequentes, eo quod erat ante sabbatum. 2. Machab. 8.

Nicanor cogitauit cum omni impetu die sabbati bellum committere, sed Iudæi, qui eum per necessitatem sequebantur dixerunt ei, ne ita ferociter ac barbare feceris, sed honorem tribue, diei sanctificationis. 2. Machab. 15.

Discipulis Domini vellentibus spicas, & manducantibus, dixerunt Pharisei: Ecce faciunt quod non licet facere sabbatis. at ille dixit eis: Non legistis quid fecerit Dauid, &c. Sequitur, Dominus est filius hominis, etiam sabbati. Matth. 12.

Saluator noster legitur in sabbatis multa fecisse miracula, vt patet per omnia Euangelia. Cuius causa, D vel ratio, triplex assignari potest: vna, vt se Dominum legis ostenderet. Matth. 12. Dominus est filius hominis etiam sabbati. Secunda vt veram intelligerem illius pcepti daret, quia non ab omni opere est cessandum. Matth. 12. Itaque licet sabbatis benefacere. Luc. 6. Tertia, vt plus homines audientes eum, & videntes edificaret. Luc. 13.

Cum curasset inclinatam mulierem, Archisynagogus indignatus, quia sabbato curaret, dicebat turbæ: Sex dies sunt, & cetera. Luc. 13.

Mulieres sanctæ parauerunt aromata ad inungendum corpus Dominicum, & ita districte seruabant sabbatum, vt tali die nollent tam sanctum opus facere. Luc. 23. Et sabbato quidem siluerunt, secundum mandatum.

Sabbato requieuit Dominus in sepulcro. Luc. 23. Ioann. 19.

Dies sabbati erat apta specialiter, & conueniens ad audiendam legem Dei. Act. 13. Voces prophetarum, quæ per omne sabbatum leguntur. Item 16. Die sabbatorum loquebamur mulieribus, quæ conuenerant.

*De reuerentia templo exhibenda. Cap. XX.*

**L**ocutus est Dominus ad Moysen, dicens: Facies labium æneum ad lauandum, & missa in eo aqua lauabunt Aaron, & filij eius manus suas in eo, & pedes quando ingressuri sunt tabernaculum testimonij. Exod. 30. Non licebat, nisi paucis intrare tabernaculum, nec vasa eius tangere, sicut apparet. Num. 4. Diligentior, & feruentior fuit Salomon in ædificatione templi Dei, quàm in ædificatione domus propriæ. nam domum Dei compleuit septem annis; domum vero suam tredecim annis. Item citius cepit edificare templum, quàm domum suam. 3. Reg. 6. & 7.

Magnam sollempnitatem fecit Salomon dedicationis templi. 3. Reg. 8.

Præcepit Ioiada Pontifex, vt Athalia educeretur extra templum, & non occideretur in templo Domini. 4. Reg. 11.

Magnam curam videbatur habere Dominus de templo, qui præcepit Cyro, vt edificaret sibi domum in Hierusalem, & intelligitur de templo materiali, sicut patet in textu. 1. Esdr. 1. Et hoc ipsum prædixerat Isaias ante, quasi per ducentos annos. Isa. 45.

Reuersi de Babylonica captiuitate Iudei primo cœperunt edificare templum, quàm muros ciuitatis Hierusalem, licet vicinos haberent inimicos, de quibus die noctuq. timebant. 1. Esdræ 3.

Commendatur Tobias, quoniam in Hierusalem ad templum Domini veniebat, & ibi adorabat Dominum. Tob. 1.

Obtenta victoria de inimicis, qui contaminauerant templum, dixit Iudas ad fratres eius, antequam de domibus proprijs aliquam facerent mentionem: Ecce contriti sunt inimici nostri, ascendamus nunc mundare sancta & renouare. 1. Machab. 4.

Rex Demetrius statuit, vt quicumque confugerint in templum, quod est Hierosolymis, & in omnibus finibus eius obnoxij regi, in omni negotio dimittantur. 1. Machab. 10.

Euntibus Iudæis ad bellum contra Nicanoris exercitum erat pro vxoribus & filijs, item pro fratribus, & cognatis minor sollicitudo, maximus vero & primus pro sanctitate timor erat templi. 2. Mach. 15.

Quadragesimo die voluit Dominus in templo deferri. Luc. 2.

Item duodecim annorum factus disputans in templo fuit inuentus. Luc. 2.

Postea de templo vendentes, & cementes pluries eiecit. Marc. 21. Luc. 19. Ioan. 2.

Item in templo frequenter docuit, & miracula plura fecit. Matth. 21. Marc. 11. Luc. 20. Ioan. 7.

Arguit Dominus Phariseos, quia dicebant aurum templi sanctius templo. Matth. 21.

Recepto Spiritu sancto, Petrus & Ioannes ascenderant in templum ad horam orationis nonam, & tunc factum est primum sanationis miraculum, quod factum fuerit post Ascensionem Domini. Act. 3.

Angelus Domini per noctem aperuit ianuas carceris, & educens Apostolos, dixit: Ite & stantes loquimini in templo plebi omnia verba vitæ huius. Act. 5.

Commendatur Eunuchus ille reginæ Æthiopum, quia de Æthiopia venit adorare in Hierusalem. Act. 8. Sed vero quod etiam sedens in curru legebat

Isaiam prophetam, quod est contra multos, qui euntes ad loca sancta non legunt, vel referunt sacra documenta, sed multiplicant vana verba.

Quamuis Iudæi graui odio, & furore persequerentur Paulum; tamen in templo noluerunt occidere eum, sed traxerunt eum extra templum, vt foris occiderent eum. Act. 21.

*De adoratione, & cultu Dei. Cap. XXI.*

**F**actum est, vt offerret Caim de fructibus terræ munera Domino; Abel quoque obtulit de primogenitis gregis sui, & de adipibus eorum, & respexit Dominus ad Abel, & ad munera eius: ad Caim autem, & ad munera eius non respexit. Gen. 10.

Enos filius Seth, cœpit inuocare nomen Domini. Gen. 4. Edificauit Noe altare Domino, & tollens de cunctis pecoribus, & volucris mundis obtulit holocaustum, odoratus est Dominus odorem suauitatis. Genes. 8.

Apparuit Dominus Abraham in terra Canaan, & dixit ei: Semini tuo dabo terram hanc, qui edificauit ibi altare Domino, qui apparuit ei. Gen. 12.

Cum eleuasset oculos Abraham apparuerunt ei tres viri stantes prope eum, quos cum vidisset adorauit in terra, & dixit: Domine, si inueni gratiam in oculis tuis,



tuis, ne transeas seruum tuum, &cet. Genes. 18.

Paratus fuit Abraham offerre vnicum filium suum Isaac Domino in holocaustum, sed Domino aliter providente arietem loco illius obtulit. Gen. 22.

Dominus apparuit Isaac in Bersabee, dicens: Noli timere, quia ego tecum sum, &c. Itaque ædificavit ibi altare, &c. Gen. 26.

Locutus est Dominus ad Iacob dicens: Surge, & ascende Bethel, & habita ibi; facq. altare Domino, qui apparuit tibi, quando fugiebas Esau fratrem tuum, &cet. Genes. 35.

Audierunt filij Israel, quod visitasset eos Dominus, & quod respexisset afflictionem, & proni adorauerunt. Exod. 4.

Postquam locutus est Dominus ad Moysen de religione Phæse, & percussione primogenitorum Ægypti, sequitur: Incuruatus populus adoravit. Exod. 12.

Iethro dixit Moysi: Præsto populo in ijs, quæ ad Deum pertinent, vt referas, quæ dicuntur ad eum, ostēdasq. populo cærimonias & ritū colēdi. Exo. 18.

Moysi dixit Dominus: Ascende in montem tu, & Aaron, Nadab & Abiu, & septuaginta senes Israel, & adorabitis procul, & post pauca: Obtulerunt holocausta, immolaueruntq. victimas pacificas Domino vitulos. Exod. 24.

Præcepit sibi fieri Dominus tabernaculū cum varijs utensilibus, & ministros, ac ministeria ordinari ad cultum ipsius. Exod. 25. Et deinceps in multis capitulis.

Primum præceptum decalogi est: Non habebis Deos alienos, non facies tibi sculptibile, &cet. Non adorabis ea, neque coles. Exod. 20. & Deuter. 6. Dominum Deum tuum timebis, & ipsi soli seruies, &c.

Angelus Domini ad patrem Samsonis, ait: Si vis holocaustum facere, offer illud Domino. Iudic. 13.

Helcana pater Samuelis ascendebat de ciuitate sua statutis diebus, vt adoraret, & sacrificaret Domino Deo exercituum in Silo. 1. Reg. 1.

Erat peccatum filiorum Heli, grande nimis coram Domino, quia retrahebant homines de sacrificio Domini. 1. Reg. 2.

Cum Samuel offerret holocaustum Domino pro populo, Philistæi inierunt prælium contra Israel. Intonuit autem Dominus fragore magno super Philistæos, & exterruit eos, & cæsi sunt a filiis Israel. 1. Reg. 7.

Rex David sollicite cultum Dei in cantoribus, & sacerdotibus studuit ampliare, sicut apparet. 1. Paralip. 15. 16. 23. 24. & Ezech. 47. In omni opere, &c.

Abijt Salomon, vt immolaret Domino in Gabaon, mille hostias in holocaustum obtulit ibi. Apparuit autem ei Dominus per somnium, &c. 3. Reg. 3.

Salomon ædificato templo stetit ante altare Domini in conspectu Ecclesiæ Israel, & expandens manus suas in cælum; vtrumque genu flexit, & adorauit. 3. Reg. 8.

Reuersi filij Israel de captiuitate Babylonis, legerunt in volumine legis Dei sui, quater in die, & quater in nocte confitebantur, & adorabant Dominum Deum suum. Nehem. 9.

Cum irent omnes filij Israel ad vitulos aureos, Tobias fugiebat confortia eorum, & pergebat in Hierusalem ad templum Domini, & ibi adorabat Dominum Deum Israel. Tob. 1.

Cum audisset Iob nuntiorum verba dicentium sibi perditionem rerum suarum, surrexit, & corruens in terram adorauit, & dixit: Nudus egressus sum ex utero matris meæ, &c. Iob 1.

Quamuis esset prohibitum, quod nullus aliquid peteret ab aliquo Deo, vel homine, vsque ad triginta dies, nisi a solo Dario: tamen Daniel tribus temporibus in die flebat genua sua in cenaculo suo, & adorabat, confitebaturq. coram Domino Deo suo. Daniel 6.

**A** Magi intrantes domum inuenerunt puerum cum Maria matre eius, & procidentes adorauerunt eum, &c. Matth. 2. Ecce miræ humilitatis deuotio; quid ergo debent facere Christiani Domino iam regnanti, si sic fecerunt Gentiles Domino vagienti?

Cum descendisset Iesus de monte, ecce leprosus veniens genu flexo adorauit, dicens: Domine, si vis potes me mundare. Matth. 8. Mar. 1.

Cæcus natus a Domino Iesu illuminatus procidēs adorauit eum. Ioan. 9.

Vidētes Dominū discipuli post resurrectionē suam adorauerunt: Quidā autem dubitauerunt. Matth. 28.

**B** Sacerdotes, & populi de ciuitate Lystræ reputantes Deos Paulum, & Barnabam, volebant sacrificare eis, quod illi prohibuerunt omnino. Act. 14.

Postquam audisset, & vidisset beatus Ioannes mirabiles Dei reuelationes, cecidit, vt adoraret ante pedes Angeli, qui ei hoc ostendebat, & dixit ei: Vide, ne feceris. Deum adora, &c. Apoc. 22.

#### De idolatria. Cap. XXII.

**V** Idens populus, quod moram faceret descendēdi de monte Moyses, congregatus aduersus Aaron dixit: Fac nobis Deos, qui nos præcedant. Exo. 32.

Fornicatus est populus filiorum Israel cum filiabus Moab, quæ vocauerunt eos ad sacrificia sua, at illi comederunt, & adorauerunt Deos earū. Num. 25.

Mortuo Iosue filio Naue, filij Israel fecerūt malum in conspectu Domini, & seruiebant Baalim, & Astaroth, & dimiserunt Dominum Deum patrum suorum. Iudic. 2.

Fornicatus est omnis Israel in Ephod, quod fecerat Gedeon. Iudic. 8.

Item de Salomone dicitur: Deprauatum est cor eius per mulieres, ita vt sequeretur Deos alienos, nec erat perfectum cor eius, & 3. Reg. 11.

Excogitato consilio Ieroboam fecit duos vitulos aureos, & dixit: Ecce dii tui Israel, qui eduxerunt te de terra Ægypti. 3. Reg.

Non suffecit Achab regi Israel, vt ambularet in peccatis Ieroboam, sed insuper seruiuit Baal, & adorauit eum. 3. Regum 16.

Ædificauerunt viri de Iuda aras, & statuas, & lucos super omnem collem excelsū, & subter omnem arborem frondosam. 3. Reg. 14.

Achaz rex Iuda ambulauit in via regum Israel insuper, & filium suum consecrauit transferens per ignem. 4. Reg. 16.

**E** Translatis filiis Israel in Assyrios collocatę sunt diuersę gentes in ciuitatibus Samarię, & vnaquęq. fecit Deum suum, & cum Dominū colerent dijs quoque suis seruiebant iuxta consuetudinem Gentilium. 4. Reg. 17.

Confusus, & vituperatus Sēnacherib rex Assyriorum reuersus est in Ninuiem ab impugnatione Ezechię regis Iudę, cumq. adoraret in templo Nesroch filij eius percusserunt eū gladio, & fugerūt. 4. Reg. 19.

Manasses rex Iuda erexit omnes aras Baal, & adorabat omnem militiam cæli, & coluit eam, & cetera. 4. Regum 21.

Holofernes indignatus contra Achior, qui commendauerat potentiam Dei Hebræorum, dixit, quod ostenderet ei, quod non esset Deus, nisi Nabuchodonosor. Iudith 6.

Nabuchodonosor fecit statuam auream, & præcepit, vt omnes populi tribus, & linguę cadentes adorarent eam. Dan. 3.

Darius rex Persarum proposuit edictum, quod nullus infra triginta dies peteret aliquid a quocumque Deo, vel homine, nisi ab ipso rege Dario. Dan. 6.

Erat idolum in Babylone, quod rex quotidie adorabat, quod cum Daniel subuertisset, Babylonij adorauerunt draconem. Dan. 14. Antiochus iussit ædificare

ficare aras & templa & idola, & immolari carnes suillas, & relinquere filios suos incircumcisos. 1. Machab. 1.

Sacerdotes, & populus de ciuitate Lystræ reputantes Deos Paulum, & Barnabam voluerunt sacrificare eis, quod illi prohibuerunt omnino. Act. 14.

Cum Paulus maneret Athenis incitabatur spiritus eius in ipso, videns idolatriæ deditam ciuitatem. Act. 17.

*De blasphemia contra Deum. Cap. XXIII.*

**F**ilius mulieris Israelitidis præcepto Domini lapidatus fuit in deserto pro eo, quod nomen Domini blasphemauit. Leuit. 24.

Dixit Heli filiis suis: Si peccauerit vir in virum placari potest ei Dominus. Si autem in Dominum peccauerit, quis orabit pro eo? 1. Reg. 2.

Nathan propheta multum exaggerabat peccatum Dauid, ex eo quod blasphemare fecerat inimicos nomen Domini. 2. Reg. 12.

Vir Dei dixit ad regem Israel, quia dixerunt Syri: Deus montium est, & non est Deus vallium, dabo omnem multitudinem hanc grandem in manu tua. 3. Regum 10.

Videtur quod maius peccatum nesciuerit excogitare nequissima Iezabel, quam blasphemiam, quam fecit illi imponi. 3. Reg. 21.

Multum displicuerunt Deo blasphemiae, quas dixerunt serui Sennacherib regis Assyriorum, unde percussit Dominus centum octoginta millia de exercitu suo. 4. Reg. 19.

Non expedit simplices homines circa blasphemiam infidelium disputare; propter hoc prohibuit Ezechias, ne populus Raphaci blasphemio aliquid responderet. 4. Reg. 18. Isa. 36.

Holofernes indignatus, eo quod Achior potestiam Dei cæli commendauerat, dixit ad eum: Quoniam prophetafti, quod Gens Israel defenderetur a Deo suo, ut ostendam tibi, quia non est Deus, nisi Nabuchodonosor, cum percusserimus eos omnes, quasi hominem vnum, &c. Iudith 6.

Cum argueret Hieremias populum pro eo, quod sacrificabant omnes dijs alienis, responderunt: Sermones Domini non audiemus, sed sacrificabimus reginæ cæli, sicut fecimus nos & patres nostri, & bene nobis erat, malumque non vidimus. Hiere. 40.

Nabuchodonosor rex Babylonis dixit socijs Danielis, qui statuam eius auream noluerunt adorare: Quis est Deus, qui eripiat vos de manu mea. Dan. 3.

Dixerunt quidam iniqui ex Israel in diebus Antiochi: Ex quo recessimus a Gentibus inuenerunt nos multa mala. 1. Machab. 1.

Obsidente Iuda Machabæo quoddam præsidium, quidam Gentiles intus existentes verba blasphemia, & nefanda iactabant, quo scito postea concremati fuerunt. 2. Machab. 10.

Dicentibus Iudæis Nicanori: Est Deus potens in cælo, qui iussit agi septimam diem, ille infelix ait: Et ego potens sum super terram, qui impero sumi arma, & negotia regum impleri. 2. Machab. 15.

Cum eiecisset dæmonium Dominus cæcum & mutum, stupentibus turbis Parifæi blasphemabant dicentes: Hic non eicit dæmones, nisi in Belzeub principe dæmoniorum. Matth. 12. & Luc. 11.

Pendente Domino in cruce, prætereuntes blasphemabant eum mouentes capita sua, &c. Matth. 27.

Contradicabant Iudæi ijs, quæ a Paulo dicebantur blasphemantes. Act. 13. & 18.

*De præceptis Dei, & obseruatione ipsorum. Cap. XXIV.*

**P**ræceptum leue ad implendum, & breue ad retinendum dedit Deus primo parenti, dicens: Ex

omni ligno paradisi comede, &c. Gen. 2. Quod tamen male custodiuit, & grauem pœnam incurrit. Genes. 3.

Mandata Dei licet interdum videantur esse de re parua, non parua diligentia sunt seruanda, quia puniuntur grauius transgressores. Genes. 2. De ligno scientiæ boni, & mali, ne comedas. In quacumque enim die comederis ex eo, morte morieris. Fecit Noe omnia quæ mandauerat ei Dominus. Gen. 7.

Recepturi filij Israel madata a Deo, iussi sunt sanctificari. Exod. 19. Vade ad populum, & sanctifica eos, hodie & cras, & cetera.

Præcepit Dominus, ut filij Israel ponerent vittas hiacynthinas per angulos palliorum quattuor, ut continuam haberet memoriam cælestium mandatorum. Num. 15.

Balaam ariolus dixit Balach regi Moab: Nonne dixi tibi, quod quidquid imperaret mihi Dominus, hoc facerem? Num. 23. Ecce quantam reuerentiam habebat malus homo ad imperium Dei.

Specialem monitionem fecit Dominus Iosue de meditatione, & obseruatione legis, quando constituit eum super populum. Iosue 1. Non recedat volumen legis huius, & cetera.

**C** Non præteriuit Iosue de vniuersis mandatis Domini, nec vnum quidem verbum, &c. Iosue 11.

Saul tam signanter electus, propter transgressionem diuini præcepti irreuocabiliter est proiectus. 1. Reg. 15.

Rex Dauid instruens Salomonem post se regnaturum dicebat: Tunc perficere poteris, si custodieris mandata, quæ præcepit Dominus Moyfi. 1. Paral. 22.

Ordinante Ioiada pontifice eduxerunt filium regis, & imposuerunt ei diadema, dederuntque in manu eius tenendam legem, & constituerunt eum regem. 2. Paralip. 23.

**D** Cyrus rex Persarum gentilis Monarcha totius mundi, non verecundabatur dicere: Præcepit mihi Deus cæli, ut ædificarem ei domum in Hierusalem. 1. Esdr. 1.

Conquerendo dicit Dominus. Hiere. 35. Præuoluere sermones Ionadab filij Rechab, quos præcepit filiis suis, ut non biberent vinum, qui obedierunt præcepto patris sui: ego autem locutus sum ad vos, & non audistis me, & cetera.

Melius iudicauit Susanna incidere in manus hominum, quam derelinquere legem Dei, exponens periculo vitam, & famam. Dan. 13.

Cum trucidarentur sub Antiocho legis obseruatores multi de populo noluerunt infringere legem sanctam, & trucidati sunt. 1. Machab. 1.

**E** Duæ mulieres delatæ sunt natos circumcidisse, quas infantibus ad vbera suspensis cum publice per ciuitatem circumduxissent, per muros præcipitauerunt. 2. Machab. 6.

Eleazarus vir ætate prouectus diros corporis dolores sustinuit, & tandem occisus fuit, quia carnes porcinas contra legem noluit manducare, nec etiam simulare se, vlatenus manducasse. 2. Machab. 6.

Propter legem Dei septem fratres cum matre sua, grauius tormenta passi sunt sub Antiocho. 2. Mach. 7.

**F** Parentes Ioannis Baptistæ erant incedentes in omnibus mandatis, & iustificationibus Domini, sine querela. Luc. 1.

Adolescens a Salvatore quæretus, quid boni faceret, ut vitam æternam haberet, responsum est ab ipso Domino: Si vis ad vitam ingredi, serua madata. Matth. 19.

Ad obseruandum præcepta Dei nos inducunt aliz creaturæ, quæ obediunt ei, de bonis Angelis non est dubium, quin sint ministri eius, facientes voluntatem, & verbum eius. 1. Paralip. 21. Imperauit Dominus Angelo, qui percutiebat. Item de malis angelis. Luc. 8. Præcipiebat spiritui immundo, ut exiret ab homine, sequitur: Et exierunt dæmonia. Item præcepit Soli & non oritur. Iob 9. Item præcepit coruis, ut pascant Eliam, & sic fecerunt. 3. Regum 17.

Et

Et generaliter dicit Psal. 148. Præceptum posuit, & non præteribit: Ignis, grando, nix, glacies, &c.

*De obedientia. Cap. XXV.*

**H**ominem volens Deus sub obedientia viuere, etiam in statu innocentie, statim ut conditus est ipsum præceptis astrinxit. Gen. 2. Et cum contra obedientiam venientem seuerè puniuit. Gen. 3.

Prompte obediuit Noe Domino in omnibus, quæ ei faciendæ præcepit tempore instantis diluuii. Gen. 7.

Præceptum de circumcisione, quamuis esset graue & insolitum, non distulit Abraham implere, usque in crastinum. Gen. 17.

Idem Abraham præceptum de immolatione filij sine mora exequi voluit. Gen. 22. Abraham de nocte surgens, &c. Et vide quam mirabilis fuit illa obedientia.

Prompte obediuit Ioseph patri ad fratres eum mittenti, quamuis eos primus accusasset, & ideo merito timere deberet. Gen. 37.

Moyse obediuit Domino imponenti ducatum populi. Sed attende cum quanta difficultate. quinquies enim se excusauit. Exod. 3. & 4. Magnam obedientiam promiserunt filij Israel, dicentes: Omnia quæ locutus est Dominus faciemus, & erimus obedientes. Exod. 24. Sed postea operibus fecere contrarium.

Filij Israel per desertum ambulantes ad imperium Domini erigebant tentoria, & ad imperium illius deponebant. Num. 4. & 9.

Idem filij Israel ad terram Promissionis iuxta mandatum Domini ascendere conati sunt, & male cessit eis. Num. 14.

Euntes ad bellum contra mandatum Moyse filij Israel, multi victi fuerunt a paucis. Num. 14. Quando autem ex obedientia pugnaverunt, pauci vicerunt multos. Num. 31.

Quia transgressus est Achan mandatum Iosue, populus fuit in prælio superatus, & ipse postea a populo lapidatus. Iosue 7.

Saul offerens holocaustum contra mandatum Samuelis, reprobatus est. Similiter, quia pepercit Agag regi Amalec, & gregibus ouium, & ceteris rebus pretiosis; & tunc dixit ei Samuel: Melior est obedientia, quam victima. 1. Reg. 15.

Dauid licet per Samuelem vnctus esset in regem, tamen obediebat patri mittenti eum, ut portaret victualia fratribus, quibus fuerat præelectus. 1. Reg. 17.

Prædixit Dominus Salomoni, quod si faceret omnia, quæ præceperat ei poneret thronum regni eius, super Israel in sempiternum. Si autem auerteretur, & non custodiret mandata eius, auferret Israel de superficie terræ. 3. Reg. 9. 2. Paralip. 7. Et ita impletum est. 4. Reg. ultimo.

Vir Dei, qui prædixit Ieroboam destructionem altaris sui a leone occisus fuit, quia scilicet contra præceptum Domini, in domo alterius Prophetæ comedit. 3. Reg. 13.

Obedientia commendatur interdum, & in ijs, quæ videntur sine ratione mandari; vnde percussus est a leone ille, qui noluit percutere quendam de filiis prophetarum. 3. Reg. 20.

Cum ad mandatum Elisei, Naaman indignatus abiret, dixerunt ei serui sui: Pater & si rem grandem dixisset tibi Propheta facere debueras, &c. 4. Reg. 5.

Tobias iunior auditis exhortationibus patris respondit, & dixit: Omnia quæcumque præcepisti mihi pater, faciam. Tob. 5.

Quidquid præcipiebat Mardocheus, obseruabat, regina Esther, & ita cuncta faciebat, ut eo tempore soluta erat, quo eam paruulam nutrebat. Esther 2.

Commendantur a Domino Rechabites, qui noluerunt vinum bibere, pro eo quod præceperat eis pater eorum, dicens: Non bibetis vinum, usque in sempiternum, & domos non ædificabitis, &c. Hiere. 35.

Et nota difficultas tem in illa obedientia.

Ionas insipienter refugiebat obedire Domino præcipienti, ut iret ad præcipiendum in Ninive, sed fugiendo deuenit, quo Dominus iusserat. Ion. 1. & 3.

Mathathias dixit nuntio regis Antiochi: Et si omnes obediunt regi Antiocho, ego & filij mei, & fratres mei obediemus legi Patrum nostrorum. 1. Mach. 2.

Dixit vnus illorum septem fratrum: Parati sumus magis mori, quam patrias Dei leges præuicari. 1. Machab. 7.

Descendit puer Iesus cum Maria, & Ioseph in Hierusalem, & erat subditus illis. Luc. 2.

Cito & perfecte obedierunt illi Apostoli, qui a Domino vocati continuo relictis retibus secuti sunt eum. Matth. 4. Similiter de Matthæo dicitur Luc. 5. Relictis omnibus surgens secutus est eum.

De obedientibus verbo, & non facto, seu facto plusquam verbo, proponit Dominus exemplum duorum filiorum, quorum vnus dixit se iturum in vineam patris, & operaturum, & non iuit, alius negauit, & iuit. Matth. 21.

Etiam malis prælatis obediendum esse præcepit Dominus. Matth. 23. Super cathedram Moyse, &c. Omnia quæcumque dixerint vobis, seruate & facite.

Saluator noster legi voluit obedire in circumcisione, in oblatione facta in templo. Luc. 2. Et in esu agni paschalis. Matth. 26.

Exemplum obedientie proponit nobis Apostolus in Salvatore nostro, dicens: Factus obediens usque ad mortem. Philip. 2. Vbi, & insinuat obedientie fructum subdens, propter quod Deus exaltauit illum, & cetera.

Comminati sunt principes sacerdotum, Petro, & Ioanni, ne ultra loquerentur in nomine Iesu, qui respondentes eis: Si iustum est vos potius audire, quam Deum, iudicate. non enim possumus, quæ vidimus, & audiuius non loqui. Act. 4.

Deinde cum arguerentur Apostoli a principibus sacerdotum, quia non seruauerant eorum mandata, responderunt Petrus, & Apostoli: Obedire Domino oportet magis, quam hominibus. Act. 5.

Saulus ad terram prostratus audiens verba Iesu Nazareni promptè respondit ei: Domine quid me vis facere. Act. 9. Cornelius dixit beato Petro: Omnes nos in conspectu tuo sumus, audire parati omnia quæcumque præcepta sunt tibi a Domino. Act. 10.

Paulus electo sibi Sila in focium, perambulabat Syriam, & Ciliciam confirmans Ecclesias, & præcipiens custodire præcepta Apostolorum, & seniorum. Act. 15.

*De Scriptura sacra. Cap. XXVI.*

**M**agnam reuerentiam habere debemus ad Scripturam, quam ipse Deus voluit scribere, vel tradere specialiter, & docere. Exod. 32. Reuersus est Moyse de monte portans duas tabulas scriptas opere Dei. Ipse etiam Dominus noster Iesus Christus dicit se missum fuisse ad euangelizandum, & misit discipulos ad hoc ipsum. Matth. 10. Mar. 1. & in Luc. 4. & 10. Ioan. 4. Sic igitur potest dici, quod lex vetus fuit data Moyse mediantibus Angelis, ut ait Apostolus. Galat. 3. Et beatus Stephanus hoc ipsum testatur. Act. 7. Accepistis legem in dispositione Angelorum. Reliqua vero pars veteris testamenti data fuit inspiratione Spiritus sancti. 2. Pet. 1. Non enim voluntate humana allata est aliquando prophetia, sed Spiritu sancto inspirati locuti sunt sancti Dei homines. Nouum autem testamentum continet verba, & facta Domini nostri Iesu Christi, in Euangelij, verba Apostolorum in epistolis, & in Apocalypsi. Item facta ipsorum in libro Actorum Apostolorum, Christus ergo verus Deus, & homo partem Euangeliorum protulit per seipsum; alia vero dixerunt Apostoli, & Euangelistæ instructi per ipsum, & Spiritum sanctum. Act. 2.

Act. 2. Repleti sunt omnes Spiritu sancto, & cœperunt loqui varijs linguis, prout Spiritus sanctus dabat eloqui illis. Sapientiam omnium antiquorum exquiret sapiens, & in Prophetis vacabit. Eccles. 39. quasi dicat, sapientiam quidem sapienter debet sapiens exquirere, sed specialiter debet scripturis Prophetarum intendere.

Ionathas summus sacerdos, & seniores Iudæorū, licet essent bellicis rebus intenti, scripserunt Spartatis: Nos habentes solatio libros sanctos, qui sunt in manibus nostris, &c. 1. Machab. 12.

Saluator noster tentatus a diabolo per scripturam respondit, & ipsum tentatorem triplici auctoritate confudit. Mar. 3. Luc. 3.

Item scripturam esse completam in Aduentu suo dixit. Luc. 4. Hodie impleta est Scriptura hæc in auribus vestris.

Item per Scripturā defendit discipulos contra Phariseos. Matth. 12. Non legistis quid fecerit Dauid, quando esuriit, &c. Magnam auctoritatem tribuit Dominus veteri testamento, quando dixit Matth. 2. Donec transierit cælum, & terra, tota vnum, aut vnus apex, & cetera.

Item Ioan. 10. non potest solui Scriptura: non minoris autem, sed maioris auctoritatis est nouum, de quo Luc. 21. Cælum & terra transibunt, verba autem mea non transibunt.

Principes sacerdotum & scribas, & Phariseos iniuste arguentes Dominum Iesum, ipse multotiens per Scripturas vicit. Matth. 11. & 21.

Arguit Dominus Saduceos de ignorantia Scripturarum. Matth. 22. Erratis nescientes Scripturas, neque intelligentes virtutem Dei.

Petrus in prima prædicatione sua post missionem Spiritus sancti, auctoritatem Ioelis exponens tria milia hominum conuertit ad Christum. Act. 2.

Valde commendandus est Eunuchus ille, qui veniens de Æthiopia Hierosolymam, legebat in curru existens Isaiam prophetam. Philippus autem præcepto Domini occasionem assumpsit prædicandi Euangelium Christi, ex auctoritate, quam eum legentem inuenit, & credentem illico baptizauit. Act. 8.

Veniens Paulus Berceam intrabat synagogam Iudæorum; quidam autem susceperunt verbum cum omni auditate quotidie scrutantes Scripturas, si hæc ita se haberent, & crediderunt multi ex eis, & Gentilium mulierum honestarū, & viri non pauci. Act. 17.

Apollo Iudæus vir eloquens potens in Scripturis, contulit multū ijs qui crediderunt. vehementer enim Iudæos reuincebat publice, ostendens per Scripturas esse Christum, Iesum. Act. 18.

*De exhortatione bona, & prædicatione verbi Dei. Cap. XXVII.*

**C**aim admonitus exteriori voce Dei, a concepta iniquitate non destitit. Gen. 4. Hinc patet, quod exhortatio sine interiori parum est efficax.

Iustus Loth pie admonebat Sodomitas dicens: Nolite quæso fratres mei, nolite malum facere: cui illi contumaciter responderunt: Recede illuc, &c. Gen. 9. Hinc patet quod peruersi difficile corriguntur. Bene cessit Iacob, quia acceperat consilijs matris suæ. Gen. 27.

Audiens Ruben iniqua fratrum verba contra Ioseph dixit: Non interficiamus eum, nec effundamus sanguinem eius, &c. Iudas etiam consuluit, quod non occideretur, sed venderetur, & sic saltem minus malum committeretur. Gen. 37.

Soror Moyfi bene suasit filiæ Pharaonis, vt mulier Hebræa pro nutriendo paruulo vocaretur. Exod. 2.

Ad vilitatem populi, & alleuiationem Moyfi, bene consuluit Iethro, vt minores iudices constitueret in populo. Exod. 18.

Bona exhortatione Abigail auersus est Dauid a proposito fundendi sanguinem Nabal. 1. Reg. 25. Bonum consilium dedit Abner, Afaeli se insequenti dicens: Noli me sequi, ne compellar confodere te in terram, quod quia ille audire contempsit ab eodem occisus est. 2. Reg. 2.

Consilium bonum dederunt Roboam filio Salomonis seniores, ille vero in malum suum acceperat consilio iuniorum. 3. 12.

Cū Naaman Syrus ad verbū Elisei abiret indignatus, serui sui suaserunt ei, vt Prophetæ facile mandatū impleteret, quorū monitis vtiliter acceperat. 4. Reg. 5.

Quādiu vixit Ioiada pontifex, qui bene instruebat Ioas regem Iudæ, tamdiu fuit ille bonus, quo mortuo factus est Ioas pessimus. 4. Reg. 12. 2. Paralip. 25.

Perrexerunt cursores cum epistolis ex regis Ezechie imperio, & principum eius in vniuersum Israel, & Iudæ, prædicantes filijs Israel: Reuertimini ad Dominum Deum Abraham, Isaac, & Israel, & reuertetur ad reliquias, quæ effugerunt manus regis Assyriorum. 2. Paralip. 30.

Ædificantibus Iudæis de Babylone reuersis templum in Hierusalē exhortabantur eos, & adiuuabant Aggæus, & Zacharias prophetæ. 2. Esdr. 5.

Desiderans Nehemias ædificare muros Hierusalem, dixit optimatibus, & magistratibus: Surgamus, & ædificemus; & confortatæ sunt manus eorum in bonum. Nehem. 2.

Ad exhortationem Nehemie ij qui vsuras accipiebant a populo, & acceptas reddere, & vltra non accipere consenserunt. Nehem. 5.

Tobias in captiuitate positus pergebat ad omnes, qui erant in captiuitate, & monita salutis dabat eis. Tob. 1. Idem bene prædicauit filio suo. Tob. 4. & 14.

Bene cessit Tobie, quia Raphael quem hominem putabat, consilijs acceperat, specialiter in exenteratione piscis, & petendo uxorem, & in modo se habendi cum ea. Tob. 6.

Parentes Sarre vxoris Tobie iunioris monuerunt eam honorare socrum, diligere maritum, regere familiam, gubernare domum, & seipsam irreprehensibilem exhibere. Tob. 9.

Iudith bonam exhortationem dedit populo arguens, quod indiscrete ordinatum erat, & docens quid faciendum esset Iudith 8.

Efficaciter persuasit Mardocheus Esther, vt etiam cum periculo suo ingrederetur ad regem precatura pro salute gentis suæ. Esther 4.

Post ostensam Isaiæ mirabilem visionem dixit ipse Propheta: Væ mihi, quia tacui, &c. & postea cum labia sua per calculum de altari sumptū vidisset fuisse mundata, dixit Domino quærenti, quem mitteret ad populum: Ecce mitte me, &c. Isa. 6.

Dixit Dominus. Isa. 15. Clama ne cesses, quasi tuba exalta vocem tuam, & annuntia populo meo scelera eorum, & domui Iacob peccata eorum.

Hieremias primo se excusauit a prædicationis officio, postea diuinæ voluntati acceperat. Hiere. 1.

Abdemelech Æthiops dixit Sedecie regi Iudæ: Domine mi rex, malefecerunt viri isti omnia quæcumque perpetraverunt contra Hieremiam prophetam, mittentes eum in lacum: & præcepit rex ei, Leua Hieremiam de lacu antequam moriatur. Hiere. 38.

Factum est verbū Domini ad Ionam dicens: Surge & vade in Ninive, & prædica in ea prædicationem quam ego loquar ad te, &c. Ion. 1. & 3.

Bonum consilium dedit Daniel Nabuchodonosor regi Babyloni dicens: Consilium meum placeat tibi, & peccata tua elemosynis redime. Dan. 4.

Moriens Mathathias filios suos efficaciter exhortatus est ad agendum viriliter pro lege Dei. 1. Mach. 2.

Iudas Machabeus pugnatrus exhortabatur, & animabat populū suum sermonibus bonis. 1. Mach. 3. & 4. & 2. Mach. 8. & specialiter 15. Vbi dicitur quod singu-

singulos armavit non clypei, & hastæ munitione, sed A sermonibus optimis, & exhortationibus.

Cum primus illorum septem fratrum in sartagine torreretur, ceteri vna cum matre inuicem se hortabantur mori fortiter, dicentes: Dominus aspiciet veritatē, &c. specialiter ipsa mater mirabilis efficaciter exhortabatur filios. 2. Mach. 7.

Ioannes Baptista multa exhortās euangelizabat populo. Luc. 3. De quibus nonnulla exprimuntur eodem capitulo, & Matth. 3. & Mar. 1. Cuius exhortatio, ita efficax erat, quod non solum multi baptizabantur consistentes peccata sua, sed ipse Herodes Tetrarcha audito eo faciebat multa, & libenter B eum audiebat. Mar. 6.

Misit Dominus discipulos dicens: Euntes prædicate dicentes, quia appropinquabit regnum celorum, &c. Matth. 10. Item Marc. 16. Euntes in mundum vniuersum prædicate Euangeliū omni creaturæ, &c.

Petrus Apostolus in die Pentecostes, tam efficaciter prædicaui, quod baptizati sunt circiter tria milia hominum. Act. 2.

Item alia vice similiter ad prædicationē ipsius crediderunt tot, quod factus est numerus virorum quinque millia. Act. 4.

In domo Cornelij prædicante Petro cecidit Spiritus sanctus super eos, qui audiebant verbum, & iussit eos baptizari. Act. 10.

Ministrantibus, & ieiunantibus prophetis, & doctoribus, qui erant Antiochiæ dixit Spiritus sanctus: Segregate mihi Saulum, & Barnabam in opus, &c. Sequitur: Ipsi quidem missi a Spiritu sancto prædabant verbum Dei in synagogis Iudæorum. Act. 13.

Principes synagogæ, qui erant Antiochiæ, dixerunt Paulo, & Barnabæ: Viri fratres, si quis est in vobis sermo exhortationis ad plebem, dicite. Surgens autem Paulus, & manu silentium indicens, &c. Act. 13.

Reuersi sunt Paulus, & Barnabas Lystram & Iconium & Antiochiam confirmantes animas cum sanctis, exhortantesq. vt permanerent in fide. Act. 14.

Factum est Iconij, vt Paulus, & Barnabas introirent in synagogam Iudæorum, & loquerentur, ita vt crederent Iudæorum, & Græcorum copiosa multitudo. Act. 14.

Visio per noctē Paulo ostensa est, vbi Macedo quidam erat stans, & deprecans, & dicens: Transiens in Macedoniam adiua nos. Vbi subditur: Vt autem visum vidit statim quæsiuimus proficisci in Macedoniam certi facti, quod vocasset nos Deus Euangelizare eis. Act. 16.

Multi Corinthiorum audientes Paulum prædicantem credebant, & baptizabantur. Dixit autem Dominus nocte per visionem Paulo: Noli timere, sed loquere, & ne taceas, propter quod ego sum tecum: & nemo apponetur tibi, vt noceat te. Act. 18.

Apollo Iudæus Alexandrinus genere erat edoctus viam Domini: & feruens spiritu loquebatur, & docebat diligenter ea, quæ sunt Iesu. Act. 18.

Apud Ephesum Paulus intrans synagogam Iudæorum, cum fiducia loquebatur per tres menses, disputans, & suadens de regno Dei. Act. 19.

Quadam die cum in crastinum profecturus protulisset sermonem vsque ad mediam noctem, quidam adolescens oppressus somno cecidit de fenestra, & sublatu est mortuus. Ad quem cum descendisset Paulus, & suscitasset eum, rursus ascendit, & allocutus est eos vsque ad lucē, & sic profectus est. Act. 20.

Cum Paulus victus coram Agrippa rege, & Festo præside redderet rationem, Agrippa dixit ei: In modico suades mihi Christianum fieri. Act. 26.

*De consilijs, & persuasionibus malis. Cap. XXXIII.*

**H** Eua de ligno vitæ dedit viro suo, qui comedit. Gen. 3. Præsumendum est quod ipsa persuase-

rat viro, vt comederet.

Domina, cui seruiebat Ioseph, male ipsum sollicitabat ad peccatum. Gen. 39.

Moram faciente Moyse cum Domino in monte, dixit populus ad Aaron: Fac nobis deos, qui nos præcedant. quibus suggestionibus populus male acquieuit. Exod. 32.

Balaam docuit Balac, quomodo per mulieres posset filios Israel ad peccatum trahere, & sic contra se Dominum prouocare. Num. 23.

Filij Amon male persuaserunt regi suo, vt dehonestaret nuntios Dauid. 1. Reg. 10.

Ionadab nepos Dauid malum consiliū dedit Amon, vt defloraret sororem suam, de quo postea multa mala euenerunt. 2. Reg. 13. Detestandum & turpe consilium dedit Achitophel Absalom; & tamen erat consilium, quod ille dabat in diebus illis, sicut si quis consuleret Deum. 2. Reg. 16.

Auerterunt mulieres cor Salomonis, & ita deprauatum est per eas, vt sequeretur deos alienos, & coleret eos. 3. Reg. 11.

Ochozias rex Iuda ingressus est per viam domus Achab, quæ scilicet erat pessima; mater enim eius Athalia impulsit eum, vt impie ageret. 2. Paralip. 22.

Edificantibus templum Iudæis post reditum Babyloniz, hostes eorum scripserunt Artaxerxi, & ipse persuasus ab eis prohibuit opus fieri. 1. Esdr. 4.

Amici Aman audientes eum conquerentē de Mardocheo, qui ei genua non flectebat responderunt: Iube parari excelsam trabem, & mane dic regi, vt appendatur Mardocheus super eam. Esther 5. Stultum consilium vxor Iob dedit ei, sed ille tamquam prudens, & sanctus homo tali consilio non acquieuit. Iob 2.

Sapientes consiliarij Pharaonis dederūt consilium insipiens. Isa. 19.

Quia Hieremias prophetabat captiuandam esse ciuitatem Hierusalem a Chaldæis, dixerunt principes populi Sedeciæ regi Iudæ: Rogamus, vt occidatur homo iste. qui stulte acquiescens, respondit eis: Ecce ipse in manibus vestris est. non enim fas est regem vobis quidquam negare. Hiere. 38.

Ad malam suggestionem principum, & satraparū Darius rex Persarum cōstituit decretum, vt quicumque peteret aliquid a quocūque domino, vel homine, nisi ab ipso rege, mitteretur in lacum leonum. Dan. 6. In diebus Antiochi exierunt ex Israel filij iniqui, & suaserunt multis dicentes: Eamus, & disponamus testamentum cum Gentibus, &c. 1. Mach. 1.

Tantum suasis Menelaus Andronico, quod ille occidit Oniam summum sacerdotem. 2. Mach. 4.

Cum aduersum Menelaum iudicium ageretur coram Antiocho, Ptolemæus pecunia corruptus per Menelaum persuasit regi, & cum a sententia deduxit, qui Menelaum absoluit, & iustos eius accusatores morte damnauit. 2. Mach. 4.

Iniquum consilium dedit Herodias dicens filiæ suæ: Nihil aliud petas, nisi caput Ioannis Baptistæ. Matth. 14. & Mar. 6.

Proconsul Paulus desiderabat audire verbum Dei, quod Paulus, & Barnabas prædicabant, resistebat autem illis Elymas Magus quærens auertere Proconsulem a fide. Act. 13.

Cum Paulus, & Barnabas essent in ciuitate Lystriz, in tanto honore, quod illis tamquam dijs homines sacrificare voluerunt; superuenerunt quidam Iudæi, & persuasis turbis lapidantesq. Paulum traxerunt extra ciuitatem, existimantes eum esse mortuum. Act. 14.

Occasione cuiusdam puellæ aqua Paulus spiritum pythonem eiecit, domini illius dolentes de amisso quæstu, tot, & tanta dixerunt magistratibus, quod fecerunt Paulum, & Silam virgis cædi, & in carcerem mitti. Act. 16.

De am-



*De audiendo Verbum Dei. Cap. XXIX.*

**A** Aron locutus fuit omnia Verba, quæ dixerat Dominus ad Moyſen, & credidit omnis populus. Audieruntque quod viſitaſſet Dominus populum Iſrael, & prout adorauerunt. Exod. 4.

Dixit Moyſes coram Domino: Ecce filij Iſrael non me audiunt, & quomodo audiet Phrao. Exod. 5.

Contentus populus dixit Moyſi, vna voce: Omnia verba Domini, quæ locutus eſt faciemus, & paulo poſt aſſumens Moyſes volumen fœderis legis audiente populo qui dixerunt: Omnia, quæ locutus eſt Dominus faciemus. Exod. 24.

Eglon rex Moab ſedebat in æſtuo cenaculo, dixitque ad eum Hahod: Verbum Dei habeo ad te, qui ſtatim ſurrexit de throno. Prius enim dixerat, Verbum ſecretum habeo ad te o rex. Ille autem non ſe mouit, ſed ſtatim cum addidit verbum Dei, ille de throno ſurrexit, quaſi reuerentiam exhibens verbo Dei. Iudith 3.

Bene docuit Samuelem Heli, vt diceret Domino loquenti ſibi: Loquere Domine, quia audit ſeruus tuus. 1 Reg. 2.

Ahab rex Iſrael nolebat audire Michæam prophetam Domini, quia non prophetabat ei bonum, ſed malum. Vocatus tamen Michæas dixit ei: Audi ſermonem Domini, &c. 3. Reg. 22.

Eſdras attulit librum legis, & legit in eo aperte de mane uſque ad mediam diem, & aures omnes populi erant erectæ ad librum. Et paulo poſt, flebat omnis populus cum audiret verba legis. 2. Eſdr. 8.

Respondens Iob Domino dixit: Auditui auris audiui te, nunc autem oculus meus videt te. Idcirco ipſe me reprehendo, & ago pœnitentiam in ſauilla & cinere. Iob 42.

Factum eſt verbum Domini ad Hieremiam: Noli ſubtrahere verbum, ſi forte audiant & conuertatur vnusquique a via ſua mala: & pœniteat me mali quod cogito facere eis propter malitiam ſtudioſum eorum. Hier. 26.

Dixit Dominus Ezechieli: Vade ad domum Iſrael & loqueris verba mea ad eos, ſequitur: Domus autem Iſrael noluit audire te: quia noluit audire me. Ezech. 3.

Verbum Ionæ peruenit ad regem Niniue, & ſurrexit de ſolio ſuo, & abiiecit veſtimentum ſuum a ſe, & indutus eſt ſacco, & ſedit in cinere. Ion. 3.

Herodes Terrarcha metuebat Ioannem Baptiſtam, & cuſtodiebat eum, & audito eo multa faciebat, & libenter eum audiebat. Matth. 6.

Maria ſoror Marthæ ſedens ſecus pedes Domini audiebat verbum illius. Luc. 10. Et audiuit tandem Dominum dicentem: Maria optimam partem elegit, & cetera.

In fine ſermonis in monte dixit Dominus: Omnis qui audit verba mea, & facit ea aſſimilabitur viro ſapienti, qui ædificauit domum ſuam ſupra petram. Matth. 7.

Cum turbæ irruerent in Dominum Ieſum, vt audirent verbum Dei, ſedens de nauicula docebat turbas, & in fine ſermonis cum dixiſſet Simoni: Duc in altum, &c. Petrus cum ſocijs, ſubductis ad terram nauibus, relictis omnibus ſecuti ſunt eum. Luc. 5.

Extollenti vocem mulieri, & dicenti Domino Ieſu: Beatus venter qui te portauit, & vbera, &c. Dixit Dominus: Quinimmo beati qui audiunt verbum Dei. Luc. 19.

Instante Dominica paſſione legitur: Erat docens quotidie in templo, & poſt pauca: Omnis populus ſuſpenſus audiens illum. Luc. 19.

Duo diſcipuli Domini euntes in caſtellum nomine Emmaus, loquentes ad inuicem de ijs, quæ tempore Dominicæ paſſionis acciderant, meruerunt habere ſocietatem illius de quo loquebantur. Luc. 24.

Facto ſermone ad plebem a Petro in die Pentecoſte. S. Bon. Tom. 7. Pars iij.

**A** ſtes poſt aduentum Spiritus ſancti, dicitur Act. 2. Ijs auditis compuncti ſunt corde, & dixerunt ad Petrum, & ad reliquos Apoſtolos: Quid faciemus, viri fratres, & baptizati ſunt circiter tria millia hominũ.

Post ſanationem claudi, & ſermonem Petri. Act. 3. Sequitur: Multi qui audierant verbum, crediderunt, & factus eſt numerus virorum quinque millia. Act. 4.

Inuocantes duodecim Apoſtoli multitudinem diſcipulorum dixerunt: Non eſt æquum nos derelinquere verbum Dei, & miniſtrare menſis. Act. 6. Nota tamen quod illæ menſæ erant pauperum viduarum; per quod datur intelligi, quod opus prædicationis verbi Dei præfertur operi miſericordiæ corporalis.

**B** Non poterant reſiſtere Iudæi ſpiritui qui loquebatur per beatum Stephanum. Act. 6.

Philippus deſcendens in ciuitatem Samariæ prædicabat illis Ieſum. Intendebant autem turbæ illis, quæ a Philippo dicebantur audientes vnanimiter, &c. Act. 8.

Aperiens Philippus os ſuum euangelizauit eunuchum Ieſum, & venientes ad quandam aquam confefſus eſt eunuchus ſe credere, & ille baptizauit eum. Act. 8.

**C** De Saulo quem Dominus Ieſus excæcauerat corporaliter, & illuminauit ſpiritualiter, dixerat ipſe in viſu Ananiæ: Vade, quoniam vas electionis eſt mihi iſte, vt portet nomen meum coram gentibus, & regibus, & filijs Iſrael. Act. 9. Ipſe namque Paulus gentilibus Græcis, regibus Romanis, & filijs Iſrael, ſive Iudæis prædicauit.

Noluit Dominus Cornelium inſtruere per Angelum, ſed mandauit ei, accerſeret Simonem Petrum, & ille doceret eum, quid eum facere oporteret. Act. 10.

Loquente Petro cecidit Spiritus ſanctus ſuper omnes, qui audiebant verbum.

**D** Audientes gentes, quod Iudæi erant repellentes verbum Dei, & quod Paulus & Barnabas volebant prædicare eis gauſæ ſunt, & crediderunt quotquot præordinati ad vitam æternam. Act. 8.

Factum eſt Iconij, vt Paulus & Barnabas ingrederentur ſynagogas, & loquerentur, ita vt crederet Iudæorum, & Græcorum copioſa multitudo. Act. 13.

Quædam mulier nomine Lydia purpuraria audiuit Paulum loquentem, cuius Dominus aperuit cor, & baptizata eſt cum domo ſua. Act. 16.

**E** Cum audiſſent Athenienſes Paulum loquentem de reſurrectione mortuorum, quidam irridebant: quidam vero dixerunt: Audiemus te de hoc iterum, & ſic Paulus exijt de medio eorum. quidam vero adhærentes ei crediderunt, inter quos Dionyſius Areopagita, & mulier nomine Damaris, & alij cum eis. Act. 17.

Mansit Paulus Ephēſi per biennium quotidie diſputans in ſchola tyranni cuiuſdam, ita vt omnes qui habitabāt in Aſia, audirent verbum Domini. Act. 19.

Veniens Paulus Berœam intrabat ſynagogam Iudæorum, & quidam ſuſceperunt verbum cum omni auditate, quotidie ſcrutantes Scripturas, ſi hæc ita ſe haberent. & multi crediderunt ex eis. Act. 18. Poſtquam rex Agrippa audierat Paulum dixit ei, in modico ſuades mihi Chriſtianum fieri. Act. 26.

*De apparitionibus factis Patribus antiquis.*  
*Cap. XXX.*

**A**nte peccatum locutus eſt Dominus ad Adam. Gen. 2. Poſt peccatum ad Adam & Heuam, & ad ſerpentem. Cain etiam monuit ante fratricidium, & poſt dure arguit eum. Gen. 4.

Noe præcepit Dominus, vt faceret arcam. Gen. 6. Deinde vt ingrederetur in eam. Gen. 7. Et poſt exſiccationem iterum præcepit, vt egrederetur de arca.

T. Gen.

Gen. 8. Deinde benedixit Dominus Noe & filijs eius, & dixit ad eos: Crescite, & multiplicamini, &cet. Genes. 9.

Dixit Dominus ad Abraham: Egrede de terra tua, & de cognitione tua. Gen. 12. Et eodem capitulo apparuit Dominus Abraham, & dixit ei: Semini tuo dabo terram hanc. & postquam diuisus est Loth ab eo. Gen. 13. Postea 15. cap. Factus est sermo Domini ad Abraham per visionem, &c. Deinde 17. Apparuit ei Dominus, & dedit ei præceptum circumcisionis. Item 18. cap. Apparuerunt ei tres viri, & vnus adorauit; & tunc audiuit certum tempus nascituri filij.

Deuenerunt duo Angeli Sodomam sedente Loth in foribus ciuitatis, qui cum vidisset eos surrexit, & iuit obuuiam eis, &c. Gen. 19.

Venit Deus ad Abimelech per somnium, & ait illi: En morieris propter mulierem quam tulisti. habet enim virum, &c. Gen. 20.

Cum dure accepisset Abraham verba Saræ conquerentis de ancilla, & filio eius dixit ei Deus: Non tibi videatur asperum super puero, &c. Gen. 21.

Tentauit Deus Abraham, & dixit ad eum: Tolle filium tuum, &c. Et post: Cum extendisset manum, vt immolaret filium, ecce Angelus Domini, &c. Gen. 22.

Apparuit etiam Dominus Isaac. Gen. 25. Et Iacob multotiens eunti ad Laban. Gen. 28. Et redeunti. Gen. 31. vbi etiam dixit Laban in somnis: Caue ne quidquã aspereloquaris contra Iacob. & post locutus est Dominus Iacob pluries.

Quoties autem apparuerit Moyfi, & locutus fuerit ei, nimis esset longum dicere. Exo. 3. Et deinceps.

Legitur quoque Dominus locutus fuisse Balaam dormienti. Num. 22. Et ibidem sedenti super asinam quæ vidit Angelum Domini, quem dominus eius Balaam non videbat.

Pluries etiam locutus est Dominus ad Iosue, sicut apparet Iosue 1. 4. 5. 6. 8. & 20.

Post mortem Iosue consuluerunt filij Israel Dominum dicentes: Quis ascendet ante nos, dixitq. Dominus, Iudas ascendet. Iudic. 1. Item 2. Ascendit Angelus Domini ad locum flentium, & ait: Eduxi vos de Ægypto, & cetera.

Venit Angelus Domini, apparuit Gedeon, & ait: Dominus tecum, &c. Iud. 6.

Apparuit Angelus Domini vxori Manue, & cer. Iud. 13. Et apparuit alia vice Manue, & eius vxori pariter eodem capitulo.

Filij Israel congregati, vt pugnarent contra filios Beniamin consuluerunt Dominum, quibus ait Dominus quod Iudas esset dux exercitus, &c. Iud. 20. Licet autem bis fuerint debellati tamen dixit eis Dominus quod pugnarent.

Vocauit Dominus Samuelem quater: tandem ait Samuel iuxta cõsiliu quod dederat ei Heli, Loquere Domine, quia audit seruus tuus. 1. Reg. 3. Et sequitur in fine capituli: Addidit Dominus, vt appareret in Silo.

Quando Dauid solebat committere prælium frequenter consulebat Dominum, qui semper legitur, ei respondisse, vt patet. 1. & 2. Reg. in multis locis.

Apparuit Dominus Salomoni dicens; Postula quod vis, &c. 3. Reg. 3.

Iterum cum perfecisset Salomon edificium domus Domini, & regum apparuit ei Dominus, & dixit ad eum, exaudiui orationem tuam, &c. 3. Reg. 9. tertio loquutus est ei increpans eum dure propter scelera ab eo commissa 3. Reg. 11.

Eliæ fugienti a facie Iezabel apparuit Angelus Domini, qui ei panem & aquam obtulit. Deinde Dominus in sibilo auræ tenuis. 3. Reg. 19.

Eliseo ab exercitu Syrorum circumdato apparuerunt multi Angeli defendentes eum, quos etiam puer eius vidit ad similitudinem equorum, & curruum igneorum. 4. Reg. 6.

A Longo tempore durauit apparitio Raphaelis Angeli, quem Dominus misit ad curandam Saram, & Tobiam. Tob. 5. & deinceps.

Multas mirabiles viderunt visiones diuersi prophetae. Isa. 6. Hier. 1. De virga vigilante, & olla succensa. Item 24. de duobus calathis ficibus plenis, præcipue vero Ezechiel, Daniel, Amos, Zacharias, pleni sunt imaginibus visibilibus quas exprimere longum esset.

Volente Heliodoro spoliare templum, & deposita asportare, apparuit quidam equus terribilem habens sessorem, &c. 2. Mach. 3.

B Cum vehemens pugna esset inter Timotheum, & Iudam Machabæum, apparuerunt de cælo quinque viri equis, & frenis aureis decori, ducatum Iudæis præstantes. E quibus duo Machabæum medium habentes armis suis circumseptum incolumem conferuabant. 2. Mach. 10.

Euntibus ad prælium Iudæis cõtra exercitum magnum Lyfiæ, Machabæo duce apparuit eques præcedens eos in veste candida, armis aureis hastam vibrans. 2. Machab. 11.

Cum sacerdotio fungeretur Zaharias pater Ioannis Baptistæ, apparuit illi Angelus Domini stans a dextris altaris incensi. Luc. 1.

Missus est Gabriel Angelus a Deo in ciuitatē Galilææ, cui nomen Nazareth ad Virginem desponsatam, &c. Luc. 1.

Angelus Domini legitur ter apparuisse Ioseph. Primo cū esset adhuc Dominus in matris utero. Matth. 1. Secundo cum natus ex utero. Tertio cum adhuc esset in Ægypto. Matth. 2.

Super Dominū in baptismo Spiritus sanctus in columbæ specie visus est, paterna vox audita est: Hic est filius meus dilectus. Matth. 3. & Luc. 3.

D Item in transfiguratione apparuerunt Moyses, & Elias cum Domino loquentes, & vox de cælo facta est, &c. Matth. 16. Luc. 9.

Resurgente Domino nostro Iesu Christo multa corpora sanctorum qui dormierant surrexerunt, & exeuntes de monumentis venerunt in ciuitatem sanctam, & apparuerant multis. Matth. 27.

Surgens Iesus mane prima sabbati, apparuit primo Mariæ Magdalene, post hoc duobus discipulis euntibus in villam. nouissimo recumbentibus vndecim apparuit, & exprobrauit incredulitatem illorum. Mar. 16.

E Post passionem Dominus Iesus Christus præbuit seipsum viuum discipulis suis in multis argumentis, per dies quadraginta apparens eis, & loquens de regno Dei, &c. Cumq. intuerentur in cælum euntem illum, ecce duo viri astiterunt iuxta illos in vestibus albis, &c. Act. 1.

Cum complerentur dies Pentecostes erant omnes discipuli pariter, & apparuerunt illis dispersitæ linguæ tamquam ignis, &c. Act. 2.

F Stephanus plenus Spiritu sancto intendens in cælum vidit gloriam Dei, & ait: Ecce video cælos apertos, & filium hominis stantem a dextris Dei. Act. 7. Cum appropinquaret Saulus Damasco, vt caperet Christianos, subito circumfulsit eum lux de cælo, & audiuit Dominum Iesum Nazarenum dicentem sibi: Saule Saule, quid me persequeris? Et consequenter apparuit Dominus Ananiæ. Act. 9.

Cornelius Centurio vir religiosus, & timens Deū vidit manifeste, quasi hora nona diei Angelum Domini dicentem sibi: Corneli mitte viros in Ioppen, & accersi Simonem Petrum: hic dicet tibi quid te oporteat facere. Act. 10.

Orante Petro, & esuriente cecidit super eum mentis excessus, & vidit cælum apertum, & descendens vas quoddam velut linteam in quo erant omnia quadrupedia, & serpentina & volatilia cæli, &c. Act. 9.

Angelus Domini astitit, & lumen refulsit in habitaculo

taculo carceris, in quo erat Petrus dormiens vinculus A catenis duabus, percussusq. latere Petri, &c. Act. 12.

Cum Paulus, & Silas transirent Mysiam descenderunt Troadem, & visio per noctem Paulo ostensa est, vir Macedo quidam erat stans & deprecans eum, & dicens: Transiens in Macedoniā adiuua nos. Act. 16.

Mulri Corinthiorum audientes Paulum credebant, & baptizabantur. Dixit autem nocte per visionem Dominus Paulo: Noli timere, sed loquere, & ne taceas propter quod ego tecum sum, & nemo apponet tibi, vt noceat te. Act. 18.

Quadam nocte Dominus assistens Paulo ait ei: Conitans esto Paule. sicut enim testificatus es de me in Hierusalem, & sic Romæ te oportet testificari. Act. 23.

Confolari volens Paulus socios tempore tempestatum, suavit eis bono animo esse dicens: Astitit mihi hac nocte Angelus Domini, cui deferui dicens: Ne timeas Paule, Cæsari te oportet assistere, & ecce donauit Deus tibi omnes qui in naui sunt tecum. Act. 27.

Beatus Ioannes Apostolus & Euangelista exilio relegatus in Pathmos insula vidit Christum in medio septem candelabrorum. Apoc. 1. Et mirabilibus reuelationibus totus liber plenus est.

*De Angelis bonis. Cap. XXXI.*

**A**ngeli apparuerunt Abraham, & erga eum se familiariter habuerunt. Gen. 18.

Apud Loth hospitati fuerunt Angeli, & quasi piam ei violentiam facientes ipsum de periculo extraxerunt. Gen. 19.

Angelus Domini vocauit Abraham, & prohibuit ei ne filium immolaret, & magna ei propter obedientiam promisit. Gen. 22.

Fugiens Iacob Esau fratrem suum, vidit Angelos descendentes, & ascendentes per scalam. Gen. 28.

Redeunte Iacob a seruitio Laban ad Isaac patrem suum Angeli obuiauerunt ad eum scilicet protegendum, & consolandum. Gen. 31.

Angelus Domini, qui præcedebat castra Israel, quando recedebat populus de Ægypto, stetit inter castra Ægyptiorum, & castra Israel. Exod. 14.

Nota illud Exod. 23. Ecce mitto Angelum meum, qui præcedat te, & custodiat te in via, & introducat in locum quem parauit, &c. Stetit Angelus Domini in via contra Balaam, qui sedebat asinæ, &c. Num. 22.

Angelus Domini increpauit filios Israel, qui iunxerant amicitias cum habitatoribus terræ Chanaan memorans beneficia eis collata. Iudic. 2.

Apparens Gedeon Angelus Domini confortauit eum, & animauit ad liberationem populi. Iudic. 6.

Vxori Manue sterili apparuit Angelus conceptionem filij prædicens, & abstinētiā indicens. Iud. 13.

Numerato populo aduersus mandatum Domini, immisit Dominus pestilentiam in Israel. Cumq. extendisset manum suam Angelus Domini super Hierusalem, vt disperderet eam, vidit Dauid Angelū cadentē populū, & ait: Ego sum qui peccaui. 2. Reg. 24.

Fugientem Eliam Iezabel tyrannizantem reginam Angelus Domini confortauit, & sobrio eum cibo refecit. 3. Reg. 9.

Angelus Domini reuelauit Eliæ, quid responderet nuntiis Ochoziæ. 4. Reg. 1.

Plures Angeli boni erant cum Eliseo ad eum defendendum, quā cum aduersarijs essent mali homines ad nocendum. 4. Reg. 6.

Venit Angelus Domini, & percussit in vna nocte centum octoginta quinque millia hominum de exercitu regis Assyriorum. 4. Reg. 19.

Raphael Angelus, qui fuit dux Tobie ipsum a deuoratione piscis eripuit, vxorem eius a dæmonio liberauit, patri cæco visum restituit, & per eum tam parentes, quā socij fuerunt multiplici consolatione

S. Bon. Tom. 7. Pars iij.

repleti. Tob. 5. Et deinceps.

Vixit Dominus, ait Iudith, quoniam custodiuit me Angelus eius, & hinc euntem, commorantemq. ibi, & inde huc reuertentem, &c. Iud. 13.

Volauit ad Isaiam vnus de Seraphin, & mundauit eum calculo quem forcipe tulerat de altari. Isa. 6.

Angelus Domini descendit cum Azaria, & socijs eius in fornacem, &c. Dan. 3.

Daniel in lacu leonum existens, dixit Dario regi ad ipsum venienti: Deus meus misit Angelum suum, & conclauit ora leonum. Dan. 6. Postmodum Angelus Habacuc prophetam de Iudæa transtulit in Chaldæam, vt ferret prandium Danieli. Dan. 14.

Reuelata sunt Danieli multa mysteria, & magna per ministerium Angelorum. Dan. 9. 10. 11. 12.

Iudas Machabæus, & qui cum eo erant rogabant Dominum, vt bonum Angelum mitteret ad salutem Israel. sequitur: Apparuit præcedens eos eques in veste candida, &c. 2. Mach. 11.

Ad annuntiandum conceptionem beati Ioannis Baptistæ, apparuit Angelus Domini Gabriel Zachariæ. Luc. 1.

Item ad annuntiandum conceptionem Saluatoris, missus est a Deo idem Angelus in ciuitatem Galilææ, &c. Luc. 1.

Rursus etiam nato Domino Angelus Domini stetit iuxta pastores. sequitur: Facta est cum Angelo multitudo cælestis exercitus laudantiū Deum, &c. Luc. 2.

Angelus Domini legitur ter apparuisse Ioseph, & ei locus esse. Primo ante Natiuitatem. Matth. 1. Noli timere accipere Mariam coniugem tuam. Secundo post adorationem Magorum. Matth. 2. Surge, & accipe puerū, & matrem eius, & fuge in Ægyptum. Tertio post mortem Herodis. Matth. 2. Accipe puerum, & matrem eius, & vade in terram Israel.

Post recessum tentatoris legitur Matth. 3. Ecce Angeli accesserunt, & ministrabant ei. Item post cenam in oratione. Luc. 22. Apparuit illi Angelus de cælo confortans eum. Item in eius Resurrectione. Matth. 28. Mar. 16. Luc. 24. Ioan. 20. Angelus Domini descendit de cælo, &c. Item in eius Ascensione. Act. 2. Ecce duo viri astiterunt, & cetera.

Princeps sacerdotum, & omnes qui cum illo erant iniecerunt manus in Apostolos, & posuerunt eos in custodia publica. Angelus autem Domini per noctē aperiens ianuas carceris, & educens eos dixit: Ite, & loquimini in templo plebi. Act. 5.

Angelus Domini dixit ad Philippum: Surge, & vade contra Meridianum, & tunc iuit ille, & inuenit eunuchum, & conuertit eum ad fidem. Act. 8.

Cornelius Centurio vir religiosus, & timens Deū cum omni domo sua vidit manifeste, quasi hora nona diei, Angelum Dei dicentem sibi, Corneli, &c. Act. 10.

Dormiente Petro in Herodis carcere, Angelus Domini de nocte astitit, & lumen refulsit in habitaculo, percussusq. latere eius excitauit eum, &c. Act. 12.

Herodes rex vestitus veste regali, sedebat pro tribunali. populus autem acclamabat voces Dei, & non hominis. Confestim autem percussit eum Angelus Domini, & cōsumptus a vermibus expirauit. Act. 12.

Grauiusq. tempestatum tempore Paulus volens socios confortare dixit: Astitit mihi hac nocte Angelus Dei dicens: Ne timeas Paule, &c. Act. 27.

Significauit Deus, quæ oportet fieri cito, loquens per Angelum suum seruo suo Ioanni, &c. Apocal. 1. Totusq. liber ille plenus est Angelicis reuelationibus.

*De spiritibus malis. Cap. XXXII.*

**S**piritus mali dicuntur esse Dei, quia sunt in potestate Dei, & per eum tantum possunt, quidquid possunt. 1. Reg. 17. Spiritus Dei malus exagitat te, dictum est Sauli.

Tt 2 Dæmon

Dæmon occidit septem viros Saræ filiz Raguelis, sed fuit eiectus per boni Angeli Raphaelis aduentum. Tob. 3. & 8.

Super animalia Iob, & domum vbi filij ipsius comedebant, & super corpus ipsius Iob satan potuit tantum, quantum diuina prouidentia permittebat. Iob 1. & 2. Spiritus malus fecit hominem sæuam, & crudelem. Matth. 8.

Item facit hominem immundum. Nam illi duo dæmoniæ sæui nimis habitabant in monumentis, & dæmones petierunt intrare porcos, non agnos. Matth. 8. Luc. 8.

Item vnus illorum, famosior scilicet vestimento non induebatur, neque in domo habitabat, & vinciebatur catenis, & compedibus custoditus: & ruptis vinculis agebatur a dæmonio in deserta.

Item dæmonium facit hominem cæcum, & mutum. Matth. 12. & Luc. 11.

Item cum eum apprehenderit allidit eum, & spumat, & stridet dentibus & arescit, & frequenter eum in ignem, & aquam mittit, vt eum perdat. Matth. 9. Luc. 9.

Laudes malignorū spirituum, licet veras Dominus recusabat. Matth. 1. Obmutesce, & exi ab eo. Luc. 4. Item Luc. 4. Increpans non sinebat ealiqui, &c.

Potestatem dæmoniorum paruam esse ex hoc patet, quia nec in porcos potuerunt intrare, nisi petita a Christo licentia, & obtenta. Matth. 8. Luc. 8.

Prohibuit Dominus, ne gauderent discipuli, si spiritus maligni subiiciebantur eis. Luc. 10.

Puella quædam habens spiritum pythonem clamabat multis diebus post Paulum, & socios eius. dolens autem Paulus conuersus ad spiritum ait: Præcipio tibi in nomine Domini nostri Iesu Christi exire ab ea. & exiuit eadem hora. non enim curabat Paulus doctrinam veritatis confirmari per spiritum falsitatis. Act. 16.

Quidam Iudæi tentauerūt inuocare super eos, qui habebant spiritus malos, nomen Domini Iesu dicentes: Adiuro vos per Iesum, quem Paulus prædicat. respondens autem spiritus nequam dixit: Iesum noui, & Paulum scio: vos autem qui estis? Et exiliens homo, in quo erat dæmonium pessimum, dominatus est eorum, & inualuit contra illos, ita vt nudi, & vulnerati recederent de domo illa. Act. 19.

#### De immortalitate rationalis anime. Cap. XXXIII.

**P**er hoc quod dicitur Gen. 25. de Abraham, Congregatus est ad populum suum; innuitur quod in alio sæculo haberet populum, scilicet homines qui bene vixerant, sicut ipse. Simile habetur de Isaac: Appositus est populo suo. Genes. 35. Et de Iacob. Genes. 50.

Cum crederet Iacob mortuum esse Ioseph, Descendam, inquit, ad filium meum lugens in infernum. Gen. 37. Vnde credebat eum ibi esse secundū spiritū.

Fratres Ioseph volentes dicere, quod vnus fratrum suorum mortuus esset, dicebant. Gen. 42. Duodecim fratres sumus filij vnus viri. sumus, inquit, non fuimus quasi esset adhuc ille, qui mortuus putabatur: minimus cum patre nostro est, alius non est super, sed subitus.

Apparens Dominus Moyfi in rubo dixit: Ego sum Deus Abraham, Deus Isaac, & Deus Iacob. Exo. 3. Per hoc probat Saluator noster Matth. 22. resurrectionem mortuorum. Non est, inquit, Deus mortuorum, sed viuentium.

De Core, & complicitibus eius dicitur Num. 16. Descenderunt viui in infernū operti humo, & perierunt de medio multitudinis. Per hoc patet quod in inferno viuebant secundum animas.

Si Saul credidisset, Samuelem penitus quantum ad animam extinctum fuisse, non petiuisset sibi ipsum

A suscitari. 1. Regum. 28.

Mirantibus seruis Dauid, quod ipse pro mortuo paruulo non ploraret, dixit. 2. Reg. 12. Ego vadam ad eum, ille vero non reuertetur ad me.

Cum suspensus, & tribus lanceis confossus Absalon interfisset Dauid, lacrymabiliter planxit eum. 2. Reg. 18. Et, vt ait Augustinus tertio de doctrina Christiana, Non orbitatem filij doluit, sed quia nouerat, in quas pœnas, tam impie adultera, & paricidalis anima raperetur. namq. alio prius filio, qui innocens erat pro quo ægrotante affligebatur, mortuo latatus est. 2. Reg. 12.

**B** Orauit Elias pro suscitatione filij hospitæ suæ dicens: Domine Deus meus reuertatur quæso anima pueri huius in viscera eius. 3. Reg. 17.

Frequenter legitur in libris Regum: Dormiuit cum patribus suis. quod quidem nullatenus de brutis animalibus potest dici. Vnde probatur eos viuere post mortem, & postea resurrecturos esse, sicut in dormiente apparet.

Ex verbis quæ dixit Tobias, increpans stultitiam propinquorum, patet manifeste, quod anima uiuat post separationem a corpore. Filij, inquit, sanctorum sumus, & vitam illam expectamus, quam Deus daturus est ijs, qui fidem suam numquam mutant ab eo. Tob. 2. Idem in oratione postea dixit: Domine secundum voluntatem tuam fac mecum, & præcipe, in pace recipi spiritum meum. Tim. 3.

Addidit Dominus omnia, quæ fuerant Iob duplicia. Iob 42. tamen non dedit nisi septem filios, & tres filias, sicut prius: vt ij, qui iam extincti fuerant viuere demonstrentur, secundum Gregorium mor. c. 11. in princ.

Valde expresse dicit Salomon in fine Ecclesiastici: Reuertatur pulvis in terram suam, vnde erat, & spiritus redeat ad Deum, qui dedit illum.

**D** Ex verbis illis, quæ dicunt damnati in inferno, ostenduntur tam boni, quàm mali viuere in futuro sæculo. Sap. 5. Talia dixerunt in inferno ij, qui peccauerunt, & cetera.

De Nabuchodonosor rege Babylonis dicitur secundum litteralem sensum illud Isa. 14. Ex quo dormisti, in monte scilicet, non ascendit qui succidat nos. sequitur: Detracta est ad inferos superbia tua. & plura ponuntur ibi postea, per quæ patet illum non penitus interisse, sed ad infernum in anima descendisse. Dum suaderetur Eleazaro, vt simularet se de carnibus sacrificij comedisse, dixit: Et si in præsentem tempore a supplicijs hominum eripiar; sed manum omnipotentis neque viuens, neque defunctus effugiam. 2. Machab. 6.

Vnus illorum septem fratrum dixit: E caelo ista possideo, sed propter Dei leges hæc ipsa despicio, quoniam ab ipso me ea recepturum spero. Similiter ex verbis matris, & aliorum planum est, quod quantum ad animam non se perire credebant. 2. Mach. 7.

Razias complexus intestina sua proiecit se super turbas inuocans dominatorem vitæ, & spiritus vt hæc illi iterum redderet. 2. Mach. 14.

**F** Monens & muniens discipulos quos mittebat Saluator ait. Matth. 10. Nolite timere eos, qui occidunt corpus, animam autem non possunt occidere. & post: Timete eum qui postquam occiderit, &c.

Nota quod in eo, quod narrat Dominus. Luc. 16. De diuite & Lazaro, non præmittitur parabola, vel similitudo aliqua; vnde videtur fuisse historia manifesta, & sic apparet esse siue malorum, siue bonorum animas immortales, & recipere post separationem a corpore prout in corpore meruerunt.

Exemplo villici iniquitatis, qui fecit amicos de bonis domini sui, idem ostendit Dominus, dicens: Luc. 16. Facite vobis amicos de mammona iniquitatis, vt cum defeceritis, recipiant vos in æterna tabernacula, quod nihil esset dictu, si anima post separationem

tionem a corpore, seu post mortem corporis nullum haberet receptaculum.

Deuoram & rectam fidem habebat de anima beatus Stephanus, qui cum lapidaretur dicebat: Domine Iesu accipe spiritum meum. Act. 7.

Ex verbis doctoris egregij. 2. Cor. 5. Animam vivere post separationem a corpore manifeste apparet. Scimus, inquit, quoniam si terrestri domus nostra dissoluatur, quod ædificationem ex Deo habemus domum non manufactam, sed æternam in cælis. Idem Philip. 1. Desiderium habens dissolui, & cum Christo esse. Idem Rom. 7. Infelix homo ego, quis me liberabit de corpore mortis huius. Et certe talia non diceret, nisi de vita alia certus esset.

*De fide quam debet homo habere ad Deum.*  
*Cap. XXXIIII.*

**C**redidit Abraham Deo, & reputatum est ei ad iustitiam. Gen. 15. Nota quod credidit Deo promittenti rem valde difficilem.

Transito Mari rubro, & exercitu Pharaonis submerso timuit populus Dominum, & crediderunt Domino, & Moyse seruo eius. Exod. 14.

Vsq̃ue ad aquas contradictionis fideliter credidit Moyses cunctis verbis Domini, sed ibi aliquantulum hæsitauit. Num. 20.

Dixit Ionathas armigero suo: Non est difficile saluare, vel in multis, vel in paucis. 1. Reg. 14. Magnæ fidei verbum fuit.

Pugnaturus David contra Goliath Gethæum, dixit 1. Reg. 17. Tu venis ad me cum gladio, & hasta, & clypeo. ego autem venio ad te in nomine Domini, & cetera.

Magnæ fidei verbū dixit Asa. 2. Paralip. 14. Domine non est apud te vlla distantia vtrum in paucis auxiliis, aut in pluribus, & cetera.

Dixit Iosaphat rex Iuda exercitui suo ad pugnam congregato: Credite in Domino Deo nostro, & securi eritis, credite Prophetis eius, & cuncta euenient prospera. 2. Paralip. 20.

Esdras venturus in Hierusalem per magnam viam, & periculosam noluit petere conductum a rege, sed ad ieiunium, & ad orationem confugit. 1. Esdr. 8.

Videns Nehemias tot imminere pericula, & labores ædificantibus dixit: Deus noster pugnabit pro nobis, & nos ipsi faciamus opus. Nehem. 4.

Maximæ fidei verbum dixerunt socij Danielis regi Nabuchodonosor: Deus noster quem colimus potest eripere nos de camino ignis, & de manu tua nos liberare, quod si noluerit, notum sit tibi rex, quod deos tuos non colimus. Dan. 3.

Dixit Iudas Machabæus socijs timētibz: Facile est concludi multos in manus paucorum, & non est differentia in conspectu Dei liberare, aut in multis, aut in paucis, quia non in multitudine exercitus victoria belli, sed de cælo fortitudo est. 1. Mach. 3.

Ex abundanti fide mentis procedebant verba illorum septem fratrum, & matris ipsorum. 2. Mach. 7.

Zachariæ patri beati Ioannis Baptistæ dixit Angelus: Ecce eris tacens, & non poteris loqui vsque in diem, quo hæc fient, pro eo quod non credidisti verbis meis. Luc. 1.

Elisabeth repleta Spiritu sancto beatam Virginem a fide specialiter commendauit. Luc. 1. Beata quæ credidisti.

Mira fides in illis tribus Magis fuisse probatur, qui in Bethlehem ab Oriente venerunt, & inuenientes puerum cum pauperula matre sua ipsum humiliter, & adorauerunt, & mysticas ei munerum species obtulerunt. Matth. 2.

Merito commendatur a Domino fides Centurionis, qui dixit: Domine non sum dignus vt intres sub, &c. Sequitur, Non inueni tantam fidem in Israel. Matth. 8.

S. Bon. Tom. 7. Pars iij.

**A** Multum potest valere cuilibet fides propria, si tantum paralytico valuit aliena, de quo. Matth. 9. & Luc. 5. Videns Iesus fidem illorum, dixit: Confide fili remittuntur tibi peccata tua, & statim integraliter sanauit eum.

Mulier fluxum sanguinis patiens dicebat intra se: Si tetigero tantum vestimentum eius, salua ero. & sequitur: Confide filia, fides tua te salua fecit. Matth. 9.

Non fecit Dominus Iesus virtutes multas in patria sua propter incredulitatem illorum. Matth. 13.

Quando Petrus ambulans super aquas cepit mergi, arguit eum Dominus de defectu fidei dicens: Modicæ fidei quare dubitasti. Matth. 14.

**B** Commendatur a Domino mulier Chananæ, cum dixit: O mulier magna est fides tua; fiat tibi sicut tu vis. Matth. 15.

Magnæ fidei verbum dixit Petrus Domino interroganti quid homines dicerent de eo. Tu es, inquit, Christus Filius Dei viui. Matth. 16.

Mira fuit fides Mariæ Magdalene. Luc. 7. Idcirco iuste a Domino audire meruit: Fides tua te saluam fecit. Luc. 7.

Credens iam pater pueri lunatici humiliter sibi fidem augeri petebat, & cum lacrymis aiebat: Credo, Domine adiuua incredulitatem meam. Matth. 9.

**C** Thomæ Dominus dixit: Infer digitum tuum huc, &c. Et noluisse incredulus, sed fidelis, quia vidisti me credidisti. Beati, &c. Ioan. 20.

Die Pentecostes in prima prædicatione Petri post receptionem Spiritus sancti, circiter tria millia hominum crediderunt. Act. 2.

Cum sanatus esset claudus, Petrus allocutus est mirantem, & stupentem populum: Multi autem qui audierunt verbum crediderunt, & factus est numerus virorum quinque millia. Act. 14. Elegerunt Apostoli Stephanum virum plenum fide, & Spiritu sancto, &c. Act. 6.

**D** Cum Samaritani multi credidissent Philippo Euangelizanti de regno Dei, in nomine Iesu Christi baptizabantur. Tunc etiam Simon Magus credidit. Act. 8.

Eunuchus ait Philippo: Ecce aqua quis me prohibet baptizari, dixit autem Philippus: Si credis ex toto corde, licet. & respondens Eunuchus, ait: Credo Dei filium esse Iesum Christum; & tunc Philippus baptizauit eum. Act. 8.

Saulus, & Cornelius modo vario, sed vtroque ædificatorio, & consolatorio ad fidem Christi fuerunt adducti. Act. 9. & 10.

**E** Quidam Cyprij, & Cyrenæi cum introissent Antiochiam, loquebantur ad Græcos, annuntiantes Dominum Iesum; multusque numerus credentium conuersus est ad Dominum. Act. 11.

Proconsul Paulus videns quod ad verbum Pauli Apostoli excæcatus fuit Elymas magus, qui resistebat ei, credidit admirans super doctrina Domini. Act. 13.

Paulo, & Barnaba dicentibus Iudæis: Vobis oportebat primum loqui, &c. Ecce conuertimur ad Gentes; audientes gauisi sunt, & glorificabant verbum Domini, & crediderunt quotquot erant præordinati ad vitam æternam. Act. 13.

**F** Quidam vir de ciuitate Lystris, qui numquam ambulauerat, audiuit Paulum loquentem. Paulus autem videns, quia fidem haberet vt saluus fieret, dixit ei: Surge super pedes tuos rectus. Et exiuit, & ambulabat. Act. 14.

Factum est autem Iconij, vt Paulus & Barnabas simul introirent in synagogam Iudæorum, & loquerentur, ita vt crederet Iudæorum, & Græcorum copiosa multitudo. Act. 12.

Transeuntibus Paulo, & Barnaba per diuersas ciuitates Ecclesiæ confirmabantur fide, & abundabant numero quotidie. Act. 16.

Custos carceris in quo detinebatur Paulus, & Silas videns terræmotum fieri, & carcerem aperiri: Trem-

Trem.



tremefactus procidit ad pedes eorum dicens: Domini, quid me oportet facere, ut saluus fiam? At illi dixerunt: Crede in Dominum Iesum, & saluus eris. Act. 16.

Cum Paulus disputasset Athenis contra idolatriam, quidam viri adherentes ei, crediderunt. in quibus & Dionysius Areopagita, & multi alij. Act. 17.

*De fidelitate homini seruanda. Cap. XXXV.*

Seruus Abraham Eliezer fideliter egit nuntium a domino suo sibi commissum, quando iuit pro Rebecca ad domum Bathuelis. Gen. 24.

Fideliter seruiuit Iacob, auunculo suo Laban, quando gregem ipsius pascendo die noctuq. igne vrebatur & gelu, &c. Gen. 31.

Ioseph erga dominum suum fideliter se habuit, qui uxorem eius tangere noluit. Gen. 39. Item erga Pharaonem in consilio, quod ei dedit, & in ministerio quod ei exhibuit. Genes. 41.

Rahab meretrix fideliter egit cum exploratoribus, quos miserat Iosue. 2. Et ipse Iosue egit postea fideliter cum eadem. Iosue 6.

Quamuis Gabaonites sefellissent Iosue, & filios Israel, tamen iuramenta & pacta eis seruauerunt, & eos postea contra hostes fideliter adiuerunt. Iosue 9. & 10.

Fideliter indicauit Dauid Ionathas iram patris sui, & ipsum quantum potuit excusauit, & postea confortauit. 1. Reg. 20.

Occiso patre Abiathar occasione Dauid dixit ei ipse Dauid: Ego sum reus omnium animarum patris tui. Mane mecum, ne timeas: si quis quaesierit animam meam, quaeret & animam tuam, mecumq. seruaberis. 1. Reg. 22.

Noluit Dauid percutere Dominum suum, licet malum & persequentem eum. Cum tamen si voluisset bis eum occidere, potuisset. 1. Reg. 24. & 26.

Magnum fidelitatis signum fuit, licet indiscrete egerit armiger Saul, quando videns dominum suum esse mortuum, noluit ultra viuere, sed irruit super gladium suum, & mortuus est cum eo. quid ergo debemus facere pro Domino crucifixo. 1. Reg. 31.

Viri Iabes Galaad fideliter se habuerunt ad Saul Dominum suum licet malum, reuerenter sepelientes eum. 1. Reg. 31.

Vrias Herhaus nolebat esse in delicijs, quamdiu Ioab dominus suus laborabat in exercitu. 2. Reg. 11.

Instante captione ciuitatis Rabbath, quam diu obsederat Ioab misit ad Dauid, ut veniret, & illam caperet, ut domino suo, non sibi honor victoriae deferretur. 2. Reg. 12.

Cum fugeret Dauid a facie Absalom, dixit illi Ethai: Viuit Dominus, & viuit dominus meus rex: quoniam in quocumque loco fueris domine mi rex, siue in morte, siue in vita, ibi erit seruus tuus. 2. Reg. 15.

Noluerunt viri Dauid, quod ipse exiret cum eis ad praelium dicentes: Tu vnus pro decem millibus putaris in quo apparuit, quod fideliter diligebant eum. 2. Reg. 18. Item 21. Iurauerunt dicentes: Iam non egredieris nobiscum ad praelium, ne extinguas lucernam Israel.

Separatus est omnis Israel a Dauid, secutusq. est Seba filium Bochri, viri autem Iuda adhererunt regi suo, tamquam fideles, scilicet & constantes. 2. Regum 20.

Tres viri robustissimi fideliter defenderant Dauid pugnans contra Philistim, & attulerunt ei de aqua cisternae Bethlehem, quam cum desiderio magno petierat. 1. Paralip. 11.

Valde fideliter egit Ioiada pontifex cum Ioas filio Ioram regis Iuda. 4. Reg. 11. licet male recognouerit postea. 2. Paralip. 24.

Onias summus pontifex, & alij sacerdotes laborauerunt fideliter viduarum, ac pupillorum deposita

custodire. 2. Machab. 3.

Commendat Dominus fidelitatem seruatorum, qui multiplicauerunt talenta sibi tradita. Matth. 25. Luc. 19.

Cum multa fidelitate, & discretionem procurabat Paulus fieri collectas pro necessitatibus pauperum de Iudaea. 1. Cor. 16. 2. Cor. 9.

Fideles, & affectuosas litteras misit Paulus Philemoni, pro Onesimo seruo eius fugitiuo.

Discretum, & fidele consilium dederunt Paulo, quidam de Asia principibus rogantes eum, ne se daret in theatrum. Act. 19.

*De contemplatione, & mentis illustratione. Cap. XXXVI.*

Postquam exiuit Abraham de Vr Chaldaeorum crebro apparuit ei Dominus, & eum diuersis reuelationibus visitauit. Gen. 12. 13. 15. 18.

Apparuit Dominus Abraham in conualle Mambre sedenti in ostio tabernaculi sui in ipso posteriore diei, &c. Totum potest exponi de viro contemplatio. Gen. 18.

Habitabat Isaac in terra Australi, & egressus fuerat ad meditando in agro. relicta enim familia in domo, meditationi vacare volebat. Gen. 24.

Factus est Esau vir gnarus venandi, & homo agricola, Iacob autem vir simplex habitabat in tabernaculis. Gen. 25.

Egressus Iacob de Bersabee, pergebat Haran. Cumq. venisset ad quendam locum, & vellet in eo requiescere post solis occubitu, tulit de lapidibus qui iacebant, & supponens capiti suo, dormiuit in eodem loco, viditq. in somnis scalam stantem super terram, &c. Gen. 28.

Cum mane surrexisset Iacob transiit vadu Iaboc. Traductisq. omnibus quae ad se pertinebant, mansit solus, & ecce vir luctabatur cum eo, &c. Gen. 32.

Moyse autem pascebat oues Iethro socii sui sacerdotis Madian, cumq. minasset gregem ad interiora deserti, venit ad montem Dei Horeb. Apparuitq. ei Dominus in flamma ignis, &c. Exod. 3.

Videns Iethro Moysen occupatum iudicando populum expectantem a mane usque ad vesperam, dixit ei: Stulto labore consumeris & tu, & populus iste qui tecum est. Esto tu populo in his, &c. Exod. 18.

Descendit Dominus super montem Sinai in ipso montis vertice, & vocauit Moysen in cacumen eius, &c. ibi reuelauit ei Deus precepta, iudicia, & caerimonias quae populum docere debebat. Exod. 19.

Loquebatur Dominus ad Moysen, facie ad faciem: sicut solet loqui amicus ad amicum suum. Exod. 32. Et sequenti capitulo: Fuit Moyses cum Domino quadraginta dies, & quadraginta noctes, panem non comedit, & aquam non bibit.

Dixit Dominus ad Moysen: Ascende in montem istum Abarim, & contemplare inde Terram, quam daturus sum filiis Israel. Num. 27.

Samuel dormiebat in templo Domini, & vocauit Dominus Samuelem, &c. 1. Reg. 3.

Cum sedisset rex Dauid in domo sua, & Dominus dedisset ei requiem vndique ab vniuersis inimicis suis, dixit ad Nathan prophetam: Vides quod ego habitem in domo cedrina, &c. 2. Reg. 7.

Eliae fugienti a facie Iezabel, ostensum est quod Dominus non erat in spiritu grandi, nec in commotione, nec in igne; sed in sibilo aurae tenuis. 4. Reg. 9.

Per similitudines rerum corporaliu debet anima ferri in Deum, in quo incomparabiliter melius inuenitur, quidquid delectabile in creatura videtur. Vnde cum caneret psaltes coram Eliseo, facta est super eum manus Domini. 4. Reg. 3.

Quando Eliseus attente voluit orare pro mortuo filio Sunamitidis, non fecit hoc coram alijs, sed clausit ostium, &c. 4. Reg. 4.

Sara filia Raguelis audito grani improperio ab vna de

de ancillis suis perrexit in superius cubiculū domus sue & tribus diebus & tribus noctibus non manducauit, neque bibit, sed in oratione persistens cum lacrymis deprecabatur Dominum. Th. 3.

Videns Iudith populum suum in arcto positum ingressa est oratorium suum, & induens se cilicio posuit cinerem super caput suum, & prosternens se clamauit ad Dominum. Iud. 9.

Hester regina confugit ad Dominum pauens periculum quod imminerebat, cumque deposuisset vestes regias, fletibus & luctui indumenta apta suscepit, & deprecabatur Dominum dicens: Domine mi qui rex noster es solus adiuua me solitariam. Hest. 14.

Post turbationes & tribulationes quas sustinebat Dauid dicebat: Quis dabit mihi pennas sicut columbæ, & volabo, & requiescam, & subdit modum acquirendi huiusmodi pennas & requiem: Ecce elon gau fugiens, & mansi in solitudine, &c. Ps. 54.

Cum esset Ezechiel in medio captiuorum facta est super eum manus Domini, & vidit quod ventus turbinis veniebat ab Aquilone, &c. Ezech. 1.

Audiens Daniel crudelem sententiam contra sapientes Babylonis datam, ingressus est in domum suā, & de nocte per visionem mysterium reuelatum est ei. Dan. 2.

Dixit Angelus Gabriel ad Daniele miro feruore orantem: Egressus sum vt docerem te, & intelligeres, quia vir desideriorum es, &c. Dan. 9.

Super custodiam meam stabo, ait Habacuc, & figam gradum meum super munitione, & contemplanbor, vt videam quid dicatur mihi, & quid respondeā ad arguentem me. Habacuc 2.

Dimissa turba ascendit Dominus in montem solus orare, vespere autem facto solus erat ibi. In quo exemplum dedit turbas fugiendi, & solitudinem querendi. Matth. 14.

Ingressus est Zacharias templum Domini, vt incensum poneret, & omnis multitudo populi erat orans foris, & tunc apparuit ei Angelus Domini. Luc. 1.

Martha circa ministeriū sollicita & turbata erat. Maria autem sedens secus pedes Domini audiebat verbū illius. Et est notabile valde, quod tam pio & deuoto ministerio Marthæ præfertur quies, & audientia diuini verbi Mariæ. Luc. 10.

Videns Iesus Mariam plorantem, & Iudæos qui venerant cum ea plorantes infremuit spiritu, & lacrymata est, quod nequaquam fecerat quando locuta fuerat ei Martha. Io. 11.

Miro & ineffabili modo fuerunt discipuli Domini docti, & illustrati in aduentu Spiritus sancti. Act. 2.

Postquam lux de cælo Saulum circumfulsit, & ipse cadens in terram excæcatus fuit, deinde per triuum ieiunans, & orans excellentes reuelationes habuit a Christo. Act. 9.

Cum hospitaretur Petrus in domo Simonis coriarij ascendit in superiora domus, vt oraret ad hoc scilicet, vt posset ibi vacare quietius a turba inferius existente remotus, & tunc reuelauit ei Dominus in mentis excessu, quod gentiles non erant repellendi a prædicatione Euangelij. Act. 10.

Raptus fuit Paulus vsque ad tertium cælum, & audiuit arcana verba quæ non licet homini loqui; altissima vero eius sapiētia apparet in epistolis suis, præcipue autem Ro. 1. 9. 10. & 11. Item Eph. 1. & 2. Item Col. 1. 2. Item Heb. 1.

Beato Iohanni sequestrato a tumultu & cōsolatione mundi, quādo scilicet in insula Pathmos exulauit, reuelauit Dominus secreta cælestia. Apoc. 1. 2. deinceps per totum.

*De spe & longanimitate. Cap. XXXVII.*

**M**VLTI annis expectauit Abraham antequam haberet filium de Sara, quia iam centenarius

erat, quando natus est Isaac. Gen. 21. Item a promissione primo facta Abrahæ vsque ad ingressum seminis sui in terram promissionis fluxerunt anni plusquam quadringenti quadraginta.

Permisi Dominus filios Israel flagellari in Aegypto longo tempore & affligi, & præterea per desertum tentari, quadraginta annis antequam venirent ad terram patribus repromissam, sicut apparet in libro Exo. & Nume. quasi per totum.

Filij Israel contra tribum Benjamin præliantes multi contra paucos bis debellati fuerunt, & tandem præualuerunt. Iud. 20.

Dixit Dauid Philistæo 1. Reg. 17. Tu venis ad me cum gladio & hasta & clypeo. Ego autem venio ad te in nomine Domini, &c. Sperabat enim per Deum victoriam obtinere.

Veniens Tobie irridentibus eum, & dicentibus: Vbi est spes tua pro qua eleemosynas, & sepulturas faciebas. Tobias increpabat eos dicens: nolite ita loqui, quoniam filij Sanctorum sumus, & vitam illam expectamus quam daturus est Deus, ijs qui fidē suam nunquam mutant ab eo. Th. 2.

Afflictus corpore, filijs orbatus, derisus ab amicis, omnibus rebus spoliatus, dicebat tamen sanctus Iob: Etiam si occiderit me, in ipso sperabo. Iob 13.

Cum esset Susanna duorum presbyterorum iniquo condemnata testimonio, dicitur tamen de ea quod erat cor eius fiduciam habens in Domino. Dan. 13.

Vnus illorum septem fratrum postulatus a tyranno linguam, cito protulit, & manus constanter extendit, & cum fiducia ait: E cælo ista possideo, sed propter Dei leges hæc ipsa despicio, quoniam ab ipso me ea recepturum spero. 2. Mach. 7.

Machabæus Iudas misit ierosolymam duodecim millia drachmas argenti, offerri ea ibi pro peccatis mortuorum iuste & religiose de resurrectione cogitans. nisi enim eos qui ceciderant, &c. Mach. 12.

Homo erat in Ierusalem, cui nomen Simeon, & homo iste iustus & timoratus expectabat consolationem Israel. Luc. 2.

Ascensurus in cælum Saluator præcepit discipulis suis, ne discederent ab Ierolymis sed expectarent promissionem patris. Act. 1.

Videns Paulus, quod vna pars erat Saducæorum, alia Phariseorum exclamauit in cōcilio: Viri fratres. Ego Phariseus sum filius Phariseorum de spe, & resurrectione mortuorum, ego iudicor. Act. 23.

Monet Apostolus Timotheum, vt præcipiat diuitibus non sublime sapere, nec sperare in incerto diuitiarum, sed in Deo viuo, &c. Tim. 6.

Ad longanimitatē & expectandum nos inuitat, vel informat beatus Iacobus dicens Exemplum accipite exitus mali, laboris, & patientiæ Prophetas, &c. Iac. 5.

*De timore Dei. Cap. XXXVIII.*

**V**SQUE ad beatitudinem confirmatam non potest esse securitas. Nam & Angeli in cælo empyreo, & primi parentes in terrestri paradiso peccauerunt. Gen. 3. De Angelis autem 2. Petri 2. dicitur: Angelis peccantibus non pepercit.

Loth inter peccatores pessimos bonus fuit, & exiēs inde cum filiabus suis in monte peccauit. Gen. 12.

Defectus timoris diuini est causa peccati, ideo dixit Abraham ad Abimelech: Cogitauit mecum dicēs, forsitan non est timor in loco isto, & interficiēt me, &c. Gen. 20.

Timuere obfetrices Dominum, & edificauit illis domum. Exo. 1.

Voluit Dominus multum timorem filijs Israel incutere, & ideo cum tonitruis & igne, & signis terribilibus legem dedit. Exo. 20.

Non debet homo confidere in probitate parentum, Abraham enim plures habuit malos filios, vnū bonum

bonum. Samuel habuit duos, ambo fuerunt mali. A  
1. Reg. 8. Dauid etiam multos malos. Salomon habuit  
vnum malum & stultum, & de multis alijs inueniuntur  
exempla.

Post transitum maris rubri, & subuersionem exercitus  
Pharaonis dicitur. Exo. 14. Timuit populus Domini,  
& crediderunt Domino, & Moyfi seruo eius.

Abdias dispensator domus Achab timebat Deum  
valde. nam cum interficeret Iezabel Prophetas Domini,  
tulit ille centum Prophetas, & abscondit eos, & pavit 3. Regum 18.

Homines quos misit Rex Assyriorum ad habitandum  
Samaritam, non timebant Dominum, & immisit eis  
Dominus leones, qui interficiebant eos. 4. Regum 17.

Constituit Iosaphat iudices in cunctis ciuitatibus  
Iuda precipiens eis inter cetera: Sit timor Domini vo-  
biscum, & cum diligentia cuncta facite. non est enim  
apud Dominum Deum iniquitas, &c. 2. Paral. 19.

Tobias senior filium suum ab infantia timere Deum  
docuit. Tob. 1. Idem ad conuiuium suum Deum ti-  
mentes faciebat vocari. To. 2. Sequitur ibidem To-  
bias plus timens Deum quam regem rapiebat corpora  
occisorum, & sepeliebat ea.

Tobias iunior & amici sui cum timore Domini  
conuiuium nuptiarum exercebant. To. 9.

Confitendo in oratione Domino dicebat Sarra,  
filia Raguel: Vicum cum timore tuo, non cum libidine  
mea consensu recipere. To. 3.

Erat Iudith vidua in omnibus famosissima, quoniam  
timebat Deum valde, nec erat qui loqueretur de ea  
verbum malum. Iudith 8.

Inter alia de quibus commendatur Iob est timor  
Dei. Iob 1. & 2. unde & ipse dixit semper quasi tume-  
tes super iue fluctus, timui Deum. Iob 31.

De muliere forti dicitur specialiter. Prou. 31. mu-  
lier timens Deum ipsa laudabitur.

Cum plagis periret Eleazar ait: Domine  
tu scis quia cum a morte possem liberari, duos cor-  
poris sustineo dolores, secundum animam vero pro-  
pter timorem tuum libenter hoc patior. 2. Mac. 6.

Commota tempestate magna nauta, cum quibus  
erat Ionas, miserunt ipsum in mare, & stetit mare a  
feruore suo, & timuerunt viri timore magno Domini,  
& immolauerunt hostias, & vouerunt vota. Ion. 1.

Si timendus est aliquis Dominus, quia multa bona  
donare potest, multo magis timendus est Deus, qui  
summa bona donare potest. To. 3. Noli timere fili  
mi, &c. Item quia potest mala inferre, & propter hoc  
Matt. 10. Timete eum, qui potest animam & corpus  
mittere in gehennam.

Si grauius punitus est seruus ille, qui talentum si-  
bi traditum non multiplicauit, sed ligatum in sudario  
integrum reportauit, quid fiet de illo, qui omnia dis-  
sipauit luxuriose viuendo, & quantum in ipso fuit Do-  
minum impugnando. Mat. 25. de talentis habetur.

Valde grauius punientur illi qui opera iniquitatis,  
& nequitie perpetraverunt, ex quo ita confundentur  
qui opera misericordiae non fecerunt. Mat. 25. Ite ma-  
ledicti in ignem aeternum, &c.

Simeon erat homo iustus & timoratus expectans  
consolationem Israel. Luc. 2.

Viri timorati curauerunt Stephanum a Iudeis lapi-  
datum, & fecerunt planctum magnum super eum. Act. 8.

Post conuersionem Pauli scriptum est. Act. 9. Eccle-  
sia edificabatur ambulans in timore Domini, & con-  
solatione sancti Spiritus replebatur.

Occasione Cornelij Deum timetis, dixit Petrus. Act.  
10. In omni gente qui timet Deum, & operatur iusti-  
tiam acceptus est illi.

*De timore quo mali timent bonos Cap. XXXIX.*

**D**IXIT Abimelech ad Abraham, Deus tecum est  
in vniuersis quae agis. Iura ergo per Deum, ne  
noceas mihi, &c. Gen. 21.

Aegyptij persequentes filios Israel, qui ibant per me-  
dium maris dixerunt, fugiamus Israel. Deus  
enim pugnat pro eis. Exo. 14.

Videns Saul, quod Deus esset cum Dauid, cepit eum  
timere. 1. Reg. 14.

Princeps quinquagenarius, qui tertio venit ad Eliam  
reuerenter locutus est ei, quod quia non fecerunt duo  
alii fuerunt desuper ueniente igne consumpti. 4. Re. 1.

Factum est cum completus esset murus Ierusalem,  
ut timeret vniuersae gentes in circuitu eorum. Nehem. 6.

Cecidit timor Iudae, ac fratrum eius, & fortitudo  
super omnes gentes in circuitu eorum, & peruenit ad  
regem nomen eius. 1. Mac. 3.

Audierunt aduersarii quia paratus est Ionathas cum  
suis in bello, & timuerunt, & formidauerunt in corde  
suo. 1. Mac. 12.

Postquam Lyfias debellatus fuit a Iuda Machabaeo  
voluit pacem facere cum eo, & promisit se consensu-  
rum omnibus quae iusta erant, quasi ad voluntatem  
Iudae. 1. Mac. 11.

Herodes metuebat Ioannem sciens eum virum iu-  
stum, & custodiebat eum. Marc. 6.

Post terribilem mortem Ananiae & Saphirae erant  
omnes discipuli in porticu Salomonis, ceterorum au-  
tem nemo audebat se coniungere illis, sed magnifica-  
bat eos populus. Act. 5.

Cum Paulus & Silas essent in carcere positi, & pe-  
des eorum ligno stricti, subito terrae motus factus est  
magnus, custos autem carceris tremefactus procidit  
Paulo, & Silae ad pedes, & ait: Domini, quid me o-  
porteret facere, ut saluus fiam. Act. 16.

*De dilectione Dei. Cap. XL.*

**D**ATURVS legem Moyfi Dominus dixit ei: Ego  
sum Dominus Deus tuus, &c. faciens miseri-  
cordiam in millia his qui diligunt me, & custodiunt  
praecipia mea. Exo. 20.

Principium omnium mandatorum legis est dilectio  
Dei. nam dixit Moyses post decem mandata populo re-  
perita: Diliges Dominum Deum tuum ex toto corde tuo, &  
ex tota anima tua, & ex omni fortitudine tua Deut. 6.

Timorem Dei & amorem volens specialiter impri-  
mere populo Moyses, Deut. 10. ait: Et nunc Israel, quid  
Dominus Deus tuus petit a te, nisi ut timeas Dominum  
Deum tuum, & ambules in vijs eius, & diligas eum, &c.

Longeuus Iosue, & puerilis aetatis vocauit Israel-  
lem, & monens eos de multis dixit inter cetera: Hoc  
tamen diligentissime praecauete, ut diligatis Dominum  
Deum vestrum. Ios. 24.

De rege Dauid dicitur. Ecclesiastici 47. de omni  
corde suo laudauit Deum, & dilexit Dominum, qui  
fecit illum, unde ipsemet dicebat. Psal. 17. Diligam te  
Domine fortitudo mea, &c.

Salomon dilexit Dominum ambulans in praecipis  
Dauid patris sui. 3. Regum 3.

Testatur Dominus de illa sancta peccatrice, dimissa  
sunt ei peccata multa, quoniam dilexit multum. Luc. 7.

Commisurus beato Petro Dominus gregem ouium  
suarum, quaesuit utrum eum diligeret, & ille con-  
fidens de bona conscientia respondebat: Domine tu  
scis, quia amo te. Nota tamen, quod non dixit, diligo  
te plus ijs, licet sic quaesitum fuisset, in hoc sibi a su-  
perbo & temerario verbo cauens. Io. 21.

Miro modo diligebat Christum Paulus, qui tam-  
secure dicebat: Quis nos separabit a charitate Chri-  
sti. Ro. 8. & post: Certus sum, quia neque mors, &c.

Apostolus Paulus talem tulit sententiam, si quis non  
amat Dominum Iesum Christum anathema sit Maran-  
atha. 1. Corin. 16.

Quia amor est virtus vniuersa magnam amorem ad  
Christum Paulus habebat, qui ei crucifixus erat. Gal. 2.  
Et potest nominari de Paulo, quod Christus erat  
sua sapientia. 1. Cor. 2.

Non

Non iudicaui me scire aliud inter vos, nisi Iesum Christum, & hunc crucifixum. Item sua substantia. Philip. 3. Omnia detrimenta fecit, & arbitror, ut stercora, ut Christum lucrificam. Item sua iustitia. 1. Cor. 1. Loquens de Christo. Factus est, inquit, nobis sapientia & iustitia, & sanctificatio, & redemptio.

Item potest dici, quod Christus in eo loquebatur. 2. Cor. 13. An experimentum queritis eius, qui in me loquitur Christus?

Item Christus in eo operabatur. Rom. 15. Non audeo aliquid loqui eorum, quæ per me non efficit Christus. 2. Cor. 2. Ego quod donavi, si quid donavi, propter vos in persona Christi.

Item Christus in eo vivebat. Galat. 2. Vivo autem iam non ego: vivit vero in me Christus. Philip. 3. Mihi vivere Christus est.

Item Christus in eo triumphabat. 2. Cor. 2. Deo gratias qui semper triumphat nos in Christo Iesu.

Item potest dici quod ipse erat Christi servus. Roman. 1. Paulus servus Iesu Christi.

Item Christi Apostolus. 2. Cor. 1. Paulus Apostolus Iesu Christi, per voluntatem Dei, & cetera.

Item Christi legatus & vicarius. 1. Cor. 5. Pro Christo legatione fungimur, tamquam Deo exhortante per nos, obsecramus pro Christo reconciliamini Deo.

Item ipse erat Dei adiutor. 2. Cor. 2. Dei sumus adiutores.

Item pugil, vel certator. 1. Tim. 4. Bonum certamen certavi. 1. Corinth. 9. Sic pugno non quasi ærem verberans. 1. Corinth. 15. Si ad bestias pugnavi. Ephes. 1. & cetera.

Item cursor Domini. 1. Corinth. 9. Sic curro non quasi in incertum. 1. Tim. 4. Cursum consummaui.

Item specialis imitator. 1. Corinth. 11. Imitatores mei estote, sicut, & ego Christi.

Pulchram, & salubrem conclusionem facit beatus Ioannes dicens: Nos ergo diligamus Deum, quoniam ipse prior dilexit nos. 1. Ioan. 4.

*De dilectione proximi. Cap. XLI.*

**R**eprehensus est Cain a Domino graviter, & punitus, quia contra fratrem suum inique egit, & se non esse eius custodem dixit. Genes. 4. Numquid custos, & cetera.

Nota quàm sollicitè, & diligenter orabat Dominum Abraham, ut parceret Sodomitis, quod erat magna dilectionis signum. Gen. 18.

Tantam dilectionem erga proximos sibi subditos Moyses habebat, quod ipse orans Dominum, dicebat. Exod. 32. Aut dimitte eis hanc noxam, aut dele me de libro tuo, & cetera.

Optabat Moyses omnes de populo prophetare, licet honor eius inde minui videretur. Num. 11.

Noluit Moyses maius dominium, quod ei promittebat Dominus, in tantum proximos suos quibus præerat diligebat. Num. 14.

Filij Israel post occisionem filiorum Benjamin magno ululatu cœperunt flere dicentes: Quare Domine factum est hoc malum, &c. Iudic. 21. Quod non fecissent, nisi eos intime dilexissent.

Anima Ionathæ colligata est animæ David, & dilexit eum, quasi animam suam. 1. Reg. 18.

Ostendit David se diligere inimicū in planctu Saul. 2. Reg. 1. Amicū in planctu Ionathæ. simpliciter proximum, in planctu Abner. 2. Reg. 3. Filium licet malum, & sibi aduersariū in planctu Absalom. 2. Reg. 18.

Magnam dilectionē ostendit se habere Nehemias ad filios transmigrationis in bonis, quæ eis fecit: Nehemias, quasi per totum.

Quia Tobias multis multa charitatis opera exhibebat, multi diligebant eum: unde cum iussus esset

A occidi a rege, latuit, & inuentus non fuit. Tob. 1.

Tantam dilectionem vult Dominus ad proximos nos habere, ut dixerit Petro, non esse dimittendum septies peccatis fratris; sed usque septuagies septies. Matth. 18.

Dilectionem ad proximum habuisse laudatur Samaritanus ille, qui approprians semiuiuo misericordia motus est, & eius vulnera alligauit, infundens oleum, & vinum, &c. Luc. 10.

Magnam dilectionem ad proximos habuisse monstratur beatus Stephanus, qui pro lapidatoribus suis deuotius, quam pro se orasse videtur. Act. 7. Nam pro illis genua posuit, & voce magna clamauit, pro se vero simpliciter dixit: Domine Iesu, accipe spiritum meum.

Inestimabiliter Paulus proximos diligebat. Erat enim erga eos, ut mater parturiens. Nam dicebat. Gal. 3. Filioli mei, quos iterum parturio, donec formetur in vobis Christus. Item tamquam Pater corripiens. 1. Cor. 4. Siue decem millia pædagogorum habeatis in Christo, sed non multos patres. Nam in Christo Iesu per Euangelium, ego vos genui. Et paulo post; In virga veniam ad vos, & cetera. Item 1. Thessal. 2. Tamquam Pater filios suos deprecantes vos, & consolantes testificati sumus, &c.

Tamquam nutrix fouens, & blandiens. 1. Thess. 2. Facti sumus tamquam nutrix fouens filios suos. Item 1. Cor. 3. Tamquam paruulis in Christo lac potum vobis dedi.

Item tamquam magister, & doctor erudiens. 2. Timot. 1. Positus sum prædicator, & Apostolus & magister Gentium & 1. Tim. 2. Doctor Gentium in fide, & veritate.

Item tamquam frater, & socius collaborans, & coadiuuans. Philip. 4. Fratres mei charissimi, & desideratissimi, &c. Rogo te germane compar, &cet.

Adiuua illas, quæ mecum laborant. Item Philip. 1. Habeo vos in confirmatione Euangelij socios gaudij mei omnes vos esse, & 2. Cor. 1. Non dominamur fidei vestræ, sed adiutores sumus gaudij vestri.

Item tamquam legatus reconcilians. 2. Cor. 5. Pro Christo legatione fungimur, tamquam Deo exhortante per nos, obsecramus pro Christo, reconciliamini Deo.

Item Apostolus bona annuntians. Act. 20. Vos scitis qualiter nihil vobis vtilium subtraxi, quo minus annuntiarem vobis, & docerem vos publice, & per domos, &cet. Act. 17. Quod ignorantes colitis, ego annuntio vobis.

Item architectus ædificans. 1. Cor. 3. Ut sapiens architectus fundamentū posui. 2. Cor. 10. De potestate vestra, quam dedit vobis Deus in ædificationem.

Per aliam nihilominus viam potest dici, quod Paulus ostendit se esse proximorum dilectorem feruentissimum, per hoc videlicet, quod ipse multa pro eis dabat; multa pro eis faciebat, & multa pro eis sustinebat. Dabat siquidem ipsi ea quæ habebat, & quæ non habebat, ab habentibus pro indigentibus procurabat. Quod enim sua daret ad vilitatem proximorum ipse testatur. Act. 20. Ad quæ mihi opus erant, & his qui mecum sunt, ministrauerunt manus istæ, &cet. Sequitur: Quoniam beatius est dare magis, quàm accipere.

Quamuis autem supererogantis esset cum ab ipsis accipere posset; tamen hoc faciebat, ut illis quibus prædicabat parceret. 2. Cor. 12. Paratus sum venire ad vos, & non ero vobis grauis. Non enim quero, quæ vestra sunt, sed vos.

Secundo, ut pseudoapostolis gloriandi occasionem auferret. 2. Corinth. 11. In omnibus sine onere me vobis seruauit, & seruabo, &c. quod facio, & faciam, ut amputem occasionem eorum, qui volunt occasionem, ut in quo gloriamur, tales inueniantur, sicut & nos.

Tertio

Tertio, ut exinde maiorem mercedem haberet. **A** 1. Cor. 9. Non vñ sumus hac potestate, ut acciperemus, scilicet sumptus a vobis. Sequitur: Quæ est ergo merces mea, ut Euangelium prædicans sine sumptu ponam Euangelium?

Rursus etiã ipse procurabat ab ecclesijs de Achaia ad donandum pauperibus de Iudæa, ob quam causam collectas fieri faciebat, & fideles ad hoc efficaciter inducebat. 1. Corinth. 16. De collectis autem, & cetera. Item. 2. Corinth. 9. Qui parce seminat, parce & metet.

Item dabat proximis verba Dei, quibus copiosissime abundabat. Immo etiam seipsum eorum utilitatibus dedicabat. 1. Thess. 2. Volebamus tradere vobis, non solum Euangelium, sed etiam animas nostras, quoniam charissimi nobis facti estis. Item. 2. Cor. 12. Ego ipse libentissime impendam, & superimpendam pro animabus vestris.

Mira insuper de corpore suo fecit pro proximis ad fidem, & salutem conuertendis prædicando scilicet, disputando, discurrendo a Damasco in Arabiam, in Hierusalem, in Antiochiam. Deinde iuit iussu Spiritus sancti cum Barnaba, de Antiochia in Cyprium. Inde nauigantes in Pamphylia, & post euntes in Pisidiam, Iconium, Lycaoniam constituerunt presbyteros per vniuersas ecclesias, & tandem post factum multiplicem fructum, Antiochiam redierunt. de his habetur plenius. Act. 13. 14.

Postmodum vero Paulus volens visitare fratres, quibus prædicauerat verbum Dei, assumpto Sila in focium profectus est in Syriam, & Ciliciam. Inde transeuntes Phrygiam, & Galatiæ regionem, venerunt Mysiam, & postea vocatus in Macedoniam nauigauit: & tunc Philippis Thessalonica, & in multis alijs ciuitatibus regiminis illius multum fructum faciens, consequenter peruenit Athenas: vbi cum Philosophis curiosis salubriter disputauit.

Ex quo transtulit se Corinthum, & ibi multum populum Domino acquisiuit. Inde profectus est Ephesum, & ingressus synagogas disputabat cum Iudæis: vnde egressus descendit Cæsaream, & de Cæsarea venit Antiochiam, & facto ibi aliquanto tempore, profectus est Galatiæ regionem, & Phrygiam confirmans omnes discipulos.

Postea peragrans superioribus partibus, iterum venit Ephesum, & ibidem biennio commoratus disputans, & suadens de regno Dei, fecit, ut omnes, qui habitabant in Asia, audirent verbum Domini, tam Gentiles, quam Iudæi.

Inde reuersus per Macedoniam, & Troadem, & Miletum, per plures alias ciuitates, & insulas, transiens applicuit Tyro, & de Tyro per Ptolomaidam, & Cæsaream iter faciens. Deinde Hierusalem cum multa fatigatione peruenit, vbi comprehensus a Iudæis, tractus, & verberatus, & coram diuersis iudicibus nequiter accusatus, a manifesto grauiamine compulsum est Cæsarem appellasse.

Traditus autem Centurioni post naufragium, & innumera pericula ad urbem Romanam catenis vinctus accessit, ibiq. prædicationi, & doctrinæ insistens ire etiam in Hispaniam proponebat. Ecce quomodo amabat illos, pro quibus, tot & talia faciebat. 1. Corinth. 12. Omnia charissimi propter ædificationem vestram.

Apparent etiam signa dilectionis, cum quis vult sustinere, vel pati grauiam pro amicis. Ecclesiastici 22. Amicum salutare nõ confundar, & si mihi mala euenierint per illum, sustinebo. Ex iam dictis vero Paulum mira sustinuisse liquet, pro utilitatibus proximorum. 2. Tim. 2. Omnia sustineo propter electos, ut & ipsi salutem consequantur.

Magnam dilectionem ad proximos habuisse Ioannem Euangelistam, patet ex verbis suis. Ex abundantia enim cordis os eius loquebatur, quando dilectio-

nem, vel charitatem toties repetebat, sicut apparet præcipue in prima Canonica, primo capitulo.

#### De inuidia. Cap. XLII.

**I**nuidia diaboli mors intrauit in orbem terrarum. quia scilicet vidit diabolus hominem in statu felici esse, & ad illum posse ascendere, vnde ipse corruerat, ideo tentauit hominem, & vicit. Gen. 3.

Inuidia motus Cain fratrem suum Abel occidit, quando scilicet, vidit eius munera acceptari a Deo, & non sua. Gen. 4.

De Isaac dicitur: Benedixit illi Deus, & locupletatus est homo, &c. Ob hoc inuidentes ei Philistij, &c. Gen. 26. Per quod patet, quod prosperitas hominis causat inuidiam in alijs, occasionaliter tamen.

Rachel sterilis sorori secundæ inuidit. Gen. 30. Ecce quomodo inuidia, nec propinquis parcat.

Fratres Ioseph inuidebant ei videntes, quod a patre plus cunctis fratribus amaretur, & audientes somnia quæ narrabat. Et nota, ad quantum facinus ex illa inuidia proruperunt. Gen. 37.

Cum duo viri prophetarent in castris, Iosue quasi inuidens, dixit: Domine mi Moyses prohibe eos. At ille: Quid, inquit, æmularis pro me? Num. 11.

Maria & Aaron locuti sunt contra Moysen, dicens: Num per solum Moysen locutus est Dominus? &c. Num. 12. Ex quo patet, quod inuidus non parcat beneficis & propinquis. Moyses enim frater eorum erat, & per eum grandem recipiebant honorē.

Percusso Philistæo cantabant mulieres: Saul percussit mille, & Dauid decem millia. Iratus est autem Saul nimis, & displicuit illi sermo ille. 1. Reg. 18.

Videns Achitophel quod non factum fuerat secundum consilium suum, sed magis, secundum consilium Chusai, abiens in domum suam suspendio interijt. 2. Reg. 17.

Ædificantibus templum filijs Iudæ, post reditum de Babylone, Gentes quæ erant in circuitu doluerunt, & eos multipliciter impediunt. 1. Esdræ 4. Audierunt Sanaballat, & Tobias quod venisset homo, qui quereretur prosperitatem filiorum Israel, & contristatus est afflictione magna. Nehem. 2.

Daniel superabat omnes principes, & satrapas. vnde principes, & satrapæ quærebant omnes occasiones, ut inuenirent Danieli ex latere regis. Dan. 6.

Alcimus videns charitatem Iudæ, & Nicanoris adinuicem, venit ad Demetrium, & dicebat Nicanorem rebus alienis assentire, Iudamq. regni insidiatorem successorem sibi destinasse. 2. Machab. 14.

Videntes principes sacerdotum, & scribæ, mirabilia quæ Dominus faciebat, & pueros clamantes: Hosanna filio Dauid, indignati sunt, &cet. Matth. 21. & Luc. 19.

Frater filij Prodigii audiens festum, quod faciebat pater adolescentiori filio reuertenti, indignatus est, & nolebat introire. Luc. 15.

A beato Ioanne Baptista longe fuit inuidia relegata, ad quem cum venirent discipuli, & dicerent quod Christus baptizabat, & omnes ibant post eum; respondit: Amicus sponsi, qui stat, & audit eum, gaudio, gaudet propter vocem sponsi. Hoc ergo gaudium meum impletum est, &c. Ioan. 3.

Quidam Iudæi, qui viderant Lazarum a Domino suscitari abierunt ad Phariseos, & dixerunt quæ fecit Iesus. Collegerunt ergo Pontifices, & Pharisei consilium, &c. Ioan. 11.

Ad tam immane scelus principes sacerdotum ex inuidia proruperunt, quod legitur Matth. 27. Sciebat Pilatus, quod propter inuidiam tradidissent eum summi sacerdotes, scilicet ipsum Dei filium Dominum Iesum Christum.

Petro & Ioanne loquentibus ad populum, superuenerunt sacerdotes, & magistratus templi Saddu-

cæzique.



cæique dolentes, quòd docerent populum. Act. 4. A  
Principes sacerdotum, & omnes qui cum illo erant  
videntes signa, quæ per Petrum fiebant repleti sunt  
zelo, & iniecerunt manus in Apostolos, & posuerunt  
eos in custodia publica, &c. Act. 5.

Audientes verba Stephani Iudæi diffecabatur cor-  
dibus suis, & stridebant dentibus in eum dolentes,  
quod non poterant resistere sapientiæ, & spiritui, qui  
loquebatur. Act. 6. 7.

Conuenit pene vniuersa ciuitas audire verbum  
Dei, quod Paulus & Barnabas prædicabant. videntes  
autem Iudæi repleti sunt zelo, &c. Act. 13.

Ex Thessalonicæ Iudæis, & Gentilibus crediderunt B  
multi viri, & mulieres nobiles non paucæ. zelantes au-  
tem Iudæi concitauerunt ciuitatem. Act. 17.

*De correptione fraterna. Cap. LXIII.*

**C**Orripere proximum, & reprehendere est opus  
misericordiæ, vnde postquam iurauerat Abra-  
ham Abimelech, quod faceret ei misericordiā, con-  
tinuo sequitur: Incepauit Abimelech, &c. Gen. 16.

Charitatiue & māsue compescuit Abraham iur-  
gium, quod erat inter pastores nepotis sui Loth. Gen.  
13. Dulciter & benigne increpabat Loth Sodomitis,  
licet illi non acquieuerint ei. Gen. 19.

Ruben & Iudas temperauerunt furorem fratrum  
suorum, ne occiderent Ioseph. Gen. 27.

Moyſes iniuriantem Hebræum charitatiue corri-  
puit, sed ille pro malo habuit, & ad iniuriōsa verba  
prorupit. Exo. 2. Numquid occidere me tu vis, &c.

Videns Iethro populum expectantem iudicari per  
Moyſem dixit ei: Stulto labore consumeris, &c. Et  
nota quomodo tantus homo gentilis hominis moni-  
tionibus acquieuit. Exo. 18.

Phinees filius Eleazari, & ceteri nuncij fratres suos  
qui ædificauerant altare in scandalum filiorum Israel  
discrete arguerunt, & satisfactionem libentissime susce-  
perunt. Ios. 22.

Miserunt nuntios filij Israel ad filios Benjamin,  
qui dixerunt, Cur tantum nephas in vobis repertū est?  
tradite homines, qui hoc flagitium perpetraverunt,  
&c. Iudic. 20.

Increpando Ionathas patrem suum Saul pro ini-  
qua persecutione Dauid, eius malitiam in principio  
aliqua temperauit. 1. Reg. 19.

Volens Abigail arguere virum suum super duritia  
quam ostenderat nuntijs Dauid, noluit ei aliquid di-  
cere statim post prandium, sed expectauit tempus  
opportunitatis, scilicet vsque in crastinum, cum vinum E  
prius bibitum digessisset. 1. Reg. 25.

Abner bene arguebat Asael, quia nimis vrgebat,  
persequendo eum, sed ille audire contempsit, & pro-  
pter hoc occisus fuit. 2. Reg. 2.

Nota quā discrete arguit Nathan Propheta Da-  
uid, cum peccasset, adulterium, & homicidium com-  
mittendo. 2. Reg. 12. non enim cum furore dixit, pe-  
ssime fecisti, sed assumpta similitudine cōgrua illaquea-  
uit eum verbis oris sui.

Cum magno zelo arguit Elias populum errantem  
dicens, si Dominus est Deus sequimini eum, &c. 3.  
Regum 17.

Reprehendēs Achab regem Israel, vir quidam de  
filijs Prophetarum proposuit ei similitudinem per-  
quam cognouit Rex peccatum suum. 3. Reg. 20.

Cum magna libertate dixit Elifus ad Ioram re-  
gem Israel, exercitu circūstante, si non erubescerem  
vultum Iosaphat, non attendissem te, vel respexissem.  
4. Reg. 4.

Sacerdotes restiterunt Oziæ Regi Iuda volenti  
adolere incensum, & dixerunt non est tui officij, vt  
adoleas incensum, &c. 2. Paral. 26.

Cum magno ardore corripuit Esdras filios trans-  
migrationis, qui duxerant vxores alienigenas contra  
legem. 1. Esdræ. 9. & 4.

Audiens Nehemias clamorem populi propter gra-  
uamina, quæ patiebantur a diuitibus increpauit op-  
timates, & magistratus, &c. Nehe. 5. Idem fecit pro  
eo, quòd multi portando onera, diem sabbati profa-  
nabant. Nehe. 13.

Irridebant Tobiam parentes eius, at ipse increpa-  
bat eos dicens: Nolite ita loqui, quoniam filij sancto-  
rum sumus, & vitam illam expectamus, &c. To. 2.

Audiens Iudith propositum ciuium suorum, quòd  
post quinq; dies volebant tradere Assyrijs ciuitatem,  
reprehendit eos sermonibus fidelibus, & discretis.  
Iudit. 8.

Daniel valde discrete arguit regem Balthasar exem-  
plo patris sui. & nota. patienter rex illum audiuit, li-  
cet dixisset contra eum, & postea ipsum magnifice ho-  
norauit. Dan. 5.

Cum miro furore dicebat Ioannes Baptista Phari-  
sæis, & Saducæis, Progenies viperarū quis demōstra-  
uit vobis fugere a ventura ira? Mat. 3. Luc. 3.

Dicebat Ioannes Herodi adulteranti cum Herodia  
de vxore fratris sui, non licet tibi habere illam. Matt.  
14. Marc. 6.

Indiscrete, licet pie voluit Petrus Dominum incre-  
pare, cum diceret, quòd oportebat eum pati a princi-  
pibus Sacerdotum; sed Dominus dure respondit ei:  
Vade post me Satana, &c. Mat. 16.

Veram & certam dedit Dominus regulam Petro  
de correptione fraterna. Mat. 18. Si peccauerit in te  
frater tuus, corripe eum, &c.

Vnus de illis latronibus, qui pēdebat in cruce, blas-  
phemabant Dominum Iesum, respondens alter incre-  
pabat eum dicens: Neque tu times Deum, &c. Luc. 23.

Pulchre arguebat, & cōvincebat Phariseos ille cæ-  
cus natus a Domino illuminatus dicens: Mirabile est  
quod vos nescitis, vnde sit homo ille, & aperuit ocu-  
los meos. a sæculo non est auditū, quia aperuit quis  
oculos cæci nati, &c. Io. 9.

Videns Petrus quosdam Iudæos admirantes, & di-  
scipulos deridentes, discrete, & confidenter illos ar-  
guit, & instruxit, & ad fidem Christi conuertit. Act. 2.  
Simile accidit Act. 3. post sanationem claudi cul pam-  
eorum ille ostendit, & aliquantulum excusans eos mul-  
ta dulcia verba dixit, ita quòd conuersi fuerunt quin-  
que millia hominum.

Durissime increpauit Petrus Ananiam & Saphirā  
pro eo, quòd fraudauerunt de pretio agri, quod ven-  
diderant, & partem ad pedes Apostolorum posuerat.  
Act. 5.

Stephanus in cōsilio Iudæorum existens, confiden-  
ter increpabat eos dicens inter cetera: Dura ceruice,  
& incircumcisi corde, & auribus, vos semper Spiritui  
sancto resistitis. Quem Prophetarum non sunt perfe-  
cuti patres vestri? &c. Act. 7.

Paulus intuens Elimam magum, qui nitebatur auer-  
tere proconsulem a fide dixit ei: O plene omni do-  
lo, & omni fallacia fili diaboli, & inimice omnis ius-  
titiz, non desinis subuertere vias Domini rectas, &c.  
Act. 13.

Simonem Magum pro dono Dei pecuniam offe-  
rentem Petrus terribiliter increpauit dicens: Pecunia  
tua tecum sit in perditione, &c. Act. 8.

Quid discretius modo, quo Paulus Apostolus arguit  
Romanos ex Gentilibus, & Iudæis conuersos, qui su-  
perba cōtentione volebant se alterutrū superponere.  
ostendit autē vtrosque peccasse, & gloriola Dei mise-  
ricordia indigere; nam & Gentiles legis naturalis, &  
Iudæis legis Moisaicæ fuerant transgressores. Rom. 3:  
Causati sumus Iudæos, & Grecos, idest, Gentiles, &  
circumcisos omnes sub peccato esse, &c.

Corinthios arguit Apostolus de hoc præcipue, quòd  
Christus in eis diuidi videbatur, dicente vno, Ego sum  
Pauli, alio autē, Ego sum Apollos, alio vero, Ego sum  
Cephæ, &c. Item quia dissimulabant inter se fornicato-  
rem esse, qui tenebat nouercā suam. 1. Cor. 5. Item  
quia

quia apud infideles Iudices de secularibus negocijs A litigabant. 1. Cor. 6. Item reprehendit eos de irreuerentia circa eucharistiæ sumptionem. 1. Cor. 11. Item de errore circa mortuorum resurrectionē. 1. Cor. 15. Item in secunda epistola ad Cor. increpat eos Paulus de hoc præcipue, quod illi multa graua a pseudoapostolis sustinebant, & ipsum non habebant in tanta reuerentia, vt debebant. Cor. 9. Sustineatis, inquit, si quis vos in seruitutem redigit, si quis deuorat, si quis accipit, &c. Item 12. Ego debui a vobis commendari, nihil enim minus feci ab ijs, qui sunt supra modum Apostoli.

Galatas acriter, fortiter, & feruenter arguit supra hoc, quod post acceptam veritatem Euangelij volebant ad circūcisionem, & obseruantias legales reuer- ti. Galat. 3. O insensati Galatæ, quis vos fascinavit, &c.

Audierat Apostolus quosdam de Thessalonicensibus ambulare inquiete nihil operantes, sed curiose agentes, idcirco corripi tales mandauit. 1. Thessal. 3.

*De compassione habenda ad proximum. Cap. XLIV.*

**A** Vdiens Abraham captum esse Loth nepotem suū celeriter, & valenter succurrit ei. Gen. 14. Ruben, & Iudas resistebant ceteris fratribus volentibus occidere Ioseph, & quamuis eum non reduxerint ad patrem, tamen minus male actū est ei. Gen. 37. Gedeon compatiens secum fatigatis petiuit panem pro eis. Iud. 8.

Licet filij Benjamin filios Israel grauissime offenderent, tamen propter illorum excidium omnes eleuata voce vlulatu magno fleuerunt. Iud. 21.

Lugebat Samuel Saul, licet eum a Deo sciret proiectum. 1. Reg. 15.

Compatiens Daud lassus socijs, qui ad bellum ire non potuere constituit, quod æqua esset pars descēdē tis ad prælium, & remanentis ad sarcinas. 2. Reg. 30. D

Doluit Daud de occisione Absalon, licet ille multum offenderet eum, sed sciebat eum Daud in anima esse damnatum. 2. Reg. 18.

Daud in tantū doluit de percussione populi, quod petijt ab Angelo percuti loco illius. 2. Reg. 24.

Elias benigne accepit verba mulieris viduæ satis dura, & pro filio eius mortuo, dolori illius compatiens efficaciter orauit. 3. Reg. 37.

Cum Iezabel occideret Prophetas Domini Abdias abscondit centum ex ijs, & pauit eos diebus multis. 3. Reg. 18.

Pie compassus fuit Eliseus viduæ debitis obligatæ, & augmentauit ei modicum olei, quod habebat. 4. Reg. 4.

Non solum pro præsentibus malis compatiendum est proximis, sed etiam pro futuris, vnde Eliseus videns Afael, qui mala facturum erat filijs Israel cœpit flere. 4. Reg. 8.

Cum cæpissent filij Israel de viris Iuda ducēta milia mulierum, & puerorum pepercerunt eis, & vestitos, atque resectos ad propria remiserunt. 1. Paral. 28.

Audiēs Nehemias miserabilē statum ciuitatis Ieru- salem fleuit diebus multis, & tandem consilium adhibuit, & auxilium opportunum. Nehe. 1. & 2.

Cū regnaret Sennacherib, & filios Israel exosos haberet, Tobias pergebat quotidie per omnem cōgregationem suam, & consolabatur eos, esurientes alebat, nudisque vestimenta præbebat, & mortuis atque occisis sepulturam sollicitus exhibebat. Tob. 1. Item 2. habetur de eodem.

Magnam compassionem habebat sanctus Iob ad proximos, qui dicebat: Auris audiēs beatificabat me, eo quod liberasssem pauperem vociferantem, & pupillum, cui non erat adiutor. Benedictio perituri veniebat super me, & cor viduæ cōsolatus sum, &c. Iob. 29.

Regina Hester nunciata crudeli sententia contra populum suum lata non aliter assumpsit negocium,

quàm si fuisset vna de populo, licet esset de se secunda tamquam sponsa regis dilecta. Hest. 7.

Audientes tres amici Iob omne malum, quod accidisset ei, venerunt, vt consolarentur eum. Iob. 2. Sed tamen non intelligentes causam suæ afflictionis fuerunt ei postea onerosi.

Non solum iustis in afflictione positis compatiendum est, sed etiam peccatoribus & iniustis, vnde dicebat Isaias propter destructionem Babylonis: Repleti sunt lumbi mei dolore, angustia possedit me sicut angustia parturientis, &c. Isa. 21.

Videns in spiritu idem Isaias calamitatem superuenturam populo suo dicebat: Recedite a me, amare flebo, nolite incumbere, vt consolemini me super vastitate filiarum populi mei. Isa. 22.

Dolens Abdemelech Aethiops, quod Ieremias Propheta missus erat in lacum, in quo non erat aqua, sed lutum, procurauit apud regem, scilicet vt extraheret illum. Ierem. 38.

Cum scripsisset Baruch verba cōminationis ex ore Ieremiæ: Dixisti vā misero mihi, quoniā addidit Dominus dolorem dolori meo. Iere. 45. & tamen dicebat populus, quod Baruch incitabat Ieremiam aduersus eos, vt traderet eos in manibus Chaldeorū. Ier. 43.

Cum reuelasset Dominus Ezechieli peccata, quæ populus Israel faciebat, & pænas quas passurus erat, fuit amaricatus, tristis & gemebundus. Ezech. 3. & 9.

Rex Darius sciens Daniele positum in lacu leonum præ dolore dormiuit incenatus, cibique nō sunt allati coram illo, insuper & somnus recessit ab eo. Dan. 6.

Magnum dolorem habuit Onias summus Sacerdos, quando vidit templum debere per Heliodorum spoliari, & deposita viduarum ac pupillorum auferri. 2. Mach. 3.

Antiochus rex dictus Nobilis, licet simpliciter esset malus, tamen audiens Oniam summum Sacerdotem inique fuisse occisum, flexus ad misericordiam lacrymas fudit. 2. Mach. 4.

Accedentes discipuli ad Dominum, rogabant eum pro muliere Chananæa dicentes: Dimitte eam, quia clamat post nos. Matth. 15.

Contra nolentes compati proximis, & ex corde dimittere, inducit Dominus parabolam de seruo nequam cui decem millia talenta fuerunt remissa, & ipse noluit dimittere conseruo suo centum denarios. Mat. 18. Ad hoc quod homo libenter compatiatur proximo suo, & misereatur ipsius multum facit, quod specialiter fiet disceptatio de operibus misericordiæ in iudicio. Matth. 25.

Cum vidisset Dominus Iesus flentem viduam, cuius filius defunctus efferebatur misericordia motus super eam dixit: Noli flere, & tunc mortuum eius filium suscitauit. Luc. 7.

Miserus est Dominus turbæ indigenti, quæ pedestris secuta eum fuerat in deserto. Mat. 15. Mat. 8.

Samaritanus ille apropians fauciato, misericordia motus alligauit vulnera eius infundens oleum & vinum, & curam illius egit, & per alium fecit haberi. Luc. 10.

Videns Dominus ciuitatem Ierusalem, & considerans mala, quæ factura erat postmodum & passura, fleuit super illam dicens: Si cognouisses & tu, &c. Luc. 18.

Vt vidit Iesus Mariam plorantem, & Iudæos qui venerant cum ea plorantes infremuit spiritu, & turbauit seipsum, & lacrymatus est. Io. 11.

Etiā pendens in cruce Saluator habuit curam matris, quam sciebat in anima crucifigi. Io. 19. Mulier ecce filius tuus, dixit ipse ostendo Ioanne.

Cum venisset Petrus in Ioppē, vidit viduas flentes pro morte Tabithæ, quæ faciebat eis tunicas & vestes & ponens genua sua orauit, & cum vocasset sanctos, ac viduas, assignauit eam illis viuam. Act. 9.

Paulus

Paulus dum esset Athenis, incitabatur spiritus eius A in ipso eo quod, videbat idolatriæ deditam ciuitatem. Act. 17.

Barbari non modicam humanitatem præstabant Paulo, & focijs eius. Accensa enim pyra reficiebant omnes, propter imbrem, qui imminabat, & frigus. Ipsi vero bene indigebant, quia de naui contracta euaserant tempore hiemali, & quosdam oportuerat natere: alij vero super tabulas fuerant apportati. Act. 27. & 28.

Cum tanta spiritus anxietate compatiiebatur Paulus fratribus, & cognatis suis pereuntibus, quod ipse dicebat. Rom. 9. Tristitia est mihi magna, & continuus dolor cordi meo. Optabam enim ego ipse anathema esse a Christo, pro fratribus meis, qui sunt cognati mei, secundum carnem. Item Galat. 4. Filioli mei quos iterum parturio, &c.

*De hospitalitate exhibenda libenter. Cap. XLV.*

**N**Ota de Abraham quàm celeriter, quàm lætenter Angelos hospitio suscepit, & ipsis ea quæ videbantur necessaria peregrinis, parari fecit. Gen. 18.

Item de Lot, attende quomodo quos putabat homines esse transeuntes honorauit, obnixè rogauit, & eis necessaria benigne conferens contra incurfantes defendit, vt potuit. Gen. 19.

Prompta ad hospitalitatem videbatur Rebecca, quæ dixit seruo Abraham: Palearum, & feni plurimū est apud nos, & locus spatiosus ad manendum. Et paulo post dixit eidem Laban: Præparauī domum, & locum camelis. Gen. 24.

Sine magna prece Iethro recepit peregrinū Moysen hospitādum. Exod. 2. Postmodum autē filia eius, & nepotes sui fuerunt per eum magnifice honorati.

Testatur Moyses dicens Deuter. 10. Dominus Deus noster amat peregrinum, & dat ei victum atque vestitum. & vos ergo amate peregrinos, quia & ipsi fuistis aduenæ, & cetera.

In Gabaa Benjamin non inuenit Leuites, qui eum hospitio reciperet, nisi quendam senem de opere venientem. Iudic. 19.

Elias suscitauit filium mulieris, apud quam sustentabatur. 3. Reg. 17.

Mulierī Sunamitidi filium nō habenti apud quam Eliseus transeundo manebat, idem Eliseus filium impetrauit, & mortuum suscitauit. 4. Reg. 4.

Bonus hospitalarius erat beatus Iob, qui dicebat: Foris non manū peregrinus, ostium meum viatori E paruit. Iob 31.

Ambulans per mundum Dominus Iesus Christus nō habebat vbi caput reclinaret, Martham vero specialem hospitam legitur habuisse. Luc. 10. Ioan. 12.

Quando misit Saluator discipulos ad prædicandū, in illis seipsum afferit recipi, & audiri. Matth. 10. Qui recipit vos, me recipit. Luc. 10. Qui vos audit, me audit; & qui vos spernit, me spernit.

Gaudens accepit Dominum Zachæus in domo sua, & Dominus Iesus magis gaudentem effecit, quando dixit: Hodie salus huic domui facta est, &c. Luc. 19.

Exemplo duorum discipulorum, qui Dominum in specie peregrini coegerunt ad manendum secum, apparet quod peregrini, non solum vocandi sunt ad hospitium, sed etiam compellendi. Luc. 24.

Apostoli hospitabantur, vt plurimum in domibus artificum, & hominum mediocrium. vnde legitur de Petro. Act. 10. Hic hospitatur apud Simonem quendam coriarium, cuius domus est iuxta mare. Idem de Paulo. Act. 18. Manebat apud Aquilam, & Priscillam, quia erat eiusdem artis, & operabatur.

Obnixè, & instanter deprecata est Lydia purpuraria Paulum, & socios eius, vt manerent apud eam in domo sua. Act. 16. Et coegit nos. habetur infra. Cum euasisset Paulus, & focij eius de fracta naui, P. S. Bon. Tom. 7. Pars iij.

blius princeps insulæ illius ipsos suscipiens benigne exhibuit. Paulus autem patrem eius febribus laborantem, & dysenteria, oratione, & manuum impositione sanauit. Act. 28.

Vrbana fiducia utebatur Paulus scribens Philemoni cum dixit: Simul & para mihi hospitium. nam spero per orationes vestras donari me vobis.

Inter cetera ad quæ specialiter Paulus inducit Hebræos est hospitalitas. Heb. 13. Hospitalitatem nolite obliuisci, Per hanc enim placuerunt, & quidam Angelis hospitio susceptis.

Commendat Caium beatus Ioannes in tertia epistola sua, dicens: Charissime fideliter facis, quidquid operaris in fratres, & hoc in peregrinos, & cetera.

*De amicitia. Cap. XLVI.*

**V**Ocatis multis amicorum turbis ad conuiuium, Laban fecit nuptias, & dedit filiam suam Liam nepoti suo Iacob. Gen. 29.

Loquebatur Dominus ad Moysen facie, ad faciem, sicut solet homo loqui ad amicum suum. Exod. 33.

Ruth adhæsit socrui suæ Nohemi, & dixit ei: Quocumque perrexeris pergā, & vbi morata fueris, & ego pariter morabor, &c. Ruth. 1.

Anima Ionathæ colligata est animæ Dauid, & dilexit eum Ionathas, quasi animam suam. nam exposuit se Ionathas tunica, qua erat indutus, & dedit eam Dauid. 1. Reg. 18.

Signum fuit fidelis amicitia, licet indiscretæ, quod armiger Saul videns Dominum suum esse mortuum irruit super gladium suum, & mortuus est cum eo. 1. Regum 31.

Milit Abner nuntios ad Dauid, dicentes: Fac mecum amicitias, & erit manus mea tecum, & reducam ad te vniuersum Israel, &c. 2. Reg. 3.

Chusai Arachites amicus Dauid venit ad Absalom, & dissipauit consilium Achitophel. 1. Reg. 17.

Propheta Iehu dixit Iosaphat regi Iuda, qui iuerat ad prælium cum Achab rege Israel: Impio præbes auxilium, & his qui oderunt Dominum amicitia iungis, & idcirco iram quidem Domini merebaris, &c. 2. Paralip. 19.

Amian superbus conuocauit ad se amicos, & exposuit illis magnitudinem diuitiarum suarum, & filiorum turbam, & quanta eum gloria super omnes principes rex eleuasset. Esther 5.

Audientes tres amici Iob omne malum, quod accidisset ei. Venerunt singuli de loco suo, vt visitarent eum, & consolarentur. Iob 2. De ipsis tamen ipse dixit postea: Subuertere nitimini amicum vestrum.

Alcimus proditor impius concitauit regem Demetrium aduersus Iudam Machabæum, pro eo quod dixit ei: Perdidit Iudas, & fratres eius omnes amicos tuos. 1. Machab. 7.

Rex Alexander epistolam misit Ionathæ, dicens: Audiuius de te quod vir potens sis viribus, & aptus es, vt sis amicus noster. 1. Mach. 10.

Accepit Ionathas aurum & argentum, & alia xenia multa, & dedit Demetrio, & inuenit gratiam in conspectu eius, & fecit eum principem amicorum. 1. Machab. 11.

Vidit Ionathas, quia tempus eum iuuat, & misit viros Romā statuere, & renouare cum Romanis amicitiam. 1. Machab. 12.

Postquam Alexander percussit Demetrium, misit ad Ptolemæum regem Egypti legatos, vt statuerent amicitiam ad inuicem, & daret ei filiam suam vxorem. 1. Machab. 12.

Propter veterem amicitiam quam habebant ad Eleazarum, quidam astantes attulerunt carnes, quibus vesci licite poterat, vt simularet se de sacrificij carnibus manducasse, & sic posset mortem euadere. 1. Machab. 6.

Vu Lyffas

Lyfias videns, & intelligens inuictos esse Hebræos Dei omnipotentis auxilio innitentes misit ad eos, promittitq. se regem compulsum amicum fieri. 2. Machab. 11.

Laudauit Dominus villicum iniquitatis, quia prudenter fecisset acquirendo amicos de bonis domini sui. Concludens per hoc, quod facere debemus amicos, qui possint nos recte, quando nos in morte deficere oportebit. Luc. 16.

Ponit Dominus exemplum de illo, qui media nocte vadit ad amicum, ut petat aliquid ab eo. Luc. 11.

In passione Domini, Herodes & Pilatus facti sunt amici. Luc. 23.

Commota ciuitate Epheso, & confusa, quidam de Asiæ principibus, qui erant amici Pauli, miserunt ad eum rogantes: Ne se daret in theatrum. Act. 19.

#### De inimicitia, & odio. Cap. XLVII.

**P**ost peccatum primorum parentum statim posuit Dominus inimicitias inter serpentem, & mulierem, & inter vtriusque semen. Gen. 3.

Rixati sunt pastores Geraræ aduersus pastores Isaac pro puteo quem foderant, idcirco appellauit Isaac puteum, inimicitias. Gen. 26.

Oderat semper Esau Iacob pro benedictione, qua benedixerat ei pater, dixitq. in corde suo: Venient dies luctus patris mei, & occidam Iacob fratrem meum. Gen. 27.

Dixit Iacob Simeoni, & Levi: Turbastis me, & odiosum fecistis me Chananæis, & Pherezæis habitatoribus terræ huius. Gen. 34.

Videntes fratres Ioseph, quod a patre plus cunctis fratribus amaretur, oderant eum, nec poterant ei quidquam pacifice loqui. Gen. 37.

Oderant filios Israel Ægyptij, & affligebant illudentes eis, atque ad amaritudinem perducebant vitam eorum. Exod. 1.

Dixit Dominus ad Moysen: Hostes vos sentiant Madianitæ, & percutite eos: quia & ipsi hostiliter egerunt contra vos, & decipere insidijs per idolum Phogor. Num. 25.

Adonisedec rex Hierusalem, & quattuor alij reges obsederunt Gabaon, ut expugnarent eam, pro eo quod transfugerant Gabaonitæ ad Iosue, & ad filios Israel, & inierant fœdus cum eis. Iosue 10.

Perrexerunt maiores natu de Galaad ad Iephte, dicentes: Esto princeps noster. Quibus ille respondit: Nonne vos estis, qui odistis me, & eiecistis de domo patris mei, & nunc venistis ad me necessitate compulsi? Iudic. 11.

Fundebar apud Samson lacrymas vxor eius, & querebatur, dicens: Odisti me, & non diligis, idcirco problema, non vis indicare mihi. Iudic. 14.

Vidēs Saul quod populus alte de Dauid sentiebat, & etiā quod in omnibus prudēter, & strenue se habebat, factus est inimicus eius cunctis diebus. 1. Reg. 18.

Duo latrones qui occiderant Isboseth, dixerunt Dauid: Ecce caput filij Saul inimici tui. Sed male stipendiari. 2. Reg. 4.

Thou rex Emath audiens, quod Dauid expugnasset Adarezer Hostem suum, misit ad eum filium suum, & gratias egit. 2. Reg. 8.

Postquam Amon filius Dauid opprefferat Thamar sororem Absalom, exosam eam habuit magno odio nimis; ita ut maius esset odium quo oderat eam amore, quo dilexerat eam ante. 2. Reg. 13.

Tres aduersarios suscitauit Dominus Salomoni, postquam a Deo per peccatum recessit, scilicet Idumæum, Razon filium Eliada, & Ieroboam seruum suum. 3. Reg. 11.

Eliam Prophetam persecuta est impia Iezabel vxor Achab, propter Prophetas Baal, quos ille fecerat occidi. 2. Reg. 18. & 19.

**A** Cum Elias argueret Achab ait ad Eliam Achab: Nonne inuenisti me inimicum tibi, qui dixit: Inueni, &c. 3. Reg. 21. Dixit Achab ad Iosaphat regem Iuda: Remansit de Prophetis Domini Michæas filius Iemla, sed ego odi eum, quia non prophetat mihi bonum, sed malum. 3. Regum 22.

Audierunt hostes Iudæ, & Benjamin quod filij captiuitatis ædificauerant templum Domino Deo Israel, & voluerunt ædificare cum eis, &c. 1. Esdr. 4.

Raguel, & Anna vxor eius, benedixerunt Dominum, quia fecerat cum eis misericordiam suam, & excluderat ab eis inimicum persequentem eos. Tob. 8.

**B** Amputato capite Holofernis, dixit Iudith tacentibus vniuersis: Laudate Dominum Deum nostrum, qui non deseruit sperantes in se: & interfecit in manu mea hostem populi sui hac nocte. Et proferens de pera caput Holofernis, ostendit illis. Iudith 13.

Conquerens Esther de Aman superbissimo, dixit Assuero: Hostis, & inimicus noster pessimus iste est Aman, &c. Esther 7.

De Iuda Machabæo dicitur 1. Machab. 3. Repulsi sunt inimici præ timore eius, & operarij iniquitatis conturbati sunt, directa est salus in manu eius.

**C** Ptolemæus rex Ægypti voluit dolo opprimere regnum Alexandri, & manifestæ factæ sunt inimicitie eius. 1. Mach. 11.

Cognouit Simon quod Tryphon cum dolo loqueretur, petens duos filios Ionathæ, & centum talenta argenti. Iussit tamen dare argentum, & pueros ne inimicitiam magnam fumeret ad populum Israel dicentem: Quia non misit argentum, & pueros, propterea periit. 1. Mach. 13.

Herodes, & Pilatus in passione Domini facti fuerunt amici, qui prius erant inimici. Luc. 23.

#### De pace, & concordia. Cap. XLVIII.

**A**lia animalia in principio fecit Deus duplicia, scilicet masculum, & feminam, hominem autem fecit vnum. Gen. 1. Et ex illo sunt omnes, & singuli procreati, ut scilicet vnitatem pacis, & concordie commendaret in homine.

Diuitiæ, & copia rerum temporalium sunt in plurimum materia, & occasio iurgiorum, sicut apparet de pastoribus Abraham, & Lot. Gen. 13. Item de Isaac, & pastoribus Geraræ. Gen. 26.

Gratanter faciunt homines pacem, & ineunt fœdus cum potentibus, & magnis hominibus. Hinc est quod Abimelech venit ad Isaac, quando vidit eum prosperari. Gen. 26.

Cedendum est furori interdum malorum, sicut fecit Iacob recedens a fratre suo Esau, donec requiesceret furor eius. Gen. 27.

Videntes fratres Ioseph, quod a patre plus ceteris fratribus amaretur, oderant eum, nec poterant ei quidquam pacifice loqui. Gen. 37.

Audientes Gabaonitæ ea quæ fecerat Iosue Iericho, & Hai venerunt ad eum, & secundum ipsius beneplacitum pacem fecerunt. Iosue 9.

Phinees, & ceteri legati ad filios Ruben missi audientes excusationem illorum placati sunt, & verba eorum libentissime susceperunt. Iosue 22.

Quamuis Absalom contra patrem nimis nequiter egisset; tamen Dauid magis volebat pacem, quam eius mortem. nam dixit, Est ne pax puero Absalom. 2. Reg. 18.

Cum esset Dauid sanctus, & placens Deo, noluit tamen Dominus, ut ædificaret ei domum, sed filius eius pacificus, isto fuit priuilegio honoratus. 3. Reg. 5.

Multum laudandus est Deus, quando dat populo statum pacificum, & quietum, sicut fuit tempore Salomonis. 3. Reg. 5. Dixit Salomon: Requiem dedit mihi Dominus per circuitum, & non est fatigatus, neque occursum malus. Sequitur: Benedictus Dominus, &c.

Boni

Boni homines habent pacem adinuicem, sed mali pugnant contra bonos, & contra malos alios, unde inter Ieroboam & Roboam fuit bellum cunctis diebus. 3. Reg. 14.

Ostensum fuit Eliam Dominum non esse in grandi vento, neque in commotione, neque in igne, sed in sibilo auræ tenuis, hoc est in pace & quiete. 3. Reg. 19.

Benedixit populus omnibus viris, qui se sponte obtulerunt, ut habitarent in Ierusalem. Nehe. 11.

Misit Ionathas nuntios ad Bachidem componere pacem cum eo, & tamen ipse Bachides fuerat Dux exercitus, in quo occubuit Iudas Machabeus frater Ionathæ. 1. Mach. 9.

Rex Demetrius misit ad Ionatham epistolam verbis pacificis, ut magnificaret eum. dixit enim, Anticipemus pacem facere cum eo, priusquam fiat cum Alexandro aduersum nos. recordabitur enim omnium malorum, quæ fecimus in eum. 1. Mac. 10.

Causa pacis quæ fuit tempore Oniæ summi sacerdotis pulcre describitur. 1. Mach. 12. Videlicet idoneitas prælati prudentis, & pii, & bonitas subditorum.

Postquam debellatus fuit Lysias a Iuda Machabeo libenter fecit pacem cum eo. Intelligens enim inuitos esse Hebræos Dei omnipotentis auxilio nitentes misit ad eos, promisitque eis consensurum se omnibus, quæ iusta sunt, & regem compulsum amicum fieri. 2. Mach. 11. Tantam pacem & concordiam vult Dominus erga proximos nos habere, ut dixerit Petro peccanti fratri non esse remittendum septies, sed usque septuagies septies. Mat. 18.

Pacem annuntiauerunt Angeli in natiuitate Domini. Luc. 2. Item ipse Dominus discipulos inter se pacem habere præcepit. Mar. 9. Item pacem iussit per discipulos nuntiari. Luc. 10. Item pacem eis reliquit. Io. 14. Item post resurrectionem pacem eis obtulit. Luc. 24. Io. 20.

Qui desiderat seruare pacem & quietem mentis abstineret debet a discursibus etiam interdum valde licitis & honestis, unde Io. 11. Martha ut audiuit, quia Christus venit occurrit illi: Maria autem domi sedebat, nec inde se mouit, donec vocata fuit ab ipso Domino per sororem, licet fortassis non ignorauerit ipsa Maria aduentum Domini, quando Martha primo sciuit.

Quantum sit pacis bonum perpendi potest per discretum æstimatorem rerum beatum Paulum, quod illud tam sollicitè in omnibus epistolis suis illis quibus scribebat, optabat, excepta illa ad Hebræos, in qua nec nomen suum ex certa causa, nec aliquam salutationem præmittit. Nota tamen, quod cum dicitur, Pax vobis, præponit gratiam dicens, Gratia vobis, & pax. per quod manifeste datur intelligi, quod sine gratia Dei pax vera numquam potest haberi. Isa. 48. non est pax impijs dicit Dominus Deus.

*De vnitate & communi consensu. Cap. XLIX.*

*Aug. li. 12.  
de cin. Dei  
c. 22. 10. 5.  
Ibid. c. 26.  
cir. fin.*

EX vno homine Deus humanum genus instituit ad commendandum hominibus, quam ei grata sit, etiam in pluribus vnitas, ut dicit Augustinus 12. de ciuitate Dei. Et subdit postea: Factus est homo vnus, sed non relictus est solus. Nihil enim est, quam hoc genus tam discordiosum vitio, tam sociale natura. Neque commodius contra vitium discordiæ vel cauendum, cum nondum existeret, vel sanandum cum extitisset natura loqueretur humana, quam recordationem illius parentis, quem propterea Deus creare voluit, vnum, de quo multitudo propagaretur, ut hac admonitione etiam in multis concors vnitas seruaretur.

Populus filiorum Israel in deserto, multum fuit vnanimis, & voluntarius ad recipiendam legem. Exo. 19. & etiam auditis a Moyse verbis legis. Exo. 24. respondit populus cunctus vna voce, Omnia verba Domini, quæ locutus est, faciemus.

Ad faciendum opus tabernaculi, & sacras ministro S. Bon. Tom. 7. Pars iiij.

rum vestes obtulit omnis multitudo filiorum Israel omnia necessaria mente promptissima, atque deuota. Exo. 35.

Congregati sunt pariter omnes filij Israel, quasi vir vnus in Maspha ad iudicandum flagitium in Gabaa Benjamin erga uxorem Leuitæ commissum. Iud. 20.

Inuasit timor Domini populum, & egressi sunt quasi vir vnus ad succurrendum, scilicet fratribus suis in Iabes Galaad obsessis. 1. Reg. 11.

Venerunt vniuersæ tribus Israel ad Dauid in Hebrō & vnuerunt eum in regem super Israel. 2. Reg. 5.

Conuenit ad Regem Salomonem vniuersus Israel, & tunc fuere arca Domini, & vasa sanctuarij delata in templum solemniter dedicatum. 2. Reg. 8.

Congregatus est populus, quasi vir vnus in Ierusalem ad ædificandum scilicet templum, quod fuerat a rege Babylonis destructum. 1. Esdr. 2.

Congregatus est omnis populus, quasi vir vnus ad plateam, & dixerunt Esdræ, ut afferret librum legis Moysei, &c. Nehe. 8.

Cum exposuisset Achior vniuersa quæ dixerat Ho loferni, omnis populus communi lamentatione, & fle tu vnanimis preces suas Domino effuderunt. Iudith 6.

Post mortem Iudæ congregati sunt omnes amici eius, & dixerunt Ionathæ, Ex quo frater tuus defunctus est, &c. nunc itaque te eligimus hodie pro eo esse nobis principem, & ducem ad bellandum bellum nostrum. 1. Mac. 9.

Auditis sermonibus Simonis accensus est spiritus populi simul & voce magna dixerunt: Tu es dux noster loco Iudæ, & Ionathæ fratris tui. 1. Mach. 13.

Post ascensionem Domini omnes discipuli erant, perseverantes vnanimiter in oratione cum mulieribus, & matre Iesu. Act. 1. & sic inuenit eos Spiritus sanctus. Act. 2. Omnes qui credebant erant pariter, recepto Spiritu sancto, & habebant omnia communia vnanimiter perdurantes in templo, & frangentes circa domos panem. Act. 2.

Cum audissent discipuli de sanatione claudi, & responsione Petri, & Ioannis ad magistratus plebis, vnanimiter leuauerunt vocem, & dixerunt: Domine qui fecisti cælum & terram, &c. Act. 4.

Punitis ad vocem Petri terribiliter Anania, & Saphira uxore eius, factus est timor magnus in vniuersa Ecclesia, & erant omnes vnanimiter in porticu Salomonis, &c. Act. 5.

Multitudinis credentium erat cor vnum, & anima vna, nec quisquam eorum, quæ possidebat aliquid suum esse dicebat, sed erant illis omnia communia. Act. 4.

*De discordia lite vel rixa. Cap. L.*

PRimum discordiam inter homines mouit inuidia inter Cain scilicet, & Abel. Gen. 4. quoniam opera Cain maligna erant, fratris autem iusta. 1. Io. 3. Substantia Abraham, & Loth erat multa, & non quibant habitare communiter, unde facta est rixa inter pastores gregum Abraham & Loth. Gen. 13.

Quia quandoque reges Sodomorum, seruierant duo decim annis Chodorlahomor regi Elamitarum, & de cimetertio recesserant ab eo, ideo factum est bellum illud de quattuor regibus aduersus quinque, in quo fuit Loth captus, sed per Abraham liberatus. Gen. 14.

Viri ciuitatis Sodomæ vallauerunt domum Loth, in qua erant duo Angeli in humana specie hospitati, & volebant illos cognoscere, vimque faciebant vehementissime eo quod Loth hospites fideliter defendebat, &c. Gen. 19.

Factum est iurgium pastorum Geraræ aduersus pastores Isaac, habebat enim Isaac possessionem ouium & armentorum, & familiæ plurimum. Gen. 26.

Oderat semper Esau Iacob pro benedictione, quæ benedixerat ei pater, Dixitque in corde suo, Venient dies luctus patris mei, & interficiam Iacob fratrem meum. Gen. 27.

Vu a Timena



Timens Iacob dixit ad Laban cum iurgio, Quam ob culpā meam sic exarsisti in me, & scrutatus es omnem suppellectilem meam? Gen. 31.

Occasione Dinæ filiae Iacob, quam Sichem filius Emor rapuit, & oppressit, facta est discordia magna inter filios Iacob, & habitatores terræ illius. Gen. 34. Moyses quadam die vidit duos Hebræos rixantes, dixitque ei, qui faciebat iniuriam, Quare percutis proximum tuum? Exo. 2.

Cum exissent filij Israel de terra Aegypti, & transissent mare rubrū Amalech venit & pugnavit contra eos in Raphidim. Exo. 17. Multotiens iurgati sunt filij Israel contra Moysen in deserto, primo pro defectu potus. Exo. 15. Deinde pro defectu cibi. Exo. 16. Postea habito vno cibo desiderauerunt alium; extædiati enim manna comedere, petierunt carnes. Num. 11. Item ad aquas contradictionis conuenerunt aduersum Moysen, & Aaron filij Israel, & ibi iurgati sunt contra Dominum, & Moysen. Num. 21. Vterius procedentes cœpit eos tædere itineris & laboris, & locuti sunt contra Dominum & Moysen. Num. 21.

Inter Abimelech filium Gedeonis, & viros Sichem qui male fecerant eum principem, fuit magna discordia suscitata, ita quod illi detestari cœperunt eum, & rebellare ei & ipse expugnauit eos, &c. Iud. 9.

Orta est seditio inter viros Ephraim, & Iephthe, eo quod Iephthe vadēs ad pugnam contra filios Ammon, illos vocare noluit, vt dicebant. Iud. 12.

Pro vxore Leuitæ in Gabaa Benjamin turpiter interfectæ magna fuit pugna inter tribum Benjamin, & alia tribus Israel, ita quod illi de tribu Benjamin exceptis viris sexcentis penitus sunt deleti. Iud. 20.

Occiso a Dauid Philistæo iratus est Saul contra Dauid, eo quod communiter laudabatur. Nō rectis oculis ergo Saul aspiciebat Dauid a die illa, & deinceps. 1. Regum 18. Nec aliquis extunc potuit emollire cor Saul, quin persequeretur eum.

Facta est concertatio longa inter domum Saul, & domum Dauid, sed Dauid semper proficiebat, & domus Saul continue decrescebat. 1. Reg. 3.

Nimis inhonesta facta est discordia inter Absalon ambientem regnum, & Dauid patrem suum. Denique Absalon qui eam mouit, suspensus fuit. 2. Reg. 18.

Rege Dauid redeunte in Ierusalem, viri Israel turbati fuerunt, eo quod viri Iuda ipsum reduxerāt alijs non vocatis. 2. Reg. 19.

Dux meretrices mulieres litigabant coram Rege Salomone occasione vnus infantis, quem vtrique volebat habere. 3. Reg. 3.

Mortuo Rege Salomone petijt populus, vt a Roboam filio eius mitius tractaretur, quo durius respondente recesserunt decem tribus ab eo, & fecerunt Ieroboam regem sibi, & ex tunc multa bella fuerunt inter Reges Israel & Iuda. 3. Reg. 12. & deinceps.

Facta est contentio inter discipulos Iesu, quis eorū videretur esse maior, sed Domino non placuisse talem contentionē patet per ea, quæ sequuntur. Luc. 22.

Litigabant adinuicem Iudæi dicentes: Quomodo potest hic carnem suam dare nobis ad manducandum. Io. 6.

Murmur erat multum de Domino Iesu in turba, quidam enim dicebant, quia bonus est. alij vero dicebant, Non, sed seducit turbas. Io. 7. Et in eodem capitulo sequitur dissensio facta est in turba propter eū.

Baptizato Cornelio cum omni domo sua, audierūt Apostoli, & fratres, qui erant ex Iudæa, quoniam gentes recepissent verbum Dei. Cum ascendisset autem Petrus Ierosolymam, disceptabāt aduersus illum, qui erant ex circumcisione fratres dicentes: Quare introisti ad viros, &c. Act. 11. Paulo & Barnaba in ciuitate Iconii prædicantibus & multa miracula facientibus, diuisa est multitudo ciuitatis, & quidā quidem erant cum Iudæis, quidā vero cum Apostolis. Act. 14.

Quidam descendentes de Iudæa, docebāt Fratres:

A Quia nisi circumcidamini secundum legem Moysi, non potestis salui fieri. Facta autem seditione non minima Paulo & Barnabæ aduersus illos, statuerunt, vt consulerentur Apostoli, qui erant Ierosolymis super hac quæstione, &c. Act. 15.

Occasione Marci quem Paulus volebat ad ministerium Euāgelij recipere, facta est dissensio inter Paulum, & Barnabam, ita vt discederent ab inuicem; attamen totum prouenit ad profectū Euāgelij. Act. 15.

Prædicante Paulo Ephesi, & multa miracula faciente, facta est turbatio non minima de via Domini. Demetrius enim quidam argentarius faciens ædes argenteas Dianæ, parabat artificibus non modicum quæstum, &c. Act. 19.

Quidam Iudæi videntes Paulum in templo, concitauerunt omnem populum, & iniecerunt manus ei clamantes: Viri Israelitæ adiuuate, sequitur: Cōmota est ciuitas tota, & facta est cōcursio populi. Act. 21.

Cum exclamasset Paulus in concilio, Viri fratres, ego Phariseus sum filius Pharisei de spe & resurrectione mortuorū ego iudicor, facta est dissensio inter Phariseos, & Saducæos, & soluta est multitudo. Act. 23.

C De Zelo bono contra peccatores. Cap. LI.

S Auebant filij Iacob ob stuprum Dinæ sororis suæ per Sichem oppressæ. Gen. 34.

Audiens Moyses vocem cantantium, & videns vitulum & choros, iratus est valde, & proieciēs tabulas, confregit eas, &c. Nota quam grauiter puniuit postea populum, pro quo tam fideliter, & instantè orauerat ante Deum. Exo. 32.

Multū placuit Deo zelus Phinees filij Eleazari, quādo perfodit virum cum muliere Madianitide, licet essent magni & nobiles. Num. 25.

D Præcepit Iosue Achan lapidari, & totam eius suppellectilem comburi, quia tulerat de anathemate Iericho. Iosue. 7.

Cum audissent filij Israel filios Ruben & Gad ædificasse sibi altare, conuenere omnes, & contra eos dimicare voluerunt. Ios. 22.

Congregati sunt omnes filij Israel, quasi vir vnus ad vindicandum grauissimè scelus, quod commiserāt viri de Gabaa Benjamin pro vxore Leuitæ. Iud. 19. & 20.

Confidenter arguit Elias errantem populum, & sacerdotes Baal fecit occidi. 3. Reg. 17.

E Reprehensus est Achab, eo quod Benadad Regem Syriæ virum morte dignum indiscrete viuum dimisit abire. 4. Regum 20.

Quamuis Iehu rex Israel simpliciter fuerit malus, tamen multum commendatur eo quod semen domus Achab deleuit, & Prophetas Baal occidens, ædē ipsius Baal destruxit. 4. Reg. 10.

Spiritus Domini induit Zachariam filium Ioiadæ, & stetit in conspectu populi sculptilibus seruientis, & dixit illis: Quare transgredimini præceptum Domini, quod vobis non proderit, & dereliquistis Dominum vt derelinqueret vos? 2. Paral. 24.

F Audiens Esdras sacerdos Iudæos cum gentilibus matrimonia copulasse, miro modo doluit & gemens, & eiulans signa doloris ostendit. 1. Esdr. 9.

Videns Nehemias Iudæos ducentes vxores alienigenas obiurgauit eos, & maledixit, & verberauit aliquos, & decaluauit. Nehe. 13.

Surrexit Mathathias, & dixit, Vx mihi, vt quid natus sum videre afflictionē populi mei, &c. Sequitur postea de illius zelo feruentissimo, & mirabili probitate, quando trucidauit hominem super aram Idolū immolantem. 1. Mach. 2.

Onias sumus Pontifex restitit viriliter Simoni, qui volebat iniquum aliquid in ciuitate moliri. 1. Mac. 2.

Miro feruebat zelo Ioannes Baptista, quando dicebat:

bat: Progenies viperarum quis demonstrauit vobis fugere a ventura ira, &c. Matt. 3. & simile Luc. 3. Itē quando arguebat Herodem. Matt. 14. & Mar. 6.

Dure increpabat Dominus Scribas, & Phariseos hypocritas, & specialiter. Matth. 23. In illo capitulo dixit eis septies: Vae vobis. Sciens Dominus Iesus Phariseos ipsum nequiter obseruare circumspiciens eos cū ira contristatus est super cecitatem cordis eorum. Mar. 3. 10. 8. Vos ex patre diabolo estis, &c. Pluries eiecit de templo Dominus vendētes, & emētes, quandoque cum flagello. 10. 2. quandoque cum duro verbo. Luc. 19. Domus mea, domus orationis est: vos autem fecistis eam speluncam latronum. Luc. 19.

Grandi zelo succensus est Petrus in Ananiam, & Saphiram, quando vidit, quod fraudauerant aliquid de pretio agri. Act. 5.

Ex ardenti zelo proueniebat sermo, quē dixit Stephanus Iudæis. Act. 7. Dura ceruice, & incircumcisi corde, & auribus, vos semper Spiritui sacho resistitis. quem Prophetarū nō sunt persecuti patres vestri, &c.

Resistenti Paulo & Barnabæ Bariesu pseudopropheta, dixit Paulus: O plene dolo, & omni fallacia fili diaboli, & inimice omnis iustitiæ, non desinis subuertere vias Domini rectas, &c. Act. 3.

Cum Paulus prædicaret Athenis, incitabatur spiritus eius in ipso, videns idolatriæ deditam ciuitatem, &c. Act. 14.

Specialiter apparet feruens zelus Pauli in epistola ad Galatas, vbi illos legalia obseruare volentes, arguebat, increpabat, obsecrabat. Idem. Rom. 9. 2. Corinth. 11. & ad Hebræos, quasi per totum.

#### *De zelo indiscreto. Cap. LII.*

**V**idens Iosue famulus Moyfi duos homines in castris prophetantes, dixit: Domine mi Moyfes prohibe eos. At ille dixit: Quid æmularis pro me, &c. Num. 11.

Abisai filius Saruiz, voluit amputare caput Semei maledicentis Dauid persecutionem Absalom perpetuenti: sed non permisit Dauid, vt aliquid mali inferretur illi. 2. Reg. 16.

Filij prophetarum coegerunt Eliseum, vt mitteret ad querendum dominum suum Eliam, ne forte spiritus Domini proiecisset eum in vnum montium, aut vallium. 4. Reg. 2.

Ionas fugere voluit a facie Domini, quando præcepit ei prædicare Niniuitis, & postmodum doluit, quando vidit quod ciuitas iuxta id quod prædixerat, non ruebat. Ionæ 1. & 4.

Cum ostēdisset Dominus discipulis oportere eum multa pati a principibus sacerdotum, & occidi, Petrus cœpit increpare illum, dicens: Absit a te Domine, non erit tibi hoc, &c. Matth. 16.

Multum zelabant Pharisei pro obseruatione sabbati, quando videbant Dominum die illa curantem infirmos. Matth. 12. Mar. 2. Luc. 6. & 13. Mar. 3. 10. 9. Item quando videbant eius discipulos spicas vellentes, & manibus confricantes. Matth. 12. Mar. 2. Luc. 6. Scribæ, & Pharisei amplius zelabant pro traditionibus suis, quàm pro diuinis mandatis. Matth. 15. Mar. 7. Item pro auro templi plus zelabant, quàm pro ipso templo, & pro dono altaris, plus quàm de ipso altari. Matth. 23.

Oblati sunt Domino paruuli, vt manus eis imponeret, & oraret; discipuli autem increpabant eos. Iesus autem ait: Sinite paruulos venire ad me, & cetera. Matth. 19. Mar. 10.

Cum effudisset Maria pretiosum vnguentum super caput Domini, quidam discipuli indigne ferebant, & fremebant in eam, propter perditionem vnguenti. Mar. 14.

Ioannes Apostolus prohibuit quendam elicientem demonia in nomine Domini Iesu, eo quod non sciret. S. Bon. Tom. 7. Pars iij.

**A** quebatur eum cum alijs discipulis, & ait ad illum Iesus: Nolite prohibere, qui enim non est aduersus nos, pro nobis est. Luc. 9.

Audientes Iacobus, & Ioannes quod Samaritani non receperant nuntios Domini, dixerunt: Domine vis dicimus, vt ignis descendat de cælis, & consumat illos. Et conuersus Dominus increpauit illos, & dixit: Nescitis cuius spiritus estis. Luc. 9. Arguit Dominus Petrum, qui amputauerat autem seruo principis sacerdotum, eo quod tunc non erat tempus potentiz ostendendæ, sed patientiz exhibendæ. Matth. 26. Luc. 22.

**B** Apparet discipulos Ioannis Baptistæ zelasse contra Dominum pro magistro, quando dixerunt ei: Rabbi qui erat tecum trans Iordanem hic baptizat, & omnes veniunt ad eum. Ioannes autem optime respondit eis. Ioan. 3.

Cum afferrentur de ciuitatibus diuersi infirmi, & a Petro curarentur exurgens princeps sacerdotum, & omnes qui cum illo erant repleti sunt zelo. Act. 5. Emulator erat paternarum traditionū Saulus supra multos cœtaneos suos, quando deuastabat Ecclesiam per domos intrans, & trahens viros ac mulieres trahēbat in custodiam: vnde & accepit litteras a principe sacerdotū ad synagogas, quæ erant in Damasco, vt si quos inueniret ibi, qui inuocarent nomen Christi vinctos perduceret Hierusalem. Act. 8. & 9.

Videntes Iudæi quod pene vniuersa ciuitas conuenerat audire verbum Dei, quod Paulus, & Barnabas prædicabant, repleti sunt zelo, & contradicebant his quæ dicebantur a Paulo, blasphemantes. Act. 13.

Venienti Hierosolymam Paulo dixerunt ei fratres: Vides quot millia sunt in Iudæis qui crediderunt, & omnes æmulatores sunt legis. Act. 21. Et de talibus dicit ipse Paulus. Rom. 10. Testimonium quidem perhibeo illis, quod æmulationem quidem Dei habent, sed non secundum scientiam.

#### *De prudentia, & discretionē. Cap. LIII.*

**A** Braham veniens in Ægyptum de vxore sua prudenter, & caute celauit veritatem, nec tamen asseruit falsitatem, dicens: Soror mea est. Genes. 12. Simile accidit ei, quādo venit ad Abimelech. Gen. 20. Prudenter separauit se Abraham a Lot, ne pastores eorum adinuicem litigarent. Gen. 13.

Discretē dimisit Abraham filijs suis, dum viueret, portiones, ne post mortem suam adinuicem concertarent. Gen. 25.

**E** Rebecca sagaciter instruxit filium suum Iacob, vt benedictionem patris consequeretur, & fecit eum recedere de partibus illis, donec requiesceret furor fratris. Gen. 27.

Artem arte delusit Iacob pulchre, quando volebat ei dare Laban mercedem pro seruitio competentem. Genes. 31.

Sagaciter egit Iacob, quando debuit obuiare irato fratri, quia munera misit ei, res suas diuisit, ne vno furoris impetu totum perderet, & res minus dilectas maiori exposuit periculo. Gen. 32.

**F** Prudenter locutus est Ioseph coram Pharaone exponendo somnium, & contra futuram famem dando consilium. Gen. 41.

Ioseph fratres suos caute reprehendit, & eis timorem incussit. Gen. 44.

Bonum consilium, & discretum dedit Iethro Moyfi cum dixit: Prouide viros potentes, & timentes Deum, &c. Exod. 18.

Antequam Moyfes inuaderet terram Promissionis misit exploratores illuc, ad considerandum conditiones eius. Num. 13.

Exploratores quos misit Iosue prudenter latuerunt, donec illi, qui quærebant eos ad propria redierunt, Iosue 2.

Magna sagacitate visus est Iosue insidias ponendo

Vu 3 iuxta

iuxta ciuitatem Hai, & fugā postea simulando. Ios. 8. A

Callide cogitantes Gabaonitæ voluerunt decipere Iosue, sed ille eos discrete in seruitutē redegit. Ios. 9.

Phinees, & alij nuntij ad filios Ruben missi discrete locuti sunt, & illi eos verbis prudentissime placauerunt. Iosue 22.

Aod portans munera Eglon ipsum astute decepit. Iudic. 3.

Gedeon percussit castra hostium, qui secum erant, & nihil aduersi suspicabantur. Iudic. 8.

Iephthe per nuntios prudenter significauit regi filiorum Ammon, quod indicebat ei bella non iusta; sed postea indiscretum fecit votum. Iudic. 11.

Caute deprehendit Iephthe, qui essent Ephratzi, & qui Galaaditæ dicendo Scibboleth, illis Sibboleth. Iudic. 12.

Filij Israel pugnantes contra illos, de Benjamin fugam arte simulauerunt, & sic eos a ciuitate eiecerunt, & penitus debellauerunt. Iudic. 20.

Dicentibus quibusdam de Saule: Num saluare nos poterit iste? & despicientibus eum, ille dissimulabat se audire. 1. Reg. 10.

Magnę prudentiæ fuit, quādo Dauid armatus armis Saulis cōpit tentare si sic posset incedere. 1. Reg. 17.

Egre diebatur Dauid ad omnia quæcumque misisset eum Saul, & prudenter se gerebat. 1. Regum 18. Dauid coram Achis simulauit se fatuum, & quasi furentem, vt posset fugere ab eo. 2. Reg. 21.

Abigail prudenter placauit Dauid iratum contra Nabal virum suum. 2. Reg. 25.

Arguere volens Nathan propheta, Dauid pro excessu commissio in Vriam, & uxorem eius, aptam parabolam de diuite qui abstulit ouem pauperi prudenter assumpsit. 2. Reg. 12.

Prudenti cautela vsus est Ioab ad hoc, quod per mulierem sapientem Thecuitem faceret Absalom reuocari. 2. Reg. 17.

Prudenter ratiocinatus est Chusai, quando dissipauit consilium Achitophel. 2. Reg. 17.

Sapiens mulier fecit recedere Ioab ab obsidione ciuitatis. 2. Reg. 20.

Audiens Bersabee quod Adonias volebat regnare pro patre, sapienter locuta est ad Dauid pro se, & pro filio suo Salomone. 2. Reg. 1.

Discretionem, & sapientiam postulauit Salomon, quod multum placuit Domino, & cum sapientia multa alia ei concessit. 3. Reg. 3.

Salomon prudenter iudicauit inter duas mulieres de vnico filio contententes. 3. Reg. 2.

Rex Roboam respondit populo dura, bono, & discreto consilio seniorum derelicto, quod ei dederant, & locutus est ei, & secundum consilium iuuenum, imprudenter egit. 3. Reg. 12.

Reprehensus Ahab regem Israel, vir quidam de filiis Prophetarum parabolam de viro cōmendato, & male custodito discrete proposuit, per quem rex Israel ille peccatum suum manifeste cognosceret. 4. Reg. 20.

Studiose egit Iehu prophetas Baal honorare se fingens, & postea illos occidit, & altare Baal destruxit. 4. Regum 10.

Ezechias rex Iuda discrete prohibuit, ne populus nuntijs regis Assyriorum dicentibus blasphemias responderet. Non enim expedit populum fidelem contra litigantes infideles disputationes habere. 4. Regum 18. & Isa. 36.

Nuntij quos misit Ezechias ad Rapfacem, caute petierunt, vt ille loqueretur Syriace, ne populus illum intelligeret, & timeret. 4. Reg. 18.

Ioiada pontifex volens constituere regem in Hierusalem Ioas filium Ioram, valde caute se habuit, & prudenter. 1. Paralip. 23.

Ezechias intelligens regem Assyriorum Hierusalem aduenturum, obturauit capita fontium, extra

urbem reparauit muros ciuitatis, bellatores suos optimis sermonibus confortauit, & deinde ad deprecandum Dominum se conuertit. 2. Paralip. 32.

Cum magna discretionē diligentia, & sollicitudine, Nehemias ædificauit murum in circuitu Hierusalem. Nehem. 2. 3. & 4.

Magnæ Sapientiæ verbum, & merito approbatum fuit illud quod dixit Zorobabel: Fortiores sunt mulieres, super omnia vincit veritas. 3. Esdr. 1.

Tobias credens se cito moriturum, dedit filio suo magnæ prudentiæ documenta, & inter alia dixit: Consilium semper a sapiente perquire. Tob. 4.

B Sapientiam magnam ostendit se habere Iudith in verbis, quæ dixit Iud. 8. Et postea dicitur: Quod serui Holofernis mirabantur ad sapientiam eius, & dicebat alter ad alterum: Non est talis mulier super terram in aspectu, in pulchritudine, & in sensu verborum. Iudith 11.

Cum magna prudentia requisituit Mardocheus Esther, vt succurreret populo Iudæorum, dicens: Si enim nunc silueris, per aliam viam liberabuntur Iudæi: & tu, & domus patris tui peribitis. Et quis nouit vtrum idcirco ad regnum veneris, vt in hoc tempore parareris? Esther 4.

C Danieli, & socijs suis dedit Dominus scientiam, & disciplinam in omni libro, & sapientia; Danieli autem specialiter intelligentiam visionum, & somniorum. Dan. 1.

Visiones Nabuchodonosor regis Babylonis Daniel exposuit sapienter. Dan. 2. & postmodum legitur, licet prius acciderit, de duobus senibus presbyteris quos mira prudentia contra innocentem Susannā, falsum dixisse testimoniū, deprehendit. Dan. 13. Innotuit Iudæ Machabæo, quod Nicanor venerat dolo, & quod volebat eum rapere caute, & subtraxit se Iudas, & noluit eum amplius videre. 1. Machabæorum 7.

D Cognouit Simon quod Tryphon cum dolo loqueretur, petens duos filios Ionathæ, & centum talenta argenti. Iussit tamen dari ne inimicitiam magnam fumeret ad populum, dicentem: Quia non misit argentum, & pueros propterea petijt. 1. Mach. 13.

Septem illi fratres cum matre sua in verbis, quæ sibi inuicem, & tyranno dicebāt, miram sapientiam se habuisse demonstrarunt. 2. Mach. 7.

Constituta fuit dies, in qua Iudas secrete cum Nicanore loqueretur. Præcepit autem Iudas armatos esse suos in locis opportunis, ne forte ab hostibus repente mali aliquid oriretur. 1. Mach. 14.

E Miræ discretionis, & prudentiæ Beatam Virginem fuisse apparet in colloquio, quod habuit cum Angelo. Luc. 1. Cogitabat qualis esset ista salutatio, quomodo fiet istud, & cetera.

Cum remansisset in Hierusalem duodenis puer Iesus inuentus est in medio doctorū, audiens illos, & interrogans. Sequitur, quod stupebant omnes, qui eum audiebant super prudentia, & responsis eius. Luc. 2.

Laudauit Dominus villicum iniquitatis, quia prudenter fecisset, &c. Luc. 16.

F Pulchre delusit Dominus curiosam interrogationem sacerdotum, & seniorum populi Iudæorum ab eo quærentium, in qua potestate illa mirabilia faciebat. Ait ei: Interrogabo vos, & ego, &c. Matth. 21.

Cum Paulus Apostolus fuisset cum Sila socio eius in carcere positus, in crastino miserunt magistratus principes, vt dimitteretur. Paulus prudenter dixit eis: Casos nos publice indemnatos homines Romanos miserunt in carcerem, & nunc occulte nos eiciunt. Act. 16.

Commota, & confusa ciuitate Ephesi, Paulus prudenter, & humiliter acquieuit cōsilio amicorum, qui rogauerunt eum, ne daret se in theatrum. Act. 19. Vbi etiā apparuit prudentia illius Scribæ, qui pulchre sedauit populum sic cōmotum, & remisit ad domū.

Cum

Cum iussisset Tribunus Paulū cædi flagellis, & torqueri, dixit Paulus astanti sibi Centurioni: Si hominem Romanum indemnatum licet vobis flagellare? Et discesserunt ab eo, qui eum torturi erant. Act. 22.

Cum vellet Paulus de Græcia nauigare in Syriam, & intelligeret sibi a Iudæis paratas esse insidias, caute declinavit, & reuersus est per Macedoniam, nec recusauit comitatum quem fecerunt ei fratres diuersarum ciuitatum. Act. 20.

Sciens Paulus, quia vna pars esset Phariseorum, & alia Saduceorum exclamauit dicens: Viri fratres ego Phariseus sum filius Phariseorum. Factus est autem clamor magnus, & surgentes quidam Phariseorum, pugnant pro eo, &c. Act. 23.

Postea cum audisset, quod quidam Iudæi vouerāt se nihil gustaturos, donec occiderent Paulum, fecit hoc nuntiari Tribuno, qui misit eum cum multis armatis ad Felicem Syriæ præsidem. Act. 23.

Cum festus præses vellet Paulum in Ierusalem reducere ad instantiam Iudæorum, & ibi eum audire, Paulus prudenter aduertens eorum malitias Cæsare appellauit. Act. 26.

*De astutia & calliditate mala. Cap. LIV.*

**P**rimum magistrum astutiae, & calliditatis patet fuisse diabolum in serpente, qui cum callidior esset cunctis animantibus primam mulierem seduxit. non enim voluit aggredi primum hominem, quem sciebat maiori discretionem donatum. Gen. 3.

Multriens voluit Laban seducere Iacob nepotē suum, modo in vxore, modo in mercede. Gen. 29. & 30. sed Dominus in fraude circumuenientium illi affuit. Sap. 10.

Cum scrutaretur Laban supellectilem Iacob, & veniret ad tētorium Rachel, illa sollicitudinem querentis astute delusit. Gen. 31.

Sciētes ob stuprum sororis suæ Dinæ filij Iacob callide suaserunt Sichem, & ciuitatis populum circumcidi. quo facto irruerunt in eos, & facilliter occiderunt. Gen. 34.

Filij Iacob voluerunt decipere eum, quando tinxerunt tunicam Ioseph in sanguine hœdi, mittētes, qui diceret ei: Hanc inuenimus, vide vtrum tunica filij tui sit, an non. Gen. 37. Diuerfas excogitauit astutias Pharaō Rex Aegypti ad hoc vt filios Israel totaliter extirparet. Exo. 1. Ad hoc etiam vt eos in Aegypto retineret, & nullatenus recedere pateretur. Exo. 5.

Malefici Pharaonis quantum ad duo signa prima fecerunt per incantationes suas, sicut fecerat Moyses. Exod. 6.

Malitiose locuti sunt Chore & complices eius, quādo steterunt contra Moysen, & Aaron dicentes: Sufficiat vobis; quia omnis multitudo Sanctorum est, & in ipsis est Dominus, cur eleuamini super populum Domini. Num. 16.

Videns Balach Rex Moabitarum, quod fortitudine filios Israel non poterat vincere, voluit eos superare maledictione Balaam. Num. 22.

Gabaonitæ audientes, quæ fecerat Iosue Iericho, & Hai, callide cogitauerunt, quomodo possent ita facere, quod non totaliter deleterentur. Ios. 9.

Cauerant Philistij, ne fabri ferratij in omni terra Israel inuenirentur, ne forte Hebræi facerent gladium, vel lanceam. 1. Reg. 13.

Saul inuidens proficienti Dauid, dixit de filia sua Michol, quam Dauid habere volebat: Dabo eam illi; vt fiat ei in scandalum, & sit super eum manus Philistinorum. Dixit ergo Saul ad Dauid, in duabus rebus eris gener meus hodie, &c. 1. Reg. 18. Per magnam astutiam voluit Dauid celare iniquitatē suam, quādo misit pro Vria, vt dormiret eum vxore sua. 1. Reg. 11.

Nefandam iniquitatem docuit Amon filium Dauid Ioadab filius Sennaa, quando dixit ei, vt languos-

rem simularet, & sic Thamar sororem Absalon, de qua tentabatur, saluus habere posset. 2. Reg. 13.

Cum vellet Absalon vindicare iniuriā sororis suæ, quam oppresserat Amon frater eius, fecit parari grande conuiuium, & fratrem suum inuitauit, & dum comederet, eum occidi fecit. 2. Reg. 13.

Ambiens Absalon regnū patris cœpit malitiose populo adulari, & facta patris vituperans seipsum bene iudicaturum iactabat. 2. Reg. 15.

Dixit Ieroboam in corde suo, Nunc reuertetur regnum ad domum Dauid, si ascenderit populus iste, vt faciat sacrificium in domo Domini in Ierusalem, &c.

excogitato consilio, fecit duos vitulos aureos, &c. 3. Reg. 12. Achab Rex Israhel dixit quædam generalia verba nuntijs Benadad Regis Syriæ suos, & sua liberaliter offerendo, ex quibus ille astute voluit eum grauari nimis ad specialia descendendo. 4. Reg. 20.

Sedechias filius Canaam Propheta Baal fecit sibi cornua ferrea, quasi esset verus Propheta dicens Regi Achab: Hæc dicit Dominus, ijs ventilabis Syriam donec deleas eam. tandem sefellit eum, & fecit eum ire ad bellum. 4. Reg. 22.

Currens Giezi post Naaman callide colorauit petitionem suam, quando dixit: Dominus meus misit me ad te dicens: Modo venerunt ad me duo adolescentes de filijs Prophetarum, &c. 4. Reg. 5.

Scelerata Iezabel crudeli astutia vsa est ad hoc, vt vineā Naboth acquireret viro suo. 3. Reg. 21.

Athalia mater Ochoziæ Regis Iuda, vidēs mortuum filium interfecit omne semen regium, & sic regnauit super terram sex annis. 4. Reg. 11.

Loquebatur alta voce Rapsaces nūtijs Sennacherib regis Assyriorum, vt audiret eum, & timeret populus, qui erat super murum. 4. Reg. 18.

Dum Abia rex Iuda exercitum suum confortaret, & aduersarios increparet, Ieroboam Rex Israel retro moliebatur insidias, cumque ex aduerso hostium staret ignorantē Iudā suo ambiebat exercitu. 1. Paral. 13.

Varias excogitauerūt astutias vicini filiorum Israel qui redierant de captiuitate Babylonis ad hoc vt impediretur ædificatio templi, & murorum ciuitatis Ierusalem. 1. Esdr. 3. similiter Nehe. 4. & 6.

Superbissimus Aman videns, quod Mardocheus ipsum adorare nolebat occasione eius, suasisit regi per inuidiā, vt totus Iudæorū populus deleteretur. Hest. 3.

Quia Satan non poterat coram Deo virtutes sancti Iob omnino negare, voluit intentionem eius callide deprauare dicēs. Iob 1. Numquid frustra Iob timet Deum, &c. Nota etiam ibi quomodo vno die totum ei diabolus abstulerit, & simul nuntios venire fecit, vt multiplici dolore per impatientiam frangeretur.

Principes & satrapæ regni Persarum procurauerūt, vt Darius statueret decretum, propter quod cogitauerunt Daniele omnino interficere, vt hac arte ipsum a rege possent auertere. Dan. 6.

Duo senes presbyteri detestandā adinuenerunt nequitiam, vt possent Susannam decipere, & postea se de ea crudeliter vindicare. Dan. 12.

Plenus malignitate Alcimus accessit ad Demetriū regem, & accusauit Iudam Machabæum in multis. 1. Mac. 7. Deinde vt narratur. 2. Mac. 14. Oblulit regi coronam auream, & alia quædam dona, & ipsa quidē die siluit, & postea tantum dixit, & fecit, quod rex summum sacerdotem eum constituit.

Iason misit Menelaum portantem pecunias Antiocho regi, at ille Menelaus commendatus regi in semetipsum retorfit summum sacerdotum supponens Iasoni talenta argenti trecenta. 2. Mac. 4.

Herodes clā vocatis Magis diligēter didicit ab eis tempora stellæ, quæ apparuit eis, & mittens eos in Bethlehēm dixit: Ite & interrogate diligenter de puero, &c. Matt. 2. Qua vero intentione hoc diceret, apparuit in occisionibus puerorum.

Pharisei volentes capere Dominum in sermone mis-

miserunt ad eos discipulos suos cum Herodianis dicentes: Magister scimus, quia verax es, &c. Matt. 22.

Varios circuitus fecerunt Pharisei, ut possent facere confiteri illum cæcum natum, quod non esset illuminatus a Christo. Io. 9.

Principes Iudæorum custodibus sepulchri dederunt pecuniam copiosam, ut dicerent eum de nocte furto fuisse sublatum. Matt. 28. Ananias conscia vxore sua Saphira fraudauit de pretio agri venditi. Act. 5.

Samaritani attendebant ad Simonem Magum, eo quod magicis artibus suis multo tempore eos dementerasset. Act. 8.

Videntes Iudæi, quod verbum Dei disseminabatur per Paulum & Barnabam concitauerunt religiosas mulieres, & honestas, & primos ciuitatis Antiochenæ, & excitauerunt persecutionem in illos, & eiecerunt eos de finibus suis. Act. 13.

Cum Paulus & Barnabas essent in ciuitate Lystris, & tantam haberent ibi gratiam, quod homines ipsis tamquam dijs sacrificare voluerunt, superuenerunt quidam Iudæi, qui taliter persuaserunt turbis, quod Paulus fuit ibi lapidatus, & extra ciuitatem tractus mortuus esse putabatur. Act. 14.

Quæstuarij quidam cum puella spiritum Pythonem habente volentes conqueri de Paulo, non dixerunt, quod per eum amiserant quæstum suum, sed mentiendo dixerunt: Hi homines conturbant ciuitatem nostram & annuntiant morem, quem non licet nobis suscipere, neque facere, cum simus Romani. Act. 16.

Iudæi malitiose cogitauerunt petere a Tribuno, ut Paulum perduceret in medium, quasi aliquid certum inquisitus esset ab eo. Insidiabantur autem ei multi, qui volebant statim interficere eum, & ad hoc etiam se obligauerant per votum. Act. 23.

#### De eruditione filiorum. Cap. LV.

**A** Vdiens Iacob somnia Ioseph, increpabat eum ne forte contra se fratrum suorum inuidiam suscitareret. Gen. 37.

Negligentiâ filiorum arguebat Iacob audiens, quod alimenta venderentur in Aegypto. Gen. 42.

Blasphemus in heremo lapidatus fuit filius mulieris Israelitidis de viro Aegypto generatus. tales enim filij male frequenter instruuntur. Leuit. 24.

Præcepit Dominus per Moysen, ut filij Israel docerent filios suos ea quæ ipsi viderunt. Deut. 4.

Contumax filius, & proteruus, & parentum imperio obedire contemnens præcipitur a Moysen per populum lapidari. Deut. 21.

Heli sacerdos male correxit filios suos. 1. Reg. 2: & ideo tam ipse, quam illi a Domino sunt puniti. 1. Reg. 4.

Adonias filius Agith male fuit a patre suo Dauid correctus, & idcirco in superbiam elatus regnare voluit. 2. Reg. 1. sed tandem a fratre suo regnante occisus fuit. 2. Reg. 2: Propinquans ad mortem Dauid diligenter instruxit Salomonem filium suum, qui regnare debebat post eum. 2. Paral. 28.

Tobias Senior filium suum ab infantia timere Dominum docuit, & abstinere ab omni peccato. To. 1. Deinde cum se cito crederet moriturum pie, & salubriter instruxit eum. To. 4. & similiter instante morte sua. To. 14.

Parentes Saræ vxoris Tobiz iunioris dimiserunt ire filiam suam cum viro suo, monentes eam honorare soceros, diligere maritum, regere familiam, gubernare domum, & seipsam irreprehensibilem custodire. Tob. 10. Magnam sollicitudinem gerebat Iob de filiis suis, qui cum simul comedissent, offerebat holocaustum pro singulis, ne forte peccassent. Iob. 1.

Parentes Susannæ cum essent iusti, erudierunt filiam suam secundum legem Moysi. Dan. 2.

Cum appropinquaret morti Mathathias, filios suos

salubriter instruxit, & contra impios animauit. 1. Mac. 2.

Supra modum mater mirabilis, quæ pereuntes septem filios sub vnus diei tempore conspiciens, singulos horrabatur patria voce dicens: Nescio qualiter in vtero meo, &c. 2. Mac. 7.

*Quod bonis consilijs non acquiescere periculosum est.*  
Cap. LV I.

**A** Ngeli qui apparuerunt Lot, dederunt ei bonum consilium, ut exiret de Sodomis, & generos suos educeret, nequaquam post tergum respiceret, sed in monte saluum se faceret, qui dixit generis suis, qui accepturi erant filias suas, ut egredierentur, sed visum est eis, quasi ludens loqui. Generi ergo Lot nolentes exire de medio prauæ gentis, perierunt cum ipsis Sodomitis. Vxor autem eius retro respiciens versa est in statuam salis. ipse etiam Lot, qui iuxta consilium, Angeli noluit statim in montem ascendere, cum proprijs filiabus peccauit. Gen. 19.

Ruben bene cōsultuit fratribus suis, ut Ioseph redderetur patri. Gen. 37. qui non acquieuerunt ei, & idcirco venit super eos tribulatio. Gen. 42.

Filij Israel volentibus ascendere ante tempus ad locum, de quo locutus fuerat Dominus, ait Moyses. Non enim est Deus vobiscum. Amalecites, & Chanaanæ ante vos sunt, quorum gladio corruetis, eo quod nolueritis acquiescere Domino, &c. Num. 14.

Post scelus perpetratum in vxore Leuitæ conuenerunt filij Israel, & miserunt nuntios ad tribum Beniamin, qui dicerent, cur tantum nefas in vobis repperit, tradite homines, qui hoc flagitium perpetraverunt, &c. qui noluerunt audire, propter quod omnes postea exceptis paucis fuerunt occisi. Iudic. 20.

Dixit Abner Asaeli, ut desisteret ab insecutione ipsius, qui hoc audire contempsit. Abner autem ipsum aduersa hasta transfodit. 1. Reg. 2.

Roboam filius Salomonis noluit audire consilium senum, sed consilio iuuenum acquieuit, & ideo magnam populi partem amisit. 4. Reg. 12.

Bonum & fidele consilium dedit Achior Holoferni, quod ille cum superbia, & indignatione contempsit, qui post paululum fuit occisus, & exercitus cum damno & confusione fugatus. Iudit. 5.

Godoliz quem rex Babylonis præfecerat terræ Iudæorum nuntiavit fideliter Iohanam filius Caree, quod Ismael filius Mathaniæ volebat eum occidere, qui respondit ei: Falsum loqueris de Ismaele. In mense autem septimo venit Ismael, & occidit Godoliam, postquam comederat cum illo. Ier. 41.

Consiliū meū placeat tibi, & peccata tua eleemosynis redime. ait Daniel Nabuchodonosor regi Babylonis, qui non acquieuit, & muratus est in bestia. Dan. 4.

Videns in Galaad Iudas Machabæus relinqui Ioseph, & Azariam duces populi, præcepit illis dicens: Nolite bellum committere aduersus gentes, donec reuertamur. Illi vero voluerunt sibi facere nomen, & perdidērunt, & res & nomen. 1. Mac. 5.

Habebat secum Iudas Machabæus octingentos viros, aduersarij autem erant vigintiduo millia, & avertēbant eum socij ne pugnarent tunc, sed alias exercitū congregato: qui noluit acquiescere eorum consilio, & in illo bello cecidit, & ceteri fugerunt. 1. Mac. 9.

Bonum consilium dedit vxor Pilati viro suo, sed ille acquiescere recusauit magis timens Cæsarem offendere, quam iustum sanguinem condemnare. Mat. 27. & Io. 9.

#### De suspitione falsa & credulitate. Cap. LVII.

**C** Ogitaui Abraham, quod forsitan non erat timor Dei in Geraris, & quod homines illius terræ deberent illum occidere propter vxorem suam. Gen. 20. Simile accidit Isaac. Gen. 26.

Suspi-



Suspensus est Laban, quod Iacob furatus esset. deos eius, & ob hanc causam scrutatus est totam suppellectilem ipsius. Gen. 31.

Videns Iacob vestimenta Ioseph sanguine cruenta, putauit eum esse mortuum, & a fera pessima deuoratum. Gen. 37.

Præcepit Ioseph dispensatori suo, vt introduceret fratres suos domum ad comedendum secum, at illi exterriti crediderunt, quod vellent eos subijcere seruituti. Gen. 43.

Rubenitæ & Gaditæ euntes ad possessiones suas ædificauerunt altare iuxta Iordanem. quo audito filij Israel turbati fuerunt, nescientes quare hoc fecissent illi, & putantes, quod vellent se ab eorum lege penitus separare. Ios. 22.

Cum isset Samson ad domum patris sui, socer eius putauit, quod odio haberet uxorem suam, & quod repudiaret eam, vnde tradidit eam alij viro. Iud. 15.

Heli videns Annam labia mouere, & nullum verbum extra proferre, æstimauit eam esse temulentam. 1. Reg. 1.

Quia Saul persequabatur Dauid, imponebat ipsi Dauid, quod & ipse persequeretur eum. vnde dicebat, quod filius suus Ionathas suscitauerat seruum suum insidiantem sibi, licet esset falsissimum. 1. Reg. 22.

Cum esset Dauid cū Achis rege Geth, quali custos capitis sui, Satrapæ dixerunt ad Achis, vt recederet Dauid, ne forte transfugeret ad Saulem. 1. Reg. 29.

Misit Dauid nuntios ad Hanon regem Ammon, vt consolarentur eum super patris interitu, principes autem illius putauerunt, quod venissent ad explorandum ciuitatem, non ad consolandum regem. 1. Reg. 10.

Postquam rex Assuerus turbatus fuit contra Aman, & ille iacebat super lectum Hester ad rogandum eam pro anima sua; imposuit ei rex, quod ipso præsentem volebat eam opprimere. Hest. 7.

Dum vellent Ieremias ire ad terram Benjamin comprehendit eum custos portæ, & imposuit ei, quod fugeret ad Chaldaeos. Ier. 37.

Nuntiante Ieremia voluntatē Domini populo terræ, qui remanserat post destructionem Ierusalem dixerunt ei; Mendacium tu loqueris, non te misit Dominus, sed Baruch filius Neeriz incitat te aduersum nos, vt tradat nos in manibus Chaldaeorum. Ier. 44.

Tortores qui Eleazarum ducebant ad supplicium in irā versi sunt propter sermones ab eo dictos, quos illi per arrogantiam dictos arbitrabantur. 2. Mac. 6.

Videntes discipuli Dominum ambulanti super mare, putauerunt phantasma esse, & præ timore clamauerunt. Matt. 14. Mar. 6. Io. 6.

Simon Phariseus videns mulierem peccatricem, ad pedes Domini stentem, ait inter se dicens: Hic si esset Propheta, sciret vtique, &c. Luc. 7.

Ad hoc quod nullus male sentiat de alio multum valet exemplum, quod adducit Saluator de iactante se Phariseo, & humili Publicano. Luc. 18.

Videntes Iudæi discipulos Domini post effusionem Spiritus sancti loquentes varijs linguis, dicebant quidam eorum, quia musto repleti erant. Act. 2.

Omnes discipuli Christiani timebant Paulum, post conuersionem suam non credentes, quod esset discipulus, donec Barnabas duxit eum ad Apostolos, & narrauit illis, quomodo in via vidisset Dominum, & quomodo in Damasco fiducialiter egit in nomine Domini Iesu. Act. 9.

Tribunus Lyfias videns Paulum a Iudæis tam male tractari quæsiuit ab eo, nōne tu es Aegyptius, qui ante hos dies tumultum concitasti, & eduxisti in deserto quattuor millia virorum sicariorum? Act. 21.

Vt viderunt barbari viperam pendentem in manu Pauli adinuicem dicebant, Vtique homicida est homo hic & æstimabant eum in tumorem conuertendū & subito casurum, & mori. Act. 28.

**A** Quod sancti viri permittunt fieri aliqua non libenter. Cap. LVIII.

**I**acob permisit abduci Benjamin filium suum, tenere dilectum, & hoc propter necessitatem victualium ad instantiam filiorum. Gen. 44.

Moyfes permisit dari libellum repudij odiosis vxoribus Iudæorum, quia scilicet timebat in eis vxoricidium. Deut. 24.

Considerato Dauid populo suo, constituit super eum tribunos, & centuriones. Dixitque rex ad populum: Egrediar, & ego vobiscum, & respondit populus:

**B** Non exibis, quia tu vnus pro decem millibus computaris, melius est igitur, vt sis nobis in vrbe præsidio. Ad quos rex ait: Quod vobis videtur hoc faciam. 2. Reg. 18.

Eliseus permisit quod filij Prophetarum quærent Eliam, ne forte spiritus Domini proiecisset eū, cum tamen sciret, quod illi laborabant in vanum. 4. Reg. 2.

Cognouit Simon, quod Tryphon cū dolo loqueretur petens duos filios Ionathæ, & centum talenta argenti, iussit tamē dari argentū & pueros, ne forte aduersum se inimicitias populi concitaret. 1. Mac. 19.

*De iustitia & aequitate. Cap. LIX.*

**A**braham volens separari a Lot nepote suo, dedit ei optionem, vt eligeret partem quam vellent. Gen. 13. & sic pulchre potest partitiō fieri, vt maior diuidat, & minor eligat. Testimonio Domini iustam rem postulauerunt filiz Salphaad quæ in hereditate paterna succedere a Moyse petierunt. Num. 27.

Rex Adonibezzech comprehensus a filiis Israel dixit, Septuaginta reges amputatis manuum ac pedum summitatibus collegerunt sub mensa ciborum reliquias, sicut feci, ita reddidit mihi Dominus. Iud. 1.

Adducto Agag rege Amalech coram Samuele, ait ei Samuel: Sicut fecit absque liberis gladius tuus, sic absq; liberis inter mulieres erit mater tua. 1. Reg. 15.

Dixit Dauid ad Saul, qui eum iniuste persequabatur: Dominus retribuet vnicuique secundum iustitiam suam & fidem. 1. Reg. 25.

Constituit Dauid, & quasi pro lege habitum est, vt æqua esset pars descendens ad prælium, & remanentis ad farcinas. 1. Reg. 30.

Dauid noluit gratis recipere ab Areuna Iebusæo arcam, quam habere volebat, sed iusto pretio median- te. 1. Reg. 24.

Audiens hæc dum balantem Tobias dixit: Videre ne furtiuus sit, sed reddite eum dominis suis, quia non licet vobis aut edere ex furto, vel aliquid contingere. Tob. 2.

Præcepto regis Assueri superbus & iniquus Aman suspensus est in illo eodem patibulo, quod ipse parauerat Mardocheo, & hostes Iudæorū eodem die ab ipsis Iudæis occisi sunt, quo illi Iudæos occidere putauerant. Hest. 7. & 8.

Contra Babylonem prophetans Ieremias ait: Reddite ei secundum opus suum, iuxta omnia quæ fecit, facite illi. Ierem. 50.

Inbente Dario rege viri qui accusauerunt Danielē, missi sunt in lacū leonum, & non peruenerunt vsque ad paupimētum laci, donec acciperet eos leones. Dan. 6. Simile accidit alia vice, de qua. Dan. 14.

Fecit populus duobus presbyteris senibus, qui ini- que accusauerunt Susannam, sicut male egerant aduersus proximam, & interfecerunt eos. Dan. 13.

In eodē loco in quo Andronicus occiderat iniuste Oniam summum Sacerdotem, fecit eum purpura exutum vita priuari Antiochus. 2. Mac. 4.

Impius Iason qui insepultos abiecerat multos, ipse illamentatus & insepultus abiicitur, neque patriam, neque peregrinam habuit sepulturam. 2. Mac. 5.

Antio-

Antiochus homicida, & blasphemus pessime percussus, ut ipse multos tractauerat, peregre in montibus miserabili obitu vita defunctus est. 2. Mach. 9.

A seruo nequam, qui noluit conferuo suo centum denarios dimittere, merito repetijt Dominus vniuersum debitum, quod liberaliter dimiserat prius illi. Matth. 18.

*De iudicijs hominum rectis, aut prauis. Cap. LX.*

**C**ausam quam nescit iudex debet diligentissime inuestigare. Iob 30. Vnde Dominus quem nihil latere potest, dicitur descendisse, ut videret ciuitatem, quam edificabant filij Adam. Genes. 11. Infra Gen. 18. dicit ipse: Descendam, & videbo vtrum clamorem, &c. Iniuste praecepit Iudas Thamar nulum suum comburi. Gen. 38.

Dominus Ioseph nimium credulus verbis coniugis, misit eum in carcerem. Gen. 39.

Minora per minores iudices, & maiora per maiores debent diffiniri, iuxta id quod consuluit Iethro Moyse in deserto. Exod. 18.

De duodecim bobus, & sex plaustris, nullum dedit Moyses filiis Chaath, licet essent sibi propinquiore, sed totum dedit alijs Leuitis, eo quod isti amplius indigebant, qui grauiora portabant. Num. 7.

Consuluit Moyses Dominum occasione filiarum Salphaad. Et respondit Dominus: Homo cum mortuus fuerit absque filio, ad filiam eius transibit hereditas, &c. Num. 27.

Voluit Moyses, ut filij Ruben, & ceteri qui petebant terram iam acquisitam, armati praecederent alios ad bellum, donec terra alia esset penitus acquisita. Num. 31.

De filijs Samuelis dicitur. 1. Reg. 8. Declinauerunt post auaritiam, acceperuntque munera, & peruerterunt iudicium.

Iniuste protulit Dauid sententiam contra Miphiboseth absentem ad verbum Sibae ipsi Dauid xenia offerentis. 2. Reg. 6. Et nota, quod postea cognita veritate, noluit vquam sententiam penitus retractare. 2. Reg. 19.

Salomon recte iudicauit de duabus mulieribus, quarum quaelibet contendebat vnus pueri esse mater. 3. Reg. 3.

Constituit Iosaphat rex Iuda principes terrae precipiens eis; Videte quid faciatis. Non enim hominis exercetis iudicium, sed Domini, & quodcumque iudicaueritis, in vos redundabit, sit timor Domini vobiscum, &c. 2. Paralip. 20.

Ad suggestionem Aman rex Assuerus iniuste dixit de populo, Age quod placet tibi. Esther 3.

De iudicijs Israel dicebat Isaías: Principes tui infideles, socij furum, omnes diligunt munera, sequuntur retributiones, pupillum non iudicant. Isa. 1.

Quia Hieremias a Domino missus prophetabat Hierusalem esse capiendam a Chaldaeis, dixerunt principes populi Sedeciae regi: Rogamus ut occidatur homo hic, qui respondit eis: Ecce ipse est in manibus vestris. non enim fas est vobis regem quidquam negare. Hiere. 38.

Nabuchodonosor rex Babylonis, iussit Sapientes Babylonis interfici, pro eo scilicet quod illi somnium quod viderat, non poterant indicare ei. Dan. 2.

Quamuis Darius rex Persarum innocentem sciret esse Daniele, tamen ad instantiam satraparum fecit eum mitti in lacum leonum. Dan. 8. Simile accipit. Dan. 14.

Discrete examinauit Daniel duos senes, qui contra Susannam iniquum tulerant testimonium. Dan. 13.

Cum superaretur Menelaus in iudicio coram Antiocho, per pecuniam quam promisit absolutus fuit, & accusatores eius iniqua morte dānauit. 2. Mach. 4.

Conquesti sunt Iudaei coram Antiocho rege, de iniqua morte Oniae. Contristatus autem Antiochus, licet aliās esset malus Andronicū purpura exutum in eodem loco, in quo ipsum Oniam occiderat, iussit vita priuari. 2. Mach. 4.

Nimis iniquum protulit Herodes iudicium, quando mittens occidit omnes pueros, qui erant in Bethlehē, &c. Matth. 2.

Ad petitionem vnus saltatricis fecit Herodes Tetrarcha Ioannem Baptistam in carcere decollari; cum tamen sciret eum virum iustum, & sanctum. Mar. 6.

Nicodemus dixit Phariseis: Numquid lex nostra iudicat hominem, nisi audierit ab ipso prius, & cognouerit quid faciat? Ioan. 7.

Nequissimum fuit iudicium, quo Pilatus dimisit Barabam homicidam, latronem, seditiosum, & Dominum Iesum voluntati tradidit Iudaeorum. Matth. 27. Luc. 23. Ioan. 19.

Sacerdotibus, & magistratibus templi denuntiatis Petro, & Ioanni, ne docerent aliquid in nomine Iesu Christi; responderunt Apostoli dicentes: Si iustum est in conspectu Dei, vos prius audire quam Deum, iudicate. Act. 4.

Cum Paulus eiecisset daemonium a puella pythionissa, accusatus fuit a dominis eius, quibus illa quæstum diuinando parabat; magistratus autē statim fecerunt Paulum, & Silam virgis caedi, & in carcerem mitti. Act. 16.

Iudaeis accusantibus Paulū, Gallio Proconsul dixit: Si esset iniquum aliquid, aut facinus pessimum o Iudaei, recte vos sustinerem. Si vero quaestiones sunt de nominibus legis vestrae, vos ipsi videritis; iudex horum nolo esse. Act. 18.

Princeps sacerdotum praecepit percutere os Pauli. Tunc ait Paulus: Percutiet te Dominus paries dealbate. Et tu sedens iudicas me secundum legem, & contra legem iubes me percuti? Act. 23.

Licet Paulus coram Felice praefide se rationabiliter excusasset, voluit tamen Felix gratiam preparare Iudaeis, & Paulum vinctum successori suo Festo reliquit. Act. 24.

Dixit Festus praefes: Non est consuetudo Romanis damnare aliquem hominem, priusquam is qui accusatur praesentes habeat accusatores, locumque defendendi accipiat ad abluenda crimina. Act. 25.

Festus volens acquiescere Iudaeis qui petierunt, ut Paulus Hierusalem mitteretur, dixit Paulo: Vis Hierosolymam ascendere, & ibi iudicari de his apud me? Respondens Paulus: Ad Tribunal Caesaris sto, &c. Caesarem appello. Tunc Festus cum concilio locutus, dixit: Caesarem appellasti? ad Caesarem ibis. Act. 25.

Auditis rationibus Pauli: Agrippa rex, & Festus praefes loquebantur adinuicem, dicentes: Quia nihil dignum morte fecit homo iste. Agrippa autem Festo dixit: Dimitti poterat homo hic, si non appellasset Caesarem. Act. 26.

*De poenitentia. Cap. LXI.*

**Q**uamdiu mansit Maria extra castra, non processerunt filij Israel per desertum. Num. 12.

Non enim est bonum ire per desertum huius vitae sine amaritudine poenitentiae.

Audiens populus filiorum Israel Dominum esse iratum, propter murmurationem eorum, luxit nimis, & in mane voluerunt plus facere, quam Dominus praeciperet eis. Num. 14.

Ad vocem Angeli improperantis populo peccatori beneficia Dei, eleuauerunt omnes vocem suam, & fleuerunt. Iudic. 2.

Dixerunt filij Israel ad Dominum, Peccauimus. tu redde nobis id quod placet, & omnia idola proiecerunt. Sequitur: Qui doluit super miserijs eorum. Iudic. 10.

Cito

Cito pœnituit David, quādo Nathan ipsum de crimine reprehendit. 2. Reg. 12.

Achab rex Israel sceleratissimus, operuit carnem suam cilicio, ieiunauitq. & dormiuit in sacco, & ambulauit demisso capite, & minorata est pœna digne illi pro criminibus infligenda. 4. Reg. 21.

Manasses rex Iuda victus catenis, & in Babylonem ductus egit pœnitentiam valde coram Domino, & reduxit eum Dominus in Hierusalem in regnum suum. 2. Paralip. 33.

Lamentante Esdra pro peccatis populi, dictum est ei: Si est pœnitentia in Israel super hoc, percutiamus, fœdus cum Domino Deo nostro, &c. 1. Esdr. 10.

Audita terribili potentia Holofernis, sacerdotes induerūt se cilicijs, & ex toto corde omnes orabant Dominū, vt visitaret populum suum. Iudith 4. Et in laude Iudith dicitur, quod habens super lumbos suos cilicium, ieiunabat omnibus diebus vitæ suæ, præter sabbata, & neomenias, & festa domus Israel. Iudith 8.

Quamuis Iob esset vir simplex, & rectus, & timens Deum, & recedens a malo, tamen dicebat: Ago pœnitentiam in fauilla, & cinere. Iob 42.

Instante captiuitate Hierusalem, dicebat Isaias: Vocauit Dominus in die illa ad fletum, & ad planctum, & ad caluitium, & ad cingulū sacci, &c. Isa. 22. C Niniuitæ crediderunt Domino ad prædicationem Ionæ, & prædicauerunt ieiunium, & vestiti sunt sacco a minore vsque ad maiorem. Ion. 3.

Appropiante exercitu Timothei, Machabæus & qui cum ipso erant precabantur Deum caput terra aspergentes, lumbosq. cilicijs præcincti ad altaris crepidinem prouoluti, vt sibi esset propitijs, & inimicis eorum inimicus. 2. Mach. 10.

Ioannes Baptista sanctificatus antequam ex vtero matris natus, a sanctis parentibus educatus fugit in desertum, & ibi tam austeram vitam duxit, quod dicebatur, neque bibens, neque comedens. Matth. 3. D Et addit Bernardus: Plane neque vestiens, quia pili camelorum non sunt vestis humana.

Quam libet recipiat Dominus peccatores ad pœnitentiam ex his apparet, quia prædicationem suam a pœnitentia legitur incepisse. Matth. 4.

Item ad hoc asserit se venisse. Luc. 5. Item hoc ipsum per opera demonstrauit exemplum de Maria, de Matthæo, de Zachæo, de Petro. Item per similitudines quas ponebat de oue, quæ periit in deserto: de drachma quam mulier perdidit in domo: de filio, quem pater reputabat mortuum, & postea suscitatus est. Luc. 15.

Maria Magdalena exemplo pœnitentiæ non iussit, venit ad Dominum: conuiuantes non erubuit, a retro secus pedes Domini stetit, inter epulas lacrymas obtulit. Luc. 7.

Vt induceret Dominus homines ad faciendum pœnitentiam ponit exemplum, de quibusdam super quos cecidit turris in Siloe, & occidit eos, & subdit: Si non pœnitentiam egeritis, omnes similiter peribitis. Luc. 13.

Ad exemplū ouis quæ perierat, vel drachme quam mulier perdidit, sed postea inuenta fuerunt, dicit Dominus gaudium magnum in cælo esse super vno peccatore pœnitentiam agente. Luc. 15.

Leuem & breuem pœnitentiam iniunxit Dominus mulieri in adulterio deprehensæ: dicens: Vade, & iam amplius noli peccare. Ioan. 8.

Videns Iudas quod damnatus esset Iesus pœnitentia ductus retulit triginta argenteos dicens peccaui, tradens sanguinem iustum. Matth. 27. bonum quidem dixit, sed quia desperauit, veniam non meruit.

Petrus peccauit negando Dominum in atrio principis sacerdotum, sed quando flere, & pœnitere voluit, foras exiuit. Matth. 26. Mar. 14. Et nota quod Luc. 22. Additum est: Conuersus Dominus respexit Petrum.

A Querentibus quibusdam Iudæis corde compunctis, quid faciemus viri fratres. Ait illis Petrus: Pœnitentiam agite, & baptizetur vnusquisque vestrum, &c. Act. 2.

Auditis rationibus Petri, quare iuerat ad Cornelium, & eum baptizauerat, tacuerunt fratres, & glorificauerunt Deum dicentes: Ergo, & Gentibus Deus pœnitentiam ad vitam dedit. Act. 9.

De honore parentum. Cap. LXII.

S Em, & Iapheth benedictionem patris commiserunt, quia nudato obsequium præbuerant. Cham vero in filio suo maledictus fuit, quia nuditatem derisit. Gen. 9.

Magnæ reputationis erat apud antiquos benedictio patris, vt patet in Iacob, & Esau, qui ambo ipsam tam sollicitè quæsierunt. Gen. 37.

Licet Esau esset malus homo reprobatus a Deo, & odio haberet fratrem suum Iacob, nolebat tamen occidere ipsum viuente patre suo Isaac, vnde dicebat: Venient dies luctus patris mei, &c. Gen. 27. In hoc deferens patri, & timens offensam eius.

Ad magnam pœnitentiam se obligabat Iudas cum dixit patri de Benjamin: Nisi reduxero, & reddidero eum tibi, ero peccati reus in te omni tempore. Gen. 43. Et notandum est quod prius 42. cap. dixerat Ruben: Duos filios meos interfice, si non reduxero eum tibi. & tamen pater non acquieuit illi: acquieuit autem Iuda dicenti prædicta verba. Idem Iudas postea supplicans Ioseph, vt Benjamin ad patrem remitteret, & inter cetera repetijt prædicta verba, quibus se obligauerat patri, & subiunxit: Non possum redire ad patrē absente puero, ne calamitatis quæ oppressura est patrem meū, testis assistā. Gen. 44.

Iacob benedicens filios, dixit contra Ruben: Effusus es sicut aqua non crescas, quia ascendisti cubile patris tui, maculasti stratum eius. Gen. 49.

Præcepit Dominus per Moysen. Deuter. 21. Si genuerit homo filium contumacem, & proteruum, &c. Sequitur, lapidibus eum obruet populus ciuitatis.

Reddidit Dominus malum quod fecerat Abimelech, contra patrem suum interfecit septuaginta fratribus suis. Iudic. 9.

Non audierunt filij Heli patrem ipsos corripientē. 1. Reg. 2. Ideo diuinam ultionē experti sunt. 1. Reg. 4.

Quia Ionathas gustauit paululum mellis contra inhibitionem patris, morti adiudicatus est a patre. E sed tamen a populo liberatus est. 1. Reg. 14.

David a facie Saul fugiens, & in magna necessitate existens, habuit curam parentum suorum, & commendauit eos diligenter, apud regem Moab. 1. Reg. 15. Et deinceps.

Venienti Berfabee matri Salomonis assurrexit rex, adorauitq. eam, & positus est thronus matri regis, &cet. 2. Reg. 2.

Duo filij Sennacherib occiderunt eum; sed tamen neuter eorum regnauit post eum. 4. Reg. 19.

Tobias senior instruens filium inter cetera dixit: Cum acceperit Deus animam meam, corpus sepeli, & honorem habebis matri tuæ. Tob. 4.

Eijciens Dominus de templo cum flagellis vendentes, & ementes oues, & boues, & numularios, dixit: Nolite facere domum Patris mei, domum negotiationis. Ioan. 2. In hoc, & aliàs multotiens honorem patris quærens.

De puero Iesu dicitur, Descendit cum illis, scilicet cum Maria, & Ioseph, & venit in Nazareth, & erat subditus illis. Luc. 2.

Ipse etiam dixit: Ioan. 8. Honorifico Patrem meum. Idem Dominus pendens in cruce, matrem suam dilecto discipulo commendauit. Ioan. 19. In quo apparuit, quam sollicitudinem gerebat de ipsa, qui in tali articulo existens de ea, taliter cogitabat.

De

*De gratijs agendis pro beneficijs Dei. Cap. LXIII.*

**S**ollicite gratias agebat Deo Iacob dicens. Gen. 32. Domine minor sū cūctis miserationibus tuis, &c.

Voluit Dominus, vt liberatio filiorum Israel de Aegypto numquam excideret de eorum memoria. Exo. 13. Erit quasi signum in manu tua, & quasi monumentum ante oculos tuos, vt lex Domini sit semper in ore tuo.

Fecerunt Moyses & filij Israel carmen Domino, & dixerunt: Cantate Domino, postquam scilicet tam mirabiliter transferunt mare rubrum. Exo. 15.

Obtenta de inimicis mirabili victoria venerunt ad Moysen principes exercitus Israel dicentes, quod nulus fuerat de filiis Israel in bello occisus, & tamen hominum & animalium rapuerunt magnam prædam. Nu. 31. & ob hanc causam donaria magna Domino obtulerunt.

Præcepit Dominus, vt post transitum Iordanis miraculosum ponerentur duodecim duri lapides in perpetuum monumentum. Ios. 4.

Post victoriam de Sisara habitam, Barach, & Debora Domino cecinerunt. Iud. 5.

Quamuis filij Israel in prælijs, vbi vincebant, fortiter dimicarent; tamen dicebatur Dominus percutere inimicos, vt laus Deo attribueretur. Iud. 20.

Audiens Dauid reuelationem, quam fecerat Deus Nathan Prophetæ de regni sui duratione, gratias egit valde humiliter, & deuote. 2. Reg. 7.

Oravit & laudauit Dominum Anna pro filio sibi dato. 1. Reg. 2.

Multum laudandus est Deus, quando dat populo bonum Principem, vel Prælaturum. 2. Reg. 5. Benedictus Deus, qui dedit Dauid filium sapientissimum su per hunc populum.

Cyrus Rex Persarum fecit clamari, Omnia regna terræ dedit mihi Deus cæli, &c. quis est in vobis de vniuerso populo eius? sit Deus cum ipso, & ascendat Hierusalem. 1. Esdr. 1.

Cū Tobias recuperasset visum ipse, & vxor eius, & omnes qui sciebant eum glorificabāt Deum. Tob. 11.

Omnis populus post victoriam de exercitu Holofernis habitam venit in Hierusalem adorare Dominū &c. Iudith 16.

Reuelata Danieli visione Nabuchodonosor regis Babylonis benedixit Deo cæli, & ait: Sit nomen Domini benedictū, quia sapientia & fortitudo eius sunt. Dan. 2.

Deuote & pulchre exsoluerunt laudes Deo illi pueri de fornacis incendio liberati, & non solum illi hac de causa gratias egerunt Deo, sed etiam Nabuchodonosor prædicari fecit mirabilia Dei in toto regno. Dan. 3.

Mundato templo, & altari erecto sub Iuda Machabæo adorauerunt & benedixerunt in cælum eum qui prosperauit eos. 1. Mac. 4.

Iudas Machabæus, & populus Hierosolymorū scripserunt Aristobolo, dicentes: De magnis periculis a Deo liberati magnifice gratias agimus ipsi, &c. 2. Mach. 1.

Deuicto Timotheo per Iudam Machabæum, & capto quodam forti præsidio; in hymnis & confessionibus benedicebant Dominum, qui magna fecit cum Israel. 2. Mac. 10.

Beata Virgo audita laude, quam dixit Elisabeth, Benedicta tu, &c. in vocem laudis prorupit pro beneficijs sibi, & toti mundo collatis. Luc. 1.

Quando volebat Dominus Iesus aliquod grande opus facere, frequenter legitur in cælum suspexisse, & gratias egisse, sicut patet in panis multiplicatione: Matt. 14. Io. 6. In Lazari suscitatione. Io. 11. In Eucharistiæ institutione. Matt. 26. Luc. 22.

Nato Iohanne Baptista Zacharias recuperato loquendi officio Deum prophetando laudauit, dicens: Benedictus Dominus Deus Israel. Luc. 1.

**A** Accepit Simeon puerum Iesum in vlnas suas, & benedixit Deum, &c. Luc. 2.

Videntes turbæ Paralyticū a Deo curatum glorificauerunt Deum, qui dedit potestatem talem hominibus. Matt. 9. Item filio viduæ suscitato, acceperunt omnes timorem, & magnificabant Deum, dicentes: Quia Propheta magnus, &c. Luc. 7.

Vnus illorum decem leproforum ad mandatum Domini mundatus regressus est, & cecidit in faciem suam ad pedes eius, gratias agens. Luc. 17.

Postquam cenauit Dominus cū discipulis suis subditur: Et hymno dicto exierunt in mōtem oliuarum. Matt. 26. Mar. 14.

Claudus a Petro sanatus intrauit cum Apostolis in templum ambulans & exiliens, & laudās Deum. Act. 3. sequitur postea quarto capitulo: Omnes glorificabant id quod factum fuerat. annorum enim erat homo ille plus quàm quadraginta.

Gratias agebat Paulus pro beneficijs sibi & alijs a Deo collatis, sibi quidem in sua cōuersione. 1. Tim. 1.

Gratias ago ei qui me confortauit in Christo, qui prius fui blasphemus & persecutor, & contumeliosus, sed misericordiā Dei consecutus sum. Item in sua cōuersione. 2. Cor. 2. Deo gratias qui semper triumphat nos in Christo Iesu, &c. Item pro beneficijs fratribus collatis gratias deuote agebat. Rom. 1. Primum quidem gratias ago pro omnibus vobis, quia fides vestra in vniuerso mundo annuntiatur. 1. Tess. 3. Quam gratiarū actionem possumus Deo retribuere pro vobis in omni gaudio quo gaudemus, &c. Item gratias agere in omnibus admonebat. Eph. 5. Gratias agentes semper pro omnibus, & 1. Tessal. 5. Semper gaudete, sine intermissione orate, &c.

*De gratitudine pro beneficijs ab homine acceptis. Cap. LXIV.*

**C**ū percussisset Abraham quattuor reges, & omnem substantiam, quam illi rapuerant, reduxisset, rex Sodomorum egressus est in occursum eius, & omnia obtulit ei animabus exceptis. Gen. 14. Vbi notandum est, quod licet Abraham oblata respuerit, tamen bene voluit, vt socij sui partem haberent de præda, tamquam eorum suffragio non ingratus.

Videns Laban iocalia, quæ seruus Abraham dederat Rebecæ sorori suæ, venit ad illū & dixit ei: Ingre dere benedictæ Domini, & eum in hospitio cum multa humanitate recepit. Gen. 24.

Postquam Iacob seruierat Laban auunculo suo multis annis, dixit ei Labā: Num quia frater meus es, seruiens mihi? &c. Gen. 29.

Pharao Rex Aegypti multum fuit gratus Ioseph pro expositione somnij sui, & eum magnifice subleuauit. Gen. 41.

Raguel Sacerdos Madian gratus fuit, pro eo quod Moyses filias eius defenderat, & ad gregē adaquandū iuuerat, vnde fecit eum vocari, vt comederet, & dedit ei filiam suam vxorem. Exo. 2.

Valde sollicitus fuit Iosue, ne Rahab qui nūcios ab eo missos absconderat, ciuitate Iericho ruente periret. Ios. 6.

Cum liberasset Gedeon Israel ab inimicis, dixerunt omnes ad eū: Dominare nostri tu & filius tuus, quia liberaisti nos de manibus Madian. Iudic. 8.

Dixit Noemi, commendans Booz, qui Ruth benigne viderat, benedictus sit a Domino, quoniam eandem gratiam quam præbuerat viujs, seruauit & mortuis. Ruth. 2.

Quia Cinæus bene se habuerat ad filios Israel percipit ei Saul, quando destruxit Amalech. 1. Reg. 15.

Dixit Dauid ad Abiathar, cuius pater dilexerat ipsum Dauid, Mane mecum ne timeas, si quis quæsierit animam tuam quæret & meam. 1. Reg. 22.

Misit Dauid nuntios ad viros Iabes Galaad, qui sepe-

pelierant corpus Saul, & filiorum eius; & gratias egit A  
eis. 2. Reg. 2.

Propter amorem Ionathæ filij Saul, inquisiuit Dauid, si erat aliquis superstes de genere eius, & constituit Miphiboseth filium Ionathæ conuiuiam mensæ suæ. 2. Reg. 9.

Regina Saba munera attulit Salomoni; ille vero dedit ei omnia, quæ petijt, exceptis ijs, quæ ultro obtulit ei munere regio. 3. Reg. 10.

Elias pie compassus est viduæ apud quam sustentabatur, & efficaciter orauit pro filio illius defuncto, ita quod ipsum a mortuis suscitauit. 3. Reg. 7.

Allegauit Abdias beneficium, quod contulerat B  
Prophetis Domini, quos absconderat, quando quærebantur ad mortem ad hoc scilicet, quod Elias ei nuntium periculosum iniungere non deberet. 3. Reg. 18. Ascensus in cælum Elias bene remunerauit discipulum suum Eliseum. 4. Reg. 2.

Mulieri Sunamitidi hospitiæ Elisei benigne obtulit, vt loqueretur pro ea regi, si apud illum haberet negotium. Item filium eidem impetrauit, & postea mortuum suscitauit. 4. Reg. 4.

Naamâ Syrus mundatus a lepra ad verbum Elisei, obtulit ei munera dicens, Obsecro vt accipias benedictionem a seruo tuo. 4. Reg. 5.

Accusatores Iudæorum miserunt epistolâ Arraxerxi regi, Memores salis, quod in palatio comedimus. Et quia læsiones regis videre nefas ducimus, idcirco misimus, &c. 1. Esdr. 4.

Tobias Iunior cum multa gratitudine retulit patri suo beneficia a Raphaelce percepta. Tob. 12.

Hester regina non fuit ingrata Mardocheo nutritori suo. Hest. 4. & 5.

Nabuchodonosor rex Babylonis audita expositione somnij sui per Danielelem, in sublime eum exulit, & magna munera dedit illi. Similiter Balthasar honorauit eum pro eo, quod exposuerat ei scripturam, quâ D  
in pariete viderat. Dan. 2. & 5.

Audiens Iudas Machabæus, quod Scythopolitæ bene se habuerant ad Iudæos in tempore tribulationis eorum, gratias egit eis, &c. 2. Mac. 12.

Seniores Iudæorū dixerunt Domino Iesū de Centurione pro seruo infirmo rogâte, Dignus est, vt hoc illi præstes. Diligit enim gentem nostram, & synagogam ædificauit nobis. Luc. 7.

Pie & plene recognoscebat Paulus beneficia sibi collata, vnde Gal. 4. Sicut Angelum Dei recepistis me, & si fieri potuisset oculos vestros eruissetis & dedissetis mihi. Itē Phil. 4. Repletus sum acceptis ab Epaphrodito, quæ misistis in odorem suauitatis, &c. Item 2. Timo. 1. Det misericordiâ Dominus Onesiphori domui, qui sæpe me refrigerauit, & catenam nō erubuit, &c.

Item pro Onesimo seruo Philemonis, qui ei ministrauerat in carcere, scribit eidem Philemoni, efficaces litteras.

*De ingratitude. Cap. LXV.*

PRæpositus pincernarū succedentibus prosperis oblitus est Ioseph interpretis sui. Gen. 40.

Vtiliter & fideliter seruiuit Iacob auunculo suo Laban, & ille multotiens noluit eum valere. Gen. 31.

Videns autem populus, quod moram faceret descendendi de monte Moyses dixit ad Aaron, Fac nobis Deos. Exo. 32. cito videbatur oblitus beneficiorū quæ receperat a vero Deo.

Filij Israel in deserto vertebatur in tædium cibus optimus sine labore de cælo datus, & flebant dicētes: Quis dabit nobis ad vescendum carnes? Num. 11.

Angelus Domini impropertauit filijs Israel beneficia a Deo collata, & quomodo illi abeuntes ruperant fœdus & transgressi erant Dei mandata. Iud. 2.

Multa beneficia recepit Saul a Dauid, & tamen ad S. Bon. Tom. 7. Pars iij.

occidendū eum modis quibus poterat laborauit. 1. Reg. 17. & post, quasi per totum.

Satiavit Dauid habitatores Ceilæ, & tamen voluerunt eum tradere in manus Saul ipsum persequentis. 1. Reg. 23.

Reddiderunt filij Ammon pro beneficio, & honore contumeliam, quando vituperauerunt nuntios Dauid, quos miserat ad consolandum regem eorum super patris interitu. 2. Reg. 10.

Ingrati fuerunt Dauid & Ioab Vriæ, quorum primus litteras mortis dedit, & alter crudeliter executus est. 2. Reg. 11.

Postquam Dauid renouauit Absalom filium suum, & pepercit ei super homicidio, quod commiserat in fratrem suum, surrexit ipse Absalom contra patrem suum. 2. Reg. 15.

Non fuit Dauid bene memor amicitia, quā contraxerat cum Ionatha, quando nimis cito filium suum, exheredauit. 2. Reg. 16.

Sublimauit Dominus Ieroboam super decem tribus, & statim ille libidine dominādī elatus populum auerit a cultu Dei. 4. Reg. 12.

Eliseus multa bona fecerat regi Israel, & toti populo, & tamen propter caritatem, quæ erat in terra præcepit caput eius amputari, sed Deus aliter ordinauit. 4. Reg. 6.

Non est recordatus Ioas rex Iuda misericordiæ, quam fecerat Ioiada pontifex secum, sed interfecit Zachariam filium eius arguentem illum, eo quod Dominum reliquisset. 2. Paral. 24.

Amasias rex Iuda diuino fretus auxilio vicerat Idumæos, & filios Seir, & tamen auferens Deos eorum adorauit illos. missus autem Propheta ad eum dixit: Cur adorasti deos, qui non liberauerunt populum suum de manu tua? 2. Paral. 25.

Ezechias nō iuxta quod acceperat, retribuit Domino. Eleuatum enim est cor eius, &c. 2. Paral. 32.

Multi bonitate principum & honore, qui in eos collatus est abusi sunt in superbiam, nec contenti sunt gratias non agere beneficijs, &c. Hest. 15.

Conquerendo dicit Dominus de populo Iudæorum. Isa. 1. Filios enutriui & exaltaui, ipsi autem spreuerunt me. & conuincit eos bestijs esse minus gratos subdens: Cognouit bos possessorem suum, & asinus præsepe Domini sui, Israel autem me non cognouit.

Multa & magna beneficia volebat Dominus facere Achaz regi Iuda, prout mandauit ei per Isaiâ, quæ tamen ille acceptare contempsit. Isa. 7.

Misit Ionathas fortes viros, qui liberauerunt regē Demetrium de manibus Antiochenorum, & postea alienauit se Demetrius a Ionatha, & non retribuit ei secundum beneficia, quæ sibi tribuerat & vexabat eum valde. 1. Mach. 11.

De decem viris leprosis a Salvatore mūdatis, vnus tantū regressus est magnificans Deum, & gratias agens. Luc. 17.

Ingrati fuerunt Paulo domini puellæ pythoniſsæ, a qua Paulus spiritum malum eiecit. magis enim doluerunt de quæstu amisso, quàm gauisi fuerint de damone expulso. Act. 15.

*Quod veritas odium parit. Cap. LXVI.*

BAlach rex Moab multum dolebat, quando Balaâ bona dicebat de filijs Israel, licet essent vera, nec eum honorauit, sicut honorasset, si ei placencia verba dixisset. Num. 24. Decreuerā quidē honorare te, &c.

Ioatham filius Gedeonis fugit a facie Abimelech, um dixisset verum de eo & de illis, qui male eum elegerant. Iud. 9.

Iratuſ est Saul contra Ionathan filium suum, quia ille excusabat Dauid, qui vere innocens erat erga ipsum Saul. 1. Reg. 20.

Xx Achab



Achab oderat Michæam prophetam, quia ille dicebat ei veritatem. 4. Reg. 22. Ego, inquit, odi eum, quia non prophetat mihi bonum, sed malum.

Cum increpasset Hanani propheta regem Asa, quia confusus erat in Benadad rege Syriæ, iratus est Asa, & iussit Videntem in neruum mitti. 2. Paral. 16.

Ad imperiū regis lapidatus est Zacharias filius Ioiaðæ, qui regem, & principes arguebat pro eo quod Dominum dereliquissent. 2. Paralip. 24.

Cum dixerat Achior magnalia quæ fecerat Deus pro filiis Israel, & magnam esse eius potentiam; irati sunt omnes magistratus Holofernis, & cogitabant interficere eum; Holofernes etiam indignatus est vehementer. Iudith 5. & 6.

Claudit Hieremiam prophetam in domum carceris Sedecias rex Iuda, dicens: Quare vaticinaris, &c. Hiere. 32.

Cum legisset Baruch verba, quæ scripserat ex ore Hieremiæ coram Ioakim rege Iuda, fecit rex in igne projici volumen, quia dicebatur ibi veritas de ciuitate Hierusalem capienda, & præcepit rex Baruch, & Hieremiam comprehendere; sed Deo volente tunc non fuerunt inuenti. Hiere. 36. Postmodum vero cum iterum prophetaret captiōem ciuitatis, missus fuit in lacum, ubi non erat aqua, sed lutum, & descendit Hieremias in cœnum. Hiere. 38.

Pro eo quod Daniel probauit Bel, & draconem non esse deos, Babylonij conuenerunt aduersus eum ad regem, & procurauerunt Daniel mitti in lacum leonum. Dan. 14.

Ex bonis & veris sermonibus Eleazari, hi qui eum trahebant ad supplicium, & pauloante fuerant mitiores, in iram versi sunt. 2. Mach. 6.

Quia Ioannes Baptista dicebat Herodi: Non licet tibi habere uxorem fratris tui; fecit eum Herodes in carcerari, & postea decollari. Matth. 14. Mar. 6.

Cum Dominus increparet de multis hypocritas Phariseos, cœperunt ei grauer inistere, & os eius opprimere de multis insidiantes ei, & quærentes rapere aliquid ex ore eius, vt accusarent eum. Luc. 11.

Pharisei cæco nato, a Domino illuminato maledixerunt, & extra synagogam eiecerunt, pro eo quod veritatem constantissime fatebatur. Ioan. 9.

Principes sacerdotum, audientes verba Apostolorum de doctrina Christi, dissecabantur, & cogitabant interficere illos, & cæsis denuntiauerunt, ne amplius loqueretur in nomine Iesu: & illi ibant gaudentes a conspectu concilij, quoniam digni habiti sunt pro nomine Iesu contumeliam pati. Act. 5.

Audientes Iudæi verba beati Stephani dissecabantur cordibus suis, & stridebant dentibus in eum, & eicientes eum extra ciuitatem lapidabant. Act. 7.

Multos & magnos habuit aduersarios beatus Paulus, pro verbis veritatis, & sobrietatis, quæ ipse hominibus loquebatur. Act. 9. Et deinceps. Item ad Gal. 4. Ego inimicus sum vobis verum dicens.

#### De mendacio. Cap. LXVII.

**P**rimum mendacium fuit a serpente prolatum, quando dixit mulieri: Nequaquam moriemini. Gen. 3.

Sara timore perterrita a risu semendaciter excusauit. Gen. 18.

Etiam fornicatores mendacium dicere dedignantur, sicut Iudas, qui dixit: Mendacij arguere nos non poterit. Gen. 38.

Mendacium obstetricum, quod dixerunt Pharaoni filios Hebræorum iugulare nolentes, habuit remunerationem temporalem, & non æternam, licet fuerit illud mendacium valde officiosum. Exod. 1.

Multoties voluit Pharaon decipere Moysen per mendacium, sed tandem nihil ei profuit. Exo. 9. & 10.

Sedens & flens, dixit populus in deserto. Num. 11. Recordamur piscium quos comedebamus in Ægypto

gratis, &c. tamen nimis eam credebant ea, quæ in Ægypto habebant.

Callide cogitantes Gabaonitæ voluerunt Iosue mendaciter decipere, sed ille bono usus est consilio, eos in seruitutem redegit, nec initum fœdus rupit. Iosue. 9.

Numquam mendacium licet dicere, sed veritatem licet, & expedit quandoque tacere, sicut fecit Samuel dicens. 1. Reg. 15. Ad immolandum Domino veni. Ad aliud enim principaliter venerat, & nihilominus hoc facere proponebat.

Dixit Saul seruos suos coniurasse aduersum se, quia non capiebant Dauid, & dixit, Dauid serum suum insidiari sibi: & ipse vere insidiabatur ei. 1. Reg. 21.

Occiso vnico filio Dauid, fama peruenit ad ipsum Dauid, dicens: Percussit Absalom omnes filios regis. 2. Regum 13. Sic faciunt homines, sæpe nuntiando rumores.

Officiose mentitus est Chusai Absalom, dicens: Sicut parui patri tuo, sic parebo, &c. 2. Reg. 17.

Vir Dei qui prædixit Ieroboam destructionem altaris sui, per falsi prophetæ mendacium seductus fuit, & mandatum Domini præteruit. 3. Reg. 13.

Duo falsi testes producti contra Naboth fuerunt causa lapidationis eius. 3. Reg. 21.

Spiritus mendax in ore malorum prophetarum decepit Achab, vt irer ad pugnam, & ibidem fuit percussus ad mortem. 3. Reg. 22.

Per verba quæ dixit Iudith Holoferni decepit eum, licet excusetur per intentionem quam habuit. Iudith 11. & 12.

Pessimum mendacium adinuenit Aman, vt posset confundi Mardocheus, qui illum adorare nolēbat. Esther 3.

Accesserunt ad Hieremiam principes, & vulgus quod remanserat post destructionem Hierusalem, & dixerunt se facturos, quicquid ille præciperet eis, siue bonum, siue malum; sed largam promissionem male tenuerunt. Hiere. 42.

Perniciosum & detestabile mendacium dixerunt duo senes presbyteri aduersus Susannam, quam tamen ex constantissima castitate commendare debebant. Dan. 13.

Antiochus rex misit principem tributorum in ciuitates Iuda, & venit in Hierusalem, & locus est ad eos verba pacifica in dolo, & crediderunt ei, & præcurrit super ciuitatem repente, & percussit eam plaga, &c. 1. Mach. 1.

Cum obsideret Antiochus Eupater ciuitatem Hierusalem, nec posset capere eam, misit ad eos qui erant intus pacem facere. Et receperunt illam, & iurauit illis rex & principes, sed rupit citius iuramentum, & mandauit destrui murum, &c. 1. Mach. 6.

Alcimus qui volebat fieri summus sacerdos, dixit regi Demetrio: Perdidit Iudas, & fratres eius amicos tuos, &c. 1. Mach. 7. Deinde venit Alcimus in terram Iuda cum Bachide, & miserunt nuntios ad Iudam & fratres eius, & locuti sunt verbis pacificis in dolo, & tandem probatum est. quod non erat in eis veritas, & iudicium. 1. Mach. 7.

Promisit rex Demetrius Ionathæ, quod redderet ei arcem, sed cum liberatus fuisset per Iudæos quos misit ei Ionathas, mentitus est Demetrius omnia quæcumque dixit, & alienauit se a Ionathæ, & cetera. 1. Machab. 11.

Misit Simon Tryphoni centum talenta argenti, & duos filios Ionathæ pro liberatione ipsius, quia promiserat Tryphon remittere Ionathan, si hoc fieret ei; sed mentitus est ei Tryphon, quia argentum retinuit, & patrem cum filiis interfecit. 2. Machab. 13.

Mentiti sunt contra Dominum Iesum Christum Iudæi, præcipue Scribæ & Pharisei, qui magis inuidebant ei, dicentes esse peccatorem, potatorem, mendacem, voracem,

voracem, prohibentem dari tributa Cafari, gentis subuerforem, & turbæ seductorem, dæmoniacum, & blasphemum.

Nequissimum mendacium excogitauerunt Iudæi, quando corruerunt custodes dominici sepulchri, ut dicerent, quod discipuli nocte furati erant corpus Domini. Matth. 28.

Ananias & vxor eius Saphira, mentiti sunt Petro de pretio agri venditi, quod mendacium fuit per Petrum grauissime vindicatum. Act. 5.

Iudæi statuerunt duos falsos testes contra beatum Stephanum, dicentes: Homo iste non cessat loqui verba aduersus locum sanctum, & legem. Act. 6.

Contra beatum Paulum multa adinuēta sunt mendacia. Nam illi quæstuarij, qui habebant puellam pythoniſſam in Philippis, a qua Paulus spiritum pythonein eiecerat, dixerunt magistratibus ciuitatis: Hi homines conturbant ciuitatem nostram, cum sint Iudæi, & annuntiant morem quem non licet nobis suscipere. Act. 16.

Item apud Athenas dicebant quidam: Quid vult seminuerbius hic dicere? Alij verò dicebāt: Nouorū dæmoniorum annuntiator esse videtur. Act. 17.

Rursus etiam Hierosolymis quidam Iudæi iniecerunt ei manus clamantes, Viri Israelitæ adiuuate. Hic est homo qui aduersus populum, & legem, & locum hunc omnes ubiq. docens, insuper & Gentiles induxit in templum, & violauit sanctū locum istum. Act. 21.

Postea coram Felice Præfide Tertullus orator Iudæorum dixit eum hominem pestiferum, & concitantem seditionem Iudæis in vniuerso orbe. Act. 24.

Præterea in insula Melitæ, videntes Barbari viperam in manu Pauli pendentem, dicebant adinuicem: Vtique homicida est homo hic, qui cum euaserit de mari vitio eum viuere non finit. Act. 28.

Testatur etiam ipse Paulus de seipso. Rom. 3. Aiunt quidam nos dicere: Faciamus mala, ut veniant bona, quorum damnatio iusta est.

Item 2. Cor. 10. dicebant quidam Iudæi, Epistolæ graues sunt, & fortes, præsentia autem corporis infirma, & sermo contemptibilis, & cetera.

*De proditiōe. Cap. LXVIII.*

**P**atiente Saule vexationem a dæmone, Dauid coram ipso psallebat, & ille nisus est eum configere parieti cum lancea quam tenebat. 1. Reg. 18. & 19.

Saul promisit se daturum filiam suam Dauid, ut per occasionem posset a Philistæis occidi. 1. Reg. 18.

Saluauit Dauid habitatores Ceilæ ab exercitu Philistinorum oppugnantium ciuitatem, & voluerunt eum tradere Sauli, ipsum ad mortem quærenti. 1. Reg. 23.

Postquam Saul fleuerat, quasi dolore de persecutione Dauid, & Dauid ei iurauerat, persecutus est ipse Saul Dauid ita nequiter & acriter, sicut primo fecerat. 1. Reg. 24. Et deinceps.

Vrias detulit ad Ioab ex parte Dauid, litteras mortis suæ. 2. Reg. 11.

Amnon filius Dauid vocauerat sororem suam Thamar, quasi de manu illius cibum sumere deberet, & postea oppressit eam. 3. Reg. 12. Vocauit Absalom ad conuiuium fratrem suum Amnon, & ibidem occidit eum. 2. Reg. 13.

Cum salutasset Ioab Amasam, quasi osculari eum vellet, percussit eum in latere, & effudit intestina illius. 2. Reg. 20.

Zambri dux mediæ partis equitum, occidit Eladominum suum, & regnauit post eum septem diebus tantum. obsessus enim fuit, & succendit se, & palatium in quo erat. 3. Reg. 16.

Sellum filius Iabes coniurauit contra Zachariam regem Israel dominum suum, & interfecit eum, S. Bon. Tom. 7. Pars iij.

**A** & regnauit pro eo vno mense tantum. 4. Reg. 15.

Cum adoraret in templo Sennacherib Deum suum, duo filij sui percusserunt eum; sed tamen neuter eorum regnauit pro eo post illum. 4. Reg. 19.

Quidam inimici Nehemiæ, voluerunt fœdus cum eo malitiose percutere, & cogitabant facere ei malum. Dederunt etiam pretium, ut eum ducerent in peccatum. Nehem. 6.

Duo ianitores regis Assueri, qui in primo palatij limine præsidebant, voluerunt in regem insurgere, & occidere eum. Esther 2.

**B** Venit Ismael filius Nathaniæ, & multi alij cum eo, & comederunt cum Godolia, quem præfecerat rex Babylonis terræ Iuda, & post prandium surrexerunt, & occiderunt eum, qui nihil mali voluerat credere contra illos. Hiere. 41.

Antiochus rex misit principem tributorum in ciuitates Iuda, & venit in Hierusalem; & locutus est cum eis, qui erant intus verba pacifica in dolo, & crediderunt ei, & irruit repente super ciuitatem, & percussit eam plaga, &c. 1. Mach. 1.

Cum obsideret Antiochus Eupater Hierusalem, nec posset eam capere, misit ad illos, qui intus erant pacem facere, & receperunt illam, & iurauit eis rex, sed rupit citius iuramentum, & mandauit destruere muros in gyro. 1. Mach. 6.

Ptolemæus rex Egypti quærebat obtinere regnū Alexandri generi sui dolo, & cum intraret ciuitates Alexandri cum magno exercitu, & reciperetur in eis honorifice de mandato Alexandri, ponebat custodias militum in eis. 2. Mach. 11.

Videns Tryphon quod Ionathas venit cum exercitu magno, & multo iussit tetineri paucos, & alios remitti: & cum factum fuisset, captus est Ionathas cum mille viris quos retinuerat, & alij sunt reuersi. 1. Machab. 12.

**D** Cum ambularet Tryphon cum rege Antiocho, adolescente domino suo, dolo occidit eum, & regnauit loco eius. 2. Mach. 13.

Ptolemæus filius Abobi gener summi sacerdotis, fecit conuiuium Simoni, & duobus filiis eius, & cum inebriati essent occidit eos. 1. Mach. 16.

Cum venisset Apollonius Hierosolymam pacem simulans quieuit vsque in diem sabbati: & tunc feriatis Iudæis ingentem multitudinem peremit. 2. Machab. 5.

Audiens Iudas Machabæus, quod illi, qui obsidebant turres, ubi erant inimici Gentiles pecuniam receperint, & quosdam abire permiserant, illos tamquam proditores, & fratrum venditores interfecit, & confestim turres occupauit. 2. Mach. 10.

Omnes alias proditores in nequitia, & peruersitate superat illa quam facinorosissimus Iudas contra Dominum procurauit, quod Dominum, & magistrum suum vendidit pro tantillo pretio, & in manus hostium tradidit osculando. Matth. 26. Mar. 14. Luc. 22. Ioan. 18.

Accesserunt quidam Iudæi ad principem sacerdotum, & seniores, dicentes eis, ut facerent quod tribunus Lyfias, qui Paulum tenebat vinctum, adduceret eum in medium, tamquam essent de eo aliquid certius cognituri. Ipsi vero statim parati erant interficere illum. Act. 23.

*De adulatione. Cap. LXIX.*

**C**hore & complices eius cum stetit aduersus Moyſen, & Aaron dixerūt: Sufficiat vobis, quod omnis multitudo Sanctorum est, & in ipsis est Dominus. in quo apparet, quod captabant beneuolentiam populi. Num. 16.

Adolescens narrans mortem Saul & filiorum eius occisus fuit de mandato ipsius Dauid. putabat autem se prospera nuntiare. 2. Reg. 1.

Xx 2 Duo

Duo latrones quod filium Saul Isboseth occiderunt, & caput eius attulerunt ad Dauid, placere ei crederunt, sed Dauid bene ostendit, quod sibi displicuit. 2. Reg. 4.

Dicebat Absalom homini negotium habenti coram rege Dauid: Videtur mihi sermones tui boni & iusti, & non est qui te audiat constitutus a rege. 2. Reg. 15.

Mali Prophetæ dicebant Achab regi Israel de bello futuro prospera, sed quæ illum velle sciebant. 3. Reg. 22.

Post obitum Ioiadæ sacerdotis, principes Iuda adoraucrunt regem, qui delinitus obsequijs eorum acquieuit eis, & dereliquerunt templum Domini, serui oruntq. lucis & sculptilibus. 2. Paral. 24.

Edificantibus templum filijs Iuda post reditum de captiuitate, hostes eorum scripserunt Artaxerxi regi: Nos memores salis, quod comedimus in palatio, & quia læsiones regis videre nefas ducimus, &c. 1. Es. 4.

Nabuchodonosor dixit maioribus natu, & ducibus bellatorum suorum, cogitationem suam esse, ut omnem terram suo subiugaret imperio, quod cum placuisset omnibus, &c. Iudith. 2.

Rex Assuerus iratus contra Vasthi reginam interrogauit sapientes consiliarios suos, cui sententiæ Vasthi subiaceret, qui non temperauerunt regis furorem, nec excusauerunt absentem, sed respondit vnus, Regis iusta est indignatio. Hest. 1.

Amici Aman, & vxor eius aduertentes pessimum animum, quem habebat erga Mardocheum, non increpauerunt eum, sed dixerunt; lube parari excelsam trabem, &c. Hest. 5.

Principes & Satrapæ Darij regis Persarum cupientes, quod rex iniquum statueret decretum, proposuerunt aliquid, quod videbatur pertinere ad honorem ipsius. Dan. 6.

Alcimus proditor impius, quod volebat fieri summus Sacerdos dixit regi Demetrio: Perdidit Iudas & fratres eius amicos tuos. Sequitur postea, quod Alcimum hunc constituit rex in sacerdotio, & mandauit ei facere vltionem in filios Israel. 1. Mac. 11.

Recedentibus discipulis Ioannis cepit contra illos qui palam laudant, & occulte detrahunt Dominus ipsum mirabiliter commendare. Matt. 11.

Pharisei volentes capere Christum Dominum in sermone, ceperunt magnas laudes ei dicere: Magister scimus, quia verax es, &c. Matt. 22.

Videns Herodes Agrippa rex magnus, quia placeret Iudæis hoc quod quosdam de Ecclesia ceperat, apposuit apprehendere Petrum, &c. Act. 12.

Herodi nequissimo regi, quod occiderat Iacobum, & incarcerationem Petrum, populus acclamabat voces Dei, & non hominis. Act. 12.

Orator Tertullus contra Paulum a principe sacerdotum adductus in principio orationis adulatus est Felici prædidi. Act. 24.

#### *De derisione & consitijs. Cap. LXX.*

Viri Sochor & Phanuel deriserunt Gedeonem Zebæ & Salinana persequentem, sed inde male eis accidit; quia male eos postea tractauit. Iudic. 8.

Contemplit Nabal verba nuntiorum Dauid stoma chando dicens: Quis est iste Dauid, & quis est filius Isai, hodie increuerunt serui, qui fugiunt dominos suos. 1. Reg. 25.

Michol videns regem Dauid saltantem ante arcam Domini despexit eum, & postmodum insultando vel deridendo dixit ei, Quam gloriosus fuit hodie rex, &c. 2. Reg. 6.

Derisorie vel Ironice dixit impia Iezabel ad Achab, Grandis auctoritatis es, & bene regis regnum, Israel. 4. Reg. 21.

Quia pueri illuserunt Eliseo dicentes: Ascende calue; duo viri lacerauerunt quadragintaduos ex eis. 4. Re. 2.

Cursores quos misit Ezechias pergebant velociter de ciuitate in ciuitatem prædicantes, ut filij Israel reuerterentur ad Dominum illis iridentibus, & subsannantibus eos. 2. Paral. 30.

Mittebat Dominus Prophetas quotidie comonens eo quod parceret populo & habitaculo suo; at illi subsannabant nuntios Domini, & paruipendebant sermones eius, illudebantq. Prophetis. 2. Paral. 36.

Sannabalath & Tobias audierunt, quod ædificabatur murus Ierusalem, & irridebant Iudæos ædificantes. Nehe. 3. & 4.

Excæcato Tobia parentes & cognati eius irridebant vitam eius dicentes, Vbi est spes tua, pro qua elemosynas & sepulturas faciebas. Tob. 2.

Videns Nicanor holocausta, quæ offerebantur a Iudæis pro rege, irridens spreuit eos, & polluit, & locutus est superbe, &c. 1. Mac. 7.

Antiochus crudelis Tyrannus ex verbis septimi fratris, accensus ira in illum super omnes crudelius defecuit, indigne ferens derisum se. 2. Mac. 7.

Derisus fuit multipliciter Dominus Iesus Christus. require in rubrica de patientia & mansuetudine.

Quidam Iudæi videntes discipulos Domini loquentes varijs linguis post effusionem Spiritus sancti, iridebant dicentes: Quia musto sunt pleni isti. Act. 2.

Cum audissent Athenienses resurrectionem mortuorum, quam annuntiabat Paulus, quidam quidem iridebant; quidam vero dixerunt, Audiemus te de hoc iterum. Act. 17.

#### *De detractoribus & maledicis. Cap. LXXI.*

Impie detraxit Ioseph innocenti & pudico domina eius apud virum suum. Gen. 38.

Cui dubium est, quod pessime cogiteris. Dixit Pharaon Moysi Exo. 10. per quod patet pessimos homines quandoque viris optimis inique imponere, & falsa cum multa audacia affirmare.

Locuta est Maria & Aaron, aduersus Moysen modica occasione assumpta, sed cito secuta est vltix pena. Num. 12.

Detraxerunt filij Israel terræ promissionis in malum suum. Num. 14.

Occasione seditionis Chore & complicum eius fuerunt multi terribiliter occisi, & post murmurauit multitudo contra Moysen & Aaron dicens: Vos interfecistis populum Domini, &c. Num. 16.

Quamuis esset malus Balaam, tamen dixit, quod nequaquam malediceret populo, cui benedixerat Dominus. Num. 22. & quo ad hoc multi inueniuntur deteriores illo, quod libentius & frequentius maledicunt & detrahunt bonis, quam peruersis.

Saul fuit in principio valde bonus, & tamen dixerunt quidam filij Belial, Num saluare nos poterit iste. 1. Reg. 10.

Occasione Doeg Idumæi deferentis Sauli, quod Achimelech sacerdos confortauerat Dauid, occidit Saul octogintaquinque viros portantes Ephod, & multos alios paruulos & mulieres. 1. Reg. 22.

Satrapæ Philistinorum procurauerunt apud Achis regem Geth, quod Dauid qui iudicio eius bonus erat, fuit amotus de honesto officio, in quo eum posuerat. 1. Reg. 29.

Adolescens narrantem Saul & filiorum eius mortem iussit Dauid interfici, tamen putabat se ille prospera nuntiare.

Principes filiorum Amon, dixerunt ad dominum suum, Putas quod propter honorem patris tui, Dauid miserit ad te consolatores, &c. 2. Reg. 10. & sic peruerterunt simplicem & puram intentionem Dauid.

Absalom ambiens regnum dicebat habenti negotium coram rege, Non est qui te audiat constitutus a rege, &c. 2. Reg. 15.

Siba seruus Miphiboseh nequiter detraxit domino suo apud Dauid, & fides nimis cito fuit adhibita

bita prius illius verbis. 2. Regum 16.

Edificantibus templum filijs Iuda, qui redierant de Babylone, hostes eorum inique miserunt epistolam Artaxerxi regi, ut opus faceret intermitteri. 1. Esdr. 4.

Cum Sara filia Raguelis increparet vnam de ancillis pro culpa sua, respondit, Amplius ex te non videamus filium aut filiam super terram, interfectrix virorum tuorum, &c. Tob. 3.

Occasione solius Mardochei, qui superbissimum Aman adorare nolebat, ipse Aman suggessit regi Asuero, quod populus Iudaeorum regis iussa contemneret, & per totum regnum discordias seminaret, ita quod omnes fuerunt adiudicati morti, sed diuina pietas de eorum liberatione prouidit. Hest. 2. & deinceps.

Quia Ieremias predicabat capiendam esse ciuitatem Ierusalem a Chaldeis, dixerunt principes populi Sedeciae regi, Homo iste non quaerit pacem populo huic, sed malum. Iere. 28.

Accedentes viri Chaldaei accusauerunt Iudaeos dicentes Nabuchodonosor regi, quod socij Danielis non adorabant deos eius, & erant transgressores regij decreti. Dan. 3.

Principes & Sarrapae Darij regis Persarum inuidetes Danieli accusauerunt eum apud regem, quod ipse obsecraret, & adoraret alium Deum, quam ipsum regem Darium. Dan. 6.

Duo illi senes presbyteri conati sunt Susanna turpiter infamare, sed Deum eam mirabiliter per abstinentiam puerum liberavit. Dan. 13.

Alcimus qui volebat fieri summus Sacerdos, & quidam alij iniqui dixerunt regi Demetrio, Perdidit Iudas & fratres eius amicos tuos, & nos disperferunt de terra nostra, nunc ergo mitte virum cui credis, &c. 1. Mach. 7.

Conuenerunt aduersus Ionathan viri pestilentes ex Israel, ut interpellarent regem Alexandrum aduersus eum, & non intendit ad eos rex. Machab. 10.

Simon de tribu Benjamin praepositus templi venit ad Apollonium, & dixit aerarium pecunijs innumera bilibus esse plenum. 2. Mac. 3.

Praedictus etiam Simon male loquebatur de Onia prouidore & ciuitatis, ac defensore gentis suae, ac aemulatore legis Dei, audebat insidiatorem regni dicere. 1. Mac. 4.

Veniens ad regem Demetrium Alcimus dixit inter cetera, Quoad superest Iudas, impossibile est pacem dari negotijs. 2. Mac. 14.

Videntes Pharisei Dominum discumbentem in domo Marthae dicebant: Quare cum publicanis & peccatoribus manducat, &c. Matt. 9. & Luc. 5. Simile accidit de Zacharo. Luc. 19. Murmurabant quod ad hominem peccatorem diuertisset.

De Iohanne multum ieiunante dicebant quidam Iudaei, Demonium habet. De Domino autem Iesu cum peccatoribus comedente dicebant: Ecce homo vorax, & potator vini, publicanorum & peccatorum amicus. Matth. 11.

Viso miraculo de caeco nato per Dominum Iesum illuminato, Pharisei detraxerunt Domino dicentes: Nos scimus, quia hic homo peccator est, & maledixerunt homini illi, & dixerunt: Tu discipulus eius sis, quia quidem maledictio sit super nos, & super filios nostros. Ioan. 9.

Scribae & Pharisei detraxerunt Domino Saluatori dicentes eum esse Samaritanum, demoniacum, blasphemum, peccatorem, potatorem, mendacem, voracem, prohibentem dari tributa Caesari, gentis subuersorem, & populi seductorem, haec omnia possunt ex diuersis locis Euangeliorum haberi. Non valentes Iudaei resistere sapientiae Stephani & spiritui, qui loquebatur per eum adduxerunt in concilium duos falsos testes dicentes: Homo iste non cessat loqui aduersus locum sanctum & legem. Act. 6.

Quidam quaestuarij dolentes, quod amiserant S. Bon. Tom. 7. Pars iij.

A quaestum suum, eo quod Paulus eiecerat spiritum Pythonem a quadam puella, quam illi habebant dixerunt magistratibus, Hi homines conturbant ciuitatem nostram, &c. Act. 16. & ad verba eorum praua concurrunt plebs aduersus illos, & scissis eorum tunicis iussi sunt virgis caedi, & in carcerem mitti.

Gallione proconsule in Achaia existente insurrexerunt vno animo Iudaei in Paulum, & adduxerunt ad tribunal dicentes: Quia contra legem homo hic persuadet hominibus colere Deum. Act. 18.

Apud Ephesum cum quidam Iudaei indurarentur, & non crederent maledicentes viam Domini coram multitudinem, discedens ab eis Paulus segregauit discipulos. Act. 19.

Quidam Iudaei de Asia videtes Paulum in templo clamauerunt: Viri Israelitae adiuuate. hic est homo, qui aduersus populum & legem, & locum hunc, omnes vbique docens, insuper & Gentiles induxit in templum, & violauit sanctum locum istum. Act. 21.

Coram Felice praefide proposuit contra Paulum Tertullus orator pro Iudaeis dicens: Inuenimus hunc hominem pestiferum, & concitantem seditiones Iudaeis omnibus in vniuerso orbe & actorem seditionis sectae Nazarenorum, qui etiam templum conatus est violare, &c. Act. 24.

Disputante Paulo apud Athenas quidam Epicurei & Stoici Philosophi dicebant: Quid vult seminuerbis hic dicere? Alij vero dicebant: Nouorum demoniorum videretur esse annuntiator, &c. Actuum. 17.

Barbari videntes viperam pendentem in manu Pauli dixerunt ad inuicem viique homicida est homo, qui cum euaserit de mari, vltio eum viuere non finit. Act. 28. Sed cito postea mutauerunt oppositionem.

*De liberalitate misericordia, & largitate.*

*Cap. LXXXII.*

Rebecca filia Batuelis valde liberaliter respondit famulo Abraham dicens: Bibe Domine mi, &c. Gen. 24.

Liberaliter egit Moyses defendendo filias Raguel a pastoribus, qui eas adaquare pecora non sinebant. Exod. 2.

Audiens Moyses quod socer suus Iethro veniret ad eum, egressus est in occursum eius, & ipsum multipliciter honorauit. Exo. 18.

Filij Israel mente promptissima, atque deuota obtulerunt ad faciendum opus tabernaculi, & quicquid ad cultum Dei, & vestes sanctas necessarium erat. Exo. 25. & sequenti capitulo dicitur.

Artifices venire compulsi dixerunt Moyse plus offert populus, quam necessarium est.

Petijt Moyses a rege Edom, Obsecramus, ut nobis liceat transire per terram tuam; non ibimus per agros neque per vineas, nec bibemus aquam de puteis tuis, sed, &c. Num. 20.

Gedeo petijt a viris Sochoth, & Phaniel panes pro commilitonibus fatigatis, qui dare renuerunt, sed male inde accidit eis. Iudic. 8.

Nabal illiberaliter se habuit ad Dauid petentem aliquid sibi dari. 1. Reg. 25.

Obtenta victoria de Amalechitis, Dauid misit dona de praeda senioribus Iuda proximis suis dicens: Accipite benedictionem, &c. 2. Reg. 31.

Pracepit Dauid ut Miphiboseth comederet panem in mensa sua semper, & totam domum suam dedit ei. 2. Regum 9.

Fugienti Dauid a facie Absalom, Sobi, & Machir, & Berzellai obtulerunt ei multa exercitui suo necessaria. 2. Reg. 17. qui Berzellai assistit Dauid, quando fugiebat Absalom filium suum, obtenta victoria Dauid retinuit filium istius, & de familia sua fecit illum. 2. Reg. 19.

Regina Saba multa obtulit Salomoni, & Salomon dedit

dedit omnia quæ petiuit, exceptis his quæ ultro obtulerat ei munere regio. 3. Reg. 4.

Ea tempestate qua regnauit Achaz in Iudæa, Phacee filius Romeliæ, multos occidit & cœpit de viris Iudæ, quidam autem boni viri de Israel captiuos nudos vestierunt, & illos qui ambulare non poterant, imposuerunt iumentis, & duxerunt ad fratres eorum. 1. Paral. 28.

Rex Cyrus protulit vasa templi Domini quæ tulerat Nabuchodonosor, & remisit ea in Hierusalem. fuerunt autem vasa aurea & argentea quinque milia quadringenta. 1. Esdr. 1.

Redeunt de Babylone filij Iudæ obtulerunt sponse, secundum vires suas ad extruendam domum Domini. 1. Esdræ 2.

Præcepit rex Darius, vt ædificaretur in Hierusalem domus Domini, & darentur sumptus de arca regis, licet quidam æmuli per litteras opus impedire laborabant. 1. Esdr. 6.

Gratiosam & liberalem epistolam dedit Artaxerxes rex Esdræ sacerdoti venienti in Hierusalem ad consolandum Iudæos. 1. Esdræ 7. Rex Artaxerxes liberaliter se habuit ad Nehemiam venientem in Iudæam, & dedit ei epistolas quales petierat. Nehem. 2.

Nehemias valde liberalis fuit legatus, qui populū annonæ, & exactionibus non grauauit, & illis ad quos venit plurima bona fecit. Nehem. 5.

Tobias omnia quæ habere poterat, concapriuis fratribus, qui erant de genere suo impertiri studebat. esurientes alebat, nudisq. vestimenta præbebat, Tob. 1.

Raguel tradidit Tobie iuniori Saram filiam suam, & dimidiam partem substantiæ. Tob. 10.

Tobias iunior multum fuit gratus Azariæ, quem hominem putabat, & valde bene recognouit beneficia, quæ ab eo receperat, & exinde pater, & filius mediam partem omnium bonorum illi liberaliter obtulerunt. Tob. 12.

Rex Assuerus iussit præparari conuiuium permagnificum, pro coniunctione & nuptijs Esther, & dedit requiem vniuersis prouincijs, ac dona largitus est iuxta magnificentiam principalem. Esther 2.

Videns Esther reginam rex Assuerus dixit ei: Quid vis Esther regina; quæ est petitio tua, etiam si dimidiam partem regni petieris, dabitur tibi. Esther 5.

Quæsiuit rex Assuerus quid honoris, ac præmij cōsecutus esset Mardocheus pro fide quam erga ipsum seruauerat. Cumq. intellexisset eum nihil accepisse mercedis, fecit eum magnifice honorari. Esther 6.

Filij Iob facientes conuiuia vniuersisque in die suo, vocabant forores suas, vt comederent, & biberent cum eis. Iob 1.

Pium & misericordem se fuisse ad pauperes, ostendit beatus Iob. 29. cap. dicens: Cor viduæ consolatus sum. Pater eram pauperum, &c. Item 30. cap. Si comedi buccellam meam solus, quia ab infanzia mea creuit mecum miseratione, & cetera.

Magister militiæ regis Babylonis dedit cibaria, & munuscula Hieremiæ, & dimisit eum quocumque vellet ire, promittens ei multam humanitatem, si vellet cum eo pergere in Babylonem. Hier. 40. & nihilominus dedit ei liberam facultatē remanendi ibidem.

Seleucus rex de hereditatibus suis tempore Oniæ summi pontificis præstabat omnes sumptus ad ministerium sacrificiorum pertinentes. 1. Mach. 2.

Apertis thesauris suis, non paruis loculis, in quibus oboli reponuntur, obtulerunt Magi Domino pauperi, aurum, thus, & myrrham. Matth. 2.

Magnificus, & largus remunerator est Dominus, qui relinquētibz propter se bona temporalia reddit centuplum in hoc sæculo, & vitam æternam in futuro. Matth. 19. Mar. 10. Luc. 18.

Ex pia liberalitate proueniebat, quod Dominus discipulos spicas vellentes sabbatis, & manibus con-

fricantes, contra Phariseos maledicos defendebat. Matth. 12. Luc. 6.

Fons liberalitatis Dominus peccatores respiciebat ad conuescendum, & colloquendum, & ad osculandum. de primo, & secundo exemplum de Matthæo. Matth. 9. Luc. 5. Item de illis publicanis, & peccatoribus, qui appropinquabant ad eum, vt audirent illum. Luc. 19. Item de Zachæo. Luc. 19. De tertio exemplum de Maria, quæ osculabatur pedes eius. Luc. 7. Item de Iudæ. Matth. 26. Mar. 14. Luc. 22. propter quod benignitatis signum infelix, citius resipiscere debuisset.

Secutæ sunt turbæ pedestres Dominum Iesum, de ciuitatibus in desertum. Vespere autem facto, dixerunt ei discipuli: Dimitte turbas, vt euntes emant sibi escas. Ipse vero tamquam liberalis respondit: Date illis vos manducare, &c. Matth. 14.

Distribuendo, & restituendo largus fuit Zachæus cum dixit ad Dominum: Ecce dimidium bonorum meorum, Domine, do pauperibus; & si quid aliquem defraudauit, reddo quadruplum. Luc. 19.

Donum pauperculæ mulieris viduæ, quæ misit duo æra minuta in Gazophylacium, præfertur a Domino muneribus diuitem. Luc. 19.

Valde liberalis fuit Dominus latroni pendenti, & petenti: Memento mei Domine dum veneris in regnum tuum. Et dixit illi Iesus: Amen dico tibi, hodie mecum eris in paradiso. Luc. 23.

Benignitatem, & liberalitatem dignatus est Dominus ostendere, quando vocatus ad pauperes nuptiis iuit, & ibidem aquam in vinum conuertit, vt exhilararet pauperes discumbentes. Ioan. 2.

Magna Dei liberalitas apparet in illa similitudine de seruo nequam, cui dixit Dominus: Omne debitum dimisi tibi, quoniam rogasti me. Matth. 18.

Ioseph qui cognominatus est Barsabas, cum haberet agrum vendidit illum, & attulit pretium, & posuit ante pedes Apostolorum. Act. 4.

Audientes discipuli, qui erant Antiochiæ, quod fames valida futura erat in vniuerso orbe, proposuerunt in ministerium mittere habitantibus fratribus in Iudæa, quod & fecerunt mittentes ad seniores, per manus Barnabæ, & Sauli. Act. 11.

Quædam mulier purpuraria, nomine Lydia baptizata ad prædicationem Pauli, valde liberaliter, & deuote rogauit, immo coegit Paulum, & socios eius manere in domo sua. Act. 16.

Cum euassent Paulus, & socij eius de naui fracta tempore hiemali, Barbari non modicam humanitatem præstabant eis. Accensa enim pyra reficiebāt eos, propter imbrem, quia imminebat frigus. Act. 28.

Publius princeps insulæ Melitæ, ad quam Paulus, & socij eius, post tempestatem venerunt, suscipiens eos triduo, benigne exhibuit. Paulus autem patrem febribus, & dysenteria laborantem sanauit. Act. 28.

Apparet Paulum erga pauperes valde liberalem fuisse, quorum negotia, tam sollicitè procurabat, ita, vt patet de collectis quas diligentissime fieri procurabat, ita vt patet. Act. 16. Si dignum fuerit, vt ego eam, mecum ibunt. Item 2. Cor. 9. Qui parce seminat, parce & metet, & cetera.

Mira liberalitas, & gratitudo fuit in Paulo, qui pro quodam Onesimo seruo Philemonis fugituo, scripsit litteras, tam affectuosas, efficaces, & deuotas, vt patet ad Philemonem, Si habes me socium, ait, suscipe illum, sicut me. si autem aliquid nocuit tibi, aut debet, hoc mihi imputa, & cetera.

*De auaritia. Cap. LXXIII.*

Multa possunt notari in hoc, quod Cain qui interpretatur possessio, occidit Abel fratrem suum. Gen. 4.

Cain



Cain primus legitur ædificare ciuitatem, sed non Abel. Gen. 4. Quia sancti non habent hic manentem ciuitatem, sed futuram inquirunt, vt testatur Apostolus, Heb. 14.

Propter multam substantiam, quam Abraham, & Lot habebant, non potuerunt pariter habitare, & cœperunt pastores eorum ad inuicem litigare. Gen. 13.

Abundantia rerum temporalium frequenter est grauium occasio peccatorum, sicut patet, de Sodomitis peccatoribus pessimis. Gen. 13. & 19.

Postquam creuerat Isaac, & locupletatus fuerat, pastores sui, & vicinorum suorum iurgari cœperunt. Gen. 26.

Odiū avaritiæ plusquam ceterorum vitiōrū debent habere iudices, & prælati, ideo signanter dixit Iethro de iudicibus. Exod. 18. Oderint avaritiam.

Pauci sunt hodie clerici, qui faciant oblationes populo prohiberi, sicut fecerunt illi, qui operibus tabernaculi præsidebant. Exod. 36.

Nuntij Balac perrexerunt ad Balaam habentes diuinationis pretium in manibus, & ita fuit cupiditate corruptus. Num. 22.

Tribus Ruben, & Gad, & dimidia tribus Manasse, quia habebant multam substantiam, & pecora, noluerunt transire Iordanem, sed in terra alendis gregibus apta, cōtenti sunt accipere portionē. Num. 32.

Cupiditate seductus Achan de anathemate Iericho sumpsit, sed pro illo lucro damnum terribile reportauit. Iosue 7.

Pro pecunia a Philistæis promissa Dalila Samsonem virum suum eis tradidit. Iudic. 16.

De filiis Samuelis dicitur. 1. Reg. 8. Declinauerunt post avaritiam, acceperuntq. munera, & peruerterunt iudicium.

Præcipua causa, vel occasio reprobationis Saul videtur cupiditas fuisse quam habuit ad prædā Amalech. vnde dixit Samuel ei: Quare non audisti vocem Domini, sed reuersus es ad prædā, & fecisti malum in oculis Domini. 1. Reg. 15.

Nimis tenax fuit Nabal, erga Dauid petentem aliquid dari sibi, propter quod fere totam substantiam, & personam amisit. 1. Reg. 25.

Semei exiuit de Hierusaleme cōtra prohibitionem Salomonis, ad requirendum seruos suos, qui aufugerant, & ob hanc causam fecit Salomon eum occidi. 3. Reg. 2.

Vinea Naboth, quam concupiuit Achab, fuit causa, vel occasio, quare duo testes contra eum fuerunt producti, & ille iussus est lapidari. 4. Reg. 21.

Quia Giezi accepit a Naaman, id quod Eliseus recusauerat, lepra percussus fuit. 4. Reg. 5.

Tempore Nehemiæ, erant aliqui ab optimatibus, ita vsuris oppressi, quod volebant filios suos, & filias vendere in seruos, & ancillas, sed Nehemias illos grauius, & vtiliter increpauit. Nehem. 5.

Obtenta victoria de Arphaxad rege Medorum, a Nabuchodonosor rege Assyriorum, statim regna alia concupiuit. Iudith 1.

Dixit Iudas Machabæus commilitonibus suis, Non concupiscatis spolia, quia bellum contra vos est, & Gorgias, & exercitus eius in monte prope nos. 1. Machab. 4.

Ptolemæus rex Egypti vituperauit Alexandrum suum generum, propterea quod concupierat regnum eius, cum tamen Alexander illum honorifice recepisset. 1. Mach. 11.

Aduersus Oniam, & ciuitatem sanctam concitauit Simon de Tribu Benjamin, Apollonium & regem Antiochum, dicens: Ærarium pecunijs innumerabilibus esse plenum. 2. Mach. 3.

Menelaus per argentum, quod promisit Antiocho, obtinuit summum sacerdotium. Deinde per vasa aurea de templo furtiue sublata, quæ dedit Andronico fecit Oniam occidi. tandem accusatur apud regem

A Ptolemæum & corripit eum per pecuniam, & contra accusatores fecit ferri mortis sententiam. 2. Mach. 4.

Item Menelaus nequam, propter eorum, qui in potentia erant, avaritiam permanebat in potestate, crescens in malitia, & ad insidias ciuium. 2. Mach. 4.

Cum quidam Iudæi, de mandato Machabæi obsiderent duas turres, in quibus erant inimici gentiles, accepta pecunia quosdam effugere permiserunt, quos Machabæus tamquam proditores, & fratrum venditores interfecit. 2. Mach. 10.

Post bellum contra Gorgiam commissum venit Iudas Machabæus cum suis, vt prostratorum corpora sepeliret. Inuenerunt autem sub tunicis interfectorum de donarijs idolorum, a quibus lex prohibet Iudæos. 2. Mach. 12. Ob hanc causam, ergo creditum est corruisse.

Adolescens qui quæsiuit a Domino, quomodo posset habere vitam æternam; multas habebat possessiones, & idcirco abiit tristis, vt audiuit consilium perfectionis. Matth. 19. Mar. 10. Luc. 18.

Sacerdotes Iudæorum volentes quod homines frequenter offerrent, permittebant quod ea, quæ offerri poterant, venderentur in templo. Matth. 21. Mar. 11. Luc. 19. Ioan. 2. Hac etiam de causa dicebant: Aurum templi sanctius esse templo, & donum quod erat super altare, maioris esse reuerentiæ quam ipsum altare. Matth. 23.

Cupiditas vel libido lucrandi videtur fuisse principale morium, quare Iudas tradiderit Dominum. Matth. 26. Quid vultis mihi dare, & cetera.

Per pecuniam fuerunt corrupti custodes dominiçi sepulchri, vt mentirentur Dominum a discipulis suis de nocte furtim fuisse sublarum. Matth. 28.

Dominus Iesus Christus legislator verus, noluit se intromittere de diuisione hereditatis terrenæ, cum esset super hoc requisitus. Luc. 12.

Contra eos qui bona temporalia congregant, & multo tempore in illis delectari putant, proposuit Dominus similitudinem de diuite, cuius ager vberes fructus attulit, &c. Luc. 12.

Contra diuites edaces, & vestibus pretiosis, & delicatis vtentes, qui ad releuandam indigentiam proximi, sunt tenaces, & parci, ponit Dominus exemplum de illo diuite Epulone. Luc. 16. Et nota ibi: Si illa punitur ille, qui non dedit propria; quid fiet illis qui rapiunt aliena.

Excusauerunt se, ne irent ad magnam cenam, ad quam vocati erant emptores boum, & villarum, scilicet mobilium, & immobilium possessionum, quia sæpe per talia, a cælesti gloria retrahimur. Luc. 14.

Pharisæi qui erant auari, audientes monitiones Domini, quod deberent amici fieri de mammona iniquitatis, deridebant illum. Luc. 16.

Nimis terribiliter punita fuit Ananiz avaritia, & Saphiræ, qui de pretio agri venditi partem retinuerunt sibi. Act. 5.

Quidam quæstuarij habentes vnam puellam pythoniisam, a qua Paulus eiecit dæmonium, videntes quod amiserant quæstum suum, apprehenderunt Paulum, & Silam socium eius, & duxerunt eos ad principes ciuitatis accusantes eos, quod ciuitatem turbarent, & mores illicitos nuntiarent. Magistratus autem scissis illorum tunicis fecerunt eos cædi, & in carcerem mitti, & cum diligentia custodiri. Act. 16.

Paulo apud Ephesum existente, & multa ibidem miracula faciente, Demetrius quidam argentarius faciens ædes argenteas Dianæ, præstabat artificibus non modicum quæstum, quos conuocans, dixit quod Paulus suadebat, & auerteat populum a cultura deorū, dicens quod non sunt dii qui manibus fiunt, ita turbauit ciuitatem, quod impleta est confusione, & impetum fecerunt vno animo in theatrum, rapto Gaio, & Aristarcho comitibus Pauli, &c. Act. 19.

Cum esset Paulus apud Felicem præsidem vincus a lu-

¶ Iudæis tanquam homo seditiosus & pestifer accusatus. sperabat Felix, quod pecunia daretur ei a Paulo, propter quod frequenter accersens eum Felix loquebatur cum eo. Act. 24. & quia non ita fuit factum, ipse iudex iniquus non absoluit eum, sed eum reliquit Felix successoris suo vincitum.

*De paupertate. Cap. LXXIV.*

**P**atriarcha Iacob recedens a parētibz suis, & iens ad Laban fratrem matris suæ, nec animal, nec famulum legitur habuisse, sed in baculo suo transiit Jordanem, & quadam vice volens requiescere post folis occubitum, tulit de lapidibus & supponens capiti suo dormiuit in eodem loco. Gen. 28.

Moyſes paſcebat oues Iethro ſoceri ſui ſacerdotis Madian, per quod videtur, quod proprias non habebat, qui alienas paſcebat. Exo. 3.

Ruth Moabitidis non magnis diuitijs abundabat, quando iuit ad colligendum ſpicas, quæ merentium fugerāt manus, quæ ad pauperes pertinebāt. 1. Reg. 2.

Vno puero contentus Saul iuit ſatis longe ad quærendum aſinas patris ſui, vnde ipſe Saul dixit poſtea Samueli, quod cognatio ſua erat minima inter omnes familias de tribu Benjamin. 1. Reg. 9.

Minithus erat Dauid inter filios patris ſui, ita quod quando venit Samuel ad inungendum vnum ex hijs Iſrā; Dauid erat in paſcuſ, nec in principio vocatus fuit quaſi nullius eſſet reputationis. Deinde cum fratres eius eſſent in exercitu miſit eū pater ſuus onuſtum victualibus ad deferendum illis. 1. Reg. 16. & 17.

Magnam penuriam patiebatur Elias, quando petijt a vidua Sareptana, vt daret ei paululum aquæ & bacellam panis. 3. Reg. 17.

Filij Prophetarum ſub Eliſeo in magna paupertate vivebant, qui parum de pane, & inſipidum pulmentum habebant. 4. Reg. 4.

Anna vxor Tobia ibat ad texitinum opus tota die, per quod videtur illos pauperes fuiſſe, qui nec ipſum instrumentum ad texendum poſſent in domo ſua tenere, vnde & Tobias filio ſuo dixit: Noli timere filii mi, pauperem quidem vitam gerimus, &c. Tob. 4.

Filij Rechabitarum domos non ædificabāt, ſementem non ſerebant, vineas non habebant, vinum non bibebant, ſed in tabernaculis habitabant. Iere. 35.

De plebe pauperum qui nihil penitus habebant diſmiſit Nabuzardā in terra Iuda. pauperibus ergo pepercit, diuites & potentes occidit, vel captiuos in Babylonem duxit. Ier. 39.

Exemplum paupertatis amandæ habemus in Domino Saluatore, qui fuit de paupere matre natus, & a paupere fabro nutritus, recenter genitus fuit panis inuolutus, & in præſepio reclinatus, & poſt in purificatione Virginis glorioſæ oblationem pauperum obrulerunt. Luc. 2. Item cito, poſt Ioseph cum puero, & matre eius fugit in Aegyptum. Matt. 2.

Cum factus eſſet Ieſus puer annorū duodecim, remanſit in Ieruſalē ignorāte Maria & Ioseph per quod apparet, quod magnam familiam non habebant ad aſſociandum puerum, vel ad ſeruendum ei. Luc. 2.

Circuiens Ieſus ciuitates, & caſtella non habebat, vbi caput reclinaret. Matt. 8. Vulpes foueas habent, &c. & in fine nudus appenſus eſt in cruce. Io. 19.

Discipuli Chriſti pro maiori parte de ſtatu paupertatis fuerunt aſſumpti. Matt. 4. Iacobus & Ioannes reſiciebant retia ſua, & Luc. 5. lauabant retia ſua, &c.

In ſermone Domini in monte primum ponitur commendatio paupertatis quaſi ipſa eſſet totius ſpiritualis ædificij fundamentum. Matt. 5. Luc. 6.

Inter cetera Chriſti miracula, vnum ponitur, quod pauperes euangelizabantur. Matt. 12. eo quod ante Domini aduentum ita fieri non ſolebat.

Adoleſcenti de ingreſſu ad vitam æternam quærenti dixit Dominus: Si vis perfectus eſſe, vade & ven-

de omnia quæ habes, &c. Matt. 19.

Miram remunerationem promittit Dominus omnia derelinentibus propter nomen ipſius. Matt. 19. Marc. 11. Luc. 18.

De illo famoſo paupere Lazaro in ſinū Abrahæ ab Angelis deportato nullum aliud iuſtitiz opus, vel cauſam gloriæ ſcriptura allegare videtur, niſi quod ipſe receperat mala in hac mortali vita; & ideo Deus volebat eum conſolari in alia. Luc. 16.

Pauperes & debiles ad cenam illam Domini magnam fuerunt introducti; immo etiam quidam de vijs & ſepibus leguntur, ibi fuiſſe compulſi. Luc. 14.

Omnes qui credebant in primitiua Eccleſia erant pariter, & habebant omnia communia, poſſeſſiones, & ſubſtantias vendebant, & diuidebant illas omnibus, prout cuique opus erat. Act. 2.

Petrus dixit claudo pauperi elemoſynam petenti, Argentum & aurum non eſt mecum, &c. Act. 3.

Vale dicens Paulus fidelibus de Achaia dixit inter cetera: Argētum & aurum, aut veſtem nullius concupiui, ipſi ſcriſ, quoniam ad ea, quæ erāt opus mihi, & ijs qui mecum ſunt, miniſtrauerunt manus iſtæ. Act. 20. Item. 1. Cor. 4. Eſurimus & ſitimus, & nudi ſumus. 2. Cor. 11. in fame & ſiti, in frigore & nuditate.

*De hypocriſi & ſimulatione. Cap. LXXV.*

**A** Mon filius Dauid ſimulauit langorem, vt poſſet decipere Thamar, quam libidinoſe amabat. 2. Reg. 13.

Vxor Ieroboam mutato habitu venit ad Ahiam, Prophetam, cui ille dixit; Quare ahiam te eſſe ſimlas; &c. 3. Reg. 14.

Giezi ſamulus Eliſei ſimulauit Dominum ſuum, indigere duplici veſte pro duobus adoleſcentibus, & filijs Prophetarum. 4. Reg. 5.

Cum veniſſet Apollonius Hieroſolymam miſſus ab Antiocho pacem ſimulans quieuit vſque ad diem ſabbati, & tunc feriatis Iudæis arma ſuis capere præcepit, & omnes qui ad ſpectaculum venerant, trucidauit. 1. Mac. 5.

Quamuis diuina ſapientia generaliter impium deſtetur. Prou. 8. tamen ſpecialiter hypoſitis comminatur multoties in Euangelio dicens: Væ vobis Phariſæi hypoſitis. Matt. 23.

Phariſæis volentibus capere Dominum in ſermone reſpondit increpās eos, quid me tētatis hypoſitis. E. Matt. 22.

Quidam ſunt qui magna ſcelera perpetrāt, & modica peccata deuitant, colantes culicem & camelum, glutientes, ſicut principes ſacerdotum, qui magiſtimuerunt intrare prætorium Pilati, quā nequiſſime procurare crimen homicidij. Io. 18.

Archifynagogus indignans, quia Dominus ſabbato curaret dicebat turbæ: Sex dies ſunt in quibus oportet operari. In ijs ergo venite & curamini, & non in die ſabbati. Dominus autem arguit illū hypoſitam vocans. Luc. 13.

Malam hypoſitam commiſerunt Ananias & vxor eius Saphira ſimulantes ſe totum pretium agri attuliſſe, & ad pedes Apoſtolorum poſuiſſe. Act. 5.

Quamuis Simon Magus credidiſſet in prædicatione Philippi, tamen Petrus dixit ad eum, Non eſt tibi ſors in ſermone illo, cor enim tuum non eſt rectum coram Domino; pœnitentiam itaque age, &c. reſpondens autem Simon dixit: Precamini vos pro me, &c. Act. 8.

Elymā magum grauiter notauit Paulus de hypoſitiſi & falſitate dicens, o plene omni dolo, & omni falſa cia, fili diaboli, & inimice omnis iuſtitiz, non deſinis vias Domini rectas peruertere, &c. Act. 13.

*De*

*De munerum acceptione. Cap. LXXVI.*

**A** Braham noluit accipere multa quæ obtulit ei rex Sodomorum, licet ipse optime meruisset. Gen. 14. quando reuersus est ipse Abraham a cæde quatuor regum.

Munera misit Iacob Esau fratri suo, vt compesceret iram eius. Gen. 32.

Munera obtulerunt filij Israel ad opus tabernaculi Domini in tanta quantitate, quod iussit Moyses clamari, vt nullus aliquid vltius offerret. Exo. 36.

Mercedem iniquitatis amauit Balaam, & iuit cum nuntijs Balach, qui diuinationis pretium habebant in manibus. Num. 22.

Ahod obtulit munera Eglon regi Moab, & postea secreto loquens percussit eum graniter, & occidit. Iud. 3.

Inimici Samson pecuniam Dalila promiserunt, & eam vt illum deciperet, induxerunt. Iudic. 16.

De filijs Samuelis dicitur. 1. Reg. 8. Declinauerunt post auaritiam, acceperuntque munera, & statim sequitur: Et peruerterunt iudicium.

Non fuit impositum Samueli, qui viginti annis populum Israel iudicauerat, quod vnquam munus ab aliquo accepisset. 1. Reg. 12.

Xenia quæ obtulit Siba seruus Miphiboseth Dauid, a facie Absalom fugienti, videntur inclinasse animum ipsius Dauid ad hoc, quod contra absentem iniquum tulit iudicium. 2. Reg. 16.

Regina Saba dedit Salomoni centum viginti talenta auri & aromata multa, & gemmas pretiosas. Rex autem Salomon dedit ei omnia quæ voluit, & quæ petiuit ab eo, exceptis quæ vltro obtulerat ei munere regio. 3. Reg. 4.

Areuna voluit offerre Dauid aream, & omnia ad sacrificia necessaria; sed ille noluit gratis accipere, nec sacrificium de alieno offerre. 2. Reg. 24.

Rex Syriæ Benadad fœdus habebat, cum Baasa rege Israel, sed propter munera, quæ misit ei Aza rex Iudæ, rupto fœdere cum Baasa grauiter impugnauit eum. 4. Reg. 16.

Naaman Syrus fuit omnino gratis ab Eliseo curatus, & tamen Giezi accepit ab illo munera & fuit graui plaga percussus. 4. Reg. 5.

Misit rex Babylonis litteras, & munera ad Ezechiam & sequitur; Lætatus est autem Ezechias in aduētu eorum, &c. 4. Reg. 20. Sed nota ibi, quomodo displicuit Domino.

Achaz rex Iudæ spoliata domo Domini, & domo regum & principum, dedit regi Assyriorum munera, & tamen nihil ei profuit. 2. Paral. 28.

Statuerunt Iudæi in memoriam lætitiæ, quam habuerunt interfecto Aman pessimo Iudæorum inimico, vt pauperibus munuscula largirentur. Hest. 9.

Conquerendo loquitur Dominus per Isaiam, Principes tui infideles, focij furû, omnes diligunt munera, sequuntur retributiones, &c. Isa. 1.

Dedit magister militiæ regis Babylonis Ieremiæ cibaria, & munuscula, & dimisit eum. Ier. 40.

Postquam exposuerat Nabuchodonosor regi Daniel visionem, rex in sublime eum extulit, & munera magna, & multa dedit ei. Dan. 2.

Balthasar rex Babylonis promiserat donaria magna Danieli, qui respondit, Tua munera sint tibi, & dona domus tuæ alteri da. Dan. 5.

Ionathas abiit Ptolemaidam, & dedit Demetrio regi argentum multum & aurum, & dona, & inuenit gratiam in conspectu eius. 1. Mac. 11.

Videns Tryphon Ionatham venisse ad eum cum exercitu multo, timuit eum, & cum honore recepit, & munera dedit ei, & hac occasione decepit eum. Nam remissis militibus ipsum cum paucis retinuit, & occidit. 1. Mac. 12.

Propter munera quæ dedit, & promisit Iason ambrosius regi Antiocho obtinuit summum sacerdotiû,

**A** cum autem misisset pecuniam regi per Menelaum ille supplantauit eum, & obtinuit principatum, quia superposuit Iasoni argenti talenta trecenta. 2. Mac. 4.

Menelaus frater Lyfimachi per pecuniam, quam promisit Antiocho, obtinuit summum sacerdotiû; deinde donauit Andronico quædam vasa aurea de templo furtim accepta, & fecit Oniam occidi. postmodum cum accusaretur apud Ptolemaum per pecunias, quas ei dare promisit, accusatores suos morte damnari procurauit. 2. Mac. 4.

Obtulerunt Magi Domino pauperi aurum, thus, & myrrham. Matt. 2.

**B** Milites illi qui debuerant custodire sepulchrum Domini accepta a Iudæis pecunia copiosa dixerunt, quod discipuli eius furati fuerant ipsum illis dormientibus. Matt. 28.

Pauperculæ donû viduæ, quæ duo æra minuta misit in Gazophylacium præfertur a Domino muneribus diuitum. Luc. 21.

Cum vidisset Simon, quia per impositionem manus Apostolorum daretur Spiritus sanctus obtulit eis pecuniam dicēs: Date mihi hanc potestatem, &c. Act. 8.

**C** Felix præses qui tenebat Paulum vinctum a Iudæis nequiter accusatum, sperabat quod pecunia ei daretur a Paulo, propter quod frequenter accersens eum loquebatur cum eo, & quia verisimile est eum non habuisse intentum, Paulum dimisit vinctum. Act. 24.

*De fortitudine & strenuitate. Cap. LXXVII.*

**A** Vdiens Abraham nepotem suum Lot esse captû, assumptis vernaculis suis, & alijs socijs irruit nocte super quattuor reges, qui ceperant illum, & percussis hostibus reduxit Lot cum tota substantia, & populo Sodomorum. Gen. 14.

**D** Securus & audacem facit hominem puritas conscientiæ. hinc est, quod Iacob tumens cum iurgio ait ad Labā, Quam ob culpam meam, & ob quod peccatum meum sic exarsisti post me. Gen. 31.

Dixit Angelus ad Iacob, si contra Deū fortis fuisti, quantomagis contra homines præualebis. Gen. 32.

Audaciter & constanter stetit Moyses coram Pharaone arguens eum, quia non dimittebat populum Domini. Exo. 5. & deinceps.

Armati descenderunt filij Israel de terra Aegypti. Exo. 13.

**E** Caleb & Iosue viriliter conforrauerunt populum dicentes: Ascendamus & possideamus terram, quoniam poterimus obtinere eam. Num. 13. Ne timeatis populum terræ, quia tamquam panem ita possumus eos deuorare. Num. 14.

Phinees cum duodecim millibus pugnatorum debellauit Madianitas, quorum præter viros & mulieres, qui occisi fuerunt, triginta duo millia virginum in præda, animalium vero maxima multitudo fuit, nec aliquis de filijs Israel mortuus est. Num. 31.

Moyses dixit ad Iosue, qui debebat ei succedere, Confortare, & esto robustus. tu enim introduces populum istum, &c. Deut. 31.

**F** Pergens ad bellum Iosue contra habitatores Hai erat in fronte exercitus eius vallatus auxilio pugnatorum. Iosue 8.

Captis quinque regibus dixit Iosue ad principes, qui secum erant; Ite & ponite pedes vestros super capita regum istorû, nolite timere, nec paueatis. Ios. 10.

Dixit Caleb ad Iosue octoginta annorum sum, hodie, sic valens, vt ego valebam eo tempore, quando ad explorandum missus sum, illius in me temporis fortitudo perseuerat, &c. Iosue 14.

Ahod iudex, & princeps exercitus Israel in fronte gradiens dixit ad populum, Sequimini me, tradidit Dominus inimicos nostros in manus nostras. Iud. 3.

Gedeoni dixit Angelus, Dominus tecum virorum fortissime & post: Vade, & in hac fortitudine tua liberabis Israel de manu Madian. Cumque ille se humiliter

militer excusaret audiuit; Ego ero tecum, & percussit Madian, quasi vnum virum. Iud. 6.

Samson manibus leonem inermis laceravit. Iud. 14. & post hoc opera fortitudinis multa fecit, ut patet capitulo 15. & 16.

Audiens Saul obsidionem virorum Iabes Galaad, audaciter, efficaciter, & festinanter succurrit eis. 1. Reg. 11.

Dauid in pueritia sua fortiter superavit, & interfecit leonem, & vrsu, & Goliath Philistæum. 1. Reg. 17.

Dauid cum vno milite venit ad castra Saul, & intrauit tētorium eius, & tulit hastam, & scyphum eius. 1. Reg. 26.

Pueri duodecim ex parte Isboseth, & duodecim ex parte Dauid apprehenso ab vnoquoque capite cōparis sui defixerunt gladium in latus contrarij, & ceciderunt simul. 2. Reg. 2.

Desiderante, & petente Dauid de aqua cisternæ Bethleem, tres milites Dauid irruperunt in castra Philistinorum, & attulerunt ei de aqua illa. 2. Reg. 23.

Viriliter egit Iehu percussit duos reges & fratres Ochoziæ, & filios Achab, & Prophetas Baal occidit in multitudine numerosa. 4. Reg. 9. & 10.

Cum magna strenuitate Ioiada pontifex eripuit, regnum Iuda de manu Athaliæ, & Ios de semine Dauid puerulum coronauit. 4. Reg. 11. & primo Paral. 23.

Ioab filius Saruiz fuit princeps & dux exercitus, quia in primis percussit Iebusæum, qui habitabat in Hierusalem, & ita statuerat Dauid. 1. Paral. 11.

Dixit Nehemias optimatibus, & magistratibus Iudæorum: Surgamus, & ædificemus, & cōfortatæ sunt manus eorum in bono. Nehe. 2.

Filij transmigrationis ædificantes murum in circuitu Hierusalem, vna manu faciebant opus, & altera tenebant gladium. Nehe. 4.

Inimici filiorum transmigrationis terrebant varijs modis cogitantes, quod cessarent ab opere, sed dixit Nehemias: Quam ob causam magis cōfortaui manus meas. Nehe. 6.

Audientes filij Israel potentiam Holofernis præparauerunt se diligenter ad resistendum, præoccupatæ vertices montium, & muris circumdantes vicos suos, congregauerunt frumenta in preparationem pugnæ. Iudith. 4.

Miram strenuitatem habuit Iudith eundo ad Holofernem, & occidendo eum in tentorio suo. Iudith 11. & 13.

Socij Danielis dixerunt Nabuchodonosor regi Babylonis: Deus noster potest nos eripere de camino ignis, quod si noluerit, notum sit tibi rex, quod deos tuos non colimus. Dan. 3.

Daniel non dimisit propter edictum regis, quin oraret Deum suum. Dan. 6.

Miram fortitudinem habuerunt Mathathias, & filij eius, qui ita resisterunt Antiocho regi, & præualuerunt totiens contra eum. 1. Mach. 2. & deinceps.

Confidenter & strenue Iudas Machabæus flumen transiit ad castra hostium, quæ erant ultra ipsum flumen. 1. Mach. 5.

Eleazar filius Saura cucurrit audaciter ad Elephātem, & supposuit se ei, & occidit eum in terram super ipsum, & mortuus est illic. 1. Mach. 6.

Eleazarus dixit tortoribus suis, Fortiter vitā excedendo senectute dignus apparebo; adolescentibus autem exemplum forte relinquam, si prompto animo ac fortiter pro grauissimis ac sanctissimis legibus honesta morte perfungar. 2. Mach. 6.

Machabæus & qui cum eo erant ibant prompti ad bellum contra Lyfiam de cælo habentes adiutorem. Ieonum autem more impetu irruentes in hostes proftrauerunt ex eis vndecim millia peditum & equitū mille sexcentos, vniuersos autem in fugam verterunt. 2. Mach. 11.

A Virtute magna reddebant Apostoli testimonium. Resurrectionis Iesu Christi Domini, & gratia magna erat in omnibus illis. Act. 4.

Stephanus plenus gratia & fortitudine faciebat prodigia, & signa magna in populo. eius autem fortitudo præcipue apparuit, quod Iudæis constantissime restitit, & diram mortem patientissime tolerauit. Act. 6. & 7.

Fortitudo est considerata periculorum susceptio, & laborum perpassio, ita dicit Tullius. 2. Reth. secū dum hoc constat Apostolum Paulum fortissimum militem Christi fuisse, qui tot, & tanta pericula pro ipso suscepit, & tot & tales labores sustinuit, sicut patet ab vndecimo capitulo Actuum Apostolorum usque ad finem, ipse etiam enumerat. 2. Cor. 11. In laboribus plurimis, &c.

#### De confidentia & magnanimitate. Cap. LXXVIII.

Moyse stetit coram Pharaone multotiens, & arguebat eum confidenter. Exo. 5. & deinceps in pluribus capitulis.

Confidenter licet reuerenter arguit Nathan Propheta Dauid post adulterium & homicidium ab illo commissum. 2. Reg. 12.

Dixit Elias ad Achab: Non ego turbavi Israel, sed tu & domus patris tui, qui dereliquisti mandata Domini. & post fecit quadringentos Prophetas Baal occidi. 4. Reg. 18. Idem postea dixit Ochoziæ regi Israel. 4. Reg. 1. De lectulo super quem ascendisti, non descendes, &c.

Achab rex Israel dixit Eliæ: Num inuenisti me inimicum tibi. Qui dixit, Inueni eo quod venūdatus es, ut faceres malum in conspectu Domini. 3. Reg. 21.

Eliseus mira libertate dixit ad Ioram regem Israel exercitu circumstante: Quid mihi & tibi est, vade ad prophetas patris tui, &c. 4. Reg. 3.

Fuit Dominus cum Iosaphat, quia ambulauit in vijs Dauid patris sui, & post pauca: Cumque sensisset cor eius audaciam per vias Domini, &c. 2. Paral. 17.

Spiritus Dei induit Zachariam Ioiadæ filium, & stetit in conspectu Domini dicens: Quare transgredimini præceptum Domini, quod vobis non proderit? 2. Paral. 24.

Ezechias confortauit bellatores suos, dicens: Nolite timere regem Assyriorum, & vniuersam multitudinem, quæ cum eo est, plures enim nobiscum sunt, quam cum eo, &c. 2. Paral. 32.

E. Sanaballat & ceteri inimici dolentes de ædificatione muri Hierusalem, nisi sunt tertere Nehemiā varijs modis, sed non potuerunt. Nehe. 4. & 6.

Miræ magnanimitatis fuit Iudith, quæ inermis iuit ad tentorium Holofernis, & ibi eum interficere ausa fuit. Iud. 10. & 13.

Mardocheus magnanimiter renuit adorare Aman superbissimum, licet sciret regē hoc præcepisse. Hest. 3. & 5. Item etiam cum magna securitate & liberalitate loquebatur reginæ dicens: Ne putes, quod animam tuam tantum liberes, quia in domo regis es præ cunctis Iudæis. si enim nunc silueris, &c. Hest. 4.

Ananias & socij eius confidenter Nabuchodonosor regi dixerunt: Deus noster quem colimus potest eripere nos, &c. Dan. 3. Similiter Daniel, qui de edicto regis Darij non curauit, sed Deum suum more solito orauit. Dan. 8.

Eleazar filius Saura cucurrit audaciter ad elephantem, vbi credebatur esse regem, & supposuit se ei, & occidit eum. 1. Mach. 6.

Signum magnanimitatis dedit Timotheus exercitui suo de Iuda Machabeo. si transiret fluuium, & veniret ad hostes audaciter. 1. Mach. 5. Et sic fecit Iudas, & magnam habuit victoriam.

Mathathias & filij eius magnanimiter rebellauerunt & resisterunt regi Antiocho. 1. Mach. 2. & deinceps. Cum

Cum dicerent socij Iudæ ad eum, vt liberaret animas suas, quia hostes erant multi, & ipsi pauci; respondit Iudas: Absit istam rem facere, vt fugiamus ab eis, & si appropinquauerit tempus nostrum, moriamur in virtute, &c. 1. Mach. 9.

Videntes socij Iudæ Machabæi exercitum venientem, dixerunt: Quomodo poterimus pauci pugnare contra multitudinem tantam fortem. Et ait Iudas: Facile est concludi multos in manus paucorū, & non est differētia in conspectu Dei liberare in multis, aut in paucis, quia non in multitudine exercitus belli victoria, sed de celo fortitudo est. 1. Mach. 3.

Ionathas animauit suos, ad pugnam ex eo, quod bellum erat ex aduerso, & aqua Iordanis hinc, & inde, & ripæ, & paludes, & saltus, & non erat locus diuertendi. 1. Mach. 9.

Cum esset Ionathas in prælio contra alienigenas reliquerunt eum sui omnes, exceptis duobus, sed videntes quod ipse dux fortiter pugnabat, reuersi sunt fugientes, & occiderunt de alienigenis tria millia virorum. 1. Mach. 11.

Egregius dux militiæ Iudas Machabæus ad eas quæ amplius urgebant pugnas se conuertit. 1. Mach. 10.

Machabæus & qui cum eo erant, videntes auxilium de celo sibi missum, conualuerunt animis, non solum homines, sed etiam bestias ferocissimas, & multos ferreos parati penetrare, &c. 2. Mach. 11.

Crucifixo Domino, Ioseph ab Arimathæa audacter introiuit ad Pilatum, & petijt corpus Iesu. Marc. 15.

Ille cæcus natus a Domino illuminatus, libera voce veritatem de Domino fatebatur. Ioan. 9.

Dixit Thomas ad condiscipulos: Eamus, & nos, & moriamur cum eo, scilicet cum Christo. Ioan. 11.

Petrus qui ad vocē vnus ancillæ panefactus Christum negauerat, recepto Spiritu sancto fuit tanta virtute indutus, vt coram populo, & magistratu, ac Pharisæorum collegio ipsum, cum omni fiducia prædicaret. Act. 2. 3. 4. 5.

Stephanus plenus gratia, & fortitudine Christum Deum cum mira libertate prædicabat, & Iudæos dure increpans, confundebat dicens inter cetera: Dum ceruice, & incircumcisi corde, & auribus, vos semper Spiritui sancto resistitis. Act. 7.

Magistratus, & minister arguendo dixerunt Apostolis: Præcipiendo præcepimus vobis, ne docueritis in nomine isto, & ecce repleti Hierusalem doctrina vestra, & vultis inducere super nos sanguinem hominis istius. Respondentes autem Petrus, & Apostoli dixerunt: Magis obedire oportet Deo, quàm hominibus. Act. 5.

Paulus Apostolus præfente Paulo proconsule, Elymam magum durissime increpauit, & eum ad tempus lumine oculorum priuauit. Act. 13.

Cum mandassent magistratus, vt Paulus, & Silas liberarentur de carcere, Paulus dixit eis: Cæcos nos publice homines Romanos indemnatos miserunt in carcerem, & nunc occulte nos eiiciunt, & sic locutus est quod illi timentes venerunt, & rogauerunt eos, vt egredierentur de illa ciuitate. Act. 16.

Commota, & confusa ciuitate Ephesina, ciues impetum fecerunt vnanimiter in theatrum raptis comitibus Pauli. Paulus autem voluit se mittere in populum, sed non permiserunt eum discipuli. Act. 19.

Vale dicens fratribus de Asia, dicebat Paulus: Sanctus Spiritus per omnes protestatur ciuitates mihi, quia vincula, & tribulationes me manent in Hierusalem. sed nihil, inquit, horum vereor, nec facio animam meam pretiosiores, quàm me, &c. Act. 20.

Coram illis iudicibus, quos habuit Paulus miram magnanimitatem ostendit, videlicet coram tribuno, Anania principe sacerdotū, Felice, Festo, a quo manifeste grauatus, Cæsarem appellauit. Act. 21. 22. 23. 24. 15.

In tot, & tantis periculis constitutus Paulus semper fuit intrepidus, & securus; & hoc præcipue apparuit in tempestate, quam passa est nauis sua. Act. 27.

De ipso beato Paulo, beatus Augustinus, de ciuitate Dei Illum, inquit, optimum, & fortissimum virum, qui in suis infirmitatibus gloriatur. Qui plus omnibus coapostolis suis laborauit. Illum, inquam, verum athletam Christi, doctum ab illo, vinctum de illo, crucifixum cum illo, gloriosum in illo; in theatro huius mundi, cui spectaculum factus est, & Angelis, & hominibus, legitime magno agone certantem, oculis fidei libentissime spectantem, gaudere cum gaudentibus, flere cum flentibus, foris habentem pugnas, intus timores, & cetera.

De patientia, & mansuetudine, & de iniurijs, & tormentis. Cap. LXXXIX.

Mansuete ferebat Isaac, cum pater suus immolare eum vellet. Gen. 22.

Ioseph facinus quod in eum commiserunt fratres sui. Gen. 37. et patienter tulit, & clementer indulgit. Gen. 45. & 1.

Speciale mandatum dedit Ioseph fratribus suis dicens: Ne irascamini in via. Gen. 45.

Cito orauit Moyses pro Maria, quæ contra eum, tam inique locuta fuerat, & per orationem eius sanata fuit. Num. 12.

Murmurauerat populus contra Moysen, & Aaron dicens: Vos interfecistis populum Domini; & cum iratus Dominus populum percuteret, dixit Moyses ad Aaron: Perge cito ad populum, vt ores pro eis, & sequitur, quod plaga cessauit. Num. 16.

Filij Ephraim iurgantes fortiter contra Gedeonem fuerunt sedati, per eius mansuetam responsionem. Iudic. 8. Quid enim, inquit, tale quid facere potui, quale vos fecistis, & cetera.

Noluit sustinere Saul, quod occiderentur viri, qui detraxerant ei. 1. Reg. 11.

Potuit Dauid pluries, & noluit occidere Saulem ipsum actualiter persequentem. 1. Reg. 24. Quando absceidit oram chlamydis suæ, & 26. Quando inuenit dormientem.

Fugiens Dauid a facie Absalom, patienter dixit ad Sadoch: Si inuenero gratiam in oculis Domini, reducet me, &c. 2. Reg. 15. Et ad Semei maledicentem sibi, &c. 16.

Miphiboseph sustinuit patienter iniquam sententiam contra se laram. 3. Reg. 15.

Dixerunt seniores dantes consilium Roboam: Si placueris populo huic, & linieris eos verbis clementibus, seruiet tibi omni tempore. 2. Paral. 10.

Homines qui venerant ad capiendum Eliseum, non permisit ipse aliquid mali habere, sed præcepit eis mensam apponi, & refectos abire permisit. 4. Reg. 5.

Excæcatus Tobias, miram patientiam ostendit erga diuinum flagellum, & irrisiōnem amicorum, & vxoris. Tob. 2. & 3.

Iob patiens fuit perdendo sua, suos, & quasi seipsum. Et notandum est, quod simul amisit bona sua, & liberos suos: & sic vehementior fuit tentationis impetus. Item illi qui remanserunt de amicis suis plus ei desolationis, quàm consolationis attulerunt; vt patet in vxore, & alijs amicis, qui fuerunt ei consolatores onerosi. Iob 1. & 2. Et deinceps.

Alacrem patientiā exhibuerunt socij Danielis missi iussu regis in fornacem ignis ardentis. Dan. 3. Et tantum, vel amplius laudatus fuit Deus ex eorum patientia, quantum ex Danielis sapientia.

Filia Raguelis Sara grauem contumeliam ab ancilla prolatam patienter tulit, nihil respondens; sed statim ad orationem se committens. Tob. 3.

Cum plagis perimeretur Eleazarus dixit: Domine mi scis, quia cum a morte possem liberari diros corporis



poris sustineo dolores, secundum animam vero propter timorem tuum hæc patior libenter. 2. Mach. 6.

Septem illi fratres, cum pia matre sua, alacri animo passi sunt horrenda tormenta. 2. Mach. 7.

Cum interrogasset Petrus: Domine quoties peccabit in me frater meus, & dimittā ei? vsque septies? Nō dico vsque septies, sed vsque septuagies septies. Mat. 18.

Ad remittendum fratribus ex corde induxit Dominus parabolam serui nequam, cui decem millia talenta liberaliter a Domino fuerunt dimissa. Matth. 18.

Cum vidissent Iacobus, & Ioannes, quod Samaritani non receperant nuntios Domini, quos præmiserat, dixerunt: Vis dicimus, ut ignis descendat de cælo, & consumat illos. & Dominus increpauit illos; & dixit: Nescitis cuius spiritus estis, &c. Luc. 9.

Mulier in adulterio deprehensa, & coram Domino accusata, nihil omnino accusatoribus respondebat. Dominus autem pro ea verbum assumpsit, & eam benigne absoluit. Ioan. 8.

Cedendum est quandoque furori persequentium, unde Dominus qui pati, & occidi venerat, non ut timidus, sed ut prouidus, & horam passionis competenter expectans, rabiem Iudæorum pluries declinauit. Luc. 4. Iesus autem transiens per medium illorum ibat. Ioan. 8. & 12. Abscondit se, & exiuit de templo.

De se ipso, Dominus ait. Matth. 11. Discite a me, quia mitis sum, & humilis corde.

Dominus noster patienter pertulit iniurias illatas verbis, & factis; verbis quidem detractorijs, contradictorijs, derisorijs, & contumeliosis.

Detraxerunt enim occulte ei, & manifeste, occulte intra se loquendo, & ipsum temere nequiter iudicando. Luc. 7. Hic si esset propheta, &c. Item Matth. 9. Luc. 5. Hic blasphematur, & cetera.

Manifeste quando dicebant discipulis eius Pharisæi, Quare cum Publicanis, & peccatoribus manducat & bibit magister vester? Matth. 10. & Luc. 5. Item Matth. 12. Luc. 11. quando eius miracula deprauabant dicentes: In Belzebub principe dæmoniorum eijcit dæmonia. & Ioan. 9. Non est hic homo a Deo, qui sabbatum non custodit. Item ibidem Ioan. 9. Nos scimus, quia hic homo peccator est. Item dicebant eum habere dæmonium. Ioan. 7. & 8.

Contradictoria vero verba sustinuit. Ioan. 8. Tu de te ipso testimonium perhibes. Testimoniū tuum, non est verum. Item ibidem: Quinquaginta annos nōdum habes, & Abraham vidisti. Item verba derisorija. Matth. 9. Luc. 8. Cum dixisset non est mortua puella, sed dormit, sequitur: Deridebant eum. Item Luc. 16. Cum dixisset: Facite vobis amicos de mammona iniquitatis. Sequitur: Audiebant hoc Pharisæi, qui erant auari, & deridebant eum.

Item verba contumeliosa. Ioan. 8. Nonne bene diximus, quia Samaritanus es tu, & dæmonium habes. Ioan. 7. Dæmonium habes. Luc. 5. Quis est hic, qui loquitur blasphemias?

Similiter tempore passionis ante crucem in domo Annæ, & in domo Caiphæ coram Pilato, & coram Herode, ac demum dum penderet in cruce huiusmodi verba multa circa se audiuit.

Item in factis graues iniurias passus fuit. nam ipso prædicante repleti sunt omnes in synagoga ira, & eijcientes eum extra ciuitatem, voluerunt eum precipitare de supercilio montis. Luc. 4. Et iterum ad lapidandum eum, lapides sustulerunt. Ioan. 8. & 9.

Item cum iret in Hierusalem, & vellet transire per Samariam nuntios quos præmiserat, recipere noluerunt. Luc. 9.

Præterea ipso prædicante Iudæis, & eorum malitias increpante, illi ad lapidandum eum lapides sustulerunt. Ioan. 8. & 9.

Hoc parum fuit respectu eorum, quæ in passione sustinuit, circa quam notari potest quod, secundum

ea, quæ ipse prædixerat. Matth. 20. Fuit delusus, flagellatus, & crucifixus.

Delusus siquidē in domo Caiphæ pōtificis. Luc. 22. Qui tenebant eum, illudebant ei cædentes.

Item in prætorio Pilati præsidis. Matth. 27. Genuflexo illudebant ei dicentes: Aue rex Iudæorum.

Similiter illusus fuit in domo Hetodis. Spreuit eum Herodes, & illudit eum cum exercitu suo, &c. Luc. 23.

Item illusus fuit Dominus Iesus in patibulo crucis, & hoc a militibus, & sacerdotibus, & communiter prætereuntibus, & latronibus. Siquidem de militibus dicitur. Matth. 27. Illudebant ei milites dicentes, &c. accedentes, & acetum offerentes.

De sacerdotibus autem. Matth. 27. Principes sacerdotum cum scribis, & senioribus illudebant ei dicentes: Alios saluos fecit, & cetera.

Prætereuntes autem blasphemabant eum mouentes capita sua. Matth. 27.

De latronibus insuper dicitur Matth. 27. Latrones qui crucifixi erant cum eo conuiciabantur ei.

Uterius nota quod illusus fuit nutibus, & signis, quando mouebant capita sua, & flectebant genua sua.

Verbis quando salutantes dicebant: Aue rex Iudæorum.

Factis quando fuit spinis coronatus, & arundo loco sceptri posita in manu eius.

Sputis deurtatus & veste purpurea, & alba vestitur. Luc. 23.

Saluator noster in passione sua, mansuetudinem exhibuit ad proditorem, quem vocauit amicum. Matth. 27.

Ad lictorem cuius aurem sanauit. Luc. 22. Ad Annam, & ad Caipham, ad Pilatum coram quibus fuit falsissime accusatus, mansuetissime respondit. Ioan. 18. & 19. & in alijs Euangelistis.

Item ad crucifixores pro quibus orauit. Luc. 23.

Item ad latronē cui tam benigne respōdit. Luc. 23.

De flagellatione pensandum est, quod ipse Dominus Iesus flagellatus fuit in capite. Matth. 27. Percutiebant caput eius arundine. Item in facie. Luc. 22. Percutiebant faciem eius. Ioan. 18. Vnus ministrorum assistens pontifici dedit ei alapam. Item in collo. Matth. 27. colaphis eum cæciderunt. Item in toto corpore. Matth. 15. Tradidit illis Iesum flagellis cæsum, ut crucifigerent eum.

Circa quæ notari potest quod flagellari solent in E. capite inscij, & qui erudiuntur, in collo serui qui de domo eijciuntur, in facie rei qui vituperantur, in toto corpore scelerati qui puniuntur.

Item considerari debet ab anima fidei, quod fuit flagellatus linguis blasphemantium, impropertantium, acclamantium, Crucifige, crucifige eum. Palmis percutientium. Matth. 26. Alij palmas in faciem ei dederunt in arundine, & flagellis, sicut iam visum est in Matthæo, & Marcō.

Ad omnis iniuriæ cumulum multum facit quod ipse Dominus dominantium, qui soluit compeditos, ipse fuit tamquam latro captus, & ligatus. Ioan. 18. F. Ministri Iudæorum comprehenderunt Iesum, & ligauerunt eum.

Item fuit latro ei præpositus, quia petierunt Barabam sibi dimitti, & Dominum crucifigi testantibus omnibus Euangelistis. & tamen ille cum eo, qui erat latro in seditione fecerat homicidium. Ioan. 18. Luc. 22. Matth. 27. Unde ille Barabas erat homicida, sediciosus, latro insignis, in malitia diffamatus.

Item fuit in medio latronum positus, quasi esset magister eorum, & sceleratior omnibus. Ioan. 19. Medium autem Iesum.

Præterea pensandum est, quod ipse fuit in omnibus sensibus corporis flagellatus. oculi namq. illius videbant illos tortores suos rabidos, & crudelēs.

Item

Item piam matrem eius in animam pariter crucifixam, dilectum discipulum, & mulieres deuotas ei cōpatientes. Aures autem verba blasphemiarum, insultationis, derisionis, & improprietatis audiebant. Nares etiā ratione loci Caluarie, in quo crucifixus est, vbi decalabatur, siue decapitabatur malefici affectu erāt fœtore graui. Gustus eius fuit afflictus in hoc, quod fuit potatus vino myrrhato, vel aceto cum felle mixto. In quibus datur intelligi poculum fuisse amarissimum. Sensus autem tactus per totum corpus diffusus vbiq. dolorem sensit in membris videlicet flagellatis in manibus, & pedibus atrociter perforatis.

Potest etiam considerari, quod ipse Dominus Iesus sustinuit damnum in rebus, quas secundum hominē habuit.

Quia fuit vestimentis nudatus. Io. 19. Ab amicis derelictus. Matt. 26. Discipuli relicto eo fugerunt omnes.

Afflictus in toto corpore sicut tactum est per acerbissimam passionem.

Iterum in corde, vel mēte per compassionem, quia compatiēbatur amicis ibi assistentibus, & inimicis ignorantibus.

Item passus est Iesus quodammodo in fama, seu opinione, quia dicebant eum fuisse populi seductorē. Matt. 27. Domine dixerunt ad Pilatū principes sacerdotum, recordati sumus, quoniam seductor ille, &c.

Aduertendum est etiam circa salutiferam passionē Domini nostri Iesu Christi, quæ fuit turpis, immo turpissima & ignominiosa, ratione loci, vbi notus, & honoratus fuerat, & multa miracula fecerat, scilicet in Hierusalem. Item ratione tēporis, vel diei solemnissimæ Paschæ, quando conuenerat ad diem festum maxima hominum multitudo. Item hora quasi sexta ductus fuit ad crucem, vt ab hominibus posset sciri. Item ratione ipsius mortis, quia morte crucis, morte debita maledictis malefactoribus, & iniquis. Item ratione modi ad ipsum tormentum eundi; exiuit enim Iesus baiulans sibi crucem. Io. 19. quod certe non legitur de alijs duobus nequam qui ducebantur cum eo. Itē ratione consortij; nam fuit crucifixus in medio duorum latronum, quasi esset vnus, aut maximus, vel magister.

Adhuc autem aggrauatur illius benedictæ passionis acerbitas ex naturali Domini corporis complexionē. Certum est enim illud sacrum corpus fuisse complexionis optimæ, & mirabiliter delicatæ; vt pote organizatum sancti Spiritus opere, vnde fuit sine aliquo naturæ vitio, vel errore. Item caro sua sancta, nullam habuit vīquā rebellionem, vel pīgnam cōtra spiritum, & ideo spiritus merito magis diligebat ipsam, quā alterius spiritus, vel anima debeat diligere corpus suum. Item ex diuturnitate diurnæ durationis aggrauatur acerbitas passionis; nā multi martyres igne cremati, vel aqua submersi, vel capite truncati martyrium suum celeriter compleuerunt; passio vero Domini durauit, quasi ab instanti suæ conceptionis vsque ad horam mortis (certissime namque præsciuit quicquid sua humanitas passura fuit) specialiter tamen continue durauit ab hora illa post cenam vsque ad sextæ feriæ horam nonam. Item ex qualitate membrorum, in quibus passus fuit, quia in pedibus, & manibus quæ sunt membra neruosa, & doloris maxime perceptiua.

Signum autem quod passio Domini grauissima & acerbissima fuerit ex hoc præcipue potest haberi; quod narrante Luca in oratione post cenam ex vehementi imaginatione futuræ angustie vel doloris, factus est sudor eius, sicut guttæ sanguinis decurrentis in terram. Luc. 22.

Eandem vero Dominicam passionem reddit inextimabiliter gratiosam hoc quod ad illam sponte se obtulit. Matt. 27. Surgite eamus, ecce appropinquauit qui me tradet, & Io. 18.

S. Bon. Tom. 7. Pars iiii.

A Iuit obuiam ministris querentibus Iesum Nazarenum, & cum audissent eum dicentem: Ego sum, ceciderunt in terram. Item postea captus, vincus, ignominiose deductus, mēdaciter accusatus, colaphizatus, spuris illitus, flagellis cæsus, spinis derisorie coronatus, nullum verbum aut signum impatientie, seuurbationis ostendit. quinimō multiplex beneficiū illis, a quibus ira premebatur impendit. Nam aurem amputatam seruo principis sanauit, & multa pia & vtilia verba illis dixit, & pro ipsis crucifixoribus suis clementer orauit patrem suum dulciter inuocans, & illos benigne excusans. Luc. 23. Pater, inquit, dimitte illis, non enim sciunt quid faciunt.

Denique hæc omnia passus non propter se, sed propter nos, nam propter peccata nostra tollenda, quia quæ non rapuit, tunc exoluit; vnde propter necessitatem & vtilitatem nostram, non propter suam animā enim suam posuit pro ouibus suis. Io. 10. Pro nobis quippe liberandis voluit comprehendere, pro nobis redimendis voluit vendi, pro nobis honorandis voluit cōfundi, & in cruce suspēdi, vincularis est vt absolueretur, vulneratus est vt sanaremur, flagellatus ne flagellatemur, mortuus est ne æternaliter moreremur. Gal. 2. In fide viuo filij Dei, qui dilexit me, & tradidit semetipsum pro me. 1. Cor. 15. Christus mortuus est pro peccatis nostris. Item. 1. Pe. 2. Christus passus est pro nobis relinquens exemplum. Item Isa. 53. Ipse vulneratus est propter iniquitates nostras. Attritus est propter scelera nostra tollenda, scilicet & delenda. Item Io. 10. Animam meam, inquit, pro ouibus meis pono.

De Apostolis cæsis dicitur. Act. 5. Ibant gaudentes a conspectu concilij, quoniam digni habiti sunt, &c.

Stephanus ad lapidatores suos fuit ita patiens, & benignus, quod diligentius pro illis, quam pro se ipso orasse videtur. Nam positus genibus clamauit voce magna dicens: Domine ne statuas, &c. orans autem pro se non legitur genua flexisse, nec clamasse. Act. 7.

Paulus & Silas positi in duro carcere media nocte adorabant Deum, & laudabant. Act. 16.

*De constantia & perseverantia in propositis.*  
Cap. LXXX.

NON est respiciendum retro post egressum de societate malorum, sicut fecit vxor Lot, quæ versa est in statuam salis. Gen. 19.

Singulis diebus molesta erat Ioseph domina eius, & ille tamen perseveranter restitit operi nefario. Gen. 39.

Numquam potuit vinci Moyses, quod vel in Aegypto, immolans remaneret, vel paruulos aut iumenta populi dimitteret Pharaoni. Exo. 8. 9. & 10.

Dure reprehensus David a fratre suo maiore, & etiam dissuasus a Saule non destitit ab incepto, sed viriliter pugnavit, & vicit. 1. Reg. 17.

Perseueranter egit Ioab in obsidione Rabbath, donec capta fuit ciuitas. 2. Reg. 12.

Item circa Sebā Bochari in obsidione ciuitatis Abela. 2. Reg. 20.

B Quamuis Nehemias in ædificando multa passus fuerit impedimenta, non cessauit ab opere, donec murus fuerit totaliter consummatus. Nehe. 4. & 6.

Cum Tobias ab infantia semper timuerit Deum, non est contristatus contra Dominum, quod plaga exacerbatas euenerit ei, & immobiliter in Dei timore permansit. Tob. 2.

Eliachim sacerdos magnus allocutus est omnem Israel dicens; Scitote quoniam exaudiet Dominus preces vestras, si manentes perseveraueritis in conspectu Dei. Iudith 4.

Scire cupiebant famuli regis Assueri, vtrum Mardochæus perseveraret in sententia de non adorando Aman, qui ita constanter persistit in proposito, vt non

Y y solum

solum eum non adorare voluerit, sed nec ei assurgere transeunti. Esther 3. & 5.

Socij Danielis constanter dixerunt regi Babylonis: Notum sit tibi rex, quod deos tuos non colimus, & statuam tuam non adoramus. Dan. 3.

Non prætermisit Daniel, propter crudele decretum Darij regis Persarum, quin oraret ter in die, sicut ante consueuerat Deum suum. Dan. 6.

Constanter restitit Susanna duobus senibus presbyteris; qui eam tanti vexamenti tentatione pulsabāt. Dan. 13.

Multi de populo Israel diffinierunt apud se, vt non manducarent immunda, & elegerunt magis mori, quam cibus coquinari. 1. Mach. 1.

Miram constantiam, & perseverantiā habuit Eleazarus in tormentis, & magis elegit grauissima morte periri, quam contra leges carnes porcinas comedere, vel simulare se comedisse. 2. Mach. 6.

Septem illi fratres cum pia matre sua, bene perseverauerunt vsque in finem, nec potuerunt ad præuaricationem legis adduci blanditijs, aut tormentis. 2. Mach. 7.

Firmissimum virginitatis propositum habuit Beata Virgo, quæ noluit consentire in conceptione tanti Filij, donec intellexit quod hoc fieret, non viri opere, sed virtute Spiritus sancti. Luc. 1.

Ponit Dominus exemplum. Luc. 13. de illo homine ab alijs illudendo, qui cœpit turrim ædificare, & non potuit consummare.

Cæcus ille natus, & a Domino illuminatus constanter perseverauit contra Phariseos veritatem confitens, & defendens. Ioan. 9.

Omnes discipuli Domini erant perseverantes vnam nimiter in oratione, cum mulieribus, & Maria matre Iesu. Act. 1.

Principes Iudæorum videntes Petri constantiam, & Ioannis, comperto quod essent homines sine literis, & idiote admirabantur. Act. 4.

Videns Barnabas quod multi Antiocheni erant ad fidem conuersi, gauisus est, & exhortabatur omnes in proposito cordis permanere in Domino. Act. 11.

Paulus & Barnabas suadebant fratribus, vt permanerent in gratia Dei. Act. 13.

Spiritus sanctus per omnes ciuitates protestabatur Paulo, quoniam vincula, & tribulationes in Hierusalem sustinere debebat. Sed nihil horum, inquit, vereor, nec facio animam meam pretiosiorē quam me, dumodo consummem cursum meū, &c. Act. 20.

#### *De impatentia, & murmure. Cap. LXXXI.*

**A** Gar. Ancilla Saræ non ferens correptionem domini suæ, quæ affligebat eam, præ illius superbia fugam iniuit, sed ad mandatum Angeli redijt. Genes. 26.

Præpositi filiorum Israel dixerūt Moyfi, & Aaron: Videat Dominus, & iudicet, quoniam fosterere fecistis odorem nostrum coram Pharaone. Exo. 5.

Videntes Egyptios filij Israel, dixerunt ad Moysen. Exod. 14. Forsitan non erant sepulcra in Egypto, vel contulistis nos, vt moreremur in solitudine.

Prima murmuratio filiorum Israel in deserto fuit, pro defectu potus. Exod. 15. Murmurauit populus contra Moysen dicens: Quid bibemus. deinde pro cibo. Exod. 16. Murmurauit omnis congregatio filiorum Israel, &cet. Cur induxistis nos in desertum istud, vt occideretis omnem multitudinem famem?

Item postquam misit Dominus populo coturnices, & manna, murmurauit præ sitis angustia. Exod. 17.

Cum patiebatur famem populus in deserto, cū murmure, & impatiētia recordabatur carniū, quas comederat in Egypto, sed de durissima seruitute, qua opprimebatur, non faciebat mentionē aliquam. Exo. 16.

Videns populus quod moram faceret descendendi

Moyfes de monte, congregatus aduersus Aaron, ait: Surge fac nobis deos qui præcedant, &c. Exo. 32.

Ortum est murmur populi, quasi dolentium pro labore, contra Dominum, & accensus est in eos ignis Domini, & deuorauit extremam castrorum partem. Num. 11. Et nota peruersitatem illorum dicentium: Recordamur piscium quos comedebamus in Egypto gratis, cum tamen ita care emerent.

Post terribilem mortem Chore, & complicum suorū, multitudo murmurauit contra Moysen, & Aaron dicēs: Vos interfecistis populū Domini, &c. Num. 16.

Rursus propter defectum potus, & fructuum murmurauerunt, & iurgati sunt filij Israel contra Moysen, ad aquas contradictionis. Num. 20.

Videns Achitophel, quod non esset factum, iuxta consilium suum, in tantum impatiens fuit quod recessit ab Absalom, & abiens in domum suam suspensio interijt. 2. Reg. 17.

Quia durius locuti sunt filij Iuda cum illis de decem tribubus, separatus est omnis Israel a Dauid, & secutus est Sebam filium Bochri. 2. Reg. 20.

Cum dixisset Tobias de heredo, quem balantem audiuit: Videte ne furtiuus sit; vxor eius impatienter respondit. Tob. 2.

Sara filia Raguelis, vnam de ancillis pro culpa sua increpabat, & illa nimis iniuriose respondit, dicens: Amplius ex te non videamus filium, aut filiam super terram, interfecitrix virorum tuorum. Tob. 3.

Nuntiatum est Holoferni quod filij Israel præparauissent se ad resistendum, & furore nimio exarsit in iracundiam magnam. Iudith 5. Item cum cessasset loqui Achior indignatus est Holofernes vehementer. Iudith 7.

Pro eo quod Mardochæus Aman noluit adorare, ille ita indignans, & impatiens fuit, quod visus est procurare mortem eius, & omniū Iudæorum. Esther 3.

Videns Elihu quod amici Iob disputantes cum eo, non poterant eum conuincere, ostendit multa signa impatiētiæ verbis suis. Iob 33.

Audiens Nabuchodonosor, quod socij Danielis auream statuam, quam fecerat, adorare nolebāt, in ira, & furore eos coram se adduci præcepit. Dan. 3.

Audiens Herodes natum esse regem Iudæorum, turbatus est, & omnis Hierosolyma cum illo. Matth. 2.

Discumbente Domino in domo Matthæi murmurabant Pharisei, & Scribæ, dicentes ad discipulos eius: Quare cum publicanis, & peccatoribus manducatis, & bibitis? Luc. 5.

**E** Simile habetur Luc. 15. Erant appropinquantēs ad Iesum publicani, & peccatores, &cet. & murmurabant, &cetera.

Item de Zachæo Luc. 19. murmurabant dicentes, quod ad hominem peccatorem diuertisset.

Frater senior filij prodigi audiens festum quod faciebat pater adolescentiori filio reuertenti, indignatus est, & nolebat introire. Luc. 15.

Videntes principes sacerdotū, & Scribæ, miracula quæ Dominus faciebat, & pueros clamantes Osanna filio Dauid, indignari sunt, &c. Matth. 21. Luc. 19.

Pharisei vidētes se per vnum cæcum natum a Domino illuminatum, verbis efficacibus cōfutari, male dixerūt ei, & dixerunt: Tu discipulus eius sis. & post, in peccatis natus es totus, & tu doces nos, &c. Ioan. 9.

Factum est murmur Græcorū aduersus Hebræos, eo quod despicerentur in ministerio quotidiano, viduæ eorum, &c. Act. 6.

#### *De bello temporali, & victoria, vt plurimum diuinum obsequia. Cap. LXXXII.*

**A** Braham cum paucis socijs debellauit quatuor reges, qui tamen ita potentes erant, quod ipsi terras multas vastauerant, & tamen quinque reges de Pentapoli vicerunt, & illos de Sodoma, & Gomorra

morra spoliauerunt. ipse vero Abraham spolia recuperavit, & Lot nepotem suum liberauit. Gen. 14.

Nota quod in bello iusto, non tenetur homo inimicis suis pugnam prædicere, vel eos præmunire; immo etiam licet eis insidias tendere, sicut patet per Abraham. Gen. 14. & Iosue 8. & 10. Itē 8. de Gedeone.

Contra Amalech filios Israel impedire nitentem, misit Moyses Iosue ad pugnandum, ipse vero in propria persona non iuit, sed in oratione remansit, & plus fecit orando, quàm ille manibus feriendo. Exod. 17.

Filij Israel motu valde animoso aggressi sunt bellum contra Amalechitas, & Chananæos prohibente Moysē. illi autem percurientes, & concidentes filios Israel, persecuti sunt eos, usque Horma. Num. 14.

Rex Arad pugnavit contra filios Israel, duxit inde prædam, illi vero postea voto Domino se obligantes vicerunt, & vrbes ostium subuerterunt. Num. 21.

Ex præcepto Domini pugnautes filij Israel contra Madianitas, tantam victoriam habuerunt, quod triginta duo millia mulierum virginum habuerunt in præda, & tamen de populo Israel non fuerunt nisi duo decim millia pugnatorum, de quibus, nec vnus quidem in prælio mortuus est. Num. 31.

Vociferante populo, & clamante clagentibus tuis, sicut præceperat Dominus Iosue, muri Iericho corruerunt, & sic capta est ciuitas. Iosue 6.

Occasione præuaricationis Achan filij Israel fugati fuerunt ab illis, de ciuitate Hai. Post expiationem autem peccati, ad præceptum Domini capta fuit ciuitas, & subuersa. Iosue 7. & 8.

Cum pugnaret Iosue contra quinque reges, qui venerunt ad destruendum Gabaonitas. Misit Dominus super illos lapides magnos de celo, & mortui sunt multo plures lapidibus gradinis, quàm quos gladio percusserant filij Israel. tunc & ad vocem Iosue stetit sol spatio vnus diei, vt possent deleri funditus inimici. Iosue 10.

Notabile est autem quod licet in acquisitione terræ Promissionis, dicatur quod Iosue percussit omnem terram cum regibus suis, & quod præter Gabaon omnes debellando cepit; tamen legitur ibi: Dominus Israel pugnabat pro eo. Vnde quamuis filij Israel manibus fortiter pugnarent, tamen Deo attribuebatur victoria. Iosue 10. 11. 12.

Post mortem Iosue, filij Israel non leguntur iuisse ad prælium, nisi consulto prius Domino, & sic iuerunt, & tradidit Dominus Chananæum, & Pherezæum in manus eorum. Iud. 1.

Multas gentes dimisit Dominus inter filios Israel, vt erudiret in eis Israel, & omnes qui nouerant bella Chananæorum, vt discerent filij eorum certare cum hostibus, & haberent consuetudinem præliandi. Iud. 3.

Suscitauit Dominus Israeli saluatorem, vocabulo Ahod, qui percussit Eglon regem Moab & descenderunt cum eo filij Israel, ipso in fronte gradiente, qui dixit ad eos, Sequimini me. Tradidit enim Dominus inimicos vestros in manus nostras. & percusserunt de Moabitibus circiter decem millia. Iud. 3.

Dixit Debbora ad Barach: Surge; hæc est enim dies in qua tradidit Dominus Sisaram in manus nostras. Perterruit enim Dominus Sisaram, & omnes currus eius, &c. Iud. 4.

In trecentis viris, qui manu ad os projiciente aquas biberunt, liberauit Dominus Israel de manu Madian, & Amalech, qui erant in maxima multitudine, tempore Gedeonis. Iudic. 7.

Abimelech filius Gedeonis ex concubina, interfecit septuaginta fratres suos, vt solus posset dominari. Postea quædam mulier cerebrum eius fregit fragmen molæ iaciens super ipsum, dum obsideret turrin Sichem. Iud. 9. Reddidit Dominus malum, &c.

Trāsiuit Iephthae ad filios Ammon, vt pugnaret contra eos. Bon. Tom. 7. Pars iij.

tra eos, quos tradidit Dominus in manus eius, percussitque viginti ciuitates filiorum Ammon plaga magna nimis. Iud. 11.

Ex magna fortitudine quam dedit Dominus Samsoni, plures mirabiles victorias obtinuit de Philistæis, qui tunc graui seruitute opprimebant filios Israel. Iudic. 13. 14. 15. & 16.

Sexcenti viri de tribu Dan, venerunt in Lais ad populum quiescentem, atque securum, & percusserunt eos in ore gladij, urbemque incendio tradiderunt, nullo penitus ferente præsidium, eo quod procul essent a Sidone, & cum nullo hominum haberet quidquam societatis, & negotij. Iud. 18.

Licet filij Israel iuste mouerentur contra filios Benjamin, & essent plures septuplum, quàm illi; tamen ipsi fortitudine a numero confidentes, bis fuerunt ab eis debellati. postea flentibus coram Domino, & ieiunantibus dixit ei Dominus: Cras tradam eos in manus vestras; & tunc plenam victoriam habuerunt deinceps. Iudic. 20.

Tempore Heli sacerdotis filij Israel debellati fuerunt a Philistæis, postea quasi tentantes Deum tulerunt arcam Domini secum, Philistæi vero confortantes se mutuo, iterum vicerunt eos, & arcam Domini ceperunt. 1. Reg. 4.

Clamante ad Dominum Samuele pro Israel, & sacrificium offerente. Intonuit Dominus fragore magno super Philistiim, & cæsi sunt Philistæi. 1. Reg. 7.

Cum obsessi essent viri de labes Galaad a Naas rege Ammonitarum, cito succurrit eis Saul. nam cum multis bellatoribus ingressus est castra in vigilia matutina, & sic dispersi sunt, ita vt non relinquerentur in eis duo pariter. 1. Reg. 11.

Videns Ionathas filius Saul stationem Philistinorum, dixit ad armigerum suum: Non est Domino difficile saluare in multis, vel in paucis, & accidit quasi miraculum a Deo. Fuit enim per eos multitudo prostrata, & huc illuc diffugiens. 1. Reg. 14.

Ad mandatum Samuel, percussit Saul Amalech vnum, omne autem vulgus interfecit. 1. Reg. 15.

Audiens Dauid quod Amalechitæ succenderant, Siceleg, & captiuas duxerant mulieres, consuluit Dominum, vtrum deberet persequi latrunculos illos. Dixitque Dominus, Persequere. & cum quadringentis viris debellauit eos, & prædam integraliter re-duxit. 1. Reg. 30.

Post multas persecutiones iniquas, quas Saul in Dauid commouit, Philistiim pugnaverunt aduersus eum, totumque pondus prælij versum est in Saul. arripuit autem gladium suum, & irruit super eum. Mortuus est ergo Saul, & tres filij, & vniuersi viri eius pariter. 1. Reg. 31.

Crudele bellum fuit inter duodecim pueros ex parte Dauid, & duodecim ex parte Isboeth filij Saul, quando mutuo se occiderunt. 2. Reg. 2.

Audierunt Philistæi, quod Dauid esset vnctus in regem super Israel, & ascenderunt vniuersi, vt quærerent eum qui consuluit Dominum, & percussit eos. alia vice accidit ei simile. 2. Reg. 5. Postea percussit iterum Philistæos, & tulit frenum tributi de manu eorum. Item percussit Moab, & factus est Moab seruiens sub tributo. Item percussit regem Soba, & de Syria duodecim millia virorum. seruauitque Dominus Dauid in omnibus, ad quæcunque profectus est. 2. Reg. 8.

Videns Ioab quod præparatum esset aduersum se prælium, & ex aduerso, & post tergum dixit Abisai fratri suo: Si præualuerint aduersum me Syri, eris mihi in adiutorio. Si autem filij Ammon præualuerint aduersum te, auxiliabor tibi. esto vir fortis, & pugnemus pro populo nostro, & ciuitate Dei nostri, Dominus autem faciet quod bonum est in conspectu suo. Inito ergo prælio fugerunt omnes aduersarij Ioab. 4. Reg. 4.

Bellum inhonestum habuit Absalom contra Dauid patrem

patrem suum, & male successit ei & populo, qui eidē adhæsit. 2. Reg. 18.

Benadab rex Syriæ cū triginta duobus regibus obfidebat Samariam, & victus fuit, & fugatus ad mandatum Domini, pugnantis contra exercitum tantū pueris principum prouinciarum, qui erant ducenti triginta duo. Sequenti autem anno venit iterum Benadab cum maximo exercitu, & ceciderunt centū millia peditum de Syris, qui dixerunt, Deus mōtium est Dominus, & non Deus vallium. 3. Reg. 20.

Cum esset congregatus rex Iuda, & rex Israel, & rex Edō, vt pugnarent contra Moab, & magnum parerentur aquæ defectum; dixit Eliseus Propheta: Alueus iste replebitur aquis, & insuper tradet Dominus Moab in manus vestras, & ita factū est. 4. Reg. 3.

Samaria tamdiu obfessa fuit a rege Syriæ, quod vendebatur caput asini octoginta argenteis, sed ad verbum Elisei fugati sunt Syri, & ex hoc habuerunt maximam rerum abundantiam. 4. Reg. 6 & 7.

Rex Israel multotiens debellauerat regem Syriæ, sed propter peccata hominū cōpit Dominus tēdere super Israel & percussit eos Azael rex Syriæ in vniuersis finibus Israel. 3. Reg. 4.

Amasias rex Iuda obtenta victoria de Edom, misit ad regem Israel prouocans eum ad prælium, sed fuit ab illo fugatus, & magna pars murorū ciuitatis Hierusalem destructa fuit occasione elationis ipsius Amasie. 4. Reg. 14.

Licet Ieroboam filius Ioas rex Israel esset malus, tamen Dominus per manū illius saluauit eos, & multa bona fecit eis. 4. Reg. 14.

Bene pugnavit Dominus pro Ezechia rege Iuda, quando Angelus Domini vna nocte percussit de exercitu Sēnacherib regis Assyriorum centum octoginta quinque millia, & ipse Sēnacherib post modicum tēpus a filiis suis interfectus est. 4. Reg. 19.

Abia rex Iuda cum exercitu suo videns, quod instaret bellum ex aduerso, & post tergū clamauit ad Dominum, ac sacerdotes tubis cōperunt canere, & perterruit Dominus Ieroboam, & omnem Israel, & ceciderunt vulnerati ex Israel quinquaginta millia virorum fortium, humiliatique sunt filij Israel, & vehementissime confortati filij Iuda, eo quod sperassent in Domino. 2. Paral. 13.

Egreffus est contra Asā regem Iuda Zara Aethiops cum exercitu suo decies centenis millibus, & inuocauit Asā Dominum dicens: Domine non est apud te vlla distantia, vtrum in paucis auxiliis, an in multis, &c. exterruit itaque Dominus Aethiopes, & ruerūt vsque ad internecionem; quia Domino cēdente contriti sunt, &c. 2. Paral. 14.

Congregati sunt filij Moab, & filij Ammon, vt pugnarent contra Iosaphat. at ille se totum contulit ad rogandum Dominum, &c. cumque cōpessent cantores Deum laudare, vertit Dominus insidias aduersariorum in semetipsos, & mutuis vulneribus conciderunt. 2. Paral. 20.

Phacee filius Romeliæ rex Israel occidit de Iuda centum viginti millia in vna die, omnes viros bellatores, eo quod reliquissent Dominum. 2. Paral. 28.

Victoria quam dedit Dominus populo Israel per manum Iudith famosa est. Iudith quasi per totum, vnde ipsa dixit occiso Holoferne, Dominus omnipotens nocuit eū, & tradidit in manu feminae, & confudit eum. Iudith 16.

Videns Iudas Machabeus exercitum Seron magnū socijs timētibz, dixit: Facile est concludi multos in manus paucorum, & non est differentia in conspectu Dei cali liberare in multis, aut in paucis, &c. & contritus est Seron, & exercitus eius. 1. Mac. 3.

Item Machabeus cum tribus millibus virorū, qui tegumenta & gladios non habebant, debellauit Gorgiam cum magno exercitu. 1. Mac. 4.

Item sequenti anno vicit Lysiam qui habebat in-

A exercitu suo sexaginta millia electorum virorum, & equitum quinque millia facta oratione ad Dominum, eum tamen nisi decem millia hominum, tunc habuisse legitur. 1. Mac. 4.

Venit Bachides in virtute multa, vt pugnaret contra Ionatham, & dixit Ionathas ad suos: Pugnemus, & clamemus in cēlum, vt liberemur de manibus inimicorum nostrorum, quod & factum est. 2. Mac. 9.

De Iuda Machabeo satis notabile est, quod cum toties pugnaverit, & tot probitates fecerit, quādocūque pugnaturus orauit, & diuinum inuocauit auxiliū semper vicit. In duobus autem præcipuis bellis orasse non legitur, vnum fuit contra Antiochum Eupatorem. 2. Mac. 7. secundum contra Bachidem & Alcimum, & tunc ipse in prælio cecidit, & ceteri fugerūt. 2. Machab. 9.

#### De pusillanimitate. Cap. LXXXIII.

Cum dixissent Angeli ad Loth, In mōte saluum te fac, respondit ille, Non possum in mōte saluari, ne forte apprehendat me malum, &c. Gen. 19. & tūc peius ei accidit.

Videntes filij Israel Aegyptios post se timuerunt, valde, licet vidissent tot mirabilia facta pro eis potestate diuina. Exo. 14.

Loquente Domino Moyse in monte, populus audiebat voces, lampades & sonitum bucinæ, montemque fumantem, & perterriti, ac pauore percussi steterunt procul dicentes Moyse: Loquere tu nobis, & audiemus, non loquatur nobis Dominus, ne forte moriamur. Exo. 20.

Relatione facta de conditione terræ promissionis, quod habebat cultores fortissimos, & vrbes grandes, atque muratas; dixerunt illi de populo, Vtinam mortui essemus in Aegypto. Num. 13. & 14. & dixerunt, Nuntij terruerunt nos, sicut dicitur. Deut. 1.

Videns Balach rex Moab omnia quæ fecerant filij Israel Amorrhæo, & quod timuisset populus eius, plus confusus in verbis, quā in armis; nuntios misit ad Balaam, vt veniret & malediceret filiis Israel. Num. 22.

Exploratoribus qui venerant ex parte Iosue. dixit Rahab; Noui quod tradiderit Dominus terrā, etenim irruit in nos terror vester, & elanguerunt omnes habitatores terræ. Iosue 2.

Postquā Achan tulerat de anathemate Iericho, fugauerunt viri Hai filios Israel, & corruerunt ex eis triginta sex homines, pertimuitque cor populi, & instar aquæ liquefactum est. Iosue vero scidit vestimenta sua. Iosue 7.

Gabaonitæ audientes cuncta quæ fecerat Iosue Iericho, & Hai timuerunt, & venientes ad Iosue fecerūt pacta ad voluntatem illius. Iosue 9.

Cum haberet Gedeon in exercitu suo triginta duo millia hominum clamantium dixit, Qui formidolosus, & timidus est reuertatur. & reuersi sunt ex populo duodecim millia.

Saul & omnes Israelitæ audiētes sermones Goliath Philistæi singulare certamen petēris, stupebant, & metuebant nimis. 1. Reg. 17.

Roboam rudis, & corde pauido non potuit resistere exercitui, quem Ieroboam cōgregauit contra eum. 2. Paral. 13.

Cum audisset exercitus Assyriorum Holofernem esse decollatum fugit mens, & consilium ab eis, & solo tremore & metu agitati, fugæ præsidium sumunt. Iudit. 5.

Nuntiatum est domui Dauid, quod rex Israel, & rex Syriæ cor. fœderati deberent contra Hierusalem, pugnare, & commotum est cor eius, & cor populi eius, sicut commouentur ligna siluarum in a facie venti. Isa. 7.

Onus Tyri describens Isaias dicebat: Fortitudo, fouca,



fouea, & laqueus super te, qui habitatores terræ A  
Isa. 24.

Propheta Domini Ieremias ex parte Domini prophetavit Hierusalem capiendam esse dixerunt principes populi Sedeciz, Rogamus, vt occidatur homo hic. qui tamquam pauidus, & miser respondit eis: Ecce ipse in manibus vestris, nec enim fas est regem vobis quicquam negare. Ier. 33.

Darius rex Persarum statuit de consilio Satraparū quoddam decretum, quod cum transgressus esset Daniel, missus est in lacum leonum, & tamen displicuit regi, sed illis Satrapis viriliter contradicere non audebat. Dan. 6.

Videns Iudas Machabæus, quod defluxit exercitus suus, & bellum perurgebat eum, contractus est corde & in illo bello cecidit, nec legitur idem Iudas alias timuisse. 1. Mac. 9. Nicanor contraxit amicitias cū Iuda Machabæo, quod displicuit Antiocho regi, & mandauit Nicanori, vt vinctum mitteret ei Iudam, qui hoc inuite faciebat, sed tamen voluntati regis resistere non audebat, vnde si potuisset malam voluntatem regis impleisset. 2. Mac. 14.

Ambulās super mare Petrus veniebat ad Dominū, videns autem ventum validum timuit, &c. Matt. 14.

Pusillanimitas videtur fuisse in Nicodemo, quod ipse venit ad Iesum nocte, quasi non auderet venire de die. Io. 3.

Videntes discipuli capi Dominum, & ligari relicto eo fugerunt omnes. Petrus autem sequebatur eum a longe, quia de prope non audebat. Marc. 14.

Arguit Dominus pusillanimitatem discipulorum, quia commotionem matis ipso præsente timebant. Matt. 8. Quid timidi estis modicæ fidei.

Nimis pusillanimis Petrus, quando ad vocem vnus ancillæ Dominum post tantæ audaciæ verba, negauit. Matt. 26. Luc. 22. Mar. 14. Io. 18.

Similiter adolescens ille amictus sindone, cum reneretur a ministris maluit amittere sindonem, & nudus aufugere, quā amplius ibi remanere. Mar. 14.

Parentes illius cæci nati a Domino illuminati responderunt timide Phariseis, eo quod timebant extra synagogam fieri. Io. 19.

*De foris sine ad faciendum malum.*

*Cap. LXXXIV.*

Cain fuit fortior quā Abel, quando consurrexit aduersus eum. Gen. 4.

Multum laborauerunt illi quattuor reges, qui post magnam stragem hominum debellauerunt regem Sodomorum cum ceteris, & Lot nepotem Abrahæ captiuum duxerunt. Gen. 14.

Abimelech filius Gedeonis magnam fatigationem sustinuit occidendo septuaginta fratres suos, & postea Sichimitas oppugnando, & deinde satis cito miserabiliter occisus est. Iud. 9.

Multis & magnis laboribus, & periculis Saul se exposuit ad persequendum Dauid, & numquam propositum obtinere potuit. 1. Regum 18. & deinceps.

Abisalom volens patrem suum expellere de regno, grande negotium arripuit, & pessime ei successit. 2. Reg. 15. 17.

Excogitando & bellando multū laborauit Ieroboā ad hoc, quod populum Israel posset a domo Dauid auertere, & auersum retinere. 3. Reg. 12. 13. 14.

Terras multas perambulauit Holofernes, & deuastauit, vt eas posset imperij sui dominio subiugare, sed tandem vna mulier decapitauit eum, etiam antequā propositum compleuisset. Iudith quasi per totum.

Antiochus Epiphanes multum sustinuit, vt cultum Dei destrueret in Iudæa, & tandem depauperatus, & confusus in aliena terra miserabili morte defunctus est. 1. Machab. 9.

Non solum prudentiores, sed etiam feruentiores, S. Bon. Tom. 7. Pars iij.

& potentiores filij huius sæculi filijs lucis in generatione sua sunt frequenter. nam discipulis dormientibus Iudas procurando traditionem Domini sollicitus vigilabat. Matt. 26.

Principes sacerdotum multa sollicitudine, & labore fatigati fuerunt ad hoc quod possent extinguere, & ad nichilum redigere nomen Christi. Corruerunt enim custodes dominici sepulcri per copiosam pecuniam, quam dederunt, vt dicerent eum eius discipulos fuisse furatum. Matt. 28.

Item discipulos eius nunc carceribus monuerunt, nunc sermonibus artauerunt, nunc verberibus & contumelijs affecerunt, vt non loquerentur, nec docerent omnino, in nomine Domini Iesu. Act. 3. & 4.

Cum tribunus Lysias vinctum Paulū detineret fuerunt amplius, quā quadraginta Iudæi qui vouerūt, se nihil gustaturos, donec occiderent Paulum, vnde volebant quod Paulus produceretur in medium, vt eo viso statim cum impetu occiderent eum. Act. 23.

*De homicidio. Cap. LXXXV.*

Nota quam grauitet Deus homicidium Cain commissum puniuit, & tamen nondum erat prohibitum aliqua lege scripta. Gen. 4.

Occidit Cain Abel fratrem suum, Moyses Aegyptium, Dauid Goliath, Ioab Abner, & Amasam, Salomon Semei, & Adoniam, Herodes Ioannem Baptistam, Petrus Ananiam & Saphiram, sed consideratae intentiones & causas.

Voluit Dominus, vt homo mirabiliter abhorreret homicidium, vnde & sanguinē cum carne comedere prohibuit. Gen. 9.

Homicida debet reputari quasi occisus, vnde dixit Rebecca. Gen. 27. Cur vitroque orbabor, &c.

Si Zebec, & Salmana fratres Gedeonis nō occidissent, nequaquam post ab eodē occisi fuissent. Iud. 8.

Abimelech filius Ierobaal occidit septuaginta fratres suos, scilicet vt solus posset regnare. Iud. 9. Sed ipse modico tempore dominatus fuit, & multa mala sustinuit, & male finiuit.

Quia sacerdos Achimelech confortauit Dauid fugientem, Saul ipsius Dauid persecutor occidit eum cum multis alijs sacerdotibus, mulieribus, & paruulis. 1. Reg. 22.

Occidi fecit Dauid adolescentem, qui dixit se Saul occidisse. 2. Reg. 1. Ioab occidit Abner in ultione Asael fratris sui, quem ille occiderat. 2. Reg. 3. Fecit occidi Dauid Vriam per manum Ioab. 2. Reg. 11. Absalom inuitans ad conuiuium Amnō fratrem suū, illum ibidem occidit. 2. Reg. 13. Tantus est horror effundendi humanum sanguinem, quod licet Dauid alias esset optimus, tamen noluit Dominus, vt ædificaret ei templum, sed Salomon filius eius. 2. Reg. 7.

Quamuis Ioab fuerit miles probus, & domino suo valde fidelis, quia tamen occidit duos viros proditores, omnes eius gratiæ sunt pro nihilo computatæ, vnde fecit eum occidi Salomon, licet teneret cornu altaris. 3. Reg. 2.

Procurante impia Iezabel Naboth fuit crudeliter lapidatus. 4. Reg. 20.

Ioas rex Iuda iussit Zachariam filium Ioiadæ sacerdotis a populo lapidari, cum tamen pater illius restitisset ei regnum, & Athalam occidisset. 1. Paral. 25.

Duo senes presbyteri, qui mortē Susannæ nequissime cogitabant cōiuncti per Daniele a populo sunt occisi. Dan. 13.

Occidit Tryphon Ionatham, & duos filios eius, cū tamen recepiisset a Simone cētum talenta argenti pro liberatione Ionathæ, & duos eius filios pro obsidibus. 1. Machab. 13.

Ptolemæus filius Abobi fecit conuiuium Simoni summo sacerdoti, & duobus filijs eius, & cum inebriati essent proditorie occidit eos. 2. Machab. 15.

Y y 3 De

*De stragibus hominum diuersis. Cap. LXXXVI. A*

**T**erribilis hominum, & aliorum animalium strages fuit, quando tempore Noe omnes homines, præter octo perierunt diluuiio. Gen. 7.

Illi quattuor reges, qui debellauerunt quinque reges magnam cædem hominum fecerunt, veniendo vsque illuc, & pugnando contra illos, licet eorum numerus, non sit scriptus. Gen. 14.

Quot homines perierunt in Ægypto diuersis plagis, & submersi fuerunt in mari Rubro; numerus per Scripturam non potest sciri, sed maximus debet existimari in Exodo.

De sexcentis millibus hominum bellatorum, a viginti annis, & supra qui numerati sunt. Num. 1. Nullus intrauit terram Promissionis exceptis Caleb & Iosue, sed omnes interierunt varijs calamitatibus in deserto.

Maximam cædem fecerunt filij Israel, præcepto Moyse de Madianitis, quod per prædam quam rapuerunt potest apprehendi, quia vigintiduo millia virginum sunt inuenta. omnes autem mulieres corruptæ, & masculi fuerunt iugulati. Num. 31.

Tempore Iosue in ingressu terre Promissionis, tam in ciuitatibus, quam in campis fuit apud homines infinitus occisorum numerus.

Temporibus etiam Debbore, Gedeonis, & Iephthe iudicum Israel, fuerunt multi occisi, quamuis certus numerus eorum non possit haberi.

Occasione vxoris Leuitæ, fuerunt occisi sexagintaquinque millia hominum bellatorum, præter mulieres & paruulos, qui oēs in tribu Benjamin perierunt. Iud. 20.

In diebus Heli, quando capta fuit arca Domini, ceciderunt de Israel triginta millia peditum pugnantorum. 1. Reg. 4.

Saul qui Amalech deleuit plurimos ibi occidit. 1. Reg. 14. Et postea interfecto Goliath Philistæo multi fuerunt Philistæi interfecti. 1. Reg. 17. In morte autem Saul, & filiorum eius, multi de Israel ceciderunt. 1. Reg. 31.

Dauid de Syris, & de filiis Moab, & de Ammon, & de Philistæis sanguinem multum fudit, sicut patet in diuersis locis secundi libri Regum.

Peccato elationis Dauid in enumeratione populi ceciderunt septuaginta millia virorum. 2. Reg. 24.

Cōgregatis triginta duobus regibus, & nimia multitidine pugnantorum Benadad rex Syriæ, bis fugatus fuit ad Achab rege Israel, & secunda vice centum millia peditum ex parte Syriorum occisi fuerunt. 3. Reg. 20.

Abia rex Iuda, & exercitus eius vulnerauerunt vno die de exercitu Ieroboam quingenta millia virorum fortium. 2. Paral. 13.

Asa rex Iuda habuit in exercitu suo quinquaginta octo millia; Æthiopes vero fuerunt decies centum millia, & ruerunt Æthiopes vsque ad internecionem, quia Domino cædente contriti sunt, & exercitu illius præliante. 2. Paral. 14.

Rex Israel Phacee filius Romeliæ, occidit de Iuda centum millia virorum bellatorum, in die vna eo quod dereliquissent Dominum. 2. Paral. 28.

Quando Salmanasar cepit Samariam, & transfudit filios Israel in Assyrios. Item quando Nabuchodonosor cepit Hierusalem, & captiuauerat regem Iuda, satis verisimile est multos homines ibi corruisse, licet numerus non sit certus.

Occasione superbi, & crudelis Aman, qui propter solum Mardocheum voluit cunctos iugulare Iudæos occiderunt Iudæi in regno Assueri septuagintaquinque millia hominum, quos suos reputabant inimicos. Esther 9.

Misit Ionathas Demetrio apud Antiochiam, tria millia virorum in auxilium, contra illos de ciuitate, qui volebant Demetrium occidere, & occisi sunt in vna die de centum millia hominum. 2. Mach. 11.

Tanta cædes hominum fuit in Hierusalem, quando Antiochus Epiphanes eam cepit, quod in toto residuo fuerunt octoginta millia hominum interfecti, quadraginta millia vincti, non minus autem venundati. 2. Machab. 5.

Aduersus Galatas in Babylone sex millia hominum tantum peremerunt centum viginti millia hominum propter auxilium eis datum de celo. 2. Mach. 8.

Præter prælia, quæ cōmisit Iudas Machabæus contra Apollonium, & contra Seron principem exercitus Syriæ, de quibus agitur. 1. Mach. 3. Legitur ipse Machabæus duodecim speciales habuisse conflictus, videlicet ab 8. cap. secundi Machabæi, vsque ad finem, in quibus primo ceciderunt nouem millia hominum de illis, qui erant cum Nicanore; deinde viginti millia cum Timotheo, & Bachide. postea vero viginti quinque millia de Idumæis; iterum de Idumæis viginti millia, in duabus turmis minoribus, consequenter viginti vnum millia cum Timotheo. Item viginti duo millia cum Lysia; postea viginti millia, in quodam præsidio Timothei. Item triginta millia cum Timotheo; deinde viginti quinque millia in Carnion ciuitate fortissima. Item in alia ciuitate, nomine Ephron viginti quinque millia; postea in castris Antiochi Eupatoris interfecit quattuor millia, tandē occisus est Nicanor cum triginta quinque milibus pugnantorum. Summa omnium duo & centum triginta sex millia hominum, præter illos, qui quandoque de Iudæ exercitu ceciderunt. Item illis, qui in diuersis munitioibus, & prælijs occubuerunt, quorum certus numerus non habetur. Non computantur hic etiam illi, qui in alio prælio contra Bachidem, & Alcimum mortui sunt, vbi commissum est prælium a mane, vsque ad vesperam. vbi etiam dicitur, quod Iudas cecidit, & ceteri fugerunt. 1. Machab. 9.

*De abstinentia, & sobrietate. Cap. LXXXVII.*

**P**ræcepit Dominus Adam dicens: Ex omni ligno paradisi comede; de ligno scientiæ boni & mali, ne comedas. Gen. 2. In quo abstinentia commendatur, dum non omni cibo voluit Deus hominem vti etiam in paradiso.

Moyse fuit cum Domino quadraginta diebus, & quadraginta noctibus. Exod. 24. & non manducauit, neque bibit. Abstinentia est bona dispositio ad percipiendas reuelationes diuinas, vt homo relictus diuina consolatione solet corporales delicias abhorrere.

Filios Israel præcepit Dominus a multis cibis abstinerere. Leuit. 11.

Vir siue mulier cum votum fecerit, vt sanctificetur, & se voluerint Domino consecrare, a vino, & ab omni illo quod inebriare potest abstineant. Num. 6. Vxori Manue filium liberatorem populi concepturæ Angelus apparens abstinentiam indixit. Iud. 13.

Filij Israel de vndecim tribubus primo, & secundo a filiis Benjamin debellati, postea steterunt coram Domino, & ieiunauerunt die illo, &c. præualuerunt in eos. Iud. 20.

Philistæi tempore Heli debellauerunt filios Israel vna vice, & altera, & arca Domini fuit capta. 1. Reg. 4. Postea tertio congregati sunt Philistæi sub Samuele, sed filij Israel ieiunauerunt die illa, atque dixerunt: Tibi peccauimus Domine, &c. Sequitur quod cæsi sunt a filiis Israel. 1. Reg. 7.

Populus Israel erat in castris esuriens, & erat mel per agrum, nullus comedit de eo, præter Ionatham filium Saul. 1. Reg. 14.

Cum desiderasset Dauid aquam de cisterna Bethlehemi allaram, postea noluit bibere, quia nimis auidè concupierat eam. 2. Reg. 23.

Vxor Ieroboam vadens ad Ahiam prophetam, &c.

&c. Tulit decem panes, & vas mellis non fit ibi mentio de carnibus, quia supponebat prophetam non vesci talibus cibis. 3. Reg. 14.

Tenuis victus sufficebat Eliæ, qui petijt a vidua Sareptena paululū aquæ, & buccellā panis. 3. Reg. 17.

Notabile est quod Eliam paucit corui bis in die. 3. Reg. 17. Sed Angelus Domini ostendit ei panem, & non carnes, & vas aquæ semel tantum. 3. Reg. 19.

Audiens Achab comminationem factam sibi a Domino per Eliam prophetam, post occisionē Naboth operuit cilicio carnem suam, ieiunauitq., & dormiuit in sacco, & ambulabat demisso capite, propter quod illam quam comminatus fuerat, temperauit pœnam. 3. Reg. 21.

Cōgregati sunt filij Moab, & filij Ammon, & cum eis de Ammonitis, vt pugnaret contra Iosaphat regē Iuda, quod ille audiens totum se contulit, ad rogandum Dominum, & prædicauit ieiunium in vniuerso Iuda: sequitur quod per ieiunium victoriam obtinuit. 2. Paral. 20.

Eldras prædicauit ieiunium, & fecit quod omnes affigerent animas suas, quia petiti erant a Domino, vt viam rectam, & prosperam daret eis. 1. Esdr. 8. Sequitur, ieiunauimus, & rogauimus Dominum nostrum pro hoc, & euenit nobis prospere.

Rogaturus Nehemias Artaxerxem regē, pro ciuitate sua, vt muri eius possent reparari, dicit de seipso: Ieiunabā, & orabam ante faciem D. i. celi. Nehem. 1.

Conuenerunt filij Israel in ieiunijs, & in fassis, & humus super eos, & steterunt, & confitebantur peccata sua, & legerunt in volumine legis, &c. Nehem. 9.

Cum esset factum prandium bonum in domo Tobie, & audissent vnum de filiis Israel iugulatum iacentem in platea statim exiliens de accubitu suo relinquens prandium ieiunus venit ad corpus. Tob. 2. De Tobia iuniore, & socijs eius, ac ceteris amicis dicitur. Tob. 9. Cum timore Domini nuptiarum conuiuium exercebant. Angelus postea dixit vtrique Tobie: Bona est oratio cum ieiunio, & eleemosyna.

Audientes filij Israel terribilem potentiam Holofernis, humiliauerunt animas suas in ieiunijs. Iud. 4.

De Iudith etiam dicitur, quod ieiunabat omnibus diebus vite sue, præter sabbata, & Neomenias, & festa domus Israel. Iudith 8.

Locutura ad regem Assuerum Esther dixit Mardocheo: Congrega omnes Iudæos, quos in Susa reperiis, & orate pro me; non comedatis, & non bibatis tribus diebus, & tribus noctibus, & ego cum ancillis meis similiter ieiunabimus. Esther 4.

Commendatur a Domino abstinentia Rechabitarum, quia noluerunt bibere vinum, sicut præceperat eis pater eorum. Iem. 35.

Baruch legit verba libri sui, ad aures Ieconie filij Ioachim regis Iuda, & ad aures vniuersi populi, qui audientes plorabant, & ieiunabant, & orabant in conspectu Domini. Baruch 1.

Duram dietam imposuit Dominus Ezechieli propheta: Sume tibi frumentum, & hordeum, & fabam, & lentem, & milium, & viciam, &c. Ezech. 4. Proposuit Daniel ne pollueretur de mensa regis. sequitur, Pueris illis dedit Deus scientiam in omni libro, &c. Dan. 1.

De seipso loquens Daniel, ait: Posui faciem meam ad Dominum Deum meum rogare, & deprecari in ieiunijs, sacco, & cinere. Dan. 9. Et tunc præcepit specialem reuelationem de incarnatione, & occisionē Christi. Daniel tres hebdomadas panem desiderabilem non comedit, & caro, & vinum non introierunt in os eius, & tunc mirabilem ostendit ei visionem Deus. Dan. 11.

Greg. homil. 30. in Enang. post med. Gregorius in homilia 30. dicit quod Spiritus sanctus impleuit abstinentem puerum, & iudicem senem fecit sicut apparet. Dan. 13. de duobus malis senibus. Panem & pulmentum misit Dominus per Prophe-

tam Habacuc Danieli posito in lacu leonum, non carnes, aut alia cibaria. Dan. 14.

Eleazarus vir ætate prouectus maluit, occidi crudeli morte, quàm carnes porcinas comedere, vel etiam simulare se comedisse. 2. Mach. 6.

Contigit septem fratres cum matre sua compelli a rege carnes porcinas contra legem manducare. Illi vero magis elegerunt crudelissima sustinere tormenta. 2. Mach. 7.

De beato Ioanne Baptista dicitur quod escæ eius erant locuste, & mel siluestre. Mar. 3. Qui propter multam abstinentiam in cibo, & potu dicebatur, quasi non manducans, nec bibens. Matth. 11.

Anna prophetissa filia Phanuel, inter cetera commendatur, quia non discedebat a templo ieiunijs, & obsecrationibus seruiens die, ac nocte. Luc. 2.

Saluator noster statim post baptismum ductus est in desertum, & ibi ieiunauit, donec esuriat. Matth. 4. & Luc. 4. Contra multos, qui ieiunant cum feditate conscientie, vel nolunt tempore ieiunij esuriem sustinere.

Ad commendandum sobrietatem, quæ est in esu piscium, & in abstinentia a carnibus multum facit, quod Dominus in Euangelio pluries multiplicauit pisces, non carnes; vnde Luc. 5. Ad præceptum Domini concluderunt multitudinem piscium copiosam. Præterea panes, & pisces bis multiplicasse legitur numquam carnes. Matth. 14. De quinque panibus, & duobus piscibus, de eodem miraculo. Matth. 6. Luc. 9. Item de eodem. Ioan. 6. De septem autem panibus, & paucis pisciculis ab ipso Domino multiplicari habetur. Matth. 15. Mar. 8.

Post resurrectionem etiam septem discipulis piscantibus, & nihil preudentibus manifestauit se Saluator dicens: Mittite in dexteram nauigij rete, & inuenietis, & traxerunt rete plenum magnis piscibus centum quinquaginta tribus. Ioan. 21. Et de illis piscibus dedit Dominus discipulis suis. Populo autem Iudæico tamquam carnali, & de carne curanti dedit Deus carnes ad vescendum, licet in malum ipsius. Exo. 16.

Multum valet abstinentia, ad hoc quod homo possit vigilare facilius, & orare. Nam post cenam increpauit Dominus discipulos suos dicens: Non potuistis vna hora vigilare mecum. Matth. 26. Mar. 14. Luc. 22.

Saluator noster, cuius actio est nostra instructio, numquam carnem legitur comedisse, nisi de agno Paschali, & de pisce vno sibi oblato ad manducandum. Luc. 24. & Ioan. 21.

Mittens Dominus discipulos ad prædicandum dixit. Luc. 10. In quamcumque domum intraueritis, &c. edentes, & bibentes, quæ apud illos sunt; hoc est, vt essent contenti cibarijs, quæ haberent, non curiose alia quærent.

Volens Petrus rationabiliter ostendere, quod discipuli Spiritu sancto pleni, non essent ebrii dixit: Quia hora diei tertia erat dans intelligere, quod ante horam tertiam inconueniens est manducare. Act. 2.

Cum esuriret Petrus in domo Simonis Corarij, cecidit super eum mentis excessus, & vidit cælum apertum, &c. & forte si satur fuisset illam visionem vtilem non vidisset, in qua etiam visione oblata sibi animalia secundum legem vetita comedere renuit, quamuis, vt dictum est, esuriret. Act. 10.

Erant in Ecclesia quæ erat Antiochiæ, prophetae, & doctores, &c. Ministrantibus autem illis Domino, & ieiunantibus dixit illis Spiritus sanctus: Segregate mihi Barnabam, & Saulum, &c. Act. 13.

De gula, & ebrietate. Cap. LXXXVIII.

Primum hominis peccatum vitio gulæ, fuit completum. Gen. 3.

Noë bibens vinum inebriatus, & nudatus est in tabernaculo suo. Gen. 9.

Lot

Lot inebriatus incestum cum filiabus commisit. A  
Gen. 19.

Esaú pro lentis edulio vendidit primogenita sua.  
Gen. 25.

Stetit populus manducare, & bibere, & surrexerunt  
ludere. Exo. 32.

Dixit Dominus Aaron vinum & omne, quod in-  
ebriare potest, non bibetis tu & filij tui, quando intrabi-  
tis in tabernaculum testimonij ne moriamini. Leu. 10.

Quicumque fecerat votum in lege, & se volebat  
Domino consecrare, a vino, & ab omni illo, quod in-  
ebriare potest abstinere debebat. Num. 6.

Flagrabat populus desiderio carniū sedens &  
fiens, & ait: Quis dabit nobis ad vescendum carnes,  
&c. Num. 11.

Prima tentatio filiorum Israel in deserto fuit  
de potu. Exo. 16. Secunda de cibo. Exo. 17. & postea  
simili occasione multoties peccauerunt. In trecentis  
viris, qui aquas lambuerunt, & moderate biberunt, li-  
beravit Dominus Israel de manu Madian. Iudic. 7.

In epulis sunt homines audaciores, & loquacio-  
res. Iud. 9. inter epulas & pocula maledicebant  
Abimelech, &c.

Epulantibus Philistij domus cecidit super eos.  
Iud. 16.

Volebat filij Heli carnes crudas ab offerentibus ac-  
cipere, ut eas sibi lautius prepararent. 1. Reg. 2.

Comedit Ionathas modicum mellis contra inhibi-  
tionem patris, & ideo occisus a patre fuisset, nisi popu-  
lus occurrisset. 1. Reg. 14.

Amnon filius David in conuiuio Absalom temulen-  
tus fuit occisus. 2. Reg. 13.

Benadad rex Syriæ temulentus in suis castris habe-  
bat maximam multitudinem bellatorum, & tamen  
victus fuit, & fugatus per pueros principum prouin-  
ciarum. 3. Reg. 20.

Videns Zambri Dominum suum regem Israel te-  
mulentum occidit eum. 3. Reg. 16.

Comederunt & saturati sunt, & impinguati, & abun-  
dauerunt delicijs in bonitate tua magna; prouocau-  
erunt autem te ad iracundiam. Nehe. 9.

Præualeat vinum omnibus hominibus, qui bibent  
illud, seducit mentem. Itemque regis & orphanum fa-  
cit mentem vanam. 3. Esdr. 3.

Holofernes bibit vinum multum nimis, quantum  
vnquam vna die biberat in vita sua, & post pauca sequi-  
tur: Erat Iudith sola in cubiculo, porro Holofernes  
iacebat in lecto nimia ebrietate sopitus, quo facto Iu-  
dith habuit opportunitatem occidendi eum. Iud. 13.

Egressus est Aman a conuiuio Ester reginæ lætus  
& alacer, sed in craftino fuit tristis, & confusus cum  
decem filijs patibulo crucis affixus. Est. 5.

Nouerat Iob multa in conuiujs sæpe committi pec-  
cata, & idcirco postquam epulati fuerunt filij eius, cõsur-  
gens diliculus offerebat holocausta per singulos. Iob. 1.

Pro tempore illo quo debebat destrui Hierusalem  
dicitur Isa. 22. Vocabit Dominus ad fletum, & ad plā-  
ctum, & ecce gaudium, & lætitia, occidere vitulos, iu-  
gulare arietes, comedere carnes, & bibere vinum: Co-  
medamus & bibamus, cras enim moriemur.

Sacerdos & Propheta nesciere præ ebrietate, ab-  
sorpti sunt a vino, errauerunt in ebrietate. Omnes enim  
mensæ repletæ sunt vomitu, sordiumque, &c. Isa. 28.

Ptolemæus filius Abobi fecit conuiuium Simoni  
summo sacerdoti, & duobus filijs eius, & cum inebria-  
ti essent, occidit eos. 2. Mac. 15.

Primi parentes per esum ligni vetiti peccauerunt.  
Gen. 3.

Filij Israel venientes in desertum, primo pro aquis  
amaris, deinde pro defectu cibi murmurasse legun-  
tur. Similiter in tentatione Domini, tam secundum  
Matthæum, quam secundum Lucam prima fuit: Si  
filius Dei es, dic ut lapides isti panes fiant. Matt. 4. &  
Luc. 4.

Herodes natalis sui cenā fecit, filia vero Herodia-  
dis ibi saltauit, & Herodi simulque discumbentibus  
placuit, quā occasione decollatus est Ioannes Bapti-  
sta ad petitionem ipsius saltatricis. Matt. 14. Mar. 6.

Spiritus immundi loca immunda diligunt, unde  
dæmoniacus ille qui habebat legionem in corpore ha-  
bitabat in monumentis. Luc. 8. & dæmones illi roga-  
bant Dominum, ut exeuntes mitterentur in porcos,  
non in boues, vel in agnos, qui sunt munda animalia  
mundo vescentes cibo.

Contra edaces commensationibus vacantes multū  
valet exemplum diuitis epulonis, qui querebatur se  
pati in lingua spirituales cruciatum. Luc. 16.

Non est mirum, si post magnas cenas & commessa-  
tiones splendidas multi non vigilant, nec orant, cum  
etiam discipuli post cenam cum Domino celebratam  
non potuerint vna hora vigilare cum eo. Matt. 26.  
Marc. 14. Luc. 22.

#### De matrimonio. Cap. LXXXIX.

Q VOD vxor debeat viro suo esse socia æqualis, quo  
ad multa non domina vel ancilla, patet per  
hoc quod Euam formauit Dominus de costa Adæ, non  
de capite vel pede. Item patet quod vir est caput  
vxoris, quia fuit quodammodo principium essendi,  
& facta est mulier de viro, non vir de muliere. Item  
debet esse vir magister & doctor, unde præceptum a  
Deo fuit datum Adæ, & per Adam Eux. Gen. 2.

Quod vnus vir tantum vnā vxorē habere debeat,  
ostendit Dominus dicens: Erunt duo in carne vna.  
Gen. 2.

Ante diluuiū solus Lamech legitur duas habuisse  
vxores. Gen. 4.

In arca Noe tot viros quot mulieres iussit Domi-  
nus referuari, ut videlicet esset vnica vni. Gen. 7.

Aegyptij tempore Abraham plus abominari vide-  
bantur adulterium, quam homicidiū, unde timebat  
Abraham, ne eum occiderent, & postmodum Sarai  
vxorem suam Pharaoni offerrent; quali nollet ip-  
sam cognoscere, quamdiu ipsam crederet virum ha-  
bere. Gen. 12.

Sara vxor Abraham obediēbat ipsi marito, & domi-  
num eum vocabat. Gen. 12. & 18. & 1. Pe. 3. ipse etiā  
Abraham interdum illius votis condescendebat. Gen.  
16. & 21.

Propter Saram vxorem Abraham flagellauit Domi-  
nus Pharaonem plagis maximis. Item Abimelech Do-  
minus minando per somnium exterruit. Gen. 20.

Consensus exigitur ad matrimonium. Gen. 24. Vo-  
cemus puellam, & audiamus ipsius voluntatem.

Ille blasphemus qui fuit lapidatus in deserto, fuit  
filius Israelitidis de viro Aegypto generatus. Leu. 24.  
per hoc haberi potest, quod non expedit de diuersis  
ritibus matrimonia copulare; quia pueri inde nati ma-  
le imbuuntur.

Secretum quod Samson parentibus suis dicere no-  
luit, vxor eius extorsit ab eo in damnum ipsius. Iud. 14.

Dixit Helcana ad Annam, Nunquid non ego melior  
sum tibi, quam decem filij. 1. Reg. 1.

Nabal durus & pessimus, & stultus habuit vxorem  
F Abigail, quæ erat prudētissima, & speciosa. 1. Reg. 25.

Quamuis haberet David multas vxores tamen  
adulterium cum Bethsabe commisit. 2. Reg. 11.

Ioram rex Iuda fecit malum coram Domino, &  
ambulauit in vijs Achab, & subditur causa huius, Fi-  
lia enim Achab erat vxor eius. 3. Reg. 8.

Filij transmigrationis qui duxerant vxores alienige-  
nas secundū mandatū Esdræ dimiserunt eas. 1. Esdr. 10.

Videns Nehemias Iudæos ducentes vxores alieni-  
genas obiurgauit eos, & maledixit eos, & verberauit  
aliquos, & decaluauit. Nehe. 13.

Sara filia Raguel dicebat in oratione sua. Virum  
autem cum timore tuo, non cum libidine mea con-  
sensū suscipere. To. 3.

Dixit

, Dixit Angelus Tobie: In eos qui coniugiū ita suscipiunt, vt Deum a se, & a sua mente repellant, & suæ libidini ita vacent sicut equus & mulus, habet potestatem dæmonium. Tob. 6.

Prima nocte qua introductus est Tobias iunior cū vxore hortatus est virginem dicens ei: Sara surge, & deprecemur Deum hodie cras, & secundo cras. quia istis tribus noctibus Deo iungimur; tertia autem trāfacta nocte erimus in nostro coniugio. Tob. 8.

Honestam causam ducendi vxorem, exposuit Angelus Tobie: Accipies virginem cum timore Domini, & amore filiorum magis quàm libidine ductus. Tob. 6.

Parentes Saræ monent eam honorare soceros, diligere maritum, regere familiam, gubernare domum, & seipsam irreprehensibilem custodire. To. 10.

Mulieres translatae de terra Iuda in Aegyptum, quæ sacrificabant reginæ calī, excusabant se per viros suos qui similia faciebant. Ier. 44.

Pto seruanda fide matrimonij Susanna exposuit se morti & infamiae, nisi per Daniele iustus Dominus ei succurrisset. Dan. 13.

Saluator noster conuiuio nuptiarum voluit interesse. Io. 2.

Ioannes Baptista fuit decollatus, quia Herodem C de adulterio arguebat. Matt. 14. Mar. 6.

Querentibus Phariseis, si liceret homini dimittere vxorem suam quacumque ex causa, dixit Dominus: Quos Deus coniunxit, homo non separet. Matt. 19.

Inter illos qui ad cenam vocati fuerunt, & non iuerāt, ille, qui vxorem duxit, non rogauit se excusatum haberi, quia status ille hominem vehementer allicit, & sæpe retrahit a diuinis. Luc. 14.

Quantum ad actum coniugalem ad paria, vel similia iudicat Apostolus Paulus virum & vxorem. Cor. 7. mulier corporis sui potestatem non habet, sed vir. similiter vir potestatem sui corporis non habet, sed mulier, &c.

Ananias conscia vxore sua Saphira fecit fraudem, de pretio agri vēditi, sic ambo grauissime sunt puniti. Act. 5.

*De castitate. Cap. LXXXX.*

Q Vamdiu primi parentes in paradiso fuerunt, virgines extiterunt, sed ipsis eiectis dicitur. Gen. 4. Adam cognouit Euam vxorem suam.

Cum Sichem violasset Dinam filiam Iacob, fratres eius turbati sunt valde, eo quod scdam rem esset operatus in Israel, & violata filia Iacob rem illicitam perpetrasset, tandem & violatorem & patrem eius, & eorum populum occiderunt. Gen. 34.

Nota quod hoc fuit ante legem scriptam sub lege naturæ; quantum ergo sub lege gratiæ virginitas debet honorari, & stuprum puniri?

Quamuis Ioseph esset filius emptitius & elegantis formæ iuuenis sine vxore, tamen sollicitatus a domina sua recusauit stuprum, & maluit eam offendere, & in carcerem trudi, quàm perdere castitatē. Gen. 39.

Iudas qui castus non erat, detestatus est fornicationem Thamar. Gen. 38.

Post debellatiōē Madianitarum factam per Phinees, & alios pugnatōres iussit Moyses mulieres corruptas iugulari, & virgines reseruari. Num. 31.

Mundi esse debebant maxime a mulieribus, qui pannes sacerdotales comedebant. 1. Reg. 21.

Quando mulier Sunamitis hospita Elisei volebat ei loqui, mittebat ad eam Eliseus puerum suum, quasi vitans colloquia mulierum. 4. Reg. 4.

Sara in oratione dicebat. Tob. 3. Tu scis Domine, quia numquam concupiui virum, & mundam seruau animam meam ab omni concupiscentia, &c.

Mortuo viro suo Iudith alium nesciuit, & semper castitatem amauit. Sed nota quod faciebat, quia cum puellis suis clausa manebat, & habens cilicium super

A lumbos suos, ieiunabat omnibus diebus vitæ suæ, præter sabbata, & neomenias, & festa domus Israel. Iud. 8.

Grauitè fuit pulsata ab illis senibus Susanna, sed suæ castitati, nec famam, nec vitam præponendam esse putauit. Dan. 13.

Ad hoc quod nullus de sola castitate confidat, illud valere potest, quod de virginibus Euangelicis tot fuerunt fatuæ, quot prudentes. Matt. 25.

Beata Virgo ab Angelo venerabiliter salutata, non est oblita voti, & propositi castitatis, licet Angelus promitteret ei, quod ex ea Filius Altissimi nasceretur. Luc. 1.

B Per hoc, quod Saluator dixit, Quia in futuro sæculo, neque nubet, neque nubetur; patet quod illi beatæ virgines specialiter apropinquant. Matt. 22. Luc. 20.

Castitatis argumentum fuit in beato Stephano. Quia ipse ab Apostolis ad custodiam mulierum, &c. Act. 6.

*De luxuria & incontinentia. Cap. LXXXXI.*

P Ecce carnis præcipua videtur fuisse causa propter quam Deus diluuiū deleuit mundum. Gen. 6. Omnis caro corruerat viam suam.

Nota quot & quanta euenerunt pro ardenti amore Sichem filij Hemor, qui Dinam violenter oppressit. Gen. 34.

Luxuriosi quandoque detestantur luxuriam in alijs, vt patet de Iuda, qui dixit de Thamar, Producite eam, vt comburatur. Gen. 38.

Occasione vxoris Leuitæ, a viris Belial in Gabaa, Benjamin incredibili libidinis furore vexatæ, occisi sunt plusquam sexaginta millia hominum. Iud. 20. Isboseth filius Saul redarguit Abner, quia ingressus fuerat ad concubinam patris sui. Abner autem iratus super hoc, procurauit ei auferri terram, & cito post amisit vterque personam. 2. Reg. 3. & 4.

Dauid captus amore Berhsabee vxoris Vriæ, cū illa adulterium, & cum prōditione homicidium perpetravit. 2. Reg. 11.

Amnō filius Dauid pro amore Thamar sororis suæ ægrotauit, & postea illam oppressit, & sic eā nequiter effugauit, & tamen ipsemet hac de causa occisus fuit. 2. Reg. 13.

Detestabilem luxuriam commisit Absalom cum concubinis patris sui. 2. Reg. 16.

Adamauit Salomon mulieres alienigenas multas, &c. sequitur, quod ita damnatum est cor eius per eas, vt coleret Deos earum. 3. Reg. 11.

Sed nota damna, quæ inde passus est, cū enim prius sapientissimus fuerit adeo infatuatus est, vt sequeretur deos earum. cum prius amabilis Domino cor eius deprauatum est, & iratus est Dominus cōtra eū. cum prius esset ditissimus multa bona consumpsit in ædificando templa idolis nationum. cum prius esset nominatissimus in bono, postea fuit vsque hodie scdatus opinione. Eccl. 47.

Dixit Angelus Tobie iuniori, In eos, qui coniugiū ita suscipiunt, vt Deum a se, & a sua mente excludant, & suæ libidi ita vacent sicut equus & mulus, habet potestatem dæmonium. Quid ergo de fornicatoribus, & adulteris, qui nihil aliud intēdunt, nisi scdam suam explere libidinem? Tob. 6.

F Sterit Iudith ante faciem Holofernis, cor autem Holofernis concussum est. erat enim ardens in concupiscentia eius, &c. Iud. 12.

Duo senes presbyteri, ita fuerunt amore Susannæ decepti, quod quando illa voluntatem eorum facere recusauit, mortem illius procurare conati sunt. Dan. 13.

Tempore Antiochi templum luxuria & commensationibus erat plenum, & scortantium cum meretricibus, sacratisque ædibus mulieres se vltro ingerebāt. 2. Mac. 6.

Occasio-



Occasione Herodiadis, quam contra legem duxerat Herodes, Ioannes Baptista decollatus fuit, ad instantiam saltantis mulieris. Matth. 14. Mar. 6.

Spiritus immundi loca immunda diligunt; unde rogauerunt Dominum Iesum, ut permitteret eos intrare porcos, non in boues, vel agnos, quæ sunt animalia munda. Matth. 8. Luc. 8.

Inter alios qui vocati fuerunt ad magnam cenam, nec iuerunt, ille qui uxorem duxit non petijt se excusatum haberi. per quod patere potest quàm longe sunt a cena Dei, luxuriosi homines, ut immundi, si ducere uxorem ita homines implicat, & inuoluit, quod quasi nihil aliud cogitare possunt. Iud. 14.

Exemplo filij prodigi, qui dissipauit substantiam suam, viuendo luxu. iose, patet quod illud peccatum depauperat. unde dicitur. Luc. 15. Quod ipse cepit egere. Item vilificat. Nam sequitur quod ipse pascebat porcos, &c. Item non extinguit ardorem libidinis, sed accendit. dicitur enim ibi: Cupiebat implere ventrem suum filiquis, quas porci manducabant, & cetera.

*De incauto aspectu. Cap. XCII.*

**P**rima mulier viso ligni veriti fructu pulchro, tulit de illo pulchro, & comedit. Gen. 3.

Pulchritudo visâ mulierum fuit occasio multorum malorum. Gen. 6. Videntes filij Dei filias hominum quod essent pulchræ, & cetera.

Ex eo quod Cham filius Noe vidit verenda patris, & ipsum nudatum esse fratribus nuntiavit, maledictionem patris incurrit. Gen. 9.

Abraham dixit Sarai uxori suæ: Noui quod pulchra sis mulier, & quod cum viderint te Ægyptij interficient me, & te reseruabunt. Gen. 12.

Volens videre regionis mulieres Dina, visa, & corrupta fuit. Gen. 34.

Iudas vidit Thamar in biuio, & cum ea peccauit. Genes. 33.

Domina cui seruiebat Ioseph oculos in eum iniecit. Gen. 39.

Dixit Dominus ad Moysen. Exod. 19. Contestare populum, ne forte velint transcendere terminos ad videndum Dominum, & cetera.

Vidit Dauid de solario suo mulierem lauante se ex aduerso, & tulit eam, & postea virum eius dolose occidi fecit. 2. Reg. 11.

Cum intrasset Iudith ante faciē Holofernis, statim captus est ille in oculis suis. Iudith 10. Unde dicitur. 16. Sandalia eius rapuerunt oculos eius, pulchritudo eius captiuam fecit animam eius.

Videbant duo senes Susannam quotidie ingredientem, & deambulante, & exarserunt in concupiscentiam eius. Dan. 13.

Quia filia Herodiadis placuit Herodi saltando, ipse ei stulte promisit, quod crudeliter impleuit. Matth. 14. Mar. 6.

*De silentio, & loquacitate. Cap. XCIII.*

**P**receptum dedit Dominus Adæ, non Heuē, nisi per Adam: ut mulier minus haberet occasionem loquendi, sed potius interrogandi a viro, & discendi. Gen. 2. Heuā prius legitur cum serpente, quàm cum viro habuisse colloquium, quod sibi, & posteris damnosum fuit. Gen. 2.

Item nota ibi, quoniam male repetijt mandatum datum homini. Cham filius Noe cum vidisset verenda patris, nuntiavit fratribus suis, & inde maledictionem incurrit. Gen. 9.

Postquam locutus fuit Dominus ad Moysen, impeditioris linguæ, & tardioris fuit. Exo. 7. Ex quo innuitur quod spirituales viri, qui sæpe cū Deo loquuntur, tardi esse debent ad loquendum.

**A** Filij Israel fugientes de Ægypto, viderunt exercitum Pharaonis, & timuerunt valde, quibus ait Moyses: Dominus pugnabit pro vobis, & vos tacebitis. Exod. 14.

Axa filia Caleb sedens in asino, & suspirans, sine sermone monuit patrem ad quærendum quid haberet, & post impetrauit a patre irriguum inferius, & superius. Iosue 15.

Samson secretum quod parentibus noluit dicere, uxori exposuit, quæ statim illud in damnum mariti publicauit. Iudic. 14. Item Samson indicauit Dalila, quomodo posset amittere fortitudinem suam, & illa sine mora hostibus reuelauit. Iudic. 16.

Anna mater Samuelis veniens ad tabernaculum Domini loquebatur in corde suo tantum, quia labia eius mouebantur, & vox penitus non audiebatur. 1. Reg. 1. Samuel dormiens in tabernaculo, ostensam sibi visionem, non indicauit Heli, donec interrogatus, & admiratus fuit ab illo. 1. Regum. 3.

Cum filij Belial dicerent de Saule nouo rege, Num saluare nos poterit iste? ille dissimulabat se audire. 1. Reg. 10. Ex quo intelligitur quod caute tacebat. Cum Dauid contra Nabal turbatus, postmodum per Abigail prudenter locutâ placatus fuisset, illa non indicabat ipsi Nabal viro suo, verbū pusillum, aut grande vsque mane, cum vinum quod biberat digessit.

Tobias auditis verbis iniurijs ab uxore, non legitur ei respondisse, sed ingemuit, & incœpit plorare cum lacrymis. Tob. 2. & 3.

Cum ancilla Sara dixisset dominæ grauis improperij, & maledictionis verbum, Sara tacens cessit liti & pergens in cubiculum domus suæ, deuote cœpit orare. Tob. 3.

Diu tacuit Esther, non indicans populum suum, & patriam suam, sicut præceperat ei Mardocheus, ne scilicet a rege haberetur exosa. Esther. 2. & 3.

**D** Beato Iob a Domino percusso, uxor eius stulte locuta est. Iob 2.

Sanctus Iob magis videtur seipsum reprehendere de actu loquendi, quàm de alio quocumque. Unde dicit. Iob 39. Qui leuiter locutus sum, &c. quod vtinā non dixissem, &c. & 42. Inspienter locutus sum, & quæ ultra modum excederent scientiam meam. Cum Rasin rex Syriæ, & Phacee rex Israel proposuissent præliari pariter cōtra Iudam, dixit Isaias propheta Achaz regi Iuda: Vide ut fileas, noli timere, & cor tuum ne formidet, &c. Isa. 7.

**E** Mandauit Ezechias rex Iuda, ne populus aliquid responderet Rapsaci. & siluerunt, & non responderunt ei verbum. Isa. 36.

Hieremias in vtero sanctificatus, & a Domino Propheta datus excusabat se dicēs, A a, Domine Deus: ecce nescio loqui, &c. Hier. 1.

Adducta Susanna, ut iniqui senes presbyteri ferrent testimonium falsum contra eam; flens suspexit ad cælum, & clamauit ad Dominum, sed accusatoribus non legitur directe respondisse. Dan. 13. Iudæi agriculturæ operam dabant, sed Nicanor, & quidam alij non sinebant eos in silentio agere, & quiete. 2. Mach. 12.

Beata Maria virgo legitur in Euangelijis, tantummodo fuisse locuta cum Angelo. Luc. 1. Item cum Elisabeth. Luc. 1. Item cum filio suo. Luc. 2. Fili quid fecisti. Item Ioan. 2. Vinum non habent. Iterum quando ministros nuptiarum instruit. Ioan. 2. Quodcumque vobis dixerit facite. licet autem Elisabeth eam magnifice cōmendasset: nihil tamen ei directe respōdit, sed ad laudandū Dominū se cōuertit.

Maria peccatrix veniens ad pedes Domini in domo Simonis nihil dixisse refertur, sed lacrymis cœpit rigare pedes eius. Luc. 7. Similiter sorori de ipsa conquerenti, nihil respondit. Luc. 4. Rursus indigne ferentibus effusionem vnguenti, & in eam frementibus, nihil dixit. Mar. 14. Quod autem bene tacuit

revertens Dominus, pro ea respondit, & eam ubique defendit.

Mulier in adulterio deprehensa, & coram Domino accusata, non legitur aliquid locuta esse. Dominus autem pro ea verbum assumpsit, & eam denique misericorditer absoluit. Ioan. 8.

Locutus in synagoga Paulus surrexit, & manu silentium indixit. Act. 13. Sciebat enim non esse effundendum sermonem, ubi non est auditus, quod sæpe in Scriptura probatur.

*De affectu carnali. Cap. XCIIII.*

**M**oyfes distribuit duodecim boues, & sex plaustra, quos obrulerant principes filiorum Israel, sed nullum dedit filijs Caath, licet essent magis propinqui. Num. 7.

Non legitur Moyfes alicui de filijs suis magnum officium dedisse, licet ipse a populo in tanta reuerentia haberetur.

Moriturus Moyfes sollicitè rogauit Dominum pro populo, ut ei de duce idoneo prouideret. nullum tamen de genere suo voluit nominare. Num. 27.

Distribuens Iosue terram filijs Israel, ita paruat portionem dedit illis de tribu sua, quod de hoc fecerunt specialem querelam, sed nota responsionem quam fecit eis. Iosue. 17.

Audiens Heli mortem duorum filiorum in prelio, non visus est multum curare, sed cum nuntius ille dixisset arcam Dei esse captam cecidit de sella, & mortuus est. 1. Reg. 4.

Quia Dauid nimis flebat occisum Absalom filium suum, imposuit ei Ioab, quod non doluisset, si totum exercitum amisisset. 2. Reg. 20.

Supramodum mater mirabilis, & bonorum memoria digna, quæ pereuntes septem filios sub vnius diei tempore. conspiciens bono animo ferebat, &c. 2. Mach. 7. Euntibus ad prælium Iudæis contra Nicanorem, erat pro vxoribus, & filijs, itemq. pro fratribus, & cognatis minor sollicitudo, maximus autem, & primus pro sanctitate timor templi. 2. Mach. 15. Loquente Iesij ad turbas, dixit ei quidam: Ecce mater tua, & fratres tui foris stant querentes te; quæ respondit, Quæ est mater mea, & qui sunt fratres mei? Quicunque fecerit voluntatem Patris mei, &c. Matt. 12.

Petenti matertere Christi, secundum carnem, ut duo filij sederent iuxta eum in regno suo, respondit Dominus ira dure, ac si fuisset aliena omnino, & ita bonum forum de regno suo paratus est tibi facere Dominus, sicut illis. Matth. 20.

Quamuis beatus Ioannes, & duo Iacobi essent maximæ sanctitatis; nulli tamen eorum commisit curam Ecclesiæ generalem, sed Petrum qui non sibi carere attinebat, constituit caput, principem, & pastorem. Ioan. 21.

Saluator noster post responsionem Petri, quam fecit de ipso, cum dixit: Tu es Christus filius Dei viui; consequenter subiunxit: Caro & sanguis non reuelauit tibi. Matth. 16. Per illud innuens, quod cetero prauas reuelationes facere consuevit.

Apostolus Paulus commendans Euangelium suum dicit. Gal. 1. Complacuit illi qui me segregauit ex utero matris meæ, & vocauit per gratiam suam, &c. Continuo non acquieui carni, & sanguini, &c.

*De ira hominis per zelum. Cap. XCV.*

**C**um loqueretur Moyfes Pharaoni, & ille nollet audire, exiit a Pharaone iratus nimis. Exo. 11. Preceperat Moyfes filijs Israel, quod nullus de manna relinqueret usque mane, qui non audierunt eum, sed dimiserunt quidam ex eo, usque mane, & scaturire coepit vermicibus, & computruit, & iratus est Moyfes contra eos. Exo. 17.

**A** Reuertens Moyfes cum appropinquasset ad castra, vidit vitulum, & choro, iratusq. valde proiecit de manibus tabulas, & confregit eas ad radices montium. Exo. 32.

Cum quæreret Moyfes hircum qui oblatus fuerat pro peccato exustum reperit, iratusq. contra Eleazar, & Thamar ait: Cur non comedistis, &c. Leuit. 10.

Videns Moyfes rebellionem Chore, & complicum suorum, iratus valde, ait ad Dominum: Ne respicias sacrificia eorum, &c. Num. 16.

Considerans Ionathas filius Saul nequitiam parris contra Dauid, surrexit a mensa in ira furoris, & non comedit panem in illo die. 1. Reg. 20.

**B** Audita Dauid parabola Nathan propheta iratus indignatione aduersus hominem dixit: Viuit Dominus quoniam filius mortis est, vir qui fecit hoc. 2. Reg. 12.

Eliseus iratus fuit contra Iosias regem Israel, eo quod non percussit terram sagitta, quinque aut sexies, ut totam destruxisset Syriam. 4. Reg. 13.

Audiens Nehemias clamorem populi propter vsuras, quas exigebat optimates, iratus est nimis, &c. Nehe. 5.

Audita querimonia, quam dixit Esther de Aman, qui omnes Iudæos occidere procurabat, Assuerus surrexit iratus de loco conuiuij, &c. Esther 6.

**C** Circumspectus Dominus cum ira Iudæos, qui obseruabant eum, & contristatus est super cecitatem cordis eorum. Mar. 3.

*De ira hominis per vitium. Cap. XCVI.*

**R**espexit Dominus ad Abel, & ad munera eius. Sequitur: Iratus est Cain vehementer, & concidit vultus eius, &c. Gen. 4.

Iratus Balac contra Balaam complosis manibus, ait: Ad maledicendum inimicis meis, vocaui te, quibus e contrario benedixisti. Num. 24.

**D** Audiens Saul post victoriam commendari Dauid, iratus est nimis, & displicuit in oculis eius sermo, &c. 1. Reg. 18.

Cum excusasset Ionathas Dauid ad patrem suum, iratus Saul aduersus Ionathan dixit: Fili mulieris virum ultro rapientis, & cetera. 1. Reg. 20. Venit Achab rex Israel in domum suam indignans, & frendens super verbis, quæ locutus fuerat ad eum Naboth Israelites. 3. Reg. 21.

Post facile & salubre consilium Elisei, iratus Naaman recedebat dicens: Putabam quod egrederetur ad me, & inuocaret nomen Dei sui, &c. 4. Reg. 5.

**E** Hanani propheta venit ad Asam increpans eum, quia confusus erat in Benadad rege Syriæ; iratusq. Asa aduersus Videntem iussit eum mitti in neruum. 2. Paral. 16.

Separauit Amasias exercitum qui venerat ad eum ex Ephraim, pro eo, scilicet quod mali erant, nec voluit quod secum veniret ad bellum; at illi vehementer irati contra Iudam, reuersi sunt in regionem suam. 2. Paral. 25.

Sacerdotes arguebant Oziam regem Iudæ, volentem adolere incensum: iratusq. Ozias, & tenens thuribulum minabatur illis. 2. Paral. 26.

**F** Cum audisset Sanaballat quod edificaretur murus Hierusalem, iratus est valde, & motus nimis subfannauit Iudæos. Nehem. 4.

Cum reuersus esset Sennacherib fugiens a Iudæa, plagam quam fecerat Dominus propter blasphemiam suam, iratus multos occidit Iudæos. Tob. 1.

Tobia dicente de hærdo balante: Videte ne furtius sit, &cet. Vxor eius irata respondit, Manifeste vana facta est spes tua, &c. Tob. 2.

Nuntiatum est Holoferni, quod filij Israel præparent se, ad resistendum ei, & furore nimio exarsit in iracundiam magnam. Iudith 5.

Cum dixisset Achior magnam esse potentiam Dei Israel, irati sunt magnates Holofernis, & cogitabant interficere eum. Iudith 5.

Cum Audisset Aman, & experimento probasset, quod

quod Mardocheus sibi non flecteret genua, nec se adoraret, iratus est valde. Est. 3.

Iratus indignatusque est Eliu Buzites aduersum Iob, eo quod iustum se esse diceret coram Deo, &c. Iob. 32.

Principes Iuda putantes, quod Ieremias fugeret ad Chaldeos, irati sunt contra eum, & casum miserunt in carcerem. Ier. 37.

Nabuchodonosor rex Chaldeorum in ira magna precepit, ut perirent omnes sapientes Babylonis, pro eo scilicet, quod somnium suum non poterant ei indicare. Dan. 2. Idem etiam postea in futuro & ira precepit, ut tres viri adducerentur in conspectu eius, &c. Dan. 3.

Arguit Dominus Ionam Prophetam, quia irascebatur super hedera. Io. 4.

Audiens Antiochus praelia Iude, & victoriam quam obtinuerat, iratus est animo, & congregauit exercitum, &c. 1. Mac. 3.

Factum est, cum audirent gentes, quia edificatum est altare, & sanctuarium sicut prius, iratae sunt valde. 1. Machab. 5.

Tortores Eleazari audientes verba constantiae ipsius in ira versi sunt, qui paulo ante fuerant mitiores. 2. Mac. 6.

Post septimi fratris verba rex Antiochus accensus ira in illum super omnes crudelius desauit. 2. Mac. 7.

Videns Antiochus quod non poterat spoliare Persopolim ciuitatem, elatus in iram arbitrabatur se iniuriam illorum, qui se fugauerant posse in Iudeos retorqueri. 2. Mac. 9.

Herodes videns, quod illusus esset a Magis iratus est valde, & mittens occidit omnes pueros, &c. Matt. 2.

Cum audissent illi de Nazareth Dominum dicentem, Nemo Propheta acceptus est in patria sua, &c. sequitur: Repleti sunt omnes in synagoga ira, &c. Luc. 4.

Demetrius quidam argentarius faciens aedes argenteas Dianae conuocatis opificibus illius artis, dixit quod Paulus auerteat multam turbam dicens; Quoniam non sunt dii, qui manibus fiunt, &c. ipsi autem auditis repleti sunt ira, &c. Act. 19.

#### De humilitate. Cap. LXXXVII.

**D**ixit Angelus ad Agar reuerrere ad dominam tuam & humiliare sub manu ipsius. Gen. 16.

Humiliter loquebatur Abraham Domino dicens, Loquar ad Dominum meum, cum sum pulvis, & cinis. Gen. 18.

Multum humiliavit se Iacob coram Esau, & sic consequuitur iram eius. Gen. 33.

Quinquies Moyses antequam vellet recipere ducatum populi, quem Dominus tamen imponebat ei, tenuit, nec acquieuit, donec Dominum intellexit iratum. Exo. 3. & 4. Iratus Dominus in Moysen, &c.

Quamuis Moysi ita familiariter Dominus loqueretur, tamen ipse Moyses vtile consilium pagani non despexit, sed ei humiliter acquieuit. Exo. 18.

Moyses videbat se habere ducatum Domini specialem, & tamen non dedignabatur ob filium Raguel, ut secum veniret, & ductor populi esset. Nu. 10.

Gedeon Angelo dicenti sibi, Vade in hac fortitudine tua liberabis Israel, respondit, Ecce familia mea infima est in Manasse & ego infimus in domo patris mei. Iud. 6.

Viri Ephraim iurgantes fortiter, & tumide contra Gedeonem placati fuerunt per eius mansuetam & humilem responsum. Iud. 8.

Dixerunt omnes filii David ad Gedeonem, Dominare nostri tu, & filius tuus. quibus ille ait: Non dominabor vestri, nec dominabitur in vos filius meus, &c. Iud. 8.

Humilitatem praeindebat Saul in opere & sermone, antequam esset unctus in regem, quando quaerebat asinas patris, & excusabat se apud Samuel. 1. Reg.

9. & postea dictum est ei. 1. Reg. 15. Nonne cum paruulus esses in oculis tuis, caput in tribubus Israel factus es?

Dauid licet per Samuelem esset unctus in regem, tamen de mandato patris portabat victualia fratribus suis, quibus fuerat praefectus. 1. Reg. 17.

Dauid humiliavit se coram Saule, quando debebat fieri gener regis. 1. Reg. 18.

Item coram seruo suo Semei audiens quod malediceret ei. 1. Reg. 16. Coram Deo, quando saltabat ante arcam. 2. Reg. 6. & quando venit Nathan ad eum nuntians ei voluntatem Domini de perpetuitate regni. 2. Reg. 7.

Humiliter respondit Miphiboseth inique accusatus a seruo suo, & exheredatus iniuste. 2. Reg. 19.

Achab sceleratissimus rex Israel audiens poenam sibi iuste pro criminibus infligendam, humiliatus est coram Domino, & propter hoc Dominus illam poenam aliquantulum minorauit. 3. Reg. 21.

Princeps ille, qui humiliter locutus est ad Eliam, non est tactus ab igne, sicut alij duo quinquagenarii, qui venerant ante illum. 4. Reg. 1.

Veniens ad Iordanem Eliseus, primo percussit aquas, nihil dicens, & non sunt diuisae aquae. 4. Reg. 2.

Semeias Propheta ad Roboam dixit, & principes eius, Haec dicit Dominus: Vos reliquistis me, & ego reliqui vos, qui consternati dixerunt. Iustus est Dominus. Cumque vidisset Dominus, quod humiliati essent, factus est sermo Domini ad Semeiam dicens: Quia humiliati sunt mei causa, non disperdam eos. 2. Par. 12.

Humiliatus est Ezechias postquam eleuatum fuerat cor eius in aduentu nuntiorum regis Babylonis, & idcirco non venit ira Domini in diebus illis. 2. Paral. 32.

Audientes filij Israel potentiam Holofernis terribilem, clamauerunt ad Dominum instantia magna, & humiliauerunt animas suas, &c. Iudith 8.

Hesther regina confugit ad Dominum, & corpus suum humiliavit ieiunijs, oransque inter cetera dixit: Tu scis Domine, quod abominor signum superbiae, &c. Est. 14.

Cum mitteret Dominus Ieremiam Prophetam, se excusans ait: Ecce nescio loqui, &c. Ier. 1.

Ambulans Nabuchodonosor in aula Babylonis arroganter locutus est; deinde electus ab omnibus, & in bestiam mutatus recuperauit sensum, & recognouit, quod omnes habitatores terrae apud Dominum in nihilum reputati sunt. Dan. 4.

Cum percussus esset a Deo Antiochus insanabili plaga ita ut nec ipse foetorem suum ferre posset, ait: Iustum est subditum esse Deo & mortalem non paria Deo sentire. 2. Mac. 9.

Ioseph humiliter reputans se non esse dignum consortio beatae Mariae, quam concepisse videbat, & non humano opere, sed diuino munere hoc factum esse credebat, voluit occulte dimittere eum. Matt. 1.

In illis tribus Magis apparet mira fuisse humilitatem, quando inuenerunt puerum cum Maria matre eius, & procidentes adorauerunt eam. Matt. 2.

Cum tantae esset reputationis Ioannes, ut populus ipsum crederet esse Christum, dixit: Veniet fortior me, cuius non sum dignus soluere corrigiam calceamentorum eius. Luc. 3. simile habetur. Matt. 3. Io. 1.

Non erubuit Christus Dei virtus, & Dei sapientia ab eodem themate praedicationem suam incipere, a quo suam incoeperat Ioannes Baptista. Matt. 3. & 4. Poenitentiam agite: appropinquauit enim regnum caelorum.

Beata virgo Maria ab Angelo tam venerabiliter salutata, & mater filij altissimi appellata, non superbiuit inde, nec se vocauit matrem Dei, vel dominam, sed ancillam.

Item non misit pro Elisabeth cognata sua, sed humiliter iuit ad illam, cumque Elisabeth Spiritu sancto repleta cognouisset, quod factum fuisset circa ipsam

factam, diuinam commendauit misericordiam, & potentiam dicens: Magnificat anima mea Dominum, &c. Quia respexit humilitatem ancillæ suæ, &c. Luc. 1.

Humiliter & fideliter respondit Centurio dicens Domino volenti ire ad sanandum puerum suum: Domine non sum dignus, vt intres sub tectum meum, sed tantum dic verbo, &c. Matt. 8.

Videns Petrus se ad præceptum Domini cõclusisse multitudinem piscium copiosam, procidit ad genua eius dicens, Exi a me, quia homo peccator sum Domine. Luc. 5.

Saluator noster publicari sua miracula prohibebat, vt doceret fugere iactantiam, & vanitatis vitium, & dare veræ humilitatis exemplum, sicut patet in leproso mundato. Matt. 8. Item in duobus cæcis ab eo illuminatis. Matt. 9. Item in surdo, & muto sanato. Mar. 7. Item de trãfiguratione dixit, Nemini dixeritis, &c. Matt. 17.

Cum dixisset Dominus mulieri Chananæ, Nõ est bonum sumere panem filiorum, & mittere canibus; illa humiliter dixit: Etiam Domine, nam & catelli edunt de micis, &c. Matt. 15.

Quærentibus discipulis, quis esset maior in regno cælorum? Respondit Dominus: Quicunque humiliauerit se, sicut paruulus iste, hic maior est in regno cælorum. Matt. 18. exemplum vel parabolam humilis vrbanitatis inducit Dominus. Luc. 14. Cum inuitatus fueris ad nuptias, non discumbas in primo loco, &c.

Ad fugiendam iactantiam, & humilitatem multũ valet exemplum, quod inducit Dominus de superbo Pharisæo, & de humili Publicano. Luc. 18.

Humilitas Ioannis Baptistæ apparet multipliciter, quia videlicet de se humiliter sentiebat. Luc. 3. Existimante omni populo, ne forte ipse esset Christus. Itã Ioannis 3. Non sum ego Christus, &c. Item humiliter loquebatur. Ioannes 1. Ego vox clamantis in deserto, & negauit se esse Christum, aut Eliam, aut Prophetam. Item induebatur humiliter scilicet pilis camelorum. Matt. 3. Item humilem habitationem eligebat. Luc. 1. Erat in deserto, &c.

Humilis Maria Magdalena frequenter legitur secus pedes Domini se posuisse. Luc. 7. & 10. Io. 11. Matt. 28.

Quærenti Domino an Petrus diligeret ipsum plus alijs discipulis, respondit humiliter dicens: Tu scis Domine, quia amo te, nõ dixit, amo te plus alijs. Io. 21.

Præcipua humilitatis exempla accipere possumus, & debemus in salutari nostro Domino Iesu Christo, circa cuius conuersationem in terris considerari potest, quod ipse concipi voluit in patria despecta videlicet Galilæa, de qua Io. 7. Scrutare & vide, quia Propheta a Galilæa non surgit. vnde admirando dixit Nathanel: A Nazareth potest aliquid boni esse! Io. 1.

Item de matre humili natus fuit quæ dicit: Respexit humilitatem, &c. Luc. 1. in ciuitate parua, & loco humilissimo. Luc. 1. Reclinauit eũ in præsepio, &c.

Item quasi per annos triginta latuit in mundo, ita quod nihil de eo legitur, nisi quod cum esset annorũ duodecim remansit in Hierusalem, & inuentus est in templo audiens & interrogans, non docens & determinans contra præsumptuos, qui nimis festine ad officium docendi prorumpunt. Sequitur ibi Luc. 2. Descendit cum Maria, & subditus erat illis. Exinde circa annum tricesimum ad Ioannem Baptistam venit, vt baptizaretur ab eo, non pro eo misit. Matt. 2. contra multos, qui ad minores pergere dedignantur.

Item humiles discipulos elegit. Matt. 4. & Luc. 5. & cum eis humiliter conuersatus est, & eos præcipue de humilitate docuit. Matt. 11. Discite a me, quia mitis sum, & humilis corde. vnde filium hominis sapius se dicebat, non filium Dei, licet vtrumque esset verũ secundum duas naturas in ipso, tamen ab inferiore frequentius se nominauit.

S. Bon. Tom. 7. Pars iiij.

Conuersatus cum hominibus interesse voluit pauperibus nuptijs, vbi vinum defecit. Io. 2. non autem interfuisset splendidis, & diuitibus nuptijs, in quibus fiunt frequenter enormes excessus.

Cum cognouisset, quia venturi erant, vt raperent eum, & facerent eum regem, fugit in montem. Io. 6.

Didrachma seu tributum quasi seruus, aut alienus exsoluit. Matt. 27.

Non habebat vbi caput reclinaret. Luc. 9. & circuiens ciuitates, & castella pedes ibat. ita quod quandoque fatigatus ex itinere sedebat super fontem, & a muliere Samaritana bibere postulabat. Io. 4. quando vero vectura vti voluit, non equum, sed asellum habuit. Matt. 21. Mar. 11. Luc. 19. Io. 12.

Transiturus ex hoc mundo ad patrem relinquere voluit speciale humilitatis exemplum, & pedes discipulorum lauit, & linteo quo præcinctus erat, extersit. Ioan. 13.

Præcipue autem in passione nimis humiliauit semetipsum, factus obediens vsque ad mortem, non quamcumque, sed crucis, quæ erat genus mortis turpissimum in Euangelijs omnibus. & Phil. 2.

De quo notari potest, quod homines superbi & mundi amatores circa septem versari solent & appetere, vel in adeptis specialiter gloriari, quibus constat in cruce Dominum caruisse, & contraria habuisse. hæc autem dici possunt terrena affluentia, mundana sapientia, carnalis lætitia, popularis fama, turba famulorum, delectio inimicorum, & numerositas amicorum. Christus autem Iesus Dominus noster in cruce fuit pauperrimus, & vestimentis nudatus. Io. 19. fuit stultus, & insipiens reputatus. nam verbum crucis gentibus stultitia est. 1. Cor. 1. Item diffamatus fuit, & seductor populi appellatus. Matt. 27. Dixerunt de eo principes sacerdotum, Recordati sumus, quod seductor ille dixit, &c. in cruce insuper quodammodo fuit victus, quia occisus. Io. 19. Inclinato capite reddidit spiritum. Ibi etiam amicum non habuit. Isa. 63. Torcular calcaui solus, & de gētibz non fuit vir mecum. Psal. 87. Elongasti a me amicum, & proximum. Item famulis & seruatoribus in cruce caruit. Matt. 26. Discipuli omnes relicto eo fugerunt. Psal. 87. Factus sum sicut homo sine adiutorio, &c.

Post miraculum de claudo per Petrum sanato, humiliter locutus est Petrus non ascribens factum sibi, sed diuinæ virtuti, & inuocationi nominis Christi. Act. 3.

Cum introisset Cæsaream Petrus, obuius venit ei Cornelius, & procidens ad pedes eius, adorauit eum; Petrus vero eleuauit eum dicens: Surge & ego ipse homo sum. Act. 10.

Audientes Paulus & Barnabas, quod homines de ciuitate Lystris dicebant eos esse deos, & eis sacrificare volebant, conscissis tunicis exilierunt in turbas clamantes, & dicentes eis: Viri quid facitis & mortales sumus similes vobis homines, &c. tandem vix sedauerunt turbas, ne eis immolarent. Act. 14.

Paulus Apostolus manibus operabatur, vt haberet necessaria sibi, & socijs, propter quod etiam morabatur cum Aquila & Priscilla, qui erāt artis scenofactoriæ, sicut & ipse. Act. 18. Item Act. 20. dicit ipse, ad ea quæ opus erant, & ijs qui mecum sunt, ministrauerunt manus istæ.

Humiliter de se sentiebat Paulus, qui in fratrum orationibus confidebat. 2. Cor. 1. adiuuantibus vobis in orationibus pro nobis. Item orationes aliorũ sollicitus postulabat. Rom. 15. Obsecro fratres per Dominum nostrum Iesum Christum, & per charitatẽ Spiritus sancti, vt adiuuetis me in orationibus, & Col. 4. & 1. Tes. 3. verbis etiam suis humilitatem veram interiorius indicabat. 1. Cor. 15. Ego sum minimus Apostolorũ, qui non sum dignus vocari Apostolus, &c. Item 1. Tim. 1. Christus Iesus venit in hunc mūdum peccatores saluos facere, quorum primus ego sum.

Zz Item

Item ad humilitatē alios sollicitus inducebat. Ro. A  
12. Non alta sapientes, sed humilibus consentientes.  
Phil. 3. & in humilitate superiores sibi inuicem arbitantes.

*De superbia. Cap. LXXXVIII.*

**E**Va propter appetitum excellentiæ, cum audiisset a serpente, Eritis sicut dii, de ligno verito comedit. Gen. 3.

Datum est hominibus a Deo dominium super pisces, & aues, & bestias terræ. Gen. 1. Dominamini piscibus maris, & volatilibus cæli, &c. Itē Gen. 9. Terror

vestre, & tremor sit super cuncta animalia terræ, &c. B  
Superbia volentium ædificare turrem vsque ad cælum damnata fuit per confusionē linguarū. Gen. 11.

Agar ancilla Sarai se concepisce videns dominam suam despexit. Gen. 16.

Contra gloriantes de primogenitura facit, quod Cain fuit natus ante Abel. Gen. 4. & Esau ante Iacob. Gen. 25. & Iudas fuit quarto genitus inter filios Israel. Gen. 29. & Manasses filius Ioseph natus fuit, ante Ephraim, qui tamen habuit benedictionē dextere. Gen. 48. & David fuit minimus inter fratres suos. 1. Reg. 16. & Adonias natus fuit ante Salomonem. 2. Reg. 3. & sic de multis alijs.

Nimis superbe respondit Pharao, quando dixit: Nescio Dominum, & Israel non dimittam. Exo. 5.

Rebellio Chore, & aliorum facta cōtra Moysem ex superbia processerunt. nam dixit illis Moyse, Multū erigimini filij Leui. Num. 16.

Percussus Abimelech vocauit armigerum suum, & ait ei: Percute me, ne dicatur, quod a femina interfectus sum. Iud. 9.

Saul petijt a Samuele, vt cum coram senioribus populi honoraret. 1. Reg. 14.

Grauius fuit punitum elationis peccatum, quando D  
David fecit populum numerari sibi subiectum. 2. Reg. 24.

Libido dominandi, quam habuit Ieroboam timēs, ne populus reuerteretur ad domum David, fecit eū excogitare vitulos aureos, quos fecit a populo adorari, & maluit eos recedere a vero Deo, quā a domino suo. 3. Reg. 12.

Amasias rex Iuda debellauerat Edom, & elatus in superbiam voluit contra Ioas regem Israel præliari, sed male successit ei. 3. Reg. 14.

Cum roboratus esset Ozias rex Iuda, eleuatum est cor eius in interitum suum, & adolere voluit incensum in templo. 2. Paral. 26.

Superba nimis & blasphema verba misit rex Assyriorum ad Ezechiam, quasi neque Deus, neque homo posset eum de manu sua liberare. 4. Reg. 19.

Lætatus est Ezechias, & eleuatum est cor eius in aduentū nuntiorū regis Babylonis, & ostēdit ei omnia, quæ erāt in thesauris domus suæ. 4. Reg. 20. 2. Paral. 32.

Post obtentam victoriam de Arphaxad rege Medorum, exaltatum est regnum Nabuchodonosor regis Assyriorum, & cor eius eleuatum est. Iud. 1.

Nabuchodonosor superbe iurauit, quod defenderet se ab illis, qui imperio suo subiugari nollent, quasi iniuriam passus ab eis. Iudith 1.

Præceperat Nabuchodonosor Holofernī, vt omnes deos terræ exterminaret, vt ipse solus Deus dicere tur ab ijs regionibus, quæ potuissent per Holofernīs potestatem subiugari. Iud. 3.

Videns superbus Aman, quod Mardocheus ipsum adorare nolebat, suavit regi, vt totus Iudæorum populus deleteretur. Hest. 3.

Aman superbissimus volebat corā se genuflecti & ab omnibus adorari. Sed notabile est, quod illa superbia, tot mala in ipso causauit, vt iratus, & indignatus existeret, & omnia alia quæ habebat quasi nihilum reputaret. Hest. 3. & 5.

Signa superbiæ detestatur Dominus per Isaiam edicens; Pro eo quod eleuata sunt filia Sion, & ambulauerunt collo extenso, &c. Isa. 3.

De Nabuchodonosor intelligitur ad litteram illud Isa. 14. Dicebas in corde tuo, in cælum cōscendā, &c.

De Moab dicitur, Audiuius superbiam, superbus est valde, superbia eius, & arrogantia eius, & indignatio eius, plusquam fortitudo eius. Isa. 16.

Quoniam eleuatum fuit cor Nabuchodonosor regis Babylonis, & spiritus illius obfirmatus ad superbiam, depositus est de solio suo, & gloria ablata est ei, &c. Dan. 4.

Balthasar filius Nabuchodonosor rex Babylonis nō humiliavit cor suum, sed aduersus Dominatorem cæli eleuatus est, & ideo interfectus est, & Darius Medus ei successit in regnum. Dan. 5.

Antiochus ascendit Hierosolimam in multitudine graui, & intrauit sanctificationem cum superbia, & accepit altare aureum, &c. 1. Mac. 1.

Dixerunt illi, quos dimisit Iudas Machabæus ad custodiam terræ, dum iret ad prælium, Faciamus nobis nomē, & camus pugnare aduersus gētes. 1. Mac. 5.

Alcimus qui volebat fieri sacerdos, & quidam alij iniqui iuere ad regem Demetrium, & accusauerunt, Iudam, & populum Iudæorum. 1. Mac. 7.

Cum vidisset Nicanor holocausta, quæ offerebantur a Iudæis pro rege, irridens spreuit eos, & locutus est superbe. 1. Mac. 7.

Antiochus existimabat se præ superbia terram quidem ad nauigandum, pelagus vero ad iter agendum deducturum propter mentis elationem. 2. Mac. 5.

Nicanor veniens ad pugnandum contra Iudam, & socios eius; ita credebat esse securus de victoria, quod vendidit Iudæos antequam in campo videret. eos. 2. Mac. 8.

Fugatus turpiter Antiochus de Perside superbe locutus est se venturum Hierosolimam, & congeriem sepulchri Iudæorum esse facturum, sed Deus percussit eum insanabili plaga. 2. Mac. 9.

Nicanor Iudæis dicentibus: Est Deus potens in cælo, qui iussit agi septimam diem; Et ego, inquit, potens sum super terram, qui impero sumi arma, & negotia regis impleri. De quo etiam subditur, quod cum summa superbia erectus, cogitauit commune trophæum statuere de Iuda, à quo tamen cito postea victus fuit. 2. Mac. 15.

Cum dixissent discipuli: Domine etiam dæmonia subiiciuntur nobis in nomine tuo; compescuit eos Dominus dicens: Videbam Satanam quasi fulgur de cælo cadentem, in hoc nolite gaudere, &c. Luc. 10.

Superbia Pharisei qui se iactabat, quod proximum contemnebat, damnatur. Luc. 18.

Statuto die Herodes vestitus veste regali, sedit pro tribunali, & concionabatur ad populum; populus autem acclamabat voces Dei & non hominis. Confestim autem percussit eum Angelus Domini, eo quod non dedisset honorem Deo, & consumptus a veribus expirauit. Act. 10.

*De iactantia. Cap. LXXXIX.*

**G**Aal filius Obed dicebat socijs, Quis est Abimelech, & quæ est Sichen, vt seruiamus ei? Vtinam daret aliquis populum istum sub manu mea, vt auferrem, &c. Iud. 9.

Samson leonem manibus inermibus lacerauit, nec tamen tantam prosperitatem parētibz suis indicare voluit. Iud. 14.

Goliath Philistæus exprobrabat exercitui Israel, & petebat, vt aliquis veniret cum eo ad singulare certamen. 1. Reg. 17.

Adonias filius Agith eleuabatur dicēs: Ego regnabo. 2. Reg. 1. sed parum durauit regnum eius.

Benadad rex Syriæ misit nuntios regi Israel, & ait hoc



hæc faciant mihi dii, & hæc addant, si suffecerit pulvis Samarie pugillis omnis populi, qui sequitur me! Sed pulchre responsum est ei: Ne gloriatur accinctus æque, & discinctus, &c. 3. Reg. 20.

Grandia verba dixit Rapsaces ex parte Assyriorum, dicens: Numquid liberauerunt de manu Assyriorum, &c. 4. Reg. 18.

Holofernes dixit ad Achior: Cum percusserimus omnes, quasi hominem vnum, tunc & ipse cum illis Assyriorum gladio interibis. Iudith 6.

Aman inuitatus ad conuiuium Esther vocauit amicos, & uxorem suam, & exposuit illis magnitudinem diuitiarum suarum, & filiorum turbam, & quomodo apud reginam solus cum rege prædere debebat. Esth. 5. Sed nota quod suspensus fuit in crastino in eadem trabe, quam parauerat Mardocheo. Esth. 7.

Eliu dixit multa verba iactantiæ, & arrogantiam. Iob 32. Ostendam vobis sapientiam, plenus sum sermonibus, & cetera.

Ponit Isaias verba ipsius regis Assyriorum dicens. Isa. 10. In fortitudine manus meæ feci, & in sapientia mea intellexi, &c. Non fuit qui moueret pennam, & aperiret os suum, & ganniret.

De Nabuchodonosor intelligitur ad litteram illud Isa. 14. Dicebas in corde tuo, In cælum conscendam, super astra Dei exaltabo solium meum, ero similis altissimo.

Per Hieremiam dicitur de Moab, Sublimitatē eius, & arrogantiam eius, & superbiam, & altitudinem cordis illius, ego scio, ait Dominus: iactantiam, & arrogantiam eius, & quod non sit iuxta eam virtus eius, &c. Hiere. 48.

Nabuchodonosor rex Babylonis dixit tribus socijs Danielis, qui nolebant statuam eius adorare, Quis est Deus, qui vos eripiat de manu mea? Dan. 3.

Deambulans in aula Babylonis Nabuchodonosor, ait: Nonne hæc est Babylon ciuitas magna, quam ædificaui in domum regni, in robore fortitudinis meæ, & in gloria decoris mei? Cum adhuc sermo esset in ore eius, &c. Dan. 4.

Audiuit Seron quod congregauit Iudas Ecclesiam fidelium, & ait: Faciam mihi nomen, & debellabo Iudam, sed cito e contrario fuit debellatus ab illo. 1. Mach. 3.

Demetrius filius Demetrij misit ad Ionathan dicens: Descende ad nos in campum, & comparemur illic inuicem, quia mecum est virtus bellorum. interroga, & addisce quis sum ego, &c. Sed paulo post male successit ei. 1. Mach. 10.

Nicanor pugnaturus contra Iudam vocauit negotiatores, promittens se daturum pro vno talento nonaginta mancipia Iudæorum. 2. Mach. 8.

Multitudine ad arma concurrente fugatus est turpiter Antiochus de Persepoli ciuitate Persidis, & superbe locutus est dicens: Venturum se esse Hierosolimam, & congeriem sepulchri Iudæorum eam facturum. 2. Mach. 9.

Nicanor interrogauit Iudæos, Si est potens in sæculo, qui imperauit diem sabbatorum? & respondens illis: Est Dominus potens in cælo qui iussit agi septimam diem, ait: Et ego potes sum super terram, qui impero sumi arma, & negotia regis impleri. 2. Mach. 15.

Petrus valde audacter dixit Domino: Et si omnes scandalizati fuerint, &c. Sed postea longe aliter accidit. Matth. 26. Mar. 14. Luc. 22. Ioan. 17.

Qui se iactant, & dilatant maxime si mentiuntur, diabolum imitantur, qui cum ante dixisset Domino: Tibi dabo potestatem hanc, &c. dixit: Omnia regna mundi mihi tradita sunt, & cui volo do illa. Luc. 4.

Contra iactantes se, & arrogantes inducit Dominus exemplū illius Pharisæi dicentis: Nō sum sicut ceteri homines, etc. Velut, & hic Publicanus, &c. Luc. 18.

Magnæ arrogantiam verbū dixerunt Pharisæi, cæcō nato quem Dominus illuminauerat, & illos ratio-

S. Bon. Tom. 7. Pars iij.

abiliter confundebat: In peccatis natus es totus, & tu doces nos? Ioan. 9.

Arroganter nimis dixit Saluatori Pilatus: Nescis quia potestatem habeo dimittere te? Ioan. 19.

#### De electionibus. Cap. C.

**C**onsilio Iethro sacerdotis Madian Moyses vsus humiliter, elegit iudices, seu prælatos minores, viros potentes & timentes Dominum, in quibus erat veritas, & qui oderant auaritiam. Exod. 18.

Præcepit Dominus Moyse, vt tolleretur duodecim virgas iuxta numerum tribuum filiorum Israel, nomen autem Aaron erat in tribu Leui. quas cum posuisset in tabernaculo, sequenti die inuenit virgam Aaron germinasse, &c. Num. 17.

Volens Moyses vlcisci Israel de Madianitis, ait: Mille viri de singulis tribubus eligantur, qui mittantur ad bellum. Num. 31.

Moyses aduertens se iuxta mandatum Domini moriturum, orauit deuote Dominum, & dixit: Prouideat Dominus Deus spirituum omnis carnis hominem, qui sit super multitudinem hanc, & cetera. Ordinavit autem Dominus, quod Iosue filius Nun esset successor ipsius, & dux populi loco eius. Nu. 27.

Post mortem Iosue consuluerunt filij Israel Dominum, dicentes: Quis ascendet ante nos, & erit dux belli? dixitq. Dominus: Iudas ascendet. Iud. 1.

Videntes filij Israel, quod Gedeon strenue pro eis pugnaverit, dixerunt omnes ad eum: Dominare tu nostri, &c. Iudic. 8.

Maiores natu de Galaad perrexerunt ad Iephthe, dixeruntq. ad eum: Veni & esto princeps noster, & pugna contra filios Ammon. Iudic. 11.

Erat vir de Benjamin nomine Cis, & ei filius vocabulo Saul, electus & bonus, & non erat vir de filiis Israel melior illo; hunc reuelavit Dominus Samuel eligendum fore, & inungendum regem super populum Israel. 1. Reg. 9.

De mandato Domini speciali iuit Samuel in Bethlehem, & vnxit Dauid filium Isai in regem super Israel. 1. Reg. 16. Mortuo autem Saule venerunt viri de tribu Iuda, & vnixerunt eum super se in regē. 2. Reg. 2. Deinde vniuersæ tribus Israel venerunt ad eum, & vnctus est in regem super totum populum Israel. 2. Reg. 5. Vnde ipse dixit in Psal. 77. Elegit Dauid seruū suum. 1. Paral. 28. Placuit Domino, vt me eligeret regem super cunctum Israel.

Appropinquans morti Dauid dixit maioribus: De filijs meis elegit Dominus Salomonem, vt sederet in throno regni Domini super Israel. 1. Paralip. 28. Terribili iudicio Dei assumptus fuit Ieroboam, vt esset rex super decem tribus Israel. & tamen occasio fuit populo recedendi a Deo. 3. Reg. 11. & 12.

Scriptis Iehu litteras, & misit in Samariam ad optimates ciuitatis, &cet. dicens: Eligite meliorem, & eum quem vobis placuerit de filiis Domini vestri, & ponite eum super solium patris sui, & pugnate pro domo Domini vestri. 4. Reg. 10.

Congregati sunt omnes amici Iudæ, & dixerunt Ionathæ: Ex quo frater tuus Iudas mortuus est, vir similis non est ei, nunc itaque te elegimus hodie pro eo esse nobis principem, & ducem ad bellandum bellum nostrum. 1. Mach. 9.

Vocauit Dominus Iesus discipulos suos, & elegit duodecim ex ipsis quos, & Apostolos appellauit, Simonem quem cognominauit Petrum, &c. Luc. 6.

Post Ascensionem Domini, discipuli statuerunt duos, Ioseph, & Matthiam, & orantes dixerunt: Tu Domine qui nosti corda omnium, ostende quem elegeris ex his duobus, vnum accipere in locum ministerij huius; & apostolatus, &c. Act. 1.

Sermo quem dixerunt Apostoli, placuit omni multitudini; & elegerunt Stephanum virum plenum fide, & Spiritu sancto, & Philippum, &c. Act. 7.

Z z 2 Mini-

Ministrantibus discipulis Domino, & ieiunantibus dixit illis Spiritus sanctus: Segregate mihi Paulum, & Barnabam in opus, ad quod assumpsi eos. Act. 13.

*De bonis Principibus, & Prælatibus. Cap. CII.*

**B**onus Prælatas Moyses, multoties intrauit ad Pharaonem pro causa populi, ut eum liberaret de Ægyptiaca seruitute. Exo. 6. 7. 8. 9. & 10.

Populum timentem confortauit Moyses, dicens: Nolite timere, Dominus pugnabit pro vobis, & vos tacebitis. Ore quidem verba dicebat, sed corde Dominum exorabat, sicut apparet ibi. Exo. 14.

Clamabat pro populo Moyses ad Dominum, quando murmurabat populus contra eum. Exo. 15.

Omnia debet retorquere ad Deum bonus Prælatas; unde dicebat Moyses. Exo. 16. Nec contra nos est murmur vestrum, sed contra Dominum. nos enim quid sumus?

Cum pugnaret Amalech contra Israel, non iuit Moyses ad prælium, sed tantum misit Iosue famulum suum, & tamen erat ex parte ipsius iustissimum bellum. Ipse vero stans in vertice montis ad orandum Dominum se conuertit. Exo. 17.

Recessurus Moyses a populo, & iturus ad montem bonos vicarios dereliquit, videlicet Aaron & Vr. Exo. 24.

Videbatur Dominus velle confundere populum peccatorem, & promittebat magnum statum, vel honorem ipsi: & tamen Moyses pro populo incessanter orabat. Exo. 32. Et non tanta seueritate populum puniuit, pro quo tam instanter orauit. Moyses distribuit Leuitis duodecim boues, & sex plaustra, quæ obtulerant principes tribuum filiorum Israel: sed nullum dedit filiis Caath, licet essent ei magis propinqui, quia proprijs humeris onera portare debebant. Num. 7.

Desiderabat Moyses quod omnes de populo prophetarent, licet honor suus in hoc minui videretur. Num. 11.

Post reditum exploratorum dixit Dominus ad Moysen. Num. 14. Usquequo detrahit mihi populus iste? feriam igitur eos pestilentia, te autem faciam principem super gentem magnam, & fortiozem quam hæc est. sed noluit Moyses ad maiorem prælationem transferri.

Pereunte populo pro murmure, & tumultu, quos faciebant contra Moysen, & Aaron dixit Moyses ad Aaron: Tolle thuribulum, & hausto igne de altari mitte incensum, pergens cito ad populum, ut roges pro eis, &c. Num. 16.

Moriturus Moyses sollicitè rogauit Dominum, ut populo de duce idoneo prouideret, nullum vero in speciali voluit nominare. Num. 27.

Seruiuit Israel Domino cunctis diebus Iosue, &c. Bonus enim prælatas multum confert ad populum in manu Domini dirigendum. Iosue 24.

Samuel iudicabat Israel, & ibat circumiens Bethel, & Galgala, & Masphath, ut homines qui eo indigebant facilius ad eum possent habere accessum. 1. Reg. 7.

Dixit Samuel ad populum: Absit a me hoc peccatum, ut cesset pro vobis orare, & docebo vos viam rectam, & bonam. 1. Reg. 12.

Videns David Angelum percutientem populum obtulit se pro eo percutiendum. 2. Reg. 24. Vertatur obsecro manus tua contra me, & cetera.

Audiuit omnis Israel iudicium quod iudicasset Salomon rex de dnabus mulieribus; & timuerunt regem, videntes sapientiam Dei esse in illo. 3. Reg. 3.

Signum est quod Deus diligat populum, cum dat ei bonum prælatum. unde dixit regina Saba Salomoni: Quia diligit Deus Israel, ideo posuit te regem super eum, ut facias iudiciū atque iustitiam. 2. Paral. 9.

Voluit Dominus tradere regem Syriæ in manu re-

gis Israel, & mādauit ei per Prophetam quod ipse rex debebat incipere præliari. 3. Reg. 12. & 2. Paral. 24.

Ezechias rex Iuda fecit serpentem æneum confringi, eo quod esset populo idolatræ occasio. 4. Reg. 18.

Iosaphat rex Iuda constituit iudices super populum, & eos valde fideliter, & prudenter instruxit. 2. Paralip. 19. Videte, inquit, quid faciatis, & cetera.

Perrexerunt cursores cum epistolis ex regis Ezechiae imperio, & principum eius, in vniuersum Israel, & Iudam prædicantes, Reuertimini ad Dominum. &c. 2. Paral. 30.

**B**Orante Esdra, & fiente pro transgressione populi, collectus est ad eum cæsus magnus virorum, ac mulierum, & fleuit populus multo fletu ad exemplum illius. 1. Esdr. 9.

Audiens Holofernis potentiam Eliachim magnus sacerdos, circuiuit omnem Israel, allocutusque est eos dicens: Scitote quoniam exaudiet Dominus preces vestras, &c. Sicq. populum bonis exhortationibus confortabat. Iudith 4.

Bonus prælatas debet esse quasi pater populi sibi commissi. Nam de Eliachim quem substituit Dominus loco Sobne, dicitur Isa. 22. Erit quasi pater habitantibus Hierusalem.

**C**Mortuo Iuda Machabæo emerferunt iniqui in omnibus finibus Israel, & exorti sunt omnes, qui operabantur iniquitatem. In diebus illis facta est facta, &c. 1. Mach. 9.

Cum crederetur occisus Ionathas a Tryphone, quæsierunt omnes gentes, quæ erant in circuitu eorum contere eos. Dixerunt enim: Non habent principem, & adiutorem: nunc ergo expugnemus illos, & tollamus ex hominibus memoriam eorum. 1. Machab. 12.

Causa pacis, & boni status sanctæ ciuitatis, pulchre dicitur fuisse prudentia, & pietas Oniæ summi sacerdotis, & bonitas subditorum. 2. Mach. 3.

**D**Bene restitit Onias Heliodoro volenti spoliare templum, & deposita viduarum, ac pupillorum auferre. 2. Mach. 3.

Saluator noster Dominus Iesus Christus, ubi se bonum pastorem dicit, statim causam subiungit, dicens. Ioan. 10. Bonus pastor animam suam dat pro ouibus suis; & post pauca, Animam meam pono pro ouibus meis. In quo intelliges quid exigitur ad hoc, quod aliquis bonus pastor vocari mereatur.

Quando Saluator noster post resurrectionem suam voluit gregem Ecclesiæ Petro committere, primo examinauit eum, seu probauit dicens. Ioan. 21. Simon Ioannis diligis me plus his. Et nota quod examinauit eum de dilectione, non de cognitione; de practica, non de theorica; de facto, non de iure. Item non solum interrogauit eum, si simpliciter eum diligebat. Item nota quod ter dixit ei pascere, notandum. Bonus enim prælatas commissum sibi gregem debet pascere exemplo, verbo, & temporali subsidio.

Videns Petrus Iudæos admirantes, & male de discipulis sentientes, eleuauit vocem suam, & locutus est eis: Viri Iudæi, &c. Vbi gregem constanter defendit, & aduersarios salubriter superauit. Act. 2.

**F**Considerari potest hic de Paulo Apostolo eximie bonitatis prælato.

Ad bonum enim prælatum specialiter, & summe pertinet dilectio, quam habere debet ad suos: sicut diligebat ille Pastor optimus, princeps pastorum, qui posuit animam suam pro ouibus suis. Qui cum dilexisset suos in finem dilexit eos. Paulus autem miro modo hac dilectione feruebat. unde dicebat. 2. Cor. 12. Ego libentissime impendam, & superimpendam ipse, pro animabus vestris; licet plus vos diligens, minus diligar a vobis. Item Philip. 4. Fratres mei charissimi, & cetera.

Item debet esse in eo scientia Scripturarum. Sap. 6. Diligite lumen Sapientiæ, qui præstis populis. Alioquin

quin non posset lepram discernere, vel commissum sibi populum iudicare. Ipse vero Paulus Apostolus de diuinis & similiter etiam de humanis veram & excellentissimam notionem, seu cognitionem habebat; qui paruulis in Christo lac potum dabat, & inter perfectos sapientiā loquebatur. 1. Cor. 2. quippe qui raptus vsque ad tertium cælum, & audiuit ibi arcana verba, quæ non licet homini loqui. 2. Cor. 12.

Ex amore vero subditorum & notitia scripturarū sollicitudo in præfidente causatur. Ro. 12. Qui præest in sollicitudine, qua quidem sollicitudine Paulus proximis ardētissime hortabatur, per quod ait. 2. Cor. 11. præter illa quæ extrinsecus sunt instātia mea quotidiana, sollicitudo omnium Ecclesiarū. Item Colof. 2. Volo vos scire qualem sollicitudinem habeā pro vobis.

Ex tribus prædictis debet sequi instructio imperitorū, vnde promittit Dominus Ier. 3. Dabo pastores vobis iuxta cor meū, qui pascunt vos scientia & doctrina, iuxta illud quod dixit Artaxerxes rex Esdræ, & iudicibus populi: Imperitos docete libere. 1. Esdræ 7. & hoc profecto liquet fecisse Paulum doctorem gentiū, qui verbo vel scripto docuit vniuersum mundum. 1. Tim. 2. Doctorem gētiū in fide & veritate. 2. Cor. 2. odorem suæ notitiæ Deus per nos manifestat in omni loco, & ad hoc quis tam idoneus?

Debet etiam bonus prælatus officia disponere inter subditos, & ordinare sicut Moyse, qui consilio Iethro instituit in populo centuriones, quinquagenarios, & decanos. Paulus quoque in Ecclesia similia faciebat. 1. Cor. 11. Cetera cum venero disponā. propter quod dicebat. Eph. 1. Reliqui te Cretæ, vt quæ defunt corrigas, & constituas per ciuitates presbyteros, sicut ego disposui tibi.

Item debet pusillanimes, & timidos animare, sicut fecit Moyse, quādo dixit populo pauescenti. Exo. 14. Nolite timere Dominus pugnabit pro vobis, & vtrique Paulus faciebat. Eph. 6. Confortamini in Domino, & in potentia virtutis eius, induite vos armaturam Dei, &c. Heb. 12. Recogitate eum, qui talem sustinuit aduersus semetipsum a peccatoribus contradictionem, vt non fatigemini animis vestris deficientes.

Item in bono prælato debet esse defensio oppressorum, sicut Onias summus sacerdos, qui constanter restitit Heliodoro volēti templum Domini spoliare. 2. Mac. 3. quā viriliter autem Paulus restitit pseudoapostolis & Iudæis parer. Act. 13. & deinceps vsque ad finem. 2. Cor. 11. In quo quis audeat audeo & ego, & ideo dicebat se pugnare. 1. Cor. 9. Sic pugno non quasi aerem verberans 2. Tim. 4. bonum certamen certavi.

Præterea consolatio afflictorum, velud Eliachim cum Holofernes Berhulia obsedisset. Iudith. 4. Paulus autem nō erat inferior in hac parte, vnde ait. 2. Cor. 1. Benedictus Deus & pater Domini nostri Iesu Christi pater misericordiarum, & Deus totius consolationis, qui consolatur nos in omni tribulatione nostra, vt possimus, & ipsi consolari eos, qui in omni pressura sunt. Heb. 13. rogo vos fratres, vt sufferatis verbum solatij. Verba vero consolatoria habuit maxime ad Phil. & Thess. sicut patet intuenti.

Debet insuper bonus prælatus pigros & tepidos excitare, quod fecit Patriarcha Iacob, qui audiēs, quod alimenta vendebantur in Aegypto, dixit filiis suis: Quare negligitis, &c. & hoc strenuus, & vigil Paulus optime nouerat facere. Rom. 14. Hora est iam nos de somno surgere. Item Ephes. 5. Surge qui dormis, & exurge a mortuis, & illuminabit te Christus, & 2. Tim. 1. Admoneo te, vt resuscites gratiam Dei, quæ est in te per impositionem manuum mearum.

Item debet indigentibus pro possibilitate sua, quantum ad necessaria subuenire; exemplum est de hoc in Eliseo, qui panes fecit distribui filiis Prophetarū. 4. Reg. 4.

Quod etiam Paulus diligenter implebat, memor

S. Bon. Tom. 7. Pars iij.

illius verbi Domini: Beatius est magis dare, quā accipere, prout ipse refert. Act. 20. quando vero nō habebat, quid dare posset, ab alijs sollicitè procurabat & hoc apparet. 1. Cor. 16. De collectis autē, &c. Item 2. Cor. 9. Qui parce seminat, parce metet.

Item ad eum pertinet superbos & tumidos refricare & humiliare, quod volens facere Moyse increpando dicebat. Nu. 16. Multum erigimini fili Leui, Samuel etiam dixit Sauli. 1. Reg. 15. Quare non audisti vocem Domini, &c. in hac autem arte Paulus erat valde peritus, vnde 1. Cor. 4. Tamquā non venturus sim ad vos, sic inflati sunt quidam. Veniam autem cito, & cognoscam non sermonem eorum, qui inflati sunt, sed virtutē. 1. Tim. 6. Diuitibus huius sæculi præcipe non sublime sapere, &c.

Rursus etiam bonus prælatus distantes, & ad eum accedere non valentes debet personaliter visitare, quod Samuel adimplebat, qui ibat circueiens Bethel, & Galgala, & Masphat, & iudicabat Israel. 1. Reg. 7. & quis hoc exercuit sicut Paulus, qui ab Hierusalem vsque ad Illyricum mare repleuit Euangelium Christi. Rom. 15. ita quod vitam suam quemdam cursum vocabat. 1. Cor. 9. sic curro nō quasi in incertum. 2. Tim. 4. cursum consummaui.

Item debet delinquentes, & transgressores punire, sicut fecit Moyse, quando populus vitulum conflatilem adorauit. Exo. 32. In hac etiam parte Paulus negligēs non erat; dicebat enim. 2. Cor. 10. Armæ militiæ nostræ non sunt carnalia, sed potentia Deo in promptu habentes vlcisci inobedientiam. Item 1. Cor. 4. In virga veniam ad vos, an in spiritu mansuetudinis.

Item bonus prælatus debet contumaces de populo, & pestiferos extirpare, sicut fecit Moyse de Chore, & ijs, qui adhæserunt ei. Num. 16. Tu inquit & omnis congregatio tua stare seorsum. deinde dixit alijs: Recedite a tabernaculis impiorum. Paulus autem de illo, qui tenebat nouercam suam ait. 1. Cor. 5. Ego iudicaui huiusmodi tradere Satanæ in interitum carnis. & post. Expurgare vetus fermentum, &c. Hymenæū & Alexandrum tradidit Satanæ, vt discerent non blasphemare. 1. Tim. 1.

Postremo debet pro vniuersis orare. Sic faciebat Moyse. Exo. 32. Moyse orabat Dominum, &c. & Samuel. 1. Reg. 12. Absit a me hoc peccatum, vt cessem orare pro vobis; hoc autē Paulus diligentissime implebat. Rom. 1. Sine intermissione memoriam vestri facio semper in orationibus meis, & 2. Thess. 1. Oramus semper pro vobis, vt Deus dignetur vos vocare vocatione, &c. Item hoc ipsum hortatur fieri dicens. 1. Tim. 2. obsecro primum omnium fieri obsecrationes, orationes, &c.

*De malis principibus & prælatis. Cap. C II.*

Precepit Dominus Moyse dicens: Tolle principes populi, & suspende eos contra solem in patibulis. Num. 25.

Dixit Moyse ad Aaron. Exo. 32. Quid tibi fecit hoc populus, vt induceres super eum peccatum maximum, quasi multum peccaret prælatus in subditos, quando male eorum acquiesceret voluntati. Male corripuit Heli filios suos, quod multū displicuit Domino. 1. Reg. 2. & tamen corripuit eos verbo, sed lēte non viriliter & seuerē, quid ergo de illis, qui in malis fauent eis, vel qui dant eis occasionem peccandi. Etiam malis prælatis debent deferre subditi, sicut Dauid qui percussit cor suum, quia præciderat orā chlamydis illius, neque aliud malum voluit facere ei. 1. Reg. 24.

Totum pondus prælij versum est in Saul, vnde cecidit in prælio, & occisus fuit. 1. Reg. 31.

Propter peccatum quod commisit Dauid in numeratione populi mortui sunt ex populo septuaginta, Z z 3 millia

millia virorum. 2. Reg. 14. Quia Roboam populū nimis grauare voluit magnam partem eius amisit. 4. Reg. 12.

Occasionem dedit Ieroboam populo recedendi a cultu Dei, quando vitulos fecit, & eos adorari praecepit. 3. Reg. 13.

Propter malos praelatos interdum subditi temporaliter affliguntur. vnde dixit Elias ad Achab, Tu conturbas populum Israel, & domus patris tui, &c. 3. Reg. 17.

Rex Syriae praecepit principibus curruum suorum, Non pugnabitis contra maiorem, & minorem quempiam, nisi contra regem Israel solum: ille autem erat Achab nequissimus. 3. Reg. 22.

Manasses seduxit Iudam & habitatores Hierusalem, vt facerent malum super omnes gentes, quas subuerterat Dominus a facie filiorum Israel. 2. Paral. 33.

Malorum praelatorum in Hierusalem habitantium conditiones expressit Isaias dicens: Principes tui infideles sunt, socij furum, omnes diligunt munera, sequuntur retributiones, &c. Isa. 1.

De Nabuchodonosor principe pessimo dicitur. Isa. 14. Tu terram tuam disperdisti, tu populum tuum occidisti, &c.

Sobna praepositus templi credebatur in Hierusalem diu viuere, & mori, & honorifice sepeliri, sed mandauit ei Dominus, Quid tu hic, aut quasi quis hic? &c. & post pauca sequitur: Expellā te de statione tua, &c. Isa. 22. Et nota quod ille Sobna videtur fuisse de illis, qui dicebāt paulo ante: Comedamus & bibamus, cras enim moriemur.

Sedecias rex Iuda dixit principibus Ieremiam occidi petentibus: Ecce in manibus vestris est. Non enim fas est regem aliquid vobis negare. Ier. 38.

Contra malos Prophetas & praelatos dixit Dominus. Ezech. 14. Non ascendistis ex aduerso, non opposuistis murum pro domo Israel, vt staretis in prelio in die Domini.

Malis praelatis Dominus per Ezechielem comminatur dicens. Ezech. 34. De pastoribus Israel qui pascebant semetipsos: Nonne greges pascuntur a pastoribus?

Postea statim describitur actus malorum pastorum. Lac, inquit comedebatis, & lanis operiebamini, & quod crassum erat occidebatis, gregem autem meum non pascebatis, quod infirmum fuit non consolidastis, & agrotum non sanastis, quod fractum est non alligastis, & quod abiectum est non reduxistis, quod perierat non quaesiuistis, sed cum austeritate imperabatis eis, & cum potentia, &c.

Mali fuerunt illi presbyteri, qui condemnabant Susannam ad mortem, eo quod noluit consentire illis, cum ex hoc magis meruisset laudari. Dan. 13.

Rex Demetrius Alcimum proditorem impium constituit in sacerdotio, & mandauit ei facere vltionē in filios Israel. 1. Mac. 7.

Elegit Bachides viros impios, & constituit eos dominos regionis, & expugnabant amicos Iudae, & adducebant eos ad Bachidem, &c. 1. Mac. 9.

Iafon frater Oniae, qui summum sacerdotium emit ab Antiocho, statim vt obtinuit principatū ad Gentilem ritum contribules suos transferre cepit. 2. Mac. 4.

Proprietates malorum praelatorum, bene tangit Dominus Iesus. Matt. 23. Super cathedram Moysi sederunt Scribae & Pharisei, &c. dicunt & non faciunt; alligant autem onera graua, &c. sequitur: Clauditis regnū caelorum ante homines, & vos non intratis, &c.

Item Io. 10. Mercenarius, & qui non est pastor videt lupum venientem, & dimittit oues, & fugit, &c. non pertinet ad eum de ouibus, sed curat tantum de velleribus.

Sciebat Pilatus, quod Iudaei per inuidiam Dominum tradidissent, sciebat eum innocentem; tamen propter favorem populi, & timorem Caesaris tradi-

dit illum voluntati eorum. Matt. 27.

Principes sacerdotum vocantes Petrum, & Ioannem denuntiauerunt eis, ne omnino loquerentur, nec docerent in nomine Iesu. Act. 3.

Videns princeps Sacerdotum multa signa per Apostolos fieri, exurgens ipse, & omnes qui cum eo erant iniecerunt manus in Apostolos, & posuerunt eos in custodia sua publica. Angelus autem Domini eduxit eos; tunc abiit magistratus cum ministris, & adduxerunt illos, & post multa concilia vocauerunt Apostolos, & caesis denuntiauerunt, vt amplius non loquerentur in nomine Iesu. Act. 5.

Raptus fuit Stephanus a Iudaeis, & adductus in concilium, cumque falsa obijcerentur ei, principes sacerdotum dixerunt ei, Si haec ita se habent, qui cum fideliter se excusaret, & duritiam Iudaeorum acriter increparet, lapidatus est ab eis, praefato principe nullam displicentiam ostendente. Act. 6. & 7.

Productus Paulus in concilium cepit rationabiliter loqui, sed ad primum verbum, quod dixit, Princeps sacerdotum praecepit eum percuti. tunc Paulus dixit: Percutiet te Dominus, paries dealbate, & tu sedens iudicas me secundum legem, & contra legem, iubes me percuti. Act. 23.

Malos praesides, & iniquos habuit Paulus Felicem, & Festum, qui volebant gratiam Iudaeis praestare, & idcirco compulsus est Caesarem appellare. Act. 45.

#### De ambiosis. Cap. C III.

**L**ocuta est Maria, & Aaron contra Moysen, & dixerunt: Nonne & nobis similiter locutus est Dominus. per haec verba videbantur ambire ducatum populi. Nu. 12.

Chore & complices sui anhelantes ad regnum populi, coeperunt ipsum populū commendare. Moysen vero, & Aaron accusare dicentes: Sufficiat vobis, quod omnis multitudo sanctorum est, & in ipsis est Dominus, cur eleuamini super populum Domini? Num. 16.

Abimelech filius Gedeonis callide procurauit se eligi per amicos ex parte matris suae, sed postea pessime successit vtriusque. Iudic. 9.

Parabola illa quam proposuit Ioatham, quod oliua, vitis, & ficus noluerunt super ligna accipere principatū, rhamnus vero arbor modica, & vilis regnum usurpare praesumpsit. potest ad ambiciosos aptari. Iud. 9.

Dicebat Gaal filius Obed. Iud. 9. Vtinam daret aliquis populum istum sub manu mea, vtrauferem de medio Abimelech.

Abfalom hominibus ad iudicium regis David venientibus blandiendo, detrahendo simul, & ambiendo dicebat: Videntur mihi sermones tui boni & iusti, sed non est qui te audiat constitutus a rege. Quis me constituat iudicem super terram, &c. Sed nota quomodo accidit ei postea. 2. Reg. 15. 16. & 18.

Adonias filius Agith eleuabatur dicens, Ego regnabo. 3. Reg. 1.

Dixit Ahias ad Ieroboam: Regnabis super omnia, quae desiderat anima tua. sed adeptus regnum super decem tribus Israel pessime se habuit. 4. Reg. 12.

Zambri videns Hela dominum suum regem Israel temulentum occidit eum, & regnavit post eum diebus septem. 3. Reg. 16.

Athalia mater Ochozia regis Iuda vidēs esse mortuum filium suum, in tantam exarsit libidinem dominandi, quod interfecit omne semen regium, excepto Ioas, qui fuit a sorore Ochoziae furtiue sublati. 4. Reg. 11.

Sellum filius Iabes coniurauit contra Zachariam regem Israel dominum suum, & interfecit eum, & regnavit pro eo vno mense. 4. Reg. 15.

Nabuchodonosor rex Assyriorum vocauit duces bellatores suos, dixitque cogitationem suam esse, vt omnem

omnem terram suo subiugaret imperio. Iudith 2.

° Ambitiosi, & superbi plus affliguntur de paucis, qui eos præcedunt, vel eis non obediunt, quam lætentur de multis, qui eis obsequuntur. vnde superbus Aman, qui erat secundus a rege, & filios, & diuitias multas habebat, nihil se habere putabat, quamdiu vidit Mardochæum ante fores regias. Esther 5.

Auduit Seron, quod congregauit Iudas Ecclesiam fidelium, & ait: Faciam mihi nomen, & glorificabor in regno, & debellabo Iudam, sed ipse cito fuit debellatus a Iuda. 1. Mach. 3.

Alcimius qui volebat fieri sacerdos summus, & quidam alij iniqui de populo Iudæorum, venerunt ad regem Demetrium dicentes ei: Perdidit Iudas, & fratres eius amicos tuos, & nos disperferunt de terra nostra, &c. 1. Mach. 7.

Ptolemæus rex Egypti voluit dolo obtinere regnum Alexandri, & tandem obtinuit Alexandro deuicto, & in Arabiam fugato; & abstulit Zabdiel Arabs caput Alexandri, & misit Ptolemæo, qui parum gauisus est, quia die tertio mortuus est. 1. Mach. 11.

Ptolemæus filius Abobi habebat argentum, & aurum multum, & exaltatum est cor eius, & volebat obtinere regionē, & quasi occasione hac proditorie occidit Simonē sacerdotē, & duos filios eius. 2. Mach. 15.

Ambiebat Iason frater Oniæ summū sacerdotiū, & propter hoc adiit regem Antiochum Nobilē, promittens trecenta sexaginta argenti talenta, & multa alia. 2. Mach. 4. Quod cum rex annuisset modico tempore sacerdotij honore functus est, quia Menelaus, quē misit ad Antiochum, retorfit ad se summum sacerdotium, qui etiam cito fuit amorus, & Lysimachus frater eius, loco eius substitutus. 2. Mach. 4.

Cum vidisset Simon, quod per impositionem manus Apostolorum daretur Spiritus sanctus obtulit eis pecuniam dicens: Date mihi hanc potestatem, ut cuiusque imposuero manus, accipiat Spiritum sanctū. Petrus autem dixit ei: Pecunia tua tecum sit in perditionem. Act. 8.

#### De tentatione diaboli. Cap. CIIII.

Serpens callidus ad tentandum, idest diabolus in serpente, humanum genus, ex parte debiliori, & ad peccandum proniori, aggressus est. non enim Adam prius tentauit, sed Heuam. Item explorando a longe incēpit, non statim comedere vetitum fructū ex abrupto suavit. Item negauit pœnam secuturam, pro mandati transgressione, & magna bona asseruit affutura, pro vna tali comestione. Item non tentauit mulierem de peccatis, ad quæ nullam inclinationem habebat, sed de comestione suauis fructus, & saporis, & curiositate sciendi, & de dignitate maiori. Gen. 3.

Spiritus mendax frequenter in tentatione mentitur. vnde dixit Heuæ: Nequaquam moriemini. Genes. 3.

Item dixit Domino Saluatori, cum ostendisset ei omnia regna mundi: Mihi tradita sunt omnia, & cui volo do illa. Luc. 4.

Item Scripturam sacram interdum peruersē allegat. dixit enim Domino Angelorum, &c. Matth. 4.

Cum surrexisset satan cōtra Israel, incirauit Dauid, ut numeraret Israel. 1. Paral. 21.

Petiuit satan a Domino, ut Iob tãgeretur in liberis, & rebus, & persona, in quo potest notari calliditas, malignitas, & infirmitas inimici. Iob 1. & 2.

Non expedit tentationes suas reuelare homini, quē credit tentari de simili peccato, sed magis alicui discretio, & sancto, qui eum confortat in bono. vnde duo senes, quando sibi inuicem concupiscentiam indicauerunt peius prouocati fuerunt. Dan. 13.

Tentatio Domini nos instruit ad vincendum omne genus tentationis. fuit enim tentatus de tribus, ad

A quæ omnia possunt tentamēta reduci. Et nota, quod non per potentiam, sed per Scripturam vicit tentatorem. Matth. 4. Luc. 4.

Ait Dominus Simoni Petro instante passione sua: Ecce satanas expetiuit vos, ut cribraret sicut triticum. ego autem rogavi pro te, &c. Luc. 22.

Diabolus immisit in cor Iudæ, ut traderet Dominum Christum.

Dixit Petrus Ananiæ: Cur tentauit satanas cor tuū mentiri te Spiritui sancto, & fraudare de pretio agri. Act. 5.

B De peccato in generali, & varijs pœnis, quæ ex peccato sequuntur. Cap. CV.

Q uod peccatum causet in homine erubescētiā, patet per hoc, quod in statu innocentie erant primi parentes nudi, & non erubescēbant: post peccatum vero statim sibi operimenta fecerunt. Gen. 2. & 3.

Peccatū infatuat peccatorem. vnde Adam post peccatum credebatur se abscondere a facie Domini. Gen. 3.

Item peccatum facit hominem timidum. vnde Adam postquam peccauerat dixit: Timui eo quod nudus essem, & abscondi me. Gen. 3.

Enormitas sceleris clamat pro vindicta ad aures Dei. Gen. 4. Vox sanguinis fratris tui, &c. Gen. 19. Clamor Sodomorum, &c. Etiam pœna temporalis punit Dominus quandoque peccatum, ut patet in Adam, & Heuæ. Gen. 3. Et in Cain. Gen. 4. In Sodomitis. Genes. 19. Item in filiis Israel multoties. Item Ioan. 5. Iam noli peccare, ne deterius tibi aliquid contingat.

Pharao propter peccatum recognoscebat se a Domino flagellatum dicens. Exo. 10. Peccaui in Dominum, & in vos.

D Fecerunt filij Israel malum in conspectu Domini: iratusq. Dominus tradidit eos in manibus diripientium, qui ceperunt eos, & vendiderunt hostibus. Iudic. 2.

Peccatum ipsum peccatorem quiescere non facit. vnde percussit eum cor Dauid, postquam numeratus est populus. 2. Reg. 24.

Salomonem sapientissimum peccatum infatuauit. 3. Reg. 11. Ipsius etiam famam maculauit. Eccles. 47. Dediti maculam in gloria tua.

Postquam Ioram rex Iuda cepit ambulare per vias regum Israel pessimas, recessit Edom ab eo, & noluit ei soluere tributum consuetum. 3. Reg. 8.

Dereliquerunt filij Israel præcepta Domini, & fecerunt sibi deos conflatiles, seruieruntq. Baal, &c. Sequitur: Translatus est Israel de terra sua. 4. Reg. 17.

Factum est verbum Domini contra Iudam, ut auferret eum coram se, propter peccata quæ fecit Manasses, & propter sanguinem innoxium, quem effudit, &c. 4. Reg. 24.

Deserta est Hierusalem, & omnes vrbes Iuda, & non est habitator in eis, propter malitiam quam fecerunt, ut me ad iracundiam prouocarent. Consecutiue, non causaliter intelligi debet. Hier. 44.

F Tanta est grauitas peccati, quod dicitur. Hier. 44. Non poterat Dominus ultra portare propter malitiam stidiorum vestrorum.

Propter peccatum debilitatur homo. Thren. 1. Peccatum peccauit Hierusalem, propterea instabilis facta est. vnde seruus Salomonis ausus est insurgere in dominum suum post ipsius peccatum. 3. Reg. 11.

Cum sanasset Dominus Iesus hominem languidū in grabato iacentem, inuenit eum in templo, & dixit: Ecce sanus factus es, iam amplius noli peccare, ne deterius aliquid tibi contingat. Ioan. 5.

Mulieri in adulterio deprehensæ, & a Iudæis coram Domino accusatæ dixit ipse Saluator: Vade, & amplius iam noli peccare. Ioan. 8.

De



## De confessione peccati. Cap. CVI.

**M**onebat Dominus Adam post peccatum recognoscere culpam suam, sed ille quodammodo retorfit in Deum, & mulierem, & mulier in serpentem. Gen. 3. Mulier quam dedisti mihi sociam, &c. Et post: Serpens decepit me.

Cham recognouit peccatum suum dicens. Gen. 4. Maior est iniquitas mea, & cetera.

Item Pharaon dixit: Peccaui. Exo. 9. & 10. Item dixit Saul. 1. Regum. 25. Item Iudas. Matth. 27. Nullus tamen ex prædictis veniam consecutus est; quia non recto corde dixerunt. Simile dixit Dauid, B corde humili. 2. Reg. 12. Et audire meruit; Dominus transtulit peccatum tuum, & cetera.

Afflicti filij Israel per ignotos serpentes venerunt, ad Moysen, atque dixerunt: Peccaui, quoniam locuti sumus contra Dominum, & contra te, &cet. Num. 21.

Vehementer oppressi filij Israel a Philistæis, & filiis Ammon dixerunt ad Dominum. Iudic. 10. Peccaui, reddes tu nobis, quidquid tibi placet, tamen nunc libera nos.

Reprehenfus Dauid a Nathan propheta, super excessu quem commiserat in Uriam, & uxorem eius peccatum suum humiliter recognouit. 2. Regum 12. Humiliter recognouit peccatum Dauid, quando fecerat populum numerari, ita quod etiam obrulit se percutiendum loco populi innocentis. 2. Reg. 24.

Dixit Nehemias: Confitebor pro peccatis filiorum Israel, quibus peccauerunt tibi, & ego, & domus patris mei peccaui, vanitate seducti sumus, & cet. Nehem. 1.

Quamuis Tobias ab infantia Deum timuerit, & mandata eius custodierit, tamen dicebat humiliter recognoscens: Non egimus secundum præcepta tua, & non ambulauimus sinceriter coram te. Tob. 3.

Tres socij Danielis, qui ita sancte inter Chaldaeos vixerant, & pro quibus Deus tantum miraculū faciebat in fornace, nequaquam contra Deum murmurabant, quasi iniuste talia paterentur; sed dicebat Azarias: Peccaui, iniuste egimus, &c. Dan. 3.

Orans Deum Daniel confitebatur peccata sua, & populi dicens: Peccaui, iniquitatem fecimus, impie egimus, &c. Dan. 9.

Sextus illorum septem fratrum mori incipiens, ait: Nos enim propter nosmetipsos hoc patimur, quia peccaui in Dominum nostrum, &c. 2. Mach. 7.

Veniebant ad Ioannem Baptistam, nmnis Iudæa, & omnis regio citra Iordanem confitentes peccata sua. Matth. 3. Mar. 1.

Prædicante Paulo per Asiam, multi credentium venientes, & annuntiantes actus suos. Act. 19.

## De duritia, &amp; obstinatione malorum. Cap. CVII.

**C**ham post increpationē quam fecit ei Dominus peior fuit, & fratricidium perpetravit. Gen. 4.

Cor Pharaonis, neque per blanda verba, quæ primo dixit Moyses ex parte Domini, neque per dura flagella potuit emolliri. Exo. 5. vsque ad 10. cap.

Filij Israel dicuntur a Domino populus duræ ceruicis. Exo. & Num. pluries.

Heli sermonibus filios suos corripuit, sed nihil eis profuit.

Samuel prædixit populo conditiones regis eorum, valde graues, & quod hoc displicebat Domino; & tamen noluit desistere ab incepto. 1. Reg. 8.

Neque per verba Ionathæ, neque per beneficia a Dauid recepta cor Saulis ad diligendum ipsum Dauid potuit prouocari. 1. Reg. 18. & 19.

De Nabal dicitur. 1. Reg. 25. Quod erat durus, & pessimus, & malitiosus.

Obstinate nimis Afael persequebatur Abner. 2. Re. 2.

**A** Mittebat Dominus viris Iuda prophetas, vt reuerterentur ad eum, quos illi audire nolebant; immo etiam Zachariam filium Ioiadæ, increpanem crudeliter occiderunt. 2. Paral. 25.

Ezechias rex Iuda misit nuntios in vniuersum Israel dicentes: Nolite indurare ceruices vestras, sicut patres vestri, &c. Sequitur, quod illi irridebant, & subsannabant eos, &c. 2. Paral. 30.

Durissima fuerunt corda illorum; qui venerunt ad comprehendendum Dominum, quos cum ad terram prostrauisset solo verbo, & auriculam eius sanasset, non fuerunt moti, vel ex miraculi maiestate, vel ex beneficij pietate. Luc. 22. & Ioan. 17.

Beatus Stephanus Iudæos increpans ardentem, ait: Duri ceruice, & incircumcisi corde, & auribus, vos semper Spiritui sancto resistitis, &c. Act. 7.

## De peruersitate quorundam. Cap. CVIII.

**P**rima mulier ordinem naturæ peruerit, quando de fructu vetito dedit. Gen. 3. et ille comedit. Cum ipse vir eam debuisset docere, quid illa deberet comedere, vel vitare.

Dominus de spolijs Ægyptiorum ditauit Hebræos. Exo. 12. Sed sunt multi, qui ditant Ægyptios de spolijs Hebræorum.

Filij Israel in deserto penuriam patientes dicebant se super ollas carniū in Ægypto sedisse; sed tamen faciebāt mentionem de grauissima seruitute. Exo. 16.

Dicebat populus in deserto: Recordamur piscium, quos comedebamus in Ægypto gratis. Num. 11. Cum tamen, tunc seruitute maxima premerentur, & ibi in deserto pane Angelorū, idest cibo sapidissimo, sine labore suo, dato celitus, pane Angelorū aleretur.

Narrantibus exploratoribus conditiones terræ Promissionis, noluit populus contra voluntatem Domini in Ægyptum redire, & nequaquam ultra procedere; cito vero post voluit contra voluntatem Domini, nimium festinare. Num. 15.

Vocati Dathan, & Abiron a Moysse responderunt: Non venimus, numquid parum est tibi, quod eduxisti nos de terra, quæ lacte, & melle manabat. Num. 16.

Petijt Moyses a rege Edom dicens: Obsecramus, vt nobis transire liceat per terram tuam, non ibimus per agros, sed via publica gradiemur. Respondit tamen ille, non transibitis per me, alioquin occurram armatus tibi, &c. Num. 20. Simile accidit de Sehon rege Amorrhæorū, sed qui noluit concedere pauca, amisit multa. Num. 21. Noluit Balaam maledicere populo quem credebatur benedictum a Deo, sed sunt multi qui plura maladicunt de bonis, quàm de malis. Num. 22. Et mirum fuit quod noluit eis maledicere, nam licet ostendisset ei Dominus, quod populus Israel erat benedictus; tamen dedit finaliter malum consilium, per quod a mulieribus est seductus. Num. 24.

Filij Israel audientes mandata Domini, omnia fecerunt contraria. Iudic. 2.

Viri Ephraim rogati a Iephthe, vt secum veniret ad prælium. noluerunt quo post victoriam redeuntē, quasi eos non vocasset contra eum iurgari cœperunt. Iudic. 12.

Dauid psallebat coram Saule vexato a dæmone, & ipsi vtiliter seruiebat, & tamen ipse Saul voluit eum configere parieti cum lancea, quam tenebat. 1. Regum 18. & 19.

Saul voluit occidere Ionatham filium suum, quia excusauit Dauid innocentem. 1. Reg. 20.

Dicebat Saul seruos coniurasse aduersus eum, & Dauid insidiari sibi, quia eum ad mortem quærebat, & inuenire, vel capere non poterat. 1. Reg. 22.

Reus filiorū Ammon videns quod iniuriam fecisset Dauid, voluit impugnare eum, cum magis debuisset laborare ad placandum eum. 2. Reg. 4.

Ammon

Annon filius David Thamar sororem suam violenter oppressam, turpiter a se expelli fecit. 2. Reg. 13.

Abſalom filius David populum contra patrem malitiose comouit: ad concubinas illius videntibus cunctis intrauit; ipsum patrem suum vita, & regno priuare voluit. 1. Reg. 15.

Sublimatus a Domino Ieroboam super decem tribus Israel, statim auertit populum a cultu veri Dei, & commonitus per Prophetam, præcepit eum capi. 3. Reg. 13.

Achaz rex Iuda altare Domini tranſtulit, & fecit fieri altare ad similitudinem illius, quod viderat in Damasco: & super illud offerri holocausta præcepit. 4. Reg. 16.

Idolatriam, sortilegia, homicidia, & diuersa scelera, quæ comisit Manasses rex Iuda, satis narrantur. 4. Reg. 31. & 2. Paral. 33.

Cum debellasset Amasias Idumæos, & filios Seir, & tulisset deos eorum, adorauit eos, & illis adoleuit incensum. 2. Paral. 25. propter quod Dominus eum arguit per Prophetam dicentem sibi: Cur adorasti deos, qui non liberauerunt populum suum de manu tua.

Achaz rex Iuda immolauit victimas dijs Damasci percussoribus suis, & dixit, Dij regum Syriæ auxiliantur eis, quos ego placabo hostijs, & aderunt mihi cum e contrario ipsi fuerint ruinæ ei, & vniuerso Israel. 2. Paral. 28.

Quia vnus solus Mardochæus nō adorabat Aman superbissimum, ipse Aman procurauit apud regem Assuerum omnes Iudæos debere interfici. Esther 3.

Arguente Hieremia Propheta populum, pro eo quod sacrificabant dijs alienis. Responderunt ex eo tempore, quo cessauimus sacrificare reginæ cæli, & libare ei libamina, indigemus omnibus, & gladio, & fame consumpti sumus. Hiere. 44.

Principes, & satrapæ Darij regis Persarum accusauerunt Daniele, quod tribus temporibus per diem orabat Deum suum. Dan. 6.

Alcimus impius de gente Iudæorum, qui debebat diligere Iudam, & fratres eius, iuit ad Demetrium, & quidam alij iniqui ex Israel dicentes: Perdidit Iudas, & fratres eius, &c. 1. Mach. 7.

Cum vellet Antiochus ciuitatem Persopolim spoliare, fugatus est multitudo ad arma concurrente, quam iniuriam in Iudæos voluit retorquere. 2. Machab. 9.

Ioppitæ tale flagitium perpetraverunt, rogauerunt ducentos Iudæos, vt ascenderent naues, qui cum essent in alto mari submerſerunt eos. 2. Mach. 12.

Nec austerus Ioannis victus, nec condescensuæ manducatio Saluatoris, placuit Phariseis. Matth. 11. Pharisei videntes Dominum dæmonia eiiciens, turbis dicentibus, Numquid hic est filius David: blasphemabant dicentes: Hic non eiicit dæmones, nisi in Belzebub principe dæmoniorum. Matth. 12. Luc. 11.

Nimias fuit peruersitas in Iuda, qui pro triginta argenteis tradidit Saluatorem. Matth. 26.

#### De nequitia tyrannorum. Cap. C I X.

**V**arias adinuenit malitias Pharaos, vt posset extinguere, vel ad numerum paruum redigere filios Israel. Exo. 1. In principio enim duris laboribus eos præcepit affligi, deinde masculos occidi; postea mandauit eos in flumen proijci, & feminas reseruati.

Primo simpliciter dixit Pharaos: Nescio Dominum & Israel non dimittam. Exod. 10. Deinde concessit dicens: Ite sacrificate Domino in terra hac; postea dimittere eos noluit, vt sacrificarent Domino in deserto, verumtanen non longius ne abirent. Exo. 8. Postmodum voluit vt viri irent, dum tamen oues, & armenta dimitterent. Exo. 4.

Postquam intellexit Pharaos quod filij Israel vo-

luerunt seruire, & sacrificare Domino, durius afflixit eos. Exo. 5.

Septuaginta reges amputatis manuum, ac pedum summitatibus colligebant reliquias sub mensa Adonibezec. Iudic. 1.

Abimelech filius Gedeonis, vsurpato dominio super populum, septuaginta viros fratres suos occidit super lapidem vnum. Iudic. 9.

Post multa beneficia a David percepta, Saul ipsum quasiuit ad mortem, & occidit octoginta quinque viros portantes Ephod occasione ipsius. 1. Reg. 22.

Virum Dei arguentem Ieroboam pro altari sacri-lego, quod construxerat præcepit ipse Ieroboam apprehendi. 3. Reg. 13.

Iezabel fecit Eliam ad mortem queri, quia prophetas Baal fecerat occidi. 3. Reg. 19.

Naboth Iezrahelites lapidatus fuit, quia procurauit Iezabel contra eum falsos testes produci. 3. Reg. 21.

Achab rex Israel fecit poni Michæam prophetam in carcerem, & sustentari pane tribulationis, & aqua angustia. 3. Reg. 22.

Cum factum esset verbum Domini in manu Iehu prophetæ, contra Baasa regem Israel, & contra domum eius, occidit Baasa prædictum prophetam. 3. Reg. 16.

Manasses rex Iuda sanguinem innoxium effudit, & impleuit Hierusalem cruore innocentium. 4. Reg. 24.

Cum reuersus esset Sennacherib fugiens a Iudæa plagam quam circa eum fecerat Deus propter blasphemiam suam iratus, multos Iudæos occidit. 4. Reg. 19.

Nabuchodonosor dixit Holoferni: Non parcat oculus tuus vlli regno. Iudith 2. De Holoferne vero, postea legitur, quod tantus metus illius prouincijs incubuit, vt vniuersarum vrbiū habitatores obuiam exirent venienti, excipientes eum cum coronis, & lampadibus ducentes choros in tibijs, & tympanis; & tamen ista facientes ferocitatem pectoris eius mitigare non poterant. Iud. 3.

Quia Mardochæus superbissimo Aman genua non flectebat, magis elegit Aman omnes Iudæos procurare occidi, quam parcere vni soli. Esther 3.

Ad petitionem principum populi, præcepit Sedecias rex Iuda Hieremiam prophetam mitti in lacum, in quo non erat aqua, sed lutum. Hiere. 38. Rex Babylonis occidit filios Sedeciae regis Iuda, in oculis eius in Reblatha, oculos quoque eius eruit, & vinxit eum compedibus, vt adduceretur in Babylonem. Hiere. 39.

Nabuchodonosor rex Babylonis in furorem versus præcepit, vt occiderentur omnes sapientes Babylonis, pro eo, scilicet quod non poterant ei somnium, quod viderat indicare. Dan. 2.

Mira crudelitas fuit cum Nabuchodonosor rex Babylonis fecit socios Danielis mitti in fornacem ignis ardentis. Dan. 3.

Antiochus ascendit Hierosolymam, & fecit cædem hominum; & post dicitur, Effuderunt sanguinem innocentem per circuitum sanctificationis, & multa leguntur ibi. 1. Mach. 1.

Comprehendit exercitus Antiochum filium Antiochi, & Lyſiam, & adduxit eos ad Demetrium, qui noluit eos videre, & occidit eos exercitus. 1. Mach. 7.

Tryphon cepit Ionatham proditorie, cumq. teneret eum, petijt pro eius liberatione centum talenta argenti, & duos filios eius pro obsidibus, quos cum haberet, nequissime patrem cum duobus filijs occidit. 2. Mach. 13.

Rogatus a Menelao Andronicus, & per munera, quæ cepit ab eo corruptus, occidit Oniam summum sacerdotem. 2. Mach. 4.

Rex Antiochus Menelaum hominem sacrilegum de multis sceleribus accusatum absoluit, & accusatores eius morte damnauit. 2. Mach. 4.

Nimiam crudelitatem exercuerunt in Eleazarum illi

illi tyranni ab Antiocho missi. 2. Mac. 6. Et similiter in septem illos fratres, & eorum matrem. 2. Mac. 7.

Herodes videns quod illusum esset a Magis iratus est valde, & mittens occidit omnes pueros, qui erant in Bethleem, & in omnibus finibus eius a bimatu, & infra. Matt. 2.

Sciebat Herodes Tetrarcha Ioannem Baptistam esse virum iustum & sanctum; & tamen ad petitionem vnius meretricis fecit eum in carcere decollari. Matt. 14. Marc. 6.

Accesserunt ad Dominum Iesum quidam Pharisæorum dicentes: Exi & vade hinc; quia Herodes vult te occidere. Luc. 13.

Herodes Thetrarcha multo tempore videre Iesum cupiebat; & viso eo gauisus est valde. & tamen spreuit eum cum exercitu suo, & illusi indutum in veste alba, & remisit ad Pilatum. Luc. 23.

Misit Herodes, Agrippa, rex, ut affligeret quosdam de Ecclesia, occidit autem Iacobum fratrem Ioannis gladio; videns autem, quia placeret Iudæis, apprehendit Petrum, & misit in carcerem. Act. 12.

A quibusdam quæstuariis fuit Paulus mendaciter accusatus pro eo, quod ipse spiritum Pythonem eiecit a quadam puella; magistratus autem iusserunt eum, & Silam socium eius virgis cædi, & in carcerem mitti, & pedes eorum ligno stringi. Act. 16.

Felix præses sperabat, quod pecunia ei daretur a Paulo, quem tenebat vinctum, propter quod frequenter accersens eum, loquebatur cum eo. Successit autem ei Festus, & volens Felix gratiam præstare Iudæis Paulum non absoluit, sed eum vinctum reliquit. Festus etiam cepit fauere Iudæis, & Paulus grauari, propterea compulsus est Cæsarem appellare. Act. 24. & 25.

#### *De oppressione bonorum per malos. Cap. C X.*

**C**ain nequam & inuidus præualuit aduersus Abel iustum, & occidit eum. Gen. 4.

Sodomitæ animam iusti Lot multipliciter affixerunt. Gen. 19.

Oderat semper Esau Iacob; dixitque in corde suo, Venient dies, &c. Gen. 27. & 28.

Oderant filios Israel Aegyptij, & affligebant illudentes eis, atque ad amaritudinem perducebant vitam eorum, &c. Exo. 1.

Vnus spurcius ambiens principatum, Abimelech scilicet filius Gedeonis occidit septuaginta fratres suos. Iud. 9.

Saul diu persecutus est Dauid, qui tamen fideliter ei, & vtiliter seruiebat. 1. Reg. 17. & deinceps.

Abisalom in tantum commouit populum aduersus Dauid patrem suum, quod compulsus est exire Hierusalem, licet cito fuerit reuocatus. 2. Reg. 15. & 20.

Impijssima Iezabel minata est, quod occideret Eliã, ita quod ille timens abiit quocumque eum ferebat voluntas. 3. Reg. 19.

Rex Israel Ioram pessimus audiens quod maxima fames erat in ciuitate, misit virum ad amputandum caput Elisei. 4. Reg. 6.

Ad imperium regis Iuda Ioas lapidatus est Zacharias filius Ioiadæ, pro eo quod arguebat regem, & populum sculpsitibus seruientes. 2. Paral. 24.

Nabuchodonosor præcepit Holoferni, ut omnes deos terræ exterminaret, videlicet ut ipse solus Deus diceretur, & propter hoc multa regna destruxit, & populum Dei, qui nuper redierat de captiuitate Babylonis afflixit. Iudith 2. & deinceps.

Aman superbus, crudelis, & impius ita potens fuit, quod pro nihilo habuit procurare necem omnium Iudæorum, sed diuina prouidentia eius conatibus obuiauit. Est. 3. & 4.

Percussit Phasur Ieremiam Prophetam, & misit eum in neruum. Iere. 20. Item 28. capitulo, Hananias

**A** prophetauit plane contra id quod dicebat Ieremias, & tulit catenam ligneam de collo Ieremias, & confregit eam, & abiit Ieremias in domum suam quasi confusus ab illo Hanania mendace Propheta.

Nabuchodonosor rex Babylonis Ananiam, & socios eius in fornacem mitti iussit, eo quod ipsi noluerunt adorare statuam, quam idolatra iniquus erexit. Dan. 3. Et Daniel bis missus fuit in lacum leonum, procurantibus pessimis hominibus. Dan. 9. & 14.

Antiochus ascendit Hierosolymam in multitudine graui cum superbia, & fecit ibi terribilem hominum cædem. 1. Mac. 1. & 4. & 5.

**B** Bachides & Alcimus proditor missi a rege Demetrio tantum exercitum produxerunt contra Iudam, Machabæum, quod ipse Iudas cecidit in bello, & ceteri commilitones sui fugerunt. 1. Mac. 9.

Proditor & dolosus Tryphon, qui dominum suum regem Antiochum adolescentem dolo occidit, Ionathan, & duos filios eius nequiter interfecit. 1. Mac. 13.

Ioannem Baptistam totius exemplar sanctitatis ad petitionem vnius meretricis, &c. Matt. 14. Mar. 6.

**C** Quidam Iudæi commouerunt plebem, & Seniores & Scribas; & rapuerunt Stephanum, & statuerunt, duos falsos testes contra ipsum, & lapidauerunt eum. Act. 6. & 7.

Misit Herodes, Agrippa, &c. Act. 12.

Iudæi concitauerunt religiosas mulieres, & primos ciuitatis, & excitauerunt persecutionem in Paulum, & Barnabam, & eiecerunt eos de finibus suis. Act. 14.

Quidam quæstuarij ducentes vnam mulierem Pythonissam, a qua Paulus, &c. Act. 16.

#### *De oppressione bonorum per malos, & de tribulationibus, & eorum vtilitatibus. Cap. C XI.*

**D** Plus creuit Ioseph in exilio in terra paupertatis sue, quam creuisset inter fratres suos in terra natiuitatis suæ. Gen. 41.

Fratres Ioseph locuti sunt ad inuicem, Merito hæc patimur, quia peccauimus in fratrem nostrum, &c. Idcirco venit tribulatio. Gen. 42.

Filij Israel creuerunt, & oppressione, & afflictionibus Pharaonis. Exo. 1. Quanto opprimebant eos Aegyptij, tanto magis multiplicabantur, & crescebant.

Afflicti filij Israel a serpentibus ignitis dixerunt ad Moysen, Peccauimus, quoniam locuti sumus contra Deum, & contra te. Num. 21. antequam vero Dominus illos serpentes immitteret, nec peccatum suum cognoscebant, nec diuinum auxilium postulabant.

**E** Toto tempore principatus Iosue, quando filij Israel grauissima prælia habuerunt, non leguntur a Domino recessisse, sed cito post quando in abundantia, & quiete fuerunt. Iudic. 1.

Audierunt filij Israel, quod Philistini essent congregati, & venirent contra eos, & timentes dixerunt Samueli, ne cesses pro nobis clamare ad Dominum, &c. 1. Reg. 7.

Fugies Dauid a facie Absalom, seruo suo Semei male dicente patiens fuit. 1. Reg. 16. Sed obtenta victoria superbiuit, quando iussit populū numerari. 2. Reg. 24.

**F** Videns Dauid Dominum propter peccatum elationis eius esse iratū, humiliter recognouit culpam suā, & petijt, ut ipsemet puniretur, & populo parceretur. 2. Reg. 24.

Eliam fugientem reginā Iezabel ipsum persequentem, Angelus Domini confortauit, & panem, & aquam ei ostendit. 3. Reg. 18.

Pane tribulationis, & aqua angustie iussus est Micheas Propheta sustentari in carcere, pro eo quod noluit Achab iuxta suum volitum respondere. 3. Reg. 22.

Voluit Dominus, ut viri Iuda affligerentur a rege Aegypti, ut scirent distantiam seruitutis diuinæ, & seruitutis regni terrarum. 2. Paral. 12.

Postquam Manasses coangustatus est orauit Dominum

num cum esset victus in Babylonem, & egit poenitentiam valde coram Domino, & exaudiuit Dominus orationem eius. 1. Paral. 33.

In tempore tribulationis suae clamauerunt ad te, & tu de caelo exaudiisti eos, & secundum miserationes tuas multas dedisti eis saluatores. Nehe. 9.

Permittente Deo post bona opera Tobias fuit excatus, & deinde irrisus ab illis, qui eum debuerant consolari. Tob. 2. sed postea Dominus multipliciter consolatus est eum.

De populo suo loquens Iudith dixit: Memores esse debent, quomodo Abraham pater noster tentatus est, & per multas tribulationes probatus, Dei amicus effectus est. Iudith 8.

Tribulationes sustinuit Iob in anima ex uxoris, & amicorum suorum opprobrijs, & contumelijs, quae ipsum ad tristitiam poterant prouocare. In corpore ex grauissima infirmitate, & generalissima, quae totum corpus a planta pedis usque ad verticem occupabat, in amissione rerum & liberorum, & subtractione solatii, quia halitus eius vxor illius horrebat. Item alij viles homines ipsum deridebant, & eius faciem conspuebant. Iob. 30.

Sanctificatus in vtero Ieremias, & prophetiae spiritui plenus dicebat de se, quod erat vir rixae, & discordiae in vniuersa terra, & quod omnes maledicebant ei. Ier. 13.

Pro veritate vero quam populo praedicabat fuit, quinque percussus. Iere. 35. Pluries incarceratus. Iere. 38. & tandem ab ipso populo lapidatus.

Exul Ezechiel in Chaldaea in medio captiuorum vidit mirabiles Dei visiones. per quod patet, quod in tribulationibus frequenter Deus hominem consolatur. Ezech. 1. & deinceps.

Bene apparet, Deum esse cum homine in tribulatione, per illos socios Danielis: cum quibus vidit Nabuchodonosor quartum similem filio Dei. Dan. 3.

Nabuchodonosor in prosperitate existens fuit arrogans & superbus, eiectus autem ab omnibus, & in bestiam commutatus recuperavit sensum, quem amiserat in honore elatus, & laudauit altissimum, quem blasphemauerat prius. Dan. 4.

Tantum vel amplius laudatus fuit Deus ex trium puerorum patientia, quam habuerunt in fornacis tribulatione, quantum ex Danielis sapientia, quam habuit ex somniorum expositione, seu interpretatione. Dan. 2. & 3.

Susanna in condemnatione mortis posita, nec habens recursum ad humanum adiutorium, flens suspirat ad caelum: sicut auis in terra ab hominibus, & canibus circumdata non habet effugium, nisi eleuet se in altum. Dan. 13.

Post obitum Iudae Machabaei emerferunt iniqui, & facta est fames valida, & constituit Bachides impios dominos regionis, & facta est tribulatio magna in Israel. 1. Mac. 9.

Decretum exijt contra Iudaeos tam iniquum, ut omnes trucidarentur, qui sacrificare nollent. erat ergo videre miseriam. 2. Mac. 6.

Antiochus cum esset sanus fuit crudelis homicida superbus, postea percussus a Deo grauissima & insana bili plaga propositum, & verba mutauit. 2. Mac. 9.

Natus in mundo cito passus est Dominus pressuram mundi, ita quod Ioseph accepit eum, & matrem eius, & fugit in Aegyptum. Matt. 2.

De multis alijs afflictionibus & iniurijs, quas passus est require in rubrica de mansuetudine, & patientia.

Apostoli praepro magistralium flagellati ibant, gaudentes a conspectu concilij, quoniam digni habitus sunt pro nomine Iesu Christi contumeliam pati. Act. 5.

Quamquam Paulus tunc non esset cum illis, tamen ipse postea de se dixit. Ro. 5. Gloriamur in tribulatione

nibus, & 2. Cor. 12. libenter gloriabor in infirmitatibus meis, ut inhabitet in me virtus Christi.

Lapidato a Iudaeis Stephano facta est magna persecutio in Ecclesia, quae erat Hierosolymis, ac omnes dispersi sunt per regiones Iudae, & Samariae praeter Apostolos. sed nota quod hoc multum profuit ad diuulgationem Euangelij. Act. 8.

Haberi potest ex actibus Apostolorum, quod Paulus tribulationes, seu persecutiones passus est post conversionem suam. Act. 9. Consilium fecerunt Iudaei, ut interficerent eum, nota autem facta sunt Paulo insidiae, & dimissus est in sporta per murum.

Item cum essent in Antiochia Pisidia Paulus & Barnabas, & disseminaretur verbum Dei per vniuersam regionem, Iudaei excitauerunt persecutiones in eos, & eieci sunt de sinibus illis; at illi excusso puluere pedum in eos, venerunt Iconium. Act. 13.

In ciuitate Lystris per hominem claudum, &c. Act. 14. Deinde in Macedoniam occasione puellae, a qua Paulus spiritum Pythionem eiecit, &c. Act. 16.

Præterea apud Thessalonicam, cum multi credidissent, zelantes Iudaei concitauerunt per quosdam malos homines ciuitatem. Fratres vero confestim per noctem dimiserunt Paulum & Silam in Beroeā. ubi etiam cum multi verbum Dei quide suscepissent; Iudaei hoc cognito venerunt illuc commouentes multitudinem, & turbantes; statimque Paulum dimiserunt fratres, & per mare deduxerunt Athenas. Act. 17.

Apud Corinthum quoque instabat Paulus testificans Iudaeis esse Christum Iesum. Contradictentibus autem illis, & blasphemantibus, excutens vestimenta sua dixit ad eos: Sanguis vester super caput vestrum; Gallione autem Proconsule Achaiae insurrexerunt, vno animo Iudaei in Paulum, & adduxerunt eum ante tribunal dicentes: Quia hic homo contra legem persuadet hominibus colere Deum, &c. Act. 18.

Existente Paulo Ephesi, & fiducialiter verbū Dei loquente, ac multa ibidem miracula faciente, Demetrius quidam argentarius faciens aedes argenteae Dianae, conuocatis opificibus concitauit maximam turbationem aduersus Paulum, quem dicebat auertere turbam a cultu deorum. ijs auditis repleti sunt ira, & exclamauerunt dicētes, Magna Diana Ephesiorum. Act. 19.

Paulo nauigaturo de Graecia in Syriam factae sunt ei insidiae a Iudaeis. habuit consilium ut reuertetetur per Macedoniam. comitati sunt autem eum multi fratres de diuersis locis. Act. 20.

Quidam Iudaei Asiani, cum vidissent Paulum in templo, concitauerunt omnem populum, & iniecerunt ei manus clamātes, Viri Israelitae adiuuate, &c. Act. 21.

Vociferantibus Iudaeis aduersus Paulum, & proijcientibus vestimenta sua, & puluerem iactantibus in aerem; iussit tribunus induci eum in castra, & flagellis cedi, & torqueri, ut sciret propter quam causam sic acclamarent ei. Act. 22.

Cum esset Paulus a tribunō detentus, Iudaei plura quam quadraginta dixerunt principi sacerdotū, Deuotione deuouimus, nos nihil gustaturos donec occidamus Paulum, nunc ergo faciat, ut adducatur ad vos, &c. Act. 23.

Existens coram Felice praefide Paulus fuit a Iudaeis tamquam seditiosus, & pestifer accusatus. qui cum eū & Iudaeos frequenter audisset, & tempus ita transisset, habuit quemdam Festum nomine successorem. Volens autem Felix gratiam parare Iudaeis, reliquit Paulum victum, a quo Iudice Festo Paulus sentiens se grauari, Caesarem appellauit. Act. 25.

Postea ductus Romam catena victus, & tempore hiemali naufragium passus multas tribulationes, & angustias tolerauit. Act. 27. & 28.

Paulus & Barnabas hortabantur fratres, ut permanerent in fide, quoniam per multas tribulationes, & angustias oportet nos intrare in regnum Dei. Act. 14.

De

De seipso scribens Apostolus, ait. 2. Cor. 1. Nolumus vos ignorare fratres de tribulatione nostra, quæ facta est in Asia, quoniam supra modum grauati sumus supra virtutem, ita ut tæderet nos etiam viuere. Idem 7. cap. Cum venissemus Macedoniam nullam requiem habuit caro nostra, sed omnem tribulationem passi sumus, foris pugna, intus timores.

Commendans Apostolus Thessalonicenses, ait: Vos imitatores nostri facti estis, & domini; excipientes verbum in tribulatione multa cum gaudio Spiritus sancti, &c. 1. Theff. 1.

Ab aduentu Spiritus sancti in discipulos vsque ad tempus illud, quo sub Domitiano Ioannes Apostolus fuit exilio relegatus, fluxerunt anni circiter quinquaginta, nec toto tempore illo legitur ipse Ioannes tot, & tantas consolationes diuinas habuisse, quod habuit modico tempore, quo tribulationem exilij perpeffus est, sicut apparet. Apocal. 1. et deinceps per totum.

*De multitudine malorum. Cap. CXII.*

**C**um factum fuit diluuium, octo homines tantum saluati sunt. Omnis caro quippe corruerat viam suam. Gen. 6.

Plures fuerunt filij Ismaelis, quam filij Isaac, & plures filios suscepit Abraham ex Cethura, quam de Sara. Gen. 25.

In quinque ciuitatibus Sodomorum non fuerunt inuenti decem iusti. Magna ergo erat ibi multitudo malorum, & paucitas bonorum. Gen. 18.

Inter omnes fratres Ioseph, non fuerunt nisi duo Ruben, scilicet, & Iudas, qui ipsum laborarent liberare, sed præualuerunt mali. Gen. 37.

Moyfes exploratores misit ad considerandum terram Promissionis, sed duo tantum fuerunt boni, scilicet Caleb, & Iosue. Num. 13.

Sexcenta millia hominum pugnantium numerati fuerunt. Num. 1. de quibus duo tantum, scilicet Caleb, & Iosue intrauerunt terram Promissionis.

Plures fuerunt cum Absalom regnum patris vsurpare nitente, quam cum Dauid bene, & iuste regnante. 2. Reg. 15.

Maiores pars filiorum Israel erat in regno Samarie, quia decem tribus ibi erant, & erant homines multo peiores; minor autem in regno Hierusalem, quia duæ tantum. 3. Reg. 12.

Tantus erat numerus bellatorum regis Syriæ, qui pugnabant contra Israel, quod dicebat ipse rex, puluerem Samariæ non sufficere pugillis eorum. 3. Reg. 20.

In exercitu Holofernis tantus erat numerus bellatorum, quod cooperuerunt faciem terræ, quasi locustæ. Iudith 2.

Omnis populus habitantium in terra Ægypti, & mulieres, quarum stabat multitudo grandis, sacrificabant dijs alienis. Hier. 44.

Non remanserunt cum Iuda Machabæo, nisi octingenti viri, & erant in exercitu Bachidis, & Alcimi proditoris viginti millia virorum, & duo millia equorum. 1. Mach. 9.

Cum esset in Hierusalé tempore Paschali quo passus est Dominus maxima populi multitudo, non est ibi inuentus vir qui se opposeret manifeste morti tam nequiter procuratæ. Ioan. 18. Clamauerunt omnes, Non hunc dimitte nobis, sed Barabbam.

Quidam Iudæi, quos inuenit Paulus Romæ, in primo aduentu suo dixerunt ei, De secta hac, Christianorum scilicet notum est nobis, quia ubicumque ei contradicitur. Act. 28.

*De bonis latentibus inter malos. Cap. CXIII.*

**Q**uamuis scriptum sit. Gen. 6. Omnis caro corruerat viam suam, tamen dixit Dominus ad

**A** Noe. 7. cap. Te vidi iustum coram me in generatione hac.

Lot iustus habitauit in medio Sodomorum. Gen. 13. Ioseph in Ægypto castam, & fidelem vitam duxit. Gen. 39.

Apparuit Dominus Moyfi in terra Madian, cum oues soceri sui Iethro pasceret in deserto. Exo. 3.

Samuel inter filios Heli pessimos sanctus, & innocens fuit. 1. Reg. 2.

Sub Achab, & Iezabel, Elias omnes se solo excepto putabat idololatrias. 3. Reg. 19. Sed dixit ei diuinum responsum: Reliqui mihi septem millia virorum, quorum genua non sunt curuata ante Baal.

Quo tempore fere omnes putabantur idolatræ, & vitijs diuersis infecti; Tobias in captiuitate positus viam veritatis non deseruit. Tob. 1.

Mardocheus erat in Susis, ubi quasi omnes adorabant Aman superbissimum, ipse vero Mardocheus genua non flectebat. Esther 3. & 5.

Sanctus Iob gentilis fuit, & de Esau dicitur descendisse. quem tamen constat fide, & moribus mirabiliter claruisse. Iob 1. et per totum, qui de seipso dicebat: Frater fui draconum, & socius struthionum. Iob 30.

**C** Hieremias propheta erat cum populo, qui remanserat in Iudæa post destructionem Hierusalem, & pro ipsis orabat, ipsis voluntatem Domini nuntiabat. Illi vero dicebant: Mendacium tu loqueris. non te misit Dominus, sed Baruch filius Neriz incitat te aduersum nos, ut tradat nos in manus Chaldeorum. Hier. 43.

Dixit Dominus. Exech. 2. Fili hominis, ne timeas eos quoniam increduli, & subuersores sunt tecum, & cum scorpionibus habitas.

Daniel, & Ananias; Azarias, & Misael habitauerunt cum Chaldeis qui eos ad idolatriam inducere, & a cultu veri Dei retrahere laborabant. Dan. 3. 6. & 14.

**D** Susanna fuit castissima in Babylone, ubi senes presbyteri erant impudici, & iudices iniqui. Dan. 13.

Videbatur tempore Antiochi Epiphani, quod Iudæi essent occisi, vel ad ritum gentium translati, sed inuenti sunt Mathathias, & filius eius Eleazarus, & multi alij in lege Dei valde stabiles, & firmi. 2. Machab. 6. & 7.

Commendans Dominus fidem, & deuotionem Cernionis de Capharnaum dixit, quod non inuenit tantam fidem in Israel. Matth. 8. & Luc. 7.

**E** Nicodemus princeps Iudeorum venit ad Iesum nocte, & plane confessus est: Rabbi scimus, quia a Deo venisti magister. Ioan. 3. Postea etiam crucifixo Domino venit ad sepeliendum eum, portans centum libras vnguenti pretiosi. Ioan. 20.

Ioseph nobilis decurio ab Arimatæa, discipulus erat Iesu, occultus autem propter metum Iudeorum; deposito autem metu audacter introijt ad Pilatum deuotam petitionem petens, scilicet corpus Iesu ab indeuoto tyranno. Matth. 27.

Honorabilis doctor legis Gamaliel erat Phariseus, & dedit bonum, & rationabile consilium pro Apostolis, & principibus sacerdotum. Act. 5.

**F** Vir quidam erat in Cæsarea nomine Cornelius religiosus, & timens Deum cum omni domo sua, faciens eleemosynas multas plebi, & deprecans Dominum semper. Act. 10.

*De mobilitate populi. Cap. CXIIII.*

**R**ediens Moyse de terra Madian in Ægyptum narrauit omnia verba Domini, pro quibus miserat eum. Sequitur: Et credidit populus. audierunt, quod visisset Dominus filios Israel, & proni adorauerunt. Exo. 4. Postea vero cum essent afflicti ab exactoribus Pharaonis dixerunt Moyfi, & Aaron: Videat Dominus, & iudicet, quoniam fortiter fecistis odorem nostrum



Arum coram Pharaone, & seruis eius, & præbui-  
stis ei gladium, vt occideret nos. Exo. 5.

Cum post multas Ægypti plagas ditati, & armati  
egrederentur filij Israel de Ægypto, Domino præce-  
dente, viam eis per nubem, & ignem ostendēte vide-  
runt post se Ægyptios, & timuerūt valde, & dixerunt  
ad Moysen: Forsitan non erāt sepulchra in Ægypto,  
ideo tulisti nos, vt moreremur in solitudine. deinde  
confortati sunt per Moysen, cum Dominus mare  
Rubrum diuississet, & populus sicco pede transisset;  
submersus est ibi exercitus Pharaonis, & timuit po-  
pulus Dominum, & crediderunt Domino gloriose,  
&c. Exo. 14. & 15.

Satis autem cito post veniens in Marah murmu-  
rauit populus propter aquas nimis amaras, quibus  
per lignum appositum dulcoratis consequenter mur-  
murauerunt pro defectu cibi, dixeruntq. ad Moysen,  
& Aaron: Vtinam mortui essemus in Ægypto, quan-  
do sedebamus super ollas carniū, &c. Et misit eis  
Dominus vespere coturnices, & mane pluit illis man-  
na de celo. Exo. 16.

Post hæc cum daturus esset eis legem dixerunt:  
Cuncta quæ locutus est Dominus faciemus. Exo. 19.  
Et similia verba dixerunt, cum narrasset eis Moyses  
verba, & præcepta, quæ a Domino acceperat. Exo. 24.

Cum autem moram faceret Moyses in monte cum  
Domino in descriptione tabernaculi, congregatus est  
populus aduersum Aaron, & ait: Fac nobis deos qui  
nos præcedant, &c. Exo. 32.

Deinde cum erectum esset tabernaculum, & factæ  
ordinationes principum, post numerationem bella-  
torum, & Leuitarum, cum essent omnia ordinata,  
quomodo debebant proficisci in via, post modicum  
est ortum murmur populi, quasi dolentium pro la-  
bore. Num. 11.

Postmodum audita relatione exploratorum mur-  
murauit populus, & fleuit. Num. 13. & 14. Dixe-  
runtq. vnus ad alterum, Constituamus nobis ducem,  
& reuertamur in Ægyptum.

Audiētes autem quod displicuit Domino murmur  
eorum, voluerunt ascendere, & contra voluntatem  
Moysi pugnare; & tunc fuerunt ab hostibus debel-  
lati. Num. 14.

Rursus in seditione Chore multi surrexerunt con-  
tra Moysen, & Aaron; quibus terribiliter castigatis,  
murmurauit omnis multitudo filiorum Israel contra  
Moysen, & Aaron dicens: Vos interfecistis popu-  
lum Domini. cumque oriretur seditio, & tumultus  
incresceret, &c. Num. 16.

Cum autem per miraculum virgæ Aaron compe-  
scuisset eos Dominus dixerunt: Ecce consumpti su-  
mus, omnes periimus, quicumque accedit ad taber-  
naculum Domini moritur. Num. 17.

Vltius procedentes venerunt ad aquas contradi-  
ctionis, vbi taliter iurgati sunt aduersus Moysen, &  
Aaron, quod etiam ipsi diffisi sunt de diuina virtute,  
per quod, & puniti sunt a Domino. Num. 20.

Postea fornicatus est populus cum filiabus Moab,  
quæ vocauerunt eos ad sacrificia sua, & initiatus est  
Israel Beelphegor, & præcepit Dominus principes su-  
spendi contra solem in patibulo. Num. 25.

Cum liberasset Gedeon populum Israel de manu  
Madian, & occidisset Zebec, & Salmana, dixerunt  
omnes viri Israel ad eum: Dominare nostri tu, & filij  
tui, &c. Ipso tamen mortuo cum haberet septuaginta  
filios, nullum accipere curauerunt. Iudic. 8.

Samuel propheta liberauit populū Israel de manu  
Philistijm, & recuperauit vrbes quas illi abstulerant  
Israel. Postea congregati sunt, & petierunt sibi regē  
constitui contra voluntatem Samuelis. 1. Reg. 7. & 8.

Quamuis Dauid ita bene populum rexisset, & tot  
victorias habuisset, tamen satis cito facta est coniu-  
ratio valida contra eum, populusq. currens augeba-  
tur cum Absalom. 2. Reg. 15.

S. Bon. Tom. 7. Pars iij.

Nondum vero redierat Dauid in Hierusalem, &  
populus certatim eum illuc volebat reducere cum ho-  
nore; sed pro eo quod viri Iuda locuti sunt cum illis  
de decem tribubus, separatus est omnis Israel a Da-  
uid, secutusq. est Sebam filium Bochri. 2. Reg. 20.

Sub Salomone filij Israel temporalium rerum abun-  
dantiam habuerunt, & honore maximo floruerunt;  
tamen a filio pro maiori parte occasione vnus duri  
verbi continuo receperunt. 3. Reg. 12.

Audientes filij Israel terribilem potentiam Holo-  
fernīs præoccupauerunt omnes vertices montium,  
& muris circumdederunt vicos suos, & congregaue-  
runt frumenta in præparationem pugne. Post modi-  
cum vero cum vidissent se arctari ab exercitu Holo-  
fernīs congregati sunt ad Oziam omnes simul, & di-  
xerunt: Iudicet Dominus inter nos, & te, quoniam  
fecisti in nos mala, nolens loqui pacifice cum Assy-  
rijs, &c. Iudith 7.

Cum compleisset Hieremias verba, quæ præceperat  
ei Dominus, vt loqueretur ad populum: apprehen-  
derunt eum sacerdotes, & omnis populus dicentes:  
Morte moriatur. Hiere. 26. Et post pauca eodem ca-  
pitulo, dixerunt principes, & omnis populus ad sa-  
cerdotes: Non est viro huic iudicium mortis, &c.

Accesserunt omnes a paruo, vsque ad magnum, ad  
Hieremiam prophetam, & dixerunt: Omne verbum  
in quo miserit te Dominus ad nos faciemus, siue bo-  
num est, siue malum. cumque post decem dies nun-  
tiaret eis Hieremias Domini voluntatem, dixerūt ei:  
Mendacium tu loqueris, non misit te Dominus, sed  
Baruch filius Nerij incitat te aduersum nos. & audi-  
uit vniuersus populus vocem Domini, & cetera.  
Hiere. 42. & 44.

Cito credidit duobus presbyteris senibus multitu-  
do, & condemnauerunt Susannam, &c. Dan. 13.

Cognouit Simon quod Tryphon cum dolo loque-  
retur petens duos filios Ionathæ, &c. 1. Mach. 13.

Cum quadam die esset Dominus in ciuitate Naza-  
reth, & dicerent ei Iudæi, satis bono modo, vt face-  
ret ibi miracula, sicut & in Capharnaum fecerat, post  
modicum increpationem, quam dixit eis, repleti sunt  
omnes ira, & eiecerunt illum extra ciuitatem, & vo-  
luerunt præcipitare eum de supercilio montis. Luc. 4.

Quando satiauerat Dominus Iesus quinque millia  
hominum de quinque panibus, &c. Ioan. 6.

Videntes illi de populo Iudæorum Lazarum susci-  
tatum, & multa alia miracula facta fuisse per Domi-  
num Iesum venerunt ei obuiam cum magno honore,  
attamen in sero circumspēctis omnibus neminem in-  
uenit, qui eum ad hospitium inuitaret. de his narratur.  
Matth. 21. Mar. 11. Luc. 19. Ioan. 12.

Ante quinque dies paschæ Dominū Iesum venientē  
in Hierusalem recepit populus cum magno tripudio,  
& honore, & per hebdomadam omnis populus erat  
suspensus ad verba eius, & mane veniebant ad eum in  
templo audire eum; feria vero sexta in die parasceues  
clamauerūt oēs, Crucifige eū. Luc. 21. & 23. Io. 18. & 19.

Facta voce spiritus vehementis conuenit multitu-  
do, & mente confusa est. quidam autem irridebant  
dicentes: Quia musto pleni sunt isti. stans autem Pe-  
trus locutus est eis multa, discipulos excusans; & ver-  
ba Ioelis allegans, quibus auditis compūcti sunt cor-  
de; petentes quid facere deberent, & baptizati sunt  
illo die circiter tria millia. Act. 2.

Quodam sabbato pene vniuersa ciuitas conuenit  
audire verbum Dei, quod Paulus, & Barnabas prædi-  
cabant. Iudæi autem contradicebant blasphemantes.  
Tunc Paulus, & Barnabas conuersi sunt ad prædican-  
dum gentibus. audientes autem gentes gaufisæ sunt.  
Paulo post Iudæi concitauerunt religiosas mulieres,  
& primos ciuitatis, & excitauerunt persecutionem  
in Paulum, & Barnabam, & eiecerunt eos de finibus  
suis; & illi excusso puluere pedum in eos, venerunt  
Iconium. Act. 13.

A 22

Cum

Cū Paulus & Barnabas essent in Lystris ciuitate Lycaonia, & claudus per Paulum fuisset curatus, &c. Act. 14.

Quidam quæstuarij habentes vnam mulierem cū spiritu pythonico, a qua Paulus eiecit dæmonium, &c. Act. 16.

Paulo apud Ephesum existente, & multa miracula faciente, Demetrius quidā argentarius faciens ædes argenteas Dianæ, &c. Act. 19.

Quadam die tanta fuit facta in Hierusalem aduersus Paulum turbatio, & populi conuersio, quod præcipitabant eum, & trahebant extra templū, & vix potuit eripi a tribuno cohortis, qui cū militibus superuenit. postea vero cum narrasset, quod ei acciderat, eunti Damascum, leuauerunt vocem dicentes: Tolle de terra huiusmodi, non enim fas est eum viuere. frequenti autem die exclamauit Paulus in concilio: Viri fratres, ego Phariseus sum filius Phariseorum, & facta est dissensio inter Phariseos, & Saduceos, & soluta est multitudo; & surgentes quidam Pharisei pugnant dicentes: Nihil mali inuenimus in homine isto; quid si spiritus locutus est ei, vel Angelus. Act. 23.

Dum calefaceret se Paulus ad ignem post naufragium tempore hiemali, vipera ex calore procedens inuasit manum eius, quod videntes, &c. Act. 28.

#### De operatione bona. Cap. C XV.

**P**osuit Dominus hominem in paradiso voluptatis, vt operaretur, & custodiret illum. Gen. 2.

In sudore vultus tui vesceris pane tuo, &c.

Et post emisit eum Dominus de paradiso voluptatis, vt operaretur terram, de qua sumptus est. Gen. 3. & sic nota quod Deus hominem voluit operari, & in statu innocentie, & post peccatum.

Tempore quo solent reges ad bella procedere, Dauid in domo sua remansit in illo ocio, & ad vltimum eam prodicionem commisit. 2. Reg. 11.

Salomon ædificauit domum Dei, & domum suam; sed nota quod prius domum Dei, & licet opus esset maius, tamen in minori tempore compleuit eam. 3. Reg. 6. & 7.

Egerunt ij, qui operabantur industrie, & suscitauerunt domum Dei in statum pristinum, & firmiter eā stare fecerunt. 2. Paral. 24.

Ezechias rex Iuda operatus est bonum, & rectum; & verum coram Domino, volens requirere Dominū in toto corde suo, fecitq. & prosperatus est. 2. Paral. 31.

Anno secundo rexit filiorum Iuda de Babylone cœperunt fundare templum. Iosue vero filius Iosedech, & fratres eius instabant super eos, qui faciebant opus. 1. Esdr. 3.

Præcepit rex Darius, vt ædificaretur domus Domini in Hierusalem, & daretur sumptus de arca regis, nec impediretur opus. 1. Esdr. 6.

Nota quod opera, que fecerunt filij transmigrationis in fundatione templi, & in ædificatione muri ciuitatis multos habuerunt impeditores; Esdræ & Neemie quasi per totum.

Vidit Deus opera Niniuitarum, & misertus est eorum. Ioan. 3.

Ociosi arguuntur, sed operarij ad mercedem vocantur. Matt. 20.

Seruus qui accepit quinque talenta, & operatus est in eis, & lucratus est alia quinque, commendatus est a Domino; similiter & qui duo acceperat, & lucratus est alia duo; alius autem qui vnum accepit, & non multiplicauit illud, sed inutiliter seruauit, reprobatus fuit. Matt. 25.

Illi duo discipuli, qui Dominum secum manere coegerunt, quamdiu fuerunt cum eo in verbis, non cognouerunt eum, sed in opere hospitalitatis, & fractione panis. Luc. 24.

Opus Mariæ Magdalene, quando vnxit Dominū recumbentem fremmentibus discipulis ab ipso Domi-

no approbatum est. Mar. 14.

Laudabilia opera patrū a filiis imitanda esse ostendit Dominus dicens: Si filij Abraham estis, opera Abraham facite. Io. 8.

Opera bona comparat Apostolis semini, de quo factor iacit multum, & multum metit. 2. Cor. 9. Qui parce seminat, &c.

Grauitè reprehendit Paulus Thessalonicenses ociosos, licet ipsos alias commendaret. 2. Thess. 3. Qui non vult operari, non manducet.

Tabitha erat Christi discipula plena operibus bonis, & eleemosynis, quas faciebat ea; ideo ipsa mortua moti fuerunt multi ad rogandum Petrum pro ipsa, qui suscitauit eam. Act. 9.

In omni gente qui timet Deum, & operatur iustitiam acceptus est Deo. Act. 10.

Apud Corinthū manebat Paulus, cū aquila, & Priscilla; quia eiusdem artis erat, & operabatur. Act. 18.

#### De intentione recta habenda in opere. Cap. C XVI.

**O**ccidit Cain Abel fratrem suū, Dauid Goliath, Ioab Abner, & Amasiam, Herodes Antipas Ioannem Baptistam, Agrippa Iacobum. Petrus etiam solo verbo Ananiam, & Saphiram, sed considera varias intentiones, & causas.

Abraham risit in promissione filij nascituri. Sara etiam risit; sed risus Abraham fuit commendatus, Saræ vero reprehensus. Gen. 18.

Dixit Pharaon, Peccaui. Exo. 9. & 10. Dixit Saul, Peccaui. 1. Reg. 26. Dixit Dauid peccaui. 2. Reg. 12. Hoc ipsum dixit Manasses. 2. Paral. vlt. Dixit etiam Iudas. Matt. 27. Sed intentiones cordium valde diuersæ fuerunt.

Similia fere verba dixit Moyses in Raphidim, quando petijt populus aquam ad bibendū. Exo. 17. Et ad aquas contradictionis. Num. 20. sed prima vice non hæsitaui, sicut patet ex pœna, quæ secuta fuit.

Filij Ruben, & Gad, & dimidia tribus Manasse ædificauerunt altare, sed longe alia intentione, quam crederent alij filij Israel. Iosue 22.

Comendauit multum Dominus bonam voluntatē Dauid, quā habuit de ædificatione templi, licet noluerit Deus, quod templum ædificaretur per ipsum. 2. Reg. 7.

Misit Dauid pro Vria, qui erat in exercitu, non vt ille quiesceret, sed vt ipse peccatum, quod cum eius vxore commiserat, facilius occultaret. 2. Reg. 11.

**E**Ornauit se Iudith valde curiose, sed omnis illa compositio non ex libidine, sed ex virtute pendebat, & ad liberandum populum Dei de manibus pessimi inimici. Iud. 10.

Quod Mardocheus Aman nolebat adorare, vel coram eo genua flectere non faciebat pro inobedientia, vel contemptu, sed quia diuinum honorem nolebat homini mortali deferre, sicut ipse testatur. Hest. 13.

Dixit Herodes Magis, vt cum puerum inuenissent renuntiarent ei, vt & ipse adoraret eum, sed valde aliud intendebat, & aliud prætendebat. Matt. 2.

**F**Prohibuit Dominus duobus cæcis ab eo illuminatis, ne quis hoc sciret, & tamen sequitur, quod illi diffamauerunt eum in tota terra illa. Matt. 9. nec tamē illi arguuntur transgressionis.

Signanter addit Dominus finem, vel intentionem quā quisq. debet habere in bona faciēdo, vel mala patiēdo. Matt. 5. & Luc. 7. Beati eritis cum maledixerint vobis homines, &c. propter me, vel propter nomen meū. Item Matt. 10. Quicūque potum dederit, &c. Item Matt. 19. Omnis qui reliquerit domum, &c. propter nomen meū. Eleemosynā dare, orare, & ieiunare specialiter præcepit Dominus, non propter homines fieri, ne contingat tam bona opera praua intentione corrumpi. Matt. 5 & 6.

Quidam sequebantur Dominum, vt eum nequiter obser-

obseruarent. Luc. 14. aliqui, vt de eius panibus manducarent. Ioan. 6. Alij, vt ipsi, vel eorum amici a languoribus sanarentur. Ioan. 7. Luc. 6.

Herodes multo tempore cupiebat videre Iesum, & non causa pietatis, sed quia sperabat signum aliquod videre ab ipso fieri, & ideo nihil profuit ei videre Iesum. Luc. 23.

*De acedia, vel negligentia. Cap. CXVII.*

**A** Vdiens Iacob, quod alimenta venderentur in Aegypto dixit filiis suis, Quare negligitis, descendite, & emite vobis necessaria. Gen. 42.

Panem Angelorum habebat filij Israel in deserto, & tamen extediari desiderabat cibos Aegypti. Num. 11.

Acedia vel tedium boni est causa impatientiae, & carnalis desiderij, item multiplicis mendacij, sicut patet. Num. 11. Recordamur piscium, &c.

Profecti sunt filij Israel de monte Hor, &c. & tædere cepit populū itineris, & laboris, & locutus est contra Dominū & Moysen, & ait: Anima nostra iam nauscat super cibo isto leuissimo; quamobrem misit Dominus in populum serpentes ignitos. Num. 21.

Negligenter custodiebat Abner dominum suum Saul, quando Dauid venit ad castra eius, & neminem reperit vigilantem. 1. Reg. 26.

Dormiens percussus fuit Isboseth filius Saul, & occisus. 2. Reg. 4.

Tempore quo solent reges ad bella procedere, remansit Dauid in domo sua; vbi graue adulterium hac occasione commisit. 2. Reg. 11.

Placuit Ioas regi Iuda, vt instauraret domum Domini, & præcepit Leuitis, vt circa hoc essent solliciti: porro Leuitæ egere negligētis, qua de causa rex arguit Ioiadam sacerdotem. 2. Paral. 25.

Cum dormirent homines venit inimicus, & superfeminauit zizania in medio tritici. Matt. 13.

Arguuntur ociosi, & remunerantur operarij. Matt. 20.

Facta tempestate in mari, Ionas descendit ad inferiora nauis, & dormiebat sopore graui, & accessit ad eum gubernator, & ait ei, Quid sopore deprimeris? Surge inuoca Deum tuum. Ion. 1.

Dure reprehendit Dominus seruum malum, & pigrum, qui multiplicare neglexit commissum sibi talentum. Matt. 25.

Virgines dormientes, quarum lampades non fuerant prius ornatae, fuerunt postea a nuptijs exclusae. Matt. 25.

Valde videntur fuisse acediosi discipuli hora illa post cenam, qui rogati a Domino vigilare, continuo dormiebant. Matt. 26. Mar. 14. Luc. 22.

*De pueris bona idolis. Cap. CXVIII.*

**N**on legitur Isaac murmurasse, quando pater eius ex præcepto Domini ipsum voluit immolare. Gen. 22.

Ioseph accusauit fratres suos apud patrem crimine pessimo, quod erat in eo signum detestationis peccati, & patri dicenti, Veni mittam te ad fratres tuos obedienter respondit, Præsto sum. Gen. 37.

Samuel adhuc puer erat minister in conspectu Domini, & dormiebat in templo Domini, vbi erat arca Dei. 1. Reg. 2. & 3.

Quando Dauid debebat in regem per Samuelem inungi erat in agro paruulus, & pascebat oues tamquam patri obediens, humilis, & abiectus. 1. Reg. 16.

Ioas filius Ioram regis puer septem annorum cum regnare cepisset, fecit quod bonum erat coram Domino cunctis diebus Ioiaðæ sacerdotis. 3. Reg. 12. 2. Paral. 24.

Octo annorum erat Iosias cum regnare cepisset, fecitque quod placitum erat coram Domino. 4. Reg.

S. Bon. Tom. 7. Pars iij.

**A** 22. & tamen pessimos patrem, & auum habuerat.

Tobias cum esset iunior omnibus in tribu Nephtalim, nihil tamen puerile gessit in opere. To. 1. & idem cum postea filium genuisset, ipsum ab infantia timere Deum docuit, & abstinere ab omni peccato. To. 1.

Sine propheta, sine sacerdote, & magistro Daniel, & tres socij eius legem Dei obseruantes, sobrie, & iuste, & pie vixerunt inter pueros gentiles. Dan. 1.

Fratres illi septem adolescentes miram sapientiam in responsionibus, & patientiam in tribulationibus habuerunt. 2. Mac. 7.

**B** Beatus Ioannes Baptista puer crescebat, & confortabatur spiritu, & erat in deserto vsque in diem ostensionis suæ ad Israel. Luc. 2.

Saluator noster puer duodennis existens secundum carnem, inuentus est in templo in medio doctorum, audiens illos, & interrogans. Deinde descendit cum Maria, & Ioseph, & erat subditus illis. Luc. 2.

*De societate bonorum. Cap. CXIX.*

**C** Onsiderandum est valde, quod si inuenti fuissent decem viri iusti in quinque ciuitatibus, propter illos pepercisset Dominus vniuersis. Gen. 18.

**C** Dixit Iacob ad Laban. Gen. 30. Modicum habuisti antequam venirem ad te, & nunc diues effectus es, benedixitque tibi Dominus ad introitum meum. Itē Gen. 39 benedixit Dominus domui Aegyptij propter Ioseph, & multiplicauit, &c.

Bene fuit associatus Iacob, qui dixit. Gen. 35. faciamus altare Domino, qui exaudiuit me in die tribulationis meæ, & fuit socius itineris mei.

Seruiuit Israel Domino cunctis diebus Iosue, & seniorum, qui nouerant omnia opera Domini, quæ fecerat in Israel. Ios. 24.

**D** Filij Dan ceperunt Lais, & homines occiderunt, quia cum nullo hominum habebant quicquam societatis. Iud. 18.

Ex parte Saulis missi lictores ad capiendum Dauid morantem cum Samuele, & alijs Prophetis, prophettare ceperunt; venit Saul, & prophetauit etiam ipse cum eis. 1. Reg. 19.

Propter honorem Iosaphat regis Iuda, Deū colentis, Elieus Propheta impetrauit aquas dari exercitui, in quo erant duo alij mali reges. 4. Reg. 3.

Homines Deum timentes vol. bat secum habere Tobias in conuiuio. Tob. 2. Et hoc ipsum docuit filium suum. Tob. 4. Noli manducare cum peccatoribus, &c. Idem etiam diligenter voluit scire, cum quo iturus esset filius suus. Tob. 5.

**E** Dicebat Sara vxor Tobie iunioris, Nūquam cum iudentibus miscui me, neque cum ijs, qui in leuitate ambulabant participem me præbui. Tob. 3.

Audito crudeli mandato regis, quod debebant interfici cuncti sapientes Babylonis, Daniel iuit ad socios suos, vt quærerent simul misericordiam a Domino, & reuelata est nocte visio Danieli. vnde occasione Danielis serui Dei pepercit rex magis sapientibus Babylonis. Dan. 2.

**F** Post obitum Iudæ Machabæi emerferunt iniqui, & facta est fames valida, & impios instituit Bachides dominos regionis, & facta est tribulatio magna in Israel. quæ omnia mala forsitan non fuissent, si adhuc Iudam socium, & dominum habuissent. 1. Mac. 9.

Cum primus illorum septem fratrum in sartagine torreretur, ceteri cum matre ad moriendum fortiter se hortabantur. 2. Mac. 7.

Veniebat Iudas Machabæus ad capiendum Scytopolim ciuitatem, sed propter Iudæos, qui intus habitabant, erga quos Scytopolitæ benigni erant, nihil eis mali fecit; immo gratias agens hortatus est de cetero erga genus suum benignos esse. 2. Mac. 12.

Quamdiu fuit Petrus cum Apostolis multum fuit firmus, & securus, sed quando fuit in atrio summi sacer-

Aaa 2 cerdo-

(in scō dny)

cerdotis cum ministris illius calefaciens se ad ignem, Deum negare cœpit. Matt. 26. Mar. 14. Luc. 22. Io. 18.

Statim quando cœcus natus a Domino illuminatus, fuit extra synagogam a Phariseis eiectus, a benigno Domino Iesu inter suos fideles receptus est. Io. 9.

Cum essent discipuli omnes pariter perseverantes unanimiter in oratione; venit Spiritus sanctus in eos & ipsos inestimabiliter roboravit, & docuit. Act. 2.

De fidelibus qui erant in Ecclesia primitiva dicitur. Act. 2. Omnes qui credebant erant pariter, & habebant omnia cœmunia; sequitur: Sumebant cibum in exultatione, & simplicitate cordis, collaudantes Deum, & habentes gratiam ad omnem plebem.

Post conversionem suam Saulus veniens Hierosolymam tentabat se iungere discipulis, & omnes timebant eum non credentes, quod esset discipulus. Barnabas apprehensum illum duxit ad Apostolos, &c. Act. 9.

Homines qui erant cum Paulo in navi tempore gravissimæ tempestatis, occasione ipsius Pauli, quem habebant secum fuerunt saluati; nam dixit Angelus Domini: Ecce donavit tibi Deus omnes qui nauigant tecum. Act. 27.

#### De societate malorum. Cap. CXX.

**S**alubriter exiit Abraham de Chaldaea, ubi erant homines corrupti idolatria. Gen. 11. vnde postea hoc ipsum pro beneficio Dominus ei commemorat dicens: Ego Dominus qui eduxit te de Vr Chaldaeorum. Gen. 15.

Non solum corpore, sed etiam cogitatione, & affectione est patria relinquenda; vnde dixit Dominus ad Abraham, cum iam corpore exisset, Egredere de terra tua, &c. Gen. 12. nota promissiones ibi factas.

Quamdiu fuit Abraham cum peruersis hominibus in Vr Chaldaeorum, non legitur ei Dominus apparuisse, licet bonus fuisse credatur; sed postquam inde exiit multoties fuit diuinis apparitionibus visitatus. Gen. 12. 15. 17. & 18.

Iniurias & iacturas passus est Lot a pessimis sodomitis, cum quibus habitabat, vel impiorum occasione. Gen. 13. 19. & 1. Pe. 2.

Quam difficile sit malorum consuetudinem dimittere, patet per Lot, quem de medio Sodomorum Angeli vix extrahere potuerunt. Gen. 19.

Ludus Ismaelis cum Isaac displicuit Saræ. Gen. 21. Fugientem Iacob malum fratrem suum Dominus multipliciter confortauit. Gen. 28.

Noluit Iacob ambulare cum malo fratre, licet placasset eum muneribus, & ille satis instaret, & signa dilectionis ostenderet. Gen. 33.

Dixit Moyses ad turbam filiorum Israel; Recedite a tabernaculis hominum impiorum, & nolite tangere quæ ad eos pertinent, ne inuoluamini in peccatis eorum. Num. 16.

Dixit Dominus Moyse præcipe filiis Israel: Intrans terram Chanaan disperdite cunctos habitatores regionis illius; si autem nolueritis interficere, qui remanserint, erunt vobis quasi clavi in oculis, & lanceæ in lateribus. Num. 33.

Occasione Achan qui tulit de anathemate Iericho, fuit populus in prælio superatus. Iosue 7.

Propter quosdam filios Belial, qui in uxorem Leuitæ detestabile flagitium perpetraverunt, omnes filij Benjamin paucis exceptis trucidati fuerunt. Iud. 19.

Noluerunt filij Israel delere habitatores terræ, sicut præceperat Dominus, sed percusserunt cum eis fœdus, & male accidit eis. Iud. 1. & 2.

Amicitia quam habuit Amnon filius Dauid cum Ionadab dedit ei viam ad hoc, quod Thamar sororē suam opprimeret. 2. Reg. 13.

Rebellionem disponente Absalom contra patrem suum, iuerunt multi cum eo simplici corde, qui con-

tra Dauid nihil machinati fuissent, si cum bonis, & pacificis in Hierusalem remanissent. 2. Reg. 15.

Propter quosdam superstites de domo Saul, facta est fames in terra, donec ad petitionem Gabaonitarum crucifixi fuerunt. 2. Reg. 21.

Rex Iuda Iosaphat fuit fere occisus vadens cum Achab ad prælium. 3. Reg. 22. Et reprehensus fuit per Prophetam Domini dicentem; Impio præbes auxilium, & ijs qui oderunt Dominum amicitia iungeris, & idcirco iram Domini merebaris, sed bona opera inuenta, &c. 2. Paral. 19.

Ochozias rex Iuda ambulabat in vijs Achab, & fecit malum coram Domino, & causa huius statim subditur. Gener enim erat domus Achab. 3. Reg. 10.

Eliezer Propheta dixit Iosaphat regi Iuda; Quia habuisti fœdus cum Ochozia percussit Dominus opera tua, contritæque sunt naues. 2. Paral. 20.

Venit homo ad Amasiam regem Iuda, & ait: O rex ne gradiatur tecum exercitus Israel; non enim est Dominus cum Israel, quod si putas in robore exercitus bella consistere superari te faciet Deus ab hostibus. 2. Paral. 25.

Aedificantibus filiis Iuda templum post reditum de Babylone, hostes eorum voluerunt ædificare cum illis. Illi vero bono vfi consilio renuerunt: 1. Esdr. 3.

Cum irent omnes ad vitulos aureos, quos Ieroboam fecerat, Tobias solus fugiebat consortia omnium, & pergebat in Hierusalem. Tob. 1.

Beatus Iob dicit: Frater fui draconum, & socius struthionum. Iob 30.

Cum dixisset Isaïas, Vir pollutus labijs ego sum, causam insinuans subdidit, in medio populi polluta labia habentis ego habito. Isa. 6.

Dictum fuit Ezechiel, Increduli & subuersores sunt tecum, & cum scorpionibus habitas. Eze. 2.

Mali nocent sibi inuicem, nam duo senes ex hoc acceperunt audaciam accusandi Susannam; quia in eandem malitiam conuenerunt. Dan. 13.

Quamdiu Iudas Machabæus confidens de diuino auxilio gessit bella pro populo suo bene ei successit, cum vero constituit amicitiam cum genibus Romanis, licet tunc potentissimus, cito superatus fuit, & in bello occidit. 1. Mac. 9.

Simile accidit Ionathæ fratri Iudæ. 1. Mac. 12.

Petrus existens cum discipulis in nocte cenæ Domini multum erat securus, cum autem venit ad atrium summi sacerdotis, Dominum ad vocem vnus ancillæ negauit. Matt. 26. Marc. 14. Luc. 22. Ioan. 18.

Cæcus in via mendicans clamabat ad Dominum Iesum, & qui præbant increpabant eum, vt taceret. Luc. 18.

Non fuit inter fideles Christi annumeratus cæcus ille natus, quem Dominus videre fecit, donec fuit a Phariseis de synagoga eiectus. Ioan. 9.

Plures mali interdum in vnam malam societatem conueniunt, vt bonis inferant nocumentum; ita concordauerunt Balach & Balaam ad maledicendum filiis Israel. Num. 22.

Item Adonisedech rex Hierusalem, & alij quattuor reges aduersus Gabaonitas, eo quod illi fecerant pacem cum Iosue. Item Iabin rex Azor, & alij reges triginta contra Iosue, & filios Israel. Ios. 10.

Item quinque Satrapæ Philistinorum Chananzi, Sidonij & Heuzi. Iud. 3. Item Madian, & Amalech, & ceteri Orientalium nationum. Iud. 6.

Sic etiam intelligitur Isa. 7. Requieuit Syria super Ephraim, idest decem tribus, & rex concordauerunt in vnum ad regnum Iuda funditus extirpandū. Rursus etiam in passione Domini Herodes & Pilatus facti sunt amici. Luc. 14.

Philippenses commendat Apostolus dicens: In medio nationis prauæ, & peruersæ, inter quos lucetis, sicut luminaria in mundo, &c. Phil. 2.

Petrus Apostolus dixit quibusdam Iudæis audientibus

ribus verbum Dei. Act. 2. Saluamini a generatione ista praua.

Proconsul Paulus desiderabat audire verbum Dei, sed erat cum eo Elymas magus pseudopropheta ludæus, qui resistebat Paulo, & Barnabæ quærens auertere Proconsulem a fide. Act. 13.

In ciuitate Lystris homines tantę simplicitatis erant, quod ipsi Paulum, & Barnabam deos ad terram descendisse putabant. cum autem vix sedasset eos Paulus, & cœpisset eis viam ostendere veritatis, superueniunt quidam Iudæi, qui ita suaserunt turbis, quod Paulus fuit lapidatus ibi, & quasi pro mortuo derelictus. Act. 14.

Cum verbum Domini fortiter in Epheso cresceret, & Dominus per Paulum ibidem miracula multa faceret, Demetrius quidam argentarius faciens ædes argenteas Dianę, conuocatis opificibus illius artis, seditionem contra Paulum concitauit. Act. 19.

*De prosperitate mundana. Cap. CXX.*

**A** Bundantia rerum temporalium sæpe fit multorum occasio peccatorum, sicut in illa regione, quæ irrigabatur, sicut paradisus Domini, in qua habitabant Sodomitę pessimi. Gen. 14.

Gedeon cum paruus homo esset, & in area frumentum excuteret, bonus fuit, & cum Angelus Domini visitauit; post obtentam vero victoriam male se habuit. Iudic. 8.

Saul antequam rex esset, bonus fuit; & postquam regni gubernacula suscepit intumuit, & mandatum Domini præteriiuit. 1. Reg. 15.

Post multa bella, & victorias de inimicis obtentas, remanens Dauid quietus in Hierusalem cōmisit adulterium, & exinde secutum est homicidium. 2. Reg. 11.

Occasione multitudinis subditorum, Dauid in superbiam elatus est, & fecit populum numerari. Sed nota quā grauiter tale peccatum fuit punitum. 2. Reg. 24.

Non erat argentum alicuius pretij, in diebus Salomonis, quia tanta erat in Hierusalem argenti abundantia quanta, & lapidum. 3. Reg. 10.

Sed nota quā mirabile, & terribile fuit quod plus nocuit ei rerum copia, quā profuerit tanta sapientia. 3. Reg. 11.

Antequam Ieroboam haberet dominium super decem tribus, non legitur fuisse malus, sed magis adulescens bonę indolis, & industrius; statim vero, ut regnum adeptus est, fecit vitulos aureos, & auertit populum a Deo, ne auerteret se ab eo. 3. Reg. 12.

Amasias rex Iuda debellauit Edom, & inde eleuatum est cor eius, & voluit contra Ioas regem Israel præliari, sed male successit ei. 4. Reg. 14.

Cum roboratum fuisset regnum Roboam, & confortatum, dereliquit legem Domini, & omnis Israel cum eo. 2. Paral. 12.

Cum roboratus esset Ozias rex Iuda, eleuatum est cor eius in interitum suum, ingressusque in templum adolere voluit incensum. 2. Paral. 26.

Manasses rex in Hierusalem fuit pessimus, postea in Babylone, & coangustatus orauit Dominum, & egit penitentiam valde coram Domino. 2. Paral. 33.

Mundana prosperitas multiplicat carnales amicos, & congregat, quos aduersitas sæpe fugat. Vnde Tobia a cecitate sanato, & ditato, venerunt confobrini eius ad eum gaudentes, & congratulantes ei. Tob. 11. Quod non leguntur fecisse, quando prius erat cæcus, & vxor eius ibat ad extrinsecum opus. Tob. 2.

Post victoriam obtentam de Arphaxad, exaltatum est regnum Nabuchodonosor regis Assyriorum, & cor eius eleuatum est. Iudith 1.

Quamuis Aman esset secundus a rege potētissimo Assuero, & haberet multas diuitias, filios & amicos; tamen ita torquebatur ex eo, quod Mardocheus ei

S. Bon. Tom. 7. Pars iij.

genua non flectebat, quod nihil se habere putabat. Esther 5. Item nota breuitatem illius prosperitatis.

Quamdiu durauit plaga Domini super Iob, licet venerunt ad eum aliqui amici, fuerunt tamen ei consolatores onerosi, nec leguntur ei dedisse aliquid. Postquam autem addidit Dominus omnia quæcumque fuerant Iob duplicia, venerunt ad eum omnes fratres sui, & cuncti qui nouerant eum, & dederunt ei vnusquisque ouem vnā, & in aurem auream vnā. Iob 42.

Statuam quam vidit Nabuchodonosor, quæ percussa de lapide abscisso de monte redacta est in fauillam æstiuæ areæ, satis indicat prosperitatem mundanam nihil esse. Dan. 2.

Filij Iambri faciebant nuptias magnas, & venerunt Iudæi Ionatha duce, & occiderunt multos, & conuersę sunt nuptiæ in luctum, & vox musicorum in lamentum. 1. Mach. 9.

Ptolemæus rex Egypti Alexandro rege Syriæ debellato, & in Arabiam fugato, exaltatus est, & abstulit Zabdiel Arabs caput Alexandri, & misit Ptolemæo, & rex Ptolemæus mortuus est die tertia. 1. Mach. 11.

Adulescens qui quæsiuit a Christo, quomodo posset habere vitam æternam, multas possessiones habebat, & idcirco abiit tristis, quando Dominus dedit ei consilium perfectionis. Matth. 19.

Petrus negauit Dominum in atrio principis sacerdotum. Matth. 22.

Magnum festum fecerunt Iudæi Domino Hierusalem venienti, & circumspexit omnibus, cum iam vespertina esset hora, exiit in Bethaniam, quasi non inueniret, qui eum in hospitio reciperet. Mar. 10.

Ad contemnendam temporalium abundantiam multum valet exemplum de diuite, cuius ager vberes fructus attulit. cum autem sollicitus cogitaret destruere horrea, ait illi Deus: Stulte hac nocte reptent animam tuam a te, &c. Luc. 12.

Emptores ville, & boum, & ille qui vxorem duxerat, vocati ad cenam magnam Domini, se excusant tamquam alijs occupati. Pauperes autem & debiles, fuerunt introducti. Luc. 14.

Videns Dominus ciuitatem Hierusalem pace temporalis fruuentem, & superuenturas miseras ignorantem, fleuit super illam dicens: Si cognouisses, & tu (supplendum esset) fletes. Luc. 19.

Cum populus Herodi magno regi vestito veste regali, & sedenti pro tribunali acclamaret, Voces Dei, & non hominis; confestim percussit eum Angelus Domini, & consumptus a vermibus expirauit. Act. 12.

*De curiositate humana. Cap. CXII.*

**P**rimarię transgressionis occasio ortum habuisse videtur ex eo, quod Eua serpentem curiose audiuit, & lignum vetitum curiose respexit. Gen. 3.

Egressa est Dina filia Lię, ut videret mulieres regionis illius, sequitur, quod visa, rapta, & oppressa fuit. Gen. 34.

Præcepit Dominus Moyfi, ut diceret populo: Caute ne ascendatis in montem, nec tangatis fines illius. Omnis qui tetigerit montem morietur, & post pauca: Contestare populum, ne forte velint transcendere terminos ad videndum Dominum, & pereat ex eis plurima multitudo. Exo. 19.

Dixit Dominus ad Moysem, ut Aaron, & filij eius tantum intrarent Sancta Sanctorum; alij vero nulla curiositate viderent, quæ erant in sanctuario, priusquam essent omnia inuoluta; alioquin morerentur. Num. 4.

Ozias rex Iuda ingressus templum Domini accepit thuribulum, & voluit adolere incensum super altare thymiamatis, quod non ad suum, sed ad sacerdotum pertinebat officium; statimque orta est lepra in fronte eius. 2. Paral. 26.

A 2 2 3 Cum



Cum viderent Iudei miracula a Domino fieri manifesta, & vtilia, alia videre volebant, & signum de celo querebant. Luc. 11.

Herodes Tetrarcha viso Iesu gauisus est valde; non causa pietatis, sed causa curiositatis; quia sperabat signum aliquod fieri ab ipso, & propter hoc visio illa Domini Iesu nihil ei profuit, sed magis obfuit. Luc. 23.

Curiositatem discipulorum scire volentium tempus secundi aduentus compescuit Dominus dicens: Non est vestrum nosse tempora, vel momenta, quae Pater posuit in sua potestate. Act. 1.

Curiositas videtur fuisse, quando Simon magus voluit baptizari, quia scilicet videbat signa, quae Philippus faciebat. Act. 8.

Athenienses omnes, & aduenae hospites ad nihil aliud vacabant, nisi aut dicere, aut aliquid noui audire. Act. 17.

Prædicante Paulo in Epheso ciuitate, multi qui fuerunt curiosa sectati contulerunt libros, & combusserunt coram omnibus. Act. 19.

Reprehendit Apostolus quosdam Thessalonicenses inquiete ambulantes, nihil operantes, curiose agentes. 2. Thess. 3.

Adolescentiores viduas monet Apostolus esse vitandas. sunt enim frequenter vagæ, & otiosæ, verbosæ, & curiosæ. 2. Tim. 5.

#### De magna fide mulierum. Cap. CXXIII.

Commendat Apostolus. Heb. 11. fidem Rahab, quæ non periit cum incredulis, excipiens exploratores cum pace; de quibus. Iosue 2.

Ruth adhæsit socri suæ Noemi dicens: Populus tuus, populus meus; Deus tuus, & Deus meus. unde Booz postea dixit ei: Reddat tibi Dominus Deus plenam mercedem ad quem venisti, & sub cuius confugisti alas. Ruth 1. & 2.

Mulier Sareptana credidit verbis Eliæ prophetæ, D licet ille rem satis difficilem illi faciendam iuberet. 3. Reg. 17.

Mundi creationem, & corporum resurrectionem optime confitebatur illa mulier, mirabilis mater, quæ septem filios vno die torqueri vidit, & ipsos ad moriendum pro Dei legibus fortiter animauit. 2. Machab. 7.

Circa mysterium Dominicæ Incarnationis fuerunt mulieres ad credendum promptiores quam viri. Nam Zacharias pater Ioannis Baptiste, de incredulitate fuit ab Angelo redargutus. Luc. 1. Pro eo quod non credidisti verbis meis, & cetera.

Elisabeth non reprehensibilis legitur extitisse, quæ statim in aduentu Beatæ Virginis exclamauit: Et benedicta tu inter mulieres. Luc. 1.

Similiter commendatur Beata Virgo, quæ credit Angelo dicenti sibi, quod conciperet de Spiritu sancto. Luc. 1.

Item Anna vidua prophetissa loquebatur de puero nato omnibus qui expectabant redemptionem Israel. Luc. 2.

Tantam fidem habebat ad Dominum mulier hæmorrhœissa, quod sufficiebat ei, quod tantummodo tangeret fimbriam vestimenti eius; & ideo meruit audire verbum dulce: Confide filia, fides tua te saluam fecit. Matth. 9. Luc. 8.

Nec longa expectatione, nec dura responsione destitit clamare ad Dominum mulier Chananæa. Idcirco tandem audiuit: O mulier magna est fides tua, fiat tibi sicut vis. Matth. 15.

Mulier Samaritana plene confessa est dicens: Scio, quia Messias venit, qui dicitur Christus; & postea multi Samaritanorum crediderunt in Dominum Iesum propter verbum mulieris illius. Ioan. 4.

Cōfessio Marthæ, quæ dixit. Ioan. 11. Ego credidi, quia tu es Christus filius Dei viui, qui in hunc mundum venisti, satis fuit similis confessioni Petri. Matth. 16.

De resurrectione Domini, multos viros legimus dubitasse: & Dominum Iesum illorum incredulitatem, & cordis duritiā exprobrasse. Mar. 16. Matt. 28. De mulieribus autem nihil tale legitur; sed resurgens Dominus primo apparuit mulieri, scilicet Mariæ Magdalene, & illa currens discipulis lugentibus nuntiavit. Mar. 16.

Quædam mulier nomine Lydda purpuraria, audiuit prædicationem Pauli, cuius Dominus aperuit cor, & baptizata est, & domus eius. Act. 16.

#### De sapientia mulierum. Cap. CXXIV.

Sara prudenter intellexit ludum inter Isaac, & Ismaelem non esse bonum, & voluit Dominus, ut Abraham illius acquiesceret voluntati. Genes. 21. Rebecca fuit valde argumentosa ad procurandum, quod Iacob benedictionem a patre, quæ debebatur primogenito, obtineret. Gen. 27.

Et postea caute fecit eum iram fratris sui Esau declinare. Gen. 28.

Rahab meretrix discrete exploratores abscondit, & per hoc se, & totam domum suam integraliter liberavit. Iosue 2.

Debbora vxor Lapidoth iudicabat populum, & docuit Barac filium Abinoem, quid facturus esset, ut populum Dei de manu Sisaræ liberaret. Iudic. 4. Sollicita fuit Noemi, & astuta ad inueniendum modum quo Ruth, &c. Ruth 3.

Mater Samuelis Anna discrete se excusauit ab eo, quod Heli sacerdos ei imposuit, quando filium a Domino postulauit. 1. Reg. 1.

Per sapientem eloquentiam suam, & liberalitatem satis modicam Abigail viro suo vitam seruauit, & Dauid ab homicidio impediuit. 1. Reg. 25.

Sapiens Mulier Thecuitis induxit Dauid ad hoc, ut filium exulem reuocaret. 2. Reg. 14.

Obsidente Ioab ciuitatem Abela, mulier sapiens taliter locuta est ei, & postea populo ciuitatis, quod ille cum totius patriæ utilitate ab obsidione recessit. 2. Reg. 20.

Bethsabee mater Salomonis sapienter verbum proposuit coram rege Dauid, ut filius suus Salomon post illum regnare deberet. 2. Reg. 1.

Duarum mulierum coram Salomone contendentium, illa prudenter, & pie respondit quæ dixit: Obsecro Domine, date illi infantem viuum. 3. Reg. 3.

Magna sapientia fuit in regina Saba, quod ipsa venit audire sapientiam Salomonis. 3. Reg. 10.

Mulier Sunamitis hospita Elisei prudenter adhæsit ei, nec voluit eum dimittere propter Giezi, donec eius filium suscitasset. 4. Reg. 4.

Holda prophetis vxor Sellum Iosiam regem confortauit, & populo mala ventura, propter eorum peccata prædixit. 4. Reg. 22.

Sara filia Raguelis discrete, & deuote orauit Dominum, ut eam liberaret de improperio, quod audierat ab ancilla. Tob. 5.

Miram prudentiam, & constantiam ostendit Iudith alloquendo populum, & decipiendo Holofernem tam potentem tyrannum. Iudith 8. vsque ad finem.

Esther cum magna cautela fecit petitionem suam, postquam regem ad prandium inuitauerat, & ille vino incaluerat. Esther 7.

Elisabeth mater Ioannis Baptiste, discrete cognouit aduentum Virginis, & ipsam matrem Domini nominauit. Luc. 1.

Tam tacendo, quàm loquendo patet Beatam Mariam Virginem mirabiliter fuisse prudentem. Tacendo quidem, quia pauca verba dixisse inuenitur. Locuta est autem cum Angelo discrete querendo, & discretius acquiescendo. Luc. 1. Quomodo fiet istud. Item, Ecce ancilla Domini. Item cum sancta Elisabeth ipsam salutando. Et nota quod post laudes multas quas Elisabeth illi dixit, nihil ei directe respondit, sed

sed ad laudandum Dominum se conuertit dicens: **A** Magnificat, &c. Item locuta fuit cum filio ipsum dulciter interrogando: Fili quid fecisti nobis sic. Luc. 2. Et pro verecundis pauperibus deprecando. Ioan. 2. Vinum non habent. Item locuta est ministris ipsos vtiliter instruendo: Quodcumque dixerit vobis, facite. Ioan. 2.

Maria Magdalene, valde prudenter agebat in eo, quod ad pedes Domini se ponebat. Ad pedes enim Domini veniam impetravit pro se. Luc. 7. vitam pro fratre. Ioan. 11. Item audiebat diuinam sapientiam. Luc. 10. Et exhibuit Christo deuotam reuerentiam. Matth. 28.

Vxor Pilati bene locuta est ei, etsi Pilatus ei credidisset, prudenter egisset. Matth. 27.

*De pietate mulierum. Cap. CXXV.*

**R**ebecca videns seruum Abraham hominem peregrinum, & petentem bibere, sine mora respondit: Bibe Domine mi, quin & camelis tuis hauriam aqua, donec cuncta bibant, &c. Gen. 24.

Timuerunt obstetrices Dominum, & non fecerunt iuxta preceptum regis Egypti, sed conseruabant mares. Exo. 1.

Cernens filia Pharaonis vagientem puerum miserata eius, ait: De infantibus Hebræorum est hic, & faciens nutriri in filium adoptauit. Exo. 2.

Rahab meretrix videns exploratores Iosue ad mortem quaeri, compassa est eis, & ipsos abscondens liberauit, & sanos remisit. Iosue 2.

Nuntij euntes ad Dauid absconditi fuerunt in puteo, & saluati per mulierem, quæ posuit velamen super os putei, & illos qui quaerebant eos delusit. 2. Reg. 17.

Duarum mulierum coram Salomone contendenti illa pium cor habuit, quæ liti credere noluit, cuius viscera super filium commota fuerunt. 3. Reg. 3.

Vidua mulier Sareptana hospita Eliæ prophete, & apud illam sustentabatur vtrumque. 3. Reg. 17.

Mulier sunamitis induxit virum suum ad hoc, ut fieret in domo sua Eliseo locus aptus ad manendum. 3. Reg. 4.

Cum occideret Athalia omne semen regium, Iosabeth filia regis Ioram, tulit Iosab unum de filiis regis, & abscondens saluauit eum. 4. Reg. 11.

Compatiens populo morti addicto Esther magno se exposuit periculo, & apud Assuerum regem Iudeorum liberationem, & sublimationem obtinuit. Esther 7.

Pietas beatæ Virginis Mariæ multum apparet in hoc quod ad pauperes nuptias ire voluit, & deficiente vino, non requisita ab aliquo, sed sponte propterea verecundorum pauperum aduocata dixit filio: Vinum non habent. Ioan. 2. Per hoc etiam patet largitas eius magis, quia cum a Magis aurum, thus, & myrrham, quæ obulerant, accepisset paulo post in purificatione sua non potuit habere agnum quem offerret, & supponendum est, quod illa Magorum munera pauperibus erogauerat. Matth. 2. Luc. 2.

Ambulans per mundum Saluator mundi in domo Marthæ, & Mariæ specialius hospitium legitur habuisse. Luc. 10. Ioan. 12.

Mulier illa Chananæa miseriam filiar suar propriam reputabat dicens. Matth. 15. Miserere mei, fili Dauid, filia mea male a demonio vexatur.

Mulieres ministraverunt Domino predicanti, & per castella, & ciuitates eunti. Luc. 8. Astiterunt patienti & sequebantur eum, dum ad crucem duceretur ab Apostolis derelictus. Luc. 23. & Ioan. 19. Item studiose obsequi voluerunt ei in sepulchro iacenti. Matth. 28. Mar. 16. Luc. 24. & Ioan. 20.

Prætulit Dominus duo æra minuta pauperculæ viduæ, quæ misit in Gazophylacium, muneribus diuitum, quia scilicet illa de eo quod erat necessarium ei, dederat, & quia plus ponderat Dominus mentis pietatem quam muneris quantitatem. Luc. 11.

Blasphemantibus, & deprauantibus miracula Domini Scribis & Phariseis; mulier quædam audiens verba eius deuote, extulit vocem dicens: Beatus venter, qui te portauit, &c. Luc. 11.

Vxor Pilati magis conata fuit impedire Dominicam passionem, & iniustam afflictionem ipsius, quam aliquis homo de quo Scriptura testatur. Matth. 27.

Innuuit Apostolus. 1. Cor. 9. Quod aliqui Apostoli circumducebant mulieres sorores ad ipsis necessaria ministrandum.

Propter opera charitatis, & eleemosynas, quas Tabitha viduis faciebat, rogauerunt flentes Petrum, ut ad defunctam veniret & motus lacrymarum Petrus, ponens genua orauit, & eam suscitauit. Act. 9.

Exiens de carcere Herodis Petrus venit ad domum Mariæ matris Ioannis, qui cognominatur Marcus, ubi erant multi congregati orantes. Per quod patet eam fuisse bonam mulierem, & hospitam discipulorum Domini. Act. 12.

Quedam mulier purpuraria nomine Lydda, credens ad prædicationem Pauli, & baptizata cum domo sua deprecata est, dicens: Si iudicasti me fidelem esse, introite domum meam, & manete, & coegit nos. Act. 16. Vbi etiam satis innuitur, quod mulieres prompte, & deuote audiunt verbum Dei.

*De fortitudine mulierum. Cap. CXXVI.*

**B**Arach filius Abinoem noluit ducere exercitum contra Sisaram, nisi Debbora vxor Lapidoth iret cum eo, quæ dixit ei: Ibo quidem tecum, sed in hac vice victoria non reputabitur tibi, quia in manu femine tradetur Sisara. Iudic. 4.

Dixit Booz ad Ruth, quæ reliquerat patriam & deos suos: Scit omnis populus, qui habitat intra portas vrbs meæ, mulierem te esse virtutis. Ruth 3.

Viriliter saluauit Dauid virum suum Michol, cum quaereretur ad mortem a Saule patre suo. 1. Reg. 19.

Cum audisset Abigail virum suum Nabal, dure respondisse nuntiis Dauid festinauit, & tulit diuersa xenia; & Dauid iratum placauit. 2. Reg. 25.

Grauem contumeliam ab ancilla prolatam valde patienter tulit Sara filia Raguelis, nec ei aliquid respondit, sed ad orationem se conuertit. Tob. 3.

Mira strenuitas fuit in Iudith, quæ tantum factum ausa fuit cogitare, sicut de Holofernis occisione in proprio papillone. Iudith 8. Et deinceps.

Esther regina exposuit se periculo moriendi pro liberatione populi sui, quando non vocata ad regem ire præsumpsit. Esther 5.

Supra modum mater mirabilis, quæ pereuntes septem filios sub vnus diei tempore conspiciens bono animo ferebat, & femineæ cogitationi masculinum animum inferebat. 2. Mach. 7.

Fortissima fuit Beata Virgo Maria, & continendo gaudium quod habuit de filij conceptione, natiuitate, Magorum adoratione, & ipsius educatione, prædicatione, miraculorum operatione, & resurrectione. Item sustinendo dolorem quem passa fuit in ipsius filij passione.

Valde fuit mirabile de audacia Mariæ Magdalene, quæ passioni Domini affuit, & totiens ad sepulchrum eius venit. Recedentibus etiam discipulis dilectissimis non recedebat, sed stans ibidem plorabat. Ipsam etiam nimis audacem faciebat amor, cum dicebat: Domine si tu sustulisti eum, dicito mihi. Ioan. 20.

*De auaritia mulierum. Cap. CXXVII.*

**P**rima mulier vidit lignum pulchrum, & delectabile, & statim sequitur, quod sine deliberatione, sine viri consultatione tulit de fructu illius, & comedit. Gen. 3.

Sara licet esset bona, tamen ita desiderabat habere liberos, quod prius voluit habere de ancilla filium, quam nullum. Gen. 12. Ingredere ad ancillam meam, &c. Inter-

Interrogata Rebecca an vellet ire cū seruo Abraham, continuo respondit, Vadam, non dixit, nolo ire, si placet vobis, vel huiusmodi. Gen. 24.

Filix Lot potius voluerunt de patre liberos suscipere, quā sine liberis permanere. Gen. 19.

Cernens Rachel, quod infecunda esset invidit sorori suæ, & ait marito suo: Da mihi liberos alioquin moriar. Gen. 30.

Dina cupiens videre mulieres regionis illius, visa fuit a quodam nomine Sichem, & vi oppressa ab eo; quid ergo de illis, quæ volunt videre viros, & videri ab eis? si male frequenter eis accadat, non est mirum. Gen. 34.

Domina cui seruiebat Ioseph non expectabat virū, quod sollicitaretur ab illo, sed ipsum nimis procaciter requisivit. Gen. 39.

Axa filia Caleb obtinuit a patre terram irriguam, quia scilicet eam suspirando instanter petiuit. Ios. 15.

Tantum institit vxor Samson apud eum, quod dixit ei obscuram propositionem, quam parentibus noluerat iudicare. At illa statim reuelauit inimicis suis, quamquam esset in damnum viri sui. Iud. 14.

Dalila per importunitatem suam euicit, vt Samson diceret ei, in quo fortitudo eius maxima consistebat. Iud. 16.

Anna mater Samuelis præ desiderio habendi liberos flebat, & non capiebat cibos. 1. Reg. 1.

Multum desiderabat habere filium illa, quæ rapuit alienum, de qua. 3. Reg. 3.

Ita concupiuit Iezabel vineam Naboth tradere viro suo, quod duos falsos testes nequiter procurauit, & fecit Naboth crudeliter lapidari. 3. Reg. 21.

Cum vellet ire mulier Sunamitis ad Eliseum, & vir eius non plenarie consentiret, respondit illa Vadam, strauitque asinam, & præcepit puero, Mina, & prope-  
ra, ne mihi moram facias in eundo, & hoc age quod præcipio tibi. 4. Reg. 4.

Athalia mater Ochoziah regis concupiscens regnare super terram, interfecit omne semen regium, excepto Ioas infantulo, qui furtim absconditus fuit. 4. Reg. 11.

Anna vxor Tobia circumspiciebat quotidie, & circumibat vias, per quas spes remeandi videbatur, vt si fieri posset, procul videret filium venientem. Tob. 10.

Esther non fuit contenta ex eo, quod rex dederat ei domum Aman, & quod Iudæi occiderant in solaciuitate Sufis viros quingentos; sed etiam in crastino fecit trecentos occidi. Est. 9.

Mulier Chananza sanitatē filia obtinuit precibus importunis. Matt. 15.

Mater filiorum Zebedæi non expectauit, quod Dominus remuneraret filios suos secundum exigentiam meritorū, sed petijt ante tempus vnum poni ad dexteram Domini in regno suo, & alium ad sinistram. Matt. 20.

Ponit Dominus exemplum viduæ, quæ ita fuit molesta iudici, nec Deum timēti, nec homines, quod tandem ipsam de suo aduersario vindicauit. Luc. 19.

Herodias insidiabatur Ioanni Baptiste, & tanto odio persequebatur, quod magis elegit filiam suam petere caput Ioannis, quā dimidiam partem regni Herodis. Mar. 6.

Puella quædam nomine Rhode intelligens Petrum pulsare ad ianuam, præ gaudio non aperuit ei, sed dimittens eum foris cucurrit, & intro stantibus nunciavit. Act. 12.

#### De mulierum fallacijs. Cap. CXXVIII.

Occasione Eua deceptus est Adam, licet non fuerit seductus in eo, in quo Eua fuit seducta, sed tamen delicto vetito Eua suadente comedit. Gen. 3.

Sara risit audita promissione de conceptione filij; redarguta autem a Domino eius diffidentia, seipsam mendaciter excusauit. Gen. 18.

Dux filia Lot volentes ex patre suo concipere, cum verbis eum fortassis ad hoc inducere non audent; mediāte vino propositum peregerunt. Gen. 19. Bene igitur alium hominem decessissent, quando nec patri proprio pepercerunt.

Rachel patrem proprium quærentem idola sua pulchra adinventione delusit. Gen. 38.

Domina Ioseph ipsum apud virum suum nequiter accusauit, vt seipsam mendaciter excusaret, & decipiens virum suum, de ipso Ioseph se impiissime vindicauit. Gen. 39.

Obstetrices Hebræorum licet piam intentionē habuerint in reseruatione puerorū, tamē Pharaonē regē Aegypti adinventione mendacij fefellerunt. Exo. 1.

Mulieres Moabitides filios Israel deceperunt, contra quos Balaam Ariolus cum omnibus magicis artibus suis nihil potuerat operari. Num. 25.

Rahab meretrix abscondit exploratores Iosue, & illos qui quærebant eos, fecit currere vsque ad vada Iordanis dicens, quod exierant clausa porta. Iosue 2.

Egressa Iahel in occursum Sisare dixit ad eum; Intra ad me domine mi, ne timeas, & postmodum illū dormientem occidit. Iud. 4.

Vxor Samsonis fundens apud eum lacrymas dicebat: Odisti me, idcirco problema non vis mihi exponere, cui ille in damnum proprium reuelauit. Iud. 4.

Dalila molesta fuit Samsoni iugiter per multos dies spatium ad quietem non tribuens, & defecit anima eius, & ad mortem vsque lassata est, tunc victus Samson fortissimus stulte aperuit ei totum. Iud. 16.

Michol intelligens, quod Saul pater suus quærebat virum suum Dauid vsque ad mortem, fecit eum fugere, & posuit super lectum suum, &c. 1. Reg. 19.

Viri qui nuntiare debebant Dauid statū Absalom, fuerūt positi in puteo, & mulier quædam ponens velamen super os putei, ipsos recessisse mentita est. 2. Reg. 17.

Cum erassisset Saul omnes magos de terra, nihilominus vna mulier fuit inuenta, quæ erat in illa arte perita. 1. Reg. 28.

Mulier visa satis a longe animum Dauid, male incitauit. 2. Reg. 11. quid ergo quando de propinquo videt, & videtur, loquitur, & auditur.

Deprauatum est cor Salomonis per mulieres, & quod plus factum inopinabile erat, ad tantā insaniam deduxerunt eum, vt coleret deos earum. 3. Reg. 11.

Vxor Ieroboam simulauit se aliam, vt Prophetam falleret non valentem videre præ nimia senectute. 3. Reg. 14.

Excogitauit Iezabel iniquum modum acquirendi vineam Naboth, quem Achab impiissimus, vel nesciebat, vel facere non audebat. 3. Reg. 21.

Fefellit Holofernem Iudith, a facie cuius terra tremere videbatur. Iudith 10. & deinceps, quamuis illa optima intentione fecerit, scilicet pro liberatione populi Dei.

Herodes metuebat Ioannem Baptistam, sciens eū virum iustum, & sanctum; & audito eo multa faciebat, & tamen Herodias quæ insidiabatur Ioanni tantum laborauit, quod fecit eum in carcere decollari. Mar. 6.

Saphira vxor Ananiæ mentita fuit Petro de agri pretio, sed mendacium illud fuit per Petrum grauissime punitum. Act. 5.

#### De mulierum stultiloquio. Cap. CXXIX.

Eua legitur primo locuta fuisse cum serpente, quā cum Deo ad orandum, vel cum viro suo ad aliquam eruditionem percipiendum. Gen. 3.

Promittente Domino, quod Sara esset filium paritura, cum primo illa risisset præ diffidentia, negauit postea se risisse. Gen. 28.

Cernens Rachel, quod infecunda esset ait viro suo: Da

Da mihi liberos alioquin moriar, quasi esset in ipso A  
Jacob potestate de sterili secundam facere. Gen. 30.

Vxor Samsonis statim vt sciuit obscuram propo-  
sitionem viri sui, indicauit ciuibus suis in damnum ma-  
riti. Iud. 16.

Cum vidisset Dalila, quod Samson confessus esset  
ei omnem animum suum, quomodo scilicet fortitu-  
dinem suam amittere posset, inimicos illius vocauit,  
& statim eis reuelauit. Iud. 16.

Quia David pro magna deuotione saltauerat co-  
ram arca Domini, Michol filia Saul ironice dixit ei:  
Quam gloriosus fuit hodie rex Israel, &c. 2. Reg. 6.

Cum dixisset Tobias de hædo, Videte ne furtius B  
sit, &c. Anna vxor eius irata respondit: Manifeste  
vana est spes tua, &c. Tob. 2.

Sara filia Raguel increpante ancillam iuste, illa im-  
patienter, & iniuriose respondit: Amplius ex te non  
videamus filium, aut filiam super terram, &c. Tob. 3.

Cum contenderent coram Salomone duæ mulie-  
res meretrices, illa stulte & nequiter locuta est, quæ  
dixit de infante, Nec mihi, nec tibi, sed diuidatur.  
3. Reg. 3.

Vxor Aman audiens querimoniam, quam vir fa-  
ciebat de Mardocheo respondit: Iube parari excel-  
sam trabem, & appendatur in ea. Est. 5.

Sedente Iob in sterquilino, & saniem defluentem  
testa radente dixit ei vxor eius: Benedic Deo, & mo-  
rere, sed ille bene, & discrete repondit, Quasi vna de  
stultis mulieribus locuta es. Iob. 2.

Petitio matris filiorum Zebedei non fuit a Domi-  
no approbata, quando dixit: Dic vt sedeant hi duo fi-  
lij mei, &c. Matt. 21.

Multa verba rudia, & simplicia dixit Domino mul-  
lier Samaritana, antequam impingeret in veritatem.  
Ioan. 4.

#### De mulierum ornatu superfluo. Cap. CXXX.

**T** Hamar nurus Iudæ filij Iacob volens socerum,  
allicere, vt ex illo cõciperet, depositis viduitatis  
vestibus ornauit se, & assumpsit theristrum. Gen. 38.

Audito aduentu Iehu, qui occiderat Ioram regem  
Israel; Iezabel depinxit oculos suos stibio, & orna-  
uit caput suum. 4. Reg. 9.

Testatur Iudith, quod ornamenta quæ assumpsit,  
deceperunt Holofernem. Iud. 16. Induit se vestimen-  
to lætitiæ, vnxit faciem suam vnguento, colligauit  
cinnos suos mitra ad decipiendum illum, &c.

De Ester legitur, quod quando debuit ad regem in-  
trare, non quæsiuit muliebrem cultum, sicut faciunt  
aliæ mulieres. Est. 2.

Comminando dicitur Isa. 3. Auferet Dominus or-  
namētum calceamentorum, & lunulas, & torques, &  
monilia, & armillas, & mitras, & discriminalia. &  
multa alia ponuntur ibi.

Reprehenibilem habitum malæ mulieris descri-  
bit Salomon. Prou. 7. Considero vecordem iuue-  
nem, occurrit illi mulier ornatu meretricio preparata  
ad capiendas animas, garrula, & vaga, quietis impa-  
tiens, &c.

Non mouetur sine causa sapiens, qui ait Eccles. 9.  
Auerte faciem tuam a muliere compra; mulier enim  
compra, & ornata magis incitat ad peccatum.

Mulieri non sit extrinsecus capillatura, aut circum-  
datio auri, aut vestimentorum cultus. 1. Pe. 3.

#### De morte in generali. Cap. CXXXI.

**Q** Via vera est sentētia Dei, quia dixit homini. Gen.  
3. In quocunque die comederis, ex eo morte  
morieris, planum est quod statim post peccatum ho-  
mo moritur. Vnde homo viuens quasi continue mo-  
ritur secundum August. 14. de ciuitate Dei.

Cum tot annis vixerint homines ante diluuium,

tamen signanter dicit scriptura post descriptionem  
vitæ eorum, & mortuus est. Gen. 5.

Si patres antiqui mortem timebant, & longam vi-  
tam optabant, non erat mirum; nam ipsi non poterāt  
adhuc in cælum ascēdere, nec diuina perfrui visione,  
donec Saluator aduenit, qui aperuit ianuas paradisi,  
vnde sanctus Lot admonitus ab Angelo, vt saluum  
faceret se in monte; timuit illo ire, ne forte apprehen-  
deret illum malum, & moreretur ibi. Gen. 19.

Etiam mali optant bene mori. Num. 23. Moriatur  
anima mea morte iustorum, dixit Balaam.

Quamuis Moyse vellet obedire imperio Domini,  
qui noluit eum transire Iordanem, tamen satis vide-  
tur, quod libenter plus vixisset, si Dominus voluisset.  
Deut. 4. Iratus est Dominus contra me, &c. Ecce mor-  
rior in hac humo, non transibo Iordanem.

Magna pars mercedis de custodia Mosaicæ legis in  
longa vita consistere videbatur. Deut. 22. Ponite cor-  
da vestra in omnia verba quæ testificor vobis, quæ fa-  
cientes longo perseverabitis tēpore in terra ad quam  
ingredimini possidendam.

Maluerunt Zebee & Salmana occidi manu Gedeo-  
nis strenui viri, quàm manu Iether iuuenis filij sui.  
Iud. 8. Noluit David flere pro mortuo filio, qui fle-  
uerat pro infirmo. 2. Reg. 12.

Cum federet Elias subter vnam iuniperum petiuit  
animæ suæ, vt moreretur, & ait: Sufficit mihi Domi-  
ne, tolle animam meam, &c. 3. Reg. 19.

Ezechias rex Iuda ambulauit coram Deo in verita-  
te, & fuit valde bonus; tamen quando nunciātū fuit ei  
per Isaïam, quod mori deberet, orauit Dominū fletu  
magno, vt adhuc vitam eius prolongaret, &c. Isa. 39.

Tobias audita prouocantis vxoris responsione in-  
gemuit, & cœpit orare dicens: Iustus es Domine, &c.  
præcipe in pace recipi spiritum meum. expedit enim  
mihi mori magis quàm viuere. Tob. 3. postea sequi-  
tur in capitulo 4. cum putabat orationē suam exaudi-  
ri, vt mori potuisset, vocauit filium suum, &c.

Sara filia Raguelis accepta ab vna de ancillis graui  
contumelia orauit Dominum, & dixit inter cetera.  
Peto Domine, vt de vinculo improprij huius absol-  
uas me, aut certe desuper terram eripias me. Tob. 3.

Coram rege Sedecia prostrauit Ieremias preces  
suas, ne remitteret eum in carcerem, in quo prius fue-  
rat, ne moreretur ibi. Iere. 37.

Per mortem crucis, quæ Saluator voluit sustinere,  
ostendit manifeste, quod non solum mors, sed etiam  
quodcumque genus mortis ab homine iusto pro di-  
uina obedientia, & iustitia prompte debebat sustineri.

Ante aduentum Spiritus sancti nimis timuerunt  
mortem Apostoli, qui comprehenso Domino omnes  
eum reliquerunt, & fugerunt. Matt. 26. Postquam  
vero fuerunt virtute ex alto roborati, & induti, corā  
principibus, & tyrannis fiducialiter loquebantur. in  
Act. quasi per totum.

Parum timebat, immo non timebat mortem Pau-  
lus qui dicebat, Non solum alligari, sed etiam mori in  
Hierusalem paratus sum propter nomen Domini Ie-  
su Christi, &c. Act. 21.

Item si nocui Iudæis, aut dignum morte aliquid fe-  
ci, non recuso mori. Act. 25.

Advertere est autem, quia cū plerumque insidias  
deuitans Iudæorum de ciuitate in ciuitatem fugiebat  
non timore mortis hoc faciebat, sed quia furori malo-  
rum cedens pluribus se viuum etiam reseruabat.

#### De sepulchris. Cap. CXXXII.

**C** Vm magna diligentia emit Abraham agrum, in  
quo vxorem mortuam sepeliuit. Gen. 23.

Noluit Iacob sepeliri cum malis hominibus in Ae-  
gypto, sed adiurauit Ioseph, vt cum mortuum ad pa-  
trum suorum sepulchra deferret. Gen. 47.

Hoc ipsum repetijt post benedictionem filiorum  
suorum

suorum instante morte sua, quod Ioseph sollicitus impleuit. Gen. 49. & 50. Exiens Moyses de Aegypto tulit ossa Ioseph secum. Exo. 13.

Commédauit Dauid multum viros Iabes Galaad, eo quod cadauera Saul, & filiorum eius reuerenter tradiderant sepulturæ. 1. Reg. 31. & 2. Reg. 1.

Pœna viri Dei, qui panem contra diuinum mandatum in domo mali Prophetæ comedit, fuit vna, quod non fuit sepultus in sepulchro patrū suorū. 2. Reg. 13. Iehu rex Israel, qui fecerat occidi Iezabel, fecit eam sepeliri, eo quod ipsa fuerat filia regis. 4. Reg. 9.

Commendatur Tobias de hoc, quod periculo vitæ suæ corpora occisorum rapiebat, & sepulturam eis sollicitus exhibebat. Tob. 1. & 2.

Prima admonitio inter illas salubres, quas fecit Tobias filio suo, fuit de sua, & vxoris suæ sollicita sepultura. Tob. 4.

Iudæi accusatores impij Menelai fuerunt per iudicium iniquum morte cōdemnati, erga quorum sepulturam Tyrij liberalissimi extiterunt. 2. Mac. 4.

Post prælium contra Gorgiam commissum venit Iudas Machabæus, vt corpora prostratorum tolleretur, & cum parentibus sepeliret. 2. Mac. 12.

Discipuli beati Ioannis Baptiste audito quod decolatus erat ab Herode, venerūt, & tulerūt corpus eius, & sepelierunt illud. Matt. 14. Mar. 6.

Apparet Dominum Iesum Christum de sua sepultura curasse, per hoc quod respondit Iudæi murmuranti de vnguento, quod secundum eum vāundari debuisset. Sine, inquit, illam, vt in diem sepulturæ meæ seruet illud. Ioan. 12.

Sepultus fuit Dominus per Ioseph, & Nicodemū in sepulchro nouo exciso in petra, in quo nōdū quiescit positus fuerat. Matt. 27. Mar. 15. Luc. 23. Io. 19.

Curauerunt viri timorati Stephanum a Iudæis lapidatum sepelire, & fecerunt planctum magnum super eum. Act. 8.

*De horrenda morte malorum. Cap. CXXXIII.*

**C**ain qui occidit Abel fratrem suum, occisus est a Lamech. Gen. 4.

Dominus pluit super Sodomā, & Gomorrhā sulphur, & ignem de cælo, & subuertit quinque ciuitates detestabili peccato furētes, & omnem circa regionem. Gen. 19.

Sichem filius Hemor, qui oppressit Dinam filiam Iacob, interfectus fuit a filijs Iacob, & omnes masculi ciuitatis. Gen. 34.

Aquæ maris rubri operuerūt currus, & equites cū exercitus Pharaonis, nec vnus quidem remansit. Exo. 14. & quidē satis iuste, vt cuius cor non potuit, dum viueret emolliri, corpus eius in aqua totaliter mergeretur.

Nadab, & Abiu filij Aaron offerentes ignem alienum coram Domino, deuorati sunt ab igne Domini, & mortui. Leuit. 10.

Præcepto Domini filij Israel eduxerunt blasphemum extra castra, ac lapidibus oppræsserunt. Leu. 24.

Chore, & Datan, & Abiron, & eorum complices Moyse rebellantes descenderunt in infernum operi humo. Num. 16.

Alij etiam murmurantes, & diuersa committentes peccata varijs moribus interierunt in deserto, ita quod de sexcentis millibus hominum pugnatorum, duo tantum terram promissionis intrauerunt.

Quoniam Achab tulit de anathemate Iericho furtiue, lapidauit eum omnis Israel, & cuncta quæ illius erant igne consumpta fuerunt. Ioan. 7.

Comprehenderunt filij Israel Adonibezec cæsis summitatibus manuum eius, ac pedum, vt ita fecerat ipse septuaginta regibus, adduxeruntque eum in Hierusalem, & ibi mortuus est. Iud. 1.

Tulit Iabel vxor Haber Cinæi clauū tabernaculi, & defixit in cerebrū Sisaræ, qui soporem morti socians

defecit, & mortuus est. Iud. 4.

Si Zebec, & Salmana seruassent fratres Gedeonis, pepercisset eis Gedeon, & quia eos occiderunt, & ipsi a Gedeone occisi fuerunt. Iudic. 8.

Vna mulier iaciens super caput Abimelech fragmē mole, confregit cerebrum eius, qui vocauit armigerum suum, & iussit se ab eo interfici, & reddidit ei Dominus malum, quod fecerat interficiens septuaginta fratres suos. Iud. 9.

Cum audisset Heli arcam Domini esse captam, cecidit de sella retrorsum iuxta ostium, & fractis ceruicibus mortuus est. 1. Reg. 4.

Superbum Goliath, & Blasphemum, Dauid puer inermis nō habens vsum armorum gladio illius proprio interfecit. 1. Reg. 17.

Saul qui tam inique inuidia motus persecutus fuerat Dauid, tādē arripiens gladium & irruens super eum, mortuus est. 1. Reg. 31.

Adolescens qui dixit se Saul occidisse, iubente Dauid occisus est, cui putabat prospera nūciare. 2. Reg. 1.

Simile accidit duobus latronibus, qui caput Isboeth filij Saul tulerunt ad Dauid. 2. Reg. 4.

Primogenitus Dauid Amnō oppressit sororem suā Thamar, & paulopost occisus est iubente Absalom, fratre suo, cum comederet cum eo. 2. Reg. 13.

Videns Achitophel, quod non fuisset factum consilium suum, quod dederat contra Dauid, abiit in domum suam, & suspendio interijt. 2. Reg. 17.

Libidine dominandi Absalom multum afflixit patrem suum Dauid, sed antequam assecutus esset propositum, suspensus fuit inter cælum, & terrā. 2. Reg. 18. Seba filius Bochri cōcitauit populum contra Dauid, & fugiens in Abelam ciuitatem, vbi putabat habere refugium, & auxiliū, & decapitatus fuit ibidē. 2. Reg. 20.

Quamuis Ioab fuit miles strenuus & fidelis; quia tamen occidit duos milites proditiose, iussus est occidi moriente Dauid. 3. Reg. 2.

Regi Israel pessimo Ela rebellauit Zambri, & occidit eum, qui post septem dies ingressus est regium palatium, & succendit se cum ipsa domo. 3. Reg. 16.

Vulneratus Achab in bello mortuus est vespere, & linxerunt canes sanguinē eius in eodem loco, in quo linxerant sanguinem Naboth, qui dissimulante ipso Achab cum emendare deberet, & posset, fuerat lapidatus. 3. Reg. 22.

Cum ascenderet Eliseus in ciuitatē Bethel, quidam pueri male eruditi illudebant ei, egressique sunt duo vrsi, & lacerauerunt ex eis quadraginta duos pueros. 4. Reg. 2.

Vnus de ducibus qui erat cum rege Israel noluit credere verbis Elisei futuram abundantiam prædicantis, in crastino vero conculcauit eum turba hominum ad spolia currentium, & mortuus est. 4. Reg. 7.

Benadab rex Syriæ, qui multa mala intulit filiis Israel, fuit demū ab Hazael seruo suo iugulatus. 4. Re. 8.

Videns Iehu impiam Iezabel, quæ multorum fuerat causa malorum, iussit eam præcipitari deorsum, & fuit ita equorum vngulis cōculcata, quod licet fuerit filia regis, non fuit tradita sepulturæ. 4. Reg. 9.

Athalia mater Ochoziæ interfecit omne semen regium, vt posset regnare super populum, & postmodum turpiter interfecta fuit iussu Ioiadæ sacerdotis. 4. Reg. 11.

Rex Iuda malus, & ingratus Ioas, qui fecit Zachariam filium Ioiadæ pontificis crudeliter lapidari, postea occisus est a seruis suis. 4. Reg. 12.

Sennacherib rex Assyriorum superbissimus, & in Deum cæli blasphemus, postquam de terra Iuda cōfusus aufugit, a filiis suis occisus fuit. 4. Reg. 19.

Sedecias rex Iuda malus apud Deum, & homines, comprehensus est fugiēs, ante cuius oculos rex Babylonis proprios filios fecit occidi; deinde exoculatus in Babylonē fuit ductus, & ibidem miserabiliter mortuus. 4. Reg. vlt.

Multas



Multas terras cepit, & destruxit Holofernes, tandē dormiens inebriatus per manum mulieris decapitatus fuit. Iud. 13.

Superbissimus Amā, qui faciebat se ab hominibus adorari, suspensus est in patibulo, quod ipse parauerat Mardochæo. Est. 7.

Balthasar rex Babylonis non est correctus per exemplū Nabuchodonosor patris sui, qui ante eum fuit mutatus in bestia, & cum esset in conuiuio, vidit scripturā Mane, Thecelphares, & eadē nocte interfectus est, & regnū eius ad Medos & Persas trāslatū. Dan. 5.

Accusatores Danielis iubente Dario rege missi sunt in lacum leonum, & a leonibus deuorati. Dan. 6. Simile accidit. Dan. 14.

Postquam Alexander rex decedit in lectum, dicitur quod cognouit, quia moreretur, quasi antea mortis memoriam, seu notitiam non haberet. 1. Mac. 1.

Percussus fuit Alcimus proditor, & dissolutus fuit paralyti, nec ultra potuit loqui, & mandare de domo sua, & mortuus est cum tormento magno. 1. Mac. 9.

Contristatus est rex Antiochus de hoc, quod Andronicus iniuste occiderat Oniam summum sacerdotem, & iussit Andronicū occidi in eodem loco, in quo in Oniam impietatem commiserat. 2. Mac. 4.

Multis sacrilegijs a Lyfimacho cōmissis in templo, congregata est multitudo aduersus eum, & ipsum secus ararium interfecerunt. 2. Mac. 4.

Iason impius, qui propriū fratrē Oniam captiuauerat, & multos de patria sua expulerat, peregre perijt, & insepultus, & illamentatus abiectus fuit. 2. Mac. 5.

Antiochus qui multorum torserat viscera, passus dirum dolorem viscerum miserabili obitu peregre in montibus vita defunctus est. 2. Mac. 9.

Menelaus qui malitiose obtinuit modico tempore principatum, de alta turri fuit præcipitatus in cinerem inferius congestum. 2. Mac. 13.

Homo ille diues cuius ager vberes fructus attulit, cum cogitaret destruere horrea sua, & facere maiora, plus credebatur habere de vita; ait autem illi Dominus, Stulte hac nocte, &c. Luc. 12.

Terribile est valde illud exemplū de diuite famoso Epulone, qui mortuus est, & sepultus in infetno, &c. Luc. 16.

Herodes sedens pro tribunali, & vestitus veste regali concionabatur ad populum; populus autem acclamabat, Dei voces, & non hominis; confestim autē percussit eū Angelus Domini, eo quod nō dedisset honore Deo, & cōsumptus a vermibus expirauit. Act. 12.

*De pretiosa morte iustorum. Cap. CXXXIV.*

**C**um essent in agro Cain & Abel, consurrexit Cain aduersus Abel fratrē suū, & interfecit eū. Gen. 4. rationem autem tangit Ioannes dicens, Quoniam opera ipsius Abel erant iusta. 1. Io. 3.

Ambulauit Henoc cum Deo, & non apparuit, quia tulit eum Deus. Gen. 5.

Mortuus est Abrahā in senectute bona, prouectusque ætatis, & plenus dierū, congregatusque est ad populum suum. Gen. 25.

Completi sunt dies Isaac centum octuaginta annorum, consumptusque ætate mortuus est, & appositus est populo suo senex, & plenus annorum. Gen. 35.

Iacob finitis mandatis, quibus filios instruebat, col legit pedes suos super lectulum suum, & obiit, & appositus est ad populum suum. Gen. 49.

Cum adiurasset Ioseph fratres suos, atque dixisset: Deus visitabit vos, asportate vobiscum ossa mea de loco isto, mortuus est, &c. Gen. 50.

**A** Ascenderunt Moyse, & Aaron iuxta mandatum Domini in montem Hor, coram omni multitudine, cumque Aaron expoliasset se vestibus suis, induit eis Eleazarum, & mortuus est ibi Aaron. Num. 20.

Moyse seruus Domini mortuus est in terra Moab iubente Domino, & sepeliuit eum Dominus, sed non cognouit homo sepulchrum eius vsque in præsentem diem. Deut. 34.

Dauid post instructionem filij sui Salomonis, & orationem, quam fecit ad Dominum pro eo, & toto populo, mortuus est in senectute bona, plenus dierum diuitijs, & gloria. 1. Paral. 29.

**B** Cum pergerent simul Elias, & Eliseus, ecce currus igneus, & equi ignei diuiserunt vtrumque, & ascendit Elias per turbinem in cælum. 4. Reg. 2.

Spiritus Domini induit Zachariam filium Ioiadæ, & dixit populo: Quare transgredimini præceptum Domini, quod vobis non proderit. Qui cōgregati aduersus eum miserunt lapides iuxta regis imperium, & sic interfectus est. 2. Paral. 24.

Tobias in hora mortis suæ, vocauit Tobiam filium suū, & septem iuuenes nepotes suos, dixitque eis, prope est Ninive interitus, &c. Tob. 14. Et de Tobia filio eius, dicitur paulo post, Completis annis nonaginta nouem in timore Domini, cum gaudio sepelierunt eum omnis cognatio eius.

Vixit Iob post flagella centum quadraginta annis, & vidit filios filiorum vsque ad quartam generationē & mortuus est senex, & plenus dierum. Iob. 42.

Noluit Dauid flere pro filio innocēte mortuo, qui fleuerat pro infirmo; sed multum fleuit pro parricida suspensio. 2. Reg. 12. & 18.

**C** Post instructionem, & confortationem filiorum, Mathathias benedixit eos, & de unctus appositus est ad patres suos. 1. Mac. 2.

Videns Iudas Machabæus multitudinē hostium, & paucitatē suorū ait: Si propinquauerit tēpus nostrū, moriamur in virtute propter fratres nostros. 1. Mac. 6.

Eleazarus propter multa tormenta sibi illata, vitam decessit vniuersæ genti memoriam mortis suæ ad exemplum virtutis, & fortitudinis derelinquens. 2. Mac. 6.

Septem illi fratres cum pia matre sua finem miro modo laudabiliter fecerunt. Et possunt ibi multa notari virtutis exempla. 2. Mac. 7.

**E** Pro veritate & maritali honestate Io. Baptista decollatus fuit ab Herode Tetrarcha. Matt. 14. Marc. 6.

De illo famoso paupere Lazaro scriptum est. Luc. 6. Factum est vt moreretur mendicus, & portaretur ab Angelis in sinum Abrahæ, &c.

Qualitercumque vixerit ille Latro, cui pendenti dixit Christus: Hodie mecum eris in paradiso, feliciter mortuus est. Luc. 23.

**F** Dum lapidaretur beatus Stephanus inuocabat Dominum, & dicebat: Domine Iesu accipe spiritum meum. Positis autem genibus exclamauit voce magna dicens: Domine ne statuas illis hoc peccatum, & cū hoc dixisset, obdormiuit in Domino. Act. 7. Cui mortem nostram facit similem Redemptor, & Saluator noster Dominus Iesus Christus, qui secundum Augustinum 4. de Trinitate per vnā simplicem mortem suam, nostram destruxit duplam. Qui (vt ait idem Augustinus de ciuitate Dei) tantam fidei contulit gratiam, vt mors, quam vitæ constat esse contrariam, instrumentum fieret, quo transiretur ad vitam. Quā nobis cōcedat ipse verus auctor salutis æternæ, qui est via, veritas, & vita, qui vitæ & mortis habet imperiū. Qui cū Patre & Spiritu sancto viuunt, & regnat Deus, per omnia sæcula sæculorum. Amen.

*Animaduertas, Lector, præcedens opusculum a Sixto Senensi lib. 4. sua bibliotheca Nicolao Anapo inscribi, qui ex ordine Prædicatorum Patriarcha fuit Hierosolymitanus, & sub Sigismundo claruit ad ann. Domini 1430. Id quod fortasse Sixtus fecit, quod in recentioribus quibusdam editionibus, huic auctori tribuere. Sed moti sumus rationibus in argumento supra propositis, ut eius auctorem S. Bonauenturam exillimemus. quod si ea te minus in hanc sententiam pertrahunt, poteris in appendicem, qua huic tomo septimo adiecta est, hoc opusculum referre cum reliquis, de quibus, an auctor Bonauentura fuerit, dubitatur.*

S. BONA-

# S. BONAVENTURAE

## EXIMII ECCLESIAE DOCTORIS

### Opusculum, CUI TITVLVS EST ALPHABETVM RELIGIOSORVM.

*Lectionibus quibusdam breuibus iuxta ordinem Alphabeti digestis Religiosos instituit S. Bonaventura, ideoque tractatus iste Alphabetum Religiosorum inscribitur, cuius breuitas cum summa vtilitate coniuncta ad vitam secundum Deum instituendam plurimum valet. Quod autem huic proximum est opusculum carminibus a litteris Alphabeti incipientibus dispositum in gratiam iudum Religiosorum incipientium idem Auctor composuit, ut titulus ipse praefert.*

*Psal. 24. b*

*Leclio 1.*

*Lecl. 2.*

*Lecl. 3.*

*Lecl. 4.*

*Lecl. 5.*

*Lecl. 6.*

*Lecl. 7.*

*Lecl. 8.*

*Lecl. 9.*

*Lecl. 10.*

*Lecl. 11.*

*Lecl. 12.*

*Lecl. 13.*

*Lecl. 14.*



**V** I A s tuas Domine demonstra mihi, & semitas tuas edoce me. Obsecro te Deus meus, doce me vias bonae vitae pro salute animae meae. Ama nesciri, & pro nihilo reputari hoc tibi salubrius est, & vtilius, quam laudari ab hominibus.

Beneuolus sis omnibus bonis, & malis, & nulli onerosus.

Custodi cor tuum ab euagatione, os tuum ab otiosa locutione, & ceteros sensus sub rigore disciplinae.

Dilige solitudinem & silentium, & inuenies quietem magnam, & conscientiam bonam. Vbi enim multitudo, ibi frequentes strepitus, & magna distractio cordis.

Elige paupertatem, & simplicitatem, & cum paucis sis contentus, & non facile murmurabis.

Fuge hominem, & saeculi rumores: quia non potes esse satis Deo, & hominibus, aeternis, & transitorijs.

Gratias age Deo semper, corde & ore, qualitercumque tibi succedit in grauiamine & dolore. Nam Deus omnia prouide dispensat in mundo, vero & recto iudicio ab aeterno.

Humilia te in omnibus, & sub omnibus, & inuenies gratiam ab hominibus, eris quoque Deo acceptus, & hominibus dilectus, & diabolus fugiet citius, propter humilitatis virtutem sibi valde contrariam.

In omni opere bono habeas intentionem puram, ad placendum Deo, qui inspector est cordis, & diligit iustos & puros.

Karissimos reputa amicos, & patronos, qui te premunt, & vituperant: si enim recte sapis, & consideras, lucrum inde acquies, nam profunt tibi in bono, qui obsunt in malo.

Labore, & dolore cum gemitu, & fletu acquiritur regnum Dei, delictijs, & honoribus perditur paradisi.

Magnum donum Dei est, pauperem esse in hoc mundo propter Christum, & infimum tenere locum. Magna superbia altum petere gradum. ad alta semper diabolus suadet, honores ambire, fugere despectum, ut cadat ascensor eius retrorsum, cum ad breue dominatus fuerit pauperum. Minima dona per magna reputa, eris & dignus maiora accipere.

Neminem spernas, nulli noceas, afflictio, & egeno condoleas, & numquam te extollas.

Omne tempus cum Deo vtiliter expendas. nihil enim pretiosius tempore, in quo promereri potes re-

gnum Dei in perpetuum. Omnibus quoque te amabilem, benignum, & affabilem sine dissolutione exhibeas. Omnia bona ad laudem Dei referas, & sine consilio & deliberatione nihil facias.

Primo semper quare in opere tuo an Deo placeat, vel displiceat. nec timore, nec amore age contra conscientiam tuam. In dubijs ad Scripturam, & obedientiam praelati tui recurre, nec tibi ipsi nimis confide. Prius disce tacere, quam loqui, potiusque velis instrui, quam docere. Tutius enim est velle latere, quam apparere.

Quaecumque ad te non pertinent, de his non iudices, nec te intromittas, ut semper pacem habeas. Qui communia sectatur, & singularia vitat, magis diligitur, & citius ad bonum finem perueniet. Qui tempestiue facit quod debet, laetior postea erit.

Reuertere ad interiora cordis tui, & claude ostia oris tui, ne vagari incipias per varia desideria mundi consilio diaboli. Nocent mala audita, tentant pulchra visa, turbant illata vituperia. Recede ergo ab omni iracundo, indocto, dissoluto, & mane in silentio cum Deo.

Sobrius esto in victu, modestus in vestitu, prouidus in verbis, honestus in moribus, maturus in consilio, fortis in aduersis, humilis in opprobrijs, & humilis in prosperis, gratus in beneficijs, hilaris in despectibus, patiens in doloribus, discretus in omnibus agendis.

Time Deum offendere in minimis negligentijs, & defectibus tuis. Noli praesumere in bonis, nec desperare in aduersis. Timor Dei facit recedere a peccato, & sollicitat in bono opere, ut bonum bene fiat. Totum te Deo committe, & quod tibi est graue, fiet cito portabile. Pax tua in patientia multa. Leuise est omnis tribulatio pro vita aeterna.

Vende Deo omnia commoda tua, & dabit tibi solatia meliora, gratia adueniente in vna hora. Nemo ditior, nemo liberior eo, qui se ad omnia Deo dat, & Christum amando emit, qui mundum cruce redemit.

Christus sit vira tua, lectio tua, meditatio tua, locutio tua. Ipse desiderium tuum, lucrum tuum, tota spes tua, & merces tua. Si aliud quæris quam pure Deum, damnum patieris, laborabis, & requiem non inuenies.

Ymnos & psalmos canere, monachorum est, & clericorum, quibus congaudent Angelorum chori, laudantes Deum iugiter in regno calorum. Seruire carni mors, cibus vermium, nidus daemonum, vita peccatorum, fomes morborum, corruptio corporum, inquit.

inquinatio morum, perditio bonorum, acquisitio multorum malorum & dolorum. Servire Deo, beatitudo animæ, sanitas corporis, prudentia spiritus, vita cælestis. dulces hymnos Deo cantat, qui in tribulatione sua Deum semper laudat. Initium & finis omnis boni religiosi, Deum corde amare, ore laudare, & fratrem suum exemplo ædificare.

Leit. 23.

Zachæ frater descende de altitudine secularis scientiæ, veni & discite in schola Dei viam humilitatis, & mansuetudinis, & patientiæ, & per quam possis Christo docente ad æternæ beatitudinis gloriam secure pervenire. Amen.

Conclusio.

Scribe monache Alphabetum istud in corde tuo, quasi in libro vitæ, & per singulos dies chartulam tuam inspice, & bonos mores assuesce, pauca sunt verba, sed magna sunt mysteria & perfectorum opera. Ornant exterius, & quietant interius. A contemptu & sui ipsius abnegatione incipit vita boni religiosi monachi, & proficit usque ad contemplationem Dei.



A EIVSDEM S. BONAVENTURÆ,

*Alphabetum Religiosorum incipientium.*



MA paupertatē, sis vilibus contentus, Bonis semper actibus iugiter intētus. Caue multiloquium, studeas silere, Deū omni tēpore præ oculis habere. Esuriem amplectere, gulā refrenādo, Fratrumq. conuiuia segniter secūdo.

Gaudere cum gaudentibus, cum flentibus plorare, Humilibus consentiens maiores honorare. In omnibus obediens, Prælatoq. parebis, Karitatem insuper cum omnibus tenebis. Lumbos stringe lubricos Domini timore, Mundans cordis oculum casto cum pudore. Nihil seruans proprium, nudum sequens Christum, Onus leue sufferens, mundum vincens istum, Passum Christum recole corde gemebundo. Quærens Dei gloriam nil aliud in mundo Resistendo vitijs, orando feruenter, Sacramentum sumere debes reuerenter. Tu motum mentis comprime, iram mitigando, Vanaq. colloquia sollicitate vitando. Christo frui cupiens, cellam frequentabis, Yesum super omnia sic dulciter amabis. Zelo Dei feruens charitatis igne. Et in te peccantibus ignoscas benigne. Non nomen sed factū, nō verbū sed adiectū, facis beatū.

## S. BONAVENTURÆ EXIMII ECCLESIAE DOCTORIS

### Collationes octo.

*Hæ Collationes, ut in impressis hactenus Opusculis fertur a S. Bonaventura habite sunt in conventu Tolosano, quibus ad virtutes religiosorum statui maxime convenientes, fratres suos exhortatur.*

*De verbi incarnatione. Coll. 1.*

Luc. 2. b



VIDE anima mea innouata, mirabilia veritatis. Hæc omnia videre possumus, quæ fecit iunctura confederans Deum & hominem in verbo, quod factum est, quod fecit Deus, & ostendit nobis. Primo vis videre æternitatem nouam: quia qui Filius Dei est æternaliter, caro factus est temporaliter. Vide anima mea, non poterat te redimere, nisi haberet pretium, nec debebat secundum legem, nisi esset propinquus. Homo propinquus erat, sed pretium non habebat. Deus pretium habebat, sed propinquus non erat. Non debebat nisi homo, non poterat nisi Deus. Factus est ergo Deus homo propinquus, & factus est noster Iesus vir pretiosior auro, & homo mundo obrizo, ut dicit Isaias: Sacculum pecuniæ tulit secum: quia Deus homo in carne apparuit, & Verbum in carne quasi pecuniam in sacco abscondit, & hominem reum redemit.

Isa. 13. b

Rom. 9. f

Secundo admittit immensitas breuitatem, quia Verbum abbreviatum fecit Dominus super terram. Verbum, inquam, diuinitate immensum, est positione præsepj abbreviatum. Vide anima mea, dulcia mirabilia & omnino tibi necessaria. Tua necessitas S. Bon. Tom. 7. Pars iiij.

A non minus, quàm Dei Filio supplebatur, sed tua possibilitas non capiebat immensum, & maior erat necessitas, quàm capacitas. Propter quod mirabilis dispensatio consilij charitatis diuinæ prouidit, ut scilicet daret nobis Filium quo indigebamus, & paruulum quem capere poteramus. Ideoq. paruulus natus est nobis, & filius datus est nobis.

Isa. 9. b

Tertio admittit pulchritudo obscuritatem; quia quidquid iucunditatis habeo, si non possum videre, tam immensæ charitatis donum, quid mihi prodest? Vnde in nostro Iesu aperta est illa facies, in quam desiderant Angeli prospicere, sacco mortalitatis nostræ; ut non solum visibilem cerneremus inuisibili specie, sed nobis similem amaremus in nostra carne. Vnde in Apocalypsi dicitur: Factus est sol sicut saccus cilicinus. Sol iustitiæ Christus Deus noster, qui secundum Apostolum est splendor gloriæ, & figura substantiæ Patris. Speciosior plane sole, super omnem dispositionem stellarum luci comparatus inuenitur prior, & tamen propter nos factus est quasi saccus cilicinus propter asperitatem.

1. Pet. 1. c

Apoc. 6. d

Heb. 1. a

Sap. 7. d

Quarto, admittit celsitudo abiectionem, imperium seruitutem, quando non ad me, sed infra me descendit, quando hodie iacuit ad pedes animalium ille, cuius gloriosi pedes vix erant accessibiles altissimis Angelorum. Ecce ipse benedictus Deus omnia fecit ex parte sua, ut eum habeamus, sit homo; ut ei

B b b attineam;

attineam; sit parvus ut eum accipiam, sit visibilis, ut A eum agnoscam; sit humilis, ut eum attingam.

Quinto, fortitudo admisit infirmitatem, sapientia simplicitatem. Ego sum reus, & coram eius sapientia venire erubescō. Ego aduersarius, & ideo ab eius potentia contremisco. Commissa mea, inquit, pauesco, & ante te erubescō. Ideo mira Dei benignitas, quæ semper magnificauit benefacere nobis, suam abscondit sapientiam in simplicitate, ne erubescam comparere; fortitudinem in infirmitate, ne pertimescam accedere. Ipse enim est, qui portat omnia verbo virtutis suæ. Ipsum, inquam, tale verbum factum est caro, & non solum homo passibilis, sed etiam in B paruulitate mihi similis, & carne mortalis.

Heb. 1. a

Isa. 53. e

1. Pet. 2. d

1. Ioan. 3. a

Sexto iustitia subiit reatū, quia ne dicas quid proderit accedere, nec negotium meum contingat complere? Hæc autem est mea necessitas, quia conceptus sum in omni malo, & priuatus omni bono propter culpam meam & debitam pœnam, & indigeo a malo releuari, & in omni bono restitui. Et ideo stupendo consilio iustitia subiit reatum, ut iustificemur a malo, opulentia defectum, ut locupletemur in bono. Eum enim qui non nouerat omnino peccatum, scilicet innocentem Iesum, qui peccatum non fecit, nec inuentus est dolus in ore eius, fecit Deus peccatum pro nobis, id est peccati nostri reatum sibi imposuit. Dominus posuit in eo iniquitates omnium nostrorum, ut efficeremur iustitia Dei in illo. O vere felicem necessitatem, quia ex quo Deus homo Iesus nostrum reatum assumpsit soluendum, vel necesse fuit Deum odire seipsum, quod est impossibile, vel reconciliari hominem reum, quod quidem est Deo acceptabile, & ab ipso intentum.

2. Cor. 8. b

Septimo subiit opulentia egestatem, ut locupletemur in regno. Scitis gratiā Domini nostri Iesu Christi, quoniam cum esset diues, propter nos egenus factus est, ut illius inopia diuites essemus. O quantum deberemus esse locupletati, quibus Deus tantum dedit, quod nudus & pauper remansit. Vide felicem necessitatem, in qua se posuit pro nobis, amore nostro ebrius benedictus Iesus, quia necesse est hominem restitui in regnum, vel Iesum regem a regno exulare, postquam ipse nostram assumpsit inopiam, & simul in vnum conueniunt diues & pauper. Sic ergo anima mea tuus Iesus Deus æternus assumpsit nouitatem, ut ei attineas, immensus breuitatem, ut eum accipias, pulchritudo obscuritatem, ut eum attingas, sapientissimus simplicitatem, ne erubescas, fortissimus infirmitatem, ne contremiscas, iustissimus reatum, ut iustificeris a malo, opulentissimus defectum, ut locupleteris in bono. Hæc Vbertinus.

Bern. ser.

1. in Euāg.

Dominica

1. post octa.

Epiph. cir.

fin.

b Ser. 2. in

Annūciat.

Dom. post

med.

c Ser. quo-

modo volū-

tas nostra.

voluntati

Dei tripli-

citor subi-

ei debet cir.

fin.

d Ser. 23. in

Cant. post

med.

e Ser. 34. in

Cant. post

med.

De timore Domini. Collat. II.

Aqua sapientie salutaris fons vitæ, & initium sapientie timor Domini est, ait Bernardus: Op-  
time refrigerans animam, in omnibus noxijs deside-  
rijs estuante, iacula inimici potes extinguere. In om-  
nibus, & per omnia pietati proximorum timor Do-  
mini præferendus est. Qui timorem Domini sem-  
per habet præ oculis, viz eius pulchræ, & omnes se-  
mitæ eius pacificæ. Stat propositum Dei, stat sen-  
tentia pacis super timentes eum, ipsorum & dissimu-  
lans mala, & remunerans bona. Ut miro modo eis  
bona, & mala cooperentur in bonum. In veritate  
didici, nil tam efficax ad gratiam promerendam, re-  
tinendam, & recuperandam, quam si omni tempo-  
re coram Deo inueniaris non altum sapere, sed ti-  
mere. Beatus es, si cor tuum triplici timore repleue-  
ris, ut timeas quidem pro accepta gratia, longe am-  
plius pro amissa, longe plus pro recuperata. Time er-  
go cum arripserit gratia, time cum abierit, time cum  
dequo reuertitur. Cum adest time, ne indigne ope-  
reris ex ea. Si recesserit multo magis timendum, quia

ubi tibi deficit gratia, ibi deficiis & tu. Time ergo subtrahat gratia, tamquam mox casurus. Time quia reliquit te custodia tua. Pro omni tempore time Deum, & ex omni corde tuo. Tunc demum si plene, si perfecte timueris, dabit tibi saporem charitatis.

De obedientia. Collat. III.

U T igitur obedientia religiosi Deo sit acceptabilis, ideo debet esse prompta sine dilatione, deuota sine designatione, voluntaria sine contradictione, simplex sine discussione, perseverans sine cessatione, ordinata sine deuiatione, iucunda sine turbatione, strenua sine pusillanimitate, & vniuersalis sine exceptione. Qualiter nos audimus nostros superiores, taliter nostras exaudit Deus orationes. Hæc Augustinus. ut autem melius valeas esse obediens, cogita semper quando vox præcipientis sonat in auribus tuis, quod vocem istam non tamquam ab homine audias, sed tamquam ab ipso Deo. Item non est obediens, sed negligens, qui secundum expectat mandatum. Item Bernardus: At parum est esse subiectum Deo, nisi sis omni creaturæ humanæ propter Deum; siue Abbati tamquā præcellenti, siue Prioribus tamquam ab eo constitutis. Ego plus dico, paribus subdere, subdere & minoribus. Et si vis in iustitia esse perfectus, vade ad minorem, subdere inferiori, iuniori te inclinato. Nota. Climachus: Si quis erga patris subiectionem suam conscientiam ad summum possedit mundam, iste de cetero per singulos dies mortem quasi somnū, magis vero vitam expectans non conturbatur, cognoscens in solido, quia non ipse in tempore separationis, sed qui præst reddet rationem. Idem infra: Quando absente eo qui præst, vultum ipsius imaginamur, hunc nobis astare putantes, & omnem colloquutionem, vel sermonem, vel cibum, vel aliud quippiam eum suspicamur odire in nobis auertimus, tunc cognoscam, qua legitimam obedientiam vere exequimur.

Bern. ser.

42. sup.

Cant. post

med.

Ioan. Cli-

mac. de obe-

dictia gra.

4. post med.

De verecundia. Collat. IIII.

N Escio, an quidquam gratius verecundia ad ornatum in moribus hominum, esse queat? Quam pulchra hæc, & quam splendida gemma in vita & vultu adolescentis! quam vera, & minime dubia bonæ nuntia spei, bonæ indolis est index. Virga disciplinæ est illi, qui pudendis affectibus imminens, lubricæ ætatis motus, actusque leues coercet, reprimat insolentes. Quid ita turpiloiui, & omnis deinceps turpitudinis fugitans? Soror continentie est, indicium columbinæ simplicitatis, testis innocentie, lampas pudicæ mentis iugiter lucens, & nihil in ea turpe vel indecorum residere attentat, quod non illico prodar. Illa expugnatrix malorum, & propugnatrix puritatis innatæ, specialis gloria conscientie est, famæ custos, vitæ decus, virtutis sedes, virtutum primitiæ, naturæ laus, & insigne totius honestatis. Et infra: Quid tam amicum verecundo animo, quam secretum? Sed quid tam propriū verecundie, quam proprias vitare laudes, vitare iactantiam? Quid tam indecorū, maxime adolescenti, quam ostentatio sanctitatis?

Ex Bern.

ser. 26. sup.

Cant. non

lōge a prin.

De taciturnitate. Collat. V.

Silentij amicus appropinquat Deo, & latenter col-  
loquens a Deo illuminatur. Et infra: Sollicitus de exitu circumcidit sermonem, & qui luctum animæ possidet, quasi ignem auertit multiloquium. Hæc gradu 11. Climachus. Bernardus. Bonum silentium a iactantia, bonum a blasphemia, bonum a murmure & de-  
tractione. Et infra: Sileat a nobis lingua maledica, lingua blasphema, lingua magniloqua, quoniam bonum est in hoc triplici silentio salutare Domini præ-  
stolari.

Ioan. Cli-

mac. de lo-

quacitate

grad. 11.

Bern. ser. in

matris. B.

aquada de

post med.

stolari.

stolari. Ita tamen ab his taceas ne omnino taceas, ne dederis silentium Deo. Loquere illi contra iactantiam in confessione, ut obtineas veniam de præterito. Loquere in gratiarum actione contra murmuracionem, ut ampliorem inuenias gratiam in præsehti. Loquere in oratione contra diffidentiam, ut consequaris gloriam in futuro. Confitere, inquam, præterita peccata, & pro præsentibus gratias age, & deinceps ora studiosius pro futuris, ut ne ipse quidem sileat, a remissione, ab immissione, a promissione. Item: Iuge silentium & ab omni strepitu sæcularium perpetua quies cogit cælestia meditari. Porro continentiar labor & rigor disciplinæ, Psalmorum, & hymnorum dulcedine releuantur. Pudor de præteritis, nouæ conuersationis temperat austeritatem. Venturi timor iudicij pio cedit charitatis fraternæ exercitio. Tædium & acediam procul pellit sanctarum varietas obseruationum. Item: Labor & latebræ, & voluntaria paupertas, hæc sunt monachorum insignia, hæc vitam solent nobilitare monasticam.

## De deuotione. Collat. VII.

<sup>a</sup> Ber. ser. <sup>a</sup> Renuat <sup>a</sup> consolari anima tua in alienis, si vis in Dei amore delectari. <sup>b</sup> Delicata siquidem consolatio est, nec omnino tribuitur admittentibus alienam. Et infra: Cuius mens ad alienas inhiat consolationes; & non penitus renuit in caducis, & transitorijs consolari, ipse sibi profecto subtrahit cælestis gratiam consolationis. <sup>c</sup> Errat omnino si quis cælestem illam dulcedinem huic carni, diuinum illud balsamum huic veneno, charismata illa spiritus misceri posse huiusmodi illecebris arbitratur. Non amat veritas angulos, in medio stat disciplina, omnium studijs delectatur. Item: <sup>d</sup> Sancta anima sola esto, ut soli illi serues teipsam, quem ex omnibus elegisti tibi. Fuge publicum, fuge domesticos, secede ab amicis & intimis. nihil tibi & turbis, nihil cum multitudine ceterorum. Ipsum obliuiscere populū tuum, & domum patris tui, & concupiscet Rex decorem tuum. Secede ergo, sed mente non corpore, sed intentione, sed deuotione, sed spiritu. Et infra: Solus es si communia non cogitas, si non affectas præsentia, si despicias quod multi <sup>e</sup> suscipiunt, si fastidias quod omnes desiderant, si iurgia deuitas, si damna non sentias, si non recorderis iniuriam. <sup>c</sup> Cibus animæ gratia Dei, dulcissimus sane & omnem habens suauitatem, & delectamentum saporis, non modo delectat, sed reicit & medetur. Quattuor sunt signa, quæ ostendunt præsentiam gratiæ Dei. In primis si cor in se est pacatum & quietum, quia in nulla re requiescit, & impletur cor nisi in solo Deo, quamuis & cetera afficere quidē possunt, implere autem non possunt. Secundum, quando mens & animus ad deuotionem inclinari se sentit. Tertium, in præsentia gratiæ, tunc plus solito facies hominis hilarescit, & benignam se ostendit. Quartum est fereidem, videlicet cum in motibus exterioribus plus homo est compositus atque ordinatus.

## De diligentia. Collat. VII.


**V**Num est quod multos a perfecta & feruēti emendatione retrahit. Horror difficultatis, seu labor certaminis. Quoniam vero illi maxime præ alijs in virtutibus proficiunt, qui ea quæ sibi magis contraria & graui sunt, viriliter vincere nituntur. Nam ubi homo plus proficit, & gratiam ampliorem meretur, ibi magis seipsum vincit, & in spiritu mortificat. Duo specialiter ad magnam emendationem iuant, videlicet subtrahere se violenter, ad quod natura vitiose inclinatur, & feruenter instare pro bono, quo amplius quis indiget. Quam nocuum est negligere vocationis suæ propositum, & ad non com

S. Bon. Tom. 7. Pars iij.

**A**missa sensum inclinare. Religiosus qui se intente & deuote in sanctissima vita, & passione Domini exercet, omnia vtilia & necessaria sibi abundanter ibi inuenit, nec opus est, ut extra Iesum aliquid quærat. Religiosus feruidus omnia bene portat & capit, quæ illi iubentur. Religiosus negligens & tepidus habet tribulationem super tribulationem, & ex omni parte angustiam, quia interiori consolatione caret, & exteriorem quærere prohibetur. Religiosus extra disciplinam viuens, graui patet ruinæ. Qui laxiora quærit & remissiora, semper in angustijs erit, & cet. Ut patet in deuoto libello de imitatione Domini nostri Iesu Christi.

## De disciplina. Collat. VIII.

**P**rimo <sup>a</sup> omnium, iugo disciplinæ insolentia morum domanda est, quousque duris ac diutinis seniorum attrita legibus humilietur, & sanetur ceruicosa voluntas, bonumque in se naturæ, quod superbiendo amiserat, obediendo recipiat. Et infra: Accedit nimirum disciplinatis moribus bonum naturæ, quo redditur homo suauis & mitis, homo sine querela, neminem circumueniens, neminem concutiens, neminem lædens, nemini se superextollens, aut præferens. <sup>b</sup> O quam compositum reddit omnem corporis statum, nec non & mentis habitum, disciplina. Ceruicem submittit, ponit supercilium, componit vultum, ligat oculos, cachinnos cohibet, stringit gulam, iram sedat, format incessum. Nam de monachis ordinatis & inordinatis dicit Abbas pastor sic: Qui querulosus est, monachus non est. Qui malitiam in corde tenuerit, monachus non est. Qui iracundus est, monachus non est. Qui elatus & verbosus est, monachus non est. Qui vere est monachus, semper est mansuetus, humilis, charitate plenus, & timorem Dei semper & vbique præ oculis habet, ut non peccet. Item Ioannes Abbas montis Sinai dicit: Monachus est, qui solum quæ Dei sunt agit, cogitat, & loquitur, Christo vnitus in omni tempore loco & negotio. Monachus est, violentia naturæ indefinens, & custodia sensuum indeficiens. Monachus est, sanctificatū corpus, expurgatum os, & illuminata mens. Et infra: Et quis putas est fidelis & prudens monachus? qui sub obedientia, subiectione, & labore doloreque calorem suum custodit inextinguibilem, & vsque ad suum exitum ignem igni adijcere, & feruorē feruori, & amorem amoris, & desiderium desiderio, & sollicitudinem sollicitudini quotidie non cessauit. Vnde & Bernardus: Ille vere est monachus, qui deuotionem tenet in choro, patientiam in capitulo, disciplinam in labore, meditationem in lectione, feruorem in oratione, castitatem in tentatione, tolerantiam in aduersitate, humilitatem in prosperitate.



Bbb 2 S. B O-



# S. BONAVENTURAE

## EXIMII ECCLESIAE DOCTORIS

### Opusculum, QVOD INSCRIBITVR SPECVLVM DISCIPLINÆ AD NOVITIOS.

*Hoc opusculum cum sequenti Antuerpia anno 1591. prodijt opera R. P. Henrici Sedulij Cluuiensis, Guardiani Antuerpiensis. Cuius prastantissimi viri diligentia in his duobus opusculis pristino suo iuri restitutus eiusdē eruditionem, & doctrinam satis probat. ac utinam opuscula alia Auctoris nostri parem virum inuenissent; non enim in ipsis restituendis tantum laboris susceptum esset; nec tantis resperfa mendis hactenus essent emissa. Quare iuxta Henrici praedicti castigationem hac duo opuscula Vaticana huic editioni inseruntur: ac pro argumento eorumdem eius epistola ad Lectorem hic subiicitur: Habes, amice Lector, Speculum disciplinæ S. Bonaventuræ, & De Profectu Religiosorum, libellos prorsus mirabiles, licet contemptibiles mundo. Sed quæ stulta sunt mundi, elegit Deus, ait*

*1. Cor. 1. d* Apostolus, ut confundat sapientes. Auctor quidem non admodum curiosus est latinæ & elegantiae: ut qui  
*1. Cor. 4. d* nouerit non in sermone esse regnum Dei, sed in virtute. Si pius esse velis, lege & relege diligentius: placebunt.  
*Mat. 7. a* sin autem, ne legas: ne sanctum canibus, & mittantur margaritæ ante porcos. Quos vir longe piissimus Dominus Hesi, venerandæ memoriæ apud Leodienses Canonicus, & P. Ramus Iurisperitorum quondam Louanij decus, & plerique alij pij viri iuxta ac docti diligentissime lectitare solebant etiam ad mensam, pro excitando in Deum spiritu, nemo facile debet contemnere. Huius admonitum te breuibus cupio, nonnullos opinari, S. Bonaventuram non esse auctorem Speculi disciplinæ. Sed hoc dubium nobis eximit ipse Bonaventura, qui prologo utroque in De Profectu Religiosorum plane testatur, se conscripsisse formulam priorem de exterioris hominis compositione. Quibus verbis Speculum Disciplinæ intelligit. Potuit autem fieri, ut Speculum hoc non tam accurate conscriptum reliquerit: quod ipsum quoque satis innuit antiquissimum exemplar editum Argentinae, Anno 1495. Quod ita habet in libri frontispicio: Speculum Disciplinæ in hanc formam redactum est a F. Bernardo a Bessa, qui fuit socius S. Bonaventuræ. Nam ab ore S. Bonaventuræ fuit scriptum, & inordinate relictum; e quo homines discerent cælestes mores. Miror autem valde, duos hosce libellos semper fuisse disiunctos: quandoquidem ipsa materia librorum postulat ne disiungantur. Quid enim coniunctus esse potest, quàm homo exterior & interior; hoc est, corpus & anima. In Speculo Disciplinæ, de componendo homine exteriori; de formando interiori homine differit in De Profectu Religiosorum. Hic liber varijs nominibus insignitur. Exemplaria vetustissima constanter vocant De Profectu Religiosorum: sed Venetum, quod prodijt Anno 1584. appellat De Reformatione mentis, librum priorem: posteriorem vero, De Processu Religionis. Mirum in modum variant exemplaria antiqua in inscriptionibus, lectione, & distinctione capitulorum. Quare facta diligenti collatione multarum editionum, elegantius hi libri prodeunt, summam doctrinam pietatis in se continentes; & ad vitam bene beateque instituendam, omni Religioso, diuinæque sapientiæ amantissimo, maxime necessarij.

Itaque, amice Lector, te oro, ut cum labore nostro frueris, hunc tuis precibus apud communem Dominum nostrum Iesum Christum compensare digneris. Vale.

### S. BONAVENTURAE IN SPECVLVM DISCIPLINAE AD NOVITIOS.

#### P R O L O G V S.



*Hugo 20. r.*  
*instit. mon.*  
*ast. ad no-*  
*uit. in Pro*  
*logo.*

*Pror. 12. a*

**A**d honestatem tendentes, in primis necessarium habent, ut per exercitium disciplinæ, virtutis titulum citius apprehendere possint. Nam, ut ait Hugo de S. Victore, usus disciplinæ ad virtutem animū dirigit; virtus autem, ad beatitudinem perducit: ac per hoc, inquit, exercitium disciplinæ esse debet. nostra inchoatio, virtus perfectio, præmium virtutis æterna beatitudo. Verum qui disciplinam in nouæ conuersationis initio negligit, ad eam postmodum difficile applicatur, & formā quā primo quis recipit, vix deponit. Adolescens namque iuxta viam suam, etiam cum senuerit, non recedet ab ea. Optima viuendi forma eligenda est, quam reddat assuetudo iu-

cundam. Primus autem ad profectum gradus, defectus cognitio; magnaue omnino prudenti securitas, viuendi modum nouisse congruum, pro varia rerum & accidentium qualitate, nec minimū est contemnere minima, quæ non minimam moribus maculam, eo turpius neglectui habita ingerunt, quod vitari facilius cognita valuerūt. Proinde qui Spiritu Dei aguntur, moralibus documentis intendunt; quæ tamen, superbi & fatui contemnentes, nunc superstitiones, nunc cærimonias vocant; aut certe calumnijs fucatis impugnant. nec enim stultus verba prudentiæ recipit: nisi ea dixeris, quæ versantur in corde eius. Hic ergo tractatulus per superiorum impositionem exactus, rudi quidem iuxta scribentis ruditatem, & intenti exigentiam stylo, ex diminutis quoque ac nudis, ob breuitatem, incomparis que interdum, sed congruis pro morum traditione sententijs editus, novis Christi discipulis, pro aliquali speculo insipientibus proponitur: ut per pauca sibi proposita, occasionaliter fiant in pluribus cautiore. Da sapienti occasionem, ait Salomon, & addetur ei sapientia. Attendant tamen quædam hic accipienda fore communiter, & magis & minus, pro loco & tempore obseruanda: licet non semper pro singulis conditionum modis.

Primus ad virtutis gradus, proprii defectus cognitio.

Obseruent monasticorum cærimoniarum otores.

*Pror. 18. a*

*Pror. 9. b*

*Seneca lib.  
de virtuti.  
cap. Prudē-  
tia.  
Simile ele-  
gans.*

*Diuisio li-  
bri.*

dificatio replicetur. Prudens, ut rerum varietas exi-  
git, ita se accommodat tempori, non se in aliquibus  
mutans, sed potius aptans: sicut manus quæ eadem  
est cum in palmam extenditur, & cum in pugillum  
constringitur. Nec moueat, si qua pro iunioribus im-  
pertinentia videantur. Proinde iunior in his sæpe, quæ  
ipsum excedunt, instruitur, ut seniorum se proposito  
applicans, sit quantum congruit aptior ad agenda, cau-  
rior ad cauenda. Prolixitatem, forte terribilis, si quis  
fuerit inspector, causabitur: sed necessariam inexper-  
tis dicendorum expressionem aduertat: nec facile  
rudes (pro quibus est opera) generalibus posse com-  
matibus, idest, breuib; & incompletis sententijs  
erudiri, aut concisis passim proficere paradoxis, vno-  
que nihilominus nouerit titulo multa quædoque per-  
stringi, quæ specialem requirerent explicanda tracta-  
tum. Duas autem particulas, principalem videlicet  
& incidentalem, huius operis series habet. Principa-  
lis diuiditur in duas: in quarum prima de præpara-  
torijs ad disciplinam, & aliquibus eius effectibus in-  
cideret: in secunda de ipsa plenius tractatur. Præ-  
paratoria sunt per modum principij, medij & postre-  
mi. Deposito vetustatis, stabilitas mentis aduersus  
tentationes diaboli, & subiectionis humilitas. Primū  
præparationem inchoat, secundum continuat, tertiu  
vero consummat. Seruanda erit vbique maiorum &  
minorum paragraphorum distinctio, ad seriei & or-  
dinis euidentiā ampliorem.

## SPECVLI DISCIPLINAE

## AD NOVI TIOS.

## PARS PRIMA.

## De præparatorijs ad disciplinam.

## De vetustatis depositione. Cap. I.

*Ephes. 4. e*

*Transitoria  
omnia abdi-  
canda.*



**D**EPO NENDVS est, secun-  
dum Apostolum, vetus ho-  
mo, & induendus est nouus:  
quod perfecte implent, qui  
transitorijs abdicatis, non so-  
lum peccata, verumetiam oc-  
casiones fugiunt peccatorū;  
veterique fermento per pu-  
ram confessionē plenius ex-  
purgato, in vitæ nouitate

perfecta, soli præligunt Domino militare. In odore  
igitur vnguentorum Christi, per compendiosam &  
tutam sacræ religionis semitā currere cupientes, prius  
rerum temporalium fasciculos deprimentes abiciāt:  
ut ab omni tam possessione, quàm cura penitus expe-  
diti, Christum Dominum expedite sequantur, & non  
sint eis tentationis occasio vel ruina. Quod si ante  
religionis ingressum nō fuerint expediti, post ingres-  
sum saltem expeditionem huiusmodi per alias perso-  
nas, vel per litteras, iuxta superioris arbitrium quanta  
possunt acceleratione procurēt: nō expectatis oppor-  
tunitatibus, aut vtilitatibus deceptorijs, quas frequen-  
ter diabolus sub specie pietatis suggerit. Summa sit  
eis vtilitas, vtilitates huius mundi contemnere pro-  
pter Christum: iuxta verbum sancti Hieronymi: Ne-  
mo renunciaturus sæculo, bene potest vendere, quæ  
contempsit ut venderet. Si habes, inquit, in pote-  
tate rem tuam, vende: si non habes, proijce. totum Deo  
dedit, qui seipsum obrulit. Post religionis ingressum  
continuo debent confessioni faciendæ vacare: & de  
omnibus quæ in sæculo a pueritia commiserunt, ad  
memoriam, quantum poterunt, studiosa sollicitudi-  
ne reuocatis, generaliter confiteri. Malorum nam-  
que confessio, initium est bonorum. Ordinis ergo  
status rejicit res atque reatus.

S. Bon. Tom. 7. Pars iiij.

*Hieron. ep.  
103. ad Pan-  
lin. in fine.*

*Confessio-  
ni generali  
vacandum.*

*August. in  
Ioan. trac.  
12. sub finē*

A De constantia mentis, & cautela contra tentationes  
diabolas. Cap. II.

**Q**Voniam autem Pharaon persequitur Israellem fu-  
gentem, & contemptus surgit in scandala, nūc  
aperte, nunc occulte, sub specie boni periculosius tē-  
tans; faciant quod scriptum est: Fili accedens ad ser-  
uitutem Dei, sta in iustitia & timore: & præpara ani-  
mam tuam ad tentationem. Solent præcipue vires  
tentationi præbere fluctuatio mentis circa propositū  
ingressuræ vel ingressæ religionis, tarda tepidaque  
repulsio, & deiectio spiritus desolati. Ea propter in-

**B** primis in proposito sancto cor suum omnino stabi-  
liant & confirmant: ne velut arundo diuersis vento-  
rum flatibus agitari vacillent. Optimum est, inquit  
Apostolus, gratia stabilire cor. Et Prosper ait, Quem  
libet hominem donec se, in eo quod elegit, certa de-  
finitione confirmet, velut in quodam deliberationis  
incertæ biuio constitutum, discerpit ipsa diuersitas vo-  
luntatum. Virtus, inquit, hortatur & prouocat, ut  
definitionis ambiguitate deposita, propositū spiritale  
fascipiat, perseueraturū se in suscepti labore propo-  
siti, non sua possibilitate, sed Domini miseratione cō-  
fidat. Cogitet quanti & quantæ potuerunt & possunt,

**C** quod se posse desperat. Vnde illi potuerunt, inde se  
posse firmiter credat. Meminerit illud Apostoli, Fi-  
delis Deus qui vocauit vos, qui etiam faciet, &c. Qui  
sperant in Domino, mutabunt fortitudinem: current  
& non laborabunt; ambulabunt, & non deficient. Ad  
hæc, tentationum & cogitationum malarum viriliter  
principijs, & absque moræ dispendio est obstandum.  
Quod si earum insultus spiritum inquietent, non so-  
lum familiaris confessor, verumetiam fratres alij senio-  
res sunt in adiutorium aduocandi, ut vnus debilitas  
multorum adiutorio sustentetur: Frater qui adiuua-  
tur a fratre, quasi ciuitas firma. Qui autem vulnus  
detegere, vel auxilium petere negligit, sua non imme-  
rito negligentia perit. Denique cum diabolus, serui  
Dei spiritum per tristitiam deicere studeat, ipsam, si  
quando irrepserit, citius repellentes, Christo Domi-  
no, qui datorem hilarem diligit, in cordis lætitia fa-  
mulentur: attendentes sollicitè, ne de sua vniquam vo-  
catione ingrati, aut tepidi regratiatores appareant co-  
ram Deo. vbi sol radiat gratiæ, nubilum turbationis  
abscedit. Solet in aqua turbida latere piscaturus ani-  
mam coluber tortuosus. Maximum inhabitantis gra-  
tiæ signum, spiritualis lætitia. Porro qui vocatis gra-  
tiam non agnoscit, indignū se vocationis fructu con-  
stituit. Beneficijs ingratus exhibitis, ineptus efficitur  
exhibendis. Valet quoque interdum conuersis, pro  
animæ salute, mutatio loci. Plerumque enim dum  
mutatur locus, mutatur & mentis affectus. Valet  
pro mentis tentationibus impulsæ præsidio, valet pro  
morum citius ac perfectius assequendo peculio, extra  
cognitionem & patriam, vel ad tempus secedere. Ve-  
rum, quia per se nullo modo sufficerent, ad machina-  
menta diaboli repellenda: ad Christum, propter quē  
omnia contempserunt, qui est tentatorum refugium,  
& debiliū fortitudo, qui se fideliter inuocantibus  
facit cum tentatione prouentum; ut valeant sustine-  
re, crebris supplicationibus & deuotis recurrant: ut  
qui eos dignatus est de fornace Babylonis eripere, bo-  
num in eis perficiat quod incēpit. Frequens & feruēs  
oratio, dissipat omne malum. Ollæ feruenti muscæ  
non incident.

**D** Tentatio-  
num initijs  
absque mo-  
ra resisten-  
dum.  
*Præp. 18. c.*  
**E** Tristitia a-  
nimū deij-  
ciens, cito  
repellenda.  
**F** Nota sen-  
tentias au-  
reas.  
Mutatio lo-  
ci.  
*Bernar. de  
modo bene  
vivendi, ad  
seror. ser. 6  
in fine, ex  
Isidoro lib.  
2. de Sum-  
bono. c. 10.  
sens. 7.*  
*1. Cor. 10. c.*  
Crebro orā-  
dum & fer-  
uenter.  
al. insident.

Quomodo necessaria sit ad disciplinam susceptionem  
humilitas. Cap. III.

**D**enique quoniam, ut ait Hugo, Sicut cera, nisi  
prius emollita fuerit, formam non recipit: sic &  
homo quidem ad formam virtutum non flectitur,  
nisi ab omni elationis & contradictionis rigore, per  
humilitatem humilietur: necesse habent qui disci-  
plinæ

*Exod. 14. a*

*Eccli. 2. a*  
Non fluctuā-  
dum in bo-  
no propositō.

*Heb. 13. b*  
*Prosper li.*  
*3. de vita  
cont. c. 16.*

*1. Tes. 5. d*  
*Isa. 40. a*

*Tentatio-  
num initijs  
absque mo-  
ra resisten-  
dum.*

*Præp. 18. c.*

*Tristitia a-  
nimū deij-  
ciens, cito  
repellenda.*

*Nota sen-  
tentias au-  
reas.*

*Mutatio lo-  
ci.*

*Bernar. de  
modo bene  
vivendi, ad  
seror. ser. 6  
in fine, ex  
Isidoro lib.  
2. de Sum-  
bono. c. 10.  
sens. 7.*

*1. Cor. 10. c.*

*Crebro orā-  
dum & fer-  
uenter.*

*al. insident.*

*Hugo 10. 2.*  
*inflis. mon.*  
*ad nouit.*  
*c. 7.*

Bbb 3 plinæ

plinæ cupiunt moribus informari, vt humilitatis radicem in corde figere studeant, & tumorem propriæ voluntatis, præsumptionis & irreuerentiæ vitia, quæ a superbia procedere solent, tam in re, quàm in signo vigilantius caueant, vt humilitas ancillæ more, locū præparet disciplinæ.

*De captinatione voluntatis propriæ. Cap. IV.*

**V**oluntatem itaque propriam ingenti currendi studio captiuare. Quid enim prodest sub vnius ordinatione viuere, quod facultates suas abijciunt; si proprias voluntates non relinquunt: cum sit præstatius voluntatibus renuntiare, quàm rebus? Tota religionis perfectio in voluntatis propriæ abdicatione consistit: quare potissimum perfectionis & disciplinæ industrius appetitor, voluntatibus proprijs edomandis, & præsentium nutui subiugandis inuigilat. Profecto in duobus erit subiectæ probatio voluntatis, si videlicet in sibi iniunctis deuote obediat, & in agendis suis semper habere auctoritatem obedientiæ non omittat. Primi, hoc est, obedientiæ in iniunctis patet necessitas, patet & meriti magnitudo. Nam, quidquid vice Dei præcipit homo, quod non sit tam certum displicere Deo; hoc omnino accipiendum est, quasi præcipiat Deus. Ad meritum etiam melior est obedientia quàm victima, sanctæque obedientiæ holocausto, nihil Deo gratius exhibetur. Nemo ad perfectionis semitam currendam magis expeditus, quàm verus obediens. Quamobrem obedientiæ filij, se totos ad obediendum exponant, moxque vt Prælati vocem audierint, quasi diuinitus imperetur, moram patri nesciant: sed relictis omnibus, ad iniuncta quæque fideliter exequenda, prompta deuotione consurgant: vt vicino obedientiæ pede, velut vno momento, iubentis vocem, facti exhibitione sequantur. Perfecta obedientia sua imperfecta relinquit. Quinimmo nec bonus obediens verbum expectat, vbi de superioris sibi constituit voluntate. Illum autem optimum dixerim obedientiæ gradum, cum eo animo opus iniunctum recipitur, quo & præcipitur; cum ex voluntate iubentis, pender intentio exequentis. Numquam de maiorum sententia iudicent, quorū officij est obedire, & implere quæ iussa sunt. Deinde si ad profectum volunt obedientiæ peruenire; constanti secum deliberatione proponant, deuote semper ad omnia obedire. Si quid igitur graue vel impossibile forte iniungitur: suscipiant quidem cum omni mansuetudine iubentis imperium. Quod si omnino suarum virium pondus excedat, impossibilitatis suæ causas, ei qui præest patienter & opportune insinuent, non superbiendo vel contradicendo, vel alias leui murmure resistendo. si adhuc superior in sua manserit sententia, ita sibi nouerint expedire, & ex charitate de adiutorio Dei confisi, obediant. Christus factus est pro nobis obediens vsque ad mortem; mortem autem crucis. Qui licet ad Patrem pro calicis translatione, clamauerit, cōtinuo tamen adiunxit, Verū tamen non mea voluntas, sed tua fiat. Non solum maioribus, sed sibi etiam inuicem obedientiam certatim impendant. Incumbit enim Christi discipulo, vt omni petenti se tribuat, & exemplo Apostoli voluntarios se omnium seruos constituent: sintque, vt scriptum est, subiecti inuicem in timore Christi. Secundi necessitas, hoc est obedientiæ in agendis, ne quid videlicet sine obedientia præsumatur: quia simplicioribus forte aliquibus minus patet, aliquanta videtur prosecutione tangenda. Habenda est plane in agendis, obedientiæ sanctæ auctoritas, sine qua nec etiam ipsa bona, bona sunt. voluntas siquidem propria, boni virtutem infirmat. Sanctus Bernardus super cantica ait, Grande malum propria voluntas, qua fit, inquit, vt propria, grā bona tua, bona non sint. Etenim si in die ieiunij mei, inueniatur voluntas mea, non tale ieiunium elegit Do-

minus: nec sapit illi ieiunium meum, quod non obedientiam, sed vitium voluntatis propriæ sapit. Et subdit: Ego autem non solum de ieiunio; sed de silentio, de vigilijs, de oratione, de lectione, de opere manuum; postremo de omni obseruantia monachi; vbi inuenitur voluntas sua in eo, & non obedientia magistri sui, id ipsum sentio, minime prorsus obseruantias illas etsi bonas in se, inter virtutes censuerim deputandas. Itaque noui Christi discipuli, semetipsos penitus abnegantes, in agendis suis, id est, in operationibus, locutionibus & rerum quarumlibet vsu, non propriam voluntatem sed superiorum, in omnibus dispositionem sequantur. Pro quibus tamen sit specialis eorū licentia vel assensus habendus, considerari oportet. Et primo, circa operationes videndum: Quod earum quædam communes seu conuenticuales, quædam speciales seu personales esse noscuntur. Specialium etiam quædam ad proximum, quædam ad personam pertinent operantis. Pro conuenticualibus, quæ commune simul attingunt collegium, exequendi non est licentia requirenda, cum ad huiusmodi sit eatenus superiorū licentia, immo impositio generalis; vt ea, quæ siue in choro, siue in refectorio, siue alibi modo prædicto, ad vitæ conuenticualis consuetudinem pertinet, nullus conuenticualis auctoritate propria, præter euidenter necessitatem licite prætermittat. Inde est, quod ab officio chori, ab aliqua videlicet hora Canonica, vel a communi conuentus refectio, aut a conuenticualibus alijs, quemque absque licentia remanere, vel assistentem recedere, his necdum in collegio consummatis, non licet. Pro specialibus ad proximi alterius fratris necessitatem spectantibus, nullum communis seu conuenticualis vitæ consuetudini, aut executioni specialiter iniunctorum impedimentum præstantibus, nequaquā ad superiores, sicut nec pro communibus, pro licentia dixerim recurrendum: cum secundum Apostolum, Alter alterius onera portare, & per charitatem spiritus seruire inuicē debeamus. Veruntamen tempore quo conuenticualia, vel alia iniuncta fieri debent, non sunt præter licentiam specialiā, seu gratuita huiusmodi faciendā. Illa quoque, quæ ad quotidiana communium officiorum obsequia, vel ad proximi necessitatem non pertinent corporalem; quale est scribere in quaterno, & alia huiusmodi similia; maxime si occupationem prolixiorē inducunt, agenda sunt de superiorum assensu. Pro specialibus ad personam operantis spectantibus, siue ad carnis mortificationem pertineant, vt sunt vigilie nimis longæ, vel abstinentiæ singulares: siue ad exercitium spectent operis manualis per se vel per alium faciendi, licentia quærat: sine qua Religiosus suas singularitates facere non debet, quippe cui nec corpus suum habere licet in propria voluntate. Et quod sine permissione patris spiritualis sit, præsumptioni deputabitur & vanæ gloriæ, non mercedi. Nec potest sibi operari pro voluto, siue pro scribendo, siue alia faciendo, siue in rebus suo vsui deputatis, vt sunt libri, vestes, lecti, & alia huiusmodi aliter immutando. Incōgrue quoque pro vno, res pluribus seruitura mutatur. Fit res frequenter ex mutatione deterior: & quod mihi studiose coopto, alijs discoopto. Hæc de operibus. Nec tamen negauerim, ad minima seu exilia quædam, & vix reputanda alicuius momenti, solam sufficere conuenticualiam Prælatorum. Circa locutionem hoc teneant, vt coram superiore, maxime in capitulo, siue eius assensu præhabito non loquantur. Alias de necessarijs & honestis, loco & tempore debitis, loqui prout eis ordinatum fuerit, poterunt inter fratres. Locutio vero cum extraneis, siue sæculares, licet fratribus obsequentes, siue religiosi quilibet fuerint, fratribus nouitijs est probationis tempore penitus interdicta, siue fratre professo, qui omnia loquentis verba, & respondentis audiat, sine licentia speciali: sine qua nec ad portam, nec ad extraneos ipsis indulgetur accessus.

Obedientiæ in operationibus.

Gal. 6. a  
Gal. 5. b

Bened. reg.  
cap. 33.  
Ibid. c. 49.

Obedientiæ in locutione.

cessus. Personis tamen huiusmodi si occurrerint, poterunt inclinare: vel si locus, aut tempus loquendi fuerit, & non potuerint subterfugere, bono modo eos breuiter salutare. Si de loquendo secum requiratur ab eis, respondere humiliter debent, se loquendi aut morandi licentiam non habere. Nulla prorsus alia eorum audiant verba, nec cum eis aliquatenus sedeant, vel ulterius commorentur: sed si locutionem necessitas exigit vel honestas, dicant ad eos, obtenta si poterunt licentia reuersuros, valeq. recedendo potius faciant quam morando. De licentia tamen huiusmodi, Prælati est cautius prouidendum, vel ab ipso tantum, vel ab eorum instructore (qui est eis ab ipso religionis ingressu specialiter assignandus) semper cum præsens in domo fuerit, requiratur: ne a diuersis, non absque vitandæ confusionis periculo, minus prouide concedatur. Circa receptionem rerum, distributionem & usum, quoniam a superiorum auctoritate dependent, duo præcipue subditis attendenda videntur. Primum, vt qui dat aliquid, illud ex officio possit dare: secundum, vt det quidem, non secundum propriam voluntatem, sed prout sibi a superiore fuerit constitutum. Nec superflue dixerim ad officium attendendum: qui enim non habet officium administrationis, nihil alijs debet communicare, vel in fraudem horum dimittere potest. Rursus ipsorum officialium officia sunt distincta. Alijs namq. necessarium rerum procuratio, non tamen procuratarum est distributio commissa: ab illis autem non est absque licentia recipiendum aliquid speciale. Alijs autem, iuxta diuersa rerum officia, communis distributio rerum committitur. Ab his communia ipsa (si ordinarie, quando scilicet & ubi, vel quomodo, iuxta sui limitationem officij distribuere debent, distribuunt) licite recipi possunt. qui vero extraordinarie postulat, ad licentiam superioris recurrat. Præter communia supradicta, quicumque rem aliquam occulte, sine superiorum assensu recipit, habet vel vitur; a religionis delirat licentia, & quidquid habet, male habet. Porro cum illud proprium esse dicatur, de quo \* disponere licet iuxta propriam voluntatem, omni assensu alio circumscripto: non pauper sed Dominus reputandus videtur, qui rem quamcumque alijs distribuendo vt libet, sine superiorum auctoritate dispensat. Res sunt quidem communes, sed vsus dispositio pertinet ad Prælatos: vt per eorum curam singulis, iuxta modum & regulam sibi a sanctis Apostolis constitutam, prout unicuique opus fuerit, diuidantur. Vsurpatus autem sine licentia rerum vsus, culpabiliter temereq. præsumitur, & prorsus illicite vendicatur. Statutum quoque religiosæ mancipationis euadit, qui in vsu proprio rem aliquam, siue a parentibus, siue a quibusdam alijs recipit; aut quod maioris est culpæ, receptam occultans, superiorum indicio non exponit. Qui rem sibi collatam celauerit, sanctus Augustinus eum furti cenfet in iudicio condemnandum. ] Nulla enim res, quam superior non dederit aut permiserit, est licita proprium abdicanti. Sunt qui oblata sibi, sed Prælati mox deferenda recipere licitum existimant: sed regulari priuato, receptionem occultam non dixerim esse tutam. in commodandis pro cohabitantium indigentia rebus, non est lex posita charitati. Possum rem fratri petenti exponere concedendam, non tamen impendere vendicandam. Proinde fratres nouitij, nullatenus sine licentia, nec a se inuicem, neque a fratre, neque a quocumque homine rem aliquam, siue tabulas, siue acum, siue aliquid quodlibet accipere, aut dare attentent aliqua ratione. Sic nec litteras ad se missas recipiant, aut aliquo casu receptas aperiant, quæ a portitore, vel eo qui receperit, eas prius debent ad superiorem, vel si superior ordinauerit, ad eorum instructorem deferri. Sic nec rem alterius fratris vsui deputatam, præter ipsius conscientiam occupare li-

cebit. Genus est furti, & plerumque turbationis occasio, rem fratris vsui deditam, eo, si adsit, incio detinere. Poteest fidelis seruus & prudens, nonnulla pro loco & tempore facere, de tacito vel probabiliter præsumpto superiorum assensu, ad ipsum denique finaliter, acta quæque per ausum huiusmodi relaturus. De cetero, quidquid religiosus boni facit, aut dicit, quod suo non nouerit displicere Prælati, a veræ obedientiæ merito non fraudatur. Felix hæc seruus, immo gloriosa libertas, qua quis sponte in regiam venditus seruitutem, Deum & eius vicarios, potius quam seipsum, super se regnare constituens, suæ prorsus renuntiat voluntati.

*De præsumptione tam in re, quam in signo. Cap. V.*

**P**ræsumptionem interiore & exteriori summo opere fugiant. Interiorem, vt sensum suum sensui non præferant aliorum: nec de bonis a Deo sibi collatis inaniter extollantur: immo in tantum ceteris se inferiores & viliore ex intimo credant affectu, vt nec se aliquid etiam esse existiment. Nempe, secundum Apostolum, qui se existimat aliquid esse cum nihil sit, ipse se seducit. Neminem spernant, neminem iudicent, cum frequenter humanum fallatur iudicium. & beato Augustino teste, sæpe species facti se aliter habet, aliter animus facientis; ] pie de omnibus quæ occurrerint sentiant, licet rei non intelligent rationem. Omnia peruersæ possunt pervertere mentes. Exterioris præsumptionis & superbiæ notam, in omni actione sua, gestu & verbo, summo studio fugiant: quæ humilitatis sunt, in omnibus amplexantes. Prætextu actionis præsumptionem in officiis & in locis euitent. In officiis prælationis vel ordinis, aut in alijs, quæ aliquam videntur superioritatem habere, nihil sibi usurpent. Liber a culpa non est, qui alienum usurpat officium. Præsentem superiore, vel alio fratre maiore quam ipsi fuerint, ordine constituto, ad incipiendum extraordinarie officium, ad benedicendum cibum vel potum, ad dandum fratribus aquam benedictam, vel ad alia huiusmodi, se nullatenus ingerant. At diuinum quoque officium, nequaquam post seniores vel alios maioris ordinis gradu promotos, proprio legant iniectu: quoniam quidem nullus omnino, in minori ordine constitutus, post alium maioris ordinis permittendus est legere, nisi necessitate cogente, vel legentium ordine permutato, vt in aliquibus festis fieri solet; præterquam in homilia quantum ad primam lectionem, quàm ratione Euangelij, Diaconus legere solet. Lectiones autem quæ de homilia supersunt, non sunt ab alijs facile, quàm a sacerdotibus præsumendæ. In choro, pro dissonantia forte cantantium, vel ob aliam huiusmodi causam, manum ad formam percutere; in mensa ictu cultelli, vel quomodolibet aliter signum sono facere, ab eis tantummodo fiat, quorum super defectibus chori vel mensæ intendere spectat: nec huiusmodi facile debent ab alijs usurpari. Multa enim sunt superioribus licita, quæ reprehensibiliter ab alijs præsumuntur. Ad hæc quia nouissimum eligi locum, magister ipse humilitatis hortatur, locis semper nouissimis nouitij gaudeat. Et numquam in choro, vel mensa, seu alibi, ad prima se ingerant loca: sed ad ea potius adeo caute ac sedula si valuerint prouisione declinent, vt vix ab alijs perpendatur. Aliàs omnino caueant, ne congregationis ordinem turbent, & fiant inter alios pro tumultus occasione notabiles. Cauendum proinde, ne, dum nimis vitatur præsumptio, inordinationis accedat confusio. Vitanda est vbique disconuenientiæ nota, maxime in congregatione. Locus vero superior, ad quem necessitas vel superiorum trahit inductio, præsumptionis vitium non inducit. Porro molesta est humilitas, quæ contentioni deseruit. Si quando iuxta superio-

Felix seruus, non suus, sed alterius propter Deum obediens.

Interior præsumptio.

Gal. 6. a

Aug. confess. lib. 3. cap. 9.

Exterior præsumptio.

Præsumptio in usurpatione officij alieni.

Luc. 14. b

Molesta humilitas, cōtentioni deseruiens.

Obedientiæ in vsu rerum.

Proprium quid. \* et dispensare.

Act. 2. 8

Aug. in Regula 6. 20.

Receptio alicuius rei occulta, religioso non est tuta.

Senior quis habendus.

Sap. 4. b

Præsumptio in gestibus.

Proser lib.

2. de vita

contemp. c. 8.

Iob 22. d

Mat. 6. c

Præsumptio in locutione.

Bern. de vi

ta solitaria

ad fratres

de monachis

Dei, paulo

ante modum.

Eccli. 32. b

Ibid. 11. a

Proser lib.

3. de vita

contemp. c. 19.

In conuentione

nemini lo-

quendum est.

Bern. tractat.

de gradibus

humilitatis

in septimo

gradu superbia.

rem, vel alios seniores necessario federint, non se nimis applicent iuxta eos. Iuniori siquidem aliquam a seniore distantiam, reuerentiæ ritus indicit. Antiquior autem frater in ordine, vel alius in officio præeminens, licet ætate sit iunior, senior appellatur. *Ætas senectutis vita immaculata.* Præsumptionem in gestu, elatum caput, sublimiores oculi, facies vultuosa declarant. Nam, ut ait Prosper, Erecta ceruix & truces oculi, & sermo terribilis, nudam superbiam clamant. Sed quantum per membrorum ministerium potest deprehendi, prima superbiz offensio in oculis esse solet. Qui inclinauerit oculos suos, ipse saluabitur. Secundum namque Euangelium, Si oculus tuus fuerit simplex, totum corpus lucidum erit: e contra si nequam, totum tenebrosus. Præsumptio etiam gestus, in signis & nutibus frequenter agnoscitur, ut exempli gratia, Si quis in choro, vel alibi, pro fratrum defectibus, satyricè nubilum vultuositatis assumat, vel leui cachinno, idest, risu, vel motu capitis, oculorum circumlustratione, narium contractione, labiorum compressione, vel alio quouis modo, defectum fratris tacite arguat vel subsannet: si errante in choro, vel in mensa lectore submiserit, aut circumspiciat, quasi eum defectus legentis non lateat; quod frequenter solent facere etiam minus docti. In locutione etiam notatur præsumptio, si quod dicitur non pertinet ad dicentem, aut dicendi modus aliquem superbiz typhum prætendat; aut pro loco, tempore, & personis fuerit a locutione cessandum. Propter primum, humilis frater de alienis factis inquirendis, se nullatenus intromittat. Alios fratres docere, regere, arguere, vel eis aliquid imponere non præsumat: quia hoc esset seniores, vel superiorum officium usurpare. Superbus autem, ut ait sanctus Bernardus, prima die qua ingreditur habitare, incipit leges dare. Potest tamen frater, si super aliquo cum instantia requiratur, petentibus super interrogata humiliter respondere vel insinuare, quod sentit: ita tamen ut contra resistentes dicta sua pertinaciter nulla ratione defendat. Qui etiam alij, superioris mandatum insinuat, super aliquo faciendo, mandati auctoritatem cum humilitate proponat, ne quod denuntiat ipse imponere videatur. Si proprium cogatur recommedare officium, nequaquam imperium imponentis usurpet: sed id supplere a socijs, obsecratione humili obtineat. Præsumptionem ergo euitat prudens humilitas. Præsumit tamen interdum humiliter, viscerosa & prouida charitas. In modo loquendi, vitium præsumptionis innuitur, si illud quod dicitur, iactanter, impetuosè, clamorosè, contentiosè, despectuosè, vel nimis rigide proponatur. Suauiter enim & humiliter est loquendum. Rursus qui tempore vel loco silentij, aut in superiorum, seniorum, aut conuentus præsentia, non comprimit linguam suam, præsumptuosus & intemperans merito iudicatur: Loqui in medio magnatorum non præsumes, ait Sapiens. Et iterum: In medio seniorum non adicias loqui. Hoc præcipue intemperantiæ & præsumptionis est nota, si nouus frater in ordine, vel iunior quispiam seniore præsentem, sine ipsius nutu maxime coram extraneis, loqui aut respondere præsumit; nisi ex officio vel commisso habeat prius loqui. Temperantiæ est, ait Prosper, quod præstamus loquenti seniori silentium, quod ipsius ad loquendum præstolamur imperium. In præsentia vero conuentus, nullum conuenit loqui sine requisito superioris assensu, nisi tantum se accusando, vel ad interrogata superioris vel corrigendi, ad mensam breuiter & humiliter respondendo. Et ut breuiter voce sancti Bernardi præsumptuosum agnoscas, Prius, ait, in conuentu residet, in consilijs prius responder: non vocatus accedit, non missus se intromittit. Reordinat ordinata, reficit facta. Vilem se, si non emineat, æstimans, & humilem esse inter alios erubescens, in locis & ceteris, quæ hono-

rem redolent, se quibuscumque alijs parificare contentum. Audax ipse ad quolibet sit frontuosus & impudens, quod est maximum vitium in neophyto & iuene. Religionis confusio, iuuenis præsumptuosus & effrons. Reprehensibilis maxime in iuene præsumptio, quem magis humilitas stabilis, verecundia ornat, venustat simplicitas, timor insignit, & aptum efficit disciplinæ, cuius initium est. Qui sine timore est, non poterit iustificari.

#### De irreuerentia. Cap. VI.

**I** Rreuerentiæ denique vitium est humili Dei seruo vitandum, cum scriptum sit, Cui honorem, & honorem. & Honore inuicem præuenientes. Attenditur irreuerentia respectu personarum, loci sacri, & temporis, officij diuini, & rerum eidem officio specialiter ordinarum. De reuerentia Prælati, aut alijs fratribus, ætatis aut prioritatis, aut diuturnitatis in ordine gratia, vel sacri ordinis, vel pro viæ merito exhibenda; sanctorum dicta Patrum, & vera humilitas, quæ non solum prælati & senioribus, verum etiam æqualibus & inferioribus, se spontanea subiicit voluntate, plenius docent, & eius oppositum detestantur. Non senioribus tantum, immo & omnibus honorem Petrus Apostolus sentiebat exhibendum. Deferre humiliter socijs honorem, charitatis est fraternæ fomentum, conscientie bonæ illustrisq. animi euident argumentum. Vix nisi socio deferas, cum ipso proficies. Est præcipue conuentui, & superioribus deferendum. Conuentus quidem venerabilis, immo terribilis ut castrorum acies Christi ordinata. De superiore Sapiens, ait: In medio fratrum, rector eorum in honore. Istis quanto maior est reuerentia exhibenda, tanto etiam maioris offensæ arguitur irreuerentia circa ipsos. Sane committendo & omittendo, irreuerentiæ ad ipsos nota contrahitur. Committendo, si coram eis inordinatum quippiam deliberate attentetur. Vnde non decet coram conuentu, in claustro vel alibi residente, sine debita maturitate & honestate, quantum ad membrorum & habitus dispositionem transire, vel eidem transeunti occurrere, si ab eo valet commodè declinare, aut tumultum facere coram eo. Magnus utique reuerentiæ cultus conuentuali congregationi debetur: quem qui missitationibus seu cachinnis, aliæ clamoris vel dissolutionis lasciuia, soluere non veretur, aut attrita fronte superbus, qui artari silentio dedignatur, aut honestatis & religionis ignarus, liquido comprobatur. Quod autem superiore præsentem agitur minus religiose vel dicitur, quid eo turpius? Propter hoc qui mala in eius præsentia committere non veretur, ipsum irreuerenti & inhonorat conuincitur: magis autem si eum scienter per alicuius insolentiam facti, vel importunitatem verbi temerario ausu molestat. Immo de necessarijs, docet beatus Benedictus, quod si qua requirenda sunt a maiore, cum omni subiectione & humilitate reuerentiæ requirantur. Cum ipso autem Prælato contendere nefas est, & execranda in subdito irreuerentiæ turpitudine. Denique tam circa Prælatos, quam circa alios seniores cauendam, ne in attractione, locutione, officiorum recommendatione ac similibus, aliquid ad eos vel signum viliificationis appareat. Numquam iunior frater ad senioris fratris caput, aures, vel faciem, quasi applaudendo, vel ob aliam quamlibet causam nisi necessariam, manum apponat: vel aliter cum eo, facto vel verbo, minus reuerenter iocetur. Quando seniores sibi præsentem alloquitur, & si forte aliquando eorum nomen proprium, ipsis quidem ex reuerentia suppressendum, necessario nominat, semper tamen cognomen subiceat: nisi propter astantes æquiuocum specificare cogatur. Seniorum auribus nomen proprium vel cognomen, nisi ex causa, iunior irreuerenter inculcat. Verum

\* Præsumptuosus indicia.

Religionis confusio, iuuenis præsumptuosus.

Eccli. 1. 6

Rom. 13. b

Rom. 12. b

2. Pet. 1. 6

Cant. 6. a

Eccli. 10. 6

Irreuerentia quæ sit in conuentu.

Irreuerentia in superiore.

Benedictus in Reg. c. 6.

Irreuerentia erga seniores.



Verum licet in utilitatis notam nomen proprium exprimi, ex amore vel reuerentia supprimi scriptura inueniente nouerimus: sine vitio tamen palam senioribus ipsis exprimitur, quando irreuerentiae notam, modus, & congruentia redimunt. Sæpe quod erat incongruum, necessitas, gratia vel consuetudo conuertit. Sapit autem vitium, si ad te verbo vel nutibus superiorem accerfis, ad quem est tibi facilis aut liber accessus. honestius enim ad eum, cui reuerentiam debes, tu accedis, quam ipsum ad te accedere facis. Nullus etiam frater est puro nomine appellandus: sed proprio nomini apponendum est semper religioſæ prænominationis insigne; sed nec solo

Frater suo solo nomine non est appellandus. *ut S. Benedicti. Reg. cap. 63.*

Officia, ut sint alijs commendanda.

cognomine, vel nomine patriæ, puta Lombardus vel Gallicus, frater est aliquis nuncupandus. Humilia & laboriosa officia recommendari coequalibus & iunioribus, maxime conuenit. Quod autem suum quisque officium, suo dumtaxat compari, ut acolytus acolyto, subdiaconus subdiacono, & sic de alijs, recommendet; in officio specialiter diuino locum habet: vbi personarum non quidem acceptio vitiosa, sed ordinata discretio, iuxta cuiuslibet statum & ordinem est habenda: ne ordinum sancita patrum auctoritate distinctio confundatur. Propter hoc, etsi catoris officium ad fratres nouitios nullo modo pertineat: si tamen ad hoc per superiorem cogatur, caute provideant quod lectiones, responsoria, & antiphonas distribuunt ordinate, ordinum gradibus obseruatis, primas antiphonas maioribus, Prælato vel hebdomadario, vel seniori alicui sacerdoti: vel quando mos habet minoribus in Vesperis, nocturno & laudibus, offerentes. Deinde post vnum vel duos si oportuerit fratres gradus eiusdem, ad alios ordinate secundum gradus ordinum processuri. Nec facile diuersorum in ordinibus graduum fratres combinent, aut minora officia in maiori ordine constitutis imponant. Prius quoque ordinatos alijs præferendos iura

1. Cor. 14. 2. Paralip. 30. 6

Prælati, & senioribus honor defendendus.

decernunt: numquam ordinum confusionem in choro religionem putent; cum id magis abusionem, irreuerentiaque obnoxium esse constet. Omnia, inquit Apostolus, honeste & ordinate fiant in vobis. Et in Paralipomenon de ministris Domini dicitur, quod stabant secundum ordinem suum in ministerio. Si quis sedilium chori dumtaxat ordinem, sine alio personarum delectu, in huiusmodi æstimat obseruandum: penset si a carpentarijs constructus lignorum ordo in sedilibus, sit ordini præferendus Ecclesiastico. In personis seruandum in ecclesia Ecclesiæ ordinem, decreuit auctoritas, æquitas, & honestas. Omittendo notam irreuerentia quis incurrit, quando senioribus & maxime Prælati, honorem vel obsequium debuit; aut in obsequio ipso negligit reuerentiam exhibere. Aliqua de hoc potius expressione patebunt. Honori quis detrahit, si eis humiliter non assurgit, vel eis astantibus ipse sedet. Si deficientibus in choro vel alibi sedibus, locum eis non offert: si eis in choro, in mensa, in sedendo, eundo & huiusmodi, si comode potest, non cedit. Obsequio detrahit, si hæc eorum personis, quando palam egent, non exhibet. Si eis in aliquo humili vel laborioso officio, in sui præsentia occupatis, se ad id faciendum vel coadiuuandum non exhibet. Si quod ad se ex officio pertinet, eis faciendum dimittit. Expedi itaque, ut iuniores fratres senioribus fratribus humiliter deferentes, eos in his quæ pure sunt oneris, non honoris agenda, siue

Humilia of ficia iunioribus senioribus non permittant.

ad alia humilitatis officia studeant præuenire. Ad prouidendum de lumine ac libris in choro & extra: ad officium Beatæ Virginis, quantum ad inuitatoriū & lectiones, cum plane dicuntur: officium quoque mortuorum, quantum ad primas lectiones; necnon ad horarum versiculos, vbi ad hæc dicenda præsens non fuerit specialiter aliquis assignatus: ad offerendum aquam pro manibus abluendis: ad leuandum mensas finitis gratijs, & ad ministrandum celebran-

tibus & altari: quoties necessarium fuerit ex officio suo, siue in minoribus, siue in sacris fuerint ordinibus constituti, solliciti sint & prompti: nec ista aut similia senioribus facienda derelinquant. Erubescit Diaconus vel Subdiaconus vacans, & obtinens officium, quod apte potest dimittere vel differre sacerdote ad Missam vice Diaconi, vel Diacono pro Subdiacono, ministrante. Nec magnum est, si hebdomadas casu continuet: grauiora passim continuantur officia. Debetur cuilibet ordini gradus suus: nec de gradatioribus est agendum, nisi forte aliud congrua interdum causa deponat. In obsequijs eorum, maxime qui vice Christi nostrarum sunt animarum custodes, non est reuerentia omittenda per caputij abstractionē, dum eis ministramus aut loquimur, quæ per humilem corporis inclinationem, pro loco & tempore, vel alijs per humilem obsequendi modum ostenditur. Superbus autem, ut ait Prosper, non obferuat in obsequijs reuerentiam. Stolidis quibusdam decretum est nulli deferre, discretionem personarum & graduum non curare: curantibus nunc adulationis, nunc acceptionis personarum crimen impingere. & admodum confusionis amici, ut superioribus de superbia caueant, sibi non cauent. Fædum enim irreuerentia vitium pro religione ostendunt.

humilitatem maioribus exhibendam, Euangelij sanctio & professio nostra cōmendat: nusquam tamen, ut recolo, superbiam alijs, seu temerariam paritatis vsurpationem indulget. Seniorum est vtique vt humiliter sentiant, venerationem non appetant, humiles se alijs, ac sociales exhibeant. Sapientis est consilium, Quanto magnus es, humilia te in omnibus. Sapientia vero præceptum, Qui maior est vestrum, fiat sicut iunior. Et Petrus cum dixisset, Adolescentes subditi estote senioribus; pro vtriusque intulit, Omnes inuicem humilitatem insinuare. Ceterum cum omni indifferenter personarum, humilitas sit quædam turris fortitudinis a facie inimici: nescio quo pacto tamen vis eius maior est in maioribus, & clarioribus clarior comprobatur. Porro non solum respectu personarum, ut dictum est, verum etiam respectu loci, ut est Ecclesia, maxime circa altare, irreuerentia est vitanda. Circa altare, ut cum ad ipsum acceditur, maturior & humilior gestus accedentis, & maxime ministrantis deuotionem ostendat: nec aliquis cum impetu vel inhoneste accedat. In Ecclesia vero cauendum, ne, quamuis extra Canonici tempus officij, loquendo vel ridendo, vel aliquo quouis modo minus honeste aliquid fiat. In aulam regiam ingressurus, ait sanctus Chrysostomus, oculis incesu, & habitu te componis: & in Ecclesiam ingressurus, quæ est vere aula regia, rides? Est etiam sacro tempore, hoc est, Dominicis diebus & sollempnioribus deferendum: ut in eis a communi operum occupatione cesseretur, & diuinis officijs attentius insistatur. Nam, ut ait Hugo, Festi dies aliud studium, & alium conuersandi modum exigunt, atque alium hi in quibus licet operari, exposcunt. In illis, inquit, nos oportet ad celebranda mysteria diuina deuotius intendere, atque in orationibus diutius perseuerare: omnem denique actum, & omnem motum cordis pariter & corporis, diuino ministerio mancipare: atque, ut ita dicam, quadam conuersationis nouitate, festos dies honorare. In ceteris vero diebus in quibus operari licet, nullus omnino otiosus apparere debet. De irreuerentia in diuinis officijs & rebus ad ea spectantibus euitanda, infra per reuerentia positionem agetur.

De disciplina in generali. Cap. VII.

Dicto de præparatorijs ad disciplinam, & aliquibus eius effectibus incidenter, sequitur ut de ipsa plenius exprimamus, quæ vetustate deposita, animoq. contra hostis insidias stabilito, super radicem humi-

Prosp. lib. 3. de vita cōtemp. 6. 8.

Ecclesi. 3. 6

Luc. 22. c. 1. Pet. 5. b

Bern. 2. de considerat. paulo post med. Psal. 60. 4 Irreuerentia in sacra loca.

Chrys. to. 4. homil. 15. in epist. ad Heb. in moral.

Irreuerentia in festos dies.

Hugo a S. Victor. to. 2. in 1. Mon. ad Nouit. cap. 4.

humilitatis confurgit. Primo, in generali quid sit, A quæ eius utilitas, qualiter ad eius perueniatur notitia, & de ipsius custodia, deinde in speciali dicamus.

**Disciplina quid.** Disciplina est, ut ait Hugo, conuersatio bona & honesta, cui parum est mala non agere, sed studet etiam in his quæ bene agit, per cuncta irreprehensibilis apparere. Item, disciplina est omnium membrorum motus ordinatus, & dispositio decens in omni habitu & actione. Auditis, inquit, disciplina quid sit: nunc attendite quàm utilis & necessaria sit. Disciplina est malorum desideriorum carcer, frenum lasciuiz, elationis iugum, quæ domat intemperantiam, leuitatem ligat, & inordinatos motus mentis suffocat. Sicut enim de inconstantia mentis nascitur inordinata motio corporis: ita quoque dum corpus per disciplinam stringitur, animus ad constantiam solidatur; & paulatim intrinsecus mens ad quietem componitur, cum per disciplinæ custodiam, mali motus foras fluere non sinantur. Sed qui statum mentis perdit, subsequenter foris in inconstantiam motionis defluit: atque in exteriori mobilitate indicat, quod nulla interius radice subsistat. Vnde per Salomonem dicitur: Homo apostata vit inutilis, graditur ore peruerso, annuit oculis, terit pede, digito loquitur. Scientiam quæ ad institutionem recte & honeste viuendi pertinet, multis modis hominem colligere & comparare sibi oportet: partim ratione, partim doctrina, partim exemplo, partim meditatione sanctarum scripturarum, partim assidua inspectione operum & morum suorum. Hoc nouissimum maxime fortassis præ ceteris necessarium: ut sic scilicet homo in omnibus operibus suis sit circumspexit, & prouidus, & quotidiana discussione cogitationes, locutiones pariter & facta sua, apud semetipsum examinet. Sapientes quippe semper agendo discunt, & per exercitium bonorum operum, quotidianis profectibus in maiorem virtutis agnitionem excrefcunt. Per experientiam namq. eorum quæ faciunt, ad ea quæ postea agenda fuerint, cautiore sunt. Et quamuis in nullo loco disciplinam suam homo deferere debeat, diligentius tamen, & magis sollicite ibi est seruanda, ubi neglecta generat scandalum, vel custodia bonæ imitationis exemplum. Hinc discernendum erit, quæ sint illa, quæ in disciplina custodienda nunquam intermitteri; & quæ rursus illa sint, quæ pro loco & tempore, nunc intermitteri, nunc exerceri volunt. Sæpe tamen etiam illa, quæ in publico necessaria sunt, prius in secreto exercitationis usum exposcunt: quia si prorsus ea in occulto negligimus, uti postmodum eis dum opus est, in publico non valeamus: & tunc aut prorsus a disciplina deficientes, inuentibus scandalum facimus, aut inepte id quod in nobis non est simulare conantes, irrisum excitemus.

*Hugo ubi sup. cap. 9.*  
*Greg. C. 10.*  
*Ysa. 10. 2.*  
*in ill. Mon.*  
*ad Nouit.*  
*cap. 10.*  
*Hugo ubi sup. cap. 9.*  
*Recollectio sedulo seruanda quotidie.*  
*Hugo 4. S. Ysa. 10. 2.*  
*in ill. Mon.*  
*ad Nouit.*  
*cap. 3.*  
*\* al. valeant*

## De disciplina in speciali. Cap. VIII.

**I**Am de disciplina in speciali inter fratres & extraneos seruanda videndum. Inter fratres, primo de disciplina circa spiritualia quædam, deinde circa corporalia. Circa spiritualia vero, primo quantum ad amotionem mali, & quantum ad positionem boni. Quo ad amotionem mali, erit primo de disciplina circa confessionem priuatam, deinde circa publicam attendendum. Et cum disciplina per Hugonem (ut dictum est) bona & honesta conuersatio describatur: in dicendis de ea, ad bonitatem simul & honestatem considerationis est oculus dirigendus.

*ubi supra cap. præced.*

## De disciplina circa confessionem priuatam. Cap. IX.

**D**E quotidianis offensis, sine quibus hæc vita non ducitur, facienda est confessio: de priuatis pri-

uata, de publicis publica, & nihilominus quandoque priuata. Attendendum est de confessione priuata, quibus, quoties, quando, & ubi fieri debeat; & quæ sit circa eam nouis fratribus disciplina seruanda. Debent superiori, vel, si ipse ordinauerit, instructori suo, & non alij, nisi eius in absentia ei tantum, quem superior vel instructor, de superiorum assensu, eis duxerit assignandum, tribus vicibus in qualibet hebdomada vel pluries, secundum quod necesse habuerint, indicto sibi tempore & loco, pro sacramenti reuerentia, cum diligentia confiteri. Numquam eis placeat vicaria confessoris mutatio, ut nunc vni confiteantur, nunc alteri; quin potius, si quando id cogat necessitas, notabilia deinde ad principalem referant confessorem. Causa tamen deuotionis, eadem pluribus possunt confiteri. Aliter non est conscientie ordinata seu puræ varios querere confessores. Fit tamen salubriter, ut cui de peccatis præteritis semel generaliter quis est confessus, de quotidianis etiam confiteatur eidem: vel nouo si hæserit curatori suorum denuo vulnere, perfecte aperiat corruptelam. Disciplinam circa confessionem discretio, puritas & reuerentia probant. Habeant discretionis cautelam, ut antequam ad confessionem accedant, diligenti super confitendis consideratione præhabita, offensas prius suas speciales, deinde alias, seriatim & breuiter sine eulparum, & verborum replicatione inutili, profrequentes, confessionem suam sub prima & vltima culpæ nominatione concludant. Aliqua tamen deuotioni interdum, vel conscientie replicatio indulgetur. Sit & pura confessio, ut confiteatur simpliciter & deuote, sine excusatione vel accusatione, sine nominatione alterius, de quibus habuerit conscientiam remordentem. Nec specialia passim sub generalitate pertransiant. Tentationes suas & cogitationes malas, nulla ratione occultent: non contemnant modicæ, ne paulatim defluant ad maiora. In domo namque quam subintrans radius solis illuminat, quantumcunque fuerit præmundata, atomi nihilominus diligentius intuenti apparent. Sic & cor radijs gratiæ illustratum, etiam minima videt, ac vitiorum laqueos subtili examinatione discernit. Quanto quis fuerit mente purgator, tanto se sordidiorē videbit, & maiores causas humilitatis inueniet. Deponendæ tamen sunt scrupulositates quædā superflue, quæ conscientiam in erroris confusionem inducunt. Reuerentiam non solum interiorem, verum etiam exteriori decet confitentem habere: ut suo deferens confessori, se illi siue in elatione capitis, siue in alia corporis dispositione, si commodè vitare poterit, non corquet: sed flexis genibus, dum confiteatur, nudato ac demisso capite, sit humiliter coram eo.

*Cui & quoties sit confitendū nouitio.*  
*Confessor non mutandus.*  
*Quomodo confitendū.*  
*Confessio sit pura.*  
*Eccli. 19. 4.*  
*Simile elegans.*  
*Scrupulositas superflua ponenda.*

## De disciplina circa confessionem publicam. Cap. X.

**O**ffensæ publicæ publicam (ut dictum est) confessionem requirunt. Circa quam attendendum est, ubi, de quibus, & qualiter fieri debeat. Confessionem huiusmodi facere debent, aut coram superiore in capitulo professorum, si adesse liceat & sit moris: aut coram instructore suo, quando tenet eis capitulum separatim: aut alibi priuate coram aliquo vel aliquibus, si priuate offenderint coram eis. Ante omnia si perceperint se facto vel verbo aliquem, vel leuiter offendisse, ante confessionem vel dormitionem cum humili studeant satisfactione placare, & in petitione veniæ præuenire: ne alius præueniens de manibus eorum humilitatis mercedem subripiat. In capitulo professorum statim post Pretiosa, recommendationibus factis, se de manifestioribus & maioribus offensis accusent: deinde ipsum capitulum insimul exituri, & ad locum sibi determinatum, ad quem non sit secularium accessus, iuri. Mos tamen iam apud multos

*Offensus est humili satisfactione placandus.*

multos provide abnuit, fratres novos in capitulo satisfacere professorum: sed pro eorum offensis suis ibidem proclamatur seu pramonetur instructor. In secundo capitulo, videlicet instructoris (quod debet eis tenere duabus vicibus, vel pluries, si superiori videbitur in qualibet septimana) super prae dictis satisfaciant, si in primo capitulo non fuerit satisfactum. Alioquin super notabilibus & apertis (iuxta eiusdem instructoris monitiones) offensis & negligentijs se accusent: qui super his, de quibus sibi expedire videbitur, eos charitative corripiens, prout cuiusque moribus videbitur expedire, salutaribus debet instruere documentis: considerans diligenter vtrum Deum querant ex animo, si sint ad orationem vigiles, & ad diuinum officium solliciti, si ad iniuncta faciles & deuoti, si ad correctionem & opprobria patientes: ut sic de moribus eorum & proposito, habeatur plenior certitudo. Matrem se illis in lenitatis dulcedine, patrem in correctionis censura exhibeat. Sit feuerior iudicio, quam sermone. Qui dulcis est eloquio, maiora reperiet. Nec oportet quod eis poenitentiam coram toto conuentu publice faciendam sine conscientia superioris imponat. Postremo, ut disciplinato & debito modo fiat huiusmodi confessio, debent circa eam, honestatem, cautelam & humilitatem seruare. Honestatem, ut culpae narrationem nudo capite, & non ridendo, non circumspiciendo, aut cum manu aliquid faciendo; sed iunctis manibus potius, vel aliter honeste dispositis, exequantur. De cautela dictum est in capitulo praecedenti, quam in hoc praecipue habeant, ut se paucis verbis expediant, & in culpa suam nullum alium quam seipsos inuoluant: quod & cautelam & puritatem concernit. Humilitatem habere debent in gestu corporis, & in verbis. In gestu quidem, ut ad terram, iuxta fratrum consuetudinem, se prosternant humiliter. In verbis autem, ut verba subiectionis & poenitentiae, nullam sint omnino notam superbiae vel impatientiae continentia. Quando in capitulo vel extra nimis austere, vel minus iuste suo iudicio super aliquo arguuntur, non turbentur animo: sed potius pro fratrum diligentia circa ipsos, qui quos amant, arguunt & castigant, & exercitio virtutis oblato, in Domino gaudeant & exultent, ad verba & verbera propter Christum gratanter & humiliter parati sustinenda. Et licet fratres professi aliquando propter infirmos, provide duxerint abstinendum; ne pro qualibet offensa reprehendant eos indifferenter, aut nimis superbe, quamuis pie, ut si quid in eis reprehensibile viderint, suo consultius denuncient instructori: ipsi tamen fratres nouitij ab omnibus corripi, & ab omnibus erudiri affectent. Qui non vult corrigi, non vult corrigi, ait quidam: Admoneberis (inquit) libenter, reprehenderis patienter. Probata siquidem patientiae virtus, reddet eos Deo & fratribus gratiosos. Culpam suam nullo modo defendant. Nimirum (ut ait beatus Gregorius) quae defenditur culpa geminatur. Sed si sentiunt se immunes, satisfactione semper quantumcumque fuerint innocentes, humiliter praebolata, possunt innocentiam suam, cum reuerentia tamen, corripienti ostendere, si requisiti fuerint, aut permissi. Vnde sanctus Franciscus, Beatus seruus, qui non est velox ad se excusandum: & humiliter sustinet verecundiam & reprehensionem de peccato, ubi non commisit culpam.

## De disciplina quo ad positionem boni. Cap. XI.

Congruit iam de disciplina quo ad positionem boni aliquid tangere. Et primo de disciplina circa informationem cordis, ad quam est lectio illuminans intellectum, & oratio accendens affectum. Secundo circa exercitationem, ad quam diuinum spectat officium. Tertio circa exercitationem operis, ad quam spectat altaris ministerium.

## A De disciplina circa cordis informationem, &amp; primo de oratione. Cap. XII.

Intent orationi feruenter: non solum in oratorio, verumetiam vbicumque fuerint, cum ipsi sint templum Dei: aut certe in lectis occulte, ac sine perceptibili sibilo. Quippe tanto securior, quanto secretior existit oratio. Et quasi capitulum sibi metipsis tenentes, in quo proficiant vel deficiant, quotidiana secum discussione perquirant. De vocatione sua, & innumris beneficijs Saluatoris, gratias ei debitas, tota mentis deuotione soluentes: quod inchoauerunt bonum, ab eo perfici instantissima oratione deposcant. Nec solum pro se, verumetiam pro alijs tam viujs quam mortuis orent: & quasi quoddam memento sibi constituent. Poterit oraturus primo de laude Dei incipere: hinc impensa sibi beneficia memorare: deinde necessitates quas patitur & defectus exponere: postremo humiliter postulare. Ordo tamen & modus, quem Spiritus sanctus suggerit, est seruandus in oratione, & qui affectui magis sapit. Ad orandi studium meditatio prouocat & informat. Hugo dicit, Sic orationi sancta meditatio necessaria est, ut omnino perfecta esse oratio nequeat, si eam meditatio non comiteretur, aut praecedat. Nam & hi, qui mala sua considerare negligunt, aut nihil petendo facile per ignorantiam falluntur, aut certe minus quam oportet digne petendo, per desidia tepefcunt. Quanto homo magis mala sua intelligit, tanto amplius suspirat & gemit. Primum ergo necesse est, ut si prudenter & vtiliter Deum orare volumus, animum nostrum iugi meditatione exerceamus. Et in consideratione miseriae nostrae discamus, quid nobis necesse sit petere; & in consideratione misericordiae Dei nostri, quo desiderio debeamus postulare. Istis duabus alis, scilicet miseria hominis, & misericordia Dei Redemptoris, oratio subleuatur. Sit autem semper deuota, quae opportunitate iuuetur, frequentia foueatur. Deuotionem intentio, diligentia, puritas & affectio probant. Tota mentis intentio, a curis exterioribus reuocata, orationis vigilantia est applicanda: ne aliquid aliud praeter id solum quod precatur, animus cogitet. Vnde Isidorus, Non est labiorum, sed cordis oratio. Dum orant, sic semetipsos considerent, tamquam praesentatos Domino maiestatis. Negligentes autem orationes, nec ab ipso homine impetrare valent, quod volunt. Et non in multiloquio, sed in puritate cordis & compunctione lacrymarum, nos exaudiri sciamus. Et ideo brevis debet esse & pura oratio, nisi forte ex affectu inspirationis diuinae gratiae protendatur. Quanto vero timore, seruire, & reuerentia sit Domino supplicandum, insinuat, qui docuit numquam sine gemitu esse orandum. Opportunitas loci & temporis, quietis, motuum internorum, dispositae affectionis & otij ad orandum non transeat otiosa. Qui opportunitatem deserit, opportunitas eum fugit. Isidorus, Oratio priuatis locis opportunius funditur, cum Deo tantum teste depromitur. Proderit ergo aliquando ad obtinendam compunctionem, si ita semoti fuerint, ut puras manus ad caelum leuando, etiam suam interdum audiant vocem. Nonnumquam etiam ad subleuandam intentionem, in caelum suspiciant: ut corpus pariter & animus tendatur ad Dominum; & ibi sit cor, ubi est thesaurus suus Dominus Iesus Christus. Ceterum mane & vespere, tempus est orationis opportunum: quod penitus peculiari vacuum oratione si vacat, culpabiliter praeteritur. Maxime autem cum profundum nocturnus sopor indicit silentium, tunc plane liberior erit: puriorque oratio, nullo tunc turbata clamore, nulla aspicientis laude tentata. Sic mentis tranquillitas, & quadam spontanea quandoque animi propitudo, immo inspiratio quae se offert, otijque libertas non innoxie negliguntur: quae etiam si deserint, labore sunt quodam ac studio comparanda, psal-

Instructor nouitios sepe conuocabit.

Pron. 16. c.

Culpa quo modo agnoscenda.

Apoc. 3. d. Pron. 3. b. Heb. 12. b.

Aug. 10. 7. de correptione & gratia. Seneca lib. de virtutibus. cap. de continentia. Gregor. 4. Mor. c. 24.

S. Fran. in admonitionibus. ad fratres, ubi de correctione par. 1. firm. trium ord. fol. 20. co. 2.

Rom. 12. c.

1. Cor. 3. c.

Bern. in speculo monachorum.

S. Bened. in prologo reg.

Orandi modus.

Basil. ita orandi de cet lib. constit. monast. cap. 2.

Hugo a S. Victore 10. 2. instit. monast. de modo orandi. cap. 1.

Meditatio necessaria orationi.

Oratio duabus alis subleuatur.

ex Hugone ubi supra.

Isidor. de summo bono lib. 3. c.

7. sent. 4. a Isid. li. 3.

de summo bono c. 7. sentent. 2.

S. Bened. reg. c. 20.

Oratio breuis sit & pura.

Isidor. de summo bono lib. 3. c.

7. sent. 5.

Isidor. ubi sup. sen. 37.

Orationi deseruit locus secretior.

Mast. 6. c.

Mane & vespere orandum.

Bern. ser. 86. in Cant. in med.

Oratio pa-  
scit homi-  
nem inte-  
riorem.

Luc. 7. f

Luc. 18. b  
Frequenter  
orandum.  
Isidor. li. 3.  
de sum. bo.  
c. 7. sent. 1.

da, psalmodum, hymnorum, sanctarum meditationū, & genuflexionis instantia, deuotionis est spiritus excitandus. Oritur si desit, sicut ad cibum corporis, ita quoque ad refectionem animæ est vendicandum. Sicut enim carnalibus cibis alitur homo exterior, sic deuotis orationibus homo interior pascitur & nutritur. Porro deuotus quisque vix opportunitate fraudatur: Deum enim quem ex animo querit, vbique inuocās inuenit. Ignauus autem & tepidus, nec in ipso valet oratorio, orandi affectum inuenire. Plorat in conuiuio Magdalena, nec etiam præsentia eam impedit conuiuiarum, in ipso autem templo desipit ipse Pharisæus. Est autem frequenter orandum: quia oratio est hostis flagellum, peccatoris subsidium, proximi solatium, Dei sacrificium. Frequens oratio, vitiōū impugnationem extinguit. In oratione datur voluntas bona. Oratio frequenter est munitio animæ. Quāobrem post horas canonicas, antequam oratorium exeant, aliquid laudis vel orationis gratuitū Deo munusculum offerant, quem frequenter per negligentiam in officij debiti exhibitione offenderunt. Assuescant huic consuetudini sanctæ frequenter insistere & constanter, motusque animi refugos discant Deo vel paululum applicare.

#### De lectione. Cap. XIII.

**L**ectionibus quoque diuinis est anima nutrienda: idcirco illis qui primo circa diuinum officium addiscendum (prout infra dicetur) extiterint, diligenter per instructionem imbuendi, scriptura est aliqua ex sacra pagina, ad morum informationem conueniens prouidenda, potius spiritualis consolationis habendæ, quàm studij gratia. Nouorum studium fratrum, in orationis instantia, in diuini exercitio officij, & fratrum obsequijs maxime debet esse. In lectione itaque, si qua sibi permitti contigerit, non magis querant scientiam quàm saporem. Hauriendus est sepe de lectionis serie affectus, & formanda inde oratio, quæ lectionem nonnumquam interrumpar: hoc enim modo diuina lectio lecta confert intelligentiam salutarem. Et scientia quæ pro virtute despicitur, per virtutem postmodum melius inuenitur. Certis autem horis, certæ lectioni vacandum est. Fortuita lectio & quasi casu reperta non ædificat: sed reddit instabilem animam. Creptis est ingenijs immerandum, & assuesciendus est animus. Fastidientis est stomachi multa degustare. De quotidiana lectione, aliquid quotidie in ventrem memoria dimittendum est, quod fidelius digeratur, & sursum reuocatum crebrius rumineretur: quod proposito conueniat, quod intentioni proficiat, quod detineat animum, vt aliena cogitare non libeat.

#### De diuino officio in generali. Cap. XIV.

Quæ sint  
memoriter  
discenda.

**R**estat de officio, prout est in addiscendo, deinde prout est in exequendo videre. Addiscendum est diuinum officium, maxime in principio diligenter. Et licet de totali officio & ordinis eius vsu seu forma, notitiam habere oporteat, sunt tamen quedam communia, scilicet officium beatæ Mariæ virginis, & mortuorum; cōmune de sanctis, cum psalmis, hymnis, & ceteris omnibus ad illud spectantibus, lectionibus tantum exceptis: prima, completorium, & Pretiosa, capitula & preces: suffragia horarum ferialium, absolutiones & benedictiones, quæ in matutinis dicuntur, hymni feriarum, laudumque psalmi, & cantica; benedictio quoque mensæ cum gratijs, necnon & psalmi primæ dominicalis; omnes etiam psalmi a ceteris monono vsque ad vltimum, nisi totum, quod magis expedit, discatur psalterium, sunt corde tenus addiscenda, & menti per exercitium arctius imprimenda. In sabbatis quoque & præcipuarum sollempnitatum

vigilijs, præuidendum est diuinum officium tam in littera quàm in nota. Quoties autem extra chorā cantatur, propter honestatem, & ne orantibus vel studentibus fratribus impedimentum præstetur, vocem in cantū deprimi decet. Et post refectionem, præcipue in verbis modestiam congruit obseruare. Antequam sumptum cibum (vt inquit Hugo) magis hilares esse conuenit, ne ipsa nostra abstinentia grauis & molestia videatur: Post vero magis modestos & tacitos; ne per gulæ vitium, crapula nos inflasse videatur.

Hugo a S.  
Vid. 10. 2.  
instit. mon.  
ad nonit.  
cap. 4.

#### De disciplina officij in choro. Cap. XV.

**A**d disciplinam in diuino officio cum in Ecclesia dicitur, obseruandam, reuerentia specialis, diligentia quoque & honestas præcipue requiruntur: reuerentia tam interior quàm exterior est habenda. Interior, vt cum timore & humilitate, tanquam Deo visibiliter præsentem psallamus. De hoc ait beatus Benedictus, Vbique (inquit) credimus diuinam esse præsentiam: maxime hoc sine dubitatione aliqua credimus, cum ad diuinum opus assistimus. Ideo semper memores simus quod ait Propheta: Seruite Domino in timore. Consideremus, qualiter oporteat nos in conspectu diuinitatis & Angelorum eius assistere: & sic stemus ad psallendum, vt mens nostra concorder voci nostræ. Reuerentia exterior in hoc attenditur, vt deuote inclinetur, & quando standum fuerit, stetur: fiat etiam prostratio, quando fuerit facienda, de quorum disciplina infra tangeretur. Est & reuerentiæ, vt in officio ad ea, quæ more agente singulariter vnus dicit, puta collectas, versiculos, & alia quæ huiusmodi, caput nudet: nempe quæ ab vno duntaxat in Ecclesia de more dicuntur, nudato capite etiam habent dici extra chorum. Orandum est secundum Apostolum, capite non velato, saltem vbi aliquid solemni distinctione profertur. Nudi quoque reuerentia capitis vel verticis, deuota quædam in officio veneramur. Verum irreuerens quisque, nec solemnia nec alia deuota discernit. Diligentiam in officio probat, strenuitas quædam, prudensque sollicitudo, habens circa necessaria prouidentiam, & contra impedimenta cautelam. Strenuitas corporis, inertiam fugat torporis, nec dormitationes, quas pigritia nutrit, patitur. Quippe Intenta supplicatio, dormire cor mundum vetat. Dormitatio in officio tunc maxime imputatur, & omitti dicitur restitutione officij redimenda; quando manum in sinu tenendo, vel segnitè apodiando, ei occasionem quis præstat, aut surreptem viriliter non repellit. Prouidentia respectu rerū prouidendarum & dicendarum attenditur: vt vide licet libri & alia necessaria ad officium, præparentur tempore opportuno: legenda quoque & cantanda studiose ante præmissa, quando & quomodo sint dicenda, dicantur. Debitus legendi & cantandi modus est, vt nec nimium festinetur, nec nimia fiat, aut inæqualis protractio: sed cum pausantibus statim pausetur, vt vox vnus vix inter alios discerni possit. Cautela denique est necessaria, vt eorum quæ diuinum impediunt officium, occasiones vitentur. Ea propter dum officium quis dicit, non debet studere, aut per libros respicere, aut alicui si vitari possit occupationi vacare: siue in lampadibus præparandis, siue in quibusdā alijs, quæ vsque post officium commode differri possunt. Indignum quoque in diuino officio, venandis vermiculis & maciandis intendere: quibus palam in oratorio digitos, aut ligna fœdere frons inuerecunda non metuit. Honestas in choro, in exteriorum actū grauitate, in corporis decenti & vniformi dispositione accipi potest. Sane in populo graui laudatur Deus. Grauitas autem in quietudinem, dissolutionem, & tumultum excludit. Inquietudo in motu membrorum consistit; siue capitis in circumagendo, siue oculorū in circumspiciendo per chorum, vel alibi, vbi potius ad li-

Cum timore  
psallendum.

Reuerentia  
exterior in  
diuino officio.

1. Cor. 11. b

Prud. in by  
mono ser. 3.  
ad laudes.

Psallendi  
modus de-  
bitus.

Psalm. 34. b



Diffolutio  
in choro vi  
tanda.

ad librum pro psalmis vel alijs veraciter decantandis, vel ad terram pro vagis arcendis respectibus, mentis non mediocriter vagationem causantibus, vrgendi sunt: siue manuum in fricando, vel voluendo curiose librorum folia, vel aliud superflue faciendo, siue pedum in discurrendo, vt si quis oratorium frequenter exeat, aut per chorum friuolis occasionibus inuētis discurrat. Tunc enim etiam vtilia sunt aliquoties differenda, propter vitiationem discursus. Diffolutio vero in verbis aut risu ( quibus in choro vanissimum est dissolui ) & in cantu considerari potest: vt si quis punctos in nota nunc diminuens, nunc pro suo libitu addens, muliebriter frangat, aut in falsum extollat: quod est cunctis & maxime nouis fratribus omnino impertinens. Numquam in choro altius ceteris cantent, sed communē psallentium vocem teneant. Ridiculum etiam si altiori ceteris voce quis cantans, post dictionem vel syllabam, ab illa vocis altitudine recidens, vel eam per interpolationes resumens, non cōtinuet quod incepit. Tumultus in choro per vocis susurrum, per importunitatem spuendi, seu excreandi, seu per impetuofam eleuationem vel depositionem, sedilium fieri solet. Quā turpe sit in choro susurrum, palam est: nescit tamen indisciplinatus & leuis lubricam linguam a sibilis vel musticationibus cohibere. Vitanda quoque est in conuentu seu congregatione, oratio sibilosa. Inepta namque oratio, quā vnā plures, & sæpe deterior impedit meliores. Est etiam caute vitandum, ne dum singulariter aliqua dicuntur in choro, vt collectæ, capitula, &c. notabilis spūdo vel excreando sonitus fiat, vsque dum capitula ipsa, collectæ, vel lectionis periodus compleatur. Circa hoc etiam dum prædicatur aut legitur, similis est opportunitas obseruanda. Sedilia vero debent non passim cum pede, sed cum manu eleuari, & caute deponi: ne aliquis ex hoc sonitus in domo Dei audiat. Congruē tamen lectionem vel epistolam incepturus expectet, quousque consedentibus fratribus, sedilium si quis fuerit tumultus quieuerit. Ad hæc honesti fratres in corporis dispositione, decenter & vniformiter sint in choro: decenter, quod sine vaga dispositione vel turpi, vaga, vt quando chorū ingressi, vel intrante vel astante conuentu, nunc segniter resident, nunc stantes quidem hac & illac membrorum, vt languentium incongrua quadam exagitatione se gyrrant: nunc statuar instar stallo affixi, & e regione dispositi, velut sui obliti, nec ad altare demissis vt decet luminibus, ante inceptum officium, oraturi se vertunt, vel alias irreligiose disponunt: sed nudato etiam aliquando capite, circumquaque, vt ceruus in saltu, vel ruralis in theatro, gyrouagando respectibus, oculos in aduenientium vel coactantium vultus insigunt, suoque indisciplinato intuitu collateralium orationem, quam ipsi negligunt etiam impediunt. Turpis autem erit, si sint ibi molliter aut remisse se in stallis suis brachijs tibisque resolutis, notabiliter incuruando, aut in partem vnā penitus vt possunt protenso in alteram corpore accubando, ita vt lecti mollietiam quærere videantur: aut dum ad altare versi, super lignum quod stallum diuidit, se inclinant, extensione scapularum, vel capite anterioris stalli spatium occupando, & tergum ad retro stantem socium protendendo; aut dum sedent, pedes suos vsque ad scabellum formæ contiguum licentius extendendo. Notabilis tibiārum extensio vel dilatio, dum sedetur, minus honesta est. Indecens ergo quā vaga & turpis est dispositio, immo vtrobique deformitas, sed maxime in officio, conuentu assistente vitanda. Honestos enim per omnia exigit mores, conuentualis honestas. Vniformitas est in prostratione & inclinatione specialiter ( quamquam in alijs generaliter ) obseruanda. In prostratione, vt non alius subtus formam chori, & alius super sedile; sed omnes supra dictā formam se prosternant, & operto capite silenter orent, ne im-

S. Bon. Tom. 7. Pars iij.

Vniformitas  
in choro.

A pediant circumstantes, manu ad genas accubitando numquam applicata, aut brachijs extra eandem formam extentis, sed super istam honeste & humiliter dispositis. In inclinatione, vt vniformiter apud omnes sit tempestiua, deuota, sufficiens & honesta. Tempestiua quidem, vt inclinaturus surgendo, & eleuando sedile, tempus vel paululum inclinationis præueniat: vt verbi causa, quando post psalmum fuerit inclinandum, vltimi versus sine iam accedente, surgatur, quatenus deinde libere inclinetur; vel certe inclinationem, sedis aptatio subsequatur. In inclinatione vero debet deuotio apparere, vt fiat humiliter & profunde. Non est deuoti sed pigri, rigido stante corpore, tenui motu corporis inclinare. Est enim corpus, depressis aliquantulum renibus, ne capiti coarquetur adeo demittendum, vt ipsum fere super genua, brachijs interpositis reclinetur. Alioquin inclina, si non sit facilius, humiliter tamen & profunde. Extra chorū tamen, & aliquando forte in choro, in officio plane & sine cantu dicto, minor sufficere videtur inclinationis profunditas. Sunt qui culpabili admodū remissione traducti, hunc reuerentiæ cultum Domino subtrahentes, euacuant: dum aut resident prorsus vsque post factam memoriam Trinitatis; aut tunc etiā surgunt, & sedili eleuando intendunt quando fuerat inclinandum, aut ex negligentia vitio non inclinant. Quanti tamen sit hæc noxa detrimenti, beata Dei genitrix seniori cuidam in choro psallentium fratrum, indicasse refertur: quæ inclinantibus ad sanctæ memoriam Trinitatis, suum ipsa filium singulis offerebat: quemdam vero minime inclinantem, verso ab eo vultu, velut hac gratia indignum pertransibat. Sufficiens seu etiam perfecta debet esse inclinatio, vt ab ea citius debito non surgatur. Honor quidem Patri & Filio & Spiritui sancto, sine differentia exhibendus est. Honestas quidem in corporis, manuum, & habitus decenti dispositione consistit. Et quantum ad habitum, vt maxime caputio caueatur, ne operata fronte super oculos defluat cum inclinatur. Proderit ad vnitatem seruandam, de communi officio notitiam habere. Pulchra valde vniformitas in congregatione & conuentu fratrum, vbi debent & mores & animi conuenire. Vnanimis vniformitas in fratrum conuentu decet, quæ in moribus plurium vnitua, vniformes ordinat & decorat.

#### De disciplina officij extra chorū. Cap. XVI.

E SI quando extra chorū officium dixerint, diligentiam nihilominus & honestatem prædictam debent in quibus poterunt, studiose seruare: vt dimissis omnibus quæcumque in manibus fuerint, stantes cum reuerentia, iuxta traditionem Ecclesiasticæ disciplinæ, præterquam ad lectiones in matutinis, vel quando alias creatori suo debitas cum deuotione laudes exsoluent, flectentes genua, vel inclinant, pro tempore cum timore Dei. Si quando eos ad sedendum debilitas euident, vel nimia lassitudo compellat, saltem ad inceptionem officij, ad inuitatorium, hymnos & orationem Dominicam, & a capitulo in antefurgere non omittant. Si etiam in lecto ægitudinis decumbant, reuerentiam nihilominus aliquam faciāt prout possunt. Sanctus Hieronymus ( qui tanta legitur lassitudine fatigatus, vt etiam in stratu suo iacens, funiculo trabe suspensus, manibus apprehenso supinus erigeretur, vt scilicet officium monasterij prout poterat exhiberet, dum exhaustis viribus senex nec senectuti parcat, nec debilitati blanditur ) desidii iuniorum, quibus corporis vires utcumque sufficiūt, irreuerentiam, immo dignā derisionem desidiam, signis arguit & confundit. Alius pro lentarum tædio febriū, completorium in lecto exsoluere assuetus, fertur per angelum reprehensus audiisse, Completorium sub cocco, nec fructus, nec utilitas. Sane in officio Dei,

Ccc curan-

Inclinatio  
vt fieri de-  
beat.

Habetur  
in vita san-  
cti Hieron.  
incerto an-  
no descri-  
pta co. g. o-  
perā eius-  
dem, in fi-  
ne.



Seruus Dei non est, qui eius negligat seruitutem.

Officium diuinum vt perfoluedum sit.

curanda vbique magnopere reuerentia & honestas, cum vbique sit eadem eius, cui tunc loquimur & aſſumamus, deitas & maiestas. Tanto enim amplius reuerentia & diligentia studium, diuino debetur officio, quanto id Deo immediatius exhibetur. Cura officij diligens, maxima status integritas: Neglectus officij, maxima vitæ corruptio, maxima religionis deformitas. Nemo Dei se æſtimet seruum, si Dei potissimam negligat seruitutem, quæ appropriato vocabulo, Dei seruitium nuncupatur. Debent dicere officij distincte, continue, integre, & ordinate. Distincte, ne verbum masticando, vel exiliter proferendo, vel nimium festinando, dicenda confundant. Continue, vt interruptiones in eo non fiant interloquendo, nisi urgente necessitate: & hoc quidem psalmo vel oratione, vel quocumque alio, quod tunc fuerit dicendum, completis; nisi psalmus vel oratio, quem interrompi oportuit, continuo a capite resumatur; aut inter psalmum, & psalmum mora notabilis fortasse fiat. Parisijs, vt fertur, cum quidam Theologus vniuersitatis Horæ canonicæ incepisset officium, superueniente Episcopo ad loquendum cum eo, caput sine locutione inclinans, Horam inceptam, Episcopo expectante, finiuit: quæ deinde dilationem colloquij, ne moleste ferret, admonuit; causam subinferens, quod maiori Domino loquebatur. Quidam propter interruptiones in officio factas, grauissimo afflictus purgatorio memoratur. Integre dicant, vt de dicendis nihil omittant. Proinde si plures fuerint, qui simul officium dicant, & vnus vel duo iuxta laudabilem consuetudinem psalmos, antiphonas, hymnos, & responsoria voce pronunciet altiori, non putent sibi sufficere quod ab alijs dicitur: sed omnia quæ ad suam pertinent partem, ac si essent in choro, sub silentio integre dicant: cum officium extra, eandem quam intra integritatem requirant. Ordinate denique officium in substantia, tempore, & modo, & omnibus exequi studeant. Postpositiones, implicationes, variationes facile non admittant: Honestate tamen Pretiosa, vel aliud extraordinarie aliquando dicitur, dum tamen id ipsum suo tempore minime negligant. Quis autem sine grandi conscientia scrupulo, proprium officij ordinem, sibi que religionis sanctione impositum, pro alienis quibuscumque prætermittat, aut qualibet variatione deformat? Quis nisi vanissimus & imprudens, pro certis dubia, pro autenticis vana, pro necessarijs curiosa inducat? Sint igitur sanctorum officij conditorum deuota & stabili ordinatione contenti: nihil eorum vel communi ordinis institutioni præponant, quamlibet serium & deuotum; nec desipientium more stultorum Graecorum glorias æmulentur. Insipienti enim non nisi sua placeant: omnis stultitia laborat fastidio sui. Tempus quoque congruum seruent, nec facile præter necessitatem diurnas Horas, siue primam, siue completorium saltim Canonicum, siue alias, in nocturnas conuertant. Fuerunt qui hoc quarundam obtentu traditionum defenderunt, ordinationem Ecclesiasticam officij, confusione temporis irritam facientes. Quando fuerint, duo vel plures, quasi chorum sibi constituent, & psalmos atque hymnos accipiant alternatim, vt est consuetudinis conuentui. Congruus ordo est in omnibus, vbique, prouide disciplinato seruandus. Ordinatum animum, ordinis decor & condecet & condecorat. Inordinati vero est animi, etiam in exterioribus ordinem non curare: & tamen ordinationis exterioris religio, attentionem excitat & affectum.

*De altaris ministerio curando. Cap. XVII.*

**A**ltaris ministerium ob reuerentiam corporalis præsentia Saluatoris, munditia, reuerentia, diligentia, honestatis, & circumspectionis studium speciale requirit. Mundamini (ait Propheta) qui feris vasa Domini. Haud dubium, hoc de ministris al-

taris conuenienter intelligi, quibus spiritualis & corporalis munditia est habenda. Spiritualis, vt nullus de peccato conscientia habens læsam, vel somno pollutus nocturno, ad tangendum sacra vasa, vel ad ministrandum, antequam fuerit confessus accedat. Nec debet celebraturus confessionem priuatam, quæ ante celebrationem de quotidianis offensis fieri cōsuevit, vsque ad altare differre. Corporalem quoque munditiam, requirit corporalis præsentia Saluatoris. Idcirco ministri altaris non solum antequam se ad ministrandum induant, verumetiam postquam fuerint, omnino parati, expeditis communibus, ad calicis ministerium accessuri, suas iterum lauent manus. Hoc enim semper debent cauere cautissime, ne communibus manibus, aut manicis suis, vel post immediatum rerum contactum, calicem, aut qui ad ipsum pertinet pannos, vel corporalia tangant: sed si lineam tunicam, quam rochetum vocant, vel superpellicium cum strictis manicis, vel aptum aliud non habuerint indumentum, calicem præparandum, & in fine Missæ plicandum sacerdoti relinquunt. Reuerentiam debent ministri altaris tam ad sacerdotem, quam ad ministerium, & res etiam de propinquo ad ipsum ministerium pertinentes habere. Circa sacerdotem, vt quando secum altari assistunt, per aliquantulam capitis inclinationem, & sui elongationem ab eo, ac per humilem debiti exhibitionem officij, reuerentia signum ostendant. Si vero federit, & ipsi tantum in superpellicijs fuerint, nequaquam iuxta ipsum in sedilibus, videlicet coræqualibus sedi eius, sed ad scabellum eius potius si aptius fuerit locus, vel alibi sedeant. Venerentur eum decore vt conuenit comitatu, & maxime quando se vertit ad populum, ei adsint; quem vbique ve in officio, sic & eo expleto in vestiariu reuerentem deducant, vt acies ordinata, ad altare, deinde si opus fuerit, reuersuri. Ministerio reuerentiam exhibent, si motu debito & habitu ipsi ministerio conuenienti assistant & ministrent. Aliter enim non sine nota irreuerentia ministratur: vt si quis quamuis diaconus, vel sacerdos in superpellicio ad Missam ministrans, corporalia super altare, præsentem sacerdote vestibus sacris induto, replicet aut componat. Si quis non habens superpellicium cum strictis manicis, vel aliud idoneum indumentum, corporalia & calicem tractare, aut panem & vinum in comuni habitu ministrare præsumat. Si quis hostiam in communi eligat loco, vel electam reponat, quæ in pyxide manu sua mundissima est potius eligenda, & electa super patenam ipsam, vel super corporalia decentius reponenda. Nec audiendi sunt illi, qui ad mensam Domini non aliam quam ad mensam corporis, curant munditiam, super pannos qui libris ad secretarum vel pallarum custodiam supponuntur, calicem passim vel consecrandam hostiam reponentes. Singularem hostia cultum, singularis decet munditia. Ad res quoque necessarias, vt sunt corporalia, panni calicis, ipse calix, & missale, est reuerentia adhibenda, quam munditia studium maxime probat. Huius intuitu, pannus omnis suspectus, aut quæ color impedit ablui, a corporalibus arceatur & calice. In pyxidibus hostiarum, mundissimus facculus lineus hostias contineat. Similiter & calices mundis facculis lineis inuoluantur. Quisquis ergo ad altaris utensilia sacra reuerentiam munditia curat, circa ipsa operosius studeat. De communibus libris, si quos aliquando propter officium inuitabili forte necessitate cogente, poni super altare contingit, omnino caueant, ne corporalia vel pannos calicis aliquo modo tangant. Cum corporalibus vel calicis ipsius mappa, numquam labia vel oculos tangant, deuotionis alicuius obtentu. Calix cum summa tractetur munditia, quando de loco ad locum deferretur, non super librum aut vestimentum: sed alte in manu mundissima, vel repositorio portetur: nec extra repositorium ipsum præterquam super altare, vel in alio loco mundissimo

Munditia docet ministrum altaris.

Sacerdotes honorandos.

Corporalia sint munda.

Calix reuerenter tractandus.

diffimo teneatur. Missale in loco reponatur honesto: & si nonnumquam illud extra ecclesiam, vel alias quam ad Missam teneri contingat, panno aliquo mundo præter suam camisiam inuoluatur. Denique reuerentiam in ministerio habitus decens, cura munditiæ, & in executione maturitas attestantur. Reuerentia simul & cautela munditiæ, communes corporis vestes prohibent ab altari. Et si in his plurimum opponas ineptias, habet æmulos plurimos vitium, rarissimos disciplina. Non a pluribus, sed ab honestioribus forma sumenda est. Ad hoc tam celebrans, quam minister, circa officium suum, magnam debet diligentiam adhibere. Sacerdos quidem circa pronuntiationem dicendorum & agendorum in Missa, ne defectum faciat in dicendis: formam seu modum ordinis in celebrando postponens, alia auctoritate sua introducat. Oblationi calicis aquam ipse infundat, quod a nullo sine ipsius iussione est præsumendum. Debet etiam circa custodiam munditiæ manuum & pannorum esse intentus: Manuum, ut eas ad tangendum communia, vel carnem nudam, siue in facie, siue alibi non apponat, nisi eas continuo lauaturus. Pannorum, ut numquam ad indumenta sacerdotalia, maxime ad infulam nares emungat, vel aliter ea quoquo modo deturpet. Ministris vero diligentia debet esse circa ea quæ necessaria sunt celebranti, & circa munditiæ custodiam, ac conseruationis vasorum & pannorum pertinentium ad altare. Ministrorum est, ut præinduti celebraturum cum diligentia præparent, eiusque indumenta post officium plicent: & quæ ipsi sacrum ministerium exequenti opportuna fuerint, hora, tempore & loco congruis offerant. Numquam ad Missam priuatam, legendi vel orandi gratia, solo vel sedibus se totaliter prosterant, nec latent post cortinas: sed palam coram altari, non tamen a larere celebrantis assistant, versus eum circa quem tunc oculus debet esse, aspectum quasi continue directuri: non tamen in faciem eius, maxime post Canonis inceptionem, intendat. Nec ei præsertim a parte libri nimis approprient, aut circa ipsum aliquem tumultum faciant. Summa quietis tranquillitas est necessaria celebranti. Vasa & pannos munde tractent apud eos & teneant. Si pannus calicis ad terram ceciderit, nullo modo antequam lotus fuerit, iterum calici apponatur. Circa finem Missæ calicem plicaturi, ipsum cum aqua post vinum \* recenseant; ne pannos inficiat adhærentes. Numquam super altare vinum & aquam ad mundationem, vel alias si vitare potuerint, ministrent. Si tamen ob incuriam sacerdotis oporteat, subius ampullas, quæ vinum & aquam continent, manum ad retinendum guttas, ne super altaris pannos cadere possint, apponant. Super quos etiam pannos, nec ipsæ reponendæ sunt ampullæ. Ad hoc debet qui ministrat ad Missam superpellicium si habuerit conseruare, ne cum eo aliquatenus nares emungat, vel sudores a facie, vel alias vnde cumque detergat; nec ipsius manicas maxime ad puluerem super ligna, lapides vel super terram exponat. Quod tamen si nonnumquam per aliquorum negligentiam accidit, cauere debent ne corporalia, calicem aut pannos eius cum ipsius superpellicij manicas tangant. De alijs indumentis quoties ea plicant, sollicitè caueant, ne vnumquam manicæ terram tangant, vel vsque ad ipsorum vestimentorum fimbrias descendere permittantur: sed siue tunica lineæ, siue quæcumque alia indumenta plicantur, manicæ semper longe a fimbrijs collocentur. Debet iterum ministri altaris propter vasorum & vestium (ut dictum est) conseruationem attendere, ne calicem quando reponunt stricte ligent: quia sæpe per hoc deterioratur non modicum, & paulatim obrutus conquassatur. Vasa quoque altaris & utensilia in locis suis diligenter, ut conuenit, præparata reponant. Vestimenta etiam plicare non negligant & aptare, nisi pro ali-

S. Bon. Tom. 7. Pars iij.

A quo celebraturo ea quis dimitti requirat. Sed quid horum expressionibus immoror? In omnibus enim quæ ministerium Dei contingunt, speciali nimirum diligentia opus est. Si agendis ministerijs terreni regis studiosissimam homines curam impediunt: quantum putas æterni Regis ministerijs impendendam? Ceterum si ministri altaris intendere debent honestati, multo amplius tamen per omnem modum sacerdotes qui celebrant. Postquam ergo fuerint vestibus sacris induti, cum magna debent maturitate incedere & præcipue cum altari assistunt, grauitatem in motu & gestibus, laudabili curiositate seruare. Numquam genuflexuri, quamdiu sacerdotali casula sunt induti: nisi temporibus ab Ecclesia institutis. Super altare quoque se non appodient inhoneste: nec manus suas hac & illac inordinate deducant. Quando se vertunt ad populum, non erigant oculos, ut videant assistentes. Denique circumspectos decet eos esse, specialiter circa corporalium dispositionem & custodiam: circa calicis collocationem, circa Dominici corporis consecrationem, sanguinis susceptionem, & mundationis industriam. Circa corporalia, ut ipsis super altare replicatis, vsque ad anteriorem ipsius altaris oram, sit spatium competens, ne super eadē manus suas, aut manicas indumenti teneant. Calicem ante oblationem super corporalia numquam ponat, sicut post oblationem fieri consuevit: sed ipsum vsque ad oblationis tempus, ad corporalium teneant latus. Circa consecrationem inter cetera solerter provideant, ut cum hostia fuerit consecranda, ita parum & caute in principio eam leuent, quasi scutum sibi de manibus (depresso aliquantulum pollice) facientes: ut si fieri potest, ante consecrationem a circumstantibus videri non possit, ne a simplicibus adoretur: qui quanto citius eam viderint in manibus sacerdotis, incaute nondum consecratam adorant. Cum autem consecratio fuerit consummata, hostiam sine mora notabili duabus manibus quantum expedit, ut ab hominibus possit videri, cum omni reuerentia eleuant, tam in eleuando, quam in reponendo, debitam maturitatem seruet: nec post vel ante eleuationem osculentur eandem. Si super altare viaticum celebrant, consecrationem facturi, manum cum hostia consecranda super ipsius altaris viatici lapidem teneant: ne fiat consecratio iuxta, & non supra ipsum. Circa sumptionem calicis caueant, ne ipsum sumendo, vel calicem exguttando per nimiam extractionem, tumultum quendam vel sibilum cum labijs faciant, aut post sumptionem digitos lambant. Erit etiam tutum, si dum sanguinem sumunt, calicem tenentes cum dextera decenter, & patenam cum sinistra supponant, sanguinem, si quid effundi contingeret, recepturam. Super quam si frangi corpus Dominicum, aut reponi contingat, ipsa deinde vino & aqua, vel altero illorum sufficienter debet infundi. Incongruum & indignum, ut patena post Christi corpus sanctissimum, communi tactui pateat non munda, & rebus quibuslibet licet mundis, sine differentia exponatur. Si sentis aliter, credo ut post patenæ vel calicis, aut corporalium tactum, non sunt manus communicandæ communibus, ante factam post tactum huiusmodi lotionem. Si calicis petatur mūdatio pro infirmis, primam nullatenus aut secundam perfusionem exponant: sed prius semper mūdationibus solitis perfectis, aliud denuo vinum calici apponatur petentibus indulgendum.

De disciplina circa ea quæ ad corpus sunt.

Cap. XLIII.

Habito de disciplina circa spiritualia, sequitur de ipsa circa corporalia. Et primo circa ea, quæ in nobis sunt: Secundo circa ea, quæ extra nos sunt. respectu eorum quæ in nobis sunt: primo videndum

Ccc 2 est de

Corporalia, quomodo explicanda.

Iam obseruantur rubricæ missæ Romanæ noui.

Infula f-lamentum sacerdotis, quod nobis dicitur amictus. Ministrorum officium.

\* al. abluat,

est de disciplina respectu totius corporis, quantum ad gestum: secundo respectu partium corporis, quantum ad actum. Et primo respectu linguæ, quantum ad duo opera naturæ, in quibus congruit officium linguæ, scilicet quantum ad loquelam & gustum. Secundo, respectu manuum, ut in exercitio manuali. Tertio, respectu pedum, ut in incessu. Quarto, respectu membrorum omnium, quantum ad aliqua ipsorum officia. Deinde circa ea, quæ extra nos sunt. Primo quantum ad ea, quæ de prope, ut est vestis & habitus. Secundo quantum ad ea, quæ de longe, ut sunt officina.

*De disciplina in gestu. Cap. XIX.*

*Ex Hugo-  
ne de S. Vi-  
do. 10. 2. in-  
stit. Mon.  
ad Nouit.  
cap. 12. sub  
finem.  
Gestus reli-  
giosorum qua-  
les esse de-  
beant.*

**C**irca disciplinam in gestu (qui modus, & figura-  
tio membrorum & corporis dicitur) duplex est  
custodia adhibenda. Prima est, ut vnum membrum  
alterius officium non usurpet, aut eius ministerium  
sui admixtione confundat. Si os loquitur, caput non  
agitur, manus non moueatur, & sic de alijs, ut dum  
alterum membrum operatur, alterum quietum omni-  
nino permaneat: aut si opera eius necessaria illi esse  
cognoscitur, ad operandum ordinate moueatur. Sec-  
unda disciplina custodia est in gestu, ut quodlibet  
membrum in eo quod facit, debitum modum teneat,  
nec temperantiæ limitem, aut honestatis formam ex-  
cedat: hoc est, ut in paucis exemplis probemus, ri-  
dere sine apertione dentium, videre sine defixione  
oculorum, loqui sine extensione mantum, sine con-  
tortione labiorum, sine agitatione capitis, sine ele-  
uatione superciliorum: incedere sine modulatione  
gressuum, sine ventilatione brachiorum, sine gesti-  
culatione scapularum: iacere sine deiectione mem-  
brorum: sedere sine alterutra superiectione pedum,  
& sine alterutra accubatione laterum, sine diuarcia-  
tione seu dilatactione crurium, sine extensione vel agita-  
tione tibiarum. nempe honestum & humilem fratrem  
femori suram imponere, vel pedes palam cancellare  
non decet, arcendi sicut in publico, ita & in secreto  
sunt gestus inepti, gestus denique religiosi debet esse  
humilis, seuerus & grauis. est enim reprehensibilis  
gestus, si superbiam, si mollitiem, quæ nunc per la-  
sciuam hilaritatem, nunc per nimiam deiectionem  
infatuat, aut si etiam leuitatem prætarat. Turpis in  
humilitatis professore superbia. Fœda prorsus in hu-  
mili habitu gesticulatio fastuosa. sic non est viri mu-  
liebre habere mollitiem, puerili leuitate. Graui-  
tatis modestia, multam affert seruata moribus hone-  
statem, neglecta maculam & contemptum. mortifi-  
cata secundum Apostolum super terram membra,  
gestus debent mortificatos habere.

*Coloss. 3. a*

*De disciplina in modo loquendi. Cap. XX.*

*Ex Hugo-  
ne de S. Vi-  
do. 10. 2. in-  
stit. Mon.  
ad Nouit.  
cap. 17. in  
prin.*

*Sermo sit  
modestus &  
humilis.*

*Hugo & S.  
Vict. rom. 2.  
instit. Mon.  
ad Nouit.  
cap. 12. in  
med.*

**D**isciplinam loquendi tam in modo & prouida (quan-  
do loquendum sit) discretionem, quam in verbo-  
rum religiositate attenditur. Modus, in gestu & so-  
no considerari potest. Loquentis gestus, debet esse  
modestus & humilis: sonus demissus & suavis. Mo-  
destiam debet habere gestus loquentis: ut nec inor-  
dinate, nec turbulente inter loquendum membra mo-  
ueat. nec oculorum nutibus, labiorum contractio-  
ne, vel altero non decenti alterationis modo, vultus  
honestatē deformet, aut faciem ipsam mollitiē qua-  
dam resoluat humilitatis ostentū: sed in eadem vul-  
tus constantia semper permanens, seueritatem beni-  
gnam & constantem, & quodammodo rigidam be-  
nignitatem prætarat. In facie siquidem hominis  
speculum disciplinæ relucet: cui tanto maior custo-  
dia est adhibenda, quanto minus quod in ea fuerit  
peccatum celari potest. Vetat quoque loquentem ge-  
stus modestia, ne se hominibus notabili quadam sup-  
plicationum profunditate incuruet, aut eius cui lo-

**A**quitur vultui nimis instet: ne inhoneste quidem in-  
eius faciem, halitus aspiratione insufflet, aut halitu  
ipso post vinum potatum, sensum maxime narium  
offendat. Loquentis halitus vultui auditoris & nari-  
bus, vitiose prorsus ingeritur. Debet etiam gestus  
humilitatem, modestiam, ac vultus hilaritatem præ-  
tendere. Sonitus debet esse demissus pariter suavis:  
quia clamoritas & verborum asperitas, locutionem  
religiosi plurimum quidem & dedecet & deturpat.  
Discretio præterea quando loquendum sit, necessa-  
ria est: quia ex ore fatui etiam parabola reprobat, *Eccli. 20. 6*  
quia non dicit eam in tempore suo. Sapiens quando

**E** loquendum, & quando tacendum sit prudenter con-  
siderat. Est autem iunioribus fratribus fere semper  
inter seniores usque ad interrogationem tacendum.  
Adolescens, ait Scriptura, loquere in tua causa vix  
cum necesse fuerit. Si bis interrogatus fueris, habeat  
caput responsum tuum. Silet etiam a bonis Prophe-  
ta: Ergo quamuis de bonis, sanctis, & ædificatio-  
num eloquijs, perfectis discipulis rara conceditur lo-  
quendi licentia. Nam loqui & docere, magistrum  
concedit: tacere & audire discipulo conuenit. Lo-  
quente alio numquam loquantur: aut verba loquen-  
tium quouis pacto interrompere præsumant. Nec  
modari vel importuno insultu, sociorum locutionē  
impugnent. Stultorum enim hæc sunt, qui nec lingue  
parcere, nec socijs deferre nouerunt. Si qui etiam  
mutua se collatione impetunt, per impositionem si-  
lentij, & aliam poenam condignam merito reprimun-  
tur. Religiositas debet in locutione seruari: ut sit ser-  
mo veridicus & purus, sit dulcis & honestus. De ve-  
ritate sermonis, Sapiens dicit: Ante omnia verbum  
verax præcedat. Non solum igitur mendacia, &  
quæ criminosa sunt, verumetiam locutiones hyper-  
bolicas & aliqua duplicitate notabiles, penitus vitent.  
Loquentes de dubijs aut futuris, numquam absolute

*Raro loque-  
dum.*

*Eccli. 32. b  
Psal. 38. a  
Benedictum  
in Reg. c. 6.*

*Sermo ve-  
rus.  
Eccli. 37. 6*

**D** loquantur: sed in huiusmodi omnibus semper con-  
ditionem apponant. Præcisa enim de indifferentibus  
verba, religio non consentit. Non est alicuius viuen-  
tis arbitrio, de contingentibus negare vel asserere ab-  
solute. Non facile de auditis sententient: licet veri-  
tatem sentire se putent. Sint ad responsum tardi,  
ne per inconsiderationem falsum aliquod, vel indi-  
sciplinatum proferant verbum. Debent etiam pure  
loqui: ut in eorum verbis nec iactantia, nec detractio,  
vel malitiæ alicuius, aut vanitatis admixtio valeat in-  
ueniri. Numquam de scientia, vel sæculi statu se ia-  
ctent. Erubescant dicere de absente, quod cum cha-  
ritate non possent dicere coram ipso. Vnde sanctus

*Bened. in  
Reg. c. 34.*

*Sermo reli-  
giosi grauis  
esse debet.*

**E** Benedictus, Murmurare aut conqueri nesciant: nec  
murmurationis malum, pro qualicumque causa, in  
aliquo qualicumque verbo vel significatione appareat.  
In verbis suis aut litteris, si quas aliquando dirigunt,  
puerilibus vel adulatorijs non vtantur blanditijs: sed  
tamquam religiosi, suam breuiter & veraciter inten-  
tionem exponant. Honestatem habet locutio, si &  
illius qui loquitur, & illorum quibus vel de quibus  
sit sermo, conueniat dignitati. Otiosa vero, iocula-  
toria, iuratoria, contentiosa, maledica, vel alia sæ-  
cularia verba, nec pura sunt quidem, nec religiosæ  
conueniunt dignitati. Nugæ, ut ait sanctus Bernar-  
dus, inter sæculares sunt nugæ, in ore sacerdotis, aut  
religiosi blasphemias. Interdum si incidunt, ferendæ  
fortassis, referendæ numquam. Os talibus aperire il-  
licitum, assuescere sacrilegium est: fœde ad cachin-  
num moueris, fœdius moues. Dissuece a vanilo-  
quio linguam, qui ad profectum religionis aspiras.  
Processurus in publicum, præmuni teipsum: & ani-  
mo statue a verbis inanibus abstinere. Prouide tibi  
antequam prodeas aliquid, vnde si expedierit sermo  
texatur. Familiare prudenti, consideratione omnia  
præuenire. confert ad singula fuisse præmunitum.  
Si dignum quippiam relatione non habes, tace. Tu-  
tius & humiliter audis, quam loqueris. Non affabi-

*Tutius au-  
dire quam  
loqui.*

litas

*Mat. 5. f*  
*Contende- re nō decet religiosos.*  
*Pron. 20. a*  
*1. Cor. 10. b*  
*Aug. En- chir. c. 79.*  
*Mat. 5. 6*  
*Rumigeru- li non sūt.*  
*1. Cor. 8. d*  
*Sermo dul- cis.*  
*Tit. 3. a*  
*Eccē. 6. a*

litas opportuna, sed loquacitas otiosa damnatur. Iurare vero nunc per caput, nunc per sanctos, vel alio quouis modo, Christi (qui ait, Sit sermo vester est est, non non) discipulo minime congruit. Rursus indignum penitus seruis Dei, muliercularum more contendere. Si resistentia incidant verba, cedendum continuo resistenti. Honor est homini qui se parat se a contentione. Numquam discendi, ut dicitur, gratia, litigent: scientes ad se verborum contentiones nullo modo deinceps pertinere. Non potest esse, quin contentio aliquid quod contra conscientiam dicatur, extorqueat. Ergo inter Dei seruis collatio, non altercatio debet esse. Peruersum est, maxime si ausu dampnabili ad iniuriosa vel maledica verba, quæ secundum Apostolum a Dei regno excludunt, os religiosi laxetur: aut diaboli nomen ad inuentionem assumat, vel in communi locutione frequentet. Sunt quædam quæ leuissima putarentur, si non in Scripturis demonstrarentur opinione grauiora. Quis enim dicentem fatue fratri suo, reum gehennæ putaret, nisi hoc veritas expressisset? Pessimum hunc loquendi usum, quasi pro affabilitatis solatio, salutis aduersarius introduxit: ut per eum modicæ occasionis accessu stultis illudens, eos frequenter in grauis lapsum offensæ impulsu leuiori præcipitet, & status dignitatem colluio fordicationis vilificet. Pudeat eos rumigerulos esse, aut verborum secularium delatores. Nihil inter socios seminent, quod infirmos animos dissoluere valeat, aut turbare. Reus est Deo & ordini, qui temerario diffidentia verbo conscientiam percutit infirmorum. Præterea siue fratri, siue extraneo, siue magno, siue paruo loquantur, semper in ore verbi dulcedinem habeant, omnem ad omnes, secundum Apostolum, mansuetudinem ostendentes. Numquam suæ prætextu constantia vel zeli cum cōmunitatis iniuria, in verba contumeliosa prorumpant. Sæpe enim meritum immoderata lingua confundit: turpiusque defensio, quæ iniurijs vitur. Habet fastus pro constantia impetum, pro ratione iniurias: sed lingua eucharis in bono homine abundabit.

## De disciplina circa comestionem. Cap. XXI.

**D**ebent etiam cum timore Dei comedere, disciplinam semper tam in modo se habendi, quam in cibo seruantes: vitantes nihilominus quasdam minus decentes secularium consuetudines super mensam. Placet vel pauca de singulis exempla subnectere, quæ ad similitudinem considerationem transmittant. Honeste se debent habere, ut dum comedunt aut bibunt, sedeant; bibentes cum duabus manibus scyphum teneant: membrorum agitationem, & quædam anhelationem, vel labiorum tumultum, quæ animi notant intemperantiam, vitent: oculos a circumspeditione, linguam a locutione cohibeant. Oculorum custodia inter epulas propterea necessaria est: quia non decet ibi præcipue ut vagos habeant oculos, neque curiose & (ut amplius dicam) impudenter, quæ apud alios aguntur circumlustrando prospiciat: sed ut potius pudice demissis luminibus, ea tantum quæ sibi ante posita sunt attendant. Loqui vero seu mussitare ad mensam, ubi silentium est seruandum, turpe vitium est. Declinanda mussitatoris societas: qui licet legis honestate prohibitus, linguæ tamen volubrum non valet retinere. Si quando etiam extraordinarie bibunt, siue adsint, siue non adsint extranei, quamdiu bibitur, sileant. Culpanda nimis verborum multiplicatio iuxta potum. In cibo, tam in qualitate, quam in quantitate ipsius, quam etiam in modo, mōraque ac frequentia, comedendi disciplinam seruent. In qualitate, ut numquam pretiosa vel delicata, numquam ciborum aut preparationum diuersitates affectent. Promptum ad delicata pala-

S. Bon. Tom. 7. Pars iij.

**A**tum, curiositas quædam, honestatis postpositum, declarat. ut verbi gratia: Si quis ex vitio meliora de communi eligat portione, ut quod in pane sapiens, vel in alijs viderit melius, ipse sibi accipiat: si maiora panis fragmenta sumat, minoribus si adsint licet minus delicatis, sine rationabili causa dimissis, cum panis vel res alia quanto magis ad integritatem accedit, tanto ad mensam ipsam valeat honestius reportari. Si ad maiorem saporis delectationem in pane inueniendam, ipsum inordinate frangendo, circumcidendo, vel micatenus excrustando deformat: Si vinum cum aqua temperare non curet: Si longum & interpolatum faciat haustum: Si salam communem, panis appositione consumat; aut eam incongrue totam, vase transuerso vel circulari venatione vendicet, cum sit magis in medio intingendum. Sicut enim apud honestos quosdam in sæculo imputatur, si corrosionibus ossium curiosius insistas, aut carnes per magnos notabiliter bolos, præter exigentiam scindas vel edas, aut dum scindis, scissum immediate morsellum, antequam in communi loco posueris, percipias, a meta communi iuxta vulgare prouerbum non curando discrepas; aut tactu more palponis, electum post tactum relinquant, vel simile quippiam actites: sic religiosus est indecens, si in his quæ sibi pro tempore conueniunt cibis, notam gulositatis non vitent. Si quando eos ieiunij tempore, vino confecto vel simplici, ante comestionem vel post, herbis seu speciebus infirmitas uti coegerit, occulte huiusmodi si potuerint sumant: ne simplices idem sibiipsis absque sufficienti necessitate licere putantes, ad soluendum ieiunium suo incitentur exemplo. Est insuper diuersitas respectu cibi & preparationum vitanda. Nihil ad mensam speciale apportent, vel in mensa requirant, præter sal & aquam, quæ possunt semper cum honestate requiri. Priuandus communibus est, qui specialia in communitate usurpat. Communibus igitur discant esse contenti. Os suum ad omnia, quæ alij comedunt, assuecant: ut si fieri potest, nullum omnino repudient seu abominentur cibum. Grande vitium si potagium & communia respuas, ut in specialibus lautius procureris. Porro modo mollia, modo dura, modo frigida, modo frixa, modo elixa prægnantes solent appetere mulieres: prouidenter autem sobrieque conuersanti, satis est ad omne condimentum sal cum pane. Debent etiam excessum in cibis, & maxime potus quantitatem vitare: ut crapula vel satietas nimia non subrepat. Nihil sic contrarium omni Christiano, quomodo crapula, ait sanctus Benedictus: Amplius quoque qualiter, hoc est, quam decenter, munde ac temperate sit comedendum attendant. Decentia detrahit, qui cibum in ore habens, vel scyphum in manu detinens, loquitur: qui manu armata cultellum habente, cibum ori ministrat, vel ei nondum expedito a cibo potum nihilominus ingerit, aut dum bibit vel comedit, caput tenet in caputio profundatum. Munditiam debet ad proprium & sociorum cibum, & ad mensam ipsam super quam comeditur, obseruare. Munditiæ simul ac decentiæ gratia caueant, ne in paropside, scypho, vel ouo, præmorsum aliquid iterum comesturi reponant. Fæde tuorum reliquias dentium alicui cibo immisces. Numquam scyphum digitis potagio vel alio quolibet madidatis accipiant, aut pollicem poculo immergant: nec super potum, in scypho vel super cibum quemlibet sustinent. Indecenter agitur si digitos quis immittit potagio, & offas vel olera nudis articulis cochlearis vice piscatur. Si superfluitates pisci & similia, ex ore proijcit super mensam, vel nuces alij quam sibi frangit cum dentibus. Si quis tussit aut sternutat, non auersa facie a mensa. Raro enim hoc fit, sine qualicumque emissionem reliquiarum oris. Si nudam manum in mensa naribus emungendis, vel

Ccc 3 carni

\* al. præcipias.

Specialia in mensa non sunt querenda.

Hugo a S. V. d. tom. 2. in st. Mon. ad Nouit. cap. 19. Bern. epist. ad Robertum nepotem. in st. S. Bened. in Reg. ca. 39.



Carui nudæ scalpends apponit, vel manum ipsam ad vestimenta detergit. Cauendum quoque, ne quis ante faciem circumstantium fratrum, pro sale & alijs necessarijs, quæ a fratribus tradi possunt, manum extendat super mensam, & eorum cibum cum manicis seu habitu suo tangat. Scindendus etiam panis, pectori seu velli communi non est sine interpositione tobaliæ applicandus. Munditia mensæ requirit, ut mensale nequaquam frequenti vel superflua deterfione cullælli, vel manuum deturpetur, pargandis maxime dentibus nullatenus exponendum. Fœdum enim & vile, mappas & manutergia fratrum communia, dentium fricatione fœdare. Qui conuentualia dehonestat, committit utique in conuentum. Temperantiam manducandi, ait Hugo, intelligimus in eo, si homo trahim, & non cum nimia festinatione comedat. Festinatio in inchoatione & prosecutione comestionis attenditur, quâdo videlicet in initio mensæ statim absque orationis alicuius præambulo, ad cibum manus extenditur; aut cum quadam voracitate comeditur: Si prius ori cibum ministras, quàm alio sumpto fueris expeditus. Ceterum per morosam comestionem, congregationem detinere ad mensam, aut si quando extra conuentum bibitur, iuxta potum moram contrahere, non est decens. Hinc per Sapientem sobrio dicitur: Cessa prior causa disciplinæ. In comedendi & bibendi frequentia, seruanda est diligenter temperantiæ disciplina. Sane post refectiorem ad potum redire, aut per diem in domo ex vitiosa consuetudine, aut quod turpius est, post completorium bibere, non mediocri vitij notam habet. Honestius ad mensam quantum indiges bibis, quàm bibendo per diem meribubuli morem geris. Fructus vel aliud quodcunque extraordinarie sæcularium more comedere, patens est gulositatis indicium. Siquidem extra duas vices in die, nisi necessitate cogente, in domo vel extra comedere, puerorum immo pecudum est. Senex D legem in vicibus comedendi non seruans, fertur per angelum a fino comparatus. Ad collationem tempore ieiunij faciendam, duabus tantum vel tribus, si indiges, bibere vicibus, temperantiæ congruit & honestati. Studet sobrius quamdam temperantiæ legem, in ipsis etiam necessarijs obseruare. Denique quorundam sæcularium in faciendis coinuitationibus, in poculis, in fragmentis, & huiusmodi, consuetudines vitent ad mensam. Non se inuicem facile coniuuēt: sed comedat vel bibat vnusquisque pro suæ arbitrio voluntatis, quantum necessitati suæ melius sibi notæ quàm alij, viderit expedire. Congruè tamen senior veredantes forte, vel nimium abstinentes iuniores inuitat. Sapor & poragium prægustata, vilium quoque seu quorumlibet ciborum reliquias, ut ouum vñ, tantillumve pitantiæ, si ventre iam satiato superfit, indecenter commensalibus maxime senioribus ingeruntur. Encenia per mensam non mittant. A fragmentis & reliquijs caueant: sed de pane & alijs ita sibi prouideant mensurare, ut coram se vix micæ relinquant. In poragio tamen aliquid interdum honeste relinquant, id sibi pauperum & temperantiæ gratia subtrahentes. Verum & si quid forte reliquerint, non tamen ut paterfamilias ad erogandum congerere permittuntur. Pro socijs aut vix aut numquam, maxime circa finem refectiōis, panem vel aliud scindant, aut potum in scypho ponant: nisi saltem quantum ipsi soli comedere vel bibere valeant, si alij quibus hæc offerunt, non acceptant. Numquā pro buccella, ut dicitur, panem tunc integrum scindant, præsertim si apud socios fractum inueniant. Si scyphum communem habuerint, qui voluerit bibere, non amplius de potu apponat, quàm possit bibere vna vice. Inter reliquias quæ aliquando fiunt, inutile aliquid vel nocuum, ut quæ de nucē, ouo, castaneaue proijcimus, aliaque huiusmodi, nullo modo relinquant. Murilegos vel aues ad mensam non pascant: cum nec

in refectorio debeant sustineri. Possunt cum dictis & similia circa comestionem attendi. Verumtamen sunt nonnulla, quæ licet communiter vitiosa putentur, interdum tamen inter domesticos in spiritu charitatis sine vitio exercentur.

De disciplina in opere manuali. Cap. XXII.

AD disciplinam circa exercitium operis manualis, quod manuali opere corporaliter exercetur scinandam, necessaria est discretio, diligentia & honestas. Est habenda discretio circa opus, ut quod faciendum est, discrete fiat. Discernendum est primo, ut vili operi necessarium, bono quoque melius, & meliori optimum præferatur. Inuare fratrem cum indiget, multum utique operi peculiari præponderat. Rursum celebrare volenti inuamen subtrahere, maiorem pluribus alijs offensam esse, quis ambigit? Est enim discernendum quod opus quo tempore fiat. Nonnulla siquidem in festis diebus non fierent, quæ in profectis bene fieri possunt. Videtur in operibus distinguendum. Sunt enim exercitia quædam, quæ necessitati quotidianæ inseruiunt: ut est ciborum præparatio necessariorum ad diem, utensilium, coquinæ ablutio, & consimilia quæ omni tempore fieri solent. Sunt quædam alia, quæ in diem alteram differri possunt, ut est scribere in quaterno, tunicam virgis excutere, caput abluere: ceteraque alia a quibus est diebus Dominicis & festis præcipuis abstinendum, ob sacri reuerentiam temporis. Festinamque dies, per honestum quietis otium, alij vero dies per laboris debiti exercitium honorantur. De quo Hugo: Quantum, inquit, addit decoris diebus festiuis quies vacationis, tantum ornamenti confert ceteris diebus studium boni operis: ita ut in illis quisquis noluerit, esse quietus, index sit suæ vanitatis; & in istis qui non fuerit laboriosus, testis pigritiæ. Carnales siquidem mentes ne vel in illis diebus quiescant, vanitas exagitat: ne vel in istis in bono opere se exercent, pigritia ligat. Deinde quasi concludens subiungit. Quapropter non negligenter habenda est in bono opere discretio temporum: quia sicut malum opus nullo tempore laudabile est, ita etiam bonum opus quodammodo reprehensione dignum iudicatur, si tempore opportuno factum non est. Diligentia in opere ex proprietudine operantis, & deuota fidelique operandorum executione dinoscitur. Diligentia huiusmodi promptitudo, non in opere manuum tantum, sed in conuentuali quolibet maxime locum habet. Quicquid pertinet ad conuentum, id præcipue diligentia studio est agendum. Sint ergo præcipue ad conuentualia exequenda promptissimi. Numquam tarde ad opus Dei, vel ad mensam occurrent. Vnde sanctus Benedictus: Ad horam diuini officij, mox ut auditum fuerit signum, relicis omnibus quæ in manibus fuerint, summa cū festinatione curratur: cum grauitate tamen, ut non scurrilitas inueniat fomitem. Ergo nihil operi Dei præponatur. Ad mensam autem qui per negligentiam non occurrerit ante versum, ut simul omnes dicat versum & orent, & sub vno omnes ad mensam accedant, qui per negligentiam aut vitium non occurrerit, & sic vsque ad secundam vicem correptus emendare ne glexerit, iuxta ipsius sancti decretum a communis est mensæ participatione arcendus: ut solus a communi consortio sequestratus reficiatur, sua ei de vino si fuerit habiturus portione sublata. Digne quidem a communi refectiōe repellitur, qui se per vitium a communi oratione secludit. Absita seruis Dei vitiose huius consuetudinis turpitudine: ut conuentuale aliquod diuinum præsertim officiū alterius prætextu cuiuslibet, tardo accessu vel citiore abscessu, propter opera dehoneſtent. Ut enim tardus accessus, sic ante horam recessus, sine graui præsumptus necessitate arguitur. Impatientis & vani signum est hominis, in communi-

Mapparum  
vñs.

Hugo a S.  
Viſore 10.  
2. inst. mon.  
naſt. ad no  
uit. c. 21.  
Sine festina  
tione eden  
dum.

Eccli. 31.6

Post Com  
pletorium  
non biben  
dum.

In collatio  
ne bis vel  
ter bibendū

Fragmenta  
non facien  
da aut reli  
quias.

Felles non  
permittan  
tur in refe  
ctorio.

Festis diebus  
ut iuxta agē  
di.

Hugo a S.  
Viſ. 10. 2.  
inst. mon.  
ad nouit.  
cap. 4.

Bened. reg.  
cap. 43.

Ben. reg. 43.

Cito re  
currendum  
ad commu  
nitatem.



bus anticipare recessum: nec opus Dei posse in choro  
usque ad finem expectare. Si monachum, sancto nar-  
*Greg. lib. 2. dialog. 6. 4.* rante Gregorio, post completum officium continuo  
recedentem visus est demon ab oratorio retrahere,  
quid de his, qui nec ipsius expletionem officij præsto-  
lantur? Haud dubium conuentualis vbiliber decori  
integritatis negligere, inexcusabile prorsus remissio-  
nis est vitium: ad vitium autem vix occasio deerit, si  
quolibet admittatur. Omnes demique fratres, labo-  
*Osa 10. c.* res non ex sola consuetudine, ut vitula Effraim docta  
diligere trituram, sed ex animi deuotione sectentur:  
ut in communibus sit feruoris affectio specialis. Con-  
uentualis vitam ut sanctissimam immo angelicam, ro-  
to affectu animi amplexantes, ei tam continua quam  
deuota prosecutione adhaerent. Quantum ad officium,  
mensam & alia, vix nisi coacti a conuentus congre-  
gatione recedant. Tantam Deus conuentui efficaciam  
contulit bonitatis, ut ibi augmentum suscipiat boni  
bonus, aut veniam mali malus. Multa in conuentu  
bona presentibus conferuntur, absentibus subtrahun-  
*1. Reg. 10. b.* tur. Saul ad conuentum psallentium prophetarum  
accedens, propheta efficitur: extra conuentum fa-  
*Ioan. 24. f.* ctus, peruertitur. Thomas discipulorum absens co-  
uentui, visionis Dominice consolatione fraudatur,  
quam ad collegium reuersus assequitur. Discipuli pa-  
*Act. 2. 4.* riter congregati Spiritum sanctum accipiunt. In con-  
uentu Dominus habitat & requiescit. Ibi deuotos  
quoque vberioris gratiae pabulo refocillat: ibi quam  
plures negligentiae personales, in diuino maxime offi-  
cio subrepentes, congregationis communionem supplē-  
tur: ibi quod suis quisque non potest, aliorum meri-  
tis obtinere meretur. Ceterum licet ad maiora do-  
mus officia, videlicet hospitalitatis, refectorij, infir-  
mariae, lectionis ad mensam, & huiusmodi principa-  
liter & continue fienda, nouitios fratres assumere pro-  
uida religionis consuetudo non habet; si tamen qua-  
do contingat eis aliquod huiusmodi officiorum vel  
ad horam committi, magna debent deuotione susci-  
pere: & ad faciendum ea mansuete, volenter, accepta-  
biliter, integre ac circumspecte, magnam debent dili-  
gentiam adhibere. Mansuete, hoc est, sine murmure  
& displicentiae signo. Fili, ait Sapiens, in mansuetu-  
dine opera tua perfice. Est in opere bono necessaria  
*Eccli. 3. c.* strenua velocitas: de qua Sapiens dicit, In operibus  
tuis esto velox. Velocitas ac maturitas non remouet  
*Eccli. 31. c.* grauitatem, sed vitium tarditatis excludit. Est etiam  
Operandū velociter. acceptabiliter operandū, ut quibus ministratur, prout  
*Rom. 15. g.* honeste fieri poterit, satisfiat. Optabat Apostolus &  
orari rogabat, oblatio sua fieret acceptabilis in Ieru-  
salem sanctis. Magnus profectus est ei, cuius ministe-  
rio multi laeti facti Deum laudant. Integritas in ope-  
re bono requiritur, ut non diminute, non ad euasione-  
nem, vel quasi ad oculum, sed perfecte, ut res exigit,  
fiat. Circumspectio in obsequijs, prout officiorum,  
requirit varietas, est habenda: quod per exemplum  
in vno officio melius patet. Si quando refectorarij  
vicem gerant, quae ministranda fuerint tempore con-  
gruo & modo debito praeparata ministrēt, & religio-  
se distribuunt: ne in mensa defectus vel circa ministe-  
rium suum minus expediens aliquod accidat, proui-  
suri. Ministrantur itaque necessaria tempestiue. Tur-  
pe est si propter vnus defectum, tota congregatio ex-  
pectet. Sicut igitur omnia siue fructus, siue sapes,  
sic & alia comedentibus congrue apponenda, prius-  
quam fratres ad mensam intrauerint, prouide appo-  
nantur. Conferendorum collatio successiua, conuen-  
tum sapius detinet: & id quidem imputandum negli-  
gentiae ministrorum. Ad mensam vero quicquid ap-  
ponitur, praeparatum, ut decet, reficientibus offeratur.  
Noces si dandae fuerint, prius frangantur. Herbæ cru-  
dae si apponendae fuerint, mundenur: & sic de alijs  
obseruetur. De omnibus quae apponuntur, sua cuius-  
libet, si fieri potest, portio singulariter tribuatur. Sunt  
rurigenae qui nec a Praelatis discreta, vel a senioribus

aut extraneis forte distinguant. Communia maxime  
ut sal & aqua mensae non desint, quae in primis proui-  
dus ministrator apponit. Aqua non solum pro tem-  
perando vino, immo saepe pro alijs necessaria est in-  
mensa. Cochlearia quoque sunt ad omne potagium  
opportuna, ne cum digito piscari oporteat: & ne iux-  
ta Hugonem in eodem iure & manus ablutionem, &  
ventris refectionem videatur quarere. Murilegos  
vel aues, quae tenentur alicubi contra araneas nullate-  
nus esse in refectorio, dum fratres reficiuntur, patian-  
tur: nec enim hoc est expediens, vel bene factum. Sic  
& in alijs circa istud vel aliud quodcumque sibi impo-  
situm officium, sunt intenti. Scriptum est enim, Cun-  
cta cum diligentia facite. Et iterum, Agite diligenter  
& erit Dominus vobiscum in bonis. Sic agitis in ti-  
more Domini, fideliter & corde perfecto. Honestas  
in operatione seruatur, si omnia quae aguntur cum  
maturitate ac religiositate quadam exercentur, & in  
omnibus nitor inueniatur munditiae. hoc enim reli-  
giosum maxime decet.

Hugo 8.8.  
Vi8. 10. 2.  
instit. mon.  
ad nouit.  
cap. 22.

2. Par. 19. b  
Ibid. 21. d  
Ibid. 9. c

Munditia  
decet reli-  
giosum.

## De disciplina in incessu. Cap. XXIII.

Disciplinam circa incessum, penes modum & discre-  
tionem in ambulando considerent. Honestus  
enim modus requirit, ut non impetuosus & fractis  
gressibus ambulent: nec erecta ceruice, non promi-  
nente pectore, seu etiam inclinato super humerum ca-  
pite, aut vagabundis manibus: quae omnia  
vel leuitatem, vel superbiam, vel remissionem,  
vel hypocrisis sapiunt. Debent etiam in eundo discre-  
tionem habere, ne de illorum numero censeantur, de  
quibus dicitur per Prophetam, Non est iudicium in  
gressibus eorum. In eorum gressibus non inuenitur  
iudicium, qui eundo necessitatem, vel ordinem non  
attendunt. Necessitas discursum inutilem, ordo in-  
ordinationis confusionem excludit. Discursus igitur  
per domum, per hortum & extra domum, qui mag-  
num est instabilis mentis indicium, caute vitent. In  
domo, ne scilicet per officinas de loco ad locum, de  
fratre ad fratrem inutiliter euagentur, aut loca rumo-  
ribus audiendis vel collocutionibus apta frequentet:  
sed in locis sibi concessis, ut sunt ecclesia, cella, capi-  
tulū, si extranei affuerint, vel alijs locis, si qua sibi fue-  
rint specialiter deputata, cum silentio residentes. Of-  
ficinis priuatis, puta vbi cibaria praeparantur, infirmi  
vel hospites recreantur, aut fratrum congregationi,  
vel comedentibus & bibentibus se nullatenus ingerat  
non vocati. Erubescant praecipue ad reficientium,  
mensam accedere, vel eis nisi pro euident ministerij  
necessitate assistere. Effrontis est hominis, non erube-  
scere comedentes. Veruntamen si quando eos loca  
sibi non concessa, necessitas adire compulerit, ad os-  
tium pulsare aliquantulum possunt, ut aliquis egre-  
diatur ad eos, vel ut ipsi vocati securius & honestius  
intrent. In hortum non eant absque licentia, nisi eos  
vel ab aliquo professo mitti contigerit, aut vocari: ad  
loca sua postquam ab eo recesserint, vel eius negotium  
fecerint, quam citius reuersuri. Veruntamen eorum  
instructor iuxta superiorum dispositionem nunc hos,  
nunc illos, aut etiam omnes simul ad spatiandum in  
horto, causa recreationis vel alicuius bonae collatio-  
nis, poterit per se vel per alium fratrem professum,  
cum expedire viderit vocare. Tempore probationis  
domum exire, propinquos suos visitare non curent:  
nec enim inter cognatos & notos Dominus inueni-  
tur. vnde Bernardus, Quomodo te bone Iesu inter  
meos cognatos inueniam, qui inter tuos minime es  
inuentus? Si quando domum, quamuis de superio-  
ris licentia exeunt, nihilominus tamen idipsum si-  
gnificant suo instructori: quod & de suis alijs no-  
tabilibus factis obseruent. Ordo circa incessum est  
religioso in conuentu specialiter seruandus: ut in  
processionibus fratrem sibi collateralem attendat,  
ut cho-

Isa. 59. a

Non vagan-  
dum per co-  
uentum.

Lnc. 2. 8

Bernard. ep.  
107. in 50.

ut chori sui partem in refectorio & in clauſtro, cum pro gratijs ad Eccleſiam itur, in omnitenear loco: nec ſe ad chorum alium vel in refectorio, vel in clauſtro, ſeu alibi transferat, niſi cauſa rationabili perurgente. In Eccleſia vero inter pulpituſ in medio chori poſituſ & altare, dum maxime ibi aliquid dicitur, non facile tranſeat; niſi forte alibi liber non pateat tranſitus: & tunc ab ipſo pulpito tranſiens, & inclinans ne pulpituſ videatur venerari, non ante ipſum directe, ſed a latere decentius inclinabit. Eſt & ordo reuerentiæ & decentiæ in inceſſu, ut non paſſim ſeniores iunior antecedit; aut quando vitari facile poteſt, frequentes & nimis propinquos ei tranſitus faciat ante ipſum. In Eccleſia quoque inter miniſtros altaris, ſubdiaconum videlicet, diaconum & ſacerdotem in officio ſuo ſollemniter celebrantes, necnon & ante fratres infra deambulatoriuſ ſediliuſ, & formarum minus honeſte præter neceſſitatem tranſiunt. Sed illud deambulatoriuſ intraturi, ad vacua debent ſedilia per introituſ ſedilibuſ ipſis propinquiorem accedere, niſi ob aliquam perſonarum reuerentiã, ſi forte intermedia fuerint, ſit aliter facienduſ.

*De diſciplina in geſtu membrorum. Cap. XXIV.*

Oculorum  
cuſtodia.

*Præſent. 17. d.*

*Ibid. 21. a*

*Pſal. 120. a*

*Joan. 6. a*

*Ex Bern.*

*ſtraſſa. de*

*gradib. hu-*

*militatis.*

*ubi de cu-*

*riofitate.*

*Gen. 34. a*

*Ibid. 3. a*

*Riſus reli-*

*giouſus.*

**E**ſt in alijs membrorum corporis, ſiue oculorum, ſiue oris, ſiue brachiorum manuumq. officijs, diſciplinæ ſtuduſ. de quibus adhuc aliqua breuiter ſupponuntur. Amatores igitur honeſtatis, oculos ab inordinata euagatione & exaltatione in menſa, & in choro præcipue diligenter cuſtodiant. Scriptuſ eſt enim, Oculi ſtultorum in ſinibus terræ: Et, Dilatatio cordis exaltatio oculorum. Leuat quidem Propheta oculos ut petat auxilium: Dominus ut impendat. Tu quoque ſi locum, cauſam & tempus conſiderans, tua vel fratris neceſſitate oculos leuas, non ſolum non culpo, ſed plurimum laudo: hoc enim excuſat miſeria, illud commendat miſericordia. Si aliàs, non Prophetæ, non Domini, ſed Dinæ, aut Eue, immo potius ſatanæ te imitatoreſ dixerim. Non ſint in ritu faciles, nec in voce clamor. Cachinnus præcipue grauitatem religioſi plurimum dehoneſtat. Vile proſuſ eſt religioſum virum, ut puerum cachinnare. Non licet religioſum virum diſſolutis labijs riſum proferre, ſed hilari vultu cordis hilaritatem prætereſ. In datione pacis labia ſemper claudant, quibus apertis turpiter exhibetur. Nares non in aliorum aſpectu, ſed ad partem cum duorū tantum aut trium appoſitione digitorum emungant. Seorſum etiam ſpuenduſ eſt, maxime in conuentu fratrum; ne loca publica, ſiue in choro, ſiue alibi ſputo ſcedantur, & adſtantium oculi offendantur. Patet quorſdam in ipſo chori deambulatorio, ad pedes ſuos palam fratribuſ ſpuere, nec pudere. A notabilibus corporis ſeu membrorum extensionibuſ, quæ cum oſcitantibus vel aliàs non ſine quadam inhoneſtate fieri ſolent, omnino abſtineant. Tunc enim ſunt corpus & brachia comprimenda, ne cum huiuſmodi pigritia extendantur. Honeſto incongruum viro, pigra membra diſtentione reſolui. Diſſolutiones fugiant manuales: grandia namque cauſant pericula, ſoletq. luctuſ ludo accidere corporali. Et poſt comeſtionem præcipue ſe a iocoſitate notabili, & multiloquio ſtudeant temperare. Siquidem licet omni tempore diſſolutionis leuitas ſit vitanda, poſt refectionem tamen, vel aliàs cum ſolo fratre & iterum coram conuentu turpius agitur. Turpiſſima eſt diſſolutio in conuentu. Ad hæc alium quempiam præter neceſſitatem ad cinguluſ vel manuſ accipere, flores, fruſtus, vel baculuſ in manu otioſe geſtare, cinguluſ inter digitos voluendo rotare, honeſtati non conſonat, immo laſciuiz ſignuſ quodammodo prætereſ. In lotionem manuſ, quando de vaſe manuali aqua reci-

**A**piruſ, vaſ ipſuſ nunquam a parte ſuperiori, præcipue manuſ diſtillantibuſ, ſed per anſam potius, vel a latere, vel a fundo accipiant; ne guttiſ manuſ aqua reſidua ſordideruſ. In lecto ſe honeſtiſſime iacendo componant: nec reſupini iaceant, nec genua leuando, calcaneos iungant ad tibiaſ. Hæc & ſimilia non ſunt, ut minima temere aſpernanda. Clara nonnunquam conuerſationis inſignia, quædam in minimis obſcuſcant ineptiæ. Plerumque modiciſ paulatim per incuriam ſubrepentibuſ maculiſ, tota morum congeries inquinatur.

*De diſciplina circa habitum ſeruanda. Cap. XXV.*

**D**iſciplina in habitu poteſt tam circa pannū, quàm circa formationem, & munditiæ conſeruatiōem attendi. Circa pannuſ: ut non ſit pretioſitate, mollietate, vel ſubtilitate notabilis. Vetiſ pretioſitatem etiam mulieribuſ Petruſ interdicit. Porro qui molliuſ veſtiuntur, in domibuſ reguſ ſunt. Inter diuites palatii & pauperes clauſtri, debet eſſe differentia. Molliſ veſtimenta animi mollietatem indicant. Molleſ (ait quidam) molliſ quæruſ. Subtilitas & nitor, reprehenditur in byſſo diuituſ epulantiſ. Nimia panni ſubtilitas, & ſi non pretioſa, nihilominuſ tamen in propoſito pœnitentiæ vitioſa. Sit curæ nouitijs pannorum pretioſitatem, ſubtilitatem, & incongruam religioni mollietatem non curare. Vereantur & renitentur ut poſſunt, mutari ipſorum ſanctoruſ de veſtiſ vilitate cenſuram, & vitioſam conſuetudinem induci. In ſignuſ ſunt panni tui Domine Ieſu, ſed in ſignuſ cui a multis uſque hodie contradicitur. Honeſta exigit veſtimentorum formatio, ut non ſint nimis lara vel ſtriſta. Amplitudo vel longitudo veſtimenti ſuperflua, ſiue in manicis, ſiue in capitiſ, ſiue in collario capitiſ eſt admodum fugienda. Sed nec apertuſ quibuſdam circa cinguluſ, vel alibi, aut curioſitatibuſ alijs quibuſcumque eſt habitus deformandus. Coaptatio quædam religioſo decens, quædam indecens. Indecens eſt, ſi præter morem religionis fuerit curioſa: ut verbi gratia ſi capitiſ collarium, quædam in gyro replicatione iuxta mundanorū conſuetudinem coaptetur, aut curioſe ipſuſ replicetur capitiſ circa genas. Decens eſt, quando non curioſitati, ſed honeſtati deſeruit, ut videlicet veſtiſ honeſte portetur, & honeſte pro loco & tempore diſponatur: ut honeſte portetur ſuccingenda eſt æqualiter & decenter. Si enim ex vna parte notabiliter pendere permittatur, vel in alijs præparatio debita omitatur, fatuitatem vel negligentiam, vel hypocriſim ſapit. Aptanda eſt veſtiſ maxime circa peſtuſ per applicationem ad colluſ, ne colluſ ipſuſ uſque ad peſtuſ, vel interiores panni hominuſ aſpectui exponantur, quod irreligioſuſ eſt valde. Cauenduſ eſt circa portandi moduſ, ne quiſ pereſſuat: ſi ſi os ſub capitiſ, vel mentuſ abſcondat: Si dominarum more tunicam a lateribuſ tenendo incedat, aut manuſ in ſinu tenens tunicam manicam exteriuſ pendere permittat. Quando enim manuſ in ſinu vel ad horā ponere cogit neceſſitas, a manu altera præſumpta tunica cautiuſ eſt tenenda, ne pendeat indecenter, ut manuſ in ſinu teneri vix a proxime aſtantiſ percipi valeat. Ambaſ autem manuſ in ſinu tenere quàm irreligioſuſ ſit, palam omnibuſ eſt: cum vnam vel diu teneri vix excuſat ipſa neceſſitas. E mortui eſt corporis, membrorumq. officia exequi non valentiſ, manicaſ non regere deſuenteſ. Et quidem cum interiuſ a ſua cuſtodia ſoluitur menſ, & membra foris ad omnem actum inordinate mouentur, & tam in veſtibuſ, quàm in alijs diſciplinæ cura negligitur, incompoſitio corporis quietatem indicat mentis. Sunt & alia circa modos portandi vitanda. Sunt (inquit quidam) ſtulti, qui quodam officioſo artificio, veſtimenta ſua circa ſe componunt. Alij iactant, do &

*Ber. in for- mul. hone- ſta vita, in fine.*

*1. Pet. 3. a Mat. 11. a*

*Ber. de cō- cordantiâ ſtatū reli- gioſor. poſt med.*

*Luc. 16. a*

*Luc. 2. b*

*Ber. ſer. 4. de Natali Domini in prim.*

*Veſtiſ com- poſitio.*

to & ventilando pannos suos, leuitatem mentis suæ, ex ipsa sui habitus mobilitate ostendunt. Alij incedentes sinuoso syrmate terram verrunt, & lumbis dependentibus, immo retro consequentibus caudis, in similitudinem vulpium vestigia sua obducunt, & quocumque perrexerint, quasi turbo tempestatis puluerem concitant. Dispositio habitus aliquando ratione operis, aliquando ratione consortij variatur, respectu quorum habenda est consideratio disciplinæ. Ad exercitium operis tam propter expeditionem, quam propter custodiam munditiæ, honesta, prout res exigit, præparatio vestis requiritur: ut scilicet quantum necesse fuerit succingatur. Manicæ vero retrahantur, & prout expedierit componantur, ne super manus, vel super rem ipsam quæ tractatur, recidant indecenter: præcipue ad priuatas custodiendæ sunt manicæ diligenter. Dispositio huiusmodi tolerabilis, immo commendabilis est in priuato, quæ tamen in publico maxime coram extraneis non est decens. Quando ergo coram extraneis aut coram conuentu proceditur, quantum res patitur, ad dispositionem communem est habitus, tam in manicis, quam in alijs reuocandus. Caput si nudum fuerit, caputio congruit operari. In omni siquidem publico loco, siue chorus, siue refectorium, siue alius fuerit locus, fratrum congregatione præsentem, & multo magis inter extraneos, operto decenter capite, religiosus incedat, nisi ob reuerentiam alicuius ministerij vel personæ aliter sit agendum. Non est tamen caputium siue coram fratribus, siue coram extraneis, nimis in capite sine rationabili causa profundandum. Operta sub caputio facies, quandam hypocrisis notam infert, & aliorum in se oculos sua singularitate conuertit. Decet ergo caput in publico, non faciem operiri. In lotionem quoque pedum, ille qui pro Christo tale ministerium exhibetur, operto si potest commode capite, humiliter & sine multiloquio debet esse, & charitatis obsequium cum timore ac deuotione suscipere. Nec debet quis ibi vel alibi tibias nimis exponere: sed magis tunica circumcingere diligenter. Turpe est enim religiosi personis, carni nuditate occurrere. Cauet omnis honestus ne eius vniquam appareat caro nuda, nisi quantum compulerit necessitas manifesta. De sancto Antonio legitur, quod cum necesse haberet fluuium transuadare, rogauit socium suum, ut paululum a suo separaretur aspectu, ne suam inuicem corporis nuditatem vterque conspiceret. Recessit socius: nihilominus tamen ille seipsum cum nudare se vellet, erubuit. Ipsum tamen hæc cogitantem, in alteram fluuij ripam virtus diuina transposuit. Hanc haud dubium honestatem Dominus acceptauit. Pannos quoque interiores, & quæ ultra communem seu regularem formam, siue in vestibus, siue in alijs indulgentur, quantum necessitas patitur, occultari oportet. Vnde nec almutia palam extra caputium religiofe portantur. Restat de vsu habitus continuatione, & munditiæ in eo conseruatione videre. Vfus habitus, prout habitus pro speciali signo religionis accipitur, continuus debet esse: ut religiosus frater non sit, vel modicum sine ipso, nisi necessitas euidentem eum cogat. Sæcularis personæ nuditas, & religiosus sine habitu comparantur. Cauendum etiam ne habitus dum sedetur, aut genuflectitur, aliquam inquinamenti maculam contrahat. Et si quam propter aliquam causam aliquando contraxerit, vel propter sudorem, mundificari citius debet maxime si in loco fuerit apparenti. Propter hoc immunditia illa quæ in oris caputij circa genas contrahitur ex sudore, debet cum diligentia remoueri. Fœda est religio, quæ innititur fœditati, culpatur quidem & cultus munditiæ nimis & neglectus.

*De disciplina in officinis inter fratres. Cap. XXVI.*

**D**enique in officinis, maxime in refectorio, in oratorio, dormitorio, ceterisque, quæ consuevit frequentare conuentus, etiam ad latrinas discipline se habeant & quiere. Numquam per susurrum & tumultum, occasione operis alicuius fratres orantes, studentes, aut quiescentes impediunt. In oratorio nemo aliquid agat, nisi ad quod factum est, vnde & nomen accepit. Vnde si forte aliquid etiam præter horas statutas, si eis vacat, orare voluerint, non eis sint impedimento, qui ibi aliquid agendum putauerint. Cum per dormitorium fratribus quiescentibus vadunt, non plane, immo quasi furtiue incedant. Parando lectum vel alio quouis modo, quiescentes reprehensibiliter inquietant. Surgentes a lecto, ipsum decenter operiant, ne velut irrationabilium cubile remaneat imparatus. De priuatis loqui, si cui turpe videtur, turpius nouerit ibi turpe aliquid committi. Ibi non congruit, ut quasi mox gelicidio perituri, amicis accessorii sarcinam deferant. Ibi religiosus cum summo silentio & operio profunde capite debet esse. Ibi confabulari, & præter necessitatem hac & illac capite discooperto respicere, religiosorum esse non dixerim, sed scurrarum. Ibi seruanda in manuum & vestis dispositione honestas. Ibi honestus quisque diligenti opera cauet, ne per ipsum, aut per eius incuriam aliquis offendatur. Ibi cauendum est eis, ne stantes vrinent, vel a loco minus honeste recedant. Sed nec per hortum est facile vrinandum, vel alibi ubi a socijs, aut ab alijs videri possint: quia, ut ait quidam: Multa possunt honeste fieri, quæ non possunt honeste videri. De singulis ad disciplinam per singulas officinas & loca spectantibus, vix aut numquam singulariter posset edisseri. Ad multa tamen haberi potest disciplinæ consideratio ex prædictis. In ostijs aut officinarum, aut ubi fratrum communis est transitus, maxime circa priuatarum introitum, vnde ad necessaria euntes & redeuntes respici possunt, numquam honesti fratres faciant stationem. Quando etiam intrant & exeunt, officinarum secretiorum ostia post se claudant: ne superuenientes extranei & intrantes, fratres inueniant imparatos. Numquam extraneos licet familiares ad visitandum officinas inuident. Si quando tamen ad aliquorum instantiam eas ostendere permittantur, domos tantum communiore, non intra per singula loca, seu angulos peragrandum: sed ab ostijs expedite, quantum honestas permiserit, ostendentes, quidquid eorum aspectui subtrahere poterunt, subtrahant & furentur. Non est religio, ubi omnibus omnia patent. In locis communibus, ubi fratrum occurrerit frequentia, nullo modo detineant aduentantes. Infirma hæc paruulis exprimens, grandium oscilla non vito: sed ubi proficit paruiducendus est illusor.

*De modo conuersandi in omni loco secularium. Cap. XXVII.*

**N**unc videndum est qualiter in villa, itinere, ecclesia, domo, locutione, & comestione sit nouis fratribus inter extraneos conuersandum. Si quando exeunt domum, habenda est eis custodia disciplinæ respectu societatis & sui. Societas & solatium, & honestas religiosæ conuenit dignitari. Propter hoc in villa, præcipue senioris, cum quo fuerint, vestigijs semper inhærentes, se ab eo etiam sub vno tecto nullatenus separent: quin ad minus videri semper ab ipso libere possint. Seipsum autem quantum ad circumspeditionem, locutionem, habitum & membrorum dispositionem in disciplina contineant. Non circumspectant in vicis ciuitatis, ut Sapiens docet: auertant oculos suos ne hauriant vanitates. Et a secularium colloquutionibus prudenter abstineant. Manus suas religiofe

*Aug. in Regula c. 7. Oratoriū.*

*Fratres se non disungant.*

*Eccli. 9. 4 Psal. 118. 6*

*De lotionem pedum.*

*Refert Athanasius in vita sancti Antonij.*

*Habitus non deponendus vniquam.*

religiose componant. Numquam inter homines dis-  
cooperto capite, vel almutiati vel aliàs indisciplina-  
te incedant. Sed nec sæcularium vel religiosorum  
domos subito eis ignorantibus introeant: sed vocan-  
do ab ostio, vel pulsando, seu alias quoquomodo pro-  
positum seu voluntatem ingrediendi pronunciet. Vir  
eruditus, ait Sapiens, foris stabit. Sed nec sine ducto-  
re per sæcularium domos, vel per religiosorum officii-  
nas est vagandum.

Eccli. 21. d

*De modo conuersandi in itinere constitutis.*  
*Cap. XXVIII.*

**S**I fuerint extra domum in itinere constituti, & quā-  
tum ad societatem, & quantum ad seipsos caute  
se debent & religiose habere. Quantum ad societate-  
tem, debent sibi a mulieribus, a scurris, & ratione pe-  
riculi, a personis de maleficio notatis attendere. Ta-  
lium personarum societas singularis, religiosi viri  
nisi forte ad horam pro salutis animæ causā, non cō-  
uenit. Debent se tamen prudenter a consortijs huius-  
modi segregare. Ipsi autem fratres in itinere se ab in-  
uicem non debent nimis disiungere, quin ad minus  
mutuo se videre & audire facile possint. Non est tu-  
tum aut decens religiosi, quos congruit binos ire, al-  
terum ab altero longius separari: talisque separatio  
eis in periculum, & occurrentibus cedit in scādalum.  
Quantum ad seipsos debent in factis & verbis disci-  
plinate se gerere. In factis debet honestas, deuotio  
& discretio apparere. Propter honestatem dissolutione-  
nes tam manuales quā alias, quæ cursitando vel aliter  
quomodolibet fieri possunt, penitus vitent. Mul-  
ta enim ex hoc inconuenientia (vt expertum est) pos-  
sunt sequi, hominibus frequenter, de quibus non ad-  
uertitur, videntibus quæ aguntur. Non sunt brachia  
notabiliter denudanda, nec vestes nimium succingen-  
dæ, vel aliter irreligiose tenendæ. Ceterum ad deu-  
otos pertinet fratres ecclesijs quando transeunt iuxta  
ipsas; necnon & crucibus; de portis inclinationibus  
reuerentiam exhibere: cœmeteria vero absque ora-  
tione pro defunctis nullatenus pertransire. Discre-  
tionis est, agenda quæque præuia deliberatione me-  
tiri, & non agenda cauere: quia qui de futuro nihil  
præmeditatur, omnia incautus incidit. Moderandus  
est per senioris consilium labor itineris, ne spiritum  
deuotionis extinguat. Audienda est Missa, sanctæque  
exhortationis pro populo si affuerit, sermo fiendus. Et  
ante omnia semper in primis diuini pensum officij  
deuote soluendū, ne fratres se magis cursores quā  
religiosos exhibeant, & contra religionis propositū  
de accessorio principale facere conuincantur. In so-  
lemnioribus festis est ab itinatione cessandum. Cau-  
enda est per vias dormitio, tamquam periculosa &  
indecent: nec est tarde vel apud infames hospitandū  
personas. Disciplinam verborum debent attendere,  
tam in materia, quā in sono. Si occurrerint homi-  
nes, debent eos humiliter salutare. Seniorum erit,  
coitinerantibus & his cum quibus aliquando loqui  
contigerit, aliquid ad ædificationem vel consolatio-  
nem proponere. Peccantes in eorum præsentia non  
rigide, sed cum modestia & humilitate corripere, &  
ad bonum per rationes & dulcem allocutionem indu-  
cere, & quodammodo omni creaturæ sanctum Euan-  
gelium prædicare. Sanctus Philippus Eunuchum in  
itinere baptizauit. Beatus Martinus latronem secum  
itinerantem conuertit. Si vero non affuerint homi-  
nes, de Deo verba fratrum conuenit esse: ipse nam-  
que itinerantibus & loquentibus de se discipulis, ite-  
rationis factus est comes. Tunc exempla patrum,  
vel alia quæuis bona, quæ vel accendant affectum, vel  
saltem instruant intellectum, sunt ad laboris alleui-  
ationem narranda. Turpissimum est nescire tempus,  
nisi friuolis & fabulosis narrationibus detinere. Væ  
tacitibus de te Domine; quoniam loquaces muti

ecclesijs ca-  
put inclinā-  
dum.Missa audiē-  
da ante om-  
nia, & absol-  
uendum of-  
ficium diui-  
num.Vbi sit ho-  
spitandum.

Mar. 16. c

Act. 8. g

Sulpis. in  
vita sancti  
Martini,  
paulo post  
princip.

Luc. 24. b

August. 1.  
conf. cap. 4.

**A** sunt. Solent fratres litanias, psalmos penitenciales,  
canticum graduum & similia, aut simul aut singula-  
riter frequentare, & maxime ante tertiam: aut certe  
in sanctis meditationibus occupari. Denique quo-  
ties mutue collationis verba interueniunt, sonum  
omnino decet esse demissum. Proinde clamosam lo-  
cutionem, quæ numquam decet religiosam personā,  
penitus vitent: maxime inter fruteta & nemora exi-  
stentes. Siquidem iuxta vulgare prouerbum, Ne-  
mus aures, & campus seu planities oculos habere di-  
cuntur. Ab omnibus ergo quæ coram sæcularibus di-  
cere nolunt, in locis dumosis & nemorosis omnino  
abstineant: nisi forte aliquid quasi sub silentio & a-  
tinis verbis dicere velint. Miserabiles confusiones  
quibusdam minus cautis, pluries ex hoc accidisse fe-  
runtur. Non contenti in itinere, maxime in cantu sæ-  
cularium cantionum aliqua licet bona, cum laici non  
intelligant nisi sonum. Et præter hæc religiosum nō  
decet in cantu extraordinarie vocem efferre. Si qui  
forte dissolutiones, aut clamosas disputationes, verbo-  
rum altercationes, vel alia, quæ offensionis materiam  
extraneis dare possunt, vitare inter homines negli-  
gunt, nequaquam eos timoratos dixerim, aut zelum  
religionis habere. Qui religionis suæ scandalo non  
occurrit, honori proprio detrahit & salutis. Qui fide-  
lis religionis est filius, nequaquam eius scandalum  
parui ducit.

*De modo conuersandi in ecclesijs sæcularium.*  
*Cap. XXIX.*

**P**ERuenientes ad religiosorum vel sæcularium loca,  
cum ad ecclesiam si in loco fuerit, veniunt, in in-  
gressu ecclesiæ illum secum versiculum memorantes.  
Introibo in domum tuam, adorabo ad templum san-  
ctum tuum in timore tuo. Et nudato capite signum  
crucis super se cum reuerentia facientes, ante altare  
vel in alio loco orationi congruo, ad quem declina-  
uerit senior, prosternere se humiliter debent. Vbi  
quantum Deus dederit deuote orātes, pariter ab ora-  
tione surgentes, procedere poterunt ad ea, quæ neces-  
se habuerint iuxta propositum exequenda. Ecclesiā  
namque, sicut Evangelici & Ecclesiastici viri, semper  
prius si commode possimus, visitare debemus: sancto-  
rum Patrum qui nos in ordine præcesserunt, immo  
ipsius Saluatoris exemplo; quem beatus Euangelista  
Matthæus, Hierusalem ciuitatem ingressum, refert  
templum Domini adiisse. Super quem locum dicit  
Expositor, quod ingressus urbem primo templum  
adiit, dans formam religionis: vt quoquo imus, pri-  
mum domum orationis, si ibi est, adeamus. Missarū  
etiam solemnij vel alias diuino officio cū extraneis  
assistentes, gerant se humiliter & honeste. Non stent  
in sedibus suis velut magnates, aut quasi laici lassi, de  
officio non curantes: sed ad librum si necesse fuerit  
honeste poterunt accedere: officiantes, cum maturi-  
tate tamen ac modestia tam in voce quā in gestibus  
obseruata, humiliter iuuent. Quod si propter eui-  
tandum discursum ad librum non duxerint acceden-  
dum nihilominus tamen communia quæ nouerint,  
poterunt cum alijs honeste sine nimia vocis exaltatio-  
ne cantare. Ad cantandum autem aliquid sequestra-  
tum, sicut est alleluia, responsum, vel aliud quod-  
libet, nequaquam cum sæcularibus se cōbinent, si vi-  
tare poterunt bono modo. Tunc etiam non solum  
in prædictis, verum etiam in honesto se habendi mo-  
do, quantum ad disciplinam aspiciendi, loquendi, ha-  
bitus & vniuersimodas, honestatisque custodia est haben-  
da. Reprehensibile est ibi vagis circumspicere ocu-  
lis, aut colloctionibus dum Missæ officium celebra-  
tur intendere: quod tunc etiam sæcularibus clericis  
ius Canonicum interdicit: aut per aliquam rem, ha-  
bitus sæcularitatem prætere. Vnde ibi non decet  
caputium inter homines extrahi, nisi ad Euangelium,  
vel ad

De Deo lo-  
quendum in  
itinere &  
orandum.Nemus au-  
res, campi  
oculos.Bern. ep.  
42. memi-  
nit prouer.  
ante med.  
Non cantā-  
dum in iti-  
nere.

Psal. 5. b

Ecclesia om-  
nium pri-  
mo ad eui-  
da.Mat. 11. b  
Ioan. 2. cGlossa ordi-  
na. in Mat.



vel ad alia pro quibus ex approbata consuetudine communiter fieri consuevit. Denique propter vni-  
formitatem, dum interfunt officio solliciti sint circa  
duo. Vnum est ne diuersitate sua in his quæ ab hone-  
state non discrepant, alios scandalizent: vt videlicet  
ad Magnificat in vespertis, ad Quicumque vult, in Pri-  
ma, vel ad alia huiusmodi, ceteris cum reuerentia stā-  
tibus, ipsi non sedeant, licet illud officium tunc ipsi  
non dicant. Aliud est, vt in stando, sedendo, & se  
prosterendo sint inuicem vniiformes, vt pariter stent,  
sedeant & se prosternant. Qui cor vnum & animam  
vnam debent habere, diffformes exterius non debent  
esse. Vniiformitas morum, vniiformitatem iuuat &  
indicat animorum. Senioris consuetudini debet se  
focius humiliter conformare. Religiosorum morem  
cum eis officiantes seruamus, cum alijs inclinationum  
ritus ignaris, festiuo tempore ad omnes collectas vul-  
tu ad altare verso cum reuerentia stantes: ad B. Vir-  
ginis & sanctorum dumtaxat, qui speciali ex more  
veneratione coluntur nomina, inclinamus. In feria  
vero simus ad omnes orationes prostrati. Ad præfa-  
tionem semper, & quando dicitur Agnus Dei, moris  
est stare. Verumtamen si quando apud extraneos du-  
xerint celebrandum, modum ordinis sui in celebra-  
do vniiformitatis occasione non varient; nec ipsum  
dimittant, nisi aliter facere cogat necessitas: ne velut  
instabiles & modum proprium non habentes, cum  
varijs ecclesiarum consuetudinibus temerarie varien-  
tur. Possunt tamen in benedictionibus post Missam,  
iuxta morem patriæ faciendis, & in omnibus huius-  
modi quæ modo non præiudicant regulari, ecclesiarum  
in quibus fuerint, consuetudines obseruare.

*De disciplina in hospitio seruanda. Cap. XXX.*

**I**n hospitij domo cum fuerint, studeant se in omni-  
bus gerere humiliter ac prudenter circa custodiā  
disciplinæ: humiliter erga personas in conuersa-  
tione ostendant, personis maioribus humiliter defe-  
rant, personis humilioribus & pauperibus tamquam  
confratribus suis, socialiter & benigne loquantur.  
Conuersatio quoque signum aliquod superbiæ non  
præferat. Numquam ad prima se ingerant loca, nec  
tamen ad ea vocati prorsus refugiant. Senioris tamē  
fratris, quem præponere debent, semper in omnibus  
honore seruato. Quod honori vel certe delicijs dese-  
ruire videtur, humiliter vtique declinatur, & honesta  
modestia recusatur. Vbi autem senioris, aut sociorū  
accedit instantia, cedere magis quàm diutius repu-  
gnare oportet. Parendo potius quàm obstinatius  
repugnando, seruatur humilitas. Reprehensibilis dif-  
ficultas, vbi palam nutui obuiatur senioris. Lectos  
sæcularium non ascendant indifferenter per diem:  
nec familiam hospitij obsequiorum exactione mole-  
stant. Decet pauperes paucis esse contentos: ipsique  
necessitati est pro loco & tempore detrahendū. Num-  
quam hospitum familiaritas, vel alicuius affinitatis  
propinquitas præsumptionem inducat: vt in domo  
præcipere, curiosa querere, aut de factis domus, vel  
familiaris indagandis, vel disponendis se iterum intro-  
mittere velint, qui propriæ rei familiaris curam, vt  
Deo seruirent, liberius abiecerunt. Prudentiam qui-  
dem necessariam habent, vt sint in sui custodia cir-  
cumspecti. vnde Apostolus, In sapientia, inquit, am-  
bulate ad eos, qui foris sunt. Et Dominus, Cauete,  
inquit, ab hominibus. Caute ergo in disciplina cen-  
sura non solum in publico, verumetiam in privato se  
habeant. Nullum, ait quidam, puraueris locum sine  
teste. Narrabat quidam frater, se in quibusdam sæcu-  
larium domibus, occultas deprehendisse fenestras,  
per quas ea quæ in domibus illis existentes agebant,  
ipsis non percipientibus poterant aperte videri. In-  
æstate meridiano tempore dormitionis iacentes, ali-  
quod si possant super habitum operimentum, saltem

vsque ad cingulum habeant: ne quando dormiunt,  
eos indecenter quidem inter homines discooperiri  
contingat. Erubescenda nimis quibusdam ex hoc ac-  
cidisse feruntur. Habenda vbiq; prudentiæ circum-  
spectio & cautela circa personas, loca, negotia, & res,  
si quas habuerint reponendas. Circa personas, vt se-  
nimis hominibus non committant, quantumcumque  
familiares fuerint, aut propinqui. Attendant sibi in  
omnibus quæ dicunt aut faciunt. Spirituales ille qui  
omnia diiudicat, & ipse a nemine iudicatur, omne  
opus suum trina quadam consideratione præueniet.  
Primum quidem, an quod possit liceat, deinde an de-  
ceat: postremo an expediat. In omnibus semetipsum  
sicut Dei ministros exhibeant. Sint in aspectu, gestu  
& omni actione sua ferij, religiosi & modesti sicut de-  
cet sanctos. Verumtamen modus quidam est religio-  
nis: superstitiosum ideo esse nimis non oportet. Da-  
bit congruum inter homines modum discretio perso-  
narum. Status & qualitas hominum differens, diffe-  
rentiam exigit conseruari. Habet se prudens cū dif-  
ferentibus differenter, cum omnibus tamen caute.  
Erit simplex non stolidus, humilis non deiectus, man-  
suetus non blandus, hilis non lasciuus, affabilis non  
vaniloquus, aut scurrilis. Quinimmo interest sapien-  
tis, sic, si res exigat, a rigore interdum remitti, vt mo-  
dum tamen modestiæ nec in ipsa remissione dimittat.  
Potest grauitatis censura remitti pro tempore, non di-  
mitti. Imputanda tamen remissio, vbi nulla decentiæ  
vel vtilitatis intentio. Prudens Domini seruus, vtili-  
tatis fructum ex sua nouit remissione afferre. Ad hoc  
quoniam attendenda est honestis congrua personarū  
honestas, honestioribus semper adhæreant. Mulierū  
tam propinquarum quàm aliarum caute prout pote-  
runt societatem declinent, earumque familiare nimis  
obsequium & tactum omnino refugiant. Nulla ratio-  
ne sustineant, quod pedes sibi a muliere lauentur. Nu-  
dam autem manum mulieris tangere, vel ad eius ca-  
put vel corpus vbilibet absque necessaria & euidentis  
causa manum extendere, ab omni prorsus religionis  
honestate quis dubitat alienum? Quando religiosus  
cum muliere sedet, aut loquitur, manus suas occulta-  
re & ad se retrahere debet, quas etiam quandocum-  
que cum personis extraneis loquitur, simul iunctas,  
& velut inuicem colligatas, vel alias religiose decet  
haberi. Locutio disciplinam requirit. Numquam  
mulierem quantumcumque sibi affinitate coniunctā,  
siue sororē, siue neptem, quantumcumque pueriles,  
sed nec facile matrem propriam osculentur. Fugiant  
omnino feminea oscula milites Christi: cum osculū  
etiam viris offerri non deceat: nisi forte vbi de pro-  
prio patre vel alijs honestis personis, moris exactu,  
sine scandalo vitari non potest. Religionis personam,  
religionis honestas os indifferenter osculis commu-  
nicare non patitur. Denique periculo animæ mulie-  
rum habetur societas. Igitur (vt docet quidam san-  
ctus) vbiq; gustanda est cum mulieribus non con-  
tinuanda præsentia: sed quasi transeunter feminis ex-  
hibenda est accessio quodammodo fugitiua. Tutius  
est non posse perire, quàm iuxta periculum non  
perisse. Illum autem nec castum dixerim, nec hone-  
stum, qui mulierem aut tangere, aut tactum eius ad-  
mittere non abhorret. Quomodo enim tangere licet,  
quod intueri non licet? Ad custodiendā cordis mū-  
ditiam, exterior quoque sensuum disciplina est seruanda.  
Loca igitur quæ periculi vel suspicionis materiā  
dare possunt, caute declinent: nec soli cum muliere  
in locis huiusmodi, vel ad modicum morentur. Do-  
mina quædam, vt fertur, dum duo religiosi ad eius  
domum diuertissent, alterum seorsum vocauit in ca-  
meram, quasi secreto aliquid sibi locutura: quem  
ingressum mox ad turpitudinem prouocans, asseruit  
firmiter se continuo contra ipsum, quasi ei violentiam  
inferentem, nisi statim sibi acquiesceret, clamaturam  
Tunc doctus a Domino frater, antequā mulier in vo-  
cem

Seniori se  
conformet  
iunior.

Parendo ser-  
uatur humi-  
litas.

Matt. 10. b

Col. 4. a

Matt. 10. b

Nullus sine  
teste locus.  
Seneca lib.  
de morib.

1. Cor. 2. d  
Confidera  
an liceat,  
deceat, ex-  
pediat.  
Ex Bern.  
3. de consi-  
deratione,  
in mod.  
Eph. 5. a

Mulierū ta-  
ctus & obse-  
quia nō ad-  
mittenda.

Mulierum  
colloquia  
vitanda.

Vide S. Bo-  
nauent. in  
hist. sancti  
Franc. c. 5.  
Sententia  
D. Hieron.  
10. 1. ep. 47.  
paulo post  
principiū,  
qua incipit  
Retulit mi-  
hi De  
visando su-  
specto con-  
tubernio.  
Nora,  
Similequid  
contigit S.  
Bernardino  
Senenli.



cem clamoris prorumpere ad fratrem cōsocium, qui cum pluribus personis in atrio domus erat, alta voce clamauit, librum sibi continuo offerri requirens: sicq. adueniente fratre, necesse habuit mulier ab huiusmodi nefaria sollicitatione cessare, & frater hominum confusionem euasit. Nonnulli ob causam similem confusi turpiter, & verberati grauiter fuisse dicuntur. Qui autem cauet laqueos, securus erit: qui autem non cauet, est aut stultissimus, aut peruersus: nec est eius excusatio admittenda. De nocte si per domos hospitum ad necessaria exeunt, simul quidem & cum lumine ut filij lucis eant. Ceterum de mundanis secularium negotijs expediendis, religiosus temerarie se non debet intromittere. Si de animæ negotio agitur, apponendum est quidem & petendum consilium ab his qui habent officium & peritiam consulendi. Aliàs non est militātis Deo, se iterum occasione propinquorum, vel amicorum secularibus implicare negotijs, quæ mundo moriens abdicauit. Impius est qui animæ suæ pro parentibus suis est crudelis. Sed nec secularium litterarum ad portandum vel præsentandum alicui præcipi debent: nisi de ipsarum tenore opus forsitan aliquod pietatis habente constiterit. Nec veris religiosus expedit, quod verborum etiam sine litteris pro negotijs huiusmodi baiuli fiant, vel internuntij. Sed si super talibus requirantur, hoc per alios quos deceat fieri replicent. Circa rerum custodiam, siue libros, siue alia secum detulerint, nequaquam negligentes existant: sed omnia, libros præcipue, antequam illa deponant de manibus, vel de sinu, certæ fidelique personæ commendent, quæ a suis & canibus qui libros, ut experientia docuit destruant, & coopertura non obstante corrodunt, custodiat diligenter. Ipsæ quoque personæ quibus res huiusmodi committuntur, sunt super his instruendæ. Noctibus tamen consultius propter pericula, in loco certo & propinquo habentur. Nam quidam quos recommendauerat libros, repentino superueniente incendio perdidit.

*De disciplina verborum inter seculares.*  
Cap. XXXI.

**D**isciplinæ in verbo est iunioribus & nouis, præcipue inter extraneos obseruanda: ut tarde, caute, ac demissa voce loquantur. Tarde, ut usque ad interrogationem taceant, interrogati responsionem seniori relinquunt: nisi forte in speciali super leuibus, maxime ad propriam necessitatem spectantibus, ut de cibo & potu, & similibus requirantur. De talibus potest quisque pro se, non tamen pro socio sine ipsius assensu respondere. Communem requirit assensum responsio, quæ de communi necessitate profertur. Caute, ut cum præmeditatione loquantur: ut primo bis ad limam, quam semel ad linguam veniat sermo: maxime si seniore forte occupato, de ordine, de personis absentibus, de rumoribus, vel de notabilibus alijs requirantur. De factis ordinis, ut de modo ieiunandi, de silentio, vel de alijs requisiti se nouos in ordine dicant, seniore requirendum præterdant, ne forte dum sapienter & bene respondere se putant, stultum aliquid & quod omnino dici non oporteat dicant. Secreta ordinis quantumcumque religioso vel familiari non reuelent nec statum aliquod publicent, nisi quod forte commode celari non potest. Id ipsum autem non statutum, non præceptum, sed tantum ordinis intra domum consuetudinem vocent, ut per eorum responsum rationis debitum excludatur extra domum: ne seculares si quando contrarium viderint, reputent fratres sui ordinis transgressores, cum tamen multa possint licite ex ordinis, vel superiorum dispensatione mutari. ordinem nostrum numquam ad particularia descendendo, sed si necesse fuerit in generali solum, absque aliorum

Impius est qui propter parietes crudelis est animæ suæ.

Fratres non sint nuntij, aut litterarum baiuli.

Bis ad limam, antequam ad linguam sermo veniat. Ber. in Speculo Monachorum.

Secreta ordinis non reuelanda.

**A**ordinum collatione, vel obrectatione commendent. Pessimus laudandi modus, seipsum cum aliorum iniuria prædicare. Pessima vitij corruptela detractio, quæ animam maculat, Deum offendit, proximum scandalizat. Et quia ut scriptum est, Sermo obscurus in vacuum non ibit. & tumultus murmurationum non abscondetur his coram quibus detrahitur, scandalum excitatur. Constat autem ubi veritas & veritas necessaria in causa non est: nec licite scandalum quodlibet posse a quolibet committi, nec iuste præcipi, nec innoxie consentiri. Si de personis absentibus præsertim religiosi sinistre aliquid suggeratur: semper pro absentium parte loquentes, nullo modo ad fauendum detractoribus inclinentur. Accidit aliquando quosdam magis ad tentandum, quam ex animo de his obloqui. Narrabat, ut fertur, senior quidam fide dignissimus, ad se quâdoque secularem venisse, qui aduersus quosdam religiosos plurimum inuehi videbatur. Cui frater viriliter se opponens, eum quoties aduenit, eadem semper constantia repulit, & incusatos pro viribus excusauit. Miratus oblocutor beneuolam senioris constantiam, aperuit tandem se id ad probandum de mutua illorum ordinum charitate fecisse, adiiciens se ordini senioris istius, qui pro alijs aduocabat, cum quodam prius incusati ordinis fratre ob causam similem oblocutorum fuisse. Fratrem autem illum oblocutionis verba, in primis aliquantulum, deinde vero remissius refellentem tandem obloquenti cessasse: super quo idem secularis non modicum offensus, apud illos non esse charitatis veritatem asseruit, qui ad inuicem detractorem admittere non curassent. Denique religiosus non est, qui detractationibus pascit, aut pascitur alienis. Cautent etiam ne sint rumorum licet bonorum & verisimilium delatores. Religiosos viros passim rumigeros esse non decet. Falsitas quæ frequentissime rumoribus inest, vel quæ per secundarios relatores apponitur, primis earum auctoribus imputatur. Hinc est, Rumores fuge, ne incipias nouum auctor haberi.

Sint in locutione honesti & serij, nec se in secularibus & ad risum mouentibus verbis seculares ostendant. Seruum Dei, de Deo loqui decet: ut fiat quod scriptum est, Si quis loquitur, quasi sermones Dei: Alioquin verba vana, mentis aperiunt vanitatem. Ex abundantia cordis os loquitur. Circa vocis forum in locutione attendant, ut prout tactum est alibi, sit demissus pariter & suavis. Vitiosissimus plane religioso loquendi modus, si notabiliter suam in loquela communi vocem exaltat. Sufficiat ei quod proxime ei astantes possint loquentis intelligere verbum. Sapientis est loqui suauiter & demisse. Nox autem amplioris vocis depressionem requirit. Nox est tempus silentij & quietis. In nocte maxime post completorium in alta (ut prius) verba erumpere, silentij grauitate neglecta, secularium est, religionis non curantium honestatem. Proinde honesti fratres ubicumque fuerint, religiose semper in quibus poterint, ac si essent in fratrum collegio cum silentij sui obseruatione permanebunt.

*De disciplina comedendi inter seculares.*  
Cap. XXXII.

**P**ræcipue decet, ut cum extraneis comedentes honeste se habeant: ut nec in cibo, nec in modo comedendi, vel mora, aut in alijs quæ disconueniunt super mensam, ut est verborum multiplicatio: aut exterior corporis, vel habitus dispositio inhonestæ, possint de irregularitate notari. Circa cibum attendant, quod propter quantitatem vel qualitatem, de gula vitio iudicari non possint. De primo Sapiens ait, Vtere quasi homo frugi his, quæ tibi apponuntur: ne, dum multum manducas, odio habearis. Vnde inter seculares non expedit appositam semper porcio-

Sap. 1. 9

Bern. ep. 7. quæ est ad Adam monachum in med.

Absentes semper excusandi.

Detractio minime religioso admittenda.

Cato. Sermo religiosi qualis. 1. Pet. 4. 6

Mat. 12. 8

Suy. ca. 20. in prin.

Ecc. 31. 6

Potus sit  
parcus.

Producere  
vigilias ve-  
spertinas  
dehortatur.

Hier. 36. e  
Ioan. 18. d

Isidor. li. 8.  
de sum. bo.  
cap. 42. sen-  
tent. 10.  
Isidor. ubi  
sup. ca. 44.  
sent. 3.  
Prov. 21. c

Cibi delica-  
tiores non  
appetendi.

1. Cor. 4. b

portionem totam comedere, aut penitus euacuare scutellā; ne forte magis id homines voracitati quam necessitati attribuant. Inter cetera est habenda semper temperantia circa potum. Turpissimum enim est, si de nimia potatione notentur. Religionis quibus insignia præferens, meribibuli nomen ignominiose sortitur. Hoc vitium hominem coram Deo & hominibus vilem reddit. Ad notam huius vitii fugiendam, cauere debent, ne post refectionem, etiam si vinum sæpius offeratur, frequenter bibant: aut postquam in communi potatum est, seorsim sine urgente necessitate potum in priuato requirant: nec omnino quod potus ubi dormitur remaneat, patiantur. post cenam non sunt ad verba & pocula vigilæ protrahendæ. Vigilare ad ignem, sitim prouocat, & bibitare compellit: grauat corpus, exhaurit spiritum, tempus in verbis pene imperceptibili subductione consumit, tempestiue ad orationem surgere, officij debitum deuote, vt expedit soluere non permittit. Et qui sero sobrietatis non obseruat sententiam, mane frequenter suspenditur a diuinis. Vsitatum est hosti, homines ad prunas seducere. Ad prunas, Dominum spreuit rex loakim, negauit Petrus. Et ne nobis de nocturna prædicatione ad prunas, propter fructum vel interrogationem hominum blandiamur, ad prunas loakim quidem audit sermones Domini, sed contemnit: ad prunas Petrus de Christo interrogatus offendit. O quoties est serotinis necessaria verbis correptio matutina! Mane prædicant docti, sero concionantur indocti. Et in his omnibus honestius alibi quam ad ignem & pocula, prædicatur. Si hominum instet deuotio pro exemplis, senioris intererit providere, vt narratione vna, paucis vel alijs si expedit verbis, instantiæ satisfiat. Verumtamen mutat interdum causa consilium, nec lex imponitur vnctioni. Vitanda tamen vigilia, quæ occasionem verbis, aut potationi ministrat. Qui vitium cauere desiderat, vitij occasionem præcaueat. Studeant ergo in cibo & potu sobrietatem seruare, sicut serui Dei & religiose viuentes. Sicut omnes cupiditates carnis abstinentia refecantur: ita omnes virtutes edacitatis vitio destruantur. Immundi spiritus se ibi iniiciunt, ubi amplius vident cibum & potum. Circa secundum multum attendere sibi debent: ne videlicet cibos appetant delicatos. Qui vinum & pingua diligit, numquam in virtutum possessione dirabitur. Horum quidem permittitur vsus, abusus & concupiscētia prohibetur. Semper itaque placeat eis lautioribus parcere cibis. De grossioribus cibis, & facili vel valde temperato potu, necessitati vtrumque satisfieri potest: quamquam & ipsa necessitas inter homines sit arctanda. Qui de religione censetur, modestiam debet religionis habere: vt sit in temperantia speculum aliorum. Spectaculum facti sumus mundo & Angelis, & hominibus. Felix abstinentia, quæ palato imperat delicato. Debet vas cælesti gratiæ mancipatum, a sæculi illecebris abstinere. Non erubescant aquam pro vino petere, si habuerint, temperando: quin potius erubescere debent, si vinum biberint nimis forte. Aquam requirere & minus limphato vino, vel

A modicum semper pro bibentis necessitate apponere, Deo placet, proximum ædificat, religiosum honestat, animæ simul & corpori est salubre. Verum quam turpe sit pauperibus hominibus cibaria quærere lautiora, & appositis non esse contentos, de modo præparandi cibum disponere, aut quomodo præparetur requirere, potum vel cibum aliquem in speciali laudare, vt de eisdem amplius apponatur, aut suas inter extraneos medicinas ostendere, quis sanæ mentis ignorat? Modus quoque honestus est in comedendo habendus: vt non ardentur, aut cum nimia festinatione comedatur, vel aliàs indecenter. Moram in mensa facere, religiosum non est. Cauent ne alijs a comestione cessantibus, ipsi comedendo vel loquendo mensam detineant: cum non sit hominum, sed magis pecudum, super mensam ruminando diutius immorari. Possunt tamen qui necesse habet caute cum modestia sibi in principio mensæ alijs communiter comedentibus prouidere. Ad hoc vbique (vt ait Sanctus) frenanda est lingua præceptum, maxime in conuiuio: ne scilicet ad loquendum superflue, vel indiscrete relaxetur. Taciturnitas, ait Hugo, inter epulas idcirco necessaria est: quoniam lingua, quæ in omni tempore ad peccatum prona labitur, periculosus tamen cum per crapulam inflammata fuerit, ad loquendum relaxatur. Discretionem quoque in verbis, eadem ibi ratio persuadet. Super mensam autem cum socio loqui, aut coram illiteratis, Latinis ibidem vel alibi verbis vti; dominum quoque domus, vel alios quoscumque ad comedendum, vel bibendum frequentius inuitare non decet. Subit animo quod quædam matrona cuidam frequenter inuitanti dixisse fertur: Fuiſti, inquit, asinarius ruralium & imperitorum, qui sæpe asinos pronocare nouissent? esse proprium innuens his, qui inuitationes personis discretionem habentibus inculcare solent. Oportet etiam disciplinam in corporis & habitus dispositione seruare: vt comedentes se non appodient super mensam, vel accubitando, vel alio quocumque modo inordinato se gerant. Dum comedunt, caput in caputo nulla ratione profundunt, sed aperta comedant facie. Ceterum religiosos & pauperes de mensa aliena viuentes, de portione sibi apposita encenia familiæ faciendo, patrisfamilias in domo gerere vices, canes vel murelegos de mensa pascere benedicta, a quo nonnulli etiam abstinent sæculares, non congruit. Principalis hucusque incissio nil his notæ impingens, qui sub institutionibus alijs militant, aut pro diuersis locis, & diuersitate causarum, diuersa ordinant instituta. Honeſta quidem & sancta omnis traditio, quæ per prudentiam seniorum in timore Dei communiter traditur, communiter obseruatur, profecto ex communi surgit institutione religio, honestas ex ordinatione causatur. Omne ordinatum decorum esse necesse est.

In mensa  
non diu morandum.

Bern. 4. de  
considerat.  
in fine.

Taciturnitas in mensa.

Hugo 4. S.  
Vilfor. 10. 2.

inſtit. Mon.  
ad Nouit.

cap. 18.

Explicit prima pars Speculi discipline.



590  
S. BONAVENTURAE  
EXIMII ECCLESIAE DOCTORIS

Speculi ad Nouitios

PARS SECVNDA.

Pura confessio cor mundū Deo faciat habitaculum.



**P**RINCIPALI huius opusculi A particula expedita, Secundaria hanc pauca epilogat, & supplet, quādam, vt qualiter noui discipuli Christi ad Deum, ad se, ad proximum, & ad res etiam quas aliquando seruare vel tractare contingit, se habeāt: quibus differentiarum indicij de sua conuersione discernant, qualiter denique ipsi ad professionem recepti se gere- re debeant, vel breuiter in aliquibus instruantur.

De ordinatione respectu Dei. Cap. I.

*Psal. 118. o*

In omnibus prosperis & aduersis Deus laudandus.

Intentio actionū omnium feratur in Deū. Recollectio non omit- tenda.

*Matt. 6. a*  
*Psal. 50. a*  
*Psal. 5. a*  
*Prou. 8. b*

*Mar. 16. a*  
*Psal. 136. b*

*Ambr. ser. 43. c. li. 5.*

**A**Nte omnia cor suum per puram confessionem mundatum, dignum Deo habitaculum præparent: illud excolant, illud exornent: nihil ibi sordidum vel obscurum: nihil ibi vel ad horam residere, quod dilecti sui oculos offendere valeat, patiantur. Tentationes & cogitationes malas humiliter & pure confiteri non differant. Veretur hostis consilium suū ingerere non celanti. Prouidendum est eis, vt qui iam sunt superni Regis milites annotati, secum omnino firment & statuunt, se vsque in finem ei fideliter seruituros: nec vllis ab eo tentationibus, tribulationibus & angustijs deinceps recessuros. Iurauit, ait Propheta, & statui custodire iudicia iustitiæ tuæ. Religionem sanctam, ad quam eos Dominus sua miseratione vocauit, feruentissimo ac fidelissimo studeant amore diligere: & ei tamquam speciosissimæ ac Deo dilectissimæ sponsæ fide inuiolabili adhærere. Quæcumque sibi siue prospera, siue aduersa contigerint, Deum semper deuotis efferant laudibus, vt siue cespitent, siue cadant, siue aliam quamcumque molestiam seu læsionem incurrant, semper in ipsorum ore resonet diuina laus, semper vel Benedictus Deus, vel Aue Maria, vel aliquid quod ad laudem Dei pertineat, dicant. Et hoc in consuetudinem ducere studeant, nulla vnquam negligentia omitendum. Quidquid speciositatis vel delectabilitatis in creaturis inuenerint, quidquid circa statum humanæ conditionis vel dispositionis acciderit, totum semper assumant in materiā laudis Dei: & de omnibus quæ occurrerint, deuote studeant cogitare. In ipso suarum omnium operationum initio Dominum innocare, & suam ad ipsum intentionem dirigere assuescant. Instent orationi frequenter, quæ notam in horto Domini plantulam fouet, prouehit & confirmat. Discant ergo vna saltem diei vel noctis hora, tempus & otium vendicare: quando ad se reuersi, mentisque cubiculum introgressi, orent in abscondito Patrem suum, & in corde cōrito & humiliato vniuersorum Domino familiariter aditent. Mane autem aditabat Propheta Domino: quia qui mane vigilaue- rit ad Deum, inueniet eum. Subripienda erit carni, & si forte non semper, sæpe tamen somni requies matutini: cum illa hora Christus resurrexit. Tunc est tempus allidendis ad petram paruulis, mortificandæ carni, & recreando spiritui opportunum. Tunc spirituales articuli dulcem Deo in cordis organo exhibent melodiam. Ad hæc & alia temporis & quietis

opportunitates quæ occurrunt, minime negligendæ sunt. Post horas Canonicas non statim oratorium exeant: sed in oratione aliquantulum subsistentes, qualiter opus Dei peregerint cogitent, an tepide vel feruenter: & defectus si quos ibi commiserint tunc emendent, gratiæque deuotionis se offerant infundendæ, quam si Dominus dederit non repellant. Hoc autem in omni oratione obseruent, vt quod orantes dicunt, ex animo semper dicant: non enim vocibus, sed rebus agitur apud Deum. Porro qui ad orationem est negligens, suæ nimirum ingrati tudinis & repiditatis est testis. Frustra profectus virtutum sine oratione speratur. Ad ea igitur quæ ad cultum Dei pertinent, magno & prompto corde accingantur. Ad diuinum officium audito signo, statim omnibus occupationibus omissis accelerent. Si in lectis fuerint, statim surgant, nec vltimum aliquatenus signum expectent. Oratio- ne namque aliqua vtiliter præuenitur officium. Quis sic ex studio præuenit, in benedictionibus ineretur, dulcedinis maioris deuotionis & gratiæ ad ipsius executionem præueniri. Ecclesiam intraturi, manus (si necesse habuerint) lauent. Vestes maxime in die, religiose componant: ne irreuerenter aut indecenter introeant aulam Dei. In ecclesia Deo psallentes, Creatorem suum totis viribus cum reuerentia debita laudent: Officium suum in choro & extra, non perfunctorie quidem, simiacis vt aiunt labijs, sed deuote semper & integre dicere studeant; nec aliam ei occupationem admisceant. Cessent manus, oculorum euagatio reprimatur: vt mens ab exteriori cura penitus libera, soli valeat Deo vacare. Dies vel hora quæ negligenter officiata pertransierit, nequaquam vltius poterit reuocari: cum præsertim temporis sequentis officium, suam nihilominus diligentiam & deuotionem requirat. Nec sibi de gratuitis orationibus blandiantur, si circa necessarias quæ primo loco habendæ sunt, desidiosi extiterint. Denique iuxta sancti verbum, pure ac semper strenue debent laudibus diuinis intendere. Pure quidem, vt dum psallunt, nihil aliud cogitent quàm quod psallunt. Strenue vero, vt sicut reuerenter, ita & alacriter Deo assistant. Non pigri, non somnolenti, non oscitantes, non parcentes vocibus, non præscindentes verba dimidia, non integra transilientes: non fractis & remissis vocibus muliebri quiddam, balba de nare sonantes, sed virili (vt dignum est) sonitu & affectu voces sancti Spiritus depromentes. Reuerentiam in officio honesta corporis dispositio, quæ mentis deuotionem non mediocriter promouet, attestatur. In choro non stent in stallis suis molliter, aut quasi fractis renibus resoluti. Quando post psalmum, vel hymnum sanctæ Trinitati reuerentia exhibetur, humiliter & decenter inclinent. Tunc enim tardius surgere, segniter ac difformiter inclinare; vñ quando corpore quidem sufficienter demisso, vultus tamen indecenter erigitur, oculis erraticè circumlatis: imperfecte quoque ad memoriam Trinitatis, inclinationis venerationem exsoluere, quasi sit honoris differentia in personis, irreuerentiæ arguit, & teporis. Etiam extra chorum stent ad officium, præterquam ad lectiones & officium mortuorum.

*bern. 6. 12. proponit*  
auiculas imitandas mane summo, & vespere ante somnum cantillantes. Orandum ex animo.

Officiū diuinū quàm deuotissimè persol- uendum.

*Bern. ser. 47. in Cā. in fine.*

Reuerentia est opus in officio diuino.

Specialiter tamen lectionibus plane dictis (de Domina tantum exceptis) irreuerentes & pigros se nouerint, si debitas Deo laudes sedendo vel iacendo exsoluant, nisi necessitas euidens cogat. Si quando per viam officium dixerint, etsi non vacat continue dum illud dicunt ab itinere quietem, saltem ad collectam precedentium collectam, quando omnino tota est in Deum intentio colligenda, in vno sistant loco: immo si tempus exegerit & locus permiserit, cum reuerentia genu flectant, ut in oratione communi totum officium venerentur. Dispositio corporalis honesta, deuotionis prouocat affectum & designat. Non frustra sanctus Martinus, oculis ac manibus in celum semper intentus orasse describitur. Intrinsecos motus gestus exterior attestatur. Quamuis extra conuentum, conuentualis in omnibus disciplinæ non seruetur distinctio: in omnibus tamen religiosi operibus, religionis debet vestigium relucere. Debent ergo ad opus Dei corpus honeste disponere: ad collectam & Trinitatis memoriam vel modicum inclinare, ordinem in prosequendo seruare, occupationem & interruptionem vitare. Ad Missas postpositis omnibus, tanto maiori promptitudine ac deuotione ministrent, quanto Deo ibi familiariter seruitur. Calicem & corporalia si tetigerint, reuerenter & mundissime tractent: manusque post tactum huiusmodi antequam apponant communibus, lauent. Corpus Dominicum recepturi, ante, ut decet, ampliori confessionis, orationis, & tam a cibis quam verbis temperantiæ studio, acceptum Deo satagant hospitium præparare. Infusam autem ob tanti hospitis gratiam, reuerentiam in gratiarum actione attendant: *Non minor est virtus, quam quætere paria iuri.*

## De ordinatione respectu sui. Cap. II.

Ceterum feruorem sanctum, & quædam debent magnanimitate assumere: ut ad virtutum exercitia strenui ac deuoti, opera bona frequenter supererogare contendant. Tunc enim vitia fideliter extirpata discunt, si virtutibus cedant. Alioquin vel subsidunt ad tempus electa, vel redeunt, nisi virtutes in locis vitiorum quæ fuerint depulsa, successerint. Non proderit omnia reliquisse, nisi virtutum passibus tota Christum intentione sequamur. Quid iuuat expeditum esse ad cursum, nec currere? exisse ad opus, & operis obliuisci? Non intransibis vineam, sed operantibus merces datur. Et cum in usu virtutum omnium perfecti esse non valent, in aliqua saltem se studeant specialiter exercere, & illam quantum possunt perfectione obseruare. Feruorem nouitiorum non decent illæ misericordes in seipsis discretionēs, & discretionum dispensationes faciles: quia indulgentiæ suo iudicio non sunt admittendæ, nec tamen recusandæ sunt alieno. A seipso in seipsum, rigida debet esse censura & distincta seueritas. Ad regentem vel consulentem, lenis & obediens in omnibus humilitas. Si alterum desit, vel in deside & tepido, non spero cursum perseverantiam, vel in præcipio timeo ruinam. Sint occultatores virtutum, sicut alij vitiorum. Non tamen in principio ardua siue multa presumant, nec sine licentia aliquid notabile attemptent: sed a minoribus virtutibus paulatim ad maiores ascendant. Hereditas ad quam festinatur in principio, in nouissimo benedictione carebit. Communem ordinis obseruationem sequantur: perfectioni in silentio, & in alijs institutis plenius obsequendis insistant; a qua nec exemplari leuium, vel negligentium aliquorum dissolutio ne diuertant. Optima religiosi perfectio, perfecte communia quæque conuentualia seruare. Porro hic religionem offendit, qui religionis violat instituta. Turpis omnis pars, vniuerso suo non congruens. Cauet vir constans & honestus, ne consuetudinum ordinis temerarius violator existat. In vitiis & moribus, no-

uitatis nota, & singularitatis erit diuersitas fugiendas. Ante omnia caueant, ne pro inchoato iam bono subrepat superbia, ut se alijs præferant, & se aliquid esse putent. Perit omne quod agitur, si non sollicitè in humilitate custoditur. Exteriorum gestuum disciplinam non negligant. Disciplina ceruicem submittit, ponit supercilia, componit vultum, ligat oculos, cachinnos cohibet, moderatur linguam, frenat gulam, iram sedat, format incessum. Sit ergo aspectus verendus & simplex, risus sine cachinno, vox sine clamore, incessus sine tumultu. Erecto vel discooperto passim capite, manibus dissolutis vel habitu non incedant. Sireis grata non scurrilitas, seu curiosa vrbantitas, sed sancta quædam rusticitas. salua semper modestia honestatis. Sint ad loquendum tardi, & in voce demissi, & in congregationibus aut seniorum præsentia, vix nisi pro præsentis necessitate vel interrogati loquantur. Non sint disputatores, nec facile de auditis præsertim seniore præsentis sententiant. Stulti sicut sunt in sensu leues, ita & in verbo præcipientes. Infra tempus probationis cum extraneis, siue religiosi, siue alij fuerint, absque licentia & dato sibi socio non loquantur. Religionis initium est linguæ frenum. Si quis putat se religiosum esse, non refrenans linguam suam, huius vana est religio. Rem aliquam, licet paruam, sicut acum, siue aliud, occulte, hoc est, sine licentia recipere vel habere, quasi furtum abhorreant. Superfluitatem in cibis & vestibus, & in alijs quibuscumque constanter despiciant: paupertatem & parcitatem quamdam in omnibus quæ ad corpus pertinent, amplectentes. Vitiosæ consuetudini viriliter & feruenter resistent: nec eam in his quæ gulæ vitium sapiunt, succrescere patiantur. Extra communem refectionem, ad comedendum & bibendum vix eos inflectat ipsa necessitas. Sæpe quod necessitatis esse videtur, est vitij. Ultra duas vices in die, puerorum seu pecudum more comedere, potum extraordinarie frequentare, religionis temperantiam & decorem euidenter offendit. Quæ rogo religio, quæ paupertas, si mox ut esuris, mox ut sitis volito pares, satias appetitum, nec eum vsque ad statutam horam scias compescere? Si quando tamen extra horam exactus necessitate quis bibit, sedendo & socio præsentis id faciat. Non decet ut stando, aut sine teste bibas. Si plures fuerint, omnes dum bibitur sileant: statimque ut biberint surgant cum aliqua laude Dei. Reprehensibilis admodum cōfabulatio, vel mora superflua iuxta potum. Numquam otio torpeant: sed semper aut lectioni, aut orationi, vel officio addiscendo; aut alijs non quæ ipsi elegerint, sed quæ iniuncta fuerint facienda intendant. Spiritum tamen deuotionis, exteriores non exhauriant actiones. Deuotus frater numquam totus comedat, totus dormiat, aut totus in exterioribus occupetur: sed siue comedat, siue aliud faciat, sanctum in animo aliquid semper voluat, unde spiritus recreetur. In somnum quoque iturus, semper aliquid in memoria secum deferat, in quo placide quidem obdormiat: quod nonnumquam iuuat somnare, & vigilantem excipiens, in statum hesternæ intentionis restituat. Lectum intraturus pro diurnis offensionibus orationem semper aliquam faciat, veniam perat, peccata percutiat; crucisque munitus signaculo, suum Deo spiritum humiliter recommendet, qui a somno surgens, cum aliquanta se denuo laude consignet. Quod si forte cum luxuriæ pompa concusserit, recorderetur dilectum suum positum super lectum doloris, & vniuersum stratum eius in carnis infirmitate versatum, hæc dicens in corde suo; Dominus meus pendet in patibulo, & ego voluptati operam dabo? Sicque inuocato nomine Saluatoris, & sæpius geminando nomen salutis, cessabit quassatio.

Superbia summopere fugienda nouitij.

Bern. ep. 219. ad Sophiam uirginem.

Religionis initium, linguæ frenum. Iacobi 1. d.

Extra communem refectionem nihil sumendum.

Otiandum numquam.

Bern. de uita solitaria ad fratres de monte Dei ante med.

Bern. in formula bonæ uitæ in fine.

Psal. 40. a





*De profectu & defectu Nouitiorum, sine differentia conuersorum. Cap. V.*

Bonorū nouitiorum si gna.

**A**ccedit hinc Neophytorum conuersio differens intuenda. Sunt enim quidam tractabiles, simplices, deuoti, timorosi, qui nihil sibi Christo charius estimantes, voluntates proprias ei sacrificant, voluntarie prompti ad nutū, nutu citius obedire. Ad difficilia quælibet propter Christum æquanimiter perferenda parati: suæ quoque integritatis solliciti, cor suum per puram cōfessionem & assiduam orationem mundare non negligunt. Sunt in exteriori conuersatione disciplinati & humiles; student se in omnibus officiosos & amabiles exhibere. Siquidem studere propter Deum amari, charitati seruire est. Hi vero sunt Altissimi filij, fideles sanctæ religionis propagines, fratrum lætitia, confociorum solatium, sui gloria instructoris. Nam gloria patris est filius sapiens. Sunt & alij duræ ceruicis, disciplinæ insusceptibiles, mansuescere nescientes, tepidi, curiosi, superbi: qui quā suauis est Dominus, non gustantes, sæculari dumtaxat deposito habitu non affectu: quoniam adhuc in moribus, in verbis, in gestibus, & propriarum pertinacia voluntatum, sæculo fidem seruant: ut monstro mirabilius sub religiosa veste, hominem videas sæcularem. Hi sunt filij dissidentia, adulterina plantatio, fructus inutiles & acerbi, sociorum onus & scandalum, sui afflictio & confusio instructoris. Iuxta illud: Ira patris filius stultus: & confusio patris de filio indisciplinato. Ponenda sunt pauca torporis, curiositatis & superbiæ, prædictorum indicia, ut cognita deuitentur. Cautior in bonis ambulas, si & mala non lateant. Tepidus in conuersione otiosa verba, & vanas cogitationes noxias esse non conspicitur. Vitatis grandibus, reliqua omnia vix reputat imputanda: hebetati cordis ipsa dā conscientiam de offensis, ut timoris filialis ignarus, timoratos & conscientia puritatem amantes, fatuos & superstitiosos sententiat. Quod si a torpore mentis euigilauerit: ea quæ leuia existimabat, quasi horrenda atque atrociora pertimescit. Vacuus gratia & tepidus, quod est gratia, seu minus necessariae tentationis, quod disciplina, quod morum, quod virtutis perfectio conciliat, negligens: illud difficile, vel certe superfluum arbitrat, aggregat doctrinam ad talia pauit, doctorem nimis perfectum ironica irrisione pronuncians. Nempe stultus sui patris disciplinā irridet: ut pateat quod iuxta Sapientem dicitur: Compedes in pedibus stulto doctrina. Animalis homo non percipit quæ sunt spiritus Dei. Tepidus in conuersione remissus, publicos mores & doctoris monita negligit, ea quæ Dei sunt languide operatur. Si quod inchoat bonum, vix perficit, tarde ad diuinum officium, & quæque conuentualia occurrit. Otio gaudet, labore vel modico læditur: & facile se infirmum, vel ad modicum se fatigatum prætendit: sed & amore priuato se diligens, quæ carnis sunt sapit & prosequitur ex affectu. Aliorum quoque defectibus, non virtutibus hærens, si quid minus vel negligenter actum inspexerit, illud in exemplum ad suæ velamen tepiditatis assumit. Ficta ei & indeuota confessio: rara & breuis compunctio. Insuper & sine attentione oratio, incircumspecta & sine ædificatione lectio: obedientia morosa & sine deuotionis affectu vix aliqualis impletio. Multos enim remissa conuersio in pristinos errores reducit; ac viuendi torpore resoluit: ut nonnumquam ex ore Domini euomantur. Curiosus non curanda curat, necessaria negligit: & sui oblitus aliena considerat, notat, & explorat. Si quod insonuerit verbum, anhelat sollicitus ad sciendum: & honestate postposita id ab inuitis & celare forsan volentibus, inuerecunde requirit. Locis sibi non concessis, congregationi, & collocautionibus fratrum se ingerit non vocatus. Cum eum abesse putaueris, adest impudens lateri, adest

S. Bon. Tom. 7. Pars iij.

**A**uri: ut nec secretum valeas occultare sermonem. Obseruat angulos, vagis circumspicit oculos, hæret ad singula quæ occurrunt. Cōmunes obsidet transitus. Superuenientium & forensium gaudet occursum. Rumoribus & sæcularibus verbis hauriendis & referendis intendit. Res sibi non deputatas curiose reuoluere non quiescit. Litteras etiam alienas si casu apertas inueniat, inspicere non veretur: quas tamen licet apertas quomodolibet inuentas, vix aliquis nisi superior licite inspicit, vel alijs inspiciendas exponit. Rerum quoque apparatus, cura superflua, curiositatis vitium clamat. Signa vero superbiæ Prosper enumerans, Hos, inquit, dolens enuncio, quos iam conuersos superbia occulte captiuat. Hi, ait, seniorum suorum non obseruant imperata, sed iudicant de suis negligentijs. Obiurgati, aut rebellant insolenter, aut murmurant. Simpliciter spiritualium fratrum irridenter exagitant, præferri se etiam melioribus impudenter affectant. Obsequia delata fastidiunt, negata pertinaciter querunt. Natales moribus anteponunt: iuniores suos elati despiciunt, conferri sibi aliquos non credunt. Non seruant in obsequio reuerentiam, in sermone modestiam, in moribus disciplinam: habent in intentione pertinaciam, in corde duritiam, in fermocinatione iactantiam. Sunt in humilitate fallaces, in locutione mordaces, subiectionis impatientes, temerarij in audiendo, clamorosi in loquendo, fastidiosi in aduertendo, præsumptuosi in docendo, effrenati deformiter in cachinnando: hæc sunt, infert, superbiæ grassantis indicia. Superbus se ad omnes propriæ voluntatis impulsus accommodat: nec se alijs, sed alios sibi applicare contendit: facile sibi fieri contumeliam iudicat, ad quam irrogandam est validus, ad tolerandam infirmus. Et se grande aliquid esse putans, deferre socijs dedignatur. Legibus subdi, & propriam recognoscere culpam erubescit. Et licet iuxta ordinis mores se regere nesciat, in suis oculis tamen sapiens & perfectus. Ad aliorum instructionem, suæ præsertim opinioni contrariam, stomachatur. Reprehensus offenditur: nunc causam, ut insufficientem, vel friuolam, nunc monitoris modum calumnians: ut si persuadere aliquid velis, instabit quod modus artem, monitio studium exigit: quo fit ut huiusmodi allegationum obitus spinis, sicut ericius vel irrefragabili ratione, vel auctoritate non capiatur. Fit igitur ad obtemperandum difficilis, & ad correctionem impatiens, adeo interdum, ut se discipulum abnuens, ipsum etiam deputatum sibi refugiat instructorem. Hæc omnia serui Dei quasi pestem mortiferam detestantes, perfecte ad Dominum conuertantur: iuxta illud Deuteronomij: Perfectus eris & sine macula cum Domino Deo tuo. Væ duplici corde, & peccatori terram ingredienti duabus vijs. Si quis vero sufficienter expectatus & monitus, mores corrigere, ac religionis formam induere negligit; præsertim si rebellis, aut contentiosus extiterit: non est proficientium numero aggregandus. Infidelis si discedit, discedat, ne vna ovis morbida, contagione mortifera totum gregem contaminet. Peruersus & insolens, non nisi in onus religionis & dissolutionem admittitur.

*De nouiter professis in ordine. Cap. VI.*

**A**d professionem admissis sit quàm maxima cura, ne defluant. Perfecti quique magna se discretionis subtilitate cōspiciant, ne ad deteriora vnumquam vel in opere, vel in cogitatione delabantur. Si curare parua negligimus, sensibilibus seducti audenter etiam maiora perpetramus. Susceptam etiam examinis tempore disciplinam, prudens non abiicit, immo nec suum continuo quasi iam sibi sufficiens deserit instructorem. Eget rectore nouitius, eget nouus director professus. Vanus & fictus ut instructor

Ddd 3 etoris

Litteræ alienæ non legendæ.

Prosper lib. 3. de vitâ contemp. c. 3. Signa superbiæ.

Deut. 18. c. Eccli. 2. a

1. Cor. 7. 6

Greg. hom. 9. in Exec.

Rara cōfessio quid efficiat.

*Eccli. 12. a*  
*Prov. 4. c*

Humilitas summa virtus religiosi.

*Bernard. ep.*  
*87. in fine.*

Propera promotio a virtutū deicit profectū  
*Greg. li. 8.*  
*moral. c. 33*  
*in princ.*

Juniorum tentatio est superbia.  
*Bernard. ep. 42.*  
*ante med.*  
Paupertas commendatur.

*Phil. 4. c*  
*Seneca lib. de 4. virtutib. cap. de Cōtinētia.*  
? Obseruatia quæ religiosos decet.

*Eccli. 6. a*

Munusculis nullius gratia comparanda.

toris curam euaserit, insolefcit, assumit cornua, fit præsumptuosus & audax, & quasi vacca lasciuens à prima informatione declinat. Cessat oratio, tepet deuotio, confessio peccatorum negligitur: vt putes eum aut sui oblitum, aut non habere peccatum. Facit quidem dilata confessio, vt negligens mundus appareat, licet non existat; dum culpas absorbet obliuio absoluit. Multiplicantur dum non curantur offensa: multiplicatæ ne discernantur & corrigantur impediunt. Multitudo peccatorum impedit, ne videatur. Vnde piger tunc est maxime virtuosus, cum vitia non agnoscit. Sic filia fatua in deminoratione erit: Iustorum autem semita quasi lux splendens procedit & crescit vsque ad perfectâ diem. Professus ergo profiteantur profectum, præsumptione proscibant. Dabit aut hoc, humilitatis & paupertatis cōstantia perseverans affectu, & curarū abiectio terrenarū, exercitatio charitatis, & quæ cōplectitur omnia considerationis attentio. Summa religiosi virtus humilitas, quæ ipsum curat, perficit, & cōseruat. Sine humilitate nulla virtus, nulla perfectio aut acquiritur, aut seruatur. Virtutū siquidem bonum quoddam, ac stabile fundamentū est humilitas. Nempe si nuter illa, virtutū aggregatio non est nisi ruina. Et quoniam ad humilitatē humiliatio via est: non erubescant humilia, nec humilitatis officia facile respuant; nec imposita recommendent. Omnis ab eis præsumptionis audacia proscibatur. Antiquioribus fratribus in ordine deferant: ac semper eorum respectu se iuniores & nouitios reputent. Ad exteriora, vel honoris alicuius officia, prouchi non affectent. Multos propera nimis promotio, a virtutū iam profectu per vitium elationis deiecit. Qui mundum deserunt, ait sanctus, ad exteriora officia vehi non debent, nisi per humilitatem diutius in eiusdem mundi contemptu solidentur. Et quia nouorum & iuniorum tentatio solet esse facile superbiere; nescire modum humilitatis seruare; & si forte in aliquo præsint, officij metas excedere; ac de minimis grandia iactare: attendant sibi super his vigilant. Non potest inimo conscientia testimonio gloriari veraciter, nisi qui extrinsecas gloriolas perfecte respuerit. Paupertas in omnibus placeat, ne iterum siue in libris, siue in alijs rerum se velint sarcinulis onustare. Perfecta rerum abiectio, a cura expedit mentem, ab infectione affectum. Nemo in Christi expeditione liberior nil habere. Si aliquibus egeat, studeant paritati. Super omnes diuitias, diuitem facit paupertas. Hæc quoque in victu, & in his quæ carnis sunt maxime amplectenda. Non est Euangelici pauperis gaudere superfluis, luxibus indulgere; & quod nec diuites possunt, semper velle in omnibus abundare, nec penuriam scire pati. Familiaritates superfluas fugiant. Esto (ait quidam) omnibus benignus; nemini blandus, paucis familiaris, omnibus æquus. Et sanctus, Tria, inquit, religiosum quemlibet decet: pauca loqui, paucos habere familiares, & multum orare. Vbi multi familiares: ibi multæ locutiones, & sibili singulares. Si familiarem admittis, sit quem ætas, mores, discretio, & honestas insignit & commendat. Familiaritas si fuerit ordinata, non erit blanda, improba, puerilis. Est modesta quædam in sancta familiaritate seueritas, est & iustitiæ rectitudo: vt nullatenus vitium foueatur, nec pro amico proximus offendatur. Noli, ait Sapiens, pro amico inimicus fieri proximo. Sæcularium denique familiaritas indiscreta, religiosi quietem multipliciter inquietat. Nullius gratiam munusculis comparent. Si quid forte alicui vel causa exacti necessaria (prius religionis lege licentia præobtentâ) obtulerint; honestas rei & vilitas pretij, religiosorum & pauperum xenium esse probent. Non frequentem propinquos, nec exterioribus se implicet curis: sed salutis propriæ memores, agendæ potius pœnitentiæ vacent. Non cadat a mente professio: sed semper ad quid venerint

A cogitent. Pensent quod de quibusdā ait sanctus Gregorius: Sæpe, inquit, nonnulli apertæ prauitatis vias deserunt, sanctitatis habitum sumunt: sed mox vt prima limina bene viuendi contigerint, oblitum quid fuerint, affligi iam per pœnitentiam de consummatis nequitijs nolunt. Laudari de inchoata iustitia appetunt: præesse etiam ceteris melioribus concupiscunt. Et post pauca: In rebus, ait, multiplicibus occupati, atque ipsa occupatione confusi: non solum perpetrata minime deplorent, sed adhuc quæ deplorentur exaggerant. Secundum Apostolum: Nemo militans Deo, implicat se negocijs sæcularibus, vt ei placeat cui se probauit. De sancto legitur, quod quanto magis se ab humanis curis & colloquijs sequestrabat, tanto illi vicinior & propinquior Deus erat. Vitanda maxime colloquia mulierum. Non potest toto corde habitare cum Domino, qui mulierum accessibus copuletur. Charitatis obsequia libenter impendunt. Charitas semper reddit, semper detinet debitorem. Hæc autem quomodo negetur amicis, quæ etiam debetur inimicis? Postquam vel orationi vacauerint, vel ad studium se dederint, ad seruendum fratribus surgant: & si necesse fuerit, officiales nunc hunc, nunc illum, discrete tamen & prout oportuerit iuuent: vt secundum Apostolicam doctrinam & vitam, manibus suis laborantes quod bonum est, aliorum fratrum etiam corporaliter, si fieri potest, participantibus laboribus, in charitatis semper exerceantur operibus, & cibum corporis non absque labore comedant corporali: vt hæc sancta consuetudo ipsos in humilitate custodiat, in fraterna dilectione, & omni perfectione confirmet. Qui communibus instant, siquæ obsequijs alios portant, sunt corporali simul & spiritali suffragio supportandi. Merito singuli pro his orant, qui pro communitate laborant. In spiritalibus bonis Martha participet cum Maria, quæ vtique sunt sorores, & æqua sit pars descendens ad prælium, & permanentis ad sarcinas, & æqualiter diuidant. Qui nobis corporaliter obsequuntur, iuste sortem in necessarijs spiritaliter assequuntur. Iuste sortem communitatis operibus, familiaria nemo præponat. Charitas (de qua scriptum est) non querit quæ sua sunt: sic intelligitur, quæ communia proprijs, non propria communibus anteponit. Considerationi denique ante omnia & in omnibus vigilandum, quæ ad finem & directionem attendit. Finis ad quem nostra tendit professio, regnum Dei, vel potius ipse Deus. Directio qua illic tenditur, mentis est puritas, ad ipsum principaliter directiua. Hærendum iugiter his duobus. Necesse est enim mentem considerare quo recurrat, cuique principaliter inhaereat. Non hærentem enim per singulas horas atque momenta pro incursum varietate mutari, atque ex his quæ extrinsecus accidunt in illum statum reformari, qui primus occurrit necesse est. Hinc est, quod multos pro Christi amore maxima contemnentes, pristinum tamen affectum in minimis retinentes pro graphio videmus, acu vel calamo commoueri. Irascentur mobiliter & inflantur, velut qui non habent Apostolicam charitatem. Qui si contemplatione mundi cordis fixam tenerent; numquam pro paruis rebus admitterent, quod ne pro magnis ac pretiosis incurrerent opibus, easdem penitus abijcere maluerunt. Vnde liquet perfectionem non statim facultatum, seu dignitatum abiectione contingi, vbi non fuerit charitas illa, cuius Apostolus membra describit, quæ in sola cordis puritate consistit. Nam quid est non æmulari, non inflari, non irritari, & reliqua: nisi cor perfectum atque mundissimum Deo offerre, & intactum a cunctis perturbationibus custodire? Quidquid ergo nos ad hanc puritatem potest dirigere, tota virtute sectandum est. Quidquid autem ab hac potest retrahere, quamuis necessarium & vtile videatur, vt perniciosum & noxium deuitandum. Sine via tendentibus, labor est inane.

*Lib. 8. moral. c. 32. in fine.*

*al. confli.*

*2. Tim. 2. a*  
*Ioannes Ab*  
*bate in vi*  
*ta. Patrum*  
*lib. 1. ca. 1.*  
*circa med.*

*Frates laborantes adiuuandi.*

*1. Tes. 4. c*

*Luc. 10. g*

*1. Reg. 30. f*  
*Communitatis opera omnibus præferenda*  
*1. Cor. 13. b*  
*Aug. reg. cap. 24.*

*Finis professionis nostræ Deus, ad quem venitur mentis puritate*

*Forse leg.*  
*Qui si contemptu mundi, corde fixum.*

*1. Cor. 13. a*

*Puritas mentis studiose sectanda.*

Itineris non profectus. Operantur & seruant quàm maxime puritatem, perfecta humilitas & expeditio mentis a terrenis. Erit denique ut purus animus pura Deum oratione frequenter, frequentando gustet, gustando probet quàm suavis est Dominus. Erit denique ut diuino inebriatus amore, totam in Deum considerationem inflectat: toto in ipsum desiderio pergat: nihil ei sit dulcius, nihil iucundius in hac vita, quàm vacare & videre quoniam ipse est Deus, quod est in partibus considerationis potissimum. Affecta sic anima comprehendit, complectitur & stringit, & tenet, dicens: Tenui eam, nec dimittam. Puritas itaque via est regia, per quam ad sponsi amplexus, per quam tandem ad patriam peruenitur. Per hanc tandem veri Israëlita de virtute in virtutem donec videat

tur Deus deorum in Sion, desiderij gressu indeclinabili gradiuntur: Christum super omnia diligunt: nihil eius amoris praeponunt in via, quem habituri sunt mercedem in patria. Et nunc ego, qui licet admodum imperfectus & rudis, per obedientiam tamen cunctis simplicibus aliqua hæc documenta congesti, pulchrum depingens hominem, pactor sedus: eos supplex per Dominum obsecro, ut me sibi & si minus proficiunt, tamen beneuolum attendentes, in orationibus suis mei meminerint peccatoris: quatenus eis orantibus meorum veniam peccatorum assecutus, in potentias Domini, una cum eis merear introire, ipso misericordiarum Domino id præstante, cui est honor & gloria in sæcula sæculorum. Amen.

# S. BONAVENTURAE EXIMII ECCLESIAE DOCTORIS

## De profectu religiosorum.

### LIBER PRIMVS.

#### PROLOGVS.



**C**OLLATIONES meas, quas pro exhortatione ad nouitios nostros, vel ad alios religiosos aliquando facere solebam, simul pro aliqua parte collegi: & in vnam continuam materiam, quasi profectus spiritualis formulam ordinavi tribus de causis. Vna, ut

Causas explicat huius operis,

eisdem nouitijs nostris, quibus priorem formulam scripseram de exterioris hominis compositione, tam intra domum quàm extra, etiam de interioris hominis reformatione aliqualem notitiam ostenderem ad profectum: quæ reformatio consistit in vitiorum expugnatione, & virtutum assuefactione: ut & mores & omnes affectus & sensus interiores, prout est possibile, Deo conformentur. Altera causa est, ut ea quæ religiosi prædicare solebā, simul collecta promptius si quando indigerim, sub compendio inuenirem. Propter quod etiam per plures particulas istam diuisi formulam, & per capitula singulas particulas distinxī, ut facilius inuenirem quæ quærerem. Tertia, ut interim dum ista scriberem vel legerem, tempus non inutiliter expenderem, memoriam spiritualibus cogitationibus occuparem, intellectum ad videndum, clarius interna spiritualis studij secreta dilatarem, affectum ad virtutis profectum & deuotionis feruorem accenderem, corpus ab euagationis discursu restringerem, negligentias & peccata mea huiusmodi labore purgarem: & ut quæ meditando inueni, scripta legere, ne obliuio aboleret. Et quia non potui in otio & quiete ista colligere, sed vagando per diuersas terras, vix vel raro propter multas occupationes habui opportunitatem scribendi modicum, ideo multa non ibi posui ut volui: quia distractus animus ad plura, non valet subito se ad vnum plene colligere. qui etiam cum iam aliquantulum se coeperit congregare, statim cogitur iterum ad illa foras egredi, & se relicto ea quæ vix videre incœperat obliuisci. sicut qui de foris veniens internam cellam ingreditur, si diutius ibi mo-

**C**atur, incipit clarius videre quæ prius non vidit: si autem citius exeat, iterum ad ea videnda cæcatur. Quidquid igitur ibi reprehensibile videatur, ignoscatur imperitiæ meæ, excusetur præsumptio: cum hoc non tantum pro alijs, sed etiam pro me principaliter & pro nouitijs & rudibus in via Dei, meique similibus intenderim inchoare.

#### ALIVS PROLOGVS.



**D**N priori formula nouitiorum, quam quibusdam nouitijs nostris scripsi de exterioris hominis compositione, aliquam formam eis proposui, secundum quam se regeret tam in domo quàm extra. Nunc de interioris hominis, id est, mentis reformatione, ad quam omnis vera religio ordinari debet, aliqua eisdem, sicut promissi, tradere dispono, verbis indoctis & materia inordinata. Est autem ratio quare corporalis exercitatio præcedit spirituales: quia homo ab intimis & summis cadens per peccatum, in hæc exteriora & visibilia dilapsus est. Et quia iam non intelligit nisi corporalia, ideo ibi primo nititur resurgere ubi iacuit, & paulatim erigere se ad spiritualia & diuina, ad quæ conditus fuit. Ideo quàm diu religiosus nondum incœperit intelligere & sapere quæ sunt Spiritus Dei; sed in exterioribus obseruantijs adhuc putat totum consistere quod ad veram religionem pertinet: nouitius est, etiam si pluribus annis stetit in habitu religionis: immo iuxta Apostolum animalis dicitur, qui nondum percipit ea quæ sunt Spiritus Dei. Stultitia enim est illi, & non potest intelligere: quia spiritualiter examinatur. Ex hoc perpende, duos esse nouitiatus in religione. Vnus terminatur, quando completo tempore probationis promittit obedientiam & stabilitatem in ordine per verba. Alter durat quousque religiosus statum bene viuendi in consuetudinem conuertit: quod tunc fit, cum tam verbis, quàm factis promittit se stabilem in ordine permanfurum. Quam diu enim fluctuat mente, & nondum stabiliter apprehendit viam studij spiritualis-

I. Cor. 2. d

Nouitiatus duo.

ritualis, & modo vult hoc, modo illud, nesciens quid porius eligat, incipiens est & nondum proficiens. Stet tamen constanter in bona voluntate, & attendat quare venerit, & ad quid: & opus iungat voluntati, & cito incipiet videre viam qua pergat ad Deum.

*De quattuor cautelis nominorum. Cap. I.*

**Q**uattuor autem sunt in quibus noui & incipientes cauti debent esse, si volunt proficere: Primum, ut ab illa voluntate qua ad religionem venerunt, & a primo nouitiatus seruire non tepescant: sicut cuiusdam in Apocalypsi impropertur: Habeo aduersus te pauca, quod charitatem primam reliquisti: quapropter poenitentiam age, & prima opera fac. Charitatem primam relinquunt, qui cum primo sint feruientes & deuoti ad omnia, postea tepidi effecti & desides, tradunt se leuitatibus: & vitia quae expugnant venerant, permittunt sibi dominari, seruientes Deo pro suo libitu, non pro eius beneplacito voluntatis. Vnde Dominus filijs Israel praecepit: Memento diei huius, in qua egressi estis de Aegypto. Dies qua de Aegypto egredimur, est bona voluntas qua educimur de saeculo. Huius semper meminisse debemus: ut a seruire illius numquam retrocedamus. Vnde quidam volens religionem ingredi de saeculo, quaesivit a quodam Sancto patre quomodo viuere deberet. At ille dixit ei: Vide qualis primo die fueris, & sic semper vive. Hoc est, considera statum voluntatis tuae in prima die, qua religionem intrare disposuisti: quam humilis tunc fueris, quam paratus tunc obedire ad omnia tam aspera quam despecta: quam patiens ad correctiones & penurias & labores, quam verecundus & timoratus, quam sollicitus ut emendares vitam tuam, & etiam dies quos in saeculo perdidisti recuperare: quam parum curans rumores saeculi quaerere, vel referre: nec detractionibus intentus, nec aliquibus curiositatibus occupatus: & quomodo fugisti & abiicisti omnes carnales affectus & effectus: & te totum obrulisti Domino holocaustum viuum, ut nihil deinceps in te viuat de vita peccati: sed tota mactetur & immoletur Domino obedientiae ferro per sacerdotis ministerium, id est, praetati tui. Secundum hanc formam semper postmodum stude viuere, ne aliter in schola religionis dediscere & retrocedere magis quam proficere videaris. Sicut illi qui vadunt ad studium litterarum, & tempus vane consumentes redeunt domum, expensas solum computant consumptas, quia quid profecerint non apparet: sic & nos quando tempus in religione expensum computamus, & profectus virtutum exiguus est, cum forte in nouitiatu deuotiores & feruentiores fuerimus, quam post plures annos. Hoc enim est verecundum, & valde nocuum ad Heb. 5. d. Cum deberetis magistri esse virtutum propter tempus, quod diu in religione fuistis, rursus indigetis, ut vos doceamini, quae sunt elementa exordij sermonum Dei: & necesse habetis doceri sicut rudes nouitij, quomodo incipiendum esset seruire Deo, & facti estis qui lacte opus habetis, non solido cibo: & tales estis qui mollioribus blandimentis puerilium consolationum & carnalium foueri indigeatis, & fortia exercitia virtutum pati non valeatis, in duris reprehensionibus & contumelijs, in necessitatibus, in persecutionibus pro Christo. Omnis enim qui lactis est particeps, expertus est sermonis iustitiae; paruulus enim est tam meritis quam virtute. Secundum est, a quo incipiens debet esse cautus, ne moueatur malis exemplis tepidorum, ad imitandum ea: sicut quidam infirmi spiritu videntes alios apud se desides in seruitio Dei, otiosos & verbosos, elatos & rebelles, ambitiosos & alijs modis vitiosos, dicunt apud semetipsos: Si alijs hoc licet, quare non & mihi? Et prouiores ad malum, exemplum sumunt de his quos deteriores vident, & gaudent se socios inuenisse vitiorum, ne soli possint erubescere:

quia si paritur alijs, volunt & sibi in similibus pareri. Contra hoc deuotus Dei seruus apud se respondere debet: Ego veni pure pro Deo, non pro aliquo alio: & ideo nolo aliquem sequi ad hoc, ut a Deo retrocedam: quia si tantos hic discipulos sciuisset, numquam societatem eorum elegerem. Vnde solos illos imitari debeo qui ad hoc informant me, propter quod religionem intraui, id est, ut apprehendam Deum, & satisfaciam ei de peccatis meis, ut promerear gloriam sempiternam. Pictor & artifex, notabile opus volens facere, quaerit non alia quam meliora exemplaria quae potest habere: & viator non quaerit viam ab ignorantibus, sed a sciensibus eam: ideo noli imitari malum, sed bonum. Tertium est quod cauere debet, ne iudicet temere facta aliorum, maxime ubi debet, quae de causa, vel intentione fiant. Sicut enim, nescit quae de causa, vel intentione fiant. Sicut enim, non videmus aliorum cogitationes, ita nec intentiones eorum quare hoc, vel hoc fiat. Vnde quidquid aliquo modo potest excusari, semper ad meliorem partem interpretemur, si volumus tranquillum cor nobiscum habere, & cum alijs, & alios non turbare, & Deum non offendere: quia saepe iudicamus malum esse quod in se non est malum, & peccamus per temeritatem, usurpando nobis iudicia Dei de occultis cordium. Magistri nostri vice Dei aliquando id possunt iudicare per coniecturas circumstantes: alios non expedit per nos esse iudicandos, donec plene eruditi in omnibus per donum discretionis spirituum, & vere spirituales effecti omnia diiudicemus, & nos a nemine iudicemur: sicut clare videns caecum videt, nec tamen a caeco videtur, cum caecus non videat seipsum. At Rom. 14. Tu quis es qui iudicas alienum seruum? suo domino stat aut cadit. Saep enim merentur temerarij iudices aliorum, ut aut in similibus, aut grauioribus excessibus cadere permittantur: ut discant ex sua infirmitate compati alienae. Luc. 6. Nolite iudicare, & non iudicabimini, &c. Est tamen differentia inter timorem & suspensionem, temerarium iudicium, & iudicium. Timor est secundum istam acceptionem, quando nihil mali suspicor de aliquo, timeo tamen quod malum quod nondum euenit, possit euenire, nisi caueatur. Sicut cum obfirmantur seris monasteria, & iuuenes prohibentur ab incautis familiaritatibus: non quia malum iam velle facere praesumantur, sed timetur mali occasio, si non praecaueatur. Suspicio est, quando sine rationabili praesumptione reputo aliquod factum esse malum, vel aliquem velle male facere, & non est ita. hoc vitium est etiam saepe peccatum. Iudicium temerarium est, quando credo aliquid factum mala intentione, quod potuit & alia fieri intentione, cum actio sit in se indifferens. Et hoc vitium est: quia cordis intentio iudicatur, quae soli Deo est manifesta. Ier. 17. Ego Dominus scrutans corda & probans renes. Iustum iudicium est, quando inexcusabilibus coniecturis aliquid discernitur esse malum, vel quando ipse actus est in se malus & illicitus: ut cum video aliquem hominem occidere iniuste: vel tales conatus ad peccatum, qui semper sunt illiciti & incongrui. Quartum in quo cauti debent esse nouitij est, ut non frangantur aduersitate vel tentatione, sed cogitent quia ad hoc venerunt, ut omnia quae eis in hac vita possunt accidere, sustineant propter Deum: sicut qui intrat bellum, scit quod non quietem & delicias, sed laborem & vulnera oportet eum expectare. Vnde & in Ecclesiastico cap. 2. Fili accedens ad seruitutem Dei, sta in iustitia & timore; & praepara animam tuam ad tentationem. deprime cor tuum & sustine. Ait. 14. Oportet nos per multas tribulationes intrare in regnum Dei. Luc. 24. Oportuit Christum pati, & ita intrare in gloriam suam. ergo aduersitas est via ad regnum Dei, & qui recusat viam, recusat ad regnum peruenire.

Simile.

Tertia cautela, neminem iudicare.

1. Cor. 2. d

Rom. 14. d

Luc. 6. d

Timor.

Suspicio quid.

Iudicium temerarium.

Ier. 17. b  
Iudicium iustum.

Quarta cautela non frangi aliqua aduersitate.

Ecclesi. 2. d

Ait. 14. d  
Luc. 24. d

Do

De quatuor tentationibus: Cap. II.

**T**entatio autē quadruplex eſt, quaſi quattuor venti a quattuor plagis flantes, qui mouent tempeſtates in hoc mari huius ſæculi, & nauem cordis quaſant & iactāt fluctibus. A carne, a mundo, a diabolo, & Deo procedūt tentationes. Primo a carne tentamur, quando naturalibus vitiorum moribus ad peccandū ſollicitamur: vt cum luxuria vel gula nos tentat. Item a carne tentamur, quando delicata caro noſtra horrendo labores retrahit nos, ne in ſtudijs ſpiritalibus & virtutū conatibus ſicut expedit exerceamur. Et ſic dupliciter impugnat nos caro, dum aut appetit mala, aut retardat ad bona. Licet autem ira & inuidia & inanis gloria non videantur eſſe in carne, ſed in ſpiritu, tamen a carnis corruptione trahitur corruptio ſpiritualium affectionum. Et licet dicatur quod demones huiusmodi vitia ſuggerant hominibus; tamen nos habemus tentationum materiam intra nos: vt etiam ſi non adſent demones, ipſa tamen concupiſcentia noſtra pareret peccatum, ſi ei conſentiretur. In nobis eſt omne quo peccamus. Cogitationes enim & mentis affectiones, & voluntates, & membra corporis noſtri, illa ſunt quibus meremur & demeremur. Iſta dedit nobis Creator quaſi quædam inſtrumenta virtutum, quibus bona opera faceremus, & manſiones nobis in cælo ædificaremus, & ipſi Creatori noſtro militando per ea quaſi armis muniti hoſtem noſtrum diabolum impugnaremus. Ipſe vero diabolum contra nos inermis eſt: & ſolis aſtutis ſuggeſtionibus nos impugnat, ſuadendo vt peccemus, non cogendo. Benignus enim Conditor noſter non dedit hoſti noſtro poſſe nos vi ad peccatum impellere: quia nimis fortis eſſet contra nos fragiles, & vix poſſemus ſine peccato ſubſiſtere: ſed tantum permittit eum nobis mala ſuadere. In noſtro autem arbitrio eſt, ſi velimus ei conſentire. Insuper præmunit nos ponens inimicitias implacabiles inter ſerpentem & hominem: vt quidquid ſuaderet nobis, non reciperemus quaſi vtile, ſcientes quod numquam dabit nobis fidele conſilium tam crudelis inimicus noſter, cui nihil ſufficit de nobis citra æternam damnationē noſtram. Cum ergo ſuadet nobis peccatum, quodammodo exigit a nobis, vt præſtemus ei arma noſtra quibus nos occidat: vel vt ipſa arma, ſi ei præſtemus, hebetet & retundat, vt nobis minus apta ſiant & vilia, & minus acuta & efficacia ad ipſum per ea impugnandum. Verbi gratia: Cum immittit nobis cogitationes peruerſas, & ſuadet vt malum faciamus, vel loquamur, nonne quaſi aperte videtur homini dicere: Inermis ſum ego contra te, non habeo vnde te laedere poſſum, niſi tu præſtes mihi arma tua, vt te vulnerem & occidam. Præſta ergo mihi cor tuum ad prauas affectiones vel cogitationes malas, linguam ad loquendum iniqua, & manus & alia membra ad actiones & opera praua, quibus letale vulnus in anima accipias, & gratiam Domini Dei tui perdas, & gloriæ cæleſtis merito ſpoliceris: Neque exhibeatis membra veſtra arma iniquitatis peccato: ſed exhibete vos Deo tamquam ex mortuis viuētes, & membra veſtra arma iuſtitie Deo. Stultus vero eſt qui ei conſentit ad hæc damna ſua: & ſibi met impuret potius quam inimico ſuadenti, qui more hoſtis hoſtiliter ſecum agit. Mundus etiam dupliciter tentat nos: ſive offerendo nobis ea quibus ad ſe alliciat, ſcilicet honores, diuitias, voluptates, curioſitates, adulationes & huiusmodi: ſive quibus nos terreat, vt perſecutiones, contumelias & ſimilia. Vtroque modo multos retrahit a Deo, quos aut amore ſui, aut malo timore retinet in peccato. Diabolum vero licet in omnibus tentationibus tentator ſoleat eſſe, tamen ſpecialiter duabus tentationibus infeſtat nos, & maxime magis probatos in ſeruitio Dei; cum aut fidem veram conatur nobis auferre, & ſpiritu blaſphemie

A ſubuertere. Et huiusmodi cogitationibus nos infeſtat quas naturaliter abhorremus, vt deſperatione, vel noſtri occiſione & ſimilibus: licet quandoque & alijs ex cauſis iſta proueniant: aut cum mala ſub ſpecie boni perſuadet: quo improuidos, quos aliter non poteſt decipere, callide ſupplantet, & a bono deiſciat. Et hoc eſt quod in Pſalmo dicitur: Dæmonium meridiano, vel iuxta Apoſtolum, Angelus ſatanæ qui transformatur in Angelum lucis. quia cum ſit princeps tenebrarum & auctor malorum, vt aſtute noceat, ſimulat ſe bona docere & quaſi lumen oſtendere; vt ad tenebras peccati perducatur. Deus autem numquam tentat in malo, quia non latatur in perditione noſtra, qui omnes homines vult ſaluos fieri. Sed tamen dicitur quandoque tentare aliquos, cum aut flagellat eos in præſenti ad profectum eorum, & aliorum exemplum; ſicut Iob & Tobiam: aut cum probat eos aliquibus arduis virtutum exercitijs; ſicut tentauit Abraham, iubens eum immolare vnigenitum ſuum, heredem diuinæ repromiſſionis: vt oſtenderetur magna deuotio obedientie Abraham, & fidei ad Deum: quia nec hoc modo hæſitauit de eius promiſſione, quin impleteret etiam de occiſo, ſicut pollicitus erat ei. Harum tentationum oportet nos quaſdam maxime reſiſtendo ſuperare: vt ſpiritualia vitia, ſcilicet iram, acediam, ſuperbiam, & inuidiam: quaſi vero fugiendo melius euadimus quam pugnando: vt luxuriam, gulam, auaritiā: licet etiam pugna contra eas ſit neceſſaria. Sed tamen non eſt tutum diu cohabitare ſerpenti: nam multo tutior eſt caſtitas longe a mulierū frequentia ſemota, quam in medio earum. Facilius etiam abſtinemus a delicatis cibis & potu, vel ab eorum ſuperfluitate, quando non videmus nec habemus, quam cum eis abundamus: & qui omnia reliquit propter Chriſtum, & voluntariam paupertatem elegit, minus infeſtatur a curis auaritiæ, quam qui retinet diuitias, ſemper anxius quomodo eas augeat & ſeruet. Spiritualia autem vitia etſi quandoque ex fuga videantur quaſi remiſſius & rarius infeſtare, dum deſt occaſio impugnandi: tamen poſtea orta occaſione durius ferire ſolent; ſicut leo diu catenatus amplius fremit, cum fuerit emiſſus. Tentationes vero contra fidem & de ſpiritu blaſphemie & ſimiles, nec fugere poſſumus, nec repugnando vincere: quia quanto plus indignamur nobiſmetiſſis & diſputamus cum eis, tanto magis refricatur earum rabies & accenditur. Sed nec curandæ ſunt, nec timendæ: tantummodo non conſentiat eis, & patienter earum infeſtatio quaſi quoddam diabolicum ſuſurrium ſupportetur, quod aliter compeſci non poteſt. Non ſolent bonis periculoſæ eſſe tales tentationes, ſed ſunt ſæpe præſagia futuræ amplioris gratiæ & conſolationis, & vitiorum purgatrices, & magni meriti operatrices. Diuinæ vero caſtigations humiliter & patienter tolerandæ ſunt, & iuſſionibus eius deuote obtemperandum eſt: vt & tortes ſimus in fide, & a mandatis eius numquam declinemus. Poſſent etiam plures tentationum ſpecies inueniri a ſtudioſis, ſed ad præſens iſta ſufficiant. Sunt tamen quidam qui ſibi met texunt laqueos tentationum, priuſquam tentator accedat, & quodammodo procurant ſibi vnde tententur: vt qui ſponte cogitationes prauas verſant in corde. Et hæc ſunt intantum validæ, quod poſtmodum in delectationem verſæ & roboratæ difficulter expelluntur. Item illi qui familiaritates incautas feminarū admittunt, quarum affectus ita imprimuntur cordi, vt vix poſtea euellatur: & ita de ſimilibus. Aliqui ſibi met aſſumunt materiā vnde poſtea occaſionaliter oritur eis turbatio & tentatio periculofa. Quidam vero non habentes cauſam ſuſpicionis, ex ſola ſuſpicionē vana ſomniant ſibi met tentationis procellam. & hoc fit aliquando inter imperfectos bonos, inter quos fit turbatio & contentio, non de radice malitiæ, ſed ex ſola vana ſuſpicionē dum

Nota.

Pſal. 90. b  
2. Cor. 11. c

Tentatio a Deo.

1. Tim. 2. a

Gen. 22. a

Rom. 4. d

Tentationes quomodo vincenda.

Tentationes blaſphemie non curandæ.

Suſpicionē tentationes generat.



dem uterque nullius odij sibi conscius est aduersus alterum, nec intendit eum in aliquo lædere: sed suspicatur alterum erga se inuidia stimulum incedere, & ei insidiari, cum tamen hoc in nullo recolat se erga eum meruisse. Ille vero econtra nihil sibi conscius de his conqueritur, quod iste sibi iniuriatur sine causa: & incipit etiam ipse facta alterius ponderare quasi aduersarii sui: & sic uterque inflammatur odio contra alterum, cum neuter voluerit lædere: sed tantum suspicatus sit, & vane, quod alter alterum voluerit lædere sine causa. Et ita quandoque grauis turbatio oritur de modica scintilla, diabolo eam ad magnum ignem rancoris & odij confluente. Qui ideo imperfecte boni dicuntur: quia in eo sunt aliquatenus boni, quod non intendunt proximo suo malum facere: & in eo a bonitate deficiunt, quod nimis prouisi sunt de alio malum suspicari sine causa sufficienti: & in eo efficiuntur minime boni, quod ex quacunque causa ad odium contra fratrem & proximum prouocantur.

*De tribus generibus religiosorum. Cap. III.*

*Num. 4.*

**T**ria sunt autem genera religiosorum. Primi boni, secundi meliores, tertij optimi. Hi signantur per tres familias Leuitarum, Gersonitas, Meraritas, Caathitas, qui præ ceteris filiis Israel deputati erant ad cultum sanctuarij, sicut religiosi præ ceteris fidelibus in Ecclesia specialius videntur diuino cultui mancipati, differentes tamen habentes donationes secundum gratiam quæ data est eis, & secundum quod quilibet studuerit proficere ad virtutes. Nam secundum quod quisque se humiliat, aut habilitat ad gratiam per studium virtutum, iuxta hoc infunditur ei spiritus gratiæ in præsentia, & gloria in futuro dabitur ei. Si summos in virtutibus fueris imitatus, cum summis in gloria collocaberis: si medios, cum eisdem locaberis: si infimos, etiam cum infimis poneris. Omnes alta desideramus præmia: sed pauci perseveranter student ad alta virtutum exercitia. Gregorius: Ad magna præmia perueniri non potest, nisi per magnos labores. Nota quod non dicit per graues labores, sed per magnos, idest, ad virtutes magnas promouentes, vel magnæ utilitatis, & si non semper magnæ austeritatis. Gustata namque utilitas & suauitas virtutis, lenit pondus. Primi religiosi designati sunt per Gersonitas, qui in professione castrorum portabant cortinas, & tectum tabernaculi, & vela, & quæque tactu mollia, & erectione castrorum ad occidentem post tabernaculum castrametabantur. Tabernaculum est vita Iesu Christi, & morum eius conuersatio, quam nemo pene in hac vita valet imitando portare: cum ipse non ad mensuram acceperit spiritum sanctitatis & sapientiæ: sed omnem plenitudinem, de qua nos omnes accepimus, particulariter secundum mensuram donationis Christi, alius quidem sic, alius vero sic: dum vnus imitatur eum in hoc dono, alius in alio, donec omnes in patria occurramus in virum perfectum & mensuram ætatis plenitudinis Christi: ubi quisque lætabitur in cælesti mansione secundum meritum suum & studium, quo hic vitam Iesu Christi fuerit imitatus. Primi igitur religiosi fugiunt ardua & austeriora studia sanctitatis, sed leuia exercitia assumunt, & laxam vitam seruanti quo ad corporis commoda, quantum licet salua salute: quibus sufficit quod tantummodo caueant a peccatis mortalibus. Et tales procliuus magis sunt ad lapsum peccati: quia sicut dicit beatus Gregorius: Illi soli in illicita non cadunt, qui se etiam a licitis restringunt. Arcta est via quæ ducit ad vitam & alta: & qui incaute & minus trepide per eam incedit, cito pedem in præcipitium ponit. Solent tamen ut religiosi videantur, aliquando sibi ipsis magnam vim facere, & diligentiam habere in exterioribus obseruantijs,

*Greg. homil. 37. in Euang.*

*Gersonitæ quos designant religiosos.*

*Ioan. 3. d  
Ioan. 1. b  
Ephes. 4. b*

*Greg. lib. 5.  
Mor. ca. 6.  
Matth. 7. b*

& traditionibus humanis, & honestatibus forinsecis, inclinationibus, & pulsationibus, in amplis cucullis, manicis & huiusmodi, quibus speciem religiositatis exterius representant. Vnde Gersonitæ, qui interpretantur aduenæ, extrema tabernaculi portabant, scilicet tectum, cortinas, & funiculos: quia noui in religione pro magno habent prædictas obseruantias studiose obseruare, quamdiu meliora virtutum studia non cognoscunt. Hæc autem (secundum Domini sententiam loquentis ad Phariseos de minutis talibus caerimonialibus obseruantijs) oportuit facere, sed illa meliora non mittere. In erectione tabernaculi isti Gersonitæ ad occidentalem plagam, post tabernaculum castrametabantur: quia qui hic extrema in exercitijs virtutum seruare contenti sunt, in futuro cum postremis & quasi in occasu solis in humiliori gloriæ splendore locabuntur. Secundi religiosi designati sunt per Meraritas, qui interpretantur amari: & portabant tabulas tabernaculi, & columnas & velles, & illa maxime quæ dura erant, & media inter cortinas & sanctuarium. Hi sunt, qui duram vitam in corporali exercitatione seruant, affligentes corpora sua ieiunijs, vigilijs, & alijs laboribus corporalibus; & putant hoc summum in religionis obseruantia esse, interioris dulcedinis ignari, de veris virtutum studijs, quæ in spiritu & mente sunt, parum curant. Hi quia in se sicci sunt, & alijs in iudicando seueri esse solent, bene amari seu amaricantes dici possunt. Et quia medium hic inter extremum & optimum in studio virtutum, statum habuerunt, in erectione sanctuarij non post ipsū, sed ex latere ad Aquilonem locum mansionis fortiuntur, ubi minor calor solis & lux quàm in Australi parte sentitur: ut quantum defuit eis de perfecto virtutum studio, tantum illic defuit eis in fulgore gloriæ & diuinæ fructificationis ardore. Tertij religiosi qui & optimi, designari possunt per Caathitas, qui portabant ipsum sanctuarium, idest, arcam & altare, & mensam propositionis cum vasis suis, inuoluta tamen & cooperta. Hi sunt, qui student interiorem hominem suum, in quo Christus inhabitat per fidem, componere, & ad veras virtutes se exercere, & vitia carnis & spiritus extirpare: iram, inuidiam, auaritiam, acediam, superbiam, gulam, luxuriam viriliter expugnare: & his contrarias virtutes cordi inferere, humilitatem, charitatem, mansuetudinem, deuotionem, largitatem, sobrietatem, castitatem. Istæ enim virtutes sunt verum sanctuarium, & qui habet eas, sanctus est. Vnde Caathitæ interpretantur patientes vel componentes: quia per patientiam (quæ teste Iacobo opus perfectum habet) componunt se & ordinant ad Deum & ad proximum in virtutibus, sicut debent. Prioribus duabus familijs iussit Dominus dari plaustra: hi vero qui seruiunt in sanctuario, onera proprijs portabant humeris: quia tam in humanis ordinationibus, quàm in castigatione corporis permittitur aliqua remissio, vel etiam intermissio, immo iubetur, ut in talibus sit rationabile obsequium nostrum pro loco & tempore, ne corpus deficiat sub onere laboris: sed in virtutum studijs nulla remissio datur, quia numquam indulgetur nobis ut simus inuirtuosi, elati, immites, inuidi, acediosi, auari, gulosi vel non casti. Et hæc onera proprijs debemus portare humeris, idest, non confidere de alienis virtutibus, nisi & nos pro posse studeamus, ut eas in nobismet ipsis habeamus: sicut quidam qui desiderant ideo esse cum pacificis, non ut exemplo eorum laborent ficti patientes, sed ut ab eis ad impatientiam non prouocentur. Quid prodest sanctorum contubernium habere, si nolumus eos in studio sanctitatis imitari? Onera Caathitarum secundum materiam dura erant, sed pretiosa & sancta & interiora situ: quia studia spiritualium virtutum laboriosa sunt imperfectis adhuc, sed nobilia honestatis dignitate, & sancta, quia sancti-

*Mat. 23. c*

*Meraritæ quos designant.*

*Caathitæ quos significant.*

*Ephes. 3. c*

*Iac. 1. a*

*Rom. 12. p*

**A**nctificant: & interiora quia in spiritu mentis, idest, in interiori homine. Velata tamen portabant ea: quia dum hic per fidem ambulamus, & non per speciem, nondum videmus virtutum decorem pure sicut est. In exteriorum operum exercitijs necesse est nos ea inuoluere, tam pro nostro exercitio, quam pro exemplo aliorum, qui mentem nostram non vident, nisi per vestigia exteriorum operum & morum. De hac tamen familia descenderunt sacerdotes per Amram, qui vigilans gratia interpretatur: qui sanctuarium reuelatum videre & contrectare ex officio debebant, & Leuitis portandum disponere, singulis prout eis congruebat. Ipsi vero sacerdotes non portabant, sed in erectione eius ante tabernaculum ad Orientem excubabant. Sicut per Gaathiras, virtuosus, ita per sacerdotes contemplatiui figurantur. Soli virtuosus ad contemplationis gratiam proficiunt, qui pro remuneratione studij spiritualis vocatione sancti Spiritus intus percipiunt: ut illuminati caelestia secreta videant, quae alijs sunt velata. Tales iam non laborant in studio virtutum, quod per laborem portandi significatur: quia per suauitatem internae sapientiae versus est eis labor in delectationem, ex amore conditoris. Ipsi vero disponunt onera singulorum deportantium: quia intus intelligendo cognoscunt rationes quarumlibet obseruantiarum in vita religiosa: quae quia rudes & imperfecti nondum valent capere, inuoluunt ea corporalibus actionibus & exterioribus exercitijs, & tradunt cuique obseruanda quae statui eius viderent conuenire. Vide igitur de qua familia esse velis, vel cuius spiritus sis: & secundum hoc suscipe onus tibi deputatum, idest, serua regulam & viam, qua ad perfectionem illius status valeas peruenire. Impossibile namque est quemquam aliquam artem plene addiscere, qui regulas eius non vult attendere vel tenere: nec spiritualis fieri poterit, qui non vult spiritu ambulare.

## De triplici statu religiosorum. Cap. IV.

Paulo post principium.

Animalis.

Rationalis.

Spiritualis.

Ex ec. 41. b

\* alijs, in. Anima imago Dei, capere potest Deum.

**B**eatus Bernardus in epistola ad fratres de monte Dei describit tres status religiosorum: scilicet incipientium, proficientium, & perfectorum. Primum vocat animale, quasi rudem, qui nondum percipit quae sunt spiritus Dei: & circa corporis compositionem adhuc maxime occupari necessarium habet, ut illud domet & castiget, ne rebellet spiritui sicut prius in peccato, quando caro spiritui dominabatur. Secundum vocat rationale: ubi ratio quae dignior pars hominis est, & per quam discernitur a ceteris animalibus irrationabilibus, quasi nobilior omnibus creaturis mundi, & dominus omnium, subiugata carne & in seruitutem spiritus redacta, seipsam studet agnoscere, purgare, & reformare in pristinam dignitatem & pulchritudinem, quam per peccati foeditatem amiserat. Tertium vocat spirituale, ubi spiritus ad imaginem Dei conditus, gratia Spiritus sancti adiutus, supra se ascendit, & intendit in eum cuius est imago, ut ei imprimatur & conformetur per cognitionem intellectus, per affectum amoris & fruitionis iucunditatem. Per primum peruenitur ad secundum, per secundum ad tertium. Exemplum Ezechielis: Et platea erat in rotundum ascendens sursum per cochleam, & in coenaculum templi deferebat per gyrum. Idcirco latius erat templum in superioribus: & sic de inferioribus ad superiora ascendebatur per medium. Rationalis autem spiritus est imago summe Trinitatis: & sicut Deus est trinus & vnus, ita anima, cum sit vna, habet tres potentias, quibus capax est Dei: scilicet rationem, memoriam, & voluntatem. Per rationem potens est capere sapientiam Dei: per memoriam potens est capere virtutem aeternitatis Dei, ut in aeternum numquam possit separari ab eo: per voluntatem potens est capere bonitatem Dei.

**A** Ne igitur otiosa sit in anima tanta similitudo ad Deum, per quam capax eius est, toto nisu studeat eum apprehendere, ut eum tenendo beatificetur: quia citra Deum nihil potest animae sufficere. Et eo habito non est quod ultra requirat, cum habeat omne quo ad aeternam felicitatem indiget, quo nihil melius esse potest, & in quo nullus defectus est omnis boni. Cum ergo summa dignitas animae sit, quod est capax summi boni, & summa utilitas eius sit Deum in se habere, & cum ipso omne bonum, nec dignius aliquid quaerit, nec vtilius inuenit: per haec omnibus viribus suis & omni diligentia & toto desiderio debet eum **B** querere, & omnia facere quae promouent eam ad inuentionem eius, & omnia vitare ac fugere quae elongant eam a Deo, etiam si bona putentur. Quia sicut ille stultus esset, qui haberet hortulum qui esset fertilis balsami, sed neglecto eo plantaret ibi mentam & cuminum, quae licet bona sint, tamen in comparatione balsami sunt vilissima: in infinitum stultior est ille, qui cum possit summum bonum comprehendere, eo neglecto occupat se circa caduca & vilia, sordida & amara. Hoc autem intelligo de secularibus, qui mundana praepouunt caelestibus, & transitoria aeternis bonis. Similiter ille stultus est, qui cum habeat viam compendiosam duarum vel trium dierum, ad locum quo tendit, dimissa ea quaerit viam dispendiosam & difficiliorem ac periculosiorem, itinere trium annorum & amplius. Sic etiam religiosi quidam minus sapienter videntur incedere, qui cum possent in paucis annis ad magnam Dei notitiam & familiarem amicitiam, per compendiosum studium virtutis, & deuotionis, & puritatis pertingere, relicto eo, occupant se alijs minus fructuosis & valde dispendiosis ad id quo tendunt, scilicet ad Dei cognitionem & notitiam veritatis; & ad studium perfectionis: cum Dominus ipse promittat, Spiritus veritatis docebit vos omnem veritatem. Si enim sciret aliquis plura artificia, quorum vnum prae alijs esset tam nobile & quaestuosum, ut per illud in breui posset ditari & sublimari usque ad nomen magnorum qui sunt in terra: imprudens esset nimis, si neglecto eo exerceat aliud vilius & ignobilius, & tanti laboris, per quod possit vix tenuem victum & potum acquirere. Ita est de homine maxime religioso magna imprudentia, si relicto directo studio virtutum, in quo est maximum meritum & maxima perfectio sanctitatis & sapientiae, maxima etiam delectatio & securitas, occupat se circa alia minus utilia & curiosa, & turbatur circa plurima, quando vnum solum bonum & summum est petendum & requirendum, quod valet ad omnia. Ipsa enim corporalis exercitatio ad modicum utilis est: pietas autem ad omnia utilis, promissionem habens vitae quae nunc est & futurae. Pietas haec cultus Dei est, quo studeamus agnoscere Deum, & amare, & habere, & ipsi placere. Corporalis autem exercitatio utilis est, sed ad modicum: quia non propter se, sed propter pietatem appetenda est, quae per eam obtinetur si ordinate exercetur. Sicut artifex per instrumentum artis suae operatur: ita virtus per corporalia exercitia adipiscitur, & in habitum vertitur. & quanto plus appetit instrumenta aptiora, & dum ipse ea habuerit si bene eis utitur, tanto citius & melius perficit opus quod desiderat consummare. Omnia autem quae ad religionis obseruantiam exterius videmus, ad interioris hominis reformationem Spiritus sancti inspiratione ordinata sunt. Quod qui nondum intelligit, ipsa instrumenta portare reputat. Interior reformatio in spiritu mentis consistit: quia interior homo & imago Dei est mens rationalis. Exterior homo, est corpus quod ex defectu corruptionis, quae ex peccato prouenit, languescit, moritur, & incineratur: interior autem homo in bonis de die in diem renouatur, & proficit in similitudinem eius, ad cuius imaginem creatus est.

Simile elegans.

Aliud simile.

Ioan. 16. b

Luc. 10. g

1. Tim. 4. c

Pietas Dei cultus.

Simile.

Extrema reformationem interioris hominis ordinantur.

2. Cor. 4. d

Rauo

Potentie animæ peccato vitiatæ.

Ratio reformationis hæc est: Anima tres habet potestates sicut dictum est, rationem, memoriā & voluntatem. Ratio data erat ei, ut Deum agnosceret: voluntas, ut eum amaret: memoria, ut in eo quiesceret. Sed per peccatum ratio cæca facta est, voluntas curua & fœda, memoria instabilis & vaga. Ratio sapius recipit falsum pro vero: voluntas eligit deterius pro bono: memoria occupat se illis quibus semper inquietatur: quia vnum & summum bonum deseruit, in quo omnia poterat habere. Conuersa vero ad Deum incipit quærere quod perdidit: & videns se deformatam ab eo quod facta fuerat a Deo, laborat ut ad pristinum statum reparetur, & ad decorem quem amisit reformetur: quia non est ei accessus ad Deum, propter dissimilitudinem in se factam. Sed quia non potest repente ad summum peruenire, studet paulatim accedere de infimo ad medium, de medio ad summum.

*De reformatione rationis. Cap. V.*

*Eccl. vii. d*

**I**nitium ergo reformationis rationis, est, fidem Catholicam firmiter credere. Nam quia ratio nostra lippa facta est, & intellectus obscuratus per peccatū, quod non possumus veritatem per nos inuenire, Deus condescendit nobis, ne in errore essemus, deditque nobis notitiam veritatis in scripturis, quibus voluit nos credere: vbi omnia quæ nobis ad salutem sunt necessaria sufficienter & veraciter inueniremus: ut in eis sensum nostrum non sequamur, sed regulis fidei sensum nostrum humiliter subijciamus, si non volumus deuiare. *Eccl. vii.* Quæ per magistrorum seu doctorum fidei consilium data sunt a pastore vno scilicet Deo, his amplius fili mi ne requiras. Profectus rationis est, ex illuminatione diuina rationes fidei aliquatenus intelligere. Quia etsi fides supra rationem sit, ita quod eam per se non valet comprehendere, illuminata tamen diuinitus ratio, videt nihil rationabilius esse, quàm fides est Christiana, cui omnis natura attestatur, omnis mundi sapientia famulatur. Perfectio rationis in hac vita est, per mentis excessum supra se rapi, & non per ænigmata corporearum similitudinum, nec per ratiocinationum argumenta: sed purissima mentis intelligentia Deum in contemplatione videre.

*De reformatione voluntatis. Cap. VI.*

**I**nitium reformationis voluntatis est, ex bonæ voluntatis assensu vitij resistere, & operibus virtutū fideliter instare propter Deum: Quia enim curua & distorta fuit auersa a Deo, necesse habet ut conuersa cogat se concordare cum Deo, & motus rebelles per studium boni operis ad rectitudinem reflectere diuinæ voluntatis. Profectus eius est, omnes affectiones habere ordinatas, & in virtutes formatas sine rebellionem vel coactione: ut iam non libeat, nisi quod est secundum voluntatem Dei. Perfectio voluntatis est, vnum cum Deo esse in spiritu per amorem: ut iam non possit velle nisi Deum, & eius suauitatis dulcedine inebriari.

*De reformatione memoria. Cap. VII.*

**I**nitium reformationis memoriæ est, mentem ab euagatione sua ad memoriam Dei cum labore reducere, orando, legendo, recolendo, vel saltem superficialiter cogitando. Profectus memoriæ est, bonis meditationibus & orationibus sine importuna euagatione posse intentum esse: & in latitudine cordis sui secum deambulare. Perfectio eius est, ita in Deum esse absorptum per mentis excessum, ut etiam sui ipsius & omnium quæ sunt obliuiscatur homo, & in solo Deo absque omni strepitu volubilibus cogita-

tionum & imaginationum suauiter quiescat. Isti sunt fines humanæ perfectionis, & profectus, & initia, ad quæ omne spirituale studium debet ordinari. Si quis ista via non ambulat, est sicut qui nescit quo vadit, vagus & errabundus ad incertum finem tendens. Initia cuiuslibet istarum trium potentiarum sunt omnibus communia, qui sunt in statu salutis, nec sine eis est salus. Perfectio cuiuslibet harum trium est solummodo perfectiorum, quando sunt in summa perfectione, id est, in rapu contemplationis. Medius status earum est perfecte proficientium, & singulariter respicit statum probatorum religiosorum, qui inter statum bonorum secularium & statum perfectorum sanctorum, quasi medium adhuc tenent iter. Non quia semper in eodem statu permanere valeant; quod etiam sanctissimis vix est possibile: sed quia media via illorum trium statuum sic distinguitur ab inchoatione & perfectione eorum, de quorum profectibus aliquanto latius est considerandum. Et primo de reformatione voluntatis: quia virtus & vitium & meritum dependent ab ea, & affectiones, quæ tam ad vitia quàm ad virtutes inclinant: postea de memoria, ratione, & intellectu. Voluntas est in anima quasi imperans, ratio vero quasi docens, memoria quasi ministras utrique, illi quid iubeat, isti vnde doceat.

*Quomodo naturales vires animæ & motus affectionum deformati sunt. Cap. VIII.*

**N**unc ergo breuiter intelligere oportet, quomodo naturales vires animæ, & motus affectionum in vitia deformati sunt, & ad quid dati sunt homini: postea aliqua remedia singulorum vitiorum subiungenda sunt, & virtutum ordo. Voluntas nulli debuit esse subiecta nisi Deo: nec tamen hoc coacte, sed sponte; ut possit ei ad meritum reputari, & ita poterat peccare & non peccare: non ad hoc ut peccaret cum posset, sed ad hoc, ut si non peccaret cum posset, ex hoc laudabilis fieret, & digna præmio apud Deum: vel si sponte peccaret, esset digna confusione & supplicij: cum sciret quod non deberet peccare, & posset vitare. Item cum facta esset anima quod capax esset summæ beatitudinis, in qua haberet summam gloriam & summam delectationem in Deo, qui est summa & vera beatitudo, datus fuit animæ duplex appetitus naturaliter ad hoc, ut ista desideraret & studeret obtinere: & cum obtinisset, tanto iucundius possideret, quanto ardentius concupisceret. Datus fuit ei appetitus gloriæ talis, ut nulla sufficeret ei præter summam gloriam: & appetitus delectationis talis, ut non satiare eam aliqua nisi summa delectatio: & utraque est in solo Deo: & ita nihil sufficit animæ præter Deum, & iste appetitus vocatur concupiscibilitas. Item ex hac orta est alia vis in anima: quia cum tantum concupisceret bonum summum docente vi rationali, per quod beatificanda erat, naturaliter horrebat, & detestabatur, & repellabat omne quod ad hanc obtinendam contrariabatur ei: & quidquid ad eam obtinendam prodesset & conseruandam, fortiter apprehendebat & tenebat. Et hæc vis vocatur irascibilitas, iuxta iræ similitudinem, quæ fortiter indignatur contrariis, & fortiter tenet, quod cupit. Per vim rationabilem cognoscit bonum, & melius, & optimum. Per concupiscibilem, appetit bonum, & melius bonum amplius, & optimum bonum maxime. Per vim irascibilem, tenet & inhæret bono: & quæ ad hoc prodesse poterant, feruide apprehendit: & quæ ei obesse poterant, indignanter repellit & fugit. Sed cum homo diabolo suadente sponte ad peccatum consensit contra Dei prohibitionem, tunc omnes vires animæ & potentiæ quæ datæ ei fuerant ad summum bonum agnoscendum, appetendū, & fruendum, deordinatæ sunt, & quasi subuersæ, non autem subtractæ, sed fœdatæ & peruerso modo habentes, sicut organum musicum, quod quando integrum

Perfectionis humanæ fines.

Appetitus concupiscibilis cur homini datus.

Appetitus irascibilis.

\* al. firmiter. Peccata debilitant potentias animæ.

gitum & bene ordinatum est, dulcem reddit melodiā, quando vero confractum fuerit & deordinatū, horrendum stridorem pro cantu emittit. Quia enim homo amore visibilibus ab inuisibilibus amore cecidit, sola iam visibilia ex peccati pœna cognoscit, sola ea diligit, solis eis inhæret, & inuisibilia quasi non sint, postponit, immo & nescit: ita quod pauci induci possunt ad credendum si sit aliquid extra ea quæ videmus & corpore sentimus. Et ita ratio cæca est in anima, quod nec cognoscit seipsam, cū ipsa sit ex ijs quæ oculis carnis videri non possunt. & sic non solum cæca est, sed etiam stulta: quia cæcus credit multa, quæ non videt, & in hoc etiam est infidelis. Inde factum est vt non appetat nisi terrena & vilia & fœda, & illis per amorem inhæreat, & pro magno reputet si ea potuerit adipisci. Appetitus honoris datus ei fuerat vt altissimum honorem desideraret, scilicet Deo placere, & amicus Dei esse, & filius & heres: & Deo similiari & ei conregnare, non ex æqualitate potentie, sed ex imitatione bonitatis: & vnus cum Deo fieri spiritus, & æqualis angelis, & nulli subesse nisi soli summo Domino omnium. Item vt se tantæ dignitatis agnosceret, eo quod imaginem Dei in se haberet, vt nulli indigniori se dignaretur subijcere, soli omnium Domino subiectus & obediens: ei ex amore adhærens, & reliqua sub Deo pro cuiuscumque dignitate æstimās, vtens ministerio creaturæ pro sua vtilitate & Domini voluntate. Hæc erat sancta superbia, omne indecens despiciere, & solum bona appetere & diligere. E cōuerso, modo appetit hominibus placere, gloriam ex hominibus querere, quæ fallax est & vana: & aliquid magni existimans se homo cum nihil sit, seipsum seducit cum sit miser & vacuus omnis boni: & alios in comparatione sui spernit, & subijcere cupit sibi, qui forte meliores sunt: & gloriatur in diuitijs, quæ sunt terra, & lutum: iactat se de vanis, & malis, sicut fatui qui gloriantur quando inuoluti sunt in luto. Et sic homines mutauerunt gloriam suam in similitudinem vituli comedentis fœnum: quia omnis caro fœnum, & omnis gloria eius quasi flos fœni: exaruit fœnum, & flos eius decidit. Ita sancta superbia degenerata est in vitiosam.

## De triplici superbia. Cap. IX.

**E**st autem triplex superbia. Prima, sibi metipsum nimis placere, & maiorem reputare se quàm sit in veritate; & hoc est initium omnis peccati. Secunda est, appetere, & studere alijs placere, & maior vel le ab eis credi quàm sit iustum. hæc est inanis gloria. Tertia est, ambire alios præire, & sub se velle eos esse. Sic decepta est superbia, & vult alios secum decipi, dum cupit se maiorem putari quàm sit; sicut magnus decipit garfionem, vt putet se in equo sedere, & sedet tamquam stultus super fasciculum paleæ. In hoc autem contrariatur Deo: quia cum omnia subiecta sunt ei, ipsa vult esse sui iuris, & spoliatur eum debito honore suo, id est, vniuersali dominio quantum est in se: & ingrata est ei de beneficijs quæ accepit, de quibus propriam gloriam querit non Dei, a quo habetur omne bonum. De ramis autem superbiz, qui de ipsa pullulant, prætereo, quia alibi frequentius reperiuntur, si quis querat, præcipue in summa vitiorum. Periculosior autem sæpe illa est, quæ extollitur de bonis gratiæ, quàm de bonis naturæ vel fortunæ. Bona gratiæ sunt virtutes, scientia, & opera de genere bonorū, vt prædicare, ieiunare. Bona naturæ sunt, quæ natura contulit: vt nobilitas, pulchritudo, fortitudo, ingenium. Bona fortunæ sunt, dignitates, diuitiæ, honores, &c. quæ ex quadam fortuna plus quandoque dantur illis, qui natura & virtutibus inferiores sunt alijs, tamen non sine aliqua Dei prouidentia, licet sæpe cedat eis ad malum ex merito suo. Superbia etiam ita excæcat mentem, vt cum plus habetur, sæpe minus

S. Bon. Tom. 7. Pars iij.

**A**gnoscat. Hoc vitium præcipue impedit nos, ne maiora bona a Deo accipiamus (cum ipse sit largissimus & desiderat multum communicare nobis de bonis suis, quia valde diligit nos) dum aut indignos nos reddit superbiz reatus, gratia Dei: aut si plus daret nobis, extolleremur, aut ingrati efficeremur, aut non digne in gratia operaremur, & sic grauioris peccati rei efficeremur. Vnde sæpe magis est clementie parentis Domini negare ampliora gratiæ dona quàm irascentis. Deus superbis resistit, quasi suæ potentie rebellibus, humilibus autem dat gratiam, a quibus per tumorem elationis non defluit gratia, quàm eis in fundit. Superbia etiam perdit in nobis merita bonorum operum, quæ pro humano fauore fecimus. Et sæpe superbia sumit pallium humilitatis æmulæ suæ, vt sub nomine eius gloriam callide acquirat: vt quia captatio gloriæ non habet gloriam, saltem fugiendo eam assequatur, quæ sicut vmbra sequitur fugientem, & fugit insequentem.

Quando bona nostra, &amp; mala ostendere debemus, vel occultare. Cap. X.

**N**ota, quod bona debemus quādoque hominibus ostendere, & aliquando occultare: similiter mala nostra aliquando aperire, aliquando celare. Bona nostra ad quæ tenemur ex præcepto Dei, vel Ecclesiæ, vel ad quæ ex manifesto voto astringimur, debemus omnibus ostendere, vt fidem, charitatem, iustitiam, veritatem, castitatem, obedientiam, & contemptum mundanorum. Quæ si homines in nobis non viderent, cum sciant nos ad ea teneri, scandalizarentur & reputarent nos præuaricatores voti nostri. De huiusmodi dicitur: Luceat lux vestra coram hominibus, vt videant opera vestra bona, & glorificent Patrem vestrum qui in cælis est. Aliquando vero nostra bona occultare debemus, quæ specialiter accepimus, vt gratiā internæ deuotionis, vel quæ possunt nobis singularem laudem parere, vt singularis abstinencia, & vigilia, & orationes, & elemosynæ, ad quæ non tenemur. De quibus Dominus docet in sermone habito in monte. Similiter mala nostra quandoque abscondere debemus, ne quis scandalizetur de nobis, vel sumat malum exemplū imitandi in similibus. Vnde dupliciter peccant, qui aperte peccat: quia & Deū offendunt, & proximo fodiunt foueā quam incidat per malū exemplū. Si autē sine culpa nostra, vel specie mala, aliquis ex sua malitia suspicatur mala de bonis, & non vult recipere excusationem nostram, tunc habeamus patientiam, sicut Christus tacuit, de multis in passione sua ex inuidia accusatus. Dixit enim: Si vobis dixerō, non credetis mihi. Aliquando mala nostra aperire nude debemus, scilicet in confessione priuata de priuatis, & in manifesta de manifestis, vt in visitationibus & redargutionibus. Imperfectiones quoque nostras non debemus erubescere confiteri, & defectus virtutum; ne quis existimet nos supra id quod videt in nobis. Si autem in bono opere vana gloria pulsatur nos, non acquiescamus ei, nec tamen bonum opus dimittamus, maxime si sit vtile & necessarium. Sæpe etiam putamus nos laudari pro aliquo dicto vel facto, quod forte alij non aduertunt: quia sicut nos non omnia pensamus quæ circa eos fiunt, ita nec ipsi omnia attendunt quæ nos facimus. Aliquando vero despiciunt nos potius quàm laudant, maxime si in aliquo deprehendunt nos appetere laudē pro his quæ fecimus. Et si forte adulentur nobis in facie, sicut est consuetudo leuibus hominibus ad placitum cuique loqui, tum contra tales sagittas vanæ gloriæ non tam indigemus fortiter pugnare, quàm prudenter eas manu consilij abigere, sicut muscas leues flagello remouemus. Appetitus etiam commodi vel delectationis datus fuit homini, vt desideraret summā delectationem quæ est in Deo: & summam beatitudinem, &

Ecc

quie-

Superbia  
præcedit bo  
na maiora.

Iacob. 4. 6

Gloria vmbra  
bra.

Matt. 5. 6

Matt. 5. 8

Dupliciter  
peccat, qui  
publice pec  
cat.

Luc. 22. 8

Bonum pro  
pter vanam  
gloriam nō  
omittendū.Appetitus  
delectatio  
nis quorū  
sum homi  
ni datus.Appetitus  
honoris.Psal. 105. 6  
Isa. 40. 4Bona gra  
tiæ, naturæ,  
fortunæ.

quietem, & impassibilitatem: & ut delectaretur in habitis, ut felicius esset: quia onerosæ sunt deliciae sine delectatione. & quanto delectatio audior est, tanto deliciae iucundiores sunt. Nunc autem appetitus ille deliciarum spiritualium ex peccato mutatus est in carnales delicias, ut appetat ea in quibus sensualitas delectatur, quæ est concupiscentia carnis, concupiscentia oculorum, & superbia vitæ. Concupiscentia carnis diffundit se in luxuriam, & molli-  
 1. *Joan. 2. c* tiem vestium, & quietem carnis, & somnolentiam; quæ omnia spectant ad sensum tactus. Item ad gulam, quæ est delectatio gustus. Item ad aliorum sensuum delectationes, ut audire carnaliter delectantia & odorari. Concupiscentia oculorum quærit videre pulchra, & habere pretiosa: & ita generatur auaritia ex omnibus his. Ex superbia vitæ generatur auaritia: quia ad hoc quærit ditari, ut amplius honoretur. Ex concupiscentia carnis generatur auaritia: quia ad hoc vult ditari, ut voluptuosius epuletur & luxurietur, ac com-  
 Auaritia unde in nobis generatur.  
 2. *Joan. 2. c* modius viuat absque sollicitudine defectus. *Prima lo.* 2. Omne quod est in mundo, concupiscentia carnis est, & concupiscentia oculorum, & superbia vitæ. Ex concupiscentia oculorum etiam auaritia generatur, quia ut videat pulchra, & habeat ad libitum in quibus delectetur, desiderat aurum, argentum, gemmas, vestes, agros, terras, familias, spectacula, & similia. Dederat tamen homini corpus Deus & spiritum rationalem, & concesserat ei delectari etiam in sensibilibus, sed ordinate, moderate & honeste: ut per sensuum delectationem sursum moueretur, & promoueretur ad spiritualium cognitionum delectationem & fruitionem: ut appeteret coitum honeste & sine vitiosa libidine, congruo tempore ad generandum filios, qui æternæ beatitudinis participes essent, ut appeteret cibum & potum pro sustentatione naturæ, & alia quibus indigebat. Sed dissipato ordine conditæ naturæ a Deo, per peccatum omnia modo peruersa sunt, & ad sensuales delectationes dilapsa: quas cum timet perdere, tristatur & irascitur; quas cum non habet, pro libitu, rædio afficitur: & illos quos credit sibi fore impedimento ne adipiscatur quæ cupit, vel per quos timet se amittere quæ diligit, odit: & illis quos videt habere quæ cupit, inuidet: quo quamdiu alius habet, oportet eum carere. Et sic oritur inuidia, cui annexum est odium vitiosum. Ita etiam oritur ira, sic etiam oritur acedia, habens ex vno latere annexam tristitiam, ex alto torporem dissolutionis & pigritiæ. Omnia vero vitia & peccata ex vno fonte oriuntur, idest, superbia: & ex duobus riuulis deriuantur, scilicet malo amore & malo timore: & triplex fomentum accedit ea, scilicet concupiscentia carnis, concupiscentia oculorum, & superbia vitæ. Ista sunt quasi materia & occasio homini ad tentationem, quæ mundus proponit nobis: scilicet honores, diuitiæ, & voluptates.

*De quadruplici defectu. Cap. XI.*

Ex peccato originali 4. defectus.  
 IN nobis autem quadruplex defectus est unde ad malum proni sumus: ignorantia, concupiscentia, malitia, & infirmitas. Ignorantia excæcat ne verum agnoscamus, & erremus in iudicio boni & mali. Concupiscentia emollit ad appetendum & diligendum visibilia, & delectabilia carni. Malitia exasperat & amaricat cor ad iram, tristitiam, inuidiam, & odium. Infirmitas debilitat ad resistendum malo, & adhaerendum bono. Hæc quattuor incidimus ex pœna primi peccati, & ea originaliter contrahimus ex peccato, ex quo nascimur filij iræ. Ex his procedunt septem vitia capitalia, de quibus quasi de maioribus ramis cetera vitia pullulant. Hæc sunt septem capita Draconis in Apocalypsi: & septem dæmonia in Marco, de Maria Magdalena per Christum eiecta. Item septem gentes, quæ terram promissionis occupauerant, ne filij Israel in ea pacifice habitarent: quia arcent nos hæc

vitia ab introitu regni cælestis, nisi ea studeamus expugnare & subiugare. Docet autem vetus traditio, apud Græcos, sicut & Clemens testatur, quod ista gentes primo expulerant filios Sem de terra illa, de cuius stirpe descenderant Abraham & Israel. Vnde cum Dominus præcepit filiis Israel gentes Chananzorum expugnare, & terram eorum possidere, videntur secundum hoc non alienam terram violenter vsurpasse, sed Domino vniuersorum obedisse, ut terram suam recuperarent, expulsis his qui eam iniuste detinebant. Hæc autem in figura facta sunt nostri, ut per vires animæ, & affectiones, quæ a Creatore factæ sunt, & ad bonum vsum homini insitæ, æterna & vtilia quæramus, & quæ ex peccato in vitium mutatae sunt, studeamus reformare & in virtutes mutare, expulsis corruptionibus vitiorum.

*Descriptio septem vitiorum capitalium. Cap. XII.*

Superbia est amor propriæ excellentiæ, qua homo alta cupit, seipsum altum reputat, & ab alijs vult reputari, & alios præcellere. Inuidia est odium alienæ prosperitatis, qua homo dolet alium sibi æquari vel præferri: & cupit ei malum, & de bonis eius dolet. Ira est indignantis animi turbulenta commotio, qua quodammodo furit & æstuat, quando aliquid occurrit ei, quod est contrarium voluntati suæ. Acedia est tædium boni ex animi torpore, dum aut irrationabiliter tristitia mentem aggrauat, aut dissolutio cordis ad vana aliqua magis inclinat. Auaritia cupiditas est, plusquam necessarium sit habendi temporalia. Gula est inordinatus vel immoderatus alimentorum appetitus. Luxuria est illicitus ardor libidinis, vel illicita expletio libidinosa delectationis in actu, siue in morosa cogitatione. Et licet hæc omnia vitia & peccata sint, hoc tantum est ex culpa hominis & pœna, peccati: in quantum tamen Deus ea dedit homini, sunt naturales affectus, & motus appetituum ad bonum, & ad motus virtutum: quia Deus nihil mali fecit, sed omnia valde bona. Expugnatio ergo omnium vitiorum non est aliud, nisi reformatio naturalium affectionum, & motuum ad statum a Conditoris dispositum: ut supra aliquantulum dictum est de appetitu sublimitatis, qui datus est homini, ut appeteret cælestia & diuina, & spernat terrena & vilia, quasi indigniora se. Hinc modo dilapsus est ad infima, ut appeteret terrenos honores & vanos & falsos.

*De affectu inuidiæ. Cap. XIII.*

INuidiæ affectus naturaliter homini insitus est, non ut inuideat proximo de bono quod habere potest, nec ut cupiat alicui malum aut faciat: sed ut odiat vitia & peccata in se & in alijs. Inuideat diabolo, quod tot animas aufert Deo, & alijs adiutoribus eius, immo vicarijs eius, scilicet hæreticis & subuersoribus animarum, qui spoliunt animas æternæ beatitudinis, & quantum in ipsis est, spoliunt ipsum cælum maiori gaudio, quod ibi esset, si plures illuc venirent: cum singuli qui ibi sunt, multam lætitiā faciunt omnibus ciuibz cæli; salua tamen æternæ prædestinationis ratione, quæ nullum ibi defectum suspicari permittit. Isti sunt hostes nostri, & odio habendi in quantum tales sunt, qui nos perdere æternaliter quærunt: non illi qui sperantur adhuc conciuēs nostri futuri in gloria cælesti, etiam si adhuc videantur inimici.

*De affectu iræ. Cap. XIV.*

IRæ affectus datus est homini, ut irascatur vitijs & malis suggestionibus, & ex indignatione non patiat se trahi in consensum peccati, & reprimat malos motus in se & in alijs, ubi opportune potest, & vliscatur Dei iniurias & transgressiones iustitiæ. Et tunc dicitur zelus iustitiæ, sic legitur Christus iratus

*Exo. 34. b*  
*Deut. 7. a*

Superbia.  
 Inuidia.  
 Ira.  
 Acedia.  
 Auaritia.  
 Gula.  
 Luxuria.  
 Cap. 8. in fine.



fratru fuisse pluries Phariseis & alijs non recte agentibus, & alij sancti viri. Nunc ira in vitium deformata est, & contra rationem in furorem versa est, & quasi insaniam: ut more phrenetici irrationabiliter moueatur homo contra hominem, contra amicum & proximum, contra seipsum: aliquando etiam contra sanctos & contra Deum, & contra insensibilia & irrationabilia, quæ nec male, nec bene faciunt, nisi sicut natura impellit ea. Etiam ubi cognoscimus nos iniuste moueri, non possumus quandoque impetum iracundiæ cohibere.

*De affectu tristitia. Cap. XV.*

**S**imiliter affectus tristitiæ datus est homini, ut doleat de peccatis suis & alienis: & ut moestus sit de dilatione patriæ, & timeat inferni supplicia, doleat de imperfectione sua, & compatiatur alienæ afflictioni: ut per maturitatem utilis luctus, excludat leuitatem vanæ lætitiæ, quæ est nutritrix dissolutionis. Sed hæc bona & secundum Deum tristitia peruersa facta, mutata est in tristitiam sæculi quæ mortem operatur, in desperationem, diffidentiam, & irrationabilem mororem.

*De affectu gaudij. Cap. XVI.*

**A**ffectus gaudij datus est homini, ut gauderet in Deo & in spe æternorum bonorum, & in intuitu beneficiorum Dei, & congauderet proximo in bonis eius, & delectaretur in laude Dei, & in bonis operibus, & fastidiret omnia vana & inutilia & iucundaretur in operibus diuinis, & ex hoc efficeretur alacer & agilis ad seruitutem Dei. Sed modo peruersus est per dissolutionem & vanitatem, ut homo gaudeat de insanijs falsis, & de affluentia temporalium rerum & honorum, & voluptatum in risu & derisu & fabulis & turpibus ludis, & fastidiat omnia quæ Dei sunt, & insipida sint ei, & tædeat cum interest diuinis: & ex hoc pigritetur ad studia deuotionis & virtutis, & euagetur cor circa inutilia & vana & immunda, & grauiore labores corporis libenter sustineret in alijs occupationibus & negotijs, quàm ut insisteret spiritualibus & diuinis: unde accelerat ab eis absolui quanto citius potest: & negligenter facit illud quod facit, nisi forte lucrû, vel laudem inde speret consequi, vel aliud commodum temporale. Ex inordinata autem tristitia gignitur tædiû boni, dum nil libet facere boni, vel cogitare, vel loqui. Similiter ex dissolutione tædiû boni nascitur, dum tantum intenti sumus vanis leuitatibus, quod tædet nos spiritualibus studijs intendere, & quasi anxiamur cum debemus auelli ab otio & iocis sæcularibus, & seriosis exercitijs occupari. Unde quasi ligati catuli ad stipitem renitenti animo cogimur esse in diuinis, & hoc est acedix vitium & tædiû boni. In hoc multi religiosi laborant, & pauci superant.

*De affectu auaritia. Cap. XVII.*

**A**ffectus autem auaritiæ datus fuit homini, ut esset cupidus magni meriti apud Deum, & magnarum virtutum & multorum bonorum operum, & ut multas animas lucraretur Deo, docendo, orando, bonum exemplum dando, & iuuando ad profectum salutis, & ut non esset homo contentus bono quod iam haberet, nisi laboraret ut multipliciter augeretur ei, & gratia, & opera virtutum. Sed nunc delapsa est ad cupiditatem temporalium rerum, pecuniæ, possessionum, & quarumlibet rerum etiam vilium quæ colligit, quasi homo semper debeat viuere, & mundus perire: ut congreget quantum valet, ne pereunte mundo non inueniat unde viuat. sicut Noë imminente diluuiio comparauit escas, quas

S. Bon. Tom. 7. Pars iij.

**A** haberet, quando omnia diluuiio perijissent. Et quanto magis homo morti appropinquat, tanto studiosius congregat & custodit: ut ex hoc ostendatur quàm sit irrationabilis auaritia, eo magis colligere quo minus indiget. sicut qui multum viatici fert pro breui via, & qui sumptuosam domum construit pro vnius noctis hospitio. Ideo autem Deus voluit nos semper incertos esse de hora mortis, ut parum de temporalibus cogitemus: sed omni hora timeremus multa perdere de æternis, ad quæ semper sine intermissione properare debemus.

Simile.

*De appetitu victualium. Cap. XVIII.*

**A**ppetitus victualium datus est nobis pro corpore, ut sustentemus naturam, & possimus durare in seruitio Dei, & multum mereri. Etenim moderatus & parcus victus vniformis, diutius conseruat naturam, dum non opprimit vires eius, sed reficit & sanitatem conseruat vniformis dicta: quia natura contemperat se ei, & non turbatur semper ex nouis & ignotis escis. Vnde quidam claustrales diutissime viuunt sani. Sed appetitus ille naturalis modo effusus est in voluptates & in superfluitates, ut non simus contenti vnde sustentetur natura, sed vnde palatum oblectetur. & cum talibus assueti fuerimus, & natura se eis contemperauerit, cum aliquando tenuiori victu deberemus esse contenti, natura remurmurat propter dissuetudinem. Vnde statim putamus nos adeo debiles & infirmos, quod victu paupere non possumus viuere, & quasi sub discretionis velamine delicata importune & inuerecunde incipimus quærere: nolentes experiri quod natura, sicut per consuetudinem ad delicata dilapsa est, ita per contrariam assuefactionem possit reduci ad competens moderamen victus parcioris. sicut videmus in maxima parte mundi quàm parce viuunt Gentiles, Iudæi, pauperes Christiani, quorum quidam depauperati modo tam sani sunt, sicut olim in delicijs fuerant. De spiritualibus autem delicijs & gustu internæ dulcedinis, quæ sine comparatione omnes mundi delicias superant, sicut mel simum, vix est iam mentio, vel efficax desiderium aut studium, etiam inter illos qui sibi alti videntur in religione: immo despiciunt & deridentur inebriatio talis desiderij seu dulcedinis, & quasi stultitia & abominatio iam habetur, & ab alijs religiosi persecutionem ob hoc patiuntur, & dæmoniaci reputantur & hæretici dicuntur, quamuis spirituales ipsi sint. Quàm vero despiciabiles Christo sint, qui deuotionis gratiam sic despiciunt & persequuntur, ab Apostolo discant qui animales eos appellat, qui non intelligunt ea quæ sunt Spiritus Dei, quia & stultitia est illis. Non tamen laudo vel approbo deceptores & deceptos, qui spiritum suum vel alienum pro Spiritu Dei sequuntur & seducuntur: sed probandi sunt spiritus, & sic iudicandi.

2. Cor. 2. d

*De affectu dilectionis. Cap. XIX.*

**A**ffectus dilectionis etiam datus fuit homini, ut diligeret Deum super omnia, & se & proximum suum propter Deum, & secundum Deum: & omnia opera Dei diligeret propter factorem, quodlibet iuxta suam dignitatem, & vteretur ministerio creaturæ ad Dei voluntatem & suam æternam salutem, & horum omnium delectatione & vsum referret ad Creatoris dilectionem & cognitionem, donec ad ipsum perueniret in quo viuunt omnia secundum æternam rationem. Sed ille affectus quasi extinctus est, & dilapsus ad amorem carnis & turpis dilectionis: ut iam non diligat nisi pro sua temporali utilitate, & carnali delectatione, & turpi voluptate. Licet vero vsum carnalis concubitus datus fuerit homini, & mandatus ad proles propagationem Deo educandæ, & æternam

Ecc 2 beati-

beatitudinem cum Deo & Angelis possessuræ: tamen modo non proles, sed delectatio in hoc opere queritur, vel pro hereditatis terrenæ successionem, vel honoris augmento, ut plures amici habeantur in terra. Vnde dolent quando paruuli decedunt, qui multo citius moriuntur post baptismum, antequam per mortale peccatum perdant vitam æternam, quam postea in ætate adulta propter dubium quales futuri sint, & propter multiplices laqueos peccati, quos valde pauci euadunt.

*De spe. Cap. XX.*

**S**pes data est homini qua confidat de bonitate Dei, ut speret a Deo gratiam consequi in præsentem, & gloriam in futuro, peccatorum veniam si pœniteat: & temporalem sustentationem, sicut sibi expedit, & liberationem a malo, conseruationem in bono. Sed spes modo confusa est, ut aut minus sperent homines quam debent, aut plus quam iustum est. Tantum confidunt quidam de bonitate Dei, quod etiam saluet eos in peccatis contra iustitiam & veritatem suam, & immundos collocaet in cælo cum Angelis mundissimis. Et rursus tantum diffidunt Deo, quod si conuertantur non velit eis dare perseverantiam in spiritu, vel sustentationem pro corpore: quasi Deus propitius sit inimicis suis, dum in peccato manent; & non propitius amicis suis iustis & pœnitentibus & conuertentibus se ad ipsum, ut peccatores pascant liberaliter & saluet, conuersos deferat & fame perire sinat. Non affliget Dominus famem animam iusti. Vnde Propheta dicit: Iunior fui, etenim senui: & non vidi iustum derelictum, & cetera.

*Prov. 10. a  
Psal. 36. c*

*De timore. Cap. XXI.*

**T**imor etiam datus fuit homini, ut timeret Deum, & timeret ab eo separari, & eum offendere, & puniri ab ipso & damnari. Modo timet tantum temporalem aduersitatem & incommodum corporis, & detrimentum honoris. Futura & æterna mala non timet, quasi tantummodo ming sint sine effectu, quod dicitur de futuro iudicio & æternis supplicijs, vel quod facilius euadet ea quam dicitur. Timet etiam hominem magis, vel bestiam, vel rem insensibilem, quam Deum omnipotentem quem offendit, cum tamen horrendum sit incidere in manus Dei viuientis.

*Heb. 10. f*

*De pudore. Cap. XXII.*

**P**udor etiam datus est homini, ut pudeat indigna agere, vel egisse genere suo, hoc est peccasse & seruum peccati factum esse, & mancipium diaboli, & omnis turpitudinis, vel inhonestatis & segniciei & vilitatis. Modo autem pudet nos seruitutis Dei, cui omnia seruiunt vel voluntate, vel necessitate. Pudet nos imitari Deum in humilitate, patientia, paupertate, religione, obedientia, & despectione, & contumelijs, & confusione: cum non sit Deo dignus, qui cum erubescit coram hominibus confiteri, vel etiam imitari, cum gloria magna sit seruo sequi dominum suum. Eodem modo sciendum de omnibus quæ a Deo suscepimus, de intellectu mentis, de ingenio, & de corpore & membris eius, & de substantia temporali & honore & potestate, & de tempore quo viuimus, & omnibus quæ in mundo seruiunt homini. Omnia hæc data sunt nobis, ut inde seruiamus Creatori nostro, & nobis vitam mereamur æternam, & proximos nobiscum trahamus ad vitam. Sed econtra nos omnia quæ ad usum vitæ, vel meritum gloriæ accepimus, ad usum conuertimus culpæ: ideo cuncta nobis ad usum vertuntur ultionis, siue per pœnam, siue per pœnitentiam. Per pœnam videlicet, ut cum caro tentat nos, vel affectus carnalis, &

*Luc. 9. c*

**A** appetitus inordinati affligunt nos, vel substantia exterior aufertur nobis, vel æris intemperies, vel terra sterilitas, vel corporis infirmitas nos excruciant; vel aliter affligimur, ut per quæ peccauimus, per hæc & puniamur. At si voluntarie pro Deo toleramus, purgamur a peccatis, & coronamur pro patientia & bona voluntate. Si autem inuite, nihilominus oportet nos puniri, vel hic, vel in futuro: vel per impatientiam augemus culpam, & per consequens etiam meritum pœnæ.

*Sap. 11. c*

*De singulorum vitiorum natura & descriptione. Cap. XXIII.*

**N**unc de singulorum vitiorum natura, vel descriptione aliqua consideremus, & de remedijs quibus curantur; cum virtus aliud non sit quam vitiorum perfecta curatio, vel carentia vitij, secundum quod istam materiam respicit. Quia si vitium inordinatus est motus, vel affectus naturalis corruptus; eius contrarium virtus est, affectus vel appetitus ordinatus ad id & secundum id, ad quod a bono Conditor datus fuit, ut ante patuit in exemplis. Superbia triplex est, ut supra dictum est: cum aut homo plus placet sibi quam debet, & maiorem se existimat quam sit in veritate; aut cum alijs placere desiderat & studet amore propriæ gloriæ volens magnus reputari & honorari & laudari: cum soli Deo honor & gloria proprie debeatur, qui solus essentialiter bonus est, & a quo habetur omne bonum. Vnde quidquid gloriæ nobis usurpamus, Deo furamur, immo decipimus nos attribuentes nobis quod non est nostrum: sicut meretrix mentitur se honestam & famosam, cum non sit. Hæc inanis gloria est, quia vacua veritate & utilitate salutis. Tertia est, cum vult alijs preeminere singularitate gloriæ, vel dominio, prælatione & imperio, & despiciet ceteros & deprimet. Describitur autem quadrupliciter: vel putans se habere quod non habet, vel plus habere quam habet, aut singulariter præ ceteris habere, aut ex se, vel pro meritis suis habere.

*Virtus quid.  
Vitiū quid.*

*Cap. 9. in  
initio.*

*1. Tim. 1. d*

*De tribus quæ expellunt vitia. Cap. XXIV.*

**T**ria sunt autem quæ vitia a nobis expellunt, & virtutes operantur: scilicet gratia Dei, industria propria, & necessitas. Gratia Dei infundit virtutes; industria cooperatur gratiæ ex libero arbitrio: & necessitas conuertit in virtutem. Sine necessitate sæpe, sed sine gratia numquam potest esse virtus, & sine liberi arbitrij consensu. Quibusdam infundit gratia virtutes cum modico vel nullo labore industriæ propriæ: licet non sine consensu voluntatis, cum sine consensu voluntatis nullum sit meritum: sicut illis quos præuenit Deus in benedictionibus dulcedinis suæ. Qui de luce, id est, diluculo incipientis ætatis, capacis intelligentiæ vigilauerit ad illam, non laborabit: assistentem enim foribus suis inueniet illam, id est, gratiam sapientiæ & virtutis. Sic Apostolos & alios quandoque, maxime in primitiua Ecclesia legitur repente Spiritu sancto repletos, ad virtutes & dona & diuersa charismata Spiritus sancti attigisse. Gratia excitat voluntatem, & instruit & roborat, ut industria agat ad profectum salutis. Necessitas autem, alia est, cui se homo voluntarie subijcit; ut qui obligant se voto ad obedientiam, castitatem, paupertatem & similia: vel ut vadant ad infideles prædicare: si illis postea euenit aliquid agere vel pati quod libenter euaderent, videntur necessitate cogi, quæ tamen voluntaria est, quia ad hoc sponte se obtulerunt, & potius pati volunt quam a proposito resilire. Alia est coacta, quam homo inuitus tolerat, nec tamen potest effugere: ut paupertas sæculi, infirmitas corporis, despectio, persecutio, tentationes, vel aliz tribulationes.

*Gratia ut  
expellat vitia.*

*Sap. 6. b*

*Necessitas  
vitia fugit.*

bulationes diuersæ: quas licet primo homo inuoluntarie toleret & cum murmure, tamen postea cum videat eas esse inuitabiles, incipit quandoque voluntatem flectere & facere de necessitate virtutem, & tunc incipit mereri: & cooperatur illa necessitas ad magnum profectum virtutum, ad quas vix aliter perueniret. Et hoc est quod dicitur de quibusdam,

*Luc. 14. e*

*Industria quoque subiugantur vitia.*

Compelle intrare. Et illud quod orat Ecclesia Deū, Et ad te nostras etiam rebelles compelle propitius voluntates: fac de inuoluntarijs voluntarios, ad ea quæ scis nobis expedire: etiam per aduersa, cum nolumus te in prosperis sequi. Industria in tribus consistit, in prouida consideratione, in labore conatus, & in perseveranti diligentia. Per ista tria, adiuuante gratia, vitia subiugantur & virtutes obtinentur. Sed gratia quosdam ita præuenit, ut aut multa facilitate, immo cum multa suauitate faciant bonum, & declinent a malo: aut ita accendit voluntatem, ut cum magno feruore quæque facienda prompte aggrediantur, quantumvis dura ac difficilia. Quosdam vero ita sibi quodammodo relinquit, ut quidquid boni agere debent, necesse habent se stimulis & calcaribus pun gere quasi pigrum animal: ut grauior sit eis difficultas superandi torporem cordis, quam laborem actionis sustinendi. Isti etsi non habent desiderium feruens ad currendum post Dominum, habent tamen desiderium desiderij, orantes se trahi cum sponsa;

*Cant. 1. a  
Psal. 118. c*

quasi qui agilitatem currenti non habent. Iuxta Illud: Concupiuit anima mea desiderare iustificationes tuas in in omni tempore. Voluntatem bonam habent, sed pigram & tepidam, non feruentem. Primum felicius est, secundum laboriosius. Quid autem horum maioris sit meriti, puto neminem perfecte æstimare posse, nisi eum qui statuum ponderator est, scilicet Deum. Quia secundi si feliciter luctando vincunt seipsum, ut per consuetudinem sui potentes fiant, magnæ virtutis est. Primi maiori indigent cautela ne seducantur: quia diuitiæ faciliter acquisitæ prodigaliter solent effundi, quam quæ paulatim & cum difficultate elaborantur. Secundi antequam perfecte vincant difficultatis tentationem, sæpe quasi lassati vel territi ex labore desperant de victoria, & de peruatione ad finem quo tendunt, & remittunt studiū perfectionis: & ad alias occupationes se conuertunt, quasi diffidentes de Deo, quod nolit eos introducere in terram Promissionis, per quam significatur perfectio puritatis. Sicut filij Israel in deserto tædio laboris & difficultatis de superandis hostibus detraxerunt terræ Promissionis: & mortui sunt in deserto præter paucissimos, hoc est, præter Caleb & Iosue, qui designant eos qui caute & viriliter per tentationes pertranseunt usque in finem perseverando. Ideo inter tot de sæculo quasi de Ægypto egressos, tam pauci perueniunt ad consummatam perfectionem: quia aut seducti callidis deceptionibus inimici, aut tædio laboris & difficultatis fracti, viam perfectionis deserunt, vel aggredi non præsumunt.

*Num. 32. b*

*De generalibus remedijs contra vitia. Cap. XXV.*

**Q**uædam etiam sunt generalia remedia contra vitia expugnanda & virtutes obtinendas, quædam specialia, aliqua singularia, ut contra luxuriam, fugere feminas, viros, & similia. quædam autem sunt quæ cito & perfecte ducunt hominem ad sanitatem mentis, quædam tardius & imperfectius. Efficaciora remedia contra omnia vitia sunt ista. Primum paupertas; ut in omnibus penuriam patiaris, non solum in his quæ desideras, quia illa est omnium etiam ditissimorum qui plus cupiunt quam habent; sed etiam in his quibus necessario indiges, in victu, vestitu, hospitio, ministris & similibus. Secundum est despectio hominum; ut sis contemptus, ut vilipendaris, & non cureris, & in nullo singula-

*Efficacissima remedia contra vitia.*

*S. Bon. Tom. 7. Pars iij.*

**A**riter honoreris: sed potius confundaris, exproberis & vitupereris, & hoc sæpe ab amicis, donec rumor elationis penitus in te comprimatur. Nonne vides quanta mendici tolerant a diuitibus, quam patienter? quod non facerent si haberent diuitias, vel honores. Tertium est strenuum magisterium: ut cogaris facere quod inuitissime faceres, & dimittere quod libenter faceres: & nihil habere nisi quod tibi datur, nihil agere nisi quod tibi iubetur: nec loqui nec esse nisi ad nutum alterius: & nihil dissimuletur quidquid negligis, quin aspere reprehendaris & puniaris, donec curuitas propriæ voluntatis plene in te.

**B** ad formā rectitudinis reflectatur. Quartum est elongatio a consortio sæcularium: quia sicut aqua turbata si ponatur seorsum a frequentia transeuntium, purificatur magis: ita mens religiosi a sæculo sequestrata minus afficitur circa terrena, & cælestia magis considerare nititur, & prius intelligere & facilius inhæ-  
*Simile elegans.*

rere de eis cogitando. Quintum est frequens oratio: quia oratio eleuat mentem supra se ad Deum, & impetrat ab ipso curationem languoris vitiorum & sanitatem virtutum. Sextum est quælibet afflictio, vel tribulatio aduersitatis: ut labor, infirmitas, persecutio, tentationes, infamia, & similia. Quia sicut lima purgat & splendore facit metallum: ita tribulatio & angustia & afflictio abradit rubiginem vitiorum. Vnde Gregorius: Qui desiderat plene vitia vincere, studeat humiliter purgationis suæ flagella tolerare. Si autem primo est amata ad sustinendum aduersitas, per consuetudinem continuam fit de die in diem tolerabilior, quousque iam non curetur, vel etiam diligatur propter profectum sanitatis, quæ inde prouenire sentitur. Exemplum de cauterio, quod primo acerbum est, sed emortua carne iam non dolet, & superfluos humores educit. Vnde orat Propheta, Proba me Domine & tenta me: ut renes meos & cor meum. Septimum est continua mortis & operum retributionis meditatio, quæ facit vitia timere, & virtutibus insistere. Sicut autem arte medicinæ contraria contrarijs curantur, ita vitia contrarijs exercitiorum remedijs sanantur: ut superbia humiliatione, gula sobrietate, impatientia aduersitate, & sic de ceteris.

*Greg. homil. 15. in Euang.*

*Psal. 25. a*

*De remedijs specialibus singulorum vitiorum. Cap. XXVI.*

**N**unc ergo de specialibus remedijs singulorum vitiorum videndum est; quæ si non omnia possumus scire vel describere, pauca tamen de pluribus consideremus: sicut pauperes qui non possunt multas medicinarum diuersitates & efficaces habere, conficiunt de vilibus herbis vnguenta quibus liniant dolores suos.

*De remedijs superbia. Cap. XXVII.*

**P**rimum superbiæ remedium est, consideratio propriæ vilitatis tam in corpore, quam in anima: tam illius quæ nobis cum ceteris cōmunis est, quam illius quam in nobis singulariter agnoscimus in occulto, vel in aperto, siue sit naturalis, siue accidentalis. Considera vilitates & infirmitates corporis: quid fuimus, quomodo concepti sumus, quomodo in utero nutriti & nati: quid sumus intrinsecus sub cute, quæ sordes ebulliunt per aperturas, quam facile deperit quidquid in nobis pulchrum est, & validum apparet; quod mors semper propinquat, & quales post mortem erimus. Item quod exteriores honores non sunt nostri naturaliter. Diuitiæ terrena sunt, & de terra tolluntur: ut pecuniæ, possessiones: & honores non impenduntur homini pro se, sed pro quæstu qui inde speratur. Sicut vultures & canes accurrunt ad cadauer quādiu sperant inde

*Nosse seipsum, efficax remedium contra superbiam.*

*Ecc 3 satiari:*

satiari: sed cum totum corroserint quod nisi sicca ossa remanent, tunc relinquunt cadauer. Item bonamentis nostrae non sunt nostra, sed dona Dei: & rationem inde reddituri sumus districte: ut sunt scientia, ingenium, virtutes. Mala nostra pure mala sunt, & ex pluribus circumstantiis grauiora, & grauius supplicij digna. Bona nostra non pure bona sunt, sed multipliciter imperfecta: ut pigritia, desidia, vana gloria, hypocrisis, repiditas, & vana cogitationes, & imperfeuerantia, & cetera vitia saepe vitiat bona opera nostra quae facimus, & maculant sacrificium nostrum tam actionum quam orationum, ut minus sit Deo acceptum, & minus nobis meritorium. Item, expositi sumus pluribus periculis & aeternae damnationi: & pluribus vitiis & peccatis onerati & miseriis subiecti. Vnde ergo superbit terra & cinis homo tam vilis? Secundum est exercere se in humilibus operibus, vilibus & despectis officiis, & rusticanis laboribus: humili habitu incedere, humiles mores & verba habere, locum nouissimum eligere, nihil iactantiae & ostentationis praetendere. Haec & his similia cum in consuetudinem versa fuerint, mentem ad humilitatem inclinant. Si autem vana gloria, vel superbia pulsant mentem, pro huiusmodi humiliatione, hoc est, ex nouitate vel raritate huius humiliationis iam per longum usum ista vanitas evanescit, ut legitur in Psal. In Deo faciemus virtutem, & ipse ad nihilum deducet inimicos nostros. Tertium est quod superiores & meliores se debent attendere tam homines, quam ipsum Iesum Christum Deum & hominem, ut eorum comparatione sibi met vilescat homo, qui se aliquid esse putat, sicut locusta ad gigantem; calculus ad montem, gutta ad flumen: & hoc tam in faciendo bona, quam patiendo aduersa. Pannosus garsio vilescit inter purpuratos: sic nos debiles in virtutibus respectu maiorum & sanctorum, siue ante nos fuerint siue nobiscum.

*Ecclesi. 10. a*  
Humilia ex  
exercitia vsur  
panda.

*Psal. 59. c*

#### *De triplici inuidia. Cap. XXVIII.*

**I**nuidia triplex est. Prima, non gaudere de bonis alterius, & non dolere de malis eius. Et hoc est contra charitatem proximi, quem tenemur diligere sicut nosmetipsos: cum nemo de proprio bono non gaudeat, vel de malo non doleat. Secunda est dolere & torqueri in bonis alterius, & gaudere & optare malum eius ex odio personae. Nam qui dolet de prosperitate temporali alicuius, vel gaudet de aduersitate eius, quia videt eidem expedire, vel communi utilitati aliorum, non ex odio personae: non est inuidia deputandum. Sicut iustus iudex destruit malefactores, ne vel ipsi grauius damnentur, si diutius in malis prosperentur, vel per eos pax communis turbetur. Tertia est, insuper promouere malum alterius verbis & factis, & bonum impedire, vel deprimere. Grauis inuidia est, malum pro malo reddere: Grauior autem odire illum, qui nihil nocuit tibi: Grauiissima autem, malum pro bono restituere, vel odio habere aliquem quia bonus est, sicut Iudei Christum. Item malum est aliquem ledere in rebus, vel honoribus, peius in corpore, pessimum autem immo diabolicum laedere & nocere alicui in anima quo ad salutem aeternam. Item negare indigenti beneficium, peccatum est, licet sit inimicus: non impedire autem malum eius cum posset, grauius. Perfectorum est bonum inimici diligere, & promouere etiam ex affectu. Quidam putant se innocentes, si negant illis quos non diligunt salutationem suam: sed examinent se quomodo esurienti inimico cibum ministrarent, si salutationem quam sine damno dare possunt, negant, maxime si desideret & affectet. Ideo autem inuidia vel odium Deo contraria sunt: quia singulariter charitati, quae Deus est, opposita sunt, & commune bonum quod Dei largitas omnibus aequaliter creauit, ini-

*Prou. 25. d*

det: & eos odit quos Deus creauit & redemit & diligit, de quibus spes est quod ad vitam aeternam perueniant.

#### *De remedijs inuidiae. Cap. XXIX.*

**P**rimum remedium contra inuidiam est, quod etiam summum est, nihil amare & cupere eorum quae mundus amat, id est, diuitias, honores, voluptates. Temporalia enim quo pluries diuiduntur; eo partes minores fiunt: & qui ea appetit, inuidet alijs ea habentibus, dum necesse est alium carere quod alter habet. Caestia autem & diuina, quo plures participant, eo magis dilatantur & abundant: ut virtutes & sapientia, & dona Spiritus sancti, & similia, quae participatione non minuuntur. Secundum est, cogitare quod si alius non haberet illud vnde ei inuides, tamen tu non haberes: vnde nec inuideas alteri, quod sine damno tuo habet, ne frustra de aliena felicitate torquearis. Remedium contra odium est, timere vindictam Dei, qui non remittit homini peccata sua quamdiu ipse tenet odium ad proximum suum. Tertium est, cogitare quod quandoque oportet cum proximo reconciliari, si vult saluari. Vnde melius est hoc cito fieri quam tardius, ne homo sit in periculo damnationis, & perdat bona quae interim operatur. Futuri enim domestici in domo Patris caelestis, hic debent aeternae pacis foedus inchoare: quia quanto hic feruor dilectionis, tanto illic erit iucundior fruitio aeternae pacis. Quartum est, ut studeas illi qui magis est tibi contrarius, obsequentior esse & affabilior. Per hoc enim lenis cor eius, si est intelligens, vel saltem cor tuum. Noli vinci a malo: sed vince in bono malum. Quid prodest homini diu meminisse iniuriarum, nisi ut amplius inquietet & affligat semetipsum? Sufficit diei malitia sua. Tanta enim sunt nobis molestia, quantumcumque studeamus in nobis esse pacifici: quod si super haec volumus ea nobis aggravare per odij & rancoris conseruationem, citius obruemur quam omnia resistendo vincamus. Potius iuxta Apostolum dare locum irae debemus, & cedere, & non resistere malo, malum pro malo reddendo. Quia si velimus omnes opprimere, quos aduersarios pauperum, iterum alij insurgent, & nos prius succumbemus quam omnes eliminemus. Qui seipsum per patientiam vincit, omnes aduersarios superat. Bellabunt aduersum te, sed non praeualebunt. Exemplum in sanctis martyribus. Odiu aliquando generatur ex ira diu retenta,

*Matt. 18. d*

*Rom. 12. b*

*Matt. 6. d*

*Rom. 12. d*

*1er. 1. d*

#### *De ira. Cap. XXX.*

**I**ra triplex est qualitas. Prima subito & ex facili causa moueri, ut ex leui facto vel verbo, vel etiam ex vana suspitione. Aliquando etiam contra insensata commouemur, & irascimur brutis & lapidi, & ligno vel calamo, & huiusmodi sine ratione. Secunda est vehementer inflammari. Aliquando enim ira tantum in corde accenditur, quod etiam facies inflammatur & deformatur. Aliquando etiam gestus & mores mobilitate quadam notabili agitantur, ex qua interior animi commotio demonstratur: ut stertutatio narium, pallor vel rubor vultus, depressio palpebrarum, tremor labiorum, inquietudo totius corporis. Aliquando per verba erumpit vel clamores, per conuitia, contumelias, maledicta, & minas, per iuria, & blasphemias. Aliquando quasi febris concutit corpus, vel quasi phrenesis mentem in furorem vertit. Aliquando manus mouet ad laedendum alium vel seipsum: ita ut sibi met aliquando manus iniiciat, vel ea quae parauerat, abijciat, vel destruat. Aliquando non sinit admittere quae sibi vitia sunt, ut cibum vel aliud cognatum. Et multa huiusmodi ira operatur, & pacem cordis turbat, & rationem obnubilat, & memoriam confundit. Et sicut fumus hospi-

tem.

Simile.

tem de domo expellit: ita ira Spiritum sanctum qui super quietum quiescere tantummodo querit, de cordis habitaculo excludit. Tertia qualitas iræ est, diuturna commotio, quæ aliquando rancorem fouet. Quidam habent de prima qualitate magis, & minus de secunda & tertia, quidam de secunda magis, quidam de tertia: quidam abundant duabus ipsarum: quidam vero omnibus tribus, & hi pessimi sunt. Ira contrariatur virtuti mansuetudinis, patientiæ, & mititatis, & dehonestat disciplinam morum: & facit inconsideratum, quia nec Deum timet, nec hominem veretur. Ira etiam non habet misericordiam, nec humilitatem præterit, & excæcat intellectum: & sicut fumus nocet oculis, sic ira cordi.

Prov. 10. d

## De remedijs ira. Cap. XXXI.

**R**emedia iræ. Primum prouida præmeditatio illorum quæ possunt occurrere, tam verborum, quam factorum contrariorum: ut ante pugnam se homo ad patientiam præparet, & hostem quasi in insidijs paratus expectet: ut eo minus perturbent venientia quo fuerint ante præuisa. Qui enim debent in bello pugnare, ante pugnam solent artem pugnandi exercitando addiscere: ut ictus aduersarij sciant, scuto excipere, ne improuidi vulnerentur & superentur. Nam qui tunc primo vult armari quando iam hostes irruunt super eum; nec spatium dabitur ei ad muniendum se, nec etiam præ stupore consilium inueniet quo euadat. Secundum est, os comprimere tacendo, & accensam flammam iræ in corde suffocare: ne si euaporare permittatur, increseat & alios incendat, sicut de igne materiali sæpius experimur. Ad hoc enim duo ostia Deus linguæ dedit, dentes & labia: ne facile profusiat ad nocendum, maxime cum intus accensa fuerit igne furoris. Facito ostia ori tuo. Et, Pone Domine ori meo custodiam, ut non delinquam, &c. Tertium est conuertere se ad alia negotia quibus cor occupetur, loquendo vel alia tractando, ut sic obliuiscatur commotionis suæ: sicut qui vult extinguere ignem, subtrahit stipites ardentes, ut sic diuisus deficiat materia per partes ei subtracta. Cum defecerint ligna, extinguetur ignis. Quartum remedium est, verecundia, qua homo modestus erubescit disciplinæ suæ detrimentum incurrere, & alios scandalizare: & vim facit sibi reprimendo iram, vel etiam alios inordinatos motus, ne honestatis suæ dispendia patiat. sic etiam timor reprimat iram. Sicut videmus in seruis, qui a dominis suis sæpe dure castigantur, nec audent leuiter e contra murmurare, ne forte peiora eis inferantur. Si hoc potest timor humanus, quanto magis timor Dei, si vere insit menti, & maxime amor ipsius boni. Tam potens est quæsi- tur, si bonum resiste- tur, si bonum affectu contulerit. Quintum est, assuetudinem se statim (cum sentitur commotio) admittere consilia prudentiæ, perpendendo quam nociua sit iracundia, quæ lædit conscientiam, confundit famam, alios scandalizat, cor inquietat, Spiritum sanctum effugit, tormenta meretur: & etiam quod illud pro quo irascimur, iam inuitabile est, si factum est: & quod nihil proficimus irascendo, nisi quod malum duplicamus. Tanta enim in hoc sæculo occurrunt aduersa, quod si etiam omnem diligentiam apponimus, qualiter ea nobismet mitigemus leuiter patiendū; tamen vix omnia portabimus: quanto magis si voluerimus ea nobis exaggerare per impatientiam, & retinere in corde per rancorem: si ea nolumus expellere, ut euanescant sicut fumus, ante obruemur & suffocabimur, quam possimus omnia resistendo superare; sicut illi qui continuum fluxum reumatis non excreant, suffocantur. Ad quid volumus verba contumeliosa contra nos prolata retinere, quæ iam cum aura transierunt, quæ nihil nocuerunt nobis quantum fuit in eis; nec

Linguæ duo ostia.

Eccli. 18. d

Psal. 140. a

Prov. 26. c

Malo resisti- tur, si bonum diligitur.

**A** in rebus, nec in corpore; nec gratiam Dei a nobis auferunt, nec honores apud homines, si nos per impatientiam non offendimus nosmetipsos. Immo magis grati sumus Deo & hominibus, si contumelias patimur, quam si nihil pateremur aduersi. Sic æstimemus verba maledicorum & detractorum, sicut latratus canum vel clamores anserum, quos contra nos audimus & non curamus. Qui alterum contumeliose vituperat, seipsum magis quam illum dehonestat. Ecce aliquando in itinere intemperies aeris affligit nos; & cum euaserimus lætamur, & tristitiæ prioris obliuiscimur, nec adijcimus, ut iterato contristemur, nos de priori incommodo, quod præterijt: sic etiam debemus præteritarum obliuisci iniuriarum ac si non fuerint, & gaudere quod sustinimus. quia cum tribulatio pertransierit, meritum eius adhuc manet. Cogitare etiam debemus, quod nemo in hac vita sine aduersitate viuunt: & qui sæculo seruiunt, sæpius grauiora tolerant. Item quanta sancti sustinuerunt, & martyres, maxime & super omnes ipse Dominus noster Iesus Christus. Et si ipse tanta passus est pro nobis, non est indignum si nos aliqua toleramus pro ipso, & pro magna gloria nostra, & pro merito peccatorum nostrorum, pro quibus vilius hic modica pati debemus, quam in futuro plurima & acerbiora. Hæc & his similia prudenter & sæpe cogitando, impetum iracundiæ & impatientiæ facilius superamus.

Verba maledicorum, latratus canum.

## De acedia. Cap. XXXII.

**A**cediæ vitium tres habet species. Prima est quædam amaritudo mentis, qua nihil lætum, vel salubre libet, tædio pascitur, fastidit hominum confortium. Hæc est quam Apostolus sæculi tristitiam appellat, quæ mortem operatur, procliuius in desperationem & diffidentiam, prona ad suspensiones: quæ patientem aliquando instigat ad necem sui ipsius, luctu, irrationabili oppressa. Hæc aliquando nascitur ex præcedenti impatientia, aliquando ex retardato & impedito desiderio cupit rei, aliquando ex prædominantibus melancholicis humoribus: & tunc medicorum est adhibere remedium, potius quam religiosorum, vel Theologorum. Secunda est tepor quidam pigredinis qui somnum amat, & omnia commoda corporis: horret labores, fugit aspera quæque, vitat operationem, otio delectatur. Hæc est propriæ pigritiæ. Tertia est quæ solum fastidit ea quæ Dei sunt; & ad omnia alia agilis est & alacris. Oratio est ei insipida, & a laudibus Dei se absentat, ubi caute, potest & audet, festinat implere velociter orationes debitas: & ne nimis afficiatur tædio earum, assumit interim alias cogitationes, vel occupationes quibus intendat donec perficiat horas vel orationes consue- tas: rumoribus pascitur, ludis delectatur, excogitat negotia quibus occupetur. Nihil magis est ei onerosum quam Deo intendere, & his quæ spectant ad studium & profectum spirituale. Cella ei carcer est, euagari autem tam corpore quam mente extra claustrum diligit, & querit multifarias occasiones. Omnis rigor disciplinæ spiritualis grauis est ei, & murmurat & conqueritur de duritia prælatorum & disciplina zelantium. Hoc acediæ vitium, signum est ingratiitudinis: quia tanta beneficia contulit nobis Dominus & confert quotidie, quod fidelem seruum eius deceret numquam ab eius laude cessare, numquam eius obsequium fastidire. Item spoliatur nos multis meritis & præmijs in cælo. Tantam enim gloriam omni hora negligimus, quanta bona interim facere possemus, si otiose eam transigimus: & nulla vel modica hora præterit qua non mereamur vel demereamur. Cum in multis offendimus Deum, conueniens est, ut tempus quod adhuc restat nobis ad viuendum, tanto melius expēdamus, & redimamus tempus quod male amissimus.

1. Cor. 7. c

Nota,

Nota,

Eph. 5. d

De



## De remedijs Acediæ. Cap. XXXIII.

**R**emedia acediæ. Primum & efficacius, cogere se ad ea spiritualia studia, quæ maxime fastidit homo, & præcipue ad orationem & celebrationem diuinorum, tamdiu quousque per Dei gratiam veratur nobis in oblectationem. Si autem differatur talis gratia, nihilominus de labore luctaminis meritum accrescit & virtus roboratur, & per consuetudinem magis ac magis tædium minuitur. Deus enim non requirit a nobis quod non dedit, scilicet gratiam deuotionis: sed hoc vult vt eam queramus, & cum dederit referuemus, & gratias ei agamus. Possibile est enim, aliquem multo plus mereri in pœna laboris pro obtinenda deuotione etiam si non proficit, quàm si multæ deuotionis foret sine labore: quia de isto posset forsitan extolli, & meritum diminui: de illo autem cor humiliatur, & meritum conseruatur. Contra tristitiam autem maxime valet frequens memoria benignitatis Dei & intuitus beneficiorum eius: contra cuius bonitatem peccata omnium nostrum sunt, velut gutta ad mare. Item esse libenter cum bona societate; maxime vbi de Deo sæpe loquuntur deuote. Itē illud Iacobi, Tristatur aliquis in vobis? oret: A quo animo est? psallat. sic enim cor hilarescit, & spiritus tristitiæ effugatur: sicut psallente Dauid, spiritus malus a Saul recedebat. Occupatio etiam prodest tristibus, vt obliuiscantur tristitiæ. Pigris utilis est laboris exercitatio, & consuetudo incommodi, cogente strenuo magisterio, ne possint remisse agere præ tædio laboris, nisi debilitas sit in causa. Item contra tædium cordis, valet varietas actionis, vt ab vno transeat ad aliud opus bonum. Seruus Dei in his quatuor exercitijs debet versari vt Deo intendat, orando, psallendo, meditando, studendo deuotioni: aut de Deo tractet legendo, studendo, secum conferendo, discendo, docendo: aut pro Deo laboret operando, seruiendo, corpus castigando, & virtutibus studendo: aut corporis refectioni moderate indulgendo, quiescendo, dormiendo, cibum vel potum sumendo, ad hoc vt corpus possit spiritui seruire. Panis & disciplina & opus seruo. Panis ad sustentationem, disciplina ad correctionem, opus ad exercitationem. Asinus indiget pabulo ne deficiat; onere, ne lasciuiat otiosus, virga eget qua impellatur, ne pigre ambulet vel deuiet. Grauis acedia est, negligenter persolvere ea ad quæ quis tenetur; grauior prætermittere omnino ex tædio; grauiissima alios impedire, & a bono retrahere, nec posse aliorum bona studia æquo animo sustinere.

## De auaritia. Cap. XXXIV.

**A**uaritia tres habet species. Prima est anxia cupido habendi vel acquirendi temporalia, siue sequatur effectus, siue non: & sic potest auarus etiam esse pauper, qui modicum habet, vel etiam nihil. Secunda tenacitas conseruandi habita, quæ non permittit ea erogari in pias causas, vel in vsus necessarios congrue expendi, nisi cum animi dolore. Tertia est augere diuitias, & vnde cumque acquirere, etiam de iniusto & turpi quæstu, vt furto, rapina, fraude, vsura & alijs inhonestis modis. Quidam laborant in prima specie, quidam in secunda, quidam in tertia, quidam in duabus, quidam in omnibus. Hoc vitium videtur specialiter contra naturam esse, & ex sola praua consuetudine, vel corrupta voluntate inolitum. Quod ex hoc probatur, quia mundus multo tempore caruit hoc vitio: & aliquæ gentes adhuc putantur ab eo immunes esse vel fuisse, sicut Gymnosophistæ. Item quia multi sæculo perfecte renuntiantes, cum ab alijs vitijs sæpius impugnentur, ab hoc nunquam deinceps pulsantur, nisi forte propria misera voluntate se ei subijciant. Qui autem semel eius laqueo se

alligari permiserit, vix vniquam de cetero ab eius compede liber erit. Vnde videmus Religiosos quosdam post primam sæculi abrenuntiationem, qua ab eis laqueis erepti fuerant, rursus inuolui auaritiæ retibus, & insatiabiliter sitire res alienas, qui prius proprias contempserant propter Deum. Sic Iudas omnibus suis renuntiauerat: postea fur factus est, & loculos habens, Dominum maiestatis vendidit, & laqueo se suspendit.

## De remedijs auaritiæ. Cap. XXXV.

**R**emedia auaritiæ. Primum, omnia pro Christo relinquere, & sub alterius regimine viuere, & si qua habuerit, ei plenè resignare; & in nullo sui iuris esse, sicut in primitiua Ecclesia fideles sub Apostolis erant, & in monasterijs bene ordinatis claustrales. hoc est efficacius auaritiæ remedium: sicut Dominus docuit, Qui non renuntiauerit omnibus quæ possidet, non potest meus esse discipulus. Item, Si vis perfectus esse, vade & vende omnia quæ habes, & da pauperibus. Secundum est, considerare omnes perplexitates diuitiarum, & laqueos auaritiæ, & paupertatis libertatem & vtilitatem. Diuitiæ enim periculose acquiruntur; & cum labore & cum multa sollicitudine conseruantur: quia multorum inuidiæ patient, furum, raptorum, potentum, fraudulentorum. Vbi multæ sunt opes, ibi multi qui comedunt eas, tam consumentium quàm subtrahentium: a nullo securus diues, nec ab extraneis, nec a proximis. Sic est diues in medio cupidorum, sicut carnifex in medio canum famelicorum. Diuitiæ diu colliguntur, citò amittuntur. Multiplicatæ non minuunt, sed augmentantur auaritiæ, sicut potus hydropico. Quid ergo queris vnde plus crucieris? Affligunt nondum habitæ, etiam habitæ & amissæ. Pauca sufficiunt necessitati. Mors cito rapit ab eis. Pœnas æternas amatoribus suis lucrantur. Ab his omnibus libera est paupertas. Rapinas nolite concupiscere: diuitiæ si affluant, nolite cor apponere. Fructus diuitiarum est largitas elemosynarum: sine qua infructuosæ sunt & periculosæ. Diuitiæ conseruatæ, in malum domini sui cedent. Semen accumulatum putrescit, seminatū fructificat. Tertium remedium est, confidentia de Deo, qui non derelinquit sperantes in se iuxta promissum ipsius: Nolite solliciti esse dicentes, quid manducabimus, aut quid bibemus, aut quo operiemur? hæc enim omnia Gentes inquirunt: scit enim Pater vester celestis, quia his omnibus indigetis. Qui enim sic fecit hominem, vt alimentis indigeat, non patietur, eum perire per necessariorum subtractionem, si eius curæ se committat. Querite primum regnum Dei & iustitiam eius, & omnia necessaria corporis adiicientur vobis. Nam qui libenter vult homini dare celestia, & maxima, quomodo neget ei minima, id est, terrestria? Si enim mali & crudeles homines, immo bestię & bruta, filios suos nutriunt, multo magis optimus & verus Dominus filios suos non deseret: qui etiam benignus est super ingratos & malos, quanto magis super bonos qui omnem sollicitudinem suam in eum projiciunt? Non vidi iustum derelictum, neque semen eius quærens panem. Vnum de tribus a Deo sperandū est auaritiæ projicientibus pro Deo: quia aut procurabit homini necessaria, aut cum parco victu & penuria dabit homini vires, quas in abundantia posset habere; & hoc est iucundius de modico esse magis fortem: aut quod subtrahit corpori refundet menti in consolatione spirituali: vt libenter careat corporali abundantia, quæ spiritualibus delicijs feliciter recompensatur. Insuper magnam gloriā in cælo meretur patienter tolerata pro Christo temporalis penuria: quia, Beati pauperes spiritu, &c.

\* al. pugna.

Iacobi 5. 6

1. Reg. 16. d

Exercitia  
Religiosorum  
quatuor.

Eccli. 33. 6

Auaritia contra naturam  
est.AB. 2. 8 &  
4 8Luc. 14. 8  
Mat. 19. 6

Eccli. 5. 6

Psal. 61. b

Eccli. 5. 6

Matt. 6. d

Matt. 6. d

Psal. 36. 6

Matt. 54

De

## De gula. Cap. XXXVI.

*Cassian. li. 5. de spiri-  
tu Gastric.  
cap. 23.* **G**ula quattuor sunt species. Prima, ante debitum tempus, vel saepius quam deceat comedere, praeter necessitatem, more pecudum. Secunda, cum nimia auaritia & impetu quodam vorare, sicut lupi & canes famelici. Tertia, nimis se implere, potius quam reficere, & plus sumere quam sit necesse ex inconsideratione, vel delectatione. Quarta, nimis lauta, vel exquisita quærere. Hæc nutrit auaritiam, sicut prior pigritiam vel accediam. Qui delicata quærunt, cupit diuitias, ut possit habere quæ appetit. Nimia vero ciborum repletio pigrum reddit: quia vas plenum ponderosum efficitur. Hebetat etiam intellectum, & affectum deuotionis obruit & refrigerat, & agilitas retardatur, & in somnum ducit superflua ciborum repletio.

## De remedijs gula. Cap. XXXVII.

**R**emedia gula. Contra primam speciem sufficit bona voluntas, ut nolit plus vel saepius comedere quam sit conueniens. Infirmis autem non est lex posita. Iuuenes vero & laborantes sicut exigit necessitas, discrete refici possunt, quando consuetudo, vel ecclesiastica institutio non repugnat. Contra secundam utilis est disciplina verecundia, ut modeste se habeat, & impetum refrenet. Item consideratio: quia inordinata & nimis festinata refectio naturam grauat & minus nutrit, & plus æquo vult. Eadem etiam consideratio valet contra tertiam speciem, quia nimis sumitur; & quia vere impedit a bono opere sicut supra dictum est. Efficacius tamen remedium est contra tertiam & quartam speciem, non habere unde possit gula satisfacere. Unde quanto quis pauperior fuerit, tanto minus in hac parte peccabit. Hæc est secundum traditionem seniorum prima pugna, quam deuincere nos oportet: & quantominus superata fuerit, tanto validiora sunt cetera vitia contra nos, & nos debiliores sumus contra ea. Per gula peccatum mors intrauit in orbem. Unde & Christum diabolus primitus per gulam tentauit, quasi per ianuam aliorum vitiorum aditum quærens ad vltiora. Contra quam prout etiam contra alias voluptates vitiosas considerare debemus, quàm cito pertransit, quàm breuiter durat: & quando transacta fuerit, sic est quasi numquam fuerit. Unde cum delectamenta mundi & carnis appetis, pone in corde tuo ac si iam habueris & satiatus sis, & hora præterierit: quia voluptas præterita est quasi somniū noctis transactum, immo contemptibilior: quia malam conscientiam facit perpetrata voluptas, cuitata vero latam & securam. Valet etiam contra omnes aduersitatumurbationes, si ponas in corde tuo iam durante aduersitate, quod ita debeat esse, & aliter esse non possit: & quod voluntas Dei sit quod ita est, & disposuerit, ut ita eueniret. Quod enim sponte quisque disponit, inde minus turbatur si eueniret. Cum autem turbaris quod non euenit quod optaueras, vel speraueras, cogita quod multa alia non eueniunt quæ prospera fuissent, si euenissent, & tamen non turbaris quod non eueniunt: quia de quibus cor hominis non disponit sibi gaudium si eueniant, de his etiā non tristatur si non eueniant. verbi gratia: Si speras in crastino habiturum bonum prandium, latoris: sed si forte spes tua frustreretur, turbaris, quia lætitia spei subtracta est. Sed si nihil speras, non tristaris si non eueniret: quia videris tibi nihil perdidisse, cum nihil habueris amittendum. Homo enim virtutis, sic debet omnem spem suam & solatium in Deum ponere, ut numquam ex toto figat animā in terrena consolatione: & quasi suspensum habeat desiderium ad omnia exteriora non fixum: sicut qui super glaciem incedit, leuiter ponit pedem tentando si crepiter, ut retrahat

**A** pedem ne submergatur. Cum ergo perdis aliquid quod diligis, pone in animo tuo quasi numquam habueris, & quasi somnium fuerit quod videris habuisse, quod tunc more suo euauerit & in nihilum redactum sit. Hoc orat Propheta cum affectu sibi inspirari, dicens: Velut somnium surgentium Domine in ciuitate tua imaginem ipsorum ad nihilum rediges. Hoc est, redige memoriam istorum terrenorum in corde meo, quod est ciuitas habitationis tuæ, ad nihilum: ut nihil reputem esse, vel fuisse quod pertransiit, sicut somnium de strata surgentium obliuioni traditum non curatur. Somnium est hæc vita malis & stultis, qui putant se esse quod non sunt, id est, fedices, & habere quod non habent. Et non sunt vera bona: quia falsa sunt quæ habent. Istæ considerationes non sunt phantasticæ dicendæ, sed veræ & sapientes: quia faciunt mentem tranquillam, & stabilem inter mundanæ prosperitatis & aduersitatis varietates. Cum ergo desideras quod non habes, cogita quasi habueris & iam fraudatus inde fueris, & modo pertransieris. Cum autem habes quod diligis, noli nimis inniti ei per delectationis affectum: sed cogita quod cito pertransiet ista lætitia, & nihil post se relinquunt, nisi vestigia dolorum, & debium suppliciorum. Cum ergo amittis quod amasti, æstima quasi numquam habueris illud vere, sed tamen quasi in somno videris; vel in cogitatione imaginatus sis talia habuisse: sicut imaginatur mihi quod sim Rex Franciæ, & magnam gloriam & pompam & delicias & diuitias habeam: & post modicum Rex Angliæ debellet me, & capiat & spoliet me regno & gloria, & inanis remaneam ab omnibus. Si ergo peracta tali phantasia, grauiter vellem turbari & tristiari de illa regni phantastici amissione, vel si valde exultarati uoluissim ex delectatione huiusmodi gloriæ phantasticæ habitæ; nonne stulta tristitia, vel inanis gloria esset moueri de his quæ numquam fuerunt vel erunt? Tales enim vanas læticias & tristitias semper habere possemus, imaginando nobiscum & fingendo quasi libet glorias & delectationes, & econuerso tristitias & dolores, sicut solent quidam insani & lunatici quibusdam phantasijs delusi ex cōfusione cerebri, etiam sine apparente causa exteriori, modo ridere, modo flere secundum imaginationes interioris conceptas tristites vel lætas. Verumtamen vniuersa vanitas omnis homo viuens, id est, viuens secundum hominem, non secundum Deum. Et quare? Verumtamen in imagine pertransit homo, velut in quadam imaginaria delusione, existimans se aliquid esse cum nihil sit: & ita nedum vane extollitur, sed etiam frustra conturbatur vanis timoribus & mœroribus deiectus, Thesaurizat, & ignorat cui congregabit ea: quia ipse nescit an eis fruatur sit, an alius cui forte non debentur. Contra hoc sibi met Propheta consilium inuenerat dicens: Et nunc quæ est expectatio mea, nonne Dominus? & substantia mea apud te est. ubi iterum perdere non formido. Econtra pone in animo tuo, de futura aduersitate non turbati: quia contingentia ita se habent, quod possunt euenire vel non euenire. Et sæpe turbamus nos ante tempus timore illius quod numquam eueniet: sicut pueri aliquando flent recordantes doloris, quem forte haberetur, si parentes eorum moriantur, qui adhuc viui sunt, sani & incolumes. Quod si etiam aduersitas certa futura est, tunc sufficit diei malitia sua, ut non duplicemus nobis dolores præcedente angustia, cum sequens tribulatio per se satis excruciet. Hæc dico de temporali tribulatione, non de æterna, quam expedit nobis prætimere & præcauere. Gregorius: Ante supplicium de supplicio cogitate. Instante vero iam tribulatione vel aduersitate, consideranda est vtilitas aduersitatis: quomodo peccata purgat, cautos reddit a peccato, & subtrahit occasionem peccandi in multis: & exercet ad virtutes, ad humilitatem, & ad com-

Psal. 72.6

Somniū vita humana.

Psal. 38. 4

Vbi supra.

Mat. 6. 2

Greg. hom. mil. 40. in Enang.

com-

Vide Cassian. lib. 5. de spiritu Gastric. cap. 23. & 24. Mat. 4. 4

In aduersis & prosperis quomodo philosophandum.

In consolatione terrena non fingendus animus.

compassionem similia sustinentium, ad confugiendum sollicitius ad diuinum adiutorium, ad experientiam diuinæ clementiæ, quæ tribulatis corde iuxta esse solet, & ad examinationem propriarum virtutum: quia in aduersitate plenius videmus quantum profecerimus in eis. Item ad maiorem gloriam promerendam & super omnia ad reddendū vicem Christo passo pro nobis. Transacta autem aduersitate gaude: quia euasisti sicut qui de naufragio euadit, vel de tempestate, & de via mala ad bonum hospitium peruenit: & noli dupliciter te affligere rancore, vel odio ex memoria iniuriarum contra illum a quo passus es: cogitans quod si non meruisti apud illum, ut te affligeret, tamen forte meruisti apud Deum, ut puniri te permitteret; & ipse Deus iudex vsus est illo quasi tortore tuo ad iustitiam exequendam circa reum suum.

Isa. 10. 4

Sic Assur virga furoris Domini dicitur: quia eo vsus est quasi virga ad dandam disciplinam seruo suo Israel peccanti. Et sicut virga post correctionem filij in ignem projicitur, sic & illi ultores Dei tandem puniuntur, maxime qui non recto zelo & iustitia proximis persequuntur. His quasi per excessum tactis, qualiter te inter aduersa & prospera immobilem conserues, ne prosperitates te extollant, vel aduersa deiiciant (quia aduersitas maxime versatur circa carentiam, vel amissionem cupiti, & timorem vel tolerantiam exosi) ad remedia & qualitates vitiorum considerandas redeamus. Non mediocriter autem valet ad morbos vitiorum sanandos, scire æquanimiter carentis quæ caro, vel carnalis affectus appetit, & patienter sustinere, & non pertimescere quæ horret & odit: sicut in medicina corporali, sanitati propinquat qui bene seruat dietam, & cauet a nociuis, & constanter recipit & sustinet amarū poculum confessionis.

Greg. hom. 15. in euang. Philip. 4. c. 6. Gregorius: Qui appetit plene vitia vincere, studeat humiliter purgationis suæ flagella tolerare. Scio & abundare & penuriam pati, & esurire & fastuari, vbique & in omnibus instructus sum.

## De luxuria. Cap. XXXVIII.

Sap. 1. 4  
Mat. 5. d

Nota.

**L**uxuria quadruplex est. Prima in corde, quando homo immundas & lubricas cogitationes scienter & voluntarie, causa prauæ delectationis versat in cogitatione, sine repugnantia consensus. Peruersæ cogitationes separant a Deo. Qui viderit mulierem ad concupiscendum eam, iam mœchatus est eam in corde suo. Secunda est cum citra opus generantium sariat se libidinosis gestibus, amplexando, osculando, palpando, impudice respiciendo, loquendo & auscultando turpia, ut sola delectatione praua, vel alijs meretricijs blâditijs carnali affectioni satisfaciat. Hæc tanto est grauior prima, quanto longius ad exteriores conatus causa prauæ delectationis est progressa. Si enim sola mens praua rea est in se per consensus malæ concupiscentiæ: quanto magis habentis laxatis ad vltiora libidinis incitamenta, exteriorum sensuum & membrorum ministerio adiuta & prouocata? Si solum concupiscere corde, mœchia a Domino iudicatur: quid ergo ex concupiscentia osculari, palpare, &c. nemo ergo stulte se seducat, ut putet solum tunc se peccasse quando opus generantium perficit, vel laborat perficere, cum etiam præambula operis damabilia sint. In ipso enim licito coniugio sæpe excusabilior est simplex concubitus, quàm tales inhonestæ blanditiæ actuum indecentium, & spectaculorum, & colloctionum lasciuarum. Si autem aliquis dicat apud se, ex quo non quero opus prauum fornicatio perficere licite possum morosis blanditijs frui cum dilecta, munda intentione ad mutua & sanctæ dilectionis nutrimentum, ut ignis charitatis magis ac magis in nobis accendatur, cum ex dilectione proximi nutriatur & augeatur amor Dei: sciat quicumque talis est, se sub specie spiritualis amoris,

A carnali dilectione & delectatione deludi: quia spiritus spiritum diligit, nec corporalibus indiget amplexibus: quia hoc est carnalis amoris indicium, qui quanto plus crescit in corde, tanto magis spiritualis amor minuitur & refrigerat: & econuerso spiritualis amor carnalem reprimat & expellit. Triplicis autem peccati reus efficitur, qui talibus corporalibus blanditijs uti se licite posse putat, etiamsi nullam vltius operari dari licere putat.

Grauius peccat, qui illecebris istis operari dari licere putat.

Gen. 6. 4

B re noxiæ familiaritatis accepta, potest corrumpere voluntatem, & in peccatum præcipitare. sicut sæpe accidit, quod qui munda intentione mutuis ingesserunt se familiaritatis societatibus, mutatis affectibus spiritualibus in carnales, lapsi sunt in peccatum. Tali ergo periculo se ingerere est contra Domini præceptum, Non tentabis Dominum Deum tuum: sicut qui super tenuem glaciem ex stulta curiositate incederet, si mergeretur reus esset in seipso, immo ipsum stulte tentare grauis culpa esset, etiamsi mors non sequeretur. Secundo, quod & si in se nihil tentationis sentiret, tamen alteri daret occasionem tentationis & peccati, cum alteri fodit foueam, ut incidat in eam. Qui alteri poculum mortis propinat, non ideo erit innocens quia ipse non bibit. Halitus eius, scilicet diaboli, prunas ardere facit. Igneus enim status ex igne gehennali cum duos carbones compositos inuenerit etiam semiuuios, sufflat indefesse, donec eos incendat, nec curat moras si tandem aliquando perficiat, cum omni tempore ad nihil aliud vacet, nec alijs curis intendat, nisi animas seducere. Tertio, efficitur reus propter malum exemplum, ex quo alij grauius scandalizantur, non carentes praua suspitione de familiaritate tali noxia: & iudicantes esse malum, indignantur, murmurant, detrahunt, & irridunt innocentes eorum collegas, quasi & illi similia faciant. Et vilipenditur religionis reuerentia ex talibus, & plurima mala fiunt. Alij vero eorum exemplo audacius similia faciunt, putantes sibi licere quod istos facere arbitrantur: & discunt ab eis vel audent exemplo eorum quod ante non audebant: immo & ipsi peccatores temerarij fiunt, & quasi iustificat se in peccato, comparatione istorum corrumpentium religionis puritatem. Et hæc omnia redundant in iniuriam Dei & offensam, & in honoris eius detrimentum; cum insolentia familiæ, patrisfamilias dedecus videatur.

Dent. 6. 4

Iob 41. 6

E Tertia species luxuriæ, est naturalis concubitus viri & femine sine coniugij honestate. Hæc subdividitur in multas species, ut est simplex fornicatio, adulterium, sacrilegium, incestus, stuprum, raptus, &c. quæ non prosequor nec distinguo. Quarta est peccatum innaturale. Cum enim natura omnibus rebus nomina propria dederit quæ naturæ subiacent, hoc peccatum quasi extra vel contra naturam, sine speciali nomine relinquit: eo quod indignum sit nomine quod ipsam naturam destruit, & humanam naturam maculat & infamat. dicitur tamen aliquando passio ignominie vel immunditia, vel mollicies.

Peccatum contra naturam.

F Licet Apostolus de isto peccato plurima & grauius describat primo ad Romanos: tamen ad præsens nec nominari expedit, ne & ipse aer inficiatur, vel ne ex vsu tractandi minus horrendum, vel abominabile fiat audientibus: vel ne detur simplicibus materia inde cogitandi, & curiosis occasio mali. Quocumque autem studio vigilans voluntariæ delectationis consensu se prouocat ad pollutionis immunditiam, vel etiam aliunde hoc pati consentit, vel cooperatur alteri præter naturæ usum, ad quartam luxuriæ speciem debet pertinere. De illusione somniorum prætermittimus quia sicut dormiens non est compos rationis, sic etiam non potest interim facere unde damnetur. Nam si vigilans forte dedisset occasionem unde dormiens illudere-

Rom. 1. 6

laderetur, cogitando, agendo, loquendo, vel etiam post somnium voluntarie delectando in memoria illusionis nocturnæ, hoc potius esset culpa vigilantis quam dormientis: cum dormienti illusio sit pœna tantum culpæ præcedentis, vel occasio subsequæ in vigilante.

## De remedijs contra luxuriam. Cap. XXXIX.

**R**emedia contra luxuriam sunt septem, quæ ad præsens memoriæ occurrunt, sine quibus continentia non diu esse potest tuta. Primum est, vt vir feminarum, & femina virorum continuam familiaritatem deuitet. A vestimento procedit tinea: & a muliere iniquitas viri. Gregorius: Qui corpus suum continentiæ dedicant, habitare cum feminis non præsumant. Nam quàm diu vitalis calor viuit in corpore, nemo præsumat ignem concupiscentiæ in se penitus extinctum esse. Et sæpe carbo videtur extinctus modica fauilla opertus: sed si tangitur, comburit. Diabolus vero cum duos carbones coadunauerit, afflat donec eos incendat. Halitus eius prunas ardere facit. Ignitus est enim igne gehennali. Carbo si solus relinquitur, exstinguitur: si componitur alteri, ex mutuo calore incenditur ambo. Et sæpe spiritu amor inceptus, consummatur carne. Bernardus: Cum femina semper esse, & feminam non cognoscere, hoc ego maius reputo quàm mortuos suscitare. Qui ergo quod minus est non potes, quod maius est, quomodo credam tibi? Astutus etiam diabolus, in principio incaute familiaritatis occultat laqueos tentationis carnalis, reputans quod desisterent a mutua dilectione, si sentirent inde stimulos peccati, donec per longam familiaritatem & incautam securitatem affectus amorum ita conflati & conglutinati fuerint in amore, quod etiam si sentiant sibi inde imminere tentationis periculum nesciant resilire, nec ab inuicem separari, viribus spiritualibus ita debilitatis in eis, quod neuter eorum valet sibi vim facere tantam, vt euellat se de laqueo: immo timet alterum in tantum contristare, quod etiam reputat se perfidum si deserat eum vel eam: & sic captus consentit alterius voluntati & propriæ infirmitati in omne peccatum. Sic Samson fortissimus qui multas sæpe hostiū agies strauerat, & aliquoties de vinculis eruperat, confidens de viribus suis, liquefactus est amore Dalilæ: & defecit anima eius, & vsque ad mortem lassata est, dum nullam daret ei requiem, quousque plene cor suum ei exposuisset: & sic deceptus hostibus adiuu aperuit captiuandi se, & ligandi, & cæcandi, & molam vertendi, & in ludum se hostibus exhibendi tandem peruenit. Hæc autem omnia in figura facta sunt nostri, & scripta ad correptionem nostram. Secundum est vitare societatem & contubernium luxuriosorum, ne eorum exemplo ad similia trahantur. Qui se iungit fornicarijs, erit nequam. Item, Amicus stultorum efficitur similis illis. Proni sunt sensus hominis & cogitatio in malum: & ideo facilius trahitur aliorum exemplo ad illud quod appetit eius sensus carnalis, dum non erubescit virtuosus videri, habens secum socios miseriæ suæ, quorum non solum exemplis, sed etiam persuasionibus & irrisionibus trahitur ad peccatum, & laudatur peccator in desiderijs animæ suæ. Et hæc est iam quasi præcipua causa, quare ita multiplicata sunt mala in Ecclesia: & quod in religione studia spiritualia defecerunt, & ad exteriora studia & negocia plurimi defluerunt, scilicet mala conformitas: dum quilibet vult alios imitari, siue quia aliud nescit quàm quod videt in alijs; siue quia non audet aliter viuere quàm illi cum quibus versatur, ex malo pudore timens alijs videri dissimilis; siue etiam quod prauus tepor & carnalis libertas gaudet se habere occasionem, & quādam excusationem apud homines agendi quod libet, etiam si non licet.

**A** Omnes declinauerunt, simul inutiles facti sunt, non est qui faciat bonum, non est vsque ad vnum, scilicet cum qui multitudine postposita studet vni Domino placere & seruire, vnam petens a Domino, & hanc requirens: vt inhabitet in domo Domini mente & conformitate, quod solum est necessarium. Vnde prouerbum apud homines est, Couulare lupis debet, qui commanet illis. Tertium est, corpus non delicate nutrire. Terra enim corporis nostri, quæ ex prima maledictione spinas & tribulos vltro satis germinat, si super hoc fuerit impinguata delicijs, tanta erit spinarum densitas, quod semen verbi veritatis in nobis penitus suffocabitur. Qui delicate nutrit seruum in iuuentute sua, postea sentiet illum contumacem. Bernardus: Sufficit diei malitia sua, scilicet concupiscentiæ naturali: quæ si corperit accipere irritamenta ab his qui perpetuum suscipere bellum aduersus eius oblectamenta, fiunt duo contra vnum: & ideo periclitatur continentia, quia duo resistunt vni, scilicet continentia, innata concupiscentia carnis, & prouocatrix ipsa voluptas deliciarum. Vnde Apostolus: Vidua quæ in delicijs est, viuens mortua est per peccatum. Hæc fuit iniquitas Sodoma sororis tuæ, saturitas panis & otium. E contra **C** Apostolus: Castigo corpus meum, & in seruitutem redigo, ne forte cum alijs prædicauerim, ipse reprobus efficiar. Hostem suum armat qui carnem suam fouet delicijs vltra necessitatem debitæ sustentationis. Quod autem hosti præstas, inde tibi nocet. Quartum est, otium fugere, quod præcipuum est animæ contrarium. Multam enim malitiam docuit otiositas. in desiderijs est omnis otiosus. Occupatus enim ab vno dæmone impugnatur, otiosus autem ab innumeris dæmonibus vastatur: quia quot cogitationes & desideria mala in corde versat, tot inimicorum iaculis patet. Bernardus: Omnium enim tentationum & malarum cogitationum sentina est otium. Sicut per rimam sentina aqua latenter intrat, & crescit donec nauis mergatur: ita ex otio cogitationes & concupiscentiæ multiplicantur, donec nauis cordis eis succumbens in peccato periclitetur. Vnde & in monasterijs regionum nostrarū nostris temporibus pauciores stabiles religiosi sunt respectu antiquorū in Ægypto, in qua quandoque sub vno gubernatore simul tria vel quinque millia morabantur, quiete viuentes magis, quàm nunc apud nos possint decem vel pauciores obedienter & concorditer gubernari: quia de labore manuum sustentati, lata prædia & redditus amplios non requirebant, & erant tantum operando colligentes victum, quantum consumentes; nec superflua desiderantes, nec euagantes mendicando, vel adulando pro aliorum donatione, sed de proprijs laboribus se & multos debiles & pauperes sustentabant, & labori manuum intenti, rumoribus & rixis, & varijs desiderijs non permittebantur intendere. Nec quilibet in peram suam reposuit acquisita & elaborata, sed sicut semetipsos pro Christo abnegauerant, & alterius imperio se subiecerant, ita & omnia quæ habebant. Et quia hoc non strepitu clamoris, non secundum propriæ voluntatis arbitrium agebant sed in summo silentio & quiete ad nutum Abbatis & gubernatorum suorum: ideo a spiritu deuotionis non solum non impediabantur per operis instantiam; sed & plurimum promouebantur, cum peracto quotidiano statuto labore operis, reliquum temporis in lectione, vel oratione solebant expendere. Et ideo stabiles & perfecti in omni virtute erant, qui omne tempus in bonis operibus & virtutum studijs impendebant, nihil otiose & curiose transeuntes: nec pro voluntate sua viuentes, sed superioris, secundum regulas a sanctis patribus, instinctu sancti Spiritus institutas, ad vitia extirpanda & virtutes

Psal. 13. a

Psal. 26. a

Caro non delicatè nutrienda.

Prou. 29. c

Matt. 6. d

1. Tim. 5. a

Ezec. 16. f

1. Cor. 9. d

Otium fugiendum.

Eccl. 33. d

Prou. 13.

secundum

70.

Bern. epist.

ad fratres

de monte

Dei amic.

med.

Hieron. to.

1. epist. 22.

ad Eustoch.

de custodia

virginitatis

sub fin.

Nec

Quia si tollas &amp; perierit cupidinis arcus.

Otiosa quo  
que vitada.  
Ber. ep. ad  
fratres de  
monte Dei.  
ante med.

Ier. 9. f

2. Reg. 11.

Gen. 3. a

Lib. 2. 1. Mo  
ral. cap. 2.

Gen. 34. a

Thre. 3. f

Iob 31. a

Cap. 1. a

Nec solū vitandum est otium, sed etiam otiosa. Otiosum est, quod nullā habet vtilitatē, vel vtilitatis intentionē. Et pro vitando otio, otiosa sectari ridiculū est. Quid autem sit agendū, require de remedijs acediae. Itē vt omni hora cōsideret homo, qualiter instans tēpus possit vtilius expendere, vel illud opus quod tūc ei incumbit, optimo modo perficere, siue orando, siue laborando, vel refectioni corporis intendendo, vel aliud faciendo. Quintum est, exteriores sensus ab illicitis custodire; qui sunt quasi fenestrae animae, per quas mors peccati intrat, quasi fur vel corruptor castitatis nostrae, dum non custodiuntur. Daud non respexit uxorem Vriā, quod prius eam concupierit: sed ideo concupivit, quia incaute respexit. Sic Eva vidit lignum quod esset pulchrum visu aspectuque delectabile, & concupivit & gustavit. Gregorius: Nō expedit intueri, quod non licet concupisci. Sic aures, sic manus, & alij sensus & membra coercenda sunt, ne hauriamus per ea mortiferum corruptionis. Dina quoque curiositatis causa egressa videre mulieres regionis illius, corrupta est. Oculi meus deprædatus est animam meam in cunctis filiabus vrbis meae. E contra Iob ait: Pepigi fœdus cum oculis meis, vt ne cogitarem quidem de virgine. Sic boni religiosi recludunt se in cellis & monasterijs, quasi in sepulchris, ne vel ipsi concupiscant mundum, vel cōcupiscantur. Quanto enim rarius vides, vel audis quæ mūdi sunt, tanto affectus tuus ad ea cōcupiscenda frigidior erit, & minus cogitabis ea. Et econuerso quanto frequentius cum sæcularibus conuersaris, eo magis puluere sæculi respergeris; quo insensibiliter paulatim interior tenebrecis, & affectus tuus fit crudus & mores insuauis. In molendino non puluerulentum fieri vix possibile est. Sextum est interius reprimere cogitationes prauas & affectiones carnales: quia isti sunt, domestici hominis inimici, quorum fraude vrbis mētis inimicis traditur, si non bene caueatur. Peruersæ enim cogitationes separant a Deo. De corde enim

A exeunt cogitationes malæ, adulteria, homicidia, fornicationes, furta, falsa testimonia, blasphemiae. Hæc sunt quæ coinquinant hominem. Nulla exterior munificatio sufficit ad custodiendum vrbis claustra, vbi domestici perfidi fuerint: ita nulla custodia forinsecæ castitatem conseruat sine custodia interna cogitationum & affectionum. Omni custodia serua cor tuum, quoniam ex ipso vita procedit. Castis & honestis matronis non solum praua opera, sed etiam suspecta susurraria fugienda sunt, per quæ tentari vel infamari poterit earum castitas & honestas, & maritus prouocari in furorē, & zelotypiæ spiritu inflammari. Sic anima religiosi quæ Christo desponsata est per fidem & votum castitatis, susurraria prauarum suggestionum non recipiat, vel retineat in corde, quod Dominus semper inruetur. Viquequo morabuntur in te cogitationes noxiæ? Septimum est frequens studiū orationis & deuotionis. Vt scilicet quia aliter non possim esse continens, nisi Deus det, adij ad Dominum & orauī, & dixi ex totis præcordijs meis, &c. Et Psal. Nisi Dominus custodierit ciuitatem, frustra vigilat qui custodit eam. Et ideo semper est orandum, quia sine ipsius auxilio possumus facere nihil: vt rore gratiæ suæ extinguat in nobis ignem concupiscentiæ. Ipsa etiam orationis virtus, quia eleuat mentem super se ad Deum, purificat eius affectiones, & desideria castificat, & intellectum illuminat, & Dei amorem infundit, ex quo generatur quidam horror peccati, & detestatio carnalis voluptatis, voluntas roboratur contra tentationes, & ipsæ tentationes debilitantur, vt facilius deuincantur. Vnde cum Moyses in monte orans manus eleuaret ad Dominū, vincebat Israel cum vero remitteret eas, & deponeret, vincebat Amalec. Moyses est religiosus de aquis sæculi abstractus; Amalec vero tentatio carnis. Manus vero Moyse sunt affectus & memoria. Quando istas eleuamus ad Deum, hostis tentationis succumbit: quando ad terrena eas demittimus, hostis roboratur.

# S. BONAVENTURAE EXIMII ECCLESIAE DOCTORIS

## De profectu religiosorum.

### LIBER SECVNDVS.

Quod profectus religiosi septem processibus distinguuntur. Cap. 1.

Primus progressus feruor est nouitiorum.



PROFECTVS religiosi septem processibus distinguuntur, licet non ab omnibus attinguntur. Primus est in feruore nouitiatu, quo conuersus quodam impetu bonæ voluntatis calet; ad omnia paratus in quibus se credit Deo placere, siue ex magna peccatorum contritione, & dolore, siue ex desiderio satisfaciendi Deo; siue recuperandi amissum tempus, & neglectum præmium per peccatum: sicut viator qui diu mane dormiens postea cum festinatione, & impetu laborat tempus neglectum currendo recompensare; & socios qui se præcesserunt insequens inuenire. Secundus processus est in labore corporalis exercitationis: quia cum sit pauper,

E nondum inuenire valet pretiosa munera, quæ in opus sanctuarij Domino offerat: facit tamen quod potest, & pilos caprarum & pelles arietum offerens, exhibet corpus suum hostiam viuentem, sanctam, Deo placentem; licet quandoque minus rationabile sit eius obsequium, propter indiscretam corporis castigationem, qua corpus destruitur, & vires deficiunt, & sensus amittitur, & spiritus extinguitur, & totus profectus spiritualis dissipatur. In omni oblatione tua offeres sal, scilicet discretionis: vt nec ad dexteram per nimium laborem, nec ad sinistram per nimium teporem a via regia declines. Anima enim est immortalis, & non potest deficere: & ideo corpus corruptibile, & vas fictile non potest æqualiter contendere cum ea currendo, & tantum ferre laboris quantum illa potest capere feruidæ voluntatis. Ebrius quandoque agit equum cui sedet celeriter, non considerans quod cum ipse æstuet vi-

exercitia  
corporali.  
Exo. 25. a  
Rom. 12. a

Lenit. 2. d  
Discretio  
omnibus  
adhibendo.

Simile elegans,  
no,



ne, eius rude animal non sit satiatum feno: & ita A  
 dum supra posse laborare cogitur, sed sessore cadens  
 tardius cum ad locum quo tedit peruenire facit, quā  
 si morosius cursitaret. Rationabile sit obsequium  
 vestrum. Glossa, idest, cum discretione, ne quid mi-  
 nus vel nimis fiat, sed cum temperantia corpora ve-  
 stra castigetis, vt non naturæ defectu cogantur dissol-  
 ui, sed vitijs mori. Oportet carnem restringere non  
 extinguere, idest, reprimere non opprimere, vt ser-  
 uiat, non lasciuiat; ancilletur, non dominetur. Ter-  
 ra fertilis si diu inculta fuerit, siluescit; si nimis co-  
 gitur fructificare fit macra: sed si medium tenetur,  
 fertilis perseverat. Sic etiam de agro corporis est  
 agendum: vt nec de nimio otio vel delicijs lasciuiat,  
 nec inedia, vel labore deficiat. Corporalis exercitatio  
 in duobus consistit, in subtractione delectabilium se-  
 cundum carnem, & in assuetudine asperitatis &  
 laborum. Ab hac lege infirmi sunt excepti: quia nec  
 suaui delectant propter amaritudinem doloris, &  
 ipsa infirmitas acerbior est quā labores sanorum,  
 & validorum. Valet autem afflictio corporis ad pec-  
 catorum purgationem, ad vitiorum repressionem, ad  
 augmentum virtutis, ad spiritualis consolationis ex-  
 pressionem, sicut in torculari vinum exprimitur, ad  
 proximi ædificationem & meritum gloriæ. Tertius  
 processus est in spiritualis consolationis infusione:  
 quia Deus cum sit benignus & largus, remunerat homi-  
 nem, qui fideliter offert ei totum quod habet &  
 potest, idest, voluntatis feruorem & corporis serui-  
 tutem. Vera autem consolatio spiritualis consistit in  
 duobus, in naturalium animæ potentiarum decora-  
 tione, & carnis ad spiritum quieta concordatione.  
 Tunc enim homo vere spiritualis est, cum spiritus  
 rotus est ad Deum erectus, & ei coordinatus, & Deo  
 plenus, & corpus spiritui non resistit in his quæ Dei  
 sunt, sed pro modo suo prompte spiritui obtemperat,  
 nec concupiscendo mala, nec horrendo dura, vel fa-  
 stidiendo bona. Potentiæ animæ in quibus imaginē  
 summæ Trinitatis præfert, sunt tres: ratio, voluntas  
 & memoria, quæ tamen in seipsis inanes sunt & va-  
 cuæ bonis, & indigent ornari & repleti ab illo, & de  
 illo qui fecit illas, hoc est a Deo. Ratio illuminatur  
 ad cognitionem veri: voluntas accenditur ad amo-  
 rem boni: memoria tranquillatur ad inhærendum &  
 fruendum vero bono. Nulla istarum valet esse, vel  
 perfici sine alijs. Si ratio non videret, voluntas non  
 amaret: quia nec sciret quid esset amandum: si non  
 amaret, non delectaretur in bono. Item si non me-  
 moraretur boni, quomodo posset agnoscere, vel il-  
 lud amare? Summum autē bonum Deus est, & ideo  
 etiam summe verū, quia ab ipso fluunt omnia, vt sint  
 & vt bona sint. Sicut Deus machinam huius mundi  
 ex nihilo creauit, postea distinxit & ornauit: ita ho-  
 minem format secundum corpus in vtero, deinde  
 animam rationalem infundit: deinde per interualla  
 ætatum, intellectus secundum actionem crescit, &  
 voluntas mouetur, & memoria viger quasi requirens  
 ornatum sibi competentem. Rationis ornatus est lu-  
 cidia intelligentia de Deo, & de his quæ de Deo sunt,  
 & ad Deum conducunt: vt intellectus sacræ scriptu-  
 ræ, & rationes fidei & operum Dei: & intelligere  
 quid sit beneplacitum Dei, & inter vitia & virtutes  
 discernere, & naturas eorum cognoscere & remedia  
 vitiorum, & vias virtutum: in operibus Dei admira-  
 ri potentiam, sapientiam, & benignitatem ipsius. Et  
 breuiter dicendo, ornatus rationis sunt sapientia &  
 scientia quæ de Deo est. Ornatus voluntatis sunt  
 sanctæ affectiones & deuotio ad Deum, feruor fidei,  
 fiducia spei, dulcedo charitatis, & bonæ voluntatis  
 alacritas, spes de remissione peccatorum, deuotio cir-  
 ca Christi humanitatem & passionem, necnon circa  
 eius diuinitatem, & desiderium regni cælestis, & cō-  
 fidentia de exauditione orationis, & affectus diuinæ  
 familiaritatis & similia, quæ afficiunt hominem ad  
 S. Bon. Tom. 7. Pars iij.

Deum & amorem virtutum, & ad odium vitiorum,  
 & ad dilectionem proximorum, & ad studium bono-  
 rum operum. Ornatus memoriæ est, sacrarum copia  
 cogitationum, & affluentia vtilium meditationum,  
 & stabilis memoria Dei, & exclusio euagationis men-  
 tis, & tranquilla adhesio Dei, & corporalium imagi-  
 nationum repressio, & perfecta obliuio omnium mū-  
 danorum, & vnus spiritus esse cum Deo. Quia vero  
 corpus datum est ad seruiendum spiritui, debet ei  
 obedire sicut Domino in omnibus bonis, & non re-  
 calcitrare vel remurmurare, sicut contumax seruus  
 vel piger. Et spiritus sicut prudens dominus debet  
 ei providere sicut seruo in tribus, vt operetur vtiliter  
 ne otio torpeat: vt castigetur discrete, si in aliquo of-  
 fenderit: vt sustentetur temperate, ne lasciuiat vel de-  
 ficiat sub onere. Quanto plus quisque secundum has  
 regulas ordinatus est; tanto spiritualior est. Ista ha-  
 bere, est spiritualibus consolationibus foueri. Nam  
 aliæ consolationes sicut non sunt necessariae salutis, sic  
 etiam suspectæ sunt & sæpe falsæ & fictæ & decepto-  
 riæ: vt visiones, reuelationes, prophetiæ, sensuales  
 oblectationes, miraculorum operationes, maxime  
 modernis temporibus, licet quandoque reperiantur  
 veræ, sed in paucis. Datur autem spiritualis conso-  
 latio nouis religiosis quandoque, vt videant quā  
 large Deus remunerat sibi seruientes, & quā bonū  
 est seruire tam dulci Domino. Item ad confirmatio-  
 nem fidei, ad robur spei, ad charitatis accessiōem,  
 ad desiderij inflammationem & eruditionem, vt vi-  
 deant quo pergendum sit: sicut in tenebris lumen  
 ostenditur, vt videatur quo sit eundum, & vbi cauē-  
 dum: item ad muniendum contra futuras tentatio-  
 nes. Quartus processus est, tentationis & pugnæ &  
 tribulationis, quibus probatur homo & purgatur &  
 exercitatur, eruditur & humiliatur. Qui certat in  
 agone, non coronabitur, nisi legitime certauerit.  
 Quidquid diu debet durare, solet probari si durabi-  
 le sit: & omne nobile & carum probatur si valeat si-  
 cut debet. Ita virtus hominis quæ nobilissima est &  
 quæ in perpetuum durare debet, in tempore tenta-  
 tionis probatur si constans sit: & Deus probat amicos  
 suos aduersitate, si fideliter in ipsa perseverent. Va-  
 sa figuli probat fornax: & homines iustos tentatio  
 tribulationis. Quia acceptus eras Deo, necesse erat  
 vt tentatio probaret te. Purgatur etiam homo a pec-  
 catis per tribulationem tentationis, vt dignus fiat glo-  
 riæ cælestis celeri introitu, ne post mortem indigeat  
 grauius & diutius purgari. Purgatur etiam vt maio-  
 ris gratiæ capax fiat: sicut vitrum obscurum tergitur,  
 vt luminis amplius sit capax. Exercitatur item vt agi-  
 lior & promptior fiat ad opera iustitiæ & virtutum  
 exercitia: quia in statu consolationis sola quies mē-  
 tis & studium deuotionis videbatur ei sufficere ad  
 summam perfectionem: quæ ideo ei ad tempus sub-  
 trahitur, vt discat & in alijs virtutum studijs se exer-  
 cere. Sicut enim mercator non in vno foro, vel apo-  
 theca omnia simul inuenit quæ desiderat, sed in di-  
 uersis diuersa: ita religiosus non tantum in quiete  
 deuotionis & dulcedine consolationis spiritualis, sed  
 etiam in labore certaminis & exercitio bonæ actio-  
 nis, debet quærere studium perfectionis & merendi  
 occasionem. Scio & abundare & penuriam pati: vbi-  
 que & in omnibus instructus sum. Per arma iustitiæ  
 a dextris & a sinistris. Eruditur etiam homo tenta-  
 tionibus, quando discit quæ sit vtilitas tentationis, &  
 profectus ex eis proueniens: quia ex hoc leuior fit ei  
 tentatio, cum intelligit quare sic Deus permiserit, &  
 quis sibi fructus inde accrescit. Fidelis autem Deus  
 qui non patietur vos tentari supra id quod potestis:  
 sed faciet cum tentatione etiam proueniens, vt possi-  
 tis sustinere. Eruditur etiam quod non tantum inni-  
 tatur experientijs consolationum, quātum in fiducia  
 ad Deum, vel fidei certitudine. Sicut quidam rudes  
 in via Dei, qui statim cum subtrahi sibi sentiunt con-  
 Fff sola-

Memoriæ  
ornatus.

1. Cor. 6. d  
Corpus spi-  
ritui serui-  
re, spiritus  
corpori pro-  
uidere de-  
bet.

Consolatio  
spiritualis  
cur subinde  
detur noui-  
tiji.

Quartus pu-  
gnæ & ten-  
tationis est  
2. Tim. 2. 2.

Ecclesi. 27. 2.

Tentatio  
probat &  
purgat, &  
erudit.

Consolatio  
spiritualis  
cur aliquan-  
do aufera-  
tur.

Phil. 4. c  
2. Cor. 6. b

1. Cor. 10. 6

Rom. 12. 2

Corporalis  
exercitatio  
in duobus  
consistit.

Tertius est  
in consola-  
tione spiri-  
tuali.

Consolatio  
vera spiri-  
talis in  
quo consi-  
stat.

Tres poten-  
tiæ animæ  
quomodo a  
Deo deco-  
rentur.

Gen. 1. 2

Rationis or-  
natus.

Voluntatis  
ornatus.

solationis experientiam, animo concidunt credentes A Deum a se esse auersum: vel etiam in fide titubare incipiunt, an vera sint quæ de Deo senserunt. Vult autem Dominus erudire nos per subtractionem consolationis, & inniti veritati scripturæ & fidei potius quàm nostræ qualicumque experientie: quia fides non haberet meritum, si in sola experientia cōsisteret: spes quæ iam teneretur experientia, spes non esset. *Rom. 15. a* Per patientiam autem & consolationem scripturarū, potius quàm experientiam, spem habeamus, credentes numquam Deum auerti à nobis, quàm diu voluntas nostra a Deo non est auersa per consensum peccati, vel torporem negligentie. Mandasti iustitiam testimonio tua, & veritatem tuam nimis. Hæc sunt vera testimonia gratiæ Dei; iustitia in voluntate & operatione, & veritas Dei secundum promissiones sacræ scripturæ, quæ promittit nobis vitam æternam, si mandata eius obseruamus. Etiam si occiderit me, in ipso sperabo. Noli ergo diffidere cum consolatio internæ dulcedinis tibi subtrahitur, quasi Deus dereliquerit te, & bona opera tua non sint ei accepta: sed recurre ad illa vera testimonia, & consolare in ipsis, scilicet vt confidas veritati Dei, quod quàm diu tu non decedas ab eo per consensum præuicationis mandatorum eius, quod ipse non derelinquet te per propitiationem suam. Non enim nos elegimus eum, sed ipse elegit nos, & prius dilexit nos, & non deserit se non deserentes: qui etiam dilexit nos nondum existentes, vel etiam resistentes ei per peccatum. Vnde dilexit nos & elegit nos, non propter nos, sed propter seipsum ex sola bonitate sua: propter hoc etiam seruabit nos. Humiliat etiam nos Deus per tentationum tribulationes, vt agnoscamus quid sumus ex nobis, ne extollamur ex eo quod a Deo accepimus, vel accepisse putamus. In igne probatur argentum & aurum: homines vero receptibiles in camino humiliationis. Quidquid scoriæ vel falsitatis intus latuit, ignis tentationis prodit. De ipsis etiam bonis humiliamur, videntes quod nostra non sunt, sed Dei: qui quando & quantum voluit, dedit nobis ex gratia sua, non ex meritis nostris. Si consolatio spiritualis homini non subtraheretur aliquando, extolleretur, & gratia perderet, & periret. Subtrahitur ergo ei ne amittat, perdit ne perdat: sicut pater paruulo suo nummos negat, ne ludat & perdat, donec proficit in prudētia & sciat prouide conseruare. Videmus quosdam pueros gratiosos nimis sibi inde placere & gloriam humanam querere, & tandem euauerunt coram Deo, & hominibus viluerunt. Qui delicate nutrit seruum suum ab adolescentia sua, postea illum sentiet contumacē. *Pron. 29. c* Benignus Deus, cuius deliciæ sunt esse cum filiis hominum, libenter impartitur has delicias seruis suis fidelibus ab adolescentia, idest, a nouitate conuersionis: sed heu postea quosdam eorum sentit contumaces, quando ex consolatione spirituali elati ceteros despiciunt, & in elationem versi dum famam laudis desiderant, iactantiæ vitio deprauati, hypocritæ fiunt: & dum meliores videri laborant quàm sunt, Deo se opponunt, gloriam Dei sibi temere vsurpantes. Bonus autem Dominus sciens quàm utilis est homini tentatio & tribulatio, prius ostendit ei consolationes dulcedinis; quibus postmodum in tentatione confortetur ne deficiat, & alliciatur, vt semper eas desideret, & non desistat eas acquirere, donec denuo recuperet quod amisit. Sic laborantibus in via, prius copiosa paratur refectio, ne in labore deficiant. Sic columba longius emittendæ, prius nutriuntur tritico cum melle: vt quantumcumque longe emissæ fuerint, semper illuc redire cōtendant, vbi delicate se pastas esse meminerint. Sic Petrus prius in montem excelsum seorsum ducitur, vbi gloriam transfigurationis Christi videat: vt postea a Satana expetitus, vt cribraret eum, in tentatione recoleret priorum dulcedinem quam expertus erat, & rediret ad Dominū

quem tam amabilem senserat, ne diffidens & deficiens desperaret. Sic filijs Israel prius manna in deserto datur, & postea longo itinere & certamine fatigantur. *Exod. 16. d*

De speciebus tentationum. Cap. 11.

MVltæ autem sunt tentationum species. Vna est subtractio & inopia deuotionis. Aliæ tentationes, sine ista nullam vel minorem virtutem habent, cum ipsa sit quasi domus refugij ab omni tribulatione. Dominus mihi adiutor, & ego despiciam inimicos meos. Item, Si consistent aduersum me castra, non timebit cor meum. Subtracto ergo tam singulari refugio, homo quodammodo inermis expositus est hostibus tentationum: & ideo pauidus efficitur & pusillanimis, nisi fidei & spei firmitate se muniat, & patientia & humilitate se defendat, quæ tunc maxime habent locum exercendi se, & magnam gloriā promerendi. Fides autem probatur, si creditur esse quæ iam desijt per gustum dulcedinis experiri. Dulcia nimis sunt omnia, quæ de Deo credimus: sed gustus eorum ideo subtrahitur bonis, vt fides magis inuitatur auctoritati scripturarum quàm experientie propriæ, & magis ex hoc meritoria sit. Spes autem probatur, si confidat Deum sibi esse propitium, etiā dum flagellat; & ita studiose studeat ei seruire & placere in omnibus, ac si sentiat & videat eum sibi esse placatum. Vnde Abraham laudatur quod contra spem in spem credidit diuinæ promissioni, & non hesitauit diffidentia: certissime sciens quod quæcumque promissit Deus, potens est & facere. Patientia probatur, si non murmuret contra Deum, quasi sua duritia hominem tribulet vt desoletur: & si longanimiter sustineat beneplacitum Dei, & non deficiat in aduersis. Humilitas probatur, si cogitet se digne puniri, qui quasi indignus sit consolatione spirituali: & si iustificet Deum, quod iuste iudicauerit puniendum eum, & ingratum priuando beneficio consolationis internæ. Tantum debet nobis Deus placere, & tantum debemus eum diligere, quando nos puniit vt purget, ac si blandiatur vt consoletur. Quis enim filius quem non corripit pater? Ego quos amo, arguo & castigo. Quidam etiam tentantur ex difficultate bene operandi, & habent aliquam bonam voluntatem, sed non fortem: & ex difficultate obstaculum inueniunt, quasi graue saxum voluunt, & inde affliguntur, tam ex remorsu conscientie quæ accusat eos torporis, quàm ex dolore tardi profectus, & desiderio vitæ sanctioris. Quidam enim vellent habere bona opera, & non valent ad ea exequenda seipsos vincere. Iuxta illud Apostoli, Velle mihi adiacet; perficere autem non inuenio. Aliqua vero possent, sed ita videntur eis arida & parua quod diffidit ea placere Deo, vel alicuius meriti fore: sic vtrobique neglecti sunt, & incidunt in quandam tristitiam: sicut dicit de talibus Bernardus: Sunt qui in studijs spiritualibus fatigati, & versi in torpore ambulantes tristes in vijs Domini: longos dies & longas conuerunt noctes, frequenter murmurant, arido corde ad quælibet iniuncta accedunt, & c. Quidam enim horror terret eos, cum cogitant de profectu spirituali quasi dicant apud se: Bona est victoria; sed dura est pugna. Dulce præmiū, sed labor merendi grauis. Sic exploratores missi in terrā promissionis, reuersi commendabant vbertatem terræ, ostensis fructibus, sed terruerunt populum pro difficultate expugnationis hostium, & proceritate inhabitantium. Ita religiosi quidam explorantes terram per scripturas, magna gaudia cæli prædicant: sed pugnam tentationum & labores spiritualium exercitiorum ita exhorret, quod potius in deserto mori volunt quàm introduci in terrā promissionis: hoc est, magis volūt in quodā medio statu manere inter secularē vitam & spiri-

Tentatio a priuatione consolationis.

*Psal. 117. a*  
*Psal. 26. a*

Consolatio nis spiritualis subtrahitur virtutes probatur.

*Rom. 4. e*

*Heb. 12. b*  
*Apo. 3. d*  
Tentatio a difficultate bene operandi.

*Rom. 7. e*

Bernardus  
serm. 34.  
in Cant. an-  
te med.

*Num. 13. f*

spiritualem, quasi inter Ægyptum & terram Promissionis in deserto aridæ conuersationis, quàm per laborem & tribulationes peruenire ad gratiam perfectionis. Gigantes etiam terræ mirantur, & timent quasi monstra Enacim, cum magnorum sanctorum virtutes considerant: & de propria paruitate diffidentes illorum perfectionem attingere, non ex humilitate, sed ex pauiditate desperant, causantes & murmurantes contra Dominum, quòd tam dura seruitutia ab homine requirit: sicut illi cum educti essent de Ægypto, ad tales miseras, tolerandas. Inde etiam est quòd tam pauci ad perfectionem perueniunt: sicut de omnibus supra ad pugnam numeratis, tantum duo ad terram promissionis intrauerunt: quia soli illi perfecti sunt inter religiosos qui in pugna tentationis & in exercitio virtutis infatigabiliter constantes fuerunt in pugna, resistendo malis, & in exercitio insistendo bonis usque in finem. Ex hoc sequitur alia tentatio, scilicet fastidij, qua fastidit homo omne bonum, tædet eum orare, legere, meditari: tædet eum audire bona, vel loqui, vel operari, vel interesse diuinis, etiam quæ sine graui labore facere posset. Ex exinde cum ad magna virtutum præmia peruenire diffidit, etiam in minoribus exerceri fastidit. Et quòd hæc tentatio ex priori oriatur, ostenditur: quia statim post murmur populi pro labore, sequitur murmur pro fastidio mannae, quod significat spiritualis refectionis alimentum, sicut sunt verba sacrae Scripturae, & bona opera, quæ pascunt animam & reficiunt conscientiam. De hoc Propheta dicit: Omnem escam abominata est anima eorum: & appropinquauerunt usque ad portas mortis. Ad duo autem trahit ista tentatio, aut ad exteriores consolamentulas & sæculares leuitates: ut qui non habet in spiritualibus delectationem; saltem in carnalibus quærat & sæcularibus nugis, quo consulat fastidio quo vexatur. Sic & illi qui manna nauseant, carnes concupiscunt, & pepones & porcos, &c. idest, carnalia & terrena gaudia, & sollicitudines exteriorum negotiorum, quæ sua acredine quasi porti fastidientem guttur mutando delectant, sed postea conscientiam amaricatam ad sterum compellunt. Aut ad nimiam tristitiam trahit hæc tentatio fastidij, dum non habet in spiritualibus delectationem, & in carnalibus consolari renuit: & sic nusquam inueniēs refugium magno mœrore consumitur. Solum ergo restat, ut instanter clament ad Dominum cum tribulantur, ut de necessitatibus suis liberentur, & sacrificent sacrificij laudis & annuncient opera eius in exultatione, idest, recolant beneficia Dei: & ex illis ad laudem eius in exultatione spiritus prouocentur. Quæ si statim non successerit, sequitur alia tentatio grauis impatientiæ, contra Deum, quare tam durus & immisericus sit: tribulato, quare tam parcus in dando egeno gratiam, & tam anxie petenti, & tam importune pulsanti. Et hæc tentatio quandoque tam valida est, quòd quasi insanit homo, & palpit ex vehemēti mœrore: quia ibi non inuenit solatiū quod deberet ei esse vnicū refugium; scilicet in oratione & in tanta supplicatione, cum Dominus dicat: Omnis qui querit, inuenit. Clamā ad te, & non exaudis me: sto, & non respicis me. Mutatus es mihi in crudelem: & in duritia manus tuæ aduersaris mihi. Multitudo viscerum tuorum, & miserationum tuarum, super me contulerunt se. Usquequo Domine clamabo, & non exaudies, vociferabor vim patiens, & non saluabis? Usquequo Domine obliuisceris me in finem, usquequo auertis faciem tuam a me? Item, Exurge, quare obdormis Domine? exurge & ne repellas in finem. Item illud murmur filiorum Israel: Est ne Deus in nobis an non? Hæc omnia illius tentationis anxietatem exprimunt, quæ non valet melius superari, quàm patienter tolerando & humiliter expectando, donec nobis benignitatis suæ vultum dignetur ostendere.

S. Bon. Tom. 7. Pars iij.

A & manum largitatis aperire: ut cælum quod super nos quasi æneum sentitur, stillas gratiæ nobis influat: & terra cordis nostri quasi ferrea, emollita pluuijs benignitatis Domini fructum suum, & affectus pios & desiderium deuotionis germinet. Illa autem tentatio magis periculosa est, quæ minus molesta sentitur: quando ex longo vsu subtractionis gratiæ deuotionis, & post anxiam multa desideria & labores pro recuperanda gratia homo quasi lassus remittit animum ab intentione querendi: & sub colore patientiæ desinit oculos attollere ad opes, quas habere se posse non videt: & indignanti humilitate cogitat se indignum tali gratia: quia forsitan aliud de illo præordinauit Dominus, ut ad exteriora cōuersus multis proficiat, & ideo ab interioribus sit repulsus. Vult etiam sub discretionis velamine deinceps parcere sibi, ne corpus nimis debilitetur, vel caput irrecuperabiliter destruat. Et incipit remissior esse in studio orationis, & ad cōfabulationes promptior, ad euagandum paratior, ad corporis commoda studiosior, ad inanes iocos promptior, ad exteriores occupationes sub specie redimendi tempus vtiliter, voluntarius & intentus. Et ita paulatim subtrahitur a primo feruore & desiderium perficiendi refrigescit, & studium languescit, & subintrant affectiones religiosarum feminarum, & visitationes earum: & omnibus alijs extinctis solum remanet ei ad solatiū debile, quod adhuc scit loqui de spiritualibus: per quod vel seipsum præfert multis inexpertis talium experientiarum spiritualium, vel acquirit sibi nomen apud religiosas feminas, quæ existimant eum loqui ex cordis abundantia, & esse bonum instructorem vitæ spiritualis & deuotionis internæ. In huius tentationis tempestate plurimi fluctuant, & pauci enauigant: quia nec amor Dei afficit, nec desiderium trahit, nec timor stimulat, nec feruor proficiendi urget: remissi in omnibus, & si quæ bona videntur facere, ex vsu quodam, vel ex pudore humano faciunt; vel ex timore, ne deterius eis contingat. Vnde qui hoc superare desiderat, oportet ut vim sibi faciat tam cordi, quàm corpori: sicut pigrum animal quod calcaribus tunditur, flagellis agitatur. Quidam trahuntur impetu feruoris ad bonum. Sicut igitur illi indigent freno quo retrahantur ne præcipitentur: ita alij indigent flagello impellente, quo ad bonum quasi coacti incitentur. Misericors autem Deus quo difficilius quis in tentationis pugna certauerit, eo maioris perfectionis ei gratiam tribuet in præsentem, & maioris gloriæ præmium in futuro. Sunt aliæ plurimæ tentationum species, quarum naturam, origines & causas prosequi longum est. Si enim nullus medicorum omnes morborum corporalium varietates & dolores plene potest cognoscere; quanto minus spirituales morbos tentationum & passionum, quæ subtiliores sunt, valet aliquis plene discernere, nisi Spiritu sancto plenissime illustratus. Acerbissimæ tamen tentationes videntur, hæsitatio in fide Catholica, & desperatio de Dei misericordia, & spiritus blasphemæ contra Deum & contra sanctos, & tentatio sibi inieciendi manus & se perimendi: & quædam perplexitas querulosa conscientie medicinale consilium non admittens.

## De remedijs contra acerbissimas tentationes. Cap. III.

Contra tales, ista maxime valent remedia. Primo, ut consolentur, quòd non timeant illas tentationes: quia magis proficiat ad meritum patienti quàm ad detrimentum. Secundo, quod patienter tolerant: sicut si satanas visibiliter, vel sensibiliter aliquem turbaret. Tertio, quòd non curentur, nec ratiocinando eis resistatur: quia ex hoc magis quasi confictæ inflāmantur, sed ad alia tractanda se conuertat homo, quibus abstractus a se obliuiscatur passionis suæ: sicut

Fff 2 corpo.

Psal. 84. 6

Tentatio minus molesta periculosa.

Tentationes grauissimæ.

corporali passione laborans, si habet quo occupatus obliuiscatur sui, lenius interim torquetur. Quarto, ut orationibus suis & aliorum bonorum hominum misericordiarum diuinæ remedium imploret.

*De generalissima tentatione. Cap. IV.*

**G**eneralissima autem tentatio, qua omnes in hoc mari magno & spatiofo quasiāmur, potest ad omnium vitiorum conflictum referri: in qua sæpe periclitamur quasi submergendi, & iterum resumptis viribus subleuamur, quasi deinceps ab eorum impugnatione securi. De qua dicitur: Qui descendunt mare in nauibus, facientes operationem in aquis multis. Mare est vitiorum profundum, naues religiones; quibus enauigatur sæculi vitij. Procellæ maris, tentationes sunt vitiorum: ubi vident nauigantes opera Domini, & mirabilia eius in profundo, quando considerant, quanta potentia & pietate custodit certantes a fluctibus peccatorum, & quanta sapientiæ ratione permittit eos tribulari, & dat eis victoriam per varia consilia, & remedia vitiorum. Qui non est tentatus, quid scit? & qui non est expertus, pauca recognoscit. Vir in multis expertus cogitabit multa: & qui multa didicit, enarrabit intellectum. Ascendunt vsque ad cælos per fiduciæ securitatem, & rursum descendunt vsque ad abyssos per timorem succumbendi in tentatione: vel ascendunt vsque ad cælos aspiciendo diuinæ pietatis auxilium, & descendunt vsque ad abyssos, intuendo propriæ fragilitatis defectum.

*De vtilitate subtractionis spiritualis consolationis. Cap. V.*

**T**ria autem discimus in subtractione consolationis internæ, scilicet de minimis beneficijs gratias agere, & minimas quaslibet culpas & negligentias timere & cauere, & minima quæque aduersa docemur patienter tolerare. De opulenta mensa multæ micæ, immo aliqua frustra cadunt quandoque, & neglectæ, vel pro nihilo reputatæ perduntur. Sic & homo abundans diuersis consolationum donis, quandoque plurima beneficia Dei, sine debita gratiarum actione præterit, plurimas gratias negligit operæ exercere, plurima parua reputat quæ magna sunt, plurima nec cognoscit. Sed his omnibus subtractis, sicut vir videns paupertatem suam, recolit quanta prius habuit & potuit, quæ iam non habet vel potest: & sicut mendicus famelicus modicam buccellam grater acciperet & studiose colligeret, qui prius delicata fercula paruipendebat. Colligite quæ superauerunt ftagmenta, ne pereant. Beneficia Dei nobilia & pretiosa sunt ex dignitate dantis, & affectu liberalitatis & charitatis quo dat; qui etiam parua si daret, grata esse deberent. Item ex pretiositate & vtilitate doni. Nam quid nobilius spiritu Dei quem dat nobis? Quid vtilius eo quo transformamur in Deum & deificamur & beatificamur & heredes regni eius efficiamur? Vnde, Maxima & pretiosa nobis promissa donauit, ut per hæc efficiamur diuinæ consortes naturæ. Item ex vilitate eius cui datur. Quid enim Deo cum luto? Lutum enim sumus, viles, vitiosi, peccatores ingrati, inopes omnis boni, miseri & mortis rei: & tamen Deus memor esse nostri dignatur. Si Rex dignaretur pauperis tantum habere memoriam, etiam si modicum daret, hoc ipsi pauperi magnum videri deberet. Quid est homo, quod memor es eius: aut filius hominis, quoniam visitas eum? Minimas etiam culpas cauere docemur: quia timendum nobis est, ne forte ex culpis nostris & ingratitude, gratia sit nobis subtracta: ut eam recuperemus cauendo negligentias, quam amisimus in tanta vbertate, vel liberalitate. Qui spernit modica, paulatim

decidet. Augustinus: Vitaſti grandia, caue ne obrutis arena. Qui timet Deum, nihil negligit. Ex minimis guttis multiplicatis, inundationes aquarum fiunt, quæ quandoque etiam magna mœnia subruunt. Per modicam rimam aqua latenter in nauem influit, donec submergatur. Minima etiam aduersa patienter tolerare assueſcimus: quia maiora non superat, qui minora tolerare non discit. Multi optant pro Christo mori, qui pro Christo nolunt verba leuia pati. Sed quem terret sonitus folij volantis, quomodo sustineret ictum gladij terribiliter vibrantis? Discamus ergo omnia peccata pro posse cauere, & pro his quæ commissimus omnia aduersa humiliter pati, & omnibus beneficijs Dei debitam considerationem cum gratiarum actione exhibere semper, & gratiam Dei non in vacuum recipere, & digni erimus, ut gratia nobis subtracta etiam augmentata reddatur, & ut ad magnum profectum virtutis peruenire mereamur. Tentatio autem quantum ad præsentem materiam, dici potest quilibet motus, vel affectus, vel sensus a vero bono retrahens. Fit autem hoc tribus modis, alliciendo per delectabilia, aut terrendo per contraria & aspera, aut decipiendo per falsa & verisimilia: & sic tres vires animæ corrumpuntur. Concupiscibilitas per delectabilia carni, oculis, & cordi, idest, per voluptates, diuitias, & honores mundanos. Irascibilitas, per timores varios debilitatur, in resistendo vitij, & insisterendo virtutibus. Rationabilitas cæcatur, ut bonum malum iudicet, & malum bonum: & lucem veritatis ponat tenebras, & tenebras falsitatis ponat esse lucem. Cor meum conturbatum est, sicut aqua luto turbata & immundata: dereliquit me virtus mea, qua debui vero bono veraciter & tenaciter inhaerere: & lumen oculorum meorum & ipsum non est mecum, quo verum a falso discernere debui. Concupiscibilitas dupliciter tentatur: quia delectatio spiritualis ei subtrahitur & inde desolatur; & carnalis concupiscentia ei ingeritur, & inde scedatur. Irascibilitas dupliciter tentatur, dum infirmatur ad bonum, & procliuus est ad malum. Rationabilitas dupliciter tentatur, quia intelligit bonum, & non agnoscit quod bonum sit, & sub specie veri a falsitate deluditur. Diabolus suggerit animæ interius praua consilia, mundus exterior ingerit malitiæ contumeliæ, caro delectatur, mens recipit, & consentit tentationi, vel repugnat. Vtrum autem vtilius sit, habere tentationes, vel carere, solus rei exitus probat: quia habere eas & viriliter resistere, magnæ virtutis est; superasse vero & triumphasse de ipsis, gloriosum est. Carere autem eis commodius & securius est: succumbere est periculosum. Appetere eas & sese ingerere incautum est, maxime infirmis & imperfectis. Exercitare tamen se ad pugnam contra spiritualia vitia, videlicet iram, inuidiam, & vanam gloriam, &c. aliquando vtile est ei, qui inter illos morari elegit, qui eum persequuntur & offendunt, ut sic discat patientiam: & ei qui sub districto magistro viuunt, qui in omnibus frangit eius voluntatem, ut sic assueſcat humiliter esse obediens & prompte: & sic de ceteris vitij spiritualibus expugnandis. De carnalibus autem vitij hoc periculosum & stultum est: sed fugiendæ sunt eorum pugna & a memoria excludendæ, & occasiones eorum tollendæ. Vnde Dominus noluit se permittere de luxuria tentari: ut doceret, non debere nos ingerere huic tentationi, etiam spe triumphij & præmij. Cum enim hæc tentatio magnam habeat delectationem admixtam, & in hoc vitio omnes concepti simus, & non solum mens, sed etiam corpus delectetur; ideo periculosus eius aditus conceditur: sicut hostis qui in vrbe aliquos fauores sibi habet, si intra portas irruerit, potentius ipsam capit. Fugite fornicationem. Omne peccatum quodcumque fecerit homo, extra corpus est. Qui autem fornicatur in corpus suum peccat. tentationibus in

Auguſt. in illu. ver. sum Ps. 39. Multiplicati sunt super capillos tom. 8. Eccl. 7. 6. Simile. Aduersa facienda.

Tentatio quid sit, & quomodo fiat.

Ps. 37. 6

An sit vtilius tentari, vel non tentari.

1. Cor. 6. 6



bus in quibus delectatio consistit, maxime teneri, & infirmi superantur, in quibus amor mundi nondum extinctus est: & ideo reaccenditur ex concupiscentijs mundi, sicut candela adhuc fumigans cito capit flammam. Tentatio vero impetuosa & quasi violenta fortiores impetit: ut qui mollibus non flectuntur, duris & robustis tentationibus quasi ventis validis euellantur. Tentationes autem fraudulentæ quæ sub specie boni se palliant, licet quosque rudes & stultos decipiant, qui nondum cognouerunt altitudinem satanæ, idest astutias eius, tamen singulariter perfectis & bene proficientibus insidiantur. Psalmista: In via hac qua ambulabam, absconderunt laqueum mihi. Ipse satanas transfiguratur se in Angelum lucis. Si enim eis in sua figura, quæ turpis est, appareret, horrent eum & fugerent: si aperte impugnaret, resisterent ei, & auxilio Dei fugarent eum & vincerent: & sic nihil apud eos proficeret. Boni enim quia mundi sunt, detestantur immunda peccata; quia virtuosius sunt, viriliter contra omne malum repugnant, quod malum esse cognoscunt. Venit ergo satanas in specie Angeli boni, quem credit a bonis diligi: ut tanto facilius decipiat eos, quanto bonus nuncius putatur, & qui non soleat nisi bona nuntiare & suadere. Bernardus: Bonus numquam nisi boni simulatione deceptus est. Et ut facilius recipiatur eius persuasio, primo sola bona proponit, postea mixta malis, tandem falsa bona, sed vera mala: postremo cum irriterit eos & illaqueauerit insolubiliter, aperte caput venenatum erigit, & in aperta peccata eos deiecit: sicut scorpioneus qui blandam faciem habet, sed caudam venenosam, qua occidit. Sic Gabaonitæ, simulato peregrino habitu, deceperunt filios Israel, ut parcerent eis, cum de genere hostium essent. Quanti sub specie spiritualis dilectionis, spirituales feminas frequentauerunt, & orationum ipsarum obtentu! Ecce quanta puritas in intentione prima! scilicet charitas & deuotio. Postea sequuntur longæ confabulationes, modo de Deo, modo de ipsorum mutuo amore & fide, & amorosi aspectus, & munuscula pro memorialibus charitatis. Ecce quomodo mixta sunt iam bona spiritualis consolationis, & fidelis affectionis, cum malis inutilis confabulationis, & incautæ familiaritatis, & inutili occupatione cordis circa dilectam. Tandem sequuntur falsa bona, sed vera mala: scilicet amplexus, & oscula, tactus manuum & vberum, & similia: quæ omnia suspecta sunt carnalis dilectionis indicia, & turpis operis præludia. Postremo impudica succedunt, quasi fructus præcedentiū, scilicet aperta opera iniquitatis. Augustinus: O quam parua & brevis concubitus hora, in qua amittitur vita æterna! In hunc modum palliat se sæpe superbia, sæpe inuidia, & auaritia, & alia vitia: quæ cum non audeant bonos tentare aperta facie, quos sciunt omne malum odire, assumunt aliquod virtutis velamen, ne agnoscantur esse quod sunt: sicut qui mentitur se esse amicum, do nec admissus dolose & latenter alium interficiat: sicut Ioab tenuit mentem Amasæ quasi osculaturus eum, ne suspicaretur eum hostem esse, & non obseruaret gladium eius dolosum, & ita occidit eum dolo. Sic Iudas osculo Christum tradidit crucifigendum. In tentatione tria maxime dolemus: siue ex labore pugne & inquietudine cordis quam patimur: siue ex timore ne forte superemur & succumbamus, per tentationis consensum: siue quia timemus ne forte nimis debiliter resistamus, & propter hoc Deum & propriam conscientiam offendamus, licet tamen plane non consentiamus.

Quibus modis sit resistendum tentationibus.  
Cap. VI.

Omibus tentationibus, his quattuor modis resistendum est. Primus est, cogitationes auerte. S. Bon. Tom. 7. Pars iij.

re alias occupationes assumendo, quibus obliuiscatur homo impugnationis, quantum potest. Secundus, materias & occasiones tentationis fugere & declinare, maxime carnales, quæ appropinquantes sibi accendunt ut ignis. Tertius, patienter & humiliter virgam Domini sustinere: ut & se dignum iudicet afflictione & labore pugne, & patienter toleret, confidens quod ei proueniet in bonum: quia sic citius placabilis erit ei Dominus, & purgabitur a peccatis, & emundabitur a vitijs, & ditabitur virtutibus, scientia, meritis, & gloria. Vnde Gregorius: Qui appetit plene vitia vincere, studeat humiliter purgationis suæ flagella tolerare. Cum Deo enim non possumus contendere, nec per iustitiam, quia peccatores sumus; nec per potentiam, quia infirmi & serui eius sumus; nec aufugere ab eo per astutiam, quia nusquam eum latere possumus, & dominij eius terminos exire. Quo ibo a spiritu tuo, & quo a facie tua fugiam? Sapiens corde est, & fortis robore: quis resistit ei & pacem habuit? Humiliemur ergo nos coram ipso, & sic misericordiam consequemur. Quartus modus est orationi incumbere, & auxilium supernæ virtutis per se & aliorum suffragia implorare: quia nec nostris meritis, nec viribus, nec prudentia possumus de tot hostibus triumphare: vel sine letali vulnere transire, nisi protecti manu Dei, & eius adiutorio confortati. Inuoca me in die tribulationis, eruate, & honorificabis me. Ad hoc enim quandoque Deus permittit hominem tentari & tribulari, ut excitetur ad orationis studium, & confugiat ad Dominum, & experiatur eius auxilium, & ad eius exauditionis solatium amplius in eius amorem inardescat: & sic tam in merito virtutum quam in fiducia dignationis eius excrecat. Sic diligentibus Deum omnia cooperantur in bonum, tam prospera, quam aduersa. Solet etiam quandoque Deus fidelem seruum suum postmodum amplius consolari, & purioris perfectionis gratiam conferre in illis, de quibus aliquando fuerat in tentationis molestia grauiter tribulatus: sicut de beato Benedicto scribit beatus Gregorius, qui dum carnis tentatione grauiter tentaretur, quia viriliter resistit, ita plene vicit ut Dei gratia numquam postea motus carnalis illecebræ in se sentiret. Secundum multitudinem dolorum meorum in corde meo, consolationes tuæ lætificauerunt animam meam. Sic etiam in tentationibus contra fidem & blasphemiam spiritus, meretur fidelis bellator quandoque in fide clarius illuminari, & in amore Dei ardentius inflammari. Erunt capientes eos qui se ceperant, & subicient exactores suos.

### Quintus processus. Cap. VII.

Quintus processus est, singulis vitiorum tentationibus, singularibus remedijs mederi. Hic potest status curationis vel remediorum spiritualium dici, quo cura diligens morbis vitiorum adhibetur, ut ad statum sanitatis perueniatur. de quibus remedijs, quia in præcedentibus dictum est, hic non est opus repetere. Ea autem diligentia debet quisque studere remedia animæ suæ perquirere, & sanandis spiritualibus morbis vitiorum inuigilare, qua letali morbo laborans medicum qui eum curare posset inquireret. Et tanto diligentius cura animabus curandis adhibenda est, quanto animarum morbus periculosior est, & cura difficilior, & sanitas præstantior animæ quam corporis morituri. In quantum vero plus de corporis sanitate sumus, quam de animæ salute solliciti, in tantum conuincimur illud plus diligere, & eius sanitatem amplius desiderare.

F f f 3 De sa-

Patiēter ferenda virga Domini.

Greg. homil. 15. in Euang.

Psal. 138. a Tob 9. a

Orationi instandum.

Psal. 49. c

\* al. dilectionis. Rom. 8. e

Gregorius lib. 2. Dialog. cap. 2. Psal. 93. d.

Isa. 14. a

Quintus processus.

Quanta cura egris corporibus tanta, immo maior est animis vitio sis adhibenda.



## De sanitate anima. Cap. VIII.

**S**anitas corporis consistit in integritate membrorum, & sensuum, & in ordinata qualitate humorum, & vigore spirituum. Sanitas animæ consistit in recta & circumspecta actione, in cautæ locutionis observatione, in rectitudine voluntatis, in ordinatione affectionis, & utilitate cogitationis.

## De actione. Cap. IX.

In actione tria observanda. Illicitum.

Indecens.

1. Cor. 10. e

Rom. 2. d

Inexpediens

**A**ctio in tribus debet esse circumspecta, ut sit meritoria. Primo, an liceat. Secundo, an deceat. Tertio, an expediat. Illicitum est omne quod est contra Dei præcepta, vel ecclesiastica instituta, vel contra voti proprii sponsonem discretam: ut est votum continentiae, obedientiae, & abdicationis proprietatis, & aliorum sub voto comprehensorum. Indecens est, quod non bonam speciem præterdit, & colorem illiciti habet, etiam si non expressam habeat veritatem, ut omne scandalum, & quod alicuius vitij vel peccati notam habere videtur, & secundum statum agentis inconueniens iudicatur. Omnia mihi licent, sed non omnia ædificant. Seruo Dei vitandum est, ne percutiat conscientias infirmorum exemplo minus ædificatorio, & Dominum inhonoret: quia indisciplina famulorum, redundat in confusionem dominorum suorum. Gloriaris in Deo quasi seruus in domino: & per præuaricationem legis Deum inhonoras. Nomen enim Dei per vos blasphematur inter Gentes. Inexpediens est, quod caret fructu utilitatis. Vacuus in conspectu Domini apparet, cuius actio fructu pie utilitatis caret: sicut ramus arefactus in arbore, & lignum infructuosum in vinea, vel pomærio. Deus namque qui omnes large remunerare desiderat, tot occasiones homini merendi prouidit, & tot actiones meritorias ei ostendit, quod stultus & merito puniendus est, qui his neglectis inutilia & infructuosa sectatur: veluti si quis hortum plenum nobilibus fructibus ingrediens, sola vilia & amara carperet & nociua.

## De locutione. Cap. X.

In locutione tria observanda. *Eccli. 3. 2. b* Silentium obseruandū

Num. 19. c

Simile.

Verba trutinanda ante quam dicantur.

**I**n locutione tria sunt similiter obseruanda. Primum, ut tardus sit homo ad loquendum. Loquere adolescens in causa tua vix, cum necesse fuerit. Quanto magis in non tua, vel in non causa, scilicet in leui vanitate? Si bis interrogatus fueris, habeat caput responsum tuum: ut utilitas & opportunitas exigit esse loquendum. Utilitas necessitate ædificationis, vitandi euidentis nocuenti, & honoris Dei promouendi. Opportunitas temporis, loci, causæ, & qualitatis audientium. Vas quod non habuerit operculum vel ligaturam desuper, immundum erit. Pulvis enim incidit, & vermes & animalia immunda inquinabunt illud, & si quid pretiosi vel aromatici liquoris in eo reconditur, euaporat virtus eius. Sic qui per censuram silentij non ponit ori suo custodiam, frequenter immundatur sorde illicitorum verborum, maledictis, detractionibus, turpiloquijs, iactantijs, scurrilitatibus, & similibus. Si quid etiam deuotionis intus habet, vel occultæ virtutis, citius euaporat & infrigidatur, & euanescit, sicut sapius possumus experiri, quando post compunctionis gratiam ad verba otiosa defluimus. mox & sapor minuitur & feruor extinguitur, & intelligentia obscuratur, & mentis ad Deum intentio dissipatur, & cor a bono quod prius habuerat euacuatur. Secundum est, in loquendo circumspectum esse, ut consideret quid loquatur, & qualiter, & coram quo, disponens sermones suos in iudicio discretionis: ne alicui loquendo noceat, ne quem indebite offendar, vel scandalizet, ne quid falsi admisceat quod conscientiam postea remordeat

**A** & dixisse pœniteat. Cor stultorum in ore illorum. Et ideo cum aperiunt os, effundunt totum quod habent intus per stultitiam. Os autem sapientium in corde ipsorum: quia os eorum non profert, nisi quod cor eorum prius deliberauit bene esse loquendum. Qui custodit os suum, custodit a periculo animam suam: qui autem inconsideratus est ad loquendum, sentiet mala. De omni verbo otioso quod locuti fuerint homines, reddent rationem in die iudicij. Gregorius: Otiosum verbum est, quod aut ratione caret iustæ necessitatis, aut intentione pie utilitatis. Si ergo culpa non caret sermo otiosus qui non prodest, quid de pernicioso qui etiam obest? Tertium est, ut breuiter loquantur, & sine utilitate, & necessitate non multiplicentur verba. vnde, Qui multis vitur verbis, lædit animam suam. In multiloquio enim peccatum non deerit. Duo enim verba quæ sola nobis permessa sunt inter omnia, cito dicta sunt, id est, quod necessarium est tibi vel alteri, vel utile tibi vel alteri. Necessitas cito insinuata est sapienti. Nam apud insipientem nulla verba sufficiunt. Utilitas si per nimia verba se effundit, onerosa erit & fastidiosa. Seneca: Non multis opus est verbis, sed paucis, & efficacibus. Sicut vrbs patens, & absque murorum ambitu, sic vir qui non potest in loquendo cohibere spiritum suum. Gregorius: Quia murum silentij non habet, patet inimici iaculis ciuitas mentis. Sic cautus & parcus sit homo in verbis, sicut avarus in nummis suis: quia verba quibus meremur gloriæ cæli, pretiosiora sunt omni thesauro. Thesaurus desiderabilis requiescit in ore sapientis. Avarus pecuniæ & parcus, profunde in abscondito recondit eam, nec profert eam largiendo nisi pro vrgenti necessitate, vel utilitate sua, & cauet, ne vel obolum superflue effundat supra quam necesse sit. Sic etiam religiosus cordis sui thesaurum abscondit, raro loquendo, & nisi pro necessaria causa vel utili os ad loquendum aperit. & quod cum paucioribus verbis potest expedire prout sufficit, ad hoc plura superflue non effundat. Quadruplex autem bonum ex hoc ei proueniet: quia cauebit peccatum multiloquij vel vaniloquij: intellectus eius interior magis profundabitur & sublimabitur, sicut aqua conclusa, quæ non habet exitum per quem effluat, crescit in altum: Item quod loquitur apud homines magis habetur autenticum, cum sciant eum cum maturitate loqui, & non leuiter effundere verba sua: ita singularem gloriam meretur in cælo.

## De disciplina morum. Cap. XI.

**M**orum disciplina in religiosi triplici colore decoratur: si sunt maturi, humiles, & benigni. Maturi, ut non sint leues ad currendum, nec proni ad risum, vel curiosi, vel verbosi, nec ioculatores. Maturitas intus mentem componit, & totum corpus exterius ab insolentia custodit. Caput regit ne leuiter hinc inde circumferatur, oculos ne vagentur, aures ne curiose auscultent quæ minus expediunt, lingua refrenat ab otiosis & infructuosis verbis, manus ab inutilibus occupationibus: pedes a vanis deambulationibus & indecentibus diuinationibus, & totum corpus ab inquieto motu cohibet, nisi secundum quod ratio exposcit. Vnde beatus Bernardus scribens de beato Malachia Episcopo, commendat eum, quod ita compositus fuit in moribus, quod nec manum, nec oculum, vel aliquid membrum leuiter mouebat aliquando, nisi secundum quod ratio, vel causa dictabat; ut nihil appareret in eo, quod posset offendere intuentes, totum corpus in eo disciplinatum fuit. Humilitas morum deprimit ceruicem, humile format, responsum, gestus complanat, vestitum simplicem, amat, sese inter nouissimos locat, ostentationis declinat notam, singularitatem fugit, ad aliorum obsequia agitem se facit, ad opprobria tacitum, ad honores obla-

*Eccli. 21. d*

*Prou. 13. a*

*Matt. 12. c*

Verbū otiosum.

Loquendū breuiter.

*Eccli. 20. b*

*Prou. 10. c*

Duo verba nobis permessa.

*Seneca lib.*

*5. epist. ep.*

38.

*Prou. 25. d*

*S. Gregor.*

*Lib. 7. Mor.*

*cap. 25.*

*Prou. 21. c*

Vt avarus

nummis, ita

religiosus

parcet verbis.

Maturitas corpus & mentem componit.

*Bernardus In vita S. Malachia, cap. Ascendit.*

oblato verendum, promptum ad descendendum, difficile ad indignandum. Benignitas facit amabilem & compassum afflictis, tractabilem & exorabilem, & flexibilem ad consilia, communicatum sui & suorum, in bono hilarem, & modestum & iucundum, fidelem & socialem, nullum spernentem vel temere iudicantem, gratum, beneficium, omnibus gratiosum. Humilitas temperat grauitatem, ne fastuosa & elata videatur. Benignitas facit, ne auster & dedignabunda putetur. E contra, maturitas temperat benignitatem, ne leuis & carnaliter blandiens, vel adulatorie applaudens æstimeretur. Temperat humilitatem ne nimis abiecta, vel affectata reputetur. Humilitas reddit imitabilem, benignitas amabilem, maturitas venerabilem.

\* al. immutabilem.

*De cordis compositione. Cap. XII.*

**E**Xterioribus ordinatis in actione, locutione, & moribus: vt ad veram & de cælo allatâ quadraturam spiritualis normæ, sacræ disciplinæ, tamquam viui lapides & in templo veri Salomonis locandi, disponi valeamus, de cordis dispositione & mentis bonitate aliqua proponamus: quia teste Salomone, omni custodia seruandum est cor, sicut ex quo vita spiritualis quasi ex fonte procedit. Sanitas cordis in tribus consistit. In voluntatis rectitudine, in affectionis sanctitate, & in cogitationis stabili puritate. Voluntas recta est, quæ bonum tantummodo vult, & propter bonum, & plene vult. Si enim aliquid vellet, quod malum esset & peccatum, non esset bona voluntas. Non potest arbor bona fructus malos facere, &c. Si bonum vellet, sed non propter bonum, vt bona opera facere pro laude humana, sicut hypocritæ; vel aliqua alia non pura intentione, similiter bona non esset: cum non simpliciter bonum propter se vellet, sed propter aliud non bonum. Illud enim quisque magis vult, propter quod aliud vult. In fine namque quiescit: sed id quod ad finem est tantummodo, transiit & relinquit, obtento eo quod voluit. Si autem vult bonum & propter bonum, sed non sicut sufficit, licet pro parte recta sit, non tamen plene: vt qui viam Dei incedere vel docere vult, quâmdiu inde nullam cogitur sustinere aduersitatem: sicut hi qui in temptationibus & persecutionibus deficiunt: vel ita volunt bona opera agere, vt tamen ab alijs illicitis nolint abstinere: vel quocumque modo nolunt bonum inceptum ad finem perducere: vel etiam plusquam debeant, vel expediat bonis operibus insudare, vt qui indiscrete castigando se perimunt, vel ad insaniam & destructionem sui pertrahunt semetipsos. Ad Romanos: Rationabile obsequium vestrum. Ieremias: Quia plus fecit quàm potuit, idcirco perierunt: quia contriui Moab sicut vas inutile. Duplex est enim plenitudo. Vna necessitatis, altera perfectionis. Necessitatis est illa quæ minus habere non potest ad salutem: vt obseruantia mandatorum. Matt. Si vis ad vitam ingredi, serua mandata. Plenitudo perfectionis, est impletio consiliorum. Si vis perfectus esse, vade & vende omnia, &c. cum reliquis consilijs Euangelicis. Ad hoc non tenetur, nisi qui ea sponte vult: vt religiosi, quibus post votum fiunt necessaria ad salutem.

*Prov. 4. d*  
Sanitas cordis in tribus consistit. Voluntas recta.

*Matt. 7. c*

*Rom. 12. a*  
*Ier. 48. f*

*Matt. 19. b*

*Deut. 23. d*

**A** regula præceptorie inhietur. Iusta vero necessitas vel euidens magna vtilitas, admittit dispensationem: sed ab eo qui potest in talibus dispensare. Dubia etiâ interpretatio præcepti periculosa est, sicut pons semiputridus aquæ præcipitis & profundæ, de quo dubium est an sub transeunte corruat, aut subsistat. Quare vult aliquis qui maiora pro Christo decreuit subire certamina, & omnia dereliquit in hoc sæculo, se committere periculo pro modico motu propriæ voluntatis, vel pro paruo cōmodo in incerta opinione sua vel alterius? vt si Deus approbet illam opinionem euadat sine lucro meriti: si autem reprobet eam, damnetur, maxime cum tales opiniones quandoque periculosiores sint quàm apertæ transgressionis: quia vbi scit se homo delinquere, inde facile corrigitur: vbi autem nescit se peccare, & insuper credit licere, inde nec in morte pure conteritur, propter falsam spem, quod forte sibi licuerit, vel minus in eo peccauerit, baculo arundineo & confecto innitens. Voluntas bona, plana via regia & secunda debet incedere, & relictis dubietatum diuerticulis, quasi suspectis latronum semitis, apertos & certos iustorum calles ambulare: ne velut pœnitens boni inchoati quærat diuerticula declinandi a via perfectionis, in qua voverat ambulare. Quid enim est vnde omnes damnationem incidimus, nisi talis dubia interpretatio præcepti Dei de ligno vetito, vbi callidus serpens persuasit mulieri, non ita stricte & simpliciter intelligendum præceptum illud, cuius obseruantia potius noxia foret, ne fierent sicut dii scientes bonum & malum, & cuius transgressio nequaquam sicut Deus cōminatus fuerat, mortem corporis & animæ mereretur? Credidit ergo insipiens mulier falso interpreti, & consensit suadenti, cui nequaquam consensisset, si consilium eius fallax & inutile credidisset. Non tamen putandum quod conditio religiosorum peior facta sit ex voluntaria altioris voti promissione, eo quod de strictiori ponte facilius & periculosior sit lapsus, quàm de laxiori: sed quanto difficilius via, tanto sequetur maior gloria & quâto laboriosior pugna, tanto gloriosior triumphus. Talem autem timorem altioris perfectionis incutit religioso aut pusillanimitas, aut formidolosa tentatio, aut inueteratus temporis, quo primi feruoris oblitus, & primam charitatem relinquens, horret altam vitam quam aggressus fuerat, stupens præcipitij profundum, & fastidit laborem pugne dum non videt præmium: nec sicut debet, desiderat quod sequitur. Vnde prius in probatione debuit deliberasse, si volens ædificare turrim Euangelicæ perfectionis, haberet sumptus constantis feruoris ad perficiendum, vt vltima primis respondeant: ne postea cum posuerit fundamentum altæ perfectionis, & non potuerit perficere sicut cœperat ex voluntatis torpore, omnes incipiant illudere ei tã homines quàm dæmones dicentes, Hic homo cœpit ædificare & non potuit consummare, sicut structura imperfecta & labefacta ostendit structoris defectum.

Dubia præcepti interpretatio periculosa omnes perdit.

*Gen. 3. a*

*Apoc. 2. a*

*Luc. 14. f*

*De quibusdam communibus exercitijs spiritualibus. Cap. XIII.*

**A**D euitandum ergo apostaticæ præuaricationis opprobrium, & perfectæ sanitatis gratiam obtinendam, & repromissæ beatitudinis gloriam religioso consequendam, quædam communia spiritualia exercitia ponenda videntur: in quibus qui fideliter perseuerauerit, cito sentiet se in spiritualis vitæ profectu crescere, quousque ad perfectam perueniet sanitatem virtutis.

Septē exercitia.

*De agilitate ad incipiendum bonum. Cap. XIV.*

**P**rimum est, vt homo sit impiger & agilis ad incipiendum & faciendum bonum, quo ex alterius admo-

I.

Exercitiū.

Bonum aliter incipiendum per faciendumque.

Eccli. 24. c  
Gen. 1. b

Simile.

Prou. 29. c

II.  
Exercitiū.  
Mala celeriter repellenda.

admonitione, vel ex diuina inspiratione intelligit faciendum. Multum enim profectum negligimus, tam meritorū quā præmiorum eo quod tædet nos bonis studijs insistere, ex horrore difficultatis. Si autē voluntatem faciendi habemus, hanc de tempore in tempus differimus & procrastinamus: & interim irrecoverabiliter perdimus & tempus, & meritū, quod lucrari poteramus, aut ita desidiose & indeuote facimus, quod nec Deo est valde gratum, nec conscientia nostra meritorium vel consolatorium: immo ita corrosiuum conscientia, quod etiam inde puniri timeamus, & ex insipiditate tædet nos laborare, & festinamus inde cito absolui, & tædet simile aliud inchoare. Exemplum de studio orationis, vel obsequij in coquina, in infirmatorio, vel alterius boni operis, in quo nullum honorem, vel temporale cōmodum, vel propriæ voluntatis solatium expectamus. Et hoc est contra boni operis naturam: quod si debito modo fiat, semper lætificat conscientiam, & accendit affectum ad aliud bonum faciendum. Eccli. Qui edunt me, adhuc esurient. Sic Deus iussit terram producere herbam virentem, & lignum pomiferum, habens vnumquodque in semetipso generis sui, idest, bona opera tam minora quā maiora: quæ si virent debito vigore peracta, habent semen sui generis in se, idest, desiderium alterius boni, quod quasi germen pullulet ex priore. Si autem ex desidia elanguet, etiā semen ipsius infructuosum manebit, & ideo tædet nos aliud bonum incipere: quia ex iam facto paruū, aut nullum concepimus deuotionis affectum. Omni ergo tempore seruus Dei prouideat, quid illa hora magis sit sibi expediens ut faciat: & quod faciendum viderit, penset qualiter illud congrue & secundum virtutis regulam magis apte perficiat, quantum valet. Sic enim assuefaciendum est corpus & animus, ut ex usu boni operis nullo modo territus, paratus sit sicut seruus fidelis, & agilis, imperanti Domino ad omnia rationabilia seruitia obedire. Sic videmus in seruis secularibus, qui nec præ frigore, vel labore, vel inopia, vel alia difficultate pigritantur dominis suis, pro parua mercede, per longa tetraurum spatia, etiam in periculo mortis obedire, gratum habentes, si pro gratiarum actione, cum redierint, non magnas alapas & vituperia a dominis receperint: nihil de incommodis infirmitatis vel domus, vel hospitij cogitantes. Claustrales vero serui delicati sunt & elati; parum volunt laborare, & bene procurari: & cum illi dominos suos debite honorent, ipsi volunt dominis suis in omnibus esse quasi æquales, voluntate propria pro lege vtentes. Prouerb. Qui delicate seruum suum, idest, corpus suum nutrit, ab infantia scilicet nouitiatus, postea illum sentiet contumacem: vel quia piger erit ad bona, vel ad peccatum procliuior, maxime carnis. Ex consuetudine otij homo mollis & piger efficitur, ut nihil velit pati, vel facere nisi quod libet. E contra fidelis seruus ita debet habitare semetipsum, & mansuefacere, sicut ioculator catulum suum: ut statim cum iubetur saliat de lecto ad orationes nocturnas, & quasi ad nutū rationis sit promptus ad quæque spiritualia exercitia, quæ vel obedientia iusserit, vel charitas fraterna requirit, vel deuotionis studio apta sunt, vel cuiuslibet alterius virtutis.

De velocitate abstrahendi se a malis. Cap. XV.

Secundum est, ut sicut ad agenda bona agilis, ita sit. Sed abstrahendum se velox a quibuslibet malis, statim cum sentit se aliquo eorum interius pulsari, vel exterius occupari, scilicet ab otiosis verbis, a iocis, ab actionibus infructuosis, & maxime a cogitationibus vanis, & affectionibus vitiosis, & carnalibus concupiscentijs, quæ nec ad horam debemus in corde permittere morari, ne offendamus Deū, & sanctos Angelos præsentis, & conscientiam fordidemus, & pœ-

A nam mereamur, & bona quæ possemus cogitare & agere, interim negligamus. Sic Abraham quandoque Deo iubente sacrificia offerens, descendentes supra ea volucres ad dilacerandum vel scedandum sollicitate abigebat. Et nos ne aliquando in Dei conspectu appareamus vacui, quandoque sacrificia ei offerentes, scilicet bonæ voluntatis, bonæ actionis, bonæ locutionis, sacræ meditationis, & piæ affectionis, volucres malarum cogitationum & affectionum statim abigere debemus, ne ea nobis dissimulantibus aliqua tenus maculent, & Deo ingrata efficiant, & nobis inefficacia ad meritum & spirituales profectum. Nec solū carnales & turpes cogitationes statim debemus abigere: sed etiam vanas, & amaras, & gulosas, & similia vitiorum simulacra in cordis nostri templo imaginando non pingamus. Theatra & tabernæ solent secularibus & ludicris fabulis depingi: templum autem sacris historijs & mysticis picturis decorari. Ex qualitate picturæ, consideratur qualitas domus, & domini in ea morantis. Aliquando superbia pingit sibi prælaturas & dominia, famulorum obsequia, & quæque alia pōpōsa. Vana gloria pingit sibi quoslibet ornatus, & vnde posset laus hominum acquiri: aliando etiam sanctitates & miracula, prophetias, & magnas deuotiones, & edificatorias prædicationes, & multa similia ex quibus admiratio oriatur hominibus, & sibi latens laudatio & reuerentia exhibeatur. Sic inuidia fraudes & detractiones; ira rixas & contentiones, bella & conuitia mouet, & pugnat cum absentibus, & lassatur a nullo fatigatus. Sic auaritia pecunias, & diuersa ædificat, & destruit, & acquirit. Qui ergo bonum hospitem Christum non vult effugare de hospitio cordis sui, inimicos eius, scilicet vitia secum non recipiat. Quæ enim conuentio Christi ad Belial? Et quis consensus templo Dei cum huiusmodi idolis? Si citius ejcis hostem de vrbe tua, securus eris. Si tarde obstas ei, inualefcit contra te, & capiet urbem, & occidet te. Sic de cogitationibus malis. Curiositas, quæque pulchra & curiosa depingit. Gula mensas amplas, & varios ciborum & potuum apparatus. Luxuria etiam quæ sibi congruunt fantastice depingit. Hæc sunt idola quæ Deus Ezechiel intra parietem templi depicta ostendit, quæ etiam abominationes appellauit. Hæc de templo cordis nostri sollicitè detergamus, ne fiamus Deo abominabiles, sicut & illa sunt. Ierem. Vsq̃uequo morabuntur in te cogitationes noxiæ?

De pace cordis. Cap. XVI.

Tertium est, ut semper cor pacificum cum omnibus habere studeamus. Quod consistit in duobus, ut nulli malū facere vel cupere studeamus, ut si quis nos in aliquo offendat, patientiæ scuto vtamur. In medio prælij versamur, & difficile est quin sæpe iacula super nos mittantur tam verborum acutorum, quā factorum nobis molestorum, & a superioribus nostris durorum imperiorum & increpationum, quibus clypeum patientiæ opponere debemus, quem clypeum, ut impenetrabilior sit inimici iaculis, munire debemus sanctorum martyrum & aliorum bonorum exemplis, quasi pellibus animalium mortuorum. Iacobus: Exemplum accipite fratres exitus mali, & longanimitatis, laboris & patientiæ, prophetas. Ecce benedicimus eos qui sustinuerunt. Sufferentiā Iob audistis, & finem Domini vidistis. Semper ergo muniti incedamus cōtra iacula verborum, & ictus factorum aduersorum, ut pacem quam exterius non possumus in hac vita sperare durabilem, saltem intus per patientiam conseruemus. Luc. In patientia vestra possidebitis animas vestras.

Gen. 15. b

Quinque sacrificia nostra.

2. Cor. 6. 6

Ezech. 8. d

Ier. 4. d

III.  
Exercitiū.  
Cor pacificum semper habendum.

Iac. 5. 6

Luc. 21. d

De

*De parciſate utendi hiſ que ſunt mundi. Cap. XVII. A* emarceſcunt etiam quę pulchra in homine apparent:

IIII.  
Exercit.  
Mundanis  
rebus par-  
ciſſime uten-  
dum.

**Q**uartum eſt, ut quanto parciſius poteſt quis, quę ſunt mundi utatur & habeat & cupiat. Aliena à nobis ſunt omnia mundana: quia nec natura noſtra ſunt, nec a nobis facta, nec diu nobiſcum manſura, nec ſalus noſtra in iſtis conſiſtit: & ideo habemus ea quaſi a mundo mutata, pro quotidiana, immo pro continua & graui uſura ſollicitudinum & laborum. Quantam putas Principes & potentes & diuites huius ſæculi uſuram omni tempore exoluere pro mutuo ſuo, anxietatis & occupationis & afflictionis? & quomodo ambiant aliena, quomodo augeant, vel custodiant ſua, quę timent perdere per amicos & inimicos, per fratres, uxores & filios? A potentiore timent uolentiam, ab inferiori furtum, ab æquali fraudem. Nulli ad plenum conſidit auarus, omnes ſuſpectos habet, nec tamen poteſt eorum carere conſortio: & ideo nullum poteſt vere diligere, cum a nullo ſe vere diligere ſuſpicetur. Timor enim ſuſpicioſus non eſt in perfecta dilectione. Timet de rebus, timet de corpore propter ſubſtantiam: & tot timoribus plenus non poteſt uſiliter timere de anima, de qua tamen maximum periculum adhuc reſtat. Sicut enim Principes a ſubiectis ſuis exigunt quotidiana ſeruitia & munera ratione officij ſui, & tandem cruciant eos in carcere, & omnino deſpoliant: ſic & mundus poſt multas exactiones uſurarum, ratione ſubſtantię & honoris, quę officialibus ſuis diuitibus mutuauit, tandem omnino euacuatos emittit in carcerem infernalem. Vnde bella & lites in ſæculo, niſi quia mutuo inter nos certatim cupimus præripere alteri, quod uterque non poteſt integre poſſidere? In ſpiritualibus diuitijs nullus ex alterius abundantia patitur detrimentum, cum alijs non ſiſminus ſapiens vel uirtuoſus, eo quod eis alter abundat. Sed ſecus eſt de ſæcularibus diuitijs & honoribus, quia tot neceſſe eſt habere portiones, quor ſunt participantes: & ideo alter alteri inuidet habenti, quod ipſe habere non poteſt. Hęc fuit occaſio quare Lor diſceſſit ab Abraham, & Eſau a Iacob: quia multa habebant pecora & non poterat eos capere terra, ut ſimul, id eſt, concorditer habitarent, rixantibus inter ſe paſtoribus gregum: quia multiplicatis pecorinis deſiderijs, ſcilicet mundanis, fit rixa inter voluntates eorum qui uolunt paſcere ſua deſideria in pratis huius ſæculi: & cum omnibus non ſufficit pro libitu, diuiditur frater a fratre per inuidiæ diſſidium. quę pecora ſi pauca forent, modico contenta eſſent. Zacharias: Paſce pecora occiſionis, quę qui poſſederant, occidebant. quod etiam ſic poteſt intelligi, pecora occidebant eos qui ſe poſſidebant. Auguſtinus: Rixentur immites, & dimicent pro terrenis & temporalibus rebus: beati autem mites, quoniam ipſi hereditate poſſidebunt terram, de qua pelli non poſſunt. Habentes autem alimenta & ueſtimenta quibus tegamur, hiſ contenti ſimus: & quidquid penurię patimur, loco illius Deum in corde ponamus, qui omnia implet. Beati pauperes ſpiritu, ideſt, uoluntate & amore ſpiritualis profectus, quoniam ipſorum eſt regnum cælorum. Quanto enim ſe hic anguſtant in terra nihil cupiendo, tanto in cælo dilatabuntur, & econuerſo.

*De humili æſtimatione ſui. Cap. XVIII.*

V.  
Exercit.  
Studendum  
humilitati  
ſemper.

**Q**uintum eſt, ut ſemper & intus apud ſe, & extra coram hominibus, in omnibus humiliet ſe, & deprimat in ſua æſtimatione, item in uerbis, in geſtibus: & in omni facto ſuo nouiſſimum locum eligat, ſicut fuerit opportunum. Ad humiliandum autem ſe in oculis ſuis, conſideret qualis ſit, quàm uilia & foetida ſunt omnia quę corporis ſunt. unde uenerit, quid erit, quid intus ſit, quàm leuiter

quantum deceptio in honoribus ſæcularibus: quia non honorant etiam diuites qui uidentur; ſed ſua lucra ſequuntur, ſicut canes & aues cadauer; quod cum abraſum fuerit & nudatum, nec plus rodendum in eo inueniunt, relinquunt, & aliud requirunt. Item in anima quanta ſunt ibi uitia & peccata, quanta impuritas & ſimulario in bonis quę facimus, & deſidia & tepor: quanta bona omittimus & negligimus uſilia: quanta inopia uirtutum, quanta cæcitas intelligentiæ, lubricitas memoriæ, inordinatio affectuum: quod mala noſtra pure mala ſunt, & noſtra totaliter ſunt, & bona noſtra nobis tantum mutuata ſunt cum uſura repetenda, & imperfecta & impura ſunt, & ex nobis materiam humiliationis aſſumunt. Verum enim eſt nos eſſe inopes & uiles: & quantum ab hac æſtimatione deuiamus, tantum erramus a ueritate.

*De maturitate & ſerioſitate. Cap. XIX.*

**S**extum eſt, ut ſit maturus & ſerioſus cum quadam ſmæroris dulcedine, non cum tædij amaritudine, vel rancoris. Morum leuitas aliquando poteſt in eſſe bono ad horam, ſed deuoto numquam: ſicut habemus exemplum in uiris perfectis, quos leues in moribus & ad riſum vel iocum pronos rariffime uideamus. Vnde cum uſile ſit homini eſſe in luctu, ideo beatos dicit Dominus hic lugentes: & tot cauſas luctus eis dedit & oſtendit, ſcilicet pro ſeipſis, proxi- mis, & pro Deo. Pro ſeipſis, quia peccatores ſunt, Deum offenderunt, & quotidie offendunt: inopes ſunt uirtutum, tarde proficiunt expoſiti mille periculis, & adhuc dubij an dampnentur, multis miſerijs inuoluti, alieni a Deo, excluſi a regno, proni ad malum, multis ſupplicijs obnoxij, mortis, purgatorii, & inferni. Pro proximis, compatiendo pauperibus afflictis, periclitantibus, peccantibus, dampnandis, tentatis, ſubuerſis, & expoſitis ſimilibus malis, quibus & noſipſi. Pro Deo, compatiendo ei paſſioni, & iniurijs a perfidis peccatoribus ei quotidie illatis, & ſubuerſioni iuſtitię, & animarum perditioni, fidei conculcationi, & ingratitude pro omnibus beneficijs quę omnibus largitur: pro ſcandalis quibus inhonoratur & a famulis ſuis, & multis alijs. Seruus bonus, intus amorem ad proximum habet, exterius plenam benignitatem. Malus autem ſeruus, amarum & faſtidians bonum habet, indignabundus, ſuſpicioſus, rancoroſus, ſine ratione turbulentus & alijs oneroſus. Diſſolutio eſt deuotioni ſicut aqua igni: & qui ducit in conſuetudinē uix deſueſcit maxime ioculari.

*De ſuſpenſione mentis in Deum. Cap. XX.*

**S**eptimum eſt, mentem ſemper habere ad Deum ſuſpenſam, orando, cogitando, recordando, meditando, legendo, attendendo, ac bona contemplando. Vnde quodcumque ſeruus Dei, vel ad modicum Dei non meminit, contremiſcit & dolet, quaſi grauiter offenderit, tanti amici defraudatus intuitu, qui noſtri numquam obliuiſcitur. Cum ſumma beatitudo & gloria conſiſtat in iugi uifiſione Dei, huiusmodi beatitudinis imitatio quædam eſt iugis memoriæ Dei. Iſta eſt meritum, ſed iſta præmium. Quamdiu illum uidere non poſſumus præſentes, ſaltem memoremur eiſ abſentes: tanto quiſque lætius & plenius eum uidebit in patria, quanto frequentius & deuotius eiſ meminerit in hoc exilio. Vnde Pſalmiſta dicit: Prouidebam Dominum in conſpectu meo ſemper, &c. Nec tantum in otio, ſed etiam in occupationibus eiſ eſſe debemus memores, imitatione ſanctorum Angelorum, qui miſſi in miniſterium noſtrum ſic exteriora diſponunt, ut tamen ab intimis numquam recedant. Quanto cælū ampliſ eſt quàm terra, tanto ſpiritualis mediatio & contemplatio lætiores

VI.

Exercit.  
Maturitas  
morum ſem-  
per obſer-  
uanda.

Nota.

Mat. 5. a

VII.

Exercit.  
Mentem ha-  
bere in Deo  
ſuſpenſam.

Pſal. 15. b

Mat. 18. a

riores habet materias & vias, quàm cogitatio terrenorum. Quales autem sint istæ viæ, vel materiæ, & quales profectus & processus meditando & intuendi spiritualia, non est huius temporis, vel materiæ: sed istud pertinet ad septimum spiritualis vitæ processum, qui in sapientia versatur.

*Sequitur processus sextus. Cap. XXI.*

**N**unc de sexto processu, qui in virtutibus puris constat, aliqua simplicibus convenientia & novis in religione competentia proponamus, alta & subtilia magis exercitatis in his reseruantur. Quanto enim quisque altius profecerit, & in anteriora se extendere studuerit: tanto altiora & perfectiora intelliget; tam de his quæ iam attingit, quàm de illis quæ nondum actualiter comprehendit. Sicut qui montem ascendit, quo altius ascendit, eo altius videt quantum adhuc distat a cacumine summitatis: & quod in imo positus æstimauerat esse verticem montis, sublimatus videt vix montis pedem esse: sic & de perfectione nemo proprie nisi perfectus & perfectioni proximus potest loqui. Virtus est ordinatus secundum veritatis iudicium mētis affectus. Sed iudicium veritatis circa quattuor generaliter versatur, circa bonum, & malum, & malum magis malum, & bonum magis bonum. Bonum aliud est corporale & temporale, aliud spirituale & perpetuum, quod sine dubio melius est quàm corporale & temporale. Malum autem aliud est culpæ, aliud est pænæ. Culpæ alia venialis, alia mortalis. Pænæ alia transitoria, alia sempiterna. Malum ergo culpæ peius est quod meretur malum pænæ: quia si culpa non esset, nec pænæ esset. Pænæ vero transitoria minor est quàm sempiterna. Et quia lex veritatis scripta est in corde hominis per iudicium rationis, datæ sunt etiam ei in adiutorium affectiones ad fugam mali & apprehensionem boni: quia in his duobus omnis beatitudo consistit, scilicet in elongatione omnis mali, & in fruitione omnis boni.

**A**ffectiones septem. Septem autem sunt affectiones mentis communiter: spes, timor, gaudium, mæror, amor, odium, & pudor. Harum quattuor ordinantur contra malum, tres autem ad bonum. Nam timor, mæror, odium, & pudor contra malum sunt: spes, amor, gaudium ad bonum se habent. Nam bonum non est timendum, sed optandum & sperandum: nec pro bono est dolendum, sed gaudendum, nisi forte privatio boni timeatur, vel doleatur; quod non est bonum, sed proprie malum. Nam malum est privatio boni vel corruptio. Item bonum non est odiendum, sed amandum: nec de bono pudendum est, sed gloriandum. Gloriatio ideo non dicitur affectio per se, quia sub gaudio comprehenditur & amore. Cum ergo istæ affectiones ordinatæ sunt ad quod debent, iuxta rationis & veritatis iudicium, tunc homo est virtuosus cum sola mala timet, & magis timenda, idest, magis mala plus timet & dolenda dolet, & odienda odit, & pudenda erubescit, secundum plus & minus, sicut ipsa & dolenda & odienda, & pudenda plus vel minus sunt mala. Item cum sola speranda sperat, sicut debet, & amanda amat, & de gaudendis gaudet, secundum quod magis vel minus sunt bona. Summum autem bonum quod est Deus, summe amandum est & ante omnia sperandum, & super omnia in ipso gaudendum, & ea quæ ab ipso retrahunt, summe fugienda & execranda, quæ sunt præcipue vitia & peccata: quia hæc vere & proprie mala sunt, & omnibus mala, & nulli bona, & ad nihilum bona quibus insunt; licet quandoque bonis cooperentur in bonum mala aliena, vel etiam propria post conversionem: ut ex eis magis humilientur & amplius inardescant in amore Dei, qui eos in talibus vitijs toleravit & a talibus liberauit. Sanctis etiã

Simile pulchrum.

Virtus quid.

Affectiones septem.

Summum bonum Deus.

**A** in gloria augebit lætitiā damnatio reproborum: quia gaudebunt se ab his saluatos, in quibus poterant sicut & illi, nisi Deus eos liberasset, incidisse. Multæ sunt aliæ virtutum artificiales diuisiones, secundum quod aliæ dicuntur Theologicæ, ut fides, spes, charitas; aliæ Cardinales, ut prudentia, iustitia, fortitudo, temperantia: item aliæ Politicæ, aliæ purgatoriae, aliæ animi purgati, aliæ exemplares: quas sicut rudis rudibus loquens prætereo: solum illum ordinem sequar, quo virtutes principales septem vitijs opponuntur, cum virtus secundum hunc sensum non aliud sit quàm vitijs carentia: & quanto quisque ab omni vitio purior fuerit, tanto virtuosior est & perfectior.

*De habitu religionis. Cap. XXII.*

**S**icut nucleus in testa vel in cortice, sic est virtus interior ceteris obseruantijs in religione. Omnia enim quæ in obseruantia religionis apparent, inuenta & statuta sunt propter obtinendas & conseruandas virtutes. Cetera autem sine virtute sunt, sicut testa carens nucleo. Et sicut in tabernaculo fœderis plura erant velaminum genera intra se protegentia, vel decorantia sanctuarium, scilicet pelles hyacinthinæ, pelles arietum rubricatæ, saga cilicina, cortinæ, & tabulæ parietum, præter alia: ita in religione plura sunt virtutis tegumenta, vel ad decorem, vel ad custodiam virtutis ordinata; in quibus non pura virtus consistit, sed quædam virtutis umbra, & latentis intrinsecus demonstratio figuralis. Vnde qui istis exterioribus contentus interiora postponit, sic est quasi qui corticem, vel testam vacuum sine nucleo habet. Primum est habitus exterior in vestibus & tonsura: quæ si per se religiosum facerent, etiam simiæ, vel moriones religiosi forent: quibus talis habitus quandoque ioculatorie formatur. Sed hæc sunt tantum signa interiorum, sicut circulus ad tabernam potum venalem designat, & vexillum super Ecclesiam denuntiat dedicationem. Vnde si signa falsa fuerint, decipiuntur homines putantes inuenire significata: ita de ficto religioso, qui exterius in habitu prætenedit quod non habet in moribus & vita. Secundum, sunt exteriores cærimoniales obseruantie: ut inclinationes, geniculationes, & in horis pausationes, & omnes gestus quibus claustrales vtuntur in diuino officio, vel in alijs: de quibus sæpe minus virtuosus maiorem vim faciunt, quàm perfecti & magis deuoti. Tertium, sunt mores exteriores compositi in graduum membrorum disciplina in loquendo, in gradiendo, in totius corporis gestu: quæ etiam curiales sæculares commendabiles faciunt, & sæcularis virtus appellatur: sed religiosus magis competit, licet humiliori & planiori modo. Quartum, sunt opera penitentiae, ut ieiunia, vigiliæ, flagella & aliæ corporales exercitationes & castigationes: quæ licet magis propinquant virtuti quàm præcedentia, tamen non sunt puræ virtutes: quia & hypocritæ possunt habere, & in mortali peccato positi sæpe in talibus exercent seipsos. Quintum, studium familiare ad expurganda vel mortificanda vitia & virtutes vsitandas: ut seipsum humiliare, iræ motus reprimere, luxuriam domare: & ceteris vitijs impugnantibus resistere. Quamuis enim omnia opera bona, sint virtutis exercitia, quia nec opus bonum esset quod nullam virtutem respiceret: tamen aliud est aliquod bonum opus exercere simpliciter propter Deum, & intentionem merendi veniam & gloriam: & aliud est ipsum exercere, non tantum causa promerendi prædicta, sed etiam per hoc obtinendi virtutem sibi coherentem, & vsitandi eam per operis exercitium, & vitium contrarium expugnandi. & hoc est multo vilius quàm illud prius: verbi gratia: Alius orat simpliciter, ut per hoc impetret peccatorum veniam, vel vitam

Virtus in obseruantia, nucleus in testa.

Exo. 26.

Habitus religiosus non facit.



ram æternam: alius etiam præter istam intentionem orat, ut assuefaciat seipsum in orationis studio, & per hoc consequatur gratiam deuotionis, & gustum diuinæ dulcedinis, & gratiam Dei clarius per mentis illuminationem consequatur. Et licet oratio prioris sit bona & meritoria veniæ & gratiæ & gloriæ: tamen intentio secundi cooperatur, ut & celerius & plenius hoc quod expressius desiderat, assequatur. Vnde multum valet ad perfectionem sanctitatis, scire intentionem dirigere ad eam querendam, & studium suum ad hoc ordinare, in tantum ut aliquis faciliori labore, quoad corporale exercitium, maiores mentales virtutes obtineat, qui scit prudenter disponere gressus suos, quam alius difficiliore labore. Exemplum de quolibet perito artifice, qui melius & citius & leuius operatur quodcumque, quam alter imperitus cum labore maiori. Sextum, est ipse nucleus affectualis virtutis, qui est perfectio vitæ actiue & ingressus ordinatus cõtemplatiue: sine illa frustra spectatur puritas cõtemplationis vel stabilitas, sicut aqua fontis non erit pura, quãdium fundus non est mundatus sordibus eiectis. Sicut autem ex nucleo pinguedo olei exprimitur: ita ex affectu virtutis sapor deuotionis procedit, maxime diuini amoris & desiderij cælestis, & gaudij spiritualis, qui nobilior & efficacior est, quàm compunctio timoris vel mœroris. Hi sunt sex dies in quibus operari oportet opus salutis, & cibos vitæ querere, ne ieiuni deficiamus in via hac qua ambulamus: ita ut sexto die duplices cibos colligamus, scilicet bonæ actionis & piæ affectionis: ut in septimo, idest sabbato quiescamus: & toti sani facti a vitiorum languoribus, in requie opulenta vacare possimus diuinæ cõtemplationi, & videre quoniam ipse est Deus, & gustare quoniam suavis est vnueris. Qui sexto die duplices non colligit cibos, septimo inanis remanebit, nihil reperiens de dulcedine cõtemplationis: qui sextum statum, qui est in virtutum affectualium sanitate nondum attigerit, septimi status dulcedine, qui est in sapientiæ gustu & intelligentiæ lumine, non fruetur. Inde est quod Iacob prius de Lia sex filios genuit: post hæc Rachel peperit filium Ioseph decorû aspectu: quo nato cœpit Iacob petere dimitti, & in patriam suam reuerti: quia prius in actiua vita debet homo perfectus esse in sex prædictis profectuum statibus, & tunc gustato fructu vitæ cõtemplatiue cupiet dissolui, & esse cum Christo in patria cælesti, cuius iam psumitis in sapore supernæ dulcedinis prælibauit. Sed quia proficientibus hæc formula scribitur, ut sciant quantum in singulis virtutibus profecerint, vel quantum a perfectione earum adhuc distent, quamlibet ipsarum in tres gradus longe inter se differentes describendo distinguamus, multos medios profectuum passus festinando transilientes propter fastidium deuotandum. Ordo septem capitalium vitiorum hic est. Primum superbia initium omnis peccati, secundum inuidia, deinde ira, acedia, auaritia, gula, luxuria. Huic per contrarium opponitur ordo virtutum, scilicet humilitas contra superbiam, dilectio proximi contra inuidiam, mititas contra iram, charitas Dei contra acediam, contemptus diuitiarum contra auaritiam, sobrietas contra gulam, castitas contra luxuriam. Sed quia teste beato Gregorio, sicut multi arboris rami ex vna radice prodeunt; ita ex charitate Dei ceteræ virtutes oriuntur: ideo de ipsa tamquam de omnium matre & nutrice primo dicamus, & postea de filiabus. Ante ipsam nulla virtus meritoria est. Ipsa enim omnes informat, ut virtutes sanctæ sint; & vigorem tribuit eis, ut sint magis vel minus meritoria & Deo accepta, secundum quod de ipsius nutrimento minus, vel amplius acceperunt: sicut ramus arboris a radice nascitur, & ex succo ab ea procedente nutritur, & ut magis fructificet magnus efficitur. Initia autem singularum virtutum ad incipientes pertinent,

A sine quibus non possunt esse salui & Deo placere ad salutem. Profectus ad religiosos magis congrue pertinent, qui meliores esse debent quàm popularis communitas, vel laici seculares: qui tamen sunt de numero saluandorum. Quid prodest altiora profiteri, & exterius in habitu perfectiora prætere, si in studio virtutum & exercitio operis non distamus ab infimis, qui tamen in spe sunt saluationis? Immo maior est confusio & species fallendi. Magna promittere & exigua persolvere, est potius supplicio dignum quàm præmio. Perfectio autem ad perfectos pertinet, qui transcensio difficultatis obstaculo, & in quo proficere volentes laborant quasi in montis ascensu, iam in ipso culmine, Christo duce constituti, transfigurationis eius gloriam desiderant speculari. Nemo tamen in hac vita, vel perfecte alicuius virtutis apicem valet apprehendere, vel stabiliter in summo gradu semper manere: sed pro modo viæ perfectus quis dicitur respectu inferiorum.

Mat. 17. a  
2. Pet. 1. d  
Nemo in  
hac vita ab  
solute perfe-  
ctus.

## De charitate. Cap. XXIII.

C Charitas, est ordinata & magna voluntas seruiendi Deo, placendi Deo, fruendi Deo. Charitas, dilectio Dei, & amor idem sunt. Tamen beatus Bernardus distinguit ea, dicens: Magna ad Deum voluntas amor est: sed cum lactatur a gratia, dilectio est: cum vero fruitur cui adhæret Deo, charitas est. Diligere debemus Deum super omnia propter tria, quia bonus est in se, nec tantummodo bonus, sed etiam ipsa bonitas est, quia nihil melius vel cogitari, vel esse potest: & quo omne quod aliquo modo bonum est, bonum est. Si enim omne quod bonum est, diligendum est in quantum bonum, ille qui summe bonus est & infinitum bonum est, summe & si possibile esset in infinitum, diligendus est, iuxta meritum dignitatis eius. Item, quia ipse prior dilexit nos, & plus diligit nos, quàm nos ipsi nos. Ille enim qui infinitus est, & cui non est aliud esse quàm amare, quia ipse Deus charitas est, diligit nos pauperes & viles & miseros: & dilexit ab æterno nondum existentes, nondum eum diligentes, immo & nescientes & resistentes & offendentes ipsum: & ideo iustum est nos eum vicissim diligere ex omni quod sumus, & scimus & possumus: ut saltem cum exigua mensura nostræ possibilitatis, fideliter remetiāmur ei diligendo, cuius magnitudinis non est finis. Tertio propter eiusdem dilectionis multiplicem effectum, qui cognoscitur in beneficijs eius: quia non sufficit ei diligere solo affectu, nisi etiam nobis ostendat in effectu. Gregorius: Probatio namque dilectionis, exhibitio est operis. De quibus beneficijs modo non prosequimur causa prolixitatis, alterius temporis opportunitatem ad hoc expectantes. Dilectio autem nostra in tribus consistit, in voluntate, in opere, in affectu. Voluntas informata a ratione, consentit eius consilio, ut velit bonum: & ne otiosa sit voluntas, progreditur in actum boni operis, omnem familiam imperio suo subiectam in adiutorium inuocans, scilicet membrorum corporis, sensuum, & cogitationum: siue ad promouendum bonum, siue ad remouendum malum. Cumq. hoc fideliter fecerit, quasi pro remuneratione, vel releuatione laboris, ex usu exercitij suscitatur etiam ei affectus in solatium, a gratia demulcente sua dulcedine affectum: ut iam non tantum ex instinctu rationis velit bonum, & cum conatu laboris illud agat, sed etiam ex desiderio optet, & per affectum amplectatur & diligat, & contrarium illi odiat & horreat & fugiat, idest malum. Et hæc est vere sanitas voluntatis, cum non tantum ex instinctu rationis cogit se ad volendum bonum, vel faciendum, aut nolendum, aut vitandum malum: sed etiam ex affectu & desiderio mentis amplectitur bonum & odit malum.

Charitas.  
Dilectio.  
Amor.  
Bern. epist.  
ad fratres  
de monte  
Dei. paulo  
post med.

1. Ioan. 4. d

Greg. homil. 30. in  
Euang.

Dilectio nostra  
in quibus  
consistit.

Mar. 8. a  
Exo. 16. e

Psal. 45. c  
Psal. 144. b

Gen. 30.

Philip. 1. d

Septem  
vijs capita-  
libus, septē  
virtutes op-  
ponuntur.

Greg. homil. 27. in  
Euang.

Charitas  
omnes vir-  
tutes infor-  
mat.

Voluntas  
pro facto re  
putatur.

lum. Et hæc est virtus & mens bona, de qua Philosophi multa dixerunt, sed vtiā vere cognouissent eam. Voluntas quandoque sine opere, sufficit ad meritum & debitum, vbi facultas & opportunitas operis non subest, verbi gratia: Pauper libenter subueniret pauperi, sed non habet vnde: diues etiam quandoque libenter id faceret, sed non habet cui: vtriusque ergo voluntas tunc pro facto reputatur. Si autem facultas operis & opportunitas subesset, & non sequeretur effectus operis, tunc non sufficeret voluntas: quia nec volūtas esset cum posset quod expedit perficere, & noller. Quantum enim vis, tantum facis quod expedit cum potes: sed si non facis, non vis.

*De virtutum connexionem. Cap. XXIV.*

Virtutes cō  
nexæ vna  
charitas.

**L**icet etiam multæ virtutes esse videantur, & inter se differentes, vt humilitas alia est quā castitas, & patientia alia est quā misericordia, & sic de alijs: tamen quadam consideratione omnes vnum sunt: & ita quælibet non tantum cohæret, sed etiam inest alteri: vt qui vnam habeat, vere omnes habere dicatur in habitu etsi non actu. Quod ostēdens Apostolus, ait: Charitas patiens est, benigna est; non æmulari; non agit perperam; non inflatur; non est ambitiosa; non querit quæ sua sunt, & cetera. Sicut enim Deus est vnum simplex & perfectissimum bonum, in quo est omne bonum perfecte, & cui nullū bonum deest: ita charitas est vna virtus in se omne habens virtutem: sed propter diuersos effectus eius, ex diuersis intrinsecis occasionibus & actionibus, vel causis illatis, quibus se vel contra malum opponit, vel ad bonum extendit, diuersa officia vel nomina sortitur. Virtus enim secundum Augustinum est amor ordinatus: videlicet vt amet solum quod debet, & quantum debet. Quantum vero amas aliquid, tantum odis & fugis eius contrarium vbi potes. Charitas ergo cum se extendit ad diligendum Deum, dilectio Dei dicitur: cum ad proximum, dicitur dilectio proximi. Cum eius miseriæ compatitur, misericordia appellatur. Cum eius bono congaudet, congratulatio vocatur. Cum æquanimiter aduersa tolerat, patientia dicitur. Cum benefacit se odientibus, benignitas nuncupatur. Cum non extollitur in prosperis inaniter super se, humilitas reputatur. Cum obtemperat superioribus vt iustum est, obedientia est. Cum execratur turpia, castitas est. Cum refecat superflua corporalis necessitatis, sobrietas est. Cum diuitias abijcit, paupertas est. Cum ad pauperes eas liberaliter effundit, largitas est. Cum tædio expectationis promissorum non frangitur, longanimitas est. Cum inter bonum & melius, & inter malum & peius discernit, prudentia est. Cum ius suum cuique tribuit, iustitia est. Cum delectationibus non emolliitur, temperantia est. Cum duris non terretur, fortitudo est. Cum credit credenda, fides est. Cum sperat speranda, spes est. Vnde & Spiritus sanctus & vnicus & multiplex dicitur. Quia cum in se vnus sit, diuersa dona tribuit secundum diuersos donorum effectus: sicut aliqua nobilis & efficax medicina diuersos curationū effectus operatur, vel virtutem confert varia operādi, vt vni acuat visum, alteri clarificet vocem, alij auditum reseret, alij gustū reparet, in alio aliud & aliud operetur. Secundum quod Charitas opponitur septem capitalibus vitijs, septem virtutes format: quæ, vt prædictum est de profectuum gradibus, distinguuntur. Vnaquæque enim virtus (teste beato Gregorio) habet initium suum, & profectum, & perfectionem.

1. Cor. 13.

Augustin.  
Lib. 15. de  
ciuit. c. 22.

Charitas,  
varia fortitur  
nomina  
propter effectus  
diuersos.

Sap. 7. c

Gregorius  
Hom. 15.  
in Exech.  
Mar. 4. c

Charitatis  
& virtutum  
tres gradus

Marci 4. Terra profert germen suum. Primum herbam, deinde spicam, deinde plenum frumentum in spica. Herba est initium virtutis, spica profectus, frumentum plena perfectio. Charitas Dei mater & nutritrix omnium virtutum tres habet gradus: scilicet, initium, medium & summum. sic & aliæ virtutes per

**A** singulas. Nec inconueniens est distinctio. Si enim cælestis hierarchiæ (dicente beato Dionysio) singulæ per ternas differentias distinguuntur; cur non & spirituales virtutum hierarchiæ eundem ordinem in terris imitentur? præsertim cum cælestis pulchritudinis exemplar ad hoc nobis cælitus allatum est, vt, pro viribus studeamus Domino in nobis sanctuariū facere: vt in medio nostri habitare dignetur, secundum exemplar in monte cælesti nobis demonstratū. Vtrum autem qui in primo gradu quasi in infima virtutum hierarchia hic stant, ad infimam in cælo hierarchiam pertineant: & qui in media ad mediam in cælo; & qui in summa ad summam in cælo hierarchiam pertineant, cum illuc Domino perducente venerimus, agnoscemus. Laboremus tantum hic fideliter de virtute in virtutē proficere, certi quod ne quaquam inferior erit retributio gloriæ, proportionata meritorum mensuræ. Luc. Mensuram bonam & confertam, &c. Eadem quippe mensura qua mensi fueritis, remetietur vobis. Eiusdem mensuræ hydra implebitur tibi vino gloriæ in nuptijs cælestibus cuius tu hic implere studueris aqua iustitiæ præsentis, quæ in comparatione cælestis est sicut aqua ad vinum optimum in valore. Mille millium metretæ aquæ fluminis vel marium non valerent vnā electi vini, quoad pretium vtriusque.

Dionysius  
de cælesti  
hierarchia  
cap. 6.

Exo. 25. d

Luc. 6. e

*De tribus gradibus charitatis. Cap. XXV.*

**C**haritatis Dei primus gradus est, sic diligere cōcessa & eis vti, vt tamen illicita deuiter, & amor Dei nullius rei amorem præponat, sicut illi qui sic ea quæ sunt mundi diligunt, vt tamen in eorum dilectione vel cupiditate peccata mortalia deuiter, seruādo quæ Deus præcepit facere, & cauēdo quæ Deus prohibet per præceptum. Si vis ad vitam ingredi, id est, in ingressu vitæ consistere, non in progressu altiori, serua mandata. Secundus gradus potest esse, cum homo voluntarie pleniori affectu & feruentiori, non solum communia contentus est seruare præcepta, sine quibus non est salus; sed etiam ad omnia quæ Dei sunt studiosus est & voluntarius, tam faciendū in se, quā in alijs promouendo & desiderando. Hoc proprium est bonorum religiosorum, qui non solum præcepta Dei, sed consilia ipsius implere, & ipsum specialiter imitando sequi desiderant, omnis iustitiæ doctorem Dominum Iesum Christum. Talibus dicit Bernardus: Non est vestrum circa præcepta communia languere, neque hoc solū attendere quid præcipiat Deus, sed quid velit: probantes quæ sit voluntas Dei bona & beneplacens & perfecta. Quantum enim amas Dominum, tantum studiosior eris promouere beneplacitum eius, vbi potes, & honorem, & cauere eius offensam & inhonorationē. Gregorius: Numquam est amor Dei otiosus: operatur enim magna si est; si vero operari renuit, amor non est. Fidelis autem famulus Dei ea diligentia qua cauet Dominum suum offendere in se per peccatum, ea etiam cauet & dolet eum inhonorari ab alijs per scādalum & malum exemplum: quia indisciplina famulorum redundat in dedecus dominorum. Quis enim famulus fidelis patienter sustineat contemptum domini sui, & iniurias ne dicam promoueat & augeat? Huiusmodi vero Christo Domino non seruiunt, sed suo ventri. Si tu pro velle tuo seruis Domino, ipse te remunerabit pro velle suo. Si autem tu studueris ei seruire pro velle suo, ipse remunerabit te pro omni velle tuo. Mart. In qua mensura mensi fueritis, remetietur vobis, & adjicietur vobis non tantum secundum mensuram sed etiam supra: secundum omne desiderium tuum remuneraberis. Tertius gradus est tanto affectu æstare ad Deū, quod sine ipso quasi viuere non possis, coarctatus desiderio dissoluedi, & esse cum Christo. Talibus est viuere in patientia,

Primus gradus.

Mat. 19. b

Secundus.

Bernard. ep.  
ad fratres  
de monte  
Dei, in  
princ.  
Rom. 12. d

Hom. 30. in  
Euang.

Rom. 16. c

Matt. 7. d

Tertius charitatis gradus.

Phil. 2. d

tia, vel potius in fastidio, & mors in ardenti desiderio etiam per dura tormenta. Hoc desiderium fecit Andream amplecti crucem: Stephanum orare pro lapidantibus, qui ei cælum patefaciebant, quo anhelabat ingredi: Laurentium deridere carnifices: Vincentium prouocare tortores: Agatham lætissime & glorianter ire ad supplicia, quasi ad epulas inuitatæ: & ceteros gloriosos martyres gaudere in tribulationibus, & inimicos diligere persequentes: a quibus ad desiderata gaudia velocius adipiscenda promouebantur. Amici sanctorum desiderant eos secum diu retinere hic: inimici autem eorum dolent eos aliquo tempore secum in mundo morari. Et ideo diligendi eis sunt qui optant & promouent eos: ut hoc citius & plenius obtineant quod super omnia diligunt, quo nihil utilius eis esse potest. Nihil est quod talium valeat æstum extinguere desiderij, quàm diu non datur eis copia de fonte vitæ pro libitu potari, cuius siti mirabiliter cruciantur. Tribus tamen interim vtumque refocillantur guttis consolationum spiritualium: scilicet internæ suauitatis recreatione, sacramentali corporis Christi perceptione, quod deuotis solet esse singulare solatium pro releuando huius exilij tædio: quia & si non manifeste, tamen vere & salutifere ipsum quem amant, suscipiunt Dominum Iesum Christum. Item spiritualis fructus multiplicatione, in quo & animarum profectum & Dei honorem sentientes, exilij sui molestias tolerabilius sustinent spe lucrorum Dei. Vnde sponsa dicit adolescentulis: Fulcite me floribus, scilicet nouæ conuersationis bonæ: stipate me malis, idest, proficientibus, ad perfectionem tendentibus: quia amore langueo, desidero dissolui, & esse cum sponso: ut quàm diu ad hoc differor, saltem consoletur conuersione peccatorum & profectu bonorum: & ita meum exilium erit mihi tolerabilius, si videro alijs esse fructuosum: ut si tardius ad sponsum veniam, tamen plures mecum ducam. Sic & Paulus coarctatus inter desiderium dissoluendi, & profectum subditorum, consolabatur se interim ex eorum profectu, de sua dilatione a regno.

## De dilectione proximi. Cap. XXVI.

Quomodo  
proximus  
diligendus.

1. Ioan. 4. d

Dilectio  
multiplex.

Eccli. 3. b

**D**ilectio proximi ex dilectione Dei nascitur: quia propter Deum & in Deo & secundum Deum, est proximus diligendus. Propter Deum: quia ipse mandauit. Ioan. Hoc mandatum habemus a Deo, ut qui diligit Deum, diligat & fratrem suum. In Deo, idest, ea affectione diligere debet proximum quæ Deum, idest, ea forma. Secundum Deum, idest, ad hoc diligere debemus proximum, ad quod nos diligit Deus, idest, ad salutem animæ & profectum in spiritu, hoc est vere & pure & ordinate diligere. Vere & non fictè, sicut illi qui verbo tantum & lingua diligunt, non opere & veritate. Pure & non ex carnali affectione, non pro vtilitate propria, non ex carnali affectione & seculari societate tantum: quæ & si non sint semper mala, tamen non sunt meritoria, nisi ex spiritali dilectione accipiant condimentum. Ordinate, ut non ad vitia & commoda carnis & temporalem prosperitatem, sed ad æternam salutem. Vnde notandum, quod est dilectio carnalis, & dilectio cupiditatis, & dilectio naturalis & socialis, & est dilectio spiritalis. Carnalis est, quæ carnalibus nutritur: ut inter virum & feminam in copula carnali. Cupiditatis, ut qui diligit pro muneribus: sicut & canis diligit eum qui dat ei cibum. Naturalis, hæc est inter cognatos, & propinquos sanguine vel patria. Hac etiam dilectione diligimus illa, quæ naturaliter delectabilia, & etiam illa quæ naturæ nostræ sunt aliquo modo similia: sicut cum e duobus æque ignotis vni magis inheret affectus, quia forte nobis similior est in natura. Ecclesiasticus: Omne animal

S. Bon. Tom. 7. Pars iij.

**A** diligit suum simile, &c. sic & omnis homo proximum suum. Ista sicut a bonis & a malis, & etiam a brutis habetur, ita bona & mala esse potest, licet originem trahat a natura quæ bona est in se. Vnde in necessitate plus tenemur ex iure naturali propinquiorebus, quàm extraneis subuenire. Socialis est, quæ notos & familiares & contubernales magis diligimus, quàm ignotos & alienos. Ista similiter per se indifferens est: quia & bonos & malos videmus eam habere; boni ad bonum, mali vero ad malum illam conuertunt, fauendo socijs ad quæ volunt.

## Detestatio carnalis amoris. Cap. XXVII.

**S**piritalis dilectio a Spiritu sancto denominata, est, a quo fluit qui amor Patris & Filij dicitur. Illa est quæ mandatur nobis a Domino: & meritoria est per se sola, & duas priores efficit meritorias, quando ab ea reguntur, scilicet naturalem & sociale. Cupidam autem non ordinat, sed tolerat, & temperat, ne excedat: quia magis quærit vtilitatem propriam quàm illius quem videtur amare. Carnalem vero odit & fugit, vel fugat & execratur & exterminat, nec vquam erit fida societas inter eas: & quantum vna ipsarum augetur, tantum altera minuitur: licet inter coniuges propter sacramenti virtutem si moderata fuerit excusetur, sed a spiritalibus qui plenam Deo vouerunt continentiam, tanto magis premenda est carnalis dilectio & euellenda, quanto indecentior apparet macula in candida bysso quàm in rudi sacco. Quæ enim societas luci ad tenebras, & quæ conuentio Christi ad Belial? Vnde bene dicitur in libro Sapientiæ: O quàm pulchra est casta generatio cum charitate! Sed quia solet quandoque se palliare carnalis dilectio sub specie spiritalis, sicut zizania sub tritico; ut de viridario religiosæ vitæ euelli possit, aliquas eius species quasi noxias herbas ad cautelam inexpertis breuiter ostendamus, per quas dinoscatur distantia spiritalis amoris a carnali. Spiritalis enim dilectio nobilis virtus est: & ideo ne vilescat admixtione carnalis amoris, sicut balsamus sophisticatus vilibus liquoribus, vel sicut aliæ nobiles species falsitatis admixtione uitiantur, longe est inde & subtiliter segreganda. Isa. Vinum tuum mixtum est aqua, idest, amor spiritalis vitiatum est amore carnali. Sic prauis caupones vendunt viliora sub specie melioris: & hoc maxime inebriatis & rudibus, qui nesciunt discernere pretiosum a vili. Ioan. Omnis homo primum bonum vinum ponit: & cum inebriati fuerint, &c. Sic sæpe mutatur amor, qui primo bonus & spiritalis uidebatur, cum discretionis & sobrietatis metas excesserit, in carnalem: quia astutus diabolus primo occultat tætionis laqueum, donec amor increseat & tenax fiat (sicut uiscus quo capiuntur auiculæ) ut cum sibi mutuo conglutinati fuerint inseparabili amore dilectus & dilecta, improvidos simul in inguine transfodiat carnalis concupiscentiæ mucrone, cum ab inuicem iam nequeunt separari. Potius namque sibi mutuo consentiunt ad quæque aperta vitia, quàm velint fidem quam iam ex longo tempore integram sibi seruauerunt, aliquatenus violare, vel omnia seruitia perdere, quæ sibi mutuo impenderunt. Et licet hoc cum multo cordis dolore faciant, præualeat tamen amoris violentia, quæ mentis vigorem solita est emollire: sicut Dalila Samsonem fortissimum virum suis blanditijs eneruauit, & ceteris hominibus similem effecit, & spiritu Dei effugato tradidit eum hostibus ligandum, cæcandum, incarcerandum, ad molam trahendum, circumagitantum & illudendum. Nec tædio vincitur hostis nequissimus, nec labore, nec diuturnitate lassatur, si quo modo post longa tēpora potuerit efficere quod intendit, cum ad nihil aliud omni tempore vacet, vel studeat: nec alia cura sit occupatus, nisi quo modo

Ggg sub-

2. Cor. 6. 6

Sap. 4. a

Isa. 1. f

Ioan. 2. b  
Simile elegans.

Iud. 16.

Hostis noster nō dormit, nec vquam fatigatur.

Carnalis  
amoris in-  
dicia.

subuertat bonos, & malos præcipitet in deterius, & A retineat in peccato, & impediatur a profectu salutis. Primum ergo indicium carnalis amoris est, quod cum spiritualis dilectio spiritualibus tantum eruditionibus & edificatorijs collationibus pasci soleat, & nugas & otiosas fabulas fastidiat: isti e conuerso pauca de spiritualibus, & plurima de inutilibus confabulationibus, & maxime de mutua dilectione insatiabiliter ruminant, quantum ipse eam & illa ipsum diligat: ita quod ad huiusmodi colloquia non sufficiat horæ, non dies, non quælibet tempora, sed semper quando conuenire possunt, copiosam habent loquendi materiam indeficienter. Secundum carnalis amoris indicium est, insolentia gestuum & morum, quando sunt pariter se taliter amantes, amorose se mutuo respiciunt: latus lateri, femur femori: manus ad manum tenent & comprimunt: deinde brachia & lacertos, humeros & vbera sub vestibus, & vteriora tangendo blandiuntur. Aliquando amplexus & furtiua oscula iunguntur, & similia: sicut in sæcularibus amatoribus notari potest. E conuerso spiritualis dilectio tantam disciplinam feruat in occulto sicut in publico, quæ nec angulos quærit sed fugit, nisi quando secum quis habitare desiderat, & soli Deo vacare. Cum homine autem colloquens, maxime si vir cum femina loquitur, continet oculos, & manus & omnia membra sub custodia modesta: ita quod etiam studiosus obseruator non inueniret, in quo eos reprehenderet. Tertium est inquietudo cordis: quando sunt absentes cogitando de seinuicem ubi sit ille dilectus, quid agat, quando veniet, quæmdiu me deseruit, si de me cogitet, si ex absentia eius amor circa me forte in aliquo tepuerit: quæm longo tempore iam nihil mihi demandauerit, & quid in causa esse possit: quomodo valet in corpore: & ita suspensio corde nec orare libere potest, nec de Deo quiete meditari, vel aliud agere distracto & occupato animo circa dilectum, nisi quando audit aliquid de eo prosperum, vel loquitur, hoc est ei refrigerium qualecunque. Spiritualis dilectio hæc non curat, sed quiescit in Deo, & amicum suum fideliter in oratione Deo commendat, cum fuerit opportunum sine inutili distractione, comparatur ei & congaudet sicut ratio dictauerit faciendum. Quartum indicium carnalis amoris est, impatientia condilecti; scilicet, si aliquam secum diligat, si benigne aliquam salutet, si aliqua beneficia ei exhibeat: ex quibus timet ne forte amor alterius præualeat, & erga se tepescat, inde dolet & tristatur. Spiritualis autem dilectio E vult omnes secum diligere, & in hoc gaudet: quia charitas est sui communicatiua: & quanto magis dilatur, tanto amplius augetur: sicut ignis quo plura fomenta accipit eo magis excrescit. Quintum est ira & conturbatio: quia tantum (ut vulgo dicitur) se diligunt, quod præ nimia dilectione non possunt sibi parcere a molestia læsionis. Sicut enim metas excedit aliquando eorum dilectio inordinata in blandiendo: ita quandoque excedit in conturbando, maxime cum vnus alterum in aliquo offendit, non satisfaciendo sibi in his quæ desiderat, vel aliam personam, ut ei videtur, plus amando: quia quo tenerior est dilectio, eo molestior est offensio. Inde surgunt querelæ & impropria impensorum beneficiorum, & magnæ fidei, quæ iam perdita videntur apud ingratum. Sequuntur etiam detestationes & iuratoria promissiones, quod nunquam deinceps velit ipsum diligere, qui sic retribuit sibi mala pro bonis, & odium pro dilectione. Aliquando adiunguntur clamores, contumeliæ, vituperia, maledicta, infamationes, prodictiones secretorum, & multa inconuenientia huiusmodi, sicut sæpe experimur. Spiritualis vero amor pacificus est, tractabilis, ignoscens errori & infirmitati proximi, & in spiritu lenitatis instruens in aliquo præoccupatum delicto. Sextum est munuscula &

dulces litteræ amatorij dictaminis, conuiuola, & morfelli ab ore dilecti rapti, & quælibet alia quæ dilectus contrectauit, vel quibus usus est; quæ quasi pro reliquijs venerantur, & pro memoriali conseruantur pro incentiuo continui amoris. E contra sicut dicit Hieronymus, Crebra munuscula, & fasciolas, Hiero. 20. c. & zonas, & prægustatos cibos, & dulces & suaues epist. 2. ad amoris litteras sanctus amor non habet. Puræ orationes, edificatoriæ & in spiritu instructiones, & in necessitate piæ subuentiones sunt spiritualis amoris fulcimenta. Septimum est inordinata dissimulatio vitiorum ad inuicem, scilicet quod ita se diligunt mutuo, quod etiam vitia sua diligunt & fouent: & excusant & astant sibi mutuo contra arguentes & corrigentes ea, confederati ad malum, sicut fur furem, adulter adulterum diligit in malo. Spiritualis autem dilectio cum omnium vitia detestetur, singulariter tamen odit ea in specialiter dilectis. Sicut enim pater magis dolet deformitatis maculam in filio quàm in alieno: sic Deus peccata omnium odit, & tamen quodammodo durius punit ea in amicis suis singularibus quàm in alijs. sicut apparet in Dauid qui grauissime pro peccatis punitus est. Apocal. Ego quos amo, arguo & castigo. Ostensis ad cautelam carnalis amoris indicijs, quæ se quandoque palliant sub specie spiritualis, dilectionis profectus considerando redeamus, & quibus gradibus constant videamus.

De gradibus dilectionis proximi. Cap. XXVIII.

Dilectionis proximi primus gradus esse videtur, Primus gradus. Nullum odire, nulli malum cupere, nullius vel le bonum impedire, in necessitate proximo auxiliu subuentionis non subtrahere: & breuiter, ut nulli faciat malum vel cupiat cum voluntatis consensu, & bonum proximo optet & faciat, sicut sibi velle deberet si indigeret. In his duobus consistit impletio illius præcepti, Diliges proximum tuum sicut teipsum. scilicet quod tibi odis ab alio fieri, tu ne alteri facias. & quæcumque vultis ut faciant vobis homines, & vos facite illis. Hæc est Lex & Prophetæ. Hoc enim docet lex naturæ & scripturæ, pariter secundum expositionem sanctorum orthodoxorum. Profectus dilectionis est, sic alterius profectui congaudere, & bonum alterius diligere quasi proprium, & sic eius aduersitati compati sicut propriæ, vel aliena lucra, sua deputare ex affectione pietatis. Ad Romanos: Gaudere cum gaudentibus: flere cum flentibus, id ipsum inuicem sentientes. Item sic bona aliena vel mala sentire sicut propria. Ad Corinthios: Quis enim infirmatur, & ego non infirmor, &c. Vbi autem talis inest affectus, ibi necessario non deerit subuentionis effectus, quantum paritur opportunitas. Sicut enim sana membra corporis congaudent sibi: & compatiuntur mutuo: ita apparet illum affectum sanatum esse a stupore insensibilitatis vitiosæ, qui iam nouit intelligere quæ proximi sunt ex seipso. Ad Ephesios: Sumus enim inuicem membra. Vnde Dominus noster Iesus Christus, a quo omnis doctrina perfectionis nobis influit, sicut membris a capite sensus & motus, deputat sibi fieri quicquid membris etiam infirmis infertur: sicut ipse dicit, Quod vni ex minimis meis fecistis, mihi fecistis. Perfectio dilectionis proximi est, diligere inimicos ex affectu, & ea dulcedine erga odientes & persequentes se affici, sicut erga singulariter dilectos, & non solum res temporales, sed etiam corpus pro fratribus ponere paratum esse, non tantum pro spe præmij martyrij, sed magis pro affectu fraternæ salutis. Hanc Christus docuit, qui pro peccatoribus inimicis suis mori dignatus est: ut illa peccata, quibus ipsum offendimus & contempsimus, expiaret. Ioannes: Maiorem hac dilectionem nemo habet, ut animam suam ponat quis pro amicis suis. Hanc didicerunt ab ipso sancti,

Mat. 19. c.  
Mat. 22. d  
Tob. 4. c  
Matt. 7. b

Secundus  
gradus.

Rom. 12. c

2. Cor. 11. g

Eph. 4. c

Mat. 25. d  
Gradus ter-  
tius.

Ioan. 15. b



*Greg. lib. 3.* Et, qui se morti pro fratribus obtulerunt, qui se in seruos pro aliorum redemptione vendiderunt: ut Paulinus, qui ut aliorum fami consuleret, ipse fame cruciatur: qui pro interfectores suis deuote orabant; & sua benignitate, inimicorum suauitatem lenire, & malum in bono vincere studuerunt. Hanc Ioseph patriarcha, Moyses, Samuel, & Dauid, Iob, & alij quamplures sancti, multipliciter ostenderunt. Et reuera tales sunt vere sapientes, qui sic diligunt inimicos: quia centies maiora bona præstant eis persequendo quam subueniendo: sicut qui raperet mihi talentum plumbi, & poneret in eundem locum talentum auri puri. Quid potest homini sancto nocere inimicus? Honorem mundi, vel delicias, vel diuitias, ex quibus nutritur carnalis concupiscentia, potest ei aduersarius subtrahere, spoliando, detrahendo, persequendo: sed ista sancti non amant: ideo non contristantur, cum ista subtrahuntur eis. Nam si ista quæ mundi sunt diligenter, & de amissis valde dolerent, non esset charitas Dei Patris in eis. Cum ergo aufert eis mundana inimicus, quæ eis sunt odiosa, & onerosa, cumulantur eis dona spiritualia, & merita celestia. Vnde Dauid: Iudicia Domini vera iustificata in semetipsa: desiderabilia super aurum & lapidem pretiosum multum, & dulciora super mel & fauam. Et qui occasionem dat homini tanti lucri, merito est ei diligendus. Matthæus: Diligite inimicos vestros, benefacite his qui vos oderunt. Orate pro persequentibus & calumniantibus vos, & erit merces vestra multa, & eritis filij Altissimi, & cetera.

## De humilitate. Cap. XXXIX.

**N**unc dicendum de humilitate: ubi sciendum, quod vera beatitudo consistit in cognitione summæ veritatis, & dilectione summæ bonitatis, & in fruitione æternæ iucunditatis. Omnes autem virtutes ordinant nos ad ista tria: & ideo quanto quisque magis fuerit ordinatus in virtutibus, tanto magis capax erit supernæ beatitudinis. Sicut ergo charitas ordinat nos ad bonitatem, ita humilitas habet nos ordinare ad veritatem. Humilitas est ex intuitu propriæ conditionis, vel fragilitatis, voluntaria mentis inclinatio. Bernardus: Humilitas est virtus, qua homo verissima cognitione sui sibi metipsi vilescit. Duo sunt quæ admonent nos ut humiles simus. videlicet: quod sumus, & quod non sumus. Quod sumus, non habemus a nobis, nec ex meritis nostris: & ideo non oportet nos inde extolli, quia alienæ potestatis est & bonitatis quidquid boni sumus & habemus: & inde solus ille extollendus est, cuius gratia sumus id quod sumus. Hæc est humilitas sanctorum & magnorum, qui quanto maiores se vident, tanto magis humiliant se in omnibus quæ habent, totum reddentes illi a quo totum habent: quia furti reus est, qui sibi aliquid retinet de his, quæ sibi commodata sunt inuito domino, cum ipse dicat: Gloriam meam alteri non dabo. Profectum nobis libenter communicat in donis suis, sed gloriam sibi seruat. Quod autem non sumus, similiter monet nos humiliari: quia vana & inanis gloria est, extolli de eo quod non est, vel si lutum gloriatur se esse aurum, & nanus iacet se esse gigante, & mendicus credat se esse regem, & Æthiops niue candidiorem. Apocalypsi: Dicis quia diues sum, & nullius egeo: & nescis quia tu es miser, & miserabilis, & pauper, & cæcus, & nudus. Hæc humilitas est pauperum & imperfectorum, qui considerata sua inopia & imperfectione, in comparatione sublimitatis aliorum, resiliunt in se, & ex iudicio veritatis sibi metipsis vilescunt. Sic Dominus nos cæcos natos, per nostri ignorantiam, illuminat, lutum vnde facti sumus liniendo super oculos nostros: ut primo incipiamus nos ipsos agnoscere, deinde ipsum illuminatorem nostrum credendo proni adorare.

S. Bon. Tom. 7. Pars iij.

**A** Ex luto visum recipit, qui ex conditionis propriæ fragilitate seipsum humiliatus agnoscit.

## De humilitate ad nos ipsos. Cap. XXX.

**T**riplicem vero humilitatem habere debemus. Humiles enim esse debemus in nobis, humiles ad proximum, & humiles ad Deum. In nobis debemus esse humiles, nosmetipsos ex consideratione propriæ vilitatis despiciendo: ut omnia quæ in nobis despiciabilia agnoscimus, tam in naturalibus defectibus quam fortuitis, & maxime culpabilibus & vitiosis diligenter attendamus, ut ex eorum intuitu apud nos humiliemur. Secundo in nobis simus humiles, mores & gestus humiles habendo, & verba humilia & responsa. Vnde Dauid: Quasi lugens & contristatus sic humiliabar. Tertio, ut in humilibus obsequijs, operibus, & officijs nosmetipsos exerceamus, in quibus apparet vilitas, & quæ alij horrent & despiciunt: ut sordes purgare, rusticalia opera facere, & vestibus vilioribus contentos esse, & cibis & alijs similibus. Vnde Dauid: Ludam & vilior fiam plusquam factus sum, & ero humilis in oculis meis.

## De humilitate ad proximum. Cap. XXXI.

**A**d proximum debemus esse humiles. Primo, meliores & digniores ipsos nobis reputando, non eos despiciendo, vel temere iudicando. Vnde Apostolus ad Philipenses: Humilitate superiores sibi inuicem arbitantes. Secundo, honore exteriori inuicem præuenientes, reuerendo, inclinando, locum primum ubique præbendo, non eis detrahendo, sed obediendo, obsequendo, promouendo: & eos apud ceteros exaltare, & facta eorum commendare, laudare, & extollere, dummodo bona sint, & mala eorum tegere, non fide sed pure. Tertio, patienter eorum infirma opera tolerare, & læsiones sustinere, si quas inferunt nobis, & malum pro malo non reddere, nec odium, nec iurgia, nec clamores contra eos exercere, & correptiones eorum patienter recipere. Psalmus: Cum mihi molesti essent, humiliabam animam meam. Item proximorum alij sunt æquales nobis, alij superiores, alij subditi. De æqualibus plana est regula prædicta. De superioribus addit Apostolus; scilicet, Obedite præpositis vestris & subiaceat eis. Obedire pertinet ad impletionem iussionis eorum, subiaceret & humiliter eis subesse, quasi vicarijs Dei, omni subiectione secundum Deum. De prælatis ergo tres regulas nota: Prima Ecclesiastici: Rectorem te posuerunt, esto inter illos quasi vnus ex eis. Secunda, ad Thesalonicenses: Facti sumus paruuli in medio vestrum, tamquam si nutrix foueat filios suos, & cetera. Tertia Lucæ: Ego autem in medio vestrum sum, sicut qui ministrat. Secundum has tres regulas rector inter subditos sit, quasi vnus ex illis communis in victu, in vestitu, in labore, & in alijs exterioribus. Sicut paruulus in medio eorum; ut ex hoc quod præest eis, non putet se sanctiorem, vel alijs sapienterem vel digniorem, sed viliorē & obligatiorem in reddendo rationem pro se, & pro illis. Sit quasi ministrans in medio eorum, infirma eorum portando, & curando, & exemplo præeundo.

## De humilitate ad Deum. Cap. XXXII.

**A**d Deum debemus esse humiles. Primo, ut ipsum esse Deum, ac Dominum, & iudicem nostrum humiliter cognoscamus, & ei in omnibus obediamus, sicut serui domino suo, & opus factori suo: & si peccauerimus ei, ut cito & digne pœniteamus, & satisfaciamus, & emendemus. Secundo, ut flagella eius humiliter toleremus, & non remurmuremus correpti: sed iustum eius iudicium commendemus,

G g g 2 &amp; nos



*Mich. 7. b* & nos correptione dignos agnoscamus, dicendo : A  
*Rom. 8. f* Iram Domini portabo, quoniam ipsi peccavi. Ter-  
*Psal. 113. b* tio, ut de beneficijs eius non extollamur : sed agno-  
 scamus quod non pro merito nostro, sed pure pro  
 sua bonitate dilexit nos, & elegit nos, & vocavit nos,  
 & iustificavit & magnificavit nos. Vnde debemus ei  
 gratias pure & humiliter referre, & nihil nobis de bo-  
 nis eius ascribere arrogando. Vnde Psalmus : Non no-  
 bis Domine, non nobis : sed nomini tuo da gloriam.

*De triplici gradu humilitatis. Cap. XXXIII.*

*Primus gra-*  
*us suam a-*  
*gnosceret vi-*  
*litatem.*  
**L**icet autem ex prædictis possint gradus humilita-  
 tis discerni, tamen ut magis in promptu sint ad  
 intuendum, nota tres gradus humilitatis, licet mul-  
 tum inter se distantes. Primus est, ut homo se, quod  
 est, vilem, infirmum, inopem boni, vitiosum, pec-  
 catorem, & si quos alios defectus habeat, agnoscat &  
 sciat : & non mentiatur sibi, esse se maiorem quacum-  
 que dignitate fulgeat, & non eleuet se supra se, quasi  
 in ventum, vel super alios insolenter ; nec vanas lau-  
 des hominum, vel honores quærat, & si aliquando  
 delectatur eum aliquod istorum, semetipsum redar-  
 guat & castigat quasi deceptum, & in quo veritas non  
 sit. Vnde Psalmus : Filij hominum, ut quid diligitis  
 vanitatem & queritis mendacium ? Cum enim Deus  
 omnia possit, ut quid non fecit nos æquales Angelis  
 in gloria, nisi ut ipsa depressio nostra humiliet nos,  
 ne eleuemur sicut seducti & seductores Angeli, &  
 corruamus & pereamus ? Inde est, quod cum Deus  
 in baptismo tollat penitus reatum peccati originalis,  
 poenam tamen corruptionis non tollit in hac vita : ut  
 semper maneat nobis memoriale humiliationis, quo  
 cauti simus ne superbiamus sicut primi parentes no-  
 stri, ex quorū superbia & transgressionem omnes cor-  
 ruimus in culpam, & poenam miserie quam portamus.  
 Secundus gradus potest dici, cum non solum  
 seipsum agnoscens homo, spernit se pro vilitate sua,  
 sed etiam ab alijs sperni se patienter accipit ; immo  
 quia veritatem amat, & se priuato amore non diligit  
 contra veritatem, etiam desiderat ab alijs reputari ta-  
 lis qualem se reputat, scilicet vilem, vitiosum, &  
 ignobilem, & qualem seipsum homo in veritate co-  
 gnoscat, inquantum credit agnoscendi non obesse.

*Psal. 4. a*

*Secundus*  
*gradus est*  
*sui gaudere*  
*contemptu.*

*Greg. lib. 1.*  
*Dialog. c. 5.*

*Humilitas*  
*virtutū ma-*  
*ter & cu-*  
*ros.*

*Rom. 8. f*

*Cur simus*  
*virtutū ino-*  
*pes.*

*Pron. 3. d*  
*Iac. 4. b*  
*Tertius gra-*  
*us est ma-*  
*gnis virtu-*  
*tibus nō ef-*  
*ferri.*

Gregorius : Sicut superbi honoribus, ita plerumque  
 humiles sui despectione gaudent : quia iudiciū quod  
 de se intus habent, ab alijs sentiunt approbari. Item  
 cum dolet homo, & fastidit honores sibi exhibitos,  
 & vilipendit. Iste gradus altus est, & satis rari sunt,  
 qui eum ascenderūt, etiam inter religiosos & bonos.  
 Vnde non est mirum si inopes simus virtutum, cum  
 matrem & custodem virtutum, scilicet humilitatem,  
 tam alienam a nobis sentiamus. Quid enim causæ est,  
 quod ille qui est diues in misericordia Pater cœlestis,  
 qui etiam pro dilectione qua dilexit nos, proprio Fi-  
 lio suo non pepercit, sed pro nobis omnibus tradidit  
 illum ; quid inquam causæ est, quod nos tam inopes  
 gratiarum & virtutum reliquit, quasi non sit ei cura  
 de nobis ? Nimirum aut delidia nostra in causa est,  
 quod non instantanter querimus eum ut debemus : aut  
 superbia ; quia etsi querimus instantanter, videt tamen  
 nos Deus pronos esse, ut inde extollamur, & fieret  
 nobis ipsa donorum eius sublimatio altioris occasio  
 ruinæ. Altiora ædificia profundiori fundamento in-  
 digent, & arbor excelsa si radicata profunde non fue-  
 rit, facilius ventorum impulsu evertitur. Qui ergo  
 cito desiderat virtutis culmen attingere, studeat se in  
 humilitatis fundo solidare : quia Deus superbis resi-  
 stit, humilibus autem dat gratiam. Tertius gradus  
 humilitatis est, quando etiam in magnis virtutibus  
 & donis & honoribus homo nihil extollitur, nihil si-  
 bi ex hoc blanditur, totum illi refundens, & in inte-  
 grum restituens, a quo fuit omne bonum. Talis fuit

humilitas beatæ Virginis, quæ cum electam se sciret,  
 ut mater Dei fieret, ancillam eius humiliter se reco-  
 gnouit, dicens : Respexit humilitatem ancillæ suæ. *Luc. 1. e*  
 Talis est humilitas Christi, qui cum in forma Dei es- *Philip. 2. a*  
 set, non rapinam arbitratus est esse se æqualem Deo,  
 sed seipsum exinaniuit, &c. Matthæus : Discedit a *Matth. 11. d*  
 me, quia mitis sum & humilis corde. Talis est humi-  
 litas Angelorum & sanctorum in gloria, qui cum  
 sint pleni summo bono, & honore summo sublimati,  
 nullum motum habent de hoc superbiæ, sed sunt in  
 se eo humiliores quo altiores in Deo : vnde & ouib-  
 us in montibus in Euangelio assimilantur. Ouib-  
 us propter humilitatis mansuetudinem, in montibus *Matth. 18. b*  
 propter altitudinem dignitatis. Hæc est humilitas *Humilitas*  
 perfectorum, qui quanto maiores sunt, tanto magis *perfectorū.*  
 humiliantur in omnibus ; in sensu, in affectu, in ver-  
 bo, in actione, in habitu. Vnde Psalmus : Domine *Psal. 130. a*  
 non est exaltatum cor meum, &c. Si enim humiliat-  
 ur & despicit se, qui non habet unde gloriatur, sed  
 multa habet unde confunditur ; licet bona sit ista hu-  
 militas, tamen non miranda. Ut si filius rustici non  
 vult filius regis putari, laudanda est in eo simplex pu-  
 ritas, sed non prædicanda, nec ex hoc miranda hu-  
 militas. Item si pauper se pauperem reputat, & ab  
 alijs vult pauper agnosci, veritati consentit in istis :  
 sed non est admirationi talis humilitas. Si vero diues  
 se pauperibus conformat, & altus nihil altum sapit,  
 & gloriosus nihil de gloria sibi attribuit, sed totū re-  
 fundit ei a quo habet unde gloriosus videtur ; hic est  
 humilis nō cogente necessitate, sed veritatis charitate.

*De patientia. Cap. XXXIV.*

**E**X charitate & humilitate nascitur virtus patien-  
 tiæ : hæc ordinat nos ad fruitionem summæ pa-  
 cis. Nihil enim pati molestiæ, est pacem habere :  
 quod fit duobus modis, scilicet aut nullā molestiam  
 sentiendo, quod erit tantum in patria : aut molestias  
 moleste non ferendo, quod est magnanimorū etiam  
 in via ; & hæc est patientia. Magnanimus enim est *Magnani-*  
 qui ad vniuersa sustinenda patiens est, qui nullis pas- *mus.*  
 sionibus perturbatur. Patientia est æternæ gloriæ res- *Patientia*  
 pectū, volūtaria & insuperabilis perpessio laborum. *quid & quo*  
 Patientia alia est simulationis, alia necessitatis, alia *tuplex.*  
 virtutis. Simulationis est, quando aut pro humana  
 gloria aliquis patientem se in aduersis ostendit, aut  
 cum interim dissimulat iniuriam quam patitur, ut in  
 aliud tempus opportunum differat ultionem. Gre- *Greg. ho-*  
 gorius : Qui mala proximi ita tolerat, ut tamen in- *mil. 35. in*  
 trinsecas doleat, & tempus retributionis exquirat, *Euang. in*  
 patientiam non exhibet, sed ostendit. Patientia *med.*  
 necessitatis est, cum aliquis ideo aduersa vlcersi non  
 præsumit, quia non potest, vel non audet, timens si-  
 bi maius ex hoc imminere dispendium, vel commo-  
 dum deperire : ut serui a dominis verberati, vel pau-  
 peres a diuitibus obiurgati, vel discipuli a magistris  
 castigati. Patientia virtutis est, de qua beatus Augu- *Aug. 10. 4.*  
 stinus ait in libro De patientia : Patientia est, quæ ma- *de patient.*  
 la æquo animo toleramus : hoc est, sine perturbatio- *cap. 2.*  
 ne tristitiæ. Prima vitiosa est, & meretur supplicium :  
 F secunda cauta, & euadit temporale dispendium ; ter-  
 tia virtuosa, & meretur gratiam in præsentia, & glo-  
 riam in futuro.

*De probatione patientia. Cap. XXXV.*

**O**mnis passio, aut est ex eo quod negantur, vel au-  
 inferuntur nobis concupita & amata : aut quod  
 inferuntur & intentantur nobis odio habita & nocua,  
 quæ possumus diuidere in quinque, in quibus patien-  
 tia discernitur vel probatur. Primum est, corporis  
 læsio : secundum, temporalis penuria substantiæ :  
 tertium, detrimentum honoris : quartum, carorum  
 offensio, vel subtractio : quintum, tranquillitatis men-  
 tis

tis quęcumque perturbatio. Istud tamen omnia priora sub se continet, licet etiam per se singulariter aliquoties valeat discerni, & sine alijs reperiri, vt sublata aliqua lætitia, vel consolatione minus utili, vel nocua, verbi gratia: vt cum propter pluuiam, vel aliam innoxiam causam non possumus spatari, vel alios conceptus animi perficere pro libitu. Cum autem turbamur pro defectu iustitię, vel nocumento salutis æternę, hæc turbatio non est impatientię deputanda, sed zelo iustitię & virtutis, nisi sit immoderata, vel indiscreta. Vnde ad Corinthios: Tristitia quę est secundum Deum, pœnitentiam in salutem stabilem operatur, &c. Patientia directe opponitur vitio irę, sicut charitas Dei opponitur acedię, & charitas proximi inuidię, humilitas superbię. Sicut autem irę vitium hominem stultum, & furioso similem reddit iuxta illud Iob: Vere stultum interficit iracundię: ita patientię virtus sapientem ostendit. Prouerbia: Doctrina viri per paciētiā noscitur. Sicut ergo pro prædictis quinque causis se non turbare, virtus patientię est; ita pro defectu iustitię non turbari, vitium est teporis, vel obstinationis. Pro se enim quilibet contristari debet pro præteritis defectibus iustitię, & tunc est virtus pœnitentię: pro præsentibus, & tunc est feruor proficiendi: pro futuris, & tunc est cautela timoris. Item pro proximis contristari debet homo; moderate tamen pro temporalibus eorum defectibus; amplius autem pro spiritualibus, & quę pertinent ad salutem animę. Ad hoc autem maxime prælati tenentur, qui si patienter subditorum vitia tolerent non corrigendo pro posse, ex hac patientia non glorię meritum sperare debent, sed iram Dei; cuius damna, & iniurias cum cauere & prohibere debuerint, tolerando fouerunt. Vnde & Heli, quia filiorum suorum mala non acriter redarguit, iram Dei cum pœna sensit. Et quamuis aliqua differentia esse videatur inter patientiam, & fortitudinem, & constantiam, & magnanimitatem, & longanimitatem, & mititatem, & mansuetudinem, sicut etiam ex eorum definitionibus colligitur, tamen sæpe vnū pro altero ponitur, & mutuo se inter se definiunt, vel describunt. Patientia, est honestatis causa, rerum difficultium voluntaria perpassio. Fortitudo, est immobilis inter aduersa animi laborum & periculorum æqua susceptio. Constantia, est inter fluctuantes causas & personas nulla mentis trepidatione concuti. Magnanimitas, est difficultium spontanea, & rationalis aggressio. Longanimitas, est spes cum longa expectatione bonorum. Mititas, est quam mentis asperitas, seu amaritudo non afficit. Mansuetudo, est animi tranquillitas, alterius non cedens improbitati. Possent etiam singula istorum singulis tolerandis quoquo modo appropriari. Verbi gratia: Patiens dici potest, qui dolores æquo animo tolerat, vt Iob, Tobias. Fortis est, quem tentationum certamina non eneruant, vt Ioseph. Constans, quem terrores & labores non pusillanimitatem faciunt, vt Machabæi. Magnanimus, qui ardua & difficilia aggredi non expauescit, vt Dauid, Ioannes Baptista. Longanimis, quem longa expectatio a spe desiderij non frangit, vt Abraham. Mitis est, qui odientium iaculis nequaquam irritatur, vt malū pro malo retribuatur, vt Moyses. Mansuetus, qui corde tranquillus est, & moribus tractabilis, vt Ioannes Euangelista.

Ad quid valet patientia. Cap. XXXVI.

Patientię effecta.

Valeat autem virtus patientię ad multa. Primo tolerabilia reddit præsentis vitę incommoda: quia aduersitas quando cum impatientia est, triplex incommodum dat: extrinsecus homo affligitur, & intrinsecus per impatientiam amaricatur, & insuper finalis conscientia rodit mentem pro reatu culpę. Secundo, patientia est magna mentis refectio: quia si-

S. Bon. Tom. 7. Pars iij.

cut corpus pascitur conuiuio, ita mens virtutum dapibus saginatur. Tertio, magna est ædificatio proximorum, & tanto maior, quanto rarior. Plures videmus castos, abstinentes, pauperes, semetipsos humiliantes, eleemosynas facientes, orationibus instantes, bona dicentes, fide constantes: sed paucos admodum in contumelijs, & detractionibus, & despectionibus humiliter patientes. Excusamus & defendimus nos, ne forte alij scandalizentur de nobis, putantes nos esse culpabiles si taceamus: cum ex hoc magis reprehensibiles iudicemur, quod per impatientiam nos vindicamus, & mordentes nos acriter remordemus. Sicut dicit Gregorius: Imitanti Deum gloriosius est iniuriam tacendo sustinere, quàm respondendo superare. Quarto, patientia purgat peccata præterita, & præcauet a futuris. Quinto, auget gratiam in præsentibus virtutum, & spiritualium donorum. Iuxta illud Psalmi: Secundum multitudinem dolorum meorum in corde meo, consolationes tuę lætificauerunt animam meam. Sexto, meretur magnam gloriam in cælo. Lucas: Gaudete & exultate, ecce merces vestra multa est in cælis. Septimo, singularis est retributrix passionis Christi. talia enim studeat rependere, qualia ab eo accepit, qui dolores nostros portauit. Et hæc est singularis lætitia sanctorum in tribulatione patientium & gaudentium, quod sic occasionem habent & opportunitatem aliquo modo retribuendi Domino pro illa magna charitate, qua pro nobis animam suam posuit, saltem aliquid sustinendo: quia bonorum nostrorum non indiget, vt aliquid ei de nostro dare possimus. Cum in iudicio veniens ostendet indicia passionis suę omnibus, magna erit confusio illis, qui pro ipso nihil pati voluerunt: & magna gloria illis, qui pro ipso multa & magna patienter sustinuerunt. Signum etiam specialis dilectionis videtur, cui dat Dominus aduersa pati, quasi impari ei dignetur partem oneris sui portandi, sicut ille Simon Cyrenæus crucem Dominicam portauit. Solent enim socij in via cum lassantur, rogare eos, quibus plus confidunt, & quos diligunt specialius, vt partem oneris sui pro se ad horam ferant: vt hoc quasi indicium sit illis, quod maiorem habeant de eorum dilectione fiduciam, quibus onera sua portanda imponunt, quàm de illis quibus formidant imponere, ne forte nolint æquo animo portare. Sic & Dominus qui nobiscum est omnibus diebus in via hac qua ambulamus, lassatus vsque ad mortem labore suę passionis, quærat quis nostrum velit ei compari, & onus tribulationum suarum, quod adhuc in corpore suo mystico, quod est Ecclesia, sustinet, secum portare: quia hanc passionem quam caput in se pro nobis instituit, & sustinuit in carne, diuisit per omnia membra fidelium suorum: vt sicut oportebat pati Christum, & ita in gloriam suam intrare, ita & membra eius, si capiti fideliter compatiuntur, & conglorificabuntur: sicut socij fuerint passionis, ita & resurrectionis erunt. Qui enim plus compassus Christo fuerit, etiam propius cum eo regnabit.

De gradibus siue profectibus patientia.

Cap. XXXVII.

Gradus siue profectus patientię. Primus, vt dicat homo motus irę & impatientię per pugnam cohibere & reprimere, ne erumpat foras in verba, vel facta illicita. Sicut ignis suffocatus fumo suo extinguitur, si autem non cohibetur crescit, & omnia quę attingere poterit cremabilia incendit. Quattuor autem modis solet ignis extingui, perfusione, obstructione, dissipatione, & defectu materię. Simili modo ignis impatientię deferuescere consuevit. Perfusione prudentium consiliorum: vt mature deliberet homo quantum ei nocere possit impatientia, & quantum patientia prodesse. Quę quia superius de remedijs

Patientia rara est.

Greg. homil. 18. in Euang.

Psal. 63. d

Luc. 6. d

Isa. 51. b

Psal. 15. a

Mat. 24. c

Luc. 23. d

Mat. 27.

Luc. 24. d

Rom. 8. c

2. Cor. 1. b

Gradus I.

In verba & facta illicita non erumpere.

Quomodo ignis ita impatientia extinguitur.

Ggg 3 dijs

dijs dicta sunt, prætereo immorari. Obruitione vel obstructione oris & labiorum, ne lingua proliat in verba falsa & nugigerula, vel ne manus erumpat in facta furibunda. Vnde Psalm. Pone Domine custodiam ori meo. Dissipatione, ut ad alios actus vel tractus homo se conuertat, quibus abstractus obliuiscatur materię qua succensus est ad iram: sicut cum ligna dissipantur a se inuicem, ignis diuisus deficit. Defectu materię, ut homo abstrahat se ab illis negotijs & cupiditatibus, quę solent ministrare occupationes irę & impatientię. Prouerb. Cum defecerint ligna, extinguetur ignis, & susurrone subtracto, iurgia coquiescunt. Susurratio est occulta suggestio, quę hominem instigat ad materias litium. Secundus gradus patientię est, cum ex longo usu patiendi & impatientiam refrenandi, homo didicerit iam non terri vel turbari aduersis; sed quasi in loco munito inconcussus circumcursantes aduersarios intuetur, quos nihil sibi posse nocere confidit. Tamdiu autem homo aduersis terretur, quamdiu aliquid diligit temporale in se vel extra se, quod timet perdere, vel dolet, ut corpus, res, honores, amicos, & propriam voluntatem. Qui autem ista inordinate non diligit, sicut non valde delectatur in eis, ita nec grauius contristatur pro eis: sicut qui vxorem non dilectam habet, nec de vita eius iocundatur, nec de morte contristatur. Quid igitur potest tibi aduersarius nocere vnde turberis? Si odit te in corde suo, malum suum intra semetipsum clausum est, & nihil te tangit poena illius. Tantum tu esto in pace apud te. Ignis in sinu alterius inclusus illum urit non te. Si verbum dixerit contra te, ventus sonans pertransit per aerem, non iaculum tibi infixit. Sicut ergo rideres, si iaculum contra te missum casso vulnere aerem ferirer, & te non contingeret; ita facito ad verba maledicorum. Canis latrat contra te, & ridendo pertransis; si detrahit tibi absens, non turberis; se laetit, tibi non nocuit. Ipse prodit se esse inuidum & detractorem; & se apud intelligentes magis odibilem & contempnibilem reddit, & sic vindicauit te de seipso. Tace ergo, & alij pugnabunt pro te, & Dominus conteneat aduersarium tuum. Si autem incipis cum eo remordendo contendere, qui prius tibi compassi sunt, stabunt & aspicient vos compugnantes sicut duos gallos, & ambos vos despicient, & odient, & impatientię & inuidię arguent. Si ergo times detractorem contra te credi, sustine humiliter, & patientia tua tollet suspensionem, vel mitigabit presumptionem de te in cordibus aliorum. Si autem cor tuum uritur inus ex rancore, reprime intuitu securitatis utilitatis, sicut qui uritur vel secatur pro aliquo apostemate sanando, tolerat breuem dolorem pro spe salutis obtinendę. Et sicut oportet nos pati morsus pulicum & similibus bestiarum, sic etiam sustineamus cum patientia punctiones vilium detractorum. Inopes honoris non possunt sine inuidia pati laudes meliorum, quas cum ipsi habere non valent, dolent se solos confundi: vellent secum socios habere miserię pro solatio, & ideo detrahunt alijs, sicut deformis vellet sibi alios esse similes. Corporis autem dolores & rerum amissionem, & amicorum offensas, & confusiones patienter tolerare, supradictis remedijs discitur, & maxime usu sæpe talia sustinendi. Vix enim aliquid in hac vita tam asperum est, quod usu & studio patientię non fiat leuius ad portandum. Iuxta illud: Quod male fers, assuesce & feres. In isto gradu nec perturbatur homo aduersis nec gaudet: sed sustinet & tacer. Tertius gradus patientię est, gaudere in tribulationibus: & gloriari cum adsunt, & desiderare cum desunt. sicut famosus & nobilis tiro gloriatur cum debet tirocinium contra alium nobile exercere. Iob: Quis det, ut veniat petitio mea, &c. Et hæc mihi sit consolatio, ut affligens me dolore, non parcat. Ad Cor. Placeo mihi in infirmitatibus meis, in

Psalm. 140.

Prou. 26.6

Susurratio.

Gradus II. Patientię non terri aduersis nec turbari.

Obserua.

Gradus III. Patientię gaudere tribulationibus.

Iob 6.6

2. Cor. 12.6

contumelijs & necessitatibus, in angustijs, in persecutionibus pro Christo. Deuter. Immolabunt victimas iustitię, qui inundationem maris quasi lac sugēt; qui excrecente amaritudine cuiuslibet aduersitatis quasi lacte consolationis hilarescunt. Et hi victimas iustitię immolant: quia secundum beatum Gregorium, maioris est meriti aduersa patienter tolerare, quàm bonis operibus insudare. Qui ergo ex desiderio placendi Deo, sibi aduersa aliquando infert, castigando corpus, & mentem mœrore & contritione afficiendo; cur non etiam libenter sufferat, cum ab alio infertur ei occasio patiendi, vnde vel corpus affligitur, vel animus humiliatur, cum maioris sit meriti hæc pati æquanimiter ab alio quàm a semetipso? Et qui semetipsum vilem & reprehensibilem iudicat, cur non patienter accipit quando alius idem sibi infert, quod de seipso sentit? cum nullius iudicium tam timendum sit post Dei, sicut sui ipsius? Conscientia enim cuiuslibet grauior in iudicio, quàm omnium aliorum erit præter Deum. Hic apparet quod rara virtus perfecta. Vera enim humilitas sic gaudet ab alio humiliari, sicut a se, & vera patientia ita libenter sustinet aduersa ab alijs illata, sicut a se procurata, quantum spectat ad se.

## De obedientia. Cap. XXXVIII.

ET quia obedientia ex charitate & humilitate & patientia nascitur, de ea aliquid ad ædificationem aliorum breuiter videamus: quia in omni religione summe utilis & necessaria est. Obedientia igitur est proprię voluntatis subiectio arbitrio superioris ad licita & honesta. Obediendum est autem soli Deo propter se, cuius serui sumus proprii; vel creaturę rationali vice Dei, Angelo vel homini, in his quę Deus a nobis requirit, & quę ad Deum ducunt.

Obedientia quid.

## Cur sit obediendum alijs. Cap. XXXIX.

Ratio obediencie triplex est. Vna quia omnis creatura ita est ordinata a Deo, quod licet ipse Deus omnibus & singulis ita præsit, ut ab ipso solo accipiunt quod sunt & habent & possunt; tamen propinquo- ra sibi non loco, sed similitudine, plenius accipiunt ab ipso quod inferioribus & sibi propinquo- ribus infuant; & illa iterum suis inferioribus usque ad infimum: ut inferiora superioribus subdita sint, & superiora inferioribus præsent, & ea regant; ut summa medijs, & media præsent imis. Sic Angeli superiores inferioribus præsent; & cælestia terrenis; & irrationalibus rationalia. Genes. Faciamus hominem, &c. & præsit piscibus maris & volatilibus cæli, & bestijs terrę. ad Rom. Omnis anima potestatibus sublimioribus subdita sit. Substantia enim diuina ita eleuata & segregata est ab omni creato, quod inferiora immediate motum eius sustinere vel suscipere non possunt, nisi mediantibus superioribus, cum ipse immotus in se omnia ineffabiliter moueat & gubernet: ita ut nihil sit omnibus eo præsentius, & nihil incomprehensibilius. Secunda ratio est, quod cum nondum sit omnibus datum esse docibiles Dei, ne ignari errent a via Dei, qua necesse est eos peruenire ad gloriã cælestem, expedit ut sequantur ducatum doctorum suorum: sicut cæcus dat manum ductori ne cadat, vel impingat, vel erret. Tertia ratio est, ut homo qui sub Deo esse noluit peccando, & ita superbiendo gratiam Dei perdidit, satisfaciat ei, subiiciendo se homini propter Deum: & ita per humilitatis meritum, gratiam Dei recuperet quàm amisit. Quanto maior autem & purior fuerit humiliatio & promptior, tanto plenior erit gratiæ recuperatio, & glorię remunerationis. Magnitudo humiliationis attenditur in difficultate iniuncti operis; puritas in simplicitate intentionis; promptitudo in alacritate executionis.

Alij alijs cur debeat subiici.

Gen. 1.6

Rom. 13.6

De

## De triplici obedientia. Cap. XL.

Obedientiæ  
distinctio.

**E**st autem triplex obedientia, scilicet necessitatis, cupiditatis, & charitatis. Necessitate obedit, qui cogitur inuitus; & libenter esset liber si posset, vel auderet: ut asinus, & serui maleuoli & similes. Cupiditate obedit, qui mercede terrena, vel pro commodo corporis vel consolatione exteriori libenter facit quod iniungitur: ut canis, & accipiter, & mercenarius, & similes illis. Quanto autem obedientia plus habet de temporali commodo vel solatio, tanto minus habet de merito coram Deo. Merces primi est euasio pœnæ, quam timet incurrere si non obediat. Merces secundi, est spes adipiscendi quod desiderat, obediendo obtinere; ut munus vel solatium temporale. Obedientia charitatis est, quando ex charitate Dei, & propter Deum, & propter diuinam remunerationem obeditur, large sumpto nomine charitatis, quo tam timor pœnæ quam desiderium præmij, quam affectus amoris Dei includitur. primum est incipientium, secundum proficiendum, tertium perfectorum. Item alia est distinctio obedientiæ. Alia est generalis, alia generalior, alia generalissima. Item alia specialis, alia specialior, alia specialissima. Generalis est illa, qua omnes fideles in Ecclesia generaliter obligantur obedire suis prælati, Papæ, Episcopis, & Plebanis, in his quæ canones præcipiunt, & iura pro omnibus promulgata. Generalior est, qua omnis creatura ratione utens, tenetur voluntatem propriam voluntati sui conditoris conformare ex arbitrij libertate: ut Angelus & homo. Generalissima est, qua omnis creatura obedit suo Creatori; siue naturali motu insitæ conditionis, ut irrationabilia: siue impulsu potentie præsentis, ut dæmones & maleuolæ mentes; quæ etsi quandoque volunt quod Deus non vult, non tamen possunt, nisi quod Deus vult. Specialis est illa, qua clerici specialiter tenentur ad obedientiam suorum Prælatorum, in his quæ ad officium eorum spectant, & ad ordinem clericalem: ut continenter viuere, & debitam tonsuram deferre, & similia in sacris canonibus pro eis statuta. Specialior est illa, qua propria voluntate obligat se aliquis certæ personæ vel religioni, ad obseruantiam limitatam pro arbitrio voluentis determinatam: ut, Promitto tibi obedientiam in istis, & non in alijs; vel tanto tempore & non ultra; vel tali conditione & non aliter; vel in his quæ regula illa iubet, & non amplius. Specialissima obedientia est illa, qua sine exceptione promittit quis obedientiam ad omnia, quæ non sunt contra animam suam & regulam talem: ubi tam ad ea quæ sunt regulæ, quam ad alia quæ iubentur, se obligat bona quæ conueniunt rationi, & liberi arbitrij subest potestati: cum ad irrationabilia vel impossibilia nemo debeat cogi, sicut ad illicita nemo debet obedire.

## De triplici gradu obedientia. Cap. XL I.

Primus gradus est obedientie  
dire pœnæ  
formidine.

**P**rofectus vel gradus obedientiæ, quantum ad illa in quibus obediendum est, colligi possunt ex prædictis, id est, obedire ad præcepta, & obedire ad omnia bona & possibilia. Quantum vero ad mentem vel affectum obedientis, breuiter videamus qui sunt obedientiæ profectus. Quanto autem qui altius in obedientiæ virtute profecerit, tanto ei Deus erit exorabilior, & omnis creatura ad obediendum homini ordinata subiectior & obsequiosior. Infimus obedientiæ gradus est, ex timore supplicij obedire: sicut illi qui tantum obediunt superioribus suis in his quæ præceptorie iusserint: ad alia vero tepidi sunt & negligentes, nisi in quantum communis consuetudo cogit, vel pudor humanus impellit, vel timor temporalis castigationis. Sufficit his qui huiusmodi sunt, ut mortale peccatum per inobedientiam non incidant, nec damnationem incurrant: & hoc est valde pericu-

**A**iosum in professis obedientiam regularem: quia priusquam discutiant an teneantur facere quod iubetur, forte mortalis inobedientiæ laqueum aliquando incidunt, sicut qui nimis appropinquat præcipitio subito, dum non caute circumspicit, in præceps labitur. Cum Deo autem disputare velle stultum est, quasi velle conuincere eum, ut non debeat iudicare hoc esse peccatum mortale, quod nostra opinio non vult pro mortali habere. Sua æstimatio est regula iustitiæ infallibilis, non nostra argulosa opinio, quam nostram conscientiam appellamus. Solis radius numquam facit angulum, sed semper directe in opposita sibi feruere solet. Ita in nobis, siue ita videatur, siue aliter æstimemus, in professione obedientiæ non exprimimus hanc exceptionem, ut nolimus ad ea tenere, quando non adiungitur hoc verbum, Præcipio, vel, Per obedientiam hoc tibi dico. Vnde bonus obediens tam studiose debet facere quod iubetur simpliciter, cum constat Prælatus suum tam plene id velle, quam si apponeret, Præcipio, vel, Per obedientiam iubeo hoc vel illud. Secundus gradus obedientiæ est, pro spe præmij potius quam timore supplicij ad iniuncta voluntarie obedire. Iste non disputat in quo teneatur vel non teneatur obedire: quia siue teneatur siue non, confidit sibi esse meritum, dum modo malum non sit quod iubetur, etiam si mala intentione Prælatus aliqua iuberet, quæ mala tamen non essent: scilicet pro odio illius cui iniungeret, ut eum sic tribularet: vel pro commodo proprio magis quam pro obedientis profectu; non solum non nocet humiliter obediendi, sed etiam duplex meritum, ex hoc habet, scilicet obedientiæ & insuper patientiæ. Sicut inobedienti magis nocet bona intentio præcipientis Prælati & præcepti vtilitas, ex quibus duritia eius perpenditur; ita bono obediendi magis ad profectum prouenit indiscreti Prælati præcepti fulminatio, dummodo non fuerit contra Deum: ut si quis in ira pauperi pro lapide massam argenti in gremium iaceret, pauper non indignaretur pro ira iacentis, sed iocundaretur pro argento taliter acquisito. Tertius gradus est ex sola dilectione Dei, non tantum voluntarie, sed etiam cum gaudio obedire: non solum ad facilia, sed & ad difficilia & dura etiam usque ad mortem: sicut Christus factus pro nobis obediens usque ad mortem, mortem autem crucis. Pudeat Dei seruos, tali Domino sic pigre obedire pro regno cælesti, sicut est consuetudo quibusdam: cum sæcularium principum & nobilium serui pro incerto merito & pro paruissima mercede tot labores in bellis, tot pericula, tot penurias, tot etiam a dominis opprobria & verbera dura patienter sustineant, tot itinera longa in legationibus dominorum prompte subeant; nec procrastinant; nec segniter exequuntur mandatum; nec difficultatem viarum, vel pericula prætendunt; nec pactum pro labore præmittunt, sed incerti de præmio in tenera spe omnia imperata perficiunt, gloriantes quod præ ceteris conseruis ad tale negotium sint electi. Vide quam seduli sunt circa dominos, circumspicientes in quibus eis seruire & placere possint: & cum non tam verbum iussionis audierint, quam nutum oculorum aduerterint, statim quasi præcipientes exiliunt, & aude auscultant quid eis placeat, & quid velint. Et licet seruorum Dei obedientia quantum ad affectum ex maiori seruire prodeat; tamen quo ad effectum ille videtur perfectior, qui ita promptus & constans esset ad omnia iussa implenda, sicut in seruis sæcularibus inuenitur. Sicut de sanctissimo Patre nostro Francisco legimus & primis eius socijs, qui non solum ea quæ beatus Pater eis verbo expressit prompte adimplebant; sed etiam si aliquo indicio beneplacitum eius poterant cognoscere, studiosissime perfecerunt, sicut ab ipso didicerant sancto Patre. Hac virtute Abraham obediuit; non tantum exire de terra sua, & peregrinus esse in aliena,

Simile.

Secundus gradus obedientie  
dire spe præmij.Tertius gradus obedientie  
re amore Dei.  
Phil. 2. b  
Obserua.

Gen. 12. a

aliena, sed etiam vnicum filium suum Isaac voluit immolare. Pro hac Propheta & Apostoli & alij sancti exposuerunt se omnibus laboribus, periculis, persecutionibus, & tandem morti pro Christo. de quibus Dominus specialiter dicit: Si quis vult venire post me, abneget semetipsum, & tollat crucem suam, & sequatur me. Semetipsum abnegat, qui sui iuris esse recusat, & totum se alterius arbitrio subijcit propter Christum: sicut Christus non venit facere voluntatem suam, sed Patris sui.

*De paupertate. Cap. XLII.*

**C**ontemptus diuitiarum opponitur avaritiæ rerum temporalium. Hic quandoque & paupertas spiritus appellatur. Quidam autem sunt pauperes rebus & non spiritu; sicut qui libenter essent diuites, sed non possunt, ut pauperes mundi. Quidam sunt pauperes spiritu & non rebus; veluti qui diuitias non pro ipsarum amore possident, sed pro amore Dei, ut cultum Dei per eas amplificent, & defendant pauperes, vel pro amore Christi, ut proximis inde subueniant: sicut Abraham, David, Iob, Lot, & Josias, & consimiles. vel pro obedientia principatus, vel dignitates suscipiunt; ut beatus Gregorius Papa, & alij sancti Episcopi qui pauperes esse elegerant, sed iussu diuino aliter factum est, ut principes terræ constituerentur, & dispensatores rerum Ecclesiasticarum præ alijs: sed in se paupertatis propositum non abijciant, tanto laudabiliores paupertatis sectatores, quanto etiam in diuitijs ab eius amore non sunt separati. Quidam vero sunt pauperes spiritu & rebus; qui nec habent diuitias, nec habere volunt, etsi possent commodè sine peccato. Hi tanto feliciores sunt, quanto a laqueo cupiditatis elongati. Horum sunt duo genera. Primi, qui non habentes diuitias fecerunt de necessitate virtutem, nolentes etiam eas habere si possent. Secundi, qui potuerunt habere diuitias, vel habuerunt, & abiecerunt eas, & recusant habere propter Deum.

*De duplici contemptu diuitiarum. Cap. XLIII.*

**C**ontemptus autem diuitiarum duplex est, cum aut liberaliter effunduntur in pauperes per opera misericordiæ, & ad cultum Dei largiter expenduntur: sicut sancti reges & alij diuites fecerunt, turbas pauperum hominum alentes, & monasteria, & ecclesias ædificantes. Aut cum penitus despiciuntur diuitiæ; sicut sancti fecerunt, in mendicitate & inopia rerum viuentes: ut sanctus pater Franciscus, & sanctus Dominicus, & alij Christi sectatores, Evangelicæ perfectionis æmulatores. Iuxta illud: Si vis perfectus esse, vade & vende omnia quæ habes, & da pauperibus.

*De quattuor causis quare contemptus diuitiarum consilium. Cap. XLIV.*

**Q**uattuor autem de causis consulitur diuitiarum contemptus. Prima, quia earum amor retrahit ab amore Dei, & patriæ celestis, iuxta ipsius veritatis testimonium: Nemo potest Deo seruire & mammonæ, id est, diuitijs. Sicut enim de profundo terræ tolluntur, ita suo pondere ad infima terræ suos detrahunt amatores, hoc est, in profundum inferni. Vnde ait Apostolus ad Timotheum: Qui volunt diuites fieri, incidunt in tentationes & laqueos diaboli, qui mergunt homines in interitum. Secunda causa est, quia retardant hominem a profectu virtutum. Sicut enim oneratus non potest velociter currere: sic mundanis curis pressus non potest in spiritu expedire proficere. Si vis ergo festinare ad patriam, si vis non teneri laqueo venantium, si vis non comprehendi in viam, & in captiuitatem vnde euase-

ras non reduci, proijce avaritiam, & extrahe pedem de viscosa cupiditate terrenorum. Ideo Iudæi tardierant ad reditum in Hierusalem de Babylone: quia filios, & uxores, & possessiones iam acquisierant in Babylone: sic & religiosi tardius desiderant celestia, cum in terrenis cœperint dilatare. Tertia causa ratione meriti amplioris: quia quanto minus tibi de terrenis indulges, tanto amplius recompensabitur tibi de celestibus in gloria sempiterna. Beati enim pauperes spiritu, quoniam ipsorum est regnum cælorum; non portio aliqua, sed tota gloria regni. Vnde filius Dei dans nobis exemplum perfectionis, nihil possessionis voluit habere in terra: non agros, non domum, vel redditus aliquos, præter solum vestitum, quem etiam ante crucem permisit sibi auferri; ut doceret nos quod omnia relinquere non tantum consistit in non habere volendo, sed sponte omnia pauperibus tribuendo, & etiam patienter amittendo si habita vitollantur; quod plerumque maioris est meriti quam pauperibus tribuisse: quia rarior virtus est illa tam mala æquanimiter perpeti, quam sponte operari bona. Cum ergo boni viri ob hoc solum vel maxime substantiam terrenam habere debeant, ut inde benefaciant, & ad meritum gloriæ æternæ expendant; quia aliter boni non essent si terrena non pia intentione quærent, & creaturam non propter Creatorem diligerent: debent eadē ratione non minus gaudere, cum ipsam substantiam quocumque casu amittunt, quam si eam in vsus pios expendissent; eo quod eundem fructum celestis meriti tam in patienter tolerata amissione, quam & in pia dispensatione consequi non dubitāt: sicut mercator illas merces æqualiter diligit, de quibus æquale lucrum sibi prouenire confidit. Diuitias autem quærere, ut in malos vsus expendantur; scilicet in vanitates, in voluptates carnis, & concupiscentias oculorum, impium est: quia per beneficium Creatoris largitori eorum, scilicet Deo despectus & contumelia irrogatur. Sed ad hoc quærere eas tantum, ut cumulatæ seruentur, stultum est: quia tantum valet congeries lapidum, sicut argenti, vel auri, si nulli vsui expendatur. Quarta causa, quia temporalis substantia contemptibilis est multis considerationibus. Ex sui natura, cum terra sit ignobilis elementum inter omnia. Item quia non multum est necessaria. Modicus enim victus, & vestitus, & rectum sufficit homini pro necessitate ad viuendum, quod superest superfluum est. Item multis est nociua, & damnationis æternæ occasio. Item multorum patet inuidiæ, qui libenter eam auferrent habenti per multas artes. Item multo labore & sollicitudine acquiritur, & seruatur, etiam cum periculo vitæ. Item non satiat appetitum habentis, sed quo plus habetur, eo inquietius fititur. Item quia tam bonis, quam malis datur: & ideo non sunt feliciores qui ea abundant; immo frequentius infeliciores: quia eis est occasio multorum malorum. Item quia diu cum homine non perseverat. Nam si aliter non adimitur, mors separat nos ab ea, & nihil potest homo post mortem secum deferre ex ipsa, nisi quod meruit hic per ipsam. Sapiens ergo debet paruipendere quod vile est, & non multum laborare pro eo quod parum est vile, & fugere quod perniciosum est, & liberaliter spargere quod conseruatum perit, & distributum fructificat, si in pauperes erogetur.

*De triplici gradu contemptus diuitiarum. Cap. XLV.*

**P**rimus autem gradus in contemptu diuitiarum est, Primus gradus nihil habere velle iniusti lucri, nec per se acquisitum, nec ab alijs datum vel relictum: & reddere iuste possidemus. omnibus debita pro posse, & de iuste habitis elemosynam facere, & non abuti propria facultate ad peccatum superbiam, lasciuia, gula, & aliorum vitiorum. Tribus autem modis aliquis videtur iniusta bona habere: cum aut ipse male acquisiuit quocumque modo, aut ab alio

Diuitiarum contemptus meriti est magni.

Mat. 5. 4

Nota.

Diuitiæ natura pretiosa non sunt.



ab alio datum, vel venditum, vel relictum aliquid est A  
 ei ab illo, qui ius in eo non habuit; aut cum nocuit  
 alteri in rebus suis iniuste, etiam si nihil de illis ha-  
 buit. In quantum enim teneor alteri restituere, in-  
 tantum mea non sunt mea, sed illius cui teneor. Vn-  
 de qui plus tenetur certis personis quam habeat, si  
 dat alicui gratis de bonis suis, unde scitur impotens  
 fieri ad reddendum, qui accipit scienter, debet pro  
 eo tantum soluere quantum accepit: cum ille sua non  
 dederit, sed quæ sunt aliorum. Secundus gradus est,  
 nihil velle superfluum habere, sed necessarijs esse con-  
 tentum in victu & vestitu, hospitio, utensilibus, &  
 obsequentium famulatu: reliqua habita pauperibus  
 erogare, vel oblata non recipere, nec acquirere su-  
 pra necessitatem. Lucas: Quod superest date eleemo-  
 synam; & ecce omnia munda sunt vobis. Sic mona-  
 chi in Ægypto, & alij eorum similes de labore pro-  
 prio victum & vestitum habentes, reliqua pauperi-  
 bus distribuebant. Apostolus: Habentes alimenta &  
 quibus regamur, his contenti simus. Sed ne nimis la-  
 tos faciamus terminos sufficientiæ, sciendum est quòd  
 duplex est sufficientia, indigentia & concupiscentia.  
 Sufficientia indigentia sufficit sustentare naturam,  
 ut possit ad seruiendum Deo perdurare. & hanc suf-  
 ficientiam natura docet; sicut videmus in irrationa-  
 bilibus animalibus, immo & in plantis quæ conten-  
 ta sunt naturali alimento, & amplius non requirunt.  
 Sufficientia concupiscentia excedit mensuram, limi-  
 tes non habet nisi impossibilitatis, hoc solum relin-  
 quit quod non sperat adipisci. Diues avarus in Euan-  
 gelio cum vberibus fructibus agri se vidisset ditatum  
 non dixit, diues sum & abundo, plus non cupio, quia  
 non capio, sed cogitavit horrea vetera destruere &  
 maiora facere. Prima horrea sunt iustæ necessitatis;  
 hæc parua sunt & paruis implentur: sed hæc avarus  
 destruit, & maiora facit, scilicet horrea concupiscen-  
 tia & superfluitatis; quæ numquam replentur: quia D  
 semper cum plura habere cœperit, etiam ampliora  
 facere disponit; ad quæ non sufficiunt iam habita,  
 nisi adiciat adhuc plura. sic procedit in infinitum.  
 Cor avari est quasi fouca sine fundo; quæ quo plus  
 recipit, plus deglutit, ut numquam videatur imple-  
 ta. Avarus non impletur pecunia, Ecclesiastes. Ter-  
 tius gradus est, nihil velle possidere in hoc mundo,  
 & in omnibus necessitatibus multiplicem pati penu-  
 riam propter Deum. Hoc est efficacissimum contra  
 auaritiam remedium; quæ sicut ignis infaturabilis  
 numquam dicit sufficit, non extinguetur melius, nisi  
 cum materia temporalis substantiæ penitus sub-  
 trahitur. Hoc remedium Christus docuit verus ani-  
 marum medicus, qui in omnibus illam viam tenuit,  
 quæ est aptissima ad doctrinam virtutum, & curatio-  
 nem vitiorum. Diuitiæ enim & honores sæculi, &  
 voluptates carnis sunt præcipua sanctitatis impedi-  
 menta, quæ magister virtutum & Dominus docuit  
 viuendo declinare suos discipulos in exemplum.  
 Mat. 19. c. Matthæus: Si vis perfectus esse, vade & vende omnia  
 quæ habes, & da pauperibus, & veni, sequere me.  
 2. Cor. 8. a. Hæc est quam Apostolus notat, altissima paupertas,  
 primorum sanctorum in Ecclesia, qui omnia relique-  
 runt propter Deum. Huic multæ virtutes & plurima  
 dona gratiarum annexa sunt, quæ tamen a paucis ca-  
 piuntur: eo quòd licet multi sint, qui quasi nihil ha-  
 beant in mundo, tamen admodum rari sunt in reli-  
 gione, qui non plus habere cupiant, vel pro se, vel  
 pro alijs. Omne quod est melius, est etiam rarius in  
 hoc mundo. Qui propter se sollicitus est in tempo-  
 ralibus, relinquitur suæ prouisioni: similiter qui ha-  
 bet alios prouisores, relinquitur illis. Qui vero om-  
 nem sollicitudinem suam in Deum iactat & omnem  
 cogitatum, habet ipsum Dominum in prouisorem.  
 Mat. 6. d. Matthæus: Primum querite regnum Dei & iustitiam  
 eius: & hæc omnia, scilicet temporalia necessaria  
 adijciuntur vobis. Qui enim ex gratia vult donare cœ-

lestia, cur etiam temporalia & parua ab eo non spe-  
 remus? Aut ergo dabit nobis necessaria in quantum  
 expedit nobis; aut vires corporis ad sustinendum pe-  
 nurias; aut spiritualem dulcedinem meliorem car-  
 nali, & insuper præmium cælesti.

## De sobrietate. Cap. XLVI.

Sobrietas est virtus qua corporis alimēta cum mo-  
 deramine admittuntur, in cibo & potu & somno.  
 Sumitur etiam generaliter pro moderamine ab om-  
 ni superfluitate & intemperantia mentis & corporis.  
 B Vnde dicitur: Sobria mens & sobrius sensus. Sed  
 prout accipitur pro restrictione alimentorum, illa est  
 quæ dicitur parsimonia, vel abstinētia; & opponi-  
 tur vitio gulæ, vel gastrimargiæ, quæ est ventris in-  
 gluuiēs. Est autem alia sobrietas medicinæ, alia aua-  
 ritia, alia hypocrisis, alia paupertatis, alia religiosi-  
 tatis. Medicinalis, fit propter sanitatem corporis con-  
 feruandam, vel recuperandam. Auaritia, ad parcen-  
 dum expensis. Hypocrisis, pro laude humana. Pau-  
 pertatis, pro necessitate penuriæ. Religiositatis, pro  
 virtute obtinenda, pro vitijs calcandis, pro pœniten-  
 tia agenda, pro ædificatione proximorum, pro glo-  
 ria promerenda, pro acuendo intellectu & sapientia  
 acquirenda. Nam sicut fenestra obstructa limo ob-  
 tenebratur, sic intellectus cibo obrutus obscuratur,  
 sicut sæpe experimur. Sobrietas autem, sicut omnis  
 virtus, tunc solum coram Deo est meritoria, cum  
 Deus est causa prima & forma, id est, si propter Deū  
 principaliter fiat & secundū Deum. Sicut enim Deus  
 mundum gubernat, nec plus, nec minus adhibens  
 diligentia quam iustū est, omnem diligentiam suam  
 (ut ita loquamur) circa cælestia impendens: ita ho-  
 mo, cui minor mundus regendus commissus est, hoc  
 est, corpus proprium, sic debet ei providere pruden-  
 ter, ut nec de necessaria prouisione aliquid ei desit  
 pro posse, nec aliquid superflui impendatur, ut non  
 deficiat ante tempus ex penuria vel labore, nec lasciu-  
 iat ex abundantia, vel quiete. Tota autem intentio  
 debet esse circa optimum occupata, circa profectum  
 animæ, in Dei notitia & amore, & in his quæ ad  
 hunc profectum promouent & conducunt: quia non  
 propter corpus creata est anima, sed corpus propter  
 animam, ut illi seruiat & cooperetur ad profectum  
 præfatum. Anima vero propter Deum creata est, ut  
 ei inhæreat, & inhærendo suauitate eius fruatur, &  
 fruendo beata sit. Solius enim Dei est eam destruere  
 & occidere, cuius etiam creare & viuificare est: ideo  
 nisi eius iussu, vel permissu nihil licet nobis destrue-  
 re eorum quæ ipse fecit. Irrationales creaturas per-  
 mittit nos occidere, sed non irrationabiliter. Ratio-  
 nales vero prohibet occidi, id est, homines, nisi se-  
 cundum leges ab ipso promulgatas. Vnde iudices se-  
 cundum leges diuinas iudicantes, non sua, sed Dei  
 auctoritate malefactores occidunt: quia ipse præcep-  
 it: Qui hoc vel hoc fecerit, tali pœna puniatur. Si-  
 cut autem non licet cuiquam alterū occidere; sic nec  
 semetipsum: cum nemo plus alterum teneatur dili-  
 gere, quam semetipsum. Semetipsum autem occidit,  
 qui indiscrete se per abstinētia & per alios labo-  
 res debilitans, ante cogitur deficere quam requirit  
 ordo naturæ: licet aliquos deuotionis feruor, vel pu-  
 ra simplicitas excuset. Ad Romanos: Rationabile  
 sit obsequium vestrum.

Sobrietas  
quid.Sobrietas  
varia.

## In quibus consistit sobrietas. Cap. XLVII.

Sobrietas in tribus consistit: in qualitate, in quan-  
 titate, & modo. In qualitate, ut nō delicata & pre-  
 tiosa, aut sumptuosa requiratur, sed simplicia, quibus  
 valeat sustentari natura, & gula non irritari, & quæ  
 de facili possunt haberi. In quantitate, ut non nimis  
 & sapius quam decet, sed temperate: ut sit refectio  
 corpori,

Rom. 12. 6

corpori, non onus. Infirmi sunt liberi ab vtraque lege. In modo, vt non importune requiratur, nec impetuose & indisciplinate, & inordinate sumatur: sed modeste, mature, & religiose: sicut in priori formula nouitiorum tractatum fuit. Sic enim sapit suauius, sumitur iucundius, reficit salubrius, minus grauat stomachum, & facilius digeritur, & minus peccatur, & est honestius & religiosius. Valet autem sobrietas ad illa quæ supra dicta sunt. Valet etiam ad satisfactionem pro peccatis: vt sicut corporis voluptate peccamus, ita & eius castigatione emendemur. Item ad carnis lasciuia reprimendam: vt quæ impinguata insolens & inobediens facta est, macerata discat spiritui obedire. Ad Corinthios: Castigo corpus meum, & in seruitutem redigo. Item ad corporis sanitatem: quia noxios humores desiccatur, quos crapula & quies superflua generare consuevit. Item ad sollicitudines mundanas abscindendas: quia qui modicis contentus est, modica habet prouidere. Item ad multarum virtutum habilitationem. Sobrius enim agilior est ad bonum, castior est, minus habet inuidendi materiam, magis cautus in lingua, promptior ad deuotionem, & purior in affectu ad sapientiam acquirendam, sensum magis vigilem facit & subtilem, & memoriam hominis tenacem. Item ad aliorum ædificationem: quia qui exteriora nostra ordinata vident & temperata, coniungunt quid de interioribus æstiment, quæ non vident. Minus etiam sumus eis graues ad recipiendum nos in mensa, videntes quod modicis contenti sumus, & quod facile possunt nobis satisfacere: minus etiam alijs mendicis nociui sumus: quia quo plura ab hominibus petimus, eo minus alijs mendicis dandum relinquimus. Et hoc vere est quoddam genus rapinæ, quod a paucis adueritur, cum aliquis vltra necessitatem veram mendicat, vnde alter magis indigens patitur detrimentum: quia postea superueniens non inuenit, quod iste præueniens præripuit. Item valet ad meritum gloriæ, tam pro seipsa quam pro virtutibus sibi connexis: quia quo magis hic nobis de voluptate subtrahimus, eo magis & hic spiritualibus, & illic cælestibus delicijs abundabimus.

*De triplici gradu sobrietatis. Cap. XLVIII.*

Gradus primus.

**P**rimus gradus sobrietatis esse potest, a crapula & ebrietate cauere, & debita tempora & horas in comedendo seruare: ne ieiunia statuta leuiter frangantur, vel tempore incongruo epulis & potibus temere inseruiatur: & ne magis ad luxuriam quam ad naturæ refectiorem edendo, vel bibendo studeatur.

*Eccles. 10. c.*

Ecclesiastes: Væ terræ cuius rex puer est, & cuius princeps mane comedunt. Pecus quod solum ventri seruire nouit, seruat in edendo, vel bibendo modum naturæ conuenientem: sic & homo debet qui regitur ratione: alioquin melius esset ei carere ratione, quam non regi ab ea, quia non peccaret carens ratione. Secundus gradus esse potest, etiam a quibusdam licitis abstinere: vt a carne, vino, lacte, piscibus, vel pulmentis, sed asperiori victu contentum esse, scilicet pane rudi, & pulmento non condito: vel sæpe ieiunare, & a delectabilibus abstinere, & quæ magis appetuntur; vt religiosi & deuoti solent & pœnitentes. Ad Romanos: Bonum est nō comedere carnem, & non bibere vinum, &cet. sicut Nazaræi, & filij Rechab. Daniel: Caro & vinum non introierunt in os meum. Tertius gradus est, sic domuisse gulam, & sic docuisse palatum, vt homo solis sit contentus illis, quæ extremæ sufficiant necessitati, in qualitate & quantitate cibi & potus: vt quo simplicior est victus, eo magis diligit. & si delicata aliquando sumere oporteat, non delectationem in eis, sed solam necessariam refectiorem requirat. Ad Romanos: Carnis curam ne feceritis in desiderijs.

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Rom. 13. d.*

*Alia distinctio graduum abstinentia, vel sobrietatis. Cap. XLI X.*

**P**osset & alia distinctio dari de profectibus abstinentiæ vel sobrietatis. Primus videlicet gradus, patienter carere cum non potest haberi cibus, vel potus delectabilis, non contristari cum non habentur interdum desiderata: sicut quidam pauperes non habent quæ in mensa desiderant, contristantur, indignantur, murmurant, verecundiam abijciunt, & non cogitant professionem suam, & quod aliquando diuites sæculi non habent omnia quæ cupiunt, quanto magis pauperes & mendici! Secundus gradus abstinentiæ est, velle carere pro Deo etiam illis quæ possent haberi, amore sobrietatis, & paupertatis, & boni exempli. Sic boni & fideles serui Dei sæpe ditiores hospites prætereunt, & apud pauperes hospitantur: & lautiora fercula prohibent sibi dari contenti simplicibus & paucis, amore Dei & pro ædificatione aliorum. Ad Corinthios: Omnia mihi licent, sed non omnia ædificant. Nam licet secundum Evangelium liceat comedere quæ apponuntur, tamen magis ædificat si lauta & multa nobis apponi non permittamus: quia sicut recipientes decet liberalis hospitalitas, ita nos decet religiosa frugalitas: quam etiam nos fortius conuenit defendere, quam illos suam sæcularem ostendere honestatem, qua volunt nos abunde procurare. Quamuis autem illa vice videntur contristari, quod non permittimus eos suæ deuotioni satisfacere multa ministrando; tamen apud se de nostra temperantia ædificantur, & alio tempore recipiunt nos hilarius, quo minus sumus eis onerosi, & vbi modo paucos receptores habemus, ibi tunc plurimos haberemus, cum intelligerent quod nos pauperes pascere commode valerent. Tertius abstinentiæ gradus est, posse sine difficultate abstinere ab habitis delectabilibus; vel tantum inde sumere puram necessitatem: & hoc non amore delectationis, sed recreationis. Et quamuis quo ad paupertatem maior virtus sit, non habere quod cupias; tamen quo ad fortitudinem abstinentiæ maius est, posse appetitum retrahere ab usu & delectatione præsentis voluptatis, quam absentia non desiderare. Securius autem est fugere delectationes carnales: quia sæpe victi sunt in certamine qui nimis voluerunt esse securi. Et qui ex præsumptione victoriam sibi sponderant, victi & confusi didicerunt quod stultum est se committere periculis præliorum, vbi possunt opportune vitari. Facilius in littore non submergeris, quam in gurgite aquarum.

*Quod virtus tenet medium vitiorum. Cap. L.*

**S**ciendum tamen est, quod virtus tenet medium vitiorum, & in vtroque latere, tam a dextris, quam a sinistris, vitijs est obfessa: ita vt si modice a discretionis tramite deuiauerit, iam virtus non sit. Verbi gratia: Parsimonia, vel abstinentia si metas suas excedit in superfluitate alimenti, declinat in vitium gulæ. Si nimis modicum admittat de necessario alimento, vitium indiscretionis incurrit, per quam vires corporis destruat, vigorem mentis extinguat, naturam debilitet, & bona quæ promereri potuit negligat, & vitam citius perimat, vel sensum perdat; vel si vires recuperare debeat, tanta postmodum studeat cura corpus suum reficere commodis & fomentis, quanta prius indiscrete eadem subtraxerat ei. Similiter contemptus diuitiarum si vltra quam iustum est, congreget temporalem substantiam, in auaritiæ vitium cadet. Si nihil temporale velit ad usum admittere, ex tali indiscretionem necabit naturam fame, frigore, & ægritudine. Patientia si nimis declinat impatientiæ vitium, incidit in torporem, vt zelum iustitiæ perdat, & dissimulet tam in se, quam in alijs vitia.

vitia crescere, quæ deberet persequi & vlcisci. Humilitas dum in se nimis timet extolli ex indiscreta abiectione sui, perdit confidentiam salutis, vel profectus spiritualis. Charitas proximi si indiscrete teneatur, facit proximo fauere, vel cooperari in detrimentum salutis propriæ vel illius: ut qui periurat amore proximi, & alijs multis modis. Castitatis amor aliquos membra virilia sibi amputare fecit, & dum voluerunt tentationis ardorem temperare, se periculo propriæ interfectionis exposuerunt. Agilitas boni operis quandoque sic fugat pigritiam, ut quietem deuotionis extinguat. Spiritualis lætitia sic acediam, vel tristitiam declinat, ut quandoque in dissolutionem incidat & vanam lætitiā. Taciturnitas verba otiosa declinans, quandoque vtilia & necessaria reticet in detrimentum proximi & sui. Obedientia si indiscreta sit, ita fugit propriæ voluntatis vitium, ut obediat superiori etiam ad peccatū: cum tamen obedire magis Deo oporteat, prohibenti omne peccatum. Et sic de alijs virtutibus sentiendum.

*Quod vitia se esse virtutes mentiuntur. Cap. LI.*

ET quia virtus tam nobilis & venerabilis omnibus & præ omnibus est, quod etiam vitiosi eam super omnia venerantur: ideo & vitia quandoque se virtutes esse mentiuntur, & velamen virtutis assumunt; ut aut securius dissimulentur & non arguantur; aut etiam laudem virtutis assequantur. Vnde videmus ea quādoque etiam a quibusdam religiosis & studiosè exerceri, & ex auctoritate quasi pro virtute defendi: ita ut vera virtus eis in alijs quandoque displiceat, & eam pro vitio despiciant & impugnent, & interpretentur esse vitium quod virtus pura est, & e contrario virtutem asserant quod est vere vitium, sed virtutis colore velatum. Verbi gratia: Paupertas spiritus, id est, voluntaria pro Christo paupertas, magna & vera virtus est, quam multi religiosi profitentur: & tamen videmus plures sub prætextu necessitatis, pietatis, & honestatis diuitias desiderare in pecunia, in prædijs, in ædificijs, vestitu & victu, & libris, & alijs quæ veræ diuitiæ reputantur; ita ut satiari nequeant: quia etiam si quod cupiunt haberent, si quis plus offerret, acciperent plus, vsque ad magnam quantitatem, quia non dicerent sufficit, nolumus plus habere. E contra parce viuere & paucis esse contentum, tenacitas & avaritia appellatur, quasi non audeant vti his quæ habent. Silentium tristitia appellatur, maturitas amaritudo, zelus iustitiæ temerarium iudicium dicitur. Quies deuotionis, pigritia vocatur. Corporis castigatio, indiscretio censetur. Simplicitas stultitia creditur. Timor Dei, litigiosa conscientia æstimatur. Fugere publicum, singularitas vocatur. Cauere scandalum, hypocrisis iudicatur. Ecce quomodo virtus proscibitur, & peruersè vitium interpretatur. Econuerso autem plerumque dissolutio, socialis iucunditas putatur. Curiositas ædificiorum & librorum & aliorum, honestas habetur. Laxa conscientia, libertas deputatur. Corpus delicate fouere, discretio reputatur. Garrulitas, affabilitas dicitur. Inuidia fraterna, zelus iustitiæ dicitur. Duritia & inclementia, rigor ordinis putatur. Avaritia acquirendi, prouisio fidelis nuncupatur. Astutia, prudentia nominatur. Elatio, auctoritatis offensio monstratur, zelus & contentio, ordinis defensio appellatur. Iactantia de bonis, ædificatio proximi vult videri. Detractio, detestatio vitij alterius vult putari. Conformitas vitiosa, vult credi fuga singularitatis; torpor negligentia, vult humilitas videri: & pusillanimitas, altiora se non querere. Inquietudo euagandi & negotiandi, vult agilitas dici bene operandi. Prodigalitas, largitas vult videri. Et sic de alijs. Sciendum itaque est, quod discretio spiritus medium virtutis iter elegit, non declinans ad dexteram, vel

A ad sinistram, regia gradiens via, ne dicat bonum malum, vel malum bonum, ponendo lucem tenebras, & tenebras lucem, diuidens diem virtutis a nocte vitiorum: ne angelum satanæ pro Angelo lucis recipiat, verū a falso distinguens, & quod bonum est tenens.

*De castitate. Cap. LII.*

CASTITAS est sobrietatis filia, & nutritur ab ea, sicut e contrario luxuria nutritur a ventris ingluuie. Membra enim genitalia sub ventre posita, ex eius redundantia in libidinem resoluuntur. Sic etiam e conuerso, ventris exinanitio humorem luxuriæ arefacit; sicut cum fons obturatur, riuulus ex eo profluens desiccatur. Vnde pro generali regula ab omnibus spiritualibus hæcenus obseruatum est: Qui castus esse desiderat, studeat sobrietati: quia sine ea non diu castitas est secunda, & cum proficiente proficit, & cum decrecente decrecit: licet quidam sine ea modo sibi aliquid nescio qua præsumptione promittant. Omnis laus in fine canitur. Nec credo tot & tantos virtutum inquisitores, qui prædictam secuti sunt regulam, in sua æstimatione deceptos. Vnusquisque enim in sua arte sapiens est. Et studiosi virtutū sunt in earum exercitijs sapientes. Studiosi vero deliciarum & diuitiarum sæcularium, efficiuntur in earum prouisione prudentes. Lucas: Filij sæculi huius prudentiores filijs lucis in generatione sua sunt. Castitas est virtus origine cælestis. Hanc ipsi Angeli sancti ab ipso Domino omnium virtutum fontali principio primitus didicerunt, & indeclinabiliter seruauerunt. Hanc summus & vnus magister noster, qui in calis Angelorum magister est Christus Dominus noster, de cælesti schola ad terras, publice docendo attulit, & matrem suam gloriosam Virginem perfectam & primam post se huius disciplinæ magistrā, in cathedra virginalis munditiæ ceteris mirandam & imitandam præfecit.

*De quattuor vitijs castitatis. Cap. LIII.*

CASTITAS quattuor facit in presenti. Corpus mundificat; sicut e contrario luxuria inquinat. ita ut si non esset alia merces castitatis, quā præfens munditia, nec aliud luxuriæ supplicium nisi eius fœditas, castitatis honestas esset amplectenda, & turpitudine luxuriæ horrenda. Item mentem liberam facit & expeditam: quia nec pro vxoris prouisione; nec pro filiorum educatione sollicitum reddit; nec affectus dilectionis ad coniugem & ad filios ligat; nec spiritus zelotypiæ castum exagitat; nec sollicitus est quomodo vxori placeat, vel qualiter heredes diuites faciat; nec querit generos vel nurus, nec est seruus affinium suorum, soli sibi viuens, & pro se solo sollicitus est, in seipso quiescens. Multa sunt de quibus oportet coniugio ligatos esse sollicitos, ita quod illa carnis delectatio, nullo modo est eis tam iucunda, quā anxietas variarum curarum quas patiuntur onerosa; quas Apostolus tribulationem carnis appellat. Vnde idem Apostolus ad Corinthios: Volo vos sine sollicitudine esse, &c. Item conscientiam lætificat: quia gratum Deo præstat obsequium, qui carnis dulcedinem respuit, quā mundus pro magno concupiscit. Lætificat autem, quia Deo placet, Deum placat, & Deo proximare facit, & Dei offensam cauet in delectatione carnali, & præmium cæleste meretur, & Deum auctorem munditiæ per castitatem imitando sequitur cum sit gloria magna sequi Dominum, qui nos præcessit in munditia castitatis, virgo Virginis filius, virginum sponsus. Item tam hominibus quā Angelis amabilem facit & spectabilem. Hominibus, quia tam boni quā mali venerantur eam: Angelis, quia cum naturaliter omne animal diligit simile sibi, etiā Angeli casti, homines castos familiariter diligunt.

De

*Isa. 5. e*

*Vide S. Hieron. in illud ad Tit. 2. Oportet Episc.*

*Sine Sobrietate nemo castus.*

*Luc. 6. 4 Castitas virtus cælestis.*

*1. Cor. 7. f*

De his que valent ad acquisitionem castitatis.

Cap. LIV.

**A**D castitatis autem acquisitionem & profectum & obseruationem, valent ea que supra posita sunt de remedijs luxuriæ, scilicet alienatio & separatio feminarum a viris, & confortium contubernale castorum, quorum exemplo doceatur. Item deliciarum fuga, quæ nutriunt carnis illecebras. Item exteriorum sensuum custodia, vt non videat, vel audiat, vel tangat vnde tentetur. Item otij deuotio quod est ianua omnium vitiorum, maxime carnalium. Item custodia interiorum cogitationum & affectionum cordis, per quas coluber primo caput venenatum ingerit. Item orationis frequentia, qua obtrinetur auxilium a Deo contra omnes impugnationes.

De diuisione castitatis. Cap. LV.

**P**rofectus vel gradus castitatis pluribus modis distinguuntur. Est enim castitas coniugalis, vidualis, & castitas virginalis. Est etiam castitas in actu, alia in affectu. Quidam sunt casti corpore, sed non mente; & quidam casti mente, licet corpore oporteat eos reddere debitum coniugale.

De gradibus castitatis prout religiosi competitis.

Cap. LVI.

Gradus primus.  
Actui carnali & motibus non consentire.

Gen. 19. e  
Luc. 17. g

Ioan. 16. d  
Matt. 11. b  
Luc. 11. b

Gradus secundus.  
Maceratione carne spiritui subiugare.

Iudic. 2. a  
Sap. 11. e

**N**unc de gradibus castitatis sicut religiosi competitis videamus. Primus gradus est continentia ab actu carnali, cum proposito sic manendi, & omnibus illicitis motibus consensum negandi. Iste gradus cum adhuc vicinus est terrenæ voluptati propter nouitatem conuersionis, vapor tangit cum carnalis tentationis, quasi fœtor Sodomæ ardentis. Ne igitur quasi vxor Lot retrospectiua pereat, festinet ad montem, & sublimioris castitatis gradum laboret attingere vt saluetur, ne pereat in scelere ciuitatis, in peccato luxuriæ, quo plurimi perierunt. Primus iste gradus est adhuc in labore pugne, & in incerto victoriæ, cum sola voluntas cum adiutorio gratiæ pugnat contra quattuor hostes, scilicet carnis pruritum, & affectionis appetitum, mundi prouocamenta ad libidinem, & demonum suggestionem & ita sunt quattuor contra duos. Confidat tamen voluntas bona, & inhaereat fideliter ei qui dicit: In mundo presuram habebitis: sed confidite, ego vici mundum. qui etiam diabolum fortius alligauit, & spolia diripuit, & cito inimicos eius conuerteret ad pacem, & subiiciet exactores suos, scilicet carnis, & libidinosum pruritum, & affectionis illecebrosam appetitum. Secundus gradus est, cum per macerationem carnis, & per alia spiritualia studia affectus mundatur, & caro ita spiritui subiugatur, vt rarius & minus tentetur: vt quamuis adhuc non plene careat concupiscentiarum stimulis, quasi spinarum aculeis, Iesus adhuc intra terminos habitationis eius latet, tamen ita depressus sit & imminutus, vt etiam facili labore sedetur eius commotio: & imperando magis quam reluctando insurgentem compescat, nisi forte ex propria negligentia, vel desidia vires resumere, & grauius impugnare permittatur. sicut filijs Israel Dominus minatur, quando ex negligentia propria, hostes qui sibi a Domino sunt subiecti, noluerunt delere: ideo Dominus noluit eos a facie eorum delere, vt per quæ peccauerant, per hæc & punirentur; vnde postea sapius ab eis grauius tribulati sunt & subiugati. Si hostibus vitiorum fideliter fessiteremus, quando nos impugnare incipiunt; non solum non vinceremur ab ipsis vlla vice; sed etiam ita debilitarentur, quod postea rarius auderent nos impetere, & si impeterent, facile vincerentur, donec penitus delerentur, quod

**A**vix auderent resurgere: sed tepide reluctando damus eis vires & ausum sapius & acrius nos deinceps impugnandi. Sciendum tamen, quod aduersarius quando fortiter vincitur, aliquando diu expectat, quod de eodem vicio non impugnat, donec interim disuascet homo pugnare: & tunc iterum subito improuisus irruit, vt improvidos tanto securius prosternat, quanto ad repugnandum inuenit imparatos. Exemplum de illo qui super hostem irruit, quando iam arma deposuit, & se ad quiescendum composuit, & adiutores suos post prælium dimisit: quia imminens pugne suspitionem non habuit. Machabæus: Sic hostes ludæ bellum constituerunt in die sabbathi, populo in quiete & otio existente; & ita plurimos occiderunt. Semper ergo simus parati hostibus viriliter resistere: quia ipsi non quiescunt nos impugnare, etiam si videantur quiescere. quia hoc ipsum cessare ab impugnatione, impugnare est: quia illud cessare, non eorum clementiæ est, vel lassitudinis; sed astutiæ & fraudis. Vnde Nehemiæ quarto dicitur: Nesciant hostes & ignorent, donec veniamus in medio eorum & interficiamus eos. Inimicus cum in corde tractauerit dolos, si submiserit vocem suam cessando a suggestionem, ne credas ei: quoniam septem nequitiz sunt in corde ipsius. Qui operit odium fraudulentem, reuelabitur malitia eius, &c. Tertius gradus castitatis est, ita domitas habere carnis concupiscentias, quod vix rarissime & tenuissime sentiantur: & ex affectu talem induisse castitatis amorem, vt horreat & ita detestetur omnes carnales motus, quod quasi nauseam inde patiatur; nec possit audire tractari de operibus carnis, nisi cum horrore & execratione. Si quando vero pro vtilitate aliorum, de matrimonialibus casibus aliquid tractandum occurrit; ita quietos motus carnis suæ sentiat, ac si de luto, vel lapidibus, aut similibus tractaretur. Et cum per soporem somni humorum redundantia naturaliter se resoluit, ita quiete & insensibiliter profuant, vt nec turpium phantasiarum imaginationibus illudatur, nec sensu fœdæ delectationis titilletur. Ista est perfecta castitatis descriptio, prout in hoc peccati corpore potest a rarioris & perfectissimis obtineri. Vt autem stabiliter in hoc gradu & continue perseuerent, puto ad hoc privilegium requiri singulare: eo quod supra naturalis possibilitatis metas esse videatur, in carne vivere, & carnis vitia non sentire. Frigidi tamen ex natura, vel ex debilitate corporis, carnis motibus plerumque carere possunt; vt patet in senibus & infirmis, qui carnis motibus plerumque carent: quia ex debilitate corporis & defectu naturæ multum frigidi sunt. Sed mentis castitas cum prædicta carnis puritate, ex sola virtute cum Dei gratia possidetur. Vnde & Propheta hoc quasi prodigium miratur cum dicit: Venite & videte opera Domini, quæ posuit prodigia super terram, auferens bella tentationum carnalium vsque ad fines terræ, idest, ad terminos motus. Sequitur ergo: Vacate & videte quoniam ego sum Deus, exaltabor in gentibus, &c. Vacatio notat quietem, visio intentionem: quia bellis vitiorum sopitis, & hostibus subiugatis, mens iam valet in se quiescere, & Deo intendere; & intelligere quoniam ipse est Deus, qui tam potenter potuit, & tam pie voluit impetus tentationum & vitiorum opprimere; & pacem quam per scripturas sæpe promittit hominibus bonæ voluntatis donare. Leuiticus: Dabo pacem in finibus vestris; & dormietis, & non erit qui exterreat, auferam malas bestias, &c. Qui Deo vult intendere, necesse habet vacare, & se super se leuare. Threni: Bonum est præstolari cum silentio salutem Dei, &c. Sedebit solitarius & tacebit: quia leuabit se super se. Psalmus: Elongauit fugiens, & mansi in solitudine. Expectabam eum qui saluum me fecit, &c. Vacandum est a concupiscentijs & a perturbationibus, & ab occupationibus mundanis. Ista tria maxime impediunt

i. Mac. 2. d

2. Esdr. 4. c

Prou. 26. d

Gradus tertius.  
Carnis illecebras vix sentire, sed prorsus execrari.

Castitas perfecta.

Psal. 45. b

Leu. 26. b

Thren. 3. c

Psal. 54. b

pediunt vacationē spiritualement. qui autem nihil concupiscit in mundo pro se, vel pro charis suis, iam non habet unde turberetur: quia nihil timet amittere commodi, honoris vel rerum. Et si eximat se a factis alienis, ut nec curiose discutiatur, nec temere iudicet ea, nec occupetur cogitando ea & tractando, potest se tanto liberius ad interiora transferre intuendo, quanto ab exterioribus est magis expeditus. Nam qui superioribus vult intendere, debet ab inferioribus liber esse. Auis si habet pennas ligatas, vel infectas, vel præcisas, non potest se in altum volando subleuare. In spiritualibus illa sunt superiora quæ interiora, quo ad experientias spirituales.

*Incipit processus septimus. Cap. LVII.*

**E**T quia de voluntatis profectu supra tractatum est, qui consistit in ordinata affectuum dispositione, in qua attenditur actiue vitæ perfectio; consequenter ad contemplatiue vitæ profectum appropinquare considerationis passibus studeamus: eo quod volentibus in spiritu proficere, istud non inutile videatur.

*De profectu vitæ contemplatiue. Cap. LVIII.*

*Lib. 2. c. 4. & seq.*

*Memoria quinque modis Deo inhære docetur.*

**I**N contemplationis profectu primus status vitæ religiosæ, scilicet processus sapientiæ consistit, habens intelligentiæ lumen, & suauitatis internæ saporem. Vnde sapientia, id est sapida scientia. Dictum est autem supra, quod profectus siue perfectio spiritualis vitæ, in tribus principaliter consistit: in rationis illuminatione, in voluntatis rectitudine, in memoriæ iugi circa Deum occupatione. Memoria ut in Deum intendere iugiter assuescat, ei, inhæreat, quinque vias terere & frequentare addiscat, quæ sunt: lectio, collatio, meditatio de Deo, oratio, & contemplatio. Lectio & collatio bonæ sunt, quasi semina & materia meditationis. Vnde qualia visticibi meditati, vel oranti occurrere in cogitatione, talibus colloquijs, lectionibus, aut negotijs prius occupare stude memoriam: quia qualis liquor vasi infunditur, taliter redolebit: & quales herbas in horto cordis tui plantaueris, talia semina germinabunt. Collatio spiritualis instruit intellectum, affectum inflammat, memoriam bonæ & sanctæ cogitationis prole fecundat. Sicut e conuerso otiosa fabulatio tempus perdit infructuose, affectum infrigidat, inutiles cogitationes cordis inferit, conscientiam rodit, profectum spiritualem impedit, pœnam meretur. Lectio talis frequentetur, de qua postea non sit inutile in oratione cogitare, quæ illuminet ad Dei notitiam, accendat ad eius amorem, mores bonos instruat, animet ad tolerandum aduersa, mundi contemptum ingerat, desiderium patriæ celestis inferat, doceat discernere inter vitia & virtutes, & vincere tentationes, & alia utilia ad salutem. Lectionem sæpe interrumpat oratio, sicut & alias actiones: ut sæpe mens ad Deum eleuetur, a quo omne bonum fluere necesse est.

*Hieronym. epist. 18. ad Marcell. tom. 2.*

*De intentione. Cap. LIX.*

**I**ntentio nostra aliquando mouetur pro Deo, aliquando ad Deum, aliquando in Deum. Pro Deo mouetur in actione, quam pro ipso specialiter facimus, licet de ipso interim non cogitemus. Ad Deum mouetur in lectione & aliqua meditatione, quando de Deo est quod tunc mente versamus, & quodammodo circa Deum; licet in ipsum quasi ad secundam personam mentis intuitum non dirigamus. In Deum mouetur in oratione, quando mens ipsum cogitat, & ipsum amplectitur, ei, affectu deuotionis adhæret. Quid autem horum utilius sit simpliciter, est sciendum quod illud quod magis vnit hominem cum

S. Bon. Tom. 7. Pars iij.

**A** Deo, scilicet oratio, cum tota beatitudo hominis sit in Deum transformari. Alia tamen, quo ad quid quandoque utiliora sunt: ut cum propter obedientiam, vel charitatem proximi intermititur oratio, & operibus pietatis insistitur, vel cum discitur in quo magis ad beneplacitum Deo seruiatur.

*De tribus modis orandi. Cap. LX.*

**O**Randi tres sunt modi. Vnus vocalis, per verba composita & vsitata: sicut cum psalmos, hymnos, collectas, & alias orationes, vel laudes compositas, ad excitandam deuotionem, vel soluendum debitum recitamus. Triplex autem est attentio. Vna superficialis tantum: ut scilicet attendat quid dicat, quem psalmum interim dicat, vel quam antiphonam vel orationem. Fructus attentionis huius est, quod non cogitur repetere cum sciat se dixisse. Pro labore etiam corporis, quem bona intentione Deo orando obtulit, quo se cogit seruire Deo, mercedem qualemcumque merito expectabit. Alia attentio est literalis, qua homo sensum litteralem tantummodo attendit, quid exterius verba sonent. Hæc dat fructum, cum aliquid sonat in superficie deuotum, ut ibi: Miserere mei Deus, &c. & in similibus locis, ubi etiam ab illitteratis si tantum verba intelligerent, aliqua deuotio caperetur. Sed illis verbis pertransitis, ubi intellectus mutatur verborum, & deuotio refrigerat. Qualis enim deuotio haberetur ex literalis sensu in istis verbis: Qui emittis fontes in conualibus, &c. quæ tamen omnia ibi scripta sunt iuxta sensum spiritualem. Tertia attentio est intellectualis, ut cum historia exitus filiorum Israel ex Aegypto, & plagarum Aegypti refertur ad spirituale nostram ereptionem de peccato, vel sæculo, vel ad peccatorum submersionem in flentibus compunctionis, & dæmonum cruciatus, & multa alia. In tali attentione est maximus fructus: quia & erudit animam per spirituale intelligentiam, & afficit eam per deuotionis affectum: & iste præcipuus est orationis fructus. Secundus modus orandi est sæpe efficacior per verba proprio affectu formata: ut cum Deo familiariter confabulatur verbis suis, vel etiam vitur verbis alterius affectui suo consonantibus, quasi coram Deo præsentem cor suum effundens, vel necessitates suas conquerens, vel peccata confitens, & misericordiam postulans: gratiam petens, & auxilium implorans contra tentationum pericula & tribulationum grauamina, vel quascumque suas, vel suorum necessitates. Hic modus orandi magis requirit opportunitatem solitudinis, vel silentij circa se, & orij & quietis, quo plenius & securius se in Deum effundat affectus. Maior etiam in eo labor est capiti & corpori: ideo non potest ita frequens esse, vel durabilis, sicut prior in prima & secunda attentionis specie, maxime debilibus corpore: & aliqui indiscrete eam frequentantes destructi sunt. Vnde tales sæpe & breuiter sic orant & leuiter, ut ex frequentia a Dei familiaritate non elongentur, & ex breuitate & leuitate non destruantur.

Primus orandi modus vocalis.

*Psal. 103. b*

Secundus orandi modus, per verba proprio affectu formata.

*De diuersis affectibus, & imaginationibus diuersarum personarum in orante, & in eo quem orat.*

*Cap. LXI.*

**S**ecundum autem diuersas causas, hic modus diuersarum personarum format affectus, & voces in orante, & diuersarum personarum imaginationes in eo quem orat. Aliquando enim homo personam rei assumit, coram Deo iudice astans cum tremore, & dicens Deo: Noli me condemnare. Item: Non intres in iudicium cum seruo tuo, & his similia. Hoc oramus cum dicimus: Libera nos a malo, scilicet

*Iob 10. a*  
*Psal. 142. a*  
*Mat. 6. b*

H h h ater.



Orationis  
Dominicæ  
brevis & di-  
lucida ex-  
plicatio.  
*Psal.* 78. c  
*Psal.* 50. c  
Ira Dei gra-  
uior.

eternæ damnationis. Aliquando quasi obsessus ab hostibus tentationum, tribulationum, & non valens per se effugere, insuper timens se offendisse Deum, & per peccata sua meruisse ut tradatur hostibus, inuocat auxilium, dicens: Ne memineris iniquitatum nostrarum, &c. Item: Ne proicias me a facie tua, &c. Præter finalem damnationem nulla Dei ira grauior, quam non defendere a peccato. Hanc maxime meretur superbia & ingratitude & incuria, ut homo profundius cadere permittatur. Hoc est contra quod oramus: Et ne nos inducas in tentationem peccati. Inducere Deus dicitur; cum non custodit ne inducamur: sicut indurare dicitur cor peccatoris, cum per gratiam non emollit internæ vñctionis. Hoc maxime in pugna tentationis, & tribulationis onere timendum est, ne suo pondere nos opprimat, & in peccatum deiciat. Alioquin optanda esset tribulatio non horrenda: quia animam purgatorem redderet, & maioris esset meriti viriliter toleranti. Aliquando quasi seruus qui gratiam Domini perdidit peccando, supplicat sibi peccata sua & negligentias suas ignosci, quas commisit, omittendo debita, & perpetrando illicita, vel ea quæ debuit negligentius, & impurius persoluendo, dicens: Secundum multitudinem miserationum tuarum Domine dele iniquitatem meam. Item: Propter nomen tuum Domine propitiaberis peccato meo. multum est enim, &c. Hoc petimus, dicendo: Dimitte nobis debita nostra, sicut & nos dimittimus debitoribus nostris: quia ea benignitate debemus dimittere in nos quomodolibet peccantibus, quæ desideramus nobis dimitti quod peccamus. Aliquando quasi mendicus & pauper coram diuite patrefamilias procumbens, & inopiam suam ostendens, flagitat panem gratiæ amplioris, quo confortetur, quo consoletur, & sustentetur ad resistendum malis. Triplici autem panem indigemus, quem nos instant ab amico commodari poscere debemus: hoc est, cælesti, spirituali, & terrestri. Cælestis, est corpus Christi. Ioannes: Pater meus dat vobis panem de cælo verum. Spiritualis est, verbum Dei, & gratia interna mentem ab interiori inedia virtutum, & donorum alimento reficiens. Psalmus: Panis cor hominis confirmat. Terrestris, est victus & alimentum quo corpus hic sustentari necesse habet: quia esuriem & sitim aliter temperare non potest. Hunc poscimus, dicendo: Panem nostrum quotidianum da nobis hodie, sine quo nullo die subsistere valeamus; omni enim hora Dei gratiæ indigemus; & ideo semper eam postulare iubemur ad omnia aggredienda. Aliquando quasi filius patri per omnia parere, & placare affectans, patrem deuotissime orat, ut eum a voluntatis suæ beneplacito in nullo discrepare patiatur, in actibus, & voluntatibus, & moribus ad omnia & in omnibus eum sibi ita conformem faciens, ut nihil in eo paternos oculos offendant, hoc solum sibi reputans solamen, & super omnia desiderans, ut ipse cælestis Pater tantum suam in eo voluntatem perficiat: siue exercendo in aduersis, siue consolando in prosperis, siue deprimendo, vel quocumque modo sibi magis placeat. Vere filialis & fidelis affectus est, nulla quæ sua sunt querere, non commoda, non honores, non consolationes: sed solummodo placitum pii Patris. Magnum est hoc a Deo petere, & magnum obtinere, ut tales nos in hoc peccati corpore faciat, ut illi summæ veritati placeamus, & ab eius directionis regula non deuiemus. Nihil melius, nihil vilius in mundo posset nobis conferre etiam summus Pater, quam tales nos facere ut ei per omnia placeamus. Vnde Psalmus: Ad te confugi, doce me facere voluntatem tuam, &c. Hoc petimus cum dicimus: Fiat voluntas tua, sicut in cælo, & in terra; ut sicut illi superni ciues ad voluntatem tuam sunt dispositi, ita & nos hic pro modulo nostro ad voluntatis tuæ beneplacitum disponamur. Aliquando anima quasi spon-

sa Dei in ipso vnico dilecto quiescere desiderans, & eius frui solum amplexibus ardentem sitiens, pro cuius amore omnia ei inferiora viluerunt, quia sitim suam aliter temperari non sperat, nisi tota illic transeat ubi cum facie ad faciem irrepercutsa videat acie, flagitatio precatur hoc citius adimpleri, cupiens cum beato Apostolo dissolui & esse cum Christo: quia multo melius est tam iucunditate fruitionis Dei, quam securitate euasione mali: & quia magis esset ad placitum illi summæ veritati, quam possit in hoc corpore quantumcumque proficiens fieri: quia dum sumus in hoc corpore, peregrinamur a Domino, & in multis offendimus omnes: ita ut si dixerimus quia peccatum non habemus, nosipsos seducimus, & veritas in nobis non est. Cum enim peccatum dicatur auersio a summo bono & ad bonum inferius conuersio; in quantum inde auertimur, in tantum peccato non caremus: & qui magis auertitur, magis peccat; & qui minus, minus. Nihil autem inde auerti, non est peregrinantium, sed peruenientium: quia etsi voluntatis intentio utcumque ei adhæret, affectus tamen sæpius hinc inde distrahitur, memoria multis alijs occupatur, & intelligentia cæcutiens ipsam veritatis lucem pure non intuetur. Ex his fit, quod aliquando in inferioribus istis impellimur ut cadamus, nisi a Domino sustentemur. Vnde gemens dicit Propheta: Sitiuit anima mea ad Deum viuum, quando veniam, &c. Hoc oramus, cum dicimus: Adueniat regnum tuum. Ac si dicamus: Pondere peccati & corpore prægrauati non valemus ad illud citius volare: Adueniat igitur regnum tuum, & nos celeriter hinc assumas, ut ab ista miseria liberemur. Interim in nobis operare tibi regnum in iustitia, & pace & gaudio Spiritus sancti. Aliquando quasi inebriatus spiritu, immemor fuimet homo Deo deditus, & ei per amorem inhærens, super omnia ipsius gloriam & honorem promoueri, & eius notitiam ad omnes dilatari desiderans, tam pro ipsius quam pro aliorum salute rogat Patrem, ut sanctificationis suæ notitiam omnibus manifestet, infideles ad lumen suæ cognitionis vocando per fidem, & fideles ad gratiam suæ sanctificationis conuertendo per amorem, & rebelles per ostensionem suæ potentiae vtiliter contundendo; & quasi non possit, vel nolit sine alijs cælesti gaudio frui, anhelat & satagit plures secum trahere orando, docendo, bono exemplo præcedendo, & quocumque alio modo honorem Dei, & proximorum salutem, & profectum spiritualem promouendo. Et hoc affectu videtur loqui Apostolus ad Romanos: Tristitia est mihi magna, & dolor continuus cordi meo. Optabam enim ego ipse anathema esse a Christo pro fratribus meis, &c. Moyses quoque eodem affectu videtur orasse, dicens: Aut dimitte populo tuo noxam hanc: aut si non vis, dele me de libro tuo quem scripsisti. Non quod Apostolus vellet a Christo separari, vel Moyses deleri; sed quod affectum quem ad proximorum salutem habebant, euidentius exprimere non valebant; quasi non reputantes sibi esse plenum gaudium introduci ad epulas cælestes, illis quos diligebant, & pro quibus mori optabant, foris fame perituris. Hoc oramus, cum dicimus: Sanctificetur nomen tuum, ut nominis tui sanctificatio nobis plenius innotescat, quo te perfectius agnoscere & amare & reuereri possimus, & sanctitatis tuæ similitudinem induendo, tibi Patri sicut veri filij conformemur: ut vnus tecum spiritus efficiamur, in tuam transformati claritatem. Hanc orationis formam Christus docuit, & his septem petitionibus omnia petenda conclusit, & omnes orationum affectus comprehendit, sicut patere potest diligenter intuenti. Dignitatis autem ordinem in petendis seruauit & ideo quæ vltima hic ponitur, illam ipse primo ponit. Quid autem plus peti potest, nisi liberari a futuræ damnationis malo, custodiri in discrimine præsentis tribulationis,

*Philip.* 1. d

*1. Cor.* 5. a

*Iac.* 3. a

*1. Ioan.* 1. d

*Psal.* 41. a

*Rom.* 9. a

*Exod.* 32. f

Oratione  
Dominica  
omnes no-  
stræ petiti-  
ones cõpre-  
henduntur.

tionis, peccata nobis ignosci, gratiam augeri & infundi, vt ad voluntatem Dei viuamus, & regnum eius consequamur, & honorem nominis eius videamus ad omnes peruenire, & sanctitatem eius ab omnibus cognosci, & imitari, siue singulatim, siue commixtim. Quidquid oramus, ad aliquid, vel aliqua respicit: quia aliquando pro vno obtinendo singulater oramus, aliquando duo vel plura simul petendo proponimus: & sicut solent orantes coram principibus, vt petitio eorum sit efficacior, modo commendare ipsorum clementiam quos rogant, modo proprias aggravare miseras, vt ad misericordiam citius flectantur; modo aduersarij accusare fraudes & malitias, vt sibi sit in auxilio, hosti in odio: sic & nos in oratione facere debemus coram Domino, sicut sacre Scripturæ eruditione docemur.

*De gratiarum actione. Cap. LXII.*

Gratiarum actio quid.  
\* al. scire.

Mat. 25. b

**S**unt adhuc duæ species orationis, scilicet gratiarum actio, & vox laudis, large sumpto nomine orationis, secundum quod oratio dicitur pia mentis in Deum intentio. Gratiarum actio, est omnia bona a Deo data sentire, & pro his eum laudare corde, voce, & opere. Gratias agimus, cum bona quæ accepimus, gratiæ Dei, non nostris meritis ascribimus. Laudare Deum, est Deum laudabilem intelligere, & eius magnificentiam cum exultatione & admiratione extollere, vel pro eo quod in seipso est, vel pro his quæ facit. Gratias Deo agimus, cum de bono quod nobis ab ipso profuit, eius bonitatem commendamus. Ad gratiarum actionem pertinet, beneficia quæ accepimus, diligenter recolere, subtiliter intelligere, fideliter confiteri, studiose seruare, benefactorem diligere, & eius offensam cauere, & gratiam acceptam non otiose negligere, sicut ille piger seruus, qui abscondit pecuniam domini sui: sed ad id ad quod datur eam exercere, & inde non inolescere vel extolli. Ad gratiarum actionem accendit septuplex consideratio: triplex circa ipsum beneficium, duplex circa benefactorem, & duplex circa eum, cui præstatur beneficium.

*De septuplici consideratione, quæ accendit ad gratiarum actionem. Cap. LXIII.*

Deus benefactor, & eius grandis affectus considerandus.

Beneficia Dei studiose contemplanda.

**B**eneficium commendatur, si est nobile & pretiosum in se, si est vtile accipienti, si est multiplex & sapius iteratum. In benefactore duo consideranda sunt: Nempe si sit magnæ dignitatis: & si magno affectu dat beneficium. In illo cui præstatur beneficium, duo similiter consideranda sunt: si vilis est & contemptibilis, si indignus & immeritus: qui non meruit, sed demeruit, vt tale beneficium reciperet a tali. Hæc omnia in diuinis beneficijs excellentissime reperimus. Ipse dator est summus omnium, & immensæ dignitatis, a quo magnū est si dignetur etiam cogitare de nobis. Tanto etiam affectu, & beneuolentia dat beneficia sua homini, quod si etiam modica daret grater essent recipienda: charitas enim eius supereminet omni scientiæ, ita quod a nullo sensu potest æstimari. Ipsa beneficia eius, quibus in nobis operatur salutem, tam pretiosa sunt, quod nullo pretio sunt condigna. Quid enim potest condignum gratiæ Spiritus sancti excogitari, quam dat fidelibus suis? vel corpori Christi & sanguini, & gloriæ cælesti, præter alia absque æstimatione & numero, quæ ab eo percipimus? Quanta vtilitas nobis ex his donis proueniat penfer qui valet: vt iustificatio a peccato, gratia sanctitatis, adoptio filiorum Dei, consolatio interna, defensio a periculis, consortium Angelorum, & beatitudo corporis, & animæ ex visionis Dei fruitione. Istæ & aliæ sunt vtilitates beneficiorum Dei. In his omnis felicitas consistit. Quam

S. Bon. Tom. 7. Pars iij.

**A** sepe nobis ista conferat attende. Quoties enim perdimus per peccatum gratiam, toties reddit nobis offerendo, si volumus recipere. Item quoties abutimur donis eius, vel negligentes sumus in eius seruitio, vel ingrati, vel elati de donis eius, toties mereamur ea amittere, siue sint spiritualia, siue temporalia, vel corporalia: & quoties non aufert cum demeremur, toties dat. Quibus autem tanta beneficia præstet tantus Dominus, in promptu patet. Quid enim sumus nisi puluis & cinis, miseri & inopes, repleti multis miserijs, expositi omnibus periculis, & pene nihil a nobis, nisi labi cōtinue possumus: & tamen cum ista vilitate & miseria Deo omnipotenti rebelles sumus, & pro dilectione & beneficijs reddimus ei cōtumelias & contemptum, inobedientes, negligentes, ingrati & elati. Quanta est ergo pietas Dei, illis tanto affectu, & studio sic benefacere, qui beneficia eius, nec agnoscere, nec conseruare, nec regratiano digne recipere student? Benefacere merenti, iustum est. Benefacere nihil merenti, sed tamen humiliter petenti, pium est. Benefacere, nec promerenti, nec desideranti, magis est pium. Pijssimum autem, & non nisi diuini cordis est, benefacere contemnenti, & aduersanti; & hoc vili, & seruo proprio, & figmento suo. Gratiarum actio meretur bona accepta conseruari & augeri, & ad maiorem profectum conuertere, & maiorem fructum inde prouenire. Verbi gratia: Qui dono sapientiæ gratus fuerit, quod acceptum conseruatur in eo ne perdat, augetur vt plus, & plus sapiat, & vt maior vtilitas inde proueniat, tam in proprio merito, quàm in aliorum edificatione. E contra ingratitudo meretur amittere quæ habet, nec alia accipere, & quæ retinet infructuose tenere, & fraudari præmio, & maius supplicium mereri pro negligentia & contemptu. Cui enim plus donatum est, plus repetetur ab eo. Ex semetipso potest quisque perpendere, quàm detestabile sit vitium ingratitudo: cum hoc omnes odio habere soleant in alijs quibus benefecerunt, si nullas vel paruas ab eis inde gratias acceperint, vel amorem. Et ideo non indignationis est, sed clementiæ in Deo, quandoque negare petita ingratia: ne forte grauioris culpæ reatum incurrant, si pluribus beneficijs acceptis, plus fiant ingrati.

Quanta quibus Deus præstet.

Luc. 7. 2

*De laudatione Dei. Cap. LXIV.*

**L**audatio Dei dignissimus est affectus: & nascitur ex consideratione diuinæ bonitatis, & ex admiratione profunditatis sapientiæ Dei, & ex stupore altitudinis diuinæ potentiæ, & immensitate maiestatis; quæ de ipso, vel per catholicam doctrinam fidei intelligimus; vel per operum eius vestigia colligimus; vel per illuminationem inspirationis internæ puro mentis intuitu contemplamur. Omnia quæ de Deo cogitari, vel dici secundum veritatem possunt, vel senti, non nisi laus ipsius sunt: eo quod nihil in Deo sit, nisi summe laudabile & amabile & venerandum: & quanto perfectius cognoscitur, tanto verius laudatur, & ardentius amatur. Diuinæ laudis amplissima est materia: quia tam ipse Deus, quàm omnia opera eius docent eum super omnia laudabilem esse. Laudare Deum, est eum laudabilem cognoscere, & ostendere. Vnde Sancti, omnes creaturas non solum rationales, sed irracionales, & insensibiles, ad Dei laudem inuitant, quia omnia opera eius ostendunt eum laudabilem in se, & in omnibus agnoscitur laudabilis eius virtutis potentia; & prouida sapientia, & clemens misericordia, benigna patientia, & tolerantia, iusta meritum retributio, larga remuneratio, & incomprehensibilis super omnia eius dignitatis exaltatio.

H h h 2 De

**S**ecundum ista septem, intelligimus septuplicem Dei laudis materiam, cui omnia quæ laudem Dei sonant, possunt includi. Sex enim sunt principalia Dei opera, ad quæ omnia alia reducuntur. Septimum vero non est opus, sed ipse operans Deus, in se quiescens, & ab omnibus operibus suis superelatus. Horum figura sunt opera primorum sex dierum, quibus Deus omnia fecit, & compleuit quæ fecerat Deus in sex diebus. Sed cum omnia fecisset Deus in sex diebus, & nihil in septimo legatur addidisse quo facta perficeret, sed potius ab omni opere cessasse & requieuisse, quomodo ea perfecit si nihil addendo fecit? nisi quia per hoc nobis datur intelligi, quod omnis creatura de se imperfecta est, & ipse Deus est omnium operum suorum perfectio; & in ipsum reflectitur omnis creatura a quo fluit sicut in primam causam; ex quo omnia per causam formalem; per quem omnia per causam efficientem, in quo omnia per causam finalem; & hoc fit per glorificationem rationalis creaturæ; in qua clauduntur omnes aliæ creaturæ, cum propter rationalem creaturam omnia reliqua sint creata, & ipsa sit omnium capax per intellectum, & naturæ similitudinem: & hoc maxime apparet in homine, cui ad serviendum omnia ista visibilia sunt creata. Primum opus Dei potest dici creatio, in quo laudabilis apparet eius mira virtutis potentia, quod tam multa, tam magna, tam varia, tam solida, tam nobilia virtute plena potuit sic facile, sic subito, sic decenter, ex nihilo producere, & sic naturaliter collocare: cum extra mundum nihil sit, supra quod mundi moles quasi super basim collocetur. Sapientia: Si virtutem & opera eorum, idest, visibilium & factorum mirari sunt, intelligant ab ipsis, quoniam qui hæc constituit, fortior est illis. Secundum opus Dei est vniuersorum gubernatio, in quo euidenter apparet laudabilis sapientia prouidentia Dei: quia nihil omnium quæ sunt, a maximo vsque ad minimum latet eius scientiam, sed omnium nouit proprietates, virtutes, operationes, & singulorum multiplices rationes naturales & causales, quare singula sint sicut sunt, & non aliter. Et hæc omnia præordinauit sic, ut quasi naturaliter, vel causaliter videantur fieri: tamen ita librata sunt in eius prouidentia, ut numquam excedant dispositionis eius limites, & omnia bonis cedunt in bonum per eius prouidentiam, & malis in malum per eius æquitatis iustitiam. Et licet in his & in alijs specialiter dicatur laudabilis videri eius potentia & prouidentia, vel alia in Deo laudabilia: tamen in singulis eius operibus omnia simul intelliguntur, sed causa breuitatis transeo. Tertium opus Dei est humani generis redemptio: in quo specialiter apparet laudabilis clementia eius misericordia, qua nostræ miseriæ compatiens decreuit nostram naturam assumere, & debitum satisfactionis nostræ pro peccato nostro moriens exoluere; & sic nos de mortis debito eripere, & in pristinam restituere dignitatem. Quid clementius, quid misericordius cogitari possit, quam summum Dominum pro vili seruo fieri minimum, innocentem pro reo liberando se morti tradere, pro inimicis glorificandis inglorium fieri, & ab ipsis pro quibus patitur, se occidi permittere? Quartum opus Dei, est opus iustificationis nostræ: in quo laudabilis apparet eius patientia sustinentia, qua peccatores non solum patienter tolerat, sed & benigne a peccato iustificat, & a peccato defendit, & gratiam merendi donat, & occasiones merendi prouidet, & sacramenta quasi gratiæ vasa instituit, ut per ea infundatur gratia iustificationis a peccato, & Spiritum sanctum dat fidelibus ad compunctionem & consolationem, & ad varias virtutes, & gratiarum operationes, & faciès de inimicis amicos Dei, & filios & heredes, liberum arbitrium ad bonum promouens, nec tamen

Per sex opera Dei mirifice docet Deum semper laudandum. Primum opus Creatio omnium.

Sap. 13. a

Secundum gubernatio conditorum.

Tertium redemptio generis humani.

Quartum iustificatio nostra.

**A** libertatem auferens; inuoluntarios faciens voluntarios, non cogendo sed inspirando, & occasiones procurando. Quintum opus Dei, est iusta meritorum retributio, quoad reprobos: in qua laudatur eius munditia, qua detestatur omne vitium & peccatum, & omne bonum diligit, & congaudet quasi sibi condecenti. Laudabilis est eius iustitia, qua malum impunitum non patitur, & secundum meritum suum locat in peccato perseverantem: & quo fructu se spoliavit peccator, priuat eum, & fructum operum suorum facit eum in tormentis gustare. Et laudatur eius sapientia qua scit etiam de malis eligere bona: & cogere sibi seruire in pœna, qui nolebant ei subesse in culpa. Et ordinat omnia malis cedere in pœnam, quæ hic conuerterunt ad peccatum, ut corpus, intellectus, tempus præsens: & alia quæ data eis fuerant, vel oblata ad occasionem merendi & gloriæ augmentum, quæ ipsi conuerterunt ad peccandi instrumentum: sed iustitia Dei conuertit ad cumulum pœnæ. Corpus per quod hic peccauerunt, illic in pœna recipient: & per hoc plus cruciabuntur. Intellectum ad temporalia conuerterunt: & per hunc inexcusabilius accusantur. Tempus quod ad seruendum Deo acceperant, in peccato consumpserunt: & ideo sine fine punientur, sicut hic finem non posuerunt in peccato: ut qui peccant in suo æterno hic, puniantur in æterno Dei illic: & qui in Deum infinitum semper peccauerunt, in infinitum quoad durationem pœnarum crucientur. Laudatur & bonitas Dei, qui hanc maiorum pœnam ordinat ad beatorum lætitiā, qui talia per Dei gratiam euaserunt. Ita autem ordinatur per Dei iustitiam reprobis damnatio, sicut per eius bonitatem beatorum saluatio. Sextum opus Dei est gloria beatorum: in qua laudatur eius larga, & mirifica remuneratio, qua pro paruo & breui merito æternam, & ineffabilem Sanctis dat in cælo gloriam, & lætitiā, & felicitatem, & omnia eis ordinat in bonum, tam bona, quam mala, & propria & aliena; & non solum mala pœnæ, sed etiam mala culpa; ut de bonis proprijs gloriantur, & de alienis congaudendo delectentur. De malis proprijs gaudent quæ euaserunt; de alienis quod similia non inciderunt. Gaudent de propria felicitate quæ est multiplex. Gaudent de omnium electorum gloria, tam multipliciter, quam multiplex est omnium gloria simul tam in numero, quam in magnitudine: & de quolibet sicut de se gaudent: qui tantum diligunt illum habere quæ habet, quod nollent ea habere, ut alter careret eis. Sed de gloria Dei tanto plus super omnem & suam, & Sanctorum gloriam gaudent, quanto plus Deum diligunt supra seipsos, & supra omnes alios, & maxime cum gloria Dei infinita sit: & ideo supra omnem mensuram debet esse gaudium de gloria eius; licet creatura non valeat infinite diligere & gaudere, & adhuc gaudet quisque se diligi ab omnibus, sicut diligunt seipsos. Insuper gaudet se diligi a Deo plus ineffabiliter quam a seipso. Et omnium gaudia sibi gaudent esse communia, & ad plene participandum exposita: & hauriunt de omnibus quantum capiunt, & capere possunt sicut proprium. **F** Ibi erit gloria spirituum & corporum. Ibi videbitur Deus secundum diuinitatem facie ad faciem, & secundum humanitatem gloriosam in quam desiderant etiam Angeli prospicere. Sicut etiam certi sunt electi se gloriam illam habere: ita certi sunt quod numquam possunt eam amittere. Ibi est satietas sine fastidio, & desiderium desiderati plena adeptio. Ibi plena & pura laus resonat de omni corde laudantium Deum, pro tam magnifica bonitate eius, quæ eos ab æterno ad hanc gloriam prædestinauit. Posset qui veller ista sex opera Dei, in quibus est omnium operum eius consummatio referre ad primorum sex dierum significationem: ut opus creationis assignetur primæ diei, in qua post omnium materialium crea-

Quintum reprobis puniatio.

Sextum gloriatio beatorum.

Elegans collatio præcedentium cum operibus sex dierum.

creationem facta est lux, distinguens noctem & diem: A quia spiritualis creatura a corporea est distincta luce intelligentiæ rationalis. Opus gubernationis significatur per opus secundæ diei: in qua aquæ superiores interpositione firmamenti distinguuntur ab inferioribus: quia cælestia quantum situ distant a terrenis, tantum & qualitate, & tanto nobiliori modo diuinas influentias recipiunt, quibus iuxta modum sibi congruum ordinantur. Opus redemptionis significatur opere tertiæ diei, in qua aquis inferioribus segregatis a terra, terra apparuit arida, & fructifera: quia peccatis totum genus humanum occupantibus semotis ab Ecclesia, & apud infideles remanentibus, Ecclesia diuersis gratiarum germinibus fecundatur. Opus iustificationis significatur opere quartæ diei, in qua luminaria cæli facta sunt: quia per solem charitatis, & lunam fidei, & stellas aliarum virtutum, corda fidelium illuminantur, & vitam, & ordinem, & meritum vigorem quasi per lucem & calorem siderum consequuntur. Opus iudicationis & condemnationis reproborum significatur opere quintæ diei, in qua ex aquis natantia & volatilia facta sunt: quia ex eodem genere hominum, alij eleuantur sursum ad cælestia per gratiam, alij relinquuntur in reatu damnationis, in qua nati sunt per meritum culpæ originalis & actualis. Opus glorificationis significatur per opus sextæ diei, in qua homo ad imaginem Dei factus omnibus mundanis præficitur: quia per gloriam fit homo Deiformis, & illi vnitur, sicut membrum capiti, qui omnibus sicut verus Dominus principatur Iesus Christus Dominus noster. Septimum Dei non est opus, sed operis Dei impletio per quietem in Deo: quia Deus quiescit in se & nos in Deo. Vnde sabbatum appellatur, idest, requies: quia per quietem in Deo perficitur rationalis creatura, quæ est causa & forma omnis irrationabilis creature: cum ad hoc semper omnis natura conetur, vt rationale mentem doceat se, & Dominum suum agnoscere, & ei ad hoc seruiat, vt eum ad Domini sui seruitium semper admoneat, & ad laudandum eum accendat. Qui hoc sabbatum quiescendo non celebrat, pactum Dei cum homine violat, qui super omnia vult hominem in se quiescere, & sibi per amorem tenaciter inhaerere. Ipse summa est suæ laudis materia, quem nulla operum suorum magnificentia valet docere laudabilem, sicut est. Sicut opus mutum nescit artificis sui peritiâ vocaliter enunciare; sed tacendo innuit quàm sit laudabilis qui talia voluit & sciuit, & potuit tam feliciter operari. Ecclesiasticus: Maior est omni laude. Septem autem verbis vñtationibus Ecclesia vñtur ad laudem Dei, quasi septem iubileorū tubis mysticis: scilicet laudare, benedicere, magnificare, cōfiteri, honorificare, glorificare, & superexaltare. Tertius orandi modus mentalis. Tertius orandi modus est mentalis, cum tacito ore sola mens sua desideria pandit Deo, & affectum cordis Deo effundit, & eum intus per amorem amplectitur, vel cum reuerentia adoratur; tanto se latius in Deum diffundens, quanto plura valet affectus comprehendere quàm lingua exprimere, dicens cum Psalmista: Domine ante te omne desiderium meum: & gemitus meus a te non est absconditus. De hac re dicit Dominus: Veri adoratores adorabunt Patrem in spiritu & veritate. Spiritus est Deus, & qui adorant eum in spiritu oportet adorare. Et hæc oratio videtur magis propria: cum Deus magis cor attendat quàm verba oris. Sed verba ideo apponimus, vt cum mens pigra est ad se eleuandum in Deum, per verba orationis sustentata eleuetur, vt memoria Deo inhaereat, intellectus sursum tendat, affectus per deuotionem inflammatus gustet quàm suauis est Dominus, ex intentione sacræ orationis afflatus. Deus enim qui creauit nos, scit quid nobis necesse sit antequam petamus eum: & ideo non indiget, vt per orationem insinuemus ei quid desideremus. Item qui ad hoc fecit nos

S. Bon. Tom. 7. Pars iij.

vt beneficeret nobis gratuito propter semetipsum, oratione nostra non indiget flecti ad miserandum, quod & ante disposuerat facere: sed ampliorem nobis in hoc profectum procurat, cum gratis nobis beneficit sicut ab æterno disposuit: & tamen orationis nostræ studium ad multiplicem nobis vtilitatem conuertit: atque oratio non est causa eius beneficentiæ, sed via: vt si non propter illam, tamen per illam nobis miseretur. Multiplex est orationis vtilitas, quibus etiam alias bonas actiones ipsa excellit. Prima, quia facilius & citius per eam impetramus quæ a Domino desideramus: ita vt quandoque citius breui oratione aliquis obtineat, quod diutius ieiunijs, vel alijs laboribus, & pijs operibus vix obrineret, licet & alia bona opera ad hoc aliquatenus suffragentur. Vnde in omni casu, in omni periculo, pro omni desiderio desiderato, semper inueniemus sanctos principaliter ad orationis subsidium refugisse, quasi ibi promptius quod petebant consecuturi. Matthæus: Omnia quæcumque petieritis in oratione credentes, accipietis. Quid enim non potest oratio efficere?

Oratio misericordiæ Dei non est causa, sed via.

Mat. 21. b

De effectibus orationis. Cap. LXVI.

O Ratio iram Dei placat. Moyses orabat Dominum, & placatus est Dominus. Peccatorum veniam impetrat. Matthæus: Omne debitum dimisi tibi, quoniam rogasti me. Item: Dimitte nobis debita nostra, &c. Tentationis impetum sedat. Numeri: Orauit Moyses, & absorptus est ignis. Vitia cordis expellit. Psalmus: Disperge illos in virtute tua, & destrue eos, &c. In periculo liberat. Psalmus: Inuoca me in die tribulationis. A periculis defendit. Matthæus: Orate ne fiat fuga vestra, &c. De hostibus vindicat. Secundo Paralipomenon: Orauerunt Ezechias, & Isaias aduersus Sennacherib. Difficultates complanat. Iosue: Vociferante populo muri Iericho corruerunt. Familiaritatem Dei confert. Psalmus: Prope est Dominus omnibus inuocantibus eum. Isaias: Clamabis, & dicet, Ecce adsum. Impetrat dona Spiritus sancti. Actus: Repleti sunt omnes Spiritu sancto. Lucas: Pater dabit Spiritum bonum petentibus se. Item donum sapientiæ. Iacobus: Si quis vestrum indiget sapientia, &c. Item gratiam prædicandi. Ad Ephesios: Orantes pro me, vt detur mihi sermo in apertione oris mei. Item reuelationem secretorum. Hieremias: Clama ad me, & annuntiabo tibi grandia, & firma. Item potestatem quorumlibet miraculorum. Elias orauit vt non plueret: item pro puero suscitando. Item temporalia subsidia confert. Psalmus: Oculi omnium in te sperant Domine. Item subleuationem quorumlibet aduersitatum. Regum: Fames si oborta fuerit, vel pestilentia, &c. Item quorumlibet vitium, vel necessariorum donationem. Ad Romanos: Nam quid oremus sicut oportet, &c. Item vitam æternam. Ad Romanos: Omnis qui inuocauerit nomen Domini, saluus erit. Et breuiter, omnia contraria saluti reprimat, & necessaria confert, & conseruat, & perficit. Vult enim Deus non tantum orari pro eo quod & ante dare disposuit, sed vult vt plus orando mereamur per fidem, qua credimus quod non videmus: per spem, qua obtinere confidimus perita: per charitatem, qua exauditorum amplius amemus. Iuxta illud: Dilexi, quoniam exaudiet Dominus vocem orationis meæ. Item per humilitatem, qua in supplicatione perseueremus. Item per desiderium, quo bona adipisci cupimus. Oratio est quasi speculum: nam clarius facit hominem agnoscere defectus suos, vel profectus: quia conscientia lucidius ibi se sibi repræsentat: & vel ex profectus consideratione in fiduciam spei læta erigitur; vel ex defectus consideratione confunditur. Oratio quoque mentem a terrenis magis leuat & elongat, quàm ceteræ actiones: quia cum illæ negotientur

Exo. 32. d

Mat. 18. d

Mat. 6. b

Num. 11. a

Psal. 58. c

Psal. 49. c

Mat. 24. b

2. Paralip.

32. c

Iosue 6. c

Psal. 144. d

Isa. 58. c

Act. 2. a

Luc. 11. b

Iac. 1. a

Ephes. 6. d

Hier. 33. a

Iac. 5. d

3. Reg. 17.

a. & d

Psal. 144. c

3. Reg. 8. c

Rom. 8. c

Rom. 10. c

Psal. 114. a

Oratio speculum.

H h h 3 cum



*Luc. 10. g* cum Martha circa frequens ministerium in seruitijs, A  
ista cum Maria pedibus Domini inhærens, eum so-  
lum sibi propitium esse exorat.

*De presentatione Dei in affectu orantis. Cap. LXVII.*

Quam va-  
rie se Deus  
orantibus of-  
ferat.

*Psal. 29. a*  
*Iob 30. c*

*Ibidem. c*

*Hier. 17. c*

*Psal. 42. a*

*Isa. 63. d*

*Bern. epist.*  
*ad fratres*  
*de monte*  
*Dei, paulo*  
*post med.*

*Mat. 15. c*

*Psal. 54. a*

*Psal. 5. a*

*Iob 9. b*

*Mar. 11. c*

*Iac. 1. a*

*Luc. 11. a*

**M**ultis autem modis affectus orantis, Dei respec-  
tum sibi repræsentari sentit. Aliquando vide-  
tur affectui dum orat, quasi Deus nec audire digne-  
tur, nec attendere. Iuxta illud: Auertisti faciem tuam  
a me, &c. Item Iob: Ecce clamo ad te, & non exau-  
dis me; sto & non respicis me. Inde oritur aliquan-  
do tædium orandi, quasi vana sit oratio quam Deus  
non dignetur acceptare. Aliquando quasi iratus ap-  
paret & implacabilis: & inde conscientia confundi-  
tur, & timore perturbatur. Iob: Mutatus es mihi in  
crudelem, & in duritia manus tuæ aduersaris mihi.  
Vnde Hieremias Propheta orat: Non sis mihi tu for-  
midini spes mea in die afflictionis. Et Psalmus: Non  
intres in iudicium cum seruo tuo Domine. Isaias:  
Multitudo viscerum tuorum, & miserationum tua-  
rum continuerunt se super me. Quanta sit illa ani-  
mæ tribulatio & mæror, ille nouit qui propter hoc  
ab instantia supplicandi non desistit. Non enim prop-  
terea a prece cessandum est, quia Deus non acceptat,  
sed eo instantius orandum est: quia Deus probat per  
hoc orantis constātiā, expurgat humiliati conscien-  
tiam, & remunerat afflicti patientiam. Bernardus:  
Obsecrationibus insistendum est, sed in omni humi-  
litate & patientia: quia non afferunt fructum nisi in  
patientia. Quasi enim cælum desuper sentit æneum,  
dum nullam deuotionis velut roris cælestis stillam  
pulsando in oratione percipit; & terram cordis sui  
ferream, dum nullo psalmorum, vel orationum ir-  
riguo ad fructum compunctionis emollitur, sed ve-  
luti mulier Chananæa auersum a se Domini vultum  
æstimans, peccata sua quasi canis immunditiam sibi  
exprobrari reputat, & pane filiorum se arbitratur in-  
dignam. Sed tamen prudenter aduertendum est,  
quod ista pauidæ mentis imaginatio, qua durum &  
austerum sibi proponit Deum, qui vere mitis & be-  
nignus est, & in veritate pius & misericors: aut est  
deceptæ mentis propria consuetudo, qua format sibi  
idolum, pro eo quod non est ipse: aut est dispensati-  
ua permissio ad terrendum, vel humiliandum & cor-  
rigendum, vel purgandum animum, quo postmo-  
dum suauius sapiat ei benigna Dei respectio; sicut  
post expertam amaritudinem desiderabilior fit dul-  
cedo. Aliquando quasi alijs occupatus orantis affe-  
ctum Deus non curare videtur: quasi videat & oran-  
tem tranquille sustineat, sed non respondeat ei alijs  
intentus. Hoc videtur Propheta sensisse, cum ait:  
Exaudi Deus orationem meam; ne despexeris depre-  
cationem meam: intende mihi & exaudi me. Et ite-  
rum: Verba mea auribus percipe Domine; intelli-  
ge clamorem meum. Aliquando videtur quasi beni-  
gne oranti intendere, sed tacendo non annuere, vt  
preces illas suscipiat cum affectu. Iob: Cum inuoca-  
tem exaudierit me, non credo quod exaudierit vo-  
cem meam, idest, nescio si exaudierit me. Aliquan-  
do etiam benigne orantem respicere, & clementer  
eius orationibus assensum præbere, & fauorabiliter  
annuere desiderio obsecrantis. Et hæc deuotæ men-  
tis confidentia solet esse indicium exauditionis. De  
qua dicit Dominus: Qui non hæsitauerit in corde  
suo, sed crediderit, quia quodcumque dixerit fiat,  
fiet ei. Omnia quæcumque orantes petitis, credite  
quia accipietis, & euenient vobis. Iacobus: Postu-  
let autem in fide nihil hæsitans: qui enim hæsitat,  
non æstimet quod aliquid accipiat. Nec tamen sta-  
tim diffidendum est de exauditione, quando non pro  
voto succedit oranti; sed perseverare debet pulsan-  
do, donec amicus quasi victus improbitate suppli-  
cantis ei det quod postulat.

*De formis orantis. Cap. LXVIII.*

**Q**vandoque petitio nostra vno modo formata he-  
sitationem facit, quasi non debeat admitti: si  
aliter formetur, fiduciam exauditionis repor-  
tat. Aliquando orans formam assumit serui, Domi-  
num & iudicem suum humiliter, & timore ad mi-  
sericordiam prouocando: sicut Publicanus ille, qui  
nec oculos audebat ad cælum leuare, sed percutiens  
pectus suum, dicebat: Deus propitius esto mihi pec-  
catori. Aliquando assumit formam familiaris amici  
& domestici; & cum reuerentia & fiducia rogat, &  
quasi consulit domino, vt hoc faciat, vel hoc: expo-  
nens rationes vel causas quare sic decet fieri, vel ex-  
pediat. Sicut in Genesi Abraham orat pro Sodomitis,  
& Moyses pro populo Israel, dicens in Exodo: Ne  
quæso dicant Ægyptij, Callide eduxit eos, vt inter-  
ficeret in montibus & deleteret de terra. Quiescat ira  
tua, & esto placabilis, &c. Item in Numeris: Ne audiāt  
Ægyptij quod occideris tantam multitudinem quasi  
hominem vnum, & dicant: Non poterat introduce-  
re eos in terram pro qua iurauerat: idcirco occidit  
eos in solitudine. Aliquando quasi filius confidens  
de dilectione paterna, non tam obsecrat quàm impe-  
rat patri vt exaudiat eum, expertam erga se beneuo-  
lentiam patris allegans, sicut Moyses in Exodo: Cum  
dixeris, noui te ex nomine, & inuenisti gratiam co-  
ram me; si ergo inueni gratiam in conspectu tuo,  
ostende mihi faciem tuam, vt sciam te: & respice po-  
pulum tuum gentem hanc. Item: Si inueni gratiam  
in conspectu tuo Domine, obsecro vt gradiaris no-  
biscum, & auferas iniquitates nostras atque peccata,  
nosq. possideas. Item: Obsecro Domine, peccauit  
populus tuus peccatum magnū: aut dimitte eis hanc  
noxam; aut si non dimittis, dele me de libro quem  
scripsisti. Magna fiducia hominis ad Deum. Non  
rogat se deleri de libro Dei, sed ea fiducia qua præsu-  
mit se non delendum de libro vitæ, petit illud remit-  
ti, non dubitans se exaudiendum, vnde & quod pe-  
tijt impetrauit.

*De utilitate orationis. Cap. LXIX.*

**V**alde autem Deus delectatur in hoc, quod fre-  
quenter oratur propter multiplicem orantis vri-  
litem: scilicet vt Deo indefinenter inhæreat, quod  
summe est homini vtile inter omnia. Iuxta illud:  
Maria optimam partem elegit. Item, vt Dei beneficia  
multiplicius experiat per multarū precum exau-  
ditiones. Item, vt abundantiori affectu deuotionis  
in amorem Dei excreseat. Ideo benigne prouidet  
nobis plures orandi occasiones, quibus ad orationem  
sæpius stimulemur: siue pro nobis ipsis, siue pro alijs  
orando; aut pro malis euadendis, aut pro bonis asse-  
quendis: vt cum affectus deuotionis tepescit ad vnum  
in alio recalescat: sicut ignis subiiciendo ligna quoti-  
die ne deficiat, restauratur. Leuiticus: Ignis in altari  
semper ardebit, quem nutriet sacerdos subiiciens li-  
gna mane per singulos dies imposito desuper holo-  
causto. Ignis iste erit perpetuus, qui numquam de-  
ficiet in altari. Tu ergo Dei sacerdos, idest, factis  
deditus, cum per noctem negligentia deprehende-  
ris ignem deuotionis in altari cordis tui tepuisse, ma-  
ne, idest, apparente prima lucis cognitione, subijce  
ligna orationis, diuersis occasionibus quasi adiacen-  
tibus varijs siluis collecta. Magna silua & abunde li-  
gna supplicationum ministrans, sunt peccata propria,  
quotidiana & antiqua. Magna silua negligentia no-  
stræ, & miseræ, & defectus virtutum & gratiarum,  
& vitia tam spiritualia quàm carnalia, & tentationes  
& varij euentus quibus pulsamur, & incommoda  
quæ patimur, vel timemus, vel pro quibus dolemus:  
tam pro nobis quàm pro alijs quorum miserijs com-  
patimur. Magnæ siluæ sunt omnia quæ desideramus  
habere.



habere, pro quibus omnibus oramus vt impetremus. Similiter omnia beneficia nobis collata, pro quibus gratias agere debemus. Item pro defunctis orare, vt a peccatis ſoluantur: & pro gloria ſanctorum Deum collaudare multam deuotionis materiã quaſi perpetui ignis nutrimenta miniſtrat, quo ſuperpoſiti operis holocauſtum reddat odorem ſuauitatis. Affectus enim amoris Dei & ſancti timoris, cum ſeruore bonæ voluntatis, in ſpiritu humilitatis, & motu pietatis, & gaudio ſpei, numquam debet in corde ſerui Dei extingui. Iſta namque ſunt in quibus virtus deuotionis maxime conſiſtit. Semper enim debet mens Deo dedita per aliquam piam occaſionem ſe aſſueſcere ad Deum erigere, orando, ſupplicando, gratias agendo, laudando pro diuerſis cauſis ſe omni tempore offerentibus. Iuxta illud Lucæ: Oportet ſemper orare, & non deficere. Item: Sine intermiſſione orate, in omnibus gratias agite. Pſalmus: Benedicam Dominum in omni tempore, &c. Quanto frequen-

Luc. 18. a  
1. Theſſ. 5. c  
Pſal. 33. a

tius quis orat, tanto fiet ei oratio delectabilior & efficaciſſima: & quanto rarius, tanto inſipidior & tædioſior; ſicut experientia ſæpe docet. Videmus autem quandoque ſæculares adhuc in ſtatu peccati poſitos, ex multo orationis vſu magna deuotionis plerumque perfundi dulcedine, quæ licet ex veræ charitatis radice non profluat, oſtendit tamen Deus per hoc quàm paratus ſit iuſtis gratiam infundere, ſi non negligenter quaerere, qui adhuc in peccato poſitis, ſed per orationis ſtudium eius ſe familiaritati quoquo modo applicantibus ſuæ dulcedinis experientiam non abſcondit. Quid erit fidelibus amicis, ſi ſic ſe dulcem quandoque Deus exhibet adhuc inimicis? Nehemias: Mâna tuum non prohibuiſti ab ore eorum. De quibus præmittit quod fecerunt vitulum ſibi, & adorauerunt. Quid ergo religioſi excuſationis habent præ-

2. Eſd. 9. d

tendere, qui diuinæ dulcedinis expertes ſunt, quam etiam ſecularibus ſi ſtudioſe queſierint, videmus non negari? Vnde beatus Bernardus: Arguit nos pro certo negligentia & incuria ipſa inopia noſtra. Sicut fauus ſine melle, & murus abſque temperamento, & cibus ſine condimento: ita vita religioſi ſine ſtudio internæ deuotionis. Quamuis plurimi temporibus iſtis non ſolum non ſentiant, ſed neque curant, nec deſiderant, nec quaerunt, immo nec credunt, ſed

Bernardus.  
ſerm. 17. in  
Cant. an-  
te med.  
Simile.

irrident & perfequantur in alijs deuotionis gratiam; tamen ſcire debent, quod omnis religio arida eſt & imperfecta, & ad ruinam pronior, quæ ſpiritum diuinæ ſuauitatis non quaerit, quæ præcipuum conamen ad orationis ſtudium & internæ puritatis non impendit: in quo expreſſiſſime Spiritus ſanctus testimoniũ reddit ſpiritui noſtro quod ſumus filij Dei. Auſteram vitam corporalis exercitationis, quaſi ad modicum vtilem deſpicimus, & ardua pietatis opera actualiter non habemus, ſicut olim ſancti, qui pro fratribus animas poſuerunt, & ſimilia magna geſſerunt. Item, ſublimia virtutum exercitia pauci habemus: vt eximie obedientia, perfectæ patientia, humilitatis præcipua, & paupertatis extrema. Si ergo iſtis caremus, & adhuc orationis ſtudium poſtponimus, in quo gloriari de noſtra religione poterimus, niſi forte de ſolo nomine & exteriori habitu, & verbis ſcripturæ quæ in folijs & in ore magis quàm in affectu, & opere geſtamus? Sed niſi abundauerit iuſtitia veſtra (ait Dominus) plus quàm Scribarum & Phariſæorum, non intrabitis in regnum cælorum. Phariſæi in exteriori apparentia & religionis nomine tantum gloriabantur. Scribæ autem in verbis ſcripturæ ſibi laudem &

Rom. 8. c

Abſque ſpi-  
ritu deu-  
otionis & ſua-  
uitatis, ad  
quam ducit  
oratio, om-  
nis imperfe-  
cta religio.  
Rom. 8. c

nomen magiſteriꝝ acquirebant. Qui autem tantum verba ſectatur, nihil habebit: & qui omnia opera ſua facit vt videatur & laudetur ab hominibus, mercedem non habebit apud Patrem qui in cælis eſt. Qui orationis ſtudio vult intendere, aſſueſcat primo aliquid quando orationi vacare, deinde ſæpius ad orationem recurrere, deinde in oratione perſiſtere diutius,

Matt. 5. c

Prou. 19. a

Mat. 23. a

Qua ratio-  
ne ſtadium  
orationis ac-  
quiratur.

nam recurrere, deinde in oratione perſiſtere diutius,

A tandem frequenter quantumlibet in oratione incumbere, nec pro ſtudio, vel leuitate deſiſtere, niſi quando corporis debilitas, vel vrgens neceſſitas, vel rationabilis vtilitas inde auocat, & iterum reuertatur in idipſum: ne per diutinam abstractionem redeat in deſuetudinem orandi, & refrigeſcat affectus. Percurrat quoque ſingulos modos orandi, & diuerſis modis ſuas petitiones formet, & diuerſas petitiones attentet; vt tandem in aliqua deuotionis affectum concipiat, & illi quàm diu ſibi ſapit, inhæreat. Si autem debilitas capitis vel corporis impedit, tunc breuius & ſæpius oret, & euagationes mentis cohibeat, & ſenſus exteriores ſub diſciplina retineat, & Dei auxilium ad ſingula humiliter inuocet, & patienter ſi pro ſuo voto non ſuccedit, aſſidue ſuſtineat. Ipſa quoque quandoque retardatio proficiendi, eſt via perfectionis dum humiliat. Et ideo Deus pie curſum noſtrum temperat, vt longius procedat, & per hoc melius a ſuperbia defendimur: quia ſæpe nimia proficiendi ſecuritas, & ſeruor cõtinuatus, vires corporis exhaurit.

De retrahentibus a profectu ſine ſalute. Cap. LXX.

Tria ſunt quæ maxime a profectu retrahunt, non ſolum perfectionis, ſed etiam ſalutis, ſicut in pluribus experimur: ſcilicet remiſſa voluntas, horror difficultatis, diffidentia de auxilio gratiæ diuinæ. Remiſſa voluntas vult bonum, ſed ſine conatu laboris: & ideo conſuetudo leuitatis cito retrahit eam a propoſito proficiendi. Ideo pigra voluntas ſeiſpſam rationis inſtinctu cogere debet, & quaſi pigrum animal ſtimulis timoris Dei & ſpe præmij agitare, & violenter impellere. Horror difficultatis, per diſcretum & aſſiduum mitigatur & vincitur vſum. Gratiæ Dei ſicut adest incipientibus, ita non deerit proficere ſtudentibus: & vtilius eſt nobis ſemper timere, ne forte ſubtrahatur nobis, vt tanto ſtudioſius eam conſeruare laboremus, quàm ſi certi eſſemus quod nõ perderemus: quia tunc negligentius eam recuperaremus, & minus proficeremus. Timor enim facit ſollicitum & agilem, & ſecuritas plerumque deſidem & torpentem. Dominus noluit filiis Iſrael dare manna ſimul cum tanta quantitate, vt pluribus diebus ſufficeret, ſed vt ſingulis diebus colligerent, excepto Sab-

Voluntas  
remiſſa.

Horror dif-  
ficultatis.

Exo. 16. f

Luc. 11. a

baro; designans quod quotidie panem gratiæ & cibum animæ petere debemus, dicentes: Panem noſtrum quotidianum da nobis hodie. & qui dat hodie, cras quoque dare paratus eſt, tantum non negligamus petendo colligere, quantum ſufficit ad ſalutis profectum. Cum in oratione te ſentis, exaudium & id quod petieras eſſe impletum, noli extolli, quaſi pro ſanctitate tua te Deus exaudierit, & pro tui dilectione fecerit quod rogasti; ſed cogita quod pro ſua bonitate id facere per ſe diſpoſuerit, vel aliorum bonorum preces potius attenderit: & gratias age Deo, qui te ſuæ diſpoſitionis cooperatorem habere, & aliorum ſuorum amicorum orantium in hoc participem facere dignatus eſt, vt in orationis actu & pietatis affectu merearis exaudiri, & in exauditionis fiducia conſoleris, & ex petitionis tuæ impletione lætificeris, & ex his creſcas in amore Dei, qui benigne procurat nobis occaſiones quibus ad orationis præſidium compellimur, vt imminentes moleſtias euadamus; vel bona deſideria inſpirat, quæ orando compleri poſtulamur: vt cum rogatus exaudierit, magis ametur a nobis, & tanto ſollicitius eius voluntati parere ſtudeamus, quo eum noſtris deſiderijs pie & prompte fauere, & obedire videmus.

De cauſis quare non exaudiuntur orantes.

Cap. LXXI.

Cauſæ autem quare non exaudiuntur orantes plures ſunt, aut ex meritis culpæ orantis. Iſaias: Cum

*Isa. 1. d* Cum multiplicaueritis orationem non exaudiam. Et A  
*Ioan. 9. f* causam subiungit: Manus vestre sanguine plene sunt,  
*Isa. 59. d* idest, peccato. Ioannes: Scimus quia peccatores Deus  
*Here. 29. c* non audit. Isaias: Peccata vestra absconderunt faci-  
*Luc. 11. b* ciem eius a vobis ne exaudiret. Aut ex tempore oran-  
*Iudith 4. c* di: quia non feruenter & deuote oramus. Hieremias:  
*Iac. 1. b* Orabit & exaudiam vos, cum quaesieritis me in to-  
*Eccle. 18. c* to corde vestro. quasi dicat, non aliter. Aut quia non  
*Matth. 10. c* perseuerat in orando, donec obtineat. Lucas: Si per-  
*Iac. 4. a* seuerauerit pulsans, propter improbitatem eius sur-  
*Dent. 1. g* get & dabit ei. Iudith: Scitote quoniam exaudiet  
*Greg. homil. 21. in* preces vestras si permanseritis. Aut ex diffidētia exau-  
*Euang.* ditionis. Iacobus: Qui enim hæsitat non æstimet  
*Vide Chry-* quod aliquid accipiat. Ecclesiasticus: Ante orationem  
*sof. homil. 30. in Gen.* præpara animam tuam: & noli esse quasi homo qui  
*sub finem.* tentat Deum, scilicet si velit audire. Aut quia noci-  
*Exo. 33. c* uum, vel indiscretum est quod petitur, sicut filij Ze-  
*4. Reg. 19. a* bedæ. Matthæus: Nescitis quid petatis. Iacobus:  
*Isa. 37. a* Petitis & non accipitis, eo quod male petatis. Deu-  
*4. Reg. 22. c* teronomi: Cum ploraretis coram Domino, non au-  
*Rom. 15. a* diuit vos, neque voluit acquiescere voci vestre. Aut  
*Mat. 18. c* ut magis ad petendum quis prouocetur. Gregorius:  
*2. Cor. 12. c* Sancta desideria dilatione crescunt. Aut ut tanto  
*4. Reg. 19. a* cautius custodiat acceptum, quo difficilius impe-  
*Isa. 37. a* tratur. Chrysostomus: Deus ad hoc beneficium suum  
*4. Reg. 22. c* protrahit, ut non sit nobis vile quod donat. Aut  
*Rom. 15. a* ut humilietur orans dum tardius exauditur: & sic  
*Mat. 18. c* duo bona proueniunt, videlicet ut insolens reprimat  
*2. Cor. 12. c* elatio; & tamen petitionis non cassetur effectus.  
*4. Reg. 19. a* Aut ut in aliud tempus exauditiō differatur magis con-  
*Isa. 37. a* gruum & utile petenti. Sic Moyses gloriam Dei sibi  
*4. Reg. 22. c* ostendi petiuit, quam non tunc, sed postea meruit  
*Rom. 15. a* videre. Aut ut aliorum etiam suffragiis quærat iuua-  
*Mat. 18. c* ri, ne forte ardua petitio, vel præsumptio eum reprimat.  
*2. Cor. 12. c* Sicut Ezechias misit ad Isaiam, ut oraret pro  
*4. Reg. 19. a* se, & pro populo. Et Iosias ad Holdam Prophetissam.  
*Isa. 37. a* Item ad Romanos: Obsecro ut iuuetis me in oratio-  
*4. Reg. 22. c* nibus vestris: ut liberer ab infidelibus qui sunt in Iu-  
*Rom. 15. a* dæa. Matthæus: Si duo ex vobis consenserint, &c.  
*Mat. 18. c* Aliquando etsi negatur vnum quod forte minus ex-  
*2. Cor. 12. c* pedit, pro eo datur aliud utilius, & melius. Ut Paulo  
*4. Reg. 19. a* cui stimulus carnis non est ablati, ut virtus in infir-  
*Isa. 37. a* mitate perficeretur in eo. Utilior sæpe est exercitatio  
*4. Reg. 22. c* tribulationis, quam quies prosperitatis, licet hanc  
*Rom. 15. a* plus optemus. Ex his per contrarium potest aduer-  
*Mat. 18. c* ti, quæ valeant ad exauditionem orationis, idest, culpa  
*2. Cor. 12. c* remotio, feruor & instantia, fidei confidentia, hu-  
*4. Reg. 19. a* militas, & aliorum suffragia, & acceptæ gratiæ cum  
*Isa. 37. a* gratiarum actione studiosa conseruatio, & ut ea tan-  
*4. Reg. 22. c* tum petantur a Domino, quæ ipse nouit magis ex-  
*Rom. 15. a* pedire, & quando.

*De specialibus orationibus. Cap. LXXII.*

**D**E specialibus autem orationibus, quas quidam  
habere solent, utrum expediat eas dici certis ho-  
ris vel diebus, Nota quod quibusdam magis expe-  
diunt, & quibusdam minus. Incipientibus, & rudi-  
bus hominibus, & affectu deuotionis necdum im-  
butis magis expediunt; ut saltem consuetudo mo-  
ueat ad orationis studium, ne semper vagi circa ex-  
teriora, a Deo fiant alieni, & frigidi torpeant &  
numquam aliquo deuotionis igne caleant. Deuo-  
tionis autem affectu imbuti, & amplioris cum Deo  
familiaritatis gratia subleuati, si nimis psalmorum,  
& similibus orationum multiplicationibus inten-  
dunt, & spiritum obruunt, deuotionem impediunt,  
cordis libertatem quasi quodam pondere prægra-  
uant, dum melioribus oblati, minus pro illo tem-  
pore vtilibus scrupulosius inhærent. Utuntur tamen  
& ipsi plerumque huiusmodi orationum subleua-  
mento quasi quodam afflatu, donec flamma deuo-  
tionis accensa, verborum folliis non indigeat; &  
purius per se flagrans, & tranquillius in sublime ex-

tollens. Et iste modus videtur expeditior, ut specia-  
les orationes tunc ex bona consuetudine ruminentur,  
quando maior non habetur deuotio: quando vero  
superuenit melior deuotionis infusio, vel utilior, vel  
pius vrgens occupatio, consuetæ intermittantur ora-  
tiones, ad quas quis non tenetur, donec tempus re-  
deat opportunum. Quales autem orationes sunt vti-  
liores, puto non posse super hoc vniformem dari re-  
gulam: sicut de cibis corporis diuersa diuersis conue-  
niunt, cum modo illud magis delectet edentem, mo-  
do aliud. Sed hoc videtur tunc esse fructuosius, quod  
orantem magis secundum Deum delectet, & deu-  
tionis spiritum promptius excitet, & mentis fidu-  
ciam erigat in Deum. Omnis ergo orationis fructus,  
& finis est Deo inhærere, & vnum cum eo spiritum  
fieri per liquefactionem purissimi amoris, & specu-  
lationem serenissimæ cognitionis, & absconsonem  
in Dei vultu ab omni mundanorum strepitu, per ex-  
cessum quietissimæ fruitionis, ubi omnes vires ani-  
mæ, & potentia a suis dispersionibus simul collectæ,  
& in vnum verum & simplicissimum, & summum  
bonum fixæ, in quamdam diuinæ conformationis,  
& æternæ stabilitatis similitudinem transformantur.  
Sunt quidam inferiores gradus quasi scalares ascen-  
sus, quibus paulatim proficit anima, & illi fini pro-  
pinquat. Primo enim assuescit dispersiones memo-  
riæ, quibus per diuersa mundi oblectamenta & im-  
plicamenta distracta vagabatur, per vsum orandi col-  
ligere, & in vnum bonum desigere: quod est finis  
omnium desideratorum & delectabilium. Sed quia  
adhuc memoria lubrica, & instabilis, eo quod multis  
& multiformibus rebus diu adhæsit, quærens in  
quibus delectaretur, vel curiose occuparetur, non  
stabiliter valet inhærere diuinis, vel propter euagan-  
di consuetudinem, vel propter tenuem spiritualium  
notitiam: ideo vitur sustentaculo verborum in ora-  
tione, quæ Spiritus sanctus ad hoc inspirando homi-  
nibus ministravit: ut per ea mote paruulorum quasi  
baculis sustentati, assuescant assurgere & erigere se  
ad Deum. Et hoc fit cum homo conatur verbis ora-  
tionum & psalmorum intendere, & intellectum spi-  
ritualem ex eis elicere, & deuotionis affectum expri-  
mere: sicut qui ex duro silice & ferro ignem excutit,  
qui illuminet & accendat. Si per assiduum vsum oran-  
di cum adiutorio gratiæ Dei, quæ studiosis proficien-  
di semper subuenire parata est, memoria aliquando  
perficitur & stabilitur: iam sine graui difficultate va-  
let orationi intendere, & euagationes mentis facili-  
ter cohibere. Iuxta illud Psalmi: *Ædificans Hieru-*  
*salem Dominus dispersiones Israelis congregabit.* In-  
telligentia etiam quæ prius quasi cæcutiens fuit exte-  
rioribus, & visibilibus inuoluta, incipit dilatari, & il-  
lustrari, ad videndum quæ prius non videbat. Velut  
qui cubiculum de foris veniens subintrat; primo qua-  
si nihil videns impingit in parietes & scabellum: dein-  
de paulatim incipit agnoscere grossiora, & tandem  
clare videt etiam minima: ita quod etiam miratur  
superuenientes non plane videre omnia quæ sibi iam  
sunt manifesta. Et hac illustratione dilatatur ad mul-  
ta cogitanda, & alia colligit ex ratione, alia ex spi-  
rituali intelligit illuminatione, alia discit ex diuina  
reuelatione, & confert illa cum his quæ apprehen-  
dit ex humana eruditione, & imbibit ex sacra lectio-  
ne: & consolatur non modicum quod videt alios  
eruditos & sanctos eadem sensisse, quæ ipse Spiritu  
sancto illustratus intellexit. Ex quo securus redditur  
quod non ab alieno spiritu, vel a proprii sensus opi-  
nionem seducat: cum eundem spiritum sentit in se  
esse locutum, quem & in prioribus sanctis. Caute  
tamen & humiliter in talibus est agendum: ne forte  
ex præsumptionis culpa homo decipi mereatur, &  
pro spiritu veritatis sequatur spiritum erroris, cre-  
dens Spiritum sanctum loqui quod est proprii cor-  
dis opinio, vel immissio per angelum malum, qui  
sæpe

Orationis  
fructus & fi-  
nis.

Quomodo  
poteris Deo  
inhærere.

*Psal. 146. a*

Simile ele-  
gans.

2. Cor. 11. c

1. Ioan. 4. a

A recepta  
Theologo-  
rum Catho-  
licorum tra-  
ditiōe nō  
recedendū.Sapientia  
sapida sciē-  
tia.

2. Cor. 13. c

2. Ion. 4. d

\* summo  
gaudio fer-  
uens.

\* amorem

Nulla crea-  
tura amat  
Deū, quo-  
modo ipsa  
amatur a  
Deo.Gradus qui  
bus venitur  
ad Deo in-  
harendum.

sape transfigurat se in Angelum lucis; persuadens A  
falsa sub veritatis colore. Ioannes, Nolite omni spi-  
ritui credere: sed probate spiritus si ex Deo sint. Ni-  
hil recipiendum est quod ab Ecclesiasticorum doctri-  
na Magistrorum & approbatorum Theologorum  
traditione dissonat, nec reuocandum in dubiū, quod  
ab eis vniuersaliter cum testimonijs sanctorum Patrū  
fuerit rationabiliter definitum: quia veritate reperta  
qui curiose per superuacuum subtilitatem altius per-  
scrutando fodere nititur profunda scripturarum,  
quasi noui aliquid reperturus, quod ab alijs non fue-  
rit inuentum, vanitatem diligens, mendacium quæ-  
rit. Et quia Deus summe suavis & bonus est, & om-  
nia quæ ab ipso fluunt sapida sunt & bona: ideo cum  
intellectus cōperit in agnitione veri dilatari, statim  
etiam gustus animæ, hoc est, interior affectus incipit  
quodam spiritali sapore in cognitis delectari. Et  
sic quod in solo intellectu fuerat scientia, accedente  
sapore affectus, dicitur sapientia, id est, sapida scien-  
tia: scientia est ex cognitione veri, sapientia ex adiun-  
cto amore boni. Licet enim omnes animæ affectio-  
nes suos habeant proprios sapes, id est, motus sibi  
conuenientes, amor tamen quasi principalis suo mo-  
tu omnes alios informat; maxime cum ipse ad sum-  
mum & verum bonum debito modo fuerit conuer-  
sus; qui natus est nihil solidius amare quam summū  
bonum. Omnia alia quæ propter id non diligit, ten-  
tando magis quam in eis quiescendo diligit. Et ideo  
cito per satietatem ei in fastidium vertuntur. Et rur-  
sum alia quærit si forte vel in alijs quiescat: sed non  
inuenit, nisi attingat summum bonum: quod cum  
attigerit quasi in debito fine suo quiescit: & tunc re-  
liquæ affectiones debitos motus suos exercent, iuxta  
ipsum amoris mensuram. Quātum enim amas quod-  
cumque bonum, tantum gaudes de eius adeptione. Et  
quantum speras, vel quantum cupis illud adipisci, tan-  
tum times vel odis id, quod posset id quod amas tibi  
auferre. Et quantum doles de non habito, tantum  
pudet de contrario, si quod diligis sit honestum.  
Quamdiu autem amor contrarios sentit affectus, id  
est, timoris, pudoris, & odij: tunc minor est  
in se & debilior, & quasi distractus & nondum totus  
in se collectus. Etiam cum adhuc spei locus est, non-  
dum perfectus potest esse; dum non habet quod amat  
in fruitione, sed tantum in expectatione; quantoq;  
expectatio incertior, tanto & amor tepidior sequitur.  
Cum autem venerit quod perfectum est, tunc euacua-  
bitur quod ex parte est: quia fruitionis gaudium  
erit perfectum, cum amor quæ cupit iam tenuerit,  
nec amittere ultra timuerit; nec de contrario aliquid  
inesse sibi senserit, quod vel pudendum sit vel dolen-  
dum. Perfecta enim charitas foras mittit timorem:  
cum iam nullam in se habuerit materiam odij, vel  
causam erubescentiæ vel doloris. Quanto ergo cha-  
ritas magis augetur, tanto & aliæ virtutes & virtuosæ  
affectiones amplius purificantur; quousque omnes  
in eam solam transformantur: vt iam non sit timor  
vel dolor, spes vel pudor, sed tantum \* suo gaudio  
fruens amor, & illi bono tenaciter inhærens, quod  
solum sufficit animæ desiderium adimplere, & ipsum  
\* amore eius in se potenter transformare: vt iam  
agnoscat sicut & cognita est, & amet sicut amata est;  
quamuis non quantum amata est; vt sit similitudo,  
non æqualitas. Nulla creatura tantum potest amare  
Deum, sicut amata est ab ipso: sed tantum sicut acce-  
pit ab ipso. Deus enim sicut est causa omnium cau-  
sarum, ita & diligit omnia in seipso & propter seip-  
sum. Et ideo sicut eius cognitioni nostra non approxi-  
mat, ita & amor noster eius amoris non poterit com-  
parari: nec in patria quanto minus in via, vbi multi-  
pliciter distractus, vix vel numquam potest se collige-  
re ad se, vt totus simul feratur in Deum. Proficit au-  
tem homo Deo deditus in studio inhærendi Deo sic,  
vt primo cum labore mentis euagationes comprimat

& ad Deum colligat. Deinde ex vsu studij istius fa-  
cilis iam cor suum cohibere, & secum habitare di-  
scit. Iuxta illud Exodi: Maneat vnusquisque apud  
semetipsum, nullus egrediatur ostium domus suæ die  
Sabbati, & sabbatizabit populus. Tandem non solum  
faciliter sed & delectabiliter Deo valet inhære: vt  
auulso ab huius quiete sit ei desolatio, aut tribulatio  
non modica: sed semper vellet, si posset, talibus deli-  
cijs inhære. Deuteronomiū, Amātissimus Domi-  
ni habitabit in eo confidenter, quasi in thalamo tora  
die commorabitur, & inter humeros illius requie-  
scet. Sunt tamen gradus & profectus in hac com-  
moratione. Primo, vt delectabiliter Deo inhæreat,  
& inuitus auellatur ab eo, sicut paruulus a matre blan-  
diente, vel famelicus a cibo inuitus separatur. Nec  
mirum. Spiritualis enim iucunditas non solum de-  
lectabilis est fruendo, sed etiam pulchra & honorifi-  
ca inhærendo, & promerendo delectat, honestat, &  
locupletat. Suavis est gustus celestium deliciarum,  
honorabilis amicitia Dei, & ciuium familiaritas su-  
periorum, fructuosa charitas & meritoria sublimiū  
præmiorum. Omne quod appetitur, propter istorum  
trium aliquid desideratur: vel quia putatur delecta-  
bile, vel honorabile vel vtile: sed in quo omnia simul  
& plene conueniant, non inuenitur nisi in fructibus  
spiritalium deliciarum. Alia autem aut delectant,  
& turpia sunt & nociua; aut honesta vel vtilia, sed  
difficilia & laboriosa. Virtutis autem affectus & sa-  
pientiæ gustus, & diuinæ suauitatis fruitio dulcis est  
& venerabilis, & conscientiam lætificat & magnifi-  
cat. Vnde Psalmus, Gustate quoniam suavis est Do-  
minus, &c. Sed cum sponsi amplexibus anima deuota  
inhæret, incipit inter eius brachia ali-  
quo modo consopiri, sicut potatus nobili vino in so-  
porem resoluitur: vt non solum delectabiliter, sed  
etiam tenaciter Deo inhæreat, & quasi vi quadam  
abstrahatur ab omni visibili sensu & memoria: sic  
tamen temperate, vt nec plene suimet oblita; nec ta-  
men vere compos sit sui. vnde Psalmista: Si dor-  
miatis inter medios cleros, id est, inter medios termi-  
nos mundi & cæli. Item in Canticis, Ego dormio, &  
cor meum vigilat. Est enim talis iste somnus sicut  
illorum qui incipiunt dormire, & videntur tamen  
sibi ea quæ circa se fiunt aliquo modo sentire & in-  
telligere: sed præ sopore non aduertunt, nisi velint  
sibi vim facere, vt ad se plenius reuertantur. Amor  
enim Dei cum pura intelligentia conditus inebriat  
mentem: & ab exterioribus abstractam suā virtute  
Deo conglutinat & coniungit. & quanto amor ve-  
hementior & intelligentior & lucidior, tanto vali-  
dius mentem in se rapit, quousque tandem omnium  
quæ sub Deo sunt plene oblita, in solo diuinæ con-  
templationis radio liberè figatur, licet breuiter velut  
in quodam corusco luminis cælitus emicantis: quia  
corpus quod corrumpitur, aggrauat animam, & de-  
primit terrena inhabitatio sensum multa simul cogi-  
tantem. Sensus enim hominis per se pauca potest,  
& vix tenuiter cogitare. Subleuatus autem affectu  
superni luminis, tanto plura simul intuetur, quanto  
supra se sublimius eleuatur. Sed corruptio terreni  
corporis, & variæ huius vitæ occupationes, depri-  
munt animam, & reuocant ad seipsam, vt gemens cla-  
mare cogatur cum Apostolo ad Romanos: Infelix  
ego homo, quis me liberabit de corpore mortis hu-  
ius? Item cum Propheta: Heu mihi, quia incolatus  
meus prolongatus est. Quanto plus mens sollicita est  
ad ista inferiora cogitanda, & humana meditanda,  
tanto plus a superioribus & celestibus deuotionis in-  
tuitu elongatur: & quanto feruentius ab inferiorum  
memoria, affectu & intellectu ad superna sustollitur,  
tanto perfectior est deuotio & purior eius contem-  
platio: quia simul perfecte non potest vtriusque esse  
intenta, quæ ab inuicem sicut lux & tenebræ sunt di-  
uisa. Qui Deo inhæret, in lumine versatur: qui mun-  
do inhæ-

Exod. 16. f.

Deut. 33. b

Psalm. 33. b

Psalm. 67. b

Cant. 5. a

Amor Dei  
mentem  
inebriat.

Sap. 9. c

Rom. 7. c

Psalm. 119. a

Perfectio  
hominis in  
hac vita.

Orationis  
perfectio.

Deuotionū  
contempla-  
tionis spe-  
cies diuer-  
sæ.

Iubilum.

Greg. lib. 24.  
Mor. c. 6. &  
lib. 28. c. 14

Psal. 88. c.

Ebrietas spi-  
ritus.

Act. 2. b  
Iob. 32. d

do inhæret, in tenebris est. Hæc est hominis in hac vita sublimior perfectio, ita inhære Deo, ut tota anima cum omnibus potentijs suis & viribus in Deum collecta, vnus fiat spiritus cum eo: ut nil meminerit nisi Deum, nil sentiat vel intelligat nisi Deum, & omnes affectus in amoris gaudio vniti in sola conditoris fruitione suauiter quiescant. Imago enim Dei in anima, in tribus eius potentijs expressa consistit, scilicet in ratione, memoria, & voluntate: quam diu istæ nõ sunt ex toto Deo impressæ, non est anima deformis. Forma enim animæ Deus est, cui debet imprimi sicut sigillo signatum. Hoc numquam plene fit, nisi cum ratio perfecte iuxta capacitatem suam illuminatur ad cognitionem Dei, qui est summa veritas; & voluntas perfecte afficitur ad amandum summam bonitatem; & memoria plene absorberetur ad intuendam & tenendam & fruendam summam felicitatem: & quia in eorum consummata adeptione constat gloria beatitudinis, quæ perficietur in patria: liquet quod istorum perfecta inchoatio, est perfectio viæ in hac vita. Quamuis autem omnes virtutum conatus ad hanc perfectionem tendere videantur, tamen specialiter orationis studium ad hoc nititur, ut anima toto intellectu & affectu & memoria in Deum feratur; quia alijs postpositis, soli Deo anima inhære desiderat cum oratione. Vnde orationis perfectio est, cum id obtinet anima ad quod orando tendit, ut tota ab infimis abstracta, solum vniatur diuinis: nec volens, nec valens aliud sentire, nisi Deum. Ibi vere quiescit anima, ibi deliciatur in splendore lucis, in amœnitate diuinæ dulcedinis, & in securitate pacis. Hæc autem spiritualis amœnitas non potest per aliquas imaginabiles describi similitudines, nec per sensibilibus depingi comparationes: quia pure spiritualia tantum differunt a sensibilibus, sicut & spiritus a corpore. Spiritus vero rationalis nec corpus est, nec corporis similitudo. Circa vero hunc contemplationis excessum sunt diuersæ deuotionum species, quas breuitatis causa prætereo, quibus vel scriptura vel scripturæ tractatores diuersa nomina imposuerunt: ut iubilum, ebrietas spiritus, spiritualis iucunditas, liquefactio, &c. quæ expertis & vacantibus explananda relinquo, aliqua tamen breuiter tangam istorum. Et quia iubilum vsitatum nomē habet ex scriptura, videtur quod iubilum sit quoddam spirituale gaudium cordi repente ex aliqua deuota cogitatione vel collatione infusum, quod cor totum concutit ex sui vehementia, & quodam tremore commouet, & delectabiliter cruciat: quia motus gaudij consolatur, sed ex impetu fortitudinis corpus debilitatur: & aliquando per risum, aliquando per quosdam clamores, aliquando per aliquos gestus & singultus, quasi euaporando erumpit, non valens se intra se taciturnum continere. Gregorius. Iubilum namque dicimus, quando ineffabile gaudium mente concipitur, quod nec abscondi possit, nec sermonibus aperiri: & tamen quibusdam motibus proditur, quamuis nullis suis proprietatibus exprimat. Vnde Psalmus. Beatus populus qui scit iubilationē. Non ait, qui dicit, sed qui scit: quia sciri quidem iubilatio potest, sed dictu exprimi non potest. Ebrietas spiritus potest dici quælibet magna amoris & gaudij deuotio, ex qua quasi ex vini fortitudine feruor spiritus exhalarescit, quod se intra se cohibere non valet. Vnde Apostoli sancti Spiritus feruore estuantes, multo pleni dicebantur. Iob: Venter meus quasi mustū absque spiraculo, quod lagunculas nouas dirumpit. Nouas dicit, non veteres, vel quia veteribus cordibus non infunditur talis deuotio, sed nouis, in nouitate vitæ ambulantibus: vel nouas dicit, propter fortitudinem imperus spiritus: qui si nouas dirumpit, quanto magis veteres? id est, fragiliora corda & infirma: vel nouas dicit, quia talis feruor spiritus nouis & nondum exercitatis mentibus nuper infusus, minus se valet cohibere, quin erumpat per inusitados

gestus, vel voces vel singultus, sicut vinum nouum in vase ebullit, quod inueteratum quiescit. Quandoque etiam corpus quasi obrigescit, & membra inhabilia, & inflexibilia fiunt ex subita feruoris & suauitatis influentia: & hoc potest esse quia spiritus omnes accenduntur affectu cordis inflammato, quia extensione terminorum & obstructione viarum spiritualium membra amittunt habilitatem officiorum suorum: ut lingua loquelæ, manus operationum, & pedes & crura gradiendi; quousque feruor iterum remittatur, & viæ spirituum apertæ fiant ut prius. Nec mirum si hæc affectiones diuinæ possunt efficere, quarū virtus fortior est, cum etiam humanæ affectiones hæc interdum valeant: ut subitus terror, & immoderata lætitia; & subitus dolor, & odium immensum, & intemperatus amor; sicut sæpe compertum est, etiam in ecstasim & in stuporem vel in phrenesim aliquos ex huiusmodi raptos esse, & membra in rigorem vel tremorem versa, vel etiam febres ex vehementi molestia incidisse. Quid etiam mirum si ex magna spiritus hilaritate, quam Spiritus sanctus cordi infundit, aliquando erumpat in aliqua aperta hilaritatis indicia, vel si quandoque singultibus & fletibus apertis imperare non valeat, & huiusmodi internæ deuotionis motus abscondere? cum videamus sæpe aliquos ex stulta leuitate a risu, & insolentibus cachinnis non posse se cohibere, etiam vbi pudor humanus imperat disciplinam? & aliquando ex humana tristitia oborto fletui non potest homo, quamuis libenter faceret, imperare? Cum enim scriptum sit: Deus noster ignis consumens est, & Deus charitas est: quid mirum si feruor diuinæ charitatis cordi infusus totum hominem commouet? sicut si vitro fragili, & vasi fictili bullientem liquorem vel ignem ardentem infundas, crepitationis fragorem concitas. Cor namque diuini amoris gaudio, vel diuinæ fruitionis inflammatum desiderio, in se dilatur & extenditur, & quasi intra angariam pectoris se capere non sufficiens, quodammodo erumpere conatur, ut flammā quam intus patitur, foras eructet, & ardoris sui refrigerium quaecūque inueniens euaporet. Quod cum non potest, vel humano pudore non audet, mirabiliter in semetipso cruciatur, & corpus valde ex talibus motibus debilitatur: quia virtus diuinæ dulcedinis intolerabilis est imbecillitati terreni corporis, sicut si ignem vitro immittas. Vnde legimus sanctos ex diuinis visitationibus vel reuelationibus corruisse & viribus emarcuisse. Daniel, Vidi visionem hanc grandem, & non remansit in me fortitudo, & emarcui; nec habui quicquam virium, & iacebam consternatus super faciem meam, &c. Thren. De excelsis misit ignem in ossibus meis, & erudiuit me: ideo Spiritus sanctus in igne super Apostolos venit: quia virtus amoris diuini sicut ignis illuminat & inflamat. Spiritualis iucunditas dici potest gaudium quoddam in Spiritu sancto, quod a Spiritu sancto infunditur, quod gaudet animus in Deo, siue pro perceptis diuinis beneficijs, vel promissis: & licet aliqui putent spiritua-lem esse lætitiā, cum aliquando inter se iucundi sunt, tamen sciant quod spiritualis lætitia sicut caret amaritudine tristitiæ sæculi & acedie torpore, ita & dissolutionis leuitate. Spiritualis enim lætitia dupliciter accipitur, specialiter & generaliter. Specialiter, & tunc est motus spiritualis specialis gaudij in Spiritu sancto, ex intuitu beneficiorum Dei & futuræ gloriæ & bonitatis diuinæ. Generaliter, & tunc est quædam mentis hilaritas ex bona confidentia ad Deum, & bonæ conscientie testimonio; reddens hominem beneuolum & deuotum ad omnia agenda & sufferenda pro Deo, & omnia quæ Dei sunt diligenda & promouenda. Ideo bis dicit Apostolus ad Philipenses: Gaudete in Domino semper, iterum dico gaudete. Primo generaliter. Secundo specialiter. Liquefactio autem animæ aliud non vinctur esse, nisi quædam

\*aeruoium.

Dent. 4. d  
1. Ioan. 4. c

Dan. 10. b

Thren. 1. c  
Act. 2. a

Spiritualis  
iucunditas.

Phil. 4. a

Liquefa-  
ctio.



quædam emollitio a sua duritia, per quam flexibilis redditur & voluntaria ad amandum se amantem. Deum, & liquefcens ad recipiendum diuinæ virtutis impressiones: vt sicut liquor liquori, ita spiritus Dei spiritui hominis influens misceatur, & vnus fiat anima spiritus cum Deo.

*De septem generibus deuotionum sine compunctionum.*  
Cap. LXXIII.

**C**Vm autem multa videantur esse deuotionum genera vel compunctionum, possunt tamen in septem distingui differentias maxime singulares, iuxta affectionum varietates. Aut enim surgit deuotio ex timore, aut ex dolore, aut ex desiderio, aut ex comp

1. Ex timore.

*Psal. 50. c*  
*Psal. 37. d*

2. Ex dolore.

*Psal. 50. b*  
3. Ex desiderio.

*Psal. 37. b*  
*Isa. 26. b*

4. Ex compactione.  
*Luc. 2. c*

*Iob. 3. d*

5. Ex amore

*Rom. 8. c*

1. *Cor. 8. a*  
2. *Pro. 8. b*

Amor Dei omnium affectionum condimentum.  
6. Ex gaudio.

*Psal. 83. a*  
7. Ex admirationis stupore.

passione, aut ex amore, aut ex gaudio, aut ex admirationis stupore. Ex timore, vt cum quis compungitur timore futuri supplicij, vel cum timet a Deo perire, qui propter demeritum peccatorum suorum, dicens Deo: Ne proijcias me a facie, &c. Ne derelinquas me Domine Deus, &c. Ex dolore, cum dolet se offendisse Deum, & gratiam eius amisisse, vel cum dolet, se tam parū profecisse, & tam parui esse meriti apud Deum, & intantum oculis Dei displicere. Psalmus: Auerte faciem tuam a peccatis meis, &c. Ex desiderio, cum suspirat & anhelat ad gratiam ampliorem virtutum, & ad familiaritatis diuinæ suauitatem, & ad Christi præsentiam in cælo, vel ad alia sancta desideria adimplenda. Psalmus: Domine ante te omne desiderium meum, &c. Isaias: Nomen tuum & memoriale tuum in desiderio animæ. Anima mea desiderauit te in nocte, &c. Ex compactione, cum Christo passio pie compatitur, & gladius ille animam fidelem transuerberat & vulnerat, qui Mariæ matris eius animam totaliter pertransiuit. Aut cum proximorum incommodis & animarum periculis compatitur, & zelus domus Dei, & iniuriæ Deo illatæ comedunt eam; nec sinunt eam dormire somno dissimulationis, quin contristetur ad singulorum scandalum, & torqueatur ad fingulorum calamitates. Iob: Flebam super eo qui afflictus erat; & compatiabatur anima mea pauperi. Ex amore diuino, cum recolit, quàm benigne secum egerit, & quanta sibi beneficia indigno & immerito contulerit; vel cum pensat generalia beneficia omni humano generi impensa, per incarnationis & passionis beneficia, & sacramenti altaris, & Spiritus sancti sacrosancta charismata; vel cum ipsius Dei ingentem intuetur bonitatem, quæ tanta est, sicut eius immensitas & æternitas, quæ nec mensuram habent, nec finem. & ideo sine mensura diligendus est. Et sic amore Dei nihil potest esse delectabilius, nil honorabilius, nil vtilius. Per hanc affectionem dilectionis Dei, singulariter Spiritus sanctus testimonium reddit spiritui nostro, quod sumus filij Dei. De hac specialiter dicitur: Qui diligit Deum, hic cognitus est ab eo. & Ego diligentes me, diligo. Cognosci a Deo & diligi, est ab eo approbari. Amor Dei est omnium affectionum bonarum condimentum: & tanto plus sapiunt Deo ceteræ virtutum affectiones, quanto plus de hoc habuerint condimento: nec potest esse virtus vel deuotio, quæ ex amoris Dei radice non pullulat. Ex gaudio surgit deuotio, cum exultat in Domino, memor beneficiorum eius, vel cum in spe gratiæ eius confidit se esse de numero saluandorum, vel congratulatur salutis & profectui proximorum; vel cum in exultatione spiritus congaudet gloriæ beatorum, & mente perambulat cælestis patriæ varias mansiones; ex quibus omnibus conexhilaratur, & quasi iucunda volucris, quædoque clauso pectore ludit in iubilo & affectu exultationis & laudis, quasi quærat exire de angaria peccatoris. Psalmus: Cor meum & caro mea exultauerunt in Deum viuum. Ex admirationis stupore cum illuminato intellectu fulgore sapientiæ, stupet magnitudinem potentiam, & suauitatem & benignitatem eius, vel discretionem iudiciorum eius, vel abyssum

claritatis & incomprehensibilitatem immensitatis eius, vel quidquid est de natura diuinitatis eius, & gloria maiestatis, vel quorumlibet operum eius admirabili ratione. Iob: Magnus fortitudine & iudicio & iustitia Deus, & enarrari non potest: ideo timebunt eum viri. Aliquando commixtim ex diuersarum affectionum moribus deuotio conflatur, vt timor cum dolore, amor cum gaudio & admiratione, compassio cum desiderio ardore iungitur: & quasi aromata simul trita, liquore supernæ vnctionis compacta, & calore ignis diuini decocta, pigmentum salutare efficiunt, sanandis animarum languoribus efficax & salubre: sicut illi qui pigmenta sanitatis conficiunt, aliquando de singulis, aliquando de pluribus, & modo de illis, modo de istis compositionem faciunt, pro varijs remediorum causis. Cum autem deuotio sit piæ affectionis pinguedo, & magis se habeat ad affectum, quàm ad intellectum, sicut videri potest in simplicibus deuotis, & litteratis pluribus indeuotis: perfecta tamen non est deuotio sine lumine intellectus. Sed aliter se habet intelligentia simplicium deuotorum, & aliter litteratorum. Litterati enim sciunt subtiliter loqui de quacunque spirituali materia, & verbis proprijs exprimere quæ volunt, pulchre diuidere & distinguere, causas & rationes congruas assignare, & sermone composito persuasibiliter & ordinate proponere, & ex paruis quandoque longum texere tractatum, & ea quæ plana sunt & nota per se verbis artificiosis inuoluere: vt rudibus de intimis Prophetiæ medullis extracta videantur. Deuotio autem simpliciter clarius videt veritatem in se, & profundius sciunt de ea cogitare, & pondus eius pensare, & saporis intimi venas per gustum affectus scrutari, & per puræ intelligentiæ radium quæcunque lucidius discernere: vt licet nesciant verbis expressis proprie distinguere, tamen ex ipso saporis gustu naturales veritatis differentias cognoscere magis valent, & de quolibet argumentorum coniecturas. Exemplum, de quolibet mechanico artifice in arte sua perito, & de subtili Philosopho, quorum alter scit pulchre de arte differere, & alter proprie operari.

*De reuelationibus & visionibus & imaginarijs demonstrationibus.* Cap. LXXIII.

**D**ICTO de illis quæ ad affectum specialius spectant, videndum est breuiter de his quæ in spiritualibus experiencijs magis pertinent ad intellectum: vt sunt reuelationes secretorum, & visiones, & imaginariæ demonstrationes; in quibus quidam de veritate aliquando erudiuntur, & plurimi deluduntur. His autem tanto minus immorandum est, quâto frequentius eis innitentes decipiunt, & minor profectus est in talibus, etiam si vera sunt: licet a rudibus & spiritualium charismatum ignaris, magnæ sanctitatis & sapientiæ virtus in huiusmodi consistere æstimetur.

*De quattuor generibus visionum.* Cap. LXXV.

**Q**uattuor sunt genera visionum, & totidem sunt genera reuelationum, quamuis & visiones dici possunt & reuelationes: quia in eis aliqua secreta reuelantur. Quædam visiones proprie possunt dici corporales, quæ vigilantibus corporaliter ostenduntur: vt Moyses vidit Dominum in rubo ardenti, & Patres sæpe Angelos visibiliter susceperunt. Ad hanc potest referri quorumlibet sensuum experientia: vt auditus, gustus, odoratus, & tactus: quia visus pro quolibet sensu poni potest. Exodus: Populus videbat voces & lampades, & sonitum buccinæ, &c. Voces namque, & sonitum buccinæ non visu, sed auditu percipere potuerunt. Aliæ sunt imaginariæ visiones, quæ vigilantibus non corporaliter sed imaginarie ostenduntur siue in somno, siue in excessu mentis raptis: vt visiones Ezechielis & Danielis, & aliorum Sanctorum in nouo & in veteri Testamento. Aliæ similiter imaginariæ,

*Iob 37. d*

Ex mistis affectionum motibus.

Deuotio docti & deuotio indocti inter se conferuntur.

\* philosophiz.

1. Visiones corporales.  
*Exod. 3. a*  
*Gen 18. a*  
*Exod. 20. c*

2. Visiones imaginariæ vigilantium.  
*Ezech. 1.*  
*Dan. 7.*



3. Visiones imaginariæ dormientiū  
*Gen. 28. c.*  
*Ex. 41. a*  
*Dan. 2. a*  
*Ezec. 33. a*  
*Nu. 22. c*

ginariæ, quæ dormientibus ostenduntur: vt Iacob vidit Dominum innixum scalæ: & Pharaon & Nabuchodonosor somnia viderunt præfagia futurorum. Istæ omnes conueniunt simul in hoc, quod non solum bonis, sed & malis sæpe ostenduntur. Item quod quandoque veræ sunt, & per eas erudiuntur aliqui; & quandoque deceptoræ, quod aliqui per eas deluduntur. Ezechiel: Visionem cassam vidistis, & diuinationem mendacem locuti estis. Item quod nec faciunt sanctum, nec ostendunt: alioquin Balaam sanctus esset, & eius asina, quæ vidit Angelum; & Pharaon sanctus esset, qui futurorum præfagia in somno vidit. Item quod etiam si veræ sunt, tamen per se meritorie non sunt: & qui multa talia videt, non est melior; & qui nulla, non est minor. sicut de miraculis aliquibus. Item quod pluribus sæpe magis nocuerunt talia quàm profuerunt: quia inaniter inde gloriantes extollebantur. Multi etiam putantes se visionem vidisse cum nil viderunt, seducunt se & alios, vel ad quæstum auaritiæ retorserunt. Multi finxerunt mendaciter se vidisse visiones, ne aut haberentur inferiores ceteris, aut vt præ ceteris honorarentur quasi sanctiores, quibus secreta Dei ostendantur. In quibusdam etiam, solent huiusmodi visiones esse præludia insanæ: quia cerebro confuso & fumo ipsum obnubilante, etiam visus oculorum confunditur; vt putet sibi aliquid apparere veraciter, quod phantasticum est & falsum. Ecclesiasticus: Sicut parturientis cor tuum phantasias patitur, ne dederis cor tuum in illis. Alia visio est intellectualis, qua illuminatus oculus luce veritatis, pure ipsam veritatem in se contemplatur, vel intelligit, in visione imaginaria veritatem, quæ in illa significatur: sicut Paulus cum raptus in paradysum, vel in tertium cælum, vidit inuisibilia, & audiuit verba ineffabilia: quia non corporearum rerum imagines, sed ipsius veritatis splendorem pure intuitus est. Similiter & Ioannes Euangelista licet sub figuris corporearum rerum describat Apocalypsim, creditur tamen omnia pure vidisse & intellexisse, quæ ibi figuraliter descripsit, vel propter capacitatem aliorum, quibus ipsa pura veritas præ sui splendore imperceptibilis fuit, vel magis propter mysteriorum reuelationem, quæ non passim omnibus propalanda sunt, vt exerceantur digni, & excludantur indigni a sacrorum mysteriorum intelligentia; sicut & reliqua sanctarum Scripturarum velaminibus sunt operata. Hoc signabat velum ante Sancta Sanctorum oppansum, intra quod non licebat populo, sed solis sacerdotibus introire. Similiter sanctuarium inuolutum in profectione Leuitis imponebatur portandū, quod antequam inuolueretur, non licebat alijs quàm sacerdotibus contingere vel videre: hoc significante Spiritu sancto, quod profunda Scripturæ mysteria perfecti aliquatenus vident: alij autem inuoluta portare debent, dum sumus in hac vita velamine figurarum. Ipsæ enim imaginariarum vel corporalium visionum figuræ, etiam cum veræ sunt secundum spirituales significantiam, non sunt veræ secundum rei existentiam. Non enim verum est substantialiter esse boues in cælo, vel leones vel aquilas, & alia quæ in Apocalypsi & alijs Prophetarum visionibus describuntur, sed ibi sunt cælestes virtutes, quarum merita vel officia istarum bestiarum & aliarum rerum proprietatibus, figuraliter designantur. Credimus Christum glorificatum corporaliter esse in cælo, nec vltra secundum suæ substantiæ veritatem nasci de virgine, lactari vel pati, vel alia, quæ Euangelica docet historia eum fecisse, cum corporaliter cum hominibus in terra conuersabatur: & tamen sic sæpe refertur aliquibus Sanctis & deuotis apparuisse in visione, vel nascens vel in matris gremio contentus, vel extensus in cruce: non quod ita secundum veritatem fieret, sed quod illis propter aliquam singularem consolationem & deuotionis exercitationem, vel propter aliquam spiri-

tualem significationem sic apparet. Scimus enim, quod Christus resurgens ex mortuis, iam non moritur, & mors illi vltra non dominabitur: sic nec vltra corporaliter lactabitur vel nasceretur. Ita de alijs Sanctorum vel Angelorum apparitionibus est tenendum. Non videtur autem prætereundum, quia quidam decepti a seductorijs spiritibus, vel proprijs falsis opinionibus, putant sibi apparere in visione vel ipsum Christum, vel eius gloriosissimam genitricem; & non solum amplexibus & osculis, sed & alijs indecentioribus gestibus ab eis demulceri: vt sicut spiritus ipsorum interius, ita & caro exterius sibi congruo oblationis sensu sensibiliter demulceatur, & carnaliter consoletur: quod non solum est falsum & seductorium, sed etiam blasphemia grauis esse liquido comprobatur. Spiritus sancti visitatio sicut contra omnia vitia reprimenda & detestanda infunditur; ita etiam singulariter contra carnales illecebras opponitur. Et vbi spiritus munditiæ suo iubare resplenduerit, continuo omnes prauæ voluptatis motus euanescent, & velut tenebras superueniente lumine disparere necesse est. De his vero, qui cum aliquando dulcedinem spirituales sentiunt, & mox carnalis delectationis pruritu fœdantur: nescio quid iudicem, nisi quod potius eligo illis carere floribus quos deluti sordibus legere deberem. Et sicut illos damnare non audeo, qui inuiti quandoque in spiritualibus affectionibus carnalis fluxus liquore maculantur; ita etiā excusare nequeo, qui tali fluxu ex consensu condelectantur, qualiscunque eorum intentio videatur.

*De modis reuelationum. Cap. LXXVI.*

**R**euelatio secretorum vel futurorum pluribus modis fieri videtur: in quibus sicut in visionibus plurimi seducuntur, putantes spiritum esse quod proprius sensus finxerit, vel spiritus erroris suggesserit: & ideo vaticinijs iam vsque ad fastidium repleti sumus de Antichristi aduentu, de signis appropinquantibus iudicii, de destructione religionum, de persecutione Ecclesiæ, de regni defectione, & varijs mundi pressuris, & alijs pluribus, quibus etiam viri graues & deuoti plusquam oportuit creduli extiterunt: de scripturis Ioachim, & aliorum vaticinijs varias interpretationes extrahentes: quæ etsi vera essent & autentica, tamen religiosi plurima inuenirent in quibus fructuosius occuparentur: cū & Christus Dominus in Apostolis tales curiosas temporum inquisitiones reprefferit, dicens: Non est vestrum nosse tempora & momenta, quæ Pater posuit in sua potestate. Reuelatio aliquando fit per vocem & verba expressa: vt Petro & Ioanni & Iacobo in monte cum Iesu, vox de nube dixit: Hic est Filius meus dilectus, &c. Vnde Petro dictum est: Beatus es Simon Bariona: quia caro & sanguis non reuelauit tibi, sed Pater meus qui est in cælis. Vel sicut Samueli primo sermo Domini factus est in Silo. Aliquando fit per somnū: vt Ioseph viro Mariæ dictū est in somnis, vt acciperet Mariam & fugeret in Aegyptum & rediret. Et Magis similiter in somnis dicitur, ne redeant ad Herodem. Et in alijs pluribus locis simile inuenitur. Aliquando per spiritum Angelicum vigilanti & intrinsecus loquenti. vnde Zacharias: Angelus qui loquebatur in me, dixit ad me: Nunquid nescis quid sunt hæc? &c. Aliquando fit per spiritum interius in mente. Psalmus: Audiā quid loquatur in me Deus. Et hoc duobus modis. Vno modo, cum inspirat menti aliquid agendum vel dicendum, vel de proprijs docet vel de alienis: sicut, Prophetis inspirauit quid facerent vel dicerent; vel cum futura vel absentia vel abscondita eis reuelauit. Secundo modo, cum non de speciali facto illo vel illo, sed generaliter ad plura per mentis illuminationem ostendit, quid secundum veritatis iudicium sit melius vel non melius. Sicut docet omnes iustos declinare a malo, & facere bonum, & per spiritum scientiæ, vel consilij,

*Rom. 6. a*

Visiones seductorum spirituum.

*Ecclesi. 34. a*  
 4. Visio intellectualis.

*2. Cor. 12. a*

*Exo. 26. f*

*Nu. 4. b*

*Act. 1. a*

1. Reuelatio per vocem.

*Matt. 17. a*

*Matt. 16. c*

1. Reg. 3. a

Reuelatio per somnū.

*Matt. 1. d*

*Ex. 2. b*

Reuelatio per spiritum Angelicum.

*Zach. 4. a*

*Psal. 48. b*

2. Reuelatio  
per Spiritū  
sanctum.

consilij, vel intellectus, vel sapientie, Dei placitū agnoscere, vel eligere potiora. Est & alius modus reuelationis per Spiritum sanctum, cum homo ex Dei inspiratione orat Deum pro aliqua speciali causa propria vel aliena, & per affectum deuotionis & fiduciā exauditionis intelligit se exauditum in hac petitione. Sed licet cōsidat quod illud pro quo orauit, habiturū sit prosperum successum; nescit tamen sēpe qua viā habebit processum. Ecōtrario cū non sentit sibi infundi fiduciā exauditionis, intelligit se non habiturum effectū suę petitionis, licet non sit in hoc omnino certus: quia nescit an hoc sit defectus deuotionis, vel indicium negatę petitionis. Hoc tamen genus reuelationis est specialiter deuotis mentibus familiare. In hoc tamen aliquando quidam deuoti inueniuntur decepti, sicut & in interna inspiratione. Et hoc taliter posse fieri videtur, cum homo deuotus Deo aliquando intendit, & per magnę deuotionis affectum confidit Deum sibi esse fauorabilem, optat vel orat sibi vel alteri istud vel illud quod tunc desiderat euenire: & cum fuerit iam in affectu deuotionis, & fiducia diuinę propitiationis, antequam istud optaret, accedente vero optatę rei desiderio sit affectus feruentior, & fiducia ad Deum ex feruore constantior. & quia præsumit Spiritum sanctum hanc deuotionem operari, cum spiritus malignus non possit affectū deuotionis infundere quem numquam habet; confidit se nō decipi, & in concepta spe desiderij sui non confundi: quia testimonium adauctę per spiritum deuotionis & fiducię creditur approbasse. Sed in hoc potest esse deceptio, quod spiritus hominis ex desiderio rei quā diligit, cum de illa studiose cogitat, hilarescit; etiam cum in nulla prius erat deuotione ad Deum, ita quod aliquando pro desiderio illius rei facile prouocaretur ad lachrymas, maxime si est res quę spectat ad deuotionem qualemcunque. Sicut sēpe etiam cum pro vana gloria quis optat gratiam bene prædicandi, vel prophetandi, vel miracula faciendi, vel aliud vnde mirandum videretur agendi, cor delusum huiusmodi phantasmatibus hilarescit, & in vanam affectionē pinguescit. Quanto ergo magis cordis affectus exhilaratur & deuotio afficitur in se, cum cogitat & optat quod desiderat, non ex leuitate vel vanitate, sed ex maturitate & charitate? dum interim est in aliqua spiritus consolatione, quę facili occasione potest per ampliora incitamenta deuotionis subleuari, tunc cōfidentia proprij spiritus loquitur, & putat loqui Spiritum sanctum, dum non subtrahit deuotionis gratiā quā dedit, immo dilato cordi per desiderij appetentiam, eo profusorem gratiam infundit, quo cordis exhilarati capacitas locū ampliorem in se gratię præparauit. Cor enim liberum & beneuolentia iucundū aptius est ad deuotionis gratiam recipiendam, quā tristitia & amaritudine contrictū: quia Spiritus sanctus amor est, & beneuolentia, & iucunditas Patris & Filij: & similia similibus magis gaudent naturaliter. Lætitia enim est proprium cælestis patrię. Mæror tristitię, est huius exilij negotium. Amaritudo desperationis, est infernale supplicium. In omnibus ergo reuelationum vel visionum generibus magna cautela habenda est, ne falsa pro veris, noxia pro salutaribus, exigua pro eximijs, & incerta pro certis recipiantur. Solus autem Spiritus sanctus per donum cōsilij, & per gratiam discretionis spirituum, scit hominem expedire & certum reddere quid in illis recipiendum sit, vel respuendum, & quomodo eis vtēdum: sicut & Prophetas & Sanctos docuit, quibus non solum vera ostendit, sed etiam per veritatis testimonium, quia vera essent interius demonstrauit. Alijs autem videtur esse securius talia non querere, oblati non cito credere, deceptionis caueam cauere. Aliquando etiā oblata velut minus fructuosa paruipendere: vt si vera sint, se habeant indifferenter ad ea: si falsa, non innitantur eis ne decipiantur. Et si velint aduertere, quę

S. Bon. Tom. 7. Pars iij.

rant super his consilium sapientum solummodo & paucorum; & ad illa studiose sese exercent quę sunt secura, meritoria & fructuosa: scilicet vt sunt vitia extirpare, & virtutum studijs fideliter insudare, Scripturę sacrę sanum scrutari intellectum, & per orationis vsum mentem accendere ad deuotionis effectum. Hęc sunt salubria & secura & fructuosa studia religiosorum. Et quanto quis se in istis magis exercuerit, tanto maioris meriti & maioris glorię apud Deum erit. Sunt etiam quędam sensibiles dulcedines & suauitatis experientię, quę deuotis quandoque infunduntur: vt mirabilis fragrantia odorum, ineffabilis suauitatis saporum, & hymnidicę melodię vocū & sonorum, & tactu perceptibiles experientię indicibilia suauitatum. Quę cum vere sint a Deo, possumus æstimare, quod aut dentur quibusdam nouis & rudibus, qui spiritualia nondum lucide intelligunt, vt saltem per sensibilia consolentur in Domino, qui virtutem pure spiritualium non cognoscunt; in quibus maior vis est & certior veritas, & fructuosior profectus & purior perfectio. Etiam prouectioribus in spiritu consolationes sensibiles dantur propter redundantiam interioris dulcedinis: vt sicut anima communicat corpori suo quasi comiti & socio vicē passionum suas, ita communicet ei & consolationes. Tristitia enim interius anima, etiam corpus tabescit exterius. Sicut ergo corpus collaborat spiritui & compatitur in merito: ita digne comparticipat & conremuneratur ei in præmio; non solum futurę glorię, sed etiā præsentis gratię: sicut domini in conuiuio epularum seruis transmittunt reliquias ferculorum. Apostolus: Sicut socij passionum estis, ita & consolationū eritis. Et hoc ex superfluenti mensura datur dilectis, cuius redundantia ne effusa depercat, excipitur a corpore, quod particeps fuit in labore. Sed sicut de visionibus & reuelationibus, ita & de huiusmodi sensibilibus experientijs est sentiendum, quod aliqui seducuntur in eis, putantes esse a Deo, quod forte phantastica deceptio est; & aliqui putant esse aliquid magni, quod nullius est in se meriti vel momenti; & aliqui extolluntur de talibus apud se, & iactant se quasi de singularis gratię sanctitate. Etiam habent hoc proprium, diuinę dulcedinis experientię, maxime cū frequentiori vſu & valentiori motu influunt, vt spiritum reficiendo, corpus debilitent, & ita quodammodo delectando affligant. Sicut rusticum cibus grossioribus assuetum, deliciosa fercula sępius sumpta alterando calefaciunt & dissoluunt. Ignobile namque corpus & corruptibile, sicut pecus brutalibus, sic est assuetū terrestribus & vilibus. Genesis: Comedes herbas terrę. & hoc post peccatū. Quærūt autem deuoti aliquando ex deuotionis vehementia corpore debilitati, vtrum sit melius debilitatē corporis potius subire, & spiritū per deuotionis studium cum Deo roborare, & gratiā oblatam non abijcere, vel præ nimia debilitate se abstrahere a deuotione, & spiritum extinguere, & exterioribus occupationibus se dare pro corporis releuatione. Ad hoc, saluo meliori cōsilio, videtur consulendū nimis debilibus, quod interdū possunt se vtiliter subtrahere a studio deuotionis, & conatu proprio nō ad hoc instare, ne quasi extorquendo expriment deuotionis affectum: quia talis conatus violentus debilitat etiam validiores. Si autē sine laborioso conatu offert se gratia & ingerit se illis nō quę sita, nec abijciat eam, nec omnino toros se immergant ei, maxime si vehementer ex hoc se debilitari sentiant, sed temperate ei inhæreant. Iuxta illud: Mel inuenisti, comedere quod sufficit tibi, id est, quod satis est iuxta virum tuarum mensuram. Vtilius enim est ad horam temperatius frui gratia deuotionis, quā omnino exhaustis viribus, & destructa virtute naturali totaliter eam perdere & irrecuperabiliter carere. Quia sic destructi, postea nimis incipiunt sibi met compati: & vt reparent vires amissas per indiscretionem, non solum

I i i delicat.

Dulcedines  
sensibiles.

2. Cor. 7. 6

Gen. 3. 6  
Quęstio in  
signis.

Prov. 16. 6

delicatus, sed etiam dissolutius quam expedit se habere. Exhaustis namq. viribus maxime capitis & cordis, vix audent etiam per moram aliquam ad deuotionis studium aspirare: quia retrahit eos continuo molestia debilitatis: & quo magis volunt contra eam conari, eo minus possunt. Et ideo consultius videtur consolationes diuinas moderatius querere, cum debilitas corporis obsistit, vt diutius eis frui possint, & auctas valeant tolerare; quam ad breue in eis delectari ita indiscrete, vt postea fugere eas oporteat, & sine spe recuperandi amittere. propter virium deflectionem. Vase enim contrito, liquor effunditur. Vnde

*Psal. 26. d* Defecit caro mea & cor meum: quia cum corporis virtus omnino defecit, etiam cordis vigor a deuotione languescit. Contingit etiam plerumque studiosis deuotionis, vt cum magis conantur habere deuotionis gratiam, minus habeant; & cum vehementius instant, aridiores & duriores corde fiant: sicut in summis festiuitatibus, & deuotis temporibus passionis Christi & natiuitatis, & similibus, & maxime cum se ad sacram communionem student sollicitate preparare. Et multi ex hoc sapissime grauiter contristantur: & ad illam partem conturbati corde pusillanimitate, interpretantur quod forte indigni sint visitatione diuina, & quod non placeant Deo, vt sicut indigni, & indeuoti ad sacram communionem accedant: & sic saepe se subtrahunt a cibo vite, & medicina salutis. Sed cum homini incertum sit, an sit dignus amore vel odio, secundum rationem dispositionis & merita singulorum Deo soli nota, non possumus secundum veritatem cuique consulere quid in huiusmodi sentire debeat & facere. Tamen cur tunc Deus subtrahit bonis & studiosis deuotionis gratiam, cum eam libentius haberent & instantius querunt, super hoc possunt quinque rationes assignari. Prima, humiliatio: quia magis humiliatur homo cum non habet tunc deuotionem quam alio tempore: & magis confunditur in seipso: sicut seculares plus confunduntur si in Pascha non communicant, cum solitum est communicare ceteros, quam toto reliquo tempore anni. Secunda est purgatio peccati: quia forte per alia exercitia minus purgatus est, vel aliqua habet delicta quæ non recolat: & vt dignius accedat ad Eucharistiam, & amplius purgetur a peccatis; & in hoc puniatur in quo magis dolet; & quo dolor grauior, eo purgatio efficacior: & maxime, quia forte alio tempore minus studiose quæsiuit deuotionis gratiam, vel oblatam negligentius recepit, nec dignas pro ea gratias retulit. Puniatur modo in quo peccauit, vt tunc illa careat gratia, cum eam desiderat, quam ante neglexit cum habere poterat, & cauior de cetero in hac parte fiat. Tertia, vt ex hoc eruditor in gratia fiat, quod a Deo sit, non ab homine: cum non potest eam homo pro voluntate habere sui arbitrij: sed Deus qui dat ex se, quando infundit, quando vult subtrahit, prout sibi placet, & prout accipienti iudicat conuenire. Item, quia ex gratia sua dat, non pro meritis hominis: quia si daret semper cum queritur, & non daret nisi quæretur, putaretur iam tantum dare secundum merita requirerentium, & non secundum gratiæ liberalitatem: F

*De tentationibus deuotorum. Cap. LXXVII.*

Deuotorum tentationes duæ hæsitatio & elatio.

**D**uæ sunt enim tentationes deuotorum satis conuersæ, maxime nouis & imperfectis, hæsitatio & elatio. Hæsitant enim saepe an a Deo talis sit gratia, vel homo per se istos motus suo conatu procurer, & est satis importuna tentatio. Aliquando etiam videtur homini quod forte possit esse dæmonis illusio, & sit perplexior: quod quandoque studium deuotionis cogitat omnino postponere, & simpliciter vocalibus orationibus, & actionibus solum intentus esse; quasi in illis sit securior, quam in studio internæ deuotionis, & hoc præcipue patitur cum deuotionis gra-

tia sibi subtrahitur, & sic dupliciter tribulatur, scilicet de subtractione gratiæ, & de hæsitacione si fuerit a Deo gratia quam habebat. Sic discipuli ante plenam Spiritus sancti missionem saepe vacillabant in fide Christi; dum modo visis eius miraculis & excellenti doctrina credebant eum esse verum Dei Filium: modo visis eius passionibus pro nobis susceptis, titubantes hæsitabant, sicut eo passo, antequam certi essent de eius resurrectione, inter se dicebant: Nos autem sperabamus quia ipse esset redempturus Israel. quasi diceret: Ab hac spe frustrati sumus. Sic & post resurrectionem suam, viso eo gaudebant & dubitabant, donec per multa argumenta de veritate eius certificati sunt, maxime post ascensionem eius, & sancti Spiritus emissionem. Ita & deuoti Christifideles modo gaudent de consolatione internæ gratiæ, modo dubitant & tristantur: immo varie operatur in eis Spiritus sanctus, nunc illo modo, postea alio modo. Iam infundit eis consolationem, & iam subtrahit: donec pluribus indiis experti veritatem & utilitatem suæ visitationis, præsentem gratiam gaudent de consolatione, & securi sunt de veritate, absente ea vtriusque muneris solatio carent. Sapiens autem in die malorum non immemor studet esse bonorum; quorum recordatio reuocat eum a pusillanimitate spiritus & tempestate. Et hoc valet contra primam illam tentationem hæsitacionis. Rursum in die bonorum non immemor studet esse malorum, per quæ humilietur, & timore ab elationis tumore comprimatur: & sic secunda tentatio sanatur. Extolluntur enim deuoti quadupliciter; quia aut gloriantur se deuotionis gratiam præcedentibus studiis & laboribus meruisse, aut præ ceteris qui hanc gratiam non videntur habere, se a Deo dilectos esse, aut maiorem gratiam sibi esse datam quam sit in veritate; aut se melius ea scire vti, & gratiosius recipere, & fructuosius impendere, & minus negligere quam alij qui simile donum gratiæ acceperunt. Contra priorem tentationem hæsitacionis valet constans fiducia credulitatis, quod a Deo sit illa gratia, & diligens consideratio gratiæ ipsius, si semper sit motus eius ad bonum tantum, & humilis consultatio super illa apud aliquem peritum & exercitatum in talibus, & prompta voluntas acquiescendi qualiter in gratia debeat se habere, & supplex oratio ad Deum, ne permittat hominem decipi a sensu proprio, vel spiritu alieno. Contra alteram tentationem elationis valet diligens cognitio propriæ indignitatis, & torporis, & negligentiae, & ingratiitudinis, & inanis gloriæ, & timida expectatio reddendæ rationis de gratia collata & neglecta, & pauida suspicatio subtrahendæ gratiæ & derelictionis a Deo, propter vitia prænotata, iamdiu causa correctionis tolerata, & non emendata, & studiosa consideratio aliorum qui in gratia, in virtutibus, in orationibus, & studiis bonis incomparabiliter eos præcellunt. Quarta ratio negatiue deuotionis, cum quandoque studiosius querunt, quia aliquando ex impetuoso cordis conatu libertas mentis obruitur, dum quasi per violentam extorsionem accelerat deuotionis affectum exprimere; & si non iuxta desiderium cordis statim potest elicere gratiam deuotionis quæsitam, contristatur, & amplius ex hoc induratur: & quo impetuosius cupit se ad deuotionem cogere, tanto minus proficit, & amplius arefcit: sicut qui botros in torculari, vel oliuas in prelo subito & nimis vehementer comprimit, liquor magis turbidus & insipidus fluit, quam si paulatim & moderatius compressisset. Quo enim liberior, eo pinguior deuotionis affectus. Ideo alio tempore saepe est homo deuotior: quia tunc spiritus suæ libertati relictus, sponte se eleuat in sublime. Violenta namque acceleratio præfocat spiritum etiam in corpore. Morosa autem respiratio est cordis refrigeratio. Quinta ratio potest esse meritum maioris gratiæ & gloriæ, dum desiderium non adimpletum affligendo purgat animam,

*Luc. 24. c*

*Eccl. 11. c*

Elatio deuotorum, tentatio altera.

Contra hæsitacionem remedium.

Contra elationem remedium.

animam, & patientia desolationis, & humilis sufferentia mæroris quasi lima reddit animam clariorem, & magis susceptibilem splendoris diuini, & amplioris gratiæ & gloriæ capacem. Lux enim vultus Dei, & fulgor claritatis eius omnibus æqualiter superfulget, qui autem purior est, & a vitio obscurante liberior, magis capax est lucis, & illuminationis desuper influentis. sicut vitrum clarum, vel metallum bene limatum & politum radios luminis amplius recipit, & splendidius efficitur. Quia igitur afflictio lima est animæ, quæ rubiginem vitiorum abradit, vt deterſo peccato quod sua obscuritate radios diuini luminis & fulgoris velut obex ab anima excluderat, lucem gratiæ recuperet, purgat Deus aliquando deuotorum corda per subtractionem illius consolationis, cuius carentia est eis maxima afflictio; vt sic purgati aptiores fiant abundantiori gratiæ percipiendæ in præſenti, & gloriæ in futuro, etiam si hanc afflictionem specialis culpa non contraxit. Si vero aliquis desiderat experiri, vtrum sit melius, sæpius, an rarius corporis Christi suscipere Sacramentum, videtur mihi quod non possit super hoc omnibus dari regula vniformis. Varia sunt hominum merita, & diuerſa operum studia, & differentia desideria, & multiplices Spiritus sancti operationes in singulis, & diuerſi etiam status in religione. Et ideo sicut ægrotantibus non potest vna forma seruari in dandis medicinis corporis, propter diuerſitates complexionum, aut loci, aut temporis, aut dietæ, vel aliarum considerationum, pro quibus, aut rarius, aut sæpius, aut maiori, aut minori quantitate eadem medicina datur ita, & de medicina spirituali, quæ est corpus Christi, intelligendum. Mundanis enim curis occupati rarius possunt se ad illud recipiendum expedire, quàm illi qui tantum spiritualibus studiis sunt intenti: & alij magis, & alij minus sunt circumſpecti in custodia vitæ suæ, & morum, & conscientiæ suæ puritate. Alij etiam ardentiori desiderio trahuntur ad illius salutaris cibi perceptionem. Alij vero quodammodo terrentur, cum deberent accedere: & nisi conscientia vrgeret, & consuetudo religionis induceret, vel timor maioris elongationis a Deo impelleret, valde raro accederent ad illud mirificum Sacramentum. Vix tamen aliquis ita religiosus esse videtur, & sanctus, exceptis sacerdotibus, quin semel in septimana sufficiat ei ex consuetudine communicare, nisi specialis causa quandoque, vel ratio plus suadeat, infirmitas superueniens, vel singulariter festiuitas solemnis, vel inusitata deuotionis feruor, & intemperata desiderij sitis sit pro illius susceptione, qui solus sufficit amatis animæ ardore refrigerare. Et quia talis ardoris impetus non nisi ab Spiritu sancto, vt creditur, infunditur, ideo legibus humanæ consuetudinis, & statutis mortalium non arctatur. Sicut aliquos quandoque vidimus, licet paucos, quibus viuere Christus erat: ita vt si non frequentius pane vitæ reficerentur sacramentaliter, quasi videbantur vitæ corporis iam velle deficere, patentibus indicijs hunc defectum prodentibus. Et qui ante tam debiles erant, quod nec incessum debitum habere poterant, post susceptionem illius Sacramenti tantum confortabantur, quasi nullam ante sensissent debilitatem manifeste apparentem. Iuxta illud: Caro mea vere est cibus, & sanguis meus vere est potus. Quia nullus cibus materialis, vel potus posset sic celeriter, & efficaciter non solum corpus, sed etiam animam recreare. Salubre tamen est, & vtile, quod homo sæpe se ad illius medicamenti susceptionem præparet, & quanto deuotius valeat illud percipere studeat, & post perceptionem in studio deuotionis se conseruet: attentius tamen religiosi, & qui obtulerunt se Deo, sic enim erunt in maiori custodia vitæ suæ, & conscientiæ, dum & ante, & post Eucharistiæ perceptionem ob reuerentiam ipsius student magis innocenter viuere, & studio deuotionis frequentius intendere. Et licet quandoque tepide, tamen confidens de

S. Bon. Tom. 7. Pars iij.

A misericordia Dei fiducialiter accedat: quia si se indignum reputat, cogitet quod tanto magis æger necesse habet requirere medicum, quâto magis senserit se ægrotum. Non enim est opus valentibus medicus, sed male habentibus. Nec ideo quæris te iungere Christo vt tu eum sanctifices, sed vt tu sanctificeris ab illo. Nec propterea prætermittenda est sacra communio, si quandoque non sentit homo specialem deuotionis gratiam, cum se ad illam præparare studet, vel cum in ipsa perceptione, vel post forte minus deuotum se sentit quàm veller, quia ex aliqua supradictarum causarum ratione solet illud euenire. Circa sacerdotes autem potest hæc forma teneri, vt nec nimis raro, nec nimis continue celebrare, vel imprætermisſe sacra hostiam studeant immolare. Nimis enim continue celebrare aliquam videtur notare irreuerentiam, cum vix aliquis tam deuotus sit, qui semper eadem deuotione ferueat, quod semper cum debita reuerentia illud faciat, & cordis ardore, quin aliquando reperiat quantulumcumque quod eum impediat. Nimis etiã raro celebrare quamuis ex reuerentia aliquando solet fieri, & humilitate, tamen quandoque torporem nutrit, quia minus circumſpectus est homo in omnibus, quasi non indigere videatur sui custodia, cum non proponit accedere ad mensam Christi. Humilitas etiam non est vsquequaque secunda, quod diu se subtrahat: quia sicut non est dignus sæpe corpus Christi percipere, sic nec semel. Ideo eum non recipimus quasi qui digni sumus: sed vt illo nos sæpe visitante, & habitaculum cordis, & corporis nostri subintrante magis ac magis digni efficiamur. Quo enim introierit, Dominus benedicet: sicut olim domui Obed edom benedixit propter arcam Domini, in qua manna seruabatur. propter hoc voluit Dauid eam reducere cum benedictione. Sapiëntia: Proposui hanc adducere mihi, sciens, quoniam comunicabit mecum de bonis suis. Quæ bona prætereo: quia in scripturâ pluribus locis inueniuntur.

De diuersis affectionibus quibus trahimur ad communicandum. Cap. LXXVIII.

Diuersis autem affectionibus, & intentionibus diuersi ad communicandum trahuntur, vel ad celebrandum. Aliquos trahit amor Dei, vt dilectum sapius ad se inuitent, eumque in semetipsis delectabiliter amplectentur. Aliquos propriæ infirmitatis intuitus, vt eum quasi medicum ad se vocent, per quem ab omni infirmitate curentur. Aliquos conscientia delictorum suorum, vt per eum quasi per hostiam placationis ab omnibus peccatis expiati purgentur. Aliquos pressura alicuius tribulationis, vt per eum qui omnia potest ab omni aduersitate citius liberentur, & tutius protegantur. Aliquos desiderium alicuius gratiæ, vel beneficii impetrandi per eum, cui Pater nil potest negare, pro se intercedentem. Aliquos gratiarum actio pro beneficijs diuinis, cum nil dignius habemus reddere Deo pro omnibus quæ nobis tribuit, quàm calicem salutaris accipere, id est, ipsum Iesum. Aliquos laus & honor Dei, & Sanctorum, cum non habemus maius quo possumus Deum, vel Sanctos pro sua dignitate venerari, quàm Christum immolare Deo Patri. Aliquos charitas & cõpassio proximorum, cum pro salute viuorum, & pro requie defunctorum, nil efficacius interpellet quàm sanguis Christi pro nobis effusus. Hoc est summum auxilium nostrum cum oramus Deum, & illum intercessorem inuocamus, qui nos Patri reconciliauit, & semper interpellat pro nobis. Multis de orationis studio, & virtute omissis, quæ studiosus melius orando per experientiam discet, hoc in fine dicendum, quod omnia quæ orantes petimus sunt ista: Aut oramus pro malis quæ fecimus ignoscendis, aut pro malis quæ patimur amouendis, aut pro bonis quæ cupimus adipiscendis, aut gratias agimus pro acceptis, vel promissis. Quæ nobis Dominus concedat adipisci, qui est benedictus in sæcula. Amen.

Iii 2 S. BO-

Afflictio lima animæ.

Raro an sæpe sit comunicandum.

Ioan. 6. g

Sacerdotes nec cõmuniter, nec nimis raro sacrificent.

2. Reg. 6. b

Sap. 8. b

Psal. 115. a

Rom. 8. f

## S. BONAVENTURAE

EXIMII ECCLESIAE DOCTORIS

## Opusculum,

DE INSTITUTIONE NOVITIORVM

PARS PRIMA.

*Hoc Opusculum Trithemi de Institutione novitiorum inscribit, & inter Opuscula S. Bonaventurae connumerat. In antiquis impressis non reperitur, sed in recentioribus Venerijs editis prodijt, sub hoc titulo quamvis etiam de triplici statu religiosorum, incipientium videlicet, proficientium, & perfectorum prae notari, in eadem editione Veneta scribatur. Insituit in eo Auctor Novitios sicut fecerat in Speculo disciplinae, sed paulo brevius.*

*Quid semper novitijs considerandum. Cap. I.*



**D**IMO semper debes considerare ad quid veneris, quare veneris, & propter quid veneris. Propter quid enim venisti? nonne solummodo propter Deum, ut ipse fieret merces laboris tui in vita aeterna? Sicut ergo propter nullum alium, nec propter alicuius exempla te perverte, quin studeas ad illud quod venisti. Venisti enim ad servitutem Dei, cui servire debet omnis creatura, quia nihil habet ab ipso. Et ideo debet ei dare totum quod est, & quod scit, & potest. Et si omnia serviunt creatori pro omni posse suo, multo magis homo tenetur, quem non solum creavit sicut & cetera, sed insuper intellectu decoravit, libero arbitrio nobilitavit, mundi dominum constituit, sibi similem fecit, naturam eius assumpsit, verbo & exemplo proprio instruxit, proprio sanguine suo de aeterna damnatione redemit, Spiritum sanctum ei infudit, carnem suam in cibum tradidit, curam eius habet sicut mater parvuli sui, & aeternam hereditatem ei dare instituit. Ecce quantum tenemur nos Deum praeter ceteris, & super omnia diligere, qui nos praeter omnibus mundi creaturis sic amavit.

*De obedientia. Cap. II.*

**E**T quia non confidis tibi ipsi, ut praesumas te scire quid velit Deus, ideo commisisti te superiori tuo, ut ipse te regat, & dedisti ei manum tuam in professione, ut ipse te in viam Dei inducat. Unde non licet tibi vivere de cetero pro velle tuo, sed quod duxerit tuus ire iubet, & quod ipse prohibet cauere debes: quia qui artem aliquam addiscere cupit, sui doctoris regulas debet tenere, & proprias adinventiones relinquere, & infirmus qui adhuc accessiones vitiorum patitur, debet servare dietam, quam ei medicus suus indicit, si cito & plene vult curari. Ita & tu mihi facias, siue dicas, quod magistrum tuum vel praesumas. Tu enim dedisti te ei propter Dominum, & propter regnum caelorum, & iam non es tuus, sed eius cui te vendidisti, & ideo nihil tibi licet agere de te sine eius voluntate. Ipse enim est Dominus voluntatis tuae. Et contrectatio rei alienae invito domino, furtum est. Fur autem caelo non appropriat. Ipsi rectores nostri sunt vicarii Dei super nos, & ideo debemus eis sicut Domino obedire, & non sicut homini-

**A**bus, quia non propter ipsos, sed propter Deum eis subiaceamus. Talem enim te exhibeas ei, ut libere iubeat te facere vel omittere, quidquid viderit expedire, quia si ipse timet te, iam servus maior est domino suo, & discipulus est super magistrum.

*De pace cum praelatis. Cap. III.*

**H**abe semper pacem cum praelatis, non eis detrahas, nec libenter audias eis detrahentes, quia Deus specialiter hoc vitium odit in subditis & in praesenti, ut in Cham patet, qui verenda patris sui nudata fratribus nuntiavit, & sibi maledictionem in hoc irremediabilem acquisivit. Non ponderes excessus eorum, sed ignosce eis quasi hominibus, quia in multis curis non potest aliquando negligentia vitari. Et saepe quod in eis reprehendimus, ex nostro vitio magis est, quam ex eorum culpa, quia saepe aliquid quod pro bono faciunt, quia eorum intentionem non intelligimus pro malo iudicamus, quod ad nos non pertinet nobis non usurpemus, nec reprehendamus ea, quae quo animo fiant, nescimus. Honora eos in corde tuo, non spernas, ne forte & Deum spernas cuius vicem gerunt. Crede etiam quod Deus inspiravit eis, quidquid iubent te facere propter animae tuae utilitatem. Ordinationes eorum, & constitutiones ne fastidias, quia non sine causa faciunt, licet tu nescias omnes causas. Qui autem simpliciter ambulat in via Dei, ei non nocet, sed ad meritum maius sibi prodest. Nam qui ambulat simpliciter, ambulat confidenter. Servus Dei sic debet incedere via recta in mandatis, quod statuta humana eum non arceant in aliquo, quia semetipsum debet arctare, ita quod etiam si non esset illud statutum, tamen sibi caueret ab omni quod sibi expediens non esset. Per talia enim statuta tantum reprimuntur eorum excessus, qui metas disciplinae transgrediuntur. His de obedientia praemissis, quae est initium boni in religione, ad aliud transeo, & primo ad corporalia exercitia, & ad spiritualia consequenter, quia non prius quod spirituale est, sed quod animale, deinde quod spirituale. 1. Cor. 15. f

*De surgendo a somno. Cap. IV.*

**A**stue cum opportune potes, parum ante matutinas euigilare, ut spiritus tuus dirigatur ad Deum in oratione, & ut orationi & Dei laudibus magis sis sobrius & deuotus. Cum euigilas, statim omnes cogitationes tuas abijce de corde tuo, somnia quae somniasti in nocte, quibus te diabolus veller occupare, & primitias cogitationum tuarum offerre Deo incogita-



cogitatione, vel aliqua bona meditatione, cum corporis exercitatione, vel genuflexione, donec aliquem affectu deuotionis concipias, & cogitationes vanas quę tunc maxime infestant mētem, a te abijcias, & ex hoc eris ad omne opus deuotior, & expeditior tota die.

*Qualiter in choro te gubernare debeas. Cap. V.*

**I**N diuino officio non sis piger, & fastidiosus, sed coage corpus spiritui seruire, & sta reuerenter, & psalle alacriter in ecclesia, & deuote coram Angelis, qui ibi iuxta te sunt præsentes. Non circumspicias hinc inde, nisi necessitas adsit. Risus & verba inutilia penitus detestare, vbi coram Domino maiestatis cū metu & reuerentia debes assistere. Verba psalmodię distinde, & integre pronuntia. Non discurras per chorum, nec ante finem horarum exeas, nisi oporteat. Prius quàm incipiatur officium, pręuenire studeas si potes, vt cor ad aliquam deuotionem sit adaptatum quando officium inchoatur. Ideo enim tam desides & tepidi sumus in diuino officio, quia ante non sumus in aliqua deuotione excitati, & ita sicut intrauimus frigidi, eximus corde dissoluti. Stude in ipso initio cogitationes vagas abijcere, & intende his quę psalluntur, alioquin tumultus earum vix poteris euitare. Post officium etiam stude te seruare in deuotione quam concepisti, nec statim te ad inania effundas. Si autem non habes deuotionem interius, saltem conferua disciplinam, & morum grauitatem humiliter exterius, propter reuerentiam Dei & aliorum exemplum.

*Qualiter in capitulo te habeas. Cap. VI.*

**I**N capitulo non multum loquaris, & multo minus in ecclesia, nisi valde vtile sit, & hoc humiliter, & mansuete, & submisisse culpam humiliter dic. Et correctus humiliter responde, nec te excuses quando corripieris. Si de consilio interrogatus fueris, libere & humiliter dic quod tibi videtur expedire. Si autē tuum consilium non requiritur, non sit tibi curā, nec velis pertinaciter defendere sententiam tuam. Sufficiat tibi acquiescere conscientiam tuam. In accusationibus non sis annexus, dic tantum quod scis factum contra rationem, & ordinis instituta, sine odio alicuius, & cum verbis mansueris, & placido vultu. Et quod nescis non teneris dicere. Noli opinando aliquem accusare quia opinio sæpe fallit. Ille qui dixit tibi quod nesciebas, dicit ipse si verum est & si præsens erit. Si autem præsens non fuerit tunc non potest probare cum eum testem non habeas. Non graueris pro accusationibus tuis, sed tantum dic humiliter culpam tuam, licet magnę sint, vel parę, quia maior tibi surget confusio si procaciter te excuses, quam si humiliter confundaris. Si vero graues essent, & non verę, maxime quę possent alios scandalizare, tunc humiliter audentia petita, indica eis paucis verbis & modestis, quod non sis tibi conscius, de quibus accusaris. Seruus Dei non timet confusionem coram hominibus, vbi eum coram Deo conscientia non accusat, sed sustinet patienter, quicquid Deus voluerit eum sustinere.

*De correctione. Cap. VII.*

**C**onsuesce vbique dum a superiore corripieris, siue in choro, siue extra, quod statim genibus flexis dicas tuam culpam. Hęc est lex antiqua religionis, a Sancto Francisco, & alijs sanctis tradita. Vnde & tu debes studere, tibi ordo a maioribus tuis traditus est, ita & tu tradas eum posteris tuis, quantum in te est verbo, & exemplo. Nec aliquam non bonam consuetudinem inducas, vel discas, nec aliquam bonam consuetudinem neglectam per incuriam diaboli.

S. Bon. Tom. 7. Pars iij.

li permittas in te & in alijs, quibus cum modestia persuadere poteris. Quicumque enim aliquod exemplum alijs relinquit siue bonum siue malum, particeps est imitatorum suorum, siue in supplicio, siue in premio sempiterno.

*Qualiter in mensa te habeas. Cap. VIII.*

**I**N mensa non sint oculi tui gyrouagi, nec hinc inde conspicias, ita quod nescias quis sedet in latere tuo, vel quid faciat, vel quid coram se habeat. Tibi soli intentus sis, vel Deo vel lectioni. Cum disciplina, timore, & silentio comede, non cum impetu gulę quasi famelicus, nec vagis oculis, & inquieto corde circumspicias, quid sit in mensa delicatius, nec ante quęras satiare oculum quàm palatum, sed cum gratiarum actione sufficiat habere quod potes. Et semper velis penuriam aliquam potius sustinere, quàm plus abundare. Nihil spernas quod tibi apponitur, nec indigneris, si aliquis defectus sit in condimento, vel salis, vel cocturę, sed cogita quod multo meliores te, vilioribus & paucioribus cibis sunt contenti, qui illud quod abijcis pro magnis delicijs reputarent. Paupertas Christi familiaris amica placeat tibi in omnibus, & ipsam cum summo conatu amplectere in mensis, cibis, & potu, in vestibus, in vrensilibus, in libris, in ædificijs, & in omnibus. Videmus quàm humiles gestus pauperes habent, quàm simplex responsum, quàm pauidum animū. Numquam audiat aliqua querimonia de te, pro aliquo defectu in cibo, vel potu, vel vestitu. Reputa te indignum esse de his quę habes, quia inopia exterior crescit in augmentum gratię interioris, & in diuitias conscientię bonę: e contra exterior abundantia inopiam generat interiorum. De mensura vero comedendi difficile est dare certam regulam, nisi quod inter duo semper medium teneas. Ne ira parum sumas, vt in viribus deficias, & nec communi labore frangaris. Similiter nec ira multum sumas, vt propter multum cibum sumptū non possis orare, vel legere, vel agilis esse ad ea quę pręcipiuntur. Et inter ista, propria experientia est melior magistra, cum bona voluntate.

*De dormitione. Cap. IX.*

**I**N dormitorio esto quietus, ne aliquis per te aliquo modo inquietetur, siue orans, siue dormire volens. Quoties autem euigilaueris, statim occurrat tibi memoria Dei & eius passionis, cum gratiarum actione, quia ipse vigilat super nos, quando dormimus, vt ipse custodiat nos. Quando vis ire dormitum, prius attende orationi, vel deuotę meditationi, & si ita hac occupatione dormies, tunc somnus erit tibi dulcior, pulehrra somnia somniabis, & euigilabis deuotior, sic surges alacrior, & facilius redibis ad eandem deuotionem, in qua ante somnia tu fuisti. Et licet dormientibus non imputandum esse videatur, quod dormientes faciunt vel patiuntur, indecens tamen est religioso, obrutum esse somno sicut pecus, & iacere membris dissolutus, aut incompositus, & manibus in sinu retractus, cum ob hoc maxime vestiti dormiamus & cincti, vt non habeamus potestatem circumducendi manus hinc inde in nudo corpore, & vt magis simus parati ad surgendum ad orationem. De quantitate somni, tene te sicut supra dictum est de cibi mensura, vt membra, & sensus ex quiete somni reficiantur, & ne nimio torpore somni corpus reddatur pigrius, animus repidior, & sensus obtusior. Nam diuturna quies, vitijs alimenta ministrat. Non potest tamen medium semper in talibus custodiri, sed virtuti vicinior est, si ex bonę voluntatis feruore necessitati corporis aliquid interdum subtrahitur, quàm si ex tepiditate cordis, carnis vitia quasi sub discretionis pallio impinguato corpore nutrantur. Iuxta illud.

Iii 3 lud.

**Ecclesi. 42. c** lud: Melior est iniquitas viri, quàm mulier bene faciens. Hoc est, melior est qui per celeste desiderium accensus, carnem ei necessaria subtrahendo affligit, quàm qui per delectationem resolutus, circa omnia quæ necessaria sunt ei satisfacere contendit. Et licet hoc bonum & aptum sit ad profectum spiritualem, tamen caute faciendum est, ne corpus deficiat in via, antequam ad metam perueniat, vt possit sequi conuentum sine murmure destructi corporis, & communem ordinis rigorem cum ceteris tenere. Quia qui post te ad ordinem veniunt, non attendunt quid ante eos laboraueris, sed solum aspiciunt quale eis exemplum præferas in præsentem, in laboribus, vigilijs, in cibis, & alijs obseruantijs ordinis, in quibus vellent sibi seniores suos præire. Alioquin aut scandalizantur de ipsis, aut imitari eos incipiunt, parcendo corpori plusquam expedit. Non enim attendunt quid boni intus meruerint, sed quid exterius rigoris ostendant; deuotionem Deo debemus intrinsecus, sed proximis bonum exemplum extrinsecus. vt ita congrue possimus nos vtique exhibere, discretio necessaria est, per quam corpus castigetur prudenter, ne aduersus spiritum rebellet, & rursus discrete foueat, ne subsarcina corruat, & spiritualis vitæ profectum præ nimia debilitate impediatur.

*De obsequijs. Cap. X.*

**A**D labores communes, & ad humilitatis officia esto paratus. In coquina, in ecclesia, & in alijs officijs, & maxime in illis officijs quæ alij pro sua vilitate abhorrent, vt ligna portare, domum scopare, ollas & alia utensilia purgare, pedes lauare, & fratrum tunicam excutere, & mundare.

*De obsequio ad Missam. Cap. XI.*

**A**D Missas libenter ministra, quia hoc est officium Angelorum, ipsi enim Deo suo vbique ministrant deuotissime. In hoc enim ministerio multiplex fructus est. Primo boni operis exercitium est. Secundo opus charitatis est, & promouens proximum in bono. Tertio opus deuotionis est, quia Deo appropinquat in oratione. Quarto opus angelicum est, cum quibus Deo ibi præsentem ministras sicut & illi. Et ex hoc non solum sacerdos cui ministras, tunc orare pro te specialiter, sed & omnes circumstantes quorum vices geris, debet; immo tota Ecclesia vbique terrarum, quia tu geris vicem omnium fidelium, qui Deo suo de cælo venienti, cum gratissima gratiarum actione deberent ministrare, si possent adesse. Et vix potest esse quin Dominus speciali gratia remuneret, etiam in præsentem, qui libenter & deuote ministrat ad illud sacramentum, quo nihil sanctius & deuotius potest esse in cælo, & in terra, & quod est admodum precipuum iudicium diuinæ dignationis, & dilectionis ad hominem. Non enim minus videtur facere Deus in hoc, quod quotidie dignatur descendere de cælo super altare, quàm cum de cælo descendens, naturam humani generis assumpsit factus homo. Et ideo hoc est memoriale totius dilectionis suæ, & quasi compendium quoddam omnium beneficiorum suorum, quod nobis reliquit, incarnationis, redemptionis, glorificationis, & iustificationis figuram in hoc includit. Sicut patet his, qui considerant huius sacramenti institutionem, celebrationem, & fructus participationem. Vnde salubre est, sæpe communicare ei, qui cum deuotione, & studio virtutum, & custodia sui non solum magnis peccatis, sed etiam a leuitatibus verborum, operum, & cogitationum se abstinere, & studet ad hoc se aptare. Licet enim omni tempore debeamus esse solliciti de omnibus quæ bona sunt, tamen tunc maxime cōueniens est, cum ad sumptionem Christi nos præparamus, vel susceptum nobiscum habemus.

*De confessione. Cap. XII.*

**S**æpe confiteri, ad minus tẽr in septimana, & simpliciter sicut Angelo, qui sciret secreta cordis tui. Non adducas velamen excusationis, vel alleuiationis, nec implices te, ita quod confessor non intelligat quid dicas. Specifica ei quid feceris, historias autem, & facta aliorum noli recitare. Singulos articulos, quos recolis te fecisse a tempore quo nuper confessus es, dic breuiter, & pure, & noli longum tractatum texere cuiusdam generalis & affirmatae confessionis, quia generatur tedium confessori. Ista enim omnia potes Deo in oratione quotidie confiteri, & defectus tuos ei exponere quos feceris in singulis virtutibus de his quæ confiteris, studeas te emendare.

\*affectare

*De cella & obedientia. Cap. XIII.*

**I**N cella libenter esto, & aliquid semper age quod ædificet te, vel à maiore tibi iniungitur. Nam tam voluntarius debes esse ad obedientiam, quod si in omni hora tibi præciperetur quid facere deberes, libenter acciperes; & intantum quod tui iuris non esses, quod non posses loqui verbum, nec ad alias necessitates proprias eundi sine licentia liberum habere arbitrium, sicut olim sanctos in Aegypto, & alibi legimus vixisse, quorum gloriam si cupimus adipisci, imitemur eorum virtutem.

*De lectione. Cap. XIV.*

**L**Ege sanctorum vitam & doctrinam, vt in comparatione eorum semper humiliaris, & instruaris, & accendaris ad deuotionem, & prouoceris ad studium, vt informeris in intellectu scripturarum, & illumineris ad fidem. Et scias discernere verum a falso, bonum a malo, vitium a virtute, & remedia vitiorum ac tentationum, vt possis intelligere legas, non vt doctior sis, nec causa curiositatis. Nec legas quæ non ædificant, quia vana lectio vanas generat cogitationes & extinguit mentis deuotionem.

*De non desiderando officium predicationis, vel confessionis. Cap. XV.*

**N**on affectes fieri prædicator, & confessor, quia si dignus fueris, Dominus ad hoc te vocabit. Si autem indignus & non idoneus, erit tibi confusio maior, ideo quia te inieceris. Inde est, quod aliquando parum consequimur fructum de prædicationibus nostris vel confessionibus, quia non vocati a Deo veniunt, & non missi currunt, prius volentes facere fructum in alijs, quàm in se fixerint radices virtutis. Et ideo fructus eorum non est durabilis, quia immaturus producit. Hinc est, quod in Leuitico legimus: Quando ingressi fueritis terram, & plantaueritis in ea pomifera ligna, auferetis præputia eorum, poma quæ germinant immunda erunt vobis, nec edetis ex eis. Quarto autem anno, omnis fructus eorum, sanctificabitur Domino. Quinto anno comedetis, congregantes poma quæ proferunt. Arbor in terra plantata est homo de sæculo sumptus, & in religione plantatus, qui fructum salutis debet proferre in se, & in alijs tempore opportuno. Si autem intempestuos fructus protulerit, immundi erunt & inutiles ad profectum spiritualem propter præsumptionem. Primus annus, est vera pœnitentia de peccatis præteritis. Secundus, est vera conuersatio in statu emendationis. Tertius est iam vsus bonæ consuetudinis. Quartus est pro bono opere laudes & humanos honores contemnere & fastidire, & querere solum Dei gloriam & salutem animarum. Qui cumque autem ante hunc annum se ingerit, nec salutem.

Leuit. 19. 8

tem animarum profert, nec Deo est acceptus, nec sibi meritorius propter vanitatem & leuitatem, nec alijs est proficiuus. Post vero hunc annum id est quinto anno puræ charitatis comedat fructus, & congreget poma, quia tunc eius prædicatio erit fructuosa in illis & in alijs, & sibi meritoria, vt cōgreget fructus in vitam æternā. Hoc dixi, vt videas quibus sacra scriptura consulat subire officiū prædicationis. Stude ergo teipsum componere prius exterius in bonis moribus, interius sanctis affectionibus, & cogitationibus ordinare. Tunc demum vtiliter procedes ad alios in sana doctrina, quia nemo præsumit docere artē aliquam, quam non prius habuerit addiscendo.

*De disciplina vbiq̃ue seruanda. Cap. XVI.*

**N**vmquam ita securus sis & absconsus, quin ita disciplinate, & caste te habeas in visu, gestu, tactu, & in omnibus alijs, ac si ab aliquo videreris, quia sancti Angeli qui nobiscum sunt, semper vident omnia opera quæ facimus, quorū aspectus debemus vbiq̃ue vereri, & præsentiam reuereri. Videt nos etiam ipse Deus, & iudex noster. Videt etiam nos ipsa conscientia nostra, testis eorum quæ facimus & accusatrix. Qui autem magis veretur hominum aspectus quàm Dei, & conscientia propriæ, & sanctorum Angelorum, non est castus amator boni. Et qui non declinat ex amore veri boni, sed ex timore detrimenti temporalis honoris, talis non est verus Christi seruus, qui adhuc magis placere cupit hominibus quàm Deo. Vnde Apostolus: Si adhuc hominibus placerem, Christi seruus non essem. Cui enim plus doles displicere, ei plus appetis placere. Nemo enim potest duobus dominis seruire.

*Gal. 1. b*

*Matt. 6. c*

*Luc. 16. d*

*De conuersatione inter fratres habenda. Cap. XVII.*

**I**nter fratres habe te verecunde, gratiose & modeste, affabiliter, & dulciter, seruitiosus non onerosus alijs, iocos dissolutos nequaquam exerceas, nec verba scurrilia alicui proferas, nec libenter audias: quæ enim te delectat audire, si auderes, libenter ipse proferres. Seruus autem Dei ita castus debet esse in omnibus factis, & verbis suis, vt non tantum horreat quæ indecenter sonant, sed etiam quæ nocent, vt turpia, licet sint palliata aliqua honestate.

*De verecundia habenda. Cap. XVIII.*

**O**mnes gestus tui, mores, sermo, aspectus, & incessus, quadam humili verecundia debent esse colorata, vt in te nihil appareat elatum, vel audaciæ præsumptione notabile. Verecundia enim est maximus decor in religioso maxime in iuuenibus ita vt qui eam postponit, vix aliqua spes haberi possit de eo, quod fiat vniquam bonus religiosus, vel virtuosus. Sicut enim timor Dei hominem componit, & ordinat intrinsecus ad bonitatem, ita verecundia componit eum exterius ad disciplinam. Gregorius! Verecundia est omnium virtutum ornatus, innocentia testis, pudicitia mentis indicium, disciplina specialis gloria, famæ custos, castitatis socia, & totius sanctitatis insigne. Nemo sit ita familiaris tibi, coram quo penitus obliuiscaris verecundia, tamen quando ipsa impediret in his quæ expediunt, vel necessaria sunt, tunc est premenda, non tamen abijcienda, nec extinguenda quasi vitium, sed regenda & ordinanda in virtutem, sicut & aliæ affectiones naturales.

*Est hæc sententia apud Bern. serm. 26. in Cant. ante med.*

*De incessu. Cap. XIX.*

**I**ncessus tuus sit maturus, non leuiter curras, & sine necessitate, nec corpus multum erectum geras, sed mediocriter depressum, nec vagus sis oculis, nec

**A** brachijs ventiles, nec aliter more sæcularium incomposito ingressu incedas, sed plano & humili modo, quasi a deuota oratione decedas.

*De sessione. Cap. XX.*

**S**edens non pigre in latus reelines te, nec crura longa extendas maxime præsentibus alijs. Exterior enim incompositio corporis, est indicium indeuitæ mentis.

*De risu. Cap. XXI.*

**R**isus tuus sit rarus, & sine cachinno, & benignitatem magis ostendens, quàm dissolutionem. Stude multum esse serenus, non turbulentus, nec indignabundus.

*De lenitate verborum. Cap. XXII.*

**V**erba tua lenia sint, & responsio humilis sine compunctione amaritudinis, vel obliquæ redargutionis, aut irrisuionis. Sic verba tua forma ad alterum, sicut tu non haberes pro malo ab altero.

*De detractione. Cap. XXIII.*

**S**ic loquere de absente, ac si scires eum prope assistere & auscultare. Non timeat te quisquam, quod in absentia sua famam eius denigres. Magnum vitium est religioso dicere de absente, quod erubesceret loqui si audiret. Non libenter audias detrahere, sed aut fuge detractionem, aut opportune compesce si potes. Nihil enim prodest tibi, nisi quod aggrauaberis super illum de quo est sermo, aut super eum qui refert. Quare potius si potes, aliquid inuenire laudabile in aliquo, quod ædificet te, & auditiones tuas.

*De rumoribus rescindendis. Cap. XXIV.*

**R**vmores nescias, quia inquietant cor, & mentem distrahunt, & deuotionem exhauriunt, & tempus sine vtilitate consumunt. Etiam quæ scias non omnia effundas quasi vas sine operculo, quod statim cum inclinatur, effundit quidquid continet in se, & omni pulueri & immunditiæ patet. Non sis libenter in turba, nisi tractetur de Deo, & deuotione, & animæ ædificatione. Non sis clamorosus in loquendo, nec impetuusus ad euaporandum quod intus tenes inclusum, sicut de amicis Iob euenisse legitur. Caue etiam vt sicut nulli detrahis, ita ne prodas detractionem apud illum cui detrahitur, ne magis grauetur contra detrahentem sibi, quàm ex relatione tua minuatur. Potest namque esse, quod ille qui dixit de altero verbum, non ita intendit derogare ei, sicut ille suspicatur de quo dicit: & incitatur ad odium contra eum, vel ad vindictam prouocatur, cum tamen ille, aut simpliciter non animo detrahendi dixerit, aut forte statim pœnituit, proponens de cetero a simili cauere. Si autem talia dicerentur de aliquo, quæ omnino expediret eum scire de quo dicuntur, potes ei referre si vis non exprimendo quis dixerit, vt sciat quid cauere debeat, & tamen contra nullum in odio exardescat.

*De inconstantia. Cap. XXV.*

**I**nconstantiam quàm diligentissime caue, & numquā des alicui intelligere, quod aliquid sit in te commendabile, vix enim potest in te aliquid laudabile esse, quin etiam alij intelligant. Et si tu taces, & abscondis, plus placebis; si autem prodas & commendas irrideberis, & vilescis; & vnde prius ædificabatur, inde postea despicient te.

*De mul-*

*De multiloquio. Cap. XXVI.*

**M**aledicta conuitia, mendacia etiam leuia, friuola iuramenta, & turpia verba licet iocosa, ab ore religiosi perpetuo anathemate sunt arcenda. Vnde Iacobus: Qui se putat religiosum esse, non refrenans linguam suam, sed seducens cor suum, huius vana est religio.

*De lenitate verborum. Cap. XXVII.*

**V**erba otiosa vndecumque sint, semper fuge, licet enim grande peccatum non putetur esse, tamen eorum consuetudo graue generat detrimentum circa spiritualium profectum, & saepe dum quasi licenter relaxamus linguam in verba otiosa, dum non aduertimus, paulatim dilabimur ad nociua. Ex quibus oriuntur quandoque turbationes, dissolutiones, & graues conscientiae corrosiones.

*De colloquutione Dei. Cap. XXVIII.*

**D**e Deo libenter loquere, & libentius audi, quia incitat cor ad studium virtutis, & affectum deuotionis.

*De pacifico auditu. Cap. XXIX.*

**A**udi humiliter, & pacifice bona quae ab alijs dicuntur. Nec disputes e contra: sicut quidam faciunt, quando audiunt aliquid boni, ne ipsi videantur ignorare quod alter proposuit, statim de hoc volunt disputare, ut videantur etiam ipsi aliquid scire. Non enim quaerunt sui aedificationem, sed ostentationem apud alios, & ideo multae bonae collationes inter religiosos negliguntur. Noli esse contentiosus in aliquo. Cito cede, quia si bonum est, & verum quod alter proponit, tuum non est resistere propter aliquam ostentationem. Si autem bonum non esset, melius eum corrigis pacifice aduertendo, & humiliter ei veritatem ostendendo, quam acriter astruendo.

*De modo loquendi. Cap. XXX.*

**C**um loqueris, voce remissa, & vultu placido, moribus disciplinatus, & quierus esse studeas, & quidquid tunc loqueris magis autenticum, & utile erit. Non sis audax coram senioribus tuis, sed verecundus auscultator doctrinae eorum. Seniorum docere, iuuenum est humiliter addiscere.

*De otio. Cap. XXXI.*

**N**oli esse otiosus, & intendere rumoribus, & fabulis: quia duplex in hoc malum contrahis: perdis enim tempus inutiliter, & verecundiae tuae, & humilitatis patieris detrimentum ex tali consuetudine. Insuper non bonum dabis ex hoc alijs exemplum.

*De exemplo Christi in omnibus habendo. Cap. XXXII.*

**I**n omnibus virtutibus, & bonis moribus propone semper clarissimum speculum, & totius sanctitatis perfectissimum exemplar, scilicet vitam & mores filij Dei Domini nostri Iesu Christi. Qui ad hoc nobis de caelo missus est, ut aperiret nobis viam virtutum, & legem disciplinae suo exemplo daret nobis, & erudiret nos per semetipsum, ut sicut ad imaginem eius naturaliter creati sumus, ita ad morum eius similitudinem per imitationem virtutis pro nostra possibilitate reformemur, qui eius imaginem in nobis fixauimus per peccatum. Quanto enim quisque se ei in virtutis imitatione hic conformare studuerit, tanto ei in prima gloria, & claritate appropinquabit, & similior erit. Describe tibi in corde tuo mores &

Descriptio  
vitz Christi.

**A**ctus suos, quam humiliter se habuit inter homines: quam benignus inter discipulos, quam modestus in edendo & bibendo, quam misericors super pauperes, quibus se similem fecerat per omnia, & qui de eius specialiter familia videbantur, quomodo nullum spreuit, vel horruit etiam si erat leprosus, quomodo diuitibus non adulabatur, quam liber fuit a curis mundi, nec anxius pro corporis necessitatibus, quam verecundus in visu, quam patiens ad contumelias, & quam mitis in responsis, non enim studuit se vindicare verbo mordaci, & amaro, sed blando, & humili responso alterius malitiam sanare. Item quam compositus in omnibus gestis suis: quam sollicitus de animarum salute, quarum amore voluit incarnari, & mori dignatus est. Quomodo seipsu praebuit exemplum omnis boni, quomodo mulierum familiaria colloquia vitauit causa exempli, vnde etiam discipuli mirabantur, quando solus cum Samaritana loquebatur, eo quod quasi insolitum videbatur in ipso. Item quam patiens laboris, & penuriae: quam com patiens afflictioni. Quomodo condescendit infirmorum imperfectioni: quomodo omne scandalum cauebat, quomodo peccatores non spreuit, quomodo penitentes clementer suscepit. Quam placidus in omnibus dictis suis, quam studiosus ad orationem, quam promptus in ministrando sicut ipse dixit. Ego in medio vestrum sum, sicut qui ministrat. Item quam sobrius ad vigilias: quam obediens parentibus. Quomodo omnem iactantiam, & singularitatis ostentationem declinavit, quomodo omnem gloriam, & potestatem huius mundi fugit, & multa alia ipsius acta memoriae tuae propinqua sint, ut in omnibus factis & verbis tuis semper adhuc quasi exemplar respicias, incedens, stans, sedens, & comedens, tacens, & loquens, solus, & cum alijs. Et ex hoc magis diliges eum, & familiaritatis eius gratiam & fiduciam assequeris, & in omni virtute perfectior eris. Et haec sit sapientia tua, & meditatio, & studium, semper aliquid de ipso cogitare, vnde vel prouocaris ad imitandum eum, vel afficiaris ad eum amandum. Talia meditando, & ruminando, tempus vtiliter expendis, dum occuparis in bonis studijs circa ipsum Dominum Iesum Christum, & mores tuos emendas ad formam vitae ipsius, & conuersationis, semper ad eum respiciens, qualiter in his se habuit, vel se habere potuit secundum extimationem tuam, quia qui in omnibus semper est optimus, optimo, & perfectissimo modo se gerebat.

*De vanagloria, & modo cantandi. Cap. XXXIII.*

**I**n omnibus quae facis, caue vitium ostentationis, & iactantiae. Esto planus in omnibus, sicut decet religiosum, & pauperem. Non habeas curialem incensum, vel gestus curiales, nec vocem curialiter frangas in cantando. Quia si quaeris Deo placere, quanto cantabis simplicius, tanto magis ei placebis: si quaeris auditoribus placere, inanis est gloria tua. si tibi placeas, vana leuitas est. Si aedificationem auditorum in cantando quaeris, quanto magis cantando vanitatem fugis, tanto magis edificas: omnem cordis deuotionem, & puritatem cordis Deus magis attendit quam sonoritatem vocis. Facile clamabis ad Deum, prope enim est omnibus inuocantibus eum in veritate. Intentio in diuino officio debet magis esse ad hoc, ut ex verbis sacrae Scripturae elicias spiritualem intellectum, & deuotionis affectum, quam ut curialitatis exprimas notas, & cantando vocem exaltes. Licet quidam religiosi in hoc frustra arbitrantur se obsequium praestare Deo. Quia si Deum delectaret vocis sonorus, tunc & ipsa musica instrumentorum, vel aurum cantus Deum mulcerent, quae satis dulcia sunt suo modo. Puritas mentis, & cordis deuotio, sunt illa in quibus delectatur Deus. Quidquid est de quo non est Deo cura, de hoc etiam seruo Dei non debet multum esse cura. Sufficit

Sufficit tibi ad omnem curiositatem morum, vocis & verborum, si nil appareat in te, quod offendar vel scandalizet intuentes, si nil elatum, vel laicum, vel dissolutum, vel impatientia turbidum, vel singularitatis colore notabile in te videatur.

*De egrediendo foras. Cap. XXXIV.*

**C**um exire domum aliquando te contingeret, tãdiu differas, ut per hoc aduertant, quod tardus esse desideras ad egrediendum, nisi quando obedientiæ cogit mandatum, vel alia utilis & rationabilis causa hoc requirit. In domo enim consistere, & turbæ & hominibus absconditum latere, semper est vtile religioso, qui sibi desiderat, & Deo vacare. Quicquid deuotionis in domo colligis, hæc foris egrediens spargis, potius quàm augeas & conserues. Vnde sæpe experti sumus, tam in nobis, quàm in alijs, quod frequens exitus & conuersatio cum sæculo, & occupatio nimia exteriorum, deuotionem mētis extinguit, feruorem spiritus tepescit, forte propositum virtutis emollit, cor dissoluit, studium proficiendi debilitat, delicias docet amare, sine fructu tempus expendere, verba otiosa multiplicare, iocis & truffis intendere, orationes negligere, horas canonicas desidiose, & in cursu dicere. Tandem subintrant aquæ temptationum nauem cordis, per rimas dissolutionis, ex deuotionis ariditate, quæ cum non exhauriuntur per discussionem proprii status, & puram confessionem, vel non fortiter obstruuntur rimæ per diligentem custodiam, paulatim augentur, donec submergant hominem in peccatum & confusionem. Hoc tamen non dico, ut difficilem te reddas ad obediendum, quando iuberis exire, sed non debet tibi esse consolatio euagari extra domum, ita ut in quantum in te est, semper magis diligas domi latere, quàm nisi obedientia vel utilitas animæ requirat, domum exire. Quia D melior est obedientia, quàm victima.

*De non circumspiciendo per loca. Cap. XXXV.*

**Q**uando extra domum egredieris, non multum circumspicias in plateis, ne forte videas, unde tenteris postmodum, vel ab oratione impediaris vel fantasias contrahas eorum quæ intente respexisti. Dauid in culpam cecidit adulterij ex incauto aspectu mulieris, quam forte numquam ante concupierat, nisi postquam eam incaute respexit. Oculi tui sint in capite tuo. Hoc est, quod cogitatio tua versetur circa Deum, scilicet Christum, qui est caput omnium membrorum Ecclesiæ, ita etiam non consideres quæ coram te foris sunt, nisi quantum necessitas viæ, vel utilitas alia requirit, ita ut quantum vales, talem te domum reportes qualis existi: hoc est, ita deuotum, ita mundum corde, & vacuum rumoribus, ut ames silentium colere.

*Quomodo te habeas cum socio in via. Cap. XXXVI.*

**P**er terram autem vadens, esto pacificus cum socio. Numquam contendas de aliquo, etiam si tu melius vel plus sentis quam ipse, vel iustius noueris, sed cito tace tranquillitate animæ, quia contentionibus raro aliquis emendatur. Cogita in teipso, quod si tu pacificus non es, vix vel numquam poteris alium placare. Incipe prius a teipso, & tunc facilius alium corriges. Quicumque turbatus turbatum docet, magis reputat ex patientia docere ut eum pungat, quàm maturo consilio ut eum fraterne erudiat. Magis autem edificabitur exemplo paciētiae tuæ, quàm a quibuscunque rationibus quas ei propones. Virtus cum vitio non docetur, sicut per impatientiam non potes alios patientiam docere, nec humilitatem per superbiam. Socialis esto in via & non dissolutus, ne deuotionis spiritum pro societate extinguas.

*De oratione, & meditatione facienda inter exercitia. Cap. XXXVII.*

**C**apta horas ad orandum & meditando, tam in via, quàm in hospitio. Noli ex toto negligere. Nec etiam cogites, quod velis vsque domum differre. Quia si tu nimis in frigidatus fueris a feruore deuotionis, postea difficilius recuperabis. Hoc tamen non dico, quod possis ita foris in ea grauitate & deuotione plene te conseruare, sicut in domo: sed ut scias metam ad quam studium dirigere debeas quantum potes, Deo adiuuante.

*De bono exemplo dando in conuersatione. Cap. XXXVIII.*

**I**nter homines quantum in te est, caue omne, quod potest eis esse non bonum exemplum, sicut decet fidelem seruum Dei, qui debet Domini sui honorem promouere, & in honorationem cauere ubi potest. Nos enim sumus familia ipsius. Sicut ergo paterfamilias ex disciplina familiæ suæ honoratur, vel ex indisciplina inhonoratur, ita scias, quicquid nos facimus inter homines, hoc aliquo modo redundat vel in laudem Domini nostri, vel in contemptum. Et quia specialiter positi sumus inter homines, ut ipsi ædificentur ex nobis, parum proficient verba nostra si non etiam ædificemus bono exemplo. Et si non sumus tam perfecti, ut possumus eis magnum virtutis exemplum ostendere, saltem caueamus omnia mala exempla, quæ nos ipsi solemus reprehendere in alijs, videlicet: ne rumores sæculares recitemus apud eos, vel libenter audiamus, vel delicata fercula, vel multa fieri pro nobis diligamus vel nimis mollia, vel pretiosa instrumenta, nec iræ vel discordiæ scintillas emittamus, vel verba scurrilia, vel iocos dissolutos moueamus, & maxime ne avari pro muneribus possimus notari, quia ex hoc cito vilescimus apud eos, si viderint nos ea ambire, & auare quærere, ad quorum contemptum nos eos hortamur prædicando.

*De vitandis mulieribus. Cap. XXXIX.*

**C**auere etiam ne cum feminis loquens, eorum vultus studiose respicias, vel manus contrectes, vel nimis prope sedeas, vel leuiter eis arrideas, nec diligenter cum eis susurres, nec angulos, ad colloquia earum requiras: quia hæc omnia etiam si nil temptationis ingererent, tamen non effugies notam suspicionis ab alijs, & facile posses infamiam maculam contrahere, quia vix postmodum detergeres cum pudore. Sed habe te cum omni femina, ac si maritus eius, vel prælatus iuxta vos federet. Considerans vel audiens omnia quæ facitis vel dicitis. Ut quicumque superueniat, & videat te loquentem cum ea, in nullo necesse sit te erubescere, nec aliquis postea tibi possit notam suspicionis impingere. Et si meum consilium non spernis, consulo, quo nunquam cum aliqua muliere contrahas singularem familiaritatem, etiam si religiosa sit, & sancta. Quia excepto periculo carnalis temptationis, quæ ex tali familiaritate semper incurritur, dum non timetur malum quod sub specie boni latet; excepta etiam macula infamiae, & suspicionis, quam alij ob hoc sæpe concipiunt, magnam generat inquietem cordi talis priuata affectio, dum semper illi cupis ostendere dilectionem, quam habes ad eam, & hoc sibi notum fieri desideras. Et cum aliquando non sit doles, & times quod indigne tur illa, & quod affectus eius tepescat, & quod minus ores pro eo. E contra etiam ista turbatur, si videt quod aliam benigne salutes, vel si aliquo tempore differas, quod eam non videas, vel non salutes. Improperat quod aliam diligis præ se, & quod minus ores pro ea, & irascitur, quæ vere sunt truffæ: & bonus



nus homo non debet ista aliquatenus admittere, nec A cor suum in talibus occupare. Oratio enim earum non potest tantum cuiquam prodesse, quantum potest talis occupatio in spiritualibus studiis impedire: quia etiam ipsa eius oratio tali carnali affectioni permixta Deo est insipida. Quod autem carnalis sit, ista dilectio, ex maxima parte potest hoc perpendi in hoc, quia magis te vellet apud se minus perfectum, vt sepe posset tui copiam habere, quam longe a se plus perfectum. Quibus autem indiis discernatur spiritualis dilectio a carnali, modo prætermitto, quia nimis ab alijs retardaret nos. Hoc tibi sufficiat, si vis habere pacem cordis cum Deo, honorem spirituale inter fratres: abscinde a te familiaritatem, seminarum, dilige communiter omnes bonas, & deuotas, & in nullo exasperes aliquam earum, & meliores in corde tuo reuerere, propter abundantiorum gratiam Spiritus Sancti in eis. Noli te occupare cum eis, nisi breuiter. Benigne salutes eas quando ita occurreret, quod non posses bono modo declinare, & cum maturitate earum orationibus te recommenda. Si enim discretæ sunt, ex hoc placebo eis. Si vero importunæ, tunc melius est tibi non occupari cum eis. Feminam quam videris bene conuersantem, mente eam dilige, non carnali dilectione.

*De cordis libertate. Cap. XXXX.*

**E**sto Dominus tui ipsius, nec des alicui potestatem cordis tui nisi Deo, & prælato tuo propter Deum. Esto ita expeditus ab omnibus alienis occupationibus, vel affectionibus, quod in nullo prælato tuo aliquando molestus sis pro licentijs aliquid agendi, vel eundi, vel dandi, vel accipiendi. Et ita libere arbitrio suo te committas, quod tibi secure dicere

possit. Fac hoc, & dimitte illud: Et tu sine murmuratione cordis, & difficultate facias, vel dimittas: Alioquin paruam fiduciam potes habere de merito obedientie tuæ, quam vouisti Deo in manibus sui vicarij, vel tui prælati. Si tu per impatientiam, vel importunitatem, cum volueris eum tibi seruire, vel te licentiarum quo tempore velles, noluerit, murmurares, tunc non intrares per ostium, quod est Christus, in ouile sanctæ religionis, quia non venit facere voluntatem suam, sed Patris. Ita enim tu fur esses & latro: fur, quia rem alienam hoc est voluntatem propriam, quam prælato resignaueras, eo inuito vsurpares: latro, quia tali exemplo animas simplices necares.

*Epilogus sine compendium omnium supradictorum. Cap. XLl.*

**V**T ergo percurram omnia quæ supra dixi. Esto deuotus Deo, & cor tuum semper quantum potes compara cum ipso. Esto prælatis humiliter obediens, nec rancores contra eos teneas, nec spernas eos, nec iudices, nec murmures de eis. Esto cum fratribus pacificus. Patiens ad verba pura, & ad reprehensiones. Noli facile iudicare aliquem. Nec sis suspiciosus. Esto obsequiosus, maxime infirmis, & in humilibus obsequijs. Sæpissime ora. Esto in choro disciplinatus, & Deo intentus. In victu discrete modestus, & his quæ corporis necessitas requirit. Esto in cella libenter. Fuge verba ociosa. Plane loquere, & modeste. Iucundus, & verax valde. Verba tua sint sicut iuramentum. Nulli detrahas, nec detrahentem audias. Odium contra nullum teneas. Non sis elatus in verbis, vel moribus. Pecuniam odio. Ama paupertatem. In omnibus fuge mulieres. Esto compatiens afflictis. Castus in omnibus.

## DE INSTITUTIONE NOVITIORVM

### PARS SECVNDA.

*De voluntaria nouitiorum subiectione. Cap. I.*



**S**I vis in spiritu proficere, & hic esse propter quod vt hic fieres, ad scholas virtutum, id est, ad religionem venisti, ne fias similis illis, qui longo tempore in scholis manendo multum temporis & sumptum consumunt, & minime discunt. Istius formulæ compendium ante oculos habeto, & ad eius regulam ordina vitam tuam, & mores compone, & studium impende, & tempus expende. In primis esto sub tali rectore & magistro, qui te prædicta doceat, verbo & exemplo: vel si talem habere non potes, tu ipse magister esto. Sis strenuus, vt ad huius formulæ regulam viuere compellaris, & in nullo tuæ propriæ voluntatis libertati relinquare. Puer enim qui dimittitur voluntati suæ, id est, puerili lasciuia, confundit matrem suam, id est, religionem. Ideoque tot ordines confunduntur, quia pueriles mentes sibimet dimittuntur sine freno retrahente a noxijs, & sine virga ad salubria compellente, aut ex negligentia seniorum, aut ex nociua condescensione. Sicut imprudens medicus, qui ne contristet ægrum, quem curare deberet, patitur eum nociua comedere, ex quibus grauius, & diutius infirmatur, & cū in vno dissimulatur

excessus eius & vitia, cito ab alijs trahitur in exemplum, ita vt etiam sibi impune talia permittantur, quæ vident in alijs sustineri. Caueant tamen tales magistri, ne teneros animos frangant, seuera cohibitione.

*De negligentia prælatorum, seu mala libertate. Cap. I l.*

**T**Andem ad hoc ista mala libertas dilaturatur & stultit, quod hoc a pluribus vident fieri, vt quasi pro lege, & pro iure ordinis descendant. Et si quis contra docere arguendo præsumperit, singularis superstitionis improprium sustinebit. Et quasi qui nouum ordinem & insolitum morem inducere velit, vt delirus & vanus irridebitur, & omnibus fiet onerosus, & tamquam temerarius iudex aliorum actuum, persecutiones amarissimas sustinebit. Timent enim distracti, & a via Dei exorbitantes, ne si parcerent zelantibus pro iustitia & religionis disciplina, multos ad partem suam traherent, & ita paulatim ad ordinis obseruantiam, etiam ipsi tandem cohererentur. Et præcauent ardentissime, ne ad hoc perueniant, & sub specie singularitatis extirpandæ, eijciunt a se illos & opprimunt quam desiderant religionem ad statum debitum reformati. Quod videntes alij quibus hoc displicet, aliquam bonæ voluntatis

tis scintillam habentes, sed tamen infirmam terren-  
tur, & potius student se illis conformare, quos for-  
torem partem habere vident in multitudine & po-  
tentia, quàm cum illis tribulari, & insuper infirmari,  
iuxta illud. Et qui recessit a malo, praeda paruit. Hæc  
omnia experti sumus in ordine nigro, & in alijs.  
Numquam autem contingat nostram religionem ad  
statum similem peruenire.

*De religionis fervore. Cap. III.*

**Q**ui tali fervore ad religionem venit quod pro  
omnibus quæ ei mundus promittere vel dare  
potuit, noluit damnari in hoc sæculo, nec pro diui-  
tijs, honoribus vel delictijs, nec amore amicorum, vel  
proprij corporis dubitavit se tradere carceri pœni-  
tentia propter Deum, non debet modo vilior esse,  
quàm tunc fuit, ut pro verbis hominum deferat mo-  
do viam Dei, a cuius ingressu, nec terroribus, nec  
blanditijs potuit auerti. Quod si timet de singulari-  
tate notari, & ob hoc alijs fieri odiosus, sciat, quod  
nullus sanctorum singularis gloriæ factus est in cæ-  
lo, nisi qui inter homines positus, studuit esse in san-  
ctitate vitæ singularis. quod tamen de singularitate  
virtutum dico, non tantum de cærimonialibus ob-  
servantijs, parvam aut nullam habentibus utilitatem  
virtutis. Studia autem sanctitatis in his consistunt.  
In cauendo omne scandalum, quantum in se est,  
in studendo omnibus virtutibus hu-  
militer, & in quærendo familiaritatem Dei per af-  
fectum deuotionis internæ. Aduersus huiusmodi  
nulla est bona conformitas, per quam hæc studia de-  
struuntur. Cui vero pro iustitia, sicut & pro fide potius  
debeamus pati non solum irrisiones & despectiones,  
sed etiam persecutiones quaslibet, & mortem, sicut  
passi sunt sancti ante nos, & patietur post nos in die-  
bus nouissimis; quàm fidem deferere, vel iustitiam vitæ  
peccato relinquere. Discamus in paruis verborum &  
despectionum tribulationibus, ut si grauiora nobis  
immineret pro Christo certamina, sciamus per patien-  
tiā superare. Nam qui a leui statu deiecit, quomodo  
stabit a vento maximæ tempestatis? Hoc ad præ-  
miendum cor præmisi, contra retrahentes a stu-  
dio proficiendi in virtutibus. Quia qui tale studium  
non in se diligit, vix potest pro alijs secum moranti-  
bus æquanimiter sustinere. Vnde sicut illi non di-  
mittunt consuetudines suas malas propter nos, &  
noxias, sic non oportet nos bona & vtilia studia abij-  
cere propter illos, quia si volunt ad vitam æternam  
venire, oportet eos nobiscum viam Dei, non suam  
ambulare.

*De otio vitando, & vanitate sensuum. Cap. IV.*

**N**umquam debes otiosus vagari, nec rumoribus  
vacare, & verbis otiosis, nec lufui, nec scurrili-  
tatibus deditus esse, quia hæc faciunt mentem va-  
gam, & inanem. Et licentia istorum dissoluitur cor  
a pondere timoris Dei, & affectum internæ deuotio-  
nis exhauriunt. Non euageris tuis oculis hinc inde  
singula intuendo, quia leuitatis est indicium. Et ea  
quæ foris aut per oculos, vel per aures strepitum,  
quemdam interius suscitant, quo puritas intelligen-  
tiæ, quæ in bonis meditationibus mentem pascit,  
quasi quodam puluere obscuratur. Quidquid non  
est necessarium tibi, vel vtile ad tuum, vel alterius  
profectum, pertransi; & noli immorari, nec cor tuum  
in eo figatur, vel in eo tempus expendatur. Semper  
aliquid defer tecum in memoria, quod de Deo ru-  
minas cogitare: & mentis tuæ intuitum, semper  
in eum dirigere stude, sicut docet Propheta dicens.  
*Psal. 15. b* Providebam Dominum in conspectu meo semper, &c.  
Hæc enim continet cor apud se, ne commoueat a se  
per vanam lætitiā, vel irrationabilem tristitiā.

**A** Mundus enim in quo fluctuamus, varijs tempesta-  
tum ventis agitur, & qui non vult nauem cordis  
sui quassationibus conteri, vndarum influxione de-  
mergi, vel in extremas plagas ventorum flatibus im-  
pelli, affigere eam funibus bonarum cogitationum.  
assuescat ad petram immobilem, quæ est Christus.  
Funem ne facile rumpatur, ex triplici resticulo com-  
ponas, videlicet ex sacrarum scripturarum deuota  
lectione, ex sedulæ orationis compunctione, ex bo-  
narum actionum humili exercitatione. Lectio dat  
materiam & quasi semen bonæ cogitationis. Oratio  
rigat, & ad perfectum roborat, & cor illuminat ad  
intelligentiam & impinguat affectum ad saporem.  
**B** Bona actio maxime condita pinguedine charitatis, &  
obedientiæ, vel alterius virtutis, lætificat conscien-  
tiam, & dat fiduciam spei in Deum, etsi ad horam  
intercipit deuotionis quietem, tamen meretur postea  
maiores dulcedinis infusionem, & gratiā puritatis.

*De evitacione prauarum cogitationum, & inutilium  
occupationum. Cap. V.*

**F**eriatu & vacans caue tibi a vanis, & a prauis co-  
gitationibus ne vel modicum in te morentur,  
quia cito inquinant cuiuscumque vitij colorem ha-  
beant, ut luxuriæ, vanæ gloriæ, odij, vel aliorum. Item  
caue tibi ab inutilibus occupationibus, quæ tempus  
perdunt cor inquietant, & vtilia impediunt, & deuotio-  
nem dissipant. Item a torpore acedie, & pigritiæ,  
quæ mentem tepidam, & corpus delicatum reddunt,  
& ad bonæ opera desidiosum.

*De vitanda notabilitate, & curiositate. Cap. VI.*

**I**nter homines existens, caue tibi a duobus quo ad  
te ipsum, & a duobus quo ad alios. Quo ad te  
caue ne aliquid facias, ut ab eis noteris unde gloriam  
quæras, in gestu, in sermone, in voce vel actu, quia  
peccatum est, & vanum, & cum putas eis placere,  
forte displices, & iudicant te quasi inanis gloriæ cu-  
pidus sis, vel forte non aduertunt quid agis. Et sic  
perdis conarum tuum inutiliter, & vane, sicut ubique  
qui puris imaginibus quasi viuis hominibus obste-  
quuntur, sicut habetur in Psalmis: Qui hominibus  
placent, id est placere volunt, confusi sunt, &c. Item  
ne pudore superfluo obruaris in his quæ coram ho-  
minibus agere debes, loquendo, cantando, vel aliud  
agendo, sed ita liber esse stude coram eis, sicut si sine  
eis esses, & si intus verecundia æstuas, foris reprime,  
quia quo magis te notabilem facis ex pudore, eo plus  
considerant te, & ita plus confunderis. Signum su-  
perbiæ videtur, nimis erubescere de illis defectibus  
quos natura indidit, ut de deformitate corporis, vel  
vocis, ruditate, & similibus. De vilitate autem vestis,  
vel de humilibus obsequijs erubescere, in paupere  
religioso superbia est. Vitium autem vel scandalum  
erubescere, unde Deus offenditur, vel aliquis scandali-  
zatur. Apud temetipsum erubescere de peccatis tuis,  
de torpore in seruitio Dei, de negligentia bono-  
rum quæ posses facere & deberes: quod tempus de-  
fluit, & profectus virtutis non crescit: de hypocrisi,  
**E** quod foris vis putari melior, quàm intus te inuenias;  
quod vitia tua occultas non timore nocumenti alte-  
rius, sed timore displicendi, & ne vilipendaris: quod  
bona quæ ostendis vis videri & placere hominibus,  
ut ex his suspicentur aliquæ multo plura, & maiora in  
occulto te habere, ex quo talia foras prodeunt, quasi  
te dolente; quod vix adeo familiarem aliquem habes  
vnanimem, quem velles te in omnibus agnoscere,  
sicut te ipsum agnoscis, quod etiam fit in confessio-  
ne quandoque. Et si non audes peccata tua sup-  
primere, quin ipsa accuses; tamen de illis in qui-  
bus te magis displicere times, ita ordinas verba sub-  
mittendo, subiungendo, vel colorando, quod minus  
apparent verecunda, vel si forte plus bene proferas  
gloria-

*Psal. 52. b*

*Psal. 15. b*

gloriat, & vis inde apud confessorem sanctus reputari, quod tam humilis sis, cui te magis quam necesse sit, studeas confundere confitendo. Quod cum tentationibus vitiorum maxime carnalium ita desidiose compungeris, ut solo timore periculi vel confusionis pudore eas repellas, & quantum audes in affectu arideas solo consensu operis, vel morosae delectationis excluso. In hoc apparet maior peruersitas, quod cum facile quandoque huiusmodi tentationes quasi muscas immundas non abigis, ex negligentia eas permittis calefcere, & conualescere, donec confortata iam periculosiores fiunt, & difficilius vincuntur, & conscientiam saepius confundunt. Quod ita desidiosus es ad ea, quae Dei sunt, & quae ad virtutis, & deuotionis studium pertinent, ut pudor humanus plura ex his a te extorqueat, quam amor diuinus. Quod ita ingratus es de beneficijs Dei, ut non solum debitas non agas gratias de perceptis, sed etiam gratiam oblatam & paratam in vacuum recipias & negligas; atque cum gratiam sentis tibi arridere, occupas te vanioribus studijs, quasi qui texit araneorum telas, quae non proderunt ad vestimentum salutis. Quod illa ad quae teneris facienda, sicut sunt horae canonicae, & similia, ita negligenter & desidiose persoluis, ut non tam meritum inde speres, quam supplicium expectes: quia & si verba utcumque proferas, tamen corde tam vagus es, & affectu frigidus, quod nec sensum orationis percipis, nec deuotionis affectum. Et de ipsis verbis plurima defluunt accelerando, & utinam non multa transilias omitendo, dum non attendis si dixeris, vel non dixeris, nisi forte ex coniectura alicuius verbi, quasi ex caudae apprehensione reputes te dixisse. Deus autem & si patienter dissimulat, & attendit nostras negligentias, tamen non minus odit eas, sed integre dinumerat, distincte diiudicat, seuerè puniet, nisi nos praueuiamus faciem eius in humili confessione, in forti satisfactione, & in seriosa emendatione. Quod ad omnia quae ad corporis curam, vel commodum spectant studiosissimus es, quae vero ad spiritus profectum, vel ad fraternae charitatis exhibitionem, vel ad praelati obedientiam, vel ad carnis castigationem spectant, desidiosus es. Quod etiam hos & similes plurimos defectus in te aduertens, nec terreat, nec compungeris, nec discitis, nec corrigis, quasi Deus tecum aliter acturus sit, quam cum omnibus alijs, ut mala tua incorrecta non puniat, & bona neglecta remuneret. Pro his & similibus erubescere apud te, & ab alijs in te diiudicari non mireris, nec indigneris, sed recunderis. Haec & alia plura in memetipso veraciter recognoscens erubesco, & doleo, sed non tantum sicut debeo, & non emendo sicut possem, & expediret. Ex meipso autem intelligo quod haec vel aliqua istorum etiam proximo meo inesse possunt, & ideo unusquisque iudicet, & discutiatur semetipsum, considerans ex vero latere qualis sit, maxime quid sibi desit boni, & insit mali ex vitio proprio. Ex altera parte qualis esse debeat in virtutibus & moribus bonis, ut ex hoc humilietur ex cognitione defectus sui, & prouocetur ad studium proficiendi ad illa quae videt se debere facere vel habere, & ideo regratietur Deus, si in aliquibus forte ex eius gratia profecerit. Quo ad alios caue a duobus, id est ut non curiose respicias vel perquiras eorum personas, vultus dispositiones, habitum, gestus, facta, vel verba, vel officia. In quantum tibi non attinet ista perscrutari, vtilitatis causa, ita pertransi, ita cogita, ac si oves essent, vel alia animalia, ut in nullo circa illos occupes visum tuum, vel cor, ut non iudices, vel diiudices de alijs, quales sint, vel esse possint in mente, in merito, in moribus vel in alijs, quia talis discussio vana est, & saepissime falsa, immo temeraria. Et insuper cor inquietatur, & aliquando inclinatur, & conscientia laeditur, & alia bona negliguntur ex tali occupatione. Si aliqua videris de aliquo vel audias,

A quae non placent pertransi & obliuiscere cito, committens ea sibi & Deo, maxime ubi ad te non spectat eius correctio ex debito magisterij, vel ex sociali familiaritate, vel denunciandi necessitate.

*De compassione peccantibus habenda.*  
Cap. VII.

B Compatere tamen peccantibus quasi in tempestatibus maris naufragantibus quia longe miserabilis est in lacum inferni demergi, quam in profundum maris submergi. Ora pro eis & plora cum potes, ex hoc enim mereberis, ut a simili naufragio libereris. Beati enim misericordes, quoniam ipsi misericordiam consequentur. Sic etiam omnium miserrum afflictiones animo & oculo intueri, & singulas eorum miseras aggrauantes studiose computa, diligenter pondera, ut ex his affectus miserationis in te pinguescant. Et si quas tu miseras pateris, tibi leniores in eorum comparatione videantur. Collige etiam in his quae vides, passiones, labores, dolores, & paupertates Iesu Christi, qui cum esset diues pro nobis egenus factus est, ut illius inopia, diuites in caelestibus nos essemus.

*De tribus vitijs communibus.* Cap. VIII.

Tria sunt vitia communia apud homines, videlicet pronitas reprehendendi quae in alijs vident, & non est secundum affectum eorum. Alterum est adlatio, qua salent sibi inuicem blandiri, laudando, arridendo, quaerendo quomodo valeant, cum non curent eos quandoque valere, honores inutiles offerendo, & in alijs multis modis in quibus nec est vtilitas, nec ex affectu faciunt, sed ex usu ut placeant. Tertium est propria gloriatio de seipso, quia ea quae nos facimus, dicimus, sentimus, & scimus, placent nobis, & praeferrimus ea aliorum factis commendando, vel occulte cogitando: & dedignamur, si alij non mirantur ea quasi non habeant sanum iudicium, & delectamur in laude nostra. Et si aliquando nos ipsos atterendo humiliamus, non pure hoc facimus, sed volumus per hoc astute alium prouocare ad laudem nostram, quasi non debeat pati, ut nos vituperemus quod in nobis laudandum est, vel hoc saepe facimus, ut humiles reputemur, & saltem ex hoc placeamus, si alia placetia non habemus. Qui ab istis tribus esset liber, in magna puritate viueret, & quiete. vnde versus.

*Esse reprehensor, adulator, laudis amator*  
*Noli, sic pura tibi mens erit, atque quies.*

*De non habendo res curiosas.* Cap. IX.

NVlla curiosa habere cures, ut imagines, tabulas, sudariola, pater noster, & similia. Nec recipias, nec des alijs pro munusculis, quia occupant cor, & magistris nostris non placent, & faciente notabilem inter ceteros, & saepe sine licentia recipiuntur, vel dantur talia incaute, dum pudet eos toties pro istis recurrere ad magistros. Species aromaticas non habeas, nisi pro euidenti necessitate non possis carere. Qui omnibus rebus peculiaribus carere posset, felix esset, quia multa distractionis materiam abscidisset. Si autem aliqua volueris habere, ut libros ratione studij, & scriptoriola, nulla superflua collige, vel curiosa: solum contentus sis solis necessarijs in numero & valore. Ipse habitus, & communia instrumenta tua, simplicia sint, & inculta. Corporis gestus, & omnia foris apparentia, plana sint & pura. Nihil notabiliter curiale & curiosum, vel singularitate coloris respersum affectes.

*Quod*

*Quod religiosus non debet affectare hominibus placere.*  
Cap. X.

**S**TUDE humano iudicio non moueri, nec delectari fauoribus, nec despectu contristari, quia iudicium humanum cæcum est frequenter, & ignorat veritatem, & fallitur sepiissime, nec si laudaris ab homine es ideo laudabilior, nec si despiceris es ideo vilior. Stultus est, qui stulto placere laborat. Quia sicut cæcus non discernit inter colores, nec surdus inter sonos, insipiens homo nescit pensare meritum dignitates, unde cum aliquid agere te contingit æstimabile, ut prædicare, vel simile non anxieris quod ad placitum hominum hoc facias, sed inuocato auxilio Dei prout melius expedire secundum Deum intelligis, sit de facere. Et si bene successerit, Dei adiutorio refer gratias, & noli extolli, quia non propter te, sed magis propter aliorum orationes & merita, gratiam tibi datam debes æstimare. Si autem minus bene successerit noli turbari, nec pudore confundi, sed gratias Deo refer, qui sic te ab eleuatione defendit. Siue autem bene, siue minus bene successerit, statim habe te interius & exterius, ac si non feceris. Laudet qui vult, vel despiciat, quid ad te? Tu tace, excusationes caue, quando debes aliqua huiusmodi facere. Ad hoc sapissime fiunt, ut despiciamur, & præsumptuosi videamur qui talia audeamus. Unde videtur melius, purius, & humiliter simpliciter facere quod est faciendum, vel obedientia iubente, vel charitate instigante. Si placet eis, bene, si non, quid est tunc perditum? Nam cum oportet te prædicare, vel simile facere, quod aliquid honoris videatur habere, si bene feceris, lucrum habes de laboris tui profectu; si minus bene iterum lucraris meritum humiliationis tuæ, & post hoc minus ad huiusmodi cogeris ab illis quibus non placuisti. Omnes sumus alterutrum expositi, ut alter alteri placeat, vel displiceat, cum in mea non sit potestate ut tibi placeam, sed in tuo arbitrio, vel affectu quæ tibi dare non valeo. Si multum tibi placere laborabo, forsitan nihil proficiam, quia aliter consilium tuum dirigitur: & ideo nihil in hac parte melius video, quam quod soli Deo studeat homo placere, & proximum non scandalizare, vel scilicet offendere, & committere Deo si hominibus placeat, vel displiceat humiliter, & patienter, iuxta illud: Mihi pro minimo est, ut a vobis iudicer. Quibus places, adscribe eorum beneuolentiæ, non tuæ probitati. Quibus autem displices, attribue tuo merito, & cogita quod si tantillo eis displices, sicut exterius cognoscere valent tuam vilitatem, quid fieret si radicitus perspicerent omnia vitia tua, & peccata, & inhonesta quæcumque? Mirum si non eijcerent, vel lapidarent te, pro me loquor. Numquam enim a fidelibus tantum despectus sum, sicut sum despiciabilis in veritate: unde non debeo indignari, cum aliquando despicior, sed mirari, & reputare de beneficio Dei, quod non omnibus sum odiosus.

*De patiendis humiliter odio, & detractioe.*  
Cap. XI.

**E**T cum detrahi tibi intelligis, non mouearis, quia si verum est quod dicitur, non est inconueniens hoc loqui homines, quod facere ausus es. Si autem verum non est, non nocet tibi eorum locutio. Ut si albus esses, & diceret quis te nigrum esse, quid obesset tibi illud dicere? Nihil, cum tu esses quod es, & non aliud. Et si quis æstimaret te capram esse, tamen homo es. Si autem ad primos motus huiusmodi aduersitatis turbaris, & inflammaris, ex patientia reprime iram, & sustine ad modicum, sicut qui sustinet aduersionem cauterij, vel secationem chirurgici cogitans vtilitatem patientiæ, & cito sanari incipias, & melius habere. Immo hoc ipsum ex pugna intus

S. Bon. Tom. 7. Pars iij.

**A** exercitata, magnæ vtilitatis est, quia est purgatio peccati, vitij lima, exercitatio virtutis, meritum gloriæ, præparatio pacis. Non enim coronabitur, nisi qui legitime certauerit. Rancorem erga nullum retine in corde. Ad omnes cor mite, & pacificum habere stude, nec pro tua offensa, nec pro ullius vitio aliquem odito, ne fias cum illo sub specie zeli pariter vitiosus. Si non cōuenit tibi eius habere familiaritatem propter vitæ ipsius deformitatem, sic displiceat tibi malum quod habet ex se, ut non sit tibi execrabile bonum quod est ex natura in presenti, vel ex gratia forsitan in futuro. Multi enim sunt mali, qui fiunt boni postea, propter quod de omnibus videntibus est sperandum. Quod si aliquis te odiret, & detraheret, & niteretur te confundere, & grauare: tu etiam si ex similibus vis contendere, non vincis eum, nec placas, sed prouocas sicut qui canem latrantem minando prouocat ad mordendum, qui si latratus eius non aduertendo transiret, citius eum compesceret, & abiret. Nam cum hoc intendat omnis aduersarius, ut molester, & prouocet illum cui aduersatur, si videt te exacerbari, & contristari, ita habet quod quærit, & tanto fortius instat quomodo grauet, quanto plus videt valere conatus suos ad id quod intendit. Si autem viderit quod patienter sustines, & pertransis, ac si non sentias, confunditur in seipso, & confringens tumentes fluctus eius, ex indignatione quiescit videns quod nec valet efficere, quod quærebat, scilicet ut te conturbaret, vel certe confusus compungitur, & corrigitur exemplo patientiæ tuæ emendatus. Quod si forte obstinatus, nec corrigitur, nec desistit te persequi, disce aliquid pati posse pro Deo, quia ille qui tibi aduersatur grauius torquet seipsum, quam te. Qui autem seipsum morderet, & laniaret in odium tui, quid te læderet? Immo de se te vindicaret, ipse non tu, morosus vulnera sentiret. Ita sentias de illo quia odit te, quod se laniat non te. Unde tu habeto pacem tecum, & aliena malitia non tibi nocebit. Quod & si verba contumeliæ tibi intulerit discere debes, ut omnia verba habeas pro sono transeunte, nisi quantum valeas ex eis ædificationem accipere, sed in quantum perturbare possunt, & scandalizare, sint tibi, sicut auium garritus, & latratus canum. Hoc cum audis pertransi, & non cura. Noli illi similis fieri, qui tibi detrahit quia sicut in illo odibile est vitium detractiois, ita etiam esset in te. Nemo autem in odium aduersarij sui sibi met præcidit nasum, vel eruit oculos: sic nemo sapiens deturpat seipsum, ut se vindicet de inimico, quia tunc non tristitiam, sed lætitiā inimico afferret. Si patienter fers iacula aduersantis, alij compatiuntur tibi, & impugnabunt pro te aduersarium tuum te tacente, & diligente te. Si autem vindicare volueris te resistendo, aspicient te, & respicient vos pariter mordentes, & scandalizabuntur in vtroque. Doctrina Christi magistri nostri & Domini est, cuius te esse discipulum professus es in professione Regulæ: Diligere inimicos, benedicere odientes nos. Et nostra benignitate vincere illorum malitiam. Sicut ille malos mutat in bonos, patienter eos, ut conuertantur expectando, & beneficijs alliciendo.

*De sui ipsius correctione.* Cap. XII.

**C**ORRIGE in te quod in alio reprehendis, & doce te quod vtile cuique cognoscis. furor tuus agat in te ipsum, & ira inflammatus alios calefac, sicut ignis qui proxima prius, & postea remotiora calefacit. Tu igitur esto proximus tibi in correctione tui. Regula ingenij tui, & zelus iustitiæ tuæ primo reformet te, exemplar artis tuæ alijs imitādē. Ostende in proprio, cuius peritiæ sis in opere alieno. Quidam sciunt in alijs multa corrigere, & vitam aliorum ordinare, in seipsis autem multa incorrecta relinquunt, & minimam diligentiam adhibent, ut statum propriū ordi-

K k k nent

nent ad profectum virtutis. Quandoque somniant si essent in alio statu, in tali, vel tali officio, vel dignitate, quantum bene valerent illam bene disponere, suum autem statum in quo iam sunt nec sollicitè discutunt, nec emendant, sed aliquando per alium moniti, vel ex casu forte ad se reuersi, cogitant ad meliora se extendere, nec prouide disponunt qualiter hæc faciant, vel in eo quod prouident non perseverant, consuetudine dissolutionis, & torpore eos ad solita reuocante.

*De eodem. Cap. XIII.*

**E**sto tuimet potens, & statim ad nutum rationis assuescas, tam cogitationes cordis, quam membra, & sensus corporis a noxijs retrahere, & in bonis studijs occupare, & oculos, manus, linguam, auditum, & cogitatum, quasi in freno manus tuæ, ne insolenter euagentur extra disciplinæ terminos. Quia sicut auis, vel bestia ex coactione domita, rursus ex relaxatione sunt indomita, ita sensus exteriores, & affectiones interiores, nisi sub discreta cautela refrenentur, ex libertatis licentia insolescunt, ita ut postea difficilior redigantur sub rationis magisterio, quam in principio conuersionis, quia peruersi difficilior corriguntur quam numquam conuersi, sicut animalia difficilior domantur, vel mansuescunt in senectute, quam in iuuentute, & sensus iuuenum capacior est scientiæ, quam senum & inueterata arbuta inflexibilia sunt, quam recentia, & tenera. Sapissime discute teipsum, & considera statum mentis, corporis, quid desit, quid deficiat, vel quid proficiat, quid impediatur profectum, & quomodo illi obuietur

**A** declinando, vel resistendo, aut regendo, aut tolerando. Peccata declinanda sunt, & fugienda. Vitijs impugnantibus est resistendum, officium vel alia actio occasionaliter impediens, regenda & ordinanda est discrete ad profectus materiam. Aduersitas est toleranda, & per vsum tolerandi fit magis tolerabilis, & ideo tam odiosa est nobis aduersitas, quia nolumus assuescere. Si aliquis domesticus tuus, vel vicinus, tibi fuerit in corde onerosus, illi stude magis obsequiosus esse, & affabilis, cito senties remedium illius morbi.

*Quare non sit affectanda hominum dilectio. Cap. XIV.*

**N**on multum affectes diligi, quia distractio cordis est, & a quo quæris diligi, illi etiam affectas placere, & tibi admiscet se adulatio, & sæpe simulatio, ne forte displicere incipias, & minus diligi turbaris etiam quando suspicaris te minus diligi, ut desideraueras, vel speraueras. Pauci etiam sunt in sensu, & affectionibus, & moribus ita conformes, ut non sit dissensionis materia aliqua inter eos, quæ est dilectionis aduersatrix. Item a feminis velle diligi, etiam præter tentationis laqueum, & occupationis materiam, & turbationis occasiones continuas, nota suspicionis, & obseruationis non carebis. Committe te Deo, & ab illo stude diligi fideliter, & aliorum certam dilectionem relinque illorum arbitrio, & diuinæ voluntati. Dilectio hominum fallax est, & instabilis, facile cedit, facile lædit: ad modicum utilis, & sæpe nociua. Si dignus fueris diligere, finatorem, iustum est non diligi indignum, nec ei vllam reuerentiam exhiberi. Amen.

## S. BONAVENTURAE EXIMII ECCLESIAE DOCTORIS

### Opusculum, cui titulus est

### REGULA NOUITIORVM

*Quæ de instructione Nouitiorum in superioribus opusculis docuit S. Bonaventura videtur in hoc opusculo in compendium redigere: in quo breuiter nouitios instituit ad vitæ reformationem.*

#### PRAEFATIO NVLLA.



Rom. 12. 6

Ephes. 5. 6

**R**ENOVAMINI in nouitate sensus vestri, ut probetis quæ sit voluntas Dei bona, beneplacens, & perfecta. Hoc dicit Apostolus ad Romanos in persona nouitiorum, his qui fuerunt per peccatum in sæculo deformati, & erant tenebrosi, ut modo in religione positi, per finalem sententiam reformatur, & fiant luminosi, ut dicatur de eis. Eratis aliquando tenebræ, nunc autem lux in Domino, ut filij lucis ambulate. Qui ergo desiderant in spiritu & moribus reformari, studeant vitam suam subscripis rationibus reformare. Cognoscent enim quia voluntas Dei erit eis bona, quantum ad remissionem culpæ deformantis, beneplacens quantum ad infusionem gratiæ reformantis, sed perfecta, quan-

tum ad fruitionem gloriæ præmiantis, in qua recipient. diadema decoris de manu Domini Iesu, qui retribuet unicuique iuxta opera sua, iustus est, & instituit dilectum.

*De officio. Cap. I.*



**V**M spiritualia sint semper vbique omnibus præponenda: idcirco cum fueris in ecclesia, vel alibi ad diuinum officium celebrandum, non sis ibi cum vagatione cordis, interponendo nociua, & cogitando diuersa, quia dicit Bernardus: Magna abusus est habere os in choro, & cor in foro. Nam de talibus dicitur per Prophetam: Ore suo benedicebant, & corde suo male dicebant. Sed dicas cum profunda cordis humilitate, & reuerentia, & timore. Nam teste Scriptura. *Eccli. 1. 6* Timor Domini delectabit cor, & dabit gaudium, & lætitiā: & stude intelligere ea quæ dicis si potes, si vero



*Eccli. 32. a* vero non potes intelligere, reuerere: quia, sicut dicit **A** Sapiens, per reuerentiam accedet tibi bona gratia: & semper ad totum officium sis erectus, tam in officio beatæ Mariæ Virginis, quam in alio, hoc modo excepto, quia in nocte, dicto matutino beatæ Virginis, licet tibi apodiare. Officium vero beatæ Virginis numquam dimittas. & quamdiu stas in officio totaliter sis honestus, ut non respicias circumstantes, nec cum aliquo loquaris ibidem, sed inclinato aliquantulum capite dimissas manus habeas ante, aut in modum crucis, aut manum in manu portans, numquam autem ante pectus, vel in sinu, vel in loco inhonesto portes, cogitans te esse non solum coram fratribus: sed etiam coram Deo, & Angelis eius. Nam teste *Psal. 67. c* Propheta, qui dicit: Præuenerunt principes, idest Angeli coniuncti psallentibus. Et sis semper sollicitus ad horam, ne aliquando negligentia, vel uerecundia ductus, aliquod verbum prætermittas, & nō dicas horas tuas solummodo prolatione vocis exterioris, ut Pharisei versipelles. de quibus conqueritur Dominus per Prophetam, dicens: Populus hic labijs me honorat, cor autem eorum longe est a me. *Isa. 29. d* *Mat. 15. a* Caue tibi multū, ne aliquid facias, vel dicas ibidem, quodd alios prouocet ad risum, quia sicut dicit Isidorus: Nullus habebit accessum ad compositionem, ubi fuerit immoderatus iocus, vel risus, sed iucundatio tua sit semper in Iesu, & meditatio tua sit semper in Iesu, ut psallendo, & meditando possis dicere cum *Psal. 18. d* Propheta: Et erunt ut complacent eloquia oris mei, & meditatio cordis mei in conspectu tuo semper, & dicta qualibet hora, dicas: Miserere mei Deus, cum oratione: Omnipotens sempiterne Deus, qui gloriosæ Virginis Mariæ matris, & cetera.

## De oratione. Cap. 11.

*Luc. 18. a* **C**um Dominus dicat in Euangelio, quia oportet semper orare, & non deficere. Stude semper expendere tempus tuum aut in oratione, aut in lectione, aut in bona meditatione, aut in seruitijs: non enim cessat orare, qui non cessat benefacere. In oratione autem frequenter & morose permanes, cum profunda cordis deuotione & humilitate. Oratio autem humiliantius se nubes penetrat, iuxta sententiam Sapientis. Quidquid autem in oratione petieris, cum fiducia impetrandi petas. Veritas enim dicit: Quidquid orantes petitis, credite quia accipietis, & fiet vobis. Sit autem oratio tua in excelsa charitate fundata. Gregorius enim dicit: Quia virtus perfectæ orationis, est celsitudo charitatis. Sit secreta, uerecunda, iusta, lacrymosa, & frequens, & quia oratio nihil aliud est, quam ascensus intellectus ad Deum, idcirco antequam incipias orationem præpara te ad intimam deuotionem, si vis attingere ad diuinam prægustationem. nam teste Gregorio: oratio est cordis non labiorum. Nec inquit verba deprecantis tantum Deus intendit, sed cor orantis aspicit, & ideo dicit Sapiens: Fili, ante orationem præpara animam tuam, & noli esse tamquam ille qui tentat Deum. Tunc enim orator dicitur tentare Deum, quando absque cordis præparatione currit ad vocalem orationem, & petit ibi diuinam speculationem. Sic vix aut numquam poterit impetrare, quia talis dicitur non deuotus orator, sed verborum latrator. Si ergo vis affici in oratione, præpara cor tuum ad deuotionem, nam de cordis præparatione, dicit Dominus per Prophetam: Præparationem cordis eorum audiuit auris tua. unde legitur in uiris Patrum: Quales volumus orantes inueniri, tales debemus ante tempus præparare nos. Ad istam autem præparationem tria occurrunt, primo ut dicit Gregorius: Quinque sensuum reuocationes, scilicet ab exterioribus, ut ad nihil intendat, nisi ad quietem mentis, ne forte anima quæ soli Deo vacare intendit, per eos ad plura diffundatur. Nam *S. Bon. Tom. 7. Pars iij.*

**A** si inuisibilis anima inuisibili Deo conformis est, dum Deum orat, debet omnium visibilium obliuisci, ut impermixta terrenis ad cælestia cito tendat. Anima enim in modum arboris cogitatur leuari. Vnde Gregorius dicit: Tanto audius gustum sapientiæ orator intus acciperet, quanto saporem carnis pro eodem sapientiæ fonte robustius repressisset, propter quod dicebat Dominus. Tu autem cum oraueris intra in cubiculum tuum, & clauso ostio ora Patrem tuum. Sed quia nemo ascendit ad Dei contemplationem, nisi prius descendat per sui humilitatem, ideo sequitur secundum, scilicet propriæ paruitatis consideratio. Si autem vis videre tuam paruitatem qui oras, considera illius immensitatem quem oras: nam nihil es respectu Dei uiuentis. Tu enim es vermiculus putridus, ipse vero Deus est æternus. Tu creatura mortalis & infirma, ipse vero Creator omnipotens, tamen cum nihil sis, non ipsum Deum honorasti tamquam creatorem tuum, & tamquam seruus dominum suum, & quod periculosius est, peccando eum ad iram prouocasti, & semper eum suis stipendijs impugnasti, & ideo non es dignus exaudiri, sed potius cruciari æternaliter. Et sic mentaliter descende ad infernum cogitando, scilicet grauius peccata quæ commisisti, & quantam gloriam perdidisti, & quàm dura supplicia incurristi, ut cogitatio cognoscas tuam transgressionem, & quàm iuste damnatus es, & diuinam passionem, qua redemptus es. Nunc igitur sequitur tertium, scilicet Christi redemptoris ignita dilectio. Si autem vis diligere Christum, considera quantum fueris dilectus a Christo. Nam maiorem charitatem nemo habet, ut animam suam, ponat quis pro amicis, sed Christus plus, quia pro nobis inimicis suis mortuus est. Cogita ergo hæc grandia beneficia Dei, qui deberes meritis tuis æternaliter cruciari, voluit tamen ipse Dei filius pro te redimendo de muliere paupercula nasci, & crudelissima supplicia pati, & horribili mortem mori, & mortuus ad inferna descendere, ut nos de inferni pelago liberaret, & in cælesti collegio collocaret. Et ascende mentaliter ad illud collegium beatorum, & tunc diuina charitate ignitus incipias orare seruenter, ut possis dicere cum Propheta: Concaluit cor meum intra me, & in meditatione mea exardescet ignis: & dum diu oras, speculari illam Hierusalem triumphalem, ut orando possis dicere cum Apostolo: Nostra autem conuersatio in cælis est. Orationes autem quas facias, semper habeas sub certo numero terminatas, quas numquam dimittas, nisi manifesta necessitate, vel infirmitate coactus, quæ sunt hæc. Primo ad laudem Dei, & beatæ Virginis, quotidie inter diem, & noctem dicas centum Pater noster cum Gloria Patri: & totidem Aue Maria cum genuflexionibus. Item dicas quotidie Psalmos pœnitentiales cum Letania, pro benefactoribus uiuis, & Vesperis defunctorum, hoc est, Placebo, & aliam facias sicut tibi Dominus ministrabit. Hic tamen attende, ut in oratione quam facis, magis studeas ad deuotionem, quàm ad consummationem, ut statim cum inueneris Christum, orationem uerius non protēdas, sed eo frui quem querebas, dicens cum sponsa: Inueni quem diligit anima mea, tenui eum, nec dimittam, & subtrahente Iesu, orationem perficias quam incēpisti, & consulo tibi, ut numquam prædicta dimittas: non enim qui incipit emendatur, sed qui finaliter perseverat. Ora ergo charissime, & te in oratione exerce, quia pauperi non oranti, æterna supplicia promittuntur. Ait enim Bernardus: Ora frater instanter, ora quia ille dicitur habere tunicam mixtam sanguine, qui carnem suam nutrit de pauperis sudore. Cantando vobis, inquit, ista bona proueniunt. graues ergo pro eis effundite gemitus alioquin quod hic in delictis sumitis, in tormentis euomit. Studeas ergo tanto feruentius, & morosius cum seruire deuotionis orare,

K k 2 quanto

quanto plus ceteris maiora beneficia tibi conferuntur, quia sicut dicit Gregorius: Tāto ergo humilior, atque ad seruiendum Deo promptior quisque debet esse ex munere, quanto se obligatiorem conspiciat in reddenda ratione. Et omnis oratio tua semper voluatur circa Dei beneficia collata, cum gratiarum actione, aut circa tua & proximi scelera perpetrata, cum omni dolore & lacrymarum effusione. Ista est scala per quam vidit Iacob Angelos ascendentes, & descendentes. Et quotidie semel a fratrum consortio separatus stude animum tuum ab omni sollicitudine reuocare, & illicitis cogitationibus permixtus, cum profunda cordis humilitate, deuotione, & gratiarum actione recogita circa beneficia Creatoris, & maxime quoniam pro te voluit humiliter incarnari, & acerbissima supplicia pati, & morte turpissima mori. Quæ autem de passione tunc debeas cogitare, dicit Bernardus: O homo respice mentali oculo, quanto remunerationis debito Domino tuo sis astrictus. Respice sanguinem, alaparum contumeliam, flagellorum duritiam, coronam spineam, verborum blasphemiam, sputi ludibria, crucis angariam, suspendium patibuli, oculos languentes, oris pallorem, felita cibaria, acetosa pocula, caput inclinatum, mortis supplicium. Et quid plura? Vita pro nobis mortua est. Et cum hæc prolixius cogitasti, conuertere protinus ad teipsum, & considera quod Christus non solum supradicta, sed etiam alias multas sustinuit passiones, ut tede seruitute diaboli liberaret. Et tu ingratus, beneficia Creatoris tui non cognoscis, cum sis sua morte redemptus, non solum ardentius non amasti, sed peccando potius impugnasti, sicut ipse conqueritur per Prophetam, dicens: Retribuebant mihi mala pro bonis, & odium pro dilectione mea. Et prolixa hora cogita cum dolore, quantum & qualiter Deum offendisti, & per consequens quantam gloriam amisisti, & quanta supplicia acquisisti, & in hoc liquefiat anima tua dolendo, & pœnitendo in amaritudine lacrymarum, ut possis dicere cum Propheta: Exitus aquarum deduxerunt oculi mei, quia non custodierunt legem tuam. Ad ultimum vero surge sperando de misericordia Iesu Christi. Patiens enim est, & multum misericors, sicut dicitur in Psalmo. Et ideo confidenter, & humiliter roga eum, ut qui sua morte te redemit, & redemptum de mundo te vocauit in religione positum, immaculatum finaliter te conferuet in sanctorum collegio. Deinde roga Deum pro Ecclesia Romana.

## De confessione. Cap. III.

Quia ad remissionem peccatorum requiritur contritio amara, confessio pura, & satisfactio condigna, idcirco antequam vadas ad confessionem, omnia peccata quæ post prædictam confessionem fecisti, vel corde, vel ore, vel opere, aut omitendo bona, aut committendo contraria, cum profunda contritione ad mentem reuoca diligenter, ne ea in confessione prætermittas. Cum singula ad mentem reuocaueris verecunde, vade ad sacerdotem, & deposito mantello humiliter genuflecte, & cum extracto caputio, & iunctis manibus dicas: Confiteor, usque, Ideo precor: & hic incipias dicere peccata quæ cogitasti sapius, & pro singulo peccato, dicas tuam culpam. Quibus dictis, iungas ultimo dicens, Et de istis, & de alijs multis peccatis meis mortalibus, venialibus confessis, & omisissis, quibus offendi Creatorem meum, visu, auditu, gustu, odoratu, & tactu: dico meam culpam. Ista sufficiunt ad confessionem frequentem: cum volueris prolixius confiteri, dicas de offensionibus regulæ, maxime de obedientia, paupertate, & castitate, & exprimas si in aliquo istorum offendisti. Item de multa ingratitude & irreuerentia quam habes, circa temporalia & spiritua-

lia beneficia, nam spiritualia non cognoscis, iuxta beneficium redemptionis & religionis, quia cum gratiarum actione frequenter ruminare debuisti, & etiam de beneficijs corporalibus es ingratus, quia pro elemosynis acceptis, non reddis Deo debitas gratias, sicut debes, & parum pro benefactoribus oras. Item de modica charitate quam habes circa Deum & proximum, quia Deum non diligis, sicut debes toto corde, nec obedis consilijs & præceptis, sicut debes, sed quod periculosius est, eius voluntati resistis frequenter, nec etiam diligis proximum sicut debes, quia non congaudes ei in prosperitate, nec in aduersitate compateris, sicut debes. Item de perditione temporis quia stas otiosus in die audiendo verba vana, & otiosa, & nociua ad risum prouocantia. Item de inhonestis & nociuis cogitationibus, luxuriosis & otiosis, quibus non resistis humiliter sicut potes, sed forte quod peius est, negligis principia motuum carnalium qui insurgunt. Item de multa superfluitate in comedendo & bibendo, & alia non necessaria faciendo. Item de falso & temerario iudicio. Item de vana lætitia & tristitia. Item quia tu es pronus ad malum, & remissus ad bonum. Item de multa superbia, vanagloria, inuidia, iactantia, auaritia, acedia, & luxuria. Item de modico quem habes de peccatis tuis dolore, & non doles de confessis sicut debes, & de aliquibus dicas quæ conscientia reprehendit: & dum hæc omnia dicis descende ad similia quæ fecisti, & semper accepta pœnitentia osculare terram, & sit confessio frequens, aperta & integra, verecunda, & lacrymosa, & cum contritione, & sine exultatione. Et si potes confiteri quotidie bene quidem, sin autem de tertio in tertium diem saltem studeas cōfiteri, & studeas generaliter annuatim confiteri.

## De sacramento Eucharistia. Cap. IV.

Cum Apostolus dicat, quod qui illud incogitabile sacramentum indigne manducat, iudicium sibi manducat & bibit: idcirco quandocumque communicare proponis, studeas per totam hebdomadam præcedentem ad te præparare, per peccatorum contritionem continuam, confessionem, & deuotam orationem. Nam de hac præparatione loquebatur Apostolus cum dicebat: Probet autem seipsum homo, & sic de pane illo edat, & de calice bibat. Quod si in die Dominico proponis communicare, studeas te ante per triduum ad feruorem spiritus ordinare, ut sis in sexta feria præcedenti ab omni cogitatione immunda abstractus. Semper autem habeas mentales oculos ad Iesum crucifixum, spinis coronatum, aceto & felle potatum, sputis & contumelijs saturatum, a peccatoribus blasphematum, acerbissima morte consumptum, lancea perforatum, a mortalibus iam sepultum. Hæc cogita illa die, siue comedas, siue bibas, siue aliquid aliud facias, ut cogitando Creatorem crucifixum, dolorem in corde habeas, tota die ostendas tristitiam in corde, & in corpore, dicens cum Apostolo: Mihi autem absit gloriari, nisi in cruce Domini nostri Iesu Christi. Sabbato proponas penitus fratrum consortia declinare, & quietem mentis eligere: dies enim requietionis est, & pone strictum ori tuo silentium, ut saltem illo die non solum otiosa verba succidas, sed ipsa necessaria vix loquaris. Nam teste Hieremia: Bonum est præstolari cum silentio salutare Dei nostri, & usque ad completorium exerceas te, aut in lectione, aut in bona meditatione. Post completorium vade in ecclesiam, & ibi reuoca mentem tuam, & quidquid contra Creatorem tuum fecisti, recogita cum dolore, & amaritudine cordis, dicendo cum Propheta: Recogitabo tibi omnes annos meos in amaritudine animæ meæ. Et semper quando communicare proponis die præcedenti ieiunes, & post matutinum non dormias, sed vigila in oratio-

oratione, sciens quod in vigilia post matutinum, Saluator noster potissime inuenitur, ipso attestante qui ait: Qui mane vigilauerit ad me, inueniet me. Cum communicatus fueris, statim vade ad cellam tuam, & cum gaudio magno ipsius communicationis, affectes illum quem quidem ipsa veritas promittit, dicens: Qui manducat meam carnem, & bibit meum sanguinem, habet vitam æternam: & immediate dicas Pœnitentiales cum Letanijs, & caue illa die similiter ne egrediantur verba nociua, vel otiosa de ore tuo, per quod intrauit Iesu refectio gloriosa, teste Apostolo: Nemo potest digne calicem Domini, & calicem dæmoniorum sumere. De frequentatione vero cõmunionis non audeo suadere, nisi quod Augustinus suadet, ait enim: Quotidie Eucharistiam recipere, nec laudo, nec vitupero: omnibus tamen Dominicis diebus communicadum hortor, si tamen mens in affectu peccandi est, magis grauatur quàm purificatur. Et tamen licet quis peccato mordeatur, si tamen de cetero non habet voluntatem peccandi, & satisfaciatur lacrymis, & orationibus, accedat securus. sed de illo dico, quem mortalia peccata non grauant.

## De comestione. Cap. V.

Cum pulsatur campanella ad mensam, vel ad comedendum, stes in silentio, & examina teipsum quomodo in oratione, vel lectione, vel in seruitijs laborasti, vt præparatas elemosynas possis secunda conscientia manducare: nam peccatores tibi elemosynas largiuntur, non vt loquaris de partibus, vel de guerris, vel maneas otiosus, sed vt pro eis incessanter ad Dominum fundas preces. Quod si te inueneris otiosum stitisse, aut dixisse illicita, timeas cum dolore cordis, sciens, quod de elemosynis acceptis oportebit te reddere rationem villicationis tuæ, & vsque ad secundam pulsationem cogita supradicta, semper pro benefactoribus exorando. Cum autem intraueris ad mensam, sede circa honestiores si fieri potest bono modo. Et antequam incipias manducare, dicas gloria in excelsis Deo, vel tribus vicibus pater noster, & inuocando nomen sanctæ Trinitatis, dicendo in nomine Patris, & Filij, & Spiritus sancti, amen. Et tunc incipies manducare cum timore, & dolore cordis, vt verificetur in te illud: Antequam comedo suspiro, sic Bernardus dicit: Cum comedis non totus comedas, sed attendas lectioni si fueris vbi legatur; si vero non legitur, ibidem cogita de Deo, vt vterque homo sit propria refectio refectus. Sis ergo in mensa honeste, capite semper cooperto, oculis non diffusis, & nulli loquaris inde nisi necessitate coactus, nec cures scire, quid, vel quantum, vel qualiter alij manducant. Paulatim incidas panem, & vinum moderate propina, vt cum comedas nec panis incisus, nec vinum in scypho sit, nec sis primus in comedendo, nec vltimus in finiendo. Et dum sanus es, numquam panem eligas meliorem, nec deteriorem tantum dimittas, ne Deum offendas, & proximum scandalizes. sed comiter manduca illum: & non comedas rapaciter sicut gulosi, quorum Deus venter est, sicut dicit Apostolus: sed curialiter & honeste manduca, sicut decet religiosum, & paupertatis sanctissimæ sectatorem. Et cum biberis dicta Ave Maria cum duabus manibus bibas, ne quod datur ibi ad nutrimentum, fiat tibi in detrimentum, habet enim ad libidinem prouocare, sicut dicit Sapiens, quia luxuriosa res est vinum. Et ideo dicit Apostolus: Nolite inebriari vino, in quo est luxuria, & alibi: Semper modico vtere vino. Appone igitur semper aquam in vino: Specialia tibi numquam procures, nec oblata recipias, si euitare poteris bono modo. xenia non mitas per mensam, nisi forte illis qui iuxta te sunt. In fine vero micæ diligenter collige & manduca, quia dicit Dominus, colligite fragmenta ne pereant.

S. Bon. Tom. 7. Pars iij.

## De abstinentia. Cap. VI.

Cum Dominus dicat in Euangelio: Attendite ne grauentur corpora vestra crapula, & ebrietate. In huiusmodi semper stude crapulam fugere & ebrietatem, & sobrietatem elige, quia dicit Sapiens: Multi per crapulam perierunt, qui abstinens est adjiciet sibi vitam. Si autem fueris ad comedendum, non sapor, sed fames te prouocet, vt dicit Bernardus, vt numquam voluptate, sed necessitate pascaris, quia dicit Augustinus: Mens lassata nimietate ciborum, perdit orationis vigorem. Toto tempore vitæ tuæ modico, & communi cibo vtere, quia dicit Isidorus: Vbicumque satietas, & ebrietas, ibi libido, & furor dominatur. Et ne modum excedas in comedendo, & bibendo (sicut dicit Isidorus) tantum tibi ieiunij impones, quantum ferre potes. Melius est enim, inquit, quotidie parum, quam multum raro sumere. Augustinus: Quid enim prodest tota die longum ieiunium durare, & postea satietate, vel nimietate animam saturare? Et caue, ne de cetero specialitatem, vel singularitatem tibi procures: sed omni tempore quando sanus es, ijs cibarijs esto contentus, vt pane, & vino, & coquina tantum, & si aliquid apponatur, si indiges accipias moderate, sicut decet seruum Dei, & paupertatis sanctissimæ sectatorem. Cibaria vero quæ magis prouocent ad gulam, quàm ad sustentationem naturæ semper deuota, sicut sunt cibaria inusitata, vel delicata, scilicet speciebus composita, & similia. Nam sicut dicit Bernardus: Satis est ad omne condimentum sal cum pane, & fame. Nec tamen ea occasione permittas aliud tibi dari, quia tunc non esset abstinentia, sed simulata sanctitatis apparentia. Cauet etiam vt non manducando manducantes iudices, vel condemnes, quia sicut ait Apostolus: Qui non manducat, manducantes non spernat, & e contrario. Qui enim manducat, Domino manducat, & qui non manducat, Domino non manducat. Extra refectorium numquam comedas, nisi necessitate, vel infirmitate coactus, sed communem vitam semper in bono sequaris, & omni tempore quando sanus es, Quadragesimam Epiphaniæ, & aliam Apostolorum, quæ incipit ab Ascensione, vsque ad Pentecosten, & diem Sabbati semper ieiunare procures. & quando abstinentia tibi importabilis videretur, statim cogita de Iesu, qui cum esset Dominus omnium, in anxietate patibuli est fatigatus, spinis coronatus, clauis perforatus, sitiens potatus est aceto cum felle misto. Tunc enim talia cogitando, non solum ciborum abstinentias, sed quilibet asperitates, & passiones, facile sustinere valebis. Ait enim Gregorius: Si passio Christi ad memoriam reuocetur, nihil adeo durum, quod æquo animo non toleretur. Abstineas igitur maxime frater a cibis delicatis, & calidis, qui sunt incitatiui ad nutrimentum luxuriæ, & semper in omni cibo, & potu superfluitatem, & auiditatem deuota, vt etiam post comestionem videre esurire, & famelicus esse, si vis in æterno conuiuio saturari. Ait enim Hieronymus: Impossibile est enim, vt præsentibus, & futuris quis fruatur bonis, vt hic ventrem, & illic mentem impleat, & de delictis mundi ad delicias angelorum transeat, & in cælo, & in terra appareat gloriosus. Beati ergo qui esuriunt, & sitiunt in præfenti, quoniam ipsi saturabuntur in futuro.

## De dormitione. Cap. VII.

Semper cum ad horam perueneris dormiendi, non præuenito tempore, primo asperges te aqua benedicta, & tunc vadens ad lectum aliquam orationem præmittas, & facto tibi signaculo crucis in lecto, & te Domino humiliter commendato, honeste & compositae iaceas in dextro, vel sinistro latere, numquam tamen supinus vel aliter inhonestus: numquam

K k k 3 quam

quam dormias cum manibus in sinu positis, nec crucibus eleuatis, vel discoopertis, sed semper teneas tunicam inter crura, vt nullus te inueniat inhoneste iacentem. In lecto autem sic positus dicas Psalmos, vel aliud vtile meditare, vel quod vtilius est, imaginare Iesum in cruce pendentem. Quod si sollicite agitabis, vix aut numquam poterit te diabolus molestare: quia per deuotam meditationem Iesu, omnis daemonum exercitus effugatur. Cum autem surrexeris de lecto, statim recurre ad memoriam crucifixi, vt cum Apostolo nihil scias inter homines, nisi solum Iesum, & hunc crucifixum. Ait enim Bernardus: Totus sit tibi crucifixus in corde, qui pro te fuit fixus in cruce. Et facto tibi signo crucis, vade ad ecclesiam festinanter, & asperge te aqua benedicta, & ingrediens ecclesiam dicas: Introibo Domine in domum tuam & adorabo ad templum sanctum tuum in timore tuo, Domine deduc me in via tua, propter inimicos meos: dirige in conspectu tuo viam meam. Cum autem perueneris ad altare, humiliter genuflecte, & Deum adora, & lacrymare si potes, & facias ibi orationem quam Dominus monstrabit, & recomenda te sibi cum profunda cordis humilitate, & semper sis in ecclesia antequam officium inchoetur, vt congregato animo tuo coram Deo, liberior possis intendere his quæ dices. Omnia seruitia quæ facis, semper radicentur in charitate, alioquin non expectes idem meritum apud Deum, quia sicut dicit Augustinus: Tanta est virtus charitatis, vt & prophetia, & martyrium sine ipsa nihil esse credatur. Celebrantibus autem Missas libentissime seruias, cum profunda cordis, & corporis humilitate, reuerentia & deuotione: quia ad illud deuotissimum sacramentum nemo debet accedere indeuote, nec expectes quod alius te inuitet, sed potius tu sollicite sacerdotes, & sis semper sollicitus circa omnia seruitia facienda, ne forte tua negligentia (quod absit) impediatur aliquando sacerdos. Alia autem seruitia quæ sunt necessitatis, & utilitatis, libentius facias quam alia, sicut est lauare pannos, scutellas, tunicas, & pedes infirmorum, & aliorum, & capita cum oportebit, & similia. Cum fueris cum fratribus pro aliquo seruitio faciendo, caue ne loquaris ibidem, nisi forte interrogatus, & tunc submisce, sed potius audi tacens, quia teste Psalmista: Vir linguosus non dirigetur in terra. Infirmos vero debes frequenter & sollicite visitare, saltem bis vel ter, cum exhibitione seruitij si oportet, sicut in Regula continetur, quod fratres debent eis seruire, sicut vellent sibi serui, & hoc fiat sine multiloquio, quia teste Sapiente, in multiloquio non deerit peccatum.

## De otiositate fugienda. Cap. VIII.

**Ecclesi. 33. d** **C**um otiositas multis sit occasio delinquendi, teste Sapiente qui ait, Multa mala docuit otiositas, stude semper in diuinis laudibus vel charitatis operibus occupari. Nam otium diuina sapientia reprehendit, dicens: Quid hic statis tota die otiosi? Nec mirum, quia diabolus frequenter eos precipitat. Vnde Hieronymus: Semper aliquid boni facito, vt te semper diabolus inueniat occupatum. In his ergo maxime exerce te, scilicet in frequenti & feruente oratione, & lectione, & in seruitijs, & per ista tria tota vita tua decurrat, & semper ores, aut legas, aut seruias, & potissime senibus, forensibus, & infirmis, & factis seruitijs non stes cum fratribus otiosus, sed statim vade ad cellam, & ibi ores vel legas, & sta in ea quotidie vsque ad tertiam, & non ex eas, nisi vrgenti necessitate coactus, memorans illud Bernardi, quod Sancti Angeli cellas habent pro cælis, a cella enim in cælum sæpe ascenditur.

## De honestate. Cap. IX.

**C**um honestas sensuum exteriorum sit ornatus virtutum, ideo cum omni verbo & actu tuo semper honestatem cum discretionem præendas. Ait enim Apostolus: Omnia honeste cum ordine fiant in vobis. Si ergo desideras honestatem & felicitatem, virtutum inuenire, & inuentam facile retinere, stude semper habere subscripta. Et primo habeas feruentem & frequentem orationem, de qua dicere poteris illud sapientiæ: Venerunt mihi omnia bona pariter cum illa, & innumerabilis honestas per manus illius. Deinde stude semper omnia verba otiosa vitare, vt ea non proferas, nec audias proferentes, quia teste Paulo: Corruptunt bonos mores colloquia mala. Postea inhonestorum & dissolutorum consortia caue. Adulatorum blandimenta deride, dona contemne, colloquia susurronum & murmuratorum, bilingualium & detractorum semper abhorre. Nam teste scriptura: Murmuratores & detractores Deo odibiles sunt. Numquam loquaris cum aliquo nisi verbum præmeditatum, ordinatum, vtile, & honestum. Duplicitates & simulationes in loquendo semper deuota, quia dicit Augustinus: Omnis simulatio, & omnis duplicitas mendacium est. Et propterea dicit ipse alibi: Omnia verba ante veniant ad limam, quam ad linguam. Ad lauandum paropsides quotidie vade. Insuper non sis murmurator, nec iudicator aliorum, nec aliquem de cetero reprehendas, nisi aperte fecerit contra Deum, sed potius reprehensus statim dicas culpam tuam genuflectens, siue sis culpabilis siue non. Nam teste Gregorio: Bonarum mentium est ibi timere culpam, ubi culpa non est. Et quandocumque aliquis te offenderit, non respondeas ei, sed statim recurre ad patientiam, dicens: Dignum est quippe vt omnes creaturæ me offendant, quia ego superbus creatorem omnium semper offendi, & iniuste & frequenter offendo. Et semper quando vadis in ecclesiam, coram altari si fieri potest, congrue, ingrediendo vel egrediendo humiliter genuflecte, quia scriptum est: In nomine Iesu omne genuflectatur. Iterum quando vadis per domum vel extra, semper habeas gressum mitem: manus continent, oculos demissos, stabiles, non vagantes, quia dicit Isidorus: Impudicus oculus, impudici cordis est nunci. Et quando vides fratres loquentes de aliquo & non de Deo, vel etiam non de scriptura, statim recede, maxime si murmurant de aliquo, vel loquantur de guerris. Nam teste scriptura: Lingua eorum gladius acutus. Et vt melius hæc conferuas, stude semper in corde & opere humilitatem habere, quia vt dicit Gregorius: Qui ceteras virtutes sine humilitate congregat, quasi puluerem in ventum portat.

## De tentatione. Cap. X.

**Q**uia humani generis aduersator, nititur incessanter per impulsione tentationum fidelibus obuiare latenter, testante Petro: Aduersarius vester diabolus, tamquam leo rugiens circuit, quærens quem deuoret: idcirco semper custodi animam tuam sollicite, iuxta consilium Sapientis. Et semper quando senseris te huiusmodi tentationibus impugnari, recurre ad Christum. Fidelis est enim vt faciat cum tentatione prouentum: & dicas immediate: Adiua me Domine Deus meus, ne discefferis a me, intende in adiutorium mihi Domine Deus salutis meæ. Libera me de inimicis meis fortissimis, & ab his qui oderunt me. Pone Domine me iuxta te, & cuiusuis manus pugnet contra me. Quia si consistant aduersum me caltra, non timebit cor meum. Et cogita statim, quia propter peccatum priuatur quis inestimabili gloria beatorum, & condemnatur ad horribilissima & infinita supplicia damnatorum. Nam ista duo

*Sap. 6.8* duo si bene habebis in mente, expellent tentationes omnino, quia si tentator adhuc praeualer, cogita frequenter de acerbissima passione Iesu. Nam teste scriptura. Cogitare de ea sensus est consummatus, & qui vigilauerit propter eam cito erit securus. & hoc est, quod si bene imprimatur in mente passio Redemptoris, non habebit locum in carne tentatio detractoris. ipsa est enim armatura contra hostes, de qua dicebat Apostolus: Induite vos armaturam Dei, ut possitis stare aduersus insidias diaboli: & merito, quia nulla est efficacior medicina, per quam citius inimicorum exercitus debellatur. Christo (inquit Petrus) in carne passio & vos eadem cogitatione armamini. Hoc ait etiam expressius Bernardus: Quotiens te senseris turpibus cogitationibus impugnari, & ad illicitas cogitationes affici, totiens pone tibi ante oculos mentis tuas, quomodo Christus crucifixus est pro te. Intuere quomodo a Iuda Iudaeis traditus est, quam viliter pertractatus, blasphematus, & colaphizatus, iudicatus, & condemnatus, expoliatus & flagellatus: ad ultimum vero contumelijs, & opprobrijs affectus, inter duos latrones suspensus, clavis confixus, sputis derisus, spinis coronatus, felle potatus, lancea perforatus, ex omnibus partibus corporis sanguis emanauit, & inclinato capite emisit spiritum. Ita Redemptor tuus mortuus est pro te in cruce, & tu ne scis cuiusmodi turpi cogitatione sordidaris in mente.

## De familiaritate mundi. Cap. XI.

*Dant. 3.2.4* **T**Oto tempore vitae tuae studeas, quantum poteris bono modo familiaritates saecularium deuitare: generatio enim peruersa est, & infidelis, teste scriptura. Cum autem fueris cum eis aliqua necessitate, vel utilitate cogente, caue ne umquam loquaris cum eis nisi verba utilia & honesta, & si ipsi loquantur de saeculo, vel de guerris, vel de alijs inutilibus, numquam sequaris eos etiam si scieris, dicens cum Propheta, Non loquatur os meum opera hominum. & semper sis cum eis timidus non securus, humilis, breuiloquus & honestus, ut impleatur in te illud Euangelij: Luceat lux vestra coram hominibus, ut videant vestra bona opera, & glorificent Patrem vestrum qui in caelis est. Mulieres vero fugias sicut serpentes, & numquam loquaris cum aliqua nisi vrgens necessitas te compellat, nec usquam aspicias in faciem alicuius mulieris, & si mulier tecum loquatur, verba sua citissime occide, nam teste Propheta: Molliti sunt sermones eius super oleum, & ipsi sunt iacula. Ideo dicit Augustinus: Asper sermo, brevis & rigidus cum mulieribus habendus est. Nec quia sanctae sunt, ideo minus cauendum est: quo enim sanctiores sunt, eo magis alliciunt, & sub praetextu blandi sermonis, immiscet se viscus impudicissimae libidinis. Crede (inquit) mihi Episcopus sum, veritatem loquor in Christo, non mentior. Cedros libani, & gregum arietes sub hac specie corruis se vidi, de quorum casu non magis praesumebam, quam Gregorij Nazianzeni & Ambrosij. Fuge ergo laqueos mulierum, quia non es Dauid sanctior, nec Samsone fortior, nec sapientior Salomone.

## De iudicio vitando. Cap. XII.

*1. Cor. 4.4* **C**um non sit commissum alicui occulta cordis iudicare, sicut dicit Apostolus: Nolite iudicare, quousque adueniat Dominus, qui & illuminabit abscondita tenebrarum, & manifestabit consilia cordium. Idcirco numquam te transferas ad aliorum iudicium vel contemptum, sed quandocumque videris aliquid fieri quod tibi displiceat antequam iudices facientem, primo respicias temetipsum, utrum in te inuenias aliquid reprehensibile, quod si inueneris, tunc in illo in quo alium iudicas, temetipsum condemna, dicendo

*2. Re. 24. c* **A** cum Propheta: Ego sum qui peccaui, ego sum qui inique egi. & non sis sicut hypocrita, quia numquam respicit defectus suos, sed praesumit de se, & omnes alios iudicat, detrahit & condemnat, & vult videre festucam in oculis eorum, tragem autem quae est in oculo suo non considerat: quem veritas reprehendit, dicens: Hypocrita eijce primum tragem de oculo tuo, & tunc prospicies, & videre poteris festucam in oculo fratris tui. Vnde versus:

*Matt. 7.4 & Luc. 6. f*  
O qui festucam fratris concernis oculo,  
Quae tua conturbat lumina tolle irabem.

*Bernard. in Cant. ser. 40. prope fi.* **B** Bernardus dicit: Caue alienae vitae esse curiosus explorator, aut temerarius iudex, etiam si perpetratum quod reprehendas, nec si videris, iudices proximum tuum, magis autem excusa, excusa intentionem, si opus excusari non potest, puta ignorantiam, puta casum, puta surreptionem. Quod si rei certitudo nullam omnino excusationem recepit, suade nihilominus ipse tibi, & dic apud temetipsum: O vehemens fuit prima tentatio, & quid de me illa fecisset, si accepisset in me similem potestatem? Non sis ergo pronus ad iudicandum vel ad murmurandum, sed potius iudica, & respice temetipsum dicendo cum Propheta: Iniquitatem meam annuntiabo, & cogitabo pro peccato meo.

## De obedientia. Cap. XIII.

*Luc. 9. c* **Q**uoniam ad viam salutis nihil est tutius, quam per humilem obedientiam negare seipsum: idcirco sequentibus se veritas dicit: Qui vult venire post me, abneget semetipsum per obedientiam subiectionem, & tollat crucem suam per carnis macerationem, & sequatur me per finalem consummationem. Et merito inuitat eos ad obedientiam subiectionem, quia per eam habetur mira victoria contra hostes, teste Sapiente qui ait: Vir obediens loquetur victorias: Et quod plus est, ipse Deus per obedientiam vinci potest. Dicit enim Gregorius: Si obediens fuerimus praetatis nostris, Deus obediens orationibus nostris. & Augustinus: Citius, inquit, exauditur una oratio peccatoris obediens, quam decem milia contemptoris. Item, toto tempore vitae tuae studeas omnibus secundum Deum subiacere & semper humiliter obedire, non solum praetatis, sed etiam subditis, & non cures dicere, Quis est qui praecipit? Ait enim Gregorius: Non licet subditis discernere, sed statim simpliciter obedire. Et caue ne umquam per te vel per alios obedientiam extorqueas publice vel occulte, quia talis non dicitur obedire, sed propria voluntate abuti. Ait Bernardus: Si quis aperte vel occulte satagit, ut quod habet in voluntate hoc & pater spiritualis iniungat, ipse se seducat, sed forte tibi quasi de obedientia blanditur, neque enim in ea re ipse praetato, sed ei praetatus obedit. Caueat ergo talis, quia dicit idem Bernardus: Nihil ardet in inferno, nisi propria voluntas. Tolle, inquit, propriam voluntatem, & non erit infernus. Caue igitur in beneficijs tuis ne tuam proferas voluntatem, & maxime cum discordas a voluntate praetati. Nam Bernardus dicit: Grande malum propria voluntas, quae fit ut bona tua bona non sint: Et quandocumque aliqua grauis obedientia te conturbat, citissime cogita de Iesu, qui cum esset Rex regum, & dominus dominantium, Humiliauit semetipsum, teste Paulo, factus obediens usque ad mortem. Dicebat enim descendi de caelo, non ut faciam voluntatem meam, sed eius qui misit me Patris. ita dicas si vis imitari Deum. Exiui de mundo, non ut faciam voluntatem meam, sed aliorum. Qualis autem debet esse perfectus, Bernardus describit dicens: Verus obediens nequit moram, mandatum non procrastinat, sed statim parat oculos visui, aures auditui, linguam voci, manus operi,



operi, pedes itineri, & totum se interius colligit, ut A  
imperantis faciat voluntatem.

*De paupertate. Cap. XIV.*

**C**um paupertas voluntaria sit totius spiritualis edificij primarium fundamentum, idcirco toto tempore vitæ tuæ in omnibus transitorijs rebus strictam paupertatem obserua, ut nihil sub cælo habeas, nisi ea quæ necessitati tuæ per Regulam conceduntur. Dicitur enim ibi: Quod fratres nihil sibi appropriet, nec domum, nec aliquam rem. & merito, quia teste Iohanne: Omne quod est in mundo, aut est concupiscentia carnis, aut concupiscentia oculorum, aut superbia vitæ. Nam ista transitoria sunt, & contraria æternis. unde sis semper pauper in terra, si de cælo desideras te non repelli. Ait enim Gregorius: Tanto enim vnusquisque a superno amore disjungitur, quanto inferius delectatur: e contrario, quantum quis fastidiet terrena, tanto Deo erit propinquius. propter quod dicebat Apostolus: Omnia reputaui ut stercore, ut Christum lucrificerem. Vnde si vis terrena bona contemnere, semper cælestia meditare. Greg. hom. 37. i. Quæ. Ait enim Gregorius: Si consideremus quæ, & quanta sunt quæ nobis promittuntur in cælis, vilescunt animo omnia quæ habentur in terris. Beati igitur pauperes spiritu, quoniam ipsorum est regnum cælorum. Igitur si per paupertatem terrenorum peruenitur ad gloriam beatorum, stude semper tenere strictissimam paupertatem, maxime in libris, & soleis, & tunicis, ut eas non habeas, nisi sicut tuæ necessitati strictè videris expedire, neque superflua necessaria dicas, sed potius ipsa necessaria superflua time. Ait enim Gregorius: Et solis necessarijs vtimur, probabitur multa superflua in vestris facultatibus habuisse. Vnde nihil habeas, nec per te, nec per interpositam personam, & attende semper ut nihil habeas in cella, nisi necessaria, & hoc dico etiam de minimis rebus, ne forte negligendo modica, paulatim cadas ad maiora. Ait enim Augustinus: Vitasti grandia, caue ne obruaris arena, quia teste scriptura. Lignum vitæ est his, qui apprehenderint eam, & cui tenuerit eam multiplicata sunt beatus. Vnde si sanctam paupertatem finaliter retinebis, ad regnum cælorum poteris peruenire, quia ita veritas repromisit perfectis pauperibus dicens: Beati pauperes, quoniam vestrum est regnum Dei: quod quidem regnum tanto est vtilius, quanto fecundius, tanto securius, quanto sublimius; tanto iucundius, quanto lucidius; tanto nobilior, quanto a nobilibus possidetur. ad quod nos perducatur, qui viuit & regnat in sæcula sæculorum.

*De silentio. Cap. XXV.*

**Q**uia diuina consolatio sæpe per multiloquium denegatur, toto tempore vitæ tuæ tene strictum silentium in locis, & temporibus opportunis, & ad hoc ordinatis. Nam teste Scriptura: In silètio, & in spe erit fortitudo nostra. Et sileas semper vbicumque fueris, in diuino officio celebrando, in quolibet seruitio faciendo, & vbicumque fuerint ultra tres fratres. A completorio quotidie vsque ad tertiam non loquaris, nisi interrogatus, vel aliqua necessitate, vel vtilitate coactus. Nam sicut dicit Gregorius: Mens quæ non habet murum silentij, de facili penetratur iaculis inimici. Et ideo dicit Augustinus: Mutum, inquit, debet esse os hominis, nisi ad tria, scilicet ad laudem Dei, ad accusationem sui, & ad vtilitatem proximi. Sileas igitur, ita ut numquam verba detractionis, vel dissolutionis, vel inhonestæ loquaris, sciendo, quod non solum de verbis otiosis, nociuis, & periculosis oportebit te reddere rationem, sed de omni verbo otioso, quod locuti fuerint homines, reddent rationem in die iudicij, secundum sen-

tentiam Saluatoris, ideo dicit Propheta: Læati sunt quia siluerunt. Vnde si bene vis fugere verba nociua supradicta, primo reprimes otiosa. Ait enim Augustinus: Qui otiosa verba non reprimit, ad noxia cito transit. Ideo dicit Sapiens: Fili loquere in tua causa vix, & cum bis interrogatus fueris responsum habeat caput tuum. In hoc autem potissime sileas, ut numquam loquaris de sæculo, nec de guerris, nec audias referentem, cum id sit venenum mortiferum animarum. de talibus enim dicitur in Psalmo: Linguis suis dolose agebant, venenum aspidum sub labijs eorum. Psal. 106. Eccli. 32. b. Psal. 13. a.

**I**n conuentu fratrum Minorum Parisijs, conuersante bonæ memoriæ fratre Bonauentura tunc generali ministro, & post Cardinali: frater iuuenis studens ibidem bonæ indolis, & ei satis familiaris, accessit ad eum semel, & deuote rogauit, ut sibi exponere dignaretur, quo iuuentus sua posset in ordine conseruari sine macula & querela, & ad vitam æternam proficere. Qui magno cum quodam suspirio sic respondit. Fili mi iuuenis, si vis sine macula, & sine labe infamiæ conseruari in religione, sex tibi mandata recole, & incessanter repone quæ documentis, & exemplis sanctorum patrum accepimus. Primo circa orationem, & sanctorum lectionem semper vigila, quæ duo ut perficere possis, & non perdere; ecclesiam valde frequenta, die & nocte cellam continua super omnia, ita quod extra eam, vel ecclesiam numquam inueniaris cum aliquo otiosus in via, vel in platea, sed semper finito officio, vel finita comestione, vel seruitio, vel alterius obedientiæ mandato, sine aliqua mora regrediaris ad cellam oculis inclinat, & ibi redigas te. Secundo circa honestatem cordis, & omnium sensuum corporis tui super omnia stude, quæ duo ut valeas adimplere, numquam cum aliqua persona spiritualem familiaritatem habeas, sed omnibus sis communis, ita quod nullus possit aduertere te, nisi communem, & nulli specialem, modo iam dicto. Tertio circa custodiam linguæ studiosissimus esto, ita quod quando stas cum alijs, numquam loquaris nisi necessaria, & tunc non nisi requisitus. Nec laudes aliquem, nec vituperes absentem, vel præsentem quantocumque audias alios similia dicentes. Quarto sis summe sollicitus, ut numquam referas, vel loquaris cum aliquo de his quæ audis de alijs, nisi illa sint ædificatoria. Quinto versetur ad cor tuum frequenter memoria beneficiorum Dei, & peccatorum tuorum, & desideriorum paradisi, & pœnarum inferni, etiam omnium qui sunt in tribulatione constituti, & etiam miseriarum mundi. Sexto sis sollicitus non iudicare in corde tuo vel ore, nisi teipsum.

Hæc faciens, saluaberis inter homines.



S. BONA-

# S. BONAVENTURAE

## EXIMII ECCLESIAE DOCTORIS

Opusculum, cui titulus est

REMEDIUM DEFECTVVM RELIGIOSI.

*Treddecim capita, quibus constas hoc Opusculum, repetuntur paucis immutatis supra hoc eodem tomo in Opusculo, quod inscribitur, Stimulus amoris. decem scilicet priora capita, in 2. part. Stimuli amoris cap. 1. vndecimum capitulum in 1. part. eiusdem cap. 2. in fine. duodecesimum, & decimumtertium, in 3. parte cap. 3. & 13. Et reuera saluberrima documenta sunt, quibus religiosus, & sibi, & alijs proficere possit.*

### PRAEFATIVNCULA.



IMPLICITISSIMO animo hesternae luce ad me accedebas **A** frater Roberte, & quomodo Deo placere posses, suppliciter exoptulabas. Consolabar verbo serio, zeloso, & operoso, satisfacere volens voto tuo. Cum ergo creuissent verba, creuit deuotio tua sancta. Tribus ho-

ris elapsis me fatigato, & lingua cessante respondebas. Dic pater: Ego libenter audio. Vñ ego admonitionis, & discretionis remedio, largam reporraui lacrymam, & eiulatum magnum, obedientiaeque meae necessitatibus confectus, visitationis opus prosequi cogebar. Omnino conturbatus discedebas. Media autem nocte, vt solitus sum, misereri mihi Deum Creatorem meum intimis precordijs flagitabam, occurrit mihi textus Matthaei, vt non offerrem Deo laudes matutinas, quin prius reconciliatus es tibi, te consolaretur secundum gratiam a Deo datam. Breue ergo hoc verbum tibi obfigno, quo consolatus & perfectus conuersatus, tibi proficiuas, & alijs exemplaris efficiaris. Hoc autem breue verbum toti huic congregationi pro remedio defectuum, & incremento profectuum derelinquo. Quod & in treddecim partes **C** distinguo.

**Cap. I.** Primo. Studeat frater quilibet, quantum potest se vilissimum reputare, & indignum omni beneficio Dei, ipse sibi displiceat, soli Deo placere cupiat, ab alijs velit vilis, & non humilis reputari. Et quod ipse sit vilis, ex summa Dei clemētia recognoscat, gratias agens quod tam vilem hominem, & promptum ad omne malum, & tardum ad omne bonum, dignatur sibi in seruum sumere, & quod maius est, in filium adoptare. Non ergo reputes magnum, quod Deo seruis, sed maximum reputa, quod ipse dignatur te habere seruum suum.

**Cap. II.** Secundo. De nullo nisi de peccato, & ad peccatum inducente, & a bono retrahente frater doleat, immo de qualicumque alia tribulatione, iniuria, & afflictione gaudeat, tribulantes instantissime diligit, & specialem orationem pro ipsis faciat, Deo inde copiosas gratias referat, & ad hoc se insufficientem esse recognoscat, quia quem Deus diligit castigat, nam ipsae tribulationes ad Deum nos ire compellunt.

**Cap. III.** Tertio. Nihil de temporalibus nisi strictam necessitatem requirat, aut quocumque modo appetat, sed Christo Domino in omni deiectione corporalis consolationis se conformare studeat. Et hoc maximum debet reputare, quod Rex regum, & Dominus do-

minantium Christus, sic vilem seruum suis ornamentis dignatur induere, & sibi lutum foedum assimilare. Ideoque, quanto videt se ditiores, & pluribus corporis consolationibus abundare, tanto deber intimius, & profundius contristari, cernens se eo magis a Christi similitudine elongari.

Quarto. In bonis, & indifferentibus, alterius quam suam potius studeat adimplere voluntatem, immo semper in exterioribus actionibus studeat abnegare, aliorum beneplacita affectans cum omni vigilantia in licitis adimplere: & hoc circa omnes, maxime circa suos superiores studeat observare. **Cap. IV.**

Quinto. Nullum quantumcumque miserum despiciat, sed potius erga omnes materno moueatur affectu, vt sic omnibus compatiatur intime, sicut mater compateretur vnico filio suo. Omnes eorum miseriae reputet suas, & omnibus sicut sibi ipsi, si potest, subueniat: omnes enim pauperes vt patronos reuereri debet, nam ipsi sunt, qui alios recipiunt in aeterna tabernacula. **Cap. V.**

Sexto. Nullum iudicet de peccato, cum ignoret, quod diuina gratia in anima operetur. Si autē aliquē per signa euidentia conuincit peccatorem, plus de peccato illius doleat, quam si corpori proprio mors immineret. Recogitet animam sic letaliter vulneratam, pretiosorem corporibus vniuersis: & ideo sicut corpus meum a morte, sic, immo magis deberem proximum meum cum omni diligentia custodire, & a peccato retrahere, oratione, exhortatione, & exemplo. **Cap. VI.**

Septimo. Bonum proximi diligit vt suum: & sicut mater in bonis filij iucundatur, sic ipse bonis omnium iucundari debet, & maxime de spiritualibus, & ad spiritualia inductiuis. Sicut etiam sua sic, & aliorum bona procurare debet, & procurata promouere. Semper de proximo plura bona credat, quam intueri valeat. **Cap. VII.**

Octauo. Nihil praeter Deum diligit, vt in omnibus Deus sincere sine socio diligatur, nec alliciat quantumcumque sanctitatis aliquid, aut beneficiorum immensitas, vt aliquem diligit amore singulari, sed diuina charitate omnium bona, & omnes in Deum referat, & propter Deum meliorem plus diligit. Potest tamen beneficia beneficijs rependere, orationes ad Deum fundendo. **Cap. VIII.**

Nono. Quidquid egerit, quibuscumque etiam negotijs implicetur, Deum in corde suo semper memoriter retinere studeat, & honorem Dei semper omnibus anteponat, sed ad hoc praecipue nitatur, vt Deum praesentem cogitet, ac si ipsum qui essentialiter, potentialiter, & praesentialiter vbique est, in sua essentia videret: sicque eum timeat, & reueretur, & intenso amore in ipsum referatur, & sic eo, vt potest, in via fruatur, vt in eo, & non in alio requiescat. **Cap. IX.**

Decimo. Si dicta assequi potest, maxima Dei beneficia

neſicia eſſe cognoſcat, reminiſcatur nihilominus ce-  
terorum Dei beneficiorum, primo quòd eum ſua in-  
ſigniuſ imagine, ſecundo quòd naturam humanam  
aſſumpſit, & pro ipſo mori dignatus eſt, tertio quòd  
in præſenti ſe præbet in cibum, & in futuro in præ-  
mium. Quod ut percipiat in via, aſpiciat ipſum in  
crucis patibulo, & ſic ei compatiatur, ac ſi Chriſti  
vulnera in ſuo corpore ſuſtineret, præcipue autem  
doleat, tot animas tam immenſo beneficio fruſtrari.  
Sic igitur Chriſtum cogitando ardenti amore, dicat  
orationem ſequentem. Matri etiam Chriſti om-  
nem quam poteſt, exhibeat reuerentiam, & dicat:  
Dulciſſime Ieſu dignare donare mihi miſero pecca-  
tori, Matri tuæ digne ſeruire.

Cap. XI.

Domine Ieſu Chriſte meum cor vulneribus tuis  
ſancia, & tuo ſanguine inebria mentem meam: ut  
quocumque me vertam, ſemper te videam crucifixū,  
& quidquid aſpexero, mihi appareat ſanguine rubri-  
catum, ut ſic totus in te tendens, nihil præter te valeā  
inuenire, nihil niſi tua vulnera valeam intueri. Hæc  
ſit mihi conſolatio Domine mi, tecum mori, & tibi  
compari: hæc intima mea affectio continue medi-  
tetur. Non quieſcat cor meum niſi in te bone Ieſu,  
quia mihi ſemper mala erunt ſine te, tu enim es vir-  
tus omnipotentis.

Cap. XII.

Multum mirari debemus, quomodo homo ſemel  
deguſtans dulcedinem Dei, poteſt aliquatenus ab eo  
ſeparari: quomodo non obliuiſcatur omnium ex  
brierate vini cæleſtis, quomodo poſſit comedere, bi-  
bere, & dormire, &c. quomodo poſſit aliquid aliud  
niſi ſuum benigniſſimum Dominum intueri, & in eo  
ſumma dulcedine oblectari, dum ipſum in omnibus  
ſciat eſſe, & eum in omnibus valeat inuenire, ut in  
omnibus requieſcat ipſum contemplando, & aman-  
do. O quàm bonus Iſrael Deus, his qui recto ſunt  
corde. O quàm ſuauiſ ſpiritus tuus in eis, O

Pſal. 72. 4

A quanta amaritudine repleti deberet animus, qui etiā  
ad momentum a tanta dulcedine ſequeſtratur.

Si de prædeſtinatione aut præſcientia Dei diabo- Cap. XIII.

lus tibi aliquam tentationem immiſerit, ſic ei respon-  
deas: Quidquid ſit de me, certum eſt te eſſe dam-  
natum, ſi autem & ego damnabor, & poſt hanc vitam  
Deum meum habere non debeo, habebō per totum  
tempus vitæ præſentis, & tanto ardentius, quanto bre-  
uius nouero me habiturum. Momentum igitur tem-  
poris non omittam, quin ſecundum poſſe meū totali-  
ter fruatur ipſo, & ſemper in ipſo delectabor, ex quo in  
futuro ſua præſentia priuabor: & tu diabole ſi tecū  
eſſe oportet, ſcias quòd tamdiu in Dei ſeruitio perfe-  
uerabo corde, ore, opere, omni membro, omni mo-  
mento, quamdiu poſſum. Quod ſi quis ſic Deo adhæ-  
reret, ceteras conſolationes reputaret abſynthium. Hiſ  
ergo præmiſſis inferas te non damnari, quia omnino  
ſua iudicia contrariantur damnationi, ut patet in om-  
nibus regulis ſancti Euangelij. Obſeruatis enim præ-  
dictis, impoſſibile eſt me damnari. Aut certe ibo ad  
matrem, & magiſtram miſericordiæ virginem Ma-  
riam, quæ non miſereri non poteſt, & petam ab ea,  
ut Filium inclinet ad parcendum peccatis meis. Nam  
ipſa propter peccatores Mater Dei effecta & ipſe Fi-  
lius Dei propter redimendos voluit eſſe Filius homi-  
nis. Vnde propriū eſt amborum miſereri, & parcere:  
nec propter me tam nobiles proprietates derelin-  
quunt. Quòd ſi prædeſtinatus ſum, & æternam vi-  
tam cum Angelis poſſidere debeo, ex nunc Angelicā  
vitam ducam & cantabo: Pars mea Dominus, pro-  
pterea expectabo eum. Hæc enim pars digniſſima  
perditur per vnum viliffimum mortale peccatum,  
ideo fortiſſimo ſtudio hæc ſunt cuſtodienda. Sic  
ergo concludere diabolo: Quidquid futurum eſt, non  
deſiſtam a Dei ſeruitio, & vā tibi qui non vis tanto  
Domino miniſtrare.

# S. BONAVENTURAE

## EXIMII ECCLESIAE DOCTORIS

### Opusculum,

### DE PERFECTIONE VITAE AD SORORES.

*Inſtituit in hoc opusculo Sanctus Bonaventura ſorores ſuas, quatenus ad vitæ perfectionem conſcendere cupientes ea  
obſeruent, quæ ipſe hic tradit, dictorum potius in his veritate, quàm ſermonis venuſtate, perſpecta.*

#### PROLOGVS.

Pſal. 93. b



**B**EATVS homo quem tu erudi-  
riſ Domine & de lege tua docue-  
riſ eum. Neminem cenſeri ſa-  
piētem fateor, niſi eum ſolum,  
quem Spirituſ ſancti docuerit  
vñtio. Ille enim, teſte Dauid  
Propheta, ſolus vere beatus eſt,  
ſolus vere ſapiens, cuius men-

Diuinæ le-  
gis perfe-  
ctio.Quid diui-  
na lex do-  
ceat.

tem Dominus erudierit. Lex enim Domini ſola eſt  
immaculata, ſola irreprehenſibilis, ſola conuertens  
animas ad ſalutem. Huius autem legis doctrina ſiue  
eruditio, non foris tantum quærenda eſt in littera;  
ſed potius per deuotæ mentis affectum. Eſt autem  
deſideranda in ſpiritu, & virtute, ut ille videlicet in-  
tus doceat, qui ſolus nouit exteriorē legis aſperita-  
tem in interiorē dulcedinem commutare. Docet  
autem lex Domini quid agendum, quid fugiendum,

quid credendum, quid orandum, quid deſiderandū,  
quid timendum. Docet immaculatum eſſe & irre-  
prehenſibilem. Docet ſeruare promiſſa, deſlere  
commiſſa. Docet mundana contemnere, carnalia  
reſpuere. Docet enim cor totum, animam totam,  
mentem totam in ſolum conuerrere Ieſum Chriſtū.  
Ad huius doctrinæ cemparationem, omnis munda-  
na ſapientia eſt ſulta & fatua. Bernardus: Dicat  
quicūque vult, ego non dicam ſapientem, dum non  
timebit Deum, neque diligit. Qui huius doctrinæ  
auditor non obliuiſoſus, ſed factior fuerit ſtudioſus,  
hic vere ſapiens erit, & beatus. Beatus ergo homo  
ille quem tu erudieris Domine, & de lege tua docue-  
riſ eum. Tu itaque Deo deuota, dilecta mihi, reue-  
renda ſoror rogavi me, ut de cordis mei penuria ali-  
quid dictando ſcriberem, in quo tuum animum de-  
uotionis gratia valeas pro tempore erudire. Sed cer-  
te fateor pro inſufficientia mea huiusmodi eruditio-  
ne me potius indigere, præſertim cum apud me neq  
vita

vita foris resplendeat, nec deuotio intus ardeat, nec scientia suffragetur: tuæ tamen deuotionis prouocatus desiderio, & sicut cum humilitate suppliciter postulasti. Rogo autem beatitudinem tuam soror sanctissima, quatenus magis penſes intentionis affectu, quàm operis effectum, magis dictorum veritatem, quàm sermonis venustatem, & ubi tuo non satisfeci desiderio propter breuitatem & occupationem, ipsum mihi benigne indulgeas & ignoscas. Vt autem facilius possis inuenire quod quæris, ideo singulorum capitulorum præmissi titulos: Et primo agitur de vera sui ipsius cognitione. Secundo de humilitate. Tertio de perfecta paupertate. Quarto de silentio. Quinto de studio orationis. Sexto de passionis Christi memoria. Septimo de perfecta Dei charitate.

*Quomodo homo peruenit ad cognitionem sui ipsius.*  
Cap. 1.

**A**D perfectionis vitæ fastigium sponsæ Christi conscendere cupienti, primum necesse est, ut a seipsa incipiat, ita ut omnium exteriorum oblita, ingrediatur in secretum conscientie suæ, ibique omnes defectus suos omnesque consuetudines, omnes affectiones, omnes operationes, omnia peccata tam præsentia, quàm præterita diligenti consideratione discutiatur, examinetur, & inspicatur; & si quod minimum peccatum apud se inuenierit, statim defleat in amaritudine cordis sui. Et ut ad hanc cognitionem dilecta soror melius possis venire, scire debes, quod omnia peccata nostra & mala, aut committimus per negligentiam, aut per concupiscentiam, aut per nequitiam. Et circa ista tria debet omnium tuorum versari recordatio: alioquin ad tui ipsius cognitionem perfectam numquam poteris peruenire. Si igitur te ipsam cupis cognoscere, considera mala commissæ & ea deplange. Primo debes cogitare si aliqua in te sit vel fuerit negligentia. Debes, inquam, cogitare, qualiter cor tuum custodias, quàm negligenter tempus tuum expendis, quàm malum finem operi tuo imponis. Hæc enim tria sunt cū summa diligentia obseruanda scilicet, ut cor tuum bene custodiat; tempus vtiliter expendatur, & consumatur; & finis bonus & debitus in omni opere præfigatur. Item debes cogitare quàm negligens fueris in oratione, quàm negligens in lectione, & in operis executione. In his enim tribus debes diligentissime teipsam exercitare & excolere, si vis fructum bonum facere & dare in tempore suo, ita ut nequaquam vnum sufficiat sine aliquo istorum. Item debes cogitare, quàm negligens sis vel fueris ad pœnitendum, quàm negligens ad resistendum, & quàm negligens ad proficiendum. Debes enim cum summa diligentia deſlere mala commissæ, repellere diabolica tentamenta & proficere de vna virtute in aliam, ut possis peruenire ad terram promissionis. Sic debet circa negligentiam tuam versari cognitio.

Si autem melius teipsam cupis cognoscere, debes secundo cogitare, si in te vigeat, vel vigerit concupiscentia voluptatis, curiositatis, aut vanitatis. Certe tunc vigeat concupiscentia voluptatis in religioso homine, quando appetit dulcia, videlicet saporosa, quando appetit mollia, scilicet, vestimenta delitiosa, quando appetit carnalia, videlicet oblectamenta luxuriosa. Certe tunc vigeat concupiscentia curiositatis in Dei famula, quando appetit scire occulta, quando appetit videre pulchra, quando appetit habere rara. Certe tunc vigeat concupiscentia vanitatis in Christi sponsa, quando appetit hominum fauorem, quando quærit humanam laudem, quando desiderat humanum honorem. Ista omnia debet ancilla Iesu Christi tamquam venenum fugere, quia istæ sunt radices omnis mali.

Item si certam & perfectam vis habere notitiam,

debes tertio recogitare diligenter, si in te vigeant, vel vigerint nequitia, iracundia, inuidia, & acedia.

Audi quod dico sollicite. Certe tunc in religioso homine vigeat iracundia, quando vel animo, vel corde, vel affectu, vel signo, vel facie, vel verbo, vel clamore quantumcūque modicam indignationem, & ex cor-

Iracundia  
quando vi-

de rancorem proximo suo ostendit. Tunc autem in homine regnat inuidia, quando gaudet de proximi aduersitate, & tristatur de proximi prosperitate: quando lætatur de malis proximi, & tabescit de bonis ipsius. Tunc autem acedia regnat in religioso quando fuerit tepidus, somnolentus, otiosus, tardus ad chorum, negligens in cantando, remissus in excutiendo torporem, dissolutus in colloquio, indeuotus in missa, tristis in facie, & tædiosus in cella.

Inuidia.

Acedia.

Hæc omnia debet sponsa Christi detestari, fugere, tamquam venenum mortiferum, quia in his consistit, corporis perditio & animæ. Si igitur Deo amabilis famula, ad tui ipsius perfectam vis venire notitiam, & cognitionem, redeas ad teipsam introrsus ad cor tuum, & discas scopare spiritum tuum. Discute quid sis, quid fueris, & esse debueris, quid esse poteris. Quid fueris per naturam, quid modo sis per culpam, quid adhuc esse poteris per gratiam.

Quid discendum.

Audi adhuc soror audi Prophetam Dauid, quomodo se tibi in exemplum proponat cum dicit: Meditatus sum (inquit) nocte cum corde meo, exercitabar, & scopebam spiritum meum. Meditabatur ille cum corde suo: meditare & tu cum corde tuo. Scopebat ille spiritum suum, scopas & tu spiritum tuum, exerce agrum istum. Attende ad te ipsam, absque dubio insistens huic exercitio, inuenies thesaurum nouum & absconditum pretiosum: ex hoc enim exercitio crescit auri copia, multiplicatur scientia, augmentatur sapientia: ex hoc exercitio cordis oculus mundatur, ingenium acuitur, intelligentia dilatur.

Psal. 76. b

Nihil recte æstimat qui seipsum ignorat, qui conditionem suæ dignitatis non pensat. Nescit omnino, nescit de spiritu, quid de Angelico, quid de diuino sentire debeat qui spiritum suum primo non cogitat. Si nondum idonea es redire ad te ipsam, si nondum digna es intrare tabernaculum primum, qua fronte præsumes ingredi tabernaculum secundum? Si cupis eleuari ad secundum & tertium cælum, sit tibi transitus per primum, id est, cor tuum & qualiter hoc possis vel debeas facere, ecce iam satis docui te superius. Auditamen qualiter beatus Bernardus: optime te informat dicens; Integritatis tuæ esto curiosus explorator, vitæ tuam assidua discussione examina, & cogita diligenter, quantum proficis, & quantum deficis, qualis sis in moribus, qualis in affectibus, quàm similis Deo, & quàm dissimilis, quàm prope, & quàm longe. O quàm magni periculi res est in homine religioso multa velle scire, & seipsum nescire. O quàm prope ille religiosus est perditioni & interitui, qui in cognoscendis rebus est curiosus, in iudicando aliorum conscientias sollicitus, se ipsum autem ignorat & nescit. O Deus meus vnde in religioso est tanta cæcitas? Ecce in promptu ratio est, quia mens sollicitudinibus distracta, non intrat ad se per memoriam, quia phantasmatibus est obnubilata, non redit ad se per intelligentiam, quia concupiscentiis illicitis illecta, ad se nequaquam reuertitur per desiderium suauitatis internæ, & lætitiæ spiritualis, ideo totaliter in his sensibilibus iacens, non potest ad se tamquam ad Dei imaginem intrare, & sic totus miser se ignorat, & nescit. Omnibus ergo postpositis, tui ipsius habe memoriam, & notitiam. Hoc etiam beatus Bernardus orabat, dicens: Deus det mihi non aliud facere, & scire, quàm ut meipsum cognoscam.

Bened. in  
medit. c. 5.  
in prin.

Omnia peccata tria-  
riam com-  
mitti.

Tria cum  
summa sunt  
diligentia  
obseruanda.

Psal. 1. b

Concupiscentia quando  
& quomodo  
in homine  
religioso vi-  
geat.

De hu-

De humilitate, & quibus gradibus pervenitur ad humilitatem. Cap. 11.

**V**erum qui vult defectus proprios cordis oculo contemplari, necesse est vere humiliari sub potenti manu Dei. Ideo te famulam Christi admoneo, ut cognitionem tuorum defectuum adeptus, valde humilis spiritum tuum, & tibi ipsi vilescas. Humilitas enim virtus est, ut dicit Bernardus, quia homo verissima sui ipsius cognitione, sibi ipsi vilescit. Hac vilitate viluit pater noster Franciscus, hanc amavit, & exquisivit ab initio religionis suæ, usque ad finem, per hanc mundum reliquit. Hanc virtutem maxime a filio Dei soror Deo deuota discere debes, quia ipse dicit: Discite a me quia mitis sum, & humilis corde. Qui enim virtutes sine humilitate congregat, in ventum paleas mittit, ut dicit beatus Gregorius. Sicut enim principium omnis peccati est superbia, sic fundamentum omnium virtutum est humilitas. Disce autem veraciter esse humilis non fallaciter, sicut qui nequiter se humiliat, ut hypocritæ. De quibus dicit Ecclesiasticus: Est qui nequiter se humiliat, & interiora eius plena sunt dolo. Verus enim humilis, ut dicit Bernardus, semper vult vilis reputari, non humilis prædicari.

Si igitur soror dilectissima ad perfectam humilitatem vis pervenire, oportet te per triplicem semitam incedere. Prima semita, est consideratio Dei. Debes enim considerare Deum, ut auctorem omnium bonorum, ideo debes sibi dicere: Omnia opera nostra operatus es in nobis Domine. Et quia talis est, ideo debes, sibi omnia bona attribuere, & nihil tibi: confidens quod non fortitudo tua, aut robur manuum tuarum fecit bona quæ habes, quia Dominus fecit nos, & non ipsi nos. Et talis cogitatio destruit totam superbiam eorum qui dicunt: Manus nostræ excelsæ, & non Dominus fecit hæc omnia. Hæc superbia exclusit a gloria cæli Luciferum. Non considerabat se Lucifer de nihilo factum, sed potius aspiciebat suum decorem, suam pulchritudinem, qualiter omnis lapis pretiosus operimentum eius, & extulit eum superbia cordis sui. & quia superbiam sequitur humilitas, ideo statim eiectus est de sede nobilitatis suæ in locum extremæ vilitatis, & qui fuerat inter Angelos excellentissimus, factus est inter demones miserrimus. O quanti sunt hodie Luciferiani, & imitatores Luciferi, filij & filia superbiæ, quos patienter tolerat Dominus. Cum autem tolerabilior sit superbia in diuite, quàm in paupere, ut dicit Bernardus: oportet ergo ancillam Christi semper valde humilem inueniri, quæ debet intrare in locum Angeli repudiati. humilitas enim sola placet Deo, siue in homine, siue in Angelo. Non credamus, quod virginitas placeat Deo sine humilitate: certe nec Maria mater Dei fuisset effecta, si superbiam habuisset in se. Propterea dicit Bernardus: Sine humilitate, audeo dicere, nec Maria Deo placuisset, & ideo est virtus magna, sine cuius obtentu non solum virtus non est, sed etiam in superbiam erumpit.

Secunda semita est rememoratio Christi. Rememorari debes, quod Christus humiliatus fuit, usque ad vituperatissimum genus mortis, & in tantum factus est humilis, ut quasi leprosus reputaretur. Vnde dixit Isaias propheta: Reputauimus eum quasi leprosum, & a Deo humiliatum, immo in tantum fuit humiliatus, ut tempore ipsius nihil vilius eo reputaretur. Vnde idem Isaias dicit: In humilitate iudicium eius sublatum est. Ac si diceret: Tanta eius humilitas fuit, tantum se deiecerat, ut nullus de eo daret rectum iudicium, ut a nullo crederetur Deus esse. Si ergo ipse Dominus & magister noster, ita vilis, & contemptibilis reputatus est, & non est seruus maior Domino suo, & discipulus non est super magistrum; si ancilla Christi es, si discipula, vilis, & contemptibilis

esse debes, & humilis. O quàm abominabilis est ille religiosus Domino, qui vestem sumit humilem, & cor superbum. O quàm inutilis est ille Christianus, qui Dominum suum videt humilem, & despectum, & ipse exaltat cor suum, & ambulat in magnis, & in mirabilibus super se. Quid amplius detestandum in sponsa Christi? quid grauius puniendum in ancilla Christi? quàm quod postquam summus factus est imus, immensus paruus, homo putredo, & vermis, apponat se magnificare? De talibus dicit beatus Augustinus: O pellis morticina quid extenderis? O sanies fœtida, quid inflaris? Caput humile, & membrum superbum? quasi dicat: Non decet.

Tertia semita per quam debes incedere, si vis ad perfectam humilitatem pervenire, circumspectio tui est. Tunc teipsam charissima soror circumspecis, quando cogitas vnde veneris, aut quo vadis. Considera ergo vnde veneris & scias, quia de massa perditionis, de pulvere, & limo terræ facta es, & in peccatis conuersata, & exul es de beatitudine paradisi. Et hæc consideratio spiritum tumoris abijcit & excludit, in tantum ut clamare incipias cum tribus pueris in Daniele: Sumus hodie humiles in vniuersa terra, propter peccata nostra. Considera etiam quo tendis, tendis enim ad corruptionem, & incinerationem, quia pulvis es, & in puluerem reuerteris. Quid igitur superbis terra & cinis? Si hodie es, cras non eris. Si hodie sanus, cras infirmaberis forte. Si hodie sapiens, cras forte stultus eris. Si hodie diues in virtutibus, cras forte mendicus eris, & miser. Quis ergo miser ille Christianus est qui audeat superbire, cum tantis miserijs, & calamitatibus, vndique se videat circumdatum? Discite igitur o virgines sacræ humilem habere spiritum, humilem incessum, humilem habitum: sola enim humilitas est, quæ diuinam mitigat iram, quæ diuinam inuenit gratiam. Quanto enim magnus es, humilia te in omnibus, dicitur in Ecclesiastico: & coram Deo inuenies gratiam. Hoc modo Maria inuenit gratiam apud Dominum, sicut ipsa testatur dicens: Respexit humilitatem ancillæ suæ. Nec mirum, quia humilitas charitati locum præparat, mentem a vanitate euacuat. Propter quod dicit Augustinus: Quanto sumus a tumore superbiæ inaniore, tanto sumus dilectione pleniores. Et sicut aqua confluit ad valles, sic gratia Spiritus sancti confluit ad humiles, & sicut aqua quanto fortius fluit, tanto magis descendit: sic qui toto corde humiliatus procedit, magis propinquat ad Dominum, & impetrat gratiam. Propterea dicit Ecclesiasticus: Oratio humilium se nubes penetrat, donec appropinquat ad Altissimum non consolabitur, quia Dominus timentium se faciet voluntatem, & deprecationem eorum exaudiet. Sitis ergo o famulæ Dei ancillæ Christi humiles, ita ut numquam superbiam in cordibus vestris permittatis, quia magistrum habuistis humilem, scilicet Dominum nostrum Iesum Christum. Et quia dominam habuistis humilem, scilicet Virginem Mariam Reginam omnium. Sitis humiles, quia patrem habuistis humilem, scilicet beatum Franciscum. Sitis humiles, quia matrem habuistis humilem, scilicet beatam Claram, humilitatis exemplar. Sic tamen sitis humiles, ut testis vestræ humilitatis sit patientia. Virtus enim humilitatis per patientiam perficitur, neque enim est vera humilitas, cui non est adiuncta patientia. Et hoc bene testatur beatus Augustinus dicens: Facile est velum ante oculos ponere, vestes viles & despectas habere, demisso capite incedere: sed verum humilem probat patientia, iuxta illud: In humilitate tua patientiam habet. Sed, ut cum dolore loquar, multi sumus, qui superbire volumus in claustris, qui certe non nisi humiles fuimus in mundo. Vnde beatus Bernardus dicit: Video, de quo multum doleo, post spretam sæculi pompam, nonnullos in schola humilitatis superbiam addiscere, ac sub alis mitis humi-

Dan. 3. d

Gen. 3. d

Ecclesi. 10. a

Ecclesi. 3. e

Luc. 1. e

Ecclesi. 3. e

Psal. 144. d

Ecclesi. 2. a

Ber. hom. 4.

sup. Missus

est post med.



humilisq. magistri grauius insolescere, & impatientes magis fieri in clauſtro, quàm fuiſſent in ſæculo, quodq. magis peruerſum eſt, plerique in domo Dei non patiuntur haberi contemptui, qui in ſua non niſi contemptibiles eſſe potuerunt. Conſulo ergo tibi o prædilecta ſoror, conſulo & virginibus Deo ſacratæ, vt virginitatem in humilitate, & humilitatem in virginitate conſeruent. Eſt enim humilitas mixta virginitati, ſicut gemma auro ſuperaddita. Propterea dicit beatus Bernardus: Pulchra permixtio virginitatis cum humilitate. Non mediocriter placet Deo iſta anima, in qua humilitas commendat virginitatem, & virginitas humilitatē exornat. Audi denique conſilium fratris tui, audi ſoror, & placebit tibi. Fuge ſuperbas famulas, velut viperas, ſperne ſuperbas virgines, tamquam dæmones, contemne ſocietatem ſuperborum, velut virus mortiferum. Et quare hoc? Audi quare. Quidam ſapiens deſcribit ſuperbiam dicens: Omnis ſuperbus intolerabilis, habitu ſuperfluus, in inceſſu pompoſus, ceruix erecta, facies torua, oculi truces, de loco ſuperiori decertat, præferri ſe melioribus affectat, ſententias, & verba, & facta iactat: reuerentiam in obſequio non ſeruat. Propterea debes ſamula Dei, ſponſa Chriſti, Virgo Domini fugere ſuperborum conſortia, ne & tu eiſiſmilis efficiaris. Dicit enim Eccleſiaſticus: Qui comunicat ſuperbo, induet ſuperbiam.

## De paupertate religioſorum. Cap. III.

**E**ſt etiam paupertas virtus ad perfectionis integritatem neceſſaria, in tantum, vt nullus omnino ſine ea poſſit eſſe perfectus, teſte Domino, qui dicit in Euangelio: Si vis perfectus eſſe, vade & vende omnia quæ habes, & da pauperibus. Cum enim ſumma Euangelicæ perfectionis conſiſtat in excellentia paupertatis, credat ſe non apprehendiſſe perfectionis apicem, qui nondum imitator perfectus factus eſt Euangelicæ paupertatis. Ait namque Hugo de ſancto Victore: Quidquid perfectionis in religioſis reperiri poterit, nec tamen æſtimetur perfectionis integritas, niſi diligatur paupertas.

Sunt autem duo, quæ quemlibet religioſum hominem mouere debent ad amorem paupertatis. Primum eſt diuinum exemplum, quod eſt irreprehenſibile. Secundum eſt diuinum promiſſum, quod eſt inæſtimabile. Primo dico, quod famulam Chriſti primo mouere debet ad amorem paupertatis amor Domini noſtri Ieſu Chriſti. Ipſe enim fuit pauper naſcendo, pauper conuerſando, pauper moriendo. Vide quale exemplum paupertatis tibi reliquit, vt ſuo exemplo efficiaris amica paupertatis. Pauper fuit Dominus Ieſus Chriſtus in tantum, vt non haberet hoſpitiū, nec veſtimentum, nec alimentum; ſed pro hoſpitio habuit ſtabulum, pro veſtimento vilem panniculum, pro alimento lac virgineum. Item Apoſtolus hanc paupertatem conſiderans exclamauit, dicens: Scitis gratiam Domini noſtri Ieſu Chriſti, qui cum eſſet diues, pro nobis egenus factus eſt, vt eius inopia diuites eſſemus. Et beatus Bernardus: Bonorum omniū æterna affluentia ſuppetebat in cælis, ſed paupertas non inueniebatur in eis. Porro in terris abundabat, & ſuperabundabat hæc ſpecies, & nesciebat homo pretium eius. Hanc itaque Filius Dei conſpiciscens, deſcendit vt ſibi eam eligeret, nobiſq. ſua æſtimatione faceret pretioſam.

Præbuit etiam ſe nobis in exemplum paupertatis Dominus noſter Ieſus Chriſtus conuerſando in mundo. Audi Virgo beata, audite omnes qui profeſſi eſtis paupertatem, quàm pauper filius Dei extitit, Rex Angelorum dum vixit in mundo. In tantum fuit pauper quod aliquoties hoſpitiū habere non potuit, ſed cum ſuis diſcipulis extra ciuitatem & villas dormire oportuit. Propterea dicit beatus Matthæus

S. Bon. Tom. 7. Pars iiij.

**A** Euangelista: Circumſpectis omnibus cum iam veſpera eſſet, exijt in Bethaniam cum duodecim. Super hoc verbo, dicit Gloſſa: Circumſpectis, ſi quis cum in hoſpitio ſuſciperet, quia tantæ erat paupertatis, & ita nulli adulatus, vt in tanta vrbe hoſpitiū non inueniret. Et Matthæus dicit: Vulpes foueas habent, & volucres cæli nidos, filius autem hominis non habet vbi caput ſuum reclinet.

Non ſolum Dominus Angelorum fuit pauper naſcendo, & conuerſando: verumetiam, vt nos ad amorem paupertatis accēderet, fuit pauperriſimus moriendo. O vos omnes, qui vouiſtis paupertatem, attendite & videte, quàm pauper ille diues Rex Angelorum & cælorum, propter nos fuerit tempore mortis ſuæ. Fuit enim ſpoliatus veſtibus, quando diuiſerunt veſtimenta ſua, & ſuper veſtem ſuam miſerunt fortem. Fuit etiam ſpoliatus corpore & anima, quando acerbiffima mortis paſſione anima ipſius de corpore, eiecta fuit. Fuit etiam ſpoliatus diuina gloria, quando ipſum, non ſicut Deum glorificauerunt, ſed tamquam maledictum tractauerunt, ſicut ipſe Iob conqueritur: Spoliauerunt me gloria mea, De tantæ paupertatis exemplis loquitur beatus Bernardus, dicens: Videte pauperem Chriſtum natum ſine hoſpitio, iacentem inter bouem, & aſinum in præſepio, inuolurum vili panniculo, fugientem in Ægyptum, ſedentem in aſino, pendentem nudum in patibulo. Quis igitur miſer Chriſtianus, quis ille deſpectus religioſus, qui adhuc diuitias amet, qui paupertatem deteſtetur, cum videat, & audiat Deum Deorum, & Dominum mundi, regem cæli vnigenitum Dei, tantæ paupertatis ſuſtinuiſſe defectum? Magna vtrique, vt dicit Bernardus, abuſio eſt, & nimis magna, vt diues velit eſſe pauper, cum Deus Maieſtatis, & Dominus Deus Sabaoth voluit pauper fieri. Quærat diuitias Paganus, qui ſine Deo viuit. Quærat diuitias Iudæus, qui terrenas promiſſiones accepit. Sed tu Chriſti virgo, ancilla Domini, qua mente quæras diuitias, cum paupertatem voueris, cum inter pauperes Chriſti viuas, cum patris pauperis Franciſci velis eſſe filia, cum pauperis matris Claræ promiſeris eſſe imitatrix? Supra modū ſoror chariſſima, tua ac mea confunditur auaritia, quia cum ſimus profeſſores paupertatis, paupertatem in auaritiā cōmutamus, quæ non licet appetentes, quæ regula prohibet, cum tamen filius Dei pro nobis egenus factus ſit. Scio quod ita ſit, quod quanto ſeruētioreſ profeſſæ paupertatis fueritis amatores, quanto perfectiores Euangelicæ paupertatis fueritis imitatrices, tanto magis bonis omnibus tam temporalibus, quàm ſpiritualibus abundabitis. Si autem vos ad contrarium conuerteritis, ſi paupertatem quam profeſſæ eſtis contemperitis, omnium bonorum tam temporalium, quàm ſpiritualium egentes eritis. Illa enim pauper genitrix pauperis Ieſu Maria dicit: Eſurientes impleuit bonis, & diuites dimiſit inanes. Hoc etiam teſtatur Prophetæ ille ſanctiſſimus dicens: Diuites eguerunt & eſurierunt, inquirentes autem Dominum non minuentur omni bono. Numquid non legiſtis? Numquid non audiſtis Dominum Ieſum loquentem Apoſtoliſ ſuis in Euangelio, & dicentem: Nolite ſolliciti eſſe dicentes, Quid manducabimus? aut quid bibemus? Scit enim pater veſter, & cetera. Audi igitur iterum in Euangelio Lucæ, quid dicit eis: Quando miſi vos ſine ſacculo, & pera, & calceamentis, numquid aliquid deſuit vobis? At illi dixerunt: Nihil. Si inter Iudæos duos, & crudeles paſcebat Dominus diſcipulos ſuos ſine omni ſollicitudine, quid mirum, ſi paſcat Fratres minores, & pauperes ſorores paupertatis Euangelicæ imitatores, inter populos Chriſtianos & fideles? Omnem itaque ſollicitudinem veſtram projicite in eum, quoniam ipſi cura eſt de vobis. Cum igitur ſit tanta Dei Patris circa nos ſollicitudo, tanta ſit ſibi cura de nobis, mirum videretur, cur iſtis rebus

LII curioſis,

curiosis, & defectibus tanta occupatione sollicitamur. Certe aliam causam non inuenio, nisi quia affectiones nostræ longe recesserunt a Deo salutari nostro. Alia causa non est, nisi quia feruor diuinæ charitatis refriguit, & congelatus est in nobis. certe si essemus bene feruentes, nudi nudum Christum sequeremur. Nam homines cum magnum æstum habent, consueuerunt se denudare & expoliare. Signum magnæ frigiditatis est in nobis, quia ita attrahimus nobis ista temporalia. O Deus meus, quomodo possumus ita duri esse contra Christum, qui exiit de terra sua, id est, de cælis, & de cognatione sua, id est, de Angelis, & de domo Patris sui, id est, de sinu Patris, & factus est pro nobis pauper, abiectus, & despectus, & nos nolumus pro eo miserum & foetidum mundum derelinquere? Corpore quidem relinquimus mundum, sed heu totum cor, & tota mens totum desiderium nostrum occupatur & absorbetur a mundo. O beata Dei famula, recordare paupertatis Domini nostri Iesu Christi, imprime cordi tuo paupertatem pauperis patris tui Francisci, memorare matris tuæ Claræ, & toto studio, toto conamine inhære paupertati, amplectere dominam paupertatem, nec sub cælo aliud pro nomine Domini velis quam paupertatem, non honorem, non diuitias, sed paupertatem sanctam quam vouisti, cura firmiter obseruare. Diuitias enim habere, & amare, infructuosum est; amare & non habere periculosum est: habere autem & non amare laboriosum est. Igitur nec habere diuitias nec amare, utile est, securum est, delectabile est, & actus virtutis perfectæ. & ideo tam consilium Domini de paupertate, quam exemplum omnem Christianum mouere debet & accendere ad amorem paupertatis. O quam beata paupertas, quam amabilem Deo, quam securum Deo in mundo reddis amatorem tuum. Qui enim (ut dicit Gregorius) nihil habet in mundo quod diligit, nihil est in mundo quod pertimescit. Vnde legitur in vitis patrum, quod quidam pauper frater habebat vnam mattam, de medietate cooperiebat se in nocte, & alteram medietatem submittebat corpori, &c.

Nota.

Matt. 5. a

Psal. 21. d

Secundum, quod ad amorem paupertatis te accendere debet, est diuinum promissum, quod est inestimabile. O diues in omnes, o bone Domine Iesu, quis potest digne verbo exprimere, corde percipere, manu scribere, illam cælestem gloriam, quam tuis pauperibus te daturum promissisti? Ipsi enim paupertate voluntaria merentur gloriæ conditoris assistere, ipsi merentur intrare in potentias Domini, in illa æterna tabernacula, in illas lucidissimas mansiones. Ipsi merentur fieri ciues illius ciuitatis, cuius artifex & conditor est Deus. Tu enim ore tuo benedicto promissisti eis dicens: Beati pauperes spiritu, &c. Non aliud est Domine Regnum celorum, nisi tu ipse, qui es Rex regum, & Dominus dominantium. Te ipsum dabis eis in præmium, in mercedem, & in gaudium. Ipsi te fruuntur, de te gaudebunt & satiabuntur: Edent pauperes, & saturabuntur, & laudabunt, &c.

De silentio, & quod omnibus religiosis sit necessarium silentium. Cap. IV.

Prov. 10. c

Isa. 32. d

Non mediocriter cooperatur ad perfectionem religioso homini virtus silentij, quia sicut in multiloquio non deerit peccatum, sic breuiter & raro loqui ad hoc valet, ut homo caueat sibi a peccato. Pro nimia loquela frequenter sequitur iniuria tam Dei, quam proximi, sic ex silentio nutritur iustitia, ex qua velut ex quadam arbore, colligitur fructus pacis. Vnde cum claustralibus pax sit summe necessaria, valde necessarium est eis silentium, per quod pax eis tam cordis, quam corporis conseruatur. Propterea Isaias Propheta virtutem silentij considerans, ait: Erit opus iustitiæ pax, & cultus iustitiæ silentium quasi diceret:

A Tantæ virtutis est silentium, quod in homine conseruat Dei iustitiam, & inter proximos pacem nutrit & custodit. Nisi homo diligentem ori suo adhibeat, custodiam, & bona gratuita quæ habet cito dissipat, & etiam in multa mala corruit. Lingua quidem (ut dicit beatus Iacobus in canonica sua) modicum membrum est, magna exaltat, & sequitur. Lingua nostra ignis est, vniuersitas iniquitatis: Vbi dicit Glossa quod pene cuncta facinora concinnantur aut patrantur in ea. Vis audire, o famula Dei, vis scire quanta mala ex lingua prodeunt, si diligenter non custodiatur? audi & dicam. Ex lingua prodeunt? blasphemiz, mur-

Iac. 3. b

Quot mala ex lingua prodeant.

B murationes, dissensiones, periurium, mendacium, detractiones, adulatio, maledictio, conuiuium, contentio, bonorum derisio, prauum consilium, rumor, iactantia, secreti reuelatio, indiscreta cõminatio, indiscreta promissio, multiloquium, scurrilitas. In veritate magna confusio sexui femineo, & maximum dedecus est sacris virginibus, non habere oris custodiam, non seruare linguæ disciplinam, cum cuncta mala per linguæ inquietudinem committantur. Certe frustra audeo dicere, quod ille religiosus gloriatur de possessione virtutis in corde, qui dissipat disciplinam silentij per inquietudinem multiloquij. Si quis, teste scriptura, putat se religiosum esse non refrenans linguam suam, sed seducens cor suum, huius vana est religio. O Iesu Christi sponsæ, intuemini virtutum speculum Mariam, & discite ab ea silentij disciplinam. Quantæ maturitatis fuerit beata virgo, satis patet. Si enim percurras Euangelium per pauca, & cum paucis eam locutam inuenimus. Cum quattuor tantum personis legimus eam habuisse sermonem, & non nisi septem verba eam locutam fuisse. Cum Angelo duo, cum filio suo duo, cum Elisabeth duo, cum ministris in nuptijs vnum. In hoc confunditur nostra loquacitas, quæ prouinciam ad

Iac. 1. d

Ier. 1. d. Ioan. 2. a

D multiplicationem verborum, cum tamen magna sit utilitas silentij. Vna utilitas est, quia inducit compunctionem. Homo cum tacet cogitat vias suas, & locum habet cogitandi, quam multiplex sit suus defectus, & ex hoc surgit compunctio. Item dicit propheta David: Obmutui & silui a bonis, & dolor meus renouatus est. Alia utilitas silentij est, quia demonstrat hominem cælestem esse. Argumentum, quasi infallibile est, ut si sit homo in Theutonia & non loquatur Theutonice: videtur, quod non sit Theutonicus. Sic qui est in mundo & mundana non loquitur, euidenter demonstrat, se in mundo non esse.

Luc. 2. g

Silentij utilitates. Psal. 38. a

E Qui enim de terra est, de terra loquitur, ut dicitur in Euangelio Ioannis: Nihil autem tantum in religioso homine valet ad conseruandum silentium nisi ut fugiat consortium hominum, & ducat vitam solitariam. Ille enim homo qui eleuatur iam supra statum hominum non debet habere consolationem & consolatorem, nisi solum Deum, & ideo debet esse solitarius, & tacere: ex quo enim Deum habet pro socio, non debet curare de humano consortio. Propterea dicitur in Threnis: Sedebit solitarius & tacebit; quia leuabit se supra se. Sedebit solitarius, inquam, consortia hominum fugiendo, & tacebit de cælestibus cogitando, & meditando & leuabit se supra se, cælestem dulcedinem degustando.

Ioan. 3. d

Thren. 3. d

F Et si omnibus religiosis necessarium sit silentium ad perfectionem virtutum, maxime tamen virginibus dedicatis Iesu Christo est necessarium, ut disciplinam seruent silentij. Ita enim earum sermo deberet esse pretiosus, & ita deberent esse verecundæ in labijs, ut numquam nisi magna necessitate loquerentur. Ideo beatus Hieronymus dicit: Sit sermo virginis modicus, & rarus, nec tã eloquentia pretiosus, quam pudore. Hoc etiam consuluit Philosophus. Ad summam perfectionem volo te esse breuiloquum, & submissa voce. Audi verbosa famula, audi virgo clamorosa & garrula, certe ut possis assuescere silentio,

rio, debes facere sicut fecit Agathon Abbas, id quo legitur in vitis patrum, quod lapidem in ore suo per triennium mittebat, donec taciturnitatem addisceret. Alliga & tu lapidem ad linguam, affige linguam tuam ad palatum: pone digitum super os tuum, ut possit taciturnitatem addiscere: quia magnum dedecus est sponsæ Christi, ut cum alio quam cum sponso suo Christo Iesu velit habere sermonem. Loquere ergo raro, & pauca, & breuiter, cum timore & pudore, immo in tua causa vix loquere. Tege faciem tuam velo verecundiæ, consue labia filo disciplinæ, & sermo tuus sit brevis, pretiosus, & utilis: sit modestus & humilis. Loquere famula Dei raro, & parum, quia in multiloquio non deerit peccatum. Non loquaris verbum otiosum, quia de omni verbo otioso quod locuti fuerint homines, reddent rationem in die iudicii. Verbum otiosum est, ut dicit Glossa, quod sine necessitate dicitur proferentis, aut utilitate audientis. Semper igitur melius est tacere, & vtilius quam loqui. Quia dicit sapiens, locutum me esse aliquando pœnituit, tacuisse vero numquam.

*Pron. 10. c.*  
*Mat. 12. c.*

*De studio orationis, & qualiter orandum est Deus.*  
*Cap. V.*

**S**upra modum cupienti etiam proficere sponsæ Christi est necessarium, ut assiduis orationum studiis & deuotionibus animum suum exercent: quia reuera religiosus orationem non frequentans assidue, non solum est miser & inutilis, quin immo coram Deo fert animam mortuam in viuo corpore. Cum enim tantæ efficaciz sit deuotionis virtus, ut ipsa sola hostis maligni deuincat tentamenta, & versutias diaboli, qui solus famulam Dei impedit ne sursum ad cælos ascendat: non est mirum si tentationibus succumbat frequenter miserabiliter, qui studium orationis non frequentat. Vnde beatus Isidorus dicit: Hoc est remedium eius qui vitiorum tentamentis æstuat; quoties quolibet vitio tangitur, toties se ad orationem subdat: quia frequens oratio vitiorum impugnationem extinguit. Et hoc est quod Dominus dicit in Euangelio: Vigilate & orate, ne intretis in tentationem. Est autem tantæ virtutis deuota oratio, ut ad omnia valeat, & in omni tempore homo possit per eam lucrari, in hieme, in æstate, in sereno, & in tempore pluuiali, immo in quacunque hora lucratur homo oratione deuota, plusquam valeat totus mundus: quia tali oratione acquirit homo regnum cælorum. Ut autem cognoscas, quomodo & qualiter orare debeas, quantum mihi donauerit Deus, te informabo licet ego in hac parte & in hoc negotio magis indigeam informari quam tu.

*Isidor. de*  
*sum. bono*  
*li. 3. cap. 7.*  
*sent. 1.*  
*Mat. 26. d.*  
*Mar. 14. d.*  
*Luc. 22. d.*  
*Orationis*  
*virtus.*

*Ad perfectam orationem tria requiruntur.*

Scias itaque Deo digna famula, quod ad perfectam orationem tria sunt necessaria. Primum quando in oratione constituta fueris, tunc erecto corpore & erecto corde omnibus sensibus clausis, debes sine strepitu ex amore & contrito corde de omnibus miserijs tuis cogitare, scilicet præsentibus, præteritis & futuris. Primo debes siquidem sollicitè cogitare, quam magna & quam multa peccata omnibus diebus vitæ tuæ commisisti, quam magna & quam multa bona in sæculo & in ordine omisisti, quam magnam, & quam multam creatoris tui gratiam frequenter amisisti. Debes etiam cogitare, quam longe facta es a Deo per peccatum, quæ olim fueras prope: quam dissimilis facta es Deo, quæ aliquando fueras valde similis: quam pulchra aliquando fueras in anima, quæ modo valde turpis es, & fœtida. Debes cogitare quo tendas per peccatum, quia ad portas inferni: quid tibi occurrer, quia tremendus dies iudicii: quid pro omnibus his tibi dabitur, quia æternæ mortis incendium. & statim pro his omnibus debes peccatus tuum cum publicano tundere. Cum propheta Dauid debes rugire a gemitu cordis tui. Et cum Ma-

*Luc. 18. c.*  
*Psal. 37. b.*

*S. Bon. Tom. 7. Pars iij.*

**A**ria Magdalena debes lacrymis rigare pedes Iesu. Nec debes aliquem modum habere in lacrymis, quia sine modo dilectum tuum Iesum offendisti. Et hoc est quod ait beatus Isidorus: Quando cum Deo in oratione assistimus, gemere & flere debemus, reminiscentes quam graua sunt quæ commisimus, quam dura inferni supplicia quæ timemus. Et huiusmodi lacrymosæ cogitationes, meditationis debent esse principium.

*Isidor. de*  
*sum. bono*  
*li. 3. cap. 7.*  
*sent. 1.*

Secundum quod sponsæ Dei in oratione necessarium est, est gratiarum actio, ut videlicet suo creatori cum omni humilitate grates referat, pro beneficijs iam ab eo receptis. Et hoc consuluit Paulus Apostolus dicens: Orationi instantes, vigilantes in ea in gratiarum actione. Nihil enim est, quod hominem ita dignum reddit diuinis muneribus, sicut semper Deo gratias reddere, & agere pro receptis donis. Vnde beatus Augustinus scribens ad Aurelium dicit: Quid melius animo gerimus, & ore pronuntiamus, & calamo exprimimus, quam Deo gratias? hoc nec dici breuius, nec audiri lætius, nec intelligi gratius, nec agi fructuosius potest. Debes ergo in oratione posita cum gratiarum actione meditari, quia Deus te hominem fecit, quia Christianam te fecit, quia innumera-

*Aug. ep. 77*  
*ad Aurel.*  
*10. 2.*

**C**abilia peccata tibi indulget, quia incidisses in multa peccata, si Dominus te non custodisset, quia mori in sæculo te non permisit, quia ad altissimam & perfectissimam te religionem elegit, & quia sine labore tuo te pascit, & pascit, quia pro te homo factus est, circumcisus & baptizatus est, quia pro te pauper & nudus, humilis, & despectibilis, quia pro te ieiunauit & esuriuit, laborauit & fatigatus fuit, quia propter te plorauit, sudorem sanguineum sudauit, te sanctissimo corpore suo cibauit & sanguine potauit, quia propter te colaphizatus est, conputus est, derisus & flagellatus est, vulneratus & crucifixus est: mortem turpissimam & amarissimam sustinuit, quia sepultus, resurrexit, ad cælos ascendit, Spiritum sanctum dedit, & quia tibi & omnibus electis cælorum regnum dare promisit. Est enim gratiarum actio supra modum utilis, in oratione, nec sine ea aliqua potest valere oratio. Nam ingratitude, ut dicit beatus Bernardus, est ventus vrens, & exsiccans fontem pietatis, rorem misericordiæ, & fluentia gratiæ.

*Ber. ser. 52*  
*sup. Cant.*  
*post med.*

**T**ertium quod ad perfectionem orationis necessarium requiritur est, ut animus tuus nihil aliud in oratione cogitet præter illud solum, quod precatur. Valde enim indecens est, ut quis cum Deo loquatur ore, & aliud meditetur corde, & dimidium cor dirigat in cælum, & dimidium maneat in terra, & talis oratio numquam exauditur a Deo. Vnde super illo verbo. Psalmista: Clamaui in toto corde meo, &c. dicit glossa: Diuisum cor non impetrat quod petit. Debet enim famula Dei tempore orationis, cor suum ab omnibus exterioribus curis & mundanis desiderijs, ab omnibus carnalibus amoribus reuocare ad interiora: & illi soli in toto corde & tota mente intendere, ad quem suam orationem dirigit. Et hoc consuluit tibi sponfus tuus in Euangelio, dicens: Tu autem cum oraueris, intra in cubiculum tuum, & clauso ostio, id est, corde tuo, ora patrem tuum. Tunc cubiculum es ingressa, quando omnes cogitationes, omnia desideria, omnes affectiones tuas, in secreto cordis tui reuocasti. Tunc clausisti ostium tuum, quando cor tuum diligenter custodis, ut per nullas cogitationes tuas phantasticas possis in deuotione impediri. Oratio enim est, ut dicit beatus Augustinus, conuersio mentis in Deum, per pium, & humilem affectum. Audi o beatissima soror, audi o famula Iesu Christi, & inclina aurem tuam ad verba oris mei. Noli falli, noli decipi, non amittas magnum orationis tuæ fructum, non perdas suauitatem, non frustreris dulcedinem, quam in oratione haurire debes. Oratio enim hauritorium est, quo Spiritus sancti gratia hauritur de

*Psal. 118. e*

*Mat. 6. a*

*Aug. lib. de*  
*spir. & uni.*  
*c. 50. 10. 3.*

LII 2 fonte

*Psal. 118.* fonte superfluentis dulcedinis illius beatissimæ Trinitatis. Et hoc expertus erat ille deuotissimus propheta Dauid, qui dicebat: Os meum aperui & attraxi spiritum. Os meum aperui dicit, & hausi. Numquid iam non dixi tibi, quid sit oratio? Audi iterum: Oratio est conuersio mentis in Deum. Vis scire quomodo debes mentem tuam in Deum conuertere? intende. Cum stas in oratione, te totam debes in teipsam conuertere, & colligere, & cum dilecto in cubiculum cordis tui ingredi, & cum eo sola morari, omnium exteriorum obliuisci, & toto corpore, tota mente, toto affectu, toto desiderio, tota deuotione debes te leuare supra te. Nec debes spiritum tuum ab oratione relaxare, sed tamdiu, per deuotionis ardorem, sursum ascendere, donec ingrediaris in locum tabernaculi admirabilis vsque ad domum Dei, & ibi utroque cordis oculo dilecto tuo viso, & vicumque degustato, quàm suauis est Dominus, & quàm magna dulcedo eius, in amplexus eius ruas, impressis labijs intimæ deuotionis oscula figas, vt sic tota a te alienata, tota in cælum rapta, tota in Christum reformata, & transformata, non valeas cohibere spiritum tuum, sed exclama cum propheta Dauid, & dic: Renuit consolari anima mea; memor fui Dei, & delectatus sum.

*Psal. 76.*

Tribus de causis in mentis alienatione deducimur.

*Psal. 72.*

*Esther. 15.*

*Psal. 83.*

Vt autem cor tuum soror charissima per deuotionis orationem in sublimius eleuetur, & feruentius in Deum inflammetur, nota diligenter, quod tribus de causis in mentis alienationem deducimur. Aliquando per magnitudinem deuotionis. Aliquando per magnitudinem admirationis. Aliquando per magnitudinem exultationis.

Dico, quod sit aliquando per magnitudinem deuotionis, vt mens seipsam non capiat, & supra seipsam eleuata in alienationem transeat, quando tota igne cælestis desiderij succenditur, vt omne quod foris est, vertatur in amaritudinem & fastidium, & amoris intimi flamma ultra humanum modum excrescat, quæ animam ad ceræ similitudinem liquefactam in seipsa deficere faciat, ad instar fumi aromatum, in superna eleuet & ad summam patriam emittat, & tunc cum Propheta exclama & dic: Defecit caro mea, & cor meum, Deus cordis mei, & pars mea Deus in æternum.

Item aliquando fit per magnitudinem admirationis, quando diuino lumine mens irradiatur, & summæ pulchritudinis admiratione suspensa, tunc vehementi concutitur stupore, vt a suo statu funditus excutiat, & in modum fulgoris corruscantis, quanto profundius pro despectu sui visæ pulchritudinis respecta in ima deijcitur, tanto sublimius tantoque celerius per summorum desideriorum ardorem releuata, & super semetipsam rapta in sublime eleuatur, & tunc cogitur clamare cum sanctissima Esther: Vidi te domine quasi Angelum Dei, & conturbatum est cor meum præ timore gloriæ tuæ. Valde enim mirabilis es Domine, & facies tua plena est gratiarum.

Item aliquando præ multitudine exultationis, quando intima illa internæ suauitatis abundantia potata, immo plene inebriata, quid sit, quid fuerit penitus obliuiscatur, & in supermundanum quemdam affectum sub quodam miræ felicitatis statu rapta transformatur, & tunc cogitur clamare, & dicere illud Prophetæ: Quàm dilecta tabernacula tua Domine virtutum: concupiscit & deficit anima mea in atria Domini. Sic ergo famula Dei debet exercere animum suum ex deuota in Deum oratione, & ducere per frequentem ordinis versum, per mundati, & purificati cordis oculum, per infatigabilem deuotionis spiritum, quatenus efficiatur idonea ad contemplanda diuina, & degustandam diuinæ dulcedinis suauitatem. Non enim decet animam insignitam Dei imagine, decoratam Dei similitudine, redemptam Dei sanguine, capacem beatitudinis, volutari circa ista temporalia, sed ascendere debet super Cherubin, & volare super

pennas ventorum, id est, ordines angelorum, & ad contemplandam ipsam Trinitatem, & Christi humanitatem, & meditari gloriam & lætitiā supernorum ciuium, scilicet Angelorum & sanctorum omnium. Sed qui sunt hodie, qui huiusmodi meditationibus vacent? qui sint exploratores gaudij cælestis? qui corde & animo conuersentur in cælis? Rari sunt. Vnde bene potest dici de quibusdam religiosis, illud verbum, quod beatus Bernardus dicit: Quorum studium deberet esse, deuotione cælos penetrare, mente circuire supernas mansiones, salutare Apostolos & choros prophetarum, martyrumque admirari triumphos, omnibus his postpositis, turpi se mancipant corporis seruituti, ad obediendum carni, & ad satisfaciendum gulæ & ventri.

#### De passionis Christi memoria. Cap. VI.

Quoniam deuotionis feruor per frequentem passionis Christi memoriam nutritur, & conseruatur in homine, ideo est dicendum consequenter, vt semper oculis cordis sui Christum in cruce tamquam morientem videat, qui deuotionem in se vult, conseruare inextinguibilem. Propter hoc Dominus dicit in Leuitico: Ignis in altari meo semper ardebit, quem nutriet sacerdos subiiciens ligna per singulos dies. Audi soror deuotissima. Altare Dei est cor tuum. in hoc altari debet semper ardere ignis feruor deuotionis, quem singulis diebus debes nutrire, per ligna crucis Christi, & memoriam passionis ipsius. Et hoc est quod dicit Isaias propheta: Haurietis aquas in gaudio, de fontibus Saluatoris. Ac si diceret: Quicumque desiderat aquas gratiarum, aquas lacrymarum, iste hauriat de fontibus Saluatoris, id est de vulneribus Iesu Christi. Accede ergo tu pedibus affectionum tuarum ad Iesum vulneratum, ad Iesum spinis coronatum, ad Iesum patibulo crucis affixum, & cum beato Thoma Apostolo, non solum intueri in manibus eius fixuras clauorum, non solum mitte manum tuam in latus eius, sed totaliter per ostium lateris eius ingredi vsque ad cor ipsius Iesu, ibique ardentissimo amore crucifixi in Christum transformata, clauis diuini amoris affixa, lancea præcordialis dilectionis transfixa, intimæ compassionis transuerberata, nihil aliud quæras, nihil aliud desires, in nullo alio velis consolari, quàm vt cum Christo tu possis mori in cruce. Et tunc cum Apostolo Paulo exclames, dicens: Christo confixus sum cruci. Viuo iam non ego, viuit vero in me Christus.

Debes autem per hunc modum passionem Christi in memoria habere, vt cogites, quoniam passio eius fuit ignominiosissima, acerbissima, generalissima, & diuturnissima. Primum considera Deo dignissima famula, quàm ignominiosissima fuit mors Iesu Christi sponsi tui. Fuit enim crucifixus, tamquam fur & latro. Nulli enim in veteri lege tali morte puniebantur, nisi pessimi, & sceleratissimi, & fures & latrones. Adhuc attende maiorem Christi ignominiam. Fuit enim in loco turpissimo, & vilissimo crucifixus, scilicet in monte Caluarie, vbi multa ossa, & cadauera mortuorum iacebant. Ille siquidem locus erat morti damnatorum deputatus, & ibi decollabantur, & suspendebantur pessimi homines. Adhuc vide Christi maiorem ignominiam, quia inter latrones tamquam latro suspenditur, & in medio tamquam princeps latronum. Vnde dicit Isaias: Cum sceleratis reputatus est. Adhuc intueri sponsi tui ignominiam, quia aeri deputatus est, & inter cælum & terram suspensus, ac si non esset dignus mori in terra, aut viuere. O digna indignatio & iniuria, Domino orbis totus negatus est orbis, vilis in mundo nihil æstimatum est Domino mundi. Sic ergo mors filij Dei fuit ignominiosissima propter genus mortis, quia in patibulo suspensus: propter locos mortis, quia

Quomodo Christi passio memoranda sit.

*Isa. 53.*

quia cum iniquis deputatus & condemnatus; propter locum mortis, quia in monte Caluarie foetidissimo crucifixus. O bone Iesu, o benigne Saluator, quia non semel sed multoties confunderis. Quanto quis pluribus locis confunditur, tanto ignominiosior efficitur mundo. Ecce tu Domine Iesu, in horto ligaris, in domo Annae alapa caderis, in atrio Caiphae conspueris, in hospitio Herodis illuderis, in via crucem baiulas, in golgotha crucifigeris. Heu me ecce libertas captiuorum, gloria angelorum, vita hominum, occiditur. O Iudei miseri bene impleuistis, quod promissistis. Dixistis enim: Morte turpissima condemnemus eum. Beatus vero Bernardus dicit: Exinanivit semetipsum, formam serui accipiens, ut subesset: Filius erat & factus est seruus, & non solum formam serui, ut subesset, accepit, sed etiam mali serui ut vapularet, ut poenam solueret cum culpam non haberet: Et erat non solum seruus seruorum Dei, sed propter tria seruus seruorum diaboli factus seruiens infima peccata peccatorum expurgando. Nec hoc suffecit, sed mortem omni morte confusibilioram elegit. Humiliauit enim semetipsum factus obediens usque ad mortem, mortem autem crucis, quae ignominiosior est, ut dicit glossa.

Secundo considera & attende virgo Deo deuota, passio Christi quam acerbissima fuit. Crux enim illa benedicta, membra extensa contrahi in dolore mortis non permisit, quod tamen solet esse quoddam leuamen & solatium cordis anxianti, nec habuit illud caput reuerendum diuinum ubi ad dimissionem animae se inclinaret. Attende adhuc melius, quam acerbam mors Christi fuerit. Quanto quis tenerior, tanto patitur grauius, numquam autem fuit corpus ita tenerum ad sustinendum passionem, sicut corpus Saluatoris. Corpus enim mulieris tenerius est quam viri corpus, caro autem Christi tota virginea fuit, & de spiritu sancto concepta, & de virgine nata, igitur passio Christi fuit omnium passionum acerbior, quia omnium virginum tenerior. Si enim ad solam mortis recordationem, Christus in sancta anima sua praeteneritudine carnis tantum afflictus est, ut sudor corporis fieret sicut sudor sanguinis decurrentis in terram, quanto superadditus est ei dolor, quanta eum afflixit poena in degustatione acerbissimae mortis, & passionis? Ideo dicit beatus Bernardus: Angustias corporis tui Domine Iesu Christe, certissime indicabat, sudor ille sanguineus, qui orationis tempore de tua sanctissima carne decurrebat in terram. Quid fecisti dulcissime puer, ut ita tractareris? Quid commisisti o amantissime iuuenis, ut ita iudicareris? Ecce ego sum causa tui doloris, ego plaga tuae occisionis. Adhuc vide diligentius quam amara Christi mors fuerit. Quanto quis innocentior, tanto poena ad tolerandum grauior. Si enim Christus propter sua peccata sustinisset, aliquantulum ei esset tolerabilior, sed ipse peccatum non fecit, nec inuentus est dolus in ore eius. Et hoc ipsum testatur Pilatus, dicens: Ego nullam causam mortis inuenio in eo. Ipse enim est candor lucis aeternae, & speculum sine macula Dei maiestatis & bonitatis, imago illius sicut dicitur in libro Sapientiae. Considera adhuc plenius, quam poenalis fuerit mors sponso tui Iesu Christi. Quanto generalior, tanto poena acerbior; Christus autem sponsus tuus passus est in omni parte corporis sui, sic quod nullum ita paruum membrum in eo esset, quin poenam haberet: nullus ita modicus locus, quin repletus esset amaritudine. A planta enim pedis usque ad verticem non fuit in eo sanitas. Vnde praenimia doloris vehementia clamauit, dicens: O vos omnes qui transitis per viam, attendite & videte dolorem meum. Reuera Domine Iesu Christe numquam fuit dolor similis dolori tuo. Tanta enim fuit doloris tui effusio, ut totum corpus tuum sanguine aspergeretur. O bone Iesu o dulcissime Domine, non gutta sed gorda sanguinis ita

A largiter per quinque partes corporis tui emanauit, de manibus & pedibus tuis in crucifixione, de capite in capitis coronatione, de toto corpore, in flagellatione, de ipso corde in lateris apertione, mirum videtur si quid sanguinis remansit in te. Dic quaso dilecte mi Domine, dic cum vicia sanguinis tui gutta potius set sufficere ad totius mundi redemptionem, cur tantum sanguinem de corpore tuo effundi permisisti? Scio Domine & vere scio, quia non propter aliud fecisti, nisi ut ostenderes quanto affectu diligeres me. Quid igitur retribuam Domino pro omnibus quae retribuit mihi? Certe Domine quamdiu vixero, memorero laborum tuorum, quos sustinuisti in praedicando, fatigationum in discurrendo, vigiliarum in oratione, lacrymarum in compassione, dolorum, conuitiorum, sputorum, colaphorum, subannationum, clauorum, vulnerum, alioquin requiretur a me sanguis, qui effusus est super terram. Quis igitur dabit capiti meo aquam, & oculis meis fontem lacrymarum, ut possim flere die ac nocte mortem Domini mei Iesu Christi, quam non pro suis sed pro meis peccatis sustinuit? Vulneratus est enim propter iniquitates nostras, attritus est propter scelera nostra, sicut dicit, Isaias propheta.

C Vltius considera, & attende diligenter, quia mors & passio Christi fuit diutina. A prima enim die natiuitatis suae, usque ad vltimum diem mortis suae semper fuit in passionibus & doloribus sicut ipse testatur per prophetam, dicens: Pauper sum, ego, & in laboribus a iuuentute mea. Et alibi dicit: Fui flagellatus tota die, id est, toto tempore vitae meae.

Adhuc aliter considera, quam morosa fuit passio Christi, ut poena eius magis duraret, ut dolor non cito finiretur, ut mors protraheretur, & sic diutius cruciaretur, & fortius vexaretur.

Ex his omnibus quae dixi, colligere potes o virgo Christi, o famula Dei, quam probrosa, quam dolorosa, quam vilis, quam morosa fuit mors & passio dulcissimi sponsi tui Iesu Christi. Et haec omnia sustinuit, ut ad amorem suum te accederet, ut pro omnibus his toto corde, tota anima, tota mente ipsum diligeres. Quid enim beneuolentius, quam quod Dominus propter serui salutem accipiat serui formam? Quid magis informat hominem in salutem, quam exemplum tollendi mortem propter iustitiam & obedientiam diuinam? Quid vero magis incitat hominem ad diligendum Deum, quam tanta benignitas, quod pro nobis Dei filius altissimus absque meritis immo cum multis nostris demeritis, posuit animam suam? Hoc tantae benignitatis est, ut nihil clementius, nihil benignius, nihil amabilius cogitari possit. Hae benignitas tanto magis ostenditur maior quanto pro nobis grauiora & abiectiora sustinuit, vel pati voluit. Deus enim qui proprio filio suo non pepercit, sed pro nobis omnibus tradidit illum, quomodo non cum illo omnia nobis donauit? Ex quo inuitamur ad ipsum amandum, & amatum imitandum. Vae ergo illis, qui tantae benignitatis beneficijs sunt ingrati, in quorum animabus nullum mors Christi habet effectum. Vnde inquit Bernardus: Vide caput Christi inclinatum ad te osculandum, manus perfoctas ad largiendum, latus apertum ad diligendum, totius corporis extensionem ad se torum impendendum. Vae iterum illis qui suis peccatis rursus Christum in semetipsis crucifigentes, super dolorem vulnere ipsius dolorem adiungunt. Sed vae tertio illis, quorum corda ad planctum emolliri non possunt, neque ad beneuolentiam prouocari. & ad boni operis virtutem inflammare non valet tanta effusio sanguinis, effusio tanti pretij, tam ingens magnitudo. Certe isti tales inimici crucis Christi, plus Christum Dei filium hodie ad dexteram Dei patris in caelis sedentem crucifigunt, quam olim fecerunt in crucis patibulo pendentem. Ad tales, & de talibus

Bern. ubi  
sup. prox.

Hiere. 9. a

Isai. 53. b

Psal. 87. d

Psal. 72. b

Rom. 8. f

Heb. 6. b

Psal. 68. c

Sap. 2. d  
Bern. ser.  
de pass. De.  
ser. 4. hobb.  
panosa lon  
go post me-  
dium.

Philip. 2. a

1. Pet. 2. d  
Ioan. 18. g  
Sap. 7. d

Isai. 41. a  
Thren. 1. d



*Psal. 21. b*  
*Cant. 8. b*

*Iob. 6. b*

*Prosper li.*  
*3. de vit.*  
*conempl.*  
*6. 23.*

*1. Cor. 13. a*

bus Dominus conquerendo per beatum Bernardum loquitur, dicens: O homo vide quid patior pro te, si est dolor sicut quo crucior, ad te clamo qui pro te morior, vide pœnas quibus afficio, vide clauos quibus confodior, & cum sit tantus dolor interior & exterior, planctus est grauior, cum te sic experior. Caue tibi mater caue, ne tanto ingrata sis beneficio, ne tanto pro te dato indeuota sis pretio: sed pone istū crucifixum sicut signaculum super cor tuum, ut sicut sigillum in cera molli, sic Iesum sponsum tuum imprimas cordi tuo, & dicas cum Propheta: Factum est cor meum tamquam cera liquefens. Pone eum etiam ut signaculum super brachium tuum, ut videret numquam desinas operari, numquam fatigeris laborare pro nomine Domini Iesu, sed cum operata omnia fueris, tunc primum incipe, quasi nihil feceris. Si autem aliquando aliquid triste, aliquid graue, aliquid tædij, aliquid amaritudinis acciderit, vel certe si forte aliquid bonum desipuerit, statim recurras ad crucifixum Iesum pendentem in cruce. Ibi intueri coronam spineam, clauos ferreos, lanceam lateris, ibi contemplare vulnera Christi pedum, & vulnera manuum, vulnera capitis, vulnus lateris, vulnera totius corporis: recolens quia qui sic pro te passus fuit, qui pro te tanta sustinuit quantum te amauerit. Crede mihi, quia statim tali intuitu omne triste lætum, omne graue leue, omne tædiosum amabile, omne asperum dulce & suaue reperies: sic ut & tu incipias exclamare cum beato Iob, & dicere: Quæ prius noluit tangere anima mea, nunc propter angustias passionis Christi, cibi mei sunt, quàm dulcia & delectabilia facta sunt mihi. Vnde legitur, quod cum quidam conuersus fuisset ad religionem, in tantum factus est impatiens propter asperitatem ciborum, & ceterarum disciplinarum religionis, & cum ex nimia impatientia angustiaris fuisset, procidit ante imaginem crucifixi, & ibi replicare cœpit cum multis lacrymis intolerabiles angustias, & labores ordinis, insipiditatem ciborum panis, & potus, & statim ex latere imaginis cœpit sanguis emanare, & cum ille fortiter flens suas angustias replicaret, respondens imago Christi, dixit, quod quodcumque sentiret aliquam asperitatem in cibo vel in potu, ut intingeret in salamento sanguinis Christi.

*De perfecta Dei charitate. Cap. VII.*

**S**uperius te famulam Dei, prout Deus inspirauit, docui qualiter animum tuum exercere debeas, ut quasi gradatim ascendere possis, & de virtute in virtutem proficere. Nunc septimo loco restat dicendum de forma virtutum, scilicet charitate, quæ sola ducit hominem ad perfectionem: ad mortificandum enim vitia, ad proficiendum in gratia, ad consequendum omnium virtutum perfectionem summam, nihil potest dici melius, nihil excogitari vtilius charitate potest. Propterea dicit Prosper in libro de vita contemplatiua: Charitas est vita virtutum, mors vitiorum, & sicut fluit cera a facie ignis, sic pereunt vitia a facie charitatis. Tantæ siquidem virtutis est charitas, quod ipsa claudit infernum, sola aperit cælum, sola Deo amabilem reddit. Tantæ virtutis charitas est quod ipsa sola inter virtutes virtus nominata est, quàm qui habet, diues est, & locuples, & beatus: quam qui non habet, pauper & mendicus est, & miser. Vnde super illo verbo ad Corinthios: Si charitatem non habueris, dicit glossa: Attende quanta sit charitas, quæ si desit, frustra habentur cetera, si autem adsit habentur omnia, quam qui habere cœperit, Spiritum sanctum habebit. Et beatus Augustinus dicit: Si virtus nos ad beatam vitam ducit, nihil esse omnino virtutem affirmauerim, nisi tantum summum amorem Dei. Cum igitur charitas virtus tanta sit præ cunctis virtutibus charitati est insistendum: & non cuilibet chari-

tati, sed ei solum qua Deus diligitur super omnia, & proximus post Deum.

**Q**ualiter autem creatorem tuum diligere debeas, ipse tuus sponsus docet in Euangelio, dicens: Diliges Dominum Deum tuum, ex toto corde tuo, & ex tota anima tua, & ex tota mente tua. Intende diligenter famula Iesu Christi dulcissima, quam dilectionem dilectus tuus Iesus requirat a te. Vult certe amantissimus tuus ut amoris suo des cor tuum, totam animam tuam, totam mentem tuam, sic ut in toto corde tuo, in tota mente nullus omnino cum eo aliquam partem possideat. Quid ergo facies, ut certe Dominum Deum tuum ex toto corde diligas? Quomodo ex toto corde? Audi beatum Ioannem Chrysostomum dicentem: Ex toto corde diligere Deum est, ut ad nullius rei dilectionem magis sit inclinatum cor tuum, quàm Dei, ut non delecteris in specie mundi amplius quàm in Deo, non in honoribus aut parentibus. Si autem in aliquo istorum sit animus & amor cordis tui, iam non ex toto corde Deum diligis. Vnde Augustinus dicit: Minus te amat, qui tecum aliquid amat. Si autem aliquid amas, ex cuius dilectione in amore Dei non proficis, iam non ex toto corde Deum diligis. Et si quid diligis, pro cuius amore ea quæ Christo teneris negligis, iam non ex toto corde diligis. Dilige itaque Dominum Deum tuum ex toto corde tuo, non solum ex toto corde, verumetiam ex tota anima diligendus est dominus Iesus Christus. Quomodo ex tota anima? Audi beatum Augustinum docentem te. Ex tota anima, inquit, Dominum diligere, est ipsum diligere ex tota voluntate sine contrarietate. Certe tunc ex tota anima Deum diligis, quando non quod tu vis, non quod mundus consulit, non quod caro suggerit, sed quod Dominum Deum tuum scis velle, sine contradictione libenter facis. Certe tunc Deum ex tota anima diligis, quando pro amore Iesu Christi animam tuam si necesse fuerit, morti libenter exponis. Si autem in aliquo istorum negligens fueris, iam non ex tota anima Deum diligis. Dilige ergo Dominum Deum tuum ex tota anima tua, & conforma voluntatem tuam voluntati diuinæ in omnibus. Et non solum ex tota anima, sed etiam ex tota mente. Audi iterum beatum Augustinum te docentem. Ex tota, inquit, mente diligere Deum, est diligere eum ex omni memoria sine obliuione. Amen.

*De finali perseverantia. Cap. VIII.*

**P**ostquam omnium virtutum adeptus est quis principium, nec tamen in conspectu Dei apparet gloriosus, nisi virtutum consummator adsit perseverantia, quia nullus omnino mortalis quantumcumque perfectus, est laudandus in vita sua, nisi prius hoc totum quod inchoauit, bono & felice fine concludat. Vnde beatus Bernardus dicit: Tolle perseverantiam, nec obsequium, nec beneficium, nec gratiam, nec laudem fortitudo præstabit. Parum enim valet, hominem fuisse religiosum, siue fuisse humilem & patientem, fuisse deuotum, & continentem, Deum dilexisse, & cælicas virtutes habuisse, nisi adesset perseverantia. cum enim omnes virtutes currant, sola perseverantia accipit brauium. Quia non ille qui incipit, sed qui perseverauerit saluus erit. Vnde Ioannes Chrysostomus dicit: Quæ utilitas seminum florentium, & postea tabescentium? quasi diceret, penitus nulla. Si igitur Christi dilectissima, aliquas bonorum operum habens virtutes, immo quia multas habes, in his persevera, in his profice, in his usque ad mortem viriliter Christi age militiam, ut cum extrema dies finisq. vitæ advenit, pro stipendio & mercede laboris, detur tibi corona gloriæ & honoris. Vnde Iesus Christus vnice tibi dilectus, alloquitur te in Apocalypsi, dicens: Esto fidelis usque ad mortem, & dabo tibi coronam vitæ. Hæc corona nihil aliud est quàm præmium vitæ æternæ.

na, ad quam addiscendam, inflammare te debet de-  
siderium omnium Christianorum. est enim tam ma-  
gna, ut nullus omnino eam aestimare possit, sicut di-  
cit beatus Gregorius, tam multa, ut nullus eam dinu-  
merare queat, est denique tam longa & durabilis, ut  
numquam terminari possit, & finire. Ad hanc mer-  
cedem, ad hanc coronam inuitat te dilectus sponsus  
tuus, dilectissimus Iesus Christus in Canticis cantico-  
rum dicens: Veni de Libano sponsa mea, veni de Li-  
bano coronaberis. Surge ergo amica Dei, sponsa Ie-  
su Christi, columba sponsi æterni, veni & prope-  
ra ad nuptias filij Dei, quia tota cælestis curia expectat te,  
quia omnia parata sunt. Est enim paratus speciosus  
seruus tuus, ut tibi seruiat, & nobilis cibus pretiosus  
& delectabilis, ut te reficiat, societas dulcis, & præ-  
amicabilis, ut tibi congaudeat. Surge ergo, & pro-  
pera festinanter ad nuptias, quia ibi est paratus ser-  
uus speciosus, ut tibi seruiat, iste seruus non est alter,  
nisi cætus angelicus, immo ipse æternus Dei filius,  
qui de seipso testatur, dicens in Euangelio: Amen di-  
co vobis, quia præcinget se, & faciet illos discum-  
bere, &c. O quam magna gloria tunc erit pauperi-  
bus abiectis, quando ministrum habebunt filium Dei,  
& summi regis, & totum conuentum exercitus regni  
cælestis. Est etiam ibi paratus cibus pretiosus, & de-  
lectabilis, ut reficiat, ipse enim Dei filius mensam  
proprijs manibus posuit, sicut ipse de se in Euangelio  
testatur dicens: Ego dispono vobis, sicut disposuit  
mihi Pater meus regnum, ut edatis, & bibatis super  
mensam meam in regno meo. O quam suavis, & de-  
lectosus est cibus ille, quem præparauit in dulcedine  
sua pauperi Deus. O quam beatus est ille, qui in re-  
gno cælorum panem manducabit illum, qui in cli-  
bano virginalis vteri coctus est igne Sancti spiritus. Si  
quis manducauerit ex hoc pane, viuet in æternum.  
Tali cibo, tali pane, cibatur & reficit suos electos Rex  
cælestis in mensa sua, sicut in libro Sapientie dicitur:  
Angelorum esca nutriuiti populum tuum, & paratum  
panem de cælo præstitisti ei sine labore, omne dele-  
ctamentum in se habentem, & omnis saporis suauita-  
tem, & deseruiens vniuscuiusque voluntati. Ecce  
talisis est refectio diuinæ mensæ. Et nihilominus para-  
ta est ibi societas dulcis, & præamabilis, ut tibi con-  
gaudeat. Illic enim erit Iesus cum Patre, & Spiritu  
sancto. Illic Maria cum florifero exercitu virginum.  
Illic Apostoli, Martyres, Confessores, & omnium  
electorum cælestis exercitus. Miserabilis prorsus, qui  
tam nobilissimæ societati non fuerit sociatus, Valde  
mortuum habet desiderium, qui huic societati iungi  
non desiderat. Sed tu o præclarissima Dei famula,

scio te quidem desiderare Christum, ad hoc te niti  
rotis viribus, quomodo regis æterni possis iungi con-  
fortijs, & amplexibus. O nunc excita cor tuum, &  
animam tuam, & erige totum cor tuum, & cogita  
quantum potes. Si enim singula bona delectabilia sunt,  
cogita mente quam bonum sit illud delectabile, quod  
continet iucunditatem omnium bonorum! si bona est  
vita creata, quam bona est vita creatoris, si iucunda  
est salus facta, quam iucunda est salus quæ facit om-  
nem salutem. Qui hoc bene fruetur, quid erit illi,  
& quid non erit? certe quidquid volet hoc erit ibi,  
quidquid nollit hoc non erit. Ibi quippe erunt bona  
corporis & animæ, qualia nec oculus vidit, nec au-  
ris audiuit, nec cor hominis intellexit. Cur ergo fa-  
mula Dei per multa vagaris, querendo bona animæ  
tuæ, & corporis tui? Ama vnum bonum, in quo sunt  
omnia, & sufficit: desidera simplex bonum, quod  
est omne bonum, & satis est. Ibi est quod amas ma-  
ter mea, quod desideras virgo beata. Ibi est quid-  
quid amas, quidquid desideras. Si te delectat pul-  
chritudo, fulgebunt iusti sicut sol. Si delectat longa,  
& salubris vita, ibi est sana æternitas, quia iusti in  
perpetuum viuunt, & salus iustorum æterna. Si de-  
lectat satietas satiabuntur cum apparuerit gloria Dei.  
Si ebrietas, inebriabuntur ab vbertate domus suæ. Si  
te delectat dulcis melodia, ibi Angelorum chori con-  
cinunt alleluia laudantes. Si te delectat amicitia, ibi  
sancti diligunt Deum plusquam seipsos, & Deus di-  
ligit suos plusquam se ipsi. Si concordia delectaris,  
omnibus illis erit vna voluntas, quia nulla erit ibi,  
nisi Dei voluntas. Si te delectat honor & diuitiæ, Deus  
ancillas suas, & seruos bonos & fideles supra multa  
constituit, immo filij, & filia Dei vocabuntur, &  
erunt ibi ipsi heredes Dei, illi quidem heredes Dei,  
coheredes autem Christi. Quale autem, vel quan-  
tum gaudium ubi tale ac tantum est bonum? Certe  
Domine Iesu, nec oculus vidit, nec auris audiuit, nec  
in cor hominis ascendit in hac vita quantum amabunt  
te beati, & de te gaudebunt in illa beata vita. Quan-  
tumcumque enim quisque Deum amat, tantum ibi  
de Deo gaudebit. Ergo hic multum ama, ut multum  
gaudeas, crescat in te amor Dei, ut ibi plene possi-  
deas gaudium Dei. meditetur inde mens tua, loqua-  
tur inde lingua tua, amet illud cor tuum, sermoci-  
netur os tuum, esuriat illud anima tua, sitiat illud ca-  
ro tua, desideret tota substantia tua, donec intres in  
gaudium Dei tui, donec venias ad amplexus dilecti  
tui, & donec introducat te in thalamum dilecti spon-  
si tui. Qui cum Deo Patre, & Spiritu sancto viuit, &  
regnat Deus, per omnia sæcula sæculorum. Amen.

Ex Ansel.  
in Prolog.  
cap. 24.

1. Cor. 2. 6

Mat. 13. 6  
Sap. 5. 6


Psal. 35. 6  
Apoc. 19. 6

Rom. 8. 6

1. Cor. 2. 6

*Finis quarta & ultima partis Opusculorum S. Bonauenturae,  
eiusq. operum Tomi septimi.*





A P P E N D I X  
 A D S E P T I M V M T O M V M  
 O P E R V M S. B O N A V E N T R A E  
 C O M P L E C T E N S E A O P V S C V L A  
 de quibus, an sint S. Bonauenturae controuersum est,  
 & nonnulla alia, quorum subiicitur

Index



*S*YMMMA de essentia, & inuisibilitate, & immensitate Dei.  
 De puritate conscientiae.  
 De sex alis cherubim.

*Mystica Theologia.*

*Compendium Theologicae veritatis.*

*Acta canonizationis S. Bonauenturae, quae ne perirent in hanc appendicem  
 reiecimus.*



SYMMMA

# SVMMMA S. HIERONYMI DE ESSENTIA,

ET INVISIBILITATE, ET IMMENSITATE DEI,  
quæ S. Bonaventuræ ascribitur.

*Hoc titulo inscribitur iste tractatus in omnibus impressis S. Bonaventuræ, sed in editione Romana operum S. Hieronymi longe alio, & magis conformi rei, de qua in eo agitur, scilicet: De his, quæ Deo in scripturis sanctis attribuuntur. In qua quidem editione illum tamquam Hieronymo falso adscriptum inter parerga ad totum nonum reiecerunt. Et vero potius Bonaventuræ, quam Hieronymi videtur. quævis verumque incertum sit.*



**M**NI POTENS Deus, Pater, & Filius, & Spiritus sanctus, vnus est atque trinus, vnus videlicet in natura, trinus in personis, solus inuisibilis, solus incircumscriptus, incorporeus, & immortalis, vbique præsens, sed latens, vbique totus, sed immensus. Inuisibilis est,

quia in essentia sua videri non potest, Apostolo testante, qui ait: Quem vidit nullus hominum, sed nec

1. Tim. 6. d  
Ioan. 1. c

te, qui ait: Et in Euangelio: Deum nemo vidit vmquam. Incorporeus est, quia nullis membrorum lineamentis compositus, siue compactus existit, sicut veritas in Euangelio dicit: Spiritus est Deus, & eos qui adorant eum, in spiritu, & veritate oportet adorare. Imensus est, quia quantitas eius, vel

Ioan. 4. d

qualitas a nullo etiam metiri potest. Cui Salomon in sua oratione supplicans ait: Si cælum, & cæli cælorum te non capiunt, quanto magis, & domus ista, quam ædificauimus? Incircumscriptus est, quia circumscribi non potest. Inlocalis est, quia de loco ad locum nequaquam transit, neque quolibet retinetur, ipso de se per Isaiam, testimoniū perhibente: Cælum sedes mea est, terra scabellum pedum meorum. Et

Isa. 66. a

per Hieremiam: Nonne cælum, & terram impleo?

Hier. 23. e  
Psal. 138. b

Cuius immensitatem Prophetam in Psalmo confiteor, ait: Si ascendero in cælum, tu illic es, &c. De cuius

Iob 11. b

immensitate adhuc in libro Iob scriptum est: Excelsior cælo est, & quid facies? profundior inferno, & vnde cognosces? Longior est terra: immensitas eius latior est mari. Quia enim cælum & terram implet, proculdubio nullus locus est ab eius præsentiā absens. Super omnia quippe est regendo atque imperando. Subtus est omnia sustinendo atque portando, non ponere laboris, sed infatigabili virtute. Immutabilis est, quia ab eo quod est, mutari non potest, ipso dicente per Malachiam prophetam, qui ait: Ego Dominus, & non mutor. Ideo Deus immutabilis dicitur, quia in natura eius ira, furor, pœnitentia, obliuio, recordatio, & alia his similia non accidunt. Simplex enim natura est, immutabilis, & imperturbata. Neque aliud ipse, & aliud quod habet, sed ipsum est, quod habet, & quod est. Immortalis est, quia nullo modo mori potest, Apostolo dicente: Qui solus habet immortalitatem, & lucem habitat inaccessibilem: quem vidit nullus hominum, sed nec videre potest.

Mal. 3. b

Vbi cumque autem sacra Scriptura sparsim per diuinos libros in Deo motus animi secundum humana membra describit, idest, caput, capillos, oculos, palpebras, aures, nares, os, labia, cor, linguam,

1. Tim. 6. d  
Corporea membra, & affectus humani cum Deo attribuuntur in Scripturis quid significent.

Append. ad To. 7. oper. S. Bon.

imaginem, vultum, vterum, manus, dexteram, sinistram, digitos siue digitum, alas, scapulas, posteriora, pedes; item motus animæ iram, furorem, obliuionem, pœnitentiam, recordationem, & his similia, non carnaliter iuxta historiam a recte intelligentibus accipienda sunt, sicut a Iudæis plerisque, & hæreticis carnaliter sapientibus, qui Deum corporeum atque localem opinantur; sed spiritualiter omnia de eo intelligenda, & accipienda sunt. Si quis enim Deo humana membra, seu motus animæ more humano inesse credit, proculdubio in corde suo idola fabricat.

Cum igitur, ut dictum est, figuraliter in Deo caput legimus, ipsam essentiam diuinitatis eius, quæ omnia præcedit, & cui omnia sunt subiecta, intelligere debemus. Capillos vero capitis eius sanctos Angelos, seu vniuersos, electos typice accipi oportet. De quo sacramento in libro Danielis scriptum est: Aspiciebam donec throni positi sunt, & antiquus dierum sedet. Vestimentum eius quasi nix candidum, & capilli capitis eius quasi lana munda. Hoc enim signat per vestimenta candida Dei, quod & per capillos capitis eius, sanctos videlicet Angelos, & multitudinem sanctorum dealbatorum. Vel certe, ideo capilli eius lanæ munda comparantur, ut per hoc antiquus dierum esse credatur.

Oculi dicitur Deus habere, pro eo quia videt, & nihil eum latet. In eius enim conspectu, ut ait Apostolus, nulla creatura est inuisibilis. Omnia enim nuda, & aperta sunt oculis eius. Aliter vero oculi respectus gratiæ eius intelliguntur, ut est illud in Psalmo: Oculi Domini super iustos, & aures eius ad preces eorum. Item aliter, oculi Domini præcepta, per quæ nobis lumen scientiæ subministrat, mystice intelliguntur, ut est illud in Psalmo: Præceptum Domini lucidum illuminans oculos.

Palpebræ Domini occulta, & incomprehensibilia iudicia, siue spiritualis in diuinis libris eius locutio innuitur. De quibus occultis, & incomprehensibilibus sacramentis atque iudicijs dictum est in Psalmo: Palpebræ eius interrogant filios hominum, hoc est, probant.

Aures dicitur Deus habere, propterea quod omnia audit, & nil eum sub silentio latet. De quo in libro Sapientiæ: Auris zeli audit omnia, & tumultus murmurationum non absconditur.

Nares Dei, inspiratio eius in corde fidelium, ut est in libro secundo Regum: Ascendit fumus de naribus, idest, lacrymosa compunctio pœnitentium de inspiratione eius.

Facies Dei, cognitio diuinitatis eius ad homines. De qua cognitione in Psalmis scriptum est: Ostende nobis faciem tuam, hoc est, da nobis cognitionem tuam.

Caput, & capilli capitis quid.

Oculi.

Palpebræ.

Aures.

Nares.

Facies.

Caput, & capilli capitis quid.

Oculi.

Palpebræ.

Aures.

Nares.

Facies.

Caput, & capilli capitis quid.

- tuam, quia cognitio per Filium. Nemo nouit Patrem nisi Filius, & cui voluerit Filius reuelare. Aliter vero facies Dei significat inuisibilem essentiam diuinitatis Dei Filij. De qua ipse Dominus ad Moysen per Angelum respondit: Posteriora prę videbis, faciem autem meam videre non poteris: ac si diceret: Incarnationem meam videbis in nouissimis diebus, diuinitatem videre non poteris.
- Os.** Os Dei Filius Patris, idest, Christus Dominus. de quo Hieremias propheta ex persona Iudæorum effatus, ait: Quia os eius ad iracundiam prouocauit. Alterum vero os Domini, sermo eius siue iussio accipitur. De quo sermone Domini Isaias propheta ait: Os Domini locutum est, hoc est, Verbum Dei, Filius Dei Patris per quem omnia facta sunt. De quo in Psalmo dicitur: Verbo Domini cęli firmati sunt. Et alibi: Misit Verbum suum, & sanauit eos. Et in Euangelio secundum Ioannem: In principio erat Verbum, &c.
- Lingua.** Lingua Dei mystice significat Spiritum sanctum, per quem Deus Pater secretum suum manifestauit hominibus. Vnde dicitur in Psalmo: Lingua mea calamus scribę.
- Labia.** Labia Dei vtriusque testamenti consonantia intelliguntur, de quibus duobus testamentis in Prouerbis dicitur: Diuinitio in labijs regis, in iudicio non errauit os eius.
- Brachia.** Brachia Dei Patris, Filius, & Spiritus sanctus intelliguntur, sicut est in Isaiā: Brachia mea populos iudicabunt. De quo Hieremias ad ipsum, ait: Et nunc Domine Deus, qui eduxisti populum tuum de terra Egypti in manu forti, & brachio extenso. Ideo autem Filius dicitur brachium Dei, quia creatura electa ab ipso continetur.
- Dextera, & sinistra.** Dextera Patris vnigenitus Filius accipitur. De quo in Psalmo dicitur ex persona hominis assumpti: Dextera Domini fecit virtutem, dextera Domini exaltauit me. Aliter vero dextera Domini significat gloriam Patris, & æternam beatitudinem. De quo dicitur in Psalmo ex persona Patris ad Filiū: Sede a dextris meis. Dicitur autem, & dextera Dei omnis electa creatura in cęlo & in terra. Sic per sinistram eius intelligitur reproba creatura, idest, dęmones, & omnes impij, qui ad læuam positi, æterna supplicia sustinebunt.
- Manus.** Manus Patris, Filius Dei accipitur, pro eo quod per ipsum omnia sunt facta, sicut est reperire in Isaiā: Omnia hæc manus mea fecit, & per eam facta sunt omnia. Alia vero manus Dei, potestas eius intelligitur. De qua potestate in libro Hieremię dicitur: Sicut lutum in manu figuli, ita vos in manu mea domus Israel. Item manus Domini flagellum accipitur, de cuius percussione in Sophonia propheta scriptum est: Extendam manum meam super Iudam, & super habitantes Hierusalem, & disperdam de loco hoc reliquias Baal. Pro qua etiam Domini percussione beatus Iob de ipso, ait: Manus Domini tetigit me.
- Digitus.** Digitus Domini singulariter Spiritus sanctus accipitur. A quo Spiritu sancto lex in duabus tabulis lapideis in monte Sinai scripta narratur. Ipse enim scripsit, qui scribenda dictauit, idest, Spiritus sanctus. De quo Spiritu Dominus in Euangelio: Ego in digito Dei eicio dęmonia. Quod alius etiam Euangelista aperte declarans, ait: Si ego in Spiritu Dei eicio dęmonia. Sicut enim digitus cum manu, vel brachio; manus vero, vel brachium cum corpore sunt in natura vnum: ita Pater, & Filius, & Spiritus sanctus tres quidem personę sunt, vna vero substantia diuinitatis. Digni Dei pluraliter, sancti intelliguntur Prophete, per quos Spiritus sanctus libros legis ac Prophetarum sua inspiratione describit. De quibus dicitur in Psalmo: Videbo cęlos tuos, opera digitorum tuorum. Per cęlos enim libros legis ac Prophetarum, per digitos vero sanctos, vt dictum est, Prophetas mystice insinuaui.
- Imago Dei Patris inuisibilis, vnigenitus Filius eius.** Imago. intelligitur, de quo Apostolus: Imago Dei inuisibilis. Aliter nāque imago Dei Patris in Filio suo, quem non aliunde, sed ex semetipso; hoc est, ex substantia sua per omnia similem sibi, & æquatē genuit: aliter vero in anima hominis, quam non ex se de sua substantia, sicut plerique hæretici opinati sunt, genuit; sed ex nihilo creauit. Sicut aliter est imago cuiuslibet regis in filio eius, quem ex semetipso similem sibi genuit, idest, homo hominem; aliter vero in annulo, siue in cera imago eius impressa, quę non est quod ipse: sic Filius, qui naturaliter est hoc quod & Pater.
- Cor Dei Patris arcanum eius sapientię mystice innuit, ex quo Verbum, idest, filium suum impassibiliter genuit, ipso dicente: Eructauit cor meum verbum bonum.** Cor.
- Alas dicitur habere Deus, pro eo, quod more auis, electos suos tamquam pullos sub se fouet; & ab insidijs diaboli, & malorum hominum protegit. Vnde Propheta: Sub vmbra alarum tuarum protege me.
- Scapulas habere dicitur, quoniam infirma membra in scapulis portat. Sicut in Psalmo: Scapulis suis obumbrabit tibi.
- Venter Dei, secreta origo substantię eius accipitur. Vnde in Psalmo: Ex vtero ante luciferum genui te. Aliter per vterum Dei, incomprehensibilia iudicia Dei, quę rimari nequeunt, mystice insinuantur. De quo occulto iudicio eius in libro Iob scriptum est: De cuius vtero, egressa est glacies, & gelu de cęlo, quis genuit?
- Posteriora filij Dei, incarnatio eius accipitur, de qua posteriori parte filius in monte Sinai ad Moysen per Angelum loquens, ait: Posteriora mea videbis, faciem autem meam videre non poteris.
- Pedes Dei stabilitamentū virtutis eius, eo quod ubique pręsens, & vniuersa ei subiecta sunt. Illo ipso dicente per Isaiam prophetam: Calum mihi sedes est, terra autem scabellum pedum meorum. Aliter pedes filij Dei, incarnatio eius intelligitur, quę diuinitati subiecta est, tamquam capiti pedes. Sicut per caput diuinitas, per pedes eius exprimitur humanitas: de humanitate in Exodo scriptum est: Viderunt Deum Israel, hoc est, Moyses, & Aaron, & Nadab, & Abiud, & septuaginta de senioribus populi. sub pedibus eius quasi opus lapidis sapphirini, & quasi cęlum, dum serenum est. Sicut autem per lapidem sapphirum cęlestes, vel sanctos Angelos, ita per cęlum terrenum sanctam Ecclesiam electorum, ex omnibus assumptam figuratiter demonstrare voluit: super quas duas creaturas homo assumptus filius Dei in perpetuū regnat. De quo in Psalmo: Omnia subiecisti sub pedibus eius.
- Vestimentum filij Dei aliquando caro eius, quę a diuinitate assumpta est in diuinis libris figuratiter accipitur, de quo in dimento carnis Isaias, ait: Quis iste, qui venit de Edom tinctis vestibus de bosra? Rursus per vestimentum eiusdem Domini sancta accipitur Ecclesia, quę per fidem, & dilectionem ei coniuncta est. de quo in Psalmo dicitur: Dominus regnauit. Et in Psalmo alio ad ipsum Dominum: Confessionem & decorem induisti amictus lumine sicut vestimento.
- Pallium Christi, iam dicta eius Ecclesia intelligitur. De quo in libro Geneseos scriptum est: Lauit in vino stolam, hoc est, in passionis sanguine carnem suam.
- Calceamenta Domini nostri Christi, mystice significant incarnationem eius, quā ex mortalitate humani generis assumere dignus est. De qua incarnatione sua ipse dicit per Prophetam in Psalmis: In Idumęam extendam calceamentum meum, idest, in plebe Gentilium manifestabo incarnationem meam.
- Gressus filij Dei, aduentus in mundū, & regressus eius ad Patrē. De quibus Psalmista ait: Visi sūt gressus tui Deus, egressus Dei mei, regis mei, qui est in sancto. Ipse



Ipse de celo venit in utero Virginis. De utero vero nascendo, positus est in praesepe. Postquam omnia implevit, de quibus a Patre missus venerat, appensus est in ligno crucis. de cruce autem depositus secundum corpus sepultus est. Christi anima vero ad inferna descendit, tertia autem die per potentiam suae diuinitatis carnem suam de sepulchro suscitavit, & post diem Resurrectionis suae quadagesimo die, videlicet Apostolis, ascendit in gloriam eius. Hi sunt enim egressus filij, qui ascendit in caelum, & sedet ad dexteram Patris. Iste est descensus, & ascensus eius, qui frequenter in sacris Scripturis legitur.

Ascendere dicitur Deus, cum Filius carnem ex nobis assumptam in caelum cum captiuis euegit, ut est reperire in Psalmo: Ascendit in altum, captiuam duxit captiuitatem, quia naturam humani generis, quae a diabolo in mundo captiua retinebatur, & assumens secum in caelum, ubi nunquam ante fuerat tamquam captiuam deportauit.

**Abfcondere.** Abfcondere ab hominibus faciem suam Deus legitur, cum quibusdam eorum exigentibus culpis cognitionem suam abscondit. Sicut in populo Iudaeorum nunc impletum videmus, qui negantes Filium Dei, scientiam veri Dei, ita perdidit, ut similes forent gentibus, quae Dominum non nouerunt. Ostendere faciem suam dicitur Deus, cum respectu gratiae suae, quibus vult, scilicet electis suis, seipsum in corda eorum occulta inspiratione insinuat, & ad diligendum se amorem suum infundit.

**Sedere.** Sedere dicitur, non corporaliter humano more, sed potentialiter super omnem creaturam rationalem, ut est reperire in Psalmis: Regnavit Deus super gentes, Deus sedet super sedem sanctam suam. Sedere autem dicitur super Cherubim, quod interpretatur plenitudo scientiae, per quod signantur sancti Angeli, siue mentes spiritualium virorum, in quibus inuisibiliter Deus sedet, & regnat. In illis enim sedet, qui scientia eius, & dilectione pleni sunt. Nam scriptum est: Anima iusti sedes sapientiae est. Sapientia vero Dei Patris, Christus est, qui in animabus sanctorum Dei sedere dicitur.

**Descendere.** Descendere Deus in mundum dicitur, quando aliquando nouum, quod ante non fecerat, in creatura humana operatur. Sicut Filius de Patre descendisse narratur quando veram carnem ex Maria Virgine propter redemptionem nostram suscepit: & homo verus fieri dignatus est, non mutando quod erat, sed assumendo quod non erat. De cuius descensione, idest incarnatione, in Psalmo scriptum est: Inclinauit caelos, & descendit, & caligo sub pedibus eius. Caelos inclinauit, quia aduentum suum praenuntiavit, Angelos siue Prophetas misit, qui eius aduentum hominibus annuntiarent. Caligo sub pedibus eius, quia impij homines ob suam malitiam incarnatione eius agnoscere non potuerunt, nec adhuc possunt.

**Stare.** Stare Deus dicitur, cum nos infirmos, & suam creaturam ad poenitentiam & conuersionem patienter sustinet, ut est reperire in Habacuc propheta: Stetit, & mensus est terram, & dissoluit gentes, idest, stetit ad subueniendum, & dissoluit credentes in se a vinculis peccatorum.

**Transire.** Transire dicitur Deus, cum de cordibus quorundam hominum, in quibus antea per fidem continebatur, postea subrepente perfidia, vel quolibet delicto, ab eis recedit, & ad alios transit, quemadmodum de Iudaeis ad gentes, de haereticis ad catholicos. Sed & de quibuslibet irreligiosis, & negligentibus pro vitio suo recedere dicitur Deus, & ad alios transire: quod non localiter aut visibiliter, sed inuisibiliter, occulto iustoque iudicio, facere consuevit.

**Ambulare.** Ambulare dicitur Deus, non de loco ad locum transeundo, quia impium est ita credere, sed ambulatio eius est in cordibus sanctorum delectatio, sicut scriptum est: Et habitabo in eis, & ambulabo in eis. Append. ad To. 7. oper. S. Bon.

Ab eo, & ero illorum Deus. Vel certe ambulare Dei est in sanctis praedicationibus suis de loco ad locum transire.

Loqui Dei, est inuisibiliter sine sono vocis, vel quolibet strepitu, occulte in mentibus sanctorum voluntatem suam, atque rectum intellectum inspirare, siue futura sicut in sanctis Prophetis reuelare. Quae locutio Dei, ut quidam volunt, tribus modis accipitur. Primo namque modo per subiectam creaturam, sicut ad Moysen in rubo in igne apparuit, vel sicut Abraham atque Iacob, & ceteris quibus in Angelis apparuit. Secundo vero modo in somnis, sicut ad Iacob, & ad Zachariam prophetam, & ad Ioseph sponsum Mariae, & alios sanctos quibus secreta reuelare voluit. Tertio autem modo neque per creaturam visibilem, neque per hominem, sed occulta tantum inspiratione inuisibiliter corda eorum tangendo, loquentes efficit, sicut in libris Prophetarum scriptum est, cum ibi Propheta subito afflatus Spiritu sancto clamabant, dicentes: Haec dicit Dominus.

Dei videre, est acta bona approbare, sicut est reperire in Genesi, ubi dicitur: Vidit Deus cuncta quae fecerat, & erant valde bona, idest, intelligentibus bona esse demonstravit. Aliter videre Dei est, mala hominum sciendo reprobare, sicut est illud in Isaia propheta: Et vidit Deus, & apparuit malum in oculis eius. Item aliter, videre Dei est nos videntes facere, ut est reperire in Psalmo: Proba me Deus, & scito cor meum, & cetera. Modus iste locutionis in libro beati Iob similiter reperitur, ubi de sapientia Dei patris postquam in figura locutus est de Deo patre, adiunxit, Tunc vidit illam, & enarrauit, & inuestigauit, & praeparauit, idest, videntes fecit atque praedicantes, & inuestigantes, atque alij annunciantes, & cetera.

Cognoscere Dei est cognoscere facere, sicut ait ad Abraham: Nunc cognoui quod timeas Deum. Neque enim in tempore nouit, qui scit omnia antequam fiant: sed cognoscere Dei dicitur cognoscere facere, ut qui prius de se quales essent incogniti erant, per eius interrogationem & probationem, quales essent sibi metipsis, manifesti fierent. Tale est illud in lege Moyse de populo Israelitico. Tentabo eos, inquit, utrum custodiant mandatum meum, an non.

Nescire dicitur Deus, quosdam reprobos reprobare, sicut est illud in Euangelio: Nescio unde sitis. Recedite a me omnes, qui operamini iniquitatem.

Zelare dicitur Deus, cum creaturam suam non vult perire, saepe castigat, corripit, atque flagellat, & flagellando ad se reducit. Vel zelare dicitur Deus, cum nullum peccatum impunitum vult relinquere. Iustus enim est, & ideo omnis iniustitia execrabilis est illi, quam, ut dictum est, nullo modo impunitam patitur.

Iraisci dicitur Deus non animae motu, vel qualibet perturbatione, quod illi omnino accidere non potest; sed creaturae delinquenti, idest hominibus impijs, & peccatoribus iustam dicitur inferre ultionem, hoc est, reddere illis quae merentur. Et hoc est ultio diuina, iste furor eius dicitur.

Poenitere dicitur Deus, non quod more hominum de transactis operibus poeniteat. Qui enim omnia nouit antequam fiant, pro suis prauis actibus poenitere non potest. Sed poenitentia Dei est statuta mutare, & quod prius inchoatum est, in aliquid mutari, idest ex bono exigentibus culpis in malum, sicut de Saule legitur, poenituisse Deum, quod constituisset eum regem, vel sicut nunc videmus in populo Iudaeorum, qui cum esset populus Dei, ob impietatem suam factus est in Synagoga satanae. De malo vero in bonum accidit in populo gentium, qui ante non populus Dei, nunc autem per gratiam

Loqui.

Dei locutio tripliciter accepta.

Vedere. Gen. 1. d

Isa. 59. c

Psal. 138. d

Iob 28. d

Cognoscere. Gen. 22. c

Exo. 16. b

Nescire. Mat. 7. c

Zelare.

Iraisci.

Psal. 6. a  
Poenitere, & non poenitere.

1. Reg. 15. c

M m m 2 Christi

Christi populus Dei factus est. Hoc quippe modo, A occulto Dei iudicio, Iudas Dei proditor de Apostolatus gradu lapsus, in inferni barathrum demersus est. Latro vero post crimen rapacitatis, de cruce ad Paradisum translatus est. Hanc quoque mutationem de bono ad malum, sicut dictum est, de malo ad bonum, quod occulto iustoque iudicio Dei siue per seueritatem iustitiae suae, siue per misericordiam eius fiat, poenitentiam Dei dicimus. Quod expressius in libro Hieremiae prophetae scriptum est.

Non poenitere Dei, est statuta nullo modo mutare, ut est illud in Psalmo: Iuravit Dominus, & non poenitebit eum, id est Pater ad Filium, tu es sacerdos in aeternum secundum ordinem Melchisedech. Sacerdos Dei Patris dictus est Filius Dei, non secundum diuinitatem, sed secundum humanitatem, in qua se pro nobis per passionem & mortem in acceptabile sacrificium Deo Patri obtulit, ut ipse esset sacerdos qui & sacrificium.

Oblivisci dicitur Deus, cum quibusdam impijs & peccatoribus non miseretur. Quod utique non facit per crudelitatem, quae in Deo non est, sed per occultum iustumque iudicium suum.

Indurare dicitur Deus quorundam corda malorum, sicut de Pharaone rege Aegypti scriptum est; non quod omnipotens Deus per potentiam suam eorum corda induret, quod impium est ita credere; sed exigentibus eorum culpis, cum duritia cordis, quam ipsi sibi omnia mala perpetrando nutriunt, non aufertur; videtur quasi illos ipse induret, quod iusto iudicio indurati sunt.

Dormire Dei est, cum vnigenitus Filius Patris in assumpta carne, pro nobis mori dignatus est. Cuius mors recte dulcis somnus praedictus est, ipso dicente per Hieremiam prophetam, Ideo quasi de somno excitatus sum, & vidi, & somnus meus dulcis est mihi. Aliter dormire dicitur Deus, cum fides eius inter prosperitates huius mundi, & intra quorundam corda fidelium non vigilat, sed dormit. Hanc dormitionem ipse Iesus significavit, cum in mari inter fluctus maris dormiuit. Vel certe dormire, est anxius tarde subuenire, sicut est in Psalmista: Exurge, quare obdormis Domine? Vigilare Dei, est in defensionem suorum electorum, & ultionem inimicorum, se manifestum demonstrare.

## DE SEX ALIS CHERUBIM TRACTATUS QUI TAMEN AB ALIQUIBVS ALANO adscriptus fuit.

Hoc modo praeoratur Opusculum istud in omnibus impressis. Alanum autem de Insulis Ioannes Trithemius in suo de scriptoribus Ecclesiasticis catalogo, eius auctorem agnoscit, & Opusculum, De sex alis Cherubim, inscribit. Cuiuscumque vero auctoris sit continet breuem & sanam doctrinam de compunctione, confessione, satisfactione, carnis munditia, mentis puritate, Dei & proximi dilectione.



PRIMA ala est confessio. Confessio duplex est. Est enim confessio laudis, iuxta illud: Confitemini Domino, quoniam bonus; quoniam in aeternum misericordia eius. Et est confessio criminis. Vnde dicitur: Confitemini alterutrum peccata vestra.

Hae confessio peccati accusatoria manifestatio est. Hae propriae infirmitatis, & ignorantiae, & malitiae, compungente conscientia lugubris enarratio est.

Huius alae penna prima est veritas; quae omnem excludit simulationem. Vera namque non ficta; non simulata debet esse confessio.

Secunda penna integritas est; quae decurtationem excludit & diuisionem. Integra enim debet esse confessio, non decurtata, non diuisa. Decurtatio aliquid occultat, referuat enim sibi, quod poenitet peccasse, sed non omnino. Aliquid enim retinet, in quo homines delectentur. Sed infidelis impietas est, ab illo, qui iustus, & iustitia est diminutam sperare veniam, sed & vulnus vnum sufficit ad mortem. Diuisio autem omnia, sed non vni reuelat. Quidam enim sunt, ut ait beatus Augustinus, quos omnino poenitet peccasse, sed verecundia ducti, diuidunt apud se confessionem; ut diuersa diuersis sacerdotibus velint confiteri, & quae vni celant, alij manifestanda conser-

uant, quod est quodammodo laudare se, & ad hypocrisim tendere, & semper veniam carere, quam per frustra putant inuenire. Omnia igitur, & vni praesertim criminalia confessione reuelanda sunt: nec solum actiones prae, sed & circumstantiae earum, id est locus, tempus, modus, numerus, persona, & si qua sunt similia non negligenter reticenda, sed diligenter per confessionem explicanda sunt. Multa namque inter locum & locum, tempus & tempus, modum & modum, numerum & numerum, personam & personam distantia est. Consuetudinis quoque perseverantia quae ad tempus respicit, numerique multiplicatio Dei patientiam exacerbat, diuinamque in se prouocat ultionem. In persona autem sexus, aetas, scientia, conditio, necessitudo, & ordo studiose pensanda, & expresse manifestanda sunt. Qui confitetur, in singulis immoretur.

Tertia penna est firmitas, quia fortis & firma debet esse confessio. Hae firmitas decem, quae confessionem impediunt, expellit. Quae sunt illa: Pudor, timor, contemptus presbyteri, desperatio, praesumptio, peruersitas, ignorantia, obliuio, negligetia, & necessitas, quae sola excusabilis est. Pudori autem fortitudinis virtus, periculi quod immineret, nisi reuolentur peccata, necessitatem pensans, viriliter resistat. Timorem vero, quem poena iniungenda incurrit, patientiae fructus expellat. Contemptum quoque presbyteri reuerentia, veneratio & dilectio Christi vicario debita, penitus euacuet. Desperationem etiam diuinae misericordiae.

Psalm. 117. a

Iac. 5. d

Aug. lib. de vera, & falsa poenitentia. confessionem; ut diuersa diuersis sacerdotibus velint confiteri, & quae vni celant, alij manifestanda conser-

sericordiae benignitas excludat. Praesumptionem autem diuinæ iustitiæ districta seueritas extirpet. Peruersitatem vero fidei ratio exterminet. Sed & ignorantiam prouidentia deuoret, obliuionis tenebras viarum & operum studiosa perscrutatio, & in memoriam reuocatio illustret. Torporem autem & negligentiae teporem feruor spiritus euellat, & destruat. Necessitatem vero nulla omnino praeueniat negligentia.

*Pror. 3. d*  
*Iac. 4. b*  
Quarta penna est humilitas, quæ typhum superbiae excludit. Mens humilis, lingua humilis, vultus humilis debet esse confitentis. Superbis enim Dominus resistit, humilibus autem dat gratiam.

Quinta penna est simplicitas. Hæc propriam infirmitatem, propriam ignorantiam, propriam accusat malitiam, nihil defendens, nihil excusans, nihil attenuans. vera igitur, integra, firma, humilis & simplex debet esse confessio. Vera sine simulatione, integra sine diminutione, firma sine titubatione, hæsitatione, & desperatione, humilis sine iactantia, sine præsumptione, & sine alterius comparatione, simplex sine defensione, & sine excusatione. Hæc est prima alae cum pennis suis.

#### De compunctione cordis.

**C**onfessionem sequitur satisfactio, has duas alas format & creat compunctio. In omni actione poenitentiae hæc tria probantur esse necessaria, nempe, compunctio, confessio, & satisfactio. Compunctio autem turbat, confessio accusat, satisfactio confortat. Compunctio morbi occasionem inuestigat, confessio manifestat, & satisfactio curat. Compunctio mala enumerat, confessio condemnat, & satisfactio emendat. Compunctio apostema pungit, confessio saniem exprimit, & satisfactio cataplasma apponit. Compunctio vulnus inuenit, confessio aperit, satisfactio vero sanitati restituit. Compunctio autem est cordis contritio, sed quæ alligat contrita animæ amaritudo, & quæ miræ dulcedinis suauitatem generat. Scriptum est: Scindite corda vestra, & non vestimenta vestra, & alibi: In cubilibus vestris compungimini. Compunctionem duplex causa creat, timor, scilicet & spes. Timor causa inchoatiua est, spes vero consummariua. Timor, quàm mire homo a creatore suo sit conditus, quàm gratuito nutritus, quàm in substantia rectus & in conditione ditatus, ceteraq. bona, quæ conditor ei contulerit, & quæ ipse bonis ipsius mala rependerit, subtiliter enumerat. Si contra districtum est iudicium, animum turbat. Timor igitur culparum, modum & numerum examinans, iustitiæ quoque diuinæ rigorem, districtioremq. iudicii futuri attendens animum pungit, & pungendo peccatum expellit. Vnde hæc timori, virtus expulsiua; hanc præstat, & corroborat spes confortatiua.

*Psal. 30. d*  
Vanus enim timor est, quem non fiducia firmat. Timoribus Deum nihil deest. Si spes defuerit, nihil boni adest. Scriptum est: Quàm magna multitudo dulcedinis, &c. Perfecisti eis, qui sperant in te. Nulla tamen erit, nisi à spe fuerit propinata. Est igitur contritio cordis ex timore, fructus autem laboris est spes. Sed vnde spei via confortatiua? ex promissione.

*Psal. 36. a*  
*Iudith 13. c*  
*Psal. 2. c*  
*Exec. 28. g*  
*1. Cor. 4. a*  
*Psal. 129. a*  
ne diuina. Audi scripturam: Spera in Domino, & pascaris in diuitijs eius. Item, Sperabo in Domino, & ipse faciet. Item, Non deserit Dominus sperantes in se. Item, Beati omnes qui confidunt in eo. Si ergo times vt puniaris, spera in Domino vt ei reconcilieris. Si times Deum, quia potest perdere in gehennam; spera in eo, quoniam non vult mortem peccatoris. Si times, quia sapiens nouit abscondita, spera, quia illuminabit abscondita tenebrarum. Si times, quia nihil impunitum relinquit; spera, quia redimet Israel ex omnibus iniquitatibus eius. Quemadmodum igitur timor compunctionis præuenit & comi-

Append. ad To. 7. oper. S. Bon.

**A**tatur virtutem, ita spes prouehitur & ad fructum reconciliationis perducit. Per timorem ergo, compunctio suscitatur. Per spem, optatæ reconciliationis gratia meretur. Ait enim: Quacumque hora ingemuerit peccator, saluus erit. Gemitum tamen timor importat, salutem promeretur spes. Quid ergo, & vnde, & ad quid sit cordis compunctio, breuiter declaratum est.

*Exec. 33. c*

#### De secunda ala.

**S**atisfactio est iniunctæ poenitentiae expletiva ex-  
**B**scutio, vel peccatorum condigna correctio, secundum namque qualitatem delicti mensura correctionis pensanda est. Agite, inquit, fructus dignos poenitentiae. Aliud est enim ipsa poenitentia, aliud fructus poenitentiae. Sicut aliud est arbor, & aliud fructus eius, sic aliud est poenitentia, aliud fructus eius. Poenitentia est dolor præteriti, quando doles te fecisse quod malum est. Quando ergo improbas & damnas mala tua, poenitentiam habes. Si displicet tibi quod fecisti, poenitentiam agis. Poenitentia est facti improbatio, fructus poenitentiae est delicti correctio. Sed quia pro mensura delicti, correctionis mensura pensanda est, ideo fructus poenitentiae dignos facere oportet. Sed si in correctione minor est afflictio, quàm in culpa delectatio fuerit, non est dignus fructus poenitentiae tuæ. Sed dicis mihi, quomodo scire possim, quando condigna sit poenitentia mea? quia hoc scire non potes, ideo necesse habes semper poenitere. Satis facere potes, nimis facere non potes, melius est vt plus facias, quàm minus. Idcirco sollicitus esto, satage, da operam, studiū impende, vt culpa sit cum fine, deuotio sine fine; tamen vt aliquando peccatrix conscientia consoletur, positus est modus & mensura poenitentiae exterioris, vt illa expleta vel perfecta, fiduciam habere incipias, & facta quadam præsumptione in spe misericordiae, de indulgentia & remissione peccatorum confidas, & tanto verius, quanto vtique sincerius iniunctam poenitentiam expleueris.

*Mat. 3. b*  
*Luc. 3. b*

**D**icta quadam præsumptione in spe misericordiae, de indulgentia & remissione peccatorum confidas, & tanto verius, quanto vtique sincerius iniunctam poenitentiam expleueris.  
**H**uius alae penna prima est peccati abrenuntiatio, quæ claudit ianuam diabolo. Peccatis abrenuntiare, est a malo declinare. Declina, inquit, a malo vanitatis, a malo iniquitatis, a malo malignitatis, & a malo impieratis, iuxta illud Psalmi: Non sedi cum concilio vanitatis, & cum iniqua, &c. Odiui ecclesiam malignantium, &c. Hæc quattuor vitia quattuor generant affectiones, scilicet amorem sui, amorem mundi, fratrum odium, & remissum amorem Dei. Prima affectio vanitatem, secunda iniquitatem, tertia malignitatem, quarta vero generat impietatem. Vanitas in se reciprocatur. Iniquitas reflectitur in proximum: Malignitas in fratrem extorquetur. Impietas in Deum extenditur. Vanus & vecors est, qui querit quæ sua sunt; iniquus, vt in multitudine diuitiarum suarum gloriatur, & avaritiæ saccum impleat, quæ proximorum sunt, vt & dolo sibi abstulerit vel acquisiuerit. Malignus, qui etiam cum non possit nocere, cupit. Impius, qui Deum vel non credit, vel si credit contemnit.

*Psal. 36. c*  
*Psal. 25. b*

**F** Secunda penna est lacrymarum effusio: hæc peccatorum vulnera lauat & mundificat.  
Tertia penna est carnis maceratio: hæc vulnerum loca tergit & siccatur.  
Quarta penna est eleemosynarum largitio: hæc alligat contrita, fracta consolidat, & omnia sanat.  
Quinta penna est orationis deuotio: hæc sanat & conseruat.

#### De tertia ala.

**T**ertia ala est carnis munditia. Caro munda est, quæ non coinquinat luxuria. Luxuria omnium virtutum eradicat germina.

M m m 3 Huius

Huius alae penna prima est visus pudicitia, hæc petulantiam excludit, hæc circumdat oculum, ne concupiscat alienum, ne videat ad concupiscendum mulierem. Cuius ergo erga feminarum formas lascivus & curiosus oberrat aspectus, iste & mente est impudicus.

Penna secunda est auditus castimonia. Castæ sunt aures, quæ voces non recipiunt obrectantis, maledicti, & blasphemii verba non audiunt, falsis criminatibus, mendacio, irritationi, impudicis canticis, & dextralibus non patent, obturantur, & clausæ sunt, ne iudicium sanguinis audiant. Nihil obscænum recipiunt, sed ab omni cæno corruptionis avertæ sunt.

Tertia penna est olfactus modestia. Si qui odorem caput bonum, & operibus misericordiæ suavitatis odorem requirit, huius modesta est odoratio. Qui vero primis vnguents delibutus incedit, huius odoratus non virtutis sed fœtoris spirat odorem. Huius enim suavitatis odor immanissimi vitij fœtor est.

*Phil. 3. d* Quarta penna est gustus temperantia, hæc gulæ & ebrietatis subruit immoderantiam. Vt illis, quorum Deus venter est, & gloria in confusione eorum, qui terrena sapiunt, &c. Vnde Gregorius: Dum venter a satietate non restringitur per concupiscentiam carnis, simul omnes virtutes obruuntur. Vnde legitur,

*4. Re. 25. c*

*secundū Gra*

*cā editionē*

*Luc. 21. g*

quia princeps cocorum destruxit muros Hierusalem. Muros Hierusalem princeps cocorum destruxit, quia animæ virtutes dum ventri indulgetur, periclitantur. De crapula & ebrietate Dominus ait: Videte, ne forte grauentur corda vestra in crapula & ebrietate, & superueniat in vos dies repentina. Ebrietas est parens litium, furoris mater, & petulantia deformis est magistra. Hanc qui habet se non habet, hanc qui habet, homo non est, hanc qui habet peccatum non fugit, sed ipse est peccatum. Ebrietas est dæmon blandus, venenum dulce, rabies voluntaria, illecebrosa honestatis iniuria. hanc nullus nouerit Christianus.

Quinta penna est tactus sanctimonia, peccatiordes ne contrectet manus Christiani, nihil immundum tangat caro eius si tetigerit. Si singula quæque membra in officiis mandatorum Dei deseruiant, munda dicenda sunt. Si vero ultra præscriptas, siue diuinitus datas luxuriant leges, immunda dicenda sunt vel reputanda, & hæc pudenda sunt. Et hoc puto esse, quod Apostolus dicit: Sicut enim exhibuistis membra vestra seruire iniquitati ad iniquitatem, ita nunc exhibete membra vestra seruire iustitiæ in sanctificationem. Sit ergo oculus pudicus, auris casta, odor modestus, gustus sobrius, & tactus sanctus, &c.

*Rom. 6. c*

#### De quarta ala.

**A** La quarta est puritas mentis. Huius alae pennæ prima est affectus sinceri rectitudo. Affectus desiderij tui sit rectus, & sit sincerus. Rectus erit, si id appetas, quod appetere debes: sincerus vero, si eo modo quo honestatis virtus suadet. Amnon sororem suam dilexit. Affectus amoris rectus fuit; sed quia non eo modo quo debuit sororem dilexit, ideo affectus iste sincerus non fuit.

Penna secunda est mentis in Domino delectatio. Scriptum est: Delectare in Domino, & dabit tibi petitiones cordis tui. Hanc pennam creat & format virtus contemplationis. De hac Dominus dicit: Maria optimam partem elegit, &c.

Tertia penna, est munda & ordinata cogitatio. Nihil immundum mens concipiat, sed & mundam conceptionem loco & tempori accommodet discretio.

Quarta penna, est voluntatis sanctitudo. Angeli pacem de cælo detulerunt hominibus bonæ voluntatis. Non est pax impijs, dicit Dominus. Pax multo diligentibus legem tuam, & non est, &c. O quam desiderabile est nomen pacis, quam firmat religionis

*Isa. 48. d*  
*Psal. 118. x*

**A** Christianæ stabile fundamentum. Bene autem cum diceretur, Gloria in excelsis Deo, adiunctum est: Et in terra pax hominibus bonæ voluntatis; quia cum illis Angeli societatem habere festinant, quorum mentibus puritatem bonæ voluntatis inesse considerant. Illos secum post absolutionem carnis, ad contemplationem veræ pacis subuehere lætantur, quos in carne commorantes, omnia quæ agunt aut loquuntur de radice bonæ voluntatis proferre conspiciunt. Tales namque & si infirmitas forte aliquando vel ignorantia, a perficienda bona operatione quam cupiunt, retardant; tamen ante summi arbitri oculos, integritas quam vel corde vel mente tenet bona voluntas, eos excusat.

**B** Quinta penna est simplex & pura intentio. De hac Dominus dicit: Si oculus tuus non fuerit simplex, totum corpus tuum tenebrosum erit. Per oculum intentionem, per corpus signat actionem. Locus enim iste Euangelij sic intelligendus est, ut nouerimus, omnia opera nostra non esse munda & placere in conspectu Dei, nisi fiant simplici corde, id est intentione superna, siue oculo charitatis, quia plenitudo legis charitas. Oculum igitur debemus hic accipere ipsam intentionem, qua facimus quicquid facimus, quæ si simplex & pura fuerit, & illud aspiciens quod aspiciendum est, omnia opera nostra, quæ secundum eam operamur, necesse est ut bona sint. Quæ opera omnia totum corpus appellauit, quia Apostolus dicit, membra, quædam opera quæ improbat, & mortificanda præcipit. Mortificate ergo membra vestra, quæ sunt super terram, fornicationem, immunditiæ, auaritiæ, & cetera talia mala. Non ergo quid quisque faciat, sed quo animo faciat, considerandum est. Fructus enim operis torus consistit in simplicitate intentionis. Quidquid igitur gerendum esse cogitatio nostra suggererit, omni scrupulo retractantes, atque in nostri pectoris trutina collocantes, æque libratione iustissima perpendamus, an plenum sit honestate communi, an Dei timore sit graue, an integrum sensu, an humana ostentatione, an aliqua voluntatis presumptione sit leue, an meriti eius pondus inanis cenodoxia non imminuerit, vel arriiserit, gloria, & sic ad examen publicum trutinantes, id est, ad prophetarum & Apostolorum actus, & testimonia conferentes, vel tamquam integra atque perfecta, & illis compescenda teneamus, vel tamquam imperfecta atque damnosa, nec illorum ponderi consonantia omni cautione atque diligentia refutemus.

*Luc. 2. b*

*Mat. 6. c*

*Rom. 13. o*

*Coloss. 3. a*

#### De quinta ala.

**Q**uinta ala dilectio proximi est. Huius pennæ prima est, nulli nocere verbo, vel opere. De qua scriptum est: Quod non vis tibi fieri, ne facias alteri. Hanc pennam format virtus innocentia. Innocens est, qui etiam cum possit, nulli vult nocere. Quis ascendit, inquit, in montem Domini? Innocens manibus. Quis innocens manibus? Qui non fecit proximo suo malum. Ad nihilum deductus est in conspectu eius malignus. Quis est iste malignus, nisi diabolus? Qui nulli vult nocere, tempore excluso motum primum sentit amoris.

Penna secunda est, omnibus prodesse verbo vel opere. Frater fratrem adiuuans, ciuitas munita, & fortis. Hanc pennam suscitatur, & prouehit in culmen perfectionis, quæ nulli nescit condescendere virtus misericordiæ. Beati, inquit, misericordes, qui omnibus studet prodesse, viuum calorem veri spirat amoris.

Tertia penna est, rerum propter amicum consumpturum detrimenta non tantum non desistere, sed libertatis fortitudine non sentire; de beneficiorum in visus fratrum collatorum magnitudine semper gaudere in corde. Qui sentit, computator est, non largitor. Qui non gaudet, dolet. De hac penna scriptum est:

*Prov. 18. c*

*Mat. 5. a*

*Prou. 12. d* est: Qui negligit damnum propter amicum iustus A  
est, iter autem auari decipiet eum.

Quarta penna est, animā pro fratre ponere. Quid  
est animam ponere pro fratre? pro temporali etiam  
proximi salute propriam voluntatem deferere, & in  
articulo necessitatis pro æterna salute fratris mortis  
*Joan. 15. b* discrimina lubenter subire. De hac scriptum est; Ma-  
iorem hac dilectionem nemo habet, quā ut animā  
suam ponat quis pro amicis suis. Maior non ebulli-  
ret feruor amoris.

Quinta penna est in his perseverare. hanc perficit  
virtus perseverantiæ. finis non pugna coronat. Qui  
perseverat, cessare nescit.

#### De sexta ala.

Sexta ala est dilectio Dei. Hæc, ut alia, quinque  
pennas habet.

Primam harum habet qui aliud quā Deum non  
concupiscit. Hæc est mobile huius amoris.

Secundam pennam habet, qui propter Deum sua

distribuit, qui partem retinet partem vero tribuit.  
Hæc est calidum huius amoris.

Tertiam pennam habet, qui propter Domini amo-  
rem nihil sibi reservat, sed omnia relinquit. Hæc est  
acutum huius amoris.

Quartam pennam habet, qui propter Deum seip-  
sum abnegat. Seipsum abnegat, qui suam deserit,  
ut Domini solam faciat voluntatem. Hæc est ferui-  
dum huius amoris.

Quintam habet pennam, qui in his perseverat.  
Qui perseveraverit, inquit, usque in finem, hic saluus  
erit. Hæc est incessabile huius amoris. Hæc sunt

B alæ de quibus Psalmista ait: Sub umbra alarum tua-  
rum protege me, a facie impiorum qui me affixe-  
runt. Item: In umbra alarum tuarum sperabo, do-  
nec transeat iniquitas. Hæc sunt penne de quibus idē

Psalmista ait: Quis dabit mihi pennas sicut colum-  
bæ, & requiescam. Volabo, inquit, terrena deserens,  
cælestia appetens; & requiescam, vera libertate, æter-  
naque fruens beatitudine. Amen.

*Mat. 10. e*

*Psal. 16. b*

*Psal. 56. a*

*Psal. 54. b*

## S. BONAVENTURAE EXIMII ECCLESIAE DOCTORIS

### Opusculum,

### DE MODO CONFITENDI, & de puritate conscientiae.

*Tractatus iste de puritate conscientiae inter Opuscula Sancti Bonaventurae impressus fuit Argentina anno Domini  
M. CCCC. XCV. & etiam in editione Veneta anno M. CIO. LXXIV. Sed in Opusculis quoque S. Thomae re-  
censetur in editione Romana sub Pio Quinto Pontifice; & Ioannes Trithemius sanctum Thomam Aquinensem eius  
auctorem agnoscit. Verum Ioannes Gerso Parisiensis Cancellarius pri. parte Opusculi in Opusculo de pallutio-  
ne diurna propositione 12. in fine S. Bonaventurae tribuit, his verbis: Item tractatus, quem ascribunt aliqui  
S. Thomae: sed magis apparet ex stylo, & materia, quod sit Bonaventurae. Qui incipit: Quoniam funda-  
mentum, & ianua. Et est valde utilis. Hæc Gerso. Cuiusvisque autem opus sit, legitima confessionis conditio-  
nes continet docte & brevis expressas; necnon quomodo conscientia puritas servetur.*



QVONIAM fundamentum,  
& ianua virtutum, omnisq.  
gratiæ ac spiritualis conso-  
lationis principium est con-  
scientiæ puritas, ac cordis  
munditia; ad quam princi-  
paliter, & præcipue, per pu-  
ram, & veram, ac integram  
& perfectam confessionem  
peccatorum acceditur: no-

bis qui vocati sumus ad statum gratiæ, & ad acqui-  
rendas virtutes, ac vitanda vitia de sufficienti confes-  
sione, ac modo confitendi, ut decet viros ad statum  
perfectionis electos, cum summa diligentia, & solli-  
citudine continua, præ ceteris mortalibus principa-  
liter est videndum.

*Quod plena pura, & integra debeat esse confes-  
sio. Cap. I.*

ESt igitur primo videndum, quod confessio de-  
bet esse pura, quia peccata debent simpliciter di-  
ci absque duplicitate, & excusatione, sicut homo cre-  
dit ea manifesta esse coram Deo: nec debent verba  
dici palliantia, aut cooperientia, vel minuenda pec-

catum, sicut faciunt multi magnas phylacterias, & hi-  
storias longas dicentes antequam peccatum explicent,  
ut sic per illas ostendant se minus culpabiles de pec-  
cato: quod quidem peccatum in fine illorum verbo-  
rum superfluum excludant. Vitanda sunt igitur  
superflua, & excusatoria verba: sed pure dic pecca-  
ta tua, & simpliciter te accusa. Similiter non debet  
dici, quod cadat in infamiam alicuius, aut quod pos-  
sit præbere confessori occasionemurbationis contra  
aliquem, aut materiam contemnendi. Vnde si expe-  
diret nominare peccata alicuius confitendo propria,  
tunc taliter explicentur, quod confessor nullo modo  
possit intelligere personam, cum qua peccasti, nec  
possit venire in notitiam complicitis in peccato. Sicut  
si dedisti Petro occasionem peccandi, cum peccavit,  
non debes nominare ipsum: sed sufficit tibi dicere:  
Fui causa committendi peccatum tale cuidam persone.

Confessio debet esse vera, ita quod nulla falsitas di-  
catur scienter, nec aliquod dubium affirmetur: sed  
certa, ut certa, dubia, ut dubia sunt dicenda. Et ideo  
cum confiteris, non dicas: Dico culpam meam, si  
feci tale quid, aut si dedi materiamurbationis tali,  
aut fecissem tale peccatum si posuissem: sed dic sim-  
pliciter: Feci sic, & sic, & appetui sic, & sic, & ha-  
bui voluntatem deliberatam faciendi tale peccatum,  
& non

Vera.



& non dimisi, nisi quia non potui, vel quia nesciui, A  
vel quia timui verecundiam, aut poenam temporalem.

Sunt tamen quidam qui nescientes, aut verecundantes, aut non curantes specificare peccata; aperte mentiuntur in confessione, quam faciunt, dicendo quaedam ad quamdam cautelam, quibus comprehendunt peccata omnia, quae fecerunt. Dicunt enim: Dico culpam meam de quinque sensibus meis male custoditis, scilicet visu, auditu, gustu, &c. & tamen si interrogarentur de quolibet per se inuenirentur non in quolibet offendisse praemissorum, maxime postquam confessi fuerint. Et sic dicunt etiam de septem vitijs capitalibus, cum tamen non offenderint in omnibus, sicut sonant verba eorum. Talis ergo modus, maxime ab his, qui saepe confitentur, est vitandus, sed dicant vera, & necessaria, & dimittant falsa, & superflua.

Similiter ante confessionem diligenter seipsos examinent, & dicant primo omnia vitiosa, & graua, quae pro certo nouerint fecisse, ita quod sub humilitatis specie, aut causa quacumque nullatenus mentiantur. Sed postea possunt dicere generalia, & leuia, quae non possunt specialiter explicare, sicut sunt cogitationes otiosae, verba otiosa, negligentia, pigritia circa orationem, amissio temporis, distractio cordis in dicendo horas, vel orando, ingratitudo beneficiorum Dei, superflua cura de corpore, & de rebus temporalibus,urbationes leues contra proximum, iudicium leue alieni cordis, despectio proximi quo ad personam, mores, siue vitam, non contentari de omnibus, quae Deus fecit, aut facit, aut fieri permittit, & his similia: quae cum sint inuitabilia, ab anima infirma non possunt in numero declarari, sed potius expedit ea quotidie delere cum lacrymis, aut per ipsa infirmitatem animae recognoscere, & in humilitate debita permanere.

Integra.

Confessio debet esse integra, vt omnia peccata, quae habes in memoria, aut quae oblitus fueras confiteri, & modo recordaris integre confitearis: nec dicas partem vni confessori, & partem alteri, quia nullo modo debes diuidere confessionem. Hoc faciunt illi, qui timent despici a confessore, vel reputari minus boni, plus timentes humanam verecundiam, quam diuinam offensam, & plus amantes laudem extrinsecam, quam intrinsecam pacem mentis, & conscientiae puritatem. Similiter si oblitus es, quando confiteris aliqua peccata, & postea die sequenti, vel alia recordaris, si potes debes recurrere ad eundem confessorem, vt confitearis si potes habere copiam, aut ad alium, alioquin sufficit tibi bona voluntas. Quod si non ex obliuione, sed ex malitia, ac verecundia, oblitus es, vel omisisti confiteri aliquod peccatum, teneris recurrere ad primum confessorem. Et si vis recurrere ad alium, teneris confiteri omnia peccata prius confessa, & illud quod prius omiseras, & omnia, quae postea commisisti a prima confessione facta, & teneris confiteri de mendacio, aut simulatione quam commisisti: quia dedisti intelligere confessori tuo, quod primo integre confessus fuisti.

#### De peccatorum circumstantijs. Cap. II.

Confessio debet esse plena.  
Locus.

Item confessio debet esse plena, quia debet continere circumstantias aggrauantes peccata, quae sunt locus in quo peccas, quia grauius est peccare in Ecclesia, aut in loco sacro, quam in domo, & grauius est cogitare aliquod inhonestum, quando dicis Missam, vel officium, vel quando oras, quam quando scribis. Et grauius est respicere, vel tangere animo impudico corpus hominis sub pannis, quam manum, vel pedem, quia magis libidinosa delectatio est ibi, & sic facias differentiam inter locum, & locum.

Tempus.

Tempus, in quo peccas, quia grauius est cauere a Missa, vel ovari in die Dominico, vel festo sollempni,

quam in die alio simplici. Et grauius est quodcumque peccatum in magna sollempnitate, quam alio tempore. Et grauius est non vacare orationi, vel esse dissolutum in lingua, vel relaxatum in gula, quando homo debet communicare, & die quo homo communicat, quam in alio tempore.

Grauius est dicere, & facere aliquod coram eo, qui potest ex hoc sumere occasionem peccandi, quam illud dicere, & facere occulte. Et grauius est simulare se esse patientem, habendo iram in corde, quam ostendere se esse turbatum, sicut est, non dando tamen alicui per hocurbationis, vel mali exempli occasionem, vt dicit Gregorius. Et ideo non sufficit dicere: Fui iratus de verbo mihi dicto. sed debet dicere, & addere: Simulaui me esse patientem in verbis, & signis exterioribus, vt reputarer humilis, vbi eram superbus, ita quod cum illa simulatione, addidi mendacium ad iram, quam occultavi. Adhuc grauius est tangere Bertam osculando, quam ipsam in eodem loco tangere cum pede: quia iste modus tangendi est magis impudicus. Vnde non sufficit dicere: Tetigi Bertam impudice, sed oportet dicere locum corporis quem tetigisti, scilicet manum, vel pedem, supra pannos, vel ad nudum, & dicas modum, scilicet cum ore, manu, vel cum pede, & cetera.

Quoniam ibi maius est peccatum, vbi maior mora trahitur, siue sit delectatio corporalis, siue mentalis, siue iram, siue odium teneas per mensem, aut annum. Et diligenter est mora examinanda in peccato cogitationis, quia videndum est, si in ipsa mora, ratio succumbat sensualitati, consentiendo in opus voluntate deliberata si posset, & tunc non est minor culpa, quam si peccatum opere perfecisset, quia sic voluntas pro facto reputatur. Si autem succumbat ratio consentiendo in delectatione sensualitati tantum, ita quod non vult in opus procedere, sed vult tantum intersus in delectatione voluptuarii, tunc licet ibi non sit plenus consensus, tamen est ibi peccatum mortale, sicut dicit Augustinus, sed est minus graue, quam primum, vbi est consensus in delectationem, & in opus. Si vero in neutrum consentit, sed ibi facit moram inuite, quia scilicet nesciuit, vel non potest expellere, tunc dicat occasionem datam. Quamuis hac sententia satis dura locum habeat in peccatis carnalibus, potest etiam notari in homicidio, & in alijs multis peccatis. Quidquid autem sit, expedit conscientiae munda facere praedictam examinationem in quibuscumque cogitationibus vitiosis, morose multum, & protrahis.

Nam grauius est facere quodcumque peccatum corde, aut aliquo sensu corporis bis quam semel. Et ideo si potes recordari, debes specificare vices cogitationum malarum, aut motus libidinosos in carne, & voluntatem faciendi aliquod peccatum, aut quotiens iterasti respicere in faciem alicuius, propter delectationem visus, aut quotiens turbasti aliquem, aut murmurasti, & sic de alijs. Quod si non es memor de numero, dic bona fide, secundum quod iudicas te totiens iterasse peccata. Et attende quod cogitationes leues, & leuia verba non sunt numeranda explicanda: nisi essent occasiones alicuius grauis peccati, vel vitij, aut essent de se in aliquo genere septem vitiorum capitalium. Si tamen propter aliquam cogitationem leuem haberes nimis longam distractionem mentis in oratione, vel psalmodia, credo quod bonum esset explicare si esses memor propter magnum dispendium quod facit. Si etiam propter aliquod verbum solatiofum, vel leue aliquem turbaueris, aut oriretur aliqua mala suspitio, aut aliquod malum, tunc debet specificari, propter malum ipsius effectus, sic quod talia otiosa, & leuia sunt specificanda, quando propter ea incurritur aliquod grave vitium, vel delictum, aut datur alicui materia peccandi. Sufficit ergo dicere simul omnes distractiones mentis habitas in

tas in oratione, & in officio propter cogitationes le-  
tēs; sic dicendo: Dico meam culpam de nimia distra-  
ctione, & mentis vagatione, quam habui in oratio-  
ne, audiendo Missam, & dicendo horas, propter co-  
gitationes inutiles, & otiosas, in quibus cor meum  
nimis occupavi, sic quod ibi non fui intentus, ut de-  
bui & potui. Cogitationes autem vitiosas procurat,  
& cum delectatione receptas, omnes sunt explicandae  
quantum potest homo, quantum ad qualitatem, mo-  
ram, & vices, ut supra dictum est. Cogitationes vero  
quantumcumque malae & vitiosae, quae non sunt stu-  
diose procuratae, nec cum delectatione receptae, nec  
cum mora servata in corde, nec dedisti occasionem  
veniendi propter cibi, & potus intemperantiam, aut  
propter occasionem, sed subito venerunt, & recesserunt,  
& displicentiam habuisti in illis, & statim quan-  
do sensisti, ut potuisti, expulisti, aut expellere pro-  
curasti, occupando te in lectione, aut in meditatione  
sancta, tales dico non sunt confitendae, quia non so-  
lum in istis homo non offendit, sed multum mere-  
tur, tamquam pugil, pugnator, & victor. Vnde Hiero-  
nymus: Ille praedicatur beatus, qui statim, ut coepit co-  
gitare, cogitatus interficit, & allidit ad petram Chri-  
stum. Sed hodie quidam tales cogitationes confiten-  
tur potius ad laudem, & vanam gloriam, ut confes-  
sor reputet ipsos spirituales. Cum tamen talia essent  
occultanda, & etiam in confessione tacenda, quia so-  
lum confitens debet se ostendere simpliciter pecca-  
torem. Vnde tales sunt thesauri Dei latrones, quia  
vanæ gloriæ appetitores. Et ideo poena latronum sunt  
punienti. Nam de talibus cogitationibus quibus sic  
reficitur, dicit Apostolus, quod Deus facit cum tenta-  
tione prouentum. Quod dicit, quia homo talibus  
resistendo meretur, & ideo intelligo, quod digni sunt  
suspendio, quia sub specie charitatis, aut petendi con-  
siliij, aut alterius causae coloratae, quae soli Deo sunt  
aperta manifestant, & aperiunt malitiose, & sub dolo.

1. Cor. 10. 6

## De motu vanæ gloriæ. Cap. III.

Peccatum  
vanæ gloriæ  
caute confi-  
tendum.

**Q**uia grauius est habere vanam gloriam de gratia  
spirituali a Deo recepta, quam de opere ho-  
minis manuali. Vnde confiteri habes de vanæ  
gloriæ, aut spirituali, aut corporali. Et grauius est  
dolere de bono spirituali alterius, quam de bono cor-  
porali ipsius, quia primus dolor est de inuidia frater-  
næ gratiæ, quæ est peccatum in Spiritum sanctum,  
quod est irremissibile. Secundus dolor ex simplici  
procedit inuidia, & ideo non sufficit dicere: Dolui  
de bono alterius propter inuidiam: sed debes speci-  
ficare si de bono spirituali, vel temporali. Et eadem  
ratione, grauius est gaudere de spirituali damno pro-  
ximi, sicut de peccato quod fecit, aut de ipsius infam-  
ia, aut quia amisit Dei gratiam, quam habebat,  
quam gaudere de temporali damno hominis. Cauendi  
tamen est, qualiter confitearis peccatum prædi-  
ctum vanæ gloriæ de gratia spirituali, ne forte incur-  
ras maiorem gloriam vanam, in confitendo primum  
defectum. Nam dando intelligere confessori, quod  
habuisti vanam gloriam, quia fuisti visus orare, vel  
in Missa plorare, vel laudatus, quod bene prædica-  
ueras, ex hoc potes incurrere vanam gloriam, siue  
peccatum vanæ gloriæ, quod confessor ex hoc te re-  
putet spirituale. Debes igitur caute explicare tuo  
confessori, gratiam tibi a Deo datam in oratione, la-  
crymis & huiusmodi. potes tamen dicere: Dum di-  
cerem, vel audirem Missam, vel prædicare, feci actum  
aliquem, propter quem personæ aliquæ me videntes,  
cogitauit, quod crederent me habere aliquam spiri-  
tualem gratiam. Et quia in ipsa cogitatione habui  
complacentiam, & consensum, nec dolui, ideo me  
accuso. vel sic: Appetiui quod aliqui crederent me  
habere, cum non haberem, & ad hoc credendum,  
feci aliquos actus simulatorie. Et idem intelligas de

**A** alijs peccatis. Similiter caute confitearis vanam glo-  
riam, quam habuisti exercendo aliquos actus virtuo-  
sos. Sufficit enim tibi non explicando dicere: Feci  
aliquem actum, propter quem appetui non tantum  
laudem Dei, sed potius hominum, quia non solum  
volui reputari ab illo cui feci, vel dixi quoddam bo-  
num, sed ut alijs publicaretur. Et nota quod cogita-  
tiones de vana gloria non sunt confitendae, nisi quan-  
do est ibi complacentia, & consensus, & delectatio  
morosa. Si autem statim quando veniunt, cognoscis  
ea non debere venire, & ex hoc statim displicet tibi  
quod veniunt, ac per hoc statim recurris ad Deum,  
ut eas expellat, aut saltem te consentire non sinat, sis  
certus, quod in eis non peccas, sed potius per eas co-  
ronam acquiris. Dic ergo statim in corde tuo, quan-  
do sentis eas: Deus in adiutorium meum intende.  
vel, Domine vim patior, responde pro me. Et ca-  
ueas ne propter huiusmodi tempestuosas cogita-  
tiones, dimittas aliquod bonum incipere, vel inceptum  
continuuare, ex quo principale motuum est bonum,  
sicut hodie multi faciunt, credentes spiritui diffiden-  
tiae, qui facit eos credere, quod perdunt quicquid  
agunt, quia in bonis actibus suis, cogitationes vani-  
tatis contrahunt. Respondeas ergo tali spiritui: Nec  
propter te facio, nec volo facere illud bonum, nec  
propter te dimittam. Vnde quantumcumque habeas  
in istis cogitationibus aliquando complacentiam, &  
consensum, doleas & pure confitearis, nec propter  
hoc cesses a bono, propter Deum principaliter incepto,  
sed pugna viriliter, & constanter Deum orando,  
ut custodiat suum opus. Si autem esses naturaliter  
passionatus, & stimulatus de vana gloria, sicut sunt  
quidam qui nihil boni quasi faciunt, aut dicunt sine  
ea. Tunc consulo tibi, ut non delecteris in loquen-  
do multum de Deo, aut vita spirituali, docendo alios  
sub specie charitatis, quia pro certo, sub hoc velo  
charitatis latet dulce venenum, sed puto esse secu-  
rius, & magis expediens, humiliare se, & silere a bo-  
nis, ne forte curando infirmeris: quia mens tua ad-  
huc eget custodia. Et frenum est necessarium lingue  
tuae, donec illa pestis in corde fluctuare non cesset,  
alioquin, sicut dixi, saluando, aut sanando alios, tuam  
destruis sanitatem. Experto crede. Nam docere &  
curare alios, est cibus perfectorum. Si vero necessi-  
tas inuitabilis, vel magna, & rationabilis congruen-  
tia loquendi occurrat, tunc loquendum est taliter,  
quod ita te sicut & alios videaris arguere, & docere.  
Et quia ibi etiam non deerit spiritus vanæ gloriæ cupiens  
quod per hunc modum loquendi, reputeris hu-  
milis, & discretus. Si etiam occurrit tibi vana gloria  
quando tacebis, vel quando de locutione te humili-  
ter excusabis, nescio tibi aliud remedium, nisi con-  
fessionem puram, & lacrymas adhibere, contra hanc  
maledictam pestilentiam. Est autem valde timen-  
dum, ne timore despectionis humanæ totiens hoc vi-  
tium confiteri negligas, quotiens te ab ipso noueris  
superari. Nec ut minus verecunderis, mutes sæpius  
confessorem, immo ut plus confundaris, studeas  
eidem sæpius, & clarius solito confiteri. Sic enim  
virtute humilis confessionis spiritus ille citius expel-  
letur, & si etiam tuæ confessioni se ingerat, ita ut de  
humili, & pura confessione appetas commendari.  
Certe si te senseris vulneratum, non timeas in fine  
confessionis detegere ipsum vulnus. Est enim scien-  
dum, quod grauius est esse inobedientem, aut irre-  
uerentem patri, vel matri propriæ, quam illi cui non  
sic teneris obedientiam, vel reuerentiam exhibere.  
Et grauius est turbare unum sanctum hominem, aut  
deridere ipsum quam unum hominem vitiosum. Et  
grauius est, prouocare unam personam religiosam ad  
aliquod peccatum, quod est contra professionem eius,  
quam unam personam secularem inducere ad idem  
peccatum. Et grauius est, inspicere impudice unam  
iuuenem, & religiosam mulierem quam secularem.

Nota.  
Psalm. 69. a  
Ipsa. 38. c

Nota.

Secun-

Secundum beatum Gregorium: Non licet intueri quod non licet concupisci. Et ideo dico esse grauius illud vitiose respicere, quod est grauius concupiscere vitiose. Hoc idem intelligo de tactu, & quocumque actu, & verbo impudico. De conditione personæ, cum qua peccasti sufficit exemplum iam dictum. Non sis ergo contentus dicere: Non bene custodiui visum meum, aut dicere: Iteraui pluries aspectum in faciem alicuius personæ, cum complacentia, & imaginatione impudica, sed dic qualitatem, & conditionem personæ. Et si de visu expedit sic dicere, multo magis de verbo impudico dante prouocationem ad peccatum, & de tactu, aut commotione carnis libidinosa habita ex allocutione, vel appropinquatione ad corpus alicuius.

*De intentione habita in peccatis. Cap. IV.*

Intētio praua confitenda.

**G**rauius est facere quodcumque peccatum, cum intentione prouocandi aliquem ad simile, aut ad aliquod peccatum, quàm ad satisfaciendum sibi ipsi tantum, ut si noueris defectum alicuius, facias ipsum despici, aut minus reputari propter inuidiam tuam, vel aliam malitiam, aut si fecisti aliquem actum, cum oculis, aut cum manibus versus aliquam personam, ut prouocares eam ad malum, & sic de alijs peccatis studiose, non tantum in damnum facientis, sed etiam in proximi detrimentum, quæ quidem peccata non sufficit confiteri, nisi explicentur intentiones malitiosæ. Tales recte assimilantur dæmonibus, & sunt inimici crucis Christi, quia student animas perdere pro quarum salute Christus sanguinem suum effudit. Item descensus de peccato in peccatum est diligenter persequendus. Non est ita graue vnum peccatum simpliciter, sicut est illud, cuius occasione plura alia peccata sunt commissa. Vnde si studiose fecisti aliquem defectum tali modo quod alius fuit culpatus de hoc, & non excusasti innocentem, sed permisisti eum iniuste pati. Vel si pro defensione vnius mendacij protulisti verba iniuriosa, aut incurristi plura mendacia, aut pro excusatione vnius mendacij, vel peccati commisisti periurium, & ob hoc fuit suspicio de alio, vel facta iniusta punitio super aliquem, aut ortum est odium, aut aliqua turbatio inter aliquos. Omnia hæc, & consimilia, quæ ex primo peccato sunt consecuta, debent cum primo peccato principali plenius explicari.

*De peccati occasione. Cap. V.*

Occasiones peccati explicare oportet.

Gen. 3. b

Iac. 1. c

**S**imiliter de plenitudine confessionis est dicere, non solum circumstantias prædictas, vel similes, sed etiam occasiones, & causas peccatorum, propter quas incurristi ipsa peccata, videlicet, quia neglexisti ea vitare sicut potuisti, & sciuisti. Huiusmodi autem causas sunt taliter dicendæ, quod te cum ipsis accuses, & non excuses, sicut quidam faciunt, imponentes culpam diabolo, sicut Eua quæ dixit: Serpens decepit me. Dicunt enim, Tantum me tentauit de tali peccato, quod oportuit me consentire, nec potui me defendere vlllo modo. Sed illa non est confessio, nec expressio causæ peccati, immo est excusatio tui, & accusatio diaboli, qui forte non est culpabilis ibi. Non enim omne peccatum fit semper ex suggestionem diaboli, nec omnis tentatio est a dæmone, sed secundum beatum Iacobum: Vnusquisque tentatur a concupiscentia sua, abstractus, & illectus. Multi ergo mentiuntur dicentes: Dæmon seduxit me ad tale peccatum, quod sibi consensit, quia sola sua concupiscentia tentatus cecidit. Et ideo debet dicere: Cum sentirem me stimulari ad tale peccatum perpetrandum, fui negligens in euitando occasiones me incitantes ad hoc, scilicet locum, tempus, & personam, & fui negligens in adiuuando me cum ieiunio, cum oratione,

& alijs necessarijs, sicut sciui, & potui. Vnde propter negligentiam, & malitiam meam commisi ipsum peccatum, potius eligens seruire diabolo, superbiæ, & carni meæ hoc suggerenti, quam Spiritui sancto inspiranti mihi, quod illud non facerem. Reliqui vero imponunt culpam proximo, sicut fecit Adam, qui dixit Deo: Mulier quam dedisti mihi sociam, dedit mihi de ligno, & comedi. Dicunt enim: Quædam persona tantum institit me rogando, & blandiendo, & aliqua dona dando, quod nullus de mundo potuisset se defendere; sic quod oportuit me finaliter consentire. aliqui dicunt: Quidam dixit mihi tantum malum de quodam, quod fecit me murmurare de illo, & illum despiciere. Sed hæc est vitiosa confessio. Dic ergo sic de primo: Dum viderem expresse, quod locutio, & cōuersatio cum quadam persona esset mihi inutilis, & periculosa, & sentirem affectum cordis mei ad ipsam personam, aut ipsius ad me non esse purum, nec secundum Deum, sed potius secundum carnem, & in aspectu, & præsentia eiusdem haberem nimiam complacentiam sensualem, & ex hoc semper haberem imaginationes impudicas de illa, cum libidinosis motibus carnis, ita quod propter hæc debebam fugere ipsam, nihilominus fui securus voluptatem carnis, intantum quod ad tale peccatum deueni cum ea, vnde me, & ipsam illaqueaui. De secundo dic sic: Audiens dici aliqua mala de quadam persona, facilius ea credidi, quàm credidissem bona si audiuissem, propter leuitatem cordis mei, & defectum charitatis. Et quando debebam compati murmuranti, & excusare in corde meo eum, de quo ille murmurabat, ego statim murmuraui cum illo, confirmando malum, de quo dicebat, vel addendo ad illud quod dicebat, ac per hoc dedi sibi occasionem magis murmurandi. Et nota, quod non debet quis murmurantem nominare, nec factum, de quo murmurauit, quando, scilicet talis nominatio esset in excusationem tui, vel in infamiam proximi. Item si te accuses de turbatione proximi, aut de turbatione habita contra aliquem, propter defectum eius principaliter, non debes exprimere illum defectum, ne per hoc ostendas te habuisse rationabiles causas turbationis, & sic videaris minus peccasse, aut motus zelo iustitiæ. Sunt enim qui dicunt in confessione: Vidi fieri talem defectum, vel audiui dicere tale verbū, & de hoc fui valde turbatus, quia erat contra honorem Dei, & contra bonos mores in malum exemplum aliorum. O stulte hypocrita, quid dicis? Nam te simpliciter laudas, & nihil penitus confiteris, tacet peccatum tuum, quod fecisti videndo alienum defectum, qui forte fuit grauior, quàm defectus altioris, quia despexisti peccantem, cui debebas compati, & mentiris dicendo te fuisse turbatum propter amorem Dei, & proximi, cum tamen fueris turbatus propter superbiam tuam, & quia non habes charitatem proximi, quæ non permittit aliquem contra proximum turbari. Sic ergo dicas: Videns, vel audiens fieri, vel dici aliquid quod iudicaui esse malum, & forte peius, quàm fuit, propter malitiam meam, quæ non permisit me excusare defectum, nec intentionem dicentis, vel facientis, sicut poteram, & debebam, non fui motus ad compatiendum illi, vel ad orandum pro ipso, sicut debui ex charitate, sed magis fui commotus ad iram contra ipsum, contemnendo, & iudicando ipsum, & appetendo statim punitiōem eius, vel habere potestatem puniēdi eum, & hoc accidit mihi propter duritiam cordis mei, & quia non recognosco patientiam Dei, quæ supportauit me in grauioribus peccatis, absque vlla punitiōe, & sic de alijs. Sunt alij, qui se clarius laudant in confessione dicentes: Per gratiam Dei satis bene custodiui me tali tempore, vel citra, a tali, vel tali peccato. Nam bene continuaui officium, Missas, & prædicationes, & orationes meas. Faciant, qui volunt male, quia ego inten-

Gen. 3. b

Verz, & sanctæ confessionis praxis.

intendo bene facere facta mea, & me custodire a peccatis melius, quam faciat maior pars vicinorum meorum, quia prius me permitterem occidi, quam facere tale peccatum, & in me non sentio alium defectum, nisi quia sum ingratus de beneficijs Dei, nec sum sufficiens ad grates agendum Deo, qui me liberavit ab his peccatis, quae faciunt multi alij. O Deus. Isti sunt similes Pharisaeo, qui ascendit in templum, ut oraret, cuius oratio fuit tota sui exaltatio super

**Luc. 18. c** alios. Sic, & isti, qui debent se simpliciter accusare in confessione, se super alios laudant, narrando bona, quae faciunt, de superbia autem, & praesumptione, quae latet interius, nihil dicunt. Sunt alij, qui confitendo peccata sua, totam culpam imponunt Deo. Sic enim dicunt: Deus dedit mihi naturam, ita peruersam, & promptam ad tale peccatum, quod non possum cauere. Isti dicunt cum Adam, qui dixit: **Gen. 3. b** Mulier quam dedisti mihi, &c. quasi dicat: Si non dedisses mihi, non peccassem. Sed isti aperte mentiuntur. Nam secundum beatum Gregorium, diabolus non potest vincere nisi volentem, cum tamen de ipso dicatur, quod non sit potestas super terram, quae illius potestati valeat comparari. ergo multo mirius potest quis violentari a concupiscentia naturali. Sunt alij qui dicunt: Fui deceptus a tali tentatione, quia

**Greg. li. 34.** **Mor. c. 17.** **in sensu.** Deus noluit me adiuuare, cum tamen saepe ieiunarem, & orarem, & ad ipsum recurrerem. Isti non accusant pigritiam suam, & negligentiam, qua noluerunt vitare occasionem peccandi, & perseverare in oratione. Afferunt enim Deum impium, & mendacem, qui tamen dicit in Psalmo: Clamabit ad me, & ego exaudiam eum. Et alibi: Venite ad me omnes, qui laboratis. Et alibi: Petite & accipietis. Et Apostolus dicit: Fidelis Deus qui non patietur vos tentari ultra illud, quod potestis, sed faciet cum tentatione provenientum. Sciant ergo, quod ideo relinquuntur a Deo, quia insipide, & sine fide orant, nec volunt pugnare contra seipsos, nec perseverare patienter postulantes auxilium Dei, sicut deoet. Sed volunt habere gratiam statim sine labore, petentes etiam illam a Deo non humiliter, sed praesumptuose, tamquam non indigni, ac si esset Deus obligatus eis, orant ipsum cum securitate quadam, ut exaudiantur statim, ut ipsi volunt, & non, sicut ipse vult. sicque putantes ipsum ducere ad auxiliandum, potius prouocant ad derelinquendum, quia superbe, & praesumptuose accedunt ad ipsum. Causa ergo lapsus eorum est superbia, & negligentia sua, quam debent simpliciter accusare.

**Iob 41. d** **Psalm. 90. d** **Matt. 11. d** **Ioan. 16. c** **1. Cor. 10. c** **De occasionibus, quae dantur alijs in peccando. Cap. VI.**

Sunt etiam in confessione explicandae occasiones dantur alijs ad peccandum, quia omnium peccatorum homo est particeps, quibus occasionem praebuit malitiose, vel non malitiose. Vnde confiteri debes si malitiose, vel ignoranter dedisti alicui occasionem peccandi, nec nominare debes directe, vel indirecte personam, cui dedisti causam, sed sola occasio est dicenda. Peccatum vero, quod factum est ab alio occasione tui, potest dici explicite, quando est notum confessori, non illum, qui fecit. alioquin dic solum qualiterem delicti, sic dicendo: Feci fieri quoddam peccatum mortale, vel graue, propter talia verba, quae dixi, aut propter tale malum exemplum quod dedi. Item si habuisti turbationem cum socio in itinere, vel in aliquo opere, aut propter socium dixisti male officium, quia male proferebat, non debes dicere: Socius meus me turbauit tali facto, aut dixi male officium meum propter defectum socij mei, quia sic accusas socium, in cuius notitiam confessor posset venire. dic ergo: Habui turbationem cum aliquo propter meam superbiam, quia ipsi dixi verba iniuriosa, & ipsum prouocaui ad dicendum mihi. Et si est il-

lius culpa, dic: Habui turbationem cum quodam, propter impatientiam meam, quia nolui supportare eum in charitate, propter aliqua verba ab eo dicta, vel dixi male officium cum aliquo in tali hora, & distante mihi conscientia, ut redicerem; propter pigritiam meam non redixi.

#### De pollutione. Cap. VII.

Si habuisti pollutionem carnis vigilando, dic causam expresse. Si dormiendo, dic causam quam dedisse te credis. Causae possunt esse cibus, & potus, & intemperantia diei praecedentis, aut alio modo. Et sic dicendo ipsam, dabis intelligere confessori vitium dierum praeteritorum, ut sunt cogitationes inhonestae habitae ante dormitionem quas explicare debes, potissime quando somnias ea quae praecogitasti. Nec sunt recitanda somnia vitiosa, vel inhonesta, nisi ante cogitasses ea, aut post somnium cum delectatione, & mora, & motu carnis cogitasses. & haec sunt dicenda magis, quia cogitata, quam somniata. Si vero somniasti, habere aliquem actum impudicum cum persona ad quam habes sensualem affectum, aut quam ante conspexisti oculo impudico, hoc debes exprimere, ut causam illius somnij, & quia homo plus in talibus delectatur, & multi post somnium gaudent se talia somniasse. Vbi vero non fuerit aliqua ex praedictis causis, vel similibus, nihil de somnio est dicendum, quia nulla culpa est ibi, & tunc sufficit dolere in corde, & ad quietandum conscientiam potes dicere: Habui somnium inhonestum, cui si dedissem causam, quam nescio, tunc dico culpam meam.

#### De causis pollutionis. Cap. VIII.

Secundum sanctos Patres, triplex est causa pollutionis nocturnae. Prima provenit ex voracitate gulae, & superabundantia cibi, & potus, quae est diligenter examinanda ab illis, qui vocati sunt ad spirituale exercitium. Nam quandoque accidit, aliquos relaxari in gula nimis aliquo tempore, & postea quando abstinent, polluuntur in somnis, credunt quod hoc non accidat ex culpa immoderantiae, sed potius ex debilitate, vel necessitate naturae: sed errant, quia debent iudicare, & cauere, ne venerit ex nimietate saturitatis praeteritae. Quod enim per voracitatem, & ingluuiem congregatum fuerat in medullis, necesse est, ut aliquando per pruritus, vel per insensibilitatem corporis ieiunio afflicti, egeratur. Propter quod, non solum abstinendum est a delicatis cibis, verum etiam a vilibus, & cum aequali temperantia continendum est, immo panis, & aquae satietas est timenda, ut possit in nobis acquisita puritas permanere. Isti ergo, qui nondum aequalis continentiae, & moderantiae gratiam sunt adepti, non minus praefatam pollutionem incidunt, quae etiam hominibus abstinentibus sic accidit. Secunda causa est, quando per incuriam, & immunditiam mentis elabitur. Nam mens spiritualibus exercitijs vacua, & disciplinis interioribus non intenta, sensu corporis, per vanas, & immundas cogitationes euagatur. Ex quibus merito culpae eliciuntur humores, & ideo volentibus obuiare, necesse est priuare, & hanc causam eradicare, videlicet mentis torporem excutere, & sensus refrenare, ne mens ad vana, & noxia discurrat, & excessibus illis assuefacta, ad immundissima incitamenta luxuriae somnians perturbetur. Praedicta ergo negligentia acquirendi munditiam, & euitandi immunditiam, in confessione pariter explicetur. Tertia causa potest esse, quando illudicis inimici inuidia pollutio procuratur. Dum enim videt sanctum virum, qui per sollicitam victus moderationem, integram, & perfectam, ac frequentem peccatorum confessionem, perpetuam munditiae puritatem acquirere

Tre causae  
contingunt  
pollutionis  
nocturnae.



tere conatur, eius conscientiam perturbare nititur, maxime diebus illis, quibus desiderat diuino aspectu, complacere, fluxus illius emissionem pollueret praeberet, ut sic a sancta communione retrahatur. Quibusdam vero contingere dicitur ex debilitate naturae, quae non est ita fortis, & valida; sicut antiquitus dicitur extitisse. Hanc causam potest quis in seipso aduerte- re, quando in illo turpi, moderamine victus frequen- tius plus solito polluitur absque turpis somni inter- ventu, sicut ego quosdam cognoui, hac peste certis temporibus ter, & quater in hebdomada fordidiari, quamvis non minus praedictae illusioni possit ascribi,

*Qualiter post pollutionem licet, vel non licet accedere ad divina. Cap. IX.*

**S**ecundum sanctorum Patrum sententiam, vigilan- ti circumspeditione cauendum est, ad communio- nem salutaris conuiuii accedere, tempore quo senti- mus nos somni illusionem pollutos. Sed si hostis inui- dus, taliter menti nostrae illuserit, ut nobis caelestis remedij subtrahat medicinam, dummodo nullus re- prehensibilis interueniat pruritus, aut oblectationis assensus, si fluxus iste fuerit naturali necessitate pro- fusus, aut impugnatione hostis antiqui procuratus, & absque sensu voluptatis adductus, debemus ad gra- tiam salutaris cibi nihilominus accedere confidere. Quod si creditur euenisse occasione vitiosa, die illa debet se humiliter subtrahere ab altari, ne in nobis verificetur sententia Apostoli: Qui manducat & bi- bit indigne, iudicium sibi manducat, & bibit; non diiudicans corpus Domini, id est non faciens differen- tiam inter perceptionem cibi caelestis, & carnalis, nec iudicans ipsum corpus Domini esse, quod tale non nisi pura mente, & carne liceat manducare. Et ideo subinfert idem Apostolus: Ideo inter vos mul- ti infirmi, & imbecilles, & dormiunt multi. quasi dicat: Multi ex hac praesumptione, & manducatio- ne indigna spiritualiter infirmantur, & somno mor- tali dormiunt multi per peccatum, quod ex ipsa in- digna manducatione, & sumptione incurrunt. Pro- her ergo, id est examinet seipsum homo, antequam sacramentum percipiat, & diligenter se videat, utrum sit mundus, vel immundus, utrum deuotus, vel in- deuotus, utrum reuerens, vel irreuerens, utrum ti- mens, vel praesumens accedat, etiam si certus sit, vel certum se putet, quod non sit vitiose pollutus, vel aliquo modo, mortali peccato infectus. Non enim debet volens istum caelestem panem sumere, esse con- tentus se non habere peccatum mortale, neque praecedenti nocte vitiosa occasione fuisse pollutum, quia licet haec duo quemlibet reddat ipso cibo indignum, alia tamen plura sunt quibus se homo debet ab hoc cibo subtrahere reuerenter, quae explicare non au- deo, quia a sanctis, & doctoribus ipsa expressa non reperi, atque illustratione gratiae Dei, ea securius sim- pliciter relinquenda decreui. Id tamen quod pro me ipso retineo, est verbum illius, qui hoc sacramentum instituit, quem non credo illud frustra protulisse: dixit enim: Haec quotiescumque feceritis in mei me- moriam facietis. Ex quo quidem verbo arguo mihi- ipsi, quod quoties volo id agere, quod ipse instituit, & modo praedicto reliquit, timeo nequaquam sine remorsu conscientiae, ac praedicio animae ad illud posse accedere, nisi praememorata ipsius instituentis charitate, ac eius passione, & morte, in cuius memo- riam perpetue recolendam illud sacramentum debe- re confici, & percipi ipse praclare asseruit, & iniun- xit. Considerans insuper circa huius sacramenti pri- mordiam, lotionem pedum factam, non absque my- sterio, & sacramento, ibique dictum fuisse a Domi- no: Si non lauero te, non habebis partem mecum. Agnosco per hoc, & iudico, non sine praesumptio- nis, & grauis offensa periculo, aliquem velle habe-

**A** re partem secum ipsum sacramentum sumendo, non praehabita alicuius spiritualis gratiae lotionem, quam non solum per compunctionis lacrymas puto fieri, verum etiam per interioris mentis deuotionem, & fidem in qua ipse Dominus vocat, & inuitat animam, & trahit, & quodammodo cogit ad ipsum cibum An- gelicum, & caelestem. Vnde & ipse dixit illis, quos lauerat: Iam mundi estis, propter sermonem quem locutus sum vobis. Non dixit, propter aquam, qua loti estis, sed propter sermonem. Hoc autem est ver- bum fidei, quo praedicamus secundum Apostolum. Vnde in actibus Apostolorum legitur: Fide purifi- cans corda eorum. Hanc autem deuotionem, & fi- dem celebrantis, seu sacramentum sumentis, credo esse illam, quae celebrat, & quae facit ipsum sacra- mentum percipi cum effectu, sicut & verba Christi sunt illa quibus consecratur, & transubstantiatur panis, & vinum, in corpus Christi, & sanguinem. Quam quidem deuotionem, voco Dei gratiam, quae praeue- nit, & disponit, subsequitur, & infundit. Ad hoc ergo sacramentum, cum instantia feruentis, & assi- duae orationis, procuremus modo praedicto vocati a Domino, videlicet praehabita ipsius memoria, atque compunctionis, & deuotionis, & fidei lotionem, ad quae praeparari nos oportet, per mentis, & corporis munditiam, & per linguam, ac sensuum refrenatio- nem, & per nostrarum passionum continentiam, & moderationem.

*De fluxu libidinis. Cap. X.*

**P**raetermittendum quoque non est, quod quibus- dam contingit interdum conscientiae dubietas, & perturbatio magna; unde ipsis vigilantibus absque ulla commotione carnis, & cogitatione immunda, humor quidam per membrum secretum egreditur sine delectatione, & quasi insensibiliter, ita ut mul- ti de hoc aliter non perpendunt, nisi cum pannos sen- serint madefactos. Cuius causa aliqui ignorantes tur- bantur, & errant, putantes se esse pollutos. Et ideo sciendum est, quod illius humoris effusio non est pol- lutio, quia, ut dicunt Medici, sine libidinosa dele- ctatione, & carnis motione, nullus potest pollui vi- gilando. Ad ipsius tamen effusionem humoris vide- tur naturalis conditio causam exhibere primariam; sed deinde id quod ad naturam disponit causa vitio- sa, & euitabilis perficit, & consummat. Quibusdam hoc prouenire agnouit, propter solam praesentiam; & allocutionem personae alicuius, in cuius aspectu habuit complacentiam sensualem, & vanam, seu ad quam inordinato amore afficitur, aut per tactum im- pudicum leuem, aut imaginando aliquos actus im- pudicos fortiter, & morose. In his enim casibus, & similibus multi inueniuntur habere calefactiones, & commotiones carnis libidinosas, dictumque humo- rem emittere, velint, nolint. Sed eas causas & simi- les quae sunt euitabiles, debet quilibet fugere, & eui- tare pro posse, maxime, qui sentit de hoc se passiona- tum, seu ad hoc naturaliter inclinatum, siue ex vitio mentis, siue ex debilitate naturae. & qui occasiones huiusmodi non euitauerit iuxta posse, relinquendo amicitiam, & familiaritatem personarum, ad quas inordinate afficitur, fugiendo etiam allocutiones, & aspectum personarum, licet non credam ipsum per dictam effusionem peccare mortaliter, nisi forte ali- ter concupisceret, aut impudice tangeret personam, quae est causa illius defectus, tamen credo eum gra- uiter peccare, & magno peccati mortalis periculo subiacere. Et ideo consilium do tibi, vel tali, quod absque dilatione morosa ipse sibi violentiam faciat in hac parte fugiendo personas huiusmodi, atque cum eis omnem opportunitatem loci, & temporis euitet. Hic itaque praedictus fluxus, qui a quibusdam voca- tur libido, si potest euitari ipsius occasio, & si studiose non

*Ibid. 15. a*

*Rom. 10. d*

*Act. 15. b*

*I. Cor. 11. g*

*Joan. 13. a*



non euitatur, est omnino confitendus cum suis occasionibus, & negligentia habita circa ipsas. Si vero contingat ex causa, quae vitari non potest, sicut quando audiuntur verba impudica a casu, vel loquitur cum persona, vel sedet iuxta eam, de cuius praesentia habet complacentiam vanam, & ab ea separari non valet. In his & similibus credo sufficere, quod tam de occasione habita, & impotentia vitandi, quam de fluxu illius libidinis dolor est simpliciter habendus. Quia tamen dubitare in talibus, quae spectant ad conscientiae puritatem, est quandoque valde proficuum, poteris hoc confiteri, propter quietudinem mentis & pacem, quamvis expedire non credam.

*De complacentia habita in memoria peccati.*  
Cap. XI.

Morosa cogitatio quae fit confitenda.

Sciendum est, quod quando cogitas de iniurijs receptis, & in illa memoria turbaris intra tecum aliqua mora, & appetis vindictam fieri, aut factam esse, aut doles, quod non fuit facta per te, aut per alium, aut imaginaris aliqua facere, aut aliquem motum tenere animo vindicatio. Haec omnia sunt confitenda, & alia quaecumque similia in mente tua ratione istius iniuriae. Si autem rememorando mala praeterita, quae fecisti, non haberes dolorem, sed potius delectationem in eis, & propter hanc delectationem facis moram ibidem, non credo expedire, quod specifies ipsa peccata rememorata, si alias integre confessus es. Et si non habuisti aliquam delectationem in mente, sufficit tibi dicere: Mihi venerunt ad memoriam quaedam vindiata, vel iniuriae quas feci, vel quaedam peccata grauiora quae commisi, de quibus non solum non habui dolorem in tali cogitatione, sed de ipsis cum multa complacentia cogitavi. Et si aliud tibi occurrit in carne, vel in mente propter dictam complacentiam, quod tibi videtur aggravare peccatum, ipsum etiam debes confiteri. Verbi gratia: Si de peccato luxuriae per te facto habuisti memoriam, & de hoc habuisti motum carnis & poenitentiam, quia ipsum peccatum non fecisti pluries, vel cum pluribus; tunc enim debes sic dicere: Ex imaginatione quam habui de quodam peccato luxuriae, habui motum carnis, & complacentiam in mente, & appetui illud fecisse multotiens, & cum multis personis. Et sic non oportet, te indicare confessori, te iam fecisse illud peccatum, nisi forte alias indicasses eidem, & nisi pro maiori humilitate, & merito velis ipsum ei simpliciter explicare. Si autem recordaris, te habuisse opportunitatem faciendi aliquod peccatum, quod non fecisti, & in ista recordatione non gaudes te euasisse illud peccatum, nec grates agis Deo, quia custodiuit te ab ipso, & abstulit opportunitatem, & voluntatem faciendi ipsum; omnia ista sunt plenius referenda. Videtur enim haec magna ingratitudo, & peccati commissio voluntaria. Sed si in praedicta recordatione peccatorum, & maxime carnalium, non posses vitare complacentiam, & motus carnis, dum velles eam studiose recolere, causa te ipsum excitandi ad compunctionem, & dolorem, consulo tibi, quod non ea specialiter recolas, nec etiam alia peccata, quae non potes, sine complacentia recolere, sicut est vindicta facta per te, vel per alium de inimico tuo, aut damnum, vel mors, quia aliquem occidisti. Debes ergo omnia peccata tua, si vis confiteri generaliter, sub duobus scilicet superbia, & delectatione carnis confiteri, dicendo sic corde meditando, & ore proferendo: Dico meam culpam de superbia, quam habui contra Deum, & proximum irascendo, inuidendo, alios prouocando, mundi gloriam appetendo, proximos iudicando, Dei creaturas contemnendo, meipsum bonum reputando, & alios vilificando, de Dei operibus, ac iudicijs, & eius permissionibus murmurando, bonas eius inspirationes

Append. ad To. 7. oper. S. Bon.

nes, & omnia eius beneficia negligendo, impetus vitiosos sectando, blasphemando, & nomen Dei in vanum proferendo, & linguam meam contra veritatem per mendacia, & simulationes, per duplicitates, & adulationes, per iuramenta, & multa alia verba vitiosa, loquendo otiose, acediose viuendo, de me nimis confidendo, de fide dubitando, de occultis Dei operibus rationem praesumptuose quaerendo, plus quam oportet sapere de Deo, & proximo, & de hoc saeculo multa scire cupiendo, gratiam Dei non humiliter affectando, dona Dei occultando, temerarie propagando, non in veritate, sed in hypocrisi, & falsitate coram Deo, & hominibus ambulando, & multa alia per superbiam mentaliter, & corporaliter exercendo. Postquam confessus es, dic animo tuo, maxime, quando vides te morti proximum: O anima mea egressus tuus appropinquat, & prope est terminus tuae superbiae, & prope est finis delectationis huius mundi, & miseriae carnis tuae quas delectationibus carnalibus pertulisti, plus ipsas amando, quam Deum, plus sibi complacendo, quam tibi, plus laborando pro ipsa, quam pro te, plus obediendo eius concupiscentijs, quam diuinis inspirationibus & consilijs, scilicet dum contendisti satisfacere sibi in delectationibus gulae, & luxuriae, multis & diuersis modis opere, & voluntate, atque satiare eius visum, auditum, gustum, tactum, & odoratum, quantum & qualiter potuisti, consensisti amore ipsius carnis, amittere partem maximam tui temporis superflue dormiendo, & quiescendo in multis operibus vitiosis, ac occupando in nimia cura, & sollicitudine rerum temporalium, & corporalium te exercendo, plus propter auaritiam, & delectationem, quam propter necessitatem, consensisti eius pigritiei, quam habuit semper ad operandum bonum, & eius sollicitudini, quam habuit ad peragendum malum quod potuit. In his fuit vita mea. In his expendi tempus meum. Vbi ergo es o vanitas mea, & superbia mea? quo perrexisti delectationes carnis meae, quid mihi attulisti, quid mihi reliquistis pro subiectione, & obedientia, qua vobis tot annis deseruiui? pro vobis commutavi vitam aeternam, amisi Deum, acquisiui infernum, perdiidi gaudia infinita, & lucratus sum lamenta aeterna, priuatus sum societate sanctorum, & Angelorum, & merui fieri socius ciuium infernorum. Considera ergo o anima mea qualem te fecit Deus, quia ad imaginem, & similitudinem suam, & modo sic est denigrata peccatis, nec aliquam virtutem in te agnoscis. Considera in te imaginem tentatoris tui, qui te depinxit colore superbiae, gulae, luxuriae, auaritiae, vanae gloriae, inuidiae, acediae, & ingratitudinis, negligentiae, odij, & vindictae, tibi suavitatem contemptum Dei, & apposuit amorem saeculi, te induxit contra proximum ad murmurandum, iudicandum, decipiendum, despiciendum, detrahendum, & aliorum defectus ponderandum, & tua grauiora vitia non videndum. Non video igitur o anima mea, nisi ut prouoceris ad gemitum, fletum, planctum, tristitiam, & lamentum, & clames humiliter, & feruenter ad Dominum: Domine ne in furore tuo arguas me, &c. Miserere mei Deus, & cetera.

Pro moribundis documentum.

*Qualiter cogitationes inhonestae sint confitenda.*  
Cap. XII.

Compendiosa confessio.

Perique dubitant, si cogitationes inhonestae, sint exterius explicandae. Credo quod hoc sit puritatis, & perfectionis, & magni meriti, sed non credo esse necessitatis semper, nisi quando ex nimia mora facta in cogitatione illa homo sentiret se inclinari ad faciendum, & perficiendum cogitatum si haberet opportunitatem quam vellet, aut si pollueretur ex illa vehementi cogitatione morosa, aut si inordinate afficeretur ad aliquam personam, & de ipsa multum

N n n mole-

molestaretur in cogitatione, habendo motus carnis, & imaginando habere aliquos actus impudicos cum ipsa persona. Hunc enim affectum inordinatum debes exprimere, cum cogitationibus, & motibus carnis procedentibus ex ipso affectu, dicendo sic: Habui affectum sensualem, & inordinatum ad quamdam mulierem, vel quamdam iuuenem talis conditionis, & hunc affectum concepi ex complacentia habita in aspectu, & colloctione, ac praesentia corporali ipsius, de ipsa, vel de ipso tot vicibus. Habui etiam tot vicibus imaginationes turpes, respiciendo oculos corporeis, vel mentalibus, vel faciem, vel aliam partem corporis eius, & imaginando cum ipsa persona habere amplexus, & oscula, vel talem actum impudicum. Et in his feci inoriam per magnum spacium, habendo ibi motus carnis libidinosos, & specialiter mihi accidit in oratione, aut missa, & semper fui negligens laborare pro posse, ad expellendum talia per potentiam, propter nimiam delectationem quam habebam ibidem, nec curavi quantum porui, refrenare oculos ab aspectu illius persone, quando fuit praesens. Quicumque igitur tales, vel tali modo, cogitationes, & affectiones exprimeret vitiosas, ab eis cito liberaretur, dummodo cum tali confessione continuaret orationem, & custodiam sensuum: quia daemon non potest sustinere humilitatem confessionis purae cum sit superbus, & immundus, & omnis humilitatis, & munditiae inimicus. Et ideo, non est melior, & facilius via ad euadendum tentationes luxuriae, & superbiae, quam omnes cogitationes vitiosas, cum suis circumstantiis concurrentibus in carne, vel mente saepe, & clare detegere confessori, & toties exprimere, quoties renouantur.

*De motibus carnis. Cap. XIII.*

**Q**uando teta  
tio carnis,  
confessione  
sit obnoxia.  
Sciendum est, quod motus carnis, qui non prouenit ex cogitatione impudica absque voluntate, & sine causa, scilicet visus, vel auditus, sine aliqua causa extrinseca inhonesta, sine dubio prouenit ex nimia repletionem prius facta in cibo, & potu. Quidam tamen putant, quod proueniat ex nimia vigilia, quod potest esse maxime quando constat eis, quod non prouenit eis ex aliqua causa praedicta, & ideo oportet hominem esse parcum in dieta quo ad qualitatem, & quantitatem, quando de talibus molestatur contra voluntatem, & displicentiam suam. Nam intra corpus oritur causa. Quia secundum Hieronymum: Venter, & genitalia proxima sunt. Et hoc intelligo, quando non sunt a causa exteriori. Et tunc oportet cauere ipsum ab aspectibus, colloctione, & approximatione personarum, in quarum praesentia sentit se sensualiter delectari, alioquin ille, qui videtur motus naturalis, fieret vitiosus. Et quamuis sit securum confiteri tales motus procedentes sine causa vitiosa, quorum intemperantia videtur causa, dum tamen per ipsos non turbetur amor, & desiderium puritatis in corde, & corporalis castitas non maculetur in corpore. Si vero procedunt a causa vitiosa, confitendi sunt, & causa, locus & tempus, & mora contracta in eis, & vices motuum, sicut supra de circumstantiis peccatorum dictum est. Non enim sufficit generaliter dicere culpam de motibus, sed debes dicere sic: Dum essem in Ecclesia, vel oratione, vel missa, vel sermone, cogitavi talem actum turpem, aut habui memoriam alicuius personae, in cuius aspectu iam habui vanam complacentiam, aut inordinatum amorem, aut asperi in ecclesia talem personam cum complacentia impudica cuius causa, habui motus carnis impudicos toties, & per tantam moram. Et si dixisti illi personae tibi gratiosa aliqua verba prolixè, aut fecisti aliquod seruitium malitiose, ut scilicet haberes complacentiam libidinosa, & motus carnales per

maiolem moram, totum confiteri debes, nisi de ipsius praesentia delectationem non habuisses.

*De periculo familiaritatis dominarum. Cap. XIV.*

**Q**uoniam multi videntur negligere, ut agnoscant affectiones suas vitiosas, & per consequens non curant confiteri, cum tamen diligenter sint perscrutandae, & cum vitijs orientibus ex ipsis exprimendae, ideo praetermittere non intendo. Quia multi afficiuntur nimis ad seipsos, quidam ad alias personas, quidam ad honores, quidam ad diuitias temporales. Et quia haec sunt, sicut murus inter Deum, & animam, ideo nullus hominum habens aliquid de praedictis, potest in via Dei proficere, nec habere puram orationem, & maxime quando est carnalis affectio ad personam. Et de hac intendo modo loqui. Nam talis affectio multos spirituales sub specie amicitiae spiritualis, a statu orationis impedit, & impeditur. Haec est inquietudo mentis pestifera, orationem mentis, & oris inticiens, & dispergens, & affectus contrarios orationi in mente generat, & exercet. Nam sicut oratio pura mentem purificat, & illuminat, laetificat, & fortificat, & impinguat, sic carnalis affectio, & immunda, mentem inficit, & obscurat, contristat, debilitat, & desiccit, & corpus eiusdem maledictionibus implicatur. Et quoniam spiritualibus loquor, propter quos illa scribo, nouerint ipsi, quod licet carnalis affectio sit omnibus periculosa, & damnoisa, ipsis tamen magis pernicioisa, maxime quando conuersantur cum persona, quae spiritualis videtur. Nam quamuis horum principium videatur esse purum, frequens tamen familiaritas, domesticum est periculum, delectabile detrimentum, & malum oculum bono colore depictum. Quae quidem familiaritas, quanto plus crescit, tanto plus infirmatur principale morium, & vtriusque puritas maculatur, non tamen de hoc statim perpendunt, quia sagittarius ille a principio non mittit sagittas venenatas, sed solum aliquantulum vulnerantes, & amorem augmentantes. Ad tantum vero in breui deueniunt, ut iam non velut Angelos, sicut inceperant, se inuicem alloquantur, & videant, sed tamquam carne vestitos se mutuo intueantur, & saucient mentes, quibusdam commendationibus, ac verbis blanditorijs, & adulatorijs, quae videntur ex prima deuotione procedere; exinde, vnus incipit alterius appetere praesentiam corporalem, quia forma, vel species corporum in vtriusque mente concepta, incitat eos ad volendum praesentiam corporalem, quasi insit eis praesentia mentalis, sicque spiritualis deuotio paulatim conuertitur in corporalem, & carnalem, & sic ipsorum mentes, quae solebant in oratione cum Deo absque intermedio loqui, tunc inter se, & Deum, alter alterius ponit corporalem effigiem, quam velant, & obtenebrant, ponentes sibiipsis faciem Dei cum facie creaturae. Et non minus horrendum est, cum ij proprium errorem percipere, & emendare deberent, potius in nutrimentum erroris totum illud iudicant ex maxima charitate procedere, cuius merito, putat, & sibi inuicem mentientes referunt, quod in oratione vnus alteri praesentatur, quo oratio reddatur delectabilis, ac si pro se inuicem orare cogantur gratia, & virtute diuina, ac per hoc consolationem simpliciter sensualem, quam habent in illa praesentatione de seipsis facta in oratione praedicta, aestimant, & affirmant, ac asserunt esse spirituales gratiam, & diuinam. Quales autem illusiones recipiant a sagittario supradicto, specialiter mulieres, quae citius fidem adhibent illusioni mentali, esset horribile, & quasi impossibile declarare. Sentiant namque in oratione praedicta & praesentatione mentali, calorem quandam ignitum a sagittario illo iactum, quem credunt & dicunt, esse ignem charitatis a Spiritu sancto immisum.

Variae, & noxae inclinationes hominum.

Spiritualis cautela.

missum volentem coniungere spiritum unius spiritui alterius vinculo charitatis, cum tamen sit ignis libidinosi amoris, prout frequentia exempla manifestant, & inde deliberant se tamquam spiritualiter unitos, posse securius, prolixius, & saepius simul loqui, atque in hoc tempus non perdere, sed lucrari. Proinde modos mirabiles, & insolitos, & cautelas adinveniunt, quibus procurant simul colloqui & frequenter, allegantes unus alteri causas utilitatis, & necessitate depictas, cum tamen in veritate nihil aliud sit causa, nisi onus, cui ratio succumbit. Sic itaque carnali concupiscentia excaecati, tempus, quod olim in oratione consueverant expendere, ac spiritualiter occupare, nunc in huiusmodi familiaritatibus, & colloquijs perdunt, & sic (quod dolendum est) allocutiones diuinas pro carnalibus commutantes, a modo igitur (nisi mora serotina cogente, aut alia ineuitabili causa) non possunt ab inuicem discedere, & tunc inuiri, & tristes discedunt. Hæc autem tristitia est certissimum indicium, quod carnis vinculo sunt alligati, & per hoc visitationes, & consolationes diuinæ a carnalibus, & diabolicis discernuntur. Denique quamuis se multis exponant periculis, & multa mala incurrant, dum eorum obtenebratis conscientijs iudicant quædam sibi tamquam spiritualibus esse licita, quæ fieri nequeunt absque periculo, & peccato; putauit tamen melius esse non multa de hoc, calamo exarare. Hæc tamen tacere non valeo, quin aliquantulum referam, maxime, quia non longe a temporibus istis similia contigerunt. Tandem spirituales prædicti, quandoque se deduci permittunt, ut se inuicem familiariter tangant sub specie charitatis, referantes sibi inuicem immensum cordis amorem, quod impudenter charitatem appellant. Sed in hac refectione amoris, est summum periculum, quia ex hoc fabricantur sagittæ, quæ mentes eorum vulnerant mortaliter, ac venenant. Et quod super omnia videtur mihi horrendum, Deo, Angelis, hominibus, & dæmonibus, fuerunt iam aliquæ spirituales nomine, spiritu luxurioso imbutæ, quæ in excusationem suæ libidinis præsumpserunt dicere, se habuisse in illis actibus impudicis magna sentimenta de Deo. quod nihil aliud iudico, nisi quoddam incitamentum, & inductiuum ad similia securius iterandum, & peiora perpetrandum. Dic mihi, qui talibus credis, & adhæres, si isti sunt vere spirituales, ut asseris, quid aliud loqui, aut facere deberent, nisi quod a Spiritu sancto procedere potest, vel procedit? Ab illo autem nihil procedit noxium, sed solum quod est utile & honestum. Quid enim ad Spiritum sanctum de talibus osculis, aut qualem honorem inde consequitur Deus, & quæ utilitas, aut quæ necessitas tibi ad salutem, vel alteri, ut hos tactus facias, vel patiaris? Quæ conuentio spiritus ad libidinem carnis? Quæ igitur præsumptio tua, ut hanc contumeliam inferas Spiritui sancto, scilicet attribuendo sibi tuæ impudicitiae foetorem, quem vix dæmones patiuntur? Quæ, inquam, temeritas tua mulier hypocrita, a facie Dei proiecta, ut dicas delectationem carnis libidinosa esse gratiam, & consolationem diuinam? Recede ergo fera pessima de finibus meis, quia dæmones nequeunt tuam præsentiam sustinere. Hæc itaque fratres charissimi, non incongrue huic operi sunt inserta, ut sciat unusquisque, quod hæc venenosa affectio, sub colore spiritus acquisita, summe impedit puritatem confessionis, & cordis munditiam, ut sic hanc fugiat tamquam vitiosam rubiginem, quæ vix potest aboleri de mente, si alicui fuerit applicata, præcipue, quia tales personæ quamdiu sunt hac sagitta percussæ, quasi numquam pure, & integre confitentur, eo quod ipsum morbum despicabilem in persona spirituali, verecundantur totiens detegere plene, & integre confessori, quia verentur exprimere aliquas circumstantias tali affectioni annexas, quas vel tacent, vel imperfecte ex-

Append. ad To. 7. oper. S. Bon.

A primunt, utentes verbis operientibus dictum morbum, sicut sunt occupatio mentis quasi continua circa personam dilectam, & in oratione, & cunctis actibus suis, & imaginationes turpes de ipsa vana complacentia cordis, in memoria, & aspectu mentali ipsius, & negligentia in euitando eius præsentiam, & colloquium, & alia, quæ experiuntur ipsi: propterea sæpe mutant confessorem, aut vellent mutare si possent. Sicque tristes sunt, & acediosi frequenter, tam ratione affectionis fluctuantis in mente, quam ratione confessionis imperfectæ, de qua ipsimet non contentantur, sed quod peius est, cum ipsi deberent quærere medicos spirituales cautos, & peritos, ac expertos, qui scirent illam ægritudinem, & causas eius agnoscere, & congruum remedium adhibere, non solum non faciunt, sed potius si semel ad aliquem talem peruenerint, ipsum ex tunc fugiunt, nec reuertuntur ad ipsum. Quærunt ergo confessores idiotas, & simplices, qui nec morbum intelligunt, nec causas eius agnoscunt, & ideo nec sciunt congruam adhibere medelam. Tantum de hac materia dixisse sufficiat, ut per hoc confidenter animentur, per viam puram, & immaculatam incedere, & fugere periculosam pestem, familiaritatem mulierum spiritualium, quæ non melius, quam fugiendo vitatur. Satis enim posset quis hac sagitta percussus se ieiunijs, vigilijs, ac disciplinis affligere, & orare, quod si non fugiat personam, & omnem occasionem despiciat, numquam curabitur ab illo morbo, sed magis augebitur illud vulnus. Propter quod sequamur consiliū beati Hieronymi dicentis: Feminam quam vides bene conuersantem mente dilige, non frequentia corporali: quia initium libidinis est in visitatione mulierum, & mundus cum mulieribus non melius vincitur, quam fugiendo. quia ceteris vitijs, & morbis quis potest resistere, huic tamen non potest, nisi per fugam.

D Et alibi: Si mulier potuit vincere eum, qui iam erat in paradiso, non est mirum, si eos impediat, qui nondum ad paradysum peruenerunt. Et iterum: Solus cum sola non sedet in secreto, absque arbitro, & teste. Et idem: Ne sub eodem tecto solus cum muliere manseris, nec in præterita castitate confidas, quia nec tu Samsone fortior, nec Salomone sapientior. Si forte dicas: Iam corpus emortuum est, dico tibi, quoniam diabolus viuit, cuius flatus, prunas extinctas ardere facit. Idem dicit: Omnes virgines Christi, & puellas, aut æqualiter dilige, aut æqualiter ignora. Item beatus Augustinus dicit: Sermo breuis, & rigidus cum mulieribus est habendus, nec tamen quia sanctiores fuerint, ideo minus cauendæ. Quæ enim sanctiores fuerint, eo magis alliciunt, & sub prætextu blandi sermonis, immiscunt se vitijs impijssimæ libidinis. Crede mihi. Episcopus sum, in Christo loquor, non mentior. Cedros libani, idest, contemplationis altissimæ homines, & gregum arietes, idest magnos prælatos Ecclesiæ sub hac specie corruisse reperi, de quorum casu non magis præsumebam, quam Hieronymi, & Ambrosij. Sic ait Be-nardus: Quotidie conuersari vis cum muliere, & continens putari? Esto quod sis, maculam tamen suspicionis portas. Scandalum mihi es, tolle materiam, & causam scandali, quia, Væ homini illi per quem scandalum venit.

Familiaritas feminarum spiritualium maxime vitanda.

Hieron. in ep. ad Oceanum de vita cleric. tom. 9.

Idem ad Ne-pot. epist. 2. Ibid. paulo ante.

Ibidem.

Ber. homil. 65. in Cant.

Mat. 18. a

#### De verbis vitiosis. Cap. XV.

Sciendum, quod verba vitiosa, & grauiora, distincte sunt confitenda secundum differentias suas, cum circumstantijs, & occasionibus earumdem. De murmuratione, quæ fit quædo narratur defectus personæ absentis, si confiteri habes, dic utrum vere, vel false, & propter quam causam, scilicet propter odium, vel vindictam. Si induxisti, vel inducere cogitasti aliquem ad hoc, vel despexisti ex hoc, si alicui ex hoc

De peccatis linguæ.

N n n 2 nocui-

nocuisti, vel alicui audienti generasti odium de illo, de quo dixisti, vel aliquid male accidit, aut accidere desiderasti. Non ergo sufficit dicere: Multoties murmuravi, & de multis, nisi ista explices. Non tamen dicas defectum, de quo murmurasti si est verus, nec nomen personæ, sed dicatur qualitas personæ aggravantis peccatum, sicut si de patre tuo, de sancto viro, de prælato, & propter quam causam. Et si defectus est falsus confitere defectum, & personam cui falsum imposuisti, & debes reuocare coram illis, quibus propalasti, maxime si defectus esset grauis. Sunt tamen quidam, qui ut minus displiceant confessori, exprimunt personam cui fecerunt iniuriam, vel de qua murmurauerunt, quando ipsa persona mala reputatur, quasi ab omnibus, vel præ omnibus odiosa, ut per hoc iudicentur minus peccasse. Sed hoc est vitiose dictum, quia debent in cordibus suis, reputare, & per confessionem ostendere, se ipsos esse peiores, quam illa persona sit, quam in sui excusationem nominare præsumunt. Quidam adhuc peius faciunt, qui ut placeant confessori, personam exprimunt de qua murmurauerunt, vel offenderunt, auferendo rem, vel impediendo eius bonum, quia sciunt illam personam displicibilem confessori. Isti grauius peccant sic confitendo, quam sit peccatum confessum, quia contra charitatem proximi dupliciter peccant, quia faciunt confessorem de peccato gaudere, quod confitentur, & iniuriam inferunt alteri, & sic non dolent de peccato confesso, sed potius gaudent putantes per hoc capere beneuolentiam de detractio- ne, quod grauius est, licet detractio sit quasi quoddam spirituale homicidium occultum. Sicut quando aliquis audit aliquem laudari, de aliqua virtute, & sufficientia, conatur auferre de corde laudantem, aut cuiuslibet audientis illam bonam opinionem, quæ habetur de illo, negando illud, & potius defectum istius declarando, aut hypocritam appellando, quia dicit, quod quidquid facit, pro humana laude facit. Hoc autem vitium committitur propter inuidiam, aut vanam gloriam. Nam detractor quærit laudari super alios, & potissime super illum cui detrahit, aut timet minus reputari, quam ille, qui laudatur, & inde oritur graue peccatum, quia afficit mortem, aut expulsionem, aut tribulationem, aut casum illius de cuius laude tristatur, & statim sunt dispositi ad audiendum hoc de ipso cum gaudio. Quod vitium nonnullos spirituales pulsant, qui nondum paracletum receperunt. Quidam autem ore non murmurant, nec detrahunt, ne & ipsi despiciantur, aut de ipsis murmuretur; appetunt tamen illud fieri ab alijs. Et omnia talia cum motiuis, & causis, sunt integre confitenda. De duplicitate, quæ mendacium dicitur, quæ est quando lingua, & intentio non concordat, quia facit intelligi, & credi quod non est. Tales quandoque sunt duplicitates proditoriarum, sicut in Iuda quando dixit: Ave Rabi. Isti mel in ore gerunt, & retro pungere quærunt. Nam post osculum fecit capi Christum. De simulatione, quæ est in verbis, signis, & operibus exterioribus, cuius contrarium est in mente, hoc est, proprium hypocritarum. Est autem simulatio, falsitas veritate depicta. Vel est vitium, verbis, & actibus virtuosus opertum. Simulatio in verbis est quando te dicis insipientem, & vitiosum, ut per hoc humilis reputeris, & humilia præeligis, ut non credatur, quod virtuosus, & sufficiens reputari velis. si autem non virtuosus reputaris, tunc turbaris. Est ergo humilitas, in verbo, superbia, in mente. Simulatio in opere est quando fit actus virtuosus, ut solum fama acquiratur. Simulatio in signo est quando prætenditur honestas in sensibus, & cor plenum est inhonestate, nec trahitur quis ab opere malo, nisi quia caret opportunitate quam veller. Sic quidam religiosi de die quando videntur, ut putentur sancti, & honesti, sensus suos

Varia hypo-  
critarum,  
simulatio.

A valde componunt, & maxime in officio, & choro, inclinationes profundas & similia faciendo, sed de nocte nulla signa deuotionis ostendunt, dum non sentiunt se videri. Sic quidam se macerant abstinendo, ut spirituales appareant, & iudicentur. Aliqui exterius apparent patientes subridendo, qui tamen pleni ira & tristitia dolent de iniuria eis facta. & sic omnis hypocrita est simulator, duplex, & falsus, & per consequens inimicus, & proditor veritatis. Et ideo quia huic vitio multa sunt annexa alia, cum diligenti examinatione, debent in confessione euomere virus suum. Mendacia sunt secundum species suas confitenda, Mendacia. B quia quædam sunt alijs noxia, & hæc sunt grauiora non noxijs, quædam deliberate prolata grauiora a casu prolatis, quædam iocosa ad gaudium prouocantia, quæ tamen a viris perfectis sunt arcenda. Qui vero dicunt mendacium per quamdam inaduer- tentiam, sicut narrantes historias, aut multum, aut prolixè loquentes, debent confiteri quæ noscunt falsa. Qui vero in prædicationibus narrant miracula non vera, aut historias derisivas, seu fabulas, aut textum Scripturæ sacræ trahunt indebite, ut coaptent verba, male faciunt, & debent confiteri, quia tot veritates sunt in Scriptura quæ possunt dici, quod non oportet taliter facere, quoniam mendacijs non eget Deus. Adulatoria, ut sunt verba blanditoria ad com- placendum, vel ut commendetur, vel ut beneuolus fiat, vel seruitium recipiat, sunt confitenda tamquam mendacia, exprimendo intentionem quam habuit in prædictis, & potissime, qui adulantur gestibus corporis, & actibus manuum, & oculorum, ut ostendant affectionem, & compassionem ad aliquem, quia omnes tales sunt mendaces, & falsi.

*Eruditio utilis ad omnia supradicta. Cap. XVI.*

D V T autem scias melius confiteri, studeas saltem, semel in die examinare quomodo tempus expendisti, & discurre per singulas horas cogitando loca in quibus fuisti, cum quibus personis, quid cogitasti, quid dixisti, quid audiisti, quid fecisti, ut cognoscas relaxationes linguæ, cordis, & sensuum, in quibus, & quotiens offendisti, aut dedisti alijs materiam offendendi, & sic ordina in mente tua, sicut ea fueris memor commisisse: quia melius explicabis omnia quorum fueris memor, & illa pluries pertracta, & ordinate repete in mente tua. nec te pigeat, in tali examinatione exercere, quia pax, & lætitia mentis, quam inde consequeris, superexcedit omne gaudium mundanum. Quod si absque difficultate magna, & cum magna tranquillitate animi, istum modum volueris obseruare, stude in paucis delinquere, ut pauca possis recolere, & confiteri. Confessorem eligas compassionem, probatum in tentationibus, & in via continentie se exercentem, cui sæpe confitearis, & aperias omnes defectus clare & lucide, & stimulos quibus molestaris. Sit ille discretus, charitativus, humilis, & intelligens, sic quod possis ad ipsum confidenter recurrere, & sciat tibi remedium adhibere. Aliter autem si cæcus cæco ducatum præstet, ambo in foueam cadunt. Ad ista melius obtinenda, necessaria est tibi solitudo, quæ est via primaria ad cordis munditiam, & tutela ad custodiam. Vnde si es religiosus, si pacem quæris hinc minime egredieris. Versus.

*Cella quasi calum sit tibi, qua calica cernas.*

*Hic legas, hic ores, mediteris, crimina plangas.*

*Pax est in cella, foris autem plurima bella.*

Si autem es secularis, fuge consortium quantum potes, nisi pro euidenti vtilitate, aut necessitate. Expedi etiam, ut portes, in corde propositum tibi cauendi pro posse ab omni offensa Dei, & proximi, & debes te armare cum oratione dicendo, Deus in adiutoriū meum intende, &c. quia sine auxilio Dei, impossibile

Qualis de-  
beat esse cō-  
fessor.

*Matt. 15. b*

bile est te a quantumcumque minimo peccato liberari. Et quamvis Deus permittat, quantumcumque ipsum rogaueris in oratione, ut in aliqua peccata incidas, non tamen propter hoc desistas a bono proposito bene operandi: quia hoc Deus permittit, ut agnoscas te infirmum, & continue diuino auxilio te indigere, nihilq. boni per te ipsum posse perficere, quantumcumque cupias, & proponas. Propter quod oportet semper orare & non deficere. Ille autem semper orat qui non cessat bene facere, & mala vitare desiderat. Si autem ab incepto opere bono destiteris, eo quod in oratione non exaudiris, tunc est signum quod spiritualis aedificij, quod est conscientiae puritas, caret principio, cui est annexa cognitio propriae vilitatis, ad quod consequitur virtus humilitatis quae mentem in bono confirmat, & facit hominem contentari de omnibus iudicijs, & permissionibus diuinis, circa omnes creaturas & se. Dum enim in veritate te ipsum agnoscis, omnibus compateris, nullum odis, nulli inimicaris, plus gaudes de passionibus, & poenis corporalibus, quam de consolationibus carnalibus, quia te vides, ista meruisse, & esse vtilia, haec autem esse periculosa. Sic ergo omnia praeter peccatum diligas, nihil te praeter Deum afficiat, nihil te nisi culpa contristet. Et quoniam cognitio, & accusatio sui ipsius, acquiritur per mentis munditiam in solitudine & mentali oratione, necesse est, quisquis ad hanc puritatem peruenire affectat, solitudinem veluti matrem orationis, & munditiam amplectatur, & ibi in lectione, & sui cordis scrutatione se quotidie sic exerceat, quod omni otiositate vitata, omni humana verecundia postposita, & despecta, ad veram, & puram, & integram, & plenam confessionem nunc se praeparat, & disponat.

*De modo cognoscendi seipsum. Cap. XVII.*

**P**ostremo qui vult ad sui perfectam cognitionem citro, & faciliter peruenire, ac perfecte pacem conscientiae possidere. Primo cor suum spoliatur omni amore, & affectione sensuali a quacumque persona, & re temporali, sic quod inter Deum, & cor tuum, nullum sit medium, & nihil diligas extra Deum, nec praeter Deum, & tunc talis affectio non erit medium, impediens, sed adiuvans, & cooperans. Secundo exuat cor suum ab amore inordinato ad seipsum, videlicet, quod non sit fur, & latro honoris, & laudis, appetendo aliquid de his quae debentur soli Deo simpliciter. Nihil etiam terrenum appetat, nisi pro Dei seruitio, & vtilitate animae suae, vel proximi, & abneget propriam voluntatem, cupiat alienum velle potius quam suum perficere, nec a voluntate Dei, ac eius permissione animus suus discorde. Tertio ad suam conscientiam stimulum frequenter se exerceat, memorando praeterita delicta, seipsum arguendo de negligentia, concupiscentia, & nequitia. De negligentia quidem se arguat, si cor suum non bene custodit, si tempus inutiliter expendit, si opera sua in finem debitum non reduxit. Adhuc si fuit negligens in oratione, in lectione, & boni operis executione, quorum vnum non sufficit sine altero. Adhuc si fuit negligens ad agendum poenitentiam de commissis, ad resistendum tentationibus a Deo permissis, ad proficiendum in bonis sibi impensis. De concupiscentia autem se reprehendat, cogitando si in se viuit, aut vixit, concupiscentia, & voluptas, appetendo dulcia, mollia, & cibaria sapida, vestimenta delitiosa, & oblectamenta luxuriosa, quae omnia in primo motu sunt fugienda. Item si viuit in se, vel vixit concupiscentia curiositatis, appetendo scire occulta Dei, aut creaturarum, videre pulchra, habere pretiosa, & similia, quae omnia procedunt ex auaritia. Item si in se viuit, aut vixit concupiscentia vanitatis appetendo humanum fauorem, vel honorem, laudem,

Append. ad To. 7. oper. S. Bon.

A & propriam gloriam. Haec & omnia quae faciunt hominem vanum, sunt fugienda a quocumque, & maxime religioso, qui debet ambulare in veritate coram Deo, & hominibus, in cunctis bonis operibus suis, & ordinare cor, verba, & opera in laudem Dei, & aedificationem proximi, & vtilitatem sui nihil extra Deum vllatenus appetendo. De nequitia vero se arguat cogitando si in se viuat, aut vixit iracundia in verbo, in animo, vel in exteriori signo, & si aliquem ad iracundiam prouocauit. Hoc autem vitium non potest corrigi, nisi per spiritum veritatis, ut scilicet homo consideret quid meruit per peccatum mortale, ac per hoc bonitatem Dei attendat, & patientiam quae ipsum sustinuit usque nunc. Nec adhuc eum damnare vult, cum iuste possit, ac poterit quotiens mortaliter peccauerit. Cum ergo veritas ingreditur animam, & ibi permanet, omne cor impatiens, & furiosum efficitur humile, & mansuetum, & omne cor durum, & impium, efficitur pius, & compassiuus. Haec autem virtus ingreditur solummodo in cor mundatum. Item cogitet si in se viuit, aut vixit nequitia inuidiae, quae de bono alterius contristatur, & de malo iucundatur, quod vitium directe contradicit Spiritui sancto, & ideo ex inuidia oritur peccatum in Spiritum sanctum, quod dicitur inuidia fraternae gratiae, contra quod scriptum est in Mat. 20. 6

C An oculus tuus nequam est, quia ego bonus sum? Et ideo hoc peccatum, non remittitur in hoc saeculo, nec in futuro. Item cogitet si in eo est, vel fuit nequitia acediae, quae consurgit ex radio boni, aut ex otiositate nimia, aut ex timore, vel dolore alicuius mali. Et ex hoc oriuntur pessima, videlicet suspitiones, malignae cogitationes, blasphemiae, diffidentia de Deo, & finalis desperatio. Ad hanc saepissime deueniunt insolentiae dediti, & qui se negligunt in bonis exercere, & tempus suum vtiliter expendere, necnon qui nimis est ambitiosus appetendo excessiue honorem, talis, qui appetit supra meritum suae sufficientiae, numquam habet quod appetit, sed quod peius est, iusto Dei iudicio, tanto magis ad imatrahuntur, quanto magis seipsos eleuauerunt, & procurauerunt per alios trahi sursum. Qui ergo hoc vitium vitare desiderat, studeat otium euitare, ac mentis, & corporis superare pigritiam, eorumque occasiones praecidere, quae sunt amor quietis, & immoderantia victus, propter has duas causas, peccata pessima sunt perpetrata. Ex his occasionaliter, venit ira Dei super Sodomam, & Gomorrhaim. Idcirco sancti Patres fugientes de saeculo ad desertum, contra illud vitium acediae quae inficit, & dissipat omne bonum, statim armis temperantiae, & occupationis, & continentiae, ut otiositatem radicem omnis mali inciderent, se principaliter muniebant.

*De peccatorum origine. Cap. XVIII.*

**O**mniū vitiorum capitalium vnum est initium, scilicet ingratitude. Duplex est enim radix, scilicet timor male humilians, & amor male inflans. Triplex fomentum est, concupiscentia carnis, & oculorum, & superbia vitae. Septiforme caput est, superbia, ira, inuidia, acedia, auaritia, gula, luxuria. Inter quae sunt quinque peccata spiritualia, & duo carnalia. Cum tamen peccatum mortale, non sit aliud quam recessus a Deo, per ipsius contemptum, in se vel in suo praeepto. Contemptus autem Dei fit superbia, igitur necesse est, ut omnis peccati mortalis culpa sumat initium a superbia. Quia vero nullus contemnit Deum, vel suum praeeptum, nisi quia aliquid ab ipso timet perdere, aut velleret acquirere, ideo oportet quod omne actuale peccatum, trahat originem ab hac duplici radice, aut amoris, aut timoris. Omnis autem timor habet ortum ab amore, quia nullus timet perdere nisi quod amat, ideo amor,

N n 3 timor

De ingratitude, siue elatione.



timor ab eodem fouentur . Et quia amor inordinatus est respectu boni temporalis , & illud est interius excellentia , & exterius pecunia , inferius lasciuia carnis . Ideo tria sunt fomenta vitiorum capitalium , & actualium , ad quæ dum anima inordinate fertur , omnia peccata actualia ordiuntur . Et quia hoc fit secundum septiformem modum , ideo sunt septem peccata capitalia , ex quibus generatur vniuersitas peccatorum .

*De peccato in Spiritum sanctum . Cap. XIX.*

Peccati in Spiritu sancto, sex differentiarum.

**Q**uamuis omne peccatum sit contra Deum trinum & vnum , appropriatur tamen aliquod B peccatum in Patrem , aliquod in Filium , aliquod in Spiritum sanctum . Peccatum autem in Spiritum sanctum est irremissibile in hoc sæculo , & in futuro , non quia in hoc sæculo non possit remitti , sed quia non dimittitur nisi raro , aut vix in hoc sæculo quantum ad culpam , & modicum in futuro quantum ad poenam . Huius autem peccati sunt sex differentiarum : Inuidia fraternæ gratiæ , impugnatio veritatis agnitæ , desperatio , præsumptio , obstinatio , finalis impœnitentia . Primum est contra charitatem Dei in quantum dolet quod Dominus Deus est bonus , qui ex bonitate sua dat gratiam , & etiam est contra charitatem proximi . Secundum est contra veritatem fidei , quæ est fundamentum nostræ salutis . Tertium est contra misericordiam Dei , quia credit se plus peccasse , quam Deus possit parcere . Quartum est contra iustitiam Dei , quia tantum præsumit de misericordia Dei , quod credit se non debere puniri de peccatis , ac per hoc se relaxat ad peccandum , & poenitere non curat . Quintum est contra gratiam poenitentialem , quæ facit resiliere a peccatis commissis . Sextum est contra gratiam poenitentialem , quæ facit præcauere a committendis secundum quod ipsa finalis impœnitentia dicitur propositum non poenitendi . Sic enim est species peccati in Spiritum sanctum . Secundum autem quod dicit continuationem peccati vsque in finem , sic est sequela omnium mortalium , quæ in hac vita non remittuntur , & maxime omnium specierum peccati in Spiritum sanctum . Et sic omne peccatum initium sumit a superbia , & finem habet a finali impœnitentia in quam qui deuenit punitur in gehenna , a qua finali impœnitentia nullus peccans mortaliter potest liberari , nisi interueniat gratia mediatoris Christi .

*Peccati descriptio . Cap. XX.*

Peccatum mortale & veniale .

**C**um omne peccatum dicat recessum voluntatis a primo principio , in quantum ipsa voluntas nata est agi ab ipso , & secundum ipsum , & propter ipsum , ideo omne peccatum est inordinatio mentis , vel voluntatis , circa quam nata sunt esse virtus , & vitium . Peccatum igitur actuale , secundum Augustinum , est dictum , vel factum , vel concupitum contra legem Dei . Vel est actualis inordinatio voluntatis . Inordinatio autem ista , aut est tanta quod ordinem exterminat iustitiæ , & sic dicitur peccatum mortale , quod natum est auferre vitam ab anima , separando ipsam a Deo , per quem viuificatur anima iusti : aut est tam modica , quod ordinem istum non perimit , sed aliquantum perturbat , & sic dicitur veniale peccatum , quia de ipso cito possumus veniam obtinere , pro eo quod ipsum non tollit gratiam , non incurritur inimicitia Dei . Ordo autem iustitiæ est , ut bonum æternum præferatur temporali , & bonum honestum vtili , & Dei voluntas propriæ , & iudicium rationis præsit sensualitati humanæ . Et quia lex Dei præcipit hoc , & vetat oppositum , ideo quando præfertur temporale æterno , vtile honesto , sensualitas rationi , voluntas propria diuinæ , tunc committitur peccatum mortale . De quo dicit Ambrosius

quod est præuaricatio legis Dei , & celestium inobedientia mandatorum . Hæc autem committitur , quando omittitur quod lex præcipit , siue sit quod lex vetat . Ex quo oritur duplex genus peccati , scilicet , delictum , & commissum . Quando vero bonum temporale plus debito diligitur , sed non præfertur æterno : & quando honesto præfertur vtile , & naturalis voluntas plus debito amatur ; sic tamen quod non præfertur diuinæ , & caro concupiscit , non præfertur iudicio rationis rectæ , tunc est tantum peccatum veniale , quia licet hoc sit præter legem Dei , non tamen est directe contra eam . Sensualis autem appetitus non præfertur rectæ rationi , si quando ratio ei consentit , ideo peccatum mortale non committitur sine consensu . Si autem sensualitas inordinate moueatur , cum ista inordinatio ad malum declinet , & in hoc ratio non consentiat , non est aliquod peccatum , quia nec aliquo modo lædit ordinem iustitiæ . Et quia in statu innocentie non mouebatur sensualitas nisi secundum motum rationis , ideo stante hoc non poterat ibi esse veniale peccatum . Nunc autem quia rationi repugnat sensualitas , velimus , nolimus , ideo necesse habemus , committere veniale peccatum aliquod per primos motus . Et licet particulariter ac singillatim possint deuitari , omnia tamen nullo modo possunt caueri , quia sicut peccata sunt , ita & poenæ peccati originalis , vel actualis . Et ideo merito dicuntur venialia , quia hoc ipso digna sunt venia . Verum quia ratio his consentire non compellitur , si post consensum delectationis consentiatur in opus , tunc est plenus consensus , ac per hoc est peccati consummatio quæ peruenit vsque ad supremam portionem rationis ex qua pendet plenitudo consensus . Quia vero non solum consensus in opus verum etiam in delectationem , est in quo inferior pars sequitur sensualitatem , ideo si in delectationem sensualem ratio sensualitati consentiat , & succumbat , propterea fit subuersio ordinis recti & iustitiæ , propter quod committitur peccatum mortale , quamuis minus graue , quia non solum imputatur inferiori parti rationis , sed etiam superiori , qua debuit compescere , & cohibere inferiorem , ne consentiat .

*Confessio siue humilitatio summissa . Cap. XXI.*

**E**cce descripsi cor mundum , & conscientiam puram , vir ego immundus & maculatus , multum me ostendere sciens , & meipsum nesciens , alienos defectus dijudicans , & meos non inspiciens , vitia & occasiones vitiorum vobis aperiens , & ipsa vitia in meipso corrigere negligens , festucam in oculo alieno perspicies , & in meo trabem non considerans , alienæ vitæ dux esse præsumens , & moderamina vitæ propriæ non tenens , omnium mores discutiens , & meos non deferens , erga meipsum cæcus permanens , & circa alios oculatus existens , fraternam tamen charitatem coactus , quia omnium fratrum animos sincere amplector , eo maxime quo eos sentio perfectam cordis affectare munditiam , mundumque cor sollicitè ac studiose perquirere , quo ipsam attingere valeatis ( vt supra scriptum est ) vestra charitatiua dilectio humiliter , & benigne suscipiat , vbi sicut in speculo & exemplo verissimo viam , & ianuam per quam ingreditur anima in atrium domus Domini , quod est conscientie puritas , diligentissime speculetur , firmiter attendentes quod ad dictum atrium nullus vquam in hac vita peruenit nisi modo prædicto seipsum agnoscere studeat secundum notitiam sibi datam a Domino , suamque conscientiam mundam , & immaculatam seruare , & hoc per confessionem puram veram & integram superius memoratam . Ipse namque modus confitendi super humilitate perfecta fundatur , procedens ex filiali Dei timore , qui non patitur in corde habitare peccatum , nec circumstantias peccati ,

Recognitio modestissima auctoritatis .

peccati, quibus putet Deum esse offensum dummodo statim euomat per confessionem, secundum sui possibilitatem, & notitiam habitam de peccato. Et huiusmodi sollicitudo seruandi cor mundum, & conscientiam puram, est signum congruū & euidentis quod quis inter electos Dei filios computetur. Vnde talis anima *Psal. 25. b* secure potest dicere: Domine dilexi decorem domus

tuae, idest munditiam animae meae, & locum habitationis gloriae tuae, idest puritatem conscientiae meae. Et ratio: Quia in voluntate tua praestitisti decori puritatis meae virtutem, & in iustitia apparebo purus & mundus in conspectu tuo, & satiabor cum apparuerit gloria tua. Ad quam nos perducatur ipse Deus, qui viuit, & regnat in saecula saeculorum. Amen.

I N C I P I T  
M Y S T I C A T H E O L O G I A  
D O C T O R I S S E R A P H I C I S B O N A V E N T V R A E  
O R D I N I S M I N O R V M

A Q V I B V S D A M A S C R I P T A H E N R I C O D E P A L M A :  
a quibusdam, alijs :

A P L V R I B V S T A M E N A S C R I B I T V R  
Sancto Bonauentura.

*Præcedens titulus est in antiquis impressis Argentina anno M. cccc xcvi. ex quo apparet iam tum addubitatum de Auctore huius Opusculi. Sed quod nec S. Bonauentura sit, nec alicuius ordinis Minorum videtur colligi manifeste ex antiquo manuscripto exemplari: Cuius hac est inscriptio: Iesus Christus Mariæ filius. Incipit liber, qui dicitur, Mystica Theologia. Vbi enim de beneficijs specialibus agitur cap. 1. part. 2. loco illorum verborum: Quem maxime ad religionem fratrum Minorum diuina clementia prouocauit. Ms. sic habet: Qui maxime ipsum ad religionem Carthusiensis ordinis diuina clementia prouocauit. Et max infra, Ms. Tertio recolat illud, ad quod vocatur; quia non ad regulam beati Benedicti. Et subditur: Sed ad ipsam sacratissimam, quam ipsemet elegit, quando ductus est in desertum, vbi quadraginta diebus, & quadraginta noctibus ieiunauit, & Præcursor suus, &c. Impressa inter illa verba; Ieiunauit, atque, Et præcursor suus, interserunt hæc: Et in maxima paupertate per mundum prædicauit, & saluti omnium ardentissime intendit. Vnde ab aliquo Carthusiensis compositum Opusculum videtur, & quibusdam immutatis, & auctis illud S. Bonauentura adscriptum; nisi quis idem resorqueat argumentum. Stylus vero non esse Bonauentura persuadet. est enim Sanctus is Doctor concisus quidem, sed quantum fieri potest in breuitate perspicuus. At vero tractatus iste diffusus est & obscurus; sed ad anagogicos excessus affectui admodum vilis.*

P R O L O G V S.

*Thren. 1. 6*



**V**AE Sion lugent eo quod non sit, qui vadat ad sollemnitatem. Licet Hieremias propheta dixerit hoc verbum, captiuitatem populi sui deplorans: tamen hoc poterit speculator quisque intelligens exclamare, tantam captiuitatem animarum, tantam declinationem a semitis iustitiae, & vijs æquitatis in mundo vniuerso discernens. Viæ enim dicuntur amantium desideria animarum, quibus ad Deum, & ad supernam ciuitatem Hierusalem super omnem rationem & intellectum, etiam in terreno corpore habitantes animæ subleuantur. Quæ viæ etiam lugere dicuntur, eo quod non sit qui ad tantam sollemnitatem aspiciat. Eo quod abiecta vera sapientia, tam clerus quàm populus mundanis delitijs, vel inutilibus curiositatibus se immergat. Sed, quod multo magis est dolendum, & cordis lacrymis incessabiliter lamentandum, quod multi religiosi, multi etiam viri famosi reputati, veluti quondam populus Israeliticus recto cultu creatoris

**E** fui manufactis idolis seruierunt, sic relicta vera sapientia qua Deus solus perfecte interius colitur, & a solis amantibus adoratur, diuersis scientijs, & fabricationibus multiplicium argumentorum inuentijs, quasi quibusdam idolis miserabiliter mentem impleuerunt. In quibus sic absorbentur diabolo instigante, & sic mens ipsorum in istis totaliter possidetur, vt vera sapientia locum in eis non inueniat. Nam hac pessima occupatione, quam Deus dedit filijs hominum, infeliciter captiuantur, ita vt non sit spiraculum, quo suum creatorem anima per flammigeras amoris affectiones contingat. Non enim ad hoc animam creauerat, vt contra suam generositatem multitudinem quaternorum ouinarum pellium repletur, sed ad hoc vt esset sedes sapientiae, & in ipsa rex pacificus ciuitatis supernæ, scilicet Deus altissimus, resideret. Sapientia enim hæc quæ Mystica Theologia dicitur, a Paulo Apostolo est edocta, a Dionysio Areopagita suo discipulo conscripta, quæ idem est quod extensio amoris in Deum per amoris desiderium. Quantum distat ortus ab occidente, omnium creaturarum scientiam incomparabiliter præexcellit. Nam alias scientias mundi doctores edocent, sed de hac a solo Deo immediate, non a mortali homine spiritus edocetur. Ista diuinis illuminationibus, & distilatio-

Vera sapientia inutilibus scientijs impeditur.

*Eccl. 1. 6*

Mysticæ Theologiæ definitio, & eius excellentia.

lationibus celeſtibus ſcribitur in corde: illa vero pena anferis, & atramento ſcribitur in pelle. Iſta vero dicit, Sufficit: nam per iſtam animus cauſam inuenit, ſcilicet Deum creatorem ſuum, & in ipſo qui eſt fons bonitatis totius, & beatitudinis immediatiſſimæ, conqueſcit. Alia vero numquam dicit, Sufficit. Nam iuſtum iudiciū eſt, vt qui non curando de ſumma ſapientia, a ſumma veritate deuiat, veluti cæcus in tenebris inuoluatur, & ſic per vana, & deuiata anima inſatuata humanis inuentionibus inſenſata diſcurrat. Item iſta affectum inflammat, intellectum illuminat: alia vero quàm pluries inueniens vera ſapientia cor euacuatum, inflat, quàm pluries varijs opinionibus, & diuerſis erroribus intellectu obtenebrat.

Suaſio.

Igitur relicta humana ſapientia, curioſitate ſcientiæ inutilis, argumentationum, & opinionum capturis, religioſa anima per amoris aſcenſionem ad fontem omnium deſiderando aſcendat, in quo ſolo reperiat veritatem. Sed quia hæc ſumma ſapientia non poteſt ab homine edoceri, ſubditur, quomodo quilibet quantumcumque laicus in ſchola Dei exiſtens, hanc ſapientiam ab ipſo immediate recipiat ſuper omnem intellectū, per amoris affectum, quam nullus philoſophus, nullusq. alius ſcholaris ſæcularisq. magiſter, nulla humana intelligentia quantumcumque ſtudeat, apprehendit.

Triplex via  
ad perfectā  
ſapientiam.

Triplex eſt igitur via iſta ad Deum, ſcilicet purgatiua, qua mens ad diſcendam veram ſapientiam diſponitur. Secunda vero illuminatiua dicitur, qua mens cogitando ad amoris inflammationem accenditur. Tertia vnitiva, qua mens ſuper omnem intellectum, rationem, & intelligentiam a ſolo Deo ſurſum actu dirigitur. Nam ſicut videmus in pontibus dum fiunt, quod prius ligna ſupponuntur, vt firmitas muri lapidei ſuperius ædificetur, & perfecto ædificio iam ligna ſuppoſita penitus admoventur: ſic & mens cum primo ſit in amore imperfecta, poſt ad amoris perfectionem meditando conſurgit: & cum per multum exercitium in amore vnitivo fuerit confirmata, & propter multas flammigeras amoris affectiones, ſiue aſpirationes ſupra ſeipſam creatoris ſui dextera ſubleuata, citius quàm cogitari poſſit, ſine omni cogitatione præuiua, vel concomitante, quotieſcumque placet, centies vel milleſies de die, vel de nocte in Deo afficitur, ad ipſum ſolum poſſidendum, innumerabilibus deſiderijs aſpirando. Sic enim quilibet nouus diſcipulus ad perfectionem huius ſcientiæ gradatim aſcendat; vt primo in via purgatiua quæ eſt via puerilis & incipientium ſtudioſiſſime ſe exerceat, quæ hic incipit: Iuſtitia & iudicium præparatio ſedis tuæ. Poſtea autem per ſpatium modici temporis, ſcilicet per menſem vnum, vel per duos, ſecundum quod diuino ſuper irradiante lumine, ſibi videbitur expedire, ad amorem cogitando conſurgat. Quod ſi præſumptuoſum forte alicui videatur, quod anima inuoluta peccatis multiplicibus, audeat a Chriſto amoris petere vñionem, in ſeipſo cogitet nihil eſſe periculi. Dum primo oſculatur in pede, per peccatorum recordationem. Secundo in manu, per beneficiorum ſibi collatorū recognitionem. Tertio aſcendat ad oſculum amoris, ipſum ſolum deſiderando, & ipſi ſoli affectibus flammigeris adhærendo, vt ſecundum quod ſubſequenter videbitur dicendo orationem Dominicam, prout per ipſam mens cogitando conſurgit, ordinate aſcendat. Quarto ſe exercendo ſecundum viam illam, quæ illuminatiua dicitur, quæ ibi incipit: Nox illuminatio mea in delitijs meis; cōſcendit anima ad multo eminentiorem gradum & ſtatim, in quo etiam quotieſcumque vult ſine aliqua cognitione præuiua, anima Deo immediate afficitur, quæ ad plenum non poteſt aliqua humana induſtria edoceri, ſed exercendo ſe per viam purgatiuā, & illuminatiuam anima experimentaliter percipit, ſolo Deo interius dirigente & docente, quod non poteſt vi

Pſal. 88. c

Pſal. 138. b

aliqua mortali, vel eloquentia reſerari. Quod nec Ariſtoteles, nec Plato, nec aliquis mortalis aliqua philoſophia, vel ſcientia poteſt, nec potuit, nec poterit intelligere, quod ſolus Dominus, ſiue amor docet interius, vt diſcat omnis rationalis anima a ſummo doctore, & æterno acquirere ſcientiam: in qua omnis ratio, & intellectus deſicit, & affectus per amorem diſpoſitus, transcendens omnem humanam intelligentiam ſuperenatat, ſola amoris vñitui regula, ad ipſum qui eſt fons totius bonitatis, ſpiritum dirigente.

Hæc igitur eſt Myſtica Theologia, ideſt occultus ſermo diuinus, quo mens ardore diſpoſita, linguis affectionum Chriſtum ſuum dilectum occulto alloquitur, in cuius myſtico tractatu ſic proceditur. Primo manifeſtatur via purgatiua, in qua declarantur tria: primo quomodo anima purgari debeat: ſecundo quomodo vera oratione, gratiæ abundantia impetretur: tertio quomodo peccator plenam de peccatis indulgentiam conſequatur. Secundo duo manifeſtantur. Primo de via illuminatiua ſubditur, vbi primo docetur quomodo mens vſualiter per Dominicam orationem meditando, ad amorem conſurgat: ſecundo quomodo per eandem viam expoſitione orationis Dominicæ, omnis ſcriptura anagogice totum referendo in Deum ſpiritualiter exponatur tertio determinatur de via vñitiua, quæ incipit ibi: O ſapientia quæ ex ore altiſſimi, &c. Vbi primo manifeſtatur quanta vitæ ſublimitas, & quanta virtutum conſummatio per myſticam ſapientiam, ad hoc vt magis appetatur, & ab ipſis exercentibus acquiratur. Quod ſi forte alicui legenti nimis difficile videatur, propter ſcientiæ profunditatem, vel propter verborum obſcuritatem: iam illud tangat tertia via, quæ eſt ſuper omnem intellectum, exerceat ſe in via purgatiua, & via illuminatiua ſubſequentem, & ſtatim experietur, & intelliget in ſeipſo, ſolo Deo interius operante, quidquid de tertia via inueniet in ſcripto, vel audiet ab aliquo. Nam in hac ſapientia neceſſe eſt, vt in ſeipſo primo percipiat experimentaliter veritatem, & deinde ſententiam omnium verborum, quæ ad myſticam ſapientiam pertinent, in comparatione cuiuſlibet doctrinæ facillimam iudicabit. Hæc enim ſapientia in hoc differt ab omnibus alijs ſciētijs, quia in hac primo oportet vſum habere in ſeipſo, quàm verba intelligere, & præctica hic præcedit theoricam. In alijs ſciētijs neceſſe eſt, primo verba intelligere, quàm quæ addiſcitur, ſcientia habeatur. Quæ in quantum a nobiliori doctore acquiritur, in tantum citius poſſidetur, & ita ſit, vt in ipſa aliquis Deo docente ſit perfectior diſcipulus, quàm in aliqua liberalium artium perfecte intelligens magiſter, vel in arte mechanica bonus faber. Secundo, ſcilicet in illo loco: Accedite ad eum & illuminamini, &c. docetur quomodo per omnes creaturas tam ſuperiores, quàm inferiores, anima rationalis ad amorem Creatoris obtinendum, perfecte inſtruitur. Tertio ipſius Myſticæ Theologiæ textus manifeſte exponitur, in quo licet ſint pauca verba, tamen eſt quaſi infinita ſententia. Quæ perfecte intellecta, tam librorum beati Dionyſij difficultas, quàm totius veteris & noui teſtamenti ſenſus myſticus veris amātibz eluceſcit. Nam ſicut ab vno fonte deriuantur plures riuuli, qui quaſi in infinitos fluuios deriuantur: & ſicut ab vno puncto centrali procedunt quaſi infinitæ lineæ, ſic intellectis illis pauculis verbis, quæ ibi exponuntur, in quibus ſpiritus edocetur, quomodo vñiri Deo debeat, in ſuo ſummo apice conſtitutus, & ibidem experimentaliter inueniet totius ſapientiæ originem: Ex qua coniunctione mens de inferioribus ſciētijs præclare intelligendis, ſacræ Scripturæ expoſitionibus verbis idoneis in prædicatione, ad inflammandam corda audientium fidelis diſcipulus multipliciter, & affluentiffime eruditur. Quarto ſubduntur octo induſtriæ,

Diuiſio totius operis.

Eccli. 24. a

Quomodo ſapientia myſtica differt ab alijs ſciētijs.

Pſal. 33. a

duſtriaz, in quibus anima ad acquirendam iſtam ſapientiam, & conſeruandam habitam, ſagaciter edocetur. Vltimo contra aliquos ſciolos hanc ſupremam ſapientiam impugnantes, & dicentes, quod nunquam conſurgit affectus, niſi præmeditando & cogitando, diſputatio ſubditur, auctoritatibus, & rationibus ipſorum error conuincitur, & huius ſapientiaz veritas efficacius enodatur, quod ſine media præeunte diſcretione, ſed ſolo amoris vehiculo ſupra ſe ipſam quorienſcumque vult experimentaliter anima ſubleuatur, quod nec ratio intelligit, nec intellectus ſpeculatur, ſicut ibi dicitur: Guſtate & videte.

*Pſal. 33. b*

*De via purgatiua, in duas particulas diſtinctum.  
Cap. I. Particula I.*

*Pſal. 88. c*

**I**uſtitia & iudicium præparatio ſedis tuæ, &c. Cum enim anima per mentis affectum ad perfectam ſponſi cæleſtis vnionem peruenire deſiderat, neceſſe eſt, vt qui pane Angelorum, quo beati ſpiritus reficiuntur in gloria, adhuc in miſeria degens, quaſi quibuſdam micis cadentibus appetit ſatiari, triplici officio Angelorum quaſi gradatim aſcendendo, in miſſione diuinæ influentiæ ſubleuetur. Cum enim dicat beatus Dionyſius in hierarchia Angelorum, quod triplex ſit Angeli officium, ſcilicet purgare, illuminare, & perficere: oportet, vt anima quæ vult aſcendere ad illum altiſſimum panem in præſenti in quo mentes Angelicæ abſorbentur in gloria, vel vt eorum imitatrix primo purgetur, ſecundo diuinis fulgoribus illuminetur, tertio in ſupremo apice affectiue conſtituta vnitiui amoris culmine perficiatur.

*Dionyſ. de cal. hierar. cap. 10.*

*Via purgatiua.*

Primo ergo dicendum eſt de prima via, ſcilicet purgatiua, quæ eſt quaſi puerilis, & incipientium, per quam mens adhuc rudis diſponitur ſine mortalium hominum documento, ſolis inſiſtens doctrinis cæleſtibus, vt experimentaliter quamquam ſit ſimplex, vel laicus, ad practicam non ad theoricam illuminationem, diuina manuſtatione neceſſario ſubleuetur. Ante enim quam illa ſapientia, quæ Deus eſt beatiſſimus, in ſpiritu rationali veluti in domo propria conqueſcat, iuxta illud: Anima iuſti ſedes eſt ſapientiaz, oportet, vt de ipſa iudicium & iuſtitia fiat. Iudicium, vt ſicut a Creatore ſuo ſe auertendo (ſicut ſit in omni peccato mortali) ipſum contempſit Creatorem, pro creatura lamentabiliter relinquendo: ſic ipſa humilietur totaliter, vt humiliatio ipſius incipientis, intantum ipſius clementiam prouocet, inquantum ipſius contemptus diuinam contra ſe ſententiam in peccatis anterioribus prouocauit. Oportet etiam, vt ibi ſit iuſtitia, vt illa anima quæ aliquando delectationem Creatoris, in delectationem creaturæ peccatis ſuis exigentibus commutauit, quod intantum doleat, vel ſaltem ſe non dolere doleat: vt diuinæ iniuriæ ſecundum iudicium ipſius tam miſericordis, videatur ſecundum humanam iniuriam aliquatenus ſatiſfactum iuxta illud: Quantum glorificauit ſe, & in delitijs fuit, tantum date illi tormentum & luctum: vt ſecundum artem medicinæ per duo contraria, ſcilicet per humilitatem contra priſtinum cõtemptum, per dolorem de peccatis contra priſtinam delectationem, quaſi naſcens denuo, illi qui eſt ſumma maietas, & indeficiens bonitas, per vnitiuum glutinum ardentiffimi amoris vnatur. Dicendū eſt ergo, quomodo humiliatio, & dolor de peccatis, quadam neceſſitate congruente acquiratur. Et licet hæc via purgationis puerilis aliquibus videatur, maxime reſpectu ſequentium; tamen niſi per iſtam mens circa diuinam negotiari attendens, ſollicita & attentata pertranſeat, numquam in præſenti vita ad cognitionem de diuinis, nec ad ardorem vnitiui amoris practici poterit accedere, nec ab iſtis inferioribus ſuos poſſeſſores deuorantibus ſequeſtrari.

*Apoc. 18. b*

*De modo purgatiua. Cap. I. Particula II.*

**S**ic ergo debet anima ſe humiliare, vt primo recolat peccata ſua in aliquo loco occultiffimo, & maxime in ſecreto noctis ſilentio, & maiora, ſuccincte; ne diabolus ſibi inferat ad delectationem, vnde debuit habere medicinam, faciem ſuam dirigendo in cælum, & prout poteſt, ſic maiora peccata ſua vſque ad decem vel duodecim coram Deo quaſi ipſi loquendo enumeret, & enumerando ſuſpiret, ipſum Deum in omnibus exaltando, & ſe in omnibus deprimendo prout poterit, dicendo: Domine Ieſu Chriſte (vel quocumque modo ſibi melius placuerit) ego ſum ille peccator nequiſſimus, miſerrimus, infelicioſus, nequiſſimis abominabilior, qui tuam maiestatem in tot, & tantis criminibus offendi, vt illa enumerare non ſufficiam, ſicut nec arena maris præ multitudinem numerari poteſt: & ibi ſuſpiret vel gemat, prout efficacius poterit. Quia ſicut lima operatur in ferro, vt in qualibet ipſius ſingulari fricatione aliquid de ipſius ferri rubigine expellatur: ſic quodlibet ſuſpirium, vel gemitus aliquid de rubigine peccati, etiam poſt inuſionem gratiæ relictum eliminat. Et ſic magis ac magis anima ſe purgans, ad percipiendā quæ ratio non inueſtigat, vel intellectus ſpeculatur, diuino ſubſidio, vel deſiderio eleuetur. Et vt intentius dolore conſtringatur animus ad ſui conſuſionem, & humiliationem diuina beneficia, primo in generali, ſecundo in ſpeciali attentiffime coram Deo, prout melius poterit, ſibi ingrato diuinitus collata recordetur. Primo quod ipſum quoad ſpeciem ſuam tam nobile creaturam de nihilo ſic creauit dicens: Nonne tu Domine me ad imaginem tuam, cum nihil antea eſſem, in tam nobile eſſe produxiſti, vt te tenerem per gratiam in præſenti, & te facie ad faciem contemplerer in gloria? Et ego intantum prouocaui diſtinctum iudicium tuum, vt niſi mihi ſubuenias, magis non naſci, quam ad lucem præſentis vitæ perducere, mihi miſero profuiſſet. Secundo beneficium incarnationis recordetur, ſic dicens: Nonne tu Domine es ille Rex altiffimus Angelorum, intantum pro me teipſum ad nihilans, vt noſtras miſerias, & peregrinationes itineris ad ſimilitudinem cuiuſdam pauperis humiliter ſuſtineres. Et ego Domine non me humiliando, ſed intantum impudenter extollendo, tuam maiestatem contempſi, in miſerias huius vitæ momentaneas te fontem totius beatitudinis commutando. Quo ergo fugiam? Si aſcendero in cælum tu illic es, ſi deſcendero in infernum, ades. De ſecundo aliquantulum inſiſtendo, percurrat ad tertium, ſcilicet ad recordationem Dominicæ paſſionis, ſic dicens: Non ſuffecit tibi dulciſſime Domine Ieſu Chriſte, quod intantum teipſum inclinaret vt manens Deus, carnis mortalitatis humanitatem aſſumeres, ſed inſuper propter vniuerſorum mortalium miſerias ſubleuandas, tam dira verbera, tam innumerabilia vulnera toleraſti, vt a planta pedis vſque ad verticem non eſſet membrum in corpore tuo, quod non ſanguine tuo ſacraſſimo ſpargeretur? Quid ergo faciam miſerrimus, cum mortis tuæ ſim cauſa, non tantum vicem pro vice non rependens; ſed intantum te in ſcæcibus meis prouocans, vt digno iudicio deberet contra me pugnare totus orbis terrarum, a ſummo cæli cardine vſque ad vltimum centrum inferni? Surgant ergo creaturæ omnes & veluti Domino proprio famulantes, de me vindicent ſuum proprium Dominum & creatorem. Et ibi cogitet de paſſione Domini aliquantulum, vt per vulnus lateris vſque ad contactum diuinitatis occultæ latentis interius, per experimentum amoris attingere mereatur. Hæc enim tria ſunt in generali, quæ non ſibi tantum, ſed & omnibus alijs altiffimus condonauit. Quæ inquantum ſunt generaliora, in tantum indicant maiorem diuinam clementiam.

Postea cogitet in ſpeciali, quæ ſibi, non omnibus alijs

Anima quomodo ſe debet humiliare.

Beneficia generalia creationis, incarnationis, & paſſionis.

*Pſal. 138. b*

Beneficia ſpecialia alijs

alijs pater totius consolationis contulerit, quem maxime ad religionem fratrum Minorum diuina clementia prouocauit: quoniam ista via purgatiua solum est eorum, qui a via seculari veluti columba, vel turtur in desertum, in secessum, videlicet contemplationis, licet adhuc debiles, supra seipsos auolare nituntur, amotionem omnis culpæ mortalis, quo ad iudicium conscientie necessariam supponens. Primo ergo recogitet, quot digniores, quot potentiores, quot etiam ad abundantiorum influentiam diuinæ gratiæ magis multipliciter præparatos, reliquit ipse Altissimus in miserijs, & mundanis voraginibus inuolutos, & se de tenebris miseriæ conuocauit ad suam incommutabilem veritatem. Secundo non tantum respectu miseriæ mundanæ sibi beneficium collatum recogitet, sed & illud diuinum beneficium respectu infernalis miseriæ pertractet: quia multi, qui non tantum quantum ipsæ diuinæ maiestatis oculos offenderunt, sempiternæ maledictionis pœnis perpetuis detinentur, & ipse qui multo plus idem meruerat, non meritis proprijs, sed dono conditoris gratuito, ad gratiæ radium in præsentem vocatur, & ad præmium æternæ beatitudinis in futuro. Similitudinem duorum latronum recolens, quorum vnus ab aliquo rege terreno condignus suspenditur, alter vero plus priore delinquens, sola regis terreni clementia, licet meritis contradicentibus, ipsi efficitur commensalis, gloriam non ignominiam reportando. Tertio illud ad quod vocatur recolat, quia eum non ad regulam beati Augustini, vel Benedicti Redemptoris gratia reuocauit, sed ad illam sacratissimam quam ipsemet elegit, quando ductus est in deserto, vbi quadraginta diebus, & noctibus continuis ieiunauit, & in maxima paupertate per mundum prædicauit, & salutem omnium ardentissime intendit, & præcursor suus proprie instituit, & ipsam in seipso seruans, & nobis seruandam monstrauit. Intantum alijs regimib; hæc regula est sublimior, inquantum doctrinam humanam diuinum eloquium præexcellit. Sed & sic persistens in oratione, non tantum cogitet in seipso, sed ad Deum immediate dirigat eloquium suum, tam peccata sua quam beneficia in generali, & in speciali humiliter referendo: tamen cum quodam ordine ista vel alia, secundum quod ipsum Dominus intus docuerit, recolendo.

*Matt. 4. 4*

De humilitate quam peccator coram Deo facere debet.

Sic per reordinationem peccatorum, & diuinorum beneficiorum confusus, iam viam humiliationis incipiat, sic dicens: Domine pater totius miserationis, non possum tibi satisfacere de malis, quæ coram te miserabiliter perpetravi; non tibi respondere valeo ad beneficia, quæ mihi miserrimo contulisti: sed quia me interficere non debeo, nec valeo, tu me infelicem interfice, sed si tibi hoc non placet, mitte Angelum tuum gladiatorem, qui de me vindictam accipiat. Sed si hoc propter misericordiam non vis adimplere quod merui, quia me interficere non possum: tamen hoc quod in me est faciens, me quasi latronem tuum tibi reddo in perpetuum seruientem, numquam diebus meis ulterius a tuo seruitio recedentem. Tunc prosternat se in faciem, & quantumcumque poterit, seipsum humiliter deprimendo, & Altissimum offensum exaltando, & inquantum humilior, intantum etiam citius, & abundantius gratiam diuinæ misericordiæ prouocabit. Et tunc de necessitate diuinæ congruentiæ oportet, quod quando pijsimus Pater videt ipsum sic coram se humiliatum, dolorem conferat de peccatis, vel saltem dolorem quia non dolet: ut per ista duo contra duo prædicta, anima purgata recuperet, iam quondam quod erat perditum, & sibi quandoque multo amplius, quam antea id ipsum restitueretur. Sed si etiam dolorem non poterit, quo ad effectum consequi, per ea quæ dicta sunt, in qualibet nocte succincte hoc teneat, quod dictum est: quia Creatori sufficit, quando homo fe-

cit quod in se est, necnon ipse Dominus rei exitum expectans quandoque se subtrahit, ut & ista faciens, dolorem nullum ad consolationem inueniat, ut eius patientia ad tempus per diuinam sustentiam comprobetur, & ut sibi postea amplior consolatio, & de peccatis contritio diuinitus conferatur.

Sed quia quæ prædicta sunt, non possunt fieri sine gratia speciali, sequitur de impetratione gratiæ per modum orandi, prout ad viam purgatiuam pertinet. Sicut enim oculo corporis, vel sensuali de ioculatoribus in curijs magnatum cernitur, quod cupientes aliquod temporale commodum a principe inconfusibiliter obtinere, primo ipsum multipliciter commendant, deinde quod intendunt sibi postulant condonari, sic & nouus ioculator spiritualis, mundum deceptorem despiciens, debet ordinate procedere. Cum enim Deus in se sit innominabilis, ipsum tamen in suis effectibus nominamus, & per ipsos ipsius magnificentiam collaudamus. Primo enim secundum quod ipse est omnis creaturæ tam corporalis, quam spiritualis principium, & origo. Secundo aliquantulum sublimius, prout se habet ad contemplantes in gloria, scilicet mentes Angelicas & humanas, & ipsa contemplatione sua indicibilis pulchritudinis, quam vident, sicut est beatificans, ab ipsis omnem eliminans egestatem. Tertio adhuc iste sublimius, prout ad omnes creaturas se habet, quibus ipse tamquam altissimus imperat, & omnes tam rationales, quam irrationales suæ obtemperant maiestati. Quarto respectu nobilissimæ creaturæ, quæ est homo: & primo respectu eorum, qui sunt in charitate famulantium suo creatori, in hoc quod ipsis adhuc degentibus in hac vita miseriæ superpositus pater suppositis filijs multa xenia internarum consolationum, veluti quædam futuræ diuinæ beatitudinis, siue beatificationis indicia, hominibus quasi nihilum existentibus, veluti filijs altissimus præostendit. Quinto & ultimo respectu existentium in peccatis, quibus inquantumcumque peccatis diutius sua scelera protelantes extiterint, pulsantibus ad ianuam diuinæ pietatis, ipsos diuina clementia in sinum suæ charitatis recolligit: & perpetratis peccatis misericorditer sic indulget, ut sæpius ab ipso, quem sic abominabiliter offenderunt, quandoque plusquam innocentes, vberiora & pretiosiora beneficia illapsa calitus consequantur. In his enim diuina bonitas ex primordiali diffusionis gratiæ manifestatione vsque ad facies existentium in peccatis ostenditur. Et hæc quinque breuiter in quinque his vocabulis includuntur, scilicet bonus, pulcherrimus, Dominus, dulcis, misericors. Et postquam in his commendatus fuerit, illud quod intendit, plenariam remissionem de perpetratis sceleribus secure poterit postulare. Iste enim modus postulandi & orandi edocetur, vbi sponsus dicit sponsæ: Vox tua dulcis, & facies tua decora, scilicet per interiorum purgationem, obtenebrantem caliginem expellendo, & vox dulcis, ut in quolibet verbo sponsus æternus in aliquo specialiter commendetur. Et hæc proprie appellationes sunt Cantica Canticorum, & intantum a parte animæ, ut quancumque mens ad Deum se erigit, in ipsis vocabulis inuolutam dulcedinem inueniat, ne per multiloquas enarrationes, & vocales prolationes animus in tanto colloquio euagetur, sed in his illectus, vel allectus intra se totaliter adunetur. Sic ergo dicat, quoties poterit vel modo hoc isti consimili: Bone, pulcherrime, Domine, dulcis, misericors, miserere huius peccatoris, quem redemisti sanguine tuo pretioso. In hoc solum attendens, quod sibi de malis perpetratis parcat clementia Saluatoris, non quod in quolibet verborum includitur theoricæ speculando, sed affectuose orando, potest illa vel consimilia dicere, prout dicens nouerit, maiorem affectionem in istis, vel consimilibus reperire.

In quinque Deus est commendatus.

*Cant. 2. 4*

Sed



Sed ad hoc ut mens desiderij completionem obtineat, necesse est, ipsam diuinam influentiam imitari, ut sicut ipse sol spiritualis Hierusalem ciuitatis supernæ, quantum est de se, bonos & malos radijs bonitatis suæ illustrat, sic non tantum pro propinquis, sed pro omnibus illis, quicumque sunt, beatissimæ Trinitatis imagine insigniti, totis visceribus deprecetur illius clementiam Saluatoris: ut sicut omnes creauit, & omnes redemit, ita omnibus indistincte dignetur misericorditer subuenire. Et in hoc irrefragabiliter citius diuinam misericordiam prouocabit, vel obtinebit, inquantum hominum creatoris vniuersorum, & omnium mortalium redemptoris vestigia (suam charitatem super omnes latissime diffundentis) fuerit imitatus, nisi quandoque ad horam, pro se & pro alijs, singularibus orationibus coarctetur petitio, licet semper charitas habeat se diffundere, eundem affectuosum modum quem pro se, etiam pro omnibus exorans, sollicitus alleget, quantum est de modulo suæ paruitatis, sic dicendo: Bone, Domine, pulcherrime, dulcis, & misericors, miserere omnium peccatorum, quos redemisti pretioso sanguine tuo. Et tunc inquantum poterit habeat istam imaginationem, quando dicit: Miserere, ut totus mundus suo creatori inclinetur, per verum cultum & reuerentiam condignam.

Similitudine ostenditur Sanctos esse inuocandos.

Sed quia mens omnia ista non potest præ nimia carnalitate, & vertibilitate, prout esset expediens, impetrare, oportet, quod ad instar illorum qui habent aliquod magnum in curiæ regalis palatio, vel summi Pontificis expedire, qui videntes se non posse propositum consequi, adeunt aliquem magnum de curia, ut quod per se non possunt, ipsius mediatoris intercedentis reuerentia impetretur. Quod si ille pauper aliquem magnum, & præ excellentem inuenierit, qui has conditiones habeat, ut sit humilis ad audiendum preces pauperum, gloriosus in curia, ut cum ipso, si necesse fuerit, multi alij pro alio intercedant, dilectus summo Pontifici, ut eius dilectione attractus, nihil velit penitus denegare, absque vlla calumnia pauper suum desiderium obtinebit. Sed quia ista inter sanctos alios, in superlatiuo gradu excellentissime in beata Virgine reperiuntur, ad ipsam confugiat sic dicens: Tu, quæ es misericordissima præ omnibus alijs, humiliter peccatoribus te inclinans, potentissima, quia per te ruinæ Angelicæ reparantur, per te sanctis vitæ ianua aperitur, & ideo te clamante pro paupere, tecum omnes pariter acclamabunt regi æterni amantissimo, quem tuis sacris vberibus lactasti, & ideo ineffabili glutino charitatis tibi coniunctus est; rogo, ut per te mea inopia subleuetur, ut sic per te de peccatis meis propriam purificationem obtineam, ut tandem ipsum in isto amore constingam, quem tu totis visceribus dilexisti. Et tunc dicat ei: Ave Maria, quadraginta vicibus, vel quinquaginta, sub certo numero si voluerit diuidendo, vel consimile prout sibi melius videbitur. Hoc quasi in signum dilectionis, & spiritualis homagij reddens ei quotidie pro tributo, ipsam non in pictura parietis, non in sculptura lignea, sed in cælo attente, & affectuose salutans, ad ipsam immediate suam faciem dirigendo. Hæc est via purgatiua, & ipsius expeditio, quæ multo plus in corde potest citius recolligi, quam scripto, vel verbo tenus numerari. hanc purificationem recorderetur incipiens breuiter & succincte, & vera sibi latissima via cito apparebit.

Beatissima Virgo Maria inuocanda.

De via illuminatiua in tres particulas distinctum.  
Cap. 11. Particula 1.

Psalm. 83. b Per viam purgatiuam mens ad illuminatiuam immediate erigitur, secundum illud Psalmistæ dicitis: Ascensiones in corde suo disposuit in valle lacrymarum: quia per gemitus, & lacrymas anima a rubi-

ginibus peccatorum abluatur, & per hoc immediate ad susceptionem diuini radij præparatur. Cuius necessitas sic apparet, primo a parte recipientis. Nam sicut in speculo materiali videmus, quod si sit ibi flatus, vel aliquod obtenebrans, facies humana, quamuis se ei obijciat, non tamen resultat; sed cum abstersum fuerit, in ipso facies humana apparet, ut si etiam speculum ratione humana vteretur, ad instar spiritus, per illud quod in seipso recipit, ipsum cuius est similitudo representans cognosceret. Sic cum a rationali spiritu erit eliminata caligo offuscans, iam ille sol spiritualis gratiæ suæ radios immittit, qui quantum est de se, æqualiter omnibus se infundit, immo quod plus est, quia sicut radius solis materialis stat immobilis ad fenestram, & statim cum sibi apertum est numquam retrocedens, numquam de sua naturali bonitate se retrahens, sed potius domum interiorum prius obscuratam irradiat: sic verus sol iustitiæ ciuitatis supernæ, cuius sol iste materialis obscuram gerit similitudinem vel imaginem, nihil aliud expectat etiam immobiliter præsto stans ad ianuam, nisi ut per aliquam absterfionem sibi aditus præparetur, ut in mente veluti in lectulo feliciter coquiescat, per spiritualium splendorum irradiationes, animam sibi desponsatam insigniens: & sic a parte recipientis, & a parte influentis irradiatio spiritualis purificationem consequitur. Sed hoc idem manifestatur, per ipsorum distantium coniunctionem vnituiam. Sicut enim in Sapientia dicitur: Ipsa sapientia est candor lucis æternæ, & speculum sine macula. Oportet ergo ut sit aliqua consimilata conformitas, quando per veram amoris vñionem mens humana candori lucis æternæ vñitur, & prius semota ab ipsa omni obtenebrante caligine, speculo sine macula conformetur, vel comparetur. Vnde oportet primo, quod mens sit quasi speculum sine macula, & statim ad suscipiendum lucis splendores diuino radio disponitur, & sic cum fuerit curata æternæ sapientiæ conformetur.

Similitudo pulchra.

Sap. 7. d

Sed de quo lumine intelligatur, quod mens anagogice confurgens ad tertiam viam vnituiam erigitur, sciendū quod sicut sol materialis videtur in corpore terminato inferius, ut ipsum videmus in pariete, videtur etiam in radio suo, scilicet in aëre, videtur etiam in seipso, ut in fonte solari: sic radius diuinus etiam spiritui apparet tripliciter. Apparet enim in sacra Scriptura, quando sub cortice litteræ, per aliquod donum intelligentiæ sensus anagogicus inuenitur, quo mens sicut per quendam radium ad amorem sui creatoris multipliciter, & mirabiliter erudita erigitur. De isto radio, qui facit semper splendere spiritum, beatus Dionysius de diuinis nominibus, sic dicit: Indicibilia autem casto silentio venantes, ad illucescentes nobis in sanctis eloquijs splendores exercemur, & ab ipsis illuminamur. Secundus radius a sole spirituali missus resplendet in spiritu, & his solis radijs mens æternis spectaculis suspensa, cum quadam etiam admiratione ad meditandum de supercelestibus eruditur, de rationibus æternis, vel æterna generatione, vel nexu Spiritus sancti, & de huiusmodi. Quia sicut per solares radios resplendentes in aëre, non per aliquod aliud lumen sensibile, oculus materialis ad contemplationem solis erigitur: sic oculus intelligentiæ per radios immixtos a sole spirituali, non per aliquam aliam disciplinatam scientiam, vel mortalis doctoris industriam, ad cognitionem occultorum supercelestium eleuatur. Et de hac beatus Dionysius dicit: Verte te ad radium, quasi dicat: Non alium doctorem, non aliud exemplar assumes ad percipiendam diuinam: sed intra te ipsum ingredi, & per radios tibi datos desuper, ad contemplationem diuinorum arctius te exerce. Quia sicut rationalis spiritus nobilior est inferioribus creaturis ceteris: sic nobilior per immixtos bonitatis radios apparet diuina clementia in ipso. De tertio vero radio ubi ipse fons totius

Similitudo solis materialis cum solis radijs iustitiæ.

Dionys. de diuin. nom. cap. 1.

Dionys. ep. ad Titum.

totius beatitudinis apparet (quod raptu fit) præter-  
mitto quod fit, quando mens rapitur a corruptione,  
& sensificatione membrorum carnalium remota,  
quantum possibile est gratia trahente naturam, dono  
conditoris gratuito mens ad superna rapitur, ipsum  
facie ad faciem contemplans, cuius glorioso aspectu  
superna curia iucundatur. De primo radio latitante  
sub scriptura est præsens intentio, per quem ad amo-  
rem vnitiuum ascenditur. Secundus radius amorem  
sæpius comitatur: quia quanto plus per affectiones  
amoris mens fonti luminis appropinquat, intantum  
efficacius veluti ipsi vicinior (sicuti de aurora consur-  
gente videmus, quod primo partes propinquas illu-  
minat) radijs diuinioribus adimpletur. Per viam ve-  
ro tertiam quando mens suspirijs insatiabilibus suspi-  
rat dilecto totaliter vniri, ad tertiam irradiationem,  
in qua plus agitur, quam agat, diuinitus subleuatur,  
& sibi diutius suspiranti dicitur a dilecto: Amice,  
ascende superius. De hac Dionysius in Mystica Theo-  
logia postquam dixit: Consurge ignote ad eius vniti-  
onem, quæ est supra mentem, & cognitionem, vbi  
tradit amoris vnitiui practicam, vbi scilicet ad ineffa-  
bile mysterium consurgit affectus, quod ignorat in-  
tellectus, postea subdit dicens ad Timotheum sic: Sic  
enim omnia a te auferens, & ab omni irretentibili,  
& absoluto, munde ad diuinarum tenebrarum radium  
sursum ageris. Vnde & in cõsurrectione vnitiui amo-  
ris dicit: Consurge, quia simul ibi operatur natura,  
& gratia. Postea dicit: Sursum ageris, quia non na-  
tura, sed gratia mens ad experimentalem, & imme-  
diatam cognitionem cælestium eleuatur, & per illam  
animus ad istam disponitur. Sed quia de via illumi-  
natiua est præsens intentio, dicendum est quomodo  
lumen in Scripturis apparet: deinde quomodo per  
istud lumen ad tertiam viam, scilicet vnitiuam ascen-  
damus; & quod omnibus pateat, quod in omni scrip-  
tura sancta iste radius latitat, velut lumen in testa,  
subditur exemplum in vno, scilicet in oratione Do-  
minica, vt simul ex vniuerso nouo, & veteri testamen-  
to ab vniuersis veritatis discipulis comprobetur, & vt  
non sit aliquod verbum, quod non colloquijs spon-  
si, & sponsæ interius repleatur.

*Luc. 14. b*  
*Dionys. de*  
*Myst. Theo-*  
*log. cap. 1.*

*De triplici anagogia. Cap. II. Particula II.*

*Psal. 138. b* **N**Ox illuminatio mea in delictijs meis, &c. Nox  
enim hic vocatur obscurus cortex scripturæ ex-  
terior, vel etiam omnis sensibilis creatura, per quam  
mens interius irradiatur ad hoc, quod anagogice in  
vnitiui amoris delictijs conquiescat. Via enim purga-  
tiua respondet ordini Thronorum, nam ibi tunc pri-  
mo purgatur anima, ad hoc quod primo Deus in ipsa  
veluti in loco mundo resideat. Ista autem, vt dictum  
est, respondet Cherubim: Cherubim plenitudo scien-  
tiæ interpretatur. Tantum autem per artem huius  
theoricæ scientiæ lumen acquiritur, & tanta sapien-  
tiæ dilatatio in scripturis, vt quot verba in nouo & ve-  
teri Testamento, quot creaturæ in mundo, tot ha-  
beat anima intelligentias, vel sermones, totum ad  
Deum ad punctum amoris omnia referendo, vt po-  
stea apparebit. Tertia autem, scilicet vnitiua respon-  
det Seraphim, qui interpretatur ardens, ibi enim in  
tanto ardore fertur anima in Deum, vt maxime cor-  
pus per extensionem affectuum & motuum quando-  
que mirabiliter affligatur.

*Triplicis*  
*anagogiæ*  
*expositio.*

*1. Reg. 17. g*

Sciendum est igitur, quod triplex est Anagogia.  
Vna quæ est de Deo in se, vt mentes cælestes beatifi-  
cans in gloria, vt dicitur de Dauid, qui erat quidam  
homo ad litteram, qui dicitur optimus propugnator,  
& moraliter significat animam, quæ ita debet virili-  
ter pugnare contra diabolum, contra ipsum etiam  
insurgendo, & spernendo, ne seipsam permittat tam-  
vili Domino subiugare, & a dulcissimo Iesu Christo  
in perpetuum separari. Dauid etiam dicitur Goliath

**A** percussisse, signans allegorice Dominum Iesum Chri-  
stum, qui diabolum superauit, pacem populo suo ac-  
quirens, & cetera. Dicitur etiam Dauid pulcher aspe-  
ctu, inæstimabilem pulchritudinem diuinæ substantiæ  
significans, in suæ pulchritudinis visione, lætitia in-  
dicibili lætificantis in requie beatitudinis æternæ om-  
nem mentem Angelicam & humanā. Vnde in Ioan-  
ne dicitur: Hæc est vita æterna, vt cognoscant te so-  
lum Deum verum, & quem misisti Iesum Christum.  
Et hæc est anagogica expositio, secundum quod Deum  
beatificantem respicit. Alia est anagogia, quæ respi-  
cit Ecclesiam triumphantem, in quantum in sponsi  
plexibus totaliter inauertibiliter perseverat, vt  
Hierusalem ad litteram, quædam dicitur ciuitas. Hieru-  
salem enim ciuitas optime munita & fortissimis  
muris circumdata dicebatur, & significat ipsam fide-  
lem animam mortalem, quæ debet interius muniti  
armis virtutum, gratiæ, & amoris, sine quibus armis,  
nullus vnquam potuit, nec poterit diabolo resistere  
aduersanti, quæ etiam debet exterius muris fortibus  
circumdata esse, & hoc in honesta conuersatione, &  
quinque sensuum mortificatione, quibus amore vniti-  
ui regnantis integritas inexpugnabiliter conserua-  
bitur. Secundo in hoc, quod sedes regni dicitur,  
Ecclesiam venturam fidelium sub Christo principe  
figurabat, in qua regnat ipse rex pacificus; sub cuius  
persona quondam dicebat Isaias: Deus legifer noster,  
ipse veniet, & saluabit nos, regens militantem Eccle-  
siam exemplo vitæ, & verbo doctrinæ. Tercio Hieru-  
salem interpretatur visio pacis, quod Ecclesiam  
triumphantem signat, in qua sunt habitatores pacifi-  
ci, qui illius felici præsentia gratulantur, dicentes,  
& clamantes & gaudiorum ciuitatis æternæ superple-  
nissima præmia admirantes: Melior est dies vna in  
atrijs tuis super millia. Et hæc est anagogica expositio.

*Ioan. 17. a*

*Isa. 33. d*

*Psal. 84. b*

**D**Vbi etiam recte inter sursum actum, & illum ad quem  
supra se aspirando ardentius eleuatur distantia an-  
notatur. Vnde proprie, neque inter beatificantem  
Altissimum, & illos quos ipse pax vera beatificat,  
neque similiter e contra est proprie sursum actio ex-  
tensiuæ, sed potius tamquam cum rege existentem felici-  
ter in thalamo, in ipso tranquillitate admirabili  
conquiescunt, & tamquam supra se iam in ipso exi-  
stentes, ad ipsius vnionem, vel imitationem deside-  
rabilem ulterius non aspirant. Sed hoc proprie spon-  
sæ adhuc a sponso peregrinanti competit, quæ adhuc  
tamquam distans, ipsi insatiabilibus suspirijs vniri de-  
siderat, quod in separatione animæ a corpore in tran-  
quillitate vitæ plenissime obtinebit, secundum quam  
sapientiam anagogicam currunt cantica canticorum,  
cum dicit: Osculetur me osculo oris, & cetera. Et  
illud: Trahe me post te, & cetera. Et iterum: Veni  
dilecte mi, & egrediamur in agrum, & cetera. Quæ  
petitiones nihil aliud sunt, quam igitur suspiria, &  
inquietæ affectiones, dilectum ad sui sursum actio-  
nem felicius obtinendam ardentius prouocantes. Si-  
militer, & ex parte sponsi ad sponsam, cum dicit:  
Aperi mihi soror mea, sponsa mea. Et iterum dicit:  
Veni de Libano, veni, &c. Et iterum dicit: Surge  
propera amica mea, &c. Quæ sponsi colloquia nihil  
aliud sunt, quam radiationes scintillantes emissæ ab  
ipso, affectum ad ardentiora desideria, & inquieta  
suspiria importune incitantes.

Acquiritur enim ista ars magis per amoris vnio-  
nem, secundum quam, vt dictum est, præsens est in-  
tentio. Hanc vbique inclusam in sacra pagina osten-  
dentes, exemplum ponamus in vno, vt simile in alijs  
sacræ paginæ locis idem ostendatur, & ne longius  
hoc exemplum protraham, primo subditur in ora-  
tione Dominica.

*Pater noster, & cetera.* Sicut enim in sensu litterali  
artificialiter procedendo, sic etiam in anagogico pri-  
mo captatur beneuolentia infundentis, secundo peti-  
tiones

*Per quid*  
*ars anago-*  
*gica acqui-*  
*ratur.*

*Orationis*  
*Dominicæ*  
*anagogica*  
*declaratio.*

tiones suas multiplicat. Sed primo ab ipsa dilectus in tribus precipue commendatur, captando ipsius beneuolentia in suis petitionibus, ut sua beneficia conferenti Domino ascribens, idem Dominus fauorabilior habeatur. Primo ut perfectę, & spiritualis generationis principium: secundo ut suę bonitatis velut quoddam diffusum: tercio in habitaculi, & mansionis dignitate qui tamquam rex precellens habitare non dignaretur, nisi ubi est firmum habitaculū, siue tabernaculum, & decore multiplici interius decoratum. Primum per *Pater*, secundum per *nos*, tertium per *calis*, importatur. Primo illud, quod est secundum proprietatem vocabuli anagogice ad sensum mysticum transferendo. Verbi gratia: *Pater* ad litteram nihil aliud est, nisi qui de se aliquid emittendo, filium progenerat, sic anagogice transferendo verissime *pater* ille dicitur, qui tamen non naturaliter, sed adoptiue multos filios generat, a se germinis amoris deificantis emittendo: quo mens perfecta natiuitate gignitur, quando viuere iam in vera vita incipit, sine quo a natura quantum ad verū omne nihil penitus efficitur, verius & efficacius progrediens, quando de Deo vero qui est vera vita nascitur per amorem, quā quando de nihilo, quantum ad esse naturę in natiuitate culpabili duxit primordiale originem, a quo non tantum ut principio affluentissimo vitam emittendo calitus generatur ab ipso sensum, & motum spirituales recipiens, qui verę vitę principaliter attestantur, sed vsque ad perfectam ætatem claritatis æternę, & quando ipse videbitur faciem ad faciem, & micis panis consolationis internę recipiens, scilicet Dei corroboratis, & confortantis amorem, ab ipso paterno affectu misericorditer educatur. & hoc totum importat hoc quod dicit *Pater*, mystice occultatum, ut est totius vitę fontale principium. Sequitur, *nos*, ubi laudatur ipsius beatitudinis inclusa diffusio, quasi dicat: Tu es ille, qui ratione tuę latissimę bonitatis, non singulares personas consideras, sed omnes rationales spiritus quantum ex te est, per immisos a te radios ad te trahis, ut non aliqui quantumcumque excellentiori, & præclara religione eminentes, te fontaneam bonitatis originem sibi appropriare valeant, sed ut non sit mens humana, vel Angelica, quę se abscondat a calore tuo naturaliter abstractiuo. Et hoc per, *nos*, anagogice importatur.

Sequitur, *quies in calis*. Hic captatur beneuolentia a ratione excessiue, vel præcellente mansionis. Ceterum inter alia præcellit triplici proprietate. Est enim continue mobile, firmum, & varijs sideribus in ipso refulgentibus adornatum, hoc ad sensum anagogicum transferendo, sponsa sponsum in suo cubiculo collocans, in secreto cordis armario debet hac proprietate triplici adornari. Primo quod sit firma, & secundum hoc loquitur sic: O dulcissime tu qui es in calis, idest illarum mentium thalamum inhabitans interiorem, iam non tantum præsentialiter, potentialiter, & essentialiter, ut in alijs creaturis: sed vere te ipsum qui es hospes iucunditatis, & solatijs sensibilibus, & familiariter representans, his qui ob amorem tuum efficacius obtinendum, vale facientes ceteris delectationibus dederunt libellum repudij, & tibi soli quietanti mentes in amore viuentes, continuata suspiria, impedimentis refecatis, glutino amoris suauissimi colligati, tibi firmissime & ineradicabiliter adhæserunt, ut sit etiam ipsis fortis, ut mors dilectio, ut in canticis dicitur ad suam radicationem firmiorem sponsa proclamans ad paranymporum subsidia, scilicet Angelorum, quibus tamquam socijs adiuuatur, ita dicens: Fulcite me floribus, idest fulcite obsecro irreuerberatis affectionibus, non a vobis, sed a dilecto per vos hoc obtinere cupiens. Stipate me, vos qui videtis eum faciem ad faciem, vestris consolationibus ipsum ad mihi subueniendum vbe-

Append. ad To. 7. oper. S. Bon.

A rius prouocando, quia langueo, calore vnitiuo æstans ipsum totaliter amplecti desidero, quem adhuc pauperula in miseria existens, tam iucundum Dominum experimentaliter præcognosco. Sequitur alia proprietas, continue mobile, tunc enim mentem verissimus sponus æternus certissime visitat, & eam inhabitat, quando non iam laboriosa tarditate in vnitiuis moribus, sicut cum esset in status incipientis exordio, se sursum erigendo affligatur, sed diuturno exercitio tantum agilitatem affectionum diuino meretur beneficio, & gratiam affluentissimę largitatis accipere, ut quoriescumque vult, quasi sine afflictione inquietatiua suorum desideriorum dilectio mentis, ut sursum ardentem agatur afficitur, tunc ipsam Deus virtutum spiritualiter inhabitat, non tamen actu continuo (quod est super vires conditionis humanę, propter laxationes virtutum) sed continua habilitate motus amoris, secundum libitum suum eliciente facilitatur, & affectus motui firmamenti similatur. Vnde qui in primis lento gradu & debili, vago & tepido ad modum testudinis ambulabat, nunc currendo celeriter, ita ut montes & colles, idest dignitates tam Ecclesiasticas quā mundanas ipsas vilipendendo transiliat, & hoc est quia in parte exaudita est eius petitio, cum interius voce suspiriorum diutissime proclamet ita, Trahe me post te. Quia ergo tractatus est ab illo, qui solus potest ipsam supra se eminentius eleuare, prius lenta, iam currit in odorem vnguentorum suorum, quia nimirum ardentioribus desiderijs plus solito, ad spōsi amplexus erigitur, quia de xenijs Hierusalem ciuitatis supernę veluti quibusdam micis cadentibus de mensa dominorum suorum, quę experimentaliter præcesserunt, degustauit. Quia ergo non tantum sponso aperuit, ob cuius amorem mundana gaudia ipsam obfuscantia concutendo respuunt, sed pulsanti ad ostium cupienti introire, in occursum perrexit in affectiones flammigeras consurgendo, qui non propter seipsum, sed propter ipsam intrando inhabitat, cibum solidę affectionis apporans, ut cenet cum ea, & ipsa secum. Sic enim in loco continuo mobili dilectus requiescit. Sequitur de tertia proprietate, diuersis sideribus adornatum. Cum enim virtutes, efficacioris virtutis, sive purgatione indigeant, nondum plene floridas, & præclarus dilectus mentem inhabitat, cum inordinato virium, & immodesta delectatione sensum mentem nubilosa caligine obrebreant, & quia lipsos adhuc habet oculos, non est accepta acceptione gratissima æterni iacob, qui Deus altissimus est, cuius pedibus omnia sunt subiecta, ut ab ipso in copulam desponsationis indiuiduam assumatur. Quare quia nulla conuenientia lucis ad tenebras, sed cum virtutes sunt purgatę lumine virtutum clariore, ab interioti immunditia, ut mens virtutum splendore fulgeat, sicut firmamentum sideribus resplendet, ita ut suę irradiationis claritate multiplici, & dignitate sui luminis aspectu sponso ad sui placidam conspectum promoueat, ut quā luminosa gratia, & virtutum in mente multiplicata claritate, placidas exterius in conspectu hominum faciat apparere, & sic ipsum dilectum altissimum in suo decore iam prouocat, ut ipsam familiarius inhabitare dignetur. Quod cito assequitur, cum ipse dilectus istud amplius quā ipsa desideret, ut prius mendica modo regina: prius mundanis delitijs ingesta miserabiliter sedeat ad sinistram, modo transfiguratione amoris trāscat ad dexteram. Quę etiam prius offuscata, & involuta peccato leuitatis, modo præcelsissimi amoris, vultu textum induitur vestimentum: prius sordida diuersis vitijs, modo formosa virtutum fulgentium multiplici colore refulgeat, tantum, ut paranympsi, idest amici sponso, scilicet Angeli purgationem victoriosam acceptantes, dicant sponso: Adiit regina a dextris tuis in vestitu deaurato.

Ooo

Prima

## Prima petitio.

**C**aptata beneuolentia subditur de petitionibus.

*Sanctificetur nomen tuum.* Septem petit, quorum prima quattuor, boni adeptionem, alia mali remotionem respiciunt. Primo enim petit illa quattuor, ut dilectum suum sine contrario retardante possideat. Secundo ut non in aliquo se obliquans, limites regularum veritatis transiliat. Tertio ut ipse beatissimus non tantum sibi id quod ipsa sentit, sed omnibus alijs peccatoribus per ipsius misericordiam innotescat. Quarto ut in consecutis ab ipso beneficijs, per ipsius manu ductuam sustentationem inauertibiliter in omnibus perseueret. Primo (ut dictum est) vocabuli proprietates assumitur, ad sensum anagogicum transferendo sanctum, & idem est quod sine terra. Sine terra ergo efficiatur nomen tuum in me, quod nomen est mirabile. Vnde in libro Iudicij dicitur: Quid queris nomen meum, quod est mirabile? Tunc enim mundanis delictijs deturpantibus, & imbuta terrenis desiderijs anima male viuens in amore, tranquillitatem serenam ingentem intelligere, cordis latitudinem nec sentire vllatenus potuit: quia erat homo, & non Deus: carnalis, & non diuinus: amore deificante est ab hominibus omnibus separatus, cum equis terrenis, scilicet affectionibus ineptis, insensatis, & carnalibus desiderijs traheretur, secundum illud Isaia: Aegyptus homo, & non Deus. Sed cum extensionibus ignitis aliquantulum ad experimentalem, & diuinorem latitudinem mens amantis attingit, cum nondum terrenis affectibus se sentiat expeditam, quia ad hoc virtus propria non sufficit, sciens se duo contraria simul non posse possidere, terrenam ponderositatem ob carnem corruptibilem inferius attrahentem, petit a dilecto instantius remoueri: cum prior oblectatio respectu dignitatis sequentis latitudinis iam vilescat, cum ratione oppositionis spiritualis iucunditas, prioris gaudij denudet amaritudinem: cum radius interior licet non sit in perfecta plenitudine, tamen mundi deceptionem, & turpitudinem apertius manifestet, ut sic rubigine consumpta, igne amoris leuis effecta, perennis affectionum superius eleuata & stupefacta, admirabilem in praesenti certissime sentiat, quem aduenam ignorabat, ut per multas affectiones, & continuata desideria multo tempore desideratum inueniens, dicat admirans praegaudio: Vere tu es Deus absconditus. Tunc enim nomen quod est mirabile sanctificatur, quando in sua petitione exauditur, ut terra remota, idest carnalitate, solus sponsus cum sola sponsa mirabiliter praesentetur.

Iudic. 13. c

Isa. 31. b

Isa. 45. a

## Secunda petitio.

**A**dueniat regnum tuum. Tunc enim regnum Dei in animam venit perpetuo folio stabilitum, quando intantum virtus ardentis amoris praeualeat in spiritu, ut non solum inordinationes interiorum sensuum velocissima insurrectione viriliter comprimens, domina totius regni spiritualis appareat, sed cum virtute ipsius amoris omnia acta iudicio rationis praesentantur, ut illud quod plus dilecto placere decreuerit, semper in omni actu exerceat, iam se cum suo corpore in obsequio ipsius dilecti ad nihilans, per radios immisos ab ipso, praecogitans quae beneplacita sunt illi, & ipsa cum discretione inauertibiliter exequatur. Et si non semper actu, hora tamen consueta faciat orationem, nisi aliqua de causa exteriori, vel maiori obedientia praepeditus: voluntas tamen in conspectu dilecti appareat non inanis, ut iam in omnibus non quærat quae sua sunt, sed quae Dei, secundum Apostolum, ut iam in ipsa regnet solus Deus, cum iam seipsam voluntas sacrificium medullatum obtulerit: quia iustum est, ut in ipso a quo creata est, finaliter conquiescat, ipse solus in ipsa solus resideat,

Philip. 2. a

**A** ut sub ipsius regno referuetur intacta, ut in ipso refrigerium suauiter inueniat, & dicat praegaudio: Sub Cant. 2. a  
vmbra illius quem desideravi, sedi. Et subdit rationem, quia fructus eius dulcis gutturi meo. Tunc enim vere regnum aduenit, quia sub vmbra illius altissimi sedet, qui est rex regum, & Dominus dominantium: Apoc. 19. c  
quem ipsa perfecte obtinet, quando, ut dictum est, voluntatem suam secundum quod humanae fragilitati competit, Deo totaliter consecrauit, nulli creaturae penitus subiacendo.

## Tertia petitio.

**F**iat voluntas tua, sicut in calo & in terra. Cum enim vere non diligit, nisi quem diligit, & velit eum ab omnibus venerari, petit sponsa (quae per calum signatur, ut dictum est) ut id quod sentit alijs peccatoribus (qui per terram denotantur) misericorditer innotescat, ut ipse qui solus est colendus, & insatiabiliter adorandus, sic se benignum in sua reuelatione peccatoribus exhibeat, ut scintillam veritatis, & stillam roris ipsum vnice attingentis, ipsorum mentibus impartiendo distribuat: ut omnis lingua exardescens affectionis interior, qua solus spiritus creatus spiritum increatum alloquitur, confiteatur experimentaliter cognoscendo, ubi est ineffabile iudicium, quod Dominus noster Iesus Christus in gloria est Dei patris, diligentibus ipsum, & derelinentibus terrena gaudia; ad multo illis pretiosiora munera multipliciter conferenda. Secunda ratio quare in gloria Patris esse dicitur, ut per amoris desideria vere diligenter ipsum ad suae integritatis vnitate misericorditer erigendo, suae sollicitudini compatiens, in sinu suo immobiliter collocet, sicut Dominus dicit: In perpetua charitate dilexi te, ideo attraxi te miserans tui. Ait ergo: Fiat voluntas tua sicut in calo, scilicet D firmo, continuo mobili, diuersis luminibus adornato, ut dictum est anagogice reducendo, & in terra, idest peccatoribus, scilicet qui non immerito terra proprie nominantur, quia longe a regione ignis sunt positi, per cuius consumptionem purgatiuam, anima leuigatur, ut in terris existens, caelestes amando & desiderando obtineat mansiones, quia ubi amat ibi proprie inhabitat. Hoc nomen terra, non potest exponi anagogice per essentiam, sed tantum per causam; quia sicut amor est causa, ut mens omnia bona per amorem obtineat, sic absentia illius est causa omnis defectus, scilicet poenalis, & culpabilis, idest venialis, & mortalis. Et hoc est quod dictum est, quod peccator terra dicitur, quia a leuitate amoris igniti distantius elongatur: & in talibus, quae culpam dicunt, vel defectum, est ars alia exponenda anagogice, vel quia proprietatem de se non habent, quae sponse tendentiam ad dilectum respiciat, & alia quae hic exponuntur per amoris absentiam: sicut alia creatura, vel scriptura aliquam proprietatem habet in se inclusam, qua sponsa ad sponsum erigitur, ad sensum anagogicum transferendo, ut sicut vnitiui amoris praesentia fit causa omnis boni, sic eius absentia occasionaliter est praesentia omnis mali, non quod carentia sit aliquid in spiritu, sed quia per carentiam amoris, anima non habet retinaculum, iam vaga per deuia quasi effrenata discurret, & incurrit omnem miseriam & non immerito, quia, Denigrata est super carbones facies eius, & intantum viluit regio diademate priuata, scilicet Deo omnipotenti amatore suo, quod omnes amici eius spreuerunt eam, scilicet Angeli, & facti sunt ei inimici, quia iam non est ipsis mentibus caelestibus conformis affinitate amoris, ideo ipsi, scilicet animae inimicari dicuntur, quia a sui subsidio, scilicet Deo omnipotenti, priuata regali signaculo elongatur. Non igitur immerito dicitur, quod anima caret omni bono cum amore priuatur, quia iniquitates, suae diuiserunt inter se, & Deum suum, scilicet

Philip. 2. b

Hier. 31. a

Peccatores terra sunt.

Thren. 4. b

Isid. 1. a



1. Cor. 2. b licet illum quem nec oculus vidit, nec auris audiuit, nec in cor hominis ascendit, quem pręparauit Deus his qui diligunt illum. Subtiliter ergo, & luculenter ista meditetur, quomodo per causam, vel per essentiam, vel amorem salientem in vitam æternam claritatis æternę, amplio rem radium, gaudium haurientem in his se exerceat: quomodo etiam ista quę nunc dicta sunt manifestissime comprobantur.

Quarta petitio.

**P**anem nostrum, &c. Pro se enim, & pro alijs per augmentum amoris sursum agi desiderat, vt supra se eleuata, fonti totius beatitudinis existens propinquior, sic in verbo refectionibili satietur vere, vt in ipso immutabiliter confirmata, delectationem inferiorem miserabilem, tamquam ea non indigens, de cetero non mendicet. Scit enim quod statim ad creaturę, vel carnis consolationem cito prolabitur, si non refectione supercælesti, pane videlicet Angelorum qui est amor, cuius haustu fugens delicias in fonte beatitudinis æternę continue aliquantulum satietur. Ideo panem petit, id est augmentum amoris, quo solo infirma solidantur, & debilia fortificantur, & famelica satiantur. Et petit ipsum *hodie*, sed *quotidianum* pręmittit ordinate procedens.

Panis quotidianus quid.

Psal. 20. a

Isa. 31. d

Cant. 2. c

Cant. 3. a

Quid sit per noctem querere sponsum.

Quid importet hodie.

*Quotidianum* nominat, quia nec per diem, nec per horam, nec per instans potest mens vera vita viuere, nisi stilla roris viuificante continue perfundatur: quia sicut anima est vita corporũ, sic amor vita spirituum. De qua, & etiam de his pro quibus anima non sufficit, paronymi dilecto referendo gratias, dicunt illi: Vitam petijt a te, & tribuisti ei Domine, quę non est ad tempus momentanea, vt est vita corporis, sed in longitudinem dierum, vsque in sæculum, & in sæculum sæculi permanebit: quia amor quo sponsa viuendo totaliter adamauit sponsum, non deficit in futuro, sed tantum augmentabitur, vt compleatur sermo propheticus, quem ipse Altissimus per os Isaia edidit, dicens: Dicit Dominus cuius ignis est in Sion, & caminus in Hierusalem, &c. Vel aliter potest dici, secundum quod de mente anagogica est pręsens intentio. Nisi enim semel in die pane sensibili corpus reficeretur animale, corporalis fortitudinis amitteret vigorem; sic nisi mens in motibus amoris vniuius, semel in die aspirando ad osculum se extendat (nisi forte quandoque in agrum ad se exercendum exiuerit, vel aliqua modesta requie corporali, vel aliqua de causa spiritali) vix est quin in se ipsa efficiatur tepida, & de perfectione suę altitudinis aliquid non amittat: nec mirum, quia sponsus pręstolatur ad osculum, dicens: Surge propera amica mea, & veni. Si ergo in nimia morę protelatione se absentar, ipse non immerito indignatur, & ab ipsa se subtrahit ad tempus sapius. Et licet ita intenso habitu, vt prius hunc diligat, tamen dicit: Quęsiui per noctem, quem diligis anima mea, quęsiui, nec inueni. Hoc est proprie per noctes quærere, videlicet per creaturas consurgere, & dilectum in eisdem quærere, vt quidam dicere voluerunt, quod quærere per noctes, erat quærere per creaturas, vel per vestigia creaturarum; sed hoc anagogico, & vniuius motui non conuenit, cum sine omni speculo affectus amore subleuante, ipsi fonti bonitatis æternę inhæreant. Sed tunc per noctem dicitur quærere, quando aliqua de causa mens in suis sursum actionibus impeditur, vt in quem primo lucide, & expedite, & pręclare sine tenebra mouebatur, quandoque caliginosam se sentiat, vt etiam affectus a cogitatione phantastica in illo in quem mouebatur, vix valeat separari. quod fit quandoque propter suam negligentiam, vel alijs de causis, vt postea apparebit. Quęsiui ergo, & non inueni in tanta agilitate affectionum ardentium, vt solebam.

Petit etiam *hodie*, hoc est, in pręsenti vita, ratione

Append. ad To. 7. oper. S. Bon.

**A**ternitatis, quę est simplex, & vnica, quę in amore videntibus incipit in pręsenti vita: quia amor ille quo sponsus in vita ista diligitur, idem est numero cum illo, quo in æternitate glorię gubernatori omniũ vnietur. Et hoc est, quod dicitur, *hodie* quod vnitatem, & claritatem signat. Et ideo pręsens vita dicitur, vt dictum est in ratione continuationis. Pręsens dicitur, quia cum amore inhæret, verius, & veracius vino & pane reficitur, quàm aliquod corpus alijs corpori sensibili per aliquod glutinum, vel vinculum materiale copuletur. Et hoc est quod ait diuinus Apostolus, aspirantis animę vniuius suspiria collaudans: Qui adhæret Deo, vnus spiritus est, &c. Bene ergo debent pręsentia non immerito appellari, vbi non tantum pręsentia sponfa dilecti altat aspectibus, sed cum ipsa vnus a diuino Apostolo hierarcha istius sapientię nominatur. *Hodie*, etiam lucem importat, quia tunc sibi vere oritur sol iustitię, cum radijs solaribus ad superiora instruitur eleuari. & ideo in canticis aurora meretur appellari, vbi dicitur: Quę est ista quę progreditur quasi aurora confurgens? Tunc enim pane vitę iam incipit refici, cum ad modum aurorę crescendo, & in amorem se eleuando, virtute ipsius amoris in motibus egredientibus se sentit experientialiter sursum agi. Quod experimentum (ne facultas errandi indoctis, & pueris detur) nihil aliud est, nisi expeditio motuum, & confurrectio ardentissima per eosdem; quod non minus a mente exercitata percipitur, quàm oculus corporalis bonem sensibilem transeuntem per semitam contempletur. Quod ad pręsens supponitur, cum in sequentibus hoc argumentis irrefragabilibus comprobetur. Quia ergo sibi iam incipit æternitas, & sponsi pręsentia, & lux etiam resurgere interius, dicit de talibus magnus hierarcha Apostolicus: Nostra conuersatio in cælis est: quia est iam lux solis iustitię super terram, id est mentem amantem adhuc terrestri corpori sociatam, per quod licet a sui tendentia multipliciter retardetur, tamen flante austro manuductiuz inspirationis, per radios diuinitus immisos ad diuiniora suscipienda desuper aperitur, cum maxime a parte inferiori respectu mundanorum delectabilium obturatur. Et hæc superior portio, quę Deo vnitur, & pane etiam vitę, & amoris reficitur, licet a parte inferiori terrestris non cælica, multas importunitates sentiat sæpissime, vel inuita. Claudat ergo quantumcũque potest affectus ostium, ne ad inferiora respiciat, sed ad diuina sursum actione fideliter ad hoc aspiret, vt sibi a dilecto dicatur iam cenante cum ipsa: Hortus conclusus es, soror mea sponsa, hortus conclusus, fons signatus: qui hortus dicitur florens rosa odoris: qui ideo conclusus dicitur, vt nullus aduersarius, vel propinquus particulam veri amoris obineat, nisi ille de quo dicit, qui solus ratione suę floridę honestatis nihil aufert penitus, sed potius reficit, de seipso iucundum perhibens testimonium, dicit: Ego flos campi, & lilium conuallium. qui non extra ipsam, sed potius interiori habitationem appetens, & ad hoc efficacius implendum, menti pauperculę altissimus se inuitans, vt ipsam vino & pane reficiat, id est consolationem iucundę diuinitatis tribuat, sic dicit: Aperi mihi soror mea, amica mea, columba mea, quia caput meum plenum est rore. Iam conditionem prouocatricem apponit, & multiplicem, ipsam multipliciter, & dulciter prouocando, vt ex parte dilecti plena designatio habeatur, quod per ipsum non steterit, quin mens profundis beneficijs, donis, & fulgoribus, plenarie repleatur. Caput plenum rore nominat, quia sicut a capite descendit motus, & sensus ad membra inferiora, quę vitam veraciter attestantur: sic ab ipso altissimo, qui caput est totius Ecclesię, vita amoris, & sensus lætitię vniuius mentibus illabuntur.

1. Cor. 6. d

Cant. 6. c

Philip. 3. d

Cant. 4. b

Cant. 2. a

Cant. 5. b



## Quinta petitio.

**E**T *dimitte nobis debita nostra, &c.* Vbi requirit ſponſa a tribus inſtantius liberari. Primo a malo culpæ venialis, quia mala mortalia elongata ſunt ab ipſa propter ipſius radicationem in Deo ab ipſa dilecto: ſecundo a malo periculi, quod eſt vtrumque, & culpæ & pœnæ reſpiciens: tertio a malo pœnæ, per quod contractum in culpam frequenter incidimus.

Primo a malo venialium quærit ſollicite liberari, quod non niſi per donum amoris poterit ab ipſo totaliter obtineri. Quia enim mens luminis nihil habet, niſi inquantum præparando ſe a ſuo ſole ſpiritali ipſi præparata, ſe inauertibiliter infundente irradiationem recipit. Quando vero per inordinationes virium interiorum, vel ineptas delectationes ſenſuum, quærens alibi requiem quàm in fonte bonitatis, vel beatitudinis, aliquantulum ab ipſo obliquitur, & obliquata diſpergitur, niſi ab ipſo lumine fonte claritatis illuſtretur. Anima enim per venialia aliquantulum obſcure quærens alibi delectari, quaſi ille ſibi non ſufficeret, qui ſola viſione pulchritudinis ſuæ, & attractu dulcedinis reficit omnem mentem angelicam & humanam, non immerito a ſuo deſiderio retardatur.

Petit ergo attentiffime liberari, ne a ſuauiſſimis deſideriorum eloquijs ſponſus ad ſui ſubſidium, vel ſubventionem vocatus retrahatur, & ideo ſub perſona gemētis terrenas cogitationes extirpare radicitus non valentis, dicitur in libro Sapientiæ: Corpus quod corrumpitur, aggrauat animam, & terrena inhabitatio deprimit ſenſum multa cogitantem. Cum enim multa de inferioribus cogitat, & voces creaturarum recipit afficientes interius, in tanto a ſummis ſubventionibus diſtantiſſime elongatur. Quia inquantum mens plus circa diuerſa cogitando diſtrahitur, in tantum minus in fonte beatitudinis adunatur. & nunc corpus animam aggrauare dicitur, quia quodlibet horum ad ſibi locum naturaliter competentem tendit. Ideo eſt ibi pugna continua, & mentis aggrauatio, quia anima tendit ad Deum, qui ſolus eſt locus naturaliter ſibi ſufficiens, corpus vero ratione ponderoſitatis ſemper habet circa terreſtria delectari. Vel aliter poteſt dici, ne propter ſuam obſcurationem, & obliquationem a decorante lumine in tanti ſponſi præſentia, quem intimis viſceribus amplecti deſiderat, indecèter ornata iudicetur ab ipſa, cum minus ſpecioſa ſponſa eius illi appareat, qui in ipſa ſolum pulchritudinem interiorem ad ſibi ſponſam aſſumendam ſpecialiter contempletur: quia tunc eſt acceptum eius eloquium, quando per mentis interiorem pulchritudinem ſupercæleſti pulchritudini conformatur. De qua ipſam præcipue admonet, in canticis dulciter alloquens hanc: Vox enim tua dulcis, & facies tua decora. quia tuus affectus non ſapit niſi cæleſtia, & facies tua non eſt multitudine venialium, vel carnalibus affectionibus deturpata. Ideo tuum mihi ſuaue eſt colloquium, cum hoc clamo, te per pulſum affectionum alloquens. & facies tua decora, & ad dignitatem nuptiarum regaliū præparata, quia non eſt macula in te, quæ tamen non niſi per ſanctum amorem extinguitur. Quia cum mens conſurgendo ad vnitionem quæ immediate per motum amoris acquiritur, prius obliquata reſtificatur, vt per iſtam reſtificationem & conſurrectionem, affectus tamquam gutta aquæ, quæ cadens in ignem culpa venialis per ſui concreſcentiam, vel adunationem importunum nullo modo valeat ingerere nocumentum. Illa etiam debita cognominat, quibus obligati propter illam, ratione iuſta alicuius pœnæ debitores efficiuntur, cum mens in ipſo qui eſt vera beatitudo minus delectatur, cum ex deliberatione alibi, quàm in ipſo requies appetitur, qui ſolus mentis humanæ deſiderio eſt pleniffimus, & ſufficiens conſolator, ita vt ipſamet veritas de ſua

Sap. 9. d

Cant. 2. c

**A** plenitudine proteſtetur, ad ſuam ſufficientiam alios prouocando, ſic dicens: Venite ad me omnes qui laboratis, & onerati eſtis, in ſuperiorum affectionum laborioſo exercitio, ſed tamen dulci: quia cum propter elongationem incolatus miſeriæ, & dilationem gloriæ oneratos vos eſſe dicitis, & corporeæ ſarcinæ corpulenta ſubſtantia retardari. Et ego reficiam vos, non alius, qui ſum ſapientia æterna oriens ex alto, qui diuinas conſolationes veſtra deſideria quietâtes, non tantum in futuro, ſed impartiar etiam in præſenti. Nam quia mitis ſum, & humilis corde, ideo prouocantibus meam affluentiam per continua deſideria me inclino, non pauperes deſpiciens, quia humilis ſum corde: quia inquantum terrenis diuitijs mens fuerit pauperior, in tantum ad regales nuptias veluti conformior ſuper humanæ naturæ limites, mihi vnien-

Mat. 11. d

**B** do citius eleuabo. Quod vos non per ſpeculationem attendatis, ſed videte per guſtum interius præeuntem: quia non videbitis niſi ſermonem Prophetæ impleueritis, ſic dicentis: Guſtate & videte, quoniam ſuauiſſimus eſt Dominus; quia tunc erit requies, & proprie murmur aspirantis animæ iam ceſſabit, cum Creatorem ſeipſa maiorē, in ſeipſa perſenſerit quieſcentem. & hoc eſt, quod poſtea dicitur: Et inuenietis requiem

Pſal. 33. b

**C** animabus veſtris. & tunc amoris iugum erit leue, & onus facile. Nam iugum amoris ſua dignitate & iucunda allicientia ſic ligat interius voluntatem, vt nihil pœnæ ſentiat, qui ceruicem ſuam ſuppoſuerit ad iugum ſuauiſſimum ſuſtinendum. Nam contra conſuetudinem aliorum iugorum, illud maniſeſtiſſime ſuis ſuſtinentibus comprobatur. nam aliud iugum trahentes, ab ipſo ceruices inclinant inferius: iugum autem illud intantum ſuſtinentes eleuat, vt commorantes in terra, faciat in cæleſtibus habitare, vt ſupra noſmetipſos extendendo, ſpirituum conciuſ faciat ſuperiorum. Ideo vere leue dicitur, quia ab inferioribus mentem alleuians, & ipſum ad ſuperiora ſupra ſeipſum ſtatuendo eſt leuigans. Suaue etiam dicitur, quia ipſum ſuſtinens, viuunt vita Angelorum non hominum. quamuis modo imperſectius, ſed in ſeparatione corporis, & animæ pleniffime feliciter obtinebit. Vel ideo ſuaue dicitur, quia in tanta lætitia, & iucunditate interioris animæ facit vitam iſtam amaram deducere, quia ſibi iam vita gloriæ incipit, vt iucunditas mentis pœnalitates corporis propter ſui abundantiam exuperet abſorbendo. Leue etiam dicitur, propter interioris animæ pinguedinem, veluti autem pinguem, & pinguedine repletam carbonibus in veru appoſitam, vt frigoris egeſtas, vel æſtas, vel calor importunus non ſibi ingeneret aliquod nocumentum; vt merito præſentiar, quod ſibi antea ſponſus promiſerat, dicens: Ego protector tuus ſum, cum iugum meo ſuaui alliceris: & merces tua magna nimis, cum me in gloria videbis. meipſum non aliud tunc tuæ militiæ ſtipendium recipies, ſed nimis, quia tuum gaudium vſque ad completam cognitionem non tibi ſubtraho. ſed cum meum iugum ſuſtines parum in miſeria, qualis ero in gloria, miſericorditer tibi communico.

Iugum Chriſti amore Dei fit ſuaue.

Gen. 13. a

## Sexta petitio.

**E**T *ne nos, &c.* Tunc enim mens in tentationem inducitur, quando tantis blanditijs, vel ſeductionibus mens illaqueata voluitur, vt iam in parte conſentiat huic neceſſario operi, ad quod inclinari a ſeductore verſutiſſimo inſtantius admonetur. Petit ergo ſponſa, non de dilecti continua ſubventionem diffidens, ſed carnis humanæ fragilitatem conſiderans, vt ab iſto periculo liberetur: quo tunc ſcit ſe firmiter liberari, quando benigniſſimo protectori per radiantiſſima amoris deſideria præſentatur. Et ideo obnixè ſemper intendit per affectiones ſurſum agi, vt illum mereatur attingere, & ſuis affectionis clamoribus prouocare, de cuius miſericordia cõſilia, hoſtium cunctos

*Psal. 90. d.* cuneos, tentatores fortissimos conspuendo, ob dilecti confidentiam vilipendit, qui sibi iamdudum per Psalmistam promiserat: Qui in me sperauerit, liberabo eum, protegam eum, quoniam cognouit nomen meum. Item alia est ratio, videlicet propter importunas hostium insidias, qui intantum secundum quod aduersari permittuntur concurrentes in sponsam infaniunt, inquantum creatori immediate subiecta, se ab ipsorum dominio distantiū elongant, & quod fortiori tentatione non praevalent, multiplices importunitate, & frequentia tentationis multiplices, hanc furibundius persequuntur, sperantes hoc, quod Iordanis adhuc influat in os eorum, & sternant sibi aurum quasi lutum. Tunc enim Iordanis influit in os daemoneum, quando riuulo amoris a fonte bonitatis, vel beatitudinis æternæ exeunte, per quem vitata descendit in spiritum, interrupto veluti secretissimo aquæductu, per partes corporis riuuli mundanarum cupiditatum, & vnde præcipitantes dignitatum terrestrium, suffocato balsamo affectuosi amoris, per quem anima in suis desideriis loquitur, impetuosis fluctibus animam repleuerint. Et tunc aurum quasi lutum sternitur, quando amor suauissimus creatoris suo decore animam pulchrificans, & dignitate præexcellsa insigniens, in amorem creaturæ faciem superiorem animæ sordidantem, lamentabiliter commutatur. Ideo liberari se postulat, ipsum desiderijs prouocando, ut sibi ille iam nolit deficere, ob cuius amorem efficacius obtinendum, terrena gaudia, & regnum diaboli conculcauit. Et ideo sibi per Prophetam desideranti dilectus reprobis, ut videlicet suam petitionem non solum exaudiens, sed in sua tentatione tamquam felix dux, & comes sua iucunda præsentia ipsam totaliter liberabit, & pro victoria, & fidelitate ipsius pugnando ipsam corona gloriæ præmiabit, sic dicens: Clamauit ad me, & ego exaudiam eum: cum ipso sum in tribulatione, & cetera.

*Psal. 90. d.* Tertia ratio est, propter quam petit a periculo liberari; quia mens vnita Deo iam non querit, quæ sua sunt, felicem insequens magistrum, qui facit solem suum oriri super bonos & malos, & pluit super iustos & iniustos, idest bonitatis suæ radios in bonis submittens, & deinde per ipsos ad seipsum attrahens, super malos etiam expectans forinsecus, sicut radius solaris ad fenestram clausam expectat, de natura bonitatis suæ nullatenus retrocedens, sed pulsans continue, ne per defectum ipsius conferentis, vllus spiritus rationalis Christianus videlicet, infidelis aliquis, vel Iudæus diuini amoris inopiam patiat. Qui ergo fideliter diligit, laboret attentius tam oratione interiori, quam etiam spirituali quodam exercitio, cum viderit multiplicem, vel, ut planius, & verius proferam, infinitam stragem animarum, ut omnes ad vitam amoris mutui suscendantur, & excæcati oculis interioribus, ad cognitionem perueniant lucidissimæ veritatis. Quia ergo mens vnita Deo, ratione amicitiae a dilecto potest quam plurima beneficia peccatoribus impetrare, quia fidelium ac veracium amicorum est per omnia idem velle, & idem nolle, & cum ad hoc dat operam sollicitam, potest multam, orando, & obsecrando dilectum, auferre prædam ab hostibus, & in hoc indignationem furibundam incurrere, & ideo petit pro omnibus, ab ipsorum laqueis liberari.

Sed vltima est ratio, secundum quod magis conuenit presenti tractatui, quia experimento præcognouit, quam suauis fuit dilectum tam benignum diligere, quam morte amari reputat, quod in modico tantillo consentiat, ut a tam felici consortio, nec modo, nec in perpetuum separetur, immo etiam intolerabile dedecus, ut mens quæ sentit pie, quæ sit ista iucunditas, aurem inclinare ad inimicorum colloquia, mundana gaudia, vel terrenas diuitias dignetur, tamquam quid sit vere bonum, non experientialiter cō-

Append. ad To. 7. oper. S. Bon.

*gnouisset;* cum ipsa maxime feliciter edocta, animas peccatrices iurgauerit, quia ab ista fontali bonitate miserabiliter recesserunt, sic dicens: Arguet te malitia tua, & auersio tua increpabit te. Postea subdit rationem, dicens: Scito, & vide, quia durum & asperum est reliquisse te Dominum Deum tuum, duplicem infelicitatem, ipsam significans incurrisse; quia per malitiam, creaturæ inferiori inuerecunde adhæsit propter momentaneam delectationem, iusto Dei iudicio, non oblectationem, sed amaritudinem potius reportabit; ut qui satiari voluit in ipsis delectationibus creaturarum, infinitis amaritudinibus repleatur. quia quanto delectatio mundana spiritus secreta ingreditur, tanto veneno pestifero lamentabiliter anima adimpletur, non tantum malitia, quæ spreto Creatore creaturæ adhæsit, sua inferiori vitata arguit, sed diuisio a fonte totius beatitudinis increpat: quia sicut ipse est summum bonum & solum, & ideo omnia dicuntur bona, inquantum ipsum completius participant. Quod non bene participat bonum, non debet aliquid appellari, quod tamen impossibile est: & sic ipse fons iucunditatis, & lætitiæ riuulos suæ beatitudinis mentibus impartitur, & secundum recipiendum præparationem, quibusdam minus, quibusdam magis misericorditer se infundit. Quando ergo anima diuiditur a fonte illo, sine quo nihil est gaudij, nisi inquantum ab ipso inferius deriuatur, non est mirum, si anima diuisa ab ipso tristis efficitur: quia aquæductus amoris, per quem iucundanter anima a Creatore experimentaliter lætitiā obtinebat, interitus rumpitur, & ideo cōtinuo corpore cum se mens infra seipsam colligit, increpatur; quia abscissa non sentit illum, a quo tota iucunditas emanat, & descendit, & anima ista considerans, inaudita lætitia circumdatur, & singulare gaudium comitatur, a quo periculo per affectiones, & dilecti desideria totaliter expeditur, & victoriosissime liberatur; quia propter illud quod sentit, subiectas sibi delitias vilipendit, inquantum de inimicis triumphans, ut quod sibi credunt inferre ad ignominiam, ipsa exinde per virilem insurrectionem in ipsis, ampliorem dilecti gratiam, & vniōē strictiorem, & coronā gloriæ consequatur.

#### Septima petitio.

*Ed libera nos a malo, amen.* Petit hic liberari a multis pronitatibus excitantibus ad peccatum; quia cum supra omnem æstimationem mens experimentaliter edocta, ad intimiorem vniōem aspiret, & ad dilectum suum sursum agi desideret; tamen quandoque ratione corporis terrestris, & carnis inimicantis, spiritus sursum actioni intentus a calis ad sensuum concupiscibilia appetenda obliquatur, & quandoque nitens supra se erigendo habitare per amorem in cælo, quandoque inuenit se per cognitionē in luto. Quia ergo hoc execrabiliter detestatur, ut mens, quæ est totius Trinitatis sacrarium, libidinofas allocutiones recipiat, vel ad aliud inuerecunde ex deliberatione se inclinet, propter quod sponso contemptibilis habeatur, petit ab istis multiplices desiderio liberari, non propter pœnam vitandam quæ sibi debeat, sed ne obfuscationem incurrat, quæ possit in aliquo a suo dilecto minus appretiabilis iudicari. Vnde oportet, quod ad illum benignissimum Patrem, per quem est in vita amoris generata, sic autem affectus inclinet, & oculum intellectus aperiat interior, ut tanto ardore dilectionis patri spirituali adhæreat, & ad eius mansionem aspiret, ut pro ipsius amore obliuiscatur patriā & parentes, ut sine contaminatione vniuscuiusque causati alterius vel creati, virgineo decore adornata, illi cælesti sponso concupiscibilis habeatur, cui etiam ille Altissimus communicari cupiens, ipsam ad imaginem suam creauit ex nihilo, totius Trinitatis imagine insignitam, ad sibi solum, tam in viā,

O o o 3 quā

*Hier. 2. d.*

quàm in patria igniti amoris obsequium impenden-  
 dum. Audiat ergo iugiter per David prophetam ip-  
 sius admonitionem dulcissimam inuitantis: Audi fi-  
 lia, & vide, inclina aurem tuam, &c. Et ita multi-  
 plicatis suspirijs per amoris efficaciam plenarie pote-  
 rit obtinere; quia prima natiuitate, quando anima  
 infunditur, has corruptiones carne recipit, quibus  
 sæpe ad inferiora prolabitur. Sic e conuerso secunda  
 natiuitate, qua perfecte in Deo nascitur, perfecta exi-  
 stit, ordine præpostero caro aspergitur a mente in-  
 teriori pinguedine, vt per quam anima in prima na-  
 tiuitate fuerat sauciata, in secunda eius natiuitate perun-  
 cta affectu amoris vnguētum odoriferum distillāris,  
 prius contra, ab ipsa recipiat sanitatē; vt mens ratione  
 obedientiæ inferiorum virium, iam parte reforma-  
 ta, & suo primordiali principio concordans, regnet  
 in carne cælitus obtenta victoria, sponso laudes debi-  
 tas referendo, decantet pro dulci beneficio exaudita,  
 scilicet immisione ignis in spiritu, & roris in car-  
 ne pœnalitates ipsius fœtiditas extinguētis, iam ip-  
 sum sponsum in affectu libertatis possi-ens, iam in  
 luce ambulans, iam de somno carnis experrectus ip-  
 sius subsidio, iam ad ipsum consurgens, attentius vi-  
 gilat, dicens: Deus Deus meus ad te de luce vigilo.  
 Sitiuit in te, &c. Cum enim iam est a pœnalitatibus  
 liberatus affectus, vt ipsis non subiaceat, vigilare ad  
 ianuam ipsius incipit ardentius, affectionibus concu-  
 piscendo intentius, vt ab ipsa intentione iam caro si-  
 lere incipiat, & spiritui consentire, cui diebus omni-  
 bus anima fuerat inimica. Si ergo patet per simile  
 datum in vno, quàm mirabilis scientia absconditur  
 in scripturis, quàm lata, quàm profunda, quàm sa-  
 porosa, quàm nobilis, qua docetur sponsa ab inferiori-  
 bus separari, vt regalibus nuptijs grata, & accepta  
 in posterum habeatur. Nullus ergo ambigat, quin  
 totus textus noui & veteris testamenti, secundum viam  
 anagogicam desponsi, & sponsæ colloquijs, vel eor-  
 um altercationibus amore præuio, lumine concomi-  
 tante valeat explicari. Nec solum scripturæ, sed etiam  
 omnes creaturæ, quæcumque sint ab vltimo centro  
 inferni, propriissime ad hoc idem induci valeāt, cum  
 istam sapientiam, secundum illas nobiliores proprie-  
 tates in se occultatam habeant, quæ faciliter possunt  
 desuper irradiante lumine denotari.

*De duplici via illuminatiua. Cap. II. Partic. III.*

Sequitur de via illuminatiua. illuminatiua duplex  
 est, practica & theorica. Primo dicendum de  
 practica, qua mens actualiter cogitando conscendit  
 ad Deum. Secundo dicetur de theorica, quomodo  
 omnis scriptura ad Deum anagogice reducat. Di-  
 cto vero quomodo sensus anagogicus latitat in scrip-  
 tura, dicendum est, quomodo per istam viam illu-  
 minatiuam ascenditur ad vnituiam, & iste decursus  
 fundatur super hoc verbum Psalmiste: In meditatio-  
 ne mea exardescet ignis, &c. Quia adhuc mens pro-  
 ficiens est indisposita, ad hoc, quod expedite fera-  
 tur affectionibus anagogicis in dilectum, oportet,  
 quod primo aliquantulum meditetur eo modo, quo  
 dictum est; vt per cogitationem præuiam aliquantulum  
 incipiat scintillando affici in illum, in quem in  
 tertio statu sine omni cogitatione concomitante, vel  
 præuia, quotiescumque vult sine obstaculo sursum  
 eleuatur. Ad quam expeditionem cum perfecte po-  
 terit attingere, omnis ab ipsa sapientia in sua confur-  
 rectione cogitatio, vel meditatio abscindetur; quia  
 cogitatio ibi non est, nisi vt per ipsam affectio accen-  
 datur. Sic ergo vsualiter per meditationem prædi-  
 ctam proficiat: primo sicut dictum est, proprietatem  
 vocabuli ad sensum anagogicum transferat; postea illud  
 ad amorem reducat; tertio, quod in ipso  
 Deo afficiatur.

Verbi gratia: Pater, idest, tu es qui filios spiritua-

les progeneras mediante viuificatiuo germine. Tunc  
 ergo ero vere filius tuus, quando te vero amore con-  
 stringam. O quando diligam te, constringam te inti-  
 mis visceribus! Similiter per hoc quod dicitur, *no-*  
*ster*, idest tu es ille qui latissime diffundis bonitatem.  
 Si ergo vere te amarem, tunc aliquid in me tuæ la-  
 tissimæ diffusionis stillares. O quando te tam arden-  
 ter amabo, vt tua lata bonitas in me aliquantulum  
 appareat! Similiter per hoc quod dicitur, *in calis*, &  
 sic de alijs omnia anagogice transferendo. Et sic per  
 meditationem præuiam per istas aspirationes affectio  
 amoris paulatim accenditur, & sicut stuppa radio so-  
 lari exposita primo exsiccatur, & statim accenditur;  
 sic per istas aspirationes dilectum prouocantes, ad  
 mentis eleuationem magis ac magis accenditur, vsque  
 quo ad vnituiam eleuationem affectio sustollatur.

Sic dicatur: *Pater noster, qui es in calis*. Secundum  
 igitur virtutem prædictam sic dicatur, *Pater*, idest tu  
 es ille, &c. vt supra. Sequitur: *qui es in calis*. O ani-  
 ma mea miserabilis, quando ad instar cæli clara effi-  
 cieris, & nitida, vt diuersarum virtutum sideribus  
 adornata! Tunc enim bone pater in me habitare di-  
 gnanter, & libenter te sentiam, quando te amore ar-  
 dentissimo constringam, & per flammam amoris  
 anima miserabilis plena fœcibus expurgabitur, statim  
 in me tunc certissime subintrabis, & mundum con-  
 scientiæ meæ hospitium inuenies.

Sequitur, *Sanctificetur nomen tuum*. O bone pater,  
 quando tua notitia sanctificabitur, idest sine terra ef-  
 ficietur in nobis miseris! quod tunc erit, quando om-  
 ni carnalitate depulsa, tu solus super omnia dilige-  
 ris. O quando igitur te tenebo; non enim tunc terra  
 in me locum habebit, quando tu dulcis pater, per  
 tuam gratiam, & amorem in me habitabis!

*Adueniat regnum tuum*. Væ mihi peccatori, vult  
 quandoque in me habitare, & regnare inanis gloria,  
 quandoque gulositas, quandoque luxuria. Sed nolo  
 regnare in me, nisi te pater bone: tunc vere in me  
 regnares, si vere te ardentem amarem. nam in solo  
 amore ardentis animi veluti in proprio hospitio re-  
 quiescis. O quando igitur per glutinum amoris ar-  
 dentissimi te tenebo, vt in me regnare incipias, & so-  
 lus ad regnandum in regno meo tenebroso aduenias!

*Fiat voluntas tua sicut in calo, & in terra*. Tunc  
 enim voluntas tua primordialiter efficitur in me,  
 quando secundum fragilitatem humanam, ego mi-  
 ser vermis terrenus, tuæ voluntati omnino consen-  
 tiam, sicut illi beati spiritus qui in cælis te facie ad fa-  
 ciem contemplantur. Sed quis me dulcissime Deus  
 tibi faciat consentire, nisi sola amoris vehementia,  
 quæ contrarias voluntates coniungit, & hominem  
 nouit in te ipso, qui diligeris, conformare, & miro  
 modo transformat a claritate in claritatem? Quan-  
 do igitur te o bone Domine ex toto diligam, & glu-  
 tino dilectionis vnitus tibi soli consentiam!

*Panem nostrum quotidianum da nobis hodie, &c.* O pa-  
 nis Angelorum, quando tua refectione dulcissima refi-  
 ciar! in hoc enim Angeli & sancti beate viuunt in patria,  
 in quantum bone pater, affectionibus flammigeris te  
 contingunt. O quando panem amoris habeo, vt de  
 eodem cibo in præsentem nutriar, quo Angeli & sancti  
 in gloria satiantur, vt de micis comedam quæ cadunt  
 de mensa Domini mei! O bone pater hunc panem da  
 nobis semper, quia inquietum est cor nostrum, do-  
 nec cælesti pane aliquantulum confortetur. qui ideo  
 quotidianus dicitur, quia in quantum plus comeditur,  
 in tantum desiderio quotidiano reficit abundantius.

*Et dimitte nobis debita nostra, &c.* O bone creditor,  
 quando debita peccatorum meorum quoquomodo  
 esse dimissa cognoscam! Nam sicut peccatum meum  
 me tibi reddit inimicum, a te me miserum separan-  
 do; sic amor me vniendo tibi, omnia dimitti coge-  
 ret, & te mihi quondam offensum placatum effice-  
 ret, & redderet gratiosum. O quando igitur te amore  
 contin-

contingam, vt omni peccato dimiſſo, mihi placatum A  
notitia experimentaliter te ſentiam.

*Et me nos, &c.* O bone pater hoc peto, non de bonitate diffidens tibi inſeparabiliter colligari amoris glutino, ſciens quod ex quo odor tuæ dilectionis me miſerum ad ſe trahit, faciliſter tanto ligamine ligatus ſum aſtrictus omnia contraria vilipendendo, & te ſolo inuento tibi inſeparabiliter adhærebo. O quis iuuabit me, vt ſolum aſtringam, qui ſolus bonus & dulcis es hoſpes animæ meæ, modo turbidum ſecurum efficias!

*Sed libera nos a malo. Amen.* A malo non tantum pœnæ infernalis, ſed & purgatorij. Non tamen pater hoc peto, vt effugiam tormenta, ſed quia vtrobiſque eſt dolor. Nam ſi eſſem in inferno, te numquam facie ad faciē viderem. Si in purgatorio diu poſt mortem meam ſtetero, nimis prolongabitur deſiderium faciem tuam plenam gratiarum videndi, in quam Angeli deſiderant ſemper proſpicere. Sed ſi ego te ardentem diligere tunc amor reconciliationis pœnam infernalem pro offenſa debitā abſolueret. Si te amarem, ſic flamma amoris peccatorum rubigines exureret, vt in vltimo mortis exitu affectionibus flammigeris expurgatus, ad te diu deſideratum ſine dilatione meus ſpiritus euolaret. Igitur quando te hoc ardore diligam, qui & pœnam infernalem excutiat, & a dilatione abſoluat. Quod ipſe præſtare digneris, &c.

*De via vnitua in quattuor particulas diſtinctum.*

*Cap. III. Particula I.*

Dilecto de via illuminatiua, & quomodo actualiter per ipſam ad vnituiam aſcenditur; ſequitur de via vnitua quæ ſit. Secundo de perſuaſionibus ad ipſam. Tercio de indiſtinctis, quibus mens firmiſſime ſolidatur. & hoc pertinet ad practicam, & ad vſum. Quod etiam ſi aliquis ſimplex neſciat ordinare, ſaltem quoquomodo doleat: & ſi neſcit meditari in ſcriptura, vt dictum eſt, ſaltem aſpiret ad amorem, dicens ſemper in ſuis orationibus: O Domine quando te dulciſſimo amore conſtringam! & ſic quantumcumque ſimplex, vel laicus poterit per dolorem de peccatis veluti per oſculum pedis, per recordationem beneficiorum veluti per oſculum manuum, & ſic ad oſculum oris quod eſt in deſiderijs amoris attingere, dicens: Oſculetur me oſculo oris ſui, &c. Et hæc iam præſumptuoſa non iudicabitur, ſi primo in oſculo pedis, & manus ſe exerceat, & poſtea in alio tempore ad oſculum oris aſpiret. O ſapientia quæ ex ore, &c. Hæc autem via vnitua ſumitur in verbis iſtis, vbi dicitur: O ſapientia, quæ ex ore altiſſimi prodijt, attingens a fine vſque ad finem fortiter, & diſponens omnia ſuauiſter, veni ad docendum nos viam prudentiæ. Verba enim ſunt aspirantis Eccleſiæ, deſiderantis edoceri ab ipſo, qui eſt fons totius bonitatis, & origo. Licet enim verba iſta de ipſa ſapientia increata, quæ eſt Filius Dei, poſſint recte vel proprie intelligi, in cuius exitu æterno affluentia bonitatis ſummi Patris apparuit: tamen hic de iſta ſapientia prout temporaliter mittitur, ſeipſam rationali ſpiritu manifeſtans, eſt præſens intentio, quæ deſcribitur a beato Dionyſio Areopagita doctore egregio 7. de diuinis nominibus, ſic dicente: Sapiencia, eſt digniſſima Dei cognitio, per ignorantiam cognita, ſecundum vnionem quæ eſt ſupra mentem, quando mens ab omnibus alijs recedens, poſtea ſeipſam dimittens vnita eſt ſuperſplendentibus radijs inſcrutabili, & profundo ſapientiæ ſplendore illuminata. Hæc eſt illa ſapientia Chriſtianorum, & totius Trinitatis incluſa, & deifica diſfuſione diuinitus illapſa fidelibus, qua mentes amantium cæleſti rore perſuſæ, non aliquod emolumentum temporale, non aliqua dona ſponſi, ſcilicet gratiam, virtutem, vel gloriam; ſed ipſum qui eſt totius deiformis emanationis principium, ſcintillantibus affectionibus, inſatiabilibus

deſiderijs, vnituius aspirationibus ipſum ſolum tangere, vel ſtringere non aliud affectantes, ipſi vniri deſiderant. Conſurrectio ergo per vnitui amoris affectiones flammigeras, ſupra omne officium intellectus in ſupremo affectu apice conſtituta, ipſa eſt ſapientia intenta ad præſens, quæ idem eſt quod myſtica Theologia, qua ipſa mens ignita, linguis affectionum occultiſſime dilectum alloquitur, quæ non alicuius mortalis indiſtria reſeratur, ſed ſolum diuina miſeratione ſeipſam manifeſte prodiit, quæ in his verbis laudatur prout eſt æterna, in quantum ratione ſuæ immenſitatis a fine vſque ad finem attingit. Similiter prout eſt temporalis, in quantum ſuauiſter cuncta diſponit, ſcilicet rationales ſpiritus.

Quomodo ergo per hanc rationalis ſpiritus ab ipſa feliciter inſtructus, reſpectu omnium ſuauiſter diſponatur, diuino deſuper irradiante lumine oſtendimus. Primo reſpectu ſupercæleſtium. cum enim in ipſa beatiffima Trinitate ſit a Patre Filius egrediens, ab vtroque ſpiritus ſanctus amor verus procedens, cōnectens Patrem & Filium, ſic a fonte bonitatis ſupernæ ſapiētiæ vnitua procedens, menti adhuc vianti inferius illapſa, vniēdo ipſam connectit increato ſpiritu; vt ſicut Pater, & Filius, licet ſint diſtincti, tamen vnum dicuntur ratione amoris connectentis, ſic per iſtam ſapientiam qua ſola mens ſupremo ſpiritu inhxret, tanta nobilitate, licet nihil ſit, perfrui promeretur, vt vnum dicatur eſſe cum illo ab Apoſtolo, ſic dicente: Qui adhæret Deo, vnus ſpiritus eſt. Hæc autem ordinatio non tantum apparet ratione ordinis perſonarum per vnitui amoris ſapientiam acquiſitam, ſed ratione diuinorum actuum: quia cum iſti duo actus ſint cōterni, & conſubſtantiales in ipſo beatiffimo Deo, videlicet ſeipſum cognoscere, & ſeipſum diligere; in hoc quod mens in ipſo ardentem, & inſalubili cognitione, per ardorem cognoscit, veluti in amoris inardescens meridiano calore recubans, & ardens, in ipſo quaſi indicibili ardore ſe diligit, & per hoc ipſum intimius non tantum per creaturam ſenſibilem ipſi, prout poſſibile eſt, conformatur, & in ipſum amore deifico transformatur. Sic mens diſpoſita expreſſiſſima æternorum actuum eſt imitatrix.

Sed non tantum vt eſt ordo perſonarum, nec tantum actuum diuinorum æternitas; ſed ipſe Deus beatiffimus eſt totius creaturæ tam mentis angelicæ, quam humanæ, tam creaturæ ſenſibilis, quam inſenſibilis fontale principium. Vnde & in hoc ſolum inſinuat excellentia creaturæ, quando in id principium, a quo habet originē primordiale, reuertitur: quia rationalis ſpiritus ab ipſo immediate conditore creatus, ipſius Trinitatis inſignitus imagine, ampliorem dignitate ceteras inferiores excellit. & tunc diuino iudicio perfectus & reformatus exiſtit, quando per amorem exceſſiuum cogentem limites tranſcendere naturales, ipſi vnitur ecſtatica amoris conſurrectione, a quo primordialiter exiuit, vt iam circulus æternus in ipſo apparere incipiat ad illum, a quo exiuit primordialiter, reuertendo.

Sed & ipſe conditor æternus non tantum eſt totius creaturæ principium & origo; ſed & omnia ſuis rationalibus æternis ſic ordine inconcuſſibili regulantur, vt omnia quæque, diuina regulante prouidentia, finaliter in ſuis ordinibus conquieſcant. Sic mens per intimas affectiones conſurgens, quodam medio mirabili ipſam carnem irrorando perfundit, ſaltem quo ad hoc, vt innata corruptio paulatim ſic debilitetur in ipſa, in quantum mens per ardentius exercitiū ad ſuperna extenditur. Quoniam diuina miſeratione hac victoria perfruitur, vt in quantum per amorem integrum ſe ſubijcit proprio creatori, intantum caro ſpiritu ſubiecta, contra naturalem inclinationem, ipſius iuſſioni obtemperet, & diuino iudicio conſequatur; vt ſicut mens eſt concors ſui conditoris per amorem prouecta, ſic ſequatur corporis ſubiecti, & mentis

*Cant. 1. a*

*Eccl. 24. a*

*Sapientia  
quid ſit.*

*1. Cor. 6. d*

**Psal. 63.** *a* mentis concordia, ut in proprio corpore veluti in regno præsideat, & dicat cum Psalmista: Sitiuit in te anima mea, quàm multipliciter tibi caro mea.

Sed & ipse altissimus Creator non tantum voluit creaturæ præesse, ut factor, vel dominari, ut rector; sed etiam a fine temporum quasi celsitudine maiestatis exiliens, cum miseris peregrinari instituit, tandem in peregrinationis termino ad supernas mansiones conscendit. Sed & ipsi sic esistenti in carne reuertenti in cælum, mens per ecstaticum amorem disposita conformis efficitur, quæ in sua primordiali creatione libera a suo creatore progreditur. Sed & corruptioni corporeæ necessitatis coniuncta, subiecta multiplici seruituti mendica efficitur; sed in posterum supercælesti immisione diuturno aspirationum ardentium exercitio eleuata, iam quodammodo arrham æternæ felicitatis pertingit: quia ubi amat, inhabitat, & in illo ad quem tendit, desideriorum importuna tendentia veluti in naturali termino conquiescit.

*\* als. tutissimus.*

Et sic qui in principio *\* altissimus* existens: secundo quo ad statum humanum mendicus: tertio glorificatus ascendens in cælum, apparuit ipsi per vnitiuam sapientiam conformatus, ut merito dicatur in Apocalypsi de veris amantibus, iam quodammodo sibi reddita per purgamentum flammei amoris innocentia puerili: Hi sequuntur agnum, quocumque ierit.

**Apoc. 14.** *a*

Sed tamen non tantum in respectu ipsius conditoris, per istam sapietiam mens *\* vnies* in amore modis prædictis disponitur, sed etiam respectu iubilantium beatorum in gloria, quo ad hoc quod vita, requies æterna, quæ est Deus beatissimus, finis vnicus, desideratissimus, immediatus constituitur vtrisque. Sed in hoc tantum est differentia, quod mens glorificata iam in eo per assistentiam præsentialem conquiescit, hæc, idest mens corpori vnita, insatiabilibus desiderijs veluti absens sursum trahitur ineffabili ardore, ut tantum sibi intimius vnatur, aspirat, & ista

**Cant. 1.** *a*

**Ibidem.**

dicat: Trahe me post te, in odorem vnguentorum tuorum curremus; illa, idest mens glorificata, dicat: Introduxit me Rex in cellam vinariam, & cetera. Item illa mens superna coniunctione cum sponso perfectissime iam obrenta felicitate indicibili delectatur; mens vero ista coniuncta, hac sapientia licet tendat superius, tamen quantum est de suis motibus anagogicis, in ipso actuali exercitio sine omni mulcebris vnctione, vel delectatione consistit; sed potius est ibi miro modo corporalis afflictio, sed in hoc solum lætitia, quod in ista actuali tendentia directe, & sine aliqua obliuatione consurgit, veluti lapis ad centrum inferius in ipsum beatissimum, qui est suæ dignitati locus vnicus naturaliter correspondens.

*\* als. illecebræ.*

Vnde multi decipiuntur in hac philosophia minus experti, existimantes in motibus anagogicis cælesti dulcore mentem consurgentem multipliciter irritari; cum e contrario mens laboriosissima sursum actione agatur, & ex extensione spiritus sit quædam corporis eneruatio, & spiritualis separatio, & membrorum etiam corporalium ex impetuositate motuum anagogicorum protensio, secundum illud Iob: Suspendium elegit anima mea, & mortem ossa mea. Vnde impetus anagogicos corpus sustinere non posset, sine magna afflictione, nisi gaudium spiritus de ipsius directa tendentia temperaret. Item mens beata continuo, & indiuisibili exercitio in ipso summo bono veluti æterno dulcore afficitur, hæc tamen modo interscalari, & interciso in ipsum consurgit, cuius motus rectissime est ad instar emissionis sideris scintillantantis, si illæ emissiones ex libera voluntate procederent: quia illi motus anagogici sunt quasi subitanei, ut statim post consurrectionem mens infra seipsam inferius prolatur, iterum & iterum consurgit, & iterum infra seipsam cadit.

**Iob 7. c**

Item mens glorificata in ipso cuius pulchritudinē facie ad faciem contemplatur, ardentissima vnitione

**A** coniugitur; & licet ibi sint cognitio simul & dilectio, tamen cognitio naturaliter præcedit dilectionē. Sed mens hæc huic consurrectioni actualiter intendens, prout est hic intentio, omnis rationis, & intelligentiæ suis motibus radicitus rescindit officia. Nam intellectus ex communicatione carnis corruptæ, phantasijs est admixtus; ideo debet in consurrectione amoris amoueri; sed in patria purgabitur, in qua carnis corruptio deponetur, ideo per solam affectus igniti consurrectionem erigitur, quia ibi affectiua intelligentia incomparabiliter præexcellit, ut iam cito probabitur.

**B** Et licet in his, & multis alijs mens anagogice consurgens a mentibus glorificatis incomparabiliter excedatur, tamen mediante ista sapientia vtraque eadem vita supercælesti viuificatur, & eodem pane desiderabili vtraque reficitur: sed & per istam eandem sapientiam ad conformitatem, prout possibile est spiritui viatori, mentibus Angelicis ordinate disponitur: quia ipse Angelus est substantia intellectualis, ab omni corporali depressione penitus absoluta, gaudiorum lucis æternæ impermutabili claritate absorptus. Sed cum diuina sapientia dono gratuito suæ ineffabilis bonitatis, menti vianti affectionum extensarum notitia experimentalis seipsam præsentem denuntiat, oculos intelligentiæ aperit ratione appropinquationis ad ipsam: quia ipsa in se propriissime est lux, & claritas, & exinde ex eo quod spiritus ipsi, qui est superior, strictius per amoris contactum coniungitur, non immerito plus rescinditur carnalis affectio, & exinde in carne super carnem extensa, magis ac magis absorbetur, & sic per desideria amoris vi-

**C** tam ducens Angelicam, dicat cum Apostolo: Mihi viuere Christus est, & mori lucrum. In quantum ergo mens per pedes affectionum in ipso, qui est vera vita, aspirat ardentius quietari, in tantum minus carnali affectioni coniungitur, cum sentiat ea quæ sunt spiritus, & per consequens magis ac magis in Deo absorbetur, & sic quodammodo per istam sapietiam, licet misera quo ad tria prædicta, in magna tamen distantia vitam Angelicam imitatur.

**Philip. 1. c**

Sed per istam eandem sapientiam rationalis spiritus ordinatissime infra seipsum disponitur; quia illud signum mendicationis humanæ infallibile comprobatur, quando in alia creatura extra seipsam egrediens, tendentiæ suæ, & sui etiam appetitus regimen existimat reperire: quia cum mens humana ceteris

**E** visibilibus creaturis excellentior iudicetur, ipsam eminentius, & plenius sapientia supercælestis inhabitat, quia est imago, cetera vero vestigia. Tunc ergo cum thesaurum diuinæ sapientiæ antea occultatum referatum diuina bonitate in seipsa percepit, iam non egena alterius delectabilis mendicitate fulcitur, iam non a sua primordiali nobilitate degenerans, infra seipsam inclusam, quadam iucunditate relicta, ex intimiore vnitione cum Deo continua iucunditate lætatur, dicens cum diuino Iob, nolens ab ipso de cetero separari: In nidulo meo moriar, & sicut palma multiplicabo dies. Et non tantum disponit animam, in quantum facit ipsam infra seipsam quiescere, alienam mendicitatem extirpans; sed etiam ratione pretiositatis sui ipsius existentis in mente. In quanto enim nobilior, seu magis sanus possessus habitus; intanto plus spiritus Angelicus: quia si omnes thesauri, omne pretiosum, delectabile, quidquid oculus potest videre, ratio inuestigare, intellectus percipere, nihil ipsa mens ratione ipsius, qua solus Deus in corde possidet, reputat; sed coram omni sapiente affirmat, Tamquam lucum æstimabitur aurum in comparatione illius. Quare? quia tanta est nobilitas in ipsa & dignitas, & attrahentia, ut omnia quæ desiderantur, huic non valeant comparari.

**Iob 29. c**

Nobilitas etiam ipsius, non tantum apparet ratione sui ipsius existentis in spiritu, sed & ratione aliorum multo-

**Sag. 7. c**



multorum gratuitorum, vel gratis datorum, vel acquiritur, quæ magis inter cetera appetibilia indicantur. Per ipsam enim certificatur fides, corroboratur spes, & charitas inflamatur. Certificatur enim fides in hoc, quod mens sensibiliter se sentit trahi infallibili notitia in illum, qui est solus desiderij quietatius, & hoc scit ita vere, vel verius, quam oculus materialis videat materiale obiectum. Si ergo illum in quem tendit istis consurrectionibus infallibiliter sic cognoscit, iam quodammodo mens certificatur, quod ille est verus Deus, verus Dominus quem fide colit. vel etiam cum incipientes, & proficientes ad istam sapientiam habeant per beneficia incarnationis, & passionis pertingere, & per huius considerationem in ipsa diuinitate affectus magis ac magis inflamatur; oportet, quod mens cum iam est in ipsa sapientia actualiter eleuata, quod recto ordine ad illud pertingat, & sic ex consequenti connexionem diuinitatis, & humanitatis cognoscat. Sed & cum mens per istam sapientiam de multis, quæ ad fidem pertinent, licet adhuc misera, certificetur ad plenum, sciat quælibet fidelis anima; quod ex quo mens ad istam sapientiam pertingit, si omnes mundi sapientes, omnes philosophi protestarentur, & confiterentur, & dicerent: Tua fides non est vera fides, quinimmo deciperis; ipse contrario responderet: Vos omnes fallimini, & ego solus veram fidem teneo multo felicius, quam per rationes inuestigationes, per amoris vnitionem, habens in corde infallibile firmamentum, vt dicat cum Apostolo: Scio cui credidi, & certus sum, &c. sic certificatur fides per hanc sapientiam.

2. Tim. 1. c

Sed & corroboratur spes: quia cum spes sit certa expectatio futuræ beatitudinis, intantum per istam sapientiam corroboratur, vt iam quasi de obtinenda futura gloria non timeat: quia sic videmus, quod quanto domicelli alicui principi diuturniori exercitio familiaris obsequuntur, fit, vt quem primo timebant vt dominum, ex quadam familiaritate iam timor ad reuerentiam maiestatis resiliens, penitus euanesceat: vt de ipsius familiaritate, & bonitate confidentes, nullatenus se credant ab ipso de cetero separari. Isto modo ad intellectum anagogicum referendo, mens prius tepida per affectiones, & desideria, vnitiuam familiaritatem consequitur, vt ipsius dilecti dono in ipsa quædam mera confidentia relinquatur, vt omnis timor pungitius, nisi per modum cautelæ, ab ipsa radicitus extirpetur, vt dicat cum Apostolo: Quis me separabit a charitate Christi? fames, an gladius, &c. immo etiam nec instantia, nec futura.

Rom. 8. f

Per istam etiam sapientiam inflamatur, integratur & perficitur charitas: quia cum ipse Deus beatissimus sit ignis consumens, intantum a spiritu viatoris omnimodam frigiditatem expellit, in quantum per amoris extēiones ipsi interius appropinquatur. Quia cum sic per motus anagogicos ad ipsius intimiorem vnitionem aspirat, solis spiritualibus radijs exurentibus se exponit, & veluti stipula solaribus radijs exposita, ab igne desuper immisso accenditur. Vnde iste sol mentes dicitur exurere tripliciter: quia & ipse per se augmentat ardorem in spiritu, & mediante ardore obstacula præsecat quæ amorem impediunt, vt ardentius inflammetur, ipse spiritualia beneficia superaddit, quibus ipse amor in ipso perficitur. Item ipse facit mentem exurere, ad hoc quod ardentissime ipse Deus vnice diligatur. Exurit etiam ista sapientia mentem, vt in omnem proximum sicut in seipsum hoc amore ferueat, vt iterum ipsa insatiabilibus desiderijs, vsque ad plenissimam vnitionem aspirare languida non desistat. Non tantum virtutes per istam sapientiam perfectum obtinent principatum, sed & mens omni philosophiæ, omni inuestigationi rationis, omni speculationi, Theologiæ etiam inquisitioni præponitur. Naturalis enim philosophia ipsam

Deut. 4. d

Heb. 12. g

Eccli. 43. a

causam omnium per hoc quod apparet in sensibilibus creaturis, cognouit Creatorem, affirmans infallibili argumento, quod tanta creaturarum bonitas, tam mirabilis ordo, tanta earumdem immensitas, non nisi ab vno omnipotentissimo Creatore prodijt, secundum illud Apostoli: Inuisibilia Dei a creatura mundi, per ea quæ facta sunt, intellecta conspiciuntur, sempiterna quoque eius virtus, & diuinitas, &c. & sic venit philosophus ad cognitionem. Sed cum totus mundus nihil sit in comparatione spiritus rationalis, secundum ipsius sapientiæ increatæ protestationem, dicentis: Ludens eram in orbe terrarum, & delitiæ meæ esse cum filiis hominum. Tandem totus mundus est sicut paruus ludus, in quo paululum apparet pulchritudo respectu mentis Angelicæ, vel humanæ. Vnde quia nihil de intimis mentis conditionibus habuerunt, stricta & mendica est naturalis cognitio, & huius sapientiæ quantum distat ortus ab occidente, incomparabiliter subternitur. Item respectu considerationis methaphysicæ, vel theoricæ, quæ ambæ sub ratione entis, vel eius differentiarum, vel practicarum intentionum, scilicet sub ratione vnus, veri, vel boni, Deum simplicissimum apprehendunt. Mens autem per istam sapientiam sub nulla ratione prædicta, sine aliquo cogitatu concomitante, vel præcedente motum amoris, habet affectionem, ipsum, qui est summum bonum, apprehendere modo indicibili: ad quam apprehensionem, nec intellectus confurgit, nec intelligentia speculatur. Quomodo autem hoc fit, & quomodo intellectus possit diuidi ab affectu in theorica huius practicæ ostenditur, & de his quæ ad hoc pertinent super illud Mystice Theologiæ: Consurge ignote, &c.

Videndum est, quomodo respectu inferiorum mens suauiter disponatur. respectu enim corporis subiecti, dictum est superius, quando summæ sapientiæ regenti mundum mens per istam sapientiam conformatur: sed tamen addendum vltius, quod sicut sessor in equo virtute freni iumentum sibi subiectum vertit ad libitum ad dextrum, vel sinistrum; sic cum mens per istam sapientiam erecta, non curuata existat in corpore virtute ipsius amoris, veluti quodam freno spirituali sensuum exteriorum reprimat inordinationes, vt ad nutum, & ad imperium ipsius ad quem tendit, prout potest melius, omne regimen tam in viribus, quam in sensibus æqualiter reguletur, & faciat in suo subiecto tabernaculum, secundum exemplar, quod sibi in monte hoc monstratum est, secundum quod diuino Moyse, vt habetur in Exodo, sub typo diuina sapientia imperauit.

Sed etiam per istam sapientiam mens respectu omnium mundanorum disponitur, quibus per ipsam verissime dominatur. Quod sic apparet: Si enim aliquis princeps terrenus vniuerso orbi præesset, & haberet tot delicias, diuitias, & honores, quot omnes mortales habuerunt ab initio mundi, & in his oblectari disponderet, iam ipsis subijceretur, dum ab eis quietem, vel aliquam beatitudinem, vel perfectionem, quam non habent de se, obtinere appeteret. Qui ergo in his delectatur, ipsis vere subijcitur. Solus ergo ille est Dominus, qui sic omnia inferiora vilipendit, vt nihil terrenum per amorem inquietum contingat; quia tunc in vilipensionem omnia sub suis pedibus conculcantur. In hoc ergo regno dominatur anima, cum non alibi quærens requiem, superioris desiderijs se extendit, dicens cum Apostolo: Omnia reputaui vt stercore, vt Christum lucrificarem. Idcirco Petrus, & Paulus gloriosi principes terræ vocantur. Sub typo etiam dictum est filiis Israel ab ipsa veritate inconfusibiliter promittente: Omnis terra quam calcauerit pes vester, vestra erit. Si ergo quis vilipendit, cum calcet omnia; multo verius quam mundi principes omnibus dominatur.

Sed & per hanc sapientiam respectu inimicorum suauiter.

Rom. 1. c

Prou. 8. d

Exo. 25. d

Philip. 3. b

Deut. 11. c

Iosue 1. a

ſuauiſſe diſponitur, tum ratione irreptionis eorum, A tum ratione fortitudinis. Sagaci enim verſutia inſtan-  
tius inimici peruigilant, quomodo Deo mentem vni-  
tam a ſuo dilecto valeant ſeparare: ſed per iſtam ſa-  
pientiam liberantur, quia hauſtu amoris fonti lumi-  
nis appropinquant, & ex ipſa appropinquatione diui-  
nis radijs neceſſario illuſtratur, quibus etiam verſu-  
tiſſimas tentationes, & palliatas, & ſub ſpecie boni-  
tatis præſentat cito, & ſagaciter deprehendit, tunc  
hoſtis ſagacitas confutatur, quia ſecundum quod in  
Prou. 1. b Prouerbijs dicitur: Fruſtra iacitur rete ante oculos  
ſennatorum, qui per affectionum deſideria volant  
ſicut nubes, & quaſi columbæ ad fenestras ſuas, ſicut B  
Iſa. 60. b legitur in Iſaia.

Diſponitur etiam reſpectu ipſius fortitudinis, quia  
tanta vehementia ipſi inhæret, quem diligit veraci-  
ter, vt potius milleſies ſe permitteret iugulari, quàm  
ſemel ex deliberatione, dilecti offenſam incurreret.  
Et ad iſtam fortitudinem inerradicabiliter obtinen-  
dam, habet iſta duo coadiutoria, vt veluti de propria  
familia ipſius dilecti Creatoris dirigente dextera pro-  
tegatur, ſecundum illud Sapientiæ: Iuſtorum animæ in  
manu Dei ſunt: & illud a parte ſui, quia ſi etiam fortiſ-  
ſimis tentationibus ab inimicis propelleretur inten-  
ſus, veluti puer timens lædi ab aliquo ad matrem C  
conſugeret cito. Sic mens in fortiſſimis tentationi-  
bus ab ſubſidium illius quem diligit conſurgit velo-  
citer, & ad ipſum aſpirans intenſus recurrit. Et iſto  
modus vincendi dæmones inter alios eſt præclarus.

Per iſtam ſapientiam temperantiæ virtus ducitur  
ad perfectum. ex hoc enim eſt intemperantia huma-  
na, quod homo in gula, vel luxuria, vel alijs carnis  
illecebris, omiſſa vera delectatione, quæ eſt ex con-  
iunctione Dei, & animæ, miſerabiliter delectatur.  
Cum igitur multo maior ſit illa delectatio, quæ eſt  
in Deo, quàm quæ eſt in carne, ſicut Deus melior  
eſt quàm vlla creatura, in qua carnales homines de-  
lectantur. In quantum enim de vera illa delectatione  
mens ſenſibiliter experitur, intantum vehemen-  
tius carnalem delectationem reſpuit, & illum inue-  
niens in lætulo amoris, qui eſt vera iucunditas, ſic  
dicit: Mihi autem adhærere Deo bonum eſt. Igitur  
hac habita, ab ipſa cetera alia de ſacili vilipendit.

Per myſticam etiam ſapiētiā iuſtitia perfecta ac-  
quiritur: quia vera iuſtitia hæc, reddere Deo quod  
ſuum eſt, & ſibi quod ſuum eſt, & proximo ſuo quod  
ſuum eſt. Primo enim per iſtam ſapientiam vnituiam  
redditur Deo quod ſuum eſt. Nam per quemlibet  
motum coſurrectionis anima conſtituitur ante Deū, E  
per affectionem etiam amoris anima quærit quæ Dei  
ſunt, non quæ ſua ſunt. Nam aliter non eſt vera di-  
lectio, niſi plus dilectum quàm ſeipſum amans dili-  
gat. Ipſe amor etiam ipſam quieſcere non permittit,  
niſi in eo quem diligit: quia ſicut pondus lapidis non  
permittit, ipſum quieſcere, donec ad terram ſuum  
locum naturalem perueniat; ſic nec amor ſpiritalis  
permittit in alio, quàm in ſolo Deo quieſcere, qui  
eſt omniū ſpirituum terminus naturalis, vltra quem  
nihil deſideratur. Non tantum redditur Deo quod  
ſuum eſt per vnituiam ſapiētiā, ſed & animæ reddi-  
tur quod ſuum eſt, in eo quod per gratiam perficitur  
in ſeipſa. Quia ſecundum philoſophum: Anima per-  
ficitur virtutibus, & ſcientijs. igitur tunc eſt ibi ſum-  
ma animæ diligentiſſe perfectio, quando ille qui eſt  
fons totius ſapientiæ, & omnis ſapientia ſiue ſcientia  
creata, tam in ſuperioribus, quàm in inferioribus ab  
ipſo emanauit, ſpiritaliter per ſeipſum mentem in-  
habitare dignatur. Vnde verius quàm aliquis in lo-  
co materiali ſedeat, habitat Deus in anima ipſa, quæ  
diligit ipſum: & hoc ſpiritali habitatione, vt dictum  
eſt, quia ipſe charitas eſt, & qui eſt in charitate, quæ  
eſt verus amor, in Deo manet, & Deus in eo, vt in Ca-  
i. Ioan. 4. c nonica Ioannis legitur. Per hanc igitur redditur pro-  
ximo quod ſuum eſt, & in eodem amore quo diligitur

pater diligitur & filius. Ex hoc enim quod anima ſuū  
Creatorem diligit, omnem etiam rationalem crea-  
turam diligit, quæ ipſius Patris æterni eſt imagine in-  
ſignita. Ex eo enim quod Pater diligitur, ex eo venit  
ſeruens animarum ſola dilectio. ex eo enim multipli-  
cantur orationes pro animabus deperditis liberandis.  
Ille etiam idem amor gemitus multiplicat; vt animæ  
ad proprium Creatorem reuertantur, vt ſcilicet mor-  
tux per peccatum, per vitam gratiæ diuinæ ſuſciten-  
tur. Sicut Hieremias clamat, dicens: Quis dabit ca-  
piti meo aquam, & oculis meis fontem lacrymarum,  
vt plorem ſuper interfectos populi mei die ac nocte?

Quomodo etiam per hanc diſponitur reſpectu me-  
riti ſecundum omnem affectionē Theologicam planū  
eſt: quia quotieſcumque mens in Deum immediate  
mouetur, vitam æternam toties promeretur: & quia  
quotieſcumque vult anima ſic diſpoſita, poteſt actua-  
liter affici velociſſimis motibus, tamen intercifiſ, &  
pluſquā dicere valeamus, & eleuari meretur in gloria  
in qualibet conſurrectione iſtorum. & quia ſingula-  
ri merito eſt reſpondens gloria ſingularis, excepta  
ſubſtantiali corona de viſione pulchritudinis diuinæ,  
conſtat, quod per hanc ſapientiam ſibi coronæ innu-  
merabiles cumulantur.

Concludendo ergo a primis, ſic per iſtam ſapien-  
tiam mens ignita perficitur, vt ad inſtar circuli, qui  
eſt perfecta figura, inter alias, in præſenti & futuro  
mens a ſublimibus egreſſa, reuertendo in id idē, qua-  
ſi protractione ab eodem puncto in eundem pun-  
ctum, directiſſima ordinatione regreditur. O ergo  
ſapientia æterna, quia nullus mortalium poteſt ma-  
niſtare illam admirabilem, & increatam ſapiētiā,  
quæ a te fonte vitæ immediatiſſime procedit, veni ad  
docendum nos viam prudentiæ; quia contra vſum  
aliarum ſcientiarum in iſta ſapientia, practica præce-  
dit theoreticam. Primo ergo ſubditur de practica, qua  
mens purgatur in prima via, in ſecunda illuminatur,  
in tertia perficitur: vt hæc ſapientia ſecundum tripli-  
cem viam vltimæ hierarchiæ reſpondeat, ſcilicet pur-  
gatiua Thronis, illuminatiua Cherubim, vnituiua Se-  
raphim. Quia ergo hæc ſapientia, vt dictum eſt, per-  
ſuaderi poteſt ab homine, ſed non doceri; ideo ſub-  
ditur hæc triplex via, per quam quilibet quantum-  
cumque ſimplex doctrinam iſtam cæleſtem non hu-  
manam quoad vſum diuinitus obtinebit.

Tu beatiffime Deus & altiffime, qui natura es inua-  
riabilis, incommutabilis, per te ſtans, omnium bono-  
rum virtus principaliter conditiua, qui aſpectu tuo  
Angelos reſcis, tu qui es increata ſapientia, quæ men-  
tes Angelicas, & cæleſtes tuis radijs præclaris irradias,  
tamquam viuifica virtus, ita amatores tuos adimplia,  
vt ab inſimis ſeparatos ſuſcites nos ad tui deſiderium,  
& cognitionem, & remota omni mētis diſtractione,  
conuertas nos ad aggregantis Patris vnitatem, qui  
in horrea claritatis æternæ diſperſiones congregas  
Iſraelis. Amen.

De triplici via ad diuinam ſapientiam. Cap. III.  
Particula I.

SEquitur ergo primo quæ ſit iſta ſapientia. Secun-  
do de perſuaſionibus ad ipſam. Tercio de indu-  
ſtrijs, per quas mens in ipſa firmiſſime ſolidatur, &  
hæc pertinent ad practicā, ideſt ad vſum, quod etiam  
ſi anima ſimplex fuerit, ita quod neſciat ordinare,  
ſaltem adſpiret, & quoquo modo doleat. Se-  
cundo, etiam ſi neſciat meditari in ſcriptura, vt di-  
ctum eſt, ſaltem adſpiret ad amorem, dicens ſemper  
in omnibus ſuis orationibus, & petitionibus: O Do-  
mine, quando te ſtrictiſſimo amore conſtringam?  
Et ſic quantumcumque ſimplex, vel laicus poterit per  
dolorem de peccatis, veluti per oſculum pedis, per  
recordationem beneficiorum, veluti per oſculum  
manus, vſque ad oſculum oris, quod eſt in deſiderijs  
amoris

*Can. 1. a* amoris ascendere, dicens: Osculetur me osculo oris sui. Et hæc iam præſumptuoſa non iudicabitur, ſi primo in osculo pedis, & manus ſe exerceat, & poſtea in alia hora ad osculum oris.

*Pſal. 33. a* Sequitur de terra via. Accedite ad eum & illuminamini, &c. Cum enim Deus beatiſſimus lucem inhabitet inaccessibilem, ſecundum quod ait diuinus Apo-

*1. Tim. 6. d* ſolus: cum omnis rationalis creatura diſtet ab ipſo gradibus infinitis, ad hoc quòd lucis æternæ ſuperpulchris claritatibus illuſtretur, necesse eſt animam quaſi a ſe egredi, & gratuito beneficio Creatoris ſuperius eleuari, vt ſit aliqua approximatorio, & aliqua aſſimilata conformitas inter creaturam recipientem, & ipſum beatiſſimum influentem. ideo dicit diuinus Propheta: Accedite ad eum, & illuminamini, vt illud præcedat, & immediate illuminatio conſequatur. Ibi ergo tangit complete iſtius libri materiam, in quo cuius extraneo quaſi contra omnes diuinos, & theologicos tractatores, non per ſpeculum creaturæ, vel ingenij inueſtigatione, vel intellectus exercitio, docet ad cognitionem immediatam Creatoris attingere, ſed per amoris vnitiui aspirationes flammigeras, quibus non tantum quia Deus eſt, ſed etiam quid ſit Deus beatiſſimus ipſe principium totius beatitudinis & origo, infaillibiliter adhuc degentes in

*Pſal. 33. a* miseria præguſtamus: quæ intantum excedit cognitionem rationis, vel intelligentiæ, vt dicetur poſtea, in quantum Sol cunctis alijs planetis pulchrior, & ſtella maturis ceteris ſideribus fulgentibus fulgentior vnuerſis, qua reuelantur abſcondita, qua reſerantur occulta, quæ non humanis & terrenis facit amantem intendere, ſed potius ſupra ſeipſum eleuatum immediate diuinis, & cæleſtibus inſiſtere diſciplinis. Quia ergo amor æſtuans ad vnionem dilecti adſpirat ardentius, ſurſum trahit ſpiritum, vt fonti veri luminis appropinquet, qui ſolus facit accedere ad illum, qui eſt oriens ex alto, hos qui in tenebris & in vmbra mortis ſedent illuminans; vt per ipſum motiua, & cognitiua completiſſime ſuas perfectiones obtineant, vt mens ardore amoris, & decore luminis a ſuo dilecto miſericorditer decoretur. Quoniam non ſolum per amorem vnitiui gloria æternæ beatitudinis in reſeſſu ſpiritus a corpore poſſidetur, nec ſolum vitam cæleſtem ducere contingit in terris: non tantum humanam ſuis ſurſum extenſiuis, ſiue exceſſiuis actionibus mentem interius ſollicitant, ſed inſuper in anima incomparabiliter per amoris vnitiui deſideria perfectio amplioris cognitionis relinquatur, quàm ſtudento, vel audiendo, vel pro rationis exercitio conquiratur.

*Intètio Au-* In hoc ergo præſenti opere, quod a me ad declarandam beati Dionyſij Myſticam Theologiam conſcribitur, eſt præſens intentio oſtendere theoricam ibi incluſam, quomodo anima Creatori ſuo inheſceat, & ipſi efficacius veluti dilecta dilectiſſimo radicabiliter vnatur. Vbi verba pauciſſima ſunt, ſed infinita ſententia continetur, ſicut maniſeſtiſſime in ſequentibus apparebit: quia in hac vnitiua ſapientia, non ab eo quod extra in ſcripta redigitur; ſed ab eo quod intus percipitur mentis extenſa vnitiui, ad ſuum dilectiſſimum cupientis attingere, ipſius dono gratuito recipit incrementum.

Stylus autem iſtius libri ſimpliciter, & pure anagogicus eſt, niſi quandoque propter pium auditorem ad inferius aliquid deſcendat, ad ſenſum anagogicum maniſeſtius explicandum, vt ſolum pure amantes hanc ſupremam ſapientiam vnitiuam in ſeipſis percipiant, & a mundi ſapientibus, vel mundana amantibus, neque quo ad intellectum, neque quo ad affectum vllatenus capiatur.

*Finis.* Finis autem eſt, atcedere quomodo anima ad ſponſi vnionem totis viſceribus debeat adſpirare, vt archam gloriæ, & diadema nupiarum regalium valeat percipere in præſenti: quod omnis rationalis ſpiritus

Amquam ſuam beatitudinem debet appetere, propter quinque rationes, quæ ante principale videndum ad audiendum recipiendum, quæ in ſequentibus dicuntur, prolixius præmittuntur.

Prima igitur ratio ſumitur reſpectu rationalium creaturarum, & mundanorum actuum, tres aliæ reſpectu perfectionis ipſarum perſonarum, quæ per vnionem amoris in præſenti feliciter obtinetur, vltima ratio ratione continuationis proſectus, & augmenti, quo mens ſeipſa fortior efficitur ſemper, & pro amore dilecti ad maiora ſemper ſeipſam extendere cupiens, donec in reſeſſu ipſius a corpore ſibi ſol iuſtitie ipſum viſuræ facie ad faciem, ſicut eſt, oriatur. In prima enim inſipientia omnium mortalium, & maxime religioſorum oſtenditur Sicut enim quidam ſanctus dicit: Vniuſcuſque artis induſtrius appetitor, cunctos labores, & pericula, atque diſpendia æquanimiter libenterque ſuſtentat, & hoc in agricolis, & negotiatoribus, & in militibus exemplo ſenſibili comprobatur. Nam & agricola nunc tortidos ſolis radios, nunc pruinas, & glacies non declinat, terram inſatigabiliter ſcindit, & indomitas agri glebas frequenti ſubigit vomere, vt eam cunctis ſenibus expurgatam, vniuerſisq. graminibus abſolutam, in modum ſolubilis arenæ exercendo comminuat, hunc ſolum finem intendens, ſcilicet perceptionem copioſarum frugum, exuberantium ſegetum, non alias adepturum ſe eſſe confidens, quo vel ipſe vitam ſecurus ducere, vel ſuam poſſit ſubſtantiam ampliari. Si ergo tot laboribus tot calamitatibus inceſſanter æſtuat, vt poſſit terrenus terrena ſuſcipere per modicum temporis in ipſis quietudinem inuenturus, non immerito omnis anima totius Trinitatis inſignita imagine, & maxime religioſus, qui ad hoc obtinendum efficacius, vt Deo æterno vnatur, ſtrictius præ alijs ſe ſuccinxit; in quo tamquam in fonte beatitudinis lætitiæ in præſenti, & gloriæ in futuro per vnitiua deſideria poterit exhaurire. Et ſi in principio aliqua forſitan difficultas, vel carni intolerabilitas videatur, tamen cito in tam iucundo dilecto deſideratam requiem poterit inuenire: quia in ingreſſu eſt via arctiſſima, ſecundum Salomonem in libro Sapientiæ, dicentem: In paucis vexati in multis bene diſponentur. & non immerito, quia ille citiſſime inuenitur, a quo omne gaudium, & omnis iucunditas emanauit. Secundo videmus, quòd illi qui negotiorum ſolent exercere commercia, non incertis pelagi timent caſus, nulla diſcrimina perhorreſcunt, dum ad finem quæſtus ſollicite attendentes, hæc perpeti hilariter prouocantur. Quòd ſi tales corpus, & animam tanto ſubijciunt diſcrimini inceſſanter, quanto deberet rationalis ſpiritus inceſſabili deuotione inardere, vt illum ſuauiſſimum inueniret, qui ſua iucunda præſentia per amorem vnionis obtenta, omnem ab ipſo eliminaret egeſtatem, & omnem ab ipſo inopiam remoueret, & non vltra ipſum vagari permetteret, non vltra oblectamenta adulterina in creaturis alijs mendicaret, cum ipſe beatiſſimus inueniretur experimentaliter hoſpiratus, qui eſt omnis mentis tendentiæ ſufficienciſſimus quietator. De quo dicit anima, cum ipſius ſentit iucundam præſentiam in lob: In nidulo meo moriar, & ſicut palma multi-

*Sap. 3. a* plicabo dies: nolens iam ad conſuetam diſcurrere, iam humana conſolatione non indiget, quia iam illi vnita eſt, in quo omnium languorum ſuorum, tam corporalium, quàm ſpiritualium, inuenit ſaluberrimam medicinam. Tertio etiam videmus quòd hi qui malitiæ mundialis ambitione libidinosa inflammantur, dum proſpiciunt honorum ac potentie finem, exercitia peregrinationum, vel pericula non ſentiunt, nec præſentibus ærumnis bellisq. franguntur, dum propoſitum ſibi dignitatis finem cupiunt: obtinere. Si ergo in tot miſerijs inuoluuntur, vt ad modicum temporis laudibus hominū vento inanis gloriæ eleuentur, hoc

hoc sufficiens præmium reputantes, pro omnibus perpeffis multipliciter tam in spiritu, quàm in corpore fatigationibus; quid dignum possit peragere mens rationalis creaturarum nobilissima, respectu tamen sui creatoris mendica, vt ad illa tanta dignitatis præmia perueniret, vt illi a quo creata de nihilo primordiale originē habuit, in amoris vnitiui desiderijs vniretur, & tanto honore in conspectu Creatoris digna valeat iudicari, vt minus quàm musca, minus quàm nihil, principis vitæ sponsa, regis Angelorum dilecta propriissime valeat appellari, & ad tantum honorem ab altissimo Creatore minima prouocetur, sic dicente in Canticis: *Aperi mihi foror mea, columba mea, & cetera.*

Cant. 5. b

Dicto quo modo per actus mundanorum, & secularium mens ad tanta dilecti gaudia prouocatur; dicendum est, quomodo per creaturas rationales, & irrationales ad quiescendum in suo Creatore multipliciter excitatur. Primo in sensibilibus: secundo in vegetabilibus: tertio in animatis rationantibus, & irrationantibus. Vide quia ad istud edulium ad quod aliqua experimentalis notitia animal brutum gustui delectabile exæstuat, currendo cum impetu sine discretionē accelerat. Cum ergo ratione prædicta mens habeat vnum solum delectabile obiectum in quo vera requies, & omnis satietas pariter combinantur, diuino iudicio misera iudicatur, vt tanto delectabili sibi præsentialiter, & immutabiliter existenti misera defraudetur: cum bruta ad suum delectabile cum tanta festinatione accelerent sensibilibus obtinendum, & ista non vult faciem suam erigere ad illam veram sapientiam vnitiuam, de qua ab increata sapientia in libro Sapientie dicitur: *Omnia mihi bona venerunt pariter cum illa.* Dicit enim, *omnia*, vt nihil in mente in ipsius præsentia remaneat incompletum. Dicit, *bona*, non bonum dicit, vt multiplicationem in mente diligentis diuinorum beneficiorum insinuet. *Venerunt* dicit, per hoc significans non a se, sed ab alio hæc omnia obtinere, scilicet ex influetia ipsius dilecti misericorditer influētis. Dicit, *pariter*, cum in seipsa anima nihil boni habuerit, & si quod fuit multiplici amaritudine replebatur. *Cum illa* dicit, vt non solum possessione ipsius vnitiuæ sapientie mens interius impinguetur, & medullarum ipsius multiplicatis fructibus irroretur: sed & multa dilecti encania, scilicet splendores, & distillationes multiplices præsentia vnitiuæ sapientie comitantur, vt tam per ipsam, quàm cum ipsa mens experimenta gloriæ obtineat in præsentia. Miserabilis ergo debet anima reputari, si illud quod videmus in sensibilibus, nos rationales non facimus, & respectu momentanei delectabilis pigritantes circa inferiora lamentabiliter occupati, contra etiam cordis humani generositatem, impudenter, & miserabiliter dormitemus. Hoc etiam apparet in vegetabilibus, vt in arboribus, quæ vt stabiles sint, & in concussione ventorum immobiliter maneant in terra, radices immittunt profundius, ab humore ipsius terræ in qua figuntur recipientes fortificabile nutrimentum, vt etiam ramos superius emittentes, propter immissione firmissimam sine sui contractione in suo loco firmissime perseueret. Sic mens per amorem vnitiuum supra se erecta, per penetratiuas affectionum radices, in eo cui per amorem vnitur radicata infigitur, in qua infixione vnionis, stillæ roris æterni exhaustæ, per amorem maxime ratione redundantem ipsius fontis omnium deliciarum, & plenitudinis, per importunitatem vnitiui amoris, quasi quibusdam radicibus ad stipitem affectus descendunt inferius, mentem sic fortificantes in ipso, vt inauertibiliter ad sponsum sine obliquitate profectu continuo ascendat; vt etiam corroboracione motu amoris, qui hic radices proprie nominantur, rami ceterarum potentiarum omnium perfundantur, & inde sic fortificata, vt non iam ad modum atundinis spiri-

Sap. 7. b

tualium ventorum turbine quatitur. Et sicut humor arbores facit virefcere, florere, & fructificare, & nihil horum sine virtute ipsius humoris, arbor materialis obtineret penitus; sic & humor amoris facit florere altioribus ad magis placendum dilecto, conceptionibus quàm plurimis, & fructum operum sine exinanitione proferre folia verborum. non de ariditate mundanorum, nisi ea vilipendendo; sed de his quæ placent illi, quem diligit, facit amor viriditate perpetua apparere, vt illius promissionis veritatem experimēti notitia in seipsis percipiant, quam iam dudum degens in terris, & cum miseris habitans, dilectus promiserat, dicens: *Mensuram bonam, & confertam, & coagratam, & superfluentem dabunt in sinum vestrum.* Hoc enim promittit Deus altissimus animæ aspiranti, quæ ad instar insensibilium materialium arborum per amoris motus ignitos in ipso infigitur, & quod videt in creatura, quam expertem, & insusceptibilem delectationis, & iucunditatis cognoscit, hoc ipsa misera appetat, cui tot delectabilia præmia a collatore omnium promittuntur, & quæ sint ista in sententia prædicta insinuantur. *Mensuram* dicit, quia cuilibet se ad suam infixionem sollicite disponenti datur amor, id est perfecti amoris vnitiui, quæ mensura proprie dicitur. Nam ipsa sola quantitas animæ mensuratur, vt desideratam perfectiorem vnitionem citius, & efficacius apprehēdat, ardentius quoque amare desideret, & secundum suorum desideriorum mensuram apportando secum encania, ipse Altissimus pauperculæ se infundit, quæ vere bona affectum mentis erigendo Deo eterno diligentem vniciens non bono per participationem, sed summo bono, ampliori bonitate mentem sibi vnitam deificans, vt eo sola bona dicatur, & melior omnis mens Angelica, & humana, in qua amor transformans creaturam in creatorem, abundantior redundauerit, vt iste solus nobilissimus habitus, bonus antonomastice debeat nominari, quia in eo qui solus bonus est secundum ipsius sententiam facit in Deum sua extensione deifica animā transformari: cuius fructuū multiplicatione, & exuberanti abundantia suæ bonitatis vires, & virtutes animæ perfundens, vt ratione redundantē ipsius nihil maneat vacuū, & ideo conferta statim dicitur. Sed etiam quia ex præsentia vnitiui amoris, ex qua totus homo respergitur, est ibi quadam virtutum creatio, vt vna motum alterius præoccupare cupiat, ideo coagitata dicitur. Et quia verus amor tamquam ignis æstuans, non potest sic adhibita diligentia cooperiri cineribus, quin semper quoad aliquid calorem emittendo alijs emineat, sic amor superfluētiam operatur vsque ad verba exterioris, quia de his circa quæ vertitur mentis affectio, verba libentius proferuntur, ipsa mens quadam limitatione amoris præponderans, vt os quod est nuntius quo mens præmittit, quod sentit interius, proferat diuina non humana, cælestia non terrena. Vnde potest dici mensura amoris, secundum quam affectus potentias suas dirigit, multiplicitate exhauratione corroborat, virtutes creatas ad operandum exagitat, vt etiam ad ea quæ sunt exterius se extendens, sua dignatione, & ex deliberatione, loqui vel facere, nisi de pertinentibus ad ipsum suum possessorem, non permittat villo modo. In hoc ergo debet anima lamentabiliter excitari, vt labore instantius, scilicet vt principium inceptions, vbi quasi tota est vnitiuæ sapientie difficultas, aggrediatur audacius, vt tanto citius manens immobilis in loco sibi connaturali, suæ primordiali origini naturaliter competenti firmissime radicetur.

B

C

D

E

F

Luc. 6. e

Dicto quomodo per exempla sensibilibus, & vegetabilium mens ad suum delectabile obiectum debeat excitari, & in suo loco naturali inauertibiliter radicari, dicendum est, quomodo per exempla inanimatorum ad idem efficacius excitetur. Sicut omnia corporalia locis sibi competentibus conseruantur, sic spiritualia,

ſpiritualia, ſcilicet mentes Angelicæ, & humanæ locum habent proprium non ad inſtar corporaliū dimensionum, ſed ſuæ contententiæ, & ne redigantur in nihilum ipſa ſua dextera continentem. Sicut enim corpus ratione ſuæ ponderoſitatis ſtatim ad locum, ut in ipſo quieſcat, naturaliter deportatur, ſic mens donec perfecte conſtringat illum, qui ſua dignitate non poteſt non appeti, per pondus amoris uſque ad ipſius vnionem ſuperius collocata, ſine quiete vaga, ſine reſeſtione famelica, mendicabit, quantumcumque extraneis delitijs, vel honoribus occupetur, tamen nullatenus ſatiabitur, niſi illum cuius naturalis eſt imago, ipſum per contactum amoris quem vnicum naturaliter appetit, fuerit aſſecuta, & niſi in ſigno iugis lætitiæ in ipſa ſe præſentem annuntiet, mentis importuna tendentia non quieſcit. Et hoc in Ioannis Euangelio inſinuatum habemus a diuino Petro ceteris amantibus ardentius ſic dicente: Viderat enim vbique inopiam, & in ipſo ſolo, cui loquebatur præſentialiter, perfectam quietem inueniens, dicit: Domine ad quem ibimus? verba vitæ æternæ habes. Dominum vocat, quia ipſum colit omni poſtpoſita creatura. Poteſt enim appellare Dominum, cum amor non deriuetur ad aliud, ſed conuertatur ad ipſum a quo tamquam a fonte primordialiter emanauit. Et ſic dicit: Ad quem ibimus? quare vero non eſſet recedendum ab eo in perſona amantium ſubdens efficaciffimam rationem: Verba vitæ æternæ habes: non verba oris exterius, ſed mentis interius, tuas diſtillationes multiloquas immitendo, quibus multo efficacius quàm per argumenta, vel creaturas, vel quæcumque alia verba, vitæ æternæ incognita gaudia tuis amatoribus manifeſtas, ut ipſa ſentientes, ſecundum diuinum Apoſtolum, cetera omnia, ut ſtercora reputent, ut te lucrificiant.

Ioan. 6. g

Phil. 3. b

Quarto reſpectu rationalium. Cum naturaliter anima ſecundum ſuas potentias obiectis competentibus perfrui deſideret, ſcilicet ad arduum, verum & delectabile aſpiret, ſe extendendo ſuperius, ut illi ineffabili vnietur, qui eſt ſumma maietas, incommutabilis veritas, & indeficiens bonitas; de iſtis breuiter pertranſeo, quia de his inferius oportet determinare prolixius. Tamen ad præſens ſic veram arduitatem increata eſſe anima non reputet in eis, in quibus quantumcumque alijs præexcellens altioribus honoribus eleuetur, ipſam neceſſe eſt, tam mentis, quàm corporis, ut ſenſibiliter comprobamus, mendicanti, & ſubiectioni multiplici ſubiacere. Sed tunc ſolum mens in obtentu veræ arduitatis congaudet, quando per intimam amoris vnionem tanta libertate perfruitur, quæ non poteſt cognoſci niſi ab illis, qui ipſam experimentali notitia præſentiunt, ut diabolus non timeat, mortalem hominem nullatenus pertimeſcat, ut ſtimulos pœnæ æternæ non ſentiat, ut ſuſceptionem mortis amplectendo gaudeat, ut quæ immediate per veram vnionem Creatori proprio ſe ſubiecit, in omnibus liberam ipſius promiſſionem conſequatur, dicentis in Ioanne: Si filius Dei vos liberauerit, vere liberi eritis. Tunc enim vere filius Dei liberat, quando dexteram amoris ipſam extendendo porrigit, ut ipſi inhæreat omni creatura ſuppoſita & nihil ſub Deo pœnale amanti in vnitiuis deſiderijs dominetur. Et hæc eſt ratio, quia in loco tuto per inſinuationem amoris ſe firmiter collocauit, nihil aliud timet extrinſecum, nec etiam ipſum in quo habitat, cum amor familiaris minas illius quem diligit, facit obliuiſci. Vnde dicit ipſa veritas in Ioanne: Hæc locutus ſum vobis, ut in me pacem habeatis, in mundo autem preſſuram habebitis. Tunc enim quando Dominus menti loquitur, & ſeipſum per ſpiritualiū inſinuationum colloquia præſentem denuntiat, ſtatim pax ſequitur, quia ipſe eſt ab omni ſeruitute radicatus liberatus, qui etiam altiffimus mundanis preſſu-

Ioan. 8. d

Ioan. 16. d

A ram habendam promittit; quia dignum eſt, ut qui venerandiſſimæ maietati ſeipſum per amorem verum non ſubijcit, ab omni creatura miſera conculcetur, ut omnis creatura ſuum vindicet Creatorem, illum aſſictione multiplici conculcando, qui nolens ei per amorem ſubijci, Dominum proprium derelinquens, & adhærens vilitatibus alijs, quaſi ille non eſſet verus Deus, vilipendit. Vnde quanto anima inhæret per ardentiorē amorem intimius Deo, in tantum efficacius ab omni ſubiectione libera, in regno proprio feliciter iucundatur.

Dicto quod ibi eſt verus honor in illius amoris vnione reſpoſitus, in quo eſt totius ſubiectionis priuatio, dicendum, quomodo ratio in ipſo inuenit veritatem. Sed quia præſentis ſpeculationis eſt, quod vera illuminatione ex amore relinquitur, ideo dicendum eſt quomodo voluntas in ipſo, & non in alio perfectiſſime ſatiatur, cum ad ipſius pertigerit in præſenti exiſtens viatrix beatiffimam vnionem. Tamen ſicut diſſuſus dicitur poſtea, cum mens in re aliqua ſeipſa ignobiliſſimi non quieſcat, ſibi conſolatio, vel delectatio terrena non ſufficit, licet in ipſis quandoque contra ſua naturalia lamentabiliter occupetur. Et hoc, quia omne delectabile, ſi verum eſt, quietat appetentis deſiderium ſiue tendentiam, ſed omne terrenum quantumcumque ſuauius æſtimari valeat, appetitum relinquit famelicum, & niſi forſan ad horam totaliter inquietum, ut apparet ſenſibiliter in omnibus. Ergo in mundanis oblectationibus numquam appetitus tendentia conquieſcit. Quidnam ergo mens prædicta faciet? Vnum ſcilicet ſolum reſtat, ut ad ipſius præſentialem vnionem acceleret, quem ſolum ſeipſa meliorem inuenit, qui ſolus habet theſaurum iucunditatis in ſeipſo abſconditum, quem cum quis per experimentalem notitiam inuenit, vadit, & vendit omnia præ gaudio, & emit agrum illum.

C enim dicitur amoris vnitiui planities, in quo mens currit per ignota deſideria pedibus affectionum ſulcata: in quo theſaurus abſconditus inuenitur, quando per amoris exercitia ille qui eſt vera iucunditas per ſpiritualē notitiam, vel xenium aliquod ſpirituale præſens eſſe ſenſibiliter comprobatur: pro cuius amore adepto mens hilariter cetera omnia vilipedit, cum quis, vel qualis ſit ille quem diligit, in affectu perſeperit, cum ſe ſupra ſe ad ipſum directe extendit, dilecti dextera ſubleuatus, ut ea quæ prius audierat, verius quàm illa quæ ſenſibiliter cōſpicit & manifeſtius comprobentur, non immerito propter hoc dicit ſermo Dauidicus: Melior eſt dies vna in atrijs tuis ſuper millia, quia dum per atria planitie amoris mens aſpirando percurrit celeriter, plus ſentit in vna die de mentali lætitia, quàm in millibus dierum valeat in variarum rerum ineptis oblectationibus experiri. & diem in atrio nominat, quia mens dum non per iſtam planitiem percurrit, ſciat ſe multiplicitate obtenebrante caligine obſcuſari.

Sequitur de obiecto rationali quod etiam veritas dicitur. Iſta enim veritas rationali ſpiritus reſpondens non in veritate creata conſpicitur; quia omnis veritas a falſitate, a deceptione, ab opinione eſt penitus elongata, & non ibi de veritate increata fit mentio, ſed de creata hic loquitur, quia propter hoc quod veritas ignoratur, ideo accommodatur falſitas, ideo ſequitur deceptio, ideo multiplicatur opinio. Et hoc eſt, quia veritas occulta non poteſt cognoſci, niſi in lumine deſuper radiante, ſcilicet quo abſcondita diuina intelligimus, tamquam mediante lumine, ſicut materiali lumine dirigente viſualem radium ad obiectum ſenſu exteriori corporalia ſenſibilia indeceptibiliter capiuntur. Si ergo lumen diuinum deficiat, iam creata veritas in mendacium conuerteretur, non propter defectum ipſius, ſed propter, vel remanentem cæcutientis mentis obſcuſationem, vel in ſe percipere intelligibilis veritatis radium non valentis.

Mat. 13. f

Pſal. 83. d

P p p Cum

Append. ad To. 7. oper. S. Bon.



Cum ergo ſecūdum quōd ſenſibiliter videmus, quaſi omnis veritas ſit maxime de diuinis, niſi illa quibus per fidem acquieſcimus, in dubitationem, vel opinionem conuerſa, iam non pure per humanam doctrinam, veritatem mens rationalis apprehendit. Vt ergo inueniat veritatem, ad amoris vnionem properet, & verius quā corpus per materiale vinculum, vel artificiale glutinum, vel incaſtraturam labore operatoris indultrij, corpori alij coniungatur, mens per amoris oſculum vnitur illi, ſecundum diuinum Apoſtolum, qui lucem inhabitat inaccessibilem, & tunc ſibi dilectum ſuum timore filiali timentī pariter, & amanti promiſſionem diuini prophete Malachie conſequitur, dicentis: Vobis timentibus nomen in eum orietur Sol iuſtitie, tunc diuinam miſericordiam ſupradictam miſericorditer conſequetur. Accedite ad eum, & illuminamini. cuius reddit in ſeptimo diuinorum nominum Dionyſius rationem. Quia quando mens circa illa quæ ſunt creatæ veritatis addiſcenda immergit affectum finaliter, non vnitur illi, vt ſuo ſplendore multiplici decoretur, qui facit ſolem ſuum oriri ſuper bonos & malos, ſic dicens: Quando mens ab omnibus alijs recedens, ſeiſpam poſtea dimittens, vnita eſt ſuperſplendentibus radijs, profunde & imperſcrutabili ſapientia illuminata. Vnde prius dicit, vnita, quā inſcrutabili ſapientia illuminata; vt omni menti inſinuet, quōd non niſi mediante vnione amoris, mentem ſummo, & inaccessibili lumine caligantis, veritas quoad profunda, & inſcrutabilia penitus cognoscatur.

Sequitur de vltimo, ſcilicet de proſectu mentis diligentiſ, pro amore dilecti ad maiora ſe extēdere diligentiſ, vel cupientiſ. Non enim ſicut humani philoſophi, qui illa quæ quoquomodo capere poterant intellectu, faſtu ſuperbiæ inflati, attribuerē contempe- runt illi fontali principio, a quo in mentibus omniū rationabilium ſpirituum omnis veritatis radius emanauit; ſed e contrario, in quantum ſenſibilibus mens maiori deſiderio inardescit; quia per veram ſapientiam mens edocta ſcit ſe per ſui merita quæ ipſa poſſidet, nullatenus poſſe obtinere, in gratiarum laudibus collatori omnium ſe diffundit: vt in quantum ab ipſo ampliora recipit, in tantum ſe humiliore in ſuis oculis reputando abiiciat, vt non furti diuino iudicio arguatur, vt ea in quibus nihil habet, ſibi tribuendo proprij animi elatione inanefcat. Iſta ergo ſunt duo brachia, quibus mediantibus mentis ſuſum actio affectuum multiplicium recipit incrementum; quia ab vna parte ſeiſpam diſponendo præparat, ab alia parte diuinam influentiam prouocando, ipſius dono gratuito peruenire ad maiora, & copioſiora præmia, promeretur. In hoc enim quōd ipſa quæ habet, nō ſibi attribuit, ſed omnia redigit ad laudem omniū largitoris, concauitatem in ſe exarat contra ſeiſpam verius propugnando, qua pluuia diuinorum gratiarū exuberans montes, & colles tranſiliens, locis humilioribus ſe infundit; vt quanto maioris humilitatis fuerit concauitas, in tanto amplioris gratiæ ſuſceptibilis habeatur. Et hoc, quia omnis creatura in quantum ſuum recognoscit principium ſeiſpam annihilat; vt quæ de nihilo creata eſt, in tanto plus recognoscit magnificentiam Creatoris, cum ipſi ſoli eſſe, & omne bonum attribuat, iam non immerito dicitur: Deus ſuperbis reſiſtit, humilibus autem dat gratiam. Aliud autem eſt brachium etiam a parte dextere, quo iuuantur mentis deſideria, vt ardentius ſolito mens in ipſius exercitijs exerceatur; quia dum per amoris vnionem anima ſentit, quæ Dei ſunt, prorumpit in laudem ipſius multimodam, quæ laus ſuper omnia exceptis amoris exercitijs ad conferendum collaudanti maiora, prouocat largientem, dum in perſona talium collaudantiū dicit Ioannes in Apocalypſi: Benedictio, claritas, & ſapientia, & gratiarum actio, &c. Vnde frequens beneficiorum cogi-

tatio, eſt quaſi quædam tuba intonans in auribus dilecti, vt ſibi ampliora condonentur. Iſta enim beneficiorum diuinorum frequens meditatio ſtimulat ſpiritu, vt ſe totaliter diffundat in ardentioribus obsequijs affluentissimi Creatoris. Vnde Dauid in perſona talium dicit: In meditatione mea exardescet, &c. quia dum diuina beneficia meditando recogitat, in tantum ad amplectenda maiora pro amore conferentis animus inardescit.

Pſal. 38. a

Quomodo vnitua, & myſtica ſapientia obtineri poſſit.  
Cap. III. Particula III.

**D**ilecto de his propter quæ vnitua debet ab omni rationali ſpiritu concupiſci, & per conſequens illa in quibus ipſa ſapientia determinata diffuſius continetur, præſentis intentionis eſt inquirere, quomodo vnitua, & myſtica ſapientia valeat obtineri, tria principaliter in hoc opere oſtendentes. Primo de ſapientia ipſa in generali, ſecundum quōd alternatim duplex intellectus theoricæ, in ſcripturis conſcribitur. Secundo de Myſtica Theologia, quantum ad ſui præparationem, ideſt de remouendis obſtaculis, vt prius inuia, in ſubſequenti planiſſima habeatur. Tercio de vnitua ſapientia in ſeiſpa conſiderata.

Dilecto quōd niſi rationalis ſpiritus ſummo bono inhæreat, non poteſt in alio aliquo quietari, dicendum eſt de indultrij per quas amor ardentius incitatur, & iuuatur vnituum deſiderium ad hoc, quōd dilectus ipſum erigendo, oculo reſpiciat pietatis, & hoc intelligitur per hoc quod dicitur poſtea: Inſpectrix diuinæ ſapientie. Ad quod notandum, cum bona aſſuefactio ſit omnis ardui poſſeſſi initiale principium, quattuor ibi de neceſſitate concurrunt, ad hoc quōd perfecte reſpiciatur diuinitus, & vnionem deſideratiſſimam conſequatur, quorum vnum eſt interius in mente, ſecundum a corpore, tertium a loco, quartum a tempore.

Primo enim ſicut videmus, quōd quando ſol fulget in virtute ſua in meridie reuerberatur oculi a ſolaribus radijs, & etiam obſcureſcantur; ideo neceſſe eſt, ad hoc quōd fontem ſolis directe aſpiciat, vt quodam ordine, primo videlicet clarum aliquid aſpicere, vel etiam ipſum ſolem in ortu conſurgentis auroræ, deinde ipſum circa horam tertiam, poſtea etiam per aſſuefactionem ipſum poterit in meridie videre; ſic mens poſtquam iam omnia terrena dimiſit, poſtquam etiam a gaudijs mundanis ſe penitus ſequetrauit, tamen eſt inuoluta multiplici obtenebrante caligine, quæ adhuc non permittit ferri ſpiritu expeditis motibus in obiectum. Sibi ergo neceſſaria eſt induſtria, quia nemo repente fit ſummus, vt ſiue habeat deuotionem, ſiue non, ſiue ſentiat ſe calidum, vel frigidum: tamen, vt poſtea prolixius dicetur, pulſet ad oſtium diuinæ bonitatis, affluentiffimam miſericordiam obſecrando: vt illum dilectum per amorem æſtuantem ſentiat, qui ipſum creauit ad ſuam imaginem, ad ſibi ſoli amoris obſequia impendenda. Non ergo a ſuo proprio propoſito deſiſtat, ſed tantum pulſet ſecundum ſuę paruitatis modulum, donec per quietam amoris vocem, dilectum ſuauius audiat conſolantem: Ecce ego ipſe ſum, vt habetur in Ioanne: Et hoc eſt quod dicit beatus Dionyſius in libro De diuinis nominibus.

Ioan. 4. d

Secunda induſtria eſt, vt cum in principio multum elongatum ab ardore vnitui amoris ſe ſentiat, per quem debet dilecto cōiungi; (quia hoc eſt ſupra mortalis hominis facultatem quōd miſera, & diſtans tantī amoris vnionem appetat) neceſſe eſt, vt illos qui in epithalamio cum ipſo lætantur, in gloria totis viſceribus orando inclinet, vt illum qui iam non ipſum amant, ſed ardent in ipſo totaliter, per ipſorum ſupplicationem ſcintillam ardoris exiſtens in miſeria recipere mereatur, non ardorem ipſorum deſiderans, ſed

1. Tim. 6. a

Mala. 4. a

Pſal. 33. a

1. Pet. 5. b  
Iac. 4. c

Apoc. 7. c

sed de micis quæ cadunt de menſa Domini, ad inſtar A  
*Pſal. 120. d* caruli deſiderat ſatiari, maxime cum iſta duo dede-  
*Iob 5. a* rit ſecundum *Pſalmiſtæ* conſilium, dicentis: Leuaui  
oculos meos in montes, &c. ſtatim ſubdit: Vnde ve-  
niat auxilium mihi, cum Iob cōſilium obliuioni non  
dederit dicentis: Et ad aliquem ſanctorū conuertere:  
quia licet tamquam regales conſortes omnes mentes  
angelicæ, & ſancti excellentiores ſint attentione præ-  
cipua exorandi, tamen vnum ſpeciale habeat, cui  
præcipuum impendat obſequiū, vt cum ſemper non  
poſſit ad diuinā intendere, ille ſuos defectus impleat,  
qui in cæleſti gloria ipſius ſemper aſtat aſpectibus,  
qui videt eum reuelata facie, quam ipſe laudat inceſ-  
ſanti iubilo, huius per ſuffragia amorem conſequi  
deſiderans, qui quantum etiam de ſe vix eſt dignus ad  
plantam pedis dilecti ſui affectus oculū eleuare. Sed  
quia ibi dictum eſt, quod mentes Angelicæ, & ſancti  
beati in gloria ſunt præcipue deprecandi, cum illa fe-  
lix ciuitas ex hominibus conſtet & Angelis, ipſos An-  
gelos reuereri non negligat, ſed vocem audiat Ra-  
phaelis, loquentis pio Tobiz adhuc caliganti, dicen-  
tis: Ego obtuli orationem tuam Domino; hoc ſibi  
dicens in perſona animæ aſcendere cupientis. Hi ſunt  
enim expeditiſſimi paranympſi, quia mentium piæ  
affectiones dilecto offerunt, vt ſuis miſerationibus de  
ſua naturali bonitate impermutabiliter incluſis defe-  
ctum ſupplere debeant. Hi ſunt qui tot inſignia im-  
pendunt obſequia, qui noſtræ beatiffimæ redemptionis  
in incarnatione Verbi mediatores paſifici extite-  
runt, qui nobis pacem de cælo redditam nuntiaue-  
runt, Creatoris, & creaturæ iam pace reformata  
per vitæ principem Dominum noſtrum Jeſum Chri-  
ſtum, ipſum pro nobis collaudando, gratias reddendo,  
ſollemniter beata gaudia humano generi nun-  
tiando iucundi nuntij aſſuerunt: & ſuum Ange-  
lum a diuina bonitate a ſua primordiali origine ad  
ſui cuſtodiam deputatum reueretur, deprecando  
attentius, vt ipſe pauper attingere valeat, per amo-  
rem illum in cuius amplexibus ipſe abſorptus luce in-  
acceſſibili felice beatitudine iucundatur, vt audire  
valeat illud quod Danieli prophetæ in perſona ani-  
mæ diligentis, dicitur ab eodem: Quia vir deſiderio-  
rum eſtu. Quid enim poterimus illi beatiffimo con-  
ductori, & conſolatori noſtro rependere, qui tam  
dulciter admonet, vt Creatori ſuo perfecte etiam ani-  
ma inhæreat, ſi in charitate debilis, ſi abſciſſa per  
peccatum eſt ab ipſo, quod ad fontem vitæ mortua  
iam anima reuertatur, qui mentem perfectam tot  
ſplendoribus ea, quæ ipſe percipit ipſi obijciens, mul-  
tis modis irradiat, ſuis excitationibus accendit, ſuo  
conſortio magna lætitia iucundatur, & maxime cum  
ſecundum ſuam paruitatem mens facta eſt confor-  
mior, cum idem ſapere deſiderat, in quo ille totali-  
ter abſorbetur. Tunc enim facilis eſt tranſitus, vt  
mens ea quæ ſibi Angelus obijcit, recipiat, quando  
non tantum in natura, ſed etiam in gratia eſt propor-  
tionabilis conuenientia, quando eſt eiufdem amoris  
affinitas, licet vnus minus alio radicetur. Et ſicut eſt  
impoſſibile, arenam maris, & ſtellas cæli ab homine  
enumerari; ſic ſunt ipſius beneficia circa nos infinita.  
Ipſe enim eſt orantibus aſſiſtens, euntes conco-  
mitans, dormientes protegens, & defendens.

Sequitur de tertia induſtria, quæ eſt in modo quo  
ad corpus quantum ad orantes in vniuſis deſiderijs  
exiſtendi, & tamen modum multiplicem orandi no-  
bis expreſſum in ſacra pagina videamus. Primus in  
*Exod. 17. c* Moſe, qui erectus in corpore, manus extenſas ad  
*2. Paralip.* cælum erigebat. Secundus Salomonis, qui genibus  
*6. c* flexis, faciem ſuam verſam ad terram manus ad cæ-  
*Luc. 7. f* lum dirigebat. Tertius eſt in nouo teſtamento in  
beata Magdalena, quæ proſtrata ad terram in faciem,  
beatos pedes benigni Redemptoris lacrymis rigauit.  
*Luc. 10. g* Quartus in ſedendo, quem habemus in Luca, ab ip-  
ſa Magdalena dum ipſa ſedebat ad pedes Domini in  
Append. ad To. 7. oper. S. Bon.

ſilento, plus orans interius in deſiderio cordis, quàm  
in labijs oris exterius. Quintus a Domino Jeſu Chri-  
ſto, qui patrem vt ab eo calix paſſionis, ſi poſſibile  
eſſet, tranſiret, exorauit. Sextus in cruce, quando  
manibus extētis erectus corpore patri ſpiritum com-  
mendauit. Septimus ab Apoſtoliſ, qui Jeſum ad Pa-  
trem aſcendentē deſiderio reuertēdi ad ipſos, in cor-  
pore erecti facie verſa ad cælum orabant interius.

Cum ergo ſecundum diuerſas affectiones, vel cogi-  
tationes diuerſus modus reperiatur ab orantibus op-  
portunus, tamē in iſta ſpecialiter neceſſe eſt, quod cor-  
pus totaliter ſit erectum, & facies verſa ad cælū ſupe-  
rius; quia ſecundū diſpoſitionem affectionum animæ  
neceſſe eſt eſſe conformitatem corporis, & ſecundum  
diſpoſitionē actionis ſpiritui reſpondentem. Vnde ſi  
mens quādo ſe extendit in ardore motuum, vnionem  
dilecti deſiderās, faciem verſus terram inclinaret, im-  
pediretur actualis tendentia, vel in parte maxima ceſ-  
ſaret, cum ipſum deſiderādo appetat, qui eſt ſupra ip-  
ſum ineffabiliter collocatus, ſecundum beatū Diony-  
ſiū ſibi in Myſtica Theologia deſiderata gaudia pro-  
mittendo dicentem: Surſum ageris ad illum, qui eſt  
ſupra omnem ſubſtantiam, & cognitionem. Vnde  
vel corpore totaliter erectus ſtando, vel genibus fle-  
xis neceſſe eſt mentem per modos anagogicos con-  
ſurgere, ratione conuenientię, ſicut dictum eſt. ſe-  
cundum quod etiam videmus in illis qui de aliqua  
materia cogitant ſubtilius ſe profundendo, vel etiam  
in his qui loquuntur de arduis, eſt neceſſaria corporis  
diſpoſitio, vt ſemper ſe interioribus quod eſt exte-  
rius configuret. Tamen in meditando, vel ſtando  
pro peccatis, poteſt ibi eſſe alia diſpoſitio corporalis,  
vt ad ſimilitudinem Publicani terram reſpiciat infe-  
rius, qui ſuum benignum Redemptorem contra ſe  
ad iracundiam prouocauit. Et ſimiliter ſecundum  
alia ſpiritualia exercitia meditando, vel cogitando,  
poteſt eſſe diſpoſitio alia & alia. Talis in anagogica  
actione neceſſaria eſt diſpoſitio, quæ dicta eſt ſupe-  
rius, quia cum ardendo afficitur vnionē deſiderans,  
loquitur ad eum ſic attente, & veluti ſi eum videret  
facie ad faciem. Cum ergo licet ſit vbique, tamen vt  
eſt in cælo dirigatur amantis eloquium: Cum ergo  
loquatur ad eum, quem in cælis adorat, ſuperius eſt  
neceſſe faciem conuertere; cum ibi eum deſideran-  
do prouocet ipſum totaliter transformari.

Dicto de induſtria, quæ eſt in diſpoſitione corpo-  
ris, ad hoc vt citius reſpiciatur ab illo, cui ſolum pla-  
cere concupiſcit, dicendum eſt de quarta induſtria,  
quæ eſt ratione temporis. Sicut enim videmus in ne-  
ceſſitudine corporis, quod eſca ſibi competens ſemel  
vel bis in die tempore ſuo propinatur, ſic anima quæ  
in amore viuere deſiderat, hora debita & tempore  
congruo lumbos ſuos accingendo ſe præparet, & tem-  
pus orationi conſtituat, vt mens pane & vino ſcilicet  
vitali amore reſecta, quotidiano conuiuium non priue-  
tur, cū multo nobilius, multo ſuauius ab amante illud  
inueniatur conuiuium, quàm in paſtu corporis car-  
nis reſectio ſentiat: Non enim dignum eſt, vt do-  
mina melliflui amoris prandij langueſcat inedia, &  
garrulæ famulæ hora debita, & tempore opportuno  
carnale deſiderium impleatur. Et quod talis ſit tem-  
poris opportunitas manifeſtum eſt, quia ſicut ex fre-  
quenti bene agere relinquitur habitus in anima, ſic  
cum mens elegerit tempus orationi maxime de no-  
cte ſpecialiter deputatum, ſecundum illud Dauidi-  
cum propheticum: Et nox illuminatio mea in delicijs  
meis. quædam affectabilis complacentia in mente re-  
manet, vt ſemper ſuum exercitium illa hora impleat,  
in qua ſe ad Deū dirigere conſuevit. & ſi etiam quan-  
doque deſiſtat, vt nō in hora aſſueta propter aliquod  
aliud impedimentum mens ſe in oratione extendat,  
a ſeipſa arguitur, & non modicum quandoque aſti-  
gitur, ſi pro cauſa minus honeſta remaneat; quia iam  
hora pertranſijt, in qua mens dilecto inhæreſcere con-  
p p p 2 ſuec.

*Mat. 26. d*

*Luc. 23. f*

*Act. 1. b*

*Pſal. 138. b*

*Psal. 41. c* sueuerat, sibi firmam amoris refectio[n]e ministranti, & spiritalis lætitiæ odorifera pocula propinanti. Si autem de hora competenti sit quæstio, quo mens diuinis laudibus se extendat, audite Dominum per prophetam, loquentem: In die mandauit Dominus misericordiam suam, & nocte canticum eius: quod maxime dicitur, quia tunc minus videtur ab omnibus hominibus, quia tunc quasi omnia silent tumultuantia, maxime quia tunc dormit populus Christianus: cuius ratione charitatis causam debet assumere, non tantum affinium, sed omnium filiorum baptismatis, vt ipse tunc vigilet viscerosis orationibus protegendō, vt leo circuiens quærens quem deuoret, in ipsis non præualeat, quos pater omnium viuentium imaginem filij sui conformauit. Tunc enim ad amplexum Domini sui inardescet consurgere, stet peruigil custos, qui de nocte pro quolibet, vt pater suus seipsum immolauit hostiam viuentem.

Locus orationi quis aptus.

Sequitur de quinta industria quæ est ratione loci. Cum enim antiquus seductor per pium laboris initium, & per alios effectus videat, quod mens a sui dominio totaliter volens recedere aspirans ad regnū, multo nobilius sub alis dilecti desiderans protegi: ad eius dominium se transferri eius felicitati inuidens tentando circuit, vt quem sub specie apertæ malitiæ non potest decipere, sub specie boni suspirantem ad

*Iob 3. d* alta miserabiliter decipiat, sic ei obijciens: Veritas in Euangelio suos discipulos admonet: Luceat lux vestra coram hominibus, vt videant opera vestra bona, & glorificent patrem vestrum qui in cælis est. Tu ergo debes in loco publico, & aperto insistere orationi, vt alij insipientiores per tuum exemplum manu ductiue superius attrahantur. Rustica sanctitate non solum tuum profectum proprium desideres, sed per te multitudo non modica ad consimile tibi spirituale exercitium, multo plus exemplo vitæ quàm verbo doctrinæ eminentius prouocetur. Ideo locus occultus requiratur, vt ex illo per quod debet consequi vnitiui amoris gloriam, per omissionem circumstantiæ non incidat in ruinam, non tantum propriam sententiam, sed Creatoris sui audiat in Euangelio fideliter edocetem: Cum oraueris intra cubiculum tuum, & clauso ostio, ora Patrem tuum, qui est in cælis: quia licet per modicum temporis ab hoste maligno orans in publico, pacifice relinquatur, vt ipsius prædicta admonitio in corde orantis radicetur amabilius; tamen postea timeat, ne orationem suam ponat in ore hominum, & tamquam meliorem se alijs reputans, vel sanctum se iudicans, sic interius inanescat,

*Mat. 6. a* vt sibi dicatur a Domino: Tu vero odisti disciplinam meam, Euangelij consilium non tenendo: & proiecisti sermones meos retrorsum, scilicet multiplicitum consolationum attente orantium, quibus solus Deus in mente, tamquam ipsis loquens, se præsentem annuntiat, vt vnde consurgendo superius collatori rependere debuerat gratiarum actiones multimodas, pro beneficio non suis meritis, sed gratis exhibito, retrorsum projiciat se ad fauorem humanum in laude hominum prosternendo. Et licet hæc industria propter instantia, & multimoda pericula attente ab omnibus obseruari debeat, tamen nouus amans de nouo consurgere cupiens, cum magna cautela custodiat, cum adhuc habeat arundineum amorem; quia multum plus siue maius periculū imminet ei, quàm illi, qui in duello spirituali diutius se exercens, tamquam clypeo amoris iam protectus, iam apertis oculis cognoscens machinationes hostiles, veluti expertus miles de inimico persecutore nouit sagacius triumphare: quia tunc securius potest se alijs ostendere, qui pondere amoris cor suum interius in Domino protectore benigno non sine multis laboribus collocauit.

*Psal. 49. c* Dicto de quinta industria, qua diuinā amans inspectionem occasionaliter promeretur, dicendum est de

*A* alia, quæ est ex multiplicatione ferculorū spiritaliū; quia secundum quod videmus in materiali refectio[n]e animalium corporū, si aliquid ceteris magis delectabile ad vescendum continue propinetur, cum ex eiusdem continua, & diuturniori replicatione gustus sensibilis fatigetur, nouorum ciborum refectio[n]em appetens, licet primum suauius, quantum in se est, ab omnibus iudicetur, & quando plus recentium epularum superuenerit copiosior multitudo, satiabilius quàm in vno reficitur, & plus interius ingeruntur: sic mens, si horam quam sibi ad diuina colloquia dedicauit, totaliter in extensiuis, siue excessiuis motibus aspirans ad sponsi vnionem expendere, fatigationem corporis non sustineret spiritus, cum sicut dictum est, ex amoris importuna tendentia non modica afflictio, immo maxima capiti & pectori in quibus amplius spiritus radicitur, & per consequens membris alijs corporis ingeratur, ideo epulas recentes sibi multiplicet, & maxime circa tria, vnum præcipuum, & præclarum, & duo alia adiacentia continentur: principale sit deuotissima oratio, & castissima affectio, qua sponso propter seipsum vniri desiderat.

Sed ad hoc primum principium maxime incipientibus sit cogitatio de passione Dominica quomodo pro peccatis nostris radicitus extirpandis, Rex gloriosus seipsum obtulit, intantum pro nobis Deo patri obediens, vt morte crudelissima damnaretur, ita, vt a planta pedis vsque ad verticem non fuerit in eo sanitas, & non esset pars, quæ non sanguine sacratissimo respersa vniuersis aspicientibus appareret. Vnde cogitatio de carne est ad ingrediendum ad diuinitatem amoris interius latantis ianua, & in signum illius, latus suum sacratissimum ferro lanceæ aperiri voluit, vt nō nisi per plagas illius mens in diuinitatis intimis radicetur; quia, secundum quod dicitur alibi, cogitatio de passione, & refectio in eadem, dignitati animæ non sufficit, sed solum ille qui

*D* carnis velamine seipsum ab humanis aspectibus abscondebat. Ideo diuinus Apostolus admonet omnem animam super se consurgere aspirantem: Christo, inquit, semel in carne passio, & vos eadem cogitatione armamini: quia iam multum diuinitati beatissimæ appropinquat, qui humanitati ipsi vnitz per compassionem imitricem passionis pertractando, tam pretiosa vulnera interius conformatur, quod tunc sine aliquo retinaculo cogitationum de carnis passione poterit dimittere: quia iam finem in parte assecutus, solum in ipso intimius desiderat radicari, pro cuius obtentu de plagis ostiarijs cogitabat illud exercitij principium speciale.

*E* Sequitur de tertio subsequente, scilicet quo non modicum diuinam misericordiam, siue respectio[n]e misericordialiter prouocabit, hoc est aliorum peccatorum expositorū hostibus in peccatis, obdormitorum in facibus, in delitijs mortuorum compassio. In hoc enim apparet filialis, & amorosa dilectio, quando illis compatiēdo qui ad patris sui imaginem creati sunt, vt illum imitantes in vita regnent sancti in gloria, videat sic miserabiliter alios laceratos, & alios sic excæcatos recognoscat, vt vix vnicus maxime de adultis inter centum inueniri valeat, qui illum videre in gloria mereatur, in quem desiderant Angeli prospicere, cum sibi illud decretum obstupescendum ediderit: Qui mihi ministrat, me sequatur, quia quicumque viuens homo sedulum famulatum præstiterit, siue Altissimo in bonis, siue diabolo in peccatis, iusto Dei iudicio post recessum anime a corpore, illius gloriosis, vel miserabilibus agminibus coniungetur, cuius complebat, dum viueret, voluntatem. Si ergo materiali gladio videam aliquem corporaliter iugulari, vel perforari, vel cuiuscumque potentioribus pedibus suffocari, naturali affectu miseræ ipsius compatiar. Quomodo ergo mens se dicat Patrem amare rationalium spirituum, cum tot filios

1. Pet. 4. a

1. Pet. 1. c

Ioan. 12. d

*Iob 3. a* filios ſua inſignitos imagine videat, crudeliſſimorum A hoſtium pedibus ſuffocari, & illuc eos introducere, ubi omnes guttæ aquarum, & folia arborum citius certo numero redderentur, quàm deſiſtant lamentabiliter proclamare illa verba, quæ Dominus ſibi per Iob, virum diuinum prædixerat: Pereat dies in qua natus ſum, & nox in qua dictum eſt; Conceptus eſt homo. Et poſtea immediate: Cur exceptus genibus, cur lactatus vberibus, cur egreſſus de vtero non ſtatim perij? Rationem huius rei duplicem reddit ſibi diuinus propheta. Prima erit ex mirabili cruciatu, in quo corpus, & anima quamdiu Deuſerit in gloria, inſimul punientur, quia pariter deliquerunt. Dicit B  
*Iſa. vii. g* Iſaias: Vermis eorum non morietur, & ignis eorum non extinguetur: quia vermis eſt remorſus conſcientiæ, quo pœnam doloris ſenſibilem, & pœnam damni incurrere meruit in æternum, dolens de perpetratis in ſæculo, quæ iam non proſunt, ſed ſingulariter dolorem incutiunt, ſecundum quòd de talibus Dominus in libro Sapientiæ proteſtatur, cum ait: Quid nobis proſuit ſuperbia? &c. Sed & pœnâ damni comminatur Altiffimus per Iſaiam prophetam, dicentem: Tollatur impius, ne videat gloriam Dei. Et bene ipſum vocat impium, quia ſolus amor mentem in propria pietate facit vitam deducere, quo verus cultus C Creatori proprio exhibetur. Digno ergo Dei iudicio a beatiſſima fruitione illius ſeparando tollitur, qui dum vixit in corpore, non ſe ſic præparando diſpoſuit, vt bonitati increatæ amoris vinculo coniungeretur. Tunc enim vere tollitur, quando moriens in tenebris a felici viſione diuinæ pulchritudinis peccatis ſuis exigentibus ſeparatur. Et hoc eſt quod ſequitur, Ne videat gloriam Dei. Qui vita brutali vixit in terris, non eſſet iuſtum iudicium, quòd vita Angelica in cognitione veritatis æternæ, & amore beatitudinis increatæ, in quibus conſiſtit gloria, in cœlis iubilians perfruatur. Quomodo ergo iam hilaris D apparebit, qui tot patris ſui benigniſſimos filios vidit in tam inæſtimatis doloribus cruciari? Ideo dicebat diuinus Apoſtolus ad Corinthios, ſollicitus ſum non pro vno tantum, ſed pro omni congregatione fideliū. Quis enim infirmatur, & ego non infirmor? quis ſcandalizatur, & ego non vror? Quia membrum viuū & efficax, & vnitum Chriſto capiti non videtur, quod dolores commembrorū ſuorum, & eorum vulnera inſanabilia non præſentit. Hæc ergo diuina induſtria non modicū cœleſtem ad ſe inclinans clementiam, vt ſapiētia oriens ex alto inferius profundatur, qui ad hoc totis viſceribus, tā obſecrationibus, quàm pijs affectionibus cōpaſſione linitis, tam verbis ignitis in prædicatione ad populum in omnibus laborans attentius, vt diuina maietas in immiſſione ſapientiæ, & doctrinæ, vel fidei, ſic miſericorditer inclinetur, vt omnis creatura pro qua princeps gloriæ in terris dignatus eſt apparere, quicumque ſit ab Oriente in Occidentem, ab Aquilone in Septentrionem Chriſtianus, Iudæus, vel Gentilis, ſic ad veram cognitionem veritatis pertingat, vt illius felici confortio non priuetur, qui non pro vno tantum, ſed pro omnibus ſeipſum in ara crucis impreſtiabile pretium condonauit, & illius beata viſione non careat, ad quem ſolum contemplan- dum, & amandum creata eſt, vt & mens patrem benignum Dominum noſtrum Ieſum Chriſtum ſectari deſiderans, ſupportet pijs orationibus attentis, & accenſis, peccata omnium viuentium, vt illi conformetur, qui ouem perditam in ouile charitatis æternæ portans in proprijs humeris, Patri ſuo reſtaurauit. Non enim diuinus propheta Hieremias fuit tamquam membrum mortuum, ſed viuū, & efficax, qui videns ſuum populum a Rege nequiſſimo tam atrociter ſuffocari, dicebat: Quis dabit capiti meo aquam, & oculis meis fontem lacrymarum, vt plorem ſuper interfectos populi mei die ac nocte? Nabuchodonosor enim diabolum, Babylon conſu- Append. ad To. 7. oper. S. Bon.

ſionem tartaream, Hieremias animam Deo vnitam per amorem propriiſſime ſignat. Sicut enim Moyſes qui ſolus vir fuit, licet eſſet mitis in gente ſua, & ceteris manſuetior appareret, manus ſuas leuans ad cælum orationis ignitæ clypeo, & hafta amoris fortitudinis extenta vſque ad cælum Deum exercituum attingente, promeruit, vt virtute ipſius, Iſrael populus Amalech ſuperaret: ſic etiam eiufdem virtute amoris, quo Deo erat vnitus eundem populum ſic prote- xit, vt Dominus ei diceret: Dimitte me, vt popu- lum iſtum deleam: quia ſic Dominum affectuoſæ orationis vinculo ligauerat, ne populo Iſrael pœna condigna criminibus inferretur. Si enim duo princi- pis alicuius negotiatores famulantes exiſterent, & al- ter eorum ſemper circa commodum proprium ne- gotiaretur attentius, alter vero vtilitatem totius fa- milix Domini ſui ſe effundens ſollicite procuraret, citius a Domini ſui largitate potiora beneficia accipe- ret, quàm ille qui de ſingulari profectu pijs circa af- flictos carens viſceribus, ſeruili fidelitate lucra ſpe- cialia procurauit. Iſta duo tamquam duo concomi- tantia iucunda mentis deſiderantis tendentiam ad- iuuant, vt a ſuo deſiderio, & tendentiæ termino non fraudetur. Primum ergo, & præcipuum præcedit, vt dictum eſt, ſcilicet affici circa paſſionem, & plagas Redemptoris, per quæ ad perfectam inhærentiam ſubintramus. Tamen ſæpe iam ceſſat maxime in qui- buſdam, quando mens in ipſa Diuinitate ſine impe- diente obſtaculo, via iam aperta per exarationem ſu- periorum ardentium, poteſt dilecto ſolito perfectius adhærere. Sed iſta quæ eſt ex compaſſione proximi, reſpectu diuini prouocatrix compaſſio nūquam ceſ- ſat, immo mens quanto ardentius afficitur, tanto ip- ſum orat attentius, vt ipſe miſerorum viſceribus vul- neratis, ſalubrem miſericordiæ, & pietatis adhibeat medicinam, vt in conſummata iuſtitia exiſtens, di- cat cum beato Iob: Semper creuit mecum miſeratio, & ab vtero egreſſa eſt mecum. Tunc enim ſemper creſcit miſeratio, quando non proprijs affectionibus ſpiritu- ali iucunditate attendit continue, ſed infeliciū miſeriæ condeſcendit. Tunc ab vtero ſecum egredi- tur ab illo inſtanti, ſcilicet quando ab emanatione fe- cunditatis diuinæ vitalem amorem mens recipit, quo primitus natus diuino conſpectui, & virtutibus An- gelicis apparuit, ad ipſum in vitam conſimilem tranſ- formatus.

Vltima induſtria eſt, quæ in ſapientia anagogica di- noſcitur ab ipſius amatoribus totis viſceribus am- plectenda, quia ſi omne conſuſum, & inordinatum; eo ipſo corruptibile, & inſtabile iudicatur: ſimiliter e conuerſo, omne ordinatum ſtabile, & ſuæ ordina- tionis decentia iudicabitur ſtabilitum. Idcirco diſci- pulis veritatis eſt cum diuturniori exercitio ſagaciter laborandum, cum ſuas orationes, vel pſalmos, vel hymnos, vel quæcumque alia dixerint, vt ſtabiliant in ſe numerum dicendorum. Item quid primo, quid ſecundo, quid tertio: niſi fraterna charitate, vel ne- ceſſitate aliqua, vel obedientia maioris, aliquantulum retardentur, ſemper id, & eo modo quo decre- uerint ſtudeant adimplere: quia ex iſto felici exerci- tio relinquitur quædam habilitatio in mente, de quo ſæpe animus non modicum contriſtatur, ſi aliqua ne- gligentia, vel inertia conſuetum exercitium derelin- quat. Immo quod in principio ipſius exercitij ſpiri- tualis laborioſum videbatur, ſpiritu poſtmodum qua- ſi verſum in conſuetudinem ſuo decore allicit: vt iam frigiditas verſa in calorem, tarditas in velocita- tem, maxime quia amore vnitiuo trahitur, experi- mento inſallibili comprobetur. Vnde in canticis ſpon- ſa petit trahi, dicens: Trahe me poſt te. Et ſtatim ſubditur: In odore currentis vnguentorum tuorum, quia ex quo amor attractiuus, & ſurſum actiuus in ſupremum affectus iam inflammando immittitur in ipſam ſponſam, in ſui dilecti deſideratiſſimum ſinum

Exo. 17. c

Exo. 32. c

Iob 31. b

Cant. 1. a

collocando : iam mira agilitate currere incipit , ut A  
quotiescumque voluerit , vnitiui amoris desiderio ,  
veluti quodam ardore sibi sparso diuinitus , in ipsum  
ardentissime se extendit .

*Sapientia diuina a Deo edocta qualis sit . Cap. III.  
Particula IIII.*

**D**ICTO de persuasionibus , & industrijs , quibus  
mens super intellectum ad percipiendam scientiam  
vnitiuam attingit , subditur ipsa sapientia a Deo  
immediate edocta , a magistro hierarcha Paulo Apo-  
stolo tradita , a Dionysio Areopagita stylo anagogico , B  
& occulto conscripta , ipsam ad Timotheum veritatis  
discipulum destinante , & sic dicente : Tu autem  
Timothee amice circa mysticas visiones forti concer-  
tatione sensus derelinque , & intellectuales operatio-  
nes , & omnia sensibilia , & intellectualia , & omnia  
existentia , & non existentia , & sicut possibile est ignote  
consurge ad eius vnitionem , quæ est super omnem  
substantiam & cognitionem . etenim excessu tui ip-  
sius ab omni irretentibili , & absoluto , munde ad su-  
persubstantialiorem diuinarum tenebrarum radium sur-  
sum ageris . Videas autem , ut nullus indoctorum ista  
audiat , &c. In hoc verbo Pauli Apostoli sapientia su-  
prema includitur , & culmen totius perfectionis , ut  
possibile est in via : & tota profunditas librorum  
Dionysij Areopagite , quo perfecte cognito , quid-  
quid est super intellectum in libris Dionysij , leuius  
omni æstimatione efficitur . Vnde ista consurrectio ,  
quæ per ignorantiam dicitur , nihil aliud est , nisi imme-  
diate moueri per ardorem amoris sine omnis creaturæ  
speculo , absque præuia cogitatione , sine etiam  
motu intelligentiæ concomitante : ut solus affectus  
tangat , & in ipso actuali exercitio nihil cognoscat  
speculatiua cognitio , & ille est oculus , quo spon-  
sus in canticis a sponsa dicitur vulnerari . Quod &  
vnum esse perhibetur ipsius testimonio dicentis :  
Cant. 4. c. Vulnerasti cor meum foror mea sponsa , in vno ocu-  
lorum tuorum .

Vnde cum sit triplex cognitio , vna videlicet quæ  
per speculum creaturarum sensibilibus respicit , quæ  
docetur a Richardo de sancto Victore in arca mystica ,  
vbi per quadraginta duas considerationes olim  
in populo Israelitico ab Ægypto ad terram promissionis  
veniente expressissime figuratas docet peruenire , &  
per sex gradus ascendere ad omnium Creatorem .  
Alia est quæ intelligentiæ exercitio per immisionem  
spiritualium radiorum , docet primam causam  
per effectum cognoscere , & in omne exemplatum  
per considerationem exemplaris ad veritatem immutabilem  
peruenire . De qua Augustinus in libro de magisterio , &  
vera religione , facit non modicam intentionem .  
Alia est istis multo excellentior , per amorem  
ardentissimum vnitiuum , quæ actualiter sine omni medio  
animum disponente , ardentissime facit in dilectum  
suis extensionibus sursum actiuis consurgere : quæ  
Mystica Theologia tradita in apice affectiue consurgit ,  
quæ consurrectio ignorata , vel per ignorantiam dicitur ,  
ut remoto omnis imaginationis , rationis , intellectus ,  
vel intelligentiæ exercitio , per vnitionem ardentissimi  
amoris id sentiat in præfenti , quod intelligentia capere  
non sufficit : immo quod potius est , omnis speculatiua  
cognitio totaliter ignorat , quod inquantum Seraphim  
nobilior est Cherubim , intantum amor verus omni habitu  
ab origine primordiali indito , vel gratis dato , vel  
gratum faciente , est perfectior . Inquantum potentia  
morta potentia cognitiua excellentior , intantum cogni-  
tio per amorem vnitiuum quantum ad diuinorum se-  
cretissima penetranda , omni cognitiua apprehensione  
præclarior est . Vnde & hæc a beato Dionysio incomparabiliter  
omnes alias excedens , definitur sic : Sapientia est Dei  
diuinissima cognitio per ignoran-

tiam cognita , & non tantum præclarior , immo etiam  
est vniuersalior , & vtilior alijs scientijs , cognitionibus ,  
& apprehensionibus , dicitur . Quæ non tantum affectum  
supra se erigit , & amore ecstático perfecte vnit sponso  
altissimo creaturam , sed insuper intantum eleuat intellectum ,  
ut multo plus omni prudentia , & cognitione diuinis  
fulgoribus iustretur , quam aliquo ingenij exercitio valeat  
obtineri . Vnde de illa dicit Dionysius : Hanc igitur  
irrationabilem , & amentem , stultam sapientiam excedentem  
laudantes dicimus , quod est omnis mentis & rationis , &  
omnis sapientiae , & prudentiae causa : ab ipsa est omne  
confusum , ab ipsa etiam omnis cognitio , & prudentia , &  
in ipsa sunt omnes thesauri sapientiae , & scientiae absconditi .  
vbi per sapientiam , & cognitionem completa vtriusque  
potentiae perfectio denotatur affectione , scilicet , &  
intellectione . Ipsam enim vocat irrationabilem , quia  
nec ipsam ratio apprehendit , nec ratio inuestigando  
vritur ; amentem etiam vocat , idest sine mente , &  
sine intellectu , quia nec ipsa in suo exercitio  
vritur intellectu , quia vsque ad tam summam cognitionem  
intellectus peruenire non sufficit : stultam etiam vocat ,  
quia sine vsu omnimodæ intelligentiæ in affectu  
ista sapientia consurgit , quam nulla intelligentia  
penitus apprehendit . In verbis enim propositis a  
Dionysio perfecte traditur hæc sapientia .

Subditur primo quid sit amouendum , secundo  
modo consurgendum . Et cum etiam in ista consurrectione  
anima sit in statu duplici , scilicet ut perficiens , &  
ut perfecta ; primo subditur quid remouendum in  
primo statu , ibi *sensus derelinque* ; secundo consurrectio ,  
quando dicitur ; *Consurge ignote* , vsque ibi , *etenim  
excessu tui ipsius* , &c. Mysticas enim visiones  
appellat ipse Dionysius in tota philosophia sua , quæ  
transcendit omnis entis considerationes , quando  
intellectiua cognoscit ex ipso affectu præcedente , nec  
contra . & ista est verissima , & certitudinalis  
cognitio ab omni errore , & opinione , & phantastica  
deceptione penitus elongata . Vnde & hæc quæ dicta  
sunt , & quæ dicuntur , siue in theorica , siue in  
practica huius sapientiae , quæ affectiue directionem  
conspiciunt , sine dubitatione , & opinione coram  
totius mundi philosophis , & doctoribus irrefragabiliter  
affirmantur . & ideo hæc cognitio mystica vocatur ,  
idest occulta , tum quia pauci ad ipsam recipiendam  
se disponunt , tum quia occulte consistit in corde , ut  
nec stylo , nec verbo ad plenum valeat enodari .

In illa mystica cognitione vbi affectus dominatur ,  
iubetur & sensus , & intellectus radicatus derelinqui .  
Primo a parte ipsarum virium apprehendentium ;  
vbi dicit , *sensus & intellectuales operationes* : secundo  
a parte ipsorum obiectorum , scilicet sensibilibus , &  
intelligibilibus , cum dicit ; *sensibilia , & intelligibilia* .  
Sed ne absurdum illud videatur , sensus debere derelinqui ,  
subditur ratio ; quia ista sapientia non est sicut  
alia scientia , quæ est ex præexistenti sensibilibus  
cognitione , sed est potius desuper secundum regulam  
beati Iacobi dicentis , a quo hæc sapientia vocatur ,  
Omne bonum , & omne datum optimum , & omne donum  
perfectum desursum est , & descendens , &c. Si omne  
donum , multo fortius hæc sapientia quæ est optima  
portio Mariæ , quæ amoris dilecti igne succensa  
ardebat desiderio . Quia igitur hæc apprehensio  
est desuper , & non subtus , iubetur sensus exterior  
extirpari . Quod non tantum de sensuum exteriorum  
officio intelligendum est , sed etiam de sensibus  
interioribus ; quia nec sub ratione dulcis , vel  
odorabilis , siue olfactibilis , quod idem est ,  
vel pulchri , vel melodiosi , vel suauis ipse  
Deus beatissimus apprehenditur , cum hæc omnia  
apprehensione rationis præuia dirigantur , &  
hæc vnitiua apprehensio sit supra mentem , &  
rationem sicut dictum est . Oportet ergo  
speculatiuum discipulum hanc alibi haurire  
sapientiam , quam in eis quæ apprehensionem  
speculatiue cognitionis respiciunt ; & in

Dionys. lib. 7. de diuin. nom.

Dionys. de Myst. Theo. log. cap. 1.

Cant. 4. c.

Iac. 1. c.



& in hoc apparet huius ſapientię mira, & appretian-  
da nobilitas, & eiufdem diuinitas, & quare diuinif-  
ſima in diffinitione Dionyſij appellatur, in hoc quod  
anima quali ſeipſam expoliare neceſſe eſt, & amo-  
rem diuinitus collatum affectui veluti pedileſequum  
inſectari, & per iſtam diuinam ſurſum actionem in-  
tellectui habituali cognitione cum tactu amoris reli-  
cta, diuinifſima informari, non tantum de ſimplici  
apprehenſione ipſorum ſenſuum intelligendum eſt,  
ſed etiam de delectatione eorundem prout motiuam  
reſpiciunt; quia hæc eſt ipſius ſapientię quali ſumme  
preparatiuum, quod a ſenſibus exterioribus inordi-  
nata delectatio in creatura, prout melius poterit, ef-  
ficaciter reſcindatur, vt quoquomodo Deus finis me-  
diatus, vel immediatus, vel finis vltimus requiratur.

*Pſal. 76. a*

Quia quanto plus in ipſis immergitur, tanto debilius  
ad diuina conſurgit, vt dicat cum Pſalmiſta: Renuit  
conſolari anima mea: a quo etiam redditur illius re-  
nuitiois delectationum ratio, ab eo ſic dicente: Et  
delectatus ſum, & exercitatus ſum, & defecit ſpiri-  
tus meus; ſupple, dum ſe exercet mens motibus ana-  
gogicis ad diuina, & directa tendentia ſuiipſius ad  
Deum delectatur, deficit ſpiritus ab his delectatio-  
nibus, quæ ſibi a ſenſibus corporis exterius inſtiga-  
tione diabolica offeruntur. Quod etiam de delecta-  
tione ſenſuum interiorum dicendum eſt, quia nec ab  
ipſo vero diligente debet diligere dulcedo, vel ſuaui-  
tas concupiſci, quia ipſe ſolus appetitur, niſi quandoque  
hac de cauſa ipſam dulcedinem, vel ſuauitatem ap-  
petat, vt ad intimiorem vnionem efficacius affectus,  
& importunius inardescat. Vnde tota iſta ſapientia  
eſt in ardenti deſiderio collocata, vbi omne ens vel  
vis, & officium intellectualis virtutis extirpari, &  
derelinqui præcipitur. Nam quandoque vis intel-  
lectualis multa de diuinis participat, maxime quando  
theorijs diuinioribus illuſtratur. Sed quia alia vis eſt  
in mente multo illa eminentior, cuius motibus mens  
ignita erigitur ad ſapientiam profundiorum, tum ra-  
tione ſuperioris apicis ipſius affectuæ, tum ratione  
ardoris ipſam ſuperius erigentis, qui ſuper habitus  
gratuitos, & inſuſos ratione ſuæ importunæ exten-  
ſionis, & dignitatis, in rationali ſpiritu obtinet prin-  
cipatum. Vnde commentator Vercellenſis ſuper My-  
ſticam Theologiam, ſic dicit: In hoc libro alium, &  
incomparabiliter profundiorum modum cognoscen-  
di Deum tradit ſuperintellectualem, & ſuperſub-  
ſtantialem, quem ideo gentilis prophetia non appre-  
hendit, quia non quæſiuit, nec eſſe putauit, nec vim  
ſecundum quam diffunditur in animam, deprehen-  
dit. Putauit enim ſummam vim cognitiuam in eſſe  
intellectui, cum ſit alia, quæ non minus excedit in-  
tellectum, quàm intellectus rationem, vel ratio ima-  
ginationem, ſcilicet principalis affectio: & ipſa eſt  
ſcintilla ſynderesis, quæ ſola vnibilis eſt ſpiritus ſan-  
cto, ideſt diuino. Et hac de cauſa cum incompara-  
biliter totius intellectus ſuſpēdat officium mentis ſu-  
prema affectio, ab ea ſecludi præcipitur, non tantum  
operationes prout exeunt a vi ſenſitiua, vel intellectu-  
ua eliminari iubentur, ſed etiam obiecta ipſarum om-  
nia ſenſibilia, & intelligibilia, primo ea quæ ſenſu  
exteriori percipiuntur.

*Rom. 1. e*

Cum vero rationalis creatura cōſtet ex duplici na-  
tura, corporali ſcilicet & ſpirituale, vtraque habet ſi-  
bi obiectum reſpondens, cum ſecundum cuiuſlibet  
capacitatem æterna veritas percipiatur: quomodo  
ſenſibiles homines ſunt, qui non niſi ſenſibilia co-  
gnouerunt, veluti habentes intellectum obtuſum,  
& affectum recuruum: ideo nec bonitatem, nec  
veritatem diuinam in ſe percipiunt. Sed tamen ne

*Pſal. 18. b*

ſint omnino expertes cognitionis diuine, poſuit Deus  
altiſſimus ſenſibiles creaturas, vt inuiſibilia Dei per  
ea quæ facta ſunt intellecta conſpicerentur, vt ſecun-  
dum Davidicum ſermonē aliquis excuſationem non  
habeat, vt ſe abſcondat a calore eius: cum egreſſus

A bonitatis ipſius a ſummo vſque ad ſummum in om-  
nibus creaturis reſplendeat; ſed a filiis voluit increa-  
ta ſapientia iſta ſenſibilia amoueri, vt multo felicius,  
multoq; verius in thalamo affectus ſecretiori interius  
in lectulo amoris collocatum ſentiant; quem Iudæi,  
& ceteri philoſophi per creaturas diſcurrendo men-  
dicant. Vnde ab ipſa veritate verus orans in ſpiritu  
ingredi infra cubiculum (vbi inueniat theſaurum oc-  
cultum) præcipitur, non tantummodo ſenſibilem  
prout ſenſui exteriori reſpondet, ſed etiam prout eſt  
obiectum ſenſuum interiorum: nec ſub ratione ap-  
prehendiua ipſius beatiffimi Dei, prout eſt diſiectus,  
pulcherrimus, & ſuauiſ per mentis deſideria anago-  
gica appetatur, ne ipſa anima quæ velut filia habet  
ſoli deſiderio cōditoris inhærere, reſectionem ſuam  
veluti mercenaria \* impudenter inquirat, niſi ratione

\* f. impru-  
denter.

B vel ſuauiſis nutrimento allecta, inſatiabilius, & im-  
menſius inardescat. Intelligibilia enim generaliter  
euelli admonentur, quia ſecundum quod alibi dicitur,  
cum omnes homines naturaliter ſcire deſiderāt,  
in nulla tamen ſcientiæ notitia, vel cognitione ratio-  
nalis ſpiritus tendentia conquieſcit, niſi primæ veri-  
tatis iucunda cognitione lætetur, quam ſolam inue-  
nit nobilitati humanæ intell. gentiæ reſpondentem.

C Si ergo ſciat omnem naturam elementorum, com-  
plexiones corporum, virtutem aſtrorum, cum om-  
nia illa viliora ſint, rationalis ſpiritus penitus nō quie-  
ſcit, ſed potius ſic labitur, vel etiam luxuriatur, cum  
idolo creaturæ, ſeipſa infirmioris (niſi redigat ad ſi-  
nem vltimum) inuoluatur. Cum etiam tantæ nobi-  
litate ſit ſpiritus, vt ſpecies Angelicas etiam ſatiſciat  
penitus conſtitutus, & errabundus, niſi quoquomodo  
ad cognitionem illius a quo exiit originaliter & vi-  
ctor, & triumphans virtualiter reuertatur. Quod  
etiam ſi omnia creata vellent ſcire, reducendo ad ſi-  
nem debitum, vt per illa Creator cognosceretur, ab

D ipſo tamen reſpectu illius ſapientię totum oportet re-  
linquere, quia mens immediate ipſum per ineffabi-  
lem cognitionem relictum, ex amoris vnitione co-  
gnoſcit. Et de illa cognitione in myſtica theoria ſe-  
cundum tertiam translationem ſic dicitur, per vnitionem  
diſlectionis, quæ eſt effectiua veræ cognitionis  
vnitur Deo intellectualiter ignora; cognitione mul-  
to meliori quam ſit aliqua intellectualis cognitio, &c.  
Nō tantum intelligibilia, in quo verbo reſpectu exer-  
citij iſtius, omnis finalis complacentia cognitionis de  
omni creatura tam inferiori quàm ſuperiori relin-

E qui perſuaderetur, & etiam exiſtentia, & non exiſten-  
tia, per quæ duo omnis modus ſpeculatiuus appre-  
hendendi diuinam naturam excluditur. Exiſtentia  
hic dicuntur rationes æternę in mente diuina, quibus  
aliquid extractum in creatura inferiori correſpondet,  
quia ordinatiſſimus procedendi modus in humanis  
ad diuinam certitudinaliter reperitur, quando mens  
ſupra ſe proueſta, mouetur immediate in Deum ve-  
luti in terminum ſine etiam cōmixtione alterius cu-  
iuſcumque creaturæ ſuperioris, vel inferioris.

Quia ergo conſiderando rationes æternas mens in-  
quantum ab ipſis egrediētem creaturam conſiderat,  
F intantum a parte altera infra ſeipſam finitur, vt non  
totaliter ſupra ſeipſam integraliter erigatur: quia er-  
go ſapientia vnitiua omnem contemplationem, vel  
conſiderationem in ſuis motibus creaturæ relinquit,  
ad ſuum vnicum intelligibile ſupra ſeipſam aſpirans,  
ideo reſpectu ipſius exiſtentium (licet ſit nobiliſ con-  
templatio) dimitti præcipitur: cum ſit ibi aliqua in-  
curuatio, & perceptio naturalis, & ideo mēs per iſtam  
relatiuam contemplationem non relinquit omnimo-  
dam humanam apprehenſionem, vt omnino veluti  
per aliam mens ſuper naturales limites collocetur.

Sed & non exiſtentia iubentur amoueri, reſpectu  
aſcenſionis illius ſapientię. Non exiſtentia vero hic  
appellantur, ſecundum quæ nihil exemplatum in  
creatura

creatura reperitur, ut omnis consideratio de Trinitate, & ordine personarum, quia illud numquam in creaturis apparet exemplatum, quod aliquis generet aliquem qui sit idem quod ipse, quorum quilibet sit vere existens substantia: numquam quod amor connectens aliquos, sit æqualis & existens substantia cum ipsis amantibus. Ista ergo speculatio inter speculativas contemplationes excellentissima relinqui iubetur; non quia bona non sit & nobilis, sed quia est alia superior apprehensio in mente humana, per quam solam excellentissime supremus spirituum attingatur, quæ sola optima portio Mariæ dicitur. Alia vero per Rachel signatur; contemplatio vero sensibilis in creaturis per Lyam. & hæc est ratio: quia intantum mens diuinius ad supercaelestia, & eminentius attingit, inquantum ipsis magis appropinquat, vel in ipsum Deum intimius transformatur: quod quia nulla est contemplatio speculatiua, quæ habet virtutem transformandi, sed solus amor extensiuus deificans, ideo ille solus diuina apprehendit, ad cuius pedem nulla contemplatio cognitiua, sed potius quasi de longe propiciens aliquatenus se extendit. Ideo in septimo, De diuinis nominibus sic dicitur: Oportet autem videre mentem nostram habere virtutem ad intelligendum, per quam inuisibilia respicit, vnitionem autem excedentem mentis naturam, per quam coniungitur ad ea quæ sunt supra ipsam. Secundum hanc igitur differentiam oportet intelligere non secundum nos ipsos, sed totos nos ipsos institutos, & totos deificatos, &cet. Quod quia ita derelinquere est difficile, ideo concertatione, & forti conatu mentis ista rescari iubentur.

Dicto de his quæ oportet derelinqui necessario, subditur de ipsa consurrexione vnitiua. Vbi primo notatur conditio consurgentis, quando per ignorantiam dicitur, & ipsa consurrexio extensiuæ, ubi dicitur: *Consurge*. Et illud quod ipsa consurrexio solum, & præcipue ascendit, cum dicitur, *ad eius vnitionem quæ est, & cetera*. Sed cum omnis apprehensio iam dicta sit extra mysticam consurrexionem, cum in illa oporteat esse ignorantiam: ideo totaliter oculum intellectus rescindere oportet, quia in ipsa consurrexione semper vult illud apprehendere, ad quod tendit affectio. Vnde, maxima aduersatio in ista consurrexione est vehemens inhaerentia intellectus cum affectu, quam tamen rescindere necesse est per magnum exercitium. Cuius causæ dictæ sunt superius, quia vel phantastice, vel circumscribibiliter, vel modo limitato apprehendit: & quomodo hoc possit fieri, dicitur in Mystica Theologia super illud: *Consurge ignote*; quia ibi eleuatio est vehementia tendentiæ affectus, quæ intellectum post se relinquit. Pura ergo affectiua consurrexio numquam est, nisi totaliter intellectus oculus rescindatur & hoc est quod in ipso Mystica Theologia principio dicitur. Omnino autem ignorata notatio omnis cognitionis, & melius vnitur ex eo, quod nihil cognoscit super mentem eleuata cognitio. Vnde hæc est necessaria conditio ad istam eleuatissimam apprehensionem, quod in ipsa eleuatione vacet omnis cognitio speculatiua: quia ipsa est ignota intellectui, & ipsam relinqui necesse est, si ad cognitionem super mentem desiderat peruenire. Et quantum in ipsa consurrexione intellectus se commiscet affectui, tantum est hic de impuritate, & inquantum plus intellectuius oculus totaliter excacatur (quod fit non nisi per magnum exercitium & laborem) intantum oculus affectiuus in suis extensionibus liberius, & incomparabiliter eminentius eleuatur. Et per quaecumque exemplum materiale, illud potest videri in aspiratione, & respiratione anheliatus; quia sicut ex interioribus sine omni deliberatione procedit ista emissio, sic sine deliberatione affectus ignitus, qui est super omnem intellectum, tendit ad illū cui soli perfectius vniri desiderat: & habet suam

actionem ab omni intelligentia totaliter separatam, tanta latitudine a parte superiori, & promptitudine coadiutus, ut mira velocitate motuum citius etiam quam cogitare valeat ratione, ad instar aspirantis, & respirantis consurgat. Cuius (ut supradictum est) velocitate motuum, ardore extensiuo, & importunissimo eorumdem, sicut mendicans nullius valoris reputatur, & rescinditur, licet importune se misceat omnis speculatiuæ cognitionis exercitiū. Quod quia non potest dici, nec sufficienter verbotenus explicari, secundum illud Mystica Theologia. 3. Nunc autem ab inferioribus ad supremum ascendens, secundum mensuram ascensionis contrahitur, & post omnem ascensionem totus sine voce erit, & totus vnitur & ineffabiliter, &c. Quia doctrinam huius præclaræ sapientiæ sibi soli increata sapientia reseruare voluit, ut sciat omnis mortalis creatura, quod est doctor in cælo, qui solam sapientiam veram suis scholaribus per caelestes immisiones, & suæ claritatis radios manifestet. Secunda ratio est, ut omnes sapientes mundi confuset, cum simplex vetula, vel rusticus pascualis ad istius sapientiæ consurrexionem perfecte possit attingere, dum tamen modo prædicto se præparet, quod nulla præhabita scientia, vel mortali industria apprehendit. Tertia etiam ratio in libro sapientiæ dicitur, quia omnium superbiorum sublimiū colla propria virtute calcauit: quia quantumcumque præclarus, quantumcumque clericus omnibus alijs gloriosior existat, simbrias huius sapientiæ non attingit, quæ super mentem eleuata cognoscitur; nisi per viam puerilem, scilicet purgatiuum, supposito quod mortaliter peccauerit, ad vnitiuam se præparet: dolens & gemens quod collarorem totius sapientiæ, & omnium bonorum ad indignationem contra se peccatis anterioribus prouocauit. Colla ergo superbiorum, & sublimium, vsque ad humilitatem puerorum incipientium, necesse est incuruari. Vnde est ibi illud Propheticum impletum, in quo sapientia sapientium reprobat, & sola purgatiuæ inferioris humilitas ab illo supremo exigitur, qui deponit potentes de sede, & exaltat humiles.

Subditur etiam respectu cuius sit illa consurrexio, cum dicitur: *Consurge ignote*, scilicet ad vnitionem illius altissimi, qui super mentem & cognitionem: & hæc causa partim supradicta est, quia nec ibi gratia, nec gloria vel dimissio pœnæ, vel aliquid aliud requiritur istis desiderijs sursum actiue consurrexionis, sed ipse solus cui soli propter se in conculcatione vehementium desideriorum mens vniri aspirat, qui sub ista apprehensione obtentus prout ab affectu tendente percipitur, supra omnem mentem humanam & cognitionem attingitur: ut non solum esse ipsum absolute respiciatur, sed & modus apprehendendi ipsum. quia, ut dictum est, quando affectu tangitur, super mentem ducitur, & rationem. Vnde tota ista sapientia in hoc solo perficitur, ut ipsa affectiua in suo supremo apice constituta, per abscissionem totius intellectualis operationis nihil aliud, quam soli Deo vniri desiderat. Et quia hoc est difficile, subditur propter hoc: *Et sicut est possibile, vsque quo possit cum Psalmista dicere: Dirupisti Domine vincula mea, ubi sacrificabo hostiam laudis*. Quia cum prædicta impedimenta mediante diuino auxilio (scilicet omnia sensibilia, & intelligibilia, & maxime immixtio intellectiua, quæ semper vult apprehendere illum in quem tendit affectus) perfecte sicuti extensionis vnitiuæ vincula dirumpuntur, tunc libera ipsa affectiua veluti quædam auicula solis pennnis affectionum ardentium prouecta, tanta libertate perfruitur, ut quotiescumque vult moveatur ardentissime in Deum: sic etiam, ut orans affectionum desiderio in mētis affectu quantum possibile est in via, sic attente exorer, ac si ipsum videret facie ad faciem: quandoque etiam ut supra ipsam mens erecta motu, & consurrexione quasi

Eccli. 24. a

Isa. 33. e

Luc. 1. e

Psalm. 115. b

quasi totaliter extra corpus videtur, ideo dicitur: *Sicut possibile est*. Quia nulla mens nisi immiſſione diuina hoc percipit, ſecundum illud in primo de diuinis nominibus: Nam ſuperſubſtantialem ſcientiam ignotæ ſuperſubſtantialitatis, quæ ſupra rationem, & intellectum, & ſubſtantiã ipſam ipſi tribuere conuenit, tantum ad ſuperius reſpicienti, quantum theoricorum eloquiorum radius ſe immittit ad ſplendores ſuperiores etiam. quod idem eſt, quod illa ſcientia quæ eſt per ignorantiam, vt dictum eſt, ſolius Dei doctrina percipitur: & in quantum plus affectus de theoricis eloquijs, ſcilicet diuinis inſtutionibus, quibus mens cum dilecto garrula iucundatur, recipit, in tantum Deus ſolus in mente intimius ſe immittit, vt ipſe qui eſt vera ſapientia, per diuinioreſ radios præclariuſ cognoscatur.

Postea ſubditur: *Etenim exceſſu in ipſo*, quia non tantum creaturam ſapientia vnitiua funditus eradicari perurget, ſed ipſum ſpecialiter intellectum mortificat, & ſoli diuinæ inſtutioni ſe ſubmittit, & de illo exceſſu Apoſtoluſ dicit ad Corinthioſ: Siue mente  
2. Cor. 5. c. excedimus Deo, &c. & per iſtum continuatum exceſſum, igne amoris anima efficaciorẽ conſequens ſeparationem & purgationem, per ſuas extensiones flammeas, & conſumentes rubigines efficaciuſ promeretur, quàm primo: cum per iſtam incipit conſurgere. Quia ſicut eſt duplex purgatio, ſcilicet, per aquam, & per ignem in corporalibus; ſic & in ſpiritualibus, quia via prima purgatiua per dolores, & frequentes attritiones purgat & per lacrymas, ſed multo efficaciuſ illa quæ eſt per conſurrectionem ardoris. Vnde per iſtum exceſſum ardoris iam leuiſ ab omni irretentibili, ſcilicet mundano delectabili, & abſolutuſ, ſcilicet ab omni aliena affectione, munduſ ad diuinæ incomprehenſibilitatis claritatem, iam penituſ ablatis obſtaculiſ, & abſolutuſ ſpirituſ a vinculiſ agillime ſurſum agitur. Vnde iſte eſt ordo conſurgendi.

Primo oportet, quod conſiderationem, & amorem ſenſibilium derelinquat, & contemplationem omnium intelligibilium, & puruſ conſurgat affectuſ ſine admixtione intellectuſ, in illum quem in ſua tendentia cognoscit quietatiuũ deſiderij, vt ipſi intimiuſ vniantur. Et per iſtam diuturniorum moruum anagogicorum conſurrectionem, magiſ ac magiſ affectuſ extenditur, & quaſi quibuſdam flammeiſ ſcintilliſ mens purgatur efficaciuſ, & ab amore carnalium alibi requiem inueniens, ſine carniſ murmuratione neceſſario ſequeſtratur multo pluſ quàm antea, & exinde affectuſ puriſ moribuſ fit agilior, vt quotieſcumque vult, ſine meditatione intellectuſ præuij ardentiffime moueatur. Vnde primo dicitur: *Conſurge ignote*: & poſt hoc dicitur: *Surſum ageris*. quaſi diceret, quod in principio exercitij conſurrectionum anagogicarum affectuſ apex cum difficultate conſurgit, ſed per amorem exceſſiuũ ipſiuſ ſupra ſe, & per efficaciorẽ purgationem quaſi ſine difficultate ad libitum conſurgit, & motuum agilitate mirabiliter leuigatur: vt licet in ipſo motu anagogico natura, & amor pariter concurrat, tamen efficaciuſ iam remotiſ impedimentis, & exinde maiori immiſſione deſuper adueniente, multo pluſ ardor amoris, quàm vigor affectuſ naturalis facilitatem, & agilitatem motuum incomparabiliter operetur. & hoc eſt quod dicebatur, *Cuncta auferens*, &c. vbi duo maxime quæ oportet derelinqui, tanguntur, ſcilicet omne irretentibile, & omne abſolutum, quorum primum reſpicit affectum, quia in quocumque afficitur creatura, illi neceſſitate coniungitur; & per conſequens irretitur, & tunc minus agiliſ ad conſurrectionem diuinorum efficitur: ſed non tantum irretentibile, ſed omne abſolutum dicitur. Abſolutum dicitur omne quod ſua propria forma cognoscitur habens eſſe diſtinctum, cuiuſ omnem ſpeculationem, vel contemplationem

A amoueri neceſſe eſt: quia ſicut omne irretentibile immundum reddit affectum, dum in creatura ſeipſa viſiori delectatur affectuſ; ira per ſecundum immundus efficitur intellectus, ideſt tenebroſuſ, quia dum tantum humana ſcientia ſpeculatiua repletur, in comparatione illiuſ ſapientiæ quæ eſt per ſuperſplendentes diuinoſ radioſ, quaſi quadam obtenebrante caligine obſcuſcatur. Sed & illud verbum vltimuſ non tantum de agiliori conſurrectione eſt, ſed de cognitione ſuprema ipſiuſ intelligentiæ, quia ſecundum ſapientiam beati Dionyſij, illa ſola vera eſt cognitio de diuinis, quæ experimentali notitia ſurſum actiuæ conſurrectioniſ relinquitur. Vnde diuina miſeratione ſecundum quod competit, conſurgenti hoc accidit, vt quando mens per multorum temporũ curricula aſpirauit, vt ſuum dilectum intimiuſ ſibi coniuncta ardentiori vinculo amoris conſtringeret, ad modicum prout capax eſt, prout fit in raptu, viſio beata conceditur, maxime cum ab irretentibili, & abſoluto ſit munda, & erigitur tunc ad diuinarum tenebrarum radium, ſcilicet lumen diuinæ incomprehenſibilitatiſ, quæ ibi vocatur tenebra, ſecundum quod in epiſtola dicitur ad Timotheum ſic: Diuina caligo lumen  
Dionyf. in epiſt. ad Timoth.  
C inuiſibilis quidem exiſtens propter excedentem claritatem, &c. Vnde ſapietia illa eſt immediate ante cognitionẽ raptuſ, & ſic diutiuſ aſpiranti a dilecto dicitur: Amice aſcende ſuperius. Vnde primo dicitur: *Coſurge*, & ibi ſurſum ageris: quia in conſurrectione vnitiuæ ſapientiæ natura operatur & gratia: in iſta autem ſuprema operatione intelligentiæ ſola gratia eleuans immediatiſſime operatur, quantum ad ipſam eleuationem raptuſ, prout mens ſic in corpore erigitur, vt a ſenſibuſ corporiſ ſequeſtretur, cum in iſta vltima intelligentiæ eleuatione tam intellectiua quàm affectiua potiffime officiuſ conſummatur, non per modum patiendi, ſed agendi actum ſuum obtineant.

Postea dicitur: *Vide autem ne quiſ indoctorum iſta audiat*. Et hoc quidem admonet in fine primi de diuinis nominibuſ, ſic ſcribens ad Timotheum loquens de cognitione per amorem præuiũ dicitur: Apponamus ſanctiſ ſancta, ſecundum diuinam traditionem collocanteſ, & ipſa ab indoctorum uſibuſ, & deriſionibuſ auferenteſ magiſ ipſoſ illoſ ſi taliter ſunt, taleſ quidem homineſ ab impugnatione Dei in hoc liberanteſ, &c. Hoc idem ſapiffime admonet in alijs libriſ ſuiſ. Et hæc eſt ratio, quam ipſe aſſignat ſtatim poſtea; quia putant ea quæ ſecundum  
Pſal. 17. b. ipſoſ eſt cognitione, cognoscere eum qui ponit tenebras latibulum ſuum; quia non poſſunt Deum apprehendere, niſi ſub ratione boni, vel veri, vel dulciſ, & ſic de alijs. Et iſta ſapientia anagogica eſt quædam theoricã per ſe diſtincta, & diuerſa ab omni ſpeculatiua ſapientia, quæ omnem rationiſ apprehenſionem tranſcendit. Et quia multi ſapienteſ, & doctoreſ hoc videre non præualent, hanc ſummam ſapientiam irrident, & in hoc per conſequens Deum altiffimuſ collatoreſ huiuſmodi ſapientiæ impugnant. Ideo cum beato Dionyſio, ſed quod magiſ, cum Domino Ieſu Chriſto rogo illum, quicumque  
F hoc ſcriptum inſpexerit, ne indoctiſ huiuſ mundi doctoreſ philoſophiſ, carnalem vitam ducentibuſ, villatenuſ manifeſtet, niſi hac via puerili velint incipere, ſcilicet purgatiua via, & citiuſ quàm aliquiſ eſſe non tantum in aliqua liberalium artium, ſed in arte mechanica induſtriuſ operator in ſeipſoſ ſola diuina immiſſione gradatim aſcendenteſ, omnia quæ dicta ſunt multo meliſ, & multo iucundiſ experimentali notitia veraciſſima approbabunt. Sed hæc ſcribere volui, ad hoc quod minus experti in iſta ſapientia, corroborato itinere ſemitã dirigant, ſcienteſ quod citiſſime inueniuntur. Quod ſi in principio purgationiſ, vel ecſtaticæ conſurrectioniſ difficultaſ  
Sap. 3. a. mirabilis ſentiatuſ: tamen in pauciſ vexati citiſſime in mul-

in multis bene disponentur : ita ut experimento videant, omne quod oculus non vidit, nec auris audiuit, nec in cor hominis ascendit. Hoc etiam in presenti videre possunt, qui ipsi per dilectionem huius supremæ sapientiæ inhærebunt, ut iam mens dicat : *Cant. 3. b* Teneo eum nec dimittam, sed licet ab indoctis quasi stulta hæc sapientia videatur, subditur theoricæ, ubi per rationes, & argumenta proceditur : ut quomodo mens consurgere valeat, quomodo remouenda obstacula, qua vnitione media, & multa alia quæ ad hoc pertinet ad confutationem humanæ philosophiæ. Sed & ne ascensus tantæ sapientiæ videatur irrationalis, argumentis tam naturalibus, quàm theologicis quàm anagogicis sumptis a rationibus æternis, euidentius disputatur. Et ideo sapientia Dionysij difficillima videtur, quia modus procedendi super omnem rationem existit, & sola Spiritus sancti influitione percipitur, maxime de diuinis nominibus : ut dicitur, quod non asseueratur hæc doctrina, in persuasibilibus humanæ sapientiæ verbis, sed in demonstratione a Spiritu sancto more virtutis in supremo apice, secundum quam ineffabilibus, & ignotis ineffabiliter, & ignote coniungitur, &c. Quando ergo Spiritus sanctus mouet apicem affectiue, secundum *Psal. 103. d* Psalmistam : Tange montes & fumigabunt; tunc tota profunditas sapientiæ Dionysij, ut intellectum excedit, super omnem disciplinæ alterius leuitatem certissima, & leuissima comprobatur. Et ideo amantissima, quia sine omni dubitatione, & opinione procedit : & ideo, quia primo oportet cognoscere practicam quàm theoricam, ut illa leuissime cognoscatur, ideo theoricæ operatiuam consequitur. Pax ergo omnibus amatoribus veræ sapientiæ, & diuinæ bonitatis influentia concedatur. Amen.

## QVÆSTIO VNICA.

*Virum anima secundum suum affectum possit aspirando, vel desiderando moueri in Deum sine aliqua cogitatione intellectus præuia, vel concomitante?*

**A**D manifestationem illorum occultorum, & mysticorum, quæ dicta sunt super veritate, quæritur difficilis quæstio, in qua cuilibet intelligenti, veritas huius sapientiæ manifestius illucescit. Quæritur igitur, utrum scilicet anima secundum suum affectum possit aspirando, vel desiderando moueri in Deum, sine aliqua cogitatione intellectus præuia, vel cōcomitante.

Argumenta  
partis negatiuæ.

I. Argum.  
*Psal. 38. a*

II. Argum.

III. Argumentum.

Videtur quod semper sit necessarium præcogitare, antequam per extensionem amoris affectus moueatur in Deum. Primo auctoritatibus sic, quia dicitur in Psalmo : In meditatione mea exardescit ignis; ergo primo oportet quod mens præmeditetur cogitando, antequam in ipsum dilectum igne amoris consurgendo per affectionem, affectus interior inardescat. Item Augustinus : Inuisa possumus diligere, incognita autem nequaquam : ergo primo oportet ratiocinando, vel intellectualiter cogitando cognoscere, antequam affectu amoris aliquod diligatur : cogitatio igitur affectionem amoris necessario præcedit.

Hoc idem probatur rationibus, & primo ratione sumpta in diuinis sic. Anima enim in Deum quem diligit, per amoris desiderium actualiter se extendens, vocatur deifica, vel deificata in 7. de diuinis nominibus : nam secundum quod possibile est creaturæ, per extensionem amoris Trinitati superexcellentiſſimè conformatur. Sed in Trinitate ita est, quod secundum ordinem naturæ primo est Pater, qui est summa potentia : secundo Filius, qui est Patris notitia, vel summa sapientia : tertio est Spiritus sanctus qui est verus amor. Ergo sic erit in anima, quæ per extensionem amoris secundum modum suæ paruitatis, ut possibile est, Trinitatem beatissimam nititur imitari, quod primo ibi erit, de ipso ad quem tendit

**A** aliqua cogitando, vel intelligendo notitia, antequam amoris desiderio in ipsum possit aspirando consurgere. ergo cogitando cognoscere, semper præcedit affectionem amoris.

Item secundum quod dicit beatus Dionysius, Ecclesia militans imitatur, secundum quod possibile est, Ecclesiam triumphantem : ergo anima fidelis volens per amorem consurgere gradatim, secundum quod est in ordinibus Angelorum, consurgit, & maxime mentes amantium ultimæ hierarchiæ comparantur, in qua sunt tres ordines, scilicet Throni, Cherubim, & Seraphim. Igitur necessarium est in anima consurgere actualiter volente, quod tres proprietates, vel officia istorum trium ordinum imitetur. Primo quod sit Thronus, id est, quod cetera scilicet mundanos honores, carnales affectiones, terrenas delicias, ut solus Deus iam sede præparata in ipsa resideat, penitus derelinquat. Secundo quod sit Cherubim, quod intelligitur plenitudo scientiæ, & hoc fit mediante lumine diuinitus immisso, quo mediante mens supra intellectualiter cogitando, secundum humanam intelligentiam, diuina cognoscit, & cælestia apprehendit. Postea oportet quod sit Seraphim, qui est ordo supremus, id est, quod in illum quem iam mens cherubica cognouit, postea affectus ipsum solum desiderando non aliud, per affectiones flammigeras inardescat, & tunc est Seraphim qui interpretatur ardens. Cum enim Cherubim, cui appropriatur cogitantis cognitio, ordinate præcedat Seraphim, qui interpretatur ardor amoris : igitur sic erit in anima, quæ hoc triplex officium Angelorum nititur imitari, quod per cogitationem cognoscere præcedit actualiter ardere, ut sine cogitatione præuia nullatenus consurgat amoris affectio.

Item anima per amorem consurgens, nititur illis beatis mentibus sanctorum, qui contemplantur Deum, a facie ad faciem conformari. Sed illis illic primo est videre quàm amore inhære; quia nisi illam indicibilem plenitudinem intelligendo cognoscerent, nullatenus ipsi ignitis affectionibus, in quarum delectatione beatitudo completur, inauertibiliter adhererent. Ideo nisi nobis prius esset cogitatio, seu cognitio quàm affectio amoris, iam non conformaremur mentibus sanctorum in gloria : quia sic vident diuinam pulchritudinem, ut in ipsa per amorem supra omnem intelligentiam interius affectionibus delectentur. In his ergo intelligere præcedit amare.

Item secundum quod anima in suis potentijs ordinatur, sic eodem modo naturaliter ordinate videtur moueri. Sed ego video quod a sua primordiali creatione anima tres habet potentias naturaliter distinctas, scilicet memoriam, intelligentiam, & voluntatem. Memoria nihil aliud est in nobis, quàm intentio diuinæ similitudinis. Intelligentia est in nobis illud, mediante quo naturaliter non inuestigando, nec ratiocinando, quælibet anima suum Creatorem cognoscit. Voluntas est illa potentia, per quam anima suum Creatorem diligit, & in ipsum naturaliter tendit, & ex isto ultimo est ratio, quare affectus humanus non potest satiari ad plenum terrenis diuitijs, & honoribus cum in solum Deum tendat, ut in ipso finaliter conquiescat. Cum igitur potentia intelligentiæ in qua est cogitatio, præcedit potentiam voluntatis naturaliter, in qua est ardor, vel amoris affectio; igitur motus intelligentiæ, qui est cogitare, præcedit motum voluntatis, qui est amare. nullus igitur intellectus sine cogitatione præuia poterit amoris affectione consurgere quantumcumque ignitis affectionibus, ut diuinitus eleuetur.

Item hoc idem videtur in apprehensiuæ, & in motiua sensibili. Nam primo necessarium est, ut illud ad quod imaginariè diligendum moueor, quod illud antea sensibilibus præcognoscam; ante igitur oportet me comprehendere oculo exteriori, vel alio sensu aliquo

IV. Argum.

V. Argum.

VI. Argum.

VII. Argumenta.

quod delectabile, quàm in ipso delecter, vt illud habendum desiderem. Igitur sic erit in cognitiua, & motiua ratione superiorum, quòd Deum siue aliquod aliud delectabile antèrius cogitem, quàm ad ipsum possim interius affectionibus aspirare, vel in ipso aliquatenus delectari. Ergo præcogitare semper præcedit amore confurgere.

VIII. Argumentum.

Item secundum quod dicit beatus Dionysius in principio Mysticae Theologiae, in consurrectione amoris oportet omnem intellectum derelinquere, & cogitationem de creaturis sensibilibus, & etiam tam de Deo, quàm de Angelis. sed illud ponere videtur stultissimum. Quid enim faciat animus, si non poterit cogitare de Deo, vel Trinitate, vel Angelis? Videtur etiam tunc esse in nube, vel in mari, quasi cum semper cognitio intellectus ipsum amorem dirigat: aliter enim sapientia mystica non videtur sapientia, sed abusio, vel stultitia.

IX. Argumentum.

Item omne illud quod apprehenditur, apprehenditur sub aliqua intentione entis, scilicet aut vt verum, aut vt bonum; ergo Deus quoquomodo apprehendatur, apprehendetur sub ratione entis, aut vt est summa vnitas, aut vt est summa veritas, aut etiam vt est summa bonitas. Cum igitur nullo istorum modorum possit apprehendi nisi per cognitionem, nam si apprehenderem vt vnum, oporteret me cogitare de vnitate, & si verum de veritate, si vt bonum de bonitate. Igitur cum amoris apprehensio apprehendat Deum, in quantum est bonum, oportet necessario, vt prius ibi sit cogitatio præuia de ipsa bonitate, quàm in ipsam actualiter per amoris affectionem moueri. ergo, & cetera.

Argumentum in oppositum.

CONTRA: Videtur, quòd sine cogitatione præuia, vel concomitante affectus per amorem dispositus libere moueatur in Deum, & primo auctoritate magni hierarchæ Dionysij in principio Mysticae Theologiae dicentis ad Timotheum sic: Tu autem amice Timothee circa mysticas visiones forti cõtritione sensus derelinque, & intellectuales operationes, & omnia sensibilia, & intelligibilia, & omnia existentia & non existentia, & sicut possibile est ignote confurge ad eius vnitionem, quæ est super omnem substantiam, & cognitionem, &c. Cum igitur secundum hoc, in consurrectione amoris mystica, oportet derelinquere omnem intellectualem operationem, vel cognitionem, & solum secundum vnitionem amoris affectuosi confurgere, quæ est super omnem intellectum, & cognitionem: igitur sine cogitatione præuia vere amans amoris affectione confurgit.

In tertia translatione Dionysij dicitur in Mystica Theologia, per vnitionem dilectionis, quæ est affectiua veræ cognitionis, vnitur Deo intellectualiter ignota cognitione multo nobiliori, quàm sit cogitatio intellectualis, & in eo quod cogitationem intellectualem derelinquit, super intellectum, & mentem Deum cognoscit, &c. Cum igitur, vt ibidem dicitur, Deus non possit cognosci per intellectualem cogitationem, cognoscitur verissime per tactum amoris. Igitur vt plane dicitur, necesse est omnem intellectum derelinquere, & solum per amoris affectum in Deum confurgere.

Item dicitur in 7. de diuinis nominibus, oportet autem videre, nostram mentem habere virtutem ad intelligendum, per quam intelligenda inspicit, vnitionem autem excedentem naturam mentis, per quam coniungitur ad ea quæ sunt supra ipsam: secundum hanc igitur diuina oportet intelligere, non secundum nos, sed nos totos, totos ipsius statutos, & totos deificos, & cetera. Igitur licet in humanis primo oporteat intelligere quàm affici; in vera tamen, & experimentalis cognitione diuinorum, oportet primum sentire per amorem, quàm ipsum Deum qui sentitur intelligendo cogitare. Ergo oportet confurgere per amorem, vt ex isto statu cognitionis in ipsa mente vera

A cognitio relinquatur. nam illud scilicet de diuinis quod experimentaliter sentit affectus, vere etiam intelligit intellectus.

Item in eodem capitulo dicitur de mystica sapientia sic: Hanc igitur irrationabilem stultam, & amenam sapientiam excedenter laudantes dicimus, quòd est omnis mentis, & rationis, & omnis sapientiae, & prudentiae causa, & in ipsa est omne consilium, & ab ipsa omnis cognitio & prudentia, & in ipsa thesauri sapientiae, & scientiae absconditi, & cetera. Cum igitur ipsam irrationabilem vocet, non ergo per rationum inuestigationem procedit, & cum ipsam stultam appellet, non procedit, sicut alia scholastica scientia: nam ordinate procedendo, primo cognoscimus omne illud quod diligimus. Si ergo Mystica Theologia primo per rationes cogitando, vel meditatio procederet, sicut videmus in alijs, non stulta a beato Dionysio vocaretur, nec amens, idest sine mente, nam sine omni mentali cogitatione. vel meditatione affectus amoris accenditur. Igitur ex affectu amoris relinquatur in mente cognitio, non e conuerso, &c.

Item Psalmista: Gustate & videte, &c. cum igitur gustare affectum respiciat amoris, videre autem intellectus cogitationem, vel meditationem: ergo primo oportet motu amoris confurgere, quàm occultissimum Deum intellectualiter cogitando cognoscere. Nam hæc est regula generalis in Mystica Theologia, quòd primo oportet habere practicam, quàm theoreticam, idest vsum exercitij in corde, quàm ipsius rei, vel eorum quæ dicuntur habere notitiam.

Item illud idem apparet auctoritate commentatoris Vercellensis super Mysticam Theologiam dicentis: Istud sapientiae negotium sensus, imaginationis, rationis, intellectus, tam practici, quàm theoreici vsum, & officia suspendit, & excludit omnem intellectum, & omne intelligibile, & ens, & vnum, & verum, & transcendit speculum, & ænigma, & ipsi diuino spiritui apicem affectionis principalis diuina dignatione vnitur, &c. Igitur non requiritur in mystica affectione aliqua cogitatio, vel cognitio intellectus.

Item hoc idem probatur per rationem in diuinis sumptam, quia mens ratione perficitur, secundum quòd gradatim ascendendo ordinate ad diuina confurgit; sed ego video, quòd in ipsa diuinitate sunt tres personæ, scilicet Pater, & Filius, & Spiritus sanctus, Pater est summa potentia, Filius summa sapientia, Spiritus sanctus amor connectens. Sed Spiritus sanctus qui est verus amor secundum naturam, & etiam secundum nostram intelligentiam, non secundum tempus est vltima persona in diuinis. Nam primo est intelligere Patrem generantem, secundo Filium genitum, tertio Spiritum sanctum procedentem ab vtroque. vltimus ergo, & nobis propinquior est Spiritus sanctus. Cum ergo anima gradatim ascendendo ordinate proficiat, oportet, quòd habeat primo amorem, qui appropriatur Spiritui sancto, qui Spiritus sanctus nobis est affiniore, antequam habeat intelligentiam cogitando, vel etiam sapientiam quæ appropriatur Filio. Amoris igitur affectio præcedit cognoscere, & non e conuerso.

Item anima secundum quòd a Deo fonte totius beatitudinis recipit influentiam, ad instar Ecclesiae triumphantis perficitur, sed constat secundum Dionysium quòd ordo Seraphim qui interpretatur ardens, primo vberius, & perfectius recipit influentiam a Deo, quàm ordo Cherubim qui interpretatur plenitudo scientiae: ergo affectus per ardorem amoris qui respondet Seraphim, primo & principaliter afficitur, & mouetur in Deum, quàm intellectus illud quod affectus desiderat cogitando intelligit, quod intelligere respondet Cherubim. Ergo primo affectus mouetur in Deum sine cogitatione præuia intellectus, sed potius ipsum sequitur.

Item spiritus rationalis recipit a Deo influentiam primo



primo, & principaliter, inquantum ipsi est affini-  
Sed affectus maxime per amorem dispositus est su-  
premus in rationali spiritu, & per consequens spiri-  
tui increato propinquior: igitur tangitur apex affe-  
ctus a Deo per immissionem igni amoris in spiritu  
tamquam Deo propinquior, antequam habeat ip-  
sum apprehendere intellectus, qui est potentia, mul-  
to plus affectu a Creatore supremo distantior. Igitur  
semper mouetur primo affectus in Deum, quàm in-  
tellectus cogitando intelligat.

Item cū Deus quasi gradibus infinitis distet a qua-  
libet creatura, ad hoc quod ipse in ista miseria aliquan-  
tum cognoscatur, oportet animam sic appropinqua-  
re eidem, vt quoquomodo attingatur ab ipsa. Cum  
ergo solus amor faciat animam appropinquare ad  
Deum per sui extensionem: igitur inquantum mens  
amat attēti-  
& per consequens inquantum propinquior est fonti  
luminis per amorem, intantum plus intellectus illu-  
minatur ab eo per cognitionem. primo igitur in di-  
uinis est ardendo amare, quàm intelligendo cogno-  
scere.

Solutio que  
stionis.

**SOLUTIO.** Dicendum secundum beatum Diony-  
sium in principio Mystica Theologiae. Sapientia ista  
dicitur solum Christianorum: vnde fidei cognitio-  
nem supponit, & charitatis fundamentum. Vnde  
nullus mortalis quantumcumque sit philosophus, vel  
sciens, hanc sapientiam quæ est in supremo affectu,  
mentis humanæ facultatem transcendens, nec potuit,  
nec poterit apprehendere rationū inuestigatione, vel  
intelligentiæ exercitio, sed solis filijs a solo Patre æter-  
no consolationem expectantibus paterno etiam affe-  
ctu misericorditer referatur, & ideo Mystica, idest  
clausa vel occulta dicitur, quia a paucis cognita.

Vnde notandum, quod duplex est modus appre-  
hendendi, secundum duplicem naturalem potentiam  
pertingendi ad Deum. nam quælibet anima habet po-  
tentiam intelligendi, & hæc est potentia intellectus, &  
potentiā amandi, quæ affectus dicitur, quibus Deum  
apprehendimus, qui est summa veritas, & summa bo-  
nitas. Vnde intellectu apprehendimus veritatem, &  
affectu attingimus bonitatem. Secundum hæc duo  
est duplex via excellentiæ. Vna quæ dicitur contem-  
platio, & hæc figuratur per Rachelem, quæ dicitur  
venusta aspectu, quando mens, scilicet lumine desu-  
per infuso diuinitus, habet meditando, vel cogitan-  
do solum cælestia contemplari. Alia est in affectu, &  
hæc dicitur ardor amoris, quando scilicet igne Spi-  
ritus sancti desuper misso anima flammigeris affectio-  
nibus ad solum Deum aspirans, ipsum solum deside-  
rat, vt sibi per strictiorem amorem intimius vniatur,  
& hæc dicitur optima portio Mariæ, quæ ardebat  
desiderio, vt dicitur in Ioanne. Vnde sicut nouum  
testamentum præstantius est veteri; sic via amoris si-  
ue perfectionis quæ est in ardore amoris, quæ est de-  
signata per Mariam, est nobilior omni meditatione,  
vel contentione intellectuali, quæ designatur per Ra-  
chelem.

Ioan. 20. c

Sed notandum, quod ad hoc quod veritas effica-  
cius videatur, quod duplex est contemplatio in intel-  
lectu: similiter, & ardor amoris dupliciter acquiri-  
tur in affectu. Quædam enim est meditatio, vel con-  
templatio ab inferioribus ad superiora, quædam e  
conuerso, scilicet descendens a superioribus ad infe-  
riora. De prima determinat Richardus de sancto Vi-  
ctore in arca mystica, ostēdens per quadraginta duas  
meditationes, vel considerationes in creaturis, quo-  
modo mens lumine intelligentiæ decorata ad cogni-  
tionem summi Creatoris debet attingere. & sicut  
Israeliticus populus peruenit ab Ægypto per quadra-  
gintaduas mansiones ad terram promissionis; sic ani-  
ma fidelis per illas quadragintaduas considerationes,  
in sex gradibus ordinatas, vsque ad cognitionē sum-  
mæ veritatis attingit, omni rationali spiritui adoptatam.

Alia vero contemplatio est e conuerso procedens.  
nam mens lumine desuper immisso, secundum regu-  
las veritatis, & rationes æternas, quas secundum di-  
uinas illuminationes in seipsa percipit meditando, de  
inferioribus creaturis iudicat, & secundum quod  
ampliori lumine anima desuper irradiando infundit-  
ur, sic intanto infallibiliter, secundum illas causas,  
& rationes quæ sunt idem quod Deus, a quo om-  
nis creatura exemplata, & ideata primordialiter exi-  
uit, veritatem in creaturis, & in omnibus affecti-  
bus multo melius quàm ratiocinando animus per-  
scrutatur. Non tamen intelligendum est, quin ista con-  
templatio in affectione terminetur, aliter nulla esset.  
de istis vero nihil ad præsens. Multo enim excellen-  
tior, & multo amabilius, & ad obtinendum facilius  
est ardor amoris. Sed ad istum ardorem amoris est  
duplex modus attingendi, vnus scholasticus, & com-  
munis; alius mysticus, & secretus. Primus enim est  
per modum inquisitionis, & eleuationis, & incipi-  
tur ab inferioribus vsque ad summum per exercitiū  
diuturnius ascendendo. Verbigratia: modus enim  
amandi Deum per meditationem præuiam iste est.

Primo enim fidelis discipulus sensu exteriori, siue  
oculo cōspicit creaturas exteriores, deinde etiam ali-  
quantulum ascendendo, quod iam percipit oculo ex-  
teriori, in imaginatione repositum conseruat; dein-  
de magis eleuando, ratiocinando, & conferendo,  
vna causa creatrix omnium necessaria inuenitur, &  
sic peruenerūt philosophi ad cognitionem Dei. Nam  
ipsi videntes tantam creaturarum magnitudinem,  
tam decoram ordinationem, tantam vtilitatem ea-  
rumdem, per hoc ipsi, & quilibet alius vnus Crea-  
torem potentissimum, sapientissimum, optimum in-  
fallibiliter cognouerunt, & hoc per potentiam ani-  
mæ superiorem sensu exteriori, & imaginatione, quæ  
ratio nuncupatur. Deinde ex ista cōsideratione crea-  
turarum, quidam habitus per prædicta in intellectu  
relinquitur, vbi primordiale fundamentum creatu-  
rarum relinquitur, & esse non tantum per conspe-  
ctionem creaturarum, sed per irradiationem, & illu-  
minationem immisam, quodammodo mens a Deo  
ad contemplanda diuina præclarius eleuatur, & hæc  
potentia vocatur intellectiua, siue intellectus, quæ  
solum in meditatione pura consistit.

Vltimo omnis meditatio vel contemplatio, sine af-  
fectione amoris subsequente parū prodest, aut nihil.  
Vnde dicit Augustinus quod licet semper volitando  
cogitare, & amando inhære, vt semper cognitio  
vel meditatio præcedat affectionem amoris. secun-  
do etiam anima fidelis sine omnibus alijs creaturis,  
per solā cognitionē immisam a Deo, in ipso afficitur.

Alius autem modus consurgendi in Deum est mul-  
to his omnibus nobilior, prædictis etiam ad habend-  
um facilius, & hæc est sapientia vnitiua, quæ est  
in amoris desiderio per affectiones flammigeras su-  
perius aspirando, quæ diffinitur a beato Dionysio li-  
bro septimo de diuinis nominibus sic: Sapientia est  
diuinissima Dei cognitio per ignorantiam cognita,  
secundum vnitionem super mentem, quando mens  
ab omnibus alijs recedens, postea etiam seipsam di-  
mittens, vnita est supersplendentibus radijs inscruta-  
bili, & profundo sapientiæ illuminata. Vnde in  
hac sapientia, secundū quod dicitur in principio Mys-  
tica Theologiae, sic sensus, & sensibilia derelinque,  
intelligibilia, & non intelligibilia, & cetera. Vnde  
ista sapientia sine omni inuestigatione, vel meditatio-  
ne præuiā, amantis affectum sursum trahit. Vnde  
non ibi oportet cogitare, nec de creaturis, nec de An-  
gelis, nec de Trinitate; quia hæc sapientia non per  
meditationem præuiā, sed per affectus desiderium  
habet aspirando consurgere.

Sed notandum, quod ista sapientia alio modo in-  
telligitur in proficientibus, aliter in perfectis. Profi-  
cientes enim necesse habent se purgare per viam quæ  
dicta

Modus amā-  
di Dei per  
meditatio-  
nem.

dicta eſt, ſcilicet per humilitatem, & cognitionem, & illuminationem per modum orationis, & poſtea aliquantulum cogitando ipſi Deo deſuper inflaman- ti occurrere, non tamen meditando de Deo, vel An- gelis, vt dictum eſt; ſed conſurgendo ſecundum il- lam viam quæ immediate ſequitur viam purgatiuam, in expoſitione minori, de *Pater noſter*, quæ eſt ora- tio in ſpiritu, & veritate. Sed poſtquam affectus ſe exercendo diuturnius, vel cogitando ſecundum quod ibi dicitur, diligentius ſe erexit, tunc dimittitur omnis cogitatio, vel meditatio, & ſolum per amoris deſiderium quotieſcumque vult, vel de die, vel de nocte, intus vel extra, ad vnitionem ipſius dilecti ſo- lum aſpirans, animus conſurgens ſe erigit, & ibi amoris affectio præcedit cogitationem. nam illud quod ſentit affectus, vere intelligit intellectus, & ſi- cut dictum eſt de contemplatione, quod duplex eſt, vna quæ aſcendit, alia quæ deſcendit; ſic in affectio- ne amoris. nam ſecundum viam ſcholasticam quæ dicta eſt, aſcenditur ab inferioribus creaturis vſque ad affectum amoris; in ſapientia autem myſtica con- trarium eſt. nam ille verus amor qui eſt Spiritus ſan- ctus, tertia perſona in diuinis, vltima reſpectu ordi- nis perſonarum, nobis eſt propinquior, & prima in conſurrectione affectiua in Deum. Vnde ipſe Spi- ritus ſanctus per ignem amoris tangit, & inflammat ſu- premum affectiui apicem, & indicibiliter ſine om- ni cogitatione, vel rationis diſcretionem ad ſe trahit. Vnde ſicut lapis ſuo pondere trahitur, & fertur na- turaliter ad ſuum centrum inferius; ſic apex affectus ſuo pondere, & directione immediate, & ſine obli- qua obliuatione abſque omni præuia, vel concomi- tante cogitatione, ſurſum fertur in Deum. Vnde illa potentia quæ eſt affectus, & ſupremum in ſpiritu ho- minis, Spiritui ſancto immediate amoris vinculo eſt vnibilis. Et hæc potentia, vt eſt ſupremum in ſpiritu, quaſi ab omnibus ignoratur, niſi ab illis in quibus ab igne Sancti Spiritus mediate affectus tangitur, & mouetur. Vnde Dionyſius hanc virtutem vocat im- mediate motam a Spiritu ſancto, & ſecundum iſtam procedit tota ipſa Myſtica Theologia, & dicit ſic: Eſt & nunc nobis lex prædeſinita, veritatem de Deo do- cens nos aſſeuerare, non in perſuaſibilibus ſummæ ſapientiæ verbis, ſed in demonſtratione a ſpiritu mo- re theoricarum virtutum, ſecundum quam ineffabi- liter ignite, ineffabiliter, & ignote coniungimur, ſe- cundum meliorem noſtræ intellectuales virtutis, & operationis vnionem, & cetera. Vnde ſecundum iſtam virtutem motam a Spiritu ſancto, immediate eſt multo maior de Deo cognitio, quàm per omnem intellectum, vel rationem inueſtigando. Vnde pri- mum tangitur ſupremus apex affectus, ſecundum quem mouetur per ardorem in Deum, & ex iſto con- tactu relinquitur in mente veriffima cognitio intel- lectus. nam illud ſolum quod ſentit de diuinis, veriffi- me apprehendit intellectus, vt dicitur in ſine princi- pij Myſticæ Theologiæ, ſic: Per vnitionem dilectio- nis quæ eſt affectiua veræ cognitionis, vnitur Deo in- tellectualiter ignoto, & cetera. Ex qua etiam vnitione ingenium ad inueſtiganda occulta mirabiliter clare- ſcit. per hanc etiam imaginaria, & phantaſtica di- rumpuntur, per hanc etiam ſenſuum exteriorum in- ordinatio quaſi quodam retinaculo interiori reſre- natur, vſque etiam ad carnis ſenſualitatem, corrup- tionem corporum peſtiferorum mortificando affe- ctus ibi, ignite affectus redundat. nam quanto mens plus aſpirando erigitur, tanto plus debilitatur ipſius carnis male inflammantis corruptio. Per hoc pro ma- gna parte ſcholastici, & myſtici doctoris diuerſitas patet. nam ſecundum diuerſos intellectus vtriuſque procedunt argumenta.

Nunc reſpondendum eſt ad rationes prius factas. Ad primum dicendum, quod illud, In meditatione non exardescit ignis, & cetera. intelligitur in proſi- Append. ad To. 7. oper. S. Bon.

A cientibus. quia in talibus nondum adhuc ardor amo- ris abundat, propter hoc oportet, quod aliquantulum affectus meditando ſecundum illam viam, quæ dicta eſt in expoſitione minori Dominicæ orationis, non autem cogitando de Angelis, de ſupercæleſti- bus, de Deo, vel de Trinitate efficacius exciteretur, quod tamen in tertio ſtatu in via vnitiui amoris per- fecto iam excitato cogitatio præuia dimittit. Sicut vi- demus in pontibus, quod in pontis ædificatione li- gna lapidibus ſupponuntur, poſtea iam conſtructo ædificio, muri lapidei firmitate perfecta cuncta ligna amouentur, quia ſine ipſorum obſequio ſtructura muri lapidei poteſt perſtare immobilis. Sic etiam hic in proficientibus cogitatio prædicto modo præmittit- tur, deinde ſequitur affectio amoris, qua perfectio- ne obtenta totius cogitationis, vel meditationis præ- uia, vel comitantis obſequium, vt ſupra dictum eſt, amouetur.

Ad ſecundum dicendum quod illud bene concedi- mus: Inuiſa poſſumus diligere, incognita nequaquã: nam ſapientia myſtica ſupponit cogitationem Dei. Vnde in principio Myſticæ Theologiæ vocatur ſapien- tia Chriſtianorum. Vel aliter, quia duplex eſt cog- nitio, vna præcedit amoris affectum. In primo enim affectu vel proceſſu ſecundum viam ſcholasticam com- munem, eſt ibi primo cognitio per creaturas de Deo, vel per intellectum antequam in ipſo amoris affectio accendatur, & ſecundum hoc illud Auguſtini intel- ligitur. Sed in proceſſu myſtico ſecundum Dionyſium amoris affectus intellectus cogitationem præcedit, vt dictum eſt, & de vtraque loquitur propheta David. Vnde quantum ad primũ dicit: In meditatione mea exardescit ignis. De alia: Accedite ad eum, & illu- minamini, ſcilicet per cognitionem veritatis, & iſta cognitio eſt certior quàm prima, & infallibilior. Si- cut multoties aliquid per aliqua ſigna quæ videntur in ipſo, eſſe delectabile ad veſcendum cognoscitur, ex qua cognitione ad hoc vt comedatur, appetitus vi- dentis quàm pluries inardescit. poſtea quando illud guſtatur, amplior & certior cognitio ex ipſo guſtu re- linquitur, quàm illa eſſet quæ ipſum guſtum præceſ- ſerat. ſic & in his eodem modo intelligitur.

Ad tertium, In diuinis, & cetera, Dicendum quod verum eſt ſecundum modum communem, & ipſa anima actualiter conſcendente; ſecundum autem proceſſum myſticum contrarium eſt, & ſic procedit iſta obiectio alterius partis, quod patet in proceſſu ipſorum argumentorum.

Per hoc patet aliud de Cherubim, & Seraphim, verum eſt quantum ab infimis ſuperius aſcendendo, & ſic cogitatio præcedit amorem, ſicut Cherubim præcedit Seraphim: contrarium autem eſt deſcenden- do, nam primo & principaliter recipit influentiam a Deo Seraphim quam Cherubim, & ſic ſimiliter de- ſcendendo, primo mouetur affectus per amorem in Deum, quàm illud quod ſentiat affectus, percipiat in- tellectus, & ſic currit ſecunda pars contrariæ partis.

Ad quintum dicendum, quod non eſt ſimile de bea- tis, & viatoribus. nam beati ipſam claritatem lucis æternæ vident facie ad faciem, abſque vlla admixtio- ne phantaſtica, vel corporis corruptione, obtenebran- te caligine, vel medio contemplantes. & ideo eſt ibi ſumma ordinatio, quia nullum eſt ibi impedimen- tum, ideo primo naturaliter intellectus diuinam pul- chritudinem apprehendit, quàm in ipſa affectus vnio- ne indiſſolubili delectetur. In viatoribus licet ament exiſtentes in corpore, tamen, ſicut dicit philoſophus, intellectus humanus eſt phantaſiæ admixtus, ideo omne intelligibile, & maxime ſummum intelligibi- le, quod eſt Deus, ipſe phantaſtice apprehendit, quod ſi etiam per amorem, & illuminationem, diuinitas immiſſam, ab intellectu admixtio phantaſtica ſepa- raretur, ſemper tamen intellectus quantumcumque cælitus illuminetur, Deum modo finito, & limitato

Q 99 appre-

- apprehendit, qui tamen immensus, & infinitus est, & ideo omnis intellectualis cogitatio semper est impura, & immunda. Et ideo in presenti si vera sit resurrectio mystica, iubet ipsam Dionysius ab amoris affectu totaliter sequestrari, & per solū ardoris amorem consurgere; quia & si totus sit desiderabilis, sicut in canticis dicitur, non tamen totus comprehensibilis, nec in presenti, nec in futuro. Et inquantum efficacius in ipsa resurrectione omnis intellectiva cognitio rescinditur, intantum ardoris affectu veluti liber supernatans, citius quod desiderat, apprehendit. Et hoc summe cauendum est, ut nulla cognitio intellectualis se amoris unitiui resurrectione admisceat.
- Cant. 5. d** Ad sextum dicendum est, quod solum est secundum duplicem modum consurgendi per amorem, ut dictum est, neque de Trinitate, neque de Angelis, Per illud idem soluitur septimum.
- Ad VI. & VII.** Ad octauum dicendum est, quod licet modus consurgendi mystice stultus, & irrationabilis ignorantibus hanc sapientiam videatur; tamen sapientissime, & mira procedit ordinatione. nam solo pondere, & discretionem amoris affectus verius, & certius, & infallibilis in ipsum quem diligit fertur, quam oculus corporalis aliquod sensibile videat, vel intellectus possit de Deo per cogitationem aliquam apprehendere veritatem.
- Si queritur, quid igitur cogitabo, cum de Deo cogitare non debeam, nec de Angelis? dicendum, quod solum aspirat, & cogitabit. Vnde tunc sine aliqua cogitatione de Deo, vel de alijs, si mens secundum viam purgatiuam est aliquatenus preparata, si nesciret alia dicere nisi hoc modo consurgere, dicens sic: O Domine quando te diligam? quando te constringam? si hoc sapientissime frequentaret, citius se sciret experimentaliter inflammari, quam si de secretissimis celestibus, & æterna generatione, vel processione millies cogitaret. Vnde ista est optima stultitia, de qua dicit beatus Dionysius sic: Hanc igitur stultam & irrationabilem, & amentem sapientiam excender laudantes dicimus, quod omnis est mentis & rationis, & prudentiæ causa, sicut dictum est superius in opponendo.
- Dionys. lib. de Mystica Theol. c. 2.**
- Ad IX.** Ad nonum dicendum, quod Deus secundum resurrectionem illius sapientiæ apprehenditur per modum entis, nec ut vnum, nec ut verum, nec ut bonum. Sed quando ista vis animæ supremæ, quæ est apex affectus, tangitur ab igne amoris, illo motu & tactu scintillat affectus aspirando in Deum. Ideo beatus Dionysius istos doctores scholasticos, & speculatiuos confutat; quia omnia se scire existimant, cum tamen de vera sapientia, qua mens ad Deum trahitur, parum aut nihil, nisi forte coniecturando, vel opinando cognoscant, & talibus non debere ullatenus istam veram sapientiam propalari, ad Timotheū scribens, dicit sic: Vide autem nequis indoctorum ista audiat, indoctos dico, qui existentibus sunt firmati, & cetera. & in tales irridens, sic infert statim post; Qui sua æstimatione credunt diuina percipere ingenio, vel scientiæ plenitudine. Sic indoctos autem dico, & cetera. post vere putantes ea quæ secundum ipsos de cognitione scire eum qui ponit tenebras latibulum suum, & cetera. Et hoc est, quia ista cognitio est totaliter supra mentem, & ubi omnis intellectus deficit, qui non apprehendit nisi sub ratione veri vel boni; Mystica vero Theologia, per apicem affectionis docet discipulos veritatis consurgere per amorem, immo quod plus est, numquam actualiter mens posset istis motibus consurgere, si aliquid cogitaret consurgens, immo miserabiliter deprimetur a sua eleuatione affectio; sed potius intellectiuam quasi pedissequam subtractam relinquit inferius, & sine sui obsequio ad dilecti vnionem consurgit motibus sursum actiuis, ab ipsa eminentius eleuata plus distat ab ea, quam ab ortu solis meridiem, & hoc quotiescumque vult de die siue nocte, centies vel millies, si corpus posset sustinere, & quod ita sit, exemplo materiali ad præsens vtar, ut valeas intelligere. Considero motum lapidis, suo pondere naturaliter descendens ad centrum. Sic per pondus amoris affectus dispositus in Deum sine omni cogitatione, vel deliberatione consurgit, veluti in suum centrum se extendens, & motibus istis se eleuat in continuo desiderio, cuius complementum, & intuitus quietem in æterna beatitudine obtinebit, nisi quandoque ad modicum temporis, sicut est in raptu, diuina subleuatione supra seipsum non natura, sed gratia sublimetur. Sed si hoc non potest percipere doctor speculatiuus, vel scholasticus discipulus, audiat ab Apostolo qui fuit principalis hierarcha huius sapientiæ, quam nullus sapientium Græcorum intelligere potuit, quoniam hæc sapientia solum spiritali examinatione cognoscitur. De qua loquitur Corinthiis dicens: Spiritus noster spiritui diuino vnitus, sentit quæ sunt eius, & hæc sapientia est, quam inter perfectos loquebatur. Vnde hoc est illud quod Dominus promissit Apostolis, cum dixit: Induimini virtute ex alto. Vnde sicut sacerdos induit se a capite, sic anima induitur a parte summi affectus. Vnde primo tangitur igne Spiritus sancti, quam aliqua cogitatio veniat. Patet ergo euidenter, quod anima vere amans, potest cōsurgere in Deum per affectum accenso amoris desiderio, sine aliqua cogitatione præuia, &c.
- Dionys. ubi sup. prox. cap. 1.**
- Luc. 24. g**
- 1. Cor. 2. b**

*Finis Mystica Theologia.*



COMPEN-

## C O M P E N D I V M

## THEOLOGICAE VERITATIS

## S. BONAVENTURAE ADSCRIPTVM.

*Ioannes Combis ex ordine Memoriam iamdiu Compendium hoc in lucem emisit, nec de eius auctore quidquam statuit; cum in manuscriptis antiquis exemplaribus nulli forsan inscriptum inuenerit. Nec propterea sine auctore est, immo eo plures eius existimantur auctores, quo nullus est certus. Ioannes enim Trishemius Aegidio Romano illud tribuit in suo de scriptoribus Ecclesiasticis catalogo. alij sanctum Thomam seu eius magistrum Albertum magnum eiusdem auctores opinantur. Sed esse S. Bonaventuram opus ex his persuadetur. In primis quia in antiquo manuscripto exemplari Vaticano post finem Opusculi, forma scriptura recentiori, sic habetur exaratum: Compendium Theologicæ veritatis Bonaventuræ. Tum etiam quia in alio perueniæto codice extra bibliothecam Vaticanam in ipso statim principio a parte superiori charta depictus est sanctus Bonaventura docens e suggesto, in quo dua sunt parvula cruce intra duos quadratos ante suggestum expressa, qua insignia videntur eiusdem Sancti: a parte vero inferiori cernitur imago S. Francisci stigmata Christi suscipiens: ex quo non levis coniectura deducitur ad idem comprobandum. Præterea divisus est iste tractatus iuxta divisionem Breuiloquij in septem libros, & doctrina eius conformis est valde doctrina S. Bonaventuræ tum in breuiloquio & Centiloquio, tum etiam in libris Sententiarum, immo sæpius verba omnino sunt eadem. Hæc auctorem probant esse S. Bonaventuram. Nisi malueris existimare ab incerto aliquo recentiori ex doctrina S. Bonaventuræ, & aliorum fuisse compilatum, vi ex principio præfationis licet colligere. Quisquis eius sit auctor, Compendium hoc studiosis Theologiae valde est, & quantum patitur angustia Compendij satis copiosum, ac nunc demum ope trium Bibliotheca Vaticana, & alterius extra eam manuscriptorum exemplarum sibi restitutum. necnon conquisitis, quoad fieri potuit, & citatis ad marginem sanctorum locis locupletatum.*

## C A P I T A L I B R I P R I M I.

<i>Quod Deus est.</i>	Cap. I.	<i>De incircumscribilitate Dei.</i>	Cap. XVII.
<i>Quod unus Deus est.</i>	Cap. II.	<i>De aternitate Dei.</i>	Cap. XVIII.
<i>Quod unum solum principium est.</i>	Cap. III.	<i>De incommutabilitate Dei.</i>	Cap. XIX.
<i>Quod Pater est.</i>	Cap. IIII.	<i>De simplicitate Dei.</i>	Cap. XX.
<i>Quod Filius est.</i>	Cap. V.	<i>De excellentia Dei.</i>	Cap. XXI.
<i>Filius est imago Patris.</i>	Cap. VI.	<i>De notionibus Dei.</i>	Cap. XXII.
<i>Quod Spiritus sanctus est.</i>	Cap. VII.	<i>De nominibus diuinis.</i>	Cap. XXIII.
<i>Spiritus sanctus amor Patris, &amp; Filij est.</i>	Cap. VIII.	<i>Deus est ineffabilis.</i>	Cap. XXIIII.
<i>Spiritus sanctus charitas, &amp; donum sanctorum est.</i>	Cap. IX.	<i>De ideis, &amp; libro vite.</i>	Cap. XXV.
<i>In Trinitate personarum unitas essentia est.</i>	Cap. X.	<i>De appropriatis diuinis personis.</i>	Cap. XXVI.
<i>Multipliciter Trinitas est.</i>	Cap. XI.	<i>De potentia Dei.</i>	Cap. XXVII.
<i>Aequalitas personarum est.</i>	Cap. XII.	<i>De virtute miraculorum.</i>	Cap. XXVIII.
<i>Inter essentia, &amp; personam differentia est.</i>	Cap. XIII.	<i>De scientia Dei.</i>	Cap. XXIX.
<i>De immensitate Dei.</i>	Cap. XIIII.	<i>De predestinatione.</i>	Cap. XXX.
<i>De infinitate Dei.</i>	Cap. XV.	<i>De præscientia, &amp; reprobatione.</i>	Cap. XXXI.
<i>De incomprehensibilitate Dei.</i>	Cap. XVI.	<i>De voluntate Dei.</i>	Cap. XXXII.
		<i>De iustitia Dei.</i>	Cap. XXXIII.
		<i>De misericordia Dei.</i>	Cap. XXXIIII.

## P R A E F A T I O.



**V**ERITATIS Theologicæ sublimitas, cum sit superni splendoris radius illuminans intellectum, & regalium deliciarum conuiuium, reficiens affectum, de magnorum Theologorum scriptis breue Compendium colligere dignum duxi: quo & euitetur mater fastidij prolixitas, & tamen ad inuestigandum plura via detur, & occasio sapienti. Theologia certe scientiarum est princeps omnium & regina, cui artes ceteræ tamquam pedisequæ famulantur. Nam de naturis rerum illa solum recipit ad usum suum, de quibus sibi speculum fabricare valeat, in quo conspiciat Conditorum. Hæc dicitur scientia scientiarum, quæ super omnem speculationem Philosophicam ex-  
Append. ad To. 7. oper. S. Bon.

tollitur, & dignitate ac utilitate omnibus antefertur. Ipsa enim philosophia cum in naturalem, & rationalem, & moralem distinguatur, Philosophia quidē naturalis, licet doceat cognoscere creaturas, non tamen Creatorem: rationalis vero, licet doceat concludere hominibus, non tamen diabolo: & moralis, licet doceat acquirere virtutes consuetudinales, non tamen docet acquirere charitatem. Nostra vero Philosophia, scilicet veritas Theologica, hæc omnia operatur. Docet enim Deum cognoscere, diabolo resistere, & charitatis exercitijs infundare. Hæc est diuinorum pigmentorum apotheca, delectabilis super mel, & fauim. Hæc quoque thesaurus est desiderabilis, super aurum, & lapidem pretiosum multum. Hæc est fons voluptatis egrediens, Ecclesiæ militantis irrigans paradysum.

Denique præsens scriptum in septem libellos distinxi, & singulas in vnoquoque materias rubricis

Q 9 9 2 pro-

*Psal. 18. b  
Gen. 2. a*

proprijs assignant.

Primus est de natura Deitatis.

Secundus, de operibus conditoris.

Tertius, de corruptela peccati.

Quartus, de humanitate Christi.

Quintus, de sanctificatione gratiarum.

Sextus, de virtute sacramentorum.

Septimus, de vltimis temporibus, & de pœnis malorum, ac præmijs bonorum. Sicubi ergo in hoc scripto deuiaui, parcat mihi, quia ignorans feci: vbi vero recte processui, laudetur gratia Iesu Christi: ad cuius honorem, & beatissimæ matris eius præsens Opusculum compilaui.

## COMPENDII THEOLOGICÆ VERITATIS

### Liber Primus

#### DE NATURA DEI.

##### Quod Deus est. Cap. I.



**D**EVM esse, multis modis ostenditur. Hoc enim fides recta testatur, sacra Scriptura loquitur, comparatio rerum ad ipsum idipsum indicat, Sancti prædicant, creaturæ clamant, ratio naturalis dicat.

Primo igitur Deum esse fides testatur: quia fides Catholica credit Deum, credit in Deum, & credit Deo. Credere vero Deum est credere ipsum esse. Credere in Deum est credendo Deum amare, & amando in eum ire, ac membris eius incorporari. Credere autem Deo, est credere verbis eius. Primum & tertium bonorum, & malorum est, sed secundum bonorum tantum: quia credere Deum, & credere Deo, bonis & malis est commune: sed credere in Deum, bonorum specialiter est. Deus itaque solus habet esse perfectum. Illud enim perfectum est, cuius nihil est extra ipsum: vnde quia esse nostrum habet aliquid extra se imperfectum est. Deest enim nobis aliquid quod de nostro esse iam præterijt, vel quod futurum est. Diuinum autem esse, cum simul totum sit, nec quidquam de eo præterijt, aut futurum sit, perfectissimum est.

*Psal. 89. a* Secundo Deum esse scriptura loquitur. Ab æterno, *Exo. 3. d* & vsque in seculum tu es. Qui est, misit me. Ioannes *Damasc.* Damascenus: Videtur omnibus principaliter eorum, quæ de Deo dicuntur, nominibus esse, Qui est.

*li. 1. orthod.* Tertio Deum esse, rerum comparatio ad ipsum facta indicat. Tam verum enim esse Deum habet, quod nostrum esse suo comparatum, nihil est: immo Deus suo præsentia esse dat omnibus rebus esse, ita quod si se rebus subtraheret, sicut de nihilo factæ sunt, sic in nihilum defluerent vniuersa. Gregorius:

*Greg. li. 35.* Omnia humana, quæ iusta, quæ pulchra sunt, Dei iustitiæ pulchritudini comparata, nec iusta, nec pulchra sunt, nec omnino sunt.

*Ansel. hoc* Quarto sancti prædicant. Anselmus in suo Monologio: Credimus te Domine esse aliquid, quo nihil maius cogitari possit. Dionysius: Esse omnium est supersubstantialis diuinitas, sed hoc intelligitur casualiter, non formaliter. Præterea sicut dicit Anselmus: Illud maxime habet esse, quod maxime distat a non esse: quod scilicet non habet non esse post esse, nec esse post non esse, nec potest cogitari non esse.

*Ans. ubi* Quinto Deum esse creaturæ clamant. Omnia namque suo modo dicunt: Quoniam ipse fecit nos, & non ipsi nos: quia ipse Deus est vox naturæ, quia omnia pulchra testantur ipsum pulcherrimum, dulcissima

**A** dulcissimum, sublimia altissimum, pura purissimum, fortia fortissimum, & sic de alijs: quia sicut in patria Deus est speculum, in quo relucent creaturæ; sic in via e conuerso creaturæ sunt speculum, quo Creator videtur. Vnde Apostolus: Videmus nunc per speculum in ænigmate. Idem, Inuisibilia Dei per ea, quæ facta sunt, intellecta conspiciuntur. *Sap. 7. d* *1. Cor. 13. d* *Rom. 1. e*

Sexto Deum esse ratio naturalis dicat, quæ per effectum in cognitionem causæ peruenit. Omne namque creatum indiget alio vt sit, & illud iterum alio vt sit, & ita erit, vel in infinitum procedere, vel erit ibi circulus, vel peruenietur ad aliquid quod sit causa omnium. Circulus autem non est in rebus singulis: quoniam oporteret aliquid esse prius, & posterius seipso. nec erit processus in infinitum, quia vniuersitas creaturarum tota causata est, siue sit finita, siue infinita: ergo indiget alio, vt sit, quod erit extra vniuersitatem caufatorum: & hoc Deus est, a quo fluunt omnia.

##### Quod vnus Deus est. Cap. II.

**V**Num Deum esse ostenditur auctoritate. Vnde in Deuteronomio: Videte quod ego sim solus, & non sit alius Deus præter me. Apostolus: Vnus Deus, vna fides, vnum baptisma. Bernardus: Si dici potest, vnissimus est. Idem est semper & vno modo: nihil in se, nisi se habet. Hoc vere vnum est, in quo nullus est numerus, nullum in eo aliud est, præter id, quod est. Idem ostenditur & ratione: quia simplex forma diuinitatis si non esset vna, & eadem numero, sed communicabilis pluribus, vt forma humanitatis Socrati, & Platoni, iam contraheretur aliquo addito ad esse singulare, & ita componeretur alteri, nec esset simplicissima, quod falsum est: quia in summo bono nulla potest fieri adiectio, cum sit omnino simplex.

Notandum autem, quod vnum sumitur prout est principium numeri, & sic Deo non conuenit; alio modo prout conuertitur cum ente, & sic Deo conuenit potius, quàm alicui creaturæ: quia cum vnum sit indiuisum in se, & diuisum ab alijs, excepto Deo solo, nihil est in quo non intelligatur aliqua diuisio, vel actualis, vel potentialis. Cum enim vnitas, vel numerus aliquis de Deo dicitur, nihil ponit, vt quidam dicunt, sed tantum priuat. Vnde cum dicitur, Deus vnus, intelligitur quod non sint plures.

**E** Aliquid non est vnum tribus modis, scilicet, vel pluralitate secundum species diuerfas, sicut Angeli & stellæ non sunt vnum; vel mutabilitate, secundum quod vnus homo plures dicitur, qui modo sanus est, modo æger, modo diues, modo pauper; vel propagatione secundum eandem speciem, prout vnus homo plures est in filijs, qui propagantur ab ipso. Sed nihil prædictorum in Deo est. De primo enim contrarium habemus in symbolo Athanasij: Hæc est fides Catholica, vt vnum Deum in trinitate, & trinitatem in vnitate veneremur. De secundo Psalmus: *Psal. 101. d* *Bern. lib. 5.* *de confid.* *cap. 7. post* *med.* *Psal. 80. b* *Psal. 95. a* *Philip. 3. d* *Ephes. 5. b* Ipsi peribunt, tu autem permanes. Bernardus: Non ex tempore alterationem habet Deus, non in substantia alterationem. Leo Papa: Simplicis diuinitatis naturæ nihil addi, aut minui potest. De tercio, Psalmus: Non erit in te Deus recens, recens, idest, recenter formatû, vel natum. Diuinitatem tria genera hominum multiplicant, scilicet idololatraz. Psalmus: Omnes dii gentium dæmonia. Necromantici, qui attribuunt virtutem characteribus, & huiusmodi stultijs. Carnales homines, vt gulosi colentes ventrem. Apostolus: Quorum Deus venter est. Et auari, qui super omnia pecuniam amant. Apostolus: Auaritia, quæ idolorum est seruitus.

Est itaque in Deo vera vnitas propter simplicitatem, immutabilitatem, & singularitatem, & propter vnitatis creatæ similitudinem: quia sicut vnitas a nullo descendit, & omnis pluralitas ab ea defluit, sic Deus



Deus a nullo, & omnia ab ipso. Item sicut vnitas de se gignit vnitatem, ita Deus Pater de se gignit alterum se, vt dicit Augustinus, idest, alterum similem sibi, vel alterum a se, scilicet Filium.

Hoc nomen Deus tripliciter accipitur, scilicet naturaliter, adoptiue, & nuncupatiue. Primo modo soli Deo conuenit. Secundo modo conuenit bonis hominibus, qui diuinæ bonitatis participes sunt per gratiam prouidentiae, vel doctrinam, & potestatem praelationis, & potestatem miraculorum. Psalmista: *Psal. 81. b* Ego dixi, dii estis, & filij excelsi omnes. Tertio modo dii dicuntur idola, sed solo nomine, quia res nominis, scilicet diuinitas, illis non conuenit. Primo modo non habet plurale hoc nomen Deus per se, cum sit vnus solus verus Deus, nec diuinitas recipiat distinctionem: sed secundo, & tertio modo plurale habet.

*Quod vnum solum principium est. Cap. III.*

Sicut vnus solus Deus est, sic vnum solum principium est, quod ostenditur, multiplici ratione. Primo sic, quoniam si duo principia sunt, vnum scilicet, summe bonum, & aliud summe malum, aut communicant in existere per se, vt Socrates, & Plato, aut non. Si non, ergo alterum illorum erit ens per aliud, & ita non erunt duo principia. Si sic, sed existere per se bonum est, malum autem plus esset malum, si non haberet illud bonum: ergo non est summe malum: quia si esse per se haberet, hoc ipsum esse, quod est bonum, summe malum esse non sine-  
ret. Præterea in creaturis quattuor inueniuntur, scilicet, multitudo, ordo, imperfectio, & connexio. Secundum quodlibet istorum probatur vnum tantum esse principium. Omnis multitudo secundum Dionysium ab vnitate trahit originem. Ergo necesse est omnis multitudinis vnum esse principium. Item omnis ordo cum habeat prius & posterius, oportet quod vnum habeat principium. Item secundum Boetium: Omne imperfectum ab aliquo simpliciter perfecto trahit originem, & hoc est Deus noster. Item omnis connexio diuersorum, causam habet suæ connexionis, & conseruationis ad vnum, & hoc est Deus. Item si esset vnum summe malum, a quo omnia mala essent, sequeretur quod secundum corpus Christus esset ab illo malo principio, cum in eo fuerit malum pœnæ, quod absurdum est dicere.

Ex prædictis patet, quod Deus est principium, & summum, & vnum solum principium, tum ratione dignitatis, tum ratione antecessoris, tum ratione causalitatis.

*Quod Pater est. Cap. IV.*

Aeternum Patrem esse per hoc ostenditur, quod cum Deus sit potentissimus, sapientissimus, & optimus, potest, scit & vult se summe communicare: hoc autem est, alteri maiestatis suæ plenitudinem dare: ergo Deus Pater ab æterno Filium sibi æqualem genuit: cui diuinitatis suæ essentiam communicauit. Dicit enim Dominus in Isaia: Si generationem alijs tribuo ipse sterilis ero? quasi dicat, non.

Pater enim multipliciter sumitur. Dicitur enim Pater æterna generatione. Isaia: Generationem eius quis enarrabit? Prædestinatione, ad Ephesios: Gratia vobis, & pax a Deo Patre qui prædestinavit vos in adoptionem filiorum. Creatione, in Deuteronomio: Numquid non ipse est Pater tuus, qui possedit, fecit, & creauit te? Fecit, inquam, secundum corpus, creauit secundum animam, possedit secundum vtrumque. Redemptione. Isaia: Tu Domine Pater noster, & redemptor noster, a sæculo nomen tuum. Sacramentali regeneratione. Benedictus Deus, & Pater Domini nostri Iesu Christi, qui regenerauit nos. Fi-

Append. ad To. 7. oper. S. Bon.

dei instructione, Dedit eis potestatem filios Dei fieri, his, qui credunt in nomine eius. Gratia adoptione: Accepistis spiritum adoptionis filiorum, in quo clamamus, Abba pater. Gloriam collatione: Itaque iam non est seruus, sed filius: quod si filius & heres per Deum, idest, per opera Dei. opera enim nostra magis sunt per Deum vitæ æternæ meritoria, quam per nos.

Primo modo sumitur Deus Pater personaliter: & iste modus soli Patri conuenit. Quarto modo, scilicet redemptione, non solum effectiue sumitur, sed etiam per ministerij exhibitionem. Sumitur etiam personaliter: & iste modus soli Filio conuenit, secundum quod modus redemptionis fuit per mortem Filij. Omnes autem alij modi tribus personis simul conueniunt: quia indiuisa sunt opera Trinitatis: nisi forte aliquis illorum modorum conueniat alicui personæ per appropriationem.

Circa generationem nota quattuor propositiones, in quibus videri poterit, vtrum essentia diuina generet, vel generetur. Prima est, Essentia generat essentiam. Secunda est, Essentia generat personam. Tertia est, Persona generat essentiam. Quarta est, Persona generat personam. Harum propositionum tres primæ falsæ sunt, quarta autem vera est. Est enim regula Theologia, quod essentia diuina non generat, nec generatur: dicendum tamen quod Pater virtute essentiae existentis in se generat: & quod Filio per generationem communicatur essentia: sicut & Spiritui sancto per processionem.

*Quod filius est. Cap. V.*

Quum sint correlatiua Pater, & Filius, per easdem rationes ostenditur Filium esse, per quas & ostensum est Patrem esse. Præterea inter omnes emanationes perfectissima est generatio, qua penitus genitus assimilatur suo genitori, quod emanationes aliæ non faciunt. Cum igitur copiosissimo fonti bonitatis competat emanatio perfectissima, constat quod persona qui Pater est, qui est fons totius bonitatis, generat Filium sibi æqualem cui communicat suæ plenitudinem maiestatis.

Aliquis est Filius Dei per gratiam vnionis, vt Christus homo. Aliquis per veritatem naturæ, vt Christus inquantum Deus. Aliquis per adoptionem, vt sancti. Aliquis per creationem, vt quæuis creatura. De Filio Dei dicit Athanasius in altercatione contra Arium, quod ipse dicitur sensus, quo omnia cogitantur: sapientia, qua cogitata disponuntur: virtus, qua disposita perficiuntur: Verbum, quo perfecta nuntiantur: lumen quo nuntiata clarescunt. Filius ergo Dei dicitur sapientia Patris, non quod Pater sit sapiens sapientia genita, sed quia Filium genuit, cui appropriatur sapientia. Vnde Pater dicitur omnia fecisse in sapientia, idest in filio Dei, vel cum sapientia, quæ est filius: quoniam indiuisa sunt opera Trinitatis. Vnde hæc præpositio, In, notat subauctoritatem in filio, qui hoc ipsum habet a patre, quod res creat. Generaliter enim verum est, quod quidquid habet persona, vel operatur, hoc habet ab eo, a quo est. Qualiter autem Filius sit de Patre, nota quod hæc præpositio, De, quandoque notat causam efficientem, vt cum dicitur, Christus conceptus est de Spiritu sancto. Quandoque causam materialem, vt cum dicitur, Christus natus de Maria Virgine. Quandoque identitatem essentiae, vt cum dicitur, Filius natus de Patre. Quandoque transubstantiationem, vt cum dicitur, corpus Christi fieri de pane. Quandoque ordinem, secundum quod creatura dicitur fieri de nihilo.

*Filius est imago Patris. Cap. VI.*

**I**magō triplex est, scilicet, æqualitatis, imitationis, & representationis. Primo modo, filius est imago patris. Secundo modo homo factus est ad imaginem Dei, vel imago Dei. Faciamus hominem ad imaginem Dei. Tertio modo mundus dicitur speculum Creatoris.

*Gm. 1. 9*

Nota quod imago relative dicitur ad illud cuius similitudinem gerit, & ad quod imitandum facta est. Hoc autem contingit dupliciter: aut quatum ad speciem, & signum speciei: & sic imago hominis est in filio suo, qui ipsum in humana specie, & figura imitatur: & hæc est perfecta imago: aut quantum ad signum tantum, & non ad veritatem speciei: sicut imago hominis est statua lapidea, & hæc est imperfecta imago. Primo modo, filius est imago patris, in natura communicans. Secundo modo, imago Dei est in homine, licet minus perfecte.

*Sap. 7. d*

*Heb. 1. a*

*Coloss. 1. b*

Est igitur imago, non ad imaginem, sicut filius. Nam hæc præpositio, ad, dicit distantiam inter imaginatum & imaginantem: hoc autem non cadit in filium: unde bene dicitur imago patris, sed non ad imaginem. Et est imago ad imaginem, sicut homo & Angelus. Est aliquid non imago, sed ad imaginem, ut mundus hic, qui proprie non dicitur imago, sed vestigium Creatoris: quia licet Trinitatem representet, non tamen imitatur, nec est capax eius, sicut homo. Est tamen mundus ad imaginem Dei factus: quia Deus aliud exemplar non habuit, ad cuius similitudinem creaturas faceret, nisi semetipsum. Est imago genita, ut filius, & est imago creata, ut homo & Angelus: & est imago facta, ut statua Herculis, quæ ipsum representat. Ex his patet quod esse imaginem, convenit Creatori, & creaturæ. Creatori quidem, quia filio, qui est imago patris, creaturæ vero convenit tam corporali, quam spiritali, quam etiam compositæ. Proprie tamen loquendo dicitur quod creatura corporalis est Creatoris vestigium. Unde Apostolus: Invisibilia Dei per ea, quæ facta sunt, &c.

*Coloss. 1. b*

*Rom. 1. c*

*Ezech. 28. c*

*Gm. 1. c*

*Heb. 1. a*

*Dionys. de*

*divin. nom.*

*cap. 2.*

Ibi hæc præpositio per, non dicit medium disponens, in quantum creatura consideratur in se, sed excitans, in quantum est similitudo Creatoris: quia non disponit ad cognitionem Creatoris, immo per talem modum potius impediret cognitionem, cum inter Creatorem & creaturam maior sit dissimilitudo, quam similitudo. Creatura vero spiritalis dicitur creatoris similitudo. In Ezechiele: Tu signaculum similitudinis, &c. & hoc ideo, quia in Angelo propter naturæ simplicitatem expressior est similitudo ad Deum, quam in homine. Creatura vero composita, id est homo, dicitur imago Dei. Faciamus hominem ad imaginem, & similitudinem, &c. & hoc ideo, quia in homine inveniuntur plures trinitates, quam in Angelo. Unde quoad hoc potius dicitur imago Trinitatis.

Filius Dei possidet triplicem excellentiam, sicut innuit Apostolus: Qui cum sit splendor gloriæ, & figura substantiæ eius, portansq. omnia verbo virtutis suæ. Primam scilicet respectu Patris a quo producit, & sic est splendor gloriæ paternæ. Est enim, ut ait Dionysius fontalis radius, in se manifestans gloriam paternam. Secundam respectu Spiritus sancti, quem producit ex se: & sic est figura, id est similitudo substantiæ patris. Est enim alia persona ab ipso, sicut a patre, quod non accepit Spiritus sanctus a patre, sicut filius. Tertiam respectu creaturarum, quæ per eum producuntur, & sic est portans omnia verbo virtutis suæ. Propter primum dicitur Verbum filius patris, quoniam perfecte loquitur bonitatem, & summam patris liberalitatem, qui nihil habere voluit, quod filio suo non communicaret. Istud est Verbum essentialiter, & æternaliter genitum, temporaliter promissum, a Prophetis, & Apostolis prædicatum, ab Angelo in incarnatione nuntiatur, Prop-

**A**ter secundum dicitur filius imago patris. Quamvis enim tres personæ sint æquales in æternitate, & maiestate, ac potestate: tamen filius dicitur potius imago patris, quam Spiritus sanctus, qui non solum habet convenientiam intus cum patre in essentiæ identitate, sicut & Spiritus sanctus: sed habet etiam convenientiam extra cum patre, ex eo quod sicut a patre procedit filius, sic & a filio Spiritus sanctus: sed a Spiritu sancto nullus. Nam secundum rationem intelligendi respectus huiusmodi relationum sunt extrinsecus assistentes, quia potius ab aliquo sunt, quam in aliquo. Intelligentia enim relationum ad hoc ad quod refertur aliquid respicit: unde si patrem non habeo, filius non sum, & e converso. Propter tertium dicitur filius virtus patris, ad Corinthios: Nos autem prædicamus Christum Dei virtutem, & Dei sapientiam. Invenitur etiam imago Trinitatis in nobis, videlicet in memoria, intelligentia, & voluntate, vel in mente, notitia, & amore: in quibus per ordinem Patri, & Filio, & Spiritui sancto assimilamur.

*1. Cor. 1. d*

*Quod Spiritus sanctus est. Cap. VII.*

**E**manatio duplex est in divinis. Vna per modum naturæ: & hæc est generatio, secundum quam filius est a patre. Alia est per modum voluntatis: & hæc est processio appropriata. Proprie vero dicitur spiratio, secundum quam Spiritus sanctus est a patre & filio. Idcirco autem hæc emanatio per modum volutatis esse dicitur, quia Spiritus sanctus amor est. Amor autem secundum voluntatem est. Procedit autem Spiritus sanctus a patre mediate & immediate. Mediate, quia filius ipsum spirat, qui hoc habet a patre: immediate vero, quia ipse pater ipsum spirat.

*Ioan. 15. d*

*Ioan. 16. b*

*Spiritus sanctus amor Patris, & Filij est. Cap. VIII.*

**S**piritus sanctus amor Dei est: & hoc tripliciter, videlicet, essentialiter, personaliter, & exemplariter. Essentialiter Spiritus sanctus dicitur amor, in quantum ipse cum patre, & filio vnus Deus est. Ipsi enim tres in quantum vnum sunt in essentia, diligunt se amore essentiali, qui appropriatur Spiritui sancto. Personaliter vero dicitur Spiritus sanctus amor, in quantum ipse est nexus patris, & filij. Pater enim & filius diligunt se amore ab eis procedente, qui non est pater, nec filius, sed Spiritus sanctus. De hoc nexu dicit Augustinus: Est ineffabilis quidam complexus in illa Trinitate, non genitus, sed genitoris genitiq. suauitas, ingeniti largitate perfundens omnes creaturas pro captu earum. Exemplariter quoque dicitur Spiritus sanctus amor: quoniam amoris gratuiti qui est in nobis, Spiritus sanctus non solum causa est efficiens, sed etiam exemplar atque finis. Amor enim qui est in nobis, est a spiritu sancto efficiens: & hoc in quantum ipse spiritus sanctus est Deus. Exemplariter autem est in nobis, in quantum ipse spiritus sanctus est procedens per modum amoris a patre & filio. Sed finaliter est in nobis noster amor, in quantum spiritus sanctus, a quo amor noster est, habet rationem primi boni, in quod tendit amor noster. Notandum quod amor qui est spiritus sanctus, ex modo procedendi est nexus, sed propter ipsam processionem est distinctus a patre, & filio: propter naturæ vero diuinæ perfectionem est persona, & suppositum: propter diuinam vero simplicitatem est ipse se Deus, & summe bonus. Igitur Spiritus sanctus est amor, quo pater, & filius se diligunt. Cum autem dicitur, pater & filius diligunt se spiritu sancto, dupliciter exponi potest. Primo sic, diligunt se spiritu sancto, id est amore, qui est spiritus sanctus: & secundum hoc propositio est vera. Secundo sic, diligunt se spiritu sancto, id est, per spiritum sanctum, vel per amorem, qui est spiritus

spiritus sanctus: & sic non est concedenda, quia non est ibi aliquid respectu cuius hæc dictio, Per, dicat principium. Est enim regula, quod hæc dictio Per semper dicit rationem principij respectu alicuius positi in locutione: sicut quando dicitur, Pater operatur creaturas per filium, ibi enim notatur ratio principij in filio respectu operis. Similiter hæc conceditur, Filius operatur per patrem: nam ibi ratio principij in patre est, & hoc duplici respectu, scilicet respectu filij, & respectu operis.

*Spiritus sanctus charitas, & donum sanctorum est.*  
Cap. I X.

Cum inueniatur sæpe in scripturis quod spiritus sanctus charitas, & donum dicitur, diligenter notandum est, qualiter hoc debeat intelligi, & utrum spiritus sanctus sit charitas, qua nos Deum, & proximum diligimus. Vnde notandum est, quod amor, siue charitas tribus modis sumitur. Vno modo effectiue, & sic absque dubio verum est, quod spiritus sanctus est amor, quo diligimus Deum: quia spiritus sanctus operatur in nobis habitum, & motum charitatis. Alio modo sumitur exemplariter, sic etiam spiritus sanctus est charitas, qua diligimus Deum, & proximum. Charitas enim, quæ est spiritus sanctus, est exemplar nostræ charitatis. Tertio modo sumitur charitas formaliter per modum inhærentiæ: & sic charitas dicitur virtutis habitus in anima, quo diligimus Deum, & proximum. Et secundum hunc modum spiritus sanctus non dicitur charitas: nec contrariatur dictum Augustini quod eadem est charitas, qua nos diligit Deus, & nos ipsum: quia licet verum sit tamen aliter, & aliter est, nam Deus diligit nos ea formaliter, nos vero ipsum diligimus efficienter, & exemplariter, non formaliter: nam omne esse, & agere est a forma inhærente agenti, quæ est principium agendi, & forma, sicut caliditas igni. Sciendum est tamen quod spiritus sanctus datur, cum datur eius donum: quia spiritus sanctus est amor, & primum donum, posterius autem non datur sine priori. Præterea corpus mysticum est vnum per amorem. Cum ergo nihil creatum sit vnum in diuersis particularibus, oportet quod membra corporis mystici vniantur vno amore increato, qui est spiritus sanctus. Præterea quia secundum Augustinum, totum malum hominis est vti fruendis, & frui vtendis: constat ergo quod totum oppositum est donum eius, scilicet, frui fruendis, & vti vtendis. Sed ad fruendum eo, quo fruendum est, requiritur præsentia fruibilis, & etiam dispositio debita fruētis: vnde requiritur præsentia Spiritus sancti, & eius donum, scilicet, amor, quo inhæreatur ei: verumtamen cum datur nobis Spiritus sanctus, non incipit esse in loco nouo, sed nouo modo per productionem noui effectus, & noui respectus, ex quo creatura se aliter habet ad Spiritum sanctum, quam prius: propter quod & ipse dicitur aliter esse in creatura quam prius: quia est in ipsa, vt in cognoscere, & amante ipsum, quod non fuit prius.

Ex iam dictis patet quod in iustificatione duplex charitas nobis datur, scilicet, creata, & increata: illa qua diligimus, & illa qua diligimur. Vel datur nobis charitas creata, qua diligimus formaliter: & increata, qua diligimus effectiue: quia nostrum diligere ipse causat. Ex his colligitur quod licet Deus sit in omnibus per essentiam, præsentiam, & potentiam, non tamen habetur ab omnibus hominibus per gratiam.

Missio autem Spiritus sancti duplex est, sicut & filij. Vna visibilis, sicut apparuit super Christum in columba, & super Apostolos in linguis igneis. Alia inuisibilis, qua mittitur in mentem ad sanctificandam creaturam: & ista missio fit ad inhabitationem creaturæ rationalis: sed prior fit ad inhabitationem de-

A monstrandam alijs. Eodem modo missio filij duplex est, vna, scilicet visibilis, vt incarnatio: & alia inuisibilis, vt est interna mentis illuminatio. Notandum quod missio filij, & spiritus sancti inseparabilia sunt: sed dicitur filij, quando mens per gratiam illuminatur ad Deum cognoscendum: dicitur spiritus sancti, quando affectus accenditur ad amandum. Sciendum est quod solius patris est mittere, & non mitti. Cum enim pater a nullo procedat, nusquam mitti dicitur: quia vero filius & producit, & producit, ideo mittit, & mittitur. Spiritus vero sanctus quia producit æternaliter, sed non producit, nisi ex tempore: ideo ipsius est proprium mitti, & non mittere, nisi respectu creaturæ, vt ad conuersionem populi dicuntur Apostoli missi a spiritu sancto. Nisi forte dicatur mittere hominem assumptum. Sed spiritus sanctus mittere dicitur, in quantum cum patre, & filio idem est in essentia trinitatis, non in quantum persona. Sic etiam filius mittit seipsum, vnde Augustinus in libro de Trinitate. Intelligamus illam incarnationem, & ex Virgine natiuitatem, in qua intelligitur filius missus, vna eademque operatione patris, & filij inseparabiliter esse factam, non separato etiam spiritu sancto. Ex his patet quod hæc sunt improprie, & exponendæ, spiritus sanctus mittit se, & mittit filium, & filius mittit seipsum: nisi intelligatur in quantum est de Virgine natus: quia filius Deus mittit se hominibus: & secundum hoc vera est. Hæc autem est ratio, quia mittere dicit auctoritatem ratione productionis æternæ.

Quibus modis datus sit spiritus sanctus in signo visibili. Sciendum quod in igne apparuit spiritus sanctus, vt calefaceret frigidus. Et in linguis, vt doceret ignaros. Et in sono, vt terret rebelles. Apparuit etiam in alijs tribus signis, scilicet in nube ipsi Moyse, vt ductor eius in columna nubis esset: sicut legitur in Isaia: Item in columba super Christum baptizatum, ad ostendendam gratiæ plenitudinem, quæ in ipso erat. Item in statu post resurrectionem, ad significandam viuificationem affectus: quia status ab interiori procedit. Datus est igitur spiritus sanctus bis post resurrectionem, scilicet in terra, propter dilectionem proximi, & de cælo, propter dilectionem Dei. Vel datus est in terra, ad relaxanda peccata aliorum. Ioannes: Insufflauit in eos, & dixit: Accipite Spiritum sanctum, quorum, &c. Datus est de cælo in Pentecoste ad robur, & ad operationem miraculorum: de his duobus Psalmista: Verbo Domini cæli firmati sunt, quoad primum: & spiritu oris eius omnis virtus eorum, quoad secundum. Tertia fuit collatio spiritus sancti Apostolis facta ante passionem, quando fuerunt baptizati. Eorum enim baptismus innuitur ibi: Qui lotus est, non indiget nisi vt pedes lauet. In signum prædictorum trium ter inungitur homo, ad significandam hanc triplicem spiritus sancti inunctionem, scilicet in baptismo, in confirmatione, & in morte.

Quadruplicem effectum consecuti sunt Apostoli ex præsentia spiritus sancti: Primo eloquentiam in linguis. Secundo audaciam in tormentis. Tertio efficaciam in miraculis. Quarto protectionem a vitijs: quia post Pentecosten, numquam peccauerunt mortaliter. Accipiunt & modo vtiliter spiritum sanctum: peccatores quidem ad purgandum, Matthæus: Ipse baptizabit vos in spiritu sancto, & igne. Item poenitentes ad proficiendum. Psalmus: Spiritus tuus bonus deducet me. Item perfecti ad sanctificandum, ad Corinthios: Qui dedit nobis pignus spiritus sancti. Item beati ad fruendum, Psalmus: Renuit consolari anima mea, &c. Item tribulati ad consolandum: Non accepistis spiritum seruitutis iterum in timore, &c. Item ignorantes ad instruendum, Ioannes: Paracletus autem spiritus sanctus, quem mittet pater, &c.

Quo tempore datus sit spiritus sanctus, attendendum est quod in die quinquagesima, vt ostendatur auctor esse remissionis: nam annus iubilæus seruiebat remissioni.

*Aug. lib. 2. de Trinit. cap. 5. post mod. 10. 3.*

*Act. 2. a*

*Exo. 3. a*

*Matt. 3. d Ioan. 20. f*

*Ioan. 20. f Act. 2. a*

*Ioan. 20. f*

*Psal. 32. a*

*Ioan. 13. b*

*Act. 2. b*

*Matt. 3. c*

*Psal. 143. c*

*2. Cor. 5. a*

*Psal. 76. a*

*Rom. 8. c*

*Ioan. 14. d*

*Aug. li. 15. de Trinit. 6. 17. 10. 3.*

**Act. 1. a** fioni. Venit etiam in die Dominica, ut esset dies renouationis, qui fuit etiam creationis. Datus quoque fuit tertia hora, quia dicitur primus homo hora tertia perdidisse gratiam: unde conueniens fuit quod eadem hora Apostolis mitteretur. Item alia ratione datus est hora tertia, scilicet, ut ostenderetur quod etiam nobis hora tertia datur gratia Dei. Sunt enim tres horæ morales, scilicet, contritio, confessio & satisfactio. De hoc nomine, Spiritus sanctus, sciendum est, quod potest esse circumlocutio vnius proprii nominis, & tunc conuenit tantum personæ tertri in trinitate: vel possunt istæ dictiones sumi diuisim, & sic quælibet trium personarum est spiritus sanctus.

**Joan. 3. a** Spiritus sanctus multa habet nomina. Dicitur enim spiritus a spirando actiue eo quod spiret, Ioannes: Spiritus ubi vult spirat. & secundum hunc modum, hoc nomen spiritus commune est omnibus tribus personis, sed Spiritui sancto conuenit per appropriationem. Alio modo dicitur spiritus a spirando passiue, eo quod spiretur, & hoc modo proprium est Spiritui sancto, qui procedit per modum spirationis. Non solum autem dicitur Spiritus, sed additur sanctus: quia sanctus idem est quod mundus, vel firmus, vel sine terra.

Ista autem non solum conueniunt ei quoad se, sed etiam in comparatione quoad nos: nam per gratiam Spiritus sancti a peccatis mundamur, in bonis firmamur, a terrenis separamur. Sanctus ergo non solum est in se, sed quia nos facit ea sanctitate, de qua dicit Dionysius: Sanctitas est ab omni immunditia libera, & perfecta, & omnino immaculata munditia.

**Dionys. de diuin. nom. cap. 12. cir. prin.** Præterea Spiritus sanctus vocatur nexus, vnitas, & amplexus, & hoc prout comparatur ad Patrem & Filium. Idem dicitur donum Altissimi: & hoc prout comparatur ad nos: quia omne datum optimum, & omne donum perfectum de sursum est, &c. Item dicitur fons viuus: quia septemplex riuus donorum nobis fluit.

**Isa. 11. a** Isaias: Spiritus sapientiæ, & intellectus, spiritus consilij, & fortitudinis, spiritus scientiæ, & pietatis & spiritus timoris Domini. Itē dicitur ignis: quia affectum nobis accendit. Item dicitur charitas, non solum quia est amor Patris & Filij, sed quia nos amantes facit. Item dicitur spiritualis vnctio, quia omnes tribulationes mundanas suas facit, & iucundas: secundum illud prosa: In labore requies, in æstu temperies, &c. Item dicitur dextræ Dei digitus: quia sicut corporales res digito demonstrantur, ita per Spiritum sanctum ostenduntur res spirituales oculo spirituali. Item dicitur paracletus, quia consolationes cælestes mentibus instillat. Item magistrorum optimus, quia intellectum ad Dei cognitionem, & sui ipsius illuminat.

**Luc. 11. c** Item dicitur dextræ Dei digitus: quia sicut corporales res digito demonstrantur, ita per Spiritum sanctum ostenduntur res spirituales oculo spirituali. Item dicitur paracletus, quia consolationes cælestes mentibus instillat. Item magistrorum optimus, quia intellectum ad Dei cognitionem, & sui ipsius illuminat.

*In Trinitate personarum vnitas essentia est. Cap. X.*

**1. Joan. 5. b** IN vnitate naturæ diuinæ tres sunt personæ: quarum prima est a nulla: secunda est per generationem a sola prima: tertia est per communem spirationem a prima & secunda. Istud tamen sic est intelligendum, quod Trinitas personarum non excludit ab essentia vnitatem, simplicitatem, immensitatem, æternitatem, & incommutabilitatem. Huius ratio per hoc patet, quia qui crederet Deum non posse se summe communicare, negaret in eo potentiam. Qui vero crederet hoc eum posse, sed nescire, negaret in eo sapientiam. Qui crederet eum hoc posse, & scire, sed nolle, ille negaret in eo bonitatem. Cum igitur Pater potuerit, sciuerit, & voluerit se summe communicare, hoc fecit æternaliter, scilicet, habendo dilectionem & dilectum, hoc est Filium & Spiritum sanctum. Præterea omne bonum est sui diffusiuum,

**Dionys. de diuin. nom. cap. 4. cir. prin. uo.** ut dicit Dionysius, unde cum Pater sit fons bonitatis, emanatio erit ab ipso perfectissima, quæ est generatio. Erit etiam emanatio iucundissima, quæ est per

modum benignitatis & liberalitatis: hæc autem emanatio, amor est, qui est Spiritus sanctus a Patre & Filio procedens. Et bene dicitur amor, emanatio liberalitatis, quia amor primum donum est, quod a liberalitate procedit, cum sit donum intrinsicum in ipso dante, in quo scilicet amore omnia alia donantur.

Hæc beata Trinitas tribus modis nobis innotescit. Ipsa enim patet in scripturis, ostenditur in figuris, relucet in creaturis. Primo, inquam, beata Trinitas patet in scripturis. Vnde Leo Papa: Credimus sanctam Trinitatem, Patrem & Filium, & Spiritum sanctum vnum Deum omnipotentem, vnius substantiæ, vnius essentia, vnius potestatis. Item Isaias audiuit

**Isa. 6. a** Seraphim ter dicentia, Sanctus, in laudem beatæ Trinitatis, subiungentia in singulari, Dominus Deus Sabaoth propter confessionem vnitatis diuinæ. Si ergo non essent tres personæ, non diceretur in Genesi: Faciamus hominem ad similitudinem nostram, **Gen. 1. 6**

sed meam: & tunc si essent tres personæ, & non vna substantia, non diceretur ad imaginem, sed ad imagines nostras. Ad id ostendendum ponitur in Psalmo ter Deus, cum dicitur: Benedicat nos Deus, **Psal. 66. a**

Deus noster, benedicat nos Deus, & tamen solum ponitur hoc pronomen eum, ubi subiungitur: Et metuant eum omnes fines terræ. Item: Aaa, Domine Deus, ecce nescio loqui. Vide quod a triplicauit, & in singulari dixit: Domine Deus, quod notat trinitatem, & vnitatem. Item Apostolus: Ex quo omnia, per quem omnia, in quo omnia, ipsi gloria in sæcula. Et nota quod hæc præpositio ex, dicit auctoritatem, & esse a nullo. hoc autem Patri conuenit: qui est principium, sine principio. Sed hæc præpositio, per, notat operationem, siue medium, & esse ab alio: unde per hoc intelligitur Filius, qui est principium de principio. Hæc autem præpositio, in, notat conseruationem, & esse ab alio: & propterea conuenit Spiritui sancto, qui est continentia omnis boni.

Ostenditur etiam beata Trinitas in figuris. Significatur enim per tres amicos Iob. Item per tres Angelos quos Abraham hospitio recepit: Tres vidit, & vnum adorauit. Item per tres digitos, quibus appeditur moles terræ. Item per tres ciuitates refugij æquali spatio a se distantes. Item per tria difficilia ad inuestigandum. Item per tres portas ciuitatis, quas vidit Ezechiel.

Relucet quoque in creaturis vestigiū beatæ Trinitatis. Cognoscitur enim in magnitudine creaturarum potentia Patris, in dispositione sapientia Filij, in ornatu bonitas Spiritus sancti. Item in quolibet individuo inuenies virtutem, speciem, & vtilitatem, quorum primum conuenit Patri, secundum Filio, tertium Spiritui sancto. Item in sole vide essentiam, splendorem, & calorem: in quibus Patrem & Filium & Spiritum sanctum cognosces. Item in anima secundum memoriam, intellectum, & voluntatem considera personarum trinitatem, & vnitatem substantiæ. Item in hierarchia cælesti superiori Deus est in thronis, ut maiestas: in Cherubim, ut veritas, in Seraphim, ut charitas, per quæ notatur personarum Trinitas. Item in virtutibus Theologicis, scilicet fide, spe, charitate idem intellige. Item in tribus dotibus animæ, scilicet cogitatione, comprehensione, & delectatione.

Notandum autem quod aliter relucet Deus in creaturis viatoribus, aliter in beatis. Exemplum de speculo, in quo alio modo videtur a nobis notus, & aliter ignotus: nam notum videtur in speculo, ignotum per speculum. Ex prædictis patet, quod licet tam in creatura corporali, quam in spirituali, quam etiam ex his composita beata Trinitas cognoscitur, tamen diuersimode, prout vnumquodque istorum dicitur vestigiū Creatoris, quia aliud dicitur eius similitudo, & aliud eius imago: sicut superius est notatum in titulo, quod Filius est imago Patris.

Deni-

*De lib. 5. de confid. cap. 8.* Denique sciendum est quod pluralitatem personarum in unitate essentiae, & unitatem essentiae in personarum pluralitate, secundum Bernardum, scrutari temeritas est, credere pietas est, nosse vita aeterna est.

*Multiplex Trinitas est. Cap. XI.*

*1. Ioan. 5. b.* **M**ultiplex inuenitur in scripturis trinitas. Est enim Trinitas increata, quae summa & ineffabilis est. Aliae trinitates sunt creatae: inter has una est quae cecidit, scilicet rationalis, concupiscibilis, irascibilis. Alia est per quam homo cecidit, scilicet suggestio diaboli, delectatio sensualitatis, & consensus rationis; quae tria significata sunt per serpentem, mulierem & virum in paradiso. Tertia est in quam cecidit, scilicet ignorantia veri, impotentia boni, & concupiscentia mali. Quarta est per quam resurgit, scilicet fides, spes, charitas. Item est trinitas, per quam ad gratiam reparamur, scilicet triplex substantia, quae est in Christo, scilicet diuinitas, anima, & caro. Est autem alia per quam regeneramur, scilicet, spiritus, aqua, & sanguis. Spiritus, inquam, sanctificationis, aqua ablutionis, sanguis redemptionis. Hanc nobis Ioannes in epistola sua recitat. Est quoque trinitas alia, per quam ad gloriam reformamur, ut sunt tres dotes animae, scilicet, cognitio, dilectio, comprehensio. Est & multiplex trinitas in creaturis, quae est vestigium beatæ & increatae Trinitatis. & de hoc habes in titulo supra quod Trinitas personarum, & unitas essentiae est.

*Aequalitas personarum est. Cap. XII.*

*Aug. lib. 1. de fid. ad Per. cap. 1. ante med. tom. 3.* **A**equalitas personarum in tribus consistit. Vnde Augustinus: Nullus alium praecedat aeternitate, aut excedat magnitudine, aut superat potestate. Quod aequalitas secundum hanc tria sit in Deo, sic ostenditur: quia in istis inferioribus tria sunt haec, scilicet substantia, qualitas, & quantitas: igitur unitas in substantia causat identitatem, unitas autem in qualitate causat similitudinem, sed unitas in quantitate causat aequalitatem: in diuinis autem est aequalitas tantummodo secundum triplicem quantitatem, prout quantitas in Deo esse dicitur, licet improprie. Primo secundum quantitatem virtutis, quae est potentia. Alio modo secundum quantitatem durationis, quae est aeternitas. Tertio modo secundum quantitatem magnitudinis, qua ipse est intra omnia, & extra omnia: quae continet & locat omnia.

Aequalitas personarum aliter in istis tribus ostenditur: quoniam in creaturis triplex magnitudo reperitur, scilicet temporalis, dimensionis, & virtutis. Prima magnitudo est in rebus mutabilibus. Secunda in corporeis. Tertia in spiritibus creatis. Istis tribus respondet in Creatore alia tria, in quibus etiam personae diuinae sunt aequales, scilicet aeternitas in esse, magnitudo in immensitate, & virtus in posse. Haec tamen, licet secundum rei veritatem sint in Deo, secundum differentiam rei in ipso, non habent esse, sed secundum quod nostrum respiciunt intellectum.

*Aug. lib. 3. cont. Maxi. min. c. 10. no. 6.* Dicendum est ergo, quod tanta est aequalitas in Trinitate, quod secundum Augustinum, nec est maius aliquid, vel duo, vel omnes, quam vnus: nec maius aliquid omnes quam singuli.

Coaeternae quoque sunt personae diuinae, quia in diuinis non est ponere nisi duo genera, scilicet, substantiae, & ad aliquid: quantitas vero, & qualitas transeunt in genus substantiae, sicut aequalitas, & similitudo dicunt relationes, sed substantia communis est tribus personis. Relatiuorum autem proprium est simul esse: ergo nullo modo Pater est prior Filio, nec secundum id quod ad aliquid est, nec secundum id quod absolutum est. Idem ostenditur per exem-

**A**plum in natura: quia licet splendor sit a sole, tamen esset soli coaeternus, si sol esset aeternus.

*Inter essentiam, & personam differentia est. Cap. XIII.*

**A**puđ Græcos quattuor sunt vocabula, scilicet, *usia*, *usiosis*, *hypostasis*, *prosopon*. hæc apud Latinos æquipollent istis quattuor, videlicet, essentia, substantia, subsistentia, persona. Inter hæc talis est differentia: quia *usia*, siue essentia dicit naturam ut humanitas: *usiosis* siue substantia dicit habens naturam, siue substans naturæ, ut homo: *hypostasis* dicit distinguibile, non tamen distinctum determinata proprietate, ut aliquis homo: *prosopon* siue persona dicit distinctum cum determinata proprietate ad dignitatem pertinente, ut Petrus. Ut sicut homines particulares distincti sunt proprijs qualitatibus, ita Pater & Filius, & Spiritus sanctus proprijs notionibus. Sicut autem Græci dixerunt Patrem & Filium, & Spiritum sanctum, scilicet tres hypostases, idest, tres res: ita & nos dicimus tres subsistentias, idest, tres res non indigentes alia re ut sint. Considerata igitur essentia diuina in se, omnino indistincta est: persona vero in se distincta est suis proprietatibus. Considerata autem essentia in personis, vel persona in essentia, modum medium tenet, scilicet unitatem & distinctionem, & hoc patet in appropriatis, quæ omnibus personis conueniunt, ut potentia, sapientia, bonitas: sed ad vnā magis determinantur. Nota quod semper substantia sumitur pro essentia, & quod essentia numquam transfertur ad significandam personam.

Tres sunt diffinitiones personæ: Persona est creaturæ rationalis indiuidua substantia, hæc sumitur penes naturam rei. Secunda Hugonis de sancto Victoris talis est: Persona est subsistens per se solam iuxta quendam singularem modum, hæc sumitur iuxta etymologiam nominis. dicitur enim persona quasi per se vna. Tertia est diffinitio magistralis sic, Persona est hypostasis distincta proprietate ad dignitatem pertinente. Nota etiam quod ista quattuor, prout supra sunt exposita, & exemplificata, scilicet essentia, substantia, subsistentia, persona, differunt in creatura, re, & nomine: sed in diuinis differunt ratione.

*De immensitate Dei. Cap. XIV.*

**N**on est in Deo quantitas dimensionis, sed virtutis: nec ubique est Deus mole corporis, sed presentia maiestatis, & per hunc modum dicitur immensus. Sed nota quod immensitas quattuor in Deo complectitur, scilicet infinitatem, incomprehensibilitatem, incircumscribilitatem, aeternitatem. Si enim consideratur Deus in se, sic est infinitus. Psalmus: Magnitudinis eius non est finis. Si vero consideratur in comparatione ad intellectum, sic est incomprehensibilis. Apostolus: O altitudo diuitiarum, &c. Et propter hoc etiam dicitur sedere super Cherubim, idest super plenitudinem scientiæ, & super omnem intellectum. Si in comparatione ad locum, sic est incircumscribibilis. Ambrosius: Nihil prescriptum, nihil circumscribibile, nihil dimensum Trinitas habet, non loco clauditur, non terminatione concluditur, non ætate variatur. Sed si consideratur in comparatione ad durationem, sic est aeternus. Apostolus: Regi seculorum immortalis, &c. De his quattuor dicendum est in sequentibus per ordinem.

Tenendum est certissime quod in Deo non est proprie longitudo, nec latitudo, nec sublimitas, nec profundum: sed hæc metaphorice sunt in Deo. Est enim in Deo latitudo charitatis, qua nos ab errore reuocat. Hieremias: In charitate perpetua dilexisti te, ideo attraxi te miserans tui. Est & longitudo patientiæ, qua malos

*Psal. 144. a*

*Rom. 11. d*  
*Psal. 79. a*

*Amb. lib. 2. c. 1. in Luc. cap. 2. in verbis, Et ait Angelus ei, &c. 1. Tim. 1. d*

*Hier. 31. a*



*Sap. 11. d* malos portat: dissimulat namque peccata hominum  
*Heb. 4. d* propter poenitentiam. Est in eo sublimitas sapientiae,  
 qua omnem sensum superat. Apostolus: Omnia nu-  
*Mat. 25. d* da, & aperta sunt oculis eius. Est etiam in eo profun-  
 dum iustitiae, qua peccatores damnat. Matthaeus: Ite  
 maledicti in ignem aeternum.

*De infinitate Dei. Cap. XV.*

**D** Vbitandum vero non est Deum esse infinitum:  
 quia cum in Deo idem sit potentia & essentia,  
 patet quod essentia eius est infinita, sicut & potentia.  
 Vnde sicut potentia Dei non ita potest in tot, quin  
 possit in plura, sic & essentia Dei non est ita in aliqui-  
 bus rebus, quin possit esse in pluribus; immo si mun-  
 di essent infiniti, omnes replet. Præterea cum  
 Deus sit rerum causa efficiens, formalis, & finalis,  
 sicut non est dicere de Deo in quantum est causa effi-  
 ciens, quod sit effecta, nec in quantum est causa for-  
 malis, quod sit formata: eadem ratione non est di-  
 cere cum sit causa finalis, quod sit finita. Nullo ergo  
 modo dicendum est Deum esse finitum secundum  
 substantiam, nisi finitum dicatur completum &  
 perfectum.

Sane triplex dicitur infinitum, scilicet negativum,  
 privativum, contrarie, seu dispartite. Infinitum nega-  
 tivum dicitur per abnegationem finis: & sic dicitur in-  
 finitum illud, quod non finitur: & hoc modo infini-  
 tum est, quod non est natum finiri. Infinitum privati-  
 vum est, quod natum est finiri, non tamen finitur.  
 Infinitum contrarie est, quod habet contrariam dis-  
 positionem ad finiendum. Primo modo essentia di-  
 vina est infinita, quia non habet finem, nec est nata  
 finiri. Similiter si dicatur infinitum tertio modo. Si  
 vero dicatur infinitum privativum, sic non potest dici  
 finita, quia non est nata finiri, immo est finiens omnia.

Item finis dicitur tripliciter. dicitur enim terminus,  
 & secundum hoc quod quantitas continua est poten-  
 tia infinita, quia est divisibilis in infinitum: & hoc  
 ideo, quia in continuo non est terminus in divisione:  
 sicut nec in numero est terminus in additione. Alio  
 modo dicitur finis idem quod perfectio. Tertio mo-  
 do dicitur finis, id propter quod unumquodque fini-  
 tur. Primo modo Deus est infinitus, non secun-  
 dum quantitatem dimensionum, quæ in Deo non est,  
 sed secundum quantitatem virtutalem, quæ in ipso  
 est. Sed quia in Deo omnimoda est indivisio virtutis  
 & essentiae, non potest esse infinitas virtutis, quin  
 etiam sit essentiae. Secundo modo materia dicitur in-  
 finita, quia caret perfectione. Tertio modo malum  
 culpæ dicitur infinitum, quia non est ordinatum ad  
 finem.

*De incomprehensibilitate Dei. Cap. XVI.*

**C** Reator a creatura cognosci non potest ad plenum  
 in via, vel etiam in patria, quia finiti nulla est  
 proportio ad infinitum. Trinitas sibi soli nota est, &  
*Ber. in Cāt.* homini Christo. Vnde Bernardus: Nihil Deo præ-  
*serm. 14.* sentius, & nihil incomprehensibilis: quid ne inpe-  
*cir. fin.* cuilibet rei presentius quam esse suum? Sane esse om-  
*Rom. 11. d* nium dixerim Deum, non quod illa sint quod est ip-  
*1. Tim. 6. c* se, sed quia ex ipso, & per ipsum, & in ipso sunt om-  
 nia. Est enim intelligentia nostra ad illam lucem in-  
 accessibilem multo minus, quam visus nocturæ, vel  
*Psal. 103. a* vespertilionis ad lucem. vnde dicitur in Psalmo: Am-  
 bulavit super pennas ventorum, hoc est, super intel-  
 ligentias etiam Angelicas. Verumtamen comprehen-  
 ditur Deus aliquo modo per fidem in via. Augusti-  
 nus: Mentis humanæ acies invalida in tam excellen-  
 ti luce non figitur, nisi per iustitiam fidei emundetur.  
*Ber. hom. 3.* ad id Bernardus: Ita Deus est in irrationalibus crea-  
*sup. Missus* turis, ut non capiatur ab ipsis. A rationalibus tamen  
*et an. mod.* capi potest omnibus per fidei cognitionem, sed a bo-

nis tantum capitur per amorem. Dicamus ergo quod  
 de Deo scire possumus, quid non sit, non quid sit.  
 Augustinus: Intelligimus Deum sine qualitate boni,  
 sine quantitate magnum, sine indigentia Creatorem,  
 sine situ præsentem, sine habitu, vel ambitu omnia  
 continentem, sine loco ubique totum, sine tempore  
 sempiternum, sine sui mutatione mutabilia facien-  
 tem, nihilque patientem.

Comprehenditur quoque Deus per speciem pro  
 dignitate meritum in patria. Augustinus: Videbi-  
 mus tuæ maiestatis essentiam, & unusquisque eo per-  
 spiciat, quo hic vixerit purius. Et est exemplum  
 in mari, quod se offert visui, & tamen secundum  
 ambitum totum videri non potest: & hoc est tam  
 propter maris latitudinem, quam propter ipsius no-  
 stri visus ad tantam superficiem improporcionabilita-  
 tem. Hoc igitur tenendum est, quod in via Deum  
 cognoscere possumus, quia est, & in patria, sicut est,  
 nunquam tamen, nec hic, nec ibi quid est.

Visus corporalis impeditur tripliciter, scilicet, per  
 tenebras, per falsam lucem, per auersionem a re vi-  
 sibili. Eodem modo impeditur visus spiritualis circa  
 cognitionem Dei. Primo, per tenebras peccati, vel  
 erroris. Ioannes: Qui facit peccatum, in tenebris

**C** est. Ad Corinthios: Adhuc cum legitur Moyses, ve-  
 lamen positum est super corda ipsorum. Secundo  
 per falsam lucem: hoc autem fit quando quis meretur  
 æterna secundum naturalia. Exemplum habetur in  
 ligno putrido, quod in nocte quamdam lucem vide-  
 tur habere, sed cum dies venerit nihil est. Tertio, per  
 auersionem a re visibili, siue cognoscibili, hoc est,  
 quando quis spreto incommutabili bono, rebus mu-  
 tabilibus adhæret, talium oculis, cum sint ægri, odio-  
 sa est lux, & puris est amabilissima. Deus cognosci-  
 tur interior, & exterior. Interior dupliciter: quia  
 quandoque per inspirationem, quod paucis datum  
 est. Apostolus ad Corinthios: Scio hominem in Chri-  
 sto Iesu, &c. quandoque per ratiocinationem per  
 quem modum plures Philosophi de Deo notitiam  
 habuerunt. Ad Romanos: Inuisibilia Dei, &c. Ex-  
 terius etiam cognoscitur dupliciter: scilicet per crea-  
 turas. Apostolus: Videmus nunc per speculum, sci-  
 licet creaturarum, quæ modo sunt speculum Crea-  
 toris in presenti: sic e converso ipse Deus erit specu-  
 lum creaturarum in futuro, in quo omnia videbimus,  
 quæ ad gaudium nostrum pertinebunt. Item per do-  
 ctrinam Apostoli, Fides ex auditu, sicut cognosci-

**D** tur vinum quandoque ex auditu quandoque visu,  
 quandoque gustu, sic Deus quodammodo cognosci-  
 tur auditu. Cognoscunt enim Deum qui audiunt Ver-  
 bum Dei, & per illud credunt: visu cognoscunt Theo-  
 logi, qui legunt Deum in scripturis: & Philosophi,  
 qui speculantur eum in creaturis: gustu cognoscunt  
 soli boni. Psalmus: Gustate & videte, quoniam sua-  
 vis, &c. Et iste ultimus modus perfectissimus est, &  
 certissimus. Dionysius dicit, quod tribus modis co-  
 gnoscitur Deus, scilicet per remotionem, siue abne-  
 gationem: ut cum dicitur, Deus non est hoc, vel il-  
 lud. Vnde Dionysius: Negatiue de Deo sunt veræ:  
 affirmatiue vero incompactæ. Item per eminentiam:

**E** ut cum in creatura inveniatur potentia, attribuenda  
 est Deo summa potentia, & sic de alijs. Item per cau-  
 sam, secundum quod per effectus venit ad cogni-  
 tionem causæ, vel per cognitionem motuum ad co-  
 gnitionem mouentis. Item nota quod anima sensu  
 percipit corpora, quia formam in materia tantum præ-  
 sente corpore: imaginatione vero corporum simili-  
 tudines, hoc est formas abstractas a materia, etiam  
 præsentem corpore, vel absente: ratione autem corpo-  
 rum naturas, intellectu spiritum creatum, intelligen-  
 tia vero spiritum increatum.

Sciendum est etiam quod cognoscibilia quædam  
 sunt infra rationem, quædam iuxta, quædam supra.  
 Infra rationem sunt, quæ sensu percipimus, ut alba,  
 nigra,

*1. Ioan. 5. b* nigra, & huiusmodi. Iuxta rationem sunt quæ ratione percipimus, ut vera, falsa, iusta, vel iniusta. Supra rationem sunt, quæ sola diuina reuelatione comprehenduntur, aut auctoritate scripturarum creduntur, ut tres esse personas, vnum Deum.

## De incircumscribilitate Dei. Cap. XVII.

**V**biq̃ue Deus est, & tamen nusquam est, quia nec abest vlli loco, nec villo capitur loco. Augustinus: Deus est in mundo non inclusus, extra mundum non exclusus, supra mundum non elatus, infra mundum non depressus. Ex his patet quod Deus est intra omnia, & hoc quia omnia replet, & vbique præsens est. Item extra omnia est, quia omnia continet, nec vsquam valet coarctari.

Sed nota quod hæc præpositio, extra, dicit ibi, non actualem præsentiam ad locum, sed potentialem, quæ est Dei immensitas, quæ infinitos mundos potest replere, si essent. Item ipse est supra omnia: quia omnibus præstat, nec aliquid ei æquatur. Item infra omnia est: quia cuncta sustinet, & sine ipso nihil subsisteret. Dicimus etiam quod vbique est, non ut indigeat rebus quod in eis sit, sed potius res sui indigeant, ut per eum subsistant. Deus enim ante mundi constitutionem fuit, vbi nunc est, scilicet, in se, quoniam ipse sufficit sibi. Sciendū est ergo, quod aliquid est in loco circumscriptiue, & diffinitiue, ut corpus: aliquid diffinitiue, non circumscriptiue, ut Angelus: aliquid nec sic, nec sic, ut Deus. et hoc ideo, quia non indiuiduatur per materiam, ut corpus, neque per suppositum, ut Angelus. Aliquid est etiam in loco, partim circumscriptiue, partim diffinitiue, ut corpus Christi in sacramento: quod est totum sub tota hostia, ita quod non excedit, & secundum hoc est circumscriptiue: est quoque sic sub hostia quod non vbique, & sic est ibi quodammodo diffinitiue. Corpus autem Christi licet non sit vbique, cum sit creatura, nec æquari possit in huiusmodi Creatori, in pluribus tamen locis est, id est, sub diuersis hostijs: & hoc est propter vnionem carnis ad Verbum, vnde merito habet amplius, quam alia creatura, scilicet, quod in locis pluribus possit esse. Ex prædictis patet, quod esse vbique simpliciter soli conuenit Creatori, sed in loco vno esse, conuenit creaturæ. In pluribus vero locis esse, sed non vbique conuenit corpori Iesu Christi.

Nota quod Deus est multipliciter in rebus, scilicet per naturam, & sic est vbique potentialiter, præsentialiter, essentialiter. Item per gratiam, sic est in bonis. Qui manet in me, & ego in eo, hic, &c. Item per gloriam, sic est in rationali virtute animæ, ut veritas: in concupiscibili, ut bonitas: in irascibili, ut potestas. Item per vnionem: sic fuit in vtero Virginis vnitus humanæ naturæ, & in sepulchro vnitus carni, & in inferno vnitus animæ Christi. Item Deus dicitur esse alicubi per occultorum reuelationem. In Genesi: Vere Deus est in loco isto. Item per vestigiolum eius excellentem representationem: sic dicitur esse in celo, quia ibi maxime relucet sua potentia, sapientia, bonitas. Item per naturæ identitatem, sicut est Filius in Patre, & Pater in Filio, & Spiritus sanctus in vtroque. Item per miraculorum operationem. In Exodo: Digitus Dei est hic. Item per conseruationem, & gubernationem, sic est in mundo. Item Deus est in seipso ut *2. & 3.* secundum illud.

*Dic vbi tunc esset, cum præter eum nihil esset?*

*Tunc vbi? nunc in se, quoniam sibi sufficit ipse.*

Per quod patet solutio quæstionis quorundam simplicium, qui querunt, Vbi Deus fuerit priusquam mundus esset. vbi tunc esset, &c. Item ipse est in mundo sicut Rex in regno. Bernardus: Deus vbique regnat, vbique imperat, vbique maiestas eius omnia replet, & complectitur vniuersa. Item in Angelo, ut decor,

A inquantū veritas in anima, & sicut sapor, inquantum bonitas. Item in Ecclesia est, sicut paterfamilias in domo. Vnde illud: Ecce ego vobiscum sum vsque ad consummationem sæculi. Item in electis, ut liberator a malis, adiutor in bonis, & hoc est quod dicit Bernardus: Deus est in creaturis, mirabilis: in hominibus, amabilis: in Angelis, desiderabilis: in seipso incomprehensibilis: in reprobis, intolerabilis. Item in damnatis, ut terror & horror. Augustinus: Qui te dimittit, quo it? nisi a te placato ad te iratum. Non enim manum Domini possumus effugere. Psalmus: Si ascendero in cælum, tu, &c. Si vero dubitatur, vtrū Deus sit in diabolo: Sciendum quod quædam nomina sunt, quæ important naturas, prout naturæ sunt, in his concedendum est quod Deus insit. Sunt alia per quæ intelliguntur deformitates, ut diabolus: de quibus non est dicendum quod Deus insit, nisi addatur inquantum spiritus est, vel aliquid tale. Deus est in anima fidei, ut sponsus in thalamo, rex in regno, turris in castro. Item sicut magister in scholis, fons in hortis, lux in tenebris. Item sicut thesaurus in agro, vinum in cellario, carbunculus in auro. Item sicut manna in arca, sigillum in charta, medicina in apotheca. Item sicut cithara in conuiuio, imago in speculo, mel in fauo. Item sicut fructus in arbore, oleum in lampade, lilium in conualle.

## De Aeternitate Dei. Cap. XVIII.

**S**icut Deus vbique est, & tamen nullo loco circumscribitur, vel continetur, sic æternus est: & tamen nullo tempore mensuratur. Non enim ei competit tempus præsens, nec præteritum, nec futurum. Nam tempus præsens manens esse non habet, quia pertransit, Deus autem semper manet idem. Vnde Hilarius: Esse non est accidens Deo, sed subsistens veritas, & manens causa. Similiter tempus præteritum modo non est, nec habet esse subsistens: sed de Deo dicitur, in Psalmo: Ipsi peribunt, tu autem permanes. Similiter tempus futurum non est, sed expectatur, Deus autem semper est. Vnde Mercurius: Sola monas est *a, & ω, sine a, & ω*, hoc est quia Deus est principium, sine principio, & finis sine fine. Cum enim simplex sit omnino, non habet in se principium contrarietatis, quod est causa corruptionis. Quid autem sit æternitas secundum rem, sciendum quod proprie dicitur diuturnitas sine principio, & sine fine, & mutabilitate: & secundum hoc conuenit æternitas soli diuinæ naturæ in qua est diuturnitas immensa. **E**ternitas vero secundum etymologiam dicitur quasi extra terminos, quia termino caret, tam initiali, quam finali: sed secundum diffinitionem Boetij in libro de consolatione, *Æternitas est interminabilis vitæ tota simul & perfecta possessio.*

Ad huius diffinitionis intelligentiam notandum, quod in quibusdam est determinabilitas simpliciter, quia ex parte ante, & ex parte post, ut sunt generabilia, & corruptibilia, ad quorum differentiam ponitur interminabilis. Et bene ponitur illud per negationem, quia simplicia & præcipue diuina nullo modo melius manifestantur quam per remotionem, ut ait Dionysius. Et huius ratio est, quia simplicium esse non potest intellectus perfecte comprehendere, & ideo ex negationibus eorum, quæ ab ipsis remouentur, manuducitur intellectus ad ea aliquantulum cognoscenda. Item in quibusdam est interminabilitas essentia, sed non vitæ, ut in corporibus cælestibus, ad quorum differentiam additur, vitæ. De Deo autem dicit Apostolus quod solus habet immortalitatem. In omni enim mutabili natura nonnulla mors est, ipsa mutatio: quia facit in ea aliquid non esse, quod prius erat. Vnde & homo quando nascitur, quodammodo incipit mori. In quibusdam autem est interminabilitas vitæ, sed tamen cum miseria, & infelicitate,

*Mat. 28. d*

*Boet. in mod. dit. cap. 1.*

*Psal. 138. a*

*Psal. 101. d*

*Boet. de consolatione. lib. 3. prof. 6.*

*Dionys. de diuin. nom. cap. 7. post med.*

*1. Tim. 6. d*

tate, ut in dæmonibus, & damnatis: ad quorum differentiam additur possessio, in cuius intellectu est iucunditas felicitatis, quia tunc possessio alicuius rei iucunda dicitur, quando ad libitum habetur. In quibusdam est interminabilis vitæ possessio, sed non tota, ut in hominibus beatis ante iudicium: quorum est beatitudo secundum partem animæ, & non corporis: ad quorum differentiam dicitur tota, quia totum est quod non est diminutum, vel cuius nihil est extra. In quibusdam est interminabilis vitæ possessio tota, ut in Angelis beatis ante iudicium, quia secundum totam sui substantiam habent felicitatem, & interminabilem vitam, sed non simul, cum aliqua sit in eis successio reuelationum, & gaudiorum: ad quorum differentiam ponitur simul. In quibusdam est interminabilis vitæ possessio tota simul, sed tamen non perfecta, eo modo quo dicimus perfectum nullo indigens, sicut est in Angelis, & in hominibus beatis post iudicium: ad quorum differentiam additur perfecta, id est, nullo indigens ad suum beatum esse.

Pater igitur ex prædicta diffinitione, quod tres ponuntur ibi condiciones, quæ sunt inseparabiles ab æternitate increata, quæ Deus est, scilicet interminabilitas, ibi, *Interminabilis vita possessio*. Item inuariabilitas, ibi, *tota simul*: nihil enim variabile est in Deo, sed totum simul. Item simplicitas, ibi, *perfecta*. Illud enim summe perfectum est, cui non est possibile aliqua additio. Per primum separatur Deus ab omni corruptibili. Per secundum ab omni variabili. Per tertium, ab omni composito. Item nota quod illud quod caret principio & fine, dicitur æternum, ut Deus, cuius esse interminatum est. Sed quæ principium habent, & carent fine, dicuntur perpetua, ut Angelus, & homo. Quæ vero principium & finem habent, dicuntur temporalia, ut sunt corruptibilia, sicut vegetabilia, bruta, & sensibilia, & huiusmodi.

*De incommutabilitate Dei. Cap. XIX.*

**I**mmutabilis est Deus, & impermutabilis, & incommutabilis. Immutabilis quia non cadit in eo motus accidentalis, scilicet accidentium. Leo Papa: Simplici naturæ diuinitatis nihil addi, vel diminui potest: quia semper est quod est. Item nec diminutio. Malachias: Ego Deus, & non mutor. Item nec alteratio, Iacobus: Apud quem non est transmutatio, &c. Item nec secundum locum mutatio, quia ubique præfens. Hieremias: Cælum & terram impleo. Impermutabilis autem est, quia non cadit in eum motus substantialis, qui est de non esse ad esse generatio, quia initium non habuit, nec ille, qui est de esse ad non esse, ut quia finem non habebit: illud enim solum in nihil est vertibile, quod est de nihilo. Incommutabilis est etiam Deus, ex eo quod non cadit in eum motus ex operatione. Nam soli Deo conuenit in operatione quietum esse. Vnde Boetius:

*Boet. lib. 3.  
de consol.  
metr. 9.*

*O qui perpetua mundum ratione gubernas,  
Terrarum calique sator, qui tempus ab ævo  
Ire iubes, stabilisque manens das cuncta moueri.*

*Ion. 3. a  
Isa. 38. a*

Vnde quando Deus facit aliquam rem, non fit in ipso Deo aliqua mutatio, sed in re circa quam operatur. Quod autem fecit Deus prædicare subuersionem Niniue, & prædicare mortem Ezechiae, quorum neutrum accidit, in talibus non mutauit Deus consilium, quod ab æterno secum habuit, sed sententiam, quæ respectum habuit ad ipsa negotia: quia Niniue subuertenda erat secundum merita: & Ezechias moriturus erat secundum causas inferiores: sed hæc non imposuerunt necessitatem diuinæ potentiae.

Item tres distinguuntur motus, scilicet naturalis, voluntarius, & violentus. Naturalis est quo naturaliter res tendunt ad locum proprium. Motus autem violentus est, quando coguntur res esse extra locum proprium: sed motus voluntarius est in hominibus,

vel in Angelis: nam bruta naturaliter mouentur, quando currunt, vel mouentur, vel operantur: & iste motus est medius inter naturalem, & violentum: quia partim est naturalis, scilicet in quantum volūtas coniungitur suo actui, sicut causa suo effectui: & partim est violentus, in quantum scilicet mouetur membra contra motum suum naturalem: propter quod etiam lassantur, quæ ex motu naturali numquam lassarentur.

Igitur primo modo motus non est in Deo, scilicet naturalis, & hoc probatur per quattuor rationes. Prima est, quia omnis motus est ad quietem, & propter indigentiam, sicut dicit Philosophus: sed Deus nullius eget. Secunda est, cum sit ubique non habet necesse de loco ad locum moueri. Tertia est, quia non est in eo grauitas vel leuitas, propter quam sursum & deorsum moueatur. Quarta est, quod cum Deus in seipso semper maneat, non habet necesse locum proprium, & sibi naturalem extra se quærere, sicut aliæ creaturæ. Item secundo modo non mouetur, scilicet motu violento, quia non fit ei violentia. Iob 9. 6 Si fortitudo quæritur, robustissimus est. Item tertio modo non mouetur, scilicet motu voluntario, quia in opere non lassatur, ut animalia. Præterea nostra mens est instabilis, quia modo proficimus, modo deficimus, modo reminiscimur, modo obliuiscimur, modo volumus, modo nolumus, modo diffusis cogitationibus, atque affectionibus, & consilijs huc atque illuc vagamur. Deus autem semper se habet æqualiter, & immobiliter.

Item alius est motus circularis, alius rectus, alius obliquus. Circularis est corporum superiorum, prout firmamentum mouetur secundum formam quidem, ut dicit Philosophus, non secundum substantiam. Hoc est dicere, quod non mouetur ad locum, sed in loco. Motus autem rectus sursum est, vel deorsum, secundum quod corpora inferiora mouentur propter leuitatem, vel grauitatem. Motus obliquus compositus est ex recto & circulari: unde quod reflexitur, habet a motu circulari: quod vero linealiter procedit, habet a recto. Nullo autem istorum modorum mouetur Deus, quia proprietates istorum motuum non conueniunt ei. Possumus autem dicere, quod isti motus Deo conueniunt mystice, ut dicatur moueri motu circulari, omnia regendo, & gubernando. Item motu recto, bonos remunerando. Item motu obliquo, peruersos a peccato mundando. Eodem modo posset dici quod Deus mouetur motu naturali, quo solita scilicet bonitate omnibus creaturis pro captu earum se communicat. Item motu violento, quo peccatores iuste damnat. Item motu voluntario, quo cuncta in esse conseruat. Sic potest exponi dictum Philosophi, qui assignauit motum a centro, & ad centrum, & circa centrum, quoniam Deus mouetur ad centrum in Incarnatione, & a centro in Ascensione, & circa centrum in prædicatione. Propter hæc & his similia dicitur in libro Sapientiae: Spiritus sanctus est mobilis, & stabilis: mobilis, quia facit sanctos mobiles ad bene operandum, & in bono proficere. Stabilis autem, quia dat in bono perseverare: vel mobilis in via, stabilis in patria: vel mobilis in actiuis, stabilis in contemplatiuis: vel mobilis in alijs sanctis, stabilis in Christo. Isaías: Requiescet super eum spiritus Domini, &c. Sciendum quod quædam operationes attribuuntur Deo secundum causalitatem & essentiam, ut scire: quædam secundum causalitatem, & non essentiam, ut comedere & currere: quædam secundum essentiam, & non causalitatem, ut creare & iustificare: quædam auctoritate, ut docere, & prædicare: quædam nec sic, nec sic, ut peccare & mentiri, & huiusmodi.

*Sap. 7. 6*

*Isa. 11. 6*

*De sim-*

## De simplicitate Dei. Cap. XXI.

**S**implex est Deus, & Angelus & anima, sed differenter: quia in Deo idem est quod est, & quo est: & hæc est perfecta simplicitas. Bernardus: Hæc sola increata natura hanc sibi vendicat simplicitatem, ut non aliud, & aliud alibi, & alibi, modo, & modo inueniatur in ea. nempe quod habet, & quod est, semper, & vno modo est. Sed in Angelo, & in anima differunt quod est, & quo est: & ideo est ibi quædam alteritas, & compositio quantitatis. Vnde Mercurius: In supercelesti est vnitas, in celesti alteritas, in subcelesti pluralitas. Simplex est itaque Deus in essentia, quia nihil ei accidens esse potest, immo perfecta simplicitas ibi est, cum non sit ibi possibilis additio: quia quidquid est in Deo, Deus est. vnde Leo Papa: Simplici diuinitatis naturæ nihil addi, vel minui potest: quia semper est quod est, cui proprium est sempiternum esse, cui idem est viuere & intelligere. Verumtamen multiplex est in donis. Apostolus: Alij datur sermo sapientiæ, &c. Iacobus: Omne datum optimum, & omne donum perfectum, &c. Non enim in Deo est compositio partium integralium ut in domo, nec partium potentialium, ut in anima: nec generis & differentiarum, ut in specie, nec materiæ & formæ, ut in corporibus: nec coacervationis unitatum, ut in numero: nec quod est, & quo est, ut in Angelo: nec substantiæ & accidentis, ut in indiuiduo: nec corporeæ substantiæ & incorporeæ, ut in homine. De his Bernardus: Non partibus constat Deus, ut corpus: nec affectibus distat, ut anima: nec formis substat, ut omne quod factum est. Hoc etiam ostenditur ratione, quia cum omne compositum sit posterius omnibus suis componentibus, nec primo principio quidquam sit prius, oportet Deum, qui est primum principium, non esse compositum. Præterea nullum compositum est totum suum esse: Deus igitur cum sit suum esse, non erit compositus. Vnde Bernardus: Non est formatus Deus, forma est: non est effectus Deus, omnium efficiens causa est: non est compositus Deus, simplex est.

## De excellentia Dei. Cap. XXII.

**D**iuinæ dignitatis excellentia tanta est, quod mens de Deo cogitans deficit, cum sit incomprehensibilis. Sensus eum non percipit, cum sit inuisibilis, lingua ipsum non explicat, cum sit ineffabilis: locus eum non capit, cum sit incircumscriptibilis: scriptura eum non explicat, cum sit inestimabilis: tempus eum non mensurat, cum sit inmensurabilis, virtus eum non attingit, cum sit inaccessibleis: desideria & vota transgreditur, cum sit insuperabilis, vel incomparabilis: & breuiter omnis creatura ad Deum comparata, defectum habet: quia finiti ad infinitum nulla est proportio. Ecce pater quod diuina excellentia nullius eget, quia sibi sufficit. Non enim indiget corpore, ut sit, nec loco, ut alicubi sit: nec tempore, ut aliquando sit: nec causa, ut aliunde: nec forma, ut materia sit: nec subiecto in quo subsistat, vel cui assistat.

Sunt & alia quæ soli diuinæ maiestati conueniunt, & nulli alij creaturæ, in quibus excellentiæ suæ dignitas apparet: sicut est esse omnipotentem, omnibonum, omniscientem: quia cognoscit omnia præsentia, præterita, & futura: & omnia singularia simul actu solus cognoscit: ea quæ subsunt libero arbitrio. & cogitationes hominum solus cognoscit per seipsum. Item ad ipsum solum pertinet ubique præsentem esse, de nihilo res creare, in instanti operari, in operatione quietum esse, mirabilia facere ex auctoritate, de qualibet creatura facere quod vult, vocatam hominis cognoscere\*, in ictu oculi mortuos resuscitare, essentiam animæ illabi, peccata dimittere, gentium infundere, in igne perpetuo corpus seruare.

**A** Quando aliquid creaturæ conuenit, quod competit Creatori, tamen excellentius de Deo dicitur. ut si in creatura est potentia, in Deo sit summa potentia: si sapientia, in Deo sit summa sapientia, & sic de alijs. Vnde & huiusmodi dicuntur de Deo in superlatiuo, propter quod Deus dicitur potentissimus, sapientissimus, iustissimus, optimus, pulcherrimus, & sic de alijs. Augustinus in libro de Trinitate: Oportet Deum ut est, & summe viuere, & cuncta sentire atque intelligere, nec mori, nec corrumpi, nec mutari posse, nec corpus esse, sed spiritum omnium potentissimum, iustissimum, speciosissimum, optimum, beatissimum fateamur. Potest etiam præter auctoritatem rationari: quia bona sunt excellentius in Deo, quam in creatura, quia semper est aliquid nobilius in causa, quam in causato: videmus etiam quod aqua purior est in fonte, quam in riuo. Radij quoque solis lucidiores sunt in ipso Sole, quam in aëre, & dulcedo maior est in melle, quam in mellito.

## De notionibus Dei. Cap. XXIII.

**N**otiones Dei sunt, quinque, scilicet paternitas, filiatio, processio, innascibilitas, & communis spiratio. Prima est Patris, secunda Filij, tertia Spiritus sancti, quarta Patris, quinta Patris & Filij. Tres primæ notionem dicuntur personales, eo quod personas faciunt, & eas proprie distinguunt: & illæ solæ sunt tres unitates trium personarum, quibus personæ dicuntur tres: vnde licet Pater plures habeat proprietates, tamen Pater paternitate tantum vnus est, indiuisus est in se, & diuisus ab alijs. Innascibilitas autem est in Patre, & sumitur priuatiue, eo quod Pater sit a nullo: & tamen Patrem notificat: sicut ouis non signata per hoc ipsum distinguitur a signatis. Similiter communis spiratio est vna notio, & illa vnitas est idem in Patre & Filio, & est distincta ab omni alia notione. Notandum igitur quod proprie loquendo, tres sunt proprietates personales, scilicet, Paternitas, Filiatio, & processio: quia personalis proprietas est, quæ vni soli personæ conuenit, & eam ab omni alia re distinguit.

Relationes vero sunt quattuor: quia vna est Patris ad Filium, scilicet, Paternitas: alia Filij ad Patrem, scilicet, Filiatio: tertia est Patris, & Filij ad Spiritum sanctum, scilicet communis spiratio: quarta Spiritus sancti ad Patrem & Filium, scilicet processio.

**E** Notiones autem sunt quinque: quia quælibet relatio est notio, & præterea innascibilitas, quæ Patri conuenit per priuationem relationis ad aliquod principium, non est relatio. Notiones habent multa nomina: dicuntur enim notiones quia notificant personas: dicuntur etiam distinctiones, quia personas distinguunt: dicuntur relationes, quia personæ per eas ad se inuicem referuntur: dicuntur quoque proprietates, quia proprie personis insunt.

Nota regulas notionum: Nulla notio de alia prædicatur. Item quælibet notio est essentia diuina, quæ Deus est. Item omnes notiones sunt vna essentia. Item nulla notio inest diuinæ essentiæ, distinguens eam, quia ipsa non distinguit, nec distinguitur. Item notiones sumptæ abstractiue prædicantur de essentia: sed sumptæ concretive, non: vnde bene dicitur essentia est Paternitas, sed non dicitur essentia generans. Item notio semper importat dignitatem. Item supposita notione non ponitur persona: quia aliquid conuenit notioni, quod non conuenit personæ. Notioni enim conuenit proprie distinguere: sed personæ distingui.

## De nominibus diuinis. Cap. XXIV.

**O**mne nomen quod de Deo dicitur, aut essentiale, aut personale, aut notionale est. Essentialium quædam

Aug. li. 23,  
de Trinit.  
cap. 4. 10. 2.

\* ab cogitatione

quædam sunt substantiua, vt Deus, Creator, & similia: quædam vero adiectiua, vt bonus, æternus, immensus, & huiusmodi. Personalia, vt Pater, Filius, & Spiritus sanctus. Notionalia sunt, vt Pateritas, Filiatio, innascibilitas, & huiusmodi. De his notandum quod nomen substantiale, vel essentiale substantiuum, & abstractum nullo modo potest trahi ad supponendum pro persona: vnde falsæ sunt hæc, Essentia genuit essentiam, vel diuinitas diuinitatem. Actus enim generationis semper ponendus est in concreto. Sed concreta licet sint essentialia, trahi tamen possunt ad supponendum pro persona, & hæc per verba notionalia, vel per propositiones notionales, vnde veræ sunt hæc, Deus genuit Deum, Creator Creatorem, vel Deus de Deo. Similiter de nominibus quæ media sunt, vt lumen de lumine. Item hoc nomen sapientia, licet sit abstractum, vt sapientia de sapientia tamen potest ex usu sumi, vt non abstractum. Essentialium autem adiectiuorum quædam prædicant purè diuinam substantiam, vt bonus, & ens: quædam essentiam diuinam connotando priuationem principij, & finis, vt æternus, vel certæ mensuræ localis, vt immensus: quædam principaliter significant essentiam diuinam, & connotant effectum in creatura actu, vt creat, iustificat, vel in habitu, vt iustus, & misericors, vel in potentia, vt omnipotens. Sunt quædam verba, quorum nec significatio, nec modus significanti Deo conuenit, vt currere & ambulare: nam modus est varia inclinatio animi varios eius effectus demonstrans. Modus significanti nihil aliud est, quam dispositio vocis, quæ constituit intellectum sub tali modo intelligendi, & per consequens ipsam rem. Cum ergo dicitur de Deo ambulare, vel currere, & huiusmodi, significatio horum prout sunt actu, Deo non conuenit. Modus autem significanti quamdam importat imperfectionem, dico quoad motum, qui quidem motus necessitatis conuenire non potest. Quædam sunt quorum significatio Deo conuenit, sed non modus significanti, vt creare, facere. Quædam sunt quorum significatio, & modus significanti Deo conuenit, vt patet in hoc

Exo. 3. e verbo Exodi: Qui est, misit me ad vos.

Et notandum quod omnia, quæ sunt perfectionis, de Deo vere dicuntur: quæ autem sunt imperfectionis non dicuntur. cum dicuntur, aut secundum assumptionem humanæ naturæ, aut translatiue dicuntur.

Item in diuinis tantum sunt duo modi prædicandi, scilicet per modum substantiæ, & per modum relationis: sed substantia continet vnitatem, & relatio multiplicat Trinitatem.

Quædam sunt nomina quæ de Deo dicuntur æternaliter, vt Dominus & misericors, quæ connotant effectum in creatura secundum habitum. Quædam vero temporaliter, vt dominator & miserator, quæ connotant effectum in creatura secundum actum. Quædam pluraliter, vt personæ, Quædam singulariter, vt Deus. Quædam proprie, vt proprietates personarum. Quædam appropriate, vt potentia, sapientia. Quædam positue, vt iustus. Quædam priuatiue, vt immortalis, & hæc magis proprie dicuntur de Deo, quam positua: quia melius dicitur de Deo quid non sit quam quid sit. Quædam translatiue, sicut leo, quæ symbolice de Deo dicuntur, vt agnus, leo. Duplex est enim theologia, symbolica videlicet, & mystica. Symbolica nominat Deum ab inferiori, mystica a superiori. Symbolica nominat Deum per conuenientiam rerum, cum dicitur leo, agnus, & huiusmodi. Mystica vero, idest, occulta, nominat Deum per hoc, quod in occulto de ipso sentit per intellectualem visionem, siue contemplationem, vt quando nominat Deum suauem, dulcem, dilectum, & huiusmodi. Vtrobique tamen per creaturas nominatur, sed in symbolica per exteriores, in mystica per interiores, & digniores affectus, quos anima supra se re-

cipit: & ita imponit per donum sapientiæ, cuius proprium experimentum est cognoscere qualis sit Deus. Quædam dicuntur collectiue, vt Trinitas, trinus. Quædam relatiue, vt æqualis, similis. Quædam respectiue ad creaturas, vt Creator, refugium. Et hæc nomina non dicunt relationem Dei ad aliud: sed aliorum ad Deum. Duo sunt principalia nomina Dei, scilicet Qui est, & Bonum. Per primum significatur Dei esse absolutum in se, & sic consideratur, vt infinitum, quia, Qui est, dicit substantiam infinitam, cum sit nomen infinitum. Per secundum notatur esse diuinum, vt causa: fecit enim Deus omnia propter bonitatem suam. In Theologia supponitur quid, & hoc per nomina essentialia, vt Deus, diuinitas, potentia, essentia, natura. Item supponitur quis, vt cum supponitur persona. Item supponitur quæ, vt cum supponitur ratio. Præterea per neutrum genus dicitur substantia diuina: per masculinum persona, per femininum notio: & per hoc patet quod non debet cantari in hymno, Vnus Patri cum Filio: quia Pater, & Filius non sunt vnus in persona, sed vnum in substantia: vnde magis cantandum est, Vnum Patri cum Filio.

#### Deus est ineffabilis. Cap. XXIV.

Nihil digne vel proprie de Deo dicitur propter eius excellentiam. Non enim per nomina proprie de Deo loquimur, quia nomina significant substantiam cum qualitate, & ita intelligitur ibi compositio formæ, cum materia, quæ in Deo non est. Nec per pronomina, quia de Deo dicta cadunt a demonstratione: non enim potest esse ibi demonstratio ad sensum, cum sit incorporeus: nec demonstratio ad intellectum, cum sit incognoscibilis. Si ergo dicis quod huiusmodi pronomina secundum Priscianum si cadunt a demonstratione, cassa essent & vana: dicendum est quod ibi est demonstratio ad fidem. Nec per verba quæ cum modis & formis, cum tempore, sine casu, agendi, vel patiendi significantia sunt: sed talia non cadunt in Deum. Neque per participia, quæ sequuntur naturam nominis, & verbi. Nec per alias partes orationis, quæ non sunt subijcibiles, vel prædicabiles. Ex his patet quod Deum non possumus notificare per diffinitionem: sed qualitercumque per circumlocutionem. Vnde Bernardus: Quid est Deus? ex quo omnia, per quem omnia, in quo omnia. Quid est Deus? quo nihil melius cogitari potest. Quid est Deus? voluntas omnipotens, beneuolentissima virtus, lumen æternum, incommutabilis ratio, summa beatitudo, inuisibilis, inaccessibilis in se, in suis spectabilis, & solus mirabilis.

Multis modis asseritur aliquid de Deo, Primo, per naturalem rationem, quæ dicit, quod vnus Deus est remunerator bonorum, & punitor malorum. Secundo, per fidem, qua dicimus Deum vnum esse in substantia, & trinum in personis, Tertio, per sacram Scripturam. Quarto, per rationes probabiles. Quinto, per exteriores prædicationes. Sed in his duobus vltimis modis non est innitendum, nisi firmitatem habeat ab aliquo prædictorum trium. Est enim regula, quod quicunque asserit aliquid de Deo, quod non est sibi certum, per naturalem rationem, vel per fidem, vel per sacram Scripturam præsumit, & peccat.

#### De ideis & libro vita. Cap. XXV.

Ideæ rerum, & exemplar, & rationes sic in Deo sunt, quod idea importat causam efficientem conformem effectui, sed exemplar causam formalem, ratio vero causam finalem. Deus enim omnium rerum est principium, a quo sunt; forma & exemplar, ad cuius imitationem sunt; & finis ad quem sunt.

Hæc

Ber. de ch  
fid. lib. 5,  
cap. 6. & 7.

Heb. 11. b



Hæc tria sic a se differunt, quod exemplar vnum est, quia exemplar connotat causalitatem: causata vero in causa sunt vnum: sed rationes, & ideæ sunt plures: quia ista respectu rerum dicuntur. Sunt itaque plures ideæ quæ connotant cognitionem. Cognoscibilia autem distinguuntur in cognoscente. Similiter, & rationes in Deo plures sunt: quia singula causata sunt proprijs rationibus. Absurdum enim est dicere, ut ait Augustinus equum creatum esse ea ratione, qua hominem.

Aug. li. 33.  
quæst. 9. 46.  
tom. 4.

Sciendum autem est, quod duplex est pluralitas: vna quidem est rerum, & secundum hoc non sunt plures ideæ, & secundum ideam in Deo; immo vna res est, quæ omnium est exemplar, scilicet essentia diuina, quam omnia imitantur, inquantum bona sunt: alia vero est secundum intelligentiæ rationem, & secundum hoc plures ideæ sunt in Deo. Quia omnes res inquantum sunt, diuinam imitantur essentiam, prout est imitabilis, non tantum vno modo, sed diuersimode, & secundum diuersos gradus. Sic igitur diuina essentia secundum quod est imitabilis, hoc modo ab hac creatura est propria ratio huius creaturæ, & similiter de alijs. Vnde secundum hoc plures ideæ in Deo sunt, quia intelligitur diuina essentia secundum diuersos respectus, quos res habent ad ipsam, eam imitantes diuersimode: huiusmodi autem non solum intelliguntur ab intellectu creato, sed etiam ab increato ipsius Dei. Sic enim Deus, & ab æterno sciuit, quod diuersæ creaturæ diuersimode ipsius essentiam essent imitaturæ, & secundum hoc ab æterno fuerunt in mente diuina plures ideæ secundum quod intelliguntur, sicut rationes propriæ rerum intellectæ in Deo. hoc enim importat nomen ideæ, ut sit, scilicet quædam forma intellecta ab agente, ad cuius exemplum exterius opus producere intendit. Dicendum est ergo quod licet rationes in Deo, & ideæ sint vna veritas, vna lux, & vna essentia, dicuntur tamen plures rationes, & ideæ, propter pluralitatem ideatorum: cuius exemplum habemus in naturis. Videmus enim quod omnes lineæ circuli vniuntur in centro: remotæ autem a centro differunt ab inuicem. Item ideæ sunt, ut dicit Augustinus, formæ principales rerum, quæ diuina intelligentia continentur. Dicendum est igitur, quod sicut in mente artificis prius est forma rei, quam opus exeat, sic ideæ rerum ante mundi constitutionem in mente Creatoris erant. Non enim aliquid extra se aspicebat secundum quod mundum faceret. Ex hoc patet quod omnis creatura prius in Deo existit, quam in seipsa: unde cum ab ipso per creationem processit, ab ipso quodammodo distare cœpit: unde rationalis creatura ad ipsum redire debet, cui primo coniuncta fuit, antequam esset, & hoc per ideam, quæ non aliud, quam ipse Deus sunt, & erunt: sic autem ad locum vnde exeunt, flumina reuertuntur.

August. ubi  
sup. prox.

Eccl. 1. a

Ionn. 1. a

Res, prout sunt in Deo, dicuntur vita, quæ importat rationem boni. Quod factum est in ipso vita erat. Dicuntur etiam lux: quæ importat rationem veri. Augustinus super Genesi: Creaturæ in Deo sunt lux: hæc ideo dicuntur, quia in Deo non sunt mala, neque falsa.

Differentia est inter exemplar, & librum vitæ, & speculum. Exemplar enim dicitur respectu rerum, ut redeuntium tamquam ad causam primam, quia connotat creaturam, ut supra dictum est. Speculum dicitur respectu rerum euntium. De libro vitæ dicit Hugo de sancto Victore, quod liber vitæ est, cuius origo æterna, incorruptibilis essentia, cognitio vera, scriptura indelebilis, inspectio desiderabilis, doctrina facilis, scientia dulcis, profunditas imperscrutabilis: verba innumerabilia, tamen vnum Verbum omnia. Idea vero, moraliter loquendo, multipliciter est in Deo, scilicet sicut ramus in arbore, apis in flore, nauis in littore, sessus in thalamo, thesaurus

Append. ad To. 7. oper. S. Bon.

A in agro, scriptura in libro, auicula in nido, piscis in riuo: quælibet res in sibi proprio, stella in firmamento, imago in speculo, cera in sigillo, gemma in auro, mel in fauo.

De appropriatis diuinis personis. Cap. XXVI.

Q Vamuis omnia esentialia omnibus personis equaliter conueniant, appropriatur tamen Patri potentia, Filio sapientia, Spiritui sancto bonitas: & hoc propter exclusionem carnalis intellectus, ne videlicet Pater ratione antiquitatis credatur impotens, Filius ratione iuuentutis credatur insipiens, Spiritus sanctus ratione impetuositatis credatur crudelis. Hæc ratio pertinet ad simplices, alia pertinet ad sapientes, scilicet quod potentia naturaliter præcedit sapientiam, & vtrique bonam voluntatem. De attributis itaque est loqui dupliciter, aut secundum rem, & sic omnino idem sunt, nec appropriantur: aut secundum rationem, & sic eorum quædam appropriantur, quædam non. nam appropriatio nihil aliud est quam specialis attributio ratione alicuius conformitatis cum proprio illius personæ, sicut potentia habet similitudinem cum Patre, qui est principium vniuersale: & sapientia cum Verbo, & bonitas cum amore. Prædictam appropriationem habet cōsuetudo scripturarum, quæ opera manifestatiua potentie attribuit Patri, sapientiæ Filio, bonitatis Spiritui sancto. Alia est appropriatio Hilarij. Æternitas in Patre, qui non Hil. lib. 2. de Trin. habet principium inceptions in se, nec principium essendi ab alio. Species in imagine, idest, in Verbo, quia summe pulchrum. Vfus in munere, hoc est, in Spiritu sancto, quia summe proficuum, & communicatiuum est. Illud per alia verba sic insinuat Augustinus: In Patre vnitas, in Filio æqualitas, in Spiritu sancto vnitatis æqualitatisq. concordia. Conuenit autem Patri vnitas: quia sicut vnitas a nullo descendit, & omnis pluralitas ab ea defluit, sic Deus Pater a nullo est, & aliæ personæ ab ipso sunt. Præterea sicut vnitas de se gignit vnitatem, ita de se pater gignit alterum se, idest Filium. In Filio vero dicitur esse æqualitas, quæ æquatur Patri non solum in potentia, & sapientia, & bonitate: sed etiam in hoc, quia sicut Pater dat suam bonitatem alteri personæ, sic & Filius. In Spiritu sancto autem vnitatis, æqualitatisq. concordia, seu connexio: quia est amor amorum, idest, Patris & Filij. Item quarta appropriatio est, quod in Patre est ratio principiandi & originandi, quia summe primum. In Filio vero ratio exemplandi, quia summe pulchrum: sed in Spiritu sancto ratio faciendi, quia summe bonum.

Hil. lib. 2.  
de Trin.

Aug. lib. 1.  
de Doctri.  
Christiana  
cap. 5. to. 3.

De potentia Dei. Cap. XXVII.

P Otentia Dei duplex est, scilicet absoluta, & ordinata. Multa vero potest primo modo, quæ non potest secundo modo, quia multa subsunt suæ potentie, quæ non congruunt sibi ut nunc facere, posset tamen facere ea congruentia, & sic posset ea facere. Deus omnia potest omnibus modis, quia potest perducere de non esse in esse, & hoc per creationem. Item potest ex incompleto completum facere, & hoc per propagationem. Item potest mutare vnum completum in aliud completum, sicut patet in transubstantiatione panis in corpus Christi. De talibus dicit Augustinus: Demus Deo aliquid posse, & nos intelligere non posse. Potentia Dei apparet in mundi initio, medio, ac fine. In principio quidem, quia res creauit de nihilo. In medio autem, quia res ne in nihilum vertantur, sua potentia continet. In fine vero, quia mortuos mira celeritate suscitabit. Apparet quoque potentia Dei in rebus spiritualibus, quia cum diabolus potestatem habeat in nobis immutandi sensum, & phantasiam, Angelus autem habeat po-

Aug. ep. 3.  
ad Volusian.  
ante med.  
tom. 3.  
Gen. 1. a  
1. Cor. 15. g

R r r 2 testatem

*Aug. in Enchirid. cap. 82. tom. 3.* testatem super hoc, & super intellectum, solus Deus non solum habet potestatem super tria prædicta, sed etiam potest mutare voluntatem. Augustinus dicit quia Deus nos præuenit ut velimus, & subsequitur ne frustra velimus. Licet Deus sit omnipotens, tamen non attribuuntur ei actus culpabiles, mentiri, & male velle: nec pœnales, ut metuere, & dolere: nec corporales, ut comedere, & dormire, nisi sorte transumptiue: nec actus inconuenientes, qui possunt esse tripliciter. Primo, si aliquis actus contradicit diuinæ potentia, ut est facere maiorem se. Secundo, si contradicit eius veritati, ut est facere aliquid simul esse, & non esse, vel quod præteritum sit futurum. Tertio, si contradicit eius bonitati, ut damnare Petrum, & saluare Iudam. De his Anselmus: Quodlibet inconueniens, etiam minimum impossibile est apud Deum. Horum autem hæc est ratio. Quia potentia Dei cum sit perfectissima, nec est de nihilo, nec est sub aliquo, nec eget aliquo. Vnde non potest deficere peccando, nec succumbere patiando, nec egere, subsidium in temporalibus quærendo, ac per hoc, nec culpabilia, nec pœnalia, nec materialia potest.

Dicendum quoque quod Deus potest omnia per se, vel per creaturam. Illa dico omnia posse, quæ sunt potentia: hoc autem ideo dicitur, quia posse peccare non est potentia, sed infirmitas: Deo autem competit perfectum posse, & perfectum dominium. de quo Dionysius: Dominatio est non peiorum excessus tantum, sed omnium pulchrorum, & bonorum omnimoda, & perfecta possessio firma, & non valens cadere fortitudo. Notandum ergo quod quædam operationes attribuuntur Deo secundum causalitatem, & secundum essentiam, ut scire: quædam secundum causalitatem, & non secundum essentiam, ut comedere, currere: quædam secundum essentiam, & non secundum causalitatem: ut iustificare, creare: quædam nec sic, nec sic, ut peccare.

*De virtute miraculorum. Cap. XXVIII.*

*Ex August. con. Faust. lib. 26. c. 3. tom. 6.* Quoniam per diuinam potentiam fiunt miracula, ideo de miraculis est agendum. Augustinus autem illud vocat miraculum, quidquid arduum, aut insolitum, supra spem, vel facultatem admirantis apparet. Ad hoc quod aliquid sit miraculum, quattuor requiruntur, vel concurrunt: primum est quod sit a Deo: secundum quod sit præter naturam: tertium quod sit euident: quartum quod sit ad fidei corroborationem. Vnde si aliquid istorum quattuor defuerit, mirum dici potest, non miraculum.

*Luc. 2. c.* Nota quod quædam sunt supra naturam, quædam contra naturam, quædam præter naturam. Supra naturam sunt illa, quibus non est simile in natura, nec in potentia naturæ, sicut est virginem parere. Contra naturam sunt, quæ fiunt vsu contrario naturæ, tamen terminantur ad conformitatem naturæ, sicut cæci illuminatio. Sed præter naturam sunt, quæ fiunt ordine simili naturæ, non tamen per principium naturæ, ut in mutatione virgarum in serpentes: quia illud potuisset fieri ordine naturæ per longam putrefactionem, ut patet per ea, quæ fiunt secundum rationes seminales: verumtamen quia non fuit ibi operatio naturæ, miraculum fuit.

*Exo. 7. a* Res quandoque producitur ab agente simili successiue, hoc attribuitur naturæ, & dicitur naturale: quandoque producitur ab agente dissimili repente, & hoc attribuitur Angelis, & dicitur mirabile: quandoque producitur res ab agente dissimili in instanti, & hoc attribuitur Deo, & dicitur miraculum. Sciendum, quod quandoque potentia aliqua, & eius actus est naturalis, sicut visus, & videre: quandoque potentia est miraculosa, & actus eius naturalis, ut quando cæcus illuminatus videt: quandoque vtrumque est miraculosum, ut partus Virginis. Nota quod mi-

*Iosue 10. c. et Isa. 38. b. Num. 17. e. Num. 22. e. Matt. 11. a* racula, vel mira fiunt quandoque in ente, ut statio solis, & eius retrocessio: quandoque fiunt in vegetabili, sicut quando virga Aaron floruit: quandoque in sensibili, sicut fuit in locutione asinæ Balaam: quandoque in ratione, sicut fuit in ambulatione claudorum, suscitatione mortuorum, in partu Virginis.

Ut autem sciamus quando aliquod miraculum sit, nota differentiam inter rationes causales, seminales, & naturales: quia ratio causalis est potentia passiva creaturæ, absque omni dispositione naturæ, ut solummodo Deus ex ea faciat quod vult, sicut fuit in partu Virginis: & in talibus simpliciter est miraculum. Ratio autem seminalis est potentia passiva creaturæ, sed cum dispositione remota, sicut fuit in virgibus de quibus facti sunt serpentes: & hoc factum fuit in instanti: natura autem fecisset idem, sed non nisi paulatim per longam putrefactionem. Vnde patet quod ea quæ fiunt secundum rationes seminales, partim sunt naturalia, partim miraculosa. Ratio naturalis est potentia cum dispositione propinqua, sicut patet in materia, quando est in vltima sui dispositione, ut formam recipiat: & secundum hunc modum est ratio naturalis in grano seminato ad productionem segetis: & hoc non est miraculum.

*De scientia Dei. Cap. XXIX.*

*Exo. 7. a* Scit Deus omnia præsentia, & simul, perfecte quoque, & immutabiliter. Præsentia dicitur, hoc est, ita limpide, ac si cuncta essent præsentia existientia. Simul etiam scit omnia, quia videndo se, qui sibi præsens est, omnia videt. Perfecte quoque, quia cognitio eius, nec potest augeri, nec minui. Scit & immutabiliter, quia nescit omnia per naturam sui intellectus, qui est immutabilis. Dicendum ergo quod Deus cognoscit temporalia æternaliter, mutabilia immutabiliter, contingentia infallibiliter, futura præsentia, dependentia independentem, creata increate. Alia vero a se, in se, & per se. Nota differentiam inter scientiam Dei, Christi, Angeli, & hominis: quia Deus scit omnia simul, videt enim multa in vno, id est, in seipso: vnde in visione Dei non differt id quod videt, & per quod videt, quia videt se per se, & in se videt omnia. Christus autem secundum quod homo scit omnia, quæ scit Deus scientia visionis, licet non ita limpide sicut Deus. Angelus vero Deiformem habet intellectum. id est, illa quæ scit illa scientia, quæ est in Verbo, scit simul actu, sicut Deus: licet nesciat, omnia quæ scit Deus. Sed homo vnum solum scit actu, quia licet videat multa, illa tamen non videt vno actu videndi, sed multis, id est, per multas rerum similitudines.

Sapientia Dei licet in seipsa non diuersificetur, diuersa tamen sortitur nomina: inquantum enim sapientia Dei cognoscitiua est possibilem, dicitur scientia, siue cognitio. Item inquantum est cognoscitiua omnium, quæ fiunt in mundo, dicitur esse visio: inquantum est cognoscitiua eorum, quæ bene fiunt dicitur approbatio: inquantum est cognoscitiua futurorum, dicitur præuisio: inquantum est cognoscitiua eorum, quæ ab ipso Deo facienda sunt, dicitur dispositio: inquantum est cognoscitiua præmiandorum, dicitur prædestinatio: inquantum est cognoscitiua damnandorum, dicitur reprobatio.

Cognitio diuina cum sit perfectissima, omnia cognoscit distinctissime sub omnibus conditionibus, quas res habent, & propter hoc futura scit futura, præsentia præsentia, & bona approbata, malaque reprobata. Si autem scire volueris qualiter Deus cognoscit mala, notandum quod contingit aliquid cognosci dupliciter, aut per speciem propriam, aut per speciem alienam. Primo modo cognoscitur habitus, secundo modo priuatio. Item primo modo cognoscitur lux, secundo modo tenebræ. Eodem modo dicendum

dum est, quod primo modo cognoscitur bonum: secundo modo malum, scilicet per speciem oppositi habitus. Nihil enim est malum, nisi boni priuatio. Vnde dicendum est quod Deus cognoscit bonum per vnicum medium, scilicet per propriam essentiam, mala autem per duplex medium: nam per essentiam suam cognoscit habitum oppositum malitiae, & illo habitu mediante, ut est in ipso Deo cognoscente, cognoscit defectum eius: & ideo dicitur mala a longe cognoscere.

## De predestinatione. Cap. XXX.

**P**redestinationis diffinitiones assignantur ab Augustino quattuor. Prima est, predestinatio est praescientia beneficiorum Dei. Secunda est, predestinatio est alicuius ad gloriam praedeterminatio. Tertia est, predestinatio est propositum miserendi. Quarta est, predestinatio est preparatio gratiae in praesenti, & gloriae in futuro. In prima diffinitione notatur diuina cognitio, in secunda electio, in tertia voluntas, in quarta directio in finem. Predestinationis causa efficiens Deus est quantum ad effectus notatos in nomine predestinationis. Materialis autem causa est ille, qui praedestatur: sed formalis est modus, vel ordo predestinationis, quia primo datur gratia, & post hoc gloria. Causa finalis est duplex, scilicet, ut finis sancti, & immaculati in conspectu Dei. Vnde differentiam inter haec, quae ponit Apostolus, scilicet vocationem, iustificationem, predestinationem, & magnificationem. Vocatio enim retrahit a malo. Iustificatio respicit initiale donum gratiae. Predestinatio respicit gratiae bonum finale. Magnificatio vero est bonum gloriae futurae. Vel dicatur, quod predestinatio gratiam praeparat. Vocatio gratiam offert, iustificatio illam confert, sed magnificatio illam per gloriam multiplicat. Sciendum quod predestinatio non infert rebus necessitatem: sicut verbi gratia, Deus scit si iste sit comesturus hodie, vel non: nihilominus iste habet potestatem comedendi, & manu ad os porrigendi: quia si predestinatio rebus necessitatem imponeret, multa sequerentur inconuenientia. Nam frustra proponerentur bonis praemia, & malis supplicia. Item iniuste remunerarentur boni, & punirentur mali. Item malorum nostrorum Deus auctor esset. Item nec sperandi aliquid, nec supplicandi vlla esset ratio. Item euacuaretur libertas arbitrii quae se habet ad vtrumque. Item nec bona facientes essent laudabiles, nec mala facientes vituperabiles. Sciendum tamen quod hoc est dupliciter. Si Deus prauidet hoc, hoc necessario eueniet: quia coniunctum est vera, diuina falsa: & est ibi necessitas consequentiae, non consequentis: quia licet ibi sit habitudo, siue illatio vnius categoricae ad aliam, non tamen necesse est quod ipsius termini sint actu. Verbi gratia, Si homo est, animal est: necessitas est consequentiae, non consequentis: nam homo potest non esse; consequentia tamen necessaria manet, & de hoc habemus exemplum Boetij in libro de consequentis: Si aliquis videt aliquem facientem rotam, necesse est quod iste faciat rotam: nec tamen visus eius est causa illius fabricationis: sic Deus videt mala illius opera, nec tamen est causa quare male operetur, verum tamen fiet si prauiusum est. Item Boetij exemplum. Si aliquis haberet oculum tantae perspicacitatis, ut videret futura, non ideo ligaret res ad euentum. Item artifex in materia nodosa bene videt defectum effectus, nec tamen est causa effectus. Item duae sunt paginae libri vitae. Vna est praesentis iustitiae, a qua potest quis deleri. Alia est dispositionis aeternae, de qua nullus delebitur. Differentia est inter predestinationem & praescientiam: quia predestinatio est praecognitio bonorum, cum causalitate eorumdem, sed praescientia dicit praecognitionem malorum, sine causalitate, quae potius

Append. ad To. 7. oper. S. Bon.

residet penes liberum arbitrium. Cum dicitur a sanctis quod predestinatio orationibus adiunatur, non est sic intelligendum quod temporale causet aeternum, sed hoc quantum ad effectum predestinationis iuvat oratio, scilicet, quantum ad gratiam & gloriam, quia secundum illa bene cooperatur liberum arbitrium predestinationi. Vnde sicut Deus aliquem saluandum prauidet, sic & modum quo saluari debeat: propter quod stultus est, qui dicit: Volo facere quod placuerit, quia si saluari debeo, saluabor: vel si damnari, damnabor. Sicut stultus esset infirmus, qui diceret, Volo comedere & bibere quod placuerit: quia si curari debeo, curabor, vel si mori debeo, moriar: sic enim inutiles essent, & medici & medicinae. Sane si Deus permittit liberum arbitrium, quod se habeat ad vtrumlibet, in malum cadere hoc, non permittit, nisi iuste. Rursus si per gratiam non praue-niat, nulli facit iniuriam. Cum ergo Deus malos damnat, & reprobat, operatur secundum iustitiam: quando vero predestinat, agit secundum gratiam, & misericordiam, quae non excludit iustitiam. Voluntas autem prima vult Deus omnem hominem saluum fieri, in quantum homo est. Voluntas autem secunda non vult iustum hominem reprobum, in quantum ipse est talis. Voluntas igitur antecedens respicit ordinem naturae in finem, prout a Deo condita est. Voluntas vero consequens respicit ordinem personae, prout est libero arbitrio suo, vel alieno in finem disposita. Haec de realitate dicta sunt: sed logice loquendo, cum saluatio hominis sit contingens, de necessitate determinari non potest: quod enim potest esse, & non esse, contingens est, non necessarium, sicut Philosophus dicit in libro secundo Peri herminias. Si vero quaeritur quare Deus hunc predestinavit, huc elegit, & non illum: hoc inexplicabile est in hac vita mortali. Propter hoc enim exclamat Apostolus ad Romanos: O altitudo diuitiarum sapientiae, & scientiae Dei, quam incomprehensibilia sunt iudicia eius, & inuestigabiles viae eius. Si enim dicimus quod reprobi repellunt gratiam, hoc verum est: sed si essent predestinati, non repellerent finaliter, vnde Augustinus libro de predestinatione sanctorum. Gratia, inquit, quae occulte humanis cordibus attribuitur, a nullo duro corde respuitur: ideo quippe tribuitur, ut duritia cordium auferatur.

## De praescientia, &amp; reprobatione. Cap. XXXI.

**R**eprobatio est, ut ait Augustinus, praescientia iniquitatis quorundam, & preparatio damnationis eorumdem. Vnde nota quod in reprobatione tria sunt. Vnum est prauiusio iniquitatis ab aeterno: alterum obduratio, id est, subtractio gratiae in praesenti: tertium est preparatio poenae aeternae in futuro. Si ergo quaeritur vtrum reprobatio habeat causam ex parte hominis, quantum ad primum meritum hominis non est causa: quo ad secundum causa est meritoria, & effectiua: quo ad tertium causa est meritoria, sed non effectiua. E contra in predestinatione sunt tria contraria, sed in hoc est differentia, quia predestinatio praeparat gloriam secundum beneplacitum, sed reprobatio praeparat poenam secundum exigentiam meritorum. De obduratio-nem sciendum est quod translatiue dicitur secundum similitudinem obdurationis in corporibus. Duritiam autem corporum sequitur triplex proprietas, primum est inhabilitas ad suscipiendum impressionem: secundum est stabilitas ad permanendum in se: tertium est fortitudo ad resistendum. His modis dicitur cor obdurari tripliciter. Vno modo per inhabilitatem ad suscipiendam gratiam. Secundo per firmam adhesionem ad peccatum. Tertio modo per rebellionem diuinarum inspirationum, & mandatorum Dei. Vnde quaerendum est, vtrum praesciti a Deo possint

R r r 3 demc-

demereri, & e contrario. Ad quod dicendum quòd scientia Dei comparatur ad res creatas sicut ars ad artificiatam: unde sicut ars non solum est cognoscitiua, sed etiam factiua eorum, quæ secundum artem fiunt, eorū vero quibus ab artis regulis deuiatur, est cognoscitiua tantum: ita & scientia Dei est cognoscitiua, & factiua omnium bonorum, malorum autem non, siue peccatorum, quæ sunt deuiationes quædam ab æterna lege ipsius. Scientia Dei est cognoscitiua tantum, non autem causatiua: & sic patet quòd boni, qui per gratiam iustificantur, non solum sunt ab æterno cogniti a Deo, sed etiam ad gratiam habendam electi. Peccatores autem neque iustificantur per gratiam, nec sunt electi, vel præordinati a Deo ad culpam, sed solum præciti quòd non sunt gratiam habituri, sed suæ naturæ relinquendi: quia non omne agens potest id, quod est supra se. natura sibi relicta non potest in actum meritorium, qui est supra facultatem naturæ: potest autem in actum peccati, qui est demeritorius, sicut & in aliquid infra naturam humanam existens. homo enim peccando descendit a dignitate suæ naturæ: & sic patet quòd præciti possunt demereri facilius, quàm mereri.

*De voluntate Dei. Cap. XXXII.*

**V**oluntas Dei duplex est, scilicet beneplaciti. Et hæc est duplex, antecedens, quæ sæpe non expletur; & consequens, hæc numquam remanet inexplata. Alia est voluntas signi, & hæc quandoque remanet inexplata. Huiusmodi ratio est, quia voluntas Dei potest sumi dupliciter, vel proprie, sic accipitur voluntas beneplaciti; vel metaphorice, & sic accipitur voluntas signi. Primo modo dicitur Deus aliquid velle, & hoc velle ipse Deus est. Secundo modo metaphorice est ad modum volentis se habere, & hoc velle non est Deus. Hæc igitur diuisio non rei, sed vocis est. sicut ira potest dici, vel proprie motus iræ, vel metaphorice signum iræ. Voluntas beneplaciti Dei consequens est recta, & efficax, & irreprehensibilis: unde quia est recta, nullus est reus, nisi conformetur ei. Item quia est efficax, nihil sine illa potest effici, nihil contra illam potest fieri: per nullum potest impediri. Item quia irreprehensibilis est, nihil præcipit, aut permittit nisi iuste: nil agit, aut consulit, nisi bene. Signa beneplaciti sunt quinque, scilicet præceptio, prohibitio, consilium, permissio, & operatio: quorum numerus sic accipitur. Voluntas diuina proprie loquendo, aut præsentium, aut futurorum est. Si respectu præsentium, aut idest bonum, & sic est impletio, aut malum, & sic est permissio. Si respectu futurorum, sic est triplex. Aut est malum, & sic est prohibitio: aut bonum necessarium, & sic est præceptio: aut bonum supererogationis, & sic est consilium. Contra tria prima potest aliquid fieri, quia se habent, vt in fieri: sed contra duo vltima, scilicet permissionem, & operationem, nihil potest fieri: quia se habent, vt in facto esse, & quod factum est, non potest non fieri. De his signis nota quòd præceptum dicit obligationem, ad faciendum bonum: prohibitio dicit obligationem, ad vitandum malum: consilium dicit doctrinam, per quam scimus, quòd id quod consulitur, si fiat, affert præmium, si non fiat, non affert supplicium. Permissio dicit priuationem cohibitionis, & est signū diuinæ voluntatis, non respectu mali, quod permittitur, sed respectu boni, quod ex malo permissio elicitur. Non enim permittit Deus malum fieri, nisi ex eo aliquid bonum eliciat, vt patet in tentationibus diaboli, quæ profunt multipliciter sanctis. Præterea si non esset malum, non esset in bono pulchritudo, nisi absoluta: nunc vero propter comparisonem ad malum, clarius elucescit. Operatio notat fa-

**A**ctionem in re, per quam refertur creatura ad Creatorem.

De conformitate voluntatis nostræ ad Deum sciendum, quòd si hanc attendimus in forma volendi, tunc si volumus habere mercedē nostrī operis, oportet quòd ratio semper conformetur ei in forma volendi. Si autem quæritur vtrum absolute teneamur, dicendum est, quòd conformitas est quædam in actu, ad quam non tenemur, nisi habita charitate: nec tunc nisi pro tempore, & loco, vt quando quis cogitat Dei veritatem, scilicet articulos fidei, tenetur credere: quando cogitat Dei bonitatem, tenetur diligere. Est alia conformitas in habitu, ad quam non tenetur quis, nisi quando actu Dei bonitatem recogitat, quia tunc tenetur se ad charitatem Dei præparare.

**B** De conformitate autem in volito, sciendum quòd voluntate sensualitatis non tenemur conformari voluntati diuinæ, nec in volito, nec in forma volendi. Voluntas enim sensualitatis tantum, est in brutis. Vnde quantum ad hoc nos hac voluntate non peccaremus si ratio huic voluntati iuncta non foret, cuius est animalitatem reprimere, sed voluntate rationis deliberatiua tenemur Deo conformari in volito, quod constat nobis Deum absolute velle, vel congruit nobis velle. Si vero non congruit nobis, quamuis bonum sit in se, non vult Deus id nos velle. Vnde hoc non tenemur velle, nisi in quantum est volitum a Deo. unde si scio Deum velle mortem patris mei, tamen possum vitam eius velle, & laborare ad hoc: quia non vult Deus velle me contrarium. Item voluntate conditionatiua non tenemur Deo conformari, vt quando pluit vellemus quòd non plueret, si Deus vellet: quia volendo conditionaliter non discordamus a voluntate Dei: quia hoc non est velle simpliciter. Item id quòd Deus non vult simpliciter, & absolute, vt sententiam comminationis, quam aliquando mutat, quando merita mutantur, non tenemur velle.

Conformitas diuinæ voluntatis quadrupliciter potest considerari secundū habitudinem quattuor causarum. Primo secundum causam materialem, quando idem est volitum quod se habet vt materia, circa quam est actus voluntatis, & ideo ista conformitas est secundum quid tantum, & non simpliciter, quia esse simpliciter, non est materia, vel forma. Secundo modo accipitur conformitas secundum causam efficientem, sicut quādo aliquis vult hoc, quod Deus vult eum velle, quia Deus hanc voluntatem in eo fecit. Deus enim vnāquamque voluntatem in bonum ordinauit: & hoc vult nos velle. Tertio secundum causam finalem, vt quando quis in gloriam Dei sua facta ordinat, propter quam & Deus fecit omnia: & in his duobus essentialiter omnis conformitas consistit. Quarto secundum causam formalem, vt scilicet ex charitate velit quis quod vult, sicut & Deus ex charitate vult omnia: & in isto consistit perfectio conformitatis, vt scilicet, actus voluntatis nostræ tanto sit voluntati diuinæ conformior, quanto est melior, & perfectior.

**E**x prædictis collige quòd plena conformitas ad Deum comprehendit quattuor. Primo vt velimus, quod Deus vult: secundo vt velimus, quod vult nos velle: tertio vt velimus propter quod vult: quarto vt velimus eo modo, quo vult. Sed conformitas non plena est triplex. Primo conformatur quis Deo in volito tantum, sicut & Iudæi conformes erant Deo in morte Christi. Secundo si conformatur quis in volito, & in fine, sed non in modo, vt quando quid non fit ex charitate. Tertio quando quis conformatur in volito, & in modo, sed non in fine, vt cum ad alium finem, tamen bonum retorquetur intentio.

*Dein-*

## De iustitia Dei. Cap. XXXIII.

**I**ustitia Dei tribus modis sumitur. Primo modo, quando redditur alicui quod meruit. Secundo modo quando promissum soluitur. Tertio modo, quando imperfectum perficitur. Primo modo, remuneratio bonorum, & punitio reproborum est opus iustitiæ. Secundo modo, incarnatio Christi opus est iustitiæ, quia promissum fuit hoc per prophetas. Tertio modo dicitur opus iustitiæ, quando Deus peccatorem iustificat, cum se ad gratiam habilitat, faciendo quod in se est. Nota quod in omnibus operibus Dei inuenitur iustitia, & misericordia: sed iustitia quandoque est occulta, & misericordia manifesta, ut in iustificatione impij, & in primo aduentu Christi. Aliquando est e contrario, scilicet aperta iustitia, & occulta misericordia, ut in punitione paruulorum, sine baptismo decedentium, & in secundo aduentu Christi. Aliquando vtrumque est occultum, ut in tribulatione iustorum & innocentum, sicut fuit in infirmitatibus paruulorum. Aliquando vtrumque est apertum, ut in remuneratione iustorum, & damnatione reproborum: quia illos remunerat supra meritum, & istos punit citra condignum, quod est misericordiae: sed vtrisque retribuit secundum merita, hoc est, bonis bona, & malis mala, quod est iustitia. Si vis scire qua iustitia puniatur homo pro peccato momentaneo æternaliter, vide primo auctoritates Isaie: Vermis eorum non morietur, & ignis eorum non exstinguetur. Psalmus: Ibunt in progenies patrum suorum, & vsque in æternum non videbunt lumen. Matthæus: Ite maledicti in ignem æternum. In Apocalypsi: Ascendit fumus eorum in sæcula sæculorum. Item Gregorius in quarto dialogorum: Si Deus non plus attenderet cor, quam facta iniusta posset dici talis iustitia. Sed quia Deus intuetur cor, iustum est ut sine fine puniantur, qui numquam vellent viuere sine peccato. Rationibus idem ostenditur. Quia enim homo peccauit in suo æterno, merito punietur in æterno Dei. Item materia ignis est æterna, scilicet macula peccati, ergo & pœna. Item peccatum est contra illum qui est infinitus, ergo pœna debet esse infinita: sed hoc non potest esse acerbitate: vnde oportet quod fiat diuturnitate. Item cum homo peccat, errat in infinitum quodammodo rationalis, irascibilis, & concupiscibilis, quando finitum præponit infinito: illa quidem iudicando, ista adhærendo, & vltima appetendo: vnde congrue debet esse pœna infinita. Item mala voluntas reproborum æterna est, ergo & pœna. Item ostenditur exemplis, quia venditio momentanea dat ius possidendi perpetuum: & vulneratio momentanea cicatricem infert perpetuam. Item casus in foueam temporalis est, detentio perpetua. Item offensio oculorum temporalis est, & cæcitatem operatur perpetuam. Item crimen læsæ maiestatis temporale est, seruitus perpetua. Item potio veneni momentanea, mortem operatur perpetuam. Dicit Augustinus, quod reddit Deus mala pro malis, hoc est, pœnam pro iniustitia, quia iustus est: vel reddit bonum pro malis, hoc est, gratiam iniustis, quoniam bonus est: vel reddit bona pro bonis, hoc est, gratiam pro gratia, quia iustus & bonus est, numquam reddit mala pro bonis, quoniam iniustus non est. Aliquis puniatur in præsentem propter seipsum, ut scilicet peccatum præteritum in eo purgetur. Ioannes: Ecce sanus factus es, vade & amplius noli peccare. Item ut propter peccatum perpetuo crucietur tam hic quam in futuro. Exemplum habes de Herode, & de Antiocho. Item ut culpa declinetur, ut in Paulo ad Corinthios: Ne magnitudo reuelationum extollat me, &c. Item ut gloria in futuro detur. In Actibus: Oportet nos per multas tribulationes intrare, &c. In primis duabus causis exercet Deus iustitiam, in duabus sequentibus misericordiam. Quinto, puniatur quis

**A** propter Deum, scilicet, ut glorificetur, Neque hic peccauit, neque parentes eius, &cet. Sexto, puniatur quis propter proximum, scilicet ut ædificetur: sic fuit punitus Tobias, ut alijs daretur exemplum patientiæ: sic puniuntur etiam innocentes pueri, ne videatur inconueniens peccatoribus, si quandoque tribulantur. Iusto Dei iudicio puniuntur qui vel concessis abutuntur, ut Adam; vel non concessa rapere conantur ut Lucifer.

## De misericordia Dei. Cap. XXXIV.

**M**isericordia secundum etymologiam dicitur tribus modis. Primo dicitur misericordia, quasi miseriam cordis diuidens, sicut accipitur in illa auctoritate, Cæli non indigent misericordia, quia in eis nulla est miseria. Secundum hunc modum misericordia solummodo est in terra. Secundo modo dicitur quasi mittens seorsum cordis rigorem, sicut accipitur ibi, Misericordia & veritas obuiauerunt sibi: nam veritas per rigorem procedit, sed misericordia hunc rigorem temperat, remunerans supra meritum, & puniens citra condignum: sic est misericordia in cælo, & in inferno. Tertio modo dicitur misericordia, quasi mira suauitas rigans corda, sic misericordia maxime est in cælo. Licet enim Deus sit iustus sicut & misericors, tamen dicitur ei proprium esse misereri potius, quam esse iustum, quia nihil requiritur ad complendum opus misericordiae, nisi voluntas eius: sed ad complendum opus iustitiæ requiritur etiam aliquid ex parte hominis, exigentia scilicet meritorum. Misericordia Dei patet in effectibus diuinorum beneficiorum: dat enim reis veniam, dimittendo tam peccati reatum, quam peccati sequelas de quibus duobus: Qui propitiatur omnibus iniquitatibus tuis, quo ad primum. Qui sanat omnes infirmitates tuas, quo ad secundum. Item largitur iustis gratiam, dando, scilicet virtutis habitum, & virtutis motum, ut per primum faciat hominem Deo gratum, ac vita æterna dignum: sed per secundum augeatur ei meritum. De his duobus Psalmista: Qui coronat te in misericordia, quo ad primum: & miserationibus, quo ad secundum: & loquitur de corona gratiæ. Item confert sanctis gloriam, & hoc dupliciter, quia nunc in spe, & tandem in re. De his Psalmista: Qui replet in bonis desiderium tuum, quo ad primum. Renouabitur ut aquilæ iuuentus tua, quo ad secundum. Item ex misericordia Deus patienter expectat peccatores, benigne reuocat, vlcisci diffimulat, de multis periculis liberat, gratiam liberaliter donat, datam multiplicat, multiplicatam conseruat, conseruatam in cælo præmiat. Item ex misericordia Deus peccatorem ad se redeuntem hilariter suscipit, ad penitendum cor emollit, offensam cito remittit, iniuriæ post remissionem non meminit. Item ex misericordia dat Deus aduersa, ut peccatum purget: dat prospera, ut ad amorem prouocet: dat sacramenta, ut meritum cumulet: dat præcepta, ut premio dilet. Item ex misericordia errantes ad se reducit, euntes ad se conducit, cadentes erigit, stantes tenere non desinit, peruenientes in gloriam introducit.





# COMPENDIUM THEOLOGICAE VERITATIS.

## De operibus conditoris.

### CAPITALIBRI SECVNDI.

<i>De ipsa rerum creatione.</i>	Cap. I.	<i>De potentia anima vegetatiua.</i>	Cap. XXXIII.
<i>De distinctione creaturarum in generali.</i>	Cap. II.	<i>De potentijs apprehensiujs anima sensibilis.</i>	Cap. XXXIV.
<i>De distinctione orbium tam caelestium, quàm elementorum.</i>	Cap. III.	<i>De sensibus particularibus.</i>	Cap. XXXV.
<i>De natura calorum &amp; superiorum.</i>	Cap. IV.	<i>De sensu communi.</i>	Cap. XXXVI.
<i>De natura stellarum in communi.</i>	Cap. V.	<i>De vi imaginatiua.</i>	Cap. XXXVII.
<i>De luce.</i>	Cap. VI.	<i>De vi aestimatiua.</i>	Cap. XXXVIII.
<i>De planetis in specie.</i>	Cap. VII.	<i>De phantasia.</i>	Cap. XXXIX.
<i>De quattuor elementis.</i>	Cap. VIII.	<i>De memoria.</i>	Cap. XL.
<i>De impresionibus aëris.</i>	Cap. IX.	<i>De vi sensibili &amp; motiua.</i>	Cap. XLI.
<i>De tempore.</i>	Cap. X.	<i>De potentijs anima rationalis.</i>	Cap. XLII.
<i>De Angelis in communi.</i>	Cap. XI.	<i>De diuisione potentiarum anima.</i>	Cap. XLIII.
<i>De distinctione caelestium hierarchiarum.</i>	Cap. XII.	<i>De potentijs cognitiuis.</i>	Cap. XLIV.
<i>De proprietatibus Angelorum.</i>	Cap. XIII.	<i>De modo cognoscendi.</i>	Cap. XLV.
<i>De proprietatibus, &amp; officijs singulorum ordinum.</i>	Cap. XIV.	<i>De intellectu agente, &amp; possibili.</i>	Cap. XLVI.
<i>De cognitione &amp; motu Angelorum.</i>	Cap. XV.	<i>De intellectu speculatiuo &amp; practico.</i>	Cap. XLVII.
<i>De pralatione Angelorum.</i>	Cap. XVI.	<i>De ratione &amp; partibus eius.</i>	Cap. XLVIII.
<i>De configuratione Angelorum.</i>	Cap. XVII.	<i>De potentijs anima motiuis.</i>	Cap. XLIX.
<i>De custodia Angelorum.</i>	Cap. XVIII.	<i>De voluntate.</i>	Cap. L.
<i>De locutione Angelorum.</i>	Cap. XIX.	<i>De synderesi.</i>	Cap. LI.
<i>De specialibus nominibus Angelorum.</i>	Cap. XX.	<i>De conscientia.</i>	Cap. LII.
<i>De casu Angeli.</i>	Cap. XXI.	<i>De operationibus anima.</i>	Cap. LIII.
<i>De spiritali casu demonis.</i>	Cap. XXII.	<i>De quantitate anima.</i>	Cap. LIV.
<i>De locali casu diaboli.</i>	Cap. XXIII.	<i>De immortalitate anima.</i>	Cap. LV.
<i>De restauratione ruina Angelorum.</i>	Cap. XXIV.	<i>De libero arbitrio.</i>	Cap. LVI.
<i>Cur peccatum diaboli sit irremissibile.</i>	Cap. XXV.	<i>De natura corporis humani.</i>	Cap. LVII.
<i>De proprietatibus demonum.</i>	Cap. XXVI.	<i>De physionomia hominis.</i>	Cap. LVIII.
<i>De malitia diaboli contra nos.</i>	Cap. XXVII.	<i>De regulis generalibus physionomia.</i>	Cap. LIX.
<i>De Lucifero.</i>	Cap. XXVIII.	<i>De toto homine.</i>	Cap. LX.
<i>Quid sit anima secundum diffinitionem.</i>	Cap. XXIX.	<i>De proprietatibus hominis.</i>	Cap. LXI.
<i>Quid sit anima secundum rem.</i>	Cap. XXX.	<i>De primis parentibus.</i>	Cap. LXII.
<i>Quid sit anima secundum nomen.</i>	Cap. XXXI.	<i>De praeceptis Ada datis.</i>	Cap. LXIII.
<i>De triplici anima.</i>	Cap. XXXII.	<i>De paradiso.</i>	Cap. LXIV.
		<i>De casu primi hominis.</i>	Cap. LXV.
		<i>De ordine tentationis in nobis.</i>	Cap. LXVI.

*De ipsa rerum creatione. Cap. I.*



**S**VMMA bonitatis triplex est effluxio, scilicet per generationem, per spirationem, & per creationem. Duæ priores emanationes sunt ab æterno, tertia est in tempore, de qua nunc est agendum. Inter creare, generare & facere differentia est: quia res de nihilo exit in esse per creationem; sed exit in esse de aliquo per factionem: quia facere est operari de aliena materia: sed de substantia exit in

**F** esse per generationem. Deus est rerum triplex causa, scilicet efficiens, exemplaris, & finalis, sed nullo modo materialis. Inter operari Dei, & creaturæ differentia est, quia Deus operatur in instanti, Angelus autem repente, sed natura paulatim. Prima rerum principia sunt a Deo, & immediate, scilicet materia & forma: effectus vero consequentes sunt ab ipso mediante natura, nihil autem est a Deo immediate tantum.

Circa mundi creationem quattuor erant errores. Quidam dicebant mundum æternum. Alij dicebant mundum quidem factum, sed habuisse materiale principium, & non esse de nihilo. Alij dicebant Deum superiores

superiores creaturas per se produxisse, sed inferiores A per ministerium Angelorum. Alij ponebant duo principia, sicut Manichæi, vnum, scilicet summe bonum, & aliud summe malum, dicentes: incorruptibilia esse a bono principio, corruptibilia a malo. Hos omnes errores excludit Moyses, primum, cum dicit: *Gen. 1. a* In principio. secundum, ibi: Creauit. tertium, quando dicit: Deus. quartum, cum sequitur: Cælum & terram. Tenendum est etiam quod Deus omnia simul creauit, nec aliquam nouam speciem postmodum addidit, quam prius non fecerit, vel in se, vel in suo simili, vt hominum animas; vel in ratione seminali, sicut patet in his quæ naturaliter introducuntur in esse: & hoc est quod dicitur Deum die septima quieuisse, non quidem a labore, vel ab opere, sed, sicut dictum est, a nouarum specierum conditione. De operibus vero sex dierum dicunt quidam, nunquam in illis debere intelligi ordinem temporis, sed naturæ, quia dicunt omnia simul tempore fuisse facta, creata, & disposita, ac in suis speciebus distincta. Alij dicunt omnia simul creata in materia, sed non in tali forma sicut in diebus sequentibus receperunt: & hæc opinio magis sequitur vltimam litteram, sed prima magis sequitur rationem. Deus enim dupliciter operatur. Aliqua namque facit mediante natura, & hæc fiunt successiue; aliqua facit per se immediate, vt creare, peccata dimittere, gratiam infundere, & huiusmodi. & talia fiunt in instanti, & perfecte, & complete. Cum ergo Deus primordiales res non produxerit mediante natura, sed immediate & per se, videtur quod in instanti fecerit eas perfectas & completas, tam in materia, quam in forma. Coræ sunt quattuor hæc primitiue rerum creaturæ, cælum empyreum, Angeli, materia mundi, & tempus.

*De distinctione creaturarum in generali. Cap. II.*

Creatura mundi triplex est, scilicet corporalis tantum, vt elementa: spiritualis tantum, vt Angelus: composita ex his, vt homo. Corporalis quoque natura distinguitur in corpora lucida, vt sidera: & opaca, vt terra, & metalla, & huiusmodi: atque perspicua, siue diaphana, vt aer, & aqua. Creaturæ quædam secundum Gregorium habent esse tantum, vt lapides: quædam viuere, vt arbores: quædam sentire, vt animalia: quædam intelligere, vt homines & Angeli. Distinguitur autem triplex mundus, scilicet, archetypus, idest, Deus: & dicitur archetypus ab archos, quod est princeps, & typus, quod est figura, idest principalis figura, quia ipse est exemplar mundi sensibilis. Item est mundus qui dicitur macrocosmus, idest maior mundus, vt est iste mundus sensibilis. Item est mundus qui dicitur microcosmus, idest minor mundus, vt est homo. De his tribus Ioannes: *Ioan. 1. b* In mundo erat: ecce primum. Et mundus per ipsum factus est: ecce secundum. Et mundus eum non cognouit: ecce tertium. Differentia est inter elementum & elementatum, & quintam essentiam. Elementum est primum principium componibilium, non tamen compositum: vnde nec terra, nec aqua, nec aer, nec ignis primum elementum est, & simplex apud nos, quia ista inter se commiscuntur, & maxime in ea parte vbi se contingunt. Elementatum est quodlibet corpus compositum ex quattuor elementis. Quinta essentia est corpus per se differens ab omnibus elementis, & elementatis, tam in materia, quam in forma, tam in natura, quam in virtute, non habens in se contrarietatem, vnde nec causam corruptionis. Opera sex dierum, prout Moyses distinxit, moraliter sic habentur. Significat enim rerum creatio de nihilo impij iustificationem. Firmamenti operatio boni propositi confirmationem. Aquarum congregatio, cordis adunationem. Siderum perfectio, exemplum bonæ operationis. Piscium & auium for-

matio, statum actionis & contemplationis. Hominis plasmatio, rectitudinem intentionis. Postea vero sequitur septima dies, Aternitatis scilicet requies.

Est locus summus, idest, cælum, vbi sola lætitia est: & est infimus, idest, infernus, vbi sola tristitia: & est medius, scilicet mundus, in quo sunt summa speranda, & infima timenda. Diabolus igitur a summo corrui, & in imum detrusus est: quia reparandus non erat. Homo vero a summo non cecidit, & in medio collocatus est, vt esset ei locus quo ascenderet per iustitiam, vel descenderet per culpam. Item Hugo de sancto Victore dicit quod aliquis locus est, in quo solum & summum bonum est, scilicet cælum: aliquis in quo solum & summum malum est, scilicet infernus: aliquis in quo solum malum est, sed non summum, scilicet purgatorium: aliquis in quo bonum & malum est, sed neutrum summum, scilicet mundus iste.

*De distinctione orbium tam caelestium, quam elementarum. Cap. III.*

Corporalis mundi machina tota consistit in duobus, scilicet in natura caelesti, & in natura elementari. Caelestis autem distinguitur in tres cælos principales, scilicet in cælum crySTALLINUM, & empyreum, & firmamentum. Intra firmamentum quod est cælum stellatum, continentur septem orbes planetarum, qui sunt Saturnus, Iupiter, Mars, Sol, Venus, Mercurius, Luna. Nomine autem cæli crySTALLINI, siue aquei, intelligitur illa pars materiæ crystallinæ, quæ secundum Philosophos formata est in duos orbes, quorum superior est primum mobile. Istorum orbium natura est quod omnes mouentur excepto empyreo, quod quietum est. Natura vero elementaris in quattuor sphaeras principales distinguitur, scilicet ignis, aeris, terræ & aquæ. Sphaera ignis tria habet interstitia, scilicet supremum, quod vocatur igneum, & medium, ac infimum, quod vocatur olympium. Similiter aer tria habet interstitia, scilicet supremum, quod vocatur æthereum, & medium, ac infimum, quod vocatur æreum, & in supremo est calor, & lux propter solis propinquitatem. Similiter est & in infimo, scilicet propter radiorum repercussionem a terra. In medio autem interstitio, ad quod non potest pertingere repercussio radiorum, est frigiditas & obscuritas, & ibi dicuntur habitare demones, qui detrusi sunt in hunc ærem caliginosum. Ibi etiam fiunt tempestates, tonitrua, grando, niues, & similia. Ex his collige septem orbes, terram & aquam ambientes, qui omnes possunt vocari cæli: istos autem excellit cælum trinitatis, ipse Deus, qui est in omnibus, & super omnes. Distantia dictorum orbium & planetarum hæc est, a terra vsque ad Lunam sunt miliaria 15625. hæc sunt stadia 1260. a Luna vsque ad Mercurium sunt miliaria 7612. & semisse. a Mercurio vsque ad Venerem tantumdem. a Venere vsque ad Solem sunt 24433. a Sole vsque ad Martem sunt miliaria 15625. a Marte vsque ad Iouem 6812. a Ioue vsque ad Saturnum tantumdem. a Saturno vsque ad firmamentum 24422. Ex his colligitur quod a terra vsque ad cælum stellatum sunt miliaria 109375.

*De natura calorum, & superiorum corporum. Cap. IV.*

Cælum est corpus purum, & primum natura simplicissimum, essentia subtilissimum, incorruptibilitate solidissimum, quantitate maximum, qualitate lucidum, diaphaneitate perspicuum, materia purissimum, figura sphaericum, situ locali supremum, amplitudine creaturarum aliarum in se ceterium. Itæ proprietates tam cælo conueniunt empyreo, quam primo

*Greg. homil. 29. in Euang.*

*Ioan. 1. b*

primo mobili. Sed præter hoc est cælum empyreum a motu extraneum, beatorum spirituum habitaculū, specialiter sedes Dei nuncupatum. Cælo autem crystallino specialiter conuenit, quod est motu velocissimum, ad inferiora virtutis influxuum. Eodem modo dicendum est de firmamento, quod plurimæ conueniunt ei de proprietatibus supradictis, & insuper est aquarum diuissum, ac stellis decoratum.

Corpora cælestia diuiduntur in lucentia, & non lucentia, ac diaphana. Nam corpus lucens est sol, qui solus inter sidera lucet. Sed non lucentia sunt ceteræ stellæ, & planetæ quæ lumen suum a sole mutant. Corpora vero diaphana sunt omnes sphaeræ cælestes. Item sphaeræ cælestes cum mouentur, non mutant locum, sed mouentur in locis suis. Superiora influunt in inferiora virtutem motuam, vegetatiuam, sensitiuam, ac omnium generabilium productiuam. Item licet careant qualitatibus elementaribus, non enim sunt calida, vel frigida, sicca, vel humida, tamen ista causant in inferioribus, verumtamen non influunt super liberum arbitrium, nec habent virtutem immutandi hominis voluntatem: licet bene immutent, vel disponant complexionem hominis aliquando, quæ voluntatem non habent quidem cogere, sed magis vel minus in diuersis hominibus inclinare. Operantur quoque corpora superiora distinctionem significationem dierum secundum lumen Solis, & distinctionem mensium, secundum lumen Lunæ, ac distinctionem annorum secundum motum Solis in aliquo circulo, atque distinctionem temporum secundum varium cursum planetarum, distantiam, & cursum, ascensum, & descensum, retrogradationem, & statum. Circulus quidam est in sphaera interfecans æquinoctiale, qui interfecatur ab eodem in duas partes æquales, & una medietas declinat versus Septentrionem, alia versus Austrum: & dicitur ille circulus zodiacus, a zoe, quod est vita: nam secundum motum planetarum sub illa omnis vita rebus inferioribus est: vel dicitur a zodion, quod est animal: quia cum diuidatur in duodecim partes æquales, quælibet pars appellatur signum, & habet nomen speciale a nomine animalis propter proprietatem aliquam conuenientem tam ipsi, quam animali, vel propter dispositionem stellarum fixarum in illis partibus ad modum animalis. Iste vero circulus dicitur Latine signifer, quia fert signa, vel quia diuiditur in ea: ab Aristotele vero in secundo de generatione dicitur circulus obliquus: ubi dicit quod secundum accessum & recessum Solis in obliquo circulo fiunt generationes, & corruptiones in rebus. Nomina vero signorum, & ordinatio, & numerus in his versibus notantur:

*Sunt aries, taurus, gemini, cancer, leo, virgo,  
Libra, scorpius, arcuuenens, caper, amphora, pisces.*

*De natura stellarum in communi. Cap. V.*

**S**tellæ suprema in firmamento figuntur, & cum illo semper mouentur, materia sunt putissimæ, figura sphaericæ, quantitate magnæ, apparentia parua, qualitate lucidæ, radiorum diffusiuæ, rerum inferiorum generatiuæ, a Sole illuminationum receptiuæ, tenebrarum expulsiuæ, quanto nox obscurior, tanto plus sui manifestatiuæ, in præsentia Solis sui luminis occultatiuæ, tempestatis & serenitatis concitatiuæ, viarum nauigantium directiuæ: quanto coniunctiores, tanto in communi lucidiores, sed singulæ minus apparentes, ut patet in galaxia, claritate & quantitate differunt ac virtute. Galaxia est multitudo paruarum stellarum, quasi contiguarum illi loco orbis, ubi diffunditur lumen Solis. Fit autem eclipsis, cum se Soli Luna subnectit, ut tenebras orbis efficiat. Nora quod omnes stellæ eclipsantur, & hoc a seipsis, vel a terra, vel a planetis. Planetæ dicuntur

**A** quandoque retrogradi, quandoque progressui, quandoque stationarij, prout in epicyclis suis diuersimode mouentur. Planetæ sunt sidera inter cælum, & terram errantia, firmamento contrariū cursum agentia. Cursu, quem habent ab influxu primi mobilis, mouentur directe, sed proprio cursu mouentur oblique. non scintillant, singuli suos colores & circulos habent, & cum circulos aliorum ingrediuntur, etiam illorum participant qualiter, cum Sole micantes occultantur: quanto terræ propinquiores, tanto circulos habent breuiiores: quanto sunt altiores, tanto cursus eorum naturalis videtur esse tardior. Corpora eorum non sunt lucida vel perspicua, sed opaca. Alioquin non eclipsarent se inuicem.

Motus primi mobilis, scilicet, nonæ sphaeræ ab Oriente in Occidentem, rediens iterū in Orientem, dicitur rationalis, ad similitudinem motus rationis in microcosmo, quando fit consideratio a Creatore per creaturas, rediens in Creatorem, & ibi sistendo. Secundus motus firmamenti, & planetarum est huic contrarius, ab Occidente in Orientem rediens in Occidentem, qui dicitur irrationalis, siue sensualis, ad similitudinem microcosmi, qui est a corruptibilibus ad Creatorem, & iterum rediens ad corruptibilia.

*De luce. Cap. VI.*

**L**ux est, ut ait Philosophus, actus lucidi, secundum quod lucidum. Vnde sciendum est quod lux est qualitas actiua corporis luminosi, sicut calor ignis. Lux quoque dat coloribus esse intentionale, sicut intellectus agens phantasmatibus dat esse intellectuale. Ipsa est medium deferens omnia, quæ a cælo ad nos descendunt. Ipsa quoque mutat corpus non lucens a lucido. Ipsa est secundum Philosophum cæli purpura, maleficorum inimica, nauigantium directio, oculus noctis, facies omnium rerum. Lux, ut ait Augustinus, rectum habet incessum, & nullo modo incedit per curuū. Hæc omnibus rebus, & decorem tribuit, & absque illa cuncta sunt ignota & abscondita. Motus eius est subitus, quia sine mora replet omnia. Hæc in superficie corporis vmbrosi non se perfundit, sed in corpore diaphano: vnde secundum corpus grossitiem, vel subtilitatem magis & minus participatur. Lux enim sine sui diminutione ubique se diffundit. Plures proprietates lucis habes infra de Sole, quæ illi conueniunt in quantum lucet. Sciendum est quod lux vocatur in corpore luminoso lux; sed lumen, prout est in lucido transparenti: splendor autem in denso terfo, & color prout est in corpore opaco.

*Arist. lib. 2.  
de Ani. c. 7.*

*De planetis in specie. Cap. VII.*

**S**aturnus est a nobis remotissimus, frigidus, & siccus: hoc intelligas in effectu, sicut in alijs planetis. Ex vicinitate eius calor Solis remittitur. Ex coniunctione eius cum Ioue clarior efficitur, cum naturaliter sit pallidus. Nocuius est: & ipso dominante tantam habet virtutem, ut si influat in inferiora, fetus nascitur mortificatus, aut debilis. Plus nocet retrocedendo, quam procedendo. Moratur in quolibet signo triginta mensibus: ex quo sequitur quod cursum suum complect, scilicet triginta annis.

Jupiter est clarus, & quasi ad instar lactis candidus: in qualitatibus est bene temperatus, quia calidus est & humidus. In superiori parte suæ absidis temperat malitiam Saturni. Cum ascenderit in circulum Saturni, contrahit pallorem, licet sit clarus. In quolibet signo moratur per annum, & ita complect cursum suum in duodecim annis.

Mars calidus est, & siccus, & ideo nocuius. Ex proprietatibus suis homines incitat, ac prouocat ad bellandum, ex interpositione Veneris, & Iouis eius nociui-

nociuitas reprimatur. Igneus apparet, & radiosus. A In quolibet signo moratur quadraginta diebus.

Sol dicitur decies maior terra, sed secundum Pro-  
lameum est 140. vicibus maior terra, calidus & lu-  
minosus eclipsim patitur, communis est omnibus, nu-  
be celatur, solus per se lucet, quod nulli sideri ma-  
gis competit; unde & nomen accipit, stellas illumi-  
nat, & tamen eas per præsentiam suam apparentia sui  
luminis priuat, Medius est planetarum, odiosus agris  
oculis, sed amabilis puris, Tempora distinguit, locis  
immundis non inquinatur, testea consolidat, gelida  
resoluit, flores aperit, fructus maturat, corpora dia-  
phana penetrat, non quiescit, visum recondit, vapo-  
res eleuat, hemisphæria vicissim perlustrat, appo-  
pinquans nobis æstatem facit, recedens vero hyemem  
efficit, oculus est mundi. In quolibet signo mora-  
tur triginta diebus, & decem horis, cursum per an-  
num facit motu proprio, sed diem perficit motu pri-  
mi mobilis.

Venus est lucifer, calidus, & humidus; malitiam  
Martis temperat: semper comitatur solem, sed cum  
præcedit, dicitur lucifer: quando sequitur dicitur  
vesper: colorem habet candentem, & resurgentem,  
electro similem. Inter sidera plus splendet: complet  
cursum suum in 348. diebus.

Mercurius semper cum Sole graditur, numquam C  
ab eo plus 30. gradibus distans. Colorem habet ra-  
diantem: raro propter viciniam Solis cernitur: elo-  
quentia sub ipso est, aquis dicitur dominari, & præ-  
esse seminibus, cursum complet 338. diebus.

Luna noctem illuminat, lumen mutuat, augmen-  
tum patitur & detrimentum. Infima est inter plane-  
tas, eclipsim patitur, & efficit, maculas habet propter  
coniunctionem eius cum inferioribus. Item cor-  
niculata interdum apparet, ex eo quod pars eius il-  
luminata a nobis absconditur. Item regina celi appel-  
latur, quia Sol tamquam medius planetarum parti-  
cipat omnes proprietates omnium, & eas ad Lunam  
cum lumine suo transmittit: ipsa vero Luna quæcum-  
que a Sole sic recipit, influit, Unde quia per eam tali  
modo virtutes planetarum recipimus, merito regina  
celi vocatur. His visis patet, quod quando Luna pri-  
mo incenditur, optimum est semina iacere, quia tunc  
virtutes planetarum, quas inferioribus influit, inci-  
pit colligere, frigida est & humida, Solem præcedens  
minuitur, sed eundem sequens crescit, & ab eo elon-  
gatur: accessus, & recessus maris per eam causatur,  
Signa autem zodiaci quolibet mense percurrit.

#### De quattuor elementis, Cap. VIII.

Ignis consumit & incinerat, in similitudinem suam  
sibi appropinquantia conuertit, motum facit de  
centro ad circumferentiam, ardet, & lucet in mate-  
ria aliena, sed non in sua sphaera. Inferiora reducit  
ad superiora, quia resoluit terrea in aquosa, aquosa  
in aerea, aerea in se. Mollificat dura, & indurat mol-  
lia, subtiliat, ut patet in resolutione glaciei, & con-  
densat lutum; depurat, ut in auro: & corrumpit, si-  
cut ea, quæ consumit: frigefacit per accidens, ut pa-  
tet in aceto: est & penetratiuus, communicatiuus &  
diuisiuis, Item ignis in sphaera sua non relucet, quia  
compactus non est. Nullum enim corpus diaphanum  
lucet, sed potius est illuminabile. Si autem ignis in  
sphaera sua compactus esset, eclipsaret omnes stellas,  
quæ supra ipsum sunt. Ignis vero hic lucet apud nos  
propter materiam coadunatam, in qua est: & hoc pa-  
tet, quia vna candela alteri opposita umbram facit.

Aer est subtilis, mobilis, perspicuus, per inspira-  
tionem & respirationem, caloris cordis temperatiuus,  
decoratur volatilibus, locus impressionum, mansio  
spirituum damnatorum, est & alterabilis, subtilis,  
levis, atque rarus: non lucet, sicut nec aliquod cor-  
pus diaphanum, sed est illuminabilis.

Aqua super caelos eleuatur, piscibus decoratur,  
tempestatibus subiicitur, omnes fontes, & flumina  
ad mare continuantur, ad locum unde venerunt re-  
uertuntur. Aeri præbet aqua informationem, vola-  
tilibus ornamentum, & vegetabilibus nutrimentum,  
& optime est terminabilis termino alieno, sed mini-  
me termino proprio. Aqua corpus est diaphanum,  
omnibus est communis, in crystallum congelatur,  
irrim in nubibus causat, sordes purgat, hortos irrigat,  
febricitantes sua frigiditate, & humiditate delectat,  
naues vehit, lumen recipit, ad suum principium re-  
currit, loca vacua subit, lapides cauat, ignem extin-  
guat, olim mundum purgauit. In mari rubro popu-  
lo Dei cessit, de latere Christi fluxit, hanc Christus  
in vinum mutauit, ac de ipsa baptismi materiam or-  
dinauit.

Terra inter alia elementa est infima, nigra, magis  
despecta, ponderosa, rotunda, elementis alijs cir-  
cumdata, mater fructuum, radix plantarum, nutritrix  
animalium, aedificiorum fundamentum, mortuorum  
receptaculum, machinæ mundialis centrum, conclu-  
dit in se infernum, frigida, sicca, opaca, corporis hu-  
mani materia. Seruat metalla, centro tenetur, motu  
ex vaporibus inclusis concutitur, herbis & floribus  
ac arboribus suis decoratur: circa eam motu circulari  
caelum cum sideribus voluitur, ab hominibus &  
iumentis calcatur: hominum quædam terræ competunt  
secundum esse suum, quædam secundum situm, quæ-  
dam secundum contentum, quædam secundum or-  
natum, quædam secundum utilitatem.

#### De impressionibus aeris, Cap. IX.

Cometes licet appareat, quasi stella; non est tamen  
aliud quam vapor inflammatus ex vicinitate ignis.  
Hic comas luminis fundit, & dicitur significare mu-  
tationem, aut bella, aut pestilentias. Corona est al-  
bus circulus, qui quandoque apparet circa Solem,  
vel Lunam, aut stellas alias: & causatur ex reliquijs  
nubium per planetarum radios attractis & illustra-  
tis. Talis autem circulus si nunc est serenitatis. Albus  
duplex est, ascendens scilicet, & descendens. Ascen-  
dens fit ex partibus vaporis inflammati in supremo  
aeris, & videtur ascendere, sicut si euolarent scintil-  
le de fornace. Albus vero descendens est ignis reten-  
tus in nube, qui tamen expellitur obuiante nube fri-  
gida, & cadit continue, propter quod videtur quod  
stella cadens sit longa, quia relinquit vestigia casus  
post se. Lumen quod videtur de nocte discurrentibus  
se præcedere, est vapor compactus descendens, cui  
cum nihil obuiet, confricatione sui ipsius acceditur,  
& aliquandiu stat in aere. Draco dicitur vapor for-  
tis conglobatus, qui est nubes frigida ad latus vnum,  
& calida ad aliud, & tunc propter convenientiam ad  
calidum, trahitur ad illud, & ita incenditur pars an-  
terior: & hæc videtur quasi spiramen draconis me-  
dia vero pars incuruatur ut serpens, & volat semper  
ad latus ubi calidum circumstat ipsum.

Nubes fiunt quando a virtute Solis extrahuntur  
vapores de aquis & paludibus, & locis humidis &  
feruntur sussum. Nebula est id, quod ex nubibus  
aquam pluebatibus relinquitur: & ideo secundum Ari-  
stotelem signum est serenitatis, Caligo est vapor tene-  
brosus, quem vulgo appellant nebulam. Iste vapor  
non eleuatur, sed priusquam conuertatur in nubes,  
vel in pluuiam, deprimitur, & remanet iuxta terram.  
Ros, est id, quod descendit ex vapore paruo, & in  
descensu suo traditur in paruis minutis. Pluuia est  
aqua descendens ex nubibus resolutis, velocitatem  
habens suæ descensionis, & hoc guttatim. Pruina, est  
ex vapore torido, quæ congelatur antequam ex ipso  
resoluatur aqua. Nix generatur in nube calidissima,  
cuius congelatio fit cum conuersione in aquam: &  
ideo partes eius non inspissantur. Grando generatur  
ex nu-

Ecl. 1. 6

ex nube calidissima virtute Solis multum eleuata, A quæ postquam in aquam resoluitur, tunc demum in medio interstitio aeris congelatur. Tonitruum est vaporis sicci egredientis de nube humida, vel in nube frigida & humida, & scindit quidquid inuenit. Coruscatio est illuminatio vaporis sicci incensi in vapore humido. Fulgur generatur ex vapore grosso eleuato, & calore siccato: quia cum sit igneæ naturæ ventorum contra naturam descendit, & vrit, & nihil ei resistit, æstate præcipue, & in montibus percutit frequenter. Fulmen est vapor terrestris, & inflammatus, qui quando tangit nubem, quæ iam est in conuersione ad aquam conglutinetur, sicq. decoquitur fortissimo calido, & induratur in lapidem, qui vocatur cælum tonitruum, & scindit, quidquid inuenit.

Iris est lumen Solis receptum in nube concaua, & aquosa, ac Soli ex aduerso opposita. Glacies est aqua congelata. Ventus est vapor terreus aeris superiora transcendens, & aerem fortiter percutiens & impellens. Venti sunt quattuor principales, scilicet Subsolanus ab Oriente, temperatus, habens a dextris Vulturum desiccantem, a sinistris Eurum, nubes generantem. Item a meridie est Auster calidus, qui fulmina gignit, & pluuias largas, habens a dextris Africum calidum, a sinistris Notum temperatū quidem, sed pestilentias inducentem. Item a Septentrione est Aquilo frigidus, habens a dextris Draciam niues facientem & grādines, & a sinistris Boream nubes constringentem, ac pluuias prohibentem. Item ab Occidente est Zephyrus flores produciens, habens a dextris Circium, tempestates & pluuias, ac tonitrua generantem, a sinistris Fauonium Oriente nubila, sed serena in meridie facientem. Turbo est ventus egrediens de nube in seipsum reflexus, vel duo venti lateraliter sibi concurrentes, seseq. iuxta terram orbiculariter inuoluentes. Terræ motus est vapor grossus extractus de profundo terræ, non potens exire superficiem terræ propter illius soliditatem: sicq. coarctatus in interioribus concauitatibus terram concutit.

#### De tempore. Cap. X.

Tempus est mensura motus primi mobilis, & rerum mutabilium. Et hoc pater, quia hic est tempus, & non in cælo secundum suam substantiam: quia hic mutantur omnia, & non ibi: hic est enim nunc hiems, & nunc æstas, nunc pax, nunc discordia, nunc tranquillitas, nunc tempestas. Mutabilitas rerum ostenditur in hoc, quod ea quæ præcipue mundus amplectitur, scilicet sapientia & potentia in Oriente incœperunt, & terram habitabilem percurrerunt usque ad Occidentem, in signum quod omnia tendunt ad Occasum. Nam studium sapientiæ cœpit in Ægypto, postea fuit in Græcia, post hoc Romæ, deinde in Francia, & Anglia. Similiter regna primo fuerunt in Oriente, post in Græcia, post apud Romanos, nunc potestas imperij residet in Germania. Propterea Iacobus comparat vitam nostram, & hæc mutabilia vapori, Isaias somno, & baculo arundineo, & liber Regum aquæ dilabenti. Differentia autem est inter tempus, & æuum, & æternitatem. Nam tempus habet principium & finem, æuum caret fine, sed non principio. Æternitas caret utroque termino, quia est mensura terminata.

Istæ sunt ætates mundi. Prima est ab Adam usque ad Noe, habens iuxta Hebræos, annos 1656. sed secundum 72. interpretes habens 2242. Secunda est a Noe usque ad Abraham, habens secundum Hebræos annos 292. sed secundum 72. 1072. Tertia est ab Abraham usque ad Dauid, habens annos secundum Hebræos 972. sed secundum 72. 1130. Quarta est a Dauid usque ad transmigrationem Babylonis, habens annos secundum Hebræos 473. secundum 72. 485. Quinta est a transmigratione Babylonis usque ad Chri-

stum, habens annos secundum Hebræos 585. sed secundum 72. 578. Igitur ab exordio mundi usque ad Christum secundum Hebræos habemus annos 3952. sed secundum Hieronymum est hæc computatio: secundum vero 72. quos Græci sequuntur 5508. Eusebius autem quem Orosius secutus est, inter utrosque incedens, numerat annos 5198. quos pene omnes Latini sequuntur. Sexta ætas est a Christo usque ad finem mundi. Septima est quiescentium, & concurrunt cum sexta. Octaua est resurgentium. Porro secundum Hebræos in prima ætate sunt generationes 12. In secunda 10. In tertia 14. In quarta 17. (quas tamen Matthæus gratia mysterij 14. ponit in cap. 1.) In quinta 14. Ætates hominis sunt istæ. Prima est infantia, a natiuitate usque ad 7. annos: secunda est pueritia usque ad annos 14. tertia est adolescētia a 15. anno usque ad 28. quarta est iuuentus, a 28. usque ad 49. quinta est senectus, a 50. usque ad 78. sexta est decrepita ab anno 78. quousque vita finitur. Dignitas dominici diei notatur in hoc, quod fuit prima dierum. Item, ut dicitur erit vltima dies. Item nox illam non præcessit. Item nox illi non successit. Item Gen. 1. cælum & terra in ea sunt creata. Item Angelus in ea conuersus est ad Deum. Item primo data sunt in ea filijs Israel mandata, ut dicit Origenes. Item in ea Christus natus est. Item Christus in ea resurrexit. Item in ea Spiritus sanctus datus est Apostolis. Item Act. 1. omnes in ea resurgemus, atque iudicabimur. Item in ea perpetuo continuandum est in laude Dei.

#### De Angelis in communi. Cap. XI.

Angelus est, secundum Damascenum, substantia Damascen. intellectualis, semper mobilis, arbitrio libera, lib. 2. de fi. incorporea, Deo ministrans, immortalitatem susci- ori. cap. 3. piens, secundum gratiam non naturam. Substantia non longe a ponitur in hac diffinitione pro genere, & ponitur ad prim. differentiam accidentis. Intelligitur etiam hic substantia qualitercumque composita, scilicet, ex eo, quod est, & quo est. Intellectualis dicitur potius, quàm rationalis, quia ratio est virtus collatiua causæ, & causati, & ideo composita, ut omnis homo est animal, Sortes est, &c. Syllogismus enim nihil aliud est, quàm discursus a causa in causatum. Intellectus autem de ratione sui non habet compositionem, & collationem, sed est sine inquisitione & compositione, & ideo competit naturæ magis simplici pro differentia, ut est Angelus. Ratio autem differentia est naturæ minus simplicis, scilicet hominis. Semper mobilis, non dico de loco ad locum, sed mobilitas dicit hic triplicem mobilitatem in Angelo, scilicet naturæ, intelligentiæ, & voluntatis. Mobilitatem enim habet naturæ, quia omne creatum vertibile est in nihilum, nisi manu omnipotentia diuinæ contineatur. Similiter Angelus mobilitatem intelligentiæ habet, quia licet in Angelo non sit vicissitudo intelligentiæ quo ad scita in verbo, cum Deiformem habeat intellectum secundum Dionysium potest tamen in eo quo ad cognitionem rerum in propria natura esse vicissitudo intelligentiæ, & quo ad discenda: & hoc est quod dicit Augustinus quod omne creatum habens intellectum, intelligit vnum post aliud. Item in voluntate mobilis est Angelus, quia non simul vult hoc & illud. Item potest dici semper mobilis motu dilectionis. Arbitrio libera, hoc non dicitur propter deflectionem ad bonum indifferenter, & ad malum, sed propter liberam electionem eorum. quæ voluerit: unde Angelus bonus semper libere eligit bonum, & angelus malus libere, & sine coactione eligit malum. Incorporea substantia dicitur, quia Angelus habet proprietatem corporis, non naturam, scilicet in loco contineri. Cum enim corpus sit in loco circumscriptiue, & diffinitiue, Angelus tantum diffinitiue est in loco Deo ministrans. Ministerium hic ponitur pro

Isa. 4. d.  
Isa. 36. b.  
2. Reg. 14. c.



pro quocumque obsequio: & secundum hunc modum tam assistentes, quam ministrantes, quam etiam demones ministrant. Immortalitatem suscipiens secundum gratiam, non naturam, quia rediret in nihilum, nisi per gratiam conseruationis contineretur. Angelo attribuuntur quattuor, scilicet essentiae subtilitas, intellectus perspicacitas, liberi arbitrij facultas, discretio personalis. In primis tribus conuenit anima cum Angelo, in quarto non: quia anima non est persona. Habet & alia tria Angelus, scilicet virtuositatem in operando, officiositatem in ministrando, immutabilitatem post electionem, siue in bono, siue in malo. Differentiae quattuor assignantur inter Angelum & animam. Prima & principalis penes esse naturale, quia anima est vnibilis corpori, etiam actu separata, Angelus non. Secunda est penes esse logicum, idest, diffinitionem, quia anima rationalis est: sed Angelus intellectus. Anima enim apprehendit inquirendo, & conferendo: Angelus vero intuendo. Tertia est penes esse metaphysicum, idest separatum a materia, & a motu: quia Angelus non habet passibilitatem, nisi respectu superiorum, anima vero respectu inferiorum, quia immutatur a sensibilibus. Quarta est penes esse theologicum, quia anima veribilis est a bono in malum, & e contrario: Angelus vero non, quia manet in eo ad quod se conuertit, siue bonum sit illud, siue malum: Angeli enim sunt omnes similes in eo quod immortales, inuisibiles, & indissolubiles, simplices, discreti personis, incommutabiles, incommunicabiles sunt alteri naturae: sed dissimiles sunt in donis gratiae, & naturae. Praeterea dicit Dionysius quod in omni natura spiritali creata aliud est essentia, aliud est virtus, aliud est operatio.

*De distinctione caelestium hierarchiarum.*  
Cap. XII.

**H**ierarchia triplex est, scilicet supercaelestis, caelestis, & subcaelestis. Supercaelestis est in tribus personis. Caelestis est in ordinibus Angelicis. Subcaelestis in hominibus sanctis. Porro hierarchia caelestis diuiditur in superiorem, mediam, & inferiorem. Superior continet tres ordines, scilicet Cherubim, Seraphim, Thronos: quorum primi considerant Dei bonitatem, secundis veritatem, tertijs aequitatem. Item in primis Deus amat, ut charitas: in secundis noscit, ut veritas: in tertijs sedet, ut aequitas. Media continet Dominationes, Principatus, & Potestates: quorum primi regunt officia Angelorum: sequentes capitibus praesunt populorum: vltimi potestatem coercent demonum. Item in primis Deus dominatur, ut maiestas: in sequentibus regit, ut principatus: in vltimis tuetur, ut salus. Inferior hierarchia similiter continet tres ordines, scilicet Virtutes, Archangelos, Angelos: ad quorum priores pertinet miraculorum operatio: ad secundos, maiorum negotiorum denuntiatio: ad tertios, humanae custodiae sollicitudo. In primis Deus operatur, ut virtus, in secundis Deus reuelat, ut lux, in tertijs, mittit, ut inspirans. Haec dicta sunt secundum beatum Gregorium, & secundum Bernardum. Sed secundum Dionysium, Virtutes sunt medius ordo tertiae hierarchiae, & Principatus primus ordo tertiae hierarchiae. Hic attendendum quod in qualibet trium hierarchiarum praemissarum notatur Trinitas diuinarum personarum, ut patet in caelesti hierarchia, tam superiori, quam media, quam etiam inferiori.

*De proprietatibus Angelorum.* Cap. XIII.

*Isid. lib. 1. de sum. bono cap. 12.* **A**ngeli secundum Isidorum sunt spirituales facti, ante omnem creaturam creati, natura mutabiles conditi, sed contemplatione immutabiles facti, animo impassibiles, mente rationales, felicitate securi, Append. ad To. 7. oper. S. Bon.

**A** futurorum praescij, iussi mundum regunt, missi corpora aerea assumunt, in caelestibus commorantur. Bernardus de eodem, Inuestigamus inuestigabilia: *Ber. lib. 5. de coe. 6. 4.* & primo spiritus esse potentes, gloriosos, beatos, distinctos in personis, dispositos in dignitate, ab initio stantes in ordine suo, perfectos in genere suo, immortalitate perpetuos, mente puros, affectu benignos, religione pios, vnanimitate indiuisos, pace securos, diuinis laudibus, & obsequijs deditos. Item *Idem.* secundum Bernardum, in Angelis est dignitas creationis, gratia confirmationis, amor Creatoris, visio diuinitatis. Est etiam in Angelis potentia, sicut supra dictum est, essentiae subtilitas, intelligentiae perspicacitas, liberi arbitrij facultas, agilitatis velocitas. Prompte omnes obediunt. Maiores sine elatione praesunt, minores sine vitio subsunt, qui ad exteriora exeunt, ab interiori contemplatione non recedunt. Omnem virtutem inferiorum superiores participat, non e contra. Qui excellunt in natura, praecedunt in gratia & gloria. In eodem ordine creduntur alij esse alijs digniores. Duplicem habent visionem, scilicet, matutinam, & vespertinam. Illuminationes, quas a superioribus recipiunt, alijs tribuunt.

*De proprietatibus, & officijs singulorum ordinum.*  
Cap. XIV.

**P**roprium est Seraphim in amore Dei ardere, & alios ad incendium diuini amoris promouere, & in Deum ordinare, & Deum ordinate diligendi formam tribuere. Isti immediate Deo iunguntur: & ideo purius, & perfectius in ipsos operantes theophaniae deferuntur: ad aliud quoque extra amatum non diuertunt. Cherubim quoque primo & principaliter relucet diuini luminis radio, pro eo quod vicinius primae veritati iunguntur. Horum officium est promouere homines ad diuinam cognitionem: ideo praeter ceteris dicuntur lucere: quia plenitudinem luminis quam suscipiunt, alijs inferioribus communicando transfundunt. Throni dicuntur, eo quod in eis Dominus sedeat, & iudicia sua per eos determinet. In his ergo praecipue relucet rectitudo diuini iudicij. Hi quoque virtutem Dei quam supra se accipiunt, ad inferiores transfundunt. Dominationes dicuntur, eo quod ceteris Angelis dominantur, & ab omni oppressione sunt liberi, & nulli inferiori subiunguntur. Horum officium secundum Gregorium est in bello spiritali instruere qualiter oporteat praedicationis officium exercere, & qualiter debeat subditis dominari. Horum etiam officium est secundum Dionysium, timore seruii deposito, in Deum moueri, & incessanter ei famulari. Principatus subditis Angelis praesunt, & eos ad ministerium diuinum explendum disponunt. Ad hos pertinet secundum Dionysium, vniuersale regimen, vnius regni gentes ducere ad Dei similitudinem. Ministerium quoque eorum est secundum Gregorium, docere homines exhibere reuerentiam vnicuique secundum gradum suum. Horum etiam officium est promouere homines, ut non propter utilitatem propriam, sed propter solius Dei amorem, & honorem, faciant iustitiam. Potestates secundum Isidorum, virtutes aduersa subiecta sunt, ne mundo tantum noceant, quantum cupiunt. Horum officium secundum Gregorium est, illos qui in spiritali certamine defudant conforrare, & ne spirituale regnum amittant, defendere. Et secundum Dionysium ad ipsos spectat, Angelos inferiores quantum possibile est, diuinam potentiam conformare. Virtutes sunt infatigabiles ad executionem faciendorum, & robusti ad praedicationem munerum. Horum officium est secundum Dionysium docere praedatos, ut facile & perseueranter, quae ad officium praedicationis pertinent, exequantur, & ipsius onera sustineant patienter. Item per istos miracula fiunt, & virtutes faciendi

*Greg. hom. mil. 34. in Enang.*

*Greg. ubi sup. prox.*

*Isidor. ubi supra. Greg. ubi supra.*

Greg. hom.  
34. in E-  
uang.  
Dionys. de  
cal. Hierar.  
cap. 9.

ciendi mirabilia perfectis conceduntur. Archangeli A summi nuntij nuncupantur, & summa nuntiant. Horum officium est secundum Gregorium, de his quę pertinent ad promotionem fidei, ut de natiuitate Christi, & factis eius homines erudire, & demones ab hominibus remouere, secundum Dionysium prophetias reuelare. Isti illuminationes, quas a superioribus suscipiunt, inferioribus annuntiant, & per eodem nobis. Angeli sunt in cęlesti dispositione ultimi, & hominibus magis propinqui. Angelus nomen est officij, non naturę. Isti minima nuntiant, & homines ad diuinam cognitionem ducunt, & ut iuste uiuant, instruunt. Hi sursum extenduntur per dilectionem Dei, in seipsis firmantur per custodiam sui, ac sub se progrediuntur ad auxilium proximi. Nos autem assimilari debemus Seraphim per charitatem, Cherubim per cognitionem, Thronis per æquitatē, Dominationibus carnē spiritui subiugando, Principatibus reuerentiam maioribus nostris exhibendo, Potestatibus tentationibus diabolicis resistendo. Item debemus assimilari Virtutibus per compassionem, Archangelis per instructionem, Angelis per obsequij exhibitionem.

*De cognitione & motu Angelorum. Cap. XV.* C

Angeli cognitionem habent maturinam, hoc est, cognitionem rerū in Verbo. Item vespertinam, idest, cognitionem rerum in se. Item meridianam, idest, apertam Dei visionem. Est & alia cognitio Angelica, videlicet, prout maiores indicant minoribus, quę per diuinas theophanias perceperunt. Theophania vero est ostensio alicuius cognoscibilis de Deo per illuminationem de Deo venientem: & hoc potest esse vel in symbolis, vel facie ad faciem. Nota quod Angelus in cognitione rerum in propria natura, cognoscit plura habitu, & non actu. Circa incarnationem, & passionem Christi sciuerunt Angeli substantiam facti, sed non omnes circumstantias ut quare, vel quomodo. Pręterea quęcumque Angeli cognoscunt, cognoscunt remota sicut propinqua: quia cognitio eorum nō per sensum, sed per intellectū est.

Status autem Angeli triplex est, scilicet innocentie, gratię, & glorię. Distinguitur motus Angelorum tripliciter secundum Dionysium, scilicet circularis, rectus & obliquus. Circularis est ab eodem in idem, & circa idem centrum immobile. hunc motum habent Angeli, qui immediate recipiunt illuminationes a Deo, & per illas reuertuntur ad Deum. Istud autem conuenit superiori hierarchię tantum. Item motu recto mouentur, quando procedunt ad prouidentiam subiectorum recte omnia transeuntes, & non reuertuntur ab eodē in idem, sed de vno in aliud. Item est in Angelis motus obliquus, quando scilicet cognitionem inferiorum quibus prouident, reflectūt in Deum principium & finem boni, & pulchri.

Nota differētiā inter assistere & ministrare: quia assistere est faciem Dei contemplari: sic assistunt omnes boni Angeli. Item assistere est immediate recipere illuminationes a Deo: sic tantum assistunt tres primi ordines. Item assistere est appropinquare Deo, & extraneum esse ad exterius missioni. sic assistunt quattuor primi ordines. Ministrare vero est nuntiare pro temporis opportunitate, vel operari secundū officium. Est enim ministerium nuntij & officij.

Erratum est circa motum Angelorum tribus modis. Dicebant enim quidam philosophi, quod Angeli numquam mouentur, sed mouent sphaeras, & per eas voluntates hominum. Item dixerunt alij, quod Angelus sit in pluribus locis, & etiam vbicumque si voluerit. Item dixerunt alij, quod Angelus sic venit de sine spatij, quod non transit media, sed transilit. Illud quoque prętermittendum non est, quod vnusquisque ordo ab eo denominatur, secundum quod

respectu inferiorum ordinum excellentias accipit in munere.

*De pralatione Angelorum. Cap. XVI.*

Pręsunt quidam Angeli regionibus, ut dicitur in Daniele: Princeps Gręcorum, & princeps Persarum, &c. Quidam vero pręsunt Ecclesijs, in Apocalypsi. Angelo in Ephesi Ecclesię scribe. Item alij pręsunt personis. In Actis Angelus Petri credebatur ad ostium stare. Quidam etiam maligni spiritus dicuntur vitij pręesse, unde vocatur aliquis spiritus superbie, spiritus luxurię, & huiusmodi. Quę autem prælaciones permaneant, vel quę cessent post hanc vitam, sciendum est quod hierarchię semper stabunt: quantum ad instantiam beatitudinis, & quantum ad gradum dignitatis, & nobilitatem doni gratuiti, ac naturę. Cessabunt autem prælaciones Angelicę super homines, & Angelos, quo ad actum regiminis, secundum gubernationem mundi, & electorum, secundum viam ad patriam. Prælatio autem est in demonibus quo ad officium insultandi & irridendi, & secundum quod vnus prouocat alterum in malitiā: & hoc non destruetur. Psalmista: Superbia eorum qui te oderunt, ascendit semper, nec destruetur quantum ad malitiā & naturam. Cessabit autem eorum prælatio quo ad officium tentandi eos qui sunt in via. In hominibus etiam prælaciones euacuabuntur: quia non erunt decani, centuriones, chiliarchę, & huiusmodi. In creaturis similiter cessabit prælatio, quia superiora non mouebunt tunc inferiora, sicut modo.

*De confirmatione Angelorum. Cap. XVII.*

Confirmationem habet Angelus ex tribus, scilicet ex natura, gratia, & gloria. Ex natura quidem, quia natura spiritalis semel tantum veritabilis est, vel in bonum, vel in malum: nisi ex vnione vnus cum altero, sicut patet in anima, quę dum est in corpore, potest mutari sæpius de bono in malum, & contra: soluta vero non. Huius autem ratio est, quia natura spiritalis propter suam simplicitatem se totam conuertit ad id quod eligit, quod non facit natura vnita, quia habet corpus retrahens. Ex gratia similiter habet confirmationem, quia si aliquid connectitur stabili æterno vinculo perpetuo, illa connectio semper manet. Sic Angeli colligati sunt stabili æterno, scilicet Deo, & hoc vinculo indissolubili, scilicet charitatis. Apostolus: Charitas numquam excidit, &c. Ex gloria quoque habent eam, quia cum Deum habeant per gloriam, qui est forma completiua angelici desiderij, non vagantur extra ipsum, ut quærant aliquid illo melius, vel desiderabilius, atque iucundius. Nihil enim in creaturis inueniunt, quod possit eos a fonte diuinę dulcedinis auertere.

Tenendum itaque quod Angeli boni ex libertate arbitrij ad Deum conuersi, statim fuerunt per gratiam & gloriam in voluntate confirmati, fideles ac felices effecti, atque in ratione illuminati, ut non solum cognoscerent res in proprio genere, sed etiam in arte, hoc est, in Verbo. Filius enim dicitur ars Patris, per quam operatur. Acceperunt insuper perfectionem in virtute operatiua, siue exequantur illam assumpto corpore, siue alias, atque perfectionem in virtute contemplatiua, qua quocumque mittantur, intra Deum currunt.

*De custodia Angelorum. Cap. XVIII.*

Angeli nobis ad custodiam deputati tenent nos stantes, ne cadamus, & cadentes nos adiuuant, ut surgamus: nec vnquam nos deserunt, etiam peccantes, quin semper sint parati auxiliari, si velimus. Hoc tamen fallit in obstinatis a quorum custodia desistit.

sistit Angelus actualiter: paratus est tamen custodire, A si redire voluerint, quia numquam deseritur homo ex toto ab Angelis.

Nota quod Christus non habuit Angelum sibi deputatum, quia anima eius superior fuit omni Angelo, sicut, & habebit vnus Antichristus, quem licet propter nimiam obstinationem, non sit habiturus ad promotionem suam, habebit tamen ad accusationem.

Effectus autem angelicæ custodiæ multiplex est.

**Exo. 33. a** Primus est impedimenta boni, & occasiones mali, & actiones peccandi remouere. Exodus: Mittam Angelum præcursores, qui eijciat Iebusæum. Secundo

**Dan. 3. c** est, tentationes mitigare. Daniel: Angelus Domini descendit in fornacem, &c. Tertius est, contra

**4. Reg. 6. c.** hostes visibiles adiuuare, in libro Regū: Eliseus vidit castra Angelorum. Quartus est, orationes nostras, & eleemosynas Deo præsentare, & pro nobis orare. In

**Tob. 12. c** Tobia: Quando orabas cum lacrymis, &c. Quintus

**Tob. 5. d** est, viam ostendere. In Tobia: Ego sanum ducam, & reducam, &c. Sextus est, in agendis docere. Zacha-

**Zach. 2. a** rias: De Angelo qui instruxit eum de quattuor fabris. Septimus est, seipsum & alia secreta reuelare. In

**Tob. 12. d** Tobia: Ego sum Raphael Angelus. Octauus est, a

**Act. 13. b** peccatis excitare. In Actis: Surge velociter. Nonus

**3. Reg. 19. b** est, ad feruorem excitare. In libro Regū: Surge, comede, grandis enim tibi restat via. Decimus est, conso-

**Tob. 5. b** lari. In Tobia: Forti animo esto, in proximo est, vt a Deo cureris. Vndecimus est, de peccatis increpare. In

**Iudic. 2. a** libro Iudicū: Dixit Angelus populo Israel: Cur contra Deum fecistis? Duodecimus est, contrarias potestates arcere ne tantum nocere valeant, quantum vel-

**Tob. 8. a** lent. In Tobia: Qualiter Angelus Asmodeum ligauit.

Angeli seruiunt nobis propter tria, scilicet propter ruinæ suæ reparationem, quia homines saluandi intrabunt in locum cadentium Angelorum. Item propter meriti accidentalium cumulationem, quod augetur in eis vsque ad diem iudicii. Item propter amoris erga nos demonstrationem.

Dionysius attribuit Angelo tres actus, scilicet purgare, illuminare, & perficere. Purgant itaque Angeli remouendo phantasmata, quæ impediunt illuminationem, quam Angelus intendit facere in nobis. Vnde tria remouent ab anima, scilicet ignorantiam, & nubila phantasiarum, ac falsas opiniones philosophicarum rationum reuelationi contrariarum. Illuminant vero animam tripliciter, scilicet ad sensum, vt patet quando aliquid manifestatur in assumpto corpore. Item ad imaginationem, scilicet cum fumositates, quæ per spiritum animale ad cerebrum eleuantur, transmittunt in diuersa phantasmata: & hanc potestatem habet etiam diabolus. Item ad intellectum, & talis illuminatio solum perfecta est. Notandum autem quod Angelus non illuminat intellectum efficiendo nouam cognitionem in anima, quia non potest in intellectu nouam speciem imprimere, nec habitum noui luminis dare, sed nec eius intentionem quo vult conuertere, quia hoc est contra naturam liberi arbitrii. Hæc enim tria requiruntur, vt intellectus noster intelligat aliquid, scilicet species qua cognoscatur, & lumen in quo cognoscatur, & intentio qua conuertatur intellectus super speciem. Illuminat autem Angelus intellectum nostrum excitando, & disponendo, & lumen diuinum in nos transfereundo. Facit enim, vt dictum est, in phantasia transformationem specierum componendo, & diuidendo, secundum exigentiam rei, quam vult reuelare. Item irradiat lumen intellectus sui super illas species, vt moueant intellectum nostrum, & sic plura & subtiliora videre possunt in lumine duplicato. Item excitat intentionem animæ aliquo motu, vt ipsa conuertat se super illa phantasmata, abstrahendo se ab alijs: perficiunt autem, idest promouent ad melius.

Sed vtrum Angelus accendere possit affectum humanum, tripliciter potest intelligi, scilicet, vel effi-

Append. ad To. 7. oper. S. Bon.

ciendo, vel excitando, & adiuuando, vel mouendo. Primo modo solus Deus potest inflammare affectum, scilicet, per effectum. Secundo modo ipsum desideratum inflammat affectum, scilicet excitando, & iuuando. Tertio modo potest Angelus affectum nostrum incendere per motum. De his habemus exemplum in naturis: quia primo modo ignis accendit ligna. Secundo modo ligna incendunt ignem. Et tertio modo, qui ligna igni apponit, ignem accendit. Differentia autem est inter immittere cogitationem, & incendere, & mentem illuminare: quia cogitationem immittere est, vt dicit Beda, intus creare, & facere cogitationem: sed incendere, est cogitationem iam factam inflammare: illuminare vero est dare reuelationem de aliquo occulto intelligibili.

#### De locutione Angelorum. Cap. XIX.

Verbum triplex est, scilicet, mentis, oris, & operis. Verbo mentis loquitur Deus Angelo, & e conuerso. Item Deus animæ, & e conuerso: item diabolus Deo: cuius tamen intentio Deū latere non potest. Verbo autem oris loquitur homo homini in corpore vnito animæ, Angelus vero homini corpore assumpto: sed verbo operis loquitur Deus diabolo, & Angelus diabolo. De locutione itaque Angelorum nota quod Angelus loquitur Deo, cum ex visis in motum admirationis exurgit, vel cum affectus suos ei præsentat, quos tamen eum latere minime dubitat. Angelus vero loquitur Angelo verbo mentis suæ, species ostendendo mediante illuminatione quadam spiritali irradiante ab ipso. Item Angelus facit aliquid coram Angelo, quo facto intelligit quod non intelligebat ante. Et sic loquuntur omnes omnibus, idest, superiores inferioribus, & e conuerso. Item loquitur Angelus Angelo per communicationem diuini luminis ipsum instruendo. sic non loquuntur omnes omnibus, nec omnia, sed tantum superiores inferioribus de his quæ per diuinas theophanias perceperunt.

Loquitur autem Angelus homini dupliciter. Primo modo verbo vocali in assumpto corpore, sed tunc sicut non profert sonum in organis materialibus secundum naturam, ita nec circulariter immutat medium, quemadmodum in voce naturali: vnde non auditur, nisi ab illo, ad quem ordinatur. & est simile in apparitionibus Angelorum, quos quidam vident, & alij quæ propinqui non vident, vt apparet in Eliseo, & puero eius. Dicunt tamen aliqui, quod Angelus numquam apparuit, vel apparet, aut loquitur homini in subiecta creatura, sed intentionem, siue similitudinem ponit in oculo eius, vel intentionem vocis ponit in aure eius: & ibi recipit sensus communis species illas, ac deinde perueniunt ad imaginationem, post hæc ad intellectum. & hoc est, quod Angelus dicitur apparere, aut loqui homini.

Secundo modo loquitur Angelus homini per impressionem rerum sensibilium, moto instrumento imaginationis, & sic loquitur vigilantibus, & dormientibus.

Item loquitur Angelus diabolo species sui intellectus ei sine aliqua illuminatione ostendendo.

Item loquitur diabolus homini dupliciter. Primo modo sensum immutando, & hoc vel imaginatione alicuius rei imprimendo instrumento visus, vel obijciendo visui similitudinem alicuius rei. Secundo modo loquitur diabolus homini per impressionem rerum sensibilium in instrumento imaginationis, & hoc facit quandoque vigilantibus, quandoque dormientibus: & sic immittit cogitationem mali. Cogitationem vero malam non potest immittere, quæ tantum per consensum mala fit.

Est & locutio animarum, quia anima loquitur Deo per desiderium: cuius affectiones nude sunt, & aperte oculis Dei. Anima similiter Angelo loquitur, &

Sic 2 hoc

hoc per voces corporis, quas bene percipit Angelus, sicut & alia sensibilia. Vnde anima existens in corpore alia spiritali potestate loquendi ad Angelos non indiget, sed hanc habebit exuta a corpore. Item anima loquitur diabolo, quia similitudines affectionum imprimuntur sensibus, ubi diabolus legit eas.

*De specialibus nominibus Angelorum. Cap. XX.*

**D**E his nominibus Michael, Gabriel, Raphael, sciendum est quod hæc sunt propria nomina Archangelorum, licet eorum interpretationes alijs sunt communes: sed eorum propria sunt, quia his horum nominum interpretationes conueniunt excellentius. Michael interpretatur, Quis ut Deus. Hic est de ordine Principatum, & attribuuntur ei quattuor, scilicet esse præpositum paradisi, idest, Ecclesiæ: sicut & olim fuit princeps synagogæ. Item deferre animas in paradysum. sed hoc intelligas, quod gloriosius deferat quam alij. Item pugnare cum dracone, idest, diabolo, sicut legitur in Apocalypsi: Item venire in adiutorium populo Dei.

*Apoc. 12. b  
Dan. 10. d*

Gabriel interpretatur forritudo Dei. Hic est de ordine Archangelorum, & merito, quia magna annuntiavit. Raphael interpretatur medicina Dei, & est de ordine Virtutum, quia mirabilia magna fecit.

*De casu Angeli. Cap. XXI.*

**O**Mnes Angelos fecit Deus bonos, non tamen summos, sed medios inter summum bonum & bonum commutabile, quod est creatura, ita quod si conuerterentur ad amandum Deum, qui supra se erat, ascenderent ad statum gratiæ, & gloriæ. Si vero conuerterentur ad bonum commutabile, quod fuit infra se, hoc ipso ruerent in malum culpæ, & pœnæ, quia non est dedecus peccati sine decore iustitiæ.

*De spiritali casu demonis. Cap. XXII.*

**C**Asus diaboli duplex fuit, scilicet spiritalis, & localis. Spiritalis, quia cecidit de naturæ puritate, de flexibilitate liberi arbitrij ad bonum, de luce in tenebras, de scientia in ignorantiam, de innocentia in culpam, de felicitate in pœnam, de dilectione in odium. Post casum enim factus est impœnitens, & obstinatus in malo, & excæcatusa vero, & deordinatus in bono, & infirmatus in virtute, & exclusus a Dei contemplatione. Præterea voluntas eius impia conuersa est ad hominis odium, & inuidiam: vnde toto conamine nititur ad eius subuersionem, per tentationem multiplicem. In tantum autem excæcatus est, quod potius vult esse, quam non esse, ut pugnet contra Deum, licet ex hoc sciat sibi malum semper euenire: quia quolibet facto suo, quod ex libero suo arbitrio procedit, peccat mortaliter.

*De locali casu diaboli. Cap. XXIII.*

**C**Asus etiam diaboli localis fuit, quia vel in infernum, vel in caliginosum aerem, qui est in medio interstitio aeris, corruit. Dæmones enim non sunt in superiori parte aeris, ne lumine gaudeant: nec sunt in parte inferiori, ne nimis contra nos sauiant. Vnde notandum est, quod in demonibus est tria considerare, scilicet, naturam, officium, & peccatum. Et naturæ quidem conuenit locus summus, idest, cælum, in quo tamquam in loco congruo sunt creati, & postmodum in natura, si sterissent, perficiendi. Ex officio vero quod habent exercendi homines, conuenit locus medius, idest, aer caliginosus, ubi & satis propinquus sunt nobis ad tentandum, & tamen non habent lumen ad gaudendum. Sed peccato conuenit locus infimus, scilicet infernus. Vnde & dæmo-

*Mat. 25. c*

**A**nes post finem mundi, quando cessabit eorum officium, detrudentur simul in infernum. Dicunt quidam quod Angelus cecidit secunda die. Sed communior est opinio quod prima die subito post creationem suam ceciderit. Dicitur communiter, quod decimus chorus Angelorum cecidit: sed hoc non dicitur quod decem ordines Angelorum fuerint, sed quod tot de singulis ordinibus ceciderunt, quot poterant facere chorum vnum. Vnde nouem sunt ordines Angelorum: quilibet ordo habet suas legiones. Legio autem Angelorum habet 6666. vnitates. Tot autem in singulis ordinibus sunt legiones, quot in legione sunt vnitates.

*De restauratione ruina Angelorum. Cap. XXIV.*

**A**ngelorum ruina restaurabitur per saluandos. Dicit autem Augustinus, quod tot saluabuntur homines, quot Angeli ceciderunt. \* Gregorius vero dicit quod tot homines saluabuntur, quot Angeli perstiterunt. Dixerunt etiam quidam quod duo parietes erunt in cælo, scilicet vnus hominum, & alius Angelorum: & quod ruina Angelica restaurabitur per Virgines: & de alio pariete tot erunt saluandi, quot in alio pariete sunt Virgines & Angeli.

*Aug. 5. Enchir. c. 29.  
10. 3. & lib. 22. de civ. cap. 1. 10. 5.  
\* Greg. hom. mil. 34. in Enang.*

*Cur peccatum diaboli sit irremissibile. Cap. XXV.*

**Q**uare peccatum diaboli sit irremissibile, assignantur plurimæ rationes. Prima quia secundum Augustinum, nullo suggerente peccauit, & ideo nullo reparante redibit. Secunda est secundum Damascenum, quia contra Dei formam intellectum peccauit. Quanto autem nobilior est cognitio, tanto peior est error. Seruus enim sciens voluntatem Domini, &c. Tertia secundum eundem Damascenum est, quia Angelus non est susceptibilis pœnitentiæ, vnde nec veniæ. Quarta est, quia in diabolo extincta est synderesis quæ ad boni promotionem. Quinta est, quia natura spiritalis semel tantum veritabilis est, eo quod tota se conuertat: quod non facit homo, quia caro semper repugnat spiritui. Status autem Angeli mali triplex est, vt patere potuit ex prædictis. Primus, scilicet innocentia. Secundus culpæ. Tertius pœnæ & miseræ.

*De proprietatibus demonum. Cap. XXVI.*

**D**æmones sunt spiritus impuri, humani generis inimici, mente rationales, in nequitia subtiles, cupidi nocendi, per superbiam tumidi, semper in fraude noui, immutant sensus, inquinant affectus, vigilantes turbant, dormientes per somnia inquietant, morbos inferunt, tempestates concitant, in lucis Angelos se transformant, semper infernum suum secum portant, in idolis sibi cultum diuinum vsurpant, super bonos dominari appetunt, magicæ artes per eos fiunt, bonis ad exercitium dantur, semper fini hominis insidiantur.

*2. Cor. 11. 6*

Triplici acumine scientiæ vigent dæmones. Primo subtilitate naturæ, & hoc per cognitionem vespertinā. Secundo experientia temporum. Tertio reuelatione superiorum spirituum. Primo modo intelligunt naturalia præsentia. Secundo modo naturalia futura. Tertio modo cognoscunt etiam voluntaria.

Multipliciter vero diabolus dominatur, per quod & proprietates suæ cognoscuntur. Vocatur enim diabolus, quod interpretatur defluens, quia defluit, idest corruit spiritaliter, & localiter sicut dictum est. Græce interpretatur diabolus clausus ergastulo, & hoc sibi conuenit, quia non permittitur tantum nocere quantum vellet. Præterea secundum etymologiam diabolus dicitur a dia, quod est duo & bolus, quod est morsellus, quia duo occidit, scilicet corpus & ani-

*1. Pet. 5. 8*

& animam. Item vocatur dæmon, idest, sanguineus, & hoc propter peccatum: vel sciens, quia viget triplici scientia, sicut dictum est. Item Belial, quod interpretatur absque iugo, vel absque domino: quia pro posse contra eum pugnat, cui deberet esse subiectus. Item Beelzebub, quod interpretatur vir muscarum, idest, animarum peccatricum, quæ reliquerunt verum sponsum Christum. Item Satanas, idest, aduersarius, vnde Petrus: Aduersarius vester diabolus, &cet. Item Behemoth, idest, bestia, quia facit homines bestiales. Item Leviathan, idest, additamentum eorum qui peccata peccatis cumulant.

## De malitia diaboli contra nos. Cap. XXVII.

**Luc. 11. b** Diabolus nocet homini multipliciter, quia per violentiam, & hoc quandoque exterius corpus lædendo, sicut fecit Iob: quandoque intra membra ligando, sicut in obsessis: & propter hoc datur parvulis Angelus bonus, ne diabolus in his lædat eos vel exedat. Item nocet per impressionem imaginum mala suggerendo, vel per commotionem sanguinis ad peccatum accendendo, vel sensus exteriores per obiectiorem falsarum formarum decipiendo. De his & similibus dicit Gregorius: Aut opprimendo **Job 2. b** rapit, aut insidiando circumuolat, aut suadendo blanditur, aut minando terret, aut desperando frangit, aut promittendo decipit. **Mat. 18. b**

Diabolus decipit homines quattuor modis. Primo suadendo bonum, sed hoc propter malum, ut cum homini instabili suadet ingressum religionis, & hoc ut postmodum apostatet. Secundo suadendo malum, & hoc sub specie boni: ut peierare pro rebus alterius conseruandis. Tertio dissuadendo bonum tamquam nocium, ut cum dissuadet bono viro religionis ingressum, ne de hoc pœniteat, & egrediens confundatur. Vel quando dissuadet alicui orationem vel elemosynam, ne per hoc incurrat vanam gloriam. Quarto dissuadendo malum, ut ducat ad peius: ut quando dissuadet temperantiam in victu & somno, ut per hoc inducat ad indiscretam abstinentiam, quod peius est.

Impeditur diabolus in effectu suæ malitiæ multis modis, quandoque scilicet per terminum suæ potestatis a Deo impositum. Item quandoque per resistentiam bonorum spirituum. Habet enim qualibet anima duos Angelos: vnum bonum ad custodiam, alium malum ad exercitium. Item per arbitrium hominis non consentientis. Item per peccati abominationem, quia quandoque dæmones nobilioris naturæ peccata vilia detestantur. Item propter cautelam quandoque omittit facere mala, ut peius fiat, sicut modo non vexat excommunicatos, ut minus timeant tales sententias.

Vtrum autem virtus tentandi minuatur in diabolo quando vincitur, diuersæ sunt opiniones. Dicunt enim quidam quod superatus in vno vitio, ipsum victorem non possit amplius tentare de eodem vitio, sed alius diabolus potest. Alij dicunt quod superatus in vno vitio, nullum amplius de illo vitio possit tentare. Origenes dicit, quod superatus ab vno neminem possit tentare de cetero.

Data est potestas dæmonibus exercendi magicas artes multiplici ratione. Primo ad fallendum fallaces, sicut Aegyptios, & ipsos magos. Vnde etiam quæ ipsi per talem modum acturi sunt, quasi diuinando prædicunt. Secundo ad monendum fideles, ne scilicet, tale quid pro magno desiderant, cum videant etiam malos facere huiusmodi. Tertio ad probandam & exercendam patientiam & fidem iustorum.

## De Lucifero. Cap. XXVIII.

**Exo. 7. b** De Lucifero sciendum est, quod fuit de supremo ordine superioris hierarchiæ, ac in illo ordine **Tob. 2. c** Append. ad To. 7. oper. S. Bon.

supremum gradum tenuit: cui tamquam principi de singulis ordinibus magna multitudo adhæsit, quos omnes secum traxit. Dictus est autem Lucifer quia præ ceteris luxit, suæque pulchritudinis consideratio eum excæcauit. Primum hominem tentauit, & vicit. Christum tentauit, & victus est. Potestatem tunc amisit, quam vltimis temporibus recuperabit. Nunc religatus est, & in fine soluetur. Peccatum Luciferi fuit, quod se & suum priuatum bonum dilexit. Excæcatus de altitudine habita præsumpsit, ac propriam excellentiam ambiuit, quasi habiturus fuerit a se, non ab alio, & sine meritis habere voluit. Stare vel sperare cum posset quousque gratia apponeretur, noluit. Dei similitudinem concupiuit, non quidem causa imitationis, sed potestatis, idest, subditos habere voluit, & nulli subiectus esse concupiuit.

## Quid sit anima secundum diffinitionem. Cap. XXIX.

Post naturam corpoream, & incorpoream dicendum est de natura ex utrisque composita. Sed primo ex parte mentis, secundo ex parte corporis, tertio ex parte totius hominis. De anima igitur videndum est quid sit, secundum diffinitionem. Porro a quibusdam diffinitur, ut spiritus, a quibusdam, ut anima, a quibusdam vero, ut spiritus, & anima. Inquantum igitur anima naturam habet spiritus, diffinitur ab Augustino sic in libro de motu cordis, Anima est substantia incorporea, intellectualis, illuminationis capax, vltima reuelatione perceptiua. Ex hac diffinitione cognoscimus quod spiritus humanus, qui est anima, inter omnes creaturas immediate post Angelos illuminationis diuinæ sit perceptiuus. Anima vero inquantum anima, sic diffinitur a Remigio, Anima est substantia incorporea, regens corpus. Ex hac diffinitione habemus quod anima est quasi corporis rector, & motor. Item anima inquantum

anima diffinitur a Philosopho in libro de anima, sic, anima est entelechia corporis physici organici potentia vitam habentis. Entelechia hic dicitur actus primus, siue perfectio. Ex hac diffinitione habemus quod anima vniuersalis est corpori, non omni, sed soli organico & physico, idest, naturali ad susceptionem animæ rationalis disposito. Item anima inquantum

est spiritus, & anima, sic diffinitur ab Augustino: Anima est omnium similitudo. Hæc diffinitio data est per comparisonem animæ ad creaturas. Anima enim ex sui natura ad suscipiendas omnium rerum tam corporalium, quàm spiritualium similitudines apta est. Item animæ descriptio talis est, Anima est Deiforme spiraculum vitæ. Hæc descriptio sumitur à Genesi, & datur secundum quod anima comparatur ad Deum, prout non ex traduce, vel seminali ratione propagatur, sed a Deo corpori creando infunditur, & infundendo creatur. Item Seneca sic diffinit animam, anima est spiritus intellectualis ad beatitudinem in se, & in corpore ordinatus. Hæc diffinitio datur in relatione animæ ad finem, secundum quod non solum separata beatificatur in se, sicut Angelus, immo & in corpore glorificato ipsius beatitudo ampliatur.

## Quid sit anima secundum rem. Cap. XXX.

Quid sit anima secundum rem, diuersas videntur sententias philosophi protulisse. Plato enim dicit animam numerum seipsum mouentem. Aristoteles entelechiam, Pythagoras harmoniam, Hippocrates spiritum tenuem, Heraclitus lucem, Democritus spiritum ex atomis compositum, Hypomenes igneam vigorem. Parmenides dicit eam esse de terra & igne. Epicurus autem ex aere & igne. Inter has diuersitates nos sequimur dicta sanctorum, & catholicorum magistrorum dicentium, quod anima est

S f f ;

ma est



ma est substantia spiritualis & rationalis, ad viuificandum corpus humanum de nihilo creata. Creata est in quantum anima perfectibilis, & imperfecta quantum ad scientiam & virtutes, perfectissima tamen est quantum ad potentias naturales. Et quia incorporea est, sensui non est subiecta, neque secundum dimensionem extensua. Quantitatem enim habet anima, ut dicit Augustinus, non dimensionem, sed potestatiuam & virtualem. Et quia simplex est anima, ideo nec augmenti, nec decrementi est susceptiua: quia nec in corpore maiori maior, nec in minori minor reperitur, ut dicit Augustinus. Multitudo quoque potentiatur in anima non ponit maiorem in animæ naturam, sed multipliciter effectuum. Anima etiam est vita perpetua, scilicet per memoriam, intelligentiam, & voluntatem ad imaginem Dei facta, capax virtutis, & vitij, susceptibilis pœnæ, vel præmij: arbitrio libera, potentijs & habitibus, ac affectionibus decorata. caret pondere, figura, & colore. Passibilis & mutabilis est: eo magna, quo capax est æternitatis: eo recta, quo naturaliter appetens est bonitatis: eo bona, quo particeps est diuinitatis.

*Ex Aug. lib. de quant. anima cap. 17. tom. 1. Ibidem.*

*Gen. 1. d*

*Quid sit anima secundum nomen. Cap. XXXI.*

**A**nima dicitur, in quantum corpus animat, & viuificat. Mens, in quantum recolit. Animus, dum vult, Ratio dum rectum iudicat. Spiritus dum spirat, vel quia spirituale naturam habet, sensus, dum sentit. Memoria dum recordatur. Voluntas dum consentit. Hæc nomina diuersa sunt animæ, non propter essentia pluralitatem, sed propter effectuum multipliciter, & operationem. Dicitur anima ab a, est sine: & anima quod est sanguis, eo quod sit sine sanguine. Vel dicitur ab a, & nemein, quod est tribuere, eo quod anima vitam tribuit. Vel dicitur anima quasi anemos, id est, ventus quod spiritus sit.

*De triplici anima. Cap. XXXII.*

**A**ctus animæ triplex est, scilicet vegetare, sentire, & ratiocinari: secundum hoc distinguitur animæ potentia triplex, scilicet vegetabilis, sensibilis, & rationalis. De quibus dicit Ambrosius, quod anima vegetabilis appetit esse, sensibilis bene esse, rationalis autem optime esse: & ideo nunquam quiescit donec optimo coniungatur: propter hoc vi amoris in Deum mouetur tamquam ad centrum, ut in ipso summe delectetur. Hæc autem tres potentia in diuersis substantijs tres animæ dici possunt. Nam vegetabilis est anima in plantis, sensibilis in brutis, rationalis in hominibus. In homine autem tres prædictæ animæ vna sunt essentia, sed differunt in potentijs: nec obstat quod in homine successiue, ac diuersis temporibus manifestantur: hoc enim est a virtute formatiua, quæ rationabiliter prius disponit ad vitam quàm ad sensum, & prius ad sensum, quàm ad rationem, præsertim cum natura non in instanti & subito, sed paulatim & successiue operetur. Cum autem anima rationalis infunditur corpori, tunc prædictæ primo infunduntur, non habens actiones suas deinceps a virtute formatiua, sed ab ipsa anima. Anima quoque duas primas potentias, scilicet vegetabilem, & sensibilem exercet tantum in corpore, tertiam vero habet etiam exuta a corpore. Animæ vegetabilis, & sensibilis non debent dici animæ in homine, nec diuidi ut animæ, sed ut potentia, nec anima vegetabilis in sensibili dicenda est anima, sed potentia. Anima autem vegetabilis in vegetabili dicenda est anima, non potentia.

*De potentia anima vegetatiua. Cap. XXXIII.*

**A**nima vegetabilis tres potentias habet, scilicet generatiuam, augmentatiuam, & nutritiuam.

Prima est ad speciei conseruationem: secunda est ad conseruationem indiuidui. Tertia est ad perfectionem subiecti. Virtuti autem nutritiue quattuor deseruiunt, scilicet, virtus attractiua, quæ assumit necessaria in nutrimento. Item digestiua, quæ separat conueniens ab inconuenienti in alimento. Item retentiua, quæ cibum tamdiu retinet in vno loco, donec debitam recipiat alterationem. Item expulsiua, quæ expellit quod superfluum est in nutrimento: sed ante omnes hæc est appetitiua.

*De potentijs apprehensiuis anima sensibilis. Cap. XXXIV.*

**A**nima sensibilis duplicem habet potentiam, scilicet apprehensiuam, & motiuam. Apprehensiuam diuiditur in apprehensiuam de foris, & apprehensiuam de intus. Vires apprehensiuæ de foris sunt quinque sensus particulares, siue exteriores, scilicet visus, auditus, &c. Vires autem apprehensiuæ de intus sunt quinque potentia interiores animæ sensibilis, quæ sunt sensus communis, imaginatio, æstimatio, phantasia, & memoria. Tradunt Peripatetici omnes vires istas organicas esse, & quod per instrumenta corporalia suas operationes perficiunt, eo quod sint circa particularia tantum. Omnis enim forma particularis in materia aliqua est: quoniam forma sine omni materia accepta, vniuersalis est circa quam operatur intellectus. Ista facile est videre in sensibus particularibus: quoniam illi non apprehendunt, nisi per rei sensibilis præsentiam. De virtutibus autem interioribus, quæ sunt imaginatio, æstimatio, phantasia, idem est: quoniam in illis omnibus est apprehensio formæ singularis secundum situm partium eius, & lineamenta, & quantitatem. Omnes istæ potentia passiuæ sunt, & patiuntur a formis, & indiuiduis, quæ sunt principia cognitionis sensibilis. Sciendum autem quod nulla apprehensiu sensibilis retinet id quod apprehendit: immo quod vnâ apprehendit, alia retinet. Notandum ergo quod alia virtus est quæ bene tenet, alia quæ bene recipit, & ista quæ bene tenet, perficitur sicco & frigido: sed illa quæ bene recipit, perficitur humido.

*De sensibus particularibus. Cap. XXXV.*

**S**ensus particularis in quinque diuiditur, scilicet in visum, auditum, gustum, odoratum, & tactum: qui in multis conueniunt, & in multis differunt. Conueniunt enim quinque sensus in hoc quod sunt vires passiuæ. Sentimus enim intra suscipientes, non extra mittentes. Sensibile autem positum supra sensum non sentitur. Omnes sensus sunt perceptibiles singulari, non vniuersali. Ad quemlibet sensum extenduntur nerui duo: vnus ad sentiendum, quid agitur circa exteriora: & alius ad motum voluntarium, qui agit ut vis animæ interior, & ad organum dirigit intentionem.

In omni sensu oportet esse proportionem sensibilis ad sensum, quia in medijs delectantur, & in extremis corrumpuntur. Ad sentiendum autem aliquid oportet esse obiectum præsens, & medium deferens, & organum sanum atque conueniens, & animæ intentio actualis. Omnes sensus vnâ habent originem, scilicet, sensum communem, a quo velut a centro quasi lineæ quædam exeunt. Differunt etiam sensus particulares in multis. Nam quilibet habet speciale instrumentum. Differunt etiam in obiectis, differunt in medio deferente, quia tactus, & gustus habent medium intrinsecus, & alij extrinsecus. Differunt in apprehendendi velocitate: quia visus citissime etiam remota apprehendit. Differunt situ, quia visus est supremus, post auditus, deinde alij per ordinem. Differunt utilitate, quia gustus, & tactus maxime sunt necess-

necessarij ad conseruationem indiuidui, & speciei. Gustus enim discernit cibum, per quem seruatur animal a nociuo: & tactus discernit qualitates sensorum, sicut calidum & frigidum, & huiusmodi, ut animal declinet extrema talium qualitatum, ne corruptionem incurrat. Differunt generalitate, quia tactus est generalior, cum non habeat organum determinatum, sed in omnibus membris sit. Differunt etiam in impressionum retentione, sensus enim grossiores fortius retinent suas impressiones, sicut patet in tactu. Nota quod videmus visu & oculo, sed differenter: nam visu videmus effectiue siue formaliter, sed oculo videmus instrumentaliter. Eodem modo dicendum est de ceteris sensibus. Anima autem alienatur a sensibus tripliciter. Primo in somno, secundo in ecstasi magis, tertio in morte maxime.

*De sensu communi. Cap. XXXVI.*

**S**ensus communis est potentia, quæ omnium sensuum particularium obiecta apprehendit. Omnes enim sensus exteriores a sensu communi, velut a centro particulariter exeunt, & sensorum suorum similitudines ad sensum communem reducant, quo mediante de singulorum proprietatibus iudicant, & discernunt. Vnde sciendum quod sensus communis est fons, ex quo omnes sensus oriuntur, & ad quem omnis motus sensibilium refertur, sicut ad vltimum finem. Hæc potentia quædam habet in quantum est sensus, & quædam in quantum communis est. In quantum enim sensus est, habet recipere rerum species sine materia, & tamen præsentem materiam. In quantum communis est, habet duo, quorum vnum est iudicium sensibilium, per quod nos apprehendimus videre, quando videmus, & audire, quando audimus, & sic de alijs. Si enim hoc iudicium non esset in animalibus, non satis esset videre, & audire vtile: & secundum alios sensus apprehendere. Secundum est multa sensata comparare, dicendo vnum esse dulce, & aliud dulcius esse: & hoc ideo sensus communis habet, quia ad ipsum referuntur omnium propriorum sensuum sensata. Hæc virtus in anteriori parte cerebri ponitur, in loco, ubi concurrunt nervi sensitiui quinque sensuum, qui locus medullosus est & humidus.

*De vi imaginatiua. Cap. XXXVII.*

**V**irtus imaginatiua est potentia apprehensiuæ, in qua imagines rerum sensibilium referuantur. Hæc virtus plus abstrahit quam sensus, quia sensus non accipit formam nisi præsentem re: ista autem referuat formam, etiam re absente. In hoc etiam imaginatio differt a sensu communi, quia sensus communis præsentia rei exterioris indiget, sicut sensus particularis. Ista autem virtus, scilicet imaginatio, thesaurus formarum vocatur: quia in ea, sicut dictum est, formæ a particularibus sensibus receptæ retinentur, & immobilitantur. Hæc potentia in anteriori parte cerebri, seu interiori, sicut & sensus communis ponitur: & hic maior est durities ex frigiditate cerebri proueniens, ubi & imaginatiua retinet impressiones a sensu communi receptas.

*De vi æstimatiua. Cap. XXXVIII.*

**Æ**stimatiua virtus est, quæ a forma acquisita intentiones elicit, quæ sensu non percipiuntur, secundum quam ovis fugit lupum, & lupus misereatur suo filio: hoc autem non posset fieri, nisi lupus haberet cognitionem eius indiuidui, & quod hoc indiuiduum sit natus eius, sicut & ovis apprehendit lupum sibi nociuum. Ista vero non possunt fieri per sensum. Æstimatiua differt ab imaginatione: quoniam

**A** imaginatio solum retinet formas apprehensas per sensum communem, & ad imaginationem solum non sequitur affectus miseræ, vel tristitiæ, vel fuga, vel insecutio. Ad æstimationem autem statim sequitur quodlibet istorum. Vnde sicut intellectus practicus se habet ad speculatiuum, ita se habet æstimatiua ad imaginatiuam, & propter hoc æstimatiua non solum apprehensiuæ est, sed etiam motiua, per hoc quod determinat ad quid moueri debeat animal, & a quo fugere. Cum enim animal mouetur ad cibum, oportet æstimationem cibi in animali esse. Sed æstimatio non solum mouet, immo etiam apprehendit. Oportet igitur animal habere æstimationem, qua moueatur. Officium igitur æstimatiuæ est apprehendere intentiones, non quidem rationis, sed naturæ. Vnde non apprehendit quid sit syllogismus, aut nomen, aut verbum, vel amicitia, vel inimicitia, commodum, vel incommodum, sicut dictum est. Hæc virtus ponitur in prima parte mediæ cellulæ cerebri, quæ calida est ex motu multi spiritus ad ipsam.

*De phantasia. Cap. XXXIX.*

**P**hantasia est virtus, vel potentia componens imagines cum imaginibus, & intentiones cum intentionibus, & imagines cum intentionibus. Componit inquam, phantasia imagines cum imaginibus, ut est apprehendere aliquid esse album, vel nigrum, vel diuersas formas componere, & fingere chimæras. Componit etiam intentiones cum intentionibus, ut patet in oue, quæ apprehendit nato suo præbenda esse vbera, & alienum esse repellendum. Componit etiam imagines cum intentionibus, ut cum apprehendit ouis formam lupinam esse fugiendam. Per phantasiam maior habetur cognitio, quæ potest haberi in anima sensibili: per hanc enim non solum scit præsentia, sed etiam prouidet sibi in futurum. Per hanc enim quædam animalia faciunt sibi casas, & de cibo prouident in longinquum, per hanc etiam de illo scit quod sit idem, & de alio quod sit aliud: & sic de eo omni de quo sententia profertur per modum affirmationis, & negationis. Per hanc quoque videmus aliquid eligere animalia, & aliquid refutare. Ad electionem autem & refutationem præexigitur scientia, & discretio: & ideo multi dixerunt quod phantasia est aliquid rationis. Sed dicimus non esse veram electionem animi sensibilis, sed aliquid simile. Hæc a vulgo in homine vocatur cogitatiua, cum tamen cogitare proprie sit rationis. Phantasia operatur in somno, sicut in vigilia. Quod autem in somnis res videntur esse præsentia, hoc est, quia sit reuersio ad sensum communem. Ista potentia quando coniuncta est rationi, sicut est in homine, tunc accipit agendi, & operandi regimen a ratione. Sed quia ratio diuersificatur secundum diuersitatem eorum, de quibus ratiocinatio fit, ideo operationes phantasiæ multiplicantur in homine valde. Vbi autem phantasia non est cum ratione, ut est in brutis, tunc regitur solum secundum instinctum naturæ. Et quia natura vno modo est in habentibus speciem vnam, ideo conceptio phantasiæ operatur in talibus vno modo. Et inde est quod omnis hirundo facit vno modo nidum suum. Dixerunt autem quidam philosophi quod istæ virtutes in brutis potius aguntur, quam agant, sed in homine potius agunt, quam agantur: quia bruta mouentur secundum impetum, & impulsam appetitus naturalis. Motus autem humani regulantur secundum regimen rationis.

Notandum autem quod melancholici, & infirmi, & amentes multas habent phantasias, sed hoc non est ex illustratione, quæ fit per imaginationes rerum sensibilium, sed ex passionibus naturæ, & confusione spirituum ascendentium ad cerebrum, & caput turbantiū. Tales enim spiritus diuersarum imaginationum

num inuolutiones faciunt, generant horribiles visiones, & conceptiones. Præterea sciendum quod bruta citius recipiunt influxus primi motoris quam homines, sicut patet in formica, quæ quando cibum colligit, intra tres dies non pluit; & gallus cantum suum per tempus variat: quia mutationem auræ ex influxione primi motoris præsentunt. Huius dicti hæc est ratio, quoniam homines multum occupantur circa conceptiones suas conferendo, & componendo, & diuidendo: quare & influxiones primi motoris non percipiunt ita cito sicut bruta, quæ non sic occupantur in suis conceptionibus, nec secundum illas operantur, sed tantum secundum instinctum naturæ. Ista vis, scilicet phantasia, plurimum impedit intellectum, eo quod nimis occupat animam compositione & diuisione imaginum, non solum acceptarum a sensibus, sed etiam fictarum, maxime autem impedit intellectum, quando aliquid de cælestibus & diuinis imprimitur ei, & hoc ideo, quia conceptiones tales intellectus, ut frequenter, non sunt similes imaginationibus, & fictionibus phantasie. Phantasia vero ponitur in medio mediæ cellule cerebri, tamquam centrum, inter memoratiuam, & imaginatiuam: quia phantasia conuertit se tam super formas, quas accipit imaginatiua per sensum, quam super intentiones, quas referuat memoria: & tunc istas formas, ac intentiones diuidit ac componit.

*De memoria. Cap. XL.*

**M**emoria est repositorium præteritorum. Referuat enim memoria intentiones per æstimationem a figuris rerum elicitas. Anima per memoriam mediantibus rebus sensibilibus redit in ipsas res sensibiles, quæ sunt extra ipsam: & propter hoc oportet actum memoriæ duas præcedere operationes: quarum una est hoc esse receptum, & hæc est operatio sensus communis: & in hoc memoria incipit. Secunda est hoc esse conseruatum apud nos, quod fit per imaginatiuam. Oportet etiam quod ante memoriam quædam virtus operetur quæ ex figuris rerum diuidat rerum intentiones singulares. In hoc autem differunt imaginatio & memoria, quia ista conseruat species rerum, hæc conseruat intentiones specierum. Sciendum quoque quod memoria differt a reminiscencia: quia memoria discrete, & distincte reuertitur ad res, componendo intentiones distinctas cum imaginibus. Reminiscencia autem siue recordatio est motus, quasi interceptus, & abscissus per obliuionem, & est cum collatione temporis, & loci, & huiusmodi. Reminiscencia enim motus non est vniformis, sed causatur ex pluribus principiis circumstantibus illud cuius proprie est reminiscibilis, cum sit principium multorum prius memoratorum. Cum enim per memoriam fiat rerum apprehensio, quod eadem res prius fuerint in se, vel in sensibus alijs cognitæ; patet quod si quis res totaliter est oblitus, non potest per memoriam recordari se esse oblitum. Sed si oblitus est in parte, tunc per id quod remansit, potest reminisci se quandoque sciuisse: vnde per collationem reminiscencia potest etiam ad id quod oblitus fuerat redire cum illius adiutorio quod remansit memoriæ. Alia etiam est differentia inter memoriam & reminiscenciam: quia memoriâ multa participant animalia, sed reminiscencia solius hominis est, quia reminiscencia est quædam inuestigatio, quæ sine ordine rationis non est, ac sine deliberatione, per quæ antecedens ordinatur ad consequens. Sane cum quis reminisci voluerit ea quæ non eo modo quo per sensum, sed per intellectum apprehendit: hoc non fit per memoriam, quia memoria talia non referuat, sed intellectus conuertit se super ea, quæ habet apud se, & ea reducit ad actum, quæ habet in habitu: iste autem habitus manet actualiter apud intellectum pos-

**A** sibilem, qui est locus specierum vniuersalium: vnde & vniuersalia prius speculata remanent apud ipsum tamquam in loco suæ generationis, etiam actu, quando illa non considerat. Intellectus autem possibilis ad has species, quas sic habet apud se, conuertitur, vel ab eis auertitur, quando voluerit. Vltimo notandum est quod memoria ponitur in posteriori parte cerebri, qui locus est siccus propter neruos motiuos, qui oriuntur ex ipso.

*De vi sensibili & motiua. Cap. XLI.*

**S**equitur de vi sensibili motiua: hæc mouet quandoque spiritualiter, quandoque corporaliter. Primo modo dicitur appetitiua, quæ mouet dupliciter, aut diligendo, aut odiendo: & diuiditur in concupiscibilem, & irascibilem, per quas appetit anima bonum, vel insurgit contra malum. Ab his vero duabus, scilicet irascibili, & concupiscibili, oriuntur quattuor affectiones, scilicet gaudium, spes, dolor, & timor. Nam si præsens est, quod concupiscimus, gaudemus, si absens est, speramus. Similiter si præsens est de quo irascimur, dolemus: si absens est, timemus.

**C** Sensualitas autem est vis animæ sensibilis motiua, & ad idem mouet, ad quod concupiscibilis, & irascibilis. Sensualitas enim appetit, quæ delectabilia sunt corpori, ac nociua refugit. Differt tamen sensualitas a concupiscibili, & irascibili: quia sensualitas magis coniungitur corpori: & sicut in brutis, ita in homine nulla lege perstringitur, quin semper in appetitus rerum ad corpus pertinentiū moueatur. Sed concupiscibilis, & irascibilis coniunguntur rationi, & prout sunt in homine, frenantur ratione, ac reguntur in ipsis. Est enim temperantia in concupiscibili, & fortitudo in irascibili, & sic de alijs.

**S**ecundum quod vis motiua sensibilis mouet corporaliter, sic diuiditur in virtutem naturalem, vitalem & animalem: quarum prima situm suum habet in hepate: secunda in corde, tertia in capite, ut in proximo principio, tamen primum principium est cor. Virtus enim naturalis est motiua humorum, vitalis motiua pulsum, animalis motiua membrorum. Dicimus ergo quod virtus naturalis est motiua humorum mediantibus arterijs, & venis, quæ radicanitur in hepate secundum Galenum, sed secundum Aristotelem radicanitur in corde, & hoc per spiritum naturalem. Est autem spiritus naturalis, substantia subtilis, & aerea vi caloris in corde generata. hæc sanguinem ad singula membra impellit, ex quo corpus vegetatur. Virtus vitalis est motiua pulsum mediantibus arterijs, quæ radicanitur in corde. Spiritus autem vitalis est idem qui & naturalis. Idem dico in substantia, sed differens in virtute, hic per arterias ad membra corporis se diffundens, viuificat ipsum corpus tamquam instrumentum. Virtus animalis est motiua membrorum mediantibus neruis, qui radicanitur in capite: & hoc per spiritum animale. Est autem spiritus animalis idem qui & naturalis, & vitalis: sed animalis dicitur cum ad cerebrum deuenit. Hic ceteris subtilior per neruos ad organa sentiendi dirigitur, ut sensus & motus secundum locum exinde generetur in corpore animalis.

**C**irca vires istas denique sciendum est, quod cum virtutes animales intenduntur, tunc naturales remittuntur, propter hoc in homine dedito studio, vel meditationibus, minus operatur virtus nutritiua, & generatiua, & augmentatiua. Ex quo patet quod concupiscencia carnis domatur in viro studioso. Vnde ait Hieronymus: Ama scientiam scripturarum, & carnis vitia non amabis. Præterea quando virtutes animales remittuntur, naturales intenduntur: sicut patet in somno, qui describitur esse quies virtutum animalium cum intentione naturalium.

*De po-*

**T**ria sunt in anima, ut ait Philosophus, scilicet potentia, habitus, & passiones. Et potentia quidem sunt innata, habitus autem sunt acquisiti, vel infusi, passiones vero sunt illatae, vel innatae. Habitus enim sunt acquisiti, ut patet in scientia, & virtute politica. Nam ex frequenti studio homo acquirit scientiam, & ex frequenti bene agere fit homo bonus, bonitate virtutis politicae. Sunt & habitus quandoque non per acquisitionem, sed per infusionem: sicut sapientia fuit infusa Salomoni, & virtutes Theologicae conferuntur quotidie paruulis in baptismo, & etiam poenitentibus in iustificatione, & ex actibus non generantur tales habitus, sed potius e conuerso, ex talibus habitibus eliciuntur boni actus ex potentijs. Vnde in habitibus acquisitis sequitur, Quales sunt actus, tales sunt & habitus: sed in habitibus infusis est contrarium, scilicet, Quales sunt habitus, tales sunt & actus. Est tamen verum quod sicut habitus acquisiti generantur per actus, ita & generant actiones, sed non meritorias, in quantum tales passiones sunt illatae ab extrinseco. Vocat autem passiones Philosophus ipsas receptiones obiectorum. Sumuntur & aliter passiones, ut dicantur affectiones, sicut dolor, C timor, & spes & gaudium.

De diuisione potentiarum animæ. Cap. XLIII.

**N**unc ad diuisionem potentiarum animæ accedamus. Philosophus ergo principaliter diuidit animæ potentias, in cogitatuā & motiuā, quas Theologus appellat intellectum, & affectum: ipsum autem affectum intelligit voluntatem. Potentia autem animæ tunc dicitur intellectus, dum est apprehensiuā: & dicitur voluntas, dum est motiuā, item quædam sunt vires animæ separatae a corpore, ut velle, & intelligere, secundum quas anima non vititur corpore, sed vititur videnti corpore, scilicet phantasia, quæ sic se habet ad intellectum sicut color ad visum, ut ait Philosophus. Quædam vero sunt vires inseparabiles a corpore, ut vegetabiles, & sensibiles, & quantum ad essentiam, & quantum ad operationem, ut in brutis. Sed in homine separantur vires istæ a corpore quantum ad essentiam licet animæ operationes earum exercere non possit extra corpus. In brutis vero simpliciter pereunt quantum ad vtrumque. Item anima potentia quædam habet communes cum brutis, ut est sensualitas, sensus particularis, sensus communis, E imaginatio, memoria, æstimatio. Quædam habet non communes cum illis, ut est ratio, & intellectus, & huiusmodi. Item anima habet vires quædam quoad se, ut est ratio, voluntas, liberum arbitrium: quædam habet quibus corpori permiscetur, ut est vis naturalis, vitalis, & animalis, de quibus dictum est supra. Ex iam dictis patet, quod potentia quædam sunt organicae, quædam non. Item ex prædictis collige, quod anima rationalis omnes potentias habet animæ vegetabilis, & sensibilis, sed non in quantum rationalis est: verum in quantum rationalis est, addit intellectum & liberum arbitrium, & huiusmodi. Et hoc est quod dicit Gregorius: Omnis, inquit, creatura aliquid habet homo. Habet namque homo commune esse cum lapidibus, viuere cum arboribus, sentire cum animalibus, intelligere cum Angelis. Quidquid enim virtutis, aut nobilitatis habent naturæ inferiores, habent & superiores, sed perfectiori modo, & nobiliori: & quod possunt inferiores, possunt & superiores, sed nobiliori & perfectiori modo. Propter hoc manifestum est quod omnes vires quibus communicamus cum brutis, differunt specie, prout sunt in nobis, & in brutis.

Greg. hom. 29. in  
Euang. ap.  
to mod.

**Q**uattuor assignantur differentiæ virtutis intellectus. Prima assignatur secundum differentiam naturæ: & sic intellectus diuiditur in agentem & possibilem. Secunda datur secundum differentiam obiecti, & sic diuiditur intellectus in speculatiuum & practicum. Tertia assignatur secundum differentiam dignitatis, & sic diuiditur ratio in partem superiorem & inferiorem. Quarta datur secundum comparisonem ad actum, & sic diuiditur intellectus in habitum, & in actum. In habitum quidem, ut possit intelligere quando vult: in actum vero, cum actualiter ad intelligere se conuertit, & ad intelligibile. Differentia vero intellectus in effectu, & eius qui dicitur adeptus, sumitur secundum maiorem, & minorem perfectionem ipsius intellectus possibilis. Nam cum intellectus possibilis recipit species cum lumine intellectus agentis, tunc dicitur intellectus in effectu, & etiam in habitu. Intellectus vero cum recipit perfecte lumen secundum formalem coniunctionem, tunc vocatur intellectus adeptus. Diligenter autem notandum est quod omnes differentiæ intellectuum iam prædictæ sumuntur, vel secundum actum, vel secundum habitum, vel secundum modum intelligendi: & nulla sumitur secundum diuisionem potentia cognitiuæ, nisi prima tantum, secundum quam diuiditur in agentem & possibilem.

De modo cognoscendi. Cap. XLV.

**R**es aliter cognoscit Deus, aliter Angelus, aliter homo. Ipse quoque homo aliter per intellectum Deum cognoscit, & aliter creaturas. Intellectus enim diuinus cognoscit res ex seipso, intellectus autem Angeli cognoscit res per species sibi concreatas, quæ sunt similitudines rerum. Sed intellectus humanus cognoscit res per species abstractas a rebus particularibus per sensum prius cognitis. Vnde sciendum, quod sicut sensus cognoscit res præsentem obiecto, & sicut imaginatio cognoscit absente obiecto, & tamen cum appendicijs materiæ: ita intellectus cognoscit sine appendicijs materiæ sub intentione vniuersali. Anima igitur per intellectum aliquammodo cognoscit omnia, & attingit. Cognoscit enim Deum supra se, & seipsam in se, & Angelos iuxta se, & quidquid cæli ambitu continetur, infra se. Quis sit autem modus cognoscendi Deum, nota quod intellectus humanus non cognoscit Deum per abstractionem, sicut alias res: & hoc ideo, quia similitudo abstracta simplicior est illo a quo fit abstractio: Deo autem nihil simplicius est. Alia ratio est, quia in abstractione oportet esse vniuersale & particulare. Particulare quidem a quo fit abstractio: vniuersale autem, scilicet ipsum abstractum: sed nihil horum cadit in Deum. Cognoscitur igitur Deus naturali cognitione, quia intellectus possibilis ita informatus lumine intellectus agentis, quod est similitudo primæ lucis, in hac similitudine cognoscit lumen primum quod est Deus.

Sciendum præterea quod per sensum cognoscimus particularia, sed per intellectum vniuersalia: & quando se intellectus conuertit ad particulare ut ipsum apprehendat, tunc similitudo abstracta a particulari erit vniuersalis, & non particularis. Item nihil venit in intellectum, nisi per sensum, & hoc fit duobus modis, scilicet vel simpliciter, vel per accidens. Simpliciter quidem, ut quando intelligimus sensibilia prius per sensum apprehensa. Per accidens autem, quando intelligimus insensibilia per effectum. Notandum est etiam quod aliud est rem per cognitionem in intellectum venire, & aliud est in rem intellecta versari: quia tunc cognitio rerum per sensum venit in intellectum, sicut dictum est, sed cum intellectus rem iam apprehendit, tunc delectatur, & negotiatur in

tur in illa, etiam sine sensus adminiculo.

Ad cognoscendum autem ista plenius nota, utrumque verum esse, scilicet quod per particularia cognoscuntur vniuersalia, & e contra per vniuersalia cognoscuntur particularia. Istud sic patet, quia duplex est vniuersale: vnum scilicet, prout est abstractum, & aliud confusum, videlicet, secundum quod est in particulari. Dicimus ergo quod ad cognitionem vniuersalis abstracti venimus per particularia, sicut in pueris in quibus prius operatur sensitua, quam intellectiva: quia prius cognoscunt particularia per sensum, & postea vniuersalia per intellectum. Sic & Philosophi inuenerunt modum argumentandi per inductionem, quia ex multis propositionibus particularibus, vnam concludunt vniuersalem, hoc modo: Socrates est animal, Plato est animal, Cicero est animal, ergo omnis homo est animal. E contrario est in vniuersali confuso: quoniam per tale vniuersale venimus in cognitionem particularium: sicut patet, quando videmus hominem a remotis, tunc non cognoscimus, nisi eius substantiam corpoream: sed postea per motum cernitur esse animal: dum vero magis appropinquat, cernitur esse homo: tandem cognoscitur esse Petrus.

Nota quod secundum Philosophum plura scire possumus, sed vnum solum intelligere: quoniam scire dicit habitum per quem plura scimus: intelligere autem dicit actum, qui non potest esse in intellectu duplicatus. Intellectus enim ad vnum solum se potest actualiter convertere, & hoc patet quod quando quis agit duos actus rationis simul vno tempore, vnus est intellectus, & alius memoriae, siue consuetudinis: verbi gratia, Aliquis dicit horas, & cum hoc in libro querit concordantias, vel numerat denarios: vnum illorum, scilicet querere concordantias, est actus intellectus, sed aliud, scilicet dicere horas, est actus memoriae: sicut etiam animal brutum sine regimine intellectus vadit ad domum ad quam saepe iuit. Item nota quod ad intelligentiam rei non requiritur praesentia rei intelligibilis, sed praesentia similitudinis eius tantum: quia res non cognoscitur per essentiam, sed per similitudinem tantum, & e conuerso. & inde est quod intellectus apprehendit remota sicut propinqua.

*De intellectu agente & possibili. Cap. XLVI.*

**N**unc de intellectu agente & possibili specialiter est dicendum. Intellectus igitur agens est, qui abstrahit species ab imaginatione, siue phantasia, & sua irradiatione facit vniuersales, ac ponit res in intellectu possibili. Nam sicut ad visum corporale exigitur lux abstrahens intentiones colorum, idest, similitudines a colorato, & ponit eas in aere, non quidem secundum essentiam, sed secundum intentionem, idest, similitudinem: sic intellectus agens, qui est lux animae, ponit species abstractas a phantasia in intellectu possibili, non quidem actualiter, sed secundum intentionem, idest, similitudinem. Quare autem inter imaginationem & intellectum possibilem sit potentia media, quae abstrahit, scilicet intellectus agens, sed inter sensum communem, & imaginationem non sit potentia media, quae abstrahat? Huius ratio est: quia sensus communis, & imaginatio sunt eiusdem animae potentiae, scilicet animae sensibilis: sed imaginatio & intellectus possibilis non sunt potentiae eiusdem speciei, quoniam altera est potentia animae sensibilis, altera animae rationalis. Intellectus autem possibilis dicitur, quia potest recipere tales species, sed nondum recepit eas; cuius exemplum est tabula nuda nullam habens picturam, potest tamen habere quamcumque. Sane cum intellectus possibilis tales species receperit, tunc, sicut habes supra, vocatur intellectus in effectu, vel in habitu: cum vero illu-

**A**stratur multitudine specierum sensibilium, tunc est intellectus adeptus. Qualiter autem istae species remaneant in intellectu possibili, vel qualiter ad eas fiat per reminiscentiam conuersio, & reuersio, habes supra in cap. de memoria.

Porro intellectus agens, & possibilis differunt, sicut lux & illuminatum, & sicut perficiens, & perfectibile: quia, ut ait Philosophus, intellectus agens est omnia facere, & intellectus possibilis est omnia fieri. Et ut plenius innotescat, notandum quod sicut ad hoc quod per speculum aliquid videatur tria sunt necessaria, scilicet speculum quod aptum est recipere impressionem corporum obiectorum, color etiam in corporibus obiectis, & lux qua moueatur color & species corporum obiectorum, quae sine luminis influxu quantumcumque obijciuntur, non sunt receptibiles a speculo; sic similiter ad hoc, ut aliquid in intellectu videamus, oportet quod sit intellectus possibilis, qui aptus natus est recipere species, quemadmodum dictum est de speculo, oportet etiam quod sint species speculatae apud intellectum possibilem, qui habet ipsas in habitu, cum sit locus specierum vniuersalium. Sed sicut color in corpore non mouetur, nec species, nisi mediante lumine imprimantur in speculo, sic nec phantasmata erunt actu intelligibilia, nisi intellectus agens irradiet, & diffundat super eum lumen suum, sicut lux super colores, ut sic secundum actum intelligibilia efficiantur.

*De intellectu speculativo & practico. Cap. XLVII.*

**S**equitur de intellectu speculativo, & practico, qui ambo in cognitione consistunt: sed in hoc differunt, quod intellectus speculativus cognoscit verum in ratione veri, practicus autem cognoscit verum in ratione boni. Item intellectus speculativus vocatur cognitio speculativa, sed practicus dicitur cognitio affectiva. Item finis speculativi est verum, finis autem practici est opus. Item per speculativum intelligimus recte, sed per practicum recte viuimus. Intellectus practicus vocatur operativus, quia dicitur a praxi, quod est operatio. Item intellectus practicus diuiditur in rationem, & synderesim. Ratio autem diuiditur in partem superiorem, & inferiorem: de quibus per ordinem est dicendum.

*De ratione, & partibus eius. Cap. XLVIII.*

**R**atio est vis animae non solum cognitua, sed etiam motiua. Ratio autem cum iudicat aliquid esse bonum, vel malum, & ibi sistit, tunc dicitur cognitua. Si autem procedit amplius, & iudicat esse bonum, ut fiat, sic dicitur motiua. Si vero adhuc ulterius procedit, ut non solum iudicet esse bonum, ut fiat, sed etiam id appetit, sic dicitur liberum arbitrium: quoniam liberum arbitrium comprehendit rationem & voluntatem. Ratio autem prout se habet ad bonum particulare, diuiditur in partem superiorem, & inferiorem. Superior pars diuinis ac aeternis intendit, inferior autem de transitorijs iudicat, & ea disponit. Item superior pars accipit rationes per leges diuinas: ut, hoc est faciendum, quia Deus praecipit. Pars autem inferior accipit rationes per leges humanas: ut, Hoc est faciendum, quia honestum est, vel quia expedit reipublicae. Item superior pars rationis dicitur virtus, quae licet usque ad contemplationem aeternorum se extendat, differt tamen ab intelligentia, quia intelligentia negotiatur in aeternis, per modum rationis, vel intentionis: ratio autem non sic, sed conferendo, & ratiocinando. Differt autem ratio etiam alio modo ab intellectu, quoniam intellectus apprehendit esse rei absolute, ratio autem cum collatione vnus ad alterum. Inferior vero pars rationis dicitur multipliciter: quae quia circa

*Arist. lib. 9.  
de anima.  
cap. 5.*

res



res corporales versatur, coniuncta est sensualitati, & saepe allicitur ab ea. videt enim semper sibi porrigi pomum, idest, illecebram vicinam. Ratio tamen inferior, & superior idem sunt in essentia, sed differunt in officio. Exemplum in oculo sursum & deorsum aspiciente.

*De potentijs animæ motiuis. Cap. XLIX.*

**V**irium motiuarum animæ rationalis est diuisio. Diuiditur enim vis motiua in imperatiuam, & consiliatricem, & affectiuam; & affectiuam & consiliatricem simul. Vis imperatiua diuiditur in liberum arbitrium & synderesim. Consiliatrix est ipsa ratio, quæ diuiditur in partem superiorem & inferiorem. Vis autem affectiua est voluntas, quæ diuiditur in thelesin, & bulesin. Vis quæ simul & consiliatrix est, & affectiua, est ipse intellectus practicus.

*De voluntate. Cap. L.*

**I**nter dictas potentias primo dicendum est de voluntate, quæ inter ceteras motiuas est præcipua, cum sit generalis motor omnium virium. Cum enim intellectus apprehendit aliquid, ut bonum, voluntas imperat viribus affixis ipsis organis, sicut visui ad videndum, auditui ad audiendum, & sic de alijs sensibus. Similiter in motu locali voluntas imperat virtuti animali, quæ est in neruis, & in musculis, & ita mouet ad ambulandum, vel currendum, & ad huiusmodi similia. Sed fallit istud in potentijs animæ vegetabilis, in quibus voluntas suum imperium non exercet. Nutritiua enim & generatiua, & augmentatiua, non secundum nostrum arbitrium, sed naturaliter operatur. Voluntas autem in duas diuiditur partes, scilicet in thelesin, & bulesin, idest voluntatem naturalem, & deliberatiuam: quarum prima, scilicet voluntas naturalis dirigitur per synderesin: secunda vero, scilicet deliberatiua, per rationem. Nota quod voluntas proprie, & strictè tantummodo rationabilium est, sed large dicitur etiam brutorum esse: improprie vero & quasi metaphorice dicitur etiam esse vegetabilium. Vnde voluntas primo modo sumpta, scilicet prout est rationabilium, proprie voluntas dicitur. Secundo autem modo, prout est brutorum, vocatur proprie desiderium. Tertio modo prout est vegetabilium, vocatur appetitus. Inter potentias autem nulla est liberior, quam voluntas: quia nec obligatur organo, sicut imaginatio, & estimatio, & huiusmodi: nec cogitur a bono, sicut intellectus cogitur a vero. Vires etiam affixæ organis immutantur necessario immutato organo, quibus omnibus volūtas caret. Vnde ait Augustinus: Nihil adeo in nostra potestate est, sicut voluntas.

*Aug. lib. 3.  
de lib. arb.  
c. 3. tom. 1.*

Si autem scire volueris, quare voluntas non cogitur a bono, sicut intellectus a vero; hæc est ratio: quia citra primum bonum, nihil est ita bonum quod non aliquid imperfectionis habeat, sed aliquid ita verum est, quod nihil falsitatis habet: ut patet in hac propositione, Quodlibet totum maius est sua parte. Vnde tali vero cogitur intellectus assentiri, sed voluntas nulli bono creato cogitur adherere. Item voluntas videtur interdum cogi per inordinatum appetitum, prout voluntas quandoque trahit hominem, & allicit, ut bonum spernat incommutabile, & rebus mutabilibus adhareat, sed in huiusmodi coactione libertas quædam est. Vnde Augustinus: Omne peccatum adeo est voluntarium, quod si non est voluntarium, non est peccatum.

*Aug. lib. de  
vita relig.  
c. 23. tom. 1.*

*De synderesi. Cap. LI.*

**S**ynderesis vis est animæ motiua, quæ semper nata est figi in superioribus, naturaliter mouens, &

stimulans ad bonum, & abhorrens malum: & in istis numquam errat, neque secundum synderesim est peccare. Sciendum etiam quod synderesis numquam extinguitur totaliter, etiam in diabolo, & in damnatis: remanet enim in illis aliquis eius actus. Synderesis enim quantum ad instinctum boni, & quantum ad displicentiam mali culpæ absolute consideratæ, extincta est in diabolo & damnatis: secundum vero quod culpa comparatur ad pœnam, sic non est extincta in illis synderesis: & in hunc modum remanet in eis ad pœnam. Isaïas: Vermis eorum non morietur. *Isa. 66. 2* Habent igitur displicentiam mali in comparatione, & collatione ad pœnam.

*De conscientia. Cap. LII.*

**H**oc nomen conscientia componitur ab hac præpositione, con, & hoc nomine scientia, unde conscientia dicitur duo, scilicet scientiam, & secundum hoc conscientia est habitus naturalis, non solum cognitiuus, sed etiam motiuus: inclinatur enim animam ad prosecutionem boni, & fugam mali. Alio modo conscientia dicitur acceptionem ex parte rationis, quod notatur hac præpositione, con. Primo igitur modo prout conscientia includit scientiam in se, habet se sicut superius, & coniungitur synderesi, & semper est recta. Secundo modo coniungitur magis rationi, & sic se habet sicut inferius: hoc modo recipit errorem & conturbationem. In conscientia enim ex parte inferiori bene potest accidere error. Nam ratio cum conscientia cum parti inferiori iungitur, habet versari circa particularia, in quibus saepe contingit errare, sicut patet in syllogismo conscientia, in quo synderesis proponit maiorem sic: nullum malum est faciendum; ratio subsumit minorem, sic scilicet, hoc est malum; conscientia concludit, ergo non est faciendum. Circa primam non est error: circa secundam quandoque est error: & ex hoc falsitas in conclusione quandoque oritur. Cauenda est conscientia nimis larga, & nimis stricta. Nam prima generat præsumptionem, secunda desperationem. Item prima dicit saepe malum bonum: secunda e contra bonum malum. Item prima saepe saluat damnandum, secunda e contra damnat saluandū. Nota quod aliud est conscientia, aliud est timor conscientia. Tunc enim est conscientia, quando quis sententialiter iudicat aliquid esse faciendum vel vitandum: & contra talem conscientiam facere, etiam si sit erronea, peccatum est. Sed contra timorem conscientia facere, non semper est peccatum, quia talis timor non est semper ex diffinitiuâ sententia rationis, per quam iudicat se teneri ad aliquid: sed ex eo quod vacillat inter dubia, nesciens quid sit melius, vel ad quid teneatur potius, cum tamen non omitteretur quidquid sciret esse placitum diuinæ voluntati.

*Isa. 5. d*

De conscientia quoque sciendum quod quandoque respicit præteritum, quandoque præsens, quandoque futurum. Nam conscientia accusat de præterito, remurmurat de præseni, & præcauet de futuro. Præterita namque respicit, ut quando conscientia mentem de hoc quod sibi conscia est reprehendit, sicut de malo commissio, vel de bono omisso. Præsentia etiam respicit, contradicendo eis quorum per conscientiam habuimus oppositum. Futura quoque respicit, ut quando instruit & stimulat mentem ad ea facienda, vel vitanda, ad quæ ipsa conscientia iudicat nos teneri. Quod autem conscientia se extendat, ut dictum est, tam ad facta, quam ad facienda, potest colligi ex diffinitionibus conscientia, quæ tales sunt. Dicit enim Ioannes Damascenus, quod conscientia est lex intellectus nostri. Basilii autem dicit esse rationale iudicium. Diffinitiones istæ magistrales sunt. Conscientia est cognitio sui ipsius. Item Conscientia est animi habitus agendorum, & non agendi.

*Damascen.  
lib. 4. de fi.  
orth. c. 23.  
Basil. hom.  
in princ.  
Pronarb.*

agendorum. Item conscientia est habitus mentis boni & mali discretivus. Item conscientia est credulitas intentionis ad aliquid faciendum, vel non faciendum animi deliberatione firmata.

Error conscientiae octo modis causatur. Primo ex ignorantia, quando scilicet nescit quis quid eligendum sit, vel declinandum. De tali errore dicitur:

1. Paralip. 20. 6. Cum ignoramus quid agere debeamus, hoc solum residui habemus, ut oculos nostros dirigamus ad te.

Secundo ex negligentia, ut cum quis negligit conscientiam discutere, vel si nescit se expedire, negligit tamen ab alijs querere. Tertio ex superbia, ut quando quis non humiliat intellectum suum, ut melioribus, & sapientioribus se velit credere. Contra

3. Cor. 10. b. quos Apostolus: Capriantes omnem intellectum vestrum in obsequium Christi, hoc est dicere quod quilibet in credendis plus debet fidei consentire quam sibi: & in agendis plus debet alijs credere, quam sibi. Quarto ex singularitate, qua homo sequens sensum proprium, non conformatur alijs, nec sequitur

Num. 11. a. vias communes bonorum. De his in Numeris: Extrema castrorum consumpsit ignis. Quinto ex affectu inordinato, qui saepe inclinat conscientiam ad id quod tunc homo appetit: & sic facit eam a sua rectitudine deviare. Seneca: Perit omne iudicium, cum res transit in affectum. Sexto ex pusillanimitate, qua quis timet non timenda secundum rectum iudicium rationis. Isaias: Dicite pusillanimis, Confortamini, nolite timere. Septimo ex perplexitate, qua homo se credit esse positum inter duo peccata, quorum alterum sit impossibile declinare. Sed sciendum quod perplexitas nihil est simpliciter: potest tamen quis esse perplexus secundum erroneam conscientiam, qua deposita erit liberatus. Octavo ex humilitate, & corruptione. Gregorius: Bonarum mentium est ibi culpas agnoscere, ubi culpa non est. Error primis septem modis acceptus reprehensibilis est: octavo vero modo laudabilis est, immo nec error dici debet, sed humilis suorum defectuum recognitio, dummodo non sit nimia.

Greg. li. 12. dis puritate. Gregorius: Bonarum mentium est ibi culpas agnoscere, ubi culpa non est. Error primis septem modis acceptus reprehensibilis est: octavo vero modo laudabilis est, immo nec error dici debet, sed humilis suorum defectuum recognitio, dummodo non sit nimia.

Isa. 65. a. Dis puritate. Gregorius: Bonarum mentium est ibi culpas agnoscere, ubi culpa non est. Error primis septem modis acceptus reprehensibilis est: octavo vero modo laudabilis est, immo nec error dici debet, sed humilis suorum defectuum recognitio, dummodo non sit nimia.

Greg. li. 12. dis puritate. Gregorius: Bonarum mentium est ibi culpas agnoscere, ubi culpa non est. Error primis septem modis acceptus reprehensibilis est: octavo vero modo laudabilis est, immo nec error dici debet, sed humilis suorum defectuum recognitio, dummodo non sit nimia.

#### De operationibus anima. Cap. LIII.

ANIMA secundum diuersas potentias, multas & diuersas habet operationes. Ipsa enim cognoscit verum per intellectum speculativum, affectat bonum per intellectum practicum. Discernit conferendo inter bonum & malum, verum & falsum per rationem. Discernit simul & eligit per liberum arbitrium. Consentit per voluntatem. Inuenit medium per ingenium, stimulat ad bonum per synderesim. Anima autem in actibus suis ordinem habet: nam quod sensus percipit, imaginatio repraesentat, cognitio format, ingenium inuestigat, ratio iudicat, memoria seruat, intelligentia apprehendit, & ad contemplationem adducit. Anima praeterea cognoscit res praesentes per sensum, absentes vero per imaginationem, res autem immateriales per praesentiam sui in semetipsa, ac seipsam per reflexionem sui supra se. Habet etiam alios actus anima pertinentes ad corpus, sicut est vegetare per virtutem naturalem, sentire per virtutem animalem, & viuificare per virtutem vitalem, de quibus omnibus dictum est supra.

#### De quantitate anima. Cap. LIV.

ANIMA cum sit simplex, non habet quantitatem dimensionem, sed virtutalem: unde patet quod anima secundum essentiam non est in toto corpore: sed in parte corporis determinata, & inde virtutem influit toti corpori: & ad hoc ponit Chalcidius exemplum de aranea, quae in medio tela suae residens, sentit quemlibet motum, siue interius, siue exterius in tela factum. Eodem modo anima in centro cordis

posita, sine sui distensione totum corpus sibi unitum sensificat, viuificat, atque mouet. Nec contra simplicitatem animae est, quod tres dicuntur esse animae, scilicet vegetabilis, sensibilis, & rationalis, cuius intelligentia superius est expressa. Anima quoque licet sit simplex, tamen secundum Boetium differt in eo quod est, & quo est: sicut & Angelus, & omne quod est creatum: quae omnia differunt secundum rationem particularis & vniuersalis.

#### De immortalitate anima. Cap. LV.

ANIMAM esse immortalem auctoritate ostenditur & ratione. Dicitur enim in libro Sapientiae: Iustorum animae in manu Dei sunt, & non tanget illos tormentum. Et infra: Et spes illorum immortalitate plena est. Item in Euangelio: Quae sunt homines mortem, & non inuenient. Item Gregorius loquitur de malis inferni: Ibi mors semper viuit, finis semper incipit, & defectus deficere nescit. Item Ioannes: Qui manducat meam carnem, & bibit meum sanguinem, habet vitam aeternam. Item per rationes. Prima talis est: Omnis corruptio ex contrarietate causatur: nihil autem est quod substantiae animae contrarietur. Praeterea anima capax est beatitudinis: Deus autem, ut ait Augustinus, ingenti liberalitate replet omnes creaturas pro captu earum. ergo confert animae beatitudinem: ad beatitudinem autem spectat vita aeterna, & gloria perpetua. Praeterea si anima moreretur cum corpore, homo non timeretur mortuus, sicut nec lupo, nec canis mortuus: ergo relinquitur aliquid viuens post mortem hominis quod timetur: & hoc est anima. Praeterea cum Deus sit iustus, habebunt iusti praemium, & mali poenam: sed hoc non fit in hoc mundo, cum mali videantur florere, deducuntur in bonis dies suos, ut dicit Iob, boni vero tribulantur: ergo fiet alibi. sed hoc non potest esse, nisi anima sit immortalis. Augustinus: Transeunt in praesenti tribulationes, & prospera cum tempore: sed cancellatis manibus more Iacob, eadem redeunt sine fine manura: ut hic tribulati & afflicti, sine fine gaudeant: iucundati vero, & ditati poenas aeternas sustineant. Iacobus: Omne gaudium existimate fratres, cum in varias tentationes incideritis. Beda super isto verbo: Ne indignemini fratres mei, si mali in mundo florent, & vos patimini: quia non est Christianae dignitatis in temporalibus exaltari, sed potius deprimi. Mali nihil habent in caelo, vos nihil in mundo: sed spe illius boni ad quod tenditis, quicquid in via contingat, gaudere debetis. Hieronymus: Difficile, immo impossibile est, ut praesentibus bonis quis fruatur, & futuris: ut hic ventrem, illic mentem reficiat: ut de delicijs ad delicias transeat, ut in caelo, & in terra gloriosus appareat. Praeterea Deus fecit animam ad imaginem, & similitudinem suam, sed Deus est immortalis, ergo & anima.

#### De libero arbitrio. Cap. LVI.

LIBERUM arbitrium, ut ait Augustinus, est facultas rationis & voluntatis, qua eligitur bonum gratia existente, malum gratia deficiente. In hac definitione simul ponitur ratio, & voluntas. Ratio quidem, ut consiliarius, voluntas autem, ut imperator. Nam ratio dicit aliquid esse bonum, vel malum; voluntas, dicit, fiat. Nota quod libertas liberi arbitrij est libera a coactione sufficienti, sed non libera a coactione efficiendi: nulla enim coactio exterior est causa sufficiens, ut aliquid fiat, licet quandoque sit efficiens: ut patet in multis qui coacti sunt negare Christum per tormenta: quoniam in huiusmodi coacta voluntas, voluntas est, ut ait Augustinus. Quando vero peccator trahitur a gratia, tunc non destruitur libertas liberi arbitrij, quia caecus, vel claudus

claudus in foueam cadens quando extrahitur, non fit hoc illo inuito. Libertas liberi arbitrij triplex est, scilicet a necessitate, a peccato, a miseria. Prima libertas est naturæ, secunda gratiæ, tertia gloriæ. Item prima est bonorum & malorum, secunda est tantummodo bonorum, tertia est in cælo regnantium. Ex his patet quod libertas malorum est velle peccare, & etiam posse peccare: sed libertas in paradiso fuit posse non peccare, & etiam posse non turbari: libertas vero patriæ est nolle, & non posse peccare, nec posse turbari. Patet ergo quod liberum arbitrium liberius est in bonis quàm in malis, quia in bonis est tantummodo seruitus miseriæ, in malis autem est seruitus miseriæ & peccati: sed in patria est liberrimum, quoniam omnis talis seruitus destruetur.

Nota quod licet Deus non possit male facere, & similiter Angelus, & animæ beatæ, tamen est in eis liberum arbitrium: quia bonum eligunt, & malum declinant, non ex infirma necessitate, sed libera voluntate. Eodem modo dicendum est de diabolo, quod habet liberum arbitrium, bonum tamen semper respuit, & malum eligit: sed hoc non facit in eo violenta coactio, sed voluntaria obstinatio. Liberum arbitrium habet se in quibusdam indifferenter ad bonum & ad malum, vt in primis parentibus, ante lapsum: in quibusdam plus se habet ad malum, quàm ad bonum, vt in regeneratis per baptismum: in quibusdam plus se habet ad bonum quàm ad malum, vt in sanctificatis in vtero: in quibusdam necessario se habet ad malum, vt in infidelibus non regeneratis: in quibusdam necessario se habet ad bonum, vt in confirmatis, sicut fuit beata Virgo post conceptionem filij.

*De natura corporis humani. Cap. LVII.*

**H**omo Græce anthropos dicitur, & est, arbor inuersa, habet enim se caput cum capillis ad modum radice: brachia vero cum cruribus sunt quasi rami. Solus etiam homo est longi, & lati corporis. Solus quoque homo est erecti corporis, & huius ratio duplex est, scilicet naturalis, & moralis. Naturalis ratio est, quia in alijs animalibus abundat in capite materia terrea deprimens, & deficit calor erigens, quod non est in homine. Est & ratio moralis, vt scilicet rectitudo stature corporis attestetur rectitudinem mentis sursum ad cælestia tendentis. Accidentia animæ transmutant corpus; quia forma delectabilis imaginata mouet corpus, sicut tristabilis: & ideo dicit Auicenna, quod multum tristis, ac lepram timens, erit aliquando leprosus: sicut e conuerso, quod corporis passionibus redundant in animæurbationem, sicut patet in somno. Item partes corporis humani habent similitudinem totius mundi, quia tanta est distantia inter extremitates duorum longorum digitorum vtriusque manus, quanta est a vertice capitis vsque ad plantam pedis, sicut tanta est distantia a centro capitis ad oppositum tropicum in cælo, quanta est ab Oriente in Occidentem. Corpus humanum ex quattuor componitur elementis: sed apparet terra in ossibus & carne: aqua vero in humoribus, scilicet, sanguine, phlegmate, cholera, melancholia. Aer continetur in pulmone, & hoc patet, quia semper in motu est: nam pulmo ventilabrum cordis est, ne nimio calore dissoluatur. Ignis continetur in corde: & ideo inferius est latum, & superius acutum, quam formam ignis tenet. Membra corporis triplicia sunt. Sunt enim quedam radicalia, hepar, cor, cerebrum, genitalia, inter quæ tria prima sunt de esse indiuidui: in quibus, vt supra dictum est, sedem habet spiritus naturalis, vitalis, & animalis: sed membra genitalia sunt ad conseruationem speciei. Alia sunt ad conseruationem speciei. Alia sunt membra deseruientia, vt venæ, arteriæ, & nerui, per quæ vehitur ille triplex spiritus, vt habetur supra. Alia

Append. ad To. 7. oper. S. Bon.

**A** sunt membra officialia, vt manus, pedes, & huiusmodi. Sunt etiam membra, tam artificialiter ordinata, vt mutuo sibi deseruiant: nam superiora inferioribus administrant gubernationem, vt patet in oculis. Item inferiora præbent superioribus supportationem, vt patet in pedibus & cruribus, quæ totum pondus aliorum membrorum sustinent. Item media impartuntur vtrisque defensionem, & necessariorum conquisitionem, vt patet in manibus & brachijs. Item sic sunt ordinata, vt mutuo sibi condoleant. Nam si vnum membrum dolet, condolent ei omnia membra, & hoc propter connexionem, & colligantiam. Item sic ordinata sunt, vt quado vnum membrum deficit, alia eius defectum suppleant: vnde videmus aliquos carètes manibus comedere cum pedibus: & alios carentes pedibus, cum manibus ambulare. Item sic ordinata sunt, vt vnum membrum periculis se exponat pro alio, vt patet in capite, pro cuius defensione alia membra periculis se exponunt. Item magnus dolor in vno membro, facit minorem in alio non sentiri. Item membra, quorum motus subest libero arbitrio, tam promptam obedientiam seruant, vt inter imperium voluntatis & executionem operis quasi nulla mora videatur: & hanc obedientiam videmus seruare oculum in videndo, linguam in loquendo, os in comedendo, manus in operando, & huiusmodi.

*De physionomia hominis. Cap. LVIII.*

**D**iuersæ membrorum dispositiones secundum artem physionomiæ diuersos effectus ac mores indicant in homine, non quod ista signa necessitatem imponant moribus hominum, sed ostendant inclinationem naturæ, quæ tamen retineri potest freno rationis. Sequimur igitur in hoc tractatu magnos huius artis auctores, scilicet Aristotelem, Auicennam, Constantium, Philemonem, Loxum, Palemotium, incipientes a complexionibus. Melancholicos, tristes & graues esse dicimus, sanguineos vero horum opposita habere videmus. Cholericis faciles sunt ad iram, & phlegmatici pigri sunt & somnolenti. Physionomia sexus est, quod masculus animus vehemens est ad imperum, studiosus, & animosus: feminæ autem misericordes sunt & timidæ. Capilli molles, & rari, hebes ingenium proloquuntur. Item capilli crispi pronunciant hominem timidum, & lucri cupidum. Capilli nimium depressi, & frontis imminentes ferum declarant animum: his concordat capitis vrsini capillatura. Item capilli flauis, crassis, & albi indicant indociles. Capilli vero subnigri, si sint moderate tenues, mores indicant bonos, & bonam hominis complexionem. Caput nimis magnū, stolidum indicat. Caput autem globosum & breue, est sine sapientia & memoria. Caput humile superius, & quasi planum, insolentiæ & dissolutionis dat indicium. Caput oblongum aliquantulum, & malleo simile, hominem circumspexit ac prouidum indicat.

**F**rons angusta nimis indocilem & voracem declarat: lata vero paruitatem significat discretionis, sed rotunda designat iracundiam. Item humilis & demissa significat verecundum, & non admittentem turpia. Item quadrata & moderata magnitudinis, magnæ sapientiæ, & magnanimitatis est indicium.

Supercilia arcuata, quæ coniunguntur vsque ad cornu nasi, significant subtilem & studiosum in omnibus operibus suis. Si autem ibidem coeunt, tristem hominem, & parum sapientem demonstrant: Si autem arcuositas declinat ad tempora, & gibbositatem genarum, significant negligentem. Item supercilia si sint longorum & multorum pilorum, significant ferum, & magna meditantem.

Oculi qui tamquā guttulæ liquoris nitidi relucunt,

T r r mores

mores compositos indicant. Quando varie mouentur, vt modo currant, modo quiescant, significant mala reuolui iam in animo, sed nondum esse perpetrata. Oculi glauci, splendore tamen micantes, significant audacem & peruigilem ad malitiam. Oculi magni tremantes, & obscuri significant potationem vini, & intemperantiam venetis. Oculi pure nigri significant imbecilem, & sine virtute animum, & lucri audium. Quando autem guttulæ rubentes aliquantulum ibi sunt, & tamen nigrae apparent, animum iustum, probum, & ingeniosum ostendunt. Vbi autem in nigris oculis guttulæ vehementer rubent, & aliquæ tendunt ad quadraturam, & quædam sunt pallidæ, quædam glaucæ, & circuli qui forinsecus ambiunt, pupillæ sunt sanguinolenti, & sunt magni oculi, & nitor pupillæ mouetur, vt mouetur palpebra, tales, inquam, oculi significant animum, qui omnium excedit morem ferarum. quidquid enim nefandorum cogitari potest, talibus oculis perpetrabile est, nec etiam a domestico cessabunt sanguine. Oculi nimium prominentes rubicundi, & parui, linguam declarant effrenatam, & corpus instabile. Oculi acriter intuentes, si sunt humidi, indicant hominem veridicum, ac in agendis velocem ac prouidum. Oculi qui frequenter clauduntur, & frequenter referantur, timidum ac imbecilem declarant. Oculi multæ apertionis significant stultum, & inuerecundum. Si autem multæ clausuræ sunt, significant mobilem, & inconstantem in omnibus factis suis.

Aures prominētes & valde magnæ significant stoliditatem, & garrulitatem, & imprudentiam: sed valde paræ, malignitatis sunt indicia. Aures nimium rotundæ indocilem significant. Aures oblongæ & angustæ inuidiæ signa sunt. Aures iacentes, & supra caput applicatæ pigritiam designant.

Genæ crassæ significant ignauiam, & somnolentiam, nimium autem tenues malignitatem. Genæ D rotundæ inuidiam arguuntur.

Nares patulæ, alacritatis & fortitudinis dant indicium: longæ vero & tenues, mobilitatis, & leuitatis signum habent. Narium autem pars, quæ iuxta frontem est, si nec alta, nec humili, sed æquali linea descendat, virile signum est: & prudentiam & constantiam demonstrat. Nares minores debito furibus assignantur.

Omnis vultus cum plenus est, & crassus, ignauum & voluptatibus deditum significat: vultus dependēs cogitatore subdolum indicat.

Labia tenuia in ore maiori, si superius labium aliquantulum exuperet super inferius, magnanimum indicant & fortem. Tenuia vero, & parui oris imbecilem animum, & versutum indicant. Labia vero soluta aliquantulum ab ore dependentia, inertem demonstrant. Nam in asinis, & equis antiquis ita inuenitur.

Os paruum conuenit tam vultibus muliebribus, quàm hominibus effeminatis: sed quod ultra modum dilatatur, voracem indicat, & imitem, & impium. Talis enim oris rictus marinis monstris conuenit.

Mentum prolixum aliquantulum demonstrat minus iracundum, & minus perturbatum. Qui os paruum & breue mentum habent, immites sunt & inuidi. Hos enim Plato ad serpentes referebat. Virilius est mentum commensuratum, secundum aliquid ad quadraturam accedens. Mentum si longe in prolixum distendatur, dolis assuetum ostendit.

Vox similis existens vocouium, aut caprarum, stultitiæ habet indicium. Qui autem in modum auium vocem intendent, de facili sunt leues. Vox tenuis, & quasi lugubris, tristem indicat, & suspiciosum. Quorum vox in nares incurrit, ita vt nares consonent, mendaces sunt & maleuoli, ac malis alienis gaudentes.

Ceruix longa & tenuis eum significat, qui mali-

A gna meditatur. Ceruix rotunda probat virtutem animi, & corporis humilitatem. Ceruix brevis indicium est eius, qui cum temeritate audax est. Ceruix nimis erecta insolentem & contumacem dicitur.

Pectus quod multis carnibus est congestum, indocile & ignaros indicat. Pectus quod longius est, quàm venter prudentem indicat. Pectus si cum ventre nimietate pilorum tegatur, significat hominem instabilem, & animum sine religione ac pietate. Cum autem solum pectus capillos præfert, animosum designat.

B Humeri tenues, & qui in acumine erecti sunt, insidiosum indicant hominem.

Brachia quando in tanta prolixitate extenduntur, vt erecto corpore extremitas medijs digiti appropinquet ad genu, licet forte a mensura quattuor digitorum deficiat, huiusmodi habiles homines & fortes dicunt: cum autem prolixitas hæc ad femur definit, vel parum ultra, declarat homines maleuolos, & malis alienis gaudentes.

Manus nimium breues & exiguæ, fortes designant & sagaces. Crassæ manus, si digitos breues ultra modum habeant, tergiuersorem declarant, insidiosum & furem. Manus intortæ & tenues loquaces significant & voraces.

C Vngues albi plani, & molles, ac tenues, ac rubentes, & bene perlucidi, optimum ingenium indicant. Vngues inflexi, & curui, impudentes indicant & rapaces. Vngues breues nimium, declarant malignum.

Digitus collecti & globati avarum dicunt, & malignum. Digitus parui & tenues stultum demonstrant. Digitus vero parui & grossi inuidiam indicant & audacem.

Laterata tenuia, & angusta timiditatem indicant. Laterata referta carnibus, & dura, ostendunt hominem indocilem, hæc enim ad ranas secundum Platonem referuntur.

Pars cruris quæ sub genu est, quæ vocatur sura, quando plena est, & quasi grauida intemperatum hominem significat, & impudentem: molles suræ effeminatis assignantur.

Pedes crassi & breues valde infirmum hominem indicant. Pedes nimium prolixi ad hominem dolum referuntur. Pedes pertenuis & breues produnt hominem malignum. Qui longis passibus incedunt, magnanimi esse solent, & efficaces. Qui celeriter incedendo se comprimit, & vultum deducit, atque totum corpus implicat, significat timidum, paruum & versutum. Qui breues passus habet, eundoque accelerat, malignus esse dicitur atque imbecillis.

E Color cutis niger versutum indicat. Color albus rubeusque fortes animosque ostendit. Color vehementer albus cum pallore, defectum virtutis significat ex nimia victoria phlegmatis. Color ignitus lucentibus oculis ad insaniam vergit. Color medius inter nigrum & album qui declinat in brunum, si clarus est, ostendit virum boni ingenij, & bonorum morum.

#### De regulis generalibus physionomia. Cap. LIX.

F Generaliter ergo tenendum est, quod membra quæ in proportionem sunt naturali quo ad figuram, colorem, quantitatem, situm, & motum, indicant mentis bonam habitudinem naturalem. Membra vero quæ non habent proportionem debitam in figura, quantitate, situ, & motu, peruersam mentem indicant. Præterea dicebat Plato, quod quæcumque similitudo animalium aliquorum in hominibus est, tales homines etiam imitantur talium mores. Notandum insuper quod licet per signa membrorum naturalium mores hominum cognoscantur, non tamen imponunt necessitatem, sed ostendunt inclinationem naturæ: nec semper denunciant affectus hominum, sed frequenter & probabiliter. Item statim per signa exteriora, de quibus dictum est, non statim profe-

Factum hoc  
de Zopy-  
ro physio-  
gnomone,  
& de Socra-  
te narrat Ci-  
cero lib. de  
Fato.

Aug. regu-  
la 3. c. 12.  
20. 1. & 2.  
209. ante  
med. 10. 2.

proferendum est iudicium: quia forte signum est per accidens, & non per naturam: & forte victum est per contrariam consuetudinem, & freno rationis tene-  
tur. Vnde narrat Aristoteles, quod discipuli Hippo-  
cratis detulerunt Philemoni excellenti physionomo  
pictam imaginem Hippocratis, qui pronunciauit de  
ipso, quodd esset vir luxuriosus. Illis autem indignan-  
tibus, & culpantibus Philemonem, quod de optimo  
viro taliter iudicasset, retulerunt hoc Hippocrati:  
qui confessus est Philemonem hoc recte iudicasse, sed  
ex amore Philosophiæ & honestatis dixit se concupi-  
scentias cordis sui vicisse, & accepisse per studium,  
quod naturæ fuerat denegatum. Denique sciendum  
est quod signa exteriora non referuntur nisi ad eas  
passiones, quæ naturaliter insunt homini, sicut est  
ira, concupiscentia, & huiusmodi: non autem ad eas,  
quæ sunt animæ solius; sicut est musica, geometria,  
& similia. Sciendum quoque, quod in oculis prin-  
cipaliter consistit omnis perfectio physionomiæ: & sic  
oculorum indicium confirmat ceterorum membro-  
rum indicium. Si autem contrariantur, tunc præua-  
lent indicia oculorum: propter quod omnes physio-  
nomi affirmauerunt oculum esse verum cordis nuni-  
cium. Augustinus: Impudicus oculus, impudici cor-  
dis est nuntius.

De toto homine. Cap. LX.

Postquam expeditum est de homine ex parte men-  
tis & ex parte corporis, nunc dicendum est de ip-  
so prout est compositus ex utroque, ubi specialiter  
ostenditur Dei potentia: quia naturas tam distantes  
coniunxit in vnam personam perfectam, scilicet cor-  
poream, & incorpoream, quæ maxime distant in præ-  
dicamento substantiæ. Præterea cum esset vna sola  
creatura quæ habebat intus cognitionem per intelle-  
ctum, & Angelus: & alia, quæ habebat foris per  
sensum, & quodlibet animal brutum, fieri debuit  
creatura, propter perfectionem vniuersitatis, quæ  
hac duplici cognitione esset prædita, ut posset lege-  
re in libro scripto intus & foris, hoc est in Creato-  
re, & in opere suo. Vnita est anima corpori multi-  
plici ratione, licet separata dignior videatur. Prima  
ratio est, ut per coniunctionem tam disparium natu-  
rarum erigeretur mens ad sperandam illam vniionem,  
quæ erit inter animam, & spiritum increatum.  
Alia ratio est, ut anima seruiendo Deo in corpore,  
habeat maius meritum: quia ubi maior pugna, ibi  
maior victoria, & per consequens maior corona.  
Difficultas enim corporis multum valet ad efficien-  
tiā merendi. Tertia ratio est propter complementum  
vniuersi. Cum enim, sicut dictum est, quædam ef-  
set creatura pure spiritualis, quædam pure corpora-  
lis conueniens fuit fieri creaturam mixtam, scilicet  
partim spiritualementem, & partim corporalem. Quarta  
ratio est, quia sicut corpus viuum valet ad fructum  
penitentia: sic post mortem resuscitatum valebit ad  
consecutionem stolæ duplicatæ: quia non solum ani-  
ma, sed etiam corpus præmiabitur dote sua. Quinta  
ratio est, quia homo ex defectibus corporis multam  
habet materiam humiliationis, iuxta id, Humiliatio  
tua in medio tui. Sicut enim anima ex coniunctione  
ad corpus, plura consequitur bona: sic & multa con-  
trahit incommoda. Primo, peccati originalis iniqui-  
tationem: Quis potest facere mundum de immundo  
conceptum semine? Secundo peccati pronitatem:  
Proni sunt sensus hominis ad malum ab adolescen-  
tia sua. Tertio bene operandi difficultatem: Per agrū  
hominis pigri transiui, & ecce totum, &c. Quarto,  
intellectus hebetudinem: Corpus quod corrumpi-  
tur, aggrauat animam. Quinto continuam impu-  
gnationem, ad Galatas: Caro concupiscit aduersus  
spiritum, &c. Sexto curarum sollicitudinem: Dico  
vobis, ne solliciti sitis animæ vestræ quid, &c. Septi-  
Append. ad To. 7. oper. S. Bon.

Mich. 6. d

Job 14. a

Gen. 8. d

Pron. 24. d

Sap. 9. c

Gal. 5. c

Mat. 6. d

Amo passionum multipliciter: Homo natus de mu-  
liere, breui viuens tempore, repletur multis miserijs.  
Octauo gloriæ retardationem, gloriam enim perci-  
pere non possumus, quamdiu in corpore detine-  
mur: propter hoc Apostolus cupiebat dissolui &  
esse cum Christo.

Job 14. a

Philip. 1. d

De proprietatibus hominis. Cap. LXI.

Proprietates hominis sunt istæ, discernere inter  
honestum, & turpe: vnde solius hominis est ho-  
nestum prosequi, cum omnia bruta non nisi vtilia &  
delectabilia prosequantur. Item passiones ordinare  
ad limitem rationis. Supra mundum per intellectum  
eleuari: & ideo quando quis per adhesionem in ter-  
renis, se mundo inferiorem facit, iam quasi honore  
humanitatis exutus, proprietatem accipit bestiarum, ita  
ut dicatur fieri per immunditiam porcus, per iram  
canis, per rapinam leo, & sic de alijs: quod Plato vo-  
cauit secundam animarum incorporationem. Amici-  
tiam habet secundum omne genus amicitia: & in  
hoc differt a brutis, quæ non habet amicitia: speciem,  
nisi quæ delectationis est, vel connutritorum, & hu-  
iusmodi. Intellectualibus theorematibus delectari,  
& speculari talia. Verecundari in turpi perpetrato.  
Propter quod inemendabiles dicuntur inuerecundi,  
quia in aliquo mutati sunt a rationis honore, peco-  
rinam naturam assumentes. Perfecte esse coniugale  
animal, eo quod legibus ordinatis faciat honestas  
nuptias. Ciuile animal esse, quia distributiones, &  
cohabitationes, & fœdera & pugnas perfectas habet  
ex vrbantatibus ordinatas. Disciplinæ esse percepti-  
bile propter rationis vsum. Esse animal mansuetum  
natura propter ciuilitatem. Esse animal risibile, glo-  
riabile, propter perfectas gaudendi rationes, quæ  
soli contingunt homini. Esse microcosmum, id est,  
minorem mundum, eo quod de omnibus creaturis  
aliquid habeat homo, videlicet esse cum lapidibus,  
vegetari cum arboribus, sentire cum animalibus, in-  
telligere cum Angelis. Ex duplici natura esse compo-  
situm, scilicet corporali & spiritali. Creaturarum  
esse dignissimam. Esse animal rationale & mortale.  
Humana fragilitas in hoc consistit quod in homine  
est assiduitas deficiendi, impossibilitas standi, facili-  
tas cadendi, difficultas resurgendi, vilitas nascendi,  
incertitudo moriendi. Defectus humanus est, quia  
quidquid habemus, aliunde habemus & imperfecte,  
insuper & amittere possumus. In homine quoque est  
moriendi necessitas, & hæc est, vel illata necessitas,  
sicut fuit in Adam: vel innata, sicut est in nobis: vel  
assumpta, sicut fuit in Christo.

Greg. ho-  
mil. 29. in  
Euang. an-  
te med.

De primis parentibus. Cap. LXII.

Summa bonitas volens communicare bonū suum  
alijs, fecit creaturam rationalem, quæ summum  
bonum intelligeret, intelligendo amaret, amando  
possideret, possidendo beata esset. Fecit autem Deus  
primum hominem, formando corpus eius per mini-  
sterium Angelorum de limo terræ in agro Damasce-  
no, & inspirauit in faciem eius spiraculum vitæ: hoc  
est, animam creauit, quam corpori facto vnium. Fa-  
ctus est autem homo ad imaginē Dei in naturalibus,  
& ad similitudinem in gratuitis. Dicitur autem ho-  
mo factus ad imaginem Dei potius quam Angelus:  
quia conuenientiam habet homo cum Deo intus &  
extra, quod non habet Angelus. Intus enim habet  
conuenientiam cum Deo secundum memoriam, in-  
telligentiam, & voluntatem, sicut Angelus; sed extra,  
conuenientiam habet quæ non habet Angelus. Nam  
sicut a Patre est Filius, sic ab homine homo eius-  
dem naturæ. Præterea sicut Deus prælatus est omni  
creaturæ simpliciter, sic homo omnibus in suo vni-  
uerso. Item sicut Deus vbique est, sic anima vbique  
est in

Tit 2



est in suo habitabili, idest, in corpore, non quidem A per essentiam, sed per potentiam. Dignitas humana est in hoc, quod Deus fecit hominem ratione sapientem, vita innocentem, dominio potentem. Primum notatur in hoc quod homo factus est ad imaginem Dei: secundum, quod ad Dei similitudinem: tertium, quia prepositus est homo cunctis animantibus, & alijs creaturis, quæ omnia sibi seruiunt. Ex his nota quod voluntati bonorum hominum non solum subditur creatura, sed etiam ipse Deus omnipotens. Psal. 144. d. mista: Voluntatem timentium se faciet, &cet, Item Angeli, qui deputantur ad custodiam. Item dæmones, qui dantur ad exercitium bonorum. Item homines boni, qui sunt socij tribulationum, & erunt socij consolationum. Item homines mali qui bonos magis promouent persequendo, quàm possent facere seruendo.

Corpus tale dedit Deus primo homini, quod animæ subiectum esset, vt esset obtemperans sine rebellionem, esset etiam propagabile sine libidine, esset vegetabile sine mortalitate, esset proportionabile quantum ad complexionem æqualem, esset quoque conforme animæ, vt sicut anima erat innocens, & tamen poterat peccare, sic corpus esset impassibile, vt tamen posset mortalitatem incurrere: & ideo poterat mori, & non mori: poterat habere sufficientiam, & indigentiam: poterat obtemperare, & rebellare, & hoc fuit ratione naturæ defectuæ ex nihilo creatæ, nec per gloriam confirmatæ. Fuit tamen corpus ita conditum, vt in eo nulla esset pugna rebellionis, nulla pronitas libidinis, nulla imminutio vigoris, nulla corruptio mortis. Hæc autem immortalitas corporis Adæ principaliter fuit ab anima, sicut ab influente: a corporis æquali compositione, sicut a disponente: a ligno vitæ, sicut a vegetante: a regimine vero prouidentia diuinæ, sicut ab interius conseruante, & exterius protegente. Factus est itaque homo absque omni culpa, & miseria, nec ad culpam habuit fomitis incitamentum. Ius super datum est ei quadruplex adiutorium. Primum ad recte volendum, quod est conscientia. Secundum ad murmurandum contra malum, & ad stimulandum ad bonum, quod est synderesis. Tertium fuit scientia illuminans intellectum ad cognoscendum Deum suum, sicut seipsum, & mundum istum, qui factus fuerat propter ipsum. Quartum fuit charitas accendens affectum ad diligendum Deum super omnia, & proximum suum sicut seipsum. Prima duo pertinent ad perfectionem naturalium, alia duo ad perfectionem pertinent gratuitum, quorum vnum fuit gratia gratis data, scilicet scientia: aliud gratia grati facientis, scilicet charitas. Accepit homo triplicem oculum, primum carnis, quo videret mundum: secundum rationis, quo videret animum: tertium contemplationis, quo videret Deum. Et sic oculo carnis videt homo quæ extra se sunt, oculo rationis quæ intra se sunt, oculo contemplationis quæ sunt supra se. Notitiam enim Dei habuit, cuius præsentiam quodam interiori aspectu rationis contemplabatur, non tamen ita excellenter vt in patria, nec ita in ænigmate, vt modo in via. Res etiam factas nouit, quia animantibus omnibus nomina imposuit. Notitiam quoque sui habuit: quia qualis factus erat, sciuit; & quod agere, & quod cauere deber, intellexit. Fuit quoque sine pœnalitatibus, quia nec esuriuit, nec sitiuit. Item frigus vel æstus, labor aut infirmitas eum non læsit. Nec mortem expectauit, quia viuus erat ad gloriam transfereendus. Vestibus non eguisset, & nudus verecundiam non sensisset. Natura in eo, quo ad deformitatem membrorum, non errasset. Conceptus fuisset sine pudore, partus sine dolore. Motus membrorum subiecti fuissent voluntati.

Gen. 2. c

Gen. 2. d

De preceptis Adæ datis. Cap. LXIII.

Adam factum Deus in paradysum transtulit, & ibi de costa dormientis Euam sibi sociam formauit. Hanc non fecit de capite, ne viro dominaretur; nec de pedibus, ne contemneretur: sed de latere; vt amoris vinculum probaretur. Duplex bonum illis Deus præparauit, vnum temporale, aliud æternum. Primum dedit, secundum promisit. Ideo duplex præceptum primus homo habuit, vnum naturæ, ad custodiendum bonum datum; aliud disciplinae, ad promerendum bonum promissum: & hoc non poterat promereri melius, quàm per puram obedientiam, quæ tunc mera est, quando præceptum ex se solo obligat, & non ex alia causa: & tale dicitur præceptum disciplinae, quia per ipsum discitur quanta sit virtus obedientia. Vnde & disciplinae præceptum dicitur: quia vitare lignum scientia non suadebat natura, sed disciplina. Præceptum vero naturæ duplex fuit: vnum de conseruatione indiuidui: vt ibi in Genesi: De omni ligno paradisi comedetis. Gen. 2. c. Inter quæ ligna fuit in medio paradisi specialiter nominatum lignum vitæ, sic dictum ab effectu, quia corpora primorum parentum debebat continue vegetare. Aliud fuit præceptum naturæ pro conseruatione speciei, vt illud: Crescite & multiplicamini. Gen. 1. d. Circa præceptum disciplinae nota quod aliquid prohibetur, quia malum, Non furtum facies. Aliquid quia occasio mali. In Mattheo: Non iurare omnino: sicut prælatus multa prohibere potest, quæ tamen non sunt expressa in sua regula. Aliquid ad probationem obedientia, & tale fuit præceptum de ligno vitæ.

De paradiso. Cap. LXIV.

Homo prædictis fultus auxilijs accepit locum paradisi terrestris in habitationem tranquillam. Fuit autem locus ille, vt ait Damascenus, exultationis vniuersæ promptuarium, qui terra excelsior est positus, & temperato ac purissimo aëre circumfulget, plantis semper & floribus ornatus est, bono odore plenus, nullumque irrationabilium animalium ibi habitat. Præterea habetur in Genesi, quod a Domino paradysus plantatur, fonte, qui diuiditur in quatuor capita, irrigatur, ligno vitæ ac scientia boni & mali decoratur, per Cherubim & flammeum gladium custoditur. Notandum insuper quod ibi nullæ sunt tempestates. Duæ quoque ibi sunt hiemes, & duæ æstates, & bis fructificant ibi arbores. In vtroque solstitio habent hiemem, & in vtroque æquinoctio æstatem. Huius autem ratio est, quia paradysus sub circulo æquinoctiali situs est. Item semper habent æquinoctium.

De casu primi hominis. Cap. LXV.

Inuidens ergo diabolus felicitati hominis, in specie serpentis ipsam mulierem, tamquam fragiliorem aggreditur tentandam: quàm cum in responsione dubitantem cerneret, fortius instat: & tandem vincens eam, virum illa mediante deiecit. Processit ergo sic: Primo scilicet quærendo, Cur præcepit vobis Deus, &c. Secundo asserendo falsum. Nequaquam moriemini. Tertio promittendo, Eritis sicut Dij, scientes bonum & malum. Processus iste fuit maximæ versutia, quia processit experiendo, impellendo, & alliciendo. Experientiam enim accepit interrogatione, impulit in mendacii assertionem, allexit in falsa promissione. Allexit autem diabolus mulierem per triplex appetibile, scilicet, per scientiam, quæ est appetibilis rationi: per excellentiam ad modum Dei, quæ est appetibilis irascibili: per suauitatem ligni, quæ est appetibilis concupiscibili. Igitur vir in vno peccauit, quia lignum veritum gustauit: vnde & pœnam accepit, vt in sudore vultus sui pane suo

*Gen. 3. b. 6* suouesceretur. Mulier autem in duobus peccauit.

Nam superbiuit, & ueritatem comedit: unde & duplicem maledictionem habuit, scilicet, Sub viri potestate eris, & hoc propter primum. Item, In dolore paries, & hoc propter secundum. Diabolus vero in serpente tria fecit, inuidit, mentitus est, decepit: unde propter primum dictum est ei: Supra, peccatus tuum gradieris: propter secundum, Terram comedes: Propter tertium, Ipsa conteret caput tuum. Si autem scire uolueris quis eorum plus peccauit, scilicet vir an mulier, notandum est quod quantum ad aliquam plus peccauit mulier, & quantum ad aliquam plus vir. Nam mulier plus peccauit quo ad peioris finis intentionem. Voluit enim fieri sicut Deus: sed vir intendebat non contristare delicias suas. Item mulier peccauit in plures, quia in se, in Deum, & in proximum. Item damnosius peccauit mulier, quia plures maledictiones recepit. Vir autem peccauit plus quantum ad originem, quia ex certa scientia. Item vir peccauit maiori ingratitudine.

Querunt multi cur Deus hominem fecerit qui peccare posset, & ad hoc assignantur plurimae rationes. Prima est, ut ostendatur diuina potentia, qui solus inuictibilis est, omnis autem creatura uictibilis est. Secunda, ut declaretur Dei sapientia, quae de malo scit elicere bonum: quod non potuit fieri nisi Deus creaturam fecisset uictibilem in malum. Tertia, ut manifestetur Dei clementia, qua Christus per mortem suam hominem perditum liberauit. Quarta, ut ostendatur Dei iustitia, qua non solum reddit bonis praemia, sed etiam malis supplicia. Quinta, ut homo non sit peioris conditionis, quam aliae creaturae, quas omnes Deus sic administrat, ut eas propriis motibus agere sinat: unde & hominem in proprio arbitrio relinquere debuit. Sexta est, laus humana. Laus enim est viri iusti, qui potuit transgredi, & non est transgressus. Septima est, decor vniuersi, quia opposita iuxta se posita magis elucescunt, ita mali bonos commendant ad inuicem comparati. Octaua ratio est, quia boni exercitantur & probantur per malos. Adam autem & Eua ob peccatum de paradiso expulsi sunt, sicut Lucifer de caelo: & in hac valle miseriae habitantes facti sunt mortales. Nam sicut in caelo est non posse mori, & in paradiso posse non mori; sic in terra est non posse non mori; sic in inferno est semper mori. Ex his patet quod primus status hominis fuit innocentiae: secundus gratiae: tertius culpe: quartus poenitentiae: quintus gloriae. Dum enim inordinate erexit se supra se, cecidit miserabiliter infra se, scilicet a statu innocentiae, & gratiae in statum culpe & miseriae. Item quia factus est inobediens suo superiori, iusto Dei iudicio factum est, ut sibi fieret inobediens suum inferius, scilicet caro, & maxime circa membra uirtuti generatiuae deferuentia.

De ordine tentationis in nobis. Cap. LXVI.

**O**rdo tentationis qui fuit in primis parentibus, etiam in nobis completur. Nam sicut serpens ubi suggessit, mulier delectata est, vir comedit: sic in nobis secundum Gregorium, diabolus gerit serpentis officium: sensualitas uero, quae in carne est, officium mulieris, & ratio tenet locum viri per consensum. Vel dicas secundum Augustinum, quod suggestio serpentis est primus motus ex fomite: comestio uero mulieris, delectatio cogitationis, scilicet per inferiorem partem rationis, sed comestio viri est consensus superioris partis rationis. Per hanc enim tria, scilicet, suggestionem, delectationem, & consensum, homo in tentationem ducitur: quia tentatio per suggestionem inchoatur, sed per delectationem, progreditur, per consensum autem consummatur.

Sunt autem alia tria, per quae quis in tentatione detinetur, scilicet opus prauum, consuetudo, & despectatio. Sciendum item est quod tentatio est triplex.

Append. ad To 7. oper. S. Bon.

**A** Prima est a diabolo, vel per modum suggestionis, vel per modum afflictionis. Secunda est a mundo, qui uoluptate, vel uanitate allicit, vel persecutione frangit. Tertia est carnis, quae per sensualitatem, ac fomitem ad peccatum impulit: quibus ratio consentiens peccatum perficit. Duae sunt tentationis species: Prima scilicet diaboli, secunda mundi, & sunt extra nos, & non habent peccatum. Unde Augustinus: Tentatio cui non consentitur, non est peccatum, sed materia exercendae uirtutis. Tertius modus tentandi est intra nos, & est peccatum veniale, cum primus motus est tantum: sed mortale, si consensus aduenierit.

**B** Contra praedictos tentatores dedit nobis Deus tria remedia, quia contra diabolum habemus spiritus & Angelos bonos, qui ad bonum nos stimulant, & contra insultus diaboli defendunt. Item contra mundum habemus exempla Sanctorum, quos nec alliciebant mundi blandimenta, nec terrebant supplicia. Item contra carnem habemus bona naturalia, scilicet synderesim, & vim irascibilem, quae naturaliter nos docent non acquiescere carni, sed spiritui. Habemus etiam gratuita, scilicet charitatem, temperantiam & huiusmodi, quibus carnis uitia mortificamus. Est autem differentia inter tentationes, quae sunt a diabolo, & quae sunt a carne. Tentationes enim quae a diabolo sunt, saepe oriuntur praeter rationem, ut cum nuper satiatus famem patitur, & post longam dormitionem somno grauiatur. Tentationes uero quae sunt a carne, frequenter surgunt propter necessitatem, sed interdum excresecunt in superfluitatem, ut si cibis post ieiunium immoderate appetitur, vel in comedendo mensura & modus non tenetur.

Tentatio autem multiplex est: quaedam est probationis, & haec est a Deo secundum quod Dominus tentauit Abraham. Quedam examinationis, & haec est ab homine. Quedam praecipitationis, & haec est a diabolo, qui sic primos parentes tentauit. Quedam delectationis, & haec est a carne. Quedam consensus, & haec est rationis.

Tentationum quattuor sunt species. Prima est aspera, haec autem fit de laboribus inconsumptis in principio conuersionis. Secunda est uana, & oritur de spiritualibus prosperitatibus, ut cum quis de uirtutum successibus gloriatur. Tertia est dubia, ut quando quis ambigit quid certum de aliqua re tenere debeat: unde accidit quod lentior quisque ad bonum redditur, quando id quod agit, bonum esse dubitatur: & pronior fit ad malum, quando malum esse nescitur.

**E** Quarta fraudulentia, ut quando diabolus in angelum lucis se transfigurat, sub specie scilicet uirtutum inducens uitiu, haec fit quando suadendo honestatem, inducit superbiam, vel dissuadendo discretum obsequium, inducit nimium carnis commodum, vel suadendo iustum iudicium, inducit crudelitatem: vel suadendo misericordiam, inducit remissionem & negligentiam: vel suadendo largitatem, inducit prodigalitatem, & sic de alijs. In talibus autem periculosissimum est periculum non uidere. Primam appellat Psalmista timorem nocturnum: per noctem enim aduersitas designatur. Secundam appellat, sagitta volantem in die: quia per diem prosperitas designatur. Tertiam appellat negotium perambulans in tenebris, & haec propter dubium perplexitatis. Quartam uocat demonium meridianum, unde ait: Non timebis a timore nocturno, a sagitta, & cetera. De his quattuor generibus tentationum, idem ait: Super aspidem, quo ad primum: & basiliscum, quo ad secundum: & conculcabis leonem, quo ad tertium: & draconem, quo ad quartum.

Propter praedictas tentationes, vel deceptiones diaboli non sunt etiam licita facienda: & hoc in quinque casibus. Primus est, si diabolus suadet homini aliquid esse bonum faciendum, quod uidetur suis consilijs consentire: unde Christus ipso suadente noluit

T t 3 facere

*Greg. li. 3. reg. Pass. 6. 2. ad monit. 30. Aug. lib. 2. de Gen. con. Manich. 6. 24. 30. 1*

*Psal. 90. 6*

*Gen. 22. 4*

*Gen. 3. 4*

*2. Cor. 11. 6*

*Psal. 90. 4*

*Ibid. 4*

*Matt. 4. 2*

facere panem de lapidibus, quod tamen opus bonum fuisset. Secundus, si proponatur aliquod opus contra legem Dei, non est faciendum. Vnde Machabæi volebant comedere carnes, quas tempore necessitatis comedere licuisset. Tertius, quando bonum fit cum scandalo aliorum. Peccantes in fratres, &c. & loquitur de idololatriis. Quartus est quando bonum fit per ostentationem. Si osculatus sum manū meam, *2. Mac. 7.* quæ est iniquitas maxima. Quintus, cum impedit obedientiam superioris. quia licet propter mandatū prælati numquam malum debeat fieri, potest tamen bonum aliquando propter obedientiam prætermitti. Remedia autem contra tentationes sunt, memoria Dominicæ passionis, mortificatio carnis, vtile exercitium, declinatio occasionum, conculcatio principij tentationum. *1. Cor. 8. d* *Iob 31. e*

# COMPENDII THEOLOGICAE VERITATIS

## Liber Tertius

### DE CORRUPTELA PECCATI.

#### CAPITA HVIVS LIBRI.

De malo in genere.	Cap. I.	De gula.	Cap. XX.
De peccati diffinitione.	Cap. II.	De luxuria.	Cap. XXI.
Quid sit peccatum secundum rem.	Cap. III.	Quomodo superbia sit mortale, vel veniale.	Cap. XXII.
Quid sit peccatum secundum nomen.	Cap. IV.	Quomodo invidia sit mortale, vel veniale.	Cap. XXIII.
De origine peccati.	Cap. V.	Quomodo ira sit mortale, vel veniale.	Cap. XXIV.
De diuisione peccati.	Cap. VI.	Quomodo acedia sit mortale, vel veniale.	Cap. XXV.
De effectu peccati.	Cap. VII.	Quomodo auaritia sit mortale, vel veniale.	Cap. XXVI.
De peccato originali secundum rem.	Cap. VIII.	Quomodo gula sit mortale, vel veniale.	Cap. XXVII.
De peccato originali secundum nomen.	Cap. IX.	Quomodo luxuria sit mortale, vel veniale.	Cap. XXVIII.
De primis moribus.	Cap. X.	De peccato in Spiritum sanctum.	Cap. XXIX.
De morosa delectatione, & consensu in peccatum.	Cap. XI.	Enumeratio peccatorum cordis.	Cap. XXX.
De peccato veniali.	Cap. XII.	De peccatis oris.	Cap. XXXI.
De effectu peccati venialis.	Cap. XIII.	De peccatis operis.	Cap. XXXII.
De septem vitijs capitalibus in specie.	Cap. XIV.	De peccatis omissionis.	Cap. XXXIII.
De superbia.	Cap. XV.		
De invidia.	Cap. XVI.		
De ira.	Cap. XVII.		
De acedia.	Cap. XVIII.		
De auaritia.	Cap. XIX.		

De malo in genere. Cap. I.



**M**ALUM triplex est, videlicet culpæ, pænæ, & damni: quod opponitur triplici bono, scilicet honesto, delectabili, & utili. Nam culpæ opponitur honestum, pænæ opponitur delectabile, damno opponitur utile. Malum est vtile multis modis, Primo, propter suam ordinationem, quia

per vilificationem ponitur in loco inferiori in vniuersitate rerum, vnde bene ordinatur; sicut ordinate ponitur diabolus in inferno, & fur in patibulo. Secundo modo vtile est propter suam coactionem. Amara enim conscientie cogit hominem a peccato recedere. Arguet te malitia tua, & auersio tua increpabit te. Item in eodem: Vide quàm malum & amarum est te dereliquisse Dominum Deum tuum. Ter-

tio est vtile per ipsius mali considerationem. Ex hoc enim quod homo malum videt, naturaliter proficit: quia sicut homo naturaliter bonum appetit, ita naturaliter horret malum & fugit.

De peccati diffinitione. Cap. II.

**P**ost malum in genere, sequitur de malo culpæ in specie. Diffinitur autem peccatum multis modis. Primo sic ab Augustino: <sup>a</sup> Peccatū est voluntas retinendi vel consequendi quod iustitia verat. Secundo sic ab eodem: <sup>b</sup> Peccatum est dictum vel factum, vel concupitum contra legem Dei. Tertio sic ab Ambrosio: <sup>c</sup> Peccatum est prauaricatio legis diuinæ, & cælestium inobedientia præceptorum. Quarto sic ab Augustino: <sup>d</sup> Peccatum est spreto incommutabili bono rebus mutabilibus adhaerere. Prima diffinitio datur secundum causam efficientem, secunda secundum causam materiale, tertia secundum causam formalem, quarta secundum causam finale. In quarta

<sup>a</sup> Aug. li. 1.  
Retrahit.  
c. 13. 10. 1.  
& lib. de

duob. ani-  
mab. c. 11.  
rom. 6.  
<sup>b</sup> Idem lib.  
22. contr.  
Faust. cap.  
27. rom. 6.  
<sup>c</sup> Ambros. li.  
de Parad.  
cap. 8.  
<sup>d</sup> Aug. li. 1.  
de lib. arb.  
c. 16. 10. 1.  
diffini-

*Hiere. 2. d*

diffinitione nota quòd in peccato duo sunt, scilicet auersio a Creatore, & conuersio ad creaturam; quorum primum est quasi formale, secundum quasi materiale. Et in actione non est peccatum ratione conuersionis, si non sistatur in creatura: sed ratione auersionis, in qua est deformitas & contemptus. Quòd autem ratione conuersionis non sit peccatum principaliter, patet: quia potest fieri venialiter quòdoque, ut quando quis delectatur in creatura plus debito, sed tamen citra Deum. Quandoque etiam quis potest delectari in creatura sine omni peccato, ut cum delectatio naturalis est tantum, secundum quod visus delectatur in viridi, & gustus in dulci, & sic de alijs. Interdum potest etiam quis delectari meritorie: quando, scilicet ad Deum refertur. unde Psalmista: *Delectasti me Domine in factura tua, &c.* Sed tunc sumitur delectatio pro motu, non pro passione.

*Psal. 91.*

*Quid sit peccatum secundum rem. Cap. III.*

**T**enendum est de peccato quòd non est substantia vel res aliqua, sed defectus & corruptela. Et dicitur peccatum nihil propter tria. Primo, propter defectum, quia peccatum non est aliqua res naturalis, sed corruptio boni. Secundo, propter effectum, quia peccatum annihilat hominem, & deficere facit a vero esse. Tertio, propter despectum, quia vilem facit hominem & indignum premio. Circa prædicta tamen sciendum est quòd aliud est peccati actus, aliud habitus, & aliud macula peccati, siue reatus. Actus peccati est aliquid: sed quando amplius non sit, esse definit etiam sine gratia: sed peccati habitus qui relinquitur malis ex actibus, etiam aliquid est, & remanet interdum etiam cessantibus actibus, & post infusam gratiam ac peccati remissionem. Peccati vero macula secundum rem, nihil est, & tamen deformat animam non per modum positionis, sed priuationis, sicut truncatio membri deformat corpus, & macula. Dicit etiam Augustinus quòd etiam sicut abstinentia nulla est res, & tamen ex ea corpus languet, ita peccatum non est res aliqua, vel substantia aliqua, & ex eo tamen natura corrumpitur, sed deletur per gratiam. Notandum præterea quòd peccatum quòdoque transit actu, & remanet reatu, sicut peccatum actuale. Quandoque est e conuerso, cum peccatum transit reatu, & remanet actu, sicut patet in peccato originali post baptismum. Quandoque transit actu simul & reatu, sicut peccatum actuale post penitentiam perfectam. Quandoque remanet actu & reatu, sicut peccatum originale ante baptismum.

*Ang. lib. de natura & gra. contr. Pelagian. q. 20. 10. 7.*

*Quid sit peccatum secundum nomen. Cap. IV.*

**P**eccatum habet multa nomina. Vocatur enim macula, & hoc quia imaginem animæ deformat. Item reatus, quoniam ad pœnam æternam obligat. Item pollutio & hoc quantum ad contagionem contractam ex terrena delectatione. Item vocatur pœna, in quantum respicit peccatum primi hominis, in quo natura nostra corrupta fuit. Item delictum, secundum quòd est recessus a dignitate gratiæ habitæ. Item vocatur culpa, prout respicit pœnam. Item offensa, & hoc quia contra Deum est. Item præuaticatio, & hoc in quantum mandatum Dei respicit. Item vitium, idest, defectus bonorum naturalium. Item peccatum, prout est conuersio ad bonum commutabile. Item vocatur scelus propter iniuriam Dei magnam. Item nefas, prout est illicitum personæ perpetranti. Item vocatur crimen, prout est dignum accusatione & pœna.

*De origine peccati. Cap. V.*

**Q**uamuis peccatum sit contrarium ipsi bono, non tamen habet esse nisi in bono, nec ortum trahit

**A** nisi a bono, quòd quidem bonum est liberum arbitrium, ac voluntas, a qua peccatum est sicut a prima origine, & in qua est sicut in proprio subiecto. Voluntas igitur est causa peccati: causa dico, non efficiens, sed deficiens. Voluntas enim secundum quòd habet respectum ad suum principium a quo est, scilicet ad Deum, non est nata elicere ex se, nisi bonum: sed secundum quòd habet respectum ad principium ex quo est, quòd est nihil, cum ipsa voluntas sit ex nihilo, tendit ad defectum. Si ergo volumus scire, unde sit malum culpe materialiter, dicemus, quòd ex nihilo. Si vero volumus scire, unde sit formaliter, dicemus quòd ex absentia debiti boni, scilicet speciei, modi, & ordinis. Sed si velimus scire unde sit originaliter, dicimus quòd a voluntate, siue a libero arbitrio.

**B** De progressu autem peccati nota, quòd peccatum initiat in cogitatione, procedit & crescit in delectatione, perficitur in consensu.

Circa progressum peccati sciendum, quòd quædam antecedunt ipsum peccatum, quædam sequuntur, quædam circumstant. Peccatum antecedunt aliqua ex parte auersionis, aliqua ex parte conuersionis. Ex parte auersionis antecedunt ipsum peccatum ista, contemptus, omisio, ingratitude, inobedientia, præuaticatio. Illa vero quæ peccatum antecedunt ex parte conuersionis, sunt hæc, cogitatio, libido, concupiscentia, delectatio, peruersa intentio, consensus. Alia sunt quæ sequuntur peccatum, sicut est macula, idest, deformatio imaginis Dei: & reatus, idest, obligatio ad pœnam æternam. Sunt adhuc alia, quæ peccatum comitantur, ut sunt peccatorum circumstantiæ, quæ peccatum aggrauant, aut diminuant, quæ continentur in hoc versu:

*Quis, quid, ubi, per quos, quoties, cur, quomodo, quando.* Actio etiam illa per peccatum deprauatur, quæ est de genere bonorum, quòdoque in principio, quòdoque in medio, quòdoque in fine: & hoc per malam intentionem, vel per negligentiam, vel per vanam gloriam. Vnum peccatum dicitur maius altero multis modis, scilicet causalitate, ut peccatum Luciferi: vel generalitate, ut peccatum Adæ: vel deformitate, ut peccatum Iudæ: vel difficultate remittendi, ut peccatum in Spiritum sanctum: vel periculositate, ut peccatum ignorantie: vel inseparabilitate, ut peccatum cupiditatis: vel pronitate, ut peccatum carnis: vel offensione, ut peccatum idololatriæ: vel expurgandi difficultate, ut peccatum superbiæ: vel mentis cæcitate, ut peccatum iræ. Circa peccati grauitatem, nota quòd nihil est peccatum in viro perfecto, quòd non sit peccatum in imperfecto, nisi in his quæ nouit. Nam perfectio non mutat genus peccati, sed eius quantitatem auget.

*De diuisione peccati. Cap. VI.*

**D**iuisio peccatorum multiplex est. Alia enim est secundum causam efficientem secundum se, ut hæc, Peccatorum aliud est ex impotentia, aliud ex ignorantia, aliud ex malitia. Alia sumitur secundum causam efficientem ratione annexi, secundum quam sumitur hæc diuisio: Peccatorum aliud est ex amore male accendente: aliud ex timore male humiliante, hoc est dicere, quòd homo potius vult peccatum committere, quàm amato carere, aut malum pœnæ, quòd timeret, incurrere. Sumuntur etiam peccatorum diuisiones secundum causam materialem, circa quam primo sumitur hæc diuisio: Peccatorum aliud est cordis, aliud operis. Item hæc: Peccatorum, aliud cogitationis, aliud locutionis, aliud operationis. Secundo modo sumitur sic, Peccatorum aliud est in Deum, aliud in seipsum, aliud in proximum. In Deum diuiditur sic: Aliud in Patrem, aliud in Filium, aliud in Spiritum sanctum. Alijs tribus modis peccatur in Deum, scilicet male per infidelitatem de Deo sentiendo,

tiendo, item blasphemando, item sacra Dei indigne tractando. Alio modo peccat quis in Deum. scilicet ipsum tentando: & hoc fit tripliciter. Nam quandoque tentat quis Dei potentiam, ut cum signa petit. Quandoque Dei iustitiam, ut cum per candens ferum, vel per duellum, vel similia quis iudicium petit. Quandoque Dei misericordiam, ut cum quis Dei bonitatem examinans committit se stultis periculis.

In seipsum peccat quis tripliciter, scilicet, necessaria sibi subtrahendo, item superflua sumendo, item ultra vires quippiam aggrediendo.

Item in proximum peccat quis tripliciter, scilicet proximo sua auferendo. Item sua sibi in necessitate non communicando. Item malo exemplo illum ad peccatum trahendo.

Sumuntur præterea diuisiones peccatorum secundum causam formalem: & hoc tribus modis: quandoque naturaliter secundum qualitatem, vel secundum relationem. Secundum qualitatem sumitur hæc diuisio: Peccatorum aliud est commissi, aliud delicti: quorum primum est præuicatio præceptorum negatiuorum: secundum vero est præuicatio præceptorum affirmatiuorum. Item prædictum peccatum est duplex contra duas partes iustitiæ, quæ sunt declinare a malo, & facere bonum. Item alia diuisio sumitur secundum quantitatem sic: Peccatorum quædam sunt carnalia, quædam spiritualia, sed carnalia maioris sunt infamiae, spiritualia maioris sunt culpæ. Secundum quantitatem sumitur hæc diuisio: Peccatorum aliud est mortale, aliud est veniale: quorum primum dicitur peruersio, secundum vero inordinatio: quoniam peccatum mortale est auersio totalis a bono incommutabili, & conuersio totalis ad bonum commutabile. Sed peccatum veniale est amor voluptatum in creatura, citra Deum tamen. Secundum relationem sumitur hæc diuisio: Peccatorum aliud est originale, aliud actuale.

Ultima diuisio est secundum causam finalem: & hoc dupliciter, quia vel secundum ipsum appetibile, vel secundum actum hominis appetentis. Secundum ipsum appetibile sumitur hæc diuisio: Omne quod est in mundo, aut est concupiscentia carnis, aut concupiscentia oculorum, aut superbia vitæ: quorum primum est appetitus voluptatum, secundum appetitus diuitiarum, tertium appetitus honorum. Secundum actum hominis appetentis diuiditur peccatum in septem vitia capitalia, scilicet superbiam, inuidiam, iram, acediam, auaritiam, gulam, luxuriam.

Nota quod quinque sunt genera operum. Nam quædam sunt mala in se, ut illa, quæ secundum suam naturam mala sunt, possunt tamen per aliquam circumstantiam fieri bona, ut homicidium. Quædam sunt mala secundum se, ut illa quæ per nullam circumstantiam possunt fieri bona, sicut odire Deum, fornicari, & huiusmodi. Quædam sunt bona in se, ut quæ sunt bona ex genere, & tamen possunt fieri mala ex circumstantia, sicut est dare eleemosynam. Quædam sunt bona secundum se, ut quæ per nullam circumstantiam possunt fieri mala, sicut diligere Deum ex charitate. Quædam sunt indifferentia, ut quæ nec bona, nec mala sunt, possunt tamen vel bona, vel mala fieri: sicut est mouere pedem sine deliberatione, vel quandoque comedere.

#### De effectu peccati. Cap. VII.

**M**ulta mala facit homini peccatum, ante mortem, in morte, & post mortem. Ante mortem hæc mala operatur. Naturalia vulnerat, ut significatur in Luc. 10. f illo qui incidit in latrones. Item intellectus obscuratur in cognitione veri, & affectus tepescit in operatione boni. Gratuitis spoliatur. Dispersi sunt lapides sanctuarij, &c. Sed ne aliquod bonum pereat, illa bona quæ quis peccando mortificat, alijs saluandis

dabuntur, sicut quando corporali morte quis moritur, fratres, & propinqui in bonis eius succedunt.

Animam maculat: Denigrata est super carbones facies eorum. Ad pœnam æternam obligat: Quacumque die comederis ex eo morte morieris. Conscientiam amaricat: Vide quàm malum & amarum est te dereliquisse Deum tuum. Indurat: Peccator cum in profundum peccatorum venerit, contemnit. Insensibilem reddit: Visus est eis quasi ludens loqui. Simile habes in cane submergendo, qui non sentit lapidem in collo, donec in aquam extra nauem projiciatur. Animam occidit, quia vera vita, idest, Deo priuat. Saul irruit in gladium suum. Sed nota quod peccatum veniale disponit ad mortem, mortale vero infert mortem: sed obstinatio detinet in morte.

Ad alia peccata trahit. Exemplum habemus de Cain, qui egressus in agrum occidit fratrem suum Abel. De hoc dicit Gregorius: Peccatum quod per penitentiam non diluitur, mox suo pondere ad aliud tradit. exemplum habes etiam in figura, Coruus egressus de arca, interceptus est aquis. Et Dina egressa ut videret, &c. virginitatem amisit. Et Iudas egressus Christum tradit. Et post adulterium David, secutum est homicidium. Et sic patet quod peccatum est pœna peccati. Peccatum enim secundum quod in se est culpa, præcedentis peccati dicitur pœna: & ita dicitur aliquid simul culpa & pœna: sed ratione actionis dicitur culpa, pœna vero ratione passionis: quia culpa est quod facimus, pœna vero quod patimur. Licet igitur omnis culpa sit a nobis, non tamen omnis pœna est a nobis, immo quædam est a nobis acta, quædam a Deo inflicta, quædam a primis parentibus contracta. Et quia eum qui facit quod non debet, iustum est pati quod debet: ideo omnis pœna est iusta, & a diuina prouidentia ordinata. Quod autem vnum peccatum nascatur ex alio, sic apparet. Superbia enim quia vult omnes excellere, dolet si aliquis ei æquetur, & sic ex ea nascitur inuidia. Inuidus vero quia de facili irascitur ei, cui inuidet, ideo ex ea nascitur ira. Sed ira cum non potest se vindicare, trahitur: & ideo ex ea nascitur acedia. Acedia vero consolationem quærens in exterioribus, facit auarum. Auaritia autem quia in temporalibus abundat, potest magis exercere gulam. Gula vero propter ventris repletionem de facili spumat in libidinem, & ita generat luxuriam. Item bona, quæ fiunt, infructuosa reddit, & quantum ad meritum, & quantum ad præmium: sicut ramus præcisus ab arbore, non profert fructum, sed arefcit, & habilitatur ad incendium. De talibus dicitur: Maledictus eris ingrediens, & egrediens, scilicet ecclesiam materiale ad orandum: quia talium oratio non est meritoria, immo dicit Augustinus quod si tales cruce se signent, includunt potius in se diabolum, quàm excludant, quia iam in eis per effectum habitat. Ex homine infernum facit: quia in peccatore est ignis auaritiæ, fœtor luxuriæ, tenebræ ignorantie, vermis conscientie, sitis concupiscentie, dæmones per effectum, & huiusmodi. Vacuum tandem hominem relinquit. Terra erat inanis & vacua, & merito: quia mundo adhærentes sugunt vbera arida, eo quod relinquunt fontem vitæ, & venam aquarum viuientium, & paludibus turbidis se fatiant. Item fallendo decipit, sicut lignum putridum de nocte lucens, & sicut esca in hamo latens piscem decipit. Stultum hominem demonstrat, quia peccando quis sibi onus ad se deprimendum imponit, & ligna super dorsum suum cremâda colligit, & illi seruit, qui eum pro seruitio torquebit. Augustinus: Stultum est in tali statu viuere, in quo quis non audet mori. Sequitur quod peccatum in morte grauat hominem: quia in morte priuatur humo solatio visibilium, quæ dilexit, scilicet cibo, potu, amicis, rebus, lumine, requie, & proprio corpore, quod nunquam in tali forma suscipiet, immo vellet non habere, sicut quâdo pro

Thren. 4. b

Gen. 2. c

Hier. 2. d

Pron. 18. e

Gen. 18. a

1. Reg. 31. b

Gen. 4. b

Gre. li. 25.

Mor. c. 9.

non longe

a princ.

Gen. 8. a

Gen. 34. a

Mat. 26. d

2. Reg. 11. e

Ioan. 15. a

Deut. 28. b

Gen. 1. a

Hier. 2. d



pro dimidia parte corrosus est a vermibus, quia stupet anima peccatoris, quando corpus resumendum videbit. Turbabitur peccator in morte, quando videbit concurrere demonum ad animam: Omnes inimici eius apprehenderunt eam inter angustias.

*Thren. 1. a*

Postremo videndum est, qualiter peccatum premit hominem post mortem. Confusionem habebit ex

*Nabum. 3. b*

malorum operum denudatione. Propheta, Reuelabo pudenda tua in facie tua. Exprobationem Christi audiet in iudicio: Esuriui, & non dedisti mihi, &c.

*Mat. 25. d*

*Mat. 22. b*

Requie & luce priuabitur: Ligatis manibus, & pedibus mittite eum, &c. Vnde non valebit ei ille cantus, Requiem æternam, &c. Suffragijs Ecclesiæ non

*Isa. 66. d*

gaudebit: Vermes eorum non morietur, & ignis eorum non, &c. In infernum præcipitabitur. Exemplum de lapide molari, quem Angelus in Apocalypsi

*Apoc. 18. g*

proiecit in mare, dicens: Hoc impetu mittetur Babylon illa, & cetera. A Deo, & electis, & omnibus

*Mat. 25. d*

*Here. 8. d*

*Isa. 30. e*

bonis separabitur. Ite maledicti, &c. A statu penitendi cadet: Transiit ætas, finita est messis. Omnis

spes misericordiæ præcidetur: Non remanebit testa, ut portetur igniculus, scilicet charitatis, de incendio, aut hauriatur parum aquæ de fouea, scilicet diuinæ

misericordiæ. Sicut itaque peccatum nocet in peccato existenti, ac in peccato morienti, sic quoque multipliciter etiam nocet peccatum ipsum deferenti, & de illo penitenti, quia gloriam primæ innocentie numquam recuperabit.

Sicut enim corrupta de cetero virgo non erit, ita semel peccans numquam se non peccasse gaudebit. Istud multis ostenditur exemplis. Nam post sanationem vulneris semper manet cicatrix. Item qui semel furatur, semper fur dicitur.

Item domus eius domus discalceati de cetero dici potest. Item Simon, quem Dominus a lepra mundauit, post mundationem semper vocabatur Simon leprosus. Item templum quod reedificatum fuit post destructionem primi, nullo modo fuit simile in pulchritudine templo priori.

*Mat. 5. d*

Ad temporalem penam obligat. Vnde non exiit inde, donec reddat nouissimum quadrantem. Item regnum calorum non intrabit, donec lignum, fenum, stipula, idest, pena peccatorum tam mortalium quam venialium, quæ in præ-

*1. Cor. 3. e*

*2. Reg. 14. f*

senti soluta non est, super ipsum cremetur. A gloria retardat, quod figuratum est in Absalon, qui postquam patri reconciliatus fuit, tamen mansit duobus annis, quod faciem eius non vidit: quia tamdiu differtur quis a gloria quousque fiat sine omni macula, sicut erat in baptismo. Tempus amissum, & meritum quod sibi conquirere potuit cum præmio, numquam

*Exec. 7. e*

*Luc. 6. f*

*Tob. 2. b*

*Aug. lib. 7. i*

*Conf. c. 16. som. 1.*

*Mar. 8. e*

recuperabit. Qui vendit, ad id quod vendidit, non reuertetur. Obscurat oculum cognitionis, & hoc propter trabem, quæ intus erat: & propter stercora

hirundinum, quæ ipsum excæcauerant, ut patet in Tobia. Vnde Augustinus: Oculis ægris odiosa est lux, sicut noctuis, & vespertilionibus. Ad hoc nota de quodam cæco, quem licet Dominus illuminauerit, non statim perfecte vidit, sed vidit homines primo quasi arbores ambulantes. Affectum reddit tepidum sicut in pede vulneratus, etiam sanatus claudicat: & arbor de loco suo mota, aliquid virtutis amittit. Vnde dictum est homini post peccatum: Spinas & tribulos germinabit tibi, & dictum est serpenti: Supra pectus tuum gradieris. Fastidium boni generat: Anima nostra nauseat super cibo isto leuissimo.

*Num. 21. b*

*Aug. ibid.*

*Aug. ubi sup. prox.*

Palato non sano pena est panis, qui sano est suavis. Idem de se dixit, postquam conuersus fuit: Plus valebat malum inolitum, quam bonum inolitum. Ad bene operandum impedit: Vxor Lot respiciens retro versa est in statuam salis, quod, scilicet, sterilem facit terram. Item: In dolore paries Filios, scilicet, bonorum operum. Ad resistendum temptationibus debilitat. Samson post crinium abscissionem amisit vires, & arbor læsa per securum, cito a vento deiicitur. Feruorem minuit cha-

*Gen. 3. e*

*Gen. 19. e*

*Gen. 3. e*

*Gen. 18. f*

*Judic. 16.*

ritatis, sicut eclipsis Solis diu postmodum nocet terræ, eo quod modico tempore sibi virtus radiorum Solis subtrahitur. Rex Dauid senuerat, & cum operiretur vestimentis, non calefiebat. Et aqua calorem ignis minuit, vel extinguit. Dolorem & timorem de cetero semper infligit. Dolorem quidem, quia certus est de perpetrata culpa. Timorem autem, quia incertus est de venia. Augustinus: Penitens semper doleat, & de dolore gaudeat, non semper doluisse se doleat. Per peccatum corrumpitur potestas liberi arbitrij dupliciter, scilicet in agendo, & suscipiendo. In agendo quidem, quia non potest semper facere quod oportet, vel vitare quod nocet. In suscipiendo autem, quia gratiam stabilem non potest suscipere in hac vita. Item corrumpitur ratio in hac vita dupliciter, scilicet quantum ad discretionem iudicij inter bonum, & malum, & quantum ad deliberationem consilij inter expediens, & in expediens. Item corrumptur affectus dupliciter, scilicet in ordine, & in modo, quia nec semper est ordinatus, nec semper moderatus. Peccatum multis nocet, scilicet ipsi facienti. Peccatum meum contra me est semper. His qui sunt in purgatorio, quos non possunt peccatores tam efficaciter iuuare, sicut si essent in gratia. Ipsi damnatis, & hoc per modum coniunctionis: quanto enim plures sunt in inferno, tanto maior est horror & pena. Fallit enim in inferno regula illa, Solatium est miseris, socios habere penarum. Saluat, & hoc per modum subtractionis. Nam ex consortio, & societate glorificationum habetur gaudium accidentale. Denique ipsis viatoribus nocet, tum pro eo quod acies eorum contra demones minuitur in illo qui peccatum perpetrat, tum pro eo quod alios malo exemplo corrumpit, & scandalizat. Multa mala similiter eueniunt homini ex eo quod in peccatum a quo per penitentiam surrexerat, reciduat. Primum est, quia homo fit impotentior ad resurgendum. Impossibile est eos, qui semel illuminati sunt, &c. et prolapsi sunt, iterum renouari. Secundum, quod vitium fortificatur ad impugnandum. Augustinus de se loquens, Plus, inquit, valet malum inolitum, quam bonum inolitum. Tertium est, quod culpa fit difficilius ad remittendum. In Hieremia: O quam vilis facta es nimis iterans vias tuas. Vnde etiam dicitur, quod vulnus iteratum tardius sanatur. Quartum est, quod Deus fit difficilius ad placandum, de Semei, qui ad primam petitionem inuenit misericordiam, eo tamen pacto, quod staret in Hierusalem: sed quando secundario peccauit, sine vlla misericordia occisus est. Quintum est, quod diabolus difficilius est ad expellendum. Tunc assumpsit septem spiritus nequiores se, & ingressus habitat ibi, & fiunt nouissima hominis illius peiora prioribus.

Aritatis, sicut eclipsis Solis diu postmodum nocet terræ, eo quod modico tempore sibi virtus radiorum Solis subtrahitur. Rex Dauid senuerat, & cum operiretur vestimentis, non calefiebat. Et aqua calorem ignis minuit, vel extinguit. Dolorem & timorem de cetero semper infligit. Dolorem quidem, quia certus est de perpetrata culpa. Timorem autem, quia incertus est de venia. Augustinus: Penitens semper doleat, & de dolore gaudeat, non semper doluisse se doleat. Per peccatum corrumpitur potestas liberi arbitrij dupliciter, scilicet in agendo, & suscipiendo. In agendo quidem, quia non potest semper facere quod oportet, vel vitare quod nocet. In suscipiendo autem, quia gratiam stabilem non potest suscipere in hac vita. Item corrumpitur ratio in hac vita dupliciter, scilicet quantum ad discretionem iudicij inter bonum, & malum, & quantum ad deliberationem consilij inter expediens, & in expediens. Item corrumptur affectus dupliciter, scilicet in ordine, & in modo, quia nec semper est ordinatus, nec semper moderatus. Peccatum multis nocet, scilicet ipsi facienti. Peccatum meum contra me est semper. His qui sunt in purgatorio, quos non possunt peccatores tam efficaciter iuuare, sicut si essent in gratia. Ipsi damnatis, & hoc per modum coniunctionis: quanto enim plures sunt in inferno, tanto maior est horror & pena. Fallit enim in inferno regula illa, Solatium est miseris, socios habere penarum. Saluat, & hoc per modum subtractionis. Nam ex consortio, & societate glorificationum habetur gaudium accidentale. Denique ipsis viatoribus nocet, tum pro eo quod acies eorum contra demones minuitur in illo qui peccatum perpetrat, tum pro eo quod alios malo exemplo corrumpit, & scandalizat. Multa mala similiter eueniunt homini ex eo quod in peccatum a quo per penitentiam surrexerat, reciduat. Primum est, quia homo fit impotentior ad resurgendum. Impossibile est eos, qui semel illuminati sunt, &c. et prolapsi sunt, iterum renouari. Secundum, quod vitium fortificatur ad impugnandum. Augustinus de se loquens, Plus, inquit, valet malum inolitum, quam bonum inolitum. Tertium est, quod culpa fit difficilius ad remittendum. In Hieremia: O quam vilis facta es nimis iterans vias tuas. Vnde etiam dicitur, quod vulnus iteratum tardius sanatur. Quartum est, quod Deus fit difficilius ad placandum, de Semei, qui ad primam petitionem inuenit misericordiam, eo tamen pacto, quod staret in Hierusalem: sed quando secundario peccauit, sine vlla misericordia occisus est. Quintum est, quod diabolus difficilius est ad expellendum. Tunc assumpsit septem spiritus nequiores se, & ingressus habitat ibi, & fiunt nouissima hominis illius peiora prioribus.

Sequitur de corruptione speciei, modi, & ordinis. Vnde nota quod bonitas naturalium comparata ad animam quam speciosam facit, dicitur species: sed comparata ad opus quod modificat, dicitur modus: comparata vero ad finem, scilicet Deum ad quem ordinat, dicitur ordo. Alio modo corruptio speciei est dissimilitudo animæ ad Deum. Nam species animæ, similitudo Dei est. Corruptio vero modi est diminutio extensionis, virtualis, siue infirmitas potentie, quæ ex hoc est, quod animæ non sustentantur cibo spirituali, gustando, quam suavis est Dominus. Corruptio autem ordinis est in anima cum aspectus & affectus deorsum est ad creaturas extra naturalem situm. Cum enim hæc, quæ sunt quasi caput animæ, sursum sunt ad Deum, in naturali situ & ordine sunt: alioquin homo erit quasi euersus. Aliter priuatio speciei est deformitas siue carentia debite rectitudinis voluntatis. Rectitudo autem voluntatis est, ut non declinet a suis extremis, scilicet a Deo principio, & a Deo fine, ut videlicet omnia, quæ habet a Deo principio, referat etiam ad Deum finem. Cum enim quis quod

*3. Reg. 1. a*

*Psal. 50. a*

*Heb. 6. a*

*Here. 2. g*

*3. Reg. 2. g*

*Luc. 11. d*

quod habet sibi attribuit, aut ponit aliū finem, quā Deum, curius est. Item priuatio modi est excessus propriæ voluntatis, scilicet cum vult aliquid diuinæ voluntati contrarium. Item priuatio ordinis est auersio voluntati a Deo, & conuersio ipsius ad creaturam. Itē & aliter: Creatura rationalis aliter a summo bono est secundū triplicem habitudinem, scilicet efficiētis, formalis, ac finalis: & ideo nata est agere opera sua a Deo, & secundū Deum & propter Deum, & hoc secundum modū, speciem, & ordinem sibi insitum. Sed quoniā eadem rationalis creatura de nihilo facta fuit, potuit deficere in suis actionibus, vt scilicet operationes suæ non essent a Deo, ac per hoc, nec secundum Deum, nec propter Deum: hoc autem est peccatum ipsius speciei, & modi, & ordinis corruptiūm.

*De peccato originali secundum rem. Cap. VIII.*

**E**xposito de peccato in genere, dicendū est de peccato in specie: & primo de originali, & post de actuali. Licet igitur anima non sit ex traduce, tamen originalis culpa ab anima Adæ transit ad animas posterorum, mediante carne, per concupiscentiam generata. ita quod sicut ab anima peccante infecta fuit caro Adæ, & prona effecta ad libidinem; ita feminata caro secum trahens infectionem, vitiat animam. Ex quo patet quod peccatum originale est in carne, & in anima. In carne est materialiter, & originaliter: & in anima formaliter, tamquam in subiecto. Sola enim anima est susceptibilis virtutis & vitij, & tamen (sicut dictū est) ex coniunctione ad corpus contrahit illud vitium, sicut quando cadit quis in lutum, fœdatur & maculatur. Talis autem infectio animæ non tantum est pœna, sed etiam culpa. Ipsa vero culpa quæ macula est, deletur in baptismo: pœna autem quæ fomes appellatur, siue peccandi pronitas, remanet post baptismum. Licet enim curetur in baptismo culpa quantum ad reatum damnationis æternæ, tamen remanet ipsa pœna quantum ad actum, & motū concupiscentiæ, cum qua nos oportet quamdiu viuimus, pugnare: quia non extinguitur concupiscentia per gratiam communem in aliquo homine: quod dico propter beatam Mariam Virginem, in qua fuit extincta in cōceptione Filij per gratiam singularem. Ex prædictis patet quod persona corrumpit naturam, & e contra natura corrupta corrumpit personam. Nam per peccatum primi hominis corrupta est humana natura, sed natura sic corrupta corrumpit alias personas. Norandum autem quod corruptio personæ est reatus mentis: corruptio vero naturæ est infectio carnis, prout est principium ad carnem alteram. Denique nullo modo debet imputari Deo infectio animæ, licet eam creando infundat, & vniat cum carne infecta: quoniam ordinatissimum fuit, vt humana natura ita conderetur, quod condita propagaretur, & pro peccato puniretur. Vnde sicut in conditione seruatus est ordo sapientiæ, & in propagatione seruatus est ordo naturæ: sic in punitione seruari debuit ordo iustitiæ. Et ita patet quod non est contra diuinam æquitatem, si ad posteros culpa transmittitur. Dicendum igitur quod originalis culpæ transmissio, vel transmissio non est a Deo, nec a natura condita, sed a vitio primi hominis perpetrato. Et hoc est quod ait Augustinus, quod peccatum originale non transmittit ad posteros propagatio, sed libido. Sic enim conditus est homo, vt spiritus præesset corpori, & corpus subesset spiritui, quamdiu scilicet ille obediret suo conditori: & contra si spiritus non obediret Deo, iusto Dei iudicio corpus inciperet rebellare spiritui. Sicut ergo si Adam steteret, corpus suū obediens ei esset, & tale ad posteros transmitteret: sic ex quo Adam peccauit, & caro eius facta est ei rebellis, oportet quod talem ad posteros transmittat, & quod Deus secundum institutionem primariam

**A**n animam corpori infundat. Ex quo patet quod pater est causa originalis peccati in filio, sed causam hic intelligas in genere causæ efficientis. Omnes per concupiscentiam generati nascimur filij iræ: propter quod incurrimus multiplicem defectū tam corporis, quā animæ, ad quos subsequitur pœna mortis, & pœna carentiæ visionis diuinæ, & amissionis gloriæ cælestis, non solum in adultis, verum etiam in paruulis non baptizatis, qui pœna mitissima inter ceteros puniuntur, qui solam pœnam damni habent sine pœna sensus.

**B** Originale peccatū sic lauatur, & curatur per baptismum in parente, quod nihilominus ab eo qui curatus est, & lauatus, transmittitur in prolem, sicut videmus quod circumcisus generat filium cum præputio, & granum nudum seminatum generat granū cum palea: & hæc est ratio, quia homo generat filium non secundum quod curatus est in mente, sed secundum quod corruptus est in carne: non secundum quod spiritualis, sed secundum quod carnalis.

*De peccato originali secundum nomen. Cap. IX.*

**O**riginale peccatum habet multa nomina, & hoc multiplex de causa. Secundum enim quod originale peccatum comparatur ad animam, vocatur infirmitas, quia reddit animam impotentem ad resistendum motibus. Item fœditas, quia per ipsum animam fœdatur & maculatur. Item pronitas, propter continuam inclinationem appetitus ad malum. Item corruptio, quia ducit ad nihilum, id est, ad peccatum. Item vitium, quia est diminutio bonorum naturalium. Item languor naturæ, quia durat in natura corrupta. Sed secundum quod comparatur ad corpus, vocatur lex carnis, eo quod lege diuina carni sit inflicta. Item lex membrorum, quia mouet organa ad opera concupiscentiæ. Item tyrannus, propter dominationem quam habet, quasi violentam in ipso concupiscibili. Item fomes, quia sicut cinis fouet ignem, ita per ipsum fouetur peccatum in carne secundum actum nutritiæ & generatiuæ. Item stimulus carnis, quia stimulat carnem ad primos motus, & animum ad consensum. Sed prout comparatur ad actus delectabiles, vocatur concupiscentia, quæ sonat vitium in actu, prout est in adultis. Item concupiscibilitas quæ sonat vitium in potentia, prout est in paruulis. Secundum vero quod comparatur ad primum hominem a quo contrahitur, vocatur peccatum originale, quod est carentia debiti iustitiæ.

*De primis motibus. Cap. X.*

**C**um peccatorum aliud sit actum, aliud contrarium, ipsum peccatum actuale frequenter a primis motibus habet ortum. Vnde sciendum, quod in statu innocentie, non mouebatur sensualitas nisi secundum motum rationis. Ideo stante primo homine in eodem statu, non poterat in eo esse peccatū etiam veniale. Primi motus & si particulariter, & singulatim possunt declinari, tamen nullo modo omnes possunt caueri, quia sic tot sunt peccata, quorū sunt etiam peccati pœnæ: & ideo merito dicuntur venialia, quia hoc ipso sunt digna venia. Primus motus sic describitur, quod est motus sensualitatis secundum impulsū fomitis impetuosè tendens ad fruitionem creature delectabilis. Dupliciter primus motus distinguitur quantum spectat ad præsentem materiam, scilicet primo primus, qui est naturalis, & secundo primus, qui est sensualitatis. Cum ergo loquimur de primis motibus quod sunt peccata, intelligendum est de secundo primis, qui sunt sensualitatis, quia primo primi non sunt peccata, cum sint naturales, & extra genus moris: quod patet per hoc, quod tales non sequuntur imaginationem, sed solummodo naturalium quali-

qualitatum actionem. Motus autem secundo primi sunt peccata, quia sunt actus inordinati in genere moris: quod patet per hoc, quod tales motus sunt sensualitatis, quæ subiacet in talibus dominio voluntatis. Voluntas autem est principium moralium, sicut habetur 7. Ethic. Hinc est quod ibi genus moris incipit, ubi primo dominium voluntatis inuenitur, hoc autem est in sensualitate. Quamuis ergo per rationem prædictam sit in sensualitate peccatum, non tamen hoc erit mortale, sed tantummodo veniale: quia voluntas non habet dominium completum super primos motus, qui sunt sensualitatis, sicut in illis actibus, qui ex imperio voluntatis procedunt, sed habet in eis dominium incompletum, sicut in illis actibus, qui non imperium rationis præcedunt, & tamen voluntas tales motus sensualitatis impedire poterat, & ideo sunt peccata venialia. Primi quoque motus ideo sensualitati ascribuntur, quia talium motuum principium sensualitas est & subiectum. Dicendum quoque quod primi motus secundum prædicta sunt peccata venialia, triplici ratione. Primo quia mouent ad illicitum. Secundo quia sunt quodammodo voluntarij, non secundum se, sed quia, sicut dictum est, non impediuntur a voluntate, vel etiam propter præcedentem apprehensionem. Tertio propter delectationem annexam. Cum enim anima per delectationem coniungitur creaturæ, obtehebratur, & peioratur: sicut quando coniungitur Deo, illuminatur, & melioratur. Nota quod homo pronior est ad malum, quàm ad bonum, & hoc multis de causis. Primo, quia sicut dicitur: Corpus quod corrumpitur, aggrauat animam trahens illam ad malum, & non sic erigens ad bonum. Secundo, quia sicut dicit Augustinus: Plus valet malum inolitum, quàm bonum insolitum. Tertio, quia naturaliter facilius est descendere, quàm ascendere: & vnus magis trahit deorsum, quàm decem sursum. Quarto, quia incitans ad malum præsens est, sed finis virtutum incitans ad bonum, absens est. Delectabile autem apprehensum per sensum, vel imaginationem, quasi de necessitate mouet concupiscētiā. Quinto, quia plures circumstantiæ requiruntur ad bonum, quàm ad malum. Sexto, quia tendimus ad nostrum principium, scilicet ad nihilum. Septimo, quia fomes, qui mouet ad malum, semper intra nos est: gloria vero quam querimus, extra nos est. Octauo, quia vires animæ sunt actiue ad diligendum temporalia: sed passiue & materiales ad ea, quæ sunt gratiæ & gloriæ. Quia non possunt haberi virtutes per modum acquisitionis, sed per modum receptionis. Vnde malum possumus facere per nos, sed bonum non possumus facere sine gratia adiutrice.

*De morosa delectatione, & consensu in peccatum.*  
Cap. XI.

**D**electatio carnalis morosa peccatum est mortale. Sed nulla dicitur morosa, nisi quando ex consensu rationis est. Vnde non intelligitur ibi mora temporis, sed consensus. Sciendum est ergo quod delectatio si sistit circa consensum, veniale peccatum est: si vero procedit ulterius, ita quod vult interius delectatione voluptuari, nec tamen vult in opus procedere: talis consensus est inter mortalia computandus, quod maxime debet intelligi in peccatis carnalibus. Verumtamen ille consensus in illecebram duplex est, quia consensus in illecebram, aliquis est subitus, non per præhabitam deliberationem, sed ex sola corruptione carnis, quàm præcedit appetitus sensualitatis in primo motu. Talis autem consensus dicitur subreptio, & est peccatum veniale. Alius consensus est in delectatione motuum carnis, qui est cum deliberatione rationis, & iste est peccatum mortale, ut dictum est. Si autem ratio consentit cum deliberatio-

ne, quæ fit per rationes diuinas, hoc modo, quia omne lege Dei prohibitum est vitandum: tunc dicitur peccatum esse in superiori parte rationis. Sed si deliberatio fit per rationes humanas vel naturales, hoc modo, omne in quo transgreditur medium virtutis, est vitandum, tunc dicitur peccatum esse in inferiori parte rationis. Et si adhuc procedit consensus ulterius, quādo scilicet proponit opus consummare, tunc voluntas pro facto reputatur, etiam si facultas desit perficiendi ipsum opus. Si vero consequitur consensus, & opus in his, quæ diuina lege sunt prohibita, peccatum est mortale consummatum.

**E**x prædictis collige distinctionem, quia delectatio duplex est, scilicet naturalis, & voluntaria. In delectatione pure naturali, nec est meritum, nec demeritum. Voluntaria duplex est, quia alia est in Creatore, alia in creatura. Delectatio quæ in Creatore est, bona est, de qua Psalmus: Memor fui Dei, & delectatus sum, &c. Quæ autem in creatura est, duplex est: quædam enim est propter Deum, & hæc bona est: sed hic sumitur delectatio pro opere rationis, non pro passione, de qua Psalmista: Delectasti me Domine in factura tua: quædam est contra Deum: & hæc similiter duplex est, quia quædam est non contra Deum, sed præter Deum, & hæc est peccatum veniale: quædam vero est contra Deum simpliciter, qua frangitur Dei præceptum, & hæc est peccatum mortale.

*De peccato veniali. Cap. XII.*

**P**eccatum veniale minoris est culpæ. Nam in parvulis post baptismum primo surgunt venialia, postea mortalia. Veniale autem peccatum est, ut ait Augustinus quod hominem vsque ad reatum perpetuæ mortis non grauat, sed pœnam meretur, & facile indulgetur. Peccatum veniale semper est a voluntate ad hoc mouente, vel permittente, vel non prohibente. Peccatum aliquod est veniale tribus modis. Primo modo ex genere, sic verbum otiosum est veniale. Secundo ex euentu, secundum quod per penitentiam de mortali fit veniale. Tertio ex causa, ut quando fiunt quædam ex infirmitate vel ignorantia, quæ licet quandoque sint mortalia, tamen dicuntur venialia, siue remissibilia ex comparatione ad peccatum, quod fit ex certa malitia, quod est irremissibile. Sciendum quod peccatum veniale numquam potest fieri mortale, videlicet, si intelligatur idem secundum substantiam, quod prius fuit veniale, mortale fieri numquam potest: & hoc nec quantum ad actum, nec quantum ad maculam. Ratio huius est, quia nulla res potest mutare suam speciem. Peccatum autem veniale & mortale sunt diuersæ species peccati. Verumtamen actus qui ex se est de genere venialis, potest fieri mortalis quattuor modis. Primo ex conscientia: quia quidquid fit contra conscientiam, ædificat ad gehennam, etiam si fit contra conscientiam erroneam: & hæc est ratio, quia cum in peccato duo sint, scilicet auersio, & conuersio: penes primum iudicatur peccatum, quoniam auersio a Deo, est quasi formale, & conuersio ad creaturam, quasi materiale. Quamuis ergo leuare festucam, vel calum dextera, videatur esse leue, & indifferens, tamen quando fit contra conscientiam, peccatum est mortale: quia spernitur bonum incommutabile, & ita fit auersio a Creatore. Secundo ex complacentia. Vnde Augustinus: Nullum peccatum adeo est veniale, quod non fiat mortale, dum placet. Tertio, ex dispositione, quia frequenter per lapsum in venialia, disponitur homo ad mortalia: & hoc secundum illud Gregorij: \* Vitasti saxa grandia, vide ne obruaris arena. Et hoc ideo dicit, quia sæpe de minimis peccatis venit ad magna, sicut de modica semilla quandoque surgit magnus ignis. Qui minima sper-

*Psal. 76. 6*

*Psal. 91. 4*

*Sap. 9. 6*

*\* Est apud August. e. narr. in Ps. 39. rom. 8. Eccl. 19. 4*

nit, paulatim decideret. Quarto, ex progressu, quia A quando insurgit veniale, si non prohiberetur, posset progredi usque ad mortale: non quia ipsum veniale in substantia posset fieri mortale, sed quia ex ipso occasionaliter fieret progressus ad mortale. Et istud patet in primis moribus, qui inter venialia computantur: sed quando delectatio conualescit in tantum quod consensus accedit, iam peccatum est mortale.

Differentia est inter peccatum mortale & veniale, quia peccatum veniale est libido, siue voluptas in creatura citra Deum: mortale autem est libido, siue voluptas in creatura supra Deum, vel æque Deo. Rectus autem ordo est, ut bonum incommutabile præferatur bono commutabili, & honestum utili, & voluntas Dei voluntati nostræ, & ratio sensualitati: & quando iste ordo peruertitur, tunc peccatum committitur.

Utrum aliquis possit esse, vel vivere sine peccato veniali, dum est in hac vita præsentis? Dicendum est quod si loquimur de tota vita hominis, qui peruenit iam ad ætatem adultam, de excellenti & speciali gratia est, quod talis sine veniali peccato sit, sicut beatus Augustinus dicit de beata Virgine. Si autem loquimur de aliqua particula vitæ præsentis, sic potest aliquis esse sine peccato veniali. Istud patet per exemplum, quia nauta potest singula foramina navis in numero obstruere ne aqua intret, sed non potest simul omnia obstruere, ut aqua nusquam intret. Unde charitas etiam perfecta non facit quod peccatum veniale non adueniat, sed facit quod non duret, quemadmodum caminus ignis non facit, ut gutta aquæ sibi non apponatur, sed facit tamen ut apposita citius extinguatur. Perfecta enim charitas statim inflamat hominem, ut de peccato veniali doleat, & pœniteat, quod non facit charitas imperfecta, unde in imperfectis aggregantur multa venialia, per quæ fit ad probationem maior dispositio.

#### De effectu peccati venialis. Cap. XIII.

Effectus peccati venialis multiplex est. Primus, quia ad pœnam obligat, non autem determinate, neque præcise obligat ad pœnam æternam, vel purgatoriam, vel præsentis satisfactionis, sed ad aliquam illarum pœnarum: quoniam secundum forum Ecclesiæ præsentis satisfacit homo leniter, sed secundum forum purgatorij punietur gravius, secundum vero forum inferni punietur gravissime pro veniali: quia æternaliter, si cum mortali & veniali decesserit. Exemplum habemus de hoc: quia mensura vini quæ in vno loco valet sex denarios, si ducatur ulterius, valet solidum vnum. & si ducatur adhuc ulterius, valet duos solidos. Pœna tamen illata pro veniali in inferno, incomparabiliter minor est quam illata pro mortali. Unde solet dici quod pœna illata in inferno pro mortali, est sicut soliditas, illata vero pro veniali est sicut superficies. Illata pro veniali in purgatorio est sicut linea. Illata pro veniali in præsentis est sicut punctus. Unde sicut ista quattuor sunt improporcionabilia, ita inter prædictas pœnas magna est differentia. Secundus effectus est, quod peccatum veniale animam maculat: & ponitur tale exemplum. Aliquando enim denigratur aliqua imago depicta, in tantum ut videri non possit. Aliquando vero sic obscuratur, ut videri quidem possit, sed non plene discerni, & ideo propter talem differentiam dicit Gregorius, quod veniale obscurat, mortale vero obtenebrat. De macula autem ista dicitur, quod in saluandis omne peccatum veniale deletur in præsentis a gratia finali, & hoc quantum ad culpam, & non quantum ad pœnam: immo illa soluetur in purgatorio. Delet autem gratia finalis peccatum veniale in ipsa dissolutione corporis, & animæ ex virtute suæ complexionis, & sui status, quamvis non sit motus contritionis ad illud directus, secundum quod intelligitur verbum Augu-

stini, qui dicit, quod in purgatorio potest esse absolutio a pœna, & non a culpa. Hoc ab antiquis dictum est, sed nunc communiter tenetur, quod peccatum veniale cum hinc deferatur a multis, etiam quantum ad culpam, in purgatorio purgatur: quia etiam hoc quod Dominus dicit de quibusdam peccatis quod non remittentur, neque in hoc sæculo, neque in futuro, exponit Gregorius quod venialia remittentur in futuro: quod si intelligatur quantum ad pœnam tantum, tunc expositio Gregorij nulla est: quia etiam mortalia confessa quantum ad pœnam purgantur, quæ hic soluta non sunt. Tertius effectus est quod minuit feruorem charitatis, sicut aqua in igne proiecta, licet ignem non extinguat, feruorem tamen illius temperat. Quartus est, quod potentias animæ in bonis operibus lassat, sicut quando ponitur pondus super equum, minus erit promptus ad ambulandum. Quintus est, quod retardat a gloria, quia homo qui decedens alioqui posset statim euolare ad cælum, post mortem cogitur propter venialia ad tempus in purgatorio expectare. Numquam enim ab aliquo facies Dei videbitur, donec soluat minimum quadrantem venialium peccatorum, scilicet per pœnam. Oportet enim quemlibet ita mundum esse ante introitum paradisi, sicut fuerat in innocentia baptismali. Sextus est, quod bona gloriæ cælestis diminuit: non quidem illa, quæ iam debentur, & quæ iam habemus ibi per meritum reposita, sed quæ deberentur, si venialia non fierent, quia in eo tempore possent aliqua bona fieri quando illa fiunt. Propterea post perpensationem venialium oportet nos opera quædam convertere ad solutionem huiusmodi debitorum, per quæ nobis deberet crescere cumulus æterni præmij. Septimus effectus est, quod venialia sæpe sunt occasio mortalium peccatorum, & hoc quattuor modis, sicut habes supra capite proximo, ubi dicitur quod actus qui ex se venialis est potest fieri mortalis quattuor modis. Hoc est etiam singulariter aduertendum, quod sicut ad remissionem peccati mortalis exigitur desertio actus peccandi cum voluntate in posterum abstinendi, sic quoque peccatum veniale in præsentis non dimittitur, nisi actu & proposito deferatur.

#### De septem vitijs capitalibus in specie. Cap. XIV.

Peccatorum actualium mortalium vnum est initium, duplex radix, triplex fomentum, septiforme caput. Vnum initium dicimus superbia: iuxta illud, Initium omnis peccati superbia. Duplex vero radix est, scilicet timor male humilians, & amor male accendens. Omnis autem timor ortum habet ab amore: nullus enim timet aliquid perdere, nisi quia amat illud habere. Triplex peccati fomentum, sunt tria quæ sunt in mundo, scilicet concupiscentia carnis, concupiscentia oculorum, & superbia vitæ. Septiforme caput sunt, Superbia, Inuidia, Ira, Acedia, Avaritia, Gula, & Luxuria. Inter quæ sunt duo carnalia, quinque vero spiritualia. Sufficientia horum vitiorum sic potest colligi, Voluntas nostra deordinatur, aut quia appetit non appetendum, aut quia refugit non refugiendum. Si primo modo, aut est interius, & sic est vana gloria: aut exterius, & sic est avaritia: aut inferius, & sic est delectabile. Sed illud delectabile, aut est ad conseruationem indiuidui, & sic est alimentum quod appetitur inordinate a gula: aut est ad conseruationem speciei, & sic est coitus, qui appetitur inordinate a luxuria. Si autem voluntas nostra deordinatur, quia refugit quod non est refugiendum, hoc potest esse tripliciter. Aut enim refugit quod non est refugiendum, secundum peruersum instinctum rationalis, & sic est inuidia: aut secundum instinctum peruersum irascibili, & sic est ira: aut secundum peruersum instinctum concupiscibilis, & sic est acedia. Ex his patet quod sunt quattuor appetibi-

August. De natura & gratia contra Pelagian. c. 36. in med. to. 7.

Greg. lib. 4. Dialog. cap. 39.

Matt. 5. d

Ecclesi. 10. b

1. Ioan. 2. c

petibilia, & tres sunt vires secundum quarum instinctum est fuga: & ideo tantum sunt septem capitalia peccata.

Peccata quædam sunt, quæ quandoque se publice ostendunt, vt quando directe fiunt: quandoque vero sub quadam specie boni palliata decipiunt. Vnde superbia quandoque dicit, Ad hoc volo præesse, vt possim prodesse. Ira dicit: Non debent illata mala tolerari, ne consuecant inferri. Inuidia dicit, Alijs bona non cupio, ne in successibus eleuentur. Acedia dicit, Ad hoc in laboribus mihi parco, ne temeritate indiscretionis arguar. Auaritia dicit, Ad hoc sunt multa congreganda, ne propter inopiam committatur furtum vel rapina. Gula dicit, Ad hoc est corpus cibis & potibus delicatioribus nutriendum, vt sit fortius ad Deo seruendum. Luxuria dicit, Ad tempus debet quisque ad libitum viuere, vt possit postea fortiter pœnitere.

Septem vitia comparantur septem bestiis. Superbia comparatur leoni. Inuidia cani. Ira lupo. Acedia asino. Auaritia ericio. Gula vrsio. Luxuria porco. Alio modo comparantur septem infirmitatibus. Superbia comparatur inflationi. Inuidia lepræ. Ira phrenesi. Acedia lethargiæ. Auaritia hydropisi. *Joan. 19. f* Gula epilepsiæ. Luxuria febri. Septem vitia Christi *Luc. 23. e* passione curantur. Capitis inclinatio in cruce curat *Joan. 19. f* superbiam. Oratio pro inimicis iram. Apertio lateris inuidiam. Portatio crucis acediam. Traditio spiritus Patri, corporis cruci, matris discipulo, vestium crucifixoribus, hæc curant auaritiam. Flagellatio luxuriam. Potatio fellis gulam.

#### De superbia. Cap. XV.

**N**unc dicendum est de septem vitijs capitalibus in specie, & primo de superbia quæ est regina omnium vitiorum & mater. Est autem superbia, vt ait Augustinus peruersæ celsitudinis appetitus. Vnde *De ciuitate Dei. 19.* sicut idem Augustinus, ait, Superbia omnibus inuidet, scilicet superioribus, quia eis non æquatur, inferioribus, quia eis æquari timet: paribus, quia eis æquatur.

Superbia dicitur initium omnis peccati triplici ratione. Primo, propter causam, quæ inuenitur in omni peccato: quia in omni peccato inuenitur contemptus Dei, qui est quædam causa peccati. Iste autem contemptus est auersio a Creatore, quæ in omni peccato est, vbi præponitur bonum commutabile bono incommutabili: quia sicut sine charitate alie virtutes nihil sunt, ita sine superbia alia vitia nihil. Abstrahere superbiam, & habebis gratiam: quia superbis Deus resistit, humilibus autem dat gratiam. Conuexum enim in quantum huiusmodi non est receptium, sed concauum. Secundo, quia primum peccatum fuit: hoc enim genere peccauit diabolus in cælo, & primus homo in paradiso. Tercio, quia ex ea nascuntur alia vitia secundum prius & posterius, hoc est, mediate & immediate, sicut habetur supra cap. De effectu vitiorum. Est autem inter superbiam & vanam gloriam differentia, quia licet utrobique sit appetitus propriæ excellentiæ, tamen superbus sibi apparet magnus intus, sed vaniglorius appetit in ore aliorum per laudem apparere extra.

Diuerfa peccata dicuntur radices, & initia siue causæ aliorum peccatorum, sed diuersis respectibus. Superbia enim dicitur initium omnis peccati, propter tres causas superius enarratas. Libido etiam dicitur causa omnis peccati, sicut ait Augustinus, & hoc propter delectationem creaturæ, quæ inordinate trahit animam & auertit a summo bono. Est enim libido improba voluptas qua mouetur anima rationalis ad hoc quod delectetur in creatura. Cupiditas etiam dicitur radix omnium malorum: quam quidam appetentes errauerunt a fide, sicut dicit Apostolus: & hoc propter eandem rationem sicut libido. Est enim

Append. ad To. 7. oper. S. Bon.

cupiditas ex amore inordinato ad creaturam. Luxuria etiam secundum Cassianum dicitur radix omnis peccati: quia carnales delectationes nobis sunt naturales; ad naturalia autem proprii sumus, & difficulter resistimus.

Inanis gloriæ septem sunt filie secundum Gregorium. Prima est inobedientia, qua vaniglorius in nullo vult videri inferior: quod fieret, si faceret mandatum. Secunda est contentio, quia vult vincere cum clamore, & per hoc apparere. Tertia est iactantia, qua quis enumerat bona sua, vt laudabilis appareat. Quarta est hypocrisis, quæ quærit in exterioribus apparere. Quinta est pertinacia, quæ factum suum, vel dictum malum defendit, ne errasse videatur. Sexta est discordia, quæ contra omne dictum sustinet, vel assumit contrarium, propter vanam gloriam. Septima est nouitatum præsumptio, qua quis noua, vel dicit, vel inuenit, vt laudetur.

Quattuor sunt species superbiæ quas assignat Gregorius. Prima est, cum homo a seipso æstimat habere bonum quod habet. Secunda, si desuper datum credit, pro suis tamen meritis accepisse se putat. Tertia, cum iactat se habere bonum, quod non habet. Quarta, quando ceteris despectis singulariter vult videri. Per primam & secundam speciem iniuriatur homo Deo in se, quia per primam ponit se homo totam causam sui boni: sed in secunda ponit se causam principalem: in tertia vero specie iniuriatur homo Deo in proximo: in quarta autem iniuriatur homo Deo in eo quod non habet.

Gradus superbiæ secundum Bernardum sunt duodecim qui sunt, curiositas, mentis leuitas, inepta lætitia, iactantia, singularitas, arrogantia, præsumptio, peccatorum defensio, simulata confessio, rebellio, libertas, peccandi consuetudo. Numerus istorum sic accipitur. Homo per superbiam iniuriatur Deo, & homini: Deo, cui debet esse inferior: homini, cui debet esse par. Sex primi gradus determinantur secundum iniuriam, quæ fit homini, cui debet esse par: quattuor alij secundum iniuriam, quæ fit homini superiori. Duo vltimi determinantur proprie quantum ad iniuriam quæ Deo immediate fit. hoc ideo dicimus, quia & superiores gradus in Deum redundant, sed mediante proximo. Gradus autem vocantur, quia fit a minori progressus ad maius. Primus enim malus est, secundus peior est, & sic scandendo inuenitur quod vltimus est pessimus. Vnde iniuria, quæ est respectu paris, est minor. Illa vero quæ est respectu superioris, est maior, sed illa quæ est respectu Dei, est maxima. Propter quod isti gradus taliter ordinantur. Superbia multa mala facit. Primo id quod Dei est, usurpat, scilicet gloriam. Gloriam meam alteri, &c. In bonis enim operibus, quæ facimus, duo sunt, scilicet honor & utilitas: sed primum Dominus sibi reseruat, aliud nobis tribuit. Vnde debemus Deo suam partem relinquere, si nostra parte nolumus spoliari. Secundo perfectos viros impugnatur. Superbia est enim quasi turris Babel, quæ vsque ad cælos, id est, vsque ad viros cælestes debebat pertingere. Augustinus: Superbia etiā bonis operibus insidiatur, vt pereant. Vnde superbia inexpugnabilis est, sicut castrum in alto monte situm. Tercio gratia Dei hominem denudat. Superbis Deus resistit, &c. Montes Gelboë, nec ros, nec pluuia veniat super vos. Vnde secundum naturam conuexum non est receptium, sed concauum. Quarto hominem Deo priuat. Hugo de sancto Victore: Superbia aufert mihi Deum, inuidia proximum, ira meipsum. Superbia Deo est odibilis. Tria sunt quæ odit Deus, Pauperem superbum, &c.

Deum impugnatur, quia vexillum inimici sui, id est, diaboli ponit in castro suo, & deponit vexillum Christi, scilicet crucem, quam semper homo debet portare, iuxta illud: Qui vult venire post me, & cetera. Diabolo hominem assimilatur. Ipse est enim rex super omnes filios superbiæ. Vnde, sicut Dominus ait de

V u u chari-

Cassia li. 7.  
de institut.  
renūc. c. 2.  
Greg. li. 31.  
Mor. c. 17.

Greg. li. 23.  
Mor. cap. 4.  
non longe a  
prin.

Ber. tract.  
de gradib.  
humil. 9.  
Primitia-  
que & seq.

Isa. 42. b

Gen. 11. a  
Aug. Regu-  
la 3. cap. 5.  
tom. 2.

Iac. 4. b  
2. Reg. 1. d

Eccli. 25. a

Mat. 16. d  
Iob 41. d



**Joan. 13. d** charitate : In hoc cognoscent omnes quod discipuli mei eritis, si dilectionem habueritis adinuicem : ita potest diabolus dicere de superbia : In hoc cognoscent, &c. Hominem stultum demonstrat, quia ancillam ornat, & dominam nudam relinquit. Item quia magna pro modico vendit, id est, pro laude humana. Item quia credit se posse cum superbia illuc attingere, ubi diabolus iam existens non potuit cum superbia remanere. Hominem deiicit, quia scandentes in altum de facili cadunt : & qui se eleuant sub ostio humili facile caput laedunt.

*De inuidia. Cap. XVI.*

**Aug. enar. in Ps. 104. tom. 8.** **Dama. sc. oribod. fid. lib. 2. c. 14.** **I**nuidia est, ut ait Augustinus, odium felicitatis alienae. Secundum Ioannem Damascenum : Inuidia est tristitia de alienis bonis. Dicitur autem inuidia a non videndo, quia non potest videre bona aliorum. Vnde displicentia boni, quae est inuidia, potest notari per visionem interiorem & exteriorem, sicut vult Seneca dicens : Quidquid mente fugimus, ingestum oculis vix videmus.

**Greg. li. 31. Mor. c. 17.** Inuidia quinque filias habet secundum Gregorium : Prima est odium, quod est velle malum alicui, & nolle bonum. Secunda est exultatio in aduersis proximi. Tertia est afflictio in prosperis proximi. Quarta est susurratio, quae est detractio latens. Quinta est detractio, haec autem fit in aperto, quia intendit melior apparere illo cui detrahit.

Inuidia multa mala facit. De lumine caecatur, quia proximi bona videre non potest. Vnde inuidus comparatur noctuae & vespertilioni. Augustinus : Aegris oculis odiosa est lux, quae puris est amabilis.

**Aug. lib. 7. Cisse. c. 26. tom. 1.** De vita moritur. Gregorius : Panis vitam fortium roborat, paruulorum necat. Vnde inuidus comparatur febricitanti, cui etiam boni cibi sunt contrarij. Deo contrariatur, quia tam bonus est Deus, ut ait Augustinus, ut etiam de malis bonum eliciat : sed e contra tam mali sunt isti, ut de bonis malum eliciant. Item diuina bonitas omnia sua communicat, isti vero non. Item Deo placet bonum hominis, ac malum displicet : isti autem e contra bonum gratiae & naturae peruertunt. Vnde sicut omnia munda mundis, sic istis omnia sunt immunda. Et sicut bonis mala cooperantur in bonum : ita inuidis bona cooperantur in malum. Vnde tales aurum conuertunt in cuprum, gemmas in lutum, granum in paleam, vinum in aquam, mel in fel, diem in noctem, gaudium in maerorem, rosam in paliurum, balsamum in sterquilinum, eleuarium in venenum. Tales maledicit Isaias, Vae qui dicitis bonum malum, &c. Stultum efficit. Nimis errat, qui idcirco sibi vult vnum oculum erui, ut alijs etiam vnus eruatur : sic facit inuidus & diabolus, qui per hoc quod alijs inuidet, sibi magis nocet. Auctorem suum torquendo laedit. Seneca : Vt inam inuidi in omnibus ciuitatibus oculos & aures haberent, ut de omnium profectibus torquerentur. Proximum fraudulentem decipit. Vnde inuidus comparatur cani, qui blanditur in facie, & mordet a tergo. Item Iudas, qui osculo Christum tradidit. Item

**Mat. 26. b** homini perfido, qui laedit hominem, qui cum numquam molestauit.

*De ira. Cap. XVII.*

**Aug. li. 24. de Ciuitate Dei ca. 16.** **I**ra est, ut ait Augustinus, vlciscendi libido, & secundum Cassian. Ira est motus animi concitatus ad poenam. Haec est diffinitio irae per vitium, non per zelum, de qua est hic agendum. Ira igitur duplex habet esse, scilicet esse naturae, & esse moris. Prout ergo deordinat ab optimo, habet esse morale, quo vitium est quia ira non est peccatum ratione purae passionis, immo poena : sed cum hoc dicit quamdam actionem per quam deordinat hominem & quantum

ad Deum, & quantum ad proximum. Vult enim a se expetere vindictam, quam non debet expetere nisi a Deo, vel a iudice sub Deo constituto.

Vtrum autem teneatur quis remittere iniuriam inimico potenti ? Nota distinctionem : quia ex iniuria solent oriri tria. Primum est rancor in affectu. Secundum est rancoris signum in effectu. Tertium est actio contra iniuriantem. Primum tenetur quis statim remittere, etiam si non rogetur. Secundum tenetur remittere veniam veraciter petenti, id est, parato emendare secundum facultatem suam. Tertium non tenetur remittere. Si vero volueris scire vtrum

**B** ille cui facta est iniuria, debeat amicitiam querere : sciendum quod duplex est debitum. Primum est necessitatis, sine quo non est salus. Secundum est perfectionis. Quantum ad primum debitum non tenetur quis reconciliationem querere siue amicitiam : sed de secundo dicit Chrysostomus quod debet querere : reconciliationem, ut duplicem coronam consequatur. Vnam, quia iniuriam passus est. Aliam quia prior rogauit. Dominus autem ponit tres gradus circa reatum irae, cum dicit : Omnis qui irascitur fratri suo reus erit iudicio. Qui autem dixerit racha, reus erit concilio. Qui autem dixerit fatue, reus erit gehennae ignis. De his dicendum est, quod ubi creuit gradus culpae, creuit & ordo poenae. Vnde recte ira sine voce punienda est iudicio : ira cum voce concilio : ira cum voce contumeliae gehennae ignibus mancipatur. Secundum Augustinum enim in primo est ira tantum, in secundo ira & sermo, in tertio ira est, & certa expressio irrisionis.

Dicit autem Gregorius quod iudicium est causae discussio, concilium sententiae diffinitio, gehenna ignis sententiae executio.

Notandum quod reddere malum pro malo, est fragilitatis, sicut fecit Ioab quando interfecit Abner, scilicet interfectorem fratris sui Asael. Sed reddere malum pro bono, est peruersitatis, sicut fecit Iudas tradendo Christum. Reddere bonum pro bono, est aequitatis, sicut fecit Assuerus, quando Mardochaeum honorauit. Reddere bonum pro malo, est perfectionis, sicut fecit beatus Stephanus quando pro inimicis orauit.

Filiae irae secundum Gregorium sunt sex. Prima est rixa, haec est audax voluntas vindicandi iniuriam factam, per se. Secunda est tumor mentis, haec est vindicandi causa fugiens aduersantem, ne cum eo colloquium habeatur, propter aestimatas inimicitias. Tertia est contumelia, quae est voluntas se vindicans per exprobrationem malorum. Quarta est clamor, quae est voluntas se vindicans in exaltando vocem per vituperium exprobratum, ad aliorum aures perueniens. Quinta est indignatio, quae est voluntas se vindicans per signum molestiae exterius declaratum. Sexta est blasphemia, quae est voluntas se vindicans per opprobrium Deo, vel sanctis illarum.

Ex ira veniunt multa mala. Hospitium Spiritus sancti turbat. Gregorius : Dum ira animum pulsatur, Spiritui sancto hospitium suum turbatur. Nam sicut in pace factus est locus Dei, sic in discordia locus diaboli. Tales sunt incendiarij domus Dei. Vnde Psalmista : Incenderunt igni sanctuarium tuum Domine in terra : polluerunt tabernaculum nominis tui. Vnde isti sunt similes draconum, qui emittit ex ore ignem. Quod Dei est sibi usurpat, scilicet vindictam. Propheta : Mihi vindictam, & ego retribuam. Talis se facit iudicem & Deum vult esse tortorem, sicut dicit Augustinus : Dicit enim malus in orationibus suis : Domine occide malum inimicum meum. Respondet ei Dominus : Quem vestrum ? Ambo estis mali. Immo talis vult esse actor, & iudex in eadem causa. Sed stultum se demonstrat qui per cor suum immittit gladium, ut laedat tunicam inimici sui. Immo si sapienter faceret, prius se de ipso vindicare deberet, iram

iram scilicet, zelum aduersus iram suam propter vitium assumendo: sed e conuerso limam purgationis conuertit in rubiginem deprauationis. Aduersitates enim quæ ipsum deberent a peccato purgare, per impatientiam magis inquinant, & fornax probationis mutat ei aurum in cuprum, & flagellum ex grano facit paleam. Vnde duram sententiam talis in iudicio expectabit. Cum enim Dominus improperaturus sit quibusdam, Nudus fui & non cooperuistis me, quid dicturus est illis, qui non solum nudos non vestiunt, sed vestitos spoliant? Bellum mundi, carnis, & diaboli contra se instaurant, sed sapientes sedant minores guerras propter maiores, quæ imminet. Malam faciunt commutationem, quia auferendo pallium bonæ famæ, dant tunicam innocentie. Remedia iræ sunt, Silentij obseruatio. Cum defecerint ligna extinguetur ignis: quia sicut ex collisione duorum corporum elicitur ignis, ita ex amaris verbis aliquorum ira concitatur. Responsio mollis frangit iram, & sermo durus excitat furorem. Quasi qui apprehendit canem auribus, &c. Dominicæ passionis consideratio. Gregorius: Si passio Domini ad memoriam reuocetur, nihil adeo durum est, quod non æquanimitate toleretur. Hoc figuratum est, ubi respicientes serpentem æneum sanabantur. Item præmij tolerantie animaduersio. Vnde consideratio præmij minuit vim flagelli.

## De acedia. Cap. XVIII.

**A**Cedia est de virtutum laudabili exercitio vtriusque hominis languida deiectio. Item acedia est diffidentia de proprijs viribus, & auxilio Dei, implendi ardua. Duo nomina sunt huius vitij, scilicet, Tristitia & Acedia. Horum autem nominum hæc est ratio, quia in isto peccato est auersio a spirituali bono, quod æstimatur graue, sicut est ieiunare, & huiusmodi: & ratione huius dicitur tristitia. Est etiã ibi conuersio ad creaturam, scilicet ad quietem, quæ æstimatur leuis, & ratione huius dicitur acedia. Patet ergo ex his, quod hoc vitium prout vocatur tristitia, opponitur lætitiæ spirituali, quæ est in exercitio spirituali. Sed prout vocatur acedia, opponitur fortitudini, quæ consistit in aggrediendis arduis, & sustinendis aduersis.

Acedia denominatur ab acedine, quia per eam anima tedium habet de omni spirituali difficili.

**Acedia** secundum Gregorium habet sex filias. Prima vocatur malitia, quæ secundum Augustinum est voluntas machinandi malum alicui. Cum enim quis iniuriatur alij, tunc irascitur, & postea tristatur. Secunda est desperatio: quia diffidentia meritorum mater est diffidentie præmiorum, ex qua iterum oritur tristitia. Tertia est pusillanimitas, quæ nascitur ex diffidentia proveniente ex consideratione propriæ infirmitatis, vel operis arduarum. Quarta est rancor, qui est inueteratum odium. Sicut enim ex charitate sunt opera bona, ex quibus est confirmatio charitatis, ita ex ira est acedia, ex acedia vetustas iræ. Quinta est torpor circa præcepta, idest, quædam insuasibilitas, propter quam homo non potest induci ad executionem mandatorum Dei. Sexta est euagatio mentis circa illicita. Hæc autem euagatio quandoque est particularis, & certam habet materiam, & sic conuenit omnibus vitijs: quandoque est generalis & incerta, & hæc est proprie euagatio acedie. Qui enim est absorptus tristitia, non habens in se vnde delectetur, euagatur ad omnia quærens delectationem.

Ex acedia eueniunt multa mala. Præceptum Domini negligit: In sudore vultus tui, &c. Maledictionem Dei incurrit. Exemplum de ficu, cui Dominus maledixit, quia folia tantum habuit. Discrepat a ceteris creaturis. Exemplum enim est in corporibus inanimatis, sicut in Sole, & Luna, qui quotidie

Append. ad To 7. oper. S. Bon.

**A** surgunt & perficiunt cursum suum. Item patet in corporibus animatis, sicut sunt arbores, & herbæ: quæ licet in hieme nudæ sint, tamen virtutem seruât, & in tempore suo redeunt ad consueta. Idem ostenditur in sensibilibus: Vade ad formicam o piger. Pre-  
*Prou. 6. a*  
*Ber. in de-*  
*clam. super*  
*gloriam. Et tamen, ut ait Bernardus, nihil vilius re-*  
*Ecce nos lo-*  
*ge post med.*  
*Sap. 2. b*  
*Prou. 20. a*  
*Prou. 24. d*  
*Nota quod aqua corrumpitur quiete, & ferrum*  
*contrahit rubiginem: & porcus macandus permit-*  
*titur in quiete pinguescere. Locum diabolo præpa-*  
*rat, quia homo otiosus est quasi puluinar diaboli, &*  
*in olla tepida libenter muscæ insident, quæ feruen-*  
*tem fugiunt. Tentationibus patet. Vnde legitur*  
*in collationibus patrum quod monachum operatæm*  
*dæmon vnus pulsât, otiosum vero innumeris. Est enim*  
*homo acediosus quasi vrbs absque murorum ambi-*  
*tu, & quasi signum positum ad sagittam. Mores per-*  
*uertit, quia vult metere, & non seminare, sicut catus*  
*qui libenter pisces comedit, sed eos non libenter ca-*  
*pit. Seneca: Incertum est, quo loco, quomodo mors*  
*te excipiat: & ideo tu illam in omni loco & tempo-*  
*re expecta. Furem fodientem parietem non repellit,*  
*quia mors fur est, & quotidie tollit vnum asserem,*  
*idest, vnum diem. Si sciret paterfamilias qua hora*  
*fur veniret, &c. Receptaculum sordium se facit. Bernardus:*  
*Omnium tentationum sentina est otium. Ipsum enim est occasio luxuriæ. Factum est eo tempo-*  
*re quo solent reges ad bella procedere, &c. Item occasio*  
*est nugarum. Athenienses ad nihil aliud vacabant,*  
*&c. Item occasio curiositatis: Discut circuire domos.*  
*Stultitiam ostendit, quia tonitrua audiens non sur-*  
*git. Tonuit autem Christus in cruce, & in prædica-*  
*tione: tonabit etiam in die iudicii. Item stultus est*  
*qui immunditias de oculo non eiicit. Hypocrita eiice*  
*primum trabem de oculo tuo. Ad cælestia venire ne-*  
*gligit: quia vix ad locum quis veniet qui vnum pe-*  
*dem hodie mouet, & post annum, alium. Sic & illi*  
*quorum motus est pes intellectus, & non pes affectus,*  
*cum tamen sit affectibus ambulandum.*

**B** & non dabitur ei. Incitamenta vitiorum colligit. Per agrum hominis pigri transiui, & ecce totum repleuerant vitiis & cooperuerant superficiem eius spinæ.

## De auaritia. Cap. XIX.

**A**uaritia, ut ait Tullius, est immoderatus amor habendi. Item secundum Bernardum: Auaritia est quarumlibet rerum insatiabilis, & inhonesta cupiditas. Secundum Apostolum: Auaritia est idolorum seruitus, quia homo auarus exhibet creaturæ quod debet Creatori: scilicet fidem, spem, & delectationem, hæc enim auari exhibent pecuniæ. In hoc ergo specialiter reprehenduntur isti, quia rei vilissimæ amorem suum exhibent, scilicet pecuniæ, quæ de terra tollitur, quam natura infimam ordinauit. Dicitur in Ecclesiastico, quod auaro nihil est scelestius, & hoc propter quattuor causas. Primo, quia fere omnia scelera per auaritiam perpetrantur, ut furta, per iuria, homicidia, & huiusmodi. Secundo quia est contra legem naturæ. Quæcumque vultis ut faciant vobis homines, &c. Tertio, quia est contra legem scriptam. Estote misericordes, sicut & pater vester, &c. Quarto, quia est contra legem vniuersalem, quæ est in omnibus rebus, quæ compelluntur se dare: auarus enim quasi captiuas detinet res, ne se communicare possint.

Vtrum autem cuiquā liceat thesauros congerere. Notandum quod est vno modo thesaurizare ex affectu auaritiæ absque intentione necessitatis propriæ vel alienæ: et

Vuu 2 hoc

hoc modo thesaurizare omnibus est prohibitum. A Alio modo est thesaurizare ex prouidentia: & hoc vel ex consideratione necessitatis, & sic conceditur parentibus secularibus ob necessitatem filiorum educandorum, vel filiarum coniugio tradendarum, non autem ditandarum, sed seruato modo vel statu personæ. Alio modo est thesaurizare ex consideratione publicæ utilitatis, scilicet regni defendendi, vel cultus Dei ampliandi, & sic concessum est regibus thesaurizare. Personis autem Ecclesiasticis proprie numquam thesaurizare licet, nec pecuniam tenere intentione seruandi. Ambrosius: Aurum habet Ecclesia, non ut seruet, sed ut erogat.

Amb. lib. 2.  
offic. c. 28.

Ex prædictis patet quod duplex potest esse amor pecuniæ, siue temporalium, scilicet respectu necessarii, vel respectu superflui. Contra primum prohibet Dominus præfocantem sollicitudinem. Contra secundum prohibet thesaurizationem.

Herony. e-  
pist. 103. ad  
Paulin. pro  
pe fin.  
Mat. 26. b

Ex auaritia sequuntur multa mala. Primo, quia a Deo maledicitur. Augustinus: Maledictus dispensator. auarus, cuius largus est Dominus. Semper eget Hieronymus: Auaro tam deest quod habet, quam quod non habet. Stultus mercator est qui regnū cælorū, immo ipsum Christum vendit pro paucis denarijs: & propter hoc sepe peior est auarus homo, quam ipse Iudas, qui vendidit Christum triginta denarijs: iste autem interdum pro vno denario. Corpus euiscerat, quia diuitiæ acquiruntur cum labore, possidentur cum timore, amittuntur cum dolore. Vnde ipsi laborant, & alij in labores eorum sæpe intrant, scilicet, fures, raptores, vel latrones, vel certe filij mali. Isti similes sunt araneæ, quæ faciendū telam pro capiendā musca, seipsam euiscerat. Mentem suffocat. Augustinus: Naufragium fugis, & plumbum amplecteris. Vnde Socrates massam argenti proiciens in mare dixit: Mergam te, ne mergas me. Inquinat: Filij Israel seruiebant in luto & latere. Excecat. Exemplum de Tobia, qui fuit excæcatus stercore hirundinum. Cor dilacerat. Vnde diuitiæ comparantur spinis. Infatiabilis est. Vnde comparatur sacco pertuso, & inferno, qui numquam dicit, sufficit. Et mari, cui omnia flumina influunt, & tamen non redundat. Et hydropico, qui quanto plus bibit, tanto plus sitit.

Exo. 5.  
Tob. 2. b  
Luc. 8. b  
Agg. 1. b  
Prov. 30. c  
Eccl. 1. b

Greg. li. 31.  
Mor. c. 17.  
post med.

Filiæ auaritiæ sunt septem secundum Gregorium. Prima est obduratio cordis, quæ fit omitendo elemosynam. Istam filiam vocat Isidorus inhumanitatem. Secunda est violentia, hæc fit nocendo alicui palam per facta mala: quam vocat Isidorus rapacitatem. Tertia est inquietudo, hæc est appetitus lucri. Quarta est periurium, quod sæpe incidit in emptione & venditione. Quinta est fallacia, quæ fit per verba decipientis in occulto. Sexta est fraus, hæc est deceptio perfecta: & hoc in præsentia illius, qui decipitur. Septima proditio, quæ est idem quod deceptio, quæ fit in absentia decepti.

#### De gula. Cap. XX.

Gula, ut ait Augustinus, est immoderata cibi auditas. Item gula est vorax edacitas naturæ finibus non contenta.

Greg. li. 30.  
Mor. c. 13.  
cir. med.

Luc. 16. d  
Quinque modis peccatur circa gulam, ut dicit Gregorius: Primo, cum quis horam comedendi præuenit: & hoc fit per impatientiam expectandi tempus debitum. Secundo, cum quis quærit cibaria pretiosa & delicata, de quibus Ouidius: Est virtus placidis abstinuisse bonis. Sed contra hoc fecit diues ille, qui epulabatur quotidie splendide. Tercio, quando quis mensuram excedit, scilicet, nimis comedendo. Sciedum tamen, quod vni est medium, & mensura debita, hoc alteri est excessus. Vnde non consistit mensura in cibi quantitate, sed in comedentis qualitate. Verumtamen quidam ieiunium suum recompensant

postmodum nimietate superflua: sed hoc quid aliud est, quam dare duos obolos pro vno denario? Quarto quando nimis ardentem, ac festine quis comedit. Non enim vsus ciborum, sed concupiscentia in vicio est. Quinto, quando quis cibaria sua nimis studiose præparat. Vnde Bernardus: Non sapor, sed fames excitet appetitum. In omnibus his sumēda sunt, non quæ voluptas, sed quæ requirit necessitas. Contin- git etiam peccatum esse circa diminutionem cibi, si- cut circa superfluitatem.

Filiæ gulæ sunt quinque secundum Gregorium. Greg. li. 31.  
Prima est scurrilitas, quia gula mouet ad verba scur-  
Mor. c. 17.  
B rilia. Secunda multiloquium, scilicet detractio, vi-  
post med.

tuperia, & alia verba inania. Tertia inepta lætitia, idest, lasciuia carnis, siue gestus corporis inordinatus, lasciuia mentis demonstrans. Quarta immunditia, quæ solet prouenire ex gula, ut est vomitus, & eructationes foetidæ ac luxuria. Quinta est hebetudo mentis, idest, subuersio rationis. Gula duo complectitur, scilicet comestationem & ebrietatem: & proprie loquendo parsimonia opponitur comestationi, & ebrietati sobrietas.

Gula nocet multipliciter. De paradiso eiicit hominem: exemplum in Adam. Spiritualia bona perdit. Gen. 3. d  
Exemplum in Esau, qui pro cibo vendidit primoge- Gen. 25. d  
nituram. Diabolo domum præparat. Si eijs nos Mat. 8. d  
hinc, mitte nos in porcos. Seruum contra dominum animat. Qui delicate nutrit seruum suum, sentiet Prov. 29. a  
eum contumacem. Luxuriam inducit, exemplum de Lot. Homicidia perficit. exemplum de Ioanne Gen. 19. f  
Baptista, qui in conuiuio periit. Inducit mortem Mar. 6. d  
naturæ. Propter crapulam multi perierunt. Qua- Eccl. 37. d  
cumque die comederis ex eo, morte morieris. In- Gen. 2. c  
ducit mortem culpæ. Vidua in delicijs viuens, mor- 1. Tim. 4. a  
tua est. Inducit mortem gehennæ. Diues epulo se- Luc. 16. d  
pultus est in inferno. Remedia gulæ sunt quattuor. Primum est spiritualium ciborum frequens sumptio. Non in solo pane viuit homo, &c. Secundum futuræ carnis nostræ consideratio. Hieronymus: Facile con- Matt. 4. a  
ternit omnia, qui se semper cogitat moriturum. Hieron. ad  
Tertium est æternæ cenæ meditatio. Homo quidam 103. in fi.  
fecit cenam magnam. Quartum est famis Christi, & Luc. 14. d  
suorum pensatio. Recordare paupertatis meæ, ab- Thren. 3. 0  
synthij & fellis.

#### De luxuria. Cap. XXI.

Luxuria est ex immundis desiderijs veniens lubrica mentis & carnis prostitutio. Item luxuria est libidinosa voluptatis appetitus, & intelligas hic appetitum, qui est ex consensu rationis, quia talis appetitus est peccatum mortale, & dicitur peccatum mortale, quando ratio non cohibet huiusmodi appetitum cum posset.

Differentiæ luxuriæ sunt octo. Prima est fornicatio, quæ est soluti cum soluta. Secunda meretriciū, quod fit dupliciter, scilicet, per vagam libidinē cum diuersis peccando, vel cum publice venali concumbendo. Tertia est adulterium, quo coniugalis thorus vitatur. Quarta est stuprum, quo virginis integritas corrumpitur. Quinta sacrilegium quo continentia Deo dicata læditur, ut in clericis & religiosiis sacris ordinibus sublimatis, & in his, qui emiserunt votum continentie. Sexta est incestus, quo vinculum consanguinitatis, vel affinitatis, vel compaternitatis corrumpitur. Septima est peccatum contra naturam, siue Sodomia, quo naturalis vsus perueritur. Notandum autem quod aliud est contra naturam speciei, aliud contra naturam generis. Primo modo omne peccatum mortale est contra naturam speciei, quia in rationali creatura remurmurat synderesis contra omne peccatum. Sed secundo modo peccatum Sodomie est contra naturam generis, quia non solum in homine, sed etiam in brutis diuersi sexus in coitu

in coitu conueniunt. Vnde si isto modo fit, contra naturam generis est. Octaua est libidinosus coitus coniugalis, qui multipliciter accipitur. Coitus enim coniugalis alius licitus est, alius fragilis, alius impetuosus. Licitus tripliciter: vt quando causa prolis fit, vel ad ampliandum cultum Dei, vel causa reddendi debitum, vel causa vitandæ fornicationis non in se, sed in coniuge. Primus est pietatis. Secundus iustitiæ. Tertius cautelæ. In his nullum dicitur peccatum esse. Fragilis est quando fit causa delectationis, & tunc distinguitur: quia si amor illius delectationis præponitur Deo, mortale peccatum est: si vero postponitur, veniale. Impetuosus est, qui ex sola libidine proueniens, metas honestatis, & rationis transcendit, quod fit, quinque modis: primo causa satiande libidinis per meretricias blanditias: secundo cum fit contra naturalem modum: tertio cum fit tempore prohibito: quarto quado fit in loco prohibito: quinto quando acceditur ad mulierem prægnantem, & vicinam partui, vel quæ est in fluxu menstruo.

Gen. li. 32.

Mor. c. 27.

Filiæ luxuriæ sunt octo secundum Gregorium. Prima est cæcitas mentis, quia secundum Augustinum in opere luxuriæ tota ratio absorbetur. Secunda est inconsideratio, mortis scilicet & inferni. Tertia inconstantia, scilicet ad cogitandum desiderandumque nunc istud, nunc illud. Quarta amor sui, scilicet quod aliquis desiderat longam vitam ad hoc, vt expleat voluptatem suam. Quinta præcipitatio, qua quis præcipitanter currit ad peccandum, exponens se periculo mortis propter luxuriam faciendam. Sexta odium Dei, quia Deus abstrahit se ab eis, & punit eos qui sequuntur carnis delicias, ad quas inclinatur luxuria. Septima affectus præsentis sæculi, scilicet appetitus honorum, diuitiarum, sanitatis, fortitudinis, & huiusmodi, per quæ luxuriosus finem suum consequitur. Octaua est desperatio futuri sæculi, quæ est diffidentia gloriæ, vel veniæ consequendæ, & hæc est filia luxuriæ consummatæ.

Luxuria nocet multipliciter. Deo est contumeliosa, quia templum eius inquinat. Dæmonibus placita. Behemot dormit in locis, &c. Subiecto proprio nociua. Qui fornicatur in corpus, &c. Proximum scandalizat. Facti estis speculationi, & rete expansum super, &c. Animam propriam damnat. Non recedet gladius de domo tua, hoc dictum fuit ad Dauid propter peccatū Bethsabæe. vilissimo domino se subijcit, scilicet carni & sensualitati. Quia obedisti voci vxoris tuæ, maledicta, &c. Menrem infatuat. Vinum & mulieres auferunt cor.

Iob 40. 8

1. Cor. 6. d

Osse 5. a

2. Reg. 12. c

Gen. 3. c

Osse 4. c

Iob 31. a

Eccli. 13. a

Eccli. 26. b

Eccli. 7. d

\* Hierony.

de reform.

vita ad Ru

fic. epist. 4.

Gen. 3. c

Mar. 9. c

Remedia luxuriæ sunt hæc, Occasiones fugere. Pepigi fœdus cum oculis meis, vt ne cogitarem, &c. Qui tetigerit picem, inquinabitur ab ea. Qui tenet illam quasi qui apprehendit scorpionem. Mortis extrema cogitare. Memorare nouissima tua, & in æternum non peccabis. De se non præsumere: quia cecidit Dauid sanctissimus, Salomon sapientissimus, de reform. Samson fortissimus. Frequenter se occupare. Hieronymus: Semper aliquid boni facito, vt te diabolus inueniat occupatum. Tentationi in principio resistere. Ipsa conteret caput tuum. Carnem domare. Hoc genus dæmoniorum non eijcitur, nisi in oratione & ieiunio.

Quomodo superbia sit mortale, vel veniale.

Cap. XXXI.

Omnia prædicta quamuis semper sunt peccata, non tamen semper sunt mortalia. Vnde videndum est quando vnumquodque mortale sit, & quando veniale. Vana igitur gloria ex suo genere est veniale, quia genus operis sumitur ex obiecto. Vanum autem secundum se non est obiectum peccati mortalis, sed venialis. Vnde cum vana laus sit huius peccati obiectum, patet quod non semper est peccatum

Append. ad To. 7. oper. S. Bon.

A mortale. Erit tamen vana gloria mortalis dupliciter, scilicet ratione finis, propter quem laus appetitur. Opus namque tale est, quale est id propter quod appetitur. Item ratione operis in quo laus quæritur.

Circa primum dicendum est quod quadruplici fine laus appetitur. Primo, ad vitandum malum infamiæ, sicut Samuel se laudauit. Secundo, propter aliquam vtilitatem spiritualem, vt est gloria Dei, vel ædificatio proximi, sicut Paulus se commendauit. Tertio, propter lucrum auaritiæ, sicut Pharisei, qui deuorant domos viduarum, longas orationes simulant. Quarto, propter aliquem actum venialis peccati, sicut quando quis laudari vult, eo quod venialiter in laude delectetur. Primum est prouidentia: secundum est charitatis: tertium est peccatum mortale, & idem intelligendum est quandocumque mortale peccatum finis alicuius operis ponitur: quartum est veniale.

Sequitur secunda causa, quare vana gloria sit peccatum mortale, scilicet ratione operis, per quod laus quæritur. Hoc autem potest fieri tripliciter, quia laus quandoque quæritur per opera illicita, quandoque per opera ex se indifferentia, quandoque per opera virtutum. Si primo modo, sic tale est peccatum, quale & illud illicitum, scilicet mortale, aut veniale. Si secundo modo, sic est peccatum veniale, vt habere diuitias, vel vestes preteritas, cum abusu talium in laudem. Verumtamen si talia sunt de se ordinata, vt sint occasio peccati mortalis, secundum quod mulier cum ornatu meretricio præparat se ad animas capiendas, vel si factum illud est illicitum ex prohibitione superioris, vt torneamenta, & huiusmodi, cum excederet præceptum Ecclesiæ, sic sunt peccata mortalia. Si tertio modo, id est, si laus quæritur per opera virtutum, hoc est dupliciter, vel quia appetitus laudis adiungitur operi virtutis tamquam incidens, sicut contingit in cantu, vel in prædicatione quandoque, & tunc est veniale. Vel laus est finis principaliter præstitutus operi virtutis & operanti, ita quod ibi constituit finem vltimum, & sic est mortale: quia tunc inheret ei vt fini vltimo. Nota quod maius est peccatum gloriari de bonis spiritualibus, quàm de temporalibus: quia minus habent motiuum, eo quod minus appareant extra, quàm temporalia.

Quomodo inuidia sit mortale, vel veniale.

Cap. XXXII.

INuidia ex suo genere est peccatum mortale, quia cum inuidia secundum Remigium sit dolor de alieno bono, contrariatur directe charitati, quæ non æmulatur, sed congaudet veritati. Charitati vero nihil est contrarium, nisi peccatum mortale. Tamen illud quod ex genere est mortale, potest esse veniale, vel prout in primo motu consistit, vel extra suam rationem trahitur. Dolor autem de alieno bono est quadruplex: vel quia est primo primus motus ex natura veniens, sicut quidam naturaliter inuidi sunt: & hoc nullum peccatum est, cum nullo modo sit in potestate nostra. Vel est secundo primus motus, quando, scilicet appetitus sine completa deliberatione tali passione afficitur, & sic est veniale peccatum. Vel est actus voluntarius deliberatiue, & sic est mortale peccatum. Vel trahitur per intentionem extra suam rationem, vt quando dolor de alieno bono surgit cuiusquam ex causa bona, sicut quando dolet aliquis de bono temporali alterius, quia videt illud redundare in detrimentum animæ illius, vel etiam in detrimentum communitatis: talis dolor bonus est, quia maius bonum magis est appetendum. Notandum vero quod per dolorem boni comprehenditur gaudium de malo quod ex ipso causatur.

Vuu 3 Quomo.

*Quomodo ira sit peccatum mortale, vel veniale.*  
Cap. XXIV.

**I**Ra ex suo genere est peccatum mortale, quia secundum Isidorum: Ira est animus concitatus ad poenam prouocanti inferendam. Talis autem motus contrariatur charitati, quæ non irritatur, nec cogitat malum. Ira igitur vel dicit iram zeli, quæ est delectatio vitij, & hæc non est peccatum, sed est perfectionis. Potest etiam quis sibi per hunc modum irasci, sicut dicit Glossa super illud Psalmi: Irascimini & nolite peccare. Quid est, inquit, homo poenitens, nisi irascens sibi? Vel dicit remissionem affectus circa proximum, per quem homo non dolet de malo proximi, nec gaudet de bono eius, licet etiam non doleat de bono, nec gaudeat de malo eius: sed est indifferens ei: & sic non est mortale, sed imperfectio charitatis. Vel dicit actualem impatientiam absque appetitu vindictæ: & talis motus etiam deliberatus est peccatum veniale, quia habet incompletam rationem iræ, sicut ex supradicta patet diffinitione. Vel dicit impatientiam cum appetitu vindictæ, & hoc est tripliciter. Quandoque enim hoc a natura, sicut in melancholicis, in quibus secundum Philosophum continue mordetur natura, propter quod semper sunt turbulenti: & sic nullum est peccatum, cum sit motus naturalis. Quandoque hoc est ab appetitu indeliberato, & sic est veniale, sicut alij primi motus. Quandoque est a voluntate deliberatiua, & tunc est peccatum mortale.

*Psal. 4. a*

*Quomodo accidia sit mortale, vel veniale.*  
Cap. XXV.

**A**ccidia ex suo genere est peccatum veniale: quia secundum Augustinum, Accidia est tædium interni boni: hoc autem non opponitur charitati, sed dicit diminutionem feruoris charitatis, in quo consistit omne veniale. Istud ergo tædium, vel est motus naturalis, & sic nullum est peccatum: vel est motus appetitus contristati de opere spiritali laborioso, & sic est veniale: quamuis etiam appetitus ille naturalis sit deliberatiuus, quia consensus in veniale non est nisi veniale; accidia vero ex genere, & per se venialis est: vel hoc tædium redundat in omissionem eorum, quæ sunt necessaria salutis, ut frangere præcepta Dei, vel Ecclesiæ sine causa rationabili, & tunc est mortale. Si autem tædium illud ex omissione boni, & difficultate aggrediendi bonum, ducit in desperationem: tunc iam accedit ad peccatum in Spiritum sanctum. Et si tædium illud crescit, quod etiam ducit in tædium vitæ in tantum quod iniiciat sibi manus, tunc iam similis est ludæ, qui laqueo se suspendit.

*Mat. 27. a*

*Quomodo auaritia sit mortale, vel veniale.*  
Cap. XXVI.

**A**uaritia secundum Marcum tullium Ciceronem est immoderatus amor habendi. Hæc igitur consistit in appetendo, vel in acquirendo, vel in retinendo. Si primo modo, hoc est quinque modis. Primo, quia appetit aliena appetitu completo qui præcederet in opus, si adesset facultas, & sic est peccatum mortale. Secundo, quia appetit illicita voluntate incompleta, ut si aliquis indignus conatur beneficium Ecclesiasticum adipisci, sic iterum est mortale. Tertio, si appetit talia, siue sint illicita, siue aliena, cum voluntate conditionata, scilicet si posset habere sine offensa Dei, ac iniuria proximi, & tunc vel nullum, vel veniale est, si talem conditionem actualiter, vel habitualiter addat, vel intendat. Quarto, si simpliciter appetit habere superflua, & hoc appetitu suffocante mentem, scilicet a cura sui, & consideratione diuinorum, & hoc est peccatum mortale. Quinto, si su-

**A** perfluo amore inhæret temporalibus, tamen infra Dei amorem, hoc est veniale.

Si autem auaritia consistit in acquirendo, hoc est tripliciter, quia vel acquirit iniuste quocumque modo, & tunc est mortale: vel acquirit res per tale opus, aut artem, aut officium, quod per se est peccatum mortale, si etiam esset sine lucro, & tunc est mortale: vel acquirit talia per operam illicitam, quæ est veniale peccatum, ut cum aliquis verba iocosa componit ad lucrum, salua tamen honestate, & hoc est veniale, nisi aliquis propter delectationem dissolutionis totaliter se dedat talibus, tunc enim mortale est. Dico autem propter delectationem, quia si quis propter necessitatem, per talia sibi sustentationem acquireret, cum aliam artem lucrosam nesciret, non reputarem eum in statu damnandorum.

Si autem auaritia consistit in retinendo, hoc potest esse quinque modis. Primo, quia retinet scienter ea quæ restituere tenetur, & animo retinendi, sic est peccatum mortale. Secundo, quia retinet ea, quæ ad necessitatem suam, & suorum pertinent, vel ad conseruationem status sui, & suorum secundum quod decet dignitatem suam, & hoc non est peccatum. Tertio, quia retinet superflua respectu vtriusque iam dictorum, & hoc tempore extremæ necessitatis alicuius, sic est peccatum mortale. Quarto, quia retinet superflua, etiam citra extremam necessitatem ex insatiabili cupiditate, sic est peccatum mortale: præcipuum autem signum talis effectus est, quod quis res potius sinit putrescere penes se, quam vtiliter alijs dispense. Quinto, quia retinet superflua quædam ex inordinato amore temporalium, per quem modum deficit a medio largitatis, saluo tamen statu virtutis, & sic est veniale. Nota quod auaritia ex suo genere est mortale: quam Apostolus idolatriæ comparat, non quia sit de specie illius peccati, cum non habeat dactum eius, sed quia facit aliquid simile idolatriæ, seruiendo creaturæ potius, quam Creatori.

*Ephes. 5. b*

*Quomodo gula sit mortale, vel veniale.*  
Cap. XXVII.

**G**ula ex genere suo est peccatum veniale, quia appetitus comedendi ex sua ratione non subiaceret dominio voluntatis, sed natura nobis inest, quod potest esse quinque modis.

Primo si est ibi solus appetitus cibi, & hic nunquam est peccatum: nec etiam delectatio cibum consequens est peccatum, in quantum ordinatur contra defectum sibi contrarium: hæc enim sunt pure naturalia, in quibus non est meritum, nec demeritum. Secundo si appetitui necessitatis adiungitur appetitus delectationis, & voluptatis in cibo, & hoc est peccatum veniale. Tertio si est ibi transgressio præcepti, ut cum aliquis sine necessitate soluit ieiunium Ecclesiæ, vel quando religiosus comedit carnes, cum hoc in suo ordine sit prohibitum, sub præcepto, sic est mortale peccatum. Quarto si appetitus edendi est cum libidine, ut quando nimio & finali affectu inhæret delectationi cibi, & hoc est peccatum mortale. Quinto si ducitur in consuetudinem talem, quæ facit totam vitam hominis delectationibus huiusmodi deputari, hæc tam vicina sunt peccato mortali, quod ebrietas ab Apostolo inter peccata mortalia computatur. Ebrietas tamen quandoque est peccatum veniale, ut quando ultra necessitatem quis accipit, secundum mensuram tamen imperceptibilem. Quando vero quis egreditur a mensura perceptibilis secundum rationem bene ordinatam ad discernendum, & hoc in tali mensura ex qua eueritur status mentis effrenata libidine, quando hoc Deo præponit, tunc peccat mortaliter. Si quis autem inebriat alium, ita videlicet inuitans eum ad potum, ut intendat statum mentis eius euertere, & hoc facit in eius nocuum.

*Rom. 13. d*



# De corruptela peccati Lib. III. 783

tum, peccat mortaliter: quia aufert ei plus, quàm si A auferret aliquod bonum temporale, quia vsum rationis tollit ei.

*Quomodo luxuria sit mortale, vel veniale.*  
Cap. XXVIII.

**L**uxuria ex suo genere est peccatum mortale, quia est contra illud præceptum, Non mœchaberis. *Exo. 20. b* Concupiscentia luxuriæ distinguitur septem modis. Primus est, cum concupiscentia consistit in primo motu tantum, & sic est peccatum veniale. Secundus est, cum sequitur consensus vsque in delectationem, licet non in opus, & sic est mortale peccatum. Tertius est, cum consentitur etiam in opus, & sic est iterum mortale. Quartus est cum concupiscentia non solum tenetur corde, sed etiam pascitur visu, & sic iterum est mortale. Qui viderit mulierem ad concupiscendum eam, iam mœchatus est in corde suo, idest, si hoc sine & animo attendat mulierem, *August. lib. 1. de serm.* ut eam concupiscat: quia secundum Augustinum hoc non est tantum titillari, sed plene consentire libidini. Bene autem dicitur ad concupiscendum eam, quia *Dom. in m. 10. cap. 23. rom. 4.* si aliquis videret mulierem ut rem pulchram, & vltius non procederet, tunc nullum peccatum esset, vel solum peccatum curiositatis. Quintus modus est in stultiloquio: ut cum quis mulierem precatur, vel propter libidinē habet cum ea familiaria colloquia, & est mortale. Sextus modus vocatur ab Apostolo turpitudine. Glossa, ut in osculis & in amplexibus, hoc est etiam peccatum mortale: & tanto grauius præcedentibus, quanto magis libido per talia accenditur propter nimiam approximationem ad ignem. Notandum vero quod tangere mulierem præter intentionem, non est peccatum: similiter cum intentione tangere, sed ex necessitate, non est peccatum. Sed tangere ex libidine, vel osculari ad se non pertinentem, peccatum mortale est. Septimus modus est quando concupiscentia procedit in opus, & constat esse mortale.

Nota quod differentia est inter primos motus generatiuæ & nutritiuæ: quia primus motus in generatiua semper est peccatum, nisi per sacramentū matrimonij excusetur, sed non semper in nutritiua: quoniam potentia concupiscibilis non tantum corrupta est in nutritiua, sicut in generatiua. De hac materia require supra titulo proximo, vbi agitur de speciebus luxuriæ.

*De peccato in Spiritum sanctum. Cap. XXIX.*

**Q**uamuis generaliter omne peccatum sit contra Deum trinum, & vnum, appropriatè tamen dicitur aliquod peccatum esse in Patrem, aliud in Filium, aliud in Spiritum sanctum. In Patrem enim peccatur ex impotentia, in Filium ex ignorantia, in Spiritum sanctum ex malitia certa, hoc est, quando voluntas potest, & scit resistere alicui malo, & tamen ex sola malitia illud eligit.

Peccatum in Spiritum sanctum procedit ex libera & improba voluntate liberi arbitrij, & directe impugnatur gratiam Spiritus sancti, & ideo non habet colorem excusationis, quia quantum est de se, directe impugnatiuum est medici, & remedij per quod fieri habet remissio peccati. Peccatum in Spiritum sanctum dicitur irremissibile in hoc sæculo, & in futuro, non quia dimitti non possit, sed quia raro, aut vix dimittitur in hoc sæculo, quantum ad culpam, aut in futuro quantum ad pœnam. Item quia non legitur dimissum, propter quod dicitur irremissibile: sicut Melchisedech dicitur sine patre, quia non legitur de eius patre. Item quia aduersatur fonti remissionis, scilicet Spiritui sancto. Item propter impotentiam hominis, quia vix potest se præparare ad gra-

tiam, quem tanta moles peccati premit.

Sciendum autem est quod accipitur hoc nomen irremissibile tripliciter, scilicet negatiue, ut quia nullo modo potest remitti, hoc modo peccatum Angeli & damnatorum est irremissibile. Item priuatiue, ut quia non habet congruentiam de se, ut remitti debeat, licet ex congrua bonitate Dei possit omne peccatum remitti: hoc modo omne peccatum mortale est irremissibile. Item contrarie secundum quod habet aliqua culpa contrariam dispositionem ad remittendum: hoc modo peccatum in Spiritum sanctum est irremissibile, quia contrariatur gratiæ remittendi peccatum, & hoc per desperationem, vel præsumptionem, vel alias species huius peccati.

Sex sunt species peccati in Spiritum sanctum, videlicet desperatio, præsumptio, impugnatio veritatis agnitæ, inuidia charitatis fraternæ, obstinatio, finalis impœnitentia. Horum numerus sic accipitur. In remissione tria sunt, scilicet ipse remittens, & ille cui remittitur, ac dispositio remittendi in eo cui remittitur. In ipso remittente duo sunt, scilicet misericordia, & iustitia. Contra primū est desperatio, contra secundum præsumptio. In eo cui remittitur, duo sunt, scilicet dolor de commisso, & propositum de non committendo. Contra primum est obstinatio, contra secundum finalis impœnitentia. Præterea dispositio remittendi in eo cui remittitur, duplex est, scilicet cognitio veri, & amor boni. Contra primum est impugnatio veritatis agnitæ, contra secundum inuidia fraternæ gratiæ. De finali impœnitentia nota quod sicut dicit continuationem peccati vsque in finem, sic in omni peccato in quo quis scienter deccedit, est finalis impœnitentia: prout autem est vna species peccati in Spiritum sanctum, secundum quod hic sumitur, sic dicitur propositum non pœnitendi.

*Dimmeratio peccatorum cordis. Cap. XXX.*

**P**eccata cordis sunt hæc, cogitatio, delectatio, consensus, desiderium mali, voluntas peruersa, infidelitas, indeuotio, præsumptio, timor male humilians, amor male accendens, suspicio, ira, inuidia, odium, timere seruiliter, exultatio in aduersis proximi, contemptus pauperum vel peccatorum, personarum acceptio, perfidia, affectus parentum carnalis, inepta lætitia, sæculi tristitia, impatientia, auaritia, superbia, perplexitas, obstinatio mali, tedium boni, acedia, inconstantia, pœna pœnitentiæ, dolor quia non facit plus malum, hypocrisis, amor placendi, timor displicendi, verecundia de bono opere, amor priuatus, sensus singularis, ambitio dignitatum, vana gloria de bonis naturæ, vel gratiæ, vel fortunæ, verecundia de pauperibus amicis, contemptus admonitionum, immisericordia.

*De peccatis oris. Cap. XXXI.*

**P**eccata oris sunt hæc, crebra iuratio, periurium, blasphemia, nomen Dei irreuerenter assumere, veritatem impugnare, de mendacio & vanis alios instruere, contra Deum murmurare, irreuerenter horas dicere, detractio, adulatio, mendacium, vituperium, maledictio, infamatio, contentio, comminatio, impugnatio veritatis agnitæ, impugnatio charitatis fraternæ, seminatio discordiæ, proditio, falsum testimonium, mala consilia, derisio, contradictio obedientiæ, inuerrere facta bona, in ecclesijs placitare, ad iram hominem prouocare, reprehendere proximum in aliquo quod ipse facit, vaniloquiū, stultiloquiū, proferre verba otiosa, vel superflua, vel curiosa, iactantia verborum, superflua politio, peccatorū defensio, clamor, risus, cachinnus, tripiloquiū, lenocinium, cantare cantilenas sæculares, in cantu diuino magis studere vocem frangere, quàm deuote psalle-

psallere, murmurare, verba scurrilia proferre, in iniusta causa aduocare, malum commendare.

*De peccatis operis. Cap. XXXII.*

**P**eccata operis sunt hæc, gula, luxuria, ebrietas, simonia, forilegium, violatio dierum sollempniū, sacrilegium, indigne communicare, votorum fractio, apostasia, dissolutio in diuino officio, scādalizare suo malo exemplo, proximū corrumpere, lædere hominem, vel in rebus, vel in persona, vel in fama, furtum, rapina, vsura, deceptio, ludus, venditio iustitiæ, exactio indebita, telonea iniusta, auscultare mala, ioculatoribus dare, necessaria sibi subtrahere, superflua sumere, vltra vires proprias quiddā aggredi, consuetudo peccandi, reciduiatio, simulatio, tenere officium ad quod nō sufficit, vel quod sine peccato nō agitur, choreizare, nouitatē inuenire, maioribus rebellare, minores opprimere, delinquere visu, auditu, odoratu, gustu, & tactu, lucta, osculis, muneribus, itineribus, nutibus, mendacijs, scripturis, circumstantias aggrauantes omittere (quæ sunt tempus, locus, modus, numerus, persona, mora, scientia, ætas) tentationem præuenire, seipsum ad peccatū cogere.

*De peccatis omissionis. Cap. XXXIII.*

**P**eccata omissionis sunt hæc, de Deo non cogitare, ipsum non timere, vel amare, gratias de beneficijs non agere, opera quæ quis facit ad ipsum non referre, de peccatis, sicut debet, non dolere, ad gratiam recipiendam se non præparare, gratia accepta non vtī, nec eam seruare, ad inspirationem diuinam se non conuertere, voluntatem suam voluntati diuinæ non conformare, ad orationes dicēdas non attendere, orationes debitas omittere, ea ad quæ tenetur ex voto, vel præcepto, vel officio, negligere, communionem, & confessionem semel in anno non expedire, parentes non honorare, seipsum non recognoscere & reprehendere, conscientiam negligere, ecclesias & prædicationes fugere, tentationibus non resistere, pœnitentias iniunctas negligere, aut negliger facere, & quæ statim facienda sunt, differre: bonis proximi non gaudere, & malis non condolere, iniurias non remittere, fidem proximo non seruare, & beneficijs eius non respondere, delinquentes non corripere, lites nō sedare, ignorātes non instruere, afflictos non cōsolari, admonitionibus nō acquiescere.

# COMPENDII

## THEOLOGICAE VERITATIS

### Liber Quartus

#### DE CHRISTI HUMANITATE.

##### CAPITULA HVIVS LIBRI.

<i>De incarnatione Christi.</i>	<i>Cap. I.</i>
<i>De salutatione Angelica.</i>	<i>Cap. II.</i>
<i>De responsione virginea.</i>	<i>Cap. III.</i>
<i>De sanctificatione materna.</i>	<i>Cap. IV.</i>
<i>De conceptione diuina.</i>	<i>Cap. V.</i>
<i>De rationibus incarnationis.</i>	<i>Cap. VI.</i>
<i>De modo incarnationis.</i>	<i>Cap. VII.</i>
<i>De vniōe &amp; carne assumpta.</i>	<i>Cap. VIII.</i>
<i>De utilitate incarnationis.</i>	<i>Cap. IX.</i>
<i>De mirabilibus circa incarnationem Domini.</i>	<i>Cap. X.</i>
<i>De natiuitate Christi.</i>	<i>Cap. XI.</i>
<i>De circumcissione Domini.</i>	<i>Cap. XII.</i>
<i>De baptismo Christi.</i>	<i>Cap. XIII.</i>

<i>De plenitudine gratia Christi.</i>	<i>Cap. XIV.</i>
<i>De plenitudine gratia Christi.</i>	<i>Cap. XV.</i>
<i>De plenitudine sapientia Christi.</i>	<i>Cap. XVI.</i>
<i>De merito Christi.</i>	<i>Cap. XVII.</i>
<i>De voluntate Christi.</i>	<i>Cap. XVIII.</i>
<i>De defectibus quos Christus assumpsit.</i>	<i>Cap. XIX.</i>
<i>De passione Christi.</i>	<i>Cap. XX.</i>
<i>De effectu passionis Christi.</i>	<i>Cap. XXI.</i>
<i>De cruce Domini.</i>	<i>Cap. XXII.</i>
<i>De descensu Christi ad inferos.</i>	<i>Cap. XXIII.</i>
<i>De resurrectione Christi.</i>	<i>Cap. XXIV.</i>
<i>De ascensione Christi.</i>	<i>Cap. XXV.</i>
<i>De consensu Christi ad dexteram Dei Patris.</i>	<i>Cap. XXVI.</i>

*De incarnatione Christi. Cap. I.*



**S**icut Deus est rerum principium effectuum in creatione, sic est refectiuum in redemptione, & perfectiuum in retributione: quoniam sicut Pater omnia creauit per Verbum increatū, sic omnia recreauit & renouauit per Verbum incarnatum. Porro circa incarnationem Christi talis fuit ordo. Saluatio Angelica, responsio Virginis, sanctificatio materna, conceptio diuina: de quibus nunc per ordinē est agendū.

*De salutatione Angelica. Cap. II.*

**M**issus est Angelus Gabriel, qui est de ordine Archangelorum, ad beatam Virginem, cui ad sensum apparuit visione corporali, quamuis ei loqueretur locutione spiritali. Ad illud nobile sacramentū nuncius debuit esse Angelus, propter tria: primo propter cognationem virginitatis ad naturam Angelicam. Secundo propter ordinem perditionis humanæ, quia sicut ibi venit diabolus in serpente ad mulierem, ita hic Deus venit per Angelū ad Virginem: vt sic ex opposito medicina respondeat morbo, & reparatio lapsui, & remedium nocumento. Tertio quia sicut illa gratia fuit reparatio naturæ humanæ, sic fuit & rui-

& ruinæ Angelicæ : unde communi beneficio utraque natura communiter debuit ministrare, Angelica, scilicet, & humana..

Diuiditur autem salutatio beatæ Virginis in tres partes. Primam partem incepit Angelus, cum dixit : *Luc. 1. a* Ave gratia plena, Dominus tecum, benedicta tu in mulieribus. Secundam subiunxit Elisabeth, cum ait : Et benedictus fructus ventris tui. Tertiam apposuit Ecclesia, ut in reuerentia nomen Mariæ haberetur : nam Maria non est de textu. Ista salutatio commendabilis est propter quattuor : primo propter auctoritatem, quia missus est Angelus a Deo. Secundo propter nuntium, non enim homo dignus fuit hoc nuntiare, sed Angelus : nec quilibet Angelus, sed Gabriel. Tertio ab ea quæ salutatur, quia Virgo : nec quilibet Virgo, sed Maria. Quarto ab ipso modo salutandi, qui indicat innocentiam Virginis, cum dicitur, Ave, vel gratiam conuersationis cum dicitur, gratia plena. Item excellentiam conceptionis cum dicitur : Dominus tecum. Item priuilegium prærogatiuæ singularis, cum dicitur, Benedicta tu in &c. Salutationes autem quædam inueniuntur operatiuæ salutis. Salue rex. Quædam gratiæ. Apostolus in pluribus locis. Gratia vobis & pax. Quædam gaudij. Gaudium tibi semper sit. Quædam benedictionis. Benedicat tibi Dominus. Hæc autem salutatio Angeli ex omnibus prædictis conflata videtur. Continet enim salutem cum dicit, Ave. Item Gratiam cum dicit : gratia plena. Item gaudium cum dicit : Dominus tecum. Item benedictionem, cum dicit, Benedicta tu in &cet. Præterea in hac salutatione notatur triplex prærogatiua beatæ Virginis, scilicet naturæ, cum dicitur, Ave : gratiæ, cum dicitur, gratia plena : gloriæ, cum dicitur, Benedicta tu, & cetera.

Nota denique sex in Angelica legatione : primo quàm reuerenter beatam Virginem salutauit, cum dixit : Ave gratia plena. Secundo quàm excellenter commendauit, ibi : Benedicta tu in mulieribus. Tertio quàm dulciter confortauit, ibi : Ne timeas Maria. Quarto quàm diligenter legationem suam compleuit, ibi : Ecce concipies & paries Filium. Quinto quàm eleganter modum exposuit, ibi : Spiritus sanctus superueniet in te, &c. Sexto quàm conuenienter prolem nascituram describit, ibi : Ideoque quod nascetur ex te sanctum, vocabitur filius Dei.

#### De responsione virginea. Cap. III.

*Gen. 3. a* *Luc. 1. c* **D** Vos legimus in scriptura dialogos, vnum inter Eam & diabolum, quo mors concludebatur : alterum inter Mariam, & Archangelum, quo vita oriebatur. Vide autem tria, quæ fecit beata Virgo in salutatione Angeli, scilicet cogitationem, seu deliberationem, quia cogitabat qualis esset ista salutatio. Interrogationem, quia quærebat : Quomodo fiet istud? Consensum, quia respondit : Ecce ancilla Domini, &c. Nec in deliberatione fuit subita, sicut Eva : nec in interrogando dubia, sicut Zacharias : nec in consentiendo tarda, sicut Sara. In responsione consensus beatæ Virginis quattuor verba inuenies, quæ quattuor virtutes maxime redolent. Ait enim : Ecce, quod est obedientiæ promptæ. Ancilla Domini, quod est humilitatis perfectæ. Fiat mihi, quod est charitatis inflammatæ. Secundum verbū tuum, quod est fidei indubitatæ.

*Ioan. 2. a* *Luc. 2. a* *Luc. 1. c. d* Septem verba hæc locuta est beata Virgo in Evangelio. primum fuit, Vinum non habent. Secundum, Fili quid fecisti nobis sic? Tertium, Quodcumque dixerit vobis facite. Quartum, quando salutauit Elisabeth. Quintum, Quomodo fiet istud, &c. Sextum, Ecce ancilla Domini. Septimum, Magnificat anima mea Dominum. Verbum primum fuit pietatis : secundum charitatis : tertium instructionis : quartum consolationis : quintum discretionis : sextum humi-

litaris : septimum orationis, & gratiarum actionis. Et nota quòd verba prædicta fuerunt breuia præter vltimum.

#### De satisfactione materna. Cap. IV.

**S**anctificatio triplex est : quædam communis, quæ fit per sacramenta : quædam specialis, quæ fit per gratiam specialem : quædam specialissima, quæ fit per gratiam singularem. Prima remouet culpam, & confert gratiam, remanet tamen fomes, & pronitas ad peccandum, & talis est in baptizatis. Secunda remouet culpam & pronitatem peccandi mortaliter, & talis fuit sanctificati Ioannis Baptistæ, & Hieremiæ in vtero. Tertia remouet culpam originalem, & pronitatem ad peccandum tam venialiter, quàm mortaliter, & talis fuit in beata Virgine. Et licet gratia sanctificationis in vtero sit quantum ad essentiam maior, quàm sacramentalis : tamen quantum ad aliquos effectus, maior est gratia sacramentalis : quia baptismus imprimit characterem, & aperit ianuam cæli, & habilitat hominem ad alia sacramenta, quorum nihil facit sanctificatio in vtero ex se. Verumtamen gratia sanctificationis in vtero præcellit in hoc gratiam baptismalem, quia taliter sanctificatus non potest mortaliter peccare, & ad venialia minus inclinat eum fomes : propter quod minora & pauciora venialia committit : & talis gratia fuit in Ioanne Baptista : & ideo ne in vanum gratiam Dei reciperet, fugit hominum societatem, & arctissimam in se pœnitentiam tenuit, ne leui saltem maculare vitam fame posset. Patet igitur quòd in sanctificatione in vtero confertur gratia media inter gratiam sacramentalem, & gratiam plenæ confirmationis in patria, quæ habet coniunctum sibi finem vltimum. Ad confirmationem enim perfectam tria pertinent. Primum est inseparabilis adhesio, & coniunctio rationis ad Deum. Secundum est inflexibilis subiectio inferiorum potentiarum animæ sub imperio rationis. Tertium est indiscontinuable conuersio actualis totius hominis in Deum, quando homo diuina dulcedine affectus, ex toto corde, & ex tota anima, & ex omnibus viribus semper actu tendit in Deum, & in quodcumque aliud in quo relucet Deus. Primum horum habet gratia sanctificationis simpliciter, ut scilicet nullus, qui participes eius fuerit, possit peccare mortaliter. Secundum habuit beata Virgo, & ideo nec venialiter vmquam peccauit, sicut dicit Augustinus. Tertium autem non potest conuenire gratiæ viæ, eo quòd illud ex fruitione Dei causetur, quæ tantum est in patria.

Tres autem fuerunt sanctificationes matris Dei. Prima fuit sanctificatio in vtero, & hæc tres habuit effectus, scilicet originalis culpæ expiationem, & gratiæ infusionem, & fomitis tantam restrictionem, ut non posset in aliquod mortale peccatum duci : licet tamen ipse fomes maneret secundum essentiam. Secunda sanctificatio fuit in Spiritu sancti obumbratione, & filij Dei conceptione, quæ tribus præmissis duo superaddidit, scilicet omnimodam fomitis extinctionem & confirmationem in bono, ita quòd quæ prius tantum poterat nō peccare mortaliter, iam non posset peccare. Hos autem duos effectus expressit Angelus : Spiritus sanctus superueniet in te : quo ad primum. Et virtus altissimi obumbrabit tibi : quo ad secundum. Ista confirmatio non fuit liberi arbitrij ablatio, sed eius per gratiam completio. Præterea Spiritus sanctus superuenit in eam non solum ad sanctificandum, sed etiam ad secundandum. cuius virtute Virgo concepit, Virgo peperit, & post partum Virgo permansit. Tertia sanctificatio fuit in Filij Dei inhabitatione, qui nouem mēsis in vtero eius mansit, & his omnibus prædictis duos effectus addidit. Vnus fuit quòd omnes dispositiones fomitis sublatae fuerunt, sicut quando morbus est curatus, adhuc inter-

*Luc. 1. b*  
*Hier. 1. b*

*Aug. lib. de natura, & grat. c. 36. tom. 7.*

*Luc. 1. d*

terdum remanent reliquæ curandæ. Secundus fuit A dedicatio ad diuina, ita quod etiam licitis vñibus mundanis, scilicet matrimonialibus eam aptare esset impossibile: quia tunc non solum mens, sed etiam corpus luce diuinitatis resplenduit, vt significatum est. Ex prædictis collige quod fomes & personam inficit, & naturam. Personam quidem, quia ad malum pronam facit, & stimulat ad peccatum. Naturam vero, quia carnem inficit, prout est principium ad alteram carnem. Sed beata Virgo in prima sanctificatione, quæ fuit in vtero, mundata fuit ab originali peccato, inquantum fomes respicit personam suam: quia nihil in persona sua purgandum remansit. In secunda B vero sanctificatione, quæ fuit quando Spiritus sanctus superuenit in eam, purgata fuit a fomite, prout ipse fomes respicit naturam in comparatione ad prolem propagandam, non opere naturæ, sed opere Spiritus sancti. Remotus enim fuit essentialiter, propter quod pars ab ea separanda in corpus Christi, nihil habuit de fomite, sicut nec mater.

Nota similiter ex prædictis, & ex sequentibus, quod beata Virgo ex prima sanctificatione exercebat puritatem omnes baptizatos, ex sanctificatione secunda exercebat puritatem Adæ, quam habuit ante peccatum: per confirmationem exercebat puritatem Angelorum, quoniam illi nec crescere possunt in præmio substantiali, siue essentiali, sicut nec decrecere: sed beata Virgo proficere potuit, in merito, & non deficere.

Puritas matris Dei fuit quadruplex, in qua nulla creatura sibi poterit comparari. Prima est puritas sanctificationis in vtero. Omnis enim rationalis creaturæ puritas, vel est naturæ, vt in Angelis: vel est gratiæ gratis datæ, vt fuit innocentia primi status hominis: vel est gratiæ gratum facientis, & ista est maior alijs duabus. Vnde cum in illa specie gratiæ sanctificatio matris Dei fuerit suprema, patet quod vincit puritatem omnis puræ creaturæ. Secunda est puritas innocentie in vita, in qua similiter omnes excellit: quia beata Virgo vixit sine omni peccato, & hoc oportuit esse maximæ gratiæ, quæ non solum ipsius naturam perficeret, sed eam supra legem naturæ corruptæ extolleret. Tertia est puritas virginæ castitatis, in qua excellit & Angelos, & homines. Angelos quidem quia secundum Hieronymum, hoc retinuit per virtutem castitatis, quod in Angelis est necessitatis nature. Item excellit homines in hoc, quia primum exemplar fuit huius integritatis. Adducetur regi virgines post eam, &c. Præterea ostenditur istud alia ratione: quia summa est hæc puritas quæ potius potest suum contrariū secum pati, quam possit violari: & talis fuit virginitas Domine nostræ, quæ gaudium matris habet cum virginitatis honore: & ideo nec primam similem visa est, nec habere sequentem. Quarta est puritas sanctificationis ex superuentione Spiritus sancti, & præsentie Dei, in qua excellit omnem creaturam. Cum enim esse matrem Dei, sit dignitas superior, quæ puræ creaturæ communicari possit, necesse est gratiam ad hoc disponentem esse maiorem omni gratia puræ creaturæ. Oportet ergo priuilegium sanctificationis suæ in hac parte omnem aliorum sanctificationem excedere.

Hieron. in  
epist. 10. ad  
Paul. et En-  
och. 10. 9.  
Psal. 44. d

#### De conceptione diuina. Cap. V.

Luc. 1. d

Gal. 4. a

**M**Ox vt Virgo beatissima assensum Angelo præbuit dicens: Fiat mihi secundum Verbum tuū: Spiritus sanctus super eam venit, ac Filium Dei concepit. Hæc autem tria simul fuerunt tempore, non natura. Tunc impleta sunt præambula figurarum, & documenta scripturarum, & desideria Prophetarum: propter quod etiam aduentus Christi dicitur plenitudo temporis.

Quare autem Christus, nec prius, nec posterius ve-

nerit, nonnullæ sunt rationes. Prima est, vt ordinem vniuersi non turbaret. Singula namque suis sunt temporibus, quanto magis in maximo Dei opere, scilicet Filij Dei incarnatione? Secunda, ne fides & spes promissa incarnatione, & nimis tardata, periret. Si enim tardasset venire, quotidie decreuissent homines in fide, & tepuissent. Sed prius venire non fuit necesse, quia non prodest medicina spiritualis sine affectu recipientis. Tertia est, vt supremæ infirmitati culpæ immediate succederet melioratio, sicut summum statum acutæ febris sequitur crisis & sanatio. Quarta, vt homo de lege naturali & scripta prius conuinceretur, sicut ait Augustinus, quia si Christus statim venisset, diceret homo quod per legem naturæ saluari poterat, & superfluum crederet aduentum Christi. Similiter dicere poterat de lege scripta: sed comperto quod nec sic, nec sic saluari poterat, cum omnes ad inferos descenderent, tunc venit ipse, quia tunc erat tempus miserendi eius. Quinta, vt sicut primus homo conditus fuit sexta die ad totius mundi complementum, sic Deus homo fieret in sexta ætate, ad totius creaturæ perfectionem. Sexta enim ætas apta est ad exercitium sapientiæ, ad remissionem culpæ, ad meritum vitæ æternæ, ad transitum de statu miseræ ad statum gloriæ, & ista notantur in sexta ætate ratione perfectionis senarij. Sexta, quia Christus non debuit venire in principio temporis, quia aduentus eius nimis fuisset festinus: nec in fine ultimo, quia tunc nimis fuisset tardus: sed decebat Saluatorem inter tempus morbi, & tempus iudicii introducere tempus remedij. Septima, quia decebat ductorem perfectum tunc se ostendere, cum esset oportunitas currendi ad brauium, hoc est in fine temporum, & tamen ante terminum, vt per timorem iudicii stimulati, per spem præmij attracti, & per exempli perfectionem animati sequi possemus efficaciter ducem nostrum. Octaua, quia decebat mediatorem quædam membrorum suorum præcedere, quædam sequi. Incarnationem Christi multæ figuræ præcesserunt, & prophetiæ, de quibus aliquas assignemus. Abraham descendit in Ægyptum, vt peregrinaretur ibi. Lapis præcisus est de monte sine manibus. Fluuius egrediebatur de loco voluptatis ad irrigandum paradisi. Sapientia ædificauit sibi domum, excidit columnas sepre. Thronum fecit sibi Salomon de ebore grandem. Nouum faciet Dominus super terram: femina circumdabit virum. Ionas in mare proiecit, & mare sedatur. Stillabunt montes dulcedinem. Descendi in hortum meum, vt viderem poma conuallium. Vellus Gedeonis torificatur. Manu seruatur in vna aurea. Virga Aaron floret. Flos de radice eius ascendet. Emitte columba de arca Noe. Mittitur lignum in aquas Marath. Paradisus plantatur. Moyses ponitur in fiscellam scirpeam. Israel induit Ioseph tunica polymita. In Sole posuit tabernaculum suum. Duo viri ferunt in vecte botrum de terra promissionis. Mittitur Ioseph in cisternam. Vrbs fortitudinis nostræ Sion, Saluator ponetur in ea murus. Emitte agnum Domine. Rorate cæli desuper, &c. Ascendet Dominus super nubem leuem. Misericordia & veritas obuauerunt sibi. Gemma carbunculi in ornamento auri. Simul in vnum diues & pauper. Ego primus & nouissimus. Charitate perpetua dilexite. Mittitur Daniel in lacum leonum. Apparet in camino quartus similis Filio hominis. Vmbra descendit in horologio Achaz decem gradibus. Ignis apparet in rubo non comburens. Solem nube tegam. Quid lucidius Sole? & hic deficiet. Psalmus: A summo cælo egressio eius.

Gen. 1. d

Gen. 12. e

Dan. 2. g

Gen. 2. c

Pron. 9. a

3. Reg. 10. e

Hiere. 31. d

Iona. 1. d

Joel. 3. d

Cant. 6. d

Iudic. 6. g

Exod. 16. g

Num. 17. e

Isa. 11. a

Gen. 8. b

Exo. 14. d

Exo. 2. a

Gen. 37. a

Psal. 18. a

Num. 13. e

Gen. 38. e

Isa. 26. a

Isa. 45. b. es

19. a

Psal. 84. c.

48. a

Apoc. 1. d

Hiere. 31. a

Dan. 15. b.

43. g

Isa. 38. b

Exo. 3. a

Ezec. 32. b

Eccl. 17. d

Psal. 18. b

#### De rationibus incarnationis. Cap. VI.

**P**ER Verbum igitur incarnatum facta est humani generis reparatio, non quia aliter saluari non poterat,

poterat, sed quia nullus alius modus fuit ita congruus ipsi reparatori, & reparabili, ac reparationi. Congruebat inquam iste modus reparatori, quem decebat suam potentiam, sapientiam, & bonitatem ostendere. Quid autem potentius quàm coniungere extrema summe distantia, hoc est Creatori & creaturam? Magna potentia fuit in coniunctio: disparium elementorum: maior in coniunctione illorum ad spiritum creatum: maxima in coniunctione illorum omnium ad spiritum increatum, ubi & maxima disparitas est. Quid vero sapientius, quàm quod ad perfectionem totius vniuersi fieret coniunctio primi & ultimi, hoc est, Verbi Dei, quod est omnium principium, & humanæ creaturæ, quæ in operibus sex dierum fuit vltima omnium creaturarum? Quid autem beneuolentius, quàm quod Creator rerum communicare se voluit rebus creatis? & hæc benignitas magna fuit in cōmunicatione sui omnibus rebus per præsentiam: maior quia communicauit se bonis per gratiam: maxima, quia communicauit se homini per vnionem, & per consequens generibus singulorum in vnitæ personæ.

Fuit etiam iste modus congruentissimus ipsi reparabili: quia homo per peccatum corruit in infirmitatem, ignorantiam, & malitiam, per quæ ineptus factus est ad virtutem diuinam imitandam, & ad veritatem cognoscendam, & ad bonitatem diligendam. Ideo Deus factus est homo, per quod se reddidit homini imitabilem, cognoscibilem, & amabilem. Fuit etiam iste modus congruentissimus nostræ reparationi, quia Dominus in forma serui procurauit salutem serui.

Sunt & aliz rationes quare conueniens fuit Deum incarnari. Prima est, quia præuaricator abstulit nobis Deum. vnde conueniens fuit vt reparator redderet nobis Deum. Secunda, quia humilitas decuit eum, sed non potuit humiliari vsque ad pœnas in natura diuina, oportuit ergo quod in alia. Tertia, vt prophetias impleteret. Ego qui loquebar, ecce adsum.

*Isa. 52. b*  
*Abac. 2. a*  
Apparebit in finem, & non mentietur: si moram fecerit, expecta eum, quia veniens veniet: vt, scilicet doceret potius vincere per iustitiam, quàm per potentiam. Quarta, propter vitandum inconueniens, quia si Deus incarnari non potuisset, vel nesciuisset, vel noluisse, videretur ei inesse impotentia, vel ignorantia, vel inuidia, quod absit. Quinta, vt tanta esset humilitas in Redemptore, quanta fuit superbia in præuaricatore: quia tanta fuit superbia, vt homo vellet esse vt Deus: vnde humilitas tanta debuit esse, vt Deus fieret homo. Sexta, vt nostrum amorem excitaret, & nostram spem erigeret. Septima, vt exemplum imitandæ virtutis nobis daret in forma visibili & humana. Quamuis autem opera trinitatis sint indiuisa, ita quod quidquid operatur vna persona, operetur & alia, tamen solum Filius accepit carnem, & non Pater, vel Spiritus sanctus. Et habemus simile in tribus domicellis induentibus tertiam ipsarum, de quibus potest dici, quidquid facit vna, facit alia, vna tamen sola induitur. Eodem modo dicendum quod incarnationis opus quandoque attribuitur Patri, vt ibi: At vbi venit plenitudo temporis, misit Deus Filium suum. Quandoque attribuitur Filio, vt *Gal. 4. a*  
*Joan. 16. f* ibi: Exiui a Patre, & veni in mundum. Quandoque attribuitur Spiritui sancto, vt in Symbolo: Qui conceptus est de Spiritu sancto. Sed hæc ideo dicuntur quia opus incarnationis fuit maximæ potētiz, sapientiz, & bonitatis: quæ tribus personis attribuantur.

Sunt autem multæ rationes quare Filius incarnatus sit, & non Pater, vel Spiritus sanctus. Prima, vt per eandem sapientiam, quæ mundum condiderat, fieret reparator. Secunda, vt qui Filius est in diuinitate, esset Filius in humanitate. Tertia, ne idem esset Pater & Filius, si Pater de homine nasceretur. Quarta, quia congruentius mittebatur, qui est ab alio quàm

A qui est a nullo. Quinta, propter confirmationem hereditatis nobis promissæ, ne scilicet possemus dicere Patri, Domine tu habes Filium, cui competit hereditas quam homini promissisti. Sexta, vt Patris erga nos ostenderetur charitas. Sic Deus dilexit mundum, vt Filium suum vnigenitum daret. Septima, vt ostendatur, quod Deus Pater nihil habet quod non sit nobis paratus dare, cum Filium suum vnigenitum dederit. Octaua, vt sicut Dei Filius factus est homo, sic homo fieret filius Dei. Apostolus ad Galatas: Misit Deus Filium suum, vt adoptionem filiorum reciperemus. Nona, vt esset occasio salutis, qui dicitur occasio ruinæ, quia homo appetendo scientiam diuinam, quæ Filio appropriatur, cecidit. Decima, quia imago debuit per imaginem reparari. Vndecima, quia sicut verbum mentis mediante grossiori natura emittitur, scilicet per vocem, sic Verbum æternum per assumptionem naturæ. Duodecima, quia medius inter personas debuit esse mediator Dei & hominum. Decimatercia, quia sapientia Patris reparare debuit appetitorem sapientiæ. Eritis sicut dii, scientes, &c. Quartadecima, quia decentissime coniungitur humilitas cum sapientia. Vbi humilitas, ibi & sapientia. vnde Filium Dei præcipue decuit incarnatio. Quintadecima, quia ideæ non sunt nisi sapientia Dei, quæ Filio Dei appropriatur. Vnde cum singulæ ideæ singulorum ideatorum sint causæ, tunc demum omnia perfecta & completa erunt, cum per vnionem ad suum principium redierint. Sextadecima, quia si Pater fuisset incarnatus, tunc nulla persona fuisset sine principio. Decimaseptima, quia oportuit incarnatam personam tamquam sacerdotem supplicare Patri pro natura assumpta, sed magis decuit Filium supplicare Patri, quàm e conuerso. Decimoctaua, quia si Spiritus sanctus fuisset incarnatus, tunc duo essent Filij. Decimanona, quia nullum magis decet reducere hominem ad diuinam cognitionem, quàm Verbum, quo Pater se declarat, quod est vniuersale carni, sicut & Verbum voci. Vigesima, quia nullum magis decet reducere hominem ad filiationem adoptiuam, quàm filium naturalem.

#### De modo incarnationis. Cap. VII.

I N communi reparatione omnium decens erat, vt fieret concursus trium de triplici hierarchia, scilicet diuina, angelica, & humana: vnde in mysterio incarnationis fuit concursus Angeli nunciantis, Virginis concipientis, & Verbi Dei carnem assumptis. Cum Filius Dei mittitur in mundum, non fit loci mutatio, sed naturæ humanæ assumptio, quia ipse mitti, est esse vbi prius fuit, sed aliter ibi esse, quàm prius fuit: & hæc alteritas non est ex parte eius qui est, cum sit immutabilis: sed ex parte eius, in quo est, quia vnitur nostræ carni: vnde mutatio non fuit ex parte Filij, sed ex parte assumpti. Præterea in mutatione loci exigitur non esse quis vbi prius erat, sed nec hoc est in Filij missione, quia post incarnationem fuit in Patre sicut semper.

Christus assumpsit naturam nostram quinque modis, scilicet misericorditer. Apostolus: Secundum suam misericordiam saluos nos fecit. Vtiliter, scilicet pro salute nostra. Operatus est salutem in medio terræ. Sapienter, quia assumpsit bonum naturæ, reprobando malum culpæ. Butyrum & mel comeder, vt sciat reprobare malum, & eligere bonum. Fortiter, quia sic assumpsit naturam humanam, quod nunquam d. posuit eam: quia post mortem vnita fuit diuinitas carni in sepulchro, & animæ in inferno. Mirabiliter, quia coniuncta sunt in incarnatione summum & imum, hoc est Deus & limus.

Verbum caro factum est quinque modis, scilicet secundum carnem, quia secundum veritatem carnis. Vere languores nostros ipse tulit. Præter carnem, quia

*Rom. 8. f*  
*Joan. 3. o*

*Gal. 4. a*

*Gen. 2. a*

*Pron. 21. a*

*Tu. 3. a*

*Psal. 37. o*

*Isa. 7. o*

*Joan. 1. a*

*Isa. 55. d*



*Matt. 1. d* quia præter operationem carnalem. Quod in ea natum est, de Spiritu sancto est. Supra carnem, quia meritis nostris non exigentibus. Apostolus: Non ex operibus iustitiæ, quæ fecimus nos. Propter carnem, quia ad saluandam carnem, & hoc quantum ad fideles efficaciter, licet quantum ad omnes sufficienter.

*Matt. 1. d* Vocabis nomen eius Iesum, ipse enim saluū faciet populum suum. Contra carnem, quia ad maiorem damnationem infidelium. Si non venissem, & locutus eis non fuisset, peccatum non haberent.

*Joan. 1. d* Opus assumptionis humanæ naturæ, non animatio, sed incarnatio nom. natur, cum tamen a digniori res consueuerit nominari: hoc autem est propter quatuor rationes, scilicet, ut expressior fiat nominatio, & ut profundior explicetur dignatio miserationis, & quia nobis magis nota est pars carnis, ut maior humiliatio exprimitur, eo quod magis a Deo distat caro, quam anima, & quia caro est a parentibus propagata, anima a Deo creata.

#### De vnione & carne assumpta. Cap. VIII.

Sicut in diuinitate vna est essentia & tres personæ, ita in Christo est e conuerso vna persona, & tres essentia, scilicet deitas, anima & caro, hoc est æternum, nouum, & antiquum, quia deitas est æterna, anima est noua, quia in assumptione carnis creata: caro vero antiqua, quia ab Adam propagata: & Christus secundum naturam diuinitatis est genitus, secundum animam vero creatus, & secundum carnem factus.

Vnio fuit triplex in Christo, scilicet deitatis ad animam, & e conuerso, & deitatis ad carnem, & e conuerso, & animæ ad carnem, & e conuerso. Duæ primæ vniones semper manserunt, tertia separata fuit in morte. Vnio ergo deitatis ad humanam naturam non est in vnitatem naturæ, sed personæ: non dico personæ humanæ, sed diuinæ, hoc est, non assumptæ, sed assumentis: nec personæ cuiuslibet, sed solius Verbi. Quia enim impossibile est, quod natura diuina concurrat cum alia, sicut pars ad constitutionem tertij, vel quod ipsa transeat in aliam, vel alia in ipsam propter simplicitatem & vnitatem ipsius perfectissimam: propterea diuinitas & humanitas non vniuntur in vnitatem naturæ, sed personæ, & sic intelligitur illud in Symbolo Athanasij: Nam sicut anima rationalis, & caro vnus est homo, ita Deus & homo vnus est Christus. Ibi namque ponitur similitudo quantum ad vnitatem personæ, & non naturæ, quia caro & anima differunt in homine quantum ad essentiam, & constituunt tamen vnā personam. Eodem modo inter diuinitatem & humanitatem Christi est differentia, & tamen est vna persona: & quia diuina natura in nullo supposito potest subsistere, præterquam in propria hypostasi, ideo vnio illa non potest esse in propria persona hominis, sed Dei: & propterea Deus in vna personarū suarum fecit seipsum suppositū humanæ naturæ: vnde tantum vna est ibi personalitas, & vnitas personalis, scilicet ex parte assumentis. Ad esse namque personæ triplex exigitur distinctio, scilicet singularitatis, & naturalis incommunicabilitatis, ac excellentiæ, siue dignitatis. Propter primum nullum vnibile est persona. Propter secundum anima non est persona: sed propter tertium Christus secundum quod est homo, non est persona. Ex his patet quæ sit vera, vel falsa inter has quatuor propositiones. Prima, Persona assumpsit personam. Secunda, Natura assumpsit personam. Tertia, Natura assumpsit naturam. Quarta, Persona assumpsit naturam. Primæ duæ simpliciter sunt falsæ. Tertia vno modo est falsa, alio modo est vera. Si enim sumatur natura, prout est communis tribus personis, sic est falsa. Si vero sumatur prout est in persona filij, sic est vera. Quarta autem propositio simpliciter est vera.

Ad intelligentiam autem horum, nota quod tres

fuerunt opiniones de incarnatione Christi. Prima autem opinio dicebat quod Filius Dei assumpsit hominem. Secunda dicebat, quod assumpsit humanam naturam. Tertia dicebat, quod assumpsit hominem ut vestem. Prima opinio non tenetur, quia ponit quod in Christo sunt duæ personæ, quod est falsum. Secunda communis est, & vera, ac celebris: quia ponit quod Christus est vnum solum, licet sit aliquid secundum quod homo. Item ponit quod assumens non est assumptum. Item quod ille homo diuina est essentia, & e conuerso. Item quod omnis proprietas Filij Dei inest ei, & e conuerso. Tertia opinio tamquam hæretica reprobatur: quia ponit non esse in vna persona Christi duas naturas, & quod duæ substantiæ, humanæ naturæ, scilicet, & diuinæ, non personalitatem Filij Dei constituunt, sed extrinsecus se habent ad ipsam. Dicimus ergo quod tanta est ibi vnio, ut quidquid dicitur de Filio Dei, dicatur de Filio hominis, & e conuerso, his tamen exceptis in quibus exprimitur vnio, vel clauditur negatio. Si enim sit vocabulum in quo aliqua repugnantia includitur, sicut est vniri, incarnari, assumi, assumere, in quibus includitur respectus vnionis vnus naturæ ad alteram; tunc non tenet prædicta regula. Similiter non tenet, quando in vocabulo includitur negatio alicuius, cuius oppositum alteri competit, sicut incipere esse, creari, & cetera.

Nota quod proprie loquendo, compositio est corporis & animæ, vnio est diuinæ naturæ ad humanam: tamen vnum quandoque ponitur pro reliquo.

Quinque fuerunt status primi hominis, & de quolibet statu accepit Christus aliquid. Primus status fuit innocentia, de quo Christus accepit peccati immunitatem. Secundus gratia, de quo accepit plenitudinem gratia. Tertius culpa, de quo accepit recompensationem pœnæ. Quartus poenitentia, de quo accepit passionem doloris & tristitia. Quintus gloria, de quo accepit plenam fruitionem.

Corpus Christi secundum Damascenum, formatum fuit ex sanguine beatæ Virginis, non ex carne. Nam veræ matris est secundum Philosophum, materiam tantummodo ministrare: sed dare virtutem formatiuam, quæ actiue naturam, seu materiam formet, est patris, & non matris. Cum igitur beata Virgo proprietatem veræ matris habeat, oportet quod materiam contulerit, quæ secundum naturam sit materia conueniens humano corpori, & tamen integritatem virginalem non polluat. Talis autem materia non est caro, quia dicit Philosophus, quod id quod est actus pars, non est materia generationis, cum non sit potentia totum, caro autem est actus pars, vnde non est materia generationis. Talis quoque materia non fuit semen virgineum, vel femineum, quia hoc puritati Virginis non conueniebat: nec etiam secundum Philosophum est necessarium ad generationem, quia aliquæ mulieres concipiunt sine seminatione. Talis ergo materia fuit sanguis, quia ipse secundum Philosophum est etiam in nobis materia generationis. Quod autem dicit Apostolus: Qui factus est ei ex semine David, intelligendum est originaliter, non materialiter. Virtus autem formatiua in beata Virgine non fuit ex patre carnali, sed ex virtute altissimi.

Rom. 1. 9

#### De vtilitate incarnationis. Cap. IX.

Amisimus per peccatum propriam excellentiam, mentis innocentiam, ac Dei amicitiam. Hæc autem recuperare oportuit per beneficium Saluatoris. Excellentiam etiam recuperare non potuimus nisi per excellentissimum recuperatorem: quia si per aliquam meram creaturam reparari essemus, tunc oporteret nos esse subiectos illi creaturæ. Innocentia enim reparari non poterat, nisi per satisfactorem sufficientissimum, qui videlicet esset Deus & homo: Deus

Deus quidem qui pro homine satisfacere posset: homo vero de genere Adæ, qui peccauerat. Ille namque congrue satisfacit, qui potest & debet: sed non potest, nisi Deus, nec debet, nisi homo. Amicitia similiter non poterat reformari, nisi per mediatorem convenientissimum, qui scilicet vtrique parti conformis esset, & vtrique parti amicus, hoc vero Christo conuenit, qui est Deo patri similis per diuinitatem, & homini lapso per humanitatem. Venit ergo Deus in carnem, tamquam Dominus ad seruos, ut eos corrigeret: tamquam magister ad discipulos, ut eos instrueret: tamquam medicus ad ægrotos, ut eos sanaret. Per primum ostendit Deus potentiam: per secundum sapientiam: per tertium bonitatem.

*Exo. 16. d* Quattuor fructus incarnationis ponit Bernardus, dicens: Manna de cælo descendit, ut gaudeant esurientes: de vinea cæli botrus erupit, ut gaudeant sitientes: oleum effusum est, ut gaudeant ægrotantes: lapis sine manibus de monte præcisus est, ut timeant negligentes.

Christo homini plures actus conueniunt, nobis multum saluiferi: propter quod diuersis rebus naturalibus, & artificialibus comparatur. Ipse namque Christus dicitur caput nostrum propter sensum & motum spirituale, quem suis membris influit. Mediator, quia participat proprietates diuinæ, & humanæ naturæ, & ideo inter Deum, & nos efficaciter potest mediare. Fundamentum, propter fidem, qua in nobis illuminat intellectum. Ostium, propter charitatem, qua perficit affectum. Pastor in quantum incorporat nos Ecclesiæ per sacramentorum participationem. Hostia, quia soluit obligationem contrariam per peccatum originale, & actuale. Sacerdos, quia ipse se rogat, ipse se exaudit, ipse seruos rogat se dominum, & ipse Deus exaudit se hominem. Via, exemplo, vita in præmio.

*Ber. ser. 9.* Item Bernardus enumerat quattuor utilitates aduentus Domini, dicens: Venit medicus ad ægrotos, *in vigilia* Redemptor ad venditos, via ad errantes, vita ad mortuos. Ostenduntur adhuc multæ utilitates incarnationis Christi: quia, scilicet Deus factus est homo, *Natiuit. in princip.* ut fieret homo Deus, dominus factus est seruos, ut fieret seruos dominus: Deus de cælo ad terras descendit, ut homo de terris ad cælos ascenderet. Deus factus est Filius hominis, ut homo fieret Filius Dei. Immortalis factus est mortalis, ut mortales fierent immortales. Diues innocens factus est pauper, ut pauperes fierent diuites. Obscurata est lux, ut nos illuminaret. Esuriuit panis, ut nos reficeret. Sitiuit fons, ut nos inebriaret. Tristata est lætitia, ut nos lætificaret. Pauebat fiducia, ut nos confortaret. Laffata est via, ut iter nostrum ad cælestia dirigeret.

*De mirabilibus circa incarnationem Domini.*  
*Cap. X.*

**E**Xcellebat incarnatio Christi nostram conceptionem in pluribus: per quæ apparet quod ibi natura perdidit sua iura. Inueniuntur enim multa tam ex parte matris, quam ex parte prolis, quam etiam ex parte modi, quæ non sunt secundum viam naturæ, sed secundum potentiam virtutis infinitæ, quæ solius est Dei. Mira igitur fuerunt in matre, quæ secundum Bernardum sine corruptione secunda, sine grauidamine grauida, sine dolore puerpera. Ibi portauit stella Solem, palmes vitæ, riuus fontem, filia patrem, creatura Creatorem. Fuit inquam mater patris, filia nati. Fuit quoque prole posterior, contento minor, mater & virgo fuit, cum Deo filium communem habuit. Maledictionem legis euasit, ubi maledictæ fuerunt virgines & coniugatæ. Virgines quidem, quia non genuerunt: coniugatæ vero, quia in dolore pepererunt. Sed vtrumque beata Virgo euasit, quia Virgo genuit, & dolorem non sensit. *Au-*

*Append. ad To. 7. oper. S. Bon.*

**A**ugustinus: Speculum non rumpit radius Solis: & ita integritatem Virginis ingressus, aut egressus Dei vitare non potuit.

Mirabilia quoque fuerunt in prole, quia in instanti fuit ibi sanguinis separatio, consolidatio, figuratio, animatio, deificatio. Et quod ista non fuerint successiva, patet ex scriptura. Femina circumdabit virum. Patet etiam ex virtute agentis, scilicet Spiritus sancti, cuius est subito operari. Quamuis autem membra corporis Christi fuerint in conceptione completa, & perfecta usque ad animæ susceptionem, ipsorum tamen membrorum distinctio, secundum Augustinum, tam parua & tenuis fuit, quod humano visui vix posset subijci: quia in tanto fuit minus corpus illud, quam aliis conceptus cum formatur, quantum augeri posset in vtero infra quadraginta sex dies.

Vnde miraculosum fuit quod in tam paruo corpore recepta fuit anima, sed hoc ideo factum fuit, ut conceptio Christi quantum ad tempus manendi in vtero non esset nostræ conceptioni dissimilis. Præterea ab instanti suæ conceptionis sciuit omnia etiam secundum quod homo. Item in fruitione perfecta fuit anima eius: vnde quantum ad hoc non solum fuit viator, sed etiam comprehensor. Item mundus fuit ab omni peccato, & plenus omni gratia & virtute. Habuit quoque Patrem in cælis, & matrem in terris: sed patrem sine matre, & matrem sine Patre. Item per incarnationem ipse Dominus factus est seruos, æternus factus est temporalis, immensus factus est paruulus. Summus fit imus, incomprehensibilis fit localis, simplex fit compositus. Dicit Augustinus videtur inuisibilis, palpatur impalpabilis, immortalis occiditur. Item Augustinus: Quis vnquam existimare posset, ut portaretur manibus femineis portator orbis, panis Angelorum aleretur, virtus cælorum infirmaretur, vita omnium moreretur?

**H**ic quoque notandum est, quod sicut in diuinis est trinitas personarum in vnitæte essentia, sic in Christo est trinitas essentiarum, seu naturarum in vnitæte personæ: quia sicut in diuinis per diuersas personas non distinguitur essentia, sic in Christo per diuersas naturas non distinguitur persona. Denique Christi incarnatio fuit mirabilis ex modo, quia cum tres modi producendi hominem præcessissent, primus videlicet nec de viro, nec de muliere, sicut in Adam: secundus de viro sine muliere, sicut in Eva: tertius de viro & muliere, sicut in omnibus concupiscibiliter natis: ad complementum decuit vniuersi quantum modum introduci, ut scilicet homo de muliere fieret sine viro per virtutem summi operatoris. In conceptione ergo Filij Dei simul concurrerunt virtus innata, infusa, & increata. Virtus innata materiam ministravit: virtus infusa purificando ad vniõnem Verbi adaptavit: (adaptatione dico congruentiæ naturæ.) Virtus increata subito perfecit, quod natura non potuit nisi successiue.

*De natiuitate Christi. Cap. XI.*

**N**atiuitas Christi triplex est, scilicet diuina, humana, gratuita. Prima est ex Patre: secunda ex matre: tertia fit in mente. De Patre nascitur æternaliter, de matre temporaliter, in mente spiritualiter. Et istæ tres natiuitates sumuntur secundum tres substantias, quæ sunt in Christo, scilicet deitas, caro, & spiritus. Nam ex Patre nascitur Deus, ex matre caro, in mente nascitur spiritus, scilicet per gratiam. Ex patre nascitur semper, ex matre nascitur semel, in mente nascitur sæpe. Secundum natiuitatem diuinam Christus habet patrem sine matre, secundum humanam habet matrem sine Patre: secundum gratuitam habet Patrem & matrem, secundum illud: Qui fecerit voluntatem patris, &c. Has tres Christi natiuitates repræsentat Ecclesiæ in die natiuitatis eius. Primæ,

*xxx* scilicet

*Bern. form.*  
*de B. Virgi-*  
*ne ex ver.*  
*Apo. ante*  
*mod.*

*Hier. 31. d*

*Est expositio*  
*Mag. li.*  
*3. ser. diff.*  
*3. 5. illam*  
*tem. 2.*

*Aug. in Na-*  
*tali Dom.*  
*serm. 9. de*  
*temp. 13.*  
*tem. 10.*

*Gen. 2. b*  
*Ibid.*

*Mat. 12. d*

*Isa. 53. e* scilicet diuinam, in Missa, quæ cantatur in nocte. Est enim hæc natiuitas nobis occulta. Generationem eius quis enarrabit? Secundam in Missa, quæ cantatur in aurora: quia natiuitas humana partim fuit occulta, partim manifesta. Occulta quidem quantum ad modum, quia natus est de Virgine: sed manifesta quantum ad factum. Tertiam, scilicet gratuitam, in Missa, quæ cantatur in die: quia natiuitas gratuita est manifesta, in qua Christus per affectum concipitur, per affectum nascitur, & per amorem perfectum nutritur. A timore tuo concepimus, & peperimus, &c. De diuina itaque generatione habetur in 1. lib. sed nunc de humana prosequendum est.

*Tit. 2. d* Nota itaque quod secundum verba Apostoli. ubi ait: Apparuit gratia Dei Saluatoris nostri omnibus hominibus erudiens nos, &c. Natiuitas Christi fuit gratiosa, gloriosa, copiosa, fructuosa. Gratiosa, idest, gratis, non meritis nostris exhibita. Apparuit enim gratia. Gloriosa, quia Dei Saluatoris nostri. Copiosa, quia omnibus hominibus. Fructuosa, quia erudiens nos. Iste fructus natiuitatis Christi duplex est, scilicet respectu temporis præsentis & futuri. Item respectu temporis præsentis duplex est fructus, primus est declinatio mali, ibi: Ut abnegantes impietatem quo ad malum quod est contra fidem: & secularia desideria quo ad malum, quod est contra bonos mores. Secundus fructus est operatio boni, ibi, sobrie, quo ad nos: iuste, quo ad proximum, & pie quo ad Deum. Item respectu futuri temporis duplex est fructus: primus est spei in resurrectione, ibi: Expectantes beatam spem: secundus gaudij in glorificatione, ibi: & aduentum gloriæ magni Dei. Apparuit in natiuitate Christi benignitas & humanitas Saluatoris de triplici latibulo, scilicet de sinu Patris, in quo celabatur: de umbra legis, in qua figurabatur: de ventre matris, in quo formabatur. Iste namque agnus soluit signacula libri signati.

*Matth. 1. d* Natiuitas Christi fuit utilis, honesta, & iucunda. Quid autem utilius salute hominis? Vocabis, inquit, nomen eius Iesum, qui saluum faciet populum suum: certe a formidine timoris, ab immanitate languoris, a detentione carceris, a subiugatione hostis. Quid honestius partu Virginis, ubi Virgo est quæ generat, Deus est qui generatur, Spiritus sanctus, qui operatur in generatione? Quid iucundius natiuitate Dei

*Ioan. 8. g* & hominis? Gaudij sunt, qui præcesserunt, ut Abraham, qui exultauit ut videret diem Domini. Item qui sequuntur: Gaudete in, &c. Item qui præsentis erant, ut Angeli decantantes, & pastores videntes: & Ioannes eum in utero sentiens, & Simeon amplexans, sed maxime Virgo ipsum generans. Et exultauit spiritus meus in Deo salutari meo. Protulit in natiuitate nobis beata Virgo fructum, qui fuit seminatus in conceptione, germinauit in natiuitate, collectus in panctione inuolutione, ad Dominum allatus in purificatione, flagellatus in stipite, ventulatus in falsorum testimonij accusatione, commolitus in passione, purgatus in resurrectione, comeditur in quotidiana Eucharistia susceptione, & in celesti fruitione. Beata itaque Virgo est celum quod Christum rorauit: ipsa nubes, quæ Christum pluit: ipsa terra, quæ Saluatorem germinauit. In natiuitate Domini fuit beata Virgo terra, de cuius limo formatus est nouus Adam: terra de qua orta est veritas: terra de qua ortus est fructus terræ sublimis: terra bona in qua semen cecidit: terra fluens lacte & melle: terra germinans herbam viuentem: terra de qua oriebatur fons irrigans vniuersam superficiem terræ.

*Isa. 45. b* Quæ Virgo est celum quod Christum rorauit: ipsa nubes, quæ Christum pluit: ipsa terra, quæ Saluatorem germinauit. In natiuitate Domini fuit beata Virgo terra, de cuius limo formatus est nouus Adam: terra de qua orta est veritas: terra de qua ortus est fructus terræ sublimis: terra bona in qua semen cecidit: terra fluens lacte & melle: terra germinans herbam viuentem: terra de qua oriebatur fons irrigans vniuersam superficiem terræ.

#### De circumcisione Domini. Cap. XII.

*Gen. 17. b* Circumcisionem accepit Christus. multiplici ratione. Primo, ut legem, quam dedit alijs, ipse compleret. Secundo, ut humilitatem ostenderet,

A quia cærimonialibus ad quæ non tenebatur, se subiecit: ipse namque dominus legis fuit. Tertio, ut sanguinem suum pro nobis non solum in ætate virili, sed etiam infantili funderet. Quarto, ut nos circumcidendos fore spiritualiter ostenderet. Quinto, ut hæreticos confunderet, qui dixerunt eum non verum corpus, sed phantasticum habuisse. Sexto, ut ludæis satisfaceret qui scandalizati fuissent, si circumcisionem non accepisset. Septimo, ut legem veterem approbaret, quæ usque ad ipsum obseruanda fuit. Legalia enim secundum Augustinum fuerunt ante passionem viuam, post passionem Domini mortua: sed postquam per mundum claruit Euangelium, sepulta.

B Circumciditur Iesus non solum circumcisione legali, sed etiam circumcisione spirituali. Vnde possumus Domini circumcisionem quadruplicem assignare. Primo circumcidit eum Pater cultello paupertatis in natiuitate. Secundo circumciderunt eum parentes eius octauo die cultello legis. Tertio circumcidit se ipsum in omni vita sua cultello humilitatis. Quarto circumciderunt eum ludæi in passione cultello crucis: & hoc per milites Pilati. Circumciditur etiam Iesus in suis quadrupliciter. Primo per detractores, qui auferunt amicos, & famam. Secundo per raptiores, qui auferunt bona temporalia. Tertio per hæreticos, qui auferunt animam. Quarto per tyrannos qui auferunt corpus.

Circumcisio nostra spiritualis duplex est. Prima mentis in præsentia a culpa. Secunda corporis in futuro a pœna. Prima figurata fuit per circumcisionem sollemnem, quæ facta est in Ægypto: & hæc triplex est, scilicet incipientium, a vitijs, & hoc cultello iustitiæ. Item proficientium, a superfluis, cultello misericordiæ. Item perfectorum, a necessarijs cultello charitatis perfectæ. Secunda figurata est per circumcisionem factam in Galgalis in terra promissionis: quia in octaua resurrectionis per petram Christum circumcidemur ab omnibus miserijs. Ex quo patet quod circumcisio nostra spiritualis efficacior est, quam ludæorum carnalis, & legalis: quia illorum circumcisio licet peccatum originale tulerit, tamen ianuam paradisi non aperuit, sed nostra vtrumque facit.

In hac materia duo nobis tanguntur: Primum est Christi humilitas in circumcisione, secundum eius sublimitas in nominis impositione. Vocatum est, inquit, nomen eius Iesus. Dignitas autem huius nominis multiplex est. Est enim ab æterno consecratum, ut dicit sanctus Bernardus: Ab antiquis præfiguratum, scilicet, in Iosue. A Prophetis desideratum. Nomen

E scilicet, in Iosue. A Prophetis desideratum. Nomen tuum in desiderio animæ. A sanctis patribus prophetatum. Bernardus: Dulce nomen Iesu prophetatum Salomonis oraculo. A Deo nominatum. Apostolus Dedit ille nomen, &c. Ab Angelo prænuntiatum, ut dicitur, A beata Virgine prædicatum Sanctum nomen eius. Ab Apostolis magnificatum: Ibant Apostoli gaudentes, &c. A martyribus testificatum, quia pro nomine isto passi sunt. A confessoribus collaudatum: Laudate pueri Dominum, &c. A solis ortu usque ad occasum laudabile nomen Domini. A sanctis Virginibus prægustatum: Oleum effusum nomen tuum. Bernardus: Iesus est mel in ore, melos in aure, iubilus in corde. Ab omnibus sanctis exaltatum. Magnificate Dominum mecum, & exaltate nomen eius in idipsum. Petrus: Non est aliud nomen sub cælo in quo oporteat nos saluos fieri.

F In hoc nomine Iesu sunt quinque litteræ, quæ possunt esse initia istarum dictionum, Iucunditas merentium, eternitas viuientium, sanitas languentium, vbertas egentium, satietas esurientium. Et hoc nomen Iesus Christo conuenit tripliciter. Primo ratione naturæ, ut qui ex diuina natura erat Saluator auctoritate, ex humana natura fieret Saluator ministerio, & vendicaret sibi nomen Saluatoris. Secundo ratione decentiæ, quia decuit ut ex re nomen haberet.

*Aug. epist. 19. ad Hieron. 10. 2.*

*Exo. 4. f*

*Iosue 5. b*

*Isa. 26. b*

*Phil. 1. b*

*Luc. 1. e*

*Act. 5. g*

*Psal. 112. o*

*Cant. 1. a*

*Bernard. in Cant. ser. 15.*

*post med.*

*Psal. 33. a*

*Act. 4. e*

ret. Vnde quia saluat a peccato, a diabolo, & ab inferno, merito nomen habet illi beneficio congruens. Tercio ratione efficaciz, quia Christus nos sua passione saluauit.

*De baptismo Christi. Cap. XIII.*

**I**N baptismo Domini notatur ipsius humilitas, & nostra utilitas. Ipsi humilitas notatur in quatuor. Primo, quia venit Iesus, scilicet dator salutis, & non indigens salute. Secundo quia ad Iordanem, ubi Creator elementorum subiecit se humili elemento aquę. Tercio, quia ad hominem, idest Ioannem, scilicet dominus ad seruum, rex ad scutiferum, Sol ad luciferum. Quarto, quia venit ut baptizaretur ab eo, scilicet fons a riuo, plenitudo a stilla, auctor baptismi a baptismi ministro.

Utilitas nostra notatur in quatuor, quę circa Christum baptismatum euenerunt. Primo quia Christus confestim cum baptizatus fuit, ascendit de aqua: per quod notatur in nobis gratiæ infusio: homo enim per baptismum liberatus a culpa, ad virtutes statim ascendit. Secundo apertum est cælum, per quod notatur hominis post baptismum ascendente euolatio. Tercio descendit Spiritus sanctus corporali specie sicut columba in ipsum: per quod notatur quod baptismus facit hominem Spiritus sancti templum. Quarto vox patris facta est: Hic est filius meus dilectus: in quo notatur quod per baptismum de filio irę fit filius gratiæ. In baptismo Christi notantur substantialia baptismi nostri, scilicet baptizans, baptizatus, materia forma, & intentio. Baptizans fuit Ioannes, in quo ministri sanctitas designatur. Baptizatus fuit Christus, nostrum baptismum consecrans: quia tactu suę mundissimę carnis vim regeneratiuam contulit aquis. Materia fuit aqua, magis conueniens, & communis ceteris liquoribus ad baptismum existens. Forma notatur per testimonium Trinitatis. Fuit enim ibi Pater in voce, Filius in carne, Spiritus sanctus in columbę specie. Intentio consequitur formam. Voces enim, ut ait Philosophus, signa sunt parum, quę sunt in anima passionum.

*Arist. lib. de  
interpreta  
tione ca. 1.*

*Coloss. 1. b*

*Ioan. 3. d*

Per vocem Patris, quę audita est in baptismo Christi, notatur quinque dignitates & excellentiæ eiusdem Domini nostri Iesu Christi. Cum enim dicitur, hic est, commendatur Christus a vera essentia, quia solus Deus habet verum esse. Omne enim esse a forma est: Deus autem forma est sine materia, ut dicit Boëtius. Cum dicitur, Filius, commendatur Christus a similitudinis paternę conueniētia. Ex eo namque dicitur Filius, quia sit ut ille: propter quod Filius sic dicitur imago Patris potius etiam, quàm Spiritus sancti, propter rationem quam habes supra in lib. 1. Cum dicitur Meus, commendatur a substantiæ indifferentia, dicitur enim, meus, idest, mihi consubstantialis. Cum dicitur, dilectus, commendatur ab amoris beneuolentia. Pater diligit Filium: & omnia, quę habet, dedit in manu eius. Cum dicitur: In quo mihi complacui, commendatur a speciali complacentia. Sed nota quod placitum est quiescenti voluntas: vnde complacui, idest, cum Spiritu sancto in Filio secundum naturam assumptam quiescit.

*De plenitudine gratiæ Christi. Cap. XIV.*

**P**ost hoc considerandum est Verbum incarnatum, quātum ad plenitudinem charismatum spiritualium, quę sunt plenitudo gratiæ in affectu: plenitudo sapientię in intellectu: ac plenitudo meriti in opere, & effectu.

Circa primum notandum est quod in Christo a sui conceptione fuit plenitudo gratię, quātum ad gratiam personę singularis, & quātum ad gratiam capitis, & quātum ad gratiam vnionis: & hæc triplex gratia

Append. ad To. 7. oper. S. Bon.

est eadem in essentia, sed differunt in effectu. Gratia enim personę singularis est gratia habitualis, quam habuit Christus completissime, & plenissime, excepta fide & spe, quas virtutes non habuit, sed quod eis in patria succedit: quia fidei succedit cognitio, spei vero succedit comprehensio rei. Sciendū autem quod prædicta gratia personę singularis exuberat in Christo, ita quod influit in membra corporis sui mystici sensum & motum spiritualem, secundum fontalem plenitudinem omnis gratiæ in ipso habitantis.

Dicitur gratia capitis Christo inesse, vnde nota quod Christus secundum utramque naturam dicitur caput Ecclesię, quia non solum in quantum Deus, sed etiam in quantum homo influit sensum & motum spiritus, & gratiæ in omnes qui adhærent ei, vel per fidem rectam, vel per fidei sacramentum. Sed in quantum homo influit eam per per modum meriti, & meritum, quod non solum ex congruo, sed etiam ex condigno meruit membris gratiam, hoc habuit ex vnione ad Verbum. Ex prædictis collige quod Christus in quantum homo dicitur caput Ecclesię triplici ratione. Primo propter influentiam gratiæ, sicut dictum est. Secundo, propter conformitatem naturę, quam habet caput ad membra: quia licet Christus excellat membra sua, quātum ad naturam diuinitatis, tamen conformis est illis in natura humanitatis. Tercio dicitur caput metaphorice, quia sicut corpus Christi verum constat ex purissimis membris, ita corpus eius mysticum ex puris fidelibus. Nam de plenitudine eius omnes accipiunt beneficium gratiæ, & spiritus, qui ad eum accedunt, vel per fidem rectam, vel per fidei sacramentum. Alia ratione Christus secundum quod homo dicitur caput Ecclesię, scilicet propter naturę conformitatem, quam caput habet ad totum corpus. Nam sicut corpus Christi naturale constat ex purissimis membris, ita corpus eius mysticum ex puris fidelibus. Præterea secundum quod eadem gratia singularis personę quę habilitauit humanam naturam Christi ad vnionem Verbi, ut, videlicet, digna esset vniri tantę celsitudini, vocatur gratia vnionis, per quam Christus ipse non tantum felicitate glorię, verumetiam adoratione patrię dignus fuit: dicendum quod verum est secundum quod est constructio transitiua cum dicitur gratia vnionis: tunc enim aliud est gratia, aliud est vnio. Sed secundum quod est constructio intransitiua, ut sit sensus gratia vnionis, idest, vnio humanę naturę ad diuinam, quę gratis, & sine meritis data est humanitati Christi: sic differt gratia vnionis a gratia personali, & a gratia capitis: sicut vnio differt a gratia habituali: propter quod dicitur in Ioāne quod Spiritus sanctus datus est ei non ad mensuram: quod dupliciter exponitur. Primo sic, non ad mensuram, idest, totaliter: non particulariter, ut quidquid potuit Deus ei de Spiritu sancto dare, dedit ei: secundo sic, non ad mensuram, idest super omnem proportionem respectu aliorum hominum.

De hoc quoque quod dicit Ioannes plenum gratię & veritatis, nota quod quintupliciter distinguitur plenitudo. Prima est sufficientiæ, quę in quolibet iusto repetitur. Secunda est copię, quę fuit in Apostolis: Repleti sunt omnes, &c. & in Stephano: Stephanus repletus erat gratia & fortitudine. Tercia est vniuersitatis quę est in Ecclesia, cui nullum donum deest. Quarta est excellentiæ, quę fuit in beata Virgine quę omnes sanctos excedebat in gratia. In me omnis gratia. Aue gratia plena. Quinta superfluentiæ, quę fuit in Christo. Plenum gratiæ & veritatis.

Circa innocentiam Christi hoc sciendū est, quod habuit immunitatem omnis culpę, quātum ad actū, & quātum ad posse: quia non peccauit, nec peccare potuit, nec peccatum originale a patre traxit, quia patrem nō habuit carnalem, nec a matre habuit peccatū, quā Spiritus sanctus totaliter a fomite liberauit.

X x x 2 De ple.

*Ioan. 1. b*

*Ioan. 3. d*

*Ioan. 1. b*

*Act. 2. a*

*Act. 7. b*

*Eccli. 24. c*

*Luc. 1. c*

*Ioan. 1. b*

## De plenitudine sapientie Christi. Cap. XV.

Sicut in Christo fuit omnis plenitudo gratiæ, ita & omnis plenitudo sapientiæ, non solum quantum ad cognitionem, verum etiam quantum ad modos & differentias cognoscendi, qui sunt quinque. Primus est cognitio sempiternalis ex parte diuinitatis, & hoc modo cognoscit omnia simul, scilicet, finita & infinita, quia apud Deum omnis infinitas est finita. Deus enim videt multa vno, scilicet seipso: unde non differt ibi quod videt, & per quod videt: quia videt se per se, & in se videt omnia: non solum, quæ fecit, sed etiam quæ facere potest, quæ sunt infinita. Secundus modus est cognitio sensualitatis ex parte carnis, & iste modus est cognitio per experientiam, quia Christus non sensit omnia simul: quia sensus non est perceptiuus rerum, nisi ad præsentiam obiecti. Tertius modus est spiritualis ex parte mentis: & iste triplex fuit, scilicet per naturam, per gratiam, & per gloriam. Per naturam est igitur tertius modus cognoscendi, quo Christus cognouit omnia, quæ spectant ad vniuersi constitutionem, sed longe excellentius, quam Adam, etiam existens in natura instituta. Quartus modus est per gratiam, hoc modo, Christus cognouit omnia, quæ spectant ad humani generis redemptionem, longe tamen excellentius, quam aliquis Prophetarum, vel etiam Angelorum. Non solum enim habuit Christus scientiam per habitum innatum, ut Adam & Angeli, sed etiam per habitum infusum, velut sancti per gratiam illuminati. Cognitionem vero non habuit per habitum acquisitum, qui propter imperfectionem in ipso non fuit. Quintus modus est per gloriam, hoc modo cognouit omnia Christus: finita quidem cognitione, actuali, infinita vero non nisi cognitione habituali, vel excessiua. Anima enim Christi per gloriam comprehensionis capiebat quæcumque capere potest natura finita vnita infinito.

Sciendum ergo quod res dupliciter habet cognosci in arte, scilicet vel ab ipso artifice, vel ab alio artem contemplante, utroque modo cognouit Christus res. Primo modo per naturam diuinitatis, secundo modo per gloriam comprehensionis. Patent igitur ex præmissis quinque differentiæ cognitionis quæ erant in Christo. Per primum enim modum habuit cognitionem, ut Deus, per secundum, ut homo, per tertium, ut viator, per quartum, ut illuminator, per quintum, ut comprehensor.

Christus secundum vtramque naturam dicitur lux, quia secundum diuinitatem illuminat intus animam, & secundum humanitatem informat exterius vitam, & hoc tripliciter, scilicet miraculis, prædicationibus, & exemplis. Primum est potentiæ, secundum sapientiæ, tertium bonitatis. Nota præterea, quod scientia Christi hominis limpidissima est inter scientias creatas, quia nihil habet admixtum de suo contrario, vel actu, vel potentia: præsertim cum non possit aliquid ignorare propter sui vniionem ad verbum, tamen quia anima Christi creatura est, non est scientia eius ita limpida sicut Dei, quæuis sciat omnia, quæ scit Deus. Quod dicitur, Iesus proficiebat sapientia, & ætate coram Deo, & hominibus: non est intelligendum quod in se profecerit, quia ab instanti conceptionis sapientia plenus fuit: sed potius in alijs, qui doctrina sua & exemplo profecerunt, & hoc coram Deo, id est, ad gloriam Dei: & hominibus, id est, ad utilitatem hominum. Proficiebat tamen Iesus etiam in se cognitione experimentalis & sensuali, quia secundum Apostolum, Didicit ex his, quæ passus est, obedientiam.

## De merito Christi. Cap. XVI.

Simul fuit Christus viator, & comprehensor ab instanti conceptionis suæ. Ex tunc enim cepit me-

mereri & frui. Meruit autem in quantum viator, non in quantum comprehensor. Perfectio autem & plenitudo meriti Christi notatur in istis.

Primo, quantum ad eum qui merebatur, quia non tantum erat homo, sed etiam Deus.

Secundo, quantum ad tempus, quo merebatur, quia ab instanti conceptionis suæ usque ad horam mortis.

Tertio, quantum ad id, per quod merebatur, quia per habitum perfectissimæ charitatis, & per exercitium perfectissimæ virtutis.

Quarto, quantum ad eum cui merebatur, quia non tantum sibi, sed etiam nobis. Omnibus enim operibus suis, quæ procedebant ex libero arbitrio, meruit sibi vitam æternam iam habitam, & nobis habendam.

Quinto, quantum ad id quod merebatur nobis, quia veniam, gratiam, & gloriam, stolam quoque carnis, & apertionem ianuarum cælestis. Ante incarnationem Christi diabolus habuit manum attrahentem, & manum impellentem. Attrahentem dico potenter in culpam: impellentem autem sine obstaculo ad limbum in penam. Sed Christus primam manum suo merito debilitauit, secundam vero penitus amputauit. Igitur in merito Christi radicata sunt omnia merita nostra, siue satisfactoria penæ, siue meritoria vitæ æternæ, quia nec ab offensa Creatoris digni sumus absolui, nec immensitatem præmij quod Deus est, digni sumus assequi, nisi per meritum hominis Dei.

Sexto, quantum ad id quod merebatur sibi, quia licet non mereretur glorificationem mentis, quam iam habebat, meruit tamen sibi per humilitatem passionis accelerationem resurrectionis, glorificationem sui nominis, & dignitatem iudiciariæ potestatis, sicut ait Apostolus: Christus factus est pro nobis obediens usque ad mortem, & sequitur, Propter quod & Deus exaltauit illum, quo ad primum, & dedit illi nomen, &c. quo ad secundum, ut in nomine Iesu omne genuflectatur, quo ad tertium.

Septimo quantum ad modum, quo merebatur. Dicitur enim mereri quis tripliciter, scilicet de debito faciendo debitum, vel de debito magis debitum: vel de debito vno modo faciendo debitum alio modo. Primo, vel secundo modo meruit nobis, & non sibi: quia non poterat facere sibi de debito debitum, vel de debito magis debitum, cum a principio fuerit sanctissimus, nec in sanctitate proficere poterit. Tertio vero modo meruit sibi, quia bonum gloriæ, quod sibi fuit debitum per gratiam vniionis, fecit sibi debitum alio modo, scilicet per meritum bonæ operationis: meruit enim sibi vitam æternam iam habitam, sicut nobis habendam.

## De voluntate Christi. Cap. XVII.

Voluntas in Christo duplex fuit, scilicet creata, & increata. De voluntate increata supra lib. 1. dictum est: sed creata voluntas eius duplex fuit, scilicet rationis, & sensualitatis. Adhuc voluntas rationis duplex est, scilicet rationis, ut ratio est: & rationis, ut natura est. Voluntate rationis, ut ratio est, conformauit se in omnibus voluntati increatæ, sed voluntate rationis ut natura est, & voluntate sensualitatis voluit aliquid proprium, quod noluit voluntate rationis, ut ratio est, scilicet non mori: & in hoc istæ voluntates non fuerunt sibi contrariæ, licet volita contraria fuerunt: quoniam secundum voluntatem diuinam Christus quod iustum erat voluit, sed voluntati rationis iustæ consensit: secundum vero voluntatem carnis penam recusauit: & sic vnaquæque voluntas quod suum erat tenuit, scilicet voluntas diuina iustitiam, voluntas rationis obedientiam, voluntas carnis naturam, id est, penæ recusatorem. Unde patet quod aliquid velle est illicitum rationi, quod non est illicitum sensualitati, sicut fuit in Christo velle non

Luc. 2. 8

Heb. 5. 6

Mat. 11. 6

Luc. 2. 4

Luc. 22. 6

Mat. 26. 4



non mori. Quamuis autem voluntas non moriendi fuerit causaliter a sensualitate, fuit tamen occasionaliter a ratione: quia Christus sicut voluit fecit aliquid horribile venire in imaginationē, & æstimationem, quo facto naturaliter mortem refugit. Hoc autem voluit propter nostrā instructionem: & sic ratio pro sensualitate aduocauit dicens: Pater, si fieri potest, transeat a me calix iste, & hæc petitio fuit tam sensualitatis, quā rationis: sed sensualitatis fuit tamquam affectantis, rationis autem tamquam proponentis: & hoc Christus fieri voluit ad triplicem instructionem nostram. Prima est, vt sciamus non esse peccatum aliquid velle ex sensualitate, quod est contrarium diuinæ voluntati. Secunda est, vt martyres Christi non desperent, si mortem horreant, cum illam etiam filius Dei horruerit. Tertia est, vt discamus discretē petere, scilicet, supponendo voluntatem nostram voluntati diuinæ: & hoc notatur in conditione appositā, si fieri potest; & ibi: Verumtamen non sicut ego volo.

*De defectibus, quos Christus assumpsit.*  
Cap. XVIII.

**N**on solum Christus assumpsit humanam naturam, sed etiam defectus circa naturam: quos; videlicet ipsum decuit assumere: vnde cum pœnæ sint exercitantiæ virtutis perfectæ, & testificantiæ humanæ naturæ, non simulate assumpsit pœnalitates tam corporales, quā spirituales, quæ respiciunt nostram naturam in communi, sicut famem, & sitim in absentia alimenti, tristitiam & dolorem in præsentia nocimenti, & huiusmodi, vt est calor, frigus, lassitudo, &c. Nec omnes defectus corporales assumpsit, sicut sunt defectus ægritudinum multififormium: nec omnes defectus spirituales, sicut sunt peccatum, ignorantia, rebellio carnis ad spiritum. Præterea, quia nullus innocens debet inuitus pœnam sustinere, cum hoc esset contra ordinem diuinæ iustitiæ, Christus sic pœnalitates suscepit, vt tamen pati non posset inuite, quia passio sua nec fuit contra ordinem diuinæ voluntatis, nec contra ordinem rationis, licet fuerit contra voluntatem sensualitatis & carnis. Dicimus etiam quod Christus vere timuit, & vere doluit, & vere tristis fuit, prout ista notantur propassionem non secundum quod significat passionem. Differt autem propassio a passione: quia tunc affectio dicitur propassio, quando anima sic afficitur, quod oculum mentis nequaquam turbat: passio vero dicitur quando ita fortis est quod oculum mentis turbat, & facit a rectitudine, vel a Dei cōtemplatione deuiare, & tunc ratio læditur & patitur, vnde differunt ista duo, sicut dispositio & habitus.

*De passione Christi.* Cap. XIX.

**C**irca passionem Domini commendamus in opere patientiam insuperabilem, in modo humilitatem admirabilem, in causa charitatem inæstimabilem. Circa opus nota quod Christus sustinuit in tactu clauorum asperitatem, in auditu opprobriorum confusionem, in odoratu sputorum fœditatem, in gustu aceti & fellis amaritudinē: in oculis lacrymarum effusionem, in corde timorem.

De modo patiendi hoc tenendum est, quod Christus passus est passione generali, quia secundum omnia corporis. Vidimus eum non habentem speciem neque decorem. Item passione acerba. O vos omnes qui transit per viam. Fuit Christi passio maxima, tum ratione intentionis, propter optimam dispositionem ipsius patientis, tum propter innocentiam eius, tum propter honoris eius excellentiam. Honorabilis enim si confunditur, plus læditur, & præcipue inter suos. Item grauis fuit eius passio propter ipsius virtutem.

Append. ad To. 7. oper. S. Bon.

**A** tuositatem, quia homo vilis de morte sua dolere non debet, cum turpitudine sua tunc finem capiat. Item propter ignominiosam passionem. Vidimus eum de spectum, &c. Hæc autem ignominia attenditur in patibulo crucis, quæ fuit supplicium pessimorum: & in consortio iniquorum, scilicet, latronum cum quibus erat deputatus. Curat autem Christus passione generali infectionem vniuersalem, passione acerba libidinem, passione ignominiosa superbiæ præsumptionem.

**B** In causa passionis attenditur charitas maxima, qua nos liberauit a peccato, renouauit gratiam largiendo, qua cælum aperuit gloriam conferendo. Hæc tria notantur in titulo crucis. Nam propter primum dicitur Iesus, propter secundum dicitur Nazarenus, propter tertium, rex Iudæorum.

Christus sex vicibus sanguinem suum fudit, quinque viuus, & semel mortuus, scilicet in circumcisione, in oratione, in coronatione, in flagellatione, in crucifixione, in lanceatione. Per primum docemur peccata abijcere, per secundum mentis angustiam pro salute nostra tenere, per tertium animam nostram virtutibus ornare, per quartum carnem nostram domare, per quintum membra nostra mandatis Dei ligare, per sextum vulneratum cor Dei amore habere. Postremo, quia istæ passiones non attingebant in Christo diuinam naturam, sed humanam: ideo in morte Christi facta est diuisio animæ sic a carne, vt tamen salua esset vnio tam carnis, quā animæ cum diuinitate. Hoc etiam sciendum est, quod Christus si passus non fuisset, tamen senio defecisset, quantum pertinebat ad conditionem humanæ naturæ in se considerata, sine vnione: sed in potestate naturæ vnitæ fuit, vel sic deficere, vel non deficere.

*De effectibus passionis Christi.* Cap. XX.

**E**ffectus passionis Christi multiplex est, sicut patet in his versibus,  
*Passio debilitat, spoliat, informat, honorat, excitat, inflammat, reparat, pacem dat, & armat, sanat, viuificat, ducit, dulcorat, obumbrat, a culpa remouet, reseruat, illuminat, ornat.*

**Primo**, passio Christi debilitat virtutem demonū. Quasi in hamo capiet Leuiathan. Spoliat infernum. Voca nomen eius, spolia detrahe. Informat per exemplum. Christus passus est pro nobis, vobis relinquens exemplum. Vnde Christus est quasi liber positus in pulpito crucis, vt discamus obedientiam, patientiam, humilitatem, & charitatem. Disce autem specialiter quomodo se habuit in capitulo quādo tenebatur. vnde Bernardus: Sterit Iesus coram præside inclinato capite, vultu placido, sermone raro, voce submissa, deflexis in terram aspectibus, paratus ad opprobria, & ad verbera promptus. Honorat imitatores suos. Sichonorabitur quem rex voluerit honorare. Excitat ad pugnam spirituales. Ostenderunt elephantibus sanguinem. Inflammat ad diligendum. Bernardus: Super omnia te mihi reddit amabilem, bone Iesu, calix quem bibisti, opus redemptionis nostræ. Reparatur naturam angelicam. Ipse enim Christus est lapis angularis, qui fecit vtrique vnum. Pacem dat inter Deum & hominem, & inter Angelum, & hominem. In tempore iracundiæ factus est reconciliatio. Armat contra mundum, carnem, & diabolum: vnde significatur per clypeum, quem leuauit contra Hai. Sanat mentis vulnera. Aspicientes in serpentes æneum sanabantur. Viuificat spiritualiter. Apostolus: Cum essemus mortui peccatis, conui. &c. Augustinus: Mortuus est vnicus, ne maneret vnicus. Ducit per mare huius mundi de virga Moyse. Dulcorat de ligno misso in aquas Marath. Obumbrat: Sub vmbra illius, quem desiderauerā sedi. A culpa reuocat. Attritus est propter scelera nostra. Reseruat cælum.

Xxx 3

*Iſa. 22. f* *Tob. 11. c* cælum . Dabis clauem David . 1. crucem super humerum eius illuminat , unde crux est quasi candelabrum tabernaculi . Item illuminatus est per ſel piſcis . Ornat , unde dixit beata Agnes : Et ſanguis eius ornauit genas meas . Chriſtus paſſione ſua vicit diabolum , quem ligauit : infernum , quem ſpoliauit : mortem , quam ſuperauit : mundum , quem contempſit : ſupplicium , quod pertulit : cælum , quod aperuit .

Paſſio Chriſti tollit ſeptem vitia capitalia . Tollit enim ſuperbiam capitis inclinatio , per quam videbatur titulum crucis fugere , in quo ſcriptum erat , Rex Iudæorum . Inuidiam brachiorum extenſio , quaſi ad amplexum inuitans . Auaritiam , multorum erogatio , quæ in paſſione tradidit . Bernardus : Diſce , Chriſtiane , quantum debeas diligere Chriſtum , qui dedit nobis carnem ſuam in cibum , ſanguinem ſuum in potum , animam in pretium , aquam lateris in lauacrum , veſtem crucifixoribus , corpus diſcipulis , matrem Ioanni . Acediam , feſtinatio ad paſſionem . Iram , mollis reſponſio . Gulam , fellis & aceti potatio . Luxuriam , lateris vulneratio .

*Pſal. 25. c* In redemptione noſtra fuit gratia mirabilis . Primo ex parte motiui , quia charitas Dei vidit quod nec per amicos , nec per pretium poteramus nos redimere : propterea fratrem noſtrum ſe fecit , noſtram naturam aſſumendo , & pretium dedit ſanguinem ſuum pro nobis fundendo . Redime me Domine , & miſerere mei , quia vnicus , ideſt , non habens amicos , & pauper , ideſt , non habens pretium ſum ego . Secundo ex parte redimentis , qui cum liberare nos poſſet ex potentia , fecit hoc potius ex miſericordia , vt ad amorem ſuum nos adſtringeret , & iuſtitie ſue ſatisfaceret . Tertio ex parte redempti , qui opprimebatur criminum ſeruitute , & detinebatur in carcere . Sed contra primum , magnum erat quod filius ſeruus fieret , & ſeruus fieret liber . Contra ſecundum magnum fuit quod dominus ad carcerem limbi deſcenderet , vt ſeruus exiens cælum aſcenderet . Quarto ex parte iuſtitie , quia nulla iuſtitia diſtabat , vt innocens puniretur pro reo . Quinto ex parte excellentie diuine , quia mirum erat , quod impreſtabile ponebatur ſub pretio vilis creature . Sexto ex parte pretij dati . Si enim redemiſſet nos ſolum , adhuc ad gratias teneremur : nunc autem redemit nos anima , corpore , & vita , vt nihil horum ſibi ſubtraheremus .

*Iſa. 49. d* Circa paſſionem Domini nota ſeptem ſuauiſſimas , ſcilicet , capitis inclinationem ad oſculum , in ſignum noſtræ reconciliationis . Brachiorum extensionem ad amplexum , in ſignum receptionis in gratiam de peccato redeuntis . Lateris apertionem propter effuſionem pretij noſtræ redemptionis & ablutionis . Exit enim ſanguis & aqua . Clauorum in manibus & pedibus infixionem , propter memoriam noſtræ recordationis . Numquid obliuiſci poteſt mulier infantem ſuum ? Corporis denudationem , in exemplum noſtræ confeſſionis , quæ ſcilicet debet eſſe nuda . Crucis portationem , in exemplum noſtræ imitationis . Coronæ spineæ impoſitionem , in figuram noſtræ glorificationis .

De effectu paſſionis Domini , ait Auguſtinus : Per Redemptoris noſtri mortem de tenebris ad lucē , de morte ad vitam , de corruptione ad incorruptionem , de exilio ad patriam , de luctu ad gaudium , de terris ad cæleſte regnum vocati ſumus . Item dicit Auguſtinus quod Chriſtus fuit ſacerdos , per quem reconciliati ſumus , fuit templum , in quo reconciliati ſumus , fuit Deus , cui reconciliati ſumus .

Chriſtus fuit mediator populi Iudaici & Gentilis , & ſecundum hoc dicitur lapis angularis . Item hominum & Angelorum : & ſecundum hoc dicitur pacificus . Item Dei & hominum , & ſecundum hoc dicitur Redemptor . Bernardus : Quid ultra debuit facere , & non fecit ? Abſoluit vinctum , illuminauit cæcum , reduxit erroneum , reconciliauit reum . Item

*2. Cor. 5. 18.*  
*1. Cor. 15. 22.*  
*1. Cor. 15. 22.*

Auguſtinus : Ecce pro impio pietas flagellatur , pro ſtulto ſapientia illuditur , pro mendace veritas negatur , pro iniquo damnatur iuſtitia , pro crudeli miſericordia affligitur , pro miſero miſerator repellitur , ſinceritas aceto inebriatur , dulcedo felle amaricatur , pro mortuo vita moritur .

Chriſtus pro noſtra infirmitate medicinas accepit in ſe . Curauit enim nos per dietam , quando ieiunauit quadraginta diebus , &c . Per ſudorem , quando factus eſt ſudor eius , ſicut guttæ ſanguinis . Per minutionem , quando fuit clauis & lancea vulneratus . Per potionem , quando guſtauit acetum cum felle mixtum . Per emplaſtrum , quando eius facies fuit ſputis illita . Per electuarium , quando corpus & ſanguinem dedit in cena diſcipulis .

*Mat. 4. 4*  
*Luc. 22. 6*  
*Mar. 15. 6*  
*Mat. 27. 6*  
*Mar. 15. 4*

#### De cruce Domini . Cap. XVI.

**I**N cruce Chriſti notantur hæc . Supplicium , quo nullum maius . O vos omnes qui trāſitis per viam , &c . Nullum maius dico ex eo quod paſſus eſt ipſe iuſtus pro iniuſtis , ab iniuſtis , cum iniuſtis , ex iniuſtis cauſis , ſub iniuſtis iudiciis , & iniuſtis pœnis . Opprobrium , quo nullum vilius . Morte turpiſſima condemnemus eum . Pretium , quo nullum conuenientius : quia ſicut per lignum venit culpa , ſic & per lignum redemptio . Myſterium , quo nullum profundius , vt poſſitis comprehendere cum omnibus ſanctis , &c . quod expoſuit Auguſtinus de cruce . Exemplum , quo nullum perfectius . Chriſtus paſſus eſt pro nobis , & cetera .

*Thren. 1. 6*  
*1. Pet. 3. 6*

Crux multis rebus comparatur . Ipſa enim eſt clauis cæli , Veſtis arcæ , Nauis maris , Arbor Dantielis , Palma fructuum , Ferculum Salomonis , Baculus Iacob , quo tranſiuit Iordanem . Speculum imitationis . Scala aſcenſionis . Hamus , quo Leuiathan capitur . Torcular , quo Chriſti ſanguis exprimitur . Cithara , qua dæmon Saulis compellitur . Palus , in quo ſerpens æneus ſuſpeditur , Thau , quo frontes fidelium ſignantur . Candelabrum , quo tabernaculum illuminatur . Lignum , aquas Marath dulcorans . Virga Moyſi per mare rubrum populum Dei ducens , Gladius impium Goliath decapitans , Vexillum ad pugnam ſpiritualem colligans . Cathedra diſcipulos Chriſti erudiens , Equus Dei amicos honorans . Clypeus Iofue Hai impugnans , Liber myſteria profunda continens , Altare acceptiſſimam oblationem recipiens .

*Sap. 3. d*  
*Ephes. 3. d*  
*1. Pet. 2. d*

**S**eptem verba Chriſtus in cruce protulit : primū , Pater ignoſce illis : Secundum , Hodie mecum eris in paraſiſo : Tertium , Mulier ecce filius tuus . Quartum , Sitio : Quintum , Eli , Eli , Lamazabatani : Sextum , Pater in manus tuas cōmendo ſpiritum meum . Septimum , Conſummatum eſt . Per primum docemur iniurias dimittere . Per ſecundum petentes exaudire . Per tertium parentes honorare . Per quartum ſalutem noſtram deſiderare . Per quintum ad Deum in neceſſitatibus clamare . Per ſextum auxilium noſtrum in Deo ponere . Per ſeptimum vitam noſtram ſine debito conſummare .

*Lc. 23. 6*  
*Ioan. 19. 6*

**Q**uattuor brachia crucis ſignificant quattuor virtutes , quibus exendi debet homo noſter interior . Signat enim pars ſuperior charitatem , inferior humilitatem . A dextris obedientiam . A ſiniſtris patientiam . Item in quattuor brachijs crucis notantur beneficia crucis . Signat enim pars ſuperior ianuæ cæleſtis apertionem , inferior inferni deſtructionem . A dextris gratiæ collationem . A ſiniſtris peccatorum remiſſionem . Quattuor ligna fuerunt in cruce , ſicut dicit Magiſter in hiſtoria : Pes namque crucis fuit de cedro . Stipes de cypreſſo . Tranſuerſale de palma . Tabula de oliua . Verſus ,

*Crux Domini palma , cedrus , cypreſſus , oliua .*  
Significat enim cedrus altitudinem contemplationis .  
Cypreſſus

Cypressus famam bonæ opinionis . Palma fructum A iustitiæ . Oliua lenitatem misericordiæ .

*De descensu Christi ad inferos . Cap. XXII.*

**A** Nima Christi post mortem descendit ad infernum, siue ad limbum, ad liberationem eorum, qui Christi membra existentes de hoc sæculo transierunt . Diabolus enim dum manus in eum extendit, in quo nihil iuris habebat, merito in alijs amisit potestatem .

Alia causa quare Christus ad inferos descendit, est ut tantus esset descensus, quantus fuerat liberandum casus . Primus enim homo sic in statera liberi arbitrii positus fuerat, ut posset ad vitam æternam ascendere, vel ad mortem descendere, prout veller . Sed peccato peracto sic alterum brachiū statere per onus culpæ depressum est, ut esset in imo inferni, alterum vero in summo cæli . Non autem ascenderet brachiū depressum, nisi descenderet brachium aliud . Descendit ergo Dominus usque ad infernum, ut hominem captiuium eleuaret usque ad cælum .

Tertia ratio quare Christus descendit ad infernum, est, ut sicut viuus fuerat lumen mundi per præsentiam corporalem, ita mortuus esset inferni lumen per diuinitatis maiestatem .

Quarta ratio est, ut hoc idem Christus exequeretur per efficaciam, quod passione sua meruerat secundum sufficientiam . Duo quippe meruit per suam passionem, scilicet satisfactionem, & ianuam apertionem, & ideo hæc duo effecit in descensu suo ad inferos: quia per satisfactionem soluta sunt vincula captiuitatis: per apertionem autem ianuæ, facta est illuminatio ipsius carceris etiam secundum lucem exteriorē .

Liberauit autem Christus omnes illos qui meriti sui capaces esse poterant, sicut fuerunt sancti Patres, qui non propter reatum personæ, sed propter reatum naturæ detinebantur . Dammati autem huius meriti capaces non sunt, neque paruuli in limbo detenti, quia de corpore Christi non sunt nec per fidem, nec per fidei sacramentum .

Dicendum est quod anima Christi per triduum mortis sue cum sanctis Patribus in limbo fuit, ibidem fuit *Luc. 23. f* & Latho, cui Dominus dixit: Hodie tecum eris in paradiso: quia nomine paradisi intelligitur Dei fructio, quia peracta Dei passione, tam ipse latro, quam alij qui erant in limbo, viderunt Deum per essentiam .

Ad quem autem infernum Christus descendit, si scire volueris, nota quod infernus sumitur dupliciter, scilicet pro pœna, & pro loco pœnæ . Secundum primum modum dicitur quod demones infernum secum portant semper . Item prout infernus sumitur pro loco pœnæ, quadrupliciter distinguitur . Vnus est infernus damnatorum, in quo est pœna sensus, & damni, ac tenebræ interiores & exteriores, idest, absentia gratiæ, iste semper habet luctum . Super hunc est limbus puerorum, ubi est pœna damni, & non sensus, & sunt ibi tenebræ exteriores & interiores . Supra hunc locum est purgatorius, in quo est pœna sensus & damni ad tempus, & sunt ibi tenebræ exteriores, & non interiores, quia per gratiam habent lucem interiorem, quia vident se esse saluandos . Supremus locus inter hæc est limbus sanctorum Patrum, ubi fuit pœna damni, & non sensus, & fuerunt ibi tenebræ exteriores, & non tenebræ priuationis gratiæ . Ad hunc locum Christus descendit, ac suos inde liberauit, & sic infernum momordit: quia partem abstulit, & partem reliquit: mortem vero quo ad electos Deus penitus destruxit, sicut dicitur: O

*Os 13. d* mors, ero mors tua: ero morsus tuus o inferne . Hic quoque locus sinus Abrahæ dicebatur, quia ibi Abraham fuit . Sed nunc cælum empyreum dicitur sinus Abrahæ: quia iam est ibi Abraham . A nullo prædictorum locorum est transitus ad alium, nisi quod

olim a tertio ad quartum, hoc est a purgatorio, ad limbum sanctorum Patrum . Ex iam dictis patet quare cantamus, Libera animas omnium fidelium defunctorum de pœnis inferni, & de profundo lacu: quia infernus ibi sumitur pro purgatorio, sicut & ibi sumitur pro limbo, quando dicitur Christus ad inferos descendisse, vel infernum destruxisse .

Ex prædictis collige quod Christus mortuus est in corpore, descendit ad inferos in anima, & surrexit in vitroque . Dicendum est etiam quod Christus illo triduo totus fuit in sepulchro, sed non totum: & totus fuit in inferno, sed non totum: quia totus dicitur personam, totum vero substantiam & naturam . Similiter dicendum quod cum vnio animæ cum corpore faciat hominem, Christus in illo triduo non fuit homo, licet anima & caro vnita tunc essent cum Verbo .

*De resurrectione Christi . Cap. XXIII.*

**C**hristus resurrexit tertia die a mortuis, resumendo corpus non tale quale prius habuit, sed impassibile & immortale . Caro enim Christi, quæ in natiuitate floruit, in passione aruit, per gloriam resurrectionis re floruit, & renouata est, ut aquilæ iuuentus Christi: tunc leo catulū suum suscitauit: tunc phoenix reuixit: tunc, sicut dicit Hieremias: Figulus ex eodem luto fracti vasis fecit vas aliud, sicut placuit in oculis eius . Tunc Ionas de ventre Ceti illæsus exiuit: tunc vestitum est candelabrum auro: tunc suscitatum est tabernaculum Dauid quod cecidit: tunc refulsit Sol, qui prius erat in nubilo: tunc viuificatum est granum frumenti quod cadens in terram mortuum fuerat: tunc ceruus resumpsit cornua: tunc Samson tulit portas cum postibus: tunc Ioseph eductus de carcere tondetur, & constituitur dominus

**D** Egypti: tunc concisus saccus circumdatur lætitiæ . Dominus probauit resurrectionem suam esse veram per Angelos, qui non mentiuntur . Respondens autem Angelus dixit mulieribus, &c . Item per inimicos, quorum validissimum est testimonium . Ecce quidam de custodibus venerunt in ciuitatem, & nunciauerunt principibus sacerdotum, &c . Item probauit eam non arte magica factam, & hoc per comestionem . Item non esse phantastici corporis, & hoc per tactum . Item probauit in eodem corpore, quo passus est factam, & hoc per ostensionem cicatricum . Item probauit eam fuisse in corpore glorificato vnito deitati, & hoc per ingressum in domū ianuis clausis . Item probauit eam multis apparitionibus . Apparuit enim ipsa die resurrectionis quinquies . Primo Mariæ Magdalenz . Mulier quid ploras? Secundo mulieribus redeuntibus a monumento . Tertio Petro, sed non inuenitur modus . Quarto duobus discipulis euntibus Emmaus . Quinto discipulis cōgregatis propter metum Iudeorum, ianuis clausis, quando Thomas non fuit cum eis . Item apparuit inter resurrectionem & ascensionem quinquies, scilicet, Thomæ cum alijs . Secundo discipulis piscantibus ad mare Tiberiadis . Tertio discipulis in monte Tabor .

**F** Quarto in Hierusalem . Quinto quando comedit cum discipulis . Multis de causis surrexit Dominus . Ut scripturas impleteret . Quando enim Dominus dixit: Ecce ascendetis Hierosolimam, &c . subiunxit, & die tertia resurget . Ut nos ad surgendum spiritualiter prouocaret: quia turpe est, ut sedeat seruus, quando coram eo surgit Dominus . Ut futuram resurrectionem esse probaret . Ut potentiam suæ diuinitatis ostenderet, quia mortuos suscitare non est opus naturæ, sed potentia diuinæ . Non est enim regressus a priuatione ad habitum . Ut nos ad contemnenda terrena pro adipiscenda tali gloria animaret . Surrexit Christus velociter: quia tertia die . Nam sicut ianuis clausis ad

*Hier. 18. a*

*Ionas 2. d*

*Mat. 12. d*

*Amos 9. d*

*Ioan. 12. d*

*Iudic. 16. a*

*Gen. 41. b*

*Mat. 28. a*

*Mat. 28. b*

*Ioan. 20. a*

*Mat. 28. a*

*Ioan. 20. b*

*Ioan. 20. f*

*Ioan. 21. a*

*Act. 1. a*

*Luc. 18. f*

- Joan. 20. e* discipulos intrauit, & sicut salua virginitate de vtero A matris exiuit, sic eum mortuum, nec petra in qua iacuit, nec militum custodia potuit retinere. Integraliter, quia in corpore & anima. Socialiter, quia multa corpora sanctorum qui dormierant, surrexerunt.
- Mat. 27. f* Aeternaliter. Apostolus: Christus resurgens ex mortuis iam non, &c. Similiter surgendum est nobis spiritualiter, sicut eisdem modis resurgemus die iudicii corporaliter. Resurrectio Christi est causa & figura nostrae resurrectionis spiritualis. Causam dico motiuam, & hoc dupliciter, quia causa motiua est in comparatione nostri. Dum enim consideramus gloriam resurrectionis Christi, mouemur ad surgendum B in nouitate vitae. Item causa motiua est in consideratione Dei Patris: quoniam Pater dans resurrectionem filio, mouetur ad dandam eandem gloriam fratribus suis: sicut rex quando facit filium suum militem, mouetur amore filij, vt cum eo faciat multos milites. Figura vero fuit: quia sicut Christus surrexit in nouitate vitae, ita & nos in nouitate vitae ambulemus.
- Rom. 6. b* Item sicut diem resurrectionis Christi praecessit dies mortis in pasceue, & dies quietis in sabbatho sequenti, ita gloriam resurrectionis nostrae praecedat in nobis mortificatio membrorum & vitiorum, & quies contemplationis aeternorum. Nota quod sicut C duplex est mors, scilicet animae per culpam, & corporis per extinctionem, ita duplex est resurrectio, scilicet, animae per gratiam, & corporis per gloriam. Et sicut animae mors causauit mortem corporis, sicut habetur in Genesi: ita e conuerso resurrectio animae causabit resurrectionem corporis gloriosam. Sciendum autem quod quidam resuscitantur fide, sicut Samuel, qui licet vere Sauli apparuerit, vt habetur
- Gen. 3. a* in libro Regum: Non tamen vere resuscitatus fuit, vt
- 1. Reg. 27. c* quidam dicunt. Quidam imperfecte sicut Lazarus iterum moriturus. Quidam perfecte, sicut Lazarus semper victurus. Prima resuscitatio significat conuersionem, siue poenitentiam hypocritarum. Secunda recidiantium. Tertia perseuerantium.
- Joan. 11. f*

## De ascensione Christi. Cap. XXIV.

- Differentia est inter ascensionem, & assumptionem, & euolutionem: quoniam ascensio pertinet ad Christum: assumptio ad beatam Virginem: euolutio autem ad alios sanctos. Et ratio huius est, quoniam ascensio fit propria virtute ascendentis, assumptio autem virtute Christi assumptis, quia filius specialiter obsequitur matri. Euolutio vero fit ministerio Angelorum. Alia est differentia, quia locus euolantium est distinctio chororum. Locus vero assumptae Virginis est super choros Angelorum. Locus vero Christi ascendētis est supra, vel ultra locū assumptae Virginis.
- Circa ascensionem Christi octo sunt consideranda quae circumstant ascensionem, & colliguntur ex officio de ascensione. Primum est quod, scilicet eleuatus est videntibus omnibus discipulis, vt desiderium veniendi ad ipsum excitaretur in eis. Secundum est, quod nubes suscepit eum ab oculis eorum. Per vmbra nubes figuratur, quod in hoc mortali corpore Iesum in alto videre non possumus. Tertium est quod eleuatis manibus ferebatur in caelum. Eleuauit autem manus propter duo, scilicet vt suos patri offerret, & vt inimicos alte retracta manu percuteret. Quartum est, quod benedixit eis, vt eos contra hostem muniret, & bonis caelestibus augeret.
- Act. 1. e* Quintum est, quod ascendit in iubilatione, quod refertur ad vocem iocunditatis Redemptorum ascendentium cum ipso, qui prius voce lacrymabili in portis inferni clamauerunt, Aduenisti desiderabilis, quem expectabamus in tenebris. Sextum est, quod ascendit in voce tubae, quod refertur ad sonum praedicationis Apostolorum, qui sonus fuit eis iniunctus dicente Domino, Euntes in mundum vniuersum, praedicare Euangelium omni creaturae, & cet. Ex tunc Psal. 18. b enim in omnem terram exiuit sonus eorum. Septimum est, quod ascendens in altum captiuam duxit captiuitatem, id est, captiuos captiuitate inferni, quos Ephes. 4. b secum victor captiuos eduxit. Octauum est, quod Psal. 67. c dedit dona hominibus: quia omnia bona nostra defursum sunt, quo Christus ascendit. Horum prima duo habentur ex Actibus, sed tertium & quartum ex fine Euangelij secundum Lucam, quintum & sextum ex Psalmita. Item septimum & octauum ex Psalmo.
- Ascendit Christus regressus ad caelum multipliciter, scilicet tamquam obediens completa obedientia, quo ad Patrem: tamquam bonus mediator facta pace, & concordia, quo ad homines: tamquam strenuus propugnator contra daemones. Ascendit Christus pluribus de causis, scilicet ad quiescendum post labores quibus fatigatus fuit triginta tribus annis nobis seruans. Ad intercedendum pro amicis, pro quibus vtiliter laborauit. Bernardus: Securus accessum habes o homo ad Deum, vbi habes Filium mediatorem, & matrem interuentricem. Filius ostendit patri latus, & vulnera: mater ostendit filio pectus & vbera. Ibi nulla potest esse repulsa, vbi tot concurrunt amoris insignia. Christus ergo optimus aduocatus est, quia tot habet linguas pro nobis loquentes, quot vulnera pro nobis accepit. Ad conuerendum de inimicis pro quibus vires suas inutiliter expendit. In vacuum laborauit. Item ascendit Christus, vt nobis locum prepararet. Vado vobis parare locum. Vt fiduciam in ipsum sperandi nobis tribueret, vt in corporalem possessionem aeternae hereditatis nos mitteret. Si enim non abiero, paracletus non veniet ad vos. Vt desiderium nostrum post se traheret. Trahe me post te. Vt viam nobis ad caelum ostenderet, quia sicut dicitur in Luca, Eduxit Dominus prius discipulos suos foras ciuitatem in Bethaniam, vt ipsa educatione cognoscerent se hic non habere manentem ciuitatem. Quod autem in Bethaniam eduxit eos prius, quae interpretatur domus obedientiae, significat quod per opera obedientiae transirent ad caelestia. post hoc fecit eos transire in montem oliuarum, vt per montem intelligatur eminentia spiritus in contemplatione, per oliuas autem pinguiissimi pectoris deuotio. Vltimius vero post ista non restat nisi saltus animae in caelum.
- Exaltatus autem fuit Christus tripliciter, scilicet in terra per vitae meritum: super terram per crucis suspendium: super caelos per ascensionis iubilum. Ascensio Christi fuit Angelis mirabilis. Quis est iste, qui venit de Edom, tinctis vestibus de Bosra? Daemonibus terribilis. Non fuit tantum gaudium heri & nundius tertius. Vae nobis. Haec sunt verba Philistinorum quando vociferabantur filij Israel dum adduceretur arca foederis in Silo in castra, vt per eam haberent diuinum adiutorium in proelio. Hominibus salutaris, sicut supra patet de multiplici fructu ascensionis Christi.
- Ascendit Christus multipliciter, scilicet potenter: quia eleuatis manibus ferebatur in caelum. Patenter, quia videntibus illis eleuatus est. Gaudenter, quia ascendit in iubilatione. Decenter, quia cum duabus turmis regrediebatur, scilicet hominum & Angelorum. Non autem dico, quod ibi fuerint Angeli in adiutorium necessitatis, sed in obsequium dignitatis. Homines quoque illos dico, quos de inferis liberauit, & qui post resurrectionem vsque ad ascensionem mortui sunt de numero saluandorum, nec purgatorio ulterius indigentes. Clementer, quia benedixit eis.
- Christus non statim post resurrectionem caelum ascendit, triplici ratione. Prima, quia differenda erat ascensio vt multipliciter probaretur resurrectio, vt dicitur. In multis argumentis apparens eis per dies quadraginta. Secunda est, vt patientiam nostram informaret, quia mercedem debemus aequanimiter expe-
- Luc. 24. g*
- Act. 1. b*
- Psal. 46. a*
- Gen. 32. c*
- Luc. 24. g*
- Act. 1. a*

*Act. 1. a* expectare, sicut agricola non statim post seminationem metit, sed fructuum maturitatem expectat. Tertia est propter discipulorum consolationem, unde dicit Glossa: Sicut quadraginta fuerunt horæ mortis Christi, ita quadraginta diebus cum eis conuersatus est post resurrectionem, quia consolatio diuina excedit tristitiam humanam.

Nota quod Christo conuenit descendere de cælo tantummodo secundum diuinam naturam, quia Deus illuc venire dicitur, ubi speciali effectu apparet: sed ascendere proprie ei conuenit secundum humanam naturam, quia secundum illam solummodo mutat locum, non secundum diuinam naturam.

*De consessu Christi ad dexteram Dei Patris.  
Cap. XXV.*

*Mar. 16. d*  
*Heb. 8. a*  
**A**scendens Christus in cælum, sedet ad dexteram Dei Patris omnipotentis. Duo intelliguntur per dexteram: Primum est æqualitas maiestatis, ad quam Christus sedet secundum diuinitatem. De hac dextera loquitur Apostolus dicens: Talem habemus Pontificem, qui confidet in dextera maiestatis in excelsis. Secundum est, per dexteram intelliguntur potiora bona gloriæ in quibus Christus sedet secundum humanitatem, quoniam collatum est ei a Deo quicquid conferri potuit. Et licet ab instanti conceptionis Christus accepit bona gratiæ & gloriæ in anima, eadem tamen bona fuerunt in ascensione manifestata, & in loci congruentia completa. De hac dextera dicitur: Quæ sursum sunt querite, ubi Christus est

**A** in dextera Dei sedens, ubi dicit Glossa, quod sursum ubi sedet Christus, sunt potiora bona gratiæ, & gloriæ. Dicimus ergo quod ascensio Christi fuit tam ad locum, quam ad dignitatem. In quantum quidem fuit ad locum, sic ascendit super omnes cælos, id est, ad dignissimum locum cæli empyrei, siue ad altissimam eius partem, eo quod nobilissimo Christi corpori congruit locus talis. Non tamen est dicendum quod corpus suum sit obligatum ad locum illum, sed quia locus ille sit sibi secundum congruentiam deputatus. In quantum autem fuit ad dignitatem, sic sedet ad dexteram Patris, non tamen quo ad situm, qui Patri non conuenit, sed quo ad excellentiam duplicem, sicut dictum est: quia per dexteram intelligitur, vel æqualitas maiestatis, quæ competit Christo secundum diuinitatem, vel perfectio præmij, quæ sibi competit secundum humanitatem.

Prætereundum quoque non est, quod credimus Christum ad dexteram Dei Patris sedentem. Stephanus autem vidit eum stantem a dextris Dei: quia nos credimus eum regnantem & quiescentem, quod notatur in sessione: sed Stephanus in tribulatione positus habuit propugnatorem & susceptorem, unde vidit eum stantem.

**C** Merito Christus sedere dicitur ad dexteram Dei, Sedere quidem, quia laborauit. In labore fui a iuente mea. Ad dexteram autem, quia diu fuit in sinistra aduersitatis. Afflictus sum & humiliatus sum nimis, &cet. Dei vero dicitur, quia post abiectionem merito debet consequi gloriam: quia qui se humiliat, exaltabitur. *Psal. 87. d*  
*Psal. 37. b*

# COMPENDII

## THEOLOGICAE VERITATIS

### Liber Quintus

#### DE GRATIARVM SANCTIFICATIONE.

##### CAPITULA HVIVS LIBRI.

*De virtutibus, & origine gratia. Cap. I.*  
*De origine virtutum, & gratia. Cap. II.*  
*De distinctione gratiarum. Cap. III.*  
*De effectu gratia. Cap. IV.*  
*De virtutibus, & primo quid sit virtus. Cap. V.*  
*De perfectione virtutum. Cap. VI.*  
*De aequalitate virtutum. Cap. VII.*  
*De connexionione virtutum. Cap. VIII.*  
*De commendatione virtutum. Cap. IX.*  
*De effectu virtutum. Cap. X.*  
*De meritis virtutum. Cap. XI.*  
*De habilitatione virtutum. Cap. XII.*  
*De operibus meritorijs. Cap. XIII.*  
*De fine actionis. Cap. XIV.*  
*Quid mereamur bonis operibus. Cap. XV.*  
*De diffinitionibus & differentijs virtutum. Cap. XVI.*

*De differentia virtutum Cardinalium & Theologicarum. Cap. XVII.*  
*De virtutibus Theologicis in genere. Cap. XVIII.*  
*De fidei utilitate. Cap. XIX.*  
*De effectu fidei. Cap. XX.*  
*De articulis fidei. Cap. XXI.*  
*De spe. Cap. XXII.*  
*De charitate. Cap. XXIII.*  
*De differentia inter charitatem, & alios amores. Cap. XXIV.*  
*De effectu charitatis. Cap. XXV.*  
*Quibus rebus charitas assimilatur. Cap. XXVI.*  
*De excellentia charitatis. Cap. XXVII.*  
*De signis dilectionis. Cap. XXVIII.*  
*De gradibus amoris. Cap. XXIX.*  
*De ordine charitatis. Cap. XXX.*  
*De dilectione proximi. Cap. XXXI.*  
*De di-*



De dilectione inimicorum.	Cap. XXXII.
De virtutibus Cardinalibus in genere.	Cap. XXXIII.
De prudentia.	Cap. XXXIV.
De temperantia.	Cap. XXXV.
De fortitudine.	Cap. XXXVI.
De iustitia politica.	Cap. XXXVII.
De donis in communi.	Cap. XXXVIII.
De timore in communi.	Cap. XXXIX.
De timore serui.	Cap. XL.
De timore initiali.	Cap. XLI.
De timore filiali.	Cap. XLII.
De dono pietatis.	Cap. XLIII.
De dono scientia.	Cap. XLIV.
De dono consilij.	Cap. XLV.
De dono sapientia, & intellectus.	Cap. XLVI.
De beatitudinibus in genere.	Cap. XLVII.
De prima beatitudine.	Cap. XLVIII.
De secunda beatitudine.	Cap. XLIX.
De tertia beatitudine.	Cap. L.

De quarta beatitudine.	Cap. LI.
De quinta beatitudine.	Cap. LII.
De sexta beatitudine.	Cap. LIII.
De septima beatitudine.	Cap. LIV.
De octava beatitudine.	Cap. LV.
De sensibus spiritualibus.	Cap. LVI.
De fructibus spiritualibus.	Cap. LVII.
De dulcia & latria.	Cap. LVIII.
De preceptis in genere.	Cap. LIX.
De primo precepto.	Cap. LX.
De secundo precepto.	Cap. LXI.
De tertio precepto.	Cap. LXII.
De quarto precepto.	Cap. LXIII.
De quinto precepto.	Cap. LXIV.
De sexto precepto.	Cap. LXV.
De septimo precepto.	Cap. LXVI.
De octavo precepto.	Cap. LXVII.
De nono & decimo.	Cap. LXVIII.
De consilijs in genere.	Cap. LXIX.
De consilijs Evangelicis.	Cap. LXX.

De virtutibus & origine gratia. Cap. I.



VENIAMODVM de cælis Deus non descendit per essentiam suam incommutabilem, sed per influentiam ab ipso manantē; ita spiritus rationalis nō eleuatur supra se per situm localem, sed per habitum deiformem, vnde necesse est spiritui rationali, si debet esse dignus eternæ beatitudinis, quod particeps fiat influentiæ spiritualis.

De origine virtutum & gratia. Cap. II.

AD bonum gratia non potest quis per se venire, cum hoc non sit secundum limites naturæ, sed secundum influentiam largitatis diuinæ. Sicut enim creatura pro sua defectibilitate suo principio semper eget, vt sit in esse naturæ, sic idem principium pro sua bonitate influere non cessat creaturæ rationali vitam spiritualem, vt bene sit ei in esse gratiæ, quam habere non potest sine Deo largitore. Veruntamen inexcusabilis est homo, si gratiam gratum facientem non recipit: quia gratia gratis data semper præsto est liberum arbitrium excitare & commouere, cuius est huic admonitioni consentire: & hoc est quod in se est facere, quo facto potest homo gratiam gratum facientem habere, quia hoc est ad gratiam gratum facientem se præparare. Quamuis enim gratia Dei habeatur Dei dono efficiente, non tamen sine libero

August. De arbitrio consentire: quia sicut ait Augustinus: Qui creauit te sine te, non iustificabit te sine te. Igitur gratia gratum faciens a tribus est, sed aliter & aliter. Est enim a Deo efficiente, a gratia gratis data liberū arbitrium excitante & mouente, & a libero arbitrio consentiente. Quamuis enim liberum arbitrium non possit gratiam efficere in homine, potest se ad hoc habilitare, & præparare vt habeat: sicut aliquis non potest illuminare domum, potest tamen aperire fenestram, quo facto sol intrat & domum illuminat. Quod autem dico de libero arbitrio consentiente, intelligo de adultis: quia in paruulis sufficit fides, & sacramentum Ecclesiæ & meritum Christi & excusat impotentia sui.

C Sciendum etiam quod habitatio siue præparatio ad gratiam triplex est, scilicet efficiens, formalis, & materialis. Prima est a Deo. Secunda a gratia gratis data. Tertia a nobis. Anima namque habet facultatem, & instrumenta cognoscendi & diligendi Deum ex natura, sed non habet cognitionem veritatis, & ordinem dilectionis, nisi ex gratia.

Ad opera bona tria nos incitant, scilicet lex naturæ, quæ scripta est in corde hominis, dicens: Quæ vultis, vt faciant vobis homines, ita & vos facite, & cetera. Ratio, quæ dicit ea esse delectabilia, vtilia & honesta. Gratia, quæ dicit seruiendum esse Deo, quia summe bonus: subueniendum proximo, quia Dei filius, quia imago Dei, quia in beatitudine socius.

Gratia non datur ei, qui se non habilitat ad gratiam: & de hoc multa habes exempla, scilicet in illo qui ad largiendum manum non extendit, quia Deus quantum in se est, dat omnibus affluenter. In illo qui contra lumen oculos claudit, cum Deus faciat oriri Solem suum super bonos & malos. In illo qui fontem recipiens, fundū vasis sursum erigit, quia Deus, sicut ait Augustinus ingenti liberalitate atque libertatis vbertate replet omnes creaturas pro capto earū. In illo qui domum suam sepit spinis, ne amicus ingrediatur. Ipse vero Deus semper stat ad ostium, & pulsatur. In illo qui zizania non extirpat de agro suo, propter quod fructus proficere non possunt. In illo qui ligna igni subtrahit, quia tunc ignis deficit. In illo qui ad sumendum cibum negligit os aperire, quia talis deberet merito fame mori. In illo, qui tempore pugnae arma proijcit, quia talis saepe capitur & vulneratur. In illo, qui mouere negligit remos tempore tempestatis, quia talis submergitur. In illo, qui existens in agitudine medico contradicit.

Gratia nobis procedit a Deo, sicut radius a Sole, sicut germen a radice, sicut mel a flore, sicut riuus a fonte, sicut imago ab artifice, secundum exemplar interius, & facturam exterius.

De distinctione gratiarum. Cap. III.

Gratia dicitur tripliciter. Primo generaliter, & sic gratia est adiutorium diuinum creaturæ gratis impensum, & indifferenter ad quemcumque actū, quia sine huiusmodi adiutorio gratiæ nihil possumus facere, immo nec in esse durare.

Secun-

Secundo dicitur gratia specialiter, & talis gratia A dicitur gratis data, scilicet donum, quo se homo preparat ad suscipiendum donum Spiritus sancti. Huius enim gratia est reuocare liberum arbitrium a malo, & excitare ad bonum, sine qua nullus facit sufficienter quod in se est, ut prepararet se ad salutem.

Tertio dicitur gratia proprie, scilicet donum diuinitus datum ad merendum: quod quidem donum gratia gratum faciens appellatur. Sine ista gratia nullus potest mereri, nec in bono proficere, nec ad gloriam peruenire. Ista triplex gratia sumitur ex verbis

1. Cor. 15. b Apostoli, ubi ait: Gratia Dei sum id quod sum, ecce prima: & gratia eius in me vacua non fuit, ecce secunda: sed gratia eius semper in me manet, ecce tertia.

Præter prædicta dicitur gratia gratis dans, scilicet Deus. Item gratia gratia signum, ut est prophetia, & potestas faciendi miracula. Gratia gratum faciens distinguitur in operantem & cooperantem. Gratia operans dicitur præueniens, & incipiens, ac liberans, quia peccatum expellit. Gratia cooperans dicitur subsequens, & perficiens, ac adiuuans, quia liberum arbitrium adiuuat, & ei cooperatur in merito.

Mar. 10. c Multipliciter distinguitur bonum. Est enim bonum per essentiam, & hoc est Deus. Vnde nemo bonus, nisi solus Deus. Est & bonum per participationem, C & illud distinguitur in bonum gratia, & in bonum naturæ. Vnde Augustinus: Omne quod est, in quantum est, bonum est. Vidit Deus cuncta quæ fecerat & erant valde bona. Item est bonum in genere, hoc est bonum in obiecto, sicut est eleemosyna. Nam ibi est actus in debita materia, etiam si desit forma circumstantiarum. Item est bonum ex circumstantia, hoc autem est quando bonum ex genere vestitur debitis circumstantiis, sicut est dare eleemosynam indigenti, tempore debito, ex compassione, & huiusmodi. Item est bonum virtutis, & hoc est quando additur operi perfectio ex parte operantis, quæ est per habitum mentis bene constitutæ. Item est bonum meritum: quando additur ipsi operi debiti finis intentio super motum naturalem. Item est bonum gratia, ut est ipse habitus gratum Deo faciens. Item est bonum gloria, ut bonum remunerationis æternæ.

#### De effectu gratia. Cap. IV.

Effectus gratia est quod excitat liberum arbitrium ad bene cogitandum, & sanat ipsum mutando affectum, ipsumque corroborat perducendo ad actum. Item gratia hominem Deo reconciliat, a peccato liberat, & pœnam æternam in temporalem commutat. Item gratia opera nostra meritoria facit, & bona per peccatum amissa restituit, ac stabulum in palatium conuertit. Item per gratiam efficitur anima sponsa Christi, filia Regis æterni, & templum Spiritus sancti. Item gratia ipsam animam purgat, illuminat, & perficit. Item gratia mentem eleuat, Deo assimilatur, & spirituali solatio cibatur.

Nota quod quamuis virtus gratuita simul insit animæ, cum gratia, non tamen habet effectum suum tam cito sicut gratia: quoniam effectus gratia est facere gratum Deo, & facere dignum vita æterna, & hic effectus statim inest puero post baptismum. Virtutis autem effectus est elicere actum meritorium de potentia, & hic effectus non statim inest puero post baptismum. Hoc autem non est propter defectum virtutis, sed propter impotentiam naturæ agentis. Puer enim non est aptus ad actus voluntatis. Vnde sciendum quod triplex est perfectio. Prima est gratia, & causat esse gratuitum. Secunda est virtutis, & causat bonum actum. Tertia est operis virtutis, & causat meritum. Prima perfectio perficit animam, secunda perficit animæ potentias, tertia perficit ipsos actus.

#### De virtutibus, & primo quid sit virtus. Cap. V.

Nunc de virtutibus est agendum, & primo quid sit virtus. Virtus est, ut ait Augustinus, bona qualitas mentis, qua bene viuatur, qua nullus male vitur, quam solus Deus in homine operatur. Hæc diffinitio datur in comparatione ad agentem. Item secundum Augustinum: Virtus est habitus mentis bene constitutæ, hæc datur in comparatione ad bonum in quo est. Item dicit Philosophus: Virtus est habitus voluntarius in mediocritate consistens, quo ad nos, terminata ratione prout sapiens determinauit. Hæc diffinitio datur in comparatione ad actum circa quem est. Itē Philosophus, Virtus est dispositio perfecti ad optimum: hæc datur secundum comparationem ad finem. Item Isidorus, Virtus est naturæ habitus, animæ decus, vitæ ratio, morum pietas, cultus diuinitatis, honor hominis, æternæ beatitudinis meritum: hæc datur in comparatione ad effectum.

Diffinitio Augustini sic exponitur, *Virtus est bona qualitas*, hic ponitur qualitas pro genere; *bona* vero dicitur ad differentiam malarum qualitarum animæ. Dicitur quoque *bona*, quoniam a bono Deo datur, & bonos tantum inhabitat, & bonos facit, & ad bonum perducit. *Mentis* ponitur ad differentiam qualitarum, quæ sunt in corpore. *Qua bene viuatur*, ponitur ad differentiam qualitarum, quibus recte intelligitur, sicut est scientia. *Qua nullus male vitur*, ponitur ad differentiam qualitarum, quibus bene & male uti possumus: *Quam solus Deus operatur in homine*, ponitur ad differentiam virtutum Cardinalium, quæ habentur per acquisitionem.

Circa aliam diffinitionem Augustini notandum est, quod ibi ponitur, *habitus mentis insitutus*, & hoc ad similitudinem regni, quod tunc bene instituitur, quando recte consulitur, & bene imperatur, & iuste obeditur. Eodem modo bene instituta est mens, si ratio recte consulit, si voluntas bene imperat, si sensualitas debito modo obtemperat.

Etymologia virtutis hæc est, Virtus dicitur quasi vis intus: & hæc vis consistit in aggressionem arduorum, in tolerantia aduersorum, & in abstinentia placitorum. Item dicitur virtus quasi viror nitens. Item dicitur virtus quasi virum tuens. Item dicitur virtus quasi viribus nitens. Itē dicitur virtus quasi viri status.

#### De perfectione virtutum. Ca. VI.

Ubi virtus in medio consistat secundum Philosophum, illud medium est in tribus, scilicet in agendis, in habendis, & in sustinendis. In agendis, scilicet intra, supra, & citra modum. Apostolus: Rationabile sit obsequium vestrum. In habendis scilicet inter superfluum & indigentiam. Diuitias & paupertatem ne dederis mihi. In sustinendis, scilicet inter eleuari in prosperis, & deiici in aduersis. Vnde illud: Non declinabitis, neque ad dexteram; neque ad sinistram. Multiplex est perfectio, scilicet sufficientia: hanc habent omnes existentes in charitate. Ordinis, huius proprium est seruare continentiam. Religionis, huius proprium est renunciare omnibus. Prælationis, ad hanc pertinet ponere animam pro ouibus suis. Securitatis, huius proprium est habere mortem in desiderio, & vitam in patientia. Ad primam perfectionem tenetur quilibet: ad ultimam vero nullus tenetur: sed ad tres medias tenentur aliqui ex causis.

Virtus comparatur multis rebus, scilicet auro. Aurum probat fornax. Thesauro abscondito. Simile est regnum calorum thesauro abscondito. Gemmis. Quasi vas auri solidum, ornatum omni lapide pretioso. Armis. Quomodo ceciderunt fortes in proelio, & perierunt arma bellica. Arboribus. Omnis arbor bona, fructus bonos facit. De hoc Hugo de sancto Victore. Arbor sapientia per timorem seminat, per

Colligitur ex Aug. li. 2. de lib. arb. c. 18. & 19. rom. 1.

Aug. de spir. & ani. cap. 4. apud Aug. 30. 3. Arist. lib. 2. ethic. c. 6. Idē Arist. 7. physic. tex. 17.

Arist. 2. ethic. c. 6.

Rom. 12. a

Prou. 30. b

Dent. 5. d

Prou. 27. c

Mat. 13. f

Eccli. 50. d

2. Reg. 1. d

Mat. 7. c

per gratiam irrigatur, per fidem radicitur, per deuotioem germinat, per desiderium crescit, per charitatem roboratur, per spem viret, per circumspectionem frondet, per disciplinam floret, per doctrinam fructificat, per patientiam maturefcit, per mortem capitur. Item virtus comparatur floribus. Ful-

*Cant. 2. a* cite me floribus. Fons hortorum, puteus aquarum  
*Cant. 4. d* viuentium. Semitis. Via eius via pulchra, & omnes  
*Prou. 3. b* semitæ eius pacificæ. Vestibus. Assitit regina a dex-  
*Psal. 44. c* tris tuis in vestitu deaurato. Stellis. Stellæ autem de-  
*Barn. 3. d* derunt lumen in custodijs suis. Pigmentis. Quæ est  
*Cant. 3. c* ista, quæ ascendit per desertum sicut virgula fumi ex  
aromatibus? Cibarijs. Vnde Dominus in Euangelijs.  
*Joan. 4. e* Meus cibus est, vt faciam voluntatem eius, qui misit  
*Psal. 54. a* me. Alis. Quis dabit mihi pennas sicut columbæ.

Tres sunt bonæ conditiones virtutis, quæ sunt tentationis remorio, actuum multiplicatio, & in bono delectatio. Primum ipsam virtutem in radice firmat: secundum, quasi floribus decorat: tertium, sapore fructuum delectat. Similiter dicendum est quod ad consummationem virtutū quattuor ista concurrunt, scilicet dispositio præparans, habitus informans, operatio probans, præmium coronans.

#### De æqualitate virtutum. Cap. VII.

**V**irtutes omnes in homine sunt æquales, licet inter se distinctæ sint, per proprias excellentias: & hæc æqualitas in multis consistit. Æquales namque sunt virtutes. Primo, quantum ad essentiam: quia omnis virtus simplex est. Secundo, quantum ad æqualem radicationem in anima, secundum quod sunt in ipsa. Tertio, quantum ad relationem ad eundem finem, quia omnes propter Deum operantur. Quarto, quantum ad æqualem effectum, quia æqualiter faciunt dignū vitæ æternæ. Quinto, quantum ad æqualem facilitatem ad actus suos quantum in ipsis est, nisi impediuntur.

Sicut virtutes æquales sunt prædictis modis, ita inæquales sunt alijs modis. Primum quantum ad vsum, quia sunt sicut arma. Sed sicut miles non pugnat æqualiter cum omnibus generibus armorum, quæ habet, immo melius pugnat cum illis, quæ frequentius vsitauit, sic est de virtutibus. Secundo, quantum ad auctoritatem, quia secundum hoc maior omnibus virtutibus charitas. Et quælibet virtus potest esse maior alia secundum aliquam prærogatiuam, quam habet secundum aliquem effectum. Tertio, quantum ad feruorem, quia virtus vna feruentius operatur, quàm alia.

Sciendum est quod eadem virtus numero non est æqualis sibi semper. Crescunt enim virtutes multis modis, scilicet quantum ad intensiorem, quantum ad radicationem, quantum ad potentiam virtutis, quantum ad maiorem expressionem diuinæ similitudinis, & quantum ad diuturniorem permanentiam. Præterea crescente vna virtute crescunt omnes. & habes exemplum in cithara: in qua si debet esse debita proportio sonorum, necesse est, vt quando vna chorda tenditur, etiam omnes aliæ tendantur, ne in harmonia fiat dissonantia.

*Iac. 1. c*

Quare autem polleat aliquis vsu vnius virtutis potius, quàm alterius, multæ sunt rationes. Prima est, quia Deo sic placet, qui dator est virtutis. Secunda est natura complexionis, quæ magis est consona operibus vnius virtutis, quàm alterius. Tertia est vsitatio: quia exercitauit se quis magis circa vnam virtutem, quàm circa aliam. Quarta est quia minus impugnatur a vitio contrario illi virtuti. Quinta est, quia maiorem habet discretionem in operibus vnius virtutis, quàm alterius. Quælibet enim virtus habet suas proprias rationes. Sexta est difficultas status, quia cum de nouo quis conuertitur, licet habeat maiorem charitatem, quàm alius qui diu fuit in cha-

**A**ritate, non tamen est ita bene expeditus ad bene agendum, sicut ille propter reliquias peccatorum, quæ adhuc inhærent.

Magnitudini scientiæ respondere debet magnitudo virtutis, & hoc multiplici ratione, scilicet ratione exempli diuini. Plenum gratiæ & veritatis. Potens in opere & sermone. Cæpit Iesus facere, & docere, &c. Ratione exempli Angelici, qui quanto plus cognoscunt, tanto plus diligunt. Ratione exempli humani. Qui autem fecerit, & docuerit, hic maior, &c. Ratione exempli naturalis, quoniam lux, & calor in Sole proportionantur. Ratione obligationis. Seruus sciens volūtatem domini sui, & non faciens, plagis vapulabit multis.

*Ioan. 1. e*

*Luc. 7. e*

*Act. 1. a*

*Mat. 5. e*

*Luc. 12. f*

#### De connexione virtutum. Cap. VIII.

**C**onnexæ sunt sibi virtutes & coordinatæ, ita vt qui vnam habet, habeat omnes. Prima ratio est largitas Dei dantis, quia non dat vnam sine alia. Secunda ratio est, quia sicut vnum membrum indiget alio, sic est in virtutibus. Tertia ratio est, quia sicut in cithara si defuerit vna chorda, non erit harmonia perfecta, ita nec in anima erit spiritalis melodia, nisi adsint omnes virtutes. Quarta ratio est, quia contra singula vitia sunt aliquæ virtutes. Vnde oportet omnes virtutes habere, vt omnia vitia impugnentur. Nam sicut miles mundi non est expeditus, nisi omnia sua arma habeat, ita nec miles Christi si aliqua virtus sibi defuerit. Quinta ratio est, quia sicut stellæ & planetæ semper sunt in sphaeris suis, ita virtutes in anima esse debent. Sexta ratio est, quia anima est sicut vas auri solidum ornatum, lapide pretioso, idest, virtutibus. Septima ratio est, quia anima est sicut hortus nobilis, cui non deest decor alicuius floris, vel arboris. Octaua, quia anima est sicut apotheca cui deesse non debet alicuius radicis, vel pigmeti medicina.

Ea autem, quæ de connexione virtutum dicta sunt, intelligi debent de virtutibus gratuitis, quæ omnes quo ad habitus sunt connexæ, sicut quo ad actus meritorios sunt æquales. Et licet similes sint virtutes, tamen aliquæ dicuntur matres virtutū, non quod habitus virtutis generet habitum, sed motus motum, sicut dicit Bernardus, vbi inquit: Lectio parit cognitionem, cognitio amorem, amor frequentiam, frequentia familiaritatem, familiaritas fiduciam, fiducia facilem impetrationem.

Secundum hunc modum quattuor dicuntur esse matres virtutum, scilicet, fides origine, quia ex motibus fidei surgunt motus aliarum virtutum, Charitas educatione, Prudentia regimine, Humilitas conseruatione. Vitia vero non sunt connexa sicut virtutes: cuius ratio est, quia vitia sunt in nobis ex operationibus nostris, quæ simul non sunt. Virtutes autem Theologicæ non sunt in nobis per acquisitionem, sed per infusionem. Alia ratio est: quia vitia sunt opposita adinuicem, sicut auaritia, & prodigalitas, quod non est in virtutibus.

#### De commendatione virtutum. Cap. IX.

**V**irtus commendabilis est, primo, a causa efficiente, quæ est Deus. Ipsam enim, vt ait Augustinus, solus Deus in homine operatur. Secundo, a causa materiali in qua est, quia non nisi in bonis inhabitat. Non est autem sic de bonis naturalibus & fortuitis, quia talia pluit Deus super iustos & iniustos. Tertio a causa formali, quæ est decor spiritalis. Omnis gloria eius filiæ regis, & cetera. Quarto, a causa finali. Augustinus præmium virtutis est ipse, qui virtutem dedit.

Virtus est bona multipliciter. Primo in se, quia sicut ait Augustinus, virtus est bona qualitas mentis. Nota quod bona possessio est, quæ propinqua est ciuitati,

*Mat. 5. g*

*Psal. 44. d*

*Aug. lib. 2.*

*de lib. arb.*

*c. 18. & 19.*

*rom. 1.*

uitati, hæc autem est intra ciuitatem, quia in anima. A  
Secundo, in cooperatione. Optimum est gratia, &c.  
Tertio, in operatione, quia bonum facit hominis opus,  
quod non esset meritorium, nisi ex virtute procederet.  
*Greg. hom. 27. in Euā. non longe a princ.* Gregorius: Nihil habet viriditatis ramus boni operis, nisi mansuerit in radice charitatis. Quarto, in commutatione, quia de lupo facit agnū, & tenebras conuertit in lucem. Malum enim culpæ mutat in bonū gratiæ, & malum pœnæ mutat in bonum gloriæ: quod significat aqua mutata in vinum. Quinto in distinctione, quia per virtutes distinguuntur filij Dei, a filiis diaboli. In hoc cognoscent omnes quod discipuli mei estis, si diligatis vos ad inuicem. Sexto, in exemplificatione, quia omnes sancti studebant virtutibus. Vnde cōmendamus in Abel innocentiam, in Ahrāhā obedientiam, in Ioseph continentiam, in Moyse mansuetudinem, in Dauid humilitatem, & sic de alijs.

*Gen. 4. b* Laudabilis est virtus propter multa. Quia magnæ dignitatis. Christum enim doctorem habuit. Vnde in Matthæo: Discite a me, quia mitis sum, & humilis corde. Quia magnæ sublimitatis. Tullius: Virtus vna est altissimis defixa radicibus. Quia magnæ iucunditatis: Ecce quā bonum, & quā iucundum. Quia magnæ retributionis. In custodiendis illis retributio multa. Quia magnæ vtilitatis. Boetius: Numquam sine pœna sunt vitia, & nunquam sine præmio sunt virtutes. Quia magnæ securitatis. Tullius: Hæc demum sapientia est, vt omnia tua in te posita esse dicas.

*Matt. 11. d* Commendabilius est studium virtutis studio scientiæ. Ratione exempli, quia sancti sic fecerunt. Ratione auctoritatis. Apostolus: Non in sermone est regnū Dei, sed in virtute. Ratione effectus, quia virtus peccatum expellit, scientia non. Ratione originis, quia virtus a Deo infunditur, scientia per studiū acquiritur. Ratione finis, quia finis virtutis est gloria, & non scientia. Ratione obiecti, quia virtutis obiectum est bonum, scientiæ autem verum. Ratione materiæ in qua est, quia virtus non nisi in filiis Dei, scientia non semper. Ratione securitatis, quia securius est esse bonum, quā esse philosophum. Ratione honestatis, quia maior gloria est sequi Deū, quā Aristotelem. Ratione vitandi mali, quia primi parentes si extendissent ita manum ad lignum vitæ, sicut ad lignum scientiæ, non incurrissent tot mala in se & in posteris, sicut incurrerunt.

## De effectū virtutum. Cap. X.

*Prou. 15. b* Virtutis gaudium præcellit gaudium mundi, in iugitate, seu duratione. Secura mens quasi iuge conuiuium: sed gaudium hypocritæ ad instar puncti. In puritate conscientie, sicut mundius quiescit in floribus, quā in luto. In dignitate. Glossa: Elatio animi de his quæ digna sunt, gaudium mundi de indignis est. In salubritate. Nihil vilius in vita hominis, e contra gaudium mundi. Extrema gaudij luctus occupat. In libertate. Ad Galatas: Qua libertate Christus nos liberauit, & rursum, in libertatem vocati sumus. Peccator autem ligatus est. Iniquitates suæ capiunt impium, & funibus peccatorum suorum constringitur. In diuina præsentia. Augustinus: Tale bonū est Deus, vt nemini eum deserenti bene sit. Sed nota contrarium in malis.

*Matt. 11. b* Virtus operatur mira multipliciter, scilicet in cælo, cui vim facit. Vnde in Matthæo: Regnum cælorum vim patitur, &c. In mundo, quia custodit hominem, ne comburatur igne concupiscentiæ, & ne mergatur in aquis voluptatis, ne inquinetur luto incontinentiæ, & ne laceretur spinis auaritiæ. In corde humano, quia vulneratum sanat, inquinatum mundat, mortuum viuificat, exæcatum illuminat. In inferno, quia ignis infernalis non potest lædere vir-

Append. ad To. 7. oper. S. Bon.

tuosum, sicut nec ignis materialis Salamandram. Virtus rationabilem illuminat ad cognitionem veri, concupiscibilem excitat ad amorem boni, irascibilem confortat ad detestationem mali. Item Deo assimilatur, quia Patri per virtutis vigorem, Filio per veritatis splendorem, Spiritui sancto per charitatis feruorem. Angelis cōformat. Hieronymus: In carne enim præter carnem viuere, naturæ est Angelicæ, non humanæ. Mentem iucundat, ornat, subleuat, honorat, sanat, viuificat, cibatur, ditatur, mundatur. Item virtus mala præterita expellit, præsentia impugnat, & a futuris præmunit. Item virtus mentem bene instituit, dilectum Deo hominem facit, fructum tam præmij, quā meriti adducit, temporalia discrete disponit, opera quæ in se indifferentia sunt, bona facit. Sicut ea, quæ dicta sunt, declarant nobis effectus virtutum generales, ita sunt etiam singularum virtutum effectus aliqui speciales. Sicut est quod humilitas Deo subiicit, pœnitentia reducit, iustitia deducit, obedientia conducit, patientia perducit, perseverantia introducit, puritas iungit, charitas Deo vnit.

## De meritis virtutum. Cap. XI.

*C* Meritum est boni operis efficacia ad obtinendum id quod non habetur, vel ad habendum iustius quod habetur. Vnde per meritum de non debito fit debitum, & ipsum debitum fit magis debitum. Sicut Rex dat equum, quem miles non meruit, sed per vsum equi meretur eundem equum iam datum.

Ad intelligendum autem prædicta sciendum, quod triplex distinguitur meritum, scilicet, congrui, digni, & condigni. Meritum congrui est per quod disponitur subiectum, vt possit recipere gratiam, secundum rationem diuinæ iustitiæ. Istud vocatur dispositio materiæ, scilicet dum quis facit quod in se est. Meritum digni dicit idoneitatem operantis ad assequendum, id quod meretur. Meritum condigni dicit æqualitatem meriti ad remunerationem. Dico autem æqualitatem non Arithmetica, sed Geometricam, id est, non quantitatis, sed proportionis. Et hoc patet, quia Deus semper remunerat supra meritum, sicut punit citra condignum. Vnde non est inter meritum & præmium æqualis quantitas, sed proportio, quia apud Deum non est iustitia commutatiua, cum nulli debeat aliquid, sed distributiua. Vocatur autem iustitia commutatiua, iustitia fori, qua datur vnus panis pro vno denario, vel vna panni pro solido. Iustitia vero distributiua est principium quo distribuuntur dona, secundum proportionem ad merita, & ista est apud Deum. Vnde Apostolus: Vnusquisque pro-

Rom. 11. d

1. Cor. 3. b

*E* Dicendum ergo quod nullus meretur sibi primam gratiam merito digni, vel merito condigni: sed tantummodo merito congrui. Similiter existens in charitate non potest alteri mereri primam gratiam merito condigni, sed merito digni, & merito congrui. Potest autem existens in gratia mereri sibi augmentum gratiæ ex condigno, & per consequens merito digni, & merito congrui, prout superius exposita sunt. Præfati tres modi merendi generaliter habentur, vnde si alij inueniuntur, ad eosdem tres reduci poterunt. Cum ergo dicitur quod beata Virgo meruit portare Christum, intelligendum est comparative, id est meruit ipsa potius quod portare debuit, quā alia. Item mali dicuntur mereri temporalia, quia nullum bonum irremuneratum, sicut nullum malum impunitum: sed hoc dicitur improprie, quia opera in mortali facta non sunt directe bona, cum non sint informata charitate: sed quia talia opera aliquid boni habent, Dominus interpretatur ea, vt bona, & aliquid dat pro eis. Item peccator quandoque meretur occasionaliter, quia pauperes interdum obtinent benefactoribus gratiam suis precibus, quarum

Y y precum

precum occasio sunt eleemosynarum. Item satis improprie sumitur meritum, ubi dicitur: Felix culpa, quæ talem ac tantum meruit habere redemptorem. Ibi enim ponitur meruit, pro exigebat.

*De habilitate virtutum. Cap. XII.*

**Q**uamuis nullus sibi mereatur primam gratiam, secundum quod dictum est, potest tamen peccator se habilitare ad gratiam faciendo quod in se est, quia nulli talium gratia denegatur. Hoc autem non est ex merito digni, vel condigni, sed congrui. Hæc autem congruitas multo magis est ex parte Dei gratiam conferentis, quam ex parte hominis se ad gratiam habilitantis: quia in preparatione ad gratiam & in infusione gratiæ habet se anima ad modum materiæ, ipse vero Deus, ut primum mouens & efficiens. Alia ratione patet, quod huiusmodi congruitas magis est a Deo, quam ab homine; quia habilitatio, quæ est ex parte hominis, solummodo dat locum diuinæ misericordiæ, ut salua iustitia possit alicui conferri gratia. quia iniuria fieret diuinæ iustitiæ, si talis daretur gratia in quo esset obex, idest voluntas peccandi. Sufficiens igitur habilitatio ad gratiam est, si homo facit quod in se est. Facere autem quod in se est, tria complectitur, scilicet ut homo actum peccandi, & voluntatem peccandi deferat, & conetur in bonum prout est sibi possibile. Nota quod omne meritum, vel demeritum acquiritur in hac vita. Item non bonum facere, sed bene facere, laudabile est. Nō enim verbis, sed aduerbijs meremur. Vnde versus:

*In vita meritis præsent aduerbia verbis.*

*De operibus meritorijs. Cap. XIII.*

**O**pera meritoria totaliter sunt a gratia, & totaliter sunt a libero arbitrio, licet principaliter a gratia: quia gratia comparatur ad liberum arbitrium sicut sessor ad equum. Sicut enim sessor equum dirigit: ita gratia dirigit liberum arbitrium, in exercitio virtutum. Per nos enim malum facere possumus, sed non bonum.

Ad efficaciam merendi tria valent. Primum est difficultas operis, quod patet in martyrio. Secundum promptitudo voluntatis. Apostolus: Hilarem datorem diligit Deus. Tertium est magnitudo charitatis. *2. Cor. 9. b*  
*1. Cor. 13. a* Ipsa enim charitas pondus est sanctuarij, secundum quod omnia, quæ erant in templo, ponderabantur.

Ad hoc quod aliquod opus sit meritorium, tria requiruntur. Primo, quod ipsum opus fiat in charitate: quia opera, quæ fiunt extra charitatem, mortua sunt, sicut carbo extinctus. Secundo, quod fiat ex charitate, multa enim fiunt in charitate, quæ tamen non sunt meritoria, ex eo quod non fiunt ex charitate, idest, quia non referuntur ad finem debitum. Tertio, quod ipsum opus sit referibile ad bonum. Hoc ideo dico, quia mala non possunt bona intentione fieri, alioquin sequeretur absurditas, quod idem opus esset meritorium & demeritorium.

Attendantur autem tria in merito ex parte hominis, scilicet subiectum, hoc est anima. Item liberum arbitrium. Item intentio, siue finis. His tribus respondent tria ex parte Dei, scilicet gratia, virtus, charitas. Et gratia quidem reddit subiectum Deo gratum: virtus autem habilitat liberum arbitrium: charitas vero dirigit intentionem ad debitum finem. Dicit Augustinus quod meritum consistit penes liberum arbitrium; occasionaliter hoc dicit, quia liberum arbitrium facit ad meritum, sed non sufficit. Item penes virtutem; formaliter hoc dicit, quia ex virtute tamquam ex forma procedit motus, & elicitur de potentia. Item penes motum virtutum; essentialiter hoc dicit, quia motus essentialiter est meritum: quia penes ipsum est. Item penes gratiam; efficaciter hoc di-

cit, quia sine gratia nullus motus est meritorius. Item penes opus; instrumentaliter hoc dicit, quia opus exterius est quasi causa instrumentalis ipsius meriti.

Nota generaliter quod non meremur sine gratia, neque passionibus in quantum passionibus sunt, neque motibus naturæ. Dicit enim Philosophus: Natura neque boni neque mali sumus, neque inuiti. Augustinus: Nemo inuitus bene facit, etiam si bonum est quod facit, neque libero arbitrio ligato. Quisquis enim non habet usum rationis & liberi arbitrij, non meretur, vel demeretur, sicut sunt infantes, dormientes, insani, & animalia bruta.

*De fine actionis. Cap. XIV.*

**Q**uia meritum vel demeritum circa finem actionis attenditur, ideo nota regulas de hac materia.

Ex fine dicitur actus bonus, vel malus. Malus actus non fit ex fine bonus. Vna intentio multos actus informat. Vnde si aliquis intendit vnum solum dare pro Deo, ita quod quotidie det vnum denarium, si quandoque obliuiscitur, & non refert in Deum dationem huius denarij, tamen datio est meritoria, propter ipsam intentionem primam. Finem sub fine potest quis ponere, verbi gratia, Aliquis intendit ire ad forum, & hoc intendit, ut emit medicinas, & ad hoc emit eas, ut curetur ab infirmitate, & ad hoc curari desiderat, ut melius Deo seruiat. In isto ultimo præcedentes voluntates omnes sunt meritoria propter ultimum. secundum enim ultimum finem omnes præcedentes voluntates iudicantur bonæ, vel malæ. Diuersi fines non sunt faciendi, quorum vnus non sit ad alium referibilis, verbi gratia: aliquis intendit ire ad quamdam domum, ut luxurietur, ad hoc vult luxuriari, ut sanior sit, ad hoc vult esse sanus, ut seruiat Deo. Iste finis ultimus illam voluntatem, quæ est luxuriari, non informat, sed potius e conuerso illa voluntas istam intentionem deformat: quia vna intentio peruersa plures deprauat voluntates.

Nota quod actio corporalis potest referri ad finem temporalem, dummodo postea referatur ad Deum. Actio autem spiritualis, ut prædicatio, non potest referri ad finem temporalem, etiam si illud temporale referatur ad Deum. Et hoc est quod dicit Augustinus: Debemus manducare, ut euangelizemus, non euangelizare ut manducemus. Si autem in actionibus finis primus ponatur Deus, & finis ultimus aliud quod temporale, peruersissimum est. Bene autem licet constituere duos fines, scilicet temporalem & æternum, ut scilicet illud quod est æternum finis sit ultimus.

*Quid mereamur bonis operibus. Cap. XV.*

**O**pera bona sunt meritoria triū scilicet vitæ æternæ, augmenti gratiæ, remissionis peccatorum. Primum respondet radici operis, scilicet charitati: & hoc est præmium substantiale vitæ æternæ, præmium vero accidentale respondet generi operis, sicut & augmentum gratiæ, quia operibus excellentibus & supererogatiuis meremur magis augmentum gratiæ, quam alijs operibus. Remissio autem peccatorum respondet peccati operis, quia opera, quæ magis sunt peccata, magis sunt meritoria remissionis peccatorum. Est enim regula in Theologia, quod peccata peccata est resolutoria. Nota igitur quod licet tota vis merendi vitam æternam, & etiā alia, consistat in charitate, non tamen totus effectus: quia effectus merendi consideratur etiam penes magnitudinem operis, sicut patet in merito remissionis peccatorum, quod non solum consistit in charitate, sed etiam in operibus peccatis: & huius exemplum habemus in Christo, qui meruit nobis aperiorem ianuam paradisi cum effectu. hoc autem meritum non erat.



erat in sola charitate, sed in charitate & excellentia A operis, idest, in sua passione.

Sciendum est quod de premio substantiali meretur homo tantum per vnum actum, quantum per mille manente eadem radice & non crescente. Valent tamen huiusmodi opera ad multa alia. vnde versus, *locundat*, scilicet mentem, *stabilis*, scilicet virtutes, *auger*, scilicet meritum accidentalis premij. *Peccata remittit*, quantum ad poenam, quæ iam dimissa sunt quo ad reatum per gratiam. *Debilitat*, fomitem, *remouet*, acediam, *exercitat hominem*, idest, assuefactione boni, *atque repellit*, tentationes diaboli.

Note quod primam gratiam nullus peccator potest mereri proprie, & hoc multiplici ratione. Prima, quia talis non habet radicem merendi, idest, gratiam. Secunda propter status indignitatem, quia peccator non est dignus pane, quo vescitur. Tertia, quia nullius hominis opus placet Deo, nisi placeat ipse prius. Vnde prius respexit Deus in Abel, quam ad munera eius, vt dicitur in Genesi. Quarta, quia naturaliter antecedit causa suum effectum, sic & gratia cum sit causa meriti præcedit meritum. Ipsa enim secundum Augustinum, voluntatem nostram præuenit vt velimus, & sequitur ne frustra velimus.

Gen. 4. a

Aug. in En-  
chir. ca. 32.  
post med.  
tom. 3.

Gratia, sicut supra dictum est, per bonum vsum C eius, & merito condigni meretur augeri in via, vt aucta mereatur perfici in patria, & hoc a Deo, cuius est gratiam infundere, augere, & perficere secundum cooperationem voluntatis nostræ. Nam sicut Deus est ipsius gratiæ fontale principium influendi, sic ipse solus est principium augendi per modum infundentis, gratia vero per modum meriti & dignitatis. sed liberum arbitrium per modum cooperantis. Sicut liberum arbitrium per gratiam meretur merito condigni augmentum gratiæ in statu viæ, sic etiam meretur merito condigni ipsius complementum in statu patriæ.

Quod autem ex condigno mereamur vitam æternam, multe sunt causæ. Prima est efficacia doni Spiritus sancti cooperantis in merito. Secunda veritas Dei promittentis. Tertia, persuasibilitas liberi arbitrii consentientis, & finaliter perseverantis. Quarta difficultas status merendi. Quinta, dignitas Christi capitis nostri interuentis, quod glorificari debet cum membris suis. Sexta, liberalitas Dei tribuentis, quem non decet parua reddere. Septima est obsequium fideliter obtemperantis. Octaua, nobilitas operis quod ex charitate procedit, quod tantum ponderat in conspectu iudicis, quantum amor ex quo procedit, & ideo non potest sufficienter nisi summo bono remunerari.

Opera quæ non sunt in charitate, licet non valeant ad vitam æternam, valent tamen ad alia multa, vnde versus; *Aptat cor*, scilicet ad susceptionem gratiæ, *minuit poenam*, scilicet illam, quæ deberetur, si non fieret illud opus, non autem illam, quæ iam debetur, & *dat bona terra*, scilicet temporalia, *Occupat*, scilicet ne sit homo interim otiosus, vel operi malo deditus, *assuescit*, scilicet ad bene operandum, *delectat*, scilicet mentem, *mitigat*, scilicet fomitem, *arceat* scilicet fluxum peccati. Vltimo sciendum quod nullum malum erit impunitum, & nullum bonum irremuneratum.

De definitionibus & differentiis virtutum.  
Cap. XVI.

Macrobi. lib.  
1. in somn.  
Seip. cap. 8.

Virtutes secundum Macrobiū dicuntur quandoque politicæ, quandoque purgatoriae, quandoque purgari animi, quandoque exemplares. Primas docet Salomon in Prouerbijs, secundas in Ecclesiaste, tertias in Canticis, quartas in Deo legimus. Politicæ namque dicuntur secundum quod regunt vitam humanam, quo ad opera exteriora, & secundum quod pugnant contra vitia. Purgatoriae dicun-

Append. ad To 7. oper. S. Bon.

tur secundum quod iam sunt in victoria vitiorum, & respiciunt partim interiora partim exteriora. Purgati animi dicuntur, quando victis iam vitijs possessor virtutum quiescit, raro insurgentibus primis motibus. Exemplares dicuntur quæ in mente diuina consistunt. Nam idæ virtutum in Deo sunt, & ipse rerum omnium est exemplar.

Aristoteles diuidit virtutes in intellectuales & Arist. lib. 1. ethic. c. 13. consuetudinales. Intellectuales diuidit in sophiam, idest, sapientiam, & intelligentiam & phronisim, idest prudentiam spiritus. Et hæc tria ordinant nos ad Deum, quia sophia regit affectum, intelligentia intellectum, sed phronisim vtrumque. Prudentia enim spiritus regit cogitationes, & affectiones. Virtutes vero consuetudinales diuidit in honestatem & liberalitatem. Hæc duo ordinant nos ad hominem: quia honestas ordinat hominem quo ad seipsum, liberalitas quo ad proximum. Item philosophia moralis diuiditur in ethicam, æconomicam, & politicam. Harum prima mores quo ad ipsum hominem, siue quo ad seipsum instruit; secunda familiam disponit; tertia vrbes & regna gubernat & regit.

Circa virtutes hoc tenendum est, quod cum sit vna gratia gratificans animam, septem tamen sunt virtutes quibus humana vita regitur: tres scilicet theologice, & quattuor Cardinales. Et licet hæc virtutes sint gratuita per informantem diuinam gratiam, possunt tamen informes fieri per culpam, & iterum informari per poenitentiam adueniente gratia, quæ est habituum virtutis origo, finis & forma. De hac lege sola charitas excipitur, quæ informis esse non poterit sicut ceteræ virtutes, cum sit virtutum forma. Nam cum habitus aliarum virtutum habeatur sine gratia & charitate, in quibus cõsistit vita virtutum: tunc sunt informes. Cum autem gratia superuenerit, tunc formantur & decorantur, & Deo sunt acceptabiles. Vnde virtutes informes sunt sicut colores in tenebris, sicut carbones extincti, & sicut rami aridi, & sicut alæ mortuæ, sicut aurum obscuratum, & gemmæ conuersæ in silices. E conuerso virtutes formatae sunt sicut colores in luce, visibiles quidem, & aspectui complacentes: & sicut carbones ardentes, & sicut rami virentes, & sicut alæ viuentes ac volantes, & sicut aurum fulgens, & sicut gemmæ vas aureum decorantes.

Differentia est inter virtutes, & præcepta & dona, & fructus, & beatitudines: quia virtutes potentias disponunt, præcepta opera respiciunt, dona operibus perfectionem addunt, fructus facultatem spiritui, siue gustui saporem spiritualem apponunt, beatitudines ipsis virtutibus præmium, siue vitam, siue patriæ coniungunt. Alia est differentia, quia virtutibus bene operamur, donis expedite, beatitudinibus perfecte operamur, sed fructibus fruimur Deo.

Differentia virtutum Cardinalium, & Theologicarum. Cap. XVII.

Differentia virtutum Theologicarum, & Cardinalium hæc est, quia Theologicæ mouent ad finem, sed Cardinales ad ea, quæ sunt ad finem. Alia differentia est, quia theologicarum virtutum finis, & obiectum est ipse Deus: sed virtutum cardinalium finis est ipse Deus, & non obiectum proprie, quia virtutes theologicæ habentur per infusionem, cardinales vero per acquisitionem. Item virtutes theologicæ mouent ad opera ex rationibus sumptis a iure diuino, sed cardinales a iure naturali. Item virtutes theologicæ attenduntur quantum ad actus interiores, cardinales vero ad opera exteriora. Item virtutes theologicæ non habentur sine donis, cardinales vero sine donis haberi possunt. Item virtutes theologicæ sunt discretiue actuum in Deum, cardinales vero in proximum. Item in theologicis sic est quod habitus generat actus, sed in cardinalibus est e contra,

Yyy 2 quia

quia ibi actus generat habitus. Vnde Philosophus: **A** Quales inquit sunt actus, tales sunt & habitus.

*De virtutibus theologicis in genere. Cap. XVIII.*

**A** Nima quantum ad superiorē partem in qua consistit imago trinitatis, rectificari habet per tres virtutes theologicas. Vnde sicut imago Creatoris consistit in trinitate personarum, & unitate essentiae: sic imago recreationis, in trinitate habituum cum unitate gratiae. Per hos autem tres habitus virtutum anima fertur in summam trinitatem secundum tria appropriata tribus personis: ita quod fides dirigit in summe verum credendo, & assentiendo: spes vero in summe arduum innitendo & expectando: charitas autem in summe bonum desiderando & amando.

Virtutes theologicę differunt inter se multipliciter. Primo secundū actus proprios. Nam fides facit Deo assentire, spes in Deo confidere, charitas facit Deum diligere. Secundo differunt ratione subiecti: quia fides est in rationali, spes in irascibili, charitas in concupiscibili: sed ambæ sunt in voluntate, quæ propter similitudinem actuum accipit nomina harum potentiarum. Tertio differunt ratione obiecti. Nam fides est circa verum, spes circa arduum, charitas circa bonum. Quarto ratione effectus differunt. Nam fides in præfenti Deum sequitur, spes in cælum comitatur, charitas perenniter amplexatur. Quinto, differunt ratione cognitionis: quia per fidem cognoscitur Deus ut veritas, per spem habetur, ut æternitas, per charitatem diligitur, ut bonitas.

*De fidei utilitate. Cap. XIX.*

**F**ides secundum Apostolum est substantia sperandarum rerum, argumentum non apparentium. In hac diffinitione fides dicitur substantia, id est, fundamentum substans ædificio spirituali, quod est gratia, & gloria. Ipsa namque fides facit aliquid res sperandas in nobis subsistere per gratiam, & faciet tandem per gloriam. Vel ideo fides est fundamentum gratiæ & gloriæ, quia ipsa est primus habitus virtutum: primus dico non tempore, sed natura. Rerum sperandarum dicitur, quia fides per assensum facit in nobis subsistere res sperandas. Argumentum dicitur, id est, arguens mentem, quia fides inclinat intellectum ad credendum ea, quæ non apparent, & propter hoc dicitur fides potius argumentum quàm conclusio: quia fides probat de non apparentibus quod sint, & non probatur. Non apparentium dicitur, quia fides sua luce & virtute manifestat ea quæ non apparent, tam præterita, quàm præsentia, quàm etiam futura. Præterita quidem, quia secundum Apostolum fide intelligimus aptata esse sæcula. Præsentia vero, sicut ait Augustinus: Demus, inquit, Deo aliud posse & nos intelligere non posse. Futura autem, quia per fidem credimus resurrectionem mortuorum, & huiusmodi.

Fides dicitur multipliciter, scilicet habitus informatus charitate, illuminans mentem ad credendum. Fide purificans corda eorum. Qualitas informis. Fides sine operibus mortua est. Motus fidei. Augustinus: Fides est credere quod non vides. Facilitas credendi. Non inveni tantam fidem in Israel. Devotio fidei. Mulier, magna est fides tua. Articulus fidei. Vnde in symbolo Athanasij: Hæc est fides catholica, ut credamus & confiteamur.

Sicut in aliqua scientia quædam sunt antecedentia, ut suppositiones: quædam vero consequentia, ut conclusiones: quædam quasi media, ut propositiones probantes: ita in doctrina fidei quædam sunt ibi ad modum suppositionum, ut ea, quæ sunt de iure naturali, & vniuersalia antecedentia articulos fidei, scilicet quod scriptura sit cōdita & exposita inspiratio-

ne Spiritus sancti, & quod vera sunt quæ loquitur Dominus in Scriptura, & per sanctos suos, & huiusmodi: quædam ad modum conclusionum, ut ea quæ ad mores pertinent, scilicet non esse fornicandum, fornicationem esse mortale peccatum, & huiusmodi: quædam ad modum propositionum, ut articuli fidei.

Et nota quod fides est quasi media inter opinionem & scientiam. quia opinio se habet ad vnam partem contradictionis, cum formidine alterius partis, & sine causæ cognitione. Sciētia vero se habet ad aliam partem contradictionis sine formidine reliquæ, & cum causæ cognitione per media necessaria. Vnde scientia est necessariorum. & ita patet quod fides participat cum vtraque.

Ad fidei perfectionem septem pertinent. Primum est quod sit primæ veritati innixa, sicut fides Moyse, qui negavit se esse filium filiæ Pharaonis, magis eligens affligi cum populo Dei, quàm temporalis peccati habere iucunditatem. Secundum est, quod sit charitate formata, sicut Mariæ Magdalene, quam fides saluam fecit, & cui dimissa sunt peccata multa, quoniam dilexit multum. Tertium est quod sit deuotione feruida, sicut illius mulieris, cui dixit Dominus: O mulier, magna est fides tua. Quartum, quod sit bonis operibus probata, sicut fides Cornelij. Quintum, quod sit fortitudine roborata, sicut fides Stephani, Laurentij, & aliorum martyrum, qui per fidem fortes facti sunt in bello. Sextum, quod sit obedientia decorata, sicut fides Abraham. Septimum, quod sit humilitate subiecta, sicut fides beatæ Virginis, quæ ait: Ecce ancilla Domini.

Nota quod fides magis innititur auctoritati, quàm rationi, quia secundum Gregorium: Fides non habet meritum, cui humana ratio præbet experimentum; intellige, sufficiens. Quamuis enim fides rationibus firmetur, tamen nec talibus, nec experimento sensibili debet quis credere contra fidem: sicut patet in Eucharistia, vbi & visus & gustus & tactus & olfactus dicit esse panem, & vinum, sed fides dicit esse corpus & sanguinem Domini nostri Iesu Christi. Vnde Augustinus: Quod intelligimus, debemus rationi, quod credimus, debemus auctoritati, quod opinamur, debemus errori.

Nota quod duplex est cognitio de Deo, scilicet naturalis, & accidentalis. Naturalis cognitio duplex est, scilicet ante peccatum, qua homo cognoscebat aperte Deum in creaturis: & post peccatum, & hoc est per speculum & in ænigmate. Accidentalisis cognitio triplex est. Prima est acquisita per rationes naturales, quam habuerunt Philosophi, & hæc dicitur scientia. Secunda est, quæ habetur testimonijs scripturarum & miraculorum: & hæc cognitio dicitur fides informis. Tertia est, quæ habetur per infusionem gratiæ gratum facientis, & hæc dicitur fides formata, & per talem cognitionem assentit anima primæ veritati propter se, & supra omnia. Vnde ea adueniente pereunt omnes aliæ cogitationes accidentales, ad minus quo ad actum. Cum enim aliæ cognitiones veniunt in animam, tunc fides tamquam velocior præoccupat motus omnium, cum fides sit de non apparentibus, & difficile sit occulta credere.

Duo autem sunt necessaria ad hoc, ut firmiter credatur. Primum est illustratio veritatis animam eleuans. Secundum est rectificatio auctoritatis animam firmans: quorum primum est per fidem, secundum per scripturam authenticam, & per Spiritum sanctum editam. Auctoritas ergo præbet fulcimentum fidei, & fides assentit auctoritati. Vtrumque vero per Christum est, propter quod & splendor & verbum dicitur, quia mentem per fidem illuminat, & veritatem per doctrinam ostendit.

Hoc quoque sciendum est, quod tantum vna est fides, tam in præteritis, quàm in præsentibus, quàm etiam in futuris, licet magis clara sit in eis & explicita qui

*Heb. 11. 6*

*Luc. 7. 2*

*Mat. 15. 6*

*Act. 10. 6*

*Luc. 1. 4*

*Greg. homil. 26. in*

*Euang. nō*

*lōge a prin.*

*Aug. lib. de*

*utilit. credendi con.*

*Manich. c. 11. 10. 6.*

*Heb. 1. 4*

*Ioan. 1. 4*

# De gratiarum sanctificatione Lib. V. 805

qui sequuntur Christum, quàm in eis qui præcesserunt eius aduentum, sicut nouum Testamentum clarius est quàm vetus. Quod enim nos credimus esse factum, antiqui patres credebant esse futurum, exceptis articulis qui adhuc restant complendi, sicut est resurrectio mortuorum, & iudicium extremum, & remuneratio bonorum, & punitio reproborum.

## De effectum fidei. Cap. XX.

**Luc. 7. g.** Fides multa bona facit. hominem saluat. Vnde dictum est Magdalenæ: Fides tua te saluam fecit. **Act. 15. c.** Mentem purgat. Fide purificans corda eorum. **Heb. 11. f.** Contra mundum pugnat: Sancti per fidem vicerunt regna. Postulara impetrat. Vnde in Matthæo: O mulier magna est fides tua, fiat tibi sicut petisti. Perseuerantiam dat. Apostolus: Tu autem in fide stas. **Heb. 11. e.** Temporalia contemnit. Fide Moyse grandis effectus, negauit se filium esse filie Pharaonis. Iustificat. **Rom. 4. a.** Credidit Abraham Deo, & reputatum est ei ad iustitiam. Beatificat: Quia vidisti me Thoma, credidisti: beati qui non viderunt, & cetera. **Ioan. 20. g.**

Super fundamentum fidei quidam ædificant aurum contemplationis, quia qui contemplatur sine fide, quasi qui nititur videre solem sine oculis. Quidam argentum prædicationis, quia qui prædicat sine fide, non loquitur eum, qui secundum Deum est, fidelem sermonem. Quidam lapides pretiosos bonorum operum, quia qui bene operatur sine fide, est sicut qui facit structuram super arenam. Item alij ædificant ligna, idest, amorem ardentem temporalium. Alij fœnum, idest, fumum delectationum carnalium. Alij stipulam, scilicet otiosorum verborum, & operum infirmorum. Isti quidem saluantur merito fundamenti, sic tamen quasi per ignem purgatorii, quo exuretur ædificium non idoneum tanto fundamento. Fides habet quosdam effectus essentielles & principales, vt est facere filios Dei, & facere dignos vitam æternam, & facere similes Deo, & purgare animam a tenebris peccati siue infidelitatis: & isti effectus sunt a Deo. Alios habet effectus voluntarios & secundarios, vt est credere, & dirigere opera aliarum virtutum, & imperare omnibus suo modo. Et isti effectus a libero arbitrio sunt.

## De articulis fidei. Cap. XXI.

**Apoc. 1. d.** Si respectus habeatur ad eos qui symbolum ediderunt, tunc articuli sunt duodecim secundum numerum duodecim Apostolorum. Si autem consideremus quæ radicaliter sunt credenda, tunc articuli sunt quattuordecim, quorum septem spectant ad diuinitatem, & septem ad Christi humanitatem, & hæc signata sunt in septem stellis, & septem candelabris aureis: in quorum medio filius hominis ambulabat.

Sunt igitur septem articuli fidei, qui pertinent ad diuinitatem. Primus est vnum Deum esse, qui ibi notatur, *Credo in Deum*. Secundus est, Patrem Deum esse, ibi, *Patrem omnipotentem*. Tertius est, Deum Filiū esse, ibi: *Et in Iesum Christum Filium eius*. Quartus est: Deum Spiritum sanctum esse, ibi: *Credo in Spiritum sanctum*. Sic patet quod prædicti quattuor articuli sunt de vnitatem diuinæ essentia, & trinitate personarum. Quintus est credere remissionem peccatorum his qui sunt in Ecclesia: ibi, *Sanctam Ecclesiam catholicam, sanctorum communionem, remissionem peccatorum*. Sextus est credere mortuorum resurrectionem. Septimus est credere bonorum remunerationem, sub quo comprehenditur & malorum punitio: ibi, *Vitam æternam*. Et isti tres articuli ad diuinitatem pertinent: quia virtute diuinitatis fit peccatorum remissio, quæ est animæ viuificatio & corporum resurrectio, atque corporis simul & animæ glorificatio.

Append. ad To. 7. oper. S. Bon.

**A.** Alij septem sunt articuli, qui pertinent ad humanitatem Christi. Primus est credere Filium Dei esse conceptum de Spiritu sancto, ibi: *Qui conceptus est de Spiritu sancto*. Secundus est credere Filium Dei natum ex Maria Virgine, ibi: *Ex Maria Virgine*. Tertius, Filium Dei pro nobis mortuum in cruce, ibi: *Passus sub Pontio Pilato, crucifixus, mortuus & sepultus*. Quartus est, Filium Dei descendisse ad inferos secundum animam, ibi: *Descendit ad inferna*. Quintus est, Filium Dei resurrexisse a mortuis, ibi: *Tertia die resurrexisti a mortuis*. Sextus est eundem ascendisse ad celos, & sedere ad dexteram Patris, ibi: *Ascendit ad celos, sedet ad dexteram Dei patris omnipotentis*. Septimus est, Filium Dei iudicaturum viuos & mortuos, siue bonos, siue malos, ibi: *Inde venturus est iudicare viuos & mortuos*.

**C.** Isti quattuordecim articuli colliguntur ex symbolo quod Apostoli ediderunt. Articulus primum & secundum de diuinitate posuit Petrus, Tertium Andreas, Bartholomæus Quartum, Quintum Simon, Thaddæus Sextum, Septimum Mathias. Item primū articulum de humanitate Christi posuit Iacobus maior, Secundum & Tertium Ioannes, Quartum Thomas, Quintum Matthæus, Sextum Iacobus minor, Septimum Philippus.

Tria sunt symbola. Primum Apostolorum. Secundum Niceni Concilij. Tertium Athanasij. Primum factum est ad fidei instructionem. Secundum ad fidei explanationem. Tertium ad fidei defensionem.

Nota quod aliud est credere Deum, aliud est credere in Deum, & aliud credere Deo: quoniam credere Deum, est credere ipsum esse. Credere autem in Deum, est credendo ipsum amare, & credendo in Deum ire, ac membris eius incorporari. Credere vero Deo, est credere verbis eius.

## De spe. Cap. XXII.

**S.** Pes est certa expectatio future beatitudinis ex Dei gratia & meritis proprijs proueniens. In hac diffinitione non sumitur certitudo demonstrationis in qua plene vni parti cōsentitur, sed certitudo opinionis qua vni parti consentitur, quia ratione probari videtur, nec tamen omnino, sed cū formidine. Huius autem expectationis causa principalis est gratia Dei, & non nostra merita: quia opera nostra non sunt meritoria, nisi ex Dei gratia. Sine meritis tamen aliquid sperare, non est spes, sicut ait Gregorius, sed præsumptio. In prædicta diffinitione diffinitur motus spei, & non virtus, sed virtus spei diffinitur sic, Spes est audacia mentis de largitate Dei concepta habendi vitam æternam per bona merita.

Inter fidem & spem talis est differentia: Fides enim est de præteritis & futuris, spes autem de futuris tantum. Fides est de bonis & malis, spes autem de bonis tantum. Fides est de bonis tam sibi, quàm alijs, spes autem de bonis sibi tantum. Conuenient tamen in hoc, quod tam fides, quàm spes est de inuisibilibus. Certitudo spei ex tribus oritur, scilicet ex diuina largitate, ex abundantia meritorum, & ex pragustatione æternorum.

Nota quod spes prout est viatorum, sic est cum certitudine opinionis, vt dictum est. Spes illorum, qui sunt in purgatorio, & qui fuerunt in limbo, est cum certitudine scientia, & non opinionis, vt est illa viatorum: vnde declinat aliquo modo a spe proprie dicta. Spes vero, quæ fuit in Stephano, quando vidit celos apertos, & quæ fuit in Paulo, quando dixit: Scio cui credidi, &c. & quæ fuit in Adam ante peccatum, fuit cum certitudine visionis, tamen satis debillioris, quàm in celo. Vnde spes sic sumpta adhuc est minus proprie dicta.

Ex his patet quod in patria nō est spes premij: quia beatitudo est omnium bonorum simul tota possessio.

Y y y 3 Vnde

Act. 7. g.  
2. Tim. 1. c.

Vnde ibi nihil est futurum, quod speretur. Et licet A sanctis adhuc futura sit resurrectio corporum secundum rem, tamen præsens est secundum cognitionem. Spes autem sic futurum respicit, quod prius tam præsens rei, quam cognitionis, prout spes proprie sumitur.

Duplex est spes, scilicet suffragij, & primæ auctoritatis. Prima posita est in sanctis, secunda in solo Deo: & hæc triplex est, scilicet veniæ. In te Domine speravi, non confundar in æternum. Gratia. Psal. 31. d. Sperantes autem in Domino misericordia circumdabit. Gloria. Qui sperat in Deo, saluabitur. Psal. 28. d.

Effectus spei multiplex est. A tribulatione liberat. Psal. 21. a. In te sperauerunt patres nostri, sperauerunt, & libera- Dan. 13. g. sti eos. Exemplum de Susanna & Daniel. Confortat. 2. Mac. 7. d. Pereuntes septem filios sub vnius diei tempore conspiciens mater bono animo ferebat, propter spem, quam in Deum habebat. Mentem eleuat: Qui sperant in Domino, mutabunt fortitudinem, & assument pennas, &c. Saluat: Qui saluos facit sperantes in se. Temporalia ministrat. Oculi omnium in te sperant Domine, & cetera.

Spes multis rebus comparatur: dicitur enim galea. 1. Thess. 5. b. Induti galeam salutis. Anchora: Qui confugimus ad tenendam propositam spem, quam sicut anchoram Heb. 6. d. habemus animæ turam, ac firmam. Medicina: Sperans in Domino, &c. Gemma: Gemma gratissima Heb. 6. d. expectatio, &c. Solatium: Fortissimum solatium habeamus, qui confugimus ad tenendam propositam nobis spem. Clavis. Glossa super illud Psalmi: Sperate in Domino: per spem enim intratur ad illud videndum quod creditur. Lignum vitæ: Si coram hominibus tormenta passi sunt, spes illorum immortalitate plena est. Sap. 3. a.

#### De charitate. Cap. XXIII.

1. Tim. 1. b. **C**haritas secundum Apostolum, sic definitur: Charitas est finis præcepti de corde puro, &c. Et sumitur hic finis pro consummatione, quia charitas est consummatio, siue perfectio omnis præcepti. Potest etiam dici finis terminationis omnium præceptorum, quia omnia opera, quæ sunt in præcepto, tendunt ad charitatem, ut magis ac magis habeatur. De corde puro, id est intellectu puro, dicit Glossa. Et sumitur hic intellectus pro actu intelligendi, secundum quem causatur motus charitatis. Quanto enim quis Deum magis intelligit, tanto magis diligit, nisi aliàs impediatur. Et hic ista præpositio de, notat causam efficientem. Et conscientia bona, id est, spe, quia qui puram habet conscientiam, secure sperat. Et fide non ficta, id est, simulata vel fragili, sed inter aduersa forti. Prosper in libro de vita contemplatiua describit charitatem sic, Charitas est, ut mihi videtur, recta voluntas ab omnibus terrenis, & præsentibus, ac futuris prorsus auersa, iuncta Deo inseparabiliter & vnita, igne quodam Spiritus sancti, a quo est, & ad quem refertur, incensa, inquinamenti omnis extranea, corrumpi nescia, nulli vitio mutabilitatis obnoxia, super omnia, quæ carnaliter diliguntur, excelsa, affectionum omnium potentissima, diuinæ contemplationis auida, in omnibus semper inuicta, summa bonarum actionum, salus morum, finis celestium præceptorum, mors criminum, vita virtutum, virtus pugnantium, palma iustorum, sanctarum mentium armatura, causa meritum bonorum, præmium perfectorum: sine qua nullus Deo placuit, cum qua aliquis Deo displicere non potuit, fructuosa in penitentibus, læta in proficientibus, gloriosa in perseverantibus, victoriosa in martyribus, operosa in omnibus omnino fidelibus; ex qua quidquid est boni operis viuunt.

Magist. sct. lib. 3. d. 27. Charitas quantum ad actum diffinitur quattuor modis. Primo sic in 3. lib. sentent. Charitas est dile-

ctio, qua diligitur Deus propter se, & proximus propter Deum, & in Deum. Secundo sic, Quid est charitas? vita copulans amantem cum amato. Tertio sic secundum Augustinum: Charitas est virtus qua videre Deum, & perfrui desideramus. Quarto sic secundum Augustinum: Charitas est virtus, quæ ammi nostri rectissima affectio est. Harum definitionum prima datur in comparatione ad Deum, secunda in comparatione ad eius possessorem, tertia in comparatione ad terminum, quarta in comparatione dilecti ad dilectum.

Aug. lib. 1. de mor. Eccl. cap. 11. tom. 1.

#### De differentia inter charitatem & alios amores. Cap. XXIV.

**A**mor triplex est, scilicet gratuitus, naturalis, & vitiosus. Amor gratuitus est laudabilis, quia virtus est, & habet finem principalem bonum incommutabile. Hic diuiditur in amicitiam, & concupiscentiam. Secundum amicitiam diligit quis Deum purissime, non respiciens vtilitatem suam, sed bonitatem amati: hoc modo diligit homo, plus Deum quam seipsum. Secundum vero concupiscentiam diligit quis Deum, remunerationem in eo expectans.

Amor naturalis nec laudabilis est, nec vituperabilis: habet finem indigetiam vel vtilitatem propriam. Iste similiter diuiditur in amicitiam, & concupiscentiam. Secundum amicitiam diligimus Deum hoc amore, ut nostram perfectionem & nostram conseruationem, sicut magis ea quæ sunt plus necessaria, ut caput pro quo totum corpus exponimus, hic communis est nobis & brutis. Secundum concupiscentiam vero diligimus Deum, quia necessitati nostræ subuenit: quia hoc amore non diligitur res propter se, sed propter vsum eius. Vnde hoc modo plus diligit homo seipsum dilectione naturali quam Deum.

**A**mor vitiosus vituperabilis est, quia peccatum est, & habet finem, voluptatem, siue delectationem in creatura. Hic amor diuiditur etiam in amicitiam & concupiscentiam. Secundum amicitiam diligimus hoc amore creaturam, siue delectationem creaturæ propter se, quamuis in nobis non habeatur: secundum concupiscentiam vero diligimus voluptatem creaturæ propter nos.

Amor iterum multiplex est, scilicet naturalis erga se, pius erga parentes, iucundus erga socios, iustus erga amicos, violentus erga inimicos, sanctus erga Deum. Item differentia est inter amorem, dilectionem, & charitatem: quia amor proprie est naturæ, & dicitur amor quasi animorum vnio, quia quietat appetitum in re amata. Dilectio est amor proximi, & dicitur dilectio quasi duo ligans, sociat enim amantem cum amato in amore, ut se mutuo diligant. Charitas est amor in Deum. Hæc amicum determinat & indicat omnibus chariorem, vnde dicitur charitas quasi chara vnitas, vel quasi charum faciens Deo. Alia est differentia inter prædicta: quia amamus Deum propter se, diligimus eum super omnia: charitas vtrumque complectitur, scilicet super omnia, & propter se. Diligere Deum in hoc differt a dilectione proximi, quia diligere Deum est velle ei bonum quod habet: scilicet quod sit omnipotens, & summe bonus, & huiusmodi. Item diligere Deum est velle præcepta eius seruare cum intentione fruendi eo. Item diligere Deum est eum velle possidere, & ab ipso possideri. Item diligere Deum, est voluntatem eius voluntati nostræ in omnibus præferre. Diligere vero proximum, est velle ei summum bonum non per essentiam, sed per gratiam. Item diligere proximum, est idem velle, & idem nolle in bono. Item diligere proximum, est successuum bonum ei optare, & querere. Item diligere proximum, est velle ei hoc quod sibi. Est iterum differentia inter dilectionem Dei, & proximi: quia Deum diligimus in se, & propter se, proximum

imum vero diligimus in Deo, & propter Deum.

Quando autem dicimus duplicem esse charitatē, scilicet Dei & proximi, hæc duplicitas non intelligitur quantum ad habitus, sed quantum ad actus, quia uno habitu charitatis diligitur Deus & proximus.

- Rom. 5. a* Charitas quandoque dicitur habitum. Charitas Dei  
*Cant. 2. a* diffusa est in &c. Quandoque dicitur morum. Ordinauit in me charitatem. Quandoque signum. Vnde  
*Ioan. 15. b* Ioannes: Maiorem charitatem nemo habet, idest, maius signum, scilicet charitatis. Quandoque tertiam personam in trinitate. Deus charitas est, & sic sumitur personaliter. Quandoque sumitur essentialiter, & sic tota trinitas dicitur charitas. Quandoque sumitur pro feruore charitatis. Vnde in *Luc. 7. g* Dimissa sunt ei peccata multa, quoniam dilexit multum.

*De effectu charitatis. Cap. XXV.*

- Luc. 7. g* Charitas peccatum expellit, vnde de Magdalena dicitur: Dimissa sunt ei peccata multa, quoniam dilexit multum. Legem custodit: Qui diligit proximum suum, &c. Deum homini iungit: Qui manet in charitate, in Deo manet, &c. Mentem virtutibus ornat. Charitas patiens est, benigna est, &c. Perfectionem adducit. Apostolus: Adhuc excellentiorem *1. Cor. 13. a* viam vobis demonstro. Gloriam tribuit: Si quis diligit me, &c. & sequitur, ad eum veniemus, & mansionem apud eum faciemus. Dilectione Dei dignum *1. Cor. 12. d* facit. Si quis diligit me, diligetur, &c. Charitas in cordibus nostris diffunditur, cum ad proximum dilatur. Effunditur per prædicationem, & per opera misericordiarum, infunditur per illuminationem gratiæ, superfunditur per opera perfectionis & supererogationis. Per charitatem venit Deus ad homines in incarnatione, & in homines in gratiæ collatione. Per ipsam charitatem currunt homines ad Deum bona operatione, & perueniunt ad eum in glorificatione. Amoris est vulnerare, quia intima cordis penetrat. *Cant. 2. a* Vulnerata charitate ego sum. Languidum facere, & hoc per desiderium essendi cum amato. Nuncietis dilecto meo, quia amore langueo. Inebriare, quia sic tendit in amatum, quod sui ipsi & omnium rerum præter illum obliuiscitur. Comedite amici mei, & bibite, & inebriamini charissimi. Liquefacere, quia cor in diuina dulcedine sic resoluitur, quod appetens cum appetibili mirabili amicitia vnitur. Anima mea liquefacta est ut dilectus locutus est. Amor habet vim diffusiuam in bona operatione, vnitiuam in proximi dilectione, transformatiuam in iustificatione. Item aliter hoc ostenditur, quod habet vim diffusiuam, ut patet in creatione, vnitiuam ut patet in Christi incarnatione, transformatiuam, ut in glorificatione.

*Quibus rebus charitas assimilatur. Cap. XXVI.*

- Greg. hom. 30. in E-mang. post princ.* Charitas est bonorum principium, quia a Deo: bonorum finis, quia secundum Deum: bonorum finis, quia propter Deum. Charitas dicitur bonæ operationis principium, quia mouet ad id. Gregorius: Charitas magna operatur, si est. Dicitur etiam medium, quia opera informat. Dicitur quoque finis, quia opera dirigit, & ad debitum finem perducit. Quomodo autem dicatur finis, sciendum est quod triplex est finis, scilicet consumptionis, consummationis, & terminationis. Primo modo charitas est finis peccatorum, quia ea consumit. Secundo modo est finis præceptorum, quia ea perficit. Tertio modo tam vita æterna, quam ipse Deus est finis nostri laboris: sed vita æterna finis est quo quiescit. Deus vero terminus in quo quiescit.

Charitas dicitur forma virtutum multipliciter. Primo, quia mouet omnes virtutes ad opera exteriora, per quæ perficiuntur virtutes, & merentur auge-

ri. Secundo, quia omnes virtutes mouentur ad finem charitatis, scilicet ad bonum. Charitas enim habet bonum pro fine, & obiecto: alia autem virtutes habent bonum, non pro obiecto, sed pro fine tantum, & ille finis virtutum perfectionem denotat. Tertio, quia charitas augeat virtutum delectationem, & tollit fastidium, & alleuiat onera propter ipsius desiderium. Quarto, quia componit animam, & perficit, non quidem in esse naturæ, sed in esse gratuito & meritorio. Charitas multis rebus assimilatur, quia comparatur auro quod fornax tribulationis probat. Aurora, quam sequitur dies æternitatis. Arca Noe, in qua qui non fuit inuentus, periit. Arbori bonos fructus proferenti. Alæ ad cælestia subleuanti. Bitumini animam Deo coniungenti. Clauis cælum aperienti, coronæ mentem decoranti, capiti sensum & motum influenti. Charitas enim influit sensum, idest, rationem merendi alijs virtutibus: & motum, idest affectum mouendi meritorie. Deo mentem illuminanti. Sponsæ thronum Deo exhibenti. Funi Deo attrahenti. Firmamento aquas voluptatis ab aquis æternitatis diuidenti. Fonti mentem irriganti. Gemmæ animam ornanti. Gladio flammeo paradysum custodienti. Igni affectum accendendi. Iugo suauiter premententi. Mannæ de cælo descendenti. Rosæ rubenti. Radici humorem gratiæ, quem a summo trahit, ad virtutes transmittenti, ut sic nutriantur & conferuentur in bono. Soli fulgenti. Thesauro latenti. Vinculo omnes rationes diligendi in dilecto colliganti. Vino inebrianti. Vesti peccatorum turpitudinem cooperienti. Unguento vulnera letalia curanti.

*De excellentia charitatis. Cap. XXVII.*

- Charitas excellit alias virtutes in multis. Primo in Dei conformitate. Diligamus Deum, quoniam ipse prior, &c. Secundo in speciali dignitate. Richardus, Charitas est regina virtutum. Tertio in pretiositate, quia est aurum de Ophir. Quarto in speciositate, quia est planeta Veneris, & animæ pulchritudo: quia sicut pulchritudo exterioris hominis est in decenti membrorum ordinatione, & venustate coloris, sic etiam pulchritudo animæ est ex decenti ordinatione actuum, & habitu venusto: hoc autem facit charitas in anima, cuius actus ordinatus est, & venustus habitus. Quinto in supportatione laboris. Augustinus: Omnia graua & immania leuia facit amor. Sexto in vigoroſitate. Fortis est ut mors dilectio. Septimo in vilitate. Augustinus: Habe charitatem, & fac quod vis. Octauo in delectatione, quia charitas secundum actum suum facit nos delectari in Deo, non solum in patria, sed etiam in via.

*De signis dilectionis. Cap. XXVIII.*

Signa dilectionis sunt hæc, quia amicus amicum libenter audit, libenter de ipso loquitur, sæpe de illo cogitat, sine tædio illi obsequitur, corpus & res pro illo exponit, offensam cauet, offensum placat, congaudet prosperitati, condolet aduersitati. Gaudet de illius præsentia, dolet de absentia. Diligit & odit hoc quod ille. Conatur ei placere, timet displicere. Trahit alios ad eius amicitiam. Munera ab eo data non alienat. Consilij illius acquiescit, petit ab eo fiducialiter.

Qualiter possit quis scire utrū habeat charitatem. Nota quod quidam sciunt se non habere charitatem, ut qui sunt in actu peccandi vel in proposito. Quidam dubitant se habere charitatem, quia rationes habent pro vtraque parte, ut sunt illi qui incipiunt facere quod in se est. Quidam putant se habere charitatem, sicut qui multa bona fecerunt, & diu abstinent a peccato, adhuc tamen sustinent motus tentationum, & imaginantur turpia. Quidam experiuntur se



tur se habere charitatem, ut illi qui gustant diuinam dulcedinem, in quibus fomes fere extinctus est, & quasi semper vel bona faciunt, vel affectant. Quidam certi sunt se habere charitatem, ut quibus Deus reuelauit, qualis fuit Paulus: cui Dominus dixit: *2. Cor. 12. b* Sufficit tibi gratia mea.

*De gradibus amoris. Cap. XXIX.*

**G**radus amoris sunt isti: Primus est, cum diligo me propter me, iste amor non est bonus. Secundus est, cum diligo Deum propter me, iste est mercenarius, sed tunc est bonus, si principalis finis est Deus. Tertius est, cum diligo Deum propter se, id est, quia bonus. Hic est valde bonus, quia talis amor vno tantum oculo, id est, dextero respicit Deum. Quartus est, cum diligo me propter Deum, hic est optimus, quia in tali amore nihil querit homo de suo etiam in se ipso, sed tantum quæ Dei sunt.

Super omnia diligendus est Deus: quia cum ipse sit principium, hoc ipso est summum, & hoc ipso quod summum est, summe bonum est: & hoc ipso quod summe bonum est, summe beatum est: & hoc ipso quod summe beatum est, summe beatificum est, & hoc ipso est summe fruendum: & propter hoc ipsum est ei summe per amorem inhaerendum, & in eo tamquam in fine quiescendum.

Tria generaliter diliguntur, scilicet vtile, honestum, & delectabile. Propter primum diligenda est tribulatio, quia utilis. Propter secundum diligenda est virtus, quia honesta. Propter tertium diligendus maxime est Deus, quia est delectabilis, immo propter hæc omnia diligendus est Deus, quia ipsum diligere est vtile, honestum, & delectabile.

Gradus amoris vel charitatis in quantum tollit peccatum, sunt isti: Primo tollit charitas peccatum mortale, non quantum ad habitum, sed quantum ad actum: liberat enim a peccato mortali: sed non a potestate cadendi in illud. Secundo modo charitas tollit peccatum mortale quantum ad actum, & quantum ad habitum, sed veniale neutro modo, sicut patet in aliquibus sanctificatis. Tertio modo charitas tollit peccatum mortale utroque modo, & veniale quo ad actum, sed non quo ad habitum: talis fuit charitas in beata Virgine ante conceptionem Christi. Quarto modo charitas tollit utrumque utroque modo, sicut fuit in beata Virgine in conceptione Christi, & post: tunc enim fuit in ipsa sublatus fomes peccandi totaliter. Quinto modo tollit charitas utrumque utroque modo, & insuper omnem miseriam: & hoc fiet in patria. Perfecta est charitas quando est habitu magna, motu interiori directa, opere exteriori sollicita, radice stabilita, feruore discreta, dulcedine consolatoria. Diligendus est Deus toto corde, id est, intellectu sine errore: tota anima, id est, voluntate sine contrarietate: tota mente, id est, memoria sine obliuione.

*De ordine charitatis. Cap. XXX.*

*Aug. lib. 1. de Doctri. Christiana 6. 23. 10. 3.* **O**rdo charitatis secundum Augustinum, est diligere primo quod supra nos est, id est, Deum: deinde quod nos sumus: post hoc quod iuxta nos est, id est, proximum. ultimo quod infra nos est, id est, corpus nostrum proprium. In eodem gradu contineri debet corpus proximi: quia utrumque tenet rationem inferioris boni respectu spiritus nostri. Secundum Ambrosium diligendus est primo Deus, secundo parentes, deinde filij, post domestici, ultimo inimici: sed hoc de exhibitione quidam intelligunt. Aliquis magis diligitur ab altero multipliciter, scilicet maiori affectu: sic super omnia diligendus est Deus: sed inter homines magis diligendi sunt parentes, quam filij, deinde consanguinei, secundum gra-

ad cognitionis. Maiori affectu diligendi sunt filij, quam parentes, sed æque parentibus succurrendum est, prius magis indigenti. Ad maiorem gratiam, sic magis diligendi sunt qui se magis ad gratiam præparant & habilitant. Ad gloriam, sic diligendi sunt secundum gradus participandi bonum gratiæ. Nota quod idem est ordo dilectionis naturæ & gratiæ, \* hoc excepto, quod homo dilectione naturali se magis diligit, quam Deum: sed e conuerso est in dilectione gratuita. Præterea sciendum est quod idem ordo charitatis, qui secundum Augustinum est in via, erit etiam in patria: quia cum gloria perficiat naturam, quidquid non est imperfectionis in natura, manebit in gloria.

\* Idem habet S. Bon. 3. sent. dist. 29. q. 2. ad 1. & q. 4. ad arg. contra rñ tamen S. Tho. 2. 2. q. 26. ar. 9. in corp.

*De dilectione proximi. Cap. XXXI.*

**M**utuo se debent homines diligere, quia omnes sunt membra vnius corporis Christi mystici, quia vno Spiritu sancto viuificantur spiritualiter, & vniuntur, quia vnam fidem habent, quia vnum baptismum receperunt, quia vnum Patrem habent & Dominum, quia ad vnum regnum tendunt. Dilectionem proximi suadet ius naturæ. Omnia quæcumque vultis ut faciant vobis homines, & vos facite illis. Ius scripturæ. Diliges proximum tuum sicut teipsum. Exemplum creaturæ, quia similis simili gaudet, & omne simile diligit sibi simile.

Mat. 7. b  
Mat. 22. d

Melius est diligere quam diligi, quadruplici ratione. Primo, quia quod diligimus, scimus: sed quod diligamur, nescimus, sed credimus. Secundo, quia diligere, propriæ virtutis est: sed diligi, alienæ. Tertio, quia cum vere diligimus, alios nobis obligamus: cum vero diligimur, alijs obligamur. Quarto, quia cum diligimus, meremur nobis: cum autem diligimur, alijs merentur sibi. Per dilectionem proximi efficiamur imitatores Christi. Hoc est præceptum meum, ut diligatis inuicem, sicut dilexi vos. Discipuli Saluatoris. In hoc cognoscent omnes, quod discipuli mei estis, &c. Contemplatores Dei. Qui diligit fratrem suum, in lumine manet, & videt Deum. Societas fraterna utilis est, ratione subleuationis. Væ soli, quia si ceciderit, non habet subleuantem. Ratione consolationis. Ecce quam bonum, & quam laucundum. Ratione exhortationis. Seneca: Semper ante oculos tuos ponendus est aliquis, cuius exemplo proficias, quia nisi ad regulam praua non corrigas, a modica scintilla augetur ignis.

Ioan. 15. b  
Ioan. 13. d  
1. Ioan. 2. b  
Eccl. 4. e  
Psal. 132. a

*De dilectione inimicorum. Cap. XXXII.*

**C**irca dilectionem inimicorum nota quod alia est dilectio affectus, & alia dilectio effectus. Dilectio affectus duplex est, quia alia est innocentiae, & alia beneficentiae. Dilectione innocentiae tenemur diligere inimicos, quia non debemus eis optare malum in quantum malum, sed in quantum est eis expediens, vel reipublicæ. Affectus dilectionis beneficentiae duplex est, scilicet principalis, & secundarius. Affectus principalis est velle & optare inimicis bona spiritalia, sicut est gratia, & gloria: & ita tenemur per affectum diligere inimicos. Affectus autem dilectionis secundarius est optare inimicis bona temporalia, hoc modo non tenemur semper diligere inimicos, quia non semper expedit eis habere bona temporalia.

Eodem modo distinguendum est de dilectione effectus, quia similiter duplex est, innocentiae, & beneficentiae. Primo modo tenemur omnes diligere inimicos, quia tenemur eis non inferre mala, nisi forte propter bonum personæ, vel reipublicæ. Secundo modo distinguenda est dilectio beneficentiae: quia si est beneficium spirituale ad salutem necessariū, tunc tenemur illud inimicis impendere: sicut orare pro eis, non quidem in speciali, sed in generali: ita scilicet,

# De gratiarum sanctificatione Lib. V. 809

licet, ut non excludamus eos ab orationibus communibus. Si vero est beneficium temporale, ad hoc non tenemur nisi in casu necessitatis.

Nota tamen esse duplicem inimicum, scilicet personam nostram, & Ecclesiam. Igitur inimico personam nostram benefacere perfectionis est, nisi in quantum ipsi vel alteri beneficium occasionaliter nocuum esset: quia in tali casu beneficium subtrahere utile est. Inimico autem Ecclesiam beneficiū subtrahere perfectius est & melius, nisi in quantum per beneficium speratur reconciliandus Ecclesiae. Ex praedictis patet quod optare bona temporalia inimicis Ecclesiae imperfectionis est, nisi per accidens, scilicet quando creduntur per hoc conuertendi. Inimicis vero personam optare bona temporalia, perfectionis est, nisi per accidens, scilicet quando putantur eis, vel alijs nociua. Nota quod licet amicum diligere sit magis debitum, tamen diligere inimicum, magis est remissionis poenae meritorium, & ad alia multa valet. Primo, quia magis accedit ad perfectionem virtutis. Maioris enim perfectionis est, quia magis gratuitum. Secundo, quia motus charitatis quo diligimus inimicum, magis meritorius est remissionis poenae, & hoc ratione difficultatis: licet diligere amicum, sit magis meritorium vitae aeternae ratione intentionis. Amor enim naturalis feruentiorem facit motum charitatis, sicut dispositio materialis confert formae. Tertio, quia inimicum diligere, est expressius signum charitatis, quia contra motum naturae est: unde valde difficile est, nisi adsit gratia, per quam vincatur natura. Nota quod ille cui iniuria facta est, non debet reconciliationem querere ex debito necessitatis: sed si facit, complet debitum perfectionis: unde ait Chrysostomus, quod talis debet reconciliationem querere, ut duplicem gloriam consequatur: Vnam, quia iniuriam passus est, alteram, quia prior rogauit.

## De virtutibus Cardinalibus in genere. Cap. XXXIV.

Per virtutes Cardinales anima reificatur in suis viribus. Nam prudentia reificat rationalem, fortitudo irascibilem, temperantia concupiscibilem. Iustitia vero reificat omnes vires, prout natura iustitiae comprehendit non solum specialem iustitiam, quae est in commutationibus, vel distributionibus, sed etiam legalem, quae est omnis virtus, prout eius actus pertinet ad debitum obedientiae praeceptorum. Ipsa enim iustitia generalis comprehendit virtutes ordinantes ad proximum, ut est aequitas & liberalitas: & ordinantes ad seipsum sicut innocentia, & poenitentia, & ordinantes ad Deum sicut est latritia, pietas, & obedientia. Propter hoc iustitia dicitur circuire omnes virtutes, & quod non tantum est virtus specialis, sed etiam generalis comprehendens totius animae rectitudinem, cum ipsa dicatur rectitudo voluntatis. Item per virtutes Cardinales instruitur homo in operibus, & contra vitia armatur. Primum fit dupliciter: quia instituitur quo ad se per prudentiam, & quo ad proximum per iustitiam. Secundum etiam fit dupliciter: quia homo armatur in prosperis per temperantiam, & in aduersis per fortitudinem. Item

*Aug. lib. de Spir. & ani. c. 20. 10. 3.* dicit Augustinus, quod prudentia est in eligendis, fortitudo in tolerandis, temperantia in vtendis, iustitia in distribuendis. Item dicit quod prudentia est in praecauendis insidijs, iustitia in subueniendis miserijs, fortitudo in perferendis molestijs, temperantia in coercendis delectationibus prauis.

*Aug. lib. 6. de Musica c. 10. in sen su 10. 1.* ait, in musica sua, quod succedit prudentiae contemplatio, fortitudini firmitas adhaerentiae, temperantiae mensura delectationis, iustitiae debita ordinatio ad Deum & proximum.

Istae quattuor virtutes appellantur cardinales, quia sicut ostium vertitur in cardine, sic in his vertitur, & regitur vita hominis. Vocantur etiam politicae, quia

ordinantur in his vita ciuili, & hominem poliant, & ornant. Dicuntur etiam humanae, quia humano studio acquiruntur, nisi diuinitus infundantur. Appellantur etiam consuetudinales, quia non ex vno actu, sed ex consuetudine nascuntur: vel quia honestas humana se magis exercitat in istis, sicut & sanctorum deuotio se magis exercitat in virtutibus theologicis.

Nota quod prudentiae est scire quod possit: temperantiae est non presumere quod non possit: iustitiae est velle in omnibus quod aequum sit: fortitudinis est velle plus, quam possit. Istae virtutes habent suos gradus perfectionis, secundum quos aliter possident incipientes, aliter proficientes, aliter perfecti. Dicuntur etiam virtutes politicae quandoque secundum quod regunt vitam hominis quo ad opera exteriora, & prout pugnant contra vitia, & hoc modo sunt incipientium. Purgatoriae dicuntur secundum quod iam sunt in victoria vitiorum, & consistunt partim intra, partim extra, & sic sunt proficientium. Dicuntur autem purgati animi, secundum quod iam deuictis vitijs quiescit homo, ita quod raro primi motus insurgunt: & hoc modo pertinent ad perfectionem. Exemplares dicuntur prout sunt in mente diuina. Nam sicut omnium rerum Deus exemplar est, ita & idearum virtutum in ipso consistunt.

## De prudentia. Cap. XXXIV.

Prudentia secundum quod est virtus politica, est, ut ait Macrobius, ad rationis normam, quae cogitat quaecumque agit, vniuersa dirigere, ac nihil praeter rectum velle, vel facere. Prudentia vero, secundum quod est virtus purgatoria, est, ut idem ait, & mundum, & omnia, quae in mundo sunt, diuinorum contemplatione despiciere, & omnem animae cognitionem in sola diuina erigere. Prudentia autem prout est virtus purgati animi, est sola diuina noscere & ea tamquam nihil aliud sit intueri. Prudentia sane exemplaris est ipsa mens diuina, cui omnia nuda sunt & aperta.

Partes prudentiae, secundum Tullium, sunt intelligentia, prouidentia, memoria. Intelligentia vero est per quam animus prospicit ea quae sunt. Prouidentia autem virtus est, ut idem ait, per quam aliquid videretur futurum ante quam factum sit. Memoria secundum eundem est per quam repetit quis ea quae fuerunt.

Nota quod duplex est iudicium rationis, discretium, scilicet & diffinitiuum. Iudicium discretiuum est, quo ratio iudicat aliquid esse faciendum, vel non faciendum. Circa tale iudicium est scientia, & non virtus. Iudicium vero diffinitiuum est, quo ratio imperat aliquid fieri, vel non fieri: & circa istud est virtus. Vnde in primo iudicio se habet scientia ad operationes bonas, ut consiliarius: in secundo vero iudicio se habet virtus, ut imperator.

Prudentia habet regere ceteras virtutes in actibus suis secundum omnes partes philosophiae moralis, quae sunt ethica siue moralis, oeconomica, & politica: quarum prima mores quo ad se ipsum instruit: secunda familiam disponit: tertia vrbes & regna regit. Triplex est prudentia. Prima est cordis, & haec est in dispositione praesentium, & recognitione praeteritorum, & praeuisione futurorum. Vtinam saperent, scilicet praeterita, & intelligerent, scilicet praesentia, ac nouissima prouiderent, scilicet futura. Secunda est oris, & est haec in moderatione sermonum. Qui moderatur labia sua, prudentissimus est. Ponere Domine custodiam ori meo. Tertia est operis & hoc consistit, ut ait Tullius, in fuga mali, & electione boni. Declina a malo, & fac bonum.

Nota quod alia est prudentia mundana, alia humana, alia diuina. Prima est in temporalibus acquirendis: secunda in commodo carnis: tertia in obsequijs

*Bern. sup.* virtutum dirigere, sicut supra dictum est. Bernardus: *Cant. ser.* Discretio non tam virtus est, quam auriga virtutum. *49. cir. med.* Nolle enim fallere nec falli, ut dicit Seneca, est res secundum virtutem aestimare. Idem: Tunc per rationem recte viues, si diuina prius aestimes, si dignitatem rerum non ex opinione multorum, sed ex earum natura constituas. Nobis commissa ad Dei gloriam, & proximi ædificationem dispensare. Quis putas est fidelis seruus, & prudens, quem constituit dominus super familiam, &c. Mutabilitatem fugere. Seneca: Scitote in quibusdam perseverare debere, quia cœpisti, quædam nec incipere.

*De temperantia. Cap. XXXV.*

*Macrob. lib. 1. in somn. Scip. cap. 8.* **T**emperantia secundum Macrobiū, prout est virtus politica, est nihil appetere pœnitendum, in nullo legem moderationis excedere, sub iugo rationis cupiditatem domare. Temperantia, prout est virtus purgatoria, est omnia relinquere in quantum natura patitur, quæ corporis vsus requirit. Temperantia vero, prout est virtus purgati animi, est terrenas cupiditates non solū reprimere, sed penitus obliuisci. Temperantia, prout est virtus exemplaris, est quædam in se perpetua intentione conuersatio.

*Cic. de inuent. lib. 2.* Partes temperantiæ secundum Tullium sunt tres, continentia, clementia, seu abstinentia, & modestia. Continentia secundum eundem Tullium est virtus, per quam cupiditas consilij gubernatione regitur. Clementia est, per quam motus animi in odium alicuius temeritate concitati, comitate vel hilaritate retinentur. Modestia est virtus, per quam pudor honestus charam & stabilem auctoritatem comparat. Species temperantiæ sunt tres, sobrietas, continentia, & modestia. Prima consistit circa gustum, in quo ponit modum sobrietas. Secunda est circa tactum, quantum ad vim generatiuam: cui imponit modum castitas. Habet enim homo vehementem appetitum conseruandi se in esse indiuidui per nutrimentum, & conseruandi se in esse speciei per generationem. Isti autem appetitus restringuntur per sobrietatem & continentiam. Tertia consistit in dictis & factis. Factum autem, prout hic accipitur, pertinet ad tres sensus circa proprias eorum materias, scilicet visum, auditum, olfactum. Pertinet etiam hoc factum ad tactum, non quidem qui est in generatiua, sed ad alios quorum organa sunt manus ad percutiendum, vel capiendum, & pedes ad ambulandum. In omnibus istis modum ponit modestia.

Dignitas temperantiæ in hoc est, quod animam decorat: quia sicut in naturis forma est decentior materia, sic & in moribus plus commendatur modus, quam ipsa actio. Propter hoc temperantia comparatur Soli, qui medius planetarum est, & decentior inter omnes. Meritum cumulat, quia medium tenere beati. Vnde dicitur quod verbis nō meremur, sed aduerbijs, id est non eo quod aliquid facimus, sed in eo quod bene facimus. Istud patet in illa vidua, quæ obtulit duo minuta & magis commendata est, quam qui magna dona miserunt in gazophylacium. *Luc. 21. a* Vinosos appetitus refrenat, sicut supra dictum est: vnde comparatur freno & remo, & limæ quæ superflium rubiginis tollit de ferro. Actiones informat, secundum quod Apostolus instruit, dicens: Ratio-

*Rom. 12. a* nabile obsequium vestrum. Medium seruat. Bernardus: Tene medium, si non vis perdere modum. De hoc medio dicitur, Medio tutissimus ibis. Istud medium voluit Dominus nos tenere, quando fecit Euam non de capite vel de pede, sed de costa: & quando fecit hominem partim corporalem, & partim spiritua-

*Luc. 2. g* lem: vt dignitate naturæ sub natura esset angelica, & super corpoream creaturam. Christo assimilatur, qui stetit in medio discipulorum, sedit in medio

**A** doctorum, suspensus est in medio latronum, locatus est in medio duorum animalium, visus est a Ioanne in Apocalypsi in medio candelabrorum aureorum. Naturam conseruat, quia natura in medijs delectatur, & per extrema corrumpitur. Vnde Philosophus: Excellentia sensatorum corrumpitur sensus. Perculis æternis cibatur. Vnde temperantia comparatur ligno vitæ, quod erat in medio paradisi.

*Apoc. 1. c*  
*Arif. lib. 3. de ani. tex. 144.*  
*Gen. 2. b. & 3. a*

*De fortitudine. Cap. XXXVI.*

**F**ortitudo secundum Macrobiū, prout est virtus politica, est animum supra periculi metum agere, nihilque nisi turpia timere, tolerare fortiter aduersa vel prospera. Fortitudinis purgatoria est animo non terri a corpore recedente, nec altitudinem abhorre. Fortitudinis purgati animi est passionem ignorare, non metuere, vt nesciat irasci, & nihil cupiat inhonestum. Fortitudinis exemplaris est esse immutabilem, quia semper idem est, nec aliquando mutatur.

*Macrob. lib. 1. in somn. Scip. cap. 8.*

Partes fortitudinis secundum Tullium sunt quatuor: Magnificencia, fiducia, patientia, & perseverantia. Magnificencia secundum eundem est magnarum & excellentiarum rerum cum ampla quadam animi proportionem cogitatio atque administratio. Fiducia est virtus per quam in magnis & honestis rebus multum ipse animus cum certa spe fiduciæ in se collocatur. Patientia est honestatis & utilitatis causa rerum arduarum atque difficultium voluntaria & diuturna perpessio. Perseuerantia est virtus in ratione bene considerata stabilis & perpetua permanensio.

*Tullium lib. 2. de inuen.*

Multi sunt effectus fortitudinis: Primus est, quia de hostibus triumphat. Iudas Machabeus, & idem vir fortissimus. Secundus, quia homini sua bona conseruat. Cum fortis armatus, &c. Tertius, quia dicit: Manus fortium diuitias parat. Quartus, quia regnum celorum expugnat. Regnum celorum vim patitur, &c. Quintus, quia ornat. Fortitudo & decor, indumentum eius. Sextus, quia in extremis assecratur. Leo fortissimus bestiarum ad nullius pauebit occursum. Septimus, quia remunerationem expectat. Mulierem fortem quis inueniet, & cetera.

*1. Mac. 5. d*  
*Luc. 11. c*  
*Prov. 10. a*  
*Mat. 11. b*  
*Prov. 31. d*  
*Prov. 30. d*  
*1. Ion. 31. a*

Fortitudo consistit in quinque, scilicet in aggressionibus arduorum. Viriliter agite, & confortetur cor vestrum. In contemptu terrenorum. Moyses negauit se esse filium Pharaonis, &c. In sustinentia tribulationum. Fortis est, vt mors dilectio. In resistentia tentationum. Apostolus: Non coronabitur, nisi qui legitime certauerit. In impugnatione vitiorum. Militia est vita hominis super terram.

*Psal. 30. d*  
*Eccl. 11. c*  
*Cant. 8. b*  
*1. Tim. 2. a*  
*Eccl. 7. a*

Multa iuuant fortitudinem. Primum est exhortatio prudentium. Vnde legitur de Iuda Machabæo, quod armavit socios non clypei vel hastæ munitione, sed sermonibus optimis. Secundum, exempla robustorum, vt legitur de Eleazaro, quod elegit fortiter mori pro paternis legibus, exemplum virtutis, & fortitudinis posteris relinquens. Tertium est exercitatio in pugnis. Vnde legitur in Iosue, quod Dominus non deleuit statim omnes hostes filiorum Israel, sed reliquit aliquos, vt per eos haberent consuetudinem præliandi. Quartum est spes remunerationis. Confortentur manus vestræ, & non dissoluantur: erit enim merces operi vestro. Quintum hostium debilitas. Gregorius: Debilis est hostis, qui non potest vincere nisi volentem. Sextum orationis adiutorium. Cum eleuaret manus Moyses, vincebant filij Israel, &c.

*Iudic. 3. a*

Septimum armorum spiritualium apparatus. Vnde Samson vicit Philistæos in mandibula asini, id est temperantia, & simplicitate. Octauum, memoria Dominicæ passionis: quod significatū est in Dauid, qui contra Goliath venit in baculo & funda. Nonum, ciuis spiritualis. Panis cor hominis confirmet. Ambulauit Elias in fortitudine cibi illius, &c. Vnde &

*2. Paralip. 15. b*  
*Exo. 17. c*  
*Iudic. 15. c*  
*1. Reg. 17. c*  
*Psal. 103. b*  
*3. Reg. 19. b*

Petrus

# De gratiarum sanctificatione Lib. V. 811

*Act. 1. d* Petrus potatus Spiritus sancti gratia confortatus est, dicens: Oportet Deo obedire magis, quàm hominibus. Idem vero Apostolus ante talem confortationē *Mar. 14. g* dicit: Nescio hominem hunc.

## De iustitia. Cap. XXXVII.

*Macrobi. lib. 1. in somn.* *Scip. cap. 2.* Iustitiæ politicæ secundum Macrobiū, est seruare unicuique quod suū est. Iustitiæ purgatoriæ secundum eundem, est ad vnam cuiusque propositam vniuscuiusque virtutis officium conseruare. Iustitiæ autem purgati animi est, ita cum superna mente sociari, vt seruet cum ea fœdus perpetuum imitando. Iustitiæ exemplaris est, quod perenni lege sempiterna operis sui continuatione non flectitur.

*Tullius lib. 2. de inuit.* Partes iustitiæ secundum Tullium sunt sex, scilicet religio, pietas, gratia, vindictio, obseruantia, veritas. Religio secundum eundem Tullium, est virtus, quæ superioris cuiusdam naturæ quam diuinam vocant, curam, cærimoniamq. affert. Pietas est per quam coniunctis sanguine & beneuolentiæ officium, & diligens tribuitur cultus. Gratia est, in qua amicitia & officiorum alterius memoria, & remunerandi voluntas continetur. Vindictio est virtus per quam vis, & iniuria, & omne quod obscurum est defendendo atque vlciscendo propulsatur. Obseruantia est virtus per quam homines aliqua dignitate antecedentes cultu quodam, & honore dignantur. Veritas est virtus per quam immutata ea quæ sunt, aut fuerunt, aut futura sunt dicuntur.

*Sap. 1. d* Nota quod iustitia nō tam est virtus specialis, quàm generalis, vt habes supra de virtutibus Cardinalibus in genere. Iustitia, vt dicitur in libro Sapientiæ: est perpetua, multiplici ratione. Primo quia perpetuat animam, stabiliendo eam in debito loco, scilicet sub Deo, & supra corporales creaturas. Secundo, quia manebit in patria secundum essentiam, & vsum. Aliæ autem virtutes Cardinales & si maneat in patria secundum essentiam, non tamen secundum omnem vsum. Temperantia enim non refrenabit morus illicitos: prudentia non cauebit ab insidijs: fortitudo non aggredietur terribilia.

*Isa. 1. f* Iustitia perueritur tripliciter, scilicet amore personæ, vel pecuniæ. Væ qui iustificatis impium pro munere. Timore: Nolite timere eos, &c. Rancore: *Mat. 10. d* Sciens quod per inuidiam tradidissent eum. *Mar. 15. a*

Multa mouent ad rectitudinem iustitiæ. Primum est rectitudo humani corporis, quia indecens valde est in recto corpore curuum habere animum. Secundum est naturalis inclinatio: quia, vt ait Augustinus: Iustitia est in corde hominis naturaliter. Tertium quia bruta animalia docent multa quæ pertinent ad iustitiam, vt est innocentia, concordia, & huiusmodi. Quartum est scriptura. Vsq. ad mortem certa pro iustitia.

*Eccli. 4. d* Effectus iustitiæ sunt, quod beatificat. Beati qui *Mat. 5. a* esuriunt, &c. Si quid patimini propter iustitiam, *1. Pet. 3. c* beati. Quod exaltat. Qui operatur iustitiam, exaltabitur. Appetitum concupiscentiæ refrenat. Erit *Eccli. 20. d* iustitia cingulum lumborum eius. Locum Deo præparat. Iustitia & iudicium præparatio, &c. A morte æterna liberat. Iustitia liberabit a morte. Coronat. Reposita est mihi corona iustitiæ. Remunerat. *Psal. 88. b* Retribuet mihi Dominus secundum, & cetera. *Pron. 10. a* *2. Tim. 4. b* *Psal. 17. b* *Rom. 4. a*

Iustitia consistit in fide. Apostolus: Credidit Abraham Deo, & reputatum, &c. Item in oratione. *Psal. 35. d* Clamauerunt iusti, &c. In sancta meditatione. Beatus vir, qui in sapientia morabitur, &c. In humilia- *Eccli. 14. d* tione. Sic decet nos implere omnem iustitiam. *Mat. 3. d* Glossa: Perfecta iustitia est subdere se minori. In *Pron. 11. c* eruditione. Seminanti iustitiam merces fidelis.

## De donis in communi. Cap. XXXVIII.

**L**icet omnes habitus dati diuinitus possint dici generaliter dona Dei: specialiter tamen & appro-

**A**priate septem sunt dona Spiritus sancti, quæ per ordinem enumerat, a summo incipiens vsque ad vltimum descendendo. Septem igitur sunt dona multiplici ratione. Primo scilicet, vt per hæc septem expellantur vitia septem, ita scilicet vt timor expellat superbiam, pietas inuidiam, scientia iram, quæ est quasi quædam infania, fortitudo acediam, consiliū auaritiā, intellectus gulam, sapientia luxuriā.

**B**Secundo dicuntur esse septem dona propter expediendas vires naturales. Nam irascibilis indiget expediri tam in prosperis quàm in aduersis: in prosperis quidem per timorem, in aduersis autem per fortitudinem. Concupiscibilis indiget expediri quantum ad affectū respectu proximi, quod fit per pietatem, & quantum ad affectum respectu Dei, quod fit per gustum sapientiæ. Rationalis quoque indiget expediri in veritatis speculatione, quod fit per donum intellectus: & in veri electione, quod fit per consiliū: atque in electi executione, quod fit per donū scientiæ. Per hoc enim donum recte conuersamur in medio nationis prauæ & peruersæ.

**C**Tertio dicuntur esse septem dona, propter regimen actiue & contemplatiue vitæ. Contemplatiua siquidem tria dona debet habere, scilicet timorem ad reuerentiam maiestatis, intellectum ad intelligentiam veritatis, sapientiam ad gustum bonitatis. Actiua vero vita debet habere pietatem ad agendum, fortitudinem ad sustinendum, scientiam ad directionē pietatis, consiliū ad directionem fortitudinis. Plurima ergo dona sunt ad intellectum spectantia: quia lux cognitionis multum expedit ad dirigendos pedes nostros in viam rectam. Propter eandem causam fit donorum combinatio: vbi quasi semper adiungitur vnum directiuum cum alio, quod spectat ad actionem vel passionem. Vnde Gregorius super Ezechielem dicit, quod sumus per sapientiam maturi, per intellectum prouidi, per consiliū cauti, per fortitudinem animosi, per scientiam discreti, per pietatem misericordes, per timorem humiles.

## De timore in communi. Cap. XXXIX.

**T**imor est, vt ait Augustinus fuga mali. Species timoris sunt sex: primus est naturalis, quo quilibet naturaliter timet nocumentum nature. Ille non est meritorius neque demeritorius: quia non subiacet libero arbitrio, & dicitur naturalis non a natura instituta, sed destituta: quia iste timor est pro peccato primorum parentum inflicus; hoc timore Christus naturaliter mori timuit. Secundus est timor humanus quo quis nimis timet pelli suæ. Iste timor nascitur ex nimio amore præsentis vitæ: & est quandoque mortalis actus eius, cum potius quis peccaret mortaliter, quàm amitteret vitam suam: quandoque est venialis, vt cum quis faceret potius peccatum veniale, quàm permetteret se occidi. Tertius est timor mundanus, quo quis nimis timet suis rebus spoliari. Hic nascitur ex nimio amore rerum temporalium, & est quandoque mortalis, quandoque venialis, positus eodem modo quo dictum est de humano. Quartus est timor seruilis, quo quis timet peccare principaliter propter pœnam. Quintus est timor initialis, quo scilicet timet quis pœnam, & Dei offensam. Vnde quasi duos habet oculos: vnum ad gehennam, alium ad Deum: & hic est principalior. Sextus est timor filialis, quo scilicet quis timet offensam Dei, vel separationem a Deo.

Numerus prædictorum timorū sic accipitur. Aliquis timor est a Spiritu sancto, & cum Spiritu sancto, sicut timor initialis & finalis. Aliquis a Spiritu sancto est, & non cum Spiritu sancto, sicut timor seruilis. Aliquis est cum Spiritu sancto, & non a Spiritu sancto, sicut timor naturalis. Aliquis nec a Spiritu sancto, nec cum Spiritu sancto, sicut timor humanus, & mun-

*Isa. 11. a*

*Greg. hom. 19. in Ezech. cir. med.*

*Mat. 26. d*

& mundanus: quos nec Spiritus sancti gratia secum A  
compatitur, nec per Spiritum sanctum dantur. Est  
adhuc alius timor reuerentiae, qui solus inter omnes  
Psal. 18. c timores erit in patria: sicut dicit Psalmista: Timor  
Domini sanctus, & cetera. Reuerentia vero est resili-  
litio a considerata magnitudine Dei in propriam par-  
uitatem.

Timor Domini multa bona facit: Primo, quia expellit peccatum. Timor Domini expellit peccatum.  
Eccli. 1. c Sapienciam gignit. Qui timet, nihil negligit. Men-  
Eccli. 7. c tem stabilis. Nisi in timore Domini tenueris te in-  
Eccli. 27. a stanter, &c. Spiritualiter ditae. Non est inopia ti-  
Psal. 32. b mentibus eum. Bona opera cumulat. Qui timet B  
Eccli. 15. a Deum, faciet bona. Cor delectat. Timor Domini  
Eccli. 1. b delectat cor. Vitam prolongat. Timor Domini ap-  
Prov. 10. d ponit vitam, Deuotionem irrigat. Timor Domini  
Prov. 14. d fons vitae. Aeternaliter remunerat. Timenti Deum  
Eccli. 1. b. c bene erit in extremis.

#### De timore seruilis. Cap. XL.

Timor seruilis donū Spiritus sancti est, nec tamen  
est cum Spiritu sancto, sicut aurora est a Sole,  
nec tamen cum Sole est. Timor seruilis Spiritui san-  
cto locum praeprarat ut eum, sicut seta filum, introducat.  
Seta namque filum introducendo ipsum praecedat,  
non tamen cum ipso permanet, sicut ait Augu-  
stinus: Timor seruilis est bonum, quo nemo bene  
vritur, quia licet habitus timoris seruilis bonus sit in  
se, secundum etiam quod donum Spiritus sancti est,  
tamen eius actus quandoque peccatum est.

Timor seruilis duo facit. Primum est quod praeparat viam charitati. Secundum est, quod retrahit a peccato motu poenae tantum. Ratione primi bonus est, sed ratione secundi distinguitur. Vnde notandum est, quod vsus timoris seruilis duplex est, scilicet cum quis vritur essentia habitus tantum, vel cum vritur ser-  
D uilitate. Primo modo vsus eius bonus est. Nam ille est abhorreere poenas aeternas, quod bonum est cum timore initiali. Secundo modo vsus eius malus est, quia vsus eius est vitare malum ex coactione per poenam, cuius tamen affectus habetur in voluntate, & sequeretur effectus, si speraretur impunitas, ut ait  
Aug. enar. Augustinus. Et sic intelligitur dictum eius, qui ait  
in Psal. 118. quod timor seruilis bonus est, non tamen qui timet  
concl. 25. cir seruiliter, bene agit: quia agere bonum est ex volun-  
concl. 10. 8 tate facti, sed agere bene, id est, meritorie, est ex voluntate agentis, qui agit ex virtute charitatis & gratiae.

#### De timore initiali. Cap. XLI.

Timor initialis ideo sic dictus est, quia est incipien-  
tium primo poenitere. Vnde in Isaia: Domine a  
timore tuo concepimus, &c. Qui adhuc sunt in an-  
gustia pro peccato, quod commiserunt, sed hac an-  
gustia foras mittitur, quando conscientia serenatur  
ad plenum: quia perfecta charitas foras mittit timo-  
rem initialem, in quantum habet naturam timoris  
seruilis: secundum hoc, scilicet, quod habet oculum  
ad poenam. Timor enim initialis habet duos oculos: F  
vnum ad gloriam, qui est ei essentialis, alterum ad poenam, qui est ei accidentalis, sed timori seruilis est essentialis. Praeterea timor initialis abstinet a peccato veniali retrahenti a gloria propter poenam purgatorij: in quo potest conuenire cum perfecto, qui etiam timet poenam purgatorij, in quantum est dilatiua gloriae, siue separatiua ad tempus. Duplex est amor, scilicet filialis, quo Deum diligimus propter se tantum: & mercenarius, quo non diligimus principaliter, sed secundario, habito respectu ad mercedem. Huic duplici amori responderet duplex timor, scilicet initialis & filialis. Nam filialis timor responderet amori filiali, initialis vero responderet amori mercenario.

#### De timore filialis. Cap. XLII.

Timor filialis proprie timet offendere Deum, qui etiam si propter peccatum non separaretur a Deo, tamen a peccato abstinere, ne Deum offenderet. & in hoc timor filialis differt ab initiali, quia initialis proprie est timor separationis, quia propter conscientiam peccati timet a Deo separari. Timor autem filialis tantum timet offendere Deum. Alia est differentia, quia timor initialis est imperfectorum, sed filialis perfectorum. Tertia est differentia, quia cum in timore poenae sint duo, scilicet punctio, & cautela: ipsa punctio pertinet ad timorem initialem (talis enim punctio est ex conscientia peccati, de quo nescit an sit dimissum) cautela vero pertinet ad timorem filialem. Sicut enim perfectus cauet peccatum, quod Deum offendit, ita per consequens cauet poenam, sed tamen per accidens. Timor etiam filialis dicitur sanctus & castus.

#### De dono pietatis. Cap. XLIII.

Donum pietatis in tribus consistit, scilicet in cultu Dei, in veneratione sacrae Scripturae, & in honore proximi. Cultus Dei consistit in professione diuinæ maiestatis, & hoc est theosebia. Veneratio sacrae Scripturae consistit in hoc, ut ei firmiter credatur, sollicitè custodiatur, & fideliter dispensetur. Honor proximi consistit in reuerentia superiorum, in conformitate aequalium, & in subuentione inferiorum.

#### De dono scientiae. Cap. XLIV.

Scientiae donum, idem est in essentia quod prudentia, quae est virtus politica; sed differunt in ratione agendi. Prudentia enim procedit ex principiis iuris naturalis, scientiae vero donum ex principiis fidei. Proprius actus scientiae doni est docere recte conuersari in medio nationis prauae & peruersae. Ad quod requiruntur tria: primum est, quod habeat rationes, quibus se defendat ab impugnantibus fidem suam. Secundum est quod a malo abstinere. Tertium, quod bene & prudenter temporalia administret. Praeterea scientiae doni est dirigere opera ad normam rationis, & ad conformitatem Dei. Item per scientiae donum scitur, ne sub specie boni malum lateat. Item donum scientiae regit pietatem, propter quod etiam haec duo combinantur. Item per donum scientiae, E scit homo quid sit, & a quo sit, & ad quid sit. Scientiae donum est scientia faciendorum: & ideo ratione scientiae consistit in cognitione, secundum quam non est virtus, sed ratione faciendorum consistit in operatione, secundum quam est virtus.

#### De dono consilij. Cap. XLV.

Consilium sumitur tribus modis, quandoque enim dicitur consilium deliberatio de rebus valētibz ad finem, ad quem tendimus, & tale consilium pertinet ad prudentiam, vel idem est, quod prudentia. Quandoque dicitur consilium persuasio rerum excellentium, ad quas non tenemur, secundum quod dicitur hoc esse consilium: Si vis perfectus esse, vende, & vende, &c. Quandoque dicitur consilium prudentia valde exercitata in medio contemplatiuorum & actiuorum donorum, & deliberatio de quibusdam operibus arduis, siue teneamur ad ea, siue non: & secundum hoc sumitur consilium donum, & ita consilium & prudentia sunt idem in essentia: tamen consilium abundat supra prudentiam in vno accidente, secundum quod eius est imperare.

Nota quod sicut ad scientiae donum pertinet reprobare malum & eligere bonum, ita pertinet ad consilium cauere pericula, quae sunt in hoc exilio. Item sicut



# De gratiarum sanctificatione Lib. V. 813

sicut scientiæ donum habet regere pietatem, ita donum consilij habet regere fortitudinem. In hoc autem differunt consilium & scientia, quia scientia est circa bonum & malum, sed consilium est circa difficile & arduum.

*De dono sapientiæ & intellectus. Cap. XLVI.*

**S**apientia & intellectus differunt, quia sapientia est cognitio Dei absolute, intellectus vero collatiue, scilicet in comparatione ad creaturas. Item alia differentia: quia intellectu cognoscitur Deus per illuminationem de auditis in scriptura, sapientia autem cognoscitur experimento. Item per intellectum Deum cognoscimus, per sapientiam dulcedinem eius gustamus. Vnde sapientia dicitur quasi sapore virtutum condita scientia. Item, sicut dicit Gregorius, per intellectum sumus prouidi, per sapientiam maturi.

*Greg. homil. 19. in Ezech. cir. mod.*

*De beatitudinibus in genere. Cap. XLVII.*

**B**eatitudines sunt septem secundum distinctionem graduum, quamuis sint octo secundum essentiam, quas Saluator enumerat in sermone de monte, scilicet paupertas spiritus, mititas, luctus, esuries iustitiæ, misericordia, munditia cordis, pax. quarum beatitudinum numerus accipitur secundum integritatem perfectionis.

Requiruntur ad integritatem perfectionis tria, scilicet, recessus a malo, processus in bono, & perfectus status in optimo. Sane malum omne procedit ex tumore superbiæ, aut ex rancore malitiæ, aut ex languore concupiscentiæ. Contra hæc tria sunt tres beatitudines, scilicet paupertas spiritus contra malum superbiæ, mititas contra malum rancoris, luctus contra malum libidinis. Item processus in bono attenditur secundum diuinam imitationem, quæ est secundum duas vias Domini, scilicet misericordiam & veritatem, de quibus in Psalmis: Vniuersæ viæ Domini misericordia & veritas. Item secundum has duas vias sumuntur duæ beatitudines, scilicet esuries iustitiæ, & affectus misericordiæ. Præterea status in optimo attenditur in duobus, scilicet in limpida cognitione, & tranquilla affectione, & secundum hoc sumuntur duæ vltimæ beatitudines, scilicet munditia cordis ad Deum videndum, & pax mentis ad perfecte fruendum. Per has septem beatitudines excluduntur septem vitia capitalia. Paupertas spiritus excludit superbiam, mititas iram, luctus inuidiam (quoniam qui lugeat pro peccatis aliorum, non inuidet illis) esuries iustitiæ acediam, misericordia auaritiam, munditia cordis gulam: quia cordis munditia non feruit ventri ad modum bruti animalis. Pax excludit luxuriam, quia gustato spiritu desipit omnis caro. Et sicut in enumeratione donorum est ordo artificialis, quo primo ponuntur digniora: ita in beatitudinibus est ordo naturalis, quia digniores ponuntur vltimo.

*Psal. 24. b*

*\* Gloss. in serl. in Luc. cap. 6. Greg. li. 76. Mor. c. 20. in prin.*

*De prima beatitudine. Cap. XLVIII.*

**P**aupertas spiritus ponitur hic pro abstinentia ab amore mundi, idest, ab amore carnalium voluptatum, & deliciarum, ac propriæ excellentiæ. Hæc tria complectitur amor mundi. Vnde dicitur super Lucam: Pauperes sunt qui non quærunt illecebrosa. Super Matthæum: Gregorius. Pauperes spiritu sunt humiles & Deum timentes. Alia Glossa dicit quod pauperes sunt, qui nihil habent, & omnia possident.

*De secunda beatitudine. Cap. XLIX.*

**M**itis est, sicut dicit Aristoteles, qui nec patitur, nec seducit. Est autem mititas eadem cum mansuetudine, habetur enim in Glossa super Matthæum, Append. ad To. 7. oper. S. Bon.

quod mansuetus est, qui nullam amaritudinem animi sentit. Ex quo patet quod mansuetudo est purgati animi, & potest dici quod mansuetudo est species fortitudinis mediante patientia. Differunt tamen mansuetudo & patientia: quoniam patientia est in sustinentia molestiarum corporalium, mansuetudo vero in sustinentia contumeliarum.

*De tertia beatitudine. Cap. L.*

**L**uctus est lugere pro peccato, & ipsum odire, ita quod insurgamus ad destructionem ipsius. Lugere autem de malo ut fugiamus ipsum, in quantum auertit ab amico, sic lugere est solius charitatis. Lugere vero de quolibet malo speciali, est cuiuslibet virtutis. Quælibet enim virtus lugeat de suo contrario.

*De quarta beatitudine. Cap. LI.*

**E**suries iustitiæ est vehemens desiderium iustitiæ, siue summi boni. Esuries autem iustitiæ potius est beatitudo, quam esuries aliarum virtutum Cardinalium: quia per iustitiam immediate coniungimur Deo: quod non fit per alias virtutes Cardinales. Iustitia vero prout hic sumitur, comprehendit fidem, spem, charitatē: quæ immediate coniungunt nos Deo.

*De quinta beatitudine. Cap. LII.*

**M**isericordia est, per quam pro terrenis cælestia meremur. Opera misericordiæ sunt quatuordecim: septem scilicet corporalia, & septem spiritualia. Corporalia sunt hæc, Visitatio infirmorum, portatio sitientium, cibatio esurientium, redemptio captiuorum, vestitio nudorum, collectio peregrinorum, sepultura mortuorum. Prima sex de istis habemus in Euangelio, septimum in Tobia. Opera misericordiæ spiritualia sunt hæc, Delinquenti ignoscere, peccantem corripere, ignorantem docere, titubanti consilium, mestum consolari, pro salute proximi exorare, iniurias sustinere. Et hoc vltimum propterea dicitur opus misericordiæ, quia responsio mollis & humilis frangit iram: & hoc pium est, scilicet furorem irati mitigare.

*Tob. 1. d. & 2. a. b. Mat. 25. c. d*

*Pron. 15. a*

*De sexta beatitudine. Cap. LIII.*

**M**unditia cordis est, qua clarificatur cor, & mundatur ad videndum Deum, & ardentissime diligendum. Accipitur autem hic munditia cordis non pro virtute, sed pro statu quodam, qui est purgati animi.

*De septima beatitudine. Cap. LIV.*

**P**ax est status virtutū, in quo est delectatio in Deo sine contradictione carnis, mundi, & diaboli, vel si est aliqua, inefficax est. Vnde patet quod pax est status animi purgatissimi. Pacificis enim magis attribuitur esse filios Dei, quam alijs: quia licet misericordia maxime assimilet hominem Deo, quantum ad opera exteriora, tamen quantum ad interiora magis assimilatur pax.

*De octaua beatitudine. Cap. LV.*

**O**craua beatitudo est, de qua dicitur: Beati qui persecutionem patiuntur propter iustitiam, quia ipsorum est regnum cælorum. Hæc virtus, scilicet sustinentia persecutionis propter iustitiam, annexa est paci. Cum enim pacificus sit absque contradictione carnis, mundi, & diaboli: patet quod idem paratus est superare mortem, & tentationem mortis. Vnde sustinentia mortis pro Christo, in eodem gradu est

Z z z cum

cum pace: propter hoc diximus quod octo sunt beatitudines quantum ad essentiam, sed tantum septem quantum ad distinctionem graduum. Et sciendum quod supra pacem non est virtus alia. Dicit enim Augustinus: Pax est finis & consummatio omnium virtutum. Octava beatitudo dicitur redire ad caput duobus modis. Primo, quia idem primum sibi promittitur, quod primæ beatitudini, scilicet regnum celorum. Secundo, quia omnes probat a prima usque ad ultimam utrum veræ sint, sicut ait Gregorius: Qualis unusquisque apud se lateat, illata contumelia probat. Ex prædictis colligitur quod habitus virtutum Cardinalium principaliter disponunt ad exercitium actiue, habitus vero donorum disponunt ad actus contemplatiue, habitus autem beatitudinum disponunt ad perfectionem vtriusque.

*De sensibus spiritualibus. Cap. LVI.*

**P**er sensus spirituales percipit anima spiritualia, quæ in sponsi sui pulchritudine percipere fas est. Sub ratione splendoris audit amoenissimam harmoniam, sub ratione Verbi incarnati gustat summam dulcedinem, sub ratione sapientiæ comprehendens vtrumque, scilicet Verbum, & splendorem, odoratur summam fragrantiam, sub ratione Verbi inspirati in corde tangit summam suauitatem, sub ratione Verbi incarnati, & inter nos corporaliter habitantis, redditur se nobis palpabilem & osculabilem percipit ardentissimam charitatem. Ex prædictis patet quod sensus spirituales dicuntur conceptiones mentales circa veritatem contemplandam, quæ quidem contemplatio incipit a sensu, & peruenit ad imaginationem, & de imaginatione ad rationem, & de ratione ad intellectum, & de intellectu ad intelligentiam, & de intelligentia ad sapientiam, siue notitiam excessiuam, quæ incipit hic in via, & consummatur in gloria.

*De fructibus spiritualibus. Cap. LVII.*

**F**ructus duodecim spirituales non dicuntur noui habitus, sed status consolationum, quibus consolatur spiritus iustorum: & iste consolationes consequuntur opera perfecta. Sunt autem isti fructus, charitas, gaudium, pax, patientia, longanimitas, bonitas, benignitas, mansuetudo, fides, modestia, &c.

*De dulia, & latria. Cap. LVIII.*

**L**atria est seruitus, & reuerentia Deo exhibitæ: unde si creaturæ exhibetur honor Deo debitus, est idolatria. Latria autem comprehendit quinque, scilicet fidem, sapientiam, reuerentiam, sacrificium, & orationem: prima duo sunt cordis, alia duo sunt operis, ultimum est oris. Dulia debetur creaturæ in quantum est imago Dei. Vnde dulia est honor, qui debetur sanctis. Vnde de beata Virgine sciendum est quod in quantum est persona sancta, debetur ei dulia: sed in quantum mater Dei, debetur ei hyperdulia, id est superior dulia. Sane si persona, cui debetur dulia, est in prælatione constituta, debetur ei reuerentia, quæ consistit in obedientia mandatorum, & in exhibitione honorum. Si autem est persona simplex, debetur reuerentia tantum, quæ consistit in exhibitione honorum. Hyperdulia autem debetur creaturæ excellenti, sicut est caro christi, beata Virgo, crux Christi. Vnde sciendum est quod veræ ligno crucis Christi, in quo pependit, si sit non figuratū signo crucifixi, debetur hyperdulia, quia fuit instrumentum nostræ redemptionis. Crucibus autem factis, in quantum sunt ligna siue res tales, nihil debetur: sed crucibus factis in signum Christi crucifixi, debetur dulia. Imaginibus enim eadem debetur ado-

**A**ratio, quæ debetur & illis, quorum sunt imagines, non quod in quantum res factæ adorantur, sed quod illa quorum sunt imagines, adoramus.

*De præceptis in genere. Cap. LIX.*

**P**ræceptum est imperium faciendi aliquid, vel non faciendi. Præceptorum alia sunt affirmatiua, ut Honora patrem: alia negatiua, ut Non occides. Præcepta affirmatiua stricte sumendo dicuntur præcepta, sed negatiua dicuntur prohibitiones. Præcepta affirmatiua obligant semper, sed non ad semper: negatiua vero obligant semper, & ad semper. Præcepta decalogi possunt dici data, vel innata. Primo modo tantum pertinent ad populum Israeliticum: secundo modo omnes obligant: quia quidquid continet decalogus explicite, hoc continet lex naturæ, quæ scripta est in corde cuiuslibet implicite. Istud enim præceptum legis naturæ, Quod tibi non vis fieri, alijs ne feceris, includit hæc præcepta, Non occides, Non furum facies & huiusmodi, quæ decalogus ponit explicite. Quædam præcepta ponuntur imperatiue, illa scilicet quæ sunt affirmatiua: quædam indicatiue, scilicet negatiua: & hoc ideo, quia difficilius est facere bonum, quam declinare malum. Plures enim in faciendo bonum requiruntur circumstantiæ. In quibusdam præceptis prohibentur actus, habitus, & affectus: ut patet in his: Non mœchaberis, Non concupisces uxorem proximi tui, quia appetitus est nimis inordinatus ad illa. In quibusdam solummodo prohibentur actus, ut cum dicitur: Non occides. Hoc dico secundum formam tradendi, non secundum veritatem intelligendi, quia omnia præcepta negatiua manum, & animum ligant.

Multis modis ligamur, scilicet lege naturæ, ut est diligere Deum super omnia, & nulli facere quod nobis fieri nolumus. Præceptis diuinis, ut ligabatur Adam præceptis sibi datis, & iudæi suis. Voto, quia secundum Augustinum, vouere est voluntatis, sed reddere est necessitatis. Vnde quibusdam etiam consilia sunt præcepta, sicut religiosi qui vouerunt talia. Decretis patrum, ut est ieiunare aliquas vigilias, & huiusmodi. Consuetudine, secundum quod in Francia primogenitus succedit in regno. Mandatis prælatorum. Vnde super cathedram Moysi, & cetera. Conscientia, quia secundum Augustinum: Quidquid fit contra conscientiam, ædificat ad gehennam.

Numerus præceptorum sumitur sic: quia quædam ordinant nos ad Deum, quædam ad proximum: quod Deus insinuare voluit, quando in duabus tabulis legem dedit. In prima tabula sunt tria præcepta, quæ pertinent ad Deum, quorum primum pertinet ad Patrem, quia est de diuina unitate. Secundum ad Dei Filium, quia est de iuramenti veritate. Tertium ad Spiritum sanctum, quia est de spirituali vacatione. In secunda tabula sunt septem præcepta ad proximum spectantia: quorum primum est de exhibendis bonis, ut est illud, Honora patrem tuum, &c. Reliqua sex sunt de cauendis malis, quæ inferri possunt corde, vel opere, vel ore. Opere lædimus proximum tripliciter, propter quod dantur tria præcepta. Primum est, Non occides. Secundum, Non mœchaberis. Tertium, Non furum facies. Ore quoque lædimus proximum, & est contra illud, Non dices contra proximum tuum falsum testimonium. Corde lædimus proximum dupliciter: quandoque respectu rei irrationabilis. de hoc dicitur: Non concupisces rem proximi tui. Quandoque respectu rei rationalis, & de hoc dicitur: Non concupisces uxorem proximi tui.

*Exo. 20. 6*

*Ibidem.*

*De primo præcepto. Cap. LX.*

**P**rimum præceptum tres habet clausulas. Prima est, Non habebis deos alienos coram me. Vbi *Exo. 20. 6* prohibet

prohibemur adorare creaturas spirituales, scilicet Angelos. Secunda est, Non facies tibi sculptile: hoc est imagines fictas, quæ nullius rei naturalis sunt representatiuæ. Tertia est, neque omnem similitudinem, scilicet imaginem rei naturalis: & sequitur, quæ est in cælo desuper, ut Solis & Lunæ, & quæ in terra, deorsum, ut hominis, bouis, & similibus. Neque eorum, quæ sunt in aquis sub terra, idest, piscium. Non adorabis ea, scilicet actu exteriori: neque coles, scilicet affectu interiori. Ex his patet quod non reprehenduntur Christiani, qui faciunt imagines, non quidem ad adorandum, sed ad memorandum. Honor autem, qui exhibetur sanctis, non est latræ, sed dulciæ. Secundum rationem allegoricam prima huius præcepti clausula ostendit Iudæos & Saracenos esse idolatras, qui deos habent alienos. Iudæi quidem Messiam, idest Antichristum, Saraceni, Mahometum. Contra secundam clausulam, scilicet non facies tibi sculptile, faciunt hæretici qui non credunt de Deo, nisi quod imaginatione sua & phantasia confingunt. Contra tertiam faciunt mali Christiani, quia superbi colunt similitudinem eorum quæ sunt super terram, scilicet honores. nam diligunt super omnia prælaturas. Auari colunt similitudinem eorum, quæ sunt in terra, scilicet pecuniam, & diuitias. Voluptuosi colunt similitudinem eorum, quæ sunt in aquis, idest, delicias & voluptates.

## De secundo præcepto. Cap. LXI.

Secundum est: Non assumes nomen Dei tui in vanum. Hic prohibetur iuramentum quod fit sine causa, & periurium. Vterque enim peccat, scilicet pro nihilo iurans, & assumens, & falso iurans nomen Dei in vanum, quia primus sine causa nominat summam veritatem: secundus autem nominatam contemnit.

Tribus modis quis peccat in periurio: vel iurando contra consciëntiam, vel iurando illicitum, vel veniendo contra iuramentum. Præterea sciendum est quod iuramenta, quæ quis ex certa scientia facit, vel sonant in blasphemiam, ut quædo quis iurat per corpus Dei, intestina, & similia; vel sonant in irreuerentiam, sicut quando iurat per vulnera Christi, sunt peccata mortalia, etiam si verum est quod iuratur. Istud præceptum non solum intelligitur secundum prædictam rationem litteralem, sed secundum intentionem moralem. Assumitur enim nomen Dei in vanum multipliciter, scilicet corde, ore, & opere. Corde, sicut mali, qui tantum nomine sine re dicuntur Christiani, qui licet sacramentum receperunt baptismi, tamen rem sacramenti, idest gratiam non habent. Ore, scilicet mala iuratione, voti transgressione, prædicatione, quæ fit mala intentione, & indeuota oratione.

*Mat. 15. a* de qua dicitur: Populus hic labijs me honorat, &c. Opere, secundum quod hypocritæ nomen Dei assumunt in simulatione operis exterioris, non in puritate cordis. Vnde sumunt illud in vanum, quia recipiunt mercedem suam.

## De tertio præcepto. Cap. LXII.

*Exo. 20. b* Tertium est, Memeto ut diem sabbati sanctifices, non facies opus in eo. In hoc præcepto quoddam est morale, ut vacatio ad Deum, oratio, colendo, meditando: quoddam ceremoniale, ut assignatio diei septimæ, quæ figurabat tropologice cessationem peccati, allegorice quietem corporis Christi in sepulchro, anagogice requiem æternam in cælo. Istud ergo præceptum potest tripliciter accipi. Primo generaliter, ut cessemus a vitijs. Secundo specialiter, ut cessemus ab operibus corporalibus, quæ impediunt vacationem ad Deum. Tertio specialissime, ut est in viris

Append. ad To. 7. oper. S. Bon.

contemplatiuis, qui ab omnibus mundanis se separant, ut totaliter Deo vacent. Prima vacatio est necessaria, secunda debita, tertia perfecta. Secundum ergo quod sabbatum dicitur requies, siue vacatio ad Deum, sic dies Dominica potest dici dies Sabbati, & quolibet dies statuta ad venerationem diuinam, in quibus cessandum est ab opere serui, idest a peccato, & ab opere impediante vacationem ad Deum. Opera enim seruiilia determinantur ab Ecclesia operum mechanica, quæ sunt agricultura, mercatum, placita, exercitia.

## De quarto præcepto. Cap. LXIII.

Quartum est, Honora patrem tuum, & matrem tuam. Huic præcepto additur promissio, scilicet, Ut longæuus sis super terram: quia iustum est, ut conseruatio vitæ alienæ mereatur conseruationem vitæ propriæ. Pater dicitur in hoc mandato qui est principium per generationem quo ad esse naturæ, ut pater carnalis, vel qui est principium per ministerium regenerationis quo ad esse gratiæ, ut pater spiritualis. Sumitur autem alio modo pater non secundum rationem propriam, sed secundum communem pro sene, qui dicitur pater ætate, vel pro rege, qui dicitur pater defensione. Honor intelligitur hic dupliciter, scilicet exhibitio corporalis in sustentatione, & spiritualis in reuerentia, & obedientia. Sed obedientia diuersificatur secundum diuersitatem patrum: quia patri spirituali debemus obedire in spiritalibus; prælato seculari, scilicet regi in temporalibus reipublicæ: patri vero carnali in dispositione rei familiaris.

## De quinto præcepto. Cap. LXIV.

Quintum est, Non occides. Hic explicite prohibetur homicidium, sed implicite omnis motus iræ contra proximum, siue ille sit tantum cordis, ut ira: siue oris, ut contumelia: siue operis, ut percussio citra mortem, vel depilatio. Prohibetur hic omnis occisio iniusta, quæ fit tripliciter. Ex causa, ut in illo, qui occiditur sine culpa. Vel ex ordine, ut cum ille, qui non est minister legis, occidit. Vel ex animo, ut quando minister legis occidit non amore iustitiæ, sed libidine vindictæ. Distinguitur autem homicidij genus dupliciter, scilicet verum, quod dicitur corporale, & interpretatiuum, quod dicitur spirituale. Homicidium spirituale fit duobus modis. Vno modo omittendo, ut cum quis videt alium in extrema necessitate, & non subuenit ei, interpretatiue dicitur eum occidisse. Alio modo fit committendo: & hoc quandoque corde, scilicet odiendo. Qui odit fratrem suum, homicida est. Quandoque ore, scilicet, detrahendo: quia ille cui detrahitur, occiditur in consciëntia illius, qui audit detractorem, in qua prius vivebat per bonam famam. Quandoque opere, scilicet, malo exemplo alicui occasionem ruinæ præstando, & tunc interpretatiue dicitur illum occidisse.

## De sexto præcepto. Cap. LXV.

Sextum est, Non mœchaberis. In hoc præcepto, ut dicit Augustinus, prohibetur omnis illicitus concubitus, & omnis illegitimus usus eorum membrorum. De hac materia quære supra libro tertio in capite, De luxuria, & in capite sequenti.

## De septimo præcepto. Cap. LXVI.

Septimum est, Non furtum facies. Hic secundum Augustinum prohibetur omnis contrectatio rei alienæ ex cupiditate. Contrectatio rei alienæ potest fieri

*Exo. 11. a* **S**eri licite tribus modis. Primo, quando fit non ex cupiditate, sed ex obedientia, sicut fecerunt filij Israel auferendo vasa Aegyptiorum. Secundo, quando fit cautela, ut si aliquis furetur gladium furiosi; ne sibi vel alijs noceat. Tertio, quando fit ex necessitate, ut cum aliquis ad mortem esuriens furatur panem, quia in necessitate omnia communia sunt.

*De octavo precepto. Cap. LXVII.*

*Exo. 20. c* **O**cratum est, Non loqueris contra proximū tuum falsum testimonium. Hic prohibetur omne genus mendacij, sicut dicit Augustinus, quod determinatur per tres differentias. Est enim mendacium pernitiosum, quod nocet: officiosum, quod prodest: iocosum, quod delectat. Includitur in hoc precepto taciturnitas veritatis tempore necessitatis: tamen causa & opportunitas facit ipsam taciturnitatem veritatis esse licitam.

*De nono precepto & decimo. Cap. LXVIII.*

*Exo. 20. c* **N**onum & decimum preceptum est, non concupisces rem proximi tui, nec desiderabis uxorem eius, non seruum, non ancillam, non bouem, nec asinum, nec omnia quæ illius sunt. Duo prohibentur hic, scilicet concupiscentia carnis in uxore proximi, & concupiscentia oculorum in re aliena. Nam ad hæc duo maxime inclinatur natura corrupta. Ad vnum propter conseruationem sui in esse indiuidui. Ad alterum propter conseruationem sui in esse speciei. Hic non prohibetur appetitus, qui est ex corruptione fornicis, vel a delectatione sensualitatis, quia impossibile est quod illæ concupiscentiæ non sint in nobis: sed prohibetur appetitus, qui est ex consensu rationis. Quamuis istud preceptum ad duo tantum determinetur, tamen prohibetur ibi vniuersaliter omnis concupiscentia malæ voluntatis.

*De consilijs in genere. Cap. LXIX.*

*Mat. 19. c* **C**onsilium prout diuiditur contra preceptum, est persuasio melioris boni, ad quod non tenemur. Consilia in multis differunt a preceptis. Primo, quia ad precepta tenemur, ad consilia vero non, quia precepta seruare est necessitatis, consilia vero voluntatis. Item lex verus dat precepta, Euangelium vero superaddit consilia. Item consilium pertinet ad perfectos, preceptum ad perficiendos: sed permissio ad imperfectos, prohibitio ad peruersos. Item precepta separant nos ab illicitis, consilia vero a concessis. Item per precepta declinamus peccata, sed per consilia occasiones peccati. Item per precepta maxime negatiua pœnam fugimus, sed per consilia præmiū cumulamur. Item consilia seruata afferunt præmiū, non seruata non adducunt supplicium. Item ad precepta constringimur ex debito, sed ad consilia non nisi ex voto. Item consiliū per votum fit preceptum, sicut ait Augustinus: Vouere est voluntatis, sed reddere, necessitatis. Item melius est esse deuotum in minoribus, quàm in maioribus indeuotum promissionibus inueniri. Vnde melius est nuda precepta seruare cum deuotione, quàm se ad consilia obligare, & in his negligentem esse.

Nota quod in lege Mosaiica fuerūt iudicia cærimonialia & moralia. Lex autem Euangelica iudicia temperat, partem auferendo: figuras euacuat, rerum veritatem exhibendo: precepta consummat adiungendo. Adiecit autem tria, scilicet instructionem documentorum, promissionem præmiorum, & perfectionem consiliorum. Et ideo dicitur lex Mosaiica ab Euangelica differre: quia illa figurarum est, hæc veritatis: illa pœnæ, hæc gratiæ: illa literalis, hæc spiritualis: illa occidens, hæc viuificans: illa timo-

ris, hæc amoris: illa seruitutis, hæc libertatis: illa oneris, hæc honoris.

*De consilijs Euangelicis. Cap. LXX.*

**C**onsilia quæ Christus adiecit preceptis, sunt ista. Primum est paupertatis, quæ consistit in abdicatione proprietatis. Vnde Lucas: Qui non renunciauerit omnibus, quæ possidet, non potest meus esse discipulus. Omnis qui reliquerit domum vel fratres, &c. propter nomen meum, centuplum accipiet, & vitam æternam possidebit. De hoc Hieronymus: Mo nachus habens obolum, non valet obolum.

Secundum est obedientia, vnde illud: Super cathedram Moysi sederunt Scribæ & Pharisei, quæ dicunt facite, &c. Si quis vult post me venire, abneget semetipsum, & tollat crucem suam, & cetera. Sciendum autem quod duplex est obedientia, scilicet perfecta, quæ se extendit ad omnia quæ non sunt contra Deum, vel contra regulam, quam quis professus est, & quæ dispensationi prælati non subduntur. De hac obedientia dicit Bernardus: Perfecta obedientia legem nescit, terminis non arctatur, non continetur professionis angustia. Ad hanc nullus tenetur debito necessitatis: sed solum perfectionis, sicut tenemur semper imitari charismata meliora. Alia est obedientia imperfecta: tamen sufficiens ad salutem, quæ quis obedit tantum in his, quæ seruare promissit, vel in illis, quæ in his implicite continentur, sicut sunt illa sine quibus religionis professio non seruatur, ut recipere officia, & huiusmodi, & talis obedientia necessitatis est. Cum ergo dicit beatus Benedictus in regula: quod si prælatus præcipiat aliquid impossibile, tentandū est facere: loquitur de obedientia perfecta, quam dum obseruat subditus in his ad quæ non obligatur ad prælati preceptum, consilij est & magnæ perfectionis, & non necessitatis. Sed si faciat ad simplicem monitionem tale quid maioris perfectionis est.

Tertium est castitas, de qua Dominus dicit: Sunt Eunuchi, qui se castrauerunt propter regnum cælorum. Ad idem pertinet illud Matthæi: Audistis, quia dictum est antiquis, Non moechaberis. Ego autem dico vobis, qui viderit mulierem ad concupiscendū, &c. Hic ostenditur quod non solum damnabilis est consensus ad opus moechationis, sed etiam consensus ad delectationem. Nota autem quod concupiscere ex subito motu veniale est: sed concupiscere ex deliberatione perficiendi, mortale est. Prædicta tria consilia sunt specialia & substantialia omnis perfectæ religionis: quia suos obseruatores elongant a malo, non solum quantum ad culpam, sed etiam quantum ad causam. Omne namque malum oritur ex triplici radice, scilicet ex concupiscentia carnis, ex concupiscentia oculorum, & ex superbia vitæ. Prædicta vero tria consilia perfecte nos elongant ab radice triplici.

Quartum consilium est charitatis. Diligite inimicos vestros. Istud autem quantum ad dilectionem affectus est preceptum, sed quantum ad dilectionem effectus est consilium: quia inimico velle gratiam & gloriam, est necessitatis: sed ostendere ei signa beneuolentiæ, est perfectionis & consilij: vnde ad hoc non omnes tenentur. Sane negare huiusmodi signa familiaritatis quando veniam petit, vel necessitas exposcit, vindicta est: vel quando se ille, qui hostis erat, ad familiaritatem ingerit, si habeatur præsumptio quod non simulate, vel irritorie faciat, tunc diligendus est, & inter amicos computandus. Sed quod aliquis ultro se ad familiaritatem inimico ingerat, hoc perfectionis est. Vnde quod aliquis iniuriam passus reconciliationem quærat & amicitiam, non est debitum necessitatis, sine quo non est salus: sed est perfectionis & consilij, quod magnū expectatur præmiū.

Quintum est mansuetudinis. Si quis te percuterit in unam

in unam maxillam, &c. Hoc autem sic intelligitur, paratus sis aliam sustinere patienter, & istud consilium est patientiæ respectu læsionis corporis. Sed ad idem pertinet aliud, quod est patientiæ respectu ablationis rerum, sicut est illud, ibidem: Qui vult tecum iudicio contendere & tunicam tollere, &c. Nota quod contingit sua repetere coram iudice fidei dupliciter, aut cum contentione & fraude, aut cum charitate. Primum nulli licet, secundum vero licet infirmis & imperfectis, perfectis autem non. Vnde non repetere, consilium est infirmis, perfectis vero præceptum. Illis autem, qui renunciauerunt proprietati, non licet repetere sua, ut sua, sed vt congregationis, non propter se, sed propter commune bonum.

*Luc. 6. e* Sextum est misericordiarum, & supererogationis, vt illud, Omni petenti te tribue, & illud: Si vis perfectus esse, vade, &c. Nota quod dare superfluum, est necessitatis, necessitate extrema, sed dare quibus egeamus, consilij, Augustinus: Melius est minimis egerere, quam plus habere. Quod autem dicit Dominus: Quæcumque vultis vt faciant vobis homines, vos eadem facite illis. sic intelligendum est. Quæcumque vultis rationabiliter, & dictante charitate, vt faciant vobis, &c. Vnde si peteremus rem aliquam, & non videremus illud esse rationabile, non vellemus iam rationabiliter dari nobis.

*Mat. 5. f* Septimum consilium est de simplicitate verborum, vt ibi: Sit sermo vester, est est, non non. Cuius sensus est: Si affirmatio, vel negatio est in ore, sit & in corde. Et ad hoc consilium reducitur illud Matthæi: Auditis, quia dictum est antiquis, non periurabis. Ego autem dico vobis non iurare omnino. Nota quod iurare, quantum ad infirmitatem pertinet, permissionis est. Non iurare autem, quantum ad perfectionem pertinet, consilij est. Prohibet etiam Dominus iurare per creaturas, scilicet per cælum, vel terram, vel per capillum, propter idololatriam, ne scilicet credamus aliquid numinis esse in illis. Fiunt tamen interdum iuramenta per Euangelium, & crucis, id est per eum cui hæc sunt dedicata.

*Mat. 5. e* Octauum est de vitanda occasione peccati. Vnde dicitur: Si oculus tuus scandalizat te, erue eum, & projice abs te. Secundum Augustinum, nullum membrorum erui præcipitur ad litteram, sed occasio peccandi. Potest enim occasio esse ex aspectu, & tunc oculus sinister scandalizat. Vel potest esse occasio ex contactu, & tunc manus dextera scandalizat. Potest insuper esse occasio peccandi ex alio, & hoc a consiliario, qui dicitur oculus, vel ab adiutore, qui dicitur manus: & est dextera qui consiliarius dicitur, & est adiutor in spiritualibus, sinistra in temporalibus, huiusmodi enim si scandalizant, abijciendi sunt, quia occasiones peccandi sunt abijciendæ.

*Mat. 5. b* Nonum consilium est de rectitudine intentionis ac finis. Vnde dicitur: Attendite ne iustitiam vestram faciatis coram hominibus, &c. Item illud: Nesciat sinistra tua, quid faciat dextera tua. Item: Sic luceant opera vestra coram hominibus, vt glorificent patrem vestrum, &c. De his nota quod contingit constituere duos fines, scilicet temporalem, & æternum: sed si æternus finis est ultimus, hoc bene licet. Actio autem spiritualis, vel prædicatio non potest referri ad finem temporalem, ita quod illud temporale referatur ad Deum, quia non sunt facienda mala vt veniant bona. Et hoc est quod dicit Augustinus, Non debemus euangelizare, vt manducemus: sed manducare, vt euangelizemus. Nota etiam quod nos tenemur illos actus referre ad Deum, quorum habemus dominium ex imperio rationis, vt est manducare, cogitare, eligere, & similia: sed non tenemur actus referre inobedientes rationi, vt est nutritiua, respiratiua, & huiusmodi.


*Mat. 23. a* Decimum consilium est de conformitate operis ad doctrinam, vt ibi: Alligant onera graui & imposita Append. ad To. 7. oper. S. Bon.

*Mat. 7. a* tabilia: digito autem suo nolunt ea mouere, & cet. Ad idem est illud Matthæi: Hypocrita, eijce prius trabem de oculo tuo, & tunc videbis, &c. Nota quod aliquando in prædicatione asseritur intentio generaliter, scilicet de his, quæ pertinent ad statum salutis: aliquando vero asseritur secundum statum perfectionis, vt pote religionis. Primo modo tenetur prædicator facere quod dicit, cum asserit ad hoc omnes teneri. Secundo modo non tenetur, nisi perfectionem illam ipse vouerit. Vtrum autem malus peccet prædicando, distinguitur: quia existens in peccato notorio peccat, quando prædicat, siue ex necessitate officij hoc faciat, siue ex voluntate, quia scandalizat. Existens autem in peccato occulto, si prædicat, & non studet ex dicto suo compungi, adhuc videtur peccare, quia videtur contemnere.

Vndecimum consilium est de vitanda sollicitudine, vt ibi: Nolite solliciti esse, &c. Et ibi: Nolite cogitare de crastino. Sciendum quod triplex est sollicitudo. Prima est laudabilis, vt est prouidentia spiritualis. Vnde Apostolus: Qui sine vxore est, sollicitus est, quæ Dei sunt, quomodo, &c. Item de prælatis: Qui præest in sollicitudine. Secunda est tolerabilis, & est illa sollicitudo curæ temporalis quo ad corpus. Martha Martha sollicita es, & turbaris, &c. Tertia est vituperabilis, & ista est superflua thesaurizationis, quo ad auaritiam. Peccatori autem dedit Deus afflictionem pessimam, vt addat, & congreget, & hæc vanitas cassa sollicitudo mentis. Sollicitudo prima præcipitur, secunda toleratur, tertia prohibetur.

Duodecimum est fraternæ correctionis: vt in Matthæo: Si peccauerit in te frater tuus, &c. Nota quod fratrem corripere, quandoque est consilium, vt quando corripitur super venialibus. Quandoque est præceptum, vt corripere de mortalibus: & isto secundo modo ad omnes pertinet, & obligat semper: quia pro loco & tempore, scilicet quando vacat, & videt quod utilis sit correctio. Sciendum est quod triplex est correctio, scilicet amoris, timoris, & pudoris. Hunc ordinem fraternæ correctionis docet Dominus in Euangelio. Primo enim innuit fratrem reuocandum esse amore, cum iubet eum singulariter corripere, dicens: Corripe eum inter te, & ipsum solum. Sed si hoc non valet, docet eum esse reuocandum timore, vbi ait: Si te non audierit, adhibe vnū, vel duos tecum: si hoc non valuerit, docet eum esse reuocandum pudore, vbi dicit: Si nec illos audierit, dic Ecclesie. Si autem Ecclesiam non audierit, sit tibi sicut Ethnicus & Publicanus, id est, excommunicari debet, & sic euitari. Sane prædictus ordo fraternæ correctionis intelligitur tantum de criminalibus: quia de culpis communibus solent claustrales se in suis capitulis accusare, non præmissa admonitione.

Verumtamen accusans alium caueat diligenter ne hoc faciat ad diffamandum, sed ad corrigendum: quoniam si quis ex deliberatione contrarium faceret, mortaliter peccaret.





## C O M P E N D I I

## THEOLOGICAE VERITATIS

## Liber Sextus

## DE SACRAMENTORVM VIRTUTE.

## CAPITA HVIVS LIBRI.

De medicina sacramentorum.	Cap. I.	De sacramento penitentia.	Cap. XX.
De diffinitionibus sacramenti.	Cap. II.	De qualitate penitentia.	Cap. XXI.
De sacramentis nouae legis.	Cap. III.	De effectu penitentia.	Cap. XXII.
De effectu sacramentorum.	Cap. IV.	De partibus penitentia.	Cap. XXIII.
De numero sacramentorum.	Cap. V.	De contritione.	Cap. XXIV.
De potestate dispensationis sacramentorum.	Cap. VI.	De confessione.	Cap. XXV.
De triplici statu fidelium.	Cap. VII.	De qualitate & effectu confessionis.	Cap. XXVI.
De institutione sacramentorum.	Cap. VIII.	Cui debeat fieri confessio.	Cap. XXVII.
De sacramenta baptismi.	Cap. IX.	De sigillo confessionis.	Cap. XXVIII.
De catechismo & exorcismo.	Cap. X.	De satisfactione.	Cap. XXIX.
De confirmatione.	Cap. XI.	De singulis partibus satisfactionis in communi.	Cap. XXX.
De sacramento Eucharistiae.	Cap. XII.	De singulis partibus satisfactionis.	Cap. XXXI.
De dignitate & excellentia sacramenti Eucharistiae.	Cap. XIII.	De iustificatione impij.	Cap. XXXII.
De mirabilibus quae sunt in Eucharistia.	Cap. XIV.	De penitentia venialium.	Cap. XXXIII.
De effectu in suscipiētibz corpus Christi.	Cap. XV.	Propter quid dimittitur peccatum veniale.	Cap. XXXIV.
De modo sumendi Eucharistiam.	Cap. XVI.	De extrema unctione.	Cap. XXXV.
De abstinētia a communione.	Cap. XVII.	De sacramento ordinis.	Cap. XXXVI.
De officio Missae.	Cap. XVIII.	De qualitate ordinandorum.	Cap. XXXVII.
De negligentis quae fiunt in Missa.	Cap. XIX.	De sacramenta matrimonij.	Cap. XXXVIII.

## De medicina Sacramentorum, Cap. I.



**C**UIUS medicus humani generis reparatiuus tali modo sanauit aegrotum, sicut optime competebat aegrotanti, & aegritudini, & occasione aegrotandi & ipsius aegritudinis curationi. Aegrotus igitur homo est. Morbus autē originalis culpa est. Origo vero istius cul-

pa, licet principaliter fuerit ex cōsensu rationis, occasione tamen sumpsit ex sensibus carnis. Ad hoc ergo quod medicina respondeat morbo, oportuit quod non tantum esset spiritualis, verum etiam aliquid haberet de sensibilibus signis: ut sicut sensibilia fuerunt animae occasio labendi, ita essent ei occasio resurgendi. Et propter hoc medicina nostri vulneris consistit in ecclesiasticis sacramentis.

## De diffinitionibus sacramenti. Cap. II.

Mag. lib. 4,  
sent. d. 1. B.  
Ex August.  
li. 2. de do-  
ctri. Christi.  
cap. 1. 10. 3.

**S**acramentum est, ut ait Augustinus, inuisibilis gratiae visibilis forma. Haec diffinitio generalis est, & conuenit sacramentis tam nouae, quam veteris le-

gis: quia tam illa, quam ista sunt ex similitudine representatiua, ex institutione significatiua. Sciendum autem quod eadem diffinitio conuenit sacramentis nouae legis, sed sic supplenda est, ita ut eius similitudinem gerat, & causa existat: quia non solum ex similitudine representant, vel ex institutione significant, sed etiam ex virtute diuina sanctificant, & gratiam conferunt, per quam anima curatur ab infirmitatibus vitiorum, & hoc est quod insinuat Augustinus in alia diffinitione, dicens: Sacramentum est illud in quo sub regumēto rerum visibilium diuina virtus secretius operatur. Est & tertia diffinitio Hugonis de sancto Victore, qui ait: Sacramentū est materiale elementum extrinsecus oculis suppositum, ex institutione significans, ex similitudine representans, ex sanctificatione aliquam gratiam inuisibilem conferens. Tria autem hic tanguntur, quae sunt de ratione sacramenti stricte & proprie sumpti. Primum est naturalis similitudo, ex qua habet aptitudinem significandi. Secundum est actualis institutio, ex qua habet ordinem determinatum respectu huius significati. Tertium est spiritualis sanctificatio, ex qua habet virtutem efficiendi illud significatum. Item dicit Augustinus, quod Sacramentum est sacrae rei signū; istud autem non est diffinitio, sed potius etymologia sacramenti.

Hugo de sa-  
cram. fid.  
lib. 1. p. 9.  
cap. 2.

Aug. 10. de  
Ciuir. ca. 5.  
ante med.  
som. 5.

De sa-

# De sacramentorum virtute Lib. VI. 819

*De sacramentis nouæ legis, seu gratia. Cap. III.*

**S**acramenta legis gratiæ Christus instituit, tamquam nouæ legis lator, in qua vocans ad præmia, dedit præcepta, instituit sacramenta, Christus enim verbum Patris cum sit summæ bonitatis, & summæ veritatis, ratione summæ bonitatis promisit præmia beatificantia: ratione veritatis dedit præcepta dirigentia, ratione virtutis instituit sacramenta adiuuantia, ut sic per sacramenta reparetur virtus ad implenda præcepta, & per præcepta perueniatur ad præmia.

*Aug. trah. 80. in Ioan. post mod. tom. 9.*

Instituit autem sacramenta in verbis, & elementis, ut ait Augustinus: Accedit verbum ad elementum, & fit sacramentum, & est ibi elementum pro materia, & forma verborum pro forma. Ad hoc vero instituta sunt sacramenta in verbis & elementis, ut haberent euidentiā significandi, & efficaciam sanctificandi: quia dum elementa oculis, & verba auribus se offerunt, qui sunt duo sensus præcipue cognoscitui, dant euidentiā significationis. Deinde verba sanctificant elementa, ut plenior fiat humanæ creationis efficacia.

Instituit autem Deus sacramenta diuersimode: quædam, scilicet ante aduentum suum, ut matrimonium, & pœnitentiam. Sed hæc duo confirmavit, & consummavit in lege Euangelica, dum pœnitentiam prædicauit, & nuptijs interfuit. Alia quinque sacramenta solus Christus instituit. Confirmationem quidem, paruulis manum imponendo: Vnctionem vero, discipulos ad curandum mittendo, qui infirmos ungebant oleo, sicut dicitur in Marco: Baptismum vero, suscipiendo, deinde formam dando: Ordinem autem, potestatem ligandi & soluendi tribuendo, & conficiendi sacramentum altaris: Eucharistiam autem operando, comparando se grano sinapis: & conficiendo ac dando discipulis imminente passione sacramentum corporis & sanguinis sui. Instituta sunt etiam sacramenta multiplici de causa. Primo propter humiliationem, qua homo quærit salutem inferioribus se subiiciendo. Secundo propter eruditionem, qua homo per visibilia ad cognoscenda inuisibilia rapitur. Tertio propter exercitationem, qua homo noxiam declinet occupationem & otium. Quarto propter congruitatem medici ad medicinam, quia cum medicus sit Deus, & homo ægrotus, congruenter medicina debet continere aliquid diuinum, scilicet inuisibilem gratiam, & aliquid humanum, scilicet visibilem gratiæ formam. Quinto propter congruitatem ex parte infirmi, quia cum infirmus sit homo constans ex corpore & spiritu: spiritus autem in corpore non bene capiat spiritualia, nisi in corporalibus, congruum fuit dare medicamenta spiritualia in rebus corporalibus, sicut pilulæ in nebula dantur. Sexto propter augmentationem meriti, multum enim valet ad meritum quando Deo creditur in his, ubi humana ratio non præbet experimentum. Patet ergo ex prædictis quæ sit sacramentorum causa efficiens, quia diuina institutio: quæ formalis, quia gratiæ sanctificatio: quæ finalis, quia humanæ infirmitatis curatio,

*De effectibus sacramentorum nouæ legis. Cap. IV.*

**E**ffectus sacramentorum nouæ legis multiplex est. Primo, a peccato mundant. Secundo in bono conseruant. Tertio, corpori Christi mystico incorporant. Quarto iustificant. Quinto ad futuram vitam præparant. Sexto erudiendo illuminant. Septimo a malo præseruant. Ista patent in septem sacramentis per ordinem. Nam primum operatur baptismus: secundum confirmatio, & sic de alijs. Sacramenta dicuntur vasa gratiæ, & causa: non quod in eis gratia substantialiter contineatur, vel causaliter efficiatur, cum in sola anima habeat collocari, & a solo Deo infundi: sed quia in illis & per illa gratiam curationis a summo medico Christo oportet hauriri;

**A** licet non alligauerit potentiā suam sacramentis, quin & per alias vias gratiam conferre valeat, quando vult.

Sacramenta semper habent sanctificationē veritatis, non semper efficaciam curationis: & hoc non propter defectū ex parte sui, sed ex parte suscipientis: quia gratia nulli datur repugnanti & impugnanti gratiæ fontem. Vnde & sacramenta non sanctificant, nisi digne accedentes, & absque omni fictione. Nonnumquam tamen virtute sacramentorum fit de attrito contritus, ita quod defectus dignitatis, vel præparationis ex parte suscipientis suppletur virtute diuina in sacramentis contenta, dummodo non accedat sciens in mortali peccato, vel in proposito peccandi. Vnde sciendum quod quidam suscipiunt sacramentum tantum, ut sic accedentes: quidam rem tantum, ut qui per contritionem & fidei deuotionem recipiunt gratiam prius, quam veniant ad sacramenta: quidam & sacramentum & rem suscipiunt, ut digne accedentes.

Sacramentum dicitur a sacrando, & hoc potest intelligi tripliciter: aut sanctitatem efficiendo tantum, aut sanctitatem significando tantum, aut sanctitatem significando & efficiendo simul. Primo modo conuenit ratio sacramenti rebus significatis per sacramenta tam veteris, quam nouæ legis. Secundo modo conuenit signis veteris legis. Tertio modo conuenit sacramentis nouæ legis. Huiusmodi exemplum habemus in naturis, quia medicina dicitur sanare efficiendo tantum, sed sudor sanat indicando tantum, exercitatio sanat efficiendo, & significando.

Quinque sunt quæ animam iustificant, sed diuersimode. Deus enim iustificat auctoritate, gratia iustificat formaliter expellendo morbum spirituales, impletio mandatorum iustificat, ut dieta. Sacramenta vero tamquam vasa medicinalia, in quibus conferuntur gratia. Sacerdos autem ministerio. Exemplum autem horum habemus in curatione morbi corporalis. Deus enim sanat corpus auctoritate, medicina effectiue, dieta conseruatiue, vas medicinæ contentiue. Vnde dicitur vulgariter: Pyxis ista sanauit me, medicus vero sanat ut minister.

*De numero sacramentorum. Cap. V.*

**S**acramenta nouæ legis sunt septem secundum septem diuersitates hominum in Ecclesia. Primum est intrantum, ut baptismus. Secundum pugnantium, ut confirmatio. Tertium vires resumentium, ut Eucharistia. Quartum resurgentium, ut pœnitentia. Quintum exeuntium, ut extrema vnctio. Sextum ministrantium, ut ordo. Septimum novos milites introducentium, ut matrimonium.

Sacramenta figurata sunt in septem signaculis, quibus fuit veteris testamenti pagina sigillata, quæ agnus qui habet clauem David, qui claudit & nemo aperit, referauit. Item in septem tubis quibus Angeli cecinerunt. Item septem stellis, quas habebat similis filio hominis in dextera sua. Item in septem panibus quibus Dominus turbam satiavit. Item in septem oculis super vnum lapidem. Item in septem lucernis tabernaculi superpositis candelabro. Item in septem lotionibus Naaman.

Sacramenta sunt septem, quæ disponunt ad septem virtutes habendas. Nam baptismus est sacramentum fidei. Confirmatio spei, Eucharistia charitatis. Pœnitentia iustitiæ. Extrema vnctio perseverantiæ: quæ est fortitudinis complementum. Ordo prudentiæ. Matrimonium temperantiæ. Alia etiam ratio numeri sacramentorum est, quia ordinantur contra triplicem culpam, & contra quadruplicem pœnam. Vnde baptismus ordinatur contra peccatum originale. Pœnitentia contra mortale. Extrema vnctio contra veniale. Ordo contra ignorantiam. Eucharistia contra malitiam. Confirmatio contra impotentiam. Matrimonium contra concupiscentiam, quam temperat &

*Apoc. 3. b. & 5. a*

*Mat. 15 d*

*Zach. 3. d Num. 8. a*

*4. Reg. 5. d*

rat & excusat. Alia adhuc ratio numeri, qua sacramenta sunt causa sanatiua morbi spiritualis ad modum corporaliū. Medicina vero corporalis quadruplex est; scilicet curatiua, conseruatiua, præsueruatiua, & melioratiua. Simili modo & sacramenta curant. Baptismus curat simul, & totaliter. Pœnitentia vero curat paulatim quantum ad pœnam, quousque nullius pœnæ homo debitor sit. Extrema vñctio curat a morbis leuioribus, scilicet a venialibus, sicut baptismus, & pœnitentia curat a letalibus. Sic ergo prædicta tria sacramenta sunt quasi medicina curatiua. Confirmatio autem est medicina conseruatiua sanitatis spiritualis, in qua datur Spiritus sanctus ad robur & conseruationem gratiæ datæ in baptismo. Matrimonium est medicina præsueruatiua. Ordo est medicina melioratiua, in quo augmentatur gratia. Eucharistia hæc omnia simul facit. Curat enim venialia, quæ sunt occasio ruinæ maioris: conseruat enim gratiam inuentam in homine, & augmentum, sicq. meliorat, & nihilominus a peccato præsueruat.

*De potestate dispensationis sacramentorum.*  
*Cap. V I.*

**P**otestas dispensationis sacramentorum regulariter spectat solum ad genus humanum. In omnibus sacramentis dispensandis, necessaria est dispensationis intentio, qua quis intendit facere quod Christus instituit ad humanam salutem, vel saltem facere quod facit Ecclesia, in quo clauditur in generali intentio prædicta: quia ipsa Ecclesia sicut sacramenta a Christo accepit, sic ad fidelium salutem dispensat. Rursum quia ordo dignitatis exigit, vt maiora maioribus, & minora minoribus committantur: quædam respiciunt excellentiam dignitatis, vt sacramentum confirmationis & ordinis, vnde confirmatio & ordo conferuntur ab Episcopis. Quædam respiciunt indigentiam necessitatis, vt matrimoniū & baptismus: quorum vnum generat, alterum vero regenerat: & horum dispensatio etiam personis inferioribus conceditur, maxime in articulo necessitatis, quod dico ratione baptismi. Quædam autem sacramenta sunt quasi media, vt Eucharistia, pœnitentia, & extrema vñctio. Et istorum dispensatio ad solos pertinet sacerdotes, qui sunt quasi medij inter Episcopos, & minores personas constituti.

Sacramenta dispensari possunt a bonis & malis, a fidelibus & infidelibus, intra Ecclesiam, & extra: quia si dispensari possent tantum a bonis, nullus esset certus de susceptione sacramenti: cum nullus sit certus de bonitate ministri, sicut nec de propria, & semper ita oporteret iterari, & malitia vnius præiudicaret alienæ salutem. Idcirco sacramentorum dispensatio committitur homini nō ratione sanctitatis, quæ variatur, sed ratione auctoritatis diuinæ, quæ semper manet quantum est de se.

Sciendum autem quod in sacramentis quædā sunt substantialia, quædam vero sacramentalia. Quantum ad substantialia non plus valet operatio boni ministri, quàm mali: quia Deus ibi operatur vt auctor, homo vero vt minister. Sed in sacramentalibus, vt sunt orationes, plus potest valere operatio boni ministri, quàm mali: hoc est autem per accidens, non per se, id est, quantum ad alios effectus accidentales, non quantum ad essentiales.

Quamuis apud hæreticos sint sacramenta vera, non tamen recipientibus sunt vtilia, nisi ad Ecclesiæ unitatem redeant. Vnde Augustinus: Ecclesia comparata paradiso iudicat posse baptismum homines foris recipere, sed salutem non tenere. Nam & flumina de paradisi fonte largiter manauerunt, non tamen in Mesopotamia, nec in Ægypto, quo illa flumina perueniunt, est felicitas vitæ, quæ de paradiso commemoratur,

*De triplici statu fidelium. Cap. VII.*

**T**riplex est status fidelium in acie Ecclesiasticæ hierarchiæ, scilicet fidei genitæ, fidei roboratæ, & fidei multiplicatæ. Per primum fit distinctio fidelium ab incredulis in baptismo, per secundum fit distinctio fortium ab infirmis, & hoc in confirmatione, per tertium fit distinctio clericorum a laicis, per sacramentum ordinis. Hinc est quod hæc tria sacramenta characteres imprimunt, per quos indelebilitè impressos semper distinguuntur: vnde nullatenus iterari possunt. Character ergo baptismalis incipientium est, confirmationis vero proficientium, sed ordinis perfectorum.

Prædicta triplex distinctio fit ad similitudinem distinctionis alicuius exercitus, Prima est communis, scilicet totius exercitus ab alio exercitu, & hæc fit principaliter per baptismum. Secunda est specialis, scilicet militū a popularibus, hæc autem fit per confirmationem. Tertia est specialissima, scilicet ducum militumve ab vtrisque, & hæc fit per sacramentum ordinis. Præterea quia character est signum distinctiuum spirituale & indelebile, ideo non confertur in sacramentis, quæ solent iterari, sicut est pœnitentia, matrimonium & huiusmodi.

Notandū ergo quod character baptismalis est omnium characterum aliorum fundamentum, & ideo illo non habito non possunt ceteri characteres imprimi: vnde si quis ordinatur non baptizatus, nihil prorsus agitur.

Quæuis tria sacramenta sint, vt dictū est, quæ propter characteris impressionem non iterantur, tamen commune est hoc omnibus sacramentis, non iterari circa eandem personam, & materiam; & ex eadem causa, & hoc est ideo, ne fiat contumelia sacramento. Ex hoc enim credi posset, quod sacramenta prius dispensata essent inefficacia & inepta: licet quædam ex necessitate, & alijs causis iterari possint.

Quædam sunt de sacramentorum substantia, quædam de congruentia. Si ea quæ sunt de substantia omittantur, euacuantur sacramenta, & sunt iteranda. Omissione vero illorum, quæ sunt de congruentia, non euacuantur sacramenta.

*De institutione sacramentorum. Cap. VIII.*

**A**b initio instituta sunt sacramenta ad curationem hominum, & semper cum morbo cucurrerunt. In lege enim naturæ fuerunt oblationes, sacrificia, & decimationes. In lege autem scripta introducta est circumcisio, & adiuncta est expiatio, atque superaddita oblationum & sacrificiorum multiformis distinctio. In lege autem noua statuta sunt sacramenta numero pauciora, vtilitate potiora, virtute efficaciora, præeminentia digniora, atque significatione euidentiora: in quibus est impletio simul & euacuatio omnium prædictorum, sicut ait Hugo de sancto Victore. Primi temporis sacramenta fuerunt sicut vmbra, medij temporis sicut imago, siue figura, postremi vero temporis, scilicet gratiæ, sicut corpus, quod intra se veritatem continet & gratiam, quam significatione repræsentant, & principaliter conferunt & promittunt. Prædicta patent, quia eiusdem mundationis similitudo est in oblatione legis naturæ, sed occulte inuenitur. In circumcissione vero euidentius aliquantulum exprimitur, per baptismum autem manifestius declaratur. Item sacramenta veteris legis nūtriebant paruulos, exercebant perfectos, & duos onerando domabant. Sed hæc sacramenta nouæ legis conferunt. quæ vetera de longinquo monstrabāt. Vnde priora sacramenta præparauerunt, & perduxerunt ad noua, sicut via ad terminum, sicut figura ad veritatem, & sicut imperfectum ad perfectum. Est & alia differentia, quia commune est omnibus sacramentis

*Hugo de sa-  
cram. fid.  
lib. 1. par. 8.  
cap. 12.*

mentis consistunt in rebus sensibilibus, inuisibilem tamen gratiam significantibus: sed speciale est sacramentis nouæ legis, quod consistant etiam, & in rebus. Item sacramenta nouæ legis efficiunt quod figurant, sed hoc non faciunt sacramenta veteris legis. Item sacramenta nouæ legis iustificant & quantum ad opus operatum, & quantum ad opus operans: sed sacramenta veteris legis iustificant solum quantum ad opus operans, quia non valebāt facientibus, nisi quantum illorum charitas & deuotio fidei se extendebat. Hoc non intelligitur de circumcissione, quæ cum non fuerit in lege data, nequaquam inter legalia computatur: quia ipsa in paruulis tollebat originale peccatum, & gratiam conferebat, quod non faciebant legalia. Item in lege distinguebat populum Dei ab alijs gentibus, sicut modo distinguit character baptismatis. Item legalia, secundum Augustinum, fuerunt ante passionem Domini viua, & statim post passionem mortua, & postquam claruit veritas Euangelij fuerunt omnino sepulta. Nostra vero sacramenta vique ad finem semper in suo vigore manebunt.

Aug. epist.  
19. ad Hieron.  
10. 2.

De sacramento baptismi. Cap. IX.

**B**aptismus est ianua omnium sacramentorum, quia nulli confertur in Ecclesia aliud sacramentum ante ipsum. De substantia baptismi sunt quinque. Primum est expressio formæ vocalis a Deo institutæ, quæ est hæc: Ego te baptizo, in nomine Patris, & Filij, & Spiritus sancti, absque omissione vel additione dictionis, absque præpositione ordinis, & absque commutatione nominis: his enim quattuor modis forma verborum violatur, scilicet omissione, additione, transpositione, & commutatione, scilicet si ponitur loco Patris, & Filij, & Spiritus sancti, nonne potentis, sapientis, & benigni: quia in quocumque idiomate baptizetur, non debent poni appropriata tribus personis, sed expressa nomina personarum. Similiter loco verbi, baptizo, non debet dici, nunc ego, vel intingo. Secundum est ablutio per elementum aquæ cuiuslibet, vel maris, vel fontis, vel fluminis, siue frigida, vel calida in toto corpore facienda, vel saltem in digniori parte, scilicet in capite. Tertium est quod immersio ista fiat ab vno, & in eodem tempore quando forma verborum exprimitur, ita quod non vnus puerum immergat, & alius verba proferat. Quartum est intentio vel specialis, vel generalis. Specialis autem intentio est, vt iste baptizandus mundaletur. Generalis autem est facere illud quod facit Ecclesia. Intentio quoque illius requiritur qui est baptizandus, si est adultus, quia qui inuit baptizantur, non recipiunt sacramentum. Quintum est fides ipsius baptizandi: quia in adultis requiritur fides propria, sed in paruulis aliena: quia paruuli in fide Ecclesiæ baptizantur.

Baptismus merito fit in aqua, & non in alio liquore: quia cum homo per peccatum primi parentis incurrit immunditiam & ignorantiam, & concupiscentiam, per baptismum ab his tribus liberatur. Et hoc notatur in proprietatibus aquæ, scilicet puritate, perspicuitate & frigiditate. Nam baptismalis aqua sua puritate nos mundat, sua perspicuitate illuminat, atque sua frigiditate ab æstu concupiscentiæ nos temperat. Item baptismus fit in aqua, ne quem inopia excusaret, & ne propter defectum homines salutis periculum incurrerent, si in alio aliquo liquore fieret: & vt inueniatur apud omnes communis baptismi materia.

Triplex autem est baptismus, scilicet fluminis, flaminis, & sanguinis. Inter hos talis est differentia, quia baptismus fluminis a tota pœna liberat, & a culpa, & gratiam in habitu infundit, & characterem imprimit. Baptismus flaminis delet culpam non semel tantum, sed pluries, & habet gratiam in vso, in

quo consistit meritum. Baptismus sanguinis liberat ab omni tentatione, & confert statim præmium, quia proprium est martyrum statim euolare. Ex his patet quis sit melior inter hos baptismos, quia se habent, vt excedentia & excessa.

In baptismo quoddam est sacramentum tantum, vt ablutio exterior: quoddam est res tantum, vt gratia interior: quoddam res, & sacramentum, vt character. Octo sunt de sollempnitate baptismi, quæ non sunt de substantia. Vnde versus:

Sal, oleum, chrisma, cereus, chrismale, salina,  
Flatus, virtutem baptismatis ista figurant:

Hæc cum patrinis non mutant esse, sed ornant.

In quattuor locis inungitur baptizandus, scilicet in fronte, vt fidem publice protestetur. In vertice, vt agenda ab eo subtilius intelligantur. Inter scapulas, vt iugum Christi suauius portetur. In pectore, vt dulci corde Deus diligatur.

Baptismus fuit materialiter institutus, quando Christus baptizatus fuit: formaliter, quando dixit: *Mat. 3. d*  
docete omnes gentes, &cet, finaliter, quando dixit *Mat. 28. d*  
Nicodemo: Nisi quis renatus fuerit, &c. effectiue, *Ioan. 3. d*  
quando Christus passus est.

Effectus baptismi multiplex est. Ad alia sacramenta præparat, quia baptismus est sacramentum intransitum. A peccato mundat quod significatum est in mari rubro, vbi submersi sunt Ægyptij, sed filij Israel exierunt securi. Nota quod in baptismo deletur originalis peccati macula: fomes vero non tollitur, sed remittitur. Pœnam relaxat. Vnde pueri induuntur veste candida. Rationalem illuminat. Vnde ponitur sal in ore. Concupiscibilem ad bonum inflamat, vnde datur candela puero. Irascibilem confortat. Vnde Israel vicit Amalech post transitum maris rubri. Gratiam tribuit: quod figuratum est per columbam, quæ sedet super Iesum baptizatum. Characterem imprimit: hoc figuratur per mare vitreum in Apocalypsi: Fomitem mitigat, quod significat aquæ frigiditas. Communionem Ecclesiæ præstat, sicut Hieremias circumcisus fuit, quamuis sanctificatus fuerit in vtero. A satisfactione exteriori liberat, quia non requirit gemitum, neque planctum intellige exteriorem, non interiorem: nam interior requiritur in adulto, scilicet contritio. Potestatem diaboli minuit: quod significat exufflatio. Ianuam cæli aperit, quod significatum est quando Christo baptizato aperti sunt cæli. Et notandum quod passio Christi aperuit ianuam cæli per causam meritoriam, & satisfactoriam generalem. Baptismus autem aperit per causam efficientem singularem. Facit enim istum hominem singularem euolare. Os ad laudandum, & aures ad audiendum aperit. Vnde ponitur salina in aure pueri. Templum Christi efficit. Vnde dicitur baptizato: Exi immunde spiritus, & da locum Spiritui sancto. Laudabilem coram Deo reddit. Vnde balsamum est in chrismate. Solent pueri baptizandi vsque ad Paschæ & Pentecosten, nisi vrgeat necessitas, vel timeatur periculum, reservari ad significandum quod in baptismo fit resurrectio spiritualis, & quod gratia Spiritus sancti datur. Baptismus Christi, & Ioannis conueniunt in materia, & in modo mergendi: sed differunt in forma, quia baptismus Ioannis tradebatur in nomine venturi. Differunt etiam in effectui, quia baptismus Christi viuificat, Ioannis autem non. Item in fine, quia baptismus Ioannis ad baptismum Christi inuitabat.

De catechismo, & exorcismo. Cap. X.

**C**atechismus, & exorcismus tamquam præparatorij præmittuntur in baptismo, vt in ipso gratia efficacius operetur. Tribus de causis catechismus institutus est, primo propter instructionem de articulis cõmunibus ad fidei susceptionem: secundo propter re-

ter responfionem ad fidei professionem: tertio propter responfionem ad fidei obferuationem. Quia vero adultus peccatum proprium habet, & per fe refpondere potest, requiruntur hæc ab eo. Paruulus autem quia non habet peccatum actuale, nec per fe refpondere potest, requiruntur hæc ab eo per vicarium, qui pro ipfo refpondet de fidei obferuantia. Exorcismus ideo institutus est, vt a baptizando diaboli potestas repellatur. Nam propter peccatum hominis diabolus in hominem potestatem accipit, & etiam in illa, quæ veniunt in vsum hominis. Vnde tam adulti, quàm paruuli exorcizari debet ad expulſionem diabolicæ potestatis.

*De confirmatione. Cap. XI.*

**C**onfirmatio sacramentum est pugnantium, de cuius substantia sex sunt. Duo ex parte sacramenti in se, scilicet materia chrismatis, & forma verborum, quæ talis est, secundum morem magis communem, Signo te signo crucis, confirmo te chrismate salutis, in nomine Patris, & Filij, & Spiritus sancti. Duo ex parte ministri, scilicet dignitas Pontificalis, & intentio debita. Duo ex parte suscipientis, scilicet frons in qua debet fieri chrismatio, & quod confirmandus sit baptizatus. Vnctio chrismatis triplex fit in tribus sacramentis, quorum diuersitas ex fine accipitur. In baptismo fit in vertice, ad signandum fidei susceptionem, quia vertex est locus cellulæ rationalis. In confirmatione fit in fronte, ad significandum audaciam confessionis: cuius impedimentum est timor & verecundia, quæ specialiter manifestatur in pallore, vel rubore frontis ex propinquitate cellulæ imaginalis. In ordine fit in manibus, ad significandum potestatem consecrandi Dominici corporis sacramentum.

*Psal. 67. d* Huius sacramenti multiplex est vtilitas, quia gratia in baptismo datam confirmat. Confirma hoc Deus quod operatus es in nobis, scilicet in baptismo. Ad militiam spiritualem præparat. Vnde confirmandi tamquam pugiles pugnaturi inunguntur, ne ab inimicis de facili terreantur. Et quia omnes Christiani debent esse in bello Christi, propter hoc omnes debent sacramentum hoc accipere, vt facilius possint contra mundum, carnem & diabolum pugnare. Ad confessionem constantem nominis Christi animat, quoniam oportet verum Deum, & verum hominem confiteri. Primo, vt confiteamur eum secundum diuinam naturam Patri, & Spiritui sancto æqualem. Secundo, vt confiteamur eum secundum humanam naturam, crucis pertulisse supplicium. Primum apparet in forma Verborum in Trinitatis expressione, secundum claret in fronte crucis signatione. Intus & extra spiritali decore nos ornat. Intus quidem per conscientie puritatem: sed extra per odorem bonæ famæ. Et hæc duo significantur in chrismate quod conficitur ex oleo propter primum, & ex balsamo propter secundum. In bonis agendis & malis sustinendis roborat. Datur enim ibi Spiritus sanctus ad robur. Animam & corpus armat. Animam quidem per impressionem characteris contra pusillanimitatis vitium: corpus vero per clypeum crucis contra insultus dæmonum. Contra verecundiam & timorem in confessione nominis Christi audaciam præstat. Primum notatur in chrismatione frontis, qui est locus verecundiæ. Secundum in potestate ministri. Pugnantem coronat: quod notatur in vitta, quæ circa caput confirmari ligatur. Quædam sunt circa confirmationem quæ non sunt de esse sacramenti, sed de bene esse, quæ sunt hæc: Quod ieiunis, & a ieiuno detur: quod per aliquem Episcopo præsentetur, qui etiam patrinus efficitur, quod vitta capiti circumligetur. Per istud sacramentum fiunt fideles pleni Christiani. Plenitudine dico copiz: qui tamen in baptismo ple-

**A** ni facti sunt plenitudine sufficientiæ.

Sacramenta se habent in dignitate, vt excedentia, & excessa. Nam Eucharistia præminet in esse, Baptismus in effectu, Matrimonium in mysterio, quia significat coniunctionem Christi & Ecclesiæ, Confirmatio in dignitate ministri, quia non confertur nisi ab Episcopis. Pœnitentia in frequenti peccatorum remissione, & sic de alijs sacramentis.

*De sacramento Eucharistia. Cap. XII.*

**E**ucharistia est sacramentum charitatis tam diuinæ, quàm nostræ: quia Deus in hoc sacramento magnæ dilectionis nobis signum ostendit, & nostræ dilectionis affectum per idem sacramentum specialiter erga se inflammavit. De substantia huius sacramenti sunt quattuor. Primum est, quod consecrans Eucharistiam sit sacerdos. Secundum, species panis & vini. Tertium, intentio consecrantis. Quartum est forma verborum, videlicet, Hoc est enim corpus meum. Et ista super calicem. Hic est enim calix, &c.

*Luc. 22. b  
1. Cor. 11. c*

**C** Ad plenius intelligendum ista, nota circa intentionem, quod aliud est intentio, aliud attentio: quia intentio semper est necessaria, vel specialis, vel generalis, sicut dictum est de baptismo. Attentio autem non est de substantia, sicut quando mens rapitur in prolatione verborum ad alia, quod quandoque contingit ex infirmitate, quandoque ex negligentia, vel incuria, & tunc est peccatum. Sciendum præterea quod non solum requiritur intentio consecrantis, sed etiam intentio istud sacramentum instituentis. Vnde si aliquis sacerdos staret in foro, & super omnes panes formam verborum proferret, etiam cum intentione consecrandi, non fieret ibi transubstantiatio: & hoc non esset propter defectum virtutis verborum, cum vna vice sacerdos possit consecrare tot hostias, quot toti mundo sufficerent, si esset necessarium Ecclesiæ, sed propter defectum intentionis illius, qui hoc sacramentum instituit, qui nō intendit quod cum tali ludibrio, vel stultitia fieret consecratio, sed pro vtilitate, vel necessitate Ecclesiæ generalis, vel particularis.

Circa formam quoque verborum sciendum quod cum dicitur, Hoc est enim corpus meum, ista coniunctio enim, non est de substantia formæ, sed de bene esse ipsius. vnde omitti non debet. Aliud namque est forma necessaria sine qua non potest transubstantiatio fieri: aliud forma debita sine qua nō debet fieri. Eodem modo dicendum est de speciebus panis & vini. Vnde nota quod materia Eucharistia alia est necessaria, alia est debita. Materia necessaria Eucharistia est panis frumentitius, quia sine illo non potest fieri confectio. Materia vero debita est, quod panis ille sit azymus, quia licet in fermentato posset confici, tamen hoc non debet fieri, duplici de causa. Prima est, quia panis azymus conuenit institutioni. Christus enim dedit discipulis corpus suum confectum in tali materia. Secunda est, quia talis panis conuenit significato. Christus enim sine omni fermento peccati fuit. Similiter dicendum est de materia calicis: quia alia est materia necessaria, alia debita. Materia necessaria calicis est vinum, quia sanguis Christi non potest in alia materia confici, quàm in vino. Materia vero debita est, quod aqua vino misceatur, & hoc duplici ratione. Prima, quia talis materia conuenit institutioni. Christus enim sanguinem suum sub tali specie dedit. Secunda, quia talis materia conuenit etiam significato: quia Ecclesia, quæ per aquam significatur, Christo per fidem & charitatem iungitur.

*Luc. 22. b*

Sciendum præterea quod in aceto & agresta non conficitur, quia acetum non est vinum, sed fuit, sicut & agresta non est vinum, sed erit. In confectio- ne autem sanguinis tam modicum aquæ debet admisceri vino, quod absorberi possit ab illo: alioquin impeditur consecratio si vinum ab aqua vincitur. Istud designat,



designat, quia cum nos ad Christum conuertimur, A non ipse in nos, sed nos in ipsum mutamur: quia corpori eius mystico incorporamur.

Si vna gutta vini imponitur ex aliqua negligentia sanguini, non propter hoc definit esse sanguis, nec propter admixtionem vinum in sanguinem mutatur, sed vtraque species in sua natura permanet. Sed si de vino multum ponitur ad vnam guttam sanguinis, sicut quandoque fit in ablutione, tunc ibi definit esse sanguis: quia species illius guttæ sub qua est sanguis, absorbetur a multo vino adiuncto.

Circa Eucharistiam est quoddam sacramentum tantum, ut species panis & vini: quoddam est ibi res tantum: ut corpus Christi mysticum, quoddam est ibi res & sacramentum, ut corpus Christi verum, quod traxit de Virgine, istud enim est res primi, & sacramentum secundi.

Sub vtraque specie totus Christus indiuisus est, scilicet corpus & anima, & Deus, ac per hoc vtrique est vnum & simplicissimum sacramentum. Sub specie namque panis est corpus Christi per conuersionem, & sanguis per connexionem, & anima per coniunctionem, & diuinitas per vnionem. Ista enim quatuor non possunt diuidi, nec ab inuicem separari. Eodem modo dicendum est de sanguine. Præterea Christus sic totus est in tota specie, quod est in qualibet parte eius, siue sit integra illa species, siue diuisa: ac per hoc non est ibi ut circumscriptus, vel occupans locum, vel habens situm, vel perceptibilis per aliquem sensum corporeum. Exemplum huius habemus in speculo, quod si diuidatur in multas partes, in qualibet apparet imago, quæ prius apparebat in integro. Item exemplum est de sermone, quem quis multis recitat, quia quilibet auditor recipit illum totum. Vnde quamuis sermo sit vnus in proferente, totus tamen est in quolibet audiente.

Hostia frangitur in tres partes, propter multas rationes. Primo propter tres personas diuinas in vna essentia, sic sunt tres partes in diuisione hostiæ, vnus tamen Christus est. Secundo propter tres status Ecclesiæ, scilicet militantium, triumphantium, & in purgatorio ardentium. Tertio propter tres status Christi in quibus fuit, scilicet mortalis, mortuus, & immortalis. Quarto propter tres apertiones in corpore Christi tempore passionis, scilicet manuum, pedum, & lateris. Quinto propter tres substantias in Christo, scilicet diuinitatis, animæ, & corporis.

Sacramentum corporis Christi præfiguratum est multipliciter, scilicet in oblatione Melchisedech, in qua figurate habemus formam exteriorem sacramenti, & primum effectum, scilicet refectionem: ibi enim precessit figura spiritualis refectionis in pane & vino; in Eucharistia est resectio spiritualis vitæ in re. Item in manna, vbi figurabatur effectus gratiæ. Item in agno paschali, in quo figurabatur liberatio a seruitute Egyptiaca. Ita noster agnus est signum liberationis a diabolo. Item in diuersis sacrificijs, de quibus habetur in Leuitico, quibus figurabatur oblatio passionis Christi, ut fuit hostia quo ad reconciliationem, & victima quo ad satisfactionem pro peccatis nostris, & holocaustum quo ad totius corporis sui læsionem. Item in oblatione Manuæ, de quo legitur in libro Iudicum, per quam figurabatur in quo debet fieri oblatio, & super quid: quia in fide Iesu Christi, qui per petram designatur. Item in virga Ionathæ mellita, vbi figurabatur quis offerre debeat, quia Ionathas: per fauam vero mellis designatur deuotio offerentis. Figura sanguinis Christi fuit vinum ad designandum refectionem. Introduxit me Rex in cellam vinariam. Item aqua ad designandum ablutionem. Vnde illud: Vidi aquam egredientem, &cet. Item sanguis ad designandum redemptionem: Sine sanguinis effusione non fit remissio.

De dignitate & excellentia sacramenti Eucharistia. Cap. XIII.

Dignitas & excellentia huius sacramenti apparet in multis. Primo, quia sicut iam dictum est, tam ante legem, quam in lege fuit præfiguratum. Secundo, quia a Prophetis prænunciatum. Panem Angelorum manducauit homo: ponitur hic præteritum pro futuro prophetali certitudine. Tertio, quia a Christo institutum & hoc dupliciter: scilicet verbo, & facto. Verbo, ut patet in Ioanne: Ego sum, inquit, panis viuus, qui, &c. Facto: Accipite & comedite: hoc est, &c. Quarto, quia ab Apostolis obseruatum: Conuenientibus vobis in vnum, &c. Quinto, quia a summis Pontificibus sollempnizatum, qui ordinauerunt cantum & orationes, locum, & tempus, & vestimenta, & vasa diuersa, quæ omnia sunt ad decorem huius sacramenti.

Maxima dignitas apparet in hoc sacramento, quia cum Christus constet ex tribus substantijs, scilicet deitate, anima, & corpore. Ipsa quidem deitas excellit omnia. Magnus Dominus & laudabilis, &c. Item anima eius præcellit omnes animas, cum sit plena gratia & veritate, id est, perfectissima in affectiua & cognitiua. Item corpus eius excellit omnia corpora, quod de sanctificato corpore beatissimæ Virginis fuit sumptum, & diuinitati vnitum: ergo in Christo nobilissimum quod est in cælo, & nobilissimum in terra vnita sunt.

De mirabilibus, quæ sunt in Eucharistia. Cap. XIV.

Mirabilia multa sunt in hoc sacramento: primum est, quod est ibi corpus Christi in tanta quantitate sicut fuit in cruce, & sicut iam est in cælo, nec tamen excedit terminos illius formæ. Secundum quod ibi sunt accidentia sine subiecto. Tertium, quia ibi panis ita conuertitur in corpus Christi, quod non fit materia corporis Christi, nec annihilatur. Quartum quod corpus Christi non augetur ex multarum hostiarum consecratione, non minuitur ex hostiarum sumptione. Quintum, quod idem corpus in pluribus locis est sub omnibus hostijs cōsecratis. Sextum, quod quando diuiditur hostia, non diuiditur corpus, sed sub qualibet parte totus est Christus. Septimum quod quando tenetur hostia in manibus, & videtur oculis, corpus Christi nec tangitur per se, nec videtur: sed hæc tantummodo circa species sunt. Octauum quia cum desinunt istæ formæ, tunc etiam desinit esse ibi corpus & sanguis Christi. Nonum, quod cum non sit ibi panis vel vinum, tamen accidentia eundem effectum habent, ut prius, scilicet satiare, inebriare, & huiusmodi.

Nota quod Deo conuenit esse vbique simpliciter & proprie, creaturæ conuenit esse in vno loco tantum. Corpus vero Christi medio modo se habet. Cum enim sit creatura non debet æquari Creatori in hoc quod sit vbique. Cum vero sit vnitum deitati, debet in hoc excellere alia corpora, ut simul & semel possit esse in pluribus locis, sub isto videlicet sacramento.

In sacramento Eucharistiæ quoddam est secundum naturam, ut hoc quod ibi accidentia sunt in loco determinato. Quoddam est ibi supra naturam, sed non supra intellectum, ut quod ibi sunt accidentia sine subiecto. Quoddam est ibi supra naturam & intellectum, ut quod ibi Christus est totus, & tantus quantus fuit in cruce, nec tamen excedit terminos illius paræ formæ.

De mirabili transsubstantiatione, nota quod triplex est mutatio. Vna est artificialis, ut quando fit vitrum de cineribus. Alia naturalis, & hæc duplex est, scilicet accidentalis, & substantialis. Accidentaliter est quando idem subiectum manet sub diuersis accidentibus sibi

sibi inuicem succedentibus. Substantialis est quando eadem materia manet sub diuersis formis substantialibus: sicut patet in transmutatione elementorum ad inuicem. Tertia est mutatio supernaturalis: vt quando nec materia, nec subiectum manet, sed tantum accidentia sine subiecto: & talis mutatio est in transubstantiatione corporis Christi.

In rerum mutatione potest notari triplex difficultas, vel ex parte termini a quo, vel ex parte termini ad quem, vel ex parte distantiae terminorum adinui-  
cem. Primo modo creatio est mirabilior omnibus mutationibus, quia est de non ente simpliciter. Secundo modo conuersio panis in corpus Christi est mirabilior omnibus, quia est in ens in actu prius existens. Tercio modo incarnatio Christi est mirabilior quacumque mutatione: quia ibi est vnio infinite distantium.

*Guitmūd. de veritate Eucharistiae lib. 1. post med.* Guitmundus distinguit quadruplicem mutationem substantialem. Prima est a non ente in ens, & hæc dicitur generatio. Secunda est ab ente in non ens, vt corruptio. Tertia est ab ente in ens, quod modo non est, sed iam erit, vt productio. Quarta est ab ente in ens iam existens, & talis est conuersio panis in corpus Christi. Hæc mutatio non habet similitudinem in natura, sed est alterationi quasi contraria: quia hic mutatur vna substantia in aliam, & manent eadem accidentia: sed in alteratione e conuerso est, quia ibi mutantur accidentia, & manet eadem substantia: sicut patet in corporalibus, quando de albo fit nigrum: & in spiritualibus, quando fit de iusto impius, vel de ignorante sciens.

Nota quod hæc præpositio de, multipliciter sumitur. Quandoque enim notat causam, vt cum Christus dicitur conceptus de Spiritu sancto. Quandoque materiam, vt cum dicitur Christus natus de Virgine. Quandoque identitatem substantiæ, vt cum dicitur Filius natus de Patre. Quandoque transubstantiationem, vel conuersionem, vt cum dicitur corpus Christi fieri de pane. Quandoque ordinem, vt cum dicitur creatura esse de nihilo.

*De effectibus in suscipientibus corpus Christi.*  
Cap. XV.

**D**igne suscipientes corpus Christi, bonum multiplex consequuntur. Primum est Christi commemoratio. *Mat. 26. c* Hoc facite in meam commemorationem, scilicet dilectionis, liberationis, imitationis. Item viuificatio interior, quia nonnumquam per virtutem huius sacramenti fit de attrito contritus. Vnde sicut in Genesi, lignum vite comestum vitam præstabat, sic per hanc gratiam purgamur, illuminamur, perficimur, reficimur, & viuificamur. Et bene redditur vita per cibum, per quem & mors intrauit. Item corporis Christi mystici incorporatio. Vnde dictum Augustini, *Aug. lib. 7. Confess.* Non tu me mutabis in te, sed tu mutaberis in me, *c. 10. 10. 2.* non intelligitur de vnione corporis mystici de nouo faciendi, sed de augenda: non enim vnit dissimilia. *Psal. 22. a* Item spiritualis resectio. In loco pascuæ, &c. Deus enim non tantum instituit sacramentum, quod nos in esse gratiæ generaret, vt baptismum: vel quod genitos roboraret, vt confirmationem, verum etiam quod roboratos nutrebat, vt Eucharistiæ, propter quod hæc tria sacramenta dantur omnibus, qui ad fidem accedunt. Item deuotionis augmentatio. Impinguasti in oleo, &c. Nutritum enim quod hic datur nobis quantum ad esse gratuitum, in tribus attenditur scilicet in conseruatione deuotionis ad Deum, & dilectionis ad proximum, & delectationis intra nosmetipsos. Item fomitis mitigatio. *Psal. 118. b* Super aquam refectionis, &c. quia sicut aqua refrigerat, sic & istud sacramentum feruorem concupiscentiæ mitigat. Item collatio gratiæ: Descendente manna descendebat, &c. Item virtutum roboratio: Pa-

nis cor hominis confirmet. Item peccatorum remissio, quia per istum cibum semper fit reparatio deperditi. Vnde quando dicitur in oratione Dominica, Panem nostrum quotidianum da nobis hodie, statim sequitur, Et dimitte nobis debita nostra. Istud intelligitur de venialibus tantum: quia sicut alimentum naturale prodest viuenti, & non mortuo, sic alimentum spirituale. Item contra diabolum armatio. *Psal. 22. b* Pa-  
rausti in conspectu meo mensam aduersus, &c. Item spei eleuatio. Vnde Apostolus: Quomodo cum illo, &cet. Item amoris excitatio. Bernardus: Disce Christiane quantum debeas diligere Christum, qui dedit nobis carnem suam in cibum, sanguinem in potum, animam in pretium, aquam lateris in lauacrum. Item fidei commendatio, quia in hoc sacramento fides eleuatur supra naturam, supra sensum, & supra intellectum. Apostolus: Captiuantes omnem intellectum in obsequium Christi. Item Angelica conuiuatio. Panem Angelorum manducauit homo. Item *Psal. 77. c* regni cælestis collatio: Qui māducat meam carnem, *Ioan. 6. c* & bibit, &c. Item spiritualis delectatio. Panem de cælo præstitisti eis, &c. Item intellectus illuminatio. Gustauit Ionathas de melle, & illuminati sunt oculi eius. De effectu Eucharistiæ, dicit Bernardus: Corpus Christi est agris medicina, peregrinantibus via, debiles confortat, valentes delectat, languorem sanat, sanitatem conseruat. Per hoc fit homo mansuetior ad correctionem, patientior ad laborem, ardentior ad amorem, sagacior ad cautelam, ad obedientiam promptior, ad gratiarum actiones deuotior.

Sicut recte communicantibus multa bona proueniunt, vt dictum est: sic indigne sumentibus corpus Christi multa mala occurrunt. Nullius enim opus placet Deo, nisi placeat ipse prius. Indigna enim communio peccatis hominem illaqueat, damnationem præparat, proximum scandalizat, mentem excæcat, tentationi subiugat, Deum irritat, vitam temporalem breuiat, gratuiti spoliatur. De his per ordinem dicitur: *Fiat, inquit, mensa eorum coram ipsis, &cet. Psal. 68. c* ecce primum. *Et in retributionem:* ecce secundum. *Et in scandalum:* ecce tertium. *Obscurentur oculi eorum ne videant:* ecce quartum. *Et dorsum eorum semper incurua:* ecce quintum. *Effunde super eos iram tuam:* ecce sextum. *Fiat habitatio eorum deserta:* ecce septimum. *In tabernaculis eorum non sis, qui inhabitet:* ecce octauum.

*De modo sumendi Eucharistiæ. Cap. XVI.*

**C**orpus Christi quattuor modis sumitur. Quidam accipiunt illud spiritualiter tantum, vt qui accipiunt rem sacramenti, idest gratiam, & non ipsum sacramentum corporis Christi. De hoc modo sumendi, dicit Augustinus: Crede, & manducaisti, idest, corpori Christi mystico incorporatus es. Quidam sacramentaliter tantum, vt communicantes in mortali peccato: quia licet Deus sit vbique per essentiam, non tamen per gratiam. Quidam spiritualiter & sacramentaliter, vt qui accipiunt rem, & sacramentum, vt communicantes in gratia. Quidam neutro modo, vt qui nec rem, nec sacramentum accipiunt, vt hæretici, qui nihil conficiunt. Primi non manducantes manducant, secundi manducantes non manducant, tertij manducantes manducant, quarti non manducantes non manducant.

Circa communionem committitur peccatum tribus modis. Primo cum quis statuto tempore communionem dimittit. Nisi manducaueritis carnem filij hominis, &c. Secundo cum quis suo tempore communicans male accedit. Apostolus: Qui sumit indigne, iudicium sibi manducat & bibit. Tercio cum quis post communionem a peccatis se non custodit: & iste triplex malum incurrit. Primo quia Christum, quem suscepit, ignominiose a se expellit, nam turpius eijcitur,

ejicitur, quàm non admittitur hospes. Secundo quia talis quodammodo similitudinem ludæ gerit, qui postquàm cum Christo cenauit, ipsum tradidit. Sic & *2. Reg. 13. f* Absalom fratrem suum ad conuiuium vocauit, & postea occidit. Tertio, quia ordinem honestatis peruer-  
*Mat. 21. a* tit. Venturo enim reuerentiam exhibet, & præsentem nullam. Vnde similis est illis, qui cum ramis oliuarum, & clamore festiuo obuiauerunt Christo, & ipsum postmodum crucifixerunt.

Qualiter autem ad communionem accedendum sit, discere possumus in esu agni paschalis. Comedebant enim ludæi accinctis renibus, calceatis pedibus, baculos habentes in manibus, cum lactucis agrestibus, & panibus azymis, & festinanter. Per primum signi-  
*Luc. 12. e* ficatur puritas castitatis. Sint lumbi præcincti & lucerna. Per secundum affectus deuotionis. Quàm pul-  
*Cant. 7. a* chra es in calceamentis filia principum. Per tertium memoria Dominicæ passionis. In baculo meo transiui Iordanem istum. Per quartum amaritudo contri-  
*Gen. 32. e* tionis. Cibabis nos pane lacrymarum. Per quintum promptitudo bonæ voluntatis, & operationis. Vidi-  
*Psal. 79. b* sti hominem velocem in operibus suis, coram regi-  
*Prom. 22. d* bus stabit.

Item quales debeant esse communicantes, ostenditur in vestibus sacerdotalibus. Requiritur enim ista, iudicium discretionis, munditia castitatis, mortificatio carnis, constantia fortitudinis, perseverantia longanimitatis, perfectio charitatis. Primum notatur in superhumerali, secundum in alba, tertium in cinctura, quartum in fanone, siue manipulo, qui portatur in brachio sicut clypeus, quintum in stola, sextum in casula.

Corpus Christi sumitur velatum accidentibus mul-  
*Greg. ho-* tiplici ratione. Primo propter meritum quantum ad  
*mil. 26. in* bonos; quia secundum Gregorium, fides non habet  
*Euang. sta-* meritum, cui humana ratio præstat experimentum.  
*sim a prin.* Secundo propter indignitatem, quo ad malos. Exem-  
*1. Reg. 6. d* plum de Bethsamitis, qui percussi sunt, quia arcam  
 Domini viderunt. Tertio propter imbecillitatem  
 quantum ad omnes. Non enim possemus videre cla-  
*Exo. 34. d* ritatem corporis Christi glorificati. Exemplum de  
 Moyse, in cuius faciem non poterant intendere filij  
 Israel quando resplenduit. Quarto propter vitandum  
 horrorem crudelitatis, qui fieret si Christi carnem  
 dentibus attereremus.

Tres sunt causæ quare laicis non datur istud sacra-  
 mentum sub duplici specie. Prima est, quia possent  
 credere, quòd totus Christus non esset sub utraque  
 specie. Secunda, propter periculum, quia de facili  
 posset effundi sanguis. Tertia, vt veritas respondeat  
 umbræ, quia in lege non bibebant etiam offerentes  
 de libamine.

#### De abstinentia a communione. Cap. XVII.

**A**bstinent quidam a communione propter culpam  
 propriam, & aliqui sine culpa mortali, sed prop-  
 ter sacramenti reuerentiam, sicut qui sentiunt se mi-  
 nus mundos carne, vel mente, vel etiam indeuotos:  
 & isti bene faciunt, dummodo possint iuste & sine  
 aliorum scandalo superfedere. Vbi enim non instat  
 necessitas, consulendum est talibus, vt de commu-  
 nione expectent quousque parati, & deuoti ac cir-  
 cumspecti possint accedere. Nulla tamen necessitas  
 debet compellere, vt aliquis in peccato mortali exis-  
 tens scienter communique.

Peccatum facit indignum communionem tribus mo-  
 dis, aut in habitu, vt quando quis accedit non con-  
 tritus de peccato præterito & incófessus. Aut in actu,  
 vt quando quis immutat formam sacramenti, & ir-  
 reuerenter ipsum tractat. Aut in proposito, vt quan-  
 do habet voluntatem peccandi in futuro.

Potest etiam propter reuerentiam sacramenti ex-  
 clusio fieri a communione tripliciter. Primo propter  
 Append. ad To. 7. oper. S. Bon.

**A** reuerentiam sacramenti exterioris, sic excludit pol-  
 lutio, & immunditia corporalis. Secundo propter  
 reuerentiam rei contentæ sub formis, sic excludit de-  
 fectus iudicij, & rationis, vt in pueris, & amentibus.  
 Tertio propter reuerentiam rei significatæ, idest, vni-  
 tatis corporis mystici, sic excludit vinculum interdi-  
 cti vel suspensionis, vel excommunicationis etiam  
 iniustæ. Sic igitur propter solam reuerentiam sine  
 omni culpa excluduntur multi a communione. Hoc  
 primo patet in pueris, qui tamen si sunt prope æta-  
 tem adultam, scilicet decimum vel duodecimum an-  
 num, & apparent in eis signa reuerentiæ, & discre-  
 tionis, possunt sumere, alias non. Idem patet in fu-  
 riosis, qui excluduntur sine culpa, qui tamen com-  
 municare possunt, quando habent lucida interualla.  
 Item cum quis habet lutosas manus, licet hoc sit sine  
 culpa, tamen pro sola reuerentia non debet tangere  
 corpus Christi.

Tria genera hominum in lege excluduntur ab esu  
 agni, scilicet incircumcisi, qui significant acceden-  
 tes irreuerenter ad communionem. Legitur in libro  
 Regum, quòd percussus est Oza, qui tetigit arcam  
 Domini. Item alienigenæ hi significant infideles, de  
 quibus in Genesi: Fera pessima deuorauit filium meum.  
 Item immundi qui significant habentes peccatum mor-  
 tale. De his Propheta: Mundamini, qui fertis vasa  
 Domini. De his tribus nota quòd indigne sumit, qui  
 non sumit reuerenter, vel non catholice, vel habet  
 mortale scienter.

Qui non communicat suo tempore, multa mala  
 incurrit. Primo, quia talis multiplicitate vilitate pri-  
 uatur, de qua supra dicitur in capitulo, De effectu  
 Eucharistiæ. Si enim Raab saluata est, quia suscepit  
 nuntios Domini, multo magis, qui ipsum suscipit.  
 Secundo, quia constitutionem Ecclesiæ transgreditur:  
 statuit enim Ecclesia quòd qui non communi-  
 cat in Pascha, viuens ab ingressu Ecclesiæ arceatur, &  
 moriens careat Ecclesiastica sepultura. Tertio, quia  
 maledictionem incurrit. Væ soli, &c. Bene solus est,  
 qui Christum non habet. Quarto, quia voces Deo  
 non rependit. Augustinus: Verecundum est illi ho-  
 spitium denegare, qui solet omnem pulsantem admit-  
 tere. Quinto, quia vires spirituales perdit. Quilibet  
 enim qui est sine mortali, est membrum corporis  
 mystici. Membrum autem debet sustentari alimen-  
 to corporis Christi veri. Alioquin efficitur aridum,  
 sicut corporeum membrum ad quod non transmitti-  
 tur corporalis cibi nutrimentum.

#### De officio Missæ. Cap. XXIII.

**P**rærogatiuas plurimas habet Missa. Primo, quia  
 celebratur a ieiunis. Secundo, quia tantum in Ec-  
 clesia, & super altare, nisi quandoque propter neces-  
 sitatem fiat sub tentorio, vel in alio loco honesto. Ter-  
 tio, quia oportet celebrantem esse sacerdotem. Quar-  
 to, quia oportet eum indutum esse sacris vestibus.  
 Quinto, quia tantummodo fit in die, & non in nocte,  
 nisi in natiuitate Domini. Sexto, quia celebratur ac-  
 cense lumine, etiam si mille Soles lucerent super ter-  
 ram. Septimo, quia ibi sonant verba diuina, Ange-  
 lica, & humana. Diuina quidem, cum dicitur vel  
 cantatur, Pater noster, & leguntur verba Domini in  
 Euangelio. Angelica vero, quando dicitur: Gloria  
 in excelsis Deo, &c. Humana autem, vt in collectis,  
 & huiusmodi. Octauo, quia ibi audiuntur tria idio-  
 mata nobilissima, scilicet, Hebraicum, vt Sabaoth,  
 & Osanna: Græcum, vt Kyrie eleison: Latinum, vt  
 in alijs, quæ sunt ibi. Nono, quia Missa suo modo tam  
 plena est mysterijs, sicut mare guttis, sicut sol ato-  
 mis, sicut firmamentum stellis, sicut calum empy-  
 reum Angelis. Decimo, quia sacerdotes in sollempni-  
 bus ecclesijs habent in Missa sua plures ministros, dia-  
 conum, subdiaconum, & acolytos. Vndecimo, quia

Aaaa Ange-

Angelis ibi existentibus sufficit in praesentia tantae maiestatis esse scholares. Duodecimo, quia ibi est Dominus caeli & terrae.

Officium Missae moraliter exponitur ita. *Introitus* significat inchoationem boni operis: & duplicatur, quia in nostra inceptio debemus declinare a malo, & facere bonum: *Kyrie eleison* quod nouem vicibus variatur, significat inuocationem misericordiae Dei, qua nouem modis indigemus: primis tribus modis ad peccatorum remissionem, quae committimus corde, ore, & opere. Quantum ad contritionem, confessionem, & satisfactionem. Secundis tribus modis quantum ad gratiae collationem, scilicet, fidei, spei, & charitatis. Tertijs tribus modis quantum ad glorificationem, qua gaudebimus in Deo supra nos, intra nos de nobis ipsis, & iuxta nos de proximo. *Gloria in excelsis Deo*, significat gratiarum actionem. *Collectae*, denotant orationem. *Epistola & Euangelium*, nouae & veteris legis obseruationem. *Graduale & alleluia*, vitae actiuae, & contemplatiuae perfectionem. *Offertorium* contribulati spiritus sacrificium. *Secreta*, significant statum vitae. *Prefatio* statum patriae. *Sanctus, Sanctus, Sanctus*, eleuationem Angelorum praesentium. *Canon*, transitum membrorum in corpus Christi mysticum. *Pater noster*, filiationem significat per gratiam. *Agnus Dei*, liberationem per misericordiam, & triplicatur, ut liberemur a malis praeteritis, praesentibus, & futuris. *Communio seu complenda* significat boni operis consummationem.

Circa quaedam alia quae sunt in Missa nota significationem allegoricam. Intelligimus enim per *aliare* crucem: per *calicem*, sepulchrum: per *patenam*, lapidem superpositum: per *corporale* sindonem, in qua corpus Domini fuit inuolutum.

Nota etiam quod omnes Missae sunt aequae bonae quantum ad opus operatum, una tamen est melior altera quantum ad opus operans. Vnde melius est audire Missam boni sacerdotis quam mali, sicut in mensa corporali eundem cibum iucundius accipimus a mundo ministro, quam ab immundo.

Nota quod periculosum est si celebrans Missam, caecuriens vel manus tremulas habens, vel morbum habet, aut delirus, aut idiota est. Vnde talibus est iniungendum quod abstineant a Missa. Praeterea quando aliquis bis est celebraturus Missam, non debet sumere ablationem in Missa priori, quia ad Missam secundam accederet non ieiunus.

#### De negligentis qua sunt in Missa. Cap. XIX.

**S**I per negligentiam euenerit quod perlecto canone, nec vinum, nec aqua reperiatur in calice, statim infundi debet utrumque: & sacerdos iterabit canonem siue consecrationem ab illo loco: *Simili modo*, & perficiet usque ad finem, ita tamen, ut nec dimittat duas cruces, quae fieri singulariter super hostiam confueuerunt. Vel melius potest dici quod alia hostiam sumat, & canonem a principio incipiat. Quod si de simplici vino vel aqua fiat consecratio, vinum reputabitur pro consecrato, sed aqua non.

Si quid de sanguine ceciderit super corporale, vel pallam altaris, vel super albam, vel calicem pars illa rescindatur, & in loco reliquiarum referuetur, prius tamen extrahatur sacramentum quantum poterit, & sumatur, deinde abluatur & sumatur ablutio.

Si vero super terram, lapidem, vel lignum ceciderit, lingendus, radendus, & extergendus est locus ille, & pulvis in sacro loco reponendus.

Porro si in ipsum sanguinem musca, vel aranea ceciderit, vel aliquid aliud tale, quod vix sine vomitu, aut mortis periculo sumi potest, perfundatur & lauetur quam cautius potest in calice, & ablationem sumat sacerdos: sed musca siue aranea super piscinam cremetur.

**A** Quod si corpus siue de corpore Christi super pallam altaris ceciderit, vel super aliud vestimentum, non incidatur, sed vino abluatur, & a ministro sumatur.

Si intirinus corpus Domini reijciat, suscipiatur prout diligentius potest.

#### D sacramento poenitentiae. Cap. XX.

**P**oenitentia est, ut ait Ambrosius, praeterita mala plangere, & plangenda iterum non committere. Item Gregorius: Poenitentia est antea facta mala & peccata flere, & iterum flenda non committere. Circa praedictas diffinitiones nota quod quaedam diffinitiones dantur per essentiam, ut homo est animal rationale mortale. Quaedam per causam, ut dies est Sol lucens. Diffinitio autem poenitentiae data est per causam, & non per essentiam. Verumtamen poenitentia diffinitur per duplicem actum, unum qui est respectu praeteriti, scilicet mala praeterita plangere: alterum respectu futuri, scilicet plangenda iterum non committere. Primus actus est in re: secundus in proposito.

Poenitentia duplex est, quaedam interior tantum, & haec est de iure naturali: quaedam exterior, quae fit ad arbitrium hominis. Prima non est sacramentum proprie: secunda vero est sacramentum. Non enim poenitentia per se suscepta dicitur proprie sacramentum Ecclesiae, cum talis etiam ante baptismum possit fieri, sed poenitentia iniuncta per ministros Ecclesiae, sacramentum est. Notandum quoque est, quod lugere pro proprijs peccatis est actus poenitentiae, quae est virtus iustitiae: sed lugere pro malis alienis, est alterius virtutis, scilicet misericordiae: lugere vero pro bonis aeternis, est actus tertiae beatitudinis. de qua dicitur: Beati qui lugent, & cetera.

**D**e duratione poenitentiae sciendum est quod exterior non oportet esse perpetuam, sed de interiori distinguitur. Est enim poenitentia interior secundum habitum: & haec debet esse perpetua. Alia est secundum actum, & hanc non oportet esse perpetuam. Semper enim tenetur, quis ad interiorem poenitentiam habitualement, qua vellet non peccasse, & vult de cetero non peccare. Sed ad exteriorem poenitentiam non semper tenetur.

**E** Praeterea alius est dolor rationalis, qui est peccati detestatio: alius sensualis, qui est passio: & primus dolor semper debet esse in poenitentia: secundus non est de necessitate. Item quamuis homo non sit certus de peccati remissione, tamen non oportet propter hoc poenitentiam exteriorem esse perpetuam, quia non exigitur in talibus certitudo scientiae, sed sufficit certitudo coniecturae probabilis, ut est quando homo fecit probabiliter quod erat ex parte sui dolendo, confitendo, satisfaciendo, emendando.

Cum in omni sacramento nouae legis sit aliqua materia visibilis elementi, quae est signum & causa gratiae, oportet etiam in sacramento poenitentiae ita esse, sed tunc materia sensibilis large sumitur pro omni re, siue res illa sit exterior substantia, siue actio humana. Vnde secundum hoc in poenitentia, prout est sacramentum, sunt res & verba: verba quippe in confessione & absolutione sunt, res autem est ipsa actio humana. Ad intelligendum ista plenius nota, quod sicut in medicinis corporalibus quaedam consistunt in sola passione curati, ut est sectio vulneris: quaedam vero in actione eiusdem, ut est exercitatio corporis: ita in sacramentis quaedam consistunt in passione eius qui sanctificatur, & non in actione, nisi per accidens, ut baptismus, confirmatio, eucharistia, extrema unctio, ordo. Quaedam vero consistunt essentialiter in actu eius qui sanctificatur, ut alia duo sacramenta, scilicet poenitentia & matrimonium. In primis ergo quae sine actu nostro operantur, requirunt exterior materiam, quae significat & causam & rem sacramenti.

In alijs

Amb. 1. ser.  
feria 2. post  
Dominicam  
Quadrages.  
Gregor. homil. 34. in  
Euang. post  
mod.

Mat. 5. b

In alijs vero ipse actus noster est pro materia sensibili. Ex prædictis patere potest quod in hoc quoddam est sacramentum tantum, ut est actus poenitentis exterior: quoddam est res tantum, ut remissio peccatorum: quoddam res & sacramentum, ut contritio interior.

<sup>a</sup> Aug. lib. de Eccles. dog. cap. 34. tom. 3.

<sup>b</sup> Isid. lib. 2. de sum. bono cap. 16.

<sup>c</sup> Aug. lib. 30. homil. 41. 10. 20. Psal. 31. a

Mat. 27. a Sap. 5. a

Hier. 6. d

Eccles. 5. b

Cant. 5. b Hieron. ad Heliod. epist. 1.

Isa. 5. a

Gen. 15. a Mat. 25. b

Exo. 7. c. et 96. g

Greg. lib. 3. Dial. c. 38.

Hier. 13. d

2. Cor. 4. d

Mat. 3. c

Ezech. 18. e. & 33. d

### De qualitate poenitentia. Cap. XXI.

Est enim poenitentia quædam vera. <sup>a</sup> Augustinus: Poenitentia vera est, poenitenda non committenda, & commissæ desistere. Quædam est falsa. <sup>b</sup> Isidorus: Irrisor est, & non poenitens, qui adhuc agit quod poeniteat. Quædam est coacta: Conuersus sum in ærumna mea, &c. Quædam est fera. <sup>c</sup> Augustinus: Si tunc poenites, quando peccare non potes, peccata te dimiserunt, non tu illa. Quædam iniqua: Iudas poenitentia ductus, &c. Quædam desperata: Præ angustia spiritus gementes, dicentes intra se, poenitentiam agentes. Quædam sancta & meritoria. Bernardus: O felix poenitentium humilitas. O bona spes confitentium, quam potens es apud omnipotentem, quam facile vincis inuincibilem, quam cito tremendum iudicem conuertis in piissimum patrem.

Debet poenitentia esse amara. Planctum vnigeniti fac tibi. Voluntaria. Augustinus: Cum gaudio debet facere immortalis futurus, quæcumque faceret homo pro differenda morte moriturus. Perfecta.

Augustinus: Nulla poenitentia est fera, dummodo sit vera. Accelerata: Ne tardes conuerti ad Dominum. Hieronymus: Nauiculæ hærenti in solo funem dominus præcidit, quam solue. Perseuerans: Laui pedes meos, quomodo inquinabo illos? Fortis. Hieronymus: Licet in limine iaceat pater, licet mater vbera quibus te nutrierat, ostendat, per calcatum perge patrem, &c. Item resurrectio spiritualis, quæ est poenitentia, debet esse cum Christo semper victuro, non cum Lazaro iterum morituro. Poenitentia debet esse prompta, & non diu dilata. Primo, ne infructuosi simus, quia diu expectamur. Vnde in Isaia: Expectaui ut faceret vvas, & fecit labruscas. Secundo, quia ad magna vocamur. Ego ero merces tua magna. Terrio, ne ab æternis nuptijs excludamur, sicut factum est fatuis virginibus, quæ differebant se preparare. Quarto, ne ab hostibus impediamur, sicut filij Israel a Pharaone, ne egrederentur de Ægypto. Quinto, quia relinquere peccatum etiam poenitis compellimur. Gregorius: Contemnendus esset hic mundus, etiam si rebus prosperis abundaret. At cum tot aduersitatibus

animum pulsat, cum tot calamitates ingeminat, quid aliud, quam ut non ametur, clamat? Sexto, ne blande seducamur, sicut auis per fistulam aucupis, & sicut piscis per escam, & sicut vrsus per mel. Septimo, ne morte præueniamur. Gregorius: Nihil certius morte, &c. Octauo, ne consuetudine teneamur, sicut arbor de facili non euellitur, cum bene radicator. Numquid Æthiops potest mutare pellem suam, & cetera.

Ad agendam poenitentiam mouent quattuor: de quibus Bernardus: Nimis durum est cor, quod non emolliunt beneficia, nec terrent supplicia, nec alliciunt promissa, nec castigant flagella.

Impedimenta poenitentia sunt, pusillanimitas agrediendi: tales sunt sicut equus umbraticus, qui trunco vel umbra terretur. Pudor confitendi, sed sicut ait Augustinus, verecundia magna pars poenitentia est. Horror satisfaciendi, sed sicut dicit Apostolus:

Hoc momentaneum & leue tribulationis, &c. Delectatio peccandi, sed temporale est, quod delectat, æternum, quod cruciat. Spes diu viuendi, sed Dominus ait: Securis iam ad radicem arborum posita est. Desperatio gratiam obtinendi, sed contradicit.

Quacumque hora ingemuerit peccator, &c. Timor recidendi. Augustinus: Quando cecidi, erexit me:

Append. ad To. 7. oper. S. Bon.

quando steti, reuixit me: quando iui, duxit me. Ita loquitur de Deo. Exemplum delinquendi, sed stultus est, qui vidit aliquem cadentem in foueam, si non sit in eodem loco cautior. Consuetudo peccandi, sicut Balaam consuetus monstris non curauit quod asina loqueretur. Confidentia de Dei misericordia, quod quando poenituerit, ipsum recipiet, sed hoc est peccare in Spiritum sanctum. Gregorius: Misericordiam Dei debemus saltem erubescere: si iustitiam eius nolumus formidare.

### De effectu poenitentia. Cap. XXII.

Per poenitentiam absoluitur homo a peccato, restituitur Ecclesiæ, reconciliatur Deo, donis spiritualibus ditatur, de filio diaboli filius Dei efficitur, paradisi Dei aperitur. Hæc est quæ Angelos lætificat, impium iustificat, amissa bona reuocat, vitam æternam donat, poenam æternam vitat.

Item poenitentia est secunda tabula post naufragiū, ad quam potest homo recurrere, quamdiu est in statu vitæ præsentis, quandocumque, & quotiescumque diuinam misericordiam voluerit implorare. Duplex est enim naufragium, scilicet peccati originalis, & actualis: sed de primo liberamur per tabulam baptismi, quæ virtutem & efficaciam accepit a tabula crucis Christi. De secundo autem liberamur per tabulam poenitentia, quam diuina clementia prouidit homini: quia pro peccato actuali non potest iterum baptizari.

Nota quod a reatu peccati liberamur per gratiam: a sequelis autem peccati per poenitentiam, & partes poenitentia: a miseria vero per gloriam. Item nota qualiter opera mortificata viuificantur: quia licet verum sit quod a priuatione ad habitum non sit regressus in vita naturali, non tamen est verum in vita morali. Nam a priuatione ad habitum voluntarius est regressus, scilicet a morte culpæ ad vitam gratiæ. Vnde dicimus, quod sicut peccata actualia transeunt actu, & remanent reatu: ita bona opera transeunt actu, & remanent merito. Secundum autem quod manent, dicuntur mortificari, vel viuificari. Bona igitur opera quamdiu sunt coniuncta radici merendi, scilicet charitati, dicuntur viuere: quando autem ab illa separantur, dicuntur mortificari, & quando reuertuntur dicuntur viuificari, quia redeunt ad statum suæ originis, videlicet gratiæ & charitatis, & quia valent ad maiorem radicationem charitatis.

### De partibus poenitentia. Cap. XXIII.

Partes poenitentia integrales sunt tres, scilicet contritio, confessio & satisfactio. Quamuis enim complementum peccati possit esse in actu solum oris, & cordis solum, vel trium simul: tamen ad perfectionem poenitentia exigitur horum trium aggregatio: licet ad esse simplex sufficiat contritio in actu, & confessio, & satisfactio in proposito. Non enim in his, quæ habent esse successiuum, exigitur quod partes integrales sint simul, sed exigitur hoc in toto, quod habet esse permanens.

Quod autem tres sint partes poenitentia, sic ostenditur: Poenitentia est quoddam spontaneum iudiciū, in quo contritio est quasi quædam citatio, ubi sequitur rei ante iudicem spontanea confessio. Deinde sequitur per iudicem impositæ emendæ solutio. Sed in hoc differt iudicium fori a iudicio poli: quia ibi confessus a iure condemnatur, & hic absoluitur.

Alia est partium istarum sufficientia: quia cum omne peccatum committatur corde, ore, vel opere, iustum est, ut per contrarium curetur, scilicet ut peccator culpam animo detestetur, verbo accuset, & facto puniat. Item per peccatum offendit homo Deū, Ecclesiam & seipsum, sed per contritionem reconciliatur Deo, per confessionem Ecclesiæ, & per satisfactionem

Aaaa 2 dionem



tionem sibi. Item istæ tres pœnitentiæ partes sunt A  
tres diætæ, quibus itur ad terram promissionis, de  
quibus dicitur: Ibimus viam trium dierum. Item istæ  
tres partes significant tres mortuos moraliter, quos  
Dominus suscitauit: quoniam per contritionem sus-  
citatur puella in domo, per confessionem iuuenis in  
porta, per satisfactionem Lazarus in sepulchro.

Exo. 3. f  
Mat. 9. d  
Luc. 7. c  
Ioan. 11. f

*De contritione. Cap. XXIV.*

**C**ontritio est dolor volūtariæ pro peccatis assum-  
ptus, cum proposito confitendi, & satisfaciendi. Hæc diffinitio magistralis est, & ponitur hic dol-  
lor pro genere: voluntariæ assumptus, ponitur ad dif-  
ferentiam doloris naturalis, qui non est meritorius,  
cum non sit in genere moris, sed volūtas tantum po-  
nitur in genere moris. Pro peccatis, ponitur ibi pro  
materia doloris, ad differentiam doloris inuidiæ, qui  
est de bono alieno. Sic ergo diffinitur contritio, pro-  
ut est actus virtutis, sed prout est pars sacramenti pœ-  
nitentiæ, oportet quod aliquid comparatione ad alias  
partes addatur, & ideo ponitur, cum proposito con-  
fitendi & satisfaciendi.

Nota quod cor dicitur durum quando diuinæ in-  
spirationi se tangenti non cedit, sed obuiat, in affectu C  
peccati demorando. Frangi vero dicitur, quando in-  
cipit a proposito peccandi resipiscere, licet nondum  
totaliter conuertatur. Conteri autem dicitur, quan-  
do voluntas perfecte ab affectu peccandi resilit.

In contritione duplex est dolor. Vnus est volūta-  
tis, qui non est aliud quàm peccati displicentia. Alius  
est sensualis. Primus est de essentia contritionis, &  
de hoc dolore intelligitur illud: Luctum vnigeniti  
fac tibi, quia homo ex ratione debet magis velle nū-  
quam peccasse, quàm vnigenitum viuere. Secundus  
vero dolor non requiritur de contritionis necessitate,  
sed de eius perfectione: quia talis dolor non est in D  
nostra potestate.

Here. 6. g

Nota etiam quod contritio potest tantum intendi,  
quod non solum culpa, sed etiam tota pœna dimittatur:  
hoc autem potest fieri dupliciter. Vno modo  
ex parte charitatis, quæ displicentiam peccati causat:  
quia quandoque contingit tantum charitatem intendi  
in actu, quod contritio inde sequens merebitur  
absolutionem ab omni pœna. Alio modo fit istud ex  
parte doloris sensualis, quem voluntas in contritione  
excitat, quia ille dolor quædam pœna est, quæ tan-  
tum potest intendi, quod sufficiat ad deletionem cul-  
pæ, & pœnæ.

Differentia autem est inter attritionem & contri-  
tionem: sicut inter informe & formatum secundum  
quod dicitur de fide informi & formata. Vtrum au-  
tem attritio fiat contritio, distinguendum est, quia  
contritio dicitur cum gratia tritio, hoc autem potest  
esse dupliciter. Vno modo per concomitantiam, quia  
gratia associatur motui existenti in anima, & illum  
informat, quamuis non eliciat. Alio modo per cau-  
sam, ita quod motus a gratia eliciatur. Primo mo-  
do attritio fit contritio: quia actus ille simplex manens  
in anima formatur adueniente gratia, sicut color  
adueniente luce. Secundo modo impossibile est  
quod attritio fiat contritio.

Sed si queritur quamdiu quis de peccato dolere  
debeat: respondeo sicut dicit Hugo de sancto Victore:  
Deus quando absoluit hominem a vinculo pec-  
cati, ligat eum vinculo perpetuæ detestationis. Sed  
detestatio peccati duplex est: quædam in habitu, ad  
quam semper tenetur homo etiam post perfectam pec-  
cati remissionem: de qua dicit Augustinus, loquens  
de pœnitente, quod pœnitens semper doleat, &  
de dolore gaudeat, & non semper doluisse doleat.  
Alia detestatio est in actu: ad hanc homo non sem-  
per tenetur. Sciendum autem quod beati, & dam-  
nati, & hi qui sunt in purgatorio, non habent contri-

Aug. lib. de  
vera, &  
fal. pœnit.  
c. 13. in fi.  
10m. 4.

tionem proprie: cuius ratio est quia in contritione  
proprie sumpta sunt tria, scilicet gratia, dolor, &  
effectus meriti satisfaciens, in beatis autem non est  
dolor, in damnatis vero non est gratia, & hi qui sunt  
in purgatorio non merentur.

*De confessione. Cap. XXV.*

**C**onfessio est, vt ait Augustinus, per quam mor-  
bus latens spe veniæ aperitur. Hæc confessio sa-  
cramentalis, quæ est pars pœnitentiæ, conuenienter  
describitur per materiam, quæ est peccatum: & per  
actū, qui est aperire, & per finem, qui est spes veniæ.

Duplex est confessio, quædam est mentalis, quæ  
fit Deo, & hæc est de iure naturali. Quædam est vo-  
calis, quæ fit homini, & hæc non est de iure natura-  
li. Igitur ante incarnationem Christi sufficebat con-  
fessio mentalis: quia Deus nondum erat homo: sed  
postquam factus est homo, debet confessio fieri homi-  
ni vicario Christi. In hoc enim quod ministris sa-  
cramentorum Christus dedit potestatem ligandi atque  
soluendi, insinuauit confessionem eis tamquam iu-  
dicibus fieri debere. Sic ergo Christus instituit con-  
fessionem tacite, sed Apostoli promulgauerunt eam  
expresse.

Mat. 16. 6

Quamuis igitur in contritione remittatur peccatū  
communiter, tamen confessio vocalis est necessaria  
vel in re, quando habetur opportunitas, vel in propo-  
sito, quando articulus necessitatis eam excludit, &  
non contemptus religionis. Et ista necessitas confi-  
tendi post contritionem, non est in tali casu propter  
necessitatem remedij, cum peccatum iam sit dimis-  
sum, sed propter obligationem præcepti.

Confessio & satisfactio necessaria est non solum  
propter reconciliationem in iudicio Dei, sed etiam  
in iudicio Ecclesiæ.

Quas etiam circumstantias teneamur confiteri. No-  
ta quod circumstantiarum quædam sunt trahentes in  
aliud genus peccati, vt coire cum muliere coniuga-  
ta, & has tenetur homo confiteri. Quædam sunt ag-  
grauantes in eadem specie, & harum quædam sunt  
non aggrauantes notabiliter, sicut scientia & huius-  
modi: has non tenetur quis confiteri, quia sunt qua-  
si venialia peccata. Quædam sunt aggrauantes no-  
tabiliter, & has secundum quosdam tenetur homo  
confiteri. Non enim sufficit illi, qui accepit centum  
marchas de alieno, dicere: Ego accepi alienum, cum  
hoc posset verificari si solum accepisset vnum dena-  
rium, secundum alios communius, sed non tutius  
opinantes, non oportet. Circumstantiæ aggrauan-  
tes peccatum notantur his versibus:

*Aggrauat ordo, locus, mora, causa, scientia, tempus,  
Lucta pusilla, modus, culpa, genus, & status alius,  
Conditio, numerus, ætas, & scandala, sexus.*

Quamuis peccata alicuius nota sint sacerdoti, tamen  
oportet ea confiteri, quia non sunt ei nota vt iudici.

Quamdiu possit quis differre confessionem, duæ  
sunt opiniones. Quidam enim dicunt, quod pecca-  
tor debet statim confiteri habita opportunitate suffi-  
cienti. Alij communius dicunt, quod cum confessio  
sit inter præcepta affirmatiua, nõ obligat nisi pro loco  
& tempore. Ecclesia autem determinat in decretali-  
bus, quod omnis homo cõfiteatur semel in anno, quia  
tunc quilibet de necessitate communicare tenetur.  
In casibus tamen quattuor tenetur quis ante hoc tem-  
pus confiteri. Vnus est ratione sacramenti, quando  
quis vult communicare, vel celebrare. Alius ratio-  
ne periculi, vt si est in periculo mortis. Tertius est ra-  
tione conscientiæ, vt si dicat sibi conscientia, quod  
statim teneamur. Quartus est ratione dubij, vt si non  
sperat illo anno amplius habere confessorem, quem  
modo habet, vel si habet casum de quo potest solus  
Papa absolvere, & modo habet copiam pœnitentia-  
rij domini Papæ.

Ex. de pœ-  
nitentia &  
remissione.  
c. omni v-  
triusque  
sexus.

Si quæ-

Si queratur utrum confessio facta in peccato mortali valeat, dicendum est, quod confessio est in remedium, & in preceptum. In quantum est in remedium, non valet in mortali facta, tamen absoluitur homo a precepto, sicut si de baptismum suscipiens.

Utrum confessio sit iteranda? Nota quod regulariter nullus tenetur confessionem bona fide factam amplius iterare. Sunt tamen quattuor casus in quibus tenetur quis iterare confessionem, quorum duo, sunt propter confessorem, & duo propter confitentem. Primus, si deficit confessori clavis potestatis, eo quod non habet potestatem ab illo peccato absolueret. Secundus est, si deficit ei clavis scientiae, quia nescit discernere. Tertius est si confitens dimidiavit confessionem, oportet enim quod uni fiat confessio integre omnium, quae habentur in memoria. Si vero aliqua exciderant a memoria, non ideo debet reputari confessio dimidiata. Quartus est si contempsit, seu neglexit, & oblitus est satisfactionem, nam si sciret, & adimplere vellet, non deberet confessionem iterare.

Si vero aliquis cadat in peccatum postquam bona fide fecit confessionem, questio est utrum teneatur confessionem prius factam iterare, & est opinio quod non in specie, sed in genere: licet aliter dicant quidam.

Nota quod confessio facta per nuntium vel per epistolam, licet sit quoddam opus bonum & meritorium, tamen in quantum est pars sacramenti poenitentiae, non potest sic fieri: quia determinatam habet materiam, scilicet actum sermonis, quo conscientia hominis manifestari consuevit. Vnde sine necessitate non licet aliter confiteri. In necessitate potest defectus per aequipollentem actum suppleri.

#### De qualitate & effectu confessionis. Cap. XXVI.

**Q**ualis debeat esse confessio, notatur his verbis,

*Sit simplex, humilis confessio, pura, fidelis, Vera, frequens, nuda, discreta, libens, veracunda. Integra, secreta, lacrymabilis, accelerata, Fortis, & accusans, & sit parere parata.*

Ad multa valet confessio: A morte liberat, quia sicut confessio in foro contentioso damnat, sic in spiritali liberat. Vulnera mentis sanat. Hieronymus: Vulnerum non intellectum tardius sanatur. Deum homini manifestat. Augustinus: Si nollem confiteri, non me tibi absconderem, sed te mihi. Paradisum aperit.

*Aug. li. 10. Confessio. 2. portas aperit paradisi. Exemplum in latrone dextro. som. 1. Peccata regit. Vnde quaedam Glossa: Si homo peccatum detegit, Deus tegit. Misericordiam diuinam emollit. Glossa super illud Psalmi: Delictum meum cognitum tibi feci. Si homo agnoscat, Deus ignoscit.*

*Psal. 31. b. Animum iucundat: In voce exultationis & confessionis, &cet. Intercessores multiplicat. Sacerdotes enim pro suis confessis orant. Conscientiam mundat.*

*Psal. 41. a. Augustinus: Confitendo fit homo de fratre pulcher. Foras diabolus rumpit, sicut cum aliquis secretum alterius detegit. Deo hominem coniungit. Augustinus: Quid propius auribus tuis, quam confitens cor & vita, quae est ex fide? In via salutis dirigit. Qui abscondit scelera sua, non dirigitur, &c. Peccatum delet. Dixi confitebor aduersum me, &c. Satisfactionem supplet. Glossa super Matthaeo: Iubemur confiteri peccata nostra, ut erubescantiam patiamur pro poena. Malum praecauet. Exemplum de dente putrido, qui extrahitur ne alij computrescant.*

*Aug. enar. in Psal. 95. in illa ver. confessio, & pulchr. &c. som. 2. Psal. 31. b.*

#### Cui debeat fieri confessio. Cap. XXVII.

**G**eneraliter teneas, quod confessio debet fieri sacerdoti habenti claves, quae sunt scientia discernendi, & potestas ligandi, atque soluendi. Sciendum

Append. ad To. 7. oper. S. Bon.

A autem quod sicut baptismus est sacramentum necessitatis, ita & poenitentia. Vnde sicut baptismus duplicem habet ministrum, vnum cui competit baptizare ex officio, scilicet sacerdotem; alium cui committitur dispensatio baptismi ratione necessitatis: ita & minister poenitentiae duplex est. Vnus est cui confessio fit ex officio, sicut est sacerdos. Alius qui audiendo confessionem vicem supplere potest sacerdotis in necessitate, ut est laicus. Dicunt tamen aliqui quod cum deest copia sacerdotis, non oportet confiteri laico, sed sufficit soli Deo.

Quamuis omnes sacerdotes claves habeant, non tamen possunt omnes ligare & soluere, sicut excommunicati, suspensi, haeretici, & damnati. Hoc autem non est propter defectum ordinis, sed quia non habent materiam debitam, scilicet subditos, qui auferuntur ab eis cum excommunicantur. Possunt tamen tales baptizare, quia hoc est sacramentum necessitatis. Possunt etiam tales Eucharistiam consecrare, quia hoc substantialiter adhæret ordini.

Dicendum etiam quod nullus potest absolueret confitentem, nisi proprius sacerdos. Proprius vero sacerdos dicitur sex modis. Primo modo ipse Pastor Ecclesiae. Secundo, per determinationem superioris, ut vicarij. Tertio, per priuilegium quibusdam indultum, ut sunt fratres Praedicatorum, & Minores. Quarto, per licentiam proprii sacerdotis, dum tamen non licentietur nisi vir discretus, & honestus, & vere sacerdos. Quinto, propter necessitatem, quia instante mortis periculo quilibet sacerdos potest absolueret. Et peregrini absoluntur ab illis, apud quos sunt. Sexto propter defectum sui sacerdotis, quando scilicet, est idiota, vel proditor confessionis, vel quando solet mulieres confitentes procari: tunc enim si non inuenit aliquem qui auctoritatem habeat, efficitur ei sacerdos proprius, non quilibet, sed discretus, & honestus, & notus, vel ex ordine, vel ex persona.

#### De sigillo confessionis. Cap. XXVIII.

**E**A quae geruntur exterius in sacramentis sunt signa rerum, quae interius contingunt: & ideo confessio, quae quis sacerdoti se subijcit, signum est interioris, quae quis Deo subijcitur. Deus autem peccatum illius qui se sibi per poenitentiam subijcit, tegit. Vnde oportet de necessitate sacramenti, quod sacerdos celet confessionem. Sunt & aliae huius relationis utilitates: quia per hoc homines magis ad confessionem attrahuntur & simplicius peccata confitentur. Sacerdos autem non solum debet celare peccatum quod in confessione recipit, sed etiam omnia alia signa per quae posset peccator, aut peccatum comprehendere. Potest autem poenitens facere, ut illud quod sacerdos per confessionem sibi factam sciebat ut Deus, sciat ut homo. Et hoc facit dum licentiat eum ad dicendum: & ideo si dicit, non frangit sigillum confessionis. Si autem queratur, utrum id quod scit sacerdos per confessionem, & scit alio modo, possit reuelare: super hoc diuersae sunt opiniones, sed haec est verior, quia siue sacerdos sciat illud peccatum ante confessionem sibi factam, siue post, non tenetur celare, quantum ad id quod scit, ut homo. Nota quod iste est modus dicendi, dico tibi in confessione: & non clauditur tale dictum sigillo confessionis, quia non seruatur ibi modus confessionis vel ordo.

#### De satisfactione. Cap. XXIX.

**S**icut in bellis & controuersiis restituta amicitia non statim restituitur debitum illati damni, ita post remissionem culpae in contritione, seu confessione, remanet debitum poenae satisfactoriae. Iniungit autem sacerdos quaedam ad satisfactionis fundamentum, sicut abstinere a peccato, & restituere ablatum. Quae-

Aaaa 3 dam

dam ad satisfactionis expeditionem, ut est vitare consortia malorum. Quædam iniungit ad substantiam satisfactionis, ut ieiunare, vigilare, dare eleemosynam, peregrinari, & huiusmodi opera pœnalia. Quædam iniungit ad perfectionem & securitatem satisfactionis, ut sunt opera supererogationis.

*Psal. 6. b*

Satisfactio debet respondere culpæ in tribus, scilicet in numero. Lauabo per singulas noctes, &c. In pondere. Augustinus: Libenter debet facere immortalis futurus, quæcumque faceret pro differenda morte moriturus. In mensura. Gregorius: Tanto tempore debet esse amaritudo in pœnitentia, quanto fuit in culpa. Ista tria requiruntur in pœnitentia secundum conuenientiam, non secundum necessitatem.

*De singulis partibus satisfactionis in communi.*

*Cap. XXX.*

**S**atisfactionis quædam sunt partes principales, scilicet oratio, ieiunium, & eleemosyna: quædam vero secundariæ, quæ ad has reducuntur, ut vigilæ, peregrinationes, disciplinæ. Dicendum ergo quod omnia opera carnem affligentia reducuntur ad ieiunium, omnia opera vero spiritalia ad orationem, omnia autem opera misericordiæ ad eleemosynam.

Sufficiencia partium principalium potest accipi respectu termini a quo est motus satisfactionis, quia per ieiunium reuocamur a concupiscentia carnis, per orationem a superbia vitæ, per eleemosynam a concupiscentia oculorum. Alio modo sumitur ista sufficiencia ex parte termini ad quem fit satisfactio, quia per ieiunium ordinatur homo in seipso, per eleemosynam ad proximum, per orationem ad Deum. Tertio modo sumitur hæc sufficiencia ex parte materiæ, de qua fit. Per eleemosynam enim fit satisfactio de bonis exterioris substantiæ, per ieiunium de bonis corporis, per orationem de bonis mentis. Quarto modo sumitur hæc sufficiencia ex parte modorum satisfaciendi. Fit enim satisfactio tribus modis, vel per punitionem, vel per redemptionem, vel per supplicationem. Primum facimus ieiunando, secundum eleemosynas dando, tertium orando. Quinto sumitur hæc sufficiencia ex parte effectus. Per satisfactionem enim tria magna bona nobis proueniunt, scilicet, impetratio gratiæ, remissio pœnæ, expurgatio reliquiarum culpæ. Ad primum videtur valere eleemosyna propter multiplicationem intercessorum, ad secundum ieiunium, ad tertium oratio.

*De singulis partibus satisfactionis. Cap. XXXI.*

**E**leemosyna dupliciter potest accipi, aut intentione subleuandi necessitatem proximi, & sic est opus misericordiæ, aut intentione recompensandi pro debito offensæ diuinæ, & sic est opus iustitiæ. Vnde primo modo proprie pertinet ad meritum vitæ. Secundo modo ad meritum dimissionis pœnæ: quia eleemosyna sic data proprie est satisfactoria.

De ieiunio quoque sciendum est, quod in carne duo sunt, vnum natura, quæ debet sustentari, & aliud vitium, quod debet domari. Ieiunium ergo quod naturam seruat, & vitium domat, bonum est, & satisfactorium, aliud vero non.

Oratio dupliciter habet fieri, aut pro impetratione bonorum, & sic est pars, vel opus contemplationis: aut pro amotione malorum, & sic est proprie pars satisfactionis.

*De iustificatione impij. Cap. XXXII.*

**I**ustificatio impij est motus ab iniustitia ad iustitiā. In iustificatione impij quattuor requiruntur, scilicet motus liberi arbitrij, contritio, infusio gratiæ, & remissio culpæ. Horum prima duo sunt ex parte su-

**A**scipientis, alia vero ex parte agentis. Prædicta autem quattuor sunt simul tempore, non natura. Prioritas autem & posterioritas, quæ secundum ordinem naturæ est, reducitur aliquo modo ad ordinem causæ & causati. Inter ista vero videtur hic ordo causalitatis esse. Causaliter enim motus liberi arbitrij prior alijs tribus est, quia requiritur consensus voluntatis in huiusmodi mutatione. Voluntas autem & liberum arbitrium sumuntur hic pro eodem. Præterea motus iste appellatur motus liberi arbitrij. Iste quoque motus qui per liberum arbitrium consentit Deo, ut primo motori, vocatur motus fidei: quia habet aliquid cognitionis, & aliquid affectionis sicut fides. Dicamus ergo quod motus liberi arbitrij, siue motus fidei in Deum, causaliter est prior, quam motus quo de peccato quis conuertitur: quia sicut in generatione peccati prior est conuersio, quam auersio, cum conuersio causet auersionem: ita in eius destructione prior est conuersio ad Deum per liberum arbitrium, quam auersio a creatura per contritionem de peccato. Quod enim primum est in compositione, vltimum est in resolutione. Isti vero duo motus liberi arbitrij, & contritionis sunt priores, quam gratia infundatur, quia sunt causa præparatoria ut gratia detur. Quamuis enim Deus sine vlla præparatione possit impium iustificare, tamen requiritur præparatio ex parte nostra: quoniam sicut requiritur præparatio ex parte materiæ in naturali mutatione ad recipiendam formam: ita in mutatione voluntaria, & hoc non est ex impotentia agentis, sed susipientis. Alia ratio est, quia in iustificatione peccatoris fit introductio vnius formæ & expulsio contrariæ: ideo requiruntur prædicta duo, scilicet motus liberi arbitrij disponens ad gratiæ susceptionem, & contritio, idest, recessus a peccato disponens ad culpæ expulsionem. Gratia vero prius infunditur, quam culpa remittatur, quia per gratiam culpa remittitur, sicut in introductione formæ prior naturaliter est forma, quæ expellit a parte agentis, quam illa, quæ expellenda est, remoueri possit.

**C**ualiter autem iustificatio fiat in instanti, vel successiue, nota distinctionem. Potest enim iustificatio dupliciter accipi, sicut & generatio. Vno modo, ut dicat motum ad iustitiam cum termino eiusdem, & sic fit successiue, ut quando succedit successiua præparatio. Alio modo potest accipi, ut dicat solummodo mutationem sine motu: & hoc modo fit iustificatio in instanti, & hoc triplici ratione. Prima quia fit virtute infinita & simplici, quæ immediate operatur. Secunda est, quia fit in subiecto simplici, scilicet in mente. Tertia est, quia ipsa forma tam quæ expellitur, scilicet culpa, quam quæ introducit, scilicet gratia, omnino simplex est. Ad illud quod dicit Augustinus, quod maius est iustificare impium, quam creare cælum & terram: dicendum est quod maius est, quantum ad id quod fit, quia melius est, sed non quo ad modum faciendi. Quamuis enim in iustificatione impij sit resistentia formalis, scilicet contrarij ad contrarium: non tamen est ibi resistentia, quæ aliquid resistat agenti, scilicet Deo, cuius virtuti nihil resistere potest. In iustificatione enim impij aliquid est ex parte Dei, & aliquid ex parte peccatoris, & aliquid ex parte Ecclesiæ. Ex parte Dei sunt duo, scilicet misericordia, quæ reatum indulget: & iustitia, quæ emendam aliquantulam exigit vel hic, vel in futuro, scilicet in purgatorio, hæc significatur per binos discipulos, quos misit Dominus in omnem locum, quo erat ipse venturus; tunc quidem corporaliter, nunc autem per gratiam & spiritualiter. Ex parte peccatoris sunt etiam duo, scilicet amor, & dolor: & hi sunt duæ molæ quibus peccator conteritur, quæ secundum legem non debent diabolo in pignore obligari. Ex parte Ecclesiæ similiter sunt duo, primum est meritum, præcipue Christi, quod

*Aug. trah. 72. in loan. post med. tom. 9.*

est in-

est inexhaustibile, & aliorum sanctorum, qui fecerunt opera multa supererogationis, quæ omnia sub potestate clauium sunt posita, vt quod minus est in vno membro Ecclesiæ, compensetur in alio. Vnde si aliquis non est membrum Ecclesiæ, non influit in ipsum meritum prædictum. Secundum est indulgentia, quam dat Ecclesia per Papam & Episcopos: tamen vt ipsa indulgentia tantum valeat, quantum promittitur, exigitur auctoritas & causa, scilicet communis utilitas ex parte dantis, exigitur etiam fides formata, & obedientia ex parte recipientis, hoc est, vt soluat id propter quod datur.

*De pœnitentia venialium. Cap. XXXIII.*

**P**œnitentia est remedium institutum ad expiandum peccatum, cui debetur pœna sensibilis, quæ cum debeat peccato non solum mortali, sed etiam veniali, patet quod pœnitentia est remedium contra vtrumque, quia non est simpliciter de venialibus, sed de mortalibus, quia pœnitentia introducta est ad reconciliandum amicitiam, quam mortale peccatum tollit. Licet igitur pœnitentia non sit de venialibus simpliciter, tamen est per accidens: & hoc est tribus modis. Primo ratione dubij, vt quando creduntur esse mortalia. Secundo ratione statuti, vt quando homo, qui tenetur confiteri semel in anno, non habet nisi venialia. Tertio ratione periculi, vt quando venialis delectatio ad hoc producta est, quod nisi homo se auertat ab ea, trahit in mortale.

De remissione autem venialis peccati sciendū quod in duobus casibus non remittitur. Primus est, si talis habeat peccatum mortale: quoniam sine mortali numquam dimittitur veniale: licet e conuerso possit fieri, scilicet, quod mortale dimittatur sine veniali. Cum enim peccatum mortale tollat charitatem, quæ vniuersa delicta operit: constat quod existenti in peccato mortali nullum veniale remittitur. Secundus est, quando voluntas fixa manet in affectu alicuius peccati venialis determinati, quoniam illud idem tolli non potest, & hoc multiplici ratione. Prima est, quoniam omne peccatū remissione indiget quoad duo, scilicet, quo ad culpam, & quo ad pœnam: sed non potest esse remissio secunda sine prima, quia quamdiu homo culpam habet, debitor est pœnæ. Culpæ autem consistit in deordinatione voluntatis. Vnde voluntas sic manens pertinax reordinari non potest. Alioquin duo opposita simul essent in eodem. Alia ratio est, quia manente causa non potest tolli effectus, sed voluntas inordinata ad aliquid, est causa venialis peccati; vnde manente voluntate fixa in illo, non remittitur ipsum peccatum veniale.

Sciendum etiam quod vnum peccatum veniale bene potest dimitti sine alio, quia peccatum mortale quod maioris est adhærentiæ, potest etiam remitti sine veniali. Alia ratio est, quia peccatum mortale ita Deo displicet, quod facit ipsum peccantem Deo displicere. Sed veniale licet Deo displiceat, cum inordinatum sit, tamen non facit peccatorem Deo displicere: quia per illud non priuatur gratia, sed obnubilatur, in quantum eius processus ad exteriora impeditur: & propter hoc vnum veniale non impedit, quin aliud remitti possit. Tertia ratio est, quia venialia non habent connexionem ad inuicem, nec ex parte auersionis: quia non auertunt a summo bono: nec ex parte conuersionis: & ideo vnum dimitti potest sine alio. Non est autem sic de mortalibus, vbi non dimittitur vnum sine alio, quia connexionem habent ad inuicem ex parte auersionis. Quodlibet enim mortale auertit a Deo, licet non habeant connexionem ex parte conuersionis.

Ex prædictis colligitur quod aliter se habent mortalia ad inuicem & aliter venialia ad inuicem, & aliter mortalia ad venialia. Mortalia enim sic se habent,

quod vnum non dimittitur sine altero: venialia vero sic se habent ad inuicem, quod vnum potest remitti sine altero. Mortalia autem sic se habent ad venialia, quod mortale remittitur sine veniali, sed non veniale sine mortali. Cuius duplex est ratio. Prima est quia mortale & veniale se habent sicut habitus, & dispositio, sed ablato habitu potest manere dispositio, & non e conuerso. Secunda ratio est, quia mortale opponitur charitati: veniale autem feruori eius: sed sublata charitate tollitur feruor, & non e conuerso.

*Propter quid dimittatur peccatum veniale. Cap. XXXIV.*

**A**D peccati venialis remissionem non exigitur nouus charitatis habitus, sed sufficit nouus motus: quia peccatum veniale non tollebat virtutis habitum, sed impendebat ipsius actum.

Notandum autem quod peccatum veniale non dimittitur contritione, cuius hæc est ratio: quia quamdiu voluntas in aliquo veniali fixa manet, numquam dimittitur; sed voluntatē ab eo auertere quod quis prius volebat, est displicere ei quod voluit, talis autem displicentia dolor contritionis dicitur.

Sed sciendum quod contritio potest accipi tripliciter, scilicet vel in actu, vel in habitu, vel medio modo. Contritio in habitu non sufficit ad peccati venialis remissionem: quia tunc quicumque haberet pœnitentiæ virtutis habitum, non posset habere veniale peccatum: & sic veniale peccatū non posset esse cum gratia. Contritio quoque in actu non semper requiritur, quia sequeretur quod peccatū quod quis in memoria non habet, remitti non posset: propter hoc requiritur contritio medio modo, scilicet vt peccatum displiceat actualiter vel explicite, vel implicite. Dico autem implicite, quia talis actus sufficit, quia displiceret explicite peccatum veniale, si cogitatio ferretur ad illud.

Notandum etiam quod tam feruens potest esse motus charitatis in Deum, quod omnia peccata venialia consumat, etiam sine actuali cogitatione ipsorum: quia quando quis feruenter in Deum fertur, displicet ei quicquid a Deo retardat: & ita licet explicite de peccato veniali non cogitet, tamen in illo motu continetur implicite displicentia peccati venialis, vel vnius, vel omnium.

Sciendum etiam quod in contritione de venialibus non exigitur propositum non peccandi venialiter, sicut in contritione de mortali exigitur: sed sufficit quod displiceat ei peccatum præteritum, & infirmitas qua ad peccatum veniale inclinatur: quamuis ab eo omnino immunis esse non possit: ita tamen quod voluntas non maneat fixa in vno veniali, quia illud sic retentum non dimitteretur in contritione generali, nec in speciali, & hæc est ratio: quia peccata mortalia sunt in potestate nostra, vt vitentur, non solum singula, sed etiam omnia: venialia vero etsi singula vitari possunt, non tamen omnia, quod ex infirmitate naturæ contingit.

Multa sunt per quæ tolluntur peccata venialia, quæ per tria comprehenduntur. Primo sunt omnia illa quæ gratiam conferunt, vt omnia sacramenta Ecclesiæ. Secundo, illa quibus impedimenta feruoris & gratiæ tolluntur, sicut est aqua benedicta, quæ virtutem inimici reprimit, & Episcopalis benedictio. Tertio est exercitium humilitatis ex parte nostra, sicut est unctio pectoris, oratio Dominicalis, elemosyna, ieiunium, & huiusmodi. Ratio autem horum est, quia cum venialia dimittantur per feruorem charitatis, quæ implicite vel explicite continet omnia illa, quæ nata sunt de se feruorem charitatis excitare, dicuntur venialia peccata dimittere: talia vero sunt omnia, quæ prædicta sunt. Vnde cum secundum quantitatem feruoris sit quantitas remissionis, patet quod

quod prout per enumerata maior, vel minor excitatur fœruor, qui implicite, vel explicite contritionem continet, plura vel pauciora venialia dimittuntur, non tamen semper omnia.

*De extrema vnctione. Cap. XXXV.*

**M**ediator Dei & hominum non solum vocatur Iesus in quantum habet saluare, sed etiam Christus, in quantum habet vnctionis gratiam in alios diffundere. Tribus vicibus inunctus fuit Dauid. Primo in domo patris sui in signum regni futuri, hæc significat vnctionem in baptismo. Secundo in Hebron super Iudam, & postea multa bella habuit: hæc significat vnctionem in confirmatione. Tertio, iterum in Hebron super omnem Israel, post hanc autem in pace regnavit: hæc significat vnctionem in extremis.

De substantia huius sacramenti sunt quinque: Primum est, quod hanc vnctionem faciens sit sacerdos. Secundum est, intentio debita. Tertium est, materia debita, scilicet oleum infirmorum. Quartum est, forma verborum, hæc, scilicet: Per istam vnctionem, &c. quam formam dicere debet inungens. Quintum est, locus inungendus, quia fit ad oculos, ad aures, ad nares, ad os, ad lumbos, & ad manus, &c.

In hoc sacramento forma verborum est deprecatoria: quia istud sacramentum debet valere per orationem Ecclesiæ, & per modum suffragij. Datur enim ad effectum, quem homo per propria opera posset consequi, nisi infirmitas impediret. Vnde nota quod in aliquo sacramento verborum forma non est in sola oratione, nisi in isto. Dicit enim Iacobus: Si quis infirmatur, inducat presbyteros, & orent super eum. In quibusdam vero sacramentis consistit in sola enuntiatione verborum virtus, sicut in baptismo. Dixit

enim Dominus: Baptizantes eos, non faciens mentionem de oratione. In aliquo autem sacramento secundum quosdam consistit forma in oratione, & enuntiatione: vt in sacramento pœnitentiæ. Consecuerunt enim confessores primo orare, dicentes: Absolutionem, remissionem, &c. & postea dicere: Absoluo te. Cum enim in peccato offendatur Deus & Ecclesia, contra primum merito fit oratio, & contra secundum absolutio. Istud autem sacramentum non datur nisi adultis, qui peccata venialia videntur habere, contra quæ institutum est: nec datur alijs quam infirmis in periculo mortis constitutis. Sanis autem non datur hoc sacramentum: quia habent aliud remedium paratum, scilicet pœnitentiam: nec datur nisi postulantis, qui deuotione sursum eriguntur. Et si sæpe infirmatur quis ad mortem, sæpe potest inungi: sed in vna infirmitate non debet quis bis inungi, nisi eadem infirmitas ultra annum protrahatur, ita quod in vno anno propter eandem infirmitatem nemo bis inungatur.

Effectus huius sacramenti multiplex est, vnus est sanitas, quæ est duplex: vna est principalis, scilicet liberatio ab infirmitate spiritali, quæ contrahitur per peccata venialia, quibus anima debilis efficitur ad exequendum actum gratiæ & gloriæ. Alia est secundaria sanitas, quæ est quasi effectus & signum prioris sanitatis, scilicet sanitas corporalis: & hoc est verum, quando sanitas corporalis expedit sanitati spiritali. Tunc enim istud sacramentum causat vtrumque in suscipiētibz digne. Interdum enim utilis est sanitas corporalis, scilicet ad meritum gloriæ cumulandum. Valet etiam ad deuotionem excitandam, & velociorem transitum ad cælum.

In hoc sacramento, sicut in ceteris, tria sunt: Vnum est sacramentum tantum, scilicet vnctio exterior. Aliud est res tantum, scilicet effectus duplicis sanitatis, vt dictum est. Tertium est sacramentum, & res scilicet quædam vnctio spiritalis interior, idest, mentis iucunditas, & solatium.

*De sacramento ordinis. Cap. XXXVI.*

**Q**uinque sacramenta, de quibus dictum est, pertinent ad statum personæ: sed duo, de quibus dicendum est, pertinent ad communem statum Ecclesiæ; quia ordo pertinet ad generationem spiritualem: matrimonium vero ad generationem carnalem.

Ordinem præcedit prima tonsura, quia in omni transitu de statu ad statum conueniēter interponitur aliqua dispositio media. Vnde in transitu a statu laicorum ad statum ministrorum Dei, conueniēter prima tonsura interponitur. Fit etiam in hac tonsura aliquorum capillorum resecatio in modum coronæ: quia in ministerium illius assumitur, cui seruire, regnare est.

Est itaque duplex signum distinctiuum in ordinatis, scilicet exterius tonsura, & interius character. Ad esse autem ordinis tonsura non præexigitur, sed ad bene esse: quia dispositio congruitatis est ipsa tonsura ad ordinem, non necessitatis.

Hugo de sancto Victore ordinem sic describit: Ordo est signaculum quoddam, in quo potestas spiritualis traditur ordinatis, & officium. Hic nota, quod sicut in naturalibus dedit Deus superiora corpora in regimen inferiorum, sic & in spiritualibus quosdam posuit superiores, quosdam inferiores, vt illi potestatem habeant super istos: sicut sunt clerici, qui præsent in spiritualibus, & principes, ac iudices seculares, qui præsent in temporalibus.

De substantia huius sacramenti sunt sex: Primum est potestas ordinis, quia oportet quod sit Episcopus. Secundum est materia, scilicet vnctio in sacerdotibus, & tactus illorum, quæ tangenda sunt in alijs. Tertium est forma verborum. Quartum est sexus virilis, quia mulier non recipit characterem ordinis. Quintum est intentio recta. Sextum est quod ordinandus sit baptizatus, quia baptismus est ianua omnium sacramentorum.

Quoddam est hic sacramentum tantum, vt visibile signum, quo potestas traditur. Quoddam est res tantum, scilicet gratia quæ confertur digne recipienti. Quoddam est res & sacramentum, vt character. Septem sunt ordines, scilicet Ostiarius, Lector, Exorcista, Acolytus, Subdiaconus, Diaconus, & Presbyter, qui omnium ordinum est perfectissimus, & terminus aliorum. Illi autem sunt quasi septem gradus, quibus ascenditur ad thronum Salomonis. Actus ostiariorum est, custodire locum consecrationis sacramentorum ab ijs, qui immundi determinati sunt, idest, excommunicatis. Actus lectorum est, legere prophetias. Actus exorcistarum est, arcere demones, ne dominantur in corpore nondum baptizati, scilicet per coniurationes. Actus acolytorum est deferre lumen Euangelij in lumine corporali. Actus subdiaconorum est, accipere oblationes ab offerentibus, easque offerre diacono: legere autem epistolas, non est actus eorū principalis, sed consequens. Actus diaconorum est, ordinare hostias in altari: legere autem Euangelium, vel prædicare, est actus consequens. Actus presbyterorum est consecrare corpus & sanguinem Christi, & est actus principalis: alius est consequens, scilicet ligare & soluere: per quem actum corpus mysticum præparatur, vt sit aptum & idoneum ad perceptionem corporis Christi veri.

In quolibet ordine character imprimitur: sed quando fiat, nunc dicendum est. Ostiarijs quidem character imprimitur, quando datur eis clauis, & dicitur: Sic agite tamquam rationē reddituri Deo de rebus, quæ clauibus istis recluduntur. Lectoribus character imprimitur, cum Episcopus porrigit eis librum, cum debita forma verborum. Exorcistis vero, cum dat eis librum exorcismorum cum debita forma verborum. Acolytis autem in verbis, quæ dicit Episcopus dum

dat.



dat eis candelabrum. Subdiaconis imprimitur, quando Episcopus cum forma verborum dat eis calicem vacuum, & cetera vasa quorum usus est in confectione Eucharistiæ. Diaconis & presbyteris imprimitur, quando Episcopus imponit manum capiti cum verbis ad hoc statutis.

Prædictos autem ordines Christus exercuit: Ostiarium, quando euentes & vendentes de templo eiecit. Lectoratum, cum in medio seniorum librum Isaia aperiens, legit in eo. Exorcistatum, quando demoniacos sanauit, Acolytatum, quando dixit: Ego sum lux mundi. Subdiaconatum, quando linteo se præcinxit, & pedes discipulorum lauit. Diaconatum, quando in cena corpus & sanguinem suum ministravit discipulis, & dormientes Apostolos excitauit. Presbyteratum, quando se in ara crucis obtulit, & quando in cena panem, & vinum in corpus & sanguinem suum conuertit.

*De qualitate ordinandorum. Cap. XXXVII.*

**Q**ualitas ordinandorum consistit in duobus, scilicet in faciendis, & in euitandis. Facienda sunt hæc: In moribus sit pudicus 43. dist. cap. 6. In habitu honestus 21. quæst. 4. per totum. Cibo & potu temperatus. Extra de vi. & hon. cler. A crapula. Competenter, quamuis non eminenter litteratus. Extra de elect. cum nobis. Mansuetus, & moderatus 41. dist. cap. 1. & 2. per totum. Tonsuram deferat clericalem Extra de vi. & hon. cler. & dist. 42. Hospitalis 16. quæst. 1. Quoniam. Doctor in prædicatione, dist. 43. Sit rector. Corruptor vitiorum per virgam disciplinæ. 86. dist. cap. 3. Exemplum præbeat bonæ vitæ, dist. 23. His igitur. Bonæ famæ dist. 28. Priusquam. Residentiam faciat in ecclesia sua, vel beneficio, Extra de cler. non residen. per totum. Vnicum sufficiat beneficium habens curam animarum, Extra de præbendis. De multa. Bonus sit gubernator familiæ 47. dist. in fi.

De necessitate clericis sunt hæc vitanda: Crimen mortalis peccati Extra de tempor. ordin. Extraordinarie. Non litigiosus 46. dist. Ecce, & cap. sequenti. Non cupidus 47. dist. cap. 4. Non lusor. Extra de vi. & hon. cler. Non negotiator. Extra. Ne clerici, vel mon. per totum. Non exerceat venationes clamosas. Extra de cler. venatore per totum. Non sit incontinens, nec mulieribus cohabitare. Extra de cohabit. cler. & mulie. A nobis. Non sit in comestationibus, conuiujs & fabulis 44. dist. Non intersit spectaculis, nisi honestis clericorum. Non immisceat se negotijs secularibus. Extra. Ne clerici, vel mon. cap. 2. Nec ioculatoribus, & histrionibus. Extra de vi. & hon. cleric. Tabernaculum debet euitare, nisi in itinere. Extra de vi. & hon. cleric. Horas non debet negligere. Extra de celebr. Miss. cap. 1. Iustum iudicium non debet vendere. 1. quæst. 1. Si quis Episcopus. Ecclesiastica sacramenta non pacto, sed gratis debet dare. Extra de Simonia, Tuam & per totum. Non sit excommunicatus, vel suspensus, vel irregularis. Extra de sent. excom. Cum illorum. Non apostata. Extra de apost. cap. vlt. Non simoniacus in ordine, vel beneficio. 1. quæst. 1. & Extra de simonia per totum. Non sollempniter poenitens. de poenitentia dist. 1.

Ante ordinis susceptionem se quilibet per confessionem præparet 24. dist. cap. vlt. In peccato mortali non accedat extra de tempor. ordin. Ad aures. Primam tonsuram non negligat. Nullus ordinetur, nisi examinatio præcedat. 24. dist. per totum. Non accipiantur simul minores ordines cum subdiaconatu, nec etiam simul duo ordines sacri, sed gradatim. Extra de temporibus ordin. litteras. Nec per saltum recipiat quis ordines 52. dist. c. 1. Nec ab alieno Episcopo, sed a suo 30. dist. Perlectis. Nec contra Episcopi prohibitionem, & sine titulo. Extra de vi. & hon. cler.

**A** Cum secundum Apostolum. Nec furtiue. Extra de eo. qui furt. ordin. suscep. cap. 1. & vlt. Missam, in qua ordinatur, audiat, & tangat omnia, quæ sunt tangenda, vnusquisque in susceptione sui ordinis 5. dist. Perlectis. Non accedat non licentiatum, & presentatus extra de scruti. cap. vno. Ieiunus a ieiuno suscipiat ordines. extra de tempor. Litteras. Non recipiantur ordines, nec conferantur, nisi temporibus ab Ecclesia institutis. Extra de tempor. ordin. c. 1. & 3.

Multa sunt, quæ impediunt promouendum etiam sine culpa, licet non sine causa. Non debet enim promoueri ignotus extra de peregrin. c. 1. Bigamus 26. dist. A cunctis. Neophytus 48. dist. Quoniam. Corpore viciatus 16. quæst. 1. Legi. Qui non est de legitimo matrimonio natus. extra de fil. presb. cap. Seruus. extra de seru. non ordin. cap. 1. & 2. Obligatus ad ratiocinia quandoque expellitur ab ordinibus. Ex prædictis patet, quod dignitas clericalis, nec ordines non conferuntur a quolibet, nec cuilibet, nec in quolibet loco, nec in quolibet tempore.

*De sacramento matrimonij. Cap. XXXVIII.*

**M**atrimonium est coniunctio maris & feminae, indiuiduam vitæ consuetudinem retinens. Matrimonium per sponsalia initiatur, per consensum animorum expressum per verba de presenti, ratificatur, per carnalem copulam consummatur, & perficitur.

Ad hoc autem sciendum quod duplex est perfectio. Prima est in esse simpliciter, secunda in esse completo: sicut patet in puero, in quo est perfectio, quantum ad esse hominis simpliciter, sed non est in eo perfectio quantum ad esse completum, secundum quantitatem, & operationem hominis. Eodem modo dicendum est de matrimonio, in quo duplex est perfectio: Prima est quæ facit matrimonium, scilicet consensus animorum per verba de presenti expressus: & ad hanc non exigitur copula carnalis. Secunda perfectio est quæ matrimonium consummat: & ad hanc exigitur carnalis copula.

Bonum matrimonij triplex est, scilicet fides, vt neuter alieno thoro maculetur. Proles, vt ad cultum Dei nutriatur. Sacramentum vt non dissoluatur. Licet enim Ecclesia possit diuortia propter impedimenta matrimonij facere, numquam tamen potest, nec debet matrimonium quod legitime celebratum est, dissolvere: quia quos Deus coniunxit homo non potest, quantumque auctoritatis sit, separare: tamen soluitur matrimonium per mortem.

Sciendum quod duplex est coniunctio in matrimonio, & duplex est mors correspondens illi. Est enim coniunctio spiritualis per consensum animorum, quæ soluitur per mortem spiritualem, qua homo moritur mundo per religionis ingressum. Alia est coniunctio carnalis per commixtionem sexuum, quæ soluitur per mortem corporalem.

Est autem causa matrimonij quadruplex, scilicet efficiens, vt consensus animorum per verba de presenti expressus. Materialis vt ipsa personæ legitimæ. Formalis, vt benedictio, annuli subarratio, & huiusmodi. Finalis duplex est vna principalis, scilicet proles procreatio, & fornicationis euitatio: quia matrimonium non solum in officium, sed in remedium institutum fuit: licet fuerit primo solum in officium. Alia est secundaria, & illa est multiplex. Vnde versus:

*Hostes conciliat, & eo discernitur heres.*

*Bis ligat, alma notat, ius transfert, angel honorem.*

Quadruplex distinguitur matrimonium. Primum est carnale inter virum & mulierem. Secundum est morale inter Deum & animam in Ecclesia militanti per gratiam. Tertium est allegoricum inter Christum & Ecclesiam. Quartum anagogicum inter Deum & animam in Ecclesia triumphante per coniunctionem gloriæ.

Potest

Mat. 19. a

Potest quis accedere ad uxorem suam quattuor de causis, scilicet causa prolis, causa reddendi debitum, causa vitandæ incontinentiæ. Istis tribus causis non est peccatum. Quarto potest fieri causa explendæ libidinis: & hoc modo peccatum est veniale, vel mortale, secundum quod libido est venialis, vel mortalis.

Fir autem peccatum in coniugali coitu quinque modis. Vnde versus:

*Quinque modis peccat vxore maritus abutens,  
Tempore, mente, loco, conditione, modo.*

Nota quod vxor dimissa propter fornicationem, reconciliatur viro multis modis. Vnde versus:

*Vltimo mæchatur, retinet, nec conciliatur,  
Absens prostituit, ius, fraudem reuocant mulierem.*

Tria sunt ornamenta sponsæ, scilicet annulus in digito, monile in pectore, corona in capite. Primum significat operis puritatem, quia in manu est opus. Secundum affectus sinceritatem, quia in pectore est affectus. Tertium contemplationis claritatem, quia in capite est perspicacitas intellectus.

A Multis de causis beata Virgo fuit desponsata viro. *Mat. 1. c. Luc. 1. c.*

Primo, vt designaret Ecclesiam desponsatam Christo, quæ similiter est virgo. Secundo, vt Ioseph testis esset integerrimæ castitatis eius. Tertio, vt per Ioseph origo eius ostenderetur, quia per viros genealogia textitur. Quarto, ne infamaretur, si generaret non habens maritum. Quinto, ne velut incontinens damnaretur, quia de tribu erat sacerdotali, & tales comburebantur, aliæ adulteræ lapidabantur. Sexto, vt virgo virili solatio sustentaretur. Septimo, vt partus diabolo celaretur. Octauo, ne Iudæi Christum tamquam illegitimum iuste persequi viderentur. Nono, ne legi, quæ commendat matrimonium, contrariari Dominus videretur.

Notandum quod duodecim sunt impedimenta matrimonij. Vnde versus:

*Error, conditio, votum, cognatio, crimen,  
Cultus disparitas, vis, ordo, ligamen, honestas,  
Si sis affinis, si forte coire nequibis,  
Hac socianda verant coniugia, iuncta retractans.*

# COMPENDII

## THEOLOGICAE VERITATIS

### Liber Septimus

#### DE VLTIMIS TEMPORIBVS.

##### CAPITULA HUIVS LIBRI.

De fine mundi.	Cap. I.
De purgatorio.	Cap. II.
De acerbitate purgatorij.	Cap. III.
De suffragijs Ecclesie.	Cap. IV.
Quorum suffragia prosint, & quibus.	Cap. V.
Virum indulgentia prosint defunctis.	Cap. VI.
De aduentu Antichristi.	Cap. VII.
De vita Antichristi.	Cap. VIII.
De quattuor modis quibus decipiet.	Cap. IX.
De sequentibus Antichristum.	Cap. X.
De Gog, & Magog.	Cap. XI.
De Elia & Enoch.	Cap. XII.
De duratione huius persecutionis.	Cap. XIII.
De morte Antichristi.	Cap. XIV.
De conflagratione mundi.	Cap. XV.

De resurrectione generali.	Cap. XVI.
De iudicio extremo.	Cap. XVII.
De iudicantibus.	Cap. XVIII.
De iudicandis.	Cap. XIX.
De inuolutione mundi.	Cap. XX.
De pænis inferni.	Cap. XXI.
De diuersitate pænarum.	Cap. XXII.
De gloria sanctorum.	Cap. XXIII.
De dotibus in communi.	Cap. XXIV.
De dotibus anime in generali.	Cap. XXV.
De dotibus anime in speciali.	Cap. XXVI.
De dotibus corporis in generali.	Cap. XXVII.
De dotibus corporis in speciali.	Cap. XXVIII.
De aureolis in genere.	Cap. XXIX.
De aureolis in specie.	Cap. XXX.
Enumeratio celestium gaudiorum.	Cap. XXXI.

De fine mundi. Cap. I.

De purgatorio. Cap. II.



**I**N ALE iudicium quædam sunt antecedentia, quædam concomitantia, quædam sequentia. Antecedentia iudicium tria sunt, scilicet pœna purgatorij, Ecclesiæ suffragia, persecutio Antichristi. Concomitantia iudiciū duo sunt, scilicet, conflagratio mundi, & resurrectio corporum. Consequentia iudicium duo sunt, scilicet pœna infernalis, & gloria celestis. De quibus per ordinem dicendum.

**P**urgatorius ignis corporeus est, per quem tantummodo spiritus iustorum, qui in hac vita non impleuerunt pœnitentiam, neque satisfactionem condignam, affliguntur. Hi qui sunt in purgatorio, spem habent euasione, quia sciunt se non esse in inferno: & tamen propter pœnarum magnitudinem hoc aliquando non aduertunt.

Multe rationes sunt quare oportet esse purgatoriū. Prima est, quia secundum Augustinum, tria sunt genera hominū. Quidam sunt valde mali, quibus non profunt Ecclesiæ suffragia. Quidam valde boni, qui-

*Aug. in En-  
chir. 6. 10.  
som. 2.*

bus

bus non sunt necessaria. Quidam nec valde mali, nec valde boni, qui habent venialia, & his debetur pœna purgatorij. Secunda est, quia sicut summa bonitas non patitur, quòd bonum remaneat irremuneratum, ita summa iustitia non patitur quòd malum remaneat impunitum. Tertia est, quia diuinæ lucis tanta est dignitas, quòd eam soli mundi oculi cernere possunt. Vnde oportet quòd quilibet veniat ad munditiam baptismalem antequam cōspectui diuino presentetur. Quarta est, quia culpa est offensua diuinæ maiestatis, & damnosa Ecclesiæ & deformatiua in nobis imaginis diuinæ. Sed offensa requirit punitionem, damnum requirit satisfactionem, & deformatio expurgationem, propter quod necesse est, quòd peccato pœna vel hic, vel alibi respondeat. Quinta est quia contraria contrarijs curantur: sed peccatum oritur ex delectatione: vnde debet per pœnam deleri. Sexta est, quia nulli debet negligentia suffragari: sed si nō puniretur talis, videretur in futuro commodum reportare de negligentia pœnitentiæ dilatare. Septima est, quia iustum est, vt spiritus, qui contempto summo subiecit se infimo, idest, peccato, subijciatur postea inferioribus, idest, pœnis.

Nota quòd animæ postquam fuerint in igne sufficienter purgatæ, statim euolant ad gloriam, & hoc patet multiplici ratione. Primo, quia post purgationem nulla remanet ad gloriam dissimilitudo in anima, vnde merito illi debet iungi. Secundo, quia ianua cæli illis semper est aperta, qui nullum habent obstaculum. Tertio, quia necesse est illos spiritus, in quibus est charitas sursum eleuās, & nihil retardans, sursum eleuari ad gloriam. Quarto, quia cum Deus sit pronior ad miserendum, quàm ad puniendum, merito debet purgatos coniungere gloriæ, quos purgandos subiecit pœnæ. Quinto, quia non punit Deus bis in idipsum. Vnde cum iste sufficienter satisfecerit in pœnis ignium, non amplius debet puniri in dilatione præmiorum. Sexto, quia post purgationem non debet talis esse in purgatorio, neque in limbo, quia non est de numero illorum puerorum: neque in inferno, quia non est de numero damnatorum. ergo debet esse in cælo, quia post mortem non sunt alia receptacula animarum. Septimo, quia efficacior est charitas quàm iniquitas; sed iniquitas statim ducit ad supplicia, ergo charitas statim ducit ad præmium. Octauo, quia sicut cessante impedimento corpora graui feruntur deorsum, & leuia sursum: sic malorum spiritus, remoto carnis onere, statim feruntur ad locum suppliciorum, propter peccati grauitatem: spiritus vero bonorum, si non sit impedimentum aliquius culpæ, vel pœnæ debitæ, statim feruntur ad locum præmiorum.

*De acerbitate pœnæ purgatorij. Cap. III.*

**I**N purgatorio duplex est pœna. Vna est damni, de carentia diuinæ visionis. Alia sensus, de afflictione ignis: & quantum ad vtrumque minima pœna purgatorij maior est maxima pœna mundi. Istud patet de pœna damni: quia affectus quo desideratur summum bonum post hanc vitam ab omnibus sanctis, intensior est, quàm aliquis affectus rei temporalis in vita, maxime cum iam tempus habendi aduenerit, ideo carentia eius molestius toleratur. Istud etiam patet de pœna sensus: quia cum dolor non sit essentialiter læsio, sed læsionis sensus: tanto magis dolet anima, quanto magis sentit sensitiuum aliquid. Ideo ab igne in ipsam agente maxime affligitur.

Ratio acerbitatis pœnæ purgatorij hæc est, quia cum Deus magis quærat emendam, quàm pœnam, plus ponderat in pœnitentia virtutem bonæ voluntatis, quàm pœnam afflictionis. Vnde plus ponderat Deus modicam pœnam voluntariā in præsentī, quàm multo maiorem non ita voluatariam in futuro, sicut

A plus valet modicum auri, quàm multū plumbi. Vnde oportet vt quod ibi deficit in voluntate, hic suppleatur in acerbitate.

De igne qui purgat animas, dupliciter est loquendum, vel quantum ad id, quod primo animas affligit, & sic est corporeus: vel quantum ad quod proxime affligit, & immediate, sic est incorporeus. Primo modo dicitur ignis vere, secundo modo similitudinarie, sicut leo verus, & leo pictus. Vtrumque tangit Gregorius, quando dicit: In eo ardent, dum ardorem vident. Ille autem ignis corporeus dupliciter potest considerari. Primo est instrumentum naturæ, sic agere potest in corpus, & non in animam. Secundo prout instrumentum diuinæ iustitiæ, sic agit in animam, imprimendo illi speciem suam, per quam affligitur, quia violenter illa specie informatur. Sicut enim anima secundum ordinem naturæ vnitur corpori, vt instituat vitam, sic merito secundum ordinem iustitiæ vnitur igni a quo suscipiat pœnam.

Nota quòd dæmones non puniunt animas in purgatorio, sed illic eas adducunt, vel etiam assistunt, vt communiter dicitur. Ex permissione tamen Dei dæmones in hac vita quandoque bonos affligunt, sed hæc est ratio: quia in præsentī durat pugna inter dæmonem & hominem, quia dæmon habet in eo potestatem exercitij, sed post hanc vitam non sic. Vnde & aer iste caliginosus est assignatus dæmonibus magis propter tentandi officiū quàm propter supplicij.

De locis pœnalibus vbi sint & quot, require supra lib. 4. cap. de descensu Christi ad inferos. Sciendum tamen de loco purgationis quòd dupliciter assignatur: aut secundum legem cōmunem, & sic est in vno loco in parte inferni circa limbum patrum. Aut secundum dispensationem specialem, & sic purgantur animæ aliquando in diuersis locis, in quibus peccauerunt. Hoc autem fit propter aliquam reuelationem per suffragia eorum, quibus apparent in illis locis, vel etiam propter aliquam ædificationem viuientium. Ignis autem ille plus, vel minus cruciat, secundum quòd plus, vel minus de combustibili, seu cremabili quisque secum tulit. Oportet enim prius quàm facies Dei videatur, sicut legimus, quòd ligna fœnum, stipula, idest, maiora, minima, mediocria, & venialia totaliter per cremationem consumantur. Prædicta vero pœnæ diuersitas non est ex diuersitate ignis ardentis, seu agentis, sed subiecti patientis, sicut sub eodem Sole vnus plus æstuat, alter minus, vt dicit Gregorius. Necesse est autem, vt dicit Augustinus, quòd tantum vrat dolor, quantum hæserat amor. tanto enim quisque torquetur diutius, quanto affectus eius venialibus adhærebat fortius.

*De suffragijs Ecclesiæ. Cap. IV.*

**S**icut pertinet ad diuinæ iustitiæ seueritatem, bonos propter venialia puniri, ita pertinet ad bonitatem diuinæ misericordiæ eosdem per suffragia releuari. Profunt ergo suffragia defunctis, non ad meritum vitæ æternæ, sed ad solutionem pœnæ, & hoc, vel ad pœnarum mitigationem, vel ad celeriores liberationem.

Sunt autem quattuor modi suffragiorum generales, ad quos omnes alij reducuntur, scilicet oratio, ieiunium, eleemosyna, & sacramentum altaris: quorum numerus sic accipitur: quoniam defuncti a pœna absolui possunt duobus modis, scilicet per viā gratiæ, & per viam iustitiæ. Per viam gratiæ dupliciter. Primo per intercessionem publicam capitis, quæ est in oblatione sacramenti altaris. Secundo per intercessionem quasi priuatam membrorum, scilicet per orationes iustorum. Similiter per viam iustitiæ dupliciter: primo per modum redemptionis pœnæ, scilicet in eleemosynarum largitione, secundo per modum solutionis pœnæ, scilicet in ieiuniorum afflictione.

Si autem

*Greg. lib. 4. Dial. 6. ap.*

*1. Cor. 3. 0*

Si autem quaeritur quando incipiat valere defuncto, id quod pro se fieri mandauit? Dicendum quod opus operans, id est, meritum auctoris statim consequitur mortuum de bonis, quæ præcepit pro anima sua fieri: sed non opus operatum, id est, fructus ipsius operis, usquequo fiant: quia primum valet ex merito absoluto, sed secundum ex merito conditionali.

*Quorum suffragia profint, & quibus. Cap. V.*

**A**D hoc quod valeant suffragia, requiritur aliquid ex parte agentis, & aliquid ex parte mortui recipientis. Ex parte agentis requiritur quod sit in charitate, & quod intentione suam dirigat ad illos quibus vult, vt opera sua proficiant. Distinguendum est tamen, quod suffragia per malum possunt fieri dupliciter, vel vt per auctorem, & sic non profunt nisi forte per accidens, scilicet inquatum per eleemosynas mali hominis excitantur boni pauperes ad orandum pro defunctis: vel vt per ministrum, & hoc dupliciter, quia, vel facit ea minister publicus Dei & Ecclesiae, sicut quando sacerdos malus celebrat Missam, vel agit exequias mortuorum, & talia semper profunt, quia malitia ministri non nocet operi boni auctoris: sicut patet in domino iusto dante eleemosynam per seruum malum. Si vero facit ea, vt minister priuatae personae, existentis tamen in charitate, siue defuncti, siue alterius, etiam talia profunt: quia opus illud licet sit mortuum quo ad ministrum, non tamen quo ad auctorem. Si vero malus minister facit aliqua de mandato eius, qui non est in charitate, non profunt.

Aliquid etiam exigitur ex parte accipientis ad hoc vt suffragia profint illi. Primum est, quod ipse sit in charitate. Vnde non valet his, qui sunt in inferno, quia sunt a corpore Christi mystico separati: vnde nulla spiritalis influentia peruenit ad eos, sicut nec influentia corporalis valet membris a corpore amputatis. Secundum est indigentia: vnde non valent beatis, qui non sunt amplius in via, sed in termino, nec possunt ad altiora ascendere: sed potius e conuerso illorum suffragia profunt nobis. Vtrumque autem est in his, qui sunt in purgatorio, scilicet charitas & indigentia. Vnde sicut potest homo satisfacere pro altero viuente, qui per se non valet, ita potest etiam pro defuncto.

Nota quod suffragia profunt defunctis, sed magis, aut minus pro diuersitate meritorum in mortuis, vel pro charitate viuorum, qui magis sollicitatur pro aliquibus, quam pro alijs. Illa enim suffragia, quæ specialiter fiunt pro aliquibus, plus valent illis, quam alijs, licet etiam alijs aliquo modo communicentur. Suffragia vero, quæ communiter pro defunctis fiunt, quamuis pro modulo suo omnibus profint, illis tamen amplius, qui dum essent in via, magis meruerunt, vt sibi prodesse. Quamuis autem, vt dictum est, suffragia non profint ijs qui sunt in celo, nec illis qui sunt in inferno, tamen aliquo modo profunt etiam illis. Vnde nota quod valent illis, qui sunt in purgatorio, per modum purgationis: valent saluatis, qui sunt in celo, per modum coniunctionis, quia multiplicatio saluandorum augmetat gloriam accidentalem. Valent & damnatis in inferno per modum diminutionis: quanto enim plures saluantur per meritum Ecclesiae, tanto pauciores damnabuntur, & ita minor erit poena per subtractionem confortij illorum: valent etiam impijs facientibus per modum meriti: quia cum pro paruulis defunctis celebrantur Missae mortuorum, hoc non fit propter illorum indigentiam, cum statim euolent ad gloriam, sed propter gratiarum actionem.

*Vtrum indulgentia profint defunctis. Cap. VI.*

**P**apales indulgentiae profunt defunctis in purgatorio: quod patet, quia crux aliquando datur pro duabus, vel tribus, vel quattuor, vel decem animabus.

**A**In Ecclesia enim est thesaurus meritorum tam Christi, quam perfectorum, de quo solus Papa, qui habet clauis huius thesauri, pro necessitate Ecclesiae potest accipere & dispensare. Alij autem sicut Episcopi, non habent in his potestatem generalem, sed limitatam, & non nisi per summi Pontificis dispensationem. Dicendum ergo quod Papa proprie non absoluit defunctos a poena: sed quasi pro eis de communi thesauro Ecclesiae soluit: sicut aliter creditor liberat debitorem, dum eum a debito absoluit: & aliter amicus debitoris dum pro eo debitum soluit, sed viuentes vtroque modo absoluit Papa. Illi autem quibus datur indulgentia, non possunt eam ulterius dare, neque viuis, neque defunctis: & hoc duplici ratione. Primo, quia indulgentia non est donum collatum gratiae, sed priuationum poenae, priuatio cum nihil sit, alijs communicari non potest. Secundo, quia dare indulgentiam auctoritatis est, & iurisdictionis, quam non habent laici, ex eo quod indulgentiam ab alijs recipiunt: vnde non possunt defunctis impendere indulgentiam per auctoritatem, sed solum boni operis sui suffragium per charitatem, Papa vero potest vtrumque.

*De aduentu Antichristi. Cap. VII.*

**A**Ntequam Dominus veniat ad iudiciu, regni Romani fiet destructio. Nam sicut dicit Glossa super Apostolum: Prius erit discessio ab vtroque imperio, qua completa aderit Antichristus. Hic ex parentum seminibus concipietur: sed post conceptum descendet spiritus malignus in matris utero, cuius virtute & operatione deinceps puer nascetur, aletur, adulescet: propter quod & filius perditionis vocabitur. Nascetur autem in Babylonia de tribu Dan, sicut dicit Glossa super Apostolum. Post hoc veniet in Hierusalem, & circumcidet se, dicens Iudeis se esse Christum illis promissum, vnde plebs Iudaea specialiter ei adhærebit, sicut dicit Haymo, super Apocalypsi, donec Enoc, & Elia prædicantibus, qui ex illis fuerint saluandi, ad Christum reuertantur. Angelus bonus deputabitur primo Antichristo ad custodiam: sed quando ita obstinabitur in peccato, quod dicet se esse Deum, & extolleret se super omne id, quod dicitur Deus, aut colitur, sicut dicit Apostolus: tunc primo deferet eum Angelus ex toto, nec habebit eum postmodum ad promotionem, sed ad accusationem.

*De vita Antichristi. Cap. VIII.*

**A**ntichristus erit luxuriosus, & in concupiscentijs seminarum, vt habetur in Daniele, in aperto tam men per hypocrisis simulabit sanctitatem, vt facilius decipere possit. Cor suum per superbiam magnificabitur, sicut dicit Daniel: Contra principem principum consurget, id est, contra Deum. Et vt dicit Glossa super Danielelem, in tantam eleuabitur superbia, quod leges & caerimonias mutare conabitur, vel cursum temporum. Tante quoque praesumptionis erit, quod non putabit se a Deo puniendum, propter hoc quod iudiciu differtur. Auferentur iudicia tua a facie eius. Erit etiam blasphemus, sicut in Apocalypsi dicitur. Vnde Daniel: Aduersus Deum deorum loquetur magnifica. Item ad maiorem Dei contumeliam faciet imaginem suam adorari, & omnes suo charactere signari in manu dextera, & frontibus suis, sicut habetur in Apocalypsi: Confitebitur enim se verum filium Dei, & filium hominis, ita vt in templo Dei sedeat tamquam ipse sit Deus, & se faciet adorari. Iudæi namque templum quod Romani destruxerunt, reedificabunt. Affirmabit ante se nullum fuisse Christum, sed Antichristos fuisse, vt dicitur in Glossa, quia sicut in Christo omnis plenitudo diuinitatis habitat, ita & in Antichristo plenitudo omnis iniquitatis: quia in ipso erit caput omnium malorum diabolus.

*De quat.*

*Gen. 49. 6* Merito comparatur Antichristus Ceraſti, qui eſt ſerpēs cornutus: quia quattuor cornibus armabitur, ſcilicet, callida perſuaſione, miraculorū operatione, donorū largitione, & tormentorū exhibitione.

Primus ergo modus ſubuertendi homines erit callida perſuaſio. Prædicabit enim legē nouam prauam eſſe, & legem Chriſti pro poſſe deſtruet. Prædicatores enim ſui diſcurrent per vniuerſas partes mundi. Impedient quoque apoſtoli Antichriſti, ne ſcriptura ſecundum veritatem exponatur a catholicis doctōribus, vel fidelibus audiatur: ipſi autem bonos ſe ſimulabunt, & tamen mala ſuadebunt.

*2. Tim. 4. 4*

Secundus modus ſubuertendi erit per fallacia miracula, quia per artem magicā illa faciet. Vnde Gloſſa ſuper Apocalypſi: Magica arte ſtatuum faciet loqui & futura prædicere, & faciet, ſicut dicitur in Apocalypſi, ignem de cælo deſcendere in terrā. Gloſſa, ideſt, malignum ſpiritum faciet ſuper eos deſcendere, vt loquatur varijs linguis. Spiritus enim malignus deſcendet in eos in conſpectu hominum, ſicut Spiritus ſanctus deſcendit in Apoſtolos Chriſti. Vnde iactabunt ſe eſſe meliores Apoſtolis Chriſti, qui ſpiritum acceperunt in conclau. Item per artem magicam ſimulabit ſe mortuum, & feretur a dæmonibus in aëra, quaſi aſcendat in cælū: & ſic putabitur ab hominibus reſurrexiſſe, qui prius mortuus putabatur: & tunc mirabuntur populi, & adorabūt eum, atque laudabunt. Eccleſia vero non faciet tunc miracula. De hoc modo decipiendi, dicitur in Pſalmo: Inſidiatur in abſcondito, quaſi leo in ſpelunca ſua. Gloſſa, recte Antichriſtus comparatur leoni exiſtenti in ſpelunca: quia in eo vis & dolus operatur. Vis enim per leonem, dolus per ſpeluncam intelligitur. Gregorius: Penſemus quæ erit humanæ mentis illa tentatio, quādo pius martyr corpus tormentis ſubijciat, & tamen tortor ante eius oculos miracula faciat. Sicut enim Antichriſtus finget ſe a mortuis reſurgere, ita etiam finget ſe ad cælum aſcendere. Et plaga mortis eius curata eſt. Gloſſa: Arte magica aſcendet Antichriſtus in aëra ferentibus eum dæmonibus. Faciet arbores cito florere, aſcere, mare turbare, naturas in diuerſas figuras mutari: mortuos etiam in conſpectu hominum reſcitabit.

*Apo. 13. d*

*Pſal. 10. b*

*Greg. li. 3. 2.*

*Mor. c. 1. 2.*

*ante mod.*

*Apo. 13. a*

Tertio decipiet per munera. Ipſe nāque Antichriſtus inueniet theſauros abſconditos per quos ad ſequendum ſe inclinabit plurimos. ditabit enim bonis diuites huius ſæculi, & tunc eorum falſam felicitatem ad decipiendum alios oſtendet.

*Mat. 24. b*

*Apo. 1. d*

Quarto compellet per minas, & tormenta: quos aliter vincere non poterit. Tanta vero, ſicut ait Dominus, tunc erit tribulatio, vt in errorem ducantur, ſi fieri poteſt, etiam electi: & hoc innuitur in Apocalypſi, vbi dicitur: Pedes eius ſimiles aurichalco, ſicut in camino ardēt. Per pedes vltima Chriſti membra, per caminum vero vehemens tribulatio designatur. Exhibebit enim cuncta, quæ in præcedentibus martyribus impleta ſunt genera tormentorum, ſed in illis regionibus, tunc fideles maxime ſunt vexandi, & vehementius, vbi Dominus fuit crucifixus. Et dicit Haymo ſuper Apocalypſi: Illa tentatio non per partes, ſed ſimul totū examinabit mundū. Soluentur enim dæmones, qui modo ligati ſunt, ne poſſint nocere quantum vellent. Fideles quoque illo tempore non prædicabunt, quia tamquam excommunicati habebuntur tunc boni. Nihil vendetur eis, nec emetur ab eis, niſi habeant characterem, ideſt, ſignum aliquod ad litteram, vt adherentes ſibi cognoſcantur, & alij interficiantur. Aut nomen beſtiæ, ideſt, confeſſionem oris: aut numerum nominis eius, ideſt, multiplicationem operum, vt habetur in Apocalypſi. Antichriſtus autem ſicut erit crudelior omnibus perſecutoribus, ita ſancti tunc temporis fortiores erunt omnibus retro martyribus.

*Apo. 13. d*

*Mat. 24. b*

*Apo. 1. d*

*Mat. 24. b*

*Apo. 1. d*

*Mat. 24. b*

*Apo. 1. d*

*Mat. 24. b*

*Apo. 1. d*

*Mat. 24. b*

*Apo. 1. d*

*Mat. 24. b*

*Apo. 1. d*

*Mat. 24. b*

*Apo. 1. d*

*Mat. 24. b*

*Apo. 1. d*

*Mat. 24. b*

*Apo. 1. d*

*Mat. 24. b*

*Apo. 1. d*

*Mat. 24. b*

*Apo. 1. d*

*Mat. 24. b*

*Apo. 1. d*

*Mat. 24. b*

*Apo. 1. d*

*Mat. 24. b*

*Apo. 1. d*

*Mat. 24. b*

*Apo. 1. d*

*Mat. 24. b*

*Apo. 1. d*

*Mat. 24. b*

*Apo. 1. d*

*Mat. 24. b*

*Apo. 1. d*

*Mat. 24. b*

*Apo. 1. d*

*Mat. 24. b*

Prædictis quattuor modis Antichriſtus multos ad ſe attrahet. vnde in Apocalypſi: Cauda eius trahebatur tertiam partem ſtellarum cæli, & miſit eas in terrā. Attrahet autem malos per munera, bonos per tormenta, ſimplices per prædicationem, & miracula. Qui enim ſancti & iuſti credebantur, adhærebunt ei pro ſuæ arbitrio voluntatis. Habebit ſecum magos, & maleficos, reges quoque, & principes. Vnde in Apocalypſi: Vidi de mari beſtiam aſcendentem, &c. Gloſſa, ideſt, Antichriſtum habentem capita ſeptem, ideſt, principes vniuerſos: cornua decem, ideſt, eos, qui impugnant decalogum. Nota igitur quod Antichriſtus primo veniet in benignitate, & miraculorū operatione: & tunc a Iudæis ſuſcipietur, qui ei ſpecialiter adhærebunt: ad quorum conuerſionem venient Elias & Enoch, & tunc Antichriſtus in apertam perſecutionem conſurget.

*De Gog, & Magog. Cap. XI.*

De Gog, & Magog dicunt quidam, quod ſunt decem tribus intra mōtes Caſpios clauſæ: non ita tamen quin exire poſſent, ſi permitterentur, ſed non permittuntur a regina Amazonū, ſub cuius regno & ditone viuunt. Has dicunt Iudæi in fine ſæculi exituras, & venturas in Hieruſalem, & cum ſuo Meſſia eccleſias deſtruſturas. Alij dicunt quod per Gog, & Magog intelligitur exercitus Antichriſti, qui in fine ſæculi veniet ad expugnandam Eccleſiam. Per Gog enim ſecundū Gloſſam illi, per quos latēter diabolus perſequetur fideles, designantur. Per Magog illi, per quos aperte Eccleſia opprimetur, vel illi, qui tempore Antichriſti prius occulte, & poſtmodū aperte Eccleſiam perſequentur. Secundum Auguſtinū, Gog referatur ad gentes, Magog ad diabolū: quia Gog interpretatur occultatio, & Magog deiectio, vel deſtitutio.

*De Elia, & Enoch. Cap. XII.*

Inter occultum aduentum Antichriſti, qui eſt per natiuitatem, & manifeſtum eius aduentum, qui eſt per prædicationē & apertam perſecutionem, venient. Elias & Enoch, & conuertent, ſicut dicit Malachias, corda patrum in filios. Gloſſa, ad inſtructionem præteritorū de fide Saluatoris, in quantum & ipſi crediderunt: & cor filiorum ad patres eorum. Gloſſa, quia ſuſcipient fidem, quam illi habuerunt. Vnde & Chriſtiani, & Iudæi tunc in Chriſtum pari religione conſentient. De eorum prædicatione, & ſancta conuerſatione, dicitur in Apocalypſi: Dabo duobus teſtibus meis, ſcilicet Eliæ & Enoch, & prophetabunt, ideſt, prædicabunt 1260. ideſt, tribus annis, ſicut ipſe Chriſtus prædicauit, amicti ſaccis. Gloſſa prædicantes poenitentiam, & exemplū oſtendētes. Hi ſunt duæ oliuæ, & duo candelabra. Gloſſa, ideſt, lumen dantes alijs. Tandem Antichriſtus occidet eos in Hieruſalem: & iacebunt corpora eorū in plateis tribus diebus, & tribus noctibus cum dimidio, quia nullus audebit corpora eorum ſepelire, propter metum Antichriſti. Occiſores autem eorū erunt valde læti propter mortem eorum: poſt dies autem tres & dimidiū reſurgent, & eorum occiſores audiēt vocem talem, Elias & Enoch aſcēdite huc: & aſcendēt in cælū in nube. Antichriſtus vero quindecim diebus poſt mortem illorū regnabit.

*De duratione huius perſecutionis. Cap. XIII.*

Regnabit Antichriſtus, ſicut dicit Gloſſa ſuper Apoſtolū, tribus annis cum dimidio. Vnde Daniel, Iurauit angelus per viuētem in æternū, quod in tempus, ſcilicet, vnus anni, & tempora, ſcilicet duorum annorum: & dimidium temporis, ideſt, dimidij anni. Gloſſa, hoc ſpatio dicitur duratura deſolatio ſub Antichriſto. Niſi autē, vt dicitur in Mattheo, breuiari fuiſſent

*Mat. 24. b*

*Mat. 24. b*

*Mat. 24. b*

*Mat. 24. b*

*Mat. 24. b*

*Mat. 24. b*

*Mat. 24. b*

*Mat. 24. b*

*Mat. 24. b*

*Mat. 24. b*

*Mat. 24. b*



*Greg. li. 3. 2.* sent dies illi, non fuisset salua omnis caro. *Gregorius: A*  
*Mor. c. 12.* Quia enim & superbos nos & infirmos aspicit Deus,  
*ante mod.* dies quos singulariter malos intulit, misericorditer  
 breuiados dicit. et Glossa super Matthæo: Hæc tribu-  
 latio quâto ceteris grauior, tâto breuitate moderatio.

*De morte Antichristi. Cap. XIV.*

*Gloss. in* **P**otestate sua Dominus occidet Antichristum, sicut  
*6. 1. 1. Thess.* dicit Glossa super Apostolum, siue per se, siue per  
 Michaëlem. Occidetur autem in monte Oliueti, in pa-  
 pilione, & solio suo, in loco circa quē Dominus ascen-  
 dit in cælū. Interfecto autem Antichristo non statim  
*Closs. in* **B**veniet Dominus ad iudicium, secundum Glossam, su-  
*6. 1. 2. Dan.* per Danielem, concedetur quadragintaquinque dies  
 ad refrigerium sanctorum, & ad conuersionem & pœ-  
 nitentiam subuersorum. Quantum autem spatium sit  
 inter illos quadragintaquinque dies, & finem mundi,  
 nemo scit. Ministri vero Antichristi post mortem il-  
 lius gaudebunt, ducentes vxores, & dicentes: Licet  
 princeps noster mortuus sit, habemus tamen potesta-  
 tem, pacem, & securitatem: & cum talia dixerint, re-  
 pentinus eis superueniet interitus. Iudæi vero tunc  
 conuertentur ad fidem: & sancta Ecclesia vsque ad fi-  
 nem pacificata quiescet, quia tunc fraudulentia &  
 scruitia diaboli penitus vbique deficiet.

*De conflagratione mundi. Cap. XV.*

*Psal. 96. a* **I**gnis maximus præcedet faciem iudicis, quia virtu-  
 te diuina non solum ignis qui est in sphaera sua, sed  
 etiam omnes ignes qui in terra & super terram sunt,  
 concurrent ad mundi conflagrationem. Ignis autem  
 iste habebit officium quattuor ignium, scilicet ignis  
 infernalis, reprobos puniendo: & ignis purgatorij, bo-  
 nos a venialibus purgando: & ignis terrestris, vegeta-  
 bilia, & sensibilia consumendo, & omnium hominū  
 corpora incinerando: & ignis elementaris elementa  
*1. Cor. 7. f* subtiliando, & ad inuolutionem disponendo. Per illū  
 igitur ignem ita facies terræ exuretur, quod figura hu-  
 ius mundi peribit, sicut olim factum fuit per diluuiū.  
*Gen. 7. c* Et merito primū Dei iudicium fuit per aquam, con-  
 tra ardorem luxuriæ, qui tunc viguit: vltimum vero  
 iudicium per ignem erit contra torporem charitatis,  
*Mat. 24. a* quæ tunc quasi senescente mundo refrigescet. Istius  
 autem ignis actio erit successiua: habebit enim initiū,  
 medium, & finem. Primo namque iudicis aduentum  
 præueniet, & quasi simul per illum fiet purgatio iusto-  
 rū, punitio malorum: & incineratio corporum cum  
 consumptione terræ nascentium, sicut dictū est. Quo  
 facto statim erit resurrectio corporum cum aduentu  
 iudicis ad iudicium, & tunc inflamabitur totus mun-  
 dus per circuitum. Terminato autem iudicio, tota  
 caliditas illius ignis exequetur sententiam iudicis. In-  
 uoluet enim peccatores, & trahet in infernum. Et  
 ita pater quod ignis ille aduentum iudicis præueniet  
 & præcedet, & comitabitur, & sequetur.

Post prædicta fiet mundi inuolutio, sed inter pur-  
 gationem, & inuolutionem multiplex est differentia.  
 Primo, quia purgatio erit qualitatum pœnaliū detra-  
 ctio, sed inuolutio erit pulchrioris formæ inductio.  
 Secundo, quia purgatio est elementorū ab impurita-  
 te, quam habent ex coniunctione, ad puritatem muta-  
 tio. Inuolutio vero est cælorum a statu veteri in statu  
 nouum commutatio, & hoc per cessationem a motu.  
 In cælis enim propter impermixtionem nulla impuri-  
 tas est, sed tantum imperfectio motus. Vnde non erit  
 in eis purgatio per ignem, sed a motu cessatio. Ita au-  
 tem purgabuntur elementa, quod præceditur ab igne  
 vis combustibilis, ab aëre obscuritas, ab aqua glacialis  
 frigiditas, a terra vero grauitas & opacitas.

*De resurrectione generali. Cap. XVI.*

**D**eus sicut est potentissimus in constitutione natu-  
 rarum, ita est clementissimus in collatione gra-

tiarum, & iustissimus in retributione stipendiorum.  
 Quoniam igitur homo, vel meruit, vel demeruit in  
 anima simul & corpore, punietur vel præmiabitur in  
 vitroque. Vnde in eisdem oportet cum resurgere.

Ad vocem autem tubæ resurgent mortui, sicut di-  
 cit Apostolus. Dupliciter autem intelligitur illa vox.  
 Secundum enim quosdam vox tubæ est imperiū Chri-  
 sti resurgere imperantis: secundū alios vox tubæ est  
 manifesta Christi apparitio. Vnde Gregorius: Tubam  
 sonare, nihil aliud est, quàm mundo Dei filium iudi-  
 cem demonstrare. Resurgent igitur omnes, nulla in  
 eis existente differentia, quantum ad ordinem tempo-  
 ris, sed magna, quantum ad ordinem dignitatis. Nam  
 mali resurgent deformes & passibiles: in bonis autem  
 natura seruabitur, & vitia detrahentur. Omnes vero  
 tam boni, quàm mali resurgent integri corpore, de-  
 bita statuta secundum ætatem plenitudinis Christi.

Resurrectio igitur tria corrigit in natura, scilicet  
 defectum, sicut in pueris, & mutilatis, siue in diminu-  
 ta natura membrorum, superfluum scilicet vnguim,  
 crinium, & huiusmodi: errorem, sicut in monstuo-  
 sitate membrorū. Resurgent quoque corpora eadem  
 natura, quæ prius erant & eodem numero, ex eodem  
 puluere in quem reducta fuerant: ita quod in quas-  
 cumque auras, vel sinus puluis ille dispersus fuerit, ad  
 eandem animam redeat, quæ ipsum primitus, vt vi-  
 ueret & cresceret, animauit. Nec solū resurgent cor-  
 pora quantū ad membra principalia, sed etiam saluis  
 capillis: & ceteris membris, quæ faciunt ad decorum.  
 Resurgent etiam homines, quantum ad esse, & quan-  
 tum ad integrum esse, & quantum ad decorem esse,  
 & resurget vnumquodque corpus in optimo suo esse.

Et quia duplex est mors, animæ scilicet per culpam,  
 & corporis, per pœnam: his respondet duplex resur-  
 rectio, scilicet animæ per gratiam, & corporis, per glo-  
 riam. Et sicut in primis parentibus mors culpæ intulit  
 mortem pœnæ: ita resurrectio animæ per gratiam,  
 causabit resurrectionem corporis per gloriam. In re-  
 surrectione concurrent quattuor causæ, scilicet effi-  
 ciens, ipse Deus: materialis, scilicet pulueres: forma-  
 lis, scilicet coniunctio corporis, & animæ: finalis, sci-  
 licet vt recipiat vnusquisque prout gessit, siue bonū,  
 siue malum. Resurgent tunc homines velociter, inte-  
 graliter, socialiter, æternaliter. Et erit ista resurrectio  
 iusta quantum ad Deum: perfecta quātum ad resur-  
 gentes: miraculosa quantū ad ipsam resurrectionem.

*De iudicio extremo. Cap. XVII.*

**P**ost resurrectionem statim erit iudicium. Ipsum  
 vero iudicium præcedet trina citatio: Prima fuit  
 per prophetas. Vnde illud: Vocauit, & renouistis. Se-  
 cunda per Apostolos, & prædicatores. Misit seruos  
 suos hora cenæ dicere inuitatis, &c. Tertia erit per vl-  
 timam vocem tubæ: & hæc citatio erit peremptoria.

Secundum Richardum triplex est iudicium: Primū  
 est vniforme, hoc est iudiciū præsentis Ecclesiæ, quæ  
 nō iudicat, nisi de sola qualitate retributionum, & in  
 genere tantum secundum quod bona bonis, & malis  
 mala redduntur: sed numerum & quantitatem retri-  
 butionum scit. Secundum dicitur multiforme, scili-  
 cet quod quilibet experitur in morte accipiendo sen-  
 tentiam de omnibus bonis & malis, quæ gessit: sed  
 non omnia bona, vel mala statim recipit, quia in ani-  
 ma tantū, & non in corpore. Tertium dicitur omni-  
 forme, idest, vltimum iudicium, quādo recipit vnus-  
 quisque secundum numerum & quantitatem siue bo-  
 na, siue mala, in corpore, & in anima.

Vltimum iudiciū est horribile ex omni parte, quia  
 supra erit iudex austerus, & iratus, subtrus patens in-  
 fernus, intus conscientia remordens, extra mundus  
 ardens, a dextris peccata accusantia, a sinistris dæmo-  
 nia terrētia, circa illa boni angeli in inferna propellen-  
 tes, ibidē omnes sancti iudicis sententiam approban-  
 tes,

*1. Thes. 4. d*  
*1. Cor. 15. c*

*Luc. 12. a*

*Pror. 1. c*  
*Luc. 14. d*

tes, & omnes mali cum bonis peccata damnatorum A quo illorum, de quibus iudicabit. Non enim fecit *Ioan. 8. f*  
cognoscentes. peccatum, nec inuentus est dolus in ore eius: & hæc *Isa. 53. c*  
*1. Pet. 2. d*

De qualitate autem iudicii nota quod erit horribi-

le. Virtutes cælorum mouebuntur. Intolerabile: Quis

*Job 14. c* mihi tribuat, ut in inferno protegas me? &c. Ineu-

*2. Cor. 5. b* tabile. Apostolus: Omnes nos oportet manifestari

*1. Thess. 5. a* ante tribunal Christi. Inopinabile, quia dies Domi-

*Pron. 6. d* ni sicut fur in nocte ita veniet. Inexorabile: Zelus &

*Rom. 6. d* furor viri non parcat in die vindictæ. Erubescibile.

Apostolus: Quem fructum habuistis tunc in illis, in

quibus nunc erubescitis? Prædicta vero erubescencia

erit in duobus. Primo in veniendo ad iudicium, quia

mali cum habeant corpora ponderosa oportet eos il-

lacum portari ab Angelis, sicut Habacuc portatus fuit ad

*Dan. 1. c* lacum leonum in Babylonem. Secundo in stado coram

iudice: quia peccata eorum omnibus erunt manifesta.

*Nahum. 3. b* Vnde illud: Reuelabo pudenda tua in facie tua, &c.

Locus iudicii erit in valle Iosaphat: & hoc multi-

plici ratione. Primo, quia locum iudicii oportet esse

communem: sed Hierusalem & terra adiacens vide-

*Joel. 3. a* tur esse communis, cum sit quasi medius nostræ habi-

tationis locus. Secundo, quia debet esse publicus: sed

locus prædictus est famosissimus propter opera nostræ

redemptionis quæ ibidem gesta sunt. Tertio competit

locus ille ratione negotij, quia tractandum est ibi opus

miseriæ & iustitiæ. Mons Oliueti, qui est apud

illam vallem, designat misericordiā: Iosaphat autem,

quod interpretatur iudicium, designat iustitiā.

#### De iudicantibus. Cap. XVIII.

N On solum secundum potestatem diuinā, sed etiam

in forma humana Christus iudicabit: quia in iurisdic-

tione ordinaria iudicabit, ut Deus, cum tota trinitate:

sed in iurisdic-tione delegata iudicabit, ut homo.

Vnde nota, quod quinque sunt modi iudicandi. Pri-

mus modus est primæ auctoritatis, quo iudicabit tota

Trinitas. Secundus modus est secundæ auctoritatis,

quo iudicabit Christus, ut homo. Tertius est accesso-

riæ dignitatis, quo iudicabunt Apostoli, & viri perfe-

cti, qui cum iudice eminentius residebunt vel iudica-

bunt, tamquam melius scientes leges, & consuetudi-

nes regni Dei, quibus implendis, & sciendis operam

*1. Cor. 6. a* dederunt. Quartus est approbationis, quo iudica-

bunt omnes sancti, & etiam Angeli. Quintus modus

iudicandi est culpam iudicandorum manifestare, sic

etiam mali iudicabunt.

In iudicando Christus habebit duos actus opposi-

tos: vnum passiuæ, & alium actiuæ. Primus vero est

infirmi-tatis, & alius potestatis. In primo enim aduen-

tu Christus venit ad iudicium passiuæ, in secundo ve-

nit ad iudicium actiuæ. In primo venit in forma in-

firma, in secundo apparebit in forma gloriosa. Hinc

est quod Christum in iudicio videbunt iusti tam in

natura diuinitatis, quam humanitatis, a malis autem

nullo modo videri poterit in forma diuinitatis: &

hoc duplici ratione. Primo, propter defectum dispo-

sitionis in ipso vidente, quia natura sine gratia non

sufficit ad Dei visionem. Secundo, propter demeri-

tum delectationis, quæ est in visione diuinitatis: quia

*Joan. 17. a* videre Deum, secundum Ioannem, vita æterna est:

quæ non potest communicari reprobis.

Ex prædictis patet, quod Christus apparebit blan-

dus iustis, & terribilis iniustis, sicut dicit Gregorius:

Quod figuratum est in columna nubis in die, & ignis

in nocte. Videbunt mali humanitatem Christi, ut ti-

meant: & non diuinitatem, ne gaudeant. Boni autem

utramque Christi naturam videbunt. Stigmata quo-

*Joan. 20. f* que Christus monstrabit, & insignia passionis sue, scilicet

crucem, clauos, &c. Sedebit quoque Christus

supra in eminentiori loco cum sanctis, mali vero sub-

tus in terra, quam dilexerunt. Et merito tunc Chri-

stus iudiciū exercebit, tum quia vere scit merita sin-

*Coloss. 2. a* gulorum, in quo sunt omnes thesauri scientiæ & sapientiæ Dei absconditi: tum quia non est reus de ali-

Append. ad To. 7. oper. S. Bon.

#### De iudicandis. Cap. XIX.

Ordines quattuor erunt in iudicio. Quidam enim

iudicabuntur, & damnabuntur, ut quorum me-

rita damnabilia permixta sunt aliquibus bonis, sicut

illorum, qui habuerunt fidem sine operibus. Quidam

iudicabuntur & saluabuntur, ut quorum merita bo-

na permixta sunt aliquibus venialibus malis. Qui-

dam non iudicabuntur, & damnabuntur, ut quorum

B mala merita omnino impermixta sunt bonis, ut qui

caruerunt fundamento fidei. Quidam vero non iu-

dicabuntur, sed iudicabunt & saluabuntur, ut quo-

rum merita bona impermixta sunt malis, sicut perfe-

ctorum pauperum Christi, de quibus in Matthæo: Vos *Mat. 19. d*

qui reliquistis omnia, & secuti estis me, & cetera.

De prædictis quattuor ordinibus nota, quod om-

nes homines iudicabuntur iudicio retributionis, sed

non iudicio disceprationis. Infideles enim, quia non

fuerunt ciues ciuitatis Dei, tamquam hostes sine vlla

meritorum discussione, & audientia punientur. Fi-

deles vero mali tamquam ciues cum meritorum dis-

cussione, & audientia punientur. Iusti vero non iu-

C dicabuntur, ut eorum merita de nouo discutiantur, an

bona vel mala sint: sed ut bonorum præminetia

omnibus manifestetur, & ut contra malos appareat

iusta sententia damnationis.

Dux sententiæ ferentur in iudicio: vna pro bonis,

alia contra malos. Sententia pro bonis continet sep-

tem clausulas. Prima est amabilis vocatio, ibi: Veni-

te. Secunda, diuina benedictio, ibi: Benedicti. Ter-

tia, paterna dilectio, ibi: Patris mei. Quarta est, re-

munerat-ionis retributio, ibi: Percipite. Quinta est

regni assignatio, ibi: Regnum. Sexta est gloriæ præ-

paratio, ibi: Quod vobis paratum est. Septima est

D æterna prædestinatio, ibi: Ab origine mundi.

Item sententia contra malos continet in ipsa sex clau-

sulas. Primo, a Deo separationem, cum dicitur: Ite.

Secundo, maledictione, ibi: Maledicti. Tertio, incar-

cerationem, per hanc præpositione: In, designatam.

Quarto, pœnæ acerbitatē, ibi: Ignem. Quinto, libera-

tionis desperationē, ibi: Eternum. Sexto, demonum as-

sociatione, ibi: Qui paratus est diabolo, & angelis eius.

#### De innoatione mundi. Cap. XX.

T Erminato iudicio statim erit innoatio mundi,

quæ nō cōplebitur quamdiu peccator est in mun-

do, id est, quouique detrudatur in infernū. Sicut enim

E ille maximus ignis elemēta purgabit, cum habeat vir-

tutem expulsiuam formæ extrinsecæ: sic mundum

innouabit, cum habeat virtutem subtiliatiuam.

Mundum autem innouari, id est, pulchriorem for-

mam accipere, ostenditur multiplici ratione: Primo,

quia sicut dignū fuit, quod elementa purgarentur pro

eo quod infecta erāt, propter peccatum hominis, ita

dignum est, ut mundus innouetur, propter glorifica-

tionem hominis. Secundo, ut creaturæ remuneren-

tur pro labore, quo homini seruierunt. Tertio, ut to-

tus mundus prout est possibile, conformetur homini

glorificato. Quarto, quia mundus factus est, ut ho-

F mo nunc per speculum creaturæ Deum cognosceret,

quem in sua natura videre non potuit. Vnde in futu-

ro oportet speculum meliorari, & purgari, ut in pul-

chritudine creaturarū amplius refulgeat species Crea-

toris: hoc autem non erit ad necessitatem, quasi Deus

aliter videri non possit, sicut modo: sed ad iucundi-

tatem, ut scilicet delectationi visionis intellectualis

addatur delectatio visionis sensualis.

Orbes autem cælestes & sidera propter impermix-

tionem nulla indigebunt purgatione sicut elementa,

sed tantummodo motus cessatione, & ideo innouabun-

tur, sed non purgabuntur. Innouatio autē in illis duo

B b b b 2 requi-

requirit, scilicet motus cessationē & claritatem splendoris ampliores, quando stabit Sol in Oriente, & Luna in Occidente, vbi creati sunt. Huius dicti hæc est ratio, quia corpora superiora facta sunt ad vsum hominis dupliciter. Vno modo propter necessitatem corporis, scilicet statum generationis & corruptionis: & ideo cessante illo cessabit motus. Alio modo propter delectationem in pulchritudine creature, & propter cognitionem Dei in illis, ideo lux illorum non cessabit, sed magis augebitur.

Circa elementa autē nota, quod terra erit sicut crystallus, & cōplanabitur. Aër erit clarior, nec habebit impressiones, quas modo habet, quia non erunt nubes, neque venti, neque pluiæ, neque ros, neque nix, neque tonitrua, neque fulgura. Ignis etiam, & aqua fient puriores: & manebunt non solum secundū substantiam, sed etiam secundū suas qualitates, quas habebunt quantum ad habitū, sed non quantum ad vsum: quia cum in his duobus elemētis magis vigeant qualitates actiue, scilicet frigiditas in aqua, & caliditas in igne, magis sunt generationis, & corruptionis principum: & talis effectus illorū non erit amplius, propter hoc dicuntur interire. Vel ideo secundū aliquos dicuntur hæc duo elemēta interire, quia Dominus ea intercidet in illis, teste Basilio super Psalmos: Vox Domini intercidentis flāmam ignis, ita quod calidū vltimū & frigidū glaciale tendent inferius, perspicuū autem in aqua, & lux in igne manebunt: quia de omnibus elementis ignobile tendet deorsum, sicut grossum, & terrenum, & opacum, ac tenebrosū, & huiusmodi.

Patet ergo quod cælum & terra transibunt quantum ad formam: sed non quantum ad substantiā. Patet etiam ex prædictis terminari transmutationes elementorū, & generationes animalium, & plantarum, quia causæ illorū cessabunt, & propter ista dicuntur elementa interire, non quantum ad substantiā, sed quantum ad actionem & passionem. Corpora vero cælestia habita quiete, & lumine clariori, dicuntur renouari. Verumtamen illa, quæ sicut dictum est, intereunt, in homine saluabuntur, qui similitudinē habet cum omni genere creature, & propter hæc in hominis innouatione & glorificatione possunt dici omnia renouari.

#### De pœnis inferni. Cap. XXI.

Sicut patet diuina potentia in creando, sapientia in gubernando, clementia in reparando, sic patebit diuina iustitia in puniendo. Dignum est enim vt non remaneat dedecus culpæ sine decore iustitiæ.

Licet autem peccatū sit transitoriū, tamen erit pœna perpetua, multipli ratione. Prima, quia homo peccauit in suo æterno, ideo punietur in æterno Dei. Secunda, quia materia ignis infernalis est æterna, sic & peccati macula: ideo & pœna. Tertia, quia peccatum est contra illū, qui est infinitus: vnde, & pœna debet ei esse infinita, non quidem acerbitate, sed duratione. Quarta, quia homo per peccatum perimit in se bonū, quod posset esse æternū bonū: & ideo merito perpetuum incurrit malū. Quinta, quia mala voluntas reproborū æterna est, vellēt enim in peccato, si possent, perpetuo delectari: & ideo perpetuo debent puniri. Sexta, quia in infinitū errat rationalis, cum præponit finitum infinito in iudicando: similiter concupiscibilis in appetendo, & irascibilis in adhærendo: vnde & merito pœna erit infinita. Septima, quia damnatus de peccato perpetrato, nūquam habebit verā pœnitentiā: ideo Deus numquā mutabit punitionis illius sententiā. Octaua, quia peccatū a vita perpetua separat, scilicet a Deo: ideo mortem perpetuā peccator incurrit.

Post rationes inducam exempla de eadem materia. Videmus enim quod emptio momētanea dat ius possidendi perpetuum. Item vulneratio momētanea dat mortem perpetuam. Item casus in foueam temporalis est, detentio perpetua. Item crimen læsæ maie-

statis temporale est, seruitus perpetua. Item plaga temporalis est, liuor perpetuus.

Quoniam in peccato est delectatio cum cōtempnu Dei, merito præcipitur peccator in locum infimū & despectū, & maxime a statu gloriæ Dei elongatū, scilicet in infernū, vbi a despectis rebus puniatur, scilicet a facibus corporū mundanorū; quia in innouatione mundi quicquid est ignobile in mundo, ad locū pœnarū defluet, & ibi horrorem carceris multiplicabit.

#### De diuersitate pœnarum. Cap. XXII.

Cum in dānatis sit diuersitas peccatorū, erit & diuersitas pœnarū. Vnde cū in peccato sit auersio a Creatore, & conuersio ad bonū cōmutabile, & deordinatio voluntatis contra dictamen rationis, merito pœna variabitur propter ista. Vnde propter auersionē erit carentia visionis diuinæ, sed propter conuersionē erit pœna materialis incendiij, propter deordinationē autem rationis & voluntatis erit pœna vniuersalis: quæ consistit in afflictione varia, acerbæ, & æternæ.

Ignis autē infernalis nō omnes equaliter cruciabit, sed ab eodem igne alij plus, alij minus torquebuntur, secundum quod plus aut minus peccauerunt, sicut ab eodem igne aliter vratur pœlea, & aliter lignum.

Quamuis autem ignis ille sit corporeus, nec possit agere in spiritum, ipsum calefaciendo: agit tamen in ipsum, vt instrumentum diuinæ iustitiæ, ipsum lædendo: & ille dolor est maximus, tum propter potentiam diuinæ manus ipsum ignem mouentis, tum propter sensibilitatem patientis, tum propter immediationem coniunctionis.

Infernus est locus tenebrosus, cum sit locus iustitiæ. Lumen autem cum sit delectabile, tamen ingerit tristitiam per accidens, scilicet in quantum ostendit aliquid triste. Vnde in inferno est aliquid obscuri luminis, quo damnati videre possint vnde doleant, & non vnde lætentur.

Reprobi vident vsque ad diem iudicij gloriam beatorum in vniuersali, non in particulari: quia vident eos in magna gloria, sed non in quali. De huiusmodi autem visione non lætantur, sed tristantur, tum propter inuidiā alienæ felicitatis, tum propter carentiam propriæ beatitudinis. Post iudiciū vero ad proprias pœnas ita deflectetur eorum cōsideratio, quod de sanctorum gloria non cogitabunt.

In damnatis erit fletus spiritualis, scilicet dolor interior, & non fletus corporalis, qui est cum resolutione lacrymarum, quia cessante cæli motu, nullam erit generatio vel corruptio. Vermis autem, quem Dominus in Isaia comminatur, nequaquam materialis est: quia nullum animal præter hominem remanebit. Erit autem ibi vermis conscientie, rodens animam, & non corpus. In summo loco sola est lætitia. In loco infimo sola est tristitia. In medio, hoc est, in mundo, hæc sunt modo permixta.

Post diem iudicij tria tantummodo loca erunt habitata, scilicet cælum, infernus, & limbus. Quot sint loca pœnarum require in libro quarto, De descensu Christi ad inferos.

Octo genera pœnarum in legibus esse scripsit Tullius, scilicet damnū, vincula, verbera, talionem, ignominiam, exilium, mortem, seruitutem. Hæc omnia possunt pœnis infernalibus adaptari. Primum patet, quia damnati amiserunt Deum, & omnia bona tam gratiæ, quàm gloriæ, non solū in re, sed etiam in spe. Non remanebit testa, vt hauriatur parum aque de fouea, scilicet diuinæ misericordie, aut deportetur igniculus de incendio, scilicet charitatis: quia secundum Hieremiam, transijt æstas, consummata est messis. De secundo: Ligatis manibus & pedibus, &c. De tertio: Mallei percutientes impiorum corporibus. Istud autem non intelligitur de malleis materialibus, sed de diuersitate pœnarū, quibus impij malleantur. De quarto: Quantum glorificauit se, & in delicijs fuit, &c.

De

*Isa. 13. b* De quinto : Facies combustæ vultus eorum . Immo tam ignominiosum erit corpus peccatoris, quod anima resumens ipsum stupebit, quando tam terribile illud videbit, & vellet habere tale sicut fuit, quando dimidium comestum fuit a vermibus . De sexto : Proijcite eum in tenebras, &c. De septimo, Gregorius : Ibi mors semper viuit : & hæc, sicut dicitur in *Apoc. 20. b* Apocalypsi, erit mors secunda . De octauo : Princeps prouinciarum facta est sub tributo .

*Thren. 1. a* Nota, quod damnati sub tributo pœnarum semper seruiunt, & tamen numquam persoluent . Ex prædictis collige, quod erit ibi calor ignis, stridor rigoris, tenebræ, fumus, lacrymæ, mœrores, aspectus demonum, clamor improprietatis, ariditas, sitis, fœtor sulphuris, vermis conscientie, vincula, carcer, timor, dolor, pudor, inuidia, rancor, carentia visionis diuinæ, ablatio spei omnis salutis . Ipsum etiam esse quod omnis creatura appetit, erit eis pœna, quia quærent mortem naturalem, & non inuenient . Ibi erit, sicut ait Dionysius, proterua phantasia, demens concupiscentia, & furor irascibilis .

*De gloria sanctorum . Cap. XXIII.*

**V** Numquodque tanto perfectius est, quanto magis coniungitur essendi principio . Homo autem qui perfectum esse expectat, duplicem habet finem vltimum, vnum extrinsecum, qui est beatitudo creata, quæ nos in patria beatificabit formaliter ; aliū habet finem intrinsecū, qui est beatitudo increata, quæ nos beatificabit effectiue, scilicet ipsum Deum : Prima, scilicet beatitudo creata, est tamquā finis quo . Secunda vero, scilicet increata tamquā finis in quo quiescitur .

Alio modo iudicabant Philosophi de beatitudine : sed male . Dicebant enim Stoici beatitudinem in virtute animi consistere, Peripatetici vero in cognitione veritatis, Epicurei autem in voluptate . Nos autem dicimus duplicem esse beatitudinem, sicut dictum est .

*1. Cor. 3. e* Deus enim remunerat suos secundū merita Apostolus : Vnusquisque propriam mercedem accipiet, &c. *Ioan. 1. b* Propter merita : Gratiam pro gratia . Ite & vos in vineam meam, &c. *Mat. 20. a* Supra merita, vnde illud : Mensuram bonam & confertam, & coagitantem, & cetera . *Luc. 6. f*

*De dotibus in communi . Cap. XXIV.*

**D** Os in patria est illud quod immediate animam Deo coniungit : vt est visio, dilectio, & comprehensio . Sunt enim dona quædam patriæ, sicut est sapientia, & intellectus, quæ licet Deo animam coniungant, non tamen sine habitu medio : & propter hoc non dicuntur dotes, sed animæ præmiationes . Dotes enim non appellantur dona quælibet, quæ dantur animæ in introductione sui in gloriam, sed dona præcipua, per quæ ad actum vitæ gloriose disponitur : sicut in presenti non appellatur proprie dos quodcumque donum datum sponse in sua traductione, sed donum præcipuum de quo sustentari debeat .

Dotes sunt duplices . Quædam enim sunt a parte animæ, quibus Deo, tamquam principio vitæ suæ, sine habitu medio coniungitur : & per quas introducitur in amplexus sponsi sui indissolubiles, & fruitione eiusdem . Quædam vero dotes sunt ex parte corporis, quibus ipsum corpus subiicitur animæ suæ, tamquam principio vitæ suæ, ne per ipsum anima ab actu gloriæ retardetur .

*Ioan. 3. d* Notandum autem quod dotes animæ sunt de præmio substantiali, dotes autem corporis de præmio accidentali . Christus dotes non habet, quia sponsus est, sed anima sponsa : & est dos possessio sponsæ, quæ vsum eius habebit post mortem viri . Similiter, nec Angeli dicuntur habere dotes, quia cum in nuptijs sit consensus animorum, & vnio corporum, secundum non est in Angelis, licet primum habeant . Vnde Angeli non possunt dici sponsæ, vt homo : ergo nec dotes proprie habebunt .

**A** Sponsis carnalibus dantur tria, scilicet dos, donatio propter nuptias, & parapherna . Dos autem est, donatio facta sponsæ ex parte patris, & hoc ad vsum sponsi propter onera matrimonij, sed ad possessionē sponsæ . In diuinis autem Deus Pater dat sponse dotē ad possidendū, sed sponso Christo ad gloriam & honorem, & non ad vsum : quia bonorū nostrorū non eget . Donatio autē propter nuptias est, quæ a sponso datur sponsæ, & hoc erit in futuro, gaudiū quod habebit anima in visione Christi hominis . Parapherna sunt, quod habet sponsa præter dotem, sicut sunt munera, quæ ei dantur ab amicis, & huiusmodi . Istud erit in patria per gaudium, quod habebit anima de societate beatorum, & de congratulatione felicitatis eorum .

*De dotibus anima in generali . Cap. XXV.*

**D** Otes animæ sunt tres, scilicet cognitio, dilectio, & inhaesio, siue tentio, quæ a quibusdam, appellatur comprehensio, a quibusdam vero fruitio . Harū dotiū numerus multipliciter accipitur : primo ex parte virtutū theologiarū, quia cognitio succedit fidei, dilectio vero charitati, comprehensio autem spei . Accipitur alio modo ex parte potentiarū animæ . Cognitio autem potest appropriari intelligentiæ, dilectio voluntati, cōprehensio memoriæ . Appropriantur etiam a quibusdam alijs tribus potentijs, scilicet rationali, concupiscibili, & irascibili . Sensitiua nō possunt intelligi, quia Deus non est obiectū potentiæ sensitiuæ, sed intellectiue . Possunt etiā prædictæ dotes accipi secundum tria, quæ tribus personis appropriantur : ita vt cōprehensio respiciat Patris potentiam, cognitio Filij sapientiam, & dilectio bonitatem Spiritus sancti . Circa istas dotes nota, quod cognitio rei visæ in se ponit præsentiam, comprehensio ponit rei contingentiam, dilectio ponit amantis ad rem amatam colligantiam .

*De dotibus anima in speciali . Cap. XXVI.*

**P** Rima dos animæ est cognitio, qua diuina essentia videbitur tota ab omnibus, sed nō totaliter prout est infinita . Videbitur tamen diuina essentia limpidius ab vno, quā ab alio : & iste defectus erit ex parte videntis, non visi : quia idem erit visum . Beatitudo autē consistit in perfecta operatione potentiæ altissimæ, scilicet intellectiue : & circa obiectum altissimū, scilicet Deum . Ex parte igitur obiecti, cum sit vnū simplicissimum, nulla potest esse diuersitas, sed ex parte potentiæ . Nam in quantum vna potentia magis erit perfecta lumine gloriæ, quā altera, tanto perfectius operabitur circa vnum & idem subiectum, siue obiectum, sicut idem sol diuersimode a diuersis aspicitur, vel eadem littera a diuersis legentibus, secundum quod oculus est magis, vel minus dispositus .

Tribus modis cognoscitur aliquid secundum quod est, vel sicut est . Primo modo cognoscitur Deus in via etiam a malis . Secundo modo videbitur in patria a bonis . Vnde Ioannes : Similes ei erimus, quoniam videbimus eum sicuti est, id est, suam maiestatem, claritatem, & bonitatem . Tertio modo nec a bonis videbitur, nec a malis, nec in via, nec in patria : quia finitū numquam capiet infinitum . Videbimus tamen Deum in se, & Deum in nobis, & nos in Deo : & Deum in creaturis, & creaturas in Deo .

Cognoscere autem Deū in sua essentia, est visio meridiana : cognoscere vero creaturas in verbo, est visio matutina : sed cognoscere creaturas in se, hoc est, in proprio genere, appellatur visio vespertina . Videbit enim vnusquisque cogitationes alterius, prout vult ipse cogitare manifestare . Vnde Gregorius : Vnius cuiusque mentē ab alterius oculis compulsiua nō abscedet . Videbunt itaque iusti Deū, vt gaudeant : videbūt gloriā sanctorū, vt congaudeant : videbūt quoque pœnas reprobatorū, vt de euasione periculorum gratias agant .

Ad sciendum autem qualiter Deus sine medio videatur, nota quod triplex est medium, scilicet differens,

rens, obnubilans, & disponens. Sine medio igitur A  
 differente videbitur Deus: quia Dei visio non est per  
 distantiam, sed per præsentiā, cum ipse sit essentialiter  
 vbique. Videbitur etiam sine medio obnubilare: quia  
 1. Cor. 13. d. tollitur speculū, & ænigma, quæ ambo sunt in via. Cū  
 enim visus noster in præsenti non possit propter debi-  
 litatem in excellentem lucem figi, necesse est habere  
 medium, scilicet speculum creaturæ. Quia vero infi-  
 nita est distantia inter speculum, & rem visam: prop-  
 ter hoc obscure relucet ibi similitudo: vnde videmus  
 in ænigmate, idest obscure. Videbitur quoque sine  
 medio similari: quia Deus cognoscetur in seipso, &  
 non per aliquam abstractam similitudinē, alias crea-  
 tura esset terminus, & Deus non esset vere finis om-  
 nium. Non autem videbitur Deus sine medio dispo-  
 nente, quod est gratia, & gloria. Oportet enim pro-  
 portionem esse inter videntem & visum: hæc autem  
 dispositio erit ex parte videntis, & non rei visæ.

Sciendum autem quod multiplex est mediū: Pri-  
 mum est medium peccati. Peccata vestra diuiserunt  
 inter vos & Deum vestrū: istud est medium impiorū.  
 Rom. 1. c. Secundum est medium creaturæ. Apostolus: Inuisi-  
 bilia Dei a creatura mundi, per ea, quæ facta sunt, in-  
 tellecta, &c. hoc est medium philosophorū. Tertium  
 1. Cor. 10. c. est medium figuræ. Apostolus: Omnia in figura con-  
 tingebant illis. hoc est medium Prophetarum & Pa-  
 triarcharum. Quartum est medium scripturæ: Decla-  
 ratio sermonum tuorū illuminat, & intellectum dat  
 paruulis, hoc est medium theologorū. Quintum est  
 Apoc. 2. c. medium fidei: Esto fidelis vsque ad mortem, & da-  
 bo tibi, &c. hoc est medium fidelium, quo tamquam  
 in ænigmate vident Deum.

Secunda dos animæ est dilectio, sed inter dilectionē  
 & virtutē differentia est duplex: vna est secundū ha-  
 bitū: quia virtus est proprie illud, quod trāsit de statu  
 gratiæ ad statū gloriæ. Dos autē est id, quod supra me-  
 ritū datur in inductione sponsæ. Alia est differentia vt  
 penes obiectū, quia licet obiectū vtrōque erit Deus,  
 non tamen secundum quod Deus, sed erit obiectum  
 virtutis in quantum est summa bonitas: obiectum au-  
 tem dotis in quantum vnibilis in vnum spiritum.

Nota quod fides & spes secundū rem euacuabuntur  
 1. Cor. 13. c. in patria: charitas vero neque secundum rem, neque  
 secundū actum eius euacuabitur, sed solum secundū  
 modū, quia imperfectio eius tollitur. Dicit autē Au-  
 gustinus, quod fidei succedit spes, quam videbimus:  
 spei vero succedit beatitudo, ad quam peruenturi su-  
 mus, sed charitati nihil succedet, sed potius augebitur.

Tertia dos animæ est cōprehensio, quæ est tentio visi  
 & amati, vel tentio veri boni & præmij. & istud ve-  
 rum est, prout comprehendere sumitur pro attinge-  
 re, & non pro circūplecti diuinam immensitatem.

*De dotibus corporis in generali. Cap. XXVII.*

VNaqueque pars perfectius habet esse in suo toto,  
 quā in se. Vnde sicut anima nūc a corpore cor-  
 ruptibili separata perfectius habet esse, quā ei con-  
 iuncta, sic in futuro reconiuncta corpori incorrupti-  
 bili perfectius esse habebit, quā modo separata:  
 maxime cum non impediatur tunc a corpore, sicut  
 modo: quin potius de glorificatione corporis habe-  
 bit tunc gaudium speciale.

Dotes corporis sunt quattuor, quarū numerus sic  
 habetur. Nam ad hoc quod corpus perfecte subiectū  
 sit animæ, nec impediatur eam in operibus gloriæ, quat-  
 tuor requiruntur: quorū duo pertinet ad sensum: alia  
 duo pertinent ad motū. Quo ad sensum duo requirun-  
 tur. Vnum, vt sit facile receptibile specierū sensibiliū,  
 ad quod disponit claritas. Alterū, vt non sit recepti-  
 bile passionū ignobilium, ad quod disponit impassi-  
 bilitas. Quo ad motū etiam duo requiruntur. Vnū est,  
 vt per contrariā inclinationē non resistat suo motori,  
 ad quod disponit agilitas. Aliud, vt corpora per quæ  
 mouetur, non resistant ei, ad quod disponit subtilitas.

Alia sufficiētia talis est, quia in homine quadruplex  
 est compositio: Prima est qualitātū contrariarū: hæc  
 cōpositio tūc erit perfecta, quādo qualitates ita equa-  
 buntur, vt nulla sit pugna vnus contra aliā: & hoc fa-  
 ciet impassibilitas. Secūda est cōpositio materiæ cum  
 forma, hæc autem cōpositio tunc erit perfecta, quan-  
 do materia vincetur a forma: penes hanc perfectionē  
 sumitur subtilitas. Tertia est compositio corporis or-  
 ganici cum anima: perfectio istius compositionis est,  
 quod omnia organa sine impedimēto sint mobilia ab  
 anima: penes hanc perfectionē sumitur agilitas. Quar-  
 ta compositio est corporis cum spiritibus lucidis, qui-  
 bus mouetur corpus ab anima: & huic compositio-  
 ni secundum perfectum statum respondet claritas.

Tertio sumitur prædictarū doriū numerus secundū  
 proprietates, quæ sunt in elementis. Nam penes aquæ  
 transparentiam sumitur claritas, penes terræ soliditatē  
 sumitur impassibilitas: penes tenuitatē ignis sumitur  
 subtilitas: penes mobilitatem aëris sumitur agilitas.

Quarto sumuntur istæ dotes secundū quattuor de-  
 fectus, quos habet corpus humanum a quattuor ele-  
 mentis, de quibus componitur. Habet enim corpus  
 humanum ab igne caliditatem, & inde nigredinem:  
 a terra grossitiem: ab aëre passibilitatem: ab aqua fri-  
 giditatem, & inde tarditatem. Sed tolluntur per  
 quattuor dotes corporis.

Christus assumpsit quattuor dotes ante passionem  
 suam, sicut dicit Hugo de sancto Victore. Claritatē in  
 transfiguratione: Agilitatē, quando ambulauit supra  
 mare: Subtilitatē in natiuitate, quia salua virginali in-  
 tegritate matris natus fuit. Impassibilitatem in cena,  
 quādo corpus suū discipulis suis manducandū dedit.

*De dotibus corporis in speciali. Cap. XXVIII.*

Prima dos corporis est claritas. Sed nota quod ali-  
 quid dicitur clarum dupliciter, aut quia peruium  
 sicut dicitur vitrū clarū: aut quia lucidū, sicut dicitur  
 stella clara. Corpus autem glorificatū erit & peruium  
 & lucidū: vnde vtroque modo erunt corpora clara.  
 Duo enim sunt, quæ nunc causant obscuritatē in hu-  
 mano corpore: Vnū est materiæ impuritas: alterū lu-  
 minis paucitas. Tunc vero tollitur vtrumque, scilicet  
 illa impura densitas, & obscuritas, quæ ex modicita-  
 te luminis est: & ideo erunt corpora clarissima.

Nota quod corpora glorificata, septies tunc erunt  
 clariora, quā Sol sit modo, sicut Dominus ait: Quia  
 iusti fulgebunt sicut Sol. Sed teste Isaia: Erit lux Lu-  
 næ sicut lux Solis: & lux Solis septemplex sicut  
 lux septem dierum.

Sciendum quoque quod corpora sanctorum non  
 erunt equaliter clara, quia melior anima habebit cor-  
 pus lucidius. Vnde licet corpus Christi supra modum  
 excedat claritatem aliorum, tamen in comparatione  
 sanctorum, potest claritas eius assimilari claritati So-  
 lis, secundū illud Malachiæ: Vobis timentibus nomen  
 meū orietur Sol iustitiæ, idest, Christus. Claritas san-  
 ctorū potest respectu Christi comparari claritati stel-  
 latum. Vnde Apostolus: Stella differt a stella in cla-  
 ritate, hoc est, quod sancti plus vel minus lucent, se-  
 cundum differentiam meritorum. Claritas vero pue-  
 rorum, qui post baptismum moriuntur antequam ve-  
 niant ad annos discretionis, comparari potest lumini  
 Lunæ: quia sicut Luna nō habet lumen a se, sed a So-  
 le, ita isti non habent gloriam ex merito proprio, sed  
 ex merito Christi. Baptismus enim ex passione Chri-  
 sti habet efficaciam. Secunda dos corporis est impas-  
 sibilitas, quæ resultat ex virtute animæ corpus suū  
 potenter continentis, ita vt a nullo exteriori agente  
 valeat immutari.

Præterea quamuis corpora sanctorum sint compo-  
 sita ex contrarijs, illa tamen contrarietas erit ad om-  
 nimodam æqualitatem, & concordiam redacta.

Dixerunt quidam, quod impassibilitas sanctorum  
 corporum resultabit ex natura quinti corporis, idest,  
 quintæ



quintæ essentia. Sed hoc non est verum, quia nihil de quinto corpore venit in compositionem materiam corporum inferiorum.

Differentia est inter impassibilitatem sanctorum, & Adæ in statu innocentia, & puerorum, quia impassibilitas sanctorum erit non posse pati. Impassibilitas Adæ fuit posse non pati. Impassibilitas puerorum in limbo erit nihil pati: & hoc non est potentia resistendi læsionis extrinsecæ, quam non habebunt, sed ex ordinatione diuinæ misericordiæ, quæ non permittit aliquid eis adhiberi per quod possint lædi.

Ex quo patet, quod si tales pueri ponerentur ad ignem post resurrectionem, læderentur ab eo, nisi obstitaret diuina misericordia. Secus est de corporibus glorificatis, quæ etiam si ponerentur in inferno, non sentirent aliquam læsionem.

Subtilitas est tertia dos, quæ aufert grossitiem corporis causatam ex materialitate elementi, & compositione elementalium qualitatum. Nota ergo, quod duplex est subtilitas: Vna ex raritate partium stantiū non propinque, sed ex tali subtilitate efficitur corpus facile diuisibile, & ea non erit in corporibus glorificatis. Alia est ex perfecta victoria formæ super materiam: & huiusmodi subtilitas est vnitæ substantiæ, sicut dicitur cælum subtile: & hoc modo erunt corpora sanctorum subtilia.

Et est sciendum, quod sicut duo corpora non glorificata non possunt esse simul in eodem loco, sic nec duo glorificata. Alioquin sequeretur inconueniens, scilicet quod in vnoquoque corpore glorificato esset potentia agendi ac intrandi partes alterius corporis: in alio vero esset impotentia resistendi. Corpus vero glorificatū potest esse simul in eodem loco cum corpore non glorioso. Nam sicut in corporibus non gloriosis ipsa grossities impedit ne duo corpora possint esse in eodem loco, quia vnum alteri resistit: ita grossities ista per gloriæ subtilitatem tollitur: adeo quod corpus non gloriosum non possit resistere glorioso, ita quod corpora gloriosa penetrabunt alia corpora, non ea diuidendo, sed subintrando, manente distinctione dimensionum vtriusque corporis.

Quarta dos corporis est agilitas, quæ tanta erit, sicut dicit Augustinus, quod protinus vbi volet spiritus, ibi erit & corpus. Verumtamen sicut melior anima habebit corpus lucidius, & ita & agilius: ita tamen quod voluntas sanctorum erit omnino coniuncta rationi. Vnde voluntas eorum numquam appetet quod non debet. Sed enim voluntas animæ melioris volet rationabiliter citius moueri corpus suū, quam alterius: & spiritus minoris gloriæ non volet corpus suum tam cito moueri, sicut alterius. Vnde patet quod in omnibus verificabitur dictum Augustini, quod vbi volet spiritus, protinus erit & corpus. Quare corpora modo sunt tarda, & tunc agilia, hæc est ratio, quia tunc in corpore duplex est motor, scilicet natura elementi prædominans, quæ mouet ad medium locum, & voluntas animæ, quæ mouet indifferenter ad quemlibet locum. Nunc autem corpora tarda sunt ex contraria inclinatione naturæ ad voluntatē, quia terra prædominans naturaliter deorsum trahit. In futuro autem natura erit totaliter subiecta voluntati, vnde & tunc corpus mouebitur ad imperium spiritus.

*De aureolis in genere. Cap. XXXIX.*

**A**ureola est mentis speciale gaudium, veniens ex opere præcellenti & priuilegiato. Sciendum autem quod sicut ex gaudio præmij essentialis, quod est aurea, redundat in corpore quidam decor, qui est gloria corporis: ita & ex aureolæ gaudio resultat aliquid speciale in corpore, vt sic aureola non tantum principaliter sit in mente, sed per quandam redundantiam fulgeat etiam in carne.

**A** Sciendum autem quod decor cicatricū, qui in martyrum corporibus apparebit, non potest dici aureola: quia martyres aliqui cicatrices non habebunt, vt potest qui submersi sunt, vel famis inedia, vel squalore carceris interempti: & tamen isti aureolam habebūt.

Tribus generibus hominū debetur aureola: quod patet multiplici ratione. Primo ex operibus excellentissimis trium animæ potentiarum. Excellentissimum autem opus concupiscibilis, est obseruatio castitatis virginalis. Excellentissimum vero opus rationalis, est prædicatio veritatis. Excellentissimū opus irascibilis, est perpassio mortis. Vnde patet quod virginibus, prædicatoribus, & martyribus debetur aureola.

Secundo patet horū numerus & sufficientia ex hostibus, quos per pugnas magnificas vincimus, qui sunt mundus, caro, dæmonia. Martyres enim vincūt mundū: Virgines carnē: Prædicatores diabolū: quem non solum de se, sed etiam de cordibus aliorum expellūt.

Tertio patet id per victoriam triplicium passionū. Sunt enim passionēs innatæ, illatæ, & in cordibus alienis inflatæ. Sed passionēs innatas superant virgines: illatas martyres: illas autem quæ sunt in cordibus alienis, prædicatores.

Quarto, distinguuntur aureolæ secundum ea quibus Christo nobilissime cōformamur. Christus enim fuit doctor, veritatem mundo manifestando: Martyr, a inundo passionem & mortem sustinendo. Virgo, puritatem seruando.

Quinto, sumuntur aureolæ secundū præfigurationē in veteri Testamento. Tria namque habebant aureolas, vt legitur: scilicet altare incensi, arca fœderis, & mensa propositionis. Prima significat aureolam martyrum, qui corpora sua super altare passionis immolauerunt. Secunda significat aureolam virginum, quia sicut arca fœderis fuit intus & extra auro decorata: ita virginitas mentem & corpus decorat & ornat. Tertia significat aureolam prædicatorum, qui sunt in mensa propositionis ministrantes panes prædicationis & doctrinæ.

Aureola diminutiue dicitur, & hoc in comparatione ad auream. Vnde nota, quod inter auream, & aureolam, & palmam est differentia. Aurea enim præmium est substantiale, quod metaphorice dicitur corona, tum ex parte meriti, quia non respondet generi operis, sed radici charitatis, tum ex parte præmij, quia per hoc efficitur homo particeps diuinitatis: & per consequens regis potestatis: tum etiā ratione perfectionis, quod significat figura circularis. Aureola vero est præmiū accidentale, non tamen quodlibet accidentale, sed illud quod respondet operi excellenti, & priuilegiato, scilicet virginitati, martyrio, & prædicationi. Palma est præmium accidentale, quod nec radici, nec operi debetur, sed voluntati. Tale præmiū habuit sanctus Martinus, eo quod martyriū desiderauit, licet opus non fuerit subsecutum: vnde de ipso cantatur, Quam, scilicet animam, erit gladius persecutoris non abstulit, tamen palmā martyrij non amisit. Hęc autē palma, nec aurea, nec aureola debet dici.

*De aureolis in specie. Cap. XXX.*

**A**ureola prima debetur martyribus, in quibus est perfectissima victoria de impugnatione exteriori: & hæc perfectio victoriæ consideratur ex duobus: Primo, ex magnitudine passionis: quia inter omnes passionēs illatas exterius, mors supremum tenet locum. Et præterea dolor tactus omnibus alijs doloribus præminet: & ideo in hoc gloriosior victoria est. Secundo, consideratur ex causa pugne, quæ ipse Christus est. Martyrem enim non facit pœna, sed causa, id est, mors propter Christum suscepta.

Sciendum autem quod martyrio non debetur præmium, secundum quod ab exteriori, sed secundum quod voluntarie pro Christi nomine sustinetur: quia non meremur nisi per ea, quæ sunt intra nos, non per

ea, quæ sunt extra nos, sicut nec demeremur nisi per ea quæ sunt intra nos. Quanto autem id quod quis voluntarie sustinet, difficilius est voluntati sustinere, tanto voluntas, quæ propter Christum id sustinet, ostenditur firmitus in Christo fixa: & ideo excellentius ei præmium debetur.

Aureola secunda debetur virginibus, propter singularem victoriam, quam de carne obtinent, contra quam quotidie bellum geritur. Quamvis autem & viduæ pugnent contra carnem, perfectius tamen virgines triumphant, quia nobilissimum genus victoriæ est numquam hosti cecidisse. Illis autem virginibus tantummodo debetur aureola, qui vel quæ habuerunt propositum seruandi virginitatem, quamvis hoc propositum sit interruptum, integritate tamen carnis manente: dummodo in fine vitæ inueniantur ad primum propositum rediisse: quia virginitas mentis reparari potest, sed non virginitas corporis, siue carnis. Si aliqua sit carne virgo, etiam si propositum non habuit perpetuo seruandi virginitatem, non est tamen dubium quin habitura sit speciale gaudium de incorruptione carnis, & superessentiale gaudium: sicut etiam innocentes de hoc gaudebunt, quod immunes a peccato fuerunt: quamvis peccati opportunitatem non habuerunt.

Nota quod aliqua potest corrumpi carne, nec tamen aureolam amittit: sicut illa, quæ violenter opprimitur. Vnde sancta Lucia dixit: Si inuitam me corumpas, merces mihi duplicabitur ad coronam, quod non est intelligendum de aureola duplicata, sed quia duplex præmium reportabit: unum pro integritate seruata: aliud pro iniuria, quam passa est.

*Mat. 13. b* Insuper sciendum est quod virginibus debetur fructus centesimus: & hoc quia celestem vitam ducunt, quæ significatur per centum: quia numerus ille de læua transit ad dexteram. Viduis debetur fructus sexagesimus, quia tales exercere se debent in operibus misericordiæ, quæ significantur per sexaginta. Coniugatis autem debetur fructus tricesimus, quia talibus sufficit implere decalogum in fide Trinitatis. Ex ductu enim ternarij in denarium fiunt triginta.

Aureola tertia est pugnantium seu prædicatorum, quia perfectissima victoria contra diabolum obtinetur, quando aliquis non solum diabolo impugnanti non cedit, sed etiam ipsum de regno eius expellit: & non solum a se, sed etiam ab alijs. Nec est dicendum, ut quidam voluerunt, quod hæc aureola debeatur tantummodo illis, quibus competit prædicare ex officio, & docere, sed quibuscumque exercentibus licite actum istum. Prælati autem non debetur hæc aureola, quamvis habeant officium prædicandi, nisi & actu prædicent: quia aureola non debetur habitui, sed actui pugnæ, secundum illud Apostoli: Non coronabitur, nisi qui legitime certauerit. Prædicare & docere, cum sint actus misericordiæ, inter spirituales eleemosynas computantur.

*Enumeratio celestium gaudiorum. Cap. XXXI.*

Vltimo celorum gaudia sub epilogo enumeremus, non quidem singula generum, sed genera singulorum. Tot enim sunt gaudia particularia, quæ quilibet habet in se vel in alijs, quot ea solius Dei notitia comprehendit, & illi quos summa sapientia voluerit ea scire. Tantum namque gaudebit quisque de bono alterius, quantum de bono proprio: quod tamen non est intelligendum de intensiōe gaudij, sed de numero gaudiorum. Tot igitur, & tanta sunt ibi gaudia, quot omnes Arithmetici huius mundi non

possent ea numerare, nec Geometrici mensurare, nec Grammatici, Dialectici, Rhetorici, aut Theologi explicare: quia nec oculus vidit, nec auris audiuit, nec in cor, &c. Gaudebunt sancti supra se de Dei visione, infra se de cæli & aliarum creaturarum corporali pulchritudine, intra se de corporis glorificatione: extra se de Angelorum & hominum associatione. Deus enim omnes sensus spirituales ineffabili delectatione reficiet, cum ipse sit obiectum omnium sensuum spiritualium futurus. Erit namque Deus speculum visui, cithara auditui, mel gustui, balsamum olfactui, flos tactui. Ibi erit candor lucis æstivalis,

amœnitas vernalis, abundantia autumnalis, requies hiemalis. Ibi, teste Augustino, fulget quod non capit locus, sonat quod non capit tempus, olet quod non spargit flatus, sapit quod non minuit edacitas, non erit quod diuellat satietas. Ibi, sicut ait Augustinus: Deus sine fine videbitur, sine fastidio amabitur, sine fatigatione laudabitur. Ibi videbitur stultitia, sapientia Salomonis. Ibi erit deformitas, pulchritudo Absalonis. Ibi erit tarditas, velocitas Asælis. Ibi iudicabitur infirmitas, fortitudo Samsonis. Ibi erit mortalitas, longa vita Mathusalem. Ibi erit paupertas regnum Augusti. Ibi, secundum Augustinum,

nihil obest, nihil deest, nihil affluit, nihil est extra, quod appetatur, nihil intra, quod fastidiatur. Ibi, secundum Bernardum: Deus erit rationi plenitudo lucis, voluntati multitudo pacis, memoria continuatio æternitatis. Item Augustinus de corporis & animæ misera vita: O caro, illam vitam amplecti debuisti, vbi vita sine morte, vbi iuuentus sine senectute, vbi lux sine tenebris, vbi gaudium sine tristitia, vbi pax sine discordia, vbi voluntas sine iniuria, vbi regnum sine mutatione. Bernardus: Merces sanctorum tam magna est, quod non potest mensurari: tam multa, quod non potest numerari: tam copiosa, quod non potest finire: tam pretiosa, quod non potest æstimari. Item Augustinus: Illud quod promittit Deus, fide non capitur, spe non attingitur, charitate non comprehenditur, desideria & vota transcendit, acquiri potest, æstimari non potest. Ibi, secundum Augustinum: Carmina non desunt, præmia non deficiunt: ibi nihil quod amabitur, deerit: ibi nihil desiderabitur, quod non adsit. Illa beatitudo, sicut ait Augustinus, in duobus consistit, scilicet, in necessaria præsentia omnis boni, & in necessaria absentia omnis mali. Item Augustinus: O vita vitalis, dulcis & amabilis, & semper memorabilis: vbi summa securitas, secunda tranquillitas, tranquilla iucunditas, iucunda felicitas, felix æternitas, vbi æterna beatitudo, vbi beata certitudo, vbi certa visio, & sine fine laudatio. Ibi affluentia diuitiarum, influentia deliciarum, & confluentia bonorum.

Denique de gaudijs celestibus, nota hos versus:

*Mens cognoscendo datur amando fruendo  
Est subtile, citum, clarum corpus, patiens nil.  
Corpora Sanctorum cæta, libera, fortia, sana,  
Pulchra, voluptatis plena, sed absque pari pena.  
Sensus, amicitia, concordia plena potestas.  
Pax, securus, decus, & gaudia sunt animabus  
Gaudia, pax, requies, libera, ac securus, iuuentus  
Non peccat sapiens, sanus, durus, redolens laus.  
Aureolam Martyr, Doctor, Virgoq. meretur.  
Fructus centenus, sexagenusq. tricenarius  
Virginibus, viduis, & coniugibus tribuetur.*

Ex omnibus prædictis collige, spectare quoddam gaudium solum ad animam, quoddam ad corpus, quoddam ad totum coniunctum, quæ cum felici fine quisque beatus secundum merita recipiet sine fine. Amen.

*Finis Compendij Theologica veritatis.*

ACTA

# ACTA CANONIZATIONIS S. BONAVENTURAE,

## Oratio

IN VITAM ET MERITA S. BONAVENTURAE,  
Per insignem iuris vtriusque Doctorem disertissimum,  
Octavianum de Martinis Sueffanum, sacri palatii Apo-  
stolici clarum Aduocatum Consistorialem.



**I**USTITIA suffragiorum, B.P. ad qua porrigenda desiderabar, haren-tem me concitauit, ad indicti mihi muneris provinciam remota cunctatione capeendam. Neque enim me alioquin fallebat, quam arduum quamve anceps munus obirem, postulare ex merito, secundum Ro. se. decretum referri ordinem siue catalogum caelestium, qui cum Christo regnant, Sanctorum. Idque in hoc tremendo auditorio, sub aspectu sacri Reuerendissimorum Patrum Senatus, ac sapientum pralatorum & viro- rum, quibus tua sanctitas caelesti superum dono, in sua maiestate sapientissime praesidet, ubi non ego modo qui in actione causarum forensium nostri saculi stilo versor, verum & alium quemlibet exercitatum, ac denique consummatum oratorem expauescere quidem posse credendum sit. Nam per immortalem Deum, quis tam sapiens, aut differtus quidquam adeo elimatum, aut studiosa lucubratione excogitatum hinc proferat, quo maiestatem loci dicendo vel mediocriter aqua- re possit? Quid porro tanto studio adinuendum, quod prauis- sum, ac tritum non fuerit apud tanta sapientia patres, ac te ante alios Sanctissime Princeps, qui cum ex multis iam an- nis diuinarum atque humanarum rerum, ac omnis denique Philosophia scientiam plenissime edidiceris, velut splendi- dissimum sidus in firmamento, in Dei Ecclesia ceteros illu- strasti? Qua quidem reuoluenti non leuem animo timorem incusasse poterant, atque ab hac actione, qua nulla illustrior, penitus dehortari, nisi iustitia meritorum, ut pramiseram, S. Bonaventura, pro quo intercedimus, animus crexisset, at- que confirmasset. Accedebat praeterea, quod princeps non pro- fanus pro religioso, aut indoctus pro litterato rogandus erat, sed tu profecto Pater beatissime, qui diuinis obsequiis in Bea- ti Francisci religione, ex matris utero calitus destinatus, in eadem omnipotenti Deo religiosus seruiuisti, ac deum ad eius principatum singularibus tuis meritis uectus, illam sa- pienter ac salubriter gubernasti, auxiliasti atque ampliasti, quiue cum diuinorum ministeriorum scientiam per traditio- nes patrum fueris natus: tum vero ex operibus eiusdem S. Bonaventura, qua diuino spirante lumine edidit, conditoris diligentiam certissime comparasti. Ita te namque par erat, qui conditoris vices gesturus in terris, in illius mandatis com- missum gregem oportere erudire, neque enim illius faulse quis vices gerit, quem non penitus nouit, neque illius porro mandata recte alios edocet, qua non prius luculenter edidi- cit. Quare cum pro diuina sapientia Patre, ordinis Mino- rum generali ministro Episcopo Cardinali Albanen. inter- cessurus essem, apud te beatissime Pater qui huiusmodi meritis clarus, eiusdemve officij gloriose persunctus eras, & proinde ad hoc opus tibi in hos usque dies diuinitus seruatum electus, nequaquam mihi verendum fuit, ne per insufficientiam tibi negligerer, qui etiam meritis fidelium pastor imbecillitati nostra clementissime compati didicisti. Iamque ego qui hor- rore quodam non sine titubatione occiperam, perspecto tamen quam benigno vultu, ac clementi nutu audientiam indul- geas, erectus in spem meliorem, fidentior prosequor, tui sacri affectus oraculo, meis auribus illud propheticum insonare uideatur: Dilata os tuum & ego implebo illud. Et rursus: Dabo tibi sermonem bene sonantem in os tuum, ut compla- ceas in ore principis, ac pium obsecro pari clementia uelis fa-

uere, dum diuino munimine adiutus, ac tuo benigno fauore firmatus proferam qua ad ipsius creditoris Bonaventura, ac huius sanctae sedis laudem perpetuam cedere possint. Exo- raturo a tua sanctitate, P. B. Diui Bonavent. canonizatione ingens mihi studium fuit, sacrarum litterarum codices dili- gentius euoluere, ad dignoscendum quamam rei de qua agi- mus conuenirent. Quibus quidem curiosius perspectis, quan- tum colligere potui, duo potissimum inspicienda, ac merito inquirenda fuisse intelligo, vitam, scilicet & miracula, qua si recitando monstrauerim, in hoc viro esse comperta, qualia ad canonizationem sufficiant, tua sanctitas, cuius arbitrio id subicitur, benigne dignabitur votis supplicantium respon- dere. Et quoniam vita, initium quod ex religione suscipio, miraculosum existit, nemo mihi vitio vertet, si vitam ante miracula relaturus, alterum cum altero recensendo permi- sceam. Nec rursus mirabitur, quod quemadmodum plerique, cuiuspiam memoriam commendaturi, non ego primordiis na- talium, ac pueritia Diui Bonaventura insitam, aut eo altius a parentum ipsius dignitate exordiar. Prohibent namque crebra & clariora viri facinora, ab illo in statu perfectionis agitata. Nec tamen omitram, quod Bonaventura natione Thuscus, patria Balneoreginus, Ioanne fidanza, & Risella si- delibus coniugibus ortus, baptismatis unda respersus, qua ex Ioanne medicina magistro, & Felice Antony, qui & ipse ab illis maioribus originem trahunt, atque alijs testibus Balneo- reginis probe comperta sunt. Ceterum praetermissa longiore serie praemissorum, vita inde exordium capiet, ubi relicto mor- talitatis statu, mundo moritur, ac omnipotenti Deo meritis beatissimi Francisci, victimam se perpetuam dedicauit. Glo- riosus Deus in sanctis suis, quos sibi ab aeterno praedestinauit electos, & secundum necessitatem temporis ad salutem hu- mani generis producit in lucem, cum beatum Bonaventuram uas electionis sibi delegisset, ac suis obsequiis in Religione Sancti Francisci destinasset, quo tamen illius conuersio, posset aliquando a Deo disponente profecta intelligi, & in illo sua maiestatis gloria reuelari, eundem in extrema valitudine periclitari permisit. Cuius saluti anxia sollicitudine timens charissima parens, ubi Physicorum, quos adhibuit, diligentia frustra experta est, & medelarum vires ad illum leuandum minus valere comperit, solius Dei opem quem sancta time- bat, & cui castos pueri mores, quos probe ut mater nouerat, intelligebat acceptos, humiliter in salutem pueri inuocauit, ac Sancti Francisci suffragia reuerenter implorans, illum si sanum recuperaret, ipsius religioni perpetuo deuotus. Exan- dita est pro diuina clementia, & sua reuerentia, & sanitate recuperata integer puer euasit, non sine admiratione Physico- rum praesertim, qui eum statum corporis probe in illo depre- henderant, ut humana ope agrum leuari posse penitus despe- rassent. Idem iam adolescens, ac porro aetate prouecta cum religioni maturum se, & illi ex parentis voto debitum intel- ligeret, memorque diuini mandati per Dauid Prophetam, hu- mano generi prolatis: Vouete & reddite Domino Deo vestro, anno sua aetatis circiter secundo & vigesimo, habitum Reli- gionis Sancti Francisci deuotissime suscepit, in qua profes- sionis emissionem beneficium illius his verbis aperre testatur est: Voto enim pro me languente grauissime ad S. Franciscum emisso a matre, cum adhuc essem puerulus, ab ipsis sum mor- tis fauctibus erutus, & in robur vita incolumis restitutus, quod cum uiua memoria teneam, vera nunc confessione pro- fiteor, ne tantum beneficium recitens, sceleris arguar ut in-

Psal. 75. b

Psal. 80. c

C c c c gratias.

# Oratio de vita & meritis

Luc. 24. d

Sap. 7. b

Horatius li.  
1. Oda 22.

gratus, orationemq. ad illum piissime is effundens, ait: Accipe igitur Pater beate quascumque exiles meritisq. tuis ac benedictis impares gratiarum actiones, & cum susceperis vota, culpas nostras sic orando excusa, ut à malis presentibus eruas, & ad bona sempiterna perducas. Igitur vir sanctus in eadem vocatione progrediens, cū omnis ipsius vita in Dei certa cognitione ac contemplatione versaretur, ad quam assequendam, per sacrarum scripturarum assiduam perfectionem, orationes ac contemplationes intendens, docente illum Alexandro de Ales, sacra pagina magistro, tantam doctrinarum perfectionem breui adeptus est, ut septimo sui ingressus anno, consensu magistrorum ordinis iudicio delectus, librum sententiarum in Parisensi universitate clarissime legerit, & cathedram magistralem receperit, admirabilis proinde cunctis, quod tam parvo spatio eam sufficientiam valuerit comparare. Sed admirentur sane, qui res humanas ex naturalis tantum cursu, non autem ex diuina sapientia metiuntur, quæ duos discipulos litterarum prorsus ignaros, Emmaus oppidū contendentes breui itineris spatio comitata, diuinorum scientiam plenissime docuit. Idem diuus dona sancti Spiritus pro suis assiduis meritis consecutus, magna indies doctrina accrementa recipiebat, quæ magis diuinitus inspirata, quàm humanitus acquisita videbantur. Cumq. per tres annos sequentes cathedram magistralem rexisset, anno sue ætatis secundo & trigésimo, inter primos Religionis & doctrinæ in ordine habebatur. Namq. illi tamquam infinitus thesaurus scientiæ erat, quo qui vñ sunt participes facti sunt amicitia Dei. Et quod notabilius & admirabilius erat in illo, quo magis scientiæ & auctoritatē emergerat, eo magis humilitate mentis deprimebatur. Nec ut pleriq. litterarum scientia inflati, vilia ministeria domestica fastidiebant, sed qui vix nec nisi per obedientiam, egre tamen, ab illorum executione coercerentur, reputantibus pralatis indignū, si à talibus non, ut egrotius, sequestraretur, in quo sancti Spiritus gratia habitare perspicue cernebatur. Nec tamen vir sanctus ulla charitatis officia ob litterarias actiones pratermittebat, sed in omnes fratres oculos intendens, si quem forte tristem, aut professionis poenitentem intelligeret, tanta dulcedine in sermone conueniebat, consolabatur, monebat, ac confirmabat, ut nullus ab eo discederet, quin libens cœptum Religionis iter prosegueretur. Infirmorum præterea cura, supra quàm credibile sit, delectabatur, quorū grauioribus, aut contagiosis morbis grauarentur, eo magis se totum illorum obsequio applicabat. Quibus officiis cum maiorem dei partem absumeret, non eo minor erat in publicis lectionibus & interpretationibus scripturarum, quæ tanta claritate audientibus intelligenda reddebat, ut ipse auctor illarum merito videri posset. In capitulis vero aut Prouinciæ libus, aut Generalibus, tanta sapientia ipsius responsa dabantur, ut iam Generalis minister perspecta magnitudine consiliorum illius, nil omnino graue exequendum putaret, in quo sancti viri iudicium non antea explorasset. Quibus donis & gratijs illustratus, cum iam in Religione esset omni merito clarus, defuncto generali ministro triodecimo ipsius ingressus anno ex tam multis sanctis viris, quibus Religio in sua nouitate florebat, vnus omnium (sine contradictione) exitiis subrogatus. Hic vir sanctus accingens se grauioribus actionibus, cum iam religiosi cœpissent à fundatoris disciplina paululum declinare, vbi monendo, instando, castigando, ac operosius laborando, ad meliorem vitæ frugem reduxisset; in capitulo generali, quod primum Narbona tenuit, regulam beati Francisci reformauit atque exposuit, ordinemq. in Prouinciis, & Custodiis taxauit, & duas addidit, vbi strenue decertans aduersus venenosos oppugnationes temeratorum, & obrectatorum, qui in religionem mendicantium, ac sanctum virum impudentius ora soluerant, atque artificiosis calumnijs velabantur, sola iustitia atque innocentia tutus, permansit inuictus, tamquam qui integer vitæ scelerisq. purus, non eget Manri iaculis, nec arcu, nec venenatis grauidæ sagittis Fusce pharetra. Expertus fructum sanctorum monitorum magni Basilij diuini interpretis Homerici carminis, vbi Vlysses pro meritis ad calum tollit, asserens poetam clara voce testatur. O homines sit vobis cura virtutis, quæ cum naufrago enatat, & eiecium in litoribus venerabiliorem ostendit. Vbi etiam libellum contra minores perniciosissimum a magistro Giraldo de Abbatis villa, (ut putant) per Apologiam editum, non minus eloquenter, quàm subtiliter confutauit. Qui etiam Giraldu non longe post iusto Dei damnatus iudicio, meritis sui sceleris poenas dedit, paralyticus ac miseranda lepra resperfus, quibus

arumnis vitam finivit. Congregato vero capitulo generali Pisis, eo auctore institutum est, ut gloria tibi Domine qui natus est de Virgine, vsque ad Epiphaniam continuaretur, eodem modo quo infra octauam Natiuitatis Dominica cantatur, & alia rubrica in breuiario reformata, & alia addita. Idem etiam piissimus cultor gloriosa Virginis matris Iesu instituit, ut fratres populum hortarentur ad salutandum eandem, signo campanæ quod post Completorium datur, quod creditum sit eandem ea hora ab Angelo salutatam. Tunc translatus fuit venerabile corpus beati Antonij ad prae grandem ecclesiam Paduanam, cuius lingua secundo & trigésimo sui obitus anno, recens & rubicunda reperta est, quam vir sanctus in manibus deuote recipiens, ac largioribus lacrymarum imbribus perfundens, talibus reuerenter affatus est: O lingua benedicta quæ Deum semper benedixisti, & alios benedicere docuisti, nunc perspicue cernitur quanti meriti fueris apud Deum. Cui oscula deuore figens, illam honeste collocari curauit. Cuius etiam fama per mortuos Pontifex tunc Clemens Quartus, ut illum in partem sollicitudinis traheret, opulenta Eboracen. Ecclesia prefecit, nec tamen assequi potuit, ut vir sanctus eam promotionem acceptaret, qui propositi constans in Religione maluit permanere, vbi diuitias & dignitates sibi procuraret in calis. Cuius constantiam Pontifex admiratus ad illum, Sta, inquit, in testamento tuo. & in illo colloquere, & in opere mandatorum tuorum veserasce. Nunc vero se offert numerosior cumulus diuinorum scriptorum ipsius, cum Parisijs legisset primum librum Genesis, nobile opus quod de septem visionibus Bonauentura intitulatur editum est. In libros Sententiarum celebria commentaria edidit secundum & quartum præsertim, quos etiam metricè extitit prosecutus. Et incipiunt. O fons splendoris, vas dulcoris & amoris. Quibus ob sublime ingenium auctoris ibi inpersum, sententia sententiarum Bonauentura titulus inditus est. Super Euangelijs compendiose & vtiliter scripsit. Luca præsertim cancellarij pia Matris Iesu, quam pectori impressam assidua meditatione semper extitit veneratus. Rursus contemplatione sancti Ludouici Regis Francia officium de Cruce deuotissimum edidit, quod ab Ecclesia nullo immutato receptum, in ea solemnitate ubique legitur. Composuit & solemne officium in honorem beati Francisci, & de ipsius vitæ historiâ feriose tractatu primum, & secundo reductorie annotauit. Composuit & libellum de sex alis Seraphim, in monte Aluerna duo nobilia opuscula edidit, piissimas contemplationes fragrantia, quorum alterum itinerarium mentis in Deum, & alterum in seipsum appellata sunt.

Composuit & libellum approbatorum Religionis mendicantium, quod defensorium appellant. Composuit & libellum de vitâ Christi, siue meditationum passionum ipsius, quem arborem Crucis nominant. Composuit & breuiologia. Item & sermones Dominicales, super Euangelijs & Epistolis per totum anni circulum. Item compendium veritatis sacra Scriptura. Item Libellum ordinationis siue institutionis nouitiorum. Item & libellum de stimulo amoris. Item & libellum quem appellant Pharetram, in auctoritatibus principalibus doctorum approbatorum, quem per Alphabetum extitit prosecutus. Et alia plura opuscula vsque ad tricennarium numerum, quæ in partibus Galliarum frequentius habentur in manibus. Et cum beati Francisci Religio, quam annis octo & decem sancto regimine gubernauit, ipsius monitis & exemplis, in solidiori sanctitatis statu firmata esset, & viri claritas ob vitæ sanctitatem, doctrinâ eminentiam, atque operum diuinitatem ubique elucesceret. Tum forte Romana Sedes plurimum laborabat difficultatibus, quæ in Concilio quod Lugdunū congregabatur, inextricabiles emerferant. Gregorius tunc Papa X. & reliquus sacer Senatus illecti studio viri, quem leuandis dictis difficultatibus, ac vniuersalis Ecclesia regimini intelligebant plurimum præstiturum, atque ob meritum alioquin subleuandum in Cardinalem, quamuis reluctantem, promouerunt, & quod rarū est, & ex ipso initio ob viri excellentiam Episcopum Albanen. constituerunt. Mox per tractandas arduas rebus Concilij, vnus omnium delectus est, deputatis qui illi assisterent Rothomagense, & Tripolitano claris Episcopis illius temporis, qui & ipsi de Religione Sancti Francisci ad episcopatum ob meritum vocati fuerant. In quo Concilio de multis illius sapientia sancte consultum atque decretum, & Græcorum composita hæresis, qui sum præsentē Palæologo eorum Imperatore, qui in hoc Lugdunum

# Sancti Bonaventuræ.

**Baruch. 4. g** dunum venerant, libere ad Romana Sedis obedientiam re-  
dierunt. Ad quorum reductionem missi fuerant frater Hie-  
ronymus de Esculo, & Frater Bona gratia Dalmata ordinis  
Memorum religiosi eximij meriti. Quibus cum litteris vener-  
fis latus idem Gregorius, fratres ac prelatos qui in Concilio  
aderant, in Lugdunen. Ecclesia convocavit, ubi vir sanctus  
præclaram habuit orationem, proposito themate quod legi-  
tur in Baruch: Exurge Hierusalem, & circumspice ad  
Orientem, & vide collectos filios tuos ab Oriente usque ad  
Occidentem. Successive in ea vocatione, pari sanctitate,  
& operum fructu perseverans, cum in Dei Ecclesia diutius  
laborasset, ita ut cum Apostolo iure dicere posset. Bonum  
certamen certavi, cursum consummavi, fidem servavi.  
**a.Tim. 4. b** Anno salutis 1274. & sua ætatis tertio & quinquagesi-  
mo, hora matutina diei Dominici, qua mensis Iulij erat ter-  
tia & decima, ex humanis sublatus est, & sanctis Patri-  
bus ut credere debemus, in æternum victurus redditus. Qua  
die ipsius venerabile corpus sepulchro reconditur in Ecclē-  
sia Sancti Francisci Lugdunen. cum multis lacrymis & con-  
sternatione fratrum lamentantium se tanti viri societate  
destitui, qui parem sibi in Dei Ecclesia relinquere non vide-  
batur Gregorio Pontifice permaxime eum reputante qui ibi-  
dem publice testatus est, Ecclesiam Dei illius morte ma-  
gnam incurrisse iacturam. In cuius exequijs primam Mis-  
sam celebravit Frater Petrus Tarantasiensis Episcopus, Cardi-  
nalis Hostien. & sermonem habuit, propositio themate: Doleo  
**a.Reg. 1. d** super te mi frater Ionatha. Vbi inter ceteras commemora-  
tiones gratiarum & donorum, qua illi Deus dedit, etiam  
fuit, quod quicumque eum videbat, statim ipsius amore  
capietur, eiusque monita libenter recipiebat, Grati præser-  
tim, quibus reducendis ipsius divina eloquia & consilia plu-  
rimum contulerunt. Benignus, affabilis, omnilus gratus, &  
nulli umquam scandalo, pius, prudens, humilis, pudicus,  
sobrius, castus atque quietus, quarum virtutum actiones &  
officia, semper strenue exiit executus. Quod & si nullo  
alio probante doceremur, satis ex diuinis suis scriptis liquido  
patet, quibus tam intenso affectu, singula præmissa profe-  
quitur, ut nisi per assumptum de illis habitum, adeo arden-  
ter illis insistere non valuisset. Tum vero, quod Alexandri  
de Ales præceptoris ipsius testimonio, mundus ab omni vitio  
probatum est, qui eius vita & moribus probe compertus de eo  
dicere solebat: Verus Israelita est iste, in quo Adam non  
precessit videtur. Cuius doctoris auctoritatem tanti apud  
Ecclesiam valuisse constat, ut de illius dictis, aut scriptis, ne-  
fas putaverint dubitare. Consummatumque omnes testati  
sunt, diuinum oraculum per beatum Franciscum de illo edi-  
tum, futurum eum magnum virum in Ecclesia Dei, Reli-  
gionemque suam, magna per illum sanctitatis accrementa  
recepturam. Tam intelligis Pater beatissime, quod & per te  
planius intelligebas, quis, qualisve fuerit Bonaventura, de  
quo agimus, cuius vita & exemplis beati Francisci Religio  
illustrata, & doctrina omnis terra repleta est. Nunc quod  
secundo loco aggredimur, pari patientia audire digneris, dum  
refero, qua memoranda omnipotens Deus in illo, & ipsius  
virtute in alios monstrare dignatus est. A te miran la exor-  
dior. Bonaventura adhuc in minoribus agens, demissa mentis  
humilitate potius, quam ex iniustitia, pluribus diebus absti-  
nuerat perceptione sacratissimi corporis Christi, veritus ne si  
illud indignus sumeret, indicium sibi manducaret & bibe-  
ret. Cumq; die quadam in Missa deuotus adfuer, Deus re-  
spiciens ad illius humilitatem, particulam consecrata Ho-  
stia, de manu celebrantis per Angebum acceptam, illius ori  
clementer immisit. Respexit enim ad humilitatem serui  
sui, propter quam beatus omnibus gentibus predicatur. Rur-  
sus cum intenso affectu studeret, contemplando & annotan-  
do vitam beati Francisci, gloriosus sanctus Thomas de Aquino,  
qui eadem tempestate meritis claruit, & Bonaventura  
magna charitate coniunctus fuit, accedens ad illius cubicu-  
lum, per foramen ostij illum in respexit in contemplatione  
raptum, & a terra mirifice subleuatum. Tunc retrocedens  
ad suos: Sinamus, inquit, sanctum, qui laborat pro san-  
cto. Simona Lugdunen. Beatum Bonaventuram viuientem  
summa deuotione prosequatur, qua sicut Domino placuit,  
morem peperit. Ad quam euocatus vir sanctus, expositus  
cadauere ante illius pedes, & mater qua in lecto coram  
ingemiscerat, & reliqua mulieres qua aderant, sancti viri  
opem in salutem mortui deprecata sunt. Tum vir sanctus  
commiseratus, manibus atque oculis erectis in calum, de-  
uotissime orauit: mox signo Crucis super puerum factis, vi-  
uentem reddidit matri. Iratum ac frequens apud Lugdu-

nen. Castrum villanum, ac totam Proninciam, quod mulie-  
res utero laborantes, innocatus exaudivit & de periculo exi-  
mit. Ioanna Lugdunen. octo dies continuos utero dissentia,  
atque assiduo enixu parturiendi cruciata, desperauerat de  
salute, monita a mulieribus, qua laboranti aderant, se sancti  
precibus & suffragijs commendauit, certum votum pro salu-  
te recuperanda faciens, & statim incolumis incolumem pe-  
perit. Petrus filius Io. Aiusse chapheliet, dextra tibia nota-  
biliter claudus, ita ut quattuor mensibus sine baculo, nec  
ambulare, nec in vestigijs consistere posset, precibus, voto &  
orationibus, in sepulchro ipsius factis, ibidem nouennam fa-  
cere cepit, & in fine sex dierum filius melius habere cepit,  
& infra nouem dies salutem omnimodam recuperauit. Ea-  
dem inuocatione, simili agitudine liberatus, filius Francisci  
Massodi notarij Lugdunen.

Nobilis miles dominus locorū de Vincellis & de Gromel-  
lis, pestilenti febre attritus & exinanitus erat, quem loquela,  
sensu & motu destitutum, extra salutis spem denunciauerat  
Marcus de Ferrarijs nobilis Physicus Papiensis, qui in il-  
lo omnia mortalitatis signa probe compererat. Ceterum Reli-  
giosus quispiam aderat, frater Matulinus biblicus conuentus  
S. Francisci Lugdunen. qui commemorare cepit, qua mira om-  
nipotens Deus per inuocationem dicti Sancti operaretur. Et  
propterea illius opem in salutem morientis pascendam per-  
suasit. Tum votum inuocatione per cognatos & dictum  
religiosum, & certo voto pro illius salute ad beatum Bona-  
uenturam factis, qui moriturus videbatur, statim sentire,  
moueri, loqui, & melius habere cepit. & breui salutem om-  
nimodam recuperauit. Simili inuocatione de grauissimis  
febris liberati sunt, frater Ioan. Benedicti, ordinis sancti  
Francisci sacra pagina magister. Ludouica uxor Petri Ro-  
uer. Gasparda filia nobilis viri Petri Carionis de Chambe-  
riaco. Filius Richardi Ridani. Soror Prinesa uxor Claudij  
Pinol Antonius Catalanus. Lanzelotus Mercorius. Stepha-  
nus Gennes chapheliet, famulus Ioannis Aiusse de quarta-  
na, & frater Philippus Laicetti. Francisca luem sue formi-  
cam in collo patiebatur, cuius ignis sensim in reliquam cor-  
poris partem se prorogabat, & renas puella carnes misero  
urebat atque vorabat: super quam dolens Gilbertus Alerij  
infelix pater, ad venerabile sepulchrum Bonaventura se con-  
tulit, illiusque opem, & suffragia in salutem filia deuotissime  
inuocauit, ac certum votum in hoc fecit. Mox domum reuer-  
sus, extincto igne, sanam & liberam miraculose inuenit. Ste-  
phaneta relicta Ioan. Michaelis casu trabis oculum percussa,  
graves dolores incurrit, & in periculum perdendi oculum de-  
ducta fuit. Commendauit se beato Bonaventura, atque ad  
illius sepulchrum virgunculam filiam cum cerea imagine  
oculorum misit. Qua reuerfa doloribus liberata est, & bre-  
ui integram oculorum sospitatem recuperauit. In qua &  
illud notabilius, quod cum Lugdunum peruenisset, reli-  
giosus quispiam predicator verbi Dei, indixissetque populo,  
quod quicumque sciret aliquid de miraculis beati Bona-  
uentura, quod sibi reuelare deberet, eadem Stephaneta qua  
in oculorum suorum salutem etiam inuocauerat auxilia  
Gloriosa Virginis Maria, perplexa cuius beneficio sospita-  
tem oculorum consecuta fuerat, aliquandiu detrectauit  
quicquam predicatori referre. Tum in grauiorem oculo-  
rum agitudinem incidit, mittensque etiam filiam denuo, ut  
antea fecerat ad idem sepulchrum, & facta oratione & vo-  
to, miraculose exiit liberata. Tum suum reatum agno-  
scens, ad eundem predcatorem accessit, & rerum serie om-  
nimodam reuelauit. Simili inuocatione de doloribus & peri-  
culo oculorum liberati fuerunt Dionysius de Foresta merca-  
tor. Claudia de spicaria. Claudius Poletti corduernis. Marga-  
rita uxor Ioan. petit textoris Ioan. Aiusse filius. Ioan. Aiusse  
chapheliet dira paralyti repente percussus, amissis sensi-  
bus, & media sui corporis inferiori parte hebes factus, cecidit.  
Cuius casum dolens pater, flexis genibus commendauit  
illum beato Bonaventura, & statim qui ceciderat, sentire,  
loqui, & melius habere cepit. Tunc imponentes eum lecti-  
ca, pater, mater, & Petrus alter filius, detulerunt eundem  
ad Sancti sepulchrum, quem ibidem sistentes, flexis geni-  
bus inuocauerunt beatum Bonaventuram, & factis certis  
orationibus ac voto, sanum & liberum reduxerunt domum.  
Eadem inuocatione de simili agitudine liberati Franciscus  
Dauegnier, alias Rauillon, Guillelmus de Bletena tex-  
tor, Catherina de Bauline, Ioanna relicta Petri Rolini, Mar-  
garita relicta Ioan. de Vaulx auriga. Illustris Dux Auro-  
lianen. à potenti magna Britannia siue Anglia Rege capti-  
uus destinebatur, ubi viderem quartanam passus, intestos ca-  
pit



# Oratio de vita & meritis

piris & remum dolores incurrit, destitutus omni auxilio, opem beati Bonaventura deuotissime inuocauit, in illius suffragiis deuotissime sperans. Et statim miraculose doloribus & agilitudinibus liberatus, in Gallias infra annum exiit restitutus. Mox Lugdunum petens uisitauit venerabile sancti sepulchrum, & oblationibus factis, gratias Deo & sancto pro acceptis beneficiis egit, & qua per illius inuocationem fuerat consecutus, religiosi dicti conuentus manifestauit. Laquæda, uxor Nicolai Colinecti Lugdunen. horrenda lepra respersa atque infecta, suis uirabilis iam diutius detractare non poterat, quia relicto lare, cognatis, & urbe miserabili confortio leprosorū se redderet. Qua cum semper nomen beati Bonaventura deuote coluisset, ad illius sepulchra procubuit, intensus precata ut miseretur sortis sue, deuote oblatione ac uoto factis, mundari atque a lepra liberari obtinuit. Michael de Chel. alias de Gennes in cuius latus dextrum, & uerbementi ictu validum calcem detorserat atque impigerat, ita ut duabus costis pene attritis, cum magno anhelitu impedito tres menses languidus iacuit, variisque fomentis, delinimentis ac cataplasmatibus frustra adhibitis, desperata salutem commendauit se Bonaventura, & certo uoto in illius honorem facto, de periculo exemptus & salutis exitus restitutus. Simili inuocatione liberatus etiam de dolore costarum Ioan. Michaelis de Cheual seruientis curia Lugdunen. & eadem Margarita Ioan. petit, qua de celsiori adium parte delapsa ceciderat. Ioannes Garbotti Regius secretarius, uxorem perpetuo languore tabidam siue hydropicam nullo medicorum iuuamine curare poterat, accessit ad venerabile sancti sepulchrum, salutem coniugis, immo communem illi reuerenter commendans, & facto certo uoto in honorem sancti, sanam & liberam, domum reuersus, exitus consecutus. Ioan. Dusolier Marecallus Lugdun. putri ac marcida tibia quatuor menses languidus iacuit, cumque cruciabiles dolores diutius perpeti non valeret, in sola tibia amputatione spem coniecerat. Nocte forte per quietem monitus, commendauit se beato Bonaventura, atque uxorem cum cerea imagine tibia ad illius sepulchrum deuotissime misit. Qua reuersa, doloribus penitus exemptus est, & salutem omnimodam breuiter recuperauit. Petrus Moyer ligneum molendinum habebat in flumine Rhodano, qui affluenti aquarum colluione elatus & auctus, molendinum ipsum valida aliquo catena retentum violenter rapuit & in se vorauit. Quo confecto idem Petrus qui semper coluerat beatum Bonavent. ad illius sepulchra confugit, ac procumbens reuerenter precatus est, ut a sui deuoto calamitosam iacturam auerteret. Mox egressus, inconcussum molendinum ad alteram Rodani ripam in littore eiecit, & miraculose restitutum conspexit & recuperauit. Stephaneta mater predicti Francisci Dauegnier, alias de Rouellon, de squilientia in extremis laborabat, qua allatum Dominicum corpus, nec agnoscere nec recipere potuit. Quod agerrime ferens Franc. filius, qui probe noscebat matrem, magna deuotione beatum Bonaventuram semper coluisse, ad illius venerabile sepulchrum confugit, deuotissime precatus, ne sustineret sui deuotam, sine salutis viatico vita decedere. Domum reuersus, fidelissime sperans in beato Bonaventura, corpus Dominicum iterum afferri curauit. Quod statim agnitus mater, reuerenter recepit. Venerabilis religiosus pater Benedictus de Lulino ordinis sancti Antonij Viennen. procurator domus sancti Antonij Lugdunen. consuales libros domus amiserat, quos multa adhibita diligentia, reperire non ualuit cum magno scandalo & detrimento domus, accessit ad venerabile sepulchrum beati Bonavent. & ibidem accensis candelis commendauit se eidem, & domum reuersus libros meruit inuenire. Pari inuocatione Richardus Ridani mercator amissa instrumenta probatoria, & alias res apotheca ualuit inuenire. Idem & frater Petrus fabri, res ad sui usum deputatas amissas Margarita Gruella, uxor Hugonis, Francisci Burgundi calzetrarij habitatores Lugdunen. intenso podagra dolore cruciabatur: qua cum probe nosset, medicamentum in hoc parum ualere, confugit ad inuocationem suffragiorum beati Bonaventura, uirgunculamq. filiam cum cerea pelis imagine, ad illius sepulchra reuerenter misit, & statim a podagra exitus libera, nec illa umquam de cetero grauata fuit. Eadem inuocatione liberata Catharina uxor Ioan. textoris de Hispania. Et filius Magistri Francisci Massedij notarij. Margarita uxor Benedicti Garrii, filium habuit in inguinibus ruptum, ac ulceribus misere putrescentem. Qui medica manu sectus, in deteriore statu ac certum mortis periculum deductus fuit.

Quod ingemiscens mater, qua specialius beatum Bonaventuram venerabatur, ad illius sepulchrum reuerenter confugit, ibidemque deuotissime precata est, ut sua orbisatis misereretur, nouennamque in illius honorem facere cepit, & octaua die sanum & liberum consequi meruit. Petrus Morget dolium uino plenum in cellarium inferens, illius oneri impar, pressus succubuit, & illo super eum incumbente quasi satus fuit, ac pene contritus, commendauit se beato Bonaventura, & salutem consequi meruit. Simili inuocatione liberata illius cognata, qua casu spatulam & brachium enormiter laeserat. Sunt præterea & alij innumeri, qui meritis eiusdem sancti de varijs doloribus, agilitudinibus ac periculis miraculose liberati meruit: quorum singulos si recensere pergam, presenti operi detrimento potius quam usui, aut fauori indubie futurus ero. Hoc tamen loco non committam ut silentio transeam, stupendum ac memorabile quiddam quod omnipotens Deus ad perhibendum certum testimonium sanctitatis uiri, in illius venerabili corpore pro sua clementia monstrare dignatus est. Dum idem venerabile corpus transferretur ad nouam ecclesiam, ad titulum sancti Francisci Lugdun. erectam, centesimo & sexagesimo sui obitus anno, reliqua corporis parte alioquin exesa, atque corrosa, caput tamen solidum, capillamentum harenis, labia, dentes & lingua, in nullo a vitali statu, aut colore demutata, reperiuntur. Erat profecto diuina clementia illud os a putrefactione seruare, quod ad salutem fidelium, atque in diuinis laudibus semper extitit operosum, nec dare sanctum suum uidere corruptionem. Extant præterea crebra & memoranda beneficia, qua frequenter conciuēs Balneoregini & Vrbeuetani per inuocationem eiusdem sancti meruerunt obtinere, de quibus iam multis; vel unum aut porro duo recensere non piget. Laodomia Vrbeuetana filiarum sarcina onerauerat domum ac proinde Francisko Marthai Nebie uiro quodammodo inuisa, qui rei familiaris angustia impar sarcina, matrimonio omnino abstinebat, de quo non nisi feminas comperebat proficisci. Eos coniuges consolatus venerabilis religiosus minorum magister Franciscus de Aqua pendente, qui illis admodum cultus erat, affirmavit se habere documenta ex institutis sancti Bonaventura, quasi moniti susciperent, masculinam prolem consequerentur. Auscultantibus, Vna mæcum (inquit) uotiuas effundite preces ad gloriosum Bonaventuram, & pie speretis assequi quod optatis. Qui parentes monitis, pauculis diebus gignenda proli operam indulerunt, & uxor grauida facta est, & statuto mense masculum peperit, cui nomen ex instituto eiusdem religiosi Bonaventura imposuerunt, laudantes Deum & sanctum, in cuius uirtute mirabilia secum operatus est. Triennio post dum ea ciuitas Epidimia morbo, atque internecio grauiter affligeretur, domus omnis coniugum eo ueneno respersa est, & filiabus omnibus extinctis, Bonaventura extra spem salutis constitutus, credebatur pari mortalitate iam sorores secuturus. Qui etiam immundorum spirituum praesentanea instantia vexatus, nulla domus parte illorum persecutionem effugere poterat, clamitans infelix succurrere gladio & fuisse, hos spiritus maligniores fugate. Parentibus praetialium afflictione & maestitia consternatis, atque omni prorsus remedio destitutis subiit sancti recordatio, cuius munere filium fuerant consecuti, mox in spem adducti, illum hac prece precati sunt: Sancte gloriosissime qui benignus nobis hunc filium procurasti, eadem benignitate praestes, ut fatigatis malignis spiritibus, a peste saluum retineamus. Et prece facta, spiritus extorres exclusi, febris cessauit, & breui puer omnino ab agilitudine saluus surrexit, cum magna parentum, & omnium ciuium laetitia, gaudentium quod ad superandas morborum & spirituum malignitates, defensoris tam validi praesidio cognoscerent se munus. Possent forte ineptus uideri, si studeas cepto prosequar diem absumere, recensendo miracula, quorum relationi nec diem nec certe dies sufficere satis scio. Sed quid ulterius exquirimus miracula, quasi uero Basilium magnum, Hieronymum & Augustinum nostra fidei lucida sidera: Thomam Aquinatem & alios quam plures, quos in Dei Ecclesia sanctos colimus ob miracula, non autem ex diuinitate doctrina miremur & ueneremur. Quos tamen sanctitatis testimonium non ex alio certius consecutus probe intelligimus, quam ex eorum commentarijs, qua ut diuinitatis plena non nisi per infusam scientiam poterant edidisse, ex quibus spiritum sanctum in eis habitasse uerius comprobatur. At si porro miracula exigimus, non tam qua per illum in alios, quam qua in corpore apparuerint consideremus.

# Sanctis Bonauenturæ.

deremus. Si igitur beatum Bonauenturam in suis operibus miraculosum iam constat, si infusam dono sancti Spiritus obrinnisse scientiam diuina illius commentaria proficuntur. Si charitatis officia ardentius executum, Mundanos honores contempsisse, Affectus terrenorum abiectisse. In persecutionibus constantem mansisse. In Beati Francisci, ac vniuersali religione fructuosum extitisse. Si superna vocatione, ut Paulum in sortem Domini miraculose conuersum. Si diuino beati Francisci prasagio sanctum predicatum. Si Alexandri de Ales doctoris irrefragabilis ipsius praeceptoris sedula obseruatione, sanctum compertum ac iudicatum. Si religiosorum minorum voto qui sanctitate pollebant, ut sanctior summus praelatus assumptus. Si Romana sedis iudicio ut clarus meritis ad vniuersalis Ecclesiae regimen profuturus ascitus. Si denique communi omnium opinione fidei, sanctus tenetur, & nominatur, & colitur. Si benignus succurrit quotidie inuocantibus se. Poterat sanctitas tua (etiam nullo petente) sancto quod unum deerat publicos honores decernere, quanto magis id debes celsorum principum votis. Accedunt pientissima preces serenissimorum, ac clarissimorum, Federici Romanorum Regis semper Augusti, Ludonici Francorum Christianissimi, Ferdinandi Siciliae, & etiam Matthia Hungaria Regum Catholicorum, qui cum de republica Christiana bene mereri consueverint, digni certe videri debent, qui a sanctitate tua tam sanctam rem impetrent. Rogant praeerea illustres ducēs, ac populi, ac loco maximi muneris hoc petunt Calabria, Venetiarum, Mediolani, Sabaudia, & Ducissa Calabria, & Borbonij, Florentini, Senens. Perusini, Lugdunen. & ciuitatis Balearum, qua licet humilis, sic tamen clarissima & Deo gratissima videri debet, cui contigit tantum fidus producere. Rogat praeerea istius ordinis reuerendissimorum

patrum Ioan. de Aragonia eiusdem Serenissimi Regis Ferdinandi Illustris proles, quae sanctos qui in eo ordine claruerunt, religiosus veneratur & colit. Exigit denique suo iure beati Francisci sancta religio, cuius alumnus vel iusta petenti deesse non potes. Exigit & ipse sanctus ex promissione omnipotentis Dei nomine facta, strenue militantibus, quod illorum laudes cantes Ecclesia. Cui oblationi ipsius Vicarius Eccl. 44. c. satisfaciatur necesse est. Tam multis igitur vinculis obligatus nullus iudex quamlibet fauorabilis, nisi solertem soluere possit. Magnus ab infernis reuocetur Tullius umbris, & se defendat. Seruus usque licet, non potes absolui. Comperta praeerea qua dixi singulari studio, quod praeoscendis vira miraculis sanctis, exactissimum indulerunt reuerendissimi patres Iulianus de Rouere sancti Petri ad vincula ordinis eiusdem meritis Protector. Stephanus Mediolan. & Franciscus de Gonzaga Mantuanus, sanctitatis in hoc Commissarij, Mediolanen. praesertim quem contra aduersam valitudinem, acri instantia colluctantem a sancto proposito, nec propria salus ratio valuit retardare. Qui etiam Reuerendissimi patres illece studio comperta sanctitatis viri, id instantissimo poscunt. Quid igitur tua sanctitas ulterius differt, quid cunctatur, quid alterius gloria id prorogat. Multa certe extant celebra tua gesta, quae te ac tuos illustrant atque perpetuo illustrabunt, nil tamen sic aequae Romano Pontifici gloriosum meo capto contingere posse crediderim, quam ut sancto promeritis publicam celebritatem decernat. Quam & tu pater beatissime, qui omni iure necessitudinis beato Bonauentura coniunctus es, auctoritate omnipotentis Dei, quem semideus mortalibus in terris refert, supplicantiis concedere, pro tua clementia benigno digneris.

## RELATIO R. P. IOANNIS FRANCISCI DE PAVINIS,

Inter diuinos, & humanos Iurisconsultos minimi.



**B**EATISSIME PATER. Circa canonizationem beati Bonauen. de balneo regio ex patre nomine Ioanne, cognomine Fidanfa, ex matre vero nomine Ritella, prouincia Tuscia, Doctoris Seraphici & irrefragabilis &c. Olim generalis ordinis minorum septimus post sanctum Franciscum, ac demum Cardinalis Episcopus Albanen. Dico praecipue consideranda esse, & attendenda quae dicturus sum, circa 20. puncta siue fundamenta, quae infra per ordinem subiiciam. Praemisso quodam vili valde ac necessario praeludio. Ex quibus concludendum videtur, per vestram beatitudinem illum posse canonizari. Salua tamen semper. E. V. B. emendatione. Non attento quod os loquentium iniqua loquatur, dum tamen non recedamus a tramite veritatis. De illius auctoritate securi, qui cum audisset a discipulis: Scis, quia Pharisei audito hoc verbo scandalizati sunt, respondit. Sinite illos, qui caci sunt, & duces cecorum, ut dicit Inno. 3. in c. magna de voto, & in c. nisi cum pridem, de renunc. & 11. q. 3. inter verba c. senti. & c. non sunt. Et Xenophon Socraticus ait. Conscientia teste didici maledicta contemnere. Et Diogenes. Superat conscientia, quicquid male confinxerint lingua. Et Ouidius fautorum lib. 4. Conscia mens recti, fama mendacia ridet. De quo per Hieron. ad Eustochium de virginitate seruanda. Et Paulus. Mihi autem pro minimo est, ut a vobis iudicer &c. Nam labijs iniquis, & lingua dolosa apponentur sagitta potentis acuta, cum carbonibus desolatorijs, iuxta prophetam.

Articuli prima partis hic subsequuntur.

**P**Rimo. Religio ordinis mendicantium sancti Francisci in primis eius exordijs, illius praecipuo fere, iuncta ordini Episcopali.

Secundo. Doctrina sacrarum litterarum cum multitudine librorum.

Tertio. Contemptus dignitatum mundanarum & Ecclesiasticarum.

Quarto. Superexcellentes virtutes & merita eius insignia.

Quinto. Regimen economicum, atque politicum sanctum eius.

Sexto. Patientia in persecutionibus, propter zelum Dei.

Septimo. Labores multi, mores casti, & actus strenui, & cet.

Octauo. Multa gloria quam fecit Deus cum eo, &c.

Nono. Sufficientia in operibus charitatis & innocentia.

Decimo. Fama celebris beatitudinis eius & mors pretiosa.

Articuli secunda partis.

**P**Rimo. Necessitas miraculorum sufficientium.

Secundo. Frequentia aduersitatis, & continuatio eorumdem.

Tertio. Miracula tam in morte, quam in vita.

Quarto. Modus probandi miracula arbitrarius.

Quinto. An debeant fieri in instanti.

Sexto. An debeant fieri sine dolore, & de his, quae non sunt de ratione miraculi.

Septimo. De omnibus in canonizatione requisitis, tam circa processum quam caerimonias.

Octauo. De fide chronicorum ordinis minorum.

Nono. Quid si canonizetur non canonizandus per errorem.

Decimo. An audiri debeant se opposcentes canonizationi.

Cccc 3 Pra-

Matt. 15. b

Psalm. 119. a

# Canonizatio S. Bonaventuræ.

Quid sit ca-  
nonizare  
sanctum.



**R**amisso, quod canonizare sanctos est cano-  
nice & regulariter publice, & solemniter  
declarare, diffinire, & pronuntiare, & sta-  
tuere, quod aliquis ab omnibus honoretur  
ut sanctus, & pro eo tanquam pro sancto cer-  
ta die fiat ubique solemne officium, sicut fit  
pro alijs sanctis, qui sunt eiusdem condicio-  
nis, ut si canonizetur confessor, fiat pro eo officium confesso-  
rum; & si martyr, fiat pro eo officium martyrum, & sic de  
virginibus &c. & eum tanquam sanctum in catalogo san-  
ctorum adscribere, secundum Innoc. & Ioan. And. & alios in  
c. 1. de rel. & vene. sanctorum. An autem possit quis cano-  
nizari ad ordinem Apostolorum, sicut martyr, confessor,  
aut virginum? Concludit Aug. de Anco. quod non, in lib. de  
Eccl. pote. ar. 4. Et hinc inferitur, quod cui non potest appro-  
priari officium commune sanctorum aliquorum, ille non debet  
canonizari, sicut & cui non potest competere diffinitio, non  
debet posse competere & diffinitum. l. Mortis causa capitur,  
ff. de dona. cau. mor. & l. Quintus, s. cum aurum, ff. de au. &  
arg. leg. l. Labeo, s. idem Tubero, ff. de iupel. lega. & Insti. de  
dona. s. est & aliud, de praben. cum secundum. 13. q. 1. Cleri-  
cus, cum si. Per hanc ergo canonizationem consequitur ca-  
nonizatus, quod Ecclesia ubique solemniter dicere & canta-  
re publice potest officium pro eo & Missam solemniter cele-  
brare sicut pro sancto, & illum invocare in letanijs, & dulcia  
venerari de consecr. dist. 4. Venerabiles, quia iniuriam facit  
martyri qui orat pro martyre, ut eius intercessionibus conse-  
quatur evadens veniam peccatorum, & ut pijs eius meri-  
tis iuvenmur omne per aum, prout ex orationibus Missalis, Sa-  
cramentarij & Breuarij patet. Orationibus namque eorum  
indigemur nos, quos undique malis nostra perturbant. Et ut  
etiam illis proxi oblatio ad gloriam & honorem, & ad hoc  
ut magis ac magis a fidelibus glorificentur in terris. Et re-  
putant plerique non indignum sanctorum gloriam usque ad  
iudicium augmentari. Et ideo Ecclesia interim sane potest  
augmentum glorificationis eorum optare cap. cum Martha,  
S. Tertio loco, de celeb. missarum ut patet in oratione S. Leonis  
Papa, & in vigilia Apostolorum Petri & Pauli, & in secreta  
beati Gregorij, & in offerenda ibi; ut illis proficiat ad honorẽ.  
38. dist. qua ipsi. Unde Prosper, Semper superest sanctis quo  
crescere possunt, nota. 15. dist. omnes, quoad pramij acciden-  
talis augmentum secundum Aug. ut legitur in 4. sent. 45.  
dist. c. 2. in fi. & fertur eum hoc dixisse in sermone unius A-  
postoli. 17. homil. Quod nota, pro generali allegatione, de quo  
in c. vestra, de eohabit. cleri. & mulier. Et sic in numero san-  
ctorum publice annumerare eum, secundum illud Eccli. Sa-  
pientiam sanctorum narrent populi, & laudem eorum annun-  
ciet Ecclesia sanctorum. not. Ioan. And. in capitulo primo  
de reliquijs & venera. sanctorum, libro sexto, & Innoc. in di-  
cto cap. primo, de reliquijs & venera. sanctorum. Item con-  
sequitur quod in eius honorem, & sub eius nomine, & cum  
eius reliquijs, possunt ecclesia & altaria erigi, adificari, &  
consecrari, c. de fabrica, & c. placuit, de consecrat. dist. 1. & pingi  
& sculpi cum diademate, c. prolatum, cum seq. de consecrat.  
dist. 3. nec tamen de cetero pro eo est orandum. Describendus  
est ergo etiam canonizatus in catalogo sanctorum, qui est  
sermo nomina aliquorum continens ordinate, a cata quod est  
iuxta & logos quod est sermo secundum Hugo. 19. q. 4. quo-  
niam conscribendos, & Host. in summa, de reli. & vener. san-  
ctorum, in ver. est autem catalogus. Facit 11. dist. c. quis ne-  
sciat. Secrete vero cuilibet licet, alicui defuncto quem san-  
ctum credit, preces porrigere, ut pro ipso ad Deum intercedat.  
& eius reliquias venerari, quamvis solemnes preces publice  
porrigere, vel Missam aut solemne officium publice dicere ne-  
queat secundum Innoc. Host. & alios in d. c. 1. de reliquijs &  
venera. sanctorum, & not. in cap. 1. eodem tit. libro 6. quia,  
fidem eius attendit Deus &c. Et idem concludit Aug. de An-  
cona in eodem libro 6. de Ecclesiast. potestate quaest. 14. art. 5.  
tam per dictum c. 1. de reliquijs & venera. sanctorum, quod  
expresse prohibet episcopis aliquem ut sanctum venerari pu-  
blice absque auctoritate sedis Apostolica, ergo multo fortius  
debet censeri prohibitum inferioribus. Item quia Missa cele-  
bratio & communis oratio fit in persona totius Ecclesia uni-  
versaliter, in memoriam ergo illius debet talis solemnitas ce-  
lebrari, quando quis ab illo qui est caput totius Ecclesia etiã  
immediate ordinarius cunctorum. cap. cuncta. 9. quaestio. 3. &  
cap. per principalem, canonizatus & in sanctitate approba-  
tus, & qui solus debet posse & nullus alius hanc veneratio-  
nem indicere, cum talis sanctus debeat ab omnibus venerari.  
Sed maior ratio est periculum erroris incurrendi, quia Episco-

Eccli. 44. c

pus in hoc posset facilius errare quam Papa, ut infra pate-  
bit in penult. quaest. 2. part. 2. qua ratio fundatur etiam in di-  
cto cap. 1. Item ne contingat aliquem canonizari turpis lu-  
cri gratia, vel humana laudis pompa seu iactantia, qua ratio  
sumitur ex ca. 2. eodem tit. Item & propter dubium incur-  
sus idololatria, ut probatur in clementi. 1. de Iudais. De quo  
plene per sanctum 1 ho. super 4. sent. dist. 49. art. 4. q. 1. Item  
propter gaudium Angelorum, ideo cantat Ecclesia. Gaudea-  
mus omnes &c. de quorum solemnitate gaudent Angeli &  
collaudant filium Dei. Item propter plures alias rationes,  
quas statim subdam, maxime quia generale est, ut ubi peri-  
culum anima vertitur, presumatur in deteriotem partem c.  
Iuvenis, de sponsa. 68. dist. presbyteri, & not. in c. 1. de scriu. &  
quod ubi maius est periculum, ibi cautius est agendum cap.  
ubi maius, de elect. lib. 6. dist. 42. quiescamus. 7. quaest. 2. c. si.  
l. 1. s. 1. ff. ad Carbonian. Ex his inferitur quod solus Papa de  
fratrum tamen consilio &c. vel in generali Concilio potest  
non solum certos ex sanctis pra alijs extollere, ut ubique so-  
lemniter venerantur, puta ut sub duplici officio per univer-  
sum orbem eorum solemnitas celebretur, ut patet in cap. 1.  
de reli. & venera. sanctorum lib. 6. Et in solemnitate sacra-  
menti corporis Christi de qua in clement. Si Dominum, eod.  
tit. & in festo inuentionis sancta Crucis, de consecr. dist. 3. c.  
crucis. Et generaliter in eorum vigilia ieiunium indicere  
cap. consilium, de obseruan. ieiuniorum. Sed etiam consimi-  
liter prout infra dicitur, potest & debet canonizare quosli-  
bet alios sanctos ad effectus, de quibus supra. Quinimodo nec  
inuentas reliquias de nouo quisquam debet publice venerari  
absque Papa licentia, nec possunt passim ostendi, nec trans-  
ferri. Sed si antiqua reliquia de nouo inuenirentur liceret  
eas venerari, alias non, nisi scilicet prius auctoritate Romani  
Pontificis fuerint approbata: ne varijs similitur figmentis,  
aut falsis documentis populi decipiantur, sicut in plerisque  
locis occasione quaestus fieri consuevit: sicut interdum faciunt  
quaestuarij, qui costam pecoris, vel asini ostendunt loco san-  
cti. Alij ponunt oleum in oculo marcola sua, ut videatur la-  
crymari secundum Hostien. & Ioan. And. Et ne Christiana  
religioni postea in posterum detraheretur, sicut sapius detra-  
ctum est, quia nimia familiaritas parit contemptum capis.  
& si Iudeos, & Iudais. Sumunt enim ex hoc materiam de-  
trahendi, & blasphemandi, & videntes ossa nuda, dicunt tru-  
sam esse, quasi consumptus non esset si sanctus esset, cum ta-  
men sit scriptum de omnibus: Cinis es & in cinerem reuer-  
teris. Licet excipiantur aliqui, sicut Christus & gloriosa do-  
mina & beatus Ioannes Euangelista, & alij quidam hoc spe-  
ciali privilegio decorati. De quibus Psal. Non dabis san-  
ctum tuum videre corruptionem d. c. fi. de reli. & vene. san-  
ctorum. Et ne contingat homines in ebrietate occisos quasi  
sanctos more infidelium venerari & coliz etiam si per eum  
miracula fierent, cap. 1. eod. tit. secundum Host. & Ioan.  
And. ibi. qui tamen dicunt hoc male seruari propter avari-  
tiam & insolentiam clericorum, quod esset corrigendũ. Quom-  
odumque ipse reprobat reprobandus est, & quem approbat ap-  
probatus est. a. 4. q. 1. hac est fides, &c. quoniam vetus. 7.  
q. 2. cap. sane proferitur. Et propterea etiam nec martyres nec  
reliquia vendi possunt. l. nemo martyres, cap. de sacrosan. Eccl.  
& not. in dicto c. fin. Nec venalitatibus causa extra capam  
trahi, ut plures oblationes recipiantur. Hoc enim facientes  
dici possunt venales sicut mulier fatua, aduocatus ignarus,  
& pugil, qui pro nummis passim se offerunt, ex hoc enim vili-  
penduntur, cum omne rarum charum. 93. dist. legimus. 27. q.  
2. institutum. Item quia per id notabiliter redarguitur per  
laicos auaritia clericorum cap. 1. de deci. secundum Hostien.  
Solut etiam Papa potest statuere, quod tempore interdicti pos-  
sint diuina solemniter celebrari in certis praecipuis solemnita-  
tibus, ut patet in cap. alma mater. S. in festiuitatibus, de  
senten. excom. lib. 6. Item sine licentia principis transferre  
non possunt etiam laici patroni secundum Archid. dicto cap.  
corpora. Et debent illis loca condigna preparari cap. si. de cult.  
auch. Nec etiam corpora sanctorum de loco ad locum trans-  
ferri sine Papa licentia, vel Concilij generalis, ut patet de  
consecr. dist. 1. d. cap. corpora. & not. Hostien. in sum. de reli. &  
vene. sanctorum. Possunt tamen reliquia sanctorum & di-  
uina verba ex deuotione ad collum ligata portari, nisi sit su-  
perstitio, secundum Thom. 2. 2. q. 96. ad 4. & super 1. ad Co-  
rinth. 10. fin. & per Archid. 26. q. 7. cap. non obseruetis. Licet  
aliter loquatur Henricus de Gandauo quolibeto. 8. quaest.  
35. vide in Specu. de reliquijs & venera. sanctorum, & in l.  
nemo, de sacrosanct. Eccl. & per Goffred. & Hostien. in sum.  
eod. tit. Adducuntur & plures alia efficaces rationes, vide-  
licet

Ad Papam  
spectat cano-  
nizatio san-  
ctorum.

Gen. 3. d

Psal. 15. c

# Canonizatio S. Bonaventuræ.

licet quia hæc est una de maioribus causis, qua inter Christianos proponi possit. Et sic est ad sedem Apostolicam merito referenda c. maioris, de bapti. Et adeo maxima est, quod licet alius Papa vel saltem cum solo cætu Cardinalium omnia possit statuere & diffinire, ut not. in capitul. ad Apostolica, de re iudica. & plene per Doct. in cap. super eo. de heret. lib. 6. Hoc tamen casu Papa non potest saltem de congruo libere diffinire, etiam cum cætu Cardinalium, nisi etiam adiunctis alijs prælatis curia quod quis canonizetur, secundum Hosti. Ioan. And. & alios in dicto cap. 1. de reliquijs & venera. sanctorum. Et Aug. de Ancona, in dicto lib. de Ecclesiast. potestate. questio. 14. artic. 3. Item quia miracula attribuantur fidei. & questio fidei præcipue est ad sed. Apostolicam referenda. 24. questio. 1. quoties. Subest enim periculum idololatris element. 1. de iuda. Item quia ad Papam præcipua spectat declarare dubia scripturarum cap. per venerabilem, qui si sint legi. ergo multo fortius dubia sanctitatis in quibus maius periculum vertitur, & in quibus cautius est agendum 42. dist. quiescamus. 41. dist. miramur. 7. questio. 2. c. ultim. l. prima. 5. sed & si quis. ff. ad Carbon. cap. ubi periculum, de ele. lib. 6. Est enim periculosum de sanctorum meritis disputare, secundum Hieron. ad Damas. facit cap. non turbatur. 24. quest. 1. quia soli Petro dicitur, Duc in altum, hoc est, in profundum disputationum & c. & cap. cum aliud. ea. causa. & q. quia solum Petro piscatori Dominus iubet. Mitte hamum & eum piscem & c. facit etiam ea. loquitur. ea. causa. & quest. cum multis alijs. Item ne propter multorum episcoporum simplicitatem populos decipi contingat & c. aut in infinitum sanctos multiplicari, & sic devotionem refrigerare, & sanctitatem vilescere, 80. dist. episcopi, quia in multitudine sacrificiorum non propitiatur Deus, 14. questio. 5. scriptum, de consecrat. dist. 5. non mediocriter, & ar. in aut. ut determinatus sit numerus clericorum, in princip. colla. 5. & not. de anat. & quali. cap. penult. & de rescrip. capitul. cum in multis, lib. 6. De sanctis vero iam canonizatis debent intelligi. c. 1. de consecrat. dist. 3. & cap. fina. de fer. ut in illis not. & in d. c. 1. de reli. & venera. sancti lib. 6. Et ad hac non debet legatus de latere sine speciali mandato Papa & collegij extendere manus suas, sicut nec ad alia qua in signum privilegiij singularis sunt tantummodo summo Pontifici reservata 3. cap. quod translationem, de offic. lega. c. mutationes & c. et temporis, & cap. præcipimus, & cap. frater noster & s. sicut. 7. quest. 1. & de sum. Trinit. cap. 2. in fi. & de heret. cap. cum Christus, & de voto. cap. ex multa, & de iudic. cap. at si clivici. de si prest. cap. 1. & de tempor. ordin. ca. de eo. & Cle. quia contingit, de reli. do. & plene no. in cap. sicut unire, de excess. pralat. cum fi. Ad solum ergo Papam qui est omnium universalis princeps, ut in cap. cuncta per mundum, & cap. per principalem. 9. quest. 3. spectat diffinire cum consilio aliorum prælatorum curia, ut quis ut sanctus & canonizatus ubique solemniter veneretur, secundum omnes tam canonistas quam Theologos per prædicta. Et ne aliàs contingat posse dici, ego sum Pauli & ego sum Cepha & c. contra Apostolum. Ad Papam etiam solum spectat tolerare, quod etiam in sola certa ecclesia certi loci solemniter venerari possit aliquis beatus, ut refert Host. & Io. And. de Carolo Imperatore in Aquisgran. no. diac. Leodi. in cap. 1. de reli. & vener. sancti. & in alijs pluribus locis, de quo Carolo & pulchris miraculis eius habetur in speculo historiæ libro 25. cap. 5. Sic etiam fecit Calixtus III. de beato Alberto de Trapano ordinis Carmelitarum, ut patet per litteras testimoniales R. D. Rotomagen. Cardinalis, & ipsius ordinis Protectoris de anno 1457. 15. Octobris, anno ipsius tertio. Sic etiam fecit Sixtus IV. de beatis Gerardo, Petro, Ottone, Accursio, & Adiuto, martyrizatis in Marochio de Ordine fratrum Minorum, prout patet per eius litteras in forma brevis de anno 1481. 7. Aug. anno ipsius 10. Dicit Bald. in cap. fina. de ferijs, quod non valet statum dispo. quod diebus Veneris sint feria ob reverentiam cuiusdam Eremita non canonizati ab Ecclesia, cuius contrarium servatur Padua in processione beati Antonij peregrini. Dicitur etiam in cap. 1. ut lite pendens. quod surreptitia impetratio non tenet, etiam si sanctus sit ille qui impetrat, sicut erat ibi sanctus Thom. Cantuarien. unde propter meritum vite non est recedendum a iuris dispositione, quia neque propter honestatem vite, aut probatam fidem, releatur quis ab onere satisfaciendi secundum eum in rubrica, de eo qui mit. in poss. licet in contrarium faciat gloss. ff. de ripa munienda leg. 1. 5. his autem, qua vult, quod virtus animi habeatur pro satisfactio. ne, quam sequitur idem Bald. in cap. decernimus, de iudi. Item in eo non est timor subornationis testium, salvo tamen

hæc causa, prout ipse Bald. dicit in cap. iuravit, de proba. faciunt not. in l. Titio fundus. ff. de cond. & demonst. facit quod not. Innoc. in cap. veniens, de prescrip. de illo Rege sancto, & c. Postquam autem Papa approbat reliquias, vel canonizat sanctum, licet ab omnibus publice venerari possit, veneratione dulcia in honorem Dei. Nam & servorum honor redundat ad dominum, ut dicit Hieron. contra vigilantium. 1. & Ioan. Andr. in dicto cap. 2. de reli. & vener. sancti. & probatur in cap. gloriosus, eod. ritu. libro 6. & in cle. si Dominum, & c. Quid autem de sanctis veteris testamenti? Notat Belleme. in c. 1. de reli. & vener. sancti. & Aug. de Anco. in libro de Ecclesiast. potestate. questio. 17. artic. 2. & quicquid illi concludant, videtur probari contrarium ex publica veneratione, scilicet sanctorum septem fratrum Machabæorum cum matre, de quibus habetur 2. Machab. 7. & quorum festum celebratur Kalen. Aug. Et ut dicit Iaco. de voragine in eorum legenda. Ecclesia Orientalis celebrat festum omnium sanctorum veteris testamenti. Ecclesia autem Occidentalis publice celebrat festum Machabæorum loco omnium aliorum sanctorum veteris testamenti, propter rationes de quibus ibi per eum. Item etiam sancti Hieremia, & sancti Danielis propheta, quibus sunt adificata ecclesia & monasteria, & sancti Ioannis Baptista, & sancta Anna matris beatissima Maria Virginis. 26. Iulij & alicubi sancti Ioseph mariti eiusdem, & Venetijs sanctorum Iob, Hieremia, Simeonis propheta, & sancti Moyse, & sancti Zacharia propheta patris sancti Ioannis Baptista, cuius caput honorifice etiam colitur Roma in Ecclesia Lateranen. & ex invocatione eorum, qua fit in commendatione animæ morientium, & per illud cantici Ambrosij. Te prophetarum laudabilis numerus. Et patet in officio omnium sanctorum, de Patriarchis, Prophetis omnibus. Et in litanijs ubi omnes sancti Patriarcha & propheta, & de Salomone no. 32. quest. 4. Salomon de panis. dist. 2. si enim in vers. Salomon. & per doct. in c. ne imitatis, de constit. Ambr. in hexame. circa finem, & in lib. Apologia David. 2. fol. de quorum sanctitate vera non dubitatur, ergo.

## Primæ partis. Articulus I.

Circa primum articulum primæ partis principalis, dico concludendum, magnam excellentiam inesse operibus & sanctitati huius beati patris, quoniam religiosus professus a iuventute fuit, religionis observantissima & ordinis sancti Francisci in ipsius religionis exordijs, votum implens maternum, pro obventa miraculose sanitate ob merita sancti Francisci, ipse testatur in descriptione vite brevioris eiusdem, quæ diffuse compilavit, circa finem eiusdem scribens, hæc verba. Voto enim pro me languente gravissime, ad beatum patrem Franciscum emisso a matre, cum adhuc essem puerulus, ab ipsis sum mortis faucibus erutus & in robur vite incolumis restitutus, quod cum viva memoria teneam, vera nunc confessione confiteor, ne tantum beneficium reticens, sceleris arguar ut ingratus, & idem commemorat ad finem descriptionis vite maioris eiusdem. Ac tempore quo religio illa floruit in primitiva sua observantia, fundata principaliter in consilijs Evangelicis, ut patet in c. exijt qui seminat, de verb. sign. lib. 6. & in clem. exiit de Paradiso, eod. ritu. & in extranag. Ioan. 22. qua incipit, quorumdam & ad conditorem, & quia quorumdam & c. Vnde necessario est inferendum, tam secundum Theologos, quam secundum Canonistas, quod omne idem opus meritorium, multo laudabilius & excellentius fuerit in eo post votum & professionem, quam in non vouente vel professore, quia vouere opus est laetitia, qua præcipua virtus est inter mortales. Opus autem nobilis virtutis est omnino melius & meritorium, ut de laetitia, qua est cultus & servitus soli Deo debita, de consecra. dist. 4. c. venerabiles, not. in c. si canonici, de off. ordin. lib. 6. Item quia vouens non solum quo ad actum, sed etiam quoad potestatem subijcit se Deo, ut de cetero aliud agere non possit, ergo plus dat (secundum Anselmum in lib. de similitudinibus) qui dat fructum & arborem quam qui dat solum fructum. Item quia propter votum nobiliter voluntas firmatur in bonum; ad perfectionem autem virtutis pertinet aliquid agere ex voluntate firmata in bono secundum Philosophum in Ethicis, & secundum Augustinum. Felix necessitas, qua ad meliora nos compellit. Item no. in clem. si Dominum; super verbo seipsum. de reli. & venera. sancti. ubi etiam per Paulum, & Stephanum, & Cardinalem Floren. quia proprium arbitrium per professionem a nobis abdicatur. 12. q. 1. non dicatis. Necessitas enim ex anteriori

Opus factum ex voto, est magis meritorium, quam sine voto.

Luc. 5. a  
Matt. 17. d

1. Cor. 1. c

# Canonizatio S. Bonaventuræ.

teriori inclinatione procedens, in habituatis ad virtutem auget de perfectione virtutis, ratione nobilioris finis, ut ibi per eos, & comprobatur Henri. de Gan. quolibet. 13. q. 14. Sunt etiam in perfectioni statu religiosi mendicantes, quam alij: ut concludit Augustinus de Ancona in lib. de ecclesiastica potestate. q. 103. art. 1. Vita namque & mores, sanctos faciunt sacerdotes. 40. dist. non nos, cum sequenti. Iuuenis namque pater iste beatus Bonaventura ereptus de faucibus mortis miraculose meritis sancti Francisci, religionem eius professus est, cui esset ætatis circiter. 22. annorum: in quo quidem ingressus tanta gratia recipi dicitur, quanta recipitur in baptismo, & remittitur omnis poena secundum sanctum Thom. super quartum sent. & secunda secunda. q. 189. & habetur in cap. primo de filiis presbyterorum. 47. dist. quantumlibet, & in authentico de sanctissimis Episcopis. S. nullam, vers. 2. c. 1. de apost. & c. cum deputatis. de Iudæis. Et inter cetera laudatur de summa bonitate, & eminenti scientia, adeo quod Alexander. de Ales magister eius sape fuerit dicere solitus, quod in illo videbatur Adam non peccasse, ut patet ex Chronicis. Et hinc est, quod Dionysius attribuit perfectionem religiosis, quos vocat monachos vel Separevta's therapeutas, id est cultores, a sincero Dei famulatu atque cultu, tamquam perfectos. Quæ quidem perfectio licet ex observantia preceptorum resultet, quia ordinatur ad remouendum ea, quæ sunt charitati contraria, cum quibus scilicet charitas esse non potest, perfectus tamen resultat ex observantia consiliorum, quæ ordinatur ad remouendum impedimenta actus charitatis, quæ tamen charitati non contrariantur, ut matrimonium, & occupatio negotiorum secularium, & similia. Vnde dicit August. in Enchiridion. Quacunque mandat Deus (ex quibus unum est. Non mæchaberis) & quacunque non iubentur, sed speciali consilio monentur, ex quibus est, Bonum est homini mulierem non tangere: tunc recte sunt, cum referuntur ad diligendum Deum, & proximum propter Deum, & in hoc seculo & in futuro. Ideo dixit Abbas Moyses in collationibus patrum, ieiunia, vigilia, meditatio scripturarum, nuditas ac priuatio omnium facultatum, non perfectio sed perfectionis instrumenta sunt, quia non in ipsis consistit disciplina illius finis, sed per ipsa peruenitur ad finem, cum prius pramisset quod ad perfectionem charitatis illis gradibus conscendere nitimur. Et ad hoc optime facit cap. dua. 19. q. 1. etiam facta comparatione bonitatis & difficultatis. cum religiosus totam vitam suam obliget ad perfectionis studium, & attenta difficultate bene conservandi se in religione propter arduum observantia regularis: propter quam tamquam in agone contendens, ab omnibus se debet abstinere iuxta doctrinam Apostoli. Et ideo dixit idem Dionys. in 5. eccle. hierarchia. Eos qui nominantur Dei famuli, ex Dei potentia, seruitio, & famulatu uniri ad amabilem perfectionem. Ad quod facit, c. admonere. 33. q. 2. Et quia ad perfectionem charitatis primū fundamentum est voluntaria paupertas, iuxta illud Matth. Si vis perfectus esse, &c. & secundum Gregor. in 4. moral. & August. in lib. 10. confess. ad Deum loquentem & dicentem. Minus te amat, qui tecum aliquid amat, quod non propter te amat. Et idem August. in lib. 38. q. dicit, quod nutrimentum charitatis est imminutio cupiditatis, & ubi perfectio, ibi nulla cupiditas. Et hinc est, quod damnatus est Vigilantius, qui adæquabat diuitias paupertati: sicut & Iovinianus, qui adæquavit matrimonium virginitati. Facit & illud. Sunt eunuchi. & c. facit etiam, quia per vniuersalem obedientiam maxime imitantur Christum, qui (ut ait Apostolus.) Factus est obediens usque ad mortem &c. & ideo super his tribus votis etiam summus Pontifex dispensare non potest, iuxta ea quæ plene habentur in c. cum ad monasteriū, in fi. de sta. monach. & per Io. Andr. in mercu. Actus legitimi & semel Deo. de reg. iur. in 6. Votum autem huiusmodi requiritur ad statum perfectionis, iuxta Greg. super Nume. 6. c. & super Ezech. ibi. Cum quis omne quod habet &c. nam per votum paupertatis voluntaria, res exteriores totaliter Deo offert, per votum continentia offert totum corpus, abrenunciatio eius maximis delectationibus, per obedientiam offert in holocaustum totaliter animam, & propriam voluntatem &c. per quam homo vitatur in omni potestatis & habitibus anima. Facit de poen. dist. 2. c. si quis semel, & quod plenus tradidit per sanctum Tho. in secunda secunda, q. 86. & 87. & de mendicantiis precipue. 87. q. art. 5. & q. 88. art. 7. maxime accedente ei dignitate episcopali, &c. Et a religione non differt sanctitas secundum essentiam, sed solum ratione, ut plene patet per sanctum Tho. secunda secunda, q. 81. art. 8. & de religion. not. Ioan. Andr. in cap. 15. qui de re-

gu. lib. 6. & de regul. iur. c. non est sine culpa, per Archid. de regul. capitulo secundo. eodem libro & 85. dist. cap. primo. no. in l. prima. C. de summa Trinit. Et dicitur, quod summa ratio est, quæ pro religione facit, l. sunt persona. ff. de relig. Vnde cum beato Greg. Confidenter dicendum est, quod osio saluari post mortem non indiget, qui ante mortem Deo hostia ipse fuerit. & hoc precipue ubi etiam concurrat status perfectissimus dignitatis episcopalis, ut in hoc viro glorioso assumpto ad episcopatum Card. Alb. ut probat Tho. secunda secunda.

## Primæ partis. Articulus II.

AD secundum articulum eiusdem primæ partis principalis, etiam dico concludendo, quod doctrina excellentissima huius beati patris maximum affert testimonium sanctitatis, per quam in Dei Ecclesia velut splendor fulgentis firmamenti, & velut stella in perpetuas æternitates mansura, ad iustitiam valens fideles erudire, ut probat, c. super specula. de mag. & Hiero. ad Paulinum, & in prologo Biblia cap. 4. & Daniel. 12. Est namque doctorum ordo precipuus in Ecclesia, c. ex iniuncto, de heret. Ipsi namque perlucida & salutaria documenta aliam matrem Ecclesiam illustrant, decorant virtutibus & moribus informant, & per ea is quasi luminosa lucerna ardensque super candelabrum in domo Domini posita, errorum tenebras profugauit, & totius corpus Ecclesia irradiat tamquam sidus matutinum. Eius etiam secunda facundia celestis riuus, gratia influente, scripturarum anigmata reserauit, nodos soluit, obscura dilucidauit, dubiaque declarauit. Profundis quoque ac decoris illius sermonibus ampla ipsius Ecclesia fabrica, velut gemmis veranantibus rutilat, & verborum elegantia singulari, gloriosius sublimata coruscat, ut de alijs doctoribus dicitur in c. 1. de relique & vene. sanct. li. 6. ubi sacri Doctores Ecclesia adæquatur in solemnitate officiorum Euangelistis. Et hinc est, quod Dominus, Osea sexto cap. se velle dicit scientiam Dei plus quam holocaustum, & quod praualeat testimonium doctrina etiam testimonio resurgenti. ut patet Luc. 16. in fi. Et hinc dicit Zepherinus Papa quod sicut stellas cali non extinguit nox, sic mentes fidelium inhaerentes firmamento sacra Scriptura non obscurat mundana iniquitas & sicut. 38. dist. & sic fides Catholica ampliatur, & dilatato sui territorij loco funiculos suos facit longiores, & circumcingitur muro inextinguibili bellatorum, quibus resistere valet ascendens ex aduerso, ut in cap. fina. de cleri. vel monac. Legitur autem de hoc beato patre, quod cum per solum septennium in religione staret, legit lib. sententiarum in vniuersitate celebri Parisi: De hinc post tres sequentes annos cum cathedram magistrali rexisset, anno ætatis eius. 32. de primarijs in ordine habebatur. Fuit namque sibi tamquam infinitus thesaurus scientia, quo qui vti sunt, participes facti sunt amicitia Dei, propter disciplina dona commendati: ut dicitur Sap. 7. Omne etiam in eo imperfectum scientia supereminens, suppleuit perfectio charitatis non instantis. c. nisi cum pridem. S. pro defectu. de renunciatio. & propter eam non est presumendum ipsum fuisse unquam immemorem propria salutis, capitulo cum in iuuentute: de presump. quia ut ait Sapiens, in animam maleuolam non introibit Sapientia, &c. Spiritus enim sanctus discipline effugiet fictum, & auferet se a cogitationibus quæ sunt sine intellectu, ut ibidem dicitur. Et hinc dixit Hieronymus. Ama scripturarum studia, & carnis vitia non amabis. Et diuitias nihil fecit in comparatione illius. Sapien. Septimo: & a cogitatione lasciuia auertit animum, & carnem maceravit propter studij laborem. Ecclesiast. trigessimoprimo. Probatur primo Mach. 12. ibi, habentes pro solatio sanctos libros. Veruntamen in hoc beato viro existimo eam fuisse infusam magis quam acquisitam. Est enim acquisito sapientia per inspirationem velox & facilis, per studium vero difficilis & tarda, secundum sanctum Thom. Psal. 44. ex quinque signis quibus hoc a Theologis discerni consuevit. Primo auctoritate Apostoli, 1. ad Corin. 2. Secundum auctoritatem Sapientis, qui ait. Cum simplicibus est sermocinatio eius. Vbi sapientia, ibi humilitas. Tertio quando in omnibus vera loquitur sine administratione alicuius falsitatis, ergo a Spiritu sancto, qui doctor est veritatis. Quarto quando in omnibus loquitur conformiter ad sacram Scripturam, & sanctorum doctrinam: quia suspecta est omnis veritas, quam non confirmat scripturarum auctoritas, secundum Richardum. Quinto quando iuuatur miraculis, & approbatione sanctitatis a Dei Ecclesia communi voto, per quod excluditur

Osæ 6. c

Sap. 7. b

Sap. 1. a

In epistola ad Rusticum monachum.

Sap. 7. b

Eccle. 31. a

1. Mach. 12

b

Prou 3. d



# Canonizatio S. Bonaventuræ.

cluditur omnis error, secundum quod hac omnia plene examinavit Ioannes, de Tur. cre. olim magister sacri palatii, ac demum Cardinalis sancti Sixti, & Episcopus Sabinen. in suo defensorio reuelationum sancta Brigida, circa principium: & ab Alfonso Eremita olim Episcopo Gien. in eius prologo, in libros reuelationum eiusdem sancta: pro quibus est dictum, cap. Cum ex iniuncto, de haret. iuncta multitudine librorum per eum compilatorum, & mira deuotione ex illis resultante, & paruo temporis spatio copia librorum, & maxime illius extrinsecis occupationibus, &c. Et dicendum quod licet secundum Theologos communiter concludatur, tres tantum fore aureolas, qua sunt mentis spirituale gaudium veniens ex corpore prae excellenti & priuilegiato, quarum una datur martyribus, secunda vero predicatoribus, tertia autem virginibus ultra quattuor dotes animae glorificata, & quattuor corporis glorificati, iuxta illud Pauli, Stella enim differt a stella in claritate, sic, & resurrectio mortuorum, & cetera. De quibus plene per magistrum. 49. distinctio. in 4. & ibi plene per sanctum Thom. & alios Theologos. Item ultra quattuor delicias quas habuerunt in presenti, scilicet lumen Dei, bona opera, virtutes, & quietem mentis, dicit Tho. 1. sa. 5. 1. quod sancti in gloria habent plenam Dei visionem, perfectam dilectionem, copiosam refectionem, & eminentem auctoritatem. tamen secundum Ioannem de Tur. Cre. in lib. de quaest. Euangeliorum annuorum, quem direxit ceteri Cardinalium; dicendum est, quod eadem aureola qua debetur predicatoribus, etiam debetur doctoribus, iuxta illud: Qui fecerit & docuerit, hic magnus vocabitur in Regno calorum. & nota gloss. super illud: Ut sciatis quam sit eminens &c. quod clementum quoddam habebunt sancti doctores, ultra id quod alij communiter habebunt. Item quia sicut per martyrium & virginitatem obtinetur perfectissima victoria, de carne, & mundo: ita etiam perfectissima contra diabolum obtinetur, quando aliquis non solum diabolo impugnanti non cedit, sed etiam eum repellit per doctrinam, ideo doctrina aureola pariter debetur, per quam non solum a se, sed etiam ab alijs repellit: quando scilicet doctrina est de pertinentibus ad salutem, ut in casu nostro & principaliter scribitur actus ad gloriam Dei, hoc enim inter spirituales elemosynas & arma spiritualia computatur. Etiam quia usus doctrinae ex voluntate procedit, qua per charitatem informatur a Deo infusam. Nec exaltatio in hac vita diminuet alterius vitam praeuiam, non quarenti gloriam propriam, sed exaltationem in utilitatem aliorum canuere ex ea sibi mercedem in caelestibus acquirendo. Hoc vult in prima quaestione de beato Thoma de Aquino. Dicit etiam August. Nemo ( quantum puto ) ausus fuerit virginitatem praferre martyrio &c. & foret peruersitas secundum Augustinum, lectioni nolle obtemperare, dum vult ei vacare. Quod non solum debet intelligi, in doctrina & lectione eorum qua sunt secundum pietatem, secundum Apostolum; sed etiam alijs doctrinis vacare possunt religiosi, quorum tota vita diuinis obsequijs mancipatur, in quantum ordinantur ad sacram doctrinam. secundum Augustinum dicentem: Nos dum negligentes esse non existimamus, quos haeretici notione & scientia fallaci pollicitatione decipiunt, tardius incedimus consideratione ipsarum viarum. Quod tamen facere non audemus, nisi multos pios Ecclesiae filios eadem refellendorum haereticorum necessitate fecisse videremus. De quo per sanctum Thom. in opere aureo super quattuor libros Euangeliorum, decimonono, cap. 5. & secunda secunda. quaest. 85. art. 5. quaest. 81. & 82. per totum, qua tamen omnia recipiunt determinationem, de qua in capite non magnopere, & in c. si. ne clerici vel monachi, ne antiqui hostis inuidia in Angelum lucis se more solito transfiguret &c. iuxta Apostolum & in cap. licet.

1. Cor. 15. c.

Matth. 5. c.

Aug. lib. de virginitate. c. 46. to. 6.  
Aug. lib. de opere Monach. ca. 17. to. 3.

Aug. in fine sexti libri Musicae sua. to. 1.

2. Cor. 11. c.

Opera a S. Bonau. compo-  
sita.

de regu. cum simi. & 36. distinctio. florentinum. & per totas distinctio. plene hac examinantur. Ad hoc autem praecipue attendantur opera eius super lib. sententiarum, super quattuor Euangel. Compendium Theologiae. Libellus instructionis nouitiorum minor, & libellus maioris introductorij nouitiorum. Apologia. Arbor vitae. Item ad fratrem innominatum, & de partibus domus religiosa. Dialogus, Centiloquium, & de vita Christi, de passione Christi. Epistola ad Michaelem Imperatorem, ad suam sororem de Philomena. Aliud compendium passionis Christi, epistola ad sororem sancta Clara. Item de consideratione. Item de meditat. Enchiridion. seu cumulus orationum, de diuisione rerum vniuersi, de quattuor operibus religiosorum, sermones, sophismata, de decem preceptis. Item super Ecclesiasten. Item super Lucam in Appa. spiritus Domini super me. In quibus libris apparet

tantus ardor eius in diuinum amorem, quod praecipue appropriatur sibi hoc nomen Seraphicus doctor, ita quod non alteri cuiquam ex cunctis doctoribus sacris. Itinerarius mentis in Deum & in seipsum. Pharetra, & de stimulo amoris. Defensorium ordinis mendicantium. Legenda. Officia. Arbor crucis, & de septem visionibus & de sex alis Seraphin, & quamplura alia, ut merito de illo cantare possit Ecclesia: Iste est qui magnas virtutes operatus est, & omnis terra doctrina eius repleta est &c. Et si forte nonnulli Theologi asserantur tenere contrarium eius, quod ipse aliquando determinat: dico non esse faciendam vim aliquam, tum propter nos. per Inn. Hostien. & Ioan. And. & alios in c. ne innitatis. de consuetu. per nos. in c. litteras. de restit. spol. tum etiam propter protestationes consuetas &c. per cap. damnatus. de sum. Trinit. cum ibi notatis.

## Primae partis. Articulus III.

**A**D tertium dico concludendum cum beato Thoma in quolibet. 5. art. 22. & cum ad opus pralatura maxima requiratur idoneitas: ut patet per Gregor. dicentem. tantum actionem populi debet actio pralati transcendere, quantum distare solet a grege pastoris vita, ad quod humana fragilitas secundum proprias vires sufficiens non est. secundum Apostolum. Et ob hoc quis etiam idoneus potest aliquando, & debet laudabiliter, considerans proprium defectum, ex humilitate officium pralationis recusare, sicut Hieremias dixit: Nescio loqui, quia puer ego sum. Et hinc est, quod dicit Greg. 18. moral. quod pralatio propter meliorem intentionem fugienda est. Item quia valde difficile est, purgatum se quemlibet posse agnoscere, sicut agnouit Isaias: pralationis officium turis declinatur non tamen pertinaciter, cum ad suscipiendum hoc superma voluntas agnoscitur. Vnde Augustinus ait. Superior locus sine quo populus regi non potest, & si ita teneatur ut decet, tamen indecenter appetitur. Otium enim sanctum quarit charitas, veritatis negotium iustum suscipit necessitas charitatis. Beatus igitur Bonaventura noster, ut patet ex chronicis, cum per Clementem quartum fuisset ad Ecclesiam Eboracen. in Anglia opulentissimam promotus, ad pedes Papa se contulit, & episcopatu praedicto humiliter cessit, cuius Papa resignationem admittens, hac verba protulit: Sta in testamento tuo, & in illo colloquere, & in opere mandatorum tuorum veterasce: verum cum de anno. 1274. vocatus fuisset a Gregor. X. coactus ad Cardinalatum, & episcopatum Alban. assumptus fuit, tempore quo Lugdunen. concilium generale celebratum fuit, ob cuius praesentiam et scientiam multa de nouo statuta ac vetera reformatas & renouata fuerunt, & cetera. praecipue. cap. religionum diuersitas situatum in tit. de religio. domi. libro sexto & iuxta sententiam sancti Thom. de qua supra determinatur, olim in scripturis, & ibi not. de Episcopo Mutinen. qui dixit volens nolo, & nolens volo. cap. sciendum. & cap. qui Episcopatum. 8. quaest. 1. cum si. & nos. per Innocen. in cap. cum in iure. de elect. & habetur in cap. quam sit. eodem titulo. libro. 6. & 23. q. 4. displicet. & 40. distinctio. ante omnia. No. 1. quaest. 6. sicut. & 7. quaestio. 1. scias. & 16. quaestio. 1. nos autem. Et similes renuere etiam causa humilitatis peccat. 22. quaest. 2. cum humilitatis. & cap. fina. de praesumpt. & nos. in dicto cap. sicut. & per legistas in leg. si quemquam. C. de Episco. & cleric. De his tamen plenius traditur per eundem sanctum Thom. in secunda secunda. quaestio. 86. art. tertio. Fuit ergo status vita eius omni ex parte perfectus, tum quia religiosus ordinis mendicantium sancti Francisci, & in primordiis quibus in omni moda perfectione floruit ipse ordo: tum quia Episcopus Cardinalis Albanen. & sic de summis: tum etiam quia religionem professus fuit ex voto, cum meritis sancti Francisci, de faucibus mortis fuisset ereptus, ut ipsemet testatur in fine legenda eiusdem sancti Francisci. Pro quibus allegare sufficiat sanctum Thom. secunda secunda. quaest. 184. usque ad fin. libri & quaest. 88. art. 6. & simile de Samuele. 1. Reg. cap. 1.

Greg. In Pastora. c. 1. le-  
cundz partis.

2. Cor. 3. b

Hier. 1. a

Aug. lib. 19.  
de Ciui. Dei  
c. 19. to. 5.

## Primae partis. Articulus IV.

**A**D quartum dico concludendum, sufficere eas virtutes, quas exprimit hymnus confessorum ( qui creditur fuisse Ambrosii ) ut patet per Guilelmum in rationali diuinorum lib. 5. de diuinis officiis. in c. Est autem. in tertia cartha. ibi. Qui pius. 86. distinctio. qui clementiam non habet, nec indutus est vi-

# Canonizatio S. Bonaventuræ.

Gal. 5. d

Philip. 4. a

est viscera misericordia, & lacrymarum: quamvis spiritua-  
lis sit, non adimplet legem Christi &c. prudens sicut ser-  
pens, & simplex sicut columba. Matthæi 11. Humilis iux-  
ta not. in clemen. 1. de religio. dom. & secundum illud. Disci-  
te à me &c. & per Archi. 22. quæst. 2. cum humilitatis. &  
ead. quæst. contra mores. 86. dist. quando. Pudicus. Impudi-  
cus oculus, impudici cordis est nunciator. 32. quæst. 5. nec solo,  
hæc sola Deo cum fiducia &c. in amhen. de lenon. S. scimus.  
coll. 6. Sobrius. c. a crapula. de vi. & hone. cleri. cap. 1. de re-  
liq. & vene. san. Castus contra bigamiam, & numeratur in-  
ter fructus spiritus ab Apostolo. Fuit & quietus, id est non  
percursor sed modestus. Modestia vestra nota sit omnibus ho-  
minibus, inquit Paulus. 41. dist. inquit per totum, & numeratur  
etiam inter fructus spiritus. Visa dum præsens, vegetavit  
eius corporis ætatem. Quod omnia ista concurrant in eo, inquit  
videtur perfectus status eius, scilicet religio mendicantium  
sancti Francisci, de qua supra dixi. licet Hostien. videatur  
plura requirere, in confirmando in Episcopum, & similiter in  
canonizando in sanctum, in sum. de elect. S. quis eligitur. ver-  
fic. canon. tamen ætatis prudens, quodabilis moribus, tempe-  
ratus vita, castus, sobrius, suis negotiis semper cauens, humi-  
lis, affabilis, misericors, liberalis, in lege Domini instructus, in  
scripturarum sensibus acutus, in dogmatibus ecclesiasticis  
exercitatus, & ante omnia fidei documenta simplicibus ver-  
bis asserens, id est, Patrem & Filium, &c. allegat. 23. dist. inquit.  
qui Episcopus. 41. dist. inquit. cap. ultimo. Et quia Petrus dicit  
quod talem oportet esse Episcopum, ut pro ingenio addiscen-  
tium semetipsum potest, irreprehensibilis, &c. Debet igitur valde esse  
eruditus & edoctus, irreprehensibilis, & maturus, & pauidus  
sicut fuit Clemens. Debet etiam singulos iuvare prout po-  
terit, singulos portare, & singulos releuare. 8. quæst. 1. oportet.  
& cap. sequen. & ideo dicit Augustinus, nihil esse in hac vi-  
ta, & solus hoc tempore difficilis, & laboriosus, & peri-  
culosus Episcopi vel diaconi officio, sed nil apud Deum be-  
atius, si eo modo militetur, quo noster præcipit Imperator, id est  
Deus. Sed nil facilius, nilve lenius & acceptabilius, sed  
& nihil damabilius si perfectorie res agatur. 40. dist. inquit.  
ante omnia, & subdit. Hanc ultimam partem multj tenent.  
Deus omnia me & saluus ero, multa enim de prædictis,  
immo fere omnia in multis deficiunt, consulo si talem habere  
poteris, ipsum eligas, sed qui talem volueris, ipsum fabrices de  
novo, quia res pene contra naturam est, ut homo sine peccato  
sit, tamen eligendus est, cuius respectu ceteri de Ecclesia grex  
dicantur. 30. dist. inquit. Vnum. S. nunc autem. Etamque quid  
dicatur sufficit, quod bonus eligatur. 16. quæst. ultim. monas-  
terium. Sed ego dico, quod ex eo, quod iste beatus Bonaven-  
tura fuit electus in Generalem ordinis, à bonis, videtur sufficiens  
resoluitur in his idem Hostien. in sum. de temp. ordin. exami-  
nans singula de quibus. 1. ad Tim. ca. 3. & 2. ad Titu. & Gra-  
tianus à 35. dist. inquit. usque ad 50. & à 71. dist. inquit. usque ad  
87. Dignus enim reputatur ad unum ordinem, non debet ad  
aliud indignus reputari, cap. accepimus, de atar. & qualita.  
74. dist. inquit. gesta. 1. quæstio. 1. sicut Christus, cap. nonnulli, de  
accusat. cap. in præsentia, de sentent. excommunic. leg. qui  
sciens, ff. de lib. causa. leg. si uxor, in fi. ff. de adul. & art. 1.  
leg. viro atque uxore, ff. solut. matrimo. Et dicendum est suffi-  
cere istas, quia qui habet has alias omnes habet, sicut contra  
de viris dicitur, de pœnitent. dist. 5. c. debeat, & cap. fratres,  
& cap. dolendum, de regu. iur. cap. debeat. 32. quæstio. prima  
cum renunciatur. Plenius patet per sanctum Thom. 2. 2. in  
pluribus locis. Et quantum ad pietatem attinet, dico, quod  
est specialis virtus, in quantum ad pietatem parentibus, & patria, & his  
qui ad hoc ordinantur, officium, & cultum impendit, quia est  
connaturale principium produciens in esse, & gubernans, ut  
declarat sanctus Thom. secunda secunda. quæstio. 101. art. 3.  
Dicit tamen Ambrosius super Lucam, quod necessitudinem gene-  
ris, diuina religionis pietas antefertur. Et Hieronimus in epistola  
ad Heliodorum: Per calcatum perge patrem &c. summum  
genus pietatis est, in hac re esse crudelem. An vero & quo-  
modo occasione religionis, prætermittenda sint pietatis officia  
in parvo, plene dicit idem sanctus Thom. ubi supra, artic.  
quarto. Est etiam pietas donum Spiritus sancti, correspon-  
dens virtuti iustitiæ & beatitudini multitudinis dissuadens  
corda miserationis ad proximum, contra crudelitatem. Et

mitis est semper qui prius pauper fuit, & possidet terram &  
seipsum. Et comparatio obseruantia ad pietatem, attenditur  
secundum diuersas habitudines diuersarum personarum ad  
nos, quos respicit utraque virtus secundum eundem sanct.  
Thom. secunda secunda quæst. 102. art. 3. Differt autem à mi-  
sericordia & beneficentia, elemosyna, & charitate, ut plene  
deducit idem S. Thom. 2. 2. quæst. 30. & 31. sub tractatu de  
charitate, proprie sumendo &c. quia misericordia est compa-  
ssio aliena miseria: & beneficentia importat bonum facere  
proximo. Charitas autem est amor fundatus super communi-  
catione hominum ad Deum, & est Spiritus sancti mentem  
inhabitans. Elemosyna autem est actus misericordia, & con-  
sequenter sunt diuersa licet connexa. Quantum autem atti-  
net ad prudentiam, ad quam pertinet applicatio recta ratio-  
nis ad opus, quod non fit sine appetitu recto, & non solum ha-  
bet rationem virtutis, quam appetit alio, virtutes intelle-  
ctuales, sed etiam quam habent virtutes morales quibus com-  
numeratur, & cum prudentia sit in ratione, diuersificatur  
ab alijs virtutibus intellectuales: secundum materialem  
diuersitatem obiectorum. A virtutibus autem moralibus  
distinguitur secundum formalem rationem potentiarum di-  
stinctuam, ut plene deducitur per S. Thom. 2. 2. quæst. 47. art.  
4. & 5. & in art. 6. subdit quod ad prudentiam pertinet, di-  
stingere de his quæ sunt ad finem, & qualiter & per qua ho-  
mo in operando, pertingat ad finem rationis, pertinet ad dispo-  
sitionem prudentia, & ad illam bene consiliaturam perdispo-  
sit præcipere. Et dicit Aug. in lib. de mori. Eccl. quod prudentia  
sunt excubia atque diligentissima vigilantia, ne subrepente  
pauarum mala suauone fallamur. & habet se ad bonum  
præuatum, & ad bonum callamur. Multitudinis, & sic est  
tam politica, quam œconomica, & monastica, & conuenit  
unicuique in quantum participat de regimine & gubernatio-  
ne, & est perfecta, quæ ad bonum finem totius visa recte con-  
siliatur, iudicat, & præcipit, quæ in peccatoribus esse non po-  
test. Vnde Gregor. in 2. Moral. cetera virtutes nisi ea quæ  
agunt, prudenter agant, virtutes esse nequaquam possunt, &  
cum omnes virtutes sint connexa, concurrunt etiam cum  
gratia, & quia non est circa finem, sed circa ea quæ sunt ad  
finem, non est simpliciter naturalis. Et quia constituit princi-  
paliter in applicatione ad opera obliuio vniuersalis cogniti-  
onis, id quod principale est ut ea non aufert, licet aliquod af-  
ferat impedimentum, ut patet per S. Thom. ubi supra. Huic  
correspondet donum consilij. & misericordia beatitudo: ideo  
illi congruit præmium. Misericordia superabundantia, & ex-  
celsa congruit præmium. Maxima profecto elucet prudentia beati  
patris nostri Bonaventuræ, in sedando discordias inter Prædi-  
catores & Minores in capitulo Parisiensi celebrato, de anno  
1266. circa inquisitores hereticæ prauitatis, & transiit de  
una religione ad aliam, & in quantum distinxit, & in statu-  
endo quælibet voluit habere suum præsentem, & in statu-  
endo prouinciarum omnium numerum, & cetera. Magnum  
etiam consilium eius relucet, ex gestis Concilij Lugdunensi.  
2. &c. & in capitulo generali Narbonensi. Vbi constitutio-  
bus ordinis formam dedit, &c. Et licet Ethicophilus 5. Ethic.  
dicat impossibile esse, prudentem non esse bonum, quandoque  
sumitur prudentia in malum, cap. de illis, de desponsa. impu-  
ber. Et 6. Ethicor. dicit idem Philopon. Prudentes illos exi-  
stimamus, qui sibi & alijs possunt speculari. Et Aegidius de  
regimine principum, cap. 7. & cap. 8. ponit. 7. partes pruden-  
tie improprie autem sumitur. 22. quæstio. 1. quæ casu, & in  
cap. fin. de desponsa. impuber. Et serpentina prudentia est ca-  
uere à supplantantium insidijs. 6. q. 1. ex merito, in fin. sicut  
simplicitas columbina est, cuiusquam non machinari dolos. San-  
cti namque quacumque agunt, in conspectu Dei agunt, de pœ-  
nitent. dist. inquit. 1. cap. Verum. Circa humilitatem vero quæ est  
de speciebus modestia, quæ modestia est pars temperantia, di-  
co humilitatem esse virtutem temperantia, & refrenantem  
animum, ne immoderate tendat in excelsa, quæ virtus supra  
se, secundum regulam quam habet in cognitione: ut scilicet  
aliquis non se existimet esse supra id quod est, & sic iuxta il-  
lud. Neque ambulauit in magnis, neque in mirabilibus su-  
per me &c. circa appetitum boni ardui præter rationem re-  
ctam, quod est cum humo considerans suum modum, tenet se  
in inferioribus secundum suum modum, & sic in sui ratione, re-  
portat quamdam laudabilem delectationem ad ima, in inter-  
iori motu anima, hoc est principaliter in interiori electio-  
nem. Et est moderatius motus appetitus, & regula quæ-  
dam directiua eius, ex cognitione proprii defectus. Respicit  
etiam proprie reuerentiam, quæ homo Deo subijcitur, & per  
quam homo secundum id quod est, debet se cunilibet proximo  
subijcere.

Psalm. 130. a

# Canonizatio S. Bonaventuræ.

subijcere, quantum tamen ad id quod est Dei in ipso, absque  
eius humilitatis praiudicio: possunt dona propria praeferri  
donis Dei, quae apparent alijs collata, & in ea fundantur om-  
nia Ecclesia sacramenta, & opponitur superbia vitiorum re-  
gina. Nec requirit humilitas, ut aliquis id quod suum est,  
in ipso subijciat, ei quod est hominis in proximo: licet possit  
reputari aliquid boni esse in proximo, quod ipse non habet, vel  
aliquid mali in se esse, quod in alio non est, & sic potest se ei  
subijcere per humilitatem. Reprimis itaque humilitas mo-  
tum spei, qui est motus spiritus in magna tendentis, & ideo  
recte dicitur pars temperantiae, contenta sub modestia, iuxta  
illud Petri. In incorruptibilitate quieti ac modesti spiritus.  
Facit autem hominem bene subiectum ordinationi quantum  
ad omnia, sicut quilibet alia virtus facit quantum ad ali-  
qua, quibus est potior post virtutes Theologicas, & intellectu-  
ales, quae respiciunt ipsam rationem, ac post iustitiam praesertim  
legalem. In ea tamen principium, & radix est reverentia,  
quam quis habet ad Deum. Ex cuius interiori dispositione,  
procedunt quadam exteriora signa in verbis, & factis, & ge-  
stibus, quibus id quod interius latet manifestatur, sicut in  
ceteris virtutibus accidit, quae signa in duodecim gradus hu-  
militatis convenienter distinguuntur, ut magisterialiter dedu-  
cit Tho. secunda secunda quaest. 161. artic. sexto, & in regula  
sancti Benedicti, licet Ansel. in libro de similitudinibus, ponat  
tantum septem gradus. Aliqui ponunt tantum tres gradus,  
& decem indicia, ut Cassia. & gloss. Matth. 3. Qui quidem  
omnes gradus, & indicia, nedum sufficienter, sed abundan-  
ter, & cum omni iustitia, in beato patre nostro Bonaventura  
floruerunt: ut ex gestis eius, & chronicis ordinis, & libris  
per eum compilatis patet expresse. Et magna perfectio fuit  
huius patris in adimplendo votum matris, & proficundo reli-  
gionem, per ea quae habentur. e. licet de votis. Circa pudici-  
tiam autem, quae secundum Augustinum, est quadam virtus  
animae, ad pudore dicta, in qua verecundia significatur: dico  
eam proprie esse circa illa, de quibus homines magis vere-  
cundantur hoc est, de actibus venereis, secundum eundem  
Augustinum. Et attenditur proprie & praecipue, circa signa  
venereorum, sicut sunt aspectus impudici, oscula, & tactus, &  
quia haec solent magis reprehendi, ideo pudicitia magis respi-  
cit huiusmodi exteriora signa, quam mixtionem veneream:  
& ordinatur ad castitatem, non ut virtus ab ipsa distincta,  
sed sicut exprimens castitatis circumstantiam quandam, li-  
cet interdum unum ponatur pro alio, & est virtus refrenans  
inobedientiam genitalium membrorum, quae non subijciun-  
tur imperio rationis, ut infra subijciam, dum de castitate lo-  
quar, de quo. 33. quaestio. 5. nec solo. cum se. & in clement. ad  
nostram. versic. 7. de haeret. & per S. Thom. secunda secunda.  
quaestio. 154. artic. quarto. Aliter tamen capitur Impudicus  
in capis. cum decorem, de si. presby. & est pudor corporis, pu-  
dicitia mentis, secundum Papi. & Archid. 32. quaest. 2. pudor  
facit, cap. de adult. l. ita pudor. In proximo autem decreta.  
super versic. pudicus exponitur, id est castus: & dicitur in  
cap. 1. 43. distinct. quod pudicus debet esse sacerdos & mona-  
chus, ut verbis pudorem indefinenter ostendant: habetur in  
auct. quomodo oportet Episcopos. S. neque autem, & ff. de iniu-  
rijs. leg. sed & quaestio. 1. S. fin. ubi fit iniuria si attendatur  
pudicitia, facit. 37. quaestio. 1. capitulo ultimo, & in cap. 3. 22.  
quaest. 5. dicitur quod est virtus animi, quae violentiam non  
sentit, facit institui. de noxalibus. S. fina. Circa sobrietatem,  
quae est per se specialis virtus, conservans bonum rationis con-  
tra omnem potum, ad quo posset impedi rationis usus, ex fu-  
mositate cerebri perturbante, sicut abstinencia conservat  
contra omnem cibum, ne per immoderantiam delectationis,  
bonum rationis absorbeat sua speciali ratione, non autem in-  
quantum sunt nutritiva. Et sumitur ad mensuram, quasi  
briam servans, id est mensuram proprie. iuxta illud Eccle-  
siast. Sanitas est anima & corporis sobrius potus. Vinum  
multum potatum irritationem, & iram, & ruinas multas  
facit. Sumitur etiam communiter nomen sobrietatis, in  
quacunque re & materia per similitudinem quandam, in  
qua non tantum nocet excessus, sicut in potu, in quo mensura  
est maxime necessaria, & c. cuius oppositum est ebrietas. Dico  
tamen, quod nullus potus sicut nec cibus (secundum se consi-  
deratus) est illicitus, iuxta illud: Non quod intrat per os  
coinquinat hominem: nisi per accidens, vel ex conditione bi-  
bentis, cum a vino de facili laditur, vel ex speciali voto obli-  
gatur ad vinum non bibendum, aut ex modo bibendi, scilicet  
excedendo mensuram, aut ex parte aliorum qui ex hoc scan-  
dalizantur, aut ad perfecte sapientiam recipiendam & c. ut  
clare deducitur per S. Thom. secunda secunda. q. 149. per to-

sum. & per Gratianum. 35. distin. Ecclesia. & cap. luxuriosa.  
& per totum. & distin. 44. per totum. Circa castitatem dico,  
quod inquantum est secundum rationem operans, concupi-  
scentiam castigans & refrenans, virtus est propria, & habens  
in venereis rationem virtutis, inquantum autem habet de-  
lectationem in suo actu, connumeratur inter fructus, cuius  
oppositum est luxuria. Communiter etiam sumitur inquan-  
tum abstinens se, ne delectabiliter alij coniungatur contra de-  
bitum divini ordinis, probatur in c. Nicena. 30. dist. ubi idem  
nota. de sobrietate, & tunc etiam dicitur castitas spiritualis,  
retrahens humanam mentem, ne rebus illicitis delectabili-  
ter coniungatur: cuius ratio principaliter in charitate consi-  
stet, & in alijs virtutibus Theologicis, quibus mens hominis  
coniungitur Deo. Distinguitur ergo proprie ab abstinencia,  
quae est circa delectationes pertinentes ad usum ciborum, quia  
ipsa refrenat usum concupiscentiarum venerearum, quae sunt  
vehementiores & magis opprimentes rationem, quam dele-  
ctationes ciborum & potus, & sic secundum proprias & spe-  
ciales rationes inter se differunt, abstinencia, sobrietas, &  
castitas, & temperantia ipsa, cuius ista sunt partes subiecti-  
vae, sicut etiam & pudicitia & c. Item & continentia quae est  
pars potentialis ipsius temperantiae, inquantum large accipi-  
tur nomen virtutis, pro quolibet principio laudabili operum,  
& resistit concupiscentijs pravis, quae in homine vehementes  
sunt, & est hac sola cum fiducia potens Deo hominum ani-  
mas praesentare, ut in auct. de lenonibus. sancimus, & est Deo  
placens, quam non necessitas sed voluntas facit. 24. q. 5. sed  
tunc, & non nisi Deo inspirante habetur. 28. dist. de his facit.  
l. di. quia tua, ubi dicitur paucos inveniri castos, facit de Epi-  
sco. & cle. si quemquam. Circa quietudinem dico, illam su-  
mi posse pro modestia, quae est pars potentialis temperantiae, &  
est moderatiua eorum, quae minus difficile est refrenare se-  
cundum S. Thom. secunda secunda. quaest. 160. per totum, &  
tam de illa quae consistit in exterioribus motibus corporis, qui  
serio aguntur & ludis, quam de ea quae consistit in appa-  
ratu, & c. & in hoc differt a temperantia quae est moderatiua  
difficilium, & a clementia quae est moderatiua poenarum  
contra crudelitatem, & a mansuetudine quae est moderatiua  
iracundiae, & ab humilitate de qua supra, & a studiositate,  
quae est pars integradis ipsius temperantiae, quae proprie dicitur  
circa cognitionem, & importat vehementem applicationem  
mentis ad aliquid secundum rationem virtutis, & sic differt  
a curiositate, quae quis vritur ad peccandum, & c. potest etiam  
sumi pro mansuetudine & clementia, quae sunt partes inte-  
gradis temperantiae, de quibus per S. Thom. secunda secunda.  
q. 152. per totum. potest etiam sumi pro pacifico inquantum  
est actus charitatis. ut patet per S. Thom. secunda secunda.  
quaest. 160. art. 29. ut sic sumatur pars, pro toto & concluda-  
tur. Omnis charitas & iustitia, & omnis denique virtus in-  
canonizatis, prout concurrunt in beato patre nostro Bonaventura  
& c. Et sciendum, quod quies nobis appetenda est pro lucro  
multorum, aliquando tamen postponenda. 8. quaest. 1. in scri-  
pturis, & est quieta tranquillitas, ut pax unde quiescamus,  
& sine turbatione simus, secundum Archid. de offi. leg. cap. 1.  
lib. 6. in vers. quiesce. & in vers. quiescamus, & quies esse de-  
bet serui Dei a strepitu causarum. cap. 1. de syndico. Merito  
ergo de hoc beato patre, Ecclesia sancta Dei cantare poterit,  
atque perlegere. Iste est qui ante Deum magnas virtutes  
operatus est, & omnis terra doctrina eius repleta est, ipse in-  
tercedat pro peccatis omnium populorum. Iste est qui con-  
terempsit vitam mundi, & pervenit ad caelestia regna. Merito  
etiam de eo poterit Ecclesia solemniter & publice decantare.  
Qui pius, prudens, & c. & hic vana terra gaudia & luten-  
ta praedia, & c. Item ieiuna membra deferens, dapes supernas  
obtinens: & hic vir despiciens mundum, & c. & alia, in qui-  
bus in officio communi confessorum, praesertim maiorum inter  
quos enumerari debet, cum fuerit Episcopus Cardinalis Alba-  
nen. unus de sex maioribus Episcopis urbis Romanae, & c. De  
quo reperitur in quibusdam memorialibus magistrorum ca-  
rimoniarum antiquis & idem, per omnia habetur in chroni-  
cis ordinis S. Francisci, ubi tractatur de nono generali in pri-  
ma columna anno Domini 1274. quadam die luna quae erat.  
7. mensis Maij. Dominus Gregorius Papa X. cepit concilium  
generale celebrare in civitate Lugdunen. propter Sarracenos  
principaliter, qui inuasent terram sanctam. In eodem  
concilio Papa contra voluntatem Cardinalium promulga-  
uit. c. ubi periculum, de electio. lib. 6. cum. 12. alijs sequenti-  
bus. Eodem anno quadam die Dominica quae erat tertia idus  
Iulij. hoc est. 13. mensis Iulij. hora matutina obiit clara ac  
veneranda memoria beati Bonaventurae, ordinis sancti Fran-  
cisci.

1. Pet. 3. 2

Aug. lib. 1. de  
Civ. Dei. c.  
10. to. 5.

Ibid. lib. 14.  
cap. 23.

Eccli. 31. d

Matt. 15. b

# Canonizatio S. Bonaventuræ.

cisci, Cardinalis, & Episcopus Albanen. atatis sua anno 53. & ad sanctos patres appositus, triumphantes, suo ut credimus, latificavit consortio, sed incredibili affectu mastritia militantes: qui fuit vir eminentis scientia, sanctitate precipuus, vita, conuersatione, ac moribus excellentissime decoratus, benignus, affabilis, pius, misericors, virtutibus plenus, & ab omnibus dilectus Latinis & Græcis, clericis & laicis. Qui eadem die sepultus fuit in conuentu fratrum Minorum Lugdunen. in cuius exequiis interfuit Dominus Papa, cum omnibus Cardinalibus & Prælati concilij, & quasi tota curia, frater Petrus ordinis sancti Dominici Cardinalis, & Episcopus Hostien. celebrauit primam Missam exequiarum & predicauit, cuius thema fuit: Doleo super te frater mi Ionatha. Multa lacryma, & amari gemitus emissi fuerunt in eodem sermone. Hanc enim gratiam inter alias concefferat ei Deus, quia quicumque ipsum videbat, ipsius amore in continenti capiebatur in corde, tantaq. prærogatiua donorum dotatus fuit diuinorum, ut Ecclesia Dei nullum parem sibi relinquere videretur. Et hoc tempore Græci ad obedientiam sedis Apostolicæ redierunt in quo 40. primates Græcorum subscripsisse dicuntur, cum eo qui tenebat imperium Græcorum, & nuntij Tartarorum baptizati fuerunt. Notitia autem diei obitus necessaria videtur, propter hymnum confessorum, in quo Hodie laus meruit secreta, &c. ibi: Anni recurso tempore dies illuxit lumine, &c. Et in serm. Amb. ibi: Bene igitur ac congrue in hac die cuius hodie ad paradysum transitis, &c. Et adde, quod quidquid Dominus fecit insigne, facit in die Dominica. 65. dist. quod die. 15. quæst. 4. cap. 1. Nota Arch. de consecr. dist. 3. prouinciam, & ideo Pius II. non attento vero die obitus sanctæ Catherinæ de Senis, in eius canonizatione statuit, festum eius debere celebrari in prima Dominica mensis Maij annis singulis, ut patet in bulla canonizationis data 1461. 3. Kalen. Iulij, anno 3. Requiere etiam videtur Apostolus ultra præmissa, quod sit irreprehensibilis, id est sine crimine, ideo dicit Hieronymus 24. dist. cap. primum itaque quomodo potest præfere, &c. quia si in promouendo requiruntur huiusmodi, multo magis in canonizando, quod intelligo de crimine capitali & mortali. Nam non est credendum, possibile fore etiam in Spiritu sancto confirmatos sine minutis peccatis reperiri, ut in c. criminis. ea. dist. iuxta Apostolum: Si dixerimus, quod peccatum non habemus, &c. & illud. Septies in die cadit iustus, quia si ceciderit iustus, non collidetur, quia Dominus supponit manum suam, ut dicitur in Psalm. Item quia Deum diligentibus, omnia cooperantur in bonum, & adeo omnia prorsus ut etiam si eis eorum deuiant & exorbitant, etiam hoc ipsum faciet eis proficere Deus in bonum, secundum Aug. & de pœnit. dist. 2. talibus: Et quia impossibile est in sensum hominis non irrumpere motum sensualitatis calorum, ideo ille demum laudatur & predicatur beatus, &c. & not. glo. in c. si qualibet. 22. q. 2. quod veniale peccatum non tollit gratiam, nec eam impedit etiam si omnia peccata venialia aliquis commiserit, &c. de quo per S. Thom. in 1. 2. q. 88. ubi facit triplicem distin. &c. Item quod sit vnus aut nullius uxoris vir, quin immo etiam secundum Nicolaum papam in c. quorundam 34. dist. debet vitare etiam immoderatam familiaritatem consanguinearum, & abstinere à nuptiarum conuiuijs, nec his cœtibz se miscere, ubi amatoria verba canuntur & turpia, aut obsceni motus corporum, &c. c. presbyteri. ea. distin. cap. non oportet, de consecr. dist. 5. & c. de his. 31. quæst. 1. Item ornatus in exterioribus, habitu videlicet, & incessu, ita quod nec affectata fordes, nec exquisita delicia placeant secundum Hieronymum. 41. distin. quisquis, & ca. Episcopus, & S. sicut. Item quod fuerit hospitalis, nam & vidua in Ecclesia recipi prohibetur, quia pauperes non recipit hospitio, &c. Et Ioannes Euangelista Diotrophē excommunicauit, qui nec pauperes recipiebat, sed recipientes de Ecclesia eiciebat. 85. distin. Florentinum, &c. si quis, &c. quiescamus. 42. dist. Item quod non facile irascibilis, aut perturbati sensus, alios percutiens, cap. quid autem, &c. qui sincera, cum sequen. 45. dist. & licet nonnumquam, &c. Episcopum, &c. cum beatus, &c. disciplina, &c. omnis, cum multis alijs. Item quod sit doctor, non litigiosus, nec cupidus, aut neophytus. Quibus omnibus virtutibus beatus noster Bonaventura claruit, summaque doctrina fuit illustrissimus, pauperatis professor altissimus, ex Christianissimis parentibus Christianissimus ipse progenitus, ita ut in eo clauerit omnis, vita & morum perfectio, atque sanctimonia, ut supra plenissime deductum est. fuitq. idem celeberrimus vir verus Dei minister, Deoq. semper fideliter ministravit. Unde merito inferendum est, ipsum cum Deo cui ministravit.

& quem secutus est in terris, fideliter regnare in calis & gloriari, dicente Domino in Euangelio: Qui mihi ministras, &c. Ioan. 12. d

## Primæ partis. Articulus V.

**A**D quintum dico concludendum, quod regimen sanctum æconomicum atque politicum huius beati patris, maximum affert testimonium sanctitatis ipsius. Multum enim ad perfectionem hominis attenditur, quod domus sua fuerit bene præpositus, illam regens honeste, tam exemplo, quam verbo, retrahendo à vitijs ad virtutes, ut probatur. 18. dist. S. necesse, & maxime integritatis est experientia, & probatio. Nam qui integer non est, non habet frontem reprehendendi alios, includitq. euidentiam necessariam criminis negligentia, quod quidem crimen magnum probatur in cap. ea qua. S. si vero, de statu. monach. 86. dist. culpam, Nam qui non eijcit trabem de oculo suo, non potest festucam de oculo fratris eijcere, ut patet in Luca. & 3. quæst. 8. S. porro, in fin. & cap. iudicat. & 1. quæst. 1. multi. Nam à quo debet alios prohibere, multo fortius seipsum, arg. in leg. altius. ff. si serui vendi. cap. dudum. 2. de elect. cap. 1. de natis ex libero ventre, l. frater à fratre, ff. de condit. indem. & quia quod quis debet exigere ab alijs, multo fortius tenetur exigere à seipso, l. si pupilli. S. videmus, ff. de neg. gest. l. tutor datus, ff. de fideiussor. & ideo dicitur, quod non potest esse hortator viciuitatis, qui coniugia frequentat. 26. q. 6. vna tantum facit. ff. de admin. tutor leg. quortens. S. 2. 42. distin. S. 1. 43. distin. S. necesse. l. cum in eo, ff. de pact. Et quomodo potest quis alios corrigere, cum tacitus respondeat sibi, eadem qua corrigis commisisse. 25. dist. primum. Nam cum de alio iudicaret, in se ferret sententiam, dicto cap. iudice. & not. in cap. Romana. de censibus. & hinc dicit Gregor. 7. moral. Numquam pure maculam in membro considerat oculus, quem puluis grauat: & superiectas sordes tergere non valent manus, qua lulum tenent. & 19. eiusdem. Qui veraciter proximis misericordiam facere student, prius debent iuste viuendo sibi ipsis misereri. Vnde scribitur, Miserere anima tua placens Deo, & ideo perperam pater pius non est miserando, qui adhuc iniuste viuendo sit sibi metus impius. Vnde dicitur in Eccles. Qui sibi nequam est, cui alij bonus erit? Qui itaque proximo indigenti exteriorem substantiam præbet, sed vitam suam à nequitia non custodit, rem suam Deo tribuit, & se peccato: quod minus est offerens auctori, & quod maius seruans iniquitati. Et hinc est, quod corrupta non potest eligi in Abbatissam. 25. quæst. 1. iuuenulus, nec electa potest benedicere. facit. 1. quæst. 12. c. 2. vers. nouimus. & not. 16. q. 1. qua virginibus. Non enim posset corrupta virginitatem hortari. 26. dist. c. penult. & not. in c. indemnitate, de electio. lib. 6. Item Cyprianus in c. si quis inquit. 1. q. 1. nec cuiquam Dominus per eius preces & orationes proficit, qui Deum ipse violauit. quomodo enim perficere que agunt, & impetrare aliquid illicitis conatibus à Deo possunt, qui contra Deum quod eis non licet moluntur? iuxta. c. multi. 40. dist. ubi dicitur: Si bene docueris, & male vixeris, tui solius condemnator eris, quia bene dicendo & male viuendo eum instruis, quomodo te debet condemnare, &c. Ex quibus plane & necessarie infertur, quod qui bene præfuit domus suæ, nec non toti ordini per annos 18. necessario concludendus est iustus, & ut sanctus habendus. Et maxime subiuncto eo quod dicit Augustinus in cap. quantumlibet. 17. dist. ibi: Difficile sum expertus meliores, quam qui in monasterio profecerunt, &c. Nam ut patet ex chronicis, cum. 12. annis in religione sua strenue profecisset: in totius ordinis generalem ministrum concorditer suis suffragantibus meritis. 8. scilicet successiue post S. Franciscum assumptus est, quem feliciter rexit annis circiter. 18. itaque arbor bona fructus bonos faciens, ut à fructibus eorum cognoscatur &c.

## Primæ partis. Articulus VI.

**A**D sextum dico concludendo magnam patientiam beati huius, per quam multum fructum attulit in Dei Ecclesia, quia verbum Dei retinuit in corde perfecto. Qui enim verbum Dei retinent in corde bono & optimo, multum fructum afferunt in patientia: ut patet ex ore veritatis. Cum esset etiam sapiens, libenter sufferebat insipientes. Sustinebat namq. si quis deuorabat, si quis accipiebat, si quis extollabatur, si quis denique in faciem eum cadebat, iuxta Apostolum.

# Canonizatio S. Bonaventuræ.

lum, probatio enim fidei patientiam operatur. Cum etiā esset plenus charitate, quæ pascens est, benigna est, nō amulatur, non agit perperā, oīa sustinet, non querit quæ sua sunt, omnia suffert, non inflatur, non est ambiciosa, iuxta Apostolorum. 1. Cor. 13. In oībus itaq; exhibuit semetipsum sicut Deī ministrum, in multa patientia, in tribulationib; in necessitatib; in vigilijs, in ieiunijs, in castitate, &c. 2. Cor. 6. iuxta Apostolum. Rom. 12. Spiritu semper feruens, Dño seruens, spe gaudens, in tribulatione pascens, orōnis instans, ac necessitatib; sanctorum cōicans, &c. & in patientia sua possidens aīam suam, Luc. 21. nō dāns locum ira, quoniā scriptū sciebat. Mihi vindictā & ego retribuā. iuxta eundē Apost. Rom. 12. & 5. & 15. Tribulatio namque patientiā operatur, patientia autē probationē, probatio verō spem. Sciebat ipse, quod quacunq; scripta sunt, ad nostrā doctrinā, &c. & quod patientia est fructus Spūs sancti, ut patet per eundem Apost. Galat. 5. ambulans in ea vocatione quæ vocatus erat, cum omni patientia. Ephes. 4. Crescens in scientia Dei in omni patientia, & gaudio. Col. 1. & 3. Induēs sicut electus Dei patientiā, &c. Heb. 6. Imitator enim eius fuit, qui fide & patientia hereditauit promissiones. 1. Pet. 1. In virtute namq; scientiā ministravit, in scientia abstinentiā, in abstinentia patientiā, arguens, obsecrans, & increpans, in omni patientia & doctrina, iuxta Petrum Apost. Prou. 19. Noscitur verō doctrina viui per patientiā. Heb. 10. Sciebat utique patientiā necessariam esse secundum Apost. Est namque patientia virtus per quā mala aquo aīo toleramus, i. sine perturbatione tristitie, ne aīo iniquo bona deferamus, per quā ad meliora perueniamus, secundū Aug. in lib. de patientia. 2. Cor. 7. & Eccl. 3. Conseruat ergo bonum rōnis contra impetum passionis tristitia seculi, quæ mortē multorum operatur, & non est utilitas in illa. De quo latius per S. Thom. in 2. 2. q. 136. per totum: & deficit à virtutib; Theologicis & Cardinalib; quæ retrahunt à maiorib; impedimentis, ut ibid. per eum art. 2. & causatur de charitate, nec potest haberi sine auxilio gratia. Est etiam pars fortitudinis sicut potentialis, & secundaria principalis. & potest cōuenire cum longanimitate, duplici ratione. Et secundum Tull. est honestatis ac utilitatis causa voluntaria ac diffinitiuā, per se ipsam arduarum, ac difficilem. Experientia ē resultat ex patientia super carminib; quæ ob inuidiā contra ipsum in cōcilio Lugdun. diuulgata fuerunt, de quib; in chronicis. Nulla namq; afflictio, nulla amaritudo illū à pio mentis proposito coercuit recedere, iuxta capit. suggestum 7. q. 1. sed beatus perseuerauit vsque in finem, quæ perseuerantia nō est nisi de virtute patientia, ut ibi aīciunt, quia secundum Apost. omnes qui volūt in Christo p̄e viuere, persecutionem patiuntur. 2. Tim. 3. Et hec patientia sanctorum est, qui custodiunt mandata Dei & fidem Iesu Christi, Apoc. 14. Et contra morem esset Ecclesiasticum, si non patientissime toleratur (quod à nobis absit) etiam iniusta cor repto. c. in dis. contra morem. & dicitur Prou. 14. Qui patiens est, multa gubernatur prudentia, qui autem impatiens est, exaltat stultitiā suam, & Aug. in lib. de questionib; Euang. ostendit Dominus filios suos sapientia intelligere, non in abstinentia, nec in manducando esse iustitiam, sed in aquanimitate tolerandi inopiam. unde dicit Apostolus. Scio abundare & penuriam pati, &c. Phil. 4. Maxima autem huius patientia elucescit ex persecutione. N. qui libellum perniciosum, contra fratres mendicantes composuerat non erubescens asserere, eos in viam salutis non ambulare, &c.

## Primæ partis. Articulus VII.

**A**d septimum respondeo concludendum quod illud quod dicit Leo Papa in ca. miramur. 61. dist. videlicet quod ad honorē mundi sine suffragio r̄pi et sine merito laboris indignū est perueniri, & notari ambitus solet quem probitatis documenta non adiuvant, quā diligens & quā prudens habenda est dispensatio diuinorum munerum & celestium dignitatum, ita ut nisi prior vita testimonium perhibeat pro laborib; multis, pro morib; castis, pro actib; serenius, celsioris loci pramium nullum debeat. Et si discernere inter sanctū & non sanctū sit donum Spūs sancti secundum Paulum dicentem. 1. Cor. 13. Alij discretio spirituum, &c. sufficit tamen per aliqua indicia Papam existimare sanctitatem vitæ illius qui est pro sancto venerandus, vel illius que in sanctū intrēdit canonizare. Et sic dico intelligendā auctoritatē Leonis Papæ, de qua supra primo cū per illā veritas fidei non peruerteretur, sed magis confirmaretur, ampliaretur, et illustraretur, &c. Secundo cum per eum mandatum Ecclesia non cōtem-

neretur, sed magis observaretur. Tertio cum per eum nomen eius viuendi nō introduceretur, sed introductus sanctissimo conseruaretur. Quarto, quod per eum charitas proximis non sperneretur, sed in dies augetur. Quinto quod peccatū accusacione dignū, ex toto conatu vitaretur, ut eius exemplo ceteri possent proficere. Sexto quod per eum Dei verbum de stabiliter audiretur, & doceretur. Septimo quod per eum de operib; bonis gloria nō quæreretur, sed oīa ad Dei laudē referrentur. Ex quo ergo sanctitas eius vita utilis fuit, ad aliorū informacionē tam in vita quā post mortem, ita ut fideles Ecclesia eius sanctitatis patrocinio dona multa perceperint, satisfactum fore dicendū est auctoritatē Leonis de qua supra. Matt. 7. A fruct. namque sanctorum hoīum, docuit Dominus cognoscendā sanctitatem viuentiū ad nos in vestimentis ouium, cum. s. abstineāt, à malo & faciunt quod bonum est, qui fructus supra sunt enumerati: à quib; sunt cognoscendi, & quib; diligenter examinatis Papa p̄t aliquem canonizare, siue fructus hi p̄bentur facti in occulto, siue in manifesto. In occulto quidem, ut mundi gloria nō quærent. In manifesto vero ut creator in creatura laudaretur, iuxta Aug. super illo verbo Ps. 150. Laudate Dominū in sanctis eius, dicentū quod ideo Deus laudatur in sanctis, quia quod sunt, non habent merito eorum & bonitate, sed Dei misericordia & pietate. Et sic exponit & intelligit auctoritatē Leonis Papæ. Aug. de Ancona. Sanctus vero 1. ho. super Ps. 150. dicit quod sanctitas consistit in tribus, scilicet carnis maceratione, spiritus deuotione, & affectus pietate. Item 2. 2. q. 18. dicit quod sanctitas importat duo necessaria, applicationem mentis in Deum, scilicet munditiā, & firmitatē. Itē super Iob dicit quod sanctus quilibet habet aliquā praeiūctiā, secundū speciale vsum alicuius virtutis. Et alibi dicit quod sanctitas est ab omni immunditia libera, & p̄fecta, & immaculata munditia, & proprie dicitur prespectum ad Deum. scilicet cum homo seruat iustitiam quod ad Deum. ad Rom. 12. etiā alibi dicit quod triplex gradus munditia requiritur ad sanctitatem, scilicet libertas ab immunditia, p̄fectio, & immaculatio, &c. Sic et Chrys. ait tria sunt quæ sanctum faciunt, scilicet cordis munditia, Spūs sancti praesentia, bonorum operum affluencia, vel septem beatitudines, scilicet persecutio propter iustitiam, paupertas, spiritus, mititudo, esurire & sitire, lacrimae, misericordia, cordis munditia, & reliqua.

## Primæ partis. Articulus VIII.

**A**d octauum dico concludendum secundum Innoc. & 10. And. quod alias in c. 1. de rel. & ven. sanc. quod satis est, quod in eo, qui canonizatur concurrant ea de quib; habetur & traditur, in Eccl. 44. ubi dicitur. Laudemus viros gloriosos, & parentes nostros in generatione sua. Multā gloriam fecit Dominus, sua magnificentia à seculo. Dominantes in potestatib; suis, hoīes magni virtute, & prudentia sua praediti, &c. Nā per hoc quod dicit laudemus viros gloriosos, ostendit quod canonizati erant, & quod de canonizatis loquatur, quia aliter nō mandaretur Ecclesia quod eos laudet. per hoc autē quod dicit, parentes nostros, ostendit quod nullus est canonizandus nisi si de habeat. Soli. n. parentes eius qui erant laudati & penes quos solus erat fides, canonizandi erant, & pro hoc hodie est textus. in clem. 1. de Iudais. Fides etiā praeceteris virtutib; in miraculis operatur, ut Dominus ait Luc. 17. Si habueritis fidē sicut granū sinapis dicetis huic mōti, trāsi hinc, & transibit. Per hoc vero quod sequitur. Multā gloriam fecit Dominus supple cū eis, apparet quod non sufficit, quod in uno fuerit gloriosus, vel semel cātum, sed requiritur quod in multis, & multoties, immo quod cōtinue vita eius fuerit gloriosa. Per hoc demū, quod subdit, sua magnificentia, i. sua magna potentia siue suis magnis factis, ostendit quod excellentia vitæ, & miracula facta talia esse debent, quæ excedant vires & potentias naturales, unde sequitur à seculo dominantes, &c. q. d. à seculo cōuersionis sua potenter, & in multis cōtinuarunt bonā vitam, & fidem quā habebant operib; comprobant. Fides. n. non sufficeret sine operib; quæ tunc est mortua. Iacob. 2. Nec secundum omnes sufficiunt miracula, siue vita excellentia, licet S. I. hodie dicat quod ideo in Ecclesia aliqui canonizantur per testimonia miraculorū, quia Deus non potest esse testis falsitatis. Vitam tamen sine miraculis credit sufficere Innoc. quod aī veritatem tamen Ecclesia non debet tales canonizare, quia in secreto potuerunt laxitatem vitam ducere, &c. cum determinatione tamen de qua in superiorib; & inferiorib; dico tamen etiam quod licet. nō posset aperte p̄bui, quod ille de cuius canonizatione agitur, suffragans vera baptizatus, aut cōsecutus chrismatis & cōfirmatus

D d d d tions



# Canonizatio S. Bonaventuræ.

tionis sacramentum: tamen ex quo de parentib. Christianis natus est, & in loco Christianorum, & inter eos semper cōuer-  
satus, attento voto Religionis emissio per matrē eius, violēta  
resumptio quod baptizatus, et christum sit. Quia  
presumptio pro certitudine est habenda, donec evidētissimis  
argumentis cōtrarium ostēderetur per c. veniens in fi. de pres-  
bytero non bap. & de cōsecr. dist. 4. parvulos. Et idē intelligen-  
dum de ordinibus secundum Hostien. in summa de presby. nō  
bap. S. 1. vers. sed si quis. Quinimmo dico, quod in promotio in  
Ep̄m & Cardinalem per Papā, & Cardinales ex certa scien-  
tia esset instar sacrilegij, dubitare an is fuerit dignus, aut  
habilis, & sic cōsecutus sacramenta, & ordines Ecclesiasti-  
cos. per l. ij. C. de crimine sacrilegij, & l. quidam. ff. de re iud.  
& l. 1. C. de domesticis, & protectorib. lib. 12. & l. sacri affe-  
ctus. C. de diuersis rescriptis. & l. imperialis. C. de nuptijs, &  
precibus imperatori offerendis. l. uniuersis cum similib. facit  
quod not. Io. And. in reg. infamib. de reg. iur. lib. 6. & Ant. de  
But. in c. lator. qui si. sint legit. & Zenze. super extranagan  
ei execrabilis in ver. Cardinales. Item non noceret illi, etiam  
si ex infidelib. natus fuisset, aut ipse aliās fuisset ante susce-  
ptum baptismum infidelis, per c. eam te. de rescriptis, & ibi  
nota. & 61. d. c. neophytus. & 48. dist. quoniam in principio,  
& ibi nota. postquam. s. aliquandiu à lautioribus epulis &  
spectaculis vel coniugiis abstinerunt. c. neophyti de con-  
secra. distin. quinta. & c.

## Primæ partis. Articulus. IX.

**A**D nonum dico concludendum illum posse canonizari  
secundum omnes theologos & canonistas, qui in singu-  
lis virtutibus excellit, seu excellentiam habet, & c. quod di-  
cit Collectarius intelligendum iuxta statum illius possibilita-  
tem, ut patet de Religioso claustrali, prout in casu nostro.  
Nō. n. potest Religiosus claustralis in eleemosynis & alijs a-  
ctibus charitatis, seu misericordia, se libere & uniuersaliter  
exercere. Et sic quantum ad actus huiusmodi nō potest probari  
excellentiā habuisse. Et idem de eremitis, qui nullam mo-  
lestiam malorum hominum passi sunt, & sic probari nō pos-  
sunt in persecutionib. patiētiā propter Deum habuisse, sicq;  
in actibus patientiā probati non fuerunt, nec in actib. iusti-  
tiæ, cum nec materiam ad hoc suppositam habuerunt, & ta-  
men monachi Sancti dicuntur. 2. q. 7. sancta quoque rusticitas,  
& idē in moniali sancta. 20. q. 1. vidua, & c. sancti monialis,  
& habetur de regularib. c. Ioānes. Et quod dicit Innoc. quod  
requiritur quod canonizandus fuerit gloriosus, nō in uno sed  
in plurib. nō semel sed pluries, debet intelligi sic, ut patet de  
pæn. di. 2. §. quarendum, ubi satis probatur supra dicta dist.  
cum dicitur, quod sanctus manet semper ut possit habere vir-  
tutes, & quod sanctus videretur etiā dici posse terrenarum  
rerum desertor, & Deo tota mente & cordis desiderio adha-  
rens, ut probatur de pæn. di. 2. §. hac qua de charitate in fin.  
Nec est dicendū secundum eundē Collectarium in c. 1. de rel.  
et ven. san. necessarium esse quod nō peccauerit ad hoc, ut di-  
catur sanctus, ut probatur de pæn. di. 1. & venit. in d. §. qua-  
rendum. de pæn. dist. 1. et S. Tho. 2. 2. de cōceptu iustitiæ. c. ad  
quartum. Nā diligentibus Deum oīa cooperantur in bonū, his  
qui secundum propositū vocati sunt sancti, de pæn. dist. 2. c. sed  
calis. Iustus. n. nō cadit, ut patet in Psal. ut iusti vocabulum  
amittat de pæn. dist. 3. §. hac auctoritate, & c. seq. Septies.  
& c. illud vero, & c. Fortius. n. postea resurgunt. l. dist. conside-  
randū, et c. seq. virtute. s. sacramēti pœnitentiæ, qua est seclida  
tabula post naufragiū, & beneficio orationis dominica, ibi. di-  
mitte nobis degita nostra, & c. de qua Matt 6. & Luc. 11. &  
Mar. 6. Nec obstat §. & 7. Responsorium officij confessorum  
minorum, ibi. Ecce homo sine querela, verus Dei cultor, absti-  
nens se ab omni opere malo & permanens in innocentia sua.  
quia potest intelligi de innocentia reparata, vel quoad mor-  
tale, non quoad veniale, sicut nec quoad originale, à quo  
nemo liber reperitur salua beata virgine, etiam infans cuius  
natiuitas diei est vita super terrā, ut ait Leo Sanctus in sermone  
natiuitatis Domini & Io. ait 1. Io. 1. Si dixerimus, quia pec-  
catum nō habemus, & c. veritas in nobis non est, & Prou. 24.  
Septies. n. cader iustus & resurget, impius autē corruet in ma-  
lum, de quo etiā per Bellemere in d. c. 1. Potest etiam Sedes  
Romana faci. ius in examine huiusmodi pertransire, &  
merita beati huius ad canonizationē sufficientia reputare,  
ex ea notitia et aliquali quā per prius et dum in minorib.  
ageret semper habuit, ut probatur in Clem. Romani princi-  
pes, de iure iur. Hac notitia nāque ē non plena excludit ne-  
cessitatē tanti examinis, ut not. 24. dist. quando Epus. & 47.  
dist. de Petro facit de appell. c. constitutus. & quod not. in d.

Clem. Romani. super ver. aliqualem. Nam qui notus est non  
examinatur. 94. dist. valde. 35. q. 9. veniam. Vnde & notus  
sine probatione recipitur. c. ad Apostolica. de reg. & 23. dist.  
qui Episcopus. Multum etiā facit testimonium populi, & c. ut  
patet in d. c. quando Episcopus ad si. facit ad pramissa quod  
notat Ioan. And. in cap. scriptum. de elect. & prapriū, quin  
numquā legitur fuisse auditum de hoc beato patre aliquod  
crimen, aut criminis suspicio, aut contra eum quod umquam  
ulla etiam minima laborauerit infamia, & c.

## Primæ partis. Articulus. X.

**A**D decimum dico concludendum famam celebrem cano-  
nizandi, multum & vehementissime adminiculiari,  
quia secundum Hier. in c. si quis hominem 11. q. 3. Qui san-  
ctus nō est secundum famam & opera quæ ostendit, si quis  
eum Sanctum esse crediderit, & eum Dei iunxerit sociera-  
tati, Christum violat cuius mēbra sumus. Valet nanque ho-  
minis bona fama quantum ad tria. Primo quia ex bona fama  
redditur quis idoneus ad exequenda opera virtuosa. Hinc di-  
citur in Eccl. 41. Curā habes de bona fama & bono nomine.  
hoc. n. magis permanebit tibi, quā mille thesauri magni  
& pretiosi. Item quia propter conseruationē bonæ famæ homo  
abstinet à peccatis, cuius signum est, quia quādo homo videt  
se famā perdidisse, postmodum facit fronte meretricis, & re-  
putat peccare pro nihilo, iuxta illud Hier. 3. Frons mulieris  
meretricis facta est tibi, noluit erubescere. Et super Mat.  
Corrumpendus est frater seorsum, eo quod si semel pudorē, vel  
verecundiā amiserit, semper remaneat in peccato. Tercio ne  
& ipse & alij de ordine suo contēnerentur sed veneraretur,  
propter ea quæ dicit Aug. in epistola ad plebem Hipponēsem  
super illud Psal. 68. Super me insultant, qui sedebant in por-  
ta. Et dicendum, quod in fama alicuius nō solum est creden-  
dum populo vel turba, verumeriā requirendum est testimo-  
niū maiorū, qui sunt sanioris consilij, & verioris iudicij, quod  
cōcurrit in casu nostro, prout dicit Glo super Exod. 22. 18 ex  
bona fama nō acquiritur fauor vel amicitia mundi in malū  
proximi, sed in bonum & deuotionem eorum, quia dilectus  
à Deo ab hominibus etiā diligitur, & si non per operis imi-  
tationem, saltē propter diuinā gratia manifestationē. Vnde  
dicitur in epistola 2. Pet. 2. Qui aspectu atque auditu San-  
ctus erat, habitans tamen apud eos, qui de aīe in aīem aīam  
iustam iniquis operib. cruciabant. Itē per Sanctos bona extrin-  
seca & intrinseca procreanda sunt. Nam iuxta Apostolum:  
Prouidenda sunt bona, non solum coram Deo, sed etiam corā  
omnibus hominibus. 2. Cor. 2. Et ita concludit Aug. de Aneo  
na in lib. de Eccles. potestate. q. 15. ar. 3. in casu nostro magis  
attendenda, quia etiam post mortem ad hac usque tempora  
semper perseuerauit, unde à Spiritu sancto d. ci debet proces-  
sisse, nam quæ non sunt ab eo non durant, ut probatur Act. 5.  
c. ad fin. maxime quia singularis fuit & est in eo, & non in  
alijs Doctorib. eiusdem vel alterius ordinis, & ideo nō potest  
dici vana sed Dei, prout in l. decurionum. C. de pæn. maxi-  
me quando fundatur in iuris presumptione, & probatissimis  
argumentis. l. merito ff. pro socio. & dudum de presump. &  
c. penult. eod. tit. & fama, opinio & estimatio pro eodē sumū-  
tur, ut nā in l. prima. C. de infamib. Et est fama quadā clara  
cum laude notitia, secundū Aegidium de Roma de regimine  
Principū. c. 9. & ideo testes de bona fama prauales illis de  
infamia, ut nō. in cap. licet in beato Petro de acc. Concludo  
etiā, non solum celebrem famā vehementissime adminicu-  
lari, sed fore etiā necessariā in eo qui canonizandus est, quo-  
niam oportet presenti testificatione predicari, & bona fama  
præconijs nō caceri. 12. q. 2. quattuor, ut videntes bona opera,  
glorificent patrē qui in cælis est. His subijcio conueniens testi-  
monium gloriosa mortis eius. Nam ut patet in Psal. 115. pro-  
tiosa in conspectu Domini mors Sanctorum, & in Apocal. 14.  
Beati mortui qui in Domino moriuntur. Impossibile nāque  
est, bene viuere & male mori, & secundum Aug. lib. 1. de  
ciuit. Dei. Mors mala putanda non est, quam bona vita præ-  
cessit. Et in Prospero, et in li. sapientia dicitur. Iustus si mor-  
ta præoccupatus fuerit, in refrigerio erit. Ideo dicitur in ca.  
illa in fi. §. q. 1. quod mors nō est mala, nec in sorte malorum,  
peccatorum autē mors pessima. V. 33. Obijt autē iste beatus  
pater anno ætatis eius circiter. 52. v. gente concilio secundo  
Lugdun. tpe Gregorij. X. in Lugdun. ibidemq; sepultus est glo-  
riose in Ecclesia Fratrum minorum anno, die, & mense, de  
quibus supra artic. 4. & locis. Quod quidem concilium (ut re-  
ferunt Franciscus Vercellen. & Ioan. And. in c. nemo de in-  
ceps. de elect. lib. 6. in nouel. super secunda giof.) iuguit anno  
Domi-

# Canonizatio S. Bonaventuræ.

Domini. 1274. & duravit à principio Maij usque ad Augustum. Primum etiam ibidem tempore Innocentij. viguit conciliū anno Domini. 1245. Ut patet in speculo historiæ lib. ult. in princ. Ratio vero quare commemoratio Sanctorum fit in die mortis, potius quam in natiuitate est, quia cum moritur ascendit ad gloriam, non in l. cū quidam ff. de auctoritate tu. Et est mors pretiosa sanctorum, iuxta August. in lib. de ciuit. Dei dicentem. Quid est pretiosius quam mors, propter quam debita dimittuntur, & merita cumulantur? Et super Ioannem. Pretiosus est sanguis Christi sine peccato, fecit tamen ipse etiam suorum sanguinem pretiosum, pro nobis de dit sanguinem in pretium. Nam si suorum sanguinem non faceret pretiosum, non diceretur, pretiosa in conspectu Domini. &c. Nam Sancti omnes martyres dici possunt etiam sine sanguine, propter puritatem in vbertate, quam habuit Dauid, & largitatem in paupertate, quam exhibuit Tobias, & diuina, & castitatem in iuuentute, qua usus est Ioseph in Aegypto secundum Ber. Sumitur namque sanguis large pro quacunque passione. unde dicit Greg sine ferro martyres esse possumus, si patientiā animo veraciter custodimus. Item qui dolorem exhibet in aliena necessitate, crucem portas in mente. Item ferre contumelias, odientem diligere, martyrium est in ocula cogitatione. qua omnia de beato nostro Bonaventura constanter affirmanda sunt, ut ex pramissis, & infra dicendis patet euidentissime. Ad similitudinem eius quod canit Ecclesia de sancto Martino, O sanctissima anima, quæ etsi gladius persecutoris non abstulit, palmam tamen martyrii, non amisit.

## SECUNDA PARS. Articulus. I.



**Q**UANTVM autem attinet ad quæsitum secunda partis principalis, dico fore concludendum, quod licet largo modo miraculum dici possit omne quid magnum & nouum, quod raro fit, sicut dicitur in authenticis de consulibus. S. post illud col. 3. & c. 1. de sacra unctione. S. hoc unguento. Et aliter sumitur in Cle. 1. S. 1. super hoc. de penis. & ff. de adilitio. l. antepenn. & de ius & legit. l. 1. S. 1. 12. q. 9. c. miror. de penis. dist. 1. miror. & no. auct. ut omnes obediant iudi. Prouincia. S. nec nos super verbo præsent. & in c. miramur. de seruis non ordinandis. Item quod quandoque miraculum sumitur aequiuoce, pro quolibet prodigio & portento & signo nouo, aut monstruoso & insolito, &c. Quandoque uero sumitur proprie pro eo signo in quo concurrunt ea, de quibus infra dicam. Dicitur namque proprie prodigium, quod cælitus contingit. Portentum, quod à terra. Monstrum uero præsens. Oportentum futurum. Et dicitur portentum à portio & sentum, quasi in futurum tentum, unde portentis, id est miraculis in terra factis, aliis etiam dicitur diuinatio, unde dantur versus. Prodigium cælum, portentum dat tibi terra. Et monstrum præsens, portentum sepe futurum. l. portentum ff. de verbo sign. l. non sunt liberi ff. de sta. homi. Et etiam aliquid significare de futuris, quasi portendere, unde portentosa dicuntur, qua significato suo dicunt aliquid futurum, portentum est etiam quod ex formis diuersis proponitur, secundum Papis & Archi. in c. nec mirū. 26. q. 5. & secundum S. Thom. 2. 2. q. 127. ar. 1. qui dicit, quod hæc signa dicuntur quantum loq. virtutes, attento quod sunt excedendo facultatē naturæ, & in quantum manifestant aliquid supernaturalis dicuntur signū, & propter excellentiam dicuntur portenta vel prodigia, quasi procul illud ostēdantia, &c. & dicit Aug. in sermone annunciationis Maria 6. lect. quod mirabilia sunt, quæ oibus hominibus sunt impossibilia: i. leo mirabilis partus est mulieris post quinquagesimum annū. l. si maio. C. de legis. here. & mirabiliter loquebantur quidē linguis abscessis radicibus. l. 1. C. de offic. præf. præf. Africa. Licet. S. Thom. in li. de fide. c. totus ordo in fi. videatur dicere, quod miracula non sunt contra naturā, de quo per Albe. in quod certum C. de posthu. heredibus in li. & per Arch. 1. q. 1. teneamus. & 26. q. 5. nec mirū. & 61. d. S. hi auctoritatibus & per Goff. & Hostien. in sum. de rel. & ve. San. Aliter tamen sumitur in authenticis de consulibus. S. videlicet quod raro fit, & in c. 1. de sac. unc. S. hoc unguento. & Can. 5. c. 12. q. 6. c. 1. & c. miror. de penis. dist. 1. & in cle. 1. S. super hoc. de penis. Quansū uero ad propositū attinet, illud dicitur miraculum suo signū, etc. in quo concurrunt quattuor. Primum quod ex

Deo. non ex arte contingat, nec ex diabolo, nā miracula sunt quantum q; per malos. 1. q. 1. teneamus, & c. propheta uis. 2. q. 7. S. Item Balaā. Exo. 3. Nu. 22. Est namq; necesse martyris à Deo impetrasse, quæ mādant, l. dist. si quis Prapostera. secundū quod si cōtra naturā, sicut de virga Moysi mutata in colubrū: & de asina loquente ad Balaā. c. cū ex iniuncto. de har. Tertio quod nō ex vi uerborū, sed hoīs merito id contingat, Nā panis & uinū potestate & uirtute uerborū, trās substantiatur in corpus & sanguinē, ut in c. cū Matth. S. quāsi misisti. de celeb. missa. & de consec. dist. 2. c. quia corpus, & c. quia in quibusdā. Dicit autē Aug. in ser. de annūciatione, quod miracula sunt, quæ oibus hoīb. sunt impossibilia. Et dicit Leo, quod mirabilis est partus mulieris post quinquagesimū annū. l. si maior. C. de legis. here. lib. & quod mirabiliter loquebamur nobis, eorū linguis abscessis radicibus. C. de off. præf. præf. Africa. l. 1. Quartū quod sit ad corroboratiōē fidei. Herba enim ministerio hoīs transiit in uirtū, quod nil facit ad corroboratiōē fidei. Et idē ad canonizatiōē nisi hæc quattuor concurrant, nō prodescent miracula secundum Host. in sum. de rel. & ven. San. circa. fi. & Goff. in sum. co. ri. à Lau. quem refert. Archi. in d. c. teneamus, & not. in d. c. ve. de testib. & gl. & alios in c. 1. de rel. & ve. San. lib. 9. & 26. q. 1. nec mirum, intellige etiā dummodo fiat cū charitate perfectā cum sapē fieri possint ex arte, scientia singulari, & fide nō mīa etiā ex dono Dei, ut in Regibus Frācie, & in Saul, & Balaā sine merito uita, & tales sunt potius puniendi quandoque quā Sanctis uis sunt nō sancte, d. c. proptet auit, & c. dist. 1. q. 2. c. solet. de consec. dist. 4. ubi dicit Aug. quod tāta pōt esse miraculose fides sine charitate, ut quis transferat montes, quod dicit Abbas no. in d. c. ve cōtra quāsdā uerulas, quæ sine merito uita uidentur facere miracula, & prædicere futura. Possunt enim habere spūm prophetie ex dono Dei, sine merito uita, ut in dictis iuribus Et nonnulla faciunt ex deceptione diaboli. arg. 26. q. 5. Epi. 7. q. 4. c. sciendum. & refert magister historia scholastica super Euang. in historia quadam, multis hæc ea quæ uidentur miracula, cum fictione quādam diabolica, & cum quibusdā incantationibus & characteribus positis in subascellis, fingūt se infirmos curare, & suffocare mortuos, & eos facere comedere. Et legitur de quadam phitōnissa quæ suscitauit Samuelem ad preces Saulis Regis, siqd tamen ut refert Bald. in dicto ca. venerabili, de test. probauit Actū. 16. Nec oī stat illud Ioan. 9. quod peccatores Deus non exaudit, quia secundum Aug. S. exaudit, vel ex sua misericordia, vel propter salutem eius qui orat, ut patet in Luc. 18. vel propter salutem aliorum, & gloriam Dei, secundū Tho. Verum quoniā fundamentalis ratio, propter quam Doctores uoluerant esse necessaria miracula in canonizatione Sancti, est, quia ignoramus sine miraculis, an fide uita duxerit, & in secreto laxiorem, & an sic fuerit dignus, ex quo hæc ratio etiam cum miraculis potest militare, si fiant ex scientia singulari etiam dono Dei, & fide plurima sine perfectā charitate ut est prædictum, & probat Apostolus. 1. Cor. 13. & probatur etiam in Matth. 13. & 16. Et ex uehementi imaginatione qua facit casum, ut patet per Aug. in lib. de Trin. referentem, quod quidam in tantum recogitabat alicuius mulieris imaginem, quod ei carnaliter commisceri uidebatur. Aut ex uirtute uehementis orationis secundum Io. And. in Clem. Si Dominum de rel. & vener. Sancti in fi. Glo. magna. & Act. 6. c. uidetur non malē dici posse, quod ubi uita canonizandi fuit adeo excellens ratione Altissima religionis, & doctrina etiā, prout in casu nostro, quod tollatur contraria suspicio etiam sine miraculis, & permixtione in tempore quo plantula Ecclesia erat iā firmata & non indigebat suffragio aquæ aut miraculorū, de quibus Marci ult. & ad Heu. 2. se. se. Hier super Isa. lib. 18. Non n. potuissent omnes gentes in tam breui tempore credere; nisi signorum miraculis fides eorum quodammodo fuisset extorta. Clamantibus enim Apostolis, & Apostolicis uiris Dominus signorum magnitudine respondēbat, ut refert. Io. And. in ca. cum ex iniuncto. de heret. Et præsertim cum tpe eius non uigerent hæreses graues, extinguentia etiā per miracula, prout uigebant tempore Sanctorū Domitici, & Francis, & c. Luc. 16. Et quia non est gaudendum, quod fides nobis subiciatur, sed potius quod nomina nostra scripta sunt in calis: & ne nobis dicatur Luc. 11. Generatio praua signum querit, & non dabitur ei, nisi signū Iona Propheta secundum Aug. 20. de ciuit. Itē quia in ipso Deus tentari uidetur, fi. de pur. v. l. Hinc est, quod cum diceretur Achaz. Pete tibi signum, & c. Isa. 7. Respondit non petam, & non tentabo Dominum. Et dicit. S. Thom. in 3. parte. quæst. 43. quod miracula minuunt meritum fidei, uolentem tra-

D d d d a d d e

# Canonizatio S. Bonaventuræ.

deere nisi per ea. Item Augustinus in sermone de martyribus, quia virtutes & mirabilia non omnibus datum est facere, &c. videntur namque sufficere debere miracula mystica. Satis enim linguis loquuntur nomis, qui vita veteris secularia verba dereliquentes sacra mysteria insonant, & conditoris sui laudem, & potentiam, quantum praevalent, narrant. Et serpentes tollunt, qui bonis suis exhortationibus malitiam ab alienis cordibus auferunt. Et dum pestiferas suasionem audiunt, sed tamen ad operationem pravam minime pertrahuntur. Mortiferum quidem est quod bibunt, sed non eis nocet. Item quod quotiens proximos suos in bono opere infirmari conspiciunt, dum eis tota virtute occurrunt, & exemplo sua operationis illorum vitam roborant, qui in propria actione titubabant, quid aliud faciunt, nisi quia super egros manus imponunt, ut bene habeant? Secundum Gregor. qui subdit: Hac miracula nimirum tantopere maiora sunt, quanto & spiritualia tanto maiora sunt, quanto per hac non corpora, sed anima curantur, & sanctificantur. Facit quod dicit Apost. 2. Thes. 2. de tempore Antichristi, & alibi: Lingua in signum sunt non fidelibus, sed infidelibus, &c. Nam corporalia illa miracula ostendunt aliquando sanctitatem, non autem faciunt. Hac autem spiritualia non tantum ostendunt, sed etiam faciunt, &c. ut patet per Gregor. ubi supra. Item Greg. Miracula hominem sanctum non faciunt, sed ostendunt. Deus enim facit miracula per auctoritatem, Angeli per materiam, habilitationem, demones per virtutes naturales insistas, Magi per occultos contractus cum demonibus, boni Christiani per publicam iustitiam, mali vero Christiani per signa publica iustitia. Et sciendum est quod Augustin. de Ancona. in lib. de Eccles. potestate. q. 15. art. 16. disputat hanc quaestionem, & dicit eam esse dubiam, concludit tamen, quod propter evidentiam miraculorum aliquorum, cum sint signa testificationis sanctitatis, & doctrinae veritatis Sanctorum, debet Papa aliquos canonizare, auctoritate Augustin. 22. de civitate Dei. & in lib. 83. quaest. Dicit tamen S. Thom. in quodam suo libello, qui incipit, Actus litteris, quod potest fieri non solum virtute Angeli, sed etiam virtute hominis, quod aliqua pars terra per violentiam sursum feratur. Deinde subdit: Sunt tamen aliqua miracula non simpliciter, sed quoad aliquos, qui eorum causas ignorant, sicut quaedam in arte humana facta, mira ignorantibus artem videntur, & multo magis arte Angelica, & talia fieri possunt virtute alicuius creaturae, sed non exclusivè virtute divini, &c. vel etiam virtute demonum, secundum quod plene declarat idem Beatus Bonaventura in 2. Sentent. dist. 8. ibi. Tertio loco quaeritur, utrum demones possint sensus illudere. allegans Gloss. Rabani super Exod. 8. c. Adde quod dicit Ambrosius in homilia super Lucam. Liberare a demone homines, sed in verbo Dei possunt, resurrectionem mortuis imperare. Divina solius est potestatis. & Chrysostom. super Matth. Signanter dixit, In nomine tuo demonia, &c. & non in spiritu tuo, &c.

## Secundæ partis. Articulus II.

Ad secundum dico, etiam praesupposito, quod omnino de necessitate requirantur in canonizatione alicuius miracula, quod tamen in casu nostro sufficiunt aliqua, & non requiratur frequentia miraculorum, sicut nec in martyre, in quo sufficit constare de martyrio, & causa propter quam passus est, scilicet propter fidem Christi, aut libertatem Ecclesia conservandam, ut in sancto Thoma Cantuarien. & sancto Beato quondam Episcopo Paduano, & sancto Petro martyre, ordinis Predicatorum, ab quo eo quod fiat multa alia examiniatio de vita & miraculis, ubi tamen aliqua licet pauca miracula sufficerent, secundum Hostien. in sum. de rel. & vene. in. 5. & hac intelligas, ar. de consecr. dist. 4. cap. cathecumenum &c. baptismi vicem, quem sequitur Ioan. in directorio iuris Rubri. 13. in. S. ad canonizandos ver. & hoc verum. De cuius sancti I. ho. martyrio patet in c. sicut dignum. de homi. pro qua sententia facit quod scribit Apostolus dicens. 1. Cor. 12. Alij gratia sanitatum in uno spiritu, &c. & subdit: Hac autem omnia operatur unus atque idem spiritus, dividens singulis prout vult. Et probatur in c. multa. 1. q. 1. Nam etiam aquipatur testimonium scripturae miraculis, ut no. in c. cum ex iniuncto, de hered. & 50. dist. si quis preposita. & quod legitur Luc. 16. cap. Et quia nimis curiositas in hoc etiam est damnanda, & ratione dubitationis melius est ex abundantia aliquid facere, quam omittere. ar. 11. quaest. 2. nolite. 13. quaest. 2. non existimemus. 23. quaest. 3. corripiantur. cum simil. Pro

hac etiam sententia facit, quia Ecclesia in officiis martyrum nullibi facit mentionem de miraculis, sicut in officiis Confessorum, de multis martyribus non legitur ipsos aliqua miracula fecisse, licet sint canonizati ab Ecclesia, ut patet de Ioanne Baptista, & alijs pluribus. Sentit tamen Io. And. in dist. c. 1. de rel. & vene. San. quod frequentia miraculorum requiratur in canonizando, quod Romanus Pontifex debet attendere, utrum miracula crebrescant & continuantur antequam inquisitionem committat. Dicit tamen August. in libro. 83. quaest. quod boni Christiani per publicam iustitiam faciunt miracula, & admonet Dominus, ut intelligamus quaedam miracula etiam sceleratos homines facere, qualia Sancti facere non possunt, & ideo non omnibus Sanctis ista attribuntur, ne perniciosissimo errore decipiantur infirmi, extimantes in talibus factis esse maiora dona, quam in factis iustitia, quibus aeterna vita comparatur, ut probatur Matth. 7. c. & 24. unde Hieron. Prophetare, & virtutes facere, & demonia eicere non est eius meriti, qui operatur, sed invocatio nominis Christi, hoc agit, ut homines Deum honorent, ad cuius invocationem fiunt. Et ab his qui veram doctrinam enuntiant, sunt quandoque vera miracula ad confirmationem doctrinae, non autem ad testificationem sanctitatis, secundum Tho. 2. 2. q. 128. art. 1. ergo nec de frequentia videtur faciendum vis magna. Concludit etiam August. de Ancona in lib. de Eccles. potestate. q. 16. art. 2. & in q. an Papa debeat servare eundem modum in canonizatione martyrum, & confessorum, affirmat, quod in canonizatione martyrum non sunt necessaria miracula, sed tantum sufficit veritas cause & martyrii. Pro quo facit, quod in officio martyrum nullibi Ecclesia mentionem facit miraculorum, sicut in officiis confessorum. Item quod martyr etiam sine baptismo potest propterea canonizari, allegat Augustinum in epistola ad Seleucianam dicentem: Quoscunque legimus in corpore Christi (quod est Ecclesia) pertinere ad regnum calorum, non nisi baptizatos intelligere debemus, nisi forte quos angustia passionis, & nolentes Christum negare, antequam baptizarentur occisi sunt, quibus iam passio pro baptismo deputata est, &c.

## Secundæ partis. Articulus III.

Ad tertium dico, quod licet omnes Doctores videantur miracula requirere, tam in vita, quam in morte, ut patet in Gloss. in c. unico. de rel. & vene. San. lib. 6. & per Bellemere in c. venerabili de ressi. & Hostien. in sum. de rel. & vene. Sancti, tamen etiam sufficerent sola miracula post mortem, ut probat hymnus confessorum, ibi: Ad sacrum cuius tumultum, &c. ibi nihil dicitur de miraculis factis in vita. non obstat illud quod dicitur in 7. vers. & respons. ibi. Iste homo ab adolescentia sua pariter meritis infirmos curare, dedisse illi Dominus cecos illuminare, & demones effugare, cum quia non dicitur in officio confessorum maiorum, de quibus futurus esse beatus Bonaventura videtur, tum quia non dicitur in non facientibus miracula, vel salutem talia, quia non omnes canonizati cecos illuminaverunt, ideo omittitur illud responsum, & loco eius ponitur nonum responsum, quod alias videretur superfluum, propter Te Deum laudamus, &c. quod immediate cantatur, & incipit responsum, Dominus qui elegit te, &c. Item respicit Sanctos, ut universos, non ut singulos, & sicut genera singulorum, & non singula generum, quia etiam singuli non semper manserunt in adolescentia in innocentia sua, &c. ut subijcitur in vers. sequenti illud responsum ibi: Ecce homo sine querela, &c. Satis namque dicendum est fecisse mirabilia in vita sua, qui inuentus est sine macula, & qui post autem non abiit, nec speravit in pecunia thesauris, &c. Et hoc sentit S. Thom. in secunda secunda. q. 178. art. 2. in quantum dicit. Ad demonstrationem autem sanctitatis alicuius in exemplum virtutis, non sunt miracula siue per Sanctos in vita, vel post mortem, siue per eos siue per alios. Iuxta illud Act. 5. & 9. Et nihil prohibet per aliquem malum fieri miracula ad invocationem alicuius sancti, quia tamen miracula non dicitur ille facere, sed is ad cuius sanctitatem demonstrandam hac fierent, Deus tamen principaliter operatur, secundum Greg. in 2. dial. quia virtus instrumentaliter, vel interiori motu hominis, vel eius locatione, vel etiam aliquo contractu corporis mortui, & ita intelligitur in Ios. 10. & 4. Reg. 13. Potest etiam Deus operari per fidem hominis mali instrumentaliter, sicut homo operatur per baculum. Impetrant etiam mali interdum ex misericordia Dei, vel propter salutem suam sicut publicanus. Luc. 18. vel etiam

# Canonizatio S. Bonaventuræ.

etiam propter salutem aliorum, & gloriam Dei, quod esse non possit post mortem eorum & damnationem, & ideo magis requiritur post mortem, quam in vita. Sufficiens autem in vita videtur & stupendum miraculum in hoc patre nostro Bonaventura, quod legitur in Chronicis, quod cum ex nimia conscientia indignum se existimaret communione Eucharistia, & ideo à celebrando abstinere, die quadam miraculose, & nemine ministrante nisi Angelo, una ex partibus Hostia consecrata in os eius intravit, eumque cibo caelesti replevit. Circa quod notandum dico, quod corpora glorificata videri actualiter non possunt nisi per miraculum, secundum Archi. in c. sacrificium. de consec. dist. 2. & ideo merito de ipso cantabit Ecclesia: Iste cognovit iustitiam, & vidit mirabilia magna, &c. & inuentus est in numero Sanctorum. Ad veritatem autem conclusionis præmissæ multum faciunt littera Inm. III. super canonizatione SS. Homoboni, Cremonensis, & Vulsiani quondam Episcopi Vigornien in quibus non referuntur nisi miracula facta post mortem, ut ex tenore ipsarum litterarum constat evidenter. Adde quæ habentur in legenda nativitatibus S. Io. Bap. & littera Calixti III. super canonizatione S. Osmundi de Anglia, qui etiam nulla refert miracula facta in vita.

## Secundæ partis. Articulus IV.

**A**D quartum dico primo concludendum, quod testes examinandi super miraculis, examinentur per Commissionarios deputatos ad hoc à Sede Apostolica, & non per alios, unde non putat Boetius, ut refert Io. And. in c. ven. de testi. quod tales deputati commissarii possunt alijs committere hoc examen propter arduitatem negotij, & propter industriam electam. per c. si. de off. dele. de quo per doct. in Cle. 1. eo. tit. Item quod examinentur sigillatim, id est, quilibet per se, non plures simul, aliter non valeret testimonium, secundum Io. And. & alios in c. vener. de testi. per no. in c. cum causam eo. tit. probat. l. si quis inter. C. de bo. prescrip. Itē examinentur super omnibus circumstantijs, de quibus in d. c. cum causam. Itē secreto, arg. C. de testi. nulli & in c. inquisitionis. de accus. sicut. & vota eligentium scrutantur. c. quia propter. de elec. & ad similitudinem Danielis. 13. Ne unus habeat alium instruere, aut unus sequatur dictum alterius, & ita non possit falsitas illorum facile deprehendi. Facit. c. omnis. de pœ. & re. & ne forte ipsis contradiantibus vox contradictoria de foris audiantur, & sic partes addiscant testificata, arg. in c. in causis de elect. Item examinentur cum ea diligentia, quæ solet & debet in receptione testimonij adhiberi. ut d. c. venerab. in fine. immo etiam cum maiori ut ibi nota. quia circa maiora maius periculum vertitur, & ideo cautius est agendum. 42. d. c. quiescamus & c. ubi periculum de elect. lib. 6 l. 1. s. 2. ff. ad carban. Item quia deponentes potuissent faciliter decipi, ut in c. 2. de rel. & vener. San. etiam si forent obstrictes, quia sæpe manus fallitur, & oculus obstrictus, ut dicit canon. 27. q. 1. nec aliqua. & in c. causam matrimonij. de prob. & in cap. fraternitatis. de frigi. & c. si per Sortitias. 33. q. prima. & consequenter etiā iudici iudici, ut ibi patet. Et de hoc ordine iudiciario debet intelligi illud quod dicit Aug. de Ancona in lib. de Eccles. potest. q. 16. art. 1. Intelligo etiam sigillatim fieri debere examen, tam super specificatis in articulis, quam super omnibus circumstantijs, iuxta ea quæ habentur in c. cum causam. de testi. ubi dicit Bald. quod miracula non præsumuntur, quia sunt de impossibilibus natura, & in ea forma de qua per Ang. in l. si quando l. 2. C. de bonis vac. lib. 10. & Bal. in l. non possunt. ff. de legi. & not. in cap. exhibita. de iudic. & in cap. presentium. de testi. lib. 6. & in cap. penult. S. porro. de elect. & in c. damnamus. S. nos autem, de summa Trinit. licet aliter exponatur verbum sigillatim per Archi. in capitul. si cui. de elect. libro sexto. de quo habetur in l. sed & si per Pratorem. in fin. ff. ex qui. cau. ma. & in l. cum quidam. C. de verbo. signific. Concludendum est etiam, quod miraculum est, quod est mirum factum. & vere est miraculum mirum, quia supra facultates siue vires naturæ, vel quoad factum, vel quoad modum. Quoad factum, scilicet ut quoad præces Greg. Neocæsariensis. legitur quidam mons retractus & dedisse locum Basilicæ fabricandæ, & ad præces beati Benedicti quidam lapis translatus est de horro, ut habetur in historia scholastica super euangelia. cap. in sequenti quoque die, & cet. & quod causæ factus est videns, & mortuus suscitatus, ut legitur Petrum resuscitasse, & c. q. 1. sententiam. 3. q. 8. Petrus. Et Christus Luca. 8. in fi. de pœ. dist. 1. s. ex his itaque. alias est. S. denique vers. in Evangelio. cū si. Hoc enim est supra facultates, seu vires naturæ, quia via naturæ non datur regressus

de privatione in habitum. Quo autem ad modum facti verputa si aliquis est febricitans, via naturæ, per certas alterationes potest fieri sanus, de pœ. dist. 7. cap. ult. in fin. 23. quæst. 4. cap. ipsa pietas. in princ. & c. quid facit. & c. nimium. in princ. Sed si fiat in instanti ad invocationem Dei seu per Deum meritis alicuius Sancti invocati, & hoc supra vires naturæ, quoad modum naturæ, quæ operatur successive per alterationes diversas, non potest probari directæ probatione, quia directæ probatio est per rerum principia. Et sic etiam intelligi debet illud, quod negantis factum per rerum naturam (hoc est per rerum principia) nulla est probatio. leg. actor. cap. de probatione. 6. quæst. 5. actor. & de electio. bona mem. Magunt. versiculo. quamvis. cap. 1. de clandestina despons. quia quod non est, non habet principia. quia secundum philosophum, Non entis non sunt species, neque differentia, ergo neque principia: quia superiora ad species, & ad differentias essent actualiter in ipsis, secundum Porphyrium. Cum ergo miraculum ex subiecto in quo fit, non habeat quod directè miraculum probari potest, ideo sequitur, secundum quod dicit Archid. in capitulo. nec mirum. 26. quæst. 5. quod indirectè probari potest. Nam cum reperitur miraculum quod vires naturæ excedat, vel quoad factum, vel quoad modum facti, ut præmissum est, & hoc constat esse factum, sed non ex causa naturali, habetur consecutivè, & indirectè illud miraculum tantum ex causa supernaturali, quia quod meum non est, scire debeo ad alium pertinere. lege cum quærebatur. cap. unde vi. Unde natura videns hoc mirum factum non esse suum, nec à suis principijs derivatum, licet sit in se factum, habet ascribere causæ maiori, & sic probatur indirectè, prout etiam firmaverunt Ioan. monachus. & Ioan. Andr. in nonella. in capitul. 1. de confessis. lib. sexto in versiculo. non possunt. Barro. in tractatu. de test. in ca. qualitas sine substantia, dicit circa hoc magistraliter, quod cum agitur de aliquo comprobando in Sanctum, cuius vita & miracula sunt probanda, ut est sacris canonibus constitutum, vitam probare facile est, miraculum autem quod dicitur quasi admiratione plenum, & quod est id cuius effectus est manifestus, causa autem eius omnibus est occulta, quoniam solus Deus. unde quæ à Deo fiunt propter causas nobis ignotas, quæ vires nostras excedunt, ideo miracula nuncupantur. Et Sancti Doct. tradunt hoc tribus modis contingere. Primum circa substantiam facti, ut dum Deus facit aliqua, quæ natura nullo modo facere potest, ut quod sol set, ut fuit tempore Iosue, vel retrocedat tempore Exechie regis, vel quod homo habeat corpus glorificatum, ut Christus post resurrectionem, & id quod in sacramento altaris fide cernimus. Et ista in miraculis summum gradum obtinent. Secunda quando illud fit, quod natura facere potest, non in illo in quo fit, sicut resurrectio mortuorum, illuminatio cæcorum, & similia. Potest enim natura dare vel secare vitam, sed non in mortuo: & potest prestare visum, sed non tamen in vera cecitate. Et hoc tenet secundum locum in miraculis. Tercio quando quod fit, natura potest facere, sed non in illo ordine, ut quando aliquis virtute diuina à febre subito liberatur nullis adhibitis remedijs, vel non cum consueto processu natura panis multiplicatur. Potest enim homo naturaliter facere panem, sed non illo ordine. Liqueat ergo, quod miraculum probari oportet probando aliquid naturæ, ita quod vires nostræ naturæ excedunt, vel in substantia eius quod fit, vel in subiecto eius quod fit, vel in subiecto eius in quo fit, vel in ordine faciendi. sed si illud potuisset per causas naturales reduci, non esse miraculum clare probatur: quod autem Deus fecerit per invocationem illius Sancti probatur invocatione, vel voto ad illum Sanctum emissis, quibus probatur recte concluditur illam animam esse beatam, quia tamen in istis potest faciliter esse deceptio, istud est determinationi Ecclesiæ Romanæ reservatum, cui standum est. Et hinc est, quod Innoc. tertius in processu canonizationis Sancti Homoboni Cremonen magnam fidem addidit testimonio Osbertij presbyteri, Sancti Argidij Cremonen. qui patrum fuerat ipsius Sancti Homoboni, & per viginti annos, & amplius confessionem eius semper receperat, super obediensiam quam in orationibus, & vigilijs, & alijs penitentia fructibus, quæ sibi ab eo imposita erant plus iniuncto satisfactionem exhibebat, licet videretur in suo dicto singularis, ut patet in litteris canonizationis ipsius. Non videtur tamen hoc casu nimium laxanda facultas, argum. in cap. tua nos de confus. & affi. Item Bonifacius nonus admisit testimonium filie Sanctæ Brigide, ad probanda miracula matris eius, quia etiam ab his qui foris sunt, oportet Sanctum habere testimonium, secundum

# Canonizatio S. Bonaventuræ.

dum Ambrosium in homil. latens, &c. Item Innocen. Sextus in Bulla directa per eum ex Avinion: Pontificatus sui anno 6. Archiepiscopo Pragensi. & Episcopo Olomuncen. & cuidam Abbati, super inquisitione fienda pro canonizatione Lupulli, introclusit specificam formam circa examen testium per eos servandam, qua non discrepat ab alijs communibus formis examinum aliarum causarum civilium, vel criminalium. Ex quo infero, sufficere diligentiam adhiberi in huiusmodi, qua est adhibenda in alijs causis grauioribus. Dico & concludendum, quod licet Vincentius antiquus Doctor in c. venerabili de testi. dixerit, quod ad hoc quod quis tamquam sanctus canonizetur, quod probanda est frequentia miraculorum, & per eosdem testes, & non sufficit per duos testes fore unum miraculum ad inuocationem ipsius Sancti factum tali die, & aliud factum eadem die, vel sequenti per alios testes per inuocationem eiusdem Sancti, quia diuersa probant, nec concordant in idem, nec in eundem. Instit. de duobus reis. S. I. & c. licet ex quadam. de testi. ut refert Archid. 26. q. 5. c. nec mirum. Verius tamen esse credo de iure, quod firmat Collecta in c. 1. de reliq. & vener. San. dicens sententiam Vincen. esse mirabilem, & contra iura, qua dicunt, quod in ore duorum vel trium fiat omne verbum. c. in omnes. & cap. licet. de testi. & quia satis est, quod conueniant omnes in facto miraculo, & sanctitate eius de quo agitur, & satis est quod ex diuersis actibus resultat frequentia miraculorum necessaria, sicut ex diuersis iuribus una regula, ut not. de regul. iur. c. 1. & ex diuersis actibus consuetudo, ut not. de consli. c. 1. & ex diuersis gradibus cognatio, & in c. non debet. de cons. & affi. ex diuersis actibus iurisdictionibus iurisdiclio & tamen ad probandos singulos actus, ex quibus resultant predicta, non sunt necessarij ydem testes, ut ipse not. in c. ex tenore. de testi. faciunt not. in c. nihilominus. 3. q. 9. & propterea concludit, quod sufficit probare unum miraculum factum tali die, in tali loco, per tales, et sic per diuersos testes probare diuersa miracula, alijs concluderetur impossibile, & necessarium fuisset, quod ille de cuius canonizatione agitur omnes testes semper secum duceret, & sic videretur una collusio, & falsitates fingi possent. ar. 4. q. 4. in testib. nec pauperes, qui nullos secum ducere possunt, canonizarentur, iuxta not. in c. licet. de testi. Cuius sententia alijs sum secutus, in voto contra Iudeos Tridentinos, qui mar tyrizauerunt infantem Simonem, quinimo etiam dico, quod etiam sufficeret probare miraculum per testes, quorum aliqui deponerent de infirmitate incurabili precedenti secundum naturam, aliqui vero deponerent, quod iam factus esset sanus, sicut dicitur de celebratione Missæ. in d. c. nihilominus, quod satis probat. d. c. vener. de testi. in fi. ubi sufficit quod interueniat diligentia, qua solet & debet in receptione testium adhiberi. Idem tenet. Bellemere in dicto c. venerabili referendo Collectarium.

## Secundæ partis. Articulus V.

**A**D quintum dico concludendum, quod non est necessarium, quod miraculum fiat in instanti, ut patet. 3. reg. 17. c. & Exod. 10. & 14. & 4. Reg. 4. & 5. & Mar. 8. secundum Arch. in c. nec mirum. 26. q. 5. quem refert, & sequitur Mar. de laude. in allegationib. quas fecit pro canonizatione sancti Bernardini, licet in contrarium videatur Act. 9. ubi patet, quod continuo surrexit, &c. & Act. 3. iuxta princ. ubi dicitur, Et apprehensa manu eius dextera alleuauit eum, & protinus consolidata sunt bases eius, & planta. & in Luc. iuxta fi. ubi dicitur, Et tetigit simbriam vestimenti eius, & confestim stetit fluxus sanguinis, & in c. ad eius vero concubitu. 5. dist. nam apud Deum non est mora de pæ. di. 1. c. multiplex. alias accipit. c. his autem, Vnde Amb. Spiritus sancti gratia nescit tarda molimina. & in Luc. 8. iuxta prin. ubi dicitur. Adolescens tibi dico surge, & resedit qui erat mortuus. & Io. XI. iuxta fi. dicitur, Lazare veni foras, & statim prodijt, qui mortuus fuerat & Matth. 9. ubi dicitur, Et facta est salua mulier ex illa hora, & 15. ultra med. ubi dicitur, Fiat tibi sicut vis, & salua facta est filia eius ex illa hora. & de pæn. dist. 1. S. ex his itaque alias est. S. denique. iuxta fi. ibi leprosus vero, ubi sequitur, quem postea tangendo mundauit. & S. hoc idem iuxta prin. ver. hinc etiam. & Lu. 5. iuxta prin. ubi dicitur, quod confestim lepra discessit ab eo. Io. 5. circa princ. ubi dicitur quod statim sanus factus est homo, & Matth. 8. iuxta prin. ubi dicitur, Volo, mundare, & statim mundata est lepra eius. & Matth. 20. in fi. ubi Iesus tetigit oculos caecorum, & confestim viderunt. & Matth. 10. dicitur, Confestim vidit. & Mar. 7. ubi dicitur, Et statim apersa sunt aures, &c. Quibus omnib. responderunt auctoritate Gl. posita in predicto c. 8.

bus omnib. responderunt auctoritate Gl. posita in predicto c. 8. Matt. dicens, Quem uno verbo statim curare poterat, paulatim curat, ut magnitudinem humana cecitatis ostendat, qua vix & quasi per gradus ad lucem redeat, & gratiam suam nobis indicat, per quam singula perfectionis incrementa adiunuat. Et dicit Io. And. in d. c. 1. de rel. & vene. San. aliquos dicere, quod si sit illusio vix possunt continuari miracula ultra quadraginta dies, de quo tamen certi non sumus. & ex his dico, quod cum ex processibus factis in causa presentis canonizationis, constet de multis miraculis post mortem huius beati patris Bonaventura factis, ut leprosis mulieris, paralyticis, & alijs varijs modis infirmis curatis miraculose, impij esse denegare huiusmodi canonizationem, & maxime propter miraculum lingua eius reperta incorrupta, tempore translationis corporis sui, ut patet ex multis contestib. de quib. in processu, & de lingua S. Antonij de Padua, de qua ipse testatur in chronicis. Non enim voluit Deus, linguam Sancti sui videre corruptionem, iuxta illud Psal. 15. Et ne corpus quod corrumpitur aggrauaret animam, iuxta illud Sap. 10. quia custodit Dominus omnia ossa eorum, & unum ex eis non conuertitur, qui etiam dissipat ossa eorum, qui hominibus placent, ut Ps. 33. & Ps. 52. licet de omnibus dictum sit. Memento homo quod cinis es, & in cinerem reuerteris, &c. secundum Hostien. & Io. And.

## Secundæ partis. Articulus VI.

**A**D sextum dico similiter concludendum non esse contra rationem miraculi, si in liberatione alicuius dolor interueniat, ut in Marc. c. 9. Et ibi, exclamans & multum discerpens eum, exiuit ab eo. Vbi nota quantus fuit dolor, quia sequitur, & factus est sicut mortuus, ita ut multi dicerent, quia mortuus est, &c. Et hoc etiam satis apparet ex eo, quod scriptum est in vita B. Francisci, Rubrica de intelligentia scripturarum, ubi inter cetera dicitur, Signo itaque crucis super eum facto, statim qui contractus iacuerat, surrexit sanus, & in Dei laudem prorumpens. Ego, inquit, sum liberatus, insinuerunt autem ossa renum eius audiensibus multis, veluti cum manu ligna sicca frangitur. Et sic concludit etiam Arch. in d. c. nec mirum. 26. q. 5. Item non est contra rationem miraculi, quod fiat cum aliquo adiutorio natura, ut patet in 4. Reg. 5. de Eliseo, qui misit Naaman principem militie Regis Syria leprosum, ad lauandum septies in Iordane. Et de filio vidua mortuo super quem se incuruauit Propheta, ut infunderet in eum calorem, sicut dicitur in 4. Reg. 4. Item in Io. 9. de luto facto ex spuro, quo liniuit Christus oculos cæci nati, & de eo quem misit ad lauandum ad natatorum Siloe, & de probatica piscina, & similib. Item nec est etiam contra rationem miraculi, quod illud operantur qui in ipsum operando peccant, unde dicit gl. Nu. 20. quod Moyse & Aaron cum percussione virga fecerunt effluere aquam de petra, habuerunt quendam inanem gloriam, & ideo meruerunt audire. Quia non credidistis mihi, ut sanctificaretis me coram filiis Israel, ideo non introducetis hos populos, in terram quam dedi eis. Et super illo verbo Luc. 10. Nolite gaudere quia spiritus subijciuntur vobis, dicit gl. quod letitia qua Christus discipulos suos laetos videbat, inanem gloriam gaudebat enim, quod quasi sublimes terribiles hominibus, & demonibus erat, ideo Christus talem cordis elationem in eis reprehendit, indicium ruina primi Angeli referens, &c. Non est etiam contra rationem miraculi, quod ad maximam instantiam etiam cum tarditate quadam fiat, ut patet de muliere Chananaea, &c. Sic etiam non est contra rationem miraculi, quod unus Sanctus illud faciat aut facere possit, & alius non, ut patet in Matt. 17. de lunatico demoniaco. Item etiam non est contra rationem miraculi, quod sanatus de proximo reciduerit, ut patet in legenda S. Petronilla paralytica, iuxta no. in l. Martius ff. loca. & l. 1. C. de emen. feruorum, & in c. praterea, de cle. percu. & in q. dominica. 83. de qua per Io. And. in mercu. contractu. de reg. iur. li. 6. & in c. presbyter. & c. significasti, de homic. & per Bar. in l. 1. S. si in rixa, ff. de sicca. Sufficit ergo, quod sanitas fuerit verisimiliter duratura, licet causa sit momentanea aut reciduerit, &c. per aliquod accidens culpabile & inordinatum. Item quia non est contra rationem miraculi quod faciens miracula, adhuc sit in purgatorio, ut patet de Paschasio diacono teste Greg. in dial. & per Vin. in Spe. hist. lib. 21. c. 94. Item non est contra rationem miraculi, quod fiat in inuitum, ut per eundem Vincen. eo. li. c. 54. Item quod etiam fiat in sideribus vel elementis, aëribus cali, aut piscibus maris, vel animantibus terra, aut arboribus, aut lapidibus, aut alijs quibuscunque creaturis, &c. etiam ad damnationem & penam malorum, sicut de Anan. & Saphir. act. 5. & similib.

Secundæ



# Canonizatio S. Bonaventuræ.

Secundæ partis.

Articulus VII.

**C**irca septimum concludo, quod primo requiritur, quod præcedat instantia aliquarum personarum honestarum, authenticarum apud Rom. Pont. & supplicatio non semel, sed pluries, & instanter, pro huiusmodi canonizatione fienda, & obtinenda, &c. & non tantum semel, sed pluries & instanter, sicut not. de concessi. & de pallio. ut in c. quidam cedendi, de renun. & in c. cum post petitam, de elect. Non enim consuevit moveri Papa statim ad committendam hanc inquisitionem, sed potius expectare quamdiu pulsetur, &c. propter rationes de quibus supra premisi, facit clem. quamvis, de appel. add. not. in c. prisca. dist. 10. & in c. importuna, de pœn. dist. 1. Circa quod dico, sufficere si fieret instantia per Episcopum & capitulum loci illius, ubi sepultus est canonizandus, & uniuersorum praelatorum, & generalis capituli illius congregationis & ordinis, cuius fuit ipse de cuius canonizatione supplicatur. Possunt namque licite instare religiosi pro canonizatione aliquis Sancti, qui fuit de ordine ipsorum. Nam omnes hi de quibus in c. venerabili, in prin. de test. instabant & preces porrigebant pro illius Abbatis S. Martini canonizatione, ad quorū petitionem Papa Alexander III. commisit testium receptionem, super uita & miraculis eius, ad quod signanter Abbas notat illum tex. possunt etiam tales supplicantes pro canonizatione, assumere ministerium partis auctoritate iudicis, & illam promouere, & testes producere, tam super uita quam super miraculis, ut ibi patet secundum Io. And. & alios. In casu autē nostro multo maior præcessit instantia, uidelicet & Regum, & Comitum, & aliorum magnatū, ut patet in processu, iuxta illud Apostoli. 1. Tim. 2. & 24. dist. 1. 78. dist. quid est cito, de elec. cum nobis olim. c. si. eo. si. li. 6. Secundo requiritur, quod expectato aliquo tempore Papa cum consilio fratrum, in patria illius pro cuius canonizatione instatur, committat duobus praelatis uel alijs personis honestis, discretis, & incorruptis, ut inquirant de fama & de deuotione populi, & de alijs quæ sibi sunt nuntiata in genere, quoad famam non quoad ueritatem, & non in specie, & quod sibi describāt quæ inuenerint, & an eis uideatur, quod super ueritate earumdem & causa in specie sit inquisitio committenda de uita & miraculis eius. Circa quod dico, quod Innoc. III. processum inquisitionis S. Vulfani quondam Episcopi Vigorn. in Anglia, commisit Cantuarien Archiepisc. & Episcopo Helē. & S. Eadmund & de Vrben. Abbatibus, & sic quattuor praelatis. Potest etiam qui facit instantiam pro canonizatione illius, de eius uita & miraculis est inquirendum, inter illos deputatū ad huiusmodi inquisitionem faciendam, ita probat d. venerabili, iuncta superscriptione. Dico etiam sufficere duos praelatos tantum, etiam ubi committeretur inquisitio pro canonizatione Papa, ut refert Io. And. factum fuisse in commissione canonizationis Gre. X. in c. ubi periculum, in prin. de elec. lib. 6. in nouel. Fuit enim facta commissio Archiepiscopo Pisano & Episcopo Mutinen. non ergo est paucioribus quam duobus faciendam commissio, quia quod à pluribus sapientibus quaritur, facilius inuenitur. 20. dist. de quibus, & per ampliores homines perfectissima ueritas reuelatur. l. fin. ad fi. C. de fidei sc. 63. dist. extra conscientiam. & integrum est iudicium, quod plurimorum sententijs confirmatur, sicut canones attestantur. c. prudentiam tuam, de off. dele. & hac est quoddā praambula inquisitio ad inquisitionem, preparatoria ad solemnem subsequentem, & quod hac praambula inquisitio in genere sit necessaria patet ex lib. carmoniarum, ubi agitur de canonizatione Sanctorum. In casu autem nostro hæc omnia sunt debite obseruata, ut patet ex breuibus & processibus, de quibus in actis. Tertio in euentum quod primi inquisitores rescribant talia, per quæ uideatur quod inquisitio ueritatis committi debeat, requiritur quod post completam hanc praambulam inquisitionem, iterum Papa diffiniat cū consilio fratrum, an solemnis inquisitio sit committenda, & committatur ad minus tribus ex dominis Reuerendissimis Cardinalibus, uni scilicet Episcopo, alij presbytero, & alij diacono, ut patet ex decis. d. Aegidij decis. Bell. de 67. 2. ad fi. & ita obseruatur, & iterū scribat eisdem uel alijs praelatis in partibus, ut in specie inquirant, primo de fama, secundo de uita, hoc est, de fide & conuersatione &c. canonizandi. Item de morte, & miraculis, exacte, diligenter, fideliter, & prudenter, secundum articulos & interrogatoria sub Bulla transmissa, & quod inueniant, remittant sub sigillis suis inclusum, secundum Host. in c. venerabili, de test. praallegato, & per no. in ca. 1. de rel. & venera. Sancti. lib. 6. Quæ inquisitione remissa & completa,

facienda est commissio in curia aliquibus capellanis Papa; uel alijs personis auct. ut examinent processum, & forment Rubr. seu summarium examinanda cum exacta diligentia per Papam & fratres Cardinales, an sint probata talia propter quæ canonizatio sit faciendā, & super hoc debet Papa requirere consilia Cardinalium. Et si uidebitur Papa, quod faciendā sit canonizatio ex his quæ erunt probata, tunc hoc secretum primis diffiniat inter fratres, & diffinitio secreta teneatur postmodum Papa condunatis Episcopis, & alijs praelatis qui sunt aut reperiuntur presentes tunc in curia, faciat publice proponi, & narrari per aduocatum aut promotorem fidei omnia & singula acta, & probata præterquam secreta diffinitionem factam prius in consistorio priuato Reuerendissimorum d. Card. & super his requirat omnium consilia & vota. Nam fructus diuinus est iustitiam recenseri. 35. q. 9. graue ubi etiam dicitur, quod ueritas sapius exagitata, magis splendescit in lucem. facit 30. q. ult. c. iudicante. Vnde etiam dicitur quod ubi est salus, ubi multa consilia. Prouer. 11. & reperiuntur. 15. dissipantur cogitationes, ubi nō est consilium, ubi uero plures sunt consiliarij confirmantur. Et pro istis facit l. dubiū, C. de reputijs l. nominationes, C. de appel. ca. nouit de his quæ fiunt ad prala. 15. quæst. 7. cap. Episcopus 34. dist. peruenit. Et erit salus ubi multa sunt consilia. Prouer. 24. & multitudo sapientum, sanitas est orbis terrarū. Sap. 6. & hinc quod tunc non est uerisimile credendum, in hoc Ecclesiam posse errare, & dicit Archidia. 2. q. 6. anteriorum, quod consilium & deliberatio à malo iudicio hominem retrahit & refrenat. Debes enim semper præcedere consilium, & iudicium sequi, & deum præceptum secundum Tho. 2. 2. ubi tracta. de partibus prudentia, ut sic dici possit edictum consultiissimum l. humanum, C. de legi. lex ca. Apostolica. 35. q. 9. ut sic quasi per ora eorū uideatur Deus consuli. 4. Reg. 8. prima q. 1. audies, quia ubi plures congregati fuerint in nomine meo, ibi ego sum in medio eorū, dicit Dominus. Matt. 18. & ita reperi obseruati per Innoc. III. in canonizatione sancti Homoboni Cremonen. ubi dicit: De fratrum nostrorum consilio post multam deliberationem habitam, cum Archiepiscopis & Episcopis, quos super hoc ad consilium nostrum admisimus, de diuina misericordia, & ipsius Sancti meritis confidentes, ipsum Sanctorū catalogo duximus ascribendum, statuentes ut in die depositionis ipsius, eiusdem festiuitas deuote à Christi fidelibus annis singulis de cetero celebretur, & apud Deum suffragia eius humiliter implorentur, &c. ut patet in eius litteris datis Laterani secundo idus Ianuarij pontificatus sui anno primo. Hæc etiam requisita ponit Aug. de Ancona, in lib. de Ecclesiast. potestate quæst. 15. art. primo & Marti. de laude, in allegatio. quæ fecit in canonizatione sancti Bernardini, per alium tamen modum non tamen diuersum in effectu, & Cardin. post Hostien. & Ioan. Andr. in dicto capit. primo de reliquijs & uenera. Sanctorum. Reperitur etiam in gestis concilij. Constantien. de anno 1416. 5. Kal. Maij Apostolica sede vacante pro unione Sanctæ matris Ecclesiæ procurandis & promouendis omnibus, quæ prosperitatem religionis Christianæ, & communem omnium mortalium utilitatem & salutem concernere possent & augere, speciali Dei prouidentia & in suo nomine congregato, comiserunt processum canonizationis duorum Episcoporum & unius monialis ordinis sancti Augustini duobus Cardinalibus, ut Cardinali Cameracen. tituli sancti Chrysogoni. & Oddoni Cardinali diacono tituli sancti Georgij ad uellus aureum, & uni Episcopo Lugdunen. & quinque alijs Prælati secularibus & religiosis presentibus in Concilio, & uiuæ uocis oraculo, ad quorum omnium relationem commisit idem Concilium Constantiense trius Episcopis in partibus Regni Sueciæ, (ubi corpora dictorum canonizandorum uenerabantur,) inquisitionem specialem & solemnem faciendam; prout facta apparet ex processu eorundem. Postremo debet Papa ordinare, quod certa die omnes conueniant ad aliquam Ecclesiam quæ ornata sit panibus honorabilibus, & sternatur tapetis, & in qua illuminentur multi cerei, ubi Papa & totus clerus solemniter conuocati, & populus deuote assistant, & ad illos Papa sermonē habeat, processum recitans, & inducens clerum & populum ad orandum, quod Deus non permittat illū errare in hoc negotio. Posteaq. flexis genibus fiat deuota oratio & canitur successiue hymnus: Veni Sancte Spiritus, &c. uel alius huiusmodi, siue antiphona conueniens. Deinde iurgat Papa, ab oratione, & diffiniat illum de quo agitur Sanctum esse, & Sanctum catalogo ascribendum, & tamquam Sanctum per omnes Christi fideles colendum in omni Ecclesia Dei, & per orbem uniuersum, ipsiusq. festum solemnizandum certa die. &

D d d d 4 celebrat

# Canonizatio S. Bonaventuræ.

celebret Papa Missam solemnem in honorem canonizati post cantatum Psalmum, Te Deum laud. Vnde videtur esse Missa de substantia canonizationis, sicut in consecratione eucharistie, not. in cap. te referente, de celeb. Missa. & in collatione ordinum, ar. de transpala. cap. inter corporalia. & in alijs multis casibus, & in consecr. Eccle. de conse. dist. 1. omnes basilica. & hoc ideo, quia fidelibus non est tam de sollicita quamcumque inuentione fidendum, quam de instantia orationis humilis & deuota sperandum, ut in simili not. in cap. ubi periculum, in fi. de elect. li. 6. facit 23. q. 8. in qualibet. & laudabile foret, ut quod ibi statuitur de electione Pontificis super frequentia orationum, & obseruantia ieiuniorum etiam hoc casu seruaretur. Multum enim valent orationes iustorum, secundum Ioan. Mon. ibidem, & Ioan. And. per cap. disciplinam, ad fi. 41. dist. & 16. quest. 9. anima defunctorum, & plene no. in cle. si Dominum, de rel. & vener. Sancti. in glossa magna ad fi. Instanter enim est orandū, quia tunc oratio impetrat, de pæn. dist. 1. impetrat, per Archid. in d. cap. ubi periculum in fi. & in ca. de immu. Eccle. eo. lib. & ita reperi fecisse Inn. III. in canonizatione S. Vulstani quondam Episcopi Vigornien. in Anglia. Vniuerso namque clero & populo ciuitatis illius ieiunium indixit triduanum in quibus omnes unanimiter orarent, & peterent ob eo qui via, veritas est & vita, aperiri super hoc viam veritatis ad vitam, cum diuinum sit iudicium huiusmodi potius quam humanum, & ideo maturius procedendum. Item quod ad conscribenda huiusmodi acta, semper adhiberentur tres notarij in consonantia, sicut etiam tres Cardinales, tres capellani adhibentur, ut in ore duorum, & c. per c. ut officium, S. verum, de hare. lib. 6. & c. licet, de test. 2. q. 4. cap. 1. & Exod. 17. & Matth. 18. & ad Hebr. 5. & 1. ad Tim. ult. ubi numerus de testib. & licet iniuriam faciat Sancto, qui orat pro eo, quia orationibus nostris non indigent, pro eo quod cum sint perfecte beati, omnia eis ad vota succedunt, sed nos miseri potius eorum orationibus indignemur, ut in cap. cum Mattha. ver. 3. de celeb. Missa. tamen secundum Prosperum, semper est Sanctis quo crescere possint, ideo ad augmentum gloria pro eis orare potest, & proderunt orationes per modum suffragij, de quo per Thom. in 4. sententiarum dist. 45. art. 2. & scripsi super extranag. cle. 6. qua incipit, Vnigenitus, in ver. electorum, post Archid. in cap. tempus, 13. q. 2. Sunt namque accessiones gratiarum secundum Ray. in sum. de pæn. S. Item queritur utrum. Et ea forte non esset nisi cautum, absoluerit animam eius de plenaria potestate clauium plenarie, ad abundantissimam cautelam resistentem ex alienis periculis, ut nihil possit dici ommissum, per ea qua habentur in cap. a nobis de senten. excomm. 11. questio. 3. tunc vera. & ita fecisse videtur Calixtus. III. in canonizatione beati Osmundi Episcopi Sarisberien. In Anglia dicens prafatum Osmundum & c. benedicentes benedicamus in saculo, floreatq. super eum sanctificatio nostra, & c. addit etiam idem Innocen. III. in canonizatione sancti Vulstani propriam collectam, in eius commemoratione dicendam, & illius memoriam inter Sanctos catalogo Sanctorum adscriptos decreuit celebrandam & c. ut patet in eis litteris datis Flor. 2. idus Maij, & c. Hic autem ordo non semper ad unguem habendus est seruandus secundum Host. Ioan. And. Card. & alios ubi supra. In libro carimoniarum apparet alia diuersa & plures solemnitates seruanda & laudabiles, qua de congruo videtur non deberi praetermitti. Cum igitur in casu nostro omnia hactenus necessaria sint sufficienter & superabundanter circa processum obseruata, supplicantibus pro huiusmodi canonizatione pie mos gerendus est, cum iussa petentibus non sit denegandus assensus, per. l. 2. ff. de his qui sunt sui vel alie. iur.

## Secundæ partis. Articulus VIII.

**A**D octauum dico concludendum esse adhibendam fidem chronicis, ad arbitrium tamen Papa & collegij D. Cardinalium, per cap. unicum, in fi. de sa. vnc. & ibi not. & c. venerabilem, de elect. & in c. in nomine Domini 23. dist. & in cle. 2. Dominum, de reli. & venerat. Sancti. in ver. Urbano, & in glof. magna in fi. & in cap. inter dilectos, de fide instrum. ubi etiam not. Bald. quod quando sumus incerti de nomine Imperatoris, recurrimus ad chronicas anni & indictione, & c. maxime ex quo non apparent alia veriores, quia tunc verioribus esset standum. Facit quod not. in cle. 1. de magist. in ver. Bononia, & praefertim ex quo maiores nostri eis crediderunt, ut not. in prima constitutione digestorum, S. hac autem

tria, maxime quoad personas & loca inter quas pro salibus habentur, sicut de nostris in ordine S. Francisci, sicut de libris Aristot. & Hippocratis not. Nic. de mata. & Bald. super Rub. C. de fi. instr. ad fi. & Io. And. in tit. de fi. instr. S. nunc dicendum ver. priuatoriam ad fi. Ant. de But. in c. 2. eo. tit. & in c. cum venerabilis de exc. & Bart. & And. in l. 1. ff. si car. perat. probat. l. si pater, ff. de solu. & septimo mense. ff. de sta. hom. & quod tibi per Bald. & l. in tantū. S. si eum cum. l. seq. ff. de acq. re. dom. & quod per Bar. post. Odof. in dicta. 1. cons. digestorum, S. hac autem tria super ver. iurib. & per Bald. in l. in tantum, in fi. ff. de re. diui. facis inst. de ver. di. S. item precium, & in Spec. do. aduo. S. nunc de exordijs, & etiam per eundem Bart. in l. testamenta, C. de testamen. & c. & dicitur chronica & chronos Græco vocabulo. quod Latine tempus interpretatur, quia in chronica facta in suis temporib. recitantur. Item quia veritas illarum coadiuuatur alijs adminiculis ar. in c. cum causam de probat. & ibi no. & in l. consus & monumenta, de prob. Item propter earum antiquitatē, & quia conseruantur inter libros authenticos, ar. in c. ad audientiam, de prescrip. & 30. q. 5. ca. venit, & in authon. de his qui ingre. de appel. S. illud, & C. de fide inst. aut. ad hac, & in c. cum ex litteris, de integ. res. & l. ultima, C. arbitri. iure. & l. scripturas, C. qui pote. in pig. & 24. q. 2. ca. sane, ubi datur fides scripturis in columnis & lapidibus & c. l. consus & monumenta, de proba. & c. cum causam, e. tit. per Dominum Aegidium de Bellemere in decision. 70. qua incipit adminicula. Nec est curandum, quod non consistat de nomine eorum qui composuerunt dictas chronicas, quasi ex hoc videantur apocrypha ar. 15. dist. c. Sancta Romana ver. qua vero opuscula, quia cum ordo S. Francisci in omnimoda humilitate fundatus fuerit, & ideo fratres sui minores nuncupantur, qui ne reprehendi possent eorum nomina subiecerunt, scribentes gesta generalium ordinis ipsius successiue, ad quod optime faciunt quam plures auctoritates veteris & noua legis & canonum & doctorum, & alia rationes ad plenum adducta per Io. And. in fi. mercurialium super ult. questio.

## Secundæ partis. Articulus IX.

**A**D nonum dico concludendum cum S. Tho. quolibet 9. ar. 6. quod Ecclesia canonizando aliquem ut Sanctum errare nō potest, quoniam aliquid potest iudicari possibile secundum se consideratum, quod relatum ad aliquod extrinsecum impossibile inuenitur. ergo licet iudicium eorum qui presunt Eccl. possit errare in quibuslibet, si persona eorum tantum respiciantur, quia innititur in iudicando, medio fallibili, testimonio scilicet humano, cum inquirat per testes de vita & miraculis, & testimonium hominum sit fallibile. Item, quia nemo scire potest, an sit dignus odio vel amore, ut dicitur in Eccl. notatur in cap. fin. de Purg. can. & Apostolus. 1. Cor. 4. Nihil mihi conscius sum, sed non in hoc iustificatus sum, & c. ergo multo minus Papa, tamen considerata diuina providentia qua Ecclesiam suam Spiritu Sancto dirigit, ut non erret, sicut ipse promissit, Ioan. 14. quod Spiritus adueniens doceret omnem veritatem, de necessarijs, scilicet, ad salutem, certum est, quod iudicium Ecclesie vniuersalis errare in his, qua ad fidem pertinent, impossibile est. unde magis est standum sententia Papa, ad quem pertinet determinare de fide, quam in iudicio profert, quam quorumlibet sapientum hominum in scripturarum expositione, cum Caiphas quamuis nequam tamen quia pontifex legatur etiam in scius prophetaffe, Ioan. 11. licet in his qua ad particularia facta pertinent, ut cum agitur de possessionibus, vel de criminibus vel similibus, possibile sit Ecclesia iudicium errare propter falsos testes. Canonizatio vero Sanctorum medium est inter hac duo. Sed quia honor quem Sanctis exhibemus, quidam fidei professio est, qua Sanctorum gloriam credimus, pie credendum est, quod nec etiam in his iudicium Ecclesia errare possit. Pontifex enim cuius est canonizare Sanctos, potest certificari de statu alicuius, per inquisitionem vite & attestationem miraculorum, & praecipue per instinctum Spiritus sancti, qui omnia scrutatur etiam profunda Dei, & diuina providentia praeseruat Ecclesiam, ne in talibus per fallibile testimonium hominum fallatur. Ecclesia namque auctoritas omnem excellit aliam auctoritatem, etiam Sanctorum Patrum, ut patet. 11. dist. ut veterum, & per eorum, & not. 84. dist. c. 1. & 20. dist. in sum. & c. 1. & 30. q. ult. c. fin. & per doct. in c. ne innitatis, de consit. Hinc etiam dixit Innoc. & Card. post eum, in c. 1. de rel. & vene. Sancti. quod si etiam Eccl. errat

# Canonizatio S. Bonaventuræ.

aleſſa erraret, quod non eſt credendum, tamen preces bonas Deus acceptaret. 32. diſt. S. verum. 15. q. ult. c. ſi. Notat etiam Ioan. And. in glo. in c. glorioſus, de vel. & venera. Sancti. lib. 6. quod etiam ſi Eccle. in canonizatione erraret, quod dicit non eſſe credendum, licet accidere poſſe c. a nobis de ſen. excom. 2. nihilominus preces in honorem talis accepta & grata ſunt. Per fidem namque Chriſti omnia purgantur. cap. veſtra. de coha. cle. & mul. & eſto quod veritas canonizationis deſiciat, non deſecit fides. c. debitum de bap. c. 2. & 3. & de preſbyte. non bap. & idem ſequitur Ioan. in directorio iuris parte. 1. ti. 13. ad ſi. & ideo quod ſupra concludendo dicit S. Thom. in ſuo quolibeto, concludit etiam magiſtraliter Aug. de Anc. in lib. de Eccleſia. poteſta. q. 14. principali. artic. 3. quaſi per eaſdem rationes, & reſpondet ad contraria, & q. 17. art. 4. ubi quaerit, An omnes canonizari per Papam ſint in vita æterna, licet videatur ſibi contrarij. propter capitulum. ſi ſine charitate 1. quaſt. 1. & ideo ſolemniſter diſputando formauit R. D. Io. de Tur. cre. quondam Card. S. Sixti per excellentes rationes in cap. hac eſt fides 24. quaſt. 1. Ad auctoritatem autem Greg. videlicet. Multorum corpora Sanctorum, hoc verbum non debet eſſe in illa auctoritate, & debet intelligi in veneratione primata, non publica, venerantur in terris, quorum anima cruciantur inferno. Reſpondeo veram in hiſtantum, qui martyrium ſuſtinerunt abſque charitate & c. iuxta ſententiam Hieron. de qua in quaſt. 1. cap. vide quantum bonum dicentis. Si ſine charitate martyrium recipiatur, & corpora eorum coram hominibus venerantur, perfide magis ſunt talia, quam corona victoria, & tali operi magis pena quam premiũ debetur, & 90. diſt. neque. & 1. ad Cor. 13. & c. tranſmiſſa de heret. & dicit Franciſcus Mayrones puncto 33. Eccleſiaſtica hierarchia, quod Papa habet Angelum perſonalem, qui non dimittit ipſum umquam. & quod in rebus publicis reſpicit ad ipſum S. Michael ſpecialiter, ſicut ad ducem ſui exercitus. Item veriſimiliter Deus per medium aliquius veri Sancti reuelaret veritatem, ut legitur in legenda Sancti Martini Epſcopi, de ſuſpenſo qui venerabatur ut martyr.

## Secundæ partis. Articulus X.

**A**D decimum dico concludendum ſecundum dominum Aegid. de Bellemere in deciſ. ſuis, deciſ. 677. qua incipit extra totam, quod in informatione qua circa negotium canonizationis alicuius, & c. tria principaliter. & primo. Non fore neceſſe vocare illos quorum intereſt, per generale editũ. Ratio, quia hoc caſu non agitur contra aliquam perſonam certam vel incertam, nec in directum praiudicium alicuius certa vel incerta perſona & ideo non requiritur aliqua vocatio cuiuſlibet, licet poſſint eſſe perſona aliqua, qua poſſint pretendere aliquod indirectum praiudicium vel intereſſe ut communi. Item quia talis actus non poteſt dici iudicialis, quia nullam habet partem, ut cap. ſorms. S. in omni. de verborum ſigniſi. & in extraiudicialibus non requiritur partis vocatio. & hinc eſt, quod licet ſuperior habens per modum prouiſionis Eccleſiam ornare de bono Pralato, habet promittere bonam informationem de perſona electi, & qualitate pralatura ſecundum Innocen. in cap. cum dilecti. & cap. nihil. & cap. ſtatutum. de electio. facit cap. cum olim. de donation. & cap. conſtitutus ſecundo de appellat. & probatur ſatis. 8. quaſt. 2. cap. 1. & 2. tamen non requirit informatio illa partis vocacionem immo nec tenetur prouiſor partem audire, ut not. idem Innocen. in cap. dudum. de præſumpt. & in cap. propoſuit. de conceſſio. præbend. & glo. ult. in cap. ſin. de electio. lib. 6. & hinc eſt etiam, quod cum Papa committit inquisitionem faciendam de ſufficientia certa perſona nominata vel ſupplicata ſibi ad certam Eccleſiam cathedralem reſervata & vacantem, in hoc non vocatur pars, immo nec auditur, niſi de gratia & ſpeciali mandato, quia nec ſupplicatus habet aliquod ius propter quod faciat partem. Nec eſt negotium illud iudiciale, ſed eſt potius quadam extra iudicialis executio officiij ipſius ſuperioris, quod eſt verum, etiam ſi ſuperior procedat ad ſupplicationem alicuius ſine proprio motu, ut probant iura præallegata, & quia ſuperior viſitur iure ſuo ex officio mero, & ita nemini iniuriam facit. l. iniuriarum. S. 1. ff. de iniur. nec eſt ipſe medius, neque iudex & pars. iuxta nota. Innocen. in c. ex parte. de verborum ſigniſi. & eſt ſimile in ſtatutis, in quibus non requiritur vocatio ſubditorum, licet eis bene præiudicet, & ſit cum bona informatione ad ea procedendum. l. humanum, C. de legibus, & quod non teneatur

probationes admittere, nec ſe opponentem audire ut partem. & hoc melius colligitur ex not. Innocen. in glo. mag. in c. venerabili de cenſi. & in cap. ex parte. alleg. de verborum ſigniſi. 2. per ibi not. non expedit admittere quem ut partem, licet bonum ſit audire ad ſui ipſius informationem extraiudicalem. & ita dicit fuiſſe concludum per Reuer. dominos Cardinales commiſſarios in factu canonizationis domini Caroli, videlicet per dom. Albanenſem & Floren. & Sancti Angeli, tunc commiſſarios, quibus aſſentit d. Sancti Euſtachij, dicens quod alij do. Cardinales in conſiſtorio in hoc etiã concordarunt. & ſecundum præmiſſa debent interpretari qua dixit Auguſtinus de Anco. in libro de Eccleſ. poteſtate quaſt. 16. art. 1. ubi quaerit, an Papa in canonizatione debeat ſeruare ordinem iudiciarium? Reperio tamen D. Calixtum Tertium in canonizatione Sancti Oſmundi de Anglia, per dominos Cardinales deputatos ad faciendam inquisitionem, monuiſſe omnes & ſingulos qui in hiſ intereſſe aliquod habere prætenderent, ut ad diem certam tunc expreſſam legitime comparerent, prout etiam per Epſcopos commiſſarios in hac cauſa factum fuiſſe ex actis conſtat ad abundantiore cautelam, ne nihil quod ad cautelam pertineat videretur omiſſum. 63. diſtinct. quantum. & quia abundans cautela non nocet. l. teſtamentum. C. de teſtamen. l. ſi pupilli. S. 1. ff. de negot. geſt. Subdit tamen idem dominus Aegidius in duabus deciſ. immediate ſequ. quod licet expediat audire ſe opponentes canonizationi, non tamen debent admitti ut partem facientes, ſed ſolum ad informandum extra iudicium ex officio, ſi tamen apparet, quod excipiens non excipit bono zelo, quem habeat ad Eccleſiam & ad fidem, ſed potius ex odio quod habuit aduerſus mortuum, vel ex inimicitia quam habet aduerſus illos de genere mortui de cuius canonizatione agitur, ille non eſt aliquoſiter audiendus, ſed potius totaliter repellendus, capitulo. I. A. de re iudicia. cap. ex inſinuatione. de appellatio. cap. repellantur, & cap. cum oporteat. de accuſa. cum cap. ſeq. & per plura alia, de quibus per eum in dictis deciſ. in quibus reſpondent ad omnia contraria, multum magiſtraliter. & etiam magiſtraliter reſert idem Bellemere in lectura in dicto cap. venerabili. de teſt. fuiſſe obtentum in conſilijs multorum. Ex præmiſſis itaque conſuſio ad Dei optimi maximi gloriam & laudem per V. B. procedi poſſe atque debere, ad canonizationem beati patris Bonaventura præfati, ut ſic amplius Deus glorioſus in Sanctis ſuis etiam in ipſo glorificetur, capitulo. glorioſus. de reliq. & veneratio. Sancti. libro ſexto, per ampliusq. etiam in ipſo iugiter laudetur. clem. ſi dominum eo. titu. & Pſalm. 150. etiam ſub duplici feſto feſtum illius celebrari mandando, ad inſtar aliorum doctorum quatuor, de quibus in dicto cap. glorioſus, aut ſaltem diſponendo, ut feſtum illius ferietur. iuxta. cap. pronuntiandum. de conſecr. diſt. 3. & cap. ſi. de ferijs, & l. omnes. C. eod. tit. & ut vigilia eius ieiunetur cum premio indulgentiarum, iuxta cap. 1. de obſer. re. & prout fecit Bonifacius IX. in translationis beatae Brigide feſtiuitate, ut patet in Bulla canonizationis eius. & Nicolaus Quintus in canonizatione Sancti Bernardini, & Pius Secundus in canonizatione Sancta Catherina de Senis, & Calixtus Tertius in canonizatione Sancti Oſmundi etiam per octauam. Fateor tamen ſecundum Hierony. unam eſſe vitam Sanctorum, ſed premia pro labore diuerſa, & periculolum eſſe de Sanctorum meritis diſputare, ut habetur in dicto c. glorioſus, in nouella. Item ut propterea cultus diuinus augmentetur cap. ex parte. de conſtitu. & honor Eccleſia augeatur, capitulo. vaſa. de conſecratio diſt. prima, & alij ad religionem & ſtudia Theologia propterea inuitentur, capitulo. ſuper ſpecula, ne clerici. vel mona. Item propter ipſius beati gloriam. Vult enim Deus ut Sanctos innocemus, ut dum per eorum ſuffragia quod petimus impetramus, ipſos magnificemus, & glorificando collaudemus, & ut peccatores quaſi non audentes ipſum in propria perſona audire, amicorum poſſint patrocinia implorare, qui voto ſupplicantium ſcire poſſunt, quia in illo æterno diuinitatis ſpeculo intelligitur quantum vel illis pertinet ad gaudium, vel nobis ad auxilium, & propter inopiam quam habemus in merendo, ut ubi noſtra non ſuppetunt merita, patrocinentur aliena. & ut qui non poſſumus ſummam lucẽ aſpicere in ſe contemplando, ſaltem in Sanctis aſpicere valeamus, & ut ſic omnis noſtra inopia quam habemus, etiam in amando ſuppleatur, quam plerumque imperfectus homo magis ſentit ſe affici circa unum Sanctum, quam circa Deũ. & ideo propter has cauſas generales ordinauit Deus, ut Sanctos honoremus, & oremus, prout plenius habetur per Iacob. de voragine in legendis Sanctorum, in cap. de feſto omnium Sanctorum. Exaudit namque Dominus orationes Sanctorum. Prouerb.

# Canonizatio S. Bonaventuræ.

*Proverb. 15. & 3. 9. 7. in graubus. Annumeretur computaturq. inter filios Dei confidenter, & inter Sanctos sit fors illius, ut exultet cælum laudibus, & resulet terra gaudijs, &c. Cuius doctrina fulget Ecclesia, ut Sol Luna, & quem elegit Dominus in charitate non ficta, & dedit illi gloriam sempiternam.*

## Deo Gratias.

*Et quoniam Innoc. Tert. in canonizatione sancti Vulstani quondam Episcopi Vigornien. in Anglia, fecit de eo specialem collectam & orationem dicendam in Missa eius, ut patet ex Bulla dicta canonizationis. Ideo laudo in huiusmodi canonizatione sancti Bonaventura fieri collectam & secretam & postcommunem. ut sequitur & illas in Bulla canonizationis inscribi, & reliquum officium de confesso, maioribus doctoribus fieri, prout etiam mandauit fieri Calixtus Tertius in canonizatione sancti Osmundi, ut in Bulla canonizationis eius inscribitur.*

## Collecta, aliàs Oratio.

*Exaudi quasumus Domine preces nostras, & intercedente beato Bonaventura confessoris tuo atque Pontifice salutaribus nos instrue disciplinis, & gaudijs fac perfrui sempiternis. Per Dominum nostrum Iesum, &c.*

## Secreta.

*Suscipe clementissime Deus hostiam laudis, quam tibi pro peccatis nostris offerimus, & intercedente beato Bonaventura Confessore atque Pontifice, preces nostras benignus exaudi. Per Dominum nostrum Iesum, &c.*

## Postcommunio.

*Memor esto sacrificij nostri omnipotens Deus, & precibus & meritis beati Bonaventura confessoris tui atque Pontificis, vitam nobis & gloriam tribue sempiternam. Per Dominum nostrum Iesum, &c.*

## SERMO MAGISTRI ROBERTI, de laudibus sancti Bonaventuræ Ordinis Minorum.

Mecli. 50.



*Q*UASI Stella matutina in medio nebula, & quasi Luna plena in diebus suis lucet, & quasi Sol refulgens, sic iste refulsit in templo Dei. Scribuntur hac verba originaliter in Ecclesiastico ad laudem sancti Bonaventura proposita. Præclarissima domini & sancti Bonaventura merita, Sixtum Quartum Pontificem Maximum induxerunt, ut illum hoc felice tempore catalogo Sanctorum ascriberet. Res est utriusque grandis, & digna valde, quæ Dei gloriam pandit, sanctam Ecclesiam exornat, religionem latificat Christianam, ordinemque sacrum minorum subleuat, & extollit. Quid enim præstantius excogitari potest, quam mortalem hominem post deitum triumphatumque, mûdum ad cælestia regna deduci, ibique immortalitate perpetua gaudere cum Christo? Quis de beata vita, promissaque nobis felicitate dubitare valeat, ad quam amicos Dei iam properasse certissimum est? Ibi Christus rex gloria, ibi immaculata Virgo regina calorum, ibi Propheta, Apostoli, Martyres, Confessores, & Virgines, omnesque electi, & amici Dei, ibi denique beatissimus Bonaventura. Cum vero hodierna die sit annumeratus catalogo Sanctorum, aquæ est & rationabile, ut eius sanctitas omni populo fiat nota. Quæ de re statui in presenti sermone, laudibus eius incubere, qui describitur in verbis propositis, illustrasse Ecclesiam sicut Stella matutina, & sicut Luna plena, atque ut Sol fulgentissimus, per quæ splendores excellentiarum suarum possunt denotari. Prima excellentia dicitur vita. Secunda doctrina. Tertia refulgentia. Prima excellentia S. Bonaventura dicitur vita. Ex vita quippe munda & virtuosa iudicantur homines sancti, hoc tamen iudicium quantum ad publicam venerationem spectat ad Ecclesiam, unde Innocen. de

rel. & venera. Sancto, dicit: Non abnegamus, quin liceat porrigere preces alicui defuncto, quem quis credat bonum virum, & nunc esse cum Christo, licet non sit canonizatus, quia fidem orantis Dominus attendit, sed facere pro eo officium, vel preces solemnes non licet, ex quo in cap. primo, de reliq. & venera. San. statutum est, ut nullus adoretur pro Sancto absque auctoritate Romana Ecclesia, etiam si miracula faceret, quæ enim Ecclesia reprobas, reprobandus est, & quem approbat, approbandus, ut patet 24. quæstione prima cap. Hac est fides Catholica, & cap. quoniam vetus. Secundum autem Goffredum, & Hostiensem in canonizatione Sanctorum inquiritur de virtute canonizandi, si fuit in laboribus multis & iustis, si moribus castus, & strenuus, ut notatur distinct. 61. cap. miramur, licet pro martyribus non sit tam stricta fenda examinatio. Quod autem vita sancti Bonaventura fuerit munda, pura, sancta; probatur triplici modo. Primus dicitur testificationis. Secundus professionis. Tertius assumptionis. primus modus quod probatur Sanctitas & bonitas vita S. Bonaventura, dicitur testificationis. Habet enim testimonium à viris fide dignis. primo ab Alexandro de Ales viro bono & in sacra pagina probatissimo Doctore. De isto Alexandro scribitur in chronicis ordinis beati Francisci, quod illius opus quod scripsit in Theologia approbatum fuit ab Alexandro Quarto, & sexaginta magistris Parisiensibus, ut apparet in Bulla ipsius Pontificis, quàm puto esse Parisiis. Hic itaque Alexander de Ales videns in Bonaventura morum elegantiam, corporis pulchritudinem, venustatem aspectus, eloquij suauitatem, conuersationisque affabilitatem, dicere sape solebat, Non videtur Adam in homine isto peccasse, quasi diceret, quod vita illius irreprehensibilis, potius Angelica erat, quàm humana. Secundo bonitas vita S. Bonaventura habet testimonium à Domino Petro Cardinali Episcopo Hostien. qui fuit de ordine Predicatorum. Hic sermonem habuit in funere Bonaventura suscepto themate, Doleo super te frater mi Ionatha, in quo inter alia retulit, quod quicumque Bonaventuram videbat, ipsius amore capiebatur, eiusque piissima monita obedienter recipiebat, permaxime Graci & Tartari, quibus eius eloquia plurimum profuerunt. Quæ verba ultimo dixit, quoniam tempore generalis Concilij Lugduni celebrati, ut scribitur in chronicis præallegatis, Frater Hieronymus de Esculo ordinis minorum, qui fuit postea Generalis, deinde Cardinalis Episcopus Præstinus, & tandem Papa Nicolaus Quartus redijt ex partibus Orientalibus, ad quas missus fuerat cum solemnibus nuntijs Græcorum, & Tartarorum & ipso Bonaventura suggerente, Graci tunc ad unitatem Ecclesia redierunt, & Tartari baptizati sunt. Tercio sanctitas vita Bonaventura testimonium habet à poeta vulgari Dante, qui in tertio comædia ita dixit:

Io son la vita di Bonaventura  
Da Bagnoregio, che in grandi officij,  
Sempre posposi la sinistra cura.

Secundus modus quo probatur sanctitas Bonaventura dicitur professionis. Professus quippe fuit Regulam sanctam Fratrum Minorum, in qua semper quamdiu in Ordine fuit irreprehensibiliter vixit. Hac autem Regula deuotos professores suos ad Christi, Angelorum, atque Sanctorum societatem perducit. Quod ostenditur ex triplici eius prerogativa sine præeminentia. Prima quia illa Regula à Spiritu sancto fuit inspirata. Secunda quia super Euangelio fuit fundata. Tertia quia supernaturali signo fuit confirmata. De quibus omnibus, ita scribitur in extranagati Nicolai in sexto libro decretalium, Hi, scilicet fratres minores, sunt illius sancta Regula professores, quæ in Euangelico fundatur eloquio, vita Christi roboratur exemplo, & fundatorum militantis Ecclesia Apostolorum eius sermonibus actibusque firmatur. Hac est apud Deum, & Patrem munda & immaculata Religio, quæ descendens à Patre liminum, per eius Filium exemplariter & verbaliter tradita Apostolis, deinde per Spiritum sanctum beato Francisco, & eum sequentibus inspirata, totius in se continet testimonium Trinitatis. Hac est cui attestante Paulo nullus de cetero debet esse molestus, quæ Christi passionis sua signis notabiliter insigniri, hac ibi. Hanc igitur Regulam diuinitus inspiratam suscipere voluit dominus Bonaventura, qui à teneris annis beatum Franciscum singulari deuotione est profecutus. Meritis quippe illius, dum tenellus erat, à mortali infirmitate liberatus extitit. Vnde ipsemet in legenda beati Francisci ita scribit (ut habetur in cap. ultimo) innumera quoque per ipsum in diuersis partibus orbis exuberare non cessant beneficia Dei.

2. Reg. 1.

# Canonizatio S. Bonaventuræ.

Dei, sicut & ego ipse qui superiora descripsi, experientia teste in meipso probavi. Voto enim pro me languente gravissime ad beatum patrem Franciscum emisso à matre, cum adhuc essem puerulus, ab ipsis sum mortis faucibus erutus, & in robur vita incolumis restitutus. Quod cum vix memoria teneam, vera nunc confessione profiteor, ne tantum beneficium reticens, sceleris arguar ut ingratus. Hac ibi. Crescens itaque dominus Bonaventura, de virtute in virtutem proficiens cū affectione, & reverentia beati Francisci anno atatis sue vigesimo secundo sacram eius Religionem ingressus est. In qua tantum profecit in omni deuotione & studio litterarū, quod septimo anno post ingressum religionis legis sententias Parisiis, & decimo anno scilicet trigesimo secundo atatis sue suscepit cathedram magistralem. Tertius modus quo probatur sanctitas Domini Bonaventura, dicitur assumptionis. Ob spem didicissimam namque virtutum eius famam, & nomen clarissimum, assumptus fuit ad triplicem dignitatem, Generalatus, Archiepiscopatus, & Cardinalatus. primo fuit assumptus ad dignitatem Generalatus. Licet enim seruus Dei Franciscus Prælatos suos, humilibus vocabulis decrevit nominari, tamen non parua dignitas est præfisse tot fratribus, quos sunt in Religione minorum, tam longe lateq. diffusa per orbem. Fuit namque Dominus Bonaventura ordinis minorum octauus Generalis. Primus fuit beatus Franciscus. Secundus frater Ioannes dictus parens, de Florentia. Tertius frater Elias de Assisio. Quartus frater Albertus de Pisis. Quintus frater Aimmo Anglicus. Sextus frater Crescentius. Septimus frater Ioannes de Parma. Octauus frater Bonaventura. Hic in capitulo generali Roma celebrato, Alexandro Papa Quarto præfente anno ab incarnatione Domini 1246. & tertio decimo post Religionis ingressum in festo Purificationis Beate Virginis in generalem fuit electus, annis autem decem & octo ordinem laudabiliter rexit, seruienti altissimo in paupertate, & humilitate, confortabat suauiter, tentatos, & infirmis seruebat libenter. In capitulo Generali Narbona celebrato per eum regulam reformauit, & exposuit ordinem in prouinciis, & custodias distinxit. Tempore vero sui Generalatus fuit facta translatio corporis sancti Antonij de Padua ad prægrandem illam Ecclesiam, in qua nunc est reconditum trigesimo tertio anno post eius obitum in octaua Dominica Resurrectionis, & tunc lingua eius qua sub terra fuerat, reperi est ita recens & rubicunda, quasi eadem hora sanctus ille gloriosus decessisset, quam beatus & deuotus Bonaventura in manibus reuerenter accipiens, irrigatus profluvij lacrymarum, coram omnibus huiusmodi verbis affari cepit: O lingua benedicta, qua semper benedixisti Dominum, & alios benedicere fecisti, nunc manifeste apparet quāti fueris meriti apud Dominum. Secundo fuit assumptus ad dignitatem Archiepiscopatus. nam Clemens papa Quartus, contulit ei Archiepiscopatum Eboracensem pinguisimum, sed ipse de Parisiis ubi tunc erat ad pedes Domini Papæ se conferens, tam humiliter & efficaciter tanto gradui, & dignitati cessit, quod Dominus Papa eius cessionem admisit. & ne quis miretur, quod Clemens Archiepiscopum illum fecerit, cum in Generali fuisse electus, Alexandro Quarto, præfidente ut diximus. Scien- dum est, quod post Alexandrum prædictum creatus fuit Urbanus Quartus, & post Urbanum Clemens Quartus, & post Clementem Gregorius Decimus. Nam correctæ sunt chronica ordinis ex quibus illa collegi. Tertio Bonaventura fuit assumptus ad dignitatem Cardinalatus, hac dignitas amplissima est in Eccl. Dei. Quia ut dicit glo. in cap. ministerium, extra de off. archipresbyteri. Cardinales dicuntur, quia per eos regitur universalis Ecclesia, sicut in cardine regitur orbis, ut ponitur, 71. dist. in cap. fraternitatem. & dicit Augustinus de Anco. in lib. de potestate Ecclesiastica. Cardinales assisunt Papa, sicut Apostoli Christo, Apostoli enim sunt nuncupati Christi fratres secundum illud. Ps. 21. Narrabo nomen tuum fratribus meis, & principes mundi, secundum illud Psal. 44. Constitues eos principes super omnem terram. Sed Papa cum facit aliquos Cardinales insignit eos ista duplici dignitate, dicens eis, Estote fratres mei & principes mundi. Ipse autem Papa gerit personam Christi. & quamvis etiam Episcopi succedant loco Apostolorum, alio tamen modo quàm Cardinales. Apostoli enim duplici modo se habuerunt ad Christum, uno modo ut præsentialiter assiscentes, sicut fuit ante passionem & ascensionem. Secundo modo ut missi ex præcepto eius per orbem, quod fuit post aduentum Spiritus sancti, quando dispersi per orbem diuiserunt se, accipiendo unusquisque prouinciam vel Regnum in sortem sua predicationis. Cardinales ergo representant personas Apostolorum ut

Christo assiscentes, quia ipsi assisunt Papa præsentialiter ut Vicario Christi. Secundo modo representant personas Apostolorum Episcopi, qui in partem sollicitudinis vocati sunt, regentes diuersas ciuitates, vel prouincias, ut Archiepiscopi. & istud est satis conueniens, ut sicut in Hierarchia celesti aliqui Angeli sunt assiscentes, alij missi frequenter ad nos, ita in nostra Ecclesiastica Hierarchia, decet aliquos assistere ut Cardinales, alios mitti ut Episcopos. & hoc de lege communi, quia suborta causa non tollitur quin Cardinales aliquando mittantur ut legati, & Episcopi, aliqui etiam vocati à Papa sunt ei assiscentes. Accipiunt autem Cardinales à Papa pileum rubrum in signum ardentis charitatis, quam debent habere, ita ut sint parati sanguinem suum fundere, & mori pro bono & defensione Ecclesiæ & profectu. Vnde in cap. Fundamenta. de electione. libro sexto dicuntur Cardinales, fratres, coadiutores, consiliarij, & assiscentes Domini Papæ. ut igitur ad Bonauenturam redeamus, ipse Cardinalis effectus fuit. Nam Parisiis existens vocatus fuit à Domino Gregorio Decimo, qui Pontifex ipsum recipere Cardinalatum, & Episcopatum Albanensem coegit. Imposuitq. ut Concilij negotia ipse dirigeret. Sed curiosi quidam nos impugnare non cessant, querentes, cur Bonaventura Archiepiscopatum recusauit, tamen Cardinalatum acceperit? Ad quod respondemus, quod potuit esse. quod Gregorius Decimus præfatus eum obedientia vel aliqua forti persuasione induxit, ut Cardinalatum susciperet, quod non fecit Clemens, dum ei Archiepiscopatum contulit, & ut scribitur in capitul. Nisi cum pridem, de renuntiatione, Tunc in se veram humilitatem custodies, cum per eam locum subitimen effugies, & per obedientiam non dimittes. Itaque non sine humilitate maxima & Dei timore, dignitatem Cardinalatus acceptauit. Nam tanta fuit humilitatis, quod etiam pontificatus maximi celsitudinem adipisci potuisset, quod noluit. Inquit enim Bartholomeus de Pisis in libro conformitatis, quod post mortem Clementis cum per plures menses Cardinales in electione Papæ conuenire non possent, tanta opinionis erat apud eos Bonaventura tunc generalis minister, quod omnes Cardinales vota sua in eum compromiserunt, ut si se vel alium Papam nominaret, illum Episcopi eligerent. ipse vero nominauit Dominum Theobaldum Archidiaconum Leodoniensem sanctissimum virum, qui fuit Gregorius Decimus, & multis coruscavit miraculis, & iacet Aretij in Ecclesi. maiori, canonizatus in Ecclesi. Aretina. Quare Dominus Bonaventura probatus inuentus est in omni vita sua & cum plurimum laborasset pro animarum salute tandem ex hac luce cessit, anno Domini 1274. Aetatis vero sue quinquagesimo tertio hora matutina diei Dominica, triadecima die mensis Iulij. Eadem vero die sepultum corpus in Ecclesi. fratrum minorum Lugduni fuit. Secunda excellentia sancti Bonaventura dicitur doctrina. Fuit quidem ipse doctor, quod nec minimum haberi debes, cum dicatur extra de hæreticis capit. cum ex iniuncto. Doctorum ordo præcipuus est in Ecclesi. Dei, & de doctoribus scriptum est. Dan. 12. Qui ad iustitiam erudiunt plurimos, quasi stella fulgebunt in perpetuas æternitates. Doctoribus insuper diuinarū scripturarum aureola danda est, ut doctores in quarto ponunt, & Albertus in compendio Theologia. Doctrina ergo domini Bonaventura magnum lumen diffudit in Ecclesi. Dei propter triplicem illius conditionem. Primo quia fuit copiosa. Secundo quia deuota. Tertio quia fructuosa. Prima conditio doctrinae sancti Bonaventura fuit copiosa. Multa quidem scripsit laude digna, & legentibus grata. Nam scripsit libellum apologia contra Giraldum de Abbatis villa, qui multa falsa de religiosis & religionis statu disseminabat, qui Giraldus tandem leprosus mortuus est. Scripsit libellum de sex alis Seraphin, & super Genesim, opus quod intitularur de septem visionibus, & defensorium religionis, & regulam nouitiorum, & super quatuor libros sententiarum, & breuiloquium, & sermones dominicales per anni circulum, & super quattuor Euangelia, præcipue super Lucam, & de arbore vite crucifixi, & plura alia opuscula edidit, inter qua omnia singularis fuit legenda beati Francisci. Hanc videre voluit vir ille clarissimus Leonardus Aretinus, ut retulerunt mihi quidam patres conuentus Florentini, quam cum diligentissime legendo percurrisset, restituit illam fratribus, asserens quod in illo dicendi genere nullus esset, qui Bonauenturam posset superare. Secundo doctrina Bonaventura fuit deuota, sapida, & vere Seraphica, qua legentes non solum illuminat, sed inflammat. Nec aliter esse posset cum de illo in chronicis scribatur. Siquidem omnem veritatem quam percipiebat intellectum, ad formam orationis & laudationis diuina reducens, continuo rumina-  
bat



# Canonizatio S. Bonaventuræ.

bat affectu. Narratur adhuc de eo quoddum scribebat legendam Sancti Francisci quadam die Sanctus Thomas de Aquino accessit ad visitandum eum, & cum familiariter (ut solebat facere) aperuisset ostium cella Bonaventura, vidit eum orantem ante crucifixum, & in ecstasi factum, mox Sanctus Thomas dimisit eum, nec locutus est quidquam, sed socio suo dixit: Sinamus sanctum, quia laborat pro sancto, quia scribebat gesta Sancti Francisci, quod ipse Sanctus Thomas sciebat. Tercio doctrina Sancti Bonaventura fuit fructuosa, non enim profuit illi tantum, qui eum viderunt & audierunt docentem, sed etiam omnibus, qui eius scripta legunt, ut patet per experientiam. Tertia excellentia Sancti Bonaventura dicitur refulgentia. Voluit quippe Deus sanctum istum triplici splendore fulgere. Primus dicitur miraculosa coruscationis. Secundus solemnibus canonizationis. Tertius mundialis venerationis. Primus splendor dicitur miraculosa coruscationis. Fecit quidem Deus meritis eius miracula multa, ex quibus aliqua percurramus. Fertur de ipso quoddum in humanis agebat, tanta ad sacramentum Eucharistia deuotione mouebatur, quod diebus aliquibus prater morem eius abstinentiam a celebratione. Semel dum deuotus Missam audiret, & cum lacrymis passionem Dominicam meditaretur, cum Sacerdos celebrans communicare vellet, una particula hostia per seipsam ad os Domini Bonaventura aduolauit, quam ipse reuerenter suscipiens, intellexit timorem scrupulosum circa communionem debite factam fore deponendum. Quadam domina Lugdunensis, Simona vocata, cum filium mortuum peperisset, illum ad Sancti viri pedes detulit, qui facto signo crucis uiuentem matri dedit. Post mortem eius multa miracula facta sunt ad inuocationem eius. Mulier quadam de castro Villano, octo diebus laborauerat in partu, emisso voto quoddam visitaret sepulchrum Bonaventura mox libera peperit, unde in patria pia consuetudo inoleuit, ut mulieres laborantes in partu inuocent nomen Bonaventura. & sapientissime à gravissimis periculis liberentur. Petrus filius Ioannis calzolarij Lugdunensis, claudus dextera tibia, qui longo tempore sine baculo ambulare non poterat, voto emisso ad sanctum Bonaventuram, liberatus est. Dux Anselianensis, aliàs Orlientz, carceratus, à magna Britannia Rege detinebatur, ubi quartanam cum dolore capitis incurrit, hic audito nomine Sancti Bonaventura votum emisit, si liber euadere posset, visitaturum se sepulchrum ipsius Sancti. Immutauit Deus cor illius Regis, predictum ducem à carceribus liberatum, liberum abire permisit. Qui etiam à dolore & infirmitate liberatus, mox ut in Gallias redijt, ad sepulchrum Sancti deuotus petrexit. Iaccheta uxor magistri Nicolai lepra percussa, inuocato Bonaventura, & pijs votis per illam emissis mundata est. Uxor magistri Ioannis Garbrei Regij secretarij hydropica à medicis de sanitate desperata, accedente viro ad sepulchrum Bonaventura sanata est. In translatione corporis eius de Ecclesia veteri ad nouam Lugduni, corrofa reliqua parte corporis Bonaventura caput inuentum est integrum, capillaturam habens, ac labia & dentes, & lingua colorata & integra, ac si esset hominis viui. Laodomia Vrbenetana filias feminas multas paruriens viro suo Francisco Matthai ingrata erat, tandem suafu cuiusdam magistri Francisci Aquapondente, emisso voto ad Bonaventuram, inde ad paucos dies concedit filium, quem post salubrem partum vocauit Bonaventuram, & cum grandiusculus esset effectus, superueniente peste, qua filia omnes mortue fuerunt, hic ad inuocationem crebram Bonaventura pestis periculum euasit. Sunt & alia huius Sancti miracula qua omittimus, ne radio & prolixitate rerum audientes afficiantur. Secundus splendor dicitur solemnibus canonizationis. Non desunt plerique sublimitatem huius Sancti volentes minuire, ex eo quoddam Sixtus Pontifex maximus, qui illum catalogo Sanctorum ascripsit, eiusdem fuit ordi-

nis & professionis. Illud idem obijciunt sancto Vincensio de ordine Predicatorum, quoddam scilicet Calixtus illum canonizauit, quia eiusdem ciuitatis fuerat & patria. Ac etiam Pius sanctam illam gloriosam Catherinam de Senis, propterea canonizationis decorauit honore, quoniã ambo Senenses. O temeritas malarum mentium! ò incredulitas iniquorum hominum! Non canonizantur sancti absque solemnitatibus & publicis conditionibus requisitis, non fuerunt pradii sancti publicati ex aliqua affectione inordinata Pontificum prefatorum, sed quia inuenti fuerunt digni, ut publice à Christianis colerentur, ut enim habetur in Gloss. de reliq. & vener. Sancti, in cap. Glorios. Deus, Papa solus habet canonizare sanctos. Primo quia canonizatio est una de causis maximis fidei, ideo ad Papam referenda, extra de Baptismo, cap. maiores. Secundo quia Papa habet iudicare de miraculis fidei, 24. quest. 1. cap. quotiens. Tercio quia ad Papam spectat declarare dubia Scripturarum, multo fortius dubia sanctis, extra, qui filij sunt legitimi, cap. per venerabilem. Quarè ne per multorum Episcoporum simplicitatem contingat populum decipi. Quinto ne in infinitum fieret multiplicatio Sanctorum, & sic reperiatur deuotio, & vilesceret Sanctitas. 80. distin. capis. Episcopi, Papa vero in canonizandis sanctis multa vitatur grauitate, obseruatque tot ac tantas carimonias, ut patet in dicta Gloss. quoddam nullus eum de passione reprehensibilis affectionis deprehendere possit. Quacumque igitur requiruntur ad canonizationem sanctorum, omnia peracta sunt in canonizatione sanctorum, quos nominamus. Et ut de sancto Bonaventura dicam, pro canonizatione illius supplicauerunt, instanter Pontifici Sixto, Imperator Federicus, Ludouicus Rex Francorum, Ferdinandus Rex Sicilia, Matthias Rex Vngaria, Dux Venetiarum, Dux Mediolani, Dux Calabria, Alphonsus Ferdinandi primogenitus, Dux Sabaudia, Ducissa Calabria, Florentini, Perusini, & Balneo Regiani. De quorum ciuitate Bonaventura oriundus existit. Ipsa insuper religio sacra Minorum id postulauit fidentissime, cum pro viro digno apud Christi vicarium ex ipsa religione assumptum supplicaret: cui etiam totius religionis ex parte hoc assumpsit supplicandi officium vir ille grauis integer in sacra pagina eruditissimus, ob suorum morum bonitatem Generalis Minorum effectus Magister Franciscus Samson, qui sancti Bonaventura cultor praprius, & Sixto Pontifici charissimus est, ac reuerendissimis Dominis Cardinalibus, & omni curia dilectus, rem hanc diuinam mirabiliter sollicitauit ac procurauit, cuius Deus mentem bonam & voluntatem rectam prospiciens exaudiuit preces, & vidit lacrymas ac suspiria deprecantis. Cõmissa fuit causa, missi ad partes Lugduni Legati, inquisitiones de vita & miraculis Sancti diu celebrata fuere. Tandem Commissarij deputati ultimo sunt Reuerendissimi Domini Cardinales Iulianus tituli Sancti Petri ad vincula: Stephanus Cardinalis Mediolanensis, & Franciscus de Gonzaga. Interueniente ad hoc supplicatione feruente Reuerendissimi Domini Cardinalis Ioannis de Aragonia, qui à teneris annis deuotus semper extitit ad diuinam, post omnia rite peracta secundum Patrum sanctiones, post relationem tam secretam quam publicam; post ieiunia & orationes, post Pralatorem omnium, qui in vrbe reperi sunt exquisiitionem votorum. Sixtus Spiritu sancto eum dirigente in octaua Resurrectionis Domini, sanctum Bonaventuram publice in Ecclesia Dei à cunctis fidelibus statuit venerandum, Anno Domini MCCCCLXXXII.

Tertius splendor dicitur venerationis, omnis Christiana religio de cetero Sanctum ipsum publice venerari debet, cuius meritis poterunt fideles à multis periculis liberari, impetrareque beneficia summi Dei, qui sit semper benedictus per infinita sacula seculorum. Amen.



B V L L A

# BVLLA CANONIZATIONIS SANCTI BONAVENTURAE,



*S I X T V S* Episcopus servus servorum Dei,  
*Ad perpetuam rei memoriam.*



**S**UPERNA caelestis patria ciuitas Hierusalem, cuius participatio eius in idipsum, ita omnium electorum saluatione laetatur, ut quorum praestantiora sunt merita; copiosiora etiam sumant gaudia praemiorum. Quod in excessu mentis suae positus Isaias Propheta sensisse videtur, cum diceret: Exulta & lauda habitatio Sion, quia magnus in medio tui sanctus. Exultent igitur omnium Angelorum chori, qui de vacuum sedium habitatione solliciti conantur de virtute in virtutem, ad beatas illas mansiones, unde superbi ruerunt spiritus, humilitate perducere. Exultent quoque omnes animae iustorum, qui Christi vestigia sunt secuti, atque omnes tam veteris quam noui testamenti fideles amici Dei, qui contemptis huius saeculi vanitatibus, qui concuium numerositate congaudent. Exultet caelum laudibus, resultet terra gaudijs, quorum Sanctorum editio laetitiam habet plurimorum. Vnde enim fidei pietas exigit, ut quod pro salute multorum geritur, communibus ubique gaudijs celebretur. Praecipue vero exultet Pontificum coetus beatorum, & sacra Doctorum concio, qui fulgent in caelo tamquam stellae in perpetuas aeternitates, quos inter sanctus Bonaventura, tamquam nouum sidus ex hac lacrymarum valle ad caelestem, quae sursum est, Hierusalem, vocante eum Domino migrare emicuit. Nos autem, qui disponente Altissimo ad culmen Apostolatus cuncti Christiani gregis curam gerimus, quem pro debito Pastoralis officij, iucundo Sanctorum collegio conformare, ut debemus intensis desiderijs affectamus, Ecclesiae militari, pro cuius aedificatione & incremento ipsum Bonaventuram in catalogum Sanctorum referendum duximus, haud incongrue dicere possumus: Exulta hodie & lauda habitatio Sion, idest Christiana religio, in qua tamquam in monte Sion, per veram fidem habitat verus Deus, quoniam magnus in medio tui sanctus. Quippe in medio Ecclesiae aperuit os eius, & impleuit eum Dominus spiritu sapientiae & intellectus, & stolam gloriae induit eum, & coronauit ad portas paradisi, in qua una cum Angelis gloria & felicitate laetatur. Laetemur itaque & exultemus, quia caelestis illa curia ex nobis habet, cui sit cura de nobis, qui suis nos protegat meritis, quos informauit exemplis, illuminauit doctrinis, & miraculis confirmauit. Quem Deus dedit cunctis populis in gloriam & honorem, cuius memoria

in benedictione est. Ea namque de diuinis rebus scripsit, ut in eo Spiritus sanctus locutus videatur. Ita pie, religiose & sancte vixit, ut scriptis vita congrueret, & quod scribebat doceret exemplo. In quo morum virtus, & signorum claritas ita coperta est, ut congruentibus maximis meritis, ac miraculis verae sanctitatis testimoniū, a militante Ecclesia debeatur eidem. Nam cum in flore virente iuuentutis humanis abiectis illecebris, diuino se addixisset seruitio, religionem beati Francisci, quae per ardua tendit, ingressus, tantum sedula lectione, & assidua oratione perfecit, ut cum sapiente merito dicere posset: Optaui, & datus est mihi sensus. Illuminatus enim ab eo, qui illuminat omnem sensum, qui lux, via, veritas est, & vita, paucorum annorum spatio, incredibilem scientiam consecutus, nec talentum sibi a Domino creditum sudario alligauit, aut terrae infodit, sed ut sapientissimus dispensator in communem utilitatem conuerterit. In celebri enim Parisien. Gymnasio cathedram rexit, ubi abscondita Scripturarum enucleans, non solum viua voce profuit multis, sed etiam plurima librorum optimorum, tum in sacris litteris, tum in maioribus scientijs monumenta reliquit, quae essent omni tempore postremis profutura. Magnus doctrina, non minor humilitate & vitae meritis, quem Alexander de Ales doctor clarissimus, cui se in disciplina, sanctus Bonaventura tradiderat, tantae innocentiae, ac columbinæ simplicitatis expertus est esse, ut dicere solitus fuerit sibi videri, quod in eo Adam numquam peccasset. Magnus etiam in ordine fratrum Minorum, cui vnus post Beatum Franciscum plurimum profuit. Ad eius enim gubernacula vocatus, & Generalis minister Domino inspirante creatus, talem se suis praeiuit subditis, ut in illo Dominicum illud verbum videretur impletum: Qui maior est vestrum, sit minister vester. Nam sapientia & morum integritate maior, Praelationis officium cum tanta exercuit charitate, quod sponte humilis, nunc doctrina, nunc monitionibus, nunc exhortatione fraterna, nunc etiam corporali seruitio satagebat, ut bonus Christi miles inferioribus ministrare. Nec solum quae ab ipso Beato Francisco pie & sancte fuerant instituta diligentissime custodiuit, sed multa etiam adinuenta quae crescente fratrum numero necessaria videbantur adiecit. Ordinem quoque ipsum in prouincias, custodiasque diuisit. Magnus etiam dignitate in Romana fuit Ecclesia. Increbescente enim fama in-

Isa. 12. a

Sap. 7. a

Mat. 23. a

## Bulla Canonizationis S. Bonaventuræ.

ma innocentia, doctrina, ac prudentia eius a felicitis recordationis Gregorio Papa Decimo predecessore nostro ad Cardinalatus est vocatus honorem, ut eius opera in maximis & difficillimis rebus, quæ temporibus illis inciderant, vterentur, in quem Gregorius ipse ob ingentia viri merita, nouo est usus exemplo. Statim enim illi Albanen. commisit Ecclesiam, quæ non nisi vetustioribus Cardinalibus solet committi. Non sefellit expectationem summi Pontificis, ac sacri Senatus optimus ac Deo amicissimus vir. Sed in Concilio Lugdunen. præsidens omniaque ad Dei laudem dirigens sedatis discordijs difficultatibusque sublatis, ipsi Ecclesiæ maximo vsui fuit & ornamento. Quibus rebus aperte cognoscitur, quod statuit illi Dominus testamentum pacis, & principem fecit eum, ut sit illi sacerdotij dignitas in æternum, quem inanis gloria non inflauit, non diuitiæ sinistrorsum egerunt, sed in fide lenitateque perseverans pius in Deum, in pauperes misericors, iustus in omnes; ita hoc corruptibile corpus exiit, ut cum Apostolo dicere posset: Bonum certamen certavi, cursum consummaui, fidem seruaui, in reliquo reposita est mihi corona iustitiæ. Qui & si ex sola perseverantia, poterat sanctus credi, iuxta illud: Esto fidelis usque ad mortem, & dabo tibi coronam vitæ. Subsecuta sunt tamē post vitam multa maximaque miracula, quæ certum sanctitatis eius probent iudicium, & nos ad ipsius venerationem inducunt, quod Deus meritis præcedentibus venerandum ostendat. Ipse enim Deus omnipotens, ut suæ virtutis potentiam manifestet, & nostræ salutis causam pangat fideles electos suos, quos coronat in cælis, sæpe etiam honorat in mundo, ad eorum memoria signa faciens & prodigia, quo hæretica prauitas confundatur, & fides orthodoxa seruetur. Agimus igitur ipsi Deo quantas possumus gratias, quod nos dignos duxerit per quos hæc canonizatio celebraretur, quæ licet diuinis litterarum monumentis extantibus, coruscantibusque miraculis, iam pridem potuerit rite fieri, numquam tamen antehac, vel à Principibus, vel ab alijs tanta diligentia fuit petita. Nostro tempore charissimi in Christo filij nostri Fredericus Romanorum Imperator semper Augustus, Ludouicus Francorum Christianissimus, Ferdinandus Sicilia, & Matthias Vngariæ reges illustres. Dilecti quoque filij nobiles viri Alphonsus Calabria, Ioannes Mozenico Venetiarum, Ioannes Haleam Mediolani, & Ioannes Bourbon duces insignes. Præterea ciuitates Florentium, Senensium, Lugdunensium, Perusium, & quod tale iubar tulit Balneoregium, tanto studio, tantaque perseverantia petierunt à nobis, ut durum & impium putaremus eis in re tam pia resistere, quam etiam Dei monitu petere videbantur. Accesserunt assidue venerabilis fratris nostri Iuliaci Episcopi Sabinensis ipsius ordinis protectoris, dilectorum quoque filiorum Francisci Samsonis generalis ministri, & Petri de Rodolphis Procuratoris dicti ordinis, sacre Theologiæ professoris preces, quò nomine generalis eorum capituli, id tamquam iustum & de-

bitum reposcebant. Legeramus studiosissimæ sancti huius diuina scripta, quibus, postquam per ætatem aliquod sapere licuit, semper fuimus delectati. Audiueramus quoque, ab antiquioribus præfata religionis fratribus, & grauibus quidē viris, quod & ipsi a maioribus natu acceperant de sanctimonia vitæ eius constantem famam esse, sciebamur de multis maximisque miraculis, nec erat propterea apud nos dubium, quando in triumphanti Ecclesia triumpharet in cælo, & venerationem mereretur in terris. Sed memores nos eundem Minorum ordinē ex voto ingressos, in quo diuina assistente gratia in sacris litteris & religiosis moribus, vtrumque profecimus, eademque ministeriatus officia exercuimus, atque infra ad Cardinalatus dignitatem, ita ut per Consistoriales gradus ad Pontificatus culmen subleuatos nos fuisse disponente Domino cognoscamus, per quos ipse Bonaventura sanctus ad triumphantis Ecclesiæ immarcescibilem gloriam euectus est, ne ad id videremur potius affectione propria, quam debita deuotione moueri, eam adhibuimus diligentiam ac grauitatem, quam rei magnitudo poscebat. Commisimus enim tribus ex venerabilibus fratribus nostris Sanctæ Romanæ Ecclesiæ Cardinalibus, ut de veritate miraculorum mādarent inquiri. Cumque vnus ex eis inchoato processu, ut Deo placuit ab hac luce migrasset. Alium in locum defuncti subrogauimus Cardinalem, quo etiam decedente alium substitui-mus, nec his contenti, cum iam processus ipse pene perfectus esset, & hi qui delegati erant fidelissime retulissent. Tamen quia non videbatur in procedendo tanta quantā requiritur obseruata solemnitas, illum reiterari iussimus. Demum cū ex vberiori relatione & fide dignorum testium super hoc receptione compertum fuisset multa & magna à Deo, per ipsum Sanctū, miracula fieri, quæ in conspectu multitudinis cernebantur. Nos ne Spiritui sancto resistere videremur, quo per os Prophetæ laudare Deum in sanctis suis iubet, in Consistorio nostro secreto huius rei causa habito eorundem venerabilium fratrum nostrorum Sanctæ Romanæ Ecclesiæ Cardinalium vota super huiusmodi Canonizatione sumus scrutati. Cumque omnium vna eademque fuisset sententia, videlicet ut in Sanctorum numero referri deberet. Consistorium publicum deinde habuimus, in quo magna multitudine astante in triduum orationes, ieiuniaque indiximus, ut Deus omnipotens nobis quod factu optimum in hac re esset ostendere dignaretur, nec pateretur Ecclesiam suam militantem errare, quæ se triumphanti conformare studet; triduo deinde elapso omnes qui in Romana curia erant Prælatos iussimus conuenire, qui ad vnum interrogati quod faciendum videretur in eandem sententiam conueni-runt, beatumque Bonaventuram eum canonizandum censuerunt. Nos ergo Dei nutum & voluntatem sequentes, attendentesque iustum ac debitum esse, ut quos Deus honorat in cælis, nos venerationis officio laudemus & glorificemus in terris, cum ipse potius laudetur & glorificetur

## Bulla Canonizationis S. Bonaventuræ .

rificetur in illis, qui est laudabilis & gloriosus in sæcula; hunc diem canonizationis ipsius Sancti Bonaventuræ in medio Basilicæ principis Apostolorum de vrbe, quo maxima omnis generis ordinisq; multitudo confluerat, celebrandum statuimus, ibi reliquis omnibus legitime peractis prædictus ordinis Minorum procurator in medio stans dictum illud Beati Ioannis Apostoli clara voce proponens, videlicet Tres sunt, qui testimonium dant in cælo, Pater, Verbum, & Spiritus sanctus, probauit etiam habito super præmissis processu ipsas beatissimæ Trinitatis personas testimonium, quod beatus Bonaventura in cælo sit præstitisse, Patrem, videlicet in miraculorum potentia, Filium in doctrinæ sapientia, & Spiritum sanctum in vitæ ipsius bonitate. Et propterea non solum nominibus omnium quo hanc ipsam canonizationem fieri supplicarunt, sed etiam ex parte indiuiduæ Trinitatis Patris & Filij & Spiritus sancti, vt ipsum beatum Bonaventuram sanctum pronunciare, dignaremur instanter, instantius, & instantissime requisivit. Confidentes igitur quod in hac canonizatione non permittat nos Deus errare, quo omnia in ea quomodolibet requisita etiam superabundanter, obseruari fecimus, & obseruauimus, de eorundem fratrum nostrorum Sanctæ Romanæ Ecclesiæ Cardinalium, omniumque Prælatorum in Romana Curia existentium vnanimi consensu, & maturo consilio de omnipotentis Dei, ac beatorum Petri & Pauli Apostolorum, eius auctoritate confisi beatæ memoriæ Bonaventuram Balneoregionensem, sacre Theologiæ professorem, ex gremio sacri ordinis Minorum, & ex officio Generalatus in Episcopum Cardinalem assumptum, sanctum esse ac aliorum sanctorum Dei catalogo ascribendum, adiiciendum, & aggregandum fore, ac fideliter, firmiterque teneri debere decernimus, ipsumque sanctorum Confessorum, Pontificum & Doctorum, quos sancta Dei veneratur Ecclesia, consortio solemniter in præsentiarum ascribimus, aggregamusque per præsentem. Statuentes etiam & mandantes venerabilibus fratribus nostris Patriarchis, Archiepiscopis, Episcopis, ac dilectis filiis dictorum, ac Patriarchalium, Metropolitanorum, & Cathedralium Ecclesiarum capitulis, & quorumvis ordinum, tam mendicantium, quam non mendicantium professoribus, necnon quibuscumque Ecclesiasticis personis, vt festum ipsius sancti Bonaventuræ secunda Dominica mensis Iulij, singulis annis solemniter & deuote celebrent, diuinum officium, veluti pro vno Confessore, Pontifice, & Doctore, tam publice quam priuatim, prout contigerit persoluentes. Dilectis vero filiis fratribus prædicti Minorum ordinis, quatenus huiusmodi officium sub festo duplici & octaua, eo modo quo aliorum dicti ordinis sanctorum celebrare festa & octauas consueuerunt, celebrandi concedimus facultatem. Insuper eadem auctoritate omnibus vere pœnitentibus & confessis, qui in eadem Dominica, Ecclesiam in qua sanctum eius corpus requiescit, deuote visiterint annuatim, septem annos & totidem qua-

dragenas, his vero qui alijs temporibus in singulis diebus Dominicis, centum dies. Illis autem qui Ecclesias fratrum Minorum vbilibet constitutas, tam ipsa die festi, quam in octaua diuinis officijs interfuerint consimiles indulgentias, & peccatorum remissiones, quæ in singulis aliorum eiusdem ordinis Sanctorum festis ex indultis Apostolicis generaliter promulgatis Romani Pontifices concesserunt de iniunctis pœnitentijs misericorditer in Domino relaxamus, & elargimur. Considerantes præterea quanta ab hoc ipso sancto Bonaventura ratione scientiæ, & sanctitatis vitæ, Episcopalisque & Cardineæ dignitatis, Sancta Romana Ecclesia susceperit incrementa, quantæque idem sanctus cum beato Thoma de Aquino coætaneo condiscipulo, & commagistro suo familiaritatem, & spirituales coniunctionem in hac vita seruauerit, vt quos in hoc sæculo fraterna iunxit charitas, & eadem in cælo præmia consecutos credimus præsens Ecclesia pari veneretur honore prædictum festum inter festa sacri Palatii Apostolici assumens, annumerantesque eandem indulgentiam in festo prædicto, in Ecclesia Sanctorum Apostolorum de vrbe, quæ in festo ipsius sancti Thomæ de Aquino in Ecclesia beatæ Mariæ Virginis de vrbe, Minerua vulgariter nuncupata, habetur. Concedimus pariterque decernimus fratres Minores, in alma vniuersitate Parisiensi, eisdem priuilegijs posse ac debere vti, & gaudere ob ipsius sancti Bonaventuræ merita, quibus ex Apostolicis indultis fratres Prædicatores, qui in eadem vniuersitate intuitu, & gratia eiusdem sancti Thomæ potiri & gaudere consueuerunt, & gaudent, aut potiri, & gaudere quomodolibet poterunt in futurum. Quocirca omnes & singulos in dignitate constitutos requirimus, & monemus, quatenus vniuersis & clericis & populis suarum ciuitatum, diocesium, & parrochiarum præsentem nostras litteras solemniter publicantes, eisdem hortentur Deum ipsum, a quo bona cuncta procedunt humiliter deprecantur, vt ipsius sancti Doctoris & Cōfessoris Bonaventuræ meritis & precibus, exoratus militantem Ecclesiam, Apostolicam fidem, & cunctos Christifideles, a Paganorum, & aliorum infidelium, & hæreticorum tueatur incurfibus, & a periculis cunctis semper protegat ac defendat, & illam quam nobis mundus dare non potest pacem, hostium omnium sublata formidine firma cum tranquillitate concedat, vtq; post huius vitæ militiam, depositumque pastoralis officij ministerium, vna cum grege nobis credito ad sempiterna tandem gaudia peruenire mereamur. Demum quia difficile foret litteras originales præsentem ad vniuscuiusque notitiam deferri, volumus, ac decernimus quod earum transumpto, sub sigillo Generalis Ministri ordinis antedicti, & manibus duorum Notariorum publicorum debite subscriptis fides adhibeatur indubia in omnibus, & per omnia, & illis vbique stetur, ac si originales litteræ huiusmodi essent exhibitæ, vel ostensæ. Nulli ergo omnino hominum liceat hanc paginam nostræ

# Bulla Canonizationis S. Bonaventuræ .

stræ Constitutionis, ascriptionis, aggregationis, statuti, mandati, concessionis, relaxationis, largitionis, assumptionis, annumerationis, monitionis, ac voluntatis infringere, vel ei ausu temerario contraire . Siquis autem hoc attentare præsumpserit, indignationem omnipotentis Dei, ac beatorum Petri & Pauli Apostolorum eius, se noverit incursum .

Datum Romæ apud sanctum Petrum, anno Incarnationis Dominicæ, Millesimo quadringentesimo octuagesimo secundo, decimo octavo Kalendas Maij, Pontificatus nostri Anno vndecimo .

F I N I S .









17.C

